


Godin Eghaghanim: Akar Gavgavir Dikirizir Ghurim
ko Igiam



The Holy Bible in the Aruamu language of Madang Province,
Papua New Guinea, 2020 Edition

Godin Eghaghanim: Akar Gavgavir Dikirizir Ghurim ko Igiam

**The Holy Bible in the Aruamu language of Madang Province,
Papua New Guinea, 2020 Edition**

**Buk Baibel long tokples Aruamu long Madang Provins long
Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

8f6beb37-6783-55d5-91ed-8321cc3f5eea

Contents

Filipai	1511
Kolosi	1517
1 Tesalonika	1524
2 Tesalonika	1529
1 Timoti	1532
2 Timoti	1540
Taitus	1545
Filemon	1549
Hibru	1551
Jems	1572
1 Pita	1579
2 Pita	1587
1 Jon	1592
2 Jon	1599
3 Jon	1600
Jut	1601
Akar Mogomem	1603
Jenesis	1
Ua Me Ini	59
Ofa Gami	112
Diboboniba	152
Godin Araziba	200
Josua	246
Gumazir Dapaniba	276
Rut	307
1 Samuel	311
2 Samuel	351
1 Atriviba	387
2 Atriviba	429
1 Eghaghaniba	472
2 Eghaghaniba	511
Esra	559
Nehemia	572
Esta	593
Jop	603
Onger Akaba	652
Aghuzir Akaba	772
Fofozir Gumazim	808
Solomon	820
Aisaia	828
Jeremaia	929
Azir Akam	1019
Esekiel	1030
Daniel	1099
Hosea	1119
Joel	1134
Amos	1140
Obadia	1153
Jona	1155
Maika	1158
Nahum	1167
Habakuk	1171
Sefanaia	1177
Hagai	1182
Sekaraia	1185
Malakai	1198
NT	
Matyu	1203
Mak	1255
Luk	1286
Jon	1336
Aposel	1377
Rom	1425
1 Korin	1452
2 Korin	1476
Galesia	1492
Efesus	1502

Bar Faraghaviram Otvizir Bizibar Eghaghanim O Jenesis Akar faragha zuim

Akinafarir kam bar faraghaviram otivizir bizarbir mingaribagh eghari. An overiam ko nguazimin mingarim geghara, egha uaghan gumazamizibar mingarim geghara, egha arazir kuraba ko osimtiziba ko mizazir nguazir kamin itibagh eghari. A God ubi nguazir kamin gumazamiziba ko ingarasa tuavim amisevegha a geghari.

E akinafarir kam tuiraghha an akuar pumuning gami.

1. Septa 1-11. Akinafarir akuar kam, God overiam ko nguazimin ingari, egha a uaghan bar faraghaviram otivizir bizibagh eghari, dughiar gumazamiziba otivizim. Adam ko Iv, ko Kein ko Abelin eghaghanim uaghan iti. Egha akinafarir akuar kam uaghan Noa ko aperiar nguazir kamin otozim ko Babelin taua geghari.

2. Septa 12-50. Akinafarir akuar kam, a Israelian ovavibagh eghari.

Faragha itir ovavim, Abraham. Abraham bar Godin ifongiamin apengan iti, egha a gumazamizir nighnizir gavgavim Godin itibar nedazimin ababanim gami. Akinafarir akuar kam uaghan Aisak ko an borim Jekop, ko an 12plan otaribagh eghari. Ezi gumazir kam Jekop, an ziar mam Israel, egha an 12plan otarir kaba me Israelin 12plan anababagh amizi da otifi. Ezi akinafarir akuar kamin saptan aviriba, da Josep geghari, a Jekopin otarir mam. Bizir otivizir kaba Israelia gamizi, me ghua Isipin kantrin iti. Akinafarir kam deravira dar gun migei.

Ezi gumazamizibar eghaghanir avirim akinafarir kamin aven iti. Ezi bizir ekiar bar faragha itim, akinafarir kam a migei, kar God ubi amizir biziba. God ubi faragha biziba bar dar ingari, egha gin gumazamiziba arazir kurabagh amima God fofozim me ganiga bar me gasighasiki. Egha Noan adarazi ataghizi me iti. Egha ua gin, God Abraham amisevegha, Abraham ko an ovavir boriba deragh me damuasa akar dikirizim gami.

Akinafarir kam a God gegharavira iti. A gumazamizibar afeziamra, a men araziba tuisigha, gumazamizir arazir kurabagh amibagh asighasisi. Egha a deraghavira gumazamizir bar an apengan itiba, me gativatha men gari. Akinafarir kam a

gumazamizir fomira itibar nighnizir gavgavim geghari, eghiti gin izi darasi, me uaghan an osiziribar poniva nighnizir gavgavim ikiam.

God bizibagh amizi da bar otifi

(Septa 1-2)

God bizibagh amizi da bar otivizir eghaghanim

1 Bar faraghavira God overiam ko nguazimin ingarigha aningin itir biziba bar dagh amizima, da otifi. ² Faragha zuir dughiar kam, nguazim e datirighin iti moghin garir pu. Puvati. A bar pura ikia egha an ganganim ighara. Mitater dafam ongarir ekiaba avarazima, Godin Duam pura dipam gisin arui.

³ Ezi God kamaghin migei, "Angazgarim otogh." Ezi angazangarim oto. ⁴ Ezi God angazangarimin gari, a derazima, a bar akonge. Egha mitatem ko angazangarim tuira. ⁵ Egha angazangarim ziarkam, "Aruem," a gati. Egha mitatem ziarkam, "Dimagarim," a gati. Ezi aminim pirigha ua tirazima, kar dughiar bar faraghavira zuim.

⁶⁻⁷ Egha gin God kamaghin migei, "Avavetam otogh dipam avinighti, dipam akuar pumuningin iki." Ezi avaver kam oto. God avaver kam gamizima, a dipar pin itim ko apengan itim abiki. ⁸ Egha God avaver kamin ziam, "Overiam," a gati. Ezi aminim pirigha ua tirazima, kar dughiar namba 2.

⁹ Egha gin God kamaghin migei, "Dipar overiamin apengan itim sivagh mangi danganir vamiran ubi akuvaghti, nguazir misingizim otogh." Ezi nguazir misingizim oto. ¹⁰ Ezi God nguazir misingizir kam ziam, "Nguazim," a gati. Egha dipar danganir igharazimin uari akuvaziba, a ziam, "Ongariba," dagh ati. Egha God bizir kabar gari da bar derazima, a bar akonge.

¹¹ Egha gin God kamaghin migei, "Nguazim, temer guar aviriba ko nguazimin aver beniba ko dagheba a gisin aghung." Ezi bizir kaba otifi. ¹² Ezi temer ber guar aviriba ko benir nguazimin aveba ko dagher apiba bar nguazimin vaghvagh aghui moghin aghua, egha da be moghn be. Ezi God bizir kabar garima da derazima, a bar akonge. ¹³ Ezi aminim pirigha ua tirazima, kar dughiar namba 3.

¹⁴ Egha gin God kamaghin migei, "Angazangariba overiamin otifigh, aruem ko dimagarim abikigh. Eghiti dughiaba ko azeniba ikiti, me angazangarir kabar ganiva dughiabagh fogham." ¹⁵ Eghiti angazangarir kaba otivigh angazangarim nguazim daningam." Ezi angazangariba

otifi. ¹⁶ Egha God angazangarir ekiar pumuning gamizima aning oto. Angazangarir ekiam, an aruem, egha isiragha gara aruem min angazangarim anidi. Ezi dozim, a iakinim, a isiragha dimagarimin angazangarim anidi. Egha God mikovezibagh amizi da otifi. ¹⁷ Egha God nguazim angazangarim a daningasa, angazangarir kaba overiamin da ariki. ¹⁸ Egha aruem isiragh ganamin dughiam atigha, uaghan dimagarim otivamin dughiam ati, eghiti aruem ko dimagarim deravira uaning abigham. Ezi God bizir kabar gari da derazima, a bar akonge. ¹⁹ Ezi aminim pirigha ua tirazima, kar dughiar namba 4.

²⁰ Egha gin God kamaghin migei, "Ongarimin aven, bizir angamira itir aviriba an ikiva a gizivagham. Eghiti kuaraziba otivigh overiamin pin tintinibar mighi." ²¹ Ezi God ongarimin osirir dafaba ko kuruzir dafabar ingarizi da otifi, ongarimin itir bizir guar aviriba, ko kuarazir guar aviriba uaghan, vaghvaghya gari moghiram ariko. Ezi God bizir kabar gari da derazima, a bar akonge. ²² Egha bizir kaba deraghsha, God migirigiar aghuir kam dagh ami, "Ia ongarimin itir bizir guar aviriba, ia avirasemegh, ongarim bar a gizifagh. Eghiti ia kuaraziba, ia nguazimin bar avirasemegh." ²³ Ezi aminim pirigha ua tirazima kar dughiar namba 5.

²⁴ Egha gin God kamaghin migei, "Nguazim bizir angamira itir guar aviribar amuti da vaghvaghya gari moghiram an otiv. Egh nguibamin itir asiziba ko, ruarinmin itir asizir ekiaba ko doziba sara damuti da otiv." Ezi asiziba otifi. ²⁵ God nguibamin asizir guar aviriba ko ruarinmin asizir ekiaba ko dozibar ingarizi, da vaghvaghya gari moghiram otifi. Ezi God bizir kabar gari da derazima, a bar akonge.

²⁶ Egha God kamaghin migia ghaze, "Datirighin e gumaziba ko amizibar ingarighti me en mirara ganam. Egh e me atighti, me en min iki, ongarimin itir osiriba ko, overiamin itir kuaraziba ko, asizir guar aviriba ko nguazimin itir biziba bar, me dar gan dagh ativagham." ²⁷ Egha God gumazamizibar ingarizi, me Godin mirara gari. God me gamizima, me an nedazimin min oto. A me gamizima, men marazi gumazibar min otivizi, marazi amizibar min otifi.

²⁸ Ezi God me deraghsha, migirigiar aghuim me gamua kamaghin migei, "Ia avirasemegh mangi nguazir oteviba bar dar apiagh egh bizir nguazimin itiba bar dar gan. Ki osiriba ko, kuaraziba ko,

nguazimin itir asizir guar aviriba ian dafarim darigham."

²⁹ Egha God migia ghaze, "Ki nguazir kamin itir dagheba batamin temeba, ko nguazimin aven otivir dagher aviriba, ki bar da ia ganidi. Eghiti ia bizir kabar dagheba iniam. ³⁰ Egha ter afasir gariba ki daghebar min, da isa angamira itir asiziba bar, dagh anidi, eghiti da dar amam. Kar, nguibamin itir asiziba ko ruarinmin itir asizir ekiaba ko doziba ko, overiamin itir kuaraziba bar." Ezi bizir kaba God mikemezi moghirama otifi. ³¹ Ezi God bizir kaba bar dar gari da bar derazima, a bar akonge. Ezi aminim pirigha ua tirazima, kar dughiar namba 6.

2

¹ Ezi arazir kamra, God overiam ko nguazim ko aningin itir bizir aviribar ingari. ² Ezi aruer namba 7in, God garima an ingangariba bar givazi, a dughiar kamin avughse. ³ Ezi God dughiar namba 7 ginighnigha deragh a damuasa ghaze, kar an dughiamra. Egha akar gavgavim arigha dughiar namba 7in anogorogha ghaze, a biziba bar dar ingari, egha dughiar kamin avughse, ezi kamaghin wighin vamiran vaghvaghya dar namba 7in dughiaba, kar an dughiar ekiaba. ⁴ Ezi arazir God overiam ko nguazim ko biziba bar dagh amizi da otivizir eghaghanir kam, a kamaghira ghu.

Ikiavira Itir God Idenin Azenimin ingari

Dughiar kam, Ikiavira Itir Godin Gavgavim overiam ko nguazim gamizima aning otozima, ⁵ an amozim amadazima a izir puvati. Ezi nguazimin azenimin ingaramin gumazamiziba puvati. Kamaghin, graziba ko temeba tighar nguazimin otivam. ⁶ Ezi guizbangira amozim izir puvatizi, dipam nguazimin averiamin ikiava otiva iza nguazim bar a gizifa.

⁷ Egha gin Ikiavira Itir Godin Gavgavim nguazim inigha gumazir mamin ingari. Egha uan ikirimirir angamira itim anidir azenim is, gumazimin atinimin a giverezima, an an aven ghu, ezi gumazim angamira iti. ⁸ Egha Ikiavira Itir Godin Gavgavim azenir mam aruem anadi naghin an ingarizi a Idenin nguazimin iti. Egha azenir kamin gumazir kam atizima, a iti. ⁹ Ezi Ikiavira Itir Godin Gavgavim temer guar aviribagha amizi da nguazimin otivigha, dar oviziba daghemin bar dera. Temer kabar ganganim bar moghira dera. Azenir kamin torimra temer

1:26: Jenesis 5:1; 9:6; Onger Akaba 100:3; 1 Korin 11:7; Efesus 4:24 **1:27:** Matyu 19:4; Mak 10:6 **1:27:** Jenesis 5:1-2 **2:2:** Hibrus 4:4; 4:10 **2:2:** Ua Me In 20:11 **2:7:** Jenesis 3:19; Jop 33:4; Onger Akaba 103:14; Fofozir Gumazim 12:7; Aisaia 64:8; 1 Korin 15:45 **2:9:** Akar Mogomem 2:7; 22:2; 22:14

mam iti, a ikirimirir zurara itim anidir temem. Ezi temer igharazir mam uaghan iti, kar temer nighnizir aghuim aningti gumazamiziba arazir aghuim ko arazir kuram gifoghamim.

¹⁰ Ezi faner mam dipam Idenin Azenim daningesava oto. Dipar kam 4plan aguabar biaghire. ¹¹⁻¹² Ezi faner faragha zuimin ziam Pison, a kantri Havilan aven dipiraghurai. Kantri Havila golin bar aghuim iti. Egha temer borer mughuriar aghuim zuir mam iti. Egha a dagiar aghuir mam itima, an iveauz bar pin iti. Me kamagh a dibori, kanilian. ¹³ Ezi faner namba 2in ziam Gihon, a kantri Kusin ghua an aven dipiraghurai. ¹⁴ Ezi namba 3in fanemin ziam Taigris, an aruem anadi naghin kantri Asirian aven iti. Ezi namba 4in fanemin ziam a Yufretis.

¹⁵ Ezi Ikiavira Itir Godin Gavgavim kamaghin ifonge, gumazir a ingarizir kam Idenin Azenimin iki an ingar an ganam. Kamaghin, ana isa azenir kamin aneti. ¹⁶ Egha Ikiavira Itir Godin Gavgavim kamaghin gu-mazim migia ghaze, “Ni azenir kamin itir temeba bar dar ovizibar ami.” ¹⁷ Egh ni, temer fofozir arazir aghuim ko arazir kurram anidim, an ovizim aman bar marki. Ni anemegh, zuamiram ovegham.”

¹⁸ Egha Ikiavira Itir Godin Gavgavim migia ghaze, “Gumazir kam uabira iti, kamaghin derazir puvati. Ki a bagh ro-roatamin ingarichti an an min iki an akvaghram.” ¹⁹⁻²⁰ Egha Ikiavira Itir Godin Gavgavim nguazim inigha, ruarimin itir asiziba ko overiamin itir kuaraziba bar dar ingari. Egha kamaghin foghasa, gumazir kam ziari manaba asiziba ko kuaraziba vagh-vagh dar arigham. Kamaghin, an asiziba ko kuaraziba gumazim bagha da inigha zui. Ezi gumazim ziaba isa asiziba ko kuaraziba vaghvagh me garighizi, dar ziaba kamaghira iti. Gumazim asizir nguibamin itiba ko, ruarimin itiba ko, kuarazir overiamin itiba, ziaba vaghvagh daq arisi. Ezi guizbangira asizir kabar tongin, tam Adamin akuraghamin roroatam bar itir puvati.*

²¹ Kamaghin Ikiavira Itir Godin Gavgavim gumazim gamizi, an akuava ongani. Egha gumazim akauavira itima, a gumazimin ivir agharir mam inigha an danganimin uam an inim a dukua. ²² Egha Ikiavira Itir Godin Gavgavim agharir a gumazimin inizimin amizir mamin ingari, egha gin amizim inigha gumazim bagha zui. ²³ Ezi gumazim amizimin ganigha migia ghaze:

“Ame! Datirighin, kar guizbangira nan roam.

An agharim, kar nan agharim, ezi an tuzim, kar nan tuzim.

Ikiavira Itir Godin Gavgavim nan agharimin an ingarizi, ki datirighin kamagh a diponam, ‘Amizim.’”†

²⁴ Kamaghin, gumazim uan ameboghfezi-aba ategh mangi, uan amuim ko aning uanining porogham. Egh aning inivafizir vamiram otogham.

²⁵ Ezi gumazim uan amuim ko, aning bibiamra ikia, egha aghumsizir puvati.

Adam ko Iv ko anining adarazir eghaghanim

3

(Sapta 3-5)

Gumazim ko amizim Godin akam batoke

¹ Ikiavira Itir Godin Gavgavim asiziba bar adar ingari, ezi kuruzimra, an akar asuiba ko akar ifavaribagh amuava, arazir kamin asizir igharaziba bar dagh afira. Egha kuruzim kamaghin amizimin azara, “God ti azenir kamin itir iter oviziba bar dar aman guan anogoroke?”

² Ezi amizim kamaghin an akam ikaraghia ghaze, “Ga azenir kamin itir ter ovizibar amam. ³ Ezi iter bar vamiran azenimin torimin tughav itimra, Ikiavira Itir Godin Gavgavim, an ovizitam aman bar gan anogoroke. A kamaghin ga migia ghaze, ‘Gua bar iter kamin ovizitam aman marki, egh uaghan an suighan marki. Gua kamagh damigh ovegham.’”

⁴ Ezi kuruzim kamaghin amizim migei, “Puvati. Gua oveghan kogham. ⁵ Gua iter kamin ovizim amegh, guan damaziba kuighirightima gua arazir aghuiba ko arazir kurabagh foghfogh, egh Godin miraram otogham. God bizir kam gifogha iter kamin ovizim aman guan anogoroke.”

⁶ Ezi amizim iter kamin ovizimin gari, an ganganim bar deragha damamin dagher aghuiba an iti. Ezi amizim kamaghin nighnisi, “Kamaghin deragham, ki iter kamin ovizim amegh egh fofozir aghuir kaba iniam.” Kamaghin, amizim iter kamin ovizir mam inigha aneme. Dughiar kam an pam a ko iti, ezi amizim temer ovizir maba isa uan pam ganingizi, an pam uaghan da ame. ⁷ Ezi anining damazimming kuaghirezima aning uanining gari, aning bibiamra iti. Kamaghin aning fighin iter

* **2:19-20:** Hibrun akamin, ziari kam “Adam,” an mingarimra kara, “Gumazim.” † **2:23:** Adam garima, Iv an mirara gari, ezi a ziam, “amizim,” a gati. Hibrun akam akar kam, “amizim,” “gumazim,” ko aning magh ghu. **2:24:** Matyu 19:5; Mak 10:7-8; 1 Korin 6:16; Efesus 5:31 **3:1:** Akar Mogomem 12:9; 20:2

afariba isa inibar min da isamigha, uan mikarzimning avara.

⁸ Ezi guaratizir orangtizimin, aning orazima Ikiavira Itir Godin Gavgavim, an azenir kamin arua izi, ezi aning temebar tongin modo. ⁹ Ezi Ikiavira Itir Godin Gavgavim gumazimin dia ghaze, “Ni managh iti?”

¹⁰ Ezi gumazim an akam ikaragha kamaghin migei, “Ki bibiamra iti. Ki ni barazi, ni azenir kamin arua izi, kamaghin ki ati-atigha modo.”

¹¹ Ezi God an azara, “Ni manmaghira fo, ni bibiamra iti? Tina ni mukeme? Ni, iter ovizir ki gua daman anogoroghezir kam, ni ti an ovizitam anemeghama?”

¹² Ezi gumazim a ikaragha kamaghin migei, “Amizir nan roroamin min ikiamin ni na ganingizim, anarira iter kamin ovizir mam na ganingizi, ki aneme.”

¹³ Ezi Ikiavira Itir Godin Gavgavim kamagh amizimin azara, “Ni manmaghsuavira bizir kam gami?”

Ezi amizim an akam ikaragha ghaze, “Kuruzim na gifarazi, ki iter kamin ovizir kam ame.”

God akar gavgavim gumazim ko amizim ko kuruzim ganingi

¹⁴ Ezi Ikiavira Itir Godin Gavgavim kamaghin kuruzim migei, “Ni arazir kurar kam a gamizi, ki datirighin ni abinamin akar gavgavim iti. Ni osimtzir bar ekiam ikiam. Osimtzir ni iniamim, an osimtzir asizir igharaziba iniamim gafiraghram. Egh ni zurara uan navimin nguazimin davarva, nguazimin minezibar ami ikiam. ¹⁵ Egh ki ni damighti ni amizimin apanimin ikiti, amizim ni apanimin ikiam. Egh ki nin ovavir boribar amighti, me amizimin ovavir boribar apanimin ikiam. Egh an ovavir borir mam nin dapanim dikaraghram, eghni ni an dagarir ginkevrim giviam.”*

¹⁶ Ezi God kamaghin amizim migei, “Ni navim asangamin dughami, ki osimtzizm ni daningam. Egh ni borim batamin dugham, ni mizazir dafamra iniam. Egh ni uan pam gifueghivira ikiti, a ni gativagh ni ganvira ikiam.”

¹⁷ Egha God kamaghin Adam migei, “Ni uan amuimin akam baregha, temer ovizir ni daman ki nin anogoroghezim ame. Kamaghin ni amizir arazir kam bangin, ki datirighin nguazim gasighasichti, dagheba deragh an otivan kogham. Egh ni zurara nguazir kamin ikiamin dughami, ni dagheba deragh otivsi, ingangarir dafabara

nguazimin dar amuam. ¹⁸⁻¹⁹ Eghti benir ataghatariba ko benir kuraba otiv, nin azenimin aghung anevaraghram. Egh ni dagheba inisi, ingangarir ekiabar amuti, doriba nin agham. Egh ni zurara kamaghira puvira ingar mangi, ovegh uamategh nguazimin mangam. Guizbangira, ki nguazimin nin ingari, ezi ni uamategh nguazimin mangam.”

²⁰ Ezi gumazim kamaghin nighnisi, an amuim, gumazamiziba bar men ovavir amizimin otogham. Kamaghin, a ziam, “Iv,” a gati.† ²¹ Ezi gin Ikiavira Itir Godin Gavgavim asizimin inim inigha korotiamningin ingari, egha Adam uan amuim ko aning ganingizi, aning da aghui.

God Adam ko Iv Idenin Azenimin aning batoke

²² Egha gin Ikiavira Itir Godin Gavgavim ghaze, “Gumazim arazir aghuim ko arazir kuramin fofozim ikia, en miraram oto. Egh e aneteghti a temer ikirimirir zurara itim anidim boroghin mangan kogham. E fo, a temer kamin ovizitam ramegh ikirimirir zurara itir kam ikiam.” ²³ Kamaghin Ikiavira Itir Godin Gavgavim, gumazim Idenin Azenimin a batoke. Egha God nguazir an ingarizimra anemadazima, an azenimin ingarasa zui. ²⁴ Egha God gumazim ko amizim batuegha, enselin bar gavgaviba amisefe, eghni me Idenin Azenimin areum anadi naghin tuivigh an ganam. Egha uaghan midorozi sabam ati. Sabar kam, angazangarim ikia avir mizariar gavgavim min pamtem isia, danganibar bar uabi gighavkira gari. Dughiabar zurara enselin kaba ko midorozi sabar kam azenir kamin gara iti, eghni gumazitam temer ikirimirir angamira itim anidir kamin boroghin mangan kogham.

4

Kein ko Abel Ikiavira Itir God bagha ofa gami

¹ Ezi Adam uan amuim Iv ko akuizima, amizim navim asangi. Egha amizim otarir mam bategha ghaze, “Ikiavira Itir God nan akurazima, ki otarir kam ini.” Kamaghin an otarir kam ziam, “Kein,” a gati. * ² Egha gin a Kein dozim Abel bate. Ezi aning ekevegha Abel sipsipbar garir gumazim, ezi Kein azenibar ingarir gumazim.

³ Egha gin Kein uan azenimin dagheba asigha, maba inigha Ikiavira Itir Godin ofa

3:13: 2 Korin 11:3; 1 Timoti 2:14 * **3:15:** Fofozir gumazir maba ghaze, Krais a Satanin gavgavim abinam, eghni Satan an adarazi ko apanim damuan. Kar an akar isin zuim. Ni Akar Mogomem 12:17in gan. **3:17:** Hibrus 6:8 † **3:20:** Hibrus akamin ziar kam, “Iv,” an mingarim mong kamaghin ghu, “Gumazamiziba ko bizir angamira itibar amebam.”

3:22: Akar Mogomem 22:14 * **4:1:** Hibrus akamin ziar kam, “Kein,” an mingarim mong kamaghin ghu, “inigh.”

4:4: Hibrus 11:14

damuasa zui. ⁴ Ezi Abel sipsipin nguzir mikarzim sara itir aghuir mam ini. Sipsipin nguzir kam, kar amebam faraghavirama otezir sipsipin nguzim. Ezi Abel a misuegha Ikiavira Itir Godin ofa gami. Ezi Ikiavira Itir God Abel ko an ofa bagha bar ifonge, ⁵ egha Kein ko an ofa gifongezir puvati. Ezi Kein puv atarava an guam ikuvigha igharagha gari.

⁶ Ezi Ikiavira Itir God kamagh Kein migei, “Ni tizim bagha atari? Egha manmaghsua ni puv atarava guam ikuvigha igharagha gari? ⁷ Ni arazir aghuim damighti, ki nin ofa gifongeghti, ni bar akuegham. Egh ni arazir kuram damighti, arazir kuram ni gasighasighasa, ni mizuai. Egha arazir kuram ni abinasa bar ifonge. Kamaghira ni uaghan gavgavigh anebin.”

⁸ Egha gin Kein uan dozim Abel mikemezima, an a ko aning tuzim itir danganimin zui. Egha aning ghua tuzim itir danganimin ikiava, Kein uan dozim misoghezima, an areme.

⁹ Ezi gin Ikiavira Itir God kamaghin Keinin azara, “Nin dozim Abel mana?”

Ezi Kein ghaze, “Ki fozir puvati. Ki uan dozim geghuva an garir gumazim puvati.”

¹⁰ Ezi Ikiavira Itir God kamaghin Kein migei, “Manmaghin amizi ni arazir kurar kam gami? Nin dozimin ghuzim nguazim giregha gifa, ezi ki ghuzir kamin arearem barazi, a uan osimtizim ikarvaghassava nan arai. ¹¹ Ezi ki datirighin ni abinamin akar gavgavir mam kamaghin nin iti. Ni uan dozim misoghezi, an areme. Ezi arazir kamin ni nguazim gamizima, an an ghuzim ame. Kamaghin ki datirighin nguazim nin anogoroke eghiti ni uam azenibar ingaran koghti, dagheba ni bagh an otivan kogham. ¹² Egh ni otuegh azenibar ingarvira ikiti, nguazim uan ovimin suiraghti nin dagheba deragh aghungan kogham. Egh ni ubi, nguibaba nin puvatightima, ni gumazir guraghav itimin min pura ituramu nguazir kamin danganiba bar dar aruam.”

¹³ Ezi Kein migirigiar kam baregha kamagh Ikiavira Itir God migei, “Osimtizir ni na ganidir kam a bar ekefe, ki manmaghin aneteram? ¹⁴ Ni na migia ghaze, ki bar azenitamin ingaran kogh, egh nin guamin bar saghon ikiam. Egh gumazir guraghav itimin min nguazir kamin danganiba bar dar aruam. Kamaghin ki atiati, tarazi ua na batogh na misuegħti, ki aremegħam.”

¹⁵ Ezi Ikiavira Itir God kamaghin Kein migei, “Bizitam kamaghin otogħan kogħam. Gumazitam ni misuegħti na aremegħti, ki 7plan gumazibar nin ovevem ikaraghām.” Egha Ikiavira Itir God ababanir mam Kein

gati, eghi gumazitam a batogh ababanir kamin apigh, a misuegħti an oveghan kogħam.

¹⁶ Ezi Kein Ikiavira Itir God ategħa, ghua nguazir otevir me kamagh diborim, “Aruavira Iti,” an an iti. Nguazir kam Idenin Azenimin aruuem anadi nagħin iti.

Kein in ovavir boribar ziab

¹⁷ Ezi Kein uan amuim koakuizi, amizim navim asegha borir mam bate, an ziam Enok. Egha gin Kein nguibar ekiar mamin ingarha, uan borimin ziam Enok isa nguibar ekiar kam gati. ¹⁸ Egha gin Enok otarir mam iti, an ziam Irat. Ezi Irat otarir mam iti, an ziam Mehujael. Ezi Mehujael otarir mam iti, an ziam Metusael. Ezi Metusael otarir mam iti, an ziam Lamek.

¹⁹ Ezi Lamek amuir pumuningin iti. Mavin ziam Ada, ezi mavin ziam Sila. ²⁰ Ezi Ada Jabal bate, ezi Jabal a gumazir purirpenibar ikia bulmakaubar garir gumazibar ovavim. ²¹ Ezi Jabal dozir mam iti, an ziam Jubal. Jubal, a gitabav sogħa marvibagh iviř gumazibar ovavim.

²² Ezi gin Sila Tubalkein bate. Ezi Tubalkein bras ko ainiñ bizir guar avirbar ingarir gumazim. Ezi Tubalkein buaramizit mam iti, an ziam Nama.

²³ Egha dughiar mam Lamek kamaghin uan amuimning migei:

“Ada ko Sila,
gua nan akam baragh.
Ki Lamek, gua nan amuimning,
gua deravira nan akam baragh.
Gumazir mam na misozima,
ki a misoghezima an areme.
Ezi gumazir igiar mam na guam apezezi,
ki a misoghezima an areme.”

²⁴ Gumazitam Kein misuegħti an aremegħam,
God 7plan gumaziba an ovevem
ikarvagh me misuegħti me
arimighiregham.

Egħiġi gumazitam na misuegħti ki aremegħti,
77plan gumaziba ovegh na
ikaraghām.”

Iv otarir igharazim bate

²⁵ Egha Adam uan amuim uam a koma akiużi, an otarim bate. Ezi amizim ghaxe, “Kein Abel misoghezi an areme. Kamaghin God Abel in danganim inċiħa borir igharazim na ganingi.” Kamaghin a borir kam ziam, “Set,” a gati. ²⁶ Ezi gin Set otarir mam iki, ziam, “Enos,” a gati. Dughiar kamra gumazamiziba Ikiavira Itir Godin ziam dibora, egha an ziam fa guħavira iti.

5

*Adamin ovavir boribar ziaba,
kar men eghaghanim*

(*Eghaghaniba 1:1-4*)

¹⁻² Adamin eghaghanim kamaghira ghu.

God gumazamizibar ingarizima me an mürara gari. A me gamizima, men marazi gumazibar min otivizi, marazi amizibar min otifi. A men ingarigha givagha, deravira me damuamin akar aghuum me ganingi. Egha ziam me gatigha ghaze, “Gumazamiziba.”

Ezi Adamin ovavir boribar ziaba kamaghin zui.

³ Adam 130plan azeniba iti, ezi an otarim otogha, bar uan afeziam mirara gari. Ezi a ziam, “Set,” a gati. ⁴ Set otogha givazima, Adam uam 800plan azenibar ikia, dar aven otariba ko guivir igharaziba ini. ⁵ Ezi 930plan azeniba givazima, Adam areme.

⁶ Ezi Set 105plan azeniba itima, an otarim Enos oto. ⁷ Enos otogha givazima, Set uam 807plan azenibar ikia, dar aven otariba ko guivir igharaziba ini. ⁸ Ezi 912plan azeniba givazima, Set areme.

⁹ Ezi Enos 90plan azeniba itima, an otarim Kenan oto. ¹⁰ Kenan otozima, Enos uam 815plan azenibar ikia, dar aven otariba ko guivir igharaziba ini. ¹¹ Ezi 905plan azeniba givazima, Enos areme.

¹² Egha Kenan azenir 70pla itima, an otarim Mahalalel oto. ¹³ Mahalalel otogha givazima, Kenan uam 840plan azenibar ikia, dar aven otariba ko guivir igharaziba ini. ¹⁴ Ezi 910plan azeniba givazima, Kenan areme.

¹⁵ Ezi Mahalalel 65plan azeniba itima, an otarim Jaret oto. ¹⁶ Jaret otozima, Mahalalel uam 830plan azenibar ikia, dar aven otariba ko guivir igharaziba ini. ¹⁷ Ezi 895plan azeniba givazima, Mahalalel areme.

¹⁸ Ezi Jaret 162plan azeniba itima, an otarim Enok oto. ¹⁹ Enok otozima, Jaret uam 800plan azenibar ikia, dar aven otariba ko guivir igharaziba ini. ²⁰ Ezi 962plan azeniba givazima, Jaret areme.

²¹ Ezi Enok 65plan azeniba itima, an otarim Metusela oto. ²² Metusela otogha givazima, Enok uam 300plan azenibar ikia, dar aven dughiaba bar Godin boroghira ikia a ko roroam gamigha, otariba ko guivir igharaziba ini. ²³ Enok 365plan azeniba bar adar ike. ²⁴ Enok Godin boroghin ikia, egha a ko roroam gami. Ezi God a inigha uan Nguibam ghuavanabozu an aremezir

puvati. Ezi gumazamiziba a buriava, an apizir puvati.

²⁵ Ezi Metusela 187plan azeniba itima, an otarim Lamek oto. ²⁶ Lamek otogha givazima, Metusela ua 782plan azenibar ikia, egha otariba ko guivir igharaziba ini.

²⁷ Ezi 969plan azeniba givazima, Metusela areme.

²⁸ Ezi Lamek 182plan azeniba itima, an otarim oto. ²⁹ Ezi Lamek ghaze, “Fomira Ikiavira Itir God nguazir kam gasighasigha ghaze, dagheba deragh an otivan kogham. Egha kamaghin e ingangarir dafabar amuti, dagheba deragh otivam. Egha otarir kam nguazim damutti dagheba deragh otivti e tong avughs, egh puvira ingaran kogham.” Kamaghin, Lamek ziam Noa, uan otarim gati.* ³⁰ Noa otogha givazima, Lamek ua 595plan azenibar ikia, dar aven otariba ko guivir maba ini. ³¹ Ezi 777plan azeniba givazima, Lamek areme.

³² Ezi Noa 500plan azeniba itima, an otarir 3pla oto, men ziaba, Siem, Ham, ko Jafet.

Noa ko an adarazir eghaghanim

6

(*Sapta 6-11*)

Gumazamizibar arazir kuraba

¹ Ezi datirighin gumazamizir aviriba otiva nguazim gizivagha, guiviba bate. ² Ezi Godin otariba* gari, gumazamizibar guivir igiaba, men mikarzibar ganganiba bar men dera. Ezi me uan ifongiamin gin ghuu, me isa men iti. ³ Ezi God ghaze, “Gumazamiziba angamira ikiasi ki uan Duam me gati. Ezi men mikarziba nguazir kamin biziba, kamaghin ki uan Duamin amaman-gatighti, a me ko dughiar ruarinin ikian kogham.† Datirighin me 120plan azenibara ikegh egh ovengam.” ⁴ Ezi dughiar kamin ikegha gin zuir dughiamin, gumazir bar darf maba nguazimin ike. Gumazir kaba, kar gumazamizibar guivir igiaba Godin otariba ko akuizi otivizir boriba. Me ingangarir igharagha garibar amuamin gav-gavim ikia egha dughiar kamin ziar ekiaba iti. ⁵ Ezi Ikiavira Itir God, nguazim bar an itir gumazamizibar gari, men arazir kuraba bar ikufi. Gumazamiziba dughiaba bar, uan navir averiamin aven arazir kuraba baghavira nighnigha dagh ifongeghavira iti. ⁶ Ezi Ikiavira Itir God men arazir kurabagh

5:1-2: Jenesis 1:27-28; Matyu 19:4; Mak 10:6

5:24: Hibrui 11:5; Jut 1:14

* **5:29:** Hibrui akamin ziar kam,

“Noa,” migirigiar kamin min ghu, “avughs.” Ni Jenesis 9:20in gan. * **6:2:** Marazi kamaghin migei, migirigiar otevir kam “Godin otariba,” kar me enselbav gei. † **6:3:** Hibrui akam deragha migirigiar kamin mingarim abighizir puvati.

6:4: Diboboniba 13:33 **6:5:** Jenesis 8:21; Aghuzir Akaba 6:18; Matyu 15:19 **6:5:** Matyu 24:37; Luk 17:26; 1 Pita 3:20

nighnigha bar osemegha ikia navim bighiaghbirigha, ghaze, mevzika, ki ti nguazimin itir gumazamizibar ingarizir puvatizi deraghai.

⁷ Egha Ikiavira Itir God ghaze, "Ki ingarizir bizir kaba bagha osemegha nan navim biki. Kamaghin, ki guizbangira gumazamizir ki ingarizibagh asighasichti, men tav ua nguazimin ikian kogham. Eighti ki asizir nguibamin itiba ko ruarimin itiba, ko kuaraziba bar, ki uaghan dagh asighasigham." ⁸ Ezi Noa uabira, Ikiavira Itir Godin damazimin deravirama oto, ezi a bar a gifonge.

⁹⁻¹⁰ Eghaghanir kam, a Noan eghaghanim. An otarir 3pla iti, men ziabar kara: Siem, Ham ko Jafet. Noa Godin damazimin bar gumazir aghuim, egha gumazamizibar damazibar dera. Egha a dughiaba bar Godin boroghin ikiava a ko roroam gami. ¹¹ Ezi God gumazamizir igharazibar gari, men araziba bar ikufi. Nguazir oteviba bar, midorozir arazim ko orazir puvatizir arazim ghuavira iti. ¹² God garima arazir kuram bar nguazim avara. Ezi a gari gumazamizir aghuaritam itir pu. Puvati. Gumazamiziba bar arazir kurabaram amua iti.

God kurimin ingaras Noa migei

¹³ Kamaghin, God kamaghin Noa migia ghaze, "Gumazamiziba bar uariv soghava orazir puvatizir arazim gami, ezi nguazir kam arazir kuram bar a gizifa. Kamaghin, ki nguazir kam sara, me gasighasighasa. Ki gu-mazamiziba bar me agivaghti, me ua ikian kogham. ¹⁴ Kamaghin, ni temer aghuiba abighiva ua bagh kurir tamin ingarigh. Egh an averimin danganitarbar ingarighva koltan an averiam ko azemim aghefegh. ¹⁵ Ni kurir kam kamaghin an ingar: An ruram 130 mitan tughit, an baravim 22 mitan tugh, eighti an siriam 13 mitan tugh. ¹⁶ Egh ni an siriamin ingarti, an siriam bar izighiri an miriam avan marki. Ni kurir siriam ko miriam tongira toritam ateghti, aruer angazangarim kurimin aven mangi. [‡] Egh ni ghuriar 3pla kurimin aven dar ingarigh, tam vazimin, tam arighara, egh tam pin. Egh tiar akam an miriamin an ingarigh.

¹⁷ "Ni oragh! Ki aperiar ekiam damighti a nguazimin otogh, nguazimin itir bizir angamira itiba bar dar amighti da bar moghirama ovengam. ¹⁸ Eighti ki ni ko, uan Akar Dikirizir Gavgavim akirighti, ni deragh ikiam. Ni uan amuim ko, uan otariba ko men amuiba, ia kurir kamin aven mangi. ¹⁹ Egh ni asiziba vaghvagh pumuning pumuningin me ini, amebar

mam ko apurir mam. Egh me ovengan koghsa da inigh kurimin aven mangi. ²⁰ Ni kuarazir igharagha gariba vaghvagh, dar pumuning pumuning, ko asizir muziariba ko ekiar igharagha gariba vaghvagh, dar pumuning pumuning inigh. Egh da oven- gan koghsa, ni da inigh kurimin aven mangi. ²¹ Egh ni uan amuiroghboriba ko asizibagh nighnigh, dagher guar aviriba bar da isi kurim darikigh."

²² Ezi Noa God a mikemezi moghira bizir kaba bar dagh ami.

7

Aperiar ekiam oto

¹ Egha Ikiavira Itir God kamaghin Noa migei, "Ki nin gari, nirara nguazimin gumazamizibar tongin nan damazimin dera. Kamaghin, ni uan amuim ko, ni otariba uan amuiba ko, ia bar kurimin aven mangi. ² Egh ni asizir nan damazimin zuezir igharagha gariba vaghvagh, 7plan amebaba ko 7plan apuriba inigh. Egh asizir nan damazimin zuezir puvatizir igharagha gariba, ni vaghvagh amebam ko apurimra inigh, kurimin aven mangi. ³ Kamaghira ni kuarazir igharagha garibar 7plan amebaba ko apuriba ini. Ni kamaghin damighti da arimighireghan koghti, dar nguziba gin nguazimin otivigh bar avirasemegham. ⁴ Eighti dughiar 7pla givaghti, ki amozim nguazimin anemadaghti, a 40plan arueba ko dimagaribar arigh mamaghira ikiam. Eighti bizir ki ingarizi angamira itiba, ki dagh asighasichti, da bar arimighiregham."

⁵ Ezi Noa God a mikemezi moghira, biziba bar dagh ami.

⁶ Noa 600plan azeniba itima, aperiar kam oto. ⁷ Dughiar kam, Noa uan amuim ko, an otariba uan amuiba ko, aperiam otogh me gasighasighan koghsa, me kurimin aven ghue. ⁸⁻⁹ Ezi God Noa mikemezi moghira, asizir Godin damazimin zueziba ko, asizir miziriziba ko, kuaraziba ko, asizir muziariba, asizir igharagha gariba bar, da vaghvagh apurir mam ko amebar mam, pumuning pumuningin Noa bagha iza, ghuakurimin ghuavanangi. ¹⁰ Dughiar 7pla givazima, aperiar ekiam otogha nguazim gizefi.

¹¹ Dughiar kam Noa 600plan azeniba iti, ezi azenir kamin iakinir namba 2in, dughiar namba 17in, nguazim akam akarizima, dipar nguazimin averiamin itir ekiam akariaghbirigha zuamiram anabo. Ezi amozim izaghira mati me dipam fusfusi.

¹² Ezi amozir ekiam 40plan arueba ko dimagaribar izaghira mamaghira iti.

6:9-10: Jenesis 7:1; Esekiel 14:14; 2 Pita 2:5 **6:11:** Esekiel 8:17 **‡ 6:16:** Hibrun akam deragha migirigiar kamin mingarim abighizir puvati. **6:22:** Hibru 11:7 **7:1:** Jenesis 6:8; Esekiel 14:14; 2 Pita 2:5 **7:7:** Matyu 24:38-39; Luk 17:27 **7:11:** 2 Pita 3:6

¹³ Ezi Amozim arighizir dughiamra, Noa, uan amuim ko, an otarir 3pla, Siem, Ham, Jafet, uan amuiba ko, me kurimin aven ghue. ¹⁴ Ezi nguibamin asizir guar aviriba bar, ko ruarinmin asizir ekiaba ko dozir guar aviriba, ko kuaraziba bar vaghvagha Noan adarazi ko kurimin aven ghue. ¹⁵⁻¹⁶ Ezi God mikemezi moghin, bizar angamira itiba, da vaghvagha apurir mam ko amebar mam, pumuning pumuningin Noa bagha iza, a ko kurimin aven zui. Noa aven ghugha givazima, Ikiavira Itir God tiam asara. ¹⁷ Ezi 40plan aruebar dipam izivavira ikia, kurim asirafo. Ezi kurim nguazim ategha pin iti. ¹⁸ Ezi dipam nguazim gisin sivaghsvagha ghuavanadima kurim a gisin deravira iti. ¹⁹ Ezi nguazim gisin dipam sivaghsvagha ghuavanagavira ikia mighsiar overiamin apengan itiba bar ada ave. ²⁰ Egha abuan dipam nguazim bar anevaragh, sivagh pin ghua overiamin apengan itir mighsiar ekiaba bar dagh afiragh 7 mitan tu. ²¹ Ezi nguazimin angamira itir bizar kaba, kuaraziba ko, nguibamin asiziba, ruarinmin asizir ekiaba ko doziba ko gumazamiziba, me bar ariaghire. ²² Ezi nguazimin itir bizar angamira itiba bar ariaghire. ²³ Ezi nguazimin itir bizar kaba bar, gumazamiziba, nguibamin itir asiziba, ruarinmin itir asiziba, ko kuaraziba, Ikiavira Itir God bar me kuavarerne. Ezi Noa ko bizar kurimin aven itiba merara angamira iti.

²⁴ Ezi dipam bar ekevegha nguazim bar anevaragh ghua 150plan dughiarbar ike.

8

Aperiam gifä

¹ Ezi dughiar kamin God Noa ko asizir a ko kurimin itiba gin amadazir puvati, a me ginighnighavira ikiava aminim amadazi a dipam gisin ivaima dipam sivagh uaghiri. ² Ezi dipar nguazimin averiamin izim uam anadir puvati. Ezi overiamin amozi izir tuaviba pirizi, amozi uam izaghirir puvati. ³ Ezi dipam ghuaghira ghua, 150plan dughiarba givazima dipam daka uaghiravira iti. ⁴ Ezi iakinir namba 7in dughiar namba 17in kurim Araratin Mighsiabar itir danganimin mighsiar mamin apera. ⁵ Ezi dipam, daka uaghiravira ikia ghua iakinir namba 10in dughiar namba 1in tuzi, dughiar kamra mighsiabar ghuuba otifi. ⁶⁻⁷ Ezi 40plan dughiarba givazima, Noa kurimin windua kuigha, kuarazir ziam kotkot amadazima, a ghugha ua izezir puvati. A migha aruavira ikiav itima dipam dakezi nguazim misingi. ⁸ Ezi Noa foghasa, nguazim misingis, o puvati. Egha kamaghin, kuarazir ziam bunbam amadazima, a zui. ⁹ Ezi dipam nguazim

avaragha ikiavira itima, kuarazir bunbam dapian danganibagh asa, kamakin dipam mong pin ikiavira iti. Ezi a uamategha kurimin ghuzi, Noa dafarim amadaghha uam a inigha aven ghu.

¹⁰ Ezi 7plan dughiarba givazima, Noa ua kuarazir bunbam amada. ¹¹ Ezi dughiar kamin bar garantizimin kuarazir bunbam uamategha a bagha izi. Egha uan akamin olivin temer dafarir igiar mam iviraghia izi. Ezi Noa kamaghin fo, dipam dakegha gifa. ¹² Egha a 7plan dughiarbar uam orarkegha kuarazir bunbam uam anemada. Ezi kuarazir bunbam ua izezir puvati.

¹³ Ezi Noa dughiar kamin 601plan azeniha iti, ezi iakinir namba 1, an dughiar namba 1 otozi dipam midii. Ezi a kurimin siriam mikinizir avavem asigha azenan danganiba bar deravira dar gari, nguazim misingi. ¹⁴ Egha ghua iakinir namba 2in, namba 27in dughiam otozi, nguazim bar misingi.

¹⁵ Ezi God Noa migia ghaze, ¹⁶ “Ni, uan amuim ko, nin otariba uan amuiba ko, ia kurim ategh magiri. ¹⁷ Egh angamira itir asiziba bar, kuaraziba ko asizir ruram ko nguibamin itiba, ni bar moghira da inigh magiri. Eghda da bar otiv arogh avirasemeghiva nguazir kam bar an angi.” ¹⁸ Ezi Noa uan amuim ko an otariba, uan amuiba ko uaghiri. ¹⁹ Ezi kuaraziba ko asizir avirir guar magh gariba vaghvagha uari uari abigha uari akuva egha azenan izi.

Noa ofa isa Ikiavira Itir God ganidi

²⁰ Egha Noa Ikiavira Itir Godin ziam fasa ofa damuamin danganir mamin ingari. Egha Godin damazimin zuezir asizir guar aviriba, dar vamira vamira inigha, kuarazir Godin damazimin zueziba dar vamira vamira inigha dav suegha God bagha ofa gami. Egha da tuezi da bar isigha mighiri. ²¹ Ezi Ikiavira Itir God Noa amizir mughuriar aghuim zuir ofa bagha bar ifuegha ghaze, “Ki ua gumazamizibar arazir kurabä bagh nguazim gasighasighan kogham. Guizbangira, gumazamiziba boribar minikia ghua asangizir dughiamin, me bar arazir kuram damuamin nighniziba iti. Ezi bizar kam bagha, ki biziha bar dagh asighasiki. Egh ki dughiar kamin amizir arazir kamin mirara, uamategh angamira itir biziha bar dagh asighasighan kogham. ²² Eghda nguazim ikivira ikiti dughiar kaba uaghan otivira ikiam, dughiar dagheba opariba ko dagheba iniamba, dughiar orangtiziba ko fefeba, dughiar amoziha iziba ko arueba gariba ko dimagariba ko arueba. Dughiar kaba givagh kogh mangi nguazim givamin dughiam otogham.”

9

*God Noa ko
Akar Dikirizir Gavgavim gami*

¹ Dughiar kamin, God arazir aghuim Noa uan otariba ko, me damuasa kamaghin me migia ghaze, “Ia borir aviriba batiti, ian adarazi nguazir kam bar a gizivaka. ² Eghti ruarimin itir asizir muziariba ko ekiaba, ko kuaraziba, ko osiriba bar moghira ian atiatighti, ia me gativagh men ganam. ³ Ki faragha ia damasa zuravaribara daghebar min ia gantingi. Egha datirighin nguibamin asiziba, ko ruarimin itir asiziba, ko zuravaribara sara bar da isa ia ganingi egheti, ia bar dar amam. ⁴ Guizbangira, ghuzim ivemara ikimirir angamira itim anidi. Kamaghin, ia ghuziba ikiavira itir asizitam aman marki. Ia asizim misueghti, an ghuzim faragh bar iregh givaghtima, ia gin anemi. ⁵ Egheti tina gumazimin ghuzim damutti, a iregħti an aremegħam, egheti ki gumazir kamin arazir kuram ikarvaghām. Guizbangira, asizitam o gumazitam gu-mazir mam misuegħti an aremegħam, ki uaghan osimtizir kuram a dantiġti an aremegħam. ⁶ Ki God, ki uabi gumazimin ingarizima a nan mirara gari. Kamaghin gumazir manam igharazitav misogħezi an areme, egh a uabi gumazibar dafaribar ovengam.”

⁷ Egha God ua kamaghin migei, “Egheti iarar, ia borir aviriba batiti, ian boriba bar avirasemegħ nguazimin otivarogħam.”

⁸ Egha God Noa ko an otaribav già ghaze, ⁹ “Ia oragh! Ki datirighin ia ko, ian borir gin otivamiba ko Akar Dikirizir Gavgavim gami. ¹⁰ Egha uaghan bizar angamira ia ko kurimin ikezir kaba, kuaraziba, nguibamin asiziba ko, ruarimin asizir ia ko itiba, da bar, ki me ko Akar Dikirizir Gavgavir kam gami. ¹¹ Ki datirighin ia koma Akar Dikirizir Gavgavim gamiha kamaghin migia ghaze, Guizbangira, ki datirighin uam aperiar ekīatam damighti a izi bizar angamira itibagh asighasighan kogħam. Egheti aperiar ekīatam nguazir kam ua bar gasighasighan kogħam.”

¹² Egha God ghaze, “Ki arazir kam ak-ghti, ia ganigh fogħ suam, ki Akar Dikirizir Gavgavim ia ko, bizar angamira ia ko itiba, ko ian gin otivamini boriba, ki ia bagħha bar a gamiġha gifa. ¹³ Eżi arazir kam kamakin, ki ababaniem ian akagna, overriam pin ekianim ati. Kar nan ababanim, a ghaze, Akar Dikirizir Gavgavir ki nguazimin itir biziba bagħha amizim, a ikivira ikiam. ¹⁴ Egheti ki amoziż amadagħi a izegħti an gin ghuarier ekiaba ikivira ikiti, dughiar kamin ekianim overriamini

otogħam. ¹⁵ Egheti ki an ganigh uan Akar Dikirizir Gavgavir, bizir angamira itiba ko ia bagħha amizim a ginighnighvira ikiam. Egheti bizitam ua kamaghin otivan kogħam, aperiata uam nguazimin angamira itir bizibagh asighasighan kogħam. ¹⁶ Egh ki pin ekianimin ganiva, nguazimin angamira itir biziba ko amizir Akar Dikirizir Gavgavir kam ginighnighvira ikiti, a iki mamaghira ikiam.”

¹⁷ Egha God Noa migei, “Ekianir kam, kar nan ababanim, ki nguazimin angamira itir biziba bagħha Akar Dikirizir Gavgavim gamiġha aneka.”

Noa uan otarim Hamin atari

¹⁸ Kar Noan otarir 3plan a ko kurimin ikegħha azenan izezibar ziaba: Siem, Ham ko, Jafet. Ezi Hamin otarim ziem, Kenan. ¹⁹ Ezi Noan otarir 3plan kabanang, me datirighin nguazim gizivazir gumazmiziba bar men ovaviba.

²⁰ Eżi aperiar ekiamin gin Noa azenim oparir gumazimin min otogħa faragħavira wainin azenir mam opari. ²¹ Egha dughiar mamin a wainin dipar organir maba amegħha organi. Eżi an iniba pagħirexza a bibi amra uan purirpeniġi girighav iti. ²² Eżi Kenan afeziam Ham, ghua uan bibi amra itir afeziamin ganiga uam azenan ghua uan aveghħu unning mikeme. ²³ Eżi Siem ko Jafet inir mam inigha an oneħga uan dipizimming gati. Egha aning purirpeniġi akirrim ragħha a gasaragħha nimra itimra ghua uan afeziamin mikarzim avara. Aning uan guamning igharagħha misuegħha uan afeziamin mikarzim avara. Egha uan afeziamin mikarzir mogomem ġaniżi puvati.

²⁴ Eżi Noan nighażiż derazi a ua dikavigha an otarir abuananam Ham, an mikarzir mogomem ġaniżi bizim baraki.

²⁵ Egha a ghaze, “Osimtizir ekiam Kenan ko ikiti, a uan aveghħu unbar ingangarir gumazimin bar men apengen ikiam.”

²⁶ Egha Noa ua kamaghin migei, “E Ikiavira Itir Godin ziem fam, a Siemin God. Egha ki kamaghin Godin azai, Kenan pura Siemin ingangarir gumazimin ikiam. ²⁷ Egheti God Jafet inadarazir amighti me avirasemegħ, Siemin adarazi ko deragh dapiam. Egheti Kenan pura Jafet ingangarir gumazimin ikiam.”

²⁸ Aperiar ekiam givazima, Noa uam 350plan azenibar ike. ²⁹ Egha 950pla azeniba ikiava areme.

10

Kar Noan ovavir boribar ziabar eghħagħanim

¹ Kar Noan otaribar eghaghanim. Men ziar kara: Siem, Ham, ko Jafet. Ezi aperiar ekiamin gin men ovavir borir avirabar otifi. Ezi Noan ovavir boribar ziaba kamaghin zui.

² Kar Jafetin otaribar ziabar kara: Gomer, Magok, Madai, Javan, Tubal, Mesek, ko Tiras. ³ Ezi Gomerin otaribar ziabar kara: Askenas, Rifat, ko Togarma. ⁴ Ezi Javanin otaribar ziabar kara: Elisa, Tarsis, ko Saiprusin gumaziba, ko Dodania. ⁵ Ezi gumazir kaba, gin ongarir miriam ko arighatizibagh apiazir darazir ovavirba. Kar Jafetin ovavir boriba. Egha me uan dakozibar vaghvagha uan nguazibarama apiagha, uari uan ikizibar akabav gei.

⁶ Ezi Hamin otaribar ziabar kara: Kus, Isip, Libia ko Kenan.* ⁷ Ezi Kusin otaribar ziabar kara: Seba, Havila, Sapta, Rama ko Sapteka. Ezi Rama otarir pumuningra iti: Seba ko Dedan. ⁸ Ezi Kus otarir mam iti, an ziam Nimrot. Nimrot a nguazir kamin bar faraghavira otozir gumazir bar gavgavim. ⁹ Ezi Ikiavira Itir God gavgavim isa Nimrot ganingizima an asiziba burir fofozir ekiam iti. Kamaghin gumazamiziba ziar ekiam munav daningasa, kamaghin migei, "Gumazir kam a Nimrotin miraram ami. Ikiavira Itir God gavgavim Nimrot ganingizima, ana asiziba buriumin fofozir ekiar aghuim iti." ¹⁰ Ezi Nimrot nguibir ekiar 3plan gari, Babel, Erek, ko Akat. Nguibir ekiar 3plan kaba Babilonian nguazimin iti.† ¹¹ Egha Nimrot Babilon ategha Asirian amadaghan ghua nguibir ekiar kabar ingari, Ninive, Rehobotir, Kala, ¹² ko Resen. Resen, a Ninive ko Kalan nguibamning tizimin iti. Ezi Kalan nguibam a nguibir bar ekiam.

¹³ Isip a ikizir kabar ovavim: Lidia, Anam, Lehap, Naptu, ¹⁴ ko Patrus, Kaslu, ko Krit. Ezi Filistian ikizimin adarasi, me Kritin Arighatizimin itir darazir aven otifi.

¹⁵ Ezi Saidon a Kenanin otarir ivariam. Ezi igharaz darazi uaghan Kenanin ovavir boriba, ezi men adarazir kara: Hitia, ¹⁶ Jebusia, Amoria, Gergasia ko, ¹⁷ Hivia, Arkaia, Sinia, ¹⁸ Arvattia, Semaria ko Hamatia. Gin Kenanin adarazir danganiba bar a dar ghuava tintinibar apia. ¹⁹ Egha Kenania inigha apiazir nguazir kam Saidonin nguibamin ikegha ghua Gerarin nguibamin tu, kar Gasan nguibamin amadakan. Ezi men mitaghniham ghua aruem anadi naghin nguibir kabar tu, Sodom ko Gomora ko Atma ko Seboim, kar Lasan nguibamin amadakan. ²⁰ Gumazamizir kaba bar, me Hamin ovavir boriba. Egha me uan

dakozibar vaghvagha uan nguazibarama apiagha, uari uan nguibabara akabav gei.

²¹ Ezi Siem a Jafetin avebam. Egha uaghan boriba iti, egha Siem a Eberin boribar ovavir afeziam. ²² Siemin otaribar ziabar kara: Elam, Asur, Arpaksat, Lidia ko Aram. ²³ Ezi Aramin otaribar ziabar kara: Us, Hull, Geter ko Mas. ²⁴ Ezi Arpaksat, a Selan afeziam, ezi Sela, a Eberin afeziam oto. ²⁵ Ezi Eber an otarir pumuning iti. Mamin ziam Pelek. Pelek itir dughiamin nguazimin itir gumazamiziba tintinimin biaghire. Kamaghin me ziar kam, "Pelek," a gati. Ziar kamin mingarim kamakin, "Bar biaghire." Ezi Pelekin dozimin ziam Joktan.

²⁶ Ezi Joktanin otaribar ziabar kara: Almodat, Selep, Hasarmavet, Jera ko, ²⁷ Hadoram, Usal, Dikla ko, ²⁸ Obal, Abimael, Seba ko, ²⁹ Ofir, Havila, ko Jobap. Gumazir kaba bar, me Joktanin otariba. ³⁰ Ezi Joktanin boriba Mesan nguibamin ikegha ghua aruem anadi naghin Sefarin nguibir mighsiabar tu. ³¹ Kar Siemin ovavir boriba. Egha me uan dakozibar vaghvagha uan nguazibarama apiagha, uari uan ikizibar akabav gei. ³² Gumazir ziaba itir kaba, kar Noan otariba ko an otaribar otariba ko men ovavir boriba. Aperiar ekiamin gin, gumazamizir kabar ikiziba nguazim gizivagha aneroke.

11

Ikiavira Itir God gumazamizibar akar me migeiba abiagharki

¹ Formira nguazimin gumazamiziba bar akar vamira ikia, egha migirigar otevir vabaram ami. ² Egha me aruem anadi naghin ikegha, puram arua ghua iza Babilonian nguazir zarimin apia.

³ Egha me uarir uariv gei, "Aria, ia izi, e bar moghira nguazitaba inigh da tuegti da brighbar min otivika." Egha me dipenibar ingaramin brighbagh ami. Egha me brighin kabagh amizi da uarir isavsuighamin koltaba uaghan iti.

⁴ Egha me ghaze, "E datirighin uari uari bagh nguibir ekiatamin ingaram, egh an aven tauan bar ruaritam asaraghti, an ruarim mangi overiamin suiraghram. Egh kamagh, e uari abigh mangi tintinibar nguazimin nguibir igharazibar ikian kogham. E kamaghin damuti, gumazamiziba bar ziar bar ekiam e daningam."

⁵ Ezi Ikiavira Itir God, nguibir ekiar kam ko tauan gumazamiziba an aven ingarizimin ganasa izaghiri. ⁶ Egha uan Nguibamin ikia ghaze, "Gumazamizir kaba me akar vamiram migia egha uari

* **10:6:** Hibrun akam, ziar kam "Kus," kar kantri Sudan, o kantri Itiopian ziam. † **10:10:** Hibrun akam deragha migirigar kamin mingarim abighizir puvati. Gumazir maba ghaze, nguibir ekiar igharazir mamin ziam iti, an ziam Kalne. **11:5:** Jenesis 18:21

inigha nighnizir vamira iti. Egha nguabar dafar kamin ingari. Me kamaghin uan nighnizimin gin mangi, bizir aviribar amuam. ⁷ Kamagh, e ua magiri akar me migeim abighirarighti, me uan akar mingaribagh foghan koghiva uariv kiman kogham.”

⁸ Egha Ikiavira Itir God me gamizi, me tintinibar nguaziba bar adar ghue. Egha nguabar ekiar kam uam a ingari puvati. ⁹ Dughiar kam, Ikiavira Itir God gumazamizir kabar akar me migeiba abiagharnighizi, me tintinibar nguazimin danganiba bar adar ghue. Kamaghin me nguabar ekiar kam dibora ghaze, “Babel.”*

Siemin ovavir boribar ziaba

¹⁰ Kar Siemin ovavir boribar ziaba. Aperiar ekiam otozi azenir pumuningin gin, me Siemin azeniba medi da 100in oto. Ezi an Arpaksatin afeziamin oto. ¹¹ Egha gin Siem 500plan azeniba ikia, dar aven otariba ko guivir igharaziba inigha areme.

¹² Ezi Arpaksat 35pla azeniba ikiava Selan afeziamin oto. ¹³ Egha gin Arpaksat 403plan azeniba ikia dar aven, otariba ko guivir igharaziba inighava areme.

¹⁴ Ezi Sela 30pla azeniba ikiava Eberin afeziamin oto. ¹⁵ Egha gin Sela 403pla azenibar ikia, dar aven otariba ko guivir igharaziba inighava areme.

¹⁶ Ezi Eber 34pla azeniba ikiava Pelek in afeziamin oto. ¹⁷ Egha gin Eber 430pla azenibar ikia, dar aven otariba ko guivir igharaziba inighava areme.

¹⁸ Ezi Pelek 30pla azeniba ikiava Reun afeziamin oto. ¹⁹ Egha gin Pelek 209pla azeniba ikia, dar aven otariba ko guivir igharaziba inighava areme.

²⁰ Ezi Reu 32pla azeniba ikiava Serukin afeziamin oto. ²¹ Egha gin Reu 207pla azeniba ikia, dar aven otariba ko guivir igharaziba inighava areme.

²² Ezi Seruk 30pla azeniba ikia Nahorin afeziamin oto. ²³ Egha gin Seruk 200pla azeniba ikia, dar aven otariba ko guivir igharaziba inighava areme.

²⁴ Ezi Nahor 29pla azeniba ikia Teran afeziamin oto. ²⁵ Egha gin Nahor 119pla azeniba ikia, dar aven otariba ko guivir igharaziba inighava areme.

Teran ovavir boribar ziaba

²⁶ Ezi Tera 70pla azeniba ikiava Abram, Nahor ko Haranin afeziamin oto. ²⁷ Ezi kar Teran ovavir boribar ziaba. Tera a Abram, Nahor ko Haranin afeziam. Ezi Haran a Lotin afeziam. ²⁸ Ezi Haran uan nguibam Urin ikiava areme. Ur a Kaldiabar nguazir asizimin iti. Ezi dughiar kam, an afeziam

Tera angamira ikiavira iti. ²⁹ Ezi Abram Sarain iti, ezi Nahor Haranin guivism Milkan iti. Egha uaghan Haran Iskan afeziam. ³⁰ Ezi Sarai boriba batir puvatigha, boritam itir puvati.

³¹ Ezi Tera uan adarazi inigha, Kaldiabar nguazimin itir nguibam Ur, an ategha Kenanin nguazimin zui. Teran gin zuir adarazir ziabar kara: an otarim Abram, ko an asamim Sarai, ko an igiam Lot, ezi Haran a Lotin afeziam. Me ghua Haranin nguibamin otivigha egha nguabar kamin apera. ³² Egha Tera 205pla azeniba ikiava nguabar kamin areme.

Abramin eghaghanim

12

(Sapta 12:1-25:18)

Ikiavira Itir God Abram dia

¹ Dughiar mam, Ikiavira Itir God Abram migia ghaze, “Ni uan nguazim, ko uan adarasi, ko uan afeziamin ikizim ateghnguazir ki nin akaghamin mangi.

² “Eghti ki nin ovavir boribar amighti, me bar avirasemegh,

mangiva gin ikizir gavgavir mam otogham.

Egh ki deravira ni damu ni damichti nin ziam bar ekevegham.

Eghti ni bangin ki gumazamiziba deravira me damuamin tuavim ikiam.

³ Eghti gumazamizir deravira ni gamiba, ki deravira me damuam.

Eghti ni gasighasizir gumazamiziba ki uabi me gasighasigham.

Ni bangin ki nguazir kamin itir ikiziba bar dar gumazamiziba bar deragh me damuam.”

⁴ Ezi Abram Haranin nguibam ategha Ikiavira Itir God a mikemezi moghin, a zui. Ezi Lot a ko uaghan zui. Dughiar kam Abram 75plan azeniba iti. ⁵ Abram uan amuim Sarai, ko uan dozimin otarim Lot inigha, me uaghara zui. Abram faragha Haranin nguibamin ikia egha bizir aviriba ko ingangarir gumaziba ko amizir aviriba ini. Egha a Kenanin zuir dughiamin a bizir kaba bar da inigha zui. Egha me Kenanin otivigha givagha, ⁶ Abram uan adarazi ko nguazir kamin ghua Sekemnguibamin oto. Nguubar kamin temer ekiar mam ikia Moren danganimin amadaghan iti. Ezi dughiar kamin Kenania Kenanin nguazimin ikiavira iti.

⁷ Ezi Ikiavira Itir God Abram batogha a migei, “Ki nguazir kam nin ovavir boribar aningam.” Kamaghin Abram Ikiavira Itir

11:8: Luk 1:51

* **11:9:** Hibrun akamin ziar kam, “Babel,” a mong kamaghin ghu, “abiagharki.”

12:1: Aposel

7:2-3; Hibru 11:8

12:3: Galesia 3:8 **12:7:** Aposel 7:5; Galesia 3:16

God a batozi naghira, an ziam fasa ofa gamir dakozimin ingari.

⁸ Egha gin Abram dikavigha ghua, aruem anadi naghin itir mighsiar Betelin boroghin itimin ghu. Mighsiar kam Betelin nguibam ko Ain nguibamin tizimin iti. Ezi Betel an aruem uaghiri naghin itima, Ai an aruem anadi naghin iti. Ezi danganir kamin Abram uan purirpenibar ingarigha, Ikiavira Itir Godin ziam fasa, ofa gamir dakozimin ingarigha, an ziam dibora a fe.

⁹ Egha gin Abram uan adarazi ko danganir kam ategha sautin amadaghan zui. Egha me purirpenibar ingara ghua Negevin danganimin oto, a gumazamiziba puvatizir danganim.

Abram ghua Isipin kantrin iti

¹⁰ Dughiar mam mitiriar ekiam otozi, danganir kam dagheba bar puvati. Kamaghin, Abram uan adarazi ko me ghua nguibar igharazibar gumazamizibar min pura ikia, kantri Isipin iti. ¹¹ Egha me kantri Isipin boroghira iza, Abram uan amuim Sarai migia ghaze, "Ni orakigh. Ki fo, ni amizir dirir bar deragha danganir aghuim gamim. ¹² Isipin gumaziba nin ganigh, ti ni gakuegham. Egh me kamaghin fogham, ni nan amuim, egh me na misuegħti ki aremegħti, ni ikiam. ¹³ Ni kamaghin mikimti deragħam, ni nan amizim. Egh ni kamaghin damighti, me arazir aghuimin na damu, na misuegħti ki aremegħan kogħam."

¹⁴ Ezi Abram kantri Isipin otozi, Isipin gumaziba a mikemezi mogħira, an amuimin garima an danganim bar dera. ¹⁵ Ezi atrivimin ingangarir gumaziba Sarain gari, a bar derazi, me ghua atrivim kamaghin a miei, "Amizir bar dirir mam izegħha iti." Egha me ghua Sarai inigha atrivimin dipenimin ize. ¹⁶ Ezi atrivim Sarain ganigha mighiha a gakongegħha, kamaghin bar deraviram Abram gami. Egha sipsipba, membeba, bulmakauba, donkin apuriba, donkin amebaba, kamelba, ingangarir gumaziba ko ingangarir amizir bar aviriba, issa Abram ganingi.

¹⁷ Egha atrivim Abram inuim Sarai inigha ua bagħha an amuim gami, kamaghin Ikiavira Itir God Isipin atrivim ko an dipenimin itir darazi bagħha arimaria Guar aviriba amangi. ¹⁸ Ezi atrivim Abram diazima a izima a kamaghin a migia ghaze, "Ni manmagħsua arazir kam na gami? Egha kamaghin na mikemezi puvati, Sarai nin amuim. ¹⁹ Ni na migia ghaze nin amizim, ezi kamaghin ki uan amuimin min aini. Ni manmagħsua virar arazir kam gami? Kamaghin ni uan amuim inīgh, gua mangi!" ²⁰ Ezi atrivim uan ingangarir gumazibav

mikemezi, me Abram uan amuim ko, an biziha sara Isipin bar me batoke.

13

Lot Abram ataki

¹⁻² Dughiar kamin Abram bizir bar aviriba iti. A sipsipba, membeba, bulmakauba, gol ko silva bar aviraseme. Egha a kantri Isip ategħha Negevin danganimin amadaghan zui. A uan amuim ko uan biziha bar da inizi, Lot uaghan a ko zui.

³⁻⁴ Egha gin Abram uan adarazi ko Negev ategħha Notin amadaghan zui. Egha me purirpenibar ingara ghua Betelin nguibamin oto. Danganir kamra Abraham fomiram purirpenibar ingara ofa gamir dakozimin ingari. A Betel ko Ain nguibammingin tizimin iti. A danganir kamin otogħha Ikiavira Itir Godin ziam dibora a fe.

⁵ Ezi Lot uaghan Abram koma arua, sipsipba, membeba, bulmakauba ikia, uaghan ingangarir gumazamizir aviriba a ko ikia purirpenibar iti. ⁶ Abram ko Lot uaghanha bizir aviriba iti, ezi kamaghin nguazim an ġingin sufi. Ezi aning uaning ko ikiava avenge. ⁷ Ezi adarim Abram ko Lot in sipsipba ko membebar garir ingangarir gumazibar tongin oto. Dughiar kam Kenanin adarazi ko Peresin adarazi danganir kamin iti.

⁸ Ezi Abram Lot migei, "Ga ikizir vamira. Ga uaninging atari derazir puvati, ezi gan ingangarir gumaziba uaghan uarir atari derazir puvati. ⁹ Guizbangira, nguazir ekiam rughara iti. Ga uaning abigham. Egh ni uabi ua bagħ danganitam ginabagh, na ategħi an ang. Ni agharir guvimin mangiti, ki kiriāmin mangam. Magħsuegħ ni agharir kiriāmin mangiti, ki guvimin mangam."

¹⁰ Ezi Lot tħuġha gari. Egha Jordanin Faner zarimin itir danganiba bar dar gara ghua Soarin nguibamin tu. Nguazir otevir kam dipar aviriba ikia bar dera. Egha mati Ikiavira Itir Godin azenir bar aghuimin min garava, uaghan kantri Isipin min gari. Dughiar kam, Ikiavira Itir God tighar Sodomin nguibam ko Gomoran nguibam gasighasigham. ¹¹ Ezi Lot nguazir otevir Jordanin Faner zarimin itibar tongin apera. Egha Sodomin nguibar ekiam boroghin purirpenibar ingari.

¹² Egha Abram Kenanin nguazim apera. Ezi Lot ghua nguibar ekiar Jordanin Faner zarimin itibar tongin apera. Egha Sodomin nguibar ekiam boroghin purirpenibar ingari.

¹³ Ezi nguibar ekiar kam Sodom, an gumazamiziba, men araziba bar ikufi. Ezi

me Ikiavira Itir Godin damazimin arazir bar kurabagh ami.

Abram Hebronin nguibamin ghu

¹⁴ Ezi Lot ghuzima, Ikiavira Itir God Abram migia ghaze, "Ni kagh tugh egh danganir kaba bar dar gan. Ni areuem anadi naghin ganiva aruem uaghiri naghin ganiva, not ko saut viraram aningin gan. ¹⁵ Nguazir ni datirighin garir kaba bar, ki da isi ni ko nin ovavir boribar aningam. Eghti nguazir kaba ia dar afeziabia ikegh mamaghira ikiam. ¹⁶ Eghti ki nin boribar amighti me nguazir minemniamin min bar avirasemegham. Eghti gumazitam nguazir minemniamin mengeghiva nin ovavir boriba mengam. ¹⁷ Ki nguazir kaba bar da isa ni ganidi. Kamaghin, ni datirighin dikavigh mangi nguazir kaba bar dar ganigh."

¹⁸ Kamaghin, Abram danganir kam ategha ghua Hebronin nguibam boroghin oto. Egha a Mamren temer ekiabar boroghin, purirpenibar ingarigha, me kagh apia. Egha Ikiavira Itir God bagha ofa gamir dakozim, danganir kamin an ingari.

14

Midorozir ekiam atrivibar tongin oto

¹⁻⁹ Dughiar kamin, Kedorlaomer Elamin nguibamin atrivimin ikia egha uaghan nguibar kaba ko dar atrivibar gari. Bera a Sodomin nguibar ekiamin atrivimin iti, Birsa a Gomoran nguibar ekiamin atrivimin iti, Sinap an Atman nguibar ekiamin atrivimin iti, Semeber an Seboimin nguibar ekiamin atrivimin iti, ezi Belan nguibam uaghan an apengan iti. Ezi Belan ziar mam Soar.

A 12plan azenibar me gativagha men gari, ezi namba 13in azenimin me Kedorlaomerin akam batoke. Ezi namba 14in azenimin Kedorlaomer uan namakar 3plan dia: Amrafel a Babilonin kantrin atrivim, Ariok a Elasarin kantrin atrivim, Tidal a Goimin adarazir atrivim. Egha me 4plan atrivibar kaba, uan midorozir gumaziba ko ghua Asterot Karnaimin nguibamin otogha, Refaimin adarazi ko uariv sogha me abira. Egha me Hamin nguibar ekiamin otogha Susia ko misogha me abira. Egha me Kiriataimin boroghin danganir zarimin otogha Emia ko misogha me abira. Egha me ghua Seirin Mighsiabar otogha, Horia ko misogha men agintigha ghua El Paranin nguibar miriamin gumazamiziba puvatizir danganimin me ataki. Egha gin uamategha iza Kadesin nguibar ekiamin otifi. Kadesin ziar gherim, En Mispat. Me Amalekian nguazim gisin me ko misogha me abini. Egha me Hasason Tamarin nguibar ekiamin otivigha Amoria, ko misogha me abini.

Egha me midorozir kam gamigha me abinigha givagha, Kedorlaomer uan namakar 3pla ko ghua 5plan nguibar kabar atriviba ko misosi, Sodom, Gomora, Atma, Seboim ko Bela. Ezi 5plan atrivibar kaba, uan midorozir gumaziba ko me Sidimin danganir zarimin uari akuvagha iti. Egha me Kedorlaomer ko an namakar 3pla ko misoghasa uari akiri. Ezi 5plan atrivibar kabanangin midorozir gumaziba 4plan atrivibar midorozir gumaziba ko uariv sosi.

¹⁰ Ezi Sidimin danganir zarim koltaba ini-amin torir aviriba iti. Ezi Sodomin atrivim ko Gomoran atrivim midorozimin arasava amua puvati, aning koltan torimning giragh. Ezi atrivibar 3plan igharaziba ara ghua mighsiabar ghue. ¹¹ Ezi Kedorlaomer midorozim gamua me abira. Egha me Sodom ko Gomoran itir biziba bar ada inigha egha men dagheba sara inigha ghue.

¹² Ezi Lot, Abram in itima, me uaghan a inigha an biza sara inigha ghue.

¹³ Ezi gumazir mam midorozimin ara ghua Hibrun gumazim Abram batogha midorozimin otivizir biziba bar a geghani. Dughiar kam, Abram Mamren temer ekiabar boroghin ikiavira iti. Mamre, a Amorian adarazir gumazir mam, a dozir pumuning iti, Eskol ko Aner. Gumazir 3plan kaba, kar Abram in namakaba.

¹⁴ Ezi Abram orazi, apaniba an dozimin otarim Lot inigha ghue. Ezi kamaghin a ko iti darasi, a men midorozir gumazir bar gavgavibar dia, ezi men dibobonim 318in tu. Ezi me 4plan atrivibar kabar gin ghua Danin nguibar ekiamin tu. ¹⁵ Egha danganir kamin Abram uan midorozir gumaziba tuira. Egha 4plan atrivibar kaba ko dimagarimin misogha me abini. Egha notin amadaghan Damaskusin nguibar ekiamin men agiraghya ghua, Hoban nguibar ekiamin tu. ¹⁶ Egha atrivibar kaba inigha ghuezir biziba ua bar ada ini. Egha Abram uan dozimin otarim Lot uam a inigha, bar an biziba ko amiziba ko gumazamizir igharaziba inigha uamategha ize.

Melkisedek deragha Abram gami

¹⁷ Ezi Abram, Kedorlaomer uan namakaba ko, me misogha me abini. Egha a uamategha izima, Sodomin atrivim ghua danganir zarir me kamagh diborim, "Save," an a bato. Ezi an ziar mam kamakin: Atrivibar Danganir Zarimra. ¹⁸ Ezi Melkisedek, a Salemin nguibamin atrivim, a Godin Bar Pin Itimin Ofa Gamir Gumazim, a bret ko wain inigha Abram bagha ize. ¹⁹ Egha bizir bar aghuimin Abram gamua kamaghin migia ghaze, "Godin Bar Pin Itim overiam ko nguazimin ingari, a bar deragh ni damu.

20 Guizbangira, ni apaniba ko uariv sozi, Godin Bar Pin Itim nin akurazi, ni me abini, kamaghin, e an ziam fam.” Ezi bizir Abram iniziba bar, a 10plan akuabar da abigha 10in vamira isa Melkisedek ganingi.

21 Ezi gin Sodomin atrivim kamagh Abram migei, “Ni midorozimin inizir biziha ni bar adar suikigh. Egh nan gumazamizibara ua me ateghti, me na bagh izi.”

22 Ezi Abram ghaze, “Ikiavira Itir God, Godin Bar Pin Itim, overiam ko nguazimin ingarizim, ki an ziamin pamten kamagh mikimasa,²³ ki tong bar nin bizar muziari-tam inighan kogham, iniba isair tretba o dagarir asuabar beniba. Eghti ni kamaghin mikiman kogham, ‘Ki ubi Abram gamizi a bizar bar avirim iti.’²⁴ Ki ubi ki biziham inian kogham. Bizar nan midorozir gumaz-iba ameziba ki darara iniam. Eghti nan namakar 3pla, Aner, Eskol ko Mamre, me uari bagh naba iniam.”

15

*God Abram koma
Akar Dikirizir Gavgavim gami*

¹ Ezi bizir kabar gin, Ikiavira Itir God ire-bamin min bizimin aven akam isa Abram ganiga egha ghaze:

“Abram ni atiatingan marki.
Ki nin oramin min ikiam,
eghti ni nan apazangin deravira
ikiam.
Eghti ki ni damighti
nin ziam bar pin ikiam.”

² Ezi Abram an akam ikaragha ghaze, “O Ikiavira Itir God, nan Ekiam, ki ubi boriba puvati, ni manmaghin na damighti ki ziar ekiam iniam? Ki oveghti nan biziha iniamin gumazim an ziam Elieser, a Damaskusian gumazim. ³ Ni boritam na ganigzir pu-vati, ezi nan dipenimin otozir ingangarir gumazir kam, a nan danganim inigh nan biziha iniam.”

⁴ Ezi Ikiavira Itir God Abram kamagh a migia ghaze, “Ingangarir gumazir kam nin biziha inian kogham. Nin borir nin otoghamira nin danganim inigh, egh nin biziha iniam.”

⁵ Egha Ikiavira Itir God Abram inigha azenan ghua a migia ghaze, “Ni kogh overiamin mikovezibar gan. Ni bar da mengam? Ti puvati. Guizbangira, nin ovavir boriba bar avirasemegh mikovezibar dibonomin min mangam.”

⁶ Ezi Abram nighnizir gavgavim Ikiavira Itir Godin itima an a dibora ghaze, a nan damazimin dera.

⁷ Egha ana migia ghaze, “Kirara ki Ikiavira Itir God. Ni Kaldian danganimin itir nguibam Urin itima, ki nin diagha ni inigha iza nguazir kam ni ganingi, egheti ni an afeziamin ikegham.”

⁸ Ezi Abram ghaze, “O Ikiavira Itir God, nan Ekiam, ki manmagh fogh suam, ki nguazir kam guizbangira a iniam?”

⁹ Ezi Ikiavira Itir God ghaze, “Ni bizar kaba inigh izi na daningigh: bulmakaun amebar azenir 3pla itim ko, memen amebar azenir 3pla itim ko, sipsipin apurir vamiran azenir 3pla itim ko, kuarazir muziarir me bunbam arizir pumuning, ni bar da inigh na bagh izi.”

¹⁰ Ezi Abram bizar kaba bar ada inigha Ikiavira Itir God bagha izi. Egha asizir kaba vaghvagha da abiaghariqha akuar pumuningin dagh ami, egha dar akubar bizar pumuningin dar bora da arik. Egha kuarazimning rughirama aning ati. ¹¹ Ezi kuarazir isar maba izaghira asizir kabar amasava amima, Abram men agira.

¹² Ezi aruem bar uaghirma Abram bar akuava ongani. Egha garima mitater ekiam anevarazima a bar atiatingi. ¹³ Ezi Ikiavira Itir God kamagh Abram migia ghaze, “Ni bizar kam gifogh, nin ovavir boriba mangi kantrin igharazimin aven nguibar igharazimin gumazamizibar min ikiam. Egh pura men ingangarir gumazibar min ikiam. Egheti kantrin kamin gumazamiziba 400plan azenibar pazi me damuam. ¹⁴ Egheti ki osimtizir ekiam isi kamagh pazi me damuamin gumazibar aningam. Egheti nin ovavir boriba bizar bar avirim inigh egh kantrin kam ategh azenan izam. ¹⁵ Egheti ni ubi bar navir amirizimin iki mangi aseghiva aremegham, egheti me ni afagh. ¹⁶ Egheti nin ovavir boriba ua zuamira nguazir kamin izeghan kogham. Nin adarazi mangi namba 4in ovavir boriba otivigh egh uamattegh nguazir kamin izam. Ezi Amorin iti darazi datirighin arazir kurar aviratabagh amir puvati. Me gin arazir kuratabar amuti, ki mizazim me gasegh egh nguazir kamin me batuegham. Egheti nin ovavir boriba uamattegh izam.”

¹⁷ Ezi aruem uaghirma mitatem otogha gifa, ezi bizar pumuning oto: nguazir miner avim isim ko adenir avim. Ezi avivgharim miner kamin anagava otifi. Ezi bizar kamning, asizir Abram akuar pumuningin biaghariqha bizimin arighizir kabar tongin zui. ¹⁸ Ezi dughiar kamra Ikiavira Itir God Akar Dikirizir Gavgavim

Abram koma a gamua ghaze, "Ki nguazir kaba isi nin ovavir boribar aningam. Eghti men nguazimin mitaghniam Isipin kantrin dipar miriamin ikegh mangi Yufretisın Faner ekiamin tugham." ¹⁹ Eghti me Kinian nguazim, Kenasian nguazim, Katmonian nguazim ko, ²⁰ Hitian nguazim, Peresian nguazim Refaimian nguazim ko, ²¹ Amorian nguazim, Kenanian nguazim, Gargasian nguazim ko, Jebusian nguazim, me bar men nguazir kaba iniam."

16

Hagar Abram'in amuimin min oto

¹ Ezi dughiar kamin Abram'in amuimin Sarai, a boriba puvati. Ezi Isipin kantrin amuzir mam a ko iti. A Sarain ingangarir amizim, an ziam Hagar. ² Ezi Sarai Abram migia ghaze, "Ni orakigh, Ikiavira Itir God boritam batan nan angoroke, ezi ki boritam batan kogham. Ezi ki nin azangsisi ni mangi nan ingangarir amizim ko dakuighti, a ti na bagh boritam batam." Ezi Abram Sarain nighnizim mirara ghu. ³ Ezi Sarai uan ingangarir amizim Hagar isa Abram'in amuimin min a ganingi. Dughiar kamin Abram Kenanın nguazimin itima 10plan azeniba gifa. ⁴ Ezi Abram Hagar koma akuizi, Hagar navim asangi. Dughiar kamin Hagar uabira ubi gifo a navim asangi, egha ubi pirafa Sarain akaba barazir puvatı.

⁵ Ezi Sarai kamagh Abram migei, "Hagar nan akaba barazir puvati, kar nin osimtizimra. Guizbangıra ki ubi a isa nin amuimin min ni ganingi. Ezi datirighin a ubi gifo a navim asangi, egha ubi pirafa, egha nan akaba barazir puvati. Ezi Ikiavira Itir God uabi ni Abram, ko nan migirigiba tuisighasa ki ifonge."

⁶ Ezi Abram kamaghin Sarain akam ikaragha ghaze, "Ni oragh Hagar pura nin ingangarir amizir kinim. Ni a gativazi, a pura nin apengan iti. Nighnizir manam ni a damusi, puram a damu." Ezi Sarai Hagarin apanimin ikia arazir kurabar a gami, ezi Hagar arav ghu.

⁷ Egha a gumazamiziba puvatizir danganimin ghua, egha Surin ngeubamin zuir tuavimin itir dipar atuimin otogha avughsı, ezi Ikiavira Itir Godin enselin mam a bato. ⁸ Egha ensel kamaghin a migei, "Hagar, Sarain ingangarir amizim. Ni managh ikegha izi, egha managhira zui?"

Ezi Hagar a ikaragha ghaze, "Ki Sarai ategha an ari."

⁹ Ezi ensel a migia ghaze, "Ni uamategh Sarai bagh mangi egha an akaba baragh."

¹⁰ Egha ensel ua kamagh a migia ghaze, "Ki nin ovavir boribar amighti me bar avirasemegham, eghti gumazitam men dibobonim mengiva avegham."

¹¹ Egha Ikiavira Itir Godin ensel ua migei: "Ni orakigh. Ni borim batamin dughiam, a roghira izi.

Guizbangıra, ni osimtizim iti, ezi Ikiavira Itir God nin osimtizim baraki.

Kamaghin, ni otarim bategh ziam Ismael a datigh.*

¹² Eghti nin otarim, donkin atiamin min ikiam.

A gumazamiziba bar, me ko misoghti me an apanim damuam.

Egha uan adarazi ko deragh daperaghan kogham."

¹³ Ezi gin Hagar kamaghin nighnisi, "Ame! Guizbangıra, kar Ikiavira Itir God, a uan akam na ganingi. Ezi Godin nan garim, ki ubi an ganigha egha angamira ikiavira iti!" Kamaghin a ziar kam Ikiavira Itir God ganingi, "Biziba Bar Dar Garir God."†

¹⁴ Ezi bizir kam bagha gumazamiziba mozir dipar kam dibora ghaze, "Godin Zurrara Ikia Nan Garim." Mozir dipar kam Kadesin ngeubamin ko Beretin ngeubamin tizimin ikiavira iti.

¹⁵ Ezi Hagar Abram'in otarim batezi, Abram ziam, "Ismael," a gati. ¹⁶ Ezi Hagar Ismael batamin dughiam, Abram 86plan azeniba iti.

17

Abram ziar igiam ini

¹ Ezi Abram gin azenir 99pla anetuzima, Ikiavira Itir God a batogha a migia ghaze, "Ki Gavgaviba Bar Itir God. Ni zurara nan akam baragh, nan apengan ikiva nan damazimin deragh arazir aghuubar amu. ² Ki uan Akar Dikirizir Gavgavim ni koma a damu, egh ovavir borir bar avirim ni daningam, eghti me bar avirasemegham."

³ Ezi Abram ua teviming apirigha guam nguazim girizi, God a migia ghaze, ⁴ "Ni oragh. Ki ni ko Akar Dikirizir Gavgavir kam gamigha kamaghin migei. Ni kantrin bar avirimin gumazamizibar ovavimin otogham. ⁵ Eghti nin ziam datirighin uam Abram puvatigham. Guizbangıra, ki ni damichti, ni kantrin aviribar gumazamizibar ovavimin otogham. Ezi kamaghin, datirighin nin ziam, Abraham.* ⁶ Eghti ki nin ovavir boribar amighti me bar

* **16:11:** Hibrun akamın ziar kam, "Ismael," an mingarim mong kamaghın ghu, "God orası." † **16:13:** Hibrun akam deragha migirigar kamin mingarim abighizir puvati. **16:15:** Galesia 4:22 **17:5:** Rom 4:17 * **17:5:** Hibrun akamın ziar kam, "Abraham," an mingarim mong kamaghın ghu, "Kantrin aviribar gumazamizibar afeziam." **17:7:** Luk 1:55

avirasmegh mangi kantrin gavgavitabar otivam. Egh men tarazi atrivibar otivam. ⁷Egh ki ni ko nin ovavir borir gin otivamiba ko Akar Dikirizir Gavgavim akiram. Eghti Akar Dikirizir Gavgavir kam gavgavigh mamaghira ikiam. Akar Dikirizir Gavgavir kam kamakin, ki nin God, egha nin ovavir boriba uaghan, ki men God. ⁸Ezi Kenanin nguazir ni datirighin puram aperaghav itir kam, kar igharaz darazir nguazim. Eghti ki ni ko nin ovavir borir gin otivamiba, ki Kenanin nguaziba bar da isi, ia dandingam. Eghti nguazir kam, a ian nguazimin iki mamaghira ikiam. Eghti ki nin ovavir boribar Godin ikiam.”

God me migia ghaze, me gumazibar mikarzir mogomebar iniba aghoregh

⁹Ezi God Abraham migia ghaze, “Ni ko nin ovavir borir gin izamiba, ia bar nan Akar Dikirizir Gavgavimin gin mangi. ¹⁰Egh ia nan Akar Dikirizir Gavgavimin gin mangisi arazir kam damu. Ia uan adarazir tongin uan gumazibar mikarzir mogomebar iniba bar dar ghoregh. ¹¹⁻¹²Ian otarir iririviba 8plan dughiaba otoghti ia dughiar kamra me mikarzir mogomebar iniba aghoregh. Egh ia uan ingangarir gumazibar mikarzir mogomeba uaghan dar ghoregh, egh ian ingangarir amiziba otezir otariba, ko ia igharaz darazi da ivezezir ingarir gumaziba ia uaghan dar aghoregh. Ian gumaziba ko otariba bar kamaghin damuvira ikiam. Eghti arazir kam, a nan abanimin min ikiam, egh a ian akagh suam, ki ia ko Akar Dikirizir Gavgavir kam gami. ¹³Ia uan gumazibar mikarzir mogomeba bar dar ghoregh. Eghti dighorezir arazir kamin duar kurim ian mikarzibar ikiti, gumazamiziba bar fogh suam, Akar Dikirizir Gavgavir ki ia ko amizir kam a surara ikivira ikiam. ¹⁴Egh me tavin mikarzir mogomemin inim atughan koghti, gumazir kam ki ia koma amizir Akar Dikirizir Gavgavir kam abiki. Eghti me a batueghti, a uan adarazir aven ikian kogham.”

¹⁵Egha God Abraham migia ghaze, “Datirighin ikegh mangi ni uam uan amuim ziam Sarai, a darighan marki. Datirikin, an ziam Sara. ¹⁶Ki deragh Sara damuti, a ni bagh otarim batam. Ki Sara deragh a damuti, a kantrin aviribar gumazamizibar inaghamimin otivam, egha men tarazi atrivibar ikiam.”

¹⁷Ezi Abraham tevimning apirigha guam nguazim giri. Egha averara uan nighnizimin kamagh aka ghaze, “Gumazir azenir 100pla itim ti boritam afangam? Ezi Sara azenir 90pla iti, a ti boritam batam?”

¹⁸Egha Abraham God migia ghaze, “Kamaghin deragh, ni Ismaelrama eghuva deragh an gan.”

¹⁹Ezi God ghaze, “Ni mamagh mikiman marki. Nin amuim Sara navim asegh egh otaritam bateghti, ni ziam Aisak a datigh. Eghti ki Akar Dikirizir Gavgavim a ko an ovavir borir gin otivamiba koma a damuam. Eghti Akar Dikirizir Gavgavir kam zurara iki mamaghira ikiam. ²⁰Ezi ki Ismael deragh an ganasa ni nan azangssi. Ki deragh a damu, egh borir aviriba a dandingam, egh an boribar amighti me bar avirasmegham. Egh a 12plan gumazir danpan kabar afeziamin otogham. Eghti ki an adarazir amighti me ikizir gavgavimin otogham. ²¹Eghti ki uan Akar Dikirizir Gavgavim Aisak ko a damuam, borir Sara dughiar kamran azenir munamin otamim.”

²²Egha God akar kam gamigha givagha Abraham ategha ghu.

²³Ezi dughiar kamra, Abraham Godin akamin gin ghua, uan adarazir gumazibar mikarzir mogomebar iniba bar ada aghore. Egha uan otarim Ismaelin mikarzir mogomemin inim aghora, egha ingangarir gumazir kinir men amebaba Abrahamin dipenimin otezibar mikarzir mogomebar inibar aghora, egha ingangarir gumazir a igharaz darazi dam ivesezibar mikarzir mogomebar inibar aghore. ²⁴⁻²⁵Dughiar kam Abraham uabi 99pla azeniba gifa, ezi an otarim Ismael 13pla azeniba itima, me aningin mikarzir mogomemning inimning atu. ²⁶Dughiar God akam Abraham ganingizimra, Abraham uan otarim Ismael ko, me aningin mikarzir mogomemning inimning atu. ²⁷Egha uaghan Abrahamin dipenimin aven itir gumaziba bar, ingangarir gumaziba ko, gumazir me Kantrin Igharazibar Gumazamiziba da ivezeziba sara, me bar men mikarzir mogomebar iniba aghore.

18

Ikiavira Itir God ghaze, Sara otaritam batam

¹Egha gin Ikiavira Itir God Mamren nguibamin temer ekiabar apengan Abraham bato. Aruer mamin aruem bar puvira isima, Abraham uan purirpenimin tiar akamin aperaghav iti. ²Egha a kogha gumazir 3plan gari me tuivighav iti. A men ganigha uan purirpenim ategha zuamira ivegha me bagha ghu. Egha teviming apirigha aviragh guam nguazim giri.

³Egha kamaghin migei, “O nan gumazir ekiam, ki ian ingangarir gumazim. Ia nan dipenimin izasa ki bar ifonge. Ia nan dipenim gitagh pura mangan marki. ⁴Ki tav

mikemehtı a dipatam inigh iziti, ia uan dagariba ruegham. Eghti ia temer ekiar kamin povimin avughsam. ⁵ Eghti ki dagheba ia danighti ia gavgavim uari danigh egh ua mangi. Kirara, ian ingangarir gumazim, ia nan dipenimin izezi, ki ian akurvaghosa.”

Ezi me kamaghin migei, “A dera, ni migei moghin damu.”

⁶ Ezi Abraham zuamira purirpenimin aven ghua kamagh Sara migei, “Ni plauan beghin ekiar aghuitam inigh egh zuamiram a giragh bretba tuegh.” ⁷ Egha Abraham uan bulmakauba bagha iveauha ghua mikarzim sara itir mam inigha ize. Egha a isa uan ingangarir gumazim ganingizi a zuamiram a misuegha aneghoregha a isami. ⁸ Ezi asizim isigha givazima, Abraham asizir kam ko, bulmakaun otereborim ko, bulmakaun otereborimin ingarizir sis sara inigha ghua gumazir 3plan kabar afa. A me ganingizi me da apima, a men boroghin tememin apengen tughav iti.

⁹ Egha me amegeha givagha, Abrahamin azara, “Nin amuim Sara, a managh iti?”

Ezi Abraham ghaze, “A purirpenimin aven iti.”

¹⁰ Ezi men mav, a ubi Ikiavira Itir God, a kamaghin migei, “Azenir girakirangan itimin iakinir kamran ki uamategham, eghti nin amuim Sara otaritam ikiam.”

Ezi Sara purirpenimin tiar akamra ikia gumazir kamin akirangan, ikia akar kam baraki. ¹¹ Dughiar kam Abraham ko Sara virara ghurigha gifa. Ezi Saran dughiar a boritam batamim, a gifa.

¹² Egha uabira ubabin ingarava ati. Egha uabira ubabi migia ghaze, “Ki ghurigha gifa, ezi nan mikarzim apunapuni. Ezi nan gumazir ekiam uaghan ghuri. Ki manmaghin boritam iniamin agoroger kam ikiam?”

¹³ Ezi Ikiavira Itir God kamaghin Abrahamin azara, “Sara manmaghsua aka ghaze, ki ghurigha gifa, egh ua boritam batam tuaviba puvati? ¹⁴ Abraham, ni orakih, Ikiavira Itir God bizitam damusi iburaghan kogham. Azenir munamin iakinir kamran, dughiar ki diborozimin ki uamategham. Eghti dughiar kamra Sara otarim ikiam.”

¹⁵ Ezi Sara atiatigha ifara ghaze, “Ki akezir puvati.”

Ezi a ghaze, “Ni guizbangiram ake.”

¹⁶ Ezi gumazir kaba dikavigha zui. Ezi Abraham dikavigha mangamin tuavimin men akaghosa. Egha me ghua danganir mamin tuivigha, gara uaghira Sodomin nguibamin gari.

¹⁷ Ezi Ikiavira Itir God kamaghin nighnisi, “Bizir ki damuamin kam, ki Abrahamin ghuangsighan aghua. ¹⁸ Guizbangira, an

ovavir boriba bar avirasemegh kantrin gavgavimin otogham. Eghti Abraham bangin ki nuguazir kamin itir ikiziba bar dar gumazamiziba bar deragh me damuam. ¹⁹ Ki kamaghin ifonge, Abraham uan boriba ko uan ovavir boribar sure damichti me Ikiavira Itir Godin akamin gin mangam. Egh me arazir aghuiba ko arazir nan damazimin derazibara darara gin mangam. Kamaghin, ki ua bagha Abraham ginaba. Egh gin ki uan akar dikirizimin gin mangi, Abraham deraviram a damuam.”

²⁰ Egha Ikiavira Itir God Abraham migia ghaze, “Arazir bar kurar Sodom ko Gomoran otivibar eghaghanir bar aviriba otifi. ²¹ Kamaghin ki magiri gumazir arazir kabagh amibar ganigham. Egh ki fogham, eghaghanir ki oregha fogha givazir kaba, da ti guizbangira, o puvati.”

²² Egha gin gumazir pumuning dikavigha Sodomin ghu. Ezi Ikiavira Itir God Abraham ko tughav iti.

²³ Ezi Abraham sivagha an boroghin ghua an azara, “Ni ti gumazir aghuiba ko kuraba sarama asighasigham? ²⁴ Ti 50pla gumazir aghuiba nguubar kamin ikiti, ni ighazariba sara me gasighasigham? Ni ti 50plan gumazir aghuir kabagh nighnigh nguubar kam ateeghti a ikiti, ni a gasighasighan kogham? ²⁵ Ni gumazir aghuiba ko kuraba sarama asighasigham, kar arazir aghuim puvati. Ni gumazir aghuiba ko kuraba, arazir vamiran me damuan marki. Ni nguaziba bar dar garir Jas, egh ni arazir aghuiba damuam.”

²⁶ Ezi Ikiavira Itir God kamaghin an akam ikaragha ghaze, “Ki Sodomin nguibamin itir gumazir aghuir 50plan ganti me ikiti, ki gumazamiziba bar me ateeghti me ikiam. Eghti gumazir aghuir kaba, me ovengan kogham.”

²⁷ Ezi Abraham ua kamaghin migei, “Ekiam, ki bizar aviribav kimti, ni nan ataran marki. Ki pura gumazir kinim, egh bizitam mikiman kogham. ²⁸ Eghti gumazir aghuir 50pla puvatigghi, 45plara ikiti, ni nguibam bar a gasighasigham, o puvatigghi?”

Ezi Ekiam ghaze, “Ki 45plan gumazir aghuiba ganigh egh nguibam gasighasighan kogham.”

²⁹ Ezi Abraham ua migei, “Eghti gumazir aghuir 40pla ikiti manmaghin damuam?”

Ezi Ekiam ghaze, “Ki gumazir aghuir 40plan ganigh egh nguibam gasighasighan kogham, eghti gumazir aghuir kaba ovengan kogham.”

³⁰ Ezi Abraham kamaghin migei, “Ekiam, ki ua bizitam mikimasa. Ni ataran marki. Eghti 30pla ikiti manmakin?”

Ezi Ekiam kamaghin migia ghaze, “Ki 30plan gumazir aghuibar ganigh egh nguibam gasighasighan kogham.”

³¹ Ezi Abraham ua ghaze, “Ekiam, ni nan migirigiar avirir kaba bagh nan ataran marki. Eighti gumazir aghuir 20pla ikiti manmakin?”

Ezi Ekiam ghaze, “Ki gumazir aghuir 20plan ganigh, egh ki nguibam gasighasighan kogham.”

³² Ezi Abraham ua ghaze, “Ekiam, ki akatam ua ni mikimasa. Ni nan ataran marki. Eighti gumazir aghuir 10pla ikiti, manmakin?”

Ezi Ekiam ghaze, “Ki gumazir aghuir 10plan ganigh egh nguibam gasighasighan kogham. Eighti gumazir aghuir kaba oven-gan kogham.”

³³ Ezi Ikiavira Itir God Abraham ko uaning mikemegha givagha ghu. Ezi Abraham ua-mategha uan dipenimin ghu.

19

Sodomia arazir kuram gami

¹ Ezi Lot guaratighin Sodomin nguibamin uari akuvir tiar akamin aperaghav iti. Ezi enselin Ikiavira Itir God ko ghua Abra-hamin ganizminning, datirighin iza Sodomin nguibam oto. Ezi Lot aningen garima an-ing izima a dikavigha aning bagha zui. Egha tevimming apirigha aviragha guam nguzaim giri. ² Egha ghaze, “Gumazir Ekiamning, ki guan ingangarir gumazim, ezi gua nan dipenimin izi. Gua uan da-gariba faragh da ruegh, egh dimangan nan dipenim daku. Egh amimin tiraghti gua dikavigh mangi.”

Ezi aning an akam ikaragha ghaze, “Puvati. Ga me uari akuvir danganir kam dakuam.”

³ Ezi Lot mighighavira aning migeima, an-ing gin a ko dipenimin ghu. Ezi Lot uan ingangarir gumazibav kemezima me bretin yis puvatibuska tuegha aning bagha dagher aghuibagh ami. Ezi aning api.

⁴ Ezi aning tighar misiabar mangasava anima, Sodomin gumaziba iza dipenim avini. Nguibamin itir gumazir igiaba ko ghuriba bar moghira izi. ⁵ Egha me Lotin dia ghaze, “Gumazir iza nin dipenim gakuimning mana? Aning amadaghti aning azenan iziti, e poroghamiba uari ko akuava amir arazir kurabar aning damuasa.”

⁶ Ezi Lot azenan ghua tiam deragha ane-sara. ⁷ Egha me migia ghaze, “Nan aveg-hbuuba, ia oragh. Ia arazir kurar kam damuan marki! ⁸ Ki guivir pumuning iti, aning gumazitam koma akuizir puvati. Ki aning inigh egh ia bagh azenan izam, eighti ia uan ifongiam aningen anegifagh. Eighti

gumazir nan dipenim gakuimning ki der-agh aningin ganam. Kamaghin ia arazir kuratam bar aning damuan marki.”

⁹ Ezi Sodomia migirigiar kam baregha ghaze, “Gumazir kam, a nguibar igharazimin gumazim, egha a en araziba tuisighasava ami. Ni e gitagh. Ni e gitaghan koghti, e arazir kurabar aning damuam. Egh e uaghan mizazitam ni gasegti ni fogham, nin mizazim, aningin mizazim gafiraghram.” Egha me ua Lotin suiraghha a munasaragha egha tiam akarasa.

¹⁰ Ezi gumazir dipenimin aven itimning dafarim azenan anemadagha Lotin suiraghha, uam a inigh aven izegha tiam asara. ¹¹ Egha aning azenan itir gumazibagh amizi, men damaziba pirizima, me ua dipenimin tiar akamin garir puvati.

Lot Sodom ataki

¹² Ezi gumazir kamning kamagh Lotin azara, “Nin tarazi uam nguibar kamin aven iti? Ni uan boriba ko uan amereba ko nin adarazi kagh iti, ni bar me inigh egh nguibar kam atakigh. ¹³ Ga nguibar kam gasighasigham. Nguibar kamin aven, bar eghaghanir bar kurar igharagha gariba otivizi, Ikiavira Itir God da baregha gifa. Kamaghin, a ga amadazima ga nguibar kam gasighasigha izi.”

¹⁴ Ezi Lot gumazir an guivimningin iki-asu me inabazimning bagha ghu. Egha an-ing migia ghaze, “Ikiavira Itir God nguibar kam kuvarimasa, kamaghin gua dikavigh nguibar kam bemiram anetakigh.” Ezi an-ing ghaze, a ti pura ikarara migei.

¹⁵ Ezi amimin tiragha givazi enselning Lotin avigha ghaze, “Atamra. Ni uan amuim ko guivimning inigh, egh nguibar kam atakigh. Ni suighsuigh gumazamizir kaba sara ovegham.”

¹⁶ Ezi Lot nighnizir aviribagh ami. Ezi guizbangira, Ikiavira Itir God Lotin apangkufi. Kamaghin amizi, enselning a ko, an amuim ko guivimning dafaribar suigha egha nguibar kam ategha azenan ghu. ¹⁷ Egha aning me inigh azenan ghugha givagha, kamaghin me migei, “Ia zuamiram arimangehh, puvatighti ia uaghan ovegham. Ia uamategh ragh gin ganan marki. Egh ia danganir zarir munamin dapiagh avughsan marki. Ia ovengan aghuaghsa, egh ari mighsiabar ghuavanang.”

¹⁸ Ezi Lot ghaze, “Ekiam, ki ni na migei moghin damuva avegham. ¹⁹ Ni na barakigh. Ni bar nan apangkuvigha ingangarir aghuim nan akurvaghassava a gami. Ezi mighsiaba bar saghon mar iti, ezi ki zuamira da bagh mangiva avegham.

Ki mangivira ikiti, nguibam ikuvighti ki uaghan mizazim inigh ovegham.²⁰ Ni nguibar muziarir munamin gari a munagh iti. A roghira iti, ezi ki zuamira an angigham. A nguibar dozim. Ni na ateghti ki nguibar kamin manigh egh osimtzir kam gitagham.”

²¹ Ezi ensel ghaze, “A dera. Ki nguibar ni mangasa migeir mam gasighasighan kogham. ²² Aria, ni atamra mangi. Ki bizitam damuan kogh mangi, dughiar ia mangi nguibar kamin otoghamim.” Ezi Lot ghaze, nguibar kam bar sufi, ezi me gin nguibar kam, Soar a garisi.*

Ikiavira Itir God Sodom ko Gomora gasighasiki

²³ Ezi aruem tighar maghin anagavira itima, Lot Soarin nguibamin otogha gifa.

²⁴ Ezi bar zuamira Ikiavira Itir God dagiar isiba ko avim amadazi, da amozimin min overiamin ikia Sodom ko Gomora giri.

²⁵ Egha a nguibamning viraram aning gasighasigha danganir zarir aning itim sarama asighasiki. Egha gumazamizir nguibar kamninin itibagh asighasigha egha nguazir kamin itir aghuir biziba sara bar dagh asighasiki.

²⁶ Ezi Lotin amuim an gin iza, egha ua ragha gin gara, egha maghira solin min otogha dipenir akinimin min asaraghav iti.

²⁷ Ezi amimzaraghan bar mizaraghara Abraham ghua danganir a faragha Ikiavira Itir God ko tughav ikia mikemezimin ghu.

²⁸ Egha a Sodom ko Gomora, ko danganir zarir aning itir kam bagha gari, egha gari avir ekiamin migharim nguazimin ikegha overiamin ghuavanadi.

²⁹ God nguibar nguazir zarir kamin itiba bar adagh asighasiki. Egha an Abraham ginighnigha, nguibar Lot itim gasighasigha, Lot gamizi an osimtzir kam gita.

Moapia ko Amonian adarasi

³⁰ Ezi Soarin nguibamin ikian atitgha uan guivimning inigha mighsiabar ghuavanabo. Egha me dagiar torir mamin aven iti. ³¹ Egha an guivir ekiam kamagh uan afumim migei, “Gan afeziat ghurigha gifa. Ezi nguazir kamin danganiba bar guaziba puvati. Ezi gumazamiziba faragha uarir iti moghin tina gan ikiam.” ³² Aria, ga uan afeziat wain taba a danighti an onganighthi, ga a ko dakuighti, a boriba ga daningam. Eighti gan afeziat adarazi ikivira ikiam.”

³³ Egha dimangan aning wain isa uan afeziat ganingizi an ongani. Ezi guivir

ekiam a koma akui. Aningin afeziat wain amegha bar organigha fozir puvatizi guivim a koma akui.³⁴ Egha amimzaraghan guivir ekiam uan afumim migia ghaze, “Ki bogiran dimangan afeziat komaakuha gifa. Ga datirighin dimangan afeziat wainin taba uam a daningam. Eighti ni ki amizi moghin ni a ko daku, eighti a boritaba ga danighti gan afeziat adarazi iki mangivira ikiam.” ³⁵ Egha dimagarir kamin aning uan afeziat wain a ganingizi a uam ongani, ezi guivir dozim a koma akui. Afeziat faragha wain amegha onganigha fozir puvatizi moghira guivir dozim a koma akui.

³⁶ Egha tuavir kamin Lotin guivimning afeziat dam boriba ini. ³⁷ Ezi guivir ekiam otarir mam bategha ziam, “Moap,” a gati, ezi gin a Moapian ovavimin oto.†

³⁸ Ezi guivir dozim uaghan otarim bategha ziam, “Benami,” a gati, ezi gin an Amonian ovavimin oto.‡

20

Abraham ko Abimelek

1-2 Dughiar kamin Abraham Mamren nguibam ategha ghua Negevin danganimin amadaghan, Kades ko Surin nguibar tizimining apura. Egha gin a uan amuim Sara ko ghua Gerarin nguibar ekiamin apura. Egha Gerarin gumazamizibav gha ghaze, “Sara nan amizim.” Ezi Gerarin atrivim Abimelek, uan ingangarir gumaziba amangizi me ghua Sara inigha a bagha izi.

³ Ezi dimangan God Abimelek irebamin a migia ghaze, “Ni tizim bagha pam itir amizim ini. Kamagh amizi ni ovengam.”

⁴ Dughiar kam Abimelek tighar maghin Sara ko dakuam, egha kamaghin migia ghaze, “Ekiam, gumazitam osimtzitam damighan koghti, ni an ikizim ko me gasighasigham?” ⁵ Abraham ubi na migia ghaze, Sara nan amizim. Ezi Sara ghaze, Abraham nan tuebam. Ezi ki amizir kam inigha ghaze, ki arazir aghuimin a ini. Egha ki osimtziba puvati.”

⁶ Ezi God irebamin a ikaragha ghaze, “Are, ki fo, ni nighnizir aghuarim ikia kamagh ami. Ezi ki ubi nin amaman-gatizir puvatizi, ni a komaakuizir puvatigha nan damazimin arazir kuram gamizir puvati. ⁷ Gumazir kam, nan akam inigha izir gumazim, ezi ni datirighin amizim amadaghti, a ua uan pam bagh mangi. Eighti a ni bagh na ko mikimti, ni oveghan

* 19:22: Hibrun akamin, ziar kam, “Soar,” an mingarim mong kamaghin ghu, “Sufi.” 19:24: Matyu 10:15; 11:23-24;

Luk 10:12; 17:29; 2 Pita 2:6; Jut 1:7 19:26: Luk 17:32 † 19:37: Hibrun akamin, ziar kam, “Moap,” a mong akar kam ko magh ghu, “A nan afeziat bagha ize.” ‡ 19:38: Hibrun akamin, ziar kam, “Benami,” a mong akar kam ko magh ghu, “Nan anabamin borim.”

20:1-2: Jenesis 12:13; 26:7

kogham. Egh ni amizim amadaghti a ua mangighan koghti, ni uan gumazamiziba ko bar arimighiregham."

⁸ Ezi amimzaraghan Abimelek uan ingangaribar garir gumazibar diagha, bizar Ekiam a mikemeziba bar me mikeme. Ezi me bar atiatingi. ⁹ Ezi Abimelek Abraham diaghia an azara, "Ni bar arazir manmaghiram amizimin e gami? Ki arazir kurar manamra ni gamizi, ni na ko ki ativaghagiar darasi, e gamizi osimtizir arazir kam e bato? Arazir ni e gamizir kam, a bar derazir puvati."

¹⁰ Egha Abimelek ua kamaghin migia ghaze, "Ni nighnizir manamra ikia egha kamagh ami?"

¹¹ Ezi Abraham a ikaraghha ghaze, "Nan nighnizimra kara, ki ghaze nguabar kamin gumaziba Godin atiatir puvati. Me ti nan amuim inisi na misuegħi ki aremegħam. ¹² Egha ki ghaze, guizbangira Sara nan amizim. Ga afezjar vamira ikia, egha amebamning iħagara. Egha gin a nan amuimin oto. ¹³ Ki uan afezjā min dipenimin ikiavira iti, God nguazir iħarazibar mangasa nan deir dugħiġi, ki Sara migia ghaze, "Ni arazir aghuimin na damusi, egh ga daganir manabar mangi, ni gumazamiziba kamagh me mikim suam, Abraham nan tuebam."

¹⁴ Ezi Abimelek ua Sara isa Abraham ganingi. Egha puram sipsipba, bulmakauba, ingangarir gumaziba ko amiziba Abraham ganingi. ¹⁵ Egha Abraham migia ghaze, "Ni gan, nguazir kabanang da bar nana. Ni tam dapsi ifuegħ egh tam daperagh."

¹⁶ Egha kamagh Sara migei, "Ki 1,000 silvan dagiar kaba isa osimtizir ni batozim akirasa, nin tuebam ganid. Egho ni ko iti darazi kamaghin fogħ suam, ni osimtizitam gamizir puvati."

¹⁷⁻¹⁸ Ezi Abimelek Abrahamin amuim Sara gamizir arazir kam bangin, God an adarazir amizibar naviba apużi, me boriba batir puvati. Ezi Abraham God ko migeima, God Abimelek gamizi, a ua dera. Ezi Abimelekin amuim ko puram an ingangarir amiziba ua boriba bat.

21

Sara Aisak bate

¹ Ezi Ikiavira Itir God Sara mikemezi mogħin deragħa a gami. ² Ezi Abraham bar ghurizir dugħiġi, Sara otarim bate. A God inabazir dugħiġi, otarim bate. ³ Ezi Abraham kamaghin uan otarim ziam, "Aisak," a gati. ⁴ Sara Aisak batezi, 8plan dugħiġi otozi, Abraham Godin

migirigiamin gin ghua borimin mīkarzir mogomemin inim atu. ⁵ Ezi Abraham 100plan azenibar otozima, Sara Aisak bate.

⁶ Egha Sara kamaghin migei, "God arazir aghuimin na gamizi ki bar akeugħha ati. Egho gumazamiziba gin bizar kam baregħ, na ko bar akeugħ akam." ⁷ Ezi Sara ua ghaze, "Gumazit ti faragħa Abraham kamaghin a mikemegħi, 'Nin amuim Sara navim asegh boritam bategħi, egh oteba a daningam?' Ezi a ghurigha givazi ki an otarim bate." ⁸ Ezi borim ekevegħha givagħha ottem ataghizi dugħiā kamin, Abraham maburan isam gami.

Abraham Hagar ko Ismael batoke

⁹ Hagar, Isipian amizim, a faragħa Abrahamin ikia otarir mam bate. Ezi dugħiā mamin Sarai otarir iħarazir kamin gari, a Aisak ko ikararaghha arui. ¹⁰ Ezi an Abraham migia ghaze, "Ni ingangarir amizir kinim uan otarim ko aning batokeġħ. Ingangarir amizim borim nin bizitaba inian kogħam. Bizar kaba da bar nan borim Aisakin bizza."

¹¹ Ezi Ismael uaghan Abrahamin borim, ezi migirigiar otevirk kam Abraham gamizi a bar oseme.

¹² Ezi God Abraham migia ghaze, "Ni ingangarir amizim Hagar uan borim ko aning bagħ osiman marki. Ni Saran akam baragh, an gin mangi. Aisakramha nin ovavir boriba otivam. ¹³ Egho ingangarir amizim borim, a uaghan nin borim. Kamaghin, ki uaghan an ovavir boribar amighti me avirasemegħ kantrin gavgavim inotogħam."

¹⁴ Ezi amimzaraghan bar mizaraghha, Abraham dagħeja inighha egha memen inir me dipam tuasa isamizim ini. Egho an dipam tuighi, da isa Hagarin dipizim gati. Egho a borim isa a ganigha aning amadazi aning zui. Ezi Hagar Berseben nguibamin amadħiġħan gumazamiziba puvatizir danganim bar a garui.*

¹⁵ Ezi dipam givażima Hagar uan borim isa tevsevimin apengen aneti. ¹⁶ Egha a borimin ganti an ovengan aghuaghha ghua mong saħġon aperagħav iti. Egha azia iti.

¹⁷ Ezi God borimin ararem baraki, ezi an ensel Godin nguibamin ikia Hagarin diaghha a migia ghaze, "Hagar, manmagħi am? Ni atiatingan marki. God nin borimin ararem baregħa għifa. ¹⁸ Ni dikavigh mangi borimin agharim suriġaq feħ, egh a inigh. Ki an ovavir boribar amighti, me bar avirasemegħ ikizir gavgavim inotogħam." ¹⁹ Ezi God Hagarin damaziba kuizi, a mozir par mamin api. Ezi a ghua memen inimmin

^{21:2:} Hibru 11:11 ^{21:4:} Jenesis 17:12; Aposel 7:8

^{21:10:} Galesia 4:29-30 ^{21:12:} Rom 9:7; Hibru 11:18

* ^{21:14:} Hibrun akam deragħha migirigiar kamin mingarim abighiżżejj puvati.

dipam tui. Egha dipam isa borim ganingizi an anepi.²⁰ Ezi God borim ko itima an ekefe. A gumazamiziba puvatizir danganimin iki-ava ekevegha, barir pimin asir fofozir bar ekiam iti.²¹ Egha gin a Paranin gumazamiziba puvatizir danganimin itima, an amebam a bagha Isipian amizir mam ini.

Abraham Abimelek ko akam akiri

²² Dughiar kamin Abimelek ko an midorozir gumazibar faragha zuir gu-mazim Fikol, Abraham bagha ghua Abimelek kamaghin a migei, "Ki gari, bizar ni amiba, God ni ko ikia deraghavira ni gami.²³ Egh ni Godin damazimin na ko akam akirigh, egh ni ifavarir arazim na ko, nan boriba, ko nan ovavir boribar amuan marki, ki arazir aghuimra ni gami. Kamaghira ni arazir aghuimin na damu egh kantrin ni datirighin itir kam saram uaghan a damu."

²⁴ Ezi Abraham ghaze, "Ki ni mikemezir moghin ki akam akiri."

²⁵ Ezi Abraham uan mozir dipar Abimelekin ingangarir gumaziba inizim bagha, Abimelek ko migirigiam iti.²⁶ Ezi Abimelek ghaze, "Ki mamaghin fozir puvati. Ni fomira na mikemezir puvati. Ki datirighira mamagh orasi."

²⁷ Ezi Abraham sipsipba, memeba, ko bulmakauba Abimelek ganigha aning akar dikirizir gavgavim gami.²⁸ Egha Abraham uan sipsipbar tongin sipsipin nguzir amebar igiar 7pla inigha munagh ada ariki.²⁹ Ezi Abimelek an azara, "Ni tizim bagha mamagh ami?"

³⁰ Ezi Abraham ghaze, "Ni na dam, sipsipin nguzir amebar 7pla inigh. Egh arazir kamin kamagh akagham, kar ki uabi kuizir mozir pam."

³¹ Egha aning danganir kamin akam akiri. Ezi danganir kam, me ziam, "Berseba," a gati.[†]

³² Egha aning Berseban akar gavgavim akirigha givagha, Abimelek ko an midorozir gumazibar faragha zuir gumazim Fikol uamategha Filistian danganimin ghu.³³ Ezi Abraham Berseban temer mam akara, egha Ikiavira Itir Godin ziam fe, a Godin zurazurara ikiavira itim.³⁴ Egha Abraham dughiar bar ruarin, kantrin igharazimin gumazimin min Filistiabar nguazimin ike.

22

*God Abraham migia ghaze,
an Aisak isi an ofa damuam*

¹ Egha gin dughiar mam God Abrahamin nighnizir gavgavim gifoghasa a guizbangira

gavgaviz, ti puvati? Kamaghin an an dia ghaze, "Abraham!"

Ezi Abraham ghaze, "Ki kati."

² Ezi God a migia ghaze, "Ni otarir vamira iti Aisak, ezi ni bar a gifonge. Ni borir kam inigh egh Morian nguazimin aningti ki mighsiatnam nin akagham. Egh mighsiar kamin ni Aisak isi ofan bar isi mighiramim min na daningigh."

³ Egha bar mizaraghara Abraham donki inigha Aisak ko uan ingangarir gumazir pumuning ini. Egha ofan bar isia mighirim damuasa dazibar kuegha danganir God a mikemezimin zui.⁴ Egha namba 3in aruemkin Abraham danganir kamin gari a saghon ikiavira iti.⁵ Ezi a kamagh ingangarir gumazimning migei, "Gua donki ko kagh iki. Ki borim ko mangi ga munagh Godin ziam fam. Egh ga gin gua bagh uamategham."

⁶ Egha Abraham dazir ofan bar isi mighiramim damuamiba Aisak ganingizi, ana dagh isaghpu. Ezi Abraham sabam ko avim suiragha, aning zui.⁷ Aning tighar maghin ghua Aisak kamaghin an azara, "Afeziam."

Ezi Abraham ghaze, "Nan borim, manmaghin ami?"

Ezi Aisak an azara, "Afeziam, ki gari daziba ko avir ofan bar isi mighiramim damuamim iti, ezi sipsipin ofa damuamim mana?"

⁸ Ezi Abraham a ikaraghha ghaze, "Nan borim, God uabi ofan bar isi mighiramim damuamin sipsipin nguzim, ga daningam." Egha aning zui.

⁹ Egha aning danganir God mikemezimin otogha givagha, Abraham ofa gamir dakozimin ingarigha daziba a gisin da ariki. Egha uan otarim Aisak benimin a ike. Egha a isa ofa gamir dakozimin dazibagh isin aneti.¹⁰ Egha Abraham afuam inigha borim biraghi a aremeghasava ami.

¹¹ Ezi Ikiavira Itir Godin ensel, a Godin Nguibamin ikia dia ghaze, "Abraham! Abraham!"

Ezi Abraham a ikaraghha ghaze, "Ki kati."

¹² Ezi ensel a migia ghaze, "Ni uan borim misueghti an aremeghan marki. Egh arazitam min a damuan marki. Ni bar borir vamira ikia egha an anogoroghezir puvati. Ni a isi God daningasaviram ami. Kamaghin ki fo, ni gumazir Godin atatiava an apengan itim."

¹³ Ezi Abraham kogha sipsipin apurir mamin gari, an kom tevsevir mamin suirazima a iti. Ezi a ghua sipsipin kam inigha, a misuegha a isa ofan bar isi mighiramim damuasa a gaboro. Sipsipin

[†] 21:22: Jenesis 26:26 21:31: Hibrun akamin, ziar kam, "Berseba," mong akar otevir kamin mirara ghu, "Akar dikirizir gavgavim mozir pam." 22:1: Hibr 11:17-19 22:2: 2 Eghaghaniha 3:1 22:9: Jems 2:21

apurir kam Aisakin danganim inizi Aisak iti. ¹⁴ Ezi Abraham danganir kam ziar kam a gati, "Ikiavira Itir God Anungi." Ezi iza datirighin gumaziba ghaze, "Ikiavira Itir Godin uan mighsiam gisin biziba e daningam."

¹⁵ Ezi Ikiavira Itir Godin ensel Abraham uan an dia ghaze, ¹⁶ "Ki Ikiavira Itir God, guizbangira uabi uan ziam dibora ghaze, ni bar borir kamra ikia, egha an anogoroghezir puvati. ¹⁷ Kamaghin ki guizbangira ni migei, ki deragh ni damuva, nin ovavir boribar amighti me bar avirasemegham. Eghiti men dibobonim, mikoveziba ko gigimin dibobonim min ottivham. Eghiti nin ovavir boriba uan apaniba abinigh, egh men nguibaba iniam. ¹⁸ Guizbangira, ni nan akam baregha an gin ghu, kamaghin amizi, nin ovavir boriba bangin ki nguazir kamin itir ikizibar gumazamiziba, bar deravira me damuva."

¹⁹ Ezi Abraham Aisak inigha uamategha uan ingangarir gumazimning bagha ghu. Egha me ua Berseban ghugha Abraham bar moghira Berseban apera.

Nahorin adarazir ziabar

²⁰ Egha gin Abraham kamagh oraki, Milka otarir maba bate. Ezi Abramin dozim Nahor an amuim Milka. ²¹ Otarir kabar ziabar kara: Us, an otarir ivariam, ko Bus, ko Kemuvel (Kemuvel gin Aramin afeziamin oto) ko, ²² Keset, Haso, Pildas, Jitlap ko Betuel. ²³ Ezi Betuel a Rebekan afeziam. Milka Nahorin dughiamin otarir 8pla bate, ezi Nahor, an Abrahamin dozim. ²⁴ Ezi Nahorin amuir dozim, an ziam Reuma, a Teba, Gaham, Tahas ko Maka bate.

23

Sara aremez, Abraham a mozim darighasa nguazir mam givese

¹ Ezi dughiar kamin Sara 127plan azeniba iti. ² Egha nguabar ziam Kiriat Arban ikiava areme, nguabar kam an ziar mam Hebron, a Kenanin nguazimin iti. Ezi Abraham bar an apangkuwigha a baghava azi.

³ Egha a Saran kuam ataghizi a itima, a ghua Hitian adaraziv gia ghaze, ⁴ "Ki kantrin igharazimin gumazim, egha iza ian tongin apera. Nan amuim aremegha givazima ki ia dam nguazir asizitam givezegh egh a mozim darighasa."

⁵ Ezi Hitian gumaziba kamaghin migei, ⁶ "Gumazir ekiam, ni orakigh. Ni gumazir dapanir bar aghuim. Ni uan amuim en dagiar mozir aghuitamin anefi. En gumazitam nin anogoroghan kogham. Ni uabi danganir aghuitam ginabaghti, nguazimin afeziam pura ni daningam."

⁷ Ezi Abraham dikavigha tugha uan guam Hitian gumazamizibav suegha dapanim aviraghha, ⁸ egha kamaghin migei, "Ki uan amuimin kuam isi nguabar kamin a mozim darighsi ia nan amamangatigh, egh ia na bagh Soharin otarim Efronin azaragh, ⁹ eghiti a dagiar torir me kamagh diborim, Makpela na daningam. An Efronin nguazir miriamin ti. Ia a mikemeghti a dagiar torir kam na daningichti, ian damazibar ki iveauz bar a daningam, eghiti a dagiar torir kam, ki an ghuavim ikegham, eghiti a ki uan adarazir kuabar afamin danganimin min ikiam."

¹⁰ Ezi Efron uabi nguabar ekiamin danganir uari akuvimin, Hitian tongin aperaghav iti. Ezi Hitian gumaziba ikia orazi, Efron kamaghin Abrahamin akam ikaraghha ghaze, ¹¹ "Puvati, gumazir ekiam. Ni nan akam barakigh. Ni torir kam givezan kogham. Ki nguazir dagiar torim itir kam, a isi pura ni daningam. Nan adarazir damazimin ki datirighin nguazim ni danighti, ni uan amuim afam."

¹² Ezi Abraham ua gumazibar damazimin guam avira. ¹³ Egha men damazimin a Efron migia ghaze, "Efron, ki kamaghsua ni deravira kuarim atigh nan migirigiam baragh. Ki datirighin nin nguazir otevir kam givezam. Ni nan dagiaba initi, ki uan amuim nguazir kamin a mozim darigham."

¹⁴ Ezi Efron Abrahamin akam ikaraghha ghaze, ¹⁵ "Gumazir ekiam, ni oragh. Nguazir kamin iveauz a 400 silvan dagiabara. Ezi marki, kar gan bizim, a pura bizim. Ni pura nguazim inigha uan amuimin kuam afi."

¹⁶ Ezi Abraham akar kam gifongegha, gumazir biziba amaga dagh iveauzbar mirara, deraghha 400plan silvan dagiaba menegheha, nguazimin iveauz kamra isa, Hitian gumazibar damazimin nguazim giveza Efron ganingi.

¹⁷ Egha arazir kamin Abraham Efronin nguazir Makpelan itim ini, a Mamren nguibamin boroghin iti. A nguazim ko, dagiar torim ko, temer nguazir kamin itiba a bar moghira da ini. ¹⁸ Ezi Hitian gumazir migirigiar kam baraghha itiba, me bar kamagh fo, nguazir kam Abraham a ini. ¹⁹ Egha a nguazim inigha givagha, uan amuim Sara, an kuam isa dagiar mozir Makpelan nguazimin itim a mozim gati. Makpela a Mamren nguibamin boroghin iti. Egha Kenanin nguazimin iti. Mamren ziar igharazim, a Hebron. ²⁰ Ezi Hitian nguazir otevir kamin itir dagiar mozim, an Abrahamin adarazir kuabar afamin danganimin min oto.

24

Abraham Aisak bagha amuim buri

¹ Abraham datirighin ghurigha gifa. Ezi Abraham amir biziba, Ikiavira Itir God a uabi dagh ami, da bar deraghaviram otifi. ² Dughiar mam, Abraham uan ingangarir gumazimin diazi a izi. Ingangarir gumazir kam fomiram a ko ikia an biziba datirighin bar dar gari. Ezi Abraham a migia ghaze, “Ni uan dafarim nan buarakirimin apengan amadagh egh akar gavgavim na koma anekirigh. ³ Ni Ikiavira Itir Godin ziamin guizbangira mikim, a Godin Uan Nguibam ko nguazim gativazim. Egh ni Kenanin aven nguazir ki itir kamin, nan otarim bagh guivitam ginaman marki. ⁴ Puvati, ni nan bighara mangi egh nan adarazir tongin a bagh amizitam batogh, ehti amizim izi nan otarim, Aisakin ikiak.”

⁵ Ezi ingangarir gumazim kamaghin migei, “Ehti amizir kam uan nguibam ataghiraghan aghuaghti, ki manmaghira damuam? Egh ki ti nin otarim inigh ua nin adarazir bighan mangigham?”

⁶ Ezi Abraham a ikaragha ghaze, “Bar puvati! Ni nan otarim inigh uamategh nan bighan mangan kogham. ⁷ Ki fomira uan adarazir nguazimin ikia uan afeziamin dipenimin iti, ezi Ikiavira Itir God, a Godin Uan Nguibam gativazim, a na inigha kaghize. Egha an akar dikirizir gavgavim na koma a gamua ghaze, a nguazir kam nan ovavir boribar aningam. Ezi ki fo, a uan ensel amadaghti a nin faragh nan adarazi bagh mangi, nin akurvaghti, ni nan otarim bagh amizitam iniam. ⁸ Ehti amizim ni ko izan aghuagham, ehti akar ga dikirizir kam ua nin suighan kogham. Ehti ni nan otarim inigh nan nguibamin mangan bar markiam.” ⁹ Ezi ingangarir gumazim uan gumazir ekiam Abraham a mikemezir biziba bar dar amusaan, uan dafarim isa an buarakirimin apengan anemadagha, akar dikirizir gavgavim a koma a gami.

¹⁰ Ezi ingangarir gumazim Abrahamin 10plan kamelba ko bizar aghuir aviriba ini. Egha biziba bar da inigha egha Aramin nguazimin ghua Nahorin nguibamin zui.

¹¹ An otogha givagha kamelbagh amizi me mozir dipamin nguibamin azenan teviba apirigha apiaghav iti. Kar guaratizim, kar amiziba iza dipaba tuir dughiam.

¹² Ezi a kamagh God ko migia ghaze, “O Ikiavira Itir God, ni nan gumazir ekiam Abrahamin God. Ni nan gumazir ekiam apangkuvigh, egh datirighin nan ingangarim damighti, a guizbangiram otogh. ¹³ Ki mozir par kamin boroghin tughav iti, ezi amizir igiaba dipaba tusi izam. ¹⁴ Ezi ki kamaghin nin azai, ki amizir igiatam mikim

suam, ‘Ai, ki dipatam amasa, ni ti nan akuragh uan dipizimin miner dipam asigh a inigh izighiri.’ Ehti a suam, ‘Are, ni dami, ehti ki dipam uaghan nin kamelbar aningam.’ Ehti, tuavir kamra, ki fogham, amizir kamra ni uan ingangarir gumazim Aisak bagha a ginaba. Ehti bizar kaba otivighti ki fogham, ni nan gumazir ekiam Abraham bar an apangkuvi.”

¹⁵ Ezi ingangarir gumazim God ko migiavira itima, Rebeka izava oto. A miner dipam uan dipizim dafa. Rebeka a Betuelin guivim. Ezi Betuel a Nahor ko Milkam otarim. Ezi Nahor ana Abrahamin dozim. ¹⁶ Amizir igiam Rebeka, an ganganiba bar deragh tighar gumazitam ko dakuam. Egha mozir pam giraghugha uan miner pam tuigha uamategha anadi.

¹⁷ Ezi ingangarir gumazim a bagha ivegha ghua kamaghin a migei, “Ai, ni nan akuragh uan minemin dipar muziaritam na daningam?”

¹⁸ Ezi Rebeka ghaze, “Gumazir ekiam, ni dipam rami.” Egha a zuamira miner dipam uan agharimin an suiraghya izaghira an taghizi a dipam api.

¹⁹ Egha an amegha bar izivazima Rebeka a migia ghaze, “Ki nin kamelba dipam uaghan me danighti me dami izivaghram.”

²⁰ Egha a zuamira miner pam, asiziba dipam apir dagiar danganimin a inge. Egha a ivegha uamategna dipam tuasa ghu. A kamaghiram amua ghuavti kamelba bar dipam ame. ²¹ Ezi ingangarir gumazim migeir puvati. A pura damazibar an gari. Egha foghasa, Ikiavira Itir God uan ingangarim damighti a guizbangiram otivasa, o ti putatigham.

²² Ezi kamelba dipam amegha givazi, ingangarir gumazim ghua ring golin atinibagh azuum isa Rebekan atinim garu. Egha daveriar golin pumuning Rebekan agharimning garu. Ringin kamin osimtzim a 5 gremin tu, ezi daveriar kamningin osimtzim 100 gremin tu. ²³ Egha ingangarir gumazim ghaze, “Ni na mikim, ni tinan guivim? Egha ni manmagh nighnisi, nin adarazir dipenim danganitam ikiti, ki uan adarazi ko datirighin dimangan an dakuam?”

²⁴ Ezi Rebeka a ikaragha kamaghin migei, “Ki Betuelin guivim, ezi Betuel a Nahor ko Milkam otarim. ²⁵ Are, e kamelba damamin dagher aviriba iti. Egha dipenimin danganir mam iti. Ia izi mangi a daku.”

²⁶ Ezi Abrahamin ingangarir gumazim teviba apirigha guam aviraghia Ikiavira Itir Godin ziam fe. ²⁷ Egha kamaghin migei, “Ki uan gumazir ekiam Abraham, an Godin ziam fasa, a Ikiavira Itir God. A nan gumazir ekiam apangkuvigha egha a mikemezi moghira deraghavirama a gami.

Guizbangira, Ikiavira Itir God na inigha iza nan gumazir ekiamran adarazir dipenim gati.”

²⁸ Ezi amizir igiam ivegha ghua uan amebamin dipenimin itir darazi bizar otivir kabar gun bar me mikeme. ²⁹⁻³⁰ Ezi Rebekan tuebam Laban, ring golin an atinimin itim ko, daveriar an agharimningin itimning dar gari. Egha an orazi, Rebeka gumazir kam mikemezir biziba bar dagh eghari. Kamaghin a ivegha azenan ghua Abrahamin ingangarir gumazim bagha ivegha zui. Egha gumazir kamin gar a mozir dipam boroghin uan kamelba ko tughav iti. ³¹ Ezi Laban kamaghin migei, “Gumazir ekiam, Ikiavira Itir God bar deragha ni gamigha gifa. Ni izi e dipenimin mangam. Ni kagh ikian marki. Ki nin misiam akirigha gifa, egha uaghan nin kamelba bagha danganim akiri.”

³² Ezi Abrahamin ingangarir gumazim dipenimin aven ghu. Ezi Laban uan ingangarir gumazibav kemezi, me kamelba atera izezir biziagh eghuvigha egha dadaba ko dagheba kamelbagh anidi. Egha a me mikemezi me dipam tuigha iza Abrahamin ingangarir gumazim uan adarazi ko me ganingizi me uan dagariba rue. ³³ Ezi me gin dagheba inigha izi, ezi Abrahamin ingangarir gumazim kamaghin migei, “Ki zuamira dameghan kogham. Ki faragh uan migirigia bar amigham.”

Ezi Laban ghaze, “A dera. Ni mikim.”

³⁴ Ezi ingangarir gumazim ghaze, “Ki Abrahamin ingangarir gumazim. ³⁵ Ikiavira Itir God nan gumazir ekiam bar deragha a gamizi, a biziba bar aviraseme. A bizir bar avirir kaba Abraham ganungi, sipsipba, memeba, bulmakauba, silva ko gol, ko ingangarir amiziba ko gumaziba, kamelba ko donkiba. ³⁶ Ezi an amuim Sara bar ghrurigha egha otarim bate. Ezi nan gumazir ekiam biziba bar ada isa otarir kam ganungi. ³⁷⁻³⁸ Egha pamten na migia ghaze, “Ni nan otarim bagh Kenanin, nguazir ki itir kamin nan otarim bagh guivitam ginaman marki. Markiam, ni nan afeziamin adarazir bighan mangi egh nan otarim bagh amizitam ginabagh.” Nan gumazir ekiam migirigiar kam gamua, egha na gamizi ki an migirigiar kamin gin mangasa a ko akam akirigha gifa.

³⁹ “Ezi ki uan gumazir ekiam migei, ‘Eghti amizir kam na ko izan aghuaghti, ki manmaghin damuam?’

⁴⁰ “Ezi a ghaze, ‘Ki gumazir Ikiavira Itir Godin akabar gin zuim, eghti a uan ensel nin faragh anemadaghti a mangi ingangariba bar dar amighti da bar nin deragham. Eghti ni nan otarimin amuim nan afeziamin adarazir bighan a inigh izam. ⁴¹ Eghti tuavir vamira otoghti, kamaghin akar ga

dikirizir kam ua nin suighan kogham. Ni men bighan mangiti, nan afeziamin adarazi kamagh mikim suam, amizim ni ko izan kogham, egh me an anogoregham, me kamaghin damuti, akar ni na ko dikirizir kam, osimtizim ni daningan kogham.”

⁴² “Ezi datirighin guaratighin, ki iza mozir pamin otogha kamagh God ko migei, ‘O Ikiavira Itir God, nan gumazir ekiamin God, ni datirighin na bagh ingangarir kam damighti a guizin otogh.’ ⁴³ Ezi ki datirighin mozir pamin boroghin iti. Eghti amizir igiatam dipam tuigh iziti, ki a mikim suam, “Ai, ni uan minemin dipar muziaritam na danighti, ki anemeka.” ⁴⁴ Eghti a kamagh mikimam, “Ni dameghti, ki dipam isi uaghan nin kamelbar aningam,” eghti nan ifongiam kar ti amizir kamra ni nan gumazir ekiamin otarim bagha a ginaba.”

⁴⁵ “Ki God ko migiavira itima Rebeka izava oto. A minem uan dipizim dafaghia dipam tuasa mozir pamin uaghiri. A izima, ki a migia ghaze, ‘Ai, ni dipar muziaritam na daningigh.’

⁴⁶ “Ezi a zuamira miner pam dafarimin an suiragha izaghirigha ghaze, ‘Gumazir ekiam, ni dipam ami. Eghti ki dipam uaghan a isi nin kamelbar aningam.’ Ezi ki dipam amegha givazima, a dipam isa nan kamelbagh anidi.

⁴⁷ “Ezi ki an azara, ‘Ni tinan guivim?’

“Ezi a ghaze, ‘Ki Betuelin guivim, Betuel a Nahor ko Milkhan otarim.’ Ezi ki ring an atinim gatigha egha daveriaba an agharimning garu.

⁴⁸ “Egha ki tevimming apirigha guam aviragha Ikiavira Itir Godin ziam fe, a nan gumazir ekiam Abrahamin God. A na inigha iza nan gumazir ekiam Abrahamin aveghbuamin dipenimrama oto. Eghti ki guizbangira an igiar guivim inighti a mangi nan gumazir ekiamin otarimin ikiam. ⁴⁹ Egha ki ian azai, ia bizir aghuitam ko arazir aghuimin nan gumazir ekiam damusi, egh guizbangira deragh na mikim? Egh ia aghuagh, egh uaghan na mikimti, ki bizitam damusi ua nighthigham.”

⁵⁰ Ezi Laban ko Betuel kamaghin an akam ikaragha ghaze, “Ikiavira Itir God uabi bizir kam gamizi, ezi e migirigia buvatu. ⁵¹ Rebeka iti. Ni a inigh egh gua mangi. Ikiavira Itir God ni mikemezi moghin, Rebeka nin gumazir ekiamin otarimin iki.”

⁵² Ezi Abrahamin ingangarir gumazim men akam baregha gifa, egha Ikiavira Itir Godin damazimin tevimming apirigha, aviragha guam nguazim girigha an ziam fe. ⁵³ Egha bizir gol ko silvan ingarizir digirik igharagha gariba inigha da isa Rebeka ganidi. Egha bizir aghuir iveauiba bar pin kozir aviriba isa, an tuebam ko amebam ganidi.

⁵⁴ Ezi migirigiaba givazima, Abrahamin ingangarir gumazim uan adarazi ko dagheba ko dipaba amegha, me akui. Egha mizaraghara me dikavigha Abrahamin ingangarir gumazim kamaghin migei, "Ia na amadaghti, ki uamategh uan gumazir ekiam bagh mangasa."

⁵⁵ Ezi Rebekan amebam ko an tuebam kamaghin migei, "Ni amizir igiam amaman-gatighi a tong e ko aruer 10plan ikegh, gin mangi."

⁵⁶ Ezi Abrahamin ingangarir gumazim kamaghin migei, "Ia nan anogoroghan marki. Ikiavira Itir God na bagha ingangarim gamizi, a deragha otogha gifa. Kamaghin, ia na amadaghti, ki uamategh uan gumazir ekiam bagh mangam."

⁵⁷ Ezi me ghaze, "E amizir igiamin diagh egh an azaragh, an ifongiam gifoka."

⁵⁸ Egha me Rebekan diazi a izima, me an azara, "Ni gumazir kam ko mangasa ifonge?"

Ezi a ghaze, "Are, ki mangam." ⁵⁹ Ezi me Rebeka ko amizir a ko ikia an garim amadazi aning Abrahamin ingangarir gumazim, ko izezir darasi, me ko zui.

⁶⁰ Ezi me Rebeka akar bar aghuimin a migia ghaze:

"En buaramizim,
ni gumazamizir bar aviravirimin amebamin otivam.
Eighti nin ovavir boriba uan apaniba abinigh,
men nguibaba iniam."

⁶¹ Ezi Rebeka uan ingangarir amiziba ko dikavigha kamelbagh apiagh Abrahamin ingangarir gumazimin gin zui. Egha me maghira zui.

⁶² Aisak faragha mozir pamin boroghin iti, mozir par me kamagh diborim, "Godin Zurara Ikia Nan Garim." Egha dughiar kam a mozir pam ategha izi Negevin danganimin iti. ⁶³ Egha guaratizir kamin a biziagh nighnighasa, tuzimin arua ghua, kogha kamelbar gari da saghon izi. ⁶⁴ Ezi Rebeka Aisakin apigha kamel ategha iza-ghiri. ⁶⁵ Egha kamagh Abrahamin ingangarir gumazimin azara, "Munar gumazitam e bagha izi, a tina?"

Ezi ingangarir gumazim ghaze, "Mar nan gumazir ekiam." Ezi Rebeka uan dapanimin inim inigha izaghira uan guam avara. ⁶⁶ Ezi ingangarir gumazim bizir an amizibar gun bar Aisak gehgari. ⁶⁷ Ezi Aisak Rebeka inigha uan amebam Saran purirpenimin ghu, egha Rebekan ti. Egha Aisak Rebeka bar a gifonge. A faragha uan amebamin ovevem bagha bar osemegha iti.

Ezi datirighin an navir averiam uamategha dera.

25

Abrahamin ovavir borir igharaziba

¹ Ezi Abraham amuir dozimin iti, an ziam Keturah. ² Ezi amizir kam, Simran, Joksan, Midian, Isbak ko Sua bate. ³ Ezi Joksan, a Seba ko Dedanin afeziamin oto. Ezi Dedan, a Asuria, Letusia ko, Leumian ovavir inazimin oto. ⁴ Ezi Midianin otaribar ziabar kara: Efa, Efer, Hanok, Abida ko Elda. Ka bar Keturah igiavotariba.

⁵ Ezi Abraham uabi bar uan biziba isa Aisak ganingi. ⁶ Egha an angamira ikiavira itir dughamin, a bizir aghuiba isa uan amuir dozimningin boribagh aningi. Egha me amadazi, me an otarim Aisak ategha saghon ghua aruem anadi naghin ghue.

Abraham aremezi me a mozim gati

⁷ Dughiar kamin Abraham 175plan azeniba iti. ⁸ A bar ghurigha, uan nguazimin ikirimrim bar a gakuegha ovengezi, an duam ghua an adarazir duuba ghua itir nguibamin me ko iti. ⁹ Ezi an otarimning, Aisak ko Ismael izi Mamren nguibamin boroghin dagiar mozir me Makpela arizimin anefa. Nguazir kam, a Hitian gumazim Soharin otarim Efronin nguazim. ¹⁰ Abraham faragha Hitian adarazir gumazim dam nguazir otevir kam giveves. Nguazir kamin Abraham faragha uan amuvi Sara mozim gati. Ezi datirighin Aisak ko Ismael, Abraham isa nguazir kamran a mozim gati.

¹¹ Ezi Abrahamin ovevemin gin, God bar deraghvira an otarim Aisak gami. Dughiar kam, Aisak mozirpar mamin boroghin iti, mozirpar me kamagh diborim, "Godin Zurara Ikia Nan Garim."

¹² Ezi kar Ismaelin ovavir boribar ziaba. Ismael a Abrahamin otarim, Hagar a bate. Ezi Hagar Isipian amizim, a Saran ingangarir amizim.

¹³ Ismaelin otariba, men faragha otozimin ghua abuananamin ziaba: Ismaelin otarir ivariamin ziam Nebaot, ezi an girara iriba, Kedar, Atbel, ko Mipsam, ¹⁴ ko Misma, Duma, ko Masa, ¹⁵ ko Hadat, Tema, Jetur, Nafis, ko Kedema. ¹⁶ Kar Ismaelin otaribar ziaba. Ezi me ziar kabara inigha me itir nguibaba ko nguazir otevir me itibar ziaba dagh ariki. Eighti gin 12plan gumazir kaba, 12plan anababar otivam.

¹⁷ Ezi Ismael 137plan azeniba ikia egha aremezi, an duam ghua an adarazir duuba ghua itir nguibamin me ko iti. ¹⁸ Ezi Ismaelin ovavir boriba Havilan nguazim ko Surin nguibamin tizimin itir nguazir otevimin apia. Sur a Asirian zuir tuavimin iti,

Isipin boroghin. Ezi me deragha Abrahamin ovavir igharaziba ko deragha apiazir puvatigha, me ko apanim gami.*

Aisakin eghaghanim (Sapta 25:19–26:35)

Rebeka Iso ko Jekop bate

¹⁹ Kar Abrahamin otarim Aisakin eghaghanim. ²⁰ Ezi Aisak 40plan azeniba ikia egha Rebekan iti. Ezi Rebeka a Betuelin guivim, Betuel a Mesopotemian amadaghan Aramian adarazir gumazir mam. Rebeka ana Aramian adarazir gumazim Labanin buaramizim.

²¹ Ezi Aisakin amuim boriba puvati, ezi Aisak Ikiavira Itir God ko migia ghaze, ni na baregh nan amuimin akuraghti a boritam iniam. Ezi Ikiavira Itir God, Aisakin migirigiam baraghizi, Rebeka navim adai.

²² Ezi otarir fufuzimning Rebekan navir averiamin ikia uaning adosi. Ezi Rebeka ghaze, “Tizim baghavira bizir kam na bato?” A bizir kamin mingarim gifoghosa, egha Ikiavira Itir God ko migei.

²³ Ezi Ikiavira Itir God Rebeka migia ghaze, “Kantrin pumuningin gumazamiziba nin navimin aven ti. Ezi otarir ni otamin kamning, aning uaning batogh mangi tavin gavgavim tav gafiraghram. Eighti otarir faragha irizim, otarir gin irizimin ingangarim gumazimin min ikiam.”

²⁴ Ezi dughiar Rebeka otamim otozi, ana otarir fufuzimning bate. ²⁵ Ezi faragha irizimin mikarzim aghevegha arizivatari. Ezi me ziam, “Iso,” a gati.[†] ²⁶ Ezi Ison amebam a batir dughiamin an dozim an dagarir ginkevimin suiraghda azenan ize. Kamaghin amizi me ziam, “Jekop,” a gati.[‡] Dughiar kam Aisak 60plan azeniba itima aningin amebam aning bate.

Iso otarir ivariamin min itir danganim ataki

²⁷ Egha otarir kamning ekevegha Iso asiziba burir fofozir ekiam iti. Egha ruaribar aruasa bar ifonge. Ezi Jekop gumazir nimira itim, egha nguibamra ti. ²⁸ Ezi Iso asizibav sogha da inigha iza Aisak ganidima an ada apava, bar Iso gifonge. Ezi Rebeka Jekop gifonge.

²⁹ Ezi dughiar mamin Jekop nguezibar diparsizim isai. Ezi Iso ruarimin ikegha ngun ize. ³⁰ Egha mitiriam puv ana aghezima a kamagh Jekop migei, “Mitiriam puv nan azi. Ni diparsizir aghevir ni isamizir matam na daningith.” Kamaghin me gin “Iso,” ziar igharazim, “Idom,” a gati.[§]

³¹ Ezi Jekop an akam ikaragha ghaze, “Ni faragh ni otarir ivariamin min itir danganir kam, na daningith, ki gin diparsizir kam ni daningam.”

³² Ezi Iso ghaze, “A dera. Ki ovengamin dughiam roghira ize, ezi ki otarir ivariamin itir danganim a manmagħin nan akurvaghom?”

³³ Ezi Jekop ghaze, “Ni faragh Godin akakagh guizbangira na mikim suam, ni uan danganim na daningam.” Ezi Iso guizbangira migia, egha uan danganir an otarir ivariamin itim isa Jekop ganingi.

³⁴ Ezi Jekop bret ko nguezibar diparsizir a isamizim isa a ganingi. Ezi Iso anemegħa givagħa pura dikavigha għu.

Ezi arazir kam kamagh an aka, an otarir ivariamin itir danganim pura bizim min oto.

26

Aisak Gerarin nguibamin iti

¹ Ezi dughiar kamin Kenanin nguazimin mitiriar ekiam otozi dagħeba bar otefe, ezi mitiriar kam mitiriar faragħa Abrahamin dughiamin otozim ko magħi għu. Ezi Aisak dikavigha Gerarin atrivim Abimelek bagħha għu, a Gerarin nguibar ekiamin ikia Filistiabar atrivmin iti. ² Ezi Ikiavira Itir God Aisak batogħa a migia ghaze, “Ni Isipin mangan marki. Ni kaghira ikiti, ki danganir ni ikiām min gun ni mikimam. ³ Ni nguazir kam pura guraghav itir gumazimin min a daperagħti, ki ni ko iki eghi deragħ ni damuam. Egh ki nguazir kaba bar ni ko ni ovavir boribar aningam, eighti akar dikirizir gavgavir ki nin afeziam Abraham koma amizim, a guizbangi otivam. ⁴ Egh ki nin ovavir boribar amighti, me bar avirasemegħ men avirim mikovezibar min ganam. Eighti ki nguazir kaba bar me daningam. Kamaghin amizi, nin ovavir boriba bangin ki nguazir kamin itir nguibabar gumazamiziba bar deravira me damuam. ⁵ Guizbangira, Abraham nan akam baregha, uaghan nan Akar Gavgaviba ko arazir ki ifongezibar ko nan Arazir a ganingizir maba sara gin ghuzir bizzir kam bagħi, ki deravira me damuam.” ⁶ Ezi Aisak Gerarin nguibamin ti.

⁷ Ezi nguibar kamin gumaziba an amuim bagħha an azai, ezi a ghaze, “Kar nan amizim.” An atiatigha, kamaghin migeir puvati, “Kar nan amuim.” An nighnizim kamaghin iti, “Rebekan għanġiha bar derazi, gumazir kaba a inisi nighnigh, egh a bagħ na misuegħti ki aremegħam.”

* 25:18: Hibrun akam deragħha migirigħar kamin mingarim abighiżżejj puvati.

25:23: Rom 9:12 † 25:25: Hibrun

akamin ziar kam “Iso,” an mingarim kamaghin għu, “arizivatari.”

‡ 25:26: Hibrun akam iżi ziar kam, “Jekop,” an

mingarim kamaghin għu, “dagħarri ġin-kevimm.” § 25:30: Hibrun akam iżi ziar kam “Idom,” an mingarim kamaghin għu, “aghevim.”

25:33: Hibru 12:16

26:3: Jenesis 22:16-18

26:7: Jenesis 12:13; 20:2

⁸ Egha Aisak mong dughiar ruarinin ike, ezi dughiar mamin Abimelek, Filistiabar atrivim uan dipenimin winduan gari, Aisak uan amuim Rebeka gifongegha a muigha a ko ikararai. ⁹ Ezi Abimelek Aisakin diagha a migia ghaze, “Kar ti nin amuim! Ezi ni manmaghusavira ghaze, ‘Kar nan amizim?’”

Ezi Aisak a ikaraghha ghaze, “Ki nighnizir kam iti, ki suam, a nan amuim, eghti gumaziba a bagh na misuehti ki aremegham.”

¹⁰ Ezi Abimelek ua ghaze, “Ni arazir manamrama e gami? En gumazitam nin amuim ko akuizi, e osimtizir ekiamin ikehai! Guizbangira an a ko dakuighti, osimtizir kamin mingarim a nin ikiam.”

¹¹ Egha gin Abimelek akar gavgavim gu-mazamizibav gia ghaze, “Gumazitam gu-mazir kam o an amuim arazir kuratamin a damigh, egh ovengam.”

¹² Ezi Aisak azenir ekiamin ingarigha dagheba opari. Ezi Ikiavira Itir God an akuraghha deragha a gami. Kamaghin an azenimin dagheba bar aviraseme. ¹³ A bizar avirim ikia egha gumazir ekiam gava. ¹⁴ A sipsipa, bulmakauba ko ingangarir gumazir aviriba iti, ezi Filistiaba naviba an ikufi. ¹⁵ Egha me nguaziba inigha Abrahamin ingangarir gumaziba fomira kuizir mozir paba apeme.

¹⁶ Ezi gin Abimelek Aisak migia ghaze, “Ni en kantri ategh mangi. Ni datirighin gavgavir ekiam iti, ezi e nin apengan iti.”

¹⁷ Kamaghin amizi, Aisak nguibar kam ategha ghua Gerarin danganir zarimin apera. ¹⁸ Abraham faragha mozir paba danganir kamin dagh kui. Ezi an aremezi dughamin gin Filistian gumaziba mozir par kaba apeme. Ezi datirighin Aisak mozir par kaba uam adagh kuigha, ziar an afeziam faragha dagh aningiziba ua dagh ariki.

¹⁹ Ezi dughiar mamin Aisakin ingangarir gumaziba, danganir zarir kamin mozir par mam gikuizi dipar aghuim oto. ²⁰ Ezi Gerarin bulmakaubar garir gumaziba, Aisakin bulmakaubar garir gumaziba adogha ghaze, “Kar en mozir pam.”

Ezi Aisak nighnigha ghaze, gumazir kaba a ko uari adoghodoke, kamaghin a mozir par kam dibora ghaze, “Uari Adoghodosi.” ²¹ Ezi Aisakin ingangarir gumaziba mozir par igharazim gikui, ezi me mozir par kam bagha uaghan uari adosi. Ezi Aisak mozir par kam ziam, “Apanim gamir arazim,” a gati.

²² Egha gin Aisak danganir kam ategha egha mozir par igharazim gikui. Ezi dughiar kamin gumaziba uam a bagha uari adozir puvati. Ezi Aisak ghaze, “Ikiavira Itir God deragha e gami, eghti e datirighin

nguazir kamin deragh daperagh egh bizir aviriba kagh ikiam.” Egha a mozir pam ziar kam a gati, “Dabirabim derazir danganim.”

²³ Egha gin Aisak nguibir kam ategha ghua Berseban nguibamin oto. ²⁴ Ezi dimagarir kamin Ikiavira Itir God a batogha ghaze, “Ki nin afeziam Abrahamin God. Ki ni ko iti, kamaghin ni atiatingan marki. Ki uan ingangarir gumazim Abraham, bar a gifonge, kamaghin ki deragh ni damu, egh nin ovavir boribar amuti me bar avirasemegham.”

²⁵ Ezi Aisak ofa gamir dakozim, danganir kamin an ingarigha Ikiavira Itir Godin ziam fe. Egha gin a danganir kamin uan puri-penibar nguibam aghuizi an ingangarir gu-maziba mozir par mam gikui.

Aisak ko Abimelek uaning ko akam akiri

²⁶ Ezi dughiar kam Abimelek Gerarin nguibam ategha Aisak bagha ize. Ezi Ahusat, a gumazir nighniziba Abimelek ganidim, ko Fikol Abimelekin midorozir gu-mazibar faragha zuir gumazim, aning a ko ize. ²⁷ Ezi Aisak men azara, “Ia manmaghsua na bagha ize? Ia fomira nam atarigha uan nguazimin na batoke?”

²⁸ Ezi me a ikaraghha ghaze, “E datirighin kamagh fogha gifa, Ikiavira Itir God ni ko ti. Egha en ifongiam, e bar moghira pin akagh guizbangira mikim egh akam akiram. Eghti akar dikirizir gavgavir kamin aven migirigiar kam ikiam, ²⁹ ni pazi e damuan marki. Ni fo, e fomira arazir kuratam ni gamizir puvati. E arazir aghuibara ni gami. Ni en nguazim ataghirazir dughiam, e nin amamangatizi, ni navir amirizim sara ghu. E datirighin gari, Ikiavira Itir God bar deravira ni gami.”

³⁰ Ezi Aisak me bagha isar ekiam gamizi, me dagheba apa egha dipaba api.

³¹ Egha amimzaraghan me dikavigha akar gavgavim akira ghaze, men dabirabim Aisak ko deragham. Ezi Aisak ghaze, “Ia navir amirizim sara mangi.” Ezi me anetegha zui.

³² Ezi dughiar kamra Aisakin ingangarir gumaziba iza kamaghin a migei, “E mozir par mam gikuizi dipam a gizivaghha gifa.”

³³ Ezi Aisak mozir par kam ziam, “Siba,” a gati. Egha iza datirighin me nguibar kam Berseba a garisi.

Ison amuibar ziaba

³⁴ Ezi Iso 40plan azeniba ikia Juditin iti. An afeziam, Beri, a Hitian gumazir mam. Egha Iso uaghan Basematin iti. An afeziam Elon, a Hitian gumazir mam. ³⁵ Ezi amizir kamning amir araziba, Rebeka ko Aisak gamizi, aningin navimning ikuvigha bar os-eeme.

Jekopin eghaghanim

27

(Sapta 27-35)

Jekop uan afeziam gifaragha Ison bizir aghuiba ini

¹ Ezi dughiar kamin Aisak ghurigha an damaziba ikufi. Ezi a uan otarir ekiam Ison diazi a izima an a migia ghaze, “Nan otarim.”

Ezi Iso a ikaragha ghaze, “Ki kat.”

² Ezi Aisak ghaze, “Ni nan gan, ki bar ghurigha ovengamin dughiam bar roghira ize. ³ Kamaghin ni uan asiziba burir barir pim ko bariba inigh ruarimin mangi, egh na bagh asizitam batogh a misokegh. ⁴Egh na bagh asizim isamigh dagher aghuir ki ifongezim inigh na bagh izi. Eghiti ki anemegh deravira ni damagh egh gin ovengam.”

⁵ Ezi dughiar kamin Aisak Iso migeima Rebeka oraki. Ezi Iso asizibar amuasa ghuzi, ⁶ Rebeka kamagh Jekop migei, “Ki datirighirama orazi, nin afeziam kamagh Iso migei, ⁷ ni na bagh asizitam inigh izi na bagh a isamigh. Eghiti ki aneremeghiva, Ikiavira Itir Godin damazimin deragh ni damighvirama, egh gin ovengam.”

⁸ Egha Rebeka maghira kamaghin migei, “Nan otarim, ni na baregh egh bizir ki ni mikimamim na damu. ⁹ Ni mangi memen igiar pumuning inigh izi, eghiti ki aning isamighiva nin afeziam bar ifongezim moghin a bagh dagher aghuiba isamam. ¹⁰ Eghiti ni a inigh uan afeziam bagh mangiti an anemam, egh deragh ni damighvirama, gin ovengam.”

¹¹ Ezi Jekop kamagh uan amebam migei, “Ni kamagh fo Iso a gumazir arizivatarim, ezi nan mikarzim arizivatarir pu. ¹² Nan afeziam nan suighsuigh egh fogham, ki a gifari, egh a deravira na damuan firin, a ua na gasighasigham.”

¹³ Ezi an amebam ghaze, “Nan otarim, ni, ki ni migei moghin damu. Egh mangi na bagh memening inigh. Bizir ni gasighasighamba, da ni giran kogham, da na giram, ni puvati.”

¹⁴ Ezi a ghua aning inigha egha iza uan amebam ganingi, ezi Rebeka an afeziam damasa bar ifongezim moghirama a dagheba isai. ¹⁵ Rebekan otarir ekiam Iso, a faragha uan korotiar aghuiba isa amebamin puripenim gatizi da iti. Ezi datirighin Rebeka da inigha uan otarir dozim Jekop gaghui.

¹⁶ Egha a memen igiabar ariziba an agharibagh arigha, an tuemin danganir ariziba puvatizibagh aghui. ¹⁷ Egha Rebeka dagher isingtizir kaba ko bretin tueziba isa Jekop ganingi.

¹⁸ Ezi Jekop uan afeziam bagha ghuava an dia ghaze, “Afeziam!”

Ezi an a ikaragha ghaze, “Ni otarim manam, Iso o Jekop?”

¹⁹ Jekop a ikaragha ghaze, “Ki nin otarir ivariam Iso. Ki ni mikemezi moghirama amigha gifa. Ezi ni dikavigh ki ni bagha inigh izezir asizim amegh egh deragh na damu.”

²⁰ Ezi Aisak ghaze, “Nan otarim, ni manmaghira zuamira asizir kam bato?”

Ezi Jekop ghaze, “Ikiavira Itir God, nin God nan akurazi ki a bato.”

²¹ Ezi Aisak a migia ghaze, “Ni nan boroghin iziti, ki nin suighsuigh foka, ni guizbangira Iso, o puvati?”

²² Ezi Jekop sivagha uan afeziamin boroghin ghu, ezi an an suigha ghaze, “Nin tiarim a Jekopin tiarimin mirara migei, ezi nin aghariba ki dar suigha dar barazi, da mati Ison aghariba.”

²³ Ezi an aghariba Ison agharibar min arizivatar, ezi Aisak kamaghin fozir pu, kar Jekop. Kamaghin amizi a deragh a damuasa, ²⁴ egha uam an azara, “Ni guizbangira Iso, o puvati?”

Ezi Jekop a ikaragha ghaze, “Are, kirara.”

²⁵ Ezi Aisak ghaze, “Ni na bagh asizitaba inigh izi. Ki damegh givagh egh arazir aghuimin ni damuam.”

Ezi Jekop asiziba a ganigha egha wainin dipar maba sarama a ganingizi an api.

²⁶ Ezi an afeziam a migia ghaze, “Nan otarim, ni nan boroghin izi nan toregh.”

²⁷ Ezi an an torima Aisak an korotiabar mughuriam baregha deravirama a gami. Egha ghaze:

“Aia, nan otarim mughuriam
mati dagher azenimin mughuriam!

Azenir kam deraghosa

Ikiavira Itir God deraghaviram a gami.

²⁸ Ki Godin azai, a dimagaribar ghuariabar dipabar amuti

da izighiri nin azenibagh iziti da aghung dagher aviriba iki.

Ki an azai, a wit ko wainin aviriba ni daning.

²⁹ Ki kamaghin Godin azai, nguazimin itir gumazamiziba

nin ingangarir gumazibar min ikiam, eghiti kantrin mabar gumazamiziba nin apengan ikiam.

Eghiti ni uan aveghbuuba me gativagh men ganam.

Eghiti nin amebamin ovavir boriba nin apengan ikiam.

Eghiti gumazir paza ni damuasa Godin azangsiziba,

ki kamaghin Godin azai, egheti a me gasighasigham.
 Egheti gumazir deragh ni damusi ni bagha Godin azangsiziba,
 ki kamaghin Godin azai, a uaghan deraghviram me damuam."

³⁰ Ezi Aisak deragha Jekop gamizi, a zuima, dughiar kamra an avebam Iso asizibagh amigha uamatetgha izi. ³¹ Egha a uaghan dagher isingtzir mabagh amigha uan afeziam bagha da inigha izi. Egha ghaze, "Afeziam, ni dikavigh daperagh asizir ki ni bagha inigha izir katabar ameghiva, deraghvira na damu."

³² Ezi Aisak an azara, "Ni tina?" Ezi a ghaze, "Ki nin otarir ivariam Iso."

³³ Ezi Aisak digavir kuram gamigha an mikarzim nigha, an azara, "Ezi kar ti tinara faragha asizir mam misuegha na bagha a inigha izie? Ezi ki nemegha givazi ni oto. Ezi ki deragha a gamigha gifa, egheti da a ko iki mamaghira ikiam!"

³⁴ Ezi Iso kamaghin oregha, a bar puviram azia ghaze, "Afeziam, uaghan deragh na damigh!"

³⁵ Ezi Aisak a ikaragha ghaze, "Nin dozimiza na gifarazi ki deraghviram a gami."

³⁶ Ezi Iso ghaze, "A faragha na gifaragha, datirighin ua na gifara. Ezi an ziam Jekop.* Ziar kam Jekop an amir arazibar mirara ghu. A faragha ki otarir ivariamin min itir danganim na dama a ini, egha datirighin ni gifarazi ni deragha a gami. Ezi Afeziam, manmaghin ami, ni deraghvira na damuamin bizitam ua ikiti, ni a inigh na daningih?"

³⁷ Ezi Aisak a ikaragha ghaze, "A ni gativaghamin gavgavim ki a ganigha gifa, egha ki ghaze, nin adarazi bar an ingangarir gumazibar ikiam. Egha ki witin aviriba ko wainin aviriba a ganigha gifa. Ezi nan otarim, ki datirighin ni bagh damuamin bizaiba bar puvat."

³⁸ Ezi Iso uan afeziam migiavira ikia ghaze, "Ni ti bizir aghuir vamira iti? Ni God ko mikimti, a uaghan deragh na damigh." A kamagh migia egha bar puvirama azi.

³⁹ Ezi Aisak a migia ghaze:

"Nin nguiba,
 nguazir dagher aghuiba itibar saghon
 ikiam."

Egheti dimagaribar ghuariar dipaba
 nin azenibagh iran kogham.[†]

⁴⁰ Egh ni uan midorozir sabamin
 amodoghin misogh daghebar ami,
 egh dabiribir aghuim buriam.

Egh ni uan dozimin apebamin ikiam.

Egh gin ni uabi abigh egh an apengan
 ikian kogham."

⁴¹ Iso fo, Jekop ifarazi, Aisak deragha a gami. Ezi bizir kamin Iso osemegha Jekopin apanimin iti. Egha nimira ghaze, "Nan afeziam ovengamin dughiam roghira izi. An oveghti e anefaghiva, an ikegh givaghiva, ki Jekop misuehti an aremegham."

⁴² Ezi Rebeka Ison migirigar kam baregha, Jekop bagha akam amadaghha ghaze, "Ni orakigh, nin avebam Iso bar nin osemegha ikarvaghram tuavim buria, ni misuehti ni aremeghaha nighnisi.

⁴³ Kamagh amizi, nan otarim, ni ki ni migei moghira ni bizibar amu. Ni zuamira dikavigh nan tuebam Labanin bighan Haranin nguibamin mangi, ⁴⁴ egh a ko iki mangiti nin avebamin navim mar amiragh. ⁴⁵ Egheti a ni a gamizitam bizar kam gin amadaka. Egheti gin ki gumazitam amadaghti a ni bagh izi ua ni inigh izam. Guizbangira, nan otarimning dughiar vamiran ovengen ki aghua."

Aisak Laban bagh mangasa Jekop amada

⁴⁶ Ezi Rebeka Aisak migia ghaze, "Ki Hitian amizir Ison itir kamningin aghua. Egh ki ti oveghti Jekop uaghan Hitian amizir roghira itir katamin ikiti deragham."

28

¹ Ezi Aisak Jekopin diaghha ghaze, "God ni ko mangi deragh ni damu."

Egha Aisak akar gavgavim a ganiga ghaze, "Ni Kenanian amizitam ikian kogham.

² Ni datirighira dikavigh Mesopotemian nguazimin mangi, kar nin amebamin afeziam Betuelin nguibam. Egh uan amebamin tuebam Labanin guivitamin iki. ³ Egheti Gavgaviba Bar Itir God deraghvira ni damu, egh borir aviriba ni danigti, ni kantrin aviriba gumazamizibar inazir afeziamin otogham. ⁴ Egheti God deravira ni ko nin ovavir boribar amu, mati a faragha Abraham gamizi mokin. Ni fo, nguazir ni aperaghav itir kam, ni mati nguiba igharazimin gumazimin min an ikia an apera. Nguazir kam God fomira Abraham ganangi. Egh God uabi gin a isi ni danighti, ni a iniam."

⁵ Egha Aisak kamagh migia, Jekop amadazima a Laban bagha Mesopotemian ghu. Laban an Aramian gumazim, a Betuelin otarim. Ezi Laban Rebekan tuebam, Rebeka a Iso ko Jekopin amebam.

^{27:36:} Jenesis 25:29-34 * ^{27:36:} Hibrun akamini, ziar kam Jekop, mong akar kamin mirara ghu, "An danganim ini." ^{27:38:} Hibru 12:17 ^{27:39:} Hibru 11:20 [†] ^{27:39:} Hibrun akam deragha migirigar kamin mingarim ^{28:4:} Jenesis 17:4-8

Iso uam amuir igharazir mam iti

⁶ Ezi Iso kamaghin fo, Aisak Jekop deravirama a gamigha egha anemadazima a Mesopotemian amizitamin ikiasi zui. A uaghan kamagh oraki, Aisak deravirama a gamua a migia ghaze, a Kenanian amizitamin ikian kogham. ⁷ Egha a uaghan kamaghin fo, Jekop uan afeziam ko amebamin akaba baregha dar gin ghua Mesopotemian ghu. ⁸ Egha Iso uaghan kamaghin fo, an afeziam Kenanian amizibar gari, me bar an damazimin derazir puвати. ⁹ Ezi Iso, Abrahamin otarim Ismael bagha ghua an guivim Mahalat inigha an iti. Ezi Mahalat ana Nebaiotin buaramizim, egha a Ison amuir mikezimin oto.

Jekop irebamin gari

¹⁰ Ezi dughiar kamin Jekop Berseban nguibam ategha egha Haranin nguibamin zui. ¹¹ A zuima aminim pirizima a danganir mam gakui. Egha dagiar mam inigha uan dapanimin aghoroghava akui. ¹² Egha an akua irebamin addiar mamin gari. An otevir mam nuguazimin itima an otevir mam overiamin iti. Ezi Godin enselba an ghuavanaga izaghiri. ¹³ Ezi Ikiavira Itir God an boroghin tughav iti. Egha a kamaghin migei, “Ki Ikiavira Itir God, nin inazir afeziam Abraham ko Aisakin God. Ki nuguazir ni irighav itir kam ni ko nin ovavir boribar aningam.” ¹⁴ Eighti nin ovavir boribra nuguazir minemnibir min bar avirasemegham. Egh men nuguazir, aruem anadi naghin ko, aruem uaghiri naghin ko, not ko, sautin itiba, me bar adagh isivagham. Eighti ni ko nin ovavir boriba bangin, ki nuguazimin itir kantribar gumazamiziba, bar deraghvira me damuam. ¹⁵ Ni oragh, ki ni ko ikiam, eighti ni managh mangam, ki ni gejhuv, egh ua ni inigh nuguazir kamin izam. Ki ni ateghan kogham, egh mangi bizir ki ni mikemeziba ki bar dar amigham.”

¹⁶ Ezi Jekop osegha dikavigha ghaze, “Bar guizbangira, Ikiavira Itir God danganir kamin iti, ezi ki bizir kam gifozir puвати!”

¹⁷ Egha an atatiqha ghaze, “Ki danganir kam bar an atatiqti. Kar Godin Dipenim. Kar Godin Nguibamin tiar akam!”

¹⁸ Egha a bar mizaraghara dikavigha dagiar a dapanimin aghorogha akuizim inigha anesara. Eighti an ababanimin min ikiti, gin a zurara an gan egh inirigham. Egha olivin borem a gingegha a isa God ganungi. ¹⁹ Egha danganir kam ziam, “Betel,” a gati.* (Me faragha danganir kamin itir nuguibam diborogha ghaze, Lus.)

²⁰ Ezi Jekop bar guizbangira migia, God ko akar gavgavim akira ghaze, “Ni na ko iki egh tuavir ruarir ki mangamin kamin na ggehuv, egh dagheba ko korotiaba na daning, ²¹ egh ni deragh na ggehuvti ki uamategh uan afeziamin nguibamin mangi deragh otogham, eighti ni Ikiavira Itir God, ni guizbangira nan God. ²² Eighti danganir ki dagiam asarazir kam, a danganir e Godin ziam famin dipenimin min ikiam, eighti bizir ki itiba bar, ki 10plan akuabar da abigh egh 10in vamira isi ni daningam.”

29

Jekop Labanin nguibamin oto

¹ Ezi Jekop ghuavira ikia ghua aruem anadi naghin itir gumazamizibar nuguazimin oto. ² Egha a tugha pura tintinibar gara ghua gari, sipsipin okoruar 3pla mozir par mamin miriamin ireghav iti. Ezi mozir par kam, sipsipin kaba anepi. Ezi dagiar baravir mam mozir par kamin akam dukuaghav iti. ³ Eighti sipsipba bar mozir par kam izegħti, dar garir gumaziba dagiar kam poegħ dipam me danigh givagh, dagiam uam a puegħ iżi uam a dukuagham.

⁴ Ezi Jekop sipsipbar garir gumazibar azara, “Namakaba, ia nguibar manamin guaziba?”

Ezi me kamaghin a ikaragħha ghaze, “E Haranin nguibamin gumaziba.”

⁵ Ezi a men azara, “Nahorin iġiar borim, an ziam Laban, ia a gifo?”

Ezi me ghaze, “Are, e a gifo.”

⁶ Ezi a men azara, “A deragħa iti?”

Ezi me ghaze, “A deragħha iti. Ni gan, an guivim Resel uan sipsipba ko iżi.”

⁷ Ezi Jekop ghaze, “Aruer ekiam ikiavira iti, ezi sipsipba inigh aven mangamin dugħiam tighħi. Kamaghin ti deragħam? Ia sipsipba dipam dar anīgh egh da amadagtix da mangi ua grazibar ami.”

⁸ Ezi me ghaze, “E kamaghin damuan kogħam, e iki sipsipin okoruuba bagħ mizuamtid da bar izegħti, e dagħam poegħti, mozir pamin akam kuighirighti, e dipam sipsipbar aningam.”

⁹ Ezi Jekop me ko migħavira itima, Resel uan afeziamin sipsipba ko izava oto. Resel, a sipsipbagħ eghuvir amizim. ¹⁰ Ezi Jekop Reselin gari. An an amebamin tuebamin guivim, egha a Labanin sipsipbar ganigha, mozir pamin ghugħha dagħam poegħha mozir pamin akam kui. Egha dipam uan amebamin tuebamin sipsipbagħ anidi.

¹¹ Egha Jekop Reselin toregha, magħiram azi. ¹² Egha a migia ghaze, “Ki nin afeziamin buaramizim Rebekan otarim.” Ezi Resel

* 28:12: Jon 1:51 28:13: Jenesis 13:14-15 28:14: Jenesis 12:3; 22:18 28:19: Fomira Hibrun akam me danganir kam, “Lus,” a garisi, datirghin me ghaze, “Betel.” Ziar kamin mingarmira kara: “Godin Dipenim.”

uan afeziam bagha ivegha ghua bizir kabar gun a mikeme.

¹³ Ezi Laban orazi an buaramizimin otarim Jekop izima, a ivegha ghua a muigha, an toregha a inigha dipenimin ghu. Ezi Jekop bizir otiviziba bar dar gun Laban mikeme.

¹⁴ Ezi Laban ghaze, “Bar guizbangira, ga anabar vamira.” Ezi Jekop a ko iakinir vamiran bar an ike.

Jekopin boribar ziaba ingangarir gumazimin iti

¹⁵ Ezi Laban Jekop migia ghaze, “Ni guizbangira nan adarazir mav, ezi ni pura nan ingaran ki aghua. Ni manmaghin dagiabagh ifonge?”

¹⁶ Laban guivir pumuning iti, guivir ekiamin ziam Lea, ezi dozimin ziam Resel. ¹⁷ Lea damazir aghuibita, * ezi Resel Lea gafiragha an ganganiba bar dera. ¹⁸ Ezi Jekop Resel bar a gifuegha ghaze, “Ki 7plan azenibar nin ingarighti, ni Resel na danighti ki an ikiam.”

¹⁹ Ezi Laban ghaze, “Kamaghin deragham, ki a isi ni daningam eghiti gumazir ighazaritam a inian kogham. Eghiti ni na ko ikiam.”

²⁰ Ezi Jekop Resel iniasa 7plan azenibar ingari. A Resel bar a gifonge, kamaghin amizi, a 7plan azenir kabagh nighnizi da pura bizim.

²¹ Ezi 7plan azenir kaba givazima Jekop kamagh Laban migei, “Dughiam oto, ni uan guivim na danighti ki an ikiam.”

²² Ezi Laban amuir ikizimin isar ekiam gamigha, gumazamizir aviribar diazi me ize. ²³ Ezi dimagarir kamin, Laban Lea inigha Reselin danganim isa, Jekop bagha ghuzi, a dimangan poroghamiba uari koma akua amir arazimin a gami. ²⁴ Ezi Laban ingangarir amizir mam an ziam, Silpa isa Lea ganingi.

²⁵ Ezi aminim dutuzi, Jekop a koma akuir amizir kamin gari, a Resel puvati, kar Lea. Ezi a ghua Laban migia ghaze, “Ni manmaghsua kamagh na gami? Ki Resel iniasa nin ingari. Ezi ni manmaghsua na gifara?”

²⁶ Ezi Laban ghaze, “En arazim kamaghin iti, guivir ekiam faragh pamin ikiti, gin guivir dozim pamin ikiam. ²⁷ Ni orarkiti amuir ikizimin isamin wigh mangi givaghti, ki Resel uaghan ni daningam. Eghiti ni 7plan azenir ighazaribar ua ingarigham.”

²⁸ Ezi Jekop an akam gifuegha, amuimin ikizir isamin dughiam ghua givazi, Laban uan guivim Resel isa a ganingizi an an

amuimin oto. ²⁹ Egha Laban uan ingangarir amizir ighazarir mam Bilha, isa uan guivim Resel ganingi. ³⁰ Ezi Jekop Resel koma akua, egha bar moghirama a gifonge, egha mong deragha Lea gifongezir puvati. Egha Jekop, Laban ko 7plan azenir ighazaribar ua ingari.

Jekopin boribar ziaba

³¹ Ezi Ikiavira Itir God gari, Jekop deragha Lea gifongezir puvati. Ezi a Lean akurazima a navim adai, ezi Resel navim adair puvati. ³² Ezi Lea navim asegha otarir mam bate. Egha a ghaze, “Ikiavira Itir God nan osimitizim gifogha gifa, ezi datirighin nan pam na gifuegham.” Egha otarim ziam “Ruben,” a gati.†

³³ Egha gin a ua navim asegha otarir ighazarim bate. Egha ghaze, “Ikiavira Itir God orasi, Jekop deragha na gifongezir pu, kamaghin, an otarir ighazarim na ganingi.” Egha otarim ziam “Simeon,” a gati.‡

³⁴ Egha Lea ua navim asegha otarir mam bate. Egha ghaze, “Ki uan pam bagha otarir 3pla bategħha gifa, kamaghin amizi, a datirighin bar moghira na gifuegh, na ko poroġ egh Zurara na ko ikiam.” Egha otarir kam ziam, “Livai,” a gati.§

³⁵ Egha Lea ua navim asegha otarir ighazarir mam uam a bate. Egha ghaze, “Ki dughiar kamin Ikiavira Itir Godin ziam fam.” Egha Lea otarim ziam, “Juda,” a gati.** Egha Lea dughiar kamin ua boritam batir puvati.

30

¹ Ezi Resel uabin gari, a boriba batir puvati, egha uan avenamebam gari a boriba batima, an navim ikufi. Ezi a Jekop migia ghaze, “Ni boriba na daning. Puvatighti, ki aremegham.”

² Ezi Jekop Reselin atara ghaze, “God uabi ni navim asangan nin anogoroghezi, ni boriba isir puvati. Ki Godin danganim inigh boriba ni daning kogham.”

³ Ezi Resel ghaze, “Nan ingangarir amizim Bilha kara. Ni a ko dakuighti a boritam na bagħi a inika. Eghiti tuavir kamin ki an apengen boribar amebamin ikiam.”

⁴ Egha Resel ingangarir amizim Bilha, inigha uan pam Jekop, an amuimin min a ganingizi, an a koma akui, ⁵ ezi Bilha navim asegha Jekop bagħha otarir mam bate. ⁶ Ezi Resel kamaghin migia ghaze, “God nan nighniziba tuisigha givagħha egha nan arazim gifonge. Egha nan azangsizim

* **29:17:** Hibrun akam kagh deragħa bigha mikemezir puvati. Gumazir maba akar kam giragħha ghaze, “Lean damazinning derazir puvati.” † **29:32:** Hibrun akamin ziar kam “Ruben,” an mingarim kamakin, “Gari.” ‡ **29:33:** Hibrun akamin ziar kam “Simeon,” an mingarim kamakin, “Orasi.” *** **29:35:** Hibrun akamin ziar kam, “Juda,” an mingarim kamakin, “Godin ziam fe.”

baregha otarir mam na ganingi.” Egha Resel otarim ziam, “Dan,” a gati.*

⁷ Ezi Bilha ua navim asegha Jekop bagha otarir mam uam a bate. ⁸ Ezi Resel ghaze, “Ki uan avenamebam ko migirigjaba uaning adogha ghua ki datirighin a gafiragh gifa.” Egha borim ziam, “Naptali,” a gati.†

⁹ Ezi Lea uabin gari, a ua boritaba inian kogham, egha uan ingangarir amizim Silpa inigha, a isa uan pam Jekop an amuimin min a ganingi. ¹⁰ Ezi Silpa Jekop bagha otarir mam bate. ¹¹ Ezi Lea ghaze, “Ki bar angavsgighin kamaghin amigha egha dera.” Egha ziam, “Gat,” a gati.‡

¹² Ezi Silpa Jekop bagha borir ighazariz mam uam a bate. ¹³ Ezi Lea ghaze, “Ki bar akonge, eghiti amiziba bar na mikim suam, ki bar akongezir amizim.” Egha otarir kam ziam, “Aser,” a gati.§

¹⁴ Ezi wit aghoramin dughiam otozi, Ruben witin azenimin ghua gari, tevsevir mam iti. Ezi amiziba an oviziba isa akavsiar arazim gamua da api, ezi an gavgavim men akurvazi, me boriba bati. Ezi Ruben dar oviziba inigha ghua uan amebam Lea ganingi. Ezi Resel Lea migia ghaze, “Ki gari nin otarim tevsevir ovizir kaba inigha ize. Ni taba na daningih?”

¹⁵ Ezi Lea a ikaragha ghaze, “Ni nan pam inigha givagha, datirighin nan otarim inigha izezir tevsevir oviziba iniasa.”

Ezi Resel ghaze, “Ni tevsevir ovizitaba na danigh, datirighin dimangan Jekop ko dakuam.”

¹⁶ Ezi guaratizimin, Jekop azenibar ikegha izima, Lea ghua tuavimin a batogha egha ghaze, “Ki tevsevir ovizir nan otarim inigha izeziba isa ni givezegha gifa. Kamaghin, ni dimangan na ko dakuam.” Ezi Jekop dimangan Lea koma akui.

¹⁷ Ezi God Lean azangsizim baraki, ezi a navim asegha otarir namba 5 Jekop bagha a bate. ¹⁸ Ezi Lea ghaze, “Ki uan ingangarir amizim uan pam ganingizi, God ivezir aghuimin na gami.” Egha borir kam ziam, “Isakar,” a gati.**

¹⁹ Ezi Lea ua navim asegha Jekop bagha otarir namba 6 bate. ²⁰ Egha a ghaze, “God bizar bar aghuimin na ganingi. Ki uan pam bagha borir 6pla bategha gifa, eghiti datirighin a ziar ekiam na daningam.” Egha borim ziam, “Sebulun,” a gati.††

²¹ Egha gin Lea guivir mam bategha ziam, “Daina,” a gati.

* **30:6:** Hibrun akamin ziar kam, “Dan,” an mingarim kamakin, “God na tuisighizi ki dera.” † **30:8:** Hibrun akamin ziar kam, “Naptali,” an mingarim kamakin, “Ga uaning adogha ghua ki a gafira.” ‡ **30:11:** Hibrun akamin ziar kam, “Gat,” an mingarim kamakin, “Ki bar angavskirin.” § **30:13:** Hibrun akamin ziam, “Aser,” an mingarim kamakin, “Bar akonge.” ** **30:18:** Hibrun akamin ziar kam, “Isakar,” an mingarim kamakin, “Ivezir aghuim.” †† **30:20:** Hibrun akamin ziar kam, “Sebulun,” an mingarim kamakin, “Ziar ekiam.” ‡‡ **30:24:** Hibrun akamin ziar kam, “Josep,” an mingarim kamakin, “Ua tam iniam.”

²² Ezi God Resel ginighnisi. Egha Resel azangsizim baregha an navir averiam akiri, eghiti a boritam batam. ²³ Ezi Resel navim asegha otarir mam bate. Egha ghaze, “God nan osimtizim akirizima ki uam aghumsighan kogham. ²⁴ Ezi nan ifongiam Ikiavira Itir God ua otaritam na daningam.” Egha borir kam ziam, “Josep,” a gati.‡‡

Jekop dagiar ingangaribar amuasa Laban ko akam akiri

²⁵⁻²⁶ Resel Josep bategha givazi Jekop kamagh Laban migei, “Ki amizir kaba ko boribagh iveauza ingangarir ekiabagh amigha gifa. Ni na ateghti, ki ua uan nguibamin mangam. Ni fo, nin ingangariba ki bar deraghaviram a dagh amigha gifa.”

²⁷ Ezi Laban a migia ghaze, “Ga uaning inigha iti. Egh ni teghti ki ni mikemeka, ki kamaghin uan aseba ko ingara egha men azaraghfa, ni na ko itir bizimin, Ikiavira Itir God bar deravira na gami.”

²⁸ Egha Laban ua kamaghin migei, “Ni manmaghin iveauzim inisi deragh na mikimti ki ni givezam.”

²⁹ Ezi Jekop ghaze, “Ni uabi ki amizir ingangaribagh fo. Ni uabi fo, ki nin sipsipba ko asizir ighazariba sara eghuvi da bar aviraseme. ³⁰ Ni fomira sipsipin aviriba itir puvati. Da bar avirasemezir puvati. Ezi ki datirighin ni ko iti, nin sipsipba bar aviraseme. Ezi Ikiavira Itir God na ko ikia, nan ingangaribar nan akurvagha nin ingangariba deragha dagh ami. Ezi datirighin ki kamagsusa, nan biziha igharaghram.”

³¹ Ezi Laban kamaghin Jekopin azara, “Ki bizar tizim nin ingangarimin iveauzim min ni daningam?”

Ezi Jekop ghaze, “Ki dagiaba inian aghua. Ni nan nighnizim gifueghti ki nin sipsipbagh eghuvira ikiam. ³² Egh ki datirighin mangi deragh nin sipsipba ko memebar ganigham. Egh ki sipsipin nguzir piziba ko, sipsipin ekiar mikarzir dighdiriba itiba ko, memen mikarzir dighdiriba, ki uan iveauzbagh ada iniam. ³³ Egh ni gin uabi ifongegh dughiatamin ize, nam memeba ko sipsipbar gan, dar taba pighan kogham o dighdiriba dar ikian koghti, ni fogh suam, ki uan akamin gin ghuzir puvatigha ada okeme.”

³⁴ Ezi Laban ghaze, “A ti deraghgam, e ni migei moghira damuam.”

³⁵ Egha dughiar kamra, Laban memen dighdiriba ko, sipsipin nguzir piziba bar da ini. Egha uan otaribav kemezi, me da inigha

ghua danganir igharazimin da ariki. ³⁶ Ezi Laban uaghan me ko zui. Me aruer 3plan memen kaba ko, sipsipba ko, saghon ghua danganir mamin iti. Ezi Jekop Labanin sipsipba ko memen mabagh eghufi.

³⁷ Egha gin Jekop temebar aguuba inigha, vaghvagna dar inir maba afogha fogha da afirizi, da għurġuri. Ezi maba iniba sara iti. ³⁸ Egha a temer aguar kaba isa asiziba dipaba apir itarir ekiamin borogħin ada arisi. Eghi memeba ko sipsipin amebaba dipam iżi dipam amiva dar ganam. A fo, memeba ko sipsipba zurara iza dipam apa egha dar apuriba amebabagh azighażi. ³⁹ Egha dar apuriba dar amebaba temer aguar kabar borogħin me gazighażi, ezi gin amebaba nguzir mikarzir dighdiriba itiba bat. ⁴⁰ Ezi gin Jekop uan sipsipin nguziba isa danganir igharazim gariki. Egha Labanin sipsipba ko memebagh amizi, da an sipsipba ko memen dighdiribar itir danganim għiġi. Egha tuavir kamin, a ua bagħha sipsip ko memen nguzir dighdirir aviriba isi. Egha dagh amizi da Labanin sipsipba ko memeba ko itir puvati. ⁴¹ Ezi sipsipba ko memen aghuir gavgaviba uari gazighażihasava ami, a temer aguar kaba isa me dipab apir itarir ekiamin borogħin da arisi. Ezi me ter aguar kabar gara egha uari gazighażi. ⁴² Ezi sipsip ko memen gavgaviba puvatiziba uari gazighażiżima a temer aguuba arizir puvati. A kamagh ami sipsipba ko memen amiraghmira ziba, da Labanin naba. Ezi sipsipba ko memen gavgaviba, da Jekopin naba. ⁴³ Jekop kamagh amīgha bizar bar aviribit. A sipsipin aviriba, memeba, ingangarir gumaziba, ingangarir amiziba, donkiba ko kamelin aviriba iti.

31

Jekop Labanin ari

¹ Egha Jekop orazi, Labanin otariba kamaghin migia ghaze, “Jekop en afeziamin biziżże bar ada inigha, gumazir bizar aviriba ittimin min iti.” ² Ezi Jekop gari, Laban fomira a gifongeżżeż mogħin datirighin amir puvati, egha uan arazibagh ira.

³ Ezi Ikiavira Itir God kamaghin Jekop migei, “Ni uamategh uan afeziam ko ni adarazir nguibamin mangi. Eghi ki ni ko ikiam.”

⁴ Ezi Jekop Resel ko Lea bagħha akam amada, eghi aning iżi danganir an sipsipba ittimin an ganam. ⁵ Ezi aning izeżi Jekop kamagh aning migei, “Ki gari guan afeziam fomira na gifongeżżeż mogħin ua na gami puvati. Ezi nan afeziamin God a na ko iti. ⁶ Gua virara fo, ki guan afeziam bagħha uan gavgaviba sara ingari, ⁷ ezi a

dugħiars aviribar na gifara nan iverzim giragħi. Ezi God na gasighasighha an amamangatizir puvati. ⁸ Laban faragħa na migia ghaze, ki sipsipba ko memen dighdiriba, bar uan iverzim min da iniam. Ezi memeba ko sipsipin kaba bar, nguzir dighdiribarama ote. Ezi a gin ghaze, ki meme ko sipsipin dighdirib ruariba itibara uan iverzim min da iniam. Ezi memeba ko sipsipba bar nguzir dighdirib ruaribarama ote. ⁹ Kamaghix, guan afeziamin memeba ko sipsipba, God ada isa na ganingi.

¹⁰ “Ezi memeba uari gazighażi dughħiġi, ki irebamin gari, memen apurir dighdirir igharagħa gariba, darara memen amebabagh azighażi. ¹¹ Ezi Godin ensel irebamin nan dia ghaze, ‘Jekop.’ Ezi ki ghaze, ‘Ki kati.’ ¹² Ezi a ghaze, ‘Ni gan. Memen apurir dighdirir igharagħha gariba, darara memen amebabagh azighażi. Ki Laban ni gamizir bizibar ganigha givagħha, egha bizar kam kamagh a gami. ¹³ Kirara, ki Godin kamnang Betelin nguibamin ni bato, danganir kamin, ni nan ziam fasa dagħiġi asaragħha borem a ginge. Egha guizbangira migia na ko akar gavgavim akiri. Ezi ni datirighha dikavigh uan biziba akirigh, egh nguibar kam ategħ uamategh uan nguibamin mangi.”

¹⁴ Ezi Resel ko Lea akar kam baregħa kamaghin a ikaragħha ghaze, “Gan afeziam ga daningamin bizitam ua itir puvati. ¹⁵ Gan afeziam kantrin igharazibar amizibar min ga gami. A ga amadagħha gan iverzim inigha, dagħi kaba bar ada makuni. ¹⁶ Ezi bizar avirib God gan afeziam da inigha ni ganingizib, mar ga ko gan boribar biziba. Egh God ni mikemezi mogħira ni damu.”

¹⁷ Ezi Jekop dikavigha uan amuirogh- boribba inigha kamelbagħ afe. ¹⁸ Egha uan sipsipba ko, memeba ko bizar igharazir a Mesopotemian iniziba sara me amangażiema da men faragħha ghue. Egha me bar Haranin nguibam ategħha uamateghha an afeziam, Aisak bagħha Kenanin nguazim zui.

¹⁹ Me mangasawa amir dughħiġi, Laban uan sipsipin arizibagh isasa għu. Ezi Resel modogħa uan afeziamin dipenim garir asebar marvir guaba okeme. ²⁰ Jekop ari mangħa, ifara deragħha Aramian gumazim Laban mikemexiż pu. Puvati. ²¹ A modogħa uan biziba bar da inigha zui. A Labanin nguibam ategħha Yufretiśin Fanem atugħha, Gileatin mighsiaba itir danganim zui.

Laban Jekopin gin zui

²² Ezi dugħiars pumuning givazzi dugħiars mikezim, gumaziba Laban migia ghaze, Jekop arav ghugħha għifa. ²³ Ezi Laban uan adarazi inigha men gin zui. Egha 7plan aruebar għuavira ikia Gileatin mighsiabar

itir danganimin Jekop bato. ²⁴Ezi dimangan God irebamin otogha Aramian gumazim Laban migia ghaze, “Ni Jekop, migirigar kuratam o aghuitamin bar a damuan marki.”

²⁵ Dughiar kam Jekop Gileatin mighsiamin danganim uan purirpenibar ingarigha dar iti, ezi Laban uan adarazi ko kagh otogha uaghan Gileatin mighsiamin danganim uan purirpenibar ingarigha dar iti.

²⁶ Egha Laban Jekop bagha ghua a migia ghaze, “Ni manmaghsua nan guivimning, kalabuziar amizimningin min aning inigha zui? ²⁷ Ni manmaghsuavira na mikiman aghuagha modogha nimiram arav ghu? Ni izasa na mikemezi, ki uan adaraziv kemezi me ia bagha buaba ko gitabav soghezi ia bar akueghavira izeghai. ²⁸ Egha ni na ataghizi ki uan guivimning ko uan igiabar toregha dafarim me mikinizar puvati. Kar ni bar arazir kuram na gami. ²⁹ Ki arazir kuratam ni damuamin gavgavim iti, ezi nin afeziamin God dimangan nan anogorogha ghaze, ‘Ni Jekop migirigar kuratam o aghuitamin a damuan bar marki.’ ³⁰ Ki fo, ni uan nguibamin mangasa bar ifuegha na ataki. Egha ni tizim bagha nan dipenimin garir asebar marvir guaba okeme?”

³¹ Ezi Jekop a ikaragha ghaze, “Ni ua na dam uan guivimning inian ki atiatigha, kamaghin ki modogha arav ghu. ³² Ni uabi e getiva en gan, en tina nin marvir guaba inigha ara ize, ni a misuegħi an aremeh. Kagh en adarazir damazibar ni biziba bar da buriva dar gan, egh biriz tizim a nin nanam, ni uamategh a inigh.” Jekop kamaghin fozir puvati, Resel uan afeziamin asebar marvir guaba okeme.

³³ Ezi Laban Jekopin purirpenimin aven ghugha biziba ghavkira dar gari. Egha gin Lean purirpenimin ghugha da buri. Egha a ingangarir amizimningin purirpenimmin-ningin aven ghugha marvir guaba bagha garava avenge. Egha men purirpeniba ategħa Reselin purirpenimin aven għu. ³⁴ Resel faraghavira uan afeziamin marvir guaba inigha, pilon a kamel gisìn arigha apiaġħirimin aven amadagħa, pilon kam gisìn apera. Ezi Laban purirpenimin aven rujavira ikia ghua, egha uan marvir guabar apizir puvati.

³⁵ Ezi Resel uan afeziam migia ghaze, “Nan ekiam, ki, amiziba e uan arimariam gami, egha dikavan ibura, ezi ni nan apangkuvigh nan ataran marki.” Ezi a ruia ghua marvir guabar apizir puvati.

* ^{31:44:} Hibrun akam deragħha migirigar kamin mingarim abighiżżejj puvati. ^{† 31:47:} Ziar kamning mingarim kamakin, “Dagħi pozir kam an akar dikirizir gavgavim ababanimin min iti.” Jegar Sahaduta an Aramian akar otevij mam, ezi Galet ana Hibrun akar otevij mam.

³⁶ Ezi Jekopin muriam bar ikuviz a La-banin atara ghaze, “Ai, ki nin bizir tizimra pazava a gamizi ni osemegħa nan agiragħha izi? Ki arazir kurar manatam ni għam?

³⁷ Nan biziba, ni bar da ghavkinigha dar ganigha għifa, egha ni uan bizir manamra gari a iti? Ni uan bizitamin ganti a ikiti, ni uan adarazi ko nan adarazir damazibar azenim datighti, me virara gan migirigħiaba tuisīgħam. Egh fogħ suam, tina guizin migei, ezi tina ifari.

³⁸ “Ki 20plan azenibar ni ko iti. Ezi nin sipsipin amebaba ko memen amebaba de-raviram oti. Ezi ki nin sipsipin apurir tam amezir puvati. ³⁹ Ezi asizir atiaba nin sipsipba ko memebav sozi da ariaghiri, ezi ki tam inigha ghua nin akazir puvati. Ki uabi sipsipba ko memen ariaghiriha ikar-vasi. Egha ni zurara uan bizir ovengħeżiba ikarvaghha migei. Egha uaghan arueba ko dimagaribar gumaziba okiava atera zuir sipsipba ko memeba, ni uaghan da ikarvaghha na migei. ⁴⁰ Dughiar aviriba aruem na mikarzim gaboi. Ezi dimagaribar ghuar-ħaba na għiġi, ezi ki aru għar-ugħarugħha egha de-raviram akuir puvati. ⁴¹ Ki 14plan azenibar nin guivimning inih aningen ikiasi ingħiġi, egha ki 6plan azenibar nin sipsipba ko memen taba inħħasa ingħiġi. Ki 20plan azenibar, ni ko ikia egha nin ingħiġi. Ezi ni nan ivezix dughiar aviribar a għar-ġiraghha na ganid. ⁴² Egħi nan inażim Abrahamin God, a Godin nan afeziam Aisak an ziam fem. A na ko ikian kogħti, ni ti pura na amadazi ki uamateghha ghugħħai. Ezi puvati, God nan itir osimtizim ko ki amir ingan-għaribar gani, egha kamaghin a dimangan akar gavgavim ni ganingi.”

Jekop ko Laban akam akiri

⁴³ Ezi Laban a ikaragħha ghaze, “Amizir kamnning, kar nan guivimning, ezi aningen boriba uaghan nana. Ezi sipsipba ko memeba, da uaghan nana. Ezi bizir kagh itiba bar nananabara. Ezi ki bizir tizim damiġhvira uan guivimning ko, aningen boriba ko men anogorogħam? ⁴⁴ Kamaghin ga datirighin akar dikirizir gavgavim damu. Egh bizitam atiġ an gan akar ga dikirizir kam ginighnighvira ikiam.”*

⁴⁵ Egha Jekop dagħi ruarir mam inigha ababanimin min anesara. ⁴⁶ Egha uan adaraziv kemezi me dagħi maba inigha an borogħin deravira dar pozim mikini. Egha Laban ko Jekop aning uan adarazi ko, me dagħi pozir kamin borogħin dagħebha api. ⁴⁷ Egha Laban dagħi pozir kam, ziam

"Jegar Sahaduta," a gati, ezi Jekop ziam, "Galet," a gati.[†]

⁴⁸ Egha Laban Jekop migia ghaze, "Dagiar pozir kam, gan akar dikirizir gavgavir kamin ababanimin min ikiam." Ezi kamaghin danganir dagiar pozim itir kam, an ziam Galet.

⁴⁹ Egha Laban uaghan ghaze, "Dughiar ga ua uaning inigh ikian koghamim, Ikiavira Itir God gan araziba deraghvira dar ganam." Kamaghin danganir kam, me ziar ighazariz mam uaghan a dibora ghaze Mispa.[‡] ⁵⁰ Egha Laban ua ghaze, "Ni nan guivimning pazi aning damu, o amizir ighazaribar ikiam, egh ni deraghvira nighnigh, gumazitam gan gari, o gan gari puvati, God bar uabira ga amir arazibagh fo."

⁵¹ Egha Laban ua Jekop migia ghaze, "Ni dagiar pozir kam ko dagiar ruarir ababanimin min ki asarazir kamin gan, aning gan tizimin iti. ⁵² Dagiar pozir kam ko dagiar ruarir kam, aning gan akar dikirizimin ababanimin min iki nighnizim ga daningam. Eghti ni a gitagh nan bighan izi na misoghan kogham, eghti ki a gitagh nan bighan mangi ni misoghan kogham."

⁵³ Egha Laban me uan inazibar Godin ziam diborogha kamaghin migei, "Abraham ko Nahorin God uabi, ga tuisigham."[§]

Ezi Jekop, uan afeziam Aisak fer Godin ziam dibora, guizbangira migia ghaze, an akar dikirizir gavgavir kamin gin mangam. ⁵⁴ Egha Jekop mighsiar kamin asizir mam misuegha an ofa gamiha givagha uan adarazir diazima me iza an ofa gamizir asizir kamin tuziba ko dagheba saram api. Me amegha givagha, dimangan mighsiamram akui.

⁵⁵ Egha bar mizaraghara Laban uan guivimning ko uan igiar boribar toregha me ataghiraghamin akar aghuiba me migei. Egha me ategha uamategha uan nguibamin ghu.

32

Jekop Ison ganasa biziba akiri

¹ Ezi Jekop uan adarazi ko dikavigha zuima, Godin enselin maba me bato. ² A men ganigha ghaze, "Ame. Danganir kam kar Godin danganim!" Egha danganir kam ziam, "Mahanaim," a gati.*

³ Egha Jekop gumazir maba amadazi, me Iso mikimasa zui. Iso faragha Seirin nguazimin ghua apera, an ziar mam Idom. ⁴ Egha migirigar otevir kam damuasa me

mikeme, "Gumazir ekiam Iso, ki nin ingangarir gumazim Jekop, ni bagha kamagh akam amadagha ghaze, ki bar dughiar ruarimin Laban ko ikegha givagha egha datirighin uamateghasa. ⁵ Ki bulmakauba, donkiba, sipsipba, memeba, pura ingangarir gumaziba ko amiziba iti. Ezi nan gumazir ekiam, ki nin azai, ni navim na daningigh."

⁶ Ezi gumazir akam inigha ghuezir kaba uamategha izegha, Jekop migia ghaze, "E nin migirigiba inigha nin avebam Iso, bagha ghu, ezi a tuavimin ni bativasa izi. Ezi 400plan gumaziba a ko izi."

⁷ Ezi Jekop migirigar kam baregha puviram atiatigha nighnizir aviribagh ami. Egha uan gumazamiziba, sipsipba, memeba, bulmakauba, ko kamelba isa okoruar pumuningin me abiki, egha danganir pumuningin me ariki. ⁸ A kamaghin nighnisi, "Iso izi faragha itir darazigh asighasichti, igharaz darazi aregham."

⁹ Egha Jekop kamaghin God migei, "Ni nan inazim Abrahamin God, ni nan afeziam Aisakin God, O Ikiavira Itir God, ni nan azangsizim baragh. Ni faragha na migia ghaze, ki uamategh uan nguibamin mangichti ni deravira na damuam. ¹⁰ Guizbangira, ki nin ingangarir gumazim, ki gumazir aghuim puvati, ezi ni nan apangkuvigha egha ni mikemezi moghira deragha na gami. Ki Laban ko ikisi mangasa Jordanin Fanem atugha bizitam suiraghahuzir puvati, ki pura fidizir kinim suiraghah ghu. Egha datirighin ki gumazamizir okoruar pumuning ko izi. ¹¹ Ki kamaghsua nin azangsi, ni deragh nan akuragh nan ganti, nan avebam Iso izi na ko misoghan kogham. Ki kamaghin atiatigha ghaze, Iso ti izi e ko en amuiroghboriba sara misogh bar e kuavaremegham. ¹² Ni faragha na migia ghaze, ki bar deravira ni damu ovavir borir aviriba ni daningam. Eghti men dibobonim ongarimin gigimin min bar avirasemegehtu gumazitam da mengiva avegham."

¹³ Egha Jekop dimangan akiuma aminim tirazima, an asizir maba isa bizir aghuiba min uan avebam Iso daningasa da amisefe.

¹⁴ A 200plan memen amebaba ko 20plan apuriba, sipsipin amebar 200pla ko 20plan apuriba,¹⁵ 30plan kamelin amebaba nguziba itiba, 40plan bulmakaun amebaba ko apurir 10pla, 20plan donkin amebaba ko apurir 10pla, amisefe. ¹⁶ Egha a vaghvaghah asizir okoruar kabar ganasa ingangarir gumaziba amisevegha me migia ghaze, "Ia nan faraghvira mangi. Egh

[†] 31:49: Ziar kam, "Mispa," mong akar otevir kamin min ghu, "Danganir iki ganamim." [‡] 31:53: Labanin inazim Nahor, an Abrahamin avebam. ^{*} 32:2: Hibrun akamin, ziar kam, "Mahanaim," a an ararem, "Danganim," an mirara ghu. ^{32:12:} Jenesis 22:17; 28:13-15

ia asizir okoruar kabar ganti da mangiva uarir boroghira mangan marki, danganir tizitaba, dar okoruabar tizibar arigh mangi.”

¹⁷ Egha a faragha zuir ingangarir gumazim migia ghaze, “Ni mangiti, nan avebam Iso, tuavimin nin apigh kamagh nin azaraghram, Ni tinan ingangarir gumazim? Egha ni managh zui? Ezi asizir kaba, kar tinan naba?” ¹⁸ Egha ni kamaghin an akam ikaragh, ‘Asizir kaba, kar nin ingangarir gumazim, Jekopin naba. Ni Jekopin gumazir ekiamin min itima, a bizir kaba bizar aghuiba min ni bagha da amadazi da izi. Ezi Jekop uabi gin izi.’”

¹⁹ Egha Jekop migrigiar otevir kamra isa ingangarir gumazir namba 2, ko namba 3, ko ingangarir gumazir asiziba bar adar gariba, virara me mikeme. A ghaze, “Ia mangi Iso batogh, egh akar kamram a mikim.” ²⁰ Egh ua kamagh deragh a mikim suam, ‘Nin ingangarir gumazim Jekop, en girara izi.’”

Jekop kamagh nighnisi, “Ki ti arazir kamin uan avebamin nighnizim giraghti a na koma ataran kogham. Eighti ki mangi a bativamin dughiamin a na ko navir aghuim ikiam.” ²¹ Egha a bizir aghuiba amangizi da faragha ghue, ezi a uabi dimagarimin danganir me itimin iti.

Jekop God ko uaning misosi

²² Ezi dimagarir arizir kamra Jekop dikavigha, egh uan amuir pumuning ko, uan amuir dozir pumuning ko, 11plan boriba inigha Jabokin dipam atugha zui. ²³ A me inigha dipamin vongin ghua, egha uamategha ghugha uan ingangarir gumazib kemezi, me an biziha inigha zui. ²⁴ Ezi a uabira iti. Ezi gumazir mam dimangan otogha a ko, aning uaning misoghav ikia ghuav itima aminim tira. ²⁵ Aning uaning misogha ghua gumazir kam gari, Jekop anebira. Ezi gumazim Jekopin ruriar agharim misoghezi, an ruriar agharim asiaghiri, an suem an amira.

²⁶ Aning uaning misogha ikia gumazir kam Jekop migia ghaze, “Aminim tiasa bar gefi. Eighti ni na ateghti ki mangam.”

Ezi Jekop an akam ikaraghha ghaze, “Ni faragh God mikimti a deragh na damuti, ki gin ni ateghti ni mangam.”

²⁷ Ezi gumazir kam kamagh Jekopin azara, “Nin ziam tina?”

Ezi Jekop a ikaraghha ghaze, “Nan ziam Jekop.”

²⁸ Ezi gumazir kam ghaze, “Datirighin nin ziam ua Jekop puvati. Ni God ko gumaziba,

me misogha me abini. Kamaghin nin ziar igiam Israel.”[†]

²⁹ Ezi Jekop a migia ghaze, “Ni datirighin uan ziam gun na mikim.”

Ezi an akam ikaraghha ghaze, “Ni tizimsua, nan ziam bagha nan azangsisi?” Egha a God mikeme, egha a deragh Jekop damuam.

³⁰ Ezi gin Jekop kamaghin migia ghaze, “Ki Godin guamin ganigha gifa, egha aremezir puvati.” Egha danganir kam ziam, “Peniel,” a gati.[‡] ³¹ Ezi aruem anabogha givazima Jekop Peniel ataki. Egha an ruriar agharir asiaghiri, kam bangin an daroriba an ikufi. ³² Isrelia bar fo, fomira gumazir kam Jekopin ruriar agharim misoke. Kamaghin me bar fomira iza datirighin, me asizibar ruriar agharibar itir asizir tuziba apir puvati.

33

Jekop Iso bato

¹ Dughiar kamin Jekop kogha Ison gari, a uan gumazir 400pla ko izi. Ezi a uan boriba bar me migia ghaze, ia mangi uan amebaba ko tuifigh. ² Egha a faragh mangasa amuir dozimming uan boriba ko me mikeme. Eighti Lea uan boriba ko men girara mangam. Ezi a Resel ko Josep mikemezi aning men gin ti.

³ Ezi Jekop uabi men faraghavira ikia zui.

Egha Ison boroghin mangasava amua 7plan

dughiabar tevimmung apira guam nguazim

girava egha dikava an boroghin ghu.

⁴ Ezi Iso dikavigha ivedha iza uan dozimmin suiragh a muiaghiriha an tori. Egha aning uagharama aza.

⁵ Egha Iso amiziba ko boribar gara egha Jekopin azara, “Kar te ni ko iti?”

Ezi Jekop an akam ikaraghha ghaze, “Ki nin ingangarir gumazim. Kar God deraghna gamigha egha borir kaba na ganingi.”

⁶ Ezi an amuir dozimming uan boriba ko iza Ison damazimin uan teviba apirigha avigha iraghu. ⁷ Ezi Lea uan boriba ko uaghan iza teviba apirigha avigha iraghu. Ezi Josep Resel ko abuan iza teviba apirigha avigha iraghu.

⁸ Ezi Iso ghaze, “Gumazir sipsipba ko asizir maba sara inigha faragh zaiba ki me bato. Ezi kar, ni bizir mingarir tizim gata da amada?”

Ezi Jekop a ikaraghha ghaze, “O gumazir ekiam, mar ni bizir mabar gan na gifueghash, ki da amada.”

⁹ Ezi Iso ghaze, “Nan dozim, ki biziha bar aviraseme. Ni uan biziha ua da inigh.”

¹⁰ Ezi Jekop ghaze, “Puvati, ni uan navir averiamin na gifuegh egh nan biziha suiragh. Ni na gifonge, ezi kamaghin, ki

^{32:24:} Hosea 12:3-4 ^{32:28:} Jenesis 35:10 ^{† 32:28:} Hibrun akamin, ziar kam Israel, an ararem akar kam, “A God ko misosi,” an mirara ghu. ^{32:29:} Gumazir Dapaniba 13:17-18 ^{‡ 32:30:} Hibrun akamin, ziar kam, “Peniel,” an ararem akar kam, “Godin guam,” an mirara ghu.

nin guamin gara mati ki Godin guamin gari.¹¹ Ki kamaghin ifonge, bizir aghuir ki ni ganidir kaba, ni na dama da ini. Guizbangira God nan apangkuva arazir bar aghuiimin na gamigha egha bizir bar avirim na gamizi, ki bhibiza bar aviraseme.” Egha a bizir kaba iniasa bar a gakaghonezima, Iso a dama da ini.

¹² Egha Iso ghaze, "Ia dikav e mangam. Ki ia ko, e uaghara mangam."

¹³ Ezi Jekop a migia ghaze, "Nan ekiam, ni gan boriba gavgavizir puvati. Ezi ki sipsipba ko bulmakauba ko asizir igharaziba uan nguziba ko otem apavira itibagh nighnisi. E aruer vamiran bar me inigh mangivira ikiti me bar arimighiregham.
¹⁴ Nan ekiam, ni mar en faragh mangiti, ki aghumra asiziba ko uan boriba inigh nin gin izam. Egh gin Idomin nguazimin nibativam."

¹⁵ Ezi Iso ghaze, "Kamaghin ki uan ingan-garir gumazitaba ni bagh me ategham."

Ezi Jekop ghaze, "Nan ekiam, ni bar na gifonge. Ezi marki, nan ingangarir gumaziba iti, me e ko e mangam."

¹⁶ Ezi dughiar kamran Iso uamategha Idomin ghu. ¹⁷ Ezi Jekop ghua Sukotin nguibamin ghu. Egha ua bagha dipenimin ingarigha egha asiziba bagha purirpeniar ingari. Kamaghin a nguibar kam ziam, "Sukot,"* a gati.

¹⁸ Egha Jekop Mesopotemian nguazim ategha, uamategh Kenanin nguaziminize, egha Sekemin nguibam deragha an ghughava, Sekemin nguibar ekiamin boroghin purirpenibar ingari. ¹⁹ Hamor a Sekemin afeziam, Jekop an adarazi dama nguazim givese, nguazir kamin a uan purirpenibar ingari. Nguazir otevir kamin iveauzim a 100 silvan dagiaba. ²⁰ Egha Jekop ofa gamir dakozir mam danganir kamin an ingarigha, ofa gamir dakozir kam dibora ghaze, “El, a Israelin God.”†

34

Sekem arazir kuramin Daina gami

¹ Dughiar mam Daina, Jekop ko Lean guivim Sekemin nguibamin itir amizibar ganasa zui. ² Ezi Hamor, a Hivian adarazir gumazim, a Kenanin nguazimin itir gumazir dapanim. Ezi an otarim Sekem, Dainan ganigha an suragha arazir kurabar a gami. ³ Sekem, a Jekopin guivim Dainan gari, an ganganiba bar an derazima, a bar a gifuegha anepezepera migirigiar otevir bar isingtibzar a gamuviria iti. ⁴ Egha gin uan afeziem migia ghaze, "Afeziem, ni na bagh amizir kam inighti, ki an ikiasi."

⁵ Ezi Jekop kamaghin oraki, Sekem arazir kuramin an guivim Daina a gami. Dughiar kamin an otariba bar saghon ghuegha dadaba itir danganimin ikia sipsipba ko asizibar gara iti. Kamaghin a bizitam damuan iburagha pura me mizua iti.

6 Ezi Sekemin afeziam Hamor Jekop ko mikimasa ize. 7 Egha aning uaning migiavira itima, Jekopin otariba uamategha ize. Me kamaghin oregha gifà, Sekem men buaramizim arazir kurabar a gami, ezi men naviba ikuvizi me puviram atari. Arazir Sekem Jekopin guivim gamizir kam, Israelian damazimin bar arazir kuram. Guizbangira, Israelian nighnizimin ni arazir katam damuan bar markiam.

⁸ Ezi Hamor kamaghin Jekop migei, "Nan otarim bar moghiram nin guivim gifonge, ezi ki nin azai, an an ikiami, o? ⁹ Ki ghaze, e uari ko deragh dapiagh egh e ian guivibar ikiti, ia en guivibar ikiam. ¹⁰ Egh ia e ko kantrin kamin ikiam. Egh nguazir asizir manam gifuegh ian iki, egh dagiar ingan-garibar amu nguazim givezeeghti a iana."

¹¹ Ez Sekem uan afeziam ko izegha, kamaghin Dainan afeziam ko an tuebabav gei, "Ia nan azangsizimin amamangatigham, eghit bizir ia ifongeziba ki da ia daningam. ¹² Egh ia amizir kamin ivezim diborogh na mikim, egh bizir aghuir manmagh gariba uari daningis na mikemegh. Egh ia ivezim manmaghirama anetigham, ki a isi ia daningam. Nan nighnizir ekiam, ia amizim na danighti ki an ikiam."

¹³ Ez i Jekopin otariba arazir kurar Sekem men buaramizim Daina gamizim giniri. Egha me Sekem uan afeziam Hamor ko, aning gifarasa, ¹⁴ egha me a migia ghaze, "E uan buaramizim amamangatighti a gumazir me an mikarzir mogomemin inim atuzir puvatizitamin ikian kogham. E kamaghin damigh, aghumsizir ekiam inigham. ¹⁵ Kamaghin amizi ia faragh bizar kam damigh. Ia uan gumazibar mikarzir mogomebar iniba vaghvagh bar adar ghoregh, egh ia en min ikiam. Egh gin, ni en buaramizimin ikiam. ¹⁶ Egh ia kamagh damighti, e uan guiviba ian taghiraghti ia men ikiti e uaghan ian guivibar ikiam. Eghti e ia ko iki egh gumazamizir vabara ikiam. ¹⁷ Egh ia e bareghan kogh uan mikarzir mogomebar iniba aghoreghan koghti, e uan buaramizim inigh egh nguibar kam ataghirasham."

¹⁸ Ezi Hamor uan otarim Sekem ko men migirigar kam gifonge. ¹⁹ Ezi Sekem Jekopin guivim bar a gifonge, kamaghin a bar zuamira bizir me mikemezir kabagh ami. Sekemin afeziamin adarasi, fomira iza

* **33:17:** Hibrun akamín, ziar kam, "Sukot," an ararem, "Dipenir muziarim," an mirara ghu. **33:19:** Josua 24:32;
 Jon 4:5 † **33:20:** "El" kar Godin ziar mam.

35

*Jekop Betelin itima God
bizar bar aghuibar a gami*

¹ Ezi God Jekop migia ghaze, “Ni dikavigh Betelin mangi egh magh iki. Egh na bagh ofa damuamin danganitamin ingarigh. Ki God, ni uan avebam Ison arir dughiamin ki ni bato.”

² Ezi Jekop uan amuiroghboriba ko gu-mazamizir a ko itibav gia ghaze, “Ia uan asebar marvir guaba bar da batokegh. Egh arazir Godin damazimin zuezibar amu, egh korotiar zuruzibara aghu. ³ Egh e nguibar kam ategh Betelin mangam. Eighti ki God bagh ofa damuamin danganitamin ingaram. Godin kam, ki osimtizibar aven itir dughiamin, a nan akura. Ezi ki managh zui, a na ko zurara iti.”

⁴ Ezi me bar moghira uan asebar marvir guaba isa Jekop ganingi. Egha uaghan uan ringin uan kuaribagh ariziba sarama a ganingi. Ezi Jekop Sekemin nguibamin boroghira temer okin apengan, mozim gikuigha egha bar ada isa mozim gaghui.

⁵ Egha Jekop uan adarazi ko dikavigha zui. Me zuima God Sekemin boroghin itir nguibabar gumazamizibagh amizi, me bar atatieng. Egha Jekopin adarazir agintighizir puvati.

⁶ Ezi Jekop uan adarazi ko ghua Kenanin nguazimin, Lusin nguibamin otifi. Lus, a Betelin nguibamin ziar ghurim. ⁷ Egha Jekop ofa gamir dakozir mamin ingarigha, danganir kam ziam a gatigha ghaze, “Betelin God.” Jekop nighni, danganir kam a fomira uan avebam Ison arima God a bato.

⁸ Ezi dughiar kam Rebekan ingangarir amizim Debora areme, amizir kam fomira Rebeka aghirimra itima, an an gari. Ezi me dughiar kamini ikiava, sautin amadaghan Betelin nguibamin boroghin temer ekiamin apengan anefia. Egha me temer kam ziam a gatigha ghaze, “Azirakam Gamir Temem.”

⁹ Egha dughiar kamini Jekop Mesopotemia ategha ua Kenanin nguazimin izezi, God uam a batogha arazir bar aghuibar a gami. ¹⁰ Egha God a migia ghaze, “Datinighin nin ziam Jekop. Ezi me ua Jekop ni darighan kogham. Puvati. Me ziam Israel ni darigham.” Kamaghin God ziam, “Israel,” a gati.

¹¹ Egha God a migia ghaze, “Ki Gavgav-iba Bar Itir God. Ni bar borir aviriba batam. Eighti gin ikizir mam ko, ikizir ighazarir avirir maba nin otivam. Eighti ni uaghan atrivir mabar, inazir afeziamin otivam. ¹² Eighti ki nguazir faragha Abraham ko Aisak ganingizim, ki ni daningam. Egh uaghan nin ovavir boribar aningam.”

datinighin ziar bar ekiam Sekem ganiga bar a gifonge. ²⁰ Ezi Hamor uan otarim Sekem ko ghua, nguibar ekiamin divazimin tiar akamin uari akuvir danganimin ghugha, nguibamin itir gumazir ighazaribav gei. Egha ghaze, ²¹ “Gumazamizir kaba me gumazamizir bar aghuiba e ko dapias. E nguazir bar ekiam iti. E me atefti me en nguazimin iki, uan ifongiamin dagiar ingangaribar amuam. Egh e men guivibar ikiti me en guivibar ikiham. ²² Egha me arazir kam bagha gavgafi. E uan gumazibar mikarzir mogomebar iniba aghoregh egh e men min ikiham. E kamagh damighti, me e ko virara ikisi ifuegham. ²³ Eighti men siprip ko bulmaksi ko asizir ighazariba, uaghan enanaba. Ezi bizir ekiar bar vamiran me migeir kam e damighti, me e ko virara ikiham.”

²⁴ Ezi nguibar ekiamin itir gumaziba bar, Hamor ko Sekemin akamin amaman-gatigha, me uan mikarzir mogomebar iniba aghore.

²⁵ Ezi dughiar 3pla givazi, gumaziba uari aghorezir duaba isiajvira iti. Ezi Simeon ko Livai, Dainan tuebamningra midorozir sababa inigha nguibar ekiamin even zui. Ezi gumazitam aningin anogoroghezir puvati. Ezi aning nguibar ekiamin itir gumaziba bar me misoghezi me ariaghire. ²⁶ Egha aning uaghan Hamor uan otarim Sekem ko aming misoghezi aning areme. Ezi aning Sekemin dipenimin even ghua Daina inigha ghu. ²⁷ Dughiar kamin Simeon ko Livai me misuegha givazima, Jekopin otarir ighazariba nguibar ekiamin even ghua bizir aghuir aviriba, me Daina gamizir arazim ikar-vagha da okeme. ²⁸ Egha me uaghan sip-sipba, bulmakauba ko donkiba ini. Egha me bizir nguibamin even itiba ko azenan itiba sara bar ada ini. ²⁹ Egha me bizir iveauiba bar pin koziba inigha egha kal-abuzaibar min amiziba ko boriba bar me inigha, dipenibar even itir biziba bar ada akumakunigha da inigha ghue.

³⁰ Ezi gin Jekop, Simeon ko Livai migia ghaze, “Gua osimtizir ekiam na gati. Ikizir kamning, Kenania ko Peresia, aningin adarazi nguazir kamin iti, me nan gan suam ki gumazir bar kuram. Ki gumazamizir aviriba puvati. Eighti ikizir kamningin gumaziba uari akuvagh na misoghti ki uan amuiroghboriba ko bar givagh.”

³¹ Ezi aning kamaghin migei, “Kamaghin e mammaghin damuam? E ti uan buaramizim pura men teghti, me arazir kurabar a damighti, a tuavimin amizimin min ikiisa, a?”

¹³ God mikemegha givagha danganir a Jekop ko migeir kam ategha ghuavanabo.

¹⁴ Ezi Jekop dagiar bar ruarir mam isa danganir God a ko mikemezir kamin ababanim gamuava anesara. Egha wain ko, olivin borem ofan min aning isa dagiar kam ginge. ¹⁵ Egha God a ko mikemezir danganir kam a ziam, "Betel," a gati.

¹⁶ Egha Jekop uan adarazi ko Betel ategha Efratan nguibamin zui. Egha me ghuavira itima Resel otamin dughiam oto. Ezi a bar mizazir bar ekiam isi. ¹⁷ A bar mizazir ekiam isima, amizir a ko itim, kamaghin a migei, "Ni atiatingan marki. Kar otarir ighazarir mam."

¹⁸ Ezi Resel ovengasa abuan dighorim ingara egha, otarim ziam, "Benoni," a gati. Ezi an afeziom gin ziam, "Benjamin," a gati.*

¹⁹ Ezi Resel aremezi me Efratan nguibamin zuir tuavir miriamin a mozim gati. Kar Betlehemin nguibamin ziar ghurim. ²⁰ Ezi Jekop danganir kamin dagiam isa Reselin mozimin ababanim gamua anefa. Ezi dagiar kam datirighin ikiavira iti.†

²¹ Ezi Israel ghuavira ikia Ederin taua ategha mong sivagha ghua purirpenibar ingari. ^{22a} Israel kagh ikiavira itima, Ruben ghua uan afeziom amuir dozim Bilha koma akui. Ezi Israel Ruben amizir bizir kam baraki.

Jekopin otaribar ziaba (1 Eghaghaniba 2:1-2)

^{22b} Jekop a 12plan otariba iti. ²³ Kar Lean otariba, Ruben a Jekopin otarir ivariam, ko Simeon, Livai, Juda, Isakar ko Sebulun.

²⁴ Ezi Resel otarir pumuning iti, Josep ko Benjamin.

²⁵ Ezi Bilha, Reselin ingangarir amizim otarir pumuning iti, Dan ko Naptali.

²⁶ Ezi Silpa, Lean ingangarir amizim otarir pumuning iti, Gat ko Aser. Jekop Mesopotemian ikia otarir kaba ini.

Aisak areme

²⁷ Egha Jekop uan afeziom Aisak bagha Mamren nguibamin ghu, Hebronin nguibamin boroghin an ziar mam Kiriath Arba. Kar Abraham ko Aisak faragha ikezir nguibam. ²⁸ Ezi Aisak 180plan azeniba ikia, ²⁹ bar ghurigha ovengezi, an duam ghua, an adarazir duabha ghua itir nguibamin me ko iti. Ezi an otarimning Iso ko Jekop an suiraghia anefa.

Ison ikizimin adarasi

* ^{35:18:} Jenesis 28:18-19 * ^{35:18:} Hibrun akamin, ziar kam, "Benoni," an mingarim kamakin, "Borir ki mizazir bar ekiamin tongin ikiava otezim." Hibrun akamin, ziar kam, "Benjamin," an mingarim kamakin, "Borim ziar ekiam iniam."

† ^{35:20:} Akar otevir kam, "datirighin ikiavira iti," a e datirighin itir dughiam migeir puvati. A gumazim akinasfarir kam osirizir dughiam migei. ^{35:22a:} Jenesis 49:4 ^{35:27:} Jenesis 13:18 ^{36:2:} Jenesis 26:34 ^{36:3:} Jenesis 28:9

36 (Sapta 36)

*Ison ovavir boribar ziaba
(1 Eghaghaniba 1:34-37)*

¹ Kar Ison ovavir boribar ziaba, an ziar igharazim Idom:

² Iso a Kenanian amizibar iti. Ezi Hitian gumazim Elon, an guivim Ada, Ison iti. Ezi Anan guivim Oholibama, uaghan an iti. Anan afeziom Sibeon, a Hivian gumariz mam. ³ Egha a uaghan Ismaelin guivim Basematin iti. Ezi Basemat a Nebaiotin buaramizim.

⁴ Ezi Ada Elifas bate, ezi Basemat Ruel bate. ⁵ Ezi Oholibama Jeus, Jalam, ko Kora bate. Dughiar kamin Iso Kenanan nguazimin ikiavira ikiava borir kaba ini.

⁶ Egha gin Iso uan amuiba, ko otariba, ko guiviba ko, gumazamizir an adarazi ko itiba ko, asiziba ko, an bizar Kenanan nguazimin itiba bar ada inigha, uan dozim Jekopin saghon ghua nguazir igharazimin zui. ⁷ Iso uan dozim ataghirazir bizim kamakin, nguazir aning itir kam aningen tughatighan kogham. Aningin asiziba bar avirasemezi aning uaning ko ikian iburaghburaki. ⁸ Kamaghin, Iso ghua Seirin Mighsiabar nguibamin apera. Idom, kar Ison ziar igharazim.

⁹ Ezi Ison boribar ziabar kara:

Iso ubi, a Idomian afeziom, me Seirin Mighsiabar iti.

¹⁰ Iso ubi an otariba, Elifas a Adan otarim, ezi Ruel a Basematin otarim.

¹¹ Ezi Elifasin otariba, Teman, Omar, Sefo, Gatam, ko Kenas.

¹² Ezi Ison otarim Elifas, an amuir dozim Timna, an Amalek bate. Kar Ison amuir Adam ovavir boriba.

¹³ Ezi Ruelin otariba, Nahat, Sera, Sama ko Misa. Kar Ison amuir mam Basematin otariba.

¹⁴ Ezi Ison amuir igharazim Oholibama, a Jeus, Jalam ko Kora bate. Oholibaman amebam Ana, ezi Sibeon Anan afeziom.

¹⁵⁻¹⁶ Ezi Ison otarir uan adarazir gumazir dapanibar itibar ziabar kara:

Elifas a Ison otarir ivariam, an otaribar kara,

Teman, Omar, Sefo, Kenas, Kora, Gatam, ko Amalek, me gumazir dapanibar otivigha uan adarazi Idomin nguazimin men gari. Kar Ison amuim Ada, an ovavir boribar otariba.

¹⁷ Ezi Ruelin adarasi, Nahat, Sera, Sama ko Misa, me uan adarazir gumazir dapanibar otivigha Idomin nguazimin men gari. Kar Ison amuim Basemat, an ovavir boriba.

¹⁸ Ezi Ison amuim Oholibaman adarasi, Jeus, Jalam ko Kora, me gumazir dapanibar iti. Ezi Anan guivim Oholibama gumazir dapanir kaba bate.

¹⁹ Ezi gumazir kaba me Ison ovavir boriba, Ison ziar mam Idom. Me uan dakozibar gumazir dapanibar iti.

*Seirin adarazir ziaba
(1 Eghaghaniba 1:38-42)*

²⁰ Seir, a Horian gumazir mam, a Idomin nguazimin iti. Kar Seirin otaribar ziaba:

Ezi an otariba, Lotan, Sobal, Sibeon, Ana,
²¹ Dison, Eser ko Disan. Ezi kar Seirin otariba,
me uan adarazir dakozibar dapanibar ikia Idomin nguazimin iti.

²² Ezi Lotanin otarimning,
Hori ko Heman. Ezi Lotanin buaramizim, a Timna.

²³ Ezi Sobalin otariba,
Alvan, Manahat, Ebal, Sefo, ko Onam.

²⁴ Ezi Sibeonin otarimning,
Aia ko Ana.

Anan kamra, a faragha uan afeziam Sibeoni donkiba gumazamiziba puvatizir danganimin dar gara, egha dipar atuir bar puvira feibar gani.

²⁵ Ezi Anan borimning,
Dison ko Oholibama. Ezi Oholibama Anan guivim.

²⁶ Ezi Disonin* otariba,
Hemdan, Esban, Itran, ko Keran.

²⁷ Ezi Eserin otariba,
Bilhan, Savan, ko Akan.

²⁸ Ezi Disanin otarimning,
Us ko Aran.

²⁹⁻³⁰ Ezi Idomin nguazimin aven, Horin adarazir dakozibar gumazir dapanibar ziaba,
Lotan, Sobal, Sibeon, Ana, Dison, Eser ko Disan.

*Idomin atrivibar ziaba
(1 Eghaghaniba 1:43-45)*

³¹ Dughiar kamin Israelia atriviba puvatizi, gumazir kaba Idomin kantrin atrivibar ike:

³² Ezi Beorin otarim Bela, Idomin kantrin faraghaviram atrivimin iti.
A Dinhaban nguibar ekiamin atrivimin iti.

³³ Egha Bela aremezi, Seran otarim Jobap an danganim inigha atrivimin iti.
Sera, a Bosran nguibamin gumazim.

³⁴ Egha Jobap aremezi, Temanian nguazimin gumazim Husam, an danganim inigha atrivimin iti.

³⁵ Egha Husam aremezi, Bedatin otarim Hadat an danganim inigha atrivimin iti.

Egha Hadat Moapin nguazimin ghua Midianin gumaziba ko misogha midorozimin me abira.

Egha Hadat Avitin nguibar ekiamin atrivimin iti.

³⁶ Egha Hadat aremezi, Masrekan nguibamin gumazim, an ziam Samla, an danganim inigha atrivimin oto.

³⁷ Egha Samla aremezi, Saul an danganim inigha atrivimin oto.
Saul, a Rehobotian gumazir mam. Rehobot, a Yufretisin Fanemin miriamin itir nguibam.

³⁸ Ezi Saul aremezi,
Akborin otarim Balhanan an danganim inigha atrivimin oto.

³⁹ Egha Balhanan aremezi, Hadar an danganim inigha atrivimin oto.
Egha Paun nguibamin atrivimin iti.
Ezi an amuim Mehetabel, a Matretin guivim.
Ezi Mehetabelin inazim Mesahap.

⁴⁰⁻⁴³ Ezi Idomian anababar gumazir dapanibar ziabar kara:

Timna, Alva, Jetet, Oholibama, Ela, Pinon, Kenas, Teman, Mipsar, Makdiel, ko Iram.
Gumazir kaba me Idomian gumazir dapaniba.

Ezi Idom kar Ison ziar igharazim, ezi Iso Idomian inazir afeziam. Ezi gumazir dapanir kaba vaghvaghya uan nguibabar ikia, egha uan adarazir gativa men gari.

Josepin Eghaghanim

37

(Sapta 37--45)

Josepin aveghbuaba a baseme

* **36:26:** Hibrun akamin ziar kam, "Disan," vezin kamin iti, ezi me ti paza an osiri. Guizbangira, ziam, "Dison," kagh iki. Ni sapta 36:21 ko 28in gan.

¹ Jekop Kenanin nguazimin iti, kar nguazir an afeziām Aisak fomira ikezim. ² Ezi Jekop ko an ovavir boribar eghaghan-imra kara. Josep a gumazir bar igiam, egha 17pla azeniba iti. Egha a sipsipba ko memeba uan aveghbuuba ko dar gari. Kar Bilha ko Silpan otariba, aning an afeziāmin amuimning. Ezi Josepin aveghbuuba amir arazir kuraba a zurara dar gun uan afeziām migei. ³ Ezi Jekop, an ziar mam Israel. Israel bar ghurizir dughiam an amuim Josep bate. Ezi bizir kam bagħha, a uan otarir igharazibar tongin Josep bar a gifonge. Egha dughiar mam Jekop, Josep bagħha korotiar agharir ruarir dirir mamin ingarigha a ganingi. ⁴ Ezi aveghbuuba gari afeziām bar Josep gifuegħha, deragħha me gifongezir puvati. Kamaghin, aveghbuuba Josep bar a baseme, egha bar an aghuagħha, migirigħi aghuabar a gamir puvati. ⁵ Egha dughiar mamin Josep irebamin ganigha, aveghbuabagh eghar. Ezi me a bareghha men naviba bar mogħira an ikufi.

⁶ Ezi Josep kamaghin migei, “Ia nan irebam baragh. ⁷ E bar mogħira dagħer azenimin aven ikia, egha witin ikiziba ikia da arisi. Ezi nan witin ikizim vorogħira tughav iti. Ezi ian witin ikiziba nan witin ikizim għiġu ġi tħalli tħalli, dar dapaniba avighha għuaghira nan witin ikizim miti.”

⁸ Ezi an aveghbuuba oregha kamaghin Josep migei, “Ni ghaze, ni en atrivimin otogh egh e għatvagħam?” Egha kamaghin, Josep zurura uan irebabagh egharima, an aveghbuuba naviba an derażir puvati.

⁹ Egha gin Josep ua irebar mamin ganigha uan aveghbuabagh eghar. Egha kamaghin migei, “Ki ua irebar mamin gani. Egha nan irebamin aven, ki aruem ko iakinim ko mikovezir 11plan garima, da nan guamin uan dapaniba avingi.”

¹⁰ A irebar kamin uan afeziām ko uan aveghbuabagh eghaniga givazi, an afeziām an atara kamaghin a migei, “Kar irebar manmagħi amizim? Ni ti ghaze, ki ko nin amebam ko nin aveghbuuba, e bar izi nin guamin tevibar pirigh dapaniba avigham?” ¹¹ Ezi Josepin aveghbuuba naviba bar a baseme, ezi afeziām Josepin irebamning puviram aning ġiġiġnisi.

Ismaelian gumaziba Josep inigha Isipin kantrin għu

¹² Ezi dughiar mamin Josepin aveghbuuba uan afeziāmin sipsipbar ganasa Sekemin nguibamin ghue. ¹³ Ezi Israel kamaghin Josep migei, “Nin aveghbuuba sipsipbar gara Sekemin nguibamin iti. Ezi ni mangi men ganasa ki ifonge.”

Ezi Josep kamaghin an akam ikaraghha ghaze, “Are, Afeziām. Ki mangam.”

¹⁴ Ezi afeziām kamaghin a migei, “Ni mangi uan aveghbuabar ganigh fogħ suam, me deraghavira ti, o puvati? Egh uaghan sipsipbar ganigh fogħ, da dera, o puvati? Ni men ganigh, egh uamattegħ izi na mikemegħ.” Ezi dughiar kamin Israel adarasi, Hebronin danganir zarimin iti. Ezi Josep Sekemin nguibamin otogħa għifa. ¹⁵ Egha danganir kam garua uan aveghbuuba bagħha rui. Ezi gumazir mam an ganigha kamaghin an azara, “Ni bizir tizim buri?”

¹⁶ Ezi Josep kamaghin migei, “Ki uan aveghbuuba bagħha rui. Ni danganir me ikia uan sipsipbar garim, an gun na mikimam o?”

¹⁷ Ezi gumazir kam a migia ghaze, “Me danganir kam ataki. Egha ki orazi, me Dotan nguibamin mangasa mikeme.” Ezi Josep uan aveghbuabar ġin ghua Dotan nguibamin me bato.

¹⁸ Egha a sagħon għuavira itima, an aveghbuuba an apigha, a misuegħti an aremegħħa akam misosi.

¹⁹ Egha me uarir tongin uarira kamaghin uariv già ghaze, “Ia munagh gan, gumazir irebabar garim izi. ²⁰ Aria, e a misuegħti an aremegħħi, e an kuam inih możir kabar tam minkinika. Egh e ġin suam, ‘Asizir atiar mam a misoghezi an areme.’ Egh e ganam, an irebamming manmagħin ottivam!”

²¹ Ezi Ruben me barasi, me migirigħiak kam gamizi, a Josepin akurvaghħasa. Egha ghaze, “E a misuegħti an aremegħan markiam. ²² E uari an ikirimirim agħiġaq kogħam. A inih gumazamiziba puvatizir danganim minn itir możir kam minkin.” Guizbangira Ruben kamaghin nighnisi, a Josep uam a inih anaku uam afeziām bagħ mangħa, akar kam mikeme.

²³ Ezi Josep uan aveghbuuba batozima, me pamten an suiragħha, a gekuava an korotiar agharir ruarir dirir an afeziām a ganigizim sue. ²⁴ Egha me a inihha ghua możir dipar misiegħizir mam minkin.

²⁵ Egha gin me apiaghava api. Me apia ikia garima, Ismaelian gumaziba uan kamelba ko izi. Gumazir kaba, Gileatin nguazimin ikeħha iza, Isipin kantrin zui. Egh me mangi bizir bar pin koziba dagħiabu bagħ da mangħa, bizir kabanang, temebar eboriba, ko mikarzibagħi azurir bizir guar aviriba, ko mugħuriar aghjuu zuir boreba.

²⁶ Ezi Juda kamaghin uan aveghbuabav già ghaze, “E uan aveghbuam misuegħti an aremegħħi, bizir e amizir kam modogħti, arazir kam manmagħin en akuragh hem?”

²⁷ Kamaghin e ti Ismael adarzi bagħ anemadagħti, me pura ingangarir gumazir

kinimin min a givezegham. Guizbangira, an en aveghbuamra egha ghuzir vamira, kamaghin e uari a gasighasighan kogham." Ezi an aveghbuuba akar kam gifonge.

²⁸ Egha an aveghbuuba migiavira itima, Midian gumazir dagiaba bagha ingarir maba iza Josepin garima, a mozimin iti. Ezi aveghbuuba a gekui'an anabozzi, me pura inganganir gumazir kinimin min Ismaelian gumazibar anemada. Ezi Ismaelian gumaziba 20 silvan dagiaba Midianian gumazibagh anigha, Josep inigha Isipin kantrin zui.

²⁹ Ezi gin Ruben ua ghua mozimin garima, Josep mozimin itir puvati. Ezi a digavir kuram gamigha nighnigha avegha uan korotiab abiki,³⁰ egha uamategha uan aveghbuuba bagha ghua kamaghin me migei, "Josep mozimin itir puvati. Ezi ki manmaghin damuam?"

³¹ Ezi an aveghbuuba memen mam misuegha, me Josepin korotiar agharir ruarir dirim isa an ghuzim garugha uam a ini. ³² Egha me an korotiar dirim inigha afeziam bagha ghugha, an akaghava a migei, "Ni kagh ganigh, korotiar dirir kam a danganir mamin iti e an api. Ka ti nin borir tamin korotiam, o puvat?"

³³ Ezi afeziam korotiar dirir kamin ganigha fogha kamaghin migei, "Are, kar Josepin korotiab. Laionin tam ti nan otarim misoghezi an aremezi, a ti bar anemeghama." ³⁴ Ezi Jekop uan borim bar an apangkuvigha, uan korotiab abigha, azir korotiar mam aru. Egha dughiar ruarimin uan borim bagha azia iti.

³⁵ Ezi an otariba ko guiviba, iza an navim damuti a ua deraghassa migirigiar a migei. Ezi a bar aghuaghha kamaghin migei, "Ki a bagh arang mamaghira iki mangi, Gumazamizir Oveaghuezibar Nguibamin magirigh a batogham." Egha Jekop aziavira iti. ³⁶ Ezi Midianian gumazir kaba* Josep inigha ghua Isipin kantrin otogha, pura inganganir gumazir kinimin min a isa dagiaba bagha Potifar anemada. A Isipin atrivimin inganganir gumazir mam. Potifar, a Isipin atrivimin dipenir ekiamin garava, midorozir gumazibar faragha zuir gumazim.

38

Tamar Juda gifari

¹ Ezi dughiar kamin Juda uan aveghbuuba ategha ghua Adulamin nguibamin gumazim, an ziam Hira, a ko iti. ² Egha Kenanin nguazimin gumazim, an ziam Sua, an an guivimin gani. Egha an amizir kamin

ikia egha aning iti. ³ Ezi amizim navim asegha otarir mam batezi, Juda ziam, "Er," a gati. ⁴ Egha gin amizim navim asegha uam otarir mam bategħha uabi ziam, "Onan," a gati. ⁵ Ezi amizim ua navim asegha uam otarir mam bategħha ziam, "Sela," a gati. Dugħiarr kam Juda Kesipin nguibamin itima an amuim Sela bate. ⁶ Ezi boriba aghħua ghua bar ekevezima, Juda uan otarir ivariam Er bagħha amizir mam ini. Ezi amizir kamin ziam Tamar. ⁷ Ezi Erin arazzi ba Ikiavira Itir Godin damazimin bar derazir puvati, kamaghin God a misoghezi an areme.

⁸ Ezi Juda kamagh Onan migei, "Ni uan avebamin amuim ko daku. Nin avebam ovegha boriba puvati. En arazim kamakin, ni uan avebamin amuim inighiva an iki, egh a bagħ boriba iniam." ⁹ Ezi Onan pura borir iħgaraziba batiti, me an avebamin ziamin iki bizibar amuan an aghħua. Egha amizir kam koma akua, uan dipam pura nuguazim gingie. A kamaghin nighnisi, a kamaghin damu uan avebam bagħ boritam inighan kogħam. ¹⁰ Ezi Onan amir arazir kam, a Ikiavira Itir Godin damazimin bar ikufi. Kamaghin, God uaghan a misoghezi an areme.

¹¹ Ezi gin Juda uan ivozir amizir Tamar migħiha ghaze, "Nin pam areme. Kamaghin, ni uamategħu afeziamin dipenim mangi, egh magħ ikiti nan otarim Sela an ekeveka." Juda kamagh nighnigha atiatigha migirigiar kam gami, Sela uan avebamningin min ovegham. Ezi Tamar ua uan afeziamin dipenim ġgħuha iti.

¹² Ezi dugħiarr ruarim ghua givazima, Judan amuim a Suan guivim, a uaghan ovengo. Juda uan amuimin buabem agivagħha, gumazir an sipsipbar ariziba għoribar ganasa Timna n̄guibamin għu. Ezi an namakam, Adulamin n̄guibamin gumazim Hira, a ko għu. ¹³ Ezi gumazir mam kamagh Tamar migei, "Nin ivozir afeziam sipsipbar ariziba aghorasa Timna n̄guibamin għu." ¹⁴ Ezi Tamar kamaghin fo, Sela ekevegha gifa, ezi aning uanġin iċkiamin migirigia me dar kīrizz puvati. Kamaghin a korotiar uan pam guba ikia aruzim sue. Egha inir avizir mam inigha uan guam avaragħha, ghua Enaimin n̄guibamin zuir tuavir akamin aperaghav iti, nguibar kam Timna n̄guibamin zuir tuavimini iti.

¹⁵ Ezi amizir kam inir avizim uan guam dkuuqha aperaghav itima, Juda iza an gara kamaghin nighnisi, kar ti gumaziba isa me koma akurri amizim. ¹⁶ Egha a tuavir miriamin an borogħin ghua a migħiha għażże, "Aria, ki ni ko dakuasa." Dugħiarr kam,

* 37:28: Aposel 7:9 * 37:36: E garima, ves 37:28 ko 39:1 kamaghin migei, Ismaelian adarzi Josep inigha Isipin għu. Ezi ves 36 kamaghin migei, Midianian gumaziba a inigha għu. E fozir puvati, akar manam guizbangira.

Juda kamaghin fozir puvati, kar an ivozir amizim.

Ezi amizim ghaze, "Bizir tizim ni na daningam?"

¹⁷ Ezi Juda ghaze, "Nan memeba iti. Ki memen igiatam ni bagh anemadaghti a izam."

Ezi amizim ghaze, "A dera, ni faragh na ko dikirizir akam bagh, ababanimin min bizitam na daningigh, egh gin meme na danighti ki nin bizim isi uam ni daningam."

¹⁸ Ezi Juda kamaghin migei, "Ki bizar tizim, akar dikirizimin ababanim damu, ni daningam?"

Ezi amizim ghaze, "Bizir kamning na daningigh, ringin nin ziamin ababanim itim, ko an benir ni uan firim gikezir kam sara. Egh uan darorir fidizir ni suirazi kam saram na daningigh." Ezi Juda bizar kaba bar da isa amizim ganigha, a koma akui. Egha navim a ganingi. ¹⁹ Egha aningakuigha givagha Tamar dikavigha ghu. Egha uan guam avarazir inir kam adegha, ua buaber korotiam arughua ua uan pam gubai.

²⁰ Egha gin Juda memen igiar mam isa Hira ganigha anemadagha ghaze, a mangi meme a daningigh, a da biziua ua da niiam. Ezi a ghua amizir kam buria egha an apizir puvati. ²¹ Kamaghin a danganir kamin itir gumazibar azangsisi, "Enaimin tuavimin apiaghimir amizir gumaziba isa me koma akuum, a managh iti?"

Ezi me ghaze, "Amizir gumaziba koma akuitam kagh itir puvati."

²² Ezi Hira uamategha Juda bagha ghugha ghaze, "Ki an apizir puvati. Ezi nguibamin gumaziba ghaze, Amizir gumaziba isa akuitam munagh itir puvati."

²³ Ezi Juda kamaghin migei, "Marki, aneteghti a bizar kabar suiragh. Ni uam amizir kam burian marki, kamaghin, gumazamiziba gan ingarvakegham. Guizbangira, ki uan akar dikirizimin gin ghua a bagha memen igiar kam amada, ezi ni an apizir puvati."

²⁴ Ezi iakinir 3pla ghua givazima me iza kamaghin Juda migei, "Nin ivozir amizim Tamar gumaziba isa me koma akuir arazim gamigha, datirighin navim asangi."

Ezi Juda kamaghin migia ghaze, "Ia a inigh mangi avimin a tuaghti a isiva aremegh!"

²⁵ Egha me a inigha zuir dughiam, Tamar bizar Juda a ganingiziba isa da amaga, egh akar kam sarama a bagha anemada, "Bizir kabar afeziam, a na koma akuizi, ki navim asangi. Ni kagh bizar kaba deragh adar

ganigh. Benim ko, ziar an ababanim itir ring ko, darorir fidizim. Kar tinan biziba?"

²⁶ Ezi Juda ganigha fogha kamaghin migei, "Guizbangira, amizir kam nan otarim Selan ikiam. Ezi puvati, ki aning uanining ikiamin bizim akirizir puvati. Kamaghin, kirara, ki arazir kuram gami, ezi amizir kam puvati." Egha Juda uam a koma akuir puvati.

²⁷ Ezi Tamar borim batamin dughiam me kamagh an gari, borir fufuzimming an navimin iti. ²⁸ Ezi Tamar otamin dughiam, borir mamin agharim faragha oto. Ezi amizir Tamarin akuraghti an otamin kam, a borimin agharimin suiraghha benir aghevir mam an agharim ike. Egha ghaze, "Borir kam faragha ize." ²⁹ Ezi borim ua uan agharim gekuigha aven ghu, ezi an dozim faragha oto.

Ezi amizir kam ghaze, "Manmaghin ami? Ni avebam gitagha faragha ize?" Ezi me ziam, "Peres," a gati.* ³⁰ Ezi gin an avebar benir aghevim itim oto. Ezi me ziam, "Sera," a gati.

39

Josep Potifarin dipenimin iti

¹ Ezi Ismaelin adarazi Josep inigha Isipin kantrin ghuzi, Potifar ingangarir gumazir kinimin min a givese. Potifar a Isipin gumazir mam. Atrivimin ingangaribar faragha zuir ingangarir gumaziba, a men mav. A uaghan atrivimin dipenimin garir midorozir gumaziba, a men faragha zuir gumazim. ² Ezi Josep, gumazir ekiam Potifarin dipenimin aven iti. Ezi Ikiavira Itir God Josep ko iti, ezi an amir biziua bar, deraviram otifi. ³ Ezi Potifar gari, Ikiavira Itir God Josep ko itima an amir biziua, da deragha otifi. ⁴ Ezi a Josep bagha bar ifuegha a gamizima an an ingangarir gumazimin oto. Ezi a uan dipenim ko biziua bar dar ganamin ingangarim a ganingi. ⁵ Ezi Josep Potifarin dipenimin gara itir dughiar kamin, Ikiavira Itir God bar deragha Potifar adarazigh ami. Egha Josep bangin, Ikiavira Itir God Potifarin dipenimin aven itir biziua ko dagher azeniba bar deragha dagh ami. ⁶ Kamaghin Potifar Josep atizi, an an biziua bar dar gari. Egha a ubi bizar aviribagh nighnizir puvati, a ubi dagher manabara a dar amasa dagh nighnisi. Dughiar kamin Josep mikarzim sarama aghuigha gavgavigha ganganiba bar dera. ⁷ Ezi dughiar ruarim puvatizi, Potifar amuim an ganigha a gifuegha a migia ghaze, "Ni izi, na ko daku."

* **38:29:** Hibrun akamin, ziar kam, "Peres," an ararem "Uari abisi," ko magh ghu. **39:2:** Jenesis 39:3; 39:21-23; Aposel 7:9

⁸ Ezi Josep aghuaghā kamaghin a migei, "Nan gumazir aruam, dipenir kamin biziba bar dar ganasa na mīsevegha, bizitam bagha ua nighnizir puvati. ⁹ Ezi dipenir kamin aven a na ko gan gavgaviba magh ghue, ingangarir gumazir ighazaritam na gafirazir puvati. A dipenir kamin aven bizitam damuasa nan anogoroghezir puvati. Ni an amuim, a ni ko dakuasa na mīkemezir puvati. Ki bar manamaghsu arazir bar kurar kam damuam? Egh ki kamagh damigh, Godin damazimin bar ikuvigham." ¹⁰ Egha dughiarbar zurara amizim Josep ko dakuasa an azangsighavira iti. Ezi Josep an akam barazi puvatigha, a koma akuizir puvatigha an boroghin ghuzir puvati.

¹¹ Egha dughiar mamin Josep dipenimin aven ghugha, ingangarim damuasava ami. Ezi ingangarir gumazitam itir puvati. ¹² Ezi Potifar amuim Josepin saketin suira, egha kamaghin migei, "Ni izi na ko daku." Ezi Josep uan saket ategha arava azenan ghu.

¹³ Ezi amizim Josepin gari, a saket ategha arav ghu, ¹⁴ ezi a ingangarir gumazibar diagha ghaze, "Ia gan. Nan pam Hibruian gumazir kam inigha en dipenimin izezi, a datirighin aghumsizir dafam e daningasa. A ki akui danganimin aven izegha na ko dakuasa nan azangsigha pamtem na gakaghori. Ezi kamaghin ki pamten dei. ¹⁵ Ezi an orazi ki deima, a uan saket nan miriamin anetegha zuamirama arava azenan ghu."

¹⁶ Egha Potifar amuim Josepin saketin suira. A ikiti an pam izi dipenimin otoghti, an an akaghām. ¹⁷ Ezi an pam otozi, an eghaghanir kamrama a geghara ghaze, "Hibruian ingangarir gumazir kinir kam, ni a inigha gan dipenimin izezi, a iza ki akui naghin iza, na ko daku arazir kuramīn na damigh aghumsizir dafam na daningasa, na gaghorī. ¹⁸ Ezi ki bar pamten diazi, a uan saket nan tegha arava azenan ghu."

¹⁹ Ezi Potifar uan amuimin eghaghanir kaba baregha bar puvirama atari. ²⁰ Egha midorozir gumazibav kemezi me Josepin suiraghā a isa kalabus gati. Kar atrivimin kalabuzaiba itir dipenim. ²¹ Ezi Ikiavira Itir God Josep ko ikiavira ikia, bar an apangkuvighavira iti. Egha a gumazir kalabusin dipenimin garim gamizi, a uaghan Josep gifonge. ²² Egha gumazir kam kalabuziar gumazibar ganasa Josep amisefe. Ezi Josep kalabusin dipenimin itir ingangariba bar dar gari. ²³ Egha Ikiavira Itir God Josep ko ikia an akurvasi, ezi bizir an amiba, da bar deravira zui. Ezi gumazir kalabuziar dipenimin garim, ingangarir a damuasa Josep mīkemeziba, a da bagha ua nighnizir puvati.

40

Josep irebamningin mingarim abiki

¹ Egha mong dughiar ruarinim ikegha, gumazir atrivimin dipenimin wainin garim, ko atrivimin bretin ingarir gumazir dapanim, aning Isipin atrivim bar ifongezir puvatizir arazir kuram gami. ² Ezi Isipin atrivim uan ingangarir gumazir kamning adarim aningen iti, ³ egha aning isa kalabus gati. Kalabusin dipenir kam, kar atrivimin midorozir gumazibar garir gumazir dapanimin dipenim. Ezi kalabusin dipenir kamra me faragha Josep isava a gati. ⁴ Ezi midorozir gumazibar dapanim aningen akurvaghosa Josep ginaba. Ezi aning bar dughiar ruarinim kalabusin iti.

⁵ Egha dimagarir mam, gumazir atrivimin wain ko bretin garimning, aning irebamningin gani. Ezi irebamning uaghara ghuzir puvatigha, magh garir puvati. ⁶ Ezi mizarazimin Josep ghua aningen garima, aning bar oseme. ⁷ Ezi a kamagh aningen azara, "Bibir tizim gua gammima, guan navimning bar oseme?"

⁸ Ezi aning kamaghin Josepin akam ikaragha ghaze, "Ga irebamningin gani. Ezi gumazir gan irebamningin mingarim abighamba puvati."

Ezi Josep kamaghin aning migei, "God uabira a irebabar mingaribar en akakasi. Ezi gua uan irebamningin gun na mīkim."

⁹ Ezi atrivimin wainin garir gumazim uan irebamini gun Josep migia ghaze, "Nan irebamini, ki wainin ikarizimin gani. ¹⁰ Ezi ikarizir kam agharir 3pla iti. Ezi an dafariba zuamira murima, an akimariba zuamirama otifi, ezi wainin oviziba otivigha bar moghirama ani. ¹¹ Ki Isipin atrivimin kavin suiraghav ikia, wainin ovizir kaba inigha uan dafarir mamin da munubi, ezi dar dipam kap giraghuezi, ki a isa atrivim ganingi."

¹² Ezi Josep ghaze, "Nin irebamini mingarim kamakin. Ikarizir agharir 3pla, da dughiar 3plan ababanim. ¹³ Dughiar 3pla givaghti atrivim ua ni inigh mangam. Egh ua ni isi nin ingangarim darigham. Eghti ni fomira wainin kap a ganiga ingarizi moghin, ni uam a daningam. ¹⁴ Egh ni mangi nin dabirabim deraghti, ni na ginirigh. Ki nin azai, ni nan apangkuvigh nan akuragh nan ziamin gun atrivim mikimi, ki kalabus ateka. ¹⁵ Guizbangira, bar faraghivira gumazir maba Hibruian nguazimun na okemehga na inigha kagh ize. Ezi ki Isipin kagh ikia, bizitam pazava a gamizir puvati. Ezi me pura na isa kalabus gati."

¹⁶ Ezi gumazir bretin ingarim, a wainin garir gumazimin irebamini mingarim barasi. Ezi a derazima, a kamaghin Josep

migei, "Ki uaghan irebar mamin gani. Nan irebam kamakin. Ki akirar 3pla uan dapanim dafagha zui. Ezi bretha akirar kabagh izifa." ¹⁷ Ezi akirar pin itim atrivim ifongezir bretha ko bisketba ko bizir igharaghha gariba a gizifa. Ezi kuaraziba iza bizir kaba api."

¹⁸ Ezi Josep kamaghin migei, "Irebar kamin mingarim kamaghin ghu, akirar 3plan da dughiar 3plan ababanim." ¹⁹ Eghit dughiar 3pla tighar givti, atrivim kalabusin ni inigh azenan mangi, egh midorozir gumazibav kemeghti, me nin firim atugham. Egh me ni ist ter akinitamin nin kuam aguraghti, kuaraziba izi nin namnamra amam." ²⁰ Ezi namba 3in dughiam Isipin atrivim uan ingangarir gumaziba bagha isar ekiam gami, me isar kamin ik a meebam a batezir dughiam ginighnigham. Ezi a gumazir wainin ingarim ko bretin ingarim inigha uan ingangarir gumazibar guamin aning asara. ²¹ Egha wainin garir gumazim mikemezi a ua uan ingangarim bagha zui. ²² Egh atrivim midorozir gumazibav kemezi, me gumazir bretin ingarim isa temer akinimin anegura. Ezi guizbangira Josep aningin irebabar gun mikemezi moghira bizir kaba otifi. ²³ Ezi gumazir atrivim wainin garir kam ua Josep ginighnizir puvati.

41

Josep Isipin atrivimin irebamin mingarim abiki

¹ Ezi azenir pumuning ghua givazima, Isipin atrivim irebamin gani. A irebamin uabin gari, a Nailin Fanem boroghin tughav iti. ² A garima, 7plan bulmakaun mikarziba sara itir ekiaba dipamin anagava otifi. Egha graziba dipar miriamin da api. ³ Ezi gin 7plan igharaziba dipamin ikegha anagava otifi. Egha me bar aghariba gunigha mikarziba eromotuegha men ganganiba bar ikufi. Ezi bulmakaun aghariba guizir kaba mikarziba sara itir kabar boroghin tuivighav iti. ⁴ Ezi aghariba guizir bulmakaun kaba, mikarziba sara itiba apava da tuizi da iraghue. Egha atrivim irebar kamin ganigha givagha ose. ⁵ Egha a uam akua irebar mamin gani. Ezi irebar a ua ganizir kam, a gari 7plan raizin dapaniba raizin agharir vamira gata misefe. Ezi dapanir kaba ekevegha raizin ovizir bar aviriba dar ikia, anizi dar aghoramin dughiam roghira ize. ⁶ Ezi gin 7plan raizin dapanir igharaziba otifi. Aminir mam danganir misingizimin otogha iza dagh apongezi da isigha bar suf. ⁷ Egha raizin dapanir suvizir kuraba, da raizin dapanir ekiar aghuiba apa da tuavaremezi da bar iraghue. Ezi

atrivim uam osegha dikavigha fo, kar pura irebamra. ⁸ Egha mizaraghara a nighnizir aviribagh amua, egha Isipin fofozir gu-maziba ko kukunir gumaziba, men diazi me izima, a uan irebar pumuningin me migeima, irebar kamningin mingarimming abighamin gumaziba puvati. ⁹ Ezi gin gu-mazir atrivimin dipenimin wainin garim kamaghin a migei, "Datirighin ki uan arazir kurar amizir mamin gun mikimam." ¹⁰ Ni fomira uan ingangarir gumazimning ko adarim ikia, egha ki ko nin bretin ingarir gumazibar dapanim, ga amadazi, ga ghua kalabusin ikia, nin midorozir gumazibar dapanimin dipenimin ike. ¹¹ Egha dimagarir mamin ga uaghara irebamningin gani. Ezi gan irebamningin mingarimming, uaning oghara. ¹² Ezi Hibruian gumazir igiar mam uaghan ga ko iti. A midorozir gumazir kabar dapanimin ingangarir gu-mazir kinim. Ezi ga uan irebamningin gun a mikeme. Ezi a gan irebamningin mingariba abigha ga mikeme. ¹³ Ezi biziba da guizin a mikemezi moghirama otifi. Ezi ki uamategha uan ingangarim ini. Ezi gumazir bretin ingarim, me tememin anegura."

¹⁴ Ezi Isipin atrivim akar kam baregha uan ingangarir gumazibav keme, eghit me mangi Josep inigh izam. Ezi me zuamira kalabusin dipenimin ghugha a inigha ize. Ezi Josep uan ghuamasizim gisegha korotiar aghuiba aghuizi, me a inigha atrivim bagha ghu. ¹⁵ Ezi atrivim kamagh Josep migei, "Ki irebamin gani, ezi gumazir an mingarim abighamba puvati. Ezi gumazamuziba ghaze, ni a baregh an mingarim abighamin fofozim iti."

¹⁶ Ezi Josep kamaghin an akam ikaraghha ghaze, "Ki uabi fofoziba puvati, ezi Godra nin irebamin mingarim deragh anebighthi, ni a baragh bar akuegham."

¹⁷ Egha atrivim ghaze, "Ki kamaghin irebamin gani. Ki Nailin faner miriamin tughav iti," ¹⁸ egha gari bulmakaun 7plan mikarziba sara itiba dipamin ikegha anagav otifi. Egha dipar miriamin graziba api. ¹⁹ Ezi gin bulmakaun 7plan igharaziba anagav otifi. Egha me aghariba gunigha, mikarziba eromotuegha ganganiba bar ikufi. Ki Isipin aven bar bulmakaun kamaghin garitamin ganizir puvati. ²⁰ Ezi bulmakaun agharir kaba, bulmakaun mikarziba sara itir kaba apa da tuavaremezi da bar iraghue. ²¹ Me amegha givagha egha men ganganim mati me amezir puvati. Ezi ki maghira osegha dikafi. ²² Egha gin ki uam akua ua irebar mamin gari. Ki gari, 7plan raizin dapaniba raizin agharir vamira gata misefe. Ezi dapanir kaba ekevegha raizin ovizir bar aviriba ikia egha anizi, dughiar dar

aghoramim roghira ize. ²³ Ezi gin 7plan raizin dapanir igharaziba otifi. Aminir mam danganir misingizimin otogha iza dagh apongezi da isigha, bar sufi. ²⁴ Egha raizin dapanir suvizir kuraba, raizin dapanir ekiar aghuiba apa da tuavaremezi da bar iraghue. Ezi ki osegha dikavigha, kukunir gumazir bizibar gariba ki uan irebamin gun me migei, ezi nan irebar ki ganizir kamningin mingarim abighamin gumaziba puvati.”

²⁵ Ezi Josep kamaghin migei, “Nin irebamningin mingarimning uaghara ghu. God damuamin bizim, a nin akakasi. ²⁶ Guizbangira, 7plan bulmakaun mikarziba sara itir kaba, da 7plan azenibar ababanim gami. Ezi 7plan raizin dapanir aghuiba, da uaghan 7plan azeniba. Egha da bizir vamiram akakasi. ²⁷ Ezi gin otivizir 7plan bulmakaun aghariba guniziba, ko raizin dapanir 7plan kaba, aminir puvira feim iza dagh apongezi, dar dagheba gin otivizir puvati, da 7plan azenibar dagheba puvatighamini ababanim aka. ²⁸ Ki faragha ni mikemeha gifa, God damuasava amir bizim, a ni mikeme. ²⁹ Guizbangira, 7plan azeniba Isipin kantrin aven dagheba bar izivagh. ³⁰ Eghti gin 7plan azenibar dagheba puvatizir dugham otoghti, Isipin ua dagheba avirasamezir dughiabagh nighnighan kogham. Eghti mitiriam aghamin dughiar bar ekiam, kantrin kamin otogham. ³¹ Eghti mitiriam aghamin dughiar gin izamin kam bar ikuvigham, kamaghin gumazamiziba dughiar me dagheba avirasamezir kam bar a gin amadaghram. ³² Ezi God bizir kam damuasa nighnizim akirigha gifa. Kamaghin a mingarir vamira itir irebar kamning nin aka. A uaghan kamaghin nin akagha ghaze, bizir a damuamin kam, a zuamiram otogham.

³³ “Eghti ni datirighin Isipin kantrin ganamin fofovom ko nighnizir aghuim itir gumazitam atighti, a Isipin kantrin aven ingangariba bar dagh ativagh dar ganam. ³⁴ Egh ni gumazir dapanir taba uaghan, me amisefegh. Eghti gumazir dapanir kaba, 7plan azenibar vaghvagh dagheba izivazir dugham, me gumazamizibav kimi, me uan azenibar dagheba isi 5plan pozibar arigh, dar pozitam takisin min a inigh gavman bagh aneningi. ³⁵ Eghti gumazir dapaniba azenir aghuir kabar, dagher kaba inigh da akufagh. Egh me nin ziam ko gavgavimin apengan ingariva raizibagh eghuvagh, da isi dagher dipenir ekiar nguiba ekiabar itibar amangigh deraghvira dar gan. ³⁶ Eghti gin dagheba puvatizir 7plan azeniba Isipin kantrin

otoghti, gumazamiziba dagher gumazir dapaniba pozibav kinizir kaba iniam. Tuavir kamin gumazamiziba dagheba oteveghamin dugham, me ovengan kogham.”

Atrivim Isipin gavmanin faragh mangas Josep amisefe

³⁷ Ezi Isipin atrivim uan ingangarir gumaziba ko Josepin akam baregha bar an gakonge. ³⁸ Egha atrivim uan gumazir dapaniba kamaghin me migei, “Godin Duam gumazir kamin aven iti. Ezi ingangarir kam damuamin gumazitam an min itir puvati.”

³⁹ Egha atrivim kamaghin Josep migei, “God ubi bizir kaba aka, ezi ua gumazitam nin min nighnizir aghuitam ko fofozir aghuitam itir puvati. ⁴⁰ Ezi ki uan kantri bagh ni amisevegħti, ni nan kantrin gumazir dapanimin ikiām. Eghzi nan gumazamiziba nin akam baragh. Ki ubi atrivimra, egh nan ziam uabira nin ziam gafiragh.”

⁴¹ Egha atrivim kamaghin Josep migei, “Ni oragh, ki datirighin Isipin bar an gananim gumazir dapanimin ikiāsa ni amisefe.” ⁴² Egha atrivim uan dafarimin ring suegħha Josep garu. Ezi ringin kam atrivimin ababanim an iti. Egha atrivim uaghan korotiar aghuir mam a garugħa gol sen an firimin da.

⁴³ Egha Josep ataghizi an atrivimin karis in namba 2in arui. Ezi ingangarir gumaziba an faragħa ghua kamaghin dia ghaze, “Gumazir ekiam izi! Tuavim gitagh!” Egha kamaghin atrivim Josep gamizi a Isipin kantrin nguibaba bar dar gumazir dapanimin oto.

⁴⁴ Ezi atrivim kamaghin Josep migei, “Ki atrivim. Egha ki migei, Isipin gumazitam uan ifongiġam min ġin mangi bixitam puram a damighan kogħam. Bar puvatigham. A faragħ nin azaragh. ⁴⁵ Egha atrivim ziam Safenat Panea Josep gati. Egha amuir mam a ganingi. Ezi amizir kamin ziam Asenat, a Potifera guivim, Potifera a Heilopolis in guibamin itir Isipin aseba bagħha ofa gamir gumazir mam. Egha Josep Isipin kantrin aven itir nguibaba bar dagħ aruigha dar gani.

⁴⁶ Josep 30plan azeniba ikia Isipin atrivimin ingangarim gami. Egha Josep atrivim ategħha Isipin kantrin itir nguibaba bar dagħ arui. ⁴⁷ Ezi 7plan azenir aghuiba, Isipin aven dagħer bar aviriba otifi. ⁴⁸ Ezi 7plan azenir kabar, Josep dagħer aviribagh kuva da arisi. Nguibar ekiaba vaghvagh, a men azenibar dagheba isa, dagħer dipenibar da akuva da arisi. ⁴⁹ Egha raizibba, a da isa dagħer dipenir bar ekiar aviribar da arizi, da ongarimin gigim min ġużi, Josep datirighin ua mengan

iburagha uaghan da osirizir puvati.⁵⁰ Ezi dagheba tighar oteveghamin dughiamin, Josepin amuim Asenat, an otarir pumuning bate. Asenat a Potiferan guivim. Potifera, a Heliopolisin nguibamin itir ofa gamir gumazim.

⁵¹ Ezi Josep kamaghin migei, "God nan akurazi ki uan afeziamin adarazi gin amadagha, uaghan uan osimtzibza gin amada." Egha kamaghin a uan otarir ivariam, ziam "Manase," a gati.*

⁵² Egha a uaghan ghaze, "God borim danganir ki osimtzibza itimin na ganungi." Egha uan otarir dozim, ziam "Efraim," a gati.†

⁵³ Ezi Isipin kantrin aven 7plan azenir aghuir kaba giyazi, ⁵⁴ Josep mikemezi moghin, azenir dagheba puvatizir kaba otifi. Dughiar kamin mitiriar ekiar kam kantrin igharaziba uaghan me batifi. Ezi Isipin kantrin aven dagheba bar nguibabar iti. ⁵⁵ Ezi gin, dagheba otevezir arazir kam bar Isipin nguibabar otivima, gumazamiziba atrivim migiava arai, eghia a dagheba me daningam. Ezi atrivim Isipin gumazamizibav gia ghaze, "Ia mangi Josep batoghi, a mikemezi moghin damu." ⁵⁶ Ezi Isipin aven mitiriam bar ekevezi, Josep dagher dipenir ekiaba kuizi, Isipin gumazamiziba iza daghebagh ivesi. ⁵⁷ Ezi mitiriar bar ekiam kantriba bar paza me gami. Ezi kamaghin kantriba bar dar gumazamiziba Josep bagha iza a da daghebagh ivesi.

42

Josepin aveghbuuba izi Isipin witbagh ivesi

¹ Ezi Jekop kamaghin orazi, Isipin witba iti, ezi a uan otaribav gia ghaze, "Mammaghin amizi ia pura onganir ganganibagh amua purama apiaghav iti?" ² Ki akar mam kamaghin a baraki, Isipin kantrin aven me witba iti. Ia mangi e uari bagh tabagh ivesegh, puvatighti e daghem bagh arimighiregham."

³ Ezi Josepin aveghbuuar 10pla Kenanin nguazim ategha witbagh ivesaza Isipin zui. ⁴ Ezi Jekop Josepin dozimra Benjamin amadazi a men gin ghuzir puvati. Jekop kamaghin atiatingi, a mangi tuavimin osimtzitam batogham. ⁵ Mitiriar ekiar kam uaghan Kenanin nguazimin oto, kamaghin Kenanin gumaziba witbagh ivesaza Isipin zui, ezi Jekopin otariba uaghan me ko tuavimin zui. ⁶ Dughiar kamin Josep a Isipin gavmanin gumazir dapanimin iti, ezi danganiba bar dar gumaziba ghua ada

witbagh ivesi. Ezi Josepin aveghbuuba ghua a batogha, an suebar boroghin teviba apirigha guaba nguazim gire. ⁷ Ezi Josep uan aveghbuabar ganigha me gifogha, mati me gifozir puvatizi moghin me migei. Egha a pamten me migia ghaze, "Ia managh ikegha ize?"

Ezi me kamaghin a ikaragha ghaze, "E Kenanin nguazimin ikegha izegha, daghebagh ivesaza."

⁸ Ezi Josep uan aveghbuabar gara me gifozir puvati. ⁹ Egha a fomira irebamin gari an aveghbuuba a bagha teviba apirizir bizir kam uam a ginighnigha kamaghin migei, "Ia mogar garir gumazibar min en ganasa ize. Ia izi kamaghin gan foghasa, en kantrin danganir manabara gavgavizir puvati."

¹⁰ Ezi me an akam kamaghin a ikaragha ghaze, "Puvati, gumazir ekiam. E nin ingangarir gumaziba, e ni da daghebagh ivesaza ize. ¹¹ E bar moghira gumazir mamin boriba. E mogar garir gumaziba puvati. E gumazir guizbangira migeiba."

¹² Ezi Josep kamaghin migei, "Puvati. Ia izi ganigh foghfoghasa, nan kantrin danganir manaba gavgavizir puvati."

¹³ Ezi me ghaze, "Gumazir ekiam, e 12plan aveghdiariba. E Kenanin nguazimin gumazir vamiran boriba. Ezi en dozir bar abuananam, datirighin uan afeziam ko iti. Ezi en aveghbuuar mam, an ovenge."

¹⁴ Ezi Josep ua kamaghin me migei, "Ki ia mikemega gifa, ia mogar garir gumaziba. ¹⁵ Ki ifavarir arazim gifoghasa, egha Isipin atrivim ziamin gavgavim guizbangira kamaghin ia migei, ian dozir bar abuananam izi nan guamin tughan koghti, ia ua uan nguibamin mangan kogham. ¹⁶ Eghia uan tav amadaghti a mangi ian dozim inigh izi. Eghia ian tarazi kalabusra iki mangiti e deragh fogham, ian akam a guizbangira o puvati. Puvatightima ki Isipin atrivim ziamin guizbangira kamagh mikimasa, ia mogar garir gumaziba." ¹⁷ Egha Josep mikemega givagha 3plan dughiabar me isha kalabus gati.

¹⁸ Egha dughiar namba 3in Josep kamaghin me migei, "Ki Godin apengan itir gumazim, ia nan akam baregh an gin mangi egh ia deragham. ¹⁹ Eghia guizbangira migeir gumaziba ikiva, tav uabira kalabusin dipenir ia ikezimin iki. Eghia i igharaz darazi witin iveseziba inigh uan bighan mangi uan adarazir aning, mitiriam men aza. ²⁰ Eghia uan dozir abuananam inigh na bagh iziti ki fogham, ia guizbangira migei. Ia kamaghin damigh egh ovengen kogham."

* 41:51: Hibrun akam, ziar kam, "Manase," an mingarim kamakin, "Okinighniki." † 41:52: Hibrun akam, ziar kam, "Efraim," an mingarim kamakin, "Borim aningi." 41:54: Aposel 7:11 41:55: Jon 2:5 42:2: Aposel 7:12

42:6: Jenesis 37:8-10; 41:41-43; 41:55; 50:18 42:9: Jenesis 37:5-10

Ezi me Josepin migirigiam gakuegha ghaze, Are.

²¹ Egha Josepin aveghbuaba a ko ikiavira ikia, uarira uariv già ghaze, "Bar guizbangira, e uan aveghbuam pazava a gamigha egha osimtzir kam iti. E an gari an en diava arava uabin akurvaghosa en gari, ezi e an akam baraghizir puvati. Kamaghin osimtzir datirighin e batozir kam, en arazir kurar kam ikara."

²² Ezi Ruben kamaghin migei, "Ki amikemega gifa, ia arazir kuratamin otarir kam paživa a damuan marki, ezi ia nan akam baraghizir puvati. Ezi osimtzir datirighin e batozir kam, kar an ovevemin ikarvazim."

²³ Ezi Josepin aveghbuuba Hibrun akam migia migirigiar kabagh amua ghaze Josep men migirigiar kaba baraghizir puvati. Guizbangira, a faragha zurara me ko migia Isipian akamin me migeima, gumazir igharazim an akam gisha Hibrun akam an aveghbuabav gei. ²⁴ Egha Josep datirighin men akaba baregha me ategha ghuava azi. Ana azigha givagha uamategha iza me ko migei. Egha a Simeonin suighasa ingangarir gumazibav kemezi, me an suira. Egha benir gavgavim inigha an aveghbuabar damazimin a ike.

Josepin aveghbuuba uamategha Kenanin ghue

²⁵ Egha gin Josep ingangarir gumazibav kemezi, me witba isa vaghvaghha men mitaribagh aghuigha, uaghan men dagiaba vaghvaghha men mitaribagh aghui. Egha uaghan, ingangarir gumaziba me tuavimin damamin dagheba uaghan me ganingi. Egha Josep mikemezi moghira ingangarir gumazibav ami. ²⁶ Ezi an aveghbuaba witin mitariba isa donkibar afegha me zui. ²⁷ Egha danganir mamin otivigha dimangan dakuasava anekira, men mav uan donki dagheba a daningasa uan mitarim firi. Egha uan dagiabar gari, da mitarir akamra iti. ²⁸ Egha kamaghin a uan aveghbuabar dia, "Ia gan! Dagiar ki me ganingiziba, me uam nan dagiaba na ganingi. Me da na mitarim garu."

Ezi men dighoriba me ginivima me agoa bar atiatigha, uarira uarir azangsigha ghaze, "God man arazimrama e gami?"

²⁹ Egha aveghbuuba Kenanin nguazimin otogha, uan afeziám Jekop, bizir me bativizbar gun bar a mikeme. ³⁰ Me kamaghin migei, "Isipin ingangaribar garir gumazir ekiam, pamten e migia akam e gasa ghaze, e gumazir moga gariba. ³¹ Ezi e an akam ikaragha ghaze, 'E guizbangira migeir gumaziba. E gumazir moga gariba puvati. ³² E 12plan aveghbuuba. E gumazir vamiran

otariba. Ezi aveghbuuar mam ovengezi, bar en dozim afeziám ko Kenanin nguazimin iti." ³³ Egha gavmanin ingangaribar garir gumazir ekiam ua kamaghin e migia ghaze, "Ki deragh fogh suam ia guizbangira migei. Eghti ki kamaghin damuam, ian tav na ko ikiti, igharaz darazi witba inigh uan adarazi bagh mangi, uan adarazir akuragh, me mitiriamra iti. ³⁴ Egh ia uan dozir bar igiamin aku na bagh izi. Eghti ki fogh suam ia mogha garir gumaziba puvati, ia gumazir guizbangira migeiba. Eghti ki ian aveghbuam ia danighti, ia uan ifongiamin kantrin kamin mangi izegħ damu dagiar ingangaribar amu."

³⁵ Egha gin aveghbuuba uan witin mitariba ingegha gari, men dagiar mitariba vaghvaghha men mitaribar iti. Ezi afeziám uaghan ganigha, me digavir kuram gamigha atiatigha bar oseme. ³⁶ Ezi Jekop kamaghin me migei, "Iarara kam gamima, nan otarir pumuning ovenge. Faragha Josep ovengezi datirighin Simeon ovenge. Egha datirighin ia uaghan Benjamin inigh nan saghon mangasa?"

³⁷ Ezi Ruben afeziám migia ghaze, "Ki Benjamin inigh izegħan kogħti, ni nan otarir pumuning misuegħi aning aremegħ. Ni nan amamangatighti, a nan dafarim inkegħti, ki uam an aku izam."

³⁸ Ezi Jekop kamaghin migei, "Nan otarir kam ia ko mangan kogħam. An avebam ovengezi, a uabira iti. Ki ghurigha gifa. A mangi tuavimin osimtizitam batogħti, ia na damiġħi nan nighniziba ikuvigham, eghi ki aremegħ Gumazamizir Oveaghuezibar Ngubamin magħram."

43

Josepin aveghbuuba Benjamin inigha Isipin zuu

¹ Dughiar kamin Kenanin nguazimin aven mitiaria aghazir kam ghua bar ekefe. ² Ezi Jekopin adarasi, an ziar mam Israel, me dagħer faragħa Isipin iniziba da gifa, ezi Israel kamaghin uan boribav gei, "Ia uamategh Isipin mangi e uari bagħ dagħebagh ives."

³ Ezi Juda kamaghin afeziám migei, "Afeziám, e ni mikemega gifa. Isipin gavmanin garir gumazim, akar gavgavim e ganingi. A kamaghin e mikemega gifa, en dozim e ko mangan kogħti, a uam en ganan aghuagħam. ⁴ Egh ni en dozim in amamangatighti, an e ko mangi, e mangi ni bagħ dagħebagh ivesam. ⁵ Isipin gavmanin garir gumazir ekiam mikemega gifa, en dozim uaghan e ko mangighan kogħti, a uam en ganan aghuagħam. Eghħi ni en gin anemgħan aghuagħti e mangan kogħam."

⁶ Ezi afeziām Israel kamaghin migei, "Ia manmaghsuavira Isipin gavmanin garir gumazim migia ghaze, ia dozir mam iti? Ia bar osimtizir ekiam na ganidi."

⁷ Ezi me a ikaragħha ghaze, "Gumazim uaghan azangsizir aviribar e gami. An en adarazi bagħha en azangsisi. Egha ghaze, 'Ian afeziām ikiavira iti, o an areme? Ia aveghbuatam ua iti, o puvati?' A kamaghin azangsizima e a mikeme. Egha e kamaghin fożir pu, an en dozim e a inigh mangasa an en azangsisi."

⁸ Ezi Jūda uan afeziām Israel kamaghin a migei, "Ni Benjamin ategħti, a na ko izi, e mangam. Egħi ni ko en boriba uaghara, e bar mogħira dagħem bagħ oven-gan kogħam. ⁹ Ki uabi, ki a gegħuva an ganam. Egh ki uamategħ ni bagħi a inigh izegħan kogħti, osimtizir ekiar kam nan ikiti, nan arazir kurar kam na ko iki mamaghira ikiam. ¹⁰ Guizbangira, ni en angorogħezir puvatizi, u ti dugħiar pumuningin ghuegħha izeghai."

¹¹ Ezi Israel kamaghin me migei, "Tuaviba ua puvatighti, ia kamaghin damu. Ia nguazir kamin bizir aghuiba inigh uan akirbar aghuighiva, da inigh mangi Isipin gavmanin garir gumazir dapanim bizir aghuiba min a daningħi. Bizir aghuir kaba ia da ini, hani, mikarzibagh azur bizir guar aviriba, mugħuriar aghuim zuir boreba, temebar eboriba, ko temer iamorir ovizibar min gari, me pistasio ko amonin dar bori. ¹² Ia ua dagħiar me isa ian mitaribagh aghużiba inigh mangi. Egh ia dagħiġi faragħha inigha ghueziba, ia dagħi isin dagħiata ħabu u aqra' ariġi. Me ti okinighniga da aghui. ¹³ Egh ia uan dozim inigh dikavigh egh zuamira gumazir kam bagħi mangi. ¹⁴ Ki God ko mikimamin migiġiġi kara, Gavgaviba Bar Itir God, gumazir kamin nighnizmin akuragħti a ian apangkufigħ. Egh a ian aveghħu igharazim ko Benjamin amadagtianing na bagħi zui. God ifongegehti nan boriba bar ovengħegħti, a dera ki pura ikiam."

¹⁵ Ezi aveghħuuba bizir aghuiba inigha, dagħiġi igharazibha inigha, me faragħha inigha ghueziba isafuragħha bar mogħira da inigha zui. Egha me uaghan Benjamin inigha zui. Me ghua Isipin otogħiha għuva Josephin gari.

¹⁶ Ezi Josep gari, Benjamin uaghan me ko izima, a uan dipenimin garir gumazim migia ghaze, "Ni gumazir kaba inigh nan dipenimin mangi. Egh bulmakaun tam misuegħ a isam. Gumazir kaba aruer arizim minna ko damam." ¹⁷ Ezi ingangar gumazir Joseph mikemezi mogħin amigħha, me inigha Josephin dipenimin għu.

¹⁸ Ezi aveghħuuba dipenimin għuava, atiatiġha ghaze, "Me dagħiar faragħha en mitaribagh aghużi e inigha izeziba, me ti

dagh nighnighama. Egha bizir mingar kam bagħha e inigha dipenimin zui. Me ti en suigh e damighti e pura men ingangar gumazibar otivigham. Egh me uaghan en donkiba inigham."

¹⁹ Egha me Josephin dipenimin ingar gumazim għiġi, a dipenimin tiar akam tughħiġi itima, me ghua kamaghin a migei, ²⁰ "Gumazir ekiam, ni orakīgħ. Dugħi faragħha ghuzim, e kagh izegħha dagħebagh ivese. ²¹ Egha e iategħha ghua tuavimin danganir mam akirigha dimgarimin dakusava an iti. Egha bar mogħira uan mitaribha kuigha dar għiġi, dagħebagh iżżeżeji dagħiġi, uam e mitarib akabar iti. Ezi e datirighi u dagħiar kabar akwa iżi. ²² Egha e dagħiar igharazib maba dagħebagh iż-żeżeja uaghan da inigha iżi. E fożir pu, tinġi ħażżeġ kaba en mitaribagh aghui."

²³ Ezi ingangar gumazim men akam baregħha kamaghin me migei, "Ia atiati nighnixiżiż aviribar amuan marki. Ian God, a uaghan ian afeziāmin God, a uabi ian dagiaba isa ian mitaribagh aghui. Ezi ki uabi, dagħiar ia dagħebagh iżżeżejha, ki da inigha għifa." Egha a ghua Simeon inigha iza me ganingi. ²⁴ Egha gin ingangar gumazim me inigha Josephin dipenimin aven għu. Egha dipar me uan dagħariba ruammi, me ganigha, dagħeba isa men donkibagh anid. ²⁵ Egha aveghħuuba orazi, Josep iżi me ko dugħiar arizim minn damam, ezi me uan bixi aghuir a daningħamna akirmi.

²⁶ Ezi Josep dipenimin izezi, me bizir aghuir kaba inigha għuva a ganid. Egha teviba apirigha Josephin guamin avighha guuba isa nġuazim biri.

²⁷ Ezi Josep dugħiġi me ganiga ghaze, "Dugħi aghuim, ia deravira iti?" Egha gin kamagh men azara, "Ian afeziār għurir ia faragħha na mikemeżi, a manmagħi ramma iti? A deraghavira iti o?"

²⁸ Ezi me a ikaragħha ghaze, "Gumazir ekiam, en afeziām nin ingangar gumazim, a deraghvira iti." Egha me uam an ziam fasa an guamin dapaniba avingi.

²⁹ Ezi Josep garima, an dozimra, Benjamin itima, a kamaghin migei, "Ia faragħha uan dozir bar abuananamin gun na mikeme, ezi gumazir kam kar ian dozimra, o?"

Egha a kamagh Benjamin migei, "Nan gumazir igħiġi, God deravira ni damu nin apangkufigħ."

³⁰ Egha Josep uan dozim bar an apangkuvigha, bar aziasava ami. Egha zuamira dikavigha akurri danganimin aven ghugħava, aži. ³¹ Egha gin a uan guam rue. Egha a gavgavim inigha uamattegħha me bagħha iza ingangar gumazim migia ghaze, ni mangi dagħeba tuighi dher dakozim dafegħ. ³² Egha me Josep bagħavira

dagheba dagher dakozir igharazim dafegha, an aveghbuuba bagha igharazim dafe. Isipia Hibrun adarazi koma apir puvati. Arazir kam men damazibar bar derazir puvati, kamaghin, Isipian Josep ko itiba, me dagher dakozir igharazim gapera.³³ Ezi Josep uan ingangarir gumazibav gia ghaze, aveghbuuba vaghvagh, dabirabir dapighiri. An ifongiam, aveghbuuba uan otirmirimin azenibar gin mangi dapighiram, otarir ivariamin ikegh mangi bar dozimin tugh. Ezi aveghbuuba iza uan dabirabir kabar apiagh gara, digavir kuram gamigha pura uarir gari.³⁴ Ezi ingangarir gumaziba aveghbuuba bagha Josepin dagher dakozimin dagheba tuigha me ganingi. Egha Benjamin bagha bar dagher ekiam tui, mati 5plan gumaziba damamin dagheba isa a ganingi. Ezi me Josep ko amegha wainin dipar organiba apa egha bar akuegha egha ongani.

44

Josepin kap ovenge

¹ Egha me amegha givazima Josep uan dipenimin garir gumazim migia ghaze, “Ni gumazir kabar mitariba dagheba dar aghuti da mangi bar izefegh. Egh men dagiaba men mitariba vaghvagh dar akabar aven dar aghuigh.² Egh nan silvan kap isi, gumazir bar igiar munamin mitarim darugh, egh dagiar a witbagh ivezas a inigha izeziba sara an mitarim darugh.” Ezi ingangarir gumazim Josep mikemezi moghirama ami.³ Ezi bar mizaraghara Josepin ingangarir gumazim, aveghbuuba uan donkiba ko me amadazi, me zui.

⁴ Ezi aveghbuuba nguibaekiam ategha, tighar saghon mangam, ezi Josep uan ingangarir gumazir an dipenimin garim migia ghaze, “Ni dikavigh gumazir kabar gin mangi, me batogh, kamaghin men azaragh, ‘E arazir aghuimin ia gami. Ezi manmaghin amizi ia arazir kuramin e gami?’⁵ Kavin ia inizir kam, kar nan gumazir ekiam dipaba apir kap. Egha uaghan, a bizir mogomeba bagha asebar azangsigha, kavin kamra a kukunir gumazibar min, bizir mogomebagh fofosi. Ia bar arazir kuram gami.”

⁶ Ezi Josepin ingangarir gumazim aveghbuubar gin ghua, me batogha Josepin akabar gun me migei.⁷ Ezi me an akam ikaraghha ghaze, “Gumazir ekiam, ni manmaghsuavira akar kamaghin amizimin e migei? E ni migeir arazir matam bar a damighan kogham.⁸ Ni fo, e faraghha Kenanin nguazim ategha izegha datirighin umategha iza ian gari. E dagiar en mitarir akabar itiba ua da inigha ize. Ezi manmaghsua ni ghaze, e nin gumazir ekiamin dipenimin an silva ko golba

okimam?⁹ Gumazir ekiam, ni gan entav kavin kamin suiragli, ni a misuehti an aremegh. Egh e pura nin ingangarir gumazir kinibar ikiam.”

¹⁰ Ezi ingangarir gumazim me ikaraghha ghaze, “Ia akam, a guizbangira. Egh eki gumazir kavin suirazir kamin apighted, anarira nan ingangarir gumazir kinimin ikiam. Egh e tarazi mangam.”

¹¹ Ezi me vaghvagh zuamira uan mitariba isa nguazim dafegha da kui.¹² Ezi Josepin ingangarir gumazim men mitaribar averiabar gari, egha men avebamin mitarim faragha an gara, ghua bar men dozimin tu. Egha Benjaminin mitarimin kavin kamin api.¹³ Ezi aveghbuuba gari, kavin kam Benjaminin mitarimin itima, me atiatighava uan osimtzim akakaghha uan korotiaba abisi. Egha uan mitariba donkibagh afegha umategha nguibaekiam zui.

¹⁴ Ezi Juda uan aveghbuuba ko ua Josepin dipenimin otogha an gari, a ikiavira iti. Ezi me bar atiatigha pura Josepin damazimin nguazim gire.¹⁵ Ezi Josep kamaghin me migei, “Ia arazir manmaghirama amizim gami? Ia ti kamaghin fozir puvati, ki aseba ko ingara bizir mogomebagh fofozir fofozim iti?”

¹⁶ Ezi Juda kamaghin migei, “Gumazir ekiam, e ni mikimamin migirigiaba puvati. E kamaghin mikiman kogham, e bizitam pazava a gamizir puvati. God en arazir kuram akaghha gifa. Ezi gumazir ekiam, gumazir nin kap inizir kam, a uabira nin ingangarir gumazir kinimin ikian kogham. Bar puvati. E bar moghira.”

¹⁷ Ezi Josep kamaghin migei, “Bar puvati. Ki a tegheti ia mamaghin damuan kogham. Gumazir nan kap okemezir kamra, a uabira nan ingangarir gumazir kinimin ikiam. Ia igharaziba navir amirizim inigh egh umategh afeziham bagh mangi. Ki migirigiaba ian puvati.”

Juda Benjaminin danganim iniasa

¹⁸ Ezi Juda Josepin boroghin ghua kamaghin migei, “Gumazir ekiam, ni uan ingangarir gumazimin akam barakigh. Ki gumazir kinim, ezi ni gumazir bar ekiam, egha Isipin atrivimin min iti. Egh ni nan apangkuvigh nan ataran marki.¹⁹ Gumazir ekiam, ni faragha kamaghin en azara, ‘Ia afeziham ko dozitam iti, o puvati?’²⁰ Ezi e ghaze, ‘Are, gumazir ekiam, e afeziham iti, a bar ghuri. Ezi en dozir bar vamira uaghan iti. En afeziham ghurigha givazima, an amebam a bate. Amebar kam otarir pumuningrama ote, ezi guizin otarir kamin avebam areme. Ezi a bar uabira iti, kamaghin en afeziham bar a gifonge.’²¹ Ezi gumazir ekiam, ni kamaghin e mikeme,

‘Ia dozim Benjamin iziti, ki an ganika.’²² Ezi gumazir ekiam, e kamaghin nin akam ikaragha ghaze, ‘Borir kam afeziam ateghan kogham. An afeziam ateghti, afeziam aremegham.’²³ Egha ni gin uaghan kamaghin uan ingangarir gumazibav gei, ‘Ia aveghbuab dozim ian gin ivesegħi kogħtima, ia ua nan damazim izan marki.’

²⁴ “Ezi gumazir ekiam, e uamategha afeziam bagħha ghugħa, nin akar kamin gun a mikeme.²⁵ Ezi gin afeziam ghaze, Ta uamategh mangi, e uari bagħ daghebagħ ivesegħi.”²⁶ Ezi e ghaze, ‘E mangiġħan kogħam. Aveghbuab dozim e ko mangiġħan kogħtima, gumazir ekiar kam guizbangira bar uam en ganan aghuagħam. Eghti en dozim e ko iziti, e mangam.’²⁷ Ezi en afeziam kamaghin e mikeme, ‘Ia fo, nan amuir kam otarir pumuning bate.²⁸ Ezi mam ovengesi ki uam an garir puvati. Ki ghaze, asiszir laionin tam ti a misuegħa anegħoragh-suezi, an areme.²⁹ Ki ghurigha gifa, ezi ia datirighin uaghan otarir kam inigh nan sagħon mangasa. Kamaghin osimtitam tuavimin a batogħti, ia osimtitiz dafam na danighti, ki aremegħ Gumazamizir Oveaghuezibar Nguibamin magiram.

³⁰⁻³¹ “Gumazir ekiam, en afeziam nin ingangarir gumazim, kamaghin e ua uan afeziam bagħ mangi, afeziam ganti otarir kam e ko mangan kogħti, an nighniziba ikuvighti an aremegħ Gumazamizir Oveaghuezibar Nguibamin magiram. Guizbangira, otarir kam bar afeziam din ħor. Ezi en afeziam a bar ghuri. Ezi otarir kam e ko uamategh mangiġħan kogħti, kamaghin e osimtitiz ekiam afeziam danighti, an aremegħam.³² Egha uaghan, ki akar dikirizir gavgavim afeziam kamaghin a ganiga ghaze, ki otarir kaminaku uam a bagħ mangiġħan kogħiva, kamaghin ki arazir kuram damiġħam, eghti osimtitiz kam an damazimnan iki kamaghira iki mangi, ki aremegħamin dugħiām otogħam.³³ Kamaghin, gumazir ekiam, ga uaning, ni nan amamgħat-tighti, ki otarir kamin danganin inih kagh iki, egh pura nin ingangarir gumazir kinimin ikiami. Ga uaning, ni anetegħti, a uan aveghbuab ko mangi.³⁴ Guizbangira, otarir kam na ko mangiġħan kogħti, ki uamategh afeziam bagħ mangiġħan kogħam. Eghti osimtitiz nan afeziam bativamin kam, ki an ganan bar aghua.”

45

*Josep uan aveghbuabav għi
ghaze, a tinara*

¹ Ezi Josep oregha bar apangkuvir ekiam ikia, egha kamaghin an aziasava ami. Kamaghin, a uan ingangarir gumazibar diqqa ghaze, “Ia bar mogħira azenimin mangi.”

Eghti a uabira uan aveghħbuaba ko ikiam. Egha a kamaghin me migia ghaze, “Ki Josep. Ki ian aveghħbuab.”² Egha Josep pamtemin aži, ezi Isipia a baraki. Egha guha atrivimin dipenim minn itir darazi bizir kamin gun me mikeme.³ Ezi Josep kamaghin uan aveghħbuabav gei, “Ki Josep. Nan afeziam derragħavira iti, o?” Ezi an aveghħbuaba bar digavir kuram gamua bar atiatigha egha mirigriġatam damuan asa.

⁴ Egha Josep ua kamaghin migia ghaze, “Ki kamaghin ian azai, ia bar nan boroghira iżi.”

Ezi me an boroghira ghuezi, a kamaghin me migei, “Ki Josep. Ki ian aveghħbuam. Ia fomira na ataghżiġa dagħiār gumaziba na is-a ingangarir gumazir kinimin minn ja givezeġha, na inigha Isipin ize.⁵ Ezi ia datirighin uari basiġan marki, egh ja na gamiżar arazir kurar kam bagħ naviba uarir ikuvan bar marki. Guizbangira, God uabi ian akurvaghħasa, faragħa na amadazi ki ian faragħa ize, eghti ia aremegħan kogħam.⁶ Ezi datirighin nguazir kamin dagħebha otevir azeni pumuning otogħa gifa. Eghti 5plan azeniba iċkivira ikiti gumaziba azenibar ingaran kogħiha dagħebha inian kogħam.⁷ God arazir aghuir bar iħbarar kamin ua ia iniasava amigħha ian akurvaghħasa ifonge, eghti ia iċkivira ikiti, ian ovavir boriba otiw ħiġi nguazir kamin ikiem. Ezi kamaghħsua, a ian faragħa na amada.⁸ Bar guizbangira, ia na amadazi ki nguibar kamin izeżżejj puvati. Bar puvati. God uabi na amadazi, ki ize. Egha a na gamiż, ki mati Isipin kantrin atrivimin afeziamin oto. Ki an dipenimin gumazamiziba bar a dagh ati vagħha dar għara, eghha Isipin kantrin nguaziba bar dagh atiavżi gumazir dapanim.

⁹ Datirighin ia zuamira uamategh nan afeziam bagħ mangiġħ kamaghin a mikim, ‘Ki Josep, nin borim, ki akar kam ni ganid. God na gamiżima, ki Isipin kantrin nguaziba bar, dar gumazir dapanim oto. Kamaghin, ni suighsuiġan marki, ni zuamira na bagħ iżi.¹⁰ Egh ni nan boroghira Gosenin Distrighin nguibam daperagħam. Ni ko nin boriba, ko ni ovavir boribba bar, ian sipsipa, membeba, bulmakuba, ko ian bizzibba bar, ia bar Gosenin Distrighin daperagħi. ¹¹ Mitriar ekiar kam, a tong uam 5plan azenibar ua ikeġħam, eghti ni uan amurogħboribba ko, asiziba, mitriabba sara iķian ki aghħua. Kamaghin ni iżi Gosenin Distrighin daperagħi, ki ni gatīvagħi nin ganam.”

¹² Ezi Josep kamaghin aveghbuabav gei, "Ia bar moghira na gifogh. Ki gumazir igharazim ia migeir pu. Bar puvati. Kar ki Josepra. Benjamin, ni bar nan dozimra, ni uaghan na gifogh. ¹³ Egh ia uamategh mangiva nan afeziām kamaghiram a mikim, ki datirighin Isipin kantrin aven ziar ekiam iti. Egh uaghan bizar ia bar ganiziba sara a mikim. Egh ia zuamira mangigh anaku izi."

¹⁴ Ezi Josep kamaghin mikemegha givagha, uan dozim Benjamin muigha an suiragha azi. Ezi Benjamin uaghan a muigha an suiraghava azi. ¹⁵ Egha Josep bar vaghvagha uan aveghbuaba suigha azia egha men tori. Ezi datirighin aveghbuaba Josep ko mikimamin nighnizim inigha a ko migei.

¹⁶ Ezi Isipin atrivim kamaghin akam baregha fo, Josepin aveghbuaba iza an gara iti. Ezi atrivim uan gumazir ekiaba ko me bar akonge. ¹⁷ Egha atrivim kamaghin Josep migei, "Ni uan aveghbuabav kemegh, me uan biziba isi donkibagh isin dafegh, egh uamategh Kenanin nguazimin mangi. ¹⁸ Egh me uan afeziām ko uan amuiroghboriba inigh uamategh na bagh izi. Eghiti ki me bagh Isipin nguazir bar aghuitam ginabagh me daningam. Eghiti nguazir kam dagher aviriba an otivi, me dar amam. ¹⁹ Egh ni uaghan me mikimti, me Isipin kantrin karisbara inigh mangigh uan amuiroghboriba inigh izam. Egh ni me mikemeghti, me uan afeziām inighti a uaghan me ko izi. ²⁰ Egh me Kenanin nguazimin taghizir biziabagh nighnighan marki. Guizbangira, ki Isipin kantrin bizar bar aghuir aviriba me daningam."

²¹ Ezi Jekopin otariba atrivim mikemezi moghin ami. Ezi Josep atrivim akamīn gin ghua karisin maba isa me ganingi. Egha uaghan dagher me tuavimin damamiba isa me ganingi. ²² Egha a korotiaba isa vagh-vagha bar aveghbuabagh aningi. Egha Benjaminra, a 5plan korotiaba ko 300 silvan dagiaba isa a ganingi. ²³ Ezi Josep Isipin kantrin bizar aghuir aviriba inigha, donkin apurir 10pla garigha me amadazi, me an afeziām bagha zui. Egha a witba ko bretba ko dagher maba sara inigha 10plan donkin amebabagh arigha me amadazi, me uan afeziām tuavimin an akuraghaha a bagha zui. ²⁴ Egha Josep uan aveghbuaba amaga kamaghin me migei, "Ia mangi tuavir arizimin uarira uarir ataran marki."

²⁵ Ezi aveghbuaba Isipin kantri ategha ghua Kenanin nguazimin uan afeziām Jekop bato. ²⁶ Egha me kamaghin uan afeziām migei, "Josep aremezir pu. Puvati. A ikiavira ikia datirighin bar Isipin kantrin

nguazibagh ativagha dar gari." Ezi Jekop akar kam baregha digavir kuram gamigha, nighnizir gavgavim an itir puvati. ²⁷ Ezi me bizir Josep mikemeziā bar dar gun a mikeme. Ezi Jekop karisin Josep amadazibar gari, da Jekop inigh Isipin kantrin mangam. Ezi an nighniziba ua dera.

²⁸ Ezi Jekop kamaghin migei, "Bar guizbangira, ki datirighin fo, nan otarim Josep angamira ikiavira iti. Ezi ki zuamira dikavigh Isipin mangigh an ganigh egh gin ovengam."

Isaelia Isipin kantrin zui

46

(Sapta 46–50)

Jekop uan adarazi ko Isipin kantrin zui

¹ Ezi Jekop uan biziba bar da akuvagha dikavigha uan adarazi ko, me tuavimin ghua Isipin kantrin zui. Egha me iza Berseba nguibamin otivigha, Jekop uan afeziām Aisakin God bagha ofabagh ami. ² Ezi dimagarimin God irebamin min bizimin aven Jekop batogha, kamaghin an diaghā ghaze, "Jekop! Jekop!"

Ezi Jekop kamaghin migei, "Are, ki katī."

³ Ezi God kamaghin migei, "Ki God. Ki nin afeziām God. Ni Isipin kantrin mangisiva atiatingan marki. Eghiti ki nin ovavir boribar amuti da bar avirasemegh, ikizir gavgavim otogham. ⁴ Egh ki ni ko Isipin mangiva, gin ua nin ovavir boribar aku izam. Eghiti dughiar ni ovengamim, Josep ubai ni isi mozim darigham."

⁵ Ezi Jekop Berseba ataki. An otariba uan afeziām, ko men amuiroghboriba isa, Isipin atrivim me inigh mangasava amadazir karisbagh ati. ⁶ Egha me uaghan bulmakauba ko bizar me Kenanin nguazimin inizir maba sara inigha zui, egha Jekop uan adarazi ko, me bar Isipin kantrin zui. ⁷ Ezi Jekopin otariba ko guiviba ko an igiaba, me bar Jekop ko zui.

⁸ Ezi Jekopin adarazi a ko Isipin kantrin ghueziba, men ziabar kara: Ruben, kar Jekopin otarir ivariam. ⁹ Ezi Rubenin otaribar kara, Hanok, Palu, Hesron ko Karmi. ¹⁰ Ezi Simeonin otariba kara, Jemuel, Jamin, Ohat, Jakin, Sohar ko Saul. Ezi Saulin amebam, a Kenanian amizim. ¹¹ Ezi Livain otaribar kara: Gerson, Kohat, ko Merari. ¹² Ezi Judan otaribar kara: Er, Onan, Sela, Peres, ko Sera. Egha Er ko Onan, aning Kenanin nguazimin ikiavira itir dughiamin ovenge. Ezi Peresin otaribar kara: Hesron ko Hamul. ¹³ Ezi Isakarin otaribar kara: Tola, Puva, Iop, Simron.

¹⁴ Ezi Sebulunin otaribar kara: Seret, Elon, ko Jalel. ¹⁵ Ezi Ruben, Simeon, Livai, Juda, Isakar ko Sebulun, kar Jekopin amuim

Lean otariba. Lea, me Mesopotemian nguazimin ikiavira ikia, borir kaba bate. Egha Lea uaghan guivir mam bate, an ziam Daina. Ezi Lean boriba ko an ovavir boribar dibobonim, a 33in tu.

¹⁶ Ezi Gatin otaribar kara: Sifion, Hagi, Suni, Esbon, Eri, Arodi, ko Areli. ¹⁷ Ezi Aserin otaribar kara: Imna, Isva, Isvi, Beria. Ezi men amizim, Sera. Ezi Berian otarimning kara: Heber ko Malkiel. ¹⁸ Ezi gumazamazir kaba, me Jekop ko Silpan boriba ko ovaviba. Labanin ingangarir amizim Silpa, ana isa uan guivim Lea ganingi. Ezi men dibobonim 16in tu.

¹⁹ Ezi Jekopin amuim Resel, an otarimning ziamning kara: Josep ko Benjamin. ²⁰ Ezi Josep Isipin kantrin ikiava Asenat inigha an iti, a Potiferan guivim. Potifera, a Heliopolisin nguibamin ikia, egha asebar ofa gamir gumazir mam. Ezi Asenat, Josep bagha otarir pumuning bate, ezi aningin ziamning kara: Manase ko Efraim. ²¹ Ezi Benjaminin otaribar kara: Bela, Beker, Asbel, Gera, Naman, Ehi, Ros, Mupim, Hupim ko Art. ²² Ezi gumazir kaba, me Jekop ko Reselin boriba ko ovavir boriba. Egha men dibobonim, me 14plara.

²³ Ezi Danin borimra kara, an ziam Husim. ²⁴ Ezi Naphtalin otariba kara: Jasel, Guni, Jeser, ko Silem. ²⁵ Ezi gumazamazir kaba, kar Jekop ko Bilhan boriba ko ovavir boriba. Ezi Bilha, a ingangarir amizim. Laban a isa uan guivim Resel ganingi. Ezi men dibobonim, me 7plara.

²⁶ Ezi Jekopin boriba ko an igiar boribar me Isipin ghue, men dibobonim, me 66pla. Egha dibobonir kam Jekopin otaribar amuiba sara inizir puvati. ²⁷ Ezi Josepin amuim Isipin kantrin otarir pumuning bate. Kamaghin, dughiar Jekopin adarazi ghua Isipin itim, men dibobonim bar moghira ghua, 70plan tu.*

Jekop uan adarazi ko me Isipin iti

²⁸ Ezi Jekop Josep bagha Juda amada, a faragh mangiva Josep inigh izam, egh Gosenin Distrighin afeziarn bativam. Ezi Jekopin adarazi Gosenin Distrighin otivizima, ²⁹ Josep uan ingangarir gu-mazibav geima, me an karis akirizi, a uan afeziarn bativasa Gosenin Distrighin ghu. Egha an afeziarn apigha ghua a muigha an suiragha bar dughiar ruarimin azi. ³⁰ Egha Jekop kamaghin Josep migei, “Ki nin ganigha givagha fo, ni ikiavira

* 46:20: Jenesis 41:50-52 46:27: Aposel 7:14

aning mega egha uaghan Josepin otarimning sara menge. itir puvati, ezi Josep ghaze, an atrivim azaraghti, a Jekopin adarazir amamangatighti, me nguazir kam dapiagh. Isipin gumazamiziba, sipsipbagh eghuvir gumazamizibar boroghin ikian me aghua. Kamaghin amizi, Josep fo, atrivim kamaghin oragharn, an adarasi, me sipsipbagh eghuvir gumaziba, egha a men amamangatighti me Gosenin Distrighin ikiam.

iti. Kamaghin, ki datirighin aremeghasa ifonge.”

³¹ Egha Josep uan aveghbuuba ko an afeziarn adarazi kamaghin me migei, “Ki datirighin mangi kamaghin atrivim mikimam, ‘Nan aveghbuuba ko nan afeziarn adarasi, me Kenanin nguazim ategha izava otivigha gifa. ³² Egha gumazir kaba, me sipsipbar garir gumaziba. Egha me uan sipsipba, bulmakauba ko uan biziba sara inigha ize.’ ³³ Ki kamaghin atrivim mikemeghtima, gin atrivim ian diagh ia amir ingangarim bagh ian azangam. ³⁴ Egha ia kamaghin an akam ikaragh, ‘Gumazir ekiam, e gumazir sipsipba ko bulmakaubar gariba. Egha e fomira aghiribar min ikia ingangarir kam gamua iza datirikin, en afeziabla fomira uaghan kamaghiram ami.’ Egha kamaghin atrivim mikemeghtima, a ia ateghti ia Gosenin Distrighin dapiagh. Guizbangira, Isipia me sipsipbar garir gumaziba bar me gifongezir puvati.”†

47

¹ Ezi Josep ghua atrivim kamaghin a migei, “Nan afeziarn ko nan aveghbuuba Kenanin nguazim ategha izava otivigha gifa. Me uan sipsipba, bulmakauba, ko men biziba, me bar da inigha ize. Egha me datirighin Gosenin Distrighin iti.”

² Ezi Josep uan aveghbuuar 5plan diazi me iza atrivim guamin tuifi. ³ Ezi atrivim kamaghin men azai, “Ia ingangarir manabagh ami?”

Ezi me kamaghin an akam ikaraghha ghaze, “Gumazir ekiam, e sipsipbar gari, en afeziabla fomira amizi mokin. ⁴ Ezi mitiriar ekiam azir dughiar Kanenin nguazimin otozi, en sipsipba apir graziba puvati. Kamaghin, e dughiar otevimin kantrin kamin ikiam. Egha e nin ingangarir gumaziba, e kamaghin nin azai, ni en amamangatighti, e Gosenin Distrighin dapiagh ikiam.”

⁵ Ezi atrivim kamaghin Josep migei, “Nin afeziarn ko aveghbuuba ni ko ikiasava otivigha gifa. ⁶ Kamaghin, ni Isipin kantrin aven, nguazir oteviba bar dar tongin, nguazir otevir bar aghuitam ginighnighiva me mikemeghtima, me a dapiagh. Ni ifueghti, me Gosenin Distrighin ikiam. Egha uaghan, ni men tongin, gumazir bulmakaubar ganamin fofozim iti tabagh

46:27: Namba 70in kam, a uaghan Jekop ko Josep virara

† 46:34: Dughiar kam gumazitam ti Gosenin Distrighin

fogh, egh ingangarim me danighti me nan bulmakaubar ganam."

⁷ Ezi Josep uan afeziam inigha atrivim bagha zui. Ezi Jekop deraghavira dughiar aghuim atrivim ganingi. ⁸ Ezi atrivim kamaghin an azara, "Nin azeniba datirighin manmaghira?"

⁹ Ezi Jekop an azangsizim ikaragha ghaze, "Kinguazir kamin aruava 130plan azenibar an ikia iza datirikin. A dughiar bar ruarim puvati, egha ki uaghan osimtzir aviriba batifi. Nan inaziba dughiar ruarimin nguazir kamin ike, ezi men azeniba nan azenibagh afira." ¹⁰ Ezi Jekop deraghavira dughiar aghuim atrivim ganigha, egha ghu.

¹¹ Ezi gin Josep atrivim mikemezi moghiram amigha, uan afeziam ko uan aveghbuabar akurazima, me Isipin kantrin apia. A Ramesesin nguibar ekiamin* boroghin nguazim isa me ganingi. Nguazir otevir kam, a Isipin kantrin nguazir ighazariba bar dagh afira. ¹² Egha Josep dagheba isa uan afeziam ko, an aveghbuabar amuiroghboribagh anidi. Egha vaghvagha men boribar dibobonimin mirara ghua dagheba me ganidi.

Mitiriar ekiam Isipia gasighasisi

¹³ Dughiar kamin mitiriar bar ekiam otozi, dagheba bar nguazir otevibar puvati. Ezi dughiar mitiriam azir kam Isipin kantri ko Kenanin nguazim bar aning gasighasizima, gumazamiziba bar osimtzizim isi. ¹⁴ Ezi Isipin gumazamiziba ko Kenanian gumazamiziba, Josep faragha atizit witbagh iveza, ghuavti men dagiaba bar gifa. Ezi Josep dagiar kaba inigha da isa atrivimin dagiar dipenim gati. ¹⁵ Ezi Isipin kantrin dagiaba ko Kenanin adarazir dagiaba givazima, Isipia bar Josep bagha ghuegha, kamaghin a migei, "Ni dagheba e daning! Puvatighti, mitiriam bar e akuatighti, en nin damazimin ireghiva arimighiregham. En dagiaba bar gifa, kamaghin ni en akuragh."

¹⁶ Ezi Josep kamaghin migei, "Ia dagiaba bar givaghtima, ia uan asiziba inigh izi na daningti, ki ivedzimin min da inigh, dagheba ia daningam." ¹⁷ Ezi me hoziaba, sipsipa, memeba, bulmakauba, ko donkiba, da inigha Josep bagha zui. Ezi a dagher me ganingiziba, dar ivedzimin min bizir kaba isi. Me kamaghiram amua ghuavira iti azenir kam gifa.

* **47:11:** Rameses, a distrighin igharazim, an ziam Gosen. Ziar kam Josepin gin azenir 100plan aviribar otivavira iti. Rameses, a nguibar ekiar Isipia Israelia gamizi me ingarizim. † **47:21:** Gumaziba fomira akar kam, Grilkin akaman a gigha ghaze, gumazir kaba ti kamaghin migei, "Josep Isipin danganiba bar dar gumazamizibagh amizi, me atrivimin ingangarir gumazamizir kinibar ike." ‡ **47:26:** Akar kam, "ikia iza datirighin iti," an en dughiamin migeir puvati. A gumazir akinafarir kam osirizimin dughiamin migei.

¹⁸ Egha azenir gin izimin, me ua Josep bagha ghua egha kamaghin migei, "Gumazir ekiam, e uan osimtzibisa nin mongan kogham. Ni en dagiaba ko asiziba sara bar da inigha gifa. Ezi e ua ni daningamin biziha puvati. E ko en nguaziba, darara ikiavira iti. ¹⁹ Ni e ateeghti, e nin damazimin mitiriamin aremeghan kogham. Eghti en nguazim pura iki ikuvighan kogham. Kamaghin, atrivim dagheba e daningti, e an ingangarir gumazamizir kinibar min ikiam. Eghti atrivim uaghan en nguazim iniam. Kamaghin, e uari, ni oparir dagher oviziba e daning, eghti e deragh ikiva ovengen koghti, en nguazim ikuvighan kogham." ²⁰ Mitiriar ekiam azir dughiar kam, bar ikuvigha ghuavira itima, Isipia bar uan nguaziba isa Josep ganingizi, an atrivim bagha dagh ivese. Ezi Isipin kantrin nguaziba, atrivim bar da ini. ²¹ Ezi Josep gumazamizibagh amima, me Isipin kantrin aven vong ko vong sara ingangarir gumazamizir kinibar min iti. ²² Ezi asebar ofa gamir gumazibar nguazibara, Josep dagh ivedezir puvati. Atrivim zurara dagiabar me givesi. Kamaghin, me uan nguaziba amangizir puvati.

²³ Ezi Josep kamaghin gumazamizibav gei, "Ia oragh. Ki datirighin ia ko ian nguaziba sara ia givezegha gifa, ezi ia atrivimin ingangarir gumazamizir kinibar min iti. Ezi ian nguaziba, da bar atrivimin nguaziba. Ezi kar ia oparamin dagher oviziba. Ezi ia da inigh mangi dagher azenibar da oparigh. ²⁴ Eghti gin azenibar dagheba asiamin dughiam otoghti, ia da isi, 5plan pozibav kinigh. Egh ia pozitam atrivim daningih, egha 4plan poziba iana. Egh ia taba oparisi dar arigh, taba ia uan amuiroghboriba ko, dar ami."

²⁵ Ezi gumazamiziba kamaghin migei, "Gumazir ekiam, ni bar en akurazi, kamaghin e deraghvira ikiam. E bar ni minaba, ni e ataghizi, e atrivimin ingangarir gumazir kinibar min iti."

²⁶ Ezi Josep Isipin kantrin migiriar gavgavim kamaghin anetigha ghaze, "Dagher azenibar itiba, ia da iniamin dughiamin, da bigh 5plan pozibav kinigh, egh pozitam atrivim daningih." Arazir kam a kamaghira ikia iza datirighin iti.‡ Ezi asebar ofa gamir gumazibar nguaziba, darara atrivimin nguazibar min itir puvati.

Josep Kenanin nguazimin Jekop afasa akar dikirizim gami

²⁷ Ezi Isaelia Isipin kantrin aven, Gosenin Distrighin apiaghha, danganir kamin nguazim ini. Egha me borir avirim batava bar aviraseme. ²⁸ Ezi Jekop uabi 17plan azenibar Isipin kantrin apera, egha a 147plan azeniba ikiava areme. ²⁹ A fo, a gurumram ovengam, egha a uan otarim Josepin diazi, a ize. Ezi a kamaghin a migei, “Ni guizbangira bar na gifuegh, uan dafarim isi nan buarakirimin apengan amadagh, akar dikiririz gavgavim damigh suam, ni bar arazir aghuimin na damuam. Ni Isipin kantrin narafan kogham.” ³⁰ Eighti ki aremeghti ni nan kuam inigh Isipin kantri ategh mangi, nan inazir afeziabar kuabar afezir danganimin narafagh.”

Ezi Josep kamaghin an akam ikaraghha ghaze, “Ki ni mikemezi moghin damuam.”

³¹ Ezi Jekop ua kamaghin migei, “Ni Godin akagh bar guizbangira mikim suam, ni guizbangira bizar kam damuam.” Ezi Josep Godin akagha ghaze, ki guizbangira bizar kam damuam. Ezi Jekop, Josep bagha bar akongegha, aviraghha ghuaghira uan dapanim isa dakozim gati.

48

Jekop deragha Efraim ko Manase damuasa, akar aghuim aning ganangi

¹ Ezi gin me kamaghin Josep migia ghaze, “Nin afeziat arei.” Ezi Josep dikavigha uan otarir pumuning Manase ko Efraim, aning inigha uan afeziat Jekopin ganasa zui.

² Ezi gumaziba kamaghin Jekop migei, “Nin otarim Josep nin ganasa izegha gif.” Ezi Jekop mong gavgavigha dakozimin dikavigha apera.

³ Egha Jekop kamaghin Josep migei, “Gavgaviba Bar Itir God, Lusin nguibamin, na bato, a Kenanin nguazimin itir nguibam. Egha a deraghvira na damuasa akar aghuim na mikeme.” ⁴ Egha a kamaghin mikeme, “Ki borir aviriba ni daningam, eighti nin ovavir boriba bar avirasemeghti, ni kantrin aviribar gumazamizibar inazir afeziamin otogham. Eighti ki nguazir kam isi, nin ovavir boribar aningti, a men nguazimin iki mamaghira ikiam.”

⁵ Egha Jekop ua kamaghin migei, “Ki tighar Isipin kantrin ni bativamin dughiam, nin amuim otarir pumuning bate. Ezi borir kamning, bar nan borimningra ikiam. Efraim ko Manase bar nan borimning min ikiam, mati Ruben ko Simeonin min.” ⁶ Eighti nin borir, Efraim ko Manasen gin otivighamba, me bar nina. Eighti gin me nguazim tuiragh vaghvagh me daningamin dughiamin, borir kaba me Efraim ko Manasen adarazir aven ikiam, kar men aveghbuar ekiamning. ⁷ Ki fomira

Mesopotemian nguazim ategha uamategha Kenanin nguazimin izima, nin amebam Resel areme. An aremezir dughiamin, e mong Efratan nguibamin saghon iti. Egha ki Efratan zuir tuavimin miriamin anefa. Efrata, kar Betlehemin ziar għurim. Ezi ki Resel bar an apangkuvigha bar oseme. Kamaghin, ki nin otarimning bagħha akar aghuir kam migei.”

⁸ Ezi Jekop Josepin borimning ganigha kamaghin aning bagħha azara, “Kar tinan borimning?”

⁹ Ezi Josep ghaze, “Kar nan otarimning, ki Isipin kantrin itir dughiamin, God aning na ganingi.”

Ezi Jekop ghaze, “Ni aning inigh nan boroghin iziti, ki bizar aghuiba aning daningam, egh God ko mikimti a deraghviram aning damuam.” ¹⁰ Dugħiar kamin Jekop bar ghuri, ezi an damaziba deragħa bizi bar garir puvati. Kamaghin, Josep borimningin ākua iza Jekopin boroghira tuzi, Jekop aningin toteġha aning muki.

¹¹ Egha Jekop kamaghin Josep migei, “Ki fomira ghaze, ki nin guamin ganighan kogham. Ezi datirighin God na ataghizi ki ni ko nin borimning sara, bar mogħira ian gari.” ¹² Ezi Josep borimning Jekopin apozinim aning ini. Egha gin Josep ziar ekiam Jekop daningasa, aviraghha għuaghira guam Jekopin boroghira nguazim giri.

¹³ Egha Josep kamaghin ifonge, Manase Jekopin agharir guvimin tughiv ikiam, eighti Efraim Jekopin agharir ikiriam tughiv ikiam. Kamaghin a Manase agharir ikiriam an suiragħha, Efraim agharir guvimin an suira, egha aning inigha Jekopin boroghin għu. ¹⁴ Jekop fo, Manase, an otarir ivariam. Ezi puvati, a uan agharimmin iġħi uqbiha, agharir guvimin isa otarir dozim Efraimin dapanim gati. Egha agharir ikiriam isa otarir ivariam Manasen dapanim gati. ¹⁵ Ezi Jekop deraghvira Josep damuasa kamaghin Godin azaraghha ghaze, “God, nan inazim Abraham ko nan afeziat Aisak, aning bar nin apengan ike. Ezi ni bar deravira nan gari, dugħi amebam na batezim min iza datirikin.” ¹⁶ Egha ni enselin mamin min na bato, egha ki ikuvasava amima, ni nan akura. Ezi ki datirighin nin azai, ni deravira borir kamning damu. Egh ni aningin ovavir boribar amuti, me nguazir kamin bar avirasemegħam. Eighti aning bangin, gumazamiziba nan ziam ko, Abraham ko Aisakin ziamning sara okinighnigh kogħam.”

¹⁷ Josep uan afeziāt garima, an agharir guvimin isa Efraimin dapanim għis in arizma,

a kamaghin nighnigha ghaze, arazir kam derazir puvati. Kamaghin, a uan afeziamin agharir guvimin suiragha, Manasen dapanim gisin darighasava ami. ¹⁸ Egha a kamaghin afeziam migei, "Afeziam, ni kamaghin damuan marki. Otarir kam, an otarir ivariam. Ezi ni uan agharir guvim an dapanim gisin datigh."

¹⁹ Ezi afeziam aghuaghga, kamaghin Josep migei, "Nan otarim, ki fo. Manasen adarazi uaghan bar avirasemegham. Eighti an dozimin adarazi bar moghira bar avirasemegh, egh Manasen adarazigh afiragh. Egh me kantrin aviribar gumazamizibar min bar avirasemegham."

²⁰ Ezi dughiar kamin Jekop deraghavira aning damusa bizar aghuiba isa aning ganiga, kamaghin Josep migei, "Gin izamin dughiamin, Israelia, God deraghvira igharaz darazi damusi an azangsigh, nin borimning ziamning diponiva mikim suam, God deravira Efraim ko Manase gamizi moghin, a deravira ia damuam." Ezi arazir kamin Jekop Efraim faragha anetigha, Manase gin aneti.

²¹ Egha Jekop kamaghin Josep migei, "Ni oragh, ki ovengasava ami. Eighti God ia ko ikiam, egh ua ia inigh uamategh ian inazibar nguazimin mangam. ²² Guizbangira, Sekemin nguazimin itir mighsiar apirazim, a bar nguazir otevir aghuim. Ezi ki fomira uan midorozir sabam ko pimin suiragha, Amoria ko misuegha nguazir kam ini. Ki nguazir otevir kam, nirara daningam. Ki nin aveghbuabar aningen kogham."*

49

*Jekop, God an boriba deragh me
damuasa ifuegha,
an akar aghuiba me ganidi*

¹ Egha Jekop uan boribar diazi, me izima, a kamaghin me migei, "Ia nan boroghira iziti, ki bizar gin ja bativambar gun ja mikimam. ² Ki Jekop ian afeziam, nan ziar mam Israel, ia nan boriba, ia bar izi nan boroghin uari akuvagh, deraghvira uan kuariba arigh na baragh.

³ "Ruben, nan borir ivariam, ki gumazir igiamra ikia ni bate. Ezi ni bar ekevegha bar gavgavigha nan borir igharazibagh afira. ⁴ Egha nin araziba mati aperiam ivemari

* 48:20: Hibru 11:21 * 48:22: Israelia ghua Kenanin nguazimin itir dughiamin, Josepin adarazi Sekemin nguibam ini. Ni Josua 24:32in gan. Ezi Hibrun akamin, ziar kam, "Sekem," an ararem akar kam mirara ghu, "asizir suer akuam tuzir aghuiba an iti." Ni 1 Samuel 9:24in gan. Kamaghin, dughiar kam Jekop ghaze, a Sekemin nguazim isi Josep daningam. Guizbangira, an akar isin zuim gamua ghaze, a nguazir otevir Josep daningamim, an aveghbuabe iniamin nguazim gafragham. * 49:4: Ni Jenesis 35:22in gan. 49:9: Diboboniba 24:9; Akar Mogomem 5:5 49:10: Onger Akaba 60:7; 108:8 † 49:10: Hibrun akam deragha migirigar kam mingarim abighizir puvati. Gumazir maba Hibrun akam mong a gighagharia egha kamaghin akar kam osiri, "A gavgavir kamin suiragh iki mangi gumazir ingangarir kam iniamin gumazim otogham."

moghin bar gavgavigha ongani, ezi gumazitam ni gativaghan kogham. Ni uan afeziamin amuir dozim komaakuigha, bar arazir kuram gamigha aghumsizir ekiam na ganingi. Kamaghin, ni ua faragh ikian kogham.*

⁵ "Ezi Simeon ko Livai, aning aveghbuamning. Aning uaning inigha midorozir biziisa igharaz darazi paza me gami.

⁶ Egha aning atarava gumazibav sozima, me ariaghiri. Egha aning pura ikia uan ifongiar kuramin gin ghua bulmakaubar suer duiar agiribar aghori. Kamaghin, ki aning ko navir vamira ikian kogham. Ezi bizar ki aning damuasa nighnigha akam akiriziba, ki dar gin mangan aghua. ⁷ Aningin adariba bar gavgafi, ezi aningin aningagharrim bar kufi, kamaghin aningin aningagharrir kam aning gasighasigham. Eighti ki aning damighti, aningin ovavir boribar tintinibar Israelian gumazamizir igharazibar tongin ikiam.

⁸ "Juda, nin aveghbuuba nin ziam fam. Egh ni uan apanibar firibar suigh me abinti, nin aveghbuuba nin guamin uan dapaniba avigh, ziar ekiam ni daningam. ⁹ Ezi Juda, nan otarim, ni mati laionin ighiar mam. An asizibav sogha da apa, ghua bar gavgafi.

Egha nimira apiav ikia uabi akunasavira gara iti, ezi gumazamiziba a dipovan attingi. ¹⁰ Egha an atrivimin aghorimin suiraghti, an an gavgavir ekiam akaghti, a iki mamaghira ikiam. Egh an ovavir boribar atrivimin min iki mangiti, gumazamiziba bar a bagh bizar aghuiba inigh a bagh izamin dughiam otogham.† Egh a kantriba bar dagh ativagham. ¹¹ Egha a wainin ikarizir bar aghuir aviriba iti. Egha a uan donkin amebamin nguzim ikiasia, pura wainin ikarizir kabar a iti. Egha a wainin oviziba mirmira, wainin dipar aviribagh ami, eighti gumazamiziba dar ami da givaghan kogham. Ezi a wainin dipar maba isa uan korotiaba rue. ¹² Egha a wainin dipar aviriba apava, kamaghin an damazimning aghefe. Ezi a bulmakaun oter eborir aviriba apava, kamaghin an atariba bar ghurghuri.

¹³ "Ezi Sebulun ongarimin boroghira ikiam, ezi an ongarir dadarim, kuriba ikiamin danganir aghuim ikiam. Eighti an nguazimin ababanim bar mangi Saidonin nguibamin nguazim biragham.

¹⁴ “Isakar a donkin bar gavgavim. Egha a pura mitarir biziba ateribar tongin iraviti.[‡] ¹⁵ A uan nguazimin garima a ikiamin danganir bar aghuim, egha a bar pura ingari. Egha gin a pura ingangarir gumazir kinimin min ingangarir bar ekiam gami.

¹⁶ “Ezi Dan, § a gumazir dapanir ekiamin min ikiva, uan gumazamizibagh ativagh ikiti, me Israelian anabar igharazibar min otivam. ¹⁷ Egh Dan kuruzir kurar mamin min tuavir miriabir iki mizuamam. Egheti hoziaba ivemari tuavimin iziti, a ubi fegh kunigh men suebagh inivti, gumazir hozibagħi apiażiba me daighiregħam.

¹⁸ “O Ikiavira Itir God, ni nan akurvaghħasa ki ni mizuai iti.

¹⁹ “Gat, okimakiar gumaziba izi ni misogħam. Egheti ni men midorozibha ikarvagh me batuegħi me mangam.

²⁰ “Aser, nin nguazim dagħer aviriba ikiam. Ni dagħer isingtiz atrivim bar ifongeżibha tuam.

²¹ “Naptali ni mati, memen atiam uan ifongiāmin gin zui. Egha nguzir diriba bati.

²² “Josep ni mati wainin ikarizir aghuim, a dipar atuir mamin borogħin otogħha aghħua ovizibha bati. Egha an agharriba ruarigha divażim avara. ²³ Ezi gumazir pibar asa misożiba, me pattem a gasavira iti. Me a gasegħti an aremhegħa me pażava a gami.

²⁴ Ezi Josep uan pimin benim firizir puvati. Godin Bar Gavgavim Itim, a Jekopin God, a gavgavim isa Josep ganingi, ezi Josepin agharim amirazir puvati. Ezi Godin kam, a Israelian Garir gumazim, egha a mati Israelia Modir Dagħiġi Gavgavim. ²⁵ Kar niñ afeziamin God, kar Godin Gavgaviba Bar Itim. Egha u ubira derivara ni għamua, bixiż aghħuir aviriba ni ganid. Egh overiām damuti, amozir avirim ni għizam. Egh a dipar avirim damuti, da nguazimin otivam. Egheti a nin adarazir amizibar amuti, me borir aviriba batam. ²⁶ Ezi ki niñ afeziam, ki bixiż aghħuir aviriba ni ganid. Egheti bixiż aghħuir ki ni dandingamin kaba, ni da iniam, da otiv avirasmegħ, mīghsia dafaba avegham. Egh da bar nan inaziba fomira inizir bixiż aghħiubagh afiragh. ** Egheti Josep, bixiż kaba da bar ni bativam, ni gumazir kam, uan aveghħuabar tongin gumazir ekiamin otogħam.

²⁷ “Ezi Benjamin mati afiār atiar ekiar mam, an asizibav sozima da ariaghiri. Egha asiszir misożebha a mizarazibar ada api. Egha garantizibar a inizir biziba tuisisi.”

²⁸ Ezi aveghħuar kaba, kar Israelian 12plan anababa. Ezi men afeziam aremegħħa amuava, vagħvagh akar aghuim me ganidima, akar kam men arazibar mirara għu.

Jekop aremezi me anefa

²⁹ Ezi Jekop akar aghħiuba anigha givaghha, kamagħin uan boribav gei, “Kiran oveħġħaqin, ki oveaghħuezibar nguibamin mangi uan inazir afezjaba ko ikiam, kar gumazir ovengħeżibar nguibam. Egheti ia na isi nan inaziba ko dagħiar mozim ġi nara fagh. Dagħiar mozir kam, a Efronin nguazimin iti. Efron, a Hitian gumazir mam. ³⁰ Mozir kam Makpelan nguazimin iti, a Kenanin nguazimin ikla, Mamren nguibamin borogħiha iti. Abraham Efron dam nguazir otevir kam givese, eghi a uan adarazir kuabar afam danganim min ikiam. ³¹ Ezi mozir kamin, me Abraham uan amuim Sara ko aning afagħha, uaghan Aisak uan amuim Rebeka ko, aning afa. Ezi ki Lea uaghan mozir kamin anefa. ³² Dagħiar mozir kam itir nguazim, Abraham Hitian adarazi dam a givese.”

³³ Egha Jekop akar kabav mikemeħga givagħha, uan suemming amikirigha dakozim għis in. Egha an areme, ezi an duam għuwa uan adarazi ko me oveaghħuezibar nguibamin iti.

50

¹ Ezi Josep kamagħin uan afeziamin garima, an aremezi, a uan afeziam għis īrigha a muigha bar an apangkuvigha azia uan afeziamin tori. ² Egha gin Josep doktabv geima, me marasina ko borer iħgaragħha gariba, an afeziamin mikarzim għagħi. Egheti, an mikarzim ikuvighan kogħam. Ezi doktaba Josep mikemeżi mogħiram ami. ³ Isipian kuabagh amir arazimra kara, me marasina kuamn mikarzim dagħu mangi 40plan dugħiabar tħuġħam. Kamagħin me ingangarir kam 40plan dugħiabar Jekopin kuam gami. Ezi Isipian Jekop bagħha azia ghua 70plan dugħiabar tu. ⁴ Ezi aghħiūmazim ko azirakam għivazima, Josep atrivim gumazir dapanibav għia ghaze, “E uari, ia na gifuegħiha, ia nan akam inigh atrivim bagħi mangi. Akar kam kamakin, ⁵ Atrivim, nan afeziam aremhegasava amua, a na gamizi, ki akar dikirizim gamu a ghaze, ki an kuam inigh mangiva dagħiar mozir a uabi okorezim, a Kenanin nguazimin

^{‡ 49:14:} Akar kam, “mitarir biziba ateriba,” Hibrun akam din deragħa migeir puvati. Gumazir maba kamagħin a għira, “sipsibar divażim.” ^{§ 49:16:} Hibrun akam, ziarr kam, “Dan,” akar kam mong an mirara għu, “Ativagh.” ^{49:18:}

Onger Akaba 119:166; Aisaia 25:9; Maika 7:7 ^{**} ^{49:26:} Hibrun akam din deragħa migħiġiġ kien mingarim abighiżżejjur puvati. ^{49:30:} Jenesis 23:3-20 ^{49:31:} Jenesis 25:9-10; 35:29 ^{49:33:} Aposel 7:15 ^{50:5:} Jenesis 47:29-31

iti, ki an anefam. Kamaghin, ni nan amamangatighti, ki uan afeziamin kuam inigh mangi anefagh egh gin ki ua izam.”

⁶ Ezi atrivim Josepin akam baregha kamaghin a ikaragha ghaze, “Ni uan afeziám ko akar dikirizir amízir kamin gin mangi, egh an kuam inigh mangiva anefagh.”

⁷ Ezi Josep uan afeziám mozimin anefasa zui. Ezi atrivimin gumazir dapaniba, ko an dipenimin gumazir ekiaba, ko Isipian gumazir aruaba, me bar Josepin gin zui. ⁸ Ezi Josepin adarazi, ko an aveghbuuba, ko an afeziám adarasi, me bar ghue. Ezi borir doziba ko, sipsipba, memeba ko bulmakauba, darara Gosenin Distrighin iti. ⁹ Ezi karisba ko gumazir hoziabagh apiaziba, me uaghan Josep ko zui. Guizbangira, gumazir bar avirim ghue.

¹⁰ Egha me ghua Atatin nguibamin otifi, Jordanin Fanemin aruem anadi nakin. Kar me witin iniba kua dar dagheba isir danganim. Ezi Josep aghuimazir arazim gamua azia ghua 7plan dughiaba gifa. Dughiar kam, me bar, azirakar dafam gamua pamtemin azi. ¹¹ Ezi Kenania, me Atatin itir gumazamizir kabar gari, me aghuimazimin ikiava azima, me kamaghin migei, “Isipia aghuimazimin ikia azirakar ekiam gami.” Kamaghin me danganir kam dibora ghaze, “Abel Misraim.” Ezi danganir kam, a Jordanin Fanemin, aruem anadi naghin iti.* ¹² Ezi Jekopin boriba an akamin gin ghua a mikemezi moghiram ami. ¹³ Ezi me an kuam inigha Kenanin nguazimin ghugha, Makpelan nguazimin itir dagiar mozimin anefa, a Mamren nguibamin boroghin iti. Abraham fomira Efron da nguazir kam givese, a Hitian mav, ehti nguazir kam, an adarazir kuabar afamin danganimin min ikiam. ¹⁴ Ezi Josep uan afeziám afagha givagha, uan aveghbuuba ko, a ko ghuezir darasi, me uamategha Isipin ghue.

Josep uan aveghbuabar arazir kuraba gin amada

¹⁵ Ezi men afeziám aremezi, Josepin aveghbuuba gin kamaghin migei, “Manmaghin ami? Josep ti en atarovira ikiam, egha arazir kurar e a gamiziba ikarvaghassa?”

¹⁶ Kamaghin, me Josep bagha akam amada. Akar kam kamakin, “En afeziám tighar ovengamin dughiamin, an akar mamin e mikeme. ¹⁷ An akar kam ni daningasa e mikeme, Josep, nin aveghbuuba arazir bar kuraba ni gamua, bar pazavira ni gami. Ezi ki nin azal, ga uaning, ni men arazir kurar kaba, gin amadagh.” Ezi e datirighin, en afeziám Godin ingangarir

gumaziba, e nin azai, e uari, ni en arazir kurar ekiar kam, a gin amadagh.” Ezi Josep akar kam baregha azia iti.

¹⁸ Egha gin Josepin aveghbuuba ghuava an gara egha uan guaba avigha ghuaghira Josepin suemningin boroghin nguazim giregha, kamaghin a migei, “E pura nin ingangarir gumazir kinibar otifi.”

¹⁹ Ezi Josep kamaghin me migei, “Ia atiatingan marki. Ki Godin danganim inighiva, ia kotiam darighan kogham. ²⁰ Bar guizbangira, ia na gasighasighasa akam misoke. Ezi ki fo, God ian amaman-gatizi, ia arazir kam gami. Guizbangira, God gumazamizir aviribar akurvaghaha ifonge, ehti me ikuvighan kogham. Ezi ia God amizir ingangarir kam gifogha gifa. ²¹ Kamaghin, ia atiatingan marki. Ki ia ko ian boribar ganam.” Josep akar bar aghuir kamin uan aveghbuuba mikemegha men navibagh amima, me navir amirizim ini.

Josep areme

²² Egha Josep Isipin kantrin uan afeziám adarazi ko iti. Egha a 110plan azenibar bar moghira nguazir kamin ike. ²³ Egha Efraimin boriba ko an igiabar boribar gani. Ezi Makirin boriba otivizi, me uaghan men akua Josep bagha ghuzima, a men suiraghha me isa uan apoziim dafa. Makir, a Manasen borim. ²⁴ Egha gin Josep kamaghin uan aveghbuabav già ghaze, “Kiran ovehangin, ki aremegham. Ehti God ian ganam, egh gin ian aku kantrin kam ategh mangam. Ia fo, a fomira Abraham, Aisak ko Jekop nguazir mam me daningasa akar dikirizir gavgavim gami. Egh a gin ia inigh nguazir kamra, an mangam.”

²⁵ Ezi gin Josep kamaghin Israelin otaribav già ghaze, “Ia kamaghin na ko akam akirigh, dughiar God ia bagh izamim, ia danganir kamin nan aghariba inigh mangi.” Egha Josep uan aveghbuabagh amima, me guizbangira pin akatha mikeme, me an akar kamin gin mangam. ²⁶ Ezi Josep 110plan azenibar ikegha an areme. Ezi Isipian doktaba marasin ko porer aviribar an mikarzim gaghi, ehti an mikarzim ikuvighan kogham. Ezi me an kuam isa boksiar mam gati, egha Isipin kantrin itir danganir mam gati.

* **50:11:** Hibrun akamin, ziar kam, “Abel Misraim,” an mingarim kamakin, “Isipia aziava arai.”

50:13: Aposel 7:16

50:20: Jenesis 37:26-27; 45:5-7

50:25: Ua Me Ini 13:19; Josua 24:32; Hibru 11:22

God Ua Uan Gumazamiziba Inigha, Isipin Azenan Zui O Ua Me Ini Akar faragha zuim

Akinafarir kam bar faraghavira Israelia batozir bizar ekiamin gun migei. Bizar kam, a kamakin. Me Isipin kantri ataki, kar nguazir me pura ingangarir gumaziba ko ingangarir amizir kinibar ikia kalabusin ingangarim gamizim.

Akinafarir kam migirigiar akuar ekiar 3pla iti.

1. Septa 1 ghua 18, akinafarir akuar faragha zuim, an Israelia Isipin kantri ategha firiaghiregha gumazamiziba puvatizir danganimin ghua Sainain Mighsiāmin otozir darorim geghari.

2. Septa 19 ghua 24, akinafarir akuar kam, God Israelia ko Akar Dikirizir Gavgavim gamigha, an akar gavgaviba me ganiga men sure gami, eghit me uan daroriba ko araziba deravira dar ganam.

3. Septa 25 ghua 40, akinafarir akuar kamin aven, Israelia Godin Purirpenimin ingari. Egha Godin ziam fer araziba ko akar igharaziba iti. Egha uaghan ofa gamir gumazibar ingangarim damuamin migirigiaha an iti.

Faraghavira zuir gumazir ekiam Moses, an migirigiaha akinafarir kamin aven iti. God uabi gumazir dapanimin iki Isipia da ua Israelia iniasa a ginaba.

Nguazir kamin itir gumazamizir avirim, God Israelia ganingizir 10plan Akar Gavgavibagh fos. Akar Gavgavir kaba, sapta 20in iti.

God uabi amizir biziba dar migirigiaha akinafarir kamin faraghavira iti. God uabi Israelian apaniba da, ua me ini. God uabi me gamizi me ikizir vamira ikia ziar ekiam iti, egha me an gumazamizibara ikiasa a me ginaba. God uabi me geghuva gavgavim me ganidi. Eghit me ingangarir ekiar God ifongezibar amuam.

God ingangarim isa Moses ganangi

(Sapta 1-4)

Isipia pazavira Israelia gami

1 Jekopin otariba an gin Isipin kantrin ghu, me uan adarazi sara, men ziabar kara: ²⁻⁴ Ruben, Simeon, Livai, Juda, Isakar,

Sebulun, Benjamin, Dan, Naptali, Gat ko Aser. ⁵ Josep men faraghavira ghugha Isipin iti. Gumazamizir kaba me Jekopin otivizir ovavir boriba. Me bar men dibobonim 70in ghu.

6 Dughiar maba givazima, Josep, ko an aveghbuuba bar, ko gumazamizir dughiar mitaghniar kamin ikeziba, me bar ariaghire. ⁷ Ezi Israeliin gumazamiziba borir avirim batima, men avirim bar ekevegha bar avirasemegha gavgavigha Isipin kantri bar a gizifa.

8 Azenir aviribar gin, atrivir igiar mam Isipin kantrin atrivimin oto. Atrivir kam Josep gifozir puvati. ⁹ Egha a uan gumazamizibav gia ghaze, "Israeliin gumazamiziba bar aviraseme, ezi men avirim ko gavgavim bar en avirim ko gavgavim gafira. ¹⁰ Eghit midorozim otoghti, me ti en apaniba ko uari akuvagh e ko misoghiva, en kantri ategh aregham. Kamaghin amizi, e tuavittam batogh me damighti, me otiv arogh avirasemeghan kogham."

11 Kamaghin Isipian atrivim uan apengan ingarir gumaziba ko, me ingangarimin ganamin gumazir maba misevegha, ingangarim me ganingi. Men ingangarir kam, a kamakin, me puvira Israelia abin me damuti, me bar osimtzizir dafaba sara ingangarir ekiabar amuam. Me Israelia gamima me nguabar ekiar pumuningin ingari, Pitomin nguibam ko Ramesesin nguibamning, kar nguabar ekiar atrivimin daghebar arighamimning.* ¹² Isipia bar pazavira Israelia gamima, me uaghan bar avirasemegha Isip gizefi. Me kamaghin me gamua ghuavira iti me puvira ingarava, boriba bata ghuavira iti. Kamaghin amizi, Isipia men atiatia bar men aghua. ¹³ Isipia me gamima, me puvira ingarava, osimtzizir ekiaba ateri, Isipia tong men apangkuvir pu. Bar puvati. ¹⁴ Egha Isipia puvira me abira me gamima, me brighbar ingara dipenibar ingarava uaghan azenibar obarir ingangaribagh ami. Ezi ikirimrim bar men asighasiki.

15 Ezi Isipin atrivim, Sifra ko Puan dia, aning Hibrun amizir otasava amibar, akurvazir amizimning. Egha an akar gavgavim aning ganiga, ghaze, ¹⁶ "Gua Hibrun amizir otasava amibar akurvaghiva gan, amizim otarim bategħti, gua a misuegħti an aremegħ. A borir guivim bategħti, gua anetegħti a iki." ¹⁷ Ezi amizir kamming Godin atiatiaha Isipin atrivim aning mikemeżi mogħin amir puvati, egha otariba ataghħirazima me iti.

1:1: Genes 46:8-27 **1:7:** Aposel 7:17 **1:8:** Aposel 7:18 **1:10:** Aposel 7:19 * **1:11:** Pitom ko Ramesesin nguabar ekiarning, me aning ingarigha, atrivimin dagħer dipenibar dafaba aning aven ingari. Ezi Isipia dagħebha otevir dughħiamin araravim gamua dagħer avirim aning garisi. **1:17:** Ua Me Ini 1:21

¹⁸ Ezi Isipin atrivim aningin diagh a ningen azara, "Gua tizim bagha otariba ataghizima me iti?"

¹⁹ Ezi amizimning kamaghin atrivim migei, "Hibrun amiziba Isipian amizibar min amir puvati, me amizir gavgaviba. Me otisi, me bar zuamira otegham, kamaghin amizi, ga tighar maghin mangiti me otegh givaghram." ²⁰⁻²¹ Amizir kamning Godin atiati, kamaghin amizi God deragha aning gamima aning uaghan uaning bagha boriba bati. Kamaghin Israelin gumazamiziba bar otava arogha ghuavira ikia gavgafi.

²² Ezi gin atrivim kamaghin Isipin gumazamiziba bar me migei, "Ia Hibrun otarir iririviba isi, Nailin Fanemin me akunigh. Egh guivir iririviba ateghti, me iki."

2

Moses iririvimra itima, me a misoghezi an aremezir puvati

¹ Dughiar kamin Livain ovavir borir gumazir mam, a Livain ovavir borir amizir mamin iti. ² Gin amizir kam navim asegha otarir mam bate. Egha an an garima, an ganganim bar dera, kamaghin amizi a 3plan iakinibar a modi. ³ An amebam uam a mongan asaghava, akirar me ighurunibar min garir grazir aghuubar ingarizir mam inigha, koltan an toriba apiri. Eghit dipam aven mangan kogham. Egha borim aven anetigha ghua Nailin Faner miriamin grazibar tongin dipam gisin aneti. ⁴ Ezi borimin amezemebam mong saghuiamin tuga modogha an gari, bizir tizitam a bativam.

⁵ Ezi atrivimin guivim ruasa fanemin uaghirma, an ingangarir amiziba an gin ghua dipar miriamin arui. Ezi atrivimin guivim amuaviava akirar kam grazibar tongin an apigha, a iniasa ingangarir amizir mam amada. ⁶ Egha atrivimin guivim akirar kamin asuam kuigha otarimin garima, an araima, an an apangkufi. Egha kamaghin migei, "Kar Hibrubar borir mam."

⁷ Ezi an amezemebam izava an azai, "Ki mangiva Hibrun amizitam mikemeghti, a ni bagh oteba a daningam?"

⁸ Ezi atrivimin guivim kamaghin migei, "Aria, ni migei moghin damu." Ezi guivim ghua borimin amebamra inigha ize.

⁹ Ezi atrivimin guivim amizir kam kamaghin a migia ghaze, "Ni borir kam inigh na bagh a damu oteba a daningti, ki ni

givezam." Ezi amizir kam borim inigha a bagha a gamua oteba a ganidi.

¹⁰ Gin borir kam ekevezima, an amebam a inigha atrivimin guivim bagha ghu. Ezi atrivimin guivim, otarir kam, mati an otozir borimin mirara ua bagha a gami. Egha a kamaghin ubi migei, "Ki dipamin a isava azenim gati. Kamaghin, ki ziam, Moses, a darigham."

Moses ara Midian kantrin ghu

¹¹ Ezi gin Moses aghuigha gumazim aragha givagha, atrivimin dipenimin azenan ghua Hibrubar ganasa zui, kar an akar gumazamiziba. A ghua men garima, Isipia angangarir osimitzibar amuasa puv me abiri. A uaghan garima, Isipian may Hibrun mav misosi, kar an akar gumazir mam. ¹² Ezi Moses tintinibar garima, tav itir puvatizi, a Isipin gumazir kam misuegha an kuam gigimin aven a modo.

¹³ Egha an amiumzaraghan uamategha ghua garima, Hibrun gumazimning uaning misosi. Ezi a midorozim forezir gumazim migei, "Ni tizim bagha uan akar gumazim misosi?"

¹⁴ Ezi gumazir kam a ikaragha ghaze, "Tina ni amisevezi ni en gumazir dapanim ko jasin ikiava en gari? Ni Isipian gumazim misoghezi an aremezi moghin, ni na misueghti ki aremeghasa, a?"

Ezi Moses kamaghin oregha atiatigha, kamaghin nighnisi, "Ki amizir bizir kam, gumazamiziba a gifo."

¹⁵ Ezi Isipin atrivim gin Moses amizir bizir kam baregha, Moses misueghti an aremeghasava ami. Ezi kamaghin Moses atrivimin ara ghua, Midianin nguazimin oto. Egha mozir dipar mamin miriamin aperaghav iti. ¹⁶ Midianin nguazimin, ofa gamir gumazir mam, an ziam Jetro. A 7pla guiviba iti. Ezi dughiar kam, an guiviba iza mozir pam tuigha uan afeziamin sipsipba ko memebar aningasa, itarir bar ekiam gingasava ami. ¹⁷ Ezi sipsipbar garir gumazir maba iza Jetron guiviba, me batosi. Ezi Moses guivibar akuragha gumazir kaba munamadagha, dipam tuigha Jetron sipsipba ko memebagh aningi.

¹⁸ Ezi me uamategha zuima men afeziam men azara, "Manmagh amizi ia zuamira uamatenge?"

¹⁹ Ezi me kamaghin a migei, "Isipin gumazir mam en akuragha sipsipbar garir gumaziba munamada. Egha dipam tuigha en sipsipba ko memebagh aningi."

²⁰ Ezi afeziam men azara, "Gumazir kam managh iti? Ia tizim bagha anetegha ize? Ia

1:22: Aposel 7:19 **2:2:** Aposel 7:20; Hibru 11:23

"Moses," akar kamin mirara ghu, "A inigh pin anang." **2:10:** Aposel 7:21 **2:10:** Hibru akamín, ziar kam, Hibru 11:24 **2:11:** Aposel 7:23-28 **2:15:** Aposel 7:29; Hibru 11:27

mangiva a mikemegehti a iziva, e ko dami.” Ezi me ghua Moses inigha izi.

²¹ Ezi Moses Jetro ko ikiasi ifonge. Ezi Jetro uan guivim Sipora, Mosesin ikiasava a ganingi. ²² Ezi Sipora otarim batezi, Moses kamaghin migei, “Ki nguibar igharazimin gumazimin min iza ia ko iti, kamaghin ki ziam Gersom a gati.”[†]

²³ Dughiar ruarim giovazima, Isipin atrivim areme. Ezi Isipia Israelia me gativagha men gari, me puvira ingara osimtzir kaba isavira ikiava, akurvazim bagha pamtemin arai, “O God, en akuragh.” Ezi men ararem God bagha ghuavanabo. ²⁴ Ezi God men ararem baregha Abraham ko, Aisak ko, Jekop ko, amizir Akar Dikirizir Gavgavim giniri. ²⁵ Kamaghin God, Israelin gumazamizibar garima men ikirimirim bar ikufi, ezi a men apangkuvigha, men akurvaghaha nighnisi.

3

God Mosesin dia

¹ Dughiar mamin Moses uan amerem Jetron sipsipba ko memebagh eghuva, da inigha gumazamiziba puvatizir danganir mamin ghua, a ifagha vongin ghua Horepin oto, kar God baghavira itir mighsiam. Horepin Mighsiamin ziar igharazim, Sainai. ² Ezi Ikiavira Itir Godin ensel temer otevir mamin aguabar tongin avir mizariabar aven, puram a bato. Ezi Moses temer otevir kamin gari, avim isia daforofozima, temem isir puvati. ³ Ezi Moses aguaghfagha ghaze, “Kar bizir igharazim! Tizim bagha temer kam isir puvati? Ki roghira mangi an ganigham.”

⁴ Ikiavira Itir God, Mosesin gari a roghira izima, God tememin aguabar tongin ikia an dia, “Moses! Moses!”

Ezi Moses a ikara, “Ki kati.”

⁵ Ezi God ghaze, “Ni roghira izan marki! Nguazir ni isin tughav tir kam, kar anogoroghezir nguazim, a nan nguazimra. Kamaghin ni uan dagarir asuaba suegh.”

⁶ Egha God ua kamaghin migei, “Ki nin afeziamin God. Egha uaghan nin inazir afeziabi, Abraham, Aisak ko Jekopin God.” Ezi Moses Godin akam baregha, an ganan atiatigha uan quam avara.

[†] 2:22: Hibrun akamin, ziar kam, “Gersom,” akar kamin mirara ghu, “nguibar igharazimin gumazim.” ^{2:24:} Genes 15:13-14 ^{3:2:} Aposel 7:30-34 ^{3:13:} Ua Me Ini 6:2-3 ^{3:14:} Akar Mogomem 1:4; 1:8 * ^{3:15:} Hibrun akamin, me, Godin ziar a Moses mikemezim, kamaghin an osiri, “Yhwh.” Fofozir gumazir deragha ziar kam diborir arazim gfozir puvati, egha gumazir avir maba ghaze, e kamaghin a diponam, “Yave.” Hibrun akamin aven, akar kam mong an mirara ghu, “Ki ubi ki kamaghira ikiavira iti,” o “Ki zurara kamaghira ikiam.” (Ni ves 14in gan.) Hibruia Godin ziar kam, gumazamiziba a diponam me bar anogoroke. Me akinafariman an osiri, egha dughiar me a diponam, me ghaze, “Ekiam.” Ezi Tok Pisin Buk Baibelin aven, e ghaze, “Ekiam,” o Bikpela. Ezi Aruamin Akamin aven, e ziar kam “Yave,” an mingarimin gin ghua, egha “Ikiavira Itir God,” dibori. Egha vezin manam ziar kam “Yhwh,” an iti, e kamaghin an osiri, “Ikiavira Itir God.” Kamakin, Ikiavira Itir God, a Godin ziam.

mikemegha gif, kantrin kam me pazavira ia gami. Egh ki ia inigh nguazir aghuimin mangam. Nguazir kam a bar derazi, biziba an ikiava bar deraghaviram aghui. Nguazir kam, Kenania, Hitia, Amoria, Peresia, Hivia ko Jebusia datirighin a gapiagha iti.¹⁸

¹⁸ “Eighti Israelin gumazir dapaniba ni baraghti, ni me inigh Isipin atrivim bagh mangiva kamaghin a mikim, Ikiavira Itir God, a Hibruian God, a iza e bato. Ni datirighin en amamangatighti, e 3plan aruebar mangi gumazamiziba puvatizir dananimin mangighiva, Ikiavira Itir God, en God, e an ofa damuam.”

¹⁹ “Ki kamaghin fo, Isipin atrivim ian amamangatighan kogh mangi, a ganti nan gavgavim an gavgavim gafiraghram. Eighti a dughiar kamin ian amamangatighti, ia mangam. ²⁰ Ki uan gavgavimin Isipia gasighasigh, mirakelin igharagha garir aviribar amuam. Bizir kabar gin, a ia ateghi, ia mangam.

²¹ “Ki Isipia damut me ia gifuegham, eghit ia mangamin dughiamin, ia dafarir kinibar mangan kogham. ²² Israelian amiziba bar vaghvagh mangi, uarir boroghira itir Isipian amizibar dipenibar mangi, egh uaghan pura amizir uan adarazir dipenibar aven akuba, korotiaha ko gol ko silvan kurkaziba bagh men azangsigh. Eighti gin Israelia bizir kabar uan otariba ko guivibar kurkiam. Tuavir kamin ia Isipian bizir aghuiba pura da inigh mangam.”

4

God mirakelbar amuamin gavgavim Moses ganangi

¹ Ezi Moses God ikaragha ghaze, “Israelian gumazir dapaniba nighnizir gavgavim nan ikian kogh, bizir ki me migeiba baraghan kogh, egh suam, ‘Ni na batozir puvati,’ eghit ki manmaghin damuam?”

² Ezi Ikiavira Itir God a migia ghaze, “Ni tizim uan dafarimin an suiraghav iti?”

Ezi Moses ghaze, “Aghorir asadivim.”

³ Ezi Ikiavira Itir God ghaze, “Ni nguazimin anekunigh.” Ezi Moses anekunizima, a kuruzimin min otozi, Moses an degiaghiri.

⁴ Ezi Ikiavira Itir God ghaze, “Ni uan dafarim amadagh an ipemin suiragh.” Ezi Moses uan dafarim amadaghha an ipemin suirazima, a uam aghorir asadivimin oto.

⁵ Ezi Ikiavira Itir God ghaze, “Ni kamaghin damighti Israelia nighnizir gavgavim iki kamaghin fogham, Ikiavira Itir God, a men ovavibar God, an Abraham ko Aisakk Jekopin God, a ni bato.”

⁶ Egha Ikiavira Itir God ua kamaghin a migei, “Ni uan dafarim uan evarim gisin

korotiamin aven amadagh.” Ezi Moses uan dafarim uan evarim gisin korotiamin aven amadaghava uam anesi, ezi arimariam lepa an dafarim bato, egha a ghuariamin min ghurghuri.

⁷ Ezi Ikiavira Itir God kamaghin a migei, “Ni uan dafarim ua uan evarim gisin korotiamin aven anemadagh.” Ezi Moses God mikemezi moghin ami, egha a ua uan dafarim asizi, an dafarim ua deragha an mikarzimin mirara gari.

⁸ Ezi Ikiavira Itir God kamaghin a migei, “Me nighnizir gavgavim nin ikian kogh, egh mirakelin ni faraghava amizimin ganigh nighnizir gavgavim an ikian koghti, mirakelin kannang me damighti, me nighnizir gavgavim ikiam. ⁹ Egh me mirakelin arazir kamuningin ganigh, egh nighnizir gavgavim ikian kogh, egh nin akam baraghan koghti, ni Nailin Fanemin mangi dipatam tuigh nguazim gingegeh. Eighti dipar ni nguazim gingegezim, ghuzimin otogham.”

¹⁰ Ezi Moses Ikiavira Itir God migia ghaze, “Marki, Ekiam. Ni na amangan marki. Ki fomira iza datirighin deragha biziav geir puvati. Ezi ni datirighin na migeima, ki biziav geir gumazimin min otozir puvati. Ki asoghosogha biziav gia, egha uaghan nimira biziav gei. Egha ki mikimamin nighnizim zuamira a ginirighan kogham.”

¹¹ Ezi Ikiavira Itir God a migia ghaze, “Tina gumazimin akamin ingari? Tina a gamima, an kuariba a bangani, o a migeir puvati? Tina a gamima, a gari, o an damaziba an okafi? Kar kirara, ki Ikiavira Itir God, ki bizi kabagh ami da otifi. ¹² Ezi ni mangi. Ki nin akuraghti, ni mikimam. Ki ni mikimti, ni mikimam.”

¹³ Ezi Moses ghaze, “Ekiam, ga uaning, marki. Ni ti gumazir igharazitam amadagh.”

¹⁴ Ezi Ikiavira Itir God atara Moses bagha navim an isi, egha kamaghin migia ghaze, “Ni manmaghin uan avebam Aron ginhgnisi? A Livain adarazir gumazim. Ki fo, a deraghvira biziav gei. Ezi a datirighin ni bagha izi. A nin ganigh, an navim deragham. ¹⁵ Eighti gin ni a gehaniva a mikimamin biziabar a mikim. Ki guan akuraghti, gua mikimam. Egh bizi manaba, ki gua mikimti, gua fofozim inigh dar amuam.”

¹⁶ A nin biziav kimamin gumazim, egh a ni bagh gumazamizibav kimam. Egh an nighnizimin a nin akatorimin min ikiam. Egha an damazimin, ni mati an godin min ikiam. ¹⁷ Egh ni uan dafarimin aghorir asadivir kamin suiragh mangi. Egh ni gin aghorir asadivir kamin mirakelbar amuam.”

Moses uamategħha Isipin għu

¹⁸ Ezi Moses uamategħha uan amerem Jetro bagħha ghugħa a migia ghaze, “Ga uanġi, ni na tegħti ki uamategħ Isipin mangi uan adarazir ganika, me ti ikiavira ikiama?”

Ezi, Jetro an amamangatīgha a migia ghaze, “Aria, ni navir averiar amirizim sara mangi.”

¹⁹ Ezi Moses Midianra ikiavira itima, Ikiavira Itir God a migia ghaze, “Isipian gumazir ni misogħasava amiba, me ariaghire. Kamagħin, ni uamategħ Isipin mangi.” ²⁰ Ezi Moses uan amuim ko otarir pumuning donki dafagħha, asadivir aghorit God inċiasa a mikelmezzi kam, uan da farim minn an suiragħha, dikavighha Isipin zui.

²¹ Egha Ikiavira Itir God ua Moses kamagħin a migei, “Ni uamategħ Isipin mangi ħiva, atrivim minn damazmin mirakelbar amu. Ki mirakelbar amu minn gavgavim ni għanngi. Egh ki atrivim minn navim damighti a gavgavigham, efti a Israelian amamangatīgh, me mangi kogħam. ²² Efti ni kamagħin atrivim mikim suam, Ikiavira Itir God kamagħin ni migei, “Israel nan otarir ivariam. ²³ Ezi ki ni migei, Ni nan otarim ategħi a mangiwa nan ofa damuam. Egh ni an anogoregħi, a mangi kogħi, kamagħin, ki nin otarir ivariam misuegħti an aremegħam.””

²⁴ Ezi Moses uan amuirogħboriba ko Isipin zuima, aminim pirima me tuavir arizim minn avugħsazir danganir mamin iti. Ezi Ikiavira Itir God Moses batogħha a misuegħti an aremħegħasava ami.* ²⁵ Ezi Mosesin amuim Sipora dagħi għumtizir mam inighha uan otarim minn mikarzir mogomemin inim atuġha, Mosesin dagħiġi minn għażiex, kamagħin a migei, “Għuzi kam bangin, ni datiṛiġiha na ko ga poroġħam minn.” ²⁶ Dugħiarr kam Sipora mikarzir mogomemin inim aghorit arazim ginġi nħiġiha eghha ghaze, “Għuzi kam bangin, ga poroġħam minn oto.” Ezi Ikiavira Itir God kamagħin ganighha Moses ataghizi a ikia eghha, aremeżiż puvati.†

²⁷ Ezi Ikiavira Itir God Aron migia ghaze, “Ni gumazamiziba puvatizir danganimin mangiwa Moses batogħi.” Ezi Aron dikavighha ghua Godin mighsaxi minn otogħha, Moses batogħha an tore. ²⁸ Ezi Moses bar Aron kamagħin a geħġiha ghaze, God akaba na ganingiha eghha Isipin mangiwa dar gun mikimasa na amada. Egha God mirakelba

nan akagħha ghaze, ki mangi Isipin dar amuam.

²⁹ Egha gin Moses ko Aron Isipin otogħha Israelian gumazir dapaniba bar me akufa. ³⁰ Ezi Aron Ikiavira Itir God Moses mikemezzi biziba bar dar gun me migia, egha uaghan mirakelba gumazamizibar damazmin dagħi ami. ³¹ Ezi me nighniż gavgavim iti. Me kamagħin oraki, Ikiavira Itir God me bagħha iza men garima, Isipia pazavira me gamma, a me bagħha nighnigha men apangkufi. Kamagħin, me teviba apirigha, dapaniba avighha nguazim minn gara an ziam fe.

God ua Isipia da Israelia ini

5

(*Sapta 5:1–15:21*)

Moses ko Aron Isipin atrivim minn ganasa zui

¹ Egha Moses ko Aron Isipin atrivim bagħha ghugħa kamagħin a migei, “Ikiavira Itir God, a Israelian God ghaze, ‘Ni nan gumazamiziba ategħi me mangi, egh isat tamgħażżej puvatizir danganim minn a damuva nan ziam fam.’”

² Ezi atrivim ghaze, “Ikiavira Itir God, a tina? Ki tizim bagħha baregh Israelia ategħi me mangi? Ki Ikiavira Itir God gifozix puvati, kamagħin ki Israelia ategħi me mangi kogħam.”

³ Ezi Moses ko Aron ghaze, “Hibruian God, a izava e bato. Kamagħin, e uari ni en amamangatīgh, e aruer 3plan gumazamizibar puvatizir danganim minn mangi, Ikiavira Itir God, e uan Godiñ ofa damuam. E kamagħin damiġi kogħi, an arimiar kuram o midorozir ekiamin e damiġi e misuegħti arriġħegħam.”

⁴ Ezi atrivim Moses ko Aron migia ghaze, “Gua manmagħi nighnigha gumazamiziba men ingangarim minn anogorosi? Gua uan ingangarim bagħha uamategħi mangi. ⁵ Gua gan, Isipin aven Israelia bar avirasem, ezi gua ingangarim damuan men anogorosi.”

^{6–7} Egha dugħiarr kamra, Isipian gumazir kurar ingangaribar gariba ko, Israelian gumazir men apengen ingariba, atrivim me migei, “Ia ami mogħin grazir midiarir brighbar ingariba isi Israelian danigan marki. Me uari mangi graziba iniam.* ⁸ Ia me mikimti, me brighbar ingarti, dar dibobonim faragħha iti mogħiha kamagħira iki. Dibobonir kam isivagh magħiran marki. Bar marki. Me amiragħha eghha ghaze,

* 4:23: Ua Me Ini 12:29 * 4:24: Moses uan otarim minn mikarzir mogomemin inim atuġżi puvati. Bizzir kam bangin God a misuegħti an aremħegħsa. † 4:26: Mosesin amuim Sipora, an danganim inighha otarim minn nir mogomem atu. Kamagħin God anetaghzi a iti. * 5:6–7: Israelia kantri Isipin ikia brighbar ingaribar arazim kamagħin għu. Me grazir midiarir otevri mużiariha inih, dipam itir begħneazim sara da veregh, brighbar minn da aghoregħ, da isi aruem o avim datiqiha da misiġħ gavgavigham.

e ateghti e gumazamiziba puvatizir danganimin mangigh uan Godin ofa damuam.⁹ Ia ingangarir aviriba me daning, egh me damuti, me bar puviram ingar, egh ifavarir migirigiar kaba baraghamin dughiaba puvatigham."

¹⁰Ezi Isipian ingangarimin garir gumazir kuraba ko men apengan itir ingangarimin garir gumaziba azenan ghua kamaghın Israelia migei, "Atrivim ghaze, 'E ua graziba ia daningan kogham. ¹¹Ia uan gavgavibar tintinibar mangi graziba iniva, brighin aviribar ingarti dar dibobonim faragha ikefi moghira iki."

¹²Kamaghın Israelian gumazamiziba graziba buriasa tintinibar ghua, Isipin nguibamin danganibar grazir otevir muziariba buri. ¹³Ezi ingangarimin garir gumazir kuraba men avigha ghaze, "E faragha graziba ia ganingizi ia brighbar ingarizi moghira, datirighin dughiaba bar kamaghıra ingar."

¹⁴Isipian ingangarimin garir gumazir kuraba faragha Israelian gumazir maba, men apengan ingangarimin garir gumaziba me amisefe. Egha datirighin me me bagha ghua, puv me misogha me migia ghaze, "Manmaghsuavira ia datirighin ingarizir brighin dibobonim, ia faragha ingarizi dibobonimin min otozir puvati?"

¹⁵Ezi Israelian ingangaribar garir gumaziba ghua uari bagha atrivim migia ghaze, "Ni manmaghsua kamaghın e nin ingangarir gumaziba e gami? ¹⁶Me graziba e ganingizir puvatigha, brighbar ingarası puram e migei. Egha datirighin e misosi. Kar en osimtizim puvati. Ia Isipia, kar ian osimtizimra."

¹⁷Ezi atrivim kamaghın me migei, "Ia puram amiraghıa ingangarimin aghua! Egha ghaze, 'Ni en amamangatighti, e mangi Ikiavira Itır God bagh ofa damuam.' ¹⁸Ia datirighira uamategh uan ingangarim damusi mangi! Me grazitaba ia danighan kogham. Eighti ia brighin dibobonir me ia mikemezir kam, ia dar ingarichti da otifigh."

¹⁹Ezi Israelian ingangarimin garir gumazir me miseveziba orazi, atrivim brighin dibobonim otevegh izighiran an anogoroke. Ezi me fo, datirighin osimtizir dafam me bato. ²⁰Egha me atrivimin danganim ategha ghua Moses ko Aron bato. Aning me Mizua iti. ²¹Egha ingangarimin garir gumaziba kamaghın aning migei, "Gua e gamizi datirighin e mati atrivim ko an gumazir dapanibar atinimin mughuriam ati. Egha me e misoghti e ovengamin tuavim akırıgha gifa. Kamaghın amizi, Ikiavira Itır God guan arazir kamin

ganigha gifa, egh guan arazir kamin iveauzir kuram gua daningam."

Mosesin navim bar osemezi a God ko migei

²²Ezi Moses uam Ikiavira Itır God bagha ghua kamaghın a migei, "Ekiam, ni manmaghsua uan gumazamiziba arazir kurar kamin me gami? Egha ni tizim baghavira na amadazima, ki kagh ize? ²³Ki nin akaba inigha ghua atrivim mikemezir dughiamin ikegha iza datirighin, atrivim arazir kurabar me gami. Ezi ni men akurvaghasa bizitam gamizir puvati."

6

¹Ezi Ikiavira Itır God Moses migei, "Ni datirighin mangi bizar ki atrivim damuamimin ganam. Ki uan gavgavimin a damichti, a nan gumazamiziba ateghti me mangam. Guizbangıra, ki uan gavgavimin pamten ingar, pamten a mikimi a uan kantrin me batueghti, me mangam."

God ua Moses migei

²Egha God kamaghın Moses migia ghaze, "Ki uabi ki Ikiavira Itır God. ³Azenir bar faragha ghua givazibar, ki Abraham ko Aisak ko Jekop, me batifi. Ezi me fo, ki Gavgaviba Bar Itır God. Egha ki uan ziam Ikiavira Itır God, an gun me mikemezir puvati. Me ziar kam gifozır puvati. ⁴Egha ki uaghan uan Akar Dikirizir Gavgavim me ko anekirıgha ghaze, ki Kenanian nguazim me daningam. Nguazir me itir kam, kar men nguazim puvati. ⁵Isipia datirighin Israelia gamizi, me ingangarir gumazir kinibar ikia, tuava ararer dafam gami. Ezi ki men ararem baregha, uan Akar Dikirizir Gavgavim giniri.

⁶"Ni nan akam isi Israelia me daning. 'Ki uabi, ki Ikiavira Itır God. Ki Isipian dafarim da ia iniva osimtizir me ia gariziba da ia inigh, egh ia damichti ia firighiregham. Egh ki uan gavgavimin iveauzir kuram me daning, egh ian akuragh ua ia iniam. ⁷Egh ki ia damichti ia nan gumazamizibar ikiti, ki ian Godin min ikiam. Egh ki gin ia damichti ia Isipian ingangarir arazimin firighiregh, dughiar kamin ia fogh suam, ki Ikiavira Itır God, ian God. ⁸Ki ia inigh mangi nguazir kamin otogham, nguazir kam, ki faragha Abraham, Aisak ko Jekop, me ko akam akirizir nguazim. Ki ia danichti, a ian nguazim min ikiam. Ki Ikiavira Itır God, ki mikemegha gifa.'" ⁹Ezi Moses akar kamin Israelia mikeme. Ezi men ingangarir mizazim men nighniziba abini. Kamaghın amizima, me Mosesin akam barazir puvati.

¹⁰⁻¹¹Ezi gin Ikiavira Itır God kamaghın Moses migei, "Ni mangi Isipin atrivim

mikemehtı, a Israelia ateghti me an kantri ategh mangi.”¹² Ezi Moses kamaghın an akam ikaragha ghaze, “Israelia nan akam barazir puvati. Ezi atrivim manmaghin na baraghım? Na mizem na basemezi, ki deragha bizibav geir puvati. Egh ki manmaghin deragh atrivim mikimam?”¹³ Ezi Ikiavira Itır God, Moses ko Aron Israelia inigh Isipin azenan mangasa, akar gavgavim aning ganığa aning amadazı, aning Israelia mikim egh Isipin atrivim mikimasa zui.

Moses ko Aronin ikizimin ziaba

¹⁴ Ezi Ruben a Jekopin otarir ivariam, an otarir 4pla bate, Hanok, Palu, Hesron, ko Karmi. 4plan otarir kaba, me vaghvagha uan ikizibar inazir afeziabar otifi. Ezi men ikiziba vaghvagha men ziaba ini.

¹⁵ Ezi Simeon otarir 6pla iti, Jemuel, Jamin, Ohat, Jakin, Sohar, ko Saul, kar Kenanian amizimin otariba. Otarir kaba, me vaghvagha uan ikizibar inazir afeziabar otifi. Ezi men ikiziba vaghvagha men ziaba ini. ¹⁶ Ezi Livai otarir 3pla iti, Gerson, Kohat, ko Merari. Otarir kaba, me vaghvagha uan ikizibar inazir afeziabar otifi. Ezi men ikiziba vaghvagha men ziaba ini. Ezi Livai azenir 137plan ikegha areme. ¹⁷ Ezi Gerson otarir pumuning iti, Lipni, ko Simei. Ezi gin aning vaghvagha uan ikizimningin dapanimningin oto. ¹⁸ Ezi Kohat otarir 4pla iti, Amram, Ishar, Hebron, ko Uziel. Egha Kohat azenir 133plan ikegha areme. ¹⁹ Ezi Merari otarir pumuning iti, Mali ko Musi. Gumazır kaba bar, men ovavır horiba sara, me Livain anabamin even itir adarasi.

²⁰ Ezi Amram uan afeziamin buaramızım Jokebetin itima, an a bagħa Aron ko Moses bate. Ezi Amram azenir 137plan ikegha areme. ²¹ Ezi Ishar otarir 3pla iti, Kora, Nefek, ko Sikri. ²² Ezi Uziel otarir 3pla iti, Misael, Elsafan, ko Sitri. ²³ Ezi Aron Eliseban iti, an Aminadapın guivim, egha Nasisonin buaramızım. Egha an a bagħa Nadap, Abihu, Eleasar, ko Itamar bate. ²⁴ Ezi Kora otarir 3pla iti, Asir, Elkana, ko Abiasap. Me Koran ikizimin inaziba. ²⁵ Ezi Eleasar, Aronin otarim, a Putielin guivimin itima, an a bagħa Finias bate. Gumazır kaba bar, me Livain anabamin ikizibar dapaniba, me vaghvagħa uan ikizibar amodogħin, me men ziaba osiri. ²⁶ Ezi Aron ko Moses aningra, Ikiavira Itır God kamaghın aning migei, “Gua Israeliyan anababa bar, dar ikiziba vaghvagħ me inigh, egh Isipin azenan mangi.”²⁷ Ezi gumazır kamningga, Moses ko Aron, aning Israeliyan amaman-gatigtih me firighiregħħasa Isipin atrivim mikeme.

Ikiavira Itır God, akam isa Moses ko Aron ganidi

28 Ezi Moses Isipin kantrin itima, Ikiavira Itır God kamaghın a migei,²⁹ “Ki Ikiavira Itır God, Ezi, akar ki ni migeiba, ni bar dar gun Isipin atrivim mikim.”

³⁰ Ezi Moses a ikara, “Ni fo, nan mizem na basemezi, ki deragħa bizibav geir puvati. Kamaghın atrivim manmagħin na baraghım?”

7

¹ Ezi Ikiavira Itır God Moses migei, “Ki ni damighti, ni atrivimin damazimin Godin min otogħam. Eghти nin avebam Aron Godin akam inigha iziż gumazimin min otogħiha, ni akaba isi dar gun atrivim mikimam.

² Eghти akar gavgavir ki ni migeiba, ni bar dar gun Aron mikemegħ. Eghти a kamaghın atrivim mikim suam, a Israelia ategħi, me an kantri ategħam. ³ Eghти ki atrivimin navim damighti, a gavgavigham. Guizbangira, ki Isipin kantrin mirakelba ko digavir kuram gamir arazarazir avirbar amuti da otivam, ⁴ eghти atrivim dar gan, egh nin akam baraghān kogħam. Egh ki uan gavgavim Isipia iverzir bar kuram me daningam. Egh nan gumazamiziba Israelia, men anababa bar, ki me inigh Isipin kantrin azenan mangam. ⁵ Ki uan gavgavim Isipia iverzir kuram me danigh, egh Israelia inigh Isipin kantrin azenan mangam, eghти dughiar kamin Isipia fogħ suam, ki Ikiavira Itır God.”

⁶ Egha Moses ko Aron, Ikiavira Itır God akar gavgavim aning mikemezi mogħiram ami. ⁷ Dughiar aning atrivim ko mikemezir kam, Moses 80plan azeniba iti, ezi Aron 83plan azeniba iti.

Aronin asadivir aghorim

⁸⁻⁹ Ikiavira Itır God kamagh Moses ko Aron migei, “Atrivim kamaghın guan azaraghām, gua digavir kuram gamir arazitabar amu, eghти ni Aron kamagh a mikim suam, ‘Ni uan asadivir aghorim isi atrivimin damazimin anekunigħ.’ Egh a kamaghın damighti, asadivir aghorim kuruzim min otogħam.”¹⁰ Egha Moses ko Aron atrivimin bighan guha, Ikiavira Itır Godin akar gavgavim mikemezi mogħiram ami. Egha Aron uan asadivir aghorim atrivim ko an ingangar guħiġi għażiex ġuġi. Egha Aron uan asadivir aghorim kuruzim anekunizi, a kuruzim in oto.

¹¹ Ezi atrivim uan fofozir gumaziba ko imezibagh amir gumazibar diazi me ize. Isipian imezibagh amir gumazir kaba, uan mogomer akavsiaba inigha uaghan kamaghira dagh ami. ¹² Egha me vaghvagħa uan asadivir aghoribha akurima, da kuruzibar otifi. Ezi Aronin asadivir

aghormiz iza menaba tuvareme. ¹³ Ezi atrivim bizar kamin ganigha an navim gavgafi. Ikiavira Itir God mikemezi moghin, atrivim Moses ko Aron baraghizir puvati.

Arazir kuraba Isipia batifi

Faragha zuir arazir kuram, dipaba ghuzimin otifi

¹⁴ Ezi Ikiavira Itir God Moses migei, “Atrivimin navim bar gavgavizi, a gumazamiziba ateghti me mangan aghua. ¹⁵ A gurum mizaraghara Nailin Fanemin mangiti, ni mangi a batogh. Ni uan asadivir aghorir kuruzimin otozim, uan dafarimin an suiragh mangi dipar miriamin a mizuam. ¹⁶ Egh ni kamaghin atrivim mikim, Ikiavira Itir God, Hibruijan God, ni mikimasa na amadagha ghaze, “Ni nan gumazamizibar amamangatigli, me nan ziam fisi, gumazamiziba puvatizir danganimin mangi.” Ezi ni an akam baraghizir puvatigha iza datirikin. ¹⁷ Ezi Ikiavira Itir God datirighin kamaghin migei, “Ni bizar ki damuamibar ganigh fogh suam, kirara Ikiavira Itir God.” Ni gan, ki uan dafarimin suirazir asadivir aghorir kamin dipam misueghti, dipaba bar ragh ghuzimin otogham. ¹⁸ Eghit osiriba bar arimighireghti, Nailin Fanem kurigh mighuaghti, Isipia an dipamra aman iburaghram.”

¹⁹ Egha Ikiavira Itir God Moses uam a migei, “Ni Aron mikemeghti, a uan asadivir aghorim isi, uan agharin amadagh Isipin dipabar akaghkagh, faneba, daghuriba, ko dipar akareba, mozir dipaba dagh isin akak-aghti, dipaba bar ghuzimram otogham. Egh Isipin nguazim bar ghuzimra ikiva, uaghan iter tariba ko dagiar mineba sara izevegam.”

²⁰ Ezi Moses ko Aron Ikiavira Itir God, akar gavgavim mikemezi moghiram ami. Egha aning ghua atrivim ko an ingangarir gumazibar damazimin, Aron uan asadivir aghorim fegha, Nailin Fanem misoke. Ezi dipaba bar ragha ghuzimin otifi. ²¹ Ezi osiridipamin itiba bar ariaghirezi, dipam puvira mughuasi. Ezi Isipian gumazamiziba an dipatam raman ibura. Ezi ghuzim bar Isipin danganibar iti. ²² Ezi atrivimin imezibagh amir gumaziba, uan mogomer akavsiaba inigha uaghan kamaghira dagh ami. Ezi atrivimin navim bar gavgafi. Ezi Ikiavira Itir God mikemezi moghira, atrivim Moses ko Aron baraghian aghua. ²³ Egha atrivim bizar kam mighigha a ginighnizir puvatigha, ragha uamategha uan dipenir ekiamin aven ghu. ²⁴ Ezi Isipia Nailin Fanemin dipam raman ibura, kamaghin amizi, me Nailin Faner miriamin dipabara amasa mozibagh tui.

²⁵ Ikiavira Itir God dipam misoghezima, dipam ikuvigha ikia ghua 7plan arueba gifa.

8

Mitiviba otifi

¹ Egha Ikiavira Itir God Moses migei, “Ni mangi atrivim mikim suam, ‘Ikiavira Itir God ghaze, “Nan gumazamiziba ateghti me mangi, egh nan ziam fam.” ² Egh ni aghuaghti, ki pazi ni damuti mitiviba nin kantrin nguazim bar anevaraghram. ³ Eghit Nailin Fanem mitiviba a givaghib, egh aneteghi mangi, nin dipenir ekiamin mangam. Egh ni akuir misiam ko, nin dakozim ko, nin ingangarir gumazibar dipeniba ko, nin gumazamizibar dipeniba ko, nin bretha tuer danganiba ko, bretbar ingarir mineba, mitiviba bar dar mangam. ⁴ Egh da uari akuniva, ni ko nin gumazamiziba, ko nin ingangarir gumaziba, da bar ian ghuavanangam.”

⁵ Egha Ikiavira Itir God Moses migei, “Ni Aron mikemeghti, a uan agharin asadivir aghorim suirazim amadagh. Egh Isipin Faneba ko daghuriba ko dipar akarebagh isin a ghufegh, mitivibar amighti, da dipam ategh anang Isipin nguazim bar anevaragh.”

⁶ Ezi Aron uan agharin isa anemadagha dipabagh isin a ghufezi, mitiviba azenan iza nguazim gizifa. ⁷ Ezi imezibagh amir gumaziba uan mogomer akavsiaba inigha uaghan kamaghira dagh amizi, mitiviba nguazimin otifi.

⁸ Egha atrivim Moses ko Aronin diagha aning migei, “Gua Ikiavira Itir God mikemeghti, a mitiviba e dama da batokegh. Eghit ki nin gumazamiziba ateghti, me mangi Ikiavira Itir God bagh ofa damuam.”

⁹ Ezi Moses a ikara, “Ki ni bagha God ko mikimasa bar akonge. Ni dughiatam ginabaghti, ki ni ko nin ingangarir gumaziba, ko nin gumazamiziba, ia bagh God ko mikimam. Eghit mitiviba ia ategh, tam ua ikian kogham. Da Nailin Fanemra ikiam.”

¹⁰ Ezi atrivim ghaze, “Ni gurumin na bagh God ko mikimam.” Ezi Moses a migei, “Ni nan azarazi moghin, ki damuam. Eghit ni fogh suam, godin tam Ikiavira Itir God, en Godin min itir puvati. ¹¹ Eghit ni ubi, ko nin dipeniba, nin ingangarir gumaziba, ko nin gumazamiziba, mitiviba bar ia ategh mangi Nailin Fanemra ikiam.”

¹² Egha Moses ko Aron atrivim ategha ghugha, Moses pamten Ikiavira Itir God ko migia ghaze, a mitivir a faragha atrivim bagha amadaziba, a da batuegham. ¹³ Ezi Ikiavira Itir God Moses an azarazi moghin ami, ezi mitivir dipenibar itiba, ko mitivir dipenir divazibar aven itiba, ko mitivir

azenibar itiba, da bar tintinibar ariaghire. ¹⁴ Ezi Isipin gumazamiziba dar kuaba akuvagha pozir aviribav kini. Ezi da kurima, dar mughuriam Isipin nguazim bar anevara. ¹⁵ Ezi atrivim gari, mitiviba ariaghirezi, Ikiavira Itir God mikemezi moghin, an navim ua gavgavizi, a Moses ko Aron baraghan aghua.

Itiba otifi

¹⁶ Egha Ikiavira Itir God Moses migei, “Ni Aron mikemeghti, a uan asadivir aghorim isi nguazim misuehti, Isipin nguazimin itir mineziba bar ragh itibar otifigh.”

¹⁷ Egha aning kamaghin amigha, Aron uan asadivir aghorimin nguazim misoghezi, Isipin itir nguazir mineziba bar, ragha itibar otivigha, gumazamiziba ko asiziba avara. ¹⁸ Ezi imezibagh amir gumaziba uaghan uan mogomer akavsiaba inigha, itibar amighti da otivasa, ezi men imeziba ingarir puvati. Ezi itiba bar danganibar ikia, gumazamiziba ko asiziba avara.

¹⁹ Ezi imezibagh amir gumaziba, atrivim kamaghin a migei, “God ubi bizar kam gamil!” Ezi atrivimin navim gavgavizi, Ikiavira Itir God mikemezi moghin, a Moses ko Aron baraghan aghua.

Bereziba otifi

²⁰ Egha Ikiavira Itir God kamaghin Moses migei, “Gurum mizaraghara atrivim dipamin mangti, ni mangi a batogh a mikim suam, ‘Ikiavira Itir God kamaghin migei, Ni nan gumazamiziba ateghti me mangi, egh nan ziam fam. ²¹ Ni oragh, ni aghuaghti, ki berezir aviriba amadaghti da izi, ni ubi ko, nin ingangarir gumaziba, nin gumazamiziba ko, ian dipeniba bar ia bagh izam. Egh Isipin dipeniba bar bereziba izivaghva, nguazir ia apiaghav itiba bar da avaraghram. ²² Eghiti dughiar kamin, ki Gosenin Distrighin ganam, egh anetehti, berezitam an ikian kogham. Distrighin kam, nan gumazamiziba an iti. Ki kamaghin damighti ni fogh suam, ki Ikiavira Itir God, ki nguazir kamin ingara iti. ²³ Egh ki uan gumazamiziba ko nin gumazamiziba tuiragh, egh uan gumazamizibar akurvagh, nin gumazamizibar akurvaghan kogham. Ni gan, gurumzaraghan arazir kam otivam.’” ²⁴ Ezi Ikiavira Itir God arazir kam gami. Egha berezir avirim amadazi, da atrivimin dipenir ekiam ko, an ingangarir gumazibar dipenibagh izifa. Egha Isipin nguazim, bereziba bar anevarazi, a bar ikufi.

²⁵ Egha atrivim Moses ko Aronin diagha aning migei, “Ia mangi, kantrin kamin ave-riamra, ofa isi uan God daning.”

²⁶ Ezi Moses kamaghin a ikaraghha ghaze, “E kantrin kamin aven, uan

Godin ofa damighti, a deraghan kogham. Guizbangira, e asizir Isipia ofa gamir puvatiziba, e da isi Ikiavira Itir God en Godin ofa damighti, me asizir kabar ganigh naviba en ikuvigh, en atariva, egh dagiaba e ginivighthi, e armighiregham. Kamaghin, e kagh ofa damuan kogham. ²⁷ Egh Ikiavira Itir God, en God, akar gavgavim e mikemezi moghin, e aruer 3plan mangi gumazamiziba puvatizir danganimin mangi ofa damuan.”

²⁸ Ezi atrivim ghaze, “Ki ia ateghti, ia mangi gumazamiziba puvatizir danganimin mangi, Ikiavira Itir God ian Godin ofa damu, egh bar saghon mangan kogham. Aria, gua na bagh God ko mikim.”

²⁹ Ezi Moses kamaghin a ikaraghha ghaze, “Ki ni ategh mangi, dughiar kamra ki ni bagh Ikiavira Itir God ko mikemeghti, gurumin bereziba mangi, ni ko nin ingangarir gumaziba ko nin gumazamiziba ateghem. Ni orakigh, ni ua e gifaran marki, egh kamaghin mikiman kogh suam, en gumazamiziba mangi uan Ikiavira Itir Godin ofa damuan kogham. Bar marki.”

³⁰ Egha Moses atrivim ategha ghugha Ikiavira Itir God ko migei, ³¹ ezi Moses an azarazi moghira, Ikiavira Itir God ami. Ezi bereziba atrivimin ingangarir gumaziba ko an gumazamiziba, bar me ategha ghuezi, tam ua bar itir puvati. ³² Ezi dughiar kam atrivimin navim ua gavgavizi, a gumazamiziba ateghti me mangan an aghua.

9

Asiziba ariaghire

¹ Egha Ikiavira Itir God kamaghin Moses migei, “Ni mangiva atrivim kamaghin a mikim suam, ‘Ikiavira Itir God, a Hibrian God, a ghaze: Ni nan gumazamiziba ateghti me mangi nan ziam fam. ² Egh ni men anogoregh ua me amangan aghuaghti, ki pazi ni damuva, arimariar kuram nin asizibar amadaghram. Eghiti nin hoziaba, donkiba, kamelba, bulmakauba, sipsipba, ko memeba a inigham. ⁴ Kirara Ikiavira Itir God, ki Israeliyan asiziba ko Isipian asiziba tuiraghtí Israeliyan asizitam aremeghan kogham.”

⁵ Ezi Ikiavira Itir God dughiam dibora ghaze, “Ki gurumin arazir kam damuan.”

⁶ Ezi aminim tirazima, Ikiavira Itir God mikemezi moghin ami, ezi Isipian asiziba ariaghirezi, Israeliyan asizitam aremezir puvati.

⁷ Ezi atrivim uan gumazir maba amadagha men azara, “Israeliyan asiziba deragha iti, o puvati?”

Ezi gumazir kaba uamategha kamaghin a migei, “Are, da bar deraghvira iti. Tam

aremezir puvati.” Ezi an navim ua gavavizi, a gumazamiziba ateghti me mangan an aghua.

Okaba Isipian mikarzibar otifi

⁸ Egha Ikiavira Itir God Moses ko Aron migia ghaze, “Gua brightha tuer dipenimin mangi, egh uan dafarimningin averenir taba inighiva, atrivimin bighan mangiva, Moses atrivimin damazimin averenir kaba akunighti, da pin mavanang. ⁹Egh averenir kaba iregh minezir muziaribar otivigh mighi Isipin nguazim bar anevaraghram. Egh da gumazamiziba ko asizibagh iregħti, okaba men mikarzibar otivigh bighiregħ duar ekiabar otivigham.”

¹⁰ Egha aning avereniba inigha ghua atrivimin damazimin tugħi, Moses pin avereniba kuni. Ezi avereniba okabgh amizi, da otivigha, biagħirezi duar ekiaba gumazamiziba ko asizibar otifi. ¹¹ Ezi Isipian gumazamiziba bar mogħira, okaba me batifi, ezi imzezbagh amir gumaziba uakan. Kamaghin amizima, me Mosesin damazimin izan ibura. ¹² Ezi Ikiavira Itir God mikemezi mogħin, an atrivim gamizi, an navim gavgafi, ezi a Moses ko Aron baraghān aghua.

Amozir ofizir ekiar dagħiabar min gariba iram

¹³ Egha Ikiavira Itir God gin ua Moses kamaghin a migei, “Ni gurum mizaraghara dikavigh mangi, atrivim batogh kamaghin a mikim, ‘Hibruijan God, a Ikiavira Itir God, a ghaze, “Ni nan gumazamiziba ategħti me mangiva, nan ziam fam. ¹⁴ Puvatighti nirara, ki datirighin iverzir kuram ni daning, egh niñ ingangarir gumaziba ko niñ gu-mazamiziba uaghan me damuam. Eghni fogħ suam, nguaziba bar nan min godin tam o gumazitam ua itir puvati. ¹⁵ Ki faragħha uan gavgavimin paza ni gamua, ni gasighasighai, egh arimariar kuram ni ko niñ gumazamiziba gasighasighi, ia ti bar geveghai. ¹⁶ Ki kamagħsua ifonge, ki uan gavgavim isi ian akagh, eghni nguazir kamin danganiba bar, dar gumazamiziba nan ziar ekiem gegħenanam. Kamaghin amizi, ki ia ataghixi ia ikiavira iti. ¹⁷ Egha ni uabi uan ziam favira ikkia nan gumazamiziba dikabiraghha, mangasa men ammangarizir puvati. ¹⁸ Ni oragh. Gurumin dughiar kamra, ki maburan amozir ofizir dagħiabar min garibar amighti da iziġħiġ. Fomira fomira Isipin kantri nguibar igiäm ikegħha iza datirikin, me amozir ofizir ekiar dagħiabar kabar min gari tamin ganizir puvati. Amozir ofizir kaba bar ikuvigh, faragħha izezir amozir ofiziba, bar dagh afraġham. ¹⁹ Ezi datirighin ni gumazamiziba

migirigiar gavgavim me mikim suam, me uan bulmakauba ko bizir azenan itiba inigh dipenibar aven dar arīgh. Eghni ki amozir ofizir ekiar dagħiabar min gariba amighti, da iriva, gumazamiziba ko asizir azenan ikiavira itibagh iri, da arimighi ram.” ”

²⁰ Ezi atrivimin ingangarir gumazir maba, Ikiavira Itir Godin migirigiam baregha atiatiga, me uan ingangarir gumazir kiniba ko asiziba inigha dipenibar aven ada ariki. ²¹ Ezi marazi Ikiavira Itir Godin migirigiar gavgavim baragh aghuaghha, uan ingangarir gumazir kiniba ko asiziba ataghixi da azenan iti.

²² Eżi Ikiavira Itir God datirikin kamaghin Moses migei, “Ni uan dafarim ghufegħ overiāmin amadagħi, amozir ofizir ekiar dagħiabar min gariba izi, bar Isipin nguazim ko, gumazamiziba, asiziba, ko azenibar aghuir dagħeħa sara, dagh izam.” ²³ Egha Moses uan asadivir aghorim ghufegħha overiāmin amadazi, Ikiavira Itir God overiām gamizi, ararim dagarvaghavira iti, eżi onimmar tagħtagħha ghua nguazim min izaghira nguazim gasavira itima, amozir ofizir ekiar dagħiabar min gariba ira Isipin nguazim min bar a girava a misosi. Ikiavira Itir God bizir kurar kaba amadi. ²⁴ Eżi amozir ofizir ekiar dagħiabar min gariba bar osemeħha izavira itima, onimmarim avimin min isia, amozir dagħiabar min garibar tongin tagħtagħha tintinbar danganibar zui. Eżi fomira fomira Isip kantrin otozir dughiamra ikegħha iza datirikin, an amozir kurar katamin ganizir puvati. Bar puvati. Amozir ofizir kaba bar ikuvigha, faragħha izezir amozir ofiziba bar dagh afira. ²⁵ Eżi amozir ofizir ekiar dagħiabar min gariba, Isipin nguaziba ko gumazamiziba, asiziba, ko dipenibar azenan itir biziba bar dagh ira dagh asighasiki. Egha men obariba, ko temer gumazamiziba oviziba iniasi opariziba, a vagħvagħha da apiraghhariki. ²⁶ Gosenin Distrighin itir danganir Israelia itir kamra, amozir ofizir ekiar dagħiabar min gariba, a gizezir puvati.

²⁷ Egha atrivim Moses ko Aron bagħha akam amadazzi aning izezi, a ghaze, “Dugħiarr kam ki arazir kuram għami. Ikiavira Itir God arazir aghuibaram ami, eżi ki uan gumazamiziba ko ħe arazir kuram għami. ²⁸ Ararir kurar dagħavazir kaba, ko amozir ofizir ekiar dagħiabar min garir kaba e bar dar amira. Kamaghin amizi, ni Ikiavira Itir God mikim! Eghni ki ian amamgħat-tiġi, ia mangam. Ia ua kagh ikian kogħam.” ²⁹ Eżi Moses kamaghin a migei, “Ki nguibar ekiar kam ategħi, egh dughiar kamra ki uan dafarimning feħ,

Ikiavira Itir God ko mikimam. Egheti arariba ko amozir ofizir ekiar dagiabar min gariba givagham. Egheti ni fogh suam, nguazir kam, a Ikiavira Itir Godin bizim.³⁰ Ezi ki fo, ni ko nin ingangarir gumaziba Ikiavira Itir Godin Gavgavim, an atiatir puvati.”

³¹⁻³² Ezi temer otevir me dar inibar tretbar ingariba, ko baliba bar ikufi. Dughiar kam baliba aghoramin dughiam, ezi temer kabar akimariba misevegħha moneghavira iti. Ezi witba biabara ikia kamaghin, da deraghavira iti.

³³ Moses atrivim ategħha, nguibar ekiamin azenan ghugħha, dafarimmin fegħha, Ikiavira Itir God ko migei. Ezi arariba ko amozir ofizir ekiar dagiabar min gariba givazi, amozim ua izir puvati.³⁴ Ezi atrivim garima arariba ko amozir ofizir ekiar dagiabar min gariba gifa. Ezi a uan ingangarir gumaziba ko, men naviba gavgvizi, me uam arazar kuram gami.³⁵ Bar guizbangira, Ikiavira Itir God faragħha Moses mikemezi mogħin, atrivim navim gavgvizi, a Israelia ategħti me mangan kogħam.

10

Odeziba otifi

¹ Egha Ikiavira Itir God ua Moses migei, “Ni mangi atrivimin gan. Ki kamagħsua ifonge, ki ua digavir kuram gamir arazaraziba Isipian tongin dar amuam. Kamaghin ki atrivim ko an ingangarir gumaziba, me gamizima, men naviba gavgħi. ² Ki kamaghin ifonge, ia gin uan boriba ko ġiġi boriba, me mikim suam, ki digavir kurram gamir arazarazir kabagh amigha, tuavir kamin ki Isipia gamizima, me bar onganigha aghumsiki. Ki kamaghin damighti, ia bar fogħ suam, ki uabi ki Ikiavira Itir God.”

³ Egha Moses ko Aron atrivimin bighan ghugħha, a migia ghaze, “Ikiavira Itir God, a Hibruijan God, a ghaze, ‘Dughiar ruarim min iza datirikin, ni nan akam batoke. Ni uabi abiragh nan apengen izan aghħua, a? Ni nan gumazamizbar amamgħatigti me mangi, nan ziam fam.”

⁴ Ni men amamgħarigan aghħuagt, gurumzaragħan ki odeziba amadagi, da nin kantri gizivagħam. ⁵ Egh da bar avirasemheġ, bar nguazim avaragħti, ni nguazim min ganan kogħam. Da bizir, amozir ofizir ekiar dagiabar min gariba, asighasighiżiż puvatiziba bar da amegħam. Me dagħbeha ko temer ian azenibar ittiba sara, bar dar ami da givagħam. ⁶ Egh da nin dipenir ekiaba ko nin ingangarir gumazibar dipeniba ko nin gumazamizbar dipeniba bar dagħi izi vagħam. Nin afeziba ko inaziba, bizir kurar katam, fomira iza

datirighin, an ganizir puvati, bizir kam bar ikuvigham.” Egha Moses atrivim mikemegħha ua ragħha azenan għu.

⁷ Ezi atrivimin ingangarir gumaziba kamaghin a migei, “Dughiar ruarim min ikeġha iza datirighin otoġha, ni ua manmagħin dughihaa gumazir kam ategħi an e għifarva osimtiżiha e daningam a? Ni Israelian gumazamiziba ategħi me mangi, egh uan Ikiavira Itir Godin ziam fam. Ni ti gara fos ti? Isip bar ikufi.”

⁸ Ezi gumazir maba ghua ua Moses ko Aron inīgha atrivim bagna ize. Ezi an aning migei, “Ia mangi, Ikiavira Itir God ian God, an ziam fi. Ki fogħasa, terara mangam?”

⁹ Ezi Moses a ikaragħha ghaze, “E bar mangam, en boriba ko en gumazamizir ġħuriba, en otariba ko guiviba, en sipsipba bar, membeba bar, ko bulmakauba bar. Guizbangira, e isar ekiam damuva, Ikiavira Itir Godin ziam fam.”

¹⁰ Ezi atrivim, Ikiavira Itir Godin ziam dibora akar gavgvim pamtemin migia ghaze, “Ki ia ategħti ia uan amiziba ko boriba inīgh mangan kogħam! Bar puvatigham! Ki kamaghin fo, ia arazir kuramin e damuwa. ¹¹ Bar puvatigham! Gumazibra mangi Ikiavira Itir Godin ziam fam. Ia guizbangira kamagħsua ifonge.” Atrivim kamaghin mikemezi, an ingangarir gumaziba aning batoke.

¹² Ezi Ikiavira Itir God kamaghin Moses migei, “Ni uan dafarim ghufegħ Isipin nguazim gis in anemadagi, oħżejha iżi. Egh da iż-żiva, bizir amozir ofizir ekiar dagiabar min gariba misogħeżiż puvatiziba, oħżejha iżi bar dar amegħam.” ¹³ Egha Moses uan asadiv ir-aghormi ghufegħha Isipin kantri gis in anemada. Ezi Ikiavira Itir God aminim gamizima, an aruem anadi nagħin ikeġha iza, nguazim gis in vavira ikia ghua aruēm ko dimagħarim, ghua gifa. Ezi aminim tirazima, me garima, oħżejha otivighha gifa. ¹⁴ Egha oħżejha bar avirasemheġha iza Isipin danganibar bar da avara. Ezi fomira Isipia kamaghin oħżejha avirir okoruar kamaghin garib tabar ganizir puvati, egh me gin ua dar ganighan kogħam. ¹⁵ Oħżejha nguazim bar anevarazi, nguazim bar pigħiżi, da amozir dagħiha faragħha irava asighasighiżiż puvatizbir biziba ko, azenibar otivir biziba ko iter oviziba, oħżejha bar da ame. Ezi temer dafarir gariba ko graziba ua Isipin kantri itir puvati. Da bar għiex.

¹⁶ Ezi atrivim zuamira Moses ko Aron bagħha akam amadazi, aning izezi, an aning migei, “Ki arazir kuram Ikiavira Itir God, ian God a għami, egha uaghan gua għami.¹⁷ Ki kamaghin ifonge, gua dughiar kamra ua nan arazir kuram gin amadagh. Ezi Ikiavira Itir God, guan God, gua a ko mikemegħti, a bixi

kurar na gasighasighasava amir kam na dama a inigh.”¹⁸ Ezi aning atrivim ategha ghua, Moses Ikiavira Itir God ko migei.¹⁹ Ezi Ikiavira Itir God aminim giragha a gamizi, aruem ghuaghiri naghin aminir gavgavim otogha, odezibagh ivaraghia Ongarir Aghevimin amadaghian ghu. Ezi odezitam ua Isipin itir puvati.²⁰ Ezi Ikiavira Itir God uam atrivim gamizi, an navim gavgaviza, a Israelia ateghti me mangan kogham.

Mitarmer ekiam oto

²¹ Ezi gin Ikiavira Itir God ua Moses migia ghaze, “Ni uan dafarim ghufegh overiamin amadaghti, mitarmer ekiam izi Isipin nguazim avaragh. Guizbangira, mitarmer kam an ganganim bar ighara. Ni an suighsi an suiraghama, a bizar mamin min mitemegha osemegha gavgafi.”²² Ezi Moses uan dafarim ghufegha overiamin amadazi, mitarmer bar ekiam Isipin avaraghia ghua dughiar 3plan tu.²³ Ezi Isipian gumazamiziba uarir ganan ibura, egha dughiar kamin tav uan dipenim ataghizir puvati. Ezi Israelia iti naghin mitarmebea puvati.

²⁴ Ezi atrivim ua Mosesin diazi, a izezi, an a migei, “Ia mangi, Ikiavira Itir Godin ziām fi. Ian amiziba ko boriba ia ko mangam. Eighti ian bulmakauba, ko sipsipba Isipin ikiam.”

²⁵ Ezi Moses kamaghin an akam ikaragha ghaze, “Puvati. E kamaghsua, ni e ateghti e asizitaba inigh, dav suegh, da tueghti da bar isi mighirigham. Egh arazir kamin Ikiavira Itir God, en God, e an ofa damuam. Kamaghin, ni en amamangatighti, e asiziba inigh mangam.²⁶ E bar uan asiziba inigh da sara mangam. E mangi ofa damuamin dakozimin otivigh, Ikiavira Itir God, a en God, e a bagh ofa damus tabav sogham. Kamaghin, e uan asizitam ateghti a ikian kogham.”²⁷ Ezi Ikiavira Itir God atrivimin navim gamizi, a bar gavgavigha, men amamangatighti me mangan kogham.

²⁸ Ezi atrivim Moses migia ghaze, “Ni na gitagh! Ki ua nin ganan aghua. Ni kamaghin fogh, ni ua izi na batoghti, dughiar kamra ki ni misueghti ni aremegham.”

²⁹ Ezi Moses oregha ghaze, “A dera, ki ni migei moghira damuam. Ki ua izi nin ganan kogham.”

11

Isipian otarir ivariaba arimighiram

¹ Ezi Ikiavira Itir God ua kamaghin Moses migei, “Ki ua ivezir kurar abuananan Isipian atrivim ko an gumazamizibar aningam. Eighti ivezir kurar kam otoghti, a ia amadaghti ia mangam. Egh a navir

amirizim sara ian amamatighan kogham. Puvatigham. A zuamira navir kuram sara nguibar kamin ia batueghti ia bar mangam.² Ni datirighin Israeliyan gumazamizibav kemeghti, men gumaziba ko amiziba vaghvagh mangi, Isipin men boroghin tibar bighan mangi, men azangsighti, me kuritir bizar aghuir me gol ko, silvan ingariziba ko, bizar golin ingarizir igharaziba sara me daning.”

³ Me kamaghin amima, Ikiavira Itir God Isipian damazimin ziar ekiam me ganidima, me golba ko silvaba Israeliyan ganingi. Guizbangira, Isipin atrivimin ingangarir gumaziba ko an gumazamizibar, Mosesin gara ghaze, a gumazir ziar ekiam itim. Kamaghin amizima, me arazir kam gami.

⁴ Ezi Moses kamaghin atrivim migei, “Ni Ikiavira Itir Godin akam barakigh, ‘Ki dimagar arizimin Isipin danganiba bar dar aruam.’⁵ Eighti Isipian otarir ivariaba vaghvagh arimighiram. Atrivim, nin otarir ivariar nin danganim inigh atrivim ikiamim, faragha aremegham. Eighti otarir ivariaba bar arighiri mangi, ingangarir amizir kinir wit mirmiriba, men otarir ivariaba uaghan arighiram. Eighti bulmakaun apurir faragha otoziba, uaghan bar arighiram. Isipian otarir ivariaba bar aremegham.⁶ Eighti Isipian gumazamiziba bar naviba osemegh, pamten azi ararer ekiam damuam. Fomira ararer ekiar kamagh garitam Isipin otozir puvati, egh tam gin uam kamagh otivan kogham.⁷ Eighti ki arazir kuratamin Israeliyan gumazamiziba ko men asizibar amighan koghti, me bar nimira ikiti, men tongin afiatam gumazitam ko asizitam dapuran koghti ni fogh suam, Ikiavira Itir God, a Isipia ko Israelia tuisigha, arazir kurar a Isipia gamizimin min, a Israelia damighan kogham.”

⁸ Egha Moses kamaghin a migei, “Atrivim, nin ingangarir gumaziba bar na bagh izi nan guamin tevibar piriva, pamten kamaghin mikimam, ni mangi uan gumazamiziba sara inigh mangi. Eighti ki mangam. Arazir kaba otivighthi, ki gin Isip ategham.” Egha Moses navim isia aningagha atrivim ategha azenan ghu.

⁹ Ikiavira Itir God faragha kamaghin Moses migei, “Atrivim nin akam bareghan kogham. Kamaghin, ki ua Isipin digavir kuram gamir arazir aviritabar amuam.”

¹⁰ Ezi Moses ko Aron atrivimin damazimin digavir kuram gamir arazir aviribagh ami. Ezi God atrivimin navim gamizi a gavgavigh Israelia ateghti, me an kantri ategh mangan kogham.

12

*God Israelia Gitazir Dughiam
Ginighnighamin Isam*

¹ Ezi Moses ko Aron Isipin kantrin ikiavira itima, Ikiavira Itir God kamaghin aning migei, ² "Iakinir kam, a ian azenibar faragha zuir iakinimin ikiam. ³ Ni Israelian gumazamiziba kamaghin me mikim, iakinir kamin aruer namba 10, gumazamiziba bar vaghvagh uan adarazi bagh sipsipin igiatam ko memen igiatam, amisefegh. ⁴ Egh dipenir vamiran itir adarasi avirasemeghan koghiva, me uarir boroghin itir daraziv mikemeghti, me izi asizir kam tuiragh uari daning aneremi. Me deraghvira nighnigh, asizir kam deragh gumazibba ko, amizibba ko, boribar tuiraghti, me asizir tuzir kam agivagham. ⁵ Egh ni ua bagh vaghvagh sipsipin apuritam o memen apuritam amiseveghti, an azenir vamira ikiti, duatam an mikarzimin ikian marki. ⁶ Egh me asizir kaba uari bagh deraghvira dar gan mangi iakinir kamin aruer 14in otogh. Eghti dughiar kamra, an guaratzizimin, Israelian gumazamizibba bar uan asizir kabav sueghti, da arighiregh. ⁷ Egh me asizimin ghuzitaba inigh, uan dipenimin tiar akabar miriabagh asezir tememning daghuigh, dipenir kamin aven me iki asizibar amam. Egh uaghan tiar akam gisin itir ter ighuvim aghefegh. ⁸ Egh dimagarir kamin me sipsip o memen tuzim avimin a tuagh, egh ia asizir tuzir kam yis puватизир bret ko zuravarir misozim sara aneremi. ⁹ Egh ia asizir tuzir angamtizim, ko tuzir minemin avighizitam aman marki. Ia avimin dar dapaniba, ko sueba ko dafariba, ko navir averimin itir biziha sara, ia bar da tuegh, dar ami. ¹⁰ Egh ia asizir otevitaba ateghti da iki amimzaraghan ikian marki. Da ikiti aminim tiraghti, ia dar naba tueghti da bar isi mighirigh. ¹¹ Egh ia asizir kabar amisi kamaghin damu. Ia iniba ikegh dagarir asuabar aghuigh, asadivir aghorbar suigh zuamira dar ami. Isar ekiar kam, a Ikiavira Itir God Israelia Gitazir Dughiam Ginighnighamin Isam.

¹² "Eghți dimagarir kamra, ki Isipin danganiba bar dar mangi, gumazamizibar otarir ivariaba ko asizibar apurir ivariaba, ki dav soghti me bar arimighiregham. Eghți Isipin aseba bar, ki iveauzir kuraba me daningam. Guizbangira, ki ubabi Ikiavira Itir God. ¹³ Ghuzir ia uan dipeniba aghevezir kaba, da ababanimin min ikiam. Eghți ki Isipian gumazamiziba pazi me damuva iveauzir kuram me daningam. Ki ghuzimini ganigh, ian dipenibagh itagham. Egh ki

ia ateghti, iveau kurar kam ia batoghan kogham. Egheti ia deraghvira ikiam.

¹⁴ "Eghti ia dughiar kam ginighnighavira ikiti, a ian dughiar ekiamin min ikiam. Ki dughiar kam ginabaghti, a nan ziam feir isar ekiamin min ikiam. Eghti ia Ikiavira Itir God amir arazir kam ginighnigham. Eghti ian gin otivamin adarasi, bizar a damuasa ia mikemezimin gin mangi Ikiavira Itir God bagh isar kam damuvira ikiti, a iki mamaghira ikiam."

*Yis Puvatizir Bretin Isam Damuamin
Dughiam*

¹⁵ Egha Ikiavira Itir God ua kamaghin migei, "Ia faraghivira uan dipenibar yisba batokegh. Egh ia 7plan dughiabar, yis puvatizir bret ami. Gumazitam 7plan dughiar kabar aven, dar dughiatam yis itir bret ameghti, ia Israelian gumazamizibar tongin a batokegh. ¹⁶ Egh faragha zuir dughiam ko namba 7in dughiam, ia uari akuvagh Godin ziam fer arazim damu. Egh ia ingangarir igharazibar amuan marki. Ia uari bagh daghebara tu. ¹⁷ Ezi 7plan dughiabar faragha zuir dughiamra, ki ian anababa Isipin kantrin me inigha azenan ghu. Ezi azeniba bar dughiar ekiar kamin, kar Yis Puvatizir Bretin Isam Damuamin Dughiam, dughiar kam, a bizar kam ginighnighamin dughiamin min ikiam. Eghiti ian gin otivamin adarasi, bizar a damusa ia mikemezimin gin mangi, Ikiavira Itir God bagh isar kam damuvira ikiti, a iki mamaghira ikiam.

18 "Egh ia iakinir faragha zuiba bar, dar dughiar 14in guaratizibar, yis puvatizir bret ami mangi, egh dughiar 21in otogh. 19 Egh 7plan dughiar kabar aven, yis ian dipenibar ikian marki. Eghti ian gumazitam, o kantrin igharazimini gumazir ia ko ititam, a yis itir bret ameghti, ia Israelian gumazamizibar tongin a batokegh. 20 Ia oragh. Ia tintinimin managh iti, ia yis itir bret raman marki. Ia yis puvatizir bret ami."

Me asizibav sogha isam gamua God Israelia Gitazir Dughiam ginighnisi

21 Egha Moses Israelian gumariz dapanibar diazi me izezi, a kamaghin me migei, "Ia vaghvagh mangi sipsipin igiatam o memen igiatam amisefegh, uan adarazi bagh dav suegh, God Israelia Gitazir Dughiam Ginighnighamin Isam damuam. 22 Egh ia ghuzim itarin ekiam gingegh, hisopin ter aguar muziaritam inigh, a isi ghuzim itir itarin ekiam darugh. Egh ghuzir muziarim inigh uan dipenibar tiar akabar miriamin tughav itir tememning daghuigh, egh tiar akam gisim itir ter ighuvim aghefegh. Egh ia

bar dipenimin aven iki, tav azenan mangan marki mangi, mizarazimin otogh.²³ Gin Ikiavira Itir God, Isipian otarir ivariabav sueghti me arimighirisi Isipin danganiba bar dar mangam. A ian tiar akabar ghuzimin ganigh, ia ateghti gumazibagh asighasighamin ensel aven mangi ian otarir ivariabav sueghti, me arimighireghan kogham.

²⁴“Eghiti ia uan boriba ko, bizir a damuasa e mikemeziba zurara azenibar dar amuvira ikiam.²⁵ Ia mangi nguazir Ikiavira Itir God ia daningasa mikemegha, akar dikirizim gamizimin dapiaghiva, God Israelia Gitazir Dughiam ginighnighiva isar kam damu.²⁶ Eghiti gin ian boriba kamaghin ian azangsigham, ‘Kar manmaghin amizir isar kam?’²⁷ Eghiti ia kamaghin me mikimam, ‘Isar kam, e Ikiavira Itir Godin ofa gamua, God Israelia Gitazir Dughiam ginighnisi. A fomira Isipian otarir ivariabav soghezi me ariaghire. Egha a Israelia en dipenina gitaviragha, en otarir ivariabat ariaghizi me deravira iti. Ezi e datirighin dughiar kam ginighnisi.’” Ezi gumazamiziba akar kam baregha dapaniba avigha Godin ziam fe.²⁸ Egha me gin dikavigha ghua Ikiavira Itir God damuasa Moses ko Aron mikemezir biziwa, me dagh ami.

Otarir ivariaba ariaghire

²⁹ Ezi dimagarir arizimin Ikiavira Itir God, Isipian otarir ivariabav suagharsi. A faragha atrivimin otarir ivariam misuegha, ghua otarir ivariar ighazaribav sogha ghuavira ikia ghua kalabuziar gumazibar, otarir ivariabu sara misoke. Egha uaghan bulmakaubar apurir ivariabav soke.³⁰ Ezi dimagarir kamra, atrivim ko, an ingangarir gumaziba, ko Isipia bar dikavigha garima, men otarir ivariabu ariaghiregha gifha. Men dipeniba bar moghira vaghvaha, men otarir ivariabu ariaghire. Kamaghin amizi, Isipin danganiba bar, gumazamiziba azirakar ekiam gami.³¹ Ezi dimagarir kamra atrivim Moses ko Aronin diagha kamaghin migei, “Ia bar dikavigh mangi. Gua ko Israeliyan gumazamiziba bar, ia zuamira mangi, nan gumazamizibagh itagh. Ia mangi, ia nan azarazi moghin, mangi Ikiavira Itir Godin ziam fi.³² Egh ia uan sipsipba, memeba, bulmakauba inigh, ia nan azarazi moghin, da inigh bar Isip ategh mangi. Egh na bagh God ko mikimti, a deragh na damu.”

³³ Ezi Isipia Israeliyan gumazamizibar avigha ghaze, “Ia zuamiram Isip ategh mangi. Ia zuamira e gitaghan koghti, e bar arimighiregham.”³⁴ Ezi Israelia plauan me tighar yis sara vereghamiba, da inigha, a deragh na damu.

itarir ekiabagh ariki. Egha me itarir ekiaba inibar da noegha, dipizibar da atera zui.³⁵ Israelia Moses mikemezi moghin, me Isipia bagha ghua kuritir bizir aghuir me gol ko, silvan ingariziba ko, korotiaba bagha uaghan men azai.³⁶ Ezi Ikiavira Itir God Isipian damazimin ziars ekiam Israelia ganidi. Ezi Isipia bizir Israelia ifongeziba me ganidi. Ezi tuavir kamin Israelia, Isipian bizir aghuiba, puram ada inigha ghue.

Israelia dikavigha ghua Isipin kantrin azenan ghue

³⁷ Israeliyan gumazamiziba dikavigha Ramesesin nguibam ategha ghua nguibar ekiam Sukotin danganimin zui. Gumazir 600,000plan, uan suebar arua zuir kaba, me gumazibara. Me amiziba ko boriba mengezir puvati.³⁸ Ezi gumazamizir ighazarizir avirir maba, ko bulmakauba, sipsipba ko memen avirir maba uaghan me ko zui.³⁹ Me tuavimin ghua Isipin inizir plaua yis puvatizimin bret tue. Isipian gumaziba men avighavira iti, me dagheba akiramin dughiaba puvati. Kamaghin, me yis isa plaua gatizir puvati.

⁴⁰ Israelia 430plan azenibar Isipin kantrin ike.⁴¹ Ezi aruer kamra, men 430plan azenimin aruer abuananan, Ikiavira Itir Godin gumazamiziba Isip ategha azenan zui.⁴² Ezi dimagarir kamra Ikiavira Itir God Israelia deraghvira men gara, egha Isipin kantrin me inigha azenan ize. Egh zurara azenir gin izambar, men gin otivighamin adaras, me dimagarir kamra angamira iki ganiva, Ikiavira Itir God ginighnighiva, an ziam fam.

God Israelia Gitazir Dughiamin isamin gin mangamin arazibar akar gavgaviba Israelia ganangi

⁴³ Ikiavira Itir God kamaghin Moses ko Aron migei, “Ia God Israelia Gitazir Dughiamin isamin arazibagh nighnigh kamaghin damu. Kantrin Ighazaribar Gu-mazamiziba, isar kamin daghetamra aman marki.⁴⁴⁻⁴⁵ Eghigumazir dughiar otevimin ia ko itiba, ko gumazir dagiaba bagha ingara itiba, me isar kamin daghetam aman kogham. Ezi gumazir ia ivezezi me ingangarir gumazir kinibar min itima, ia men mikarzir mogomebar inibar aghore, merara uaghan ia ko isar kamin daghetam amam.

⁴⁶ “Egh gumazamiziba, dipenir me aven ikia asiziba tuezim, me dipenir kamin averara iki, egh asizir tuzibar ami. Me daghetaba inigh azenan mangan marki. Egh uaghan me asizir agharibar ami dar piran marki.⁴⁷ Israeliyan gumazamiziba bar isar kamin aven iki dami.

⁴⁸ “Egh ti gumazir uan mikarzir mogomemin inim atuzir puvatizim, daman kogham. Kantri igharazimin gumazim iza ian kantrin aven iti, a God Israelia Gitazir Dughiamin isam ia ko a damusi, ia an mikarzir mogomemin inim atugh. Egh uaghan gumazir an ikizimin itiba sara, men mikarzir mogomebar iniba aghoregh. Egh ti a ian gumazimin min iki, ian adarazi ko dami. ⁴⁹ Ezi arazir kabara Israelian gumazamiziba, ko gumazir kantrin igharazibar ikegha iza ia ko itiba, uaghara arazir kabar gin mangi.” ⁵⁰ Ezi Israelia, me Ikiavira Itir God Moses ko Aron mikemezi moghirama ami. ⁵¹ Ezi dughiar kamra Ikiavira Itir God, Israelien anababar aven vaghvaghla bar me inigha Isipin kantrin azenan ghu.

13

Israelia otarir ivariaba isa Ikiavira Itir God ganidi

¹⁻² Ezi Ikiavira Itir God kamaghin Moses migei, “Ia bar uan otarir ivariaba na danighti, me na baghvira ikiam. Israelia, ian otarir ivariaba, ko asizir apurir ivariaba, bar nana.”

Yis Puvatizir Bretin Isam Damuamin Dughiam

³ Ezi Moses kamaghin gumazamizibav gei, “Ia faragha Isipin kantrin iquia, ingangarir gumazir kinibar min itima, Ikiavira Itir God uan gavgavimin ia inigha azenan ize. Kamaghin amizi, ia zurara dughabar, dughiar kam ko an amizir arazir kam ginighnigh, yis itir brett aman marki. ⁴Ia Isip ataghizir dughiar kamin faragha zuir iakinim, an ziam, Abip.* ⁵Ezi Ikiavira Itir God ian inazir afeziaba ko akam akirigha ghaze, a nguazim isi ia daningam. Nguazir kam, Kenania, Hitia, Amoria, Hivia ko Jebusia datirighin a gapiaghav iti. Nguazir kam a bar derazi, biziba an ikiava bar de-raghaviram aghui. Ikiavira Itir God ia inigh nguazir kamin mangichti, gin izamin azeni-bar iakinir kamra, ia Yis Puvatizir Bretin Isam damuam.

⁶ “Egh ia yis puvatizir bret 7plan arueba anemi, mangiva namba 7in aruem in tugh. Egh ti namba 7in aruem otoghti, ia Ikiavira Itir Godin ziam fi. ⁷Egh 7plan aruer kaba, gumazamiziba yis puvatizir bretra dami. Egh ia bretin yis itim ko yis tam ateghti, a ian nguibatamin aven ikian marki. Guizbangira, yis ian kantrin aven ikian kogham. ⁸Egh ti dughiar ekia r kambot, ia uan otariba kamaghin me mikim, ‘Ikiavira Itir God Isipin kantrin

aven e bagha bizir ekiabagh amigha, en adarazi inigha azenan ize. Ezi e datirighin isar ekiam gamua, bizir kaba bar dagh nighnisi.’ ⁹ Guizbangira, Ikiavira Itir God uan gavgavimin pamtem ingara, e inigha Isipin kantrin azenan ize. Egh ti isamin arazir kam ian dafariba ko guabar, osizirimin min iki. Egh ti a ian bagh arazir an amizimin ababanimin min iki. Egh ti a ian damighti ia kamaghin nighnigh suam, e Ikiavira Itir Godin akar gavgavibar gun mikimam. ¹⁰ Egh azeniba bar, ia isar a damuasa mikemezir kam, an dughiamra a damuam.”

Otarir ivariaba

¹¹ Egha Moses kamaghin migei, “Ikiavira Itir God ia inigh Kenanian nguazim mangam. A nguazir kam bagha, faragha ia ko ian ovaviba ko akam akiri. Egh nguazir kam ia daningam. ¹²A ia danigh giavghti, ia uan otarir ivariaba Ikiavira Itir God daningam. Egh ti ian asizir apurir ivariaba uaghan, da Godin anaba. ¹³Ia sipsipin nguzir tam isi ofa damu, egh tuavir kamin ia donkin apurir ivariam givezegh ua a iniam. Ia donkin apurir ivariam givezegh aghuagh, ia an gurim apirigh. Egh ia uan otarir ivariaba vaghvaghla ua me givezegh me iniam. ¹⁴Egh gin izamin dughiaiba ian otariba kamaghin ian azangsigh suam, ‘Kar manmaghin amizir arazim?’ Egh ti ian kamaghin me mikim suam, ‘E ingangarir gumazir kinibar min Isipin kantrin ingara itima, Ikiavira Itir God uan gavgavimin pamtem ingara, e inigha azenan ize. ¹⁵Ezi faragha Isipin atrivimin navim gavgavizi, an e ateghti e mangan an aghua. Ezi Ikiavira Itir God Isipian otarir ivariaba, ko men asizir apurir ivariabav soghezi da ariaghire. Ezi e datirikhin asizir apurir ivariaba bar da inigha, Ikiavira Itir God bagha dar ofa gami. Egha e uan otarir ivariabagh ivezegha ua me ini.’ ¹⁶Ia arazir kam damuva, Ikiavira Itir God ginighnigh suam, a uan gavgavimin Isipin kantrin e inigha azenan ize. Egh ti arazir kam, ian dafariba ko guabar osizirimin min iki. Egh arazir kam ia bagh, ababanimin min ikiya ian nighnizibagh amuti da dikavam.”

God ghuarier ruarir ekia mam ko, avir mizarier ruarir ekia mamin aven ikiia men faragha zui

¹⁷ Atrivim Israelien gumazamiziba ataghizi me zuir dughiamin, God kamaghin nighnigha ghaze, “Israelia tuavir otevimin mangi igharaz darazir ganti, me me misoghsit damuti, me uan nighnizibagh iragh, uamategh Isipin

13:1-2: Diboboniba 3:13; Luk 2:23 *** 13:4:** Israelien iakinir kam, “Abip,” an en iakinir kamningin otifi, Mas ko April. **13:12:** Ua Me In 34:19-20; Luk 2:23

mangisi nighnigham. Ezi Israelia kamaghin damuan ki ifongezir puvati." Kamaghin, God tuavir otevimin me inigha Filistian kantrin ongarir dadarimin zuir puvati.¹⁸ Ezi kamaghin, God Israelia inigha ghuanaga gumazamiziba puvatizir danganimin ghua Ongarir Aghevimin oto. Egha me midorozim gamir bibia inigha da sara zui.

¹⁹ Bar fomira, Josep kamaghin Israelia mikeme, "Bar gin God Isipin ua ia inigh ian akurvaghram. Eghti dughiar kamin ia nan aghariba inigh da sara mangi." Ezi Israelia akar dikirizim gamizzi moghin, Moses Josephin aghariba inigha zui.

²⁰ Egha Israelia dikavigha Sukotin danganim ategha ghua Etamin nguibamin oto, me gumazamiziba puvatizir danganimin miriamin otoghava apia. ²¹ Egha aruebar, Ikiavira Itir God ghuariar ruarir ekiamin aven ikia, men faragha ghua tuavim men akakasi. Egha dimagaribar ana avir mizariar ruarir ekiamin aven ikia, me gisirara ikia men faragha ghua angazangarim me ganidi. Ezi bizir kam bangin, me arueba ko dimagariba sara arua zui. ²² Ezi aruebar zurara ghuariar ruarir ekiar kam men faragha zui, egha dimagaribar avir mizariar ruarir ekiar kam men faragha zui. Aning uan danganimning ataghizar puvatiga kamaghira iti.

14

Me Ongarir Aghevim abiki

¹⁻² Ezi Ikiavira Itir God, kamaghin Moses migei, "Ni Israelia mikemeghti, me uamategh mangi ongarir miriamin Pihahirotin nguibamin dapiagh. Nguibar kam, a Mikdolin nguibam ko Ongarir Aghevimin tizimin ikia, Balsefonin nguibamin boroghin iti. ³ Eghti Isipin atrivim men darorim ginighnigh, kamaghin mikim suam, Israelia ti onganigha gumazamiziba puvatizir danganim puram a garuama. Me danganir kam ategh mangamin tuaviba puvatigham." ⁴ Ki atrivim damighti an navim gavgavichti, a ia agiraghram. Eghti ki a ko an midorozir gumazibza, me dikabiragh me abiraghram. Egh bizir kam bangin ki ziar ekiam iniam. Eghti Isipia fogh suam, Kirara, ki Ikiavira Itir God." Ezi Israelia Ikiavira Itir Godin akam baregha, uamategha ghua Pihahirotin nguibamin boroghin apia.

⁵ Ezi gumazir maba Isipin atrivim migia ghaze, "Israelia ara ghue."

Ezi a ko an ingangarir gumazibar nighnizibagh iragha ghaze, "Manmagh amizi, e Israelia ataghizi me ghue? Me datirighin uam en ingangaribar

amuan kogham. Guizbangira, e pazava amigha gifal!" ⁶ Egha me mikemegha givagha, atrivim uan midorozir karisba ko, midorozir gumazibza ini. ⁷ Egha uaghan a 600plan karisin midorozim gamir aghuariba, ko Isipin midorozir karisin ighariziba sara inigha, karisbar garir gumazir dapaniba inigha, me dikavigha Israelien gin zui. ⁸ Israelia fo, me Isipia dikabinigha me abinigha, bar akongegha zui. Ikiavira Itir God, Isipin atrivim gamizi, an navim gavgavizi, a zuamira dikavigha men gintighasa zui. ⁹ Isipian midorozir gumazibza, uan karisba ko bar zui, marazi hozibagh apiaghha zui, ezi marazi uan suebar ghua, bar Israelien agintigha zui. Egha me bar ghua Israelia apiaghha itir danganimin otifi. Danganir kam, an Ongarir Aghevimin miriamin ikia, Pihahirotin boroghin iti, ezi Balsefon an akirangin iti.

¹⁰ Ezi Isipin atrivim uan midorozir gumazibza ko, Israelien boroghin zuima, Israelia men api. Egha me bar puvira atiatigha, uarir akurvaghaha Ikiavira Itir Godin dei. ¹¹ Me kamaghin Moses migei, "Ni tizim bagha e inigha gumazamiziba puvatizir danganir kamin ize? Ni ghaze, Isipin kantrin moziba okoramin danganiba puvati. Kamaghin e ti arimighiras, ni e inigha kagh ize? Ni manmaghien e gamua, e inigha Isip ategha azenan ize?" ¹² E Isip ataghiraghastava amir dughiam, e kamaghin ni mikeme, 'Arazir kurar kaba e batiram.' E ni migia ghaze, ni e ateghti e Isipin ikiva, ingangarir gumazir kinibar min ikiti deraghram. Puvatigti, e gumazamiziba puvatizir danganimin arimighiram."

¹³ Moses kamaghin me ikaraghha ghaze, "Ia atiatingan marki, ia tuivigh gavgafigh. Ia datirighin, Ikiavira Itir Godin gavgavimin ganichti, a ia akuragh ua ia inian. Ia datirikin Isipian gari, ia ua men ganan kogham. ¹⁴ Ia orakigh, Ikiavira Itir God ian akurvaghshi me ko misogham. Ia uari bizitam damuan marki. Ia nimira iki."

¹⁵ Ikiavira Itir God, kamagh Moses migei, "Ni tizim bagha nan ingarava aravira iti? Ni Israelia mikemeghti, me mangi.

¹⁶ Eghti ni uan asadivir aghorim ghufegh, ongarim gisir amadagh. Eghti ongarim bigh akuar pumuning iringti, Israelia nguazir dakirtizimin mangi vongin otifigh.

¹⁷ Eghti ki Isipia damighti men naviba gavgavichti, me ia gin ongarim biaghizir tuavimin mangam. Eghti ki atrivim ko, an karisba ko, midorozir gumazir hozibagh apiaziba, ko midorozir gumazibza bar me dikabiraghram. Egh ki me gamizir arazir

kam bagh, ziar ekiam iniam. ¹⁸ Ki Isipia dikabiragh me abiraghti me fogh suam, Kirara, ki Ikiavira Itir God.”

¹⁹ Ezi Godin enselin zurara Israeliyan midorozir gumazibar faragha zuim, a sivagha ghua men akirangin tu. Ezi ghuarier ruarir ekiar zurara men faragha zuim, a uaghan isivagha ghua men akirangin tu. ²⁰ Dimagarir kamin, ghuarier ruarir ekiar kam Israelia ko, Isipian tizimin tughav iti. Ghuarier ruarir kam Isipia itir danganim gamizi, a bar mitatangi. Egha Israelia itir danganim angazangarim a ganingi.* Kamaghin, dimagarir kamin Isipia ko Israelia uarir boroghin mangan ibura.

²¹ Moses uan agharim ghufegha, ongarim gisín anemada. Ezi dimagarimin Ikiavira Itir God, aminir gavgavim gamizi, an areum anadi naghin oto. Egha dimagarir kamin aminim ongarim giva ghuavti aminim tira. Ezi ongarim tongira biaghirigha, akuar pumuningin irigha nguazir dakirtizimin oto. ²² Egha divazimning min vong ko vongin akuvagha itima, Israelia aningin tongin nguazir dakirtizimin ghua vongin otifi. ²³ Ezi Isipin midorozir gumaziba Israeliyan agiraghá, men gin ghua ongarimin tongira ghu. Men hoziaba ko, karisba ko, gumazir hoziabagh apiziba, da bar zui. ²⁴ Ezi Ikiavira Itir God, aviv zariamin min ghuarier ruarir kamin aven iti. Ezi aminim tiasa amima, a Isipian midorozir gumaziba, men nighnizibagh irazima, me tintinibar nighnigha atiatia arasava ami. ²⁵ Ikiavira Itir God, karisbagh amizi, nguazim dar wilbar suighizi, da pamten iuemarir puvati. Ezi Isipia uarira uariv gei, “Ta oragh, E zuamirama ari mangeka! Ikiavira Itir God, Israeliyan akuraghá e misosi.”

²⁶ Ezi Ikiavira Itir God, kamagh Moses migei, “Ni uan agharim ghufegh, ongarim gisín anemadaghti, dipam ua izi Isipian midorozir gumaziba, ko men karisba ko gumazir hoziabagh apiziba, bar me avaragh.”

²⁷ Ezi Moses agharim ghufegha ongarim gisín anemada. Aminim tirazima, ongarim ua iza faragha ikezi moghin uan danganimin iti. Dughiar kamra, Isipia ari mangasa amauavira itima, Ikiavira Itir God, bar me avigha ongarim mikini. ²⁸ Ezi ongarim uamategha ize. Egha gumazir atrivimir hoziabagh apiziba ko, midorozir gumazir Israeliyan gin ongarir torimin ghueziba, bar me avara. Ezi men tav míséveaghízir puvati. ²⁹ Ongarim divazim min, vong ko vongin akuvagha itima, Israelia nguazir dakirtizimin zul.

* **14:20:** Hibru akam vezin kam deragha a migeir puvati. Mogomem 15:3 **15:2:** Ua Me Ini 3:6; 3:15; Aisaia 12:2

³⁰ Dughiar kamin, Ikiavira Itir God, Isipian dafarimin Israelia, ua men akura. Ezi Israelia, Isipian kuabar garima, da ongaridadarimin ireghav iti. ³¹ Israeliyan gumazamiziba garima, Ikiavira Itir God, uan gavgavir ekiamin pamtem ingara, Isipia dikabiraghá me abira. Ezi me bar atatiqha, Ikiavira Itir God, nighnizir gavgavim an iti. Egha an ingangarir gumazibar Moses, me uaghan nighnizir gavgavim an iti.

15

Mosesin Onger Akam

¹ Dughiar kam Moses Israeliyan gumazamiziba ko, Ikiavira Itir God bagha ighiar kam kamaghin a bange:

“Ikiavira Itir God, a midorozir ekiam abira, ezi ki datirighin a bagh onger akam bangam.

Guizbangira, a hoziaba ko gumazir hoziabagh isin apiaziba me avigha ongarim mikini. An apaniba abira, ezi an ziam bar pin iti!

² Ikiavira Itir God uabi na gamizima, ki gavgavigha, onger akam bangava an ziam fe.

A zurara ua na isi, ezi ki an ziam fasa. A nan God, egha nan akurvazim. Kamaghin amizi, ki an ziar ekiam fasa.

Nan afeziámán God, ki an ziar ekiam fi, a isi bar pin anerigh ighiam damuam.

³ Ikiavira Itir God, a bar midorozir gumazir gavgavim.

Ziar kam, Ikiavira Itir God, kar an ziam.

⁴ A Isipian midorozir gumaziba ko men karisín midorozim gamiba, a me avigha me isa ongarim mikini.

Ezi men midorozir gumazir dapaniba, ongarim amegha Ongarir Aghevim aven ariaghire.

⁵ Ongarim bar me avarazima, me dagiabar min ongarir dikinim giraghue.

⁶ Ikiavira Itir God, nin agharir guvím bar gavgavir ekiam iti, ni uan apaniba dikaragha bar me mirmiri.

⁷ Ni uan gavgavir ekiamin uan apaniba abira, egha ni uan navir aningazim avim min otogha men isia, mati avim grazir midiaribar isi.

⁸ Ni aminir ekiam gamizi a dikavigha, ongarim gamizima, a buigha pin anabo. Egha voroghira divazim min tughav iti. Ezi ongarir apebamin itim, bar pamtemin ingara gavgafi.

9 "Apaniba ghaze, 'E men agintigh men suigham.

Egh men bizir aghuariba inigh da tuisigh uan adarazir aningam.

Egh e bizir manam inisi e puram a iniam.

E sabar misozim asigh, uan gavgavimin me gasighasigham.'

10 Ikiavira Itir God, ni uan aminim dughiar vamiran a giverazima, ongarim Isipia avara.

Ezi me dagiamin min ongarir bar puvira ingarim giraghue.

11 O Ikiavira Itir God, ua godin manam ikia nin min gavgafi? Tav ua itir puvati.

Ni atrivir ekiam, egha arazir aghuibaram ami.

Ni bar pin kozi, e nin atiati. Tina nin min iti? Tav ua itir puvati.

Nirara digavir kuram gamir arazibagh ami, egha ingangarir ekiabagh ami.

12 Ni uan agharir guvum a ghufegha anemadazi, nguazim akam akarigha apaniba tuavareme.

13 Ni bar uan gumazamiziba men apangkuvigha men akuragha me inigha, men faragha ghua me inigha zui.

Ni uan gavgavimin men darorimin faragha ghua, danganir aghuarir ni uabi itimra, ni men akua a bagha zui.

14 Kantrin Igharazibar Gumazamiziba arazir ni amizim baregha, pamten nighava atiati.

Ezi Filistiaba uaghan aguava bar puvirama atiati.

15 Idomin kantrin faragha zuir gumazibar nighniziba, tintinibar nighnigha onganizi moghin ami.

Moapin gumazir dapaniba puvira nighava agoi.

Kenanian gumazamiziba atiatia, uan gavgavim ategha puram amiragh uaghiri.

16 Me nin gavgavir ekiamin gara, atiatir ekiam ko nirizir bar ekiam me avarazi, me pura ikia bitezit damuan ibura.

Me pura dagiabar min dapiagh ikiti, e nin gumazamiziba me gitaviragh mangam.

O Ikiavira Itir God, nin gumazamizir ni me givezegha ua me iniziba, me guizbangira kantrin kabagh itagh bar mangam.

17 O Ikiavira Itir God, ni en aku mangiti, e nin mighsiamin deraghvira dapiagh.

O Ekiam, danganir kamin, ni uabi uan dipenimin ingaram.

Dipenir ni itir kamin, gumazamiziba izi nin ziam fam.

18 Ikiavira Itir God, an atrivimin min iki mamaghira ikiam."

Miriamin Onger Akam

19 Israelia nguazir dakirtizimin Ongarir Aghevimin tongin ghua otogha gifa. Ezi Isipin atrivimin midorozir gumaziba ko, hoziaba ko gumazir karisbagh isin apiaziba, me Israelian gin zui. Ezi Ikiavira Itir God ongarim gamizi, a uamategha iza me avara.

20 Gin Godin akam inigha izir amizim Miriam, an Aronin amezemebam, a buar mam uan dafarinmin an suira. Amiziba bar moghira uan buaba inigha, Miriamin gin zui. Egha me buabav sogha onger akabagh amua ighiam gizi. 21 Miriam me bagha kamaghin ighiam bange:

"Ikiavira Itir God gumazir hoziabagh apiaziba, ko hoziaba sara bar me avigha ongarim mikinigha, apaniba abinigha ziar ekiam ini.

Kamaghin, ia a bagh onger akam bangi."

Israelia gumazamiziba puvatizir danganibar arua zui

(*Sapta 15:22–18:27*)

Dipar misozim

22 Ezi gin Moses Israelien akua Ongarir Aghevim ategha, Surin gumazamiziba puvatizir danganimin zui. Me gumazamiziba puvatizir danganim, aruer 3plan an arua ghua, dipatamin apizir puvati. 23 Egha me gin ghua Maran danganimin otivigha dipar mam bato. Dipar kam akatorimin aven misosi, ezi me anereman ibura. Dipar kamin ziam, Mara, an mingarim, bizim akamin aven aninganigha misosi. 24 Ezi gumazamiziba atara migirigiar aviribar Moses gamua, kamaghin an azangsisi, "E managh dipatam amegham?"

25 Moses Ikiavira Itir Godin dia mighigha a ko migeima, Ikiavira Itir God ter otevir mam an aka. Ezi Moses a inigha dipamin anekuni, ezi dipam ua derazi, me aneremam.

Ezi God danganir kamin arazir a ifongeza ko bizar a damuasa mikemeziba me ganidi, egh a men gan me gifoghosa, me dar gin mangam, o ti puvatigham.

26 Ezi God me migei, "Ia deragh nan akam baragh. Kirara Ikiavira Itir God, ian God, ia arazir nan damazimin deraziba, ia dar amu. Egh ia nan Akar Gavgaviba ko arazir ki ifongeza bar dar gin mangi. Ia kamaghin damuti, ki pazi ia damuan koghiva, arimariar kurar ki Isipin gumazamizibagh aningiziba ia daningan kogham. Guizbangira, ki ian Ikiavira Itir God. Ki ian arimariuba akirizi ia ghuamazi."

²⁷ Egha gin Israelia ghua Elimin nguibamin otifi. Elim, a dipar nguazimin aven anagava otiva uaghbirir 12pla ikia, 70plan temer detba iti.* Ezi Israelia purirpeniba, nguazimin aven ivemarir dipabar boroghin dar ingarigha kagh apia.

16

Israelia daghem mana, ko kuarazibar amasa da ini

¹ Israeliyan gumazamiziba Elimin danganim ategha, ghua Senin gumazamiziba puvatizir danganimin otifi. Danganir kam ana Elim ko Sainain Mighsiamin tongira iti. Me otivizir dughiar kamran gin me Isipin kantri ategha ghue. Egha namba 2in iakinim, an namba 15in dughiamin, me gumazamiziba puvatizir danganir kamin otifi. ² Egha me danganir kamin ikia Moses ko Aronin atara, migirigiar aviribar aning gami. ³ Me kamaghin aning migei, Kamaghin deraghai, Ikiavira Itir God, Isipra e misueghti e arimighiregh. E Isipin kantrin ikia dagher guar igharaghha gariba uan ifongiabbar da api. E mitiriaba sara iki aremeghasa gua ifonge. Egha e inigha gumazamiziba puvatizir danganir kamin ize.”

⁴ Ezi Ikiavira Itir God Moses migia ghaze, “Ki ia bagh bret overiamin anemadaghti, an amozimin min magiriti ia a iniam. Gumazamiziba dughiaba vaghvagh mangi dughiar vamira baghvira dagheba ini. Ki arazir kamin me damu gan fogh suam, me ti nan akamin gin mangam, o puvatigham. ⁵ Ezi dughiar namba 6in, me dughiar pumuning bagh dagheba inigh dar arikigh.”

⁶ Ezi Moses ko Aron kamaghin Israeliyan gumazamizibav gei, “Guaratizimin ia kamaghin fogh suam, Ikiavira Itir God uabi Isipin kantrin ia inigha azenan ize. ⁷ Ia an atara migirigiar aviribar a gami, ezi an oregha gifa. Ia mizarazimin Ikiavira Itir Godin gavgavim ko angazangarimin ganam. Ga pura gumazir kinimning. Ia manmaghsua gan atara a migei?”

⁸ Egha Moses ua migei, “Ikiavira Itir God uabi garantizimin asizir tuziba ia danighti ia dar amam. Egh a mizarazibar bret ia danighti, ia uan ifongiabbar a iniam. An orazi ia puram a migei. Kamaghin amizi, a dagheba ia danningam. Ezi ga pura bizimning. Ia gan atara ga migeir puvati. Ia Ikiavira Itir Godra an atara a migei.”

⁹ Egha Moses Aron migia ghaze, “Ikiavira Itir God, bar gumazamizibar adarir migirigia baraki. Kamaghin amizi ni me mikemeeghti, me izi Ikiavira Itir Godin damazimin tuifigh.” ¹⁰ Ezi Aron me

migavira itima, me kogha gumazamiziba puvatizir danganir gigim gisim garima, Godin angazangarim zuamira ghuiar mamin aven oto.

¹¹ Ezi Ikiavira Itir God kamaghin Moses migei, ¹² “Ki Israeliyan adarir migirigiam baraki. Kamaghin amizi, ni me mikemeeghti, me garantizibar asizir tuzibar amam. Egh me mizarazibar uan ifongiamin bretbar amam. Me dagher kam inigh givagh, me fogh suam, Ki Ikiavira Itir God, ki uabi men God.” ¹³ Guaratizir kamin kuarazir muzierir bizim, migha iza me itir danganim bar a gizifa. Ezi mizarazimin, ghuiar dipam ira, danganir men itim bar a gire. ¹⁴ Ezi ghuiar dipam iregha misingicha givazi, me bizar muzierir aviribar gari da nguazimin iti, egha da mati terafariba misigha tintinibar misaraghire.

¹⁵ Ezi Israelia bizar kabar ganigha, dagh gifozir puvati. Egha me kamaghin uarira uarir azai, “Kar bizar tizim?”

Ezi Moses me migei, “Kar bret, Ikiavira Itir God, ia damasa a ia ganangi. ¹⁶ Egha Ikiavira Itir God, akar gavgavim ia ganigha ghaze, ‘Ia vaghvagh uari bagh iniva uan adarazi sara me bagh inigh. Ia vaghvagh da iniva uan gumazamiziba ko boriba bagh vaghvagh miner muzieribar aghuigh.”

¹⁷ Egha Israelia God mikemezi moghin me ami. Ezi marazi bar uari bagha aviriba inizi, marazi uari bagha muzieribara ini. ¹⁸ Egha gin me dagher kabar garima, gumazamizir dagher aviriba iniziba, men mineba izevezir puvati. Ezi gumazamizir dagher aviriba inizir puvatiziba, men dagheba otevezir puvati. Me da apa izevegha mitiriam men azir puvati.

¹⁹ Ezi Moses me migia ghaze, “Ia gurum bagh dagher na taba ataghiraghan marki.”

²⁰ Ezi gumazamizir maba Mosesin akam baraghizir puvatigha, dagher nar maba amimzaraghan bagha da ariki. Ezi amimzaraghan dagher kaba apiziba dagh izivazima, da puvira mughasi. Ezi Moses men atari. ²¹ Ezi zurara mizarazibar gumazamiziba, me ifongezi moghin, uari bagha dagheba isi. Ezi aruem anadir dughiamin, dagher me isir puvatiziba nguazimin ikia, dipamin min otiva puram ameri gefi. ²² Ezi aruer namba 6in, me dughiar pumuning bagha dagheba ini. Gumazir vamira miner dozir pumuning pumuning gaghuizi, aning izivafa. Ezi Israeliyan gumazir dapaniba iza bizar kamin gun Moses mikeme.

²³ Ezi Moses kamaghin me migei, “Ikiavira Itir God kamaghin migei, gurum mizaraghan avughsamin dughiam. Kar

* **15:27:** Temer detba mati en iruebar min gara egh temer dapanibar min gara detin oviziba iti. **16:4:** Jon 6:31
16:15: 1 Korin 10:3 **16:18:** 2 Korin 8:15 **16:23:** Ua Me In 20:8-11

Ikiavira Itir Godin ziam famin dughiam. Egha uaghan kar Ikiavira Itir Godin dughiamra. Ia datirighin dagher nar manaba avimin da tuasa, ia da tu, egh dagher nar manaba ia minemda isamasa, ia da isam. Eghit nar itir kaba ia gurum mizaraghan bagh bar ada atigh."

²⁴ Ezi me Mosesin akam baregha dagher maba tue. Egha dagher nar maba tuezir puvati. Me amimzaraghan bagha da atizi da iti. Ezi dagher kaba kurizir puvatizi apiziba dagh amizir puvati. ²⁵ Ezi amimzaraghan Moses kamaghin migia ghaze, "Kar Ikiavira Itir Godin dughiam, dughiar e avughsiva, Ikiavira Itir Godin ziam famim. Ia dughiar kamin nguibamin azenan mangi dagheba burian kogham. Kamagh amizi, dagher nar itir kaba, ia dar ami. ²⁶ Ia wighin vamiran 6plan aruebar, dagher kaba ini. Egh namba 7in aruem, kar avughsamin dughiam. Kamaghin amizi, dughiar kamin dagher tam nguazimin ikian kogham." ²⁷ Ezi dughiar namba 7in, gumazamizir maba ghua dagheba iniasa zui. Egha me dagher tabar garir puvati.

²⁸ Ezi Ikiavira Itir God Moses migia ghaze, "Ia manadizoghin nan akaba barazir puvatizir arazim ategh, nan Akar Gavgavibar gintigham? ²⁹ Ia deraghviram oragh! Ki Ikiavira Itir God, ki avughsamin dughiar kam ia daningam. Kamaghin amizi, ki aruer namba 6in, dughiar pumuningin damamin dagheba ia daningam. Egh aruer namba 7in gumazamiziba bar danganir me itiba ataghiraghan marki." ³⁰ Kamaghin amizi, me dughiar namba 7in ingangarir tam gamir puvati. Me avughs.

³¹ Ezi Israelian gumazamiziba dagher kam kamaghin a dibora ghaze, "Mana."* Hibrun akamin Manan kamin ganganim, temer ovizir muziarimin min gara egha ghurghuri. Egha an isingtizim, mati bisketin me hani sara ingarizm.

³² Ezi Moses kamaghin me migia ghaze, "Ikiavira Itir God kamaghin migei, 'E miner tam inigh, an manabar aghuam. Eghit an en gin otivamin ovavir boriba bagh ikiam. Me gin an gan suam, kar Ikiavira Itir God e ganingizir daghem. A Isipin kantrin e inigha azenan iza gumazamiziba puvatizir danganimin etizir dughiam.'"

³³ Egha Moses Aron migia ghaze, "Ni nguazir miner tam inigh, manan tabar aghuigh. Egh minem isi Ikiavira Itir Godin damazimin anetigh. Eghit borir gin otivighamiba, a gifogham." ³⁴ Ezi Aron manan dagher miner kam isa, gin izamin dughiam bagha, Akar Dikirizir Gavgavir

Boksiam boroghin aneti, ezi Aron Ikiavira Itir God Moses mikemezi moghiram ami. ³⁵ Ezi Israelia manan dagher kam apa ghua 40plan azenibar tu. Ezi 40plan azeniba givazima me ghua Kenanian kantrin otivigha, kantrin kam gapiagha uari bagha azenibar ingari. ³⁶ (Dughiar kamin Israelia azipibar osimitzibagh foghamin skelin pumuning iti. Omer ko Epah, mam miner dozir vamiran min iti. Mam 10plan miner dozibar min iti.)

17

*Me dagiamin dipam ini
(Diboboniba 20:1-13)*

¹ Ezi Israelian gumazamiziba bar Ikiavira Itir Godin akamin gin ghua, dikavigha Senin gumazamiziba puvatizir danganin ategha zui. Egh dughiar manamin Ikiavira Itir God mikemehti, me dikavighiva danganir me itir kam ategh sivaghsvagh mangi danganir ighazar mam dapiaghram. Me kamaghira apiaghira ghua, gin me ghua Redifimin danganimin otogha, purirpenibar ingarigha apia. Ezi danganir kam dipar damamiba puvati.

² Ezi gumazamiziba Mosesin atara ghaze, "Ni e damarin dipatam e daningigh."

Ezi a men akam ikaragha ghaze, "Ia tizim bagha nan atari? Ia masa Ikiavira Itir Godin Araziba tuisigha, an gavgavim bagha azai? Ia ti nighinizir gavgavim an itir puvati?"

³ Ezi gumazamiziba dipam bagha kuariba bar me misingi, me migirigiar aviribar Moses gimoba ghuavira iti. Egha me kamaghin a migei, "Ni tizim bagha Isipin kantrin aven e inigha azenan ize? Ni ti kamaghin ifonge, e uan boriba ko asiziba, e damamin dipabu puvatigh, kagh arighiregham, a?"

⁴ Ezi Moses pamten kamaghin Ikiavira Itir God ko migei, "Gumazamizir kaba dagiabar na ginivigh, na misuehti ki aremeghasa. Ezi ki manmagh me damuam?"

⁵ Ezi Ikiavira Itir God kamaghin Moses migei, "Ni Israelian gumazir dapanitaba inigh, ia daru gumazamizbar faragh mangi. Ia darusiva, asadivir aghorir ni faraghna Nailin Fanem misoghezim sara inigh mangi. ⁶ Ki Horepin Mighsiamin dagiatam gisn tugh ikiam, kar Sainain Mighsiam. Ni roghira iziva, asadivir aghorir kamin dagiam misokegh. Eghit dipam an otogh azenan fasfagh iriti, gumazamiziba anemam." Ezi Israelian gumazir dapaniba gari, Moses kamaghin amizi, dipam otogha izaghiri. ⁷ Ezi me danganir kam kamaghin a dibori, "Masa," an mingarim makakin, "Tuighsizir Arazim," ko "Meriba," an

* 16:31: Diboboniba 11:7-8 * 16:31: Hibrun akamin, ziar kam "mana," a migirigiar otevir kam ko mong magh ghu, "Kar bizir tizim?" Ni sapta 16:15in gan. 16:33: Hibru 9:4 16:35: Josua 5:12; Nehemia 9:20-21; Jon 6:31

mingarim, "Adarim." Me kamaghin nighnisi, Israelia atara ghaze, "Ikiavira Itir God, e ko iti, o puvati." Arazir kamin, me Ikiavira Itir Godin Araziba tuisigha an gavgavim bagha azangssi.

Israelia Amalekia ko misosi

⁸ Egha gin Amalekia iza Refidimin danganimin Israelia ko misosi. ⁹ Ezi Moses kamaghin Josua migei, "Ni e bagh gumazitaba amiseveghti, me gurumin mangi Amalekia ko misogh. Eighti ki mangi mighsiar dozir munamin tugh, Godin gavgavim itir asadivir aghorimin suiragham." ¹⁰ Ezi Josua, Moses a mikemezei moghira, gumazir maba inigha ghua Amalekia ko misosi. Ezi Moses, Aron ko Hur sara, me mighsiar dozimir uanabovo. ¹¹ Egha Moses uan agharimning feghavira itima, Israeliian midorozir gumaziba, Amalekia gafigha ghuavira iti. Ezi Moses uan agharimning ataghizi aning uaghirma, Amalekia Israelia gafiraghha ghuavira iti. ¹² Ezi gin Mosesin agharimning a girima, a uam aning ghufan ibura. Ezi Aron ko Hur dagiar mam inigha anefazi, Moses a gapera. Ezi aning Mosesin boroghin vong ko vongin tuga, an agharimning suiragha aning gifueghavira ikia, kamaghira ikiavira itima, aruem ghuaghiri. ¹³ Ezi Josua uan adarazi ko Amalekian midorozir gumaziba abiniga, bar me gasighasiki.

¹⁴ Ezi gin Ikiavira Itir God kamaghin Moses migei, "Ni akar kam akinafaritam an osiright, gumazamiziba a ginighnigh. Akar kam kamakin, 'Ki Ikiavira Itir God, ki Amalekia bar me agivaghram. Eighti gumazamiziba ua me ginighnighan kogham.' Ni akar kam Josua bagh a diponti, an a barakigh."

¹⁵ Ikiavira Itir God mikemegeha givazima, Moses ofa gamir dakoziр mamin ingari. Ezi ofa gamir dakoziр kamin ziam mati nir avizir ekiam me an osirigha a ghufezi a ghaze, "Ikiavira Itir God, nan akurazi ki uan apaniba abira."

¹⁶ Ezi Moses ghaze, "Ia Ikiavira Itir Godin inir avizim ghufegh bar pin an suiragh." * Guizbangira, Ikiavira Itir God, zurara Amalekia ko misogh kamaghira ikiam."

18

Jetro iza Mosesin gari

¹ Jetro, a Midianian ofa gamir gumazim, a Mosesin amerem. A bizar God Israelia ko Moses bagha amizibar eghaghanim baregha, uaghan dughiar Ikiavira Itir

God uan gumazamiziba, Israelia, me inigha Isip ategha izezir eghaghanim baraki. ² Kamaghin amizi, Jetro Mosesin ganasa ize. Moses faragha uan amuim Sipora amadazi, a uan afeziam Jetro bagha ghu. ³ Ezi datirighin, Sipora ko Mosesin otarir pumuningin ko Jetro, me izava otifi. An otarimning ziamming, Gersom ko Elieser. Moses faragha ghaze, "Ki kantrin igharazimin gumazim, egha kantrin igharazimin iti." Egha a uan otarir ivariam ziam, "Gersom," a gati.*

⁴ Egha a gin kamaghin migei, "Nan afeziamin God nan akurazi, Isipin atrivim na misoghezi ki aremezir puvati." Egha uan otarir dozim, a "Elieser," a gati.[†]

⁵ Ezi Jetro, Mosesin amuim ko an otarir pumuningin akua me iza gumazamiziba puvatizir danganim iza, Godin mighsiamin boroghira izava otifi. Kar Moses purirpenbar ingarigha dar ikezir danganim. ⁶ Egha Jetro kamaghin Moses bagha akam amada, "Ki nin amerem Jetro, ki nin amuim ko nin otarimning, e ni bagha ize." ⁷ Ezi Moses akar kam baregha, ghua tuavimin Jetro bato. Egha Moses aviraghha gin ghua an tori. Egha aning uan ikirimrim bagha uanining azangsigha, me gin Mosesin purirpenimin aven ghue. ⁸ Egha Moses uan amerem bizar aviribar a gehghara ghaze, Ikiavira Itir God Israeliian akurvaghaha, Isipin atrivim ko Isipin gumazamizibagh amizi, arazarazir aviriba otifi. Egha a ghaze, me tuavimin zuima, bizar kuraba ko osimtzibza me bativima, Ikiavira Itir God men akura.

⁹ Ezi Jetro akar kam baregha fo, Ikiavira Itir God bizar aghuaribar Israelia gamigha, Isipin dafarimin ua me ini. Ezi Jetro akar kam baregha bar akonge. ¹⁰ Egha kamaghin migei, "Ga Ikiavira Itir Godin ziam fe. A Isipin atrivim ko an gumazamizibar dafarimin ia inigha ian akurazi, ia kalabusin ingangarir kurar kam ataki. ¹¹ Ezi ki datirighin fo, Ekiam bar godin igharazibagh afiraghha kamaghin ami. Isipia akaba batoghava paza ia gamima, Ikiavira Itir God ian akura. Ezi ki datirighin fo, Ikiavira Itir God bar gavgavizi, an gavgavim godin igharazibar gavgavibagh afira." ¹² Egha Jetro ofan bar isia mighirizir mam, inigha God ganidi. Egha uaghan ofan igharaziba God ganingi. Ezi Aron ko Israeliian gumazir dapaniba iza, Godin damazimin Mosesin amerem koma api.

Me osimtzibza tuisighamin gumazamizir

^{17:14:} Godin Araziba 25:17-19; 1 Samuel 15:2-9

* 17:16: Hibrun akam deragha migirigjar kamin mingarim abighizir puvati.

^{18:2:} Ua Me In 2:21-22

^{18:3:} Aposel 7:29

^{18:3:} Hibrun akamin, ziar kam, "Gersom," a mong kamaghin ghu, "Kantrin igharazimin gumazim." *

^{18:4:} Hibrun akamin, ziar kam, "Elieser," a mong kamaghin ghu, "God nan akura."

maba amisefe*(Godin Araziba 1:9-18)*

¹³ Ezi Dughiar igharazimin, Moses amimzaraghan jasin min aperaghia Israeliyan gumazamizibar osimtiziba tuisisi. Ezi gumazamizir aviriba Moses bagha mizarazimin izavira ikia, ghua guaratizimin tu. ¹⁴ Ezi Jetro, Moses gumazamizibar akurvazir araziba, bar dar gara, egha kamaghin Moses migei, "Maning gua uaningra ingangarir aviribar gumazamizibar akurvaghsha dagh ami. Ni uabira ingangarir kam damuan marki. Ni gan, ni osimtiziba akira aperaghavira iti gumazamiziba mizaraghara iza ni ko mikimasa, ni Mizua tuivighav ikia, ghua aruem gifa."

¹⁵ Ezi Moses a migei, "Gumazamiziba bizar God damuasa ifongezibagh fofohaga, na bagha izi. ¹⁶ Gumazitamning bizar mam bagh uanning atarigh, aning na bagh izeghti, ki aningin migirigiam baregh aningin osimtizim akiram. Egh ki arazir God ifongeziba ko Godin akabar men sure damuam."

¹⁷ Ezi Jetro kamaghin a migei, "Nan amerem, ni ingangarir kam damuamin tuavir aghuimin zuir puvati. ¹⁸ Ingangarir kam bar nin ekefe. Ni uabira a damu mangiti nin mikarzim nin amiraghram. Egha gumazamiziba uaghan men mukarziba men amiraghram. ¹⁹ Ni datirighin nan akam baraghti, ki tuavir aghuarir mam ni mikimam. Egha God ni ko ikiam. Arazir kam deraghram, ni gumazamiziba bagh Godin damazimin abuir gumazimin min iki. Egh men migirigiar me uari adoziba, ni da inigh a bagh mangi. ²⁰ Egh ni arazir God ifongeziba ko Godin akabar men sure damuva, tuavir me gin mangamimin me mikimiva, arazir me zuura damuamin men sure damu. ²¹ Egh ni uaghan fofozir gumazir aghuitaba miseveghti, me gumazamizibar dapanibar ikiam. Egh tarazi 1,000plan gumazamizibar gantima, tarazi 100plan gumazamizibar gantima, tarazi 50plan gantima, tarazi 10plan ganam. Gumazir kaba uari abinigh guizbangira Godin atiatingiva an apengen iki, egh gumazir e nighnizir gavgavim men itibar, min iki. Gumazamiziba dagiaba me daning, me gekuti, me arazir kurabar amuan kogham. ²² Egh gumazir kaba jasbar min iki, gumazamizibar osimtiziba tuisigham. Egh me uari osimtizir muziariba tuisigham. Egh osimtizir ekiaba, me da inigh ni bagh iziti, ni da tuisigham. Egh me nin akuragh ingangarir kamin osimtizim inighti, ingangarim nin osemeghan kogham. ²³ Ki bizar God ni damuasa a ifongeziba ki dar gun ni

mikeme, ni dar amu. Ni nan akamin gin mangi, egha ingangarir kam ni damichti, nin mikarzim nin amiraghram kogham. Egha ia gumazamizibar osimtiziba ko akabar kirighti, me navir amiriziba iki, egh uamategh uan purirpenibar mangam."

²⁴ Ezi Moses, Jetron akar aghuir kam baregha kamaghin ami. ²⁵ Egha a Israeliyan tongin fofozir gumazir aghuariba misevegha me atizi, me gumazamizibar gumazir dapanibar min iti. Ezi men marazi 1,000plan gumazamizibar garima, marazi 100plan gumazamizibar garima, marazi 50plan garima, marazi 10plan gari. ²⁶ Egha me zurara jasbar min osimtizibar tuisighamin ingangarim gami. Me uari araziba ko osimtizir muziariba tuisisi, egha osimtizir ekiaba, Moses bagha da amadi. Ezi a ubi da tuisigha dar kiri. ²⁷ Ezi bizar kabar gin, Moses uan amerem Jetron dafarimin suirazi, Jetron uamategha uan nguibamin zui.

God Akar Dikirizir Gavgavim Israelia ko a gami

19

(Septa 19-31)

Israelia iz Sainain Mighsiamin iti

¹⁻² Ezi Israelia Refidimin danganim ategha zui. Me ghua Sainain gumazamiziba puvatizir danganimin otifi. Me otivizir dughiar kamra, a iakinir me Isipin kantri ataghizimin gin ghua, iakinir pumuning givazi, iakinir namba 3 otozi, me an aruer namba 1in Sainain otifi. Egha me Sainain Mighsiamin boroghin purirpenibar ingarigha apia. ³ Ezi Moses God ko mikimasa mighsiamin ghuanadi. Ezi Ikiavira Itir God mighsiamin ikia Mosesin diagha ghaze, "Ni Israelia migirigiar kaba me daningam, me Jekopin ovavir boriba. ⁴ Ki Isipin amizir biziiba, ia uari dar ganigha gifa. Egha ia nan gari ki ia ini, mati kuarazir bagam uan nguzim uan avizimin a isi moghin, ki ua bagha ia inigha iza danganir kamin izezi, ia datirighin na ko iti. ⁵ Egh ia datirighin nan Akar Dikirizir Gavgavimin suiragh gavgavigh, nan akabar gin mangi, nan gumazamizibar otogham. Nguazir kamin danganiba bar, ko gumazamizibar bar, me nan adarazira, egha ki men tongin iarara ua bagh ia misevegham, egha ia nan gumazamizibara ikiam. ⁶ Egh ia na baghavira itir gumazamizibara iki, egh ofa gamir gumazibar min iki, Kantrin Igharazibar Gumazamiziba bagh abuir gumazimin ingangarim damuam. Egh ia bar guizbangira nan gumazamizibara ikiva na baghvira ikiam." Egha Ikiavira Itir God

migirigar kaba gumazamizibar aningasa Moses migei.

⁷ Ezi Moses mighsiam ategha ghua Israelian gumazir dapaniba akuvagha, akar Ikiavira Itir God a mikemeziba, bar dar gun me migei. ⁸ Ezi gumazamiziba bar moghira kamaghin migei, "Bizar Ikiavira Itir God e mikemeziba, e bar dar amuam." Ezi Moses ghua gumazamizibar akabar gun Ikiavira Itir God migei.

⁹ Ezi Ikiavira Itir God kamaghin Moses migei, "Ni oragh. Ki ghuardiar mitiar pizimin aven ki ia bagh iziva, ni ko mikimam. Dughiar kamin gumazamiziba oraghti, ki ni ko mikimam. Eighti me datirighin ikegh mangi, me zurara nin migirigaba nighnizir gavgavim dar ikiam." Ezi Moses gumazamizibar akabar gun, Ikiavira Itir God migei.

¹⁰ Ezi Ikiavira Itir God Moses migei, "Ni mangi gumazamizibav kim suam, me datirighin ikegh mangi gurumin, me uari na daningisi uan nighniziba ko araziba akirigh, bar zuegh. Egh me uan korotiaba ruegh, nan ziam fisi uari akirigh. ¹¹ Me uari akirigh tugh gavgavigh iki mangi aruer namba 3in otogh. Dughiar kam, ki Sainain Mighsiamin izighiri gumazamiziba bar, men damazimin otogham. ¹² Egh ni mighsiam bagh mitaghniat atigh. Eighti gumazamiziba mitaghniar kamin vongin mangan marki. Ni deraghvira me mikim, me deraghvira ganigh, me mitaghniar kamin ikiavkinigh vongin mangi, mighsiamin mavanangan kogham. Guizbangira me mighsiamin boroghira mangan ki angoroke. Gumazitam mitaghniamin ikiavkinighti, me a misuegħti an aremegħam. ¹³ Egh me dafaribar an suragh a misuegħti an aremegħan marki. Me dagħiabar a giniq, o afuzit-tamin a biragh. Gumazitam, o asisitam mitaghniamin ikiavkinighti, ia arazir kam bagħi a misuegħti an aremegħ. Ia dughiar vamiran, ia mighsiamin anang. Ia sīgħam baraghmin dughiem, ia mangi."

¹⁴ Ezi Moses mighsiam ategha uaghirigha gumazamizibav mikeme. Ezi me an akam baregha, me uari God daningasa uan nighniziba ko araziba akirigha, egha zue. Me uan korotiaba ruegha Godin ziam fer arazim damuasa uari akiragh. ¹⁵ Ezi Moses me migei, "Ia zuerim bagħ uari akir tugh gavgavigh iki. Egh datirighin ikegh mangi zuerimin, ia amiziba ko dakuun marki."

¹⁶ Ezi dughiar namba 3in mizarazimin arariba dagħvarzi onimariba tagħtazima, ghuardiar mitiar pizir mam izaghira mighsiam avara. Ezi me sīgħar ararer

gavgavir mam baraki. Egha gumazamizir danganir kamin itiba, bar atiatigha nis.

¹⁷ Ezi Moses gumazamiziba inigha, me itir danganimin azenan ghua men faragħha ghua God bativasa zui. Me mighsiamin borogħin ghua, an apengen zarimin tuifi. ¹⁸ Ezi Ikiavira Itir God avimin aven ikia, egha izaghira Sainain Mighsiamin iti, ezi migharir ekiam mighsiam bar anevara. Migharir kam għuavanaga, mati avir ekiamin migharim għuavanadi. Ezi mikimkizir ekiam mighsiamin oto. ¹⁹ Ezi sīgħamin ararem bar ekevegħha pamtem ara għuavira iti. Ezi Moses God migei. Ezi God a ikarvazi, an tiarim mati ararim dagħarvasi. ²⁰ Ikiavira Itir God izaghira Sainain Mighsiamin orazim min ikia, egha Mosesin dei. Ezi Moses għuavanadi.

²¹ Ezi Ikiavira Itir God kamaghin a migei, "Ni magiri, migirigar gavgavim gumazamizibar aningiġti me mitaghniar kamin ikiavkinigh iżi nan ganan marki. Me kamaghin damiġħ, men aviriba arghiregħam. ²² Nan borogħin izir ofa gamir gumaziba, me uaghan uari na daningisi, uari akirigh nan damazimin zuegham. Puvatigtid, ki ivezir kuram me daningam."

²³ Egha Moses Ikiavira Itir God kamaghin a migei, "Ni akar gavgavim e ganġi, kamaghin gumazamiziba mighsiamin mangan kogħam. E mitaghniān arigha mighsiamin apinim īghuiga, e kamaghin fo, mighsiar kam, a nin mighsiamra, egha ana anogoroke."

²⁴ Ezi Ikiavira Itir God a ikaragħha ghaze, "Ni magiri, Aron inighti a ni ko uamategħ anang. Eighti ofa gamir gumaziba ko, gumazamiziba bar mitaghniar kamin ikiavkinigh na bagħi mighsiamin anangan marki. Me kamaghin damiġħti, ki ivezir kuram me daningam." ²⁵ Ezi Moses akar kam baregha gumazamizibar bighan iraghugħha, Ikiavira Itir God mikemezir migirigħiaba bar me migei.

20

*Godin 10plan Akar Gavgaviba
(Godin Araziba 5:1-21)*

¹ Ezi God kamaghin migei:

² Ki ubi, ki Ikiavira Itir God, ian God. Kirara Isipin Kantrin ia inigha ian akua azenan ize. Kar danganir ia ingangarir gumazamizir kinibar ikezim.

³ Ia bar narara gin mangi nan ziamra fam. Egh ia asetamin gin mangan bar marki.

⁴ Ia uari bagh marvir guatam an ingaran marki. Ia overiamin itir bizaritam, ko nguazimin itir bizaritam ko dipamin aven itir bizariba, ia bizar kabar gan, dar min marvir guatamin ingaran marki. ⁵ Ia asetam ko marvir guatamin itevibar piriva an ziam fan marki. Guizbangira, ki Ikiavira Itir God, ki ian God. Egh godin ifavaritamin amamangatighti, a nan danganim inian kogham. Bar puvati. Gumazamizir nan aghauziba, me osimtizim iti, ezi ki iveauzir kuram me ko men ikizim daning mangivira ikiti, men ikizimin igiar boriba ko aziziba otogham. ⁶ Ezi gumazamizir bar na gifongeziba, me nan Akar Gavgavibar gin zui. Ki bar ian ovavir boriba men apangkuvigh kamaghira iki mangi, men 1,000in ovavir borir gin izamibar otogham.

⁷ Nan ziam, Ikiavira Itir God, ian God, ia puram a diponan marki. Guizbangira, gumazamizir pura nan ziam diboriba, Ikiavira Itir God kamaghin me mikiman kogham, pura bizi, me osimtiziba pu. Bar puvati, a iveauzir kuram me daningam.

⁸ Ia Sabatin dughiam deragh a ginighnigh mikim suam, a dughiar ki ua bagha inabazimra ikiam. ⁹ Ia wighin vamira, 6plan aruebar aven ingangariba bar dar amuam. ¹⁰ Ezi namba 7in dughiam, kar Ikiavira Itir God, ian Godin dughiamra. Kar dughiar ia avughsamim. Egh Sabatin dughiam, ia bar ingangaribar amuan marki. Ia uan otariba, guiviba, ingangarir gumaziba, ingangarir amiziba, asiziba, ko ikizir ighazaribar gumazamizir iza ian nguibamin itiba, ia bar ingangaribar amuan kogham. ¹¹ Guizbangira, Ikiavira Itir God 6plan aruebar nguazim ko overiam, ongarimin ko dar itir bizariba bar adar ingari. Egha namba 7in aruem an avughse. Kamaghin amizi, Ikiavira Itir God, Sabatin dughiam deraghavira a ginighnigha an anogorogha a gamizima, an a baghvira ikiamin dughiamin oto. Kar Godin dughiamra.

¹² Egh ia vaghvagh uan afeziam ko amebamin apengan iki, men akabar

gin mangi. Ia kamaghin damighiva, ia dughiar ruarimin nguazir kamin ikiam, kar nguazir Ikiavira Itir God, ian God a isa ia ganidim.

¹³ Egh ia gumazamizir ighazaribav soghti me arimighiran marki.

¹⁴ Egh ia poroghamiba uari bakia uari ko akuir arazim damuan marki.

¹⁵ Egh ia bizariba okiman marki.

¹⁶ Egh ia ifavarir akabav kimiva gumazamizir ighazaritamin ziam gasighasighan marki.

¹⁷ Egh ia gumazir ighazaritamin dipenim bagh navim dikavan marki. Egh an amuim bagh navim dikavan marki. Egh an ingangarir gumazim, ingangarir amizim, bulmakau, donki, ko an bizar ighazariba bar, da bagh navim dikavan marki.

*Gumazamiziba Godin atiatingi
(Godin Araziba 5:22-23)*

¹⁸ Ezi gumazamiziba gara orazima, ararim pamtem dagarvazima, sigham araima, onimaram taghtazima, migharir ekiam mighsiam avara. Ezi me bar atiatigha puvira nisi. Kamaghin amizi, me sivagha ghua mighsiamin saghon tuifi. ¹⁹ Egha me kamaghin Moses migei, “Ni uabi e mikimti e ni baraghram. God e mikimti, e arimighiregham.”

²⁰ Ezi Moses me migei, “Ia atiatingan marki. God kamaghua ifonge, ia bar an atiatigh an apengan iki, egh arazir kurabar amuan kogham. Kamaghin a iza ian navir averiabagh foghasa, da guizbangira a baghvira iti, o puvati.” ²¹ Egha gumazamiziba saghon tuivighavira itima, Moses uabira ghua God aven itir ghuariar pizimin boroghin zui.

Ofa gamir dakozimin araziba

²² Ezi Ikiavira Itir God kamaghin Moses migei, “Ni kamaghin Israelia akar kabar me mikim suam, ‘Ia uari ganigha kamaghin fo, ki Uan Nguibamin ikia, ia ko mikeme.’ ²³ Ia orakigh. Ia gol ko silvan asebar marvir guabar ingar, dar ziaba fan marki. Ki uabira, ia bar nan ziamra fam. ²⁴ Ia nguazitaba inigh na bagh ofa gamir dakozimin ingar. Egh ofa gamir

20:5: Ua Me Ini 34:6-7; Diboboniba 14:18; Godin Araziba 7:9-10 **20:7:** Ofa Gami 19:12 **20:8:** Ua Me Ini 16:23-30; 31:12-14 **20:9:** Ua Me Ini 23:12; 31:15; 34:21; 35:2; Ofa Gami 23:3 **20:10:** Genes 2:1-3; Ua Me Ini 31:17 **20:12:** Godin Araziba 27:16; Matyu 15:4; 19:19; Mak 7:10; 10:19; Luk 18:20; Efesus 6:2-3 **20:13:** Genes 9:6; Ofa Gami 24:17; Matyu 5:21; 19:18; Mak 10:19; Luk 18:20; Rom 13:9; Jems 2:11 **20:14:** Ofa Gami 20:10; Matyu 5:27; 19:18; Mak 10:19; Luk 18:20; Rom 13:9; Jems 2:11 **20:15:** Ofa Gami 19:11; Matyu 19:18; Mak 10:19; Luk 18:20; Rom 13:9 **20:16:** Ua Me Ini 23:1; Matyu 19:18; Mak 10:19; Luk 18:20 **20:17:** Rom 7:7; 13:9 **20:18:** Hibru 12:18-19

dakozir kamnang gisin, ia sipsipba ko bulmakauba ofan min da isi na daningigh, ofan taba, kar ia da tueghti da bar isi mighirighamin ofaba. Eghia taba, kar ia gumazamiziba na ko navir vamiran ikiásava amir ofaba. Egh ia danganir ki inabazibar kamaghin nan ziam fiti, ki izi deragh ia damuan.²⁵ Ia ofa gamir dagiar dakozimin ingar, egh dagiar gumaziba dighoreziba inian marki. Guizbangira, ia ofa gamir dakozimin ingarsi, dagiar tuizimin dagiar ekiatam amineghti, arazir kamin dagiar kam nan damazimin zueghan koghti, nan ingangarim bar deraghan kogham.²⁶ Ia ofa gamir dakozimin ingarighti a pin ikiti, ia adiriziamin ingarigh mavanang, egh arazir kamin ofa damuan marki. Bar marki. Ia kamaghin damigh, adiriziamin mavanangti, me ti ian mikarzir mogomebar ganigham. Arazir kam derazir puvati.”

21

Hibrun ingangarir gumazir kinibar garir araziba
(Godin Araziba 15:12-18)

¹ Egha Ikiavira Itir God kamaghin migei, “Ni Israelia damuamin arazibar gun me mikim:² Ia Hibruijan gumazitam ingangarir gumazir kinitamin min a givezeighti, a ian ingangaribar amu mangi, 6plan azenibar tugh. Egh namba 7in azenimin ia aneteghti a mangi. Egh a dagiar taba ia daningan marki. Bar marki.³ A faragha odiarimin ikia nin ingangarir gumazimin oto, egh a gin mangisi, a uabira mangi. A faraghavira amuimin ikia nin ingangarir gumazimin oto, egh dughiar a ni ateghamim, a uan amuim inigh a sara mangam.⁴ Egh an gumazir dapanim amizir a danighti, a boriba bateghti, amizir kam uan boriba ko, me uan gumazir dapanim ko ikiam. Eghit gumazimra firighirigh mangam.

⁵ “Egh ingangarir gumazim suam, ‘Ki uan gumazir dapanim gifongegeha, uan amuim ko boribagh ifongegeha, me ataghiraghan aghua,’⁶ eghit an gumazir dapanim a inigh Godin Dipenimin mangi. Egh ingangarir gumazim tier akam o temer tier akamin miriaman asaraghav itimim boroghin tughiv iki. Eghit an gumazir dapanim dikonir tam inigh, egh an kuarim okoregham. Arazir kamin a gumazir dapanir kamin ingangarir gumazir kinimra iki mangiti, an ovevemin dughiam otogham.

⁷ “Egh gumazitam uan guivim ingangarir amizir kinimin min anemadaghti, gumazir dapanim a givezeighti, gin namba 6in azenim givaghti, an aneteghti a ingangarim

ateghan kogham. Ia ingangarir gumazibagh ami moghin, ingangarir amizibar amuan kogham.⁸ Gumazim ingangarir amizitam givezeigh, uan amuir dozimin min an ikisi, ua gin uan amuir dozir kamin aghuaghiva, uam an afeziamin teghti a uam a givezeigham. Gumazir kam arazir aghuamin amizir kam gamizir puvati. Kamaghin a kantrin igharazitam gumaziba bagh anemangiti me a givezan marki.⁹ Egh gumazir kam uan otarim ginighnigh ingangarir amizir kinir kam a daningisi, a deraghvira uan guivimin min a damu.¹⁰ Egh gumazir dapanim amizir igharazimin ikisi, a ingangarir amizir a faragha ikezir kam, deragh a damu. A faraghavira a gami moghin, dagheba ko korotiaba a daning, egh a ko dakuvira iki.¹¹ An arazir 3plan kabar amuan kogh, egh pura amizir kam ateeghti a mangi. Gumazim uabi givesi a mikiman marki.”

Midoroziba akiramin araziba

¹² Egha Ikiavira Itir God ua kamaghin migei, “Gumazitam pamten gumazitam misueghti, an aremeghti, ia gumazir kam misueghti an aremegh.¹³ Eghit a gumazir kam misueghti an aremeghan nighnizim ikian koghti, Godra gumazir kam ateeghti an an agharimin pazi a damutima an aremegham, eghit gumazir a misoghezim an ari mangi ngulbar ki ia bagha misevezimin mangigh, egh a deraghvira ikiam.¹⁴ Eghit gumazitam gumazir igharazim bagh navim ikuvigh, a misueghti ana aremeghs i nighnigham, ia a misueghti an aremegh. An ari mangi nan ofa gamir dakozimin ikiti, ia a inigh danganir igharazitam mangigh, a misueghti an aremegh.

¹⁵ “Egh gumazitam uan afeziat ko amebam misuegham, ia a misueghti an aremegh.¹⁶ Eghit tav gumazitam okemegh, a damighti an aingangarir gumazir kinimin min ikiam, o gumazir igharazim ateeghti an a givezeigham, ia gumazir arazir kam gamizim misueghti an aremegh.¹⁷ Eghit gumazitam uan afeziat ko amebam paziva aningin atariva aningin ziamming gasighasichti, ia gumazir kam misueghti an aremegh.¹⁸⁻¹⁹ Ezi gumazitamning uaningin atariva, egh tav dafarim medagh, tav misuegham, o dagiatamin tav biragh, a misueghti an aremeghan koghti, ia gumazir kamin arazir kuram ikarvaghan marki. Eghit gumazir osimtzir ekiam inizir kam, a dakozimin iki, egh gin a dikavigh asadivir aghorimin suiragh daruam. Eghit gumazir a misoghezir kam dagiar taba a

givezam. Eghti dagiar kaba gumazir kamin ingangarim ataghizir dughiabagh iveauzam. Gumazir a misoghezir kam a ggehuv mangi dughiar a ua deraghamim otogham.²⁰ Ezi gumazitam aghorim inigh uan ingangarir gumazim o ingangarir amizir kinim misueghti, ingangarir gumazim o amizim dughiar kamra bizar kam bagh aremeghti, ia iveauzir kuram gumazir dapanir kam a daningam.²¹ Eghti gumazim o amizir kam dughiar vamira o pumuningin ikegh gin aremeghti, ia an gumazir dapanim iveauzir kuram a daningan marki. Guizbangira, ingangarir gumazim, kar an gumazir dapanim biziymra, eghti ovengezir mazim datirighin an ingangarim damuan kogham.²² Eghti gumazitaba uariv soghiva amizir navim asangizim misueghti, a borir kuam bateghti, amebam deraghti, gumazir amizim misoghezir kam, an pam ifongezi moghin gumazir kam dagiabar uan osintizim akram. Eghti araziba tuisizir gumazim dagiar kabar amamangatighti, gin amizir kam pam da iniam.²³ Eghti amizim osintizim inighti, ia bizar kam ikaragh osintizim gumazir a misoghezim datigh. Amizim aremeghti, ia gumazir kam misueghti an aremegh.²⁴ Egh an damazim, atarim, agharin, o suem ikuvichti, ia kamaghira da ikarvagh.²⁵ Eghti gumazim amizir kam avimin an mikarzim daboroghi, ia an mikarzim daborogh. Eghti an an mikarzim gasighasichti duam otoghti, ia kamaghira a ikaragh. Egh a benimin a misueghti, kamaghira ia benimin a ikaragh.²⁶ Egh gumazitam uan ingangarir gumazim o ingangarir amizim damazim misueghti a ikuvichti, a ua an ingangarir gumazim o amizimin min ikian kogham. Gumazir kam aneteghti a mangi. Kar damazir asighasizir iveauzim.²⁷ Egh a ingangarir gumazim o amizim misoghiva an atarim asigh, egh aneteghti a mangi. Kar atarimin iveauzim."

Bulmakaun arazir kuram, akiramin araziba

²⁸ Ikiavira Itir God kamaghin migei, "Bulmakaun tam uan komin gumazitam o amizitam biraghti an aremeghti, ia bulmakaun kam misueghti an aremegh. Eghti ia an tuzim aman marki. Eghti bulmakaun ghuavim, an osintizim inian kogham.²⁹ Bulmakaun kam gumazamizibagh inivira ikiti, gumazamiziba pamtemin an ghuavim mikimti, an ghuavim a isiva divazimin anetighan koghti, bulmakaun tav misueghti an aremegham, eghti ia kamaghin damu. Ia bulmakaun kam ko an ghuavim, aning misueghti, aning aremegh.³⁰ Eghti gumazir araziba tuisizim amamangatigh dagiabar iveauzir dibobonim

diboroghti, gumazir kam gumazir aremezim bagh an adarazi me givezam. Arazir kamin bulmakaun kam arazir kuram givezegh, uaghan a uabi angamira ikisi a uabi givezam. A kamaghin damigh an ovengeghan kogham.³¹ Bulmakaun tam, otaritan o guvitam misueghti an aremeghti, ia arazir kamra gin mangi.³² Egh bulmakaun tam ingangarir gumazim o ingangarir amizir kinitam misueghti an aremeghti, bulmakaun kamin ghuavim, 30plan silvan dagiaba isi ingangarir gumazimin gumazir dapanim daningam. Egh ia dagiabar bulmakaun kam ginivighti, an aremegh.

³³ "Egh gumazitam nguazimin itir mozim avarazir biziba angarigh, o mozim gikuigh, egh anevaraghan koghti, bulmakaun tam o donkin tam izi mozir kamin magirigh aremegham,³⁴ eghti gumazir mozim gukuzim asizimin ghuavim givezam. Egh a uabi asizir kamin kuam iniam.³⁵ Eghti gumazitam bulmakaun gumazir igharazimin bulmakaun misueghti an aremeghti, aning gumazir igharazitam amamangatighti, a bulmakaun angamira itir kam givesegh. Egh aning dagiar kaba ko bulmakaun aremezimin asiziba uaning tuiragh, uaning daningam.³⁶ Eghti gumazamiziba fogh suam, bulmakaun kam an asizibay sozir bulmakaun. An ghuavim deragh divazimin aven a ggehuvan koghiva, a bulmakaun angamira itim isi gumazir igharazim daningam. Egh a uabi bulmakaun aremezimin asizim iniam."

22

Arazir kuraba akiramin araziba

¹ Egha Ikiavira Itir God ua kamaghin migei, "Gumazitam bulmakaunt tam o sipsip tam okemegh a misueghti an aremegham, o anemadaghti me a givezegham, eghti ia a damighti, a 5plan bulmakaubar bulmakaun kam ikaragh, o a 4plan sipsipbar sipsipin kam ikaragh. ²⁻⁴ Kamaghin a deraghvira da ikarvagh. A ikarvaghamin bulmakauba o sipsipba puvatighti, ia aneteghti, gumazir igharazitam ingangarir gumazir kinimin min a givezeghti, ia dagiar kaba inigh asizir an okemezir kam ikarvagh. Egh an okemezir bulmakaun o donki o sipsip an dafarimin ikivira ikiti, a pumuningin iveauzim uam a gisin aning inigh uan okimakiam ikarvagh.

"Okimakiar gumazim dimagarimin dipenimin tiar akamin aven mangisi damuti, dipenimin ghuavim an suiragh, a misueghti an aremegham, eghti gumazir

kam osimtzibza puvatigham. An aruemin a misueghiva egh osimtzizm ikiham.

⁵ "Gumazitam uan bulmakauba ateghti da mangi an nguazim ko an wainin azenimin tintinibar daru damiva, mitaghniamin ikiavkinigh gumazir igharazimin azenimin daghebar ameght, bulmakaubar ghuavim uan azenimin dagher aghuarabza da ikarvaghram. Egh uaghan wainin oviziba gumazir kam ikarvagh a daningam.*

⁶ "Gumazitam uan dadam daboroghti avim isi bar ekevegh mangi, mitaghniamin ikiavkinigh gumazir igharazimin witin azenim, o witin me dighora pozim mikinizibar isighti, gumazir avim atizir kam, bizar isizir kaba bar da ikarvaghram. ⁷Gumazitam dagiataba o bizar igharazitaba isi uan namakam danighti a dar gan ikiti, okimakiar gumazitam bizar kaba okemegham, gin me okimakiar gumazimin suiraghti, okimakiar gumazir kam bizar pumuning pumuningin dagiataba ko bizar an okemeziba ikarvaghram.

⁸ "Egh me okimakiar gumazim inighan koghti, ia gumazir bizibar garim inigh na bagh izi anetighti, a nan damazimin mitigh. Egh a kamaghin mikim suam, 'Ki guizbangira, bizar kaba okemezir puvati.'

⁹ "Egh dughiaba zurara gumazitam uan namakam ko bizar kabagh nighnigh uaning adogham. Aning bulmakauba, donkiba, sipsipa, korotiaba o bizar igharazibagh nighnigh, uaning mikimiva tav suam, 'Kar nan bizimra,' eghia ia aning inigh iziti aning nan damazimin tughti ki aning baragh suam, kav ifari. Eghia gumazir ifarir kam bizar pumuning pumuning ikarvagh namakam daningam.

¹⁰ "Eghia gumazitam donki, bulmakaub, sipsip, ko asizir igharazitam, a isi uan namakatam daningichti ana bagh a damuam. Eghia asizir kam osimtzitam a batogham, o an ovegham, o apaniba uariv sogh midorozim tongin asizir kam modogh a inigh mangichti, gumazitam an ganighan kogham. ¹¹ Egh aning na bagh izi nan damazimin mitigh, egh namakar asizimin garim Ikiavira Itir Godin ziam a dipon suam, 'Bar guizbangira, ki nin asizitam gasighasighizir puvatigha, tam okemezir puvati.' Eghia asizimin ghuavim an migirigiam baregh ifuegham. Eghia an namakar kam asizir ovengezir kam ikarvaghan kogham. ¹² Eghia okimakiar gumazitam asizir kam okemezhti, namakar kam, an asizim ikarvagh ivezim asizir

ghuavim daningam. ¹³ Asizir atiatam asizir kam misueghti, namakam asizir tuzir dughoraghirezir tam o agharir tam inigh namakamin akaghram. Eghia ana asizir kam ikarvaghzi dagiatabar aningan kogham.

¹⁴ "Gumazitam uan bulmakaub ateghti an namakam ingangarim bagh a inighti, egh dughiar bulmakaun ghuavim itir puvatizim, bulmakaun kam osimtzim batogham o ana aremeghti, gumazir kam asizimin ghuavim givezam. ¹⁵ Eghia bulmakaun ghuavim uan namakam ko ikiti, bulmakaun osimtzim batoghti namakam a givezan kogham. Egh namakam faragh dagiar akuatam ingangarim bagh bulmakaun inighti, bulmakaun osimtzim batoghti an a givezan kogham. Guizbangira, dagiar a faragha aningizim ana givezegha gifa."

God me migeir arazir maba

¹⁶ Ezi Ikiavira Itir God ua kamaghin migei, "Gumazitam guivir igiamin garima, a gumaziba ko akuizir puvatizi, me gumazitam bagha a ginabazir puvati, gumazir kam a inigh a gakaghonegh a ko dakuighiva, gumazir kam an ikisi ivedizim isi guivimin afeziam givezeghiva, amizir kam inikiam. ¹⁷ Eghia guivir kamin afeziam gumazir kamin aghuaghti, gumazir kam ubi dagiaba isi amizimin afeziam givezam. Ivezir kamin dibobonim, a ivediz amizim gumazitam ko akuizir puvatizim min ikiam.

¹⁸ "Ia imezibagh amir amizibav sueghti me arimighiregh.

¹⁹ "Gumazitam, amizim ko akuir arazim, asizir amebatam ko a damighti, ia a misueghti an aremegh. Amizitam, gumazim ko akuir arazim, asizir apurim ko a damighti, ia a misueghti an aremegh.

²⁰ "Eghia tav asem bagh ofa damigh egh an ziam feghti, ia a misueghti an aremegh. Ia Ikiavira Itir God baghvira ofa damu, egh an ziamra fi.

²¹ "Ia kantrin igharazimin gumazir ia ko ititam paziva a damuan marki, egh osimtzim a darighan kogham. Ia fo, ia faragha an min kamaghira Isipin kantrin ike. ²² Ia paziva amizir pam aremezim damuan marki, egh uaghan borir afeziam aremezim paziva a damuan marki. ²³ Ia pazi me damuti, me akurvazim bagh na bagh arangti, ki men diimdiam baraghram. ²⁴ Egh ki navim ikuvigh, gumazir kurabar amighti, me izi ia misoghti, ia arimighiregham. Kamaghin,

* **22:5:** Hibrun akam deragha migirigiar kamin mingarim abighizir puvati. **22:16:** Godin Araziba 22:28-29
22:18: Godin Araziba 18:10-11 **22:19:** Ofa Gami 18:23; 20:15-16; Godin Araziba 27:21 **22:20:** Godin Araziba 17:2-7 **22:21:** Ua Me Ini 23:9; Ofa Gami 19:33-34; Godin Araziba 24:17-18; 27:19 **22:25:** Ofa Gami 25:35-38; Godin Araziba 15:7-11; 23:19-20

ia uaghan amuiba paba puvatigham, eghiti
ian boriba afeziaba puvatigham.

²⁵ "Nan gumazamizir dagiaba ko biziba
bar puvatiziba, men tav ia da dagiataba
inighti ia me daning nighnigh suam, a
gin ua ia ikarvaghram. Ia gumazir dagiar
ingangaribagh amibar min, gumazir kaba
da, dagiar kaba ua da iniva, dagiataba
uam a gisin darighan marki, Bar marki.
²⁶ Gumazir tam ian dagiaba inigh uan
korotiar azenimin azuim isi ia daning
mikim suam, korotiar kam kamaghin ian
aka, a gin dagiar kaba ua da ikaraghram.
Eghti ia uam an korotiar azenan azuim,
dughiar kamra aruem tighar magiram,
ia uam a daningigh. ²⁷ Guizbangira, a
bar korotiar azenimin azuir kamra iti.
Egh dimagarimin a fefem a daningti, an
arugharughan kogham. Eghti ni korotiar
azenimin azuir ruarinmin suiraghti, a bizar
tizimin uan mikarzim avaragh dakuam?
Ki gumazamiziba bar men apangkufi.
Kamaghin, gumazir kam uabin akurvaghisi
na mikimti, ki an migirigiam baraghram.

²⁸ "Ia God, akar kuraba a mikiman
kogham. Egh ia akar kuratam uan
gumazir dapanitam mikiman kogh, an ziam
gasighasighan kogham.

²⁹ "Ia uan witin faragha zuiba, ko wainin
dipar faragha zuiba, ko olivin borer faragha
zuiba, ia nan anogoroghan marki. Egh ia
da inigh ofan min nan ziam fisi na daning.
Egh ia uan otarir ivariaba na daning.
³⁰ Ia uaghan uan bulmakaun faragha
otiviziba ko sipsipin faragha otiviziba
na bagh ofa damu. Bulmakaun nguzim
ko sipsipin nguzim 7plan aruebar uan
amebam ko ikeghti, namba 8in dughiam,
ia a misueghiva na bagh ofa damuam.
³¹ Guizbangira, ia nan gumazamizibara.
Kamaghin amizi, asizir atiatam misogha
dughoraghseuzir asizim, ia an tuzitam
aman marki. Ia an tuziba isi afiabar aning."

23

Israelia arazir aghuaribara damu

¹ Moses Ikiavira Itir Godin akam
kamaghin anekuri, "Ni bizir otozitam
baraghizi, a guzin akam puvati, ni
bizir kam tintinibar a mikiman marki.
Gumazitam arazir kuratam damichti,
osimtzim an ikiti, ni kotin aven akar
ifavaribav kimiva an akurvaghan marki.
² Gumazir aviriba arazir kurabar amuti,
ni men arazibar gin mangan marki. Eghiti
gumazir aviriba kotiam mangiva, kotiam

gifaramin migirigiaabav kimti, ni men arazir
kabar gin mangan marki. ³ Gumazitaba
gumazir biziba puvatizim kotiam datighti,
a uabin akurvaghisi ni inighti, ni gumazir
biziba puvatizimin akurvaghisi ifavarir
migirigiaabav kiman marki.

⁴ "Eghti nin anapimin donki o bulmakau
divazim ategh pura daruti, ni an ganigh,
uam a inigh gumazir kam bagh mangi. ⁵ Ni
gumazir ian aghuazimin donkin ganti, a
bizir osimtzib ater irighiv ikiti, ni gumazir
kamin akuragh uam an donki ghufegh.
Ni aneteghti a nguazimin irighiv ikian
marki. ⁶ Gumazir biziba puvatizitam
kotiam mangiti, ia kotiamin aven a
gifariva a dikabinan marki. ⁷ Ni migirigiar
ifavaribar gumazim gasiva a isi kotiam
darighan marki. Egh gumazir aghuarim
arazir kuratam damighan koghti, ia isi
kotiam datighiva, ni puram a misueghti an
aremehgan marki. Guizbangira, gumazir
arazir kurar kam gammim, an osimtzim
ikivira ikiti ki a isi kotiam datighti, an
ovengam. ⁸ Gumazitam ia apezeper kotiam
gifarisa dagiaba ia daningti, ia dagiar
kaba inian marki. Guizbangira, arazir
kam gumazir dapanibar damaziba apirizi
me deravira nighnizir puvati. Egha arazir
kam uaghan gumazir aghuarir osimtziba
puvatizibar kotiam gasighasisi. ⁹ Kantrin
igharazibar gumazamizir ia ko itiba ia
pazi me damuan marki. Guizbangira,
ia uari faragha uan kantri ategha Isipin
kantrin ikegha, Kantrin Igharazibar
Gumazamizibar navir averiabagh fogha
gifa."

Namba 7in azenim ko Sabatin dughiamin araziba

¹⁰ Ezi Moses Ikiavira Itir Godin akam
isa Israelia migei, "Ia azenibar dagheba
opariva, dagheba iniamin dughiamin da asi
pozibav kin, mangi 6plan azenibar otifigh.
¹¹ Eghti namba 7in azenimin ia nguzim
ateghti an avughi pura iki. Egh ia an otivir
dagheba inian marki. Ni uaghan arazir
kamra wainin azenim ko olivin azenim
damu. Eghti biziba puvatizir gumazamizibar,
azeni kabar dagheba iniam. Egh
gumazir biziba puvatiziba, me dagher naba
ategghtima, asizir atiaba dagher kabar ami
da givagham.

¹² "Eghti wikba bar ni 6plan dughiabar
uan ingangaribar amu, egh namba 7in
dughiam ni ingaran marki. Ni avughi.
Eghti arazir kamin nin donki, bulmakau,
ko ingangarir gumazir an amebam nin

dipenimin a batezim, ko Kantrin Igharazibar Gumazamizir ni ko itiba, me bar avughsi, egh deraghvira ua gavgavir igiam iniam.

¹³ “Ni deraghvira oreghiva nan akar ki ni ganingizibar gin mangi. Egh ia asebar ziaba diponan marki. Egh me ko mikiman marki. Bar marki.”

*Isar ekiar 3pla
(Ua Me Ini 34:18-26; Godin Araziba 16:1-17)*

¹⁴ Ez i Ikiavira Itir God ua kamaghin migei, “Ia azeniiba vaghvagh dar dughiar 3plan na bagh isam damu nan ziam fam. ¹⁵ Ki Akar Gavgavimin ia mikemezi moghin, ia Yis Puvatizir Bretin Isam Damuamin Dughiam a damuva, uari akuvagn nan ziam fi. Egh dughiar ki Abipin iakinimin inabazimin, ia 7plan dughiabar, yis puvatizir bretra ami. Ia fo, iakinir kamra ia lsipin kantri ataki. Egh ia na bagh izisi dafarir kinibar izan marki. Ia izi nan ziam fisi, na bagh ofan taba inigh izi.

¹⁶ “Egh uaghan ia Azenibar Dagher Igiaba Asiamin Dughiamin ia na bagh isam damu. Dughiar ia witin faragha aniba iniamim, isar ekiar kam otogham.

“Egh ia Averpenibar Iki Dagher Abuananaba Asiamin Dughiam, ia na bagh isam damu. Ia iakinir iter oviziba anir dughiamin, ia dagher abuananaba asigh dar pozibav kinigh, egh isar kam damu. ¹⁷ Egh azeniiba vaghvagh, dughiar 3plan kaba, ian gumazamiziba bar izi, egh ia nan ziam fisi, nan damazimin otogh, ki Ikiavira Itir Godin ian Ekiam. ¹⁸ Egh ia asizim isi na bagh ofa damuva, egh an ghuzim isi na daningisi, ia Bret Yis itim sara ofa damuan marki. Ia asizir ofa damuamimin oviba bar da uegh. Egh ia oviba ateghti da iki mangi amimzaraghan otivan marki.

¹⁹ “Ia dagher faragha asiba, dar dagher bar aghuibara, ia da inigh nan Dipenimin mangi ofan min, ki Ikiavira Itir God, ian God, da na daning.

“Egh ia memen nguzitam isi minem darugh, an amebamin oter eborim sara aneavighan marki.”

God akar dikirizir maba Israelia gandi

²⁰ Ez i Ikiavira Itir God ua kamaghin migei, “Ia oragh. Ki enselin mam amadaghti a tuavimin ia ko mangi ia geghuv, ian aku mangi kantrin ki ia bagha dikirizimin otogham. ²¹ Ia deragh an akam baragh, egh an gin mangi. Egh ia an akam batoghan kogham. Guizbangira, nan gavgavim a ko iti, eghia a gumazamizir an akaba batozibar arazir kuraba gin amangan

kogham. ²² Ia an akamin gin mangigh, egh bizir ki mikemezibar amighti, ki ian apanibar apanimin min otogh me misogham. Eghti gumazir ia adogha ia batoziba, ki me adogh me batuegham.

²³ Eghti nan ensel ian faragh mangiva, ia inigh Amorian nguazimin aven mangi, egh Hitia, Peresia, Kenania, Hivia, ko Jebusia, men nguaziba bar dar aven mangam. Egh ki bar me kuavaremegham. ²⁴ Ia teviba pirigh men asebar ziaba fan marki. Egh ia men asebar ziaba fer araziba inian kogham. Egh ia men asebar marvir guaba da kundi da iriti, ia dagh asighasigh. Egh guarir akinir men ofa gamir dakozibar tuivav itiba, da a bighiva da misarirarikigh.

²⁵ Egh ia nan ziamra fi, kirara Ikiavira Itir God, ian God. Ia kamaghin damuti, ki bar deraghvira ia damuva, dagheba ko dipaba ia daningiva, ia dam arimariaiba batuegham. ²⁶ Egh ki amiziba ateghti me deraghvira boriba batam. Egh ki amizir paba itibar, naviba apiran kogham. Eghti me bar boriba batam. Ia zuamira ovengen kogham. Puvati. Ki ia ateghti, ia dughiar ruarimin nguazir kamin ikiam. ²⁷ Egh ki ian faragh mangi, egh atiatir ekiam ian apanibar atigh, me damuti me akong tintinbar nighthn onganigham. Eghti ki me damighti me ian aregham. ²⁸ Egh ki gumazibagh ivir apariba amadaghti da ian faragh mangi Hivia, Kenania ko Hitia givi me batuegham. ²⁹ Ki azenir vamiran me batueghan kogham. Ki kamaghin damighti, nguazim pura ikiti asizir atiaba avirasemegh an iki, ia gasighasigham. ³⁰ Ki ian apaniba nimira nimira me batogh mangi, dughiar ia avirasemeghamim, ia nguazir kam bar a inigham. ³¹ Eghti ki ian mitaghniaba arighthi ian nguazimin mitaghniam, Akaban Dipamin boroghin itir Ongarir Aghevimin ikegh mangi, Mediterianian Ongarir Ekiam tugham. Egh gumazamiziba puvatizir danganimin ikegh mangi, Yufretisin Fanemin tugham. Egh ki gavgavim ia daningti nguazir kamin itir gumazamiziba, ia me gafraghram. Eghti ia kantrin kamin aven mangi, me batueghti me mangam. ³² Ia me ko akar dikirizir gavgavimat damuan marki, egh uaghan men aseba ko akar dikirizir gavgavimat damuan kogham. ³³ Egh ia me ateghti, me ian kantrin ikian marki. Puvatighti me ia damighti ia arazir kuram na damigham. Egh ia men asebar ziaba feghti, arazir kam azuazimin min ia misueghti ia iri bar gevegham.”

*Ikiavira Itir God,
Akar Dikirizir Gavgavim
Israelia ko a gami*

¹ Egha Ikiavira Itir God kamaghin Moses migei, "Ki kamaghsua, Ni, Aron, Nadap, Abihu, ko Israelian gumazir 70plan gu-mazir dapaniba, ia mighsiamin anang na bagh izi. Egha ia tong saghon ikiva, tevimm-ing apirigh guam nguazim anebiragh nan ziam fi. ² Eghti Moses uabira, Ikiavira Itir God bagh izi. Gumazir dapanir ighazariba nan boroghin izan marki. Eghti gumaza-miziba Moses ko anangan kogham."

³ Ezi Moses ghua Ikiavira Itir Godin migirigia-ba ko arazir e gin mangi damuamiba, bar gumazamizibav mikeme. Ezi me oregha bar kamaghin migei, "Bizir Ikiavira Itir God damuasa e mikemeziba bar, e dar amuam."

⁴ Egha Moses Ikiavira Itir Godin akaba akinafarir mamin bar a da osiri. Egha amimzaraghan a dikavigha ofa gamir dakozim mighsiamin apinimin a gami. Egha ofa gamir dakozir kamin boroghin, a 12plan dagiar ruariba ase, da Israelian 12plan anababar ababanom gami. ⁵ Egha a Israelian gumazir igiar maba amadazi, me ghua ofaba Ikiavira Itir God ganidi. Ezi ofan maba, da asizir me avimin tuazi bar isigha mighiriziba, ezi maba da bulmakaun apurir igiaba, gumazamiziba God ko navir vamiran ikiassava amir ofaba. ⁶ Ezi me a gamigha givazima, Moses bulmakaubar ghuziba inigha, ghuziba tuiragha maba isa itarir ekiabagh arisi. Egha ghuzir nar ikiavira itiba an ada isa ofa gamir dakozimin da kavamadi. ⁷ Egha an akinafarir Akar Dikirizir Gavgavim aven itim, inigha gumazamiziba bagha a dibori. Ezi me a baregha, me bar kamaghin migei, "Bizir Ikiavira Itir God e mikemeziba, e bar dar amuam."

⁸ Egha Moses ghuzim inigha, gumazamizibagh isin a kavamadi. Egha kamaghin me migei, "Ghuzir kamra, Ikiavira Itir God, Akar Dikirizir Gavgavir kam, ia koma a gami, ezi ghuzir kam gavgavim a ganidi. Ezi Akar Dikirizir Gavgavir kam, arazir God ia ganingiziba, a dagh isin tu."

⁹ Egha gin Moses, Aron, Nadap, Abihu, ko Israelian gumazir dapanir 70pla, me mighsiamin ghuavanadi. ¹⁰ Egha me Is-raelian Godin gari. Ezi an dagarimning apengen bluplan bizir ekiam ikia dagiar azuarimin min gara, egha overiam taghtazi moghin angazangari. ¹¹ Guizbangira, me Godin gari, ezi a me gasighasighizir puvati. Ezi dughiar kam me danganir kamin ikia uari inigha apiagha dagheba ko dipaba api.

Moses Sainain Mighsiamin ghuavanabo
¹² Ezi gin Ikiavira Itir God kamaghin Moses migei, "Ni na bagh mighsiamin anangiva, nan boroghin tugh. Ki Osirizir Arazir maba ko, Akar Gavgaviba isa dagiar akuamningin da osiri. Ki kamaghsua, ni Osirizir Arazir kaba gumazamizibagh eghan men sure damu, kamaghin ki dagiar akuar kamning ni daningam."

¹³ Ezi Moses uan ingangarir gumazim Josua ko uaning akirigha, Moses Godin mighsiamin ghuavanadi. ¹⁴ Moses faragha Israelian gumazir dapaniba kamaghin me migei, "Ia kaghira dapiagh iki, egh ga mizuam ikiti, ga uamatagh izam. Aron ko Hur ia ko ikiam. Gumazitaba osimtiziba gumazir ighazaribar ikiva, aning bagh mangiti, aning da akiram."

¹⁵ Ezi Moses mikemegha givagha, Sainain Mighsiamin ghuavanadi. Ezi ghuarier ekiam mighsiam avara. ¹⁶⁻¹⁷ Ezi Ikiavira Itir Godin angazangarim mighsiamin izaghiri. Ezi Israelia Ikiavira Itir Godin angazangarir kamin garima, men damazimin avir ekiam mighsiam gisin isia iti. Ezi ghuariam 6plan dughiabar mighsiam avara. Ezi namba 7in dughiam, Ikiavira Itir God ghuariamin tongin ikia Mosesin dia. ¹⁸ Ezi Moses ghuariamin aven ghugha, mighsiamin bar bin ghuavanadi. Egha mighsiamin ikia ghua 40plan dughiaba ko dimagaribar tu.

25

Gumazamiziba God bagh Purirpenimin ingarsi bizibar aningam

(*Ua Me In 35:4-9*)

¹ Egha Ikiavira Itir God kamaghin Moses migei, ² "Ni Israelia mikemeghti, me biziba inigh ofan min na daning. Gumazamizir uan biziba na daningasa naviba dikaviba, me da ni daning. ³ Eghti ni bizir kaba me mama da inigh. Gol, silva, bras ko, ⁴ sipsipin arizibar ingarizir tretin bluplaba, pighagheviba, agheviba ko, inir ghurghurir aghuariba, ko inir me memen arizibar ingariziba ko, ⁵ sipsipin apurimin inir me penin aghevimin aghuziba ko, ongarimin itir asizir ekiabar iniba ko, akasin temeba ko, ⁶ lambagh arigha dagh aboir olivin borem ko, pauran mughuriar aghuim zuir me olivin borem sara verezir God ua bagha inabazir bizibagh ingem, ko pauran mughuriar aghuim gamiba. ⁷ Egh dagiar pizir aghuariba ko, dagiar aghuir iveau bar pin kozir ighazariba inigh, da ofa gamir gumazibar dapanimin korotiar otevir anzenan itimin kurkegh, egh an forivtarir inir an evarimin poroghav itim gituigh. ⁸ Egh ni gumazamizibav kemeghti, me na

bagh Purirpenitamin ingarighti, ki men tongin ikiam. ⁹ Egh ia Purirpenir kamin ingarighti, bizir an azenan itiba ko aven ikiamiba bar nedazir ki ni daningamimin mirara ganam.”

Me Akar Dikirizir Gavgavimin Boksiamin ingaram

(Ua Me Inı 37:1-9)

¹⁰ Egha Ikiavira Itir God ua kamaghın migei, “Ni gumazamizibav kemeghti me akasin temer araribar Akar Dikirizir Gavgavimin Boksiamin ingarighti, an ruarim 110 sentimitan tughı, an arozim 66 sentimitan tughı, an tuirivim 66 sentimitan tughı. ¹¹ Eighti ia golin aghuarım işi an averiam ko azenimin poghiva a nokegh. Egh golin ruarı tamıni Boksiamin apinimin miriam bar an poghiva a ikiraruigh. ¹² Egh ia Boksiam darugh anetersi gol ringin 4plan ingarigh, egh a tuivamin suer 4plan boroghin gol ringin 4pla arigh, egh 4plan suebagh ikegh. Egh pumuning isi Boksiamin vongin aning ikegh, pumuning vongin aning ikegh. ¹³ Egh ia Boksiam atersi akasin iter otevir pumuning inigh, egh deragh aning akirigh. Egh ia golrama aning poghiva aning nokegh. ¹⁴ Egh ia Boksiam atersi iter otevir kamning isi, tam vongin an ringning darugh, egh tam vongin an ringning darugh. ¹⁵ Eighti iter otevir kamning zurara ringbar iki kamaghıra iki. Ia aning asian markı. ¹⁶ Eighti ki gin Akar Dikirizir Gavgavim itir dagiar akuamning isi ni danighti ni aning isi Boksiamin aven aning atıgh.

¹⁷ “Egh ia Boksiaminasuam golin aghuarım an ingarighti, an ruarim 110 sentimitan tughı, an arozim 66 sentimitan tughı. Danganır kam, kar gumazamizibar arazir kuraba gin amangamin danganim. ¹⁸ Egh ia golin taba inigh, haman dav suegh, egh enselin bar gavgavir pumuningin nedazimningin ingarigh. Eighti enselning Boksiaminasuam gisin tughıv iki, tav vongin ikiti, tav vongin ikiam. ¹⁹ Eighti tam Boksiaminasuam agharır guvimin tughı, tam agharır kiriamın tughı. Ia golin tam inigh, egh enselin bar gavgavir kamningin nedazim ko Boksiaminasuam danganır kamran dar ingarigh. Eighti da bizir vamıran min otogham. ²⁰ Eighti enselin bar gavgavir pumuningin nedazim arazir kuraba gin amadır danganimin tughıv ikiam, eighti aningin guamning uanıning akuıgh avıragh Boksiamin gan. Eighti anıngın avızımmıng kuıghırlıgh iki, Boksiaminasuamavaragham. ²¹ Eighti ki Akar Dikirizir Gavgavim itir dagiarakuar kamning ni danighti, ni aning isi Boksiamin aven aning atıgh, egh Boksiaminasuam dukuagh. ²² Eighti ki danganır

arazir kuraba gin amadir kamin, enselin bar gavgavimningin nedazimningin tongin Boksiaminasuam gisin ni batıvam. Egh ki uan Akar Gavgaviba ni daningam. Eighti ni nan Akar Gavgaviba Israelia daningam.”

Me God daningamin bret arighamın dakozimin ingaram

(Ua Me Inı 37:10-16)

²³ Ezi Ikiavira Itir God kamaghın migei, “Ia akasin tememin dakozir tamin ingarigh, eighti an ruarim 88 sentimitan tughı, an arozim 44 sentimitan tughı, eighti an tuirivim 66 sentimitan tughı. ²⁴⁻²⁵ Egh ia dakozir kam golin aghuarımın an poghiva a nokegh, egh golin ruarıtamin an miriamın poghiva bar a ikiraruigh. Ia golin ruarır kam damightı a tong fıgh anabogh, egh dakozimin apiniba bar da inigh, eighti an tuirivim 8 sentimitan tughı. Eighti ia golin ruarır kamin, an miriamın golin igharazıtamin an adıiarım damıgh golin ruarır kam bar an poghiva a ikiraruigh. ²⁶⁻²⁷ Egh ia gol ringin 4plan ingarigh dakozimin mikebabar suebar boroghin da ikegh. Eighti 4plan gol ringin kaba dakozimin apinimin boroghıra ikiám. Da akasin temer dakozim ateramningin suıgham. ²⁸ Egh ia akasin iter otevir pumuning isi dakozim atersi deragh aning akirigh, egh golrama anıngın poghiva aning nokegh. ²⁹ Egh ia, ofa damuamin wain fusfughamınitarır ekiaba ko doziba, kapba, ko botolba, ia golin aghuımrıa bizir kabar ingarigh. ³⁰ Egh ia zurara bretin na daningamı, a isi dakozir kam datıghtı, a nan damazımın ikıvıra ikiam.”

Me lamba afamın aghorımın ingaram
(Ua Me Inı 37:17-24)

³¹ Ezi Ikiavıra Itir God ua kamaghın migei, “Ia golin aghuarım inigh lamin aghorımın ingarigh. Egh haman golin kam misuegh egh lamin aghorım asamın mingarımın ingarigh, egh lambar agharıbar ingarighıva, dar afamın danganıbar boroghin, akımarır tıghar onamıba ko onezıbar ingarigh. Egh bızbıra bar dar arıghtı da bizır vamıran min ikiam. ³² Eighti lamba afamın aghorır kam 6plan agharıba iki, eighti 3pla vongin ikiti, 3pla vongin iki. ³³ Eighti lamba afamın aghorır kam, 6plan agharıba vaghvagh akımarır 3pla iki, eighti da lamin kabar apengen ikiam. Eighti lamin agharıba bar kamaghıra ganam. Eighti akımarıbar ganganıba amonın tememini akımarıbar min ganam. ³⁴ Eighti lamin aghorım uabi kamaghıra ganam, ia akımarır 4pla ingarightı da amonın tememini akımarıbar min, taba tıghar onamıbar min ganti, taba onezıbar min gan. ³⁵ Egh agharırı pumuning uanıning in-

akuizi naghin ia akimarin daafarir muziarir kabar ingarigh. Egh agharir ighazariba uaghan kamaghira dar amu.³⁶ Egh ia hama inigh golin aghuir kam misuegh, egh bizar kabar amighti da bizar vamiran min ikiam.³⁷ Egh ia 7plan lambar ingarigh, da isi dar agharibar arikigh. Egh deravira da asegti, dar angazangarim siragh deragh nan Purirpenimin averiam gisiragh.³⁸ Egh golin aghuariba inigh, egh akamimin min avimin suizir bizitabar ingarigh egh uaghan itaribar ingarigh.³⁹ Ia 35 kilogremin golin aghuariba inigh, egh lamba afamin aghorim ko, lamba ko, an ingan-garir bizar kaba, bar dar ingarigh.⁴⁰ Egh na deraghvira dar ganigh, egh nedazir ki mighsiar kamin nin akazimin gin mangiva, ia bizar kabar ingarigh."

26

Me Godin Purirpenimin ingaram

(Ua Me Ini 36:8-38)

¹ Egha Ikiavira Itir God ua kamaghin migei, "Ia na bagh Purirpenir tam 10plan inir ghurghurir aghuira an ingarigh. Nir kaba ia tretin bluplaba ko, pighagheviba ko, agheviba inigh enselin bar gavgavibar nedaziba isamigh.² Egh 10plan inir kabar ingarichti dar oteviba bar voroghira mangi. Eghti dar ruariba 12 mitan tugheti, dar aroziba 2 mitan tugh.³ Egh da arueghsi, ia 5plan iniba dar akuigh ua da isamigh. Egh 5plan mabar akuigh ua kamaghira da isamigh.⁴ Egh bluplan tretin irighizir kuzir taba, inimning uaningin sasuighsi anining miriamningin da isamigh.⁵ Egh 50plan tretin irighizir kuziba, inir faragha itimin miriam gituigh, egh 50plan tretin irighizir kuziba namba 2in inim kamaghira da a gituigheti, dar kuziba voroghira iki.⁶ Egh ia 50plan golin akezibar ingarichti, da inir ruarir kamnningin kuziba isafuragh da ikeghti, aning Purirpenir vamiran otogham.

⁷ "Egh gin ia memen arizibar inir 11plan ingarichti, da Purirpenim avamin inir ekiar vamiran otogh.⁸ Eghti inir kaba vaghvagh dar ruariba 13 mitan tugheti, dar aroziba 2 mitan tugh. Eghti dar ababanim voroghira mangi.⁹ Egh da arueghsi me 5plan iniba uari isafuragh da isamichti, da inir ekiar vamiran otogham. Egh 6pla iniba isafuragh da isamichti da inir ekiar vamiran otogham. Egh namba 2in inir isamizir kam, an namba 6in inir otevibar kam an otevim remegh Purirpenimin tiam avaragh.¹⁰ Egh 50plan tretin irighizir kuziba, inir faragha itimin miriam gituigh, egh 50pla tretin irighizir kuziba inir namba 2in miriam dagh ituigh.¹¹ Egh 50plan brasin akezibar ingarigh, egh akeziba isi tretin irighizir kuzir kabar aghuigh,

egh inir kamnning uaning isafuraghti inir ekiar vamira ikiam.¹² Eghti inir ruarir kamin 1 mitan pura itimin, ia Purirpenimin girakirangin aneguraghti a magiri nguazim girigh.¹³ Eghti inir Purirpenim avamim, an ruarim, aven itin inimin ruarim gafiragh 50 sentimita vong ko vongin ikiam. Eghti inir nar pura ikiamim Purirpenir kam bar anevaragh magiri nguazim girigh.

¹⁴ "Egh ia Purirpenim avisipin apuribar inir me penin aghevimin aghuizimin inimin ingarigh. Egh a gisin darighsi ongarimin asizir ekiamin inim inimin ingarigh.

¹⁵ "Egh ia akasin temebar Purirpenimin birir agharibar ingarigh.¹⁶ Eghti birir agharibar ruarim 4 mitan tugh, eghiti iter otevir agharibagh iniva ghueziba, 66 sentimitan tugh.¹⁷ Egh ia iter akinir pumuning mingarimming akitrigh, egh silvan boksiamning gisin aning asaragh. Egh ia Purirpenimin birir aghariba bar kamaghira dar ingarigh.¹⁸ Egh ia sautin amadaghan Purirpenimin 20plan birir agharibar ingarigh.¹⁹ Egh ia silva inigh 40pla boksiar torir muziariba itibar ingarigh, egh birir aghariba dagh asam. Eghti boksiar pumuning birir agharir vamiran apebamin ikiam, egh birir agharimin povim gavgavim a daningam.²⁰⁻²¹ Egh ia kamaghira uaghan notin amadaghan birir agharibar ingarigh. Egh 20pla birir agharibar ingarigh, egh birir agharibar poviba gavgavim dar aningsi, ia 40plan silvan boksiabar ingarigh. Egh silvan boksiar pumuning gisin birir aghariba vaghvagh da asi.²² Egh 6plan birir aghariba Purirpenimin girakirangin aruem ghaghiri naghin dar ingarigh,²³ egh birir agharir pumuning Purirpenimin girakirangin itir mikebamningin ingarigh.²⁴ Eghti mikebamningin itir birir agharimning vin uaningin akuigh mavanang bar pin otogh. Egh birir agharir kamnning uaning inigh ghuuanang ringin vamiran aven mangi voroghira iki. Egh mikebar ighazarizim kamaghira a damu.²⁵ Eghti girakirangin 8plan birir aghariba ikiam, eghiti 16plan silvan boksiaba da birir agharibar povibar suigham, eghiti boksiar pumuning, birir aghariba vaghvagh dar tuivam.

²⁶ "Egh ia akasin temer ruariba inigh, egh dar ighuvir ruaribar ingarigh. Egh notin itir birir aghariba bagh 5plan ighuvibar ingarigh.²⁷ Egh sautin itir birir aghariba bagh 5plan ighuvibar ingarigh, egh aruem uaghiri naghin itir birir aghariba bagh 5plan ighuvibar ingarigh.²⁸⁻²⁹ Egh ia ringbar ingarigh vaghvagh birir agharibar tongira dar arikigh, egh gin ighuvir ruarir

kaba isi ringbar aghu mangı, Purirpenimin mikebar mamin ikegh mangı mamin tugh. Egh ia birir aghariba ko ringba ko ighuvir ruariba, golra bar da nokegh. ³⁰ Egh ia gin Purirpenir kam asaraghti, a nedazır ki mighsiamin nin akazimin mirara ganam.

³¹ “Egh ia inir aghuarir ekiatamin ingarigh, egh Purirpenimin aven aneguragh. Ia inir kam, tretin blupla ko, pighaghevim ko aghevir me sipsipin arizimin ingarizimin a isamigh. Egh ia deraghvira enselin bar gavgavibar nedazibar arigh da isamigh. ³² Egh ia akasin temeba inigh, inir ekiar kam gusi 4plan dipenir akinibar ingarigh. Egh dipenir akinir kaba golin dar poghiva da nokegh. Egh golin akeziba ingarigh nir kamin suighsi dipenir akinibar dar arikigh. Egh 4plan silvan boksiabar ingarigh, egh dipenir akinir kaba boksiabagh asegh. ³³ Egh inir kam inigh dipenir akinibar itir akezibar guighthi, nir kam, a Purirpenimavarazir nir ekiar uaning sasurazi naghin apengan iki. Egh dagiar akuar Akar Dikirizir Gavgavim itimningin Boksiam, inir kamin girakirangin aven anetigh. Eighti inir kam Purirpenimin aven, divazimin min Anogoroghezir Danganim ko, Bar Anogoroghezir Danganim abigh ikiam. ³⁴ Egh golin asuam inigh mangi danganir Bar Anogoroghezir Danganimin Boksiam dukuagh. Eighti Boksiamin asuar kam, kar arazir kuraba gin amangamin danganim. ³⁵ Egh ia bretha arighamin dakozim isi notin amadaghan Purirpenimin aven inimin boroghin anetigh. Egh lamba afamin aghorim isi sautin amadaghan inimin boroghin anesaragh.

³⁶ “Egh ia Purirpenimin tiar akamin gusi, inir ghurghurir aghuitamin ingarigh, tiar akamin a guraghti a tiar akamin min iki. Ia tretin sipsipin arizibar ingarizir blupla ko, pighaghevim ko, aghevimin an kurkegh da isamigh. ³⁷ Egh akasin temeba inigh tiar akam bagh 5plan dipenir akinibar ingarigh, egh golin dar poghiva da nokegh. Egh 5plan brasın boksiar toriba itibar ingarigh egh dipenir akiniba dagh asam. Egh inir kam agusi golin akeziba isi dipenir akinibagh ikegh, egh inir kam guragh.”

27

Me asiziba bar isia mighirir ofa gamir dakozimin ingaram
(Ua Me Inı 38:1-7)

¹ Egha Ikiavira Itir God ua kamaghın migei, “Ia akasin temeba inigh, egh asiziba bar isia mighirir ofa gamir dakozimin ingarigh. Eighti an arozim ko an ruarimin ababanim, aning virara 2 mita, 20 sentimitan tugh. Eighti an tuvirivimin

ababanim 1 mita 30 sentimitan tugh. ² Temer akasin ofa gamir dakozimin ingarizimra, ia bulmakaun kombar min garir bizibar ingarichti, da ofa gamir dakozimin mikebabar vaghvagh dar iki, egh ofa gamir dakozim brasın an poghiva a nokegh. ³ Ofan dakozimin ofan ingangarim damusı ia bizar kabar ingar, savolin muziariba, itarir ekiaba, pokba, ko avim ateramin itariba, ko averenim iniamin itaribar ingarigh. Bizir kaba bar ia brasın dar ingarigh. ⁴⁻⁵ Egh ia bras uaia inigh abizimin min garir bizimin ingarigh. Egh ofa gamir dakozimin aven anetigh. Egh ia brasın ringin 4plan ingarigh. Egh da isi ofa gamir dakozimin abizimin mikebabar arikigh. Egh brasın ruaritam inigh ofa gamir dakozimin averiamin tongiram anetigh a ikiraruigh. Egh uaia brasın abizimin miriaba isi, brasın ruarir kamin apengan aneguragh. Eighti abizimin min ganamin bizar kam, ofa gamir dakozimin averiamin tongira daperagham. ⁶ Egh ia akasin iter otevir pumuning inigh, egh aning akirigh brasın aning poghiva aning nokegh. ⁷ Egh ia ofa gamir dakozim atersi akasin temen kamning isi ringin an miriamningin itibar aghuigh. ⁸ Ia temer arariba inigh ofa gamir dakozim boksiamin min an ingarigh, egh boksiamin dikinimin ingaran marki. Ia anetehtti an dikinim pura torim iki. Ia nedazır ki mighsiamin nin akazimin mirarama an ingarigh.”

Me Godin Purirpenimin divazim avinam

(Ua Me Inı 38:9-20)

⁹ Ezi Ikiavira Itir God ua kamaghın migei, “Ia inir ghurghurir aghuimin ingarigh, Purirpenim avinsi divazir azenan itimin ingarigh. Ia inir ruarir kam sautin amadaghan itir divazim bagh an ingarichti, a 44 mitan tugh. ¹⁰ Egh ia inir kam gusi, 20plan dipenir akiniba brasın dar ingarigh, egh dipenir akinir kaba isi 20plan brasın boksiabagh asegh. Egh inir kam guamin akeziba ko divazimin agharir ighuviba silvan dar ingarigh. ¹¹ Egh kamaghira notin amadaghan itir divazimin ingarigh. ¹² Egh divazir aruem ghuaghiri naghin itim, ia inir ruarir tamin ingarichti, a 22 mitan tugh. Egh 10plan dipenir akiniba ko, 10plan brasın boksiar dipenir akiniba asamibar ingarigh. ¹³ Eighti divazir aruem anadi naghin itim, an ababanim 22 mitan tugh. Eighti divazir kam tiar akam an ikiem. ¹⁴⁻¹⁵ Tiar akamin miriamningin ia dipenir akiniba asisi brasın boksiabar ingarigh. 3pla vongin ikiti 3pla vongin iki. Brasın boksiabagh asisi, ia dipenir akinibar ingarigh. 3pla vongin da asegh, egh 3pla vongin da

asegh. Egh tiar akamningin miriamningin gusi nir pumuningin ingarigh. Aningin arozimning virara 6 mita 60 sentimitan tugh.¹⁶ Egh divazimin tiar akam bagh ia inir ghurghurir aghuaritam, tretin blupla ko, pighaghevim, ko aghevir me sipsipin arizimin ingariziba isamiva an kurkehti, a divazimin tiar akam avam. Eighti an arozim 9 mitan tugh. Egh ia 4plan dipenir akiniba isi 4plan brasin boksiabagh asegh, egh inir kam isi dipenir akinir kabar da guigh.¹⁷ Ingangarim kamaghin mangam: ia silvan agharir ighuvir kabar ingarigh, divazir kamin dipenir akinibar pueghti da bar uarir suikigh. Egh silvan akezibar ingarigh egh dipenir akinibar arighti da silvan agharir ighuvibar suigham. Egh bras inigh dipenir akiniba asamin boksiabar ingarigh.¹⁸ Eighti divazir kam, an ruarim 44 mitan tughti an arozim 22 mitan tugh, eighti an turivim 2 mita 20 sentimitan tugh. Ia inir ghurghurir aghuarir tam inigh divazir kamin ingarigh. Egh ia bras taba inigh divazimin dipenir akinibagh asamin boksiabar ingarigh.¹⁹ Ia brasra inigh Purirpenimin ingangaribar amuamin bizibar ingarigh. Egh Purirpenim gav-gavim a daningamin afughafughamiba ko an divazim gavgavim a daningamin afughafughamiba, uaghan brasin dar ingarigh.”

*Lamba deragh dar ganamin arazim
(Ofa Gami 24:1-4)*

²⁰ Egha Ikiavira Itir God kamaghin Moses migei, “Ni Israeliyan gumazamizibav kemeghti me olivin borer aghuariba inigh iziti, lamin kabagh isi iki mamaghira ikiam.²¹ Eighti Aron uan otariba ko lamin kaba inigh, na bativamin Purirpenimin aven mangi. Egh Akar Dikirizir Gavgavimini Boksiam modoziir inimin azenan dar arikigh. Egh dughiabar zurara me borem lambar arigh, egh da danganir ki Ikiavira Itir God itimin, guaratizibar isi mangi mizarazibar otiv. Egh ia Israelia, uan borir gin otivamiba ko, arazir ki damuasa ia mikemezir kamin suiragh gavgavagh iki mamaghira iki.”

28

*Me ofa gamir gumaziba
kurkamin adiaribar ingaram
(Ua Me Ini 39:1-7)*

¹ Egha Ikiavira Itir God migiavira ikia kamaghin migei, “Moses ni uamategh mangigh egh dughiar kamin uan avebam Aron ko an otarir kaba, Nadap, Abihu, Eleasar, ko Itamar, men diaghti me izi. Egh ni Israeliyan tongin me amisevegh me damighti me nan ofa gamir gumazibar min iki nan ingangaribar amu.² Egh Aron bagh, ofa gamir gumazimin korotiar aghuarimin

ingarigh, egh an kurkehti, an ganganim igharagh otogh, egh Israeliyan damazimin ziar ekiam ikiam.³ Ki kamaghin ifonge, Aron, nan ofa gamir gumazimin otogh, nan ingangarim damuam. Kamaghin, ni gumazir ki korotiaba ko bizir igharazibar ingaramin fofozim me ganingizibar diagh me mikemehti, me Aron darugh nan ofa damuamin korotiamin ingarigh.⁴ Egh me mikemehti me forivtarir nir an evarimin poroghav itimin ingarigh, korotiar otevir azenan itimin ingarigh, korotiar ruarir azenan itimin ingarigh, korotiar ruarir aven itir me tretbar kurkezimin ingarigh, inir dapanir asuar ruarimin ingarigh, egh inir ruarir ivariamin ikezimin ingarigh. Me Aron uan otariba ko me bagh, ofa gamir gumazibar korotiar aghuariba isamigh, eighti me ofa gamir gumazibar min nan ingangarim damuam.⁵ Egh ingangarir gumaziba tretin blupla, ko pighaghevim, ko tretin aghevir me sipsipin arizimin ingarizim, ko gol tret, ko inir ghurghurir aghuariba inigh korotiar kabar ingar.⁶ Egh me korotiar otevir azenan itimin ingarsi, tretin blupla, pighaghevim ko, tretin aghevir me sipsipin arizimin ingarizim ko, gol tret ko inir ghurghurir aghuaribam kurkazir aghuhibar a isamigh.⁷ Egh inir sazir pumuning korotiamin suighsi a gisin aning isamighti, aning dipizimning gisin anang mangi akirimin inir otevir vongin itimin suiragh.⁸ Egh me gol tret, ko tretin blupla, pighaghevim, tretin aghevir me sipsipin arizibar ingarizim ko inir ghurghurir aghuarim inigh, egh inir ivariam gikamim adiarir aghuariba a darigh an ingarigh. Egh inir ivariam gikamim isi korotiar otevir azenan itir kamin miriamin porogh a isamigh, eighti pizir pumuning datirighin bizir vamiran min ikiam.⁹ Egh dagiar pizir aghuarir pumuning inigh, egh Jekopin otarir 12plan ziaba aningin dar ghoriva da osirigh.¹⁰ Ia kamaghin damu, otarir ivariamin ziam faragh anetigh mangi namba 12in otarimin tugh. Egh 6plan ziaba isi dagiar tam darigh, egh 6pla isi dagiar igharazim datigh.¹¹ Ni ingangarir kam isi gumazir dagiaba aghoramin fofozim itim daningigh, eighti a Jekopin otaribar ziaba isi dagiar kamningin dar ghoregh. Egh ia dagiamningin suighsi golin kurkazir pumuningin ingarigh.¹² Egh dagiar kamning isi korotiar otevir azenan itimin dipizimningin itir inir sazimning gisin aning isamigh, eighti aning Israeliyan 12plan anababar ababanimin min ikiam. Eighti Aron uan dipizimningin men ziaba aterti, ki Ikiavira Itir God dar gan uan gumazamiziba zurara me ginighnighvira ikiam.¹³⁻¹⁴ Ia dagiamningin suighamin golin kurkazir kamningin ingarigh. Egh

golin aghuarim inigh tretin min ikarizibagh irighiva, egh da isi da nuavigh golin benir pumuningin ingarigh. Egh benir kamning inigh dagiamning suighamin golin kurkazir kamningin porogh.”

Ofa gamir gumazibar dapanimin evarimin poghs forivtarir inimin ingarigh
(Ua Me Ini 29:8-21)

¹⁵ Egha Ikiavira Itir God ua kamaghin migei, “Ia ofa gamir gumazibar dapanimin evarim gikisi forivtarir initamin ingarigh. Kar Godin ifongiam gifoghamin bizim. Egh ia kamaghira korotiar otevir azenimin itimin ingarizimin mirara, gol tret, ko tretin blupla, pighaghevim, ko tretin aghevir me sipsipin arizibar ingarizim ko inir ghurhurir aghuarim inigh, egh forivtarir inir muziarir kam bar deragh an ingarigh, egh kamaghira an kurkegh. ¹⁶ Ia forivtarir inir muziarir kamin ingarichti, an inimin ruarim 44 sentimitan tughti an arozim 22 sentimitan tugh. Egh deraghvira tongira a remeghti, a forivtarimin min otoghti, an otevir ababaniba voroghira mangi. ¹⁷⁻²¹ Egh ia 12plan dagiar iveauzim bar pin koziba isi, dagiar kaba bar da vaghvagh Jekopin otaribar ziaba osirigh, eghia dagiaba vaghvagh an anababar ababanimin min ikiam. Ia golin taba inigh dagiabar suizir golin kurkazibar ingarigh, egha dagiaba vaghvagh da afegh egh forivtarir inimin azenan da ikegh. Egh ia dagiar kaba isi, 4plan abiar ruaribar forivtarir inir kamin azenan da ikegh. Egh faragha itir abiamin dagiar me kamaghin diberiba, rubi, topas, ko ganet, da ikegh. Egh abiar an girara itimin dagiar emeral, sapai, ko daimon ikegh. Egh abiar mikezimin, dagiar terkois, aget, ko ametisin dagiaba ikegh. Egh namba 4in abiamin, berilin dagiam ko, dagiar pizir aghuarim ko jaspan dagiam ikegh.

²² “Egh ia golin aghuarim inigh egh tretin min ikarizibagh irigh da nuavigh egh benir pumuningin ingarigh, eghit aning forivtarir inir evarimin guraghav itimin suigham. ²³⁻²⁴ Egh gol ringin pumuningin ingarigh, egh aning isi evarimin ikiamin forivtarir inimin mikebar pin itimningin aning ikegh. Egh golin benimning isi, aningin otevmining, forivtarir inimin itir gol ringin kamning ikegh. ²⁵ Ia golin benir otevir igharazimning isi, dipizimningin itir dagiamningin suizir golin kurkazimning ikegh. Egh tuavir kamin forivtarir nir kam isi, korotiar otevir azenan itim ikegh. ²⁶ Egh ia ua gol ringin pumuningin ingarigh, egh aning isi evarimin itir forivtarir inir otevminin mikebamningin vin aning ikegh. Ringin

kamning datirighin korotiar otevir azenan itimin boroghin ikiam. ²⁷ Egh ia gol ringin pumuning uam aningin ingarigh, egh aning isi korotiar otevir ivariamin amadaghan itimin, azenan aning porogh aning isamigh. Egh aning ikeghti, aningin otevmining dipizimningin ikegha izighiri inir ruarir ivariamin gikezimin tugh. Egh ivariamin gikezir inir me deraghavira kurkezir kam an boroghin, gol ringning isamigh. ²⁸ Egh benir sazir blupla inigh, evarimin ikiamin forivtarir inimin ringning isi, korotiar otevir azenan itimin ringning gikegh, eghit evarimin itir forivtarir inim, korotiar otevir azenan itimin suiragh gavgavichti, evarimin ikiamin forivtarir inim ighuamangan kogham.

²⁹ “Egh Aron Anogoroghezir Danganir kamin aven mangamin dughiar kamin, a forivtarir inir Israeliyan ovavibar ziaba aven itim inigh uan evarimin boroghin uan evarim gikegh. Kar Godin ifongiam gifoghamin bizim. Eighti ki Ikiavira Itir God kamaghin ganigh, egh ki uan gumazamiziba zurara me ginighnigham. ³⁰ Egh dagiar Godin ifongiam gifoghamin kamning isi, forivtarir inir an evarimin itim darugh, eghit aning an evarim gisirara ikiam. Eighti Aron Anogoroghezir Danganimin mangi, ki Ikiavira Itir Godin damazimin tuivsi, a dagiar kamning inigh aning sara mangi. Egh Israelia Godin ifongiam gifoghs, Aron dagiar kamning uan forivtarir inim darugh, uan evarim gisirara aning ater Ikiavira Itir Godin damazimin tuivam.”

Me ofa gamir gumaziba bagh korotiar igharazitarab ingaram
(Ua Me Ini 39:22-31)

³¹ Egha Ikiavira Itir God ua kamaghin migei, “Ia korotiar ruarir azenan itimin ingarichti a korotiar otevir azenan itimin apengen ikiam. Ia inir bluplan kinir, me sipsipin arizimin ingarizimin an ingarigh. ³² Egh ia korotiar kam torim a datigh, eghit ofa gamir gumazim uan dapanim aghauam. Egh inir avizir muziarir tam isi torir kam midorozir korotiam isamizi moghin a ighuigh a isamigh, eghit an torimin apiniba gavgavichti torim bigh ekevegh mangan kogham. ³³⁻³⁴ Egh ia tretin blupla ko pighaghevim ko tretin aghevir me sipsipin arizimin irighizim inigh, egh iter pomigranetin ovizibar min bizitaba isamigh. Egh ofa gamir gumazibar dapanimin korotiar ruarir azenan itimin vin bizar kaba isamigh egh golin ingarizir beloba vaghvagh pomigranetin ovizibar tizibar da isamichti, da ituighiv ikiam. ³⁵ Eighti Aron korotiar kam arugh ofa gamir gumazimin ingangarim damuam. Egh

a, ki Ikiavira Itir God, nan damazimin boroghin Anogoroghezir Danganimin aven izegh egh uam azenan mangamin dughiam, gumazamiziba belobar ararem baraghram. A kamaghin damighan kogh, egh aremegham.

³⁶ “Egh ia golin akuar aghuaritam inigh, medelin tamin ingarigh, egh akam kamaghin a gisin an osirigh, ‘Kar Ikiavira Itir Godin Gumazimra.’ ³⁷ Egh ia bluplan benim inigh gol medelin kam nir dapanir asuar ruramin guam gitusi an ingarigh, egh ti an ofa gamir gumazibar dapanir asuamin guam gitoroghiv iki. ³⁸ Aron zurara inir dapanir asuar medel itir kam uan dapanim darigh. Eighti kamaghin ki Ikiavira Itir God, ki ofan Israelia na ganidiba ki da inisi ifuegham. Egh me ofa gamir arazitaba pueghti, Aron men arazir kurabar osintizim ateram.

³⁹ “Egh ia tretin ghurghurir aghuariba inigh, egh korotiar ruarir aven itimin ingarigh, egh tretbar kurkazimini an ingarigh. Egh Aronin dapanim darighsi inir ghurghurir aghuarim inigh, egh inir dapanir asuar ruarin ingarigh. Egh inir ghurghurir aghuarim inigh inir ruarir ivariam gitim an ingarigh, egh kurkazir aghuibar an ingarigh.

⁴⁰ “Egh ia Aronin otariba bagh korotiar ruarir aven itiba ko inir ruarir ivariamin ikeziba ko inir dapanir asuar otevibar ingarigh. Egh ti me deraghvira kurkeghti men ganganim igharagh otogh gumazamizibar damazibar ziar ekiaba ikiam. ⁴¹ Eighti Moses, ni korotiar kaba isi uan avebam Aron uan otariba ko me daghuam. Egh olivin borem me gingegh, egh me amiseveghti me ofa gamir gumazibar otogh, egh nan ingangarim damuam. ⁴² Egh me bagh inir aghuarim inigh, egh me bagh trausiziart oteviba isamighti me korotiar ruarin apengan dar aghuighthi, men mikarzir mogomebar iniba azenan otivan kogham. ⁴³ Eighti Aron uan otariba ko, me Anogoroghezir Danganimin aven ofa gamir gumazimin ingangarim damusi, ofa gamir dakozimin boroghin mangiva, me trausiziart kabar aghuigh, egh dughiar igharazibar me na bativamin Purirpenimin aven mangisi me kamaghira damuam. Egh me kamaghin damighan kogh me osintizim ikiti, ki me misueghti me arimighiregham. Eighti Aron uan iigar borir gin otivamiba ko, me zurazurara Akar Gavgavir ki damuasa me mikemezibar gin mangam.”

29

*Ofa gamir gumaziba misevir arazim
(Ofa Gami 8:1-36)*

¹ Egha Ikiavira Itir God ua kamaghin migei, “Ki datirikin Aron uan otariba ko

bizir ni me damuamim ni mikimasa, ni me amiseveghti me nan ofa gamir gumazibar otivi, bizitam gasighasighizir puvatizir bulmakaun apurir igiatam ko sipsipin apurir tamning inigh. ² Egh witin plauan bar derazitaba inigh, egh yis isi plaua darighan marki. Egh plauan kaba inigh bretin ingarigh. Egh plauan taba ua da inigh olivin borem sara da veregh bretin ingarigh. Egh plauan taba inigh bisketbar ingarigh olivin borem dar aghuigh. ³ Egh bretin kam ko bisketha isi akiram daghuigh, egh ni ofa damuamin dughiamini bulmakaun apurim ko sipsipin apurir pumuning sara na daning.

⁴ “Egh ni Aron uan otariba ko me inigh na bativamin Purirpenimin tar akamin izi, egh dipamin me ruegh. ⁵ Ni me ruegh givagh, egh ofa gamir gumazimin korotiar kaba isi Aron daghuigh: korotiar ruarir aven itim, korotiar ruarir azenan itim, korotiar otevirkazimini itim, ko evarimini itir forivtarir inim, ko inir ruarir ivariam gitim, a gikegh. ⁶ Egh inir dapanir asuar ruarim an dapanim gighuigh. Egh gol medel isi an inir dapanir asuar ruarim a gitorogh. Medelin kam, akar kam an ikiam, ‘Kar Ikiavira Itir Godin Gumazimra.’ ⁷ Ni gumaziba amiseviti me ofa gamir gumazibar otivir olivin borem, an dapanim gingiva anemisefegh.

⁸⁻⁹ “Egh ni Aron amisevegħi givagh, egh an otariba inigh izi korotiar ruarir aven azuiba me daghuigh, egh inir ruariba men ivariabagh ikegh, egh inir dapanir asuar oteviba men dapanibagh ikegh. Egh ni kamaghin damigh Aron uan otariba ko me amisevegħti, me ofa gamir gumazibar otivigham. Eighti, gumazir kaba uan ovavir boriba ko zurara ofa gamir gumazibar ingangarim damu, bizir ki damuasa mikemezibar amu mamaghira ikiam.

¹⁰ “Egh ni bulmakaun ofa damuamim inigh na bativamin Purirpenimin tar akamin izi, Aron uan otariba ko dafariba isi an dapanim datigh. ¹¹ Eighti ni nan damazimin, na bativamin Purirpenimin tar akamin boroghin bulmakaun kam misuegħti an aremegħi. ¹² Egh ni uan dafarir puziñiñ bulmakaun ghuzitaba inigh, egh ofa gamir dakozimin mikebabar itir bulmakaun kombar min garir biziba bar dar arikigh. Egh ghuzir nar itiba bar da inigh ofa gamir dakozimin mingarimin da ingegħ. ¹³ Egh gin muriam avarazir oviba bar da inigh, egh beramin akuar aghuarim inigh ovizir pumuning ko ovir aniningi itiba inigh, egh na bagħ ofa gami mogħin ofa gamir dakozimin bar da tuegh. ¹⁴ Egh bulmakaun tuzim ko inim ko an muriamin aven itir buariba inigh mangi gumazamiziba puvatizi nagħin azenan da

tuegh. Eghti bulmakaun kam a ofa gamir gumazibar arazir kuraba gin amangamin ofa.

¹⁵ "Egh ni sipsipin apurir kamningin tam ofa bagh a inigh. Eghti Aron uan otariba ko dafariba isi sipsipin kamin dapanim datigh. ¹⁶ Eghti ni sipsipin kam misuehti an aremeghti, ni an ghuzim inigh ofa gamir dakozimin 4plan miriaba bar a kavamangigh. ¹⁷ Egh ni sipsipin kam aghoraghuegh, an soroghafariba ko muriam ruegh, asizir otevir kaba ko sipsipin dapanim sara bar ada isi ofa gamir dakozim gisin dar arikigh. ¹⁸ Egh ofan bar isia mighirimin ofa gamir dakozimin bar da tuegħti da mighirigh. Eghti ki Ikiavira Itir God, ki avim bar isir ofan kamin mugħuriar aghuarim bar a gakuegham.

¹⁹ "Egh ni sipsipin namba 2 inighti, Aron uan otariba ko uan dafariba isi an dapanim gisin datigh. ²⁰ Egh ni sipsipin kam misuegh, an ghuzir mużiarim inigh, Aron uan otariba ko, men kuarir guvimin itir kuarir amiraziba, ko men dafarir puzir amebar agharir guvimin itiba, ko dagarir puzir amebar suer agharir guvimin itiba, ghuzim dar aghuigh. Egh sipsipin ghuzir ikiavira itim inigh mangi ofa gamir dakozimin, an 4plan miriabar ghuzim kavamangigh. ²¹ Egh gin ni ghuzir ofa gamir dakozimin miriamin itim ko, olivin borer ofa gamir gumazim amisev im aning veregh, Aron ko an otariba ko men korotiaba sara kavamangigh. Egh ni kamagħin damighti, Aron uan otariba ko men korotiaba, da bar ki ua bagħavira dagh inaba.

²² "Egh ni namba 2in sipsipin kam aghoregh, an oviba ko an puer ekiar ovim itim ko, ovir muriam avarazim, ko beramin akuar aghuarim, ko ovizimning ko aningin itir oviba, ko agharir guvimin itir buaragharm inigh, bar dar ofa damu. Kar ofa gamir gumaziba amisev ofa. ²³ Ni uaghan mangi nan damazimin itir bretin yis puvatizibar itir akiramin itiba, ni bretha vagħvagh kamagħin bretha ini: bretin me olivin boremin tuezir tam ko, olivin boremin tuezir puvatizir tam, ko bisketin vamira. ²⁴ Egh dagħer kaba isi Aron uan otariba ko men dafaribar arighti, me ofan kam suiragh a fi a damuti, a Godin damazimin ighuavamangam. ²⁵ Eghti ni gin dagħer men dafarimin itiba inigh, egh ofan bar isia mighiribagh amir dakozimin ofaba tue nagħin da tuegħti avim bar dar isīgh. Eghti ki Ikiavira Itir God, ki ofan mugħuriar aghuarir kam bagħ bar akuegham.

²⁶ "Egh ni sipsipin namba 2in kamin evarir tuzim uan dafarimin an suiragh a fi a

damuti, a Godin damazimin ighuavamang. Egh ni asizir kam anemi.

²⁷ "Aron ofa gamir gumazimin otivsi, ni sipsipin evarir tuzim uan dafarimin an suiragh a feħġ a damuti a nan damazimin ighuavamang. Egh Aroni otariba bagħ sipsipin buarakir agharir guvimin itim inigh uan dafarimin an suiragh a feħġ a damuti a nan damazimin ighuavamang. Arazir kamin, ni ofa gamir gumazibar ikisi me amisefegħ. Egh gin ia asizir tuzir kam isi ofa gamir gumazibar aningħi, me aneremi. ²⁸ Egh dugħiaba Israelia zurara na ko navit vamira ikisi, asizir evarimin itim ko buaragharm inigh, ki Ikiavira Itir God na daning. Eghti ki ofa gamir gumazibar aningħi, me anerem. Bizir ki damuasa mikemezir kam ikiavira ikiam.

²⁹ "Eghti gin Aron aremegħti, me an ofa gamir gumazimin korotiar aghuarim isi an otaribar aningħi. Eghti Aroni ikizimmin adarzi ofa gamir gumazibar otivsi, me korotiar kam aruġħti, me me amisiva borem me gingam. ³⁰ Eghti Aroni ikizimmin gumazitam an danganim inigh ofa gamir gumazibar dapanim minn otivsi, egh a faragh korotiar kabar aghuigh na bativamin Purirpenim aven mangiva Anogorogħezir Danganim aven nan ingangarim damu mangi 7plan dugħiabar tugħam.

³¹ "Dugħiār ni Aron ko an otariba misivamim, ni sipsipin tuzir ni ofa gamizim inigh, na bagħavira itir Purirpenim avinizir divażimmin aven a isi minem darugh anevikigh. ³² Eghti Aron ko an otariba, sipsipin tuzir kam ko bretin akiramin ikiavira itim inigh, egh na bativamin Purirpenim minn tiar akamin aneremi. ³³ Me ofa gamir gumaziba amisivamid dugħiām, me uan arazir kuraba gin amangasa ofa gamua tuezir dagħer kaba me dar ami. Dagħer kaba na bagħavira ikiava bar anogoroke. Kamagħin amizi, ofa gamir gumazibara dagħer kabar amam, eghti gumazamizir kinibba bar puvatigham. ³⁴ Egh asizir tuzitabba ko bretin iki mangi aminim tiraghħamba, ia dar aman marki. Asizir tuzir kamagh amizim na bagħavira iki bar anogoroke, kamagh me avimin a tuagħti a bar isi mighirigh puvatigh.

³⁵ "Egh ki ni mikemez mogħin, ni Aron uan otariba ko me amisivisi, ingangarik kam damu mangi, namba 7in dugħiām otogh. ³⁶ Dugħiabar zurara ni arazir kuraba gin amangisi, bulmakaun vamiran ofan min ofa damu. Eghti ofan kam ofa gamir dakozim damighti a nan damazim bar zuegham. Egh olivin borem isi ofa gamir dakozimin a fugh, anemisevegħti a nan

ofa gamir dakozimra ikiam. ³⁷ Egh ni kamaghin ofa gamir dakozim damu mangi namba 7in dughiamin tugh. Eighti ofa gamir dakozim, a bar nan bizim, egh bar anogoregham. Egh gumazitam o bizitam ofa gamir dakozir kam seregham, a uaghan na baghvira ikiam."

*Dughiaba vaghvaghha ofa gamir arazim
(Diboboniba 28:1-8)*

³⁸ Egha Ikiavira Itir God ua kamaghin migei, "Ia dughiaba vaghvagh sipsipin nguzir azenir vamira itir pumuning inigh, egh ofa gamir dakozimin dar ofa damu. ³⁹ Ia mizarazimin sipsipin kamnningin tam isi an ofa damu. Egh bar guaratizimin, ia tamin ofa damu. ⁴⁰ Egh ia witin ingarizir 1 kilogrem plauan aghuitam inigh, 1 lita olivin borem sara aning veregh, egh sipsipin faragha ofa gamir kam ko ofa damu. Egh uaghan 1 lita wainin dipam inigh, ofan min afugh. ⁴¹ Egh ia guaratizimin sipsipin igharazim inigh, an ofa damu. Egh ia mizarazimin amizir ofan mirara ofa damu, egh ia wit tuamin ofa ko, wainin dipamin ofa inigh, ofa damu. Eighti dagher ia ofan min avimin tuezi mighirizir kam, ki Ikiavira Itir God, ki ofan kamin mughuriam baregh, egh a gifuegh navir aghuim an ikiam. ⁴² Eighti ofan bar isia mighirir kam, ian gin otivamin ovavir boriba zurara dughiabar na bativamin Purirpenimin tiar akamin ofa damu, eighti ki an ganam. Eighti ki uan gumazamiziba danganir kamin ia bativam. Ki danganir kamra ni ko mikimam. ⁴³ Eighti nan angazangarir ekiam ko gavgavim Purirpenimin otiv, egh danganir kam damighti, a nan danganimin min otogham. Eighti ki danganir kamin Israelien gumazamiziba bativam. ⁴⁴ Egh ki, na bativamin Purirpenim ko ofa gamir dakozim amisevehti, aning nan bizzimningin min ikiam. Eighti ki Aron uan otariba ko me amisevehti, me ofa gamir gumazibar min nan ingangarim damuam. ⁴⁵ Eighti ki Israelia ian tongin iki, egh ian Godin ikiam. ⁴⁶ Eighti ia deraghvira fogham, kirara ki Ikiavira Itir God, ki ian God, egha kirara Isipin kantrin ia inigha ian akua ize. Ezzi kamaghin ki ian tongin ikiam. Ki Ikiavira Itir God, egha ki uabi ki ian God."

30

*Me pauran mughuriar aghuim tuamin ofa gamir dakozimin ingaram
(Ua Me Ini 37:25-28)*

¹ Egha Ikiavira Itir God ua kamaghin migei, "Ia akasin temem inigh ofa gamir dakozir tamin ingarigh. Dakozir kam,

ia pauran aghuarim tuaghti a migharir mughuriar aghuim otivam. ² Eghti ofa gamir dakozimin ruarim 45 sentimitan tugh, eghti an arozim an ruarin mirara mangi 45 sentimitan tugh, eghti an turivim 90 sentimitan tugh. Egh temer akasin ofa gamir dakozimin ingarizimra, ia bulmakaun kombar min garir bizibar ingarichti, da ofa gamir dakozimin mikebaba vaghvagh dar iki. ³ Egh an 4plan miriaba, ko an siriam, ko an komba, ia golin aghuarimin dar puegh da nokegh. Egh golin ruarim isi ofa gamir dakozimin miriabar arighiva dagh ighuigh. ⁴ Egh gol ringin pumuningin ingarigh, tam isi vongin a ikegh, egh vongin tam ikegh. Ia ringin kamning isi golin ruarir an miriabar ikeghamimin apengan aning ikegh. Ringin kamning ofa gamir dakozim atersi tememning aning daghuam. ⁵ Ia akasin iter pumuning inigh ofa gamir dakozim atersi aning akirigh, egh golin aning nokegh. ⁶ Egh ofa gamir dakozir kam isi, inir ekiar Akar Dikirizir Gavgavimin Boksiam modozimin azenan anetigh. Boksiar kam gisin arazir kuraba gin amadir danganim iti. Eighti danganir arazir kuraba gin amadir kamin, ki ia bativam.

⁷ "Egh zurara mizarazibar Aron iziva lamba akirmigh, egh dughiar kamra pauran mughuriar aghuim zuim ofa gamir dakozir kamin da tu, egh migharir mughuriar aghuim zuim damutti an otivam.

⁸ Egh a guaratizibar lamba akirmigh, egh pauran mughuriar aghuim zuimin ofa damu. Egh ofan kam, ki Ikiavira Itir God, na bagh a damu, egh zurara gin izamin dughiabar kamaghira damu. ⁹ Ia pauran mughuriar aghuir igharazitabar ofan bar isia mighirim dakozir kamin da tuan marki, asiziba tuan marki, witba tuan marki, wainian marki, bizi kaba ki ian angoroke.

¹⁰ Egh azeniba bar dughiar vamira,* Aron ofa gamir dakozir kam nan damazimin zuegħsi, ingangarim damuam. Ingangarim kam kamakin: Asizir ian arazir kuraba gin amangasa ofa gamim, Aron an ghuzitam inigh, ofa gamir dakozir kamin kombar arighi. Ia arazir kam zurara azenibar a damu. Ofa gamir dakozir bar zuezir kam, ki Ikiavira Itir God, kar nan bizzimra."

Purirpenim bagh dagħiaba iniamin arazim

¹¹⁻¹² Egha gin Ikiavira Itir God kamaghin Moses migei, "Ni Israelien gumazibar ziaba akinafarimin da osiramin dughiam, gumazibar vaghvagh uan iķirimirim uam a inisi dagħiġi taba na daning. Puvatighti,

* **30:10:** Azeniba bar dughiar vamira, kar Dughiar Ekiar Gumazamizibar Arazir Kuraba Gin Amadim. Ni Ofa Gami, sapta 16in gan. **30:13:** Ua Me Ini 38:25-26; Matyu 17:24

arimariar ekiar kuram otogh, dughiar kamin me gasighasigham.¹³ Eghit gumazir me ziaba iniziba, me bar 5 kinan silvan dagiaba isi ofan min na daningam.¹⁴ Egh me 20plan azenibar ikegha ghuavanadir gumazibar ziaba iniam, eghit me bar dagiār kaba na daningam.¹⁵ Eghit dagiāba itir gumaziba aviribar aningen marki, eghit dagiāba puvatizir gumaziba dagiār muziaribar aningen marki. Me bar 5 kina na daning, egh me uan arazir kuraba gin amangamin iveauzimin min a givesegh, egh me aremeghan kogham.¹⁶ Eghit ni dagiār kam isi na bativamin Purirpenimin ganamin ingarim damu. Eghit ki Ikiavira Itir God, dagiār kabar gan fogh suam, ‘Kar me uan arazir kuraba gin amangamin iveauzim, kamaghin ki Israeliān gumazamiziba bakinighnighan kogham.’”

Ofa gamir gumaziba uan soroghafariba ruer itarir ekiam

17-18 Egha Ikiavira Itir God ua kamaghin Moses migei, “Ia brasin taba inigh soroghafariba ruer itarir ekiatam ko anefamin dakozimin ingarigh. Egh dakozim isi ofa gamir dakozim ko na bativamin Purirpenimin tizimin anetigh. Egh itarir ekiatam dakozimin pin anefagh, egh dipam itarir ekiatam gingegh.¹⁹ Eghit Aron uan otariba ko, me uan soroghafariba ruam.²⁰ Egh me na bativamin Purirpenimin aven mangisi, o ofabia isia mighiri naghin dakozimin ofa damusi, me uan soroghafariba ruegħti ki me misuegħti me aremeghan kogham.²¹ Bar guizbangira, me uan soroghafariba ruegh, egh me aremeghan kogham. Me ko, men otarir gin otivamiba, me zurara bizir ki damuasa mikemezibar gin mangivira iki.”

Ofa gamir gumaziba missevir boremin ingarir arazim

22-23 Egha Ikiavira Itir God ua kamaghin Moses migei, “Ia bizir aghuarir mughuriar aghuim itiba, da inigh: Mean sanda, an osimtizim 6 kilogram, ko sinamonin pauran mughuriar aghuim zuim, an osimtizim 3 kilogram, ko abuar mughuriar aghuim zuim, an osimtizim 3 kilogram.²⁴⁻²⁵ Egh pauran me iter kasian inimin ingarizim, an osimtizim 6 kilogram, a inigh. Egh 4 lita oliven borem inigh, bizir kaba bar dagh ingegħ. Egha mati gumazir fofozir bar aghuim ikia deravira sandaba verezi mogħin, ni deraghvira da veregħti sandan aghuim otogħam. Borer kam, an inganġarim kamakin: me bizim o gumazim na bagħ anemisivisi, borer kam isi a gingegħ.

26 “Egh ni borer aghuarir kam isi na bativamin Purirpenim gingegħ, egh Akar Dikirizir Gavgavim Boksiām gingegħ,

²⁷ egh bretba arighamin dakozim ko an ingarir bizibagh ingegħ, egh lamba afamin aghorim, ko an ingarir biziba sara, dagh ingegħ, egh pauran mughuriar aghuim tuamin ofa gamir dakozim gingegħ,²⁸ egh asiziba da bar isia mighir ofa gamir dakozim ko, an ingangarib bizibagh ingegħ, egh soroghafariba ruamin itarir ekiam ko anefamin dakozim gingegħ.²⁹ Egh ni bizir kaba misevegħti da bar nan biziba, egh bar anogoregham. Eghit gumazitam o bizitam a seregham, egh a uaghan na baghvira ikiām.

³⁰ “Eghit gin Aron ko an otariba, me amisivisi, ia borer kam inigh mużiartam me gingegħ. Eghit me nan ofa gamir gumazibar otogh nangangarim damu.³¹ Eghit ni kamaghin Israeliān gumazamizibav kim, ‘Ia ko ian adarazir gin izamiba, ia olivin borer kam inigh na baghvira ikiām biziba amisivam.³² Egh ia gumazir kinibar ingan marki. Egh ia uaghan borer kamaghira garir tam uari bagħ an ingaran marki. Kar Godin bizzimra, ki ian anogoroke.³³ Eghit gumazir borer kam isi pura gumazir kinitam gingegħamim, ko gumazir borer kamaghira garibar ingariba, gumazir kamaghin amir kaba, nan gumazamizibar ikizim aven ikian kogħam.”

Migharir mughuriar aghuim zuimin pauran ingaramin arazim

³⁴ Egha Ikiavira Itir God ua Moses kamaghin a migei, “Ia migharir mughuriar aghuim zuimin pauran ingarsi, pauran mughuriar aghuim zuir iħgaragħha garitaba inigh, eghit pauran kabar osimtiziba voroghira mangi. Pauran kabanang: mean paura, ko pauran me zogħuabar min garir bizim ingarizim, ko galbanum akimarim ħebor gavgavim, ko pauran me iter balsam ħebor imin ingarizim, bar da inigh,³⁵ egh deraghvira da veregħti, mati gumazir fofozir aghuim itim, pauran mughuriar aghuim īngħi. Egh amangsizir mużiartam atiġti, paura deraviram otogħam. Egh a bar nan bizzimra, ki ian anogoroke.³⁶ Egh deraghvira pauran kamin taba mirmirighti, an averenimin min guizin pauran otogħi. Eghit a inigh na bativamin Purirpenimin aven nan damazim mangi, Akar Dikirizir Gavgavim Boksiām borogħin anetigh. Eghit pauran mughuriar aghuim zuir kam, a nan bizzimra, ki ian anogoroke.³⁷ Eghit ia pauran kamaghin gari tam uari bagħ an ingaran marki. Kar ki Ikiavira Itir God, nan bizzimra, ki ian anogoroke.³⁸ Eghit gumazitam sandan mughuriar aghuim baraghxi ifuegħiwa, a kamaghira garir bizitamin ingarigh, egh

a nan gumazamizibar ikizimin aven ikian kogham."

31

*Ikiavira Itir God uan Purirpenimin bizar ingarasa gumaziba amisefe
(Ua Me In 35:30-31)*

¹ Egha Ikiavira Itir God ua kamaghin Moses migei, ² "Ikiavira Itir God Judan anabamin gumazim Besalel amisevegha gifa, a Urin otarim, egha a Hurin igiar borim." ³⁻⁴ Ki uan Duamin gavgavim a ganingi. Egha ki gol, silva, ko brasin bizar aghuir ighazaribar ingaramin fofozir aghuim ko ingangarir aghubar amuamin nighnizim a ganingi. ⁵ Egha ki dagiar iveauzim bar pin koziba aghoriva, temebar dirir guar aviribar aghor, egh Purirpenim asingamin ingangarir aviribar fofozir aghuiba a ganingi. ⁶ Egha ki uaghan Ahisamakin otarim Oholiap amisevegha gifa, me Danin anabamin adarasi, egha a uaghan Besalel ko ingaram. Egha ki uaghan fofozir ekiam gumazir ighazaribagh aningi, egha ki ni mikemezir biziwa, me bar dar ingaram. ⁷ Egh me na bativamin Purirpenimin ingar, egh Akar Dikirizir Gavgavim Boksiamin ingar, egh Boksiaminasuam, kar arazir kuraba gin amadir danganim, an ingar, egh Purirpenimin biziwa bar dar ingaram. ⁸ Egh me bretha arighamin dakozim ko an ingaribiziwa bar dar ingar, egh lamba afamin aghorim ko lam ko an ingaramin biziwa bar dar ingar. Me golin aghuarimra lamba afamin aghorir kamin ingarigh. Egh me uaghan pauran mughuriar aghuim tuamin ofa gamir dakozimin ingarigh. ⁹ Egh me asiziba bar isia mighir ofa gamir dakozim ko, ofan ingangarim gamir biziwa bar dar ingar. Egh me soroghafariba ruer itarir ekiam ko anefamin dakozimin ingar. ¹⁰ Egh me Aron uan otariba ko, me bagh ofa gamir gumazibar korotiar aghuaribara isamighti me dar aghuigh, egh ofa gamir gumazimin ingangarim damuam. ¹¹ Egh olivin borer ki ua bagha misevezir biziwah ingemin ingar, egh pauran mughuriar aghuim zuim Anogoroghezir Danganim bagh an ingarigh. Egha me ingarir biziwa kaba, ki ni mikemez moghira me dar amu."

*Sabatin dughiam,
kar avughsamim dughiam*

¹²⁻¹³ Egha Ikiavira Itir God Israelia mikimasa kamaghin Moses migei, "Sabatin dughiam, kar dughiar avughsamim. Kamaghin ia zurara Sabatin dughiam avughs. Sabatin dughiam, an ababanimin min ki ia ganidi, a datirighin ko ian adarazir

dughiar gin izamibar ababanimin min ikiam. Ababanir kam ian akaghti ia fogh suam, ki Ikiavira Itir God, ki ia gamizi ia nan gumazamizibar mirara iti. ¹⁴ Ezi dughiar avughsamim kam, kar ki Ikiavira Itir God, nan dughiamra, kamaghin ia an avughs. Gumazitam dughiar kamin ingangaritam damighti, ia a misuegħti an aremegħi. Gumazir kamaghin ami, nan gumazamizibar ikizimin aven ikian kogham. ¹⁵ Ia wighin vamiran an 6plan dughiar Ingangaribar amu, namba 7in dughiam, kar nan dughiamra, kar nan avughsazir dughiar ekiam. Egh gumazir dughiar kamin ingangaribagh amiba, me bar me misuegħti, me arimighiregħ. ¹⁶ Kar Akar Dikirizir Gavgavir ia gin mangasa akam akirizim, kamaghin, ia Israelia dughiar kamin avugħsi ikivira iki mangi tħalli gin izamdar azza kamaghira damuam. ¹⁷ Ki Ikiavira Itir God, ki overiam ko nguzsim 6plan dughiar aningin ingar, egha dughiar namba 7in, ki ingangarib par da ategħha avugħsi. Ezi dughiar kam, a na ko ia Israelien tizimmin Akar Dikirizir Gavgavim gamima, an ababanimin min oto." ¹⁸ Egha Ikiavira Itir God, Moses ko Sainain Mighsiamin mikemegħa givagħha, egha God uabi dagiar akuar pumuning isa Moses ganingi. God uabi uan dafarir puzimmin Akar Gavgaviba aningin da osiri.

Israelia akirim ragħha God gasara, egha gin uamategħha a bagħha ize

32

(Sapta 32-34)

*Gumazamizibar golin bulmakaun
nguzimin ingari
(Godin Araziba 9:6-29)*

¹ Egha Moses dughiar ruarimin mighsiamin ikia zuamira izezir puvati. Ezi gumazamizibar uari akuvagħha iza kamaghin Aron migei, "E fożir puvati, bizar tizimra Moses bato, gumazir kam Isipin kantrin e inigha en akua ize. Kamaghin amizi ni dikavigh, e bagħ godin tabar ingarighti, da en faragh mangiva e inigh tuavvinin mangam."

² Ezi Aron me migei, "Ia uan amuiba ko, otariba ko guvibar kuaribar guvizir golin ringba, da suegħ da inigh na bagħi zizi."

³ Egha Aron kamaghin mikemezi, gumazamizibar bar uan kuaribar golin ringba asigha da inigha a bagħha zizi. ⁴ Ezi a kuaribar guvizir gol ringin kaba inigha, da tuezi da isigha amereghha dipam ara. Ezi an a isa mozir me bulmakaun nguzimin

nedazimin min nguazimin kuizimin, a fugha bulmakaun nguzimin ingari. Egha afuam inigha deraghvira anerkiri. Ezi gin gumazamiziba kamaghın migei, "Israelia, ia oragh. Kar en godba. Da Isipin kantrin e inigha, en akua azenan ize."

⁵ Ezi Aron kamaghın ganigha ofa gamir dakoim bulmakaun boroghin an ingarigha ghaze, "E gurumzaraghan isar ekiam ko ighiam damu, egh Ikiavira Itir God ziar ekiam a daningam." ⁶ Egha amimzaraghan bar mızaraghara, gumazamiziba dikavigha iza ofan asıziba tue da bar isia mighirir ofabagh ami. Egha me uaghan God ko navir vamiran ikiamin ofaba inigha iza ofa gami. Egha gin apiagha dagheba ko dipaba amegha, gin dikavigha ghua ighiar kurabagh ami.

⁷ Ezi Ikiavira Itir God kamaghın Moses migei, "Ni zuamira magırı. Gumazamizir ni Isipin inigha izeziba, me arazir kurar aviribagh ami. ⁸ Me tuavir me gin mangamin ki me mıkemezim, me zuamira anetegha, golin bulmakaun nguzimin ingarigha, an ziam fa an ofa gami. Egha me ghaze, 'Israelia, ia oragh, kar en godba. Da Isipin kantrin e inigha, en akua ize.'"

⁹ Egha Ikiavira Itir God kamaghın Moses migei, "Gumazamizir kaba, ki men ganigha me gifı. Me gumazamizir akaba batoziba. ¹⁰ Ki me bagħ navim isi bar men aningagħegħam. Egh ki bar me gasighasigham. Eghni ni nan anogorogħan kogħam, bar marki. Egh gin ki ni ko nien boribar adaraziz amighti, me ikizir gavgavir mamin otogħam."

¹¹ Ezi Moses, a uan Godin Ikiavira Itim, pamtem kamaghın a gakaghori, "O Ikiavira Itir God, ni manmagħin amua, navim isia nin aningagħarim niġi gumazamiziba bagħha pamtem dikafi? Ni uabi gumazamizir kaba Isipin kantrin uan gavgavir ekiāmin me inigha azenan ize. ¹² Egh ni kamaghin me damighti, Isipia ua suam, 'God uan gumazamiziba paza me ginighnisi. Egha a Isipin me inigha, danganir mighsibbar me gasighasighasa me inigha iza bar me misogħezi me ariaghire.' O Ikiavira Itir God, ni kamaghin damuuna marki. Ni uan aningagħarir nighnizim abiragh, egh uan gumazamizibagh asighasighan marki. ¹³ Ni uan ingangarir gumazir kabagh inirigh, Abraham, Aisak, ko Jekop. Egh me komma amizir akar dikirizir kam ginighnī. Ni kamaghin akar dikirizim me ko a gamua ghaze, 'Ki bar guizbangira migei, ki overiamin mikovezibar min borir aviriba ia daningam. Egh nguazir ki ja daningas akam akirgha givazim, ki a isi ian ovavir

boribar aningam. Eghti me zurara nguazir kamen iki mamaghira ikiām."

¹⁴ Ezi Ikiavira Itir God, Mosesin azangsizim baregha uan nighnizim giragħa, uan aningagħarir ekiam ategħa, uan gumazamiziba gasighasighizir puvati.

¹⁵ Egha Moses dagħiġi akuar God Akar Gavgaviba osirizir kamning inigha, mighsiam ategħa izaghiri. God aningin vong ko vongin akaba osiri. ¹⁶ God uabi dagħiġi kamningin ingarigha, uan Akar Gavgaviba aningin dar aghora da osiri. ¹⁷ Ezi Josua Moses ko ikiā orazi, gumazamiziba tintinibar dei. Ezi a kamaghin Moses migei, "Ai Moses! Gumazamiziba itir danganimin aven, ki inogovir niginim barasil!"

¹⁸ Ezi Moses ghaze, "Mamaghin puvati. Kar gumaziba inogovim apaniba abinizir dimdiżi puvati. Ezi apaniba me abirazir ararem puvati. Ki onger akar tiaribaram orasi."

¹⁹ Ezi Moses me itir danganimin borogħira izegħha, golin bulmakaun nguzim ko gumazamizibar garima, me ighiam gizi. Ezi a bar aningagħe. Egha dagħiġi an aterir kamning, isa mighsiam apemin aning akunizi, aning bar misaraghire. ²⁰ Egha Moses bulmakaun nguzir me ingarizir kam inigha avimin a tuazi a isi. Egha anebiga, a mirmirizi a pauran kinim oto. Egha golin pauran kam dipam mikkini. A tintinibar dipam anekunigha givagħha, Israelia abiraghħbirazima me dipar kam api. ²¹ Egha an Aron migei, "Gumazamizir kaba arazir manamra ni gamizi, ni me gamizima, me arazir bar kurar kam gami?"

²² Ezi Aron a ikaragħha ghaze, "Gumazir ekiam, ni nan aningagħan marki. Gumazamizir kaba ni fomira me gifı. Me arazir kurram damuasa bar kufi. ²³ Me kamaghin na mija ghaze, 'Gumazir kam Moses, gumazir Isipin e inigha en akua azenan izezim, e fożi puvati, bixiż tizim a bato. Kamaghin ni e bagħ godin tabar ingarighti da en faragh mangi en aktu tuavim mangam.' ²⁴ Ezi ki men akam baregha, gumazamizibav già ghaze, 'Ia te golin ringba iti, ia da asigh.' Ezi me golin uari garighiziba inigh da na ganingi. Me da na ganingizi, ki da isa avim mikkini. Ezi bulmakaun nguzir kam a puroma oto!"

²⁵ Egha Moses fo, Aron gumazamizibar amamgħat, me tintinibar arazir kurar iħbaragħa garir aviribagh ami. Moses nighnisi, me kamaghin damuti men apaniba men ganigh, men ziam gasighasigh men ingariva akiti, me bar aghumsigham.

²⁶ Egha a ghua me itir danganimin divażiġi tiar akam tħugħha kamaghin dia migei, "Tina Ikiavira Itir Godin gin mangi

na bagh izi.” Ezi Livain anabamin adarazi iza an boroghin tuifi.

²⁷ Ezi a kamaghin me migei, “Ikiavira Itir God, Israelian God, a kamaghin migei, ‘Ia bar uan midorozir sababa inigh danganir e itir kam bar an otevibar mangi, gumazamizir ian boroghin ikiava marvir guamin gin zuba, kar ian aveghbuaba, namakaba, ko ian boroghin itir darasi, ia bar me misuegħti me arimighireg.’” ²⁸ Ezi Livaiba Moses mikemezi mogħirama ami. Egha dugħiarr kamma me 3,000 gumazamizibav soghezi me ariaghire.

²⁹ Egha Moses kamaghin Livaibav gei, “Ia datirighin uari uan boriba, ko aveghbuabav soghezi me ariaghire. Ezi arazir kamin, Ikiavira Itir God uan ingangarim damuasa ia misefe. Egha datirighin deragħha ia gami.”

³⁰ Egha amimzaragħan Moses gumazamizibavgia ghaze, “Arazir kurar iā amizir kam, a bar ikufi. Ezi ki datirighin uamategħ mighsiamin mavanang Ikiavira Itir God bativam, egh a ian arazir kuraba gin amangisi ki an azangsigh ganigham.”

³¹ Egha Moses mighsiamin għuav-abogħa kamaghin Ikiavira Itir God migei, “Ni nan apangkufiġi nan azangszism baragh. Gumazamizir kaba bar arazir kurar ekiam gami! Me marvir guar maba għol uari bagħha dar ingarigha, dar ziabha fe. ³² Ezi ki datirighin nin azai, ni ifsongegħ men arazir kuraba gin amadagh. Egh ni aghuaghħiva nan ziamra, akiñafarir ni uan gumazamizibar ziabha osirizmin anengarikh.”

³³ Ezi Ikiavira Itir God kamaghin Moses migei, “Puvatigham. Ki gumazamizir arazir kuram gamizibara, men ziabha angaram. ³⁴ Aria, ni mangi, gumazamizibar inigh danganir ki ni mikemezir kamin mangi. Ni oragh. Nan ensej la inigh ian faragh tuavim min mangam. Eghi gin ki izi iverzur kuram gumazamizir arazir kuram gamizibar, ki me ikaraghom.”

³⁵ Guizbangira, gumazamizibar uari bagħ bulmakaun nguziżmin ingarasa bar Aron gakaghone. Kamagh amizi, Ikiavira Itir God gin men arazir kuram ikaraghha arimiar kurar mam amadazi a me bagħha ize.

33

Ikiavira Itir God Sainain Mighsiam ataghiraghha Israelia migei

¹ Egha Ikiavira Itir God kamaghin Moses migei, “Ni ko ni Isipin inigha izezir gumazamizibar, ia danganir kam ategħ, nguazir ki ja daningasa akam akirizmin mangi. Ki fomira kamaghin Abraham, Aisak, ko Jekop migia ghaze, ‘Ki nguazir kam, ian ovavir borir gin otivambar aningasa mikeme.’ ² Ki

enselin tam amadagħti, a nin faragh mangi, Kenania, Amoria, Hitia, Peresia, Hivia, ko Jebusia, me batuegham. ³ Eghi ta manvanang nguazir aghuir kamin ikiām, bizza an ikiava bar deraghaviram aghui. Ia gumazamizir akaba batoziba, kamaghin ki ja ko mangan kogħam. Ki ja ko mangivigh tuavim in ia gasighasigham.”

⁴ Ezi gumazamizibar Akar Gavgavir kam bareghha, men naviba bighiżi me uan adiarir aghuiba kuritir puvati.

⁵ Ezi Ikiavira Itir God Israelia mikimasa kamaghin Moses migei, “Ia gumazamizir akaba batoziba. Ki ja ko dugħiarr otevimi mangivigh, bar ia gasighasigham. Ia orakigh, ia uan nannabagh arīghizir adiarin aghuiba bar da surarikigh, eghi ki deraghvira nighnigh arazitam ia damusi nighnigham.” ⁶ Israelia Sainain Mighsiam itir dugħiamin, me uarir kuritir adiarir aghuiba bar da suagħarigha, Sainain Mighsiam ategħa zuir dugħiamin, me ua dar kuritir puvati.

God Moses ko bizibav gei

⁷ Egha dugħiabar zurara Israelia għua danganir manamin ikiā uan purirpeniba asima, Moses purirpenir mam isa mong men saghon għuwa anesara. Egha kamaghin dipenir kam dibori, “God bativamin Purirpenim.” Eghi tina Ikiavira Itir Godin nighnizim gifogħfogħi, a Purirpenir kamin mangam. ⁸ Moses God bativamin Purirpenimin aven mangamin dugħiamin, gumazamizibar dikavigh uan purirpeni bar tiar akabar tuivighav ikiā garima, Moses an aven zui. ⁹ Moses aven ghugħa givazi, ghuarier ruarir ekiam iza Purirpenimin tiar akam tughav iti. Ezi Ikiavira Itir God ghuarier kamin aven ikiā Moses ko migei. ¹⁰ Gumazamizibar uan purirpeni-bar tiar akabar tuivigh iki għantma, ghuarier ruarir ekiar kam God bativamin Purirpenimin borogħin tughiv ikiām, eghi me dapaniha avigh, Godin ziam fam. ¹¹ Ikiavira Itir God Moses ko migi, mati gumazim uan roroam ko migei. Moses uamategħa danganir gumazamizibar itimin izi, Josua Purirpenimin averara ikiām. Josua, a Mosesin ingangarir gumazir igħjam, a Nunin otarim. A God bativamin Purirpenim ataghħirazir puvati.

Moses Ikiavira Itir Godin guamin ganasa

¹² Moses kamaghin Ikiavira Itir God migei, “Guizbangira, ni gumazamizir kaba inigh nguazir kamin mangasa na mikeme. Egha ni gumazir nan gin mangi nan akurvagħi minn tamin gun na mikemezir puvati. Ni ghaze, ‘Ki bar deragħha ni gifogħa, bar ni gifonge.’ ¹³ Kamaghin,

ni guizin na gifongegh, uan nighniziba na mikemeghti, ki deravira ni gifoghiva arazir ni ifongezibar amuvira ikiam. Egh ni uaghan gumazamizir ni ua bagha inabazir kaba gin amangan marki.”

¹⁴ Ezi Ikiavira Itir God ghaze, “Ki ni ko mangi navir amirizim ni daningti, ni avughsam.”

¹⁵ Ezi Moses ua Ikiavira Itir God migia ghaze, “Ni ubi e ko mangan aghuaghiva, danganir kam ataghraqhsi e mikiman marki.” ¹⁶ Ni e ko mangan koghti, gumazir igharaziba manmaghin fogh suam, ni na ko uan gumazamizibagh ifonge? Ni ubi e ko mangiti, gumazamizir igharaziba kamaghin fogh suam, e gumazamizir igharazibar tongin e bar ighara. Bar guizbangira, e bar nin gumazamizibara.”

¹⁷ Ezi Ikiavira Itir God kamaghin Moses migei, “Ki deragha ni gifogha bar ni gifonge. Kamaghin, ki ni mikemezi moghira damuam.”

¹⁸ Ezi Moses kamaghin Ikiavira Itir God migei, “Ki nin azangssi, ni uan guamin angazangarir ekiam nan akaghaha ki ifonge.”

¹⁹ Ezi Ikiavira Itir God kamaghin Mosesin akam ikaragha ghaze, “Ki nin guamin uan arazir aghuim akaghram. Egh ki uan ziamin gun ni mikimti, ni fogham, nan ziam, Ikiavira Itir God. Ki gumazamizitar kuarkuvighsi, ki men kuarkuvam. Ki gumazamizitar apangkuvi, ki men apangkuvam.” ²⁰ Guizbangira, gumazitam nan guamin ganighiva, an aremegham. Kamaghin, ni nan guamin ganighan kogham. ²¹ Ni gan! Dagiar ekiar mam nan boroghin iti. Ni dagiar ekiar kam gisin tugh. ²² Ehti nan guamin angazangarir ekiam nin boroghin iziti, ki ni isi dagiar torimin aven ni atigh, uan dafarinim ni avaragh, egh mangi ni gitagham.” ²³ Egh ki gin ua uan dafarim inighti ni nan akirir kinimin ganam. Egh nan guamin ganighan kogham.”

34

*Moses namba 2in dughiamin
Akar Gavgaviba ini*

(Godin Araziba 10:1-5)

¹ Egha gin Ikiavira Itir God kamaghin Moses migei, “Ni dagiar akuar pumuning uam aning atughiva aning akirigh. Aning, dagiar ni faragha kunizi biaghrezimning min gan. Ehti ki akar faragha osiriziba uam aningin da osiram.” ² Ni dagiar akuar kamning akirigh, gurumin bar mizaraghara Sainain Mighsiamin anang bar an orazimin na batogh.” ³ Ehti

gumazitam ni ko izan marki. Ki gumazitam mighsia kamin danganir katamin an ganan aghua. Ehti sipsipba ko bulmakauba uaghan izi mighsiam boroghin grazibar aman marki.”

⁴ Ezi Moses Ikiavira Itir God a mikemezi moghin amua, a faragha inigha izezir dagiar akuamningin mirara garir dagiar akuamning atu. Egha bar mizaraghara uan dafarimin dagiar akuamning atera Sainain Mighsiamin ghuavanadi.

⁵ Ezi Ikiavira Itir God ghuariamin ikia izaghira Moses ko tughav ikia, egha ubi uan ziam dibora ghaze, ki Ikiavira Itir God. ⁶ Egha a Mosesin boroghin ghua an guam gitaviragha kamaghin diagha ghaze, “Ki Ikiavira Itir God, ki Ikiavira Itir God. Kirara, kuarkuvir arazim ko apangkuvir arazimin mingarim. Egha zuamira aningazir puvati. Egha zurara gumazamizibar apangkuva, zurara uan mighrigiab gin ghua guizin arazibagh ami.” ⁷ Ki zurara uan gumazamizir aviriba bar men apangkuvigh mangivira ikiti, men igiav otariba otivigh iki kamaghira ikiam. Egha ki men arazir kuraba ko arazir akaba batoziba ko, igharagha garir bizir kurar aviriba gin amadi. Egha ki garima, arazir kurabagh amir gumazamiziba, me osimitzim itima, ki ivezir kuram me ganidi. Egh men boribar borir gin otivamiba ki ivezir kuram me daning, mangiti men igiav otaribar boriba otivigham.”

⁸ God mikemegha givazi, Moses zuamira tevimming apirigha dapanim aviragha guam nguazim gatigha Godin ziam fe. ⁹ Egha kamaghin migei, “O Ekiam, ki nin azai, ni bar guizbangira na gifuegh, egh ni e ko mangi. Guizbangira, gumazamizir kaba akaba barazir puvati. Ezi nan ifongiam kamakin, ni en arazir kuraba ko igharagha garir bizir kuraba gin amadagh. Egh e damichti e nin gumazamizibara ikiam.”

*God uan gumazamiziba ko Akar Dikirizir
Gavgavim uam anekiri*

(Ua Me In 23:14-19; Godin Araziba 7:1-5; 16:1-17)

¹⁰ Ezi Ikiavira Itir God kamaghin Moses migei, “Datirighin ki Akar Dikirizir Gavgavim ia Israelia ko uam anekirasa. Ki nin gumazamizibar damazibar digavir kuram gamir arazibar amuam. Arazir kaba, ki Kantrin Igharazibar Gumazamizibar damazibar faragha dagh amizir puvati. Kantrin igharazibar gumazamizir ia men tongin itiba, me arazir ki Ikiavira Itir God damuamin kabar gan, egh digavir kuram damuva akongiva atiatingam.” ¹¹ Ehti

ia nan Akar Gavgavir ki datirighin ia daningamiba bar, ia dar gin mangi. Eghiti ki ian faragh mangi, egh Amoria, Kenania, Hitia, Peresia, Hivia ko, Jebusia batuegham. ¹² Egh ia deraghvira ganigh, kantrin ia mangamin kamin gumazamiziba, ia me ko bitezit bagh akar dikirizir gavgavitam akiran bar marki. Me azuazimin min me ia damigh, egh ia gekuwaiti, ia iregh, bar ikuvigham.

¹³ “Ia men asebar ziaba fer bizir kabagh asighasikigh. Ia ofa gamir dakoziiba ko, dagiar guarir dighoriba itiba akunighti, da bar bighiri akuabagh iregh. Egh temer guarir aser amizim Aseran nedazim itiba bar da okeghti da iregh.

¹⁴ “Ki uabira, ki Ikiavira Itir God, ia nan ziamra fi. Egh aser ifavariba nan danganim inian ki bar aghua. Egh ia asebar ziaba fan marki.

¹⁵ “Egh ia kantrin kamin gumazamiziba ko bitezit bagh akar dikirizir gavgavitam akiran marki. Me tuavimin amizimin arazimin min amua, asebar ziaba fe. Egh ia me ko akam akirighti, me uari ko ikisi ia mikimam, eghiti ia men asizir me asebar ofa gamizitarbar amegham. ¹⁶ Eghiti ameboghefeziaba uan otarir igiabia Israelin azenan itir amizir igiabat ikisi me ginamti, amizir kaba me inigh mangiti, me na ategh asebar ziaba fam. Nan damazimin arazir kam mati gumazamiziba, uari isa tintinibar akuir arazim.

¹⁷ “Ia ainin min garir bizitaba inigh asebar marvir guabar ingar, egh dar ziaba fan bar marki.

¹⁸ “Egh ia Yis Puvatizir Bretin Isam Damuamin Dughiam bakinighnighan marki. Abipin iakinim otozi ia Isipin kantri ataki. Ezi ki ia mikemezi moghin, ia zurara azeniaha bar iakinir kamin, wighin vamiran yis puvatizir bret amam.

¹⁹ “Eghiti ian otarir ivariaba, ko bulmakau ko sipsipba, dar nguzir apurir faragha otiviziba bar, kar ki ua bagha inabazir bizza. ²⁰ Egh ia donkin nguzir apurir faragha ototizitam ua a inisi, ia sipsipin nguzim isi ofa damu, eghiti tuavir kamin ia donkin kam givezegh ua a inigham. Ia donkin kam givezan aghuagh, egh ia an gurim apirigh. Egh ia uan otarir ivariaba vaghvagh me givezegh ua me iniam.

“Ia nan ziam fisi izi, dafarir kinibar izan marki, ia bitezit suragh izi.

²¹ “Egh wikba bar ia 6plan dughiabara ingangaribar amu, egh ia namba 7in

dughiamin ingangaritam damuan bar marki. Azenimin ingarir dughiam ko dagheba asir dughiam, ia Sabatin dughiamin virara aningin ingaran marki.

²² “Egh ia Azenibar Dagher Igiaiba Asiamin Dughiamin Isar Ekiam ginighnigh. Ia witin faragha aniba iniamin dughiam, isar ekiar kam damuam. Egh gin ia Ruarpenibar Iki Dagher Abuananaba Asiamin Dughiam, ia ua a bagh isam damu. Iakinir ia temer oviziba iniamim, isar ekiar kam otogham.

²³ “Egh ia azeniaha vaghvagh dar dughiar 3plan, ian gumazamiziba bar izi, egh nan ziam fisi nan damazimin otogh, ki Ikiavira Itir Godin Gavgavim, Israelien God. ²⁴ Eghiti gin ki gumazamizir datirighin ian nguazimin itiba batuegh, ian nguazimin mitaghniham damighti a mangi ekevegham. Egh azeniaha bar dar 3plan dughiabar, ia nan ziam fisi iziva nan damazimin otogh, eghiti apaniba ian nguazimin nisi ifueghan kogham.

²⁵ “Egh ia asizim isi na bagh an ofa damuva, an ghuzim isi na daningisi, yis itir bret sara ofa damuan marki. Egh ia God Israelia Gitazir Dughiam ginighnighsi asiziba isi ofa damuti, dar naba iki mangi amimzaraghan otivan marki.

²⁶ “Ia dagher faragha asiba, dar dagher bar aghuibara, ia da inigh nan Dipenimin mangi ofan min, ki Ikiavira Itir God, ian God, da na daning.

“Egh ia memen nguzitam isi minem darugh, an amebamin oter eborim sara aneavighan marki.”

²⁷ Egha Ikiavira Itir God kamaghin Moses migei, “Guizbangira, ki ni ko Israelia ia bagha Akar Dikirizir Gavgavim gami, ezi akar ki migeiba ghua akar kamra inifi. Kamaghin amizi, ni akar kaba akinafarir tamin da osirigh.” ²⁸ Ezi Moses 40plan dughiabar Ikiavira Itir God ko mighsiamin ikia, egha daghetam ko dipatam bar anezmezir puvati. Ezi Ikiavira Itir God Akar Dikirizir Gavgavim akaba, dagiar akuar Moses inigha ghuzimningin ada osiri. Akar kaba, da 10plan Akar Gavgaviba.

Moses mighsiam ategha ghuaghiri

²⁹ Ezi Moses mighsiam ategha ua izir dughiamin, a dagiar akuar 10plan Akar Gavgaviba itimning inigha izi. A Ikiavira Itir God ko mikemezi, an guam bar angazangaribar ekiam iti. Ezi a kamaghin fozir puvati, an guam kamaghin gari. ³⁰ Ezi Aron gumazamiziba ko Mosesin guamin angazangarimin ganigha, atiatigha, an

34:12: Ua Me In 23:32-33

34:13: Godin Araziba 16:21

34:17: Ua Me In 20:4; Ofa Gami 19:4; Godin Araziba

5:8; 27:15

34:18: Ua Me In 12:14-20; Ofa Gami 23:6-8; Diboboniba 28:16-25

34:19: Ua Me In 13:2

5:8; 27:15

34:21: Ua Me In 20:9-10; 23:12; 31:15; 35:2; Ofa Gami 23:3; Godin Araziba 5:13-14

34:20: Ua Me In 13:13

23:15-21; 23:39-43; Diboboniba 28:26-31

34:25: Ua Me In 12:10

34:22: Ofa Gami 23:15-21; 23:39-43; Diboboniba 28:26-31

Korin 3:7-16

34:26: Godin Araziba 14:21; 26:2

34:29: 2

boroghin mangan aghua. ³¹ Ezi Moses men diazi, Aron ko Israelian gumazir dapaniba a bagha zuima a me migei. ³² Ezi gin Israelian gumazamiziba bar a bagha zuima, an Akar Gavgavir Ikiavira Itir God Sainai mighsiamin a ganingiziba, bar dar gun me migei. ³³ Egha a me mikemegha givaghia, inim inigha bar uan guam avara. ³⁴ Moses Ikiavira Itir God ko mikimasa Purirpenimin aven zuir dughiam, a inim adegh iki mangi uam azenan izam. An azenan izava Ikiavira Itir God a mikemezi biziba bar dar gun gumazamizibav gei. ³⁵ Ezi gumazamiziba an guamin garima an angazangarim iti. Moses me mikemegh givagh, ua uan guam avaraghram. Egh a ua mangi Ikiavira Itir God ko mikimamin dughiam a ua inim adegham.

Me Ikiavira Itir Godin Purirpenimin ingari

35

(Sapta 35-40)

Avughsamin Dughiamin Akar Gavgaviba

¹ Egha Moses Israelian gumazamiziba bar men diazi me izezi a kamaghin me migei, "Ikiavira Itir God kamagh migia ghaze, ia nan Akar Gavgavir kabar gin mangi. ² Ia ingangariba bar adar amu mangi 6plan dughiamran tugh. Egh namba 7in dughiam ia avughs. Ki Ikiavira Itir God, kar nan dughiar ki avughsim. Gumazim o amizitam dughiar kamin ingangaritam damichti, ia a misuegħti an aremegħ. ³ Ia uan dipenūbar aven avim arīgħi, o ia uaghan ingangarir mużiarir kamagh garibar amusi, Sabatin dughiamin dar amuan marki."

*Gumazamiziba biziba God daningasa
Moses me migei*
(Ua Me In 25:1-9)

⁴ Egha gin Moses kamaghin Israelia bar me migei, "Ikiavira Itir God Akar Gavgavim ia ganigħi ghaze: ⁵ ia datirighin bizitaba isi ofan min Ikiavira Itir God daningam. Gumazamizir uan navimin aven biziba bar a daningasa nighniziba, me bizir kaba a daning: gol, silva, bras ko, ⁶sipsipin arizibar ingarir tretin bluplaba, pighagħeviба, agħeviба ko, inir ghurghur aghuariba, ko inir me memen arizibar ingarizba ko, ⁷ sipsipin apurim in ir me penin agħeviġi aghħużiба ko, ongarimin itir asizir ekiabar iniba ko, akasin temeba ko, ⁸ lambagh arīgħa dagh aboir olivin borem ko, pauran mugħuriar aghħuim zuir me olivin borem sara verezir God ua bagħha inabazar bizibaq ġiegħ, ko pauran mugħuriar aghħużiġi gamiba. ⁹ Egh dagħi-

pizir aghħuariba ko dagħiar aghħuir iveau bar pin kozir iħarrariba inih, da ofa gamir gumazibar dapanimin korotiar otevri azenan itim kurkeġħ, egh an foriżtarar inir an evarimin poroġħav itim gituigh. Bixi kaba, me bar da inih iżi."

*Moses Godin Purirpenimin ingaramin
biziba bagħha me migei*
(Ua Me In 29:32-43)

¹⁰ Egha Moses ua kamaghin migei, "Ia tongin gumaziba bar bizir kabar ingaramin fofoziba iti, me bar izi bizir Ikiavira Itir God ia mikemezibar ingar. ¹¹ Me Purirpenimin ingarighi, egh aneamin biziba, ko akeziba, ko birir aghħariba, ko aghħar iħġuvir gavgħiġ Purirpenim daningamiba ko, dipenir akiniba ko, boksiar me birir aghħariba asamiba, me bar dar ingar. ¹² Egh me Akar Dikiriz Gavgavim Boksiāmin ingarigh, egh temer aneteramimningin ingarigh, egh gol inigh an asuumin ingarigh, kar arazir kuraba ġin amangamin danganim, ko Bar Anogoroghezir Danganim modir nir ekiamin ingarigh. ¹³ Egh ia bretha arizir dakozim ko an ingangarim gamir bizibar ingarigh, egh dakozim ateramin temmieni akiरiġ, egh Godin damazim dinar iħġażi bretba tuagh. ¹⁴ Egh me lambar afam ħażżeġ, ko lamba, ko an ingangarim gamir biziba sara ingar. Egh me lamba ko angazangarim aningamin olivin borem sara ingarigh. ¹⁵ Egh me pauran mugħuriar aghħuim tuamin ofa gamir dakozim ko anettersi itemmingin ingarigh. Egh biziba misiv ingiġi olivin borem ko pauran mugħuriar aghħużiġi ingarigh. Egh me Purirpenimin tiar akamin guamin inir ekiamin ingarigh. ¹⁶ Egh me asiziba da bar isia mighiरi ofa gamir dakozim ingarigh, egh a bagħ brasin ingariz abizim min garir bizim ko an ingarib bizibar ingarigh. Egh me ofa gamir dakozim ateramin itemmingin ingarigh. Egh me sorogħafariba ruamin itar ekiatam ko anefam ħażżeġ, ko boksiar akiniba asamiba, bar dar ingarigh. Egh me divażim inippeni akabin, ko boksiar akiniba asamiba, bar dar ingarigh. Egh me divażim in iż-żebbu tħalli, ko boksiar akiniba asamiba, bar dar ingarigh. Egh me divażim in iż-żebbu tħalli, ko boksiar akiniba asamiba, bar dar ingarigh. ¹⁷ Egh me Purirpenimin divażim avins inibar ingariva, egh divażim inippeni akabin, ko boksiar akiniba asamiba, bar dar ingarigh. Egh me divażim in iż-żebbu tħalli, ko boksiar akiniba asamiba, bar dar ingarigh. Egh me divażim in iż-żebbu tħalli, ko boksiar akiniba asamiba, bar dar ingarigh. ¹⁸ Egh me Purirpenim ko an divażim gavgħavim aning daningam beniba ko afuġħafugħamiba, dar ingarigh. ¹⁹ Aron a ofa gamir gumazim, a uan otariba ko, me bagħ korotiar aghħuaribara isamighti me dar aghħuiġ, egh ofa gamir gumazim in ingangarim damu. Kar, me dagħiġi Anogoroghezir Danganim aven mangamin korotiaba."

*Gumazamiziba biziba inigha Ikiavira
Itir God bagha zui*

²⁰ Ezi Israelian gumazamiziba Moses ategha zui. ²¹ Ezi an akaba men aviribar navibagh ami da dikavima, me a mikemezi moghin damuasa ifonge. Ezi gumazamiziba bizir guar aviriba inigha izi: me God bativamin Purirpenimin ingaramin biziba ko, an ziam famin biziba ko, ofa gamir gumazibar korotiar aghuaribar ingaramin biziba, me bar da isa ofabar min Ikiavira Itir God ganidi. ²² Ezi gumazamizir kamaghin damuasa ifongeziba, uarir kuritir bizir igharaghag garir kaba inigha izi. Bizir aghuir kabanang: kuarinim ringba, dafarimin ringba, firimin ikezir ringba, ko golin aghuir dirir igharaghag gariba itiba. Gumazamiziba bizir kaba isa, dar suiraghda fegha dagh amizi, da Godin damazimin ighuavamadir ofabar min da isa Ikiavira Itir God ganidi. ²³ Ezi gumazamizir maba, me bizir kaba ikiava, me vaghvagha da inigha izi, tretin bluplaba, ko pighagheviba, agheviba ko, inir ghurghurir aghuariba, ko inir me memen arizimin ingarizim ko, sipsipin apurimin inir me penin aghevimin aghuizim ko, ongarimin itir asizir ekiabar iniba. ²⁴ Ezi gumazamizir silva ko bras itiba, me ofan min da isa Ikiavira Itir God bagha izi. Ezi gumazir akasin temeba itiba me Purirpenim ko bizir igharazibar ingarasa da inigha izi. ²⁵ Ezi amizir tretbagh irigha foziba, me sipsipin ariziba isa tretin bluplaba, ko tretin pighagheviba, ko tretin aghevibagh irisi. Egha me inir ghurghurir aghuibringarasa tretin ghurghuribagh irigha, dar ingari. Egha me tretin kaba inigha izi. ²⁶ Egha me uaghan memen arizimin tretin ingaran fofozim ko ifongiam ikia, egha dar ingari. ²⁷ Ezi gumazir dapaniba dagiar pizir aghuiba ko dagiar aghuir ivezim bar pin kozir igharaziba inigha izi. Me da isi ofa gamir gumazibar dapanimin korotiar otevir azenimin itim ko, forivtarir nir an evarimin itim darigham. ²⁸ Egha me, olivin borer me lambagh inge da isir borem, ko biziba misiv dagh ingamin borem, ko pauran mughuriar aghuim, dar ingarasa, egha pauran igharaghag gariba ko olivin boreba da inigha izi. ²⁹ Ezi Israelian gumazamiziba bar biziba Ikiavira Itir God daningasa uan ifongiamin gin ghua me da inigha an inganganim damuasa, a Moses mikemezi moghin da inigha izi.

*Ikiavira Itir God gumazir inganganim
damuamiba misefti*

(Ua Me In 31:1-11)

³⁰ Ezi Moses Israelia migei, “Ikiavira Itir God Judan anabamin gumazir Besalel amisevegha gifa, a Urin otarim, egha a

Hurin igiar borim. ³¹ Egha Ikiavira Itir God uabi uan Duamin gavgavim a ganingizi, a fofozir aghuim ko inganganir aghuibramuamin nighnizim iti. ³² Egha a gol, silva, ko brasin bizir aghuir igharazibar ingaramin fofozir aghuim ko nighnizir aghuim a ganingi. ³³ Egha a dagiar ivezir bar pin koziba aghoriva temebardirir guar aviriba aghor, egh Purirpenim asingamin inganganir aviribar fofozir aghuiba a ganingi. ³⁴ Egha Ikiavira Itir God fofozir aghuarim isa Besalel ko Oholiap ganingi. Oholiap, a Ahisamakin otarim, a Danin anabamin gumazir mam. Aning inganganim damuamin gumazir igharaziba sure damuamin fofozim iti. ³⁵ Ikiavira Itir God gumazir kamning inganganir guar aviribar amuamin fofozir aghuim aning ganingi, ezi aning dagiabar nedaziba aghora egha dirir aviriba aghora, egha inir ghurghurir aghuiba isava tretin bluplu, ko, tretin pighaghevim ko, tretin aghevir me sipsipin arizimin ingarizim nuavigha, dar kurke. Egha aning bizir me damuasa nighnizir kabar fofozim ikia egha bizir kaba bar dar ingari.”

36

¹ Egha Moses ghua kamaghin migia ghaze, “Ikiavira Itir God Besalel ko Oholiap ko fofozim itir gumazir igharazibar dei. Gumazir kaba, Ikiavira Itir God inganganir amuamin fofozim me ganingi. Ikiavira Itir God mikemezi moghin, me Godin Purirpenim ko an bizibar ingaram.”

Gumazamiziba bizir aviriba inigha izi

² Ezi gin Moses Besalel ko, Oholiap, ko gumazir Ikiavira Itir God fofozir aghuim aningiziba bar men dia. Ezi gumazir inganganim damuasa bar ifongeziba, me izima Moses inganganim damuasa me migei. ³ Egha Israelia Godin Purirpenimin ingarasa akuvazir biziba, Moses bar da isa gumazir kabagh aningi. Egha Israelian gumazamiziba zurara mizarazibar uan ifongiabar gin ghua ofan min biziba God daningasa da isa izavira iti. ⁴ Ezi Purirpenimin ingarir gumaziba bizir kabargari, da avirasemezi, me uan inganganriba ategha izi.

⁵ Egha me kamaghin Moses migei, “Gumazamiziba bizir bar aviriba inigha izi. Ikiavira Itir God e mikemezi bizir e inganganim damu anegiyamiba, da bar iti. Egha bizir avirim pura ikiam.”

⁶ Ezi Moses akam amadazi a bar gumazamiziba bagha me itir danganibar ghua ghaze, “Ia gumazamiziba, Godin Purirpenimin ingarsi ua bizitaba inigh izan marki.” Ezi me akar kam baregha, ua bizitaba inigha izir puvati.

⁷ Ezi bizir gumazamiziba inigha Purirpenimin ingarasa izegha givaziba, da bar ingangarir kaba agivaghti, dar naba pura ikiam.

*Me Godin Purirpenimin ingari
(Ua Me Ini 26:1-37)*

⁸ Egha ingangarir gumazir fofozim itiba Godin Purirpenimin ingari. Egha me 10plan inir ghurghurir aghuaribar an ingari. Nir kaba me tretin bluplaba ko, pighagheviba ko, agheviba inigha enselin bar gavgavibar nedaziba inir kabar da isami.⁹ Egha me 10plan inir kabar ingarizi, dar oteviba bar voroghira ghue. Ezi dar ruariba 12 mitan tuzi, dar aroziba 2 mitan tu.¹⁰ Egha da arueghasa me 5plan iniba da uarir akuigha uam ada isami, egha 5plan mabar akuigha ua kamaghira da isami.¹¹ Egha aning isafuraghassa, me bluplan tretin irighizir kuzir kabar inimnningin miriamningin da isami.¹² Egha me 50plan tretin irighizir kuziba inir faragha itimin miriam gitui, egha 50plan tretin irighizir kuziba namba 2in inim kamaghira a gituizi da voroghira ghue.¹³ Egha me 50plan golin akezibar ingarigha, inir ruarir kamnningin kuziba isafuraghda aning ikezi, aning Purirpenir vamiran oto.

¹⁴ Me memen arizibar 11pla inibar ingarizi, da Purirpenim avamin nir ekiar vamiram oto.¹⁵ Ezi inir kaba vaghvagha dar ruariba 13 mitan tu. Ezi dar aroziba 2 mitan tu. Ezi dar ababanim voroghira ghu.¹⁶ Egha da arueghasa me 5plan iniba uari isafuraghda isamizi, da inir ekiar vamiran oto. Egha 6plan iniba uarir isafuraghda isamizi, da inir ekiar vamiran oto.

¹⁷ Egha me 50plan tretin irighizir kuziba inigha inir faragha itimin miriam gituigha, 50pla tretin irighizir kuziba inigha inir namba 2in miriam gitui.¹⁸ Egha 50plan brasin akezir ingariziba, da tretin irighizir kuzibar aghuam. Eghti inir kamning uaning isafuraghti inir ekiar vamira ikiam.¹⁹ Egha me Purirpenim avasa, sipsipin apuribar inir me penin aghevimin aghuizimina inimmin ingari. Egha a gisin darighasa ongarimin itir asizir ekiamin inim inimmin ingari.²⁰ Egha me akasin temebar Purirpenimin birir agharibar ingari.²¹ Ezi birir agharibar ruarim 4 mitan tuzi, iter otevir agharibagh iniva ghueziba, 66 sentimitan tu.²²⁻²⁴ Egha me iter akinir pumuningin mingarimning akirigha, silvan boksiamning gisin aning asara. Egha me Purirpenimin birir aghariba bar kamaghira dar ingari. Egha me sautin amadaghan Purirpenimin 20plan birir agharibar ingari. Egha me silva inigha 40plan boksiar torir muziariba itibar ingarigha, egha birir aghariba dagh ase. Ezi

boksiar pumuning birir agharir vamiran apebamin ti, egha birir agharimin povim gavgavim a ganidi.²⁵⁻²⁶ Egha me kamaghira uaghan notin amadaghan birir agharibar ingarigha, 20pla birir agharibar ingari, egha me birir agharibar poviba gavgavim dar aningasa, 40plan silvan boksiar ingari. Egh silvan boksiar pumuning gisin birir aghariba vaghvagh da ase.²⁷ Egha me 6plan birir aghariba Purirpenimin girakirangin aruem ghuaghiri naghin dar ingari.²⁸ Egha me birir agharir pumuning Purirpenimin girakirangin itir mikebamningin aningin ingari.²⁹ Me mikebamningin itir birir agharimning vin uanningin akuigha ghuavanaga bar pin oto. Egha birir agharir kamning uaning inigha uanaga ringin vamiran aven ghua voroghira iti. Egha mikebar ighirazim me kamaghiram a gami.³⁰ Ezi girakirangin 8plan birir aghariba itima, 16plan silvan boksiaba da birir agharibar povibar suis, ezi boksiar pumuning, birir aghariba vaghvaghda dar tuifi.

³¹⁻³² Egha me akasin temer ruariba inigha, dar ighuvir ruaribar ingari. Egha notin itir birir aghariba bagha 5plan ighuvibar ingari. Egha sautin itir birir aghariba bagha 5plan ighuvibar ingarigha, aruim uaghiri naghin itir birir aghariba bagha 5plan ighuvibar ingari.³³⁻³⁴ Egha me ringbar ingarigha vaghvagha birir agharibar tongira da arigha, egha gin ighuvir ruarir kaba isa ringbagh aghua ghua, Purirpenimin mikebar mamin ikegha ghua mamin tu. Egha me birir aghariba ko ringba ko ighuvir ruariba, golra bar da noke.

³⁵ Egha me inir ghurghurir ruarir ekiar mamin ingarigha, Purirpenimin aven anegura. Me inir kam, tretin blupla ko, pighaghevim ko, aghevimir me sipsipin arizimin ingarizimin a isami. Egha me deravira enselin bar gavgavibar nedaziba an kurka da isami.³⁶ Egha me akasin temeba inigha, inir ekiar kam guasa 4plan dipenir akinibar ingari. Egha me dipenir akinibar kaba golin da noke. Egha golin akezibar ingarigha nir kamin suighasa dipenir akinibar da ariki. Egha me 4plan silvan boksiabbar ingarigha, egha dipenir akinibar kaba asasa dar ingari.³⁷ Egha me Purirpenimin tiar akamin min ikiasi, inir ghurghurir aghuarimin ingari. Me tretin sipsipin arizibar ingarizir blupla ko, pighaghevim ko, aghevimir an kurkegha da isami.³⁸ Egha me 5plan dipenir akinibar ingarigha, inim guasa akeziba dagh itui. Egha me gol inigha dar dapanibagh aghui, egha dipenir akinibagh inivamin ighuviba saram aghui. Egha me 5plan brasin boksiar

toriba itibar ingarigha dipenir akiniba asasa dar ingari.

37

Me Akar Dikirizir Gavgavimin Boksiamin ingari

(Ua Me Ini 25:10-22)

¹ Egha me Besalel ingangarir gumaziba ko me akasin temer arariba isa, Akar Dikirizir Gavgavimin Boksiamin ingari, ezi an ruarim 110 sentimitan tu, ezi an arozim 66 sentimitan tu, ezi an tuirivim 66 sentimitan tu. ² Egha me golin aghuarim isa Boksiamin averiam ko azenimin poghava a noke. Egha golin ruarir mamin an apinimin azen an bar an pogha a ikiaghbarui. ³ Egha me Boksiam darugh aneterasa gol ringin 4plan ingarigha, a tuivamin suer 4plan boroghin gol ringin 4pla ariki, egha 4plan suebagh ike, pumuning isa Boksiamin vongin aning ikegha pumuning vongin aning ike. ⁴ Egha me Boksiam aterasa akasin iter otevir pumuning inigha, deragha aning akirigha, golrama aning pogha aning noke. ⁵ Egha me Boksiam aterasa iter otevir kamning isava, mam vongin an ringning garuga, mam vongin an ringning garu. ⁶ Egha me Boksiaminasuam golin aghuarimin an ingari. An ruarim 110 sentimitan tu, ezi an arozim 66 sentimitan tu. Danganir kam, kar gumazamizibar arazir kuraba gin amadir danganim. ⁷ Egha me golin maba inigha haman dav misuegha enselin bar gavgavir pumuningin nedazimningin ingari. Ezi enselning Boksiaminasuam gisin tughav ikia, mav vongin iti, mav vongin iti. ⁸ Ezi mam agharir guvimin tughav itima mam agharir kiriamin tughav iti. Me golin mam inigha, enselin bar gavgavir kamningin nedazimning ko Boksiamin asuamin danganir kamran dar ingarizi, da bizir vamiran min iti. ⁹ Ezi enselin bar gavgavir pumuningin nedazim arazir kuraba gin amadir danganim tughav iti, ezi aningin guamning uaniningakuigha aviragh Boksiamin gari, ezi aningin avizimning kuiaghiringha ikia, Boksiamin asuam avara.

Me bret bagha dakozimin ingari

(Ua Me Ini 25:23-30)

¹⁰ Egha me akasin tememin dakozir mamin ingari, ezi an ruarim 88 sentimitan tu, ezi an arozim 44 sentimitan tuzi, an tuirivim 66 sentimitan tu. ¹¹⁻¹² Egha me dakozir kam golin aghuarimin an puegha a noke, egha golin ruarir mamin an miriamin pogha bar a ikiaghbarui. Egha me golin ruarir kam gamizi a mong figha anabogha, dakozimin apiniba bar da inigha, an tuirivim 8 sentimitan tu. Ezi me golin ruarir kam, an miriamin golin ighazarizir

mamin adiarim gamigha an puegha golin ruarir kam bar a ikiaghbarui. ¹³⁻¹⁴ Egha me gol ringin 4plan ingarigha dakozimin mikebabar suebar boroghin da ike. Ezi 4plan gol ringin kaba dakozimin apinimin poroghira iti. Da akasin temer dakozim ateramningin suigham. ¹⁵ Egha me akasin iter otevir pumuning isa dakozim aterasa deragha aning akirigha, golrama aningin pogha aning noke. ¹⁶ Egha me dakozim gisin dafasa itarir ekiaba golin aghuimra dar ingari. Kar ofa damu wain fusfughamin itarir ekiaba ko, doziba, kapba ko, botolba.

Me lamba afamin aghorimin ingari

(Ua Me Ini 25:31-40)

¹⁷ Egha me golin aghuarim inigha lamin aghorimin ingari. Egha haman golin kam misuegha lamin aghorim asamin danganim ingarigha, lambar aghariba ingarigha dar afamin danganibar boroghin, akimarir tighar onamiba ko onezibar ingari. Egha biziba bar dar ingarizi da bizir vamiran min iti. ¹⁸ Ezi lamba afamin aghorir kam, 6plan aghariba iti, egha 3pla vongin itima, 3pla vongin iti. ¹⁹ Ezi lamba afamin aghorir kam, 6plan aghariba vaghvaghakim 3pla iti, egha da lamin kabar apengan iti. Ezi lamin aghariba bar kamaghira gari. Ezi akimaribar ganganiba amonin tememin akimaribar min gari. ²⁰ Ezi lamin aghorim ubi kamaghin gari, me akimarir 4plan ingarizi, da amonin tememin akimaribar min, dar maba tighar onezibar min gari, ezi maba onezibar min gari. ²¹ Egha agharir pumuning uanining akuizi naghin, me akimarir dafarir muzierir kabar ingari. Egha agharir igharaziba uaghan kamaghira dagh ami. ²² Me hama inigha golin aghuir kam misuegha, bizir kabagh amizi da bizir vamiran min iti. ²³ Me golin aghuariba inigha, 7plan lambar ingarigha, akamimin min garir avimin suizir bizir mabar ingarigha, egha uaghan itaribar ingari. ²⁴ Me 35 kilogremiin golin aghuariba inigha, lamba afamin aghorim ko lamba ko an ingangarir biziba bar dar ingari.

Me pauran mughuriar aghuim tuamin ofa gamir dakozimin ingari

(Ua Me Ini 30:1-5)

²⁵ Egha me akasin temem inigha pauran mughuriar aghuim tuamin ofa gamir dakozimin ingari. Ezi ofa gamir dakozir kamruarim 45 sentimitan tuzi, an arozim an ruarim mirara ghua 45 sentimitan tu, ezi an tuirivim 90 sentimitan tu. Temer akasin ofa gamir dakozimin ingarizimra, me bulmakaun kombar min garir bizibar ingarizi, da ofa gamir dakozimin mikebabar vaghvaghakim dar iti. ²⁶ Egha me an 4plan miriaba ko an siriam ko an komba golin

aghuarimin dar puegha da noke, egha golin ruarim isa ofa gamir dakozimin miriabagh atigha a ikiaghbari. ²⁷ Egha me gol ringin pumuningin ingarigha, mam isa vongin a ikegha, vongin mam ike. Me ringin kamning golin ruarir me an miriabar ikezimin apengan aning ike. Ringin kamning me ofa gamir dakozim atersi tememning aning daghuam. ²⁸ Me akasin iter pumuning inigha ofa gamir dakozim aterasa aning akirigha, golin aning noke.

Me borem ko pauran mughuriar aghuim zuimin ingari

(Ua Me Ini 30:22-38)

²⁹ Egha me pauran mughuriar aghuim ko olivin borem deravira da verezi, borer mughuriar aghuim oto, mati sanda. Olivin borer kam, an ingangarim kamakin: me bizim o gumazim Ikiavira Itir God bagh anemisivisi, borer kam a gingam. Me uaghan pauran mughuriar aghuim zuir mabar ingari, mati gumazir fofozir aghuim itim deravira da verezi, sandan aghuim oto.

38

Me asiziba bar isia mighirir ofa gamir dakozimin ingari

(Ua Me Ini 27:1-8)

¹ Egha Besalel ko ingangarir gumazir igharaziba, akasin temeba inigha, asiziba bar isia mighirir ofa gamir dakozimin ingari. Ezi an arozim ko an ruarin ababanim virara 2 mita 20 sentimitan tu. Ezi an tuirivimin ababanim 1 mita 30 sentimitan tu. ² Egha temer akasin ofa gamir dakozimin ingarizimra, me bulmaukan kombar min garir bizibar ingarizi, da ofa gamir dakozimin mikebabar vaghvaghya dar iti, egha ofa gamir dakozim me brasin an pogha a noke. ³ Ofan dakozimin ofan ingangarim damuasa me bizar kabar ingari, savolin muziariba, itarir ekiaba, pokba ko, itarir avim ateramin ko averenim iniamin itarim ko avim ateramin itariba, ko averenim iniamin itaribar ingari. Bizar kaba bar me brasin dar ingari. ⁴⁻⁵ Egha me bras uaia inigha abizimin min garir bizimin ingari. Egha ofa gamir dakozimin aven aneti. Egha me brasin ringin 4plan ingari. Egha da isa ofa gamir dakozimin, abizimin mikebabar da ariki. Kar ringin tememning arugh boksiam ateramiba. Egha brasin ruarim inigha ofa gamir dakozimin averiamin tongiram anetigha a ikiaghbari. Eghua brasin abizimin miriaba isa brasin ruarir kamin apengan anegura. Ezi abizimin min garir bizar kam, ofa gamir dakozimin averiamin tongiram apera. ⁶ Egha me

akasin iter otevir pumuning inigha, aning akirigha brasin aning puegha aning noke.

⁷ Me ofa gamir dakozim aterasa akasin temer kamning isa ringin an miriamningin itibagh aghui. Me temer arariba inigha ofa gamir dakozim boksiamin min an ingari, egha boksiamin dikinimin ingarizir pupati. Me anetaghizima an dikinim pura torim iti.

Me soroghofariba ruer

itarir ekiamin ingari

(Ua Me Ini 30:18)

⁸ Ezi amiziba zurara God bativamin Purirpenimin tiar akamin boroghin Godin ingangarim gami, egha merara uan brasba isa Besalel ganingi. Brasin kaba, da ganganir me uan guabar garibar min gari. Ezi ingangarir gumaziba brasin kaba inigha, egha soroghofariba ruer itarir ekiamin ingari, egha itarir kam afasa dakozimin ingari.

Me Godin Purirpenimin divazim azui

(Ua Me Ini 27:9-19)

⁹ Egha me inir ghurghurir aghuimin ingarigha, Purirpenim avinasa divazir azenan itimin ingari. Me inir ruarir kam sautin amadaghan itir divazim bagha an ingarizi a 44 mitan tu. ¹⁰ Egha me inir kam guasa 20plan dipenir akiniba brasin dar ingarigha, egha dipenir akinir kaba 20plan brasin boksiabagh asasa dar ingari. Egha inir kam guamin akeziba ko divazimin agharir ighuvuba silvan dar ingari. ¹¹ Egha kamaghira notin amadaghan itir divazimin ingari. ¹² Ezi divazir aruem ghuaghiri naghin itim, me inir ruarir mamin ingarizi, a 22 mitan tu. Egha 10plan dipenir akiniba ko, 10plan brasin boksiar dipenir akiniba asamibar ingari. Egha inir kam guamin akeziba ko divazimin agharir ighuvuba silvan dar ingari. ¹³ Ezi divazir aruem anadi naghin itim, an ababanim 22 mitan tu. Ezi divazir kam tiar akam an iti. ¹⁴⁻¹⁵ Tiar akamin miriamningin me dipenir akiniba asasa brasin boksiabarghingarizi, 3pla vongin itima, 3pla vongin ti. Egha tiar akamningin miriamningin guasa nir pumuningin ingari. Aningin arozimming virara 6 mita 60 sentimitan tu. ¹⁶ Me divaziba bar dar guasa inir ghurghurir bar aghuaribar ingari.

¹⁷ Me bras inigha, dipenir akiniba asamin boksiabarghingarizi. Egha me silva inigha dipenir akinibar dapanibar puegha da noke. Egha me silvan ighuvibar ingari. Egha me silvan akezibar dipenir akiniba ko silvan agharir ighuvibar suighasa dar ingari. ¹⁸ Egha divazimin tiar akam bagha, me inir ghurghurir aghuarim ko trethin blupla ko, pighaghevim, ko aghevir me sipsipin arizimin ingariziba isamigha inir

kamin kurke. Ezi inir kamin arozim 9 mitan tu. Ezi an tuirivim 2 mita 20 sentimitan tu, egha a divazimin iniba ko voroghira ghu. ¹⁹ Me inir kaba guasa dipenir akinir 4pla ko, da asamin brasin boksiar 4plan ingari. Ezi akeziba ko, dipenir akinibar dapaniba, ko agharir ighuvir dipenir akinir uarir akuighamba, me bar silvara dar ingari. ²⁰ Egha me Purirpenim gavgavim a daningamin afughafughamiba ko an divazim gavgavim a daningamin afughafughamiba, me brasin dar ingari.

Me Purirpenimin ingarasa gol ko biziba isi

²¹ Egha me Ikiavira Itir Godin Purirpenimin ingarasa inigha izezir gol, silva, ko bras menge. Purirpenir kam, me Akar Dikirizir Gavgavim itir dagiar akuamming a darigham. Moses ubabi Livain adaraziv kemezi me biziba bar da mega da osirigha fo, bizir manabara iti. Ezi ofa gamir gumazim Aron, an otarim Itamar ingangarir kamin faragha zui.

²² Besalel a Urin otarim, ezi Uri a Hurin otarim, me Judan anabamin gumaziba. Ezi Besalel, Ikiavira Itir God Moses mikemezi moghin biziba bar dar ingari. ²³ Ezi Oholiap, an Ahisamakin otarim, egha Danin anabamin mav. An akaba dagiabar da osira da aghori fofozim fomira iti, egha a bizir igharaziba uaghan dar ingara fo. Egha a tretin blupla, pighaghevim ko, aghevır me sipsipin arizimin ingarizim, ko inir ghurghurir aghuariba, an a da isa dar kurka fo.

²⁴ Ezi me, golin gumazamiziba Godin damazimin fegha ighuavamadir ofan min Godin Purirpenimin ingarasa inigha izeziba medi, ezi dar osimtizim ghua 998 kilogremin tu. ²⁵⁻²⁶ Ezi me silva medima, an osimtizim ghua 3,430 kilogremin tu. Gumazir ziaba akinafarimin itiba silvan kaba amadazima da ize. Ezi gumazir 20plan azenibar tugha ghuavanadiba, me vaghvaghya 5 kina silvan dagiaba ariki, ezi gumazir kaba bar men dibobonim 603,550. ²⁷ Ezi me 3,400 kilogrem silva inigha, Godin Purirpenimin birir aghariba gavgavim dar aningasa boksiabar ingari. Egha me Bar Anogoroghezir Danganim avamin inim guasa, dipenir akinibagh asamin boksiabar ingari. Ezi boksiar kaba da bar moghira 100pla. Ezi boksiaba vaghvaghya dar osimtizim 34 kilogremin tu. ²⁸ Ezi silvan nar ikiavira itibar osimtizim 30 kilogremin tu. Ezi me da isa akeziba ko agharir ighuvibar ingarava, egha da isa birir aghariba uarir akuighasa dar ingari. Egha me uaghan dipenir akinibar dapaniba, silvan da ave. ²⁹ Ezi brasin me ofan min

Ikiavira Itir God ganingizimin osimtizim a 2,425 kilogremin tu. ³⁰ Ezi me brasin kam inigha God bativamin Purirpenimin tiar akamin akinibagh asamin boksiabar ingari. Egha brasin ofa gamir dakoziim ko, an abizimin min garir bizim ko, bizir ofan ingangarim damuamiba, me bar brasin dar ingari. ³¹ Me uaghan boksiar igharazibar ingari, kar divazimin tiar akamin dipenir akiniba asamin boksiaba ko, divazir bar Purirpenim gighuizimin dipenir akinibagh asamin boksiaba. Egha me uaghan, Purirpenim gavgavim a daningamin afughafughamiba ko divazir a gighuizim gavgavim a daningamin afughafughamiba, bar dar ingari.

39

*Me ofa gamir gumazibar korotiar ingari
(Ua Me Inı 18:1-14)*

¹ Egha me tretin blupla ko, pighaghevim ko aghevır me sipsipin arizibar ingariziba inigha, ofa gamir gumazibar korotiar aghuibar ingarigha dar kurke, eghti me Anogoroghezir Danganim mangi ingangaribar amusi dar aghuam. Egha Ikiavira Itir God Moses mikemezi moghira, me Aron darugh ofa damuamin korotiamin ingari.

²⁻³ Egha me korotiar otevimin ingarasa, haman gol misoghezi, an akinafarimin min evari, ezi me a inigha anegherezi a gol tretin min oto. Ezi me inir ghurghurir aghuarim inigha, gol tret ko, tretin blupla, pighaghevim ko, tretin aghevır me sipsipin arizimin ingarizim, me inir kam kurkazir aghuibar a isami. ⁴ Egha me inir sazir pumuning korotiamin suighasa a gisin aning isami, eghti aning dipizimning gisin anang mangi akirimin inir otevir vongin itimin suigham. ⁵ Ezi me gol tret, ko tretin blupla, pighaghevim, ko tretin aghevır me sipsipin arizibar ingarizim ko inir ghurghurir aghuarim inigha, egha inir ivariam gikamim adiarir aghuariba a garigha an ingari. Egh inir ivariam gikamim isa korotiar otevir azenan itir kamin miriamin porogha a isami, ezi bizir pumuning datirighin bizir vamiran min iti. Egha me Ikiavira Itir God Moses mikemezi moghin, tretin kaba inigha inir kam isami.

⁶ Egha me dagiar pizir aghuarir pumuning inigh, Jekopin otarir 12plan ziaba aningin dar ghora da osiri. Egha me gol inigha dagiamningin suighasa, golin kurkazir pumuningin ingari. ⁷ Egha me dagiar kamning isa, korotiar otevir azenan itim, an dipizimningin itir inir sazimning dukuaghha aning isami, ezi aning Israelin

12plan anababar ababanimin min iti. Me God Moses mikemezi moghira dagh ami.

Me ofa gamir gumazibar dapanim bagha, forivtarir nir an evarimin poroghav itim, an ingari

(*Ua Me Ini 28:15-30*)

⁸ Egha me ofa gamir gumazibar dapanimin evarim gikiasa forivtarir inimin ingari. Egha me kamaghira korotiar otevir azenimin itimin ingarizimin mirara, gol tret, ko tretin blupla, ko pighaghevim, ko tretin aghevir me sipsipin arizibar ingarizim ko inir ghurghur aghuarim inigha, forivtarir inir muziarir kam bar deragha an ingarigha kamaghira an kurke. ⁹ Me forivtarir inir muziarir kamin ingarizi, an ruarim 44 sentimitan tuzi an arozm 22 sentimitan tu. Egha deravira tongira a remezi, a forivtarimin min oto, ezi an otevibar ababaniba voroghira ghu, da bar 22 sentimitan tu. ¹⁰⁻¹⁴ Egha me dagiar iveau bar pin koziba isa, 12plan dagiar kaba bar da vaghvaghha Jekopin otaribar ziaba aghora da osiri, ezi dagiaba vaghvaghha 12plan anababar ababanimin min iti. Me golin maba inigha dagiabar suizir golin kurkazibar ingari, egha dagiaba vaghvaghha da afeqha egha forivtarir inimin azenan da ike. Me 4plan abiar ruaribagh atigha forivtarir inir kam gike. Egha faragha itir abiamin, dagiar me kamaghin diboriba, rubi, topas, ko ganet, da ike. Egha abiar an girara itimin, dagiar emeral, sapaia, ko daimon ike. Egha abiar mikezimin, dagiar terkois, aget, ko ametis ike. Egha namba 4in abiamin, dagiar beril ko, dagiar pizir aghuarim ko jaspan dagiam ike.

¹⁵ Egha me golin aghuarim inigha tretin min ikarizibagh irigha da nuavigha benir pumuningin ingarizi, aning forivtarir inir evarimin guraghav itimin suigham. ¹⁶⁻¹⁷ Egha me dagiamningin suighasa golin kurukazir pumuning, ko gol ringin pumuningin ingarigha, ringin kamning isa evarimin itir forivtarir inimin mikebar pin itimningin aning gike. Egha me golin benimming isa, aning otevimmung, forivtarir inimin itir gol ringin kamning gike. ¹⁸ Egha me golin benir otevir igharazimning isa dipizimningin itir dagiamningin suizir golin kurkazimning gike. Egha tuavir kamin forivtarir inir kam, korotiar otevir azenan itim a gike.

¹⁹ Egha me ua gol ringin pumuningin ingarigha, aning isa evarimin itir forivtarir inimin mikebar vin itimningin aning gike. Ringin kamning datirighin korotiar otevir azenan itimin boroghin iti. ²⁰ Egha me gol ringin pumuning uam aningin ingarigha, aning isa korotiar otevir azenan itimin

dipizimningin vin korotiar otevimin aning isami. Aning datirighin, inir ruarir me de-ravira kurkezin pin, inimning uaningin akuizir danganimin boroghin iti. ²¹ Egha me benir sazir blupla inigha, evarimin itir forivtarir inimin ringning isa korotiar otevir azenan itimin ringning gike, ezi evarimin itir forivtarir inim, korotiar otevir azenimin itimin suiraghha gavgafi, ezi forivtarir inim suaghirir puvati. Me Ikiavira Itir God Moses mikemezi moghirama ami.

Me ofa gamir gumazibar korotiar igharazibar ingari

(*Ua Me Ini 28:31-43*)

²² Egha me korotiar ruarir azenan itimin ingarizi, a korotiar otevir azenan itimin apengan iti. Me inir bluplan kinim, sipsipin arizimin ingarizimin an ingari. ²³ Egha me korotiar kam torim a gati, eghit ofa gamir gumazim uan dapanim aghuam. Me inir avizir muziarir mam isa torir kam midorozir korotiam isamizi moghin a iughuigha a isami, eghit an torimin apiniba gavgavichti torim bigh ekevegh mangen kogham. ²⁴⁻²⁶ Me tretin blupla ko pighaghevim ko tretin aghevir me sipsipin arizimin irighizim inigha, iter pomigranetin ovizibar min biziba isami. Egha ofa gamir gumazibar dapanimin korotiar ruarir azenan itimin vin bizar kaba isami. Egha golin aghuimin ingarizir beloba vaghvagh pomigranetin ovizibar tizibar da isamizi, da ituighav iti. Eghit ofa gamir gumazibar dapanimin korotiar kam arugh ofa gamir gumazimin ingangarim damuam. Me Ikiavira Itir God Moses mikemezi moghiram ami.

²⁷⁻²⁹ Egha me Aron ko an otariba bagha inir ghurghur aghuariba inigha korotiar ruarir aven azuiba isami. Egha Aronin dapanim darighasa inir ghurghur aghuarim inigha, dapanir asuar ruarim ingari. Egha Aronin otariba bagha inir ghurghur aghuariba dapanir asuar otevibar ingari. Egha me inir ghurghur aghuarim inigha, me bagha trausizi oteviba isami. Egha inir ghurghur aghuarim inigha, inir ghurghur aghuarir ruarir ivariam gitimin ingarigha, egha tretin sipsipin arizibar irighizir blupla ko, pighaghevim ko, aghevim isa kurkazir aghuubar an da isami. Me Ikiavira Itir God Moses mikemezi moghira, me biziba bar dar ingari.

³⁰ Egha me Ikiavira Itir God ua bagha misievir ofa gamir gumazibar dapanim bagha, golin akuar aghuarir mam inigha medelin mamin ingari. Egha me akam kamaghin a gisin an osiri, "Kar Ikiavira Itir Godin Gumazimra." ³¹ Egha me bluplan benim inigha, gol medelin kam inir dapanir

asuар ruarimin an guam gituasa an ingari. Eghти an ofa gamir gumazibar dapanimin dapanirasuamin guam gitoroghiv iki. Me Ikiavira Itir God Moses mikemezi moghirama ami.

*Ingangariba bar gifa
(Ua Me In 35:10-19)*

³² Egha me dughiar kamin God bativamin Purirpenimin ingangariba, bar da gifa. Egha Israelia Ikiavira Itir God Moses mikemezi moghira, me biziba bar dar ingari. ³³ Egha me bizir kaba bar da inigha Moses bagha zui: Purirpenir kam ko, an biziba bar, an akeziba, divazir aghariba, agharir ighuviba, dipenir akiniba ko, boksiar divazir agharibako akinibagh asamiba, ³⁴ ko Purirpenim avamin avaver ekiar me sipsipin apuribar nir me aghevimin aghuizim, ko avaver ekiar me ongarimin itir asizir ekiabar inibar ingarizim, ko Bar Anogoroghezir Danganim modir inir ekiam, ³⁵ ko Akar Dikirizir Gavgavimin Boksiam, ko an asuam, kar arazir kuraba gin amadir danganim, ko boksiar kam aterasa iter pumuning, ³⁶ ko bretha arizir dakozim, ko an ingangarim gamir biziba, ko Godin damazimin arizir bretha, ³⁷ ko golin aghuarimin ingarizir lambar afamian aghorim, ko an lamin me danganibar afeziba, ko an ingangarim gamir biziba, ko angazangarim aningamin olivin borem, ³⁸ ko golin ingarizir ofa gamir dakozim, ko biziba misiv ingiamin olivin borem, ko pauran mughuriar aghuim, ko Purirpenimin tiar akamin guamin inir ekiam, ³⁹ ko brasin ingarizir ofa gamir dakozim, ko dakozir kam bagh brasin ingarizir abizimin min garir bizim, ko ofa gamir dakozim ateramin itemning, ko ofa gamir dakozimin ingaribiziba, ko sorghafaribar ruer itarir ekiam, ko anefamin dakozim, me bar da inigha izi. ⁴⁰ Egha uaghan, me Purirpenimin divazim avinasa iniba, ko divazimin dipenir akiniba, ko boksiar akiniba asamiba, ko divazimin tiar akamin guamin inim, ko gavgavim divazim daningamin beniba ko afughafughamiba, me God bativamin Purirpenimin aven ingangarim damuasa bizir kaba bar da inigha izi. ⁴¹ Aron, a ofa gamir gumazim, a uan otariba ko, me bagh korotiar aghuaribara isamigha da inigha izi. Eghти me gin dar aghuigh, egh ofa gamir gumazimin ingangarim damuam. Kar, me daghuigh Anogoroghezir Danganimin aven mangamin korotia. ⁴² Ezi Israelia Ikiavira Itir God ingarasa Moses mikemezir biziba, me bar dar ingari. ⁴³ Ezi Moses deraghvira bizir me ingarizibar gari, egha a fo, Ikiavira Itir God, mikemezi moghira me biziba bar dar ingari. Egha a dar ganigha givagha, deraghvira me damuasa,

kamaghin migei, "Ikiavira Itir God, bar deraghvira ia damu."

40

*Me Purirpenim asaragh,
egha God baghvira a ginaba*

¹ Egha Ikiavira Itir God Moses migia ghaze, ² "Ni orakigh. Ia iakinir namba 1 an dughiar namba 1, ia na bativamin Purirpenim asaragh. ³ Egh ia nan Akar Dikirizir Gavgavimin Boksiar dagiar akuar pumuning aven itir kam inigh, Purirpenimin aven anetigh, egh boksiam mongsi inir ekiam aguragh. ⁴ Egh bretha arizir dakozim inigh aven mangi anetigh, an biziba a gisn dar arikigh. Egh lambar afamian aghorim inigh izi anesaragh, egh lamba isi an agharibar arikigh. ⁵ Egh golin ofa gamir dakozir me pauran mughuriar aghuim tuamim, a isi Akar Dikirizir Gavgavimin Boksiar dagiar akuar pumuning aven itir kamin, boroghin anetigh. Eghти inir ekiar Boksiam modim aning abighti an azenan iki. Egh Purirpenimin tiar akamin itir inir ekiam aguragh. ⁶ Egh ia asiziba bar isia mighirir ofa gamir dakozim isi, na bativamin Purirpenimin tiar akar azenan itimin anetigh. ⁷ Egh na bativamin Purirpenim ko ofa gamir dakozir kamin tongira, sorghafariba ruer itarir ekiam atigh, egh dipam a datigh. ⁸ Egh ia divazimin min inir ekiam aguraghti a Purirpenim bar a gighuigham. Egh divazimin tiar akamin inir ekiam aguragh.

⁹ "Egh gin ia biziba misiv ingiamin olivin borem inigh, egh Purirpenim ko an aven itir biziba bar dagh ingegeh. Egh ia dagh ingegehti, da bar nan biziбар min iki, bar na baghvira ikiam. ¹⁰ Egh ia borem isi, asiziba bar isia mighirir ofa gamir dakozim ko an ingaribiziba bar dagh ingegehti, ofa gamir dakozim na baghvira iki, bar anogoregham. ¹¹ Egh kamaghira sorghafariba ruer itarir ekiam ko anefamin dakozim damigh, eghти bizir kaba uaghan na baghvira ikiam.

¹² "Egh gin ni Aron uan otariba ko me inigh izi, na bativamin Purirpenimin tiar akamin me ruegh.

¹³ "Egh ofa gamir gumazibar korotiar aghuaribara Aron daghuigh, egh biziba misiv dagh ingiamin borem isi a gingegh anemiseveghti, a ofa gamir gumazimin min nan ingangarim damuam. ¹⁴ Egh ni an otariba inigh roghira izi, ofa gamir gumazibar korotiar ruarir aven itiba inigh, me daghuigh. ¹⁵ Egh ni men afeziام amisevezezi moghin, ni borem me gingi egh me amiseveghti me na bagh ofa gamir ingangarim damu. Ni borem me gingegh me amiseveghti, gin me uari uan adarazi

ko ofa gamir ingangarim damu mamaghira ikiam."

¹⁶ Ezi Moses Ikiavira Itir God a mikemezi moghira a biziba bar dagh ami. ¹⁷ Dughiar me Isip ataghizimin gin, azenir an gin zuimin, iakinir faragha zuim, an dughiar namba 1in, dughiar kamra me Godin Purirpenim asara. ¹⁸ Dughiar kamin Moses Purirpenim asara. A boksiaba isa, nguazimin da arigha, divazir aghariba isa boksiabagh ase, egha divazimin agharir ighuviba da ikia, egha inir ekiam guasa dipenir akiniba asi. ¹⁹ Egha Ikiavira Itir God Moses mikemezi moghira, me nir ekiam Purirpenimin agharim gisin anetigha, Purirpenim aver sipsipin apuriba ko ongarimin asizir ekiabar inir ighazarir pumuning uam anevara. ²⁰ Egha me dagiar akuar God uan Akar Gavgaviba osirzimning inigha, Akar Dikirizir Gavgavimin Boksiamin aning ati. Egha me aneteramin temer pumuning inigha Boksiamin ringbagh arugha, Boksiamin asuam isa Boksiam dukua. Ezi Boksiar asuar kam, kar arazir kuraba gin amadir danganim. ²¹ Egha me Ikiavira Itir God Moses mikemezi moghira, Boksiam Purirpenim gatigha, inim agurazi a Boksiam modo.

²² Egha me bretba arizir dakozim isa, God bativamin Purirpenimin, notin amadaghan Anogoroghezir Danganimin aven anefa. ²³ Egha Ikiavira Itir God Moses mikemezi moghira, me bret inigha Ikiavira Itir Godin damazimin dakozim gisin deraghaviram aneti. ²⁴ Egha lambar afamin aghorim inigha, God bativamin Purirpenimin, sautin amadaghan, bretba arizir dakozimin vongin anesara. ²⁵ Egha Ikiavira Itir God Moses mikemezi moghira, me lamba isa dar agharibagh ariki. Egha Ikiavira Itir Godin damazimin dagh aboi. ²⁶ Egha me golin ingarizir ofa gamir dakozim isa God bativamin Purirpenimin aven, Akar Dikirizir Gavgavimin Boksiamin boroghin nir ekiam azenan anefa. Ezi inir ekiam aning abigha guraghav ikia Boksiam modo. ²⁷ Egha Ikiavira Itir God Moses mikemezi moghira, me ofa gamir dakozir kamin pauran mughuriar aghuim tuezima, migharir mughuriar aghuim zuim otifi. ²⁸ Egha me inir ekiam Purirpenimin tiar akamin anegura.

²⁹ Egha Ikiavira Itir God Moses mikemezi moghira, me gin asiziba bar isia mighirir ofa gamir dakozim isa, God bativamin Purirpenimin tiar akamin boroghin azenan aneti. Egha ofa gamir dakozir kamin, Moses dughiar kamra ofan min asiziba tue da bar isia mighiri. Egha uaghan witin plaua inigha ofan min da tue. ³⁰ Egha

me soroghofariba ruer itarir ekiam isa, ofa gamir dakozir asiziba tue da bar isia mighirim ko, God bativamin Purirpenimin tiar akamin tizimin anefagha, dipam a ginge. ³¹ Ezi Moses, Aron ko an otariba, me uan soroghofariba dipar kamin da rue. ³² Guizbangira, me God bativamin Purirpenimin aven mangasa, o me ofa gamir dakozimin mangisi, me zurara faragha uan soroghofariba rue. Me amir araziba, Ikiavira Itir God Moses mikemezi moghira, me dagh ami. ³³ Egha me inir ekiamisa, Purirpenim ko asiziba bar isia mighirir ofa gamir dakozim avinigha a gighuigha, divazimin tiar akamin inim agura. Egha Moses gumaziba ko, me bizar kaba bar dagh ami, ezi Purirpenimin ingangariba bar gifa.

Ghuariam Godin Purirpenim gisin iti

³⁴ Egha ingangariba bar givazi, ghuariam maghira iza God bativamin Purirpenim avarazi, Ikiavira Itir Godin angazangarir ekiam Purirpenim bar a gizifa. ³⁵ Bar guizbangira, Ikiavira Itir Godin ghuariam bar Purirpenim avarazima an angazangarim a gizivazima, kamaghin Moses God bativamin Purirpenimin aven mangan ibura.

³⁶ Israeliyan tuavir daroriba, me kamaghin ami: ghuarier ekiar kam Godin Purirpenim ategh pin sivaghsvagh mangiti, me an ganigh, egh dikavigh biziba inigh an gin mangam. ³⁷ Egh me ganam, ghuariam Godin Purirpenim gisin ikivira ikiti, me danganir kam ateghan kogham. Puvatigham, me ikivira iki mangi ghuariam sivaghsvagh mangiti, me mangam. ³⁸ Guizbangira, Israeliyan tuavimin daroribar, ghuarier Ikiavira Itir God aven itim, an aruebar Purirpenim gisin iti. Ezi me aruebar ghuariamin gari, egha dimagaribar me garima, an avimin min isia ghuariamin aven iti. Ghuarier kam kamaghira ikia me ko ghua Ikiavira Itir God me daningamin kantrin oto.

Ofa Gamir Gumazibar Ingangaribar Akinafarim

O Levitikas Akar faragha zuim

Akinafarir kam, a Livaibar ingangaribav gei, kar ikizir God ofa gamir ingangarim damuasa miseveziba, me Israelian arazir Godin ziam fer arazimin ganamin adarasi. Akinafarir kam, an Akar Gavgaviba ko Arazir ofa gamir gumaziba damuamibav gei. Egha uaghan an aven, akar gumazamiziba men ikirimirim akiramiba, ko Godin ziam fer arazibar akaba, ko isar ekiabar dughiebar araziba iti, eghit gumazamiziba deraghvira dagh fogh dar gin mangam.

Arazir kabar mingarim kamakin: God a bar zue. A bar arazir aghuiba ko voroghira itir arazibagh ami. Kamaghin amizi, a tuavim Israelian akazi, me uan ikirimirim deraviram an gan, egh Godin boroghin ikiam. God uabi bar arazir aghuiba ko arazir voroghira itibagh ami, e uaghan a ko uari akuva, arazir a ifongezibar amuam. Biziř kam, a biziř bar faragha zuim, akinafarir kam a migei.

Israeliān gumazamizir igiaba Godin akabagh fofoghasa, me Ofa Gamir Gumazibar Ingangaribar Akinafarimin sapta 16 ko 7in gari. Saptan kabar akar aghuir aviriba, gumazamiziba isi arazir aghuibara amusi men sure damuam. Akar kabar mam, Jesus gin uaghan an gun migei. Gumazamizir aviriba sapta 19:18in itir Arazibagh fo, "Ni uabira uabi gifongezi moghin, gumazamizir igharazibagh ifongegeh."

Ofabar Araziba

(Sapta 1-7)

¹⁻² Ikiavira Itir God, uabi bativamin Purirpenimin ikia, Israelia mikimasa Mosesin diazi a izi, ezi a kamaghin a migei, "Ian gumazitam Ikiavira Itir God bagh, ofan tam inigh mangisi, a uan bulmakaun tam, o sipsip tam, o memen tam inigh mangi."

Ofan bar isia mighiriba

³ Egha Moses ua kamaghin migei, "Gumazitam izi ofan bar isia mighirim damusi, a uan bulmakaun okoruamin tongin bulmakaun apurir tam iniam, kar bulmakaun bar aghuir duaba an mikarzim gasighasighizir puvatizitam, a inigh mangi, Ikiavira Itir Godin navim an deraghshi, a bulmakaun kam inigh God bativamin Purirpenimin tiar akamin mangi." ⁴Egh ofan bar isia mighirim damusi uan dafarim isi, bulmakaun kamin dapanim gisin anetigh, eghit Godin navim gumazir kamin deraghti, an ofan kam inighiva an arazir kuraba gin

amadaghgam. ⁵Egh a Ikiavira Itir Godin damazimin, bulmakaun kam misueghti, Aronin otariba, me ofa gamir gumaziba, me bulmakaun ghuziba isi, God bativamin Purirpenimin tiar akamin boroghin itir ofa gamir dakozimin miriar 4plan da kavamang. Egh kamaghira me ghuzir kamin Ikiavira Itir God bagh ofa damu. ⁶Eghit gin gumazir kam, ofan bar isia mighirim bulmakaun kamin inim adegh, an tuziba aghoraragh. ⁷⁻⁹Egh asizimin muriam ko suemning, a deraghvira da ruegh. Eghit ofa gamir gumazim Aron, an ovavir boriba izi, daziba ofan bar isia mighirim dakozim darigh, egh dar aborogh. Egh me dapanim ko ovim ko asizir oteviba bar da isi deraghvira avim darighti, avim dar isi mangiti da bar mighirighti, averenir kinim otogh. Eghit Ikiavira Itir God ofan asizir kamin mughuriām baregh, a gifuegh navir aghuim an ikiam.

¹⁰ "Eghit gumazitam ofan bar isia mighirim damusi, a uan asizibar okoruamin tongin sipsip o memen tam inigh, a sipsipin apurim o memen apurir bar aghuir duaba an mikarzim gasighasighizir puvatizitam inigh izi. ¹¹Egh Ikiavira Itir Godin damazimin an ofa gamir dakozimin boroghin danganir notin amadaghān iti naghin, asizim misueghti an aremegh. Eghti Aronin otariba, me ofa gamir gumaziba, me izi asizir ghuziba inigh, ofa gamir dakozimin 4plan miriabar da kavamang. ¹²⁻¹³Eghit gumazir kam, asizim aghoraragh, egh an muriam ko suemning deragh aning ruegh. Eghit ofa gamir gumazitam daziba ofa gamir dakozim darigh, dar aborogh, egh asizimin dapanim ko ovim, ko asizir naba ofa gamir dakozimin avimin deraghvira dar arikigh. Egh ofa gamir gumazim, ofan bar isia mighirir kam isi Ikiavira Itir God daningam, eghit avim dar isi mangiti da bar mighirighti, averenir kinim otogh. Eghit Ikiavira Itir God ofan asizir kamin mughuriām baregh, egh a gifuegh navir aghuim an ikiam.

¹⁴ "Eghit gumazitam Ikiavira Itir God bagh kuarazimin ofan bar isia mighirizim damusi, a kuarazir me kamaghin diborim, bunbam a inigh ofa gamir gumazim bagh mangi. ¹⁵Eghit ofa gamir gumazim kuarazir bunbam inigh ofa gamir dakozimin mangi, egh an firim ruivighti an aremegh. Egh a bunbam dapanim asigh, egh ofa gamir dakozimin a tuaghti avim an isi mangiti a bar mighirighti, averenir kinim otogh. Egh a bunbam ruivighti an ghuzim ofa gamir dakozimin miriam giri. ¹⁶Egh a bunbam ariziba asigh, an forivtarir dagheba itim isi, aruem anadi naghin, danganir me ofa gamir dakozimin avereniba arizi naghin anetigh.

¹⁷ Egh gin ofa gamir gumazim bunbamín avizimningin suiragh, an namnam abikígh, egh an avizimning bar aning asian marki. Egh aneteghti, avim bar an isi mangiti a bar mighirigh, averenir kinimin otogh. A kamaghín damuti, Ikiavira Itir God ofan bar isi mighiramim kuarazir kamin mughuriam baregh, egh a gifuegh navir aghuim an ikiam.”

2

Wit tuamin ofaba

¹ Egha God Israelia mikimasa kamaghín Moses migei, “Gumazitam witin ovizibar Ikiavira Itir Godin ofa damusi, a witin iniba amisevegh dar dagheba inigh faragh plauan aghuimin ingarigh, egh a inigh izi. Egh a olivin borem ko migharir mughuriar aghuim zuim itir pauran me iter balsamin eborimin ingarizim isi plauan kam gisin aning ingegh, ² egh a inigh Arónin adarazir ofa gamir gumaziba bagh mangi. Eighti ofa gamir gumazitam uan dafarim plauan kam darugh, egh a plauan muziaritam, ko migharir mughuriar aghuim zuim itir pauran me iter balsamin eborimin ingarizim, aningin dafarir izivirizim inigh ofa gamir dakozimin a tuaghti, avim an isi mangiti a bar mighirighti, averenir kinim otogham. Plauan muziarir gumazim Ikiavira Itir Godin ofa gamizir kam, bar plauan namin danganim iniam. Eighti Ikiavira Itir God, wit tuer ofan kamin mughuriar baregh, egh a gifuegh navir aghuim an ikiam.” ³ Eighti plauan nam, an ofa gamir gumazibar daghem. Plauan kaba, gumaziba da inigha iza Ikiavira Itir God bagha ofa gami. Kamaghín amizi, da bar zuegha Godin bizibara, eighti gumazir kiniba da inian kogham. Ofa gamir gumazibara, da iniam.

⁴ “Eighti ia bret, bretha tuer danganimin aen a tuagh an nam inigh, Ikiavira Itir Godin ofa damusi, ia yis sara veregh an damuan marki. Ia plaua inigh olivin borem sara a veregh, egh ia bretin damigh an ofa damu. Kamaghín, ia bretin damuan aghuaghiva, ia bretin baravim damigh, egh olivin borem a daghuigh. ⁵ Egh ia ofa bagh ainin baravim gisin plaua tusi, ia plauan aghuir yis bar puvatizim inigh. Egh ia faragh olivin borem sara a veregh, egh a tu. ⁶ Ia plauan kam bar a nguemsirigh, borem a gingegh Ikiavira Itir God bagh ofa damu. ⁷ Egh ia ofa damuamin bretin ingar miner ekiamin a tuagh, plauan bar aghuir yis puvatizim inigh, faragh olivin borem sara a veregh a tuagh. ⁸ A isigh givaghti, ia bretin kam inigh ofa gamir gumazitam danighti, a Ikiavira Itir Godin ofa damusi a inigh ofa gamir dakozimin mangi. ⁹ Egh gin ofa gamir

gumazim bretin akuar muziaritam inighti, bretin Ikiavira Itir Godin ofa gamizir kam, bar bretin namin danganim inigham. Eighti a ofa gamir dakozimin a tuaghti avim a isi mangiti a bar mighirighti, averenir kinim otogh. Eighti Ikiavira Itir God, wit tuer ofan kamin mughuriar baregh, egh a gifuegh navir aghuim an ikiam.” ¹⁰ Ezi bretin akuar naba, da ofa gamir gumazibar dagheba. Bretin kaba, gumaziba da inigha iza Ikiavira Itir God bagha ofa gami. Kamaghín amizi, da bar zuegha Godin bizibara, eighti gumazir kiniba da inian kogham. Ofa gamir gumazibara, da iniam.

¹¹ “Ia yis isi, bret ko plaua datigh a veregh a inigh Ikiavira Itir God bagh mangan marki. Guizbangira, ia yis o hani isi ofa datigh a tuaghti, a bar mighirighti, ia Ikiavira Itir God daningen bar marki.

¹² “Ia witin akuar faragh azenimin misveziba inigh, yis ko hani dar atigh Ikiavira Itir God bagh mangiti, deraghám. Ezi ofan yis o hani itim, ia ofa gamir dakozimin a tuan marki, eighti an mughuriar aghuim Ikiavira Itir Godin mangan marki. ¹³ Amangsizim, an Akar Dikirizir Gavgavir ia God ko amizimin ababanim gami, kamaghín amizi, ia amangsizim isi wit tuer ofaba bar dar arikigh. Egh ia amangsizim ofan tam darighsi okinighnighan marki. Bar marki.

¹⁴ “Ia azenimin faragha witin ovizir misvezir akuuba inigh, egh Ikiavira Itir Godin ofa damusi, ia faragh bretha tuer danganimin aven da tusi, da nguemsirigh, egh da inigh Ikiavira Itir God bagh mangi. ¹⁵ Ezi wit tuer ofan kam, ia olivin borem ko, migharir mughuriar aghuim zuim itir pauran, me iter balsamin eborimin ingarizim isi witin nguemsirizir kam gisin aning ingegh. ¹⁶ Eighti ofa gamir gumazim, witin kamin muziaritam ko, olivin borem ko migharir mughuriar aghuim zuim itir pauran me iter balsamin eborimin ingarizim, bar ada inigh, ofa gamir dakozimin avimin da tueghti dar mughuriam otivam. Witin nguemsirizir muziarir gumazim Ikiavira Itir Godin ofa gamizir kam, bar witin namin danganim iniam. Eighti Ikiavira Itir God, wit tuer ofan kamin mughuriar baregh, egh a gifuegh navir aghuim an ikiam.”

3

God ko navir vamira ikiamin ofaba

¹ Egha God Israelia mikimasa kamaghín Moses migei, “Gumazitam, Ikiavira Itir God ko navir vamiran ikiamin ofa damusi, a bulmakaun ofa damusi ifongegh, kamaghín a bulmakaun apurim o bulmakaun amebar bar aghuir, duatam an mikarzim

gasighasighizir puvatizir tam inigh, Ikiavira Itir Godin damazimin izi. ² Gumazir kam uan bulmakaun inigh God bativamin Purirpenimin tiar akamin mangi, egh uan dafarim isi faragh bulmakaun dapanim datigh, egh a misueghti an aremegh. Eghzi Aronin adazarir ofa gamir gumaziba, me bulmakaun kamin ghuziba inigh, ofa gamir dakozimin 4plan miriabar da kavamang. ³ Eghzi gumazir kam God ko navir vamira ikiamin ofa bagh, bulmakaun akuar taba inigh Ikiavira Itir God danighti, ofa gamir gumaziba ofan min avimin da tuegh. Bulmakaun akuar kaba dar kara. An navim ko muriabaavarazir oviba bar ada inigh. ⁴ Egh an ogiagharamin itir ovizimning, ko aningin ovim sara, ko beramin akuar aghuim inigh.

⁵ “Eghzi Aronin adazarir ofa gamir gumaziba, bizir kaba ko ofan bar isia mighiriba inigh, ofa gamir dakozimin da tueghti, avim bar dar isi mangiti da bar mighirighti, averenir kinim otogham. Eghzi Ikiavira Itir God ofan asizir kamin mughuriam baregh, egh a gifuegh navir aghuim an ikiam.

⁶ “Eghzi gumazitam Ikiavira Itir God ko navir vamiran ikiamin ofa damusi, a uan sipsip ko memebar okoruabar tongin asizir apurim o asizir amebam inigh, kar sipsip o menem bar aghuir duaba an mikarzimin puvatizim. ⁷ Egh gumazir kam sipsipin tamin ofa damusi, kamaghin ana inigh Ikiavira Itir Godin damazimin izi. ⁸ Egh a uan dafarim isi sipsipin kamin dapanim gisin datigh, egh a God bativamin Purirpenimin tiar akamin boroghira sipsip misueghti an aremegh. Eghzi ofa gamir gumaziba asizir kamin ghuziba isi, ofa gamir dakozimin 4plan miriabar da kavamang. ⁹ Eghzi gumazir kam, God ko navir vamira ikiamin ofa bagh, sipsipin asizir akuar taba inigh Ikiavira Itir God danighti, ofa gamir gumaziba ofan min da tuam. Sipsipin ovir kaba bar, kar an navim ko muriabavarazir oviba, ko an puer mingarir akiragharamin boroghira itir ovir bar ekiam itiba inigh. Egh an oviba itir puer mingarir akiragharamin boroghira itim atugh, an ovir kaba bar da inigh. ¹⁰ Egh an ogiagharamin itir ovizimning, ko aningin ovim sara, ko beramin akuar aghuim inigh. ¹¹ Eghzi ofa gamir gumazim bizir kaba isi, Ikiavira Itir God bagh daghemin ofan min, ofa gamir dakozim gisin avimin da tu mangiti da bar mighirighti, averenir kinim otogham.

¹² “Eghzi gumazitam memen ofa damusi, an a inigh Ikiavira Itir Godin damazimin mangi. ¹³ Egh a uan dafarim isi memen dapanim gisin datigh, egh God bativamin Purirpenimin tiar akamin boroghin a

misueghti an aremegh. Eghzi Aronin adazarir ofa gamir gumaziba an ghuziba isi ofa gamir dakozimin 4plan miriabar da kavamang. ¹⁴ Eghzi gumazir kam memen ovir misaziaba inigh Ikiavira Itir God danighti, ofa gamir gumaziba ofan min da tuam. An an navim ko muriabavarazir oviba bar da inigh. ¹⁵ Egh an ovizir pumuning, ko aningin ovim sara inigh, memen beramin akuar aghuim inigh. ¹⁶ Eghzi ofa gamir gumazim bizir kaba isi, Ikiavira Itir God bagh daghemin ofan min, ofa gamir dakozimin da tueghti, avim darisi mangiti da bar mighirighti, averenir kinim otogham. Eghzi oviba bar, da Ikiavira Itir Godin bizibara. ¹⁷ Ia Israelia, ian tav asizir ovim, o ghuzir tabar aman marki. Bar markiam. Ia ko ian ovavir borir gin otivamiba arazir kamin gintigh mamaghira iki. Egh ia mangi managh iki, ia arazir kamin gin mangivira iki.”

4

Arazir kuraba gin amadir ofaba

1-2 Ikiavira Itir God Israelia mikimasa kamaghin Moses mikeme, “Gumazitam o amizitam deragha fozir puvatigha, arazir kuram gamua Ikiavira Itir Godin Akar Gavagavir e mikemezir tam abighiva, kamaghin, a ofan kabar amu.”

Ofa gamir gumazibar dapanim arazir kuraba gin amadir ofa

³ Egha Moses ua kamaghin migei, “Ofa gamir gumazibar dapanim arazir kuram damighti, an arazir kurar kam gumazamizibar amuti, me bar osimtzim ikiam. Kamaghin, a bulmakaun apurir bar aghuir duaba an mikarzimin puvatizir tam inigh. Egh uan arazir kuraba gin amangisi, Ikiavira Itir God bagh arazir kuraba gin amadir ofa damigh. ⁴ A bulmakaun kam inigh God bativamin Purirpenimin itiar akamin mangigh, dafarim an dapanim gisin datigh, egh Ikiavira Itir Godin damazimin a misueghti an aremegh. ⁵ Egh ofa gamir gumazibar dapanim bulmakaun ghuzitam inigh, God bativamin Purirpenimin aven mangi. ⁶ Egh nir ekiar Bar Anogoroghezir Danganim modozimin boroghin mangi, uan dafar puzir tam isi ghuzim darugh, egh ghuzir muziarim isi, Ikiavira Itir Godin damazimin, inir ekiamin a gasivamang. A 7plan dughiabar kamaghin damu. ⁷ Egh a pauran mughuriar aghuim tuamin ofa gamir dakozim iti naghin mangi, God bativamin Purirpenimin aven Ikiavira Itir Godin damazimin tughiv iki. Egh a ghuzitaba isi ofa gamir dakozimin mikebabar itir bulmakaun kombar min garir biziba bar dar aghuigh. Egh a bulmakaun ghuzir nar ikiavira itir kaba, inigh asiziba bar isia

mighirir ofa gamir dakozir azenan itimin mangi, God bativamin Purirpenimin tiar akamin boroghin tughiv iki. Egh da isi ofa gamir dakozir kamin mingarim gingegeh.

⁸ “Egh arazir kuraba gin amadir ofan kam bagh, a bulmakaun kamin navim ko muriaba avarazir oviba bar ada inigh, ⁹ egh an ovizir pumuning ko, aningin ovim sara inigh, egh an beramin akuar aghuim inigh. ¹⁰ Egh ofa gamir gumazibar dapanim, ovir misaziar kaba bar isia mighirir ofa gamir dakozimin da tueghti da bar isigh mighirigham, eghti averenir kinimra ikiam. An ofan arazir kam mati, me God ko navir vamiran ikiamin ofa, me bulmakaun oviba inigha ofa gami. ¹¹⁻¹² Egh a bulmakaun apurir kamin asizir naba inigh, an inim ko tuziba ko dapanim, suemning ko dafarimning, muriam ko buariba, bar ada inigh, nguibar me itimin azenan mangiva, me avimin averenira inger danganimin, Godin damazimin zuezir danganimin mangi. Egh averenir pozim gisin daziba arigh avim daborogh asizir nar kaba tueghti da bar isighti averenir kinim otogham.”

Gumazamizibar arazir kuraba gin amadir ofaba

¹³ Ikiavira Itir God Israelia mikimasa kamaghin Moses mikeme, “Israeliian gumazamiziba deraghvira foghan koghiva, Ikiavira Itir Godin Akar Gavgavir me mikemezir mam abigh, kamaghin me arazir kuram gami. Me fozir puvati, me arazir kuram gami, egha guizbangira me uan arazir kamin me osimtizim iti. ¹⁴ Me gin uan arazir kuram gifogh, egh a gin amangisi, me uan asizibar tongin bulmakaun igiar apurir tam inigh an ofa damu. Me arazir kuraba gin amadir ofan kam inigh God bativamin Purirpenimin izi. ¹⁵ Eghti Ikiavira Itir Godin damazimin Israeliian gumazir dapaniba uan dafariba isi, bulmakaun apurir kamin dapanim datigh, egh me a misueghti an aremegh. ¹⁶ Eghti ofa gamir gumazibar dapanim bulmakaun apurir kamin ghuzitaba inigh, God bativamin Purirpeniminaven mangi. ¹⁷ Egh nir ekiar Bar Anogoroghezir Danganim modozimini boroghin mangi, uan dafar puzir tam isi ghuzim darugh, egh ghuzir muziaritam isi asiziba da bar isia mighirir ofa gamir dakozimin, ofa gamir dakozimin mikebabar itir bulmakaun kombar min garir biziba bar dar aghuigh. Egh ghuzir naba isi asiziba bar isia mighirir ofa gamir dakozimin mingarim gingegeh. ¹⁸ Egh a memen oviba ofa gamir dakozimin, da tueghti da bar isigh mighirichti, averenir kinim otogh. Ofa gamir gumazim arazir kamra damu, mati me God ko navir vamiran ikiamin ofabar min me meme misogha an oviba isa ofa gami. Ezi kamaghira, ofa gamir gumazim, gumazir dapanir kamin arazir kuraba gin amangisi ofa damu, eghti God an arazir kuraba gin amangam.”

kaba, a da inigh asiziba bar isia mighirir ofa gamir dakozimin mangi, God bativamin Purirpenimin tiar akamin boroghin tughiv iki. Egh da isi ofa gamir dakozir kamin mingarim gingegeh. ¹⁹ Egh gin a bulmakaun oviba bar da inigh asiziba bar isia mighirir ofa gamir dakozimin da tueghti da bar isigh mighirichti, averenir kinimra ikiam. ²⁰ Ofa gamir gumazibar dapanim, uabi uan arazir kuraba gin amadir ofa gami moghin, a kamaghira bulmakaun kam damigh. Ezi kamaghira ofa gamir gumazibar dapanim, gumazamizibar arazir kuraba gin amangisi ofa damuti, God men arazir kuraba gin amangam. ²¹ Eghti a gin bulmakaun asizir naba bar ada inigh, nguibar me itimin azenan mangigh avimin bar ada tuegh, mati uabi uan arazir kuraba gin amangasa bulmakaun ofa gami. Bulmakaun kam, gumazamiziba bar men arazir kuraba gin amadir ofa.”

Gumazir dapanibar arazir kuraba gin amadir ofaba

²² Ikiavira Itir God Israelia mikimasa kamaghin Moses mikeme, “Gumazir dapanitam deraghvira foghan koghiva, Ikiavira Itir Godin Akar Gavgavir e mikemezir tam abigh, kamaghin an arazir kuram gami. A fozir puvati, an arazir kuram gami, egha guizbangira a uan arazir kamin an osimtizim iti. ²³ A gin uan arazir kurar kam gifogh, egh a gin amangisi, memen apurir aghuitam inigh, duatam an mikarzimin ikian marki, egh ana inigh ofa bagh izi. ²⁴ Egh Ikiavira Itir Godin damazimin a dafarim isi memen dapanim gisin datigh, egh danganir me ofan bar isia mighiribar asizibav sozimra tugh, memen kam misueghti an aremegh. Memen kam, an arazir kuraba gin amadir ofa. ²⁵ Eghti ofa gamir gumazim, arazir kuraba gin amadir ofan kam bagh, uan dafarir puzir tam isi memen ghuzim darugh, egh ghuzir muziaritam isi asiziba da bar isia mighirir ofa gamir dakozimin, ofa gamir dakozimin mikebabar itir bulmakaun kombar min garir biziba bar dar aghuigh. Egh ghuzir naba isi asiziba bar isia mighirir ofa gamir dakozimin mingarim gingegeh. ²⁶ Egh a memen oviba ofa gamir dakozimin, da tueghti da bar isigh mighirichti, averenir kinim otogh. Ofa gamir gumazim arazir kamra damu, mati me God ko navir vamiran ikiamin ofabar min me meme misogha an oviba isa ofa gami. Ezi kamaghira, ofa gamir gumazim, gumazir dapanir kamin arazir kuraba gin amangisi ofa damu, eghti God an arazir kuraba gin amangam.”

Gumazir kinibar arazir kuraba gin amadir ofaba

²⁷ Ikiavira Itir God, Israelia mikimasa kamaghin Moses mikeme, "Gumazir kinitam o amizir kinitam deraghvira foghan koghiva, egh Ikiavira Itir Godin Akar Gavgavir e mikemezir tam abigh, kamaghin an arazir kuram gamizi, arazir kurar kamin osimtizim an iti. ²⁸ Egh a gin bizir kam gifogh, egh uan arazir kuram gin amangisi ofa damuam. A memen amebar aghuir duaba an mikarzimin puvatizimra inigh, egh uan arazir kurar an amizim bagh ofa damusi a inigh izi. ²⁹ Egh a uan dafarim isi memen dapanim gisin datigh, danganir me ofan bar isia mighiribar asisibav sozi naghira tugh, a misueghti an aremegh. Memen kam, an arazir kuraba gin amadir ofa. ³⁰ Eghiti ofa gamir gumazim uan dafarir puzir tam isi memen ghuzim darugh, egh ghuzir muzialir taba isi asiziba bar isia mighirir ofa gamir dakozimin mangi, ofa gamir dakozimin mikebabar itir bulmakaun kombar min garir biziba bar dar aghuigh. Egh a ghuzir nar ikiavira itim inigh, asiziba bar isia mighirir ofa gamir dakozimin mingarim gingegh. ³¹ Egh a memen oviba bar da inigh, ofa gamir dakozimin da tuegh. Ofa gamir gumazim arazir kamra damu, mati me God ko navir vamiran ikiamin ofabar min we meme misogha an oviba isa ofa gami. Egh oviba ofa gamir dakozimin da tu mangiti da bar mighirighti, averenir kinim otogh. Eghiti Ikiavira Itir God, ofan kamin mughuriam baregh, egh a gifuegh navir aghuim an ikiam. Kamaghira, ofa gamir gumazim, gumazir kinir kamin arazir kuraba gin amangisi ofa damuti, God an arazir kuraba gin amangam.

³² "Eghti gumazitam uan arazir kuraba gin amangisi sipsipin ofa damusi, a sipsipin amebar aghuir duaba an mikarzimin puvatizimra inigh izi. ³³ Egh a uan dafarim isi sipsipin dapanim gisín datigh, danganir me ofan bar isia mighiribar asizibav sozi naghin tugh, a misueghti an aremegh. Sipsipin kam, an arazir kuraba gin amadir ofa. ³⁴ Eghti ofa gamir gumazim, asiziba bar isia mighirir ofa gamir dakozimin mangi, uan dafarir puzir tam isi sipsipin ghuzim darugh, egh ghuzir muziarir taba isi ofa gamir dakozimin mikebabar itir bulmakaun kombar min garir biziba bar dar aghuihg. Egh a ghuzir nar ikiavira itim inigh, egh asiziba bar isia mighirir ofa gamir dakozimin mingarim gingegh. ³⁵ Egh a sipsipin oviba bar da inigh ofa gamir dakozimin da tuegh. Ofa gamir gumazim arazir kamra, mati arazir me God ko navir vamiran ikiamin ofabagh amibar min, a sipsipin kamin oviba inigh ofa damu. An

an oviba tueghti da bar isigh mighirighti, averenir kinim otogham. Kamaghira, ofa gamir gumazim, gumazir kinir kamin arazir kuraba gin amangisi ofa damu, eighti God an arazir kuraba gin amangam."

5

*Arazir kurar igharagha garir maba gin
amadir ofaba*

¹ Ikiavira Itir God Israelia mikimasa kamaghin Moses mikeme, "Gumazitam gumazir igharazimin garima, a bizim gami, o a gumazir igharazim barazima, a bizim mikeme, ezi gin jas, kotin aven bizir kamin gun mikimasa an diagha an azangsisi. Ezi gumazir kam kotin aven bizir a fozir kamin gun mikemezir puvati. Kamaghin an arazir kuram Godin damazimin a gamiga osimtizim iti.

2 "Egħi gumazitam deragh nighnihan kogħi, God mikemezir bizir mizezir tamin poroħħam, gumazir kam a Godin damazim min mize. A mati asizir atiar aremezix kuam, o ngubiamin asizir kuar Godin damazim mizezim, o asizir davaragħha aruir Godin damazim min mizezim. Asizir kam ti aremezi, an kuam pura nguazim girighav iti. Ezi gumazir kam deragħha ganizir puvatiga iż-za, asizim min poroħha Godin damazim min mize. Egh gin a uan arazir kurar an amizibagh fogħti, arazir kurabar osimtitmiz an ikiam.

³ "Eghti gumazitam deragh nighnighan kogh, egh Godin damazimin bizir mizezir gumazim o amizimin mikarzimin itimin porogh, gumazir kam Godin damazimin mizegham. Egh gin a uan arazir kurar an amizibagh fogham, eghti arazir kurabar osimtzizim an ikiam.

⁴ "Egħi gumazitam deragh nighnihan kogħi, bixitam damusi guizbangira purapin akakagh mikimam, a kamagħin Godin damazimin arazir kuram gami. Egh gin u an arazir kurar an amīzim gifogħi, an arazir kurrami osimtizim an ikkiam.

5 "Gumazitam arazir kurar kamaghin garitam gami, an osimtizim inigha gifa, egh a uan osimtizim gun mikemegh. 6 Egh a uan arazir kuramin osimtizim agivsi sipsin amebatam o memen amebatam isifofan min Ikiavira Itir God bagh a inighizi. Ehti ofa gamir gumazim, gumazir kamin arazir kuram gin amangisi, asizir kamin ofa damuti, God an arazir kuram gin amadaham.

⁷ "Arazir kuramin osimtizim itir gu-mazim, onganarazim damu sipsip ko meme givezamin dagiaba otevegh, a kuarazir bunbar pumuning inigh uan osimtizim agivsi Ikiavira Itir God bagh izi. Eighti-

bunbar tam, arazir kuraba gin amadir ofan otogham, egheti bunbar igharazim, ofan bar isia mighirimin otogham. ⁸ Gumazir kam aning inigh ofa gamir gumazim bagh mangiti, a kuarazir bunbar tam inigh arazir kuraba gin amadir ofa damu. Ofa gamir gumazim bunbamin firim ruvighti an aremeghti, an an dapanim asian marki. ⁹ Egh a ghuzir muziarim inigh ofa gamir dakozimin miriamin a kavamang, bunbamin firim ruvighti an ghuzir naba bar ofa gamir dakozimin mingarim giram. Kuarazir bunbar kam, an arazir kuraba gin amadir ofa. ¹⁰ Egh gin a bunbar igharazimin, bar isia mighirir ofa damu. A ofan kamin arazimin gin mangi. Egh kamaghira ofa gamir gumazim, gumazir kamin arazir kuraba gin amangisi a bagh ofa damu, egheti God an arazir kuraba gin amadaghams.

¹¹ "Gumazir osimtzizim itim, bar dagiabagh asaghiva kuarazimning givezan iburagh, a 1 kilogram plauan aghuitam inigh izi. Egh, a witin ovizim tuer ofan min amizi moghin, an olivin borem ko, migharir muguriar aghuium zuim itir pauran me iter balsamin eborimin ingarizim isi a gingga marki. Puvati, plauan kam, kar arazir kuraba gin amadir ofa. ¹² Egh a ofa inigh ofa gamir gumazim bagh mangi, egheti ofa gamir gumazim, uan dafarim isi plauan kam darugh, plauan dafarir izivirizim inigh ofan igharaziba sara ofa gamir dakozimin a tuaghti, avim an isi mangiti a bar mighirighti, averenir kinim otogham. Plauan muziarim kam, gumazir Ikiavira Itir Godin ofa gamizir kam, plauan nam bar an danganim ini. Kar arazir kuraba gin amadir ofa. ¹³ Tuavir kamra ofa gamir gumazim, gumazir kamin arazir kuram bagh ofa damighti, God an arazir kuraba gin amadaghams. Egheti ikiavira itir plauan naba, ofa gamir gumaziba da inigh dar amam, mati witin ovizir nar me ofa bagha tueba."

Osimtzibə agevir ofaba

¹⁴ Ikiavira Itir God Israelia mikimasa kamaghin Moses mikeme, ¹⁵ "Gumazitam o amizitam deragha fozir puvatigha, Ikiavira Itir God daningamin biziba bakanighnigh, egha an arazir kuram gami. Egh gumazir kam Ikiavira Itir Godin ofa damu, bizir kam ikarvagh uan osimtzizim agivaghram. Ofa gamir gumazim a mikemeghti, a uan asizibar okoruabar tongin sipsipin apurir bar aghuir duuba an mikarzimin puvatizitam inigh izi. Ofa gamir gumazim, sipsipin gumazim inigha izezir kamin izezim dinibonim atigham. Kar osimtzizim agevir ofa. ¹⁶ Egheti

dagiari a isa Ikiavira Itir God ganingizir puvatizir kaba, a datirighin a daning, egh ua dagiataba isi dagh isin datigh. A pura 5plan biziba ini, kamaghin a 6plan biziba, bizir kaba ikaraghams. Egh da isi ofa gamir gumazim daningigh. Egheti ofa gamir gumazim, sipsipin kam inigh, gumazir kamin osimtzizim agivamin ofa damu, egheti God an arazir kuraba gin amadaghams.

¹⁷ "Gumazitam o amizitam deragh nighnighan kogh, Ikiavira Itir Godin Akar Gavgavitam abigham, kamaghin an arazir kuram gamigha Godin damazimin osimtzizim iti, egh iveauzir kuram iniam. ¹⁸ Kamaghin amizi, a uan asizibar okoruabar tongin sipsipin apurir bar aghuir duuba an mikarzimin puvatizitam inigh, ofan min ofa gamir gumazim bagh mangi, egh uan arazir kurabar osimtzibə akir da agifagh. Egheti ofa gamir gumazim sipsipin gumazim inigha izezir kamin izezim diniboragh a datigh. Egheti gumazim sipsipin kamagh garitam, ofa gamir gumazim bagh a inigh iziti, a gumazir kamin osimtzizim agevir ofa damighti, God an arazir kuraba gin amadaghams. ¹⁹ Sipsipin kam, Ikiavira Itir Godin damazimin, an osimtzizim agevir ofa."

6

¹ Ikiavira Itir God Israelia mikimasa kamaghin Moses mikeme, ² "Gumazitam o amizitam uan namakamin bizim puram a inigha, uam a ikarvaghsha akar dikirizim gamigha, gin bizir kam uam a daningan aghua, kamaghin a deraghavira Ikiavira Itir Godin gin zuir puvati, egha an arazir kuram gami. A namakamin bizim okeme, o namakam gifaraghha an bizibagh etui, ³ o a bizitamin garima, gumazir igharazim an ovengi, ezi a ifara ghaze, bar guizbangira, ki an ganizir puvati, kamaghin, an arazir kuram gami. ⁴⁻⁵ Gumazir arazir kabagh amim, a Godin damazimin osimtzizim inigha gifa. Egh gin a uan osimtzizim gifogh, egh an oker arazim ko ifavarir arazimin inizir bizir kaba, a ua da ikanagh. A uan osimtzibə agivsi ofa damuamin dughiamin, a bizir kaba ikarvagh da isi dar ghuavim daningigh. A faragha 5plan biziba ini, egh a 6plan biziba uam a da ikanagh. ⁶ A sipsipin apuritam inigh ofa gamir gumazim bagh mangi, uan arazir kurabar osimtzizim agevir ofan min Ikiavira Itir Godin ofa damu. Ofa gamir gumazim a mikemeghti, a uan asizibar tongin sipsipin apurir bar aghuir duuba an mikarzimin puvatizitam, inigh izi. Ofa gamir gumazim sipsipin gumazim inigha izezir kamin izezim dinibonim atigham. ⁷ Egh ofa gamir gumazim, a gumazir arazir kuram

gamizibagh amizimin osimtiziba agivsi Ikiavira Itir Godin damazimin ofa damuti, God an arazir kuraba gin amadagham."

Ofan bar isia mighiribar araziba

⁸ Ikiavira Itir God kamaghin Moses mikeme: ⁹"Ni ofan bar isia mighiribar arazibar gun Aron ko an otaribav mikemegh. Me ofan kam ofa gamir dakozimin a tuagh, egh aneteghti, avim an isi dimangan iki mangiti aminim tiragh. Dimangan avim isi mamaghira iki, egh mungeghan marki. ¹⁰ Eghti gin, ofa gamir gumazim, korotiar ruarir me inir aghuimin ingarizim arugh, egh gin trausiziар otevir me nir aghuimin ingarizim isi aven anerugh, egh gin an ofa gamir dakozimin mangi, ofan bar isi mighiramumin averenim inigh, averenir kam ofan ovim an iti. Egh ofa gamir dakozimin boroghin nguazimin a ingegh. ¹¹ Egh a gin uan korotiam suegh korotiar igharazibar aghuigh, averenir kam inigh men dipeniba itir danganimin azenan mangi, nan damazimin danganir zuezimin anetigh. ¹² Eghti ofa gamir dakozimin avim isi mamaghira iki, egh mungan marki. Egh mizarazibar zurara, ofa gamir gumazim dazibar avim daragh mamaghira iki. Egh an asizir bar isia mighiriba inigh, da isi avimin deragh dar arigh da tuegħti, da bar isigh mighirighti averenir kinim otogħam. Egh a God ko navir vamiran ikiġi ofan oviba inigh, avir kamin da tuegħti da bar isigh mighirighti averenir kinim otogħam. ¹³ Avim zurara ofa gamir dakozimin isi mamaghira iki. Ia avim ategħti a mungeghan marki."

Wit tuamin ofabar arazim

¹⁴ Ikiavira Itir God Israelia mikkimasa kamaghin Moses mikeme, "Wit tuamin ofabar arazim kamakin. Aronin adarazir ofa gamir gumazitam ofan wit tuamin kam isi nan damazimin ofa gamir dakozimin boroghin mangi, nan akagh na dandingam. Ki Ikiavira Itir God. ¹⁵ Egh ofan kam bagħ, ofa gamir gumazim uan dafarim isi plauan kam darugh, egh dafarir zivrizim in an plaua inigh, an itir borer muziaritam, ko migharir mughuriar aghuim zuir pauran me iter balsamir eborigħin ingarizim bar a inigh. Egh a bixi kaba bar, da isi ofa gamir dakozimin da tuegħti, avim dar isi mangiti da bar mighirighti, averenir kinim otogħam. Plauan muziarir gumazim Ikiavira Itir Godin ofa gamizir kam, bar plauan namin danganim inigham. Eghti Ikiavira Itir God, witin ofa tuamin kamin mughuriar bareghħiva, a gifuegħ navir aghuim an ikiam, ¹⁶ Eghti ofa gamir gumazibha plauan nar ikiavira itbar ami. Me plaua inigh yis puvatizir bretin ingarigh, egh God bativamin Purirpeni avinizir divazimin

aven anemi. ¹⁷ Kar ofan dagħer nar me niċċiamb. Plauan kam, ki ofa gamir gumazibha bagħha anemisefe. Plauan kam, a bar nan bizzimra, mati arazir kuraba gin amadir ofabba ko gumazamizbar osimtiziba aġeviř ofabba, da nan biziċċa. Kamaghin amizi, me yis sara bretin kam veregh a tuan marki. Me puram a tuam. ¹⁸ Aronin ovavir boribar tongin gumazibara, me vagħvagh bretin kam amam. Israelia Ikiavira Itir God bagħ ofan bar isia mighirir dagħer kaba, merara, da iniam. Egh gin izamin dughħiabar zurara, Aronin ovavir boriba, ofan nar kaba ini mamaghira ikiam. Eghti gumazitam, o bixitam ofan nar kabar porogħiwa, a nan bizzimram otogh egh bar anogoregham."

¹⁹ Ikiavira Itir God kamaghin Moses migei, ²⁰"Aronin adarazir ofa gamir gumazibha, me igiġi ofa gamir ingangarim isir dughħiġi min ofan tam damiġħ. Egh me ofa gamir dughħiġi min gumazitam amisevegħti, a na bagħ ofabbar amu. A plauan tam inighti, an osimtizim 1 kilogreni tugh, a mati me dughħiabar zurara wit tuer ofan ababanimra inigh. A plauan kamin akuatam isi mizarazimin ofa damiġħ, egh aruem magħiġi, an akuar namin ofa damu. ²¹ An olivin borem sara bar deragh plauan kam ko a veregh, egh ofa bagħ amir ainin baravim gis in plaua tuagh. Egh gin anebiġiħi ra na danding, ki Ikiavira Itir God. Eghti ki ofan kamin mughuriam baregh, a gifuegħ navir aghuim an ikiam. ²² Eghti gin izamin dughħiġi min, me Aronin ovavir boribar gumazibar tongin, ofa gamir gumazim amisevegħti, an Aronin danganim inigh ofa gamir gumazibar dapanim inotogh, egh a Ikiavira Itir God bagħ ofan kamaghira garim damu. Ofan kam, a nan bizzimra, kamaghin, a ofa ategħti a bar isi mighirighti, averenir kinim otogħi. ²³ Ofa gamir gumazibha witin ofan kamin muziarir tabar aman marki. Puvati. Me anetegħti a bar isi mighirighti."

Arazir kuraba gin amadir ofabba

²⁴ Ikiavira Itir God kamaghin Moses migei: ²⁵"Ni ofan arazir kuraba gin amadir arazibar gun Aron ko an otaribav kemegħ. Arazir kam a kamakin. Me arazir kuraba gin amangi, nan damazimin asizim misuegħ ofa damu. Me ofan bar isia mighiribar, asizibha misozir danganim asizim misuegħti an aremegħ. Ka bar nan ofa. ²⁶ Ofa gamir gumazim, asizir kam isi arazir kuraba gin amadir ofa damu, egh u ubi God bativamin Purirpeni avinizir divazimin aven asizir tuzur kam amam, kar danganir na bagħavira itim. ²⁷ Eghti gumazitam, ofan kamin asizir tuzim min porogħ, egh a nan bizzimram otogħiwa, bar anogoregham. Eghti asizim in-

ghuzim inim o bizitam gireghti, ia nan Purirpenim avinizir divazimin aven a ruegh.²⁸ Ofa gamir gumazim, ofan kam nguazir minemin anevigh, a gin miner kam abikigh. A brasin minemin anevighiva, dipamir deragh a ruva a isegh.²⁹ Ofan kamaghin garim, a nan bizimra. Kamaghin amizi, ofa gamir gumazibar adarazir gumazitam ifongegeh, a ofan kamin asizir tuzim ami.³⁰ Eghti ofa gamir gumazibar dapanim, ofan kamin ghuzitaba inigh, na bativamin Purirpenimin aven mangigh, arazir kuraba gin amangamin ingangarim damutı ofa gamir gumaziba ofan asizir tuzir kam aman marki. Me asizir tuziba avimin bar da tu mangiti da mighirighti, averenir kinim otogham."

7

Osimtiziba agevir ofaba

¹ Ezi Ikiavira Itir God, Israelia mikimasa kamaghin Moses mikeme: "Osimtiziba agevir ofan kaba, da bar Godin bizibara. Ofan kabar Araziba kamakin. ² Me ofan bar isia mighiriba bagha asizibav sozir danganimin, me osimtizim agevir ofa bagh sipsip misuegti, an aremegh. Eghti me sipsipin kamin ghuziba isi ofa gamir dakozimin 4plan miriabar da kavamang. ³ Gumazir ofan kam damuamim, a sipsipin oviba, ko an puer mingarimin boroghira itir ovir bar ekiam itiba, ko a navim ko muriam avarazir oviba inigh. ⁴ Egh an ovizminning ko oviba sara inigh, egh uaghan sipsipin beramin akuar aghuim inigh. ⁵ Egh ofa gamir gumazim, ofa gamir dakozimin da tuegti, avim dar isi mangiti da bar mighirighti, averenir kinim otogham, mati me ofa isa Ikiavira Itir God ganidi moghin damu. Kar ofan osimtizim agevir ofa. ⁶ Ofa gamir gumazibar adarazir gumazitam, asizir tuzir kam amisi ifuegh anemi. Kar Godin ofa, an ofa gamir gumaziba bagha a ginaba. Kamaghin amizi, me Godin Purirpenim avinizir divazimin aven anemi, kar Godin danganimra.

⁷ "Arazir kuraba gin amadir ofa, ko osimtizim agevir ofa, aning ofan arazir vamira iti. Kamaghin amizi, ofa gamir gumazim, ofan kamagh garir kamning damuva, a uabi, ua bagh ofan kamin asizir tuzim iniam. ⁸ Ofa gamir gumazim bar isia mighirir ofa damuva, a ua bagh asizimin inim iniam. ⁹ Egha kamaghira, ofa gamir gumazim, witin ofan me bretba tuer danganimin tueziba, ko witin ofan me nguazir minemin tueziba, ko witin ofan me ainin baravimin tueziba bar, a ua bagh da inigh dar ami. ¹⁰ Witin ofan ighazarir me tuezir puvatiziba, maba me olivin boremin sara da vere, maba me plauan

ofan kinibagh ami, da bar Aronin adarazir ofa gamir gumazibar biziba. Me da tuiragh dibobonir vamiran gin mangi vaghvagh Aronin adarazir ofa gamir gumazibar aning."

God ko navir vamiran ikiamin ofaba

¹¹ Egha Ikiavira Itir God, Israelia mikimasa kamaghin Moses mikeme, "Ikiavira Itir God ko navir vamiran ikiamin ofan arazim kamakin. ¹² Gumazitam God minabi a ko navir vamira ikiamin ofan kam damusi ifongegeh, an asizir ofan God minabim inigh, egh uaghan yis puvatizir bretin taba sara ofa damu. Bretin kabar kara: plauan me olivin borem sara veregha ingarizir bretba, ko me olivin boremin aghuizir bisketha, ko olivin borer ekiam avarazir bretba, da inigh ofa damu. ¹³ Egh a uaghan bretin rubuzir yis itir taba inigh, egh God ko navir vamiran ikiamin ofan kam sara damuva a minabi. ¹⁴ A bretin kaba vaghvagh dar akuatam inigh, Ikiavira Itir God daningigh. Bretin kaba, ofa gamir gumazimin dagheba. Ofa gamir gumazir kam, a God ko navir vamiran ikiamin ofan asizimin ghuziba inigh, ofa gamir dakozimin miriabar da kavamang. ¹⁵ Eghti gumazir God minabiva a ko navir vamiran ikiamin ofa gamim, ofa gamir dughiar kamra, an asizir tuzir naba bar dar amegh. An asizir tuziba ateghti, da iki mangi dughiar ighazarizimin otivan marki.

¹⁶ "Eghti gumazitam, uan akar dikirizir God koma amizim akiramin ofa damusi, o a uan ifongiamin gin mangi ofa damu, o God ko navir vamiran ikiamin ofa damu, egh gumazir kam ofa gamir dughiamin, an asizir kamin tuzir tabar ami, egh amimzaraghan uaghan tuzir nabar ameghti, kamaghin deragham. ¹⁷ Egh me dughiar namba 2in, da givaghan koghti, asizir tuzir naba ikivira ikiti, me dughiar namba 3in avimin bar da tuegti, da bar moghira isi mighirigh. ¹⁸ Me dughiar namba 3in asizir tuzir katam ameghti, God gumazir kamin ofan kam inighan kogham. Ofan kam, a Godin damazimin deragham kogh, egh pura mangigh gumazir kamin akurvaghan kogham. Eghti God suam, nin ofan kam bar mizegha kurizi ki bar an aghua. Eghti gumazir manam asizir tuzir kam amiva, an osimtizim ikiam.

¹⁹ "Eghti God ko navir vamiran ikiamin ofan asizir tuzim, bizir mizirizitam porogham, a Godin damazimin zueghan kogham. Eghti me asizir tuzir kam aman marki. Me asizir tuzir kam avimin a taughti a bar isi mighirigh.

"Gumazamizir Godin damazimin zueziba, merara God ko navir vamiran ikiamin ofan asizir tuzim ami. ²⁰ Eghti ian

tav Godin damazimin zueghan kogh, egh Ikiavira Itir God ko navir vamiran iki-amin ofan asizir tuzim ameghti, me a batueghti, a Ikiavira Itir Godin gumazamizibar ikizimin aven ikian kogham.²¹ Eighti ian tav uaghan, bizir Godin damazimin mizezir tamin suiraghram, ka ti asizir zuezir puvatizitam, o bizir mizegha gumazamizibar mikarzibar itiba, o asizir mizirizir ki aghauziba, dar suiragh, egh gumazir kam gin ofan asizir tuzir kam ameghti, me a batueghti a Ikiavira Itir Godin gumazamizibar ikizimin ikian kogham.”

Israelia asizir oviba ko ghuzibar aman kogham

²²⁻²³ Ikiavira Itir God, Israelia mikimasa kamaghin Moses mikeme, “Ia bulmakaun oviba ko sipsipin oviba, ko memen oviba, dar aman marki.²⁴ Ia bulmakaun uabi aremezim o asizir atiam misoghezi aremezim, ia an ovim aman marki. Egh ia ingangarir igharazitam damusi an ovim inighti deragham.²⁵ Eighti gumazitam, me Ikiavira Itir Godin ofa gamizir asizimin ovitam ameghti, me a batueghti, a ua Ikiavira Itir Godin gumazamizibar ikizimin aven ikian kogham.²⁶ Ia Israelia, ia managh iti, ia ghuziba sara asiziba ko, ghuziba sara kuarazibar aman marki. Bar marki.²⁷ Gumazzitam o amizitam, Akar Gavgavir ghuzibar aman koghamin kam abigit, me a batueghti, a ua Ikiavira Itir Godin gumazamizibar ikizimin aven ikian kogham.”

Ofan asizir tuzir naba, me ofa gamir gu-mazibar aningam

²⁸⁻²⁹ Ikiavira Itir God Israelia mikimasa kamaghin Moses migei, “Ian tongin itir gumazitam, God ko navir vamiran ikiamin ofa damusi asizim inigh izi, an asizir otevitam Ikiavira Itir God baghvra anemisefegh.³⁰ Gumazir kam uabi asizir otevir kam inigh izi, avimin Ikiavira Itir Godin ofa damu. Ikiavira Itir Godin asizir otevir kaba kamakin, asizir ovim ko an amagapamin itir tuzim. Eighti ofa gamir gumazim kamaghin Ikiavira Itir Godin ofa damu. A uan dafarimningin amagapamin itir asizir tuzimin suiragh a fegh a damuti a Godin damazimin iuguavamang.³¹ Ofa gamir gumazim ofa gamir dakozimin ovim tuaghti, avim an isi mangiti a bar mighirigh, averenir kinim otogham. Eighti Aronin adarazir ofa gamir gumaziba uari damisi, an amagapamin itir tuzim inigh.³² Eighti asizir kamin agharir guvimin amadaghan itir buaragharam, gumazim a isi ofa gamir gumazim daningigh. Asizir kam, a God ko navir vamiran ikiamin ofa.³³ Kamaghin Aronin adarazir tongin ofa gamir gumazim,

a ghuzim ko ovimin ofa gami, ezi asizir buaragharam, kar an bizim.³⁴ Ikiavira Itir Godin damazimin fegha iuguavamadir amagapar tuzim, ko asizir kamin agharir guvimin amadaghan itir buaragharam, Ikiavira Itir God, Israeliel gumazamizibar ofabar tongin aning inigha, ofa gamir gumazibagh aning, kar Aron ko an ovavir boriba. Egh gin otivamin dughiar zurara, ofa gamir gumaziba ofan otevir kaba iniam.³⁵ Gumazamiziba Ikiavira Itir God bagh avimin ofan amibar tongin, Ikiavira Itir God, asizir tuzir otevir kamning, ginabagha ghaze, Aron ko an ovavir boriba, dughiar a me gamizi, me an ofa gamir gumazibar otozimini ikegh, zurara mangi, me asizir tuzir otevir kamning iniam.³⁶ Dughiar kamra, Ikiavira Itir God Israelia migia ghaze, me ofan asizir tuzir otevir kamning isi ofa gamir gumazibar aning. Egh me arazir kam zurara an gin mangivira iki.”

³⁷ Akar Gavgavir kaba bar, kar ofan bar isia mighiriba ko, wit tuer ofaba ko, arazir kuraba gin amadir ofaba ko, osimtiziba agevir ofaba ko, gumaziba misesvima me ofa gamir gumazibar otivir ofaba ko, God ko navir vamiran ikiamin ofaba.³⁸ Israelia gumazamiziba puvatizir danganimin itir dughiamin, Ikiavira Itir God, Akar Gavgavir kaba Sainain Mighsiamin da iza Moses ganingi. Dughiar kamin, Ikiavira Itir God, Akar Gavgaviba Israelia ganiga ghaze, me uan ofaba inigh a bagh izam.

Aron uan otariba ko, ofa gamir ingangariba

8

(*Sapta 8-10*)

*God gumaziba misivti me ofa gamir gu-mazibar otivamin ofa
(Ua Me Ini 29:1-37)*

¹ Ikiavira Itir God kamaghin Moses migei, ²⁻³ “Ni Aron ko an otariba sara inigh na bativamin Purirpenimin tiar akamin mangi. Egh ofa gamir gumazimin korotiaba ko ingangarir kam bagh me amisivamin olivin borem inigh. Egh arazir kuraba gin amangisi bulmakaun apurir tam ko sipsipin apurivning ko yis puvatizir bretin akirar izivazir tam, bizir kaba sara inigh God bativamin Purirpenimin mangi. Egh gumazamiziba bar men diaghti, me Purirpenimin tiar akamin izi.”

⁴ Ezi Moses Ikiavira Itir Godin Akar Gavgavim baregha an gin zui. Ezi gumazamiziba bar iza God bativamin Purirpenimin tiar akamin uari akufa.⁵ Ezi a kamaghin me migia ghaze, “Bizir ki

datirighin damuamin kam, Ikiavira Itir God a damuasa na mikeme.”

⁶ Egha Moses Aron ko an otariba inigha iza gumazamizibar damazimin tugha, me gamizi me dipamin uari rue. ⁷ A faraghavira ofa gamir gumazimin korotiar ruarir aven azuim isa Aron garугha, inir ruarir ivariam gitim isa an ivariam gike. Egha Moses korotiar ruarir azenan itim a garu. Egha a korotiar otevir azenan azuim a garугha anemighinasin inir sazir kurkazir aghuiba itim isa an ivariam gike. ⁸ Egha forivtarir inim isa Aronin evarim gike, egha Godin ifongiam gifogohamin dagiamning isa forivtarir inir an evarimin itim garu. ⁹ Egha inir dapanir asuar ruarim Aronin dapanim gughui. Egha gol medel isa an inir dapanir asuar ruarim gitoro. Medalin kam, kamaghin men aka, kar Ikiavira Itir Godin gumazimra. Ikiavira Itir God Moses mikemezi moghin, Moses arazir kaba bar dagh ami.

¹⁰ Egha Moses, olivin borer God baghvira ikiamin biziбag inger kam, inigha ghua, Ikiavira Itir Godin Purirpenim ginga, biziр an aven itiba sara bar dagh inge. Egha arazir kamin a biziр kaba amisevezi, da bar Ikiavira Itir Godin biziбara. ¹¹ Egha a olivin borer nam inigha ghua, 7plan dughiabbar ofa gamir dakozim ko ofa gamir dakozimin biziбa, ko soroghofariba ruer itarir ekiam ko anefamin dakozim, a bar boremin da kavamangi. Egha arazir kamin Moses biziр kaba amisevezi, da Ikiavira Itir Godin biziбar otifi. ¹² Egha Moses borer muziarium isa Aronin dapanim ginge, ezi arazir kamin an Aron amisevezi, a Ikiavira Itir Godin ofa gamir gumazimin oto. ¹³ Egha Moses, Aronin otariba inigha iza ofa gamir gumazibar korotiar ruarir aven azuiba isa me gaghua, inir ruarir ivariam gitim isa men ivariabagh ikegha, men dapanir asuabar inir ruariba isa men dapanibagh ighuigha da ifefe. Ikiavira Itir God Moses mikemezi moghin, Moses arazir kaba bar dagh ami.

¹⁴ Ezi biziр kam givazi, Moses arazir kuraba gin amadir ofa damuamin bulmakaun apurimin akua izezi, Aron uan otariba ko uan dafariba isa bulmakaun dapanim gisin da ariki. ¹⁵ Moses bulmakaun kam misuegha, an ghuzir maba ini. Egha uan dafarir puzim isa ghuzim garугha, ghuzir muziarium isa ofa gamir dakozimin mikebabar itir bulmakaun kombar min garin biziбa bar dagh ariki. Egha arazir kamin a ofa gamir dakozim gamima, a Godin damazimin zue. Ezi Moses ghuzir ikiavira itiba inigha, ofa gamir dakozimin mingarim ginge, kar arazir kuraba gin amangamin arazim. Egha arazir kamin, an ofa gamir dakozim God bagha anemisevezi,

a Godin bizimram oto. ¹⁶ Egha Moses bulmakaun navim ko muriaba avarazir oviba bar ada inigha, an ovizir pumuning ko, aningin ovim sara inigha, an beramin akuar aghuim inigha bar ofa gamir dakozimin da tuezi, avim bar dar isia ghua mighirizi, averenir kinimin oto.

¹⁷ Egha a bulmakaun kamin ikiavira itir asizir naba, kar an iniba, tuziba, ko buariba, a bar da inigha, nguibar me itimin azenan ghua avim gaborogha bar da tue, Ikiavira Itir God mikemezi moghin, Moses ami.

¹⁸ Egha Moses sipsipin apurir kamningin mam inigha izi. Kar ofan bar isia mighirim damuamin sipsip. Ezi Aron uan otariba ko me uan dafariba isa sipsipin dapanim gisin da ariki. ¹⁹ Ezi Moses sipsipin kam misuegha, an ghuziba inigha ofa gamir dakozimin 4plan miriabar da kavamangi. ²⁰⁻²¹ Egha a sipsip aghoraghariqa, an muriaba ko an suemming deraghavira da rue. A gin sipsipin dapanim ko ovim ko an asizir otevir maba sara inigha, bar da isa ofa gamir dakozim gatigha bar ada tuezi, avim bar dar isia ghua mighirizi, averenir kinim oto. Ikiavira Itir God a mikemezi moghira, Moses ami. Sipsipin kam, kar bar isia mighiriz ofa. Ikiavira Itir God an mughuriam baregh, a gifuegh, egh navir aghuim an ikiam.

²² Ezi Moses sipsipin apurir igharazim inigha izi, sipsipin kam, ofan me gumazibar amuti me ofa gamir gumazibar otivamim. Ezi Aron uan otariba ko uan dafariba isa sipsipin kamin dapanim gariki. ²³ Ezi Moses sipsip misuegha an ghuzir muziarium inigha, Aronin kuarir guvimin itir kuarir amirazim, ko an dafarir puzir amebar agharir guvimin itim, ko dagarir puzir amebar suer agharir guvimin itim, dagh aghui. ²⁴ Egha Moses Aronin otariba inigha iza, ghuzir muziarium isa, men kuarir guvibar amadaghan itir kuarir apebar amiraziba, ko men dafarir puzir amebar dafarir guvimin itiba ko dagarir puzir amebar suer guvimin itibagh aghui. Egha sipsipin ghuzir ikiavira itiba bar ada inigha ghua, ofa gamir dakozimin 4plan miriabar da kavamangi.

²⁵ Egha sipsipin oviba ini. Kar an navim ko muriam avarazir oviba, ko an puer mingarimin itir yis puvatizir bret bar izivazir akirar kam bagha ghua, bretin ruzir me yis sara tuazir puvatizir mam, ko plauan me olivin borem sara veregha ingarizir bretin ruzir mam, ko olivin borer ekiam avarazir basketin mam ini. Egha a bretin kaba isa sipsipin oviba

9

Aron ofan mabagh ami

ko buaghaghair agharir guvimin itim gisin ati. ²⁷ Egha gin dagher kaba isa Aron uan otariba ko men dafaribagh atizi, me ofan kamin suiragha a fegha a gamizi, a Ikiavira Itir Godin damazimin ighuavamadi. ²⁸ Ezi Moses ua dagher kaba me da da inigha, da isa ofa gamir dakozimin asizir ofan bar isia mighirizim gisin atizi, avim bizar kaba bar dar isizi, da bar mighirizi averenir kinim oto. Ofan kam, a gumazibar amuti me ofa gamir gumazibar otivamin ofa. Ezi Ikiavira Itir God an mughuriam gifuegha navim an dera. ²⁹ Ezi datirighin Moses sipsipin kamin uan dafarimningin an amagapamin itir asizir tuzimin suiragha a fegha a gamizi, a Ikiavira Itir Godin damazimin ighuavamadi. Ezi me gumazibar amuti me ofa gamir gumazibar otivamin ofan sipsipin apurimin akuar kam, kar Moses uabi damamin asizir tuzim. Moses Ikiavira Itir God a mikemezi moghira bizibagh ami.

³⁰ Egha Moses biziba misevir olivin borer muzierir maba inigha, ghuzir an ofa gamir dakozimin miriam gingezir maba sara ini. Egha ghuzim, ko borem isa, Aron ko an korotiaba sara, da kavamangi. Egha an otariba ko men korotiaba sara, da kavamangi. Egha arazir kamin Moses, Aron ko an otaribagh amizi, me ko men korotiaba Ikiavira Itir Godin bizibara.

³¹ Ezi Moses ghua kamaghin Aron ko an otaribav gia ghaze, "Ia asizir tuzir kam inigh God bativamin Purirpenimin tiar akamin mangi, egh anevigh bretin akiramin itim sara dami. God ia mikemezi moghira, Iarara dar ami. Akirar bret itir kam, me an aven bret isa gumazibagh ami me ofa gamir gumazibar otivasa ofa gami. ³² Egh ia damegh izivagh, asizir tuzir naba ko bretin naba ikivira ikti, ia avimin da tuegħi da bar isi mighirigh. ³³ Egh ia 7plan aruebar God bativamin Purirpenimin tiar akamin azenan mangan marki. Ia kamaghira iki mangi, ian dugħiar ofa gamir gumaziba misevir kam givagħam. Guizbangira, arazir gumazibam gamima an ofa gamir gumazibar otivamin dugħiha, a 7plan arueba. ³⁴ Ikiavira Itir God uabi, Akar Gavgavim e mikemegħa ghaze, Ia uan arazir kuraba gin amangisi, arazir kaba bar dar amu. Ezi datirighin ia dagh amigha gifa. ³⁵ Ia arueba ko dimagaribar God bativamin Purirpenimin tiar akamin iki mangi 7plan dugħiabar tugh, egh ia Ikiavira Itir God mikemezi mogħin bizibar amu. Egh ia dar amuan kogh, ia arim ġiġi regham. Ikiavira Itir God kamaghin na mikeme."

³⁶ Mosesin migriġiabar aven, Ikiavira Itir God bizir kabar Aron ko an otaribav keme. Ezi me kamaghira dagħ amī.

¹ Moses Aron uan otariba ko, me isa ofa gamir ingangarim bagħha me atiġha għifa. Ezi dugħiar namba 8 otozima, Moses dikavighha Aron ko an otariba ko Israelian gumazir dapanibar diazi, me iza uari akufa. ² Me uari akuvagħha itima, a kamaghin Aron migei, "Bulmakaun nguzir igħiar apuritam, arazir kuraba gin amadid ofa damusi a inigh. Egh sipsipin apurir aghuir duuba an mikarzim puvatizitam, ofan bar isia mighirim damusi a inigh iżi. Egh ni Ikiavira Itir Godin damazimin an ġingin ofa damu. ³ Egh ni kamaghin Israelian gumazamizibav kemegħ, Ia arazir kuraba gin amadid ofa damusi memen apuritam inigh. Egh ofan bar isi mighiramibar amus, bulmakaun azenir vamira ititam ko sipsipin apurir azenir vamira ititam inigh, na bagħ ofa damu. Ia asizir aghuibara inigh, duatam men mikarzibar ikian marki. ⁴ Egh uaghan ia ofan God ko navir vamira ikiamim damusi, bulmakaun tam ko sipsipin apuritam inigh. Ia, asizir kamming ko wit tuer ofan ia olivin borem sara verezim, ia aning inigh Ikiavira Itir Godin ofa damu. Dugħiar kamra, Ikiavira Itir God ian damazimin otogħam, kamaghin amizi, ia ofan kabar amu."

⁵ Ezi Aron ko gumazir kaba, me ghua bizzir Moses me mikemeziba inigha, God bativamin Purirpenimin borogħin ize. Ezi Israelian gumazamizibar, Ikiavira Itir Godin ziam fasa iza an damazimin uari akuvagħha tuivighav iti. ⁶ Ezi Moses kamaghin me migei, "Ikiavira Itir God ghaze, ia ofan kabar amuti, Ikiavira Itir Godin angazangarir bar gavgavim ia bativam." ⁷ Egha Moses kamaghin Aron migħia ghaze, "Ni ofa gamir dakozim ħorogħin mangi, egh ofan arazir kuraba gin amangamik ko nin ofan bar isi mighirigham sara damu. Ni ua bagħ kamaghin damuti God nin arazir kuraba gin amangiva, gumazamizibar arazir kuraba sara gin amangam. Egh gin, Ikiavira Itir God mikemezi mogħin, gumazamizibar isa izir ofaba, ni me bagħ ofa damuti God men arazir kuraba gin amangam."

⁸ Ezi Aron ofa gamir dakozim ħorogħin ghuxha, bulmakaun apurir igħiar kam misuegħha, uabi uan arazir kuraba gin amangassa ofa gami. ⁹ Ezi Aronin otariba a bagħha asizir ghuziba inigha iza a ganingizi, a uan dafarir puzim isa ghuziñ garugħha, ofa gamir dakozim ħorġebbar itir bulmakaun kombar min garir bizibagh arigha, ghuzir naba an ofa gamir dakozim ħorġebbar itir. ¹⁰ Egha gin Aron, arazir

kuraba gin amadir ofan kamin asisir oviba bar ada inigha, ovizimning ko beramin akuar aghuim ini. Egha a bar da ofa gamir dakozimin da tuezi avim bar dar isia zuima da bar mighirizi, averenir kinim oto. Ikiavira Itir God Moses mikemezi moghin, Aron ami.¹¹ Egha an asisir tuziba ko iniba inigha, nguibar me itimin azenan ghua da tuezi, avim bar dar isizi da gif.

¹² Egha gin Aron ghua, ofan bar isia mighirizim damuasa sipsipin apurir kam misoke. Ezi an otariba asisir ghuzir kaba inigha iza a ganingizi, an ofa gamir dakozimin 4plan miriabar da kavamang. ¹³ Ezi otariba asisir dapanim ko asisir otevir maba sara vaghvagha da inigha iza a ganingi. Ezi a bar ofa gamir dakozimin da tuezi avim bar dar isia mighirizi, averenir kinim oto. ¹⁴ Ezi an asisir kamin muriaba ko an suemning sara ruegha, bar ada isa ofan bar isia mighirizir kamin mabagh isin da ariki, ezi avim bar dar isi da mighirizi, averenir kinim oto.

¹⁵ Egha Aron gin gumazamizibar ofaba inigha, Ikiavira Itir God bagha ofa gami. A gumazamizibar ofabar amu men arazir kuraba gin amangamin meme inigha, a misuegha an ofa gami. Mati a faragha ua bagha uan arazir kuraba gin amangamin asizimin ofa gamizi mokin.

¹⁶⁻¹⁷ Egha an asisir gumazamiziba ofan bar isia mighirizim bagha inigha izezir kamningin mamin ofa gami. An amir ofan kam, arazir me zurara mizarazibar ofa damuamibar gin zui. Egha a plaua inigha witin ofa damuasa a tue. A uan dafarir zivirizim plauan mabar suigha, ofa gamir dakozimin da tuezi avim bar dar isia zuima da bar mighirizi, averenir kinim oto.

¹⁸ Egha gin, Aron bulmakau ko sipsipin apurir gumazamiziba God ko navir vamiran ikiamin ofa bagha inigha izezimning misoke. Ezi an otariba asisir kamningin ghuziba inigha a ganingizi, an ofa gamir dakozimin 4plan miriabar da kavamangi. ¹⁹ Egha Aron bulmakau ko sipsipin apurimin oviba bar ada ini, kar an puer mingarim boroghira itir ovir bar ekiam, ko navim ko muriaba avarazir oviba, ko ovizir pumuning, aningin ovim ko beramin akuar aghuim, a bar da ini. ²⁰ Egha me ovir kaba isa asizimning amagapamning gatigha, bar da inigha ofa gamir dakozimin ghu. Asisir oviba bar, Aron ofa gamir dakozimin da tuezi avim bar dar isia zuima da bar mighirizi, averenir kinim oto. ²¹ Egha a uan dafarimin bulmakau ko sipsipin amagapamning ko agharir guvimin amadaghanit ifir buaraghirmning suiragha da fegha dagh

amizi, da Ikiavira Itir Godin damazimin ighuavamadi. A Moses mikemezi moghin ami.

²² Aron ofan kaba bar dagh amigha givagha, uan agharimning ghufegha, gumazamizibav gia ghaze, God deraghvira ia damu. Egha ofa gamir dakozim ategha izaghi. ²³ Egha Moses ko Aron, God bativamin Purirpenimin aven ghu. Egha aning azenan izir dughiamin, aning ghaze, God deraghvira bar gumazamizibar amuam. Ezi Ikiavira Itir Godin angazangarir bar ekiam, azenim girizi gumazamiziba bar an gani. ²⁴ Ezi zuamira Ikiavira Itir God avim amadazi, an ofa gamir dakozimin izaghiri. Egha avim ofan bar isia mighirim ko asisir oviba sara bar adar isi. Ezi gumazamiziba bar bizir kamin ganigha nguazim giregha, guuba nguazim misuegha, pamtemin dia Ikiavira Itir Godin ziam fe.

10

Nadap ko Abihu arazir kurabagh ami

¹ Ezi dughiar kamin Aronin otaribar mamning Nadap ko Abihu, aning pauran mughuriar aghuim zuim tuasa uan itariba ini. Egha aning avir mikiam ko pauran mughuriar aghuim zuim isa itarim gatigha, avir kam inigha ofan min Ikiavira Itir God bagha ghu. Me fo, Ikiavira Itir God kamaghin garir avim inighizasa mikemezir puvati. Kamaghin amizi, bizir kam a Ikiavira Itir Godin bizim puvati, ezi an an aghua. ² Egha Ikiavira Itir God, zuamiram avim amadazi, a iza Ikiavira Itir Godin damazimin bar aningin isizi, aning areme. ³ Ezi Moses kamaghin Aron migei, “Ikiavira Itir God, fomira kamaghin ikiangsigha ia mikeme, ‘Gumazir nam boroghin iza nan ingangarim gamiba, me bar nan apengan iki deragh na damuva kamaghin fogh suam, ki guizbangira Ikiavira Itir Godin bar zuezim. Eghti ki uan gavgavim ko angazangarim gumazamizibar akaghham. Eghti me nan ziam fam.’” Ezi Aron akar kam baregha mikiman ibura.

⁴ Ezi Moses dikavigha, Aronin ghurst afezlar dozim Uziel, an otarimning, Misael ko Elsafan, aningin diazi, aning ize. Ezi Moses kamaghin aning migei, “Gua roghira kagh iziva, uan avebamningin kuamning inigh, egh Ikiavira Itir Godin Purirpenim ategh, saghon mangi danganir e itimin azenan mangi.” ⁵ Ezi aning Moses mikemezi moghin ghua, gumazir kuamning inigha danganir me itimin azenan ghu. Aning gumazir ovengezir kuamningin korotiaba suezir pu. Puvati, Misael ko Elsafan, aningin korotiabar suigha aning amikirigha azenan zui.

⁶ Ezi Moses datirighin, Aron ko an otarir ighazariz pumuning, Eleasar ko Itamar, akaba me ganidi. A kamaghin me migei, "Ia apangkuvir arazimin gin mangi gu-mazir aremezir kamning damuan marki. Ia dughiaba zurara uan dapanir ariziba batoghvira iki. Ia da ateghti da pura ikiian marki. Ia uan apangkuvimina ababanim bagh, korotiaba abighan marki. Ia apangkuvir arazimin gin mangiti, Ikiavira Itir God ia misuehti, ia arimighiregham. Eighti e Israelian gumazamiziba, Ikiavira Itir God bar puvirien ataram. Eighti Israelian igharaz darasi, kar ian marazira, merara Ikiavira Itir God amadazir avimin aremezir gumazimning bagh aziam. ⁷ Eighti ia God bativamin Purirpenimin tiar akam ataghiraghan marki, ia tong ikegh. Ia fo, ki Ikiavira Itir Godin bizimra ikiassa olivin borem ia gaghuizi, ia Ikiavira Itir Godin adarazira. Kamaghin amizi, ia Ikiavira Itir Godin Purirpenimin azenan mangegh, ia arighiregham." Ezi me Mosesin akam baregha, a mikemezi moghin ami.

Arazir ofa gamir gumaziba damuamiba

⁸ Ikiavira Itir God kamaghin Aron migei, ⁹ "Ni uan otariba ko, ia wainin dipar onganiba amegh, nan damazimin, na bativamin Purirpenimin aven mangen marki. Bar markiam. Ia aven mangiva, ia arimighiregham. Ia ko ian ovavir borir gin otivamiba, arazir kamin gintigh mamaghira iki. ¹⁰ Ia deraghvira biziba tuisigh, bizir manam a nan bizim, ezi bizar manam, a gumazamizir kinibar bizim. Ezi dar tongin bizar manaba nan damazimin zuezi, manaba mize. ¹¹ Egh ia, arazir Ikiavira Itir God ifongeziba, a Moses mikemezi a da isa Israelia ganingizir kaba, ia bar dar Israelian gumazamizbar sure damu."

¹² Ezi Moses kamaghin Aron uan otarir ikiavira itir pumuning Eleasar ko Itamar migei, "Ia Ikiavira Itir God bagh wit tuamin ofan nar ikiavira itiba inigh. Plauan kam, ia a isi yis puvatizir bretin ingarigh. Ofan kam, a bar Godin bizimra, a ia ganingi. Kamaghin amizi, ia ofa gamir dakozimin boroghin bretin kam ami. ¹³ Ikiavira Itir God bizar kamin na mikemezha gifa. Kamaghin amizi, wit tuer ofan nar kaba bar, da ia ko ian otaribar biziba. Ia gumazamizir Ikiavira Itir God bagha wit tuer ofa gamiba, dar tongin plauan kaba ini. Egh ia Ikiavira Itir Godin Purirpenim avinizir divazimin aven bretin kam ami. ¹⁴⁻¹⁵ Eighti Israelian gumazamiziba, God ko navir vamira ikiamin ofa damusi, asizimin amagapamin itir tuzim ko buaragharm ko oviba sara inigh izi. Eighti ia ofa gamir

gumaziba, ia amagapamin itir tuzimin suiragh da fegh dar amuti da Ikiavira Itir Godin damazimin ighuavamang. Egh ia gin ofa gamir dakozimin oviba tuegh. Egh ofan kamin asizir tuzibar tongin, ia amagapam ko buaragharm inigh. Eighti ia ko ian adarazir, guiviba ko otariba uaghara, asizir tuzir kamning isi danganir Godin damazimin zuezir tamun mangi, aning ami. Ikiavira Itir God ofan kabar asizir otevir kamning isa, ia ko ian boribagh aningi. Egh zurazurara asizir otevir kamning, aning ia ko ian ovavir boribar asizir akuamning. Ikiavira Itir God kamaghin mikemezha gifa."

¹⁶ Egha gin Moses ghua arazir kuraba gin amadir ofa damuamin meme bagha azaragha ghaze, "Ofa gamir gumaziba manmagh memen ofa damu arazir kuraba gin amangamim gami?" Ezi me a migei, "E avimin a tuazi a isigha gifa." Ezi Moses akar kam baregha, Aronin otarir pumuning Eleasar ko Itamarin atari.

Egha a ghaze, ¹⁷ "Manmagh amizi ia Ikiavira Itir Godin Purirpenim avinizir divazimin aven, arazir kuraba gin amadir ofan kamin asizir tuzim aman aghua? Kar ofan Ikiavira Itir God ua baghavira misevezim, egha a ia ganingi, ia gumazizibar osimtiziba akiriva, men arazir kuraba gin amangisi anemam. ¹⁸ Ia ofan kamin ghuzim inigha purirpenimin Anogoroghezir Danganimin aven ghuzir puvati. Egha manmagh amizi, ki ia mikemezi moghin ia Purirpenimin aven asizir tuzir kam amezir puvati?"

¹⁹ Ezi Aron kamaghin Moses migei, "Ni oragh. Datirighira, gumazamiziba uan arazir kuraba gin amadir ofa ko ofan bar isia mighirim isa Ikiavira Itir God ganidi. Ezi kirara, datirighin bizar kurar kaba na bativigha gifa. Nan gumazir pumuning areme. Kamaghin amizi, ki datirighira arazir kuraba gin amadir ofan asizir tuzim amam, eighti Ikiavira Itir God ti bizar kam gakuegham, o? Ki ghaze, ti puvatigham." ²⁰ Ezi Moses kamaghin oregha ghaze, Aronin akam a dera. Ezi an navim an amira.

Bizir Godin damazimin zueziba ko mizeziba

11

(*Sapta 11-15*)

*Asizir Israelia damamiba ko
asizir angorogheziba*
(*Godin Araziba 14:3-21*)

¹⁻² Ikiavira Itir God Israelia mikimasa kamaghin Moses ko Aron mikeme, "Ia, nguzair kamin itir asizibar tongin, asizir kabara, ia dar ami. ³ Asizir kabanang: Dar

soroghofariba puzir pumuning ikia, aning uaning tuiraghia iti, egha da bulmakaubar min graziba api, ia dar ami.⁴⁻⁶ Egh ia kamelba ko ivarareba ko ighiaba, ia dar aman marki. Da bulmakaubar min graziba apir asiziba, egha dar soroghofariba puzir pumuning ikia, uaning tuiraghia itir puvati. Kamaghin amizi, ia kamaghin fogh suam, da nan damazimin zuezir puvati. Ki dar aman ian anogoroke.⁷ Egh ia dabar aman marki. Dar soroghofariba puzir pumuning iti, egha uaning tuiraghia ikia, bulmakaubar min graziba apir puvati. Kamaghin amizi ia fogh, daba da nan damazimin mize.⁸ Kamaghin amizi, ia asizir kabar aman marki. Egh ia dar ganti da arighiriti, ia dar kuabar suighan marki. Bar markiam. Da nan damazimin zuezir puvati.

⁹ “Egh ongarimin osiriba ko dipamin osiribar tongin, osiriba naziaba ko sighiaba uaghara ikiti da dar ami.¹⁰ Ezi osiriba ko bizar muziarir ongarim ko tintinbar dipabar itiba, da naziaba ko sighiaba uaghara puvatighti, ia fogh, da bizar bar kuraba.¹¹ Kamaghin amizi, ia dar aman kogh, egh dar kuabar suighan marki. Ki bar anogoroke. Da bizar bar kuraba.¹² Ia uam oragh, angamira itir bizar dipabar ititam, a naziaba ko sighiaba puvatighti, ia anereman marki. Ia bizar kabar aghuagh da atakigh.

¹³⁻¹⁹ “Egh ia kuarazibar tongin kuarazir kamagh garibar aman marki. Ia kamaghin mikim suam, da bizar bar kurar ki aghuaziba. Kuarazir kaba, taragiaba, mighiaba, isaba, kotkotba, poneba, ongarimin kuaraziba, beniba, dipamin mughamiziba, aghunabar ekiaba ko, kina aghunababa. Ia kuarazir kabar aman marki.

²⁰ “Ezi apizir suemning ko dafarimning ko aviziba itiba, da bizar kuraba, ki dar anogoroke.²¹ Eghti apizibar tongin apizir soroghofariba ikia arua uari akuriba, ia dar ami.²² Kamaghin amizi, odezir ekiaba ko doziba, ia bar dar ami.²³ Ezi apizir sueba ko dafariba ko aviziba itiba, ia kamaghin fogh suam, da bizar bar kuraba. Ki dar anogoroke.

²⁴⁻²⁵ “Asizir maba uaghan, ia damut, ia nan damazimin mizeham. Eghti gu-mazitam asizir kabar kuabar suiragh, o aneter danganitam mangam, gumazir kam nan damazimin mizeham. Gumazir asizir kamin suiraghaim, a uan korotiaba ruegh, egh a nan damazimin mizegh iki mangi guaratizimin tugham.

²⁶ “Asiziba, dar soroghofariba puzir pumuning ikiava, uaning tuirazir puvatigha, bulmakaun min graziba apir puvati, ia kamaghin fogh suam, asizir kaba, da bizar aghuiba puvati.²⁷ Ezi asizir soroghofaribar puziba puvatiziba, da bar,

asizir aghuiba puvati. Egh ia asizir katamin kuamin suiraghiva, ia nan damazimin mizeham. Egh ia kamaghira iki mangi guaratizimin tugham.²⁸ Eghti gumazitam asizir kuar kam inigh danganir igharazimin mangigham, a uan korotiaba ruegh, nan damazimin mizeghvira iki mangiti aruem magirigham. Asizir kaba ia gamima ia mize.

²⁹⁻³⁰ “Asizir kaba uaghan markiam, ki da ian anogoroke. Kar iriaba, ko kuarziba ko iper guar aviriba.³¹ Ki asizir kaba ian anogoroke. Eghti ia dar kuabar suighiva, nan damazimin mizeghvira iki mangiti aruem magirigham.³² Eghti asizir katam aremegh, bizitam gisin irigham, bizir kam uaghan nan damazimin mizeham. An kuam iri, bizir me temebar ingarizir tam o initam o bulmakaun inimin ingarizir initam o mitaritam, o ingangarir manam itir bizitam, a bizar katam gisin irigham, a nan damazimin bar mizeham. Eghti ia a isi dipamin a rueghti, bizar kam nan damazimin mizeghvira iki mangiti aruem magirigham.³³ Eghti asizir mizezir kamin mikarzim nguazir minem girighti, bizar miner kamin itiba bar mizeham. Kamaghin, ia miner kam abikigh.³⁴ Eghti daghetaba roghira ikiti, miner kamin dipam dagher kabagh ireghti, dagher kaba nan damazimin uaghan mizeham. Ezi dipar miner kamin itim, a ikuvigha mizegha gifa.³⁵ Eghti asizir kam bizitam girigham, bizar kam nan damazimin a mizeham. Eghti miner kam, o bretha tuer danganir me nguazimin ingarizir kam, ia uaghan anebikigh.³⁶ Egh asizir kam mozir dipar pura nguazimin otivim girigham, o tengin dipam girigham, egha dipam nan damazimin mizeghan kogham. Puvati. Ezi bizar manam asizir kamin mikarzim poro, a mizegha ikufi.³⁷ Eghti asizir katam aremegh an kuam dagher anabar oparibagh isin iri, a deragham. Dagher anabar kam, a mizezir puvati, a zueghavira iti.³⁸ Ezi dagher anabar kam dipamin aven itima, asizir kamin kuam a giri, dagher anabar kaba nan damazimin mize.

³⁹ “Ia asizir ki damasa ia mikemezibagh nighnigh. Egh asizir kabar tam puram aremeghti, gumazitam o amizitam an suiragh, gumazir kam o amizir kam, nan damazimin mizeham. Egh a kamaghira iki mangiti aruem magirigham.⁴⁰ Eghti gumazitam asizir kamin tuzitam ame, o asizir kamin kuam ateri, a uan korotiaba ruegh. Egh a mizeghvira iki mangiti aruem magirigham.

⁴¹ “Eghti ia asizir muziariba ko apizir nguazimin aruibar aman marki. Ia kamaghin nighnigh, da bizar bar kuraba.⁴² Egh asizir uan navibar nguazim davariba, ko soroghofaribar aruir asiziba, ko asizir cuer

aviraviriba itiba, da bizir aghuiba puvati. Eghti ia dar aman marki. Ki dar ian anogoroke. ⁴³ Ia asizir kabar tam aman marki. Ki bar dar aghua. Egh ia tam amegh, ia nan damazimin mizeham. Eghti ki dar aghuazi moghin, ki bar ian aghuaghram. ⁴⁴ Ki Ikiavira Itir God, ian God, egha ki bar zue. Eghti ia uari isi na danigh, nan gumazamizibar ikivira iki, egh arazir kuraba ategh, arazir aghuibar gin mangi nan min zueghvira iki. Ia ki aghuazir asizir mizirizibar amiva, nan damazimin mizeham marki. ⁴⁵ Ki Ikiavira Itir God. Ki ian Godin ikiasi Isipin kantrin aven ia inigh azenan ize. Ki uabi bar zuezi nan araziba bar dera. Kamaghin amizi, ia zuegh iki nan arazir aghuibar gin mangi.

⁴⁶ “Ezi Akar Gavgavir ia datirighin inizir kam, an asiziba ko, kuaraziba ko, bizar ongariminaven itiba ko, apizir nguazimin davaribav gei. ⁴⁷ Kamaghin amizi, ia deraghvira biziiba tuisigh, biziir manam a zue, ezi biziir manam a nan damazimin zuezir puvati. Egh ia angamira itir biziir ia damamiba ko ia daman koghamiba, ia deraghvira dagh fogh.”

12

Amizim borim bategha gin uabi zuer arazim

¹ Ikiavira Itir God kamaghin Moses migei, ² “Ni kamaghin Israelian gumazamizibav mikemegh: Amizitam navim asegh, otarir bategham, a nan damazimin mizeghvira iki mangi 7plan aruebar tugham, mati a uan iakinibav sozir dugham. ³ Eghti 7plan arueba givaghti, namba 8in aruem otoghti, me otarir kamin mikarzir mogomemin inim atugham. ⁴ Amizim borim bategha ghuzir avirim makuri. Kamaghin amizi, a nan damazimin mizegh, 33plan aruebar ikeghiva gin ua zuegham. Dughiar a mizeghvira ikiamimin, a biziir ki ua baghavira misvezir tamin suighan kogham. Egh a nan Purirpenim avinizar divaziminaven mangan kogh, mangi a ua zueghamin dughamin tugham.

⁵ “Amizim borir guivim bategh, a 14plan aruebar mizeghvira ikiam, mati a uan iakinibav sozir dugham. A uan ghuzir avirim makuni, kamaghin amizi a nan damazimin mizegh, ua 66plan aruebar ikeghiva, gin ua zuegham.

⁶ “Egh amebam ua zueghiva, a uan otarir iririvim o guivir iririvim ginighnigh, ofan bar isia mighirim bagh, sipsipin igiar azenir vamira itim inigh, egh uaghan ofan arazir kuraba gin amangamim bagh, kuarazir bunbam inigh. An ofan kamning isi ofa

gamar gumazim bagh God bativamin Purirpenimin tiar akamin mangi. ⁷ Eghti ofa gamir gumazim amizir kamin kuarazim ko sipsip inigh na bagh ofa damuti, amizim ua zuegham. Eghti ghuzir kam amizim damuti a ua mizeghan kogham. A datirighin nan damazimin zuegha gifa. Amizim otarim o guivim bategh, an arazir kamra damu.

⁸ “Amizitam sipsip givezamin dagiaba otevegh, a kuarazir bunbar igiar pumuning o osirvar igiar pumuning inigh izi. Eghti ofa gamir gumazim kuarazir tamin, ofan bar isia mighirim damu, egh kuarazir igharazimin, an arazir kuraba gin amadir ofa damu. Eghti ofa gamir gumazim kuarazir kamningin ofa damichti, amizim ua nan damazimin zuegham.”

13

Gumazamiziba duaba isiva arazir kabar amu

¹ Ikiavira Itir God, kamaghin Moses ko Aron migei, ² “Gumazitam o amizitam, duatam o okatam o mikarzir ghuarir ghurghuritam, an mikarzimin otogham, egh biziir kamin ganganim mati lepan arimariam o arimariar ekiar igharaziba otivasava ami, eghti me a inigh ofa gamir gumazim Aron bagh mangi, o an otarir uaghan ofa gamiba, men tav bagh mangi.

³ Eghti ofa gamir gumazim deraghvira duar kamin ganigh fogh suam, an duar kuriminaven itir ariziba ghurghurigha gifa, ezi duam bar an mikarziminaven ghu, kar lepan arimariamra o arimariar ekiar igharazim. Eghti ofa gamir gumazim an ganigh givaghi, kamaghin mikimam, ‘Gumazir kam, a Godin damazimin zuezir puvati.’ ⁴ Eghti duam ghurghurighti, ofa gamir gumazim duamin ganti, a mikarzimin iniminaven mangighan kogh, egh arizir ghurghuriba puvatighti, ofa gamir gumazim, gumazir kam mikim suam, a uabira dipenitamin iki mangi 7plan aruebar tugh. ⁵ Eghti namba 7in aruem, ofa gamir gumazim, ua gumazir kamin duamin gan a tuisigh, eghti duamin ganganim kamaghira iki ekeveghan koghti, a ua gumazim ateghti a 7plan aruebar uabira ua ikegh. ⁶ Eghti 7plan aruer kaba givaghti, ofa gamir gumazim uam an ganti, duar kam misigh, egh ekeveghan koghti, a fogh suam, gumazir kam pura duar kinim iti. Egh ofa gamir gumazim a mikim suam,

‘Ni Godin damazimin zue. Ni uan korotiaba ruegh, zueghiva mangi.’ ⁷ Eghti biziir kamin gin, duam ua isiti, gumazim ua mangi ofa gamir gumazim batogh uabi an akagh. ⁸ Eghti ofa gamir gumazim deraghvira gumazir kamin duamin ganti, duar kam

ekeveghti, a fogh suam, gumazir kam lepan arimariar kurar ekiam iti. Eghiti ofa gamir gumazim kamaghin a mikim suam, ‘Ni Godin damazimin zuezir puvati.’

⁹ “Eghiti gumazitam duar gavgavim ikiti, me anaku ofa gamir gumazim bagh mangi. ¹⁰ Eghiti ofa gamir gumazim deragh gumazimin duamin ganigh. Eghiti duar kam ghurghurigh, arizibar amuti da ghurghurigh aven emigh mizazim a gasam, ¹¹ gumazir kam lepan arimariam an iti.* Eghiti ofa gamir gumazim kamaghin gumazim mikim suam, ‘Ni Godin damazimin zuezir puvati.’ Ofa gamir gumazim fogha gifa, gumazir kam a mizezir puvati, kamaghin amizi, a pura gumazim ateghti, a uabira uan dipenimin ikan kogham. ¹²⁻¹³ Eghiti arimariar kam bar ekevegh mangi gumazir kamin mikarzim bar anevaraghti, ofa gamir gumazim ua gumazimin mikarzim bar deraghviram an ganiva a tuisigham. Egh a gumazimin ganti, arimariar kam bar an mikarzim inighti, an mikarzim bar ghurghurichti a fogham, arimariar kam givasava ami, eghiti a kamaghin gumazim mikim suam, ‘Ni Godin damazimin zue.’ Ezi kamaghin, gumazir kam a zuegha gifa. ¹⁴ Eghiti gin, duaba bigh tuzir aven itiba azenan otivighthi, gumazir kam zueghan kogham. ¹⁵ Eghiti ofa gamir gumazim uam an duabar ganti, da bighti, a gumazir kam mikim suam, ‘Ni Godin damazimin zuezir puvati.’ Gumazim duaba ikia egha da bighizi dar tuziba duar toribar otivti, kamaghin a nan damazimin zuezir puvati. Kamagh garir duam, a bar arimariar kuram. ¹⁶ Egh gin duam misighti, nir ghurghurim otoghti, gumazir kam ua ofa gamir gumazim bagh mangi. ¹⁷ Eghiti ofa gamir gumazim deragh gumazir kamin duamin ganti, an duam misingighthi an inim ghurghurigham, kamaghin gumazir kam nan damazimin zuegham. Eghiti ofa gamir gumazim kamaghin a mikim, ‘Ni Godin damazimin zuegha gifa.’

¹⁸ “Eghiti gumazitam okam an mikarzimin iki, egh misighti, ¹⁹ egh gin okam ikezir danganimin, an mikarzim figh ghurghurigham, o an mikarzim aghevegh ghurghurichti, kamaghin gumazir kam ofa gamir gumazim bagh mangi uabi isi an akagh. ²⁰ Eghiti ofa gamir gumazim, gumazir kamin okar duamin danganim deragh an ganigh. Duam tong an inivafizimin aven mangichti, an inimin ariziba ghurghurigham, eghiti ofa gamir gumazim kamaghin gumazim mikim suam, ‘Ni Godin damazimin zuezir puvati.’ Lepan arimariar kam okar misingizir kamin danganimin otozim, a bizir bar ku-

ram. ²¹ Egh ofa gamir gumazim an ganti, ariziba ghurghurighan koghti, duam tong an inivafizimin aven mangighan kogh, egh a tong deragh deraghti, ofa gamir gumazim anetighti a uabira iki mangi 7plan aruebar tugh. ²² Eghiti 7plan aruer kabar gin duar kam ikivira iki ekeveghti, ofa gamir gumazim fogh suam, an arimariar bar kuram, egh kamaghin gumazim mikim suam, ‘Ni Godin damazimin zuezir puvati.’ ²³ Eghiti duar mikarzimin itimin ganganim kamaghira ikia, egha ekevir puvati, kar okar kamin duar kurim. Kamaghin, ofa gamir gumazim kamaghin gumazim mikim suam, ‘Ni Godin damazimin zue.’

²⁴ “Eghiti avim gumazitam inivafizimin isighti, an duam ghurghurigham, o a ghurghurigh aghevegham, ²⁵ eghiti ofa gamir gumazim duar kam deragh an ganigh. A ganti, duar kurir kamin ariziba ghurghurichti, duam guizbangira mikarzimin aven mangiti, ofa gamir gumazim fogham, duar kam, a lepan arimariar bar kuram. Egh a gumazim mikim suam, ‘Ni Godin damazimin zuezir puvati.’ ²⁶ Ofa gamir gumazim an ganti, arizir duamin danganimin otiviba ghurghurighan koghti, duam an inivafizimin aven mangan kogh, egh mising damuti, kamaghin ofa gamir gumazim aneteghti a uabira iki mangi 7plan dughiabar tugh. ²⁷ Ofa gamir gumazim namba 7in dughiamin deraghviru uam an duamin ganti, duar kam ikivira iki ekeveghti, a fogh suam, kar arimariar bar kuram. Eghiti ofa gamir gumazim kamaghin a mikim suam, ‘Ni Godin damazimin mize.’ ²⁸ Eghiti duar kam pura danganir kamin kamaghira iki, ekivan koghti, kar pura avim isizir duar kurimin danganim. Kamaghin, ofa gamir gumazim mikim suam, ‘Ni Godin damazimin zue.’

²⁹ “Eghiti gumazitam o amizitam, duar muziariba an dapanim o an aghozim batoghti, ³⁰ ofa gamir gumazim duar muziariba kaba deragh dar ganti, duar muziariba inivafizim okor bar aven mangiti, arizir aviriba duar muziariba kabar danganibar puvatigh, egh ariziba aghevegh iangurichti, ofa gamir gumazim fogham, duar kaba da arimariar bar kuram. Egh an a mikim suam, ‘Ni Godin damazimin zuezir puvati.’ Kar dapaniba ko aghozibar otivir zighzizir arimariam. ³¹ Ofa gamir gumazim deravira an duar muziariba ganti, duar muziariba inivafizim okor bar aven mangan koghti, arizir pizir aghuiba duam itir danganimin deragha otivighan koghti, a gumazim o amizim

* **13:11:** Hibruia arimariar kam ziar aviribar a dibori, “lepan arimariam.” Arimariar kam lepan arimariar e datirighin garimin mirara garir puvati.

ateghti a uabira iki mangi 7plan aruebar tugh. ³² Egh namba 7in aruemin, ofa gamir gumazim ua deraghvira gumazim o amizir kamin mikarzir inimin ganighti, zighzizir arimariar kam kamaghira ikiva ekivan koghti, zighzizir arimariar kam an mikarzir inim okoregha aven ghuzir puvati, ehti danganir kamin ariziba aghevegh iangurighan koghti, ³³ kamaghin gumazim o amizim uan dapanir ariziba o kuar arizibagh isegh, egh a duar muziariba itir danganim gisan marki. Ehti ofa gamir gumazim, anetighti a uabira iki mangi 7plan dughiabar tugh. ³⁴ Dughiar namba 7in, ofa gamir gumazim, deraghvira gumazim o amizir kamin duar muziaribar ganigh, da kamaghira iti, o da ekefe. Egh ofa gamir gumazim kamaghin fogh suam, duar muziariba mikarzir inim okoregha aven ghuezir puvati, a kamaghin gumazim o amizimin mikim suam, 'Ni Godin damazimin zue.' Ehti gumazim o amizir kam uan korotiaba ruegh, egh a zuegham. ³⁵ Gumazim o amizim zueghamin dughiamin gin duar muziariba otivigh ekviti, ³⁶ ofa gamir gumazim ua deraghvira gumazim o amizir kamin inivafizimin gan. An duaba ekevehti, ofa gamir gumazim fogh suam, gumazim o amizir kam a zuezir puvati. A ua arizir aghevri ianguriba bagh ruian kogham. ³⁷ Ehti ofa gamir gumazimin damazimin, duar muziarir kaba kamaghira iki, egh ekivan koghti, arizir pizir aghuiba duar muziariba itir danganbar otivighthi, ofa gamir gumazim fogh suam, zighzizir arimariar kam misingsasava ami. Egh a gumazim o amizim mikim suam, 'Ni Godin damazimin zuegha gifa.'

³⁸ "Egh gumazitam o amizitam, ghuarir ghurghurir dafoziba an mikarzir inimin otoghti, ³⁹ ofa gamir gumazim deragh mikarzir nir ghurghurir kabar gan, da ghurghurigh tagthaghan koghti a fogh suam, da ghuarir kiniba mikarzimin otifi. Kamaghin, gumazir kam nan damazimin zue.

⁴⁰ "Ehti gumazimin dapanir ariziba asighiregh, onarim misegh, a Godin damazimin mizezir puvati. A zue. ⁴¹ Egh an minedevimin itir ariziba asighiregh, onarim misegh, a Godin damazimin zuegham. ⁴² Ehti ghuarim an dapanir ginkevimin itir onarim o minedevimin itir onarimin otoghti, duabar ganganim aghevegh ghurghurighthi, ofa gamir gumazim fogh suam, ghuarir kam a lepan arimariar bar kuram. ⁴³ Egh ofa gamir gumazir kam deragh ghuarir kamin ganighti, ghuarir kamin duamin ganganim aghevegh ghurghurigh, mati gumazim lepan duar arimariam an mikarzimin

inimin iti, ⁴⁴ a kamaghin fogh suam, gumazir ghuarir an dapanimin itir kam, a lepan arimariar bar kuram. Kamaghin, ofa gamir gumazim kamaghin a mikim suam, 'Ni Godin damazimin zuezir puvati.'

⁴⁵ "Ehti gumazitam duar kurar kamagh garitam iki, a korotiar bibizibar aghuigh, uan dapanir arizim batoghan kogh, egh dafarimin uan akam avaragh, egh pamten kamaghin dim mikim, 'Ki zuezir puvati. Ki zuezir puvati.' ⁴⁶ Gumazir arimariar kamagh garim ikivira ikiva, nan damazimin zueghan kogham. A uan namakaba ategh danganir me itimin azenan uabira ikiam."

Moses Osirizir Araziba, bizir korotiabagh amima da mizezibav gei

⁴⁷⁻⁴⁸ Ikiavira Itir God kamaghin Moses ko Aron migei, "Dughiar mabar, bizir inibagh amima da ikuviba, kar lepan arimariamin min inir kabar aven itiba. Da, korotiaba ko, nir avizir me sipsipin arizibar ingariziba ko, nir tretin aghuibar ingariziba ko, bulmakaun iniba ko, korotiar me asizibar inimin ingariziba, da dar otifi. ⁴⁹ Egh nir kam, arimariar kurar kam an aven ikiti, garim o aghevim an otoghti, me nir kam inigh mangi ofa gamir gumazimin akagh. ⁵⁰ Ehti ofa gamir gumazim a inigh deragh an ganigh, egh arimariar kurar kam itir bizir kam isi danganir igharazitam datighti, a uabira iki mangi 7plan aruebar tugh. ⁵¹ A namba 7in aruemin deraghvira uam an ganti, arimariar kurar kam, a korotiam o inimin bar ekevehti, a fogh suam, kar lepan arimariam. Ez i korotiar kam o nir kam, a nan damazimin zuezir puvati. ⁵² Kamaghin amizi, ofa gamir gumazim korotiar kam avimin a tuaghti, a bar isigh. Bizir kam lepan arimariamin min a bato, ehti a bar isi mighirigh.

⁵³ "Ehti ofa gamir gumazim deraghvira korotiar kamin ganti, a kamaghira ikiti, arimariar kurar kam korotiar kam bar a inighan kogham, ⁵⁴ ehti a me mikemeghti me korotiar kam ruegh egh anetighti, a iki mangi 7plan aruebar tugh. ⁵⁵ Ehti ofa gamir gumazim gin deraghvira uam arimariar bar kurar kamin ganti, a korotiam avizir manamin aven, o azenan otoghti, arimariar kurar kamin ganganim kamaghira ganti, an ganganim garim o aghevim ikivira ikiti, a fogh suam, a nan damazimin zuezir puvati. Arimariar kurar kam ti ekeves, o puvati, kar pura bizim, ofa gamir gumazim an ekivamin arazim ginighnighan kogham. A fogha gifa, a nan damazimin zuezir puvati. Kamaghin, ofa gamir gumazim, korotiam avimin a tuaghti a bar isi mighirigh.

⁵⁶ "Me a rueghti, gin ofa gamir gumazim deraghvira uam an ganigh, bizir lepan

arimariamin min garim givaghti, a korotiar avizir kam abikigh o asizimin mikarzir nir kam, a ikuvizi naghira anetugh a makanigh. ⁵⁷ Eghzi gin, arimariar kurar kam, ua korotiar kamin otivti, kamaghin korotiar kamin ghuavim avimin a tuaghti, a isi bar mighirigh. ⁵⁸ Egh a korotiam o asizimin mikarzimin inim ruer dughiamin, lepan arimariamin min itir puvati, an ghuavim ua namba 2in dughiamin a rueghti, korotiar kam nan damazimin zuegham.

⁵⁹ “Arimariar bar kuramin min itir bizar inibagh amima da ikuvum, Akar Gavgvir kam an gun migei. Mati korotiaba ko, nir avizir me sipsipin ariziba ko, nir tretin aghuibar ingariziba ko, bulmakaun iniba ko, korotiar me asizibar inibar ingariziba. Akar Gavgvir kam ghaze, korotiar kaba, da zue, o da nan damazimin zuezir puvati.”

14

Lepan arimariam givaghti zueghamin arazim

¹ Ikiavira Itir God, kamaghin Moses migei, ² “Gumazir manam lepan min garir arimariar kuram an iti, kar Arazir Moses Osirizim. An arimariam givaghamin dughiamin, a nan damazimin zueghsi, me a inigh ofa gamir gumazim bagh mangi. ³ Eghzi ofa gamir gumazim a inigh danganir me itimin azenan mangi, egh deragh an mikarzimin ganigh. Eghzi lepan min garir arimariam guizbangira bar givaghti, ⁴ ofa gamir gumazim me mikemeghti, me nan damazimin kuarazir angamira ikia zuezir pumuning, ko sidan temer otevitam, ko benir aghevir tam, ko temer hisopin aguatam, da inigh izi. ⁵ Eghzi ofa gamir gumazim me mikemeghti, me nguazir minetam inigh daghurir aghuitamin mangi dipar igiar dikriatam tuigh, a inigh izi. Egh me gin kuarazir kamningin tam inigh, minem gisin an suiragh a misueghti, an ghuzim minemin magiri. ⁶ Eghzi ofa gamir gumazim kuarazir igharazim ko temer sidan otevir kam, ko benir aghevir kam, ko hisopin aguam isi ghuzim itir dipam darugh, zuamiram anesigh. ⁷ Egh gumazir kam nan damazimin zueghsi, me 7plan dughiarbar dipar ghuzim itim a gisin a kavamang. Egh ofa gamir gumazim kamaghin a mikim, ‘Ni datirighin Godin damazimin zuegha gifa.’ Egh ofa gamir gumazim kuarazir angamira itim inigh, nguibamin azenan mangi, egh dadaba itir danganimin aneteeghti a mighogh mangi. ⁸ Gumazim zueghsi a uan korotiam ruva, dapanir ariziba ko uan mikarzimin ariziba bar dagh isegh uabi ruegh. A kamaghin damigh, nan damazimin zuegh, egh

nguibamin aven mangi, egh 7plan aruebar a uan purirpenimin azenan iki. ⁹ Egh aruer namba 7in, gumazir kam ua, uan dapanir ariziba bar dagh isiva, ghuamasiziba ko sevanir ariziba, ko namnamin arizir maba sara isegh, egh a uabi ruva uan korotiam sara ruegh, egh nan damazimin zuegham.

¹⁰ “Egh namba 8in dughiamin, a sipsipin apurir pumuning ko sipsipin amebar azenir vamira itim inigh. Da bar deragh egh duatam dar mikarzibar ikian kogham. Egh a wit tuamin ofan min, a 3 kilogremin plauan aghuibar ko olivin borem sara da veregh da inigh. Egh olivin borer itarir pumuning gingegh. ¹¹ Egh a sipsipba ko plaua ko olivin borem inigh na bativamin Purirpenimin izi. Eghzi ofa gamir gumazitam an akuraghti a zuegham. Ofa gamir gumazim, gumazir kam ko ofan kaba sara a inigh, na bativamin Purirpenimin tiar akamin izi, nan damazimin tugham. ¹² Egh datirighin ofa gamir gumazim sipsipin apurir kamningin tam inigh olivin borem sara ofa damu, mati an osimtizim agevir ofa. A faragh bizar kaba dafarimin dar suiragh da fegh dar amutti da nan damazimin ighuavamangi. ¹³ Ofa gamir gumazim sipsipin kam isi, ofan bar isia mighiriba ko, arazir kuraba gin amadir ofaba bagha me bulmakaubav sozir danganimin mangi a misueghti an aremegh. Guizbangira, osimtizim agevir ofaba, da arazir kuraba gin amadir ofabar mirara ghu. Kar nan bizimra, ezi ki God, ki a isa ofa gamir gumazibagh aningi. Kamaghin amizi, ofa gamir gumazim kamaghin damuam. ¹⁴ Egh gin ofa gamir gumazim sipsipin ghuzir taba inigh, gumazimin kuarir guvimin itir kuarir apebamin amirazim datigh, egh an agharir guvimin amadaghan itir dafarir puzir amebam ko gumazir kamin dagarir amebar agharir guvimin amadaghan itim datigh. ¹⁵ Egh ofa gamir gumazim olivin boremin taba inigh uan dafarir kiriam gingegh, egh borer kam dafarimin an suiragh. ¹⁶ Egh a uan agharir guvimin amadaghan itir dafarir puzir biziбар akakazim isi, uan dafarir kiriam itir borer kam darugh, egh 7plan dughiarbar Ikiavira Itir Godin damazimin a kavamang. ¹⁷ Egh gin ofa gamir gumazim borer an dafarimin ikiavira itir taba inigh, gumazir zueghamin kuarir guvimin itir kuarir apebamin amirazim datigh, egh uaghan olivin borem isi gumazir kamin agharir guvimin amadaghan itir dafarir puzir amebam ko gumazir kamin dagarir amebar agharir guvimin amadaghan itim datigh, danganir kaba, a faraghha ghuziba dagh ariki. ¹⁸ Egh borer nar ofa gamir gumazimin

dafarimin ikiavira itiba, gumazir kamin dapanim gingegh. Arazir kamin a gumazim damighti, a nan damazimin zuegham.

¹⁹ “Egh ofa gamir gumazim ofan arazir kuraba gin amangamin asizimin ofa damuti, gumazim nan damazimin zuegham. Egh a gin, ofan bar isia mighirim damusi, asizim misogham. ²⁰ Egh an asizir kam, wit tuer ofa sara, ofa gamir dakozimin ofa damu. Egh arazir kamin ofa gamir gumazim, gumazir kamin arazir kuraba gin amangisi ofa damuti, gumazim nan damazimin bar zuegham.

²¹ “Eghti gumazim uabi zueghsi bizir ofa damuamibagh iveauzamin dagiaba puvatigh, a sipsipin nguzir apurir vamirara inigh. Sipsipin kam a gumazimin osimtzizim agevir ofa. Eghti gin ofa gamir gumazim an suiragh a fegh a damuti a nan damazimin ighuavamangi. Gumazir kam, 1 kilogram plauan aghuim uaghan a inigh, olivin borem sara a veregh wit tuer ofa damu. Egh a olivin borer aghuir itarir pumuning viraram aningen suiragh izi. ²² A dagiaba otevegh sipsipbagh iveauzan iburagh, a kuarazir bunbar pumuning inigh ofa damusi izi. Egh kuarazir tam arazir kuraba gin amadir ofa damuva, egh kuarazir igharazim, bar isia mighirim ofa damu. ²³ Namba 8in aruemim, gumazir kam uabi zueghsi, bizir kaba bar ada inigh nan damazimin ofa gamir gumazim bagh na bativamin Purirpenimin tiar akamin mangi. ²⁴ Eghti ofa gamir gumazim osimtzizim agevir ofa bagh sipsipin nguzir kam ko olivin borem inigh, dafarimin an suiragh a fegh a damuti a nan damazimin ighuavamangi. ²⁵ Egh ofa gamir gumazim osimtzizim agevir ofa bagh sipsipin nguzir kam misuegh, egh ofan ghuzir taba inigh, gumazir uabi zusi damuamin gumazir kamin kuarir guvimin itir kuarir apebamin amirazim datigh, egh an agharir guvimin amadaghan itir dafarir puzir amebam ko gumazir kamin dagarir amebar agharir guvimin amadaghan itim datigh. ²⁶ Egh ofa gamir gumazim olivin borer taba inigh uan dafarir kiriam gingegh, egh borer kam dafarimin an suiragh. ²⁷ Egh a uan agharir guvimin amadaghan itir dafarir puzir akakazim isi, uan dafarir kiriamin itir borer kam darugh, egh 7plan dughiabar Ikiavira Itir Godin damazimin a kavamang. ²⁸ Egh gin ofa gamir gumazim borer an dafarimin ikiavira itir taba inigh, gumazir zueghamin kuarir guvimin itir kuarir apebamin amirazim datigh, egh uaghan olivin borem isi gumazir kamin agharir guvimin amadaghan itir dafarir puzir amebam ko gumazir kamin dagarir amebar agharir guvimin amadaghan itim datigh, danganir kaba, a faragha ghuziba dagh

ariki. ²⁹ Egh borer nar ofa gamir gumazimin dafarimin ikiavira itiba, gumazir kamin dapanim gingegh. Egh arazir kamin a gumazim damighti, a nan damazimin zuegham. ³⁰ Egh ofa gamir gumazim, gumazir kam kuarazir bunbar ofa damuasa inigh izezimming, an aning inigh. ³¹ A kuarazir tam, arazir kuraba gin amadir ofa damu, egh igharazim an ofan bar isia mighirim damu. Egh a uaghan wit tuer ofa ko kuarazir bunbar kamning sara ofa damu. Arazir kamin ofa gamir gumazim, gumazir nan damazimin zueghamin kamin arazir kuraba gin amangisi ofa damu. ³² Arazir kam, gumazir uan lepan min garir arimariam agivsi, egh dagiaba otevegh, ofan asizibagh iveauzan iburagh, an arazir kamin gin mangiva, nan damazimin zuegham.”

*Arimariar kuram dipenim damighti
dipenim ikuvighamim*

³³ Ikiavira Itir God, kamaghin Moses ko Aron migei, ³⁴ “Ia gin Kenanin nguazimin mangegh an ikiam, nguazir ki ia daningamin kam, a ian nguazimra ikiam. Egh dughiar ia Kenanin ikiam, ki ti lepan min garir arimariar kuram damighti, a dipenir tabar amuti da ikuvigham. ³⁵ Eghti dipenir ghuavim mangi ofa gamir gumazim kamaghin a mikimam, ‘Ki asighasizir mam arimariar kuramin min an gari an nan dipenimin otogha nan dipenim gasighasisi.’ ³⁶ Eghti ofa gamir gumazim kamaghin oreghiva, gumazim mikimti, a dipenimin aven itir biziba bar da ater azenan mangam. Eghti gumazim kamaghin damighan koghti, ofa gamir gumazim izi kamaghin a mikimam, ‘Bizir dipenimin aven ikiavira itir kaba bar Godin damazimin ikuvigha mize, ezi a dar anogoroke.’ Eghti gumazim biziba bar da inigh azenan mangiti, ofa gamir gumazim aven mangi dipenimin ganam. ³⁷ A bar deraghvira bizir dipenimin biribagh ami da ikuvimin ganam. Egh a gantima, bizir gariba ko agheviba torir muziariba biribar arichti a suam, bizir kam bar biribar aven ghu, ³⁸ egh ofa gamir gumazim azenan mangigh kamaghin mikim suam, ‘Dipenir kam, a 7plan dughiabar pura ikiam.’ ³⁹ Egh dughiar namba 7in, ofa gamir gumazim ua izi dipenim getiv an ganam. Eghti asighasizir kam birimin otogh bar ekeveghti, ⁴⁰ ofa gamir gumazim me mikemeghti, me bizir kurar kam itir dagiaba asigh, egh nguibamin azenan mangi danganir me ghua bizir mizirizir nan damazimin zuezir puvatiziba makuri naghin, da makunigh. ⁴¹ Me dar amigh givagh, nguazir misngizir dagiar dipenimin aven biriba bar da avarazim angarigh.

Egh da inigh nguibamin azenan mangi, danganir bizir kuraba akurir naghira da kunigh.⁴² Egh me dagiar igiaba inigh dagiar kabar danganibar arigh, ua birir kabar ingarigh. Egh nguazir kumkuar igiam inigh dipenimin biriba ua dan aghu da avegh.

⁴³ “Eghti me ingangarir kam damighti, an gin asighasizir kam ua birimin otoghi,⁴⁴ ofa gamir gumazim ua dipenimin mangi, egh deraghvira a getiv an ganigh. Asighasizir kam otogh bar ekevegh dipenim damighti a ikuvigh, egh dipenir kam a nan damazimin mizegha gifa.⁴⁵ Kamaghin amizi, me dipenir kam apirigh dagiaba ko temeba bar ada angarigh. Egh me da inigh nguibamin azenan mangi, danganir me nan damazimin zuezir puvatizir biziba makuri naghin da makunigh.

⁴⁶ “Egh dipenir mizezir kam, gumazitam an aven mangi, a nan damazimin mizeghiva kamaghira iki mangiti aruem magirigham.⁴⁷ Eghti gumazitam dipenir kamin aven dami, o an aven dakuam, kamaghin a uan korotiaba ruegh.

⁴⁸ “Eghti ofa gamir gumazim ua izi dipenimin ganti, an biriba deraghram, eghti asighasizir kam uam a batoghan koghti, a kamaghin me mikimam, ‘Dipenir kam a Godin damazimin zue.’ A fo, bizir lepan arimariar kuramin min garir dipenibagh asighasizir kam, a ua itir puvati. Asighasizir kam, a gifa.⁴⁹ Arazir dipenim gamima a ua nan damazimin zuezim, a kamakin. Ofa gamir gumazim me mikemeghti, me nan damazimin kuarazir angamira ikia zuezir pumuning, ko sidan temer otevir tam, ko benir aghevir tam, ko temer hisopin aguatam, inigh izi.⁵⁰ Eghti ofa gamir gumazim me mikemeghti, me nguazir minetam inigh daghurir aghuitamin mangi dipar igiar dikiriam tuigh, a inigh izi. Egh gin ofa gamir gumazim kuarazir kamnningin tam inigh, minem gisin an suiragh a misueghti an ghuzim minemin magiri.⁵¹ Eghti ofa gamir gumazim kuarazir angamira itir igharazim ko temer sidan otevir kam, ko benir aghevir kam, ko hisopin aguam da isi ghuzim itir dipam darugh, egh zuamira da asigh. Egh gin 7plan dughiabar dipar ghuzim itim dipenimin a kavamang.⁵² Ofa gamir gumazim kamaghin damuti dipenim nan damazimin zuegham.⁵³ Egh ofa gamir gumazim kuarazir angamira itim inigh, nguibamin azenan mangi, egh dadaba itir danganimin anetehtgi a mighhegh mangi. Kar dipenimin miziriziba agevir arazim, eghti dipenim nan damazimin ua zuegham.

⁵⁴⁻⁵⁶ “Arazir kaba, da gumazamizir arimariar kuraba itiba ko gumazamizir duar muziariba itiba ko, okaba ko duar mikarzimin otiviba, ko asighasizir

korotiaba ko dipenibagh amima da nan damazimin mizeziba, da bizir mizirizir kabanangin ia migei.⁵⁷ Akar Gavgavir kaba, da ian akaghti ia fogh suam, bizir manaba nan damazimin zue, ezi bizir manaba zuezir puvatizir.

15

Mikarzimin otivir mizirizir mabar Akar Gavgavira

¹ Ikiavira Itir God kamaghin Moses ko Aron migei, ² “Ni Israeliyan gumazamiziba kamaghin me mikim suam:

“Gumazitam, an mikarzir mogomem duam a batoghi ghuzir mitizim an azenan otivti, egh ghuzir mitizir kam a damuti, a nan damazimin mizegham.³ Egh duamin ghuzir mitizir kam, an mikarzir mogomem an akamin otivam, o bizir kam gavgavigh dipam ivemarir tuavim apirighti, gumazir kam nan damazimin mizegham.⁴ Eghti danganir an apiaghiriba o akuiba, da bar mizegham.⁵⁻⁶ Tina gumazir kamin misiamin suiraghram, o an apiaghiri bizitam daperagh, kamaghin a uan korotiaba ru, egh dipamin uabi ruegh, egh nan damazimin mizegh iki mangiti aruem magirigham.⁷ Eghti gumazir manam o amizim uan dafarim isi gumazir duar kam itimin mikarzimin suiragh, a uan korotiaba ru egh uabi ruegh, egh mizegh iki mangiti aruem magirigham.⁸ Eghti gumazir duar kam itim, a gumazir nan damazimin zuezim giparighti, gumazir kam uaghan mizegh, uan korotiam ru, egh uabi ruegh mizegh iki mangiti aruem magirigham.⁹ Eghti gumazir duar kam itim, an hoziham gisim itir dabirabim daperaghram, eghti bizir kam uaghan mizegham.¹⁰ Eghti gumazitam uan dafarim gumazir kam aperazir dabirabim suiraghram, a uaghan mizegh, iki mangiti aruem magirigham.¹¹ Eghti gumazitam gumazir bizir an gaperaghav ikezim inigh aneter mangam, a uaghan uan korotiam ru egh uabi ruegh, egh a mizegh iki mangiti aruem magirigham.¹² Eghti gumazir duar kam itim faragh uan dafariba ruegh kogh, egh gumazir igharazim suiragli, gumazir igharazir kam uan korotiam ruegh egh dipamin bar uabi ruegh, egh a mizeghiva iki mangiti aruem magirigham.¹³ Eghti gumazir duar kam itim, nguazir miner tamin suiragli, kamaghin, me miner kam abikigh. Egh a uan dafarim temer itarimin suiragli, kamaghin, me itarir kam deragh dipamin a ruegh.

¹³ “Eghti gumazir kamin duar mitizir dipabu itim givaghti, a 7plan dughiabar ikegh zuegham. Egh a mangi uan korotiam

ruegh, egh dipar aghuim guruegh, egh nan damazimin zuegham.¹⁴ Eghti namba 8in dughiam otoghti, a kuarazir bunbar pumuning inigh mangi God bativamin Purirpenimin tiar akamin Ikiavira Itir Godin damazimin tughiva, kuarazir bunbar pumuning isi ofa gamir gumazim daningigh.¹⁵ Eghti ofa gamir gumazim, kuarazir kamningin tam isi arazir kuraba gin amadir ofa damu, egh kuarazir igharazim isi ofan bar isia mighirim damu. Eghti arazir kamin, an amizir kamin akuraghti, an mizirizim givaghti, ua Ikiavira Itir Godin damazimin zuegham.

¹⁶ “Eghti gumazitam, dipam puram an mikarzir mogomemin otivi, a mizeham, a uan mikarzim bar diparin a ruegh, egh iki mangiti aruem magirigham.¹⁷ Eghti dipar kam an korotiam o inim o asizibar inibar ingarizir biziitam gireghti, a dipamin a ruegh, eghti biziit kam mizegh ikivira iki mangiti aruem magirigham.

¹⁸ “Gumazim amizim ko dakuigh, egh aning mizeham. Aning uaning ko akuigha givazir dughiamin, aning mangi dipamin ruegh, egh aning mizirizim sara mizehvira iki mangiti aruem magirigham.

¹⁹ “Amizim uan iakinibav sozir dughiamin, a mizirizim sara iki mangiti 7plan arueba gevegham. Eghti gumazitam o amizitam an suiragh, a mizirizim sara kamaghira iki mangiti aruem magirigham.²⁰ Eghti dakozir an akuum ko an apiaaghbirir biziba, da bar mizeham.²¹⁻²³ Gumazitam o amizitam dafarim isi an dakozim o biziit an apiaav ikezibar suiragh, a mizeham. Egh a uan korotiam ruegh egh dipamin bar ubi ruegh, egh a mizegh iki mangiti aruem magirigham.²⁴ Eghti gumazitam, amizir uan iakinibav sozir dughiamin a ko dakuti, amizir kamin miziriziba an iki mangi 7plan dughiabar tugham. Eghti dakozir manam gumazim a dakuam, a uaghan mizeham.

²⁵ “Amizitam uan iakinibav sozir dughiam batozir puvatigha pura dughiar igharazir mabar ghuzim bat, o an iakinibav sozir dughiam ikiavira itima a ghuzim bata dughiar ruarimin ghuavira iti, kamaghin a mizirizim sara iki mangiti, ghuzim bar givagham.²⁶ Egh a dughiar kamin dakozir manam gakui, o dabirabir manam gaperaghav ike, biziit kaba uaghan mizeham.²⁷ Eghti gumazitam o amizitam biziit an apiaav kezitam suiragh, a uaghan mizeham. A uan korotiaba ruegh, egh dipamin bar ubi ruegh. Egh a mizirizim sara iki mangiti, aruem magirigham.²⁸ Amizimin ghuzim givaghti, a 7plan dughiabar ikegh nan damazimin zuegham.²⁹ Eghti namba 8in dughiam

otoghti, a kuarazir bunbar pumuning inigh izi, egh mangi na bativamin Purirpenimin tiar akamin ofa gamir gumazim daningigh.³⁰ Eghti ofa gamir gumazim, kuarazir kamningin tam isi arazir kuraba gin amadir ofa damu, egh kuarazir igharazim isi ofan bar isia mighirim damu. Eghti arazir kamin, an amizir kamin akuraghti, an mizirizim givaghti, ua Ikiavira Itir Godin damazimin zuegham.

³¹ “Gua kamaghira, Akar Gavgavir kamra Israelia daningigh. Me nan damazimin mizegha itir dughiamin, me uari bagh de-raghvira gan. Me uan miziriziba bar dar saghon iki. Nan Purirpenim men tongin iti, eghti me miziriziba sara ikiva, an aven man-gan marki. Puvatighti me nan Purirpenim damutti a mizeham. Me kamaghin damutti, ki me misueghti me arighiregham.”

³² Akar Gavgavir kaba, gumazim o amizim mikarzim duaba a batifi, ezi gumazim amizim ko akuima an dipam an mikarzim gire, biziit kam aning gamima aning nan damazimin mize, kar an Akar Gavgaviba.³³ Egha Akar Gavgavir kaba, amizibar iakinir arimariam migei. Egha a gumazitam ko amizitam ghuzir mitizim men mikarzir mogomem bato, Akar Gavgavir kam me migei. Egha uaghan gumazir amizir mizirizim sara itim koma akuim migei.

Dughiar Ekiar God Gumazamizibar Arazir Kuraba Gin Amadim

16

(Sapta 16)

Ofa gamir gumazibar dapanim ofa gamua gumazamizibar arazir kuraba gin amadi

¹ Aronin otarir pumuning faragha, Ikiavira Itir Godin akam batuegha, a bagh ofa damuasa an boroghin zui. Ezi an aning misoghezi aning aremegha gif, ezi gin Ikiavira Itir God kamaghin Moses migei:

² “Ni uan avebam Aron mikemegh. A zurara nan purirpenimin aven nir ekiamin akirangin Danganir Bar Anogoroghezimin pura mangiva, Akar Dikirizir Gavgavimin Boksiar asuamin guamin tuivan marki. Ki ghuariar mamin tongin iki, Akar Dikirizir Gavgavimin Boksiamin asuam gisin ikiam, kar arazir kuraba gin amadir danganim. Kamaghin amizi, ki ubi dughiam atighti, an an aven mangi. A pura danganir kamin aven mangichti, ki a misueghti an aremegham.³ Aron Danganir Bar Anogoroghezimin aven mangisi, a faragh arazir kuraba gin amadir ofa bagh bulmakaun apurir igiatam inigh, egh ofan

bar isia mighirim bagh sipsipin apuritam inigh.

⁴ “Aron faragh deraghvira dipamin uabi ruegh, egh gin korotiar kabar aghu, kar korotiar ki uabi ofa gamir gumaziba bagha miseveziba, ezi da bar zue. Korotiar kaba bar, me deraghavira nir ghurghurir aghuimin dar ingari. Aron ruegh givagh, egh ofa gamir gumazimin korotiar ruarir azenan itim arugh, egh an aven azuir trausiziар otevim arugh. Egh inir ruarim isi uan ivariam gikegh, egh inir dapanir asuar ruarim uan dapanim gighuigh a ikegh.

⁵ “Eghti Israeliан gumazamiziba ofan arazir kuraba gin amadir ofa bagh, memen apurir pumuning inigh, egh ofan bar isia mighirim bagh sipsipin apurir vamira inigh izi Aron danighti, a da iniam.

⁶ “Egh Aron uabi inizir bulmakaun apurir kamin ofa damu, egh uan arazir kuraba ko an adarazir arazir kuraba gin amang.

⁷ “Egh a gin memen apurir kamning inigh mangi Ikiavira Itir God bativamin Purirpenimin tiar akamin izi nan damazimin tugh. ⁸ Egh a dagiar pumuning inigh, mamin osizirim kamaghin migei, ‘Kar Ikiavira Itir Godin ofa’ ezi igharazimin osizirim kamaghin migei, ‘Kar Asaselin ofa.’ Egh a dagiar pumuning modogh, egh vaghvagh aningin akakagham, Ikiavira Itir God bagh memen tam amisevegh, egh tam asem Asasel bagh anemisefegh.* ⁹ Egh Aron memen Ikiavira Itir God bagha misevezir kam inigh, egh ofan min gumazamizibar arazir kuraba gin amadir ofa damu. ¹⁰ Egh an asem Asasel bagh inabazir memen kam misoghan marki. Aron a inigh nan damazimin izi. Egh a memen kam, asem Asasel bagh gumazamiziba puvatizir danganimin anemadagh. Eghti memen kam gumazamizibar arazir kuraba ater mangam.

¹¹ “Aron ofan kabagh amua arazir kuraba gin amadir dughiamin, an arazir kamin gin mangi. A faragh bulmakaun kam inigh egh anaku izi, a misuegh uan arazir kuraba ko an adarazir arazir kuraba gin amadir ofa damu. ¹²⁻¹³ Egh a gin minetam inigh, Ikiavira Itir Godin damazimin itir ofa gamir dakozimin mangi, egh avir mikiar isia itiba minem daghuigh, da inigh inir ekiamin girakirangin itir Danganir Bar Anogoroghezim mangi. Egh a Ikiavira Itir Godin damazimin dafarir pumuning pauran mughuriar aghuim zuim a daghuigh, a isi avir kam datichti, pauran kamin mighirim, Akar Dikirizir

Gavgavimin Boksiaminasuam avaraghgam, kar arazir kuraba gin amadir danganim. Migharir gavgavir kam ikiti, kamaghin Aron uabi, arazir kuraba gin amadir danganimin ganan kogham. An an ganighti, ki a misueghti an aremegham. ¹⁴ Egh a bulmakaun apurimin ghuzitaba inigh, uan dafarir puzim a darugh Akar Dikirizir Gavgavimin Boksiamin pin arazir kuraba gin amadir danganimin guamin a kavamang. Egh 7plan dughiabar kamaghira ua ghuzir taba uan dafarir puzimin da inigh, Akar Dikirizir Gavgavimin Boksiamin guamin da kavamang.

¹⁵ “Egh gin a gumazamizibar arazir kuraba gin amadir ofa bagh memen kam misuegham. Egh a memen ghuziba inigh, purirpenimin aven inir ekiamin girakirangin Bar Anogoroghezir Danganimin mangi, egh ghuzir muziarir taba Akar Dikirizir Gavgavimin Boksiamin asuamin pin itir arazir kuraba gin amangamin danganim, a gisin da kavamangam. Egh taba isi Akar Dikirizir Gavgavimin Boksiamin guamin da kavamang, mati a faragha bulmakaun ghuzibagh amizi mokin. ¹⁶ Egh arazir kamin a Bar Anogoroghezir Danganim damighti, a nan damazimin zuegham. Guizbangira, Israeliан gumazamiziba arazir mizirizibagh amua nan akaba batuegha, arazir kurar aviribagh ami, ezi arazir kam Bar Anogoroghezir Danganim gamima, a mize. Na bativamin Purirpenim men tongin iti, ezi men arazir kurar kaba da Purirpenimin bizibagh amima, da bar nan damazimin mize. Kamaghin amizi, Aron ghuzitaba inigh, na bativamin Purirpenimin danganir igharazibar kamaghira dar amigh. Mati a faragha Bar Anogoroghezir Danganim gamizi mokin. Arazir kamra, a Purirpenim damutti a ua zuegham. ¹⁷ Aron ofan kam damuva, uan arazir kuraba ko an adarazi ko Israeliан gumazamiziba sara bar da gin amadagh. A Bar Anogoroghezir Danganimin aven mangiti, gumazir igharazitam na bativamin Purirpenimin aven mangan kogham, egh kamaghira iki mangiti Aron uam azenan izegham. Ki bar men angoroke. ¹⁸⁻¹⁹ Egh gin Aron Bar Anogoroghezir Danganim ategh azenan mangi, egh ofan bar isia mighirir ofa gamir dakozimin mangi. Israeliан arazir kuraba ofa gamir dakozir kam gamima, a nan damazimin mize. Kamaghin amizi, Aron ofa gamir dakozir kam damighti a zueghsi, a bulmakaun kam

^{*} 16:5: Ofa Gami 9:7; Hibru 5:1-3; 7:27-28; 9:7 * 16:8: Hibrun akam, akar kam deragha migeir puvati. Gumazir maba ghaze, Asasel, a Satanin ziam, o duar kurar mam. Ezi marazi ghaze, kar danganir misingizimin danganir kurar mam. Ezi marazi kamaghin akar kamin mingarim ginchigha ghaze, “Ni danganitam anemadagh.” 16:15: Hibru 9:12

ko meme virara, aningin ghuzir muziarir taba inigh, egh ofa gamir dakozimin mükebabar itir bulmakaun kombar min garir biziba bar dar arikigh. Egh dafarir puzim ghuzim darugh 7plan dughiabar ofa gamir dakozimin a kavamang. Arazir kamin a ofa gamir dakozim damichti a zueham. Egh a ofa gamir dakozim ateghti, a nan ingangarim baghvira ikiam."

Memen Israeliyan arazir kuraba aterim, a ghugha gifa

²⁰ Ikiavira Itir God ua kamaghin migei, "Aron Bar Anogoroghezir Danganim ko na bativamin Purirpenim ko ofa gamir dakozim damuti, da zuehamin ingangarir kam agivagh, egh a memen asem Asasel bagha misevezir kam inigh, Ikiavira Itir God bagh izi. ²¹ Egh ti memen angamira itim, a uan dafarimmin isi an dapanim gisim datigh, egh Israeliyan gumazamizibar arazir miziriziba, ko akam batozir araziba ko men arazir kurar aviriba bar dar gun mikemegh. Egh arazir kamin an arazir kuraba isa memen dapanim gati. Egh gin a meme isi gumazir a misevezimin dafarim datigh, gumazir kam meme inigh gumazamizibar puvatizir danganimin mangi. ²² Egh danganir kamin aneteghti, memen kam Israeliyan arazir kurabar osimtizim inigh da ateriva gumazamiziba puvatizir danganimin mangigham.

²³ "Eghti ingangarir kam givaghti, Aron na bativamin Purirpenimin aven mangigh, ofa gamir gumazimin korotiar an aruga Bar Anogoroghezir Danganim aven ghuzim suegh. Egh a korotiar kam ateghti, a Purirpenimin aven iki. ²⁴ Egh a mangi Purirpenimin divazimin aven dipamin bar ubi ruegh, egh ua uan ofa gamir gumazimin korotiar igharazibar aghuigh. A gin azenan izegh, ofan bar isia mighir pumuning damigh, a ua bagh ofan tam damigh, egh ofan igharazim gumazamiziba bagh a damigh. Ofan kamningin, a uan arazir kuraba ko gumazamizibar arazir kuuba gin amadaghram. ²⁵ Egh a men arazir kuraba gin amangisi ofa gamizir asizimin ovim isi ofa gamir dakozimin a tuaghti, avim bar an isi mangti, a bar mighirighti, averenir kinim otogham. ²⁶ Egh ti gumazir faragha meme inigha gumazamiziba puvatizir danganimin ghugha anetaghizi a ghuzim, a faragh uan korotiaba ruva, dipamin uan mikarzim sara ruegh, egh gin, a ua danganir me itimin aven izam. ²⁷ Me bulmakaun apurim, ko memen ofan arazir kuraba gin amadim, ofa gamir gumazim faragha aningin ghuziba inigha, uan arazir kuraba ko gumazamizibar arazir kuraba

sara gin amangasa, Bar Anogoroghezir Danganimin aven ghu. Egh gin me asizir kamningin kuamning inigh nguibamin azenan mangam. Egh me aningin iniba ko tuziba ko buariba tuegti, avim aning bar isi mighirigh mangiti, averenir kinim otogham. ²⁸ Egh gin gumazir aning tuazir kam, uan korotiaba ruegh, egh dipamin an mikarzim bar a rueghiva, a gin, ua danganir me itimin aven izam."

God Gumazamizibar Arazir Kuraba Gin Amadir Dughiar Ekiam damuamin arazim

²⁹ Ikiavira Itir God ua kamaghin migei, "Ia Akar Gavgavir kam zurara an gin mangi. Iakinir namba 7, an dughiar namba 10in, ia Israelia ko ikizir igharazibar gumazamizibar ian tongin itiba bar, ia dagheba ko agoroger araziba atakigh, egh ia ingangariba ategh avughsi. ³⁰ Arazir kamin mingarim kamakin: Dughiar kamra, ofa gamir gumazim ofa damuva ian arazir kuraba gin amangam, eghti ia Ikiavira Itir Godin damazimin zueham. ³¹ Dughiar kam, kar nan dughiar ekiamra. Egh ti ia agoroger araziba dughiar kamin da ategh avughsi. Ia ingaran marki. Bar marki. Egh ia zurara arazir kamin gin mangi. ³² Ofa gamir gumazir manam ia anemisefe, eghti an afeziamin danganim inigh ofa gamir gumazibar dapanimin otogh, egh a ubira gumazamizibar arazir kuraba gin amangamin ingangarir kam damuam. A faragh ofa gamir gumazimin korotiar ghurghurir aghuim arugh. ³³ Egh gin arazir kuraba gin amangisi ofa damu, eghti Bar Anogoroghezir Danganim ko, God bativamin Purirpenim ko, ofa gamir dakozim ko, ofa gamir gumaziba ko, Israeliyan gumazamiziba bar, me nan damazimin zueham. ³⁴ Me arazir kaba zurara dar gin mangivira iki. Ofa gamir gumazibar dapanim, ofan kaba azeniba vaghvagh dar amu, Israeliyan gumazamizibar arazir kuraba gin amang, egh me damuti me nan damazimin zueham."

Ikiavira Itir God akar kaba Moses ganingi, ezi Moses bar adar gin zui.

Arazir aghuir God damuasa Israelia mikemeziba

17

(*Sapta 17-27*)

Ofabar amuamin danganir vamira

¹⁻² Ikiavira Itir God, akam Aron ko an otariba ko Israeliyan gumazamizibav kimasa akam Moses mikeme. Ikiavira Itir God kamaghin migei:

"Ki Akar Gavgavir kaba ia ganidi. ³ Ia Israeliyan gumazamiziba ofa damusi ifuegh,

bulmakaun tam, o sipsip, o memen tam danganir ia itimin aven o azenan a misuegh,⁴ egh a inigh Ikiavira Itir God bativamin Purirpenimin tiar akamin izi ofan min na daningen aghuagh, ia mati gumazim gumazir igharazim misoghezi an areme, egh ia nan damazimin osimtizim ikiam. Kamaghin amizi, ki uan gumazamizibar tongin ia batuegham.⁵ Akar kamin mingarim kamakin: Ia Israelia fomira asizibav sogha danganir ia itimin azenan ofa gami, ezi datirighin ia asiziba inigh ofa gamir gumaziba bagh mangi, na bativamin Purirpenimin tiar akamin ofa damu, egh na ko navir vamirin ikiam.⁶ Eghti ofa gamir gumazim asizimin ghuziba inigh, ofa gamir dakozir God bativamin Purirpenimin tiar akamin boroghin itim, an miriabar da kavamang. Egh an ofa bagh asizir ovim ofa gamir dakozimin a tuaghti a bar mighirighti, averenir kinim otogh. Eghti Ikiavira Itir God, ofan tuer kamin mughuriham baregh, egh a gifuegh navir aghuim an ikiam.⁷ Ia Israelia uam aseba bagh asizibar ofabar amuan marki. Ia faragha kamaghin amua, na tegha asebar gin ghue.* Eghti ian gin otivamin adaraz zurara asiziba inigh ofa bagh nan Purirpenimin izi.

⁸⁻⁹ “Egh ni kamaghin me mikim, Israeliyan gumazitam o ikizir igharazibar gumazir ian tongin ititam, a ofan bar isia mighiribar amusi, o a ofan igharazim na bagh a damusi, kamaghin an asizim inigh izi na bativamin Purirpenimin tiar akamin ofa damu. Putatightima, ki Ikiavira Itir God, ki uan gumazamizibar tongin a batuegham.”

Ghuzimra arazir kuraba gin amadi, kamaghin amizi ia ghuzibar aman marki

¹⁰ “Ia asizim misoghezi an aremezir dughiamin, ia an firim atugh, egh aneguraghti an ghuzim bar iregh. Eghti ia Israeliyan gumazitam o ikizir igharazibar gumazir ian tongin iti tam, ghuzim itir asizitam ameghti, ki Ikiavira Itir God, ki an apanim damigh, egh uan gumazamizibar tongin a batuegham.¹¹ Ghuzim an angamira itir ikirimirim gumaziba ko asiziba bar me ganidi. Ezi ki kamaghin ia migei, ofa gamir gumazim ghuzim isi ofa gamir dakozimin ofan min a gingegh, gumazamizibar arazir kuraba gin amangam. Ghuzim an angamira itir ikirimirim mingarim. Ghuzimra gumazamizibar arazir kuraba gin amadi.¹² Ezi ki Israelia ia migei, ian tav o ikizir

igharazibar gumazir ian tongin ititam, asizir ghuzim itim aman marki. Bar marki.

¹³ “Eghti Israeliyan tav o ikizir igharazibar gumazir ian tongin ititam, an asiziba buriva, ki damasa ian anogoroghezir putatizir memen atiatam, o kuarazir tam misuegh, egh an ghuzim nguazim gingegh anevaragh.¹⁴ Kamaghin ami, gumazamiziba ko asizibar angamira itir ikirimirim, a ghuzim aven iti. Ezi bizar kam bagha ki Israeliya ia migia ghaze, ia asizir ghuziba itibar aman marki. Eghti gumazim ghuzim itir asizim ameghti, ki uan gumazamizibar tongin a batuegham.

¹⁵ “Kamaghin amizi, asizitam puram areme, o asizir atiam asizir tam misoghezi an areme, eghti gin Israeliyan gumazitam o ian amizitam o ikizir igharazim gumazir ian tongin ititam, asizir kamin tuzim amegham, a nan damazimin mizeham. Kamaghin amizi, a uan korotiaba ruva, egh uaghan dipamiri uabi ruegh. Egh a miziriziba sara iki mangiti aruem magirighti, a ua zuegham.¹⁶ Egh a uan korotiaba ruva mikarzim rueghan kogh, mar an osimtizim, a mar uan arazir kuramin osimtizim ater.”

18

Ikizir vamiran gumazim ko amizim uanring ikian marki

¹⁻² Ikiavira Itir God, uan akam isi Israeliya daningasa kamaghin Moses migei, “Ki Ikiavira Itir God, ian God.³ Guizbangira, ia kantri Isipin ike, egh ia Isipian arazibar gin mangan marki. Ki datirighin ia inigh Kenanin nguazimin mangam, eghti ia Kenanian araziba, ia dar amuan marki. Ia men arazibar gin mangan marki.⁴ Ia oragh. Ia arazir ki ifongezibar gin mangi, egh bizar ki damuasa ia mikemezibar amu. Ki Ikiavira Itir God, ian God, ki akar kamin ia migei.⁵ Ia bizar ki damuasa ia mikemeziba ko arazir ki ifongezibar gin mangi. Gumazamiziba Moses Osirizir Araziba migei moghin damu egh dughiba zurara dar amuti, arazir kaba me damut, me ikivira ikiam. Ki Ikiavira Itir God, ki kamaghin mikeme.

⁶ Ki Ikiavira Itir God, ki kamaghin migei, ni uan ikizimin amizitam bagh navim dikav a ko ikararangan marki, egh a ko dakuan marki. Arazir kam bar marki.⁷ Ni bar uan amebam ko dakuan marki. Ni kamaghin damu, ni aghumsizim bar uan afeziham danigham. Ni uan amebam ko dakuan bar marki.⁸ Ni uan afeziham

17:7: Godin Araziba 31:16; 32:17; 2 Eghaghaniba 11:15; Onger Akaba 106:37; 1 Korin 10:20 * **17:7:** Gumazir maba ghaze, aser kam, a memen asemin mingari. **17:10:** Genesis 9:4; Ofa Gami 7:26-27; 19:26; Godin Araziba 12:16; 12:23; 15:23 **17:11:** Hibru 9:22 **18:5:** Nehemia 9:29; Esekiel 18:9; 20:11-13; Luk 10:28; Rom 10:5; Galesia 3:12 **18:8:** Ofa Gami 20:11; Godin Araziba 22:30; 27:20 **18:9:** Ofa Gami 20:17; Godin Araziba 27:22

amuir dozim ko dakuan markiam. Ni kamaghin damigham, ni uan afeziām damuti, a bar aghumsigham. ⁹ Ni uan buaramizim ko dakuan marki, a nin afeziām ko amuir igharazim otezir guivim, o a nin amebam ko par igharazim otezir guivim, ni a ko dakuan marki. Kar nin amebam nin afeziāmin dipenimin ikia otezir guivim, o nin amebam dipenir igharazim ikia otezir guivim, a uaghan nin buaramizim, kamaghin amizi ni a ko dakuan marki. ¹⁰ Ni uan otarimin guivim, o nin guivimin guivim ko dakuan marki. Arazir kam ni damuti ni bar aghumsigham. ¹¹ Ni uan afeziāmin amuir igharazim guivim ko dakuan marki, kar nin afeziāmin borim, a uaghan nin buaramizim. Ni an ikian bar marki. ¹² Nin afeziām ko an buaramizim, aning ghuzir vamira. Kamaghin amizi, ni a ko dakuan marki. ¹³ Nin amebam afumim o an avenemebam, kar nin amebam ghuzimra. Kamaghin amizi, ni a ko dakuan marki. ¹⁴ Nin afeziāmin aveghbuamin amuim, a nin amebar dozim. Kamaghin amizi, ni a ko dakuan marki. Ni a ko dakuigh afeziāmin dozim damuti, a bar aghumsigham. ¹⁵ Ni uan otarimin amuim ko dakuan marki. A nin amuim puvati, kamaghin ni a ko dakuan bar marki. ¹⁶ Ni uan aveghbuamin amuim ko dakuan bar marki. Ni a ko dakuighti, nin aveghbuam bar aghumsigham. ¹⁷ Amizitam fomira gumazir igharazim ikia guivim bate, ezi gin ni amizir kamin iti, egh ni an guivim sara aning ko dakuan marki. Egh ni uan amuimin guivimin guivitam ko dakuan marki. Ni uaghan uan amuimin otarimin guivitam ko dakuan marki. Amizir kaba, me nin amuimin anababa, egha nin adarasi. Kamaghin amizi, ni arazir kuramin me damigham, ni arazir aghumsizir bar ekiam damigham.

¹⁸ “Nin amuim ikiavira itir dughiamin, ni an afumimik ikan marki. Ni kamaghin damuva, aning damuti, aning unaningin ataram.

¹⁹ “Amizir uan iakinibav sozim, a zuezir puvati. Kamaghin, ni a bagh navim dikav a ko ikararang a ko dakuan marki. ²⁰ Ni uan namakamin amuim ko dakuan marki. Ni a ko kamaghin damuva, nan damazim mizeham.

²¹ “Ia oragh. Ki Ikiavira Itir God, ian God. Ki Akar Gavgavir kam ia ganidi, ia uan boriba isi asem Molekin ofa damusi uan boribav sogh avimin da tuan marki. Ki bar ian anogoroke. Ia kamaghin damuva, nan

ziam dikabiraghām.

²² “Ia gumaziba, gumazir igharazitam ko dakuan marki, mati gumazim amizim ko akui mokin. Arazir kam, a bar kufi, ezi ki bar an aghua. ²³ Ia gumaziba, asizir amebaba ko dakuan marki. Eghzi amiziba, asizir apuritam ateghti, an a ko dakuan marki. Arazir kam ia damuti ia nan damazim bar mizeham. Arazir kam, en arazir aghuim otavkira aghumsizir bar ekiam itim gami.

²⁴ “Ia arazir kurar kabar amuan marki. Ia dar amu, egh ia nan damazim mizeham. Ikiwil igharazibar gumazamizir Kenanin nguazim itiba, me arazir kabagh amua nan damazim mize. Kamaghin amizi, ki datirighin me batosi, eghzi ia men nguazim iniam. ²⁵ Men arazir kurar kabara nguazir kam gamima a nan damazim mize. Kamaghin amizi, ki iverzir kuram isa men nguazim ganidi. Egh ikiwil igharazibar gumazamiziba, ki me batuegham, mati nguazim men misi, eghzi me ua Kenanin nguazim ikian kogham. ²⁶ Eghzi ia Israelien gumazamiziba ko ikiwil igharazibar gumazamizir ian tongin itiba, ia arazir ki ifongeziba ko bizir ki damuasa ia mikemeziba bar dar gin mangi. Ia God gifozir puvatizir ikiwil igharazibar arazibar amuan marki. Men arazir kuraba bar kuri, ezi ki bar dar aghua. ²⁷ Ia fo, gumazamizir faragha nguazir kamin itiba, me arazir kurar kabagh ami. Kar arazir kurar bar kuriziba, ezi ki bar dar aghua. Bizir kam bangin, nguazim nan damazim mizeham iti. ²⁸ Ezi ia uaghan kamaghin damigham, ia nguazir kam damuti, a mizeham. Ia kamaghin damuti, nguazir kam ian migh ia batuegham, mati nguazim faragha ikiwil igharazibar gumazamiziba batoghezi mokin. ²⁹ Eghzi Israelien amizim o gumazir manam, ki bar aghuazir arazir bar kurir kabar amuti, ki uan gumazamizibar tongin a batuegham.

³⁰ “Ia Akar Gavgavir ki ia ganidir kamin gin mangi. Gumazamizir ian faragha ghua nguazir kamin ikia amizir arazir bar kurir ki bar aghuaziba, ia dar amuan marki. Ia kamaghin damigham, ia nan damazim mizeham. Ia oragh. Ki Ikiavira Itir God, ian God, ki mikemega gifa.”

19

God ifongezir Arayir kaba, Israelia dar gin mangi

¹⁻² Ikiavira Itir God, kamaghin Israelia mikimasa Moses mikeme:

Ki, Ikiavira Itir God, ian God, ki arazir kurabar saghon ikiava, bar zue. Kamaghin, ia uaghan nan min arazir kurabar saghon iki, bar zuegh, egh nan gumazamizibara iki.
3 **Ia vaghvagh uan amebaba ko afeziabar apengan ikiva, egh men akabar gin mangi.** Ia Sabatin dughiamin ingaran marki. Ia avughi iki. **Ki Ikiavira Itir God, ki ian God, ki kamaghin mikemegha gifa.**
4 **Ia na ateegh marvir guan kinibar ziaba fan marki.** Egh ia uari bagh ain isi nedazibar ingar, egh dar ziaba fan marki. **Ki bar anogoroke. Ki Ikiavira Itir God, ian God. Ki mikemegha gifa.**

5 **“Ia na ko navir vamira ikiamin ofa damusi, ia arazir ki ia ganidir kamin gin mangi, ofan kam damu.** Egh ia kamaghin damuti, ki ian ofa gifuegham. **6** **Ia asizim misoghezir dughiamra ofan asizir tuzibar ami, o amimzaraghan dar ami.** Egh ti asizir tuzir naba dughiar mikezimin ikivira ikiti, ia da tueghti da bar isi mangi averenir kinimin otogh. **7** **Egh ti gumazitam dughiar mikezimin asizir kam amiti, arazir kam nan damazimin bar deraghan koghti, ki uaghan bar an ofan kamin aghuaghgam.** **8** **Gumazitam dughiar mikezimin asizir tuzir kam ame, a bizir bar zuezir me na ganingizim gamima, a ikufi.** Ezi a ubi uan arazir kuramin osimtzim iki iveauzir kuram iniam. Kamaghin amizi, ki uan gumazamizibar tongin a batuegham.

9 **“Dughiar ia uan azeniba aghorimin, ia dagher azenimin dazighiamin tughav itim asian marki.** Egh ia azenibar tongin dagheba asi, egh taba ategh, egh ua mangi da asian marki. Ia da ateghti da mamaghira iki. **10** **Dughiar ia wainin ovizir anidiziba inigha givazimin, ia uamategh mangi wainin azenimin wainin ovizir ia faragha ganizir puvatiziba inian marki.** Egh ia wainin ovizir nguazim gireghav itiba inian marki. Ia dagher kaba, organaraziba ko ikizir igharazibar gumazamizir ian tongin itiba bagh da ateghti, me da iniam. **Ki Ikiavira Itir God, ki ian God, ki kamaghin mikeme.**

11 **“Ia gumazir igharazimin biziba okiman marki.** Egh ia gumazir igharazim gifar, an biziba inian marki. Egh ia bar gumazir igharazim mikimiva a gifaran marki. **12** **Egha ia gumazir igharazim ko akam akira, nan ziam dibora gavgavim uan akar dikirizim ganidi, kamaghin ia pura gumazir kam ko akam akir, egh a gifaran marki.** Egh ia uan akar dikirizimin gin mangan koghiva,

ia nan ziam dikabiri. **Ki Ikiavira Itir God, ian God, ki mikemegha gifa.**

13 **“Ia pazi gumazir igharazim damuva, egh an biziba okiman marki.** Ia dagiaba bagh ingangarim gumazitam danigh, egh ia an ingangarimin ivezimin dughiar a ingarizir kamin ivezim a daningigh. Ia ivezimin suiragh iki gurumzaraghan a daningan kogham. **14** **Ia gumazamizir kuarir organiba, akar kurabar kamaghin me mikiman marki suam, God ia gasighasigham.** Ia damazir okaviriziba men tuaviba apir ighuvibar arigh, me damutti me iran marki. **Ki Ikiavira Itir God, ian God.** Ia nan atiating.

15 **“Ia kotiam barazir dughiamin, ia deraghvira kotiam tuisigh.** Egh ia deraghvira kotiam akiragh. Ia organarazir gumazamizibar akurvaghan marki, me kotiam puram a gafiragh. Egh ia gumazamizir ziaba ko gavgaviba itibar atiating men akurvaghti, me pura kotiam gafiraghan marki. **16** **Ia namakaba ko daruva egh girakirangin gumazir igharazim mikiman marki.** Me gumazitam osimtzir ekiam bagh a isi kotiam datighti, ia kotin an akurvaghanin gavgavim iki, ia an akuragh. Ia uan akabar kuaghti, kot suam, a misueghti an aremegh, kar bizir bar kuram. Ia an akuraghosa, ki ifonge. **Ki Ikiavira Itir God.**

17 **“Ni uan navir averiaminaven uan namakam dughiar ruarinnavim an ikuvigh ikian marki.** Ni a ko akam akiragh, egh osimtzir kam agifagh. Puvatightima, ni an arazim ginighnhivira ikiva, ni ti uaghan, an amizir arazir kam damigham. **18** **Nin namakatam arazir kuratam ni damighti, ni an arazim ikarvaghan marki, egh ni an atanar marki.** Ni ubira ubi gifongezi moghin, ni gumazamizir igharazibagh ifongegh. **Ki Ikiavira Itir God, ki kamaghin mikemegha gifa.**

19 **“Ia nan arazir ki ifongezir kabar gin mangi.** Egh ia asizir igharagha garimning ateghti, aning uaning ko dakuva nguziba batan marki. Egh ia dagher anabar igharagha garir pumuning azenir vamiran da oparan marki. Egh ia pura nir me tretin kinimin isamizim ko tretin me sispin arizimin isamizim, aning isafuragha korotiar ingarizim aghuan marki. Kar arazir anogorogheziba.

20 **“Ezi gumazitam ingangarir amizir kinitam iki, egh a gumazir igharazim bagh amizir kam amangasa akam akiri, ezi gumazim a givezezir puvati.** Egh ti gumazir

19:3: Ua Me Ini 20:8; 20:12; Godin Araziba 5:12; 5:16

27:15 19:9: Ofa Gami 23:22; Godin Araziba 24:19-22

Ua Me Ini 20:7; Godin Araziba 5:11; Matyu 5:33

19:4: Ua Me Ini 20:23; 34:17; Ofa Gami 26:1; Godin Araziba

19:11: Ua Me Ini 20:15-16; Godin Araziba 5:19-20 **19:12:**

19:15: Ua Me Ini 23:6-8; Godin Araziba 16:19

19:13: Godin Araziba 24:14-15 **19:14:** Godin Araziba 27:18

Luk 10:27; Rom 13:9; Galesia 5:14; Jems 2:8

19:17: Matyu 18:15 **19:18:** Matyu 5:43; 19:19; 22:39; Mak 12:31;

19:19: Godin Araziba 22:9-11

amizir kamin garim, amizir kam ko dakuti, ia aning inigh kotiamin mangi. Egh ia aning misuehti, aning aremeghan marki. Guizbangira, amizir kam a gumazir an garimin ingangarir amizir kinim.²¹ Eighti gumazir kam sipsipin apuritam inigh na bativamin Purirpenimin tiar akamin mangi. A sipsipin kam isi uan osimtizim agevir ofan min Ikiavira Itir God bagh ofa damu.²² Eighti ofa gamir gumazim, Ikiavira Itir Godin damazimin osimtizim agevir ofa damuva gumazir kamin arazir kuraba gin amangam. Eighti ki an ganigh an arazir kuraba gin amadaghram.

²³ "Ia Kenanin nguazimin mangamin dughiamin, ia temer bava oviziba itiba opar, egh ia temer kabar ovizibar aman kogh mangiti 3plan azeniba givagham, da nan damazimin zuezir puvati.²⁴ Egh namba 4in azenimin ia temer katabar dagheba bar na daningih, ikiavira Itir God. Kar ababanir ia na minabi, egh bar akuegh nan ziam famim.²⁵ Egh namba 5in azenimin ia dar ovizibar ami. Egh ia nan akar kamin gin mangiti, ian temeba biva ovizir aviriba ikiam. Ia oragh, ki Ikiavira Itir God, ian God, ki kamaghin mikeme.

²⁶ "Ia asizir tuzir ghuzim itibar aman marki. Egh ia imezibagh amir arazibar ko kukanir araziba, ia dar amuan marki. Da nan gavvagimin izezir puvati.²⁷⁻²⁸ Ia gumazim o amizir aremezim ginighnigh dapanir arizir ian kuaribar boroghin itiba apiran marki, egh uan ghuamasizibagh isi da otivan marki. Egh ia uaghan uarir akurvahsi, gumazim o amizir aremezim ginighnigh, uan mikarzibar ghor, dighoribar amuan marki. Ki Ikiavira Itir God, ia arazir kabar amuan, ki anogoroke.

²⁹ "Ia asebar ziaba fer arazibar amusi, uan guivibar amuti, me tuavimin amizibar min aghumsizir arazim damuva poroghamiba uari isava akuir arazim damuan marki. Ia kamaghin damuva na ategh asebar apengan ikiam, mati tuavimin amizir tintinim gumaziba koma akiim. Eighti arazir kuram ian nguazim bar a gizivagham.³⁰ Ia Sabatin dughiamin ingaran marki. Egh ia Purirpenir gumazamiziba iza nan ziam fer kam, bar a gifongegh. Ki Ikiavira Itir God, ki ia mikemegha gifa.

³¹ "Egh ia nighnizir aghuium inisi, mangi ariaghirezir gumazamizibar duaba ko migeir gumazimin azaraghti, me duar kurabar nighnizim ia danigan marki. Ia kamaghin damu, ia nan damazimin bar

mizegham. Ki Ikiavira Itir God, ian God, ki mikemegha gifa.

³² "Ia gumazamizir ghuribar apengan iki, egh deraghvira me damu. Egh ia nan atiating nan apengan iki. Ki Ikiavira Itir God, ian God, ki kamaghin mikeme.

³³ "Ia ikizir igharazibar gumazamizir ian nguazimin itiba pazi me damuan marki.³⁴ Ia ikizir igharazibar gumazamizir ian tongin itiba arazir aghuubar me damu, mati ia uan adarazi Israelia gami mokin. Egh ia uari gifongezi moghin ia bar me gifongegh. Ia fomira Isipin kantrin ike, kamaghin ia gumazamizir uan nguibaba ataghiraghha ghua kantrin igharazibar itir arazim, ia a gifo. Ia deraghvira gumazir ia ko itir kabar amu. Ki Ikiavira Itir God, ian God, ki mikemegha gifa.

³⁵ "Ia bizibar ababanibagh amuva, dar osimtizim ko ruaribagh fogogh da tuisigh, egh da mengti gumazir igharaziba dagh iveauzam, ia arazir kamin, me gifaran marki.

³⁶ Puvati. Ia deraghvira dar abaniva da tuisigh, egh deraghvira biziba meng. Ki Ikiavira Itir God, ian God, ki Isipin kantrin ia inigha ian akua azenan ize.³⁷ Kamaghin amizi, arazir ki ifongeziba ko bizir ki damuasa ia mikemezir kaba bar, ia dar gin mangi. Ki Ikiavira Itir God, ki ia mikemegha gifa."

20

God gumazamizir akaba batozibagh asighasigham

¹⁻² Ikiavira Itir God, Israelien gumazamizibav kimasa kamaghin Moses migei:

"Israelien tav o ikizir igharazibar gumazamizir Israelien kantrin aven itibar tav, uan borim isi asem Molek bagh ofan min a daningti, ia gumazir kam misuehti an aremegh. Nguazir kamin gumazamiziba bar dikavigh dagiaba isi gumazir kam ginivighti an aremegh.

³ Gumazim borim isa Molek ganidir arazir kam, nan Purirpenim gamima a mizegha bar nan ziar ekiam dikabira. Kamaghin amizi, ki gumazir kamin apanim damuva uan gumazamizibar tongin a batuegham.

⁴ Nguazir kamin gumazamiziba gumazir kamin arazir kurar kamin ganiva mikim suam, kar pura bizim, egh a misuehti an aremeghan koghti,⁵ kamaghin ki uabi an apanim damuva an adarazi sara, ko gumazamizir akirim na gasaraghia asem Molekin ziam feba bar, ki men apanim damuam. Ki uan gumazamizibar tongin me batuegham.

⁶ “Eghti gumazitam na tegh, kukunir gumaziba ko, ariaghirezir gumazibar duaba ko migeiba bagh mangi, a mati tuavimin amizim tintinibar arua gumazir igharaziba koma akui. Kamaghin, ki gumazir kamin apanim damuva uan gumazamizibar tongin a batuegham. ⁷ Ia bar zuegh iki, egh arazir aghuir voroghira itir ki ifongezibar aven daru. Ki Ikiavira Itir God, ian God, ki kamaghin mikemegha gifa. ⁸ Ki Ikiavira Itir God, ki ua bagha ia misevezia bar nan gumazamizir aghuibal otifi. Kamaghin amizi, arazir ki ifongezibar, ia bar dar gin mangi.

⁹ “Egh gumazim o amizim uan afeziom o amebam akar kuramin a migia ghaze, God ni gasighasigham, eghti ia gumazir kam o amizir kam misueghti an aremegh. Gumazim o amizir akar kam mikemezim, a uan osimtizim bangin aremegham.

¹⁰ “Eghti gumazitam uan namakamin amuim ko dakuighti, kamaghin ia gumazir kam ko amizir kam misueghti aning aremegh. ¹¹ Eghti gumazim uan afeziom amuim ko dakuigh, egh an arazir kuramin uan afeziom damuva aghumsizim a daningam. Kamaghin, ia gumazir kam ko amizir kam misueghti, aning aremegh. Aning uaning arazir kuram damigh osimtizim ikiam, egh bizir kam bagh aning aremegham. ¹² Eghti gumazitam uan otarimin amuim ko dakuighti, ia aning misueghti aning aremegh. Aning en arazir aghuim oteghavkinigha arazir kuram gami, egh aning uan osimtizim bangin aning aremegham. ¹³ Eghti gumazitam gumazir igharazim ko dakuigh, mati gumazim amizim ko akui moghin, egh aning amizir arazir bar kurar ki aghuazim damigh, bar osimtizir ekiam ikiam. Kamaghin ia aning misueghti aning aremegh. Aning uan osimtizim bangin aning aremegham. ¹⁴ Eghti gumazitam uan amuimin iki, egh uaghan an amuimin amebam isafuragh uaghara aningin ikiti, ia bar me isi avimin me daboroghti me isigh. Me osimtizir bar ekiam gami. Guizbangira, kamaghin amir gumazamizibar ateghti, me ian tongin ikian marki. ¹⁵ Eghti gumazitam asizitam ko arazir kuram damigham, mati gumazim amizim koma akui moghin, eghti ia uaghara aning misueghti aning aremegh. ¹⁶ Eghti amizitam asizitam bagh mangi, a ko arazir kuram damigham, mati amizim gumazim koma akui moghin, eghti ia aning misueghti aning aremegh. Aning uan osimtizim

bangin aning aremegham.

¹⁷ “Eghti gumazitam uan buaramizim ko dakuam, kar an afeziomin guivim, o an amebamin guivim, egh aning bibiamra iki uaningin ganiva, kamaghin aning arazir bar kuram damigham. Kamaghin amizi, ia gumazamizibar damazimin bar aningin atariva, aning batueghti, aning ua ia ko ikian kogham. Gumazir kam uabi uan buaramizim koma akui, kar aghumsizir arazim, kamaghin, a uan arazir kuramin osimtizim ateram. ¹⁸ Eghti gumazim, amizir uan iakinibav sozir dughiamin itim inigh, a ko dakuam, aning bar arazir mizirizim nan damazimin a damuam. Eghti ia nan gumazamizibar tongin aning batokegh.

¹⁹ “Gumazitam uan amebar dozim o afeziomin buaramizim ko dakuva, an arazir kuramin uan anabam damigh aghumsizim a daningam. Aning amizir arazir kurar kam bangin osimtizim ateram. ²⁰ Eghti gumazitam uan afeziar dozimin amuim ko dakuigham, gumazir kam aghumsizim afeziar dozim daningam. Egh aning amizir arazir kurar kamin osimtizim ateram. Gumazir kam amizitamin iki boriba batan kogham, eghti an afeziar dozimin amuim uaghan boriba batan kogham. ²¹ Eghti gumazitam uan aveghbuamin amuim a dam a inigh an iki, a nan damazimin arazir bar mizirizim damuva aghumsizim uan aveghbuam daningam. Kamaghin amizi, gumazir kam ko amizir kam boriba batan kogham.

²² “Ia nan arazir ki ifongeziba ko bizir ki damuasa ia mikemeziba, bar dar gin mangi. Ia kamaghin damuti, nguazir ki datirighin ian akua zuir kam, a ian aghuagh ia batueghan kogham, mati gumazim dagher kuramin mizi mokin. Ia deraghviram an ikiam. ²³ Ia Kenanin nguazimin itir ikizibar arazibar gin mangan marki. Me bizir kurar kabagh ami, ezi ki bar men aghua. Ki datirighin ikizir kaba batueghti, ia men nguazim iniam. ²⁴ Ki ia mikemegha gifa, nguazir kam a bar dera, ezi dagher avirim an iki, deraghviram aghui. Ki a isi ia daningichti, a ian nguazimram otogham. Ki Ikiavira Itir God, ki ikizir igharazibar tongin ia ini, eghti ia bar igharaghvira iki, nan gumazamizibaram otogham. ²⁵ Kamaghin amizi, ia deraghvira asiziba ko kuaraziba tuisigh, asiziba ko kuarazir manaba zue, ia dar ami. Ezi asiziba ko kuarazir manaba mizeghti, ia dar aman marki. Ki asiziba ko kuaraziba ko apizir zuezir puvatizir kabar

gun ia mikeme. Ia dar amiva, ia arazir bar kurir ki aghuazibar amuam. Ia asizir kabar amiva nan damazimin bar mizeham. ²⁶ Ia arazir kuraba ategh zuegh iki, nan arazir bar aghuibar gin mangi. Ki Ikiavira Itir God, ki ubi bar zue, egha ki ikizir igharazibar tongin ua baghavira ia ini.

²⁷ "Eghti kukunir gumazibar, ko ariaghirezir gumazamizibar duaba ko migeiba, ia bar dagiaba isi me ginivighti me arimighiregh. Me uan osimtizim bangin arighiregham."

21

Ofa gamir gumazibar God ifongezir arazir aghuibar gin mangi

¹ Ikiavira Itir God, Aronin adarazir ofa gamir gumazibav kimasa kamaghin Moses migei:

"Ian adarazir tav aremeghti, ia gumazir aremezim bagh aghuimazir arazim damuan marki. Arazir kam ia gamima, ia nan damazimin mize. ² Eghti bar gu-mazimin adarazir aven iti tav aremegham, kar an amebam, o afeziom, o otarim, o guivim, o aveghbuam, ³ o guzin an buaramizir pam puvatigha afeziomin dipenimin ikia aremezim, a me bagh aghuimazir arazim damuam. A kamaghin fogh, an aghuimazir arazir kam damuti, a nan damazimin mizeham. ⁴ Eghti ofa gamir gumazimin ivozim aremegham, eghti ofa gamir gumazim an aghuimazir arazim damuan marki. Kamaghin a nan damazimin mizeham.

⁵ "Eghti ia ofa gamir gumazibar, aghuimazir arazimin gin mangiva, uan dapanir arizir akuatabagh isan marki. Egh ghuamasizibar mriabagh isan marki. Egh aghuimazir arazim bagh tintinibar uan mikarzibar ghoran marki. ⁶ Ia ofa gamir gumaziba ki ua bagha ia misefe. Ki ian God, kamaghin ia nan ziam dikabinan marki. Ia nan ofa damuamin ingangarim iti, ezi avim isir ofan kaba, ia daghebar min na ganidi. Kamaghin amizi, ia arazir kurar kaba akirim ragh dagh asaragh, egh na ko daru. ⁷ Ia nan ofa gamir gumazibara. Kamaghin amizi, ia tuavimin amizir gumaziba isava akuim, o amizir gumazir igharazim ko akuim, o amizir an pam anetaghizim, ia an poghan marki. ⁸ Gumazamiziba fogh suam, ia ofabar dagheba na ganidi, kamaghin, ia bar nan ofa gamir gumazibara. Ki ubi Ikiavira Itir God. Ki Godin bar zuegha arazir aghuibaram amim. Egha ki uan gumazamizibagħ amima, me zuegha arazir aghuibaram ami.

⁹ "Eghti ia ofa gamir gumazitam guivitam, tuavimin amizimin ikiva, arazir

mizirizibar gin mangiva, aghumsizir ekiam uan afeziom daningam. Kamaghin, gumazamiziba avimin a daboroghti a isigh aremegh.

¹⁰ "Ofa gamir gumazibar dapanim, uan ingangarimin ziar ekiam ini. Me borem an dapanim gingezir dughamin, me ofa gamir gumazibar korotiamra, a dagħuasa anemisefe. Egħi an adarazir tav aremegħti, a uan dapanir arizim ategħi a pura ikian marki, a deraghviram a batogh. Egh a uan korotiam abighan marki. ¹¹ Ofa gamir gumazibar dapanim, gumazimin kuam itir danganimin borogħin mangan marki. A kamaghin damuva, nan damazimin mizeham. An afeziom o amebam aremegħti, an aghuimazir dughamin uabi damu mizeham marki. ¹² Kamaghin, an Anogoroghezir Danganim ategħi gumazir kuaba itir danganimin borogħin mangan marki. A kamaghin damu nan Purirpenim damuti a nan damazimin mizeham. Ia borer ki ia ganingizir kam a ġingegħa givagħha, anemisevezi a ofa gamir gu-mazibar dapanimin oto. Kamaghin, a gumazimin kuam itir danganimin borogħin mangan marki. Ki Ikiavira Itir God, ki kamaghin ia mikemegħa gifa.

¹³ "Ofa gamir gumazibar dapanim, amizir gumazir igharazitam ko akuizir puvatizir tamin iki. ¹⁴ An amizir pam aremezim, o amizir pam tagħizim il-kien marki. A tuavimin amizir gumaziba isava akuim, o amizir gumazir igharazim arazir kuramin a gamua a ko akuizimin il-kien marki. Kar amizir anogorogħeza. An ofa gamir gu-mazibar anabamin amizir gumazitam ko akuizir puvatizir tamra iki. ¹⁵ Egh a nan akar kamin gin mangan kogħi, an boriba nan damazimin mizeham. Ki Ikiavira Itir God, ki ua baghvira anemiseveħha, a isa ofa gamir gumazibar dapanimin ingan-għar kam damuasa aneti."

¹⁶ Egha Ikiavira Itir God ua kamaghin Moses migei: ¹⁷ "Ni kamaghin Aron mikemegħi: Nin adarazir gumazitam datirigho o gin izamin dugħiamin otogħi, an mikarzim duatam iki ikuvighti, gumazir kam na bagħi dagħebar ofabar amuan marki. ¹⁸ Gumazir mikarziba ikuviziba, me nan borogħin izi na bagħi ofabar amuan marki. Ki gumazir kamagh garibav gei: damazir okaviziba, o suer kuraba, o guar kuraba, o amebam min navimin averara sueba ko aghariba otevegħha ikizir iġħiżi, ¹⁹ o gumazir suer kuraba, o gumazir agharir kuraba, ²⁰ o gumazir akirr fightiziba, o gumazir bar oteviba, o gumazir damazir kuraba, o gumazir mikarzir kuraba, o gumazir turiabha ikuviziba. ²¹ Guizbangira,

nin anabamin tavın mikarzim duatam ikia ikufi, gumazir kam, na bagh izi daghebar ofabar amuan marki. Ki bar anogoroke.²² Egh an asiziba ko bizir ia ofan min na ganingizibar amam. Ki ofa gamir gumazibar damasa ia ganingizir ofaba, a bar da iniam.²³ Egh a Bar Anogoroghezir Danganim modir nir ekiam iti naghin ko ofa gamir dakozimin boroghin mangan marki. Ki uabi Ikiavira Itir God, ki uan ingangarimra damuasa me amisefe. Kamaghin amizi, an adar boroghin izi, egh a bizir bar zuezir kabar amutı da nan damazimin mizegham.”

²⁴ Ezi Moses askar kamin gun Aron uan otariba, ko Israelian gumazamiziba bar me mikeme.

22

Ofaba, da Godin bizibara

¹ Ikiavira Itir God kamaghin Moses migei:
² “Ni kamaghin Aron uan otariba ko me mikim. Ia deraghvira nighnigh, Israelian gumazamizibar ofaba, da nan bizibara. Kamagh amizi, ia deraghvira ofan kabar gan. Puvatighti, ia nan ziar ekiam dikabiraghram. Kirara, ki Ikiavira Itir God. ³ Ni kamaghin me mikim. Ia ofa gamir gumazibar, ian adarazir tav nan damazimin mizegh, a Israelia na ganidir ofabar boroghin izan marki. Egh a roghira mangiti, ki uan damazimin a batueghti an ofa gamir gumazimin ingangarim damuan kogham. Ia zurara arazir kamin gin mangivira iki. Ki Ikiavira Itir God, ki mikemegha gifa.

⁴⁻⁵ “Egħi Aronin adarazir ofa gamir gumazitam, lepan arimariam iki, o mikarzir mogomem duam a batogħti ghuzir mitizim an azenan otti, ghuzir mitizir kam a damut, a nan damazimin mizegham. Egh a nan ofabar aman kogh mangi, a ua deragħamin dugħiamin tugham. Egh a uaghan gumazir aremezim min kuamin porogħav itir bizitamin suiragħam, o dipam an mikarzir mogomemin otti, o a dafarir tamin asizir mizezir tamin suiragħam, a gumazir nan damazimin zuezir puvatizim, ezi arazir kam bangin, an ofabar aman kogħam. ⁶ Ofa gamir gumazir nan damazimin mizezir manam, a kamaghira iki mangiti aruem magħiragh. Egh a faragh dipam min deragh uabi ruegh, egh a ofan asizir me na ganidbar amam. Egh a rueghan kogh, a daman kogħam. ⁷ Aruemu magħiġi givagħti, a ua zuegħ nan ofabar amam. Ki uabi, uan ofabar dagħeba isa ia bagħha da ati, kar ofa gamir gumazibar dagħeba. ⁸ A puram aremezix asizim ko asizir atiam misogħezi aremezim min tuzitam aman marki. Ana anemegħam, a nan

damazimin mizegham. Ki Ikiavira Itir God, ki kamaghin mikeme. ⁹ Ia ofa gamir gumazibar, Akar Gavgavir ki ia ganingizibar bar adar gin mangi. Ia nan akam batuegh, ia arazir kuram damiġħ, osimtizim ikiti, ki ia misuegħti ia arighiregħam. Ki Ikiavira Itir God, ki ua bagħha ia ofa gamir gumazibar amisefe, egha ki mikemegħa gifa.

¹⁰ “Ofa gamir gumazibar adarazir gu-mazim o amizim, merara gumazamiziba na ganidir ofabar amam. Igharazitav daman kogħam. Gumazir dugħiar otevmin ofa gamir gumazim ko itim, o an ingangarir gumazim, me uaghan daman kogħam. Bar markiam. ¹¹ Egħi ofa gamir gumazimin ingangarir gumazamizir kinir a iverzeziba, ko borir amebam ofa gamir gumazir kamin dipenimin ikia oteziba, me ofa gamir gumazibar apir dagħebar ami. ¹² Egħi ofa gamir gumazitam guivim, ofa gamir gumazibar ikizim anzenit itir gu-mazir kinitam ko porogħiv iki, kamaghin a nan ofabar aman marki. ¹³ Egħi guivir kamin pam aremegħti a pura ikiam, o an pam anetegħti, a pura ikiva, boriba pu-vatīgh, uamategħ uan afeziamin dipenimin mangi, kamaghin, an ofa gamir gumazibar dagħebar ami, kar dagħer an afeziam inigh izamiba. Egħi gumazim o amizim ofa gamir gumazibar adarazir aven itir puvati, a daman marki. Bar marki.

¹⁴ “Egh gumazitam ofa gamir gumazibar adarazir mav puватi, egh deragh nighnighan kogh nan ofan nataba amegħ, kamaghin a dagħer kaba ikarvagh ofa gamir gumazim daningħi. A 5plan dagħer naba inigh, kamaghin a 6plan dagħbeha isida ikarvagh. ¹⁵ Ia ofa gamir gumazibar deraghvira gan, gumazamizir kiniba nan ofan kabar aman bar marki. ¹⁶ Ki Ikiavira Itir God, ki ua bagħha ofan kaba mifse, egha dar anogoroke. Kamagh amizi, ia ofa gamir gumazibar, gumazir kinitam amamgħat-tiqi, a ofan kabar aman bar marki. Gumazir kaba dar amva, osimtizim ikiam, egh ua dagħeba ikarvagh da isida ofa gamir gumazim daningam.”

¹⁷ Ikiavira Itir God kamaghin Moses mikeme, ¹⁸ “Ni akar kam isi Aron uan otariba ko Israelian gumazamizibav mikemegħ. Ia Israelian gumazitam, o ikiżiż iħarazibar gumazamizir Israelin kantrin ittam, an asizir tam isi ofan bar isia mighiřim bagħ anaku izam, kar ofan a uan akar dikirizim na ko amizim akirasa, o a uan ifongim min ġin ghua ofa damuasa,¹⁹ a bulmakaun apurim o sipsipin apuritam o memen apurir tam inigh izi. Ia duuba mikarzim itir asisitam ofa damuasa marki. Ia kamaghin damighti, ki

a gifueghan kogham. ²⁰ Ia deraghviram oragh. Ia asizir mikarzim ikuvizitamin ofa damut, ki a gifueghan kogham.

²¹ “Gumazim, Ikiavira Itir God ko navir vamira ikiamin ofa damuam, kar ofan a uan akar dikirizir na ko amizim akirasa, o a uan ifongiamin gin mangi ofa damuasa, a bulmakau o sipsipin duaba an mikarzimin puvatizitam inighizi. A kamaghin damightir, ki an ofa gifuegham. ²² Ia asizir damazir okaviriziba, o asizir suer kuraba itiba, o asizir mikarzim ikuviziba, o asizir duar ekiaba itiba, o asizir tuar kiniba, o asizir duar kuriba itiba isi, nan ofa damuan marki. Ia asizir katam nan ofa gamir dakozimin avimin an ofa damuan marki. ²³ Egh ia uari ofan tam uan ifongiamin a damusi, bulmakau o sipsipin soroghafariba otevezitam o ikizirizir tam iniam, a dera. Egh ia akar na ko dikirizir tam akirsi, asizir katam isi nan ofa damuan marki. Bar marki. ²⁴ Egh ti asizir katamin turiam ikufi, o me an oke, o anebiki, o me an turiar ovizim amisefe, asizir kam ia na bagh ofa damuan marki. Ia asizir kamaghin gariba, uan nguazimin aven Ikiavira Itir Godin ofa damuan marki. Bar marki. ²⁵ Egh ia ikizir igharazimin gumazimin dafarimin asizir katam inigh ofa damuan marki. Asizir kamagh gariba, dar mikarziba ikuvigha, nan damazimin derazir puvati. Ezi ki ofan kamaghin garibar aghua. Ki bar dar aghua.”

²⁶ Ikiavira Itir God kamaghin Moses migei; ²⁷ “Bulmakau ko sipsip ko memeba otamin dughiamin, dar nguziba 7plan aruebar amebam ko ikegham. Eghti namba 8in aruemin ikegh mangi, ia da inigh avimin ofa damusi ofa gamir dakozimin mangi, egh ti ki ian ofa gifuegham. ²⁸ Egh ti ia bulmakaun amebam, o sipsipin amebam, o memen amebam, uan nguzim ko, ia aruer vamira uaghara aning misuegh aningin ofa damuan marki. Bar marki. ²⁹ Ki Ikiavira Itir God, ia na minabir ofan tam damusi, ia ofan arazibar gin mangiti, ki ian ofa gifuegham. ³⁰ Ia aruer manamin ofa gami, ia aruer kamra ofan asizir tuzibar amegh. Ia da ateghti da iki mangi amimzaraghan otoghan marki. Ki Ikiavira Itir God, ki kamaghin ia mikemegha gifa.

³¹ “Ia oragh. Ia deraghvira nan Akar Gavgavibar gin mangi. Ki Ikiavira Itir God. ³² Ia nan ziar bar zuezim dikabinan marki. Ia Israeliyan gumazamiziba kamaghin fogh suam, ki Godin bar zuezimra. Ki ubabi Ikiavira Itir God, ki ua bagha ia misevezi, ia bar nan gumazamizir aghuibaram otifi. ³³ Ki ian Godin ikiasi, kamaghin, ki fomira

Isipin kantrin aven, ia isa ian akua azenan ize. Ki Ikiavira Itir God, ki kamaghin ami.”

23

Godin ziam fer dughiar ekiaba

¹ Ikiavira Itir God kamaghin Moses migei, ² “Ni kamaghin Israeliyan gumazamizibav mikemegh: Kar dughiar ekiar ia nan ziam fasa ki inababiza. Ia uari akuvagh dughiar kabar nan ziam fam.

³ “Ia 6plan aruebar ingangaribar amu. Egh aruer namba 7, kar Sabatin dughiam, avughsazir dughiar kamin ia ingaran marki. Ia uari akuvagh nan ziam fi. Egh ia danganir manamin iti, ia na bagh Sabatin dughiam amisefegh, ki Ikiavira Itir God. ⁴ Ki datirighin ia bagha misevezir dughiabar gun ia mikimasa. Egh azenibar zurara ia dughiar kabar uari akuv nan ziam fi.”

*God Israelia Gitazir Dughiam
Ginighnighamin Isam, ko Yis Puvatizir Bretin
Isam Damuamin Dughiam
(Diboboniba 28:16-25)*

⁵ Ikiavira Itir God kamaghin mikeme, “Ia, God Israelia Gitazir Dughiam Ginighnighamin Isam damuam. Dughiar kam, azeniba vaghvagha, dar iakinir faragha zuim, an namba 14in aruemin guaratizimin, ia uari akuvagh nan ziam fi. ⁶ Ezi iakinir kamin namba 15in aruemin, kar Yis Puvatizir Bretin Isam Damuamin Dughiam. Egh ia yis puvatizir bretin kam ami mangi 7plan aruebar tugh. ⁷ Egh ti aruer kabar faragha zuir aruemin, ia uari akuvagh nan ziam fiva, uan ingangaribar amuan marki. ⁸ Ia asiziba ko dagheba isi avimin Ikiavira Itir God bagh ofa damu mangi 7plan aruebar tugh. Egh namba 7 aruemin ia ua uari akuvagh nan ziam fi. Dughiar kamin, ia uan ingangaribar amuan marki.”

Dagher faragha anigha givazibar ofaba

⁹ Ikiavira Itir God ua kamaghin Moses migei, ¹⁰ “Ni Israeliyan gumazamiziba kamaghin me mikemegh: Dughiar ia mangi nguazir ki ia daningamimin ikiamimin, ia witin ian azenibar itir aniziba inigh, egh zurara azeniba bar, witin ikizir ia faragha ikeziba, ia da ater ofa gamir gumaziba bagh mangi. ¹¹ Egh ti ofa gamir gumazim witin ikizir kamin suiragh a fegh a damuti, a nan damazimin ighuavamang, egh ti ia gifuegham. Ofa gamir gumazim, Sabatin gin otivamin aruemin, an ofan kam damu. ¹² Egh ti ia witin ofabar amuamin dughiamin, ia sipsipin nguzir azenir vamira itimin ofa damu, a bar deragh duaba an mikarzimin puvatigham. Egh ti sipsipin

kam, an ofan bar isia mighirim. ¹³ Egh ia plauan nar aghuim inigh, an osimtzizim 2 kilogrem, egh olivin borem ko a veregh witin ofa tu. Ia ofan isia bar mighirim sara an ofa damu, egh ki Ikiavira Itir God, ki ofan tuamin kamin mughuriar aghuim baregh, egh a gifuegh navir aghuim an ikiam. Egh uaghan, ia 1 lita wainin dipam inigh ofan kamning sara ofa damu. ¹⁴ Ia witin ikizir faragha ikezir kam, ia uan God bagh a inigh izeghan koghiva, ia witin igiar faragha azenimin inizir kam aman marki. Puvati. Ia faragh witin ikizir faragha ikezir kam inigh izegh, egh gin ia witin igiam ami. Ia witin ovizir isizir puvatiziba, ko witin ovizir ia avimin tuamiba, ko bretin ia ingarigh tuamiba, ia dar ami. Ia ofan arazir ki ifongezir kamin gin mangiti, ian ovavir gin otivamiba, me uaghan dar gin mangam.

*Azenibar Dagher Igiaba Asiamin Dughiamin Isar Ekiam
(Diboboniba 28:26-31)*

¹⁵ Ikiavira Itir God ua kamaghin Moses migei, "Ia na bagha witin ikiziba atera izir aruemin gin, 7plan wighba mengegh. ¹⁶ Egh namba 7 wighbaghti, aruer namba 50 otoghti, ia ua witin igiamin ofan igharazim na daning.* ¹⁷ Ian avitoriba vaghvagh bretin rubuzir pumuning inigh izi na daningigh, kar witin faragha anibar ofa. Ia bretin rubuzimningin ingarsi bretin rubuzir tam bagh, plauan aghuir 2 kilogrem in itim inighiva, yis koma a veregh, egh bretin rubuzir igharazim uaghan kamaghira an ingarigh, aning tuagh. Egh bretin rubuzir kamning inigh izi, Ikiavira Itir God bagh ofa damu. Ia aningin suiragh aning fi aning damuti, aning Ikiavira Itir Godin damazimin ighuavamang. ¹⁸ Ia bizar kaba sara bretin kamin ofa damu. Ia 7plan sipsipin nguzir azenir vamira itiba, ko bulmakaun apurir igiar tam, ko sipsipin apurir pumuning inigh izi. Ia asizir duuba mikarzibar itiba inian marki. Asizir aghuibara inigh. Egh ia ofan bar isia mighirim na bagh a damu. Egh ia zuraram ami moghin, witin taba ko wain sara, ofan kam datigh. Ofan kam avim an isi mangi a bar mighirighti, averenir kinimin otogh. Egh Ikiavira Itir God, ofan kamin mughuriar aghuim baregh, a gifuegh navir aghuim an ikiam. ¹⁹ Ia memen apuritam inigh arazir kuraba gin amadir ofa damu, egh sipsipin apurir igiar azenir vamira itir pumuning inigh, God ko navir vamiran ikiamin ofa damu. ²⁰ Egh iofa gamir gumazim witin faragha

anibar ofan min, bretin kam ko sipsipin nguzimningin suiragh da fi da dar amuti, da nan damazimin ighuavamangi. Bizir kaba nan bizibara. Egh ki da inigh ofa gamir gumazibar aningam. ²¹ Ia ofan kam gamir dughiamin ia uari akuvagh, nan ziar ekiam fi, egh ia uan ingangaribar amuan marki. Ia ovaviba gin otivigh managh iki, me bar zurara arazir kamin gin mangam.

²² "Dughiar ia uan azeniba aghorimin, ia dagher azenimin dazighiamin tughav itim asian marki. Egh ia azenibar tongin dagheba asi, egh taba ateghiva, ua mangi da asian marki. Ia da ateghi da mamaghira ikiti, onganarazir gumazamiziba ko ikizir igharazibar gumazamizir ian tongin itiba, me da iniam. Ki Ikiavira Itir God, ki ian God, ki kamaghin mikeme."

*Sighabagh Iviamin Dughiar Ekiam
(Diboboniba 29:1-6)*

²³ Ikiavira Itir God kamaghin Moses migei: ²⁴ "Ni kamaghin Israelian gumazamizibav kemegh. Namba 7in iakinim, an aruer faragha zuimin ia avughs. Kar ian dughiar ekiar mam, egh ia sighabagh ivi uari akuv, egh Ikiavira Itir God minabiva an ziam fi. ²⁵ Dughiar kamin ia uan ingangaribar amuan marki. Ia ofa gamir dakozimin mangi, egh avimin nan ofa damu."

*God Gumazamizibar Arazir Kuraba Gin Amadir Dughiar Ekiam
(Diboboniba 29:7-11)*

²⁶ Egha Ikiavira Itir God Moses migei: ²⁷ "Namba 7in iakinim, an namba 10in aruem, kar Gumazamizibar Arazir Kuraba Gin Amadir Dughiar Ekiam. Egh dughiar kamin ia dagheba ko agoroger araziba atakigh. Ia uari akuvagh nan ziam fi na minabiva na bagh avimin tuamin ofan tam inigh izi. ²⁸ Aruer kamin, God Gumazamizibar Arazir Kuraba Gin Amadir Dughiar Ekiam. Ofa gamir gumazim, ia bagh arazir kuraba gin amadir ofa damuti, ki Ikiavira Itir God, ian God, ki ian arazir kuraba bar da gin amadaghram. Kamaghin amizi, ia aruer kamin ingaran marki. ²⁹ Egh iofa gamir gumazim aruer kamin daghebar amiva uan agorogebe abiraghan koghti, ki uan gumazamizibar tongin a batuegham. ³⁰ Egh iofa gamir gumazitam ingangaritam aruer kamin a damuti, ki uabi uan gumazamizibar tongin a misuegħti, an aremegħam. ³¹ Ia oragh. Ki ua migei, ia ingangaritam aruer kamin a damuan marki. Ia arazir ki ifongezir kam zurara an gin mangi. Egh iofa gamir gumazim witin faragha

^{23:15:} Ua Me Ini 23:16; 34:22; Godin Araziba 16:9-12 * ^{23:16:} Israelián dughiar ekiar kam, me Grighin akamin me, "Pentekos," a garisi. Ezi Grighin akamin aven ziar kam, a "50plan arueba," an mirara għu. Ni uaghan Aposel 2:1in gan.

^{23:22:} Ofa Gami 19:9-10; Godin Araziba 24:19-22

^{23:26:} Ofa Gami 16:29-34

me uaghan an gin mangi. ³² Ia dughiar ekiar kamin deraghvira avughsi. Iakinir kam, an aruer namba 9in, aruem uaghbir dughiamin ikegh mangiti, aruer namba 10in aruem ghuaghiri dughiam otoghti, dughiar kam bar moghira, ia an dagheba ko agoroger biziba bar da atakigh."

*Averpenibar Ikiamin Dughiar Ekiaba
(Diboboniba 29:12-40)*

³³⁻³⁴ Ikiavira Itir God akar kam Israelia daningasa kamaghin Moses mikeme: "Iakinir namba 7, an aruer namba 15in, kar Averpenibar Ikiamin Dughiar Ekiam. Dughiar kamin, gumazamiziba temer aguabar averpenibar ingaram, egh 7plan aruebar dar iki Ikiavira Itir God ginighnigh. ³⁵ Egh wighin kamin faragha zur aruemin, ia nan ziam fisi uari akuv, egh ia uan ingangaribar amuan marki. ³⁶ Egh ia wighin kamin arueba bar ia Ikiavira Itir God bagh ofa damuam. Egh namba 8in aruemin, ia ua Ikiavira Itir God ginighnigh an ziam fisi uari akuv, egh an ofan avimin tuamiba inigh izi dar ofa damu. Aruer namba 8, kar Ikiavira Itir Godin ziam famin dughiam, kamaghin amizi ia uan ingangaribar amuan marki.

³⁷ "Aruer kaba, kar nan dughiar ekiabara, ki Ikiavira Itir God. Ia nan ziam fisi uari akuv, avimin na bagh ofabar amu. Ia ofan bar isia mighiriba, ko wit tuer ofa, ko wain ingamin ofa, ko ofan ighazariz maba, ia ofan kaba vaghvagh dar aruebara dar amu. ³⁸ Ia dughiar ekiar kabar gin mangi, egh uaghan nan Sabatin dughiar bar gin mangi. Egh uaghan bizir ia zurara na ganidiba, ko akar dikiriziba akiramin ofaba, ko ofan ia uari uan ifongiabar gin mangi na daningamiba, ia bar da isi na daningam.

³⁹ "Ezi namba 7in iakinimin, an dughiar namba 15in, ia faragh dagher faragha aniziba inigh givagh, egh ia Ikiavira Itir Godin dughiar ekiar kam damuam, an aruer namba 15in ikegh, 7plan aruebar mangam. Dughiar kabar, ia averpenibar ikiva na ginighnigham. Dughiar ekiar kamin aruer faragha zuim ko namba 8 aruemin, ia bar avughsi. ⁴⁰ Aruer faragha zuimin ia temer ovizir ia apibar dagher bar aghuitaba inigh. Ia temer detin aguuba ko temer dafarir aviriba itibar aguuba inigh. Egh ia nan damazimin 7plan aruebar bar akongegh. Ki Ikiavira Itir God, ian God. ⁴¹ Egh azeniba bar dar namba 7in iakinimin, ia 7plan dughiar kababagha misevegh, dughiar ekiar kam damuam. Ian ovaviba gin otivigh zurara arazir kabar gin mangam. ⁴² Ia Israelian gumazamiziba bar, 7plan aruebar averpenir muziaribar iki. ⁴³ Ia kamaghin

damut, ian ovavir borir gin otivamiba ganigh fogham, ki Isipin kantrin ia inigha ian akua azenan ize, egha dughiar kamin ki ia gamima, ia averpenir muziaribar iti. Ki Ikiavira Itir God, ian God, ki mikemegha gifa."

⁴⁴ Moses akar kam baregha, Ikiavira Itir Godin ziam famin dughiar ekiar a inabazibar gun Israeliyan gumazamizibav gei.

24

*Godin Purirpenimin lambar
garir arazim*

(Ua Me Ini 27:20-21)

¹ Ikiavira Itir God kamaghin Moses migei: ² "Ni kamaghin Israelia mikemegh. Me lamin nan Purirpenimin itiba bagh olivin borer bar aghium inigh izi. Eighti ofa gamir gumaziba dimagaribar zurara lamin kabar apongti da isi mamaghira iki. ³ Lamin kaba, Aron guaratizibar dar apong, eighti dimagarriba bar lamba isi mamaghira ikiti aminim tiragham. Lamin kaba, God bativamin Purirpenimin even iki inir ekiar Akar Dikirizir Gavgavimin Boksiam modozimin azenan tuivigh iki nan damazimin isiam. ⁴ Lamin kaba, da aghorir me golin aghuarimin ingarizim gisim ikiti, Aron deragh dar ganti, dar angazangarriba muneghehan kogham, egh da Ikiavira Itir Godin damazimin isivira ikiti, ki dar ganam."

Bretin me isa God ganidim

⁵ Ikiavira Itir God kamaghin Moses migei, "Ia 12 kilogrem plauan aghuibla iniva, 12plan bretin rubuzibar ingarigh. Ia vaghvagh bretin rubuzimin ingarsi, plauan osimtzir 1 kilogremin itim inigh. ⁶ Egh gin ia bretin kaba isi, dakozir bar zuezir me golin aghuarimin an pogha a noghezir kamin, pozir pumuningin dar arikigh, eighti 6pla vongin ikiti 6pla vongin iki, egh Ikiavira Itir Godin damazimin iki. ⁷ Egh ia pauran mughuriar aghuum zuim isi bretin pozir kamningin boroghin dar arikigh, egh gin Ikiavira Itir God bagh avimin pauran kamin nan ofa damu, a bretin kabar danganim iniam. ⁸ Egh Sabatin dughiar bar zurara ofa gamir gumazim bretin kam dakozim datighti, a Ikiavira Itir Godin damazimin iki. Israelia arazir kamra gin mangi. Kar Akar Dikirizir Gavgavir mam, ki me koma a gami, eighti a zurara iki. ⁹ Kar dagher gumazamiziba Ikiavira Itir God bagha avimin ofa gamiziba, da bar nan bizibara. Egh iki da isi Aronin ovavir boribar aningam. Kamaghin, bretin kam datirighin ko gin izamin dughiar, an Aronin adarazir bret, ezi me bretin kam

nan Purirpenim avinizir divazimin aven aneremi."

God gumazir mam amizir arazir kuraba ikarazir arazim migei

10-11 Dughiar mam, gumazir mam iti, an afeziam Isipian gumazim, an amebam Israelian amizim. Amebamın ziam Selomit, Selomit a Dibrin guivim, a Danin anabamin adarazir mav. Egha Selomitin otarir kam, a me itir danganimin ikia, egha Israelian gumazir mam ko misosi. Aning uaning misogha ghua, Selomitin otarim Ikiavira Itir Godin ziam dibora akar kuram migia an ziam gasighasizima, me a baraki. Kamaghin amizi, me a inigha Moses bagha ghu. ¹² Ezi Moses a isa gumazir mabagh aningizi, me kalabuzin min a ikegha a geghuva ikia, egha Ikiavira Itir God mizuai, a manmaghin gumazir kam mikinti, me arazir manatamin a damuam.

¹³ Ezi Ikiavira Itir God kamaghin Moses migei, ¹⁴ "Ni gumazir kam inigh danganir ia itimin azenan mangi. Eighti gumazir a na mikemezir akar kuraba baraghiziba, me bar uan dafariba an dapanim darikigh. Me kamaghin damichti, gumazamiziba fogham, gumazir kam arazir kuram gamigha osimtizim iti. Eighti gumazamiziba bar dagıaba fiva a mikinti an aremegham. ¹⁵ Eighti gin ni Israelia mikim suam: Gumazitam akar kuramin na mikemegham, an arazir kuram gamigha gifa, egh a uan arazir kuramin osimtizim ateram. ¹⁶ Gumazitam akar kuratam mikimiva Ikiavira Itir Godin ziam diponam, kamaghin an aremegham. A Israelian gumazimra, o ikizir igharazimin gumazamizir ian tongin ititam, gumazir nan ziam gasighasighamin manatam, gumazamiziba bar uari akuvagh dagıaba fiva gumazir kam mikinighti an aremegh.

¹⁷ "Eighti gumazitam gumazim o amizim misuehti an aremegham, eghti ia uaghan a misuehti an aremegh. ¹⁸ Eighti gumazitam gumazir igharazimin bulmakaun misuehti an aremegham, a bulmakaun igharazitam a ikaragh. Osimtizir kabanang akiramin arazim a kamakin, gumazitam gumazir igharazimin asizim misoghezi an areme, an asizir kamaghin garimra an asizim ikaragh.

¹⁹ "Eighti gumazitam gumazir igharazimin mikarzim gasighasigham, eghti ia arazir kamram a ikaragh. ²⁰ A gumazir igharazimin agharim apirighti, ia uaghan an agharim apirigh. A gumazir igharazimin damazim gasighasichti, ia uaghan an damazim gasighasikigh. A gumazir igharazimin atariba apirighti, ia uaghan an atariba apirigh. Gumazir

manam bizim gamua, gumazir igharazim gasighasiki, eghti ia arazir kamra uam a ikaragh. ²¹ Gumazim gumazir igharazimin asizim misuehti an aremegham, eghti an asizir kamagh garimra a ikaragh. Eighti gumazitam gumazir igharazim misoghi an aremegham, eghti ia gumazir kam misuehti an aremegh. ²² Ki Israelia ia ko ikizir igharazibar gumazamizir ian tongin itiba sara ia bagha Arazir kam ati. Ki Ikiavira Itir God, ki ian God, ki ia mikemega gifa."

23 Moses akar kabar gun Israelia mikemega gifa. Ezi gin me gumazir akar kuramin Ikiavira Itir Godin mikemezir kam inigha danganir me itimin azenan ghu. Egha me dagiabar a ginivizi an areme. Ezi arazir kamin, Israelia Akar Gavgavir Ikiavira Itir God Moses ganingizimin gin zui.

25

*Azenir namba 7in Araziba
(Godin Araziba 15:1-11)*

1-2 Moses Sainain Mighsiamin ikiavira itima, Ikiavira Itir God akar kam Israelia mikimasa a ganingi: "Ia gin nguazir ki ia daningasa mikemezir kamin mangi an otivigh, egh zurara namba 7in azenimin, ia nguazir kamin dagheba oparan marki. Ia nguazim ateghti, a pura iki. Ia Sabatin dughiabar avughsı moghın, nguazim uaghan avughsı. Ia kamaghin damuva mikim suam, namba 7in azenim, a Ikiavira Itir Godin azenimra, kamaghin nguazim avughsı. ³ Ia 6plan azenibar, dagheba uan nguazimin da opar, egh wainin ikarizibar agharibar ghoriva azenibar dagheba iniam. ⁴ Egh ia namba 7in azenimin, ia nguazim ateghti, an avughsı. Egh ia azenir kam na bagh a anemisevehti Ikiavira Itir Godin Sabatin azenimin ikiam. Kamagh amizi, ia azenir kamin dagheba oparan marki, egh ia uan wainin ikarizibar aghariba aghoran marki. ⁵ Eighti witin taba puram otivigham, ia dar ovıziba inighıva dagher dipenimin dar arighan marki. Egh wainin ovıziba pura dar agharibar otivighthi, ia da inigh wainin ingaran marki. Bar markiam. Azenir kamin nguazim deraghviram avughsam, kamaghin, ia aneteghti a pura iki. ⁶ Eighti azenir kamin dagheba pura ian nguazimin otivti, ia dar ami. Ia da işi dagher dipenimin dar arighan marki, egh wainbar amuan marki. Ia ko, ingangarir gumazir kiniba, ko ingangarir gumazir igharaziba, ko ikizir igharazibar gumazamizir ian tongin itiba, ia bar dar

ami. ⁷Egh bulmakauba, sipsipba, memeba, ko asizir atiaba sara ia dar ami.”

Azenir ua biziba ikarvaghhami

⁸Ikiavira Itir God ua kamaghin migei, “Ia 7plan dughiarbar, 7plan azeniba meng mangi, kamaghira damu mangi 49plan azenibar otogh. ⁹Egh ia azenir 49in, an namba 7in iakinim, an dughiar namba 10in, ia gumazitaba ameghti me ian nguibaba bar dar mangi sighabagh ivi. Kar Dughiar Ekiar Gumazamizibar Arazir Kuraba Gin Amadim. ¹⁰Namba 50in azenimin ia dattirighin sighabagh iviamin dughiamin ikegh mangi azenir vamiran tugham, ia a damuti, a nan azenimra iki. Eghia ia gumazamizibav mikim suam, me azenir kamin frighuregti men osimtziba givaghti me deraghvira ikiam. Azenir kamin, gumazir gumazir igharazibar nguazibagh ivezeziba, me vaghvagh ua nguazir kaba isi dar guizin ghuavibar aningigh, o men adarazir aningigh. Eghia ingangarir gumazamizir kiniba, me vaghvagh ingangarir kam ategh, ua uan adarazi baghvira mangi. ¹¹Guizbangira, namba 50in azenimin, gumazamiziba deraghvira dapiagh avughsı bar akuegham. Egh azenir kamin ia uan nguazibar dagheba oparan marki, egh ia witin puram otivibar ghor da akuvan marki. Egh ia wainin dipabar ingarsi, wainin oviziba inian marki. ¹²Azenir kam, ia deraghvira dapiagh avughsı bar akongebeh bar a ginighnigh, kar bar nan azenimra. Egh ia pura nguazimin otivir daghebara dami. Ia dagher igharazibar aman marki.

¹³“Eghia azenir kamin gumazir nguaziba issa igharaz darazir da amangiziba, ia ua me dama uan nguaziba iniam. ¹⁴⁻¹⁵Kamaghin, ia nguazim issa gumazir igharazimin amadazi, o a da nguazim givesi, egh ia uarigh ifaran kogham. Ia nighnigh, azeniba manmaghin ikiavira iti, eghia bar akongamin azenim otoghi ia ua bizi kaba ikarvaghram, egh manmaghin dughiarbar an opariva dagheba iniam. Ia bar deraghvira nguazir kamin dagheba iniam azenir ikiavira itibar ivedzim givesegh. ¹⁶Eghia azenir aviriba ikivira ikiti, dar nguazimin ivedzim mavanang. Eghia azenibar dibobonim oteveghti, nguazimin ivedzim magiri. Guizbangira, a guizin nguazim givevezir pu. Puvati, a nguazir kamin otivir daghebagh ivese. A nguazir an agharimin ikiavira itir kamin azeniba mengiva, an azenir kabar nguazir kamin

otivir daghebagh ivedzam. ¹⁷Ia uari uan namakatam gifaran bar marki. Ia uan Godin atiating, egh arazir aghuibara damu. Ki Ikiavira Itir God, ki kamaghin mikeme.”

God gumazamizir an akamin gin zuiba deraghvira me damuam

¹⁸Ikiavira Itir God ua kamaghin migei, “Ia deraghvira arazir ki ifongeziba ko biziř ki damuasa ia mikemezibar suiragh dar gin mangi, egh ia deraghvira nguazir ki ia daningamin kamin ikiam. ¹⁹Eghia dagher avirrim nguazimin otivti, ia zurara dagher aviribar ami mamaghira ikiam. Egh ia bar deraghvira nguazir kamin ikiam. ²⁰Egh ia ua kamaghin mikim suam, ‘Namba 7in azenimin e dagheba oparan kogham, egh dagher aniziba inigh da akuvan kogham. Egh e kamaghin damuan kogh, e azenir kamin tizim amam?’ ²¹Marki, ia mighin nighnighan marki. Ki Ikiavira Itir God, ki namba 6in azenimin bar deragh nguazim damichti, dagher aviriba otivtima ia dami mangi 3plan azenibar tugham. ²²Egh ia namba 8in azenimin dagheba opar, egh ia namba 6in azenibar inizir daghebar amivira ikiam. Egh ia dagheba ikivira iki mangi, ia dagher igiaba iniamin dughiam otogham.”

Nguazir me iniziba, me ua da ikarvaghram

²³Ikiavira Itir God ua kamaghin migei, “Gumazir igharazitam ia da nguazim givezegh, dughiar ruarinan suighan marki. Kar guizbangira ian nguazim puvati. Kar Ikiavira Itir Godin nguazim, ezi ki Israelian taghizi ia an iti, mati gumazamiziba nguibir igharaziba ataghizi me men nguazibar iti.

²⁴“Eghia ian gumazitam, ian namakar igharazitam da nguazim givesi, a deraghvira fogh, eghia gin nguazir kamin guizin ghuavim ua nguazim givesi, a givezam.

²⁵“Eghia ian gumazitam bar biziba putagh, dagiaba bagh gumazir igharazim ateghti, an an nguazim givezeghti, an anabar gumazim an akuragh a givesi pura iki, egh nguazir kam uam a givezegh uam a daningigh.* ²⁶Eghia gumazir kamin akuragh uam a givezamin anabamin gumazamiziba puvatighi, a ubi gin dagiar aviriba itir dughiam, a ua nguazir kam givezam. ²⁷A biziba ua da ikarvaghram azenim gifoghsı, an azeniba meng, da manmaghin ikiavira iti. Egh an azenir kamin dagher nguazir kamin otivamiba bar dar

* **25:25:** Hibrun arazim, gumazitam osimtzim batogham, eghia an abatam an ganiva egh akurvaghram ingangarim iti. Biziř bar ekir namakar kam damuamim, an osimtzim itir gumazimin nguazim givezam, eghia nguazir kam an adarazir nguazim. Ni Rut 3:9-13 ko 4:1-6, ko Jeremaja 32:6-12in gan. Asaian Akinafarimin akar isin zuir mam ghaze, God a gumazir gumazamizibar ganiva egh men akurvaghram ingangarim itim. Ni uaghan, Aisaia 41:14 ko 43:14 ko 44:6 ko 44:24 ko 54:5 ko 60:16in gan.

ivezimin dibobonim manmaghin otogham. Egh a dagiaba inigh dagher kaba bagh, gumazir fomiram an nguazim givezezim a danigh, ua nguazir kam iniam. ²⁸ Egh an dagiaba oteveghti, a nguazir kam uam a givezeghan kogham, kamaghin gumazir fomiram an nguazim givezezim, nguazim an dafarimin iki mangti azenir ua biziba ikarvaghamim otogham. Eighti azenir kam otoghamin dughiamin, gumazir nguazir kam givezezim, a ua nguazir kam isi an ghuavimra daningigh.

²⁹ "Eighti gumazitam nguubar ekiam avinizir divazimin aven uan dipenim anemadazi, gumazir igharazim a givese, ezi dipenim ghuavim ua uan dipenim givezamin azenir vamira iti. ³⁰ Eighti azenir vamira mangigh givaghti, a ua dipenir kam givezeghan kogham, a datirighin uam ivedazmin tuaviba puvati. Bar puvati. Eighti datirighin dipenir kam, a gumazir a givezamin dipenim, ko an ovavir borir gin otivamiba, a gin men dipenimik iam. Egh azenir biziba ua da ikarvaghamin dughiamin, a uam a daningan kogham. ³¹ Eighti nguabar dozir divaziba puvatiziba, dar aven itir dipeniba, ia kamaghin nighnigh suam, da mati nguazir dagheba oparim. Kamaghin, dipenibar ghuaviba ua dipenir kabagh ivedaz. Eighti azenir ua biziba ikarvaghamimin, gumazir dagh ivedeziba, ua da isi guzin dipenir ghuavibar aningam. ³² Eighti Livain anabamin adarazi arazir kamin gin mangani marki. Me, divazim avinizir nguabar ekiamin itir dipenim uam a givese, me a givesegh. ³³ Egh Livain anabamin tav uan dipenim amadagh, egh uam a givezan aghuaghti, gumazir dipenir kam givezezim, azenir biziba ua da ikarvaghamimin, a ua dipenim isi Livain gumazir kam daningigh. Guizbangira, ki Israeli anabar igharaziba bagha nguazibagh inamigha me ganingi. Ezi Livain anabam puvati. Ki Israeli anabar igharazibar nguazibar tongin, nguabar ekiar maba isa Livaibagh aningi. Kamaghin amizi, dipenir Livain nguabar ekiamin itiba, da dughiar zurara Livain dipenibara. ³⁴ Egha uaghan, nguazir Livain anabamin nguabar ekiabar miriamin boroghin itiba, gumazir igharaziba dagh ivedaz marki. Kar Livaibar nguazibara."

Onganarazibagh amir gumazamizibar akurvazir araziba

³⁵ Ikiavira Itir God ua kamaghin migei, "Ian namakabar tav, onganarazibagh amir gumazimin min ikiva, bizibagh ivedazmin dagiaba puvatighti, ia uari an akurvagh, mati ia ikizir igharazibar gumazamizir ian

tongin itibagh ami moghin, an akurvagh. Kamaghin, ian namakar kam ia ko ikiam. ³⁶⁻³⁷ Egh a pura ia da dagiaba inigh, egh ua dagiabat iniziba ikarvaghs, ia ua dagiatam dagh isin darighan marki. Eighti a daghebagh ivedzi, ia ua dagiatata daghebar ivediz gisir darighan marki. Ia Godram atiating, egh uan namakaba ateghti me ian tongin iki. ³⁸ Ki, Ikiavira Itir God, ian God, ki kamaghin ia mikemegha gif. Ki ian Godin ikiasa, egha kamaghin, ki Isipin kantrin ia inigha ian akua azenan iza, Kenanin nguazim ia daningasava ami."

Ingangarir gumazamizir kiniba damuamin araziba

³⁹ Ikiavira Itir God ua kamaghin migei, "Gumazitam onganarazibar amuva, ia ateghti ia ingangarir gumazir kinimin min a givezegh, egh paži a damut a ingangarir gumazir kinimin min ian apengen iki ingaran marki, mati ikizir igharazibar ingangarir gumazir kinibar min ia bagha ingari. ⁴⁰ A mati gumazir dagiaba bagha ingarimin min ia ko iki, egh ian ingangaribar amu mangti azenir ua biziba ikarvaghamim otogham. ⁴¹ Egh azenir kamin a uan amuim ko boriba sara, me firighireghia ategh ua uan adarazi bagh mangi, uan inazir afeziabar nguazimin ikiam. ⁴² Bizir kamin mingarim kamakin. Fomira ia Israelia, kantri Isipin ingangarir gumazamizir kinibar itima, ki ia inigha azenan izezi ia bar Isip ataki. Kamaghin amizi, ia nan ingangarir gumazamizibar min otifi. Kamaghin, ia uan namakabagh ivedezeghi, me dughiar zurara ingangarir gumazamizir kinibar min ikian kogham. Bar marki. ⁴³ Kamaghin amizi, ia uan namakar ia ivedeziba, puvira me abin me damuti, me bar osimtizir dafaba sara ingangarir ekiabar amuan marki. Ia nan atiating, ki ian God, egh ia deraghviram me damu.

⁴⁴ "Egh ia ingangarir gumazamizir kiniba inisi, ikizir igharazir ian boroghin itiba da me inigh. ⁴⁵ Egh ia uaghan ikizir igharazibar gumazamizir ian tongin ikia boriba bateziba, ia ingangarir gumazamizir kiniba, me da dagh ivedaz. Ia deragh me givezeghti, me guizbangira ian ingangarir gumazamizir kinibar min otifigh.

⁴⁶ Eighti ia gin arimighireghti, ian ovavir boriba ingangarir gumazamizir kinir kaba inighti, me zurara ian ovavir boribar ingangaribar amu mangivira ikiam. Me ianana. Eighti ian namakabara, ian ingangarir gumazamizir kinibar otivighti, ia paza me damu me gativan marki. Ia deraghvirra me damu.

⁴⁷ "Eghti ikizir igharazibar gumazamizir ian tongin itibar tav, dagiaba bar izivaghram, egheti ia Israelia, ian tav onganarazibagh amir gumazimin min otoghiva, a ikizir igharazimin gumazir kam ateghti an a givezegehti, an an ingangarir gumazir kinimin min ikiam, o gumazir kamin tavin ingangarir gumazimin min otogham. ⁴⁸ Israelian gumazir kam kamaghin damigham, egheti ia uam a givezegehti, kamaghin deragham. An aveghbuatam, ⁴⁹ o an afeziar dozim, o namakatam o anabatam, uam a givezegehti deragham. Egheti a ubi dagiataba inigh, ubi ubi givezegeh, egh ingangarir kurar kam atakigh. ⁵⁰ Gumazir kam, ikizir igharazimin gumazir a givezezim ko deraghvira nighnigh uaning kimiva fogh suam, azenir ikiavira itiba me da meng mangi azenir ua biziba ikarvaghramimin tugham. Egheti gumazir, ingangarir gumazir kam givezezim suam, gumazir azenir kabar ingangarir dagiabar iveauzimin dibobonim manmakin. Egheti gumazir kam ubi, o an anabatam iveauzir kamaghin garimra uam a givesegh. ⁵¹ Egheti azenir aviriba ikivira ikiti, gumazir kam dagiar bar ekiamin ua gumazir a givezezir kam daningigh. ⁵² Egheti azenir aviriba ikian koghti, azenir biziba ua da ikarvaghram otoghti, a dagiar muziarim isi ua gumazir kam daningigh. ⁵³ Egheti ikizir igharazimin gumazir kam kamaghin ingangarir gumazim ginighnigh suam, a mati azenibar vaghvagh a ko ikia dagiaba bagha ingangarir gumazim, egh a puv a mikimika, anebin pazi a damuan marki. An an asughasugh nimiram a damu. ⁵⁴ Egheti me arazir kabar gin mangi, ua gumazir kam givezan kogham. Egheti azenir biziba ua da ikarvaghram otoghti, gumazir a givezezim anetegehti, a firighirigh mangiva uan amuim ko boriba sara deraghvira ikiam.

⁵⁵ "Kikiavira Itir God, ian God, ki Isipin kantrin ia inigha azenan ize. Kamaghin, ia Israelia, ia nan ingangarir gumazamizibar min iti. Kamaghin amizi, ia uan tav ateghti, a dughiabar zurara ingangarir gumazir kinimin ikian marki."

26

*God deraghvira uan gumazamizir an akamin gin zuibar amuam
(Godin Araziba 7:12-24; 28:1-14)*

¹ Ikiavira Itir God kamaghin migei, "Ia temer oteviba inigh dar asebar nedazibar ghoran marki, ia guarin akinitam inigh uan nguazimin anesaraghram, o dagiatam inigh dighoriba a darighti da ian asebar marvir

guabar min ganti, ia marvir guar kabar ziba fan marki, da gavgaviba pu. Puvati. Ki Ikiavira Itir God, ian God, ia nan ziamra fi. ² Ki ia bagha misevezir Sabatin dughiabar, ia ingaran marki. Ia puram avughi. Egh ia bar nan Purirpenim gifongegeh a baghvira iki. Ki Ikiavira Itir God, ki kamaghin ia mikemegha gifa.

³ "Egh ia nan arazir ki ifongezibar gin mangi, nan Akar Gavgaviba baragh, egh dar amu, ⁴ egheti ki amozim damuti, a uan izir dughiamra izam. Egheti ki ian daghebar amuti, da deraghvira ian nguazimin otivi, temeba biva ovizir aviriba iki. ⁵ Ia dagher bar aviriba iki, egh witin andiziba ini mangi, ia wainin ovizir anidiziba iniamimin dughiamin tugham. Egh ia wainin oviziba ini mangi, dughiar ia dagheba oparamimin tugham. Ia damiva naviba bar izevegham. Egh ia deraghvira uan nguazim dapiagh.

⁶ "Egheti ki navir amirizim ia danighti ia deraghvira dapiagh, egh dakuamin dughiamin, ia biziitamin atiatingan kogham. Ki asizir atiar misoziha ian nguazimin da batueghti apaniba nguazir kamin ia misoghan kogham. ⁷ Egheti ia apanibav sogh me abinti, men avirim ian damazimin arighiram. ⁸ Ian 5plan midorozir gumaziba 100plan apaniba abinigham. Egheti ian 100plan midorozir gumaziba 10,000plan apaniba abinigham. Guizbangira, ian apaniba bar ian damazimin arighiregham. ⁹ Egheti ki deraghvira ia damuva borir aviriba ia daning, egh ia damut, ia bar avirasemegham. Egheti Akar Dikirizir Gavgavir ki fomira ia ko amiriz kam, ki gavgavim a daningam. ¹⁰ Egheti azenir givazimin dagheba, da ikivira iki mangi azenir igharazim batogham. Egheti dagher naba ikivira ikiti, ia dagher igiar andiziba iniva, ghoriba makunigh, egh dagher igiaba dar danganim darigham. ¹¹ Egheti ian tongin ikivira iki, akirim ragh ia gasaraghan kogham. ¹² Ki ian tongin daruva ian Godin ikiam. Egheti ia nan gumazamizibar ikiam. ¹³ Ki ubi Ikiavira Itir God, ki ian God. Ia fomira Isipin kantrin aven ingangarir gumazamizir kinibar lkezi, ki ian osimtizim agivagha ian akua azenan ize. Ki ia isa kalabus gatizir gumazibar gavgaviba abighizi, ia kalabus ategha bar akongegha ize."

*God gumazamizir an akam batoziba iveauzir kuram me daningam
(Godin Araziba 28:15-68)*

¹⁴ Ikiavira Itir God ua kamaghin migei, "Ia nan akaba baraghan aghuagh, egh nan

Akar Gavgavir kabar gin mangan koghti, ki iveau kuram ia daningam.¹⁵ Ia akirim ragh nan arazir ki ifongezibagh asaragh, nan biziř ki damuasa ia mikemezibar aghuaghiva, nan Akar Gavgaviba baraghan koghi, egh nan Akar Dikirizir Gavgavir ki ia ko amizir kam abighti,¹⁶ kamaghin ki bizitamin ia damuam. Ki zuamira ia damighti, ia bar ikuvigh bar atiatigham. Ki ia damuti, ia arimariar bar ekiaba iniva, ian mikarziba puv fengti, ian damaziba okavichti, ian mikarziba nimira su magiri mangi bar ikuvigham. Ia azenibar dagheba opar, egh ia dar daghebar aman kogham. Apanibara, da ini dar amam.¹⁷ Egh ki uabi ian apanim damuam. Ki gumazir igharaziba amadaghti, me izi ia misogh ia dikabinam. Eghti gumazir kaba ia gativaghram. Apaniba tighar ia bagh izi ia gintighamin dughiamin, ia puram atiating aregham.

¹⁸ “Biziř kurar kabar gin, ia nan akam baraghan aghuavira ikiti, ki ian arazir kuraba bagh osimtizir avirim ia darighvira ikiam. ¹⁹ Egh ki ian ifaghatar arazimin gavgavim bar anebiraghram. Ki amozimin tivaghti a ian nguazim gizan kogham, egh ian nguazim bar misigh ainin min gavgavigham. ²⁰ Eghti dagheba ian nguazimin otivan koghti, ian temeba ban kogham. Kamaghin, ia kamaghin foghsuam, ian ingangarir ekiam pura mangi givaghram.

²¹ “Osimtizir kaba ia bativti, ia oraghian koghti, ki ian arazir kurar kabagh nighnigh, egh ki osimtiziba ia darighvira ikiam.

²² “Egh ki asizir atiaba ian tongin da amangti, da ian boriba ko bulmakaubav soghti da arimighiram. Eghti gumazir aviriba ikiam kogh nguibam tuavibar aruan koghti, gumazamizir vabara ikiam.

²³ “Osimtizir kaba ia bativighti, ia uan nighnizibagh iraghan aghuagh, nan akaba baraghan koghti,²⁴ ki ian arazir kurabagh nighnigh, ua dughiar bar aviribar ua ia ikaragh, iveau bar kuram ia daning, egh bar puvira ia damuam.²⁵ Ia nan Akar Dikirizir Gavgavim abighti, ki apaniba amadaghti me ia misogham. Eghti ia ti mangi nguibar ekiar divazir gavgaviba itibar aven mangiti, ki arimariar kurar ekiaba ia bagh da amangiti, gumazamizir avirim arimighiregham. Eghti ia ikuvamin dughiamin, ki ia isi apanibar dafarim darigham.²⁶ Egh ki ian daghebar tivaghti, ia daghebar otevegħti ian amiziba dagħer aviriba avimin da tuan kogham. Eghti bretħha tuer danganimin avir vamira, 10plan amiziba uan dagheba tuam. Eghti ia bar bretħin muziariba ini dar amit mitriam ian aghivira ikiam.

²⁷ “Eghki bizir kabar amuti, ia akirim na gasaraghvira ikiva, egh ua nan akaba batogħti,²⁸ ki bar aningagħegħ, ian arazir kuraba bangin, dugħiars bar aviribar osimtizir bar ekiaba ua ia darigham.²⁹ Mitriam puvira ian aghħi, ian uar uotariba ko guvibav soġħ dar amam.³⁰ Eghki uan navir averiamin aven ian aningagħegħ, ia mighsiamin pin ingariz danganir asebar ziaba febagħ asighasigh, ian ofan migharir mugħuriar aghħiġi zuibagh amir ofa gamir dakoziba apirgham. Eghki iā misuegħ ian kuuba isi marvir guar ki asighasighiżiż kabagh isin da kunigham.³¹ Ki ian nguibar ekiaba ko dipenir ia asebar ziaba febagħ asighasigh, ian ofabagh ifuegħan kogħam.³² Eghki ian nguazim bar a gasighasighti, ian apaniba nguazir kam inighi a dapiagh an ganti, a ikuvighti, me digavir kuram damigham.³³ Ki apaniba amadaghti, me ia misogh ja batuegħti ia tintinibar kantrin igharazibar mangegħam. Eghki ian nguazim uaghan gumazamiziba puvatigħi pura ikiam, eghki nguibar ekiaba ikuvigh ikiam.

³⁴⁻³⁵ “Eghki ia apanibar kantrin ikiamin dugħiamin, ian nguazir kam pura avuġħi ikiam. Ia formira nguazir kamin ikia eghha nguazim ataghħi, a zurara namba 7 in azenibar avuġħi puvati, mati ki ia mikemezi mokin. Eghħi nguazim pura ikiamin dugħiamin, a deraghvīram avuġħsam, eghħi nguazim dugħiars kam bagħ bar akongegħam.³⁶⁻³⁷ Eghki ian varazira midorozim arimighireghan kogh, egh mangi apanibar kantrin ikiam. Eghki ki ia damuti ja bar puviram atiating, egh ħi oragħti, aminim temer dafaribagh ivangi, da tingagħi, ia da baregh puram atiating aregham, mati apaniba gumazibar agħix tizima me ari. Eghki apaniba ian gintighan kogħam, ia puram ari mangi tintinibar uarir ghuanang daghħiram. Eghki apaniba ti īa ko misogħi, ia me ko misogħamin gavgaviba puvatigħam.³⁸ Kamaghin, ia ikizir igharazibar tongin ikiva apanibar nguazimin arimighiregham, kar mati men nguazim ia tui.³⁹ Ia ko ian inazir afeziabha amizir arazir kuraba bangin, ia osimtizim ikiam, kamaghin amizi, ian ikivira ikiamin varazza, apanibar nguazimin ikivira iki, eghha bar kuvarmegħsi damuam.

⁴⁰ “Eghki gin ian ikivira ikiamin varazira, me uan arazir kurabagh nighnigh dar gun na mikkimam. Egh me kamaghin mikkim suam, ‘E uan inazir afeziabha ko arazir kuram gami. E ni barazir puvatigħa nin akaba batoke.’⁴¹ Guizbangira, ia akirim ragħha na gasarazu, ki osimtizim ia ganigha, ian apanibar nguazimin ia amada. Eghki ian adarazi uan arazir akaba batozim

ateghiva, uari abinigh, egh uan arazir kurabar iveauzir kuram inigh givaghti,⁴² ki ua uan Akar Dikirizir Gavgavim ko nguazir kam ginirigham. Akar Dikirizir Gavgavir kam, ki Abraham, Aisak, Jekop ko a gamua ghaze, ki nguazir kam isi men ovavir boribar aningam.⁴³ Ia faragh nguazir kam ateghti, a pura dughiar ruarimin avughs. Ia faraghha nguazir kamin ikia egha nguazim ataghizi, a zurara namba 7 in azenibar avughsir puvati. Eghit nguazim pura ikiamin dughiamin, a deraghviram avughs bar akyueham. Ia faraghha akirum ragha bizar ki damuasa ia mikemezibagh asaragh, nan arazir ki ifongeziba bar dar aghua. Bizar kam bangin, ia osimtzim ater egh iveauzir kuram iniam.⁴⁴ Egh ia apanibar nguazimin ikiti, ki bar ia ateghan kogh, bar ia gasighasighan kogham. Bar puvati. Ki fo, ki kamaghin damichti, Akar Dikirizir Gavgavir ki ia ko amizir kam, a givagh. Ki Ikiavira Itir God, ian God, ki arazir katam damighan kogham.⁴⁵ Egh ki ia ginighnigh egh Akar Dikirizir Gavgavir ki ian inazir afeziaba ko amizim uam a ginirigham. Kar gumazir ki fomira Isipin kantrin inigha men akua azenan izeziba. Ez iktizir igharazibar gumazamiziba non gavgavir ekiamin gani. Ki ian Godin ikiasi, kamaghin amizi, ki ua bagha ia inigha ize. Ki Ikiavira Itir God.”

⁴⁶ Ikiavira Itir God, bizar a damuasa Israelia mikemezir kaba, ko arazir a ifongeziba, ko an Arazir kaba, a Sainain Mighsiamin bar da isa Moses ganungi. Egha ghaze, Israelia bar dar gin mangi.

27

Gumazamiziba God ganidir bizibar Arazir maba

¹⁻² Ikiavira Itir God, Israelia mikimasa kamaghin Moses migei, “Gumazitam uabi isi na daningisi, o gumazamizir igharazitam isi na daningasa akar dikirizim na koma a gami, a uan akar dikirizimin gin mangisi, a dagiataba isi ofa gamir gumazim daningigh.³ Gumazamiziba uarigh iveauzamin dagiar dibobonim kamakin. Gumazir 20plan azenibar ikegh mangi 60plan azenibar tughamim, me 500 kinan a givezam.⁴ Egh amizir 20plan azenibar ikegh mangi 60plan azenibar tughamim, me 300 kinan a givezam.⁵ Egh otarir 5plan azenibar ikegh mangi 20plan azenibar tughamim, me 200 kinan a givezam. Eghit amizir 5plan azenibar ikegh mangi 20plan azenibar tughamim, me 100 kinan a givezam.⁶ Egh otarir iakinir vamiran ikegh mangi 5plan azenibar tughamim, me 50 kinan, a givezam. Eghit borir guvivir iakinir vamiran ikegh mangi 5plan azenibar tughamim,

me 30 kinan a givezam.⁷ Eghit gumazir 60plan azenibagh afirazim, me 150 kinan a givezam. Eghit amizir 60plan azenibagh afirazim, me 100 kinan a givezam.

⁸ “Eghit gumazir akar dikirizim gamizim, a ubi uabi givezamin dagiaba, o uan namakam givezamin dagiaba puvatigh, gumazir kam ofa gamir gumazim bagh mangi. Eghit ofa gamir gumazim iveauzir kam gisivagh magiri gumazir kam damuamin ababanimin tughti, gumazir kam iveauzam.

⁹ “Eghit gumazim asizitam isi, ki Ikiavira Itir Godin ofa damusí akar dikirizim damigh, an asizir ki ia mikemezir katamin ofa damu. Guizbangira, ia ofa damuamin asiziba, da bar nan bizibara.¹⁰ Gumazir kam asizir aghuir kam ategh kuratamin ofa damuan marki. An asizir kuram inigh, aghuimin danganimin ofa damuan marki. A tam isi tamin danganim datighti, asizir kamning virara nana.¹¹ Egh a nan damazimin mizezir asizitam na daningisi akar dikirizim damigh, egh asizir kamin nan ofa damuan kogham, kamaghin an asizim inigh ofa gamir gumazim bagh mangi.¹² Eghit ofa gamir gumazim an ganam, a deraz o a ikufi, egh an iveauzim ababanim diponam. Eghit iveauzir kam kamaghira iki.¹³ Eghit gumazir kam uam asizir kam givesi, a ua dagiataba inigh egh ofa gamir gumazim diborozir dagiaba sara inigh ize. Ofa gamir gumazim 5 kina diboroghti, a 6 kinan iveauzam. O, ofa gamir gumazim 10 kina diboroghti, a 12 kinan iveauzam.

¹⁴ “Eghit gumazitam uan dipenim isi Ikiavira Itir God daningti, ofa gamir gumazim dipenir kamin ganam, a deraz, o a ikufi, egh ofa gamir gumazim iveauzim ababanim diboroghti, iveauzir kam kamaghira iki.¹⁵ Eghit gumazir uan dipenim isa Ikiavira Itir God ganingizim, a gin uam a givezezhti, kamaghin a dipenimin iveauzim ko ua dagiataba sara a daningigh. Ofa gamir gumazim dipenir iveauzim 100 kinan anetighti, gumazir kam 120 kinan iveauzam. A dagiar kaba isi ofa gamir gumazim danigh, egh a ua uan dipenim iniam.

¹⁶ “Eghit gumazitam, uan inazir afeziabar dafarim da nguazir otevitam inigh, egh gin a uan nguazir otevir kam isi na daningti, ofa gamir gumazim nguazir kam tuisigh, me manmaghin balin oviziba nguazir kamin da oparam. Egh me ti 20 kilogram balin oviziba oparam, eghit nguazimin iveauzim, a 100 kinan tugham.¹⁷ Gumazir kam, azenir ua biziba ikarvaghgamimin gin nguazir kam na danighti iveauzim kamaghira iki, egh a gighan marki.¹⁸ Egh an azenir ua biziba ikarvaghgamimin gin, azenir tabar gin,

a na daningam, egh ti ofa gamir gumazim gin izamin azenir ua biziha ikarvaghhamim bativsi, azenir ikiavira itiba mengegh, egh a nguazir kamin iveauzim gisivagh magirigh.

¹⁹ Egh ti ofa gamir gumazim na ganingizir kam, a ua nguazim givesi, a dagiabar uam a givezam. Egh ti ofa gamir gumazim 100 kinan ivesi a mikimti, a 120 kinan ua iveauzam. A dagiar kaba isi ofa gamir gumazim danigh, egh ua uan nguazim iniam. ²⁰ A faragh na da ua nguazir kam givezeghan kogh, egh nguazir kam isi gumazir igharazimin amadagh, egh a gin ubi uam a givezan kogham. ²¹ Egh ti azenir ua biziha ikarvaghhamotoghti, gumazir nguazir kam givezezim, a isi na daningigh. Egh ti nguazir kam, a nan nguazimra iki maghira ikiam. A na baghvira ikiam. Egh ti nguazir kam isi ofa gamir gumazibara, me daningam.

²² Egh ti ofa gamir gumazitam nguazir otevitam ikiam, kar nguazir an inazir afeziaba a ganingizir puvatizim, a faragha gumazir igharazim dama a givese, egh a nguazir kam inigh Ikiavira Itir God daningasa. ²³ Egh ti ofa gamir gumazim, azenir ua biziha ikarvaghhamim bativsi, an azenir ikiavira itiba mengh. Egh an azenir kaba bagh nguazir kamin iveauzim ababanim atighti, aruer kamra gumazim nguazir kamin dagiaba isi ofan gumazim daningam. Egh ti dagiar kaba, da Ikiavira Itir Godin dagiabara. ²⁴ Egh ti azenir ua biziha ikarvaghhamimin, gumazir kam nguazir kam uam a isi an guzin ghuavim daningigh.

²⁵ Egh ti a biziha kaba osimtizim ko iveauzim bar deraghvira dar pon.

²⁶ Asizir nguzir ivariaba da bar nana, kamagh amizi, ia ofan tam na daningisi, asizir nguzir ivariaba inian marki. Bulmakaun nguzir ivariam, o sipsipin nguzir ivariam, da bar nana. ²⁷ Egh ti asizir nguzir ivariar kam nan damazimin zueghan koghti, ia uam a givesegh. Egh ti ofa gamir gumazim an iveauzim 10 kinan anetighti, ia 12 kina a daningigh. Egh ti gumazir kam uam asizir kam givezeghan koghti, ofa gamir gumazim, gumazir igharazitam anemadaghti, an ofa gamir gumazim diborozir iveauzim a givesegh.

²⁸ Egh ti ofa gamir gumazitam Ikiavira Itir God baghvira ikiamin biziham amisevegh, egh ingangarir igharazim damuan an anogorogham, egh a gumazir igharazir tamin anemadaghti an a givezan marki, egh a uaghan ubi ofa gamir gumaziba da, dagh iveauzim marki. A gumazitam o, amizitam o, asizitam o, a uan inazir afeziaba da inizir nguazir otevitam, bizir kaba da bar Ikiavira Itir Godin bizibara. A bar da amangan

marki. ²⁹ Ia oragh. A na bagha gumazim o amizim amise, a uam a givezan marki. Bar marki. Ia gumazim o amizir kam misuegħti an aremegħ.

³⁰ “Ezi nguazimin otivir dagħer kaba, witin oviziba, o temer oviziba, ia da tuiragh 10plan pozibar amigh, egh pozitam na daningiġi, ki Ikiavira Itir God. Egh a pozitam kam aman marki. Kar nan bizzira. ³¹ Egh ti ofa gamir gumazitam nan dagħer pozim uam a givesegħ. Egh ti dagħer kabar iveauzim 5 kina, egh ti a 6 kinan dagh iveauzegħ ofa gamir gumazim daningiġi. ³² Ia 10plan bulmakauba o 10plan sipsipbar tongin, dar vamira vamira, a nana. Ia asiziba bar bizzim dar atiġi, egh bar da mengegh, egh ti 10plan asizibar tongin, dar namba 10in asiziba, da nana, ki Ikiavira Itir God. ³³ Ezi asizir namba 10 a dera, o a ikufi, ia igharazitam an danganim darīgħan marki. Egh ti ia asizir igharazitam an danganim datighti, namba 10in asizim ko an danganim inizim, aning nana, ezi ia uam aning givezan kogħam.”

³⁴ Akar Gavgvir kaba, Ikiavira Itir God Sainain Mighsiaġin Moses ganingi. Eghha ghaze, Israelia bar adar għin mangam.

Israeliian Diboboniba O Namba Akar faragha zuim

Akinafarir kam, a Israeliian darorir me Sainain Mighsiam ategha ghua Moapin kantrin otozim, kar Kenanin nguazimin mitaghniam, nguazir God me daningasa akam akirizim a geghari. Me Sainain Mighsiam ataghiraqhasava amima, Moses Israeliian gumazamiziba bar me menge. Ezi gin me Moapin kantrin itima, a ua me menge. Kamaghin amizi, me ziam, "Diboboniba," akinafarir kam gati.

Israelia, me gumazamiziba puvatizir danganiminaven azenir aviribar arui. Me faragha Kades Barnean nguibamin otifi, a Kenanin nguazimin sautin amadaghan iti. Me azenir aviribar danganir kamin ike, egha me Kenanin nguazimin ghuezir puvati. Egha gin me danganir kam ategha ghua Jordanin Fanemin, aruem anadi naghin otifi. Marazi bar nguazir otevir kam gapia, ezi marazi pura avughsegh Jordanin Fanem abigh nguazir God me bagha inabazir kam iniasi.

Akinafarir kam, Godin adarazir darorim gehhari. Me dughiar aviribar osei, egha osintizibar dughiabar me atiati. Me dughiar aviribar akiriba igha Moses ko God gasi. Egha akinafarir kam uaghan God gehhari. God Israelia ataghizir puvati. Egha me atiatia arasava amima, God me ataghizir puvati. A me ko Akar Dikirizir Gavgavir amizir kam ginighniga, uaghan fomira men ovaviba ko Akar Dikirizir Gavgavir amizir kam ginighnisi. God deraghvira men gara ghua an akar dikirizimin daghem guizin oto.

Israelia Sainain Mighsiamin ikia mangasa bizibar kiri

(Septa 1:1-10:10)

Gumazir dapaniba Israelia medi

¹ Israelia, kantri Isip ataghizi, azenir namba 2 otozi, an iakinir namba 2in, an aruer faragha zuimin, Ikiavira Itir God, Sainain gumazamiziba puvatizir danganimin ubi bativamin Purirpenimin aven Moses ko migei. ² A kamaghin migei, "Ni Aron ko gua mangi, Israelia bar men ziaba inigh. Gua gumazibar ziaba vaghvagh dagh fogh da osirigh me mengegh. Egh Israeliian anababar ikiziba vaghvagh bar dar ziaba osirigh.

³ Kar gumazir 20plan azenibar itiba, ko 20plan azenibagh afiraziba, me midorozim

damuamin gavgaviba iti. Gua, bar men ziaba ko men ikiziba osirigh da mengegh. ⁴ Egh gua uaningin akurvaghshi vaghvagh anababar aven, gua gumazir dapanir vamira vamira misefegh.

⁵ "Gumazir guan akuragh ingangarir kam damuamin mabar ziabar kara: Rubenin anabamin adarazir gumazim, Sedeurin otarim Elisur, gua a inigh. ⁶ Egh Simeonin anabamin adarazir gumazim Surisadai, an otarim Selumiel, gua a inigh. ⁷ Egh Judan anabamin adarazir gumazim Aminadap, an otarim Nason, gua a inigh. ⁸ Egh Isakarin anabamin adarazir gumazim Suar, an otarim Netelan, gua a inigh. ⁹ Egh Sebulunin anabamin adarazir gumazim Helon, an otarim Eliap, gua a inigh. ¹⁰ Egh Josepin otarir pumuningin ovavir boribar tongin, Efraimin anabamin adarazir gumazim Amihut, an otarim Elisama, gua a inigh. Egh Manasen anabamin adarazir gumazim Pedasur, an otarim Gamaliel, gua a inigh. ¹¹ Egh Benjaminin anabamin adarazir gumazim Gideoni, an otarim Abidan, gua a inigh. ¹² Egh Danin anabamin adarazir gumazim Amisadai, an otarim Ahieser, gua a inigh. ¹³ Egh Aserin anabamin adarazir gumazim Okran, an otarim Pagiel, gua a inigh. ¹⁴ Egh Gatin anabamin adarazir gumazim Duel, an otarim Eliasap, gua a inigh. ¹⁵ Egh Naptalin anabamin adarazir gumazim Enan, an otarim Ahira, gua a inigh." ¹⁶ Ezi Moses ko Aron, Israeliian tongin men anababar vaghvaghya men gumazir dapanir kaba ini. ¹⁷ God men ziabar borogha me amisevezi, aning deraghvira me ini. ¹⁸ Egha aning 12plan gumazir dapanir kaba ko, Israeliia bar me akuvasa men dei. Ezi iakinir namba 2in, an aruer faragha zuimin, Israeliia par uari akuvazi, me gumazamizibar ziaba ko men anababa ko men ikizibar ziaba ko diboboniba osiri. Gumazir 20plan azeniba itiba ko 20plan azenibagh afiraziba, me bar men ziaba vaghvaghda osira me medi. ¹⁹ Ikiavira Itir God me mikemezi moghin, me ami. Israeliia Sainain gumazamiziba puvatizir danganimin itima, Moses gumazamizibar ziaba ko men diboboniba osiri. ²⁰⁻⁴⁶ Gumazir 20plan azeniba itiba, ko 20plan azenibagh afiraziba, me midorozim damuan tughati. Moses ko Aron gumazir kaba vaghvaghya men ziaba ko anababa ko men ikizibar ziaba ko men apengan itibar ziaba osiri. Me Jekopin otarir ivariam Rubenin ikegha izaghiri. Ezi men diboboniba da, bar kamakin:

Rubenin anabamin gumazibar dibobonim, 46,500in tu.

Ezi Simeonin anabamin dibobonim, 59,300in tu.
 Ezi Gatin anabamin dibobonim, 45,650in tu.
 Ezi Judan anabamin dibobonim, 74,600in tu.
 Ezi Isakarin anabamin dibobonim, 54,400in tu.
 Ezi Sebulunin anabamin dibobonim, 57,400in tu.
 Ezi Josepin otarir mam anabamin gumazibar dibobonim, 40,500in tu.
 Ezi Josepin otarir igharazim Manase, an anabamin gumazibar dibobonim, 32,200in tu.
 Ezi Benjaminin anabamin gumazibar dibobonim, 35,400in tu.
 Ezi Danin anabamin dibobonim, 62,700in tu.
 Ezi Aserin anabamin dibobonim, 41,500in tu.
 Ezi Naptalin anabamin dibobonim, 53,400in tu.

Ezi men gumazibar diboboniba bar moghira, 603,550in tu.

⁴⁷ Egha Livain anabamin gumaziba, me me mengezir puvati. ⁴⁸ Ikiavira Itir God faragha Moses migia ghaze, ⁴⁹ “Ni Israelian gumazir midorozim damuamiba mengiva, Livain anabamin gumaziba mengan marki. ⁵⁰ Ni Livaiba amiseveghti, me nan Purirpenim ko an aven itir bizibagh eghuv dar ganiva, an ingangaribar faragh mangi dar amu. Purirpenir kam, me Akar Dikirizir Gavgavim itir dagiar akuamning a darigham. Egh dughiar ia tuavimin zuimin me Purirpenim ko an itir biziba ateram. Egh nan Purirpenimin miriabar uan purirpenibar ingeriva anekiarugh. ⁵¹ Dughiar manamin ia danganir igiamin mangisi, Livaiba nan Purirpenim angarigh mangi danganir igharazimin uam anesaragh. Eighti gumazir kinitam Purirpenimin boroghin iziva, an aremegham. ⁵² Israelian gumazamizir igharaziba, ia uan anababa ko iki, uan purirpeniba asi uan danganibara iki uan ababanim itir fleghba aseghti da ghuangang. ⁵³ Eighti Livain anabamin adarazi uan purirpeniba nan Purirpenimin miriaba bar da asegh, egh deraghvira a geghuv an gan. Puvatighti, gumazir kinitam nan Purirpenim boroghin izi na damichti ki bar aningaghegh, Israelia bar ia gasighasigham. Purirpenir kam, Akar Dikirizir Gavgavim itir dagiar akuamning an aven ikiam.”

⁵⁴ Ezi Moses bizir kabar gun Israelia mikemezei, me Ikiavira Itir God Moses mikemezei moghin, biziba bar dagh ami.

Ikiavira Itir God, dapiamin danganiba akiramin arazibar Israelia migei

¹ Ikiavira Itir God Moses ko Aron akar kaba aning ganangi:

² “Israelia uan purirpenibar ikiamin danganiba aghuva, gumaziba vaghvagh uan anababar ziaba itir fleghin boroghin uan adarazi ko dapiam, egheti God bativamin Purirpenim, danganir kamin tongira ikiam. Men purirpeniba tong Godin Purirpenimin saghori iki, egheti dar tiar akaba an amadaghan mituagh iki.

³⁻⁹ “Aruem anadi naghin amadaghan, anabar 3pla, Judan anabamin ababanim itir fleghin boroghin, uan ikiziba ko uan gumazir dapaniba ko iki. Aminadapin otarim Nason, a Judan anabamin gumazir dapanim, ezi Judan anabam 74,600plan gumaziba iti, me midorozim damuan tughati. Ezi Judan anabamin adarazir miriamin, Isakarin anabamin adarazi iki. Ezi Suarin otarim Netanel, a Isakarin anabamin gumazir dapanim, ezi Isakarin anabam 54,400plan gumaziba iti, me midorozim damuan tughati. Ezi Isakarin anabamin adarazir miriamin, Sebulunin anabamin adarazi iki. Ezi Helonin otarim Eliap, a Sebulunin anabamin gumazir dapanim. Ezi Sebulunin anabam 57,400plan gumaziba iti, me midorozim damuan tughati. Anabar 3plan kaba bar moghira, men dibobonim 186,400plan gumaziba iti. Dughiar Israelia tuavimin mangamim, 3plan anabar kabar adarazi faragh mangam.

¹⁰⁻¹⁶ “Eghti sautin amadaghan, anabar 3pla, Rubenin anabamin ababanim itir fleghin boroghin iti, me uan ikiziba ko uan gumazir dapaniba ko iki. Sedeurin otarim Elisur, a Rubenin anabamin gumazir dapanim, ezi Rubenin anabam, 46,500plan gumaziba iti, me midorozim damuan tughati. Ezi Rubenin anabamin adarazir miriamin, Simeonin anabamin adarazi iki. Ezi Surisadain otarim Selumiel, a Simeonin anabamin gumazir dapanim, ezi Simeonin anabam, 59,300plan gumaziba iti, me midorozim damuan tughati. Ezi Simeonin anabamin adarazir miriamin, Gatin anabamin adarazi iki. Ezi Ruelin otarim Eliasap, a Gatin anabamin gumazir dapanim, ezi Gatin anabam 45,650plan gumaziba iti, me midorozim damuan tughati. Anabar 3plan kaba bar moghira, men dibobonim 151,450plan gumaziba. Dughiar Israelia tuavimin mangamim, 3plan anabar kabar adarasi, faragha zuir anabar 3plan adarazir gin mangam.

¹⁷ “Me tuavimin mangamin dughiamin, Judan anabamin adarazi faragh mangam, egheti anabar igharaziba, me danganir me

ikezibar mirara, vaghvagh uan ababaniba itir fleghbar suigh men girara mangam. Me dapiamin danganiba, me uarir gin zui moghira dar ingar. Eghti Livain anabamin adarazi na bativamin Purirpenim ater bar men tongira iki mangam. Eghti 6plan anababar adarazi Livaibar faragh mangam, ehti 6plan anababar adarazi Livaibar gin mangam.

¹⁸⁻²⁴ “Eghti aruem uaghiri naghin, anabar 3pla, Efraimin anabamin ababanim itir fleghin boroghin, me uan ikiziba ko uan gumazir dapaniba ko iki. Amilutin otarim Elisama, a Efraimin anabamin gumazir dapanim, ezi Efraimin anabam, 40,500plan gumaziba iti, me midorozim damuan tughati. Ezi Efraimin anabamin adarazir miriamin, Manasen anabamin adarazi iki. Ezi Pedasurin otarim Gamaliel, a Manasen anabamin gumazir dapanim, ezi Manasen anabam 32,200plan gumaziba iti, me midorozim damuan tughati. Ezi Manasen anabamin adarazir miriamin, Benjaminin anabamin adarazi iki. Ezi Gideonin otarim Abidan, a Benjaminin anabamin gumazir dapanim, ezi Benjaminin anabam, 35,400plan gumaziba iti, me midorozim damuan tughati. Anabar 3plan kaba bar moghira, men dibobonim, 108,100plan gumaziba. Dughiar Israelia tuavimin mangamimin, 3plan anabar kabar adarasi, me Livaibar gin mangam.

²⁵⁻³¹ “Eghti notin amadaghan, anabar 3pla, Danin anabamin ababanim itir fleghin boroghin iti, me uan ikiziba ko uan gumazir dapaniba ko iki. Amisadain otarim Ahieser, a Danin anabamin gumazir dapanim, ezi Danin anabam, 62,700plan gumaziba iti, me midorozim damuan tughati. Ezi Danin anabamin adarazir miriamin, Aserin anabamin adarazi iki. Ezi Okranin otarim Pagiel, an Aserin anabamin gumazir dapanim, ezi Aserin anabam 41,500plan gumaziba iti, me midorozim damuan tughati. Ezi Aserin anabamin adarazir miriamin, Naptalin anabamin adarazi iki. Ezi Enanin otarim Ahira, a Naptalin anabamin gumazir dapanimin iti, ezi Naptalin anabam, 53,400plan gumaziba iti, me midorozim damuan tughati. Anabar 3plan kaba bar moghira, men dibobonim, 157,600plan gumaziba. Dughiar Israelia tuavimin mangamim, 3plan anabar kabar adarasi, me bar abuan mangam. Anabar kaba vaghvagh uan fleghbar suigh bar gin mangam.”

³² Me Israeliian anababa ko men ikiziba ko men purirpeniba itir danganibar gin ghua men ziaba osira me medima, men dibobonim bar moghira 603,550plan

gumaziba. ³³ Moses, Ikiavira Itir Godin Akar Gavgavim baregha, Livain anabamin adarasi, a Israelin anabar igharaziba ko me mengezir puvati.

³⁴ Kamaghin, Ikiavira Itir God Moses mikemezi moghin, Israelia biziba bar dagh ami. Anababa vaghvagh uan fleghbar boroghin uan purirpenibar danganiba azui. Egha dughiar Israelia tuavimin mangamim, me bar vaghvagh uan anababa ko uan ikiziba ko zui.

3

Aronin otaribar ziaba

¹ Ikiavira Itir God, Sainain Mighsiamin Moses ko migeir dughiamin, Aron ko Mosesin ikizim kamakin. ² Aron otarir 4pla iti, Nadap, an otarir ivariam, ezi an gin, Abihu, Eleasar ko Itamar. ³ Aronin otarir kaba, me ofa gamir gumazibar ikiasi, Moses olivin borem isa men dapanibagh inga me amisevegha Ikiavira Itir Godin ofa damuamin ingangarim me ganingi. ⁴ Israelia, Sainain gumazamiziba puvatizir danganimin itima, Nadap ko Abihu ofa gamir gumazibar ingangarim gamua Ikiavira Itir God ifongezir puvatizir avimin, an damazimin ofa gami. Kamaghin amizi, aning areme. Nadap ko Abihu, boriba puvatigha areme. Ezi kamaghin, Eleasar ko Itamar aningin danganim inigha ofa gamir gumazimningin otogha, Ikiavira Itir Godin ofa gami. Aningin afeziam Aron Ikiavira itima, aning ingangarir kam gamua izi.

Me ofa gamir gumazibar akurvaghaha Livaibav sefe

⁵ Ikiavira Itir God kamaghin Moses migei, ⁶ “Ni Livain anabamin adarazi inigh menaku izi ofa gamir gumazim Aronin damazimin izegh, me amisevegħti, me an ingangarir gumazibar otivigham. ⁷ Me Aron ko Israeliian gumazamiziba bar men akurvagh nan Purirpenim ingangarim damuam. Me na bativamin Purirpenim guamin, na bagħi ingangaribar amuam. ⁸ Me Israeliian danganim inigh, na bativamin Purirpenim aven itir biziba bar deraghvira dar ganiva dagħi ativagħam. Me arazir kamin, Purirpenim ingangaribar amuam. ⁹ Ni Livaiba isi Aron ko an ovavir boribar aningħi. Ki Israeliian tongin Aron ko an otaribar akurvaghaha Livaibav sefe. ¹⁰ Ni Aron ko an ovavir boribar, ofa gamir ingangarim bagħi me amisevegħti, merara ingangarir kam damuva ofa gamir gumazibar min iki. Eghti gumazir kinitam, nan bizar bar zuruzibar borogħin iziżi damuti, ia a misuegħti an aremegħi.”

¹¹ Egha Ikiavira Itir God ua kamaghin Moses migei, ¹²⁻¹³ “Ia oragh! Ki datirighin ua bagh Israelian gumazamizibar tongin Livaiba amiseveghti, me na baghvira ikiam. Ia fo, ki faragha Isipian otarir ivariaba bar me misoghezir dughiamra, ki Israelian otarir ivariaba bar ua bagha dagh inaba, kar gumazamizibar otarir ivariaba ko asizibar nguzir ivariaba sara. Kamaghin amizi, ian otarir ivariaba bar nana. Egha ki datirighin otarir ivariabar danganim iniasi Livaibagh inaba. Me datirighin nan ingangarir gumazibar min iki na baghvira ikiam. Ki Ikiavira Itir God, ki kamaghin mikeme.”

Me Livaibar ziaba akiñafarinim da osiri

¹⁴ Egha Ikiavira Itir God, Sainain gu-mazamiziba puvatizir danganimin ua kamaghin Moses migei, ¹⁵ “Ni Livain anabamin adarazi ko men ikiziba bar me mengegh. Ni gumaziba bar vaghvagh, kar otarir iakinir vamira itibar ikegh mangi gu-mazir ghuribar tugh, ni bar me mengegh men ziaba osirigh.” ¹⁶ Ezi Moses Ikiavira Itir Godin Akar Gavgavim baregha, an gin ghua bar me mengegh.

¹⁷ Fomira, Livai otarir 3pla iti, men ziabar kara: Gerson, Kohat, ko Merari.

¹⁸ Ezi Gersonin otarimning ziamning kara, Lipni ko Simei, aning gin uan ikizimin afezianningin oto. ¹⁹ Ezi Kohatin otaribar ziabar kara: Amram, Ishar, Hebron ko Usiel, me gin uan ikizibar afeziabar otifi. ²⁰ Ezi Merarin otarimning ziamning kara, Mali ko Musi, aning gin uan ikizimning afezianningin oto. Livain anabamin adarasi, men ikizibar ziaba, uan inazir afeziabar ziar kabar gin zui.

²¹ Ezi Gersonin adarasi, ikizir pumuning iti, kar Lipni ikizim ko Simein ikizim. ²² Men gumazibar, kar men otarir iakinir vamira itibar ikegha ghua gumazir ghuribar tuziba, men dibobonim, 7,500in tu. ²³ Gersonin ikizimin adarasi, aruem uaghiri naghin Purirpenimin akirangin uan purirpeniba asam. ²⁴ Ezi Gersonin ikizimin gumazir dapanim, a Laelin otarim Eliasap.

²⁵⁻²⁶ Gersonin ikizimin gumaziba, me ingangarir kaba iti. Me God bativamin Purirpenimin imiba bar dar ganam, dar kara: an aven itir biribar inir duiba bar, ko azenan anevamin inir ekiaba, ko an tiar akamin inim ko, Purirpenim ko ofa gamir dakozim avinizir divazimin iniba, ko divazimin azenan zuir tiar akamin iniba, ko inir kaba duir beniba. Me bizir kaba bar dar ganamin ingangarim iti.

²⁷ Ezi Kohatin ikizimin adarasi, ikizir 4pla iti. Kar Amramin ikizim, ko Isharin ikizim, ko Hebronin ikizim, ko Usielin ikizim. ²⁸ Men gumaziba bar, kar men otarir iakinir vamira itibar ikegha ghua gumazir ghuribar tuziba, men dibobonim, 8,300in tu.* Me Purirpenimin ganamin ingangarir maba iti. ²⁹ Kohatin ikizimin adarasi, Purirpenimin sautin amadaghan uan purirpeniba asam. ³⁰ Ezi men gumazir dapanim, Usielin otarim Elisafan.

³¹ Ingangarir me damuamimra kara, me Akar Dikirizir Gavgavim Boksiam, ko dakozim, ko lamin agharin, ko ofa gamir dakozir pumuning, ko Anogoroghezir Danganimin itariba ko bizar igharaziba, ko Bar Anogoroghezir Danganim modir inim, me bizar kaba bar dar ganamin ingangarim iti.

³² Ezi Livaiba bar, men gumazir dapanim Eleasar, a ofa gamir gumazim Arónin otarim. A Godin Purirpenimin aven ingangarim gamir gumazibagh, ativagha men gari.

³³ Ezi Merarin ikizimin adarasi, me ikizir pumuning iti, Malin ikizim, ko Musin ikizim. ³⁴ Men gumaziba bar, kar men otarir iakinir vamiran itibar ikegha ghua gumazir ghuribar tuziba, men dibobonim, 6,200in tu. ³⁵ Merarin ikizimin adarazir gumazir dapanim, Abihailin otarim Suriel. Egh me Purirpenimin notin amadaghan uan purirpeniba asam. ³⁶⁻³⁷ Merarin ikizimin adarasi, me ingangarir kaba iti. Me, Purirpenimin birir aghariba, ko an biribar ighuvir ruariba, ko an dipenir akiniba, ko boksiar birir agharibar poviba gavgavim dagh anidiba, ko dar bizar muziariba sara, ko Purirpenim avinizir divazir ekiamin dipenir akiniba, ko dipenir akinir kabar poviba gavgavim dagh anidir boksiaba, ko divazimin suizir afughafuziba ko beniba, me bizar kaba bar dar ganamin ingangarim iti.

³⁸ Egh Moses ko Aron uan otariba ko, God bativamin Purirpenimin guamin, aruem anadi naghin uan purirpeniba asam. Me Anogoroghezir Danganimin aven ingangaribar ganamin ingangarim iti. Me Israelia bar men akurvaghaha kamaghin ami. Eighti gumazir kinitam danganir kamin boroghin iziti, me a misueghti, an aremegham. ³⁹ Ikiavira Itir God, Moses ko Aron Akar Gavgavim aning ganingizi moghin, aning an gin ghua Livain anabamin gumaziba ko me itir ikiziba bar men ziaba osiri. Aning men otarir

* ^{3:28:} Hibrun akam ghaze, 8,600plan gumaziba. Ezi fomira gumazir maba akar kam Grighin akamin a gira, egha me 8,300plan gumaziba osiri. Ezi ves 39 kamaghin migei, gumazibar dibobonim 22,000in tu. Kamaghin ami, dibobonir kam, 8,300, a dera. E 8,600 kagh anetigham, eghti men dibobonim bar moghira 22,300in otogham.

iakinir vamiran itibar ikegha ghua gumazir ghuribar tuziba, bar me menge, ezi men dibobonim 22,000in tu.

Livaiba, Israelian otarir ivariabar danganini

⁴⁰ Ezi Ikiavira Itir God Moses migia ghaze, “Ni Israelian otarir ivariabar ziaba bar da osirigh. Ni otarir iakinir vamiran itibar ikegh men ziaba meng mangi gumazir ghuribar tugh. ⁴¹ Ki Ikiavira Itir God, ki Israelian otarir ivariabar iniamin danganim, ki Livaiba iniam. Egh ki uaghan Israelian asizir ivariaba iniamin danganim, kar bulmakauba, ko sipsipba, ko memen ivariaba, ki uaghan Livaiba asizir ivariaba iniam.” ⁴² Kamaghin amizi, Moses Ikiavira Itir God mikemezi moghin ami. A Israelian otarir ivariaba bar me mengegha men ziaba osiri. ⁴³ Ezi men otarir ivariaba bar, kar otarir iakinir vamiran itibar ikegha ghua men gumazir ghuribar tu, men dibobonim 22,273in tu.

⁴⁴ Egha Ikiavira Itir God ua kamaghin Moses migei, ⁴⁵ “Ni datirighin Israelian borir ivariabar danganim inisi, Livaiba na daningigh. Egh men asiziba, Israelian asizir ivariabar danganim inisi me na daningigh. Ki Ikiavira Itir God, ki kamaghin mikeme. ⁴⁶ Israelian otarir ivariabar dibobonim, mong pin iti, ezi Livaiba gu-mazibar dibobonim, a 273plan gumazibagh afira, Kamagh, 273plan gumazir kaba, ia nan dafarim dama ua me givezeghiva ua me iniam. ⁴⁷ Ezi ua gumazir vamira, iniamin izezim, a 50 kina. Kamaghin amizi, ia ua 273plan gumazir kaba vaghvagh me givesi, me bagh vaghvagh 50 kina 50 kina inigh na bagh izi. ⁴⁸ Egh dagiar kaba, ni Aron ko an otaribar aningigh, egh ua gu-mazir kaba iniam.” ⁴⁹⁻⁵¹ Moses Ikiavira Itir Godin Akar Gavgavir kam baregha an gin ghu. A 13,650 kina, otarir ivariar kabardafarim dama da inigha ghua, ua me iniamin izezimin min Aron ko an otaribagh aningi.

4

Kohatin ikizimin ingangariba

¹Ezi Ikiavira Itir God Moses ko Aron migia ghaze, ² “Gua Kohatin ikizimin adarasi, men gumaziba ko ikizir me aven itiba, men ziaba osirigh me mengegh. Kohatin ikizim, a Livain anabamin ikizibar ikizir mam. ³ Gumazir 30plan azeniba itibar ikegh mangi 50plan azeniba itibar tugh, gua ingangarim bagh men ziaba osirigh me mengegh. Gumazir kaba, God bativamin Purirpenimin ingangarim damuam. ⁴ Men ingangarim kamakin, me God bativamin Purirpenimin bizir bar zuruzibar ganam.

⁵ “Israelia danganir mam ategh mangisi, Aron uan otariba ko Purirpenimin aven mangi, Akar Dikirizir Gavgavimin Boksiam modir inir aghuarir ekiam adegh a inigh an onegh Boksiam avaragh. ⁶ Egh ongarimin itir asizir ekiabar inir aghuitamra inigh anevaragh, bluplan initam uam anevaragh. Egh Boksiam atersi an iter otevir pumuning isi, tam vongin itir Boksiamin ringning darugh, egh tam vongin itir ringning darugh.

⁷ “Egh me inir bluplan tam isi dakozir nan damazimin ikiavira itim gis in aghuaragh. Egh itariba, ko mineba, ko ababa, wainin dipam ingiamin ofa bagh itarir koniba isi, dakozir kam dafagh. Me zurara bretin na ganidim, me dakozir kam darigh, egh a nan damazimin ikivira iki. ⁸ Egh bizir kaba bar moghira, inir aghevitamin da avegh. Egh ongarimin itir asizir ekiabar inir aghuitamra isi bizir kaba bar da avegh. Egh dakozir kam atersi, me an iter otevimmng isi, tam vongin itir dakozimin ringning darugh, egh tam vongin itir ringning darugh.

⁹ “Egh me inir bluplan tam inigh, lamin aghorim ko an lamba, ko akamimin min avimin suizir biziba, ko an itariba, ko olivin boreba itir mineba, ko an itir bizir igharaziba, bar moghira da avegh. ¹⁰ Egh a ko an itir bizir kaba bar, ongarimin itir asizir ekiabar inir aghuitamin da rikigh. Egh anetersi, nogorim a datigh a ikegh.

¹¹ “Egh inir bluplan tam isi, golin ingarizir ofa gamir dakozim avaragh, egh ongarimin itir asizir ekiabar inir aghuitam a gis in uam anevaragh, egh anetersi, aneteramin iter otevimmng an gol ringbar aghuigh. ¹² Egh Anogoroghezir Danganimin aven Godin ingangarim damuamin biziba bar da akuvagh inir bluplan tamin aven da rikigh, egh ongarimin itir asizir ekiabar inir aghuitam bar da nomkegh, egh da atersi nogorim a datigh a ikegh.

¹³ “Egh ofa gamir dakozir ekiamin averenim rueghiva, inir pighaghevitamin anevaragh. ¹⁴ Egh ofa gamir dakozimin Godin ingangarim damuamin biziba bar da isi, ofa gamir dakozimin pin dar arikigh. Bizir kaba, itarir ekiaba, ko fokba, ko savolin muziariba, ko itarir avim ateramiba, ko averenim iniamin itariba. Egh ongarimin itir asizir ekiabar inir aghuitam isi ofa gamir dakozim avaragh. Egh anetersi, an iter otevimmng isi, an gol ringbar aghuigh.

¹⁵ “Israelia dikavigh danganir ighazarimin mangisi damuti, Aron uan otariba ko Purirpenimin aven itir biziba bar da noeghti, Kohatin adarazi izi bizir kaba ateram. Arazir kamin, me bizir bar zuruzibar suighan kogham. Puvatighti,

me arighiregham. Kohatin adarasi, God bativamin Purirpenimin biziba ateramin ingangarir kam iti.

¹⁶ "Ofa gamir gumazim Aronin otarim Eleasar, Purirpenim ko an aven itir bizibar ganam. Egh lambar boreba, ko migharir mughurian aghuim zuir paura, ko wit tuamin ofan me zuraram amiba, ko olivin borer me ofa gamir gumazibagh inga me amisivamiba, a bizir kabar ganam."

¹⁷ Ikiavira Itir God Moses ko Aron migia ghaze, ¹⁸⁻¹⁹ "Gua oragh. Livain anabamin adarazir tongin itir Kohatin ikizimin gumaziba, me nan bizir zuruzir kabar boroghin iziti, gua bar deraghvira men gan. Bar guizbangira, Kohatin ikizimin adarazi arazir kuratam damighti, ki me misuegħi me arimghiregham. Kamaghin, Aron uan otariba ko, men ikizim faragh Purirpenimin aven mangi, bizir me damuamiba deraghvira vaghvagh men akakagh, me ateramin bizibar me mikim. ²⁰ Egh ofa gamir gumaziba Purirpenimin aven nan bizir zuruziba nogħha da aver dugħiamin, Kohatin ikizimin adarzi Purirpenimin aven mangi bizir kabar ganan kogħam. Me dar ganamin dugħiamra, me magħiram arighiregham."

Gersonin ikizim damuamin ingangariba

²¹ Ikiavira Itir God kamaghin Moses migei, ²² "Ni Gersonin ikizimin adarasi, men gumaziba ko ikizir me aven itiba, men ziaba osirigh me mengegħ. Gersonin ikizim, a Livain anabamin ikizibar ikizir mam. ²³ Gumazir 30plan azeniba itibar ikegħha ghua 50plan azenibar tuziba, gua ingangarim bagħi men ziaba osirigh me mengegħ. Gumazir kaba, God bativamin Purirpenimin ingangarim damuam. ²⁴ Men ingangarim kamakin, me God bativamin Purirpenimin bizir kaba ateram. ²⁵ Me Purirpenimin birimin min duir inir aghuir ekiaba, ko God bativamin Purirpenim aver inir me ongarimin itir asizir ekiabbar inħbar ingariziba, ko God bativamin Purirpenimin aven zuir tiar akamin inir ekiaba, me bar da ateram. ²⁶ Egh Purirpenim ko ofa gamir dakozim avinizir divazim inir ekiaba, ko divazimin azenan zuir tiar akamin iniba, ko inir kaba duir beniba ko dar bizar iħarrar, me bar dar ganam. Gersonin ikizim, me bizir kabar ganiva dar kir da ateramin ingangarim iti. ²⁷ Aron uan otariba ko, Gersonin adarazir ganiva me vaghvagh damuamini biziba ko ateramin bizibba ko damuamini ingangarir īħarrar, me mikim. ²⁸ Gersonin adarasi, God bativamin Purirpenimin ingangarir kaba iti. Eġi ofa gamir gumazim Aronin otarim Itamar, men ingangarir kabar ganamin gumazir dapanim."

Merarin ikizim damuamin ingangariba

²⁹ Egha Ikiavira Itir God kamaghin Moses migei, "Ni Merarin ikizimin adarasi, men gumaziba ko ikizir me aven itiba, men ziaba osirigh me mengegħ. Merarin ikizim, a Livain anabamin ikizibar ikizir mam. ³⁰ Gumazir 30plan azeniba itibar ikegħha ghua 50plan azenibar tuziba, gua ingangarim bagħi men ziaba osirigh me mengegħ. Gumazir kaba, God bativamin Purirpenimin ingangarim damuam. ³¹⁻³² Ia danganir igharazim mangamin dugħiham, Merarin ikizimin adarasi, me na bativamin Purirpenimin ingangarir kaba iti. Me, Purirpenimin birir aghariba, ko an bīribar iħguvir ruariba, ko an dipenir akińiba, ko boksiar birir agharibar poviba gavgvavim dagh anidiba, ko dar bizir mużiarija sara, ko Purirpenim avinizir divażiż ekiamin dipenir akińiba, ko dipenir akiń kabar poviba gavgvavim dagh anidir boksiaba, ko divazimin suirazir aħħafuziба ko beniba, me bizir kaba bar da ateramini ingangarim iti. Ni Merarin ikizimin adarzi vaghvagh ateramin bizibar me mikim. ³³ Merarin ikizimin adarasi, God bativamin Purirpenimin ingangarir kabar amuam. Eġi ofa gamir gumazim Aronin otarim Itamar, men ingangarir kabar ganamin gumazir dapanim."

Livain anabamin adarazir diboboniba

³⁴⁻⁴⁸ Kamaghin, Moses ko Aron ko Israelian gumazir dapaniba Ikiavira Itir Godin akamin ġin ghua, Livain anabamin adarazir ziaba osirigha me menge. Kar, Kohatin ikizimin adarzi ko Gersonin ikizimin adarzi ko Merarin ikizimin adarasi. Men gumaziba ko ikizir me aven itiba, me men ziaba osirigha me menge. Gumazir 30plan azeniba itibar ikegħha ghua 50plan azenibar tuziba, me God bativamin Purirpenimin ingangarim bagħha men ziaba osirigha me menge.

Men dibonibar kara, Kohatin ikizimin gumazibar dibobonim 2,750plan gumaziba, eżi Gersonin ikizimin gumazibar dibobonim 2,630plan gumaziba, eżi Merarin ikizimin gumazibar dibobonim 3,200plan gumaziba. Ikiżi 3plan kaba bar mogħira, men dibobonim, 8,580plan gumaziba. ⁴⁹ Ikiavira Itir God, Moses mikemezzi mogħira, me gumaziba menge. Egha ingangarir me vaghvagh damuamiba ko ateramin bizibba, Ikiavira Itir God Moses mikemezzi mogħin, me me ganingi.

¹ Ikiavira Itir God kamaghin Moses migei, ² "Ni Israelian gumazamizibav kemeghti, me danganir itimin gumazir kaba batueghti, me mangi azenan iki. Kar, gumazamizir lepan min garir arimariar kuram itiba, ko gumazamizir mikarzir mogomeba duaba da bativima, ghuzir mitiziba dar azenan otifi, ko amizir uan iakinibav soziba, ko gumazamizir ariaghirezibar kuabar suigha Godin damazimin mizeziba. ³ Ia gumazamizir kaba uaghara me amangighti, me danganir ia itimin azenan mangi. Ia kamaghin damutti, danganir ki uan gumazamizibar tongin itim, a nan damazimin mezeghan kogham."

⁴ Kamaghin amizi, Israelia, gumazamizir Godin damazimin mizeziba azenan me amadima, me azenan zui. Me Ikiavira Itir God Moses mikemezi moghiram ami.

Arazir kuram ikarvaghamin Akar Gav-gavim

⁵ Ezi Ikiavira Itir God Moses migia ghaze, ⁶ "Ni akar kaba Israelian gumazamizibar aningigh: Gumazitam o amizitam akirim ragh Ikiavira Itir God gasaragh, arazir kuratam gumazir igharazitam damighti, osintizim an ikiam. ⁷ Kamaghin, a uan arazir kuramin gun mikemegh, egh ivediz bar anetigh gumazir an arazir kuramin a gamizim daningigh. Ivezir a ikanvaghamin, 500plan dagiabar ikiti, ni uam a gisin dagiatabar atigh 600plan dagiaba a daningigh. ⁸ Gumazir ivedir kam iniamim aremeghti, an tav ikian kogh ivedir kam inighan koghti, gumazir arazir kuram gamizim, ivedir kam inigh Ikiavira Itir God bagh mangiti, ofa gamir gumaziba a iniam. Egh ivedir kam gisin, a sipsipin apuritam isi ofa gamir gumazim danighti, ofa gamir gumazim an arazir kuraba gin amangamin ofa damuam. ⁹ Israelia Ikiavira Itir Godin ofa damusi, bizar aghuitaba inigh izi ofa gamir gumazim danighti, bizar kaba an bizibara. ¹⁰ Gumazamiziba God bagha inigha izir ofan manaba, kar bizar me ofa gamir gumazim ganidiba, a ua bagh da iniam."

Gumazim ghaze, an amuim ti arazir kuram gami, a manmaghin damuam

¹¹ Egha Ikiavira Itir God Moses migia ghaze, ¹²⁻¹⁴ "Ni akar kaba Israelian gumazamizibar aningigh: Gumazitam kamagh nighnigh suam, an amuim ti akirim a gasaraghya gumazir igharazim ko akui, egha Godin damazimin mize. Gumazir kam a fozi puvati, guizbangira, o puvati. Amuim ti modogha arazir kam gami. Guizbangira, tav an ganizir puvatigha, a gasir akamin tuaviba puvati. Kamaghin pam navir kuram uan amuimin iti. ¹⁵ Egh arazir kamin,

gumazim uan amuim inigh ofa gamir gumazim bagh mangi. A uaghan ofa damusi 1 kilogram plauan balin ingarizim inigh mangam. Ofan kamin mingarimra kara, pam ti uan amuim bagha nighnizir aviriba ikia navir kuram an iti, egh me fogham amuim guizbangira arazir kuram gamiz, o puvati. Kamaghin, gumazir kam olivin borem isi plauan kam gingen marki. Egh uaghan, a migharir mughuriar aghuim zuim itir pauran me iter balsamin eborimin ingarizim a darighan marki.

¹⁶ "Eghit ofa gamir gumazim, amizim inigh iziti, a ofa gamir dakozimin boroghin izi Ikiavira Itir Godin damazimin tugham.

¹⁷ Eghit ofa gamir gumazim, dipar me na ganingizitam isi, nguazir miner tam gingegh, egh Ikiavira Itir Godin Purirpenimin apengen itir nguazir minezitaba inigh dipar kam mikinigh, eghit arazir kam in dipar kam puv misogham. ¹⁸ Amizir kam nan damazimin tughiv ikiamin dughiamin, ofa gamir gumazim amizimin dapanir arizim firighti a ruaragh pura iki. Eghit ofa gamir gumazim, ofa damuamin plaua isiva amizimin dafarim datigh. Egh ofa gamir gumazim uan dafarimin dipar misozi kamin itir nguazir minemin suiragh. E fo, dipar misozi kamin, amizir guizbangira arazir kurabagh amibagh asighasisi. ¹⁹ Ofa gamir gumazim amizim mikimti, amizim amamangatigli, ofa gamir gumazim suam, 'Ni fo, dughiar ni uan pamin itimin, ni gumazitam koma arazir kuratam gamizir puvati, eghit dipar misozi kamin guizbangira ni gasighasighan kogham.' ²⁰ Ezi ni uan pamin itir dughiamin, ni uan pam ategha guizbangira gumazir igharazim ko arazir kuram gamigha Godin damazimin mize, eghit dipar misozi kamin ingariva ni gasighasigham.' ²¹ Eghit ofa gamir gumazim uam akar kurar kam amizim mikimam, 'Ni guizbangira arazir kuram gami, eghit Ikiavira Itir God nin gumazamizibar tongin nin ziam gasighasigham, egh nin borivtarim damighti, an ekonomighti, nin navim buigham.' ²² Dipar misozi kamin nin navimin aven mangi an ingarti, a buva nin mikarzir mogomem damighti a ikuvigham.' Eghit amizim suam, 'Aria, guizbangira. Ikiavira Itir God mikemezi moghin damu.'

²³ "Eghit ofa gamir gumazim asighasighamin akar kam osirigh, egh dipatam inigh akar osirizir kam ruti a miner dipar misozi magiram. ²⁴ Egh gin an amizim mikemehti, an anemeghti, dipar misozi kamin an navir averiamin aven magiram. ²⁵ Ofa gamir gumazim, amizim suirazir ofan plauan kam a dama

a inigh, an suiragh Ikiavira Itir Godin damazimin a fegh a damuti, a ighuamangi. Egh a inigh ofa gamir dakozimin mangam. ²⁶ Egh uan dafarim isi plauan kam darugh, egh a plauan muziaritam inigh ofa gamir dakozimin a tuaghti, avim an isi mangiti a bar mighirighti, averenir kinim otogham. Plauan muziarir kam, a bar plauan namin danganiam inigham. A kamaghin damigh gin amizim mikemeghti, a dipar misozir kam amam. ²⁷ Amizim guizbangira poroghamiba uari bakeir arazim damighiva Godin damazimin mizegehti, dipar misozir kam an aven mangiva, mizazim a daningiva, an borivtaribar amighti, da ekonamigh, navim buva an mikarzir mogomem ikuvigham. Eighti Ikiavira Itir God an gumazamizibar tongin an ziam gasighasigham. ²⁸ Eighti amizir kam, guizbangira arazir kuram damighan koghiva, a Godin damazim deraghvira ikivira ikiti, dipar misozir kam a gasighasighan koghti, bizir kurar kam a batoghan kogham. Eighti a boriba batamin gavgavim ikivira ikiam.

²⁹ "Akar Gavgavir kamin mingarim kaman. Gumazitam uan amuim mikim suam, a ti arazir kuram gami. Egh a nighnizir aviriba iki egh navir kuram an ikiam. ³⁰ O, gumazim pura akar kinim uan amuir aghuim gasi, navir kuram pura an ikiti, me amizim mikemeghti, an ofa gamir dakozimin boroghin tughti, ofa gamir gumazim guizin akam gifoghs i arazir kam damuam. ³¹ Eighti amizim guizbangira arazir kurar kam gami, an an ivezir kuram iniva osimtiziba ateram. Amizim guizbangira osimtizim damighti, an pam akam a gasir arazir kamin osimtizim an ikian kogham."

6

Gumazamiziba uari God daningamin Akar Gavgavim

¹ Ikiavira Itir God kamaghin Moses migei, ² "Ni Israelien gumazamiziba kamaghin me mikim: Gumazitam o amizitam uabi isi Ikiavira Itir God daningiva a baghvira ikisi, a ko akam akirigh, ³ egh a wainin dipam ko dipar gavgavibar aman marki. Egh wainin ovizibar dipaba ko wainin oviziba ko wainin ovizir midiaribar aman marki. ⁴ A uabi isa na ganiga Akar Gavgavim gamizir dughiamin ikegh mangi dughiar a na baghvira ikiamim givaghiam otogham, a wainin dipatam, o wainin oviziba, o wainin ovizibar inibar aman marki.

⁵ "Egh dughiar a uan akar dikirizimin gin ghua uabi isa na ganidimin, a uan dapanir arizibagh isi da otivan marki. Anan

gumazimra. Egh an akar dikirizir gavgavir kamin apengan iki, dughabar zurara uan dapanir arizir ruarin sara itir arazir kam, gumazamizibar akagha ghaze, a God baghavira itir gumazimra. Kamaghin amizi, a uabi nan damazimin mizeghan koghisi gumazitam kuanin boroghin mangan kogham. Guizbangira an afeziam, o amebam, o aveghbuaba o buaramiziba arimighirehti, a men kuabar boroghin mangan kogham. A kamaghin damigh, nan damazimin mizegham. ⁸ Dughiar a uan akar dikirizimin gin ghua na baghavira itimin, a Ikiavira Itir Godin gumazimra.

⁹ "Gumazitam an boroghin puram aremeghti, bizir kam an dapanir arizir na ganingizim damuti, a nan damazimin mizegham. Kamaghin amizi, gumazir kam 7plan arueba orarkegh gin uan dapanim gisegh, egh ua nan damazimin zuegham. ¹⁰ Egh namba 8in aruem, a kuuarazir bunbar pumuning o osirvar pumuning inigh ofa gamir gumazim bagh God bativamin Purirpenimin tiar akamin mangi.

¹¹ Eighti ofa gamir gumazim aning inigh, tam arazir kuraba gin amadir ofa damu. Egh tam ofan bar isia mighirim damu. Gumazir kam, gumazir kuanin boroghin ikegha osimtizim ikia a nan damazimin mize. Kamaghin, ofan kamning a damighti a nan damazimin ua zuegham. Aruer kamra, gumazir kam ua uan dapanir arizim na daningti, a nan bizimram otogham. ¹² Aruer a Ikiavira Itir God baghavira ikiasi akam akirizibar dibobonim, a bar ua dar amuam. Dar dibobonim, aruer kamin ikegh mangiva, aruer kabar dibobonim givaghram. A uan akar dikirizimin gin zuir aruer faragha ghueziba, da pura ghue. Guizbangira, an dapanarizim nan damazimin mize. Kamaghin, an azenir vamira itir sipsipin apurir igiatam inigh osimtiziba agivamin ofan min na bagh izi.

¹³ "Na baghvira ikiasi akar dikirizim gamizir gumazim, bizir a damuasa mikemezibar amigh givagh, egh na bativamin Purirpenimin mangi an tiar akamin boroghin tugham. ¹⁴ Egh a 3plan ofaba Ikiavira Itir God bagh dar amuam. An ofan bar isia mighirim bagh azenir vamira itir sipsipin nguzir apuritam, ko arazir kuraba gin amadir ofa bagh azenir vamira itir sipsipin amebatam, ko God ko navir vamira ikiamin ofa bagh sipsipin apuritam, a bar da inigh na bagh izam. Kar, asizir duuba dar mikarzibar itir puvatiziba. ¹⁵ Egh uaghan yis puvatizir bretba itir akiram, kar plauan aghuim ko olivin borem sara veregha ingarizir bretba, ko yis puvatizir

bisketin olivin boremin aghuiziba, egh uaghan wit tuamin ofa ko wainin dipabar ofa damuamiba sara inigh izi.

¹⁶ “Egħi ofa gamir gumazim bizar kaba bar da isi, Ikiavira Itir God daningiva, arazir kuraba gin amadir ofa ko ofan bar isia mighirim damu. ¹⁷ Egh sipsipin apurim misuegħi akiramit itir bretin yis puvatiziba sara, Ikiavira Itir God ko navir vamiran iki-amin ofa damuam. Egh wit tuamin ofa ko wainin dipabar ofa uaghan dar ofa damu. ¹⁸ Egħi God bativamin Purirpenimin tiar akamien borogħin, gumazir God bagħha akar dikirizim gamizim, u an dapanir arizibagh isegħi, da inigh mangi God ko navir vamiran ikiāmin ofan apengen itir avim datighti, da isigh.

¹⁹ “Gumazir kamin dapanir ariziba isigh givagħti, gin ofa gamir gumazim, sipsipin apurimin aniavir aghararim tuzir me minnemin avigha givazim, ko akiramit itir yis puvatizir bret tam, ko yis puvatizir bisketin tam inigh, gumazir kamin dafarim datiġi. ²⁰ Egh ofa gamir gumazim dar suiragh da fi dar amuti, da Ikiavira Itir Godin damazimin ighuavamangi. Kar ofa gamir gumazimin ofan zuruziba. Egħi uaghan na ganingiż sipsipin evarim ko buaragharrim, da ofa gamir gumazimin biziba. Egħi gin God bagħha akar dikirizim gamizir gumazim, wainin dipam amisi anemi.

²¹ “Arazir kabar mingarim kamakin. Gu-mazitam o amizitam uabi isi na daningiśi, akam akirigh, egh me ofa damuamien arazir kabar gin mangi. Egħi gumazitam bizar iħbariż uaghan da na daningiśi, akar dikirizim damiġi, a guizbangira akar dikirizir kamin gin mangi a damu.”

Ofa gamir gumaziba ghaze, God deraghvira gumazamizibar amuam

²² Ikiavira Itir God kamaghin Moses migei, ²³ “Ni, Aron uan otariba ko, nan arazir ki deragh Israelia damuamim, an gun me mikemegħ. Egħi me kamaghin Israelia mikim:

²⁴ “Ikiavira Itir God, deraghvira ia damuva, egh deraghvira ian ganam.

²⁵ Ikiavira Itir God, ian apangkuv egh, mati an guamin angazangarim ia gisirazi mogħin, deraghvira ian ganam.

²⁶ Egh Ikiavira Itir God, navir aghuim ian iki, egh navir amirizim ko dabirabir aghuim ia daningi.”

²⁷ “Egħi arazir kamin me nan ziam diponiva nan azangsigh suam, Ikiavira Itir God, ni deraghvira Israelia damu. Egħi ki bar deraghvira me damuam.”

Gumazir dapaniba, ofan mabagh ami

¹ Moses Ikiavira Itir Godin Purirpenim asaragħha gifa. Egha aruer kamra, a olivin borem isa Purirpenim ko an aven itir biziba, ko ofa gamir dakozim ko an biziba bar dagh ingegħha, da isa God ganingizi, da God bagħavira iti. ²⁻³ Ezzi Israelian anababar gumazir dapaniba, kar gumazir dapanir faragħa gumazamizibar ziabba osirigha me mengeziba, me uan ofabba inigha Ikiavira Itir God bagħha izi. Me 6plan karisba ko 12plan bulmakauba inigha Ikiavira Itir Godin Purirpenimin borogħin izi. Gumazir dapaniba vagħvagħha bulmakaun vamira inigha ize. Egha gumazir dapanir pumuning uanġning inigha karisin vamira inigha ize. Me bar da inigha iza ofa damuasa da ariki. ⁴⁻⁵ Ezzi Ikiavira Itir God kamaghin Moses migei, “Ni ofan kaba, me dama da inigh na bativamin Purirpenimin ingangarim bagħ, da isi Livain ikiziba vagħvagħ uan ingangariba bagħ biziba atersi, da tuiragħ me daning.” ⁶ Ezzi Moses bulmakauba ko karisba isa Livaibagh aningi. ⁷ A karisin pumuning ko bulmakauna 4pla isa Gersonin ikizim ganingi, egħi me dar ingangaribar amuam. ⁸ Egha 4plan karisba ko 8plan bulmakauba Merarin ikizim ganingi, egħi me dar ingangaribar amuam. Aronin otarim Itamar, me damuamien ingangaribar faragħ mangi men ganam. ⁹ Moses fo, Kohat inikizim, me damuamien ingangarim, me Godin bizir zuruziba uan dipizibar da ateram. Kamaghin amizi, a karis ko bulmakaun tam me ganingizir puvati.

¹⁰ Me olivin borem isa ofa gamir dakozim gingegħha God ganidima, an an bizimra otozir dugħiġi, gumazir dapaniba uaghan uan ofabba inigha ofa gamir dakozim borogħin izegħi ofabar amuasava ami. ¹¹ Ezzi Ikiavira Itir God kamaghin Moses migei, “Ni kamaghin 12plan gumazir dapanibav kim suam: Gumazir dapaniba vagħvagħ aruebar vagħvagħ uan ofabba isi God daning mangi 12plan arueba givagħam. Me bar kamaghira ofa gamir dakozim God daningi, ofabba inigha izi.”

¹²⁻¹³ Ezzi gumazir dapaniba vagħvagħha, uan ofabba aruebar vagħvagħha God bagħha da isa izi.

Ezi aruer namba 1in, Judan anababin gumazir dapanim Nason, an Aminadapin otarim, a uan ofa inigha izi.

Ezi aruer namba 2in Isakarlin anababin gumazir dapanim Netanel, a Suarlin otarim, a uan ofa inigha izi.

Ezi aruer namba 3in, Sebulunin anabamin gumazir dapanim Eliap, a Helonin otarim, a uan ofa inigha izi.

Ezi aruer namba 4in, Rubenin anabamin gumazir dapanim Elisur, a Sedeurin otarim, a uan ofa inigha izi.

Ezi aruer namba 5in, Simeonin anabamin gumazir dapanim Selumel, a Surisadain otarim, a uan ofa inigha izi.

Ezi aruer namba 6in, Gatin anabamin gumazir dapanim Eliasap, a Duelin otarim, a uan ofa inigha izi.

Ezi aruer namba 7in, Efraimin anabamin gumazir dapanim Elisama, a Amihutin otarim, a uan ofa inigha izi.

Ezi aruer namba 8in, Manasen anabamin gumazir dapanim Gamaliel, a Pedasurin otarim, a uan ofa inigha izi.

Ezi aruer namba 9in, Benjaminin anabamin gumazir dapanim Abidan, a Gideonin otarim, a uan ofa inigha izi.

Ezi aruer namba 10in, Danin anabamin gumazir dapanim Ahieser, a Amisadain otarim, a uan ofa inigha izi.

Ezi aruer namba 11in, Aserin anabamin gumazir dapanim Pagiel, a Okranin otarim, a uan ofa inigha izi.

Ezi aruer namba 12in, Naptalin anabamin gumazir dapanim Ahira, a Enanin otarim, a uan ofa inigha izi.

Me bar moghira vaghvagha ofan magh ghuezir kaba inigha izi. Dar kara: silvan itarir ekiar vamira, an osimtizim 1 kilogram ko akuam, ko silvan itarir dozir mam, an osimtizim 800 grem, aning inigha izi. Me itarir kamning uaghara plauan aghuim ko olivin borem sara veregh wit tuamin ofabar amuamin aning gati. Egha me vaghvagha golin itariba inigha izi, dar osimtizim 110 grem. Itarir kaba, pauran mughuriar aghuim zuim bar dagh izifa. Egha me vaghvagha bulmakaun apurir igiar mam, ko sipsipin apurir mam, ko sipsipin nguzir azenir vamira itim inigha, ofan bar isia mighirim damuasa da inigha izi. Egha me vaghvagha arazir kuraba gin amadir ofan min memen apurir mam inigha izi. Egha God ko navir vamiran ikiamin ofabar amuasa bulmakaun apurir pumuning, ko sipsipin apurir 5pla, ko memen apurir 5pla, ko azenir vamira itir sipsipin nguzir 5pla, me bar ada inigha izi.

⁸⁴⁻⁸⁵ Gumazir dapanir 12plan kaba, ofa gamir dakozim God baghvira a daningasa, inigha izezir ofa damuamin biziba, ofa gamir gumaziba bar moghira da mengezi, dar dibobonim kamaghin ghu: 12plan silvan itarir ekiaba ko 12plan silvan itarir doziba. Dar osimtizim bar moghira, 28 kilogram. ⁸⁶ Egha me 12plan golin itariba

inigha izi. Dar osimtizim, bar moghira 1,320 grem. Ezi pauran mughuriar aghuim zuim dagh izifa. ⁸⁷ Egha me 12plan bulmakaun apuriba, ko 12plan sipsipin apuriba, ko 12plan sipsipin nguzir azenir vamira itiba, ofan bar isia mighiribar amuasa da inigha izi. Egha uaghan da sara wit tuamin ofaba isa asizir kaba koma ofa gami. Egha uaghan arazir kuraba gin amadir ofabar min, me 12plan memen apuriba inigha izi. ⁸⁸ Egha God ko navir vamiran ikiamin ofa damuasa, 24plan bulmakaun apuriba, ko 60plan sipsipin apuriba, ko 60plan memen apuriba, ko 60plan sipsipin nguzir azenir vamira itiba, me bar moghira da inigha izi. Me faraghavira ofa gamir dakozim gamizi, a Ikiavira Itir God baghvira itir bizimin oto, egha gin me ofan avirir kaba bar dagh ami.

⁸⁹ Ezi Moses Ikiavira Itir God ko mikimasa, a bativamin Purirpeniminaven ghu. Egha Ikiavira Itir Godin tiarim barazima, an Akar Dikirizir Gavgavimin Boksiam asuam gisin itir enselin bar gavgavimningin tongira otogha Moses migei. Boksiar kamin asuam, kar arazir kuraba gin amangamin danganim.

8

Me lamba isa dar danganibar da arisi

¹ Egha Ikiavira Itir God Moses migia ghaze, ² “Ni Aron mikim suam: Ni 7plan lamba isi, lamin aghorim itir agharibar dar danganibar deraghvira da asegti, dar angazangarim lamin aghorimin guamin itir danganimin isiva angazangar.” ³ Ezi Aron, Ikiavira Itir God Moses mikemezi moghin, lamba isa lamin aghorimin itir agharibar dar danganibar da afe, eghti dar angazangarim lamin aghorimin guamin itir danganir kamin isiva angazangar. ⁴ Ikiavira Itir God faragha Moses mikemezi moghin, me lamin aghorim kamaghin an ingari. Me hama isa golin aghuarim misuegha lamin aghorimin ingara, an mingarimin ikegha an ingara uanaga, an pin itir agharibar itir akimaribar tu.

Livaiba, me Ikiavira Itir God baghvira me amisefe

⁵ Ezi Ikiavira Itir God kamaghin Moses migei, ⁶ “Ni Israeliyan gumazamizibar tongin Livaibar diaghti me iziti, ni me damichti, me nan damazimin zuegħi, ni kamaghin damu. Ni dipar nan damazimin zuegħamin taba isi, arazir kuraba gin amadir ofan min, me gisin da kavamang. Egh me damuti, me uan mikarzimin itir ariziba bar dagħ isegħi, uan korotiaba rueghiva uari zuegħi. ⁸ Egh me bulmakaun apurir igiatam, ko

wit tuamin ofa bagh, plauan aghuim ko olivin borem sara vereghiva a inigh izi. Egh bulmakaun apurir igiar igharazitam, arazir kuraba gin amadir ofa damusi a inigh izi.⁹ Egh ni Israeliyan gumazamiziba bar me akuvagh, Livaibav kemeghti, me izi na bativamin Purirpenimin guamin tuifigh.¹⁰ Livaiba nan damazimin ikiyira ikiti, Israeliyan gumazamiziba uan dafarriba isi, Livaibar dapanibagh isin dar arikigh.¹¹ Eghzi Aron Israeliyan tongin Livaiba isi na daningigh, mati ia uan dafarimin ofan suiragha a fegha a gamizi, a Ikiavira Itir Godin damazimin ighuavamadi. Arazir kamin, me Livaibar amighti, me nan ingangarim damuam.¹² Eghzi Livaiba uan dafarriba isi bulmakaun apurir kamningin dapanimning gisin dar arighiva, aningin tam arazir kuraba gin amadir ofa damu, egh igharazim ofan bar isia mighirizim damu. Ofan kamning, Livaibar arazir kuraba gin amadaghti me Godin damazimin zuegham.

¹³ “Mati ia uan dafarimningin ofan suiragha a fegha a gami a Ikiavira Itir Godin damazimin ighuavamadi moghin, ia Livaiba isi na daningigh, eghzi me Aron ko an otaribar akuragh men ingangaribar amuam.¹⁴ Arazir kamin, ni Livaibar amighti, me Israeliyan gumazamizib min ikian kogham, me bar nan adarazира.¹⁵ Mati ni uan dafarimningin ofan suiragh a fegh a damuti a Ikiavira Itir Godin damazimin ighuavamadi moghin, ni Livaibar amighti, me zuegh givaghti, ni me isi na daningigh. Kamaghin me na bativamin Purirpenimin aven ingaram.¹⁶ Israelia bar men tongin, ki ua bagha Livaiba amisefe. Ki me gamizi, me Israeliyan otarir ivariabba bar, men danganim ini, ezi Livaiba bar nan adarazira.¹⁷ Bar guizbangira, ki Isipian otarir ivariabav misoghezir dughiamin, ki Israeliyan otarir ivariabav sipsipba ko bulmakaun nguzin ivariabav, ki ua bagha me amisefe. Kamaghin amizi, me bar nan biziбa.¹⁸ Datirighin, ki Livaiba inigha me gamizi, me Israeliyan otarir ivariabav bar, men danganim ini.¹⁹ Eghzi ki Livaiba isa Aron uan otariba ko men agharim garisi. Eghzi me men akurvagh Israelia bagh na bativamin Purirpenimin ingar, an ganiva ofabar amuva men arazir kuraba gin amangiti, me Godin damazimin zuegham. Me ian danganim inigha gif. Kamaghin amizi, ian tav Anogoroghezir Danganimin boroghin mangan marki. Guizbangira, gumazir kinitaba danganir kamin boroghin mangiti, arazir bar kuraba me bativ, me gasighasigham.”

²⁰ Kamaghin amizi, Moses, ko Aron, Israeliyan gumazamizibav ko, me bar Livaiba

isa God ganidi, mati Ikiavira Itir God Moses mikemezi mokin.²¹ Livaiba uari akirmigha uan arazir kuraba ategha uan korotiaba ruegha Ikiavira Itir Godin damazimin zue. Ezi Aron, mati a uan dafarimningin ofan suiragha a fegha a gamizi, a Ikiavira Itir Godin damazimin ighuavamadi moghin, a men arazir kuraba gin amangasa ofa gamigha, me isa God ganangi.²² Ikiavira Itir God Livaiba bagha Moses mikemezi moghira, gumazamiziba biziba bar dagh ami. Kamaghin, Livaiba, Aron uan otariba ko men apengan ikia, God bativamin Purirpenimin ingangarim gami.

²³ Ezi Ikiavira Itir God kamaghin Moses migei,²⁴ “Livaibar gumazir 25plan azenibar ikegha ghuavanadiba, me God bativamin Purirpenimin aven ingaram.²⁵ Egh me 50plan azenibar otoghiva, me Purirpenimin ingangariba ategh, avughsam.²⁶ Egh gin, me pura uan aveghbuar na bativamin Purirpenimin aven uan ingangaribagh amibar akurvaghram. Egh, me uari ua ingaran marki. Ni akar kam Livaibav kemeghti, me kamaghin damu.”

9

God Israelia Gitazir Dughiam Ginighnighamin Isam

¹ Israelia Isipin kantri ategha Sainain gumazamiziba puvatizir danganimin itima, azenir namba 2 otozi an iakinir namba 1in aven, Ikiavira Itir God kamaghin Moses migei,²⁻³ “Ia iakinir kam, an aruer namba 14in guaratizimin, Israeliyan gumazamiziba, God Israelia Gitazir Dughiam Ginighnighamin Isar kamin, bizar ki damuasa ia mikemeziba ko arazir ki ifongeziba bar deravira dar gin mangi.”

⁴ Kamagh amizi, Moses gumazamizibav kemezi, me God Israelia Gitazir Dughiam Ginighnighamin Isam damusi, an arazaribar gin mangiva isam damuam.

⁵ Me Sainain gumazamiziba puvatizir danganimin ikia iakinir faragha zuimin, an aruer 14in, guaratizimin, me isar ekiar kam gami. Me Ikiavira Itir God damuasa Moses mikemezi moghin ami.

⁶ Isar kamin dughiamin, gumazir maba, gumazir aremezimin kuar mamin suiragha Godin damazimin mize. Me fo, me God Israelia Gitazir Dughiam Ginighnighamin Isam damuan kogham. Egha me Moses ko Aron bagha ghua kamaghin aning migei,

⁷ “E gumazir aremezimin kuamin suigha, Godin damazimin mize. E manmaghsu Israeliyan tongin, inabazir dughiar ekiar kamin Ikiavira Itir God bagh ofa damuan kogham?”

⁸Ezi Moses kamaghin me ikaraghha ghaze, "Ia tong orarkegh, ki ia bagh Ikiavira Itir Godin azaragh fogham, a manmaghin e mikimam."

⁹Ezi Ikiavira Itir God, Israelian gu-mazamizibav mikimasa, kamaghin Moses migei, ¹⁰"Ian tav, o ian ovavir boriba aremezir gumazir kuatamin suiragh-a-nan damazimin mize, o ian tav tuavir ruaritamin ghua bar saghon iti, egh a gin isar kam damusi, iakinir akirangin itimin a damu. ¹¹⁻¹²Egh me namba 2in iakinimin, an namba 14in aruemin, an guaratizimin isam damuan. Me God Israelia Gitazir Dughiam Ginighnighamin Isar kamin araziba bar dar gin mangi. Me isam damusi, sipsipin asiszir tuzim, ko yis puvatizir bret, ko zuravarir misoziba sara dami. Egh me asiszir tuzitam ateghti a iki mangi amimzaraghan otivan marki. Egh asiszir kamin agharitam apiran marki. ¹³Eghti gumazamizir nan damazimin zueziba, ko gumazamizirtuavir ruarimin ghua saghon itir danganimin itir puvatiziba, me God Israelia Gitazir Dughiam Ginighnizir Isar kam damuan aghuaghiva, me nan gumazamizibar ikan kogham. Me Israeli-an tongin ikan kogham. Bar guizbangira, ofan dughiamin, me ofa inigha Ikiavira Itir God ganingizir puvati. Kamaghin amizi, me uari uan arazir kurabar iveauzir kuram iniam. ¹⁴Kantrin ighazaritamin gumazamiziba ian tongin ikiva, God Israelia Gitazir Dughiam Ginighnighamin Isar kam damusi, me arazir God ifongeziba bar deraghvira dar gin mangi. Arazir kamra, ia Israelia ko Kantrin Igharazibar Gumazamizir ian tongin itiba uaghara, arazir kam damu."

Ghuariam Godin Purirpenim avara (Ua Me In 40:34-38)

¹⁵Moses Purirpenim asaragha bar ingangariba agivazi, ghuarier mam maghira iza God bativamin Purirpenim avara. Kar, Purirpenir Ikiavira Itir Godin Akar Dikirizir Gavgavim Boksiam itim. Ezi zurara guaratizabar ikegh mangi aminim tir dughiam, ghuarier kam, avimin min gari. ¹⁶Dughiarbar zurara ghuarier Purirpenim ave. Gumazamiziba aruebar garima, ghuarier iti. Ezi dimagaribar me garima, an avimin min isia ghuarier min aven iti. ¹⁷Israeli-an tuavir dorriba, me kamaghin ami: ghuarier ekiar kam Godin Purirpenim ategh pin sivagh-sivagh mangiti, me an ganigh, egh dikavigh biziba inigh an gin mangam. Egh ghuarier izaghira itir danganimra ikiti, me ikiam. ¹⁸Ikiavira Itir God mikemeghti, Israeli-an gu-mazamiziba danganir me itim ategham. An Akar Gavgavim me mikemeghti, me ua

danganir igiam aghuam. Eghti ghuarier kam Purirpenimin pin ikivira ikiti, me danganir kamin ikivira ikiam. ¹⁹Ghuarier kam dughiar ruarin Purirpenimin pin ikivira ikiti, Israelia Ikiavira Itir Godin akam baregh igharagh mangam kogham. ²⁰Dughiar mabar, ghuarier Purirpenim gis-in dughiar otevima-ri iki-va dikavigh pin mangit, me mangam. Ghuarier dughiar ruarin, o dughiar otevimin ikiti, me fo, Ikiavira Itir God Akar Gavgavim me daningasava ami. Ghuarier manmaghin ami, me puram an gin mangi, danganir me itim ategh mangam, o me ikiam. ²¹Dughiar mabar ghuarier ikiti aminim pirighti, me iki mangi amimzaraghan ghuarier dikavti, me uaghan dikavigh danganir kam ategham. ²²Dughiar mabar aruer pumuning, o iakinir vamira, o azenir vamira, o dughiar manmaghin ruaragh, ghuarier Purirpenim gis-in ikivira ikiam, eghti me uaghan danganir kamin ikivira ikiam. Dughiar manamin ghuarier dikafi, me uaghan dikavigh mangam. ²³Ikiavira Itir God me migeir dughiarbar, me a baratha, iki-min danganiba aghua iti. Ikiavira Itir God me migeir dughiar, me biziba isa danganiba ataghiragh igharagh zui. Arazir kamin, Ikiavira Itir God Akar Gavgaviba isa Moses ganidima, a me migeima, me an akamin gin zui.

10

Me sighar pumuning silvan aningin ingari

¹Ikiavira Itir God Moses migia ghaze, ²"Ia silvan taba inigh, haman dav sueghiva, sighar pumuningin ingarigh. Egh gin dughiar gumazamiziba uari akuvamin, o dughiar ia danganim ategh igharagh mangamim, ia aning giviam. ³Ia dughiar ruarin sighamming uaghara aning giviti, gumazamiziba bar izi na bativamin Purirpenimin tiar akamin uari akufagh. ⁴Ia sighar vamira giviti, Israeli-an anababar gumazir dapanibara izi ni ko uari akufagh. ⁵Ia sighar vamira pamtemin dughiar otevimin a giviti, aruem anadi naghin itir anababar, dikavigh danganir me itim ategh mangam. ⁶Ia namba 2in dughiamin, sighar vamira pamtem dughiar otevimin a giviti, sautin amadaghan itir anababar dikavigh mangam. Sighar ararem otoghi, me fogh suam, kar mangamin dughiam, egh dikavigh mangam. ⁷Eghti Israeli-an bar izi uari akuvamin dughiam bagh, ia dughiar bar ruarin sighar pumuning giviam. ⁸Aronin otaribara, me ofa gamir gumaziba, me sighamming

givamin ingangarim damuam. Ia ko ian ovavir borir gin otivamiba, ia sighamning givamin arazir kamin gin mangi.

⁹ “Apaniba izi ian nguazimin ia misoghsı damuti, ia faragh sigham giviti, gumaziba zuamira dikavigh mangi apaniba ko misogham. Ia kamaghın damuti, ki İkiavira Itır God, ian God, ki ia ginhınhıgh ian akuragh ian apaniba abiragħit ia deraghvira ikiam. ¹⁰ Egh uaghan, ia bar akueghamin dughiar ekiaba, kar ia Godin ziam famin dughiaba, ko iakinir igiaba otivir isaba, ko ian dughiar ekiar iħarazibar, ia sigham givighiva, uan ofan bar isia mighiriba, ko God ko navir vamira ikiāmin ofabar amuam. Eghit ki ia ginhınhıgh ian akurvagħam. Ki İkiavira Itır God, ian God.”

Israelia Sainain Mighsiám ataki

(Sapta 10:11–12;16)

Israelia Sinai ataki

¹¹ Israelian gumazamiziba Isip ategħa azenan ize, ezi ġin azenir namba 2 otozi, an iakinir namba 2in aven, an aruer namba 20in, ghuariam uan danganir Godin Purirpenim gisín itim ategħa dikavigha zui. Purirpenir kam, me faragħa Akar Dikirizir Gavgavim itir dagħar akuamning a gati. ¹² Ezi Israelia kamaghın ganigha, dikavigha Sainain gumazamiziba puvatizir danganim ategħa, ghuariamin ġin għuavira ikka ghua garima. Paranin gumazamiziba puvatizir danganim minn ghuariam an tu.

¹³ Dugħiar kam, a faragħa zuir dughiar İkiavira Itır God Moses mikemezi, Moses dikavigh mangasa Israelia mikemezi me dikavigha zui. ¹⁴ Egha me zuir dughiamin, me uan iķizbar uarigh arīgha uan fleħ-bar suigha zui. Judan anabamin iķizir 3pla faragħa zui. Ezi Aminadapin otarim Nas-n, a Judan anabamin gumazir dapanim, egha uaghan 3plan iķizir kabar gumazir dapanim. ¹⁵ Ezi Suarin otarim Netanel, a Isakarin anabamin gumazir dapanim. ¹⁶ Ezi Helonin otarim Eliap, a Sebulunin anabamin gumazir dapanim.

¹⁷ Ezi ofa gamir gumaziba Purirpenim ko an biziba adegha deraghvira da ike. Ezi Gersonin iķizimin adarasi, ko Merarin iķizimin adarasi, me Purirpenimin biziba ater faragħha zuir Judan anabamin iķizir 3pla kabar ġin zui.

¹⁸ Ezi men ġin Rubenin anabamin iķizir 3pla adarazi me uan fleħ-ġin suiragħa men ġin zui. Sedeurin otarim Elisur, a 3plan iķizir kabar gumazir dapanim. ¹⁹ Ezi Surisadain otarim Selumiel, a Simeonin anabamin gumazir dapanim. ²⁰ Ezi Duelin

otarim Eliasap, a Gatin anabamin gumazir dapanim.

²¹ Ezi Livain anabamin Kohatin iķizimin adarasi, Anogoroghezir Danganim biziба ko Bar Anogoroghezir Danganim biziба atera men ġin zui. Livaibar iķizir iħarazimming faragħa ghua danganir igiarr me ikiemmin otivha Purirpenim asaragħa għifa. Ezi Kohatin iķizimin adarazi men ġin ghua danganir igiarr me ikiemmin otifi. Egha me biziż me ateriba isa ofa gamir gumazibagh aningizi, me da isa Godin Purirpenim garisi.

²² Ezi Efraimin anabamin iķizir 3pla, uan fleħ-ġin suiragħa Kohatin iķizimin ġin zui. Ezi Amiħutin otarim Elisama, a 3plan iķizir kabar gumazir dapanim. ²³ Ezi Pedarusin otarim Gamaliel, a Manasen anabamin gumazir dapanim. ²⁴ Ezi Gideonin otarim Abidan, a Benjaminin anabamin gumazir dapanim.

²⁵ Ezi bar ġin, Danin anabamin iķizir 3pla, me uan fleħ-ġin suiragħa zui. Ezi Amisadain otarim Ahieser, a 3plan iķizir kabar gumazir dapanim. ²⁶ Ezi Okranin otarim Pagiel, a Aserin anabamin gumazir dapanim. ²⁷ Ezi Enanin otarim Ahira, a Naptalin anabamin gumazir dapanim. ²⁸ Dugħiabar zurara, Israelia mangasa, me kamaghira uari afi.

²⁹ Me mangasava amima, Moses uan amerem Hobap, a kantri Midianin gumazim Ruelin otarim, kamaghin a migei, “E datirigh danganir aghuir mamin mangam. Kar, danganir İkiavira Itır God fomira e daningasa akar dikirizim gamizim. Ga uaning, ni e ko mangam. Eghit e deraghvira nin ganam. Bar guizbangira, İkiavira Itır God e ko akam akira ghaze, a bar deraghvira e damuam.”

³⁰ Ezi Hobap a ikaragħha ghaze, “Puvati. Ki mangan aghħua. Ki uamategħ uan nguibam ko uan adarazi bagħ mangam.”

³¹ Ezi Moses kamaghin a migei, “O nan amerem, ni e atagħiragħan marki. Danganir Gumazamiziba puvatizir e ikiāmin kaba, ni bar dagh fo. Kamaghin amizi, ni e ko mangi tuavim en akakħaq. ³² Ni e ko izi, İkiavira Itır God e daningamin biziż aghuir manaba, e uaghan taba ni daningam.”

Gumazamiziba dikavigha zui

³³ Gumazamiziba dikavigha, İkiavira Itır Godin mighsiám ategħa zuima, 3plan arueba għifa. Livaiba İkiavira Itır Godin Akar Dikirizir Gavgavim Boksiám ater faragħa ghua, egha danganir me avugħ-samim bagħha gari. ³⁴ Me zuir aruebar, İkiavira Itır Godin ghuariam zurara me gisín ikia zui.

³⁵ Me Akar Dikirizir Gavgavimin Boksiam inigha mangasava amir dughiabar, Moses zurara kamaghin migei, "O Ikiavira Itir God, ni dikavigh mangi uan apaniba ko misogh me batokegh. Egh gumazir ni gifongezir puvatiziba, ni me damighti, me tintinibar aregh."

³⁶ Me avughasa Akar Dikirizir Gavgavimin Boksiam arizir dughiabar, Moses zurara kamaghin migei, "O Ikiavira Itir God, ni Israeliyan tausenin avirir pozim bagh uamategh izi."

11

*Israelia puvira imobima, God pazaviram
me gami*

¹ Gumazamiziba osimtizir me bativiba bangin puvira Ikiavira Itir God gimobava an dei. Ezi Ikiavira Itir God me baregha, men atara an navim me bagha puv an isima, an avim me mikini. Ezi me iti naghin mitaghniabar boroghin, avim bar dar isi. ² Ezi gumazamiziba uarir akurvaghosa Mosesin deima, Moses Ikiavira Itir God ko migeima, avim munge. ³ Danganir kam, me kamaghin a dibori, Tabera. Ziar kamin mingarim kamakin, "Avim Isir Danganim." Ziar kamin nighnizim kamaghin zui, danganir kamin, Ikiavira Itir Godin avim men tongin isi.

Moses 70plan gumazir dapaniba amisefe

⁴ Ikizir igharazibar gumazamizir maba uaghan Israelia ko zui. Me asizitabar amasa men aguiaba puv men ingari. Ezi Israelia uaghan imoba atara biziñ kam bagha ara ghaze, "Oio! E asizir tabar ameka! ⁵ E fomira Isipin kantrin ikiava osirir aviriba puviram ada api, egha dagh iveauzir puvati. Egha e zurara, kukambaba ko melonba, ko anianba, ko galikba apavira iti. ⁶ Ezi datirighin en gavgaviba bar gifa. E damamin bizitam ua itir puvati. Dughiabar zurara, e manan dagher kamram apa ghua bar an amira. E bar uarir apangkufl!"

⁷ Manan dagher kamin gananim, matem ovezir muziarim, egha ghurghurigha iangurungi. ⁸⁻⁹ Me itir danganimin manan dagheba, dimagaribar ghuiariam sara iri. Amimzaraghan gumazamiziba dikavigh daru da akumakum dagiabar da mirmiram, o itarir ekiamin aven temer otevimin dav soghtima, da plaua gavaghram. Ezi dar maba me minebar da avigha, dar maba inigha bisketbar ingari. Me da apima, dar isingtizim, mati bisketin me olivin borem sara ingariziba.

¹⁰ Gumazamiziba uan ikiziba ko, uan purirpenibar tiar akabar boroghin tuivighav ikia imobava araima, Moses men

dimdiaba barasi. Ezi Ikiavira Itir God atara me bagha an navim puvira an isi. Kamaghin amizi, Mosesin navim bar a base-mezi, a kamaghin Ikiavira Itir God migei, ¹¹ "Ni manmaghsua paza na gami? Ni manmaghsua na gakongezir puvati? Ni manmaghsua gumazamizir kabar ganamin ingangar na ganingi?" ¹² Ki men ingarizir puvatigha me batezir puvati. Ki men amebam puvati. Tizim bagha, ni me isa nan dafarimning gatigha ghaze, ki men amebamin min me ater otem me daningiva, me inigh bar mangi nguazir ni men inazir afeziabar aningas akar dikirizim gamizi naghin otogham? ¹³ Gumazamizir kaba arava asiziba bagha nan azai. Ki managh me bagh asizir aviriba iniam? Ki bar iburaghburaki. ¹⁴ Ki uabira manmaghin gumazamizir avirir kabar amuam? Ki osimtizir ekiar kam ateran bar iburaghburaki. ¹⁵ Ni kamaghin na damusi, ni nan apangkuvigh na misuehti, ki aremegh, uam osimtizir kamen ateran kogham."

¹⁶ Ezi Ikiavira Itir God, kamaghin Moses migei, "Ni 70plan Israeliyan gumazir aruuba inigh na bagh izi. Gumazir kaba, ni ubi me gifogha givagha ghaze, me guizbangira gumazir dapaniba, egha gumazamizibar damazimin me ziar ekiaba iti, gumazir kaba, ni me inigh izi. Ni me inigh na bagh na bativamin Purirpenimin iziti, me ni ko uari akuvagh tuifigh. ¹⁷ Egheti ki izighiri ni ko mikim, egh Duar ki ni ganingizir kam da gavgavitaba inigh, me darigham. Egheti me uaghan nin akuragh gumazamizir kabar osimtizitaba ateram, egheti ni uabira da ateran kogham. ¹⁸ Ni gumazamizibay kim suam: Ia gurum mizaragh bagh uari akirigh Godin damazimin zuegh, egh damamin asiziba iniam. Ia asiziba bagha arair ararem, Ikiavira Itir God a baregha gifa. Ia ghaze, 'E asizitabar ameka! E faragha deragha Isipin iti.' Ia oragh, Ikiavira tir God datirighin damamin asiziba ia daningti, ia dar ami. ¹⁹ Ia aruer vamira, o pumuning, o 5pla, o 10pla, o 20plan aruebar asizibar aman kogham. Bar puvatigham. ²⁰ Ia iakinir vamiran arueba bar, ia asizibar ami mangi egh dar aghuagh mighsi damuam. Ikiavira Itir God ia ko itima ia akirim ragha a gasara, egha ara ghaze, 'E bar tizim bagha Isip ategha ize?' Ia kamaghin mikemezi, bizir kam bangin, arazir kam ia bativam."

²¹ Ezi Moses Ikiavira Itir God ikaragha ghaze, "Ame! Ki 600,000in gumazibara gari. Ezi ni ghaze, ni iakinir vamiran asiziba me daningti me dar amam? Asizir kaba, da managh iti? ²² E bulmakauba ko sipsipa bar dav suehti, asizir kaba ti men tughatighan kogham. Egheti ongarimin itir

osiriba bar, ti men tughatighan kogham."

²³ Ezi Ikiavira Itir God Moses ikaraghha ghaze, "Ki ti gavgaviba puvatigham? Ni kiran oveghangin ganigh fogham, nan migirigiam ti daghem otogham, o puvatigham."

²⁴ Ezi Moses dikavigha azenan ghua, Ikiavira Itir God mikemezir bizibar gun gumazamizibav keme. Egha 70plan gumazir dapanibav sevegha me gamizi, me uari akuvagha Purirpenim ekiarugha itima, Moses aven ghu. ²⁵ Ezi Ikiavira Itir God, ghuariamin tongin izaghira Moses ko migia, a ganingizir Godin Duar an itir kamin gavgavir maba abigha da isa 70plan gumazir dapanir kabagh ariki. Ezi Godin Duam me ko itima, me maghira dughiar otevimin akam inigha izir gumazibar min akam akuri.

²⁶ Ezi gumazir dapanir 70plan kabar aven itir gumazir pumuning, Eldat ko Medat, aning me itir danganir kamin ikiavira iti. Aning gumazir dapanir igharaziba ko Purirpenimin ghuzir puvati. Aning danganir me itimra itima, Ikiavira Itir God, uan Duam aning gatizi, aning maghira akam inigha izir gumazimin min akam akuri. ²⁷ Ezi gumazir igiar mam ivegha ghua kamaghin Moses migia ghaze, Eldat ko Medat danganir ia itima an aven ikia, akam inigha izir gumazibar min akam akuri.

²⁸ Ezi Nunin otarim Josua, a igiamra iksia, Mosesin akurvaghha izi. A kamaghin Moses migei, "Nan gumazir ekiam, ni mangi aningin anogoreghti aning bixitam mikiman marki." ²⁹ Ezi Moses a ikaraghha ghaze, "Gumazitam ti nan danganium inian ni aghua? Nan ifongiam kamakin, Ikiavira Itir God, uan Duam isi bar uan gumazamizibar anighti, me akam inigha izir gumazibar min akam akunam!" ³⁰ Egha Moses 70plan gumazir dapaniba ko uamathega, danganir me itimin ghue.

Ikiavira Itir God kuarazir aviriba amangi

³¹ Ezi Ikiavira Itir God aminin gamizi, an ongarimin dikavigha ivava, kuarazir aviriba inigha izima da migha iza, Israelia itir danganimin boroghin ira bar a gizivaghha tintinimin danganiba bar dagh izifa. Da bar vazimra 1 mitan nguazim gisirara mighagha arua, tintinibar danganir me itim gira, azenan danganir me ekiaruzim sara ira ghua, aruer vamiran darorimin mitaghniamin min ghu. ³² Ezi gumazamiziba aruer vamira ko dimagarim sara puvira ingarava kuarazir bar aviriba isa zuima, aruer pumuning gifa. Gumazamiziba kuarazir bar aviriba ini, ezi dar osimtizim 1,000 kilogremin

tu. Ezi gumazamizir avirim kuarazir bar aviriba inizi dar osimtizim 1,000 kilogram gafira. Egha me da apuzasa dar ghora pura nguazim garisi, eghti aruem dar ganti da misingam. ³³ Me kuarazir tuziba apavira itima, Ikiavira Itir God men aningaghegha, me bagha navim puv isia arimariar kurar mam amadazi, gumazamizir avirim ariaghire.

³⁴ Danganir kamin, me gumazamizibar kuaba afegha, a dibora ghaze, Kibrot Hatava. Ziar kamin mingarim kamakin, "Asiziba bagha puvira arair gumazamizibar kuuba afezir danganir."

³⁵ Egha gin Israelia danganir kam ategha ghua, Haserotin danganim aghuigha an iti.

12

Miriam ko Aron pazavira Moses mikeme

¹ Moses a kantri Itiopian amizir mamin iti. Ezi Israelia Haserotin danganimin itir dughiamin, Aron ko Miriam, aning an amuim bangin pazava a mikeme. ² Aning kamaghin a migei, "Moses ti ghaze, Ikiavira Itir God anarira migei. Puvati, a uaghan ga migei." Ezi Ikiavira Itir God aningen imobir kam baraki. ³ (Guizbangira, Moses, a ubi abirir gumazim, nguazimin itir gumazitam an min ubi abirir puvati.)

⁴ Egha zuamira Ikiavira Itir God kamaghin Moses, ko Aron ko Miriam migei, "Ia na bativamin Purirpenimin tiar akamin iti." Ezi me ghue.

⁵ Ezi Ikiavira Itir God ghuariar ruarir ekiamin aven ikia izaghira Purirpenimin tiar akamin tuga dei, "Aron ko Miriam, gua kagh izi." Ezi aning oregha sivagha roghira ghu.

⁶ Ezi Ikiavira Itir God kamaghin aning migei, "Gua oraghti ki datirighin gua mikimam. Ki Ikiavira Itir God. Ian tongin akam inigha izir gumazitam ikiti, ki irebam min garir bizibar aven, ubi isi an akaghiva bizibar gun an mikimam. Egh ki irebabar aven a ko mikimam. ⁷ Ezi nan ingangarir gumazim Moses, a bar ighara. Ki garima, a nan gumazamizibar tongin nighnizir gavgavim nan iksia deravira nan gin izi. Ki uan gumazamizibar ganamin ingangarim a ganingizi, a bar deraghavira men gari. ⁸ Ga roroamningin min guizbangira uan guamningin gara, uaning ko migei. Ki akar mogomeba ko akar isin zuibar a ko migeir puvati. Ki bighavira bizibar a migei. Ezi a uaghan nan nedazimin gari. Kamaghin amizi, gua manmaghsua nan ingangarir gumazim akam a gasi?"

⁹ Egha Ikiavira Itir God aning bagha navim bar ikuvigha aningen atara, aning ategha ghu.

¹⁰ Ezi Godin ghuardiam Purirpenim ategha ghuzi, lepan arimariam maghira, Miriamin mikarzimin otogha bar ghurghuri. Ezi Aron raghirigha an garima, lepan arimariam an mikarzim bar anevarazi, ¹¹ a Moses migei, "Aruam, ga uaning, ni gan apangkuvigh, egh gan arazir kurar organir kam bangin ivedir kuram ga daningen marki. ¹² Ni aneteghi, a mati borim aremezi, amebam an kuam batezi moghin ganan marki. Ni an amamangatighti, arimariar kurar kam bar an mikarzim damutu an mikarzir vuem ikuvigh puvatighan marki."

¹³ Ezi Moses Ikiavira Itir Godin dia ghaze, "O God, ki kamaghsua, ni Miriamin mikarzim damighti, a ua deragh."

¹⁴ Ezi Ikiavira Itir God a ikaraghha ghaze, "An afezim ti an guam giparighti, an aghumsizim ateriva danganir e itimin azenan iki mangiti, 7plan arueba givagham. Kamaghin, ni aneteghi an azenan iki mangiti, wighin vamira givaghti, gin ni a inigh ua danganir ia itimin aven izi." ¹⁵ Kamaghin amizi, me Miriam batoghezi, a Israeliyan gumazamizibar danganir me itimin azenan itima, Israeliyan gumazamizibua tamoghin ghuezir puvati. Me ikiavira itima 7plan arueba givazi, me ua Miriam inigha uamategha me itir danganimin aven ize. ¹⁶ Egha gin, me dikavigha Haserot ategha ghua, Paranin gumazamiziba puvatizir danganimin otogha, danganim aghuigha an iti.

Israelia Kadesin nguabar ekiamin ikia Godin akaba batosi

13

(Sapta 13:1--20:13)

*Moga garir gumaziba, Kenanin
nguazimin ganasa ghue
(Godin Araziba 1:19-33)*

¹ Ezi Ikiavira Itir God kamaghin Moses migei, ² "Ni 12plan anababa bar dar vaghvagh, dar gumazir dapanir vamira vamira misefegh. Egh ni 12plan gumazibar amangighti, me mogar garir gumazibar min mangi Kenanin nguazir ki ia daningamim getigh." ³ Ezi Moses Ikiavira Itir Godin akam baregha, Israeliyan 12plan gumazir dapaniba amangizi, me Paranin gumazamiziba puvatizir danganimin dikavigha mogar garir gumazibar min Kenanin nguazimin getiasa zui. ⁴ Men ziabar kara: Sakurin otarim Samua, a Rubenin anabamin mav. ⁵ Horin otarim Safat, a Simeonin anabamin mav. ⁶ Jefunen otarim

Kalep, a Judan anabamin mav. ⁷ Josepin otarim Igal, a Isakarin anabamin mav.

⁸ Nunin otarim Josua, a Efraimin anabamin mav. ⁹ Rafun otarim Palti, a Benjaminin anabamin mav. ¹⁰ Sodin otarim Gadiel, a Sebulunin anabamin mav. ¹¹ Susin otarim Gadi, a Manasen anabamin mav. (Manase, a Josepin otarimningin mav). ¹² Gemalin otarim Amiel, a Danin anabamin mav. ¹³ Maikelin otarim Setur, a Aserin anabamin mav. ¹⁴ Vopsin otarim Nabi, a Napatalin anabamin mav. ¹⁵ Makin otarim Guel, a Gatin anabamin mav.

¹⁶ Gumazir dapanir kaba, Moses mogarir gumazibar min, Kenanin nguazimin getiasa me amangi. Egha Nunin otarim Hosia, Moses an ziam giragha, "Josua," a gati.

¹⁷ Moses mogarir gumazibar min me amangasa kamaghin me migei, "Ia mangi Negevin Distrighin aven mangiva, anetegh mighisiba itir danganimin otogh. ¹⁸ Egh ia deraghvira mongegh ganigh fogham, nguazim manmaghin gari, ezi an gumazimiziba avirasemez, o puvati? Egha me gavagiba iti, o puvati? ¹⁹ Ia nguazim asavsuigh, a gifogham, a deraz, o a ikufi. Ia uaghan an nguibabar gan da asavsuir, da divazir bar gavagiba iti, o da pura iti? ²⁰ Egh deraghvira nguazim getigh a gifoghi, me dagheba oparan a deraz, o puvati? Ezi temer manmaghin gariba aghui, egha uaghan ruaritaba iti, o puvati? Kar wainin oviziba faragha anir dughiam, kamaghin, ia ter ovizitaba sara inigh izi. Ia pura izan marki. Ia atiatingan marki."

²¹ Kamaghin amizi, 12plan gumazir kaba mogarir gumazibar min Keenanin nguazimin getiasa ghue. Me Sautin amadaghan Senin gumazamiziba puvatizir danganimin otogha ghua nguabar ekiam Rehopin oto, a notin amadaghan ikia Hamatin nguabar ekiamin zuir tuavir akamin boroghin iti. ²² Me sautin itir gumazamiziba puvatizir danganimin aven ghua Negevin Distrighin otogha ghua, Hebronin nguabar ekiamin oto. Dughiar kam, gumazir bar dafar ruarim Anak, an ovavir boriba iti, men ziabar kara: Ahiman, Sesai, ko Talmai, me Hebronin nguabar ekiamin iti. (Hebronin nguabar ekiam, gumazir maba fomira an ingari, ezi 7plan azeniba givazi, Isipia nguabar ekiam Soanin ingari.)

²³ Ezi gumazir dapanir kaba ghua, Eskolin danganir zarimin otogha ghua wainin ikarizimin aguar mam atu. Wainin aguar kam, wainin oviziba bar izivagha bar osemezi, gumazir vamira aneteran ibura. Me nogorimin a ikegha gumazir

pumuning aneteri. Egha me uaghan fighin oviziba ko pomigranetin ovizir maba sara ini. ²⁴ Kamaghin amizi, me danganir zarir kam, ziam “Eskol,”* a gati. An mingarim kamakin, wainin aguar oviziba bar izivazim.

²⁵⁻²⁶ Me Kenanin nguazim 40plan aruebar moga a getia gara anesavsuiqua, uamategha Kadesin nguibar ekiamin ghu. Kades, a Parani gumazamiziba puvatizir danganimin iti. Egha me Moses, ko Aron ko Israeliian gumazamiziba, bizir me ganizibar me geghari. Egha temer ovizir kaba men akakaghia ghaze, ia kagh temer ovizir kabar gan. ²⁷ Egha me kamaghin Moses migei, “Nguazir, ni etiasa e amadazir kam, e an ganigha gifa. Nguazir kam a bar dera, ezi biziba an ikiava bar deragha aghui. Ni ge, e an dagher maba inigha ize. ²⁸ Egha nguazir kamin itir gumazamiziba, bar gavgafi. Ezi men nguibaba bar ekevegha da avinizar divaziba bar gavgafi. E uaghan Anakin ovavir boribar gani, me gumazir bar dafar ruariba. ²⁹ Ezi Amalekia sautin amadaghan itir Negevin Distrighin iti. Ezi, Hitia, ko Jebusia, ko Amoria mighsabbar itir danganibar iti. Ezi Kenanian Mediternianin Ongarir Ekiamin dadarimin iti. Ezi men marazi Jordanin Fanemin miriamin iti.”

³⁰ Ezi Israelia, gumazir dapanir kabar akam baregha me atiati. Egha Mosesin damazimin migiavira iti. Ezi Kalep dikavigha me gamizi, me nimira itima, a kamaghin me migei, “E zuamira dikavigh mangi me misogh men nguazim inika. E gavgaviba iti, e me abinigham.”

³¹ Ezi gumazir ighazarir Kalep ko ghueziba kamaghin me migei, “Bar puvati. Gumazir kaba, men gavgaviba bar en gavgavibagh afira. Kamaghin amizi, e mangi me ko misoghan iburaghuregham.” ³² Egha me ganizir bizibar ghuangsigha ifara ghaze, “Nguazir kam derazir puvati. A biziba puvati. An dagheba deragh aghungan kogham. Ezi gumazamiziba bar dagheba puvatizi, mitiriaba men a izi. Ezi gumazir e ganiziba bar, me maburan gumazir ruariba. ³³ Bar guizbangira, Anakin ovavir boriba bar ruarigha ekefe. E uarir gari, e bar suvigha pura gumazir kiniba, egha odezibar min gari. E fo, me ti en ganti, e bar suvigha odezibar min ganam.”

14

Gumazamiziba imoba migirigiar aviribar God gami

¹ Israeliian gumazamiziba, 12plan gumazir dapanibar eghaghaniba baregha, dimagarir kamin pamten tiariba akara aziava ara ghuav itima, aminim tira. ² Egha dikavigha ghua imoba migirigiar aviribar Moses ko Aron gamua ghaze, “E Isipin kantrin ikiava aremezi, deraghai o, e gumazamiziba puvatizir danganir kamin ikia ariaghirezi, deraghai! ³ Tizim bagha, Ikiavira Itir God e inigha Kenanin zui? Me en taraziv sueghti, e arimighiregham. Me ti en amuiba ko boriba inighti, me men ingangarir gumazamizir kinibar min otivigham. E ti uamategh Isipin mangiti deragham.” ⁴ Egha me uariv gia ghaze, “E uari bagh gumazir dapanitam amiseveghti, an e inigh uamategh Isipin mangam.”

⁵ Ezi Moses ko Aron, gumazamiziba bar men damazimin nguazim girigha, guamning nguazim mitua. ⁶ Ezi Nunin otarim Josua, ko Jefunen otarim Kalep, aning mogar garir gumazibar tongin gumazir mamming, aning bar osemegha uan korotiabi abaghari. ⁷ Egha aning kamaghin gumazamizibav gei, “Ga uaning nguazir kam bar a garua an gani, a bar dera. ⁸ Ikiavira Itir God, e bagha bar akongegha, guizbangira e inigh nguazir kamin aven mangi a isi e daningam. Kar nguazir bar aghuim, ezi dagheba an ikiava bar deraghaviram aghui. ⁹ Ia deraviram oragh! Ia Ikiavira Itir Godin akaba batoghan marki! Egh ia gumazamizir nguazir kamin itibar atiatingan marki. Me pura bizibar min, e me misoghirarigham, mati gumazim asizir tuzim apa a tuavaremezi a bar iraghu. Men garir aseba, men akuraghan kogham. Ikiavira Itir God, e ko iki me abiraghram. Kamaghin amizi, ia men atiatingan marki.” ¹⁰ Ezi Israeliian gumazamiziba bar, Josua ko Kalepin akam nighnizir gavgavim an itir puvatigha, dagibar aning ginivighti, aning aremeghasa. Egha gumazamiziba maghira garima, Ikiavira Itir Godin angazangarir bar gavgavim zuamira izaghira a bativamin Purirpenim gisin iti.

Moses gumazamiziba bagha God ko migei

¹¹ Ezi Ikiavira Itir God kamaghin Moses migei, “Ki mirakelin ekiar aviribar gumazamizir kaba bagha dagh ami. Ezi me nan akam barazir puvatigha, nighnizir gavgavim nan itir puvati. Me dughiar bar ruarimin, bar nan aghua. Ki bar men amiragha men atari. ¹² Kamaghin, ki arimariar ekiar kuratam amadaghti, a me gasighasigham. Ki ni damighti nin ovavir

* **13:24:** Ziar kam, “Eskol,” an mingarim kamakin, “Wainin aguar ovizir bar aviriba itim.”

13:30: Diboboniba

14:24; Josua 14:7 **13:33:** Jenesis 6:4 **14:9:** Hibru 3:16 **14:13:** Ua Me Ini 32:11-14

boriba, ikizir ekiamin otogh bar gavgavigham. Eghti men gavgavim bar Israelian gavgavim gafiraghram."

¹³ Ezi Moses kamaghin Ikiavira Itir God ikaragha ghaze, "O Ikiavira Itir God, ni uabi, uan gavgavir ekiamin gumazamizir kaba Isipin kantrin me inigha azenan ize. Ni me gasighasighti, Isipia bizar kamin akam baregham." ¹⁴ Egh me Kenania mikemegham. Ni fo, Kenania kamaghin oraki, ni Ikiavira Itir God, ni e ko ikia uabi isa en akakazima, e nin boroghin ikia nin gari. Me kamaghin oraki, nin ghuariam e gisin itima, ni en faragha zui. Ni aruebar ghuariar ruarir ekiamin tongin e gisin ikia dimagirabar, ni ghuariamin aven avimin min isia iti. ¹⁵ Ni uan gumazamizibav soghirarighti, ikizir ighazarizir nin ziar ekiam baraghiziba, me suam, ¹⁶ 'Ikiavira Itir God fomira akar dikirizim gamua ghaze, a uan gumazamiziba inigh Kenanin nguazimin mangam. Egha a gavgaviba puvatigha, kamaghin a iburagha gumazamiziba puvatizir danganimin me misuaghariki.'

¹⁷ "O Ekiam, ni uan gavgavir ekiam en akagh, bizar ni damuasa akar dikirizim gamizim, ni a damu. Ni uabi kamaghin mikeme, ¹⁸ 'Ki Ikiavira Itir God, ki zuamira aningazir puvati. Ki zurara gumazamizibar apangkuva, egha zurara uan migirigibar gin ghua guizin arazibagh ami. Ki men arazir kuraba ko arazir aka batoziba ko, igharagha garin bizar kurar aviriba gin amadi. Egha ki garima, arazir kurabagh amir gumaziba, me osimtiziba itima, ki ivedir kuram me ganidi. Egh men boribar borir gin otivamiba, ki ivedir kuram me daning mangiti men igiav otaribar boriba otivigham.' ¹⁹ O Ikiavira Itir God, ni zurara apangkuva deravira gumazamizibagh ami. Egh ni uan apangkuvir arazim giraghan kogham. Kamaghin amizi, ki nin azangsisi, ni gumazamizir kabar arazir kuraba gin amadagh, mati me Isipin ikegha izima, ni men arazir kuraba gin amaga iza datirighin tu."

²⁰ Ezi Ikiavira Itir God Moses ikaragha ghaze, "Ni azarazi moghin, ki men arazir kuraba ginamangam." ²¹ Bar guizbangira, ki Ikiavira Itir God, ki zurara angamira iti, ezi nan gavgavim ko angazangarim ko ziar ekiam nguazir kam bar a gizifa. Ezi ki datirighin uan ziamin akar dikirizim gamua ghaze, ²² Gumazamizir nan akaba barazir puvatizir kaba, nguazir ki men inazir afezibar aningasa akar dikirizim gamizim, me an aven mangan kogham. Gumazamizir kaba, ki uan gavgavim ko angazangarir ekiam ko ziar ekiam isa men akazi, me

dar gani. Egha me mirakelin ki Isip ko gumazamiziba puvatizir danganir kamin amizibar gani. Egha dughiar bar aviriba, me nan akaba batogha, nan akamin gin mangan aghua. ²³ Men tav nguazir ki men inazir afezibar aningasa akar dikirizim gamizim ganighan kogham. Bar puvati. Me nan aghua, kamaghin amizi me nguazir kamin aven mangan kogham. ²⁴ Ezi nan ingangarir gumazim Kalep, an nighniziba bar ighara. A uan navir averiamin aven nan gin iza na bagha tugha gavgafi. Kamaghin amizi, ki a inigh nguazir a ghua ganizimin mangiti, an an ikiam. Eghti an ovavir boriba uaghan nguazir kamin ikiva uari bagh a iniam. ²⁵ Datinighin, Amalekia ko Kenania nguazir kamin danganir zaribar iti. Eghti ia gurumin bar moghira dikavigh, danganir kam ategh uamategh mangi Ongarir Aghevimin boroghin zuir tuavimin mangi, egh gumazamiziba puvatizir danganimin otogh an iki."

Ikiavira Itir God ivedir kuram Israelia ganidi

²⁶ Egha Ikiavira Itir God kamaghin Moses ko Aron migei, ²⁷ "Dughiar aviribar, gumazamizir kurar kaba imobir aviribar na gami. Ki me baragha bar men amira. Me dazoghin imobir kurar kam ategham? Ti puvatigham. ²⁸ Kamagh amizi, ni nan akar kamin gun kamagh me mikim, 'Ki Ikiavira Itir God, ki zurara ikia mamaghira ikia, egha guizbangira migei. Ki orazi ia kamaghin migei, ia kaghira iki ovengasa, kamaghin amizi, ia ifongezi moghin ki ia damuam. ²⁹ Ia arighiregħti, ian kuuba tintinim gumazamiziba puvatizir danganir kam gireghiv ikiam. Ia puvira na gimobi, kamagh amizi, gumazir 20plan azeniba itiba, ko 20 plan azenibagh afiraziba, kar gumazir me faragha men ziaba osiriga givaziba, me bar nguazir aghuir kamin aven mangan kogham. ³⁰ Ki fomira kantrin kamin ikiasi akar dikirizimin ia gami. Ezi puvati, ia bar mangan kogham. Josua ko Kalep, aningra mangam. ³¹ Ia ghaze, me ti ian boriba inighti me men ingangarir gumazamizir kinibar min otivam. Eghti puvatigham. Ki ian boriba inigh mangi nguazir ia aghuazimin me atigham. Eghti a men nguibamin min ikiti, me deraghviram a dapiagh ikiam. ³² Eghti ia puvatigham. Ia gumazamiziba puvatizir danganir kamin arighiregħti, ian kuuba kagh ireghiv ikiam. ³³ Eghti ian boriba gumazamiziba puvatizir danganir kamin mangiż izegħi damuti, 40plan azeniba givagħam. Ia na ataghixar arazir kam, mati amizim uan pam ategħa tuavir amizimin min oto. Kamaghin amizi,

ian arazir kam bangin, ian boriba mizabiza baragh mangiti, ian abuananaba arighiregh givagham. ³⁴ Ian gumazir dapaniba 40plan aruebar nguazir aghuim getigha, mog a gan. Eghia ia uan arazir kuraba bangin, iveauzir kuram inivira iki mangiti, 40plan azeniba givagham. Ki 40plan aruer kabagh nighnigha da mengegha 40plan azenibar iveauzir kuram ia daningam. Eghia ia kamaghin ganigh na gifogham, arazir ia amir kaba, ki bar dagh ifongezir puvati. ³⁵ Ki guizbangira migei, gumazamizir kurar akaba barazi puvatigha, akirim raga na gasaraziba, ki pazi me damu. Me bar moghira, gumazamiziba puvatizir danganir kamin arighiregham. Ki Ikiavira Itir God ki mikemegha gifa.”

³⁶⁻³⁷ Moga garir gumazir Moses nguazim getiasa amangiziba, men marazi eghaghanir ifavarim gamua ghaze, “Nguazir kam, a nguazir kuram.” Ezi men akar kam gumazamizibagh amizi, me imobir avirim Ikiavira Itir God gami. Ezi Ikiavira Itir God arimariaj kuram moga garir gumazir kabar amadazi, me zuamira ariaghire. ³⁸ Moga garir gumazir 10plan kaba bar ariaghirezi, Josua ko Kalep uaningra aremezir puvatigha iti.

Israelia ghua Kenanin nguazim iniasi misosi

(Godin Araziba 1:41-46)

³⁹ Ezi Moses Ikiavira Itir Godin akar kabar gun Israelien gumazamizibav kemezi, me puviram azi. ⁴⁰ Bar mizaraghara, me dikavigha ghua mighsiabar itir danganimin pin ghua ghaze, ia oragh. E fo, e arazir kurabagh ami. Egha e datirighin mangi Ikiavira Itir God e daningasa mikemezir nguazimin mangam. Egha me Kenania misoghasava ami.

⁴¹ Ezi Moses kamaghin me migei, “Manghsua ia Ikiavira Itir Godin Akar Gavgaviba batosi? Ia me misogh me abiraghan kogham. ⁴² Ia mangan marki. Ikiavira Itir God ia ko mangi ian akuraghan kogham. Kamaghin, ian apaniba bar ia abiraghan. ⁴³ Ia akirim raga Ikiavira Itir God gasara, egha an gin zuir puvati. Kamaghin amizi, Ikiavira Itir God ia ko midorozim bagh mangighan kogham. Bar guizbangira, ia mangi Amalekia ko Kenania ko misoghti, me ia misoghirarigham.”

⁴⁴ Moses kamaghin me mikemezi, me an akam baraghizir puvati. Me an akam batuegha, uari fa ifaghata, dikavigha apanibav soghasa mighsiabar itir danganimin zui. Ezi Moses me ko ghuzir puvati. Me uaghan Ikiavira Itir Godin Akar Dikirizir Gavgavimin Boksiam inigha ghuzir puvati. A me itir danganimin ikiavira iti. ⁴⁵ Me zuima, Amalekia ko Kenania danganir

mighsiabar itiba, dikavigha iza, me misogha me abira. Egha men marazir agintigha bar ghua Horman nguibar ekiamin oto.

15

Ofan igharaghha garibar Akar Gavgaviba

¹ Ikiavira Itir God kamaghin Moses migei, ² “Ni kamaghin Israelia mikim: Ia mangi nguazir ki ia daningasa mikemezimin otogh a dapiam. ³ Egh ia Ikiavira Itir Godin ofa damusi, ia uari uan bulmakaun, o sipsip o meme inigh izi. Kar, ofan bar isia mighirim, o akar dikirizir God koma amizim akiramin ofa, o ia uan ifongiamin gin mangamin ofa, o dughiar ekiar ia Godin ziam fasa a inabazibar ofa, o ofan igharaziba. Ia avimin aven ofa damuti, Ikiavira Itir God ofan kamin mughuriam baregh, egh a gifuegh navir aghuim an ikiam. ⁴ Ezi gumazitam ofan katam Ikiavira Itir God daningisi, a uaghan wit tuamin ofa damusi plauan kilogremmin vamira ko, olivin borer litan vamira sara verezim inigh izi. ⁵ Egh uaghan, a wainin dipar litan vamira inigh asizim sara ofa damu. ⁶ Ni sipsipin apurimin ofa damusi, plauan kilogremmin pumuning itim inigh olivin borer litan vamira ko natam sara a veregh wit tuamin ofa damu. ⁷ Egh uaghan wainin dipar litan vamira ko natam sara, sipsipin apurir kam ko ofa damu. Eghia Ikiavira Itir God ofan kamin mughuriam bareghiva, a gifuegh navir aghuim an ikiam. ⁸ Ni bulmakaun apurim inigh ofan bar isia mighirim, o akar dikirizir God ko amizim akiramin ofa, o Ikiavira Itir God ko navir vamira ikiamin ofa, o ofan igharazim damusi, ⁹ ni uaghan wit tuamin ofa damu. Kar, ni 3 kilogrem plaua ko olivin borer litan vamira sara verezim inigh. ¹⁰ Egh uaghan 2 lita wainin dipar inigh iziva, bizir kaba ko bulmakaun apurir kam, avimin aven dar ofa damu. Eghia Ikiavira Itir God ofan kamin mughuriam baregh, egh a gifuegh navir aghuim an ikiam.

¹¹ “Ia bulmakaun apurim o sipsipin apurim o sipsipin nguzir apurim o memen nguzim inigh ofa damusi, da bagh vagh-vagh bizir kaba uaghan da inigh, kar plaua, ko olivin borem, ko wainin dipam, egh asiziba romegh dar ofa damu. ¹² Ia asizibar dibobonimin gin mangi. Da avirasemeghti, plauuba, ko olivin boreba, ko wainin dipabar dibobonim uaghan avirasemegh. ¹³ Ia Israelia, avimin aven ofa damusi, ia bar kamaghira damuti, Ikiavira Itir God ofan kamin mughuriam baregh, egh a gifuegh navir aghuim an ikiam. ¹⁴ Eghia ikizir igharazibar gumazamizir dughiar ruarim o dughiar otevimin ia ko itiba, me avimin aven ofa damusi me uaghan Akar

Gavgavir kabar gin mangam. Eghti Ikiavira Itir God men ofan kamin mughuriam baregh, egh a gifuegh navir aghuim an ikiam. ¹⁵ Ia Israelian gumazamiziba, ko ikizir igharazibar gumazamizir ia ko itiba sara, Akar Gavgavir kaba da bar ian akaba. Dughiar gin izamiba bar, ia bar me ko Ikiavira Itir Godin damazimin magh ghue. ¹⁶ Ia Israelia ko ikizir igharazibar gumazamizir ia ko itiba, ia bar ofa damuamin Akar Gavgavir kabara, gin mangam."

¹⁷ Egha Ikiavira Itir God ua kamaghin Moses migei, ¹⁸ "Ni kamaghin Israelia mikim: Ki ia inigha nguazir aghuir kam bagha zui. Eghti gin ia an ikiva, deraghvira a dapiagh ikiam. ¹⁹ Egh ia dagheba opar gin da asigh, egh dar taba inigh, ofan min Ikiavira Itir God daningam. ²⁰ Ia witin igiabar ingarizir bretin faraghavira tueziba, ia ofan min dar tongin bretin rubuzitam inigh Ikiavira Itir God daningigh. Kamaghira, ia witin ovizibar iniba kua dar dagheba isir danganimin witin igiataba inigh Ikiavira Itir God daningigh. ²¹ Dughiar kam ko dughiar gin izamibar, ia uan witin igiabar tongin ofan tam isi Ikiavira Itir God daningigh.

²²⁻²³ "Akar Gavgavir Ikiavira Itir God Moses ganingizir kaba, ia da inigha dagh fogha gifa. Eghti ian ovavir borir gin otivamiba, uaghan da inigh dagh fogham. Eghti ia bar dar gin mangi. Eghti gumazitaba ti deragh foghan kogh dar gin mangan kogham. ²⁴ Eghti gumazamiziba bar, gumazir kamin arazir kurar kam gifoghan kogh, kamaghin, me God ifongezir arazimin gin mangi bulmakaun apurir igiatam inigh, ofan bar isia mighirim damuam. Egh uaghan wit tuamin ofa ko wainin dipamin ofa isi asisir kam ko ofa damuam. Egh arazir kuraba gin amangamin ofa damusi memen apuritam sara ofa damu. Eghti Ikiavira Itir God an ofan kamin mughuriam baregh, egh a gifuegh navir aghuim an ikiam. Eghti me uaghan arazir kuraba gin amadir ofan min memen apurim isi ofa damu. ²⁵ Eghti ofa gamir gumazim arazir kuraba gin amadir ofa me bagh a damighti, Israelian gumazamizibar arazir kuraba bar givagham. Ofan kamin mingarim kamakin, marazi deragha nighnizir puvatigha arazir kurabagh ami. Egha bizir kam bangin, me uan arazir kuraba gin amadir ofa, Ikiavira Itir God bagha a gami. ²⁶ Israelia ko Kantrin Igharazibar Gumazamizir me ko itiba, me bar deravira nighnizir puvatigha arazir kurram gami. Kamaghin, ki men arazir kuraba gin amangam.

²⁷ "Gumazitam, uabira deravira nighnizir

puvatigha arazir kuram gami, a memen amebar azenir vamira itim inigh, arazir kuraba gin amadir ofa damu. ²⁸ Eghti ofa gamir gumazim, Ikiavira Itir Godin damazimin ofa damuva, deravira nighnizir puvatigha arazir kuram gamizir gumazimin arazir kuram gin amadaghgam. ²⁹ Ia Israelia ko ikizir igharazibar gumazamizir ia ko itiba, Akar Gavgavir kabara bar ian akaba. Kar, deravira nighnizir puvatigha arazir kuram gamizir gumazimin arazir a damuamim.

³⁰ "Eghti gumazamizir na baraghan aghuaghga arazir kuram gamim, a mati akaba Ikiavira Itir God gasir gumazim, kar Israelian gumazim o ikizir igharazibar gumazim, a Israelian tongin ikian kogham. ³¹ Gumazir kam o amizir kam uan ifongiamin gin ghua, Ikiavira Itir Godin Akar Gavgavimin aghuaghga anebiki. Kamaghin amizi, a Israelian tongin ikian kogham. An arazir kuram ivezim, a uabi uan osimitzim ateram."

Gumazir mam Sabatin arazim abiki

³² Dughiar mam, Israelia, gumazamiziba puvatizir danganimin ikia garima, Sabatin dughiamin gumazir mam daziba isi. ³³ Ezi men marazi a inigha, Moses ko Aron ko Israelian gumazamiziba bar, me bagha ghue. ³⁴ Egha a isa kalabus gati. Me fozir puvati, me manmaghin a damuam. ³⁵ Ezi Ikiavira Itir God kamaghin Moses migei, "Ia gumazir kam inigh, ia itir danganim ategh azenan mangi, bar dagiabar a ginivti an aremegh." ³⁶ Ezi gumazamiziba bar, me Ikiavira Itir God Moses mikemezi moghin amua, gumazir kam inigha, danganir me itim ategha azenan ghugha, dagiabar a ginivizi, an areme.

Korotiar apinir vin itibar dueviar rubarbar Akar Gavgavim

³⁷ Ezi Ikiavira Itir God kamaghin Moses migei, ³⁸ "Ni kamaghin Israelian gumazimibav kim: Ia strinba inigh dar dueviabar amigh uan korotiabar apinabar mikebabar, da ikegh. Dar dueviar kaba, ia vaghvagh bluplan strinba dagh ikeghti, da ian korotiabar apinabar mikebabar ikiam. Ia ko ian ovavir borir gin otivamiba kamaghira damu. ³⁹ Dughiar zurara ia dueviar ikizir kabar ganiva, Akar Gavgavir ki ia ganingizibagh nighnigh dar amu. Egh uan ifongiabar gin mangiva, uan damazibar bizibar ganiva, navir averiabar da bagh dikav arazir kurabar amuan marki. ⁴⁰ Ia kamaghin damuva, nan Akar Gavgavibar gin mangisi nighnigh, bar na baghavira itir gumazamizibar min ikiam. ⁴¹ Ki Ikiavira Itir God, ian God. Ki ian Godin ikiasi

ifonge, kamaghin, ki Isipin kantrin ia inigha azenan ize. Ki Ikiavira Itir God, ian God, ki mikemegha gifa.”

16

Kora ko Datan ko Abiram Moses barazir puvati

¹⁻²Isharin otarim Kora, a Kohatin ikizimin gumazim, egha Livain anabamin mav, a ko Rubenin anabamin gumazir 3pla, me Mosesin akaba baraghant aghua. 3plan gumazir kabar ziabar kara: Eliapin otarir pumuning Datian ko Abiram, ko Peletin otarir On. Gumazir 4plan kaba dikavigha Israelian gumazir dapanir 250plan igharaziba akuvagha Moses mikimasa zui. Gu-mazir dapanir kaba, Israelian gumazamiziba faragha me amisevezi, me men damazimin ziar ekiaba iti. ³Ezi gumazir dapanir kaba uari akuvagha Moses ko Aron bagha ghua ghaze, “Gua oragh! E Israelian gumazamiziba bar, e vaghvaghia Ikiavira Itir God baghavira itir gumazamiziba, ezi a bar en tongin iti. Ezi gua unanig fa ifaghata ghaze, gua ti Ikiavira Itir Godin gumazir igharaziba bar me gafira. Manmaghsua gua ghaze, guarara bar e gativagham? Guan arazir kam, bar derazir puvati.”

⁴Ezi Moses kamaghin oregha nguazim girigha, uan guam nguazim mituaghia God ko migei. ⁵Egha a dikavigha Kora ko an gin zuir adaraziv gia ghaze, “Gurum mizaraghara, Ikiavira Itir God, en akaghiam, Gumazir manaba, an gumazibara, egha guizbangira a baghavira iti. Egh gumazir kabar amamangatighti, me a bagh izi an ingangarim damuam. ⁶Kora, ni ko nin gin zui darasi, ia kamaghin damu: Gurum mizaraghan, ia pauran mughuriar aghuim zuim dapongamin itariba inigh. ⁷Egh avir mikiatoba, ko pauran mughuriar aghuim zuiba isi itaribar aven dar arikigh. Egh da inigh ofa gamir dakozimin mangi Ikiavira Itir Godin damazimin tugh. Eighti Ikiavira Itir God en akaghiam, en tongin itir gumazir manaba, an ingangariba ko ofabar amuasa a me amisefe. Bar guizbangira, ia Livaiba arazir organir kam gamizi, a derazir puvati!”

⁸Egha Moses ua Kora migia ghaze, “Ia Livaiba, ia oragh! ⁹⁻¹⁰Ikiavira Itir God, Israelian God, a Israelian gumazamizibar tongin ia misevegh, ian amamangatighti, ia an boroghin mangi an Purirpenimin aven ingangaribar amuasa, gumazamizibar damazimin tuiv men akurvaghti, me devravira Godin ziam fer arazibar gin mangam. God ia ko Livain igharaziba ataghizi, ia ingangarir ziar ekiam itim gami. Ia manmaghin ami? Ia ti ghaze, ian ingangarir

kam pura bizim. Egha ia ti uaghan ofa gamir gumazibar ikiasava ami, a? ¹¹Ezi Aron manmaghin garir gumazim, ezi ia an atari? A gumazir kinim. Kamaghin, ia Aron gimoba an atarir puvati. Ia ko ian adaras, ia uari inigha, Ikiavira Itir God gimoba an atari.”

¹²Kamaghin, Moses uabida izasa, Eliapin otarir pumuning Datian ko Abiram bagha akam amada. Ezi aning kamagh migei, “Ga bar izeghan kogham. ¹³Ni e misuegħi e aremegħħasa, ni Isipin nguazir aghuir biziba bar deragħa aghuimin aven, e inigha gu-mazamiziba puvatizir danganir kamin ize. Egha ni datirighin ifaghata uabi amisevegha e gativagħasava ami. ¹⁴Ni zurara e migia ghaze, ni e inigh nguazir bar aghuir biziba an ikiava deragħa aghuimra mangam, egh nguazir dagħer azeniba ko wainin azeniba itiba isi e daningam. Ezi puvati, da managh iti? Ni ti ghaze, e oħġani, egħiñ ni e gifaram, a Bar puvatigham. Ga izegħan kogħam.”

¹⁵Ezi Moses kamaghin oregha, a puvira atara an navim bar ikuviz i kamaghin Ikiavira Itir God migei, “Ni gumazir kabar ofaba inian marki. Bar guizbangira, ki paza bixitam me gamizir puvati. Ki men donkin tam inizir puvati. Bar puvati.”

¹⁶Egha Moses kamaghin Kora migei, “Ni ko nin 250plan gumazir nin gin zuiba, ia gurumzaraghān izi Godin Purirpenimin otogh, Ikiavira Itir Godin damazimin Aron ko tugham. ¹⁷Ia vaghvagh uan ofan migharir mugħuriar aghuim zuim dapongamin itariba inigh, pauraba dar arigh da isiva Ikiavira Itir Godin damazimin ofa damuam. Ni ko Aron, ko 250plan gumazir dapaniba uan itaribar suīgh izi.”

¹⁸Kamaghin amizi, amimzaraghan gumazir kaba vaghvaghia, avir mikiaħba ko pauraba isa, itaribagh arigha iza Moses ko Aron ko, God bativamin Purirpenimin tiar akamin tuivighav iti. ¹⁹Dugħiar kamra, Kora Moses ko Aronin akaba batueħħasa Israelian gumazamiziba akuva God bativamin Purirpenimin tiar akamin borogħin men navibagh inifi. A kamaghin amuavira itima, Ikiavira Itir Godin angazangarir ekiam bar dafogħa azenim girizi, me bar an gari. ²⁰Ezi Ikiavira Itir God kamaghin Moses ko Aron migei, ²¹“Gua gumazamizir kabagh itaqbun munagh tugh. Ki datirighira gumazamizir kabav soqħirarigham.”

²²Ezi Moses ko Aron nguazim girigha, guamning issa nguazim mituaghia kamaghin Ikiavira Itir God migei, “O God, ni ubi gu-mazamiziba bar men ingarizi me angamira itima, ni bar men nighnizibagħ fo. Eighti gu-mazir vamira arazir kuram damighti, manmagħsu ni bar me gasighasigham?”

²³ Ezi Ikiavira Itir God Moses ikaraghha ghaze,²⁴ “Ni gumazamizibav kemeghti, me sivagh munagh tugh, egh Kora ko Datan ko Abiramın purirpenibar boroghin ikiyan marki.”

²⁵ Kamaghin amizi, Moses dikavigha Datan ko Abiram bagha zuima, Israeliyan gumazir dapanir igharaziba an gin zui.

²⁶ Ezi Moses ikiangsizim Israeliyan gumazamizibagh aniga ghaze, “Ia arazir kurabagh amir gumazir kabar purirpenibar boroghin ikiyan marki. Ia men bizitamin suighan marki. Puvatightima, ia men arazir kuram bangin, me sara givagham.” ²⁷ Kamaghin, gumazamizibava men purirpenibagh itagħha sagħuham mitivizi, Kora, Datan ko Abiram me uan amuiroghboriba ko, me uan purirpenibar tiar akabar borogħin tuivighav iti.

²⁸ Ezi Moses kamaghin gumazamizibav gei, “Ia datirighin bizar kurar kamin ganigh fogħ suam, bar guizbangira, Ikiavira Itir God na miseveghha, ingangaribar amuasa na mikemegħha na amada. Kar nan nighthażżeen puvati. Bar puvati. Kar Godin nighthażżeen. ²⁹ Gumazir kaba, datirighin aremegħam. Ia bar ganti, God mizazir kuram me daningan kogħti, me datirighin gumaziba zurara puram ariaghiri mogħin arighiregti, ia fogħ suam, Ikiavira Itir God na misevezir puvati. ³⁰ Egh ia ganti, Ikiavira Itir God arazir fomira otozir puvatizir tam damighti, nguazim akam akarighti, gumazir kaba uan amuiroghboriba ko uan biziба sara angamira. Gumazamizir Oveaghueżibar Nguibamin aven magiregħti, ia kamaghin fogħ suam, gumazir kaba akiriba ragħha Ikiavira Itir God gasara.”

³¹ Moses mikemegħa givazima, gumazir kaba tuivighav iti nagħin, nguazim zuamira, akam akarizma, maburan torim oto. ³² Ezi aning uan amuiroghboriba, ko Koran adarazi bar, uan biziба sara, nguazir torir kam giraghuezi, nguazim ua iza ubi dkuuza me itir puvati. ³³ Me angamira ikiya, uan biziба sara. Gumazamizir Oveaghueżibar Nguibamin iraghue, ezi nguazim ubi dkuuza, me ua men garir puvati. ³⁴ Me nguazir torimin aven għuaghira puvira diava araima, Israeliyan gumazamizibava men tuater ararem baregha atiata kamaghin migei, “Ame! E zuamiram ari mangex! Puvatightima, arazir kam ti uaghan e batogħam. Nguazim akam akarighti, e uaghan nguazim aven magiregħam.” Egha me zuamiram are.

³⁵ Egha zuamira, Ikiavira Itir God avim amadazi, avim 250plan gumazir avir migharrar mughuriar aghuim zuim ofa gamibagh iriżi, me bar isiava ariaghire.

Me bras inighha ofa gamir dakozim dukua

³⁶ Ezi Ikiavira Itir God kamaghin Moses migei, ³⁷ “Ni ofa gamir gumazim Aronin otarim Eleasar, a mikemegħti, a mangi avimin averenimin tongin avim isizir gumazibar brasin itariba asigh da inighiwa, saghon mangi dar avir mikieba tintinim min da kavamang. Bar guizbangira, itarib kaba, na bagħavira itir biziża. ³⁸ Kamaghin, an haman dav suegh, ofa gamir dakozim avarazir brasin evarimin ingarigh anevaragh. Gumazir kaba uan arazir kurabar bangin ariaghire. Eġi men avim isizir gumazibar brasin itariba, brasin evarimin otogħi, gumazamizibas brasin evarir kamin ganigh fogħ suam, me gumazir kabar min arazir kurar kam damuan kogħam.”

³⁹ Kamaghin, Eleasar itarib kaba akumkumigha haman dav suegha ofa gamir dakozim avasa brasin evarimin ingari.

⁴⁰ Mati Ikiavira Itir God Moses mikemezi mogħin, brasin evarir kam fofozim Israelia daningasa ababanim min iti, eġi me fogħam, Aronin ovavir boribara, Ikiavira Itir Godin borogħin mangi an damazim min migharrar mughuriar aghuim zuir ofa dapongam. Gumazir kinitam ofa damusi, a Kora ko an gin zui darazi iverzur kuram inizi mogħin, a uaghan iverzur kuram iniam.

Aron gumazamizibar akurvasi

⁴¹ Ezi amimzaragħan Israelia Moses ko Aron gimoba ghaze, “Gua Ikiavira Itir Godin gumazamizibav sogħezi, me ariaghire.”

⁴² Egha Israelia bar uari akuvagħha Moses ko Aron bagħi mangħa, ragħha God bativamin Purirpenim garima, għuariar ekjām Purirpenim avarazima, Ikiavira Itir Godin angazgarir ekjām dafogħha tagħtħaqha azeni għiġi.

⁴³ Ezi Moses ko Aron ghua God bativamin Purirpenim guamin tu. ⁴⁴ Ezi Ikiavira Itir God kamaghin Moses migei,

⁴⁵ “Gua kamatigħi, egh gumazamizir kabar sagħuġi min tugh. Eġi ki zuamira bar me kuavaremegħam.” Ezi aning nguazim girigħa uan guamning nguazim mitħu.

⁴⁶ Egha Moses kamaghin Aron migei, “Ni uan ofan migharrar mughuriar aghuim zuim min itarib inīħi, ofan dakozim min avir mikieb isia itiba ko pauran taba dar arikigh. Egha zuamira gumazamizibav bagħi mangi, men arazir kuraba gin amangisi, ofa damu. Bar guizbangira, Ikiavira Itir Godin aningagħarim izagħiżi, arimariar bar kuram otogħha me gasiġħasizima, marazi ariaghiri.” ⁴⁷ Ezi Aron oreġha uan itarib inighha iverġa huma gumazamizibav uari akuvagħha itibar tongin għu. A garima, arimariar bar kuram men tongin otogħha għifa. Ezi Aron pauran mughuriar aghuim zuim inighha itarib għat-tnejha gumazamizibar arazir

kuraba gin amangasa ofan min kamaghin ami. ⁴⁸ Dughiar kamin, Aron ovengezir gumazamizibar kuaba ko angamira itibar tongira tughav ikiar azir kam gami. Ezi arimariar kurar kam gifa. ⁴⁹ Gumazamizir arimariar kurar kamin ariaghirezibar dibobonim, 14,700in tu. Dibobonir kam, a Koran azir kuram bangin ariaghirezibar dibobonimin aven itir puvati. ⁵⁰ Arimariar kurar kam givazima, Aron uamategha, Moses bagha izi God bativamin Purirpenimin tiar akamin ghu.

17

Aronin asadivir aghorim

¹ Ezi Ikiavira Itir God kamaghin Moses migei, ² "Ni Israelian gumazamizibav kemeghti, me 12plan asadivir aghoriba ni daningichti, ni 12plan anababar gumazir dapaniba vaghvagh men asadivir aghoriba inigh. Egh 12plan gumazir dapanir kabar ziaba asadivir aghorir kabar da osirigh. ³ Egh Livain anabamin asadivir aghorim, Aronin ziam osirigh. Anababar gumazir dapanibar ziaba vaghvagh men asadivir aghoribar ikiarn. ⁴ Eghti ni da inigh, na bativamin Purirpenimin mangiva, ki ni bativi naghin Akar Dikirizir Gavgavim Boksiamin guamin da atigh. ⁵ Eghti gumazir ki misevezimin asadivim ghuzghugham. Arazir kamin, ki Israelian imobir me ni gabis, bar da givaghram."

⁶ Ezi Moses Israelia migeima, men anababar gumazir dapaniba vaghvaghua uan asadiviba isa a ganingi. Kar, anababar 12plan asadivir aghoriba. Ezi Aronin asadivir aghorim uaghan men asadivir aghoribar tongin iti. ⁷ Ezi Moses asadivir aghorir kaba bar moghira da inigha, Ikiavira Itir Godin Purirpenimin aven ghua, Akar Dikirizir Gavgavim Boksiamin guamin boroghin da ariki.

⁸ Egha amimzaraghan Moses Purirpenimin aven ghua garima, asadivir aghorir Aronin ziam itim, kar Livain anabamin asadivir aghorim, a ghuzir igiaba otivigha akimariiba onezi, amonin temer oviziba anigha an guighav iti. ⁹ Ezi Moses ghua Ikiavira Itir Godin damazimin asadivir aghoriba bar da inigha azenan ghua Israelian akazi, me asadivir aghorir kabar gari. Ezi men gumazir dapaniba izi vaghvaghua uan asadivir aghoriba isi.

¹⁰ Ezi Ikiavira Itir God kamaghin Moses migei, "Ni Aronin asadivir aghorim uam a isi Akar Dikirizir Gavgavim Boksiamin guamin boroghin anetigh. Egha a fofozim me daningamin ikiangsizimin min ikiti, Israelian puvira na gimoba nan atarir arazim givaghram. Egha me arighiran kogham."

¹¹ Ezi Moses Ikiavira Itir God mikemezi moghiram ami.

¹² Ezi Israelian gumazamiziba kamaghin Moses migei, "Ame! E aremeghasava ami. E bar moghira kamaghira givaghram.

¹³ Gumazir manam, Ikiavira Itir Godin Purirpenim boroghin mangiva, an aremegham. Kamaghin amizi, e bar moghira ovengamin adarasi."

18

Ofa gamir gumaziba ko Livaibar ingangarim

¹ Ezi Ikiavira Itir God kamaghin Aron migei, "Ni uan otariba ko Livaiba bar, ia deragh nan Purirpenimin ingangarim damuan kogh, egh kamaghin ia uari, uan arazir kuramini osimtzim bangin iveauzir kuram iniam. Ni uan otariba ko, deragh ofa gamir gumazimin ingangarim damuan koghiva, iarara uan arazir kurar kamin osimtzim ateram.

² "Ni uan anabam Livain adarazir aku Purirpenimin boroghin izeghti, me nin akurvaghram, eghni ni uan otariba ko, ia Purirpenimin aven ingaram. ³ Livaiba, Purirpenimin damuamin ingangariba ko, ni me daningamin ingangariba, me ian akurvagh dar amu. Egh me Anogoroghezir Danganimin itir biziba ko ofa gamir dakozimin biziba, me dar suighan marki. Me dar suighi, ni uaghan me ko ovegham.

⁴ Me ni ko ingar, me ingangarir na bativamin Purirpenimin ganamiba bar, me dar amu. Eghni gumazir kinitam nin boroghin izi ni ko ingaran kogham. ⁵ Ni uan otariba ko, iarara Anogoroghezir Danganimin ko ofa gamir dakozimin ingangaribar amuam. Ia kamaghin damuti, nan aningagharam ua Israelian gumazamizibagh asighasighan kogham. ⁶ Ni oragh. Ki uabi, nin adarasi, kar Livaiba, Israelian tongin ni bagha me amisevegha, bizir aghuimin min ni ganidi. Gumazir kaba, na baghavira itir bizibar min iti. Kamaghin me na bativamin Purirpenimin ingangaribar amuam. ⁷ Ezi ni uan otariba ko, iarara ofa gamir gumazibar min ofa gamir dakozimin ingangariba ko Bar Anogoroghezir Danganimin aven damuamin ingangariba, ia dar amuam. Ki ofa gamir gumazibar ingangariba isa bizir aghuimin min ni ganidi. Kamaghin amizi, ingangarir kaba, kar ian ingangaribara. Eghni gumazir kinitam ingangarir kabar amusi ian boroghin iziti, ia a misueghti an aremegham."

Me ofa gamir gumaziba bagh dagheba turagh

⁸ Egha Ikiavira Itir God kamaghin Aron migei, "Ni kamaghin fogh, gumazamiziba

ofan min na ganidir biziba, ki bar da isa ni ganidi, eghiti ni dar ganam. Ki da isi, ni ko nin ovavir boribar aningti, da mati ian bizibar mirara iki mamaghira ikiam.⁹ Ofan na baghavira na ganingiziba, bizir me avimin aven tuezir puvatizibar tongin, ia da iniam. Dar kara, wit tuamin ofaba, ko arazir kuraba gin amadir ofaba, ko osimtiziba agivamin ofaba, gumazamiziba ofan kaba bagha na ganingizir bizir manabar tongin, da bar nan bizibara, ki da isa ni ko nin otaribagh aningi.¹⁰ Ia asiziba ko bizar tizir me ofa gamiba, ia dar gan suam, kar bar nan bizibara. Kamaghin amizi, ia Purirpenim avinizir divazimin averara dar ami. Eghiti ian gumaziba, merara dar ami.

¹¹ “Egh ofan igharazir Israelia na ganidiba, kar ofan uan dafarimningin suiragh a fegh a damuti, a nan damazimin ighuavamangam. Ki ni ko nin otariba ko guivibagh aningi, egh ia zurara dughiar gin izambar da iniam. Nin adarasi, tina nan damazimin zuegha gifa, me dagher kabar amam.

¹² “Israelia na ganidir daghebar tongin dagher bar aghuiba, ko olivin borer bar aghuiba, ko wainin dipar bar aghuiba, ko witin bar aghuiba, da men dagher igharaziba bar dagh afira. Ki bar da isi ni daningam.¹³ Israelia azenibar zurara, uan azenibar faraghavira isir dagheba, me da isa na bagha izi. Eghiti da ian bizibara. Eghiti nin adarasi, tina nan damazimin zuegha gifa, a dagher kabar amam.¹⁴ Israeliyan gumazamiziba na ganidir biziba, kar bizar me ua dagh ivezan men anogorogheziba, kar ian bizibara.

¹⁵ “Israeliyan borir ivariaba ko asizir ivariar me nan ofa gamiba, kar ian bizibara. Egh ia Israelia ateghti men borir ivariaba ko asizir nan damazimin zuezhir puvatiziba, ua dagh ivezegh da inigh.¹⁶ Israelia, uan borir iakinir vamira givaziba, ua me inisi 5plan silvan dagiabbar me givezegh me iniam.¹⁷ Egh bulmakaubar nguzir ivariaba, ko sipsipin nguzir ivariaba, ko memen nguzir ivariaba, me ua dagh ivezan kogham. Da na baghavira itir biziba. Ia dav suegh dar ghuziba, ofa gamir dakozimin da kavamang, egh dar oviba avimin aven ofa damuti dar mughuriam otogham. Eghiti Ikiavira Itir God dar mughuriam baregh, a gifuegh navir aghuium an ikiam.¹⁸ Asizibar tuziba, da ian bizibara, mati amagapaba ko buaraghlar agharir guivimin itiba, ia uan dafarimningin dar suiragh ofan min da fi dar amuti, da Godin damazimin ighuavamang, eghiti asizir tuziba ia uari bagh da inigh.

¹⁹ “Israelia na ganidir ofaba, ki zurara gin izamin dughiebar da isi ni ko nin guiviba ko otaribar aning mamaghira ikiam. Ki ni ko nin ovavir boriba ko amir Akar Dikirizir Gavgavir kam abighan koghti, a ikiwira iki mamaghira ikiam.”²⁰ Egha Ikiavira Itir God kamaghin Aron migei, “Ia Israeliyan nguazimin aven nguazir otevitam, inian kogham, egh ia aremegehti ian ovavir boriba nguazir kamin otevitam inian kogham. Bar guizbangira, bizar aghuir ki ia ganingizim, a kamakin, ia ofa gamir ingangaribar amuti, bizar aghuir ia oteveghamiba, ki ia daningam.”

Ikiavira Itir God biziba isa Livaibagh anidi

²¹ Egha Ikiavira Itir God kamaghin migei, “Israelia uan biziba tuiragh 10plan pozibar amigh, egh pozitam na daningisi a inigh izam. Eghiti ki bizar kaba isi Livaibar aningam. Me na bativamin Purirpenimin gara an aven ingangarim gami. Eghiti bizar kaba, da mati men iveau me iniam. ²² Datirighin ikegh mangi, Israeliyan gumazir kiniba, na bativamin Purirpenim boroghin mangan kogham. Me an boroghira mangiva, arazir kamin osimtizim ater arighiregham.²³ Eghiti Livaiba na bativamin Purirpenimin gan an aven ingangaribar amuam. Egh me deragh ingangaribar kam damuan kogniva, an osimtizim ateram. Akar gavgavir kam kamaghira ikiva, uaghan ian ovavir boribar mangi. Me Israeliyan tongin nguazir otevitam, inian kogham.²⁴ Bar guizbangira, Israelia uan biziba tuiragh 10plan pozibar amigh, egh pozitam inigh na daningisi da inigh izam. Ki datirighin ghaze, bizar kaba ki da inigha, Livaibagh anigha gifa. Bizar kam bangin, ki me migia ghaze, me Israeliyan aven uari bagh nguazitam ghuavim ikeghan kogham.”

Livaiba 10plan bizibar, dar vamira iniam

²⁵ Egha Ikiavira Itir God kamaghin Moses migei,²⁶ “Ni kamaghin Livaibav kim: Israelia uan biziba tuiragh 10plan pozibar amigh, egha pozitam na daningisi a inigh iziti, ia me da a inigh izi ofan min Ikiavira Itir God danighti, God da isi ia daningti, da matiian bizibara. Eghiti ia da tuiragh 10plan pozibar amigh, egh pozitam Ikiavira Itir God daningisi a inigh izi.²⁷ Eghiti Ikiavira Itir God ofan kamin ganti, a mati azenibar ingarir gumazim uan witin igiaba o wainin igiabar ofa gami moghin ganam.²⁸ Ia kamaghin damuva, uaghan ofa damusi bizar ia isibar 10plan pozibar da tuiragh, pozir vamira isi Ikiavira Itir God daningam.

Ikiavira Itir Godin ofan ia a danielamin kam, ia a isi ofa gamir gumazim Aron daningigh.²⁹ Bizar ia iniziba, ia deraghvira da tuisigh da mengiva, bizar bar aghuibara, ia da isi Ikiavira Itir God daningigh.³⁰ Ia bizar bar aghuibara isi Ikiavira Itir God bagh dar atigh givaghvira, ia Livaiba, dar nar igharaziba ia uari bagh da ini. Mati azeniba oparir gumazim ofa gamigha givagh, ua bagha dagher naba isi.³¹ Dagher nar itiba, ia uan amiroghboriba ko da inigh danganir manatamin mangigh ia dar ami. Dagher kaba, mati ia God bativamin Purirpenimin ingarir ingangarimin iveau.³² Ia faraghvira dagher bar aghuibara isi Ikiavira Itir Godin ofa damigh givagh, dagher nar igharaziba, ia dar ami, eghit osintizim ian ikian kogham. Egh ia faragh na bagh ofa damighan kogh, egh mati ia ofan Israelia God ganingizir kabagh amizi, da Godin damazimin mize. Ia kamaghin damighti, Ikiavira Itir God ia misoghirarigham."

19

Bulmakaun amebar aghevimin Akar Gavgaviba

¹ Ikiavira Itir God kamaghin Moses ko Aron migei, ² "Arazir Ikiavira Itir God ifongezir kam, a Israelia ia danielasa. Dar kara: Israelia bulmakaun amebar aghevitetam inigh Moses ko Aron bagh izi. Bulmakaun kam duatam an mikarzimin ikian kogham. A uaghan ingangar tam damighan kogham.³ Me a inigh iziti ni a isi ofa gamir gumazim Eleasar daningigh. Eghit gumazitaba a inigh danganir me itim ategh azenan mangiti, Eleasar an gantima, me a misuegħti a aremegħ. ⁴Eghit Eleasar uan dafarri puzimi an ghuzitba inigh na bativamin Purirpenim iti nagħin 7plan dugħiabbar da kavamang. ⁵Egh Eleasar ganti, me asizir kamin inim ko an tuziba ko an ghuziba ko an muriam daborogħti da isi bar mighirigh. ⁶Eghit ofa gamir gumazim, temer sidan daziba, ko ter hisopin aguatum, ko stringin aghevitetam, inigh da isi avim minkin. ⁷Egh gin, u an korotiaba ruegh dipam bar uabi ruegh uamattegh, me itir danganimin mangi. A kamaghin damigh, na damazimin mizeġħ iċkvira iki mangi guaratizimin tugham. ⁸Eghit gumazir bulmakaun dapongamim, a uaghan uan korotiaba rueghvira dipam bar uabi ruegh. Gumazir kam uaghan nan damazimin mizeġħ, iċkvira iki mangi guaratizimin tugham.

⁹ "Eghit gin gumazir nan damazimin zuezitam, bulmakaun kamin avereniba inigh, danganir me itim azenan mangi

nan damazimin zuezir danganitam dar arīk. Eghit Israelia nan damazimin uan miziriziba agivsi bulmakaun kamin averenitaba isi dipam darīg uari ruegh nan damazimin miziriziba agivagħam. Kar arazir me uan arazir kuraba agivasav amim.¹⁰ Eghit gumazir bulmakaun avereniba inizir kam, a uaghan uan korotiuba ruegh, egh a uaghan nan damazimin mizeġħvira iki mangi guaratizimin tugham. Arazir Ikiavira Itir God ifongezir kam, zurara iki mamaghira ikiam. Eghit Israelia ko Kantrin Igharazibar Gumazamizir me ko itiba an ġin mangam."

Gumazamizibar amighti me zueghamin Akar Gavgavim

¹¹ Egha Ikiavira Itir God kamagh migei, "Gumazitam gumazir kuatamin suiragh, a 7plan aruebar nan damazimin mizeġħam. ¹² Egh an aruer namba 3 ko aruer namba 7in, dipar uabi zueghamim guruegh, egh nan damazimin zuegham. An aruer namba 3 ko namba 7in kamaghin damighan kogh, nan damazimin zueghan kogħam.¹³ Gumazitam o amizitam, gumazir kuamini suiragh uabi zueghan kogh, kamaghin a nan damazimin mizeġħ iċkvira ikiam. Egh arazir kamin a Ikiavira Itir Godin Purirpenim damuti, a mizeġħam. Kamaghin, a Israeliān tongin ikian kogħam.

¹⁴ "Arazir igharazir mam kamakin: Gu-mazim purirpen manamin aven ikia aremezi, gumazamizir dugħiar kamin purirpeni kamin aven itiba, ko gumazamizir ġin purirpeni kamin aven zuiba, me nan damazimin mizeġħ iċkvira iki mangi 7plan aruebar tugham.¹⁵ Eghit uaghan itarir asuuba puvatiziba ko miner asuuba puvatiziba, da bar mogħira nan damazimin mizeġħam.

¹⁶ "Eghit gumazitam ruarim min ġhua, azenim min mar arua, me misuegħha atiżżejjur gumazimin kuamini suira, o gumazir puram aremeżiż tamen kuamini suira, o gumazir kurizżiż tamen agharitam suira, o gumazir aremeżiż możiż gisim arui, a nan damazimin mizeġħ kamaghira iki mangi 7plan aruebar tugham.

¹⁷ "Mizirizir kaba adegħsi, me arazir kuraba ġin amadir ofan min bulmakaun aghevitem averenitaba inigh minetam dagħiġi, dipar aghuitaba dagh ingegħ.

¹⁸ Eghit gumazir nan damazimin zuezitam, ter hisopin aguatum inigh dipar kam darugh, uam anesigh gumazir aremeżiż kamin purirpenim dipar kam kavamang, egh an aven itir biziba ko gumazamizir an aven itiba sara, dipam me gisim a kavamadagh. Egh uaghan gumazitam

gumazir aremezimin agharimin suira, o gumazir kuamin suira, o gumazir aremezimin mozim gisin aruizim, gumazir nan damazimin zuezir kam uaghan dipar kam me gisin a kavamang, eghti me nan damazimin zuegham.¹⁹ Gumazir nan damazimin zuezir kam, aruer namba 3, ko aruer namba 7in, dipar kam inigh gumazir mizezim gisin a kavamang. Eghti gumazir kam zueghsi, a uan korotiaba rueghiva dipamin uabi ruegh, egh namba 7in aruemin, aruem magiriti, a nan damazimin bar zuegham.

²⁰ "Gumazitam nan damazimin mizegh ikiva, zueghamin arazimin mangan kogh, nan damazimin mizeghvira ikiām. Me dipar a damighti a zueghamim, a gisin a kavamadaghan koghti, a zueghan kogham. Eghti kamaghin a nan Purirpenim damuti, a mizegham. Gumazir kam, ua nan gumazamizibar tongin ikiām kogham.²¹ la zurara gin izamini dughiabar, arazir Ikiavira Itir God ifongezir kabar gin mangi. Eghti gumazir dipam kavamangamim, a uaghan uan korotiaba ruegh. Eghti gumazir dipar kamin suirazim, a nan damazimin mizegh iki mangi bar garantizimin tugham.²² Gumazir nan damazimin mizezim bizar manatamin suiraghti, bizar kam uaghan mizegham. Eghti gumazir igharazitam bizar kamin suiraham, a uaghan nan damazimin mizegh ikiāvira iki mangi bar garantizimin tugham."

20

*Gumazamiziba imoba migirigar
aviribar Ikiavira Itir God gami
(Ua Me In 17:1-7)*

¹ Iakinir farazimin, Israelian gumazamiziba ghua Senin gumazamiziba puvatizir danganimin otogha Kadesin nguibar ekiamin itima, Miriam areme.

² Danganir me itimin dipaba puvatizi, gumazamiziba uari akuvagha Moses ko Aron bagha ize. ³ Egha me puvira Moses gimoba a migia ghaze, "Israelian gumazamizir igharaziba faragha Ikiavira Itir Godin Purirpenimin tiar akamin ariaghire. Ezi e ti me ko ariaghirezi deraghai. ⁴ Ni tizim bagha e inigha gumazamiziba puvatizir danganir kamin ize? Ni ti kamaghin ifonge, e uan asiziba ko kagh arighiregham? ⁵ Ni tizim bagha Isipin kantrin aven e inigha azenan izegha danganir kurar bizitam aghungan koghamin kamin ize? Danganir kam, witba ko temer oviziba itiba, ko wainin oviziba bar puvati. Bar guizbangira, danganir kurar kam dipar e damamiba uaghan puvati."

⁶ Ezi Moses ko Aron gumazamizibagh itagha, sivagha ghua God bativamin Purirpenimin tiar akamin tughav iti. Egha aning nguazim girigha uan guamning nguazim mituazi, Ikiavira Itir Godin angazangarir gavgavim aning gisiragh taghtasi. ⁷ Ezi Ikiavira Itir God kamagh Moses migei, ⁸ "Ni asadiv aghorir Akar Dikirizir Gavgavim Boksiām guamin itim inigh. Egh ni Aron ko mangi gumazamiziba bar moghira me akufagh. Egh ni men damazimin, dagiar munam mikimi, arazir kamin dipam an otogh azenan fasfagh iriti, gumazamiziba uan asiziba ko anemam." ⁹ Ezi Ikiavira Itir God mikemezi moghin, Moses ghua asadivim ini.

¹⁰ Moses ko Aron, gumazamiziba bar moghira me akuvagha, Moses kamaghin me migei, "Ia akaba batozir gumazamiziba, ia oragh. Ga dagiar kamin ia bagh dipam inigham, o?" ¹¹ Egha Moses Ikiavira Itir God a mikemezi moghin amizir puvati. Moses dagiam mikemezir pu. Puvati. Moses asadivim fegha, dughiar pumuningin dagiam misoke. Ezi maburan dipam an aven otoga azenan fasfagh iri. Ezi gumazamiziba uan asiziba ko maghiram anepi.

¹² Ezi Ikiavira Itir God kamaghin Moses ko Aron migei, "Gua nighnizir gavgavim nan itir puvatigha nan akamin gin zuir pu. Egha nan gavgavir ekiamin gun Israelian gumazamizibav kiman aghua. Ki dagiam mikimasa gua mikeme, ezi gua ua asadivimin a misoke. Kamaghin amizi, gua me inigh nguazir ki me danielamin kamin aven mangiharn kogham."

¹³ Bizar kam dipaba otivir danganim, Meriban oto.* Danganir kamin, Israelian gumazamiziba, Ikiavira Itir God gimobima, a uabi isa men akagha ghaze, a Godin bar zuruzim.

Israelia Kadesin nguibar ekiam ategha Jordanin Fanem bagha zui

(Sapta 20:14-21:35)

Idomian atrivim, uan kantri abigh man-
gan Israelian angoroke

¹⁴ Israelia Kadesin nguibar ekiamra itima, Moses Idomian atrivim bagha gumazir maba amangi. Ezi me ghua kamaghin a migei, "Kar nin namakabar migirigiam, me Israelian anababa. Ni fo, e osimitiziba atera en dabirabim deragha itir puvati. ¹⁵ En inazir afeziuba fomira Isipin kantrin ghuegha itima, azenir aviriba gifa. Ezi Isipia paza e ko en inazir afeziabagh ami. ¹⁶ Ezi e akurvazim bagha Ikiavira Itir Godin diava araima, an en ararem baregha, enselin mam amadazi, an e

* **20:13:** Hibrun akamin, ziam Meriba kamaghin ghu, "Puvira Imobi."

inigha Isip ategha azenan ize. E datirighin Kadesin nguubar ekiamin iti. Kades a nin kantrin nguazir mitaghniamin iti.¹⁷ E uari, ni en amamangatighti, e nin nguazimin otogh mangam. E uan bulmakauba ko tuavim ateghian dagher azeniba, ko wainin azenibar aven mangi, egh ian mozir pabar aman kogham. E tuavir ekiar ia atriviba bagha ingarizimra mangi, egh agharir guvum o kiriamin mangan kogh, bighiratig mangivira iki nin nguazir mitaghniam gitaghman."

¹⁸ Ezi Idomia kamaghin Israelia migei, "Ia en kantri abigh mangan e aghua. Ia mangisi damuti, e izi ia korogh ia misogham."

¹⁹ Ezi Israelian gumaziba kamaghin migei, "E tuavir ekiamura mangam. E, o en bulmakauba ian dipabar amiti, e dagh iveau. E ian kantrin otogh mangasavira nighnisi."

²⁰ Ezi Idomia ua ghaze, "E bar aghua!" Egha men midorozir gumazir bar avirim dikavigha ghua, Israelia misoghasa. ²¹ Israelia Idomin nguazimin otogh mangan Idomia bar aghua. Kamaghin amizi, Israelia ragha tuavir igharazimin zui.

Aron areme

²² Israeliyan gumazamiziba bar Kadesin nguubar ekiam ategha ghua Horin Mighsiamin oto. ²³ Horin Mighsiam, a Idomin nguazir mitaghniamin boroghin iti. Ezi Ikiavira Itir God kagh kamaghin Moses ko Aron migei, ²⁴ "Aron aremegham. Ki dipaba otivir danganim Meribam Akar Gavgavimin gua mikemezi, gua na baraghizir puvati. Bizir kam bangin, nguazir ki Israelia daningasa akar dikirizim gamizim, an an aven mangihan kogham. ²⁵ Ni Aron uan otarim Eleasar ko, aning inigh Horin Mighsiamin ghuavanang. ²⁶ Egh ofa gamir gumazimin korotiaba a dama da sueghiva Eleasar darugh. Eighti Aron mighsiar munamin aremegham." ²⁷ Ezi Ikiavira Itir God mikemez moghin, Moses biziagh ami. Israelia bar garima, me Horin Mighsiamin ghuavanadi. ²⁸ Egha Moses ofa gamir gumazimin korotiaba Aron dama da suegha da isa Eleasar gaghui. Aron mighsiamin orazimin aremezi, Moses ko Eleasar uamategha izaghiri. ²⁹ Ezi gumazamiziba kamaghin ganigha fo, Aron areme. Egha me bar moghira a bagha azia ikia ghuavira itima, 30plan arueba gifa.

21

Israelia Kenania ko misogha me abira

¹ Kenanian gumazir mam, an Aratin nguubar ekiamin atrivim, a Kenanin

nguazimin aven sicut amadaghan ikia orazima, Israelia Atarim bagha zuir tuavim moghin izi. Egha a dikavigha ghua me korogha men marazir suigha me inigha ghue. ² Ezi Israelia akar dikirizir mam Ikiavira Itir God gamua ghaze, "Ni e ateghti, e midorozimin gumazir kaba abiraghram, kamaghin, e ofan ni dandingamimin min, men gumazamiziba ko nguubar ekiaba bar dagh asighasigham." ³ Ezi Ikiavira Itir God me baregha men akurazi, me bar me kuavaremehga bar men nguubar ekiabagh asighasiki. Kamaghin amizi, me nguubar kam, ziam "Horma," a gati.*

Kuruzir brasin ingarizim

⁴ Ezi Israelia, Horin Mighsiam ategha Idomin nguazim gitaviraghosa, Ongarir Aghevimin tuavimin zui. Me ghua ghua, bar amira. ⁵ Egha me Godin atara, uaghan Moses saram atara ghaze, "Gua ghaze, e gumazamiziba puvatizir danganir kamin arimighirasa, gua Isipin nguazimin e inigha kagh ize? Dagheba danganir kamin puvati, ezi dipaba uaghan puvati. E dagher kurar kam bar an aghua."

⁶ Ezi Ikiavira Itir God, kuruzir imezir kuram itiba amangizi, da Israeliyan gumazamizibar tongin otivigha me givima men avirim ariaghire. ⁷ Ezi gumazamiziba Moses bagha iza ghaze, "E arazir kuram gamua egha Ikiavira Itir God, ko nin atari. Kamaghin, ni e bagh Ikiavira Itir God ko mikimti, an e da kuruzir kaba batokegh." Ezi Moses me bagha God ko migei.

⁸ Ezi Ikiavira Itir God oregha kamaghin Moses migei, "Ni kuruzimin nedazimin ingarigh a isi aghorir ruaritam datigh anesaragh. Eighti kuruziba ivir gumazamiziba, me kozorogh an gan ua ghuamaghram."

⁹ Ezi Moses kuruzimin nedazim brasin an ingarigha, a isa aghorir ruarim gatigha anesara. Eighti gumazamizir kuruziba iviziba, me kozorogh an gan ghuamaghram.

Israelia Horin Mighsiam ategha ghua kantri Moapin oto

¹⁰ Ezi Israelia, Horin Mighsiam ategha ghua, Obotin danganim aghuigha an iti.

¹¹ Egha gin, me dikavigha Obot ategha, ghua Moapin nguazimin aruem anadi naghin itir danganim Abarimin otogha danganim aghuigha apia. Abarim, a danganir kuram, egha gumazamiziba puvatizir danganimin iti. ¹² Egha gin, me dikavigha Abarim ategha ghua, Seretin danganir zarimin otogha danganim aghuigha a gapia. ¹³ Egha gin, me dikavigha Seret ategha ghua, Arnonin Fanemin vongin ghua, notin amadaghan

^{20:28:} Ua Me In 29:29; Diboboniba 33:38; Godin Araziba 10:6 ^{21:1:} Diboboniba 33:40 ^{21:3:} Hibrun akamin, ziam Horma, kamaghin ghu, "Bar asighasiki." ^{21:4:} Godin Araziba 2:1 ^{21:5:} 1 Korin 10:9 ^{21:9:} 2 Atriviba 18:4; Jon 3:14

itir gumazamiziba puvatizir danganir mamin otogha danganim aghuigha a gapia. Gumazamiziba puvatizir danganir kam, a mong Amorian nguazimin aven iti. Arnonin Fanem, a Moapian nguazim ko Amorian nguazim abighizir mitaghniam.¹⁴ Bizar kam bangin, Akinafarir Ikiavira Itir Godin Midorozibar Eghaghaniba Itim, kamaghin migei:

Wahepin nguibar ekiar Sufan danganimin itim,

ko danganir zariba ko, Arnonin Fanem,¹⁵ koma danganir zaribar kagh ikegha bar ghua Arin nguibar ekiamin otogha, bar ghua kantri Moapin nguazir mitaghniamin tu.

¹⁶ Ezi gin, Israelia dikavigha danganir kam ategha ghua, nguibar mam gapia, an ziam, Mozir Dipam. Danganir kam, mozir dipar ekiam itima, Ikiavira Itir God kamaghin Moses migei, "Ni gumazamiziba bar me akuvaghti, ki dipam isi me daningam."

¹⁷ Dughiar kamin, Israelien gumazamiziba onger akar kam bange:

O mozir dipam, ni dipam damuti, an otiv emir.

E an gan a bagh bar akuegh ighiam bangam.

¹⁸ Mozir kam, gumazamizibar gumazir dapaniba uan ziaba itir aghoriba, ko asadivibar a gikui.

Egha gin, me dikavigha gumazamiziba puvatizir danganir kam ategha ghua Matanan danganimin otifi. ¹⁹ Egha gin dikavigha Matana ategha ghua Nahalielin danganimin otifi. Egha gin Nahaliel ategha ghua Bamotin danganimin oto. ²⁰ Egha Bamot ategha ghua, danganir zarir Moapian kantrin itir mamin otifi. Danganir zarir kam, a mong pin ikia Pisgan Mighsiamin orazimin apengen iti. Gumazamiziba danganir kamin tuivigha, munagh gumazamiziba puvatizir danganimin gari.

*Israelia, Atrivim Sihon ko
Atrivim Ok abira*

(*Godin Araziba 2:26–3:11*)

²¹ Egha Israelia Amorian atrivim mikimasa gumazibza amangizi, me ghua kamaghin a migei,²² "Ni en amamangatighti e nin nguazimin otogh munagh mangasa. E tuavim ategh ian dagher azeniba ko ian wainin azenibar aven mangan kogham. Egh ian mozir dipabar aman kogham. E tuavir ekiar ia atriviba bagha ingarizimra mangi, egh agharir guvum o kiriamin

mangan kogh, bighiratigh mangivira iki nin nguazir mitaghniam gitagham."

²³ Ezi Atrivim Sihon, Israelien gumazamizibar amamangatighti, me an nguazimin mangan an aghua. Egha uan midorozir gumaziba ukavagha, gumazamiziba puvatizir danganimin itir nguibam Jahasin ghua Israelia koro. ²⁴ Ezi Israelia midorozimin men aviribav suaghariha men nguazim ini. Nguazir kam Arnonin Fanemin ikegha ghua Jabokin Fanemin tu. Jabok, Amonian nguazimin mitaghniamin iti. Ezi Amonian midorozir gumazir gavgavir avirim uan mitaghniar kam bagha gari. ²⁵ Kamaghin amizi, Israelien gumazamiziba Amorian nguibar ekiaba bar da isa, uaghan Hesbon ko an boroghin itir nguibar dozir maba sara inigha dagh apia. ²⁶ Amorian Atrivim Sihon, an nguibar ekiam Hesbon. Sihon faragha Moapian atrivir faragha ikezim ko misogha an nguaziba bar da isa ghua Arnonin Fanemin tu. ²⁷ Bizar kam bagha, gumazir ighiaba osirim ighiar kam osira ghaze:

Ia nguibam Hesbonin izi, an Atrivim Sihonin nguibar ekiam.

E kamaghin ganasa ifonge, me an ingarighthi a gavgavigh ikiam.

²⁸ Fomira, Atrivim Sihonin midorozir gumaziba Hesbonin ikia dikavigha, mati avimin min misoghasa ghue. Egha Moapian nguibar ekiam Ar gasighasiki.

Me Arnonin Fanemin boroghin mighsiaba itir gumazir aruaba kuavareme.

²⁹ Iavzika! Ia Moapian gumazamiziba, ia osimtzir ekiam iniam.

Ia gumazamizir asem Kemosin ziam feba, ia ikuvigham.

Ian aser kam, a gumazibagh amima, me an gin ghua nguibam ategha gumazir kinibar min guighav iti.

Ian aser kam Amorian Atrivim Sihon gamizi, a ian amizibar suighizi, me Amorian atrivimin ingangarir amizir kinibar iti.

³⁰ Ezi datirighin me ko men ovavir boriba ikufi.

E me gasighasigha Hesbonin ikegha bar ghua nguibar ekiam Dibonin oto.

Egha bar ghua Nofan nguibamin tu, nguibar kam, Medeban nguibamin boroghin iti.

³¹ Ezi Israelien gumazamiziba Amorian nguibar ekiabagh apia. ³² Ezi Moses Jaserin nguibar ekiam konasa gumazir maba amangizi, me mogar garir gumazibar min

ghua nguubar kam gasighasighamin tuavir aghuitam gifoghsa ghuue. Ezi Israelia dikavigha ghua a korogha an boroghin itir nguubar doziba sara, da inigha Amorian gumazamizir dar itibar agirazi, me are.

³³ Ezi me datirighin ua ragha kantri Basanin zuir tuuvinim zuima, Basanin Atrivim Ok uan midorozir gumaziba ko, me bar otivigha me misoghsa izi. Me Edrein nguibamin boroghin kamaghin ami. ³⁴ Ezi Ikiavira Itir God, Moses migia ghaze, "Ni an atiatingan marki. A uan gumazamiziba ko, an nguazim, ki bar da isa ia ganigha gifa. Kamaghin amizi, ia dikavigh arazir ia faragha Amorian Atrivim Sihon gamizim, ia a damu. Sihon, a faragha Hesbon gativagha an gari." ³⁵ Ezi Israelia, Atrivim Ok uan otariba ko an gumazamiziba bar me misuagharki. Egha tav ataghizi, a ua tir puvati. Egha an nguaziba ini.

Atrivim Balak ko Balamin eghaghanim

22

(Sapta 22-24)

Moapian atrivim, Balam bagha akam amada

¹ Egha Israelia dikavigha danganir kam ategha ghua Moapin danganir zaribar otivigha, danganim aghuigha apia. Kar, Jordanin Fanemin aruem anadi naghin itir danganim, ezi nguubar ekiam Jeriko, Jordanin Fanemin vongin amadaghan iti.

² Dughiar kamin, Moapian Atrivim Balak, a Siporin otarim, a Israelia Amoria gamizir araziba baraki. ³ A uan gumazamiziba ko Israeli garima, me bar aviraseme, kamaghin amizi, me bar Israeli gumazamizibar atiatingi. ⁴⁻⁵ Egha Moapia, kamaghin Midianian gumazir dapanibav gei, "Kiran ovehangin, gumazamizir bar avirir kaba bizir tintinibar en boroghin itiba, bar da givagham, mati bulmaku graziba api." Kamaghin amizi, Atrivim Balak, Beorin otarim Balam mikimasa gumazir maba amangi. Dughiar kamin, Balam Yufretisin Fanemin boroghin itir nguibam Petorin iti. Kar an adarazir nguazim.

Atrivim Balak uabin akurvaghassa Balam bagha akam amaga ghaze, "Ni foghsa ki ifonge, ikizir mamin gumazamiziba Isipin dikavigha azenan iza tintinibar ghua nguaziba bar dar ikia, egha en boroghin iza en nguazim iniasava ami. ⁶ Men avirim bar e gafira. Kamaghin amizi, ga uaning. Ni izi pazi me damusi akavsiatam me datighti, e ti me abiniva men agiragihi me en nguazim gitagham. Ki kamaghin fo, ni deravira gumazibar amusi mikimti, nin aseba me

damuti, me deraghvira ikiam. Egh ni pazi me damusi mikimti, nin aseba me damuti, me ikuvigham."

⁷ Ezi Moapia ko Midianian gumazir dapanir kaba dikavigha, Balam Israelia gasighasighamin akavsiabagh iveauza iveauza sara inigha ghua Balam migei. ⁸ Ezi Balam kamaghin me migei, "Ia dimagarir kamin kagh daku, eghiti gurum mizaraghan ki Ikiavira Itir God na daningamin akar manam, ki an gun ia mikimam." Ezi Moapien gumazir dapaniba a koma akui.

⁹ Ezi dimangan God iza kamaghin Balamin azara, "Kar gumazir manaba iza ni ko iti?"

¹⁰ Ezi Balam God ikaragha ghaze, "Moapian Atrivim Balak na mikimasa me amangi, egha ghaze, ¹¹ 'Gumazamizir Isipin ikegha izeziba tintinimin nguazir kam garui. Ezi atrivim kamaghisu, ki me ikuvighsi akatam me datighti, a me misogh men agiragihi me en nguazim gitagham.'

¹² Ezi God kamaghin Balam migei, "Israeli gumazamiziba, ki deravira me gami. Kamaghin, ni gumazir izezir kaba ko mangan marki. Egh ikuvighsi akavsiatam Israeli gumazamizibar arighan marki."

¹³ Ezi bar mizaraghara, Balam ghua Balak amadazir gumazibav gia ghaze, "Ia uamategh mangi. Ikiavira Itir God, ia ko mangan nan anogoroke."

¹⁴ Kamaghin amizi, me uamategha ghua Balak migia ghaze, "Balam e ko izan aghua."

¹⁵ Ezi Balak ua gumazir dapanir ziar ekiaba itir aviriba amangi, ezi men ziar ekiaba ko dibobonim faragha zuir gumazir dapanibar ziaba ko dibobonim gafira. ¹⁶ Ezi me Balam bagha ghua Balakin akabar gun kamaghin a migei, "Ga uaning, ni na bagh izisi, biziitam nin tuavim apiran marki! ¹⁷ Ki bizar aviriba ni daningiva, uaghan ni ifongezir bizar manam, ki a damuam. Ga uaning, ni izi na bagh gumazamizir kaba akavsiatam me datighti."

¹⁸ Ezi Balam me ikaragha ghaze, "Balak ti uan atrivimin dipenimin itir silvaba ko golba bar na daningti, kar pura bizim, bizar muziaritam o bizar ekiatam, Ikiavira Itir God, nan Godin Akar Gavgavim bat ueghan kogham. ¹⁹ Ia kagh daku, mati faragha na bagha izezir gumazir dapaniba amizi mokin. Ia dimagarir kamin ikeghti, ki Ikiavira Itir God gifoka, a tighar akar ighazaritam na mikimam, o puvatigham."

²⁰ Ezi dimagarir kamin, God Balam bagha iza kamaghin a migei, "Gumazir kaba uarir gin mangasa ni bagha ize, eghiti ni dikavigh men gin mangiva bizar ki damus ni mikimamimra, ni a damu." ²¹ Kamaghin, amimzaraghan, Balam

dikavigha uan donki gaperagha Moapian gumazir dapaniba ko zui.

Balam, uan donkin atari

²² Balam zuima, Godin navim a bagha bar puv an isi. Dughiar kamin, Balam uan donki gaperagha zuima, an ingangarir gu-mazir pumuning a ko zui. Ezi Ikiavira Itir Godin ensel, an apanimin min an tuavim apirigha tughav iti. ²³ Ezi donki enselin garima, a uan midorozir sabamin suirazi, a tuavim ategha pura ruarir kinimin zui. Ezi Balam uan donki misuegha uam a isa tuavimin amada. ²⁴ Ezi ensel ua tuavimin ghua wainin azennimningin tizimin tughav iti. Danganir kamin, dagiar divazim an vong ko vongin iti, ezi tuavim bar asufa. ²⁵ Ezi donki kamaghin enselin ganigha ubi fegha dagiar divazimin vongin ubi ekura, Balamin dagarim isa divazim gike. Ezi Balam ua donki misoke. ²⁶ Ezi Ikiavira Itir Godin ensel ua ghua, tuavim bar asuvazi naghin tughav iti. Ezi donki agharir guyim o agharir kiriimin mangan iburaghburaki. ²⁷ Dughiar kamin, donki enselin ganigha, Balam sara pura tuavim girigha mito. Ezi Balamin navim bar ikuvizi, a uan asadivim inigha atara maghira donki misosi. ²⁸ Ezi Ikiavira Itir God mikimamin gavgavim isa donki ganingizi, donki maghira kamaghin Balam migei, “Ki manmaghin ni gamizi, ni 3plan dughiar kabar na misoke?”

²⁹ Ezi Balam kamaghin donki migei, “Ni na gamizi, ki gumazir organimin min oto. Ki ti midorozir sabatam ikia ni misoghezi ni aremeghai.”

³⁰ Ezi donki kamaghin Balam migei, “Ki ti nin donkin kamra, ni fomira uan igiamra ikegha iza datirighin na gisin apiav ikiagha rui. Ki fomira kamaghin ni gamiz, o?”

Ezi Balam ghaze, “Puvati.”

³¹ Ezi Ikiavira Itir God Balam gamizi, a enselin garima, a uan midorozir sabam suiragha tuavimin tughav iti. Ezi Balam ubi fegha nguazim mikingha maghira guam nguazim mitua. ³² Ezi ensel kamaghin a migei, “Ni tizim bagha uan donki, 3plan dughiar kabar a misoke? Ni oragh. Darorir ni amir kam, a nan damazimin derazir puvati. Kamaghin amizi, ki nin apanimin min nin tuavim apirasa ize.” ³³ Ezi nin donki nan ganigha 3plan dughiar kabar tuavir miriamin mangasa. A ti kamaghin amizir puvatighai, ki ni misoghezi ni aremezzi donki angamira ikiae.”

³⁴ Ezi Balam kamaghin Ikiavira Itir Godin ensel migei, “Ki arazir kuram gami. Ki kamaghin fozir puvati, ni mangan nan anogorogha tuavim apiri. Ki zuir darorir kam, ni a gifueghan koghti, ki uamategh uan nguibamin mangam.”

³⁵ Ezi ensel ghaze, “Marki. Ni gu-mazir kaba ko mangi, egh bizir ki ni mikimamibara, ni dav kim.” Ezi Balam me ko zui.

Balam izima, Atrivim Balak a bagha bar akonge

³⁶ Ezi Atrivim Balak orazi, Balam izima, a dikavigha ghua nguabar ekiam Arin a bato. Ar, a Arnonin Fanemin boroghin iti, kar Moapin nguzadir mitaghniar bar saghon itim. ³⁷ Egha Balak kamaghin Balam migei, “Ni oragh. Ki faragha ni bagha akam amadazi ni manmagh amigha, na bagha izezir puvati? Ni ti ghaze, ki bizir aviriba puvatigha iveauzim ni daningam kogham?”

³⁸ Ezi Balam a ikaragha kamaghin migei, “Ni bizir kam ginighnighan marki. Ki izegha gifa. God na mikimamin akabara, ki dav kimam. Bar guizbanga, ki ua akar igharazitam mikimamin gavgaviba puvati.” ³⁹ Egha Balam, Balakin gin Husotin nguabar ekiamin ghu. ⁴⁰ Ezi Balak bulmakaun maba ko sipsipin mabav suegha, uan asem bagha ofabagh amigha, dar tuzir maba isava Balam ko gumazir dapanir a ko itibagh aningi.

Balamin akar faragha zuim

⁴¹ Egha mizaraghara, Balak dikavigha Balam inigha asem Bal bagha ofa gamir danganimin ghuavanabo. Ezi Balam mighsiar kamin pin tughav ikia, Israelian marazi vin men gari.

23

¹ Egha Balam kamaghin Balak migei, “Ni na bagh 7plan ofa gamir dakozibar ingarighiva 7plan bulmakaun apuriba ko 7plan sipsipin apuriba inigh izi.” ² Ezi Balam mikemezi moghin Balak ami. Egha aning bulmakaun vamira ko sipsipin vamira uaghara da isa, vaghvagh 7plan ofa gamir dakozibar dar ofa gami.

³ Egha Balam kamaghin Balak migei, “Ni kagh ofan bar issa mighiribar danganimin boroghin tughiv iki. Eghti ki munagh mangi orarki ganika, Ikiavira Itir God izi na batogham, o ti puvatigham. Ki fozir puvati. A izi bizitam na mikemeghti, ki an akamin gun ni mikimam.” Egha ubira ghua mighsiar mamin orazimin itima, ⁴ God a bato.

Ezi Balam kamaghin God migei, “Ki 7plan ofa gamir dakozibar ingarigha bulmakaun vamira ko sipsipin vamira, vaghvagh ofan dakozir kabar dar ofa gami.”

⁵ Ezi Ikiavira Itir God, akar maba, Balak mikimasa Balam amada. ⁶ Ezi a uamategha ghua garima, Balak ko Moapian gumazir

dapaniba, uan ofan bar isia mighiribar danganibar boroghin tuivighav iti.⁷ Ezi Balam maghira God a mikemezir akabar gun me migei:

“Moapian Atrivim Balak, Aramin kantrin aven aruem anadi naghin mighsiabar na inigha kagh ize.
Egha ghaze, ‘Ni izi na bagh mikim.
Me ikuvighsi ni akavsiatam Israeliyan gu-mazamizibar atighti,
nin aseba me damuti, me ikuvigham.’
⁸ Ezi ki fo, God me ikuvighasa na mikemezir puvati.

Kamaghin, ki uaghan me ikuvighsi mikiman kogham.
Ikiavira Itir God paza me damuasa akavsiatam me gatizir puvati.
Eighti ki manmaghın pazi me damusi akam me darigham? Bar puvatigham.
⁹ Bar guizbangira, ki mighsiabar orazibar itir dagiar bar pin itibar ikia men gara fo,

me gumazamizir igharaghavira itiba.
Me fo, God deraghavira me gamizi, me ikizir igharazibar min itir puvati.
¹⁰ Israeli ovavir boriba bar aviraseme, me nguazir minezibar min bar aviraseme.
Eighti gumazitam me mengan iburagham.

Ia na teghti, ki uan arueba givaka.
Ki Godin gumazamizibar min navir amirizim sara aremeka.
Ki gumazamizir aghuubar min aremeghasa.”

¹¹ Ezi Atrivim Balak kamaghin Balam migei, “Ni manmaghın na gami? Ki kamaghin ifonge, ni nan apaniba ikuvighsi akavsiam me darighasa, egha ki ni inigha kagh ize. Ezi ni nan ifongiamin gin ghuzir puvati. Ni deraghvira ikiamin akam me migei.”

¹² Ezi Balam ghaze, “Ikiavira Itir God mikimasa na mikemezi moghira ki mikimam.”

Balamin akar namba 2

¹³ Ezi gin Atrivim Balak, kamaghin Balam migei, “Ga uaning, ni nan gin iziva ga mangi danganir igharazimin otogh, egh Israeliyan marazira ganam. Egh ni bar men ganan kogham. Egh ni munagh tugh, na bagh me ikuvighsi akavsiam me datigh.”

¹⁴ Egha Balak, Balam inigha ghua Pisgan Mighsiamin orazimin otogha, Sopimin danganir me deravira vin garimin tu. Danganir kamin, a 7plan ofa gamir dakozibar ingarigha, bulmakaun vamira ko sipsipin

vamira, 7plan ofa gamir dakozibar vaghvagha dar ofa gami.¹⁵ Ezi Balam kamagh Balak migei, “Ni kagh uan ofan bar isia mighiribar boroghin tughiv iki. Eighti ki munagh mangi God bagh orarki a batoka.”

¹⁶ Ezi Ikiavira Itir God Balam batogha, Balak mikimamin akabar a mikemegha ua anemadazi, a Balak bagha ghu.¹⁷ A uamatetgha ghua garima, Balak Moapian gumazir dapaniba ko uan ofan bar isia mighiribar boroghin tughav iti. Ezi Balak Balamin azara, “Ikiavira Itir God manmaghin ni mikeme?”

¹⁸ Ezi Balam kamaghin a migei:

“O Siporin otarim Balak, ni dikavigh iziva akar ki mikimamiba baragh.

¹⁹ God a gumazamizibar min ikia ifarir puvati.

Egha gumazamizibar min ikia uan nighnizim gighavkirir puvati.

A bizir manam damuasa akar dikirizim gami, an a damuam.

A migeir biziba otivaghiri.

²⁰ God deravira Israelia damuasa akam na ganingi.

God ubabi deravira me gami, eighti ki an arazir kam agiraghan kogham.

²¹ Ki garima, Israelia bativamin araziba, dar tam me damuti me bar ikuvighan kogham.

Bar puvatigham.

Ikiavira Itir God, men God, a me ko iti.

Me kamaghin an gun migei, a men Atrivim.

²² God Isipin kantrin me inigha azenan ize, egha bulmakaun atiamin min me bagha misosi.

²³ Bar guizbangira, imeziba ko akuzir araziba, Israeliyan gumazamizibagh amuva avegham.

Eighti gin gumazamiziba Israeliyan ganiva mikim suam,

Ia God amizir bizir ekiabar gan!

²⁴ Ia gan! Israeli ikizim, mati laionin bar gavgavim.

An avughsan kogh mangi dughiar an asizim suegh bar anebighiraragh an tuzibar amiva
an ghuzim sara dozegham.”

²⁵ Ezi Balak kamaghin Balam migei, “Ni me ikuvighsi akavsiam me darighan aghuaghiva, egh ni deraghvira me damusi akam me darighan marki.”

²⁶ Ezi Balam a ikaragha ghaze, “Ki ni mikemegha gifa. Ikiavira Itir God damuasa na mikemezir bizibara, ki dav kimam.”

Balamin akar namba 3

²⁷ Ezi Atrivim Balak kamaghin Balam migei, "Ga uaning, ni na ko izi ga danganir igharazitamín mangam. God ti tighar ni ateghti, ni munagh iki na bagh me ikuvighsi akavsiám me darigham." ²⁸ Kamaghin amizi, aning Peorin Míghsiamin orazimin bar ghuñabogha, munagh gumazamiziba puvatizir danganimin gari.

²⁹ Egha Balam kamaghin Balak migei, "Ni na bagh 7plan ofa gamir dakozibar ingarighiva, uaghan 7plan bulmakaun apuriba ko 7plan sipsipin apuriba na bagh da inigh izi." ³⁰ Ezi Balak, Balam mikemezi moghin, an amua bulmakaun apurir vamira ko sipsipin apurir vamira vaghvagha 7plan ofa gamir dakozibagh isin dar ofa gami.

24

¹ Ezi Balam datirighin fo, Ikiavira Itir God a deravira Israelia damuamin akam migei. Kamaghin amizi, a faragha amizi moghin uamategha akuzir araziba bagha ghuzir puvati. A raghirigha munagh gumazamiziba puvatizir danganimin gari. ² A garima, Israelián gumazamizibar anababa vaghvagha uan purirpenibar ikiavira iti. Ezi Godin Duam iza anevarazima, ³ a kamaghin migei:

"Ki Beorin otarim Balam, ia nan migirigia báraagh.

Ki deraghavira bizibar gara dav geir gumazim.*

⁴ Ki Godin akar a migeiba barasi.

Egha ki pamtemin gara, irebamin min garir bizimin aven,

ki nguazim gira uan guam nguazim mituagha, uan damazimningin deraghavira garima,

Godin Gavgaviba Bar Itim nan akaksi.

⁵ O Jekopin ovavir boriba, ki ian purirpenibar garima,

dar ganganiiba bar dera.

Bar guizbangira, Israelián, ian danganir ia itiba,

bar dera.

⁶ Ian purirpenir kaba, mati detin temer bizir bar ruariba mitivighav iti.

Egha mati azeniba faner miriamin iti.

Egha mati temer aghuir Ikiavira Itir God opariziba.

Egha mati sidan temer dipar miriamin itiba.

⁷ Amozir aviriba Israelián nguazim gizam.

Egha Israelián gumazamiziba uan dagheba nguazir aghuimin da oparam.

Israelián atrivim, an gavgavim ko ziar ekiam, Atrivim Agakin gavgavim ko ziar ekiam gafiraghram.

Egha Israelián atrivim gumazamizir aviribagh ativagh men ganam.

⁸ God Isipin kantrin Israelia inigha men akua azenan ize.

Egha me bagha bulmakaun atiamin min misosi.

Kamaghin amizi, Israelia uan apanibav sogh bar me gasighasigh, uan afuzibar me giniv men agharapanibagh asegham.

⁹ Israelia, mati laionin bar gavgavim.

A dakuti, tav a gaghunat atiatigham.

Gumazitam deragh Israelia damusi mikimi, God deragh a damuam.

Egha gumazitam Israelia ikuvsí akavsiám me darighti, God pazivira a damigham."

¹⁰ Ezi Atrivim Balak akar kam baregha atara an navim bar ikuvizi, a uan dafarinning misuegha kamaghin Balam migei, "Ki uan apaniba ikuvighamin akavsiám me darighasa ni bagha mikemezi, ni ize. Ezi ni 3plan dughiar kabar me deraghvira iki-asá me migei. ¹¹ Kamaghin amizi, ki aghua. Ni datirighira na gitagh uamategh uan nguibamin mangi! Ki faragha iveauzim ni daningasa akar dikirizim gami. Ezi Ikiavira Itir God nin iveauzim iniamin tuavim apiri, egha ni iveauzim inighan kogham."

¹² Ezi Balam a ikaragha ghaze, "Ni oragh. Gumazir ni amadaziba, ki kamaghin me mikemegha gifa. ¹³ Ni fo, ni ti uan atrivimin dipenimin itir silvaba ko golba bar, na daningti, ki Ikiavira Itir Godin akam batuegh bizitam uan ifongiamin a damuan kogham. Akar Ikiavira Itir God mikemezimra, ki anarira mikimam."

Balamin akar abuananam

¹⁴ Egha Balam kamaghin Balak migei, "Ki uamategh uan adarazi bagh mangasava ami. Egha ki faragh ikiangsizim ni daningti, ni fogham, Israelia gin manmagħin ganamin araziba nin adarazir amuam."

¹⁵ Egha akar kam kamaghin a migei:

"Ki Beorin otarim Balam, ia nan migirigia báraagh.

Ki deraghavira bizibar gara dav geir gumazim.

¹⁶ Ki Godin akar a migeiba barasi.

Ki Godin Bar Pin Itimin fofoziba dagħ fo.

Egha ki pamtemin gara, irebamin min garir bizimin aven,

* 24:3: Hibrun akam, kagh deragħha migeir puvati. (Ves 15 uaghan kamaghira għu.)

24:9: Jenesis 12:3; 49:9

ki nguazim gira uan guam nguazim mituagha uan damazimningin deravira garima,

Godin Gavgaviba Bar Itim nan akaksi.

¹⁷ Ki gin otivamin biziбар gara,
egha uaghan Israeliyan gari.

Atrivir mam men tongin otogh, ziar ekiam
ko gavgavim ikiam,

egh mikovezir angazangarim itimin
min iki gumazamizibagh siraghram.

Egh Moapin gumazir dapanibav sogh bar
me agivagham.

Egh Setin ikizimin gumazamiziba bar
me abiraghram.

¹⁸ Egh an apanir Idomin itiba, a bar me
agivagham.

Egh men nguaziba ua bagh bar da
inigham.

Eghti Israelia uan apaniba abin
mamaghira ikiam.

¹⁹ Israeliyan tongin atrivitam otogh, uan
apaniba dikabiraghram,

egh men nguibar ekiamin aven gu-
mazir ikiavira itir varazira bar me
agivagham.”

²⁰ Egha Balam irebamín min garir bizimín
aven Amalekian gari. Egha kamaghin
migei:

“Amalekia bar gavgavizi, men gavgavim
ikizir igharazibar gavgavibagh afira.
Egh me gin iregh bar ikuvigham.”

²¹ Egha Balam irebamín min garir bizimín
aven a Kinian gari. Egha kamaghin migei:

“Danganir ia itim, a nguibar gavgavir
aghuim, ia deravira an ikia,
mati kuarazir isamin mikonim,
dagibagh isin bar pin mar
mighsiamin iti.

²² Eghti Asuria, gin izi ia misogh ia
gasighasigh,
egh ian adarazi inigh kalabuziar gu-
mazamizibar min mangigham.”

²³ Egha Balam akar mam ua kamaghin a
mikeme:

“Iavzika! God arazir kabar amuamin
dughiamin, tinara ikivira ikiam?

Bar puvatigham.†

²⁴ Saiprusin midorozir gumaziba uan kurir
ekiaba inigh izi, Asuria ko Eberia
misogh me abiraghram.

Egh Saiprusba uaghan bar givagham.”

²⁵ Egha Balam dikavigha uamategha uan
nguibamin zuima, Atrivim Balak uaghan
uamategha uan nguibamin ghu.

† 24:23: Hibrun akam, kagh deragha migeir puvati.

Israelia Sitimin danganir zarimin ikia Kenanin nguazim iniásava ami

25

(Septa 25-36)

Israelia asem Balin ziam fe

¹ Israelia Sitimin danganir zarimin ikia,
men gumazir maba ghuava, Moapian amiz-
iba ko arazir kurabagh ami. ² Amizir kaba,
Israeliyan gumaziba bagha akaba amaga
ghaze, me izi me koma Moapian asebar zi-
aba famin ofabar amuam. Ezi Israelia ghu-
me ko asebar ziaba fava, ofabagh amua dar
tuziba api. ³ Arazir kamin, Israelia uari
isa Peorin Mighsiamin asem Bal ganiga an
poro. Ezi Ikiavira Itir God puvira men atara
navim isi. ⁴ Egha kamaghin Moses migei,
“Ni Israeliyan gumazir dapanir arazir kurar
kam gamiziba inighiva, aruer ekiamin me
aguighti, me arimighiregħti, gumazamiz-
iba bar men ganam. Egħi ni damuamin
arazir kam bangin, ki ua gumazamizibar
aningaghan kogħam.”

⁵ Kamaghin amizi, Moses Israeliyan
gumazir dapanibav gei, “Ia vaghvagh
uan anababar gumazir għua Peorin
Mighsiamin asem Balin ziam feziba, ia me
misogħirarikigħ.”

⁶ Ezi Moses ko gumazamiziba bar God
bativamin Purirpenimin tiar akamin
borogħin ikia arai, egha garima, Ame!
Israeliyan gumazir mam, men damazimín
Midianian amizir mam inigha uan puri-
penimin aven għu. ⁷ Ezi Eleasarin otarim
Finias, kar ofa gamir gumazim Aronin
igjavotarim, a kamagh ganigha zuamira
dikavigha gumazamiziba ategħha, għua
uān afuzim īni. ⁸⁻⁹ Egha aningin gin għua
purirpenimin aven bar għua gumazim ko
amizir kam uaghara aning birażi, afuzim
uaghara aningin namnamning amikiragħha
vongin oto. Dugħiar kamin, Ikiavira Itir
God arimariar bar kuram Israelia bagħha
anemadzi, 24,000plan gumazamizibar
arriġħire. Ezi Finias arazir kam gamizi,
arimariar kurar kam għifa.

¹⁰ Ezi Ikiavira Itir God kamaghin Moses
migei, ¹¹ “Eleasarin otarim Finias, an
Aronin ovavir borim, a guizbangira Israelia
asebar ziaba fan a bar aghħua. A bar
gavgavigha ghaze, me nan ziamra fam.
Ezi Finias amizir arazir kam bangin, ki ua
Israeliyan gumazamiziba bagħha navim isir
puvati. Egha ki uan aningagħarim me
gasighasigh aghħua. ¹² Kamaghin, ni a
mikim suam, ‘Ki Akar Dikirizir Gavgavir
zurara ikiāmim a koma a gami. Egha an
roroam min ikiam. ¹³ Kamaghin, a uan

ovavir boriba ko me zurara ofa gamir gumazibar min ikiam. Bar guizbangira, Israelia aseba inigh nan danganimin da atigh dar ziaba fan ki bar aghua, egha arazir kam gami. Ezi kamaghin, ki gumazir kabar arazir kuraba gin amada.”

¹⁴ Israeliyan gumazir Midianian amizim ko aremezim, an ziam Simri, a Salun otarim. Salu Simeonin anabamin tongin, ikizir mamin gumazir dapanim. ¹⁵ Midianian amizim, an ziam Kosbi, an afeziam Sur. Sur, a Midianian ikizir mamin gumazir dapanim.

¹⁶ Ezi gin Ikiavira Itir God kamaghin Moses migei, ¹⁷ “Ia apanibar min Midiania korogh me gasighasikigh. ¹⁸ Bar guizbangira, me apanibar min arazir kuramin ia gamua, Peorin Mighsiamin otozir arazir kuram ko Kosbi amizir arazir kuramin ia gifara. Kosbi, a Midianian gumazir dapanim guivim. Peorin Mighsiamin otozir arimariamin dughiamin, Finias amizir kam birazima an areme.”

26

Me dughiar namba 2in Israeliyan ziaba osira me medi

¹ Arimariar ekiar kam givazi, Ikiavira Itir God, Moses ko Aronin otarim Eleasar kamaghin aning migei, ² “Gua datirighin mangi Israelia bar men ziaba inigh. Gua gumaziba vaghvagh men ziabagh fogh da osirigh da mengegh. Eghiti Israeliyan gumazibar ziaba vaghvagh uan ananaba ko ikizibar ziabar apengan ikiam. Kar gumazir 20plan azeniba itiba, ko 20plan azenibagh afiraziba, me midoroziom damuamin gavgaviba iti.” ³⁻⁴ Ezi Moses ko ofa gamir gumazim Eleasar ghua, Ikiavira Itir God mikemezi moghin ami. Aning gumazir 20plan azeniba itiba ko 20plan azenibagh afiraziba bar men diazi, me Moapin danganir zarimin uari akufa. Danganir kam, Jordanin Fanemin boroghin aruem anadi naghin itima, Jerikon nguibar ekiam Jordanin Fanemin vongin iti.

Ezi me gumazibav kemezi, me Israeliyan gumazir Isip ategha azenan izezibar ziaba osirigha me medima, men dibobonim kamagħin għu.

⁵ Israeliin otarir ivariam Ruben, an anabamin ovavir boribar ikizibar ziabar kara, Hanok ko Palu, ⁶ ko Hesron, ko Karmi. ⁷ Gumazir 4plan kabar adarazir dibobonim, 43,730plan gumaziba bar mogħira.

⁸ Ezi Palun otarim, Eliap. ⁹ Ezi Eliapin otariba, Nemuel, ko Datan, ko Abiram. Gumazamiziba faragħha Datan ko Abiram gumazir dapanimmingin ikiasa aning amisefe. Ezi aning Moses ko Aronin

akaba batuegħha Koran adarazi ko me uari akuvagħha Ikiavira Itir Godin akam barazi puvatigħha akirim a gasara. ¹⁰ Kamaghin amizi, nguazim kuiaghixi mati maburan torim oto, ezi me bar irava an aven iraghuezi, nguazim ua uabi dukuazi me bar ariaghire. Dugħiar kamin, avim izaghira 250plan gumazir Koran gin zuibar isia, me gasiġħasik. Arazir kamin, God fofozim ko ikiangsizim Israelia ganingiha ghaze, me uaghan arazir kurar me amizim uam a damuan kogħam. ¹¹ Ezi dugħiar kamin Koran otariba ariaghirezir puvati.

¹² Ezi Simeonin anabam, an ovavir boribar ikizibar ziabar kara: Nemu, Jamin, ko Jakin, ¹³ ko Sera ko Saul. ¹⁴ Gumazir 5plan kabar adarazir dibobonim, 22,200plan gumaziba bar mogħira.

¹⁵ Ezi Gatin anabam, an ovavir boribar ikizibar ziabar kara: Sefon, Hagi, Suni, ¹⁶ Osni, ko Eri, ¹⁷ Arot ko Areli. ¹⁸ Gumazir kabar adarazir dibobonim, 40,500plan gumaziba bar mogħira.

¹⁹⁻²¹ Ezi Judan anabam, an ovavir boribar ikizibar ziabar kara: Sela, Peres, Sera, Hesron, ko Hamul. Peres, a Hesron ko Hamulin afeziam. Judan otarir igharazir pumuning, Er koma Onan, aning kantri Kenanin areme. ²² Gumazir 5plan kabar adarazir dibobonim, 76,500plan gumaziba bar mogħira.

²³⁻²⁴ Ezi Isakarin anabam, an ovavir boribar ikizibar ziabar kara: Tola, Puva, Jasup ko Simron. Puvan adarasi, me ziar kam, “Pun,” uari garisi. ²⁵ Gumazir 4plan kabar adarazir dibobonim, 64,300plan gumaziba bar mogħira.

²⁶ Ezi Sebulunin anabam, an ovavir boribar ikizibar ziabar kara: Seret, ko Elon, ko Jalel. ²⁷ Gumazir 3plan kabar adarazir dibobonim, 60,500plan gumaziba bar mogħira.

²⁸ Ezi Josephin anabamin adarazi uari tuiragħha anabar pumuning iti. Kar, Manase ko Efraim.

²⁹⁻³⁰ Makir a Manasen otarim, ezi Gileat a Makirin otarim. Ezi Gileatin adarasi, an ovavir boribar ikizibar ziabar kara: Ieser ko Helek, ³¹ koma Asriel ko Sekem, ³² ko Semida ko Hefer. ³³ Heferin otarim Selofehat a otariba puvati. A guvibara itima, men ziabar kara: Mala, Noa, Hokla, Milka ko Tirsa. ³⁴ Gumazir kabar adarazir dibobonim, 52,700plan gumaziba bar mogħira.

³⁵ Ezi Efraimin anabam, an ovavir boribar ikizibar ziabar kara: Sutela, Beker ko Tahan. ³⁶ Ezi Sutela, an Eranin adarazir inazir afeziam. ³⁷ Gumazir 3plan kabar

adarazir dibobonim, 32,500plan gumaziba bar moghira. Manasen adarazi ko Efraimin adarasi, me inazir afeziar vamira iti, a Josep.

³⁸ Ezi Benjaminin anabam, an ovavir boribar ikizibar ziabar kara: Bela, Asbel, Ahiram, ³⁹ ko Sefufam ko, Hufam. ⁴⁰ Ezi Bela, Art ko Namanin adarazir inazir afeziam. ⁴¹ Gumazir 5plan kabar adarazir dibobonim, 45,600plan gumaziba bar moghira.

⁴² Ezi Danin anabam, an ovavir boribar ikizibar vamira iti, an ziam, Suham. ⁴³ Ezi an adarazir dibobonim, 64,400plan gumaziba bar moghira.

⁴⁴ Ezi Aserin anabamin ovavir boribar ikizibar ziabar kara: Imna, Isvi ko Beria. ⁴⁵ Ezi Beria a Heber ko Malkielin adarazir inazir afeziam. ⁴⁶ Aser a guivir vamira iti, an ziam Sera. ⁴⁷ Gumazir 3plan kabar adarazir dibobonim, 53,400plan gumaziba bar moghira.

⁴⁸ Ezi Napatalin anabamin, ovavir boribar ikizibar ziabar kara: Jasiel ko Guni, ⁴⁹ ko Jeser ko Silem. ⁵⁰ Gumazir 4plan kabar adarazir dibobonim 45,400plan gumaziba bar moghira.

⁵¹ Israelian gumazibar dibobonim bar moghira, 601,730in tu.

⁵² Ezi Ikiavira Itir God gin kamaghin Moses migei, ⁵³ “Ni datirighin men anababar ganiva men ziabar dibobonimin gin mangi nguazim abigh me daning.

⁵⁴⁻⁵⁶ “Ni nguazim me daningisi, satu gikararangiva, nguazir ekiaba isiva gu-mazamizir aviriba itir anababar aning, egh nguazir muziariba isi avirasemezir puvatizir anababar aning.”

⁵⁷ Livain anabamin ikizibar kara, Gerson, Kohat, ko Merari.

⁵⁸ Gumazir 3plan kaba, men tongin ikizir mabar kara, Lipni, Hebron, Mali, Musi ko Kohat. Kohat, Amramin afeziam. ⁵⁹ Ezi Amram, Livain anabamin guivim Jokebetin iti. Jokebetin amebam Isipin a bate. Ezi an otarir pumuning bate. Kar, Aron ko Moses. Egha guivir vamira bate, an ziam, Miriam. ⁶⁰ Ezi Aron gin amuimin ikiava otarir 4pla bate. Kar, Nadap, Abihu, Eleasar ko Itamar. ⁶¹ Ezi gin Nadap ko Abihu, avir anogoroghezim inigha Ikiavira Itir God bagha ofa gamigha, aning areme.

⁶² Livain anabamin ikizibar gumazibara, kar borir iakinir vamiran ikegha ghua, gu-mazir bar ghuribar tuziba, men dibobonim, 23,000plan gumaziba. Moses nguazi-tam abigha Livain anabamin adarazigh aningizir puvati, mati a Israelian anabar igharazibagh amizi mokin. Kamaghin

amizi, a Livain anabamin gumaziba, Israelian anabar igharazibar gumaziba sara me mengezir puvati.

⁶³ Dughiar kamin, Moses ko ofa gamir gumazim Eleasar, Israelia ko Moapin danganir zarimin uari akufa. Danganir kam, Jordanin Fanemin boroghin aruem anadi naghin itima, Jerikon nguibar ekiam Jordanin Fanemin vongin iti. Egha aning Israelian anababar gumazibar ziaba osira me mengezir puvati. ⁶⁴ Moses ko Aron faragha Sainain Mighsiamin boroghin itir gumazamizibar puvatizir danganimin, Israelian gu-maziba mengezir. Aning faragha mengezir gumazitam ua itir puvati, ezi datirighin, aning ua men ziaba osira me mengezir puvati. ⁶⁵ Ikiavira Itir God fomira kamaghin migia ghaze, “Gumazir datirighin itir kaba bar moghira gumazamizibar puvatizir danganimin arighiregham.” Kamaghin amizi, men tav itir puvati, me bar ariaghire. Ezi gumazir pumuningra, Jefun otarim Kalep ko, Nunin otarim Josua, aning uaningra ikia angamira ikiavira iti.

27

Selofehatin guiviba nguazim ini

¹⁻² Selofehat a Heferin otarim, ezi Hefer, a Gileatin otarim, ezi Gileat, a Makirin otarim, ezi Makir, a Manasen otarim, ezi Manase, a Josephin otarim. Dughiar kamin, Selofehat an amuimin ikiava, guivir 5pla iti. Men ziabar kara: Mala, Noa, Hokla, Milka ko Tirsia.

Egha amizir kaba ghua, God bativamin Purirpenimin tiar akamin boroghin otogha, Moses ko ofa gamir gumazim Eleasar koma Israelian gumazir dapaniba ko gumazamiziba bar, men damazimin tuivigha kamaghin migei, ³ “En afeziam, gumazamiziba puvatizir danganimin areme. A Koran gin

ghuzir gumazibar tongin itir puvati, egha Ikiavira Itir Godin akam batoghezir puvati. A ubi arazir kuram gamigha an areme. An aremezir dughiamin, an otariba puvati.

⁴ An otaritam ikiiai, an an ziamin danganim inighai. Ezi puvati. Kamaghin, manmaghsuva afeziamin ziam Israelian tongin ikian kogham? E kamaghin bar aghua. Kamaghin amizi, e nin azai, e uari, ni en afeziamin aveghbuabar tongin nguazitam e daningikh.”

⁵ Ezi Moses men azangsizim inigha Ikiavira Itir God bagha ghu. ⁶ Ezi Ikiavira Itir God kamaghin a migei, ⁷ “Selofehatin guiviba guizbangira migei. Kamaghin amizi, ni men afeziamin adarazir tongin nguazitam isi me daningichti, me uari bagh a inigh. ⁸ Eghti ni kamaghin Israelia mikim, gumazitam otariba puvatigh aremeghti, an

guiviba an nguazim iniam.⁹ Egh uaghan guiviba puvatighti, an aveghbuuba an nguazim iniam.¹⁰ A uaghan aveghbuuba puvatighti, an afeziamin aveghbuuba an nguazim iniam.¹¹ An afeziam aveghbuuba puvatighti, an afeziamin ikizir an boroghin itiba, an nguazim iniam. Israelia bar moghira, arazir ki ifongezir kamin gin mangiva, bizir ki damuasa mikemezibar amu. Ki Ikiavira Itir God, ki mikemegha gifā."

*God Mosesin danganim
iniasa Josua amisefe
(Godin Araziba 31:1-8)*

¹² Egha Ikiavira Itir God kamaghin Moses migei, "Ni Abarimin Mighsiamin ghuavanabogh, munagh nguazir ki Israelia daningasa mikemezimin gan."¹³ Ni nguazimin ganighiva gin aremegham, nin avebam Aron aremez moghin.¹⁴ Ni fo, Israelien gumazamiziba Senin gumazamiziba puvatizir danganimin ikiava, imoba dipam bagha akaba na gasima, gua nan Akar Gavgavim batoke, egha men damazimin nan ziar ekiar zuruzim men akaghan aghua. Kamaghin amizi, ni munagh aremegham." Mozir dipar kam, an ziam Meriba, a Senin gumazamiziba puvatizir danganimin itir nguubar ekiam Kadesin boroghin iti.

¹⁵ Ezi Moses kamaghin Ikiavira Itir God migei,¹⁶ "Ikiavira Itir God, nirara ni Godin gumazamizibar ikirimirimin mingarim. Kamaghin, ki nin azangsi, ni gumazitam amisevegħi a gumazamizir kabar ganam."¹⁷ Egh men faragh mangi men dabirabimin akurvagh, midorozibar aven akar gavgavim me daningti, me deravira ikiam. Puvatighti, me għuaviba puvatizir sipsipbar min ikiam."

¹⁸⁻¹⁹ Ezi Ikiavira Itir God kamaghin Moses migei, "Ni Nunin otarim Josua inigh. A gavgavim ikaia nan ingangarim damuan tughati. Ni a inigh mangi, a ofa gamir gumazim Eleasar ko gumazamizibar damazimin tughti, ni uan dafarim an dapanim gis in datighiva, gumazamizibar kemegħti, a nin danganim iniam.²⁰ Egh ni uan gavgavibar, gavgavita a danighti, Israelien gumazamiziba bar an akaba baraghm.²¹ Egh iġi Josua ofa gamir gumazim Eleasarin akam baraghiva an gin mangi, Israelien gumazamiziba ko mangiż iżegħi damuam. Eleasar Ikiavira Itir Godin ifongi għifofghi, ofa gamir gumazibar dapanimin evarimin itir foriħtar inimin aven itir dagħiġnning damuva, arazir kamin a bizir Israelia

damuamibagh fogħ, Josua ko Israelian gumazamizibav kimam."

²² Ezi Moses Ikiavira Itir God a mikemezi mogħin ami. A Josua mikemezi, a iza ofa gamir gumazim Eleasar ko gumazamizibar damazimin tu.²³ Ezi Moses uan dafarim isa Josuan dapanim gis in atiġha, gumazamizibav kemegħha a gamizi, an an danganim ini. Arazir kamin, Moses Ikiavira Itir God mikemezi mogħin biziżbagħ ami.

28

*Arueba bar me zurara ofabar amu
(Ua Me Ini 29:38-46)*

¹ Ezi Ikiavira Itir God kamaghin Moses migei,² "Ni Akar Gavgavir kaba Israelia daningiħ: Ia na bagħi dagħeba inīg avimin aven ofabar amusi, dugħiars ki missevibar dar amuti, ki ofan kabar mughuriam baregh, egh dagh ifuegħ navir aghjuu dar ikiam.

³ Ni kamaghin me mikim: Kar dagħer ia dughiabar zurara avimin aven ofan Ikiavira Itir God daningamiba. Dar kara, sipsipin nguziż apurir pumuning inīg iżi. Aning azenir vamira iki egh duatam anining ikian marki. Aning ofan bar isia mighirim bagħi ikiam.⁴ Ia mizarazim sipsipin kamning tam isi an ofa damu. Egh bar guaratizim, ia tamin ofa damu.

⁵ Egh ia mizarazibar ofaba bagħ, witin ingarizir 1 kilogram plauan aghħitam inīg, 1 litan olivin borem sara aning veregh, wit tuamin ofa bagħ ofa damu.⁶ Ia aruebar, vagħvagh ofan kaba avimin aven, ofan bar isia mighirir kabar amu. Israelia fomira Sainain Mighsiamin borogħin itima, God ofan kamin arazim me ganġi. Ia avimin aven ofan kabar amuti, Ikiavira Itir God ofan kabar mughuriam baregh, egh a gifuegħ navir aghjuu an ikiam.⁷ Ia uaghan sipsipin kamning vagħvagh anining ofa damus, 1 lita wainin dipam inīg, wainin dipam ofan min, Ikiavira Itir God bagħ ofa gamir dakozir bar zuezim ġingegħ.⁸ Egh ia guaratizim sipsipin iħarazim inīg, an ofa damu. Egh ia mizarazim amizir ofan mirara ofa damu, ia wit tuamin ofa ko, wainin dipam ofa inīg, ofa damu. Eġi dagħer ia ofan min na ganidir kaba, ki Ikiavira Itir God, ki ofan kamin mughuriam baregh, egh a gifuegħ navir aghjuu an ikiam."

Sabatin dughiabar damuamin ofaba

⁹ Egha Ikiavira Itir God gumazamizibav kimasa kamaghin Moses migei, "Ia Sabatin dughiabar, sipsipin apurir iġiār pumuning inīg iżi, aning azenir vamira iki, duatam

aningen mikarzimningin ikian marki. Egh 2 kilogrem plauan aghuim inighiva, olivin borem sara a vereghti a wit tuamin ofan min iki. Eighti ia sipsipin kamning ko wit tuamin ofa ko wainin dipamin ofa, ia bar da inigh ofa damu.¹⁰ Ofan kam, ia ofan bar isia mighirimin min Sabatin dughiaba bar, a damu. Ia zurara mizaraziba ko guaratizibar amir ofan kam gisin bar isia mighirir ofabas ko dar wainin dipabar ofabas sara ofa damu.”

Iakinibar aruer faragha zuimin ofaba

¹¹ Egha Ikiavira Itir God kamaghin Moses migei, “Iakiniba bar vaghvagh, dar aruer faraghavira zuibar, ia Ikiavira Itir God bagh ofan bar isia mighirimin ofa damusi, ia asizir kaba inigh izi. Dar kara, bulmakaun apurir igiar pumuning, ko sipsipin apurir vamira, ko 7plan sipsipin apurir nguzir azenir vamira ikia duaba puvatiziba. Ia bar da isi na bagh ofa damu.¹² Egh ia uaghan wit tuamin ofaba inigh asizir kaba sara ofa damu. Ia 3 kilogrem plauan aghuim ko olivin borem sara da veregh bulmakaun kamningin tam sara ofa damu. Ia 2 kilogrem plauan aghuim inigh, olivin borem sara veregh sipsipin apurim sara ofa damu.¹³ Ia wit tuamin ofan min, 1 kilogrem plauan aghuim inigh, olivin borem sara aning veregh, 7plan sipsipin nguzir kaba vaghvagh ofan bar isia mighirir kam damu. Ia avimin even dar ofa damuti, Ikiavira Itir God ofan kamin mughuriam baregh, egh a gifuegh navir aghuim an ikiam.¹⁴ Ia wainin dipabar ofabas bagh, wainin dipar litan pumuning inigh, vaghvagh bulmakaun apurir kam ko ofa damu. Ia wainin dipar litan vamira ko natam inigh sipsipin apurim ko ofa damu. Ia wainin dipar litan vamira inigh sipsipin nguzir vamira sara ofa damu. Ia kamaghira 7plan sipsipin nguzir kaba vaghvagh dar ofa damu. Ia zurara ofan bar isia mighiriba, azenibar iakinibar aruer faraghavira zuibar, ia kamaghira, ofabar amu.¹⁵ Egh ofan kabagh isin, ia uaghan Ikiavira Itir God bagh memen apuritam inigh, azariz kuraba gin amadir ofa damu. Ofan kabagh isin, ia zurara mizaraziba ko guaratizibar amir ofan bar isia mighiriba ko dar wainin dipabar ofabas sara ofabar amu.”

*Yis Puvatizir Bretin Isam
Damuamin Isar Dughiar Ekiamin ofaba
(Ofa Gami 23:5-8)*

¹⁶ Egha Ikiavira Itir God kamaghin mikeme, “Ia, God Israelia Gitazir Dughiam Ginighnighamin Isam damuam. Dughiar kam, azeni ba vaghvatha, dar iakinir

faragha zuim, an namba 14in aruemin, guaratizimin ia uari akuvagh Ikiavira Itir Godin ziam fi.¹⁷ Ezi iakinir kamin namba 15in aruemin, kar Yis Puvatizir Bretin Isam Damuamin Dughiam. Egh ia yis puvatizir bretin kamra ami mangi 7plan aruebar tugh.¹⁸ Eighti aruer kabar faragha zuir aruemin, ia uari akuvagh nan ziam fiva, uan ingangaribar amuan marki.¹⁹ Egh ofa damusi, ia bulmakaun apurir igiar pumuning, ko sipsipin apurir vamira, ko sipsipin nguzir apurir 7pla inigh izi. Sipsipin kaba azenir vamira iki duaba dar mikarzibar puvatigham. Egh ia da inigh izi avimin ofan bar isia mighiribar amu.²⁰ Egh ia dar witha tuamin ofaba bagh, 3 kilogrem plauan aghuim ko olivin borem sara da veregh bulmakaun kamningin tam sara ofa damu. Ia 2 kilogrem plauan aghuim inigh, olivin borem sara aning veregh 7plan sipsipin nguzir kaba vaghvagh ofan bar isia mighiribar amu.²¹ Ia 1 kilogrem plauan aghuim inigh, olivin borem sara aning veregh 7plan sipsipin nguzir kaba vaghvagh ofan bar isia mighiribar amu.²² Egh ofan kabagh isin ia uaghan arazir kuraba gin amadir ofa bagh, memen apuritam uaghan an ofa damu. Eighti arazir kamin God gumazamizibar amuti, me an damazimin zuegham.²³ Ofan kabagh isin, ia zurara mizaraziba ko guaratizibar amir ofan bar isia mighiriba ko dar wainin dipabar ofabaghi isin dar amu.²⁴ Egh namba 7in aruemin, ia ingangaribar amuan marki. Ia nan ziam fisi uari akuvam.”

*Azenibar Dagher Igiaba Asiamin
Dughiamin Isar Ekiamin ofaba
(Ofa Gami 23:15-22)*

²⁵ “Ia, Azenibar Dagher Igiaba Asiamin Dughiamin Isar Ekiam, an aruer faragha zuimin, dagher ia faraghavira iniziba, Ikiavira Itir God daningiva nan ziam fisi uari akuvam. Ia ingangaribar amuan marki.²⁶ Egh ofan bar isia mighirim damuti, Ikiavira Itir God, ofan kamin mughuriam baregh, egh a gifuegh navir aghuim an ikiam. Ofan kabar asizibar kara: bulmakaun apurir igiar pumuning, ko sipsipin apurir vamira, ko 7plan sipsipin nguzir apuriba inigh, eighti sipsipin kaba azenir vamira iki duaba dar mikarzibar

28:16: Ua Me Ini 12:1-13; Godin Araziba 16:1-2

28:17: Ua Me Ini 12:14-20; 23:15; 34:18; Godin Araziba 16:3-8

28:26: Ua Me Ini 23:16; 34:22; Godin Araziba 16:9-12

ikian kogham.²⁸ Egh ia uaghan wit tuamin ofaba inigh asizir kaba sara ofa damu. Ia 3 kilogrem plauan aghuim ko olivin borem sara da veregh bulmakaun kamningin tam sara ofa damu. Ia 2 kilogrem plauan aghuim inigh, olivin borem sara da veregh sipsipin apurim sara ofa damu.²⁹ Ia wit tuamin ofan min, 1 kilogrem plauan aghuim inigh, olivin borem sara aning veregh 7plan sipsipin nguzir kaba vaghvagh ofan bar isia mighirir kam damu.³⁰ Egh ia uaghan ofan kabagh isin, arazir kuraba gin amadir ofa bagh, memen apurir vamira inigh ofa damu, eghti arazir kamin God gumazamizibar amuti, me an damazimin zuegham.³¹ Ia bizar kabar ofa damuva, dagh isin, ofan ia zurara mizaraziba ko guaratizibar amiba, da ofan bar isia mighiriba, ko wit tuamin ofaba, ko dar wainin dipabar ofaba sara dar amu. Asizir kaba, duaba dar mikarzibar ikian kogham."

29

Me Sighabagh Iviamin Dughiar Ekiamin amir ofaba

(Ofa Gami 23:23-25)

¹ Egha Ikiavira Itir God, Israelia mikimasa kamaghin Moses migei, "Iakinir namba 7in, an aruer faragha zuimin, ia nan ziam fisi uari akuv egh ingangaribar amuan marki. Kar Sighabagh Iviamin Dughiar Ekiam.² Egh ia ofan bar isia mighirim isi Ikiavira Itir God daning. Eghti Ikiavira Itir God, ofan kamin mughuriam baregh, egh a gifuegh navir aghuim an ikiam. Ia ofa damusi, ia bulmakaun apurir igiar vamira ko sipsipin apurir vamira ko, 7plan sipsipin apurir nguziba inigh izi. Sipsipin kaba azenir vamira iki, egh dar mikarziba duaba puvatigham.³ Egh ia uaghan wit tuamin ofaba inigh asizir kaba sara ofa damu. Ia 3 kilogrem plauan aghuim ko olivin borem sara da veregh bulmakaun kamningin tam sara ofa damu. Ia 2 kilogrem plauan aghuim inigh, olivin borem sara veregh sipsipin apurim sara ofa damu.⁴ Ia wit tuamin ofan min, 1 kilogrem plauan aghuir vamira inigh, olivin borem sara veregh 7plan sipsipin nguzir kaba vaghvagh ofan bar isia mighirir kam damu.⁵ Egh uaghan ia arazir kuraba gin amadir ofa bagh, memen apurir vamira inigh ofa damu, eghti arazir kamin Ikiavira Itir God gumazamizibar amuti, me an damazimin zuegham.⁶ Ofan kabagh isin, ia bizar a damusa mikemezibar gin mangi, iakinir igaibar ofan bar isia mighirim, ko an wit tuamin ofa, ko ia dughiabar zurara amir ofan bar isia mighiriba ko dar wit tuamin

ofaba, ko dar wainin dipabar ofaba sara avimin aven ofa damu. Eghti Ikiavira Itir God, ofan kabar mughuriam baregh, egh dagh ifuegh navir aghuim dar ikiam."

Dughiar Ekiar Gumazamizibar Arazir Kuraba Gin Amangamin ofaba
(Ofa Gami 23:26-32)

⁷ Egha Ikiavira Itir God, Israelia mikimasa kamaghin Moses migei, "Namba 7in iakinimin, an namba 10in aruemin, ia nan ziam fisi uari akuvam. Egh ia dagheba ategh, ingangaritam damuan marki.⁸ Egh ofan bar isia mighirim isi Ikiavira Itir God daning, eghti Ikiavira Itir God ofan kamin mughuriam baregh, egh a gifuegh navir aghuim an ikiam. Ofan kaba bagh, ia bulmakaun apurir igiar vamira, ko sipsipin apurir vamira, ko 7plan sipsipin apurir nguziba inigh izi. Sipsipin kaba, azenir vamira iki, egh dar mikarziba duuba puvatigham.⁹ Egh ia uaghan wit tuamin ofaba inigh asizir kaba sara ofa damu. Ia 3 kilogrem plauan aghuim ko olivin borem sara veregh bulmakaun kamningin tam sara ofa damu. Ia 2 kilogrem plauan aghuim inigh, olivin borem sara veregh sipsipin apurim sara ofa damu.¹⁰ Ia wit tuamin ofan min, plauan aghuir kilogremin vamira inigh, olivin borem sara veregh 7plan sipsipin nguzir kaba vaghvagh ofan bar isia mighirir kam damu.¹¹ Egh uaghan ia arazir kuraba gin amadir ofa bagh, memen apurir vamira inigh ofa damu, eghti arazir kamin Ikiavira Itir God gumazamizibar amuti, me an damazimin zuegham. Memen kam gisin, ofan ighazariz ia zurara amiba uaghan da inigh ofa damu. Kar, ofan bar isia mighirim, ko an wit tuamin ofa, ko an wainin dipabar ofa, ia ofan kabar amu."

*Averpenibar Ikiamin
Dughiar Ekiabar ofaba*
(Ofa Gami 23:33-44)

¹² Egha Ikiavira Itir God Israelia mikimasa, kamaghin Moses migei, "Ia namba 7in iakinimin, an aruer namba 15in, ia nan ziam fisi uari akufagh. Egh ingangaritam damuan marki. Egh 7plan aruebar isar ekiam damu.¹³ Egh aruer faragha zuimin Ikiavira Itir God bagh avimin aven, ofan bar isia mighirim damuti, an ofan kamin mughuriam baregh, egh a gifuegh navir aghuim an ikiam. Ofan kabar kara, bulmakaun apurir igiar 13pla, ko sipsipin apurir pumuning, ko 14plan sipsipin apurir nguzir azenir vamira itiba. Da bar moghira duaba dar mikarzibar puvatigham.¹⁴ Egh dar wit tuamin ofan min, ia 3 kilogrem plauan aghuim inigh

olivin borem sara veregh, egh 13plan bulmakaun apurir igiaba vaghvagh, da ko ofa damu. Egh 2 kilogrem plauan aghuim ko veregh, egh sipsipin apurir pumuning vaghvagh, aning ko ofa damu. ¹⁵ Ia 1 kilogrem plauan aghuim inigh olivin borem sara veregh 14plan sipsipin nguzir kaba vaghvagh, da ko ofa damu. ¹⁶ Egh uaghan dagh isin, arazir kuraba gin amadir ofan min, memen apurir vamira inigh izi. Memen kam gisin, ofan ighazariz ia zurara mizaraziba ko guaratizibar amiba, ia da inigh ofa damu. Kar, ofan bar isia mighirim, ko an wit tuamin ofa, ko an wainin dipabar ofa, ia ofan kabar amu.

¹⁷ "Egh namba 2in aruem, ia 12plan bulmakaun apurir igiaba, ko sipsipin apurir pumuning, ko 14plan sipsipin apurir nguzir azenir vamira itiba inigh. Da bar moghira duaba dar mikarzibar puvatigham, ia da inigh izi. ¹⁸ Egh ofan ia faraghavira zuir aruem amizibar min, ia arazir God ifongeziba ko dar dibobonibar gin mangiva, dar wit tuamin ofa ko wainin dipabar ofa inigh ofan bar isia mighirim kaba ko ofa damu. ¹⁹ Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia zurara amibagh isin, ia a inigh ofa damu. Kar, ofan bar isia mighirim, ko dar wit tuamin ofa, ko dar wainin dipabar ofa, ia ofan kabar amu.

²⁰ "Egh aruer namba 3in, ia bulmakaun apurir igiar 11pla, ko sipsipin apurir pumuning, ko 14plan sipsipin apurir nguzir azenir vamira itiba, da bar moghira duuba dar mikarzibar puvatigham, ia da inigh izi. ²¹ Egh ofan ia faraghavira zuir aruem amizibar min, ia arazir God ifongeziba ko dar dibobonibar gin mangiva, dar wit tuamin ofa ko dar wainin dipabar ofa isi ofan bar isia mighirim kaba ko, ofa damu.

²² Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia zurara amibagh isin, ia a inigh ofa damu. Kar, ofan bar isia mighirim, ko dar wit tuamin ofa, ko dar wainin dipabar ofa, ia ofan kabar amu.

²³ "Egh aruer namba 4in, ia bulmakaun apurir igiar 10pla, ko sipsipin apurir pumuning, ko 14plan sipsipin apurir nguzir azenir vamira itiba inigh, da bar moghira duaba dar mikarzibar puvatigham, ia da inigh izi. ²⁴ Egh ofan ia faraghavira zuir aruem amizibar min, ia arazir God ifongeziba ko dar dibobonibar gin mangi, dar wit tuamin ofa ko dar wainin dipabar ofa inigh ofan bar isia mighirim kaba ko ofa damu. ²⁵ Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia

zurara amibagh isin, ia a inigh ofa damu. Kar, ofan bar isia mighirim, ko dar wit tuamin ofa, ko dar wainin dipabar ofa, ia ofan kabar amu.

²⁶ "Egh namba 5in aruem, ia 9plan bulmakaun apurir igiaba, ko sipsipin apurir pumuning, ko 14plan sipsipin apurir nguzir azenir vamira itiba inigh, da bar moghira duaba dar mikarzibar puvatigham, ia da inigh izi. ²⁷ Egh ofan ia faraghavira zuir aruem amizibar min, ia arazir God ifongeziba ko dar dibobonibar gin mangiva, dar wit tuamin ofa ko dar wainin dipabar ofa inigh ofan bar isia mighirim kaba ko ofa damu. ²⁸ Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia zurara amibagh isin, ia a inigh ofa damu. Kar, ofan bar isia mighirim, ko dar wit tuamin ofa, ko dar wainin dipabar ofa, ia ofan kabar amu.

²⁹ "Egh namba 6in aruem, ia 8plan bulmakaun apurir igiaba, ko sipsipin apurir pumuning, ko 14plan sipsipin apurir nguzir azenir vamira itiba, da bar moghira duaba dar mikarzibar puvatigham, ia da inigh izi.

³⁰ Egh ofan ia faraghavira zuir aruem amizibar min, ia arazir God ifongeziba ko dar dibobonibar gin mangiva, dar wit tuamin ofa ko dar wainin dipabar ofa inigh ofan bar isia mighirim kaba ko, ofa damu. ³¹ Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia zurara amibagh isin, ia a inigh ofa damu. Kar, ofan bar isia mighirim, ko dar wit tuamin ofa, ko dar wainin dipabar ofa, ia ofan kabar amu.

³² "Egh namba 7in aruem, ia 7plan bulmakaun apurir igiaba, ko sipsipin apurir pumuning, ko 14plan sipsipin apurir nguzir azenir vamira itiba, da bar moghira duaba dar mikarzibar puvatigham, ia da inigh izi.

³³ Egh ofan ia faraghavira zuir aruem amizibar min, ia arazir God ifongeziba ko dar dibobonibar gin mangiva, dar wit tuamin ofa ko dar wainin dipabar ofa inigh ofan bar isia mighirim kaba ko, ofa damu. ³⁴ Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia zurara amibagh isin, ia a inigh ofa damu. Kar, ofan bar isia mighirim, ko dar wit tuamin ofa, ko dar wainin dipabar ofa, ia ofan kabar amu.

³⁵ "Egh namba 8in aruem, ia Godin ziam fisi uari akuv, ingangaribar amuan marki.

³⁶ Egh ia avimin aven ofan bar isia mighirim kabar amuti, Ikiavira Itir God ofan kabar mughuriam baregh, egh dagh ifuegh navir aghuim dar ikiam. Dar kara, bulmakaun apurir igiar vamira, ko sipsipin apurir

vamira, ko 7plan sipsipin apurir nguzir azenir vamira itiba, da bar moghira duaba dar mikarzibar puvatigham.³⁷ Egh ofan ia faraghavira zuir aruemin amizibar min, ia arazir God ifongeziba ko dar dibobonibar gin mangiva, dar wit tuamin ofaba ko dar wainin dipabar ofaba inigh, ofan bar isia mighiriba kaba ko, ofa damu.³⁸ Egh uaghan arazir kuraba gin amadir ofan min, memen apurir vamira inigh izi. Memen kam, ofan ighazariz ia zurara amibagh isin, ia a inigh ofa damu. Kar, ofan bar isia mighiriba, ko dar wit tuamin ofaba, ko dar wainin dipabar ofaba, ia ofan kabar amu.

³⁹ “Ia ofan arazir kabar gin mangi, dughiar ekiar ia Godin ziam fasa a inabazibar ofan kabar amuam. Kar, ofan bar isia mighiriba, ko wit tuamin ofaba, ko wainin dipabar ofaba, ko God ko navir vamira ikiamin ofaba. Ia da ko, ofan ighazariz ia zurara amiba, ia bar da inigh ofa damu. Egh akar dikirizibar akiramim ofaba, ko uan ifongiamin gin mangamin ofaba, ia ofan kabagh isin da sara ofa damu.”

⁴⁰ Ikiavira Itir God Moses mikemezi moghin, Moses bizar kaba bar dar gun Israelien gumazamizibav keme.

30

Gumazamiziba damuamin akar dikirizibar Akar Gavgaviba

¹ Egha Moses Akar Gavgavir kaba, Israelien anababar gumazir dapanibagh aniga ghaze,² “Gumazitam bizitam Ikiavira Itir God daningasa akar dikirizim gami, o a Godin ziam dipon, bizitam damuan koghamin akar dikirizim gami, egh a uan akar dikirizibar kam abighan kogham. Puvati, a mikemezir bizim, a guizbangira a damigh.

³ “Eghti amizir igiar uan afeziamin dipenimin ikiavira itim, bizitam Ikiavira Itir God daningasa akar dikirizim gami, o a Godin ziam dipon bizitam damuan koghamin akar dikirizim gami,⁴ eghti an afeziam an akar dikirizibar kam baregh bizitam a mikiman koghti, a damuasa mikemezir bizim, a guizbangira a damigh.⁵ Eghti an afeziam a damuasava mikemezir akar dikirizibar baregh, egh aruer kamra an anogoregħti, amizir kam akar dikirizibar an amizir kam damuan marki. An afeziam an anogoroke, kamaghin, Ikiavira Itir God an akar dikirizibar kam gin ghuzir puvatizir arazir kurar kam gin amadaghām.

⁶⁻⁷ “Eghti amizir odiarir patamin ikezir puvatizitam, deravira nighnigha akar dikirizitam gami, o akar dikirizibar kinitam puram a gami, a dera. Egħi gin amizir kam pamin ikiam, egħi an pam an amizir

akar dikirizim baregh aruer kamra an anogorogħan kogħti, amizim damuasa mikemezir akar dikirizibar kam guizbangira a damigh.⁸ Egħi an pam a damuasa mikemezir akar dikirizibar kam baregh, egh an anogoregħti, an a damuan marki. An pam an anogoroke, kamaghin, Ikiavira Itir God an akar dikirizim gami, a guizbangira a damigh.

⁹ “Ezi amizir pam aremezim, o amizir pam an aghuagħha a batogħezim, bizitam Ikiavira Itir God daningasa akar dikirizim gami, o a Godin ziam dipon bizitam damuan koghamin akar gavgavim gami, a dera. A mikemezir bizim, a guizbangira a damigh.

¹⁰ “Egħi amizir pamin ititam, bizitam Ikiavira Itir God daningasa akar dikirizim gami, o a Godin ziam dipon bizitam damuan koghamin akar gavgavim gami, a dera.

¹¹ Egħi an pam an akar dikirizibar baregh bizitam a mikiman kogħti, a damuasa mikemezir bizim, a guizbangira a damigh.

¹² Egħi an pam a damuasa mikemezir akar gavgavim baregh aruer kamra an anogoregħti, amizir kam akar dikirizibar an amizir kam damuan marki. An pam an anogoroke, kamaghin, Ikiavira Itir God an akar dikirizibar kam abighan kogham. Puvati, a mikemezir bizim, a guizbangira a damigh.

¹³ Amizim pam, an akar dikirizibar an amizim amamangatigham o, a an anogorogħam, egħi amizim uan pamin nighnizim gami mangi.¹⁴ Egħi an pam an akar dikirizibar baregh, aruer kamra o an gin otivamin aruer igharazibar bizitamin a mikiman kogħti, a damuasa mikemezir bizim, a guizbangira a damigh. An pam an akar dikirizibar baregh dugħiarr kamra bizitamin a mikiman kogħti, mati pam gavgavim amizim akar dikirizibar ganid. Egħi an amuim guizbangira akar dikirizibar kam damigh.

¹⁵ Egħi aruetabar gin, pam amuimin akar dikirizibar gin mangan an anogorogħam, pam uabi, amuimin akar dikirizibar gin mangan koghamin arazir kurar kamin osimtizim ateriva an iveri kurram iniam.”

¹⁶ Arazir Ikiavira Itir God ifongezir kaba, a Moses ganingi. Arazir kaba, gumaziba uan amuiba ko, afeziabba ko men guivir igħiā men dipenibar ikiavira itiba, a me bagħha, Moses ganingi.

31

Israelia Midiania ko misosi

¹ Ezi Ikiavira Itir God kamaghin Moses migei,² “Ni fo, Midiania faragħa pazavira Israelia gami. Kamaghin amizi, ia men arazir kam ikaragh pazavira me damigh. Ni kamaghin damighiva, gin aremegħam.”

³ Ezi Moses gumazamizibav gia ghaze, "Ia midorozim bagh uan midorozir bizi bar kir, ehti ian midorozir gumazitaba dikavigh mangi Midiania korogh, bizir me Ikiavira Itir God gamizimin, iveau kuramin me ikaragh pazavira me damigh. ⁴ Ia Israelin anababa vaghvagh 1,000plan gu maziba amisevegh midorozim bagh me amadagh."

⁵ Kamaghin amizi, Israelin anababa vaghvagh, 1,000plan gumaziba amisefi. Ezi men dibobonim bar moghira 12,000plan gumazibar tu. Ezi me midorozim bagha, uan midorozimin bizi bar kiri. ⁶ Ezi Moses midorozim bagha me amadazima, ofa gamir gumazim Eleasarin otarim Finias, men dapanimin ikiasi me ko zui. A uaghan Godin Purirpenimin itir bizir bar zuruziba ko sightha inigha zui. Sighar kaba, a midorozir gumazibar dimti me midorozim bagh mangam, o midorozimin gin a ua dagh iviti, me uamategh izam. ⁷ Egha Ikiavira Itir God Moses mikemezi moghin, me Midiania korogha bar men gumazibav suaghari. ⁸ Egha uaghan Midianian atrivir 5pla misuaghari. Men ziabar kara, Evi, Rekem, Sur, Hur koma Reba. Egha me uaghan Beorin otarim Balam misoghezi an areme.

⁹ Egha Israelia Midianian amiziba ko boribar suigha, men bulmakauba ko sipsipba ko men biziba bar, uari bagha da ini. ¹⁰ Egha men nguibal ekiaba ko men danganir me itiba sara bar dagh apongezi, da isi. ¹¹ Egha amiziba ko boriba ko bulmakauba ko sipsipba ko biziba bar, me da inigha ghue. ¹² Egha me amiziba ko boriba, kalabuziab min me inigha asizir kaba sara uamategha Moses ko ofa gamir gumazim Eleasar ko Israeliyan gumazamiziba bagha ghue. Dughiar kamin, me Moapin danganir zarimin ikiavira iti. Danganir kam, Jordanin Fanemin boroghin aruem anadi naghin itima, Jerikon nguibal ekiam Jordanin Fanemin vonggin iti.

Midorozir gumaziba uamategha ize

¹³ Ezi Moses ko ofa gamir gumazim Eleasar ko Israeliyan gumazir dapaniba dikavigha, danganir me itim ategha midorozir gumazibar bativasa zui. ¹⁴ Me ghua me batogha, Moses 1,000plan midorozir gumazibar garir gumazir dapaniba ko 100plan midorozir gumazibar garir gumazir dapaniba, bar men atara kamaghin men azai, ¹⁵ "Manmaghsua ia amizir kabav misoghirarighan aghua? ¹⁶ Ia fo, men amizibara Balamin akabar gin ghua Israeliyan gumazamizibagh amizi, me Peorin itir dughiamin, Ikiavira Itir Godin akaba akirim ragha dagh asara. Ezi arimariar kuram Ikiavira Itir Godin

gumazamizibagh asighasiki. ¹⁷ Kamaghin amizi, ia datirighin men boribar tongin, otariba bar me misoghirarikigh. Egh amizir gumaziba koma akuigha givaziba uaghan bar me misoghirarikigh. ¹⁸ Egh amizir gumazitam komaakuizir puvatiziba ateghi me ikiti, ia uari bagh me ini. ¹⁹ Ia bar moghira, ian tarazi, tavin misoghezi an aremez, o gumazir aremezi tamin kuatamin suira, ia 7plan aruebar, ia itir danganimin azenan ikiam. Egh namba 3in aruem ko namba 7in aruemin ia Godin damazimin uari zuegh, egh amiziria midorozim gamua iniziba sara uari zuegh. ²⁰ Egh ia uan korotiaba, ko bulmakaun inibar ingarizir biziba, ko memen arizibar ingarizir biziba, ko ter otevibar ingarizir biziba sara, ia bar da isi, God ia ganingizir arazimin gin mangi dar amuti, da an damazimin zuegh."

²¹ Ezi ofa gamir gumazim Eleasar, kamaghin midorozim gamigha uamategha izir gumazibav gei, "Kar Ikiavira Itir God Moses ganingizir Akar Gavgaviba, da kamakin: ²²⁻²³ Bizi avimin isi ikuvighan koghamiba, kar gol, silva, ain, kapa ko brasin ingarizir biziba, ia da isi avim datighti, da isightima, ia da inigh da rueghti da zuegham. Egh bizi igharazir avimin sighthamiba, ia da inigh dipamin da rueghti da zuegham. ²⁴ Egh dughiar namba 7in, ia uan korotiaba rueghti, da zueghti, ia uamategh danganir ia itimin aven izam."

Israelia midorozimin inizir biziba uari tuira

²⁵ Ezi Ikiavira Itir God kamaghin Moses migei, ²⁶ "Ni koma ofa gamir gumazim Eleasar, ko Israeliyan ikizibar gumazir dapaniba, ia midorozimin aven inizir amiziba ko boriba ko asiziba ko bizi igharaziba, bar da menegh. ²⁷ Egh da turiragh pozir pumuning damigh, tam midorozir gumaziba bagh anetigh, egh igharazim isi gumazamizir igharaziba bagh anetigh. ²⁸ Ni Ikiavira Itir God bagh, bizi ni midorozir gumaziba bagh turiraghambir tongin itir bizi maba isi takisin min da iniam. Ia kalabuziar amizir 500plan tongin, amizibar tongin dar vamira inighiva, 500plan bulmakaubar tongin dar vamira inigh, egh 500plan donkibar tongin dar vamira inigh, egh 500plan sipsipbar tongin dar vamira inigh, egh 500plan memebar tongin, dar vamira inigh. ²⁹ Egh takisin kaba isi ofa gamir gumazim Eleasar daningigh. Bizi kaba, da mati, ia Ikiavira Itir God ganidir ofaba. ³⁰ Egh ia gumazamizir igharaziba bagha turirazir bizibar tongin itir bizi taba isi takisin min da iniam. Ia kalabuziar amizir 50plan tongin, men amizir vamira inighiva, 50plan

bulmakaubar tongin dar bulmakaun vamira inigh, egh 50plan donkibar tongin dar donkin vamira inigh, egh 50plan sipsipbar tongin dar sipsipin vamira inigh, egh 50plan memebar tongin dar memen vamira inigh. Egh ada isi Livaibar aningigh. Me Ikiavira Itir Godin Purirpenimin garir darasi.”³¹ Ezi Moses ko ofa gamir gumazim Eleasar, Ikiavira Itir God mikemezi moghin ami.

32-35 Midorozir gumaziba midorozimin aven inizir bizibar diboboniba kamakin: 675,000plan sipsipba, ko 72,000plan bulmakauba, ko 61,000plan donkiba, ko 32,000plan amizir gumazitam koma akuizir puvatiziba.³⁶⁻⁴⁰ Bizir midorozir gumaziba inizibar dibobonim, a kamakin: Sipsipbar dibobonim 337,500, ezi dar tongin me takisin min 675pla isa Ikiavira Itir God ganangi. Bulmakaubar dibobonim 36,000, ezi dar tongin me takisin min 72pla isa Ikiavira Itir God ganangi. Donkibar dibobonim, 30,500, ezi dar tongin me takisin min 61pla isa Ikiavira Itir God ganangi. Amizir gumazitam koma akuizir puvatizibar dibobonim, 16,000, ezi men tongin me takisin min 32pla isa Ikiavira Itir God ganangi.⁴¹ Ikiavira Itir God Moses mikemezi moghin, Moses Ikiavira Itir God ganingizir bizar kaba isa, ofa gamir gumazim Eleasar ganangi.

42-46 Egha Moses gumazamizir igharaziba bagha tuirazir bizibar dibobonim kamakin. Da guizbangira, midorozir gumaziba bagha tuirazir biziba ko magh ghu. Dar kara: 337,500plan sipsipba, ko 36,000plan bulmakauba, ko 30,500plan donkiba, ko 16,000plan amizir gumazitam kom akuizir puvatiziba.⁴⁷ Ikiavira Itir God Moses mikemezi moghin, Moses bizar tuirazir kabar aven, 50plan kalabuziar amizibar tongin amizir vamira ini, egha 50plan asizibar tongin asizir vamira ini, egha Livaibagh aningi. Me Ikiavira Itir Godin Purirpenimin garir adarasi.

48 Ezi 1,000plan midorozir gumazibar garir gumazir dapaniba ko 100plan midorozir gumazibar garir gumazir dapaniba, dikavigha Moses bagha ghua kamaghin a migei,⁴⁹ “Gumazir aruam, e nin ingangarir gumaziba, e midorozir gumazir en apengan itiba medima, men tav ovengezir puvati.⁵⁰ Kamaghin amizi, e golin adiariba, ko adiarir soroghafaribagh azuiba ko firaghanibar duiba, ko kuaribar duir gol ringin e vaghvaghia iniziba, e da inigha izi. E uan ikirimiribar ivezimin min da inigh izi arazir kamin Ikiavira Itir Godin damazimin zuegham. E fo, a en akurazi, en apaniba e gasighasighizir puvati.”⁵¹ Ezi

Moses ko ofa gamir gumazim Eleasar, me dama golin adiarir kaba ini.⁵² Golin adiarir kabar osimtizim, 200 kilogremin boroghin tu.⁵³ Ezi midorozir gumazir kiniba, bizir me iniziba, me uari bagha dar suiki.⁵⁴ Ezi Moses ko ofa gamir gumazim Eleasar, golin bizir midorozir gumazibar dapaniba inigha izeziba inigha, God bativamin Purirpenimin ghua Ikiavira Itir Godin damazimin da ati. Aningin nighnizim kamakin, Ikiavira Itir God Israelian gumazamizibagh nighnigh deraghvira men ganam.

32

*Israelin anabar Jordanin Fanemin aruem
anadi naghin ikiamiba
(Godin Araziba 3:12-22)*

1 Dughiar kamin, Rubenin anabamin adarasi, ko Gatin anabamin adarasi, bulmakauba ko sipsipin okoruar bar aviriba iti. Egha me Jaser ko Gileatin Distrighningin nguazimin garima, bulmakauba ko sipsipba damamin grazir aghuiba iti.² Kamaghin amizi, me Moses ko ofa gamir gumazim Eleasar ko Israelian gumazir dapaniba bagha iza kamaghin me migei,³⁻⁴ “Nguazir Ikiavira Itir God Israelia en akurazi, e inizir kam, nguubar ekiar kaba an iti, Atarot, ko Dibon, ko Jaser, ko Nimra, ko Hesbon, ko Eleale, ko Sipma, ko Nebo, ko Beon. Kar bulmakauba ikiamin nguazir bar aghuim. Ia fo, e bulmakaun bar aviriba iti.⁵ Kamaghin, e uari, ia nguazir kam isi e danighti, an en nguazimin min ikiam. Ia e damuti, e Jordanin Fanem giregh mangi vongin dapian e aghua.”

6 Ezi Moses akar gavgavim pamtemin kamaghin Gat ko Rubenin adaraziv gei, “Ia tizim bagh kagh ikiti, ian namakaba uarira midorozim bagh mangam? Arazir kam derazir puvati.⁷ Ia ti Israelian gumazamizir igharazibar nighnizim gasighasichti, me nguazir Ikiavira Itir God me daningasava anium bagh Jordanin Fanem giregh vongin mangan kogham o? Ia tizim bagha kamaghin ami?⁸ Fomira, ian afeziaba kamaghin ami. Ia fo, e Kades Barnean ikia, ki nguazim getiasa me amadazima,⁹ me ghua arua Eskolin danganir zarimin tuga, kantrin kamin ganigha uamategha iza atiatim gumazamizibagh aningizi, me Ikiavira Itir God me ganingizir kantrin ghuezir puvati.¹⁰ Dughiar kamin, Ikiavira Itir God aningaghegha akar dikirizim gamua ghaze,¹¹ ‘Me uan navir averiabar aven nighnizir gavgavim nan ikia nan gin zuir puvati. Kamaghin amizi, gumazir Isip ategha azenan izeziba, kar gumazir 20plan azenibar itiba, ko gumazir 20plan

azenibagh afiraziba, men tav nguazir ki Abraham ko Aisak ko Jekop daningasa akar dikirizim gamizir kamin ganighan kogham. ¹² Gumazir kamning uaningra aven mangam. Kar Jefunen otarim Kalep, a Kenasin adazarir gumazim, ko Nunin otarim Josua. Bar guizbangira, aning uaningra uan navir averiamin aven, nighnizir gavgavim Ikiavira Itir Godin ikia, an gin zui.

¹³ “Kamaghin amizi, Ikiavira Itir God gumazamizbar arazir kuraba bagha men aningaghegha me gamima, me 40plan azenibar gumazamiziba puvatvizir danganir kam garua ghua, gumazamizir dughiar kamin Isip ategha azenan izeziba bar ariaghire. ¹⁴ Ia oragh! Ia datirighin uan afeziabar danganiba inigha, arazir kurabagh amir gumazamizbar otifi. Egh ia ti Ikiavira Itir God damut, an aningagharir bar kurum uam Israelia damuam. ¹⁵ Ia Ruben ko Gatin anabamningin adarasi, an gin mangan aghuaghti, e ua gumazamiziba puvatvizir danganir kam daru mangi kuruba inigham. Arazir kam ua kamaghin otoghti, ia men osimtzim ateram.”

¹⁶ Ezi me Moses boroghin ghua kamaghin a migei, “Ni oragh. Ni en amamangathti, e faragh sipsipba bagh divaziba ko nguubar ekiaba avinamin dagiar divazibar ingarichti, en amuiba ko boriba deragh ikiam. ¹⁷ Eghti e Israeliyan igharaz darazi ko midorozim bagh men faragh mangi apanibar agintigh mangivira ikiti, en namakaba uari bagh nguaziba ini dar apiaghamb. En amiroghboriba kagh divazir gavgavir nguubar ekiaba avinizibar aven deravira ikiti, nguazir kamin gumazamiziba me gasighasighan kogham. ¹⁸ Guizbangira, Israeliyan anabar igharazibar ikiziba vaghvagh uari bagh nguaziba inigh dar apiaghti, gin e uamategh izi uan nguubabar ikiam. ¹⁹ E fo, e kagh Jordanin Fanemin aruem anadi naghin nguazim inigha gifa. Kamaghin amizi, e Jordanin Fanemin vongin men tongin nguazitam inian kogham.”

²⁰ Ezi Moses me ikaragha ghaze, “Ia guizbangira mikimiva, midorozim bagh mangisi Ikiavira Itir Godin damazimin uan midorozir biziba akir. ²¹⁻²² Ian midorozir gumazibar uan midorozir biziba inigh, Ikiavira Itir Godin damazimin Jordanin Fanem giregh mangi apaniba ko misoghti, Ikiavira Itir God bar apaniba abiragh, men nguazim inigham. Ia uan namakabar akuraghamin ingangarir, Ikiavira Itir God ia ganingizim agivaghti, Ikiavira Itir God ia amamangathti, ia uamategh kagh izi Jordanin Fanemin aruem anadi naghin itir

nguazir kam iniam. ²³ Ki akar gavgavim kamaghin ia migei, ia uan akar dikirizim gin mangan koghiva, ia guizbangira Ikiavira Itir Godin damazimin arazir kuram gami. Ia kamaghin deravira fogh, Ikiavira Itir God ian arazir kurar kam bagh pazavira ia damigham. ²⁴ Ia faragh uan nguubar ekiaba ko sipsipbar divazibar ingarigh, egh gin uan akar dikirizim gin mangi apaniba ko misogh.”

²⁵ Ezi Gat ko Rubenin anabamningin gumaziba kamaghin Moses migei, “Aruam, e nin ingangarir gumaziba, e ni mikemezi moghin damuam. ²⁶ En amuiba ko boriba ko bulmakauba ko sipsipba Gileatin nguubar ekiabar kaghira ikiam. ²⁷ Eghti e gumaziba bar, e nin ingangarir gumaziba, e uan midorozir bizibar kirva, Ikiavira Itir Godin damazimin midorozim bagh mangam. E Jordanin Fanem giregh vongin mangi apaniba ko misogham, mati en umazir ekiam mikemezi mokin.”

²⁸ Ezi Moses akar gavgaviba isa, ofa gamir gumazim Eleasar ko Nunin otarim Josua, ko Israeliyan anabar gumazir dapanibagh aniga ghaze, ²⁹ “Gat ko Rubenin anabamningin gumaziba, me midorozir bizibar kirva, Ikiavira Itir Godin damazimin midorozim bagh mangasa. Egh me Ikiavira Itir Godin akamin gin mangi Jordanin Fanem giregh vongin apaniba ko misogham, kamaghin a deraghamb. Me ian akuraghti ia midorozim apaniba abiragh, ia nguazim inigh, egh gin ia Gileatin nguazim isi me daningi. ³⁰ Eghti me Jordanin Fanem giregh vongin mangan aghuaghti, ia ko midorozim bagh mangighan kogh, kamaghin me ia ko Kenanin nguazim inuguazir asizitaba iniam.”

³¹ Ezi Gat ko Rubenin anabamningin guaziba kamaghin migei, “Aruam, e nin ingangarir gumaziba, e ghaze, a dera, Ikiavira Itir God mikemezi moghin e damuam. ³² E uan midorozir biziba inigh Ikiavira Itir Godin damazimin mangi, Jordanin Fanem giregh vongin mangi Kenanin nguazim aven Kenania ko misogham. Egh gin e Jordanin Fanemin aruem anadi naghin itir nguazim uari bagh a iniam.”

³³ Kamaghin amizi, Moses, Amorian Atrivim Sihonin nguaziba ko Basanin Atrivim Okin nguaziba, ko dar nguubar ekiaba, ko dar nguubar doziba, ko nguazir dar boroghin itiba bar, a da isa Gatin anabam ko Rubenin anabam ko Manasen anabar akuar me tuirazimningin mam ganangi. Manase, a Josepin otarim.

³⁴ Ezi Gatin anabamgin gumazamiziba, ua nguubar ekiam Dibon ko Atarot, ko Aroer, ³⁵ ko Atrot Sofan, ko Jaser, ko Jokbeha,

³⁶ ko Betnimra, ko Betharan, me ua deraghavira dar ingarigha da avinizir divazir gavgaviba uaghan dar ingari. Egha me uan sipsipba bagha divazir aghuibrangari.

³⁷Ezi Rubenin anabamin gumazamiziba ua, nguibrak ekiam Hesbon, ko Eleale, ko Kiriataim, ³⁸ko Nebo, ko Balmeon, me dar ingari. Egha me nguibrak ekiam Balmeon, ziar igharazim a gati. Me uaghan nguibrak ekiam Sipman ingari. Egha nguibrak ekiar me ua ingariziba, me ziar igiaba dagh ariki.

³⁹Ezi Manasen otarim Makir, an ovavir boriba, Gileatin ghua Amoria misogha men gintigha me abiragh, men nguazim uari bagha a ini. ⁴⁰Kamaghin amizi, Moses Gileatin nguazim isa Makirin ikizim ganingizi, me an iti. ⁴¹Ezi Manasen anabamin gumazir mam Jair, a uan adarazi ko ghua nguibrak maba ko misogha men agintigha men nguibaba ini. Egha me ziar igiam, "Jairin Nguibaba," dagh ati. ⁴²Ezi gumazir mam, an ziam Noba, a uan adarazi ko ghua Kenatin nguibam ko nguibrak dozir an boroghin itiba ko misogha, men agintigha men nguibaba ini. Egha a uan ziam, "Noba," Kenat gati.

33

Israelia Isip ategha ghua gumazamiziba puvatizir danganibar aruir darorimin eghaghamim

¹ Israelia Isipin kantri ategha azenan iza, danganir aviribagh arua dagh apiaghira zui. Kar danganir kabar ziaba. Dughiar kamin, Moses ko Aron men faragha ghua men garima, me uan anababa ko ikizibar aven ikia zui. ²Ikiavira Itir God uabi Akar Gavgavim Moses migeima, Moses men daroriba ko danganir me izava apiaghiribar ziaba osiri.

³ Israeliyan gumazamiziba, nguibrak ekiam Ramesesin itima, iakinir faragha zuimin an namba 15in aruem otozi, me dikavigha Isip ataki. Dughiar kamin, me God Israelia Gitazir Dughiar bar faraghavira zuimin amizzaraghan, me Isip ataki. Isipia bar men garima, me bar gavgavigha Ramesesin nguibrak ekiam ategha zui. ⁴Dughiar kamin, Ikiavira Itir God uan gavgavir ekiam isa, Isipian asebar akaghaha mirakelin aviribagh amigha aser kaba abini. Ezi Isipia uan otarir ivariar Ikiavira Itir God misogheziba mozibagh arizima, Israelia Isip ataki.

⁵ Israeliyan gumazamiziba Rameses ategha iza Sukotin danganim aghuigha an iti.

⁶ Egha gin ua dikavigha Sukot ategha ghua gumazamiziba puvatizir danganimin miriamin iza Etamin danganim aghuigha an iti.

⁷ Egha gin Etam ategha ragha uamategha ghua aruem anadi naghin Pihahirotin nguibam bagha ghue, a Balselonin nguibar ekiamin boroghin iti. Egha me Mikdolin boroghin itir danganim aghui.

⁸ Egha gin Pihahirot ategha Ongarir Aghevim abigha ghua Etamin gumazamiziba puvatizir danganimin ghua 3plan aruebar arua ghua Maran nguibamin otogha an danganim aghui.

⁹ Egha gin me Mara ategha ghua Elimin danganim aghuigha iti. Elim, a 12plan dipar emimiriba ko 70plan temer detba an iti.

¹⁰ Egha gin Elimin danganim ategha ghua Ongarir Aghevimin boroghin danganim aghuigha an iti.

¹¹ Egha gin Ongarir Aghevim ategha ghua gumazamiziba puvatizir danganim Senin otogha danganim aghuigha a gapia.

¹² Egha gin Senin gumazamiziba puvatizir danganim ategha ghua Dopkan otivigha danganim aghui.

¹³ Egha gin Dopkan dikavigha ghua Alusin danganim aghui.

¹⁴ Egha gin Alus ategha ghua Refidimin danganim aghuigha iti. Danganir kamin, damamin dipaba puvati.

¹⁵ Egha gin Refidim ategha ghua Sainain gumazamiziba puvatizir danganimin danganiba aghuigha iti.

¹⁶ Egha gin Sainain gumazamiziba puvatizir danganim ategha ghua Kibrot Hatavan danganimin danganiba aghuigha iti.

¹⁷ Egha gin Kibrot Hatava ategha ghua Haserotin danganimin danganiba aghuigha iti.

¹⁸ Egha gin Haserot ategha ghua Ritman danganimin danganiba aghuigha iti.

¹⁹ Egha gin Ritma ategha ghua Rimonperesin danganimin danganiba aghuigha iti.

²⁰ Egha gin Rimonperes ategha ghua Lipnan danganimin danganiba aghuigha iti.

²¹ Egha gin Lipna ategha ghua Risan danganimin danganiba aghuigha iti.

²² Egha gin Risa ategha ghua Kehelatan danganimin danganiba aghuigha iti.

²³ Egha gin Kehelata ategha ghua Seferin Mighsiam danganiba aghuigha iti.

²⁴ Egha gin Seferin Mighsiam ategha ghua Haradan danganimin danganiba aghuigha iti.

²⁵ Egha gin Harada ategha ghua Makhelotin danganimin danganiba aghuigha iti.

²⁶ Egha gin Makhelot ategha ghua Tahatin danganimin danganiba aghuigha iti.

²⁷ Egha gin Tahat ategha ghua Teran danganimin danganiba aghuigha iti.

²⁸ Egha gin Tera ategha ghua Mitkan danganimin danganiba aghuigha iti.

²⁹ Egha gin Mitka ategha ghua Hasmonan danganimin danganiba aghuigha iti.

³⁰ Egha gin Hasmona ategha ghua Moserotin danganimin danganiba aghuigha iti.

³¹ Egha gin Moserot ategha ghua Benejakan danganimin danganiba aghuigha iti.

³² Egha gin Benejakan ategha ghua Hor Hagitgatin danganimin danganiba aghuigha iti.

³³ Egha gin Hor Hagitgat ategha ghua Jotbatan danganimin danganiba aghuigha iti.

³⁴ Egha gin Jotbata ategha ghua Abronan danganimin danganiba aghuigha iti.

³⁵ Egha gin Abrona ategha ghua Esiongeberin nguabar ekiamin danganiba aghuigha iti.

³⁶ Egha gin Esiongeber ategha ghua Senin gumazamiziba puvatizir danganimin miriamin itir nguibam Kadesin danganiba aghuigha iti.

³⁷ Egha gin Senin danganim ategha ghua kantri Idomin mitaghniamin itir Horin Mighsiamin boroghin danganim aghuigha apia.

³⁸⁻³⁹ Me Isip ategha azenan izezir dughiamin gin azenir namba 40 otogha givazi an iakinir namba 5in, faragha zuir aruem oto. Aruer kamra, Israelia Horin Mighsiamin boroghin ikiavira itima, ofa gamir gumazim Aron Ikiavira Itir Godin Akar Gavgavimin gin ghua dikavigha, Horin Mighsiamin ghuavanabogha areme. An azenir 123pla ikiava areme.

⁴⁰ Ezi Kenanin sautin amadaghanitir kantri Arat, an atrivim, kamaghin orasi, Israelia izi.

⁴¹ Dughiar kamin, Israelia Horin Mighsiamin ategha arua ghua Salmonan danganimin danganiba aghuigha iti.

⁴² Egha gin Salmona ategha ghua Punonin danganimin danganiba aghuigha iti.

⁴³ Egha gin Punon ategha ghua Obotin danganimin danganiba aghuigha iti.

⁴⁴ Egha gin Obot ategha ghua Abarimin nguibamin danganiba aghuigha iti, a

kantri Moapin mitaghniamin boroghin ikia ikuvizir nguibam.

⁴⁵ Egha gin Abarim ategha ghua nguibar ekiam Dibon Gatin danganiba aghuigha iti.

⁴⁶ Egha gin Dibon Gat ategha ghua Almon Diplataimin danganiba aghuigha iti.

⁴⁷ Egha gin Almon Diplataim ategha ghua Abarimin Mighsiabar danganim aghuigha iti, mighsiar kaba Nebon Mighsiamin boroghin iti.

⁴⁸ Egha gin me Abarimin Mighsiaba ategha ghua Moapin danganir zarimin danganim aghuigha apia. Danganir kam, Jordanin Fanemin boroghin aruem anadi naghin itima, Jerikon nguibar ekiam Jordanin Fanemin vongin iti. ⁴⁹ Moapin danganir zarir kam, nguibar ekiam Bet Jesimotin ikegha ghua Sitimin danganir zarimin oto. Me danganir ekiar kamin danganim aghuigha apia.

*Ikiavira Itir God nguaziba abigh uari
dananamin arazim migei*

⁵⁰ Me Moapin danganir zarimin ikiavira iti. Danganir kam, Jordanin Fanemin boroghin aruem anadi naghin itima, Jerikon nguibar ekiam Jordanin Fanemin vongin iti. Ezi Ikiavira Itir God kamaghin Moses migei, ⁵¹ “Ni kamaghin Israelia mifikim: Ia Jordanin Fanem giregh vongin mangi Kenanin nguazimin aven, ⁵² gumazamizir an itiba bar men agiraghti me aregh. Egh men asebar marvir guaba bar dagh asighasikigh. Kar, me dagiaba ko ainbar ingarizir nedaziba. Egh uaghan ia men mighsiabar pin itir danganir me asebar ziaba febagh asighasikigh. ⁵³ Ki nguazir kam ia ganangi. Kamaghin amizi, ia gumazamizir an itiba batuegh uari bagh a inigh a dapiagh. ⁵⁴ Egh ia satu gikararangiva nguaziba abigh, vaghvagh uan anababar ko ikizibar aning. Egh nguazir ekiaba isi anabar gumazamizir aviriba itibar aningiva, nguazir doziba isi anabar gumazamizir avirasemezir puvatizibar aning. ⁵⁵ Ia nguazir kamin itir gumazamiziba bar me batueghan koghti, me osimtiziba ko mizaziba ia daningiva, mati benir ataribar min ian damazibar mitiv, egh mati dikoniba ian ivibar mitivam. Egh me nguazir ia itimmin aven ia ko midorozibar amuam. ⁵⁶ Ia bar moghira me batueghan koghti, ki me gasighasighasa nighnighizi moghin, ki ia gasighasigham.”

34

Israelian nguazir mitaghniaba

¹ Egha Ikiavira Itir God kamaghin Moses migei, ² “Ni Akar Gavgavir kaba Israelia daningigh: Ia Kenanin nguazimin aven mangi, a nguazir ki ia daningasava amim, ia an nguaziba bar da inigh. Ian nguazir mitaghniaba kamakin: ³ Ian nguazir mitaghniar sautin amadaghan itim, a gumazamiziba puvatizir danganimin Senin ikegh, mangi Idomin nguazir mitaghniamin mangi, egh aruem anadi naghin Amangsizim Itir Dipar Akaremin sautin amadagh ikegh mangi, ⁴ egh nguazir mitaghniamin raghirigh sautin amadaghan mangi, pin tuavir Akrabimin ghuavanadim gitagh mangiva, mighsiabarin tizimin danganir zarimin mangi, gumazamiziba puvatizir danganim, Sen abigh bar mangi, Kades Barnean otogham. Egh mitaghniams raghirigh notin amadaghan mangi, Hasaradarin danganimin otogh mangi Asmonin danganimin otogham. ⁵ Egh nguazir mitaghniams Asmon gitagh raghirigh mangi vongin, Isipin nguazir mitaghniamin Fanemin magiri, Mediterenianin Ongarir Ekiamin otogham. ⁶ Aruem uaghiri naghin amadaghan itir nguazir mitaghniams, a Mediterenianin Ongarir Ekiamin iti.

⁷ “Notin amadaghan itir nguazir mitaghniams Mediterenianin Ongarir Ekiamin ikegh mangi Horin Mighsiarmin otoghiva, ⁸ mangi Hamatin nguubar ekiamin zuir tuavir akamin boroghin otogh mangi Sedatin nguibamin otogh mangi, ⁹ Sifronin danganimin otogh bar mangi Hasarenanin nguibamin tugham.

¹⁰ Aruem anadi naghin itir nguazir mitaghniams, Hasarenanin ikegh mangi Sefamin nguibamin otoghiva, ¹¹ Sefam ategh mangi sautin amadaghan nguibam Riplan otogham, Ripla a nguibam Ain boroghin aruem anadi naghin iti. Egh mitaghniams mangi Galilin Dipar Akaremin aruem anadi naghin itir mighsiar doziba abigh mangi, ¹² egh nguazir mitaghniams sautin amadaghan mangi Jordanin Fanemin magiri bar mangi Amangsizim Itir Dipar Akaremin otogham. Kar ian nguazir mitaghniaba.”

¹³ Ezi Moses kamaghin Israelia migei, “Ikiavira Itir God, Akar Gavgavir kam ia ganidi. Ia, 9plan Israeliyan anababa ko Manasen anabamin akuar me tuirazimningin mam bagh, satu gikararangiva uari bagh nguazir kaba tuiragh ada inigh. ¹⁴ Ia fo, Rubenin anabam ko Gatin anabam, ko Manasen anabamin akuar me tuirazimningin faragha zuim, me uari bagha nguazim inigha gifa. ¹⁵ Me Jerikon boroghin Jordanin

Fanem vongin aruem anadi naghin uari bagha nguazim inis.”

Gumazir dapaniba, nguazim tuiraghamin ingangarim iti

¹⁶ Ezi Ikiavira Itir God kamaghin Moses migei, ¹⁷ “Ofa gamir gumazim Eleasar, ko Nunin otarim Josua, aning nguazir kam abigh gumazamizibar aning. ¹⁸ Egh ni vaghvagh anababar gumazir dapanitaba misevegte, me Eleasar ko Josuan akurvaghram. ¹⁹ Ezi Ikiavira Itir God misevezir gumazibar ziabar kara: Judan anabamin tongin, a Jefunen otarim Kalep amisefe. ²⁰ Egha Simeonin anabamin tongin, a Amihutin otarim Selumiel amisefe. ²¹ Egha Benjaminin anabamin tongin, a Kislonin otarim Elidat amisefe. ²² Egha Danin anabamin tongin, a Joklin otarim Buki amisefe. ²³ Egha Josepin otarim Manasen anabamin tongin, a Efotin otarim Haniel amisefe. ²⁴ Egha Josepin otarir igharazim Efraim anabamin tongin, a Siptanin otarim Kemuel amisefe. ²⁵ Egha Sebulunin anabamin tongin, a Parnakin otarim Elisafan amisefe. ²⁶ Egha Isakarin anabamin tongin, a Asanin otarim Paltiel amisefe. ²⁷ Egha Aserin anabamin tongin, a Selomin otarim Ahihut amisefe. ²⁸ Egha Naptalin anabamin tongin, a Amihutin otarim Pedahel amisefe.” ²⁹ Kar, Ikiavira Itir God Kenanin nguazim abigh vongin Israeliyan gumazamizibar aningasa misevezir gumaziba.

35

Ikiavira Itir God Livain anabamin adarazi bagha inabazir nguubar ekiaba

¹ Dughiar kamin, Israelia Moapin danganir zarimin iti. Danganir kam, Jordanin Fanemin boroghin aruem anadi naghin itima, Jerikon nguubar ekiamb Jordanin Fanemin vongin iti. Ezi Ikiavira Itir God kamaghin Moses migei, ² “Ni Akar Gavgavir kam isi Israelia daningighthi, nguazir me inizibar tongin me nguubar ekiataba isi Livaibar anighti me dar ikiam. Egh uaghan me nguubar ekiar kabar boroghin itir nguazir grazir aghuiba itiba isi me danighti, Livaibar bulmakauba dar amam. ³ Livaiba uari bagh nguubar ekiar kaba inighiva dar ikiam. Eghti grazir dadar aghuiba itir nguaziba, men bulmakauba ko asizir igharaziba dar grazibar amam. ⁴ Dadaba itir nguazir otevir kaba, nguubar ekiaba avinizir divazibar ikegh azenan mangi nguazir kam bar a ighuigh mangi 450 mitan tugham. ⁵ Ngubar ekiamb, dadaba bar an okarigh, otevir mamin ikegh mangi otevir

igharazimin otogham, egh ti an ababanim 900 mitan tugham.

⁶ “Nguibar ia Livain anabamin adarazir aningamibar tongin, ia 6plan nguibar ekiar gumazamiziba ari mangi mongamiba me daningigh. Egh ti gin ian tav atamakuigh tav misueghti an aremeghti, an ari mangi nguibar kam uabi modogham. Egh ti gumazir uan akar gumazimin ovevem ikarvaghs, an a ikarvaghan iburagh. Egh ia uaghan 42plan nguibar ekiar igharaziba Livain anabam daningigh. ⁷ Dadaba itir nguaziba, nguibar kabar boroghin iki. Livain anabam 48plan nguibar ekiaba iti. ⁸ Ia nguibar ekiaba isi Livaibar aningsi, Israelin anababar nguazibar ganti, anabar manam ekevegha nguibar ekiar aviriba iti, egh ti ia nguibar ekiar aviriba isi me daning. Egh ti anabar manaba suvigha nguibar ekiar aviriba puvatighti, ia nguibar ekiar vaghvaziba isi me daning.”

*Nguibar ekiar gumazamiziba
ari mangi mongamiba*

(Godin Araziba 19:1-13; Josua 20:1-9)

⁹ Egha Ikiavira Itir God kamaghin Moses migel, ¹⁰ “Ni kamaghin Israelia mikim: Ia Jordanin Fanem giregh vongin mangi Kenanin nguazimin aven mangi, ¹¹ uari mongamin nguibar ekiataba amisefegh. Egh ti gumazitam atamakuigh, gumazir igharazim misueghti an aremeghti, an ari mangi nguibar ekiar gumazamiziba ari mangi mongamin tamin aven modogh, deraghvira ikiam. ¹² Nguibar ekiar kaba, ia uari mongamin nguibabar min ikiam. Egh ti gumazir aremezim min namakatam an ovevem ikarvaghan iburagh. Gumazitam tav misueghti an aremegham, a deravira iki egh mangi kotiamin tugham. Egh ti me an kotiam baregh deraghvira fogh suam, a guizbangira gumazir igharazim misoghezi an areme, egh ti kamaghin, me a misueghti an aremegham.

¹³ “Ia 6plan nguibar ekiar miseveghamin kaba, gumazamiziba ari mangi dar aven mongam. ¹⁴ Nguibar kabar 3pla, Jordanin Fanemin aruem anadi naghin ikiti, 3pla Kenanin nguazimin aven iki. Kar, nguibar ekiar gumazamiziba ari mangi dar aven mongamiba. ¹⁵ Nguibar ekiar uari mongamin 6plan kaba, da Israeliian gumazamiziba, ko ikizir igharazibar gumazamizir, iza dughiar otevimir me ko itiba, ko ikizir igharazibar gumazamizir me ko zurara ikiamiba, kar men akurvagh me mongamin nguibar ekiaba. Egh ti tina atamakuigh gumazitam misueghti an aremegham, an ari mangi kagh uabi modogham.

¹⁶⁻¹⁸ “Egh ti gumazitam, gumazir igharazimin apanim damuva ain, o dagiam o aghoritam isi a misueghti an aremeghti, osimtzir ekiam an ikiam, egh ti a iveau kuram iniam. Kamaghin amizi, ia an arazir kam bangin a misueghti an aremegh. ¹⁹ Gumazir aremezir kamin anabatamra, gumazir kam misueghti an aremegham. An an garir dughiamra, an a misueghti an aremegh.

²⁰⁻²¹ “Gumazitam tav gifueghan koghiva, an apanim damuva an aningaghiva anekunighti a irigham, o bizitamin a biraghti an aremegham, o uan agharimin a misoghti an aremegham, an amizir arazir kam bangin, me a misueghti an aremegh. Gumazir aremezir kamin anabatamra an apigh, a misueghti an aremegh.

²² “Egh ti gumazitam tavin apanim damuan kogh, egh an aningaghian kogh atamakuigh anekunigham, o pura bizitam fegh a minkinighti an aremegham. ²³ O an an ganighan kogh, dagiatam fegh a minkinigham, o foghan kogh a biraghti an aremegham. ²⁴ Egh ti kamaghin, Israeliian gumazamiziba bar, bizir a damuasa ia mikemezibar gin mangi deravira ganiva, gumazir atamakuigha gumazim misoghezi an aremezim bagh nighnigh deraghvira kotiam damu. Egh ti gumazir aremezim anabamra a ikarvaghs, damuan koghur. ²⁵ Ia gumazir kam inigh deraghvira an akurvaghti, gumazir aremezir kamin anababa, an arazim ikarvaghan marki. Ia an akuragh ua nguibar ekiar gumazamiziba ari mangi mongamimin anetigh. Egh ti a kagh iki mangiti ofa gamir gumazir me faragha Godin ingangarim bagha misevegha borem a ginezem aremeghti, a gin mongamin nguibar ekiar kam ategh uan nguibamin mangam. ²⁶⁻²⁷ Gumazir arazir kurar kam gamizim, mongamin nguibar ekiamin mitaghniat ategh, azenan mangiti, gumazir aremezim anabatam, mongamin nguibar ekiamin azenan an apigh, egh a misueghti, an aremegham. Arazir kamin, anabar kam osimtzibar puvatigh kotiaba puvatigham. ²⁸ Bar guizbangira, gumazim gumazitam misueghti an aremegham, a mongamin nguibar ekiam ataghiraghan marki. A mongamin nguibar ekiamin iki mangiti, ofa gamir gumazibar dapanim aremeghti, a gin uamatagh uan nguibamin mangi. ²⁹ Ia uan oyavir borir gin otivamiba ko, ia managh ikiam, ia bizir a damuasa mikemezir kaba ko arazir kabar gin mangi.

³⁰ “Gumazitam gumazir igharazim misueghti an aremegham, ia a isi kotiam datighiva akam a gasi, gumazir pumuning o gumazir 3plan an ganiziba, me bar

kotin aven akar otevir vamira damuam, kamaghin ia deraghvira fogh suam, gumazir kam guizbangira arazir kam gami, eghitizir kam bangin gumazir kam aremegham. Gumazir vamira a uabira, an migirigiam kotin aven gavgaviba puvatigham. Eghitizir ia gumazir kam misueghti an aremeghan kogham.

³¹ “Gumazir gumazir igharazimin apanim gamua a misoghezi an aremezim, ia a misueghti an aremegh. Gumazir kam uan ikirimirim ikarvaghsdagabar iveauzan kogham. Bar puvati. An aremegham. ³² Eghitizir gumazitam mongamin nguubar ekiatamin mangih, gin anetegh uamategh uan nguibamin mangisi damuti, ofa gamir gumazibar dapanim tighar aremegham, kamaghin gumazir kam uan ikirimirim ikarvaghsdagabar iveauzan kogham. ³³ Ia an amamangatighti a mongamin nguubar ekiam ategh mangigham, ian arazir kam, ia nguazir kam damichti a nan damazimin mizegham. Gumazibav sozi me ariaghbirir arazir kam, nguazim gamima, a nan damazimin mize. Nguazim damichti a zueghamin arazim, tuavir vamira iti, a kamakin, ia gumazir a misoghezi an aremezim arazir kuram ikaragh a misueghti an aremegh. Tuavir igharazitam, ua itir puvati. ³⁴ Ki Ikiavira Itir God, ki Israelia, ian tongin iti. Kamaghin, nguazir ia itir kam, ia a damuti, a nan damazimin mizeghan marki.”

⁵ Ezi Moses Ikiavira Itir God mikemezi moghin, Josepin anabamin gumazibav gia ghaze, “Josepin anabamin adarazi migeir akaba, da guizbangira. ⁶ Kamaghin amizi, Ikiavira Itir God ghaze, Selofehatin guiviba, gumazir manabar ikisi, uan anabamin aven uarira uarir ikiam. ⁷ Eghitizir ia Israelia bar, ian nguaziba vaghvagh ian anababar aven ikivira ikiam. Eghitizir anababar igharazitam da inian kogham. ⁸ Amizir Israelin anababar aven, ikia nguaziba iniziba, me uan anabamin gumazitamra iki. Eghitizir kam, Israelia bar uan inazir afeziabar gin mangi nguaziba ko biziba iniam. ⁹ Kamaghin, ia anababar igharazimin amamangatighti, me ian nguaziba inian kogham. Bar marki. Anababa bar, vaghvagh uan nguazibar ghuaviba ikegh mangivira ikiam.”

¹⁰⁻¹¹ Kamaghin amizi, Selofehatin guiviba me uan anabamin gumazibara iti, mati Ikiavira Itir God mikemezi mokin. Men ziabar kara: Mala, Tirs, Hokla, Milka ko Noa. ¹² Me Josepin otarim Manasen anabamin gumazibar iti. Kamaghin amizi, men nguaziba ko biziba men inazir afeziatmin anabamin aven ikiavira iti. ¹³ Dughiar Israelia Moapin danganir zarimin itimin, Ikiavira Itir God, Akar Gavgavir kaba, ko bizir a damuasa mikemeziba isa, Israelia bagha Moses ganingi. Danganir kam, Jordanin Fanemin boroghin aruem anadi naghin itima, Jerikon nguibar ekiam Jordanin Fanemin vongin iti.

36

Amizir pabar itiba, uan afeziar aremezibar nguaziba iniam

¹ Josep a Manasen afeziat, ezi Manase a Makirin afeziat, ezi Makir a Gileatin afeziat. Dughiar mamin, Gileatin ikizimin gumazir dapaniba dikavigha Moses ko Israelian gumazir dapanir igharaziba bagha zui. ² Egha kamaghin migei, “Ikiavira Itir God, Akar Gavgavim isa ni ganiga ghaze, ni satu gikararangiva nguaziba abigh da Israelia e daningti, e dar ikiam. Egha uaghan en anababar gumazir Selofehatin nguaziba isi an guivibar aningasa, ni mikeme. ³ Ni kamaghin fogh, me anababar igharazitabar gumazibar ikiti, men nguaziba ko biziba, men pabar nguazibagh isafuragh. Me kamaghin damuti, en nguazir ni bigha e ganingizim suvigham. ⁴ Eghitizir biziba ua da ikarvaghamim otoghi, me nguazir gumazir igharaziba da iveauzeziba, me ua da inigham. Eghitizir Selofehatin guivibar nguaziba, me ti da isi men pabar nguazibar aven amadagh. Eghitizir ia gumazir kam, uam en nguazimin min ikiian kogham.”

Moses a gehgari

Moses Ua Godin Araziba Osiri O Diuteronomi Akar faragha zuim

Akinafarir kamin aven, Israelia namba 2in dughiamin Godin Araziba ini, egheti da men nighniziba fiva gavgavim men navir averiabar aningam. Dughiar kamin, Israelia Moapian nguazim gapiaaghav ikia, egh Jordanin Fanem abigh Kenanin nguazim iniasava ami. Moses me ko mangighan kogham, kamaghin, a uan akar abuananam isa me ganingi. Moses migirigiar otevir 3pla isa Israelia ganingi, ezi a kinafarimin abuan migirigia Mosesin ovevemin eghaghanim an iti.

Moses kamaghin akar ekiabar gun migei. A God Israelian darorir kamin men gara me bagha amizir inganganir ekiar aviriba, uam a dagh nighnisi. God uabi uan gavgavimin men akura, kamaghin amizi, me an apengan ikiam. Moses ua Godin 10plan Akar Gavgaviba dar gun migei, egha Godin Akar Gavgavir kabar mingarir maba, a Israelian ikirimirim bagha me gehgari. A Godin Akar Gavgavir faragha itiba, gavgavim dagh anidi, egha Israelian nighniziba fe, egheti God me daningasa mikemezir nguazim dapiamin dughiamin, me deraghvira Arazir kabar gin mangam.

Bizir ekiar a kinafarir kam damuasa migeim, a Israelian akuraghti, me Godin Akar Gavgaviba deraghviram dar gin mangam. Godin Arazir kam, a sapta 6:4-6in ikia kamaghin migei, "Ia uan navir averiam ko uan nighnizim ko uan gavgavim sara bar Ikiavira Itir God, ian God, a gifongegh." Moses Akar Gavgavir kam gavgavim a daningasa, tintinibar mighsiabar mavanang egha asebar ziaba fan men anogoroke. Me God gifozir puvatizir arazibar amuan marki. Egh me danganir vamirara amisefegh, egh gumazamiziba bar an mangi Ikiavira Itir Godin ziam fi.

Akinafarir kam God Israelia ko amizir Akar Dikirizir Gavgavir kamin men nighniziba fe. God ubi Akar Dikirizir Gavgavir kamin gin ghua iza datirighin, egheti me uaghan deraghvira nighnigh me Kenanin nguazim ikiamimin dughiamin, me Akar Dikirizir Gavgavir kamin gin mangisi bar gavgafigh.

Israelia Sainain Mighsiam ategha izezir eghaghanim,

(Sapta 1-3)

¹ Akinafarir kamin aven itir akaba, Moses da Israeliian gumazamizibav keme. Dughiar kamin, me gumazamiziba puvatizir danganim aghuigha an iti. Kar Jordanin Fanem boroghin aruem anadi naghin itir danganim. Danganir zarir me itir kam, Supin nguibamin boroghin ikia, egha bar misingi. Ezi Paranin nguibam, vongin amadaghan iti, ezi Tofelin nguibam, ko Labanin nguibam, ko Haserotin nguibam, ko Disahapin nguibam, da vongin amadaghan itima, Israelia dar tongin iti.

² Gumazitam ti Sainain Mighsiam ikegh Kades Barnea mangisi 11plan aruebar Idomin kantrin mighsiaba atugh mangam. ³ Ezi Israelia fomira Isipin kantri ategha iza 40plan azeniba danganir kamin arui. Dughiar kam, namba 40in azenim, an namba 11in iakinimin, an dughiar faragha zuim otozi, Moses Ikiavira Itir God a mikemezir bizibar gun me migei. ⁴ Ikiavira Itir God, Amorian Atrivim, Sihon, abirazir dughiamin gin, bizir kaba otifi. Atrivim Sihon Hesbonin nguibar ekiam gativatha an gari. Ezi uaghan Ikiavira Itir God, Basanin danganimin Atrivim Ok anebira. Ok, a Astarotin nguibam ko Edrein nguibam gativatha aningin gari. ⁵ Dughiar kamin Israelia Jordanin Fanem, aruem anadi naghin, Moapian nguazim min itima, Moses Akar Gavgavir kabar gumazamizibav gia men sure gamon ghaze:

⁶ "E Sainain Mighsiam itir dughiamin, Ikiavira Itir God, en God, kamaghin e migia ghaze:

"Ia dughiar bar ruarimin mighsiar kamin boroghin iti. Ian dughiar kagh itim, a iza kamaghira tu. ⁷ Ia dikavigh danganir kam ategh, egh Amorian mighsiaba itir danganim, ko an boroghin itir danganibar mangi. Kar Jordanin danganir zarim ko mighsiaba itir danganiba, ko sautin amadaghan itir nguazir misingiziba, ko Mediterenianin Ongarir Ekiamin dadarimin itir nguaziba. Egh ia Kenanian nguazim ko nguazir Lebanonin Mighsiabar vongin itiba sara inigh mangi Yufretisin Faner Ekiamin tugh. ⁸ Ia oragh! Nguazir kaba bar, ki ia ganidi. Ki Ikiavira Itir God, ki ian inazir afeziaba, Abraham, Aisak, ko Jekop, ko men ovavir borir gin otivamiba, nguazir kaba isi me daningasa me koma akam akirigha gifa. Egheti ia datirighin dikavigh mangi da inigh dar apiagh iki."

*Moses gumazir dapaniba amisevez i me
Israelian jasbar min iti
(Ua Me In 18:13-27)*

⁹ Egha Moses gumazamizibav gia ghaze, ‘Ki faragha kamaghin ia mikeme, ‘Ki ia gativagh ian ganamin ingangarim, a bar ekefe. Ki uabiram a damuva avegham. ¹⁰ Ikiavira Itir God, ian God, ia gamizi, ia borir avirah bategha, bar avirasemegha iti. Ian dibobonim, overiamin itir mikovezibar dibobonimin min ghu. ¹¹ Nan ifongiam kamakin. Ikiavira Itir God, a en inazir afeziabar God, a uan akar dikirizimin gin mangi, ia damighti ia guizbangira bar avirasemeghiva ian gin otivamin dibobonim, ian dibobonir datirighin itim bar a gafiragh. Egha uaghan ian bizibar amuti, da bar deragh otivam. ¹² Egha ki manmaghira uabira ian osimtiziba ko ian akamadariba akiram? Ki uabira dar amuan iburagh. ¹³ Kamaghin amizi, ia fofozir gumazir aghuitaba ko, gumazir deravira nighnigha biziba tuisitaba, me ian gumazir dapanibar ikisi me amisefegh. Ia uan anababar tongin vaghvagh me amisevehti, ki me ginabaghti me ia gativagh ian ganam.’ ¹⁴ Ki kamaghin ia mikemezi, ia na ikaragha ghaze, ia kamaghin damuasa ifonge. ¹⁵ Kamaghin, ia uari uan anababar tongin vaghvagh misevezir fofozir gumaziba ko, gumazir dapanir aghuir gumazamiziba deravira me gifoziba, ki me ini. Ki me amisevezi, men marazi 1,000plan gumazamizibar garima, marazi 100plan garima, marazi 50plan garima, marazi 10plan gari. Ezi ki uaghan gumazir ekiar maba bar ian anababar tongin vaghvagh me amisefe.

¹⁶ “Egha dughiar kamin ki ian jasin kaba akar gavgavim me ganiga ghaze, ‘Ia gumazamizibar akamadarir men tongin otiviba baraghmin dughiamin, ia deraghvira kuariba arigh da baragh. Egh akamadariba bar deraghvira da tuisigh. Kar ti, ian namakar pumuningin tongin itir akamadariba, o akamadarir ian namakaba ko ikizir igharazibar gumazamizir ian tongin itiba, ia uaghara deravira da baragh guizin arazimin gin mangi da tuisigh. ¹⁷ Ki kamaghin me mikeme: Gumazim a ziam iti o ziam puvati, ia arazir vamiran gin mangi bar men araziba tuisigh. God uabi kotin dughiamin nighniziba ia daningam, egha ia gumazitomin atiatingan marki. Egha osimtizim bar ekeveghti, ia anekiran iburaghiva, a inigh na bagh iziti, ki a baragh. ¹⁸ Egha dughiar kamin bizir igharazir ia uaghan damuamiba sara ki ian sure gami.”

*Israelia mogha gari gumaziba amangi
(Diboboniba 13:1-13)*

¹⁹ Moses ua kamaghin migei, “Ikiavira Itir God, en God, e damuasa mikemezi

moghin, e ami. E dughiar kamin dikavigha Sainain Mighsiam ategha ghua danganir bar kuramin zui, kar gumazamiziba puvatizir danganim. E ghuavira ikia Amorian mighsiba itir danganimin otivigha Kades Barnean otifi. ²⁰ Ezi ki kamaghin ia migia ghaze, ‘E datirighin Amorian mighsiba itir danganimin otifi. Ikiavira Itir God, en God, nguazir kam datirighin ia daningesava ami. ²¹ Ia gan! Ikiavira Itir God, ian God nguazir kam isa ia ganigha gifa. Ia dikavigh mangi a inigh, mati Ikiavira Itir God, ian inazir afeziabar God, a ia mikemezi moghira, ia a dapiagh. Egh atiatingiva okam nighnighan marki.’

²² “Ezi ia bar moghiram iza na migia ghaze, ‘E gumazitaba amangighthi me en faragh mangi, mongegh nguazir kamin ganigham. Egh me tuavir bar aghuitam en akaghti e an mangam. Me e mikim suam nguibar ekiar kaba, da manmaghira gari.’

²³ “Ezi ki oregha ghaze, e akar kamin gin mangiti a ti deragh. Egha uan 12plan anababar aven, ki vaghvagh dar aven gumazir maba amisefe, egha 12plan gumaziba mangam. ²⁴ Egha me dikavigha mighsiba itir danganimin pin ghu, Eskolin Danganir Zarimin otivigha mogha garagha rui. ²⁵ Egha me dagher nguazir kamin otivir maba inigha ua iza e ganigha ghaze, ‘Nguzair Ikiavira Itir God, en God, datirighin e ganidir kam, a bar dera.’

²⁶ “Me kamaghin mikemezi, ia ua Ikiavira Itir God, ian Godin akaba batuegha kantrin kamin ghuavanangan aghua. ²⁷ Ia uan purirpenibar ikia uarir tongin migirigar aviribagh amua uarigh imoba ghaze, Ikiavira Itir God e gifongezir puvati. Egha kamaghin an e isi Amorian dafarim datighti me e gasighasighasa, a Isipin kantrin e inigha azenan ize. ²⁸ E tizim bagh danganir kamin mangam? Gumazir e nguazir kamin mongiva an ganasa amangiziba, ua izegha kamaghin e migia ghaze, Gumazamizir nguazir kamin itiba bar gavgavigha agharapaniba bar ruari, ezi men dibobonim, en dibobonim bar a gafira. Ezi me itir nguibar ekiaba, da avinizir divaziba bar overiamin ghuavanabogha bar isin mar iti. E uaghan men garima, gumazir dafabara men tongin iti. Me ti gumazir bar ruarir fomira itim Anak, an ovavir boribara!”

²⁹ “Ezi ki kamaghin ia migei, ‘Ia gumazamizir kabar atiatingan marki. ³⁰ Ikiavira Itir God, ian God, a fomira Isipin kantrin aven ian akurazi ia ganizi moghinh, a datirighin ian faragh mangi ia bagh apanibav sogham. ³¹ Ia faragh

gumazamiziba puvatizir danganimin itima, Ikiavira Itir God, ian God, a ian akuraghia inigha ia atera izavira ikia nguazir ia datirighin itir kamin oto. Ezi an arazir kam, ia an ganigha gifa. A mati afeziam uan borim ghurafazi moghin, ia gami.’³² Ki kamaghin ia migejima, ia akar kam barazir puvatigha, nighnizir gavgavim Ikiavira Itir God, ian Godin itir puvati.³³ A ian faragha ghua tuavim ian akagha danganir ia purirpeniba asamim ian aka. Egha a dimagaribar, avivzariar ekiamin aven ian faragha ghua, aruebar mati, ghuariar ruarir ekiamin min ia gisin faragha zui.’

*God ivedzir kuram Israelia ganingi
(Diboboniba 14:20-45)*

³⁴ Egha Moses me migia ghaze, ‘Ia migirigiar aviribagh amima, Ikiavira Itir God ia baraghia ghua ian aningaghegha bar pamtemin migia ghaze,³⁵ ‘Ia gumazamizir bar kuruba, ian tav nguazir aghuir ki ian inazir afeziabar aningasa me koma akam akirizimin mangan kogham. Bar puvatigham.³⁶ Ki garima, Jefunen otarim, Kaled, a bar na baghavira ikia nan gin zui. Kamaghin amizi, a uabira mangi nguazir kamin ikiam. Eighti nguazir a ghua ganizir kam, ki a isi a ko, an ovavir boribar aningam.’

³⁷ ‘Ian arazir kam, Ikiavira Itir God gammima, a uaghan bar na basemegha kamaghin migei, ‘Moses, ni uakan, ni nguazir kamin aven mangan kogham.³⁸ Eighti nin akurvazir gumazim Josua, a Nunin otarim, a uabira mangam. Ni gavgavim isi Josuan nighnizim danighti, a Israelia inigh men faragh mangi nguazir kam inigh a dapiam.’

³⁹ ‘Egha gin Ikiavira Itir God, kamaghin bar e migei, ‘Ian borir aghrir datirighin itiba kamaghin fozir puvati, bizir tizim a ikuvi, ezi bizir tizim a dera, merara nguazir kamin aven mangam. Borir kabara, ia me migia ghaze, Apaniba me misueghti me arighiregham. Eighti ki nguazir kam me danighti, me a inigh a dapiagh an ikiam.⁴⁰ Ezi ia gumazamizir aruaba, ia datirighin umategh gumazamiziba puvatizir danganimin mangi. Egha Ongarir Aghevim bagha zuir tuavimin mangi.’

⁴¹ ‘Egha ia na migia ghaze, ‘Moses, e Ikiavira Itir Godin damazimin arazir kuram gami. Egh e datirighin Ikiavira Itir God e mikemezi moghin mangi misogham.’ Egha ia ghaze, Mighsiaba itir danganimin itir gumaziba, da pura biziba. E me dikabinamin gavgavim iti. Egha ia vaghvagh midorozimina biziba suigha me dikabinasava ami.

⁴² ‘Ezi Ikiavira Itir God kamaghin na migia ghaze, ‘Ni ikiangsizir kam me daning: Me midorozim bagh mangan marki. Ki me ko mangi men akuraghan koghti, apaniba bar me abinigham.’⁴³ Ezi ki Ikiavira Itir Godin akar kamin gun ia migei. Ezi ia an akam barazir puvati. Ia an akam batuegha, uari fa ifaghata dikavigha apanibav soghasa mighsiaba itir danganimin ghue.

⁴⁴ ‘Ezi Amorian mighsiaba itir danganir kamin itiba, aparir ivibar min okoruubar min migha iza ian agintigha ghua Idomian mighsiaba itir danganimin ghua, Horminan nguibar ekiamin otogha bar ia dikabira.⁴⁵ Kamaghin amizi, ia uarir akurvaghaha Ikiavira Itir Godin diava arai. Ezi a tong ia baraghizir pu. Bar puvati.⁴⁶ Ezi bizir kam bangin ia dughiar bar ruarimin Kadesin ike.’

2

*Israelia ghua Idomin kantri ko
Moapin kantrin oto
(Diboboniba 21:10-20)*

¹ Egha Moses kamaghin migia ghaze, ‘E gin uamategha ghua gumazamiziba puvatizir danganimin ghua Ongarir Aghevim bagha zuir tuavimin zui. Egha e, Ikiavira Itir God e mikemezi moghirama ami. Egha e Idomian mighsiabar itir danganimin, dughiar bar ruarimin ighuagh arui.

² ‘Egha Ikiavira Itir God, ua na migia ghaze,³ ‘Dughiar bar ruarimin ia pura mighsiaba itir danganir kam tintinibar a garuavti, dughiam gifa. Ia datirighin notin amadaghan mangi.’⁴ Egha Ikiavira Itir God, migirigiar otevir kam ia danielgasa na mikeme, ‘Ia datirighin Idomian mighsiaba itir danganimin torim abigh mangam. Kar Ison ovavir boribar nguazim, me ian namakaba. Me ian atiatingti, ia deraghvira ganigh.⁵ Ia me ko misoghan marki. Ki men nguazir otevitam isi ia danighan kogham. Bar puvati. Ki fomira Seirin Mighsiam isa Ison ovavir boribagh anigha gifa.⁶ Eighti ia men kantrin aven, dagheba ko dipabara, ia dagh ives.’

⁷ ‘Ia bizir kam bakinighnighan marki. Ikiavira Itir God, ian God, ia bagha biziba bar dagh amizi, da deraghviram otifi. Ia gumazamiziba puvatizir danganim purama a garuir dughiamin, a bar deraghvira ia geghuva ian gari. Egha faragha zuir 40plan azenibar ikegha iza datirikin, a ia ko ikiavira iti, ezi ia bizitam otevezir puvati.

⁸ ‘Ezi e ua dikavigha ghua en namakar Seirin Mighsiabar boroghin itiba, Idomia, me gitaghaha, Elat ko ESIONGERIN nguibamning bagha zuir tuavir

gumazamiziba puvatizir danganimin itim ategha, ragha ghua Moapin kantrin itir gumazamiziba puvatizir danganimin zuir tuavimin zui. ⁹ Ezi Ikiavira Itir God kamaghin na migia ghaze, ‘Moapia me Lotin ovavir boriba, ezi ia pazi me damuan marki. Ki nguibar ekiam Ar isa me ganigha gifa, ezi ia me ko misoghan marki. Ki men nguazitam isi ia danighan kogham.’”

¹⁰⁻¹¹ (Ikiavira Itir God tighar nguazir kam isi Moapia daningamin dughiamin, gumazamiziba gumazamizir bar gavgavir kaba dibora ghaze, “Emia.” Me fomira nguibar ekiar kam Ar, me an iti. Me Anakian min agharir suiar ruaribar aghungi. Gumazamizir aviriba, gumazir agharir ruaribar aghungizir kaba, Anakia ko Emia, me ziar kam Refaim me gati. Ezi Refaimian marazi, Moapin kantrin itima, Moapia ziar kam Emia, me gati. ¹² Horia fomira Idomin kantrin itima, Ison ovavir boriba me gasighasigha, men kantri inigha a gapija. Kamaghira, Israelia gin Ikiavira Itir God me ganingizir nguazir kam, inigha a gapija.)

¹³ Egha Moses ua kamaghin migia ghaze, “Ikiavira Itir God e mikemezi moghira e gin Seretin Danganir Zarim abigha zui. ¹⁴ Dughiar e Kades Barnean ikegha iza Seretin Danganir Zarim abigha izezim, datirighin 38plan azeniba. Ezi Ikiavira Itir God mikemezi moghira, midorozir gumazir e ko Kades Barnean ikegha izeziba, me bar moghiram ariaghire. ¹⁵ Guizbangira, Ikiavira Itir God, men apanim gamua ghua bar me agifa.

¹⁶ “Midorozir gumaziba bar ariaghirezi men gin, ¹⁷ Ikiavira Itir God, kamaghin na migia ghaze, ¹⁸ ‘la datirighin nguibar ekiam Ar, an boroghin zuir tuavimin otogh Moapian nguazimin mitaghniam abigh an aven mangi. ¹⁹ Egh Amonia me Lotin ovavir boriba, ia men nguazimin boroghira mangam. Nguazir kam ki a isa me ganigha gifa. Kamaghin amizi, ki men nguazir katam isi ia danighan kogham. Eghti ia bizitam damighti me atarti ia me misoghan marki.’”

²⁰ (Nguazir asizir kam, me uaghan kamaghin a dibori, “Refaimian nguazim.” Gumazamizir maba fomiram an ike, ezi Amonia kamaghin uaghan me dibora ghaze, me “Samsumia.” ²¹ Egha me uaghan Anakian min aghuigha ruari. Egha me bar avirasemegha gavgaviba men iti. Ezi Ikiavira Itir God, bar moghira me agivazi, Amonia nguazir kam inigha a gapija. ²² Kamaghira, Ikiavira Itir God, Ison adarazigh amizi, me datirighin Idomin Mighsiabagh apiaghia iti. Ikiavira Itir

God, bar Horia agivazi, Idomia men nguazim inigha a gapija. ²³ Ezi Avia, men nguazim ongarir ekiamin ikegha ghua Gasan amadaghan sautin tu. Ezi Kritia kamaghira amigha Avian nguazim inigha a gapija.)

²⁴ Ezi Moses ua kamaghin migia ghaze, “E Moap gitagha izima Ikiavira Itir God, kamaghin migia ghaze, ‘la datirighin mangi Arnonin Fanem giregh mangi. Eghti datirighin Amorian gumazim Sihon, a Hesbonin atrivim, ki a ko an nguazim isi ian dafarim darigham. ²⁵ Ki datirighin ikegh mangi ki nguibabar gumazamizibar amighti me bar ian atiatigham. Egh me ian ziam baraghiva, egh akong bar atiatigham.’”

*Israelia Atrivim Sihon dikabira
(Diboboniba 21:21-30)*

²⁶ Egha Moses ua kamaghin migia ghaze, “E Kedemotin gumazamiziba puvatizir danganimin itir dughiamin, ki Hesbonin Atrivim Sihon, bagha navir vamiran ikiasi akar aghuiba isa abuir gumazir mabagh anigha me amangi. ²⁷ Me ghua otivigha kamaghin a migel, ‘Ni en amamangatighti, e nin nguazim abigh tuavimra mangam. En gumazamiziba raghiregh agharir guvum o agharir kiriamin mangan kogham. E bighiratigh mangam. ²⁸ Guizbangira, e pura dagheba ko dipaba inian kogham. Bar puvati. E dagh iveau. E pura uan suebar, nin nguazimin tizimra daru, ²⁹ mangi Jordanin Fanem girigh anebigh nguazir Ikiavira Itir God, en God, e daningasa mikemezimin otogham. Ni ti oraki, Ison ovavir borir Seirin Mighsiabar itiba, ko Moapian gumazir Arin itiba, me kamaghira bar en amamangatizi, e men nguazim abigha ize.’

³⁰ “Ezi Atrivim Sihon uan kantri abigh mangan en amamangatizir puvati. Ikiavira Itir God, en God, e datirighin apiaghav itir nguazir kam e a iniasa an Atrivim Sihon gamizi, an navim gavgavizi, a en akam baraghian aghua.

³¹ “Ezi Ikiavira Itir God, na migia ghaze, ‘Ni oragh! Ki datirighin Atrivim Sihon ko an nguaziba bar da isi ian dafarim darigham. La pura mangi da inigh, egh dar apiagh.’

³² Ezi Sihon uan midorozir gumaziba ko, e misoghasa Jahasin nguibamin boroghin otifi. ³³ Ezi Ikiavira Itir God, en God a isa e ganingizi e a dikabiragh, a ko an otariba ko an adarazi sara bar me misoghezi me bar ariaghire. ³⁴ Ezi dughiar kamra, e an nguibaba bar da inigha, bar adagh asighasiki. Egha men gumaziba ko, amiziba ko boriba sara misoghezi me ariaghirezi, tav ua itir puvati. ³⁵ Ezi e

uari bagha men bulmakauba ko men bizar nguibabar aven itiba bar da ini.³⁶ Ikiavira Itir God, en God, en amamangatizi, e Arnonin Danganir Zarimin miriamin aven itir nguibam Aroerin ikegha ghua Gileatin nguazimin otivigha men nguibar kaba bar dagh asighasiki. E zuima, nguibar kaba avinizir divazir tam e gamizi, e aven mangasa iburazir puvati.³⁷ Dughiar kamin, e Amonian nguazim, ko Jabokin Fanemin boroghin itir danganiba, ko mighsiaba itir danganibar aven itir nguibaba, ko danganir Ikiavira Itir God, en God, e mangasa en anogorogheziba, e dar boroghin ghuzir puvati."

3

*Isaelia Atrivim Ok abira
(Diboboniba 21:31-35)*

¹ Egha Moses ua Isaelia migia ghaze, “Kantri Basan a notin amadaghan iti, ezi e datirighin an zuir tuavimin zuima, Basanin Atrivim Ok uan adarazi ko otivigha e misoghaha izi. Me Edrein nguibam boroghin kamaghin ami.”² Ezi Ikiavira Itir God, na migia ghaze, “Ni an atiatingan marki. A ko an gumazamiziba ko, an nguazim, ki bar da isa ia ganigha gifa. Kamaghin amizi, ia dikavigh, arazir ia faragha Amorian Atrivim Sihon gamizim, ia a damu. Sihon, a faragha Hesbon gativagha an gari.”

³ “Guizbangira, Ikiavira Itir God, en God, Atrivim Ok ko an gumazamiziba en dafarim gatizi, e me misoaghaghiri me bar ariaghire. Men tav ua itir puvati.⁴ E dughiar kamin an nguibaba bar ada inigha, tam ataghizi a itir puvati. Bar puvati. Atrivim Ok, Basanin nguibar ekiamin ikia, egha Argopin danganim gatifia. Dughiar kam, e Argopin danganimin itir nguibar ekiar 60pla, e bar moghirada ini.⁵ Nguibar ekiar kaba, da avinizir divaziba, da bar ekevegha mitemegha gavgafi. Ezi divazibar tiar akaba bar gavgavizi, me ainin igugunibar da apiri. Ezi nguibar dozir divaziba puvatizir bar aviriba, da Atrivim Okin nguazir asizibar iti.⁶ E nguibaba bar dagh asighasigha, gumazamiziba ko boriba, bar me misoghezi me ariaghire. Arazir e Hesbonin Atrivim Sihon, gamizimra, e me gami.⁷ Egha men bulmakauba ko, nguibabar biziba bar, e uari bagha da ini.

⁸ “E dughiar kamin, arazir kamra, e Amorian Atrivir kamning, Sihon ko Ok, e aningin nguaziba bar da ini. Nguazir

kaba, da Jordanin Fanemin aruem anadi naghin iti. Da sautin amadaghan Arnonin Fanemin ikegha ghua notin amadaghan Hermonin Mighsiamin tu.⁹ Ezi Saidonia, Hermonin Mighsiam ziar kam a garisi, ‘Sirion.’ Ezi Amoria, ziar kam a garigha ghaze, ‘Senir’.¹⁰ E mighsiabar orazibar itir danganir zaribar itir nguibaba bar ada isava, Gileatin nguaziba ko Basanin nguaziba isa ghua Saleka ko Edrein nguibamningin tu. Nguibar kaba, da bar Atrivim Okin nguazimin itima e bar moghiram ada ini.”

¹¹ (Atrivim Ok, a Refaimbar atrivir abuananam. An aremeghti an eghuamin boksiam, me dagiamin an ingari. Boksiar kamin ruarim, a 4 mitan tuzi, an arozim, 2 mitan tu. Dagiar boksiar kam, an Amon kantrin Raban nguibamin ikiavira iti.)*

*Ruben Ko Gatin anabamningin adarasi,
Jordanin Fanemin
aruem anadi naghin apia
(Diboboniba 32:1-14)*

¹² Moses kamaghin Isaelia migia ghaze, “E nguibar kaba inigha givagha, ki nguazir kabar maba Ruben ko Gatin anabamningin adarazigh aningi. Men nguazim, Arnonin Fanemin boroghin itir nguibam Aroer, a nguazir notin amadaghan itim. Egha uaghan ki Gileatin itir mighsiaba itir danganimin nguazir akuar mam ko an nguibaba me ganingi.¹³ Egha ki Gileatin nguazir akuar igharazim ko Basanin nguazim bar a isa Manasen anabar me tuirazimningin mam ganingi. Atrivim Ok faragha Basanin nguazim gativagha an gari. Danganir kam, me ziam Argop a garisi. An aven itir nguibaba, ki bar da isa Manasen adarazigh aningi. Me fomira Basan migia ghaze, a Refaimian nguazim.

¹⁴ “Ezi Jair, a Manasen adarazir gumazir mam. A gin Argopin danganim bar moghiram a ini, nguazir kam me ziam Basan a garisi. Nguazir kam ghua Gesur ko Makan nguazimin mitaghniamin tu. A ubi uan ziam nguibar kabagh ariki. Kamaghin amizi, gumazamiziba nguibar kabav giavira ikia iza datirighin ghaze, kar Jairin nguibaba.

¹⁵ “Makiria, me Manasen anabamin marasi, ezi Gileatin nguazim, ki a isa me ganingi.¹⁶ Ezi Ruben ko Gatin anabamningin adarasi, ki Gileatin ikegha ghua Arnonin Fanemin tuzir nguazim isa me ganingi. Men mitaghniamsautin ikegha ghua Arnonin Faner torimra tu. Ezi men nguazir aruem anadi naghin itim mitaghniamsghua Jabokin Fanemin tu.

^{3:1} Diboboniba 21:33-35 * ^{3:11}: Hibrun akam vezin kam deragha a migeir puvati. Gumazir maba kamaghin akam giragha an osiri, “An dakozim, me ainin an ingari. Dakozir kamin ruarim, a 4 mitan ghu.” Ezi vezin kamin akar abuananam, akar kam, “boksiar kam ikiavira ikia iti,” a dughiar e datirighin itim migeir puvati. A dughiar Moses akinafarim kam osirizim migei.

Ezi Jabokin Fanem, an Amonin kantrin mitaghniam.¹⁷ Ezi men mitaghniar aruem uaghiri naghin itim, a Jordanin Fanemin tu. Men mitaghniam notin amadaghan Galilin Dipar Akaremin ikegha ghua, Amangsizim Itir Dipamin sautin amadaghan tu. Kar Amangsizim Itir Dipar Akarer aruem anadi naghin, Pisgan Mighsiamin boroghin itir nguazim.

¹⁸ “Egha ki dughiar kamra, kamaghin me migia ghaze, Ikiavira Itir God, en God, Jordanin Fanemin itir nguazir aruem anadi naghin itim isa ia ganingi, eghiti ia a dapiam. Datirighin ian midorozir gumaziba uan midorozir biziba inigh. Eghiti ia me amadaghti, me uan Israeliyan namakabar faragh Jordanin Fanem giregh anebigh mangi, men akuraghti me nguaziba iniam. ¹⁹ Eghiti ian amuiba ko boriba nguibar ekiar ki ia ganingizimin ia mizuam iki. Ki fo ian bulmakauba ko sipsipba bar aviraseme, da uaghan ian nguibar ekiamin ia mizuam iki. ²⁰ Ia mangi uan namakabar akurvagh mangiti, dughiar me nguazir Ikiavira Itir God, en God me daningasa mikemezim iniamim otogham. Kar, aruem uaghiri naghin amadaghan Jordanin Fanemin itir nguazim. Ia me ataghiraghan marki, egh me ko iki mangi dughiar Ikiavira Itir God me damuti, me deravirama uan nguazim dapiagh an avughsam, mati ia uan nguazimin apiazi mokin. Egh ia gin, uamategh uan nguazir ki ia ganingizimin mangi.”

²¹ “Egha ki gin kamaghin Josua migia ghaze, ‘Ikiavira Itir God en God, Atrivim Ok ko Atrivim Sihon gamizir biziba ni dar ganigha gifa. God kamaghira atrivir igharazir ia misogh men nguaziba inamibar amuam. ²² Ikiavira Itir God, en God, a uabi ia bagh me ko misoghiva ian akurvaghram. Kamaghin, ia men atiatingan marki.”

God, kantri Kenanin mangasa Mosesin amamangatizir puvati

²³ Egha Moses kamaghin migia ghaze, “Dughiar kamin ki Ikiavira Itir God, pamten a ko migia ghaze,²⁴ ‘O Ikiavira Itir God, nan Ekiam, ki fo, ni bizir ekiar ni damuamiba, ni dar otevir muzieriba nan akaksi, ki nin ingangarir gumazim. Ua godin igharazitam overiam ko nguazimin itir puvati, egh a bizir ekiar ni amigha givazir kabar amuan kogham. ²⁵ Ki nin azai, ni nan amamangatighti, ki mangi Jordanin Fanem girigh vongin mangi, egh nguazir aghuir kamin ganiva mighsiaba itir danganir aghuiba ganiva, uaghan Lebanonin itir mighsiamin ganam.’

²⁶ “Ezi puvati. Ian osimtizim bangin, Ikiavira Itir God, nan atara egha uan kuarim dukuaghia ikia ghaze, ‘Ni uan akam dukuagh, egh bizir kam bagh nan azangan marki. ²⁷ Ni mangi Pisgan Mighsiamin bar an ghuamin ghuavanabogh, vongin notin amadaghan ganiva, saut amadaghan ganiva, aruem anadi naghin ganiva, aruem ghuaghiri naghin gan. Ni Jordanin Fanem abigh vongin mangigh nguazir kamin mangighan kogham. Bar puvatigham. Kamaghin amizi, ni deraghvira danganir kabar gan. ²⁸ Josua uabi gumazamiziba inigh fanem abigh vongin mangam, eghiti me nguazir ni datirighin garir kam inigh a dapiam. Kamaghin amizi, ni bar deraghvira Josuan sure damu, egh gavgavim an nighnizim daningigh.’

²⁹ “Ezi dughiar kamin e Betpeorin nguibamin boroghin danganir zarimin iti.”

Moses, Israelia migia ghaze, me Godin Arazibar gin mangi

4

(Sapta 4-11)

Moses, Godin Akar Gavgavibar gin mangasa Israelia mikeme

¹ Ezi Moses kamaghin Israelia migei, “O Israelia, ki datirighin ia ganidir arazir God ifongezir kaba ko bizir a damuasa ia mikemezir kaba, ia bar deravira dar gin mangi. Ikiavira Itir God, a ian inazir afeziabar God, a nguazir kam isa ia ganidi. Ia nguazir kamin mangi a dapiagh deraghvira ikiasa a ifonge, kamaghin amizi, ia an arazibar suigh gavgavigh dar gin mangi. ² Ki ia ganidir Akar Gavgavir kaba, da guizbangira Ikiavira Itir God, en Godin Akar Gavgaviba, ezi ia uam akar igharazitam dagħ isin darīgħan marki. Egh ia an aningizir akar otevitam anengaran marki. Ia Akar Gavgavir kaba bar dar gin mangi. ³ Ia uari Ikiavira Itir God Peorin Mighsiamin amizir bizir kamin ganigha gifa. Gumazamizir avirim danganir kamin ikia asem Balin ziam fema, bizir kam bangin God ian tonġin bar me gasighasiki. ⁴ Ezi ia Ikiavira Itir God, ian God, an gin zuir adarazira, ia datirighin ikia kat.

⁵ “Ikiavira Itir God, nan God, na mikemezir arazir a ifongeziba ko bizir a damuasa ia mikemeziba, ki dar ian sure gami. Ia datirighin mangi nguazir kam inigh a dapiagh, egh bar dar gin mangi.

⁶ Ia bar guizbangira adar gin mangi, ikizir igharazibar gumazamiziba kamaghin fogħ suam, ia nighnizir aghuiba ikia egha fofozir aviriba iti. Ia nan arazir ki ifongezir kabav

kimti, gumazamiziba da baragh kamaghin mikimam, ‘Gumazamizir ikizir gavgavir kamin itiba, me fofozim ikia egha bizibagh nighnigha deragha dagh ami.’

⁷ ‘Ia ikizir igharazibagh nighnigh, me purama ekevegha gavgaf, ezi men asetam men boroghira itir puvati. Ezi Ikiavira Itir God, en God, e an deir dughabar, a bar en boroghira ikia en akurvasi. ⁸ Ki datirighin ian sure gamizir arazir kaba, da arazir God ifongeziba ko bizar a damuasa e mikemeziba bar deragha voroghira zui. Ezi ikizir igharazibar gumazamiziba, men araziba ko bizar me amiba, en Arazir aghuibr min zuir puvati. ⁹ Ia nguazir kamin itir dughiam, ia uari bagh deraghvira gan, egh bizar ganigha givaziba ia zurara dughabar da bakinighnighan marki. Bar markiam. Ia dar uan boriba ko ovavir boribagh eghan mangivira iki. ¹⁰ Ia Sainain Mighsiamin, Ikiavira Itir God, ian Godin damazimin tuivigha ikezir dughiam ginighnigh. Dughiar kamin a na migia ghaze, ‘Ni gumazamiziba bar men diaghti me izi uari akufagh. Eghti ki uan akamin men sure damuti, me nguazir kamin ikiamin dughiamin, me nan atiating nan apengaran ikiam. Egh me uaghan uan boribar sure damuti, me uaghan nan apengan ikiam.’

¹¹ “God mikemegha givazi, ia mighsiamin boroghin ghuegha, an apengan zarimin tuivighav ikia gari, mighsiam isia avivzari-aba bigha pin ghuavanaga overiamin suighasava amima, ghuariar bar pizim mighsiam avara. ¹² Ezi Ikiavira Itir God avir kamin aven ikia la migeima, ia an akaba barasi. Egha ia gumazitam in nedazimin garir puvatigha pura migirigiar kinim barasi. ¹³ A dughiar kamin uan Akar Dikirizir Gavgavibar gun ia mikemegha dar gin mangasa ia migei. Egha a dagiar akuar pumuningin Akar Gavgavir kaba osiri. Kar, an Akar Gavgavir 10pla. ¹⁴ Egha Ikiavira Itir God, uaghan arazir a ifongeziba ko bizar a damuasa ia mikemeziba, a ian sure damuasa Akar Gavgavimin na mikeme. Ia nguazir datirighin iniamin kam, ia a dapiagh egh dar gin mangi.”

Israelia asebar gin mangan kogham

¹⁵ Moses ua kamaghin migei, “Ikiavira Itir God, Sainain Mighsiamin avimin aven otoga migeir dughiamin, ia gumazitam in nedazimin garir puvati, ia pura tiarir kinim barasi. Kamaghin, ia deragh uari bagh ganiva, ¹⁶⁻¹⁸ egh asetam marvir guatam in garan marki. Ia kamaghin damighiva,

arazir kuratam damigham. Ia marvir guar kaba akiran marki, gumazim o amizim, asiziba, kuaraziba, kuruziba, osiriba, egh ia marvir guar kabar amighti da ian godbar min ikiam. ¹⁹ Ia ti overiamin itir bizar kabar gari, aruem, iakinim ko mikoveziba. Ia uari bagh ganigh, bizar kaba ian navir averi-abagh ekuti, ia teviba apir dar ziaba fam. Ikiavira Itir God, ian God, ikizir igharazibar amamangatizi me bizar kabar ziaba fe. Eghti ia kamaghin damuan kogham. ²⁰ Ezi ian Ikiavira Itir God, Isipin kantrin ia inigha ian akua ize. Mati gumazim avir bar puvira isimin aven uan borim inizi moghin, kamaghira a ia inigha izegha ia gamizi, ia an gumazamizibaram otifi, mati ia datirighin iti mokin. ²¹ Ia bangin, Ikiavira Itir God, a nan aningaghe. Egha kamaghin a pamten na migia ghaze, ki Jordanin Fanem abigh mangi nguazir aghuir kamin aven mangan kogham. Nguazir kam, Ikiavira Itir God, ian God datirighin ia daningam. ²² Ki Jordanin Fanem abigh vongin mangighan kogham. Puvatigham. Ki danganir kamnaghira ikiva ovegham. Eghti ia fanem girigh vongin mangi nguazir aghuir kam iniam. ²³ Ia deraghvira uari bagh gan, egh Akar Dikirizir Gavgavir Ikiavira Itir God, ian God ia koma amizir kam bakinighnighan marki. Ia an akabar gin mangi egh uari bagh asebar marvir guabar ingaran marki. ²⁴ Ikiavira Itir God, ian God, a uabira guizbangira God. A ian amamangatigli, ia asetam in ziam fan kogham. God avir bar puvira isimin min iti, egh uan apanibar atar men isigham. Kamaghin amizi, ia kamaghin damuan marki.

²⁵ “Egh ia gin nguazir kam dughiar ruarimin an ikivira iki, egh boriba batiti ian ovavir borir gin otivamiba, bizitar nedazibar min marvir guatabar ingaran marki. Ia kamaghin damu arazir kumram damigham. Arazir kam Ikiavira Itir God, ian Godin damazimin derazir puvati, egha a gami a bar aningaghe. ²⁶ Ia oragh, ki datirighin overiam ko nguazimin diazi, aning orazi ki akar gavgavir kamin ia migei. Ia Godin akam batogh egh deravira uari bagh gan. God bar zuamira nguazir kamin ia batuegham. Ia Jordanin Fanem vongin nguazir ia datirighin ini-amin kam, ia dughiar ruarimin an ikeghan kogham. Puvatigham. Ia bar moghirama arimighiregham. ²⁷ Egh Ikiavira Itir God, ia aghamsighti ia tintinibar mangi kantrin igharazibar ikiam, egh ian gumazamizir avirim arimighiregħti vabara ikiam. ²⁸ Egh ia kantrin kabar iki marvir guar gumaz-

4:11: Ua Me Ini 19:16-18; Hibrū 12:18-19 **4:13:** Ua Me Ini 31:18; 34:28; Godin Araziba 9:10 **4:14:** Ua Me Ini 21:1

4:16-18: Ua Me Ini 20:4; Ofa Gami 26:1; Godin Araziba 5:8; 27:15; Rom 1:23 **4:20:** Ua Me Ini 19:5; Godin Araziba 7:6; 14:2; 26:18; Taitus 2:14; 1 Pita 2:9 **4:21:** Diboboniba 20:12 **4:24:** Hibrū 12:29 **4:27:** Godin Araziba 28:36

iba temeba ko dagiabar ingarizibar ziaba fam. Nedazir kaba, bizibar garir puvatigha, biziba barazir puvatigha, apir puvatigha, bizibar mughuriaba barazir puvati. ²⁹ Egh ia dughiar kamin ua Ikiavira Itir God, ian God bagh izisi navim dikavam. Ia uan navir averiam ko duamin aven a burisi bar gavgavigh, a batogh bar an boroghira izam. ³⁰ Egh ia osimtzir ekiam ikiti, bizar kurar kaba ia bativti, ia navibagh iragh uamategh Ikiavira Itir God, ian God bagh mangi an akamin gin mangam. ³¹ Ikiavira Itir God, ian God, a Godin apangkuvim itim. Kamaghin amizi, a pura ia ataghiragh ia gasighasighan kogham. Egh an Akar Dikirizir Gavgavir a ubi ian inazir afeziabu ko amizir kam gin amadaghan kogham.

³² "Ia, dughiar fomira ikegha izibagh nighnigh. Bar fomira, amebam tighar ia batamin dughiam, o dughiar God faraghavira gumazimin ingarizimin ikegha iza datirighin, ia faragha zuir dughiaba bar dagh nighnigh. Ia ti, nguazir kamin oteviba bar dar mangi deravira gan, bizar ekiar kamagh garitam otozi, e a baraghiz, o pu? Bar puvati. ³³ Gumazamizir igharazitaba, ti God barazi, an avimin aven ikia mikeme? Puvati. Ia ikia a barazi a migei, ezi ia ariaghirezir puvati. ³⁴ Ikiavira Itir God, ian God, Isipin kantrin ia inigha egha ian akua iza ia gamizi, ia an gumazamizibar otifi. Egha ian damazimin a uan gavgavir ekiamin ingangarir ekiar aviribagh ami. An arimariar ekiar aviribagh amizi, da Isipin kantrin otivizi, a puv me misuagharki. Egha a mirakelbagh amuava, bizar igharagh garir ekiar Isipia damut me bar puviram atiatingamin aviribagh ami. Ti godin ifavarir igharazi tam, bizar an amizir kamagh garir tabar amigham, o? Bar puvatigham. ³⁵ Ikiavira Itir God, ian God, bizar kaba ian akakasi, egha ia fogh suam, a uabira God. Ezi ua godin igharazitam itir puvati. Bar puvati. ³⁶ God ian sure damuasa, kamaghin a ia gamizi, an akam overiamin ikegha izaghiri ia a baregha gifa. Egha nguazimin ia an avir angazangarir ekiamin gari, ezi an avimin aven ikia egha ia ko migei. ³⁷ A bar moghira ian inazir afeziabagh ifonge, egha ia ginabazi ia bar an gumazamizibara. Kamaghin amizi, a uan gavgavir ekiamin Isipin kantrin ia inigha ize. ³⁸ A ia inigha iza ikizir gavgavir ekiabu itiba batoke, men gavgaviba bar ian gavgavibagh afira. A nguazir kam ia daningasa kamaghin amua ia inigha iza nguazir ia datirighin itir kam ia ganingi. ³⁹ Ezi datirighin ia bizar kam ginighnigh mamaghira iki. Ikiavira Itir God, an overiam ko nguazimin God. Ezi ua godin

igharazitam ua itir pu. Bar puvati. ⁴⁰ Ia an arazir a ifongeziba ko an Akar Gavgavir ki datirighin ia migeiba, ia bar dar gin mangi. Ia kamaghin damuva, uan ovavir boriba ko deraghvira ikiam. Egha a deravira ian akurvagh ia ko mangiti, ia nguazir Ikiavira Itir God, an God, datirighin ia ganidir kam, ia dughiar ruarimin an ikiam. Egha nguazir kam a ian nguazimin min iki kamaghira ikiam."

Moses mongamin nguibar ekiaba amisefe

⁴¹ Egha gin Moses Jordanin Fanemin aruem anadi naghin nguibar ekiar 3pla amisefe. ⁴² Nguibar ekiar kaba bizar kam bagh ikiam. Gumazitam atamakuigh an apanim gamir puvatizir gumazim misueghti an aremeghti, gumazir kam ari mangi nguibar ekiar katamin mangiti, gumazitam an ovevem ikaragh a misueghti an aremeghan kogham. ⁴³ Nguibar ekiar kabar kara: Beser, a Rubenin anabamin mogomer nguibam, a gumazamiziba puvatizir danganimin ikia danganir zarimin iti. Ramot, a Gatin anabamin mogomer nguibam, a Gileatin danganimin iti. Ezi igharazim a Golani, a Manasen anabamin mogomer nguibam, a Basan nguazimin iti.

Israelia inizir nguazimin eghaghanir otevim

⁴⁴ Moses Godin Araziba Israelia ganidi. ⁴⁵⁻⁴⁶ Me Isipin kantri ategha iza aruem anadi naghin Jordanin Fanemin, Betpeorin nguibamin boroghin danganir zarimin iti. Dughiar kamin, Moses, akaba ko arazir God ifongeziba ko bizar a damuasa me mikemeziba, me ganidi. Danganir kam, Amorian Atrivim Sihon, an nguazimin iti. A fomira nguibar ekiam Hesbonin aperagha nguazir kamin gari. Ezi dughiar Moses Israelia ko Isip ategha izimin, me a misogha anebini. ⁴⁷ Egha me an nguazim gapia, egha uaghan Basanin Atrivim Okin nguazim ini. Amorian atrivin kamning, Jordanin Fanemin aruem anadi naghin iti. ⁴⁸ Israelia inigha givazir nguazir kamin mitaghniam, an Arnonin Fanemin boroghin nguibar ekiam Aroerin ikegha ghua Sirionin Mighsiamin tu, an ziar igharazim, Hermonin Mighsiam. ⁴⁹ Egha me uaghan Jordanin Fanemin aruem anadi naghin itir nguaziba bar da inigha, ghua Amangsizim Itir Dipar Akaremin ghua Pisgan Mighsiamin tu.

5

*Godin 10plan Akar Gavgaviba
(Ua Me Ini 20:1-17)*

¹ Moses Israelien gumazamiziba bar men diazi me iza a ko uari akuvazi, a me migia ghaze:

O Israelia, arazir God ifongezir ki datirighin ia daningamiba ko bizar God damuasa ia mikemezir kaba, ia da baragh. Ia deragh da baregh dagh fogh, egh dar gin mangi. ² Ikiavira Itir God, en God, a Sainain Mighsiamin boroghin e ko Akar Dikirizir Gavgavim akiri. ³ Ikiavira Itir God, en inazir afeziaba, me baghavira nighnigha Akar Dikirizir Gavgavir kam gamizir pu. Puvati, e datirighin itir darizi sara a bar, e bagha Akar Dikirizir Gavgavir kam gami. ⁴ Ikiavira Itir God ubi, mighsiamin avimin aven ikiya egha ian gara ia ko migei. ⁵ (Dughiar kamin, ia avimin atiatigha mighsiamin ghuav anangan ibura. Ezi kamaghin, ki ia ko Ikiavira Itir Godin tizimin abuir gumazimin min ikiya, an akaba baragha dar gun ia migei.) A kamaghin ia mikeme:

⁶ Ki ubi, ki Ikiavira Itir God, ian God. Kirara Isipin kantrin ia inigha ian akua azenan ize. Kar danganir ia ingangarir gumazamizir kinibar ikezim.

⁷ Ia bar narara gin mangi nan ziamra fam. Egh ia asetamin gin mangan bar marki.

⁸ Ia uari bagh marvir guatamin ingaran marki. Ia overiamin itir bizitam, ko nguazimin itir bizitam ko dipamin aven itir biziiba, ia bizar kabar gan, dar min marvir guatamin ingaran marki. ⁹ Ia asetam ko marvir guatam bagh iteviba apiriva an ziam fan marki. Guizbangira, ki Ikiavira Itir God, ki ian God. Egh godin ifavaritamin amamangatighti, a nan danganim inian kogham. Bar puvati. Gumazamizir nan aghuaziba, me osimtizim iti, ezi ki iveauzir kuram me ko men ikizim daning mangivira ikiti, men ikizimin igiar boriba ko aziziba otivigham. ¹⁰ Ezi gumazamizir bar na gifongeziba, me nan Akar Gavgavibar gin zui. Ki bar ian ovavir boriba men apangkuvigh kamaghira iki mangi, men 1,000in ovavir borir gin izamiba otivam.

¹¹ Nan ziam, Ikiavira Itir God, ian God, ia puram a diponan marki. Guizbangira, gumazamizir pura nan ziam diboriba,

Ikiavira Itir God kamaghin me mikiman kogham, pura bizim, me osimtiziba pu. Bar puvati, a iveauzir kuram me daningam.

¹² Ikiavira Itir God, ia mikemezi moghin, ia Sabatin dughiam deragh a ginighnigh mikim suam, a dughiar ki ua bagha inabazimra ikiam. ¹³ Ia wighin vamira, 6plan aruebar aven ingangariba bar dar amuam. ¹⁴ Ezi namba 7 dughiam, kar Ikiavira Itir God, ian Godin dughiamra. Kar dughiar ia avughsamim. Egh Sabatin dughiam, ia bar ingangaribar amuan marki. Ia uan otariba ko, guiviba, ingangarir gumaziba, ingangarir amiziba, asiziba, ko ikizir igharazibar gumazamizir iza ian nguibamin itiba, ia bar ingangaribar amuan kogham. Ian ingangarir gumaziba, ko amiziba, me uaghan ia ko avughs. ¹⁵ Ia Isipin kantrin ingangarir gumazir kinibar min itima, ki Ikiavira Itir God, ian God, uan gavgavir ekiam akagha ia inigha azenan ize. Kamaghin amizi, avughsazir dughiar kamin akam, ia deravirama an gin mangasa, God an gun ia migei.

¹⁶ Egh ia vaghvagh uan afeziam ko amebamin apengen iki, men akabar gin mangi, mati Ikiavira Itir God, ian God, ia mikemezi mokin. Ia kamaghin damuva, nguazir ki datirighin ia ganidir kam, ia an ingangaribar amuti da bar deraviram otivti, ia dughiar ruarimin nguazir kamin ikiam, kar nguazir Ikiavira Itir God, ian God ia ganidim.

¹⁷ Ia gumazamizir igharazibav soghti me arimighiran marki.

¹⁸ Ia poroghamiba uari bakia uari ko auki arazim damuan marki.

¹⁹ Ia biziba okiman marki.

²⁰ Ia ifavarir akabav kimiva gumazamizir igharazitamin ziam gasighasighan marki.

²¹ Ia gumazir igharazitamin amuim bagh navim dikavan marki. Egh an ingangarir gumazim, ingangarir amizim, ko

5:8: Ofa Gami 26:1; Godin Araziba 4:15-18; 27:15 **5:9:** Ua Me Ini 34:6-7; Diboboniba 14:18; Godin Araziba 7:9-10

5:11: Ofa Gami 19:12 **5:12:** Ua Me Ini 16:23-30; 31:12-14 **5:13:** Ua Me Ini 23:12; 31:15; 34:21; 35:2; Ofa Gami

23:3 **5:16:** Godin Araziba 27:16; Matyu 15:4; 19:19; Mak 7:10; 10:19; Luk 18:20; Efesus 6:2-3 **5:17:** Jenesis 9:6;

Ofa Gami 24:17; Matyu 5:21; 19:18; Mak 10:19; Luk 18:20; Rom 13:9; Jems 2:11 **5:18:** Ofa Gami 20:10; Matyu 5:27;

19:18; Mak 10:19; Luk 18:20; Rom 13:9; Jems 2:11 **5:19:** Ofa Gami 19:11; Matyu 19:18; Mak 10:19; Luk 18:20; Rom

13:9 **5:20:** Ua Me Ini 23:1; Matyu 19:18; Mak 10:19; Luk 18:20 **5:21:** Rom 7:7; 13:9

dipenim ko nguazim, ko bulmakau, donki, ko an bizir igharaziba bar, da bagh navim dikavan marki.

²² Egha Moses gumazamizibav già ghaze, “Ia mighsiamin boroghin uari akuvazir dughiam, Ikiavira Itir God, avimin aven ikia, egha ghuariar pizir ekiamin aven iti. A tiarir arozinim migia, egha Akar kaba isa ia ganingi. Egha u a dagh isin akar igharazitaba ia ganingizir puvati. A gin Akar Gavgavir kaba isa dagiar akuar pumuningin da osirigha na ganingi.”

*Gumazamiziba atiati
(Ua Me In 20:18-21)*

²³ Egha Moses ua kamaghin migei, “Avim isia mighsiam bar anevarazi, ia tiarir mam barazi a mitatemten aven ikia migei. Ezi ian anababar gumazir dapaniba ko ian gumazir aruaba na bagha iza na migei, ²⁴ ‘Ikiavira Itir God, en God, uan gavgavir ekiam ko angazangarim en akagha avimin aven ikia e migei. Ezi e datirighin fo, dughiar mabar God gumazim ko mikimti an aremehan kogham, an angamira ikivira ikiam. ²⁵ E bizir tizim bagh datirighin ovengam? Avir ekiar kam ti e gasighasigham. E ti Ikiavira Itir God baraghti an e mikimti, e arighiregham. ²⁶ Nguazir kamin gumazitam ti Ikiavira Itir Godin tiarim barazi an avimin aven ikia mikemezi, an angamira en min ikiavira ikeztii? ²⁷ E kamaghin nighnisi, Moses nirara ua roghira mangi, egh akar Ikiavira Itir God, en God, mikimamiba na da baregh ua iziv e mikim. Eghiti e da baregh dar gin mangam.’

²⁸ “Ezi Ikiavira Itir God, ian akar kaba baregha kamaghin na migei, ‘Ki gumazamizibar akaba barazi da dera. ²⁹ Nan ifongiam, me zurara nighnizir kamra iki nan apengan iki zurara nan Akar Gavgavibar gin mangi. Eghiti men ingangariba deraghti, men ovavir boriba, zurara deraghvira ikiam. ³⁰ Kamaghin amizi, ni mangi me mikimti, me uamattegh uan purirpenibar mangi. ³¹ Eghiti Moses, ni kagh na ko ikiti, ki uan Akar Gavgaviba ko arazir ki ifongeziba ko bizir ki damuasa me mikimamiba isi, ni daningam. Eghiti ni deraghvira men sure damuti, me nguazir ki me daningamimin ikiva deraghvira dar gin mangi.”

³² Egha Moses Israelia migia ghaze, “Ikiavira Itir God, en God, e ganingizir akaba ko arazir kaba, ia deravira uari bagh ganiva, egh dar gin mangi. Ia ighuigh agharir guvim o agharir kiriamin mangan marki. ³³ Ia tuavir Ikiavira Itir God, ian God, ian akazir kamra bar deraghvira an gin

mangiti, bizir ia amiba bar deraghviram otivam. Eghiti ia dughiar ruarinim nguazir ia datirighin iniamin kamin ikiam.”

6

Godin Akar Gavgavir bar ekiar faraghavira zuim

¹ Egha Moses ua kamaghin migei, “Kar Ikiavira Itir God, en God, ian sure damuasa na mikemezir Akar Gavgaviba, arazir God ifongeziba ko bizir a damuasa ia mikemeziba. Ia mangi nguazir ia datirighin iniamim dapiagh, egh akar kaba bar dar gin mangi. ² Ikiavira Itir God kamaghsua ifonge, ia ko ian boriba ko men borir men gin otivamiba, ia angamira itir dughiamin, Ikiavira Itir Godin atiating, arazir a ifongeziba ko an Akar Gavgavir a ia ganidiba, ia dar gin mangivira iki. Ia kamaghin damuva, ia dughiar ruarinim nguazir kamin ikiam. ³ O Israelia, ia oragh! Ia deraghvira ikisi, ia akar kaba baregh, egh deraghvira dar gin mangi. Ia kamaghin damu, egh ia nguazir aghuimin ikiam, nguazir kam a bar dera, ezi biziba bar an ikiava deraviram aghui. Egh ia bar avirasemegh bar gavgavichti, ingangarir ia damuamiba, da deraghviram otivam, mati Ikiavira Itir God, ian inazir afeziabar God, ia mikemezi mokin.

⁴⁻⁵ “O Israelia, ia deraviram oragh. Ikiavira Itir God, a bar uabira en God. Eghiti ia bar uan navir averiaba ko uan duaba ko uan gavgaviba sara bar a gifongegh. ⁶ Ki ia ganidir akar kaba, ia da isi uan navir averiabar arigh, egh dagh nighnighvira iki.

⁷ Egh dughiar ia uan boriba ko dipenimin ikiya avughsiba, ko dughiar ia me ko tuavibar zuiba, ko ia dakuasa misiabar itir dughiba, ko dughiar ia misiabar dikaviba, ia zurara akar kaba dar men sure damuvira iki. ⁸ Egh akar kaba akinafarimin ada osirigh, da isi uan agharibar arigh da uan guabagh ikegh, egh da gin amangan marki. ⁹ Egh akar kaba uan dipenibar tiar akabar akiniba, ko nguibaba avinizir divazibar tiar akabar da osirigh.”

Israelia Godin akaba bar adar gin mangam

¹⁰ Egha Moses kamaghin migei “Ikiavira Itir God, en God, en inazir afeziaba, Abraham, Aisak, Jekop, ko akam akirigha ghaze, A nguazitam isi ia daningam. Nguazir kam, nguibar ekiar aghuiba an iti. Nguibar ekiar kaba, ia uari dar ingarizir puvati. ¹¹ Eghiti bizir aghuir aviriba ian dipenibagh izevegham. Bizir kaba ia fomira da isa uan dipenibagh arighizir puvati. Eghiti mozir dipar ia fomira kuizir puvatiziba

ikiti, wainin azeniba ko olivin azenir ia ingarava oparizir puvatiziba ikiam. Eghiti ia an aven iki damasa ifongezir daghebar ami bar izevegham. ¹² Egh, ia deraghvira uari bagh gan. Ia fo, ia Isipin kantrin ikia pura ingangarir gumazir kinibar min itima, Ikiavira Itir God ia inigha ian akuva azenan ize. Eghiti ia a gin amangan marki. ¹³ Ia Ikiavira Itir God, ian God, an atatiating an apengara iki an ziamra fam. Egh ia uan akaba gavgavim dar aningsi, an ziamra dipon akar dikirizim damu. ¹⁴ Egh ian boroghin itir gumazamizibar aseba, ia dar ziaba fan marki. ¹⁵ Ia kamaghin fogh, Ikiavira Itir God, ian God, ia ko iti, ezi gumazamiziba asebar gin zuima, Godin navim me bagha bar ikufi. Eghiti ia asebar ziaba fiti, Ikiavira Itir God ian atar, mati avim bizibar isia da gevi moghin, ia agivaghti, ia ua nguazir kamin ikan kogham.

¹⁶ “Egh ia uan Ikiavira Itir God, en God, an araziba tuisigh a gifoghs ian gavgavim bagh azangan marki, mati ia Masan danganimin amizi mokin. ¹⁷ Ia Ikiavira Itir God, ian God, mikemezir Akar Gavgaviba, ko akar a ia ganingiziba, ko arazir a ifongeziba, ia dar gin mangasa, a ia migia ghaze, ia guizbangira bar adar gin mangi. ¹⁸ Ia arazir aghuir Ikiavira Itir Godin damazimin deraziba, ia dar amu, eghiti bizar ia damuamiba bar deraghviram otivam. Eghiti nguazir aghuir Ikiavira Itir God ia daningasa ian inazir afeziabko akam akirizir kam, ia an aven mangi a iniam. ¹⁹ Eghiti Ikiavira Itir God ia koma akam akirizi moghira, ia uan apanibav sogh me batuegham.

²⁰ “Dughiar gin izamimin, ian boriba iki kamaghin ian azangam, ‘Ikiavira Itir God, en God, akar ia ganingizir kaba, ko arazir a ifongeziba, ko bizar a damuasa ia mikemezir kaba, dar mingarim manmakin? Ia ti fo?’ ²¹ Eghiti ia kamaghin me mikim, ‘E Isipin kantrin atrivimin ingangarir gumazir kinibar itima, Ikiavira Itir God, uabi uan gavgavim uam e ini. ²² E bar guizbangira, uari uan damazibar garima, a mirakelin igharaghha gariba ko digavir kuram gamir arazaraziba, Isipia ko, men atrivim ko, an gumazir ekiaba, me gami. ²³ Egha a Isipin kantrin e inigha azenan ize, eghiti a en inazir afeziabko akam akirizir nguazim e daningisi, e inigh mangi e daningam. ²⁴ Ikiavira Itir God, en God, arazir a ifongezir kabar gin mangasa e mikeme, eghiti e an atatiating an apengara ikiam. E kamaghin damuti, a en kantrin aven deraghviram e gehhuv en ganti, e deraghvira ikiam, mati e datirighin

iti mokin. ²⁵ Egh e Akar Gavgavir kaba, Ikiavira Itir God, en Godin damazimin dar gin mangiti, God, e mikemezei moghin, a kamaghin mikim suam, e an damazimin dera.’”

7

Israelia, kar God ua baghvira misevezir ikizim

(Ua Me Ini 34:11-16)

¹ Moses ua kamaghin Israelia migei: “Ikiavira Itir God, en God, e inigh nguazir e ikiamin kamin mangisi, a nguazir kamin itir ikizir aviriba batuegh ia inigh izam. Ia mangi nguazir kam inisi an aven mangiti, a ian faragh mangi, 7plan ikizir gavgaviba me batuegham. Men gavgaviba ko gumazamizibar dibobonim bar, ian gavgaviba ko dibobonim gafira. Ikizir kabar kara, Hitia, Gergas, Amoria, Kenania, Peresia, Hivia, ko Jebusia. ² Eghiti Ikiavira Itir God, en God, me isi ian dafarim datighti, ia bar me misoghi me bar arimighiregh. Egh ia men apangkuv me ko akar dikirizir gavgavitam damuan bar marki. ³ Egh ia me ko guiviba ikarvaghs iakam akiran marki. Ia uan guiviba isi men otaribar arighti, me men ikan marki. Eghiti ia men guiviba initi, me ian otaribar ikan marki. ⁴ Ki fo, me men iki, Ikiavira Itir God ategh saghon iki, men asebar ziaba fam. Ian boriba kamaghin damuti, Ikiavira Itir God, ian atar, egh zuamira ia gasighasigham. ⁵ Ia gumazamizibar kaba ko poghan marki. Bar marki. Ia kamaghin damu. Ia me ofabar amuasa tuer bizarba, ko men ofa gamir dakoziwa apirarigh, men dagiar guarir dighoriba itiba bar da misarakikigh. Egh temer guarir aser amizim Aseren nedazim itiba okiva marvir guabar apongi da isi.

⁶ “Ia Ikiavira Itir God, en God, guizbangira ua baghvira misevezir gumazamiziba. Nguazimin gumazamiziba bar men tongin, a ua baghvira iarara amisefe. Ezi ia an gumazamizibara, a bar ia gifonge.

⁷ “Ia Kantrin Igharazibar Gumazamizibar min avirasemegti, a ia gifuegh ua bagh ia amisivam. Puvati, ian dibobonim a bar sufi. ⁸ Ikiavira Itir God, bar ia gifuegha, ian inazir afeziabko amizir akar dikirizim ginighnigha an gin zui. Egha bizar kam bagha a ian akuraghua ua ia ini. Ia pura ingangarir gumazamizibar kinibar min Isipin kantrin atrivimin apengan itima, a uan gavgavir ekiamin ia inigha azenan ize. ⁹ Ia deravira bizar kam ginighnigh. Ikiavira Itir God, a guizbangira God, egha zurara uan Akar Dikirizir Gavgavibar gin

ghua bizibagh ami. Egha gumazamizir avirir an Akar Gavgavibar gin ghua a gifongeziba, a men apangkuv, kamaghira mangivira ikiam. ¹⁰ Egha a gifongezir puvatizir gumazamiziba, a men arazir kam ikarvagha zuamira iveau kuram me ganiga me gasighasisi. ¹¹ Kamaghin amizi, Godin Akar Gavgavir kaba, kar arazir God ifongeziba ko bizir a damuasa ia mikemeziba, ki datirighin da isa ia ganidi. Eighti ia bar deraghvira dar gin mangi.”

*Gumazamizir Godin Akar Gavgavibar
gin zuiba, a deraghvira me damuam*
(Godin Araziba 28:1-14)

¹² Moses kamaghin migia ghaze, “Ia bizir ki damuasa ia mikemeziba baragh deragh dar gin mangiti, Ikiavira Itir God, en God, Akar Dikirizir Gavgavir a fomira ian inazir afeziaba ko amizimin gin mangiva bar ian apangkuvigham. ¹³ A bar ia giffuegh deravira ia damuti, ia borir aviriba batiti, ian adarazi bar avirasemegham. Egh a ian azeniba deragh dar amighti, ian witba ko bali ko wainin ikariziba ko olivin temeba, da ovizir aviriba ikiam. Egh deragh ian bulmakauba ko sipsipbar amuti, da nguzir aviriba batam. Eighti ia, nguzazir a fomira ia daningasa ian inazir afeziaba ko akam akirizim, ia an aven ikiti, God deragh ia damu nguzazir kamin itir bizir aghuiba isi bar ia daningam. ¹⁴ God bar deravira ia gami moghin, a nguzazir kamin ikiziba bar, men tongin ikizir ighazaritam, ian min deragha me gamizir puvati. Ian amiziba, ko ian bulmakauna amebaba, tam pura ikian kogham, me bar moghira otam. ¹⁵ Eighti Ikiavira Itir God, deraghvira ian ganti arimariar guar igharagha garitaba ia bativan kogham. Egh arimariar kurar ia Isipin ikia ganizir katam uam ia bativan kogham. Arimariar kaba, da ian apanibara bativam. ¹⁶ Eighti ikizir Ikiavira Itir God, en God, ian dafarim darighamiba, ia bar moghira me agifagh. Egh ia me ko men asebar ziaba fan marki. Ia men asebar ziaba fi, mati ia asizim azuazimin aven ghu, egh arazir kam bangin ia arimighiregham. Kamaghin, ia tong men apangkuvan marki. Bar marki.

¹⁷ “Ia ikizir kabar gan kamaghin nighnighan marki, me bar avirasemegha, men gavgavim e gafira. Eighti e me gasighasighsi iburaghburegham. ¹⁸ Puvati, ia men atiatingan marki. Ia bizir Ikiavira Itir God, ian God, Isipin atrivim ko an gumazamizibagh amizibagh nighnigh. ¹⁹ Egh ia arimariar bar kurar ia Isipin uari uan damazibar ganizibagh nighnigh. Egh uaghan mirakelba ko digavir kuram gamir arazarazir God amizibagh nighnigh. Ia bar

fo, Ikiavira Itir God, ian God uan dafarimin ingangarir ekiabagh amigha Isipin kantrin aven ia inigha ize, ia bizir kabagh nighnigh. Eighti ikizir ia datirighin atiatiba, Ikiavira Itir God, arazir kamaghira garimin me damu bar me gasighasigham. ²⁰ Eighti men tarazi ian ari mangi muegħi, Ikiavira Itir God, apizir gumazamiziba apiba amangiti, da mangi atiatir ekiam me daningiva me gasighasigham.

²¹ “Ikiavira Itir God, ian God, gavgavir bar ekiam ikia e ko iti. Kamaghin amizi, ia ikizir kabar atiatingan marki. A gavgavir bar ekiam iti, eghi gumazamiziba bar an atiatingam. ²² Ikiavira Itir God, ian God, ian faragh mangi aghumra ikizir kaba batogh me amangiti, me ari mangam. Eighti ia zuamira me gasighasighan kogham. Ia zuamira me gasighasichti, asizir atiaba avirasemegħ otivigh iżi ia misogħti ia arimighiregham. ²³ Guizbangira, Ikiavira Itir God, ian God, ian apanibar amighti me bar atiatigh ikivira iki mangiti, dugħiarr ia bar me dikabiragh me abinamim otogħam. ²⁴ God uaghan men atriviba isi ian dafaribar arīgham. Eighti ia me misogħti, me arimighiregħti, gumazamiziba me gin amadaghām. Ia me misogħamin dugħiġi, gumazitam ian anogoregħan kogħam. Ia bar me misogħiħarīgham.

²⁵ “Ia bar men asebar marvir guabar apongti da isigh. Egh men silva ko golin me uan asebar marvir guabar kurtibagh ifongan marki. Ikiavira Itir God, ian God, a bar aser kabar marvir guabar aghua. Kamaghin amizi, ia bizir kaba inian marki. Ia da inighti da ti azuazim min, ian suġġi ta arimighiregham. ²⁶ Egh ia aser kabar marvir guatam inigh uan dipenibar aven izan marki. Ia tam inighiżegħti, Ikiavira Itir God, dagh gasighasizi mogħin ia gasighasigham. Aser kaba da bizir bar kuraba, ezi God bar dar aghħua. Kamaghin amizi, ia dar aghħuagh bar akiriba īgħegħ dagh asaragh.”

8

Israelia nguazir aghuim iniam

¹ Ez-zi Moses kamaghin Israelia migei:

“Akar gavgavir ki datirighin ia ganidir kaba, ia bar deravira dar gin mangi. Ia kamaghin damuva, deravira iki oti bar avirasemegħam. Ia uaghan mangi nguazir Ikiavira Itir God ian inazir afeziabar aningasa me ko akam akirizim aven mangi, a inigh an ikiam. ² Ikiavira Itir God, en God, a 40plan azenibar ian faragħa ghua ia inigha gumazamiziba puvatizir danganim garui. Ia bizir kam ginighnighvira iki. A dugħiar kamin ian navir averiabagh fofogħasa, ia an Akar

Gavgavibagh nighnighavira iti, o puvati. Ia uari fer arazim agivagh, an apengan ikiasha, an osimtziz maba ia ganingi.³ Ia uari fer arazim agivasa, a ia ataghizi, mitiriam ian azi. Egha a daghem mana, isa ia ganingizi ia aneme. Dagher kam, ia a gifozir puvati, ezi ian inazir afeziaba uaghan fomira a gifozir puvati. A ghaze, a kamaghin damighti ia fogh suam, e gumazamiziba daghebara damiva dar gavgavimin ikian kogham. Puvati. Me Ikiavira Itir God migeir migirigia bar dar gin mangiva, ikirimirir aghium iniam.⁴ Ezi ia 40plan azenir kabar arua izima, ian korotiaba biaghirezir puvati. Ezi ian dagariba uaghan ian bezir puvati.⁵ Ia kamaghin fogh, afeziam uan borim akira an sure gami moghin, Ikiavira Itir God, ian God, ia akirmigha ian sure gami.⁶ Kamaghin amizi, ia Ikiavira Itir God, ian God, ia mikemezir bizibar amu, egh an atiati an apengara iki an Akar Gavgavibar gin mangi.

⁷ Ikiavira Itir God, ian God, ian akua kantrin bar aghuir kam bagha zui. Nguazir kam, a faner ekiaba ko mozir dipaba itima, dipar maba nguazimin apengan ivemara, egha danganir zariba ko mighsiar dozibar otiva afora dar izaghiri.⁸ Ezi nguazir kam dagher aviriba an otifi, wit ko bali, wainin oviziba, pomigranetin oviziba, fighin oviziba, olivin oviziba, ko, hanin eborim, da bar moghira an otifi.⁹ Egha nguazir kamin, mitiriaba ian aghan koghti, ia bizitamin oteveghan kogham. Ezi nguiba kamin dagiaba, ain ko kapa dar aven iti, egha ia mighsiar kabagh kuva da iniam.¹⁰ Egh bizir ia damasa ifongeziba, ia bar ada iniam. Egh ia Ikiavira Itir God, ian God, kantrin aghuir a ia ganingizir kam bagh an ziam fi a minabam.”

Israelia, Ikiavira Itir God bakinighnighan kogham

¹¹ Egha Moses kamaghin Israelia migei: “Ia uari bagh deravira gan, egh Ikiavira Itir God, ian God bakinighnighan marki. Ia ti kamaghin damuva, ia Godin Akar Gavgaviba ko bizir a damuasa ia mikemeziba ko, arazir a ifongeziba ia da abigham, kar arazir bar kuram.¹² Ia gin dagher damamin aghuir aviriba iki, egh dipenir bar aghuibar ingariva dar aven iki, ¹³ egh sipsipha ko bulmakauba, gol ko silva ko, bizir aghuibra, da bar avirasemegham.¹⁴ Ia dughiar kamin, uari fiva akaba batogh Ikiavira Itir God, ian God, a bakinighnighan marki. Ia ingangarin gumazir kinibar min Isipin kantrin itima, a ua ia inigha azenan ize.¹⁵ Egh a ubi ian faragha

ghua gumazamiziba puvatizir danganir kurar ekiar kamin ghu. Danganir kam kuruziba ko tuighakar imezir kuraba itiba an iti. Egha danganir kam a bar misingizi, dipaba an puvati. Ezi God dagiar bar gavgavir mam gamizi, dipam an otogha izaghirma ia aneme.¹⁶ Egha danganir kamin a manan daghem ia ganingizi ia aneme. Manan dagher kam, ia ko ian inazir afeziaba fomiram anemegha a gifozir puvati. A kamaghin ifonge, ia uari abinigh an apengara iki. Egh a kamaghin foghosa, ia ti an akabar gin mangi biziba bar dar amuam, o puvatigham. Kamaghin amizi, an osimtzizba ia bagha da amadi. Egh a gin bizir bar aghuibra isi ia daningam.¹⁷ Egha ia kamaghin nighnighan marki, e bizir aghuir kaba uan gavgavimin dagh amizi, da otifi. Puvati.¹⁸ Ikiavira Itir God, en God, a ubi gavgavim ia ganidima, ia bizir aviriba isi. An arazir a ia gamir kabar mingarin kamakin, a ian inazir afeziaba ko amizir Akar Dikirizir Gavgavir kam ginighnigha kamaghin amua datirighin ghuavira iti.¹⁹ Ikiavira Itir God, ian God, ia a gin amadagh asebar gin mangi dar ziaba fan marki. Ki ikiangsizir gavgavim ia ganiga ghaze, ia akar kam baraghan aghuagh, egh kamaghin damuva, ia guizbangira arimighiregham.²⁰ Ia Ikiavira Itir Godin tiarim baraghan aghuaghti, a ikizir igharaziba ian damazimin dagh asighasighizi moghin, a uaghan ia gasighasigham.”

9

Israelia, Godin akam batoke

¹ Egha Moses ua kamaghin Israelia migei: “O Israelia, ia oragh! Ia bar dughiar ovezimin Jordanin Fanem girigh vongin mangam. Ia mangi ganigh, ikizir ekiaba, men gavgavim ian gavgavim gafira, ia men nguazim iniam. Me nguiba ekiar aviriba itima, da avinizir divaziba bar ghuavanaga overiamin suira.² Ezi Anakin ikizir ekiabar gumazamiziba bar ekevegha, gavgavigha agharapaniba sarama aghungi. Ezi ia men eghaghanim baregha fo, gumazitam me misogh me abiraghan kogham.³ Ia datirighin uari uan damazibar ganti, Ikiavira Itir God, en God, avir bar puvira isimin min ian faragh mangam. Ikiavira Itir God ubi, akar dikirizir ia bagha amizimin gin mangi, ian faragh mangi men gavgaviba bar da abinigham. Egha gin ia me misogh bar zuamira me gasighasigham.

⁴ “Ikiavira Itir God, ian God, me batuegh givaghi, ia uan navir averiabar kamaghin mikimam marki, ‘God ti en garima, e

an damazimin bar dera, ezi a en arazir aghuir kam bangin nguazir aghuir kam isa e ganingi.' Nighnizir kam a guizin nighnizim puvati. Bar guizbangira, Ikiavira Itir God, ikizir kabar gumazamizibar garima, me arazir kurar aviribagh ami, kamaghin amizi, a me batuegasava ami.⁵ Ia kamaghin nighnighan marki, ia uan navir averiabar aven bar deragha, arazir Godin damazimin zuezibagh ami. Puvati, ikizir ighazariz kabar gumazamiziba, me arazir bar kurabagh ami, kamaghin God me batuegham. Egha uaghan, Ikiavira Itir God, ian God, uan akar dikirizir ian inazir afeziaba, Abraham, Aisak, Jekop, ko amizimin gin mangasa ifonge. Kamaghin, a me batueghti, ia men nguazim iniam.⁶ Ia kamaghin nighnighan marki, ia gumazamizir Godin damazim deraziba. Kamaghin amizi Ikiavira Itir God, ian God, ian arazir aghuiba ikarvaghya izevir aghuimin min nguazir aghuir kam ia ganidi. Bar puvati. Guizbangira, ia gumazamizir navir bar gavgaviba itiba, egha ia an akaba baraghan aghua.

⁷ "Ia bizar kam ginirigh, egh deraghviram a ginighnigh: Ia gumazamiziba puvatizir danganimin ikia Ikiavira Itir God gamizi, a ian aningaghe. Ia fomira Isip ategha iza datirighin, ia dughiar ruarir kamin Ikiavira Itir Godin akam batoghavira iti.⁸ Ia fomira, Sainain Mighsiamin boroghin ikia, Ikiavira Itir God gamizi, a bar aningaghegha atam ia gasighasiki.⁹ Ezi ki dagiar akuar kamning iniasi mighsiamin ghuavanabo. Kar, Ikiavira Itir God, ia koma amizir Akar Dikirizir Gavgavimin osizirim itir dagiar akuar pumuning. Dughiar kamin, ki 40plan arueba ko dimagaribar mighsiamin ikia, dipatam ko daghetam amezir puvati.¹⁰ Ezi Ikiavira Itir God, dagiar akuar kamning isa na ganingi. Dagiar akuar kamning, ia mighsiamin boroghin uari akuvagha itima, Ikiavira Itir God avimin aven ikia, ia mikemezir migirigiba, a ubi aningin ada osiri.

¹¹ "Ki 40plan arueba ko dimagaribar mighsiamin pin iti. Ezi Ikiavira Itir God, Akar Dikirizir Gavgavimin osizirim itir dagiar akuamning isa na ganingi.¹² Egha a kamaghin na migei, 'Nin gumazamizir ni Isipin kantrin inigha azenan izeziba, me arazir kurar bar avirim gami. Egha me zuamira akirim ragha nan akabagh asaragha, uari bagha bulmakaun nedazir mam golin an ingari. Kamaghin amizi, ni zuamira dikavigh mighsiam ategh magiri.'

¹³ "Egha Ikiavira Itir God, ua na migia ghaze, 'Gumazamizir kaba ki men gara

me gif, me na baraghan aghuaghha nan akam batoke.¹⁴ Ezi ki bar me gasighasichti gumazitam ua me ginighnighan kogham. Ki kamaghin me damigh, gin ni damichti, ni ikizir gavgavir bar avirim afeziamin otoghti, ikizir kamin dibobonim ko gavgavim, bar gumazamizir kurar kabar dibobonim ko gavgavim gafiragh. Kamaghin amizi, ni nan anogoroghan marki.'

¹⁵ "Kamaghin, ki dikavigha dagiar akuar Akar Dikirizir Gavgavim itimning, uan dafarimningin aningin suiragha, mighsiamin uaghiri. Ezi dughiar kamin, avir ekiam mighsiamin dafogha isima, an mizariaba akizirigha ghuavanadi.¹⁶ Ki izaghirigha givagha garima, ia guizbangira Ikiavira Itir God, en God, an akaba akirim ragha dagh asara. Egha ia uari bagha golin bulmakaun igiar mamin nedazim ingarigha gifa. Arazir kamin, ia arazir kuram gamigha zuamira tuavir Ikiavira Itir God ian akazim ataki.¹⁷ Kamaghin amizi, ki ian damazibar, dagiar akuar kamningin suiragha aning akunizi, aning ira bar misaraghire.¹⁸ Egha gin ki uamategha Ikiavira Itir Godin damazimin ghua nguazim inuaghha, uan guam nguazim mituaghira irighav iti. Ki 40plan arueba ko dimagaribar kamaghira ikia, egha dipatam ko daghetam amezir puvati. Ki fo, ia arazir kuram Ikiavira Itir Godin damazimin a gamua, a gamizi, a puvira ian atari, ezi ki ia bagha kamaghin amzi.¹⁹ Ikiavira Itir God, bar ian aningaghegha ia givasa nighnisi, kamaghin ki atiatingi. Ezi Ikiavira Itir God, faragha amizi moghin, ua nan azangsizim baraki.²⁰ Dughiar kamin, Ikiavira Itir God, uaghan bar puvira Aronin aningaghegha, a misueghti an aremeghasava amzi. Ezi ki faragha amizi moghin, Aron ko ia bagha God ko migeima, a nan azangsizim ikara.²¹ Ia bulmakaun kamin ingarigha arazir kuram gami. Ezi ki bulmakaun inigha ghua a isa avim mikini. Egha ki bar a anemisaraghariqha, a mirmirigha an avereniba inigha da isa, mighsiamin ivemara uaghirir daghurir dipam mikini.

²² "Ia Masa, ko Tabera ko Kibrot Hatavan itir dughabar, ia Ikiavira Itir God gamizi, a bar ian aningaghe.²³ Ia faragha ghua Kades Barnean itima, a ia migia ghaze, Ia mangi nguazir a ia daningamin kamin aven mangi a dapiam. Ezi ia nighnizir gavgavim Ikiavira Itir Godin itir puvatigha, an akamin gin mangan aghuaghha a batote.²⁴ Ki fomira ia ko ingara ia inigha izezir dughiamin ikegha iza datirighin, ki bar ia gif, ia gumazamizir Godin akaba batoziba.

²⁵ “Ian arazir kuram bangin Ikiavira Itir God bar ia gasighasighasava anima, ki 40plan arueba ko dimagaribar Ikiavira Itir Godin damazimin nguazimin fuaghua uan guam nguazim mituagha irighav ikia, ²⁶ Ikiavira Itir God ko migia ghaze, ‘O Ikiavira Itir God, nan Ekiam, ga uaning, ni uan gumazamizibagh asighasighan marki. Ni ubi uan gavgavimin gumazamizir kaba Isipin kantrin me inigha azenan ize. Ni uan gavgavir ekiamin men akuraghua ua me inigha gifa. ²⁷ Ni uan ingangarir gumaziba, Abraham, Aisak ko, Jekop, me ginighnigh, akaba batozir gumazamizir kabar arazir bar kurab kabagh nighnigh da ikarvaghan marki. ²⁸ Ni kamaghin damighti, Isipia ti kamaghin mikim suam, Ikiavira Itir God, gumazamizir kaba inigha nguazir me danielingasa me ko akam akirizim, bagh mangan iburaghburaki. Puvati, God gumazamizir kabar aghuaghha, aremegħħa, me inigha gumazamiziba puvatizir danganimin għu. ²⁹ Mevzika, gumazamizir kaba ni ua bagħavira me amisefe. Egha ni uan gavgavir ekiamin Isipin kantrin me inigha azenan ize. Kamaghin amizi, ni me gasighasighan marki.”

10

*Moses namba 2 in dughiamin
Akar Gavgavir 10 plan ini
(Ua Me In 34:1-10)*

¹ Egha Moses Israelia migia ghaze, 40plan arueba ko dimagaribar mighsiamin pin iti, mati ki faragħa amizi mokin. Ezi Ikiavira Itir God, ua kamaghin na migei, ‘Ni dagħiar akuar faragħa dituzir pumuningin mirara ua pumuning atugh, egh aning inigh na bagħ mighsiamin anang. Egh ter araritaba aghoregħ boksiāmin ingarikh.

² Eghix ki dagħiar akuar kamnning, akar ki faragħa dagħiar akuar ni inigha guha bighżimmin osiriziba, aningin da osir. Ki akaba osirigh għiwa tħalli ni aning isi boksiā darugh.

³ “Egha ki temer akasin boksiar mamin ingarigha, dagħiar faragħa dutuzimningin mirara dagħiar akuar pumuning atughha, aning inigha ua mighsiamin għuvaanabo. ⁴Ezi Ikiavira Itir God, dagħiar akuar kamnningin, faragħa uan akaba osirizi mogħin, ua da osiri. A uan 10plan Akar Gavgaviba osiri, a faragħa dughiar ia mighsiamin apengen uari akuvħaqha itim, an avimin aven īkia akar kabara ia mikkem, a datirighin uam ada osiri. Egha a dagħiar akuar kamnning isha na ganingi. ⁵ Ikiavira Itir God na mikkemezi mogħin, ki uamategħa iza-ġħira dagħiar akuar kamnning isa Boksiar

ki ingarizim min aven aning ati. Ezi dagħiar akuamning Boksiāmin aven ikia iti.”

⁶ Egha gin Israelia Jakanian gumazamizibar možir dipaba ategħha, Moserin nguibamin ghue. Aron kagh aremezi, me an kuam isa možim gati. Ezi an otarim Eleasar, an danganim inigha, ofa gamir gumazibar dapanim min iti. ⁷ Egha me kagh dikavighha Gugodan danganim minn ghuegħha, gin ghua Jotbatan danganim minn għu. Kar danganir dagħurir dipar aviriba itim.

⁸ Me faragħha Sainain Mighsiamin borogħin itima, Ikiavira Itir God, Akar Dikirizir Gavgavimin Boksiar kamin ganasa, Liva ħanabamin gumazibav sefe. Gumazir kaba, me ofa gamir ingangarim damu, egh gumazamizibav kim suam, Ikiavira Itir God, bar deraghvira me damuam. Livaiba dughiar kamin ikegħa ingangarir kam gamua iza datirikin. ⁹ Kamaghin amizi, Liva ħanabam, Ikiavira Itir God nguazir asisitam me ganingizir puvati. A nguaziba Israelian anabar iħgarazibagh aningi, ezi Livaiba puvati. Liva ħanabam, men bizix aghuir Ikiavira Itir God me ganingizim, a kamakin, me ofa gamir ingangaribar amuam, mati Ikiavira Itir God, ian God, faragħa akam me bagħ anekirizi mokin.

¹⁰ Moses Israelia migia ghaze, “Ki 40plan arueba ko dimagaribar mighsiamin pin iti, mati ki faragħa amizi mokin. Ezi Ikiavira Itir God, nan azantsizim uam a barak. Egha ia gasighasighizir puvati. ¹¹ Egha a kamaghin na migia ghaze, ‘Ni dikavighha gumazamizibar faragh mangi, nguazir ki me danielingasa men inazir afeziaba koma akam akirizim iniam.”

Arazir God ifongezeiba

¹² Moses ua kamaghin Israelia migei, ‘O Israelia, ia oragh. Ki ian azai, ia Ikiavira Itir God, ian God ifongeżżejjix arazir aghuir manaba ia dar amuam? Arazir kaba: Ia Ikiavira Itir God, ian God inatiingħiva an apengara iki, egh an akaba bar dar gin mangi. Egh a gifuegħ, egh bar uan navir averiaba ko duuba sara bar akongegħ an ingangarim damu. ¹³ Egh an Akar Gavgaviba ko arazir Ikiavira Itir God ifongezeiba, ki ian akurvaghħas datirighin ja migei, ja bar dar gin mangi, egh deraghvira ikiam. ¹⁴ Ia oragh, overiex bar pin itim, a Ikiavira Itir God nanam. Ezi nguazim ko an itir bixiha da uaghan an bixibara. ¹⁵ Ezi Ikiavira Itir God, ian inazir afeziaba, uan navir averriamien aven bar me gifongegħha, ua bagħha ikizir iħgarazibar tongin ja amisevegħha, uaghan ian ovavir boriba amisefe. A ua

baghavira ia ginabazi, ia datirighin an gu-mazamizibara. ¹⁶ Kamaghin amizi, ia uan navir averiabar aven akaba batozir arazim atugh a batokegh, mati gumaziba mikarzir mogomebar inibar ghori. ¹⁷ Ikiavira Itir God, ian God, godin ifavariba ko bizar bar gavgaviba itibagh afira. Ikiavira Itir God, a bar ekevegha bar gavgavizi, bizarba bar an gavgavimin atiatigha an apengen iti. Gumazir ziam itim, o gumazir ziam puvatizim, an arazir vamiran gin ghua men araziba tuisisi. A koton aven gu-mazamiziba ataghirazi, me an nighnizim gighasa dagiaba a ganidir puvati. ¹⁸ Egha amizir paba ariaghireziba a deraghavira me gamuava, borir afeziaba ariaghireziba a uaghan deraghvira me gami. Egha ikizir igharazibar gumazamizir en tongin itiba, a me gifuegha dagheba ko korotiaba me ganidi. ¹⁹ Ia faragha, ikizir igharazibar gu-mazamizibar min Isipin kantrin ike. Kamaghin amizi, ia uaghan ikizir igharazibar gumazamizibagh ifongegh. ²⁰ Ia Ikiavira Itir God, en God, an atiating an apengen iki, egh an ziamra fi. Egh an porogh gavgavigh, an ziamra dipon ia uan akar dikirizibar amu. ²¹ Anarira, a ian God, kamaghin ia an ziam fi. Ia uari bizar ekiar igharagha garibar gari, a ian akurvaghaha dagh ami. ²² Ian inazir afeziar 70pla, merara Isipin ghue. Ezi datirighin, Ikiavira Itir God, en God, ia gamizi ia overiamin mikovezibar min bar aviraseme.”

11

God ziар ekiam iti

¹ Moses kamaghin Israelia migei, “Ia Ikiavira Itir God, en God, bar a gifongegh, zurara an arazir a ia ganingiziba ko bizar a damuasa ia mikemeziba ko, an Akar Gavgavibar gin mangi. ² Ia datirighin bizar kabagh nighnigh. Ia Ikiavira Itir God ian sure damuasa amizir bizar aviriba ia dar gani. A bizar kaba ian boribar akazir puvati. Iarara, Ikiavira Itir Godin gavgavir bar ekiamin gani. ³ Egha ia Ikiavira Itir Godin garima, a Isipin atrivim ko an nguazimin mirakelin igharagha gariba ko digavir kurram gamir arazibagh ami. ⁴ Ia garima, Isipia ian agintirz dughiamin, Ikiavira Itir God, Ongarir Aghevim gamizi a iza bar Isipian midorozir gumaziba ko, men hoziba ko, men karisba avara. Egha Ikiavira Itir God bar me gasighasiki. ⁵ Ia tighar izi danganir ia datirighin itir kamin izamin dughiamin, ia uari bizar kabar gani. Ikiavira Itir God, gumazamiziba puvatizir danganimin ia bagha bizar bar aviribagh

ami. ⁶ Ia bizar kam ginighnigh. Ia garima, Ikiavira Itir God, Rubenin anabamin mav, Eliap, an otarimning, Datian ko Abiram, God aning gamizir bizimin gani. Ia bar garima, Ikiavira Itir God, nguazim gamizi, an akam akarizi, aning uan amuiroghboriba ko, uan purirpeniba, ko bizar angamira itiba sara bar, nguazir torim giraghuez, nguazim bar me avara. ⁷ Ikiavira Itir God amizir bizar ekiar kaba, ia guizbangira, uari uan damazibar bar adar gani.”

God bizar aghuiba itir nguazim Israelia ganingi

⁸ Moses ua kamaghin Israelia migei, “Ia Jordanin Fanem giregh vongin mangamin dughiam a roghira ize. Ezi ia Akar Gavgavir ki datirighin ia ganidir kaba, ia deraghvira dar gin mangi, egh nguazir ia datirighin iniasava amir kamin aven mangi a iniam. ⁹ Egh ia dughiar bar ruarinin bizar bar aghuiba itir nguazir kamin ikiam. Nguazir kam, dagheba an ikia bar deraghaviram aghui. Nguazir kam, Ikiavira Itir God, ian inazir afeziaba ko, men ovavir boribar aningasa akar dikirizim gami. ¹⁰ Nguazir ia datirighin iniamin kam, a Isipin kantrin ia faragha ikezimin, nguazimin min gari puvati. Ia Isipin ikia azeniba opara, dipam inigh uan azenibar izasa ingangarir dafabagh ami. ¹¹ Ezi nguibar ia datirighin mangi iniasava amir kam, a mighsiba ko danganir zariba itima, amozim zurara an dagher azenibagh izi. ¹² Ikiavira Itir God, ian God, azeniba bar, dar iakinibar vaghvagha nguazir kam deraghaviram an gari.

¹³ “Ki datirighin ia ganidir Akar Gavgavir kaba, ia bar adar gin mangi. Egh Ikiavira Itir God, ian God ia bar a gifongegh, egh uan navir averiaba ko duaba sarama an ingangarim damu. ¹⁴ Egh ia kamaghin damuti, an amozim amadaghti amozim izamin dughiabar a izam. Azeniba oparir dughiam ko dagheba asir dughiam sara amozim izam. Eghia ia dagheba ko wain ko, olivin boreba izivagham. ¹⁵ Eghia ia daghetamin oteveghan kogham. Eghia ian bulmakauba damamin graziba ikiam.

¹⁶ “Ia uari bagh ganigh! Ia nighniziba ia gifaraghti ia Ikiavira Itir God, akirum ragh a gasaragh, asebar ziaba fi dar ingangaribar amuan marki. ¹⁷ Ia kamaghin damuti, Ikiavira Itir God, ian aningaghegham. Egh amozimin tivaghti, nguazim dipaba puvatighti, dagheba ko biziba deragh ahungan kogham. Eghia ia nguazir

aghuir Ikiavira Itir God ia ganidir kamin, zuamiram arighiregham.

¹⁸ “Ia nan akaba isi uan nighniziba ko navir averiabar arikigh. Egh da osirigh uan agharibar da ikegh, egh atarir afivibar min da uan guabagh ikegh da ikiti, ia dughiarbar dagh nighnighvira iki. ¹⁹ Egh ia dughiar uan boriba ko dipenim iki avughsiba, ko dughiar ia me ko tuavibar zuiba, ko ia dakuasa misiabar itir dughiaiba, ko dughiar ia misiamin dikaviba, ia zurara akar kabar uan boribar sure damuvira iki. ²⁰ Egh akar kaba uan dipenibar tiar akabar akiniba, ko nguibaba avinizar divazibar tiar akabar da osirigh. ²¹ Egh ia kamaghin damut, Ikiavira Itir God, en inazir afeziba ko akar dikirizim gamizi moghin, ia damighti ia dughiar bar ruarin uguazir kamin ikiam. Egh, ian ovavir boriba uguazir kamin ikiamin dughiam uaghan bar ruaraghram. Mati overiam zurara uan danganimir ikiavira iti moghin, ia uguazir kam gisn ikivira ikiam.

²² “Ki ia ganidir Akar Gavgavir kaba, ia bar dar amu. Ia bar Ikiavira Itir God, ian God gifuegh, an tuavir aghuiba bar adar gin mangi, deraghvira bar adar suiragh. ²³ Egh, ian roghira mangamin dughiamin, Ikiavira Itir God ian faragh mangi ikizir igharaziba batueghti, ia men uguaziba iniam. Ikizir kaba, men gavgaviba ko dibobonim, ian gavgaviba ko dibobonim gafira, egh, ian men uguazibar apiaghram. ²⁴ Egh uguazir ia arua zuir manabia, ia bar moghira da iniam. Egh, ian uguazir mitaghniam, a Sautin amadaghan gumazamiziba puvatizir danganimin ikegh mangi notin amadaghan Lebanonin Mighsiamin tugham. Egh mangi aruem anadi naghin Yufretisin Fanemin ikegh mangi, Mediterenianin Ongarir Ekiamin aruem ghuaghiri naghin tugham. ²⁵ Egh, ian gumazitam ian tuavim apirighan kogham. Ikiavira Itir God, ian God, a faragha ia bagha akam akirizi moghin, a ikizir igharazibar gumazamizibar amuti, me ian ziam baraghiva, me akong bar atiatigham.

²⁶ “Ia oragh. Ki datirighin ia bagha tuavir pumuning ati, ia tuavir manamin gin mangam? Aning kamakin: God deragh ian damuasa, ia ifongez, o a pazi ia damuasa ia ifonge? ²⁷ Ia Ikiavira Itir God, en God, an Akar Gavgavir ki datirighin ia ganidir kabar gin mangiti, a deravira ia damuam. ²⁸ Ia Ikiavira Itir God, ian God, Akar Gavgavir ki datirighin ia ganidiba, dar gin mangan kogh, godin ighazariz ia fomira fozir puvatizibar gin mangiti, God ia gasighasigham. ²⁹ Egh Ikiavira Itir God, ia inigh ngulbar ia datirighin dapiamimin

mangiti, ia bar Gerisimin Mighsiam ko Ebalin Mighsiamin mangi. Egh ian tarazi Gerisimin Mighsiamin tugh kamaghin dim suam, God e bagh bizir aghuaribar amuam. Egh, ian tarazi Ebalin Mighsiamin tugh kamaghin dim suam, God e gasighasigham. ³⁰ Ia fo, mighsiar kamning Jordanin Fanemin aruem ghuaghiri naghin iti. Aning Jordanin danganir zarimin, Kenanian nguazir aruem uaghiri naghin itimin iti. Aning Moren temer ekiar anogoroghezibar boroghin iki, Gilgalin nguibamin boroghin iti. ³¹ Ia kiran oveghangin, Jordanin Fanem giregh mangi nguazir Ikiavira Itir God, ian God ia daningamid dapiam. Egh ia inigh a dapiaghiva, an Araziba bar deravira dar gin mangi. ³² Ia deraghvira nighnighiva, arazir God ifongeziba, ko bizir a damuasa ia mikemeziba, ia deragh dar gin mangi.”

Moses Ikiavira Itir Godin Arazibar gun migei

12

(Sapta 12-26)

*Godin ziam famin
danganir vamira ikiam*

¹ Moses ua Israelia migia ghaze, “Ia oragh. Ia arazir God ifongeziba ko bizir a damuasa ia mikemezir kaba, ia uguazir kamin ikiamin dughiamin ia bar deravira dar gin mangi. Nguazir kam, Ikiavira Itir God, ian inazir afeziabar God, a ia ganingi, egh, ian angamira itir dughiaabar, ia a dapiagh ikiam. ² Ia ikizir igharazibar uguaziba inigh men danganim inigh dar apiagh, egh danganir me uan asebar ziaba feba, kar mighsiar ekiaba ko, mighsiar doziba, ko temer ekiabar apengan itir danganiba, ia bar dagh asighasikigh. ³ Egh men ofa gamir dakoziba apirarigh, men dagiar guarir dighoriba itiba misararikigh, egh temer guarir aser amizim Aseran nedazim itiba avimin da tueghti da isigh, egh sobihamin men marvir guaba okiva, bar dagh asighasikigh. Egh, ian uguazir kamin dar ziaba fan kogham.

⁴ “Ia gumazamizir asebar ziaba febar min, Ikiavira Itir God, ian God, an ziam fan marki. ⁵ Ikiavira Itir God, Israeliyan anababar uguazibar tongin, danganir vamiran ikisi ua bagh anemisevegham. Egh, ian danganir kamra mangi egh an ziam fam. ⁶ Egh, ian danganir kamin ofan igharagha garir kabar amu. Dar kara: Ofan bar isia mighiriba, ko ofan ighazariba. Egh, ian uan bibiza 10plan pozibar da abigh dar akuar vamira isi Ikiavira Itir God, daning. Egh, ian uan bizir aghuiba isiva a daning. Egh, ofan ia Ikiavira Itir God ko akam akiriziba,

da isiva a daning. Egh ia uan ifongiabar bizar tizim isi a bagh ofa damusi a damu. Egh uaghan, ia uan sipsip ko bulmakaun ivariaba inigh izi a bagh ofa damu. ⁷ Egh danganir kamra, Ikiavira Itir God, en Godin damazimin, ia ko ian amuiroghboriba ko ian ingangarir gumazamiziba ia bar uari akuvagh, God daningamin ofan daghebar amam. God deragh ia damighti, ian ingangariba deraghvira otivighti, ia bizar kam bagh an damazimin bar akuegh ikiam.

⁸ “Ia gin Godin ziam famin danganir vamiran ikiva, datirighin kagh ikiava ami moghin, ia uari uan ifongiabar an ziam fan marki. ⁹ Ia Ikiavira Itir God, ian God, ia ganingizir nguazar kam, ia an aven ghuezir puvati. Ia gin an aven mangeghti a dabirabir aghuim ia danighti, ia navir amirizimin ikiva avughsam. ¹⁰ Ia Jordanin Fanem giregh vongin mangiti, Ikiavira Itir God, ian amamangatighti, ia nguazar kam inigh a dapiam. Egh ti a derivira ian ganti, apaniba ian boroghira izan koghti, ia navir amirizimin ikiam. ¹¹ Ikiavira Itir God, ian God, ia an ziam fisi, a ua bagh danganir vamira amisevegh, an ikiti, ia danganir kamin izi ofan igharagha garir kabar amuam. Ofan kaba: Ofan bar isia mighiriba, ko ofan igharaziba. Egh ia uan biziba 10plan pozibar da abigh dar akuar vamira isi Ikiavira Itir God daning. Egh ia uan bizar aghuiba isi a daning. Egh ofan Ikiavira Itir God ko akam akiriziba, ia da isiva a daning. ¹² Egh ia uan otariba ko guiviba ko, ingangarir gumazamiziba ko, Livain ian nguibabar itiba ko, ia bar moghira Ikiavira Itir God, ian Godin damazimin bar akuegh an boroghin iki. Ia Livaibagh fo, me uari nguazitaba inizir puvati. ¹³ Egh ia uari uan ifongiabar gin mangiva, tintinubar danganibar ofan bar isia mighiribar amuan marki. ¹⁴ Puvati, ia danganir kamran uan ofabar amuan, kar Ikiavira Itir God, misivamin danganim. A ian anababar nguazibar tongin, anabatamin nguazar vamira, amisevegham. Egh danganir kamra, ia ofan bar isia mighiriba ko ofan igharazir ki ia mikemeziba, ia bar dar amu.

¹⁵ “Egh danganir ia itiba, ia asizibav sogh dar ami, da anogoroziba puvati. Asizir Ikiavira Itir God, ia ganingiziba, ia dar ami. Ia an damazimin zue o zuezir puvati, ia uan nguibabar aven iki dar ami, mati ia asizir atiaba api mokin. ¹⁶ Egh ia asizir katamin ghuzitam bar aneman marki. Ia an ghuzim isi dipamin min nguazimin a fugh. ¹⁷ Ia bizar kabar ami, egh nguibar ia itibar aven Ikiavira Itir God, ganidir ofan kabar aman marki. Dar kara: Ofan bar

isia mighiriba, ko ofan igharaziba. Egh ia uan azenibar witha ko wainba ko olivin boreba, ia 10plan pozibar da abigh, dar pozir vamira isi Ikiavira Itir God daning. Egh ia uan bizar aghuiba isiva a daning. Egh ofan ia God ko akam akiriziba, da isiva a daning. Egh ia uan ifongiabar bizar tizim isi a bagh ofa damusi a damu. Egh uan sipsipba ko bulmakaun ivariaba inigh izi a bagh ofa damu. ¹⁸ Ia uan otariba ko guiviba ko, ian ingangarir gumazamiziba ko, Livain ian nguibamin itiba, ia bar Ikiavira Itir God, ian Godin damazimin ofan kabar daghebar ami. Ia danganir Ikiavira Itir God, ian God ua bagh misivamimra damam. God deragh ia damighti, ian ingangariba deraghvira otivti, ia bizar kam bagh an damazimin bar akuegh ikiam. ¹⁹ Ia uan nguazar kamin ikiamin dughiamin, ia Livaibagh nighnigh men akurvagh.

²⁰ “Eghti gin Ikiavira Itir God, ian God akam akirizi moghin, ian nguazim damut, an ekevegh mangam. Eghti ia dughiar manamin asizibar amisi ifuegh dar ami. ²¹ Eghti danganir ia Ikiavira Itir God, ian Godin ziam famin kam a saghon ikiti, ki ia mikemezi moghin, ia damu. Ia Ikiavira Itir God ia ganingizir bulmakau o sipsip misuegh, an tuziba uan nguibamin dar ami. Ia kamaghin damusi ifuegh, egh dughiar kamaghira damu. ²² Ia an damazimin zue, o zuezir puvati, ia asizir atiaba api moghin pura dar ami. ²³ Ia fo, ghuzim an angamira itir ikirimirim gumazamiziba ko asiziba bar me ganidi. Kamaghin amizi, asizitam ghuzir ikirimirim anidim an aven ikiti, ia aneman marki. Ia ghuzibar aman kogham. ²⁴ Ia asizir katamin ghuzitam bar aneman marki. Ia dipamin min nguazimin a fugh. ²⁵ Ia asizir katamin ghuzim ameghan koghti, Ikiavira Itir God, ia mikim suam, ian arazir kam an damazimin dera. Egh a ia ko ian ovavibar boriba deragh ia damut, ian ingangariba deraghviram otivam. ²⁶ Egh ia God daningamin ofaba ko ofan ia Ikiavira Itir God ko akam akiriziba inigh, danganir a ua baghvira misivamim mangi. ²⁷ Egh danganir kamin ia ofan bar isia mighiribar amu. Ia asizir tuziba ko ghuziba isi Ikiavira Itir Godin ofa gamir dakozimin da tuegh. Egh ia ofan igharazibar amuva, asizibar ghuziba ofa gamir dakozimin da ingi, egh asizir tuziba ia dar ami. ²⁸ Ia deraghvira akar ki datirighin ia mikemezir kabar gin mangi, egh kamaghin ia Ikiavira Itir Godin damazimin arazir aghuiba ko arazir voroghira zuibar amuan. Eghti biziba bar ian deraghti, ia ko ian ovavir boriba, ian dabirabim deragh iki mamaghira ikiam.”

God, asebar ziaba fan Israeliyan anogoroke

²⁹ Egha Moses ua kamaghin migei, “Ia mangi ikizir igharazir kabar nguazibar aven mangamin dugham, Ikiavira Itir God, ian God, ian faragh mangi bar me gasighasigham. Eghit ia men nguazibar apiam. ³⁰ Ia deravira uari bagh ganigh. God me gasighasigh givaghti, ia me uan asebar ziaba fer arazibar gan, men min damuan marki. Ia men arazibar gin mangiva arimighiregham. Egh ia men asebar ziaba fer arazibar bagh men azangsighan marki, ‘Ikizir kaba, me manmaghin uan asebar ziaba fe? E men min damuasa ifonge.’ ³¹ Me uan asebar ziaba fe moghin, ia Ikiavira Itir God, ian God, an ziam fan marki. Me uan asebar ziaba fer dughiaiba, me uari uan boribav sogha ofa gamir dakozim gisín me arigha ofan min me tue. Kamaghin amizi, Ikiavira Itir God, bar men ofabar aghua.

³² “Egh bizar ki ia mikemezir kaba ia bar moghira dar amu. Egh akar igharazitam inigh uam akar kabagh isafuraghan marki, egh akar katam ataghíraghan marki.”

13

¹⁻² “Eghit akam inigha izir gumazitam o irebabar mingariba abizir gumazitam izi ia geku suam, Ki fogha gifa mirakel kam guizbangin otivam. Egh men tav, ia faragha ziaba fezir puvatizir asebar ziaba fisi, ia mikimam. ³ Eghit da guizin otivti, ia an akar kam baraghan marki. Ikiavira Itir God, ian God, ian araziba tuisigh foghasa, ia navir averiaba ko duabar guizbangira a gifongez, o puvati. Egha a gumazir kaba ataghizi me iza ia gekuussava ami. ⁴ Ia Ikiavira Itir God, ian Godin atiating an apengan iki, egh an gin mangi. Egh ia an Akar Gavgaviba baragh dar suiragh gavgavigh, dar gin mangi an ziam fi. ⁵ Egh ia akam inigha izir gumazibar ko, irebabar mingariba abizir gumazir kaba bar me misueghti, me arimighiregh. Ia fomira Isipin kantrin ikia ingangar gumazir kinibar min itima, Ikiavira Itir God, ian God ia inigha Isipin azenan ize. Guumazir kamagh amiba, kar gumazir kuraba. Egh ia God baghvira ikiasa, me aghua. Kamaghin amizi, me ia geku ia damighti, ia Ikiavira Itir Godin gin zuir tuavim ategh an sagonikiam. Kamaghin, ia gumazir kabav sueghti me arimighiregħti, arazir kurar kam givagħam.

⁶ “Eghit ian namakatam, o aveghħuatam, o ian otaritam o ian guivitam, o ian amuir ia bar ifongezim, o ian roror bar aghuim, a modiġi ia geku, aghumra aser ia ko ian inazir afeziabha fomira fezir puvatizibar ziaba fisi ia mikimti, ia an akam baraghan

marki. ⁷ Nguazir kamin gumazamizir ian borogħin itiba ko ian sagħuġiāmin itiba, bar mogħira aser kabar ziaba fe. ⁸ Ia gumazir kamaghin amibar apezeperir akaba baraghan marki, ia akirim me gasaragh. Ia men akurvaghan marki. Egh ja apangkuvir arazim min me damuan marki. ⁹ Gumazim o amizim kamaghin ia damuti, ia a misuegħti, an aremegħ. Ni faragh uan dafarimin dagħiabar a ginivighti, gin gumazamiziba bar dagħiabar a ginivam. ¹⁰ Ia fomira Isipin kantrin ikia ingangar gumazir kinibar min itima, Ikiavira Itir God, ian God ia inigha Isipin azenan ize. Egh me ia gekuti ia Godin akamin gin mangan kogħam. Kamaghin amizi, ia dagħiabar me ginivti, me arimighiregh. ¹¹ Ia me misuegħti, me arimighiregħti, Israelia bixiż kam baregh atiatingiva uam arazir kurar katam damuan kogħam.

¹²⁻¹³ “Ia Ikiavira Itir God, en God, ia daningamin nguibar ekiabar iċiv oragħti, me kamaghin mikimam, Gumazir kurar maba nguibar ekiar kamin itir gumazamizibar nighnizibagh ekua ghaze, E asebar ziaba fam. Kar aser e faragħa ziaba fezir puvatiziba. ¹⁴ Ia kamaghin akar vaveba baregh, egh deragħvīram akar kamin mingarim gifogħi pamtemin ingar. Eghit migirgiar bar kurar kam a gužzbangira ikiti, ¹⁵ kamaghin, ia nguibar kamin itir gumazamiziba ko men bulmakauba sara misogħirarigh, men nguibar kam ko an itir biziba bar dagh asighasikigħ. ¹⁶ Egh ia men biziba bar ada inigh, nguibamin torimra da akufagh. Egh ja nguibar kam daborogħti an itir biziba bar isi ofan min Ikiavira Itir God, en God daning. Eghit nguibar kam ikuvigh iki kamaghira ikiti, gumazitam uam an ingar anesaraghan kogħam. ¹⁷ Ia uari bagħi nguibar kamin bixitam inian marki. Ia avim ategħtima a bar dar isigh. Eghit Ikiavira Itir God, uan aningażiż ategħi, ian apangkuvigham. Egh a ian inazir afeziabha ko akar dikirizim gamizi mogħin, ia damighti ian dibobonim għuavanabogħam. ¹⁸ Ia Ikiavira Itir God, ian God, an tiarim baraghiva, an Akar Gavgavir ki datirighiñ ia migeir kaba deragh dar gin mangiva, an damazim arazir aghuħbar amuti, a bixiż aghuir kaba ia bagħi dar amuam.”

14

Israelia, ikizir igharazibar min ariaghix ġurumazizibar bagħiż-żiżi marki

¹ Moses kamaghin Israelia migei, ‘Ikiavira Itir God, ian God, a ua bagħavira ja ginabazi ia an boriba. Kamaghin amizi, ian gumazitam aremegħti ia a bagħ-

aziva, ikizir igharaziba ami moghin, uan mikarzibar ghor, egh minedevir arizibagh isan marki.² Ikiavira Itir God, ian God nguazir kamin ikizibar tongin ia inigha ua baghvira ia amisefe. Kamaghin amizi, ia an gumazamizibara.”

*Godin damazimin asizir
miziriziba ko zueziba
(Ofa Gami 11:1-4)*

³ Moses ua kamaghin migei, “Ikiavira Itir God, asizir kabav gia ghaze, Da ikuvizi an adar aghuaghah, dar aman ian anogoroke. ⁴ Asizir kaba, ia dar ami: bulmakau ko sipsip, meme, ⁵ ko dia, sipsipin atiaba, memen atiaba, ko mighsiamin itir asizir atiar igharaziba, ia dar tuzibar ami. ⁶ Asizir kabanang: Dar soroghafariba puzir pumuning ikia, aning uaning tuiragha iti, egha da bulmakaubar min grazibar amiti, ia dar ami. ⁷ Ezi bulmakaubar min grazibar apir asiziba, dar soroghafariba puzir pumuning ikia, aning uaning tuiragha itir puvati, kamaghin ia bar dar aman marki. Asizir kamaghin gariba: kamelba, ko ivarareba, ko ighiaba, ia dar amam marki. Da bulmakaubar min grazibar apava, soroghafarir puziba bigha pumuning itir puvati. Ia kamaghin fogh, asizir kamaghin amiziba da Godin damazimin zuezir puvati. An adar aman ian anogoroke. ⁸ Ia dabar aman marki. Dar soroghafariba puzir pumuning ikia, aning uaning tuiragha ikia, bulmakaubar min grazibar apir puvati. Kamaghin, ia fogh, daba da nan damazimin mize. Egh ia dar ganti da arighiriti, ia dar kuabar suighan marki. Bar markiam. Da nan damazimin zuezir puvati.

⁹ “Egh ongarimin osiriba ko dipamin osiribar tongin, osirir naziaba ko sighiaba itiba, da bizar kaba uaghara ikiti ia dar ami. ¹⁰ Egh osiriba ko bizir muziarir ongarimin itiba, da naziaba ko sighiaba uaghara puvatighti, ia kamaghin fogh, Da Godin damazimin mize.

¹¹ “Egh kuarazir Godin damazimin zueziba, ia dar ami. ¹²⁻¹⁸ Egh ia kuarazibar tongin kuarazir kamagh garibar aman marki. Kuarazir kaba, taragiaba, mighiaba, isaba, kotkotba, poneba, ongarimin kuaraziba, beniba, dipamin mughamiziba, aghunabar ekiaba ko, kina aghunababa.

¹⁹ “Ezi apizir aviziba itiba, da bar bizar miziriziba, kamaghin ia dar aman marki.

²⁰ Apizir igharazir aviziba ikia Godin damazimin zueziba, ia dar ami.

²¹ “Egh asizir puram ariaghiri, ia dar aman marki. Ia ikizir igharazibar gumazamizir ian tongin itibar aningti me dar ami. Egh ia pura ngulbam getiaghia

aruir gumazamizibar amamangatighti, me ia da dagh iveau dar ami. Ia guizbangira, Ikiavira Itir God, ian God, a ua baghvira ia amisevezir gumazamiziba.

“Ia memen oter eborim isi, minem gingegh, memen amebar kamin nguzimin tuzim isi, miner kamin anevghan marki.”

Ia 10plan bizibar tongin vamira isi God daningam

²² Moses kamaghin migei, “Dagher ia zurrara uan azenibar isiba, ia da abigh 10plan pozibav kinigh, dar pozir vamira anetighti a iki. ²³ Egh gin ia da inigh mangi danganir Ikiavira Itir God uan ziam fisi misivaminin danganimin dar atigh. Egh Ikiavira Itir Godin damazimin, ia baliba ko wain, ko olivin temer borem, kar ia faragha inigha izezir dagher kabar naba ia dar ami. Egh ia danganir kamin uan bulmakau ko sipsipin nguzir ivariabav sogh, egh dar ami. Ia kamaghin damuva, zurara Ikiavira Itir God, ian God an atiatingiva an apengan ikiamin arazimin fofozim iniam. ²⁴ Ia bar saghon iki, egh dagher aghuir Ikiavira Itir God ia ganingizir kaba, ia dar 10plan pozibar da tuiragh dar pozitam inigh danganir a uan ziam fisi misivamin kamin da ater mangan iburagh, ²⁵ dagher kaba amadaghti gumazitam dagh ivesegh. Eghti ia gin dagiar kaba inigh Godin ziam fer danganimin mangi. ²⁶ Egh dagiar kabar ia bizir ifongezir kabagh iveau, kar bulmakaun tuziba ko sipsipin tuziba, wain ko wainin dipar gavgaviba. Egh ia God uan ziam fasa misevezir danganir kamin, uan boriba ko Ikiavira Itir God, ian Godin damazimin, ia dagher kabar ami egh bar akongegh.

²⁷ “Ia Livaibagh fo, me uari nguazitaba inizir puvati. Ian nguibabar aven itir Livaiba, ia dughiar ekiar kabar, me ginighnigh men akurvagh.

²⁸ “Ia zurara, azenir mikezimin vagh-vagh, uan azenibar otivir dagheba abigh 10plan pozibav kinigh, dar pozir vamira inigh mangi uan nguibar ekiamin aven itir dagheba arizir dipenir ekiabar dar arigh. ²⁹ Livaiba ia me gif, me uari nguazitaba inizir puvati. Egha uaghan ikizir igharazibar gumazamiziba ko, borir afeziabia ariaghireziba, ko amizir odiarir paba ariaghireziba, me uaghan ia ko iti. Gumazamizir kaba me uaghan izi uan ifongiabar dagheba iniam. Ia kamaghin damutti, Ikiavira Itir God, ian God, deragh ia damutti ian biziba bar deravirama otivam.”

15

*Bizim inigha uam a ikarvaghamin
arazim agivamin azenim
(Ofa Gami 25:1-7)*

¹ Egha Moses ua Israelia migia ghaze, “Namba 7in azenim, kar bizibar ghuavim ikarvazim agevir azenim.” ² Ia kamaghin damu, gumazim uan namakam da pura dagiam inigh, egheti azenir namba 7, an namakar kam a mikim suam, Ni uam a ikaravaghan marki. Ikiavira Itir God, uabi kamaghin e migei, E dagiabbar ghuaviba, dagiaba ikarvaghmin osimtiziba, namba 7in azenimin, e da gin amangam. ³ Egheti ikizir igharazitam gumazitam ia da pura biziba inighti, ia bizir kaba ikarvaghshi an dim. Egh ia uari uan namakaba inizir biziba ikarvaghshi men azangan marki.

⁴ “Ia oragh, ia Ikiavira Itir God, ian God, nguazir a datirighin ia ganidir kabar aven, a deraghvira ia damuam. Kamaghin amizi, ian tav, bizitamin oteveghan kogham. ⁵ Ia deravira Ikiavira Itir God, ian Godin Akar Gavgavir ki datirighin ia ganidiba, dar suiragh bar dar gin mangiti, a deraghvira ia damuam. ⁶ Ikiavira Itir God, ian God, akam akirizi moghin, a bar deraghvira ia damuam. Egheti ikizir aviriba pura ia da biziba iniam, egheti ia men bizitam puram a inighan kogham. Egh ia ikizir aviribagh ati-vagh men ganti, me ia gativaghan kogham.

⁷ “Egheti namakatam, nguazir Ikiavira Itir God, datirighin ia ganidir kamin nguibatamin iki, bizitamin otevegham, ia akirim ragh a gasan marki. Egh ia uan biziba mighin dar suighan marki. ⁸ Ia an apangkuv, egh pura uan dafariba kuigh, bizir an oteveziba ia da isiva a daning. ⁹ Ia kamaghin pazi nighnighan marki, biziba ikarvaghmin azenim a roghira izegha gifa, egh uan namakamin akurvaghshi uan biziba mighin dar suighan marki. Egh ia dagiaba a daninan aghuaghti, gumazir kam ian arazir kam bagh Ikiavira Itir God ko mikimiva arangti, ia Godin damazimin osimtizim ikiam. ¹⁰ A ian azangsizir biziba, ia bar da isi a daningichti, Ikiavira Itir God, ian God, ian ingangariba bar dar amuti, da deraghviram otivam. ¹¹ E Israelia, en tarazi zurara bizibar otevegham. Ezzi kamaghin ki ghaze, ia onganarazibagh amir gumazamizibar apangkuv men akurvagh deraghvira me damu.”

*Israelia ingangarir gumazir kinibar
amuamin arazim
(Ua Me Ini 21:1-11)*

¹² Egha Moses ua kamaghin migei, “Ia Israelien gumazitam ingangarir gumazir kinitamin min a givezehtti, a ian ingangaribar amu mangi, 6plan azenibar tugh. Egh namba 7in azenimin, ia anetehtti a mangi. ¹³ Egheti a ian ingangarim ateghti, ia pura nguibamin anemangan marki. ¹⁴ Ia bizar aghuir Ikiavira Itir God, ian God ia ganingizir kaba, kar sipsipba, witba, ko wainin dipaba ia da isi a danighti a mangi. ¹⁵ Ia uaghan pura ingangarir gumazamizir kinibar min Isipin ike. Ezzi Ikiavira Itir God, ian God, ua ia inizi, ia ua firiaghire. Ia bizir kam ginighnigh. Ki bizir kam ginighnigha Akar Gavgavir kaba ia ganiga ia migei.

¹⁶ “Egheti ingangarir gumazir kinim suam, ‘Ki bar uan gumazir dapanim gifuegha, an amuim ko boribagh ifuegha, me ataghiraghan aghua.’ ¹⁷ Egheti ia a inigh mangi uan dipenimin ter ararir tiar akamin miriamin itimin anesaragh, egh dikonir tam inigh, an kuarim okorehti, a ian ingangarir gumazir kinimra iki mangiva ovegham. Ia arazir kamra uan ingangarir amizir kinitam, uaghan a damigh.

¹⁸ “Ingangarir gumazir kinir kam 6plan azenibar ian ingarizi, ia an ingangarimin iveauzir muziarim a ganigha gifa. Kamaghin, ia uan ingangarir gumazir kinim damighti a firighirighsi, bizir kam ginighnigh osiman kogham. Ia kamaghin damuti, Ikiavira Itir God, ian God, ian ingangaribar amighti da bar deraviram otivam.”

Sipsip ko bulmakaun nguzir ivariam

¹⁹ Egha Moses ua kamaghin migia ghaze, “Ia uan bulmakauba ko sipsipbar nguzir apurir ivariaba, bar ada misevegh, da isi Ikiavira Itir God, en God, a daningigh. Egheti bulmakaun kaba ingangaribar amuan marki, egh uaghan ia sipsipin kabar arizibagh isan marki. ²⁰ Egh ia zurara azenibar vaghvagh uan amuiroghboriba ko, asizir kabar inigh, Ikiavira Itir God uan ziam fisi misivamin danganir kamin mangi Ikiavira Itir God, ian Godin damazimin asizir kabar ami. ²¹ Egheti bulmakaun kam o sipsipin kamin mikarzim ikuvigham, kar an dafarim o an suem ikiraghram, o an damazimning okavigham, o a arimiar kurar igharazim ikiam, egheti ia a inigh, Ikiavira Itir God, ian God, bagh ofa damuan marki. ²² Ia asizir atiaba api moghin, uan nguibabara asizir kamagh garim amiva anegifagh. Ia Godin damazimin zue o mize, ia asizir kam pura bar anemegh. ²³ Egh

* **15:1:** Arazir kam kamakin, gumazitam nin dagiaba inigha akam akira ghaze, a gin ua nin dagiaba ikarvaghram. Egheti azenibar mangiti azenir namba 7 otoghiva, egheti ni a mikimti an a ikarvaghan marki. **15:7:** Ofa Gami 25:35 **15:11:** Matyu 26:11; Mak 14:7; Jon 12:8 **15:12:** Ofa Gami 25:39-46 **15:19:** Ua Me Ini 13:12 **15:23:** Jenesis 9:4; Ofa Gami 7:26-27; 17:10-14; 19:26; Godin Araziba 12:16; 12:23

ia asizir katamin ghuzitam bar aneman marki. Ia dipamin min nguazimin a fugh.”

16

*God Israelia Gitazir Dughiam
Ginighnighamin Isam
(Ua Me In 12:1-20)*

¹ Egha Moses kamaghin migia ghaze, “Ia Abipin iakinimin,* azenibar zurara isar kam damu. Ia fo, Ikiavira Itir God, ian God fomira Abipin iakinimin dimagarir mamin, Isipin kantrin ua ia ini. Kamaghin amizi, ia zurara God Israelia Gitazir Dughiam Ginighnighamin Isam damuva, bizar kam ginighnigh an ziam fi. ² Ia mangi Ikiavira Itir God, uan ziam fisi misivamin danganimin otivigh, uan bulmakau o sipsipin tam misuegh Ikiavira Itir God, ian God bagh ofa damu. Egh ia God Israelia Gitazir Dughiam ginighnigh asizir tuzibar ami. ³ Ia isar kam damu, egh yis itir bret aman marki. Ia 7plan aruebara yis puvatizir bret ami. Ia fo, ia fomira zuamira Isip ataghaghaha amua yis puvatizir bret ame. Kamaghin amizi, ia bretin kam amiva, dughiar ia Isipin osimtizimin ikia an ategha izezim ginighnigh. Ia bizar kam zuraram a ginighnighvira iki mangiti ian ovever dughiam otogham. ⁴ Yis Puvatizir Bretin Isam Damuamin Dughiamin, ia yis taba ateghti, da ian dipenibar ikian marki. Egh an aruer faragha zuimin, ia ofa damuamin asizibar ami mangi, dimagarir kamra bar ada gifagh. Egheti dar naba iki mangi amimzaraghan otivan marki.

⁵ “Ia God Israelia Gitazir Dughiam ginighnighamin ofa bagh asiziba inigh nguubar Ikiavira Itir God, ian God ia ganiditamin aven dav soghan marki. ⁶ Ia Israelia Gitazir Dughiam ginighnighamin ofa bagh asiziba inigh Ikiavira Itir God, ian God uan ziam fisi misivamin danganir kamra adav sogh. Ia fo, aruem uaghiri dughiamin ia Isip ategha azenan ize. Kamaghira amizi, ia garantizimin asizibav sogh dughiar kam ginighnigh. ⁷ Ia Ikiavira Itir God, ian God uan ziam fisi misivamin danganir kamra, asizir kaba tu dar ami. Egh amimzaraghan ia uan purirpenibar mangi. ⁸ Ia 6plan aruebara yis puvatizir bret ami. Egh namba 7in aruem, ia uari akuvagh Ikiavira Itir God, en God an ziam fi. Egh dughiar kamin ia ingangaritam bar a damuan marki.”

*Azenibar Dagher Igiaba Asiamin
Dughiamin Isar Ekiam
(Ua Me In 34:22; Ofa Gami 23:15-21)*

⁹ Egha Moses me migia ghaze, “Ia azeni-bar dagher oviziba aghorir aruer faragha zuimin ikegh, ia wighba meng mangi namba 7 wighin tugham. ¹⁰ Egh namba 7 wighin aruer abuananam, kar Azenibar Dagher Igiaba Asiamin Dughiamin Isar Ekiam. Ia Ikiavira Itir God, ian God ia ganingizir daghebar dibobonimin mirara, uan ifongiamin gin mangi, da tuiragh Ikiavira Itir God, ian God bagh ofa damuva a bagh bar akongegh. ¹¹ Egh ia uan otariba ko guiviba ko, ian ingangarir amiziba ko gumaziba, ko Livaiba ko ikizir igharazibar gumazamizir ian tongin itiba, ko borir afeziabi ariaghireziba ko, amizir paba ariaghireziba, ia bar moghira Ikiavira Itir God, ian God uan ziam fisi miseveghamin danganimin mangi, uari akuvagh an damazimin a bagh bar akongegh. ¹² Ia fomira pura ingangarir gumazamizir kinibar min Isipin ike. Kamaghin amizi, ia bizar kam ginighnigh arazir God ifongeziba deraghvira dar amu.”

*Averpenibar Ikiamin Dughiar Ekiaba
(Ofa Gami 23:33-34)*

¹³ Egha Moses ua ghaze, “Ia azeniiba bar, balin afeziiba amisiva wainin oviziba mirmirighti, gin Averpenibar Ikiamin Dughiar Ekiam otoghti, ia averpenibar aven iki bar akongegh mangiti, aruer namba 7 otogham. ¹⁴ Dughiar kamin, ia bar moghira bar akongegham. Ia uan otariba ko guiviba ko, ian ingangarir gumazamiziba ko, Livaiba ko ikizir igharazibar gumazamizir ian tongin itiba, ko borir afeziabi ariaghireziba, ko amizir paba ariaghireziba,¹⁵ ia bar moghira mangi Ikiavira Itir God, uan ziam fisi misivamin danganimin otivigh. Egh uari akuvagh dughiar ekiar kam damu Ikiavira Itir God, ian Godin ziam fi. God ian azeniiba ko bizar maba sara, deraghvira dar amuam, kamaghin, ia bizar kam bagh bar akongegh iki mangiti, namba 7 aruem otogham.

¹⁶ “Egheti Ia azeniiba vaghvagh dar dughiar 3plan, ian gumazibara dikavigh, Ikiavira Itir God, ian God, uan ziam fisi misivamin danganimin izi, an damazimin otivigh an ziam fi. Dughiar 3plan kaba kamakin, Yis Puvatizir Bretin Isam Damuamin Dughiam, ko Azenibar Dagher Igiaba Asiamin Dughiamin Isar Ekiam, ko Averpenibar Ikiamin Dughiar Ekiam. Ia bar vaghvagh dafarir kinibar Ikiavira Itir Godin damazimin izan marki. ¹⁷ Ikiavira Itir God, ian God bizar aghuir aviriba ia ganingi. Ia dagh nighnigh uan biziba tuiragh a daning.”

16:1: Ofa Gami 23:5-8; Diboboniba 28:16-25 * **16:1:** Abipin iakinim, kar Israelia iakinir faragha zuim. Iakinir kam, an en iakinimning Mas ko April, aningin otifi. Iakinir kamin ziär igharazim, “Nisan.” **16:9:** Diboboniba 28:26-31

Kotiabar araziba

¹⁸ Egha Moses ua kamaghin migia ghaze, “Ian anababa vaghvagh, nguubar Ikiavira Itir God, ian God ia ganidir kabar aven, jasba ko ingangarir gumazir igharazitaba amisefegh. Eighti gumazir kaba guizin arazibar gin mangi, deraghvira gumazamizibar migirigia tuisigh. ¹⁹ E fo, dagiar gumaziba jasba apezepera me ganidiba, da gumazir nighnizir aghuiba itibagh ami, me damazir okavirizibar min iti. Egha arazir kam uaghan gumazir aghuarir osimtiziba puvatizibar kotiam gasighasisi. Kamaghin amizi, gumazitam me apezepet kotiam gifarisi, dagiaba me daningti, me dagiar kaba inian marki. Me guizin arazim gighan marki. Me kotiamin aven pazi gumazitam akurvaghiva, igharazitav dikabinan kogham. Me guzin arazimin gin mangi gumazamiziba bar me tuisigham. ²⁰ Ia zurara guzin arazimra gin mangi, egh guizbangira mikim. Egh ia nguzair Ikiavira Itir God, ian God, ia ganidir kamin dapiagh iki mamaghira ikiam.

²¹ “Egh ia Ikiavira Itir God, ian God bagh ofa gamir dakozimin ingar, egh an boroghin temer guarir aser amizim Aseran nedazim itim asan marki. ²² Egh ia dagiar guarir dighoriba itiba saragh asemin ziam fan marki. Bizar kamning bar ikuvizi, Ikiavira Itir God, ian God bar aningin aghua.”

17

¹ Egha Moses kamaghin migia ghaze, “Ia bulmakaun apuritam, o sipsipin duatam mikarzimin ititam inigh Ikiavira Itir God, en God bagh ofa damuan marki. Ikiavira Itir God arazir kam bar an aghua.

² “Egh dughiar tabar ian ngubar Ikiavira Itir God, ian God ia ganidibar aven, ian tongin itir gumazitam o amizitam Ikiavira Itir God, en Godin Akar Dikirizir Gavgavim abigh, kamaghin an an damazimin arazir kuram gami. ³ A Ikiavira Itir Godin Akar Gavgaviba abigh, egh godin igharazibar ziaba fam. Kar, aruem ko iakinim ko mikoveziba, a dar ziaba fi dar gin mangam. ⁴ Ia gumazim o amizir arazir kurar kam gamimin migirigiar kam baregh, deravira migirigiar kamin mingarim bagh ruiva a batogh. Eighti migirigiar kam a guizbangira, ehti ia fogh suam, kar bar arazir kuram Israelian tongin oto, ⁵ ehti ia gumazir kam o amizir kam inigh nguibam azenan mangi, dagiabar a ginivighti an aremegh. ⁶ Egh gumazamizir pumuning o 3pla an ganti, an arazir kuram damuti, me an gun mikeghti,

me dagiabar a ginivighti an aremegh. ⁷ Ia uarir tongin arazir kurar kam agivsi, gumazamizir an gari an arazir kurar kam gamiziba, me faragh dagiaba isi a giniv. Eighti gin igharaz darazi dagiabar a ginivti an aremegh.

⁸ Dughiar tabar osimtizir ian nguibabar otiviba bar ekeveghti jasba da tuisighan iburagh. Osimtizir kamaghin gariba, gumazir mam mamin apanim gamigha a misoghezi an areme, gumaziba uan nguziba ko dipeniba bagha uarir aningazi, o gumaziba uariv sogha, igharazibar mikarzibagh asighasisi. Eighti jasba bizar kaba tuisighan iburaghti, ia danganir Ikiavira Itir God, uan ziam fisi misivamin kamra mangi an ziam fi. ⁹ Egh uan osimtiziba isi Livain ofa gamir gumaziba ko, jasin datirighin kotiaba baraziba, me danighti me ian osimtiziba akir. ¹⁰ Egh danganir Ikiavira Itir God, miseveghamin kamin me kotin nighniziba ia daningti, ia me mikemezi moghira bizibar amu. ¹¹ Ia men nighnizir me ia ganidir kaba inigh, egh bar adar gin mangi. ¹² Egh gumazitam jas, o Godin ofa gamir gumazitam batuegham, ia gumazir kam misueghti an aremegh. Ia kamaghin damuva Israeliyan arazir kurar kam batuegham. ¹³ Eighti gumazamiziba bar moghira arazir kam baregh bar atatiqham. Egh gumazitam uam arazir kamagh garitam damuan kogham.”

Atrivimin arazibar migirigiam

¹⁴ Egha Moses ua kamaghin migei, “Ia nguzair Ikiavira Itir God, en God, ia daningamin kam inigh givagh a dapiagh, egh ia gumazamizir igharazibar min nighnigh suam, atrivitam ti e gativagh en ganam. ¹⁵ Egh dughiar kamin, ia teghti Ikiavira Itir God, ubi ian tongin atrivimin ikisi ian gumazitam amisefegh. Ia uan ifongiamin gumazitam amisivan marki. Ia kantrin igharazitam gumazitam amiseveghti, a ian atrivimin ikian marki. A ubi ian gumazitam amiseveghti, a ian atrivimin iki. ¹⁶ Ikiavira Itir God, ghaze, an gumazamiziba ua Isipin mangan an aghua. Kamaghin, atrivim uan midorozir gumaziba ameghti, me uam hoziar aviribagh ivesi Isipin mangan marki. ¹⁷ Atrivim amuir aviribar ikisi nighnighan marki, egh uaghan gol ko silvan aviribar pozim mikinan marki. Da a damuti, an akirim ragh Ikiavira Itir God, gasaragh. ¹⁸ An atrivimin otogh, egh Akinafarir Righizir Godin Akar Gavgaviba ititam inigh, egh Livaibar damazimin an mirara ua bagh

Akinafarir Righizir ighazarir tamin deragh an osirigh.¹⁹ An akinafarir righizir kam uabin boroghiram anetigh, egh dughiar zurara an akabar gan. Kamaghin, a Ikiavira Itir Godin atiating an Araziba ko, arazir a ifongezibar gin mangam.²⁰ Egh kamaghin a ubi uan ziam fan kogh, egh Israeliyan ighazar darazi abinan kogham. Egh a Godin Akar Gavgaviba ategh ighuigh agharir guvim o agharir kiriamin mangan marki. A kamaghin damu azenir aviribar atrivimin ikiam. Eghit gi an ovavir boriba an danganim inigh atirivibar otiv mangivira ikiam."

18

Ofan naba ofa gamir gumaziba dar amam

¹ Egha Moses ua kamaghin migei, "Livain anabamin ofa gamir gumaziba, Israeliyan marazi nguaziba inizi moghin me nguazitam inian kogham. Ikiavira Itir God, mikemezi moghin gumazamiziba un bizir aghuiba God daningti Livaina da iniam.² Israeliyan igharaz darazi, nguaziba isi moghin, me nguazitam inian kogham. Livain anabam, men bizir aghuir Ikiavira Itir God me ganingizim, a kamakin, me ofa gamir ingangaribar amuam, mati Ikiavira Itir God, ian God, faragha akam me bagh anekirizi mokin.

³ "Eghit gumazitam Godin ofa damusi bulmakaun apuritam ko sipsip misuegh, egh asizir kabar gurir tuziba ko, koviam ko akaguár tuziba ko an navir averiamin aven itir biziibar tuziba isi, ofa gamir gumazibar aningigh.⁴ Eghia uan faragha misevezir wit ko balin oviziba, ko wain ko olivin borem ko sipsipin ariziba inigh ofa gamir gumazibar aningigh.⁵ Ikiavira Itir God, ian God, ian anababar tongin, ofa gamir ingangarim damusa Livain anabamin adarazira, me amisefe. Eghit men ovavir boriba zurara ingangarir kam damu mangivira ikiam.

⁶ "Eghit Livain gumazitam ifuegh, egh uan nguubar Israeliin nguazimin aven itim ategh mangi, danganir Ikiavira Itir God, miseveghamin kamin mangam.⁷ Egh a Ikiavira Itir God, an Godin ofa gamir ingangarim damu, mati ofa gamir gumazir ighazariza zurara Ikiavira Itir Godin damazimin ingangarir kam gami mokin.⁸ Ofa gamir gumaziba vaghvagh dagher magh ghueziba inigh. Egh bizir ighazarir a dagiaba bagh amadazimin dagiaba, a uaghan ua bagh dar suiragh."

God aghuazar arazir bar kurar maba

⁹ Egha Moses ua kamaghin migei, "Ia nguazir Ikiavira Itir God, en God, ia ganidir

kamin otivigh, egh ikizir kabar gumazamiziba amir arazir kurabar gin mangan marki. Kar arazir bar kurar God aghuaziba.¹⁰⁻¹¹ Ia uan otariba ko guivibav sogh ofaba tuer dakoziim gisín avimin me tuan marki. Egh ia, ariaghirezir gumazamizibar duabar gavgavimin amodoghin gin otivamin bizibar gun migeir arazim, ko kukunir gumaziba amir arazim, ko akar mogomebar gun migeir arazim, ko akuzibagh amir arazim, ko akavsiabagh amir arazim, ko duar kuraba ko migeir arazim, ko imezibagh amir arazim, ko gumazamizir ovengezibar duaba ko migeir arazim, ia bar arazir kabar amuan marki.¹² Ikiavira Itir God, en God, a gumazamizir arazir kurar kabagh amiba, a bar men aghua. Ezi gumazamizir ikizir ighazarir kabar itiba, ia men boroghira izamin dughiamin, a bizir kam bangin, me batuegham.¹³ Ia arazir kurar kaba bar ada atakigh, egh ia guizbangira Ikiavira Itir God, ian Godin gin mangi."

God akam inigha izir gumaziba amangasaka akam akiri

¹⁴ Egha Moses ghaze, "Gumazamizir ia datirighin men nguazim iniasava amir kaba, me kukunir gumazibar akaba baragha dar gin ghua, duar kurabar arazibagh ami. Ezi Ikiavira Itir God, ian God, arazir kabar amuan ian anogoroke.

¹⁵ "Ikiavira Itir God, ian God, a ian tongin, ia bagh gumazitam amiseveghti, a nan min akam inigha izir gumazimin otogham. Eghit ia an akaba baragh dar gin mangam.

¹⁶ "Ia Sainain Mighsiamin boroghin uari akuvagha itir dughiamin, ia bar atatiqha, kamaghin nighnigha ghaze, 'E Ikiavira Itir God, en God an ganigh arimighiregham. Kamaghin amizi, e ua Ikiavira Itir God, en God, e uam an tiarim baraghan aghua. Egha e uaghan avir ekiar God aven itir kamin ganan aghua.'¹⁷ Ezi Ikiavira Itir God, na migia ghaze, 'Men migirigiam, bar guizbangira.¹⁸ Ki men tongin men tav amisevegham, eghit a nin min, akam inigha izir gumazimin otogham. Eghit ki uan akam isi a danighti an akar ki danielgamiba bar da isi gumazamiziba bar me mikimam.¹⁹ Eghit akam inigha izir gumazir kam nan ziamra akam akunam. Eghit gumazamizir an akam batoziba, ki iveauzir kuram me daningam.²⁰ Eghit akam inigha izir gumazitam, nan akar ki a ganingizir puvatitam akunam, o a asetamin ziamin gun mikimam, an ovengam.'

²¹ "Eghit ia manmagh fogh suam, 'Akam inigha izir gumazir kamin akar a kurir kam, a ti Ikiavira Itir Godin izi, o puvati?'²² Ia akar a kurir kam kamaghin a gifogh. Akam

inigha izir gumazir kam Ikiavira Itir Godin ziamin akam akunti, bizar a mikemezim otoghan koghti, akar a migeir kam Ikiavira Itir Godin izezir puvati. Akam inigha izir gumazir kam uan nighnizimin akam akuri. Kamaghin amizi, ia an atiatingan marki.”

19

*Nguibar ekiar gumazamiziba
ari mangi mongamiba*

(Diboboniba 35:9-28; Josua 20:1-9)

¹ Egha Moses ua kamaghin migei, “Ikiavira Itir God, ian God, nguazir ia ganidir kamin ikiziba bar me gasighsigh givagh, men nguibaba ko dipeniba bar ada inigham. Eghia ia deraghvira dar apiagh, ²⁻³ egh nguazir kam 3plan distrighbar da bikigh. Egh distrighin kabar vaghvagh mongamin nguibar ekiatam amisefegh, eghia nguibar ekiar kaba, da danganir gumazamiziba arimangi deravira ikiamba. Egh tuavibar ingarighti, da nguibar ekiar kabar mangi dar otifigh. Eghia gumazamiziba tuavir kabar ari mangi nguibar ekiar kabar otivigh deravira ikiam. Eghia gin gumazitam igharazitav purama a misuegħi an aremegħti, a mangi nguibar kabar tamin aven mangi modogh ikiam. ⁴ Gumazim uan anavira osimtiziba an puvatīgħ purama a misuegħti an aremegħti, an ari mangi nguibar ekiar 3plan kabar tamin mangiher deraghvira ikiam. ⁵ Egha uaghan, gumazir pumuning ruarim temeba oka ghua, mavin sobiam asiaghirigha an namakam misogħezi an areme, an ari mangi mongamin nguibar ekiar katamin aven maniġħ deragh ikiam. ⁶ Eghia mongamin nguibar ekiar vamira iki, kamaghin deragħan kogħam. Nguibar ekiar vamira iki bar sagħon mar ikiti, gumazim uan anavvin ovevem ikarvaghxi, bar aningagħegħ pamtem arimangamin gumazir kamin gintiġħ, tuavimin puram an suiragh a misuegħti an aremegħam. Gu-mazir kam, guizbangira, osimtiziba puvati. A uan anavvin apanim gamua a misogħezi an aremezix puvati. Sobiamrara asiaghirigha anemisogħezi an areme. ⁷ Bizir mingarir kam bagħha ki mongamin nguibar ekiar 3pla amnisivasa ia mikeme.

⁸ “Ikiavira Itir God, ian God, a nguazir kabar mitaghniabagh isivagh, nguazir eki-abha isi ia daningam, mati a fomira ian inazir afeziabha ko akam akirizi mokin. ⁹ Eghia ia duaghier kamin mongamin nguibar ekiar 3pla uam ada amisefegħ. Egh Akar Gav-gavir ki ja mikkemexiba bar a dar amu, egh Ikiavira Itir God, ian God, ia bar a gi-fongegħ, zurara an arazibar gin mangi, a

nguazir ekiar kaba bar ada isi ia daningti, ia ua mongamin nguibar ekiar 3pla uam ada amisefegħ. ¹⁰ Egh ia nguazir Ikiavira Itir God, ia ganidir kamin iki, egh gu-mazir osimtiziba puvatizir tam misuegħti an aremegħan marki, egh ia osimtiziba puvatigħam.

¹¹ “Eghia gumazitam bar uan namakamin aghuagh, egh modogh ikiva, egh a misuegħti an aremegħti, ana ari mongsi mangi mongamin nguibar ekiar kabar tamin aven mangiħti, ¹² an nguibamin gumazir dapaniba, nguibar ekiar a ghua modozim ġumazir dapanibar azaragħti me uam anemadagħti, a uan nguibamin iżi. Eghia me uam a isi gumazir aremexim adarazir dafarim datighti, me a ikaragh a misuegħti an aremegħ. ¹³ Ia an apangkuvan marki. Bar marki. Israelian aven gumazir osimtiziba puvatiziba pura me misozi me ariaghix irarazim iti. Ia kamaghin damu egh osimtizib kam agħvagh deravira ikiam.”

Ababanir Israelia fomira uan nguazibar mitaghniabar atiziba

¹⁴ Egha Moses ua kamaghin migei, “Ikiavira Itir God ia ganidir nguazir kaba, me fomira dar mitaghniabha arigha dar abarazi da kamaghira iti. Eghia ia uan namakabar nguazir mitaghniabha ua dagħ isivagh mangan marki.”

*Kotiamin aven gumazitam osimtizim isi
gumazir igharazim gasan marki*

¹⁵ Egha Moses ua kamaghin migei, “Gumazir vamira gari, gumazir igharazim arazir kuram gami, a kotiamin aven bixir kamin gun migei, eghia gumazir kotiam barazim, gumazir kamin akam baragħan marki. Eghia gumazir arazir kuramin gara an gun migeibar dibobonim, a gumazir pumuning o pumuning ko mikkexim ikti, ia gumazir kam isi kot datighti, gumazir kaba an gun kotiam mikimam.

¹⁶ “Eghia gumazitam, gumazir igharazim gasighasħiġi a gifar suam, an arazir kuram gami, ¹⁷ egh aning virara Godin ziam fer danganimra mangiħ. Eghia ofa gamir gu-maziba ko jasin datirigħiñ ingangarir kam gamiha Ikiavira Itir Godin damazim an ċiġi akaba tuisigham. ¹⁸ Egh jasba deraghviram aningin akaba tuisigh. Egh me deragh fogħ suam, gumazir uan namakam isa kot gatizim a ifara pura akam a gasi, ¹⁹ eghia iż-vezir kuram isi gumazir kotiam gifara migeim daning, mati iverzir kurar a uabi uan namakam daningasa ifongoosejim. Ia kamaghin damu, egh arazir kurar kam uarir tongin a batolegħ. ²⁰ Eghia gumazamiziba bar bixir kamin akam bar a baregh atiātigħ, egh deragh uari bagħ ganam.

Eghit gumazitam uam arazir kamaghira garitam damuan kogham.²¹ Ia ifavarir gumazitam apangkuvan marki. A uan anavira aremeghsı a ifongegeham, a uabi uaghan aremegham. Egh a uan anavin damazim, o atarim, o agharim o suem gasighasighsı ifongegehti, me uaghan kamaghiram a ikaragh.

20

Midorozibar araziba

¹ Egha Moses migia ghuavira ikia ghaze, "Ia uan apaniba ko misogh mangi ganti men karisba ko hoziaiba, ko men midorozir gumazibar, ian dibobonim gafraghti, ia men atiatingan marki. Ikiavira Itir God, ian Godin Isipin ia inigha ian akua izezim, a ia ko iti.² Ia midorozim forsı ofa gamir gumazitam faragh izi midorozir gumazibar guamin tugh kamaghın me mikim,³ 'O Israelia, ia oragh. Ia midorozim bagh datirighin mangam. Egh ia mangi apanibar ganiva atiating aghariba ian amiraghti ia okam nighnigh puram akongan marki.⁴ Ikiavira Itir God, ian God, a ia ko zui. A midorozir kamin aven iki ian akuragh misoghti, ia uan apaniba abinigham. Kamaghın amizi, ia atiatingan marki."

⁵ "Eghit midorozir gumazibar dapaniba kamaghın me mikim suam, 'Gumazitaba ti kagh ikia dipenir igiabar ingarigha, egh deragh dar amusi tighar God ko mikimam? Gumazir kamaghın amiba iki, egh uamategh dipenibar mangi. Me midorozimin oveghti, gumazir igharaziba men dipenir igiaba iniam.⁶ Ezı gumazitaba ti kagh ikia wainin azenir igiaba oparigha, egh dar wainin dipaba tighar dar iniam? Gumazir kamaghın amiba iki, egh uamategh uan dipenibar mangi. Me midorozimin oveghti, gumazir igharaziba men wainin ovizir igiaba iniam.⁷ Ezı gumazitaba ti kagh ikia uari bagh amuibagh inamigha, egh tighar men ikiam? Gumazir kamaghın amiba iki, egh uamategh uan nguibabar mangi. Me midorozimin oveghti, gumazir igharaziba men amuibar ikiam.'

⁸ "Egh midorozir gumazibar dapaniba ua kamaghın, uan midorozir gumazibav kim suam, 'Gumazitaba ti kagh ikia misoghan atiating egha agoa ikiam? Ian tina kagh ikia kamaghın ami, a uamategh uan nguibamin mangi. A kamaghın damu midorozir gumazir igharazibar amuti, me uaghan atiatingam.'⁹ Egh me midorozir gumazibav kemegh givagh, egh me midorozir gumazir okoruubar faragh mangamin gumazir dapaniba amisefegh.

¹⁰ "Ia divazir gavgavim avinizir nguibar ekiatam ko misoghsı an boroghira mangi,

egh faragh nguibar kamin itir gumazamiziba kamagh me mikim, 'Midoroziba markiam. Ia uan nguibam isi puram en dafarim datigh.'

¹¹ "Eghit me ian akamin amamangatigh, egh ia bagh divazibar tiar akar ekiaba kuigh, egh ian apengen iki kalabuziar gumazamizibar min pura ingangarim damu.¹² Egh nguibar ekiar kamin gumazamiziba ian amamangatighan kogh, ia ko misoghsı damuti, ian midorozir gumaziba nguibar ekiar kam avinizir divazir gavgavim bar anekiarugh.¹³ Eghit Ikiavira Itir God, en God, ian amamangatighi, ia nguibar ekiar kam iniam. Ia a inigh givagh, an aven itir gumazibara, bar me misueghti me arimighiregh.¹⁴ Ikiavira Itir God nguibar ekiar kam ia ganigha gifa. Kamaghın amizi, ia nguibar kamin amiziba, ko boriba ko bulmakauba ko asizir igharaziba, ko uan apanibar bizir igharazir nguibar kamin itiba sara, ia uari bagh da inigh.¹⁵ Ia kamaghira nguibar ekiar ian nguazimın saqhon itibar amu. Nguibar ekiar kaba, da ian boroghin itir ikizibar nguibaba puvati.

¹⁶ "Egh ia nguazir Ikiavira Itir God, ian God, ia daningamın kamin nguibatam inigh givagh, egh an itir gumazamiziba ko asiziba sara bar dav sueghti da arimighiregh.¹⁷ Ia Ikiavira Itir God, ian God ia mikemezi moghin, Hitia ko Amoria, Kenania, ko Peresia, Hivia ko Jebusia, ia bar me kuavaremegh.¹⁸ Ia bar me misueghti me arighiregti deragham. Me iki uan arazir kurar uan asebar ziaba fava amir arazibar ian sure damuam. Me kamaghın damu ia gekuti, ia Ikiavira Itir God ategh, arazir kurar a bar aghuazibar amuam.

¹⁹ "Ia nguibatam inisi misogh dughiar bar ruarinin anevinigh iki, egh sobiabar nguibar kamin boroghın itir temer beba okan marki. Temeba ian apaniba puvati. Ia dar ovizibar amam, egh dagh asighasihan marki.²⁰ Egh ia temer igharaziba okiva uarir akurvagh misoghamın bizibar ingarigh midorozim damu apaniba abinigh, egh nguibar kam uari bagh a iniam."

21

Gumazir purama ariaghribar osimtizim akiramin arazim

¹ Egha Moses ua kamaghın migei, "Ia gumazir kuatamin ganti a nguazir Ikiavira Itir God, ian God ia ganidimin dangani-tamin irighıv ikiti, ia foghan kogham, tina a misoghezi ana areme,² eghit ia kamaghın damu. Ian gumazir dapaniba ko jasba mangi, nguazir gumazir kuam irighav itim ko nguibar an boroghira itibar tizimin ababanim damu ganigh.³ Eghit kuar

kamin boroghira itir nguibar kamra, an gumazir dapaniba, me bulmakaun amebar iigar ingangaritam gamizir puvatizitam amisefegh. ⁴ Egh me bulmakaun kam inigh faner datir puvatizimin boroghira mangi. Egh nguazir otevir gumazitam an ingarizir puvatigha, bizitam akarazi puvatizimin, bulmakaun kamin tuem apirigh. ⁵ Livain anabamín ofa gamir gumaziba, Ikiavira Itir God, ian God, uan ingangarim damuasa me amisevezi, ingangarii kam iti, me Ikiavira Itir Godin ziámin gun gumazamizibav kimi, God deragh me damuam. Eghí gumazim igharazitav misuegħti an aremegħti, me an kotiam baraghom. Kamaghin, me uaghan dikavigh danganir kamin mangi. ⁶ Eghí gumazir kuam iti nagħin an boroghira itir nguibar kamin gumazir dapaniba, me dipam inigh u dafariba bulmakaun kuam gis in da ruegh. ⁷ Egh me kamaghin mikim suam, ‘E gumazir kam misoghezi an aremezir puvati. E an ovevemin ganizir puvatigha a misoghezir gumazitam gifozir puvati. ⁸ O Ikiavira Itir God, ni Isipin kantrin en akuragħha uam e inigha ize, ezi e Israelia e nin gumazamizibara. Ni en arazir kuraba gin amadagh. Gumazir kam osimtiziba puvatizi, me purama a misoghezi an areme. Eghí ni an ovever kamin osimtizim ategħti an en tongin ikian markiam.’ Eghí kamaghira God gumazir kamin ghuziġġin osimtizim, agivagħam. ⁹ Kamaghin, ia uarir tongin osimtizir kam batogh, egh Ikiavira Itir Godin damazimin arazir aghuiġi damighti, a suam, Gumazir kamin ovevemin osimtizim, a ian itir puvati.”

Israelia midorozimin aven inizir amiziba

¹⁰ Egha Moses ua kamaghin migia ghaze, “Ia apanibav sogħsi mangi, Ikiavira Itir God, ian God, ian akurajtia ia midorozimin uan apaniba abinigh, men tarazi isi ia uan ingangaribar amusi, kalabużiabar min ingangaril gumazamizir kinibar me atiġħi. ¹¹ Eghí ian tav men tongin amizir dirir aghħuitamin ganigh an ikisi nighnigham. ¹²⁻¹³ Egh ni amizim inigh uan dipenimin mangi. Egh anetegħti, a uan afeziam ko amebam bagħ ażi mangi bar uan dapanir ariziba apirigh, uan dafarib puzibar ghoreġi, egh kalabużiamin min ingangaril amizir kinimmin itir dugħi minn aghħuiżi korotiaba suegħi, iakinir vamira niñ dipenimin ikiva ażi. Eghí ni gin an iki. ¹⁴ Ni a inigh izegħi a ko daku ġiġi għiġi, egh datirighin ni kamaghin a ginighnien kogħam, a pura nan ingangaril amizir kinim. Egh ni anemadagħti gumazitam a givezan kogħam. Ni an aghuagh, egh

aghumsizir ekiam a daningam. Kamaghin, ni puram anemadagħti a firighiġi mangi.”

Afeziam aremegħti otarir ivariam biziba iniam

¹⁵ Egha Moses ua kamaghin migei “Gumazitam amuir pumuningin iki, tam bar a gifuegħ, iħarazim aghuagh. Eghí amuir a bar ifongeżżejj puvatizim faragh a bagħ otarir ivariam bategħti, gin amuir iħarazim uaghan otarim bategħam. ¹⁶ Eghí gin gumazir kam uan biziba tuiragh boribar aningsi nighnigh, biziba isi amuir a bar ifongeżżejj minn otarir ivariam angorogħan marki. Bar markiam. ¹⁷ Otarir ivariabha zurara biziba isi mogħin, afeziam uan biziba abigh 3plan pozibav kinigh, egh pozir pumuning isi guizin otarir ivariam daningiġi. Guizbangira, otarir ivariar kamin amebam, an pam deragħha a gifongeżżejj puvati, eżi otarir kam, kar gumazir kamin faraghaviram otozir otarim. Kamaghin, an otarir ivariam minn afeziamin biziba iniam.”

Borir akam batogħeziba

¹⁸ Egha Moses ua kamaghin migei, “Gumazitam otarir tam ikiti, otarir kam zurara akaba batogh amebam ko afeziamin akaba baragh dar gin mangan kogħti, me iveauz kuram a daningi, a uaghan aning bareghan kogħam. ¹⁹ Eghí an amebam ko afeziam a inigh uan nguibar ekiamin gumazir dapaniba bagħ mangi, me a isi kot datiġ. ²⁰ Egh an amebam ko afeziam gumazir dapanibav kim suam, ‘Gan otarim akaba batogħha gan akaba barazir puvati. A zurara puvira apava, wainiñ dipaba apa on-ganighav arui.’ ²¹ Eghí datirighin nguibar ekiamin gumaziba dagħiaba isiva a ginivira ikiti an aremegħi. Ia kamaghin damu, arazir kurar kam batuegħi, a ian tongin ikian kogħam. Eghí Israeliyan gumazamizibar bixi kamin ganigħi egh atiatiġam.”

Akar Gavgavir maba

²² Egha Moses ua kamagh migei, “Gumazitam arazir bar kuram damuti, bizir kam bagħ me a misuegħti an aremegħ, eghí me an kuam isi tememin aneguragħam, ²³ eghí me an kuam ategħti, a guragh iki mangi aminim dutugħan marki. Gumazir ter iħluv imin duiba God ghaze, me gumazir kuruba. Ia gumazir kuam an aremezir aru emram a inigh mangi możim datiġ. Puvatighti, nguazir Ikiavira Itir God, ian God ia ganid kam an damazimin bar mizeħġam.”

22

¹ “Egh ia uan namakamin bulmakaun o sipsipin ganti a divażiż ategħi azenan pura

tintinibar daruti, ia anetegehti a kamaghira daruan kogham. Puvati. Ia uam a inigh namakar kam bagh mangi.² Egheti bulmakau o sipsipin ghuavimin dipenim bar saghon ikiti, o ia foghan kogham, kar tinan bulmakau ko sipsip, egheti ia a inigh uan dipenimin mangi. Egheti gin, bulmakaun o sipsipin kamin ghuavim a buri iziti, ia a danningih.³ Egh ia uan namakamin donki, o an nir avizim, o an bizir igharazibar apigh, arazir kamra damuva, an akurvagham.

⁴ “Egheti ian namakamin donki, o bulmakaun tam tuavimin irighiv ikiti, ia anetegehti a kamaghira ikian marki. Puvati. Ia uan namakamin akuragh uam a feghti a tugh.

⁵ “Egheti amiziba, gumazibar korotiabar aghuan marki. Egheti gumaziba, amizibar korotiabar aghuan marki. Ikiavira Itir God, ian God, gumazamizir arazir kabagh amiba, me gifongezir puvati. Bar puvati.

⁶ “Egheti ia kuarazir mikonitamin ganti a tememin ikiom, o nguazimin ikiom, egheti kuarazir amebam aroriabagh isin ikiom, o nguzuba ko ikiti, ia kuarazir amebar kam inian marki.⁷ Ia uari bagh kuarazir nguzuba iniva, kuarazir amebam ategehti a mangi. Ia kamaghin damuva dughiar ruarinmin nguazir kamin ikiti Ikiavira Itir God, bizir aghuir aviriba ia danningam.

⁸ “Egh ia dipenir igiamin ingar, egh dipenimin pin itir avughsamin danganimin miriabar, birir oteviba asegh. Egheti gin gumazitam an iki nguazim girigh aremeghan kogham, kamaghin ia osimtiziba puvatigham.

⁹ “Ia wainin azenimin aven dagher igharazitaba oparan marki. Ia kamaghin damigh, wainin ikarizibar oviziba ko dagher igharaziba sara dar aman marki. Ia bar ada inigh Ikiavira Itir Godin Dipenimin mangi, a danningih.

¹⁰ “Ia uan azenimin ingarsi, ia bulmakaau ko donki virara uaning gikeghti, aning nguazim abizir ainin otevim kurvaghan marki.

¹¹ “Marazi tretin sipsipin arizibar righiziba ko tretin bizir igharazir aghuibar righiziba, virara da isa iniba nuavigha korotiaba isami, ezi ia korotiar kabar aghuan marki.

¹² “Ia tretin dueviar digirir aghuiba itiba inigh korotiar ruarinmin 4plan mkebabar puegh ada isamigh.”

Gumazamiziba Godin damazimin zuezir arazibar amu

¹³ Egha Moses ua kamaghin migei, “Gumazitam amuimin ikiiva, a ko dakuigh, egh

gin an aghuagh,¹⁴ egh gin ifar puram akaba a gasi akirim ragh a gasaraghgam. Egh kamagh mikimam, ‘Ki amizir kamin iki, egha fo, a faragha gumazir igharazim koma akui.’

¹⁵ “Gumazir kam kamaghin damighti, guivir kamin amebam ko afeziam inir a gumazim koma avaragha akuizim inigh nguibar ekiamin tiar akamin mangi, gumazir dapanibar akagh. Egheti me uari inir kamin ganigh fogham, a faragha gumazitam koma akuizir puvati.¹⁶ Egheti amizimin afeziam kamaghin gumazir dapanibav kim, ‘Ki uan guivim isa gumazir kam ganingizi an an iti. Egha datirighin akar ifavaribar a gamuava an aghua.¹⁷ Egha gumazir kam a gifara a migia ghaze, ‘Amizir ki itir kam ki kamaghin a gifo, a faragha gumazir igharazir mam koma akuava arazir mizirizibagh ami.’ Ezi ia inir avagha akuir kamin ganti, a ian akagh suam, nan guivim gumazitam ko akuiz, o puvati.’ Egha a inir kam gumazir dapanibar damazimin nguazimin a ghuara.¹⁸ Egheti gumazir dapaniba amizir kamin pam inigh iveauz kurramin min benir gavgavimin a ifozorogh.¹⁹ Gumazir kam, Israeliyan amizir ijar aghuir mam aghumsizim a ganingi. Kamaghin, gumazir kam 1,000 kina isiva guivir kamin afeziam danningih. Egheti amizir kam gumazir kamin amuimra iki mangi aremegham. Egheti gumazir kam uam a batoghan marki. Bar marki.

²⁰ “Egheti inir avagha akuir guivimin afeziam akazir kam, guizbangira an arazir aghuir an amizimin gun mikiman koghti,²¹ egheti nguibamin gumazir dapaniba amizim inigh an afeziamin dipenimin tiar akamin azenan mangiti, an nguibamin gumazibara dagiabar a giniv mangiti an aremegh. A bar aghumsizir arazir kuram en gumazamizibar tongin a gami. A poroghamgamizir puvatizir dughiamin uan afeziamin dipenimin ikiia tintinibar gumazir maba koma akua arazir kuram gami. Ia kamaghin damu egh ia arazir kurar kam agivagham.

²² “Egh ia ganti, gumazim, gumazir igharazimin amuim ko dakuighti, ia viraram aning misueghti aning aremegh. Ia kamaghin damu egh Israeliyan tongin arazir kurar kam agivagham.

²³ “Egh ia ganti, gumazitam amizir me gumazir igharazimin ikiisa a bagh inabazim, nguibar ekiamin aven a batogh a ko arazir kuram damighti,²⁴ ia aning inigh nguibamin azenan mangi, dagiabar aning ginivichti aning aremegh. Amizim nguibar ekiamin aven ikiua, uabin akurvaghaha deir puvati, kamaghin a uaghan aremegham.

Gumazir kam amizir me pamin ikiasi misevezim ko arazir aghumsizibagh ami. Kamaghin an aremegham. Ia kamaghin damu egh ian tongin itir arazir kurar kam agivagham.

²⁵ “Egħi amizir me pamin ikiasi in-abazim, a nguibamin borogħin ikian kogħi, gumazitam an suiragh arazir kurabar a damighti, me gumazir kamra misuegħti an aremegħ. ²⁶ Arazir kurar kam, a gumazim gumazir iħarazim misogħezi, an aremezir arazim ko magħ għu. Amizim uabi, ovevem iniāmin arazir kuratam gamizir puvati. Kamaghin amizi, ia bizitam amizim damuan marki. ²⁷ Gumazir kam nguibamin azenan arazir kuramin amizir kam gami. Ezi amizim uabin akurvaghha deima, akurvaghha gumazamizitaba ikezir puvati.

²⁸ “Egħi ia ganti gumazitam amizir iġiar me patamin ikiāsa inabazir puvatizitam suiragh a ko daku ħi,²⁹ an amizir kamin afeziam 500 kinan a givezeħ, egh amizim ikiām. Gumazir kam, amizir kamin suiragħha arazir kuram a koma a gami. Kamaghin, gumazim amizir kam a batuegħan kogħam. Amizir kam an iki mangi, an aremegħamin dugħiäm tugham.

³⁰ “Egħi gumazim uan afeziamin amuimin ikian kogh, a ko daku arazir kuramin a damuan marki. A kamaghin damu, aghumsizir ekiam isi uan afeziam daningam.”

23

Gumazamizir taba, Godin gumazamiz- ibar tongin iķian kogħam

¹ Egha Moses ua kamaghin migei, “Gumazitam, me an mikarżi mogomem amisararigham, o bar anetugħti, a Ikiavira Itir Godin gumazamizibar tongin iķian kogħam.

² “Egħi gumazitam, amizim ko uaningin itir puvatigħa, a koma akua borim a ganingi, egħi amizim otegħi minn borir kam, a Ikiavira Itir Godin gumazamizibar tongin iķian kogħam. Egħi an ovavir borir gin otivamiba me uaghan zurara Ikiavira Itir Godin gumazamizibar tongin iķian kogħam.

³ “Egħi Amonia ko, Moapia ko, men ovavir borir gin otivamiba, me Ikiavira Itir Godin gumazamizibar aven iķian kogħam.

⁴ Bizix kamin mingarim kamakin. E Isip ataghixarid dugħiäm, me dagħettaba ko dipataha inigha iza en akurazir puvati. Me Balam givese, egħi ta God ko mikimti, an e gasiġħas iġħam. Balam a Beorin otarim, egha Aramin nguazim minn itir nguibar ekiam

Petorin gumazim. ⁵ Ezi Ikiavira Itir God, ian God, Balamin akam baraghixi puvati. Ikiavira Itir God, bar ia gifonge. Kamaghin amizi, a ian akurvaghha an akar kurar an e gamizir kam girazi, a ghua akar aghuimin oto. ⁶ Kamaghin, ia zurara gumazamizir kaba deragh iki biziba bar aviraseħegħi, ia men akurvaghan marki. ⁷ Egħi Idiomia ko Isipia, ia ko iki, ia pazi me ginighnighan marki. Guizbangira, Idiomia ian ikizbar min iti. Ia fomira, gumazamizir pura guighav itibar min Isipin kantrin ike, kamaghin amizi, ia men aghuaghha marki. ⁸ Egħi men gin otivamin azżeż, merara Ikiavira Itir Godin gumazamizibar tongin iķiamin tuavim iti.”

Midorozir gumaziba itir danganim, Godin damazimin zuegh iki

⁹ Egha Moses ua kamaghin migei, “Ia midorozim bagħi mangamin dugħiäm, ian midorozir gumaziba arazir kuraba, Ikiavira Itir Godin damazimin me itir danganim dar amuan marki. ¹⁰ Egħi gumazitam dimang daku mangi irebamin ganti, dipam an mikarżi mogomem in otogħti, a danganir me itim ategħ, azenan mangiġ iki. ¹¹ Egh guaratizim a mangi deragh ruegh, egħi aruem magirighti, a ua danganir me itim aven izi.

¹² “Egħi midorozir gumaziba misiġħ daviamin danganim, danganir me itim azenan iki. ¹³ Egh midorozir gumaziba davisi azenan mangi uari bagħi toribagh kusi itaziba inigh da sara mangi. Egh me torim għiku ħi, egh davigh għivagh ua torim apemegħ. ¹⁴ Ikiavira Itir God, ian God, zurara ia ko ia itir danganim iki, egh ian akurvagħi tħalli uan apaniba abinam. Kamaghin, ia itir danganim Godin damazimin zurara zuegh iki. Ia Godin damazimin bizitam damighti a Godin damazimin mizegħti, Ikiavira Itir God akirrim ragħi ta gasaragħam.”

Arazir iħarazir mabu

¹⁵ Egha Moses ua kamaghin migei, “In-għandar gumazir kinitam pura uan gumazir dapanim ari mangi, iżi uabin akurvagħi ian azangsigham, egħi ia uam an gumazir dapanim bagħi anemangan marki. ¹⁶ Egh a mangi ian nguibatam iki isifuegħ, a mangi. Ia pażiwa a damuan marki.

¹⁷ “Israelian gumazamiziba, ia asebar zi-aba fer dipenibar aven, tuavim minn amiziba ko tuavim minn otivigh asebar ziem famin arazim gin mangi, dagħiaba bagħi tintinibar gumaziba ko amiziba ko

dakuan marki.* ¹⁸ Ia uaghan, tuavir amizim o tuavir gumazimin arazir kam damighiva arazir kamin dagiaba inigh, egh gin dagiar kaba isi uan akar dikirizir Ikiavira Itir God ko amizim, anekrsi izi, Ikiavira Itir God, ian God, an Dipenimin aven mangan marki. Bar guizbangira, Ikiavira Itir God, ian God arazir kam ko an dagiaba, sara bar dar aghua.

¹⁹ “Eghti ia uan namakam ateghti a ian dagiaba pura da inigh, egh mikim suam, a gin ua da ikarvaghram. Eghti ia dagiatam uam a gisim ua datigh inian marki. Eghti me nin dagheba o bizir igharazitaba pura da inigh, uam da ikarvaghs i mikkimti, ia dagh isin bizituba ua da inisi men azangsighan marki. ²⁰ Ia ikizir igharaziba ateghti, me pura ian biziba inigham, eghti ia dagh isin dagiataba ua da ini. Eghti ian namakaba, ia me da dagiaba inian marki. Ia arazir aghuir kamin gin mangiti, Ikiavira Itir God, en God, nguazir ia datirighin mangi dapiamin kamin aven, ian bizir ia damuamiba bar, a bizir aghuibar ia damuam.

²¹ “Eghti ia akar dikirizitam Ikiavira Itir God, en God, ko a damigh, egh ia zuamira a damighti an otogh. Eghti Ikiavira Itir God, ian dikirizir akar kam gin amadaghian kogham. Ia akar dikirizir kam damighti, a zuamiram otoghan koghti, ia Godin damazimin osimtzim iti. ²² Ia Ikiavira Itir God ko akar dikirizim damighan kogh, egh ia osimtzibza puvatigham. ²³ Egh ia uari uan ifongiabar gin mangi Ikiavira Itir God, ian God bagh akar dikirizim damigh, egh guizbangira an gin mangi.

²⁴ “Egh ia mangi uan namakamin wainin azenimin aven mangi, egh ia uan ifongiabar an azenimin wainin ovizibar ami, egh ia uari bagh da isi akirabar aghuugh da inigh mangan marki. ²⁵ Egh ia mangi namakamin witin azenimin aven mangi, egh dafaribar witin ovizibahg eku ada ini dar ami. Egh ia wit aghorir sabamin dar ghoran marki.”

24

Gumazim amuim batuegh, amuir igiam iniamin arazim

¹ Egha Moses ua kamaghin migia ghaze, “Gumazitam amizitamin iki, egh gin an arazir a ifongezir puvatizimin ganigh, an amiraghiva, egh amuir ikizim agivamin akinafarim osirigh, amizir kam danigh anemadaghti a mangi. ² Eghti amizir kam

mang gumazir igharazimin ikiti, ³ gumazir kam uaghan an aghuaghiva, uaghan amuir ikizim agivamin akinafarim osirigh a danigh anemadaghti a mangi. O an par namba 2 ti areme, ⁴ eghti an par faragha an ikezim uam an ikanian marki. A kamaghin fogh, amizir kam an damazimin mizezi, an an ikanian kogham. Ikiavira Itir God, arazir kam bar an aghua. Ia nguzair Ikiavira Itir God, ian God ia ganidir kamin mangigh, egh arazir kurar kam damuan marki.”

Arazir maba

⁵ Egha Moses ua kamaghin migei, “Gumazim amizim inigha igiamra an ikitima, me midorozir gumazibar ingangarim o gavmanin ingangarib ekiaba bagh anemangan marki. An azenir vamiran amuimin ko pura nguibamin iki, egh uan amuimin navim damuti, a deragh.

⁶ “Ia gumazir igharazim amamangatighti a pura ia da bizim inighti, ia an bizitam suiraghti a ian dafarimin ikiti, a fogh, bizir a ia da inizim a uam a ikarvaghram. Egh ia an witin oviziba mirmirir dagiam inian marki. Ia an ingangaribagh amir bizar kaba inighti, a ua bagh daghebar amuun kogham.

⁷ “Eghti gumazitam mangi uan Israelian tav okemegh a damighti, a puram an ingangarib gumazir kinimin ikiam, o anemadaghti gumazir igharazim a givezegehti, an an ingangarib gumazir kinimin ikiti, ia gumazir kamaghin amizim misueghti an aremegh. Ia kamaghin damigh, arazir kurar kam ia uan tongin anegivaghram.

⁸ “Eghti duar kurar muziarir aviriba pura ian mikarzibar otivti, ia deraghvira Lvain anabamin ofa gamir gumaziba ia mikimamin biziba bar adar amigh. Egh akar gavgavir ki me ganingiziba, ia bar dar gin mangi. ⁹ Ia Isip ategha azenan izir dughiamin Ikiavira Itir God, ian God, Miriam gamizir bizim ginighnigh.

¹⁰ “Ia namakamin amamangatighti a pura ia da dagiaba inigh, a uan korotiam dagiar kaba uam a da ikarvaghram ababanimin min anetigh, eghti ia puram an dipenimin aven mangi, an korotiar kam inian marki. ¹¹ Ia an dipenimin azenan mizuam iki, eghti gumazir kam ubi, dipenimin aven korotiar kam inigh azenan izam. ¹² Egh gumazim onganarazibar amu iki, uan ikarvazir ababanim bagh, uan inir ekiam ia danighthi, ia inir kamin suiragh anevan marki. ¹³ Aruem ghuaghbir dughiamra, ia an inim inigh izi uam a daningigh, eghti a dimangan dakusi

* ^{23:17:} Dipenir Kenania uan asebar ziaba febar aven, gumazimiziba dar ghua tuavir gumaziba ko tuavir amizir aseba fer dipenir kabar ingariba isa me koma akui. Men nighnizir gavgavim kamakin, me arazir kam damu asebar ziaba fiti, aseba men azenibar amuti da dagher aviriba iki, egh uaghan men asizibar amuti, da nguzir aviriba batam. ^{23:19:} Ua Me In 22:25; Ofa Gami 25:36-37; Godin Araziba 15:7-11 ^{23:21:} Diboboniba 30:1-16; Matyu 5:33 ^{24:1:} Matyu 5:31; 19:7; Mak 10:4 ^{24:7:} Ua Me In 21:16 ^{24:8:} Ofa Gami 13:1-14:54 ^{24:9:} Diboboniba 12:10 ^{24:10:} Ua Me In 22:26-27

uan mikarzim avam. Eghti gumazir kam ia minabaghti, Ikiavira Itir God, ian God, ian arazibagh ifuegham.

¹⁴ “Eghti ian ingangarir gumazim, kar ian anavira o ikizir igharazimin gumazir ian nguibaminaven itim, an onganarazibar amuti, ia paziva a damuan marki. ¹⁵ Ia garantizibar zurara gumazir kam amir ingangariba bagh an iveau a daning. A dagiaba otevegha da bagha gara pura iti. Ia dagiaba a danigan koghti, a ian gun Ikiavira Itir Godin mikimiva arangti, ia Godin damazimin osimtizim ikiam.

¹⁶ “Gumazitam borim arazir kuratam damighti, ia an arazir kuram ikarvaghsi, an amebam ko afeziem misueghti, aning aremeghan marki. Eghti kamaghira, amebam ko afeziem arazir kuratam damighti, ia aningin arazir kuram ikarvaghsi, aningin boribagh sueghti me aramighiran kogham, Gumazim arazir kuram damighti, ia anarira misueghti, an aremegh.

¹⁷ “Ia ikizir igharazibar gumazamiziba, ko borir amebaba ko afeziabi ariaghireziba, pazi me damuva, men bizibagh eku da inian marki. Eghti amizir pam ovengezim, pura ia da dagiatam inighti, ia dagiar kaba uam ada ikarvaghsi ababanim damu an korotiam inian marki. ¹⁸ Ia bizar kam ginighnigh, ia Isipin ingangarir gumazamizir kinibar itima, Ikiavira Itir God, ian God, ua ia inigha ia gamizi ia firiaghiregha azenan ize. Ia fomira bar pazavira ike, kamaghin, ki Akar Gavgavir kiam ia ganidi.

¹⁹⁻²¹ “Ia azenibar mangi witba aghoregh dar ikiziba inigh, witin ikizir taba ategh, ua mangi ada inian marki. Egh ia mangi olivin temebar oviziba ko wainin ikarizibar oviziba faragh da akuvagh, egh gin ua mangi ovizir ikiavira itiba uam ada inian marki. Ia witin oviziba ko oliv ko wainin oviziba ateghti da iki. Eghti ikizir igharazibar gumazamiziba ko borir ameboghfeziabi ariaghireziba, ko amizir paba ariaghireziba, me da iniam. Eghti Ikiavira Itir God, ian God, ian akurvaghti, bizar ia amiba bar deraghviram otivam. ²² Ia bizar kam ginighnigh, ia fomira Isipin ingangarir gumazamizir kinibar ike. Kamaghin amizi, ki Akar Gavgavir kaba ia ganidi.”

25

¹ “Dughiar tabar Israelin gumazitamning adarim uaningin ikiti, jas aning tuisigh fogh suam, aningen mav osimtizim iti, ezi mav puvati. ² Eghti jas mikim suam, me gumazir arazir kuramin osimtizim itir kam

ifozoreghti, jas a isi dakozimin anetighti me jasin damazimin a misogh mangi an amizir arazir kuramin dibobonimin tugham. ³ Me 40plan dibobonimin apengara a ifozoregham. Me ifozorozir bar aviribar a damut, a gumazamizibar damazimin aghumsizim inigham.

⁴ “Bulmakau raizin iniba tuir dughiamin, ia an akam ikeghiva damisi an anogoroghan marki.”

Gumazir ovengezimin amuiroghboribar ganamin Araziba

⁵ Egha Moses ua kamaghin migei, “Aveghbuar pumuning uaning inigh nguazir otevir mamin ikiti, aningin tav otariba puvatigh aremeghti, an amuim igharaz darazir tavin ikian marki. Puvati. Ovengezir gumazimin aveghbuu an amuir odiarimin ikiva a bagh boriba iniam.

⁶ Eghti amizim otarir ivariam bateghti me a mikim suam, kar an aveghbuar aremezimin otarim. Eghti an ziam Israeliang tongin kuvaremehan kogham. ⁷ Eghti ovengezir gumazimin aveghbuu amizir kamin ikian aghuaghti, amizim kotin danganimin mangi, nguibamin gumazir dapanibar gan, kamaghin me mikim, ‘Nan ivozim Godin Araziba e mikemezi moghin, a nan ikian aghua. A nan iki uan aveghbuu bagh boritam inighti, kamaghin an ziam Israeliang tongin kuvaremehan kogham. Ezzi a nan ikian aghua.’ ⁸ Eghti nguibamin gumazir dapaniba gumazir kamin diaghti a izitima me pamtemin a mikim. Eghti a nan ikian aghuaghti, ⁹ aveghbuu amuir odiarim mangi gumazir dapanibar damazimin otogh, uan par ivozimin dagarir asuatum suegh, an guam giparig suam, ‘Gumazim uan aveghbuu amikurraghi, an ziam iki mangivira ikian an aghuaghti, e arazir kamin a damuam.’ ¹⁰ Eghti ia Israelia gumazir kamin adarazi ziar kam me darigh, ‘Gumazir me dagarir asuam suezimin adarasi.’”

Arazir igharazir pumuning

¹¹ Egha Moses ua kamaghin migei, “Eghti gumazitamning uaning misogh mangiti, tavin amuim dikavigh uan pamin akuragh igharaztavin mikarzir mogomem gekuughtima, ¹² ia amizimin apangkuvan marki. Ia an dafarim atugh a makunigh.

¹³⁻¹⁴ “Gumazamiziba uan bizibagh ivesi, ia bagh iziti, ia dar osimtizim abiragh ifar dar dibobonim otevegh me daningan marki. ¹⁵ Ia deragh dar osimtizibara ganiva, guizin dar diboboniba me daning. Egh ia kamaghin damuva, Ikiavira Itir God, ian

God ia ganidir nguazim dughiar ruarimin an ikiam. ¹⁶ Ikiavira Itir God, ian God guazir kamaghin ifavaribagh amiba, a men aghua.”

Israelia bar Amalekia misuehti me aramighiregh

¹⁷ Egha Moses ua kamaghin migei, “Ia Isip ategha izir dughiamin, Amalekia arazir kuram ia gamizir bizar kam ginighnigh. ¹⁸ Dughiar kamin ia avighagheghe gavgaviba ian givazi ia aghumra izi. Ezi Amalekia Godin atiatir puvatigha, ian gin iza ian girakirangin aghumra izi daraziv sozi me ariaghire. ¹⁹ Kamaghin, Ikiavira Itir God, ian God kantrin kam ia daningigh, egh deragh ia avinighti, apanir roghira itiba ia gasighasighan kogham. Eghiti ia bar Amalekia misuegh me kuvaramegkhi, gumazamiziba ua me ginighnighan kogham. Ia bizar kam, bakinighnighan marki.”

26

Azenibar faragha asir daghebar ofaba

¹ Egha Moses ua kamaghin migei, “Ia mangi nguazir Ikiavira Itir God, ian God, ia ganidim dapiagh givagh, ² egh ia nguazir kamin azenir dagher ia faragh asiamba, da isi akirabar aghuigh da inigh danganir Ikiavira Itir God, ian God uan ziam fisi misivamin kamin mangi. ³ Egh mangi dughiar kamin ofa damuamin ofa gamir guazim batogh a mikim suam, ‘Ki datirighin kamaghin fo, Ikiavira Itir God, nin God, uan akar dikirizim gamizi a guizbangiram oto. Egha na inigha nguazir e daningasa a en inazir afeziabav kemezir kamin aven ize.’

⁴ “Eghiti ofa gamir gumazim ia dam akirabar suiragh, da isi Ikiavira Itir God, nin Godin, ofa gamir dakozimin boroghin dar afegh. ⁵ Eghiti ia Ikiavira Itir God, ian Godin, damazimin ni kamaghin mikim, ‘Nan inazir afeziam an Aramian gumazir mam. A uan nguibam ategha tintinibar arua ghua, egha gin uan adarazi inigha ghua Isipin kantrin apia. Me avirasemezir puvatigha ghua Isipin apia, egha gin me bar avirasemegha bar gavgafi. ⁶ Ezi Isipia en apangkuvir puvatigha bar pazavira e gamua, e gamizi e men ingangarir gumazir kinibar min ikia bar puvira ingari. ⁷ Kamaghin amizi, e Ikiavira Itir God, en inazir afeziabav God, e uarir akurvaghosa an diava arai. Ezi a en ararem baregha uaghan en mizaziba ko ingangarir ekiar e amiba ko dughiar kurar e isir kam uaghan an gani. ⁸ Egha Ikiavira Itir God, guizbangira uan gavgavir ekiamin arazarazir gavgavir aviribagh amua mirakelin igharaghha garibagh amua, egha bizar kurar igharazibagh amima da

me bativizi me bar an atiatingi. Kamaghira a ua Isipin kantrin e inigha azenan ize.

⁹ Egha en akua iza nguazir aghuir kam e ganingi. Nguazir kam a bar derazi, dagheba an ikia bar deraghaviram aghui. ¹⁰ O Ikiavira Itir God, ni ubi na ganingizir nguazir kamin, ki datirighin dagher faragha otiviziba asigha da inigha izi.’ Ia mikemegh givagh, egh datirighin akirar kam isi Ikiavira Itir God, nin Godin damazimin ofa gamir dakozimin anefagh, egh tevimming apirigh an ziam fi.

¹¹ “Ikiavira Itir God, nin God, ni ko nin amuiroghboribagh aningizir bizar aghuiba, ni da bagh bar akongegh. Eghiti Livaiba ko ikizir igharazibar gumazamizir ian tongin itiba, ia ko uari akuvagh uaghan bar akongegh Ikiavira Itir God minabi.

¹² “Egh dughiabar zurara namba 3in azenibar, nin azenibar otivir dagheba, ni da abigh, 10plan pozibav kinigh. Egh pozir vamira isi Livaiba, ko ikizir igharazibar gumazamizir ian tongin itiba, ko borir afeziaba ovengenziba, ko amizir paba ovengenziba, ni me daningigh. Ni kamaghin damighti, nin nguibamin itir gumazamizir kaba, dagheba izivagham. ¹³ Eghiti ni Ikiavira Itir God, nin Godin damazimin kamaghin mikim suam, ‘Bizar ni ifongeziba, ki da tuiraghha givazi, nin bizitam ua nan dipenimin itir puvati. Ki Livaiba, ko ikizir igharazibar gumazamizir ian tongin itiba, ko borir afeziaba ovengenziba, ko amizir paba ovengenziba, ki dagheba bar me ganingi. Ki Akar Gavgaviba bar dar gin ghua, ni na mikezir moghira, ki nin Akar Gavgavitam gin amadazir pu. Bar puvati. ¹⁴ Gumazimat aremezi ki a bagh azia uan azirakan kam akakaghia nin dagher 10plan pozir kabar tam inigha anemezir puvati. Egha dughiar ki nin damazimin mizezimin, ki nin dipenimin itir dagher katam inigha azenan ghuzir puvati. Egha ki nin dagher kataha inigha gumazir ovengenzibar aseba bagha isatam gamizir puvati. O Ikiavira Itir God, nan God, ki nin Akar Gavgaviba bar dar gin ghua, ni dagher kabar amuasa mikemezi moghin, ki bar dagh ami. ¹⁵ Ni uan nguibar aghuimin piin iki vin kagh Israelia en ganiya, deraghviram e damu. Egh uaghan nguazir bar aghuir kam, dagheba an ikia bar deraghaviram aghui. Ni deraviram a damu. Nguazir kam, ni fomira e daningasa en inazir afeziabav keme.’”

Israelia guizbangira bar Godin gumazamiziba

¹⁶ Egha Moses ua kamaghin migei, “Datirighin Ikiavira Itir God, ian God,

kamaghin migei, ia an arazir a ifongeziba ko, bizir a damuasa ia mikemeziba bar dar gin mangi. Egh uan navir averiam ko duamin aven bar dar suiragh, mighighvira arazir kabagh nighnigh, bar dar gin mangi.¹⁷ Ia datirighin kamaghin mikeme, Ikiavira Itir God, a ian God. Egha ia akam akira ghaze, ia bar deraghvira an tuavimin mangam. Egh ia bar Godin Akar Gavgaviba ko arazir a ifongeziba ko bizir a damuasa ia mikemeziba, ia bar dar amuva, egh an akaba baragh.¹⁸ Ez, datirighin Ikiavira Itir God, akam akirigha ghaze, a ia inizi ia bar an gumazamizibara, ezi a ia mikemezi moghin bar ia gifonge. Egha uan Akar Gavgavibar gin mangasa ia mikeme.¹⁹ A ia damighti ia bar avirasemegh egh bar gavgavigh, egh nguazir kamin itir ikizir ighazarir a ingarizibagh afiragh. Eighti me ian arazir aghuim ganiva, egh bar akuegh ziar ekiam Ikiavira Itir God, ian God daningam. Eighti an akam akirizi moghin, ia an gumazamizibara ikiam.

Moses ghaze, Israelia iveau aghuium o kuram, arazir me amiba bagh a iniam

27

(Sapta 27-30)

*Me dagiabar Godin Akar Gavgaviba
osiram*

¹ Egha Moses ko Israelien gumazir dapaniba, kamaghin gumazamizibav gei, ‘Migirigar ki datirighin ia ganidir kaba ia bar adar gin mangi.² Ia Jordanin Fanem giregh vongin mangi nguazir Ikiavira Itir God, ian God, ia ganidir kamin mangi, egh aruer kamra dagiar ekia taba arigh arinir ghurghurim dar aghuigh da avaragh.³ Ia nguazir Ikiavira Itir God, ian God ia ganidir kamin otivigham, mati ian inazir afeziabaa God fomira nguazir kam ia daningasa me ko akam akirizi mokin. Kar nguazir bar aghuim, ezi dagheba an ikia bar deraghviram aghui. Ia an otivigh, Godin Arazir kabar migirigia bar da isi dagiar kabar da osirigh.⁴ Ia Jordanin Fanem girigh vongin otivigh, dagiar kaba Ebalin Mighsiamin da kuazigh, ki ia mikemezi moghin, arinir ghurghurim dagiar kabar aghuigh da avaragh.⁵ Egh ia dagiataba isi dar afeq, egh Ikiavira Itir God, ian God bagh ofa gamir dakozimin ingariva, gumazir ofa gamir dakozimin ingariba, ainin sobiam o ainin haman, dagiar kaba abigh da aghoran marki.⁶ Ia dagiar me

dighorezir puvatiziba inigh, Ikiavira Itir God, ian God bagh ofa gamir dakozimin ingarigh. Egh ia ofa gamir dakozir kamra, a bagh ofan bar isia mighiriba tu.⁷ Egh ia God, ko navir vamiran ikiamin ofabar amu, egh danganir kamin ofan kamin asizir tuzim ami, egh Ikiavira Itir God, ian Godin damazimin bar akongegh.⁸ Egh dagiar ia arinir ghurghurim aghuizir kabar, ia Godin Arazibar migirigia bar deraghviram ada osirigh.”

⁹ Egha Moses Livain anabamin ofa gamir gumazibar tuivighav ikia, kamaghin Israelia migei, “O Israelia! Ia aghumra iki deraghvira nan akam baragh. Ia datirighin Ikiavira Itir God, ian Godin gumazamizibar otivigha gifa.¹⁰ Kamaghin amizi, ia Ikiavira Itir God, ian Godin akaba baragh! Ia an Akar Gavgavir ki datirighin ia ganidiba ko arazir a ifongeziba, ia bar dar gin mangi.”

*God gumazamizir akaba batozibagh
asighasigham*

¹¹ Egha Moses ua Israelia migei,¹² “Ia Jordanin Fanem giregh vongin otivigh givagh, aruer kamra Ikiavira Itir God deragh ia damuamin akaba inisi, ian anabataba mangi, Gerisimin Mighsiamin tuifigh, kar Simeonin anabamin adarasi, ko Livain anabamin adarasi, ko Juda, ko Isakar, ko Josep ko Benjaminin anabamin adarasi.¹³ Eighti Ikiavira Itir God gumazir kurabagh asighasigham akaba inisi, ian anabar igharasibza mangi Ebalin Mighsiamin tuifigh, kar Rubenin anabamin adarasi, ko Gatin anabamin adarasi, ko Aser, Sebulun, Dan, ko Naphtalin anabamin adarasi.¹⁴ Eighti Livaiba pamten kamaghin Israelia mikim suam,¹⁵ ‘Gumazitam asetamin marvir guam dagiamin an ingari, o temetamin anekirigharn, o ainin an ingarigh modogh an ziam fiti, Ikiavira Itir God gumazir kam gasighasigham. Bizar kaba, kar gumaziba uari ingarizir biziba, ezi Ikiavira Itir God, gumazamiziba marvir guabar ziaba fan a bar aghua.’ Eighti gumazamiziba bar kamaghin akam ikaragh suam, ‘Bar guizbangira, God kamaghira damu.’

¹⁶ “‘Gumazim uan afeziam ko amebamin ziam gasighasichti, God uaghan a gasighasigham.’ Eighti gumazamiziba bar kamaghin akam ikaragh suam, ‘Bar guizbangira, God kamaghira damu.’

¹⁷ “‘Gumazim uan namakamin nguazir mitaghniam gisivaghti, God a gasighasigham.’ Eighti gumazamiziba bar kamaghin akam ikaragh suam, ‘Bar guizbangira, God kamaghira damu.’

18 “‘Gumazitam damazir okavirizim gi-faraghti a tuavir a zuim ateghti, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

19 “‘Gumazim ikizir igharazibar gumazamiziba, ko borir afeziaba ariaghireziba, ko amizir paba ariaghireziba pazi me damuti, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

20 “‘Gumazim uan afeziamin amuim ko dakuighti, God gumazir kam gasighasigham. Arazir kam afeziam damichti a bar aghumsigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

21 “‘Gumazitam poroghamiba uari ko akuir arazimin asizitam damichti, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

22 “‘Gumazim uan buaramizim ko dakuigham, kar ti an guizin buaramizim, o an afeziam ko amuir igharazim otezir guivim, o an amebam ko par igharazim otezir guivim. God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

23 “‘Gumazim uan asamir amebam ko dakuigham, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

24 “‘Gumazim modogh gumazir igharazim misueghti an aremegham, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

25 “‘Gumazitam gumazir igharazir osimtziba puvatizim misueghti an aremeghs ivezim inighti, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

26 “‘Gumazitam akinafarimin aven itir Araziba bar deravira dar gin mangan koghti, God gumazir kam gasighasigham.’ Eghzi gumazamiziba bar kamaghin akam ikaragh suam, ‘Bar guizbangira, God kamaghira damu.’

28

*Godin akamin gin zuir gumazamiziba, a deravira me damuum
(Ofa Gami 26:3-13; Godin Araziba 7:12-26)*

¹ Egha Moses ua kamaghin migei, “Ia Ikiavira Itir God, ian Godin akaba ia bar deraghavira da baregh, egh Akar Gavgavir ki datirighin ia ganidibar gin mangiti, God ziar ekiam ia daningiva ia damichti ia bar avirasemegh bar gavgavigh, nguazir kamin ikizir igharazibah afiraghram.² Ia Ikiavira Itir God, ian Godin akabar gin mangiti, a bizar aghuir kaba bar ia daningam.

³ “Egh God ian nguibaba ko ian azeniba bar deraghvira dar amuam.

⁴ “Egh God borir aviriba ia daningti, ian azeniba dagheba bar izivaghti, a bulmakauba ko sipsipin aviriba ia danigham.

⁵ “Egh God, ian dagheba aven itir akirar ekiaba ko bretin ingariritar ekiaba, deragh dar amuti, da bar izevegham.

⁶ “Egh God ia amir ingangaribar amuti da bar deraghviram otivam.

⁷ “Ikiavira Itir God, apanir ia misoghsizamiba, a ian damazimin me dikabinam. Me tuavir vamiran izeghiva ua tuavir aviribar tintinbar aregham.

⁸ “Ikiavira Itir God, ingangarir ia amibar amichti da deraghti, ian dagheba avirasemeghti, dar arighamin dipeniba bar izevegham. Eghzi Ikiavira Itir God, ian God, nguazir ia ganidir kamin aven, a deraghvira ia damuu.

⁹ “Ia deraghvira Ikiavira Itir God, ian God, ia mikemezi moghin an Akar Gavgavir bar gin mangiti, a ia ko akam akirizi moghin ia damichti ia an gumazamizibaram otivigham.

¹⁰ Eghzi nguazimin ikiziba bar ian gan fogham, Ikiavira Itir God uan ziam ia gatizi, ia an gumazamizibara, eghzi me ian atiatingam.

¹¹ Eghzi ia nguazir God ia daningasa ian inazir afeziaba ko akam akirizimin ikiti, Ikiavira Itir God, borir aviriba, ko bulmakaun aviriba ko azenibar dagher aviriba bar ia daningam.

¹² Amozim Ikiavira Itir Godin agharimin iti, ezi an an dughamra anemadaghti a izighiram. Eghzi a ian ingangaribar amuti da deraghviram otivam.

Eghzi ia ikizir igharaziba, men adarazir amamangatighti, me pura ia da biziba inigh gin ua da ikanvaghram.

Eghzi ia bizir bar aviriba ikiak, kamaghin amizi, ia igharaziba da pura biziba inian kogham.

¹³ Egh ia zurara deraghvira Ikiavira Itir God, ian Godin Akar Gavgavir ki datirighin ia ganidibar gin mangiti, Ikiavira

Itir God, ia damighti, ia ikizir igharazibar gumazamiziba gativagh men ganti, me ian apengen ikiam, mati ia men dapanimin ikiti, me ian puemin ikiam. Egh ia zurara bizir aviriba ikiva, bizitamin oteveghan kogham, mati ia ikizir igharaziba bar dar pin iti.¹⁴ Egh ia Akar Gavgavir ki datirighin migeir kaba dar gin mangi, egh tam abighan marki. Ia asebar ziaba fiva men ingangarim damuan marki. Bar marki.”

Gumazir Godin Akar Gavgaviba abiziba, a me gasighasigham

(Ofa Gami 26:14-46)

¹⁵ Egha Moses ua kamaghin migei, “Ia Ikiavira Itir God, ian Godin Akar Gavgavir ki datirighin ia ganidiba ko arazir a ifongeziba batuegh, deragh dar gin mangan koghti, bizir kurar kaba ia bativam:

¹⁶ “God ian nguibaba ko ian azenibagh asighasichti, da bar ikuvigham.

¹⁷ “God, ian dagheba aven itir akirar ekiaba ko bretin ingarir itarir ekiabar amuti, dar aven itir dagheba bar otevegham.

¹⁸ “God, pazi ia damuva, borir aviriba ia danighan kogham. Eghti ian azeniba bar ikuvighti, dagher aviriba ikian kogham. Eghti ian bulmakauba ko sipsipba otu avrasemegham kogham.

¹⁹ “God ia amir ingangariba bar dar amuti, tam bar deragh otoghan kogham.

²⁰ “Ia akirim ragh Ikiavira Itir God, gasaragh arazir kuram damuti, a dughiar bar kuram ia bagh anemadagh, egh bizir ia damuasava amiba, an adar amighti, da paziv otiv, ia damuti ia okam nighnigh bar osemegham. Egh ian arazir kuraba bangin, an osimtiziba ia daningti, ian apaniba bar ia gasighasigh bar zuamira ia agivagham. ²¹ Egh Ikiavira Itir God arimariar igharaghha garir aviriba ia bagh da amangichti, da izi ia damu mangiti, ia bar nguazir ia iniamin kamin iki bar arimighiregħi, ian tav ua ikian kogham. ²² Dughiar kamin, an arimariar igharagh garir kuraba ia bagh da amangiti, da ian mikarzibar otivam. Kar, mikarziba ber arimariam, ko mikarziba arugharughamin arimariar kuram. Eghti God aruem damuti a bar gavgavigham. Egh an aminir pupura fem amadagħi, a izi ian dagher azeniba dar amuti da bar misigh bar ikuvigham. Eghti bizir kurar kaba ian iki mangiti ia bar arighiregħam. ²³ Eghti Ikiavira Itir God amozimin anogoregħti a izan kogħti, ian nguazim bar misigh dagħiab min gavgavigham. ²⁴ Eghti Ikiavira Itir God, amozim otegħiġkieni tħallix iż-żgħix minn-niex, aminir dafam da isi ian nguazimin iziġi mangi, ia bar kuvaremegħam.

²⁵ “Eghti Ikiavira Itir God, ian apanibar amamangatighti, me ia dikabiragh. Ia me ko misogħsi tuavir vamiran mangiva, egh men ari tuavir aviribar tintinibar mangegham. Eghti nguazir kamin ikiziba bar dar gumazamiziba ian ganti, bizir kurar kaba ja bativtima, me digavir kuram damuam. ²⁶ Ia arighiregħti, kuaraziba ko asizixx atiaba iżi ian kuabar amiti, gumazir me damuti me atiating ari mangamiba puvatigham. ²⁷ Eghti Ikiavira Itir God, Isipia gamizi mogħin, okabar amuti, da ian mikarzibar otivam. Eghti a duar gavgavibar amuti, da tintinibar ian mikarzibar otivam. Eghti duar mużiżiar aviriba ian mikarzibagh izivagh puvira ia gizgħizietti, ia uarir aningivira ikiam. Eghti arimariar kaba akirighti, ia ua deragħamin tuaviba puvatigham. ²⁸ Eghti Ikiavira Itir God, ia damighti, ian tarazi bar organiġiet, tarazir damaziba okavighti, tarazi okam nighnigham. ²⁹ Egh ja aruer arizimmin gumazir damazir okavizim minn-punpunigh daru pura suighsuiġ tuavim buri egh tam batogħan kogham. Eghti bizir ia amiba tamin dagħetam deragh otogħan kogham, mati gumazim mitarmenin aven arui mokin. Eghti gumazir zurara ia abiniva ian bizibba okimam, eghti gumazir ian akurvagħamha puvatigham.

³⁰ “Egh ia gumazitam bagħ amizim ginabagħti, gumazir kam an ikegħan kogham. Puvati. Gumazir igharazim a gakagħon a geku ġi a ko dakuam. Ia dipenimin ingarigħi, egh an ikegħan kogħam. Ia wainiñ azenim oparigh, egh an ovizibar amegħan kogħam. ³¹ Apaniba ian damazibar ian bulmakaubav soġħiħarighti da iram, eghti ia dar tuzitam amegħan kogħam. Ia ganvira ikiti me ian donkibagh eku ġi mangi, uam a da inīgh iż-żan kogħam. Eghti ian apaniba ian sipsipba okimiti, gumazir ian akurvagħamha puvatigham. ³² Ia pura ganti, ikizir igharazibar gumaziba iżi ian otariba ko guviba inīgh mangam. Eghti ia zurara dugħiabar me uamategħi me bagħ tuavir akabar gan mangi ian damaziba puvira ia damuam. Egh ja ua boriba inīgh iż-żiżi bizitam damuva avegham. ³³ Egh ikizir igharazibar gumazamizir ia fożżi puvatiziba iżi dagħer ia pupvira ingarava opariziba iniam. Egh me zurara pazi ia damu, egh mizaziba ia daningam. ³⁴ Egh ja bixi kurar kabar ganiva, ian nighniziba deragħan kogħiha bar organiġħam. ³⁵ Eghti Ikiavira Itir God, okar kurar aviribar amuti da ian teviba ko suebar otivam, Guizbangira, okaba ian mikarziba bar dar anegħam. Eghti okar kaba akirighti ia ua deragħamin tuaviba puvatigham.

³⁶ “Eghti Ikiavira Itir God, ia ko atrivir ia

misevezim ko, bar ia isi kantrin ia ko ian inazir afeziaba fozir puvatizimin mangiti ia an ikiam. Ia kantrin kamin ikiva, men asebar ziaba fam, aser kabar marvir guaba, me temeba ko dagiabar da ingari.³⁷ Ikiavira Itir God, kantrin kamin ia amadaghti ia mangi an ikiam. Eghti kantrin kamin gumazamiziba, ian ganigh aguaghfagh kamaghin mikimam, manmaghiram amizir bizar kam ia bato. Egh me ia dipov ian ingariva akam.

³⁸ “Ia dagher ovizir aviriba oparam, eghti odeziba da agivti ia dar ovizir vabara iniam. ³⁹ Ia wainin azeniba oparigh, egh da deragh bisi dar kirva dar aghariba aghoregh, eghti apiziba dagh asighasichti, ia wainin oviziba inighan kogh, wainin dipam damigh anemeghan kogham. ⁴⁰ Eghti olivin temer avirim ian nguazimin otivigh bam. Eghti olivin oviziba tighar maghin anisi damu, puram asighiri nguazim giram. Kamaghin amizi, ia dar borem uarir aghuighan kogham. ⁴¹ Egh ia otariba ko guiviba ikiam, eghti me deraghvira ia ko ikeghan kogham. Apaniba izi me inigh uan kantribar mangeham. ⁴² Eghti odeziba ian temeba ko azenibar dagheba sara asighasigham.

⁴³ “Eghti ikizir igharazibar gumazamizir ian tongin itiba, me biziba bar avirasemegh bar gavgavigh ghuavanangvira ikiam. Eghti ia biziba puvatighti ian gavgavim magirighvira ikiam. ⁴⁴ Egh me dagiar aviriba ikiva ian amamangatighti, ia me da pura da inigh gin da ikarvaghram. Eghti ia dagiar aviriba puvatighti, me ia da biziba pura da inian kogham. Me ia gativagh ian ganti, ia men apengen ikiam, mati me ian dapanimin ikiti, ia men puemin ikiam.

⁴⁵ “Ia Ikiavira Itir God, ian Godin akaba bar deraghvira da baregh, Akar Gavgavir a ia ganingiziba ko, arazir a ifongeziba, ia dar gin mangan koghti, osimtzir kaba ko bizir asighasiziba, da ia bativira iki mangi bar moghira ia kuavaremegham. ⁴⁶ Bizir kurar kaba ia ko ian ovavir boriba sara ian tongin ikiti, igharaz darazi gan fogh suam, guizbangira kar God ian aningazi. ⁴⁷ Ikiavira Itir God, en God, bizir aghuir bar aviriba ia ganingi, ezi ia, an ingangarim damuasa navir aghuim ko agorogem ian navibr dikavir puvati. ⁴⁸ Kamaghin, Ikiavira Itir God, apaniba ameghti, me izi ia misogh ia inigh mangiti ia pura men ingangarir gumazir kinibar min ikiti, me ia abinti ia men ingangarim damuam. Egh mitiriaiba sara ikiva, dipaba bagh arimighiriva, kotoriaba, ko bizir igharaziba sara puvatigham. Eghti apaniba ia dikabin mangi bar ia agivaghram. ⁴⁹ Ikiavira Itir God, kantrin

bar saghuiamin itir mamin gumaziba inigh izam. Gumazamizir kaba migeir akam, ia a gifozir puvati. Me kuarazir bagabar min zuamira mighhegh ia bagh izighirigham. ⁵⁰ Egh ni gumazir aruam o borir dozim, ikizir kaba nin gan nin apangkuvighan kogham. ⁵¹ Egh me ian bulmakauba, sipsiba, azenibar dagheba, witba ko, wainin dipaba ko olivin boreba, me bar adar amegham. Eghti mitiriam puvira ian aghiti ia bar arighiregham. ⁵² Egh me Ikiavira Itir God, ian God, ia ganingizir nguazir kaba bar a dagh asighasigham. Eghti nguibaba avinizir divazir gavgavir ia dar aven mongasava amiba, ia nighnizir gavgavim dar iti, eghti me dagh asighasichti da bar iregham.

⁵³ “Apaniba izi nguibaba ekiarugh ia misogh ikiti, ia bar dagheba puvatighiva, uan borir Ikiavira Itir God, en God, ia ganingizibav sogh dar amam. ⁵⁴⁻⁵⁵ Apaniba nguibam bar anekiarughti, gumazir aghuir ziam ikia ian tongin itim, a bizir damamitam bar puvatigh egh, a uaghan uan borim misuegh anemam. A kamaghin nighnigham, a dagheba bar puvati, ezi ua tuaviba puvati. Egh a uan aveghbuuba, uan amuir aghuiba, ko borir igharazir ikiavira itiba, a me gitagh ramegham. A mitiriam bangin, borir tuzir nar tam me danighan kogham. ⁵⁶⁻⁵⁷ Apaniba nguibam bar anekiarughti, amizir aghuir ziaba ikia ian tongin dagiaba ikia dabirabir aghuibagh apiaghiri gumaziba me aneteraghbaruiba, me dughiar kamin, damamin dagheba bar puvatigham. Kamaghin, a uan borir otibav sogh, dar mitariba sara dar amam. Egh a uan par a bar ifongeziba ko, borir igharazir ikiavira itiba, me gitagh ramegham. A kamaghin nighnigham, a dagheba bar puvati, ezi ua tuaviba puvati. Kamaghin amizi, a modogh uan borir iririvim amegham.

⁵⁸ “Eghti ia Akinafarir kamin itir Akar Gavgavir osiriziba, deragha dar gin mangan kogh, deragh Ikiavira Itir God, en Godin ziam fan koghti, ⁵⁹ an arimariar igharagha garim amadaghti, a ia ko ian ovavir borir gin otivambira bativam. ⁶⁰ Egh a Isipin ia ganingizir arimariaba ua ia danighti ia ua deraghan kogham. ⁶¹ Egh an arimariar igharagha garir bar kuraba ia daningam. Arimariar kabar ziaba, Akar Gavgavim itir Akinafarimin itir puvati. Kamaghin, ia bar moghira gevegham. ⁶² Ia ghaze, ian dibobonim mikovezibar min pin ikia bar aviraseme, ezi puvatigham ian varazira ikiam. Guizbangira, ia Ikiavira Itir God en God, an akabar gin zuir puvati, kamaghin amizi, arazir kaba ia bativam. ⁶³ Ikiavira Itir God ia damutti ia oti bar avirasemegh bizir

aviriba ikiasi a ifonge. Kamaghira, Ikiavira Itir God datirighin, ia gasighasigh bar ia agivasa ifonge. Egh a nguazir ia datirighin mangi dapiamin kamin bar ia batuegham.

⁶⁴ “Egh Ikiavira Itir God, ia amangichti ia nguazir kamin tintinibar kantrin igharazibar mangegham. Ia kantrin kabar ikiva, men asebar ziaba fam, aser kabar marvir guaba, me temeba ko dagiabar dar ingari. Ia ko ian inazir afeziaba fomira aser kabar ziaba fer puvati. ⁶⁵ Ia kantrin kabar tongin iki ian dabirabim deraghan kogham. Egh ia uari nguibaba puvatigham. Eighti Ikiavira Itir God ia damutia puviram atiating, naviba osemegh, ovengsivira nighnigham. ⁶⁶ Ia dughiarbar zurara ovengsi damuam. Egh arueba ko dimagaribar ia ovevem ginighnigh atiating ikiam. ⁶⁷ Ia bibiza bar dar gan atiatim ian anangam. Egh dughiarbar avigh mizarazibar suam, ‘Aio! Mizarazim zuamira mangichti, Guaratzizim iziti, deragham.’ Egh guaratzizibar ia zurara avigh suam, ‘Aio! Guaratzizim zuamira mangichti, mizarazim iziti, deragham.’ ⁶⁸ Ikiavira Itir God, faragha ghaze, ia ua Isipin mangan kogham. Ezi puvati, a ia isi kurim datigh ua ia amadaghti ia Isipin mangam. Egh ia apaniba ateghti, me ia givezegehti, ia pura men ingangaribar amusi ifuegham. Ezi puvati, ia givezamin gumazibar puvatigham.”

29

God, Moapin nguazimin, Israelia ko Akar Dikirizir Gavgavim gami

¹ Kar Ikiavira Itir God Moses mikemezi, a Moapin nguibamin Israelia koma amizir Akar Dikirizir Gavgavim akaba. God, faragha Sainain Mighsiamin Akar Dikirizir Gavgavir me koma amizim, a ighara. Datirighin God akar maba sara isafuragh, me ganiga Akar Dikirizir Gavgavir kam gami.

² Moses Israeliyan diazi me iza uari akuvazi a kamaghin me migei, “Ia bar moghira, Ikiavira Itir God, Isipian atrivim ko an ingangaribar gumazibar bar, ko an nguazim bar, a me gamizir mirakelin bibiza ia uan damazibar dar gani. ³ Egha ia uan damazibar, arimariar kurar aviriba, ko arazarazir kuraba, ko digavir kuram gamir arazir avirir Ikiavira Itir God, Isipian akazibar gani. ⁴ Egha fomira iza datirighin, Ikiavira Itir God, ia gamizi, ian nighniziba, ko damaziba ko kuariiba pirighavira itima, ia deraghavira bizir kabar mingaribagh foziir puvatighamvira iti. ⁵ Ezi Ikiavira Itir

God kamaghin migei, ‘Ki 40plan azenibar ia inigha gumazamiziba puvatizir danganimin zuima, ian korotiaba ko dagarirasuuba dighoraghirezir pu. Bar puvati. ⁶ Ia bret, ko wain, ko dipar organiba puvatizi, ki Ikiavira God, ki deraghavira ian gari. Ki kamaghin ifonge, ia kamaghin fogh suam, Ki Ikiavira Itir God, kirara ian God.’”

⁷ Egha Moses ua migia ghaze, “E danganir kamin otivizi, Hesbonin Atrivim Sihon, ko Basanin Atrivim Ok, aning e misoghasaize. Ezi e aning misogha aning abira. ⁸ Egha e aningin nguazimning inigha aning tuiraghha, Rubenin anabam ko, Gatin anabam ko, Manasen anabar me tuirazimningin mam, me ganingi, egheti me dar apiam. ⁹ Kamaghin amizi, ia zurara Akar Dikirizir Gavgavir kam deraghvira an gin mangi, egheti bizir ia amiba bar deragh otivam.

¹⁰ “Ia datirighin Ikiavira Itir God, ian God, an damazimin mitivighav iti. Kar, ian anababar gumazir dapaniba, ko ian gumazir aruaba, ko ian ingangaribar faragha zuir gumaziba, ko Israeliyan gumazir igharaziba, ¹¹ ko ian amuiba, ko boriba, ko ikizir igharazibar gumazamizir ian tongin itiba. Gumazamizir kaba, ian daziba ko dipaba isa ia bagha da atera izi. ¹² Ia gumazamizir datirighin bar kagh tuivighav itir kaba, datirighin Ikiavira Itir God, ian God, ia ko Akar Dikirizir igiam damuam. Egh ia Akar Dikirizir Gavgavir kamin gin mangisi, Ikiavira Itir God ko nighnizir vamira iki anekirigh. ¹³ Eighti Ikiavira Itir God, datirighin ian inazir afeziaba, Abraham, Aisak, Jekop, ko akam akirizi moghin, a ia damighti, ia an gumazamizibaram otivti, a ian Godin ikiam. ¹⁴⁻¹⁵ Ikiavira Itir God, ia gumazir datirighin an damazimin tuivighav itir kabanang baghavira Akar Dikirizir Gavgavir kam gamizir puvati. A uaghan en ovavir borir gin izamiba bagha a gami. Egheti e bar, an gin mangisi akam akiram.

¹⁶ “Ia e Isipin kantrin ikezir ikirimirim uam a ginighnigh. Egh uaghan ia tuavimin iza ikizir igharazibar nguaziba abigha izezir bizir ganizibagh nighnigh. ¹⁷ Ia ikizir igharazir kabar ganigha fo, me asebar ziaba fe. Me aser kurar kabar marvir guaba, temeba ko dagiaba ko gol ko silvabar, dar ingari. Ezi God marvir guar kaba bar dar aghua. ¹⁸ Ia oragh! Ia deraghvira uari bagh gan, ian tongin gumazitam, ko amizitam, anabatam, ko ikizitam, ia Ikiavira Itir God, en God akirim a gasan marki. Ia God baghvira iki. Egh ikizir igharazibar asebar gin mangi men ziaba fan bar marki. Gumazitam araziz kurar kam damu, a mati temer bir imezim itim, a

puv misosi. Egheti gin an ghuzir igiam otogh, ekevegh anang misogh, gumazir avirim gasighasigham. ¹⁹ Ia deraghviram oragh! Gumazitam kagh tughiv iki akar dikirizir ki ia ganidir kam baraghan aghuagh suam, a deraghvira iti, biziba puvati. Egheti ian tav akam batuegti, an arazir kurab bar pazi ia damighti, gumazir kuraba ko aghuiba sara ikuvigham. ²⁰ Gumazir kamaghin amim, Ikiavira Itir God an arazir kuraba gin amadaghan kogham. Egheti Ikiavira Itir Godin aningagharim bar an ekevegham, mati avim isia bar puvira fei. Egheti bizir kurar akinafarir kam mikemeziba, da gumazir kam kamaghira a bativ mangti, Ikiavira Itir God anegavamin dughiam otoghti, an ziam kuavaremegham. ²¹ Ikiavira Itir God, anarira inigh iveau kuram a daningt, a mangi bar ikuvigham. Egh Akinafarir kamin aven osirizir Akar Dikirizir Gavgavimin itir bizir kuraba, God bar dar a damuva, a gasighasigham.

²² “Ikiavira Itir God, gumazir kamin nguazim damighti, bizir kuraba ko osimtzir aviriba a bativam. Egheti an ovavir borir gin otivamiba, ko gumazamizir kantrin saghuiabar ikegha izeziba, bizir kurar kabar ganam. ²³ Egheti ian nguazim, avim bar an isighti, a nguazir kinim gavaghti, salfan dagiaba ko amangsiziba a gizivagh, graziba puvatighti dagheba oparamin danganir aghuiba puvatigham. A Sodom, ko Gomoran nguubar ekiamningin min gan, egh uaghan Atma ko Seboimin ngubamningin min ganam. Nguubar ekiar kaba, Ikiavira Itir God dar aningagheha bar adagh asighasiki. ²⁴ Egheti kantriba bar dar gumazamiziba bizir kaba baregh azangsigham, ‘Manmagh amizi, Ikiavira Itir God, men nguazim kamaghin a gami? A manmaghsua nguazir kamin aningaghe? ²⁵ Egh me uarira uari ikaragh kamaghin mikimam, ‘Bizir kamin mingarim kamakin. Me ti Ikiavira Itir God, men inazir afeziabar God, me koma amizir Akar Dikirizir Gavgavim abighama. Kar, God fomira Isipin kantrin me inigha azenan iza Akar Dikirizir Gavgavir kam me koma a gami. ²⁶ Israelia akirim uan God gasaragha asebar gin ghua dar ziaba fe. Aser kaba, me faragha dagh fozir puvatigha dar ziaba fer puvati. Ezi Ikiavira Itir God fomira dar ziaba fan men anogoroke. ²⁷ Kamaghin amizi, Ikiavira Itir God uan gumazamizibar aningagheha, bizir kurar an Akinafarimin aven osiriziba bar da isa men nguazim ginge. ²⁸ Ikiavira Itir God, uan gumazamizibar aningagheha atara men nguazimin me asigha tintinibar kantrin ighazaribar me amangizi, me datirighin

ikiavira iti.”

²⁹ Egha Moses ua kamaghin migei, “Bizir maba, da Ikiavira Itir God, en Godin bizar mogomeba, da muegha a ko iti. Egha, a uan Arazibar e ko en ovavir boribav gia da azenim gati, egheti e dughiabar dar gin mangi kamaghira ikiam.”

30

Me ua God bagh izamin arazim

¹ Moses ua kamaghin migei, “Ki datirighin tuavir kamning isa ian damazibar aning arisi. Egheti datirighin ia aningin tam amisefegh. Ia manmaghin nighnisi, Ikiavira Itir God, deravira ia damuasa ia ifongez, o a ian arazir kuraba bagh ia gasighasighasa ia ifonge? Ikiavira Itir God ia amangti, ia tintinibar Kantrin Igharazibar Gumazamizibar tongin ikiam. Egheti bizir kurar kaba ia bativti, ia tuavir ki ia mikemezir kamning uam aning ginighnigham. ² Egh ia ko ian ovavir boriba navibagh iragh Ikiavira Itir God, ia uan God bagh izi an akaba guizbangira uan navir averiaba ko uan duaba sara bar dar gin mangi, mati ki datirighin ia migei moghin, ³ egheti Ikiavira Itir God, ian God, ian apangkuvigham. Egh a ubi tintinibar ia amangizi ia ghuezir kantribar ua ia inigh, ia akuvagh ia inigh ua ian nguazimin izam. A biziba bar dar amuti, ia ua deraghvira dapiam. ⁴ Ia kantrin bar saghuiabar itibar ikiam, Ikiavira Itir God, ian God, ua ia iti naghira ia inigh, ia akuvagh egh bar ian aku izam. ⁵ Egh Ikiavira Itir God, ian God ia inigh izi, ian inazir afeziaba faragha ikezir nguazimin ua ia arighti, ia uam an ikiam. Egh ia nguazir kam dapiagh egh bar deraghvira ikiam. Egheti a ian ovavir boribar amuti, me bizir aviriba ko borir aviriba ikiva, egh bar ian inazir afeziabagh afriaghram.

⁶ “Egh Ikiavira Itir God, ian God, ia ko ian ovavir boribar amighti, men naviba zuegham, mati me gumazimin mikarzir mogomemin inim atuzi moghin, God arazir kuraba ian navir averiabar dar ghoregham. Egheti ia Ikiavira Itir God, ian God, uan navir averiaba ko duaba sara bar a gifuegham. Egh kamaghin, ia nguazir kam dughiar ruarimin an ikiam.

⁷ “Bizir kurar ki ia mikemeziba, Ikiavira Itir God, ian God, dar amuti da ian apanir ia gifongezir puvatigha ia gasighasiziba me bativam. ⁸ Egheti ia ua Ikiavira Itir Godin akaba baragh an Akar Gavgavir ki datirighin ia ganidir kaba bar deravira dar gin mangi. ⁹ Egheti Ikiavira Itir God, ian God, ia amir ingangaribar amuti, da bar deraghvirama otivam. Egheti ia borir aviriba iki, bulmakaun

aviriba ikiti, dagher aviriba ian azenibar otivam. Eghia Ikiavira Itir God, bizir avirim ia daningisi bar akuegham, mati a fomira ian inazir afeziaba bagha amizi mokin.

¹⁰ “Ia Ikiavira Itir God, ian Godin, Akar Gavgaviba ko arazir God ifongeziba, ko Akinafarir kamin osirizir Araziba, ia bar adar gin mangi. Ia uan navibagh iragh uam a bagh izi, egh navir averiabu ko duuba sara bar a gifongegh.

¹¹ “Akar Gavgavir ki datirighin ia ganidir kaba, ia dar gin mangisi iburaghburaghan marki. Ezi Akar Gavgavir kaba ian saghon itir puvati. ¹² Akar kam overiamin itir puvati, ia kamaghin azangan marki, Tina Godin Nguibamin mavanang a inigh izighiri an gun mikimi, e ti a baragh an gin mangam?” ¹³ Egha uaghan akar kam ongarimin vongin itir puvati, eghia ia kamaghin azangan marki, “Tinara vongin mangi a inigh iziva an gun mikimi, e ti a baragh an gin mangam?” ¹⁴ Ezi puvati, Godin akam bar nin boroghira iti, a nin akatorim ko nin navir averiamin aven iti. Kamaghin amizi, ia dughiabar zurara an gin mangi.

¹⁵ “Ia gan, ki datirighin tuavir pumuning ia bagha aning ati. Tuavir mam, ia an gin mangi, egh ia angamira itir ikirimirir aghuim iki, zurara bar deraghvira ikiam. Eghia tuavir igharazimin gin mangiti, bizir bar kuraba ia bagh izi ia gasighasighti, ia arimighiregham. ¹⁶ Ki kamaghhsua ia migei. Ia Ikiavira Itir God, ian Godin Akar Gavgavir ki datirighin ia migeiba baragh, egh Ikiavira Itir God, ian God gifuegh an tuavibar gin mangiva an Akar Gavgaviba ko, arazir a ifongeziba ko, bizir a damuasa ia mikemeziba, bar dar amuva, iki borir aviriba batibar avirasmegham. Eghia Ikiavira Itir God ian God, nguazir ia mangi ikiamimin, a deraghvira ia damuam.

¹⁷ “Eghia uan navir averiabu aven akam batuegh, uamategh mangi, ikizir igharazibar amamangatighti, me ia gekuti, ia ikizir igharazibar asebar ziaba fi, dar ingangarim damuti, ¹⁸ ki guizbangira ia migei, ian apaniba bar ia gasighasigh bar ia agivagham. Eghia ian Jordanin Fanemin vongin iniamin nguazim dughiar ruarimin an ikeghan kogham. ¹⁹ Ki datirighin overiam ko nguazimin diaghti, aning nan gan egh fogham, ki guizbangira tuavir kamning ia bagha aning ati. Tuavir mamin, Ikiavira Itir God deragh ia damuti ia dughiabar ruarimin ikivira ikiam. Eghia tuavir igharazimin, God ia gasighasigh bar moghira ia kuavaremegham. Ia datirighin tuavir manam amisivam? Ia tuavir aghuimin gin mangasa ki ifonge,

ehtia ia ko ian ovavir boriba sara angamira ikiam. ²⁰ Ki kamaghhsua, ia Ikiavira Itir God, ian God, bar a gifongegh, egh an akaba baragh pamtemin an suiraghvira iki. Ia kamaghin damuti, ia ko ian ovavir boriba, nguazir Ikiavira Itir God, ian inazir afeziaba, Abraham, Aisak ko Jekop, daningasa akam akirizim, ia dughiar ruarimin an iki mamaghira ikiam.”

Josua Mosesin danganim ini

31

(Sapta 31–34)

Moses Josua amisevezi a Israelian faragha zui

¹ Moses ghua Israelian gumazamiziba bar migirigiar kabar me migei. ² A ghaze, “Nan azeniba, datirighin 120in oto, ezi ki deraghvira mangi izegh damuan ibura. Ezi Ikiavira Itir God na migia ghaze, Nin darorim iza kamaghira tu. Ezi ni Jordanin Fanem girigh vongin mangighan kogham. ³ Ikiavira Itir God, ian God, a uabi ian faragh mangi Jordanin Fanem girigh vongin mangi, ian damazimin danganir kamin itir ikizibagh asighasighti, ia men nguazim iniam. Eghia Ikiavira Itir God, mikemezi moghin, Josua ian gumazir dapanimin iki ian faragh mangam. ⁴ Eghia Ikiavira Itir God nguazir kamin itir ikizir kabagh asighasigham, mati a fomira Amorian atrivimning Sihon ko Ok, aningin nguazimning gasighasighizi mokin. ⁵ Ikiavira Itir God, bar me isi nin dafarim darigham. Eghia ki ia mikemezi moghin, ia bar me misoghti me arimighiregh. ⁶ Ikiavira Itir God, ian God, a ia ko zui. Egh an akirim ragh ia gasaragh, ia ateghan kogham. Kamaghin amizi, ni tugh gavgavigh, egh akongiva men atiatingan marki.”

⁷ Egha gin Moses Josuan diaizi, a iza gumazamiziba bar men damazimin tu. Ezi Moses kamaghin a migei, “Ni tugh gavgavigh egh atiatingan marki. Ni gumazamizir kabar faragh mangi, me inigh mangi nguazir Ikiavira Itir God, en inazir afeziabar aningasa akam akirizir kamin aven mangam. Egh ni men akurvaghti me a iniam. ⁸ Ikiavira Itir God ni ko iti, egh a nin faragh mangam. An akirim ragh ni gasaragh, ni ateghti ni ikuvighan kogham. Kamaghin amizi, ni nighnizir aviribar amu atiatingan marki.”

Dughiaba bar; azenir namba 7 otoghti, me zurara Godin Arazibar ganiva dar gun mikim

⁹ Ezi Moses Godin Araziba bar da osirigha, Akinafarir Righizir kam isa ofa

gamir gumaziba ko, Israelian gumazir dapaniba ko, Livain ababanimin ovavir boribagh aningi. Kar, gumazir Ikiavira Itir Godin Akar Dikirizir Gavgavim min Boksiam ateriba.¹⁰ Egha Moses kamaghin me migei, “Ia zurara namba 7 azeniba givamin dughamin, kar azenir ia ua bizi ba ikarvaghram. Eighti ia Averpenibar Ikiavira Dughiar Ekiam damuva,¹¹ Israelia bar izi Ikiavira Itir God, en God, a misivamin danganimin otivigh an damazimin uari akuvagh an ziam fam. Dughiar kamin, Livaina Akinafarir Righizim min aven itir Arazir kaba me bagh dar ponti, me da baraghram.¹² Ia gumazamizibar ko boriba, ko ikizir igharazibar gumazamizir ian nguibabar itiba, me damut, me bar izi uari akufagh. Egh me Ikiavira Itir God, ian Godin akaba baragh, an atiating an apengan ikiamin fofozim inigh, an Akar Gavgaviba bar deraghviria dar gin mangam.¹³ Me kamaghin damut, men ovavir borir gin otivamiba, kar borir tighar Godin Arazibagh foghamiba, me datirighin da baraghram. Egh me arazir Ikiavira Itir God, ian Godin atiating an apengan ikiamin fofozim inigh, egh Jordanin Fanemin vongin itir nguazir ia iniasava amir kamin iki, zurara Godin apengan iki mamaghira ikiam.

God Josua bagha migirigar abuanan-abar Moses ganidi

¹⁴ Egha Ikiavira Itir God, Moses migia ghaze, “Nin ovever dughiam a bar roghira ize. Ni Josuan diaghti a ni bagh izi, na bativamin Purirpenimin boroghin izegħi, ki ifongezir ingangar a damuamim an akaghām.” Ezi Moses ko Josua God bativamin Purirpenimin borogħin ghua Godin damazimin tu.¹⁵ Ezi Ikiavira Itir God ghuardiar ruarir ekiamin aven ikia Purirpenimin ize. Egha Purirpenimin tiar akam īn borogħin tughav iti.

¹⁶ Egha Ikiavira Itir God, kamaghin Moses migei, “Ni oragh! Kiran ovehangin, ni mangi uan inazir afeziaba ko dakuam. Eighti gin gumazamizir kaba, akirim ragħ na gasaragh tintinibar nguazir me mangamin kamin ikizir igharazibar asebar gin mangegħam. Me mati porogħamiba uari ataghiraghha tintinibar akui mokin. Kamaghin, me Akar Dikirizir Gavgavir ki me koma amizir kam, me anebigham.¹⁷ Eighti ki dughiar kamin bar men aningagħegħam. Egh ki me ategħ, egh uan guam bar men modogħam. Eighti me bar mogħira ikuvigham. Eighti bizir kurar avirin me bativti, me dan gan fogħ suam, ‘God ti eko itir puvatizi, bizir kurar kaba e batifi.’¹⁸ Me arazir kurar kam damuva, na

ategh asebar ziaba fam. Eighti men arazir kurar kam bangin, ki dughiar kamin uan guam bar men modogħi, men akurvaghxi tong nighnighan kogħam.

¹⁹ “Ki datirighin ighiar kam Josua ko Moses, gua mikimti, gua uanġi bagħ an osirigh. Egh Moses, ni an Israeliā gumazamizibar sure damighti, a men navir averiabba ikīti, me zurara ighiar kamin akabagh nighnigh, fogħ suam, ki guizbangira ikiangsizir kam me ganiga ghaze, me na ataghiragħsi nighnighan kogħam.²⁰ Ki me iniġi nguazir bar aghuir dagħeba ikia, bar deraviram aghuir kamin mangam, kar nguazir ki men inazir afeziabbar aningasa akam akirizim. Eighti me nguazir kamin dagħer aviribar amiva mikarżiż aghħuiba ini deraghviria ikiam. Egh dughiar kamin, me nan aghħuagh, akirim ragħ na gasaragh, asebar ziaba fi dar ingangaribar amuam. Egh me nan Akar Dikirizir Gavgavim abigh, egh na ategħam.²¹ Egh Israelia dughiar kurar kamin aven ikiva, ighiar kam ginighnighvir iki a bangam. Eighti men ovavir boriba uaghan, a gifogh a bangam. Eighti iġhamiñ akaba men arazir kurar me amiziba, men akakagh dar gun me mikimam. Ki tighar me iniġi nguazir ki me daningasa akam akirizir kamin aven mangam, egha ki men nighnizir kurabagh fogħa għifa.”

²² Egha aruer kamra, Moses ighiar kam osirigha an Israeliā sure gami.

²³ Ezi Ikiavira Itir God, Nunin otarim, Josua migia ghaze, “Ni tugh gavgavigh bixitam min atiatingan marki. Ni Israelia inih nguazir ki me daningasa akam akirizir kamin mangi. Eighti ki zurara ia ko ikiam.”

²⁴ Ezi Moses, Godin Arazibar akaba bar, Akinafarir Righizir mamin deraghviria bar da osiri, egha dar tam ataghixiżi puvati.²⁵ An ada osirigha givagħha, Livain anabamin ofa gamir gumazibav gei, kar gumazir Ikiavira Itir Godin Akar Dikirizir Gavgavim itir Boksiam ateriba. Egha me ghaze,²⁶ “Ia Godin Araziba itir Akinafarir Righizim inigh mangi, Ikiavira Itir God ian Godin Akar Dikirizir Gavgavim itir Boksiam īn borogħin anetigh. Eighti a danganir kamin iki, egh Godin gumazamizibar araziba tuisigham.²⁷ Ki fo, me gumazamizir akaba batōziba. Datirighin, ki angamira ikiavira itima, me Ikiavira Itir Godin akaba batosi. Eighti ki aremegħti, nan gin, men arazir kurar kam ti mangi bar ekevegham.²⁸ Ia mangi Israeliā anababar gumazir dapaniba, ko ian ingangaribagh amir gumazibar diagħi, me izi nan borogħin iżi uari akuvagh-

tuifigh. Eghti ki overiam ko nguazimin diaghti, aning nan ganti, ki guizbangira akar kabar me mikimam. ²⁹ Ki fo, ki ovegħi, nan girakirangin, ia arazir aghuim ko kuram tuisigh aning ginighnighan aghuaghgam. Egh ia arazir ki ia mikemeziba ategħi akiram dagh asaraghom. Egh ia Ikiavira Itir Godin damazim arazir kurar bar avirim damuam. Eghti ia amir arazir kaba bangin, Ikiavira Itir God bar ian aningagh, bizir bar kurar aviriba amangiti, da ia bativam.”

Mosesin onger akam

³⁰ Egha Moses, Israelian gumazamiziba akuvagħha, onger akar kamin itir akabar men sure gamua ghua bar anegħi. Onger akar kamin migħiġiġiaba kamaghin għu.

32

¹ “O overiam ko nguazim,
gua deragh uan kuarimning attiġġ nan
akaba baraqti,
ki mikimam.

² O Israelia, ki kamagħsua, ki uan akamin
ian sure damuam.

Mati, amozim deraghavira ira graz-
ibagh iż-żima, da otifi.

Egha mati mizarazmin għuariam ira
daghebagħi amma,
da otiva aghħua gavgħi.

³ Kamaghin, ki Ikiavira Itir Godin ziam fam.
Eghti ia gumazamiziba bar mogħira
Godin gun mikim suam,
a bar mogħira dera.

⁴ En God zurara kamaghira iti.
A zurara guizin arazibaram ami.
A mati dagħiex ekjar mamin min gavgav-
igha kamaghira iti.

A zurara uan akamin gin ghua egha ifarir
puvati.

Ezi an araziba bar deragħha egha
vorogħira iti.

A guizin arazim min għu bixiha
tuisigha egha ifarir puvati.

⁵ Ezi ja kamaghin puvati.
Ia gumazamizir ifariba.

Ia akaba iħavkvira, egha akar dikiriziba
abisi.

Ia gumazamizir arazir kurabaram
amibara.

Bizir kaba bangin,
ia Godin boribar ikian kogħam.

⁶ Ia bar organigha
fofotiztam tong ian dapanibar itir pu-
vati.

Ikiavira Itir God, a ian afeziam.

^{32:8:} Aposel 17:26 * ^{32:8:} Veżin kamin akar abuananaba, Hibrun akam da deragħha bighażiha migejir puvati. Gumazibha fomira akar kamin a għira an osiri, egha me akar iħarrax osira ghaze, “A kantribar ganasa vagħvagħha enselba misfie.” Ezi fofotiz gamuzir avirim ghaze, Kamagh garir akam uaghan faragħa Hibrun akamin ike, ezi gin gumazir mabba a għiragħha an osiri.

A ian ingarizi ia otivigha datirighin
ikzir mamin min oto.

Ezi kar ti ia an arazir aghuiba ikarvaghha,
arazir kurar kamin a gami.

⁷ “Ia uamategħ bizir bar fomira fomiram
otivizibagh nighnigh.

Egh uan afeziabha ko ian gumazir aru-
bar azangsighti,
me fomira otivizir bizibar ia
geghanam.

⁸ Godin Bar Pin Itim, a nguazir oteviba isa
da turīħa,
bar vagħvagħha kantribar gumazamiz-
ibagh aningi.

A gumazamiziba dapiamin nguaziba,
a bar dar mitaghniaba me bagħha da
abigha għifa.*

A Israelian dibobonimin gin ghua,
nguazir mitaghniaba arisi, eghti me dar
ikiami.

⁹ Ezi Ikiavira Itir God, Israelia, me Jekopin
adarasi, a ua bagħha me amisevegħa
men Godin iti.

¹⁰ Israelia, ia ḡanġiha pura gumazamiz-
iba puvatizir danganim min aminir eki-
aba ivair kam garui.

Ezi Ikiavira Itir God, uabin gara uabi
geħguvi mogħin,
a me akumakua deraghavira me
geħħufi.

¹¹ Ikiavira Itir God, deragħha Israelian gara
me geħġi umma,
me bixitħam irizir puvati.

Mati kuarazir bagam uan nguziba
migham ħarazbar da afi,
ezi nguziba irasava amima a dar apen-
gan ghua uan avizim min da feħha
anadima,
da iri puvati.

¹² Ikiavira Itir God uabira, tuavim uan gu-
mazamizibar akakasi.

Ikzir iħarrax osira għad-dan
akurazir puvati.

¹³ “Ikiavira Itir God, nguazir kamin
mighsiaba itir danganiba men
tagħiżi, me dar għari.

Egha me dagħer azenibar otivigha
givagħha itiba da isa, da api.

Ezi God dagħiex dafabar tongin aparibar
ħanibha inigha
me ganingizi, me da isa da api.

Ezi olivin temba bar deraghavira dagħiex
aviriba itir nguazim min aghuima,
God dar olivin boreba isa me gañidi, me
da api.

¹⁴ Me uaghan, bulmakauba ko memebar oter eborir aviriba isa, da api.

Ezi men bulmakaun apuriba ko memeba ko sipsipba deragha mikarziba sarama aghuima, dar oviba avirasemezi, me da api.

Ezi men witin aghuiba ko wainin ovizir aghuiba bar derazi, me da api.

¹⁵ "Israelia, bizir bar avirim ikia egha bar puvirama apa mikarziba saram aghui.

God men ingarizi me otivigha iti. A men Akurvazir Gumazir gavgavim, mati men dagiar ekiar gavgavim.

Ezi me datirighin akirim ragha a gasaragha anetaki.

¹⁶ Me ikizir ighazaribar asebar ziaba fema, men arazir kam, Ikiavira Itir God bar men aghuagha navim bar men ikufi.

Egha men arazir kam bangin a bar men aningaghegha men atari.

¹⁷ Me ikizir ighazaribar duar kuraba bagha asizibar ofa gami.

Aser kaba, da guizbangin godba puvati. Ezi aser kaba da datirighira iza ian nighnizibar otivizi, ia da fe.

Kar ian inazir afeziaba fozir puvatizir aseba.

¹⁸ Me Godin men ingarizi me itim ataki.

A mati dagiar ekiar gavgavimin min me apazazi, me an apazangin mongegha angamira ikiavira iti.

Me Godin gavgavir kam bakinighniki.

¹⁹ "Ikiavira Itir God, uan otariba ko guivibar arazir kurabar ganigha, an navim bar ikuvizi, an aningaghegha akirim ragha me gasara.

²⁰ Egha a ghaze, 'la borir naviba gavgavigha nan akabar gin zuir puvatiziba.

Ki men ganti, osimtziba me bativigh me gasighasighti, ki uan guam men modogh, men akuraghan kogham.

²¹ Me asebar gin ghua dar ziaba fava na gamizi, nan navim bar ikuvigha men aningaghegha men atari.

Aser me ziaba fer kaba, da pura godin ifavariba, da guizin godba puvati.

Kamaghin, ki ikizir pura bizibar min ikia bar onganizim, ki me isi Israelia bagh me ameghti, Israeliyan naviba bar ikuvigham.

Ki gumazamizir fofoziba puvatiziba inightima, bizir kam me damighti me ataram.

²² Eghti nan aningagharam dughiar kamin avimin min isiva, nguazir kamin itir biziba bar adar isigham.

Egh avim Gumazamizir Oveaghuezibar Nguibamin bar nguazimin apengan magirigh, dagiar bar ekiar mighsiaba dagh isin apiaghav itibar isigham.

²³ Ki bizir kurar aviribar amuti da me bagh izivira ikiam, mati gumazim afuzir aviriba ikia, uan afuzibar nivavira itima, an afuzitam ua itir puvati.

²⁴ Ki me damutti mitiriaba men aghti, me arimariar guar avirir igharagh gariba iniva arimighiram.

Eghiti ki asizir atiar igharagh gariba ko kuruze imezir kuraba itiba amangti, da me giviam.

²⁵ Eghiti midorozir ekiam me batoghti, apaniba men gumazir igiaba ko, guivir igiaba, borir aghiriba, ko gumazir ghuriba, me tuavir toribar me misoghirarighti me bar arimighiregham.

Eghiti marasi, uan dipenibar aven muegh bizir kam baragh, puvira atiatingam.

²⁶ Ikiavira Itir God ghaze, nan nighnizim kamakin, ki ti me gasighasigh bar me kuwaremeghti, gumazamiziba bar me gin amadagh ua me ginighnighan kogham.

²⁷ Egha ki fo, ki kamaghin aghua. Apaniba kamaghin ganigh ua uari fi suam, E uan gavgavibar Ikiavira Itir Godin gumazamizibav sogha me abini.

Men God bizir kam gamizir puvati. Erara Israelia misogha me abini.'

²⁸ "Israeliyan gumazamiziba, nighnizir aghuiba men itir puvati.

Men nighniziba otevezzi me bar ongani.

²⁹ Me ti nighnizir aghuiba ikiava, bizir me gasighasighamin kamin mingarim deragha a gifoghai. Ezi puvati.

³⁰ Men Ikiavira Itir Godin gavgavim, a men dagiar ekiar gavgavimin min iti. Egha a men aghuagha me ataki.

Ezi ia bizir Israelia batozir kam ginighnigh:

- manmaghsua, apanir vamira Israelian
1,000pla misogha me abini?
Ezi manmaghsua apanir pumuning, Is-
raelian 10,000pla misogha me abini?
Bar guizbangira, bizir kamin mingarim ka-
makin:
Men God men aghuaghha akirim ragha
me gasara.
- ³¹ Apaniba fogha ghaze, men aseba gavgav-
iba puvati.
Ezi Israelian God gavgavir ekiam iti,
mati dagiar gavgavir ekiam.
- ³² Israelian apanibar araziba bar ikuvigha
Sodom ko Gomoran araziba ko magh
ghu.
Egha mati wainin ikarizim imezir
ekiam itima, an wainin oviziba
uaghanimezim ikia misosi.
- ³³ Egha men araziba,
mati wainin dipar me kuruzir imezir
kuram itimin an ingari.
- ³⁴ "Ikiavira Itir God, Israelian apaniba me
gamizir biziba isa uan nighnizim
gatighavira iti.
Egha me gasighasighamin dughiamin
mizual.
- ³⁵ Ikiavira Itir God ghaze, Arazir kuraba
ikarvaghamin ingangarim, kar nan
bizim.
Ki uabi men arazir kuraba ikarvagh egh
ivezir kuraba me daningam.
Eighti dughiar bar ovezimin me
iregh bar ikuvigham.
- ³⁶ Ikiavira Itir God uan ingangarir gu-
mazamizibar ganti men gavgavim
givagham.
Eighti a men apangkuvigh suam, me
nan damazimin osimtziba puvati.
Dughiar kamin, gumazamizir vabara
ikivira ikiti, a men akurvaghram.
- ³⁷ Egh Ikiavira Itir God, kamaghin uan gu-
mazamizibar azangam,
'Ia ti ghaze, aser kaba ian akur-
vaghram gavgaviba iti.
Ia fomira uarir akurvaghaha da
bagha ghue.
Ezi datirighin da manmaghsin ami?
- ³⁸ Ia da bagha ofa gamua, da damasa
asizibar oviba ko wain me ganingi.
Kamaghin, me ti datirighin ian
akuragh,
danganir kurar kamin ua ia inigh.
³⁹ Ia oragh. Ia kamaghin fogh, ki uabira,
ki guizbangira God.
Ezi godin tam ua itir puvati.
- Ki uabi, ki ikirimirin angamira itim gumaza-
mizibagh aniga, egha men duuba isi
me ovel.
- Ki gumazim gasighasigh ua anekirighti
a deraghama.
Egh ki bizitam damutti gumazitam
nan anogoreghan kogham.
- ⁴⁰ Bar guizbangira, kirara ki Godin zurara
ikiavira itim.
Egha ki uan ziar gavgavim akakagha,
akar dikirizim kamaghin a gamua
ghaze,
- ⁴¹ Ki bar deraghvira uan midorozir sabam
amineghti a ghumigh taghtaghram.
Egh gumazamizibar araziba bar ada
tuvisigham.
Egh ki midorozir sabar kamin uan apaniba
ikarvaghram.
Ki gumazir na gifongezir pu-
vatiziba ikarvagh me misoghi me
arimighiram.
- ⁴² Na ko misoghamin gumaziba, ki bar me
gasirarighti, men ghuziba nan afiz-
ibar emir magiram.
Eighti ki uan midorozir sabam inigh
apanibar namnabar ghoram.
- Ki apanir gumazir kalabusin itiba, bar me
misoghirarigham,
egh apanir dapanir arizir ruariba itiba
ki bar men firibar ghoreghti, men da-
paniba iregham."
- ⁴³ "O nguazir kamin itir ikizibar gumaza-
miziba,
ia bar Ikiavira Itir Godin gumazamiz-
ibar ziaba fi.
Ia aseba bar, ia Godin damazimin
teviba apir.
A gumazir an gumazamizibav sozi me
ariaghribi, a iveau kuram me
danningam.
A uan apanibar arazir kuraba ikarvashi.
Egh a uan gumazamizibar nguazim
damighti,
an an damazimin bar zuegham."†
- ⁴⁴ Moses ko Nunin otarim Josua, aning
ighiar kamin akar osirizibar gun migeima,
Israelia da basari.
- Godin Akam, a ian ikirimirimin
mingarim*
- ⁴⁵ Moses Godin akaba bar gumazamiz-
ibav keme. ⁴⁶ Egha ua kamaghin migei, "Ia
deragh gan, egh akar ki datirighin ia ganidir
kabar gin mangi. Egh ia uaghan Akar Gav-
gavir kaba uan boribar sure damuti, me
uaghan zurara Godin akabar gin mangi.
⁴⁷ Godin akar kam an akar kinim pu. Bar
puvati. A ian ikirimirimin mingarim. Ia de-
ragh an gin mangiva, ia Jordanin Fanemin
vongin itir nguazir ia datirighin mangi dapi-
amin kam, ia dughiar ruarimin an ikiam."†

Moses Kenanin nguazimin mangighan kogham

⁴⁸ Ezi dughiar kamra Ikiavira Itir God Moses migia ghaze, ⁴⁹ “Ni Moapin nguazimin itir Abarimin Mighsiabar mavanang. Mighsiar kaba, da Jordanin Fanemin boroghin iti. Ezi Jerikon nguibam vongin iti. Ni Nebon Mighsiamin mavabogħ, egh munagh Kenanin nguazimin gan. Nguazir kam ki datirighin a ist, Israelia danighti me a iniam. ⁵⁰ Eghti ni mighsiar kam gis in arēmeham, mati nin avebam Aron, Horin Mighsiam gis in areme. Eghti ni uaghan mangi uan inazir afeziuba ko oveaghuezibar nguibamin ikiam. ⁵¹ Ni fo, gua fomira Meriba Kadesin Dipar Emimirimin ike, a Senin gumazamiziba puvatizir danganim aven iti. Egha dughiar kamin, ni ko Aron nan akam batuegħha Israelian damazimin nan ziar bar zuezim dikabira. Kamagħin amizi, ni mighsiar kamin ikiva ovegham. ⁵² Ni sagħuamra iki nguazir kamin ganam. Egh ni an aven mangighan kogham. Kar, nguazir ki Israelia ganidim.”

33

God deragh Israelia damuasa, Moses an azai

¹ Gumazir God bagħavira itir kam Moses, an ovengamin dughiam roghira ize. Ezi God deragh Israelia damuasa, a me bagħha Godin azangsxi. ² Egha a kamagħin migei, “Ikiavira Itir God, a Sainain Mighsiamin ikeha izaghira, aruemin min Idomin nguazim gisirħa iti. An angazangarim Parani Mighsiamin ikia, angazangarim uan gumazamizibagh anidi. Ezi an enselin bar aviriba a ko itima, an agharir guvimin, avim ikia bar puvira isia tagħtasi. ³ Israelia, me Godin gumazamizibara, ezi a bar me gifongegħha, deraghavira me għegħuva men gari. Ezi kamagħin, e a bagħ uan teviba apirigh, dapaniba avigh an apengan iki, egh an akabar gin mangam. ⁴⁻⁵ Ia Israeliyan anababar gumazamiziba ko ian gumazir dapaniba bar, iza uari akuvazi, ki Akar Gavgaviba ja għanġi. Akar Gavgavir e isir kaba, da bixi bar ekiaba, egha da ġe navir averiabar aven bizżeq igharazibagh afira. Ezi dughiar kamin Ikiavira Itir God Israeliyan atrivimin oto.”*

⁶ Egha Moses Rubenin anabamin adaraziv già ghaze, “Ia anabamin dibobonim, bar avirasemegħan kogham. Eghti ia zurata ikivira ikiam.”

⁷ Egha a Judan anabamin adaraziv già ghaze, “O Ikiavira Itir God, Judaba warir

akurvaghħasa nin dei, ezi ni me barakigh. Egh men aktar iżi men iħarrar darazi ko ua me akufagh. Eghti me uan apaniba ko misogħamin dughħiġi minni men akuragh.”

⁸ Egha a Livain anabamin adaraziv già ghaze, “O Ikiavira Itir God, Livain anabamin adarasi, me ni bagħavira itir ingan gar gumazir aghħiuba, ni dagħi minn ifonġiām għifogħiġi kamnig me ganingi. Ni Masan danganim ko Meribani Dipar Emimirimin, men ganigh fogħħasa osimtizim me ganingi, ezi men araziba dera. ⁹ Nin Akar Dikiriz Gavgavim ko nin Akar Gavgaviba, me gavgavigha dar ġin zui. Me uan amebogħfeziuba, ko namakaba, ko boribar ifongiabbar ġin mangan aghħu. ¹⁰ Egh Li-viċċa nin Araziba ko bixiż ni damuasa me mikemexibar Israeliyan sure damuam. Eghti me pauren mugħuriar aghħiūm zuiba isi nin damazimin dar arīg, nin ofa gamir dakozim ofan bar isia mighħiġibar amuam. ¹¹ Ikiavira Itir God, ni Livain anabamin ofa gamir gumazibar akuragli me gavgavighti, ni me amir ingangarim bagħ bar akongegħ. Egh men apanir me gifongeżiż puvatiziba, bar me dikabiragh me abinighti, me uukav kogħam.”

¹² Egha a kamagħin Benjaminin anabamin adaraziv già ghaze, “Ikiavira Itir Godin Bar Pin Itim, bar Benjaminin adarazigh ifuegħa, dughħiaba bar, a men boroghira ikia me avinighha, me gegħu. Ezi me dughħiabar an dipizim deraghavira ikia avugħsi.”

¹³ Egha a kamagħin Josepin anabamin adaraziv già ghaze, “Ikiavira Itir God, deragh Josepin adarazir amu. Ki Godin azai, eghzi an overiāmin itir amożi amadagi, a Josepin nguazimin iziġi, nguazir averiāmin aven itir dipar aviriba anangiva otiv nguazim għiżi. ¹⁴ Eghti Ikiavira Itir God, deragh men azenibar amuti, aruem dagħer guar aviribagh isiragli, da uan dughħiġram asegh egh ħan. ¹⁵ Eghti mighsiar fomira itiba, datirighiż azenibar ingarġi danganir aghħiabar otivti, dagħer guar avirir aghħiuba azenir kabagh iżi. ¹⁶ Josep uan aveghħu bar gumazir dapanim iti. Kamagħin amizi, ki Ikiavira Itir Godin azangsxi, eghzi a bixi kabar amighti da Josepin anabamin adarazir bativ. Dagħer bar aghħiuba, Josepin adarazir nguazimin azenibagh iżi. ¹⁷ Josepin anabam, mati bulmakaun atiar apurir komiñ pumuning

32:48: Diboboniba 27:12-14; Godin Araziba 3:23-27
aven, a deragħha migei puvati.

33:8: Ua Me Ini 17:7; 28:30; Diboboniba 20:13

* **33:4-5:** Hibrun akam, ves 2in ikegħa ghua ves 5in tuzim

itimin min bar gavgafi. An otarir mam Manase, an ovavir borir bar avirim, me bar gavgavigha, mati bulmakaun kamin komin mam. Ezi an otarir igharazim Efraim, an ovavir borir bar avirim, me bar gavgavigha, mati bulmakaun kamin komin igharazim. Egh aning uan komin kamningin ikizir igharazibagh iniy me akunti, me saghon tintinibar nguazir kamin mikebaba bar dagh iregham.”

¹⁸ Egha Moses kamaghin Sebulun ko Isakarin anabamningin adaraziv già ghaze, “Ja Sebulun anabamin adarasi, ian dagiar ingangarin ia ikizir igharaziba ko amiba, da deraviram otivam. Eighti Isakar, nin nguibamin itir dagiar ingangarim, a uaghan deragh otivam. ¹⁹ Egh aning uan ikizir igharazibar diaghti me aningin mighsiamin izi, egh me ofan aghuim damuam. Egh me bizir ongarir averiamin inizibar dagiar ingangaribar amuva, egh gigimin aven modozir bizibar, dagiar ingangaribar amuam. Egh ingangarir kamin, me dagiar aviriba iniam.”

²⁰ Egha Moses kamaghin Gatin anabamin adaraziv già ghaze, “Ikiavira Itir God, Gatin anabamin nguazim gamizi, an ekefe. Kamaghin amizi, ja bar an ziam fi. Gatin adarasi, laionin min, asizim misuegh an agharim asigham o, an dapanir inim adeghasa a mizua iti. ²¹ Israeliyan gumazir dapaniba nguaziba tuiragh uari daningasa uari akuvatha, Gatin adarazi bagha nguazir bar aghuim ginabazi me a ini. Gatinizir nguazir otevir kam, a gumazir dapaniba iniamin nguazimin min ghu. Ezi, Gatin adarazi deraghavira Ikiavira Itir Godin guizin araziba ko bizar a damuasa Israelia mikemezibar gin zui.”†

²² Egha a kamaghin Danin anabamin adaraziv già ghaze, “Danin anabamin adarasi, mati laionin igiam, Basanin danganimin dagiar afamin ikegha uabi ekura izi.”

²³ Egha a kamaghin Naptalin anabamin adaraziv già ghaze, “Ikiavira Itir God deragha Naptali gamua egha bizar bar aghuiba isa a ganingi. Ezi men nguazim Galilin Dipar Akarer miriamin ikegha ghua saut ko aruem ghuaghiri naghin amadaghan iragh.”

²⁴ Egha a kamaghin Aserin anabamin adaraziv già ghaze, “Ikiavira Itir God, Aserin aveghbuabar tongin bar a gifongegh deraghvira a damuam. Eighti bizar kamin, a bar me gafiragh. Eighti an olivin temeba bar puvira biti, an olivin borer avirim iniam. ²⁵ Eighti an nguibar ekiaba avinizir divaziba, ainin itiar akar gavgaviba ikiam.

Eghti a zurara dar aven deraghvira ikiva, atiatingan kogham.”

²⁶ Egha Moses kamaghin migei, “O Israelia, godin tam ua en Godin min itir puvari. A gavgavir ekiam ko angazangarimin aven midorozir karis gaperagha, ian akurvaghisa ghuariam gisin izi. ²⁷ Godin Zurara Itim, an en mogomer danganim. A zurara uan dafarimmingin ian suigha ia ataghazar puvati. Ja mangi Kenanin nguazim iniamin dughiam a ian faragh mangi, ian apaniba batuegh ia mikemeghti, ia mangi me misoghirarigham. ²⁸ Eighti Jekopin ovavir boriba nguazir kam dapiagh deraghvira ikiti, apaniba ua izi me ko misoghan kogham. Nguazir me itir kam, dimagarimin ghuariar dipaba izighiri a ruam, eghit wit ko wainin aviriba an otivi me da iniam. ²⁹ O Israeliyan gumazamiziba, ia bar akongegh! Ikiavira Itir God ian akurvazi moghin, a ikizir igharazitaba kamaghin men akurvaghizir puvati. Ikiavira Itir God mati oramin min ian pigha ian akurvasi. Egh a mati midorozir sabamin min, ian apanibav soghirarichti me arimighiram. Eighti ian apaniba izi uarir apangkuvs ian azangsigham. Eighti ia me diki me abinam.”

34

Moses areme

¹ Egha Moses Moapin danganir zarim ategha, Nebon Mighsiamin ghuavan-abogha, ghua Pisgan Mighsiamin orazimin ghuavanabo, kar Jerikon nguibamin aruem anadi nakin. Egha Moses danganir kamin tughav itima, Ikiavira Itir God, nguazir a Israeliyan daningamiba bar an aka. Nguazir kam, a Gileatin nguazimin ikegha ghua Danin anabamin nguazimin tu, a notin amadaghan iti, ² egha ghua Naptalin anabamin nguazim ko Efraimin anabamin nguazim ko, Manasen anabamin nguazim ko, Judan anabamin nguazim bar ghua Mediterenianin Ongarir Ekiamin tu, an aruem ghuaghiri naghin iti. ³ Egha a Judan anabamin amadaghan sautin nguazir ekiam Mosesin aka. Ezi danganir zarir ekiam, nguibar kam Jeriko an iti, a detin temer aviriba iti. Israeliyan nguazim, a Jerikon nguazir zarir kamin ikegha ghua Soarin danganimin tu, a sautin amadaghan iti. ⁴ Egha Ikiavira Itir God Moses migei, “Ki fomira Abraham ko Aisak ko Jekop koma akam akirigha ghaze, Ki nguazir kam isi men ovavir boribar aningam. Ezi datirighin ki ni ataghizi ni an ganigha gifa. Eighti ki ni ategehi ni an aven mangighan kogham.”

† 33:21: Hibrun akam vezin kam deragha a migeir puvati.

⁵ Ezi Godin ingangarir gumazim Moses, Ikiavira Itir God a mikemezi moghin, a Moapin nguazimin ikiava areme.

⁶ Egha Ikiavira Itir God, Moapin danganir zarimin Mosesin kuam afa, a Betpeorin nguibamin vongin iti. Ezi datirighin gu-mazitam fozir puvati, danganir manamin Mosesin mozim iti. ⁷ Moses 120plan azeniba ikia egha areme. Egha gavgavighvira iti, ezi an damaziba dera. ⁸ Moses aremegha givazi, Israelia Moapin danganir zarimin ikia a bagha azia a gibua ikia ghua 30plan aruebar tu.

⁹ Bizir kabar gin, God fofozir aviriba ko nighnizir aghuiba isa Nunin otarim Josua ganingi. Me bar fo, Moses faragha uan danganim iniasi anemisefe. Ezi gumazamiziba Josuan akam baragha, Akar Gavgavir Ikiavira Itir God Moses ganingizibar gin zui.

¹⁰ Bar fomira iza datirighin, Israeliian tongin Godin akam inigha izir gumazitam Mosesin min otozir puvati. Guizbangira, Ikiavira Itir God Moses ko migei, mati gumazir pumuning uaning ko migei. ¹¹ Ikiavira Itir God, mirakelin igharagha garibagh amuava Isipin atrivim ko an ingangarir gumaziba, ko an nguazim sara bar puv me damuasa Moses amada. Godin akam inigha izir gumazir igharazitaba, me Mosesin min mirakelin kamaghin garitabagh amizir puvati. ¹² Moses Israeliian gumazamizibar damazimin amizi moghin, me gumazamizibar amuti me atiatingamin arazarazir ekiatabar amighan kogham.

Gumazir Dapanim Josuan Akinafarim O Josua Akar faragha zuim

Israelian adarazi azenir bar avirabar gumazamiziba puvatizir danganim garuava, nguazir God me bagha inabaghia me daningamim bagha mizua iti. Ezi datirighin God nguazir kamin aven mangasa men amamangati. Dughiar kamin Josua Mosesin danganim inigha Israelian gumazir dapanimin oto. Josuan akinafarim, Israelian eghaghanir me nguazir kam iniasa Jordanin Fanem abighizir dughamin ikegha ghua Kenania ko misoghezir dughamin tu. Midorozir eghaghanir aviriba, akinafarir kamin iti. Midorozir kaba, Moses Ua Godin Araziba Osirizir Akinafarim, Septa 20 mikemezir tuavimra da otifi. God a uabi men afeziam egha a uabi midorozibar faragha ghua men inazir afeziaba ko akam akirizir migirigiar kam gamizi a guizbangiram oto.

Josuan akinafarim, aukar 3pla iti.

1. Septa 1-12in eghaghanimin aven, Israelia Kenanin nguazim ini.

2. Septa 13-22in eghaghanimin aven, me nguazim isa, Israelian anababa bar vagh-vagha nguaziba abigha me ganungi.

3. Septa 23-24in eghaghanimin aven, Josua uan migirigiar abuananabagh amima, Israelia Akar Dikirizir Gavgavim, ua gavgavim a ganidi. Guizbangira, God bar uan gavgavir ekiam azenara men akazima, bizir kam bangin, me zurara Godin gin mangasa akam akiri.

Ezi Josuan migirigiar abuananamin, a bizir God uan agharir gavgavim inigaribagh nighnisi. God Abraham ko akar dikirizim gamua ghaze, nguazir kam an a isi Abrahamin ovavir boribar aningam. Ezi Josua kamaghin an gun migei, "Ia Ikiavira Itir Godin ziam fan aghuaghiva deravira nighnigh, ia godin manamin ziam fam? Ezi na ko, nan dipenimin itir darazi bar moghira, e Ikiavira Itir Godin ziamra fam." (Septa 24:15) Kar bar akinafarir kamin nighnizir bar ekiar faragha zuim.

Israelia Kenanin nguazim Ini

(Septa 1-12)

Israelia Kenanin nguazim iniasa

1 Moses Ikiavira Itir Godin ingangarir gumazim. Ezi gumazim Nunin otarim Josua, a Mosesin akurvasi. Ezi Moses

aremezi, Ikiavira Itir God kamaghin Josua migei,² "Nan ingangarir gumazim Moses, an areme. Ezi ni Israeli an gumazamiziba datirighin me inigh, ia Jordanin Fanem girigh vongin mangi, ki ia daningamin nguazimin otifigh.³ Ki Moses ko akam akirigha givagha ghaze, nguazir ia datirighin arua zuir kaba, ki bar da isi ia daningam.⁴ Nguazir ia iniamin kamin mitaghniaba, da sautin amadaghan gumazamiziba puvatizir danganim ikegh mangi, notin amadaghan Lebanonin kantrin mighsiabar otogham. Egh mangi aruem anadi naghin Yufretis in Faner ekiamin otogh, mangi Hitian nguaziba bar ada inigham. Egh mangi aruem ghuaghiri naghin Mediterenianin Ongarir Ekiamin otogham.⁵ Eghni ni Josua, Ki Moses ko ikezi moghira, ki ni ko ikiam. Ki zurara ni ko iki, egh ni ategh mangan kogham. Ni nguazimin angamira ikiamin dughamin, gumazir taba ni misogh ni abiraghan kogham.

⁶ "Ni mitigh gavgafigh, egh akongan marki. Ni gumazamizir kaba inigh mangiti, me nguazir kam iniam. Ki fomira nguazir kam me a iniasa, ki men inazir afeziaba ko akam akirigha gifa.⁷ Ni mitigh bar gavgavigh akongan marki. Egh bar deravira nan Akar Gavgaviba, dar gin mangi. Akar Gavgavir kaba, nan ingangarir gumazim Moses, faragha ni ganungi. Ni guizbangira bar adar gin mangiva, egh tuavir agharir kiriamin zuiba ko tuavir agharir guvimin zuiba dar mangan marki. Ja bar Akar Gavgavir kabar tamin tuavim ataghiraghan marki. Ni kamaghin damuva, ni danganir manamin mangam, ni osintizir tam batoghan kogh, deravira ikiam.⁸ Ni Akar Gavgavir kabar Akinafarim bakiaghnighan marki, ni arueba ko dimagariba bar deravira Akar Gavgavir kabar ganiva, dar poniva dagh nighnighvira iki, egh bar dar amu. Egh ni kamaghin damuti, bizir igharazir ni gin damuamiba deragh kamaghira ikiam.⁹ Ki Ikiavira Itir God, nin God, ki ni mikemegha gifa. Kamaghin amizi, ni mitigh gavgavigh atiangan marki. Egh ni managh mangam, ki uaghan ni ko mangam."

¹⁰ Ezi Josua kamaghin gumazamizibar gumazir dapanibav gei,¹¹ "Ia danganir e itir kamin aven daruva, gumazamizibar kimtima me uari bagh daghetaba isamigh, biziba akirighti, da iki. Aruer pumuning givaghti mikezimin, e Jordanin Fanem girigh vongin mangiva Ikiavira Itir God, en God, e daningamin nguazim iniam. Eghni nguazir kam, kar en nguazimra."

¹² Ezi Josua kamaghin Rubenin anabam ko Gatin anabam ko Manasen anabar me tuirazimningin mam, me migia ghaze,¹³ “Ia bar deravira Ikiavira Itir Godin ingangarir gumazim Moses, ia mikemezir akabagh nighnigh. A ghaze, Ikiavira Itir God, Jordanin Faner miriamin aruem anadi naghin itir nguazim ia daningam. Eighti ia an iki deravira navir amirizimin iki avughsam. ¹⁴ Moses, Jordanin Fanemin nguazir vuer kam, an aruem anadi naghin itir nguazim, a ia ganingi. Eighti ian amuiroghboriboa ko asiziba an ikiam. Eighti ian midorozir gumaziba, me bar uan midorozir biziha inigh Jordanin Fanem giregh vongin mangi uan aveghbuabar faragh mangi. Egh men akuragh midorozim damu. ¹⁵ Ia me ko kamaghira damu mangi, Ikiavira Itir God me ganidir nguazir kam, me bar moghiran an danganiba bar a da inigh, dar apiaghram. Eighti ia gin uamategh uan nguazimin izam. Kar, Ikiavira Itir Godin ingangarir gumazim Moses, ia ganingizir nguazim, a Jordanin Fanemin aruem anadi naghin iti, ia a dapiam.”

¹⁶ Ezi gumazir kaba Josuan akam baregha ghaze, “Ore, bizar ni e mikemeziba e bar moghira dar amuam. Ezi danganir ni e amadiba e bar dar mangam. ¹⁷ E ni migeir akaba bar moghira dar gin mangam, mati e faragha zurara Mosesin akabar gin zui. Eighti Ikiavira Itir God, Moses ko ikezi moghira ni ko ikiam. ¹⁸ Eighti tina nin akam barazir puvati, an aremegham. Nin akam batozir gumazamiziba, me arimighiram. Kamaghin amizi, ni tugh gavgavigh atiatin-gan marki!”

2

Josua gumazir pumuning amadazi aning ghua Jerikon nguibam, mogomemin an gari

¹ Dughiar kam, Israelia Sitimin nguibamin ikiavira ikia, Nunin otarim Josua gumazir pumuning amada, eighti aning mangi modogh Jerikon nguibam, ko nguazir an boroghin itibar ganam. Ezi aning ghua tuavimin amizir mamin dipenimin oto. Amizimin ziam Rahap, aning an dipenimin iti.

² Ezi gumazir maba aning baregha ghua kamaghin Jerikon atrivim migia ghaze, “Ni deravira ganigh. Israeliyan gumazir maba datirighin dimangan iza en nguibamin aven ikiava mogomemin an gari.”

³ Ezi atrivim kamaghin oregha gumazir maba amadazi, me ghua Rahap migia ghaze, “Gumazir mogomebar en kantrin ganasa izeziba, me nin dipenimin iti. Ni me amadaghti me azenan izi. E fo, me en

kantrin averiam bar mogomebar an ganasa ize.”

⁴ Guizbangira, Rahap gumazir kamming modo. Egha atrivim amadazir gumazibagh ifara ghaze, “Are, gumazir maba nan dipenimin ize. Ezi ki me gifozir puvati, me ti nguibar manamin ikegha ize. ⁵ Me guaratizimin nguibar ekiamin tiar akar ekiam asasava amima, gumazir kaba ua danganir kam ategha ghue. Ki fozir puvati, me manmaghira ghue. Ia ti zuamira men gin mangiva me batogham.” ⁶ Guizbangira, Rahap ifaragha Israeliyan gumazir kamming inigha dipenimin uanaga ghuriyamin bar pin dadar ikiziba itibar apengan aning modo. ⁷ Ezi atrivimin ingangarir gumaziba Rahapin akam baregha nguibar ekiam ategha zuima, nguibamin tiar akamin garir gumaziba zuamira nguibamin tiar akam asara. Ezi atrivimin ingangarir gumaziba ghua gumazir mogha garimning buri. Me aning buria arua ghua Jordanin Faner miriamin oto.

⁸ Ezi Israeliyan gumazimning tighar dakuasava amima, Rahap aning iti naghin pin ghuavanabo. ⁹ Egha kamaghin aning migei, “Ki fo, Ikiavira Itir God, kantrin kam isa Israelia ian agharim gati. Ezi ki guizbangira gua migei, atiatir bar ekiam en itima, agorogem e misozima, aghariba en amira. ¹⁰ E kamaghin oraki, ia Isipin kantri ategha izir dughiyamin, Ikiavira Itir God, Ongarir Aghevim gamizi, a dakezi, ia a giregha azenan ize. Egha e uaghan kamaghin oraki, ia Amorian atrivir pumuning, Sihon ko Ok, ia aningin midorozir gumaziba sara Jordanin Faner vuemin aruem anadi naghin bar me misoghezi me ariaghire. ¹¹ E migirigiar kam baregha bar ian atiatigha ikia, en aghariba en amira. Edatirighin gavgaviba bar puvati. Guizbangira, ian God, a Ikiavira Itir God, an overiar pin itim ko nguazimin God. ¹² Kamaghin ki guan azangsisi, datirighin Ikiavira Itir Godin damazimin, ki faragha deravira gua gamizi moghin, gua nan adarazi deragh me damu. Egh gua akar dikirizim na koma a damuva, ababanir tam nan akaghti ki fogh suam, gua guizbangira deragh e damuam. ¹³ Ia nan afeziam ko amebam, ko nan doziba ko nan afumiba ko men adarazi bar me ateghti, me angamira iki.”

¹⁴ Ezi gumazimning kamaghin amizimin akam ikaragha ghaze, “Ga ni mikemezzi moghin, damighan koghti, God mar ga gasighasikigh. Eighti ni bizar ga amizibar gun mikemeghan koghti, Ikiavira Itir God, nguazir kam e daningamin dughiyam, ga

guizbangira ni ginirigh nin kuarkuvigh de-raghvira ni damuam."

¹⁵ Rahapin dipenim bar nguibar ekiamin divazir ekiamin poroghav iti, ezi an windua divazir ekiam gisirara iti. Ezi Rahap benir mam inigha dipenimin aven a ikegha, winduan anekunizi, a divazir ekiamin azenan iraghу. Egha gumazimning amadazi, aning benir kamin suigha azenan ghuaghiri. ¹⁶ Ezi Rahap kamaghin gumazimning migei, "Gua aruer pumuning ko mikezimin mighsiabar modogh. Eghiti gumazir gua buriba ua Jerikon izeghtima, gua uamategh uan adarazi bagh mangi."

¹⁷ Ezi gumazimning kamaghin Rahap migei, "Ga ni mikemezi moghin ni biziba bar dar amighti, ga ni ko dikirizir akatam abighan kogham. ¹⁸ Ni deragh oragh, Israelia izi nguibar kamin otivamin dughiamin, ni benir aghevir ga ni ganidir kam, isi uan winduan ga izaghirizir kamin aneguragh. Egh ni uan afeziam ko amebam ko doziba ko afumiba ko uan adarazi bar me inigh uan dipenimin aven me akufagh. ¹⁹ Ian tav dipenim ateghiva nguibamin otogh azenan tuavimin mangiti, me a misueghti an aremegham, kar an osimtizim. Eghiti dipenimin aven iti tav aremeghti, ga an osimtizim ateram. ²⁰ Eghiti ni bizar ga amizir kabar gun Jerikoia mikemeghti, ga ni ko dikirizir akar kaba puvatigham."

²¹ Ezi Rahap kamaghin aning ikaraghha ghaze, "Are. Ki gua mikemezi moghira damuam." A kamaghin aning mikemegha aning amadazi aning zuima, a benir aghevir kam inigha uan dipenimin winduan anegura.

²² Ezi gumazir kamning ghua aruer pumuning ko mikezimin mighsiabar modoghav iti. Ezi atrivimin ingangarir gumaziba aning buria aningin apizir puvatigha, uamategha Jerikon ghue. ²³ Ezi gumazir kamning gin mighsiaba ategha, Jordanin Fanem girigha vongin ghua Nunin otarim Josua batogha, bizar otivizir kabar gun a migei. ²⁴ Aning kamaghin Josua migei, "Bar guizbangira, Ikiavira Itir God, nguazar kam bar e ganigha gifa. Gumazamizir an itiba bar en atiatigha aghariba men amira."

3

Israelia Jordanin Fanem girigh vongin mangasa

¹ Egha bar mizaraghara, Josua Israelia ko dikavigha, Sitimin danganim ategha ghua, Jordanin Fanem miriamin danganim aghuigha iti. Me tighar fanem girigh vongin mangam. ² Aruer pumuning ko mikezimin gin, gumazir dapaniba danganir

me itimin averiam garuava kamaghin gu-mazamiziba bar me migei, ³ "Ia ganti, Li-vain adarazir ofa gamir gumaziba, me Ikiavira Itir God, ian God, an Akar Dikirizir Gavgavimin Boksiam gupugh mangiti, ia danganir kam ategh men girara mangi. ⁴ Ia faragh kagh izezir puvati, kamaghin, me faragh mangi tuavim ian akakaghам. Egh ia mangi Akar Dikirizir Gavgavimin Bok-siamin boroghiram a tivagh mangan marki. Ki bar ian anogoroke. Ia kilomitan vamira a danigh an girakirangin iki mangi."

⁵ Ezi Josua kamaghin gumazamizibav gei, "Ia uarira uari akiriva, Godin damazimin zuegh iki. Ia gan, Ikiavira Itir God gu-rumzaraghan digavir kuram gamir biziba ian tongin dar amuam."

⁶ Egha gin Josua ofa gamir gumazibav gei, "Ia Akar Dikirizir Gavgavimin Boksiam gupugh gumazamizibar faragh mangi." Ezi me a gupugha men faragha zui.

⁷ Ezi Ikiavira Itir God, kamaghin Josua migei, "Datinrighin ki Israeli damazimin nin ziam fiti, me kamaghin fogham, ki fomira Moses ko ikezi moghin, ki ni ko ikiam. ⁸ Eghiti ni kamaghin ofa gamir gu-mazir Akar Dikirizir Gavgavimin Boksiam gupuziba me mikim suam, 'Ia mangi Jordanin Faner miriamin otivigh, egh tong sivagh mangi dipamin aven pura tuivigh ki.'"

⁹ Ikiavira Itir God mikemegha givazima, Josua kamaghin Israelia migei, "Ia roghira iziva Ikiavira Itir God, ian God, an akam baragh. ¹⁰ Ia datirighin gantima, God en akuragh Kenania, Hitia, Hivia, Peresia, Gir-gasia, Amoria, ko Jebusia me batuegham. Ia tuavir kamin Godin gavgavimin ganigh fogh suam, Angamira Itir God, guizbangira en tongin iti. ¹¹ Egh ia datirighin ganti, nguazar kamin gumazamiziba, bar me gativamin Ekiam, an Akar Dikirizir Gavgavimin Boksiam ian faragh mangi, Jordanin Fanem girighthima dipam bighiraham. ¹² Ia datirighin 12pla gumaziba, vaghvagh Israeli anabar 12pla, me a misefegh. ¹³ Egh ofa gamir gumaziba, Ikiavira Itir Godin Akar Dikirizir Gavgavimin Boksiam gupugh mangam. Egh me mangi men dagariba Jordanin Fanemin magiriti, dipam dutugh ua ivemaran kogham, eghiti agharir guvimin amadaghan izaghirin dipaba, buighiva ghuavanang mighsiamin min tughiv ikiam." Akar Dikirizir Gavgavimin Boksiar kamin God, a nguazar kamin gumazamiziba bar me gativamin Ekiam.

¹⁴ Ezi Israelia danganir me itim ategha Jordanin Fanem girigh mangasa zui. Ezi ofa gamir gumaziba Akar Dikirizir Gavgavimin Boksiam gupugha men faragha zui.

¹⁵ Dughiar kam, me dagher igiaba asir dugham, ezi Jordanin Fanem aperiar bar ekiaba otifi. Ezi ofa gamir gumaziba ghua faner miriamin otivigha, uan dagariba isa dipam gaghui. ¹⁶ Ezi dipam bar pirigha ivemari puvatigha, buigha mighsiar mamin min tughav iti. Fanem bua ghuavanaga Adamin nguibar ekiamin tu, a Saretan nguibar ekiamin boroghin itir nguibam. Ezi fanemin dipar ivemara Amangsizim Itir Dipar Akaremin zuim, a bar misingi. Ezi gumazamiziba fanemin vongin ghua Jerikon nguibamin boroghin oto. ¹⁷ Ofa gamir gumaziba, Ikiavira Itir Godin Akar Dikirizir Gavgavimin Boksiam gupugha Jordanin Faner torim mitivigha mamaghira itima, Israelian gumazamiziba nguazir dakirtizimin ghua fanemin vongin otifi.

4

Israelia Gilgalin dagiar 12pla uarigh isinafe

¹ Israeliyan gumazamiziba bar moghira Jordanin Fanem girigha vongin ghuezima, Ikiavira Itir God, kamaghin Josua migei, ² "Ni Israeliyan anabar 12plan aven vaghvagh 12plan gumaziba, amisefegh. ³ Egh me mikemegehti me ua mangi ofa gamir gumaziba, Jordanin Fanemin tongira tuivigha ikezi naghin, dagiar 12pla inigh. Egh dagiar kaba inigh danganir ia dimangan ikiamimin mangi."

⁴ Ezi Josua 12plan gumazir miseveziba, men diazi me izi. ⁵ Ezi a kamaghin me migei, "Ia Jordanin Fanemin magiri an tongira mangi. Ikiavira Itir God, a en God, an Akar Dikirizir Gavgavimin Boksiam, ofa gamir gumaziba a gupugha Jordanin Fanemin tongira iti. Ia men boroghin mangi me gitagh 12plan dagiaba inigh uan dipizibar da ater izi, Israeliyan anababar ababanim damuva da inigh kagh izi. ⁶ Eighti dagiar kaba kamaghin ikiti, gumazamiziba dar gan Ikiavira Itir God amizi otivizir bizar ekiabagh nighnigham. Eighti gin, ian ovavir boriba dar gan kamaghin ian azangsigham, manmaghin amizi dagiar kaba kagh iti? ⁷ Eighti ia kamaghin me mikim suam, Ikiavira Itir Godin Akar Dikirizir Gavgavimin Boksiam, Jordanin Fanem abighizi, dipam dakezir dughiamin, me dagiar kaba ini. Egh dagiar kaba kagh ikiti Israelia dar gan, dughiar kam ginighnigh mangivira ikiem."

⁸ Ezi Israeliyan 12plan gumaziba Josua mikemezi moghin ami. Me ghua Jordanin Fanemin tongira ghugha dagiar 12pla ini, dar dibobonim 12plan Israeliyan anababar min ghu, mati Ikiavira Itir God Josua mikemezi mokin. Egha me da inigha iza

danganir me aghuigha itimin ada ariki. ⁹ Egha Josua uaghan Israelia mikemezi me 12plan dagiar maba inigha Jordanin Fanemin tongira ofa gamir gumaziba Akar Dikirizir Gavgavimin Boksiam gupugha mitighav ikezi naghin, da ase. Ezi dagiar kaba ikia mamaghira iti. ¹⁰ Dughiar kam, ofa gamir gumaziba Jordanin Fanemin tongira mitivighav ikia mamaghira itima, Ikiavira Itir God Josua mikemezir biziba. Ezi gumazamiziba zuamira ghua vongin otifi. ¹¹ Egha me ghua vongin otivigha givazi, ofa gamir gumaziba, Ikiavira Itir Godin Akar Dikirizir Gavgavimin Boksiam gisaghpuhga, uaghan ghua vongin otivigha, gumazamizibar faragha mitifi. ¹² Ezi Moses mikemezi moghin, Rubenin anabamin midorozir gumaziba ko, Gatin anabamin midorozir gumaziba ko, Manasen anabar me turazimningin mam, men marazir midorozir gumaziba, me midorozir biziba inigha misoghasava amua men faragh zui. ¹³ Egha me Ikiavira Itir Godin damazimin ghua Jerikon nguibamin boroghin danganir zarimin otifi. Midorozir gumaziba, men dibobonim 40,000in boroghin tu. ¹⁴ Dughiar kamin, Israelia Ikiavira Itir God amizir bizir kabar gara Josuan ziam fe, mati me faragha Mosesin ziam fezi mokin.

¹⁵ Ezi Ikiavira Itir God kamaghin Josua migia ghaze, ¹⁶ "Ni Akar Gavgavim isi ofa gamir gumazibar aning suam, Me Akar Dikirizir Gavgavimin Boksiam gupugha Jordanin Fanem ategh azenan izi."

¹⁷ Ezi Josua kamaghin me migei, "Ia Jordanin Fanem ategh azenan izi." ¹⁸ Ezi ofa gamir gumaziba ghua vongin otivigha uan dagariba dipar apinim ditima, dipam zuamira mati a faragha izi moghin ua ivemara iza uan danganim inizi, aperiam uam oto.

¹⁹ Ezi Israelia, faragha zuir iakinimin, an dughiar namba 10, me Jordanin Fanem abigha ghua Jerikon nguibamin boroghin aruem anadi naghin ikia, danganir Gilgalin nguibamin boroghin itim aghuigha a gapia. ²⁰ Ezi dagiar 12plan me Jordanin Fanemin iniziba, Josua Gilgalin ada isi uarigh isin dafasa gumazibav gei. ²¹ Egha Josua kamaghin Israelia migei, "Gin izamin dughiamin, ian ovavir boriba uan afeziabar azangam, 'Me tizim bagha dagiar kaba kagh ada ariki?'" ²² Eighti men afeziabar kamaghin me mikim suam, Dagiar kaba, kar Jordanin Fanem dakezi nguazim otozi, Israelia dipam abigha iza vongin otivizir dughiamin ababanim.' ²³ Ki dagiar kaba kagh ada ariki, da kamakin, Ikiavira Itir God, ian God,

fomira Ongarir Aghevim gamizi, a dakezi ia iza vongin izezi moghin, a Jordanin Fanem gamizi a dakezi ia iza vongin otifi.²⁴ Ezi danganiba bar dar gumazamiziba Ikiavira Itir God amizir bizibar gan an gavgavim gifoghasa, a bizir kabagh ami. Eghit ia Ikiavira Itir God, ian God, an atiating an apengen iki, egh an ziam fi mamaghira ikiam.

5

Israelia Gilgalin mikarzir mogomebar inibar ghori

¹ Ezi Amorian atrivir Jordanin Fanemin aruem uaghiri naghin itiba, ko Kenanian atrivir Mediterenianin Ongarir Ekiamin miriamin itiba, uaghan kamagh oraki, Ikiavira Itir God Israelia bagha Jordanin Fanem gamizi, a dakezi, me vongin ghue. Bizir kam me gamizi, me Israeliyan atiatia naviba me ginivima, agharapaniba bar men amirazi me iti.

² Ezi dughiar kam Ikiavira Itir God, Josua migia ghaze, “Ni dagiabar asiatabar ingarigh da amineghti da bar ghumighti, ni Israeliyan gumazir faragha mikarzir mogomebar iniba aghorezir puvatiziba, ni dar aghoregh.”³ Ezi Josua dagiabar asiar dozibar ingarigha, mighsiar dozir mamin Israeliyan gumazibar mikarzir mogomebar inibar ghore. Mighsiar kam, me kamaghin a dibori, Mighsiar Mikarzir Mogomebar Iniba Aghorim.

⁴ Josua bizir mingarir kam bagha men, mikarzir mogomebar inibar ghori. Gumazir Isipin kantri ategha iziba, me gumazir midorozim damuamin fofozim itiba, me bar gumazamiziba puvatizir danganimin ariaghire.⁵ Gumazir Isipin kantri ategha azenan iziba, me bar men mikarzir mogomebar inibar aghore. Ezi otarir amebaba gumazamiziba puvatizir danganimin oteziba, me tighar men mikarzir mogomebar inibar aghoram.⁶ Fomira Ikiavira Itir God men inazir afeziaba bagha akam akira ghaze, a nguazir bar aghuim me daningam, eghit nguazir kam, biziba an iki aghung bar deraghviram otivam. Ezi me Isip ategha men aviriba Ikiavira Itir Godin guizin akamin gin zuir puvati. Ezi God ghaze, gumazir akaba batozir kaba, merara nguazir bar aghuir kamini ganighan kogham. Kamaghin, Israelia 40plan azenibar gumazamiziba puvatizir danganim tintinibar arua ghua, gumazir midorozim damuamin fofozim itiba, me bar moghirama ariaghire.

⁷ Me fomira gumazamiziba puvatizir danganimin zuir dughiamin, men otarir men danganiba iniamiba, me men mikarzir mogomebar iniba aghorezir puvati. Kamaghin, Josua datirighin men mikarzir mogomebar iniba aghori.⁸ Me danganir kamin gumazibar mikarzir mogomebar inibar ghore, egha Israelia danganir kamin ikiavira itima gumazibar duaba misingi.

⁹ Ezi Ikiavira Itir God kamaghin Josua migia ghaze, “Ia faragha pura Isipian ingangarir gumazir kinibar min ikia bar aghumsiki. Ezi ki datirighin ia da aghumsizir kam batoke.” Kamaghin datirighin danganir kam, me Gilgal a garigha a diboravira iti.*

¹⁰ Dughiar kamin Israelia Jerikon nguibamin boroghin danganir zarimin, Gilgalin danganim aghuigha an iti. Egha iakinir faragha zuim, Nisan, an dughiar 14in guaratzimin, me Ikiavira Itir God Israelia Gitazir Dughiam Ginighnighamin Isam gamua ghuavira iti.¹¹ Egha amimzaraghan Israelia Kenanin kantrin rais ko baliba ko witba ini. Me baliba uegha, bretin yis puvatizibagh amuava, da api.¹² Dughiar kamin girara dagher mana ua iri puvati. Ezi Israelia, Kenanin nguazimin daghebaram api. Me uamategha mana isir puvati, egha azenir kamra me Kenanin nguazimin otivaghbirir daghebaram api.[†]

Josua gumazir mamin gari a midorozir sabamin suira

¹³ Dughiar mamin Josua Jerikon nguibamin boroghin itir danganimin ikia, kogha garima gumazir mam tugha midorozir sabar ghumtizimin suira. Ezi Josua gumazir kam bagha ghua kamaghin an azara, “Ni en midorozir gumazitam, o ni en apanim?”

¹⁴ Ezi gumazir kam kamaghin an akam ikaraghha ghaze, “Ki ian midorozir gumazim ko, ian apanim puvati. Ki Ikiavira Itir Godin midorozir gumazibar faragha zuir gumazir dapanim.” Ezi Josua uan teviming apirigha guam isava nguazim biragha an ziam fa ghaze, “Ki nin ingangarir gumazim. Ki tizim damuasa ni ifonge?”

¹⁵ Ezi Ikiavira Itir Godin midorozir gumazibar gumazir dapanim kamaghin Josua migei, “Nguazir ni isin tughav itir kam, kar anogoroghezir nguazim, a Godin nguazimra. Kamaghin, ni uan dagarirasuuba sueuegh.” Ezi Josua uan dagarirasuuba sue.

^{5:6:} Diboboniba 14:28-35 * ^{5:9:} Hibrun akamin ziam Gilgal, an mingarim, “Batoke.” ^{5:10:} Ua Me In 12:1-13

^{5:12:} Ua Me In 16:35 † ^{5:12:} Ni Ua Me In 16:13-35in ganigh. ^{5:13:} Jenesis 18:2; Ua Me In 23:23; Gumazir Dapaniba 1:13-15

6

Jerikon nguibar ekiam bar moghira ikuſi

¹ Dughiar kamin Israelia Jerikon nguibamin boroghira ize, kamaghin amizi Jerikon atrivim, nguibamin aven zuir tiar akam pamtemin anesara. Eghzi gumazamiziba an aven izi, azenan mangan kogham.

² Ezi Ikiavira Itir God, kamaghin Josua migei, "Ni oragh. Ki Jerikon nguibam ko, an atrivim ko, an midorozir gumazir gavgaviba, da isi ni daningam. ³ Ni uan midorozir gumaziba ko dughiar vamiran Jerikon nguibam gighuv daru. Egh ia 6plan aruebar kamaghira damu. ⁴ Egh ofa gamir gumazir 7pla mikemeghti, me vaghvagh sighar sipsipin apuribar kombar ingariziba inigh, Akar Dikirizir Gavgavimin Boksiamin faragh mangi. Eghzi namba 7 aruem, ni uan midorozir gumaziba ko 7plan dughiabar nguibam gighu daru. Eghzi ofa gamir gumaziba me sighabagh ivi ia ko nguibam gighu daru. ⁵ Egh ni oraghti ofa gamir gumaziba sighabagh iviti dar arareba mangi ruaraghti, ia bar moghira bar pamten tiariba akar dimti, nguibar ekiar kamin divazim bar akaraghiregħam, eghzi midorozir gumaziba bar moghira Jerikon nguibamin aven mangi."

⁶ Ezi Nun otarim Josua, ofa gamir gumazibar diazi me izima, a kamaghin me migei, "Ia Ikiavira Itir Godin Akar Dikirizir Gavgavimin Boksiamin inigh a gisaghphugħ. Egh 7plan ofa gamir gumaziba sighaba ater Boksiamin faragh mangi."

⁷ Egha gin Josua gumazamizibav gei, "Ia datirighin mangi. Ia mangiva Jerikon nguibam gighu daruti, midorozir gumaziba Ikiavira Itir Godin Boksiamin, an faragh mangi."

⁸ Ezi me Josua mikemezi mogħin ami. Egha ofa gamir gumazir 7pla ghua Ikiavira Itir Godin Akar Dikirizir Gavgavimin Boksiamin faraghha ghua, uan sighabagh ivi. Eghzi ofa gamir gumazir maba Akar Dikirizir Gavgavimin Boksiamin gupugħha men gin zui. ⁹ Midorozir gumazir maba, ofa gamir gumazibar faragħa zui, ezi marazi Akar Dikirizir Gavgavimin Boksiamin gin zui. Egha me zuir dughiabit 7plan ofa gamir gumaziba sighabagh ivi. ¹⁰ Josua faragħa gumazamizibav già ghaze, "Ia dim niginim damu bizitam mikiman marki, mangi dughiar ki dimsxi akar gavgavim ia daningam. Dughiar kamra, ia pamtem dimam." ¹¹ Kamaghin, Josua ofa gamir gumaziba amadazi, me Ikiavira Itir Godin Akar Dikirizir Gavgavimin Boksiamin gupugħha, Jerikon nguibam dughiar vamiran a gighuaghha arui. Egha

uamateghha iza dimagarimin, danganir me itimin iti.

¹² Egha Josua bar mizaraghara dikavizi, ofa gamir gumaziba ua Ikiavira Itir Godin Boksiamin gupugħha zui. ¹³ Ezi ofa gamir gumazir 7pla sighar 7pla givia, ghua Ikiavira Itir Godin Boksiamin faragħa zui. Ezi midorozir gumazir maba ofa gamir gumazibar faragħa zuima, marazi gin iti. Ezi sighabar ararem għuavira iti. ¹⁴ Me aruer pumuningin kamaghira amigha, uamateghha iza danganir me itimin otifi. Me 6plan aruebar kamaghira ma.

¹⁵ Aminim tirazi kar aruer namba 7in aruem, me dikavighha Jerikon nguibamin ghua faragħa amizi mogħin uam a għiha uar. Egha aruer kamra, me 7plan dugħiabar a għiha uar. ¹⁶ Me a għiha uarua ghua namba 7in dugħiabit, ofa gamir gumaziba sighabagh ivima, Josua kamaghin gumazamizibav gei, "Ikiavira Itir God, nguibar kam isa en agharim għażi għiġi. Kamaghin, ja pamten tiariba akar. ¹⁷ E nguibar ekiar kam ko an aven itir bixiba e bar dagħi asighasigham. E ofan mamin min bar da isi Ikiavira Itir God daningam. Eghzi Rahap, dagħiaba bagħha gumaziba ko akuir amizir kam. A gumazir e Jerikon nguibam gifofogħħasa amadazimming modo. Kamaghin u an adarazi ko, e me misuegħti me aremhekk kogħam. ¹⁸ Ia oragh. Ia nguibamin bixiż asighasighżitam inigh kagh iż-żan, ki bar ian anogoroke. Ia bixitam inigh kagh iż-zeġħi, osimtizim ko dughiar kuram Israelia itir danganimin otogħam. ¹⁹ Bixiż me silva ko gol ko bras ko amin īngariziba, kar Ikiavira Itir Godin bixibara. Ia da inigh izi an dagħiar dipenimin dar ariagħi."

²⁰ Josua akar kaba me ganigha givazzi, ofa gamir gumaziba sighabagh ivima, gumazamizibba oreghha bar pamten tiariba akarima, Jerikon nguibamin divazir gavgavim akaraghire. Ezi gumaziba magħira bar aven għuegħha uari bagħha nguibam ini. ²¹ Egha me Jerikon gumazamizibba, midorozir sababar bar me misogħezi me ariaghire. Egha men gumazir igħiabha ko għuriba sara me, me misozi me ariaghire. Egha uaghan men asiziba sara misogħezi da ariaghire.

²² Ezi Josua faragħa Jerikon nguibam modogħ an ganasa amadazir gumazimming migħi ghaze, "Ia faragħa akam akirzi mogħin, gua aven mangi, amizir dagħiaba bagħha gumaziba ko aktuim, an dipenimin mangi a ko an adarasi, me inīgh azzenan iż-zeġħi." ²³ Ezi gumazir igħiā faragħa mogħa nguibamin ganizimming aven ghua Rahap ko, an afeziam ko amebam ko, an doziba, ko

an adarasi, bar me inigha azenan izegha me isava Israelia itir danganimin azenan me ati.

²⁴ Ezi gin me nguibam avim a gatizima a isima, an aven itir biziba bar moghira isi. Egha me nguibar ekiamin aven itir silva, gol, bras ko ainin maba inigha Ikiavira Itir Godin dagia dipenim aven da ariki. ²⁵ Ezi amizir dagiaba bagha gumaziba koma akur kam Rahap, a faragha gumazir moga Jerikon ganasa ghuzir pumuning modo. Kamaghin, Josua a ko an adarazi ataghizi me ikia iza, datirighin Rahapin ovavir boriba Israelian aven ikiavira iti.*

²⁶ Ezi dughiar kamin Josua akar gavgavim isa gumazamizibagh aniga ghaze, "Gumazitam ua Jerikon nguibar kamin ingarighti, Ikiavira Itir God, a gasighasigham. A ua nguibar kamin ingangaritam damighti a dikavighti, an otarir ivariam ovengam. Egh a nguibar kamin tiar akar ekiabar ingarti, an otarir abuananam ovengam."

²⁷ Ezi Ikiavira Itir God Josua ko ikiavira iti, kamaghin gumazamizir kantrin kamin danganiba bar dar itiba, bar moghira iza ziar ekiam isa Josua ganidi.

7

Akan arazir kuram gami

¹ Ikiavira Itir God, faragha kamaghin migia ghaze, Israelia Jerikon nguibam dikabiraghiva, anogoroghezir bizitam inian kogham. Ezi Israelia akar kam batope. Karmin otarim Akan, bizi maba ini. Karmi a Sapdin otarim, ezi Sapdi a Seran otarim, a Judan anabamin mav. Kamaghin amizi, Ikiavira Itir Godin navim bar Israelia bagha pamten an isi.

² Ezi Josua Jerikon nguibamin boroghin ikia gumazir maba amangizi, me Ain nguibamin ghue. Ain nguibam, a Betelin nguibamin amadaghan, aruem anadi naghin iti. A Betavenin nguibamin boroghin iti. A danganir kamin, modogh daru an ganasa me migei. Ezi me ghua Ain nguibamin garagha arui.

³ Egha gumazir kaba gin uamategha iza Josua migei, "Ni bar midorozir gumaziba amangighti me mangan marki. Ni 2,000 o 3,000in midorozir gumazibara amangighti me mavanang Ain gumaziba ko misogh. Ai, a nguibar ekiam puvati. Ni midorozir gumazir aviriba amangan marki." ⁴ Kamaghin amizi, Josua Israeliyan midorozir gumazir 3,000in gumazibara amangizi me Ain nguibamin ghuavanangi. Ezi Ain gumaziba men agintizi me zuamira ua izaghire. ⁵ Ain midorozir gumaziba uan

nguibamin divazimin tiar akamin ikegha Israeliyan, agintigha ghua dagiaba abizir danganimin tu. Egha mighsiamin zuir tuavimin uaghiri. Me 36plan Israeliyan gumazibav soghezi me ariaghire. Ezi Israeliyan gavgaviba bar givazi me bar atiatingi.

⁶ Ezi Josua bizir kam ginighnigha bar osemegha uan korotiam abigha, Ikiavira Itir Godin Akar Dikirizir Gavgavimin Boksiamin guamin irigha, uan guam isa nguazim gati. Ezi Israeliyan gumazir dapaniba me uaghan Josua ko iregha, kamaghira ikiavti aruem iraghru. Egha me uan osimtizim akakaghaha nguazir minemniaba isa uan dapanibagh aghui.

⁷ Ezi Josua ghaze, "O Ikiavira Itir God, nan Ekiam, ni tizim bagha e inigha Jordanin Fanemin vongin danganir kamin ize? Ni ti e isi Amorian agharim datighti me bar e gasighasighasa? Ni e ateghti e Jordanin Fanemin vongira ikian aghua?" ⁸ O Ekiam, ki ua manmaghin mikimam? Israelia apanibar atiatigha uam ekuigha ara ize. ⁹ Egheti Kenanian gumaziba ko nguibar kamin itir gumazamiziba bar bizi kamin migirigiam baraghram. Egh me ti e ekiarugh bar e misuegħi e arimighiregħ, nguazir kamin ziabu ua puvatigham. Egh me ti ni dipova nin ziar ekiam abiraghram. Ni uan ziar ekiam bagħ nighnigh biziż tizim damuam?"

¹⁰ Ezi Ikiavira Itir God, Josua migia ghaze, "Ni dikafigh. Ni tizim bagha nguazim girighav iti?" ¹¹ Israelia arazir kuram gamigha gifa. Ki faragħa Jerikon nguibamin biziżza inian men anogoroke, ezi me nan akam batope. Egha biziż ki asighasighasa mikemeziba, me da inigha, ifara biziż kaba, uan biziż bar tongin da monge. ¹² Biziż kam bangin, Israelia tugh uan apaniba ko misogħan gavgaviba puvati. Me datirighin bar mogħira ikuvigham, kamaghin amizi, me uan apanibar ari. Biziż ki ian anogorogheziba, ia dagh asighasighan kogħti, ki ua ia ko ikian kogħam.

¹³ "Ni dikafigh. Egh mangi gumazamizibav kemegħti, me uari akirigh zuegh, egh gurum mizaraghan nan damazimini ize. Ki Ikiavira Itir God, Israeliyan God, ki ghaze, Ia Israelia, biziż ia inian ki anogorogheziba, ia da inigha gifa. Ia biziż kaba batuegħan kogħiva, egh uan apaniba abiraghjan kogħam.

¹⁴ "Kamaghin amizi, ia gurum mizaraghan vagħvagh uan anababar aven iki na bagħ iżi. Ki anabar tamim ziam diborogħti a iżi. Egh anabar kamin aven

* **6:25:** Hibru 11:31 **6:25:** Migirigiar otevir kam "iza datirighin," a datirighin en dugħiġi migei puvati. A gumazim akiñafarir kam osirizir dugħiġi migei. **6:26:** 1 Atriviba 16:34 **7:9:** Ua Me Ini 32:12; Godin Araziba 9:28

itir ikizibar ganiva, ikizir tamin ziam diboroghti, a izi. Egh ikizir kamin aven itir darazir gan dipenibar aven itir darazi diponti, me izi. Eighti gin dipenir kamin itir gumaziba uaghan vaghvagh bar na bagh izi.¹⁵ Eighti bizir ki anogoroghezir kaba inizir gumazim, ia an suiragh, a ko an amuiroghboriba sara, me daboroghti, me isigh arighiregh. Egh an biziba bar da sara, uaghan da tueghti da isigh. Gumazir kam a bar arazir kuram Ikiavira Itir Godin damazimin a gami, ezi Israelia aghumsizir bar ekiam ini. Egha nan gumazamiziba na ko dikirizir akam abiki.”

¹⁶ Ezi aminim tirazi mizaraghara, Josua Israelia migeima, me vaghvaghha uan anababar aven izi. Ezi a Judan anabam faragha me amisevezi me izi.¹⁷ Ezi a Judan anabamin ikizibar diazi me izima, a Seran ikizimin dia. Egha Seran ikiziba vaghvagh men deima me izima, a Sapdin adarazir suira.*¹⁸ Egha Josua Sapdin adarazi vaghvaghha men deima, me izima, an Akanin suira. Akan Karmin otarim, egha Sapdin igiavotarim, egha Seran ovavir borim, a Judan anabamin iti.

¹⁹ Ezi Josua kamaghin Akan migei, “Nan otarim, ni datirighin guizbangira Ikiavira Itir God, a Israeliian God, ni an damazimin mitigh, egh bizir ni amizim datirighin an gun na mikim. Egh bizitamn nan ghuangsighan marki.”

²⁰ Ezi Akan a ikaragha ghaze, “Guizbangira, ki Ikiavira Itir God, a Israeliian God, ki an damazimin arazir kuram gami. Ki datirighin, bizir amizimin gun ni mikimam.²¹ E midorozim gamua biziba isir dughamin, ki Babilonia ingarizir korotiar bar aghuir mam ko, silvan maba ko golin dagiar ekiam ini. Silvan osimtizim, 4 kilogremin tu. Ezi golin osimtizim, 1kilogremin tu. Ki bar dagh ifongegeha da ini. Egha da inigha ghua uan purirpenimin aven mozim okoregha da aghuigha nguazimin da monge, ezi silva bizar igharazibar apengan iti.”

²² Ezi Josua gumazir maba amadazi, me ivemara Akanin purirpenimin ghue. Egha me gari, biziba bar Akan mikemezei moghiha mozimin aven iti, ezi silva bar apengan iti.²³ Ezi me bizir kaba purirpenimin aven bar ada inigha Josua ko Israelia bagha ize. Egha Ikiavira Itir Godin damazimin nguazimin da ariki.

²⁴ Ezi Josua ko Israeliian gumazamiziba, me Akan ko a inizir biziba sara ini, silva ko korotiam ko golin dagiam, ko an otariba

ko guiviba, an bulmakauba ko donkiba, ko sipsipba ko an purirpenim ko an biziba bar. Me da inigha Akorin danganir zarimin ghuaghiri.²⁵ Egha Josua kamaghin a migei, “Ni manmaghsua osimtizir ekiar kam inigha iza e gati? Datirighin Ikiavira Itir God uaghan osimtizir ekiam ni daningam.”

Ezi gumazamiziba dagiaba inigha Akan ginivigha, an amuiroghboriba uaghan me ginivizi me ariaghirezi, me men biziba sara me gapongezi me isi.

²⁶ Egha Akanin kuam gisin dagiar pozir dafam mikini. Ezi dagiar pozir kam datirighin ikia kamaghira iti. Me kamaghin amizi, Ikiavira Itir God aningagharam datirighin iraghу. Ezi me danganir kam kamaghin a dibora ghaze, “Akorin danganir zarim.”†

8

Israelia Ain nguibar ekiam gasighasiki

¹ Ezi Ikiavira Itir God kamaghin Josua migei, “Ni atiating nighnizir aviribar amuan marki. Ki Ain nguibar ekiamin atrivim ko, an gumazamiziba ko, an nguaziba ko, nguibar ekiam, isa nin dafarim gatigha gifa. Kamaghin, ni uan midorozir gumaziba bar me inigh Ain mavanang.² Ain atrivim ko an nguibar ekiam, ni Jeriko ko an atrivim gasighasighizi moghin, a gasighasikigh. Eighti dughiar kamin, ia nguibar kamin asiziba ko an biziba uari bagh da inigh mangam. Ia nguibar ekiam kam ko misoghs, uari akitigh, egh faragh uan midorozir gumazitaba amadaghti, me mangi nguibar ekiamin girakirangin mongegh.”

³ Kamaghin amizi, Josua uan midorozir gumaziba bar me inigha me Aiba ko misoghsa ghuavanadi. A uan 30,000plan midorozir gumazir fofozir aghuiba itiba amisevegha me amadazima, me dimangan faragha ghue.⁴ Egha a kamaghin me migei, “Ia bar deraviram oragh. Ia mangi saghon mongegh ikian marki, ia nguibar ekiamin girakirangra mongegh misoghs gan iki.⁵ Eighti midorozir gumazir na ko itiba, ki me inigh e nguibar ekiam abigh mangisi damuam. Eighti Ain gumaziba e misoghs azenan iziti, e faragha amizi moghin men aram.⁶ Egh e me ateghti me fomira amizi moghin, en agiragh azenan izegh uan nguibar ekiam ategham. Eighti e men aram. Me kamagh en ganigh suam, e faragha men arezi moghin ua men ari.⁷ Eighti ia mongezi naghin ikegh azenim giregh

* 7:17: Hibrun akam deragha migirigiar kamin mingarim abighizir puvati. † 7:26: Hibrun akamin, ziar kam, “Akor,” a mong ziar kam ko aning voroghira ghu, “osimtizir ekiam.” Ezi migirigiar kam, “dagiar pozir kam datirighin ikia kamaghira iti,” a datirighin en dughamin a migeir puvati. Puvati. A gumazim akinafarir kam osirizimin dugham migei.

mangiti, Ikiavira Itir God, ian God, men nguibar ekiam isi ian agharim darigham. ⁸ Egh ia nguibar ekiam inigh givaghiva, Ikiavira Itir God, mikemezi moghira ia avim a datigh. Ki Akar Gavgavir kaba ia ganidi, ehti daeraghvira dar gin mangi."

⁹ Ezi Josua me amadazi, me ghua aruem uaghiri naghin amadaghan, Ai ko Betelin nguibar tizimningin danganir mamin mongegha, midorozim bagha mizua iti. Ezi Josua dimagarir kamin midorozir gumazir igharaziba ko ikia danganir men puripeniba itimin iti.

¹⁰ Egha amimzaraghan Josua dikavigha, midorozir gumazibar diagha me akuvagha, Israelien gumazir dapaniba ko me midorozir gumazibar faragha ghua Ain nguibam bagha zui. ¹¹ Egha midorozir gumazir Josua ko zuiba, me notin amadaghan Ain nguibamin tiar akar ekiam iti naghin, danganim aghuigha an iti. Ezi danganir me itim ko Ain nguibamin tiar akar ekiamin tizimin, danganir zarir mam iti. ¹² Josua 5,000plan midorozir gumazir amadaziba me ghua danganir mamin mongeghav iti. Danganir kam aruem ghuaghiri naghin amadaghan, Ai ko Betelin nguibar tizimin iti. ¹³ Josua midorozir gumaziba bar me isa danganibar me ariki, midorozir gumazir avirim me, notin amadaghan iti, ezi marazi aruem uaghiri naghin, nguibar ekiamin boroghin danganim aghuigha an iti. Ezi Josua dimagarir kamin ghua danganir zarimin iti.

¹⁴ Ezi Ain atrivim Josuan midorozir gumazibar gari, me itima, a uan midorozir gumaziba ko zuamira nguibar ekiam ategha, Israelien ko misoghosa Jordanian danganir zarimin zui. Me faraghvira danganir kamra uariv soke. Egha Ain atrivim kamaghin fozir puvati, Josuan midorozir gumaziba nguibar ekiamin azenan mongegh ikegh an girakirangin misogh izam.

¹⁵ Ezi Josua uan midorozir gumaziba ko, atrivim gifara ua ivemara ara gumazamiziba puvatizir danganimin amadaghan zui. ¹⁶ Ezi atrivim Israelien agintighasa nguibar ekiamin tir midorozir gumazibar dei, me Israelien agintigha ghua Ain nguibar ekiam saghuiam a gati. ¹⁷ Ezi Ai ko Betelin midorozir gumaziba bar moghira nguibar ekiamning ategha Israelien agintigha ghue. Ezi nguibar ekiamningin tiar akaba pura kuiaghiregha iti, ezi dar ganamin gumaziba puvati.

¹⁸ Ezi Ikiavira Itir God kamaghin Josua migei, "Ni uan afuzim ghufegh, Ain nguibar ekiamin akagh. Ki datirighin nguibar ekiar

kam isi nin agharim darigham." Ezi Josua Ikiavira Itir God mikemezi moghin ami. ¹⁹ A uan afuzim fezima, midorozir gumazir mongeziba, me an ganigha, zuamira ivemara nguibar ekiamin aven ghuegha, a inigha, a gaborozi, a isi.

²⁰⁻²¹ Ezi Ain gumaziba ragha uan nguibar ekiamin garima migharim an otogha ovevem għuavvanadi. Josua uan midorozir gumaziba ko, me faragħa Ain gumazibah ifarav arav ghue, egha datirighin ua iza migharimin gari a għuavvanadima me fo, Israelien midorozir gumaziba ghua nguibar ekiam inigha, a gaborozi a isi. Ezi Ain midorozir gumaziba ari mangi ovevem gitaviragħan tuaviba bar puvati. Ezi Josua uan midorozir gumaziba ko uamateghha iza bar me misoghezi me ariaghire. ²² Ezi datirighin Israelien midorozir gumazir nguibar ekiamin aven ghuegha a għabroza, me azenim giregha uaghlan midorozim aven ghua, Aiba okarighha me misosi. Egha Israelia Ain gumazibba, bar me misoghezi me ariaghire. Men tarazi areghha ua itir puvati. ²³ Ezi Ain atrivimra, an angamira itima Israelia an suiraghha a inigha Josua bagħha għu.

²⁴ Ezi Israelia, Ain gumazir faragħa men gintiġha gumazamiziba puvatizir danganimin, me danganir kamin uan apaniba bar me misoghezi me ariaghire. Egha gin marazi uamateghha Ain għuegħha gumazamizir nar nguibar ekiamin aven itiba bar me misoghezi me ariaghire. ²⁵⁻²⁶ Josua dugħiār kamin uan afuzim fegħha Ain nguibar ekiamin akaghha mamaghira itima, gumazamiziba bar ariaghire. Gumazamizir ariaghirezbar dibobonim, a 12,000in tu.

²⁷ Ikiavira Itir God, faragħa Josua migia ghaze, "Israelia Ain nguibar ekiam gasighasigh uari bagħ an asiziba ko biziba bar da iniam." Ezi Israelia bizir kaba bar uari bagħha da ini.

²⁸ Egha Josua Ain nguibar ekiam għabrozi a bar sığha bar ikuvigha iti, egha datirighin ikia kamaghira iti. ²⁹ Ezi Josua Ain atrivim inigha tememin anegurazi an arem, ezi an kuam ikia għuavti aruem iragħu. Ezi garantizmin Josua gumazibav kemeżima, me an kuam inigha ghua Ain nguibamin tiar akar ekiamin anekuni. Egha me dagħar aviriba isa an kuam għis in dar pozim mikini. Dagħiar pozir kam datirighin ikia kamaghira iti.*

Josua Ebalin Mighsiamin Moses Osirizir Arażibar akaba dibori

* **8:29:** Migirigar kam, "dagħiar pozir kam datirighin ikia kamaghira iti," e datirighin itir dugħiām an a migeir puvati. A gumazir akiñ farir kam osirizmin dugħiām migei. **8:30-31:** Ua Me Ini 20:25 **8:30-31:** Godin Arażiba 27:2-8

30-31 Dughiar maba givazima Josua Israelia ko Ebalin Mighsiamin ize. Me kagh izegha, Josua uan gumazir mabav già ghaze, ia Ikiavira Itir God, Israelien God, a bagh ofa gamir dakozimin ingar. Ia Ikiavira Itir Godin ingangarir gumazim Moses, an e mikemezir moghin ingar. Ezi me Moses Osirizir Arazibar Akinafarimin aven itir akabar gin ghua an ingari. Akinafarim ghaze, me God bagh ofa damuamin dakozimin ingarsi, dagiar tuzimin dighorezir dagiaba inigh an ingaran marki, me dagiar kiniba inigh an ingarigh. Ezi me ofabar amuamin dakozimin ingari. Ezi gumazamiziba bar uan ofan tue bar isia mighiriziba, inigha ghua Ikiavira Itir Godin ofa gamua, egha uaghan God ko navir vamiran ikiamin ofabagh ami. ³² Ezi Israelia mitivighavira ikia garima, Josua dagiar mabagh isin Moses Osirizir Akar Gavgaviba, da osiri. ³³ Ezi Israelia bar, men gumazir dapaniba ko, ingangaribar faragh zuir gumaziba ko, men jasba ko, gumazamizir kantrin igharazibar izeziba, me bar ghua okoruar pumuningin tuifi. Israelien gumazamizir tuiviziba, marazi Gerisimin Mighsiamin boroghin tuivizi, marazi Ebalin Mighsiamin boroghin tuifi. Ezi ofa gamir gumaziba, me Livain anabamin adaras, me Akar Dikirizir Gavgavim itir Boksiam gupugha izezima, Israelien okoruar pumuningin vong ko vongin tuivighav iti. Me uan guaba isa Akar Dikirizir Gavgavim itir Boksiam misoke. Boksiar kam men torimra iti. Gumazamiziba Kenanin nguazimin otivigh, Ikiavira Itir God, deragh me damusi, me an ingangarir gumazim Moses mikemezi moghira, me bizibar amuam.

³⁴Ezi me mitivighavira itima, Josua Moses Osirizir Arazibar akaba bar, pamtemin dar bori. A, Israeliel deravira iki Godin akabar gin mangiti, a deravira me damuamin akaba dibora, egha uaghan me Godin akam batoghti a ivezir kuram me daningamin akaba dibori. ³⁵Josua Moses Osirizir Araziba diborima, Israelien gumazamiziba bar da baraki. Men amiziba ko, boriba ko, nguibar igharazibar gumazamiziba, me uaghan ikia migirigar kaba baraki.

9

Gibonia, Josua gifari

¹ Ezi atrivir Jordanin Fanemin aruem uaghiri naghin itiba, me mighsiabar itir danganibar atriviba ko, mighsiar dozibar itir danganibar atriviba ko, danganir Mediterenianin Ongarir Ekiamin miriamin ikegha ghua notin amadaghan Lebanonin nguazimin tuzir atriviba. Me kara: Hitian

atrivim, Amorian atrivim, Kenanian atrivim, Peresian atrivim, Hivian atrivim ko Jebusian atrivim, me bar moghira Israelia amizir bizir kabar akam baraki. ²Me akar kaba baregha iza Josua ko Israelia misoghasa uari akufi.

³ Ezi Gibeonin nguibamin itir gumazamiziba me Hivian dakozimin aven iti. Me Josua Jerikon nguibam ko Ain nguibam gasighasighizir bizim baraki. ⁴ Egha men marazi nguibar saghuiamin izezir gumazibar min Josua gifarasa, wainin misevir ghurir biaghireziba inigha ua da isami. Egha da inigha, uan mitarib bar ghuriba inigha, uan bizir ghuriba isa dagh aghui. Egha bizir kaba isa uan donkibagh isin ariki. ⁵ Me uaghan korotiar ghuriba aghui. Egha dagarir asuar ghurir dighoraghireziba ua da isamigha, da aghui. Egha bretin midiarir aviaba inivizir kuraba uaghan da inigha izi. ⁶ Dughiar kam, Josua Gilgalin danganim aghuigha an iti. Ezi Gibeonin adarazi a bagha ghua, a ko Israelia batogha kamaghin me migei, "E nguibar saghuiamin ikegha iza ia ko akar dikirizir gavgavim damigh, eghia ko deragh dapiasa."

⁷ Ezi Israelien gumaziba kamaghin Hivia migei, "Ia ti bar en boroghira iti. E ia ko akar dikirizir gavgavim damuan kogham."

⁸ Ezi me kamaghin Josua migei, "E pura nin ingangarir gumazibar otivigh ikiam."

Ezi Josua kamaghin me migei, "Ia taia. Ia managhira ikegha izi?"

⁹ Ezi me kamaghin a migei, "E nin ingangarir gumaziba bar saghon mar ikia, Ikiavira Itir God, ian God barazi a bizir bar ekiaba Isipin kantrin, dagh ami. ¹⁰ Egha e uaghan Amorian atrivir Jordanin Fanemin vongin itimning, Ikiavira Itir God, aning gamizir eghaghaniba baraki. Sihon, an Hesbonin nguibar ekiamin atrivim, ezi Ok, a Basanin nguibar ekiamin atrivim. A fomira Astarotin nguibar ekiamin ike. ¹¹ Ezi en kantrin gumazir dapaniba ko, gumazamiziba bar kamaghin e migei, 'Ia daghetaba sara inigh mangi Israeliel batogh kamagh me mikim suam, "E pura ian ingangarir gumazibar ikiasi ia ko akam akirasa izi." ¹² Ia kagh bretbar ganigh, da isiavira itima, e nguibam ategha ia bativasa da inigha izi. Ezi bretin kaba datirighin misingigha aviba dagh inifi. ¹³ Ezi wainin misevir kaba uaghan kamaghira ghu, dar igiabara e wain isa dagh rui. Ezi datirighin ia gan, da tintinibar biaghire. Ezi en korotiaba ko dagarir asuuba, e tuavir ruuar kamin izima da bar dighoraghire."

¹⁴ Ezi Israelia dagher kaba inisi, faragh Ikiavira Itir Godin azaragh egh gin ada iniam, me kamaghin amizir puvati.
¹⁵ Ezi Josua me angamira ikiasi, me ko navir vamiran ikiamin akam akira navir amirizim me ganningi. Ezi Israeliyan gumazir dapaniba uaghan akar dikirizir kamin amamangati.

¹⁶ Israelia me ko akam akirizi dughiar pumuning ko mikezim givazi, me gin gumazir kabagh fo, kar men boroghira iti adarazi men tongin iti. ¹⁷ Ezi Israelia dikavigha ghua aruer mikezimin men nguibar ekiabar otifi. Men nguibar ekiar kabanang: Gibeon, Kefira, Berot ko Kiriad Jearim. ¹⁸ Me fo, Israeliyan gumazir dapaniba Ikiavira Itir God, a Israeliyan God, me an ziamin Gibionia ko akam akirigha gifa. Kamaghin, Israelia me misoghezi me ariaghirezir puvati. Ezi Israelia uan gumazir dapaniba bizar kam bagha me gimoba men atari. ¹⁹ Ezi gumazir dapaniba kamaghin gumazamizibav gia ghaze, "Ikiavira Itir God, a Israeliyan God, e an ziamin me ko akam akirigha gifa. Egh datirighin e me misoghti me arimighiran kogham. ²⁰ E kamaghin me damuam: e me ateghti me angamira ikiam. E fo, e Godin damazimin me ko akam akirigha akar dikirizir kam abighan kogham. E me misueghti, me aremeghti, God en atariva bar e gasighasigham. ²¹ Kamaghin amizi, me angamira ikiam. Eghti e me ateghti, me ikiva bar e bagh faziba abighiva, e bagh dipaba tu da ater daruam." Ezi Israelia, uan gumazir dapaniba baregha me ataghizi me iti.

²² Ezi Josua Gibeonian diazi me izima a kamaghin me migei, "Ia en boroghira ikia, tizim bagha e gifara ghaze, e bar saghon mar ikegha ize? Bar puvati. ²³ Ia ifarazi bighangin, God paza ia damuam. Ia datirighin en ingangarir gumazibar iki magnaghira ikiva, Ikiavira Itir Godin Dipenim bagh faziba abighiva, dipaba tuva da ater daruam."

²⁴ Ezi me Josuan akam ikaragha ghaze, "Gumazir ekiam, e kamaghin oraki, Ikiavira Itir God, ian God, uan ingangarir gumazim Moses migia ghaze, ia izi kagh otivighti, a nguazir kaba bar da isi ia daningam, egh nguazir kabar itir gumazamiziba bar me gasighasigham. Kamaghin, e ian atiaghia uari bagha nighnigha ifavarir kam gami. ²⁵ Egha e datirighin nin agharimin iti. Ni bizir tizim ginighnizi a nin dera, ni puram a damu."

²⁶ Ezi Josua Gibeonian akurazima, Israelia me misoghezi me ariaghirezir pu-

vati. ²⁷ Ezi Josua dughiar kamin me gamizi, me pura ingangarir gumazir kinibar iki, Israelia bagh faziba abigh dipaba tuva, Ikiavira Itir Godin Dipenimin aven itir ofa gamir dakozim bagh ingangaribar amuam. Egha Gibeonia datirighin uaghan, Israelia uari akuva Ikiavira Itir Godin ziam fer danganiba bar, me dar ingangarir kam gamauvira iti.*

10

Josua, Amoria misogha me abira

¹ Ezi Jerusalemin Atrivim Adoni Sedek orazi, Josua Jerikon nguibar ekiam gasighasighizi moghin Ain nguibam gasighasiki. Egha nguibar ekiar kamningin atrivimning misoghezi aning areme. Egha orazi Gibeonia Israelia ko akam akirigha uari inigha men boroghin ikia navir amirizim iti. ² Ezi Jerusalemin atrivim ko an gumazamiziba Gibeonian arazim baregha, me bar atiatingi. Me fo, Gibeonin nguibam, an atrivimin itir nguibar ekiam min iti. Egha an ekevegha Ain nguibam bar a gafira. Ezi an gumaziba, me bar midorozimin fofozir gumazir aghuibara. ³ Dughiar kamin Jerusalemin Atrivim Adoni Sedek, an boroghin itir atrivir 4pla, a me bagha akam amada. Atrivir kaba, Hebronin Atrivim Hoham, ko Jarmutin Atrivim Piram, ko Lakisin Atrivim Jafia, ko Eklonin Atrivim Debir. ⁴ An akam me bagha anemaga ghaze, "Gibeonia, Josua ko Israelia ko akam akirigha uari inigha ikia navir amirizim iti. Kamaghin amizi, ia izi nan akuragh e mangi Gibeonia misogham." ⁵ Ezi Amorian atrivir 5plan kaba uari akuvagha ghua Gibeonia korogha me misoghasa. Atrivir kabar nguibabar kara, Jerusalem, Hebron, Jarmut, Lakis ko Eklon.

⁶ Dughiar kam, Josua Gilgalin danganim aghuigha itima, Gibeonia a bagha zuamirama akam amaga ghaze, "O gumazir ekiam, e ian ingangarir gumaziba, e nin apengan iti. Ezi ni e ateghan marki, ni zuamira izi en akuragh! Amorian atrivir danganir mighsiabar itiba uan midorozir gumaziba isafuragh, izighiri e misoghasa." ⁷ Ezi Josua uan midorozir gumaziba bar me akuvagha, deragha misozir midorozir gumazir aghuibha inigha, gumazir igharaziba sara inigha, me Gilgal ategha, Gibeonian akuragh misoghasa zui.

⁸ Ezi Ikiavira Itir God, Josua migia ghaze, "Ni men atiatingan marki, ki me isa ian agharim gatigha gifa. Men tav ia abiraghan kogham." ⁹ Ezi Josua uan midorozir gumaziba ko dimagarimin aghumra Gilgal ategha ghua Gibeonin nguibar ekiamin

* ^{9:27:} Migirigar kam, "datirighin uaghan," a datirighin e itir dughiam migeir puvati. Puvati. A gumazir akinafarin kam osirizir dughiam migei.

oto. Me ghuavira ikia maghira Amoria misozima me bar digavir kuram gami.¹⁰ Dughiar kamin Israelian midorozir gumaziba izima, Ikiavira Itir God, Amoria gamizi, me atiatigha okam nighnigha tintinibar ari. Ezi Israelia Gibeonin nguibamin, Amorian avirim misoghezi me ariaghire, egha bar men gintigha ghua Bethoronin nguibamin boroghin mighsiamin zuir tuavimin ghuavanabo. Me puv me misogha ghua sautin amadaghan Aseka ko Makedan nguibamningin tu.¹¹ Ezi Amoria Israelian midorozir gumazibar ara Asekan nguibamin amadaghan uaghirma, Ikiavira Itir God aisin amozir ofizir ekiabagh amizi, da dagiabar min izaghira me girima, me ariaghire. Amorian gumazir aisin amozir ofiziba misoghezi ariaghirezibar dibobonim ghuavanabo. Egha Israelia misoghezi ariaghirezir gumazibar dibobonim gafira.

¹² Ezi dughiar kamin Ikiavira Itir God Israelian akurazi, me Amoria misogha me abira. Egha dughiar kamra, Josua Israelian damazimin Ikiavira Itir God ko migia ghaze, "Aruem, ni Gibeonia gisin iki mamaghira iki. Iakinim, ni Ajalonin danganir zarimin tughiv iki mamaghira iki."¹³ Ezi aruem isiragha ikia kamaghira iti, ezi iakinim uan danganimin ikiavira itima, Israelia uan apanibav sogha me abira. Ezi me bizir kabar eghaghanim Jasarin Akinafarimin da osiri. Guizbangira, dughiar kamin, aruem isiragha pin ikiavira ikia, ghua dughiar bar ruarin givazi, aminim piri.*¹⁴ Fomira ikegha iza datirighin, bizitam datirighin otozi moghin otozi puvati. Otozir bizir kam, a kamakin, Ikiavira Itir God, gumazir mamin akam baraki. Guizbangira Ikiavira Itir God, Israelian akuratha midorozir kam gami!

¹⁵ Egha midorozimin gin, Josua uan midorozir gumaziba ko ua Gilgalin danganir me itimin ghue.¹⁶ Ezi Amorian 5plan atriviba midorozimin tongin ara ghua Makedan nguibamin dagiar torir mamin iti.¹⁷ Ezi gumazir maba me mongeħha itir danganimin ganigha an gun Josua mikeme.

¹⁸ Ezi Josua ghaze, "Ia dagiar ekiaba poghpogh mangi mozir akam apirigh. Egh gumazitaba arighti me an gan iki.¹⁹ Ikiavira Itir God, ian apaniba isa ian dafaribagh atigha gifa. Kamaghin ia pura ikian marki. Ia apanibav sogħi men gintigh mangiyra iki. Ia me ategħi me mangi uan nguibar ekiabar otivan marki."²⁰ Ezi Josua Israelia ko men agintigha me misogha, bar mogħira

me agevima, men varazira zuamira ara ghua uan nguibar ekiabar aven mongeħav iti.²¹ Ezi Israelian midorozir gumaziba bar mogħira deragħa ikia iza Makedan danganir me itimin Josua bato. Ezi Kenanin nguazimin iti darazi migirigiatam ua Israelia gasa me migeir puvati.

²² Ezi Josua kamaghin uan gumazibav gei, "Ia mangi mozim ġakamin itir dagħiab poegħ, 5plan atrivir kaba inigh na bagħ iżi."²³ Ezi Josuan gumaziba, 5plan atrivir dagiar torimien aven itir kaba, me inigha azeni għalli. Atrivir kabar nguibabar kara, Jerusalem, Hebron, Jarmut, Lakis ko Eklon.

²⁴ Me atrivir kaba inigha a bagħha ghuzu, a Israelian gumaziba bar men diaghha me akufa. Egha gumazir dapanir an gin ghueziba, a kamaghin me migei, "Ia kagh iziva uan dagariba isi atrivir kabar tuebar arikid." Ezi me a mikemezi mogħin ami.

²⁵ Ezi Josua Israelian gumazir dapanibav già ghaze, "Ia akongiva ati tingan marki. Ia tuivigh gavgaғiha. Guizbangira, Ikiavira Itir God, ian apaniba arazir kamra me damuam."²⁶ Egha Josua atrivir kabav soghezi me ariaghirezi, a me isa temer 5plan me guizi, men kuuba guighav ikia għuavti aruem għifa.²⁷ Ezi aruem iraghuzi, a gumazibav kemezi me atrivir kabar kuuba inigha, ghua torir me mongezix kamin me akuni. Egha torir kamin akam me dagiarr ekiabar anepi. Ezi a datirighin ikiavira iti.

²⁸ Egha dughiar kamra, Josua Makedan nguibar ekiamin midorozim gamua an atrivim suiraghav a misoghezi an arem. Egha uan gumazibav kemezi me nguibar kamin itir gumazamiziba bar mogħira me misoghezi me ariaghire. Ezi men tav u itir puvati. A Jerikon atrivim gamizir arazir kamra, a ua Makedan atrivim gami.

Israelia nguibar ekiar iħgaraziba ini

²⁹ Egha bizir kabar gin, Josua uan midorozir gumaziba ko Makedan nguibam ategħha ghua Lipnan nguibamin otogħha me misosi.³⁰ Ezi Ikiavira Itir God, Israelian akurazi me midorozim gamua uan apaniba abinigha, atrivim sara suiraghav a misoghezi an arem. Me nguibar ekiamin aven itir adarasi, tarazi ataghħiżi me itir puvati. Me bar me misoghezi me ariaghire. A Jerikon atrivim gamizir arazir kamra, uaghħan Lipnan atrivim gami.

³¹ Bizir kabar gin, Josua Israelian midorozir gumaziba bar me inigha, Lipnan nguibam ategħha ghua Lakis in ꝑuibamin otogħha, a korogħa me misosi.³² Ikiavira Itir God, Israelian akuratha Lakisia is-

* ^{10:13:} Fofzir gumaziba kamaghien nighni, Jasarin Akinafarim, a Israelian akinafarir ghurix mam. Ezi akinafarir kam datirighin bar ovengo. Ezi e fofz pu, migirigiar manaba an aven iti. Devit, Atrivim Sol ko Jonatanin apangkuvigha aning bagħha ongezix iħġam osiri, a uaghan akinafarir kamin iti. Ni 2 Samuel 1:17-27 in ganigh. ^{10:14:} Josua 10:42; 2 Atriviba 20:8-11; Aisaia 38:8

Josuan dafarim gati. Egha amimzaraghan a Lakis ko an aven itir adarazi bar me misoghezi, me ariaghire. A Lipna gamizir arazir kamra, uaghan Lakisin adarazigh gami.³³ Ezi Geserin nguibamin atrivim, Horam, a Lakisin akuragh misoghasa izi. Ezi Josua, Horam uan adarazi ko bar me misoghezi me ariaghire.

³⁴ Egha bizar kabar gin, Josua uan midorozir gumaziba ko Lakisin nguibam ategha, ghua Eklonin nguibam korogha maghira me misosi. ³⁵ Dughiar me ghua me korozimin, aruer kamra, me bar me misoghezi me ariaghire. Me Lakisin adarazigh amizi moghin, me uaghan Eklonin adarazigh ami.

³⁶ Me kamaghin amigha givagha, Josua uan midorozir gumaziba ko Eklonin nguibam ategha, ghuavanaga Hebronia ko misosi. ³⁷ Me ghua me korogha maghira me misosi. Me atrivim ko nguibar ekiamin aven itir gumazamiziba bar me misuegha, nguibar men boroghin itibar gumazamiziba sara misoghezi me ariaghire. Me men tarazi ataghizi me itir puvati. Egha me Eklonin adarazigh amizi moghin, me uaghan arazir kamra Hebronin adarazigh ami.

³⁸ Egha Josua Israelian midorozir gumaziba bar me inigha, ighaghiregha ua iza Debirin nguibar ekiam korogha me misosi. ³⁹ Me ghua me korogha maghira me misosi. Me atrivim ko nguibar ekiamin aven itir gumazamiziba bar me misuegha, nguibar men boroghin itibar gumazamiziba sara misoghezi me ariaghire. Me men tarazi ataghizi me itir puvati. Egha me Lipna ko Hebronin atrivimning gamizir arazimra, me uaghan Debirin atrivim gami.

⁴⁰ Josua Kenanin nguazir cuer mam garua, an atriviba ko an gumazamiziba bar me misogha me abira. Egha mighsiabar itir danganibar atrivibav sogha me abinigha, Negevin danganimin itir atrivibav sogha me abinigha, aruem uaghiri naghin itir mighsiabar atriviba bar me misogha me abinigha, egha Jordanin Fanemin danganir zarimin itir nguibabar atrivibav sogha me abini. A men tarazi ataghizi me itir puvati. A Ikiavira Itir God, Israeliian God, mikemezi moghin, a bar me misoghezi me ariaghire. ⁴¹ Josua danganir kamin nguibar kabar gumazamiziba bar me misoghezi me ariaghire. A sautin amadaghan itir nguibam Kades Barnean, ikegha izi Gasan nguibamin oto, an ongarir dadarimin boroghin iti. Egha Gosenin danganimin ikegha notin amadaghan iza Gibeonin nguibamin tu. ⁴² Ikiavira Itir God, Israeliian God, a men akurazi me atrivir kabav sogha me abinigha, men nguaziba dughiar kamra bar ada ini. ⁴³ Egha Josua Israeliian

midorozir gumaziba bar me inigha iza uamategha Gilgalin me itir danganimin ghu.

11

Israelia, Atrivim Jabin ko an namakaba, me abini

¹ Ezi Jabin, Hasorin nguibar ekiamin atrivim, a Israelia amizir bizibar eghaghannim baregha, nguibar ekiar kabar atriviba bagha akaba amangi, kar Madonin nguibar ekiamin Atrivim Jobap ko, Simonin nguibar ekiamin atrivim ko Aksapin nguibar ekiamin atrivim. ² Egha uaghan notin amadaghan itir nguibar mighsiabar itibar atriviba bagha akam amada, egha Jordanin Faner zarir sautin amadaghan, Galilin Dipar Akarer miriamin itir atriviba bagha akam amada. Egha notin itir mighsiar dozibar nguibabar atriviba bagha akam amaga, Dorin nguibamin boroghin ongarir miriamin itir atriviba bagha akam amada. ³ Egha Kenanian nguibar aruem anadi naghin ko, aruem uaghiri naghin itiba bagha akam amada. Egha mighsiamin itir nguibar kabar atriviba bagh akaba amangi, kar Amoria, Hitia, Peresia ko Jebusia. Egha Hivian atriviba bagha akam amada, me Mispan nguazimin Hermonin Mighsiamin boroghin iti. ⁴ Ezi atrivir kaba akar kam baregha bar moghira uan midorozir gumaziba ko ize. Men midorozir gumaziba bar avirasemegha, ongarir miriamin gigimin min ghugha, hoziar avirim ko karisin avirim iti. ⁵ Ezi atrivir kaba bar moghira uan midorozir gumaziba akuvagha men akua iza Meromin Faner miriamin danganir mam aghuigha an ti.

⁶ Ezi Ikiavira Itir God kamaghin Josua migei, “Gurumzaraghan dughiar kamra, ki Israeliian akuraghti me bar uan apanibav sueghti me arighiregham. Kamaghin amizi, ni men atiatingtan marki. Egh ia bar men hoziabar suer agiribar aghoregh, men karisbar apongeghti da isigh.” ⁷ Ezi men apaniba tighar midorozim bagha uari akuvima, Josua uan midorozir gumaziba ko Meromin Faner miriamin midorozim fore. ⁸ Ikiavira Itir God Israeliian akurazi me midorozimin uan apaniba abira. Ezi Israelia uan apanibav sogha men agintigha notin amadaghan ghua, Saidonin nguibar ekiam ko Misrefot Maimin nguibamin otogha, ghua aruem anadi naghin Mispan danganir zarimin oto. Me misogha mamaghira ikiya ghua uan apaniba bar me agifa. ⁹ Ezi Josua Ikiavira Itir God a mikemezi moghin men hoziabar suer agiriba aghoregha men karisbagh apongezi da isi.

¹⁰ Egha Josua gin uamategha izá Hasorin nguibar ekiam inigha givagha an atrivim misoghezi an areme. Dughiar kamin Hasorin nguibar ekiam, a nguibaba bar dar faragha itir nguibam. ¹¹ Ezi Israelia Hasorian gumazamiziba bar me misuaghari, ezi men tav ua itir puvati. Ezi me nguibar ekiar kam gaborozi a isi. ¹² Josua atriviba bar men suigha men nguibar ekiaba bar ada inigha, bar moghira me misoghezi me ariaghire, mati Ikiavira Itir Godin ingangarin gumazim Moses, a mikemezi mokin. ¹³ Ezi Israelia nguibar ekiar gumaziba mighsiar dozibagh isin ingerizibagh aponegezir puvati. Josua me mikemezi me Hasorin nguibar ekiamram aboro. ¹⁴ Ezi Israelia nguibar ekiar kabar bizar aghuiba ko dagiaba ko bulmakauba uari bagha dar suiki. Egha gumazamizitam ataghizi a itir puvati. Me bar me misoghezi me ariaghire.

¹⁵ Ikiavira Itir God faragha migirigiam isa uan ingangarin gumazim Moses ganingizi, Moses migirigar kaba isa Josua ganangi, ezi Josua bar dar gin ghu. Guizbangira, Ikiavira Itir God Moses mikemezi moghin, Josua bar moghira bizibagh ami.

Josua, nguazir kamin danganiba bar ada ini

¹⁶ Ezi Josua nguazir kamin danganiba bar ada ini. A danganir mighsiaba isava, Negevin Distrighin danganiba bar ada isava, Gosenin Distrik ko dipaba puvatizir danganim Araba isava, aruem uaghiri naghin mighsiar doziba isava, Jordanin Fanemin danganir zarim ini, kar bar Israeliian danganir zariba ko danganir mighsiaba itiba. ¹⁷⁻¹⁸ Nguazir kamin mitaghniām, Halakin Mighsiamin ikegha ghua Idomin nguazimin boroghin sautin amadaghan ghua, notin amadaghan ghua, Lebanonin nguazimin danganir zarimin itir nguibam Balgatin oto, a Hermonin Mighsiamin boroghin iti. Dughiar kam Josua, dughiar bar ruarinim atrivir kaba ko misogha, bar me misuaghari. ¹⁹ Ezi nguibar igharazitam Israelia ko navir amirizim inizir puvati. Hiviara Israelia ko navir amirizim inigha me ko iti. Kar Gibeonin nguibar ekiamin aven itir adarasi. Ezi Israelia, igharaz darazi bar moghira me gasighasiki. ²⁰ Guizbangira, Ikiavira Itir God ubi, men navibagh amizi da gavgavigha, Israelia ko misoghasa. Ezi puvati, Israelia men apangkuvizir puvati. Israelia, Ikiavira Itir God fomira Moses ganingizir migirigiamin gin ghua, me gasighasigha bar me agifa.

²¹ Ezi dughiar kamin Josua ghua Anakin ovavir boribar adarasi, bar me gasighasiki. Kar gumazir ekiar bar ruariba. Me Hebronin nguibam, ko Debirin nguibam, ko Anapin nguibam, ko Juda, ko Israelin danganir mighsiar igharazibar iti. Josua gumazir kaba bar me agivagha men nguibaba sara bar dagh asighasiki. ²² Anakian tav ua Israelin itir puvati. Men varazira Gasan nguibar ekiam ko Getin nguibar ekiam ko Asdotin nguibar ekiamin ikia avirasemezir puvati. ²³ Ezi Josua nguazir kamin danganiba bar ada ini, mati Ikiavira Itir God Moses mikemezi moghira. Ezi Josua danganir kaba tuiraghah vaghvaghah bar moghira Israelian anababagh aningizi, me bar dar ghuaviba ikiangi. Kamaghin, midorozitam ua nguazir kamin otivir puvatizi, Israelia avughsu.

12

Moses midorozimin abinizir atrivibar zibabu

¹ Fomira, Moses tighar ovengamin dughiamin, a faragha Israelia inigha ghua, Jordanin Fanemin aruem anadi naghin itir atrivimning misogha, aning abiragha aningin nguaziba bar ada ini. Nguazir kamin mitaghniām, sautin ikegha Arnonin Fanemin danganir zarimin ikegha, ghua Jordanin Fanemin danganir zarimin ototha, ghua notin amadaghan Hermonin Mighsiamin tu. ² Moses misogha abirazir atrivir mamin ziam, Sihon. An Amorian atrivim, egha Hesbonin nguibar ekiam gativaghah an gari. Ezi an kantrin sautin itir mitaghniām, an Arnonin Fanemin danganir zarimin tongin iti. Ezi uaghan Arnonin Fanemin notin amadaghan itir nguibam Aroer, a uaghan an nguazim. Aruem anadi naghin, Jabokin Fanem, an Atrivim Sihon garir nguazim ko Amonian nguazim abiki. Egha Jabokin Fanem raghirigha aruem uaghiri naghin zui. Ezi Sihonin nguazir notin itir mitaghniām, a Jabokin Fanemin tu. An nguazir kam, a sautin itir Gileatin Distrighin nguazir akuar mam. ³ Sihon uaghan Jordanin Fanemin aruem anadi naghin danganir zarimin gari, egha Galilin Dipar Akarem iti naghin ikegha ghua Bet Jesimotin nguibam ko Amangsizim Itir Dipamin oto. Egha bar ghua sautin amadaghan Pisgan mighsiamin apengan tu.

⁴ Ezi gin Moses ko Israelia Basanin nguazimin Atrivim Ok, a misogha anebira. A Refaimbar gumazir mam, me gumazir bar ekiar ruariba, egha avirasemezir puvati. Ok, a men gumazir abuananam, egha a Astarot ko Edrein nguibamningin

iti.⁵ Ezi an ativazir nguazimin mitaghniām, notin amadaghan Hermonin Mighsiam itir nguazimin ikegha, ghua aruem anadi naghin amadaghan, Salekan nguibamin oto. A uaghan Basanin Distrighin danganiba bar dar gara ghua Gesur ko Makān nguazir mitaghniār aruem ghuaghiri naghin itimīn tu. A uaghan Gileatin Distrighin nguazir notin itir akuar mam gativagha an gara, ghua sautin amadaghan Atrivim Sihon, an kantrin nguazir mitaghniāmin tu.⁶ Ezi Moses, a Ikiavira Itir Godin ingangarir gumazim, a Israelia ko, Sihon ko Ok misogha bar aning abira. Egha Ikiavira Itir Godin ingangarir gumazim Moses, nguazir kam issa Rubenin anabamin adarazi ko, Gatin anabamin adarasi, ko Manasen anabar me tuirazimningin mam a me ganangi.

Atriviba ko Nguibar Josua midorozim gamuava abirazibar ziaba

⁷ Kar nguazir kamin itir atriviba, Josua Israelia ko, Jordanin Fanemin amadaghan aruem uaghiri naghin misogha abiniziba. Me Lebanonin danganir zarim itir nguibam Balgatin ikegha, me misogha me abira ghua Halakin Mighsiamin tu, a Idomin nguibamin boroghin iti. Josua nguazir kaba abigha vaghvaghya Israelian anababagh anidi. Eighti nguazir kaba men nguazibar min iki kamaghira ikiam.⁸ Kar, nguazir mighsiaba itiba, ko aruem uaghiri naghin itir mighsiar doziba, ko Jordanin Fanemin danganir zarim, ko Jordanin Fanemin boroghin itir mighsiar muziariba, ko gumazamiziba puvatizir danganim, ko sautin amadaghan Negevin danganim. Nguazir kaba, Peresia, Hitia, Amoria, Kenania, Hivia ko, Jebusia, me faragha adar ike.⁹ Israelia nguibar ekiar kabar atrivibav sogha me abini, dar ziabar kara. Jerikon nguibamin atrivim, Betelin nguibam boroghira itir nguibam, Ain atrivim,¹⁰ Jerusalemin nguibamin atrivim, Hebronin nguibamin atrivim,¹¹ Jarmutin nguibamin atrivim, Lakisin nguibamin atrivim,¹² Eklonin nguibamin atrivim, Geserin nguibamin atrivim,¹³ Debirin nguibamin atrivim, Gederin nguibamin atrivim,¹⁴ Horman nguibamin atrivim, Aratin nguibamin atrivim,¹⁵ Lipnan nguibamin atrivim, Adulamin nguibamin atrivim,¹⁶ Makedan nguibamin atrivim, Betelin nguibamin atrivim,¹⁷ Tapuan nguibamin atrivim, Heferin nguibamin atrivim,¹⁸ Afekin nguibamin atrivim, Lasaronin nguibamin atrivim,¹⁹ Madonin nguibamin atrivim, ko Hasorin nguibamin atrivim,²⁰ Simronmeronin nguibamin atrivim, Aksapin nguibamin atrivim,

21 Tanakin nguibamin atrivim, Megidon nguibamin atrivim,²² Kedesin nguibamin atrivim, ko Jokneamin nguibamin atrivim, nguibar kamning Karmelin Distrighin iti.²³ Egha uaghan Dorin nguibamin atrivim, an ongarin dadarimin boroghin iti, egha Goimin nguibamin atrivim, a Galilin Distrighin iti.²⁴ Egha uaghan Tirsan nguibamin atrivim. Israelia 31 plan atriviba bar me misogha me abinigha men nguaziba bar ada ini.

Me nguaziba tuiragh Israelian anababagh anidi

13

(Sapta 13-22)

Ikiavira Itir God ghaze, Israelia nguazir igharazir me inizir puvatiziba, uaghan da iniam

¹ Ezi azenir aviriba givazima, Josua ikia ghua bar ghuri. Ezi dughiar mam Ikiavira Itir God kamaghin a migei, "Ni bar ghuri, egh dughiar ruarimin ikian kogham. Ezi nguazir aviriba ikiavira itima, ni tighar misogħiva ada iniam."²⁻³ Nguazir kabanang: Filistian nguaziba bar, ko men nguibar ekiar 5plan kabanang, Gasa, Asdot, Askelon, Get, ko Ekron. Ia uaghan Gesurin nguaziba inizir puvati. A Isipin nguazir mitaghniār aruem anadi naghin iti. Ia uaghan sautin amadaghan Avia, men nguaziba inizir puvati. Ia uaghan, Sihorin Faner miriāmin itir nguazim, a Isipin kantrin mitaghniāmin iti, egha notin amadaghan ghua Ekronek nguibamin nguazim, ia a inizir puvati.⁴ Ia Kenanian nguaziba bar tighar ada iniam. Nguazir kam, a Saidonin nguazimin itir nguibam Mearan ikegha, ghua Afekin nguibamin oto, an Amorian nguazir mitaghniāmin iti. Ia nguazir kaba tighar ada iniam.⁵

⁵ Ia Gebalian nguazim ko, Lebanonin nguazir aruem anadi naghin itiba, ia bar da inizir puvati. Nguazir kaba, Hermonin Mighsiamin boroghin itir nguibam Balgatin ikegha ghua Hamatun Tuavir Akamin tu.⁶ Ia uaghan, Saidonin gumazamizir Lebanonin Mighsabar ikia ghua Misrefot Maimin nguibamin itiba, ia men nguaziba inizir puvati. Ki ubi Israelian faragh mangi men agiragħti me aregham, eighti Israelia nguazir kaba inigh dar ikiam. Ki ni mikemeżi mogħira, ni nguazir kaba bar ada abigh, da isi Israelia danighti me dar iki.⁷ Egh ni datirghin nguazir kam tuiragh a isi, Israelian 9plan anababa ko Manasen anabar me tuirazimningin igharazim, bar me daningiġ."

Ruben, Gat, ko Manase, men nguaziba

⁸ Ikiavira Itir Godin ingangarir gumazim Moses, a fomira Rubenin anabamin adarasi, ko Gatin anabamin adarasi, ko Manasen anabar me tuirazimningin faragha zuimin adarasi, nguazir maba me ganigha gifa. Men nguaziba aruem anadi naghin Jordanin Fanemin vongin iti. ⁹ Ezi men nguazim, an Arnonin Fanemin danganir zarimin tongin itir nguibamin ikegha notin zui. Ezi uaghan Arnonin Fanemin notin miriamin itir nguibam Aroer, a uaghan men nguazim. Egha men nguazim ghua mighsiar orazimin danganir bar zarir ekiam itir nguaziba inigha ghua Medeban nguibamin otogha ghua Dibonin nguibamin tu. ¹⁰ Egha uaghan Amorian Atrivim Sihon, an nguibar ekiaba bar ada ini. Sihon fomira uabi Hesbonin nguibar ekiamin ikia, egha nguibar ekiar kabagh ativagha dar gara ghua, Amonian nguazim ko mitaghniat ati. ¹¹ Egha me uaghan Gileatin nguazim isava, Gesur ko Makatin Distrik sara inigha, uaghan Hermonin mighsiam sara, bar ada ini. Egha Basanin Distrighin danganiba bar ada inigha, ghua Salekan nguibamin tu. ¹² Egha me, nguazir Atrivim Ok ativaziba, bar ada ini. A Refaimbar gumazir mam, me gumazir ekiar bar ruariba, egha me avirasemezir puvati. Ok, a men gumazir abuananam. A fomira, Astarot ko Edrein nguibamningin iti. Ezi Moses gumazir kaba ko misogha me abiraghba bar me batoke. ¹³ Egha Israelia, Gesur ko Makatin nguibamningin adarasi, me batoghezir puvati. Ezi merara ikia datirighin Israelian tongin ikiavira ikia kat.

¹⁴ Ezi fomira Ikiavira Itir God, Israeliel God Moses migia ghaze, asizir gumaziba inigha iza Ikiavira Itir Godin ofa damuasa avimin tueba, kar Livain anabamin adarazi damuamin ingangarim. Ki bizar aghuimin min a isa me ganingizi, me a ini. Eighti ingangarir kam me ko iki kamaghira ikiam. Kamaghin, Moses nguazitam isava Livain adarazigh aningizir puvati.

¹⁵ Egha Moses nguazir akuar maba isa vaghvaghba Rubenin anabamin ikizibagh aningizi, me dagh apiaghba dagh amua iti. ¹⁶ Ezi men nguazim, an Arnonin Fanemin danganir zarimin tongin itir nguibamin ikegha notin zui. Ezi uaghan Arnonin Fanemin notin miriamin itir nguibam Aroer, a uaghan men nguazim. Egha men nguazim ghua mighsiar orazimin danganir bar zarir ekiam itir nguaziba, dar aven itir nguibar kaba sara ini. Dar ziabar

kara: Dibon, Bamotbal, Bet Balmeon, ¹⁸ ko Jahas, Kedemot, Mefat, ¹⁹ ko Kiriataim, Sipma, Seretsahar, a danganir zarir kamin itir mighsiar muziaram gisin iti. ²⁰ Egha Betpeor, ko nguibar Pisgan mighsiamin miriabar itiba, ko Bet Jesimot. ²¹ Nguibar kaba da, mighsiar orazimin danganir bar zarir ekiam itir nguaziba, dar aven itir nguibaba bar moghira. Kar Amorian Atrivim Sihon uabi Hesbonin nguibar ekiamin ikia, egha nguibar ekiar kabagh ativagha dar gari. Moses a ko misogha anebiraghba uaghan Midianian gumazir dapanir kabav sogha me abira. Men ziabar kara: Evi, Rekem, Sur, Hur, ko Reba. Me faragha bar moghira nguazir kamin apidaghba itima, Atrivim Sihon ingangarim me ganingizi me itir danganibar gari. ²² Egha Beorin otarim Balam, a gin otivamin biziabar gun migeir gumazim, Israelia uaghan a misoghezi an areme. ²³ Ezi Jordanin Fanem, a Rubenin anabamin adarazir nguazir mitaghniat. Nguibar ekiar kaba ko dar nguibar doziba, Rubenin anabamin ikizibah vaghvaghba uari baghavira da ini.

²⁴ Ezi Moses uaghan nguazir kabar maba tuiraghba vaghvaghba Gatin anabamin ikizibagh aningizi, me vaghvaghba dagh apiaghav iti. ²⁵ Dar ziabar kara: Jaserin nguazim, ko Gileatin Distrighin itir nguibar ekiaba, ko Amonian nguazim akuar mam, a ghua Aroerin nguibar ekiamin tu. Aroer, a Raban nguibar ekiamin boroghin aruem anadi naghin iti. ²⁶ Egha men nguazim, Hesbonin nguibar ekiamin ikegha ghua, Ramatmispen nguibar ekiam ko Betonimin nguibamin otogha ghua, Mahanaimin nguibar ekiamin otogha, ghua Lodebarin nguazir mitaghniat tu.

²⁷ Ezi Gatin anabamin adarasi, Jordanin Fanemin danganir zarimin itir nguibar kaba ini. Dar ziabar kara: Betharamin nguibam, ko Betnimran nguibam, Sukotin nguibam, ko Safonin nguibam, ko Atrivim Sihonin nguazir otevir mam, a Hesbonin nguibar ekiamin atrivim, a faragha an gari. Egha Gatin anabamin adarasi, nguazir Jordanin Fanem miriamin itim inigha ghua aruem anadi naghin otogha, bar ghua notin amadaghbar Galilin Dipar Akarem tu. ²⁸ Nguibar ekiar kaba ko dar nguibar doziba, Gatin anabamin ikizibah adarazi uari baghavira da inigha dagh apiaghav iti.

²⁹ Egha Moses nguazir otevir mam isa Manasen anabar me tuirazimningin mav ganingizi, me vaghvaghba uari bagha a inigha a gapia. ³⁰ Ezi men nguazim Mahanaimin nguibar ekiamin ikegha, ghua Basanin Distrighin danganiba bar ada ini. Atrivim Ok, a fomira Basan gativatha

an gari. Me uaghan 60 plan nguibar ekiar Jair gariba, da Basanin distrighin iti, me bar da ini.* ³¹ Men nguazir kam, a Gileatin Distrighin akuam inigha, Astarot ko Edrein nguibamning ini, Atrivim Ok, fomira ativaghha ganizir nguibamning. Egha Moses nguazir kam isava Manasen otarim, Makir ovavir boribar ikizibar adarazi vaghvaghha me ganingi.

³² Kamaghira, Moses Moapin danganir zarimin iki Jerikon nguibamin aruem anadi naghin amadaghan Jordanin Fanemin vongin nguazir kaba, a bar da tuiraghda isa Israelia ganingi. ³³ Egha Moses nguazir taba isava Livain anabamin adarazigh aningizir puvati. A kamaghin me migei, "Ikiavira Itir God, Israelian God, a mati bizar aghuir ia inizimin min iti, kamaghin ia nguazitam inian kogham."

14

Israelia, Kenanin nguaziba tuiragh uari daningasa satu gikararai

¹⁻³ Kar Kenanin nguazir asizir Israelian anababa vaghvaghia inizibar eghaghanim. Israelia Jordanin Fanemin aruem anadi naghin ikiavira itima, Moses nguaziba isa Israelian anabar pumuning ko Israelin anabar mamin akuam ganingi. Egha a nguazitam abigha Livain adarazigh aningizir puvati.

Ezi Israelia ghua Jordanin Fanemin aruem uaghiri naghin Kenanin nguazimin otogha givagha, ofa gamir gumazim Eleasar ko Nunin otarim Josua, ko Israelian anababa vaghvaghia men gumazir dapaniba, Ikiavira Itir God, Moses mikemezi moghin ami. Egha nguazim tuiragh uan 9plan anababa ko anabar mamin akuar igharazim, me daningasa a bagha satu gikararai.

⁴ Egha me nguazim abigha gari, Josepin otarimning, Manase ko Efraim ikizir pumuningin min iti, Manasen adarazi ko Efraimin adarsi. Egha me nguazitam abigha Livain anabamin adarazigh aningizir puvati.* Livaiba, me nguibar ekiar mabara ini, ezi nguibar ekiar kabanang, danganir me bulmakauba ko sipsipbar ganamiba iti. ⁵ Ikiavira Itir God Moses mikemezi moghira, Israelia Kenanin nguazim abigha uan adarazigh anidi.

* **13:30:** Jair, a Manasen ovavir boribar mam. **13:33:** Diboboniba 18:20; Godin Araziba 18:2 **14:1-3:** Diboboniba 26:52-56; 32:33; 34:13-15; Godin Araziba 3:12-17 * **14:4:** Men inazir afeziam Jekop, a 12plan otariba iti, egha me 12plan anababagh amizi, da Israelian otifi. Egha gin Josepin ikizim, akuar pumuningin oto, kamaghin Israelia 13plan anababar otifi. Egha nguaziba tuisigh uari daningamin dughiamin, me nguazim tuiragh 12plan anababagh aningi, egha me nguazir taba Livaibagh aningizir puvati. God ubi uan ingangarin Livai bagh aningi, ezi bizar kam mati bizar aghuimin min me a ini. Ni Josua 13:33in gan. **14:6:** Diboboniba 14:30 **14:7:** Diboboniba 13:1-30 **14:9:** Diboboniba 14:24; Godin Araziba 1:36 **14:11:** Godin Araziba 34:7; Onger Akaba 18:32-34

Josua Hebronin nguibam isa Kalep ganingi

⁶ Josua nguaziba abigha me ganidima, Ju-dan gumazir maba iza Gilgalin a bagha ize. Ezi Kenasian gumazim Jefune, an otarim Kalep, Josua bagha iza a migia ghaze, "Ni fo, e Kades Barnea ikiavira itir dughiamin, Ikiavira Itir God, ga bagh damuamin bizza bar dar gun uan ingangarin gumazim Moses mikemezi. ⁷ Dughiar kamin ki 40plan azeni ba itima, Ikiavira Itir Godin ingangarir gumazim Moses, a na amaga ghaze, ni Kades Barnea ategh mangi nguazir ekiar kam mogomemmin, a getiva an ganigh. Ezi ki ghua uan damazimin ganizir bizziba, ki uamategha iza guizbangira bar uan navim sara Moses geghani. ⁸ Ezi nan aveghbuar na ko ghueziba, me atiatir migirigia-bagh amima, atiatim gumazamiziba bar moghira men navir averiabagh izivaghha me abini. Ezi ki Ikiavira Itir God, nan God, an akamin gin ghua ubi isa a ganingi. ⁹ Dughiar kamin, Moses na ko akam akira ghaze, 'Ni bar deravira Ikiavira Itir God, en God, an akamin gin ghua ubi isa a ganingi, kamaghin ni uan dagarimin dikagha aruizir nguazir kam, an a isi ni uan boriba ko ia danighti, ia a daperagh an iki kamaghira ikiam.' ¹⁰ Egha Kalep ua kamaghin Josua migia ghaze, "Ni oragh. Israelia gumazamiziba puvatizir danganimin ikiavira itima, Ikiavira Itir God bizar kamin gun Moses mikemezi, datirighin 45plan azeni ba gifa. Ezi ki datirighin azenir 85plan iki egha ikiavira iti. ¹¹ Fomira, Moses ingangarir kam damuasa na amadazir dughiam, ki gavgavim iti. Ezi gavgavim kam datirighin nan ikiavira itima, ki misogh bizziba amu daruvira ikiam. ¹² Ni datirighin, Ikiavira Itir God, na daningasa akam akirizir nguazir mighsiabar itiba, ni da isi na danning. Ni dughiar kamin ubi ikiav orazi, ki kamaghin migia ghaze, Anakian gumazir ru-arir bar ekiaba itima, men nguibaba bar ekevegha divazir gavgavibar aven iti. Egha Ikiavira Itir God, na mikemezi moghin, na ko ikiti, ki me misogh men agiraghti me aregham."

¹³ Ezi Josua kamaghin oregha, Ikiavira Itir God, deragh Jefunen otarim Kalep damuasa God ko migei. Egha a Hebronin nguibam isava a ganingi. ¹⁴ Guizbangira, Kalep, a Kenasian gumazim Jefunen otarim, a bar deragha Ikiavira Itir God, Israelian God, an

akamin gin ghua bar uabi isava a ganiga, an gin zui. Kamaghin, a Hebronin nguibam isa a ganingi. Ezi an ovavir boriba a gapi-agha ikia kamaghira iti.¹⁵ (Fomira, me ziam Kiriat Arba, Hebronin nguibam garisi. Arba, an Anakian gumazir ruarir bar ekiar mam.)

Kalep nguazir kam inigha givazi, midoroziba uam Kenanin nguazir kamin otivir puvati.

15

Nguazir Josua Judan anabam bagha bighizim

¹Ezi Judan anabamin adarazi bar nguazir me Juda bagha bighizim inigha a gapia. Ezi Judabar nguazir mitaghniam sautin amadaghan ghua, Idomin kantrin tuga, bar ghua Senin gumazamiziba puvatizir danganim sara ghu. ² Men nguazir mitaghniar sautin amadaghan itim, an Amangsizim Itir Dipar Akaremin sautin itir ruaghatevimin ikegha ghua, ³ tuavir Akrabimin ghuavanadim gitagha ghua sautin amadaghan Senin gumazamiziba puvatizir danganimin otogha ghua, Kades Barnea gitagha ghua Hesronin nguibam gitagha ghua, Adarin nguibamin oto. Egha raghbirigha ghua Karkan nguibamin oto. ⁴ Egha ghua Asmonin nguibamin otogha, Isipin nguazimin mitaghniam abighizir daghurir muziarimin ghuavanaga Mediterenianin Ongarir Ekiamin tu. Kar Judabar nguazir sautin amadaghan itimin mitaghniam.

⁵ Ezi men nguazir mitaghniar aruem anadi naghin itim, an Amangsizim Itir Dipar Akaremin, miriam bar an ghuanagan Jordanin Fanemin akamin oto. Ezi notin amadaghan itir nguazir mitaghniam, a Jordanin Fanemin akamin ikegha, ⁶ ghua Bethoklan nguibamin otogha ghua, notin amadaghan ghua Betaraban nguibamin otogha ghua Bohanin daghamin oto. (Bohan, a Rubenin otarir mamin ziam.) ⁷ Egha Akorin danganir zarimin ghua, Debirin nguibamin otogha, notin amadaghan ragha ghua Gilgalin nguibar ekiamin ghu. Ni Gilgalin nguibamin tugh ganti, tuavir akar Adumimin nguibamin ghuavanadim iti. A danganir zarir kamin sautin amadaghan mighsiabar iti. Egha mitaghniam ghua Ensemesin dipamin otogha, ghua Enrogelin danganimin oto. ⁸ Egha sautin amadaghan ghua Hinomin Otarimin danganir zarimin ghua Jebusin Mighsiamin oto. Jerusalemin nguibam danganir kamin iti. Ezi nguazir mitaghniam ghuavira ikia ghua aruem uaghiri naghin amadaghan itir mighsiamin oto, a Hinomin danganir zarimin miriamin

iti. Mighsiar kam, a Refaimin danganir zarimin iti. ⁹ Egha ghua Neptoon dipar emimirimin otogha ghua Efronin Mighsiamin boroghin itir nguibabar oto. Egha kagh nguazir mitaghniam ua ragha ghua Balan nguibamin oto, an ziar mam Kiriat Jearim. ¹⁰ Egha Balan nguibamin mitaghniam ua ighuigha ghua aruem uaghiri naghin ghua, Serin Mighsiamin otogha ghua, Jearimin Mighsiamin vongin notin amadaghan itir danganimin oto, an ziar mam Kesalon. Egha ghuaghira Betemesin nguibamin otogha ghua Timnan nguibar gitagha. ¹¹ Egha ghua Ekonrin nguibar ekiamin notin amadaghan itir mighsiamin otogha ighuigha ghua Sikeronin nguibar ekiamin otogha ghua, Balan mighsiam ategha ghua Japnelin nguibar ekiamin oto. Nguazir kamin mitaghniam ghua Mediterenianin Ongarir Ekiamin gifa.

¹² Ezi Judan anabamin nguazir aruem uaghiri naghin itibar mitaghniam, a Mediterenianin Ongarir Ekiam, bar an miriamra ghu. Ezi Judan anabamin aven itir ikiziba vaghvaghya nguazir kaba inigha dagh apiaghav iti.

*Kalep Hebron ko Debirin
nguibar ekiamning ini
(Gumazir Dapaniba 1:11-15)*

¹³ Ikiavira Itir God, fomira Josua migia ghaze, me Judabar nguazimin nguazitam isi Jefunin otarim, Kalep daningigh. Ezi Josua Ikiavira Itir God, mikemezi moghin amua, Hebronin nguibam isava Kalep ganingi. Hebronin ziar mam Kiriat Arba. Arba ana Anakian ovavim. ¹⁴ Ezi Kalep Anakian ikizir 3pla misogha, men agintizima me are. Men ziabar kara: Sesai ko Ahiman ko Talmai, me Anakin ovavir boriba. ¹⁵ Egha gin Kalep nguibar kam ategha ghua Debirin nguibar ekiamin gumazamizibav sosi. (Nguibar kamin ziar mam, Kiriat Sefer.)

¹⁶ Egha Kalep kamaghin migia ghaze, "Gumazim Kiriat Seferin gumazibav sogh me abiraghti, ki uan guivim Aksa a danighti an an ikiam." ¹⁷ Ezi Kalepin dozim Kenas, an otarim Otniel, nguibar kamin gumazibav sogha me abira. Ezi Kalep uan guivim Aksa isa, a ganingizi an an iti. ¹⁸ Egha aning uaningin ikiava, Aksa Otniel bagha iza anebirava, a migia ghaze, ni nan afeziam Kalepin azaraghti a nguazitam atugh ga daningigh. Egha Aksa ghua Kalep batogha uan donkin faghafiraghya izaghirma, Kalep an azara, "Ki bizir tizitam ni bagh a damau?"

¹⁹ Ezi Aksa uan afeziam ikaragha ghaze, "Ni bizir aghuitam na daningigh. Ni faragha dipaba puvatizir nguazim Negevin itir

nguazir akuar mam abigha na ganingi. Datirighin ni dipar emimiriba itir nguazir aghuitam abigh na daningigh." Ezi Kalep dipar emimiriba itir nguazir pumuning a ganingi. Aning Hebronin nguibamin boroghin iti, mam pin amadaghan itima, mam vin amadaghan iti.

Judabar nguibabar ziaba

²⁰ Kar Judan anabamin aven itir ikiziba inizir nguibaba ko nguaziba. ²¹ Nguibar sautin amadaghan ikia Idomin nguazimin mitaghniamin boroghin itiba, dar ziabar kara: Kapsel, Eder, Jagur, ²² Kina, Dimona, Adada, ²³ Kedes, Hasor, Itnan, ²⁴ Sip, Telem, Bealot, ²⁵ Hasor Hadata, Keriot ko Hesron, an ziar mam Hasor, ²⁶ Amam, Sema, Molada, ²⁷ Hasargada, Hesmon, Betpelet, ²⁸ Hasarsual, Berseba, Bisiotia, ²⁹ Bala, Im, Esem, ³⁰ Eltolat, Kesil, Horma, ³¹ Siklak, Matmania, Sansana, ³² Lebaot, Silhim, Ain, ko Rimon. Distrighin kam, 29plan nguibar ekiaba an iti, ezi nguibar dozir maba dar boroghin iti.

³³ Ezi distrighin maba aruem uaghiri naghin itir mighsiar dozibagh isin iti. Ezi distrighin kabar mam, nguibar ekiar kabaa an aven iti: Estaol, Sora, Asna, ³⁴ Sanoa, Enganim, Tapua, Enam, ³⁵ Jarmut, Adulam, Soko, Aseka, ³⁶ Saraim, Aditaim, ko Gedera, an ziar mam, Gederotaim. Distrighin kam 14plan nguibar ekiaba an iti, ezi nguibar dozir maba dar boroghira iti.

³⁷ Ezi distrighin igharazimin itir nguibar ekiabar kara: Senan, Hadasa, Mikdalgtat, ³⁸ Dilean, Mispa, Joktel, ³⁹ Lakis, Boskat, Eklon, ⁴⁰ Kabon, Lamas, Kitlis, ⁴¹ Gederot, Betdagon, Nama, ko Makeda. Distrighin kam 16plan nguibar ekiaba an iti, ezi nguibar dozir maba dar boroghin iti.

⁴² Ezi distrighin igharazimin itir nguibar ekiabar kara: Lipna, Eter, Asan, ⁴³ Ipta, Asna, Nesip, ⁴⁴ Keila, Aksip, ko Maresa. Distrighin kam 9plan nguibar ekiaba an iti, ezi nguibar dozir maba dar boroghin iti.

⁴⁵ Ezi distrighin igharazimin itir nguibar ekiabar kara: Ekrönin nguibam, an nguibar ekiaba, ko an nguibar doziba, ⁴⁶ nguibar ekiaba ko nguibar dozir Asdotin nguibamin boroghin, Ekrönin ikegha ghua ongarir dadarimin tu. ⁴⁷ Egha ghua Asdot ko Gasan nguibam ko nguibar ekiaba ko nguibar uari inigha itiba, bar dar ghua sautin amadaghan Isipin Daghurir Dipamin otogha, bar ghua aruem uaghiri naghin Mediterenianin Ongarir Ekiamin tu.

⁴⁸ Egha distrighin maba nguazir mighsiabar iti. Ezi danganir kamin itir nguibar ekiabar kara: Samir, Jatir, Soko,

⁴⁹ Dana, Kiriat Sefer, an ziar mam Debir, ⁵⁰ Anap, Estemoa, Anim, ⁵¹ Gosen, Holon, Gilo. Distrighin kam 11plan nguibar ekiaba an iti, ezi nguibar dozir maba dar boroghin iti.

⁵² Ezi nguibar ekiar distrighin igharazimin itibar ziabar kara: Arap, Duma, Esan, ⁵³ Janim, Bet Tapua, Afeka, ⁵⁴ Humta, Kiriat Arba, an ziar mam, Hebron, ko Sior. Distrighin kam, 9plan nguibar ekiaba an iti, ezi nguibar dozir maba dar boroghin iti.

⁵⁵ Ezi nguibar ekiar distrighin igharazimin itibar ziabar kara: Maon, Karmel, Sif, Juta, ⁵⁶ Jesril, Jokdeam, Sanoa, ⁵⁷ Kain, Gibeä, ko Timna. Distrighin kam 10plan nguibar ekiaba an iti, ezi nguibar dozir maba dar boroghin iti.

⁵⁸ Ezi nguibar ekiar distrighin igharazimin itibar ziabar kara: Halhul, Betsur, Gedor, ⁵⁹ Marat, Betanot, ko Eltekon. Distrighin kam 6plan nguibar ekiaba an iti, ezi nguibar dozir maba dar boroghin iti.

⁶⁰ Ezi nguibar ekiar distrighin igharazimin itibar ziabar kara: Kiriat Bal, an ziar mam Kiriat Jearim, ko Raba. Distrighin kam nguibar ekiar pumuning an iti, ezi nguibar dozir maba aningen boroghin iti.

⁶¹ Nguibar ekiar gumazamiziba puvatizir danganimin itibar kara: Betaraba, Midin, Sekaka, ⁶² Nipsan, Amangsizir Nguibam, ko Engedi. Distrighin kam 6plan nguibar ekiaba an iti, ezi nguibar dozir maba dar boroghin iti.

⁶³ Judaba Jebusia batoghan ibura, kar gumazamizir Jerusalemin nguibar ekiamin itiba. Kamaghin, me Judaba ko bar moghira uari inigha Jerusalemin ikiavira iti.*

16

Nguazir me Efraimin anabamin adarazi bagha bighizim

¹ Ezi nguazir me Josepin ovavir boriba bagha bighizim, an mitaghniam Jordanin Fanem boroghin itir nguibam Jerikon ikegha, aruem anadi naghin amadaghan Jerikon mozir pabar ikegha ghua notin amadaghan ghua, gumazamiziba puvatizir danganimin ghua, ruarir mighsiabar ghua Betelin nguibamin oto. ² A Betelin otogha ghua, Lusin nguibamin otogha ghua Atarotin oto, danganir kam Arkaia an ike. ³ Egha aruem uaghiri naghin amadaghan ghua, Japletian danganimin ghua, bar ghua vin Itir Bethoroniin nguibamin oto. Egha ghua Geserin nguibamin otogha, bar ghua Mediterenianin Ongarir Ekiamin tu.

15:63: Gumazir Dapaniba 1:21; 2 Samuel 5:6; 1 Eghaghaniba 11:4 * **15:63:** Akar kam, "Jerusalemin ikiavira iti," kar en dughamin akam puvati. A gumazim akinafarir kam osirizir dughamin migei.

⁴ Josepin ovavir boriba, kar Manasen anabamin adarazi ko Efraimin anabamin adarasi, me nguazir kaba ini.

⁵ Kar Efraimin anabamin adarazir nguaziba. Men nguazir mitaghniam, aruem anadi naghin amadaghan Atarot Adarin nguibamin ikegha ghua Bethoron nguibamin tu. ⁶Egha ghua Mediterenianin Ongarir Ekiamin oto. Ezi Mikmetatin nguibam, a notin amadaghan ikia men nguazimin iti. Ezi men mitaghniam aruem anadi naghin amadaghan ighuigha ghua, Tanatsilon nguibam gitagħha ghua, aruem anadi naghin amadaghan ghua Janoan nguibar ekiamin tu. ⁷Egha Janoan nguibam ategħha ghua Atarotin nguibar ekiam ko Naran nguibar ekiam giragħu. Egha ghua Jerikon nguibar ekiamin otogħha ghua Jordanin Fanemin tu. ⁸⁻⁹Egha Tapuan nguibar ekiamin ikegha ghua, aruem uaghiri nagħin amadaghan ghua, Kanan Fanemin otogħha ghua Mediterenianin Ongarir Ekiamin tu. Nguazir kam ko nguibar ekiaba, ko nguibar dozir men borogħin itiba, me bar ada isa Efraimin anabamin adarazigh aningi. Efraimin anabamin adarazir marasi, men nguibar ekiar maba ko doziba Manasen nguazimin aven iti. ¹⁰Efraimin adarasi, Kenanian Geserin nguibar ekiamin itibav soħha me batogħezir puvati. Kamaghin, Kenania Efraimian tħongin ikiavira iti. Ezi Efraimia, Kenania gamma me pura men ingangarir gumazibar iti.

17

Nguazir me Manasen anabar me tuiraz-inningin iħgarazim bagħha bighizim

¹ Ezi nguazir me Josepin otarir ivariam Manasen anabamin adarazi bagħha bighizir nguazim, me an ovavir boribagh aningi. Ezi Makir, a Manasen otarir ivariam, a Gileatin afeziam, a midorozir gumazir bar aghuim. Kamaghin me faragħvira Gileatin Distrik ko Basanin Distrighin itir nguaziba isa an ovavir boribagh aningi. ²Egha me datirighin aruem uaghiri nagħin amadaghan Jordanin Fanemin itir nguaziba isa, Manasen ovavir borir iħgarazibagh aningi. Manasen ovavir boribar ziabar kara: Abieser, Helek, Asriel, Sekem, Hefer, Semida. Gumazir kaba, me vagħvagħha uan ikizir ekiabar inazir afeziablet otifi. ³Manase, Makir bate, ezi Makir, Gileat bate, ezi Gileat Hefer bate, ezi Hefer Selofehat bate, ezi Selofehat, a guivibaram ote, egha otariba puvati. Ezi an guivibar ziabar kara: Mala, Noa, Hokla, Milka, ko Tirsa. ⁴Ezi guivir kaba

ghua ofa gamir gumazim Eleasar, ko Josua ko gumazir dapanibav già ghaze, “Ikiavira Itir God, Moses migia ghaze, ‘En afeziam avegħbuabar otariba tongin ia nguazitam e daningi.’” Ezi Josua Ikiavira Itir Godin akamin gin ghua, nguaziba abigha Selofehat guivibagh aniga, egha magħira Manasen anabamin aven itir gumaziba saram aningi. ⁵⁻⁶Josua nguaziba abigha da isa Manasen anabamin adarazir guiviba ko otaribagh aningi. Kamaghin Manasen anabamin adarasi, bar mogħira 10plan nguaziba bar ada ini. Ezi Manasen anabamin ikizir iħgarazim adarasi, Jordanin Fanemin vongin amadaghan Gileatin Distrik ko Basanin Distrighin nguaziba ini.

⁷ Manasen anabamin adarazir nguazir mitaghniam, Aserin anabamin nguazimin ikegha ghua Mikmetatin nguibamin oto, an aruem anadi nagħin amadaghan Sekemin nguibar ekiamin iti. Egha mitaghniam sautin amadaghan ghua Entapuarbar nguazimin tu. ⁸Ezi Manasen anabamin nguazim ko Efraimin anabamin nguazimin mitaghniam, Tapuan nguibar ekiamin kagh iti. Egha Tapuan nguibam uabi, a Efraimbar nguibam. Ezi nguazir Tapuan nguibam ekiaruzim, a Manasen adarazir nguazim. ⁹⁻¹⁰Ezi Efraimin adarazir nguibar ekiaba, kar nguibar ekiar sautin amadaghan itiba, ezi Manasen adarazir nguazim notin amadaghan iti, ezi aningin nguazir mitaghniam aruem uaghiri nagħin Kanan dagħurim uaghira, Mediterenianin Ongarir Ekiamin mirriam bar an għu. Ezi Aserin nguazim not ko aruem uaghiri nagħin aningin tongira iti, ezi Isakar adarazir nguazim, not ko aruem anadi nagħin aningin tongira iti. ¹¹Isakar ko Aserin nguazir mitaghniammingin aven, Manasen anabam, nguibar kaba ini: Betsan, ko Ipleam, ko nguibar aning okarigha itiba, Nafat Dor, Endor, Tanak, ko Megido, ko nguibar da okarigha itiba. ¹²Ezi Manasen anabamin adarasi, Kenanian gumazamiziba nguibar ekiar kabar me batogħan ibura, ezi me me ko nguibar ekiar kabar ikiavira iti. ¹³Ezi Israelia gin gavvavim inīgha, Kenania abirima, me pura men ingangarir gumazir kinibar iti. Egha me me batogħezir puvati.

¹⁴Egha gin Josepin ovavir boriba, Josua bagħha izegħha a migia ghaze, “Ikiavira Itir God bar deragħa e gamizi, e bar aviraseme. Ezi e nguazir aviritaba inian firin, ni nguazir vamira isava e ganingi.” ¹⁵Ezi Josua kamaghin men akam ikaragħha ghaze, “Ian avirim bar ekeveġhti Efraimbar

16:10: Gumazir Dapaniba 1:29 **17:4:** Diboboniba 27:1-7 * **17:11:** Hibrun akam deragħa migirrigiār kamin mingarim abighiżżej puvati.

17:12: Gumazir Dapaniba 1:27-28

mighsiabar itir nguazim ian suvighti, ia uari ghuuangan Peresia ko Refaimian ruarir ghurimin mangi, uari baghvira nguazitam ganiva anezenegeh.”¹⁶ Ezi Josepin ovavir boriba kamaghin a migei, “Mighsiar nguazir kam en sufi. Kenania, me danganir zarimin nguazir voroghira ireghav itiba, me bar moghirak midorozir karisin ainin gavgaviba itiba iti. Betsanin nguubar ekiak ko an okarigha itir nguibaba ko, Jesrilin nguabamin boroghin danganir zarimin itir adarasi, me bar ainin midorozir karisba iti.”

¹⁷ Ezi Josua kamaghin Efraim ko Manasen anabamningin adarazir nighniziba fa me migia ghaze, “Ian anabamningin aven ia guizbangira bar avirasemegha, bar gav-gafi. Nguazir vamira, a ian sufi. Kamaghin, ia nguazir igharazitaba uaghan ada iniam. ¹⁸ Egh nguubar mighsiabar itiba, ia bar moghiram ada iniam. Ruarir kam a guizbangira ruarir ghurir pizim, ia an mitaghniar tamin ikegh an ingar mangi, an saghon itir mitaghniar igharazimin otogh. Kenania gavgavigha midorozir karisin bar gavgaviba iti. Eghit ia me misogh men agintighti me aregham.”

18

Josua nguazir igharazim bar anebigha Israelia bar me ganidi

¹ Egha Israelia midorozim gamigha apaniba abinigha givagha, Silon nguubar ekiamin uari akufa. Egha me Ikiavira Itir Godin ziam fasa a bativamin Purirpenim asara. ² Dughiar kamin Israeliyan tongin 7plan anababar adarasi, me uari bagh nguazitaba tighar da iniam. ³ Ezi Josua kamaghin Israelia migei, “Ikiavira Itir God, ian inazir afeziabar God, nguazir kam ia ganigha gifa. Ezi ia manmaghin amigha ghuava a inizir puvati? ⁴ Ia 7plan anababar nguaziba puvatizbar gumaziba vaghvagh men aven, 3plan gumazibav sefegh. Eghit ki me amadaghti me nguazim bar a daruva, an gan nguazir me ifongeziba uari bagh ada inisi, da osirigh, gin uamategh na bagh izi, osirizir eghaghanir kam na daningigh. ⁵ Me nguazim, 7plan akuabar anebikagh. Judan anabamin adarazi sautin amadaghan nguazim inigha gifa, egh me anarira ikiam. Ezi Josepin adarazi notin amadaghan nguazim ini, egh me anarira ikiam. ⁶ Eghit ia 7plan anababa meng, me bagh nguazim abighiva, dar eghaghaniba osirigh, eghaghanir kaba inigh izi na daningigh. Eghit ki gin Ikiavira Itir God, en Godin damazimin nguazir me ifuegh iniamim gifogofhs, satu gikiararangam. ⁷ Eghit bizir gumaziba inigha iza Ikiavira Itir Godin ofa damuasa avimin tueba, kar

Livain anabamin adarazi damuamin ingangarim. Ezi kamaghin, Josua nguazitam isava Livain adarazigh aningizir puvati. Ezi Gatin anabam, Rubenin anabam, ko Manasen anabar me tuirazimningin mam, Jordanin Fanemin vongin aruem anadi naghin nguaziba inigha gifa. Nguazir kaba, Ikiavira Itir Godin ingangarir gumazim Moses, me ganingizir nguaziba.”

⁸ Ezi Josua kamaghin gumazir mangasa misevezibav gei, “La mangi nguazim abighirarigh an eghaghaniba na bagh bar ada osirigh da inigh iziti, ki Ikiavira Itir Godin damazimin satu gikararang fogh suam, nguazir manam God ia bagh a ginaba.” Ezi gumazir kaba Josuan migirigiam baregha ghue. ⁹ Me ghua nguazir kaba bar dagh etiaghha aruigha, nguazibar aven nguubar ekiabar ziaba vaghvaghda osirigh, 7plan akuabar da abigha dar eghaghaniba osiri. Egha me gin uamategha Josua bagha Silon ize. ¹⁰ Ezi Josua Silon ikia fofoghasa, Ikiavira Itir Godin damazimin satu gikararai, eghit, a manmaghira nguaziba abigh vaghvagh men 7plan anababar aningam. Egha a gin nguazir kaba abigha Israeliyan anababa vaghvaghda me ganidi.

Nguazir me Benjaminin anabamin adarazi bagha bighizim

¹¹ Dughiar kam Josua Ikiavira Itir Godin damazimin satu gikararaima, Benjaminin anabamin adarazi iniamin nguazim faragha oto. Nguazir kam, Judan anabamin adarazi ko Josepin anabamin adarazigh aningizir nguazimningin tongira iti. ¹² Men notin amadaghan itir nguazir mitaghniam, a Jordanin Fanemin ikegha ghua, Jerikon nguubar ekiar mighsiamin pin itimin miriamin notin amadaghan ghua a gitagha ghu. Egha kagh ighuigha ghua aruem uaghiri naghin, bar ghua Betavenin nguazir misingizimin danganimin oto. ¹³ Egha nguazir mitaghniam bar ghua Lusin nguubar mighsiar muziarir pin itimin miriamin, sautin amadaghan zui, Lusin ziar mam, Betel. Egha ghua sautin amadaghan Atarov Adarin nguibamin iraghu. Nguibar kam, a vin Bethoronin nguibamin boroghin itir mighsiamin miriamin sautin amadaghan iti. ¹⁴ Mitaghniar kam mighsiam azofa, mighsiar kam Bethoronin nguubar ekiamin boroghin iti. Egha aruem ghuaghiri naghin ghua, egha ragha sautin amadaghan zui. Egha sautin amadaghan ghuaghira Kiriay Balin nguibamin oto, an ziar mam, Kiriay Jearim. Kar Judabar nguubar ekiam. Benjaminin anabamin adarazir nguazir mitaghniam, kagh ikegha aruem uaghiri naghin iraghu.

¹⁵ Ezi sautin itir mitaghniam, Kiriat Jearimin aruem uaghiri naghin amadaghan, an miriamin ikegha ghua Neptoan nguibamin boroghin itir dipar emimirimin tu. ¹⁶ Egha mitaghniam bar ghua Hinomin otarimin danganir zarimin boroghin itir mighsiamin miriamin ghu. Mighsiar kam, notin amadaghan Refaimin danganir zarimin miriamin tughav iti. Egha ghua sautin amadaghan Hinomin danganir zarim atu. Danganir zarir kam, a Jebusian nguibar mighsiamin miriamin sautin amadaghan iti. Egha mitaghniam ghua Enrogelin dipar emimirimin tu. ¹⁷ Egha mitaghniam notin amadaghan ghua Ensesemin dipar emimirimin otogha, ghua Gelilotin nguibamin oto. Ni Gelilotin nguibamin tugh ganti, tuavir akar Adumimin nguibamin ghuavanadim, a ikiam. A danganir zarir kamin sautin amadaghan mighsiabar iti. Egha nguazir mitaghniam ghua Bohanin dagiamin oto. (Bohan, a Rubenin otarir mamin ziam.) ¹⁸ Egha ghua mighsiar mamin pin zui, ni kagh tugh ganti, Araban dipaba puvatizir danganir ekiam ikiam. Egha mitaghniam bar ghua Jordanin Fanemin danganir zarimin iraghu. ¹⁹ Egha ghua notin amadaghan Bethoklan nguibamin mighsiar muziarimin miriamin ghua, Jordanin Faner akamin otogha, Amangsizim Itir Dipar Akarem tu. Kar Benjaminin anabamin adarazir nguazir sautin amadaghan itimin mitaghniam. ²⁰ Ezi aruem anadi naghin amadaghan, Jordanin Fanem, Benjaminin anabamin adarazir nguazir mitaghniam atu. Kar Benjaminin anabamin adarasi, nguazir me inizibar mitaghniaba.

²¹ Kar Benjaminin anabamin aven itir ikiziba, inizir nguibar ekiaba, dar ziabar kara: Jeriko, Bethokla, Emek Kesis, ²² Betaraba, Semaraim, Betel, ²³ Avim, Para, Ofra, ²⁴ Kefar Amoni, Opni, ko Geba. Distrighin kam 12plan nguibar ekiaba an iti, ezi nguibar dozir maba dar boroghin iti.

²⁵ Ezi Benjaminin anabamin adarazir nguibar distrighin igharazibar itiba, dar ziabar kara: Gibeon, Rama, Berot, ²⁶ ko Mispa, Kefira, Mosa, ²⁷ Rekem, Irpel, Tarala, ²⁸ Sela, Haelep, Jebus, an ziar igharazim Jerusalem, Gibeon, ko Kiriat Jearim. Distrighin kam 14plan nguibar ekiaba an iti, ezi nguibar dozir maba dar boroghin iti. Nguazir kam, Benjaminin anabamin adarazi a ini.

19

Nguazir me Simeonin anabamin adarazi bagha bighizim

¹ Josua ghua satu gikararaima, Benjaminin anabamin nguazimin gin, nguazir namba 2 Simeonin anabamin adarazi bagha otozi, me me bagha anebiki. Nguazir kam, me Judan anabamin adarazigh aningizir nguazim bar an tongira iti. ² Kar Simeonin anabamin adarazi inizir nguibar ekiaba, dar ziabar kara: Berseba (an ziar mam, Seba) ko Molada, ³ Hasarsual, Balam, Esem, ⁴ Eltolat, Betul, Horma, ⁵ Siklak, Bet Markabot, Hasarsusa, ⁶ Bet Lebaot, ko Saruhen. Me 13plan nguibar ekiaba, ko nguibar dozir maba, dar boroghin iti. ⁷ Egha me uaghan nguibar ekiar kaba ini: Ain, Rimon, Eter ko Asan, me da ini. Me 4plan nguibar ekiar kaba ko dar boroghin itir nguibar dozir maba ini. ⁸ Me nguibar ekiar kaba ko da okarigha itir nguibar doziba isa ghua, Balatberin nguibar ekiar sautin amadaghan itim ini, an ziar igharazim Rama, a Negevin gumazamiziba puvatizir danganir ekiamin iti. Nguazir kam, Simeonin anabamin aven itir ikiziba a ini. ⁹ Josua faragha nguazim abigha Judan anabamin adarazigh aningi, ezi men nguazim bar ekefe. Kamaghin Josua datirighin men nguazimin aven, nguazir maba isa Simeonin anabamin adarazigh aningi.

Nguazir me Sebulunin anabamin adarazi bagha bighizim

¹⁰ Josua ghua satu gikararaima, Simeonin anabamin nguazimin gin, nguazir namba 3 Sebulunin anabamin adarazi bagha otozi, me me bagha anebiki. Nguazir me inizimin mitaghniam, ghua Saritin nguibar ekiamin tu. ¹¹ Ezi men nguazir mitaghniam ghua aruem uaghiri naghin amadaghan ghua, Marealin nguibar ekiamin otogha ghua, Dabesetin nguibar ekiamin boroghin ghua, Jokneamin nguibar ekiar aruem anadi naghin itir daghurimin tu. ¹² Egha Saritin nguibamin vongin, mitaghniam ighuigha ghua aruem anadi naghin ghua, Kislot Taborin nguibar ekiamin miriamra ghua, Daberatin nguibar ekiamin ghua Jafian nguibar ekiamin ghuavanabo. ¹³ Ezi mitaghniam ghuavira ikia ghua aruem anadi naghin Gathefer ko Etkasinin nguibar ekiamningin otogha, ighuigha ghua Rimonin nguibar ekiamin tuavimin otogha ghua, ighuigha Nean nguibamin amadaghan ghua. ¹⁴ Egha notin itir mitaghniamin ighuigha ghua Hanatonin nguibar ekiamin amadaghan ghua, Iptahelin danganir zarimin tu. ¹⁵⁻¹⁶ Sebulunin anabamin adarazi inizir nguibar ekiabar ziabar kara: Katat, Nahalal, Simron, Idala, ko Betlehem. Me 12plan nguibar ekiaba ko nguibar dozir dar boroghin itiba ini.

Nguazir me Isakarin anabamin adarazi bagha bighizim

¹⁷ Josua ghua satu gikararaima, Sebulunin anabamin nguazimin gin, nguazir namba 4 Isakarin anabamin adarazi bagha otozi, me me bagha anebiki. ¹⁸ Isakarin anabamin nguazim, an aven nguibar ekiabar ziabar kara: Jesril, Kesulot, Sunem, ¹⁹ ko Hafaraim, Sion, Anaharat, ²⁰ ko Rabit, Kision, Ebes, ²¹ ko Remet, Enganim, Enhada, ko Betpases. ²²⁻²³ Isakarin anabamin nguazir mitaghniam ghua, Taborin Mighsiamin suiragha ghua Sahasumin nguibar ekiamin otogha, ghua Betsemesin nguibar ekiamin otogha ghua Jordanin Fanemin oto. Isakarin anabamin adarasi, nguibar ekiar 16pla, ko nguibar dozir dar boroghin itiba ini.

Nguazir me Aserin anabamin adarazi bagha bighizim

²⁴ Josua ghua satu gikararaima, Isakarin anabamin nguazimin gin, nguazir namba 5 Aserin anabamin adarazi bagha otozi, me me bagha anebiki. ²⁵ Aserin anabam inizir nguazimin aven itir nguibar ekiabar ziabar kara: Helkat, Hali, Beten, Aksap, ²⁶ ko Alamelek, Amat, ko Misal. Ezi aruem uaghiri naghin men mitaghniam Karmelin Mighsiamin boroghin ghua Sihorlipnatinnguibar ekiamin tu. ²⁷ Egha iuguigha ghua aruem anadi naghin ghua, Betdagonin nguibar ekiamin otogha, Sebulunin adarazir nguazimin boroghira ghua, Iptahelin danganir zarimin ghua notin amadaghan Betemek ko Neielin nguibamningin tu. Egha mitaghniam ghuavira ikia ghua, notin amadaghan ghua Kabulin nguibamin otoga, ²⁸ ghua Ebron, Rehop, Hamon, ko Kanan otogha, bar ghua Saidonin nguibar ekiamin tu. ²⁹ Egha ua iuguigha Raman nguibar ekiamin otogha iza, Tairin nguibar ekiamin tu, nguibar ekiar kamin divazim bar gavgafi. Egha mitaghniam ua ragha Hosan nguibar ekiamin otogha ghua Mediterenianin Ongarir Ekiamin tu. Aserin anabam uaghan nguibar ekiar kaba ini: Mehebel, Aksip, ³⁰⁻³¹ ko Uma, Afek, ko Rehop. Aserin anabamin adarasi, nguibar ekiar 22pla, ko nguibar dozir dar boroghin itiba ini.

Nguazir me Naptalin anabamin adarazi bagha bighizim

³² Josua ghua satu gikararaima, Aserin anabamin nguazimin gin, nguazir namba 6 Naptalin anabamin adarazi bagha otozi, me me bagha anebiki. ³³ Ezi men nguazir mitaghniam, Helepin nguibar ekiam ko Sananimin nguibamin tughav itir Okin temer ekiamin povimin ikegha ghua, Adami

Nekepin nguibar ekiamin otogha ghua, Japnelin nguibar ekiamin otogha, ghua Lakumin nguibar ekiamin ghua Jordanin Fanemin oto. ³⁴ Egha mitaghniam iuguigha aruem uaghiri naghin amadaghan ghua Asnot Taborin nguibar ekiam ko Hukokin nguibar ekiamin oto. Ezi Sebulunin anabamin nguazir mitaghniar sautin itim, a Naptalin anabamin nguazir mitaghniamin suira. Ezi Naptalinnguibar mitaghniar aruem anadi naghin itim, a Jehudannguibamin boroghin ikia Jordanin Fanemin suira.* ³⁵ Men nguibar ekiar divazir gavgaviba itiba, dar ziabar kara: Sidim, Ser, Hamat, Rakat, Kineret, ³⁶ ko Adama, Rama, Hasor, ³⁷ ko Kedes, Edrei, Enhasor, ³⁸⁻³⁹ ko Yiron, Mikdalel, Horem, Betanat, ko Betsemes. Naptalin anabam, 19plannguibar ekiaba ko nguibar dozir dar boroghin itiba ini.

Nguazir me Danin anabamin adarazi bagha bighizim

⁴⁰ Josua ghua satu gikararaima, Naptalin anabamin nguazimin gin, nguazir namba 7 Danin anabamin adarazi bagha otozi, me me bagha anebiki. ⁴¹ Danin anabam inizir nguazim, an nguibar ekiabar ziabar kara: Sora, Estaol, Irsemes, ⁴² ko Salbim, Ajalon, Itla, ⁴³ ko Elon, Timna, Ekron, ⁴⁴ ko Elteken, Gibeton, Balat, ⁴⁵ ko Jehut, Beneberak, Gatrimon, ⁴⁶ ko Mejarkon, Rakon, ko Jopannguibar ekiamin boroghin itir danganim. ⁴⁷ Ezi gin, nguazir kamin ghuavir faraghav itiba, Danin anabamin adarazir apanim gamigha nguazir kamin me batoke. Ezi Danin adarazi dikavigha ghua Laisinnguibamin otogha, me misogha nguibar ekiar kamin gumazamiziba bar me misuaghariha men nguibar ekiam ini. Egha Danin anabamin adarazi ghaze, nguazir kamin mena, egha a gaperaghha an iti. Me ziar kam Lais adegha uan inazir afeziamin ziam Dan a gati. ⁴⁸ Nguibar ekiar kaba, ko nguibar dozir dar boroghin itiba, Danin anabamin adarazi da ini.

Nguazir me Josuan adarazi bagha bighizim

⁴⁹ Israelia bar nguaziba abigha uari ganigha givagha, nguazir mam isa Nunin otarim Josuan adarazigh aningi. ⁵⁰ Josua faragha Timnat Serannguibar ekiam uabi daningasa men azai, an Efraimin anabamin nguazimin ikia mighsiaha itir danganimin iti. Ezi Ikiavira Itir God mikemezei moghin, me a isava a ganingi. Ezi Josua nguibar kam uam an ingarigha, a gaperaghav an iti.

* 19:34: Hibrun akam deragha migirigiar kamin mingarim abighizir puvati. 19:47: Gumazir Dapaniba 18:27-29

⁵¹ Ezi ofa gamir gumazim Eleasar ko, Josua ko Israelian anababar ikiziba vaghvaghha men gumazir dapaniba ko Silon danganimin, me Ikiavira Itir Godin damazimin ikia, egha God bativamin Purirpenimin tiar akamin apiaghav iti. Egha Israelian anababa bagha inabazir nguaziba abighasa satu gikararai. Ezi me nguaziba tuiragh uari ganidir ingangarir kam, ghua kampaghira tughya gifa.

20

Josua nguibar ekiar gumazamiziba ari mangi mongamiba amisefe

¹ Ezi gin Ikiavira Itir God Josua migia ghaze, ² “Ki faragha Moses mikemezi moghira ni Israelia mikinti, me nguibar ekiar gumazamiziba ari mangi mongamibagh, inamichti da iki. ³ Eghia ian gumazitam, atamakuigh gumazitam misuehti an aremegham, an ari mangi nguibar ekiar kabar tamin modogh ikiam. Eghia aremezir gumazimin tav uam a ikarvaghsa a burian kogham.

⁴ “Eghia gumazir osimtizim gamizim nguibar ekiar kamin mongsı mangi otogh, faragh mangi nguibar ekiamin tiar akamin, uan osimtizim gun gumazir aruabav kemegh. Eghia me an amamangatighti, a mangi me ko ikiam. ⁵ Eghia gumazir a ikarvaghasava amim an gin iziti, nguibar ekiamin gumazir dapaniba a isi an agharim datighan kogham. Me fo, a guizbangira an apanim gamua a misoghezi ana aremezir puvati. Egha nguibar ekiar kamin gumazamiziba a ggehuv deragh an ganam. ⁶ Egha nguibar ekiar kamin averara iki mangiti, me gumazamizibar damazimin kotin aven, an osimtizim tuisigh a bareghti, an kot deraghti, a nguibar ekiar kamin averara iki mangiti, ofa gamir gumazibar dapanim ovengeghamin dughiam otogham. Eghia gin a uamatagh uan nguibar a ikegha aravezimin mangam.”

⁷ Ezi me kamaghin oregha Naptalin anabamin nguibar mighsiamin itir mam Kedes ginaba. A Galilin Distrighin aven iti. Egha Efraimin nguibar mighsiamin itim, Sekem ginaba. Egha Kiriat Arba, an ziar mam Hebron, me a ginaba. A Judan anabamin nguibar mighsiamin itim. ⁸ Egha me Rubenin anabamin nguazimin, Beserin nguibam ginaba. Ni Jerikon tugh Jordanin Fanemin vongin ganti, Beserin nguibar mighsiam ikiam. An aruem anadi naghin dipaba puvatizir danganimin iti. Egha Gatin anabamin nguazimin, Gileatin Distrighin aven, me Ramotin nguibar ekiam ginaba. Egha Manasen anabamin nguazimin,

Basanin Distrighin aven, Golanin nguibar ekiam ginaba. ⁹ Nguibar ekiar mongamin kaba, kar Israelia, ko Kantrin Igharazibar Gumazamizir me ko itiba, me me bagha dagh inaba, eghia men tav atamakuigh gumazitam misoghti an aremeghti, an tav a ikarvaghsa damuti, an atiating ivehg mangi nguibar ekiar kabar aven mangi deragh ikiam. A kagh iki mangiti kotiar dughiamin gumazamiziba bar a baregham. Eghia gumazir ovevem ikaraghaha amim, faragh deraghvira oregh fogh suam, gumazir kam ti guizbangira nighnigha a misoghezi an areme, o puvati. Kot mikim suam, Gumazir kam osimtizim guizbangira iti, eghia an a ikaraghama. Puvatighti, puvatigham.

21

Nguibar ekiar me Livain anabamin adarazigh aningiziba

¹⁻² Israelia dughiar kamin Kenanin nguazimin, Silon nguibar ekiamin boroghin nguibam aghuigha an iti. Ezi Livain anabamin gumazir dapaniba ghua, ofa gamir gumazim, Eleasar ko Josua ko Israelian anababar gumazir dapaniba me migia ghaze, “Ikiavira Itir God, Moses migia ghaze, ni Livain anabamin adarasi, nguibar ekiar danganir aghuiba iti taba ko dar boroghin itir nguazir men asiziba ikiamiba, da isi me daning.” ³ Ezi Israelian anababa, Ikiavira Itir God, mikemezi moghin, amua vaghvaghua uan nguibar ekiar maba ko men asiziba ikiamin nguazir maba isava Livain anabamin adarazigh aningi.

⁴ Me faraghvira Kohatin adarazi niiamin nguibar ekiaba bagha satu gikararai. Kohatin ikizir igharazim, men inazir afeziam Aron, an ofa gamir gumazim. Ezi Judan anabam ko Simeonin anabam, ko Benjaminin anabam, me 13plan nguibar ekiaba atugha me ganingi. ⁵ Ezi Kohatin ikizimin gumazamizir igharaziba, Efraimin anabam ko Danin anabam, ko Manasen anabar me tuirazimningin ikizir aruem uaghiri naghin amadaghan itim, me uan nguibar ekiar 10pla atugha me ganingi.

⁶ Ezi Gersonin ikizimin adarasi, Isakarin anabam, ko Aserin anabam, Naptalin anabam, ko Manasen anabar ikizir aruem anadi naghin itim, me uan nguibar ekiar 13pla atugha me ganingi.

⁷ Ezi Merarin ikizimin adarasi, Rubenin anabam, ko Gatin anabam, ko Sebulunin anabam, me uan 12plan nguibar ekiaba atugha me ganingi.

⁸ Egha Ikiavira Itir God, Moses mikemezi moghin, me Livain anabamin adarazi bagha nguibar ekiar danganir aghuiba iti

taba me daningasa satu gikararai. Eghiti nguibir ekiar kabar boroghin itir nguaziba, Livain adarazi uan asizibar arighthi da ikiam.

⁹⁻¹⁰ Kar Judan anabam ko Simeonin anabam, me ganingizir nguibir ekiaba. Israelia nguibir ekiar kaba me daningasa satu gikararangizi, Aronin ovavir boriba Kohatin ikizimin aven itir adarasi, da ini. ¹¹ Israelia, Kiriath Arban nguibir ekiam isa Aronin ikizimin adarazigh aningi, nguibir kam, an ziay mam Hebron. Ezi Arba a Anakin afeziam. Hebronin nguibir ekiam, a Judan anabamin nguazimin aven ikia, egha mighsiabagh isin iti, ezi nguazir aviriba an okarigha iti. Eghiti me uan asiziba nguazir kabar dar arigham. ¹² Nguibir ekiar kamin, Israelia faragha azeniba oparamin nguazir an boroghin itiba, ko an nguibir dozir an boroghin itiba, me da isa Jefunen otarim Kalep ganigha gifa. Kamaghin, me datirighin nguazir kabar ko nguibir doziba isi Aronin adarazir aningen kogham.

¹³ Hebron, a nguibir ekiar gumaziba ari mangi mongamin mam. Egha me uaghan nguibir ekiar igharaziba isa Aronin ovavir boribagh aningi. Dar ziabar kara: Lipna, ¹⁴ ko Jatir, Estemoa, ¹⁵ ko Holon, Debir, ¹⁶ ko Ain, Juta, ko Betsemes. Kar Judan anabam ko Simeonin anabam 9plan nguibir ekiaba me ganingi. Eghiti nguibir ekiar kaba okarigha itir nguaziba, Livain adarazi uan asizibar arigham. ¹⁷ Ezi Benjaminin anabamin adarazi nguibir ekiar 4pla isa me ganingi. Dar ziabar kara: Gibeon, Geba, ¹⁸ ko Anatot, Almon. Eghiti nguazir nguibir ekiar kaba okarigha itiba, Livain adarazi uan asizibar arigham. ¹⁹ Aronin ovavir boriba, me ofa gamir gumaziba, me nguibir ekiar 13pla ini. Eghiti nguazir nguibir ekiar kaba okarigha itiba, me uan asizibar arigham. ²⁰ Ezi Kohatin ikizir igharaziba, Efraimin anabamin adarazi uan nguibir ekiaba me ganingi. ²¹ Me aningizir nguibir ekiar 4plan kabar ziabar kara: Sekem, a Efraimin anabamin nguazir mighsiaba itimin iti, egha a nguibir ekiar gumaziba ari mangi mongamin mam. A ko Geserin nguibir ekiam, ²² ko Kipsaim, Bethoron. Eghiti nguazir nguibir ekiar kaba okarigha itiba, Kohatin adarazi uan asizibar arigham. ²³ Ezi Danin anabamin adarazi me nguibir ekiar 4plan kabar isa Kohatin adarazigh aningi, dar ziabar kara: Elteken, Gibeton, ²⁴ ko Ajalon, ko Gatrimon. Eghiti nguazir nguibir ekiar kaba okarigha itiba, Kohatin adarazi uan asizibar arigham. ²⁵ Egha Manasen anabam me tuirazimningin igharazimin adarasi, me nguibir ekiar pumuning isa Kohatin adarazigh aningi, dar ziabar kara:

Tanak ko Gatrimon. Ezi nguazir nguibir ekiar kamning okarigha itiba, Kohatin adarazi uan asizibar arigham. ²⁶ Kamaghin, Kohatin ikizimin adarazi bar nguibir ekiar 12pla ko, dar nguazir asizibar arighamiba, ini.

²⁷ Ezi Gersonin ikizim, me Livain anabamin ikizir mam, Israelia nguibir ekiar maba me ganingi. Me Manasen anabam me tuirazimningin ikizir faragha zuimin nguibir ekiar pumuning isa Gersonin adarazigh aningi. Aningin ziamning kara: Besteran ko Golan, aning Basanin Distrighin amadaghan itir nguibir ekiamning. Golan a nguibir ekiar gumaziba ari mangi mongamin mam. A ko Besteran nguibir ekiam. Eghiti nguazir nguibir ekiar kamning okarigha itiba, Gersonin adarazi uan asizibar arigham.

²⁸ Ezi me Isakarin anabamin nguibir ekiar 4pla isa Gersonin ikizimin adarazigh aningi, dar ziabar kara: Kision, Daberat, ²⁹ Jarmut, ko Enganim. Eghiti nguazir nguibir ekiar kaba okarigha itiba, Gersonin adarazi uan asizibar arigham. ³⁰ Ezi me Aserin anabamin adarazir nguibir ekiar 4pla isava Gersonin ikizimin adarazigh aningi, dar ziabar kara: Misal, Apdon, ³¹ ko Helkat, Rehop. Eghiti nguazir nguibir ekiar kaba okarigha itiba, Gersonin adarazi uan asizibar arigham. ³² Egha me Naptalin anabamin nguibir ekiar 3pla isa Gersonin ikizimin adarazigh aningi, dar ziabar kara: Kedes, Hamotdor ko Kartan, da Galilin Distrighin aven itir nguibir ekiaba, ezi Kedes, a nguibir ekiar gumaziba ari mangi mongamin mam. Eghiti nguazir nguibir ekiar kaba okarigha itiba, Gersonin adarazi uan asizibar arigham. ³³ Egha Gersonin ikizim nguibir ekiar 13pla ini. Eghiti nguazir nguibir ekiar kaba okarigha itiba, me uan asizibar arigham.

³⁴ Egha me Sebulunin anabamin nguibir ekiar 4plan kaba isa Merarin ikizimin adarazigh aningi, men ikizim, Livain anabamin gumazamizir igharaziba. Kar 4plan nguibir ekiar kabar ziaba: Jokneam, Karta, ³⁵ ko Dimna, Nahalal. Eghiti nguazir nguibir ekiar kaba okarigha itiba, Merarin adarazi uan asizibar arigham. ³⁶ Ezi me Rubenin anabamin nguibir ekiar 4pla isa, Merarin ikizimin adarazigh aningi, dar ziabar kara: Beser, Jahas, ³⁷ ko Kedemot ko Mefat. Eghiti nguazir nguibir ekiar kaba okarigha itiba, Merarin adarazi uan asizibar arigham. ³⁸ Ezi me Gatin anabamin nguibir ekiar 4plan kaba isa Merarin adarazigh aningi, dar ziabar kara: Ramot, a Gileatin Distrighin itir nguibir ekiam, egha a nguibir ekiar gumaziba ari mangi mongamin mam. Gumaziba osimtziba ikia ara ghua an aven modi. A ko Mahanaim,

³⁹ ko Hesbon, ko Jaser. Egheti nguazir nguubar ekiar kaba okarigha itiba, Merarin adarazi uan asizibar arigham. ⁴⁰ Kamaghin Merarin ikizimin adarazi nguabar ekiar 12pla bar da ini. Men ikizim, Livain anabamin gumazamizir igharaziba.

⁴¹ Israelia bar moghira nguazir me apizibar tongin, 48pla nguabar ekiaba isa Livain anabamin adarazigh aningi. ⁴² Egheti nguazir bar nguabar ekiar kaba okarigha itiba, Livain anabamin adarazi uan asizibar arigham.

Ikiavira Itir God, mikemezi moghin Israelia bar nguaziba ini

⁴³ Kamaghin, Ikiavira Itir God fomira men inazir afeziabav kemezi moghin, a nguaziba isa, bar Israelia ganingizi, me dagh apia. ⁴⁴ Egha Ikiavira Itir God, uan akar dikirizim ginighigha Israeliyan akurazi, me uan apanibar sogha bar me abinizi, men apanitam me abirazir puvati. ⁴⁵ Ikiavira Itir God, fomira akar dikiriziba Israelia ganingi, egha a deravira dagh amizi, da guizbangiram otifi.

22

Josua, anabar Jordanin Fanemin vongin ikiamiba, amadazi, me uan nguazibar zui

¹ Israelia, Kenanin nguaziba bar da abigha givazi, Josua, Rubenin anabam ko, Gatin anabam, ko Manasen anabar me tuirazimningin mamin adarasi, a bar men diazi, me iza uari akufa. ² Ezi a kamaghin me migei, "Moses a Ikiavira Itir Godin ingangarir gumazim, bizir a damuasa ia migeiba ia zurara dagh ami. Egha uaghan, bizir ki ia damuasa ia migeiba, ia uaghan dagh ami. ³ Fomira iza datirighin, ia zurara uan aveghbuabar akurvasi. Ia dughiatamin me ataghizir puvati. Ia bar deravira Ikiavira Itir God, ian Godin Akar Gavgavibar gin zui. ⁴Ia fo, Ikiavira God, ian God, uan akar faragha dikirizimin gin ghua avughsazim ian aveghbuabagh aningi. Kamaghin, ia datirighin uamategh nguazir ia inizibar mangi dar apiagh iki. Ikiavira Itir Godin ingangarir gumazim Moses, Jordanin Fanemin vongin itir nguazir kaba ia ganingizi, da ian nguazibara. ⁵Egha Moses damuasa mikemezir Akar Gavgaviba ko Moses Osirizir Araziba, ia bar deraghvira dar gin mangi da bakinighnighan marki. Da ghaze, ia Ikiavira Itir God, ian God, bar a gifongegh, deraghvira an gin mangi an Akar Gavgaviba bar dar amu. Ia zurara pamtemin an suiragh. Egha uan ifongiaba ko navir averiaba sara, an ingangarim damu." ⁶Egha Josua God deragh me

damuasa God ko mikemega, me amadazi, me uan nguibabar zui.

⁷ (Moses fomira Basanin Distrighin aven itir nguazim isa Manasen anabamin akuar mamin adarazigh aningi, a Jordanin Fanemin aruem anadi naghin iti. Ezi Josua aruem uaghiri naghin Jordanin Fanemin nguazir maba isa Manasen anabamin akuar igharazim ganingi.) Egha Josua me migeima, Jordanin Fanemin vongin mangamin gumazamiziba uamategh uan nguibabar mangasava amima, Josua, God deragh me damuasa Godin azaragha, ⁸kamaghin me migia ghaze, "Ia bizir bar aviriba inigha, da sara zui. Asiziba, silva, gol, ain, bras, ko korotiar bar aghuiba ia da inigha zui. Ia uan apaniba abiragha inizir bizir kaba, ia da inigh mangi uan adarazi ko da turagh uari daning."

⁹ Ezi Rubenin anabam, ko Gatin anabam ko Manasen anabar me tuirazimningin mam, men adarazi uamategha ghua, Israeliyan igharaziba ataghizi, me Kenanin nguazim itir nguibam Silon iti. Ezi me Gileatin Distrighin itir nguaziba bagha zui. Men nguaziba, Jordanin Fanemin aruem anadi naghin iti. Fomira Moses me migia ghaze, "Nguazir kam, Ikiavira Itir God, ia danighti ia dar ghuaviba ikegham."

¹⁰ Egha me bar tuavimin ghua Kenanin nguazim an ghuavira ikia, Jordanin Fanemin boroghin otogha, ofa gamir dakozir ekiar mam faner miriamin an ingari. ¹¹ Ezi Israeliyan gumazamizir igharaziba bar kamaghin oraki, "Rubenin anabam, Gatin anabam ko Manasen anabar me tuirazimningin mam, me en amadaghan Jordanin Faner miriamin ofa gamir dakozir mamin ingarigha gifa." ¹²Egha Israelia bar moghira Silon nguibamin uari akuvagh, mangi me ko misoghasa nighnisi.

¹³ Egha Israelia, ofa gamir gumazim Eleasarin otarim Finias amadazi, a Rubenin anabam ko Gatin anabam, ko Manasen anabar me tuirazimningin mamin adarazir, ganasa Gileatin Distrighin zui. ¹⁴Egha me uan anababar 10pla vaghvaghya men tongin gumazir dapanir maba amisefe. Gumazir dapanir 10plan kaba, me vaghvaghya uan ikizibar dapaniba. Ezi Israelia Finias ko gumazir dapanir kaba amangizi me a ko zui. ¹⁵Egha me ghua Gileatin Distrighin otivigha kamaghin Rubenin anabam ko Gatin anabam ko Manasen anabar me tuirazimningin mam batogha kamaghin me migei, ¹⁶"E Ikiavira Itir Godin gumazamiziba bar, kamaghin ia migei, 'Ia manmaghsua Godin akam batuegha akirim

ragha a gasaraghha ofa gamir dakozir kam uari baghaviram an ingari? Ia ua Ikiavira Itir God ategha an gin zuir puvati.¹⁷ Ia fo, e fomira Peorin danganimin ikia arazir kuram gamizi, Ikiavira Itir God arimariam amadazi a izegha, e an gumazamiziba bar e gasighasiki. Ezi an osimtizim ikiavira iti. Ezi ia ti ghaze, a pura bizim, egha a gisim ua tam damuasa?¹⁸ Egh ia datirighin Ikiavira Itir Godin akamin gin mangan aghuagh akirim ragh a gasaraghti, a gurum mizaraghan Israelia, bar en ataram.¹⁹ Ia kamaghin nighnigh suam, nguazir ia itim, a Godin damazimin zuezir puvati, ia anetegh iziva Ikiavira Itir Godin Purirpenim itir nguazimin izegh an iki. Egh en tongin uari bagh nguazitaba inigh dar iki. Ikiavira Itir God, en God, an ofa gamir dakozim en tongin iti. Ia Ikiavira Itir Godin akam ko en akam baraghan kogh uari bagh ofa gamir dakozir igharazimin ingarigh, e damighti, e ian arazir kuramin aven ikian kogham.²⁰ Ia bizir Seran otarim Akan amizim bakinighnighan marki! Ikiavira Itir God e migia ghaze, "Ia Jerikon nguibar ekiam bar a gasighasikigh." Ezi Akan Ikiavira Itir Godin Akar Gavgavim batoke. Kamaghin, Ikiavira Itir God osimtizir ekiam isa, bar moghira e ganungi. Akan uan arazir kuram bagha areme, ezi Israeliyan igharaziba uaghan an amizir arazir kurar kam bangin me ariaghire."

²¹ Ezi Rubenin anabam ko Gatin anabam ko Manasen anabar me tuirazimminingin mamin adarasi, Israeliyan gumazir dapaniba ikaragha ghaze,²² "Godin Gavgaviba Bar Itim, a guizbangira God. A Ikiavira Itir God. A fo, e bizir kam gami. Ezi e kamaghin ifonge, ia Israelia uaghan bizir kam gifogh. E ti uan nighnizir gavgavim ategh Ikiavira Itir Godin akam batuegħi, ia e misuegħti e arimighiregħi, deṛragħam.²³ E Ikiavira Itir Godin akam batuegħ, uari baghvira ofa gamir dakozimin ingarigh, asiziba tue da bar isia mighir ofabha, ko witin ofan guar igharazi taba, ko God ko navir vamira ikiavisa amir ofabha dar amuti, kamaghin Ikiavira Itir God uabi e gasighasigham.²⁴ Bar puvati. E ingarizir ofan dakozir kamin nighnizim kamakin, e uan ovavir borir gin otivamibagh nighnisi. E kamaghin atiati, ian ovavir boriba ti gin, en ovavir boribar anogoregħi me mikim suam, "Ia manmagħsua Godin ziem fe? A Ikiavira Itir God, e Israelia en God. A ti ian God puvati."²⁵ Egh me ti kamaghin mikimam, Ikiavira Itir God, e bagħha mitaghħniem ati, Jordanin Fanem Rubenin anabam ko Gatin anabam, en tizim abiki. Ezi ia Ikiavira Itir Godin adarazi puvati.

Egħi ian ovavir boriba en ovavir boribar anogoregħti, me Ikiavira Itir Godin ziam fan kogħam.²⁶ Kamaghin, e ofa gamir dakozir kamin ingarizi, a tu. E asiziba tue da bar isia mighirir ofabha ko ofan guar igharaziba bagħha an ingarip pu.

²⁷ "Bar puvati. E ingarizir ofa gamir dakozir kam, kamaghin nin ovavir boriba ko en ovavir borir gin izamiba, an abanimin min iki, kamaghin men akakagh suam, e Ikiavira Itir God an Purirpenim mangi an ziam fam. Egh e uan ofan bar isia mighiriziba ko, God ko navir vamira ikiavisa amir ofabha, ko an ziam fer ofan bar isi mighiram igharazibar amuam. Egħi ian ovavir boriba gin kamaghin en ovavir boribav kiman kogh suam, "Ia Ikiavira Itir Godin adarazi puvati."

²⁸ "En nighnizim kamaghin iti, ian ovavir boriba, en ovavir boribav kimti, me kamaghin me ikarvagħam, "Ia gan, en afez-aba ingarizir ofa gamir dakozim, a Ikiavira Itir Godin anam ko magħ għalli. Egha kar, ofan tuer bar isia mighiriba ko ofan igharazibar amuamin ofa gamir dakozim puvati. Dakozir kam an abanimin min iti, ababanir kam kamaghin en adarazi ko ian adarazir akakagh suam, ia ko e Godin vamira iti."

²⁹ "E fo, Ikiavira Itir Godin ofa gamir dakozim, a Godin damazimin ikia an Purirpenim tiar akamin borogħin tughav iti. E an ofa gamir dakozir kamin danganim inisi, guizin ofa gamir dakozimin ingaran kogħam, egh ofan bar isia mighiriba ko witin ofa ko ofan igharazibar amuamin ofabha amuan kogħam. E kamaghin damigham, e Ikiavira Itir Godin akam batuegħ akirim ragħ a gasaragħam. E kamaghin damuan kogħam."

³⁰ Ezi ofa gamir gumazim Finias ko Israeliyan anababa vagħvagħha men gumazir dapaniba, me Rubenin anabam, ko Gatin anabam ko Manasen anabamin aktuamin adarazir, migiġiġam baregħa bar akon. ³¹ Egha ofa gamir gumazim Eleasar an otarim, Finias, kamaghin Rubenin anabam ko, Gatin anabam ko Manasen anabamin aktuam, men adaraziv gei, "E datirighin fo, ia Ikiavira Itir Godin akam batogħezir puvati. Kamaghin, a uan gumazamiziba ko iti. Egh a datirighin en atariva, e gasighasighan kogħam."

³² Egha gin, ofa gamir gumazim Eleasarin otarim Finias, ko Israeliyan gumazir dapaniba, me Rubenin anabam ko Gatin anabam, Gileatin nguibam ategħa uamategħha Kenanin kantrin ghuegħha, bizir otivizir kabbar gun bar Israelia gegħani.

³³Ezi Israelia Finias ko gumazir dapaniba mikemezir biziba baregha bar akongegha ghaze, "E Ikiavira Itir Godin ziam fam." Egha Ruben ko Gatin anabamningin adaraziv soghamin nighnizir kam, me anetaki.

³⁴Kamaghin, Ruben ko Gatin anabamningin adarasi, dakoziр kam ziar kam a gati, Deravira Gun Migeir Ofa Gamir Dakozim. An mingarim kamakin, "Bizir kam, ia ko e an gan fogham, Ikiavira Itir God, a uabira God."

Josua areme

23

(Sapta 23-24)

Josua akar abuananabar Israelia migei

¹Azenir aviriba zuima, Ikiavira Itir God dughiar aghuim isava Israelia ganingizi, me avughsa deragha ikiava, uan apaniba ko misozir puvati. Ezi bar gin Josua ghua bar ghuri. ²Egha Josua, Israelia ko men gumazir aruaba ko gumazir dapaniba, ko jasba, ko gumazir gavmanin faragha zuiba, a bar moghira me akuvagha kamaghin me migei, "Ki datirighin ghurigha gifa. ³Ia uari uan damazibar biziбар ganigha givagha fo, Ikiavira Itir God, ian God, ian akuragha bizir aviribagh amua, ian apanibav sogha me abini. Ikiavira Itir God, ian Godra, ia bagha midorozir kam gami. ⁴Ia datirighin deraviram oragh, ian nguazim, aruem anadi naghin Jordanin Fanemin ikegha ghua, aruem uaghiri naghin Mediterenianin Ongarir Ekiamintu. Ki, apanibav sogha me gafiragha men nguaziba isa ia ganingi. Egha uaghan, nguazir maba, ia tighar apanibav sogh me abinigh, men nguaziba iniam, ki ia da iniasiа ki dagh inabagha gifa. ⁵Eghи Ikiavira Itir God, ian God, ian faragh mangi apanibar amighti me aregham. A me batueghti ia pura mangi nguaziba iniam. Egha Ikiavira Itir God, akam akirizi moghin, ia men nguazim inigham. ⁶Kamaghin, ia bar pamten Moses Osirizir Arazibar Akinafarimin aven deraghvira akabar gin mangi. Ia akatam ataghaghan marki, ia bar moghira dar suiragh. ⁷Eghia ikizir ighazaribar gumazamizir ia ko ikiavira itiba, ia me ko poghan marki. Ia igharaghvira iki. Egha men asebar ziaba diponan marki. Ia guizbangira mikimsi, aser kabar ziaba diponan marki. Egha uaghan teviba apir dar ziaba fan marki. ⁸Kamaghin dera, ia fomira amizi moghin, datirighin bar deravira Ikiavira Itir God ko porogh an gin mangi. ⁹Bar guizbangira, Ikiavira Itir God, ikizir ekiar, gavgavir

ekiaba itiba, an ada batoghezi, ia puram aven ghua men nguaziba inigha gifa. Ezi datirighin ia adughadughamin gumazitam ua itir puvati. ¹⁰Ikiavira Itir God, en God, fomira akam akirizi moghin, ia bagha apanibav sosi. Egha ian tavin akuraghti, a 1,000plan gumazibav sogh men agiraghti me aregham.

¹¹"Kamaghin, ia bar deravira uari bagh gan. Egha Ikiavira Itir God, en God, bar a gifongegh. ¹²Egha akirrim ragh God gasaragh, uamategh mangi, kantrin kamin ikiavira itir gumazamiziba ko porogh, me ko poroghambar amu, ¹³egh ia kamaghin fogh, God ikizir kaba me batueghan kogham. Eighti me azuaziba asizibar suizi moghin, ia bagh azuaziba guighthi da ian suigham. Egha ian akiraghbariba ifozoroghti, ia mizaziba baraghti, me dikonibar ian damazibagh inivighasam. Eighti Ikiavira Itir God, ia ganingizir nguazir aghuir kam, ia an iki mizazir kaba imi mangi gin ia ovengam.

¹⁴"Datirighin ki ia ataghaghan min dughiam a roghira ize. Ezi ia guizbangira uan navir averiaba ko duabar aven bar fogha gifa, Ikiavira Itir God, ia daningasa akam akirigha givazir bizitam, pura mangighan kogham. A ia ko akam akirizir bizibara da guizbangira bar otifi. An akar dikirizir katam pura ghuzir puvati. ¹⁵Bar guizbangira, Ikiavira Itir God, ian God, a uan akar dikirizir aghuilar gin ghuzi da otivizi moghin, a uaghan ganti, ia an akam batueghti a ia mikemezi moghin, ivesir kuram ia daning mangi, nguazir aghuir a ia ganizir kamin aven ia gasighasigham. ¹⁶Ia, Ikiavira Itir God, ian God, a ia ko amizir Akar Dikirizir Gavgavir kam, ia an gin mangan kogh, mangi asebar ziaba fiva, aseba bagh teviba apiriva dar ziaba fiti, Ikiavira Itir Godin aningaghan avimin min ian isigham. Eighti ia dughiar ruarimin nguazir aghuir a ia ganingizir kamin ikeghan kogham. Ia bar moghira arighiregham."

24

Josuan akar abuananaba

¹Ezi Josua Sekemin nguibamin Israelian anababa bar, me akufa. Egha men gumazir aruaba, ko gumazir dapaniba, ko jasba, ko gavmanin ingangaribar faragha zuir gumaziba, a me inigha Godin damazimin mitivasa zui. ²Egha Josua gumazamizibav gia ghaze, "Ikiavira Itir God, a Israelian God, a kamaghin migei, 'Ian ovaviba fomira Yufretisin Fanemin vongin ikia asebar ziaba fe. Men mav Tera, an Abraham ko Nahorin afeziam. ³Ki ian ovavim

Abraham, Yufretisin Fanemin vongin a inigha izə Kenanın nguazim bar a garuigha, egha ovavir borir avıriba a ganiga, Aisak sarama a ganingi. ⁴ Egha otarir pumuning Aisak ganingi, Jekop ko Iso. Egha Idomin danganimin mighsiaba itir nguazim isa Iso ganingi, ezi Jekop uan otariba ko, me Isipin kantrin iraghue. ⁵ Egha gin ki ian inazir afeziabi bagha Moses ko Aron amadazi, aning Isipia bagha ghuzi, ki osimtizir ekiam Isipia ganigha bar me gasighasiki. Egha gin ia inigha Isipin kantri ategha azenan ize. ⁶ Ki ian inazir afeziabi Isipin kantrin me inigha azenan izegha izima, Isipia hoziar karisha itiba inigha men agiraghə iza Ongarir Aghevimin oto. ⁷ Ezi ian inazir afeziabi atatiavia uarir akurvaghə nan araima, ki ghuariar pizimin me ko Isipia abigha tongirama anesara. Ezi Israelia zuamira ghuia ongarimin vongin ghua nguazimin otozi, Isipia ongarir torimin men gin zuima, ki ongarir otevimir gamizi aning iza ua uaningen suiraghə, Isipia avaraghə bar me kuavareme. Ia uari uan damazibar ki Isipia gamizir bizir kamin ganigha fo. Ezi gin ia bar dughiar ruarinim gumazamiziba puvatizir danganimin ike.

⁸ "Ezi ki gin ia inigha aruem anadi naghin, Amorian nguazir Jordanin Fanemin itimin ghuzi, me ia ko misozima ki ian akurazi, ia me misogha me abiraghə, men nguazim uari bagha a ini. ⁹ Ezi gin Siporin otarim Balak, a Moapian atrivim, Israelia ia ko misoghasa. Egha a dikavigha, Beorin otarim Balam bagha akam amadaghə ghaze, Balam akar kuratam ia mikim ia gasighasighasa. ¹⁰ Ezi Balam akar kuratam ia daningan ki aghua. Egha ki a gamizi a migirigiar aghuiba a ganingizi, ki Balakin agharimin ua ia ini. ¹¹ Ezi gin ia Jordanin Fanem giregha ghua, Jerikon nguibamın otifi. Ezi Jerikon midorozir gumaziba ia misoghasava ami. Ezi kamaghira, Amoria, Peresia, Kenania, Hitia, Gırgas, Hivia, Jebusia, me bar uaghan ia ko misozima, ki ian akurazi ia me misogha bar me abini. ¹² Dughiar kam, ki ian faragha ghua ian apanibagh amizi, me bar atiatingi, ezi bizar kam, Amorian atrivimning gamizi, aning arav ghu. Ia bizar kam uan midorozir sababa ko barin pibar gavgavimin a gamizir puvatii. Kirara aningen agirazi aning arav ghu. ¹³ Ezi nguazir ki ia ganingizir kam, ia a gisin ingangaritam atizir puvatii, ezi nguibar ekiar nguazir kamin aven itiba, ia uari tamin ingara anesazariz puvatigha, datirighin ia dar iti. Ia oparizir puvatizir

olivin temer oviziba, ko wainin oviziba, ia da oparizir puvatii, ia pura da isava da api."

¹⁴ Egha Josua ghua kamaghin migei, "Ia Ikiavira Itir Godin atiating, an akabar gin mangiva, guizbangira an apengan iki an ingangarim damuva, uan inazir afeziabar aseba batokegh, kar me fomira Mesopotemian kantri ko Isipin kantrin ikia dar ziaba fe. ¹⁵ Ia Ikiavira Itir Godin ziam fan aghuaghiva deravira nighnigh, ia godin manamin ziam fam? Ian ovaviba fomira Mesopotemian nguazimin ikia ziaba fezir aseba, ia da fam? O, Amoria, ia men nguazir ia datirighin itir kam, men aseba, ia da fam? Ezi ki ko, nan dipenimin itir adarazi bar moghira, e Ikiavira Itir Godin ziamra fam."

¹⁶ Ezi gumazamiziba kamaghin a ikaraghə ghaze, "E Ikiavira Itir God ategh godin igharazibar ziaba fan kogham, bar puvatigham. ¹⁷ E uan afeziabi ko, Isipin nguazimin ikia Isipia pura men apengan ikia, pura ingarir gumazir kinibar itir dughiamin, Ikiavira Itir God, uabi e inigha azenan ize. Ezi e uari uan damazibar, an amizir mirakelin ekiar aviribar gani. Kantrin e aruibal aven, a bar deravirama e geyhuvima, e zui. ¹⁸ E zuir dughiamin Ikiavira Itir God en faragha ghua, kantrin e mangi otiv mangamiba, a bar me batuegha Amoria saram otoke. Amoria me faragha nguazir kamin ghuaviba. Ikiavira Itir God, a en God. Kamaghin e uaghan an ziam fasa."

¹⁹ Ezi Josua me migia ghaze, "Ia zuamira kamaghin mikiman marki, egh suam, ki Ikiavira Itir Godin ziam fam. Guizbangira, Ikiavira Itir God, godin igharazitam a ko magh garir puvatii. A uabira, ia an ziam fasa a ifonge. Ia akirim a gasaragh godin igharazibar ziaba fiti, a ian arazir kuraba gin amadaghan kogham. ²⁰ Guizbangira, Ikiavira Itir God fomira iza datirighin deragha ia gami. Eghti ia anetegh igharazibar datariz asebar ziaba fiti, a ian atariva pazavira ia damigh, iveau kuram ia danigh ia agivagham." ²¹ Ezi gumazamiziba Josua migia ghaze, "Bar puvatigham. E Ikiavira Itir Godin ziamra fam." ²² Ezi Josua kamaghin me migei, "Ia uari akam akirigha ghaze ia Ikiavira Itir Godin ziamra fam." Ezi me ghaze, "Are, migirigiar e amir kam, a guizbangira."

²³ Ezi Josua ua me migia ghaze, "Ia ikizir igharazibar aser ian tongin itiba, da batokegh. Egh Ikiavira Itir God, a Israeliyan God, ia uan navir averiabar aven an ziamra fiva, uari isi a daningiğ." ²⁴ Ezi gumazamiziba Josua migei, "E Ikiavira Itir God,

en God, e an ziamra fiva, an akamin gin mangam.”

²⁵ Egha dughiar kamin me bar Sekemin nguibamin ikia, Josua gumazamizibar danganim inigha, Ikiavira Itir God ko Akar Dikirizir Gavgavir mam gami. Ezi Akar Dikirizir Gavgavir kam, arazir God ifongezaiba ko bizir God damuasa me mikemeziba, an aven iti. Eighti gumazamiziba Akar Dikirizir Gavgavir kamin gin mangam.

²⁶ Egha Josua akar kaba isava, Godin Akar Gavgaviba itir Akinafarimin aven da osiri. Egha dagiar ekiar mam inigha, me Ikiavira Itir Godin ziam fer danganimin boroghin temer Okin povimin anesara. ²⁷ Egha Josua gumazamizibav gia ghaze, “Ia gan, e uan Akar Dikirizir Gavgavim ginighnighsi, ia zurara dagiar asaraghav itir kamin gan. Ikiavira Itir God, e mikemezir migirigiba, dagiar kam, bar ada baregha gifa. A kagh ababanimin min iki nighnizim ia daningti, ia uan Godin akaba batoghan kogham.”

²⁸ Egha Josua gumazamiziba amadazi me uamategha uan nguibar me itibar ghue.

Josua ko Eleasar areme

²⁹ Egha gin Nunin otarim Josua, Ikiavira Itir Godin ingangarir gumazim, a 110plan azeniba ikiava areme. ³⁰ Ezi Israelia an kuam isa an nguazimra, Timnat Seran nguibamin anefa. Nguibar kam, Efraimin anabamin nguazimin iti, a mighsiaba itir nguazim, egha notin amadaghan Gasin Mighsiamin iti.

³¹ Ezi Josua ikiavira itir dughiamin, Israelia Ikiavira Itir Godin ziam fa ghua Josuan ovevemir gin, Israelia Ikiavira Itir Godin ziam favira iti. Men gumazir dapaniba, bizir Ikiavira Itir God fomira Israelia bagha amizibar gani. Ezi Israeliian, gumazir dapanir kaba angamira ikiavira itir dughiamin, me bar Godin ziam favira iti.

³² Bar fomira, Israeliian ovavim Jekop, Sekemin afeziam Hamor, an ovavir boribada, nguazir otevir mam givese. An 100plan silvan dagjabar nguazir kam givese. Bar gin Israeliian gumazamiziba Isipin kantri ategha izir dughiamin, me uan inazir afeziam Josepin aghariba ateravira iza bar abuan uan nguazimin ize. Egha me datirighin Josepin aghariba isa, nguazir Jekop fomira ivezezimin dar afra. Nguazir kam, a Josepin ovavir boribar nguazim.

³³ Ezi Aronin otarim, Eleasar aremez, Israelia an kuam isa Gibean nguibamin anefa. Nguibar kam, an Efraimin anabamin mighsiaba itir nguazimin iti. Ezi nguibar kam, an Eleasarin otarim Finiasin nguibam.

Israeliian Gumazir Dapaniba O Jasba Akar faragha zuim

Akinafarir kam, an eghaghanir aviriba iti. Eghaghanir kaba, da Israelia Kenanin nguazim inigha a gapiazir dughiamin ikegha ghua me uari baghvira atrivim inizir dughiamin oto. A Israeliian gumazir dapanir mabar ikirimirim ko me amizir ingangarir mabagh eghari. Gumazir dapanir kabar aviriba, me kotaiba baraghha aka ba akirir arazibagh fozir puvati. Puvati. Me midorozibar faragha zuir gumaziba. Apaniba Israelia gasighasigh osimtiziba me darighasava amima God Israeliian akurvaghosa me amisefe. Men ziabar kara: Otniel, Ehut, Samgar, Debora, Barak, Gideon, Abimelek, Tola, Jair, Jepta, Elon, Apdon ko Samson.

Akinafarir kamin God bizir ekiar mamin en sure damuasa, a kamakin. Israelia bar deraghvira Godin akabar gin mangiva, egh deraghvira ikiem. Me an akaba baraghan kogh, egh me ikuvigham. Ezi tuavir ighazariz mam kam gafira. Me Godin akaba baraghan kogh osimtizim initi, God men apangkuvigh ua men akurvaghram. Me navibagh iragh arazir kuraba ateghti, God uam men akurvaghram. Akinafarir kamin eghaghanir aviriba, da tuavir ighazariz kam azenara aneka. God ubi, Godin Araziba (o Diuteronomi) sapta 28in aven, tuavir kam isa gumazamizibar aka.

Gumazir dapaniba Israelia gatifa

(Sapta 1-3)

Judan anabam ko Simeonin anabamin adarasi, atrivim Adoni Besekin suira

¹ Josua aremegha givazi, Israelia kamaghin Ikiavira Itir Godin azara, “Te midorozimin faragh mangi Kenania misogham?”

² Ezi Ikiavira Itir God me ikaragha ghaze, “Ia kamaghin fogh, ki nguazir kam isa Judan anabamin gumazamizibagh aningi, kamaghin me ian faragh mangam.”

³ Ezi Judan anabamin adarasi kamaghin Simeonin anabamin adaraziv gei, “Aveghbuaba, ia izi en gin mangi nguazir God e daningasa mikemezimin mangiva bar uari akuvagh, Kenanian adarasi ko misogham. Egh gin e bar moghira mangi nguazir God ia ganingizimin mangam.” Ezi Simeonin adarasi, Judan adarasi ko zui.

⁴ Ezi Judan anabamin gumaziba midorozimin faragha zuima, Ikiavira Itir God Kenania ko Peresia isa Judabagh aningizi, me Besekin nguibar ekiamin 10,000plan gumazibav sogha, me abini. ⁵ Me Adoni Besek ko an adarasi, Besekin nguibamin me batogha me misoke. Egha me bar Kenania ko Peresia abini. ⁶ Ezi Adoni Besek uabi arima, Judaba an agintigha ghua an suira. Egha me an dafarir puzir amebamning aghorava an dagarir puzir amebamning sara dutu.

⁷ Ezi Adoni Besek kamaghin migei, “Ki fomira atrivir 70plan dafarir puzir amebaba ko cuer puziba aghorezima, me dagher daghatievir muziarir nan dakozimin apengan iriba isa da api. Ezi datirighin ki me gamizir arazimra, God a ikaragha an na gami.” Ezi Judaba Adoni Besek inigha ghua Jerusalemin ikiya ghuav iti an areme.

Judan anabamin adarazi Jerusalem ko Hebron ini

⁸ Judaba Jerusalemin gumaziba ko misogha men nguazim ini. Egha men gumazibav sozi me ariaghirezi, me men nguibam gaborozi, a isi. ⁹ Me gin ghua, gumazamizir Kenanian mighsiar dozibar itiba, ko Negevin Distrighin itiba, ko sautin amadaghan nguazir voroghira zuimin itibav soghasa zui. ¹⁰ Egha me gin ua ghua, Kenanian Hebronin nguibar ekiamin itibav sosi, kar me fomira kamaghin diborir nguibar ekiam, Kiriart Arba. Judaba uaghan Sesain adarazi ko Ahiman ko Talmain adarazi abini.

*Otniel Debirin nguibar ekiam ini
(Josua 15:15-19)*

¹¹ Egha Judaba nguibar kam ategha ghua Debirin nguibar ekiamin gumazamizibav sosi. (Nguibar kamin ziar mam, Kiriart Sefer.) ¹² Ezi Kalep kamaghin migia ghaze, “Gumazim Kiriart Seferin gumazibav sogh me abiraghti, ki uan guivim Aksa a danighti an an ikiama.” ¹³ Ezi Kalepin dozim Kenas, an otarim Otniel, nguibar kamin gumazibav sogha me abira. Ezi Kalep uan guivim Aksa isa, a ganingizi an an iti.

¹⁴ Egha aning uanngin ikiava, Aksa Otniel bagha iza anebirava, a migia ghaze, ni nan afeziam Kalepin azaraghti a nguazitam atugh ga daningigh. Egha Aksa ghua Kalep batogha uan donkin faghafiraghya izaghirma, Kalep an azara, “Ki bizir tizitam ni bagh a damuam?”

¹⁵ Ezi Aksa uan afeziam ikanagha ghaze, “Ni bizir aghuitam na daningigh. Ni faragha dipaba puvatizir nguazim Negevin itir nguazir aukar mam abigha na ganingi. Datirighin ni dipar emimiriba itir nguazir aghuitam abigh na daningigh.” Ezi Kalep dipar emimiriba itir nguazir pumuning

a ganingi. Aning Hebronin nguibamin boroghin iti, mam pin amadaghan itima, mam vin amadaghan iti.

Judan anabamin adarazi ko Benjaminin anabamin adarazi midorozim gafira

¹⁶ Mosesin amerer afeziam, a Kinin ikizimin gumazir mam. Ezi Mosesin amerer afeziamin adarazi ko Judan anabamin adarasi, me Temer Detba itir nguubar ekiam, ategha ghua sautin amadaghan, Judan gumazamiziba puvatizir danganimin, Negevin danganimin aven itir nguubar ekiam, Aratin boroghin ghue. Me ghua Amalekia ko danganir kamin iti.

¹⁷ Ezi Judan anabamin gumaziba ko Simeonin anabamin gumaziba ghua, Kenanian Sefatin nguabar ekiamin itiba ko misogha bar me abiragh, bar nguabar kam agifa. Kamaghin, me ziar igiam, "Horma," a gati. ¹⁸ Me uaghan Gasan nguabar ekiam ko Askelonin nguabar ekiam ko Ekronin nguabar ekiam ko nguazir dar boroghin itiba sara ini.

¹⁹ Ikiavira Itir God Judabar akurazi, me mighsiar dozibar itir nguaziba ini. Ezi ongarimin boroghin nguzair voroghira itimin adarasi, me ainin karisba iti, kamaghin Judaba me batoghan ibura. ²⁰ Moses fomira mikemezi moghin, me Hebronin nguabar ekiam isa Kalep ganingi. Ezi Kalep zuima, Anakin ovavir borir 3plan adarasi, Hebronin itima a me batoke.* ²¹ Ezi Benjaminin anabamin adarasi, me Jebusian Jerusalemin iti darazi batoghezir puvati, kamaghin Jebusia Benjaminin anabamin adarazi ikiavira iti.

Josepin anabamin adarasi, Betelin nguubar ekiam ini

²²⁻²³ Josepin anabamin adarazi uaghan kamaghiram ami. Me uaghan Betelin iti darazi ko misosi. Me fomira kamaghin nguabar ekiar kam dibori, Lus. Ezi Ikiavira Itir God me ko ikia men akura. Josepin anabamin adarasi, gumazir maba amadazi, me ghua nguabar ekiar kam mogomemini a getiaghra rui. ²⁴ Gumazir kaba gumazir mamin gari, a nguabar ekiar mam ategha azenan zuima, me kamaghin a migei, "Ni tuavir ghua nguabar ekiamin aven zuimin gun e mikemeghtima, e pazi ni damighan kogham." ²⁵ Ezi a tuavir aven zuim men aka. Ezi me aven ghua uan midorozir sababar nguabar ekiar kamin aven itir gumazamiziba bar me misuagharki. Egha me gumazir kam ko an adaraziv soghezir puvatigha me ataghizi, me zui. ²⁶ Ezi gumazir kam ghua Hitian nguzaimin ghughha, nguabar ekiar mamin ingarigha kamagh a

dibori, Lus. Ezi ziar kam datirighin an ikiavira iti.

Israelia igharaz darazir gumazamiziba bar me batoghezir puvati

²⁷ Ezi Manasen anabamin adarasi, me Betsan nguibamin itir gumazamiziba, ko Tanak, Dor, Ipleam, Megido koma nguabar ekiar kabar boroghin itir nguabar doziba, me dar gumazamiziba batoghezir puvati. ²⁸ Ezi gin Israelia ikia ghua gavgavigha, Kenanian gumazamizir kabagh amizi, me men ingangarir gumazamizir kinibar otifi. Israelia bar me batoghezir puvati.

²⁹ Efraimin anabamin gumaziba Kenanian gumazamizir Geserin nguabar ekiamin itiba batoghezir puvati, kamagh amizi, Kenanian gumazamizir kaba men tongin danganir kamin iti.

³⁰ Ezi Sebulunin anabamin gumaziba, gumazamizir Kitronin nguabar ekiam ko Nahalalin nguabar ekiamin itiba batoghezir puvati. Kamaghin, Kenanian gumazamizir kaba men tongin ikiavira iti. Ezi Sebulunin gumazamiziba, Kenania gamizi, me men ingangarir gumazamizir kinibar otifi.

³¹ Ezi Aserin anabamin gumaziba, gumazamizir Akon nguabar ekiam ko Saidonin nguabar ekiam ko Alap, Aksip, Helba, Afek ko Rehopin nguabar ekiamit itiba, me batoghezir puvati. ³² Me, me batoghezir puvati, kamaghin, Aserian gumazamiziba Kenanian tongin ikiavira iti.

³³ Ezi Naptalin anabamin gumaziba, gumazamizir Betsemesin nguabar ekiam ko Betanatin nguabar ekiamin itiba batoghezir puvati. Egha me Kenanian tongin iti. Egha Naptalin anabamin adarazigh amizi, me men ingangarir gumazamizir kinibar otifi.

³⁴ Ezi Amoria gavgavigha Danin anabamin gumazamiziba batoghezi, me ghua mighsiar danganimin ghue. Amoria me ataghizi me izaghira danganir zarimin itir puvati. ³⁵⁻³⁶ Amoria uarira Heresin Mighsiam ko, Ajalonin nguabar ekiam, ko Salbimin nguabar ekiam gapia. Ezi men nguzair mitaghniam, Tuighakabar Mighsiamin Pin Zuir Tuavimin ikegha ghua, Selan nguibamin otogha bar sivagha ghu. Ezi dughiar maba, Josepin anabamin gumazamiziba me gativagha me gamizi, me men ingangarir gumazamizir kinibar otifi.

2

Ikiavira Itir Godin ensel Israelia migei (Josua 24:29-31)

¹ Ezi Ikiavira Itir Godin ensel, Gilgalin nguibam ategha, Bokimin nguabar ekiamin ghu. Egha kamaghin Israelia migei,

* ^{1:20:} Josua 15:13-14 * ^{1:20:} Ikizir kabar ziaba ves 10in iti, ni Diboboniba 13:22 uaghan an gan. ^{1:21:} Josua 15:63; 2 Samuel 5:6; 1 Eghaghaniba 11:4 ^{1:27:} Josua 17:11-13 ^{1:29:} Josua 16:10

"Ki Isipin kantrin aven ia inigha iza, nguazir ian inazir afeziabar aningasa akam akirizim bagha zui. Egha ki kamaghin migei, 'Akar Dikirizir Gavgavir ki ia koma amizim, ki anebighan kogham.'² Kamaghin, ia gumazamizir nguazir kamin itiba ko akar dikirizir gavgavir tam damuan marki, ki ian anogoroke. Ia men ofa gamir dakozibagh asighasikigh.' Ki datirighin garima, ia nan Akar Gavgavim barazi puvati. Ia manmaghsua, arazir bar ighazarim gami.³ Kamaghin, ki kamaghin ia migei, ia men nguazibar aven mangi me batoghsi damuamin dughiamin, ki ian faragh mangighan kogham. Puvati. Gumazir kaba ian apanibar otivigh azuazibar min ian suigh ia damutia ia iri, egh tuavir voroghira itim ategham. Eighti men aseba bar puvira ian nighnizir gavgaviba basamam, da gavgaviz o."

⁴ Ikiavira Itir Godin ensel, Israelia mikemegha givazi, me akar kaba baregha, bar puviram azi.⁵ Kamaghin, me danganir kam kamaghin a dibori, "Bokim." Egha danganir kamin, me Ikiavira Itir God bagha ofa gami.*

Josua areme

⁶Ezi Josua Israelia amadazi, me ghua danganir God vaghvagha me bagha misevegha me ganingiziba inigha, dagh apia. ⁷Josua angamira itir dughiamin, Israelia Ikiavira Itir Godin ziam fe. Egha Josua aremezir dughiamin gin, me uaghan an ziam favira iti. Me kamaghiram amua ghua, gumazir aruaba uan damazibar Ikiavira Itir God Israelia bagha amizir bizibar ganizir dughiamin tu. ⁸Nunin otarim Josua, a Ikiavira Itir Godin ingangarir gumazim, a 110plan azenibar ikegha areme. ⁹Ezi me an kuam isa Timnat Heresin nguibar ekiamin anefae. Kar an nguazir otevir mamra, a Efraimin mighsiar dozibar tongin ikia, notin amadaghan Gasin Mighsiamin boroghin iti. ¹⁰Ezi Josua ko otivizi darazi bar ariaghire, ezi gumazamizir igiaba otivigha, men danganiba imi. Gumazamizir gin otivizir kabanang, me Ikiavira Itir God gifozir puvati. Egha bizir a Israeliian akurvaghya amiziba, bar da gin amada.

Israelia ua Ikiavira Itir Godin ziam fer puvati

¹¹Egha Israelia aser Balbar ziaba fava, arazir bar kuraba Ikiavira Itir Godin damazimin dagh ami. ¹²Me ua Ikiavira Itir Godin ziam fe puvati, a men inazir afeziabar God, a Godin Isipin kantrin aven me inigha azenan izezim. Me dikavigha

tintinibar gumazamizir men tongin itibar asebar ziaba fe. Israelia uan iteviba apira aser kabar ziaba fava, Ikiavira Itir God gamima a bar men aningaghe. ¹³Me ua Ikiavira Itir Godin aghuaghha an ategha, Balin asem ko Astarten aser amizibar ziaba fe.

¹⁴Ezi Ikiavira Itir God bar men aningaghegha, midorozir gumaziba ko okimakiar gumaziba ataghizi me iza Israelia misogha men biziba bar da okeme. Ikiavira Itir God me isa apanibar agharim gatizi, me tintinibar ikegha iza bar me abira. Israelia mitivigh gavgavigh uari bagh misoghan ibura. ¹⁵Me zurara misoghasa zuir dughiabar, Ikiavira Itir God men apanim gamua men akurvazir puvati, ezi me bar dughiar kuramin iti.

¹⁶Ezi gin Ikiavira Itir God gumazir dapanir gavgavir maba isa Israelia ganangi. Ezi gumazir dapanir kaba, Israeliian akuraghha midorozir gumaziba ko okimakiar gumazibar aghariba da uam me ini. ¹⁷Ezi gumazamiziba kamaghiram ami. Me gumazir dapaniba barazin puvati. Me akirim ragha Ikiavira Itir God gasaraghha mati tuavimin amizim tintinimin gumaziba bagha aruui moghin, me aseba bagha bar ikuvigha men damazibar uan teviba apiri. Me fo, men inazir afeziaba fomira Godin Akar Gavgavibar gin zui, ezi merara datirighin kamaghin amir puvati. Me zuamira tuavir aghuir kam ataki. ¹⁸Dughiar aviriba, apaniba paza Israeliian gamima, me uan osimtziba ko mizazir me isir kaba bagha aziava arai. Kamaghin amizi, Ikiavira Itir God men apangku. Dughiaza zurara, Ikiavira Itir God Israeliian ganasa gumazir dapaniba misefi, egha a gumazir dapaniba vaghavagha me ko ikia men akurvasi. Ezi gumazir dapanir kaba vaghvagha Israeliian akurvaghya apanibar gavgaviba da ua me isi. God zurara gumazir dapanir kamin akurvagh an gan mangi an aremeghamin dughiamin tugham. ¹⁹Gumazir dapanir kam aremeghamin dughiamin gin, gumazamiziba uamategh uan arazir ghuribar amuam. Men arazir kuraba, men faraghha ghuezir darazir arazir kurabagh afiraghram. Me asebar gintigha dar ziaba fa uan teviba apiri. Me bar uan arazir kurar kaba ko akam batozir arazibar gin mangasa bar gavgafi, egha da ataghiraghan aghua.

²⁰Ezi Ikiavira Itir God bar Israeliian aningaghegha, kamaghin migei, "Gumazamizir kaba, ki fomira men inazir afeziaba ko Akar Dikirizir Gavgavim gamigha, an

2:2: Ua Me Ini 34:12-13; Godin Araziba 7:2-5

2:3: Ua Me Ini 34:12; Godin Araziba 7:16; Josua 23:13; Onger Akaba

106:36 *

2:5: Ziar kam Bokim, an mingarim Hibrun akamin kamaghin ghu, "Azi darasi."

2:9: Josua 19:49-50

2:14: Josua 7:12; 2 Atriviba 17:20; Onger Akaba 44:12; Aisaia 50:1

gin mangasa me mikeme, ezi me anebiki. Me nan akamin gin zuir puvati.²¹ Josua angamira itir dughiamin, a men nguaziba inizir puvatigha areme, kamaghin amizi, ki ikizir ighazariza batueghan kogham.²² Ki ikizir ighazariz kabar amighti, me Israeliyan nighnizir gavgaviba basamtí ki ganasa, me nan migirigabar tuavimin gin mangam, mati men inazir afeziaba amizi moghin, o puvatigham."²³ Kamaghin amizi, Ikiavira Itir God ikizir ighazariz kaba ataghizi, me Israeliyan nguazimin iti. A fomira Josua ataghizi, a me misogha me abirazir puvati. Ezi datirighin Ikiavira Itir God uaghan zuamira me batueghan kogham.

3

Ikiavira Itir God midorozir arazibar Israeliyan akakaghosa

¹ Ikiavira Itir God ikizir ighazariz maba ataghizima, me Israeliyan tongin Kenanin nguazimin iti. Israelia faragha misogha Kenanin nguazim ini, ezi men marazi, midorozir tamin ikezir puvatigha midorozir arazibagh fozir puvati. God datirighin men gavgavimin ganigh foghasa.² Ikiavira Itir God kamaghin damuva, vaghvagh Israeliyan igiar gin otiviziba midorozimin me geghan men sure damuam.³ Kar God Kenanin nguazimin ataghizir ikiziba: Filistian Splan nguubar ekiabar gumazamiziba, ko Kenanin nguubar ekiaba bar moghira, ko Saidonin gumazamiziba. Ezi Hivian Lebanonin Mighsiamin pin itiba, me Balhermonin Mighsiamin ikegha ghua, Hamatin nguibamin zuir tuavir akamin tu.⁴ Ikiavira Itir God, Israelia tuisighasa ifonge, me ti an Akar Gavgavibar gintigham, o ti puvatigham? Kamaghin amizi, a gumazamizir kaba ataghizima, me Kenanin nguazimin iti. Akar Gavgavir kabanang, God fomira men inazir afeziaba bagha Moses ganingi.⁵ Kamaghin amizi, Israelia, me Kenanian tongin apia, me Hitia ko Amoria ko, Peresia ko, Hivia ko Jebusian gumazamiziba.⁶ Egha Israelia, Kenanian guiviba isa men iti, egha uan guiviba isa Kenanian otaribagh anidi. Egha me men asebar ziaba fe.

Otniel gumazir dapanimin oto

⁷ Egha Israelia Ikiavira Itir Godin damazimin arazir kuram gami. Me Ikiavira Itir God, uan God, bakanighinigha, arazir kuram gamigha Balin aseba, ko Astarten aser amizibar ziaba fe.⁸ Kamaghin amizi, Ikiavira Itir God Israeliyan attara Mesopotemian atrivim Kusan Risataim ataghizima, a midorozimin me gafira. Israelia 8plan azenibar atrivim Kusan Risataimin gavgavimin apengan iti.⁹ Egha

Israelia Ikiavira Itir God bagha araima, Ikiavira Itir God me bagh akurvazir gumazir mam amisefe, an ziam Otniel. Otniel a Kenasin otarim, ezi Kenas a Kalepin dozim. Ezi Otniel atrivir kam da ua me ini.¹⁰ Ezi Ikiavira Itir Godin Duam iza Otniel gizivazima, a Israeliyan gumazir dapanimin iti. Ezi a ghuava Mesopotemian atrivim ko misosi, ezi Ikiavira Itir God Otnielin akurazima an atrivir kam abira.¹¹ Egha gin, Israelia ua midorozir tam gamir puvatigha ikia ghua 40plan azeniba givazima, Kenasin otarim, Otniel, an areme.

Ehut gumazir dapanimin oto

¹² Ezi Israelia uamategha Ikiavira Itir Godin damazimin an aghuazir arazir kuram gami. Ezi Ikiavira Itir God gavgavir ekiam isa Moapian Atrivim Eklon ganingizima, a Israelia abira.¹³ Eklon Amonia koma Amalekia akuvaghha me ko akam akirigha ghua, Israelia misogha me abiragha, Temer Detba Itir Nguibar Ekiam ini.¹⁴ Ezi Israelia, Atrivim Eklonin apengan ikia ingangarir gumazamizir kinibar min ingara ghua 18plan azenibar tu.

¹⁵ Egha Israelia Ikiavira Itir God bagha araima, a me bagh akurvazir gumazir mam amisefe, an ziam Ehut, an apaniba da ua me imiam. Ehut Benjaminin anabamin gumazir mam, a Geran otarim, an agharir Kiriamin ingarir gumazim. Dughiar kamin, Israelia bizir aghuir maba isa Moapian atrivim, Eklon bagha da amadima, Ehut da inigha ghu.¹⁶ Ehut faragha ua bagha midorozir sabar ghumtizir pumuning itir mamin ingarigha, an miriamning viraram aning amine. Midorozir sabar ghumtizir pumuning itir kamin ruarim 50 sentimitan tu. Egha dughiar an Atrivim Eklon bagha mangasava amimin, a midorozir sabar ghumtizir pumuning itir kam isa uan agharir guvimin apengan buar akirimin krotiar ruarimin even a modo.¹⁷ Egha bizir aghuir kaba inigha Atrivim Eklon bagha zui. Eklon, a namnam saram aghungizir gumazir dafam.¹⁸ Ezi Ehut ghua bizir aghuir kaba isava Eklon ganigha givagha, a gumazir a ko bizir aghuibha atera ghuezir kaba ko, me uamatenge.

¹⁹ Me ghua Gilgalin nguibamin boroghin, dagiabar gumazir nedazibar ingarigha da asezir danganimin otifi. Egha danganir kamin, Ehut Moapian atrivimin ganasa a bagha uamatenge. An Atrivim Eklonin ganigha kamaghin a migei, "Atrivim, ki ni mikimamin migirigiar mam iti, ni uabira a baraghram." Ezi atrivim kamaghin uan ingangarir gumazibav gei, "Ia mangi, ga uaningra ikiam." Ezi ingangarir gumaziba bar moghira azenan ghue.²⁰ Ezi atrivim uabira uan dipenimin aven, an

pin itir danganir orangtizimin avughsava irighav iti. Ezi Ehut a bagha izava a migei, "Ki God da izezir migirigiar ni mikimamin mam iti." Ezi atrivim dikavigha tuzima, ²¹ Ehut uan agharir kiriamin, dafarir guvimin apengan korotiar ruarir aruzimin aven, buar akirim gisin modozir sabam asigha, atrivim navim gasara. ²² Ezi Ehut atrivim da sabar ghumtizir pumuning itim asizir puvati, an ghumtizim ko an misiam sara bar an navimin aven ghu. Ezi an navimin ovim midorozir sabam noke, ezi a bar an aven ghua an akirir agharimin tu. ²³ Ezi Ehut dipenimin aven avughsazir danganim ategha azuarimin azenan otogha deragha tiar akamning asaraghha ghu. ²⁴ Ezi gin an ingangarir gumaziba iza garima, me itiar akamning dukua. Ezi me uarira uarivgia ghaze, "Atrivim ti uan avughsazir danganim ikia uan davir danganimin aven ikiama." ²⁵ Ezi atrivim ingangarir gumaziba uan atrivim mizua ikia ghua amia, me itiam kuigh aven mangan an amigha, bar dughiar ruarin a mizua ghua ghaze, e uari aven mangi ganigham. Egha me ki inigha tiam kuigha garima, Ame! Men gumazir aruuam aremegha vazimin irighav iti!

²⁶ Ezi ingangarir gumaziba pura gara itir dughiamin, Ehut arav ghughha gif. An ara ghua, danganir me dagiabar gumazir nedazibar ingarigha da asezimin otogha, daghitagha, barara ghua Seiran nguibamin modo.

²⁷⁻²⁸ Egha a gin azenim girigha Seiran nguazimin ghua, Efraimin anababar mighsiar dozibar otogha sigham givi, a men dimti me izi uari akuvagh mangi misogham. Israelia iza uari akuvazi, Ehut kamaghin me migei, "Ia nan gin izi. Guizbangira, Ikiavira Itir God ian apaniba, Moapia isa ian agharim gatigha gif. Ia me abiraghram." Kamaghin amizi, me mighsiar dozibar itir nguibaba ategha, Ehutin gin uaghira Moapia bagha Jordanian Fanemin men arafa, eghiti men tav fanem girigh vongin mangan kogham. Ezi me Moapian misozima, men tav arav ghuzir puvati. Bar puvati. ²⁹ Ezi dughiar kamin Israelia Moapian 10,000plan midorozir gumazir gavgavibav soghezi me ariaghire. Tav arav ghuuzir puvati. ³⁰ Kamaghira, Israelia dughiar kamin Moapia gafiragh, ua midorozir tam gamizir puvatigha ghua 80plan azenibar tu.

Samgar gumazir dapanimin oto

³¹ Gumazir dapanim Ehutin gin, gumazir dapanir igharazim oto, an ziam Samgar, an Anatin otarim. Me zuamira ingangarim damuasa bulmakaubar avizir aghorir mam, an a isa, Filistiabbar 600plan

gumazibav soghezi me ariaghire. A uaghan apanibar agharimin ua Israelia ini.

Deboran eghaghanim

4

(Sapta 4-5)

Debora ko Barak apaniba abira

¹ Ehut aremezi, Israelia ua Godin damazimin an aghuazir arazir kurabagh ami. ² Kamaghin amizi, God Jabin ataghizi, a uaghan me abira. Jabin, a Kenanian atrivir mam, egha Hasorin nguibamin garir atrivim. Atrivim Jabin, an midorozir gumazibar dapanim Sisera, a nguibar ekiam Haroset Hagoimin gumazir mam. ³ Atrivim Jabin, ainin midorozir karisin 900pla iti. A bar pazavira Israelia gamuava, tintinibar me misogha me gasighasigha ghua 20plan azenibar tu. Kamaghin amizi, Israelia uarir akurvaghaha Ikiavira Itir God bagha arai.

⁴ Ezi dughiar kamin, Godin akam inigha izir amizir mam iti, an ziam Debora. A gumazir mamin amuim, an ziam Lapidot. Dughiar kam Debora amizir dapanimin ikia nighniziba isa Israelia ganidi. ⁵ Debora zurara Temer Detin Povimin apiav itima, Israelia uan osimtzibza inigha a bagha izima, a kotin aven men osimtzibza tuisizima, me am migirigia barasi. Temer kam, Rama ko Betelin nguibar ekiamningin tizimin, Efraimin anabamin nguazimin mighsiar dozimin iti.

⁶ Dughiar mam Debora Barakin dei, a Kedesin nguibamin Naptalin anabamin nguazimin itir gumazir mam, Abinoamin otarim. Egha Barak izima, Debora kamaghin a migei, "Ikiavira Itir God, a Israelien God, a migirigiar kam ni daningasa, 'Ni mangi Naptalin anabam ko Sebulunin anabamin gumazir 10,000pla inigh izi Taborin Mighsiamin me akufagh." ⁷ Ki Sisera inigh izam, an Atrivim Jabinin midorozir gumazibar dapanim. A izi Kisonin Fanemin ia ko misogham. A uan midorozir karisba ko uan midorozir gumazir aviriba inigh iziti, ki me isi ian agharim darigham."

⁸ Ezi Barak akar kam baregha kamaghin Deborah migei, "Ni na ko mangiti, ki mangam. Ni na ko mangan koghti, ki mangan kogham." ⁹ Ezi Debora kamaghin an akam ikaraghha ghaze, "Ki guizbangira ni ko mangam. Eghiti midorozir kamin aven Ikiavira Itir God Sisera isi amizitamin agharim darigham. Kamaghira, nirara, midorozir kam bagh ziar ekiam inian kogham. Puvati." Egha Debora dikavigha Barak ko Kedesin nguibamin zui. ¹⁰ Ezi Barak Sebulunin anabam ko Naptalin anabamin gumazibar diagha Kedesin zui. Dughiar kam 10,000plan gumaziba a ko

misoghasa zui. Ezi Debora uaghan me ko zui.¹¹ Ezi dughiar kamin, Heber a Kinian adarazir mav, a Kinia ataki, me Mosesin ivozir afeziam Hobap, an ovavir boriba, a me ategha ghua uan averpenim Kedesin nguibamin boroghin, Sananimin itir okin temer ekiamin boroghin an ingari.

¹² Ezi Sisera kamaghin oraki, Abinoamin otarim Barak ghua Taborin Mighsiamin ghuhanabo.¹³ Egha Sisera uan 900plan ainin karisba ko uan midorozir gumaziba bar men diagha, me inigha Kisonin Faner gigir dipaba pura datimin boroghin, Haroset Hagoimin nguibamin zui.¹⁴ Ezi Debora kamaghin Barak migei, "Aria, ni dikavigh, e mangam. Ikiavira Itir God nin faragh mangam. Datirighin dughiar kamin Ikiavira Itir God nin akuragh, Sisera isi nin agharim datigham." Ezi Barak zuamira 10,000plan midorozir gumaziba inigha Taborin Mighsiam ategha uaghiri.¹⁵ Barak uan midorozir gumaziba ko ghua otoga midorozim forezir dughiam, Ikiavira Itir God men damazimin Sisera gamizi, an ainin karisba ko midorozir gumaziba bar ongani. Ezi Sisera uan karis ategha uan suemningin arav ghu.¹⁶ Ezi Barak men karisba ko midorozir gumazibar agiraghha ghua, Harosetin Hagoimin nguibamin oto. Egha Barakin midorozir gumazibar, Sisera midorozir gumazibar soghezi me bar ariaghire, men tav ua itir puvati.

¹⁷ Ezi Sisera ara ghua Jaelin averpenimin ghu, a Heberin amuim, Kinin adarazir mav. Hasorin nguibamin Atrivim Jabin, a Heberin adarazir namakar aghuim, me deravira uari inigha ikia, uariv sozir puvati.¹⁸ Dughiar kamin, Jael Siseran gari a izima, Jael averpenim ategha azenan iza kamaghin Sisera migei, "O nan gumazir aruam, ni aven izi daperagh. Ni nan averpenimin aven izi avughsam. Ni atiatangan marki." Ezi, Sisera Jael migia ghaze, "Nan kuarim nan piri. Ni dipatam na daningichti ki anemeka." Ezi Jael memen nir me dipaba tuasa isamizir, memen oter eborim itir mam kuigha, a isa a ganingi. Ezi Sisera anemezi, Jael uam anevaraghha a modo.²⁰ Ezi Sisera kamaghin Jael migei, "Ni averpenimin tiar akamin tughiv ikiti, gumazitam izi nin azaraghram, 'Gumazitam kagh iti?' Egha ni kamaghin a mikim suam, 'Puvati.'"

²¹ Ezi Siseran mikarzim bar an amirazi ana aremezi moghin akui. Ezi Jael dafarir vuemin averpenibar benibar suizir afughafuzir mamin suira, egha dafarir vuemin ingangarir gumazibar haman suiraghha, bar

aghumra Siseran amuda zui. An haman suiraghha ghua afughafuzir kam isa Siseran dakurum gasaragha, afughafuzim gafuzi, a bar anemikiraghya nguazim giragh. Ezi Sisera areme. ²² Dughiar kamin, Barak Sisera buria izima, Jael ghua a batogha kamaghin a migei, "Ni iziti, ki ni inigh mangi gumazir ni ruiaghya aruim, nin akaghram." Ezi Barak a ko averpenimin aven ghua garima, Sisera aremegha givagha irighav itima, afughafuzir kam an dakurumin migoorghav ikia mamaghira iti.

²³ Ezi dughiar kamin God Israelian akuraghha, men damazimin Kenanian Atrivim Jabin abirazi, a bar aghumsiki. ²⁴ Ezi Israelia misogha ghua bar gavgavigha Kenanian atrivim Jabin ko an midorozir gumazibagh asighasiki.

5

Debora ko Barakin onger akam

¹ Dughiar kam Debora ko Abinoamin otarim Barak, aning ighiar kam bange:

² E Ikiavira Itir Godin ziam fam. Israelian gumazir dapaniba dikavigha derivira gumazamizibar faragha ghua, pamten misogħasa nighnisi.

Ezi gumazamizibar misogħasa pamtem nighnigha bar akonge. E Ikiavira Itir Godin ziam fam!

³ Ia atriviba, oragh!

Ia gumazir dapaniba, ia derivira kuariba arigh oragh!

Ki Ikiavira Itir God bagħi għihi tam bangiva marvibagh iviām.

Ikiavira Itir God, a Israeli God, ki a għinġiġiġ ħiġi damuam.

⁴ O Ikiavira Itir God, ni Seirin Mighsiam ataghizir dughiam,

kar Idomin nguazim,
ni izaghirima,
mikimkizim nguazim ginobazi,
amozim arigha mighsabar iza-

ghiri.
Bar guizbangira, dipar dafam ove-

riam ġħuariabar ikegħa
nguazim minn izaghiri.

⁵ Mighsiba Ikiavira Itir Godin damazimin vazvasi,

a Sainaian God,
a Ikiavira Itir God, Israeli God.

⁶ Anatin otarim Samgarin dughiam,

ko Jaelin dughiam,
gumazir dagħiaba bagħha biziба amadiba,
me okimakiar gumazibar atiatiā ua-

mategħha tuavir ekiamin aruir puvati.

Me mangi zegħi gamua,

egħha mogħi kiriār tuavir dozibagh arui.

7 O Debora, Israelin kantrin nguibar doziba itir gumazamiziba, me biritam gamizir puvati.

Me pura ikiha ghua dughiar ni otozimintu.

Guizbangira, ni Israelian tongin ikia mati men ganamin amebar mam.

8 Ezi Israelia aser igiabar gin zuir dughiamin, midorozir me batifi.

Israelia midorozir gumazir 40,000pla iti, egha me bar moghira misoghamin oraba ko afuziba puvati.

9 Ki uan navir averiamin aven, Israelian midorozir gumazibar faragha zuir gumazir dapanibagh nighnighavira iti.

Guizbangira, men marazi uari isa midorozim ganidi.

Kamaghin, e Ikiavira Itir Godin ziam fam.

10 Ia gumazir donkin ghurghuribar satelbagh apiaghiriha, ko ia uan suebar tuavibagh aruir gumaziba, ia bizar kamin gun mikim.

11 Ia oragh! Gumazamizir mozir dipaba uari akuvava dipaba isava sipsipbagh anidiba, me Ikiavira Itir Godin migia ghaze, an arazir aghuibara amuava apaniba abira.

Egha me uaghan ghaze, Israelin kantrin nguibar doziba itir gumazamiziba, bar deragha apanibagh afira.

Egha Ikiavira Itir Godin gumazamiziba uan nguibaba ategha, izaghira nguibar ekiamin tiar akamin ize.

12 O Debora, ni osegh dikavigh en faragh mangi.

Ni faragh mangi ighiatam bangi!

O Abinoamin otarim Barak, ni dikafigh!

Ni midorozim gafiragh apaniba dikabiragh.

Egh ni midorozimin aven iniamin kalabuziar gumazir kaba inigh, menaku ize.

13 Ezi midorozir gumazir aghuir ikiavira itiba, izaghira uan gumazir dapaniba ko uari akufi.

Ikiavira Itir Godin gumazamiziba a bagha iza misoghasa uari akufi.

14 Efraimin anabamin adarazi izaghira danganir zarimin oto,

Efraimin adarazi fomira Amalekia abiragh men nguazim ini.

Me datirighin Benjaminin anabamin adarazir gin zui.

Ezi Makirin adarazir gumazir dapaniba uaghan izaghiri.

Ezi Sebulunin anabamin gumazir dapaniba uan ghuarar gavgavibar suigha iza-ghiri.

15 Ezi Isakarin anabamin gumazir dapaniba Debora ko izi.

Isakarin anabamin gumazir kaba deravira Barakin gin zuima, a men faragha ghua zuamira danganir zarimin zui.

Ezi Rubenin anabamin adarazi nighnizir pumuning ikia mangan aghua.

16 Ia Rubenin anabamin adarasi, ia tizim bagha sipsipba ko ikiavira iti?

Ia sipsipbar garir gumaziba, ia ti sipsipbar deir buaber dimdiham baraghisa?

Bar guizbangira, Rubenin anabamin adarazi nighnizir pumuning iti.

17 Ezi Gileatin Distrighin itir adarasi, me pura Jordanin Fanemin vongin aruem anadi naghin ikiavira iti.

Ezi Danin anabamin adarasi, bizir tizim bagha kuribar ingari?

Ezi Aserin anabamin adarazi ongarir dadarimin iti.

Me pura ongarir miriamin, kuriba itir danganimin uarira iti.

18 Ezi Sebulunin anabam ko Naptalin anabamin adarasi, uan mikarzibagh nighnizir puvati.

Me pamtem midorozim damuasa gavgavigha, atam midorozir danganimin oveghai.

19 Dughiar kamin, Kenanian atriviba Tanakin nguibamin izegha, Megidon dipamin boroghin misosi.

Kenanian atriviba misogha, midorozim gafirazir puvati.

Me uaghan silvan taba inizir puvati.

20 Overiamin itir mikoveziba uaghan misosi.

Da pin overiamin uan tuavimin ghua, Sisera ko misosi.

21 Ezi Kisonin Fanemin aperiam me inigha ghue.

Faner kam fomira iti, an aperiam bar gavgafi.

Ki uan navir averiamin aven uabira ubi migia ghaze, ki bar uabin gavgavigh midorozir gumazir gavgavimin min daru mangam!

22 Ezi hoziar atamra ivemara zuiba, me pamtem uan suebar nguazim gabiri a tingaghavira iti.

23 Ezi Ikiavira Itir Godin ensel kamaghin migei,

“Merosin nguibar ekiamin gumazamiziba
Ikiavira Itir Godin akurazir puvati.
Me midorozir gumazibar min iza
apanibav sogha Ikiavira Itir Godin
akurazir puvati.

Kamaghin, ia Godin diagha kamaghin an
azai,
A Merosin nguibar ekiam, ivezir kuram
a daningam, eghiti a bar ikuvigham.
Eghiti gumazamizir nguibar ekiar
kamin itiba me uaghan ikuvigham.”

²⁴Jael, a Heberin amuim, ezi Heber a Kinian
adarazir gumazir mam,
God deraghviram a damuti,
an navim bar akuegham.
An navir agorogem, averpenimin aven
itir amizir ighazaribagh afiraghram.

²⁵Sisera dipam bagha Jaelin azarazi,
an oter eborim a ganingi.
An oter ovim itir bar aghuarim inigha
itarir ganganir aghuarim itimin a
inigha izi.

²⁶A dafarir vuemin averpenibar benibar
suizir afughafuzir mamin suira,
egha dafarir vuemin ingangarir gu-
mazibar haman suira.

A Siseran dakurum misogha anebiki.
A guizbangira an dakurum gafuzima
an okoriaghiri.
A Siseran dakurum gasaragha
afughafuzim gafuzi, afughafuzir
kam anemikiraghya vongin otogha
nguazim giragh.

²⁷Ezi Sisera tevimming apirigha sorogha-
fariba kunigha,
Jaelin dagarimningin boroghin irighav
iti,
gumaka a uam angamira itir puvati.
A bar aremegha gifa.

²⁸Ezi Siseran amebam saghon mitighav
ikia, aminim ivair tiar akamin
saghon mar garima, a izir puvati.
A winduan uan damazimning atigha
gara ghua kamaghin migei,

“Manmaghin amizi, Siseran karis bemira
izezir puvati?
Tizim bagha an hoziaba zuamira ua
izezir puvati?”

²⁹⁻³⁰Ezi an fofozir amizir mam kamaghin an
akam ikaragha ghaze,
“Midorozir gumaziba ti apanibagh
afiragh, uari bagha bizir aghuiba
buria tighar da isi uari bagh da
tuiragh uari daningam.

Egh amizir igiar vamira o pumuning,
midorozir gumaziba vaghvagha me
iniasia ifonge, me men suiragh arazir
kurabar me damuam.

Egha me ti Sisera bagh korotiar
aghuiiba iniasia da buriavira iti.

Egha inir aghuir me kurkazir aghuiba
isamiziba buri da inigh izi, uan
amuiba ko guivibar kurukam.”

Ezi Siseran amebam uaghan kamaghira
nighni. Ezi puvati.

³¹O Ikiavira Itir God, kamaghira nin
apaniba mar oveng.
Eghiti nin namakaba mar angazan-
garimin min isiragh, mati aruer
angazgarim otogha pamten
nguazim gisira.

Ezi dughiar kamin gin, Israelien nguazim
40plan azenibar midoroziba puvatigha
avughse.

Gideon ko Abimelekin eghaghanim

6

(Septa 6-9)

*Ikiavira Itir God ingangarim isa Gideon
ganidi*

¹Ezi gin, Israelia ua arazir kuram Ikiavira
Itir Godin damazimin a gami. Kamaghin,
a Midianian adarazi ataghizi, me 7plan
azenibar me abiragh, me gativagh men
gari. ²Guizbangira, Midianian adarazir
gavgavim bar Israelien gavgavim gafira,
kamaghin, Israelia Midianian adarazir
arava dagiar toribar mogha, uaghan
danganir gavgavir aghuir mabar modi.

³Israelia dagheba oparamin dughiabar,
Midianian adarazi ko, Amalekia ko, aruem
anadi nagħin iti darazi izava Israelia
misosi. ⁴Egha me nguazir kamin uari
bagha averpenibar ingara dar ikia, men
azenibar daghebagħ asighasigha, ghua
Gasan nguibar ekiamin tu. Egha dagħetam
ataghizi, a itir puvati. Me uaghan men
bulmakauba ko sipsipba ko donkiba inigha
ghue. ⁵Egha me uaghan uan averpeniba
ko bulmakauba sara izi, mati aparir
irubuuba uari akuvagħha izi mogħin, men
gumazamiziba ko kamelba bar aviraseme.
Guizbangira, gumazitam me mengan
iburagħam, ezi me izava Israelien azeniba
bar dagh asighasiki. ⁶Ezi Midiania bangin,
Israelien gavgaviba bar puvatigha dagħem
bangin amira. Kamaghin amizi, Israelia
datirighin uarir akurvaghħasa Ikiavira Itir
God bagħ aziava arai.

⁷Israelia, Midiania paza me gamir bizim
ġiniegħi, uarir akuvaghħasa Ikiavira Itir
God bagħ arai. ⁸Ezi Ikiavira Itir God, Godin
akam inigha izir gumazir mam amadazi, a
me bagħha izi. A kamaghin migei, “Ikiavira
Itir God, a Israelien God, a ghaze, Bar
fomira Isipia dughiar ruarimin ia gativagh
ian garima, ia men ingangarir gumaza-
mizir kinibar iti. Ezi ki Isipin kantrin aven

ia inigha azenan izegha gifa. ⁹ Ki Isipian agharim da ua ia inigha gifa. Egha uaghan nguazir kamin gumazir paza ia gamibar agharim da ua ia inigha gifa. Ia izir dughiamin, ki me batoghezi me bar ghue. Egha ki uaghan men nguaziba isa ia ganingi. ¹⁰ Egha ki kamaghin la migei, ‘Ki Ikiavira Itir God, ian God! Ki Amorian asebar ziaba fan ian anogoroke. Gumazir kaba ia men nguazimin apia.’ Ezi ia nan akam batoke.”

¹¹ Ezi Ikiavira Itir Godin ensel iza, Ofran nguibamin boroghin itir okin tememin apengan aperaghav iti. Ofra a Joasin nguibam, Joas a Abieserin adarazir gumazir mam. Ezi an otarim Gideon, a nimira wainin oviziba mirmirir dagiar miner ekiamin aven modoghav iti. Egha an an aven Midianian modogha, witin oviziba dikabira da mirmira iti. ¹² Ezi Ikiavira Itir Godin ensel a batogha a migia ghaze, “O midorozir gumazir bar gavgavim, Ikiavira Itir God ni ko iti.” ¹³ Ezi Gideon a ikaragha ghaze, “O gumazir ekiam, ki bizitam bagh nin azangasa. Ikiavira Itir God, e ko itima, ezi bizir kaba manmaghsua e batifi? Ezi bizir aghuir a en inazir afeziabagh amizir kaba, da managhira iti? E dar garir puvati. Ikiavira Itir God, ti e inigha Isip ategha azenan izes ti? Egha datirighin Ikiavira Itir God, e ategha e isa Midianian agharibagh ariki.”

¹⁴ Ezi Ikiavira Itir God ragha kamaghin Gideon migei, “Ni bar uan gavgavim sara mangi Midianian agharim da, ua Israelia inigh. Ki uabi ni amadazi ni zui.” ¹⁵ Ezi Gideon kamaghin Ikiavira Itir Godin azaraghha ghaze, “Gumazir ekiam, ga uaning, ki manmaghira Israeliel akuragh ua me inigham? Ni fo, nan ikizimin adarazi me ziar ekiaba ko gavgaviba puvati. Manasen anabamin aven itir darasi, me bar e gafira. Ezi nan ikizimin tongin aven, ki pura gumazir kinim, egha uan aveghbuubar, gumazir bar abuananam.” ¹⁶ Ezi Ikiavira Itir God, kamaghin a migei, “Ki ni ko ikiti, ni Midiania misoghti me bar arimighiregham.”

¹⁷ Ezi Gideon kamaghin an akam ikaragha ghaze, “Ki guizbangira nin damazimin gumazir aghuim, ni bizitam damighti, ki ganigh fogh suam, ni guizbangira Ikiavira Itir God na migei. ¹⁸ Ni zuamira mangan marki. Ki mangi daghetaba inigh, bizir aghuabar min da ni daningam. Ni kagh na mizuam.”

Ezi ensel kamaghin migei, “Ki ni mizuam iki mangiti ni uamategh izam.”

¹⁹ Ezi Gideon aven ghua memen igiar mam tuazi a isi. Egha plauan yisba puvatizir maba uaghan da tuezi da isi, dar osimtzizim 25 kilogremi tu. An asizir tuzir maba isava akirar mam gaghuigha, diparsizim isava miner mam gati. Egha a da inigha ghua okin temer povimin Ikiavira Itir Godin ensel ganingi. ²⁰ Ezi ensel kamaghin a migei, “Ni izi asizir tuzir kam ko yis puvatizir bretin kam isiva dagiar kam gisin aning atigh. Egh diparsizim isi aning gingegh.” Ezi Gideon ensel mikemezi moghiram ami. ²¹ Ezi Ikiavira Itir Godin ensel, asadivir aghorir mam uan dafarimin an suiragha an otevim isava asizir tuzim ko bret gisin anetigha uam an suira. Ezi avim zuamira dagiam gisin otogha asizir tuzim ko bretin isi. Ezi ensel zuamira ghuzi, Gideon a bagha garava avenge.

²² Ezi Gideon datirighin fo, a Ikiavira Itir Godin enselin gani, egha bar aguaghfagha ghaze, “Ame! O Ikiavira Itir God, nan Ekiam, ki datirighin nin enselin guamin gani. Datirighin bizar tizitam na batogham? Ni nan akuragh!”

²³ Ezi Ikiavira Itir God kamaghin a migei, “A dera, ni atiatingan marki. Ni ovengan kogham.”

²⁴ Kamaghin, Gideon danganir kamin Ikiavira Itir God bagha ofa gamir dakozir mamin ingarigha kamaghin a dibora ghaze, “Ikiavira Itir God, a gumazir navir amirizim anidim.” Dughiar kamin ikegha iza datirighin, ofa gamir dakozir kam, Ofran danganir kamin mitighav ikiavira iti, kar Abieserin adarazir nguazim.*

²⁵ Ezi dimagarir kamin Ikiavira Itir God kamaghin Gideon migei, “Ni mangi uan afeziamin bulmakaubar tongin, bulmakaun apurim inigh, kar an namba tu bulmakaun apurim, a 7plan azeniba iti. Egh ni uan afeziamin marvir guar asem Balin ziam fasa ingarizir ofa gamir dakozim apirigh. Egh aser amizim Aseran nedazim itir temer akinir ekiam okegh, kar temer akinir ekiar ofa gamir dakozimin boroghin mitighav itim. ²⁶ Egh ni mighsiar dozir kam gisin na bagh deraghvira ofa gamir dakozir tamin ingarigh, ki Ikiavira Itir God. Ni gin, namba 2 bulmakaun kam misueghiva, dipenir akinir ni dutuzimin avim atigh, namba 2in bulmakaun kam isi, ofan min a tuaghti, a bar isi mighirigh.” ²⁷ Ezi Gideon uan 10plan ingangarir gumaziba inigha Ikiavira Itir God mikemezi moghin ami. Ingangarir kam, Gideon aruemin a gamizir puvati. Gideon nguivar ekiamin a itir gumazir igharaziba ko a uan adarazir

6:16: Ua Me Ini 3:12; Josua 1:5 * **6:24:** Migirigar kam, “ofa gamir dakozir kam, Ofran danganir kamin mitighav ikiavira iti,” kar migirigar datirighin itir puvatizim. Puvati. A gumazir fomira akinafarir kam osirizimin dughiamin iti.

atiatingi. Kamaghin amizi, a dimagarimin a gami.

²⁸ Bar mizarazimin nguibar ekiamin itir gumazamiziba dikavigha garima, Balin ziam famin ofa gamir dakoziim ko aser amizim Aseran nedazim itir temer akinir ekiar an boroghin mitighav itim, itir puvati, aning dipiraghiri. Egha me ganigha fo, gumazitam ti ofa gamir dakoziir igiamin ingarigha, namba 2 bulmakaun apurim isa ofa gamigha gifa. ²⁹ Ezi gumazamiziba uarira uarir azai, "Tinara bizar kam gami?" Me azangsigha ghua kamaghin fo, Joasin otarin Gideon, a bizar kam gami.

³⁰ Ezi me kamaghin Joas migei, "Nin otarim, asem Balin ofa gamir dakoziim ko, aser amizim Aseran temer akinir ekiar an boroghin mitighav itim apiraghasti. Kamaghin, ni a inigh kagh iziti, e a misuehti an a remegham."

³¹ Ezi Joas kamaghin gumazir an atariabar akam ikaragha ghaze, "la asem Balin akurvaghaha na gimbobi? Gumazir manam asem Balin akurvaghaha na dosi, aruem tighar anangamin dughiamin an a remegham. Ofa gamir dakoziir me dipirizir kam, kar Balin ofa gamir dakoziim. Kamaghin, Bal guizbangira god, a uabi uabin akuragh."

³² Dughiar kamin ikegha zui, Gideon ziari gami iti. An afeziam Joas kamaghin migei, "Gideon asighasighizir ofa gamir dakoziir kam, kar Balin bizim. Kamaghin, Bal uabi uabin akuragh." Kamaghin, me "Jerubal," Gideon gati.[†]

³³ Dughiar kamin, Midianin adarazi ko Amalekia, ko aruem anadi naghin itir gumazamiziba, me uari akuvagha iti. Egha me Jordanin Fanem abigha vongin ghua, Jesrilin danganir zarimin averpeniubar ingarigha dari iti. ³⁴ Ezi Ikiavira Itir Godin Duam iza Gideon avargaha an itima, a dikavigha, Abieseran adarazir diaghti me izi an gin mangasa, a sipsipin komin ingarizir sigham givi. ³⁵ A uaghan gumazir maba amadazi, me ghua Manasen anabamin nguazimin itir adaraziv gia ghaze, me izi an gin mangam. A uaghan Aser ko Sebulun ko Naptalin anababar adarazir mikimasa, gumazir maba amangi. Ezi me uaghan dikavigha iza a ko uari akufa.

³⁶ Ezi Gideon kamaghin God migei, "Ni na migia ghaze, ni na damuti ki Israeliyan akuragh, ki bar guizin foghasa nin akar dikirizir kam a guizbangira, ga uaning, ni arazitam nan akagh. ³⁷ Ni gan, danganir e witin dafariba amisevimin, ki sipsipin arizitaba nguazim darigham. Eghit mizaraghara ghuarier dipam sipsipin arizir kabar ikiva, egh nguazim gireghan koghti,

ki kamaghin fogh suam, mati ni mikemezi moghin, ki Israeliyan akurvaghah." ³⁸ Ezi bizar kam, Gideon God ko mikemezi moghin oto. Ezi Gideon mizaraghara osegha dikavigha ghua sipsipin arizir an atizimin ganasa zui. Egha sipsipin arizim ghavkira an gari, dipam an iti, o puvati. Ezi dipam a gizifa, an an munumutti, dipam itarir ekiatam gizivaghah.

³⁹ Egha gin Gideon ua ghua kamaghin God migia ghaze, "O Ikiavira Itir God, ni nan ataran marki. Ki ua migirigiatam damuasa. Ga uaning, ki kamaghhsua, ni na ateghti, ki ua sipsipin arizim damiagh an ganika. Eghit dughiar kamin ghuarier dipam tintinibar nguazim giregh, eghit sipsipin arizimra misingigh iki." ⁴⁰ Ezi dimagarir kamin, God, Gideon mikemezi moghin ami. Sipsipin arizimra misingizi, nguazim, ghuariam bar a gire.

7

Gideon Midiania gafira

¹ Ezi Jerubal, kar Gideon ubi, a uan midorozir gumaziba ko bar mizaraghara dikavigha ghua, Harotin emimirimin miriamin averpeniubar ingarigha iti. Ezi Midianian averpeniba, Moren mighsiamin boroghin danganir zarimin, Gideonin amadaghan notin iti.

² Ezi Ikiavira Itir God kamaghin Gideon migei, "Ki ian akuragh Midiania misoghasa ifonge. Ezi midorozir gumazir bar avirim ni ko iti. Me ti kamaghin nighnigh suam, 'Euarira, uan gavgavibar Midiania misogh me abiraghah.' Egh me uan ziaba fam. Me ti kamaghin nighnigh, egh kamaghin mikemeghan kogham, ki Ikiavira Itir God, ki men akuragh. ³ Kamaghin amizi, ni kamaghin me mikim, 'Gumazir manam atiati, a Gileatin Mighsiam ategh uamatagh uan nguibamin mangi.' Ezi Gideon kamaghin me tuisigha, me mikemezima, 22,000plan midorozir gumaziba dikavigha uamataghha ghue. Ezi 10,000plan midorozir gumaziba ikiavira iti.

⁴ Egha gin, Ikiavira Itir God kamaghin Gideon migei, "Midorozir gumazir aviriba ikiavira iti. Ni me inigh emimirimin magiriti, ki nin akuragh me abigham. Gumazir manam ni ko mangisi ki anemiseveghti, a ni ko mangam. Eghit ki kamaghin ni mikim suam, gumazir kam ni ko mangan kogham, eghit a mangan marki."

⁵ Ezi Gideon gumaziba inigha emimirim giraghu. Ezi Ikiavira Itir God kamaghin a migei, "Ni gumazibav kimti me dipam ami. Gumazir afiabar min mizebar dipam apiba,

[†] 6:32: Ziar kam Jerubal, an tiarim Hibrun akamin kamaghin ghu, "Bal uabi uabin akuragh." 7:3: Godin Araziba 20:8

ni me isiva bizir vamiran me atigh. Egh gumazir iteviba apirigha uan dafaribar dipam apiba, me isiva bizir igharazimin me atigh.”⁶ Ezi Gideon garima, 300plan gumazibara uan dafaribar dipam api, ezi igharaz darazi bar moghira iteviba apirigha uan mizebar dipam api.

⁷ Ezi Ikiavira Itir God kamaghin Gideon migei, “Gumazir 300plan dafaribar dipam ameziba, ki ian akuraghti, ia Midiania gafiraghram. Egh ni gumazir igharazibar kemeghti, me uamategh uan nguibabar mangi.”⁸ Kamaghin, Gideon gumazir igharazibar dagheba ko sighaba me dama ada inigha me mikemezi, me uamategha uan nguibabar ghue. Ezi 300plan midorozir gumazir kaba, me gumazir igharazibar dagheba ko sighaba ini. Dughiar kamin, Gideonin gumazibar averpeniba mong pin amadaghan itima, Midianian averpeniba, vin amadaghan danganir zarimin iti.

⁹ Ezi dimagarir kamin, Ikiavira Itir God kamaghin Gideon migei, “Ia mangi Midianian danganimin midorozim foregh. Ki ian akuragh Midianian gumazibav sogh me abiraghram. Guizbangira, ki me isa ian agharim gatigha gifa.”¹⁰ Ni midorozim foran atiatigh, uan ingangarir gumazim, Pura, inighti a nin gin mangi, Midianian averpenibar magiri.¹¹ Egh men migirigia ba baraghiva misoghsyi gavgavim iniam.” Ezi Gideon uan ingangarir gumazim Pura ko, aning apanibar averpeniba iti naghin men miriamin uaghiri.

¹² Ezi Midianian adarazi ko Amalekia ko aruem anadi naghin itir darasi, me aparir irubuar bizir dafamin min danganir zarim tintinibar an iti. Men kamelba uaghan bar aviraseme, mati ongarimin gigim. Gumazitam ti me mengan iburaghram.¹³ Ezi Gideon ghuava otogha mogra gara orazima, gumazir mam kamaghin uan irebamin gun uan namakam geghari, “Ki irebamin garima, me balin oviziba isa balin bretin inamin ingari, ezi bretin kam ubi poghpogha iza, e Midiania itir danganir kamin even iza averpenim pamten a misoghezi a ragha ghua nguazim giri.”

¹⁴ Ezi gumazir kamin namakam kamaghin an akam ikaragha ghaze, “Bizir kam, bar guizbangira, ababanir kam en aka. Kar, Gideonin midorozir sabamra. Gideon, a Joasin otarim, Israeli gumazir mam, anarira. Guizbangira, God Gideonin akuraghti, e Midiania ko midorozir gumazibara, a bar e agivagham. Irebar kamin mingarim, kamaghira ghu.”*

¹⁵ Ezi Gideon irebar kamin eghaghanim baregha uaghan an mingarim baregha, maghira itevimning apirigha Ikiavira Itir Godin ziam fe. Egha uamategha Israeliaverpeniba iti naghin ghugha kamaghin Israelien dei, “Ia dikav! E mangam! Ikiavira Itir God datirighin en akuraghtima, e midorozimin Midiania dikabiraghram.”¹⁶ Ezi Gideon 300plan gumazir kaba isa 3plan okoruabar me ariki. Egha sighaba ko nguazir mineba sara inigha bar gumazibagh aningi. Nguazir mineba bar vaghvagna korir aviba dar averiabar iti.¹⁷ Ezi Gideon kamaghin migei, “Ia deraghvira nan gan, ki damuamin arazimra ia uaghan a damuam. Ki mangi men danganir miriamin mangigh, bizir manam damuam, egheti ia uaghan a damu.”¹⁸ Gumazir okoruuar na ko zuiba sighabagh iviti, ia uaghan sighabagh ivi kamaghin dim, ‘E Ikiavira Itir Godin adarasi! E Gideonin adarasi. E aning bagha misosil’!

¹⁹ Ezi Gideon uan 100plan gumazir a ko zuiba, me ghua dimagarir arizimin men averpeniba iti naghin miriamin oto. Dughiar kamin, Midianian averpeniba itir danganimin garir gumaziba avugh-sasa uarigh itaghvirazir dughiam. Ezi Gideon ko gumazir a ko zuiba, sighabagh iviava nguazir miner me suighiziba abiaghari. ²⁰ Ezi Gideonin gumazir okoruuar igharazimning kamaghin ganigha, uan sighabagh iviava nguazir mineba uaghan ada abiaghari. Me uan agharir kiriabar korir avibar suiki. Egha agharir guvibar sighabar suigha, kamaghin diava arai, “Kar, Ikiavira Itir God ko Gideon baghavira itir midorozir sabamra!”²¹ Egha me mitivighav iki Midiania itir danganim okarizi, Midianian midorozir gumaziba kamaghin ganigha atiatigha ararem saram ari. ²² Ezi 300plan gumazir kabanang sighabagh ivir dughiamin, Ikiavira Itir God Midiania gamizi, me onganigha uarira uan namakaba tintinibar uan midorozir sababar uari oti. Egha me ara ghua Saretanin nguibarin ekiamin amadaghan Betsitan nguibamin zui, egha Tabatin nguibamin boroghin ghua Abel Meholan nguibamin oto.

²³ Ezi Gideon Naptalin anabam ko, Aserin anabam ko Manasen anabamin Israeli gumaziba, me bagha akam amadi. Ezi me oregha iza uan namakabar akuragha Midianian agintisi. ²⁴ Ezi Gideon uaghan Efraimin anabamin mighsiar dozibar tintinibar itir gumaziba bagha akam amada.

* **7:14:** Israelia, me uari bagha uan azenibar ingarava opara dagheba isava uari bretba tua da api. Kamaghin amizi, irebamin even itir bizir kam, bretin poghpogha iza kam, a mati Israeli nedazim. Midiania bar danganibagh arua averpenibar ingari darasi, ezi irebamin even itir bizir kam, averpenir dipirigha ragha ghuzir kam, kar men nedazim.

A kamaghin migia ghaze, "Ia izighiri e Midianian adarazi ko misogham. Egh ia mangi Jordanin Fanemin me bagh pighiva, daghurir doziba ko emimiribar me bagh gan mangi Bethbaran nguibamin me bagh gan men suikigh. Puvatightima, me Jordanin Fanem giregh vongin mangeham."²⁵ Ezi me Midianian midorozir gumazibar dapanir pumuningin suira, aningin ziamming, Orep ko Sep. Egha me Orep isa, dagiam gisin a misoghezi, an areme, ezi me danganir kam Orep a gati. Egha me Sep imigha ghua wainin oviziba dikabiri naghin a misoghezi an areme. Ezi danganir kam, me Sep a gati. Egha me Midianian agintighavira iti. Gideon datirighin Jordanin Fanemin vongin itima, me gumazir dapanir kamning Orep ko Sepin dapanimmin inigha a bagha zui.

8

Israelia bar Midiania dikabiraghha gifa

¹ Ezi Efraimin anabamin gumaziba kamaghin Gideon migei, "Ni Midianian adarazi ko misoghasa zur dughiamin, ni en diman aghua. Ni tizim bagha kamaghin e gami?" Me bar puv a gimoba an atari.

² Ezi Gideon kamaghin me migei, "Bizir ia amizim, ki amizir bizim, bar a gafira. Ia ti bizir ia amizimin gari, a pura bizim. Puvati, a bar deragha, ki amizir bizibagh afira." ³ Guizbangira, God Midianian midorozir gumazibar dapanir pumuning isa ian agharim gati, aningin ziamming Orep ko Sep. Ezi ia aningin firimning atu. Bizir kam bar ekefe. Ki kamaghin garir bizitam gamizir puvati." Gideon kamaghin mikemegha givazi, Efraimin anabamin adarazi uam an atari puvati.

⁴ Ezi Gideon uan 300plan midorozir gumaziba ko ghua Jordanin Fanemin otivigha, a girigha vongin ghue. Me bar amiragh, avughsezir puvati, me uan apanibar gintigha ghuavira iti. ⁵ Egha me ghua Sukotin nguibar ekiamin otivigha, Gideon kamaghin Sukotin itir gumazibar azai, "Gumazir nan gin iziba, men mikarziba mitiriam bangin bar amira. Kamaghin, ia bretin taba me danighti me dar ami. Ki uabi, ki Midianian atrivimning Seba ko Salmunan agintisi." ⁶ Ezi Sukotin gumazir dapaniba kamaghin migei, "Ia tighar Seba ko Salmunan suigham. Kamaghin, e tizim bagh bretba isi nin midorozir gumazibar aningam?"

⁷ Ezi Gideon ghaze, "Ia en akuraghan aghua. A dera. Ia ganti, Ikiavira Itir God Seba ko Salmuna isi nan agharim datighti, ki gin gumazamiziba puvatizir danganimin mangi benir dikonir taba inighizi ia misogh,

ian mikarziba abighirarigham." ⁸ Egha Gideon me ategha ghua Penuelin nguibar ekiamin ghugha, kamaghira bretha bagha men azai, ezi Penuelin itir adarasi, Sukotin adarazi men tirazi moghira, men tira. ⁹ Ezi Gideon kamaghira Penuelin gumazibav gei, "Ki apaniba dikabiragh, egh uamategh izi ian taua apiram."

¹⁰ Dughiar kamin, Seba ko Salmuna, aning uan midorozir gumaziba ko Karkorin nguibamin iti. Faragha midorozir gumazir aviriba aruem anadi naghin ikegha misoghasa ize. Ezi Israelia men 120,000plan midorozir gumazibav soghezi me ariaghire. Kamaghin, datirighin 15,000plan midorozir gumazibara ikiavira iti. ¹¹ Ezi Gideon uan midorozir gumaziba ko gumazamiziba puvatizir danganimin tuavimin zui. Tuavir kam Noban nguibam ko Jokbehan nguibam, aruem anadi naghin amadaghan iti. Dughiar kam, Midiania deragha apaniba bagha garir puvati. Ezi Gideon zuamira ghua Midianin otogha maghira midorozim fore. Ezi Midianian midorozir gumaziba bar digavir kuram gami. ¹² Ezi Midianian atrivimning, Seba ko Salmuna, arav ghu. Ezi puvati, Gideon aningin agintighavira ikia ghua aningin suira. Ezi aningin midorozir gumaziba aguaghfagha bar atiatingi.

¹³ Ezi Joasin otarim Gideon, midorozimin danganim ategha, uamategha iza, tuavir Heresin nguibam itir mighsiamin ghuavanabo. ¹⁴ A ghua Sukotin adarazin gumazir igiar mam batogha, pamtemin an suiraghya kamaghin an azara, terara Sukotin adarazin gumazir dapaniba. Ezi gumazir igiar kam 77plan gumazibar ziaba osirigha Gideon ganingi. ¹⁵ Ezi Gideon ghua Sukotin gumazibza batogha kamaghin me migei, "Ia kamaghin fo, ia ghaze, ki tighar Seba ko Salmunan, suigham. Egha ia ghaze, ia tizim bagh bretba isi nan midorozir gumazibar aningam? Egha ia na dipova nan ingaravaka, bretin taba nan midorozir gumazibar aningam aghua. Ia datirighin kagh gan. Kar taning? Kar Seba ko Salmuna aningra, ki aningin suiraghya gifa!" ¹⁶ Egha a Sukotin gumazir dapanir kabar suiraghya, benir dikonir gumazamiziba puvatizir danganimin inizibar Sukotia misogha mizazim me gase. ¹⁷ A uaghan Penuelin nguibar ekiamin itir taua apiriaghatisi, a iri. Egha nguibar ekiar kamin itir gumaziba bar me misoghezi me ariaghire.

¹⁸ Egha Gideon dikavigha Seba ko Salmunan azara, "Gua na mikim. Gua Taborin Mighsiamin misoghezir gumazir kaba, me manmaghinh gar?"

Ezi aning kamaghin an akam ikaraghha

ghaze, "Me bar nin mirara gari. Me vaghavga mati, atrivir mamin otariba."

¹⁹ Ezi Gideon kamaghin migei, "Me bar nan aveghbuabara. Me bar nan amebamin otariba. Ez i bar guizbangira Ikiavira Itir Godin zurara itimin ziamin gua migei, gua ti me misoghezi me ariaghirezir puvatizi, ki gua misoghezi gua aremeghan koghai."

²⁰ Egha Gideon uan otarir ivariam Jeterin migia ghaze, "Aria, ni aning misueghti aning aremegh." Ezi otarir kam, bar uan igiamra ikia, kamaghin damuan atiatingi. A uan midorozir sabam ghufezir puvatigha, aning misoghezir puvati.

²¹ Ezi Seba ko Salmuna kamaghin Gideon migei, "E fo, gumazir aruaba uari kamaghin biziim damus, me uan gavgavibar amodoghin a damuam. Kamaghin, ni ubi izi ga misogh." Kamaghin, Gideon ubi Seba ko Salmuna misoghezi, aning areme. Egha an aningen kamelningin firimin itir benir iakinir iglamin nedazim guraghav itir adiarimning ini.*

²² Ezi Israelia kamaghin Gideon migei, "E kamaghsua, ni Midianian agharim da ua e inizir biziim bangin, ni en gumazir dapanimin iki e gativagham. Ehti nin otariba ko nin ovavir boriba uaghan en gumazir dapanibar ikiem."

²³ Ezi Gideon kamaghin migei, "Ki ian gumazir dapanimin ikian kogham. Eighti nan otarim uaghan, ian gumazir dapanimin ikian kogham. Ikiavira Itir God, a ubi ian gumazir dapanimin ikiem." ²⁴ Gideon fo, Midiania me Ismaelin ovavir boribar adarasi, me ringba uan kuaribagh arisi.

Kamaghin, a migia ghua ua kamaghin Israelia migei, "Ki biziim mam bagh ian azangasa. Ia bar moghira midorozimin Midianian kuaribar guizir ringin iniziba, ia vaghvagh dar vamira vamira isi na daningam."

²⁵ Ezi me kamaghin migei, "A dera, e da isi ni daningam." Egha me vaghvaghia midorozimin tongin inizir ringbar vamira vamira isa iza nguazimin ghuarazir inim garisi. ²⁶ Me arighizir ringin kabar osintizim, 25 kilogremin tu. Kar ringbar osintizimra. Ezi iakinir igiamin nedazibar adiaribar osintizim, ko adiarir igharaziba, ko Midianian atrivibar korotiar pighagheviba, ko men kamelbar firibar itir adiariba, me ringba sara da mengezir puvati. ²⁷ Ezi Gideon golin kam inigha ofa gamir gumazibar korotiar otevir bar aghuarir mamin ingarigha, uan nguibam Ofran aneti. Ezi Israelia God ategha Ofran ghua biziir kamin ziam fe, mati tuavimin amiziba tintinimin gumazir amuiba itiba koma akui. Korotiar a ingarizir kam,

azuazimin min Gideon uan adarazi ko me gamizi me bar tintinibar arazir kurar ighazaribagh amua iti.

²⁸ Kamaghira, Israelia midorozimin Midianian adarazi abiragh aghumsizir ekiam me ganingi. Ezi Midianian adarazi ua bizitam damuan ibura. Kamaghin, Gideon ikiavira itir dughiamin, Israelia ua midorozir tam gamizir puvatigha ghua 40plan azenibar tu.

Gideon areme

²⁹ Ezi Joasin otarim Jerubal, an ziar mam Gideon, a ghua uan nguibamin itir dipenimin iti. ³⁰ An amuir aviriba iti, egha biziir kam bangin, a 70plan otariba iti. ³¹ Ezi Gideonin amuir dozir mam Sekemin nguibamin iti. An amuir kam otarir mam batezi, Gideon ziam, "Abimelek," a gati. ³² Ezi Joasin otarim Gideon bar ghurigha areme. Ezi me Abieserin adarazir nguibam Ofran, an afeziam Joas afazi naghin, uaghan anefa.

³³ Gideon aremezi, Israelia zuamira ua Godin ziam fer puvati. Me mati tuavimin amizim tintinimin gumaziba koma akua da bagha arui moghin, aser Balbar, ziaba fe. Egha asem Balberit atizi, a men godin oto. ³⁴ Me Ikiavira Itir God, uam a ginighnizir puvati. A men God, a men akurazi, men apaniba tintinibar iza me misozir dughabar, me me abini. ³⁵ Guizbangira, Jerubal, an ziar mam Gideon, a deraghavira men akuraghha me bagha biziir aghuir aviribagh ami. Ezi me da bakinighinigha, deravira Gideonin adarazi ikaraghha me minabazir puvati.

9

Abimelek Sekemin nguibar ekiamin atrivimin oto

¹ Ezi Abimelek Jerubalin otarim, kar Gideona, a uan amebamin adarazi ko amebamin anabamin gumazamiziba bar men ganasa Sekemin nguibar ekiamin ghugha, ² kamaghin men azai, "Ia manmaghin nighnisi? Jerubalin otarir 70pla e gativagh, en faragh mangam, o?" Ia ti gumazir vamirara ateeghi a en gumazir dapanimin ikiem? Ia deraghvira nighnigh, ki Abimelek, ki ian inivafizimra. Ia biziir kam deraghvira an gun mikimti, Sekemin gumazir aruaba ian nighnizim baraghram." ³ Ezi Abimelekin amebamin adarazi migirigiar kam inigha ghua Sekemin gumazir aruabav kemezima, me oregha a gifonge. Me ghaze, a men anabamra. ⁴ Ezi Sekemin gumazir aruaba ghua asem Balberit ofa gamir dipenimin aven ghua, silvan dagiar 70pla inigha Abimelek ganingi. Ezi, a ghua gumazir

* ^{8:21} Hibrun akam deragha migirigiar kamin mingarim abighizir puvati.

^{8:23} 1 Samuel 8:7; 10:19; 12:12

onganir kuraba, uabin gin mangasa me givese. Ezi me an gin arui.⁵ Ezi a gumazir kurar kaba inigha uamategha Ofran ghugha, uan afeziamin dipenimin ghua uan aveghbuuar 70pla, dagiar dafar mam gisin bar me misoghezi, me ariaghire. Kar an aveghbuabar, Jerubalin otariba. Ezi Jotam, Jerubalin otaribar abuananan arav ghugha modo, kamaghin amizi, Abimelek a misoghezir puvati.⁶ Ezi Sekem ko Betmilon nguibamin gumazamiziba, bar iza uari akuvagha ghua okin temer ekiar bar anogoroghezir danganimin oto. Me an otogha, Abimelek amisevezi a men atrivimin oto.

⁷ Ezi Jotam kamaghin oregha ghua Gerisimin Mighsiamin orazimin ghuavan-abogha men diagha ghaze, "Ia Sekemin itir gumazamiziba, ia nan akam baragh, eghzi God ti ian akam baraghram."⁸ Dughiar mamin, temeba ghaze, me uarir tongin temer tam amisevegħti, a me bagħ atrivimin otivam. Egh me kamaghin olivin temem mikimam, 'Ni en atrivimin otivam?'⁹ Ezi olivin temem kamaghin migei, 'Manmagħin ami?' Nan borer aghuim, gumazamiziba zurara a isava, ziar ekiam gumaziba ko asebagħ anidi. Eghzi ki uan borer ingangarim ategħi mangi mati aminim va, nan aguaba ko nan dafariba feghti, ki bar isin mar iki temer mabagh afiragh, ti ian atrivimin ikiam? Marki. Ki aghua.'¹⁰ Ezi temeba kamaghin fighin temem migei, 'E kamaghin ifonge, ni en Atrivimin otivam!'¹¹ Ezi fighin temem kamaghin men akam ikaraghha ghaze, 'Manmagħ su? Ki ti uan dagħer isingtizim ategħi nan aguaba ko nan dafariba na feghti ki bar isin mar iki, temer iħbarazibagh afirazi mogħiñ ia bagħ atrivimin otogħam? Bar puvatigħam.'¹² Kamagh, temeba ghua wainin ikarizim azara, 'Ni izi en atrivimin otivam.'¹³ Ezi wainin ikarizim ghaze, 'Manmagħin ami?' Nan wainin dipam bar dera, egha aseba ko gumazibagh amima me bar akonge. Ki ti ua wainin dipam damuan kogħti, nan aguaba ko nan dafariba na feghti ki bar isin mar iki, mati aminim dagh ivai da temer iħbarazibagh afirazi mogħiñ, ki ja bagħ atrivimin otogħam? Markiā.'¹⁴ Ezi temeba abuan ghua temer dozir dikoniba itir mamin azara, 'Ni ti en atrivimin ikiam?'¹⁵ Ezi temer dozir dikoniba itim kamaghin migei, 'Ki ian atrivimin otivsi, ia guizbangira ifongeġ, bar mogħira iżi nan aguabar apengen orangtizim iki. Ia aghuagħti, avim nan aguabar otogħi izva Lebanonon sidañ temer ruariba bar dar isigham.'

¹⁶ Egha Jotam ua kamaghin migei, "Ia Abimelek amisevezi a ian atrivimin otozir dughiamin, ia ghaze ia guizbangira bar

arazir bar aghuim gami? Jerubal uan adarazi ko ian akurazir ingangarir aghuim gami. Ezi ia arazir aghuitamin a gami, o pu? Ti puvati.¹⁷ Nan afeziam Gideon ian akurvaghha uabi isa apanibagh aniga midorozim gami. A ubi midorozir gu-mazibar dapanimin otogħa, Midiania ko misogħa men gavgavim da ua ia ini.¹⁸ Ezi datirighin, ia arazir kuramin a gamiha an adarazigh gasighasiki. Ia dagiar dafar mam gisin an 70plan otaribav soghezi, me ariaghire. Ezi gumazir kam Abimelek, ia a gamizima, a Sekemin gumazir dapanibar atrivimin oto. A guizin Jerubalin amuimin otarim pu. Puvati. A Jerubalin ingangarir amizir kinim otezir borim. Ezi ia ghaze, a ian anabamin adarasi, egha anemisevezi a ian atrivimin otivasa.¹⁹ Ezi ia Sekemin gumazir dapaniba, ia Jerubal ko an adarazi gamiżi arazir kam, a guizbangira deragħi, ia Abimelek bagħ bar akongegħ, eghzi u uaghan ia ko bar akongegħam.²⁰ Eghzi arazir kam deragħan kogħti, avim Abimelek batogh egh mangi uaghan Betmilo ko Sekemin gumazamiziba uaghan men isiam. Kamaghira, avim uaghan Betmilo ko Sekemin gumazamiziba batogh mangi uaghan Abimelekin isiam."²¹ Jotam kamaghin mikmegħha givagħha, uan avebam Abimelekin atiatigha ara ghua Berin nguibamin iti.

²² Ezi Abimelek azenir pumuning ko mikkieži minn Israelian atrivimin ike.²³ Ezi God gin duar kurar mam amadazi an Abimelek ko Sekemin gumazir dapanibar tongin adarim forezi, me adarim uarir iti. Ezi Sekemin gumazir dapaniba uam a barazir puvati.²⁴ Sekemin gumazir dapaniba faragħa Abimelekin akurazi, a uan aveghbuuar 70pla misoghezi me ariaghire. Kar Jerubalin otariba. God bixiż kam bangin, Abimelek ko Sekemin gumazir dapaniba, ovengieżi gumazibar ghuziba bagħ me iħkaragh iż-żejjur kurar me daningasa, arazir kam gamiżi, an oto.²⁵ Ezi Sekemin gumazir dapaniba, Abimelekin aghuagħha osimtiziba a daningasa, gumazir kurar maba amadazi, me mighsiabar isin moga ikkia tuavir kamin izir gumazamiziba bagħha gara, men suigha men biziба isava me misosi. Kamaghin, bixiż me Abimelek damuamim an a għiġi.

²⁶ Ezi Gal, Ebetin otarim, dughiar mamin, uan aveghbuabar ko me Sekemin nguibamin ghuezi, Sekemin gumazir dapaniba uan nighażiżha isava a għażiex a għin mangasa nighażi. ²⁷ Ezi wainba anir dughiamin, Sekemin gumazamiziba uan wainin azeni-bar ghua wainin oviziba kuari. Me wainin oviziba inigha dar pozim minkinġha da mirmiġa dar dipaba ini. Egha uan asemin dipenimin ghuegħha isar ekiam gami. Me

dagheba ko wainin dipaba apava, Abimelek dipovava, aka an ziam gasighasisi.

²⁸ Ezi Ebetin otarim Gal kamaghin migei, "Abimelek a gumazir manmagħin garim, ezi e Sekemin gumazamiziba an apengen ikiam? Abimelek a pura Jerubalin otarim, ezi Sebul an ingangarib gumazir kinim. Ezi e Hamor an apengen ikiam, Hamor a Sekemin inazir afeziamra. Ezi e tizim bagħi Abimelekin apengen ikiam?" ²⁹ Ki ti Abimelek batuegħi Sekemin gumazamizibar faragh mangiti, me nan apengen ikiam. Ki an mikim suam, "Ni mangi uan midorozir gumaziba inigh iżi na ko misogħi."

³⁰ Ezi Sebul, nguibar kamin gumazir dapanim, a Ebetin otarim Galin migiġiġiabha baregha bar aningagħe. ³¹ Egha gumazir maba amadazima, me modogħha ghua kamaghin Abimelek mikeme, "Ni oragh. Ebetin otarim Gal, a uan aveghbuuba ko Sekemin izegħha, ni ko misogħasa men navibagh infi." ³² Kamaghin ni uan adarazi ko, datirighin dimangan mangi Sekemin nguibamin boroghin tuzimin mongegħi. ³³ Egh bar mizaraghara dikavigh ħngħiġiġi, ekiar kamin mangi, egh midorozim foregh a damu, eġġi Gal uan adarazi ko iżi misogħi, ia puvira me damiġħi."

³⁴ Ezi Abimelek uan adarazi ko dimangan dikavigha zui. Me ghua 4plan okoruabar uari arīgha, nguibamin divazim minn azenan mongegħha me bagħha gara iti. ³⁵ Ezi Gal bar mizaraghara ghua nguibar ekiamin divazir tiar akam īn tugħav iti, ezi Abimelek uan adarazi ko danganir me itim ategħha zui. ³⁶ Ezi Gal men ganigha, kamaghin Sebul migei, "Ni gan. Gumaziba muna mighsiamin akirimin izaghiri."

Ezi Sebul kamaghin migei, "Gumaziba munagh puvati. Ni ti mighsiabar nedazibar gara ghaze, gumaziba."

³⁷ Ezi Gal ua kamaghin migia ghaze, "Puvati. Ni gan, muna gumaziba mighsiar akirimin izaghiri. Ezi gumazir iħgarazibha, tuavir iż-za Okin temer ekiar gumaziba du-abha ko migeimmin mogħiġi iżi."

³⁸ Ezi datirighin Sebul kamaghin Gal migei, "Ni datirighin nin gavgavimra mana? Ni uabi a dipovava aka ghaze, Abimelek manmagħin garir gumazim, ezi e an apengen ikiam? Gumazir kaba datirighin iżi, kar merara ni me dipova aka men ziabagh asighasik. Ezi ni datirighin mangi me ko misogħi!" ³⁹ Ezi Gal Sekemin gumaziba inigha uabi men faragħha ghua Abimelekin adarazi ko uariv sosi. ⁴⁰ Ezi Abimelek an agiragħha zuima ana arav ghuzzima, Abimelekin midorozir gumaziba Galin adarazir gumazir aviribav sogħezi, me duar ekiaba arīgha tintinbar tuavim

għirav ikia ghua nguibar ekiamin tiar akam īn tu. ⁴¹ Ezi Abimelek uamategħha ghua Aruman nguibamin iti. Ezi Sebul, Gal ko an aveghbuuba batogħezi, me ua Sekemin ikian kogħam.

⁴² Ezi aminim tirazi mizarazim, Sekemin gumazamiziba mangi uan azenibar ingarasa zuima, gumazir mam men gun Abimelek mikeme. ⁴³ Ezi Abimelek uan midorozir gumazir okoruar pumuning ko mikkem minn me tuira. Ezi me tuzim minn mongegħha me bagħha gara iti. Egha Abimelek garima gumazamiziba nguibam ategħha izima, an adarazi mongezi nagħin ikegħha azenim giregħha me misosi. ⁴⁴ Ezi Abimelek uan adarazi ko ivemara ghua nguibamin tiar akam īn borogħin tuvīgħav iti. Ezi an gumazir okoruar mamming azenibar gumazamizibav sogħezi me ariaghire. ⁴⁵ Ezi Abimelek ghua nguibar ekiamin aven iti daraziv sogħha itima aru ġiġi għiġi. Ezi a ngħiġi ħngħiġiġi, ekiar kamin mangi, egh midorozir gumazibav kemezi, me nguibar ekiam bar anekarīgha, a gasighasiga, amangsizim tintinbar nguibar ekiamin nguazim ginge.

⁴⁶ Ezi gumazamizir maba Sekemin midorozir gumazibar dipenir gavgavir ruarim gis in. Egha me bixi otivizir kabar migiġiġi baregha, ara ghua asem Balberit dinipenir gavgavim minn aġħieha mongegħha iti. ⁴⁷ Ezi Abimelek kamaghin oraki, gumazamizibar bar uari akuvagħha dipenir kamin aven iti. ⁴⁸ Ezi a uan midorozir gumazibha ko Salmonin Mighsiamin orazim minn uanabo. Egha sobiha inigha temer aguар misingizibha ovirigha uan dipiżżeem għiġi. Egha a kamaghin uan midorozir gumazibav gei, "Bixi k amm iā ia għalli. Ia bemira k ammi mogħiñ ia damu." ⁴⁹ Ezi gumaziba bar temer aguuba ovirigha għiġi. Egha me bar mogħira temer aguар kaba inigha Abimelekin gin ghua, dazir kaba isava dipenir mirriam minn akufha. Egha me avim dagh atizi, avir kam aven iti darazi bar men isi. Dugħi kamin, Sekemin dipenir gavgavim minn aġiġi itir gumazamizir 1,000pla isigha ariaghire.

⁵⁰ Ezi Abimelek gin uan midorozir gumazibha ko ghua Tebesin nguibamin gumazamizibha ko misogħha nguibar kam īni. ⁵¹ Dipenir ruarir bar gavgavir mam nguibar kamin tongin iti. Ezi gumazamizibha arava an ghue. Me an aven ghuegħha tiar akam asaragħha an uanaga bar pin iti. ⁵² Ezi Abimelek ghua dipenir bar gavgavir ruarir kam iniasa midorozim fore. A dipenir bar gavgavir ruarir kamin borogħin ghugħha, an tiar akam īn borogħin avim a darigrapha.

⁵³ Ezi amizir mam witin oviziba mirmirir dagiar dafer mam akunizima, dagiam izaghirava Abimelekin dapanim abiiki. ⁵⁴ Ezi Abimelek zuamira gumazir igiar an midorozir biziha aterimin diagha ghaze, ni uan midorozir sabamin na biraghi ki aremek. Eghti me kamaghin mikiman kogh suam, amizir mam na misoghezi ki areme. Ezi gumazir igiar kam Abimelek birazi an areme. ⁵⁵ Ezi Israelia Abimelekin gari an aremezi, me uamategha uan nguibamin ghue.

⁵⁶ Abimelekin faragha uan afeziam osimtizim a ganigha uan aveghbuar 70plan misoghezi me ariaghirezi moghira, God a ikara. ⁵⁷ Ezi Sekemin gumazamiziba amizir arazir kuram, God uaghan a ikara. Jerubalin otarim Jotam, a faragha ghaze, Sekemin gumazamiziba ikuvigham, ezi datirighin arazir kam, a mikemezi moghin oto.

Jepta ko gumazir dapanir igharazibar eghaghamim

10

(Septa 10-12)

Tola gumazir dapanimin oto

¹ Abimelek aremegha givazi, Puan otarim Tola, an inazir afeziam Dodo, an otogha uam apaniba da Israelia ini. A Isakarin adarazir gumazim. Egha a Efraimin mighsiar dozibar aven itir nguibar ekiam Samirin iti. ² A 23plan azenibar Israeliyan gumazir dapanimin ike. Egha aremezi me Samirin anefa.

Jair gumazir dapanimin oto

³ Ezi Tolan gin, Gileatin Distrighin gumazir mam Jair, a gumazir dapanimin oto. Egha 22plan azenibar Israeliyan gumazir dapanimin iti. ⁴ A 30plan otariba itima, me 30plan donkibagh apiagha mangigh izegh gami. Me Distrik Gileatin nguazimin, 30plan nguibar ekiaba iti. Me datirighin nguibar ekiar kaba kamaghin dar bori, "Jairin Nguibar Ekiaba," egha ita datirighin. ⁵ Ezi Jair aremezi me Kamonin nguibamin anefa.

Amonia osimtizim Israelia ganingi

⁶ Ezi Israelia uam arazir kuram Ikiavira Itir Godin damazimin a gami. Me aser Balba ko aser amiziba Astarte, dar ziaba fe, kar kantrin kabar aseba, Siria, Saidon, Moap, Amonia ko Filistiaba. Israelia Ikiavira Itir God ategha uam an ziam fer puvati. ⁷ Kamaghin, Ikiavira God bar Israeliyan aningaghegha Filistiaba ko Amonia ataghizi me iza midorozimin me dikabira. ⁸ Dughiar kamin me midorozimin Israelia abinigha

bar pazavira me gami. Egha 18plan azenibar, Filistiaba ko Amonia, bar pazavira, Jordanin Fanemin vongin, Gileatin Distrighin Amorian nguazimin itir Israelia gami. ⁹ Ezi, Amoria Jordanin Fanem giregha vongin iza Judan anabamin adarazi ko, Benjaminin anabamin adarazi ko, Efraimin anabamin adarazi ko misosi. Kamaghin, Israelia bar dughiar kuramra ini.

¹⁰ Ezi Israelia Ikiavira Itir Godin dia, kamaghin migei, "En God, e ni ataki. Egha aser Balbar ziaba fe. Kamaghin, e nin damazimin arazir kuram gami."

¹¹⁻¹² Ezi Ikiavira Itir God kamaghin Israelia migei, "Ia fo, fomira Isipia, Amoria, Amonia, Filistia, Saidonia, Amalekia ko Maonia bar ia abiragha ia gasighasiki. Ezi ki ian akuragha ua me da ia ini. ¹³ Ezi ia na ategha ua godin igharazibar ziaba fe. Kamaghin, ki datirighin ua ian akuraghan kogham. ¹⁴ Ia mangi aser ia uari bagha inabizibar dim. Egha ia osimtizim bativamin dughiamin, me ti ian akurvaghram."

¹⁵ Ezi Israelia kamaghin Ikiavira Itir God migei, "E arazir kuram gami. Ni bizir tizimin e damusi, ni a damu. Ezi e datirighin uarir akurvaghaha nin azangssi." ¹⁶ Egha Israelia uan marvir guaba makunigha, aseba ategha, ua Ikiavira Itir God baghavira iti. Ezi Ikiavira Itir God Israelia aterir osimtizir kabar gara ghua bar me gipopore.

¹⁷ Ezi gin Amonian midorozir gumaziba iza uari akuvagha, Gileatin uari bagha averpenibar ingarigha iti. Ezi Israeliyan midorozir gumaziba uaghan iza uari akuvagha, Mispan nguibamin uari bagha averpenibar ingarigha iti.

¹⁸ Ezi Israeliyan gumazir dapanir Gileatin itiba, me uarira uarir azangssi, "Tinara Amonian misoghsı en faragh mangam? Gu-mazir kamaghin damuamim, a Gileatin gu-mazamiziba bar men gumazir dapanimin ikiam."

11

Jepta gumazir dapanimin oto

¹ Jepta, a Gileatin Distrighin gumazim, a midorozir gumazir gavgavir mam. A tuavimin amizir pura ikiava otir amizimin borim, ezi Gileat an afeziam. ² Ezi Gileatin amuir ekiam uaghan otarir maba bate. Ezi otarir kaba gumaziba aghegha, kamaghin Jepta migei, "Ni amizir igharazimin borim. Kamaghin, ni en afeziamin bizitam inian kogham." ³ Kamaghin amizi, Jepta uan aveghbuara ategha arav ghu. Egha ghua Topin nguazimin iti. A gumazir kurar maba gagakhonezima me a koma arui. A me

ko ghua tintinibar ikiava gumazamizibav sogha men biziba pura da isi.

⁴ Ezi Amonia gin ghua Israelia ko misosi.

⁵ Ezi midorozim otozima, Gileatin gumazir aruaba Jepta iniasa Topin nguazimin ghu.

⁶ Egha me kamaghin a migei, "Ni iziva en gumazir dapanimin ikiva, e Amonia ko misogham."

⁷ Ezi Jepta kamaghin Gileatin gumazir aruabav gei, "Ia nan aghuaghha nan afeziamin dipenimin na batuegha gif. Ia bizar tizim bagha ua na bagha izi? Ia datirighin osimtiziba battiva na bagha izi?"

⁸ Ezi Gileatin gumazir aruaba kamaghin a migei, "Mar guizbangira. E datirighin ni ini-asu izi, ni en gin mangiva en akuragh Amonia ko misogham. Egh ni gin Gileatin gumazamizibar gumazir dapanimin ikiam."

⁹ Ezi Jepta kamaghin Gileatin gumazir aruabav gei, "Are! Ia na inigh uamategh mangighti Ikiavira Itir God nan akuraghima, ki midorozim damuva apaniba abiraghti, ia guizin na ateghti ki ian gumazir dapanimin ikiam."

¹⁰ Ezi gumazir aruaba kamaghin migei, "Guizbangira, e Ikiavira Itir Godin damazimin ni migei, e ni mikemezi moghira e damuam." ¹¹ Kamaghin, Jepta Gileatin gumazir aruaba ko zui. Ezi gumazamiziba anemisevezima, a men gumazir dapanimin iti. Ezi Jepta Mispan nguibamin ikia Ikiavira Itir Godin damazimin mitigha uan akamin gumazamizibav gei.

¹² Ezi Jepta gin Amonian atrivim kamaghin an azangasa gumaziba amada, "Ni tizim bagha iza nan atara nan nguazim ini-asu na ko misosi?"

¹³ Ezi Amonian atrivim kamaghin gumazir Jepta amadazibar azangsighizir akam ikaragha ghaze, "Israelia faragha Isipin kantri ategha izava nan nguazim okeme, an Arnonin Fanemin ikegha ghua, Jabokin Fanemin otogha, ghua Jordanin Fanemin tu. Ezi ki bizar kam baghava atari. Ia datirighin nan nguazim isi ua na daningam. Puvatighti, e uariv sogham."

¹⁴ Ezi Jepta ua gumaziba amadazi, me Amonian atrivim bagha zui. ¹⁵ Ezi me kamaghin a ikaragha ghaze, "Jepta ghaze, puvati, Israelia Moapian nguazim ko Amonian nguazim okemezir puvati. ¹⁶ Israelia Isip ategha izir dughamian me gumazamiziba puvatizir danganimin izava Ongarir Aghevimin otifi. Egha me gin ghuava Kadesin nguibar ekiamin oto. ¹⁷ Egha Israelia uamategha gumazir kaba amangizi me ghuava kamaghin Idomian atrivimin azangssi, 'E uari, ni ateeghti e nin nguazim abigh mangi vongin otivigham, o puvatigham?' Ezi atrivim aghua. Ezi me

gumaziba amangizima me ghua Moapian atrivimin azai. Ezi a uaghan aghua. Kamaghin, Israelia Kadesin ikia iti.

¹⁸ "Egha me gin ghua gumazamiziba puvatizir danganimin zui. Egha me Idom ko Moapian nguazimin ghuzir puvati. Me Moapin, aruem anadi naghin Arnonin Fanemin vongin kaghira iti. Me an averpenibar ingarigha iti, kar men nguazir mitaghniam. Kamaghin, me Arnonin Fanem abigha vongin ghuezir puvati.

¹⁹ "Ezi Amorian atrivim, Sihon, a Hesbonin danganimin itima, Israelia mangi an ganasa gumaziba amangi. Ezi me kamaghin an azai, 'E uari, ni kamaghin ifonge, e nin nguazim abigh mangi vongin otivam o markiam?' E uan nguazim a baghvira mangasa." ²⁰ Ezi Sihon aghua. Egha uan midorozir gumaziba bar me inigha ghua, Jahasin nguibar ekiamin averpenibar ingarigha dar ikiava Israelia ko misosi.

²¹ Ezi Ikiavira Itir God, Israelien God, a Israelien akuraghia Sihonin adarazi ko men midorozir gumaziba sara bar me abira. Kamaghin, Israelia Amorian nguazir danganir me itir kabanang bar ada ini.

²² "Me bar Amorian nguaziba ini, me sautin amadaghan Arnonin Fanemin ikegha, ghua notin amadaghan Jabokin Fanemin tu, egha aruem anadi naghin gumazamiziba puvatizir danganimin ikegha ghua, aruem uaghiri naghin Jordanin Fanemin tu." ²³ Kamaghira, Ikiavira Itir God, a Israelien God, a ubi Amoria batuegha, men nguazim isava uan gumazamizibagh aningi. Kar Israelia. Ezi ni datirighin ua nguazir kam iniasa? ²⁴ Ni uan bizar nin asem Kemos ni ganingiziba, ni da ini. Ezi en nguazir en God e ganingiziba, da en nguaziba.

²⁵ "Ezi manmaghin ami? Ni ghaze nin gavavim ti Balakin gavgavim gafira? A Siporin otarim, egha Moapian atrivim. A nguazir taba ua ubi daningasa migeir puvati. Egha e ko midorozim gamizir puvati. ²⁶ Ezi Israelia Hesbon ko Aroerin nguibamning isava, aningin boroghin itir nguibar doziba isava, egha Arnonin Fanemin boroghin itir nguibar ekiaba bar ada inigha, 300plan azenibar dagh apiaghav iti. Manmaghin amizi ia dughiar kamin ua nguibar kaba inigha dagh apiazir puvati?" ²⁷ Ezi Jepta kamaghin migia ghaze, an arazir kuratam ni gamizir puvati. Ni ubi arazir kuratam gamigha a ko misosi. God ubi gumazibar araziba tuisisi, a datirighin bar moghira ia en araziba tuisigham." ²⁸ Ezi Amonian atrivim akar Jepta a bagha amadazir kam baraghizir puvati.

²⁹ Ezi Ikiavira Itir Godin Duam Jepta gizvazima, a uan midorozir gumaziba inigha, me Gileat ko Manasen anabamin nguazimin ghua Gileatin aven Mispan otifi, egha gin Mispan nguazim ategha ghuava Amonian nguazimin oto. ³⁰ Ezi Jepta Ikiavira Itir Godin damazimin akar mam akirigha ghaze, “Ni nan akuraghti ki midorozimin Amonia abinigh, ³¹ egh midorozimin ikegh uamategh izamun dughiar kamin, bizir manam faragh nan dipenimin tiar akamin azemim girigh, na bagh izamim bizir kam, a Ikiavira Itir Godin bizimin otivam. Eghiti ki a isi ofan bar isi mighirim min ni daningam.” ³² Ezi Jepta uan midorozir gumaziba ko fanem abigha ghua Amonia bativigha me misosi. Ezi Ikiavira Itir God Jeptan akurazima me midorozimin me abira. ³³ Me Amonia misogha bar me abini, me Aroerin nguibar ekiamin ikegha me misogha ghua Minitin nguibar ekiamin otogha, bar ghua Abel Keramimin dipamin tu. Me 20plan nguibabav sogha, me abiraghha bar me agifa. Kamaghira Israelia bar Amonia abinigha, aghumsizim me ganingizi, me ua me ko misoghan ibura.

Jepta uan akar dikirizim gamizi a guizbangiram oto

³⁴ Ezi Jepta uamategha uan nguibamin iza Mispan nguibar ekiamin otozi, an guivim dipenim ategha ivegha a bagha zui. A bar akongegha uan tabarin misogha ighiam bangava ighavamaga izi. Guizbangira, Jepta guivir kamra iti. A ua boriba puvati. ³⁵ Ezi Jepta uan guivimin ganigha, bar digavir kuram gamigha uan korotiam abigha kamaghin migei, “O nan guivim, noka! Ni bar nan dighorim abiki. Ki bar oseme. Ni tizim bagha faragha iza na batogha osimtzir ekiam na ganingi? Ki Ikiavira Itir Godin damazimin akar dikirizim gamigha gifa, egh ki anebighan kogham.”

³⁶ Ezi an guivim kamaghin migei, “O nan afeziam, ni Ikiavira Itir Godin damazimin akam akirigha gifa. Kamaghin, ni akam akirigha givazi moghin, ni na damu. Guizbangira, Ikiavira Itir God nin akurazi, ni uan apaniba Amonia abira.”

³⁷ Egha a kamaghin uan afeziam migei, “Ki kamaghsua, ni faragh na ateghti ki uan namakaba ko iakinir pumuningin mighsiabar orazibar daru azir akabar amuam. Ki fo, ki gumazitam ikeghan

kogh borir tam bateghan koghiva aremegham.”

³⁸ Ezi an afeziam kamaghin a migei, “A dera, ni mangi.” Egha anemadazi a ghua iakinir pumuningin ike. A uan namakaba ko ghua mighsiabagh arua, azir akabagh amua kamaghin azi, a gumazitam ikeghan koghiva borir taba inighan kogh aremegham.* ³⁹ Ezi iakinir pumuning givazima a uamategha iza uan afeziam bato, ezi an afeziam Ikiavira Itir Godin damazimin akam akirizi moghin, a gami. Ezi guivir kam gumazitam ko akuvizir puvati. Ezi arazir kam bangin, Israelia zurara arazir kam gami.

⁴⁰ Israeliyan guivir igiaba, zurara azeniba bar, dar dughiar 4plan, me Jeptan guivim ginighnigha osemegha aruava a bagha azi.

12

Efraimin anabamin adarazi Gileatia ko misosi

¹ Ezi Efraimin anabamin adarazi uari akuvagha midorozim damuasa, midorozir biziha inigha Jordanin Fanem giregha vongin otogha, Safonin nguibar ekiamin zui. Me ghua kamaghin Jepta migei, “Ni Amonia ko misoghasa Jordanin Fanem girigha vongin zuir dughiamin, ni en diman aghau? Ni oragh, bizir kam bangin, e datirighin ni ko nin dipenim dapongam.”

² Ezi Jepta kamaghin me migei, “Ki uan adarazi ko, e Amonia ko adarir ekiam iti. Egha ki ian diazi, ia iza nan akurazir puvati, ki kamaghin nighnisi, ‘Ki mangi Amonia ko misoghti, me mar na misueghti ki aremeka.’ Kamaghin, ki Jordanin Fanem girigha anebigha ghua midorozim foregha a gami. Ezi Ikiavira Itir God nan akurazima ki midorozimin me abira. Ezi ia datirighin tizim bagha iza na misoghasa?”

⁴ Efraimian anabamin adarasi, faragha Gileatin adaraziv gia ghaze, “Ia Gileatin adarasi, ia Efraimin nguazimin ikegha ara iza, datirighin Efraim ko Manasen nguazimningin tizimningin iti. Egha ia gumazimizir pura guighav itiba.” Kamaghin, Jepta Gileatin gumaziba bar me akuvagha, Efraimin gumazibav sogha me abiri.*

⁵ Ezi Gileatin midorozir gumaziba Efraimin gumaziba bagha pigha, Jordanin Fanem abigha ghua otivir tuavir akabar iti. Ezi Efraimin gumaziba midorozimin

11:35: Diboboniba 30:2 * **11:38:** Gumazitam God ko akam akir, a bizir bar ekiam. Ni Jems 5:12 ko Matyu 5:33-37 in gan. Jepta deragha nighnizir puvatigha organigha akar dikirizir kam gami. Kar bar arazir kuram an a gami. Godin Akar Gavgavimin, God ghaze, gumazamiziba uan boribar ofa damuan kogham. Ofa Gami 20:2 in gan. Jepta amizir bizir kam, a kamaghin en aka, a bar deravira Godin Akar Gavgavibar gin zuir puvati. A bar arazir kuram gami. * **12:4:** Hibrin akam deragha migirigar kamin mingarim abighizir puvati.

ara fanemin iza kamaghin migei, "E dipam giregh vongin mangasa."

Ezi Gileatin midorozir gumaziba kamaghin vaghvaghya men azangssi, "Ni Efraimin tav o puvati?"

Eghti me kamaghin mikim suam, "Puvati," eghti me ua kamaghin a mikimam, ⁶ "Aria ni mikim, "Sihibolet." Eghti gumazir kam deragh ziar kam diponan kogh, suam, "Sibolet," eghti me fogh suam kar Efraimin adarazir gumazir mam, egh me an suiragh a misueghti an aremegham. Me kamaghin amua ghua Jordanin Fanem gira iza, otivir tuavir akabar pigha, Efraimin adarazir 42,000plan gumazibav soghezi me ariaghire.[†]

⁷ Ezi Gileatian gumazim Jepta, a 6plan azenibar Israeliyan gumazir dapanimin ikegha areme. Ezi me Gileatin nguazimin anefa.[‡]

Ipsan, gumazir dapanimin oto

⁸ Ezi Jepta aremezi, gin, Betlehemin gumazim Ipsan, a Israeliyan gumazir dapanimin oto. ⁹ A 30plan otariba ikia 30plan guiviba iti. Egha uan guiviba amangizi me nguibir igharazibar gumazibar ikiasi ghue. Ezi a igharazir adarazir guivir igiaba inigha uan otaribagh aningizi me dar iti. Ezi Ipsan 7plan azenibar Israeliyan gumazir dapanimin ike. ¹⁰ Egha an aremezi, me Betlehemin anefa.

Elon gumazir dapanimin oto

¹¹ Ezi Ipsan aremezi, Sebulun adarazir gumazir mam Elon, a Israeliyan gumazir dapanimin otogha 10plan azenibar men gari. ¹² Ezi an aremezi, me Sebulunin nguazimin, Ajalonin nguibir ekiamin anefa.

Apdon gumazir dapanimin oto

¹³ Ezi Elon aremezi, Piratonin nguibir ekiamin gumazim Apdon, a Hilelin otarim, a Israeliyan gumazir dapanimin oto. ¹⁴ A 40plan otariba ikia igiav otarir 30pla iti. Me zurara donkin 70pla gapiaghira mangi izegh gami. Ezi Apdon 8plan azenibar Israeliyan gumazir dapanimin ike. ¹⁵ Ezi an aremezi, me Efraimin nguazimin, Piratonin anefa. Nguibir kam Amalekian mighsiar dozibar iti.

Samsonin eghaghanim

13

(Sapta 13-16)

Manoan amuim Samson bate

[†] 12:6: Hibrun akamin akar kam kamakin, "Sihibolet," o "Sibolet," an mingarim kamakin, "raiziar dapanim." Gileatian kamaghin ziar kam dibori, "Sihibolet." Ezi Efraimin adarazir ighara a dibori, "Sibolet." Gumazitam, deragh Gileatian adarazi a dibori moghin, a deragh a diboroghan koghti, me fogham kar Efraimin gumazir mam, egh me an misueghti ana aremegham. [‡] 12:7: Hibrun akam deragh migirigiar kamin mingarim abighizir puvati. **13:5:** Diboboniba 6:1-5; 1 Samuel 1:11

¹ Ezi Israelia ua Ikiavira Itir Godin damazimin arazir kurabagh anima, Ikiavira Itir God Filistiaba ataghizi, me 40plan azenibar me gativagha men gari.

² Ezi Manoa, Danin anabamin gumazir mam, a Soran nguibir ekiamin iti. An amuim boriba batir puvati. ³ Ezi dughiar mam Ikiavira Itir Godin enselin mam iza kamaghin a migei, "Ni faragha otir puvati. Egh ni kiran ovehangin navim asegh otarim bategham. ⁴ Kamaghin, ni datirighin wainba ko dipar organibar aman marki. Egh bizir ki daman gumazamizibar angorogheziba, ni dar aman marki. Kar bizir gumazamizibagh ami, me nan damazimin mizeziba. ⁵ Ni navim aseghiva otarim bategham. Egh an dapanir arizim gisan marki. A nin navimin aven itima, God ua bagha a ginaba. Eghti ni a bateghti, a wainba ko dipar organibar aman marki, egh uaghan God daman gumazibar angoroghezir dagheba, a dar aman marki. Eghti a ua Filistiaba da Israelia iniam."

⁶ Ezi amizir kam ghua uan pam Manoan migia ghaze, "Gumazir akam akurir mam Ikiavira Itir Godin enselin min gara na ko migei. Ezi ki bar atatiqha an azarazir puvati, a ten gumazim egha a managh ize. A uan ziamin gun na mikemezir puvati. ⁷ A na migia ghaze, ki navim aseghiva otarim bategham. Egh wainba ko dipar organibar aman koghiva uaghan, dagher God daman gumazamizibar angoroghezibar aman kogham. Bizir kaba, gumazamizibagh anima me nan damazimin mize. Eghti gan otarir nan navimin aven ikiamin kam, God ua baghvira a ginabagham, eghti a kamaghira iki mangi aremegham."

⁸ Ezi Manoa migirigiar kam baregha Ikiavira Itir God ko migia ghaze, "O Ekiam, ga uaning, ki kamaghin ifonge, gumazir ni amadazir kam, ni uam anemadaghti a ga bagh izi. Eghti borir gin otivamin kam, ga a bagh damuamin biziba a bar dar gun ga mikimam." ⁹ Ezi God Manoan migirigiam baraghizi, Manoan amuim uan azenimin aperaghav itima, Ikiavira Itir Godin ensel iza a bato. Manoa dughiar kamin a ko itir puvati.

¹⁰ Ezi an amuim bemira uamategha ivesha ghua uan pam batogha an migia ghaze, "Ni zuamira izi! Gumazir faragha iza na batozim, anarira ua iza na bato."

¹¹ Ezi Manoa uan amuim ko uamategha ghua gumazir kam batogha an azara, "Ni

gumazir kamra faragha iza nan amuim batoz, o?"

Ezi gumazim a ikaragha ghaze, "Are, kar kirara."

¹² Ezi Manoa gumazimin azara, "Ni nan amuim ko akam akirizir bizar kam guizbangira otoghti, otarir kam bizar tiziбар amuva Akar Gavgavir manabar gin mangam?"

¹³ Ezi Ikiavira Itir Godin ensel kamaghin Manoa migei, "Nin amuim bar deravira migirigar ki a mikemezibar gintigh."

¹⁴ A wainin ovizibar aman marki. Egh wainin dipaba ko dipar onganibar aman marki. Egh God daman gumazamizibar anogoroghezir daghebar aman marki, bizar kaba gumazamizibagh ami me nan damazimin mize. A bar deravira ki a mikemezir migirigiabar gintigh."

¹⁵ Ezi Manoa kamaghin Ikiavira Itir Godin ensel migei, "Ga uaning, ni tong ga ko kagh ikitima ga memen igiatam misuegh, a isamichti, ni damegh mangam." ¹⁶ Manoa kamaghin fozir puvati, a Ikiavira Itir Godin ensel migei.

Ezi Ikiavira Itir Godin ensel kamaghin a ikaragha ghaze, "Ki iki gua tuaghamin daghetam ameghan kogham. Gua meme misuegh a tusi, gua Ikiavira Itir God bagh ofan bar isia mighirim damu, a tuaghti a bar isigh."

¹⁷ Ezi Manoa kamaghin ensel migei, "Ni uan ziamin gun ga mikemehtti, gin gan otarim otoghti ga nin ziam fam."

¹⁸ Ezi ensel kamaghin aning ikaragha ghaze, "Puvati. Gua tizim bagh nan ziam gifoghasa? Nan ziam bar deragha bar ighara." ¹⁹ Kamaghin, Manoa memen igiar mam ko witin maba inigha Ikiavira Itir God bagha ofa gami, a Godin bizar bar igharagha garibagh amim. Manoa ofan kam ofa gamir dagiar dafar mam gis in a gamigha, uan amuim ko aning tuga pura gara iti. ²⁰ Avim ofa gamir dakozimin dafogha isia mizariaba ghuavanadir dughiamin, Manoa uan amuim ko garima, Ikiavira Itir Godin ensel avir mizariabar tongin Godin Nguibamin ghuavanadi. Ezi aning irava uan guamning isava nuguazim gati. ²¹ Ezi Ensel uam aning ko itir puvati. Ezi Manoa datirighin fo, kar guizbangira Ikiavira Itir Godin ensel.

²² Egha Manoa kamaghin uan amuim migei, "Ga Godin enselin ganigha gifa, kamaghin, ga ti aremegham."

²³ Ezi Manoa amuim kamaghin migei, "Ikiavira Itir God ga misueghti, ga aremeghan kogham. Ga amizir ofa, Ikiavira Itir God a gifongegha bizar igharagha garim

gamizi ga an gani. Egha uaghan a ga migia ghaze, ga otarim ikiam."

²⁴ Egha Manoa amuim gin otarim bategha, ziar kam a ganingi, "Samson." Ezi otarim aghuima, Ikiavira Itir God deravira a gami. ²⁵ Ezi Samson Sora ko Estaolin nguibar ekiamningin tizimin, Danin anabamin danganimin iti. Ezi Ikiavira Itir Godin Duam an nighnizimin aver ingari.

14

Samson Filistiabar amizir mamin iti

¹ Ezi dughiar mamin, Samson Timnan nguibar ekiamin ghuaghira, Filistiabar amizir igiar mamin gani. ² Egha a uamategha ghuagh kamaghin uan amebam ko afeziam migei, "Ki Filistiabar amizir igiar mam, Timnan nguibar ekiamin an gani. Ki kamaghsua, gua na bagh a inighti ki an ikiam."

³ Ezi an amebam ko afeziam kamaghin a ikaragha ghaze, "Manmaghin ami? Nin ikizimin aven amizir igiatam iti o, en guazamizibar tongin tipuvati? Ni bizar tizim bagha Filistiabar amizim iniasa, gumazir kaba me uan mikarzir mogomebar iniba aghori puvati?"

Ezi Samson ua kamaghin uan afeziam migei, "Ki amizir kam gifonge. Gua na bagh a inigh." ⁴ Dughiar kamin Filistiaba Israelia gativagha men gari. Ezi Ikiavira Itir God Filistiabav soghasa tuaviba buri. Kamaghin, Samsonin afeziam ko amebam fozir puvati, Ikiavira Itir God uabi Samsonin nighnizim fema an akar kam gami. ⁵ Egha gin Samson uan amebam ko afeziam me Timnan ghuaghiri. Egha Timnan itir wainin azeni-bar boroghin zuima, laionin igiar mam dazeregha Samson misoghasa a bagha izi. ⁶ Ezi Ikiavira Itir Godin Duam gavgavim Samson ganingizima, a laionin kam uan dafarin kinimningin an suiragha anebiki. Mati gumazim memen igiam tongirama anebiki. Egha an amizir bizar kamin, gun uan afeziam ko amebam, mikemezir puvati.

⁷ Egha gin a ghua Timnan nguibamin ghuagh, amizir igiar kam bar a gifongegha, a ko migei. ⁸ Samson mong ikegha, uamategha amizir kamin ikiasi zui. Egha ghua tuavim ategha laionin a faragha misuegha atizir kuamin ganasa, tuavir miriamin ghua garima, aparir irubuar okoruam an aven ikia hanisava a gati.

⁹ Ezi a uan dafarinmingin hanin maba tuigha da apavira tuavimin zui. A ghua uan amebam ko afeziam batogha hanin maba is a nging ganingizi, aning uaghan ada ame. A uan amebam ko afeziam kamaghin aning

mikemezir puvati, a laionin kuamin aven haniba ini.

¹⁰ Ezi Samsonin afeziam ghua, amizim ko an amebam ko afeziam batogha, me aning uaningen ikiamin akam akirigha gifā. Men gumazir igiaba fomira amuibar iki-asā ami moghin, Samson maghira maburun isam gami.¹¹ Ezi Filistiaba kamaghin Samsonin ganigha, 30plan gumazir igiabagh inaba, egheti me a ko namakam damigh ikiam.¹² Ezi Samson kamaghin 30plan gumazir igiar kabav gei, “Ki akar isin zuitamin ia mikimasa. Ia isam damuamin 7plan aruer kabar ikiva, ia akar isin zuir kamin mingarimin gun na mikemeghi, ki 30plan inir ruarir aghuiba ko 30plan korotiar aghuiba ia daningam.¹³ Egheti ia nan akar isin zuimin mingarimin gun na mikemeghan kogh, ia 30plan inir ruarir aghuiba ko 30plan korotiar aghuiba na daningam.”

Ezi me kamaghin a migei, “Ni uan akar isin zuimin gun en mikemegh.”

¹⁴ Ezi a kamaghin men akam ikaragha ghaze:

“Apir bizir mamān bizir apir mam oto.

Ezi bizir isingtizir mam bizir gavgavim oto.”

Ezi 3plan arueba givazi, me akar isin zuir kam gifozir puvatighavira iti.

¹⁵ Egha aruer namba 4in, me kamaghin Samsonin amuim migei, “Ni uan pam apezep er a gakaghonti, a uan akar isin zuimin mingarimin gun e mikemegh. Puvatigħi, ni uan adarazi ko, e avimin ia daborogħti ia isigham. Gua en biziba okimasa en diazi, e kagh ize?”

¹⁶ Ezi Samsonin amuim ghua an guamin garava aziava kamaghin a migei, “Ni ti na gifongeżiż puvati. Egha akar isin zuir kamin nan adaraziv kemegħa, an mingarimin gun na mikemezir puvati.”

Samson kamaghin an akam ikaragha ghaze, “Manmagħin ami? Ni gan, ki uan amebam ko afeziam mikemezir puvati. Ki tizim bagħni mikimam?”

¹⁷ Ezi an amuim azia kamaghira ikia ghua isamin 7plan arueba gifā. A imobavira itima, an oragħa ghua amiragħa tagħha namba 7 aruemin akar isin zuimin mingarimin gun a mikeme. Ezi a ghua uan adaraziv keme.¹⁸ Ezi namba 7 aruemin, aruem tighar magiramin dughiamin, nguibar kamin itir gumaziba kamaghin Samson migei:

“Bizir tizim bar isingħiġ, hanin isingtizim gafiragħam?

Ezi bizir tizim bar gavgavigh, egh laionin gavgavim gafiragħam?”

Ezi Samson kamaghin me migei:

“Ia ti nan bulmakaun amebam inigha ghua uan azenibar ingarizir puvatighai, ia nan akar isin zuimin mingarimin gun na mikemegħan kogħai.”

¹⁹ Ezi Ikiavira Itir Godin Duam gavgavim Samson ganingizima an Askelon nguibar ekiam giragħu. A għuaghira 30plan gumazibav sogħezi me ariaghirezi, a men biziba ini. Egha men 30plan korotiar aghuiba inigha an akar isin zuimin mingarimin gun mikemezir darazigh aningi. Egha a bixi otozir kam bagħha navim bar osemeħha, u-mategħha uan nguibamin għu. ²⁰ Ezi Filistiaba an amuim isava an namakar mam ganingi, an namakar kam uaghan a ko an isamin ike.

15

Samson bar pazavira Filistiabagh ami

¹ Ezi witba aghorir dughiamin, Samson memen igiār mam inigha uan amuim bagħha għu. Egha kamaghin uan amuim afeziam migei, “Nan amuim akur danġanim, ki an aven mangħasa.”

Ezi an amuim afeziam an anogoroke.

² A ghaze, “Bar guizbangira, ki ghaze, ni ti an aghħua. Egha ni uan amuim ko gua uaningen ikċċa isam gamir dughiamin, nin namakar ni ko ikezim, ki a isav a ganingi. Ezi an afumim ganġanim bar dera, ni a iniam? Ki datirighha a isi ni daningighti ni an ikäm.”

³ Ezi Samson atara kamaghin migei, “Ki datirighha Filistiaba bar me gasiħasigh, egh osimtiziba puvatigham. Kar men osimtizimra.”

⁴ Ezi Samson ghua afiar atiar 300plan suigha da inigha dar ipebar uarir fufulha da ike. Egha vagħvagħha korir avibar dar ipebagħ ike. ⁵ Egha Samson afiar atiabar ipebar itir korir avibagh apongezi da isima, ana da ataghizima, da tintinibar ivemara ghua Filistiabar witin azenibar aven zuima, korir aviba men witin dighoregħha arīghiziba ko mitiġħav itiba sara bar mogħira dar isi. Ezi wainin ikariziba ko olivin temeba uaghan isi.

⁶ Ezi Filistiaba kamaghin ganigha uarira uari azangħi, “Tinara bizir kam gami?”

Ezi gumazir mam kamaghin me migħi ghaze, “Samson a gami. An ivozir afeziam, Timnaa nguibamin gumazim. A Samsonin amuim inigha, an namakar a ko an amuim isamin dughiamin ikezim ganingi.” Ezi Filistiabar gumazir dapaniba, Timnaa nguibamin għu uvanaga Samsonin amuim ko an afeziam għaborożi aning isi.

⁷ Ezi Samson kamaghin me migei, “Ia arazir kamaghin garim gami, a? Ki

kamaghin akar kam akiram, ki datirighin zuamira avughseghan kogham. Ki faragh ia amizir arazir kam ikaragh, egh gin avughsam.”⁸ Samson puv me misogha, me abiragh men aviribav soghezi me ariaghire. Egha a gin ghua Etamin Mighsiar ekiar mamin dagiar akiriamin aven iti.

Samson Filistiaba abira

⁹ Ezi Filistiaba gin ghua Judabar nguazimin averpenibar ingarigha ikia, Lehin nguibamin gumazamiziba ko misoghasa. ¹⁰ Ezi Judaba kamaghin men azangsisi, “Ia bar tizim bagha iza e ko misoghasa?”

Ezi Filistiaba kamaghin me ikaragha ghaze, “E Samsonin suiragh, a inigh mangi kalabus darighasa. An e gamizir arazimra, e uaghan kamaghiram a damuum.”

¹¹ Ezi Judabar 3,000plan gumaziba Samson bagha Etamin dagiar akiriam iti naghin ghuaghira kamaghin a migei, “Ni kamaghin fo, Filistiaba e gativagha gifä? Ni tizim bagha osimtzir dafar kam gamigha osimtzizim e ganingi?”

Ezi a kamaghin me migei, “Me na gamizir arazimra ki a ikarvagha me gami.”

¹² Egha me kamaghin Samson migei, “E ni ikegh ni isi Filistiabar agharim darighasa izi.”

Ezi Samson kamaghin me migei, “Ia guizbangira na mikim suam, ia uari na misuehti ki aremegan kogham.”

¹³ Ezi me kamaghin a migei, “E bar guizbangira ni migei. E nin misuehti, ni aremeghan kogham. E pura ni ikegh ni inigh mangi Filistiabar agharim darigham.” Egha me benir gavgavir igiar pumuning inigha an agharimning ikegha, a inigha dagiar akiriam ategha Filistiaba bagha zui.

¹⁴ Egha me ghua Lehin nguibamin otivigna givazima, Filistiaba a bagha dagarvagha ivemara izi. Ezi Ikiavira Itir Godin Duam Samson gizivagha gavgavir ekiam a ganingi. Ezi benir igiar gavgavir me an agharimning ikezir kaba, mati avim strinbar isizi da pura amera dighoraghire. ¹⁵ Ezi a gari donkin mam aremegha irighav ikia, tighar bar kuram, an an akaguuar agharim inigha an suiraghya gumazir 1,000pla misoghezi me ariaghire. ¹⁶ Egha Samson kamaghin ighiar mam gami:

“Donkin akaguuar agharir kamin,
ki gumazir aviribav soghezi, me
ariaghire.
Egha ki men kuabar pozibav kinizi, da
mamaghira iti.

Donkin akaguuar agharimin,
ki gumazir 1,000pla, bar me agifa.”

¹⁷ Ezi a kamaghin ongegha givagha akaguuar agharir kam makuni. Ezi me danganir kam, “Akaguuar Agharimin Mighsiam,” a garisi.

¹⁸ Ezi Samsonin kuarim bar puvira an pirima, a kamaghin Ikiavira Itir Godin dei, “Ki nin ingangarir gumazim, ezi ni nan akurazi ki midorozir kamin me abira. Egh ki dipam bangin kagh aremeghti Filistiaba ti na inigham, o?”¹⁹ Ezi God Lehin emimirir dipar mam gamizi, dipavszim an anagav oto. Ezi a dipar kam amegha ua gavgavim ini.

Ezi bizir kam bangin me emimirir kam kamaghin a dibori, “Gumazim Dipam Bagha Deir Emimirir Dipam.” Ezi Lehin emimirir dipar kam datirighin ikiavira iti.

²⁰ Ezi Filistiaba Israelian nguazimin garir dughiamin, Samson 20plan azenibar me gativagha men gumazir dapanimin ike.

16

Samson Gasan nguibar ekiamin ghu

¹ Ezi Samson Lehin nguibam ategha Gasan nguibar ekiamin ghugha, tuavimin amizir gumaziba koma akuir mam batogha a koma akui. ² Ezi gumazir maba kamaghin Gasan gumazibav già ghaze, “Samson izegha gifa.”

Ezi me ghuava nguibam okarigha nguibamin divazir tiar akar ekiabar boroghin mongegha a bagha gara iti. Egha sighsirir akabar uariv già ghaze, “E kagh ikiti aminim tiraghi, e a misuehti an aremegham.” ³ Ezi Samson bogarangra tuavimin amizir kam ko ikia ghua dimagarir arizimin, misiamin dikavigha ghua nguibar ekiamin tiar akamningin suiraghya aning asi. Egha aningin akinimning ko tiar akam asir ainin igugunir dafam sarama asi. Egha dagh isaghpuhga ghua Hebronin nguibamin boroghin mighsiar orazimin da ariki.

Delaila Samson gifara

⁴ Ezi bizir kam otogha givazima, Samson Gasan zui. A ghua Sorekin danganir zarimin amizir mam bato, an ziam Delaila, an an ganigha a bagha bar ifonge.

⁵ Ezi Filistian atriviba ghua kamaghin Delailan migei, “Ni Samson apezeperegh, an gavgavim bagh an azaragh, a managh gavgavir ekiar kam isi, egheti e manmaghira a damighti, an gavgavim aneteghti, e anebiraghram. Ni an gun en mikemeeghti e an suiragh a ikegham. Ni kamaghin damighti e vaghvagh 1,100 silvan dagiaba isi ni daningam.”

⁶ Ezi Delaila kamaghin Samson migei, “Ni na mikim, ni manmaghira gavgavir kam isi? Egh ni manmaghira damighti gavgavim ni ateghti me nin suiragh ni ikegham?”

⁷ Ezi Samson kamaghin a ikaraghha ghaze, "Gumazitam bulmakaun sueba ko dafaribar itir 7plan agirir misingizir puvatizir taba inigh na ikeghtima, nan gavgavim givaghti, ki pura gumazir kinimin min ikiam."

⁸⁻⁹ Ezi Filistian gumazir dapaniba bulmakaun sueba ko dafaribar itir agirir 7plan misingizir puvatiziba inigha iza Delaila ganingi. Ezi gumazir maba Delaila akui naghin mongeghav iti. Ezi Delaila Samsonin suemning ko dafarimning ike. Egha Delaila a gaghura ghaze, "Samson, Filistiaba nin suighasa izil!" Ezi a dikavima bulmakaun agirir kaba, mati strin avir mizariamin boroghin ikia isia dighoraghirezi moghin, dighoraghire. Ezi Filistiaba an gavgavim mingarim gifozir puvatighavira iti.

¹⁰ Ezi Delaila kamaghin Samson migei, "Ni oragh, ga uaning, ni bar na gifaraghha aghumsizir dafam na ganing! Ni datirighin guizbangira na mikim, me manmaghira damigh nin suiraghama?"

¹¹ Ezi Samson kamaghin a migei, "Gumaziba benir gavgavir bar igiaba inigh na ikeghti nan gavgavir kam givaghti ki pura gumazir kinimin min ikiam."

¹² Ezi gin Filistiaba iza Delaila akui danganimodogha itima, Delaila benir gavgavir bar igiar maba inigha an suemning ko agharimning ike. Egha Samsonin dei, "Samson, Filistiaba nin suighasa izil!" Ezi Samson benir gavgavir bar igiar an agharimning ikezir kaba, tretin min dar ghore.

¹³ Ezi Delaila Samson migei, "Ni bar na gifarava aghumsizir dafam na ganidi. Ni datirighin na mikim, gumaziba bar manmaghira ni ikegham?"

Ezi Samson kamaghin migei, "Ni nan 7plan dapanir arizir gizzibza, inigh iniba nuavir masinin aven tretba sara initam nuavighiva, nan dapanir arizim nir kamin aven tretba sara a nuafih. Egh gin dikonir ruarir tamin nir kam isi birimin a gafugti, a birimin porogh gavgafigh. Eghit ki ua gavgaviba puvatigh pura gumazir igharazibar min ikiam."

¹⁴ Ezi Delaila Samson gamizi an akuima, an an 7plan dapanir arizir gizzibza, inigha iniba nuavir masinin aven, tretba sara inir mam nuavighava, an dapanir arizim inir kamin aven tretba sara a nuafi. Egh gin dikonir ruarir mam nir kam sara birimin a gafu, ezi a birimin porogh gavgafigh. Egha a kamaghin dei, "Samson, ni ua bagh ganigh, Filistiaba nin suighasa izil." Ezi a dikavima, dikonir kam ko nir an dapanir nuavizim arizir gizzibza, a bar birimin dagh ekuigha dikafi.

¹⁵ Ezi Delaila kamaghin a migei, "Ni manmaghsua, na migia ghaze, ni bar na gifonge? Ni bar puvira na gifari. Ni na ko navir vamiran itir puvatigha guizin akabar na migeir puvati. Datirighin namba 3in dughiam, ni na gifaraghha aghumsizim na ganingi, egha na mikemezir puvati, ni manmaghira amigha bar gavgafi." ¹⁶ Ezi Delaila dughiabar uabi mikimasa a gimobava, an azangsigha mamaghira iti. Ezi Samson migirigar kam baraghha ghua bar iporpore.

¹⁷ Egha bar abuan, a Delaila mikeme. A kamaghin migei, "Ki aghirimra iti God na ginabazi nan amebam na batezir dughiamin, ikegha iza datirighin, me tong nan dapanir arizibagh isezip puvati. Me nan dapanir arizibagh isegehti, ki ua gavgaviba puvatigh, pura gumazir kinimin min ikiam."

¹⁸ Ezi dughiar kamin Delaila fo, Samson guizbangira a migei. Egha a Filistiabar atriviba bagha akam amaga ghaze, "Ia uamategh izi. A datirighin guizbangira uabin gun na mikeme." Ezi Filistiabar gumazir dapaniba, silvan dagiar Delaila daningasa mikemeziba inigha izi. ¹⁹ Ezi Delaila Samson gifarazima Samson an apoziminakuava ongani. Ezi Delaila gumazir mamin diazima a iza Samson dapanir arizir gizzibza nuavizir 7plan ruariba apiri. Ezi Delaila arazir kamin Samsonin gavgavim bar anegifa. An gavgavim bar moghira gifa.*

²⁰ Ezi Delaila ua kamaghin dei, "Samson, ni ganigh, Filistiaba nin suighasa izil!"

Ezi Samson osegha ghaze, "Ki faraghha ami moghin, dikavigh mangi firighirigham." A kamaghin fozirov puvati, Ikiavira Itir God anetaki. ²¹ Ezi Filistiaba an suiraghha an damazimning asiaghati. Egha me a inigha Gasan ghuegha senin brasbar ingarizimin a ike. Egha a gamima a kalabuziar dipenimin aven ikia witba ko raiziaba mirmiri. ²² Ezi dughiar kamin Samsonin dapanir arizim uam aghui.

Samson areme

²³ Ezi dughiar mamin Filistiabar atriviba iza uari akuvagha, isar ekiar mam gamua uan asem Dagón bagha ofa gami. Egha me bar akongegha kamaghin migei, "En asem en akurazima euan apanim Samsonin suiraghha anebira."

²⁴⁻²⁵ Egha me gin bar akongegha kamaghin migei, "Ia Samsonin aku iziti a uan arazitabar amuti, e an gan an ingariva aki, a dipovasa." Ezi gumazibza ghua kalabusin a inigha izi.

Ezi gumazamiziba an ganigha, uan asemin ziam fava kamaghin migei, "En

* **16:19:** Hibrun akam deragha migirigar kamin mingarim abighizir puvati.

asem en akurazima e uan apanir kam anebira. Gumazir kam bar en nguazim gasighasigha, en gumazir aviribav soghezi me ariaghire.” Egha me a isava dipenimin dagiar guarir akinimningin tizimin anetizima, a tughav ikia arazarazibagh amima, me an ingarava aka a dipofi.

²⁶ Ezi Samson, otarir an dafarimin suigha an akuava aruim kamaghin a migei, “Ni nan akuraghtima, ki dipenimin guarir akinimningin suiragh mitigh, uan akirim isiva guarir akinimning garoroghsa.” ²⁷ Dipenir kam gumazamizir bar avirim a gizifa, ezi Filistiabar atriviba bar moghira uaghan me ko iti. Ezi 3,000plan gumazamiziba dipenir ekiar kamin siriamin pin ikia beragha Samsonin garava a dipovava ati.

²⁸ Ezi Samson kamaghin diagha Ikiavira Itir God ko migei, “O Ikiavira Itir God, nan Ekiam, ni datirighin na ginighnigh. O God, ni datirighin ua gavgavim na daningigh. Eighti datirighin Filistiaba nan damazimning asizi moghira, ki me ikaraghah.” ²⁹ Egha Samson dagiar dipenir guarir tongira tughav ikia, gavgavim a ganidir akinimningin suira. A dafarir guvimin guarir akinir mamin suiragh, dafarir kiriamin igharazimin suira.

³⁰ Egha a kamaghin dei, “Ni na ateghti ki Filistiaba ko aremeka.” Egha a bar uan gavgaviba sara guarir akinimning adugha zuima dipenim iri. Dipenim dipirigha ira Filistiabar atriviba ko, gumazamizir igharazir an even itiba sara me gisim ira me misoghezi, me bar ariaghire. Ezi gumazamizir bar avirim Samson ko ariaghire, men dibobonim, an angamira ikia misoghezi gumazibar dibobonim gafira.

³¹ Ezi Samsonin adarazi gin izaghira an kuam ini. Me an kuam inigha ghua Sora ko Estaolin nguubar ekiammingin tizimningin, an afeziam Manoa afazi naghin anefa. Samson 20plan azenibar Israelian gumazir dapanimin ike.

Benjamin ko Danin anabamningin eghaghaniba

17

(Sapta 17-21)

Maika uabi marvir guabar ziaba fer dipenir mam iti

¹ Ezi gumazir mam an ziam Maika, a Efraimin mighsiar dozibar iti. ² A dugihar mamin uan amebam migei, “Ni uan 1,100in

dagiar silvabagh fo, tina da okeme? Ezi ki dugihar kamin itima, ni God migia ghaze da okemezir gumazim, ni a gasighasikigh. Ni gan, ki uabi bizir kam gami. Ki da oke-megha, datirighin ua ni ganidi.”

Ezi an amebam kamaghin a ikaragha ghaze, “Nan otarim, Ikiavira Itir God deragh ni damu.”

³ Ezi Maika 1,100plan silvan dagiaba uamatgeha da isava uan amebam ganingi. Ezi an amebam kamaghin migei, “Ki silvan dagiar kaba Ikiavira Itir God danighti, dagiar kaba nan otarim baghavira ikiam. Egh dagiar kaba, ga da isiva gumazitabar anighti, me dar marvir guatamningin ingarighti, e aningin ziamming fam. Me temer otevitam marvir guatam akirighiva silvan a nokegh, egh marvir guatam silvan kinimra an ingarigh.”* ⁴ Egha Maikan amebam 200 silvan dagiar an amebam uam a ganingiziba, isa silvan marvir guabar digiribagh amir gumazir mam ganingi. Ezi a marvir guar mam tememin anekirigha silvan bar a noke, egha marvir guar mam silvan kinimin an ingari. Ezi amebam aningin nedazimning isava Maikan dipenimin aning ati.

⁵ Ezi gumazir kam Maika, a marvir guamning bagha ofa gamir dipenir dozir mam iti. Egha a ofa gamir gumazibar dapanimin korotiar otevir azenan azuir mamin ingarigha asebar ifongiam gifofoghamin marvir guar dozir mam sara ingari. Egha a uan otarir mam amisevezima an ofa gamir dipenir kamin ofa gamir gumazimin oto.† ⁶ Dughiar kabar atrivitam Israelin itir puvati. Kamaghin, gumazamiziba vaghvagha tintinibar uan ifongiabar gin ghua pura bizibagh amua iti.

⁷ Ezi dugihar kamin Livain anabamin adarazir gumazir igiar mam, a Judan anabamin nguazimin ikia, Betlehemin nguubar ekiamin iti. ⁸ A Betlehem ategh mangi nguubar igijatam batogh an ikiasia zui. A ghua Efraimin mighsiar dozibar, Maikan dipenimin oto. ⁹ Ezi Maika an azara, “Ni managh ikegha izi?” Ezi Livain gumazir kam kamaghin an akam ikaraghah ghaze, “Ki Betlehemin itir Livain anabamin gumazir mam, a Judan nguazimin itir nguibam. Ki danganir ikiambia buriagha aruui.”

¹⁰ Ezi Maika kamaghin a migei, “Ni na ko kagh ikiaria. Ni na ko iki nighniziba na daning egh uaghan nan ofa gamir gumazimin ikiaria. Eighti azenibar zurara

* ^{17:3:} Hibrun akam deragha migirigiar kamin mingarim abighizir puvati. E uaghan fazir puvati, aning manmagh garir nedazimnin digirim silvan kamin a gami. Ezi 18:24in akamin, Maika nedazimning kamaghin aning dibori, “aser godin ki ingarizimning.” † ^{17:5:} E fazir puvati, “asebar ifongiam gifofoghamin marvir guar dozir mam,” a ti bar bizar tizimra. Ni Jenesis 31:30 ko 1 Samuel 19:13in gan. Hibrun akamin bizar kaba me kamaghin da dibora ghaze, asebar marvir guuba.

^{17:6:} Godin Araziba 12:8; Gumazir Dapaniba 21:25

ki 10pla silvan dagiaba ko korotiaba ko dagheba sara ni daningam.”¹¹ Kamaghin, Livain gumazir igiar kam Maikan migirigiam baregha, a ko iti. Egha an an borimin min otogha a ko iti.¹² Ezi Maika iveauzisa Livain gumazir igiar kam ganidi. Egha a gamizi an an ofa gamir gumazimin otogha, Maikan dipenimin aven iti.

¹³ Ezi Maika kamaghin migei, “Livain mav datirighin nan ofa gamir gumazimin otogha iti. Kamaghin, ki datirighin fo, Ikiavira Itir God datirighin na danganimin aven itir bizar amighti, da deragh otivam.”

18

Danin anabamin adarazi nguabar ekiar igiam ini

¹ Dughiar kamin Israelia atriviba puvati. Danin anabam fomira iza datirighin, me Israeliyan anababar tongin, nguazir tam inizir puvatighavira iti, kamaghin, Danin anabamin adarazi nguazir tam batogh an ikiasi da buri.² Ezi Danin anabamin adarasi, gumazir bar gavgavir 5pla amisevezi, me Sora ko Estaolin nguabar ekiamningin iti. Me Danin anababar 5plan gumazir kaba amisevegħha, me amadazima, me ghua moga nguazimin gara a getiagħa arui. Me kamaghin gumazir kabab gei, “Ia mangi nguazir kam bar deraghviram a getiraru.” Ezi gumazir 5plan kaba ghua Efraimin mighsiar dozibar Maikan dipenimin otogha, dimagarir vamiran a koma akui.

³ Me ghua Maikan dipenimin aven ikia orazima, Livain gumazir kam migei. Ezi me an migirigia baregha fo, kar Judabar nguazimin gumazim, ezi me an azara, “Ni bizar tizim gamua kagh iti? Tinara ni inigha kagh ize?”

⁴ Ezi a kamaghin men akam ikaragħha ghaze, “Maika uabi na mikemezi, ki kagh iti. A na givezima ki an ofa gamir gumazimin otogha kagh iti.”

⁵ Ezi me kamaghin Livain gumazir kam migei, “E uari, ni e bagħ God ko mikim. Ni e bagħ Godin azangsigh, en darorir kam deragħam, o puvatigham?”

⁶ Ezi ofa gamir gumazim kamaghin men akam ikaragħha ghaze, “Ia nighnizir aviribar aman marki. Ikiavira Itir God ian gan ian darorim gegħuvam.”

⁷ Ezi 5plan gumazir kaba nguabar kam ategħa ghua Laisin nguabar ekiamin oto. Me ghua Laisin nguibamin itir gumazamizibar garima, men dabirabim Saidonin nguabar ekiamin gumazamizibar min dera. Me bar nimiram apiaghav ikia gumazir igharazibar atari puvati. Me ghaze, midorozitam

me batogħan kogħam. Atrivitam o gu-mazir dapanitam aghumsizir arazitamin me gamizir puvati. Me Saidonin nguibamin saghon ikia, egha dagiaba bagħha biziba igharaz darazi dama, ada amadir puvati.*⁸ Ezi 5pla gumazir kaba uamategħha ghua Sora ko Estaolin otozi, men adarazi men azara, “Ia manmagħira garir bizibar gani?”

⁹ Ezi 5plan gumazir kaba kamaghin me ikaragħha ghaze, “Ia zuamira izi e mangi, nguibar ekiar kam korogh me misogħam. E men nguzimin garima, a bar dera. Ia suigh-suighan marki, e mangi me misogħi men nguazin iniam.¹⁰ Ia danganir kamin mangi ganti, nguazir aviriba ikiam. Ia ganti bizar aghuir aviriba an ikiam. Egh ia uaghan ganti, me misogħi nighnighan kogħam. Ia oragh, God nguazir kam e daningam.”

¹¹ Kamaghin, Danin adarazir 600plan gu-maziba midorozir bizibba inigha, misogħasa Sora ko Estaol ategħha zui. ¹² Me ghua Kiriad Jearimin nguabar ekiamin borogħin Danin nguazimin averpenibar ingarigha iti. Kamaghin danganir kam me kamaghin a dibori, “Danin Averpenibar Ingārizir Danganim.” Danganir kam Kiriad Jearimin āruem uaghiri nagħin iti, ezi me datirighin kamaghira a dibora mamaghira iti.

¹³ Me danganir kam ategħha ghua Efraimin mighsiar dozibar Maikan dipenimin oto. ¹⁴ Ezi 5plan gumazir ghua Laisin nguazim moga an ganiziba, kamaghin uan adaraziv gei, “Ia kamaghin fo, dipenir kabar aven, ofa gamir gumazibar korotiar mam ko, asebar ifongiam gifofogħamin marvir guar dozir mabba ko, marvir guar me tememin dikirigha silvan nogħezir mam ko, marvir guar me silvan kinimmin ingarizir mam, da iti. Ezi e datirighin manmagħin damuam?”¹⁵ Ezi me tuavim ategħha Maikan dipenim iti nagħin Livain gumazir igiam itir dipenimin otogħa, egha dugħiam a ganġi. ¹⁶ Me dipenimin aven itir dugħiham, Danin midorozir gumazir 600pla uan midorozir bizibbar suigha, Maikan dipenimin divazimini itiar akamin mitiġħav iti.

¹⁷ Ezi ofa gamir gumazir kam, 600plan midorozir gumazibba ko divazimini itiar akamin itir dugħiham, gumazir 5plan mogħa gariba, me aseba fer bizibba inħiġa dipenimin aven ghue. Me ghua ofa gamir gumazibar korotiam ko, Godin ifongiam gifofogħamin marvir guar dozibba ko, marvir guar me tememin dikirigha silvan nogħezim ko, marvir guar me silvan kinimmin ingarizim, me bar ada okimasa.

¹⁸ Ezi ofa gamir gumazim garima, gumazir kaba Maikan dipenimin aven ghuegħha, ofa gamir gumazibar korotiam

* **18:7:** Hibrun akam deragħa migirigiar kamin mingarim abighiżżejjur puvati.

ko, Godin ifongiam gifofoghamin marvir guar doziba ko, marvir guar me tememin dikirigha silvan noghezim ko, marvir guar me silvan kinimin ingarizim, me da okei. Ezi ofa gamir gumazim kamaghin men azara, "Ia tizim gami?"

¹⁹ Ezi me kamaghin a migia ghaze, "Ni uan akam dukuagh nimira iki. Ni migirigar tam damuan marki. Ni uaghan e ko iziva en ofa gamir gumazimin otogh, egh uaghan nighnizir aghuiba e daningamin gumazimin ikiam. Ni ti dipenir vamira itir gumazim bagh ofa gamir gumazimin ikiam? Ingangarir kam, a pura bizim. Ni e ko iziva Israelian anabar ekiar tamin ofa gamir gumazimin ikiam, kar ingangarir bar ekiam, a Maikan ingangarir muziarim bar a gafira." ²⁰ Ezi ofa gamir gumazim kamaghin oregha navir amirizim inigha, ofa gamir gumazibar korotiam ko, Godin ifongiam gifofoghamin marvir guar doziba ko, silvan marvir guamning inigha, men gin zui.

²¹ Egha me nguibar kam ategha zui. Men boriba ko men bulmakauba ko men biziwa faragha zui. ²² Me Maikan dipenim ategha mong saghuiam me gatigha zuima, Maika uan dipenimin boroghin itir darazir diagha, me Danin adaraziv soghosa men gin zui. Egha me men gin ghua me bato.

²³ Ezi Maika ko misoghosa zui darasi, Danin adarazir dei, ezi Danin anabamin adarazi ragha Maikan azara, "Manmaghin ami? Ni tizim bagha avirir dafar kam ko zui?"

²⁴ Ezi Maika kamaghin me ikaragha ghaze, "Ia tizim bagha kamaghin nan azangsisi, ni bar bizar tizim baka? Ia tizim bagha nan ofa gamir gumazim ko nan marvir guar ki ingarizmning inighava ari? Nan bizitam itir puvati."

²⁵ Ezi Danin anabamin adarazi kamaghin a ikaragha ghaze, "Ni migirigar aviribar e damuan marki. Gumazir kaba ua nin atar ni misuegh, egh nin amuiroghboriba sara misueghti me arighiregham." ²⁶ Egha Danin anabamin adarazi kamaghin mikemegha givagha ghue. Ezi Maika gumazir kabar garima me bar gavgvizi, a me misoghan ibura, kamaghin, a uamategha uan nguibamin ghu.

²⁷ Ezi Danin anabamin adarazi Maika ingarizir biziwa ko, an ofa gamir gumazim sara inigha Laisin ghu. Ezi Laisin gumazamiziba bar deravira iti. Egha me tong misoghosa nighnizir puvati. Kamaghin, Danin anabamin adarazi bar me misoghezi me ariaghirezi, me men nguibar ekiam gaborozi a isi. ²⁸ Saidonin nguibar ekiam

bar men saghon iti, kamaghin men akurvaghamin gumaziba puvati, me uaghan gumazir igharaziba ko biziba uari ganiga uari ikarvazir puvati. Nguibar kam Betrehopin nguibamin boroghin danganir zarimin iti. Ezi Danin anabamin adarazi ua nguibar ekiar kamin ingarigha an iti. ²⁹ Egha me nguibar kam kamaghin a dibori, "Dan." Me uan inazir afeziabar ziam Dan inigha a gati, a Jekopin otarim, me an ziam isava nguibar ekiar kam gati. Me fomira kamaghin a dibori, "Lais." ³⁰ Ezi Danin anabamin adarasi, marvir guar me inigha izezim asaragha, an ziam fe. Ezi Mosesin otarim Gersom, an ovavir borir mam Jonatan, a Danin adarazi bagha ofa gamir gumazimin ingangarim gami. Ezi an otariba ko an ovavir boriba uaghan ofa gamir ingangarim gamua ghuavira itir dughiamin, men apaniba iza bar Israelius suigha ghua, kantrin igharazimin kalabus gati.[†] ³¹ Godin Purirpenim Silon itir dughiamin, Danin anabamin adarasi, Maika dikirizir marvir guar kamin ziam fa mamaghira iti.

19

Livain gumazir mam uan amuim ko dughiar kuram bato

¹ Dughiar kamin Israelia atriviba puvati. Ezi Livain mav Efraimin mighsiar dozibar iti. A Betlehemin nguibar ekiamin Judan amizir mam inigha, uan amuir ekiam gifuraghah an ti. ² Ezi an amuir dozir kam, biziwa mam bagh an atara, uamategha ara ghua uan afeziamin dipenimin ghugha itima, 4plan iakiniba gifa. ³ Ezi gin, an pam an gin ghua a ko migirigiam akirigh, a inigh izasa zui. A ingangarir gumazir vamira ko donkin pumuning inigha zui. Aning ghua otozima, amizim uan pam inigha uan afeziamin dipenimin aven ghu. Ezi an amuimin afeziham an ganigha bar akonge. ⁴ Ezi amizimin afeziham, uan amerer otarim bagha gavgvavigha ghaze, an a ko ikiam. Ezi gumazim 3plan dughiabar me ko ikia, apava dipaba api.

⁵ Ezi namba 4in dughiamin, Livain gumazir kam bar dimangara dikavigha mangasa uan biziwa kiri. Ezi an amuimin afeziham kamaghin uan amerem migei, "Ni daghetamra amegh, gavgvavim uan navim daningigh, egh gin mangi."

⁶ Ezi aning uam aperagha apa dipaba api. Ezi guivimin afeziham ua kamaghin a migei, "Ki kamaghsua, ni ua ghuarier dimagarir kamin ikiva e bar akongegh mangi aminim

[†] **18:30:** Akar kamin mingarim ti kamaghin ghu, dughiar kamin, Jonatan uan adarazi ko ofa gamir ingangarim gamima, Asirian adarazi Israeliun gumazamizir aviriba inigha ghua, uan kantrin aven kalabus gati. Danin anabamin adarazi Laisin nguibam inigha gifa. Ezi 400plan azenibar gin bizar kam oto. Ni 2 Atriviba 15:29in gan.

tiraghti gua mangi.”⁷ Ezi a dikavigh mangasa amima, an amerem ikiasi bar gavgafi. Ezi a dimagarir mamin ua me ko iti.

⁸ Dughiar namba 5in bar mizaraghara, Livain gumazir kam dikavigh mangasa. Ezi an ivozim kamaghin a migei, “Ga uaning, ni ikegh daghetam ramegh. Aruem tong amiraghti, ni mangam.” Ezi gumazimning uaghara ikiava api.

⁹ Egha gumazir kam uan amuir dozim ko ingangarir gumazim, me mangasa amima, amuimin afeziam kamaghin me migei, “Ia gan, aruem bar iraghу. Ia ua dimagarir kamin ikegh, aminim kiram oveghangin piram. Ia ua iki bar akongegh. Egha ia grumim dimangara dikavigh bar mangi uan nguibamram otogh.”¹⁰ Ezi Livain gumazir kam ua dimagarir tamin ikian aghua. Egha a uan amuir dozim ko dikavigha zui. Aning uan donkiningin akirimmingin itir satelning gaperaghha zui.

¹¹Ezi aruem bar uaghirma aning ghua Jebusin nguibar ekiamin oto, kar Jerusalemin ziar igharazim. Ezi ingangarir gumazim kamaghin uan gumazir aruam migei, “E nguibar ekiar kamin aven mangi kagh dakuam.”

¹² Ezi ingangarir gumazir kamin gumazir aruam ghaze, “Puvati, e kagh dakuun kogham, kar Israelien gumazamizibar nguibar ekiamin puvati. E mangi Gibeon nguibar ekiamin dakuam.”¹³ Ni izi e mangam, e tong sivagh mangi Gibeoa o Raman nguibar ekiamin dakuam.”¹⁴ Egha me Jebus gitagha zui. Ezi aruem bar uaghirma, me ghua Benjaminin anabamin adarazir nguazimin, Gibeon nguibam boroghin otifi.¹⁵ Egha me ghua tuavir ekiam ategha ghuava nguibar ekiamin aven ghue, egha dakuamin danganiba bagha gara danganir gumazamiziba uari akuvimin apiaghav iti. Ezi gumazir me batogh, me inigh uan dipenimin mangi dakuamin tam, otozir puvati.

¹⁶ Ezi me apiaghha ikiavira itima, gumazir aser mam izi. A uan azenibar ghua ingarigha uamategha izi. Gumazir aser kam Efraimin mighsiar dozibar itir gumazim, egha a iza Gibeon iti. Gibeon itir adarasi, me Benjaminin adarasi.¹⁷ Ezi gumazir aser kam iza garima, Livain gumazir kam, uan amuir dozim ko uan ingangarir gumazim, me gumazamiziba uari akova itir danganimin apiaghav iti. Ezi gumazir aser kam men azara, “Ia managh ikegha ize? Egha ia managh mangasa?”

¹⁸ Ezi Livain gumazir kam kamaghin migei, “E Judan nguazimin, Betlehemin nguibamin ikegha izi. Egha e Ikiavira Itir Godin Dipenimin mangasa. Ezi en nguibam

a Efraimin mighsiar dozibar tongin iti, ezi e mangi an dakuasa. Ezi datirighin, e inigh dipenimin mangamin gumaziba puvati.¹⁹ E pura ian ingangarir gumaziba, e dagheba ko biziba bar iti. Donkiningin dagheba iti. Ki uan amuim ko nan ingangarir gumazim, en bretba ko wainba iti. E biritamin tevezir puvati. E dakuamin danganiba buri.”

²⁰ Ezi gumazir aser kam kamaghin me migei, “A dera, ia nan dipenimin izi. Ki biziбарian akurvaghram. Ia danganir gumazamiziba uari akuva itir kam dimangan an ikian kogham.”²¹ Egha a me inigha uan dipenimin ghugha, dagheba isa donkining ganingi. A dipam inigha me ganingizima, me uan dagariba ruegha, gin dagheba ko dipaba api.

²² Me apava bar akongegha itima, nguibar ekiar kamin gumazir arazir kurabagh amir maba izava dipenim okarigha gif. Egha tiام misogha, dipenir kamin ghuavim migia ghaze, “Gumazir ni ko kagh itim, anemadaghti an azenan izi. E arazir kurabar a damuasa.”

²³ Ezi gumazir aser kam azenan ghua kamaghin me migei, “Puvati. Nan namakam, ia kamaghin a damuan kogham. Gumazir kam nan dipenimin izegha na ko iti. Ia arazir kurar kamin a damuan kogham.”²⁴ Ia oragh, nan guivir igiar gumatizim ko akuizir puvatizim ko gumazir kamin amuir dozim iti. Ki aning inigh izi ian agharim darigham, eghit ia damuasa ifongezir arazim ia damusi, aning ko a damu. Ezi gumazir kamming ia arazir kurar kamin aning damuan kogham.”²⁵ Ezi gumazir kaba gumazir aser kam bar a batoke. Ezi Livain gumazir kam uan amuir dozim batuegha a isava me ganingi. Ezi me a inigha arazir kurabar a gamuava tintinibar a gamua ghuavti aminim tira. Egha me gin anetaghizi a zui.²⁶ Ezi amizim iza an pam akui naghin, gumazir aser kamin dipenir tiar akamin irighav iti. Egha irighav ikiaghua aminim tirazi aruem anadi.

²⁷ Ezi aminim tirazi an pam dikavigh mangasa tiam tui. A tiام kuigha garima an amuir dozim irighav iti. A uan darfaramming tiar akamin suighasava amuava avenge.²⁸ Ezi Livain gumazir kam kamaghin a migei, “Ni dikavigh, ga mangam.” Ezi amizim tong a migeir puvati. Ezi a fo an aremegha gif, ezi a maghiram an kuam isa donki gisin anetigha a inigha uan nguibamin zui.²⁹ A ghua nguibamin otogha dipenimin aven ghua afuar mam ini. Egha amuir dozimin kuam 12plan akuabar aneghore. Egha vaghvaghha Israelian 12plan anababa bagha da amangi.

³⁰ Ezi gumaziba bar bizir kamin ganigha kamaghin migia ghaze, "Kar arazir bar kurram! E Israelia Isip ategha azenan izezir dughiamin iza datirighin, bizir kamaghin garir tam otozi en ganizir puvati. Ia bizir kam ginighnigh uariv kim. E manmaghira damuam?"

20

Israelia Benjaminin anabamin adarazi ko misoghasa

¹ Egha Israelia bar Gibeon gumaziba amizir arazir kuramin akam baregha izava, Mispan nguibar ekiamin Ikiavira Itir Godin Damazimin bar moghira uari akufa. Me notin amadaghan Danin nguibar ekiamin ghua sautin amadaghan itir Berseban nguibar ekiamin gumaziba ko, Gileatin nguazimin itir gumaziba uaghan, uan nguibaba ategha iza bar moghira uari akufa. ² Ezi Israeliyan anababa vaghvagh dar gumazir dapaniba bar moghira Godin gumazamizbar iviriar ekiam bagha ize. Ezi midorozir gumazibar dibobonim 400,000pla uaghan iti, kar midorozir sababar misozir gumaziba. ³ Ezi Benjaminin anabamin adarazi kamaghin oraki, Israeliyan marazi ghua Mispan uari akufa.

Ezi Israelia kamaghin Livain gumazir kamin azara, "Ni deragh e mikim, bizir kam manmaghin oto?"

⁴ Ezi amizir me arazir kurabar a gamizimin pam, kamaghin me migei, "Ki uan amuir dozim ko iza Gibeon nguibar ekiamin Benjaminin adarazir nguazimin otozi, aminim pirizi, ga dimagarim kagh dakuasa danganiba buria iti. ⁵ Ezi dimagarir kamin Gibeon gumazir aruuba iza dipenir ga itim okarigha na misuegħti ki aremegħasa. Egha me na ategħa nan amuir dozim inigha arazir bar kurabar a gamua għuav iti, an areme. ⁶ Gumazir kaba arazir bar kuram Israelia en tongin a gami, kamaghin, ki an kuam inigha iza, anegħoregħa anakuwa isa bar Israeliyan adarazi bagħha da amangi. ⁷ Ezi ja datirighin kagh uari akuvagħha itir Israelia, ja deravira nighnigh migirriga tam damu. E manmagħ me amizir arazir kam ikarvaghom?"

⁸ Ezi gumaziba bar moghira dikavigha navir vamira ikia kamaghin migei, "En tav uamategħ uan purirpenmin mangan kogħam. Egh tav uamategħ dipenim minn mangan kogħam. ⁹⁻¹⁰ Egh e Gibeon adarazi kamaghin me damuam! E satu gikararang, midorozir gumazibagh inamigħi me arazir kam bagħ me misogh me ikaraghom. Israeliyan anababa vaghvagh dar 100plan

gumazibar tongin 10plan gumaziba amisivam, egh 1,000plan gumazibar tongin 100plan gumaziba amisivam, egh 10,000plan gumazibar tongin 1,000plan gumaziba amisivam. Gumazir kaba mangi, Israelia gamizir arazir bar kurar kam ikarvaghiva, Gibeania ko misogħamin midorozir gumaziba bagħ dagheba ateram. Me mangi Geban nguibamin ikiam."* ¹¹ Ezi Israelia bar mogħira uari akuvagħha mati anabar vamiram otogħa, Gibeania ko misogħamin nighnizir bar vamiran iti.

¹² Ezi Israeliyan adarasi, Benjaminin anabamin adaraziv kimasa kamaghin gumaziba amadagħha me migia ghaze, "Manmagħin amizi, arazir bar kurar kam ian tongin oto? ¹³ Ia datirighira Gibeon gumazir kurar kaba inighi iziti, e me misuegħti me arghiregħ arazir kurar kam Israeliyan aven bar anegħivagħam." Ezi puvati, Benjaminin Israeliyan gumazir iħgarazibar aka barazir puvati.

¹⁴ Egha Benjamin anabamin adarazi bar mogħira uan nguibar ekiaba ategħa iza Gibeon uari akufa, egha Israelia ko misogħasa. ¹⁵⁻¹⁶ Ezi dughiar kamin Benjaminin anabamin adarazi uan 26,000plan gumazir midorozir sababar misoziba uan nguibar ekiabar aven bar me ini. Ezi Gibeania, uarir tongin 700plan gumazir aghjar kiriabar misoziba ini. Me bar deravira dagħiġa isava katapel garīghava asi. Me asir dagħiatam pura zuir puvati, me vagħvagh bar deravira ia gaseħgħam. ¹⁷ Ezi Israeliyan adarasi, uan 400,000plan gumazir misoziba akufa, me midorozir sababar misogħa bar fo. Egha me Benjaminin adarazi gumazibar dibobonir kam, me a medir puvati.

Israelia Benjaminin anabamin adarazi ko misos

¹⁸ Ezi Israelia Betelin nguibamin ofa gamir dakozim minn ghuegħha, kamaghin Ikiavira Itir Godin azai, "En adarazir te faragh mangi Benjaminin anabamin adarazi ko misogħam."

Ezi Ikiavira Itir God kamaghin me migei, "Jidu anabamin adarazi faragh mangi."

¹⁹ Ezi Israeliyan midorozir gumazibar bar mizaraghha dikavigha ghua Gibeon nguibar ekiamin borogħin uari akufa. ²⁰ Me mangi Benjaminin anabamin adarazi ko misogħasa uari akira uari isava danganibar uari arisi. ²¹ Ezi Benjaminin anabamin adarazi Gibeon nguibar ekiam ategħa azenan iza midorozim foregħa, aruer vamiran Israeliyan gumazir 22,000pla aghħorezi me ariaghire. ²²⁻²³ Ezi Israelia uamategħha ofa gamir dakozim minn ghuegħha

* **20:9-10:** Hibrun akam deragħa migirrigi kamin mingarim abighiżżej puvati. Geban nguibam Gibeon nguibam minn borogħin iti.

Ikiavira Itir Godin guamin azia ikia ghuavti, aruem gifa. Me kamaghin an azai, "E ua uan aveghbuuba, Benjaminin anabamin adarazi ko misogham, o markiam?"

Ezi Ikiavira Itir God kamaghin me migei, "Ia uamategh mangi me ko misogh."

Ezi Israelia uamategha gavgavim uarigh amigha, amimzaraghan uamategha ghua Gibeian, me faragha midorozir gumaziba danganibar me arighizi naghin ua me arisi.²⁴ Ezi Israelia amimzaraghan uamategha ghua Benjaminin anabamin adarazi ko uariv sosi.²⁵ Ezi Benjaminin anabamin adarazi ua Gibeian nguabar ekiam ategha azenan iza Israelia ko misogha, dughiar kamin me men midorozir gumazir 18,000pla midorozir sababar me aghorezi me ariaghire.

²⁶ Ezi Israeli midorozir gumaziba bar moghira uamategha Betelin ghuegha Ikiavira Itir Godin damazimin apiaghia azia ikia ghuavti aruem iraghu. Me daghetam ko dipatam amezir pupati. Egha me Ikiavira Itir Godin damazimin ofan bar isi mighiramiba ko, God ko navir vamiran ikiamin ofabagh ami.²⁷⁻²⁸ (Finias, a Eleasarin ovavir borim, ezi Eleasar an Aronin otarim. Dughiar kamin Akar Dikirizir Gavgavimin Boksiam Betelin nguibamin itima, Finias an gara God bagha ofabagh ami.)

Ezi Israelia kamaghin Ikiavira Itir Godin azai, "E uamategh mangi uan aveghbuuba Benjaminin anabamin adarazi ko misogham, o e me ategham?"

Ezi Ikiavira Itir God kamaghin me migei, "Ia mangi. Ki gurumzaraghan me isi ian agharim darigham."

²⁹ Ezi Israelia midorozir gumaziba amadazima, me ghua Gibeian nguabar ekiam okarigha mongegha iti.³⁰ Ezi aruer pumuning givazima amimzaraghan Israelia Benjaminin anabamin adarazi ko misoghasa zui. Me faragha Gibeian nguabar ekiam amizi moghira, midorozir gumaziba isa me arisi.³¹ Ezi Benjaminin anabamin adarazi misoghasa izima, Israelia me gekuigha mong sivagha zuima, me nguabar ekiam azenan ghue. Ezi Benjaminin anabamin adarazi faragha amizi moghin, tuavir ekiabar Israelia misosi. Me Betelin zuir tuavim, ko Gibeian zuir tuavim, ko tintinibar nguibaba ko azenibar, pupura me misogha, Israeliyan 30plan gumazibav soke.³² Benjaminin anabamin adarazi kamaghin nighnisi, "E faragha me misogha me abirazi moghin, datirighin me e me gafiraghha gifa."

Ezi Israelia kamaghin uarira uariv gei, "E me gifariva ari nguabar ekiam ategh ari tuavir ekiamin mangam."³³⁻³⁴ Egha Israeli midorozir gumazir avirir dafam,

datirighin bar moghira uamategha ghua Baltamarin nguibamin uari akufa. Ezi men marazi ghua aruem uaghiri naghin Geban nguabar ekiamin boroghin monge. Gumazir kaba, me faragha Israeli gumazibar tongin, men midorozir gumazir bar aghuir kabav sefe, men dibobonim 10,000tu. Me mongeghav ikegha maghira otivigha, bar midorozir gavgavim Gibeania gami. Ezi Benjaminin anabamin adarazi kamaghin fozir pupati, datirighin kar me givaghamin dughiam, otogha gifa.³⁵ Ezi datirighin Ikiavira Itir God Israeli akurazima, me midorozimin Benjaminin anabamin adarazi abira. Ezi aruer kamra Israelia Benjaminin adarazir midorozir gumazir 25,100pla misoghezi me ariaghire.³⁶ Egha Benjaminin anabamin adarazi kamaghin fo, Israeli midorozimin me abiraghram.

Israelia midorozimin Benjaminin anabamin adarazi abiraghba bar me agifa

Israeli faragha uan midorozir gumazir mabav kemezi me Gibeian nguabar ekiamin boroghin monge. Ezi Israeli gumazir igharaziba fo, men marazi mongeghavira iti.

Egha datirighin me gifara ara zuima, Benjaminin adarazi men gintisi. Guizbangira, me Benjaminin anabamin adarazigh gifarava ara me gekuigha bar ghua nguabar ekiam ataki.³⁷ Ezi gumazir mongezi kaba zuamiram otivigha Gibeian nguabar ekiamin even ghua gumazamizir even itiba bar me misoghezi, me ariaghire.

³⁸ Midorozir gumazir ara zuir kaba, me faragha midorozir gumazir mongeza koma kamaghin akam misogha ghaze, ia avir miturir ekiam ganti, a nguabar ekiam kam gisin mavanangti,³⁹ ia ara zui darasi, uamategh izi. Ezi midorozim otozi, Benjaminin anabamin adarazi Israeli gumazir 30pla misoghezi me ariaghire. Egha me ghaze, "Guizbangira, e faragha kamaghira me gafira."⁴⁰ Ezi migharir ekiam nguabar ekiam gisin ghuavanadima, Benjaminin anabamin adarazi uamategha uarir akirangin garima, Gibeian nguabar ekiam bar isi.⁴¹ Ezi Israeli gumazir avirir dafam uamategha izi. Ezi Benjaminin anabamin adarazi garima Israelia uamategha izima me bar atiatingizi, men gavgaviba bar gifa. Egha me kamaghin fo me datirighin dughiar bar kuram me batogham.⁴² Kamaghin, me Israeli ara tuavir ghua gumazamiziba puputizir danganimin zuimin ghue. Me aramin tuaviba pupati. Me ghua Israeli adarazi batifi. Ezi Israeli midorozir gumazir okoruar pumuning iza Benjaminin anabamin adarazi batogham bar me

misoaghaghizi me ariaghire.[†] ⁴³ Israelia Menuhan nguibamin Benjaminin adarazir agintigha ghua Gibean nguibamin vongin amadaghan aruem anadi naghin tu. Egha me puvira me misoghezi me ariaghire. ⁴⁴ Ezi me aruer kamin Benjaminin adarazir 18,000plan midorozir gumazir bar gavgavibav soghezi me ariaghire. ⁴⁵ Ezi Benjaminin adarazir marazi uamategha arava gumazamiziba puvatizir danganimin itir Rimonin Dagiar Dafam bagha zui. Ezi Israelia men agintigha ghua tuavimin men gumazir 5,000pla misoghezi me ariaghire. Israelia men ginttigha ghuavira iki Gidomin nguibamin tu. Egha ua 2,000plan gumazibav soghezi me ariaghire. ⁴⁶ Ezi aruer kamra, ariaghirezir gumaziba bar, men dibobonim 25,000in tu. Kar midorozir gumazir bar gavgavibara. ⁴⁷ Ezi men 600plan gumaziba uamategha ara ghua gumazamiziba puvatizir danganimin, Rimonin Dagiar Dafam iti naghin ghue. Egha 4plan iakinibar danganir kamin iti. ⁴⁸ Ezi Israelia uamategha ghua men gumazamiziba ko men asiziba bar dav soghezi, da ariaghire. Egha bizir tizir me uan damazibar gariba sara bar dagh asighasiki. Egha Benjaminin adarazir nguibar ikiavira itir varazira, me bar dagh aponegi da bar isi.

21

Israelia amizir Benjaminin gumazibar ikiambiba bagha nighnisi

¹ Israelia Mispan nguibar ekiamin itir dughiamin, me Ikiavira Itir Godin damazimin akam akirigha ghaze, "Benjaminin anabamin gumazitam, en guiyitamin ikian kogham." ² Midorozim givazima, Israelia bar moghira ghua Betelin nguibar ekiamin ghuegha, Godin damazimin apiagha, bar puviram azia mamaghira iki ghuavti aruem iraghу.

³ Me kamaghin migei, "O Ikiavira Itir God, ni Israeliyan God. Ni tizim bagha bizir kam gamizi, an oto? Manmaghin amizi, en anabar mam kiran ovehangin bar givagham?"

⁴ Egha amimzaraghan bar dimangara, Israelia dikavigha nguibar kamin Ikiavira Itir God bagha ofa damusa dakozir mamin ingari. Egha bar isi mighiramin ofaba ko, gumazamiziba God ko navir vamira ikiamin ofaba, isa an damazimin dagh ami. ⁵ Egha me kamaghin migei, "Israeliyan adarazir terara Ikiavira Itir Godin damazimin ghuzir puvati?" Me faragha migirigiar gavgavim gamigha ghaze, gumazitam Ikiavira Itir God bagh Mispan izeghan koghti, me a misuegti an aremegham.

⁶ Egha me datirighin uan aveghbuabar apangkufi, me Benjaminin anabamin adarasi. Egha me kamaghin migei, "En anabar mam atam bar givaghai. ⁷ E fo, Benjaminin anabamin adarazir bar varazira midorozimin ariaghirezir puvati. Ezi e Ikiavira Itir Godin damazimin akam akirigha ghaze, e uan guiyitam isi me daningichti me an ikian kogham. Kamaghin, e manmaghin gumazir kaba bagh amizitaba inighti me dar ikiam? E kamaghin damuti, anabar kam bar kuavaremegham."

⁸ Kamaghin me uarira uarir azai, "En adarazir terara ghua Mispan nguibar ekiamin Ikiavira Itir Godin damazimin ghuzir puvati?" Egha me azangsigha ghua kamaghin fo, Gileatin Distrighin Jabelin nguibar ekiamin gumazitam iviriar kam bagha ghuzir puvati. ⁹ Me fogha, iza uari akuvagha, ziaba itir akiñafarinim vaghvaghya Israeliyan nguibar ekiabar ziaba dibori. Egha me Gileatin Distrighin, Jabelin nguibar ekiamin gumazitam apizir puvati. ¹⁰⁻¹¹ Ezi gumazir uari akuvazir kaba, me midorozir gumazir gavgavir 12,000pla amadazi me Jabelin zui. Me akar gavgavim me ganigha ghaze, "Ia Jabelin mangiva men gumazibav soghiva men amizir paba itibav sogh, egh boriba sara ia bar me misuegti me ariaghiregh. Egh borir guiviba ko amizir igiabav soghan marki." ¹² Ezi me ghua me mikemezi moghin amigha garima 400plan amizir igiar gumaziba komaakuizir puvatiziba, me Jabelin gumazamizibar tongin iti. Ezi me amizir igiar kaba inigha uamategha, Israelia Silon nguibar ekiamin uari akuvu naghin, Kenanin nguazimin ize.

¹³ Egha Israelia datirighin, Benjaminin anabamin gumazir Rimonin Dagiar Ekiam itiba bagha akam amaga ghaze, "E datirighin ua ia ko misoghan kogham." ¹⁴ Ezi Benjaminin anabamin gumaziba uamategha izi. Ezi Israelia amizir igiar kaba me ganingizi, me dar iti. Kar amizir igiar me ghua Gileatin Distrighin, Jabelisina misogha iniziba. Benjaminin anabamin gumaziba avirasemezi, amizir igiar kabar dibobonim otefe.

¹⁵ Ezi Israelia bar Benjaminin anabamin adarazir apangkuvigha kamaghin nighnisi, Ikiavira Itir God bar atam men anabar mam kuavareme. ¹⁶ Ezi Israeliyan gumazir dapaniba kamaghin migei, "Benjaminin anabamin amiziba bar ariaghire. Ezi e manmaghin men gumazir ariaghirezir puvatizir varazira bagh amizitaba iniam? ¹⁷ Me amuiba puvatigh borir taba bateghan

† 20:42: Hibrun akam deragha migirigiar kamin mingarim abighizir puvati.

koghti, en anabar kam bar kuavaremegham. Men ikiavira itir varazira, amizitaba inigh dar ikiti me boriba batiti, men anabar kam kuvaremeghan kogham.¹⁸ Guizbangira, e men gumazitam ateghti, a en guivitamin ikian kogham. E Israelia faragha akar gavgavim akirigha ghaze, ‘Gumazitam uan guivim isiva Benjaminin anabamin gumazitam danigh, an aremegham.’ Kamaghin amizi, e uan guivitam men teghti, men an ikian kogham.”

¹⁹ Ezi gumazir dapaniba kamaghin migei, “Isar ekiam damuva, Ikiavira Itir Godin ziam famin dughiam roghira ize. Isar kam zurara vaghvaghha azenibar otifi, a datirighin Silon otivam.” Silon nguubar ekiam notin amadaghan Betelin nguubar ekiamin iti, egha sautin amadaghan Lebonanin boroghira iti. Egha aruem anadi naghin tuavir ghua Betel ko Sekemin tizimin zuimin iti.

²⁰ Ezi Israelian gumazir dapaniba kamaghin Benjaminin anabamin gumazibav gei, “Ia mangi wainin azenibar aven mongegh iki. ²¹ Ia gan, isar ekiam otivti, Silon amizir igiaba ighiam bagh iziti, ia dikavigh mangi uari bagh amizir igiaba vaghvagh dar suikigh. Egh ia amiziba inigh givaghiva, uamategh uan nguazimin mangi. ²² Eghti gin men afeziuba ko men tuebabu iziva me bagh azangsigh en atarti, e kamaghin me mikimam, ‘E kamaghsua ia Benjaminin anabamin gumazibar apangkuvigh guiviba men takigh. E me ko midorozir kam gamigha uan guivitam me daningan anogoroke. Guizbangira, me ian guiviba ini, ezi ia uari uan guiviba me ganingizir puvati, kamaghin, ia uan akar dikirizim abighizir puvati.’”*

²³ Ezi Benjaminin anabamin gumaziba gumazir dapaniba mikemezi moghin ami, Me 200plan amizir igiar ighiam bagha iziba vaghvaghha uari bagha da ini. Benjaminin anabamin gumaziba, amizir kaba inigha ghua uan nguazimin ghuegha ua nguubar ekiar kabar ingara dar iti. ²⁴ Ezi Israelia uaghan bar moghira vaghvaghha uan nguibabar ghue. Me uan anababa ko ikizibar nguazibar ghuegha iti.

²⁵ Dughiar kabar atrivir tam Israelin itir puvati. Kamaghin, gumazamiziba vaghvaghha tintinibar uan ifongiabar gin ghua pura bizibagh amua iti.

* **21:22:** Hibrun akam kagh akam deragha anebighizir puvati.

21:25: Gumazir Dapaniba 17:6

Rutin Eghaghanim O Rut Akar faragha zuim

Akinafarir kamin eghaghanim an eghaghanir bar aghuim. Gumazir dapanir bar dughiamin an oto. Rut a Moapian amizim, a Israelin ikizimin gumazir mamin ikia aning Moapin nguazimin iti. Ezi an pam aremez, a uan asamir amebam gehhufi. Egha gin aning uamategha Judian nguazimin ghu. Rut uaghan Israeliyan Godin apengan iti. A gin gumazir igharazimin ikia atrivim Devit inaghessim oto. Atrivim Devit a Israeliyan atrivir aghuir faragha zuim.

Ni akinafarir kam diponiva, amizir kam gifuegham, a faragha God gifozir puvatigha arazir kurabagh ami. Datinighin a uan navim isa Israeliyan God ganingi. Egha uaghan uan navim isa uan asamir amebam ganingi. Rut amizir arazir aghuir kam, a God Israelia ganingizir arazim ko magh ghu, "Ia uan navin averiabar aven bar God gifongegh," egh, "Igharaz darazi sara ifongegh." Akinafarir kam kamaghin en akakasi, gumazamizir Godin saghon itiba uaghan Godin bizar aghuariba iniva an adarazir tongin ikiam. Egh arazir kamin, Godin saghon itir gumazir vamiran arazim Israeliyan aven tir marazigh afiraghom.

Dughiar kuram Naomi bato

(Sapta 1)

Naomin adarazi kantri Moapin areme

¹ Bar fomira gumazir dapanir maba kantri Israeliyan garir dughiam, dagheba puvatizir dughiam oto. Ezi Betlehemin nguibamin gumazir mam, Betlehem Judian Distrighin aven itir nguibam. Dughiar kamin Israeliyan dagheba puvati, kamaghin amizi gumazir kam uan amuim ko otarimning inigha azenir mabar kantri Moapin ikiasi ghu. ² Gumazimin ziam Elimelek, ezi an amuimin ziam Naomi, ezi an otarimning ziamning Malon ko Kilion, me Efratan dakozimin adarsi. Egha me Betlehemin nguibar Judian nguazimin aven itimin ikegha ghuwa Moapin apera. ³ Egha gin Naomin pam Elimelek aremez, a uan otarimning ko me uarira iti. ⁴⁻⁵ Ezi gin an otarimning Moapian amizimning iti. Aningin ziamning Orpa ko Rut. Ezi me 10plan azenibar ikia ghuwa Malon ko Kilion areme. An pam ko otarimning, me bar

ariaghire, ezi datirighin Naomi bar uabira iti.

Rut arazir aghuimin Naomi gami

⁶ Egha Naomi Moapin ikia orazi Ikiavira Itir God uan adarazi deragha me gamua dagheba me ganidi. Kamaghin amizi, a uan asamir guivimning ko dikavigha ua Judan nguazimin mangasa. ⁷ Egha Naomi uan asamir guivimning ko dikavigha ua Judan nguazimin mangasa tuavimin zui.

⁸ Egha me ghua Naomi kamaghin aning migei, "Gua uamategh uan nguibamin mangi; uan amebamning ko iki. Gua arazir bar aghuibar na gamua, egha uaghan par aremezimning saram ami. Kamaghira, Ikiavira Itir God uaghan guan apangkuvigh arazir aghuaribar gua damuam. ⁹ Egh Ikiavira Itir God guan akurvagh arazir aghuim gua damuti, gua ua patamning inigh deravira iki."

Egha aningin torezi aning puviram azi. ¹⁰ Ezi an asamir guivimning a migia ghaze, "Puvati. Ga uaghan mangi ni ko nin adarazi ko ikiasi."

¹¹ Ezi Naomi kamaghin aning migei, "Nan guivimning, gua uamategh mangi. Gua tizim bagh nan gin mangasa? Ki manmaghin otaritamning bategħi gua uam aningin ikiam? ¹² Nan guivimning, gua uamatengħegħ uan nguibamningin mangi. Gua fo, ki bar ghurigha givagħha, ua patamin ikian ibura. Tuaviba bar puvati, ki datirighin dimangan patamin iki egh borit tamning bategħi, ¹³ gua aning mizuam ġegħ eħġi aningin ikiam? Ti puvatigham. Egh gua ua odiarimmingin ikiva aning mizuam ikiam? Ti puvatigham, nan guivimning. Guizbangira, Ikiavira Itir God osimtizim na ganingi! Kamaghin, nan osimtizir nan navimin itim mati dagħer misozim ki anepima a nan akam misosi. Ezi nan osimtizir kam, guan osimtizimming gafra."

¹⁴ Ezi Rut ko Orpa, ua puviram azi. Aning aziava Orpa uan asamir amebamin toteṛha ghaze, "Ki zui." Ezi Rut Naomin suiragħa gavgavigha mangan aghua. ¹⁵ Ezi Naomi Rut migia ghaze, "Ni gan, nin penem zui, a uan gumazamiziba ko uan aseba bagħha zui. Ni an gin mangi.*"

¹⁶ Ezi Rut kamaghin a migei, "Ki nin gin mangisi, ni nan anogorogħan marki. Egh uamategh mangisi na mikiman marki. Danganir ni mangamim, ki uaghan an mangam. Egh danganir ni ikiamim ki uaghan an ikiam. Ezi nin adarasi, me uaghan nan adarasi, ezi nin God, a uaghan nan God. ¹⁷ Eghi danganir ni managh ikiva ovegħam. Eghi

* ^{1:15:} Kantri Moapin gumazamiziba, me aser aviribar ziabha fe, da aseba ko marvir guuba ko dagħiaba ko bizar avir igharaziba uakan. ^{1:16:} Rut 2:11-12; 2 Atrivha 2:2-6

me danganir kamin narafagham. Bizitam ga abighan kogham, ovevemra ga abigham. Puvatightima Ikiavira Itir God bizar bar kuratamin na damika.”¹⁸ Ezi Naomi garima, Rut an gin mangasa nighnizir gavgavim iti. Kamaghin amizi, a uam a migeir puvati. ¹⁹Egha aning ghua Betlehemin oto.

Naomi osimtizir ekiam ikia ua Betlehemin nguibamin ize

Naomi ko Rut ghua Betlehemin otozi, nguibamin itir gumazamiziba bar, digavir kuram gami. Egha Betlehemin amiziba kamaghin migei, “Kar ti Naomi?”

²⁰Ezi Naomi ghaze, “Ia ‘Naomi,’ na darighan marki. Ziar kam kamakin, amizir navir aghuim itim. Puvati. Godin Gavgaviba Bar Itim navir osimtizim na ganungi. Ezi ia ‘Mara,’ na darigh, ziar kam kamakin, amizir navir kuram itim, mati dagher misozim pamten an akam misosi. ²¹Ki nguibar kam ataghizir dughiam, ki bizar bar avirim iti, mati minem biziba a gizifa. Egha Ikiavira Itir God ua na inigha izezir dughiamin ki biziba bar puvati, miner mishev kinim, biziba an aven itir puvati. Guizbangira, Ikiavira Itir God mizazim na ganungi. Godin Gavgaviba Bar Itim osimtizir aviravirim na gati. Kamaghin amizi, ia Naomi na darighan marki!”

²²Ezi Naomi ko an asamir guivim Rut, a Moapin amizim, aning Betlehemin izima, dughiar bali aghoramim oto.[†]

Rut Boasin azenimin dagheba buri

2

(Sapta 2)

Rut mangi dagheba buriosa

¹Dughiar kamin, Boas a gumazir aruar bizar aviriba itir mam, a Naomin par ovengezim Elimelekin adarazir mav.

²Ezi Rut kamaghin Naomi migei, “Ni nan amamangatighti, ki azenibar mangi balin ovizibagh eghuvam. Ingangarir gumazibar dar akora da ariki. Egh me ifuegħti, ki men gin mangiva, da inigh izam.”

Ezi Naomi kamaghin a migei, “Nan guivim, a dera, ni mangi.”³ Ezi Rut azenibar ghua ingangarir gumazibar gin ghua balin ovizibagh iżi. Dughiar kam Rut a fozir puvati, kar Boasin azeniba, a Elimelekin adarazir mavira.

Boas arazir aghuimin Rut gami

⁴Dughiar kamra Boas Betlehem ategħa iza uan ingangarir gumazibar batogħa ghaze, “Ikiavira Itir God ia ko iti.” Ezi me a ikaraghha ghaze, “Ikiavira Itir God deragh ni damu.”

[†] 1:22: Bali a raizin min garir dagħem. Me an ovizibav sozima, da menmeniar kinibar otifi. Ezi me da isa bretbagħ am.

2:2: Ofa Gami 19:9-10; Godin Araziba 24:19

⁵Ezi Boas iza men garir gumazir dapanimin azara, “Amizir munam, a ikizir manamin amizim?”

⁶Ezi an ingangarir gumazibar ghaze, “Kar Moapiān amizim a Naomi ko kantri Moapin ikegħa ize. ⁷A ingangarir gumazibar gin mangi balin ikizir me ikegħa għavziba, an adar tħiġi mangi balin ovizibha inħasa, nan azai. A mizaraghara ingara ghua datirighin. A dughiar otev imra avugħsasa ghua averbeni min aperagħha avugħsi.”

⁸Ezi Boas kamaghin Rut migei, “Nan guivim, ni nan azenimin kaghira iki, egh ua bagħi balin ovizibagh eghuv. Gumazir iħarazitmin azenimin mangan marki. Ni nan ingangarir amiziba ko kaghira iki. ⁹Ni ingangarir amizibar gan, me ingara ghua managh tu ni merara gin mangi. Ki ni bagħha ingangarir gumazibar akar gavgavim me ganungi. Me arazir kuratam ni damighan kogħam. Kuarim nin pirti, ni mangi miner ekjar ingangarir gumazibar dipaba tuizibba, dar dipatam amegħi.”

¹⁰Ezi Rut irava nguazimin fuagħha, uan guam nguazim mituagħha iriġħav ikia kamaghin Boas migei, “Ki kantrin iħarazitmin amizim. Ezi ni manmagħin nan gara na gifogħha deravrira na gami?”

¹¹Ezi Boas kamaghin a ikara, “Ki oregha fo, fomira nin pam aremezix dughiamin, ni arazir aghuinar uan asamir amebam gamua iza datirikin. Ki fo, ni uan amebam ko afeziam ko uan nguibam ategħa iza gumazamizir ni fomira fozir puvatiziba ko iti. ¹²Ni arazir aghuim gamizir bizim, Ikiavira Itir God ni ikaragh iżvezir aghuim ni daning. Guizbangira, Ikiavira Itir God, Israelian God ni gegħiuv niavaragh nin ganasa ni ifonge, kamagħsua ni a bagħha ize. Egħti a deraghvira ni damuam.”

¹³Ezi Rut kamaghin Boas migei, “Nan ekiam, ki nin damazimin deravriram oto. Ki nin ingangarir amizim, ki fo, ki tong nin ingangarir amizibar min itir puvati. Ezi ni arazir aghuinar na gamua, nimira na migejma nan navim bar dera.”

¹⁴Ezi damamin dughiam, Boas kamaghin Rut migei, “Ni iżi bret tam inigh wainin dipar misozim darugh anemegħ.” Ezi Rut ingangarir gumazibar ko aperazi, Boas balin tuezir maba a ganungi. Ezi an apa ghua bar izivazzi dar naba iti.

¹⁵Rut amegħa givagħha ua dikavigha īgarasa zui. Ezi Boas kamaghin gumazibav gei, “Ia anetegħti a ua bagħi balin ikizibar borogħin ireghav itir balin ovizibagh eghuv. Ia akam a gasi a mikim marki. ¹⁶Egh ia a bagħi balin ikizibar aven itir balin agharitabba asigh nguazimin dar ariġħti,

a ua bagh ada inigh, ia an anogoroghan marki."

Rut ghua bizir otivizibar gun Naomi mikeme

¹⁷ Ezi Rut azenimin aven bali isa ghuavira itima aruem ghuaghiri. Ezi an ada inigha ghua aghorimin suiragha dav sozima, balin oviziba irima a dagh eghufi, ezi dar osimtizim 10 kilon tu. ¹⁸ Egha Rut balin oviziba inigha nguibaekiamin ghugha uan asamimin aka. Egha dagher nar an apa taghiziba sara a ganingi.

¹⁹ Ezi Naomi Rutin azara, "Ni managh balin kaba ini? Egha ni tinan azenimin ingari? Ki ghaze, gumazir deravira ni gamim, God, ni deraviram a damu." Ezi Rut kamaghin a ikaraghha ghaze, "Gumazir ki datirighin an azenimin ingarizim, an ziam Boas."

²⁰ Ezi Naomi kamaghin a migia ghaze, "Ikiavira Itir God deragh gumazir kam damu. A uan migirigiamin gin ghuava ariaghireziba ko angamira itiba, men apangkuva arazir aghuibal me gami."

Egha a ua migia ghaze, "Gumazir kam e ko ikizir vamira, egha en akurvazir gumazim."

²¹ Ezi Rut ua kamaghin Naomi migei, "Boas uaghan na migia ghaze, 'Ki an ingangarir amiziba ko ingarvira iki mangiti ingangarim givagham.'

²² Ezi Naomi kamaghin uan asamim migei, "Guizbangira ni gumazir igharazimin azenimin ingarti me pazi ni damuam. Kamaghin deragham ni Boasin ingangarir amiziba ko ingar."

²³ Ezi Rut Boasin ingangarir amiziba ko ingangarim gamua ghuav iti, bali ko wit aghorir ingangarim gifa. Ezi Rut uan asamir amebam Naomi ko ikiavira iti.

Boas arazir aghuim Rut gami

3

(*Sapta 3*)

Naomi Rut bagh patamin apighasa

¹ Dughiar man Rutin asamim Naomi kamaghin a migei, "Nan guivim ni oragh, ki ni bagh gumazitam apighti a nin iki, deragh nin ganti ni deravira ikiam. ² Gumazir kam Boas, en ikizimra. Ni an ingangarir amiziba ko ingari. Ni oragh, a dimangan balin iniba kua dar dagheba isir danganimin mangi ingaram. ³ Ni mangi ruegh uan mughuriar aghuim zuir borem uabi daghuiq. Egh korotiar aghuim arugh, egh balin iniba kua dar dagheba isir danganir kamin mangi. Ni mangi an damazimin otivan marki, ni teghti a mar damegh givaka. ⁴ Egh a dakusi mangiti ni ganigh foghiva, gin mangi an

suanvirin an aver inim fegh mitogh. A gin bizar tizim ni bagh a damusi, a ni mikimam."

⁵ Ezi Rut an migirigiam ikaraghha ghaze, "Ki ni mikemezi moghira damuam."

⁶ Egha Rut dikavigha balin ovizibar iniba kua dar dagheba isir danganimin ghu. Egha an asamim a mikemezi moghirama ami.

Boas Rutin akurvaghosa migei

⁷ Dughiar kam Boas amegha givagha deragha uabi barasi. Egh dakuasa balin pozimin min mito. Ezi Rut nimira a bagha ghua an inir avem fegha an suanvirin mito. ⁸ Ezi dimagarir arizimin a ragha iza amizimin garima an an suanvirin irighav iti. Ezi a bar aguaghfa.

⁹ Egha azara, "Ni tina?"

Ezi Rut ghaze, "Ki Rut nin ingangarir amizim. Ni en ikizimin aven itir akurvazir gumazim. Kamaghin amizi, ni deravira nan gan na damu."*

¹⁰ Ezi Boas a migia ghaze, "Nan guivim, Ikiavira Itir God deravira ni damu. Apangkuvir arazir ni datirighin amir kam, an arazir ni fomira Naomi gamizim gafira. Gumazir igiar aviriba iti, marazi biziba iti, ezi marazi biziba puvati. Ezi ni gumazir igiatamin ikiasa nighnizir puvati. ¹¹ Nan guivim atiatingan marki. Nguibamin aven itir darazi bar ni gifo, ni amizir bar aghuim. Ni mikemezir biziba ki bar dar amuam. ¹² Ni guizbangira migei, ki nin pamin ikizimra, egh deravira ni damuamin ingangarim iti. Ezi kirara puvati, gumazir mam uaghan nan faragha ghuva iti, a ingangarir kabar amuam. ¹³ Ni datirighin kagh iki mangi, gurum mizarakan. Ki mangi gumazir kam inigh an nighnizim gifogham. A nin gansi ifuegham, a dera. Egh an aghuagham a uaghan dera, ki nin ganam. Ki guizbangira migei, Ikiavira Itir God bizar kam gifo. Ni ua mitogh daku mangiti aminim tiragh."

¹⁴ Egha Boas ghaze, "Ngbuibamin gumazimiziba foghan marki, ni danganir kaminize."

Ezi Rut Boasin suanvirin irighav ikia ghuu aminin bar itima a dikafi. Ezi gumazitam an ganizir puvati. ¹⁵ Ezi Boas Rut migei, "Nir dipizimin itim firigh egh mitarimin min an suiragh." Ezi Rut a mikemezi moghin ami. Ezi Boas balin oviziba an inim gingize, dar osimtizim 20 kilon tu. Ezi Boas Rutin akuraghda isa a gatizi, Rut ada inigha zui. Egha Boas uamategha nguibamin ghu.

Rut bizir otivizibar gun Naomi mikeme

¹⁶ Ezi Rut ghua dipenimin otozi an asamim an azara, "Nan guivim kar nirara?" Ezi Rut Boas a gamizir bizibar gun uan asamim mikeme.

2:20: Ofa Gami 25:25 * **3:9:** Rut Boas azangsizir akamin mingarim kamakin, uabin gan egh uabin akurvaghosa. Israelin arazim me amizir odiaribar akurvashi. **3:12:** Rut 2:20

¹⁷ Egha Rut ghaze, "Boas kamaghin migia ghaze, ki pura izi ni bativan an aghua. Kamaghin a ni bagha balin ovizir aviriba na ganingi."

¹⁸ Ezi Naomi ghaze, "Nan asamim, ni tong orarkegh, Boas pura daperagh ikeghan kogham. A bizir kam bagh ingar mangi anekirighvira avughsam. Ga pura iki ganam bizir tizimra otivam."

God Naomi deravira a gami

4

(Sapta 4)

Boas Rutin gara an akurvasi

¹ Dughiar kam Boas ghua nguibamin bizibav geir danganimin ghugha, aperaghav ikia gara iti. Egha gari Elimelekin ikizimin gumazim izi. Gumazir kam a faragha an gun Rut mikeme. Ezi Boas an diagha ghaze, "Aveghbuam, ni kagh izi daperagh." Ezi a ghuava apera. ² Egha Boas nguibamin itir gumazir aruar 10pla mikemezi me uaghan iza apiaghav iti.

³ Ezi a uan ikizir kam migei, "Ni fo, Naomi Moapin kantri ategha uamatetgha ize. Egha datirighin en ikizim Elimelek nguazir otevim anemangasa. ⁴ Ezi datirighin nan ifogrammam kamakin, ni bizir kam gifogh. Ki ni migei, ni nguazir kam givesi a givesegh. Ni datirighira en nguibamin itir gumazir aruaba ko kagh apiaghav itir gumazamizibar damazimin a givesegh. Ni aghuagh mikimti ki foka. Nirara guizbangira nan faragha ikia nguazir kam givezamin ingangarim iti, ezi ki nin gin ikia egha uaghan a givezamin ingangarim iti."

Ezi gumazir kam ghaze, "Ki a givezam."

⁵ Ezi Boas a migia ghaze, "Ni Naomin nguazim givezegh, egh uaghan Rut inigh an ikiam. A gumazir aremezimin amuir odiarim, Moapian amizim. Ni kamaghin damighti, Rut otaritam bategħi borir kam uan afeziar aremezimin nguazimin ikiti men ziam nguazir kamin ikivira ikiam."

⁶ Ezi an ikizim ghaze, "Kamaghin ki nguazir kam givezegħan kogħam. Ki uan bizibagh nighnisi. Ki biziba abigh uan boriba ko borir igharaziba sara daningan aghua. Ni a givesegħ ki aghua."

⁷ Bar fomira Israelia arazir mam iti. Ikkiziminaven me uarira uan nguaziba aniga dagħ iveza kamaghin ami. Gu-mazir mam uan dagħarir asuam suegħa mav ganidi. Israelia arazir kam gamua egha uan akaba akiri. ⁸ Ezi gumazir kam Boas migia ghaze, "Ni uabi nguazir kam givesegħ." Egha uan dagħarir asuam suegħa a ganingi.

⁹ Ezi Boas kamaghin gumazir aruaba ko maraziv già ghaze, "Datirighin ia

bar uan damazibar ganigha fo, Naomi faragħha Elimelek, Killion ko Malonin bizibar suira, ezi datirighin ki Naomin dafarimin bar adagh ivese. ¹⁰ Egh uaghan ki Rut inigh an ikiam, a nan amuim a Moapian amizim. A faragħha Malonin ikezzi Malon areme. Eġi Malonin nguazir asizim an adarazir dafarimin ikiam. Eġi aremezir gumazim, an nguibamin iti darazi an ziam ginighnighvira ikiam. Ezi datirighin ia uan damazibar bizir ki amizir kamin ganigha a għid."

¹¹ Ezi gumazir aruaba ko, me ko itir gumaziba ghaze, "Guizbangira e oreġha uan damazibar gani. E kamaghin Ikiavira Itir Godin azangsigha ghaze, 'God amizir nin dipenimin izamin kam deragh a damu, egh a damighti a Lea ko Reselin min borir aviriba batam. E fo, aning borir aviriba batezi Israelin itir adarazir dibobonim għuavanab. Eġi ni ubi Fratran adarazir aven gumazir ekiamin min otogh, Betlehemin nguibamin aven ziar ekiam iniam. ¹² Ikiavira Itir God borir aviriba gua daningam. Egh Ikiavira Itir God nin adarazir amighti me Peresin adarazir min bar avirasemmegħam, Peres a Juda ko Tamarin otarim."

Rut Naomin igavtararim bate

¹³ Ezi Boas Rut inigha an iti. Ezi Ikiavira Itir God deragħa Rut gamizi, a navim asegha otarim bate. ¹⁴ Ezi amiziba kamaghin Naomi migei, "E Ikiavira Itir Godin ziam fe! A igavtararim ni ganingi. Eġi igavtarar kam, a nin ikizimin aven akurvazir gumazimin iki, egh nin gan deraghvira ni damuam. A Israelin adarazir aven ziar ekiam iniam. ¹⁵ Nin asamim bar ni gifongezi, ni uaghan bar a gifonge. Nin asamim bar ni gifongezi mogħin, nin otarir 7pla ni gifuegħan kogħam. Kamaghin amizi otarir kam, a nin akurvagh mangi ni ġurihgħamin dugħiam a nin ganam."

¹⁶ Ezi Naomi otarim gifuegħa uan apozim għażżeha deraviram a gami. ¹⁷ Ezi nguibar kamin amiziba ghaze, "Naomi datirighin otarim iti."

Egha me borim ziam, "Obet," a gati. Ezi gin Obet Jesin afeziżmin oto, ezi Jesi Devitin afeziżmin oto.

Atrivim Devitin inazir afeziuba

¹⁸ Kar Peresin adarazir ghua Devitin tu, men ziabar kara: Peres a Hesroniñ afeziżam.

¹⁹ Ezi Hesron a Ramin afeziżam, ezi Ram a Aminadapin afeziżam. ²⁰ Ezi Aminadap a Nasoniñ afeziżam, ezi Nason a Salmoniñ afeziżam.

²¹ Ezi Salmon a Boasin afeziżam, ezi Boas a Obetin afeziżam. ²² Ezi Obet a Jesin afeziżam, ezi Jesin a Devitin afeziżam.

Godin Akam Inigha Izir Gumazim Samuel, An Akinafarir Faragh

Zuim O

1 Samuel Akar faragha zuim

Akinafarir kam, a gumazir dapaniba givazir dughamian otivizir biziba ko, Israelia uari atrivimin itir dughamian faraghavira otozir bizibagh eghari. Akinafarir kamin danganir aviriba, gumazir 3pla gehgari. Samuel uabi Israelien gumazir dapanir abuananamin ike. Akinafarir kam uaghan Atrivim Sol gehgari, a Israelien atrivir faraghaviram otozim. Ezi Devitin eghaghanir aviriba uaghan iti, kar, a tighar atrivimin otivamin dugham.

Akinafarir kam, eghaghanir aviriba iti, da pura eghaghanir kiniba puvati. Samuelin akinafarir faragha zuir kam, kamaghin en akaghaha, gumazim nighnizir gavgavim Godin ikiva an apengan ikiam, egh a deraghvira ikiam. Egh an an akaba baraghan kogh, a ikuvigham. E deraghvira akar kamin ganam, God a isa Eli ganangi, a 1 Samuel 2:30in aven iti. A ghaze, "Gumazir nan ziam fem, ki ziar ekiam a daningam. Gumazir na barazir puvatizim, ki bar anebiraghah."

Akinafarir kam, nighnizir pumuning kamaghin iti, Israelia atrivir tam ikiam, o puvatigham. Ikiavira Itir God a uabi guizbangira Israelien atrivim. Ezi Israelia ghaze, me uari atrivitam ikiam. Kamaghin amizi, God me bagha atrivir mam amisefe. God uabi Israelien atriviba ko gumazamiziba, bar moghira men afeziam, egha a uabi me gatifa. Atrivim ko gumazamiziba, me Godin apengan ikiamin dugham, me deraghvira ikiam. Ezi gumazamizir an akaba batoziba, me osintiziba bativam.

Eli ko Samuelin eghaghanim

(Sapta 1-7)

Elkana uan adarazi ko Silon zui

¹ Gumazir mam a iti, an ziam Elkana, an Efraimin anabamin gumazim, an Efraimin mighsiaj doziba itir nguibar ekiam Ramam iti. Elkana a Jerohamin otarim, ezi Jeroham a Elishun otarim, Elishu a Tohun otarim, ezi Tohu a Sufin otarim, ezi Suf a Efraimin anabamin gumazir mam. ² Elkana amuir pumuning iti, Hana ko Penina. Penina boriba bat, ezi Hana otir puvati.

³ Azeniba bar dar dughiar vamira, Elkana zurara uan nguibam ataghiraghla Silon nguibamin ghua, Ikiavira Itir Godin Gavgaviba Bar Itimin ziam fava ofabagh ami. Dughiar kamin, Elin otarimning Hopni ko Finias, aning Ikiavira Itir Godin ofa gamir gumazimning ikia, Silon nguibamin itir Godin Purirpenimin iti.

⁴ Elkana zurara ofabagh amir dughamian, a zurara asizim aghoregh an tuziba abigh dar akuuba isi, uan amuim Penina ko, otariba ko guiviba vaghvagh me daningam.

⁵ Egha Elkana bar Hana gifongegeha, bar an apangkuifi. A fo, God an navim apuizi, a boriba batir puvati. Arazir kam bangin, Elkana asizir tuzir ekiaba a ganidi.

⁶ Amizir kamning, aning penemning, egha dughiabar aningin mav bizibar faraghivira mangasava ami. Ezi Hanan penem a gasighasighasa a dipova ghaze, Ikiavira Itir God Hanan navim apuizi, Penina osintizim an navim daningasa, akar igharaghla gariba ko aghumsizir akabar Hana gami.

⁷ Azeniba bar Penina arazir kamra Hana gami. Me zurara Ikiavira Itir Godin Purirpenimin ghua, Penina akar igharazibar Hana dipov a mikimti, a bar pazavira uabi baragh aziom, kamaghin amizi a dagheba apir puvati. ⁸ Ezi Elkana kamaghin an azangsisi, "Hana, ni tizim bagha azi? Ni tizim bagha dagheba apir puvati? Egha tizim bagha navim zuraram osei? Guizbangira, ni boritam batezir puvati. Ezi ki fo, ni bar na gifonge, ni ti na gizin otarir 10pla bateghai, ni mighigha me ginighnighan koghai, egha ni na isa guam dafaghah."

Hana Eli ko migei

⁹ Dughiar mamin me Silon ikia amegha givagha, Hana dikavigha ghua Ikiavira Itir Godin Purirpenimin azenan an damazimin miti. Dughiar kamin ofa gamir gumazim Eli, uan dabirabim inigha Ikiavira Itir Godin Purirpenimin tiar akamin azenan, a gaperaghav iti. ¹⁰ Ezi Hana bar osemegha bar paza uabi baraghla aziava, Ikiavira Itir God ko migei. ¹¹ Egha Hana akar gavgavim Ikiavira Itir God ko anekira ghaze, "O Ikiavira Itir Godin Gavgaviba Bar Itim, ki nin ingangarir amizim, ni nan ganiva nan apangkuvasa, ki ifonge. Ni nan osintizir kamin gan na ginighnigh. Ga uaning, ni na bakinighnighan marki. Egh ni otartam na danighti, ki a isi ni daningichti a nin ingangarir gumazimini iki mangi uan ovevem batogham. Eighti bizir kamin ababanir bagh, me an dapanir arizim apiran kogham."

¹² Hana dughiar ruarimin Ikiavira Itir God ko migiavira itima, Eli aperaghav ikia

Hanan akatorimra gari. ¹³ Hana uan nighnizimin averara migei. Eli an garima, a migei moghin, akam akarava ami, egha a Hanan tiarim barazir puvati. Eli ghaze, Hana ti dipar organitam amegha ongani. ¹⁴ Egha Eli kamaghin a migei, “Ni man dughiamin dipar organiba apir arazir kam ategham? Ni dipenir kam ategh mangi. Nin onganir arazir kam givaghtima, ni ua izi.”

¹⁵ Ezi Hana kamaghin an akam ikaraghaghaze, “Gumazir ekiam, ki dipar organitam amezir puvati, bar puvati. Nan navim, osimtizim bar a itaraghha uaghirma, ki bar oseme. Egha ki uan osimtizim isa Ikiavira Itir God ganiga a ko migei. ¹⁶ Ni kamaghin na ginighnighan marki, ki amizir kram. Puvati. Ki paza ubi baraghha nan nighniziba bar ikufi. Ki arazir kam bagha Ikiavira Itir God ko migeima ni nan gari.”

¹⁷ Eli migirigiar kam baregha kamaghin a migei, “Guizbangira, ni navir amirizim inigh mangi. Eghiti Isrealian God, bizar ni an azarazim a ni daningam.”

¹⁸ Ezi Hana kamaghin Eli migei, “Gumazir ekiam, ga uaning, ki nin ingangarir amizim. Ki kamaghhsua, ni zurara navir aghuim nan iki.” A mikemegha givagha ghuava amegha, gin uam oseir puvati.

Hana otarim bategha a isa God ganingi

¹⁹ Elkana uan amuimning ko boriba, me dimagarimin Silon akuima, aminim tirazima, me mizaraghara dikavigha Ikiavira Itir Godin ziam fe. Me an ziam fegha givagha, uamategha uan dipenim bagha Raman nguibamin ghue. Ezi Elkana, uan amuim Hana koma akui. Ezi Ikiavira Itir God, Hanan azangsizim ginirigha a ikara. ²⁰ Dughiar mong otevimin gin, Hana navim asegha otarim bate. Egha ghaze, “Ki Ikiavira Itir Godin azarazima, a borir kam na ganingi. Ezi ki ziam Samuel a gati.”*

Hana Samuel isa God ganidi

²¹ Arazir kamin gin, Elkana ko an dipenimin itir adarasi, Silon nguibamin ghu, egha azeniba bar me ofa gami moghin damuasa. Egh a uaghan Ikiavira Itir God ko dikirizir akam bagh, ofa damuam. ²² Ezi Hana me ko zuir puvatigha kamaghin uan pam migei, “Borim tong ekevegh givagh otem ateghti, ki a inigh Ikiavira Itir God daningam. Eghiti a Ikiavira Itir Godin damazimin iki mamaghira ikiam.”

²³ Ezi Elkana kamaghin Hana migei, “Ni mamaghin deragh damusi, ni nguibamra iki mangiti borim otem ategham. Eghiti Ikiavira Itir God nin akar dikirizim damighti a guizbangira otogham, mati a mikemezi

mokin.” Ezi Hana nguibamin ikia deraghavira uan borim gamua a gegrhufi.

²⁴ Ezi gin borim otem ategha givazi, Hana a inigha, bizir kaba sara inigha Ikiavira Itir God bagh ofa damuasa Silon nguibamin itir Purirpenimin zui. Bizir kaba, bulmakaun apurir igiar, azenir 3pla itim ko, 10 kilogram plaua ko, beghiar me memen inimim isamigha, wainin dipam a guriza a itim. A bizir kaba inigha Ikiavira Itir Godin Purirpenimin zui. Dughiar kamin, Samuel, otarir aghirimra iti, a tighar gumazir igiamin otivam. ²⁵ Me otogha givagha, bulmakaun apurir igiar kam misuegha givagha, otarim inigha Eli bagha zui. ²⁶ Egha Hana kamaghin Eli migei, “O, nan gumazir aruam, ni na gifoghavira iti, o puvati? Ki amizir kam, faragha nin boroghin kagh tughav ikia Ikiavira Itir God ko migei. ²⁷ Ki otarir kam ubi daningasa Ikiavira Itir God ko migia an azangsisi, ezi a nan azangsizim ikara. ²⁸ Kamaghin amizi, ki a isa Ikiavira Itir God ganidi. Eghiti an ikirimirim zurar Ikiavira Itir God baghvira iki an ingangarim damuam.”

Egha me dapaniba avigha Ikiavira Itir Godin ziam fe.

2

Hana Ikiavira Itir God ko migei

¹ Egha Hana kamaghin God ko migei:

“O Ikiavira Itir God, ni na gamima, ki bar akonge.

Ikiavira Itir God, ni gavgavim ko ziar ekiam na ganingizi, ki bar akonge.

Ni nan akurazir bizim bangin, ki bar akonge.

Ni bangin ki uan apanibar ingaravati.

² O Ikiavira Itir God, tav nin min, bar zuezir puvati.

Egha godin igharazitam nin min itir pu. Bar puvati. Ni bar dagh afira.

Ni uabira, dagiar ekiamin min gavgavim ikia e moga en akurvagha e gegrhufi.

³ “E gumazamiziba, e kamaghin deragh fogham, Ikiavira Itir God bizar e amiba, a bar dagh fo, egha a en araziba tuisisi.

Ezi ia gumazamizir pura tiariba akarava aruava uan ziaba feba, ia arazir kam ategh uan akaba dukuagh.

⁴ Midorozir gumazir gavgaviba, God men barir piba apirima, me misoghamin gavgaviba puvati.

Ezi gumazir gavgaviba puvatiziba, a gavgavim me ganidi.

* **1:20:** Hibrun akamin ziar kam, “Samuel,” an mingarim mong migirigiar otevir kamin min ghu, “Azaragh.” **2:1:** Luk 1:46-55

⁵ Gumazamizir fomira dagher aviriba itiba, God datirighin me damighti me dagheba bagh ingar uan iveauzim isi moghin da iniam.

Ezi gumazamizir faragha dagheba puvatigha mitiriamra itiba, God datirighin dagher aviriba me daningti me ua ingaran kogham.

Ezi amizir otir puvatizim, God datirighin an akurazi a borir 7pla bate.

Ezi amizir borir aviriba itim, an boriba ovengezi a uabira iti.

⁶ Ikiavira Itir God gumazamizibav sozima, me ariaghiri.

Egha gumazamizir ariaghireziba, a me gamima me uam angamira iti.

God gumazamizibagh amima, me Gumazamizir Oveaghuezibar Nguibamin uaghiri.

Ezi a me gamima, me ua dikafi.

⁷ Ikiavira Itir God gumazir mabagh amizi me biziba puvati,

egha marazi gamizi, me bizir aviriba iti.

A gumazir mabagh amima, men ziaba bar iraghuegha bar vin iti.

A marazi gamizi, me ziar ekiam ikia bar pin iti.

⁸ Nguazir kamin suizir bizir gavgaviba da Ikiavira Itir Godin biziba,

a uabi bizir kabagh isin nguazimin ingari.

Kamaghin amizi, gumazamizir organarazibagh amua nguazir minemeniam gipogha a gureba, a me ghufa men akurvasi.

A me gamima, me uan kantrin gumazir ekiabar otifi,

ezzi gumazamiziba ziar ekiam me ganidi.

⁹ "Ikiavira Itir God, gumazamizir a baghvira itiba a me gehhufi.

Egha gumazamizir kuraba a me gasighasichti, me nguibar kurar mitatem itimin ovegham.

E fo, gumazir gavgavir ekiam itim, a bar uan gavgavimin ikiva avegham.

¹⁰ "Ikiavira Itir God uan apaniba bar me gasighasigham.

A uan Nguibamin ikia arariba dagarvazi moghin a me dagarvashi.

Ikiavira Itir God nguazimin mikebababar dar itir gumazamiziba, a bar me akuvagh kotiamin men araziba tuisigham.

Egha gavgavim isi uan atrivir a inabazim danigham, eghti gumazamiziba bar, men tongin, atrivir kam ziar ekiam iniam."

¹¹ Hana Ikiavira Itir God ko mikemegeha givagha, Elkana ko ua Ramon nguibamin ghu. Ezi an otarir dozim Samuel, a Silon ikia ofa gamir gumazim Elin apengan ikia, an akurvaghha Ikiavira Itir Godin ingangarim gami.

Elin otarimning arazir kuram gami

¹² Elin otarimning, Hopni ko Finias, aning gumazir bar kuramning. Aning ofa gamir gumazimning, egha aning ghaze, Ikiavira Itir God a pura bizim, egha aning arazir kurar guar avirir igharagha garibagh ami. ¹³ God fomira ghaze, gumazamiziba ofa inigh izi a damighiva, egh gin ofa gamir gumaziba bagh, asizir tuzir otevir taba iniam. Ezi dughiar kamin, gumazitam ofa damusi asizitam avigit, ingangarir gumazim fokin atarir 3pla itim inigh izam. ¹⁴ Ingangarir gumazir kam fokin pura miner averiam giniv, asizir tuzitam biraghiva, a inigh mangi ofa gamir gumazim daningam. ¹⁵ Dughiar mabar, ofa damuasava amir gumazim, a tighar asizir ovim adegh avimin a tusi damuti, ofa gamir gumazir kamningin ingangarir gumazim izi a gifariya an mikim suam, "Ia ofa gamir gumazimning Finias ko Hopni bagh asizir tuzitaba na daningigh. An avimin da tuasa, ia minemin avighizir asiziba, ana dar aghua. Kamaghin amizi, ia asizir tuzir avighizir puvatiziba a daning."

¹⁶ Eghti gumazir ofa damuamim kamaghin mikim suam, "Ni takigh, ki ofan arazimin gin mangiva asizimin oviba tuegti, ni gin asizir tuzir manam gifuegh a ini," ezi ofa gamir gumazimningin ingangarir gumazim ghaze, "Puvati. Ni datirighira na daningigh. Ni aghuaghti, ki datirighira uabi tam iniam."

¹⁷ Elin otarir kamning ghaze, Godin ofaba, da pura bizir kiniba. Egha aning arazir kurabar gumazamizir Ikiavira Itir God bagha inigha izir ofabagh ami. Aningin arazir kurar kam, Ikiavira Itir God an gari a bar kufi.

Samuel Silon iti

¹⁸ Dughiar kamin Samuel uan mugamra ikia ofa gamir gumazimin inir ghurghurir aghuim ikegha, Ikiavira Itir Godin ingangarir kam gami. ¹⁹ Azeniba vaghvaghha an amebam a bagh azenan daghuamin korotiar otevir muziariba isi. Egha amebam ko afeziam aning azenibar zurara ofa damuasa izir dughiamin, amebam korotiar otevir muziaribam isa Samuel ganidi. ²⁰ Egha an amebam ko afeziam Eli bagha zuima a deragh aning damuasava Godin azai. A kamaghin Elkana migei, "Ikiavira Itir God nin amuir kam damuti, a borir igharazitaba batam, egha me otarir ni Ikiavira Itir God ganingizimin danganim

iniam.” Eli aning mikemeghti, aning uamategh uan nguibamin mangam. ²¹ Ezi Ikiavira Itir God deragha Hana gamizi a borir kabar naviba adava da bate. An otarir 3pla ko guivir pumuning bate. Ezi Samuel Ikiavira Itir Godin damazimin ikia an ingan garim gamua nimira aghui.

Elin otarimning orazir puvati

²² Dughiar kamin Eli bar ghurizima, dughiar aviribar, an otarimning amir arazir kurar aviriba, a da barasi. A uaghan kamaghin orasi, aning uaghan God bativamin Purirpenimin tiar akamin ingarir amiziba, koma akui. ²³ Kamaghin amizi a aning migei, “Gua tizim bagha arazir kurar kabagh ami? Gumazamiziba bar iza guan arazibar gun na migei. ²⁴ Gua nan otarimning, gua arazir kam atakigh. Ikiavira Itir Godin gumazamiziba tintinibar guan arazir kabagh eghari, kar arazir bar kuram. ²⁵ Gumazitam arazir kuratam gumazir igharazir tam datighti, tav a bagh an abuir gumazimin min iki Godin azangsichti, God bizir kam gin amadaghram. Eghti tav arazir kuratam Ikiavira Itir God datighti, tina an abuir gumazimin iki an akuraghram?” Dughiar kamin, Ikiavira Itir God aningin arazir kuraba bangin aning misueghti aning aremeghsa nighnigha gifa. Ezi Eli kamaghin aning mikemezi, God aningin dapanimining gamizima, aning gavgavigha uan afeziamin akaba barazir puvati.

²⁶ Dughiar kamin Samuel mong uan mugamra itima, Ikiavira Itir God, ko gumazamiziba, bar a gifonge, ezi men ifongiar kam pamtemin dikafi.

Godin akam inigha izir gumazim, akar mamin gun Eli migei

²⁷ Ezi Godin akam inigha izir gumazim gin ghua kamaghin Eli migei, “Ikiavira Itir Godin akam kamaghin iti, ‘Fomira, nin inazir afeziam Aron, uan adarazi ko Isipian atrivimin ingangarir gumazir kinibar itima, ki iza me batogha uan ifongiamin gun me mikeme. ²⁸ Egha ki Israeli anababar tongin Aronin adarazi amisefe, me nan ofan ingangarir gumazibar otivasa ki me amisefe. Me ofa damuamin dakozimin ingar, egh pauran mughuriar aghuim amadim tu, egh me nan boroghin izisi ofa gamir gumazibar dapanimin korotiar otevir azenan azuim inigh izi. Ki uaghan me migia ghaze, Israeli ofa damuasa tuezir asizir naba me dar ami. ²⁹ Kamaghin amizi, ia tizim bagha Israeli zurara ofa damuasa ki me mikemezir bizibar ikura? Nin otarimning, gumazamiziba na bagha inigha izir ofan asizir oviba itir aghuibara

amasava da isi, aning da apava mikarziba saram aghungi. Arazir kamin ni aningin ziam fegha nan ziam abira. Manmaghin amizi, ni arazir kurar kam gami?”

³⁰ “Ki Ikiavira Itir God, Israeli God, ki akar kam aghurigha ia migei: Ki fomira ian inazir afeziam Aron uan adarazi ko ki me mikeme, me zurara nan ofa gamir gumazibar min ingaram. Ezi datirighin ki migirigiar kam giraghram. Ki kamaghin mikimam, gumazir nan ziam fem, ki ziar ekiam a daningam. Eghti gumazir na barazir puvatizim, ki bar anebiraghram.

³¹ “Ni deragh oragh, ki gin nin gavgaviba ko nin inazir afeziabar ikizimin gavgaviba, ki me atugh me abinigh me gasighasigham, mati gumazim gumazir igharazimin agharim atuzir moghin ki me atugham. Eghti nin ikizimin aven gumazitam iki mangi ghurighan kogham. ³² Kamaghin, ia zurara iki ganti, ki bizir aghuiba isi Israeli igharaz darazi daningam, ia tam inighan kogham. Zurara zurara, nin adarazir gumazitam gin bar ghurighan kogham. Bar puvati. ³³ Eghti gin, apaniba izi nin adarazir gumazamiziba bar me misogham, mati gumazim sabamin me atuzi moghin, me gumazamizir kinibar min arighiregham. Eghti gumazir vamira ikiva ofa gamir gumazimin ingangarim damuam. Bizir kaba an nighnizim gasighasichti, an navim bar osemegehti, temeriba an damaziba aghuigit, da okavigham.

³⁴ “Gin nin otarimning, Hopni ko Finias, aning dughiar vamiran uaghara aremegham. Aning aremeghti ni fogham, nan migirigiar kaba da bar guizbangira. ³⁵ Egh ki ua bagh ofa gamir gumazitam amiseveghti, a navim nan ikiva, ingangarir ki ifongezibara damuam. Egh ki an ikizim damuti, me zurara nan ofabar amuamin adarazir otivam, egh me ki misevezir atrivim bagh ingaram. ³⁶ Eghti nin ikizimin gumazitaba ikivira ikiva, me ofa gamir gumazir kam bagh mangiva dagheba ko silvan dagiaba bagh an azangsigham. Egh me kamaghin ofa gamir gumazimin azangam, ‘Ni en amamangatightima, e ofa gamir gumazimin ingangarir tabara amigh, egh e dagher muzierir taba iniam.’”

3

Ikiavira Itir God Samuel migei

¹ Ezi otarir igiam Samuel, a Elin apengan ikia, Ikiavira Itir Godin ingangarim gami. Azenir aviriba ghuezima, Ikiavira Itir God migirigiar aviriba Israelia ganingizir puvati. Dughiar vabara a irebamin min garir bizibar even a me migei.

² Dughiar kamin Elin damaziba an ikufi, egha kiran oveghangin da bar okavigham. Dimagarir mamin a uan akuir danganimin akui. ³ Ezi Samuel Godin Purirpenimin ikia, Godin Akar Dikirizir Gavgavimin Boksiam itir danganim gakui. Dughiar kamin Godin Dipenimin itir lam a isiavira itima, ⁴ Ikiavira Itir God Samuelin dei.

Ezi Samuel ghaze, "Ai, ki kati."

⁵ Egha a dikavigha ivegha ghua Eli migia ghaze, "Ki ni barazima ni nan dia, ezi ki izi."

Ezi Eli kamaghin a ikaragha ghaze, "Ki nin diazir puvati. Ni ua mangi uan misiamin daku." Ezi Samuel uamategha ghuav akui.

⁶ Egha gin Ikiavira Itir God uam an dia, ezi Samuel ua dikavigha ghua Eli migia ghaze, "Ni nan diazi, ki izi."

Ezi Eli ghaze, "Nan otarim, ki nin diazir puvati. Ni ua mangi uan misiamin daku."

⁷ Dughiar kamin Ikiavira Itir God tighar uan akaba isi Samuelin akagh a ko mikimam, kamaghin amizi, Samuel deraghavira God gifozir puvati.

⁸ Ezi Ikiavira Itir God namba 3 dughiamin ua Samuelin dia, ezi Samuel dikavigha ghua Eli migia ghaze, "Ni nan diazi, ki izi."

Ezi Eli datirighin fo, Ikiavira Itir Godra Samuelin dei. ⁹ Kamaghin amizi, Eli a migei, "Ni uamategh mangi uan misiamin daku, eghiti a ua nin diaghil, ni kamaghin mikim suam, 'Ikiavira Itir God, ni na mikim, ki nin ingangarir gumazim, ki kuarim atigha ni barasi.'" Ezi Samuel Elin akam baregha uamategha uan misiamin ghugha akui.

¹⁰ Ezi Ikiavira Itir God, ua iza tugha faraghia Samuelin diazi moghin, uam an dia ghaze, "Samuel, Samuel."

Ezi Samuel ghaze, "Ni na mikim. Ki nin ingangarir gumazim, ki orasi."

¹¹ Ezi Ikiavira Itir God kamaghin a migei, "Ni deraghvira oragh. Ki kiran oveghangin, biziitam Israelian tongin a damigham. Eighti me bizir kamin migirigiam baregh, me digavir kuram damigham. ¹² Ki faragha Elin mikemezi moghin, ki datirighin, bizir kurabar me damuam. ¹³ Ki migirigiar mam an iti. An otarimning akar kurabar nan ziam gasighasiki, kamaghin amizi, ki an adarazi pazivira me damuva me kuavaremeham. Ezi Eli ubi fo, aning arazir kuram gami, ezi a aningin anogoroghezir puvati. ¹⁴ Kamaghin amizi ki pamtemin Elin adaraziv gha ghaze, ofan tam men arazir kuram agivaghan kogham. Bar puvati."

¹⁵ Ezi Samuel akar kam baregha uan misiamin akua ghua aminim tira. Egha a ghua Ikiavira Itir Godin Purirpenimin tiar akam kui. Egha Samuel uan irebamin min garir bizimin gun, Elin mikiman atiatingi.

¹⁶ Ezi Eli kamaghin Samuelin dei, "Samuel, nan otarim, ni izi."

Ezi Samuel a ikaragha ghaze, "Are, ki izi."

¹⁷ Ezi Eli an azara, "God manmaghira ni migei? Ni akatam nan mongan marki. Ni akatabar ghuaraghti, ki God ko mikimi, a bar pazivira ni damigham."

¹⁸ Kamaghin amizi, Samuel Ikiavira Itir Godin akaba bar dar gun a mikeme, egha biziitam an ghuarazir pu. Bar puvati. Ezi Eli oregha kamaghin migei, "A ubi Ikiavira Itir God, a bizir tizim damuasa ifonge ana damu."

¹⁹ Ezi Ikiavira Itir God, Samuel ko itima a gumazir aruamin oto. Egha Samuel migeir biziba bar, Ikiavira Itir God adagh amizi da guizbangira otifi.

²⁰ Kamaghin amizi, Israelin nguazimin aven itir nguibaba bar, notin amadaghan itir Danin anabamin nguibam ikegha bar ghua sautin amadaghan Berseban nguibamin oto, dar gumazamiziba kamaghin fo, Ikiavira Itir God guizbangira ua bagha akam inigha izir gumazimin ingangarin damuasa Samuel amisefe. ²¹ Egha Ikiavira Itir God, zurara Silon nguibamin Samuel batativa uan akaba isa a ganidi.

4

Filiistiaba, Godin Akar Dikirizir Gavgavimin Boksiam ini

¹ Ezi Samuel Ikiavira Itir Godin akaba bar dar gun Israelia migeima, me kuarim arigha deraghavira an migirigia barasi.

Dughiar kamin, Israelia dikavigha Filiistiaba ko uariv soghasa ghua, Ebeneserin nguibamin boroghin averpenibar ingarigha dar iti. Ezi Filiistiaba, me Afekin nguibamin boroghin uari bagha averpenibar ingarigha dar iti. ² Egha Filiistiaba uan midorozir gumaziba afegha, Israelia ko midorozim fore. Midorozir bar ekiam otozi, Filiistiaba Israelia abiniga men 4,000plan gumazibav misoghezima me ariaghire.

³ Ezi Israelian midorozir gumaziba uamategha uan averpenibar ghuezi, men gumazir dapaniba kamaghin migei, "Tizim bagha Ikiavira Itir God Filiistiaba ataghizi, me midorozimin e abini? Aria, e gumazitaba amadaghti me Silon mangi Ikiavira Itir Godin Akar Dikirizir Gavgavir Boksiam inigh izi. Egh e midorozim bagh mangisi Boksiar kam sara mangiti, Ikiavira Itir God e ko mangiva en akuraghti, en apaniba e abinan kogham."

⁴ Gumazir dapaniba mikemegha givazi, midorozir gumaziba, gumazir maba amadazima me Silon ghugha Ikiavira Itir Godin Akar Dikirizir Gavgavimin Boksiam

ini. Boksiar kam gisin, enselin bar gavgavir pumuningin nedazimning an iti, ezi a mati Ikiavira Itir Godin Gavgaviba Bar Itimin atrivir dabirabim. Boksiam inigha izir dughiamin, Elin otarimning Hopni ko Finias, aning uaghan gumazir kabar akuragha Boksiamin akua izi.

⁵ Me ghua averpenibar otozi, Israelia, Ikiavira Itir Godin Akar Dikirizir Gavgavimin Boksiamin ganigha bar akongegha pamtemin diava arai, ezi niginir bar ekiam oto. ⁶ Filistiaba orazima Israelia pamten diava araima, me kamaghin migei, "Ia Hibruijan averpeniba iti naghin dimdiar munam baragh. Me tizim bagha kamaghin pamtemin diava arai?" Egha gin Filistiaba kamaghin migirigiam baraki, Ikiavira Itir Godin Boksiam, a men apanibar averpenimin izegha gifa. ⁷ Egha me atiatigha kamaghin migei, "Israeliyan aser maba, men averpenibar aven izegha gifa. Maia, e datirighin kuram iniam. Fomira en apaniba kamaghin garir arazir tamin e gamizir puvati. ⁸ Mai! E datirighin bar tegham. Tina en akuraghti aser gavgavir kaba e gasighasighan kogham? Aser kabara, bizar guar avirir kuraba Isipin kantrin gumazamiziba da amadazima, me gumazamiziba puvatizir danganimin ariaghire. ⁹ Ezi marki. E tuivigh gavgavigh guizin gumazibar min misogham. Puvatightima, e Hibrubar ingangarir gumazir kinibar otivigham, mati me fomira en ingangarir gumazibar ike. Arazir kam bagh e pamtemin misogham."

¹⁰ Kamaghin amizi, Filistiaba bar pamtemin misoghava Israelia abinizi, Israelia ara uamategha uan nguibabar ghue. Dughiar kamin Filistiaba, 30,000plan midorozir gumazibav soghezi me ariaghire. ¹¹ Ezi Elin otarimning me uaghan aning misoghezi, aning areme. Egha me Ikiavira Itir Godin Boksiam ini.

Elin ovevem

¹² Ezi Benjaminin anabamin adarazir midorozir gumazir mam, midorozir danganim ategha dughiar kamra ivegha Silon ghu. A midorozimin otozir bizibagh nighigha bar oseme, egha uan korotiam abigha nguazim uan dapanim gaghui. ¹³ Ezi Eli Silon nguibamin tuavimin miriamin uan dabirabim gaperaghav iti. A pamtemin Ikiavira Itir Godin Boksiam ginighigha gara iti. Ezi midorozir gumazir kam, midorozir otozimin arazimin gun gumazamizibagh eghanasa, Silo nguibamin aven izi. Ezi gumazamiziba oregha bar osemegha, pamtemin diava arai. ¹⁴⁻¹⁵ Dughiar kamin Eli 98plan azeniba

ikiava an damazimning bar an okafi. Eli gumazamizibar ararer niginim baregha men azara, "Ia tizim bagha niginir kam gami?"

Ezi midorozir gumazir kam ivegha ghua kamaghin Eli migei, ¹⁶ "Dughiar kamra ki midorozim dananim ategha ara izi."

Ezi Eli an azara, "Nan otarim, manmaghin ami?"

¹⁷ Ezi gumazim kamaghin a geghari, "Filistiaba gavgavigha en midorozir gumazir aviribav misoghezima me ariaghire. Kamaghin amizi, e men ari. Me uaghan nin otarimning, Hopni ko Finias misoghezi aning areme. Egha me uaghan Ikiavira Itir Godin Boksiam ini."

¹⁸ Eli Godin Boksiamin migirigiam baregha, Ikiavira Itir Godin Purirpenimin tiar akamin uan dabirabimin akiriba moghin iri. A namnam sara aghungizir gumazim egha uaghan bar ghuri, kamaghin amizi a ira uan guriragharam apirigha maghirama areme. A 40plan azenibar Israeliyan gumazir dapanimin ike.

Finiasin amuim areme

¹⁹ Dughiar kamin Elin asamir guivism, Finiasin amuim a navim adai, ezi an otamin dughiam roghira ize. A migirigar kam baraki, Filistiaba Ikiavira Itir Godin Boksiam ini, ezi an ivozir afeziham ko an pam, aning uaghan areme. Ezi borim batamin mizazim otozi, a uan pam ko ivozir afeziham aremezir bizar kamning ginighigha, bar mizazir ekiam isa zuamira borim bate. Mizazir kaba bar moghira a gamima a bar aremeghasava ami. ²⁰ Ezi amizir an gara itiba, me kamaghin a migei, "Ni atiatingan marki. Ni oragh, ni otarim bategha gifa." Ezi borir kamin amebam tong men akatam paraghizir puvatigha men akatam ikarazir puvati.

²¹ An aremeghasa amua ghaze, "E Israelia, Ikiavira Itir Godin angazangarim ko gavgavim e ataki." Kamaghin amizi, a ziam, Ikabot borim gati. Dughiar kamin, a uan pam ko uan ivozir afeziham ovevem, ko Godin Boksiar apaniba inigha ghuzim ginighnisi.*

²² Egha bizar kam bangin, a kamaghin migei, "Apaniba Godin Boksiam inigha ghu, kamaghin amizi, Godin angazangarim ko gavgavim Israelia ataki." An abuan kamaghin mikemegha givagha, an areme.

5

Ikiavira Itir Godin Boksiam Filistian kantrin iti

¹ Filistiaba Godin Boksiam inigha dikavigha, Ebeneserin nguibam ategha

* **4:21:** Hibrun akamin ziar kam, "Ikabot," an mingarim, migirigar kamin min ghu, "Godin gavgavim itir puvati."

Asdotin nguibar ekiamin ghu. ² Me otivigha givagha Godin Boksiām inigha, me uan asem Dagonin ziam fer dipenimin aven ghu. Egha Dagonin marvir guar dagiamin ingarizimin boroghin aneti. ³ Egha amimzaraghan bar mizaraghara, Asdotin gumazamiziba osegha dikavigha garima, Dagonin marvir guam Ikiavira Itir Godin Boksiāmin boroghin ira fuagħa guam nguazim misoke. Kamaghin amizi, me Dagon inigha uam an danganimin anesara. ⁴ Me uam akuigha mizaraghara ua ghua Dagonin dipenimin aven ghua garima, marvir guar kam ua Ikiavira Itir Godin Boksiāmin borogħin iri. Ezi Dagonin dapanim ko agharimming dipiriaghriġha tiar akamin borogħin iriġħav iti. Ezi an namnamra deraghvira iti. ⁵ Dugħiar kamin ikegħa iza datirighin, bixi mingarir kam bangin, men ofa gamir gumazib ko gumazir Dagonin ziam feba, me uan Dagonin ziam fer dipenimin tiar akamin aven mangasa, an dapanim ko agharimming iriġħav ikezir danganim dikka zuir puvati, me a ikiavkirkagh arui.

⁶ Godin Boksiām Asdotin itir dugħiāmin, Ikiavira Itir God Asdotin itir gumazamiziba ko an borogħin itir darasi, a mizazim me gasa, me gamima me bar atiatiing. Egha okar kurabagh amima da men mikarzibar otifi. ⁷ Asdotin itir gumazamiziba osimtizir kabar ganigha kamaghin migei, “Israeliān God, mizazim isa en asem Dagon ko e ganidi. Kamaghin amizi, e Boksiār kam ategħti a ua en nguibamin ikiän kogħam.”

⁸ Egha me Filistiabar gumazir dapaniba bagħha akam amadazi, me iza uari akufa. Me uari akuvazi, Asdot kamaghin gumazamizibar azai, “E Israeliān Godin Boksiām manmagħin a damuam?”

Ezi gumazir dapaniba kamaghin migei, “Gumazitab a inigh Getin nguibar ekiamin mangi.” Ezi me a sisagħpugħa Getin għu, a Filistiabar nguibar ekiar īgharazir mam.

⁹ Ezi me Boksiāmin akua Getin għu, Ikiavira Itir God uaghan nguibar ekiar kamin itir gumazamiziba mizazim me gasima, me puvirama atiati. Egha okar kuraba gumazamiziba ganiga bar me gasiġħasiki. ¹⁰ Kamaghin amizi, Getia Godin Boksiām isa Filistiān nguibar ekiar īgharazim Ekroni anemada.

Boksiām otogħha givazi, Ekronba pamtemin dia ghaze, “Ame, e bar ovengħasa, me Israeliān Godin Boksiām inigha kaghize.”

¹¹ Egha me Filistiabar gumazir dapanibar diazi me izez, me kamaghin me migei, “E uari, ia Israeliān Godin Boksiām amadagtima, a ua uan danganimra mangi. A e ko en adaraziv sogħti e arīghiregħan kogħam.” Dugħiar kamin,

God Mizazim me gasima, men avirim ariaghire. Kamaghin amizima, me bar mogħira puvira atiati. ¹² Ezi okar kurabha gumazamizibar mikarzibar otivima, men marazi ariaghireżi, marazi ariaghireżi puvati. Egha me uarir akurvaghha Godin deima men dimdiar ararem ghua Godin Nguibamin oto.

6

Filistiaba ua Godin Boksiām amadazi a Israelin għu

¹ Ikiavira Itir Godin Boksiām 7plan iakinibar Filistiān nguazim minn ike, ² ezi Filistiaba, uan ofa gamir gumazib koukun ġumazibar diazi me izima, me kamaghin men azai, “E manmagħin Ikiavira Itir Godin Boksiām damuam? E uam an danganimin anemangisi, e manmagħira anemangam?”

³ Ezi ofa gamir gumazib koukun ġumazib ka magħiġi me ikaraghha ghaze, “Ia uamategħ Israeliān Godin Boksiām amangasa a? A dera, Egh ia pura anemgħan kogħam. Ia uan okar kurabha agħiex, ia osimtizibha agħiex ofabha amadagh. Ia kamaghin damighti, ian arimariabha ua deragħam, eġi tħalli ja fogħ suam, e amizir osimtizir kam bangin, God pazavira e għami.”

⁴⁻⁵ Ezi gumazamiziba kamaghin migei, “E osimtizibha agħiex ofan manmagħin garim God daningam?”

Ezi ofa gamir gumazib koukun ġumazib ka magħiġi me ikaraghha ghaze, “E 5plan Filistiān gumazir dapaniba iti. E fo, en ġumazir dapanir 5pla ko en gumazamizibar bar mogħira arimariar ekiar kam iti. Kamaghin amizi, ia għol taba inigh 5plan okar ia bativizibar nedazib, ko 5plan kuarzir en nguazim gasiġħasibar nedazibar īn garigh, Godin Boksiām sara da madagh. Egh ia Israeliān Godin apengħan iki. Ia kamaghin damuti, a tiegħi nguazim ko aseba ko ia sara uam osimtizir tam e daningan kogħam. ⁶ Ia ti Isipian atrivim ko an gumazamizibha fomira God baraghixiż puvatizzi mogħin damuam, o markiā. God bixi kurabha me ganiga me gamima, me onganigha Israeliān ataghixi, me Isipin kantri ategħha ghue. Ia araxiż kam ginighnighi, akirrim ragħ God gasan marki.

⁷ Ia oragh. Ia karisin igħiata minn īn garigh, egh bulmakaun amebar tighar ingangaritam damuam minn pumuning inigh, karisin kam gikhegħ. Aningin nguziżimming tighar temt ataghixi. Egh ħażżeq bulmakaun kamminn ġiżiż minn īn garigh. Egh ħażżeq bulmakaun divażi minn mangi aning atiġi. ⁸ Egh Ikiavira Itir Godin Boksiām inigh karis għis inet. Egh ħażżeq osimtizibha agħiex ofan min, għol-

ingarizir okaba ko kuarziba, da isi boksiar dozir tam darugh, egh a isi karis gisin Godin Boksiam boroghin dar atigh. Egh bulmakaun amebar kamning ateghti, aning uaning karis geku mangi.⁹ Egh ia bar deraghvira gan, karis managhira mangam? A Boksiam izezir kantri Betsemesin nguibar ekiamin mangiti, ia deraghvira fogh suam Israelien God bizir kurar kam e bagha anemada. Karis an mangan koghti ia fogh suam, God osimtizir ekiar kam e bagha anemadazir puvati. Osimtizir kam ti puram oto.”

¹⁰ Ezi gumazamiziba migirigiar kam baregha an gin zui. Egha me bulmakaun amebar pumuning inigha karis gike. Egha bulmakauningin nguzimning inigha, bulmakaun divazimin aven aning ati. ¹¹ Egha me Ikiavira Itir Godin Boksiam ko, boksiar dozir okaba ko kuarzibar nedaziba aven itim, aning isa karis gisin aning ati. ¹² Me aning atigha givazi, bulmakauning biaghatigha Betsemesin nguibar ekiamin zuir tuavimin zui. Aning tuavir kam ataghizir pu. Bar puvati. Aning diav arava an zui, ezi 5plan Filistian gumazir dapaniba, karisin gin ghua Betsemesin mitaghniamin tu.

Godin Boksiam, Betsemes ko Kiriak Jearimin iti

¹³ Ezi Betsemesin gumazamiziba dananir zarir mamin azenibar ikia, witba aghora iti. Egha me kogha tuavimin gara, Godin Boksiamin apigha me bar akonge. ¹⁴⁻¹⁵ Ezi bulmakauning, karis kurugha ghua, Betsemesin gumazir mam Josua, an azenimin otogha, azenimin aven dagiar ekiar mamin miriamin tughav iti. Ezi Livaiba iza Ikiavira Itir Godin Boksiam ko boksiar me golin ingarizir nedaziba itim isa, dagiar ekiar kam gisin da ariki. Ezi gumazamiziba karisin ter araribar dazibar kuegha, bulmakaun amebamning misuegha, Ikiavira Itir God bagha ofa gami, mati ofan bar isia mighirizim. Dughiar kamra Betsemesia uaghan, Ikiavira Itir God bagha ofan ighazarir mabagh ami. ¹⁶ Filistiabar 5plan gumazir dapaniba gari, Israelia bizar kabagh anima, me dughiar kamra uamategha Ekronin ghue.

¹⁷ Ikiavira Itir God Filistiabar osimtizibba agivasa, me osimtizibba agivamin ofan min, 5plan golin okar nedaziba amada. Da vaghvaghena men nguibar ekiabar ababaniba, dar ziabar kara: Asdot, Gasa, Askelon, Get ko Ekron. ¹⁸ Me kuarzibar nedaziba amada, da vaghvaghena men nguibar ekiar divazir

gavgaviba itibar ababanim gami. Egha uaghan Filistian gumazir dapaniba garir nguibar dozibar ababanim gami. Ezi dagiar ekiar me Ikiavira Itir Godin Boksiam atizim, a Betsemesin gumazim Josuan azenimin aven ikia kamaghira iti. Dagiar kam, a bizar danganir kamin otozim ababanim gami.*

¹⁹ Ezi Betsemesin gumazir 70pla Ikiavira Itir Godin Boksiamin averiamin gani. Kamaghin amizi God me misoghezi, me bar ariaghire. Ezi nguibar ekiar kamin itir 50,000in gumazamiziba ghaze, Ikiavira Itir God me gasighasiki. Egha me bar pamtemin azi.† ²⁰ Egha Betsemesin itir gumazamiziba kamaghin migei, “Ikiavira Itir God, a Godin bar zuezim, tinara an damazimin mitigham? Bar puvatigham. A en atartima, en tav bar deragh ikeghan kogham. Kamaghin amizi, e Godin Boksiar kam amadaghti, a igharagh mangam. E managhira anemangam?”

²¹ Egha me Kiriak Jearimin nguibar ekiamin itir gumazamizibav mikimasa gumaziba amadazima, me ghua kamaghin me migei, “Filistiaba Ikiavira Itir Godin Boksiam uam an akua en nguibamin ize. E kamaghhsua ia iziva a inigh.”

7

¹ Ezi Kiriak Jearimin gumazamiziba iza Ikiavira Itir Godin Boksiam inigha ghua, mighsiar muziarimin pin, gumazim Abinadapin dipenimin aneti. Egha me an otarim Eleasar Boksiamin ganasa anemisefe.

Samuel kantri Israel gatifa

² Ezi Ikiavira Itir Godin Boksiam, 20plan azenibar Kiriak Jearimin ikezima, Israelia uarir akurvaghosa Ikiavira Itir Godin diava azi, egha a baghavira iti. ³Ezi Samuel gin kamaghin Israelia migei, “la guizbangira navibagh iragh ua Ikiavira Itir God bagh ua izisi, ia ikizir ighazaribar aseba ko aser amizim Astarten nedazim batokegh. Egh ia Ikiavira Itir God bar an apengan ikiva, a baghiva teviba apir. Eghia a ian akuragh Filistiaba batuegħi me ua ia gativaghan kogham.” ⁴ Israelia Samuelin akam baregha, aser Balba, ko aser amizim Astarten nedaziba batuegha, Ikiavira Itir God ziamra fe.

⁵ Egha Samuel gin Israelia bagha akam amaga ghaze, “la iziva Mispan nguibar ekiamin uari akuvagħi, Ikiavira Itir God ian akurvagħsi, ki a ko mikimam.” ⁶ Ezi gumazamiziba bar iza Mispan uari akufa. Me mozir dipamin, Ikiavira Itir God bagha ofan

* **6:18:** Hibrun akam deragħa migirigiar kamin mingarim abighiżżej puvati. Ezi me fomira Hibrun akam Grilkin akam in għira, ezi migirigiar kam “dagħiġi,” Grilkin akam in ġu. † **6:19:** Hibrun akam deragħa migirigiar kamin mingarim abighiżżej puvati. **7:1:** 2 Samuel 6:2-4; 1 Eghħagħaniba 13:5-7

min, an dipam tuava nguazim ginge. Egha dagheba tagha ikia ghua aruem iraghu.

Egha me kamaghin Ikiavira Itir God migei, "E nin damazimin arazir kuram gami." Ezi Samuel Mispan Israelian midorozir gumazir dapanimin ikia, men kotaiba baragha men migirigjaba akiri.

⁷ Ezi Filistiaba kamaghin oraki, Israelia Mispan uari akufa. Ezi men 5plan gumazir dapaniba uan midorozir gumaziba inigha Israelia misoghaha Mispan izi. Ezi Israelia orazi, Filistiaba izima me atiati. ⁸ Egha Israelia Samuel migei, "Ni pamtemin ingar Ikiavira Itir God, en God, a ko mikim. A en akuraghti Filistiaba e gasighasighan kogham. Ni a ko migeir arazim ataghiraghan marki." ⁹ Ezi Samuel sipsipin igiar mam misuegha, ofan min Ikiavira Itir God bagha a tuazi a bar isia mighiri. Egha Samuel Israelian akurvaghaha pamtemin Ikiavira Itir God ko migeima, an a baregha men akura.

¹⁰ Samuel ofan bar isia mighirim gamuvavira itima, Filistiaba midorozim forasa roghira ize. Ezi Ikiavira Itir God Filistiabagh isin, overiamin ararim gamizi, a bar pamtem dagarazi, men nighniziba onganizi me tintinibar arima, Israelia men gani. ¹¹ Egha Israelian gumaziba Mispa ategha, Filistiabar agiraghya tuavimin men avirim misozi me ariaghire, egha me ghua Betkarin nguibamin boroghin oto.

¹² Ezi Samuel gin dagiar ekiar mam inigha Mispa ko Senin nguibamningin tizimin anesara. Egha kamaghin migei, "Dagiar kam, a Ikiavira Itir Godin ababanim, a en akuraghya iza datirighin tu." Egha ziar kam a gati, "Dagiar Akurvazim." ¹³ Kamaghin amizi, God Filistiaba bar me abira, dughiar kamin, Samuel Israelian gumazir dapanimin itima, Ikiavira Itir God bizar kabagh ami. A Filistiabar tuaviba apirma me ua iza Israeliin nguazimin aven misozir puvati. ¹⁴ Fomira Filistiaba Israelian nguibar ekiamning Ekron ko Getin tizimin itir nguibaba ini, ezi datirighin me ua da isa Israeli ganingi. Filistiaba ua Israelian nguazir otevitam gativazir puvati. Israeli uaghan ua Amoria ko uariv sozir puvatigha, uari inigha deraviram apia.

¹⁵ Ezi Samuel Israelian gumazir dapanimin ikia ghuava areme. ¹⁶ Azeniba bar Samuel nguibar ekiar kabar zui, Betel, Gilgal ko Mispa, a ghua Israelian kotaiba baragha men osimtziba akiri. ¹⁷ A nguibar kabar ingangarim agivagh, uamategh uan nguibam Raman mangam. A uaghan nguibar kamin kotaiba barasi. Egha uaghan Raman Ikiavira Itir God bagha ofa gamir dakozir mamin ingari.

Sol Israelien atrivimin oto

8

(Sapta 8-15)

Israelia uari bagha atriviba buri

¹ Samuel ghurizir dughiamin, a uan otarir pumuning Israelien gumazir dapaninin ingin ikiisa aning amisefe. ² An otarir ekiamin ziam, Joel, ezi dozimin ziam, Abiya. Aning Berseban ikiava, gumazamizibar kotaiba baragha men osimtziba akiri. ³ Egha aning uan afeziamin arazibar gin zuir puvati. Puvati. Aning dagiaba iniasi bar kufi, egha aning gumazir mabar amamangatizi, me uari bagha nighnigha dagiaba isa aning ganidima, aning men kotaibar ghuangsigha deragha dar kirir puvati.

⁴ Aningin arazir kam bangin, Israelien gumazir dapaniba uari akuvagha Samuelsin ganasa Raman nguibar ekiamin ghu. ⁵ Me ghuegha kamaghin Samuel migei, "Ni oragh. Ni ghurigha givazima nin otarimning nin arazir aghuibir gin zuir puvati. E kamaghhsua, ni e bagh gumazitam amiseveghti, a en atrivimin ikiva e geghuvam. E kantrin igharazibar min otivasa."

⁶ Ezi Samuel men azangsizir me uari bagha atrivir tam amisivasa an azarazir azangsizir kam ginighnizima, an an nighnizimin derazir puvati, ezi a uabin mikimmasava Ikiavira Itir Godin azai, a manmagħin damuam. ⁷ Ezi Ikiavira Itir God kamaghin a migei, "Bizir gumazamizibar uari bagha nighnigha nin azangsizir kaba, ni me baragh dar amu. Ni kamaghin nighnighan marki, me ni aghuagħa ni batosi. Puvati. Ki men atrivimin ikian me aghuagħa na batosi. ⁸ Ni deragh oragh. Dugħiars ki Isipin kantrin me inigha iza datirighin, me akirim na gasaragħa asebar ziaba fe. Ezi datirighin me uaghan akirim ragħha ni gasara. ⁹ Ezi ki kamaghhsua, ni men akam baregh me bagħ atrivir tam amisefegħ. Ni migirigħar gavgavim me daning suam, ia bar deraghvira bizar ia azarazim bagħ nighnigh. Egh atrivim damuamin araziba ni bar deravira dar gun me gegħanigh."

¹⁰ Kamaghin amizi, Samuel gumazir me uari bagħ atrivitam amisivasa azaraziba bagħha ghugħha, Ikiavira Itir God me mikimmasa mikemmez bizibar gun me migei. ¹¹ Ezi Samuel kamaghin me migei, "Ia atrivim otogħiva, a bizar kabar ia damuam. A ian otaribar amuti, me midorozir gumazibar otivam. Eighti midorozim din dughiamin, tarazi misogħamin karisbar tuvīgħi, tarazi misogħamin hoziabar dapiagħam. Eighti gumazitaba ingangarik kam damuam, atrivim uan karis inighi

managh mangisi, me faragh ivemaram. ¹² A gumazitar amut me 1,000plan midorozir gumazibar dapanimin ikiti, tarazi 50plan midorozir gumazibar dapanim ikiam. Egh ti ian otarir taba an azenim bagh nguazim abighti, tarazi an azenimin dagher andiziba iniam. Egh ti tarazi misoghamin bizibar ingariva, karisin biziba sara ingaram. ¹³ Atrivim ian guiviba inighti me a bagh sandabar ingar, uaghan bretba ko dagher igharazibar an dipenimin da tuam. ¹⁴ Egh a, dagher bar dirir ian azenibar itiba, ko wainin azeniba ko olivin azeniba, dar dagher aghuiba isi, uan ingangarir gumazir dapanibar aningam. ¹⁵ Ia uaghan wainin oviziba ko witin oviziba isi 10plan pozibar dar arigh, egh dar pozir vamira isi a daning. Egh ti a dagher kaba isi uan ingangarir gumazir dapaniba ko an ingangarir gumazir kinibar aningam. ¹⁶ Atrivim uan ingangaribar amusi, ian ingangarir gumaziba ko ingangarir amiziba inigham, a ian gumazir igiar bar aghuiba ko donkiba sara iniam. ¹⁷ Egh a ian 10plan sipsipbar tongin sipsipin vamira iniam. Egh ia damutia, ia an ingangarir gumazir kinibar min ikiam. ¹⁸ Atrivir ia uari uari bagha misevezir kam otoghiva, azariz kabar ia damutima, ia atrivim basemegh atariva migirigiar aviribar amuva Ikiavira Itir Godin mikimam. Egh ti Ikiavira Itir God, a bar ia bareghan kogham.”

¹⁹ Ezi gumazamizir kaba Samuelin akaba baraghan aghuaghha, kamaghin a migei “E aghua. Ni e bagh atrivir tam amisefegh. ²⁰ E kantrin igharazibar min otivasa, egh ti en atrivim e gativagham. Egh e uan apanibav soghsi mangamin dughamin, a en midorozir gumazibagh ativagh men faragh mangam.”

²¹ Ezi Samuel gumazamizir kabar migirigiaiba baregha ghua Ikiavira Itir God migei. ²² Ezi Ikiavira Itir God kamaghin Samuel migei, “Aria, ni men akam baregh me bagh atrivitam amisefegh.”

Ikiavira Itir God mikemegha givazi, Samuel ghua kamaghin Israeliyan gumazibav gei, “Ia bar moghira uan nguibabar mangi.”

9

Sol Samuel bato

¹ Gumazir mam Benjaminin anabamin aven iti, an ziam Kis. An Abielin otarim, ezi Abiel Serorin otarim, ezi Seror Bekoratin otarim, ezi Bekorat Afian otarim. Kis midorozibagh amir gumazir gavgavim, egha gumazir igharazibar tongin ziam ti. ² Egha an otarir mam iti, an ziam Sol. Sol gumazir igiar ruarir dirir gavgavim, ezi

Israeliyan gumazitam an min ruarazir puvati. An ganganiba uaghan bar derazi, a Israeliyan igharaz darazigh afira.

³ Dughiar mamin, Solin afeziam Kis in donkin maba tintinibar ghuegħha ovenge. Ezi Kis kamaghin Sol migei, “Ni ingan gar gumazitam inih gua mangi donkiba buri.” ⁴ Ezi aning dikavighha Efraimin mighsiar dozibar għu, egha Salisan nguazir otevir mamin ghugħha dar apizir puvati. Aning uaghan Salimin nguazimin ghugħha donkibar apizir puvati. Egha aning gin Benjaminin nguazimin ghugħha, donkibar apizir puvati. Bar puvati.

⁵ Aning tagħha Sufin nguzimin ghua otogħha givasha, Sol kamaghin uan ingangarir gumazim migei, “Aria, ga uamategħ uan nguibamin mangam. Puvatighti, gan afeziam ga ginighnigh pamtem nighnizir aviribar amuva uan donkiba ginamadaghħam.”

⁶ Ezi ingangarir gumazim kamaghin migei, “Ga, tong orarkegħam. Gumazir mam Sufin nguibamin ikia Godin akam akura iti. A migeir akaba da guizbangiram otifi. Ezi gumazamiziba ziar ekiam a ganid. Ga mangi an ganika, a ti tuavir ga mangamimun gun ga mikimam.”

⁷ Ezi Sol kamaghin ingangarir gumazim migei, “Ga a bagħ mangam. Egh ga bizix aghuir manatam inih mangi a daningam? Gan mitaribar itir dagheba għifa, dagħer natam itir puvati.”

⁸ Ezi ingangarir gumazim kamaghin migei, “Ki silvan mużiarrir mam iti. Ki a daningiha a donkiba itir danganimin gun ga mikimam.”

⁹ (Fomira, Godin akam inigha izir gumaziba, Israeliyan kamaghin me dibori, “Kukunir gumaziba.” Egh ti gumazitab bizitam bagħ Godin azangsighi, kamaghin mikim suam, “E kukunir gumazimin ganasa.” Kamaghin amizi, Sol kukunir gumazim bagħha azai.)

¹⁰ Ezi Sol kamaghin uan ingangarir gumazim migei, “Bar dera. Ni iżi ga mangam.” Egha aning nguibar ekiar Godin ingangarir gumazim itim in zui.

¹¹ Aning nguibar mighsiar dozim itim in għuavanad ir dugħi min, guvix igiar maba dip tausxa izima aning men aza, “Kukunir gumazim nguibar ekiamin iti, o puvati?”

¹² Ezi guvix igiaba kamaghin aningin akam ikaragħha ghaze, “Are. Kukunir gumazim iti. Gumazamiziba datir ġiġi, Godin ziam fer danganimin ofa damuasa, kamaghin amizi, a datir ġiġi rukku. Għu zuamira mangi. ¹³ Għu nguibar ekiamin aven ikiavira iti, a tīgħi Godin ziam fer danganimin mangam. A gumazamiziba ko Godin ziam fer danganimin iki me ko damam. A faragh otoghiva deragh

ofa damusi Godin azaraghti, me gin damam. Kamaghin amizi, gua zuamira mangiva a batogh."

¹⁴ Guivir igiaba mikemegha givazima, Sol uan ingangarir gumazim ko nguibar ekiamin zui. Aning divazir kamin tiar akamin aven ghua garima, kukunir gumazir kam men boroghin izi. Kukunir gumazir kam, kar Samuel, a nguibar ekiamin azenan mangi, Ikiavira Itir Godin ziam fer danganimin mangasa.

¹⁵ Boghinaron mizaraghara Sol tighar izamin dughiamin, Ikiavira Itir God faragha kamaghin Samuel migei, ¹⁶ "Gurumin dughiar kamra, ki Benjaminin anabamin gumazitam amadaghti a izam. Eghiti ni borem isi an dapanim gingegeh, kar ababanir a Israeliyan gumazamizibar atrivimin ikiamim. Ki Filistiabar gari, me osintizir ekiam ko mizazim Israelia ganidima, me uarir akurvaghosa nan ingarava arai. Eghiti gumazir kam men akuragh Filistiabar gavgavimin ua me iniam."

¹⁷ Amimzaraghan Samuel Solin api, ezi Ikiavira Itir God a migei, "A mara, ki boghinaron gumazir mam baghavira ni mikeme. A nan gumazamiziba bar me gativagh."

¹⁸ Ezi Sol nguibar ekiamin tiar akamin Samuel batogha kamaghin an azara, "Kukunir gumazimin dipenim managhira iti? Ni na mikimam o?"

¹⁹ Ezi Samuel kamaghin a migei, "Ki ubabi ki kukunir gumazim. Gua faragh Ikiavira Itir Godin ziam fer danganimin mangi, egh gua datirighin na ko damam. Ki gurum mizaraghara, bizir ni ifongezibar gun ni mikimam, egh ni amadaghti ni uamategh mangam. ²⁰ Ki fo, ian donkiba 3plan dughiar givazibar ovenge, ezi ni da bagh osiman marki. Me da batogha gifa. Ezi ni oragh. Israeliyan gumazamiziba, me bar tinara gifonge? Me ni ko nin afeziamin adarazira bar me gifonge. Bar guizbangira!**

²¹ Ezi Sol kamaghin Samuel migei, "Ki Benjaminin anabamin gumazir mam. Ezi Israeliyan anababar tongin, a bar anabar muziari. Ezi nan afeziamin ikizim, e Benjaminin anabamin tongin ziaba puvati. Ezi ni tizim bagha migirigiar kamin na gami?"

²² Sol mikemegha givazi, Samuel a ko an ingangarir gumazim inigha, me dipenimin

aven apir danganimin ghue. Samuel faragha 30plan gumazibar diazima, me izegha damasa apiaghya gifa. Ezi Samuel Sol mikemezi a uan ingangarir gumazim ko, aning dabirabir dakozi faraghavira itim gapera. ²³ Ezi Samuel isair gumazim migei, "Asizir tuzir ki ni ganingizim, ni a inigh izi."

²⁴ Ezi isair gumazim asizir suer tuzir aghuba itim asigha pin anekagha ghua Solin guamin aneti. Ezi Samuel ghaze, "Ni gan, kar asizir ni bagha atizim, ni anemi. God faragha na migia ghaze, ni datirighin e ko isar kamin iki damam, ezi ki gumazir kabar diagha, asizir kam ni bagha aneti. Kamaghin amizi, ni anemi." Ezi Sol dughiar kamin Samuel koma api.

²⁵ Egha me gin ofa gamir dakozim ategha nguibar ekiamin uaghiri. Egha Samuel Sol inigha uan dipenimin aven ghugha, dipenimin avughisir danganimin ikia Sol ko migei. Egha me ghuriyamin dakuasava Sol bagha misiam akrizi, an akui.

Samuel, atrivimin ikiasa Sol amisefe

²⁶ Ezi Samuel bar mizaraghara osegha avughisir danganimin Solin dia ghaze, "Ni dikafigh. Ki ni amadaghtima ni uan nguibamin mangam." Ezi Samuel dikavigha izaghira a ko tuavimin zuima, Solin ingangarir gumazim uaghan aning ko zui.

²⁷ Me nguibar ekiamin mitaghniamin boroghin ghua, Samuel kamaghin Sol migei, "Ni uan ingangarir gumazim amadaghtima a faragh mangi. Eghiti ni tong na ko ikiti, ki God mikemezir migirigiar gun ni mikimam. Ezi an ingangarir gumazim faragha ghu."

10

¹ Egha Samuel olivin borem itir misevir dozim inigha, an dapanim gingegeh an tore. Egha ghaze, "Ikiavira Itir God ni ginabaghia ghaze, Ni nan gumazamiziba, Israeliyan atrivimin ikiam. Ni me gativagh men akurvagh me okarizir apanibar gavgavim da ua me iniam. Eghiti ababanir tam, nin akakagh suam, Ikiavira Itir God, ua bagha inabazir gumazamizibagh ativaghosa, ni ginaba. Ni datirighin ababanir kamin ganam." ² Ni na ategh mangiva, Benjaminin nguazimin mitaghniamin, Selsan nguibamin, me Resel afazir dagiar mozimin boroghin gumazir pumuning batogham. Eghiti aning donkin ni

* **9:20:** Hibrun akam kagh deragha akam abighizir puvati. Gumazir maba kamaghin a gira, "Ni manmaghin nighnisi, tinara Israeliyan bizar aghuiba iniam? Ni uan afeziamin adarazira ko, iarara ada iniam." * **10:1:** Bar fomira gumaziba Hibrun akamin Grakin akam giratha, kagh migirigiam gamizi a mong ruara. Ezi e fozir puvati, me migirigiam kagh uari aneti, o a ti fomira uaghan Hibrun akamin iti, egha datirighin ua itir puvati. Men Grakin akam kamaghin ghu, "Egh ni me gativagh men akurvagh apaniba me gasighasighan kogham. Ezi ki datirighin bizir ni bativambar ni mikimasa. Eghiti ni bizir otivamin kabar gan fogh suam, Ikiavira Itir God gumazamizir kabagh ativagh men ganasa ni amisefe. Bizir kaba da kamakin." **10:2:** Jenesis 35:19

ruiaghā aruibar gun ni mikim suam, me dar api, ezi nin afeziām dagh nighnizir puvati, a ni ginighnighā azangsighavira ikia ghaze, ki manmagħin uan otarim damuam.

³ “Egh ni tuavimin mangi, Taborin nguibamin itir temer ekiamin otogħam. Eghti gumazir 3pla Ikiavira Itir God bagħ ofa damu Betelin mangiżi izi temer kamin ni batogħam. Men faragħavira izamim, a memen 3pla inigh izam, eghти tav bretin 3pla inigh izam, eghти abuananam wainin dipam aven itir memen inimmin isamizir misev im inigh izam. ⁴ Gumazir kaba dughiam ni daningiva bretin pumuning ni daningam, eghти ni aning inigh.

⁵ “Eghти ni Ikiavira Itir Godin mighsiamin Gibean nguibamin mangi ganti, Filistiabbar midorozir gumaziba danganir kamin ikiam. Egh ni nguibar ekiamin miriamin mangi, Godin akam inigha izir gumazir okoruamin ganti, me Godin ziam fer danganim ategħi izighiram. Men tarazi faragh mangi gitaba ko tambarinbav soġiha marvibagh iviám. Eghти tarazi Godin akam pamtem an gun mikimiva dimiva iġħi izam. ⁶ Eghти Ikiavira Itir Godin Duam zuamira ni gizivagħti, ni Ikiavira Itir Godin akam inigha izir gumaziba ko Godin akam pamtem an gun mikimiva iġħi izam. Egh ni iġħaragħha garir gumazimin otogħam. ⁷ Bizzir kaba ni bativi, God ni ko ikiam. Kamagh amizi, ni damuasa nighnizir bizza ni dar amu.

⁸ “Ni faragh Gilgalin mangi, 7plan dughabar iki na mizuam, eghти ki izi ofan bar isi mighirambija ko, God ko navir vamiran iki-amin ofabar amuam. Egh ki ni damuamin bizar, gun ni mikimti, ni dar amuam.”

⁹ Ezi Sol Samuel ategħi ragħiṛiha, mangasava amir dughiamin, God navir igjam Sol gati. Ezi bizzir Samuel mikemeziba dughiar kamra bar a batifi. ¹⁰ Ezi Sol uan ingar gumazim ko Gibean otozi, Godin akam inigha izir gumazir okoruar mam a bato. Bar zuamira Godin Duam a gizivazzi, a me koma Ikiavira Itir Godin akam inigha izir gumazimin min diava Godin akam pamtem an gun migia iġħiagħha rui. ¹¹ Ezi gumazamizir fomira a gifoziba, kamaghin an gara uarir azangsi, “Bizzir tizim Kisín otarim Sol bato? A ti uaghan Godin akabar gun migeir gumazim, o?”

¹² Ezi kagh itir gumazir mam kamaghin azai, ni manmagħin nighnisi, “Godin akabar gun migeir gumazir kaba, men afeziāba manmagħin garir gumaziba? Ezi azangsiżiż kam ikiavira ikia għu datirighin aghuzir migiġiġi min oto: ‘Sol ti guizbangira Godin akam inigha izir gumazibar tongin itti, o?’” ¹³ Ezi Sol Godin akamini gun

mikemegħa givagħha, Godin ziam fer danganim min għuvanab.

¹⁴ Ezi Solin afeziar dozim, a Sol uan ingar gumazim ko anging azara, “Gua managh ghugħa izi?”

Ezi Sol ghaze, “Ga donkiba buriasa ghua dar apizir puvatigħha, magħira Samuel bagħha għu.”

¹⁵ Ezi Solin afeziar dozim ghaze, “Ga uaning, ni na mikim, Samuel tizibar ni mikeme?”

¹⁶ Ezi Sol a migia ghaze, “A kamaghin ga mikeme, gumazir maba donkiba bato.” Egha Sol atrivimin ikiasa Samuel a gin-abazir bizimmin gun uan afeziar dozim min mikezir puvat.

Sol atrivimin oto

¹⁷ Ezi Samuel Israelian gumazamiziba bar men diazi, me iza Ikiavira Itir Godin damazimin Mispan nguibar ekiamin uari akufa. ¹⁸ Me uari aukvagħha givazi, a kamaghin me migei, “Ikiavira Itir God a Israelian God, a ghaze, a Isipin ia inigha ian akua kagh iżże. A Isipin ko gumazamizir iġħarazir pazzavira ia gamibar, dafaribar ua ia ini. ¹⁹ Ezi ia dughiar kurabar aver itima Godin ian iġħarazir kam, ia datirighin akirrim ragħha a gasara. Egha ia kamaghin a migei, ia kamagħsua, an atrivitam ia daningam. Kamaghin amizi, ia datirighin iżi uan anababa ko iķizibar Ikiavira Itir Godin damazimin tuifigh, eghти a ia bagħ atrivitam amisivam.”

²⁰ Egha Samuel Israelian anababa vagħvagħa bar me inigha iza, satu gikarrarang iġva Ikiavira Itir Godin ifongjami gifogħamin arazim gamua, egha Benjaminin anabam amisefe.

²¹ Egha Samuel Benjaminin anabamin itir iķizibha inigha iza, vagħvagħha men iķizibha gara satu gikarrarava, Matrin iķizim amisefe, egha Matrin iķizim bagħha, satu gikarrarava, Sol amisefe, a Kisín otarim. Ezi me a buriava an apizir puvati.

²² Kamaghin amizima me ua Ikiavira Itir Godin azara, “Gumazir kam, a kagh izava oto, o puvati?”

Ezi Ikiavira Itir God ghaze, “Are, a muna bizzir pozir ekiabar tongin modo.”

²³ Me akar kam baregħa ivemara ghua Sol inigha iza uarir tongin anetizi, a uan suemningin tugħha me gafiragħha bar ruara.

²⁴ Ezi Samuel gumazamizibav gei, “Ia gumazir kamin gan, kar gumazir Ikiavira Itir God inabazim. Tav uam en tongin an min iti puvati.”

Ezi gumazamiziba bar pamtemin dia ghaze, “A en atrivim, a dughiar ruarim iġħiġi atrivim!”

²⁵ Ezi gumazamiziba uan atrivim damuamin araziba ko atrivim uabi

damuamin araziba, Samuel adar gun me migei, egha akinafarimin da osiri. Egha akinafarim isa Ikiavira Itir Godin Purirpenimin Godin damazimin aneti. Egha gumazamiziba bar me amadazima, me uamategha uan nguibabar ghue.

²⁶ Ezi Sol uaghan uan nguibam Gibeon ghu. Ezi midorozir gumazir gavgavir maba, God men navibagh irazi, me uaghan Solin gin ghue. ²⁷ Ezi gumazir akaba batozir maba kamaghin migia ghaze, "Gumazir kam manmaghin en akuraghram?" Egha me bar Solin aghuaghha, bizir aghuitaba a daningan aghua. Ezi Sol akatam me ikarazir puvati.

11

Sol Amonia misogha me abini

¹ Ezi Amonian Atrivim Nahas, gin uan midorozir gumaziba inigha Israelin itir Distrik Gileatin aven ize. Nahasin midorozir gumaziba Jabelin nguibar ekiam koro, kamagh amizima Jabelin gumazamiziba kamaghin a migei, "Ni migirigiatam e ko anekirighti, e nin apengan ikiam."

² Ezi Nahas kamaghin migei, "Tuavir bar vamira ki ia ko akam akiram. Ia Jabelin itir dasari, ki bar ian damazir agharin guvimin itiba asigham, eghiti arazir kam aghumsizim ia ko Israelian ighazariba bar me daningam."

³ Ezi Jabelin gumazir dapaniba akar kam baregha kamaghin Nahas migei, "Ni dughiar 7pla e danighti, e gumazitaba amadaghti me Israelian ikiziba bar men azaraghtima, me ti izi en akuraghram. Eghiti gumazir en akurvaghama puvatighti, e uari isi ni daningiva nin apengan ikiam." ⁴ Ezi akam inigha zuir gumaziba ghua Gibeon nguibar ekiamin oto, kar Solin nguibar ekiar a itim. Egha me, me geharima, gumazamiziba bar puvirama azi.

⁵ Dughiar kamin Sol uan obarir azenimin ingarigha givatha, bulmakaun azenimin ingariziba inigha iza, gumazamizibar azirakam barasi. A nguibamin izegha givatha men azai, "Ia tizim bagha bar moghirama azi?" Ezi me Jabelia amadazir akaba bar dar gun a gehgari. ⁶ Sol akar kaba baregha givazi, Godin Duam zuamira a gizivatha pamtemin an ingarima, an atara navim bar oseme.

⁷ Egha a bulmakaun pumuning inigha aning misuegha, aningin asizir tuziba aghoregha, asizir tuzir kaba isava gumazir migirigiaiba inigha izibagh aningi. Egha a kamaghin me migei, ia asizir tuzir kaba inigh mangi Israelian gumazamizibar ikiziba bar men akakagh. Egha akar kam akunasa me migei, "Gumazir manam Sol

ko Samuelin akuragh Amonia misueghan koghti, Sol gumazir kamin bulmakaubav sueghiva, asizir tuzir kabar min dar ghoram." Gumazamiziba akar kam baregha givazi, Ikiavira Itir God me gamizima me bar atiatigha dikavigha izi. Me bar navir vamiran ikia, uari akuvagha, gumazir gavgavir mamin min otogha izi. ⁸ Egha Sol gumaziba bar me mikemezima, me Besekin nguibar ekiamin uari akuvazi, a Israelia diborima me 300,000in midorozir gumaziba, ezi Judan midorozir gumazibar dibobonim 30,000.

⁹ Ezi midorozir gumazir kaba, kamaghin Jabelian akam inigha izir gumazibav gei, "Ia ua Jabelin mangi kamaghin uan gumazamizibav mikim: E gurumin aruemin, izi ian akuragh ian apanibar gintigham." Ezi Jabelian akam inigha izir gumazir kaba ghua akar kamin gun uan gumazamizibav geima, me oregha bar akonge.

¹⁰ Egha me Nahas migei, "E gurumin ni bagh izam, ni bizir tizimin e damusi ni a damu."

¹¹ Bar mizaraghara aminim tighar tiam, Soluan midorozir gumaziba ikizir 3plan me abiki, ezi aminim itima me ivemara ghua Amonia misosi. Me puvira men aviribav sozima me ariaghira ghua aruer arizimin tu. Ezi Amonian gumazir ariaghirezir puvatizir varazira, me tintinbar aregha vagh-vagha iti.

¹² Ezi Israelia gin kamaghin Samuelin azara, "En akar gumazir manaba ghaze, Sol en atrivimin ikian kogham? Ni en mikemeghtima, e me misueghtima me arimighiregham."

¹³ Ezi Sol men akam baregha kamaghin me migei, "Puvati. Dughiar kamra, Ikiavira Itir God e Israelia a en apanibar agharimin e ini. Kamaghin amizi, e dughiar kamin uan akar gumazitam misuehti an aremeghan kogham."

¹⁴ Sol mikemegha givazi, Samuel kamaghin gumazamizibav gei, "E Gilgalin nguibar ekiamin mangi uam akam akirigh kamaghin mikim suam, Sol en atrivimin ikivira ikiam."

¹⁵ Kamaghin amizi, me bar Gilgalin ghuegha, Ikiavira Itir Godin damazimin me kamaghin akam akira ghaze, "Sol a en atrivim." Egha me Godin damazimin ikia God ko navir vamiran ikiasi ofabagh ami. Ezi Sol Israelia ko, me bizir kam bagha bar akonge.

12

Samuel akar abuananam Israelia mikiri

¹ Ezi Samuel gin kamaghin Israelia migei, "Ia oragh, ia bizir aviriba bagha nan azangsizima, ki ia baregha, atrivir

mam ia gativaghaha ia ganingi. ² Ia gan! Atrivir kam, nan danganim inigh ia isi tuavir aghuimin ia amangam. Ki ubi ghurigha dapanir arizir ghurghuriba na batifi, ezi nan otariba ekevegha ia ko iti. Ki fomira uan igiamra ikia ian gumazir dapanimin ikia iza datirighin tu. ³ Ki ubi kir kara. Ia bar deragha nan arazibagh fo. Ki arazir kuratam ia damighti, ia Ikiavira Itir God ko atrivir a ia bagha inabazimin damazimin, nan gun mikim. Ki ti gumazitam bulmakaun tam o donkin tam ini, o? Ki ti tav gifaragha an biziha okeme, o? Ki ti tav pazava a gami, a? Ki ti gumazitam amamangatizi, a modogha dagiabbar na givezegha, na gakaghorma ki kotiaba paza dar suisi, a? Ki arazir katam damighti, ia na mikemeghti, ki anekirigh uam a ikarvaghram."

⁴Ezi gumazamiziba kamaghin a ikaraghha ghaze, "Bar puvati. Ni bizitam e gifarava, e gekuava arazir kuratamin e gamizir puvati. Egha gumazitam ataghizi, an akar isingtizibar ni migeima, ni dar gin zuir puvati."

⁵Kamaghin amizi Samuel ghaze, "A dera. Ikiavira Itir God ko a misevezir atrivim ian akar kam baregha gifa, egha fo ia nan darfarnim arazir kuratamin apizir puvati."

Ezi me ghaze, "Guizbangira. Ikiavira Itir God fogha gifa."

⁶Egha Samuel ua kamaghin me migia ghaze, "Are, Ikiavira Itir God fogha gifa. A fomira Moses ko Aron amisefe, egha ian inazir afeziaba Isipin kantrin me inigha azenan kagh ize. ⁷Kamaghin amizi, ia deragh kuariba arigh oragh, ki kamaghin ia geghanasa, dughiar aviriba Ikiavira Itir God ingangarib aghuibah amua ia ko, ian inazir afeziabar akurvaki. ⁸Ian ovavim Jekop uan adarazi ko me ghua Isipin iti, ezi Isipin itir gumaziba arazir kurabar me gami, ezi me uarir akurvaghaha Ikiavira Itir God migiava araima, a me bagha Moses ko Aron amadazi, aning Isipin ian ovaviba inigha azenan iza kagh me ati. ⁹Ezi me Ikiavira Itir God, men God, me a gin amada. Kamaghin amizi, a Hasorin nguibar ekiamin midorozir gumazibar dapanim Sisera ataghizi, a iza me misosi. Ezi dughiar igharazimin, God Filistiaba ataghizi me iza me misosi. Ezi dughiar igharazimin, a Moapian atrivim ataghizi, a iza me misogha me abini. ¹⁰Kamaghin amizi, ian ovaviba pamtemin dia, kamaghin Ikiavira Itir God migei, 'O Ikiavira Itir God, e akirim ni

gasaragha aser Balba ko aser amizim Astarten ziam fe. Kamaghin amizi, e arazir kurram gamigha gifa. Ni datirighin en apanibar agharimin e iniasa, e ua nin azangsisi, eghti e ni baghvira iki nin ziamra fam.'

¹¹"Kamaghin amizi, Ikiavira Itir God men migirigiam baregha, Israelia bagha Gideon ko Bedan, Jepta ko ki ubi Samuel, a men akurvaghaha e amada. Guizbangira, e gumazir dapaniba bar moghira ian apanibar agharibar ia ini, ezi ia Israelia deraghavira iti.*

¹²"Dughiar kaba bar, Ikiavira Itir God, ian God, a uabira ian atrivimin ti. Egha ia garima, Amonian Atrivim Nahas iza ia ko misoghasa. Ia Ikiavira Itir God ian atrivimin ikiasa ia ifongezir puvati, egha ia kamaghin na migel, 'Marki, Ni e bagh atrivitam amisivasa e ifonge.'

¹³"Ia gan! Ian atrivir ia inabazimra kara, ia a bagha azarazi, Ikiavira Itir God a isa ia ganingi! ¹⁴Ia Ikiavira Itir Godin atiating an apengan iki. Egh ia an ziam fiva an akaba baragh, ia uan atrivim ko ia bar, an Akar Gavgaviba zurara dar gin mangi, eghti God dabirabir aghuim ia daningam. ¹⁵Eghti ia oraghan kogh Ikiavira Itir Godin Akar Gavgaviba batuegti, Ikiavira Itir God uan gavgavimin, ia ko ian atrivim sara puv ia damigham. ¹⁶Ia oragh. Ia tugh gavgavichti, Ikiavira Itir God bizir bar ekitatam damighti ia an ganam. ¹⁷Ia fo, kar witin ovizir aniziba aghoramin dughiam, ezi kar amozimin dughiam puvati. Ki datirighin Ikiavira Itir God ko mikinti, an ararim ko amozim damuti, ararim dagaraghti, amozim arigham. Eghti ia ganigh fogh suam, ia arazir bar kuramin Ikiavira Itir Godin damazimin a gamigha, uari bagh atrivitam amisivasa an azara."

¹⁸Ezi dughiar kamra, Samuel Ikiavira Itir God ko migeima, an ararim ko amozim amadazi, ararim dagarazi amozim maghiram ariki. Ezi gumazamiziba bizir kamin ganigha Samuel ko Ikiavira Itir Godin atiatingi.

¹⁹Kamaghin amizima, gumazamiziba Samuel migei, "E uari, gumazir aruam, e nin ingangarib gumazamiziba, e kamaghsua, ni e bagh Ikiavira Itir God, nin God, a en apangkuvighsi a mikim, eghti e ovenghan kogham. E fo, e arazir kurar aviribagh ami, e datirighin fo, e arazir kurar igharazir mam gamua, uari bagha atrivim amisivasa nin azara."

12:6: Ua Me Ini 6:26

12:8: Ua Me Ini 2:23

12:9: Gumazir Dapaniba 3:12; 4:2; 13:1

12:10: Gumazir

Dapaniba 10:10-15

12:11: Gumazir Dapaniba 4:6; 7:1; 11:29; 1 Samuel 3:20

* **12:11:** Gideonin eghaghaniem, a

Gumazir Dapaniba sapta 6-8 in iti. Ezi Jepta eghaghaniem, a Gumazir Dapaniba sapta 11-12 in iti. Ezi Bedanin migirigia baa itir puvati. Kamaghin amizi, gumazibar ghaze, Bedanin ziar igharazim ti Barak, o Samson.

12:12: 1 Samuel 8:19

12:20: Godin Araziba 11:16

²⁰ Ezi Samuel kamaghin me ikaraghha ghaze, "Ia atiatingan marki. Guizbangira ia arazir kuram gamigha gifa. Egh ia bar akirim ragh Ikiavira Itir God gasan markiam. Ia guizbangira an gin mangiva, uan navir averiabar, bar moghira an ziam fi an ingangarim damusi gavgafigh. ²¹ Egh ia gavgaviba puvatizir asebar gin mangan marki. Da guizbangira pura bizir kiniba, eghti osimtizibar dughiar me ian akuragh ua ia inighan kogham. Bar putatigham. ²² Bar guizbangira, Ikiavira Itir Godin ifongiamra, a ia ginabazi ia an gumazamizibar otifi. A uan ziar ekiam ginighnigh, egh akirim ragh ia gasaraghan kogham. ²³ Ia deraghvira ikisi, kirara God ko mikimamin ingangarim iti. Ki God ko migeir arazim ategham, mar ki arazir kurramin Ikiavira Itir God gami. Ki arazir aghuibako voroghira zuir tuavibar ian sure damuti, ia dar gin mangi. ²⁴ Ia bizir bar ekiar Ikiavira Itir God ian akurvaghia ia gamizibagh nighnigh, egh zurara an atiating an apengan iki. Ia uan navir averiabar aven guizbangira an gin mangi an ziam fiva, an ingangarim damusi gavgafigh. ²⁵ Egh ia arazir kurabar amuvira ikiti, Ikiavira Itir God ia ko ian atrivim adugh ia avigh ia makunigham."

13

Israelia Filistiaba ko misosi

¹ Sol bar uan igiamra ikiava atrivimin oto. Ezi azenir pumuning givazima, bizir kam oto.* ² Dughiar kamin Sol ua bagha 3,000pla Israelian midorozir gumaziba amisevegha, igharaziba amadazima me ua nguibabar ghue. A midorozir gumazir kabar tongin, 2,000pla inizi, me a ko Mikmasin nguibar ekiamin iti, a Betelin nguibamin boroghin mighsiar dozibar iti. Egha uaghan midorozir gumazir 1,000pla amadazi, me an otarim Jonatan ko, me Benjaminin anabamin nguazimin aven, Gibean nguibar ekiamin iti. ³ Egha Jonatan uan midorozir gumaziba ko, me Geban nguibamin averpenibar itir Filistian midorozir gumazibav sogha me abini. Ezi Filistian igharaz darazi me arazir kamin akam baregha puvira Israelian atari. Ezi Sol bizir kam bagha gumaziba amadazi, me Israelian ikiziba bar dar ghua sighthabagh ivia, midorozimin uabin akurvaghaha gumazibar dei. ⁴ Gumazir kaba kamaghin me migei, "Sol Filistian midorozir gumazibar okoruar mam abira,

kamaghin amizi Filistiaba datirighin bar Israelian apanim gami." Ezi gumaziba akar kam baregha iza Gilgalin nguibar ekiamin Sol ko uari akufa.

⁵ Dughiar kamin Filistian aviriba iza Israelian misoghsa uari akufi. Me 3,000plan misoghamin karisba ko 6,000plan midorozir gumazir hoziabar dapiamba iti. Men midorozir gumaziba bar aviraseme, mati ongarimin gigim. Midorozir gumazir kaba Mikmasin nguibar ekiamin ghua me averpenibar ingarigha dar iti, Mikmas a Betavenin nguibar ekiamin boroghin, aruem anadi naghin iti. ⁶ Filistiaba ko Israelia uariv sosi. Ezi Filistiaba bar pamtemin misozima, Israelia uarir gari me midorozim gafiraghan kogham. Kamaghin amizima, Israelian marazi ghua nguazir toribar aven ghue, ezi marazi benir epariabar aven monge, ezi marazi mighsiamin dagiar toribar aven monge, ezi marazi dagiar ekiabar tizibar monge, ezi marazi mozir dipabar aven, dar akirabar monge. ⁷⁻⁸ Ezi marazi Jordanin Fanemim vongin otogha Gat ko Gileatin nguazimin vongin ghue. Sol Israeliyan gin midorozim bagha ghuzir puvati. Samuel faragha 7plan dughiar Gilgalin uabin mizuamasa a mikeme. Kamaghin amizi, a Gilgalin ikia a mizuai. Ezi gumazamizir a ko itiba me kamaghin oraki, Filistiaba midorozimin Israelia abini, ezi me bar atiatingi. Ezi 7plan dughiaba givazi Samuel izezir puvati. Ezi gumazamizir maba uari amikirvagh Sol ataghiraghha tintinibar zui. ⁹ Ezi Sol kamaghin me migei, "Ia ofan bar isia mighirim ko God ko navir vamiran ikiamin ofaba inigh na bagh izi." Me da inigha izezi, a da inigha ofa damuasa avimin bar ada tue. ¹⁰ Men ofan arazaraziba givazima, Samuel izav oto. Ezi Sol ofa gamir dakozim ategha azenan ghua, dughiam a ganiga ghaze, "Aruer arizir aghuim."

¹¹ Ezi Samuel kamaghin Solin azara, "Ni tizim gami?"

Ezi Sol kamaghin a migei, "Ki gumazamizibar garima me na ataghirasi. Ezi ki ni mikemezi moghin ni mizuaima, ni izezir puvati. Ezi ki Filistiabar garima me Mikmasin uari bagha averpenibar ingari. ¹² Ki kamaghin nighnisi, Filistiaba izi Gilgalin kagh e ko misogham. Ezi ki navir aghuim Ikiavira Itir God daningasa biritam gamizir puvati. Kamaghin amizi ki ghaze, ki ofan bar isi mighirambar amuam."

¹³ Ezi Samuel kamaghin a migei, "Arazir

^{12:23:} 1 Atriviba 8:36; Aghuzir Akaba 4:11; Kolosi 1:9; 2 Timoti 1:3 * ^{13:1:} Hibrun akam, namba 40 itir puvati, Solin azenibar dibobonim ovenge. Kamaghin amizi, e deraghfa fozir puvati, dibobonir kam 40 guizbangira o puvati. Gumazir aviriba ghaze, Sol atrivimin itir azeniba, azenir pumuning gafiraghan. Azenir kamningin, Samuel, Solin danganim iniasa Devit amisefe. (Ni 1 Samuel 16.13in gan.) A Sol aremezir dughiam migeir puvati. ^{13:7-8:} 1 Samuel 10:8

ni amizir kam bar onganigha derazir puvati. Ni Ikiavira Itir God, nin God, ni ganingizir Akar Gavgaviba ni dar gin zuir puvati. Ni ti an akabar gin ghuai, a ni ko nin ovavir boriba ataghizi, ia zurara Israelia gativagha ikiak. ¹⁴ Kamaghin amizi, ni datirighin dughiar ruarimin atrivimin ikiak kogham. Ni Ikiavira Itir Godin akabar gin zuir puvati. Ezi Ikiavira Itir God, gumazir aghuir mam ginaba, gumazir a bar ifongezim, a bar bizar God ifongezibar amuam. A God ifongezir arazibar gin zuir gumazim. Eghit a Godin gumazamizibar atrivimin ikiam.

¹⁵ Samuel mikemegha givagha Gilgal ategha nguibar igharazimin ghu.

Ezi Sol uaghan uan midorozir gumaziba bativasa Gilgal ategha Gibean ghu. Ezi Gilgalin itir gumazamiziba me bar an gin zui. Gibean nguibam, a Benjaminin anabamin nguazimin iti. Me otivigha givagha, Sol uan midorozir gumazir a ko itiba medima, men dibobonim 600in boroghin ghu. ¹⁶ Egha Sol uan otarim Jonatan ko, uan midorozir gumaziba ko, me ghua Benjaminin nguazim itir Geban nguibar ekiamin iti. Ezi Filistiaba Mikmasin uan averpenibar iti. ¹⁷ Filistiabar midorozir gumaziba 3plan okoruabaruar tuiragha ghua Israelia ko misosi. Okruar mam notin amadaghan Sualin Distrighin aven, Ofran nguibar ekiamin ghu. ¹⁸ Ezi okruar mam aruem uaghiri naghin, Bethoronin nguibar ekiamin ghu. Ezi okruar igharazim aruem anadir danganimin amadaghan ghu, kar gumazamiziba puvatizir danganim bagha zuir tuavim, ni mighsiar kamin zuir tuavimin mavanang beragh, munagh Afiar Atiaba Itir Danganir Zarimin ganam.

¹⁹ Dughiar kamin kantri Israelin gumaztam ainin bizitamin ingarizir puvati. Filistiaba faragha kamaghin nighnisi, Hibruiu midorozir sababa ko afuzibar ingaran e aghua. Nighnizir kam bangin Filistiaba me ainin bizibar ingaran Israeliyan angoroke. ²⁰ Kamaghin amizi, Israelia bar Filistiaba bagha zuima, me me bagha afaviba ko ainin nguazim abighamba ko sobiaba ko sabar ikiziriziba amine. ²¹ Israelia zurara ingangarir kam bagha me givesi. Nguazim abighamin afaviba, ko sobiaba ko nguazim abighamin ainin igharaghya gariba koma, bulmakaubar agintighamin afuzir muziariiba, bizar kaba bar, da aminamin ivedzim bar pin ko. ²² Kamaghin amizi, midorozibar dughiabar, Sol ko Jonatan

aningra midorozir afuziba ko midorozir sababa iti, ezi Israelia bar puvati.

Jonatan Filistiaba abini

²³ Dughiar kamin Filistiaba midorozir gumazir maba amadazi, me ghua Mikmasin boroghin mighsiar akirimningin tizimin zuir tuavim asigha iti.

14

¹ Dughiar mam givazima, Solin otarim Jonatan kamaghin uan midorozir gumazir igiar, an midorozir afuziba ko oramin suizimin migia ghaze, "Ga vongin Filistiaba itir averpenibar mangam." Egha Jonatan uan afeziam mikemezir puvati.

² Dughiar kamin, Sol uan purirpenim Mikronin nguibar ekiamin boroghin, temer pomigranetin povimin an ingarigha an iti, a Gibean boroghin iti. Ezi 600plan midorozir gumaziba a ko iti. ³ Ezi ofa gamir gumazim Ahiya, a ofa gamir gumazibar dapanimin korotiar azenan azuim atera, men tongin iti. Ahiya, a Ahitupin otarim, ezi Ahitup, a Ikabotin aveghbuam, egha aning Finiasin otarimning. Finias a Elin otarim, a fomira Silon, Ikiavira Itir Godin ofa gamir gumazim. Ezi Jonatan ghughha gifa, ezi Solin midorozir gumaziba kamaghin fozir puvati, Jonatan ghu.

⁴ Jonatan uan namakam ko, Filistiaba averpenibar ingarizir tuavimin ghua, mighsiamin itir akirir pumuningin tizimin itir tuavimin zui. Danganir kam, dagiar davarir dafar pumuning iti, mam vongin itima, mam vongin iti. Ezi mamin ziam Boses, ezi igharazim Sene. ⁵ Dagiar davarir mam notin amadaghan Mikmasin nguibar ekiamin itima, mam vongin sautin amadaghan Geban nguibar ekiamin iti.

⁶ Ezi Jonatan dagiar davarir danganir kamin otogha kamaghin uan namakam migei, "Aria, ga vongin mangiva Filistian Ikiavira Itir God gifozir puvatizir gumaziba, me uani mikarzin mogomebar iniba aghorir puvati, ga me itir danganimin aven mangam. Ikiavira Itir God, ti gan akuraghti, ga me abiraghram. Ikiavira Itir God midorozimin apaniba abinasava, gumazir aviribagh nighnizir puvati. Ga uaningra deraghram."

⁷ Ezi an namakam kamaghin a ikaragha ghaze, "A dera. Ni tizim damusi ni purama a damu. Ki navir vamira ni ko iti."

⁸ Ezi Jonatan kamaghin a migei, "Bar dera. Ga datirighin vongin mangiva, unaning isi Filistiabar akaghti, me gan ganam. ⁹ Eghit

13:14: 1 Samuel 15:28; Onger Akaba 89:20; Aposel 13:22
gumaziba bativasa Gilgal ategha Gibean ghu. Ezi Gilgalin itir gumazamiziba me bar an gin zui. Gibean nguibam, a Benjaminin anabamin nguazimin iti," a Hibrun akamin itir puvati. Akar kam ti fomira iti, egha gin ovenge. Akam ikiavira itir dughiamin, gumazir maba Grikin akamin a gira, ezi akar kam Grikin akamin 1 Samuelin iti.

13:15: Akar kam, "Ezi Sol uaghan uan midorozir

14:6: Gumazir

me uarir mizuamsi ga mikimti, ga danganir kamra tughiv ikiam. Ga me bagh mangan kogham.¹⁰ Egh me suam, ‘Gua izi,’ eghti ga me bagh mangam. Ga arazir kamin ganigh fogh suam, Ikiavira Itir God, gan akuraghti, ga me abinam.”

¹¹ Kamaghin amizi, aning uaning isa Filistiabar akazi, me aningin gani. Egha kamaghin migei, “Ia munagh gan. Hibruian gumazir maba muna izi, me dagiar torir me aven modibar aven ikegha, azenim giregha izi.”¹² Ezi Filistiabar midorozir gumaziba, Jonatan uan namakam ko aningin dia ghaze, “Oi, gua kagh anang. E bizitam guan akaghahsa.”

Ezi Jonatan migirigar kam baregha kamagh uan namakam migei, “Ni nan gin izi ga mangam. Ga datirighin fo, Ikiavira Itir God me isa Israelia en agharim gatigha gif.”¹³

Egi Jonatan dagiar davarir kurar kamin ghua uan dafarimningin ua bagha suigha, suemningin iruemun ghuaniadi moghin an bira ghuavanadi, ezi an namakam kamaghira an gin ghuavanabo. Ezi Jonatan Filistian maba misozima, me daighirima, an namakam an gin iza midorozir sabamin me aghori me bar ariaghiri.¹⁴ Ezi faragha otozir midorozir kamin, Jonatan uan namakam ko 20plan gumazibav soghezi me ariaghire. Midorozir kam, danganir dozir mamin oto.

¹⁵ Ezi Filistian midorozir gumazir uan averpenibar itiba ko, midorozir gumazir nguibabagh arua misoziba ko, Filistian igharaziba bar, midorozir eghaghanir kam baregha nigha bar atiatingi. Ezi mikimkizim nguazimin oto. Ezi Ikiavira Itir God Filistiabar nighnizibagh amizi da ikuviz me tintinibar are.

Israelia Filistiaba abini

¹⁶ Dughiar kamin, midorozir gumazir Sol Gibeon nguibar ekiamin ganasa miseveziba, me ghua saghon mar garima, Filistiabar gumaziba organizi moghin tintinibar ivemaraghha arui.¹⁷ Me ghua Sol mikemezi, Sol nighnigha ghaze an midorozir gumazitaba ti ghua Filistiabav soghama. Egha a kamaghin uan midorozir gumazibav gia ghaze, “Ia midorozir gumaziba dipon egh fogham te itir puvati.” Ezi me kamaghin amigha fo, Jonatan ko an namakar an afuzim ko midorozir biziba aterim itir puvati.¹⁸ Dughiar kamin, Godin Boksiam Gibean Israelia ko iti. Ezi Sol, ofa gamir gumazir Ahiya mikemeghti, a mangi Boksiam inigh izam, eghti me Godin ifongiam bagh an azangsigham.¹⁹ Sol ofa gamir gumazir kamin migiavira itima, Filistiaba pamtemin dia, tintinibar uan averpenibar ikia ivemaraghha arui, mati gumazir organiba. Ezi Sol me baregha ofa

gamar gumazim migia ghaze, “Marki. Ni Boksiam ategh e misoghsı mangam.”

²⁰ Egha Sol uan midorozir gumaziba ko dia ivemara ghua Filistiabav sosi. Me garima, Filistiaba bar organigha tintinibar uan akar gumazibara misosi.²¹ Hibrun marazi faragha ghua Filistian midorozir gumazibar akurvaghha men tongin iti, egha uaghan men averpenibar iti. Me datirighin Filistiaba ategha Sol ko Jonatan bagha izegha, uan akar gumaziba Israeliyan akuragha misosi.²² Israeliyan marazi, Efraimin mighsiar dozibar muega iti, egha me kamaghin oraki, Filistiaba are. Kamaghin amizima me iza Sol ko Jonatanin akuragha Filistiabar agira.²³ Me Filistiabar agiraghha ghua Betavenin nguibar ekiam gitagha sivagha ghu. Dughiar kamin Ikiavira Itir God Israeliyan akurazi, me midorozimin Filistiaba abini.

Bizir midorozimin gin ottiviziba

²⁴ Dughiar kamin Sol akar gavgavim Israelia mikeme. A kamaghin migei, “Ki datirighira uan apanibar osimtiziba ikaragh mizazim me gasam. Kamaghin amizi, ia datirighin daghetam aman kogh mangi guaratizimin tugh. Gumazitam daghetam ameghti God a gasighasigham.” Kamaghin amizi, Israeliyan gumazitam daghetam amezir puvatigha, mitiriam bangin amiraghha gavgaviba puvati.²⁵ Egha me ghua ruarir mamin otogha garima, hanin mikonir dafar mam nguazimin itima, hanin bar avirim an aven iti.²⁶ Me fo, Sol akar gavgavim me ganingizi me atiatigha, hanibar gara tam amezir puvati.²⁷ Ezi Jonatan kamaghin oraghizir puvati, an afeziam daghebar aman uan midorozir gumazibar anogoroke. Egha a suigha aruir aghorimin ruaghatevinin hani garugha aneme. An amegha givagha zuamira ua gavgavim ini.²⁸ Ezi gumazir mam kamaghin Jonatan migei, “Nin afeziam dughiar kamin daghebar aman en anogoroke, kamaghin amizi e mitiriam bangin amira. A pamtemin kamaghin e migei, gumazitam daghetam ameghti God a gasighasigham.”

²⁹ Ezi Jonatan kamaghin gumazir kam migei, “Nan afeziamin akar kam, osimtizim isa en nguazir kamin itir gumazibagh aningi. Ia nan gan. Ki hanin bar muziarim amegha ua gavgavim ini.³⁰ E uan apaniba da inizir dagher kaba ameghai, egha gavgavim inighai. E Filistian mabav soke, egha e ti daghetaba amegha gavgavigha, Filistian bar avirir tabar misueghai.”

³¹ Dughiar kamin, Israelia Mikmasin nguibar ekiamin apanibav sogha ghua, Ajalonin nguibar ekiamin tu. Kamaghin amizi, mitiriam bar puvira men azima me

gavgaviba puvati. ³² Aruem iraghuga givazima me ivermara ghua, sipsipba ko bulmakaun me uan apaniba da iniziba ini. Egha me zuamira pura nguazimin dav sueghava dar tuziba inigha ghuziba sara purama da api.

³³ Ezi gumazir maba ghua kamaghin Sol migei, "Ni oragh. Midorozir gumaziba ghuziba itir asiziba ame, me Ikiavira Itir Godin damazimin arazir kuram gami."

Ezi Sol akar kam baregha dia ghaze, "Amei, ia gumazir bar kuraba. Ia bar akirim God gasara."

A kamaghin gumazir akam inigha izezibav dia ghaze, "Ia dagiar ekiatam poghpogh na bagh izi." ³⁴ Egh ia tintinibar mangi midorozir gumazibav mikemeeghti, me bulmakauba ko sipsipba inigh izi. Egh me dagiar kamin dav suegh, da tuegh kagh dar amam. Egh me ghuziba sara dar ameghan koghti, arazir kamin me Ikiavira Itir Godin damazimin arazir kuram gamizir puvati." Kamaghin amizima, dimagarir kamnaghira, midorozir gumazibav bulmakauba inigha iza danganir kamra dav soke. ³⁵ Ezi Sol dagiar kamin Ikiavira Itir God bagha ofa gamir dakozimin ingari, kar ofa gamir dakozir, Sol bar faraghavira ingarizim.

³⁶ Ezi Sol gin uan gumazibav dia ghaze, "Aria, e dimangan magiriva, Filistiabbar agiragh me misogh mangiti aminim tiraghram. Egh e bar me misueghti me arighireghti, e men biziba bar ada iniam."

Ezi me ghaze, "A dera, e mamaghira damuam."

Ezi ofa gamir gumazim ghaze, "E ti faraghivira Ikiavira Itir Godin azaraghram."

³⁷ Ezi Sol kamaghin Godin azara, "E mangi Filistiabbar sogham o markiam? Ni en amamangatighiva, en akuraghti e me abinigham o?" Dughiar kamin God a ikarazir puvati.

³⁸ Ezi Sol kamaghin Israelien gumazir dapanibav gei, "Ia izi. E uarira uarir buri fogham, tina arazir kuram gamizi, Ikiavira Itir God en akam barazir puvati. ³⁹ Ikiavira Itir God zurara ikiava, Israelia en akurvasi, ezi an ziamin ki akar gavgavim gamua ghaze, gumazir manam arazir kurar kam gami an ovengam. Nan otarim Jonatan uaghan arazir kurar kam damigh, a uaghan ovengam." Ezi gumazir kabari tongin gu-mazitam, an akam ikarazir puvati. Bar puvati. ⁴⁰ Ezi Sol bar Israelien migia ghaze, "Ia bar moghira vongin munagh tuifigh, eighti

ki uan otarim Jonatan ko ga vongin kagh tugham."

Ezi me ghaze, "A dera, ni manmaghin damuasa ifonge, ni damu. E nin ifongiamin gin mangi mamaghira damuam."

⁴¹ Ezi Sol kamaghin Ikiavira Itir Godin azara, a Israelien God, "O Ikiavira Itir God, ni tizim bagha nan akaba ikaravazir puvati? Ikiavira Itir God, ni Israelien God. Ki ubi, o nan otarim Jonatan arazir kurar kam damighti, ni ofa gamir gumazim damighti, a Godin ifongiam gifoghs, mangi dagiar kamningin tongin, dagiar faragha itim inigh. Egh gumazir igharazitam arazir kurar kam damighti, ni ofa gamir gumazim damighti, a mangi dagiar kamningin tongin dagiar namba 2 inigh." Ezi God a baregha ofa gamir gumazim gamizi, a dagiar Sol ko Jonatanin ababanimin itim ini, ezi gumazazizir igharaziba puvati.†

⁴² Ezi Sol datirighin kamaghin migei, "In-gangarir kamra, ia uam a damigh e ganika, tinara arazir kuram gami, Jonatan o ki ubi." Ezi me kamaghin amizima dagiam Jonatan ginaba.

⁴³ Ezi Sol Jonatanin azara, "Ni tizim gami?"

Ezi Jonatan ghaze, "Ki hanin bar muziarim asadiriv aghorir ki suirazimin ruaghatevimin a inigha aneme. Ezi marki, ki aremegham."

⁴⁴ Ezi Sol a migia ghaze, "Are, ni aremegham. Ni aremeghan koghti, ki Godin damazimin arazir kuram damigham, eighti God na misueghti ki aremegham."

⁴⁵ Ezi gumazamiziba kamaghin Sol migei, "Ni oragh. Jonatan Israelia en akurazi, e midorozir ekiar kam gafira. A ti aremegham, a? Bar puvatigham. E Ikiavira Itir Godin ziamin guizbangira ni migei, ni bizir kuratamin a damuan marki. God an akurazi, a bizir kam gami." Kamagh amizi, gumazamiziba ua Jonatan inizima, Sol a misoghezi an aremezir puvati. ⁴⁶ Bizar kamin gin, Sol ua Filistiabbar agirazir puvati. Ezi Filistiaba uamategha uan kantrin ghue.

Atrivim Sol ko, an adarasi

⁴⁷ Sol Israelien atrivimin otogha givagha, uan midorozir gumaziba ko me Israelien apanir tintinimin danganibar itibav sosi. Me Moapia ko Amonia, Idomia ko Filistiaba ko Soban kantrin atrivibav sosi. Me midorozibar zurara uan apaniba mizazim me gasa me abiri. ⁴⁸ Egha Sol uan midorozir gumazibar naviba fema, me pamtemin

^{14:33:} Ofa Gami 7:26-27; 17:10-14; 19:26; Godin Araziaba 12:16; 12:23; 15:23

Israelien anogoreke. Ni Jenesis 9:4in gan.

^{14:41:} Diboboniba 27:21; 1 Samuel 28:6

Otevir maba, da Hibrun akamin itir puvati. Akar kaba ti fomira iti, egha gin ovenge. Ezi akar kaba ikiavira itir dughiamin, gumazir maba Grikin dagh ira, ezi akar kaba Grikin akamin 1 Samuelin iti.

^{*} ^{14:33:} God asizir ghuziba itiba aman

^{† 14:41:} Vezin kamin akar

misogha uaghan Amalekia abini. Kamaghin amizi, men apaniba ua iza Israelia misozir puvati.

⁴⁹ Ezi Solin otaribar kara, Jonatan, Isvi ko Mallkisua. Ezi an guivimning, avenemebamin ziam, Merap, ezi an afumim Mikal. ⁵⁰ Ezi Solin amuimin ziam, Ahinoam a Ahimasin guivim. Ezi Solin midorozir gumazir dapanim, an ziam Apner, a Nerin otarim. Ner a Solin afeziar dozim. ⁵¹ Ezi Solin afeziam Kis. Ezi Kis ko Ner, aning Abielin otarimning.

⁵² Sol atrivimin itir dughiamin, an midorozir gumaziba pamtemen Filistiabav sosi. Kamaghin amizi, a zurara gumazir gavgaviba buri. A gari, gumazir manam midorozibar atiatir puvati, an a inightima, an an midorozir gumazimin otogham.

15

Sol Ikiavira Itir Godin akam batoke

¹ Dughiar mam, Samuel kamaghin Sol migei, "Dughiar ki Israeliyan atrivimin ikiasi ni amisevezim, me Ikiavira Itir Godin gumazamiziba, Ikiavira Itir God ubi na amadazi, ki kamaghin ami. Kamaghin amizi, ni Ikiavira Itir Godin akam baragh. ² Ikiavira Itir Godin Gavgaviba Bar Itim, kamaghin migei, 'Ia inazir afeziaba Isip ategha azenan izir dughiamin, Amalekia pazavira me gami. Kamaghin amizi, Ikiavira Itir God iveauzir kuram me daningam. ³ Kamagh amizi, ni uan midorozir gumaziba inigh mangi Amalekia ko misogh men biziba bar dagh asighasikigh. Egh gumazamiziba ko boriba, bulmakauba, sipsipba, kamelba ko donkiba bar dav sueghti, da bar arighiregh. Ia tav ateghti a ikian bar marki.'

⁴ Sol kamaghin oregha, uan midorozir gumazibar diazi, me iza Telemi nguibamin uari akufa. Ezi men dibobonim kamaghin zui, Judan midorozir gumaziba me 10,000, ezi Israelia 200,000. ⁵ Ezi Sol gin uan midorozir gumaziba inigha, Amalekian nguibar ekiamin boroghin ghue. Kar danganir dipam fomira ivemarim, a datirighin dakezi me an mongegha iti.

⁶ Ezi Kinia Amalekian boroghin iti. Ezi Sol akar gavgavim me bagha anemaga ghaze, 'Ia Amalekia ategh mangi danganir igharazitam iki. Puvatighti, e mangi me misoghti ia me sara arighiregham. En inazir afeziaba fomira Isip ategha azenan izir dughiamin, ian inazir afeziaba deraghvira Israelia e gami. Ki ian inazir afeziabagh nighnigha ia bagha akam amadi. Kamaghin, ia arighiram ki aghua.' Ezi Kinian gumazamiziba

kamaghin oregha Amalekia ategha ghue. ⁷ Ezi Sol pamtem misogha Amalekia abini, a Havilan nguazimin ikegha ghua Surin gumazamiziba puvatizir danganimin ghua, Isipin aruem anadi naghin tu. ⁸ Egha Sol Amalekian Atrivim Agakin suira. Ezi Israelia Amalekian igharaz darazi bar me misoghezi, me ariaghire. ⁹ Me Agakin misoghezi an aremezir puvati, egha me uaghan bulmakauba ko sipsipin aghuibav soghezir puvati. Me bulmakauba ko sipsipin kuraba ko asizir igharazir kinibav soghezi da ariaghire.

Sol uam atrivimin ikian God aghua

¹⁰ Ezi Ikiavira Itir God ua kamaghin Samuel migei, ¹¹ "Ni oragh, Sol nan akaba batuegha akirim na gasara. Ezi nan navim kamaghin mong oseme, ki Sol atrivimin ikiasi a ginaba. Bizar kam bangin nan navim derazir puvati." Ezi Samuel akar kam baregha navim osemegha atari, egha dimagarir kamin Samuel Ikiavira Itir God ko migia an diavira itima aminim tira.

¹² Bar mizaraghara Samuel dikavigha Sol bagha zui. Ezi me a migia ghaze, Sol Karmelin nguibar ekiamin ghugha, midorozim gafiraghza ziar ekiam ini. Bizar kam bagha, a dagiar ababanim asara. An anesaraghha givagha Gilgalin nguibar ekiamin ghu. ¹³ Samuel ghua Sol batoga dughiam Sol ganiga ghaze, aruer aghuim, "Samuel, Ikiavira Itir God deraghvira ni damu. Ki Ikiavira Itir Godin Akar Gavgavimin gin ghugha gifa."

¹⁴ Ezi Samuel a migia ghaze, "Guisi? Ezi ki tizim bagha bulmakauba ko sipsipbar arareba barasi?"

¹⁵ Ezi Sol kamaghin a ikaragha ghaze, "Nan midorozir gumaziba, Amalekia dam ada ini. Me Ikiavira Itir God bagh ofa damusa, bulmakauba ko sipsipin aghuiba ini, a en God. Egha bulmakauba ko sipsipin kuraba me bar dav soke."

¹⁶ Ezi Samuel kamaghin a migei, "Ni asugh nimira iki. Ki bizar Ikiavira Itir God dimangan na mikemezimin gun ni mikimam."

Ezi Sol ghaze, "A dera, ni na mikim."

¹⁷ Ezi Samuel kamaghin Sol migei, "Fomira ni ghaze ni pura bizim, ni Israeliyan anababar gumazir dapanim. Ikiavira Itir God ubi ni ginabazi, ni atrivimin oto.

¹⁸ Egha a ni amadazi ni ghua Amalekia misoke. A ghaze ni me misoghvira iki, gumazir kurar kaba bar me agifagh. ¹⁹ Ni tizim bagha Ikiavira Itir Godin akamin gin zuir puvati? Egha ni bizar tizim bagha ivemara ghua Amalekian biziba isi? Ni

Ikiavira Itir Godin damazimin, arazir kuram gami.”

²⁰ Ezi Sol kamaghin Samuel ikara, “Puvati. Ki Ikiavira Itir Godin akamin gin ghua, Amalekia misoke. Egha Atrivim Agak inigha ize. ²¹ E fo, Ikiavira Itir God ua bagha sipsip ko bulmakaun kabagh inabagha, dav sohsaga e mikeme. Ezi midorozir gumaziba Gilgalin kagh, nin Ikiavira Itir God bagh ofa damuasa, asizir kabar tongin asizir bar aghuiba inigha ize.”

²² Ezi Samuel kamaghin a migei, “Ikiavira Itir God arazir manam gifonge? A ti ofan bar isia mighirizir kabagh ifonge, o? E ti an akabar gin mangasa, a ifonge? Ni oragh. Arazir an akabar gin zuim, a bar faraghavira itir arazim. Ezi asizir aghuubar ofa gamir arazim, a pura bizim. ²³ Godin akaba batozir arazim, a mati imezibagh amir arazim, ezi Godin akaba barazir puvatizir arazim, mati asebar gin zuir arazim ko arazir bar kuram. Ni akirim ragha Ikiavira Itir Godin akam gasara, kamagh amizi, an akirim ragha ni gasarazi, ni uam atrivimin ikian kogham.”

²⁴ Ezi Sol kamaghin a ikaragha ghaze, “Are. Ki arazir kuram gami. Guizbangira, ki Ikiavira Itir Godin akaba batuegha uaghan nin akaba batoke. Ki uan midorozir gumazibar atatiatigha men akabar gin ghu. ²⁵ Ezi ki datirighin kamaghin ifonge, ni nan arazir kuraba gin amadagh egh nan gin iziti, ki Ikiavira Itir Godin ziam fam.”

²⁶ Ezi puvati, Samuel kamaghin Sol migei, “Ni Ikiavira Itir Godin akaba akirim ragha dagh asara, ezi an akirim ni gasara. Bizar kam bangin, ki nin gin mangighan kogham. Eighti ni uaghan Israeliel atrivimin ikian kogham.”

²⁷ Egha Samuel ragha mangasava amima, Sol pamtemin an korotiar avizimin suirazi a biki. ²⁸ Ezi Samuel kamagh ganigha Sol migia ghaze, “Ni oragh. Ikiavira Itir God datirighin atrivir ingangarimin ni agifa, ni korotiar avizir kam abighizi moghin, ni ua Israelia gatvan kogham. A ingangarim issa Israeliel gumazir igharazim ganingi. Gumazir kam, a gumazir aghuim egha ni gafira. ²⁹ Bar guizbangira, Ikiavira Itir God, a Israeliel God, a nguaizir kamin gumazim puvati. Kamaghin amizi, a ifarir puvatigha uan nighniziba otavkirir puvati. Bar puvati. Kamaghin, e fo, God uan akam uam a gheragan kogham. Bar puvati.”

³⁰ Ezi Sol kamaghin a ikaragha ghaze, “Guizbangira, ki arazir kuram gamigha gifa. Ga uaning, ni nan gin iziti, ki Ikiavira Itir God, nin Godin ziam fam? Eighti nan gumazir dapaniba ko gumazamizir

igharaziba me nighnizir aghuim nan ikiam.” ³¹ Ezi Samuel uamategha Solin gin zuima a Ikiavira Itir Godin ziam fe.

³² Ezi Samuel gin kamaghin me migei, “Ia Amalekian Atrivim Agak inigh ize.”

Ezi Agak iza bar atatiatava agoi, egha kamaghin nighnisi, “Ovever kuram, ti datirighin na batogham.”

³³ Ezi Samuel ghaze, “Ni gumazir aviribav soghezi me ariaghire, ezi datirighin gumazir ni misoghezi ariaghirezibar amebaba, me ua boriba puvati. Ezi datirighin nin amebam uaghan amebar kabar min ikiam.” Egha Gilgalin nguibamin, Ikiavira Itir Godin damazimin, Samuel Agakin misuegha an kuam aghora bar a nguemisiri.

³⁴ Egha Samuel gin uamategha Raman nguibar ekiamin ghuzima, Atrivim Sol Gibean ua dipenimin ghu. ³⁵ Egha Samuel ua tong Solin ganizir puvatigha ikiavti Sol areme. An arazir kurar Sol Ikiavira Itir God gamizibagh nighnighavira ikia, an navim bar oseme. Ezi Ikiavira Itir God, a Sol gamizi a Israeliel atrivimin otozir bizim ginighnigha, bar oseme.

Sol ko Devitin eghaghanim

16

(Sapta 16--31)

Samuel atrivimin ikiasa David amisefe

¹ Ezi Ikiavira Itir God, Samuel migia ghaze, “Israeliel Atrivim Sol, ki a batuegha gifa. Kamaghin amizi, ni tizim bagha Sol ginighnigha osemeghavira iti? Nin navir osintizir kam manadizoghn givagham? Ki, Betlehemin nguibamin gumazir mam Jesi bagha, ni amadi. Ni borer tam sipsipin kom gurigh a inigh mangi. Ki atrivimin ikiasa, an otarir mam ginabagha gifa.”

² Ezi Samuel kamaghin migei, “Ki manmaghin bizar kam damigham? Ki bizar kam damighti, Sol oregh na misuehti ki aremegham.”

Ezi Ikiavira Itir God a migei, “Puvati. Ni bulmakaun amebar igiar otezir puvatizitam inigh, ua Betlehemin mangiva gumazamizir nguibar ekiamin itibar mikim suam, ‘Ki Ikiavira Itir God bagh ofa damuasa ize.’ ³ Egh ni Jesin azaraghita a uaghan ofan kam bagh iziti, ki bizar ni damuamimin gun ni mikimam. Egh gumazir ki atrivimin otivasa misevezim, ki nin akakaghti, ni borem isi an dapanim gingegham.”

⁴ Ezi Samuel Ikiavira Itir Godin akamin gin ghua Betlehemin ghu. A ghuava otozima, nguibar ekiamin gumazir dapaniba atiatim sara iza a bato. Egha me

bar moghira aguava an azai, “Ni deragh e damuasa navir amirizim sara izi, o puvati?”

⁵ Ezi Samuel ghaze, “Are, ki navir amirizim sara izi. Ki Ikiavira Itir God bagh ofa damuasa izi. Ia faragh Godin damazimin, uari zuegh, egh ia gin izi na ko e ofa damuam.” Egha a ghua Jesi uan otariba ko me batogha, Ikiavira Itir Godin damazimin zuegh arazir aghuibar gin mangamin akabar me migei, egha ofan kamin izasa men azangssi.

⁶ Ezi Jesi uan otariba ko, me otivigha givagha, Ikiavira Itir Godin damazimin tuivighav itima, Samuel Jesin otarir ivariam Eliapin gara, nighnisi, “Kar ti gumazir kamra, Ikiavira Itir God, atrivimin otivasa a ginaba.”

⁷ Ezi Ikiavira Itir God a migia ghaze, “Ni kamaghin nighnighan marki, an aghuir ruram ko an ganganiba deraghti, ki a ginabagham. Puvati. Gumazir kam, atrivimin otivan ki aghua. Guizbangira, Ikiavira Itir God, gumaziba biziba tuisisi moghin, biziba tuisizir puvati. Gumaziba uan damazibar inivafizibar gari. Ezi ki gumazibar nighniziba ko men ifongiabar gara me tuisisi.”

⁸ Ezi Jesi uan otarir namba 2in dia, an ziam Abinadap, egha a inigha Samuel bagha ize. Ezi Samuel ghaze, “Puvati, Ikiavira Itir God a ginabazir puvati.”

⁹ Ezi Jesi Sama inigha Samuel bagha ize, ezi Samuel ghaze “Puvati, a uaghan Ikiavira Itir God a ginabazir puvati.”

¹⁰ Dughiar kamin, Jesi uan otarir 7pla vaghvaghya me inigha Samuel bagha iza an aka. Ezi Samuel a migia ghaze, “Nin otaribar tongin, Ikiavira Itir God men tav ginabazir puvati.”

¹¹ Ezi Samuel kamaghin Jesin azai, “Nin otaritam ua iti, o?”

Ezi Jesi ghaze, “Puvati, otarir bar igiar abuananam iti. A bar men dozim. Egha a sipsipbagh eghuva dar gari.”

Ezi Samuel a migia ghaze, “Ni gumazitam amadaghti a mangi a inigh izi. A izeghti, e gin dapiagh ofa damuam.”

¹² Ezi Jesi gumazir mam amadazi, a ghua an otarir kam inigha izi. Jesin otarir kam, a uan mugamra ikia an guam bar derazi an damazimning dafozi, an mikarzimin ganganiba bar dera.

Ezi Ikiavira Itir God, Samuel migia ghaze, “A mara, gumazir mamra, an atrivimin otivam. Ni atriviba amisiva me gazuir borem isi, a gingegh.”

¹³ Ezi Samuel olivin borer sipsipin komin itim inigha, Devitin aveghbuabar damazimin borer muziarim an dapanim ginge. Ezi dughiar kamra Ikiavira Itir Godin

Duam iza pamtemin Devit avara, egha a ko ikia mamaghira iti. Ezi Samuel uamategha Raman nguibar ekiamin ghu.

Devit Atrivim Solin dipenimin iti

¹⁴ Dughiar kamin Ikiavira Itir Godin Duam Sol ataghizima, Ikiavira Itir God, duar kurar mam amadazi a ghua an nighnizim gasigasighizima a bar atiatingi.

¹⁵ Ezi Solin ingangarir gumaziba kamaghin a migei, “O atrivim, e fo, God duar kurar mam amadazima a iza pazavira ni gami. ¹⁶ Ni ifueghti e mangi ni bagh, gitan min garir dibiarir strinba itibav sozir gumazitam batogham. Egheti God, ni bagh duar kuram amangamin dughuiabar, gumazir kam ni bagh dibiarim misoghti, an ararer aghuim ni damuti, nin nighnizim ua deragham.”

¹⁷ Ezi Sol kamaghin ingangarir gumazibav gei, “Mamaghira. Ia mangi gumazir deraghavira dibiarir ararer aghuim gamir tam batog na bagh a inigh izi.”

¹⁸ Ezi ingangarir gumazir mam kamaghin Sol migei, “Ki Jesin otarir mam Betlehemin nguibar ekiamin an gani. Gumazir igiar kam bar fo, a dibiarir midorozir ararer aghuibagham. A uaghan midorozir gumazir gavgavir aghuim. Egha uaghan migirigiar aghuibagham amua an ganganiba bar dera. Guizbangira, Ikiavira Itir God a ko iti.”

¹⁹ Sol akar kam baregha gumaziba amadazi me ghua kamaghin Jesin migei, “Nin otarim Devit, sipsipbar garir otarim, ki kamaghin ifonge, ni na bagh anemadaghti a izi.” ²⁰ Ezi Jesi oregha Sol bagha Devit amadi. Jesi akirar pumuningin bretba aghuigha, donkin mamin akirim gikegha, da isa Devit ganingi. A uaghan memen inimini ingaririz misevir wain ruizim sara a ganingi. Egha memen igiar mam sara a ganingi, a kamaghin Devit migia ghaze, bizir kaba, ni bizir aghuibar min Atrivim Sol daningi. ²¹ Ezi Devit ghua Sol batogha an ingangarir gumazimin oto. Ezi Sol bar Devit gifonge, egha uan midorozir biziba ateramin ingangarim isa Devit ganingi.

²² Ezi Sol kamaghin Jesi bagha akam amada, “Ki Devit gifonge. Ki kamaghhsua, ni aneteghti a nan ingangarir gumazimin ikiam.”

²³ Kamaghin amizi, Devit Sol ko iti. Egha Ikiavira Itir God, duar kuram Sol bagha anemadir dughuiabar, Devit dibiarim misozima an ararer aghuim gami. Ezi Sol gitan min garir dibiarir ararer kam barazima, duar kurar kam Sol ataghirazima, an nighnizim ua araraghha izima, a ua dera.

17*Goliat pamtemin Israelian dei*

¹ Ezi Filistiabar midorozir gumaziba gin iza Efesdamimin uari akuvagha uari akiri. Me nguubar kamin uan averpeniba ingari, danganir kam Aseka ko Sokon nguubar ekiamningtin tizimin iti. Egha me Sokon Israelia ko misoghasa. ² Ezi Sol Israelian midorozir gumaziba ko ghua, Elan danganir zarimin ikia Filistiaba ko misoghasa uari akiri. ³ Ezi Filistiaba vongin mighsiar mamin itima, Israelia vongin mighsiar igharazimin iti, ezi danganir zarin aning abiki.

⁴ Dughiar kamin, midorozir gumazir bar dafar gavgavir mam, a Getin nguubar ekiamin gumazim, an ziam Goliat. A Filistiabar averpeniba ategha iza azenara tuzi, Israelia an gari. An ruarim 3 mitan boroghira ghu. ⁵ Egha a brasin ingarizir dapanir asuam ko midorozir korotiaba aghui, ezi dar osimtzim 50 kilogremin tu. ⁶ A brasin otevir mamningin uan suemning noke, Egha brasin ingarizir afuzim gisaghp. ⁷ An afuzir misiam mitemegha ekevegħha, mati ter otevir mam. Ezi afuzir mizem me ainin an ingarizi, an osimtzim 7 kilogremin tu. Ezi midorozir gumazir mam oramin suiraghha an faragħa zui.

⁸ Ezi Goliat tugħha pamtemin Israelian dia ghaze, “Ia tizim bagħha midorozim damuasa mifek? Ia misogħasa, a? Ia pura Solin ingangarir gumazir kinibba, ezi ki Filistiabar midorozir gumazim. Aria, ia gumazitam amisevegħti, a iżi na misogħ. ⁹ A gavgav- īgh na misuegħti ki aremegħti, e pura ian ingangarir gumazir kinibbar ikiam. Eġħi ki a misuegħti an aremegħti, ia en ingangarir gumazir kinibbar min ikiam.”

¹⁰ Egha Goliat ua kamaghin me migei, “Ia oragh. Ki datirighn Israelian midorozir gumaziba ian ingarav aki ia basamasa. Ia gumazitam amisevegħti a iżi na ko misogħam.” ¹¹ Ezi Sol uan midorozir gumaziba ko akar kam baregha, me bar atiatigha nighnzir aviribagh ami.

Devit a Israelian midorozir gumaziba bagħha zui

¹² Devitin ikizimin eghagħanim kamakin, Devit a Jesin otarim. Jesi a Efratan nguubar ekiamin gumazir mam. A Betlehemin nguubar ekiamin iti. Betlehem, a Judan anabamin nguazimini iti. Ezi Jesi otarir 8pla iti, ezi Sol atrivim itir dughiamin, Jesi ghurigha għifa. ¹³⁻¹⁴ Ezi Jesin otarir ivarjam Eliap, an girara irrim Abinadap, ezi otarir mikkem Sama, me Solin midorozir gumazibar akuragh apanibav soħħasa għue. Ezi Devit a Jesin otarir dozir abuananam.

¹⁵ Dughiar mabar Devit ghua Solin ingangaribagħha ami. Egha dughiar maba, a Sol ataghira għaż-żejt ghua Betlehemin uan afeziamin sipsipbar gari.

¹⁶ Dughiar kamin, Goliat 40plan mizaraziba ko guaratizibar iza azenara tuiva, uabi ko misogħasa Israelian dia ghaze, ia gumazitam amadagħi a iżi na ko misogħ.

¹⁷ Ezi dughiar mamin Jesi kamaghin Devit migei, “Ni bretin 10plan kaba ko 10 kilogremin witin me avimin tueziba inigh, zuamira uan aveghbuu ba bagħ averpenir me itibar mangi. ¹⁸ Ni uaghan 10plan sisin dagħer kaba inigh mangi midorozir gumazibar gumazir dapanim daningi. Egh uan aveghbuu bar azaragh, me deravira iti, o puvati. Egh me da bizitam inigh iżi nan akagħi ki fogħam, me deravira iti. ¹⁹ Ni mangi ganti, Atrivim Sol ko nin aveghbuu ko midorozir gumazir igharaziba, me Elan danganir zarim ikia Filistiaba ko misosi.”

²⁰ Ezi amimzaragh, Devit bar mizaraghha dikavighha sipsipbar ganasa gumazir igharazim mikeme. Egha a dagħebi inighha, men averpeniba iti nagħin zui, mati Jesi a mikemez mokin. A ghua ottivima, Israelian midorozir gumazibha midorozim bagħha ghua, pamten dia zui.

²¹ Ezi Filistiabar midorozir gumazibha vongin tuvīghav iti, ezi Israelian midorozir gumazibha vongin tuvīghav, midorozim bagħha uari akiri. ²² Ezi Devit dagħebi isa dipenim itir bixxibar garir gumazib ganigha, iverġa ghua midorozir gumazibar tongin uan aveghbuu ba għia ghaze, ia dera? ²³ A me ko migiavira itima, Filistian midorozir gumazir bar gavgavim Goliat, a Getin nguubar ekiamin gumazim, a Filistian midorozir gumazibha ategħha iza azenara tugħha, Israelian dia migeir akar kamra uam a gami, ezi Devit a barasi. ²⁴ Ezi Israelia Goliatin garava bar atiatigha are.

²⁵ Egha Israelia kamaghin uariv gei, “Ia gumazir munamin ganiva an dimdiem baragh. A midorozim bagħha e għejha en ingaravati. Ezi en atrivim kamaghin migei, gumazitam Filistian kam misuegħti an aremegħti, a dagħiav aviriba ko bixx ħażi aviriba a daningam, egh a uaghan uan guivim ategħti, gumazir kam an ikiam. Eġħi atrivim uaghan gumazir kamin adarazi da dagħiaba inian kogħam, egh atrivim uaghan uan ingangariba bagħ men diman kogħam.”

²⁶ Ezi Devit deragħha akar kam baraghizir puvatigha kamaghin an borogħin itir gumazibar azai, “Gumazir manatam Filistian gumazir kam misuegħti, an aremegħti, Israelian aghumsizir kam givagħham, eġħi atrivim manmagħin a damu? Ki kamaghin gari, Filistian kam,

a gumazir God gifozir puvatizim, egha uan mikarzir mogomemin inim atuzir puvati. A ubi fava dibovir akabar Godin Zurara Itimin midorozir gumazibav gei.”²⁷ Ezi gumaziba a geghari, atrivim kamaghin migei, gumazir manam Goliat misuegħti, a bizar kabar a damuam.

²⁸ Ezi Devitin avebam Eliap orazima, Devit gumaziba ko migei. Ezi an navim ikuvizima a kamaghin a migei, “Ni tizim bagha kagh ize? Tinara nin sipsipin muzieriba gumazamiziba puvatizir danganimin dar gara dagħ eghufi? Ki fo, ni ifari, ni orazi puvatigha puvira ifagħatir gumazim. Ni pura daru midorozim min ganasa ize, bizzib puvati.”

²⁹ Ezi Devit kamaghin uan avebam migei, “Puvati. Ki bizitam gifofogħasa gumazibar azangħi. Ki kamaghin amima, a ti deraz, o puvati?”³⁰ Egha a ragħirigha ua gumazir igharazibar azai, gumazir Filistinian gumazim misuegħti an aremegħamim, atrivim manmagħin a damuam? Ezi me ua bizzir Sol faragħa mikemezibar a migei.

³¹ Ezi gumazir maba Devitin migirgi ġaba baregħa ghua Sol migei. Kamaghin amizi, a Devitin diażima an a bagħha għu.

³² Ezi Devit ghua otogħa kamaghin Sol migei, “O atrivim, ni oragh. E Israelia, e Filistian kamin atiatiengħi osemeħġan kogħam. Ki nin ingangarir gumazim, ki ubi mangi kko misogħam.”

³³ Ezi Sol ghaze, “Bar puvati. Ni otarir bar igiam. Ni manmagħin a ko misogħam? Ni otarir aghħir ir kinim. Goliat uan igiarmu midorozir gumazim inkia iza datirikin.”

³⁴ Ezi Devit Solin akam ikaragħha ghaze, “Atrivim, ki uan afeziamin sipsipbar gari. Ezi dugħiarr mabar laionba ko beaba iza sipsipin nguziba isa zui.³⁵ Ezi ki laionba ko bean kabar agħintiġha dav sogħha dar akatoribar uam sipsipin nguziba, me dama da isi. Eghix laion o bea ragħ na misogħi izitima, ki an tuer arizibar suiragh an gurim apirighti an aremegħam.³⁶ O atrivim, Filistian gumazir Ikiavira Itir God gifozir puvatizir kam, a gumazir uan mikarzir mogomemin inim atuzi puvatizim, a dibovir akaba Godin midorozir gumazibav gei. Ezi ki laionba ko beabav soħezi mogħin, arazir kamra, ki a damuam.³⁷ Ikiavira Itir God nan akurazi, laionba ko beaba na gasiġħasighiżi puvati. Ezi datirighin, a uaghan nan akurajgħi, Filistian kam na misuegħan kogħam.”

Ezi Sol a mijaq ghaze, “A dera, ni mangi, Ikiavira Itir God ni ko ikiām.”

³⁸ Egha Sol dapaniż asuar brasin ingarizim an dapanim garugħa, korotiar brasin ingarizim an mikarzim avasa a

ganingi. Kar Solin midorozir korotiaba.³⁹ Ezi Devit midorozir sabam inigha brasin midorozir korotiam arugħa, ubi baraghav arui. Ezi puvati, a fomira bizir kamagh għar taba aghħużiż puvati. Kamagh amizi, a Sol migia ghaze, “Ki midorozir korotiar kabar aghħiġi mangi misogħan kogħam. Ki bizar kaba azurri puvati.” Kamagh amizi, a ua da sue.⁴⁰ Egha uan asadivir aghorim inigha dagħurir dipar mamin eghuravim għuwa 5plan dagħiar guar doziba inigha, uan mitarid dozim garu. Egha uan katapelin suiragħha Goliat bagħha zui.

Devit midorozim min Goliat abira

⁴¹ Ezi Filistian gumazim Goliat, a garima, Devit a bagħha arua izi. Ezi Goliat Devit bagħha izi. Ezi gumazir Goliatin oramin suizim an faragħha zui.⁴² Ezi Goliat Devitin garima, a bar otarir igjam, ezi an guamin ganganiba bar dera. Ezi Goliat ghaze, a ti midorozim damuam min fotofziba puvati, a pura borir kinim.⁴³ Kamaghin amizi a Devit dipova kamaghin a migei, “Ni tizim bagħ asadivir aghorir mamin suiragħha izi? Ni ghaze, ki ti afiam, egha na misogħasa, a?” Egha a Devit gasiġħasighha uan asebar dei.

⁴⁴ Egha a kamaghin Devit migei, “Ni izi, ki ni misuegħ nin kuam isi kuarazir isaba ko asizir atiabar anighti, me ni amam.”

⁴⁵ Ezi Devit kamaghin a ikaragħha ghaze, “Ni midorozir sabam ko afuziba inigha na misogħasa. Ezi ki Ikiavira Itir Godin Gavvaviba Bar Itimin ziamin nin misogħasa izi, a Israelia en midorozir gumazibav għavvav God. A Godin kamra, ni an akaba barazir puvatigha dibovir akabar a migei.⁴⁶ Ni oragh. Datirighin dugħiarr kamra, Ikiavira Itir God ni isi nan dafarim datigham. Eghix ki ni misuegħ nin dapanim atuġħam. Eghix īan midorozir gumazibav suegħi, men namnaba isi kuarazir isaba ko asizir atiabar aningam. Ki kamaghin damiġħi, kantribar gumazamiziba bar kamaghin fogħam, Israeliyan God, a guizbangira God.⁴⁷ Eghix ġumazamizir kagh itiba bar kamaghin ganigħi suam, Ikiavira Itir God uan gumazamiziba uan gavgavimra me isi. A gumazir afuziba, ko midorozir sababar suiziba, a dagh nighniżiżi puvati. Ikiavira Itir God ubi midorozir kam damuam, egh bar ia isi en dafarim darigħam.”

⁴⁸ Devit mikemegħha għavzima, Goliat ua bar sivagħha Devitin boroghira izi. Ezi Devit zuamira iverġa ghua Goliat misogħasa zui.⁴⁹ Devit dafarim uan mitarid dozim garugħha, dagħiar mam inigha uan katapel gatiga a ighenġegħha Goliat gase. Ezi dagħiġi an guam mitiġħha a vuigha an dapanim aven ġħu, a guam

moghin ira uaghira nguazimin fuaghav iti.
⁵⁰ Kamaghira, Devit katapel ko dagiamin midorozimin Goliat misoghezi an areme. A midorozir sababa puvati. ⁵¹ Goliat nguazim girighav itima, Devit ivegha ghua Goliatin boroghin tugha, an midorozir sabam amikirigha an firim atuzi, an areme. Ezi Filistiab garima men faragha zuir midorozir gumazir gavgavim aremegha givazi, me bar moghira tintinibar are.

⁵² Ezi Israelia ko Judan gumaziba dargvagha, men agintigha me misozima me ariaghiri. Ezi Filistiabar kuuba tintinibar Saraimin nguubar ekiamin tuavim grar ikia ghua, Getin nguubar ekiam ko Ekronin nguubar ekiamin divazimin tiar akabar tu. ⁵³ Ezi Israelia men agintigha givagha, uamategha ghua Filistiabar averpenibar men bizar me tegha areziba ini. ⁵⁴ Ezi Devit Goliatin kuamin namnamin itir midorozir bizia bar da inigha ghua uan averpenim gati. Egha Goliatin dapanim inigha ghua Jerusalemin itir gumazamizibar akakaghaha, eghti me fogh suam, a midorozimin Goliat abiragh gifa.

Devit ghua Solin gani

⁵⁵ Sol garima, Devit ghua Goliat ko misozima, ezi a kamaghin midorozir gumazibar faragha zuir gumazir dapanim Apnerin azai, “Otarir igiar kam, a tinan otarim?”

Ezi Apner a ikaraghha ghaze, “Atrivim, ki guizbangira ni migei, ki fozir puvati.”

⁵⁶ Kamagh amizi, Sol ghaze, “Ni mangi tintinibar gumazir igharazibar azangsigh, egh izi na mikemegh.” ⁵⁷ Ezi Devit Goliat misoghezi an aremezi dughiamin gin, a uamategha Jerusalemin ghuzi, Apner a inigha Sol bagha ghu. Ezi Devit Goliatin dapanimin suiraghavira ikia Apner ko ghua Sol bato.

⁵⁸ Ezi Sol an azara, “Otarir igiam, ni tinan otarim?”

Ezi Devit a migia ghaze, “Atrivim, ki Jesin otarim, a nin ingangarir gumazim, a Betlehemin nguubar ekiamin gumazir mam.”

18

¹ Sol Devit ko mikemegha givazima, Solin otarim Jonatan, a uan navir averiam sara Devit bar a gifonge, egha uabi gifongezi moghin bar a gifonge. Egha aning bar namakar aghuimmingin oto. ² Dughiar kamin, Sol Devit inizi an a ko iti, egha anetaghizima a uamategha uan nguibamin ghuzir puvati. ³ Jonatan bar Devit gifonge, kamaghin amizima, an akar gavgavir mamin Devit ko anekiri. Ezi Devit uaghan Jonatan ko akam akiri. ⁴ Ezi Jonatan uan korotiar aghuir ruram ko midorozir korotiaba sara sue. Egha bizar kaba ko an midorozir sabam ko an

barir pim ko an benir uabi amighirim sara da isa Devit ganungi.

⁵ Ezi Devit Sol ko itima, Sol Devit migeima, a midorozir gumaziba isa ghua apanibav sosi, egha misozir dughiabar, Devit zurara midorozibar uan apaniba abiri. Kamaghin amizi, Sol midorozir gumazibar gumazir dapanir mamin ikiasi a ginaba. Ezi gumazamiziba ko midorozir gumazibar dapanir igharaziba, kamaghin Devitin gara, bar a gifonge.

Sol Devit baseme

⁶ Devit Goliat misoghezi an aremegha givazi, midorozir gumaziba bar uamategha nguibabar izi. Me tuavimin izima, Israelien nguubar ekiabar amiziba uan nguubar ekiaba ategha azenan iza tuavimin atrivim Sol bato. Me bar akongezir ighiabagh amua gitam min garir dibiarim ko tambarinbav sosi. ⁷ Egha me kamaghin ighiam bange:

“Sol 1,000plan apanibav sosi.

Ezi Devit 10,000plan apanibav sosi.”

⁸ Sol ighiar kam baregha, bar an aghuaghha puv atari. Egha navim ikuvigha kamaghin migei, “Me ti ghaze, Devit apanir bar aviribav soke, ezi ki gumazir vabara misoke, ezi a bar na gafira. Me ti kamaghhsua, a ti gin nan danganim inigh atrivimin ikiem.” ⁹ Dughiar kamin, Sol bizar kam ginighnigha Devitin gara a basei.

¹⁰ Amimzaraghan Sol uan dipenimin iti, ezi Ikiavira Itir God, duar kurar mam a bagha anemada. Bar zuamira duar kurar kam Solin nighnizim abirazima, Sol pura diava arai, mati gumazir organim. Dughiar kamin Devit uan gitam min garir dibiarim gikararai, mati a dughiar zurara ami moghin ami. Ezi Sol uan afuzimin suiragh, ¹¹ kamaghin nighnisi, “Ki datirighin afuzimin Devit giniv a isi birim gikeghti ana aremegham.” Egha an afuzimi Devit mikinizi, Devit an afuzim gita. Sol dughiar pumuningin arazir kam gamizi, Devit dughiar pumuningin an afuzim gita.

¹² Sol fo, Ikiavira Itir God Devit ko iti, egha akirim ragha Sol gasara, Kamagh amizi, Sol Devitin atiatingi. ¹³ Egha a Devit ataghizi, an atrivimin dipenimin itir puvati. Sol gin Devit amadazi, a 1,000plan midorozir gumazibar dapanimin iti. Ezi Devit midorozir gumazir kaba inigha ghua apanibav sosi. ¹⁴ Ezi Ikiavira Itir God Devit ko ikia an akurvazima, bizar bar avirir an amiba deraghaviram otifi. ¹⁵ Ezi Sol Devitin garima an ingangariba bar deragha otivima, a bar puvira Devitin atiati. ¹⁶ Devit midorozir gumazibar gumazir dapanir bar aghuim,

kamagh amizima, Israelia ko Judabar gu-mazamiziba bar a gifongegha a baghavira iti.

Devit Solin guivimin iti

¹⁷ Egha Sol kamaghin ifonge, “Devit are-meghti deragham. Ki ti uabi a misueghan kogham. A ti uabi Filistiaba ko misoghti, Filistiaba a misuegħti an aremegħam.”

Kamagh amizi, Sol kamaghin Devit migei, “Ni oragh, ki Merap ni daningasa, a nan guivir ivariam, eghти gua uanining ikiam. Ezi ki ua kamaghin ni mikimasa, bizar ni na bagħ damuamin, ni nan midorozir gu-mazimin min iki pamtemin ingar atiatiġan marki. Eghти Ikiavira Itir God ifuegħti e uan apanibav sogħamin dugħiġi, ni mangi me misogħam.”

¹⁸ Ezi Devit Solin akar kam baregha kamaghin a ikaragħha ghaze, “Marki, ki an ikian kogħam, ki gumazir kinim. Egha uaghan nan adarazi ziabu puvati. Kamaghin amizi ki nin guivimin ikian kogħam.” ¹⁹ Ezi Sol gavvgavigha ghaze, Devit Merapin ikiam, egha aning uanining ikiasiā dugħiġam amisef. Dugħiar aning uanining ikiammi otozi, a dikavigha Merap isa gumazir igharazim ganingi, an ziam Adriel, a Mehola nruibar ekiamin gumazir mam.

²⁰ Ezi gin Solin guvir igharazim, an ziam Mikal, a Devit bagħha bar ifonge. Ezi Sol bizar kam baregha bar akonge. ²¹ Egha a kamaghin nighnisi, “Bar dera. Ki Mikal Devit daningam. Egh ki Devit amadagħi, a mangi Filistiabav sogħam, eghти Filistiaba a misuegħtima an aremegħam.”

Kamagh amizi, Sol ua Devitin diagħha a migei, “Ki kamaghin ifonge ni nan guivimin ikiam.”

²² Egha Sol uan ingangarir gumazir maba amaga ghaze, ia mangi Devitin ganigh, dugħiar Devit uabira ikiamim, ia an apezper suam, “Atrivim Sol bar ni gifonge, ezi e an ingangarir gumaziba uaghan ni gifonge. Ni oragh. Datirighin ni an guivimin ikiamin dugħiar aghuim.”

²³ Egha me ghua migħiġiġar kamin Devit migei. Ezi Devit kamaghin me ikaragħha ghaze, “Ia ti ghaze, ki dagħiaba itir gumazim, egha ziam itir gumazim, egh atrivim guivimin ikiam, a? Bar puvatigħam. Ki biziha puvatizir gumazir kinim. Kamaghin amizi, ki an ikegħan kogħam.”

²⁴ Kamaghin amizi, ingangarir gumaz-iba uamategħha ghua, Devit mikemeżiż akbar gun Sol gegħiġi. ²⁵ Ezi Sol kamaghin nighnisi, a Devit amadagħi, a mangi Filistiaba ko misogħtima, me a misuegħti an aremegħam. Kamaghin amizi, a uan ingangarir gumazibav kemegħti, me uamategħ mangi Devit mikimam. A kamaghin migei, “Ki kamaghhsua, Devit bizar bar vamira nan

guivim givesi na daningam. Ki kamaghhsua, Devit nan apaniba ikarvaghiva 100plan Filistian midorozir gumazibav suegħti me arighiregħ. Egh a 100plan gumazir kabar mikarzir mogomebar inibar ghoregħ, da inigh na bagħ iżi.”

²⁶ Ezi Solin ingangarir gumaziba ghua Solin akabar gun Devit migei. Ezi Devit kamaghin nighnisi, arazir kam, a Solin guivim givezamin arazir aghuim, egha a Solin ameremin otivasa bar akonge. Egha Sol mikarzir mogomer inir kaba inigh izasa dugħiġam ginaba. Ezi dugħiar kam tighar otivam, ²⁷ ezi Devit uan midorozir gumaziba ko ghua Filistiabar midorozir gumazir 200pla misuegħa, men mikarzir mogomebar iniba aghoregħha, da inigha atrivim bagħha izegħha da medi. Devit Solin guivimin ikiasava arazir kabagh ami. Kamaghin amizi, Sol uan guivim Mikal isa Devit ganingiż aning uanining iti.

²⁸ Ezi Sol datirighin kamaghin deragħa fo, Ikiavira Itir God Devit ko iti, ezi Mikal uaghan bar Devit gifonge. ²⁹ Kamaghin amizima, Sol Devitin atiatiavira ikia egha bar an aghħua. Egha Sol zurara an apanim in iti.

³⁰ Dugħiar avirbar, Filistiabar midorozir gumazir dapaniba uan midorozir gumazibar akua, Israelia misogħasa iżi, ezi Devit uan midorozir gumaziba ko pamtemin me misogħa me abiri. Solin midorozir gumazir dapanir igharaziba, me Devit pamtemin misozi mogħin misożi puvati. Kamaghin amizi, gumazamiziba ziar ekiam Devit ganidi.

19

Jonatan Devitin akura

¹ Ezi Sol Devit misuegħti an aremegħħasa uan otarim Jonatan ko uan ingangarir gu-maziba bar me mikeme. Ezi Jonatan bar Devit gifonge. ² Egha a ghua Devit migia ghaze, “Nan afezjam ni misuegħti ni aremegħħasa migei. Kamaghin amizi, ni gurumzaragħan bar deraghvha uabi geħġi, egh mangi azenibar modogħi. ³ Eghти ki afezjam ko, ga mangi danganir ni modożi min borogħiñ tughħiġ ikiti, ki ni bagħ afezjam min mikimiva an nighnizim gifogħam. A manmagħin ni damusi damuti, ki an gun ni mikimam.”

⁴ Egha amimzaragħan, Jonatan ko Sol ghua uanining migħi, Jonatan Devitin ziam fa kamaghin Sol migei, “Afezjam ki bizżeż minni mikkimasa. A kamakin. Ni arazir kuratam uan ingangarir gumazim Devit damuan marki. An arazir kuratam minni gamizir puvati. Bizar avirir an amiba da nin akurva. ⁵ A Goliat misogħezi an aremeżi

dughiam, a kamaghin uabi ginighnizir puvati, an ovengam o an angamira ikiam. Devitin agharimin Ikiavira Itir God, Israelia en akurvaghavira ikia, en apaniba, a bar me abini. Ezi ni uabi bizir kamin ganigha bar akonge. A bizitam gasighasaghizir puvati. Kamaghin amizi, ni tizim bagh puram a misueghti an aremegham? Ni kamaghin damigh osimtizir ekiam inigham."

⁶ Ezi Sol Jonatanin akaba baregha, akar dikirizir gavgavim gamua ghaze, "Ki Ikiavira Itir Godin damazimin, ki Devit misueghti an aremegham kogham." ⁷ Ezi Sol mikemegha givagha ghuza, Jonatan Devitin diazima a izima, an eghaghanir an afeziam a mikemezibar gun a geggari. A gin Devit inigha Sol bagha ghuza, Devit fomira atrivimin dipenimin ingarizi moghira ua ingari.

Sol Devit misueghti an aremeghasa

⁸ Ezi Israelia ko Filistiaba dughiar mamin ua uariv sosi. Ezi Devit uan midorozir gumaziba ko pamtemin misogha Filistiaba abirazima, Filistiaba tintinbar are.

⁹ Ezi gin, Ikiavira Itir God ua duar kram amadazi, a ghua Solin nighnizim avara. Dughiar kamin Sol uan dipenimin aven aperagha uan afuzimin suiraghav iti. Ezi Devit a ko ikia uan gitam min garir dibiarim gikararai. ¹⁰ Ezi Sol uan afuzimin Devit giniv a isi birim gikasava a birazi, Devit an afuzim gitazi, afuzim dipenir birim miti. Ezi dimagarir kamin, Devit arav ghu. ¹¹ Ezi Sol uan ingangarir gumaziba amadaghya ghaze, ia Devitin dipenimin mangi a korogh, egh bar mizaraghara ia misueghti an aremegh. Ezi Devitin amuim Mikal, kamaghin a migei, "Ni datirighin dimagarir kamra ni arimangigh. Puvatighti, me gurumin mizaraghara izi ni misueghti, ni aremegham." ¹² Kamaghin amizi, Mikal, benir gavgavir mam inigha dipenimin windua dafazi, Devit an suiraghya uaghira nguazim girigha arav ghu. ¹³ Devit ghugha givazi, Mikal marvir guar me tememin ingarizim inigha Devitin misiamin aneti. Egha me memen arizim inigha marvir guar kamin dapanim aniki. Egha nir ruarir mamin anevara.

¹⁴ Ezi Solin ingangarir gumaziba Devit ini-asa izima, Mikal kamaghin me migei, "Devit arei."

¹⁵ Ezi me uamategha ghua Sol mikeme. Ezi puvati, a ua kamaghin me migei, "Ia uamategh an dipenimin aven mangi an ganigh, egh an akuir misiamin a inigh iziti, ki a misuegghtima an aremegham."

¹⁶ Ezi me uamategha ghua dipenimin aven ghugha marvir guamin garima, a misiamin irighav iti, ezi an dapanim

anighizir memen ariziba iti. ¹⁷ Egha me an ganigha givagha ghua Sol mikeme. Egha gin Sol kamaghin Mikalin azai, "Ni tizim bagha na gifari? Ni tizimsua nan apanim ataghizi an arav ghu?"

Ezi Mikal kamaghin a ikaragha ghaze, "Devit kamaghin na migei, ni nan akuraghti, ki ari mangika. Puvatighti, ki nin misueghti, ni aremegham."

¹⁸ Devit arir dughiamin, a ghua Raman nguibar ekiamin Samuel bato. Egha Devit bizir Sol a gamiziba dar gun Samuel geghani. Egha gin Devit ko Samuel ghua Naiotin nguibamin iti. ¹⁹ Ezi gumazir maba kamaghin Sol migei, "Devit Raman nguibar ekiamin boroghin Naiotin nguibamin iti. Naiot a Godin akam inigha izir gumazibar nguibam." ²⁰ Ezi Sol gumaziba amadazi me Devitin suighasa zui. Me ghua otivigha garima, Godin akam inigha izir gumazir okoruar mam, Godin akam pamtem an gun migiava diava ighia izi. Me Samuelin garima, a Godin akam inigha izir gumazir kabar dapanimin iti. Ezi Godin Duam pamten Solin gumaziba gizivazi, me uaghan Godin akam pamten an gun migiava, dia ighia izi. ²¹ Ezi Sol kamaghin bizir kam baregha gumazir igharaziba amadazi, me ghua kamaghira Godin akam inigha izir gumazibar min otifi. Ezi Sol ua kamaghira oregha, a ua gumazir avirir maba ua me amadazi, me ghua kamaghira Godin akam inigha izir gumazibar min otifi.

²² Ezi Sol gin uabi ghua Raman otogha, ghua Sekun nguibamin mozir dipar ekiamin oto. Egha kamaghin Sekun itir gumazibar azai, "Samuel ko Devit aning managh iti?"

Ezi me ghaze, "Aning Raman nguibar ekiamin boroghin Naiotin nguibamin iti."

²³ Ezi Sol tuavimin ghuavira itima, Godin Duam an anaboz, a Godin akam pamtem an gun migiava, diava ighia tuavimin ghua Raman boroghin ghua Naiotin nguibamin oto.

²⁴ A gumazir igharazibar min uan korotiaba suegha, Samuelin damazimin, Godin akam inigha izir gumazibar min ami. Egha dimagarir kam ko aruer kamin, a bibiamra irighav iti. (Bizir Sol batozir kam, an akar gumaziba migeir mamin mingaram. Akar kam kamakin, "Manmaghin ami, Sol ti uaghan Godin akam inigha izir gumazim, o?")

20

Jonatan Devitin akura

¹ Sol Raman boroghin Naiotin nguibamin otozi, Devit nguibar kam ategha arava,

uamategha Jonatan bagha ghu. A kamaghin Jonatan migei, "Ai Jonatan, ni afeziām tizim bagh na misuehti ki aremegham? Ki osimtizitam o arazir kuratamin a gamizir puvati. Guizbangira, ki būtamin osimtizitam itir puvati."

² Ezi Jonatan kamaghin Devit ikara, "Puvati, ni aremeghan kogham. Nan afeziām, bizar a damuamiba, a bar dar gun na migei, bizar muzieriba ko bizar ekiaba. Egh a bizar katam nan modoghan kogham. Ezi ki fo, a ni misuehti ni aremeghan kogham."

³ Ezi Devit ua kamaghin migei, "Nin afeziām a bar ni gifon, ni bar na gifonge. Kamagh amizi, a ti na misuehti, ki aremeghsı, a ni mikemeghan kogham. An osimtizim ni daninga aghua. Ezi guizbangira Ikiavira Itir Godin zurara itimin ziamin ki ni migei, nin afeziām na misuehti ki aremegham. Ki bizar kam gifogha gifa, ki fo ni datirighin na ko iti. Ezi dughiar bar otevimin nin afeziām bizar kam damuam."

⁴ Ezi Jonatan kamaghin Devit migei, "Ki manmaghin nin akuraghasa, ni ifonge? Bizar ni ifongezir manam, ki a damuam."

⁵ Ezi Devit kamaghin a migei, "Gurumzaraghan iakinir igiamin dughiar ekiamin, ki mangi atrivim ko damam. Ni uabi nighnigh, ni na amadaghti, ki mangi obarir azenimin modogh iki, mangi amimzaraghan guaratizimin tugham. ⁶ Eghti nin afeziām apir dakozimin na bagh ganiva ni azangsigh suam, a managh iti, egheti ni kamaghin a mikim, 'Azeniba vaghyagha dar dughiar kamin, Devitin adarazi me uari akuva Betlehemin ofabagh ami. Kamaghin amizi, a mangasa nan azarazi, ki an amamangatizi, a uan nguibamin ghu.' ⁷ Ni atrivim mikemegh givaghti, a suam, 'A dera,' egheti ni fogh suam, ki deragh ikiam. Egheti an atariā osemehtı, ni fogh suam a pazi na damuam. ⁸ Ezi Ikiavira Itir Godin damazimin, ni nan namakar aghuimin ikiasi akar mam akiri, bizar kam bangin ki fo, ni nan apangkuvigh deragh na damuam, ki ni ingangarir gumazim. Egh ki arazir kuratam damichti, ni uabi na misuehti ki aremegham. Ni na inigh uan afeziām bagh mangan marki."

⁹ Ezi Jonatan kamaghin a migei, "Marki, ni mamaghin nighnighan marki. Ki tong kamaghin foghai, nan afeziām pazi ni damuam, ezi ki ni mikemeghi. Ki a mongan kogham."

¹⁰ Ezi Devit kamaghin a migei, "Ni uan afeziām nan gun a mikemeghti, an adarir migirigiam damut, tina izi na mikimam?"

¹¹ Ezi Jonatan kamaghin Devit migei, "Ga dagher azenimin mangigh, ki ni mikimam." Egha aning dikavigha zui.

¹² Aning ghua otogha givagha, Jonatan kamaghin Devit migei, "Ikiavira Itir God, Israelin Godin ziamin, ki kamaghin migei, ki ifaraghti a mizazim na gasegham. Gurumzaraghan o zuerimin dughiar kamra, ki ni bagh afeziāmin azangsigham. A navir amirizim nin ikiti, ki ni bagh akam amangam. ¹³ Eghet nan afeziām ni gasighasighsi mikimti, ki ni mikimam. Egh ni arisi, ki ni mikemegh nin akuraghan koghti, Ikiavira Itir God mizazir ekiatam na gasegh. Ezi ki kamaghin ifonge, Ikiavira Itir God nan afeziām ko lkezi moghin, a uaghan ni ko iki.

¹⁴ "Egh gin, ki angamira ikvira ikiti, ni nan apangkuvigh deraghvira na damu, mati Ikiavira Itir God en apangkuvigha deragh e gami mokin. Puvatighti, ki aremegham.

¹⁵ Egh ni uaghan nan ovavir boriba zurara deravira me damu. Ni pazi me damuan marki. Egheti Ikiavira Itir God nguazir kamin nin apaniba agivamin dughiamin, ni nan ovavir boribar apangkuvigh deraghvira me damu." ¹⁶ Jonatan akar dikirizir gavgavim, Devit ko an adarazi gamua ghaze, ni aremeghamin dughiamin gin, ni ovavir boriba akar dikirizir kam gin amadaghti, Ikiavira Itir God mizazim me gasam.

¹⁷ Jonatan uabi gifongezi moghin bar Devit gifonge, kamagh amizi, a Devit migia ghaze, Devit ni akar dikirizir gavgavim damu. Ezi Devit Jonatan mikemezi moghin ami. ¹⁸ Egha Jonatan ua kamaghin Devit migei, "Gurumzaraghan, iakinir igiamin dughiar ekiam. Egheti ni damamin dughiamin ikian koghti, afeziām ni apiaghbir dabirabimini ganti a pura ikiti, an okam nighnigham. ¹⁹ Egheti amimzaraghan, ni bar zuamira magiri dagiar pozir ekiar ni faragha modozimin boroghin modogh, dagiar pozimin ziam Esel. ²⁰ Egheti ki izi pura ifar barir afuzir 3pla inigh dagiar pozir kam boroghin itir bizitam gasam. ²¹ Egh ki na ko izamin otarir igiam mikemeghti, a nan barir afuzibar buriam. Egheti ki kamagh a mikim suam, tong sivagh kagh izi, bariba kagh amadagham iti, egheti Devit, ni na bagh izi. Ikiavira Itir Godin ziamin, ki guizbangira migei, ni kamaghin fogh suam, ni deravira ikiti bizitam ni gasighasighan kogham. ²² Egheti ki otarir na ko izamin kam mikim suam, barir afuziba muna munagh iti, egheti ni zuamira dikavigh danganir ighazaritam mangi. Ni kamagh fogh suam, Ikiavira Itir God uabi ni amadazi, ni mangi. ²³ Guizbangira, akar dikirizir gavgavir ga uaning ko amizir kam, Ikiavira Itir God gan gari, ezi ga zurara an gin mangi mamaghira ikiam."

²⁴ Ezi Devit dagher azenimin ghua

dagiar pozimin boroghin modo. Ezi amimzaraghan Atrivim Sol iakinir igiamin isar ekiam bagha izav apera.²⁵ A zurara ami moghin ghua dipenir birimin, uan dabirabim gapera. Ezi Jonatan atrivim vongin amadaghian aperaghav itima, Apner atrivimin boroghin apera. Ezi Devit apiaghirir dabirabim pura iti.²⁶ Sol garima, Devit dughiar kamin itir puvatiti, a migirigiatam gamir puvati, a pura kamaghin nighnisi, “Devit manmaghirama ami? Bizitam ti Devit batozima, a Ikiavira Itir Godin damazimin zuezir puvatigha, izezir puvati, o?”²⁷ Iakinir igiamin, namba 2in dughiamin, me ua uari akuvaghia gari, Devit apiaghirir dabirabim, a ua pura iti. Ezi Sol kamaghin uan otarim Jonatan migei, “Jesin otarim manmaghin amigha boghinaron ko datirighin isam bagha izezir puvati?”

²⁸ Ezi Jonatan ghaze, “A Betlehemin mangasa nan azangsiki. ²⁹ A kamagh na migei, ‘Nan aveghbuam na bagha akam amaga ghaze, ki mangi uan adarazi ko ofa damuam. Kamagh amizi, ni na ateghti ki mangam. Ni guizbangira nan namakar aghuium, ni na ateghti ki mangi uan adarazir ganam. A kamaghin migeima, ki anetaghizi a uan adarazi bagha ghu.’ Bizir mingarir kamin a isar ekiar kamin ni ko ikiasi izezir puvati.”

³⁰ Ezi Sol kamaghin oregha bar Jonatan baseme, egha kamaghin a migei, “Ni amizir bar kurar orazir puvatizmin borim. Ki ni gifo, ni Jesin otarir kamin akurvaghosa. Arazir kam ni damighti ni gumazir kinimin ikiam, eghit aghumsizir ekiam ni uan amebam ko gua batogham.³¹ Jesin otarir kam nguazir kamin ikivira ikiti, ni kantrin kamin atrivimin otoghan kogham. Kamagh amizi, ni gumaziba amadaghti, me mangi a inigh iziti, ki a misueghti an aremekta!”

³² Ezi Jonatan kamaghin Solin akam ikaraghha ghaze, “A tizim bagh aremegham? An osimtzir manam gami?”³³ Ezi Sol akar kam baregha zuamira afuzim inigha Jonatan birazi, Jonatan an afuzim gita. Ezi Jonatan datirighin fo, nan afeziam datirighin Devit misueghti an aremeghasa pamten nighnisi.³⁴ Egha Jonatan atara bar uan afeziam basemegha, dagher dakozim ategha ghu. Egha iakinir igiamin dughiar namba 2in, daghetam amezir puvati. An afeziam Devit gasighasigha aghumsizir akabar a mikemezi, an akar kurar kabagh nighnigha, Devit bagha navim bar a baseme.

³⁵ Egha amimzaraghan mizaraghara, Jonatan dagher azenimin Devit bativasa ghua, otarir mam inizi an a ko zui.³⁶ Ezi

Jonatan kamagh otarir kam migei, “Ki barir afuzibar asiti, ni mangi da buri. Ni zuamira mangi.” Ezi otarim ivegha zuima, Jonatan barir afuzir mamin a gafiragh ase.

³⁷ Ezi otarim ivegha ghua barir afuzim irizi naghin zuima, Jonatan an diaghah kamagh a migia ghaze, “Ni tong ua sivagh mangi. Barir afuzim ti munagh iti.”

³⁸ Ezi Jonatan ua otarimin diaghah ghaze, “Ni zuamira mangi. Ni oragh, pura tugihikian marki.” Ezi otarim barir afuzim inigha Jonatan bagha izi.³⁹ Otarir kam Jonatan migeir akabar mingaribagh fozi puvati. Jonatan ko Devit uaningra fo.⁴⁰ Egha Jonatan uan barir pim ko bariba isa otarim ganingizi, ana da inigha ua nguubar ekiamin ghu.⁴¹ Egha otarim ghugha givazi, Devit dagiar pozimin girakirangan modozim ategha iza, Jonatanin boroghin ira nguazimin fuatha, uan guam nguazim mitua. Egha 3plan dughiabar uan dapanim fegha uam aviraghha egha dikavigha aning uaningin torava azi. Devitin azir akamin arazim, bar Jonatanin azir akamin arazim gafira.

⁴² Ezi Jonatan kamaghin Devit migei, “Ni navir amirizim sara mangi. Ga fo, ga Ikiavira Itir Godin ziamin, akar gavgavim akirigha givagha ghaze, ga zurara deraghvira uaning damuam. Eighti gin gan ovavir boriba uaghan kamaghira arazir kam damuam.” A mikemega givazi, Devit danganir igharazimin zuima, Jonatan uamategha uan nguubar ekiamin ghu.

21

Devit Solin arav ghu

¹ Devit ara ghua Nopin nguubar ekiamin ofa gamir gumazim Ahimelek bato. Ezi Ahimelek nigha atiatia uan dipenimin azenan izegha kamaghin Devit migei, “Ni tizim bagha uabira izi?”

² Ezi Devit ghaze, “Atrivim ingangarir mam na ganingizi ki izi. A ghaze, ki damuamin ingangarir kam, ki an gun gumazir igharazitam mikiman kogham. Ki uan midorozir gumazibav gia ghaze, ia danganir igharazitam na batogh.³ Ezi ni dagher manmagh gariba iti? Ni bretha ikiva 5plan rubuziba na daning, puvatighti ni dagher igharazitam na daningi.”

⁴ Ezi ofa gamir gumazim kamaghin a migei, “Ki bretin kiniba puvati. Bretin God ganingizimra iti. Nin midorozir gumaziba bogh dimangan amiziba ko dakuighan koghti, ni bretin kaba inigh mangam.”

⁵ Devit kamaghin Ahimelek migei, “Ki guizbangira ni migei, e dimangan amiziba koma akuijir puvati. E zurara pura uan apanibav soghamin dughiaba, en

midorozir gumaziba ko men biziba Godin damazimin zue. E datirighin uaghan Godin damazimin zue."

⁶ Kamaghin amizi, ofa gamir gumazim bretba isava a ganingi. Bretin me isa God ganingizim anarira iti. Dagher igharaziba ua puvati. Me dughiar kamin Godin damazimin bretin igiaba isa, ghuribar danganim garigha, dakozim gati. Kamaghin amizi, ofa gamir gumazim, bretin ghuriba isa Devit ganingi. ⁷ Ezi dughiar kamin, Atrivim Solin ingangarir gumazir mam, a Idomam gumazim, an ziam Doeck. A Godin Purirpenimin ikia Godin ofa damuamin dughiam mizuai. A garima Ahimelek bretin kaba isa Devit ganingi. Doeck a Solin bulmakaubar garir gumazibar gumazir dapanim. ⁸ Ezi Devit bretba inigha kamagh Ahimelek migei, "Ni afuzitam o midorozir sabatam iti? Ni tam ikiva na daningihi. Atrivim ingangarim bagha nan avis, ki midorozir sabatam o bizar igharazitam inizir puvati. Ki pura ize."

⁹ Ezi Ahimelek a migia ghaze, "Ki midorozir sabar vamira iti. Kar Goliatin midorozir sabam, ni Elan danganir zarimin a misoghezi an areme. Me a isa nir mamin a noegha ofa gamir gumazibar dapanim azenimin azuir korotiar otevimin girakirangin aneti. Ni ifuegh midorozir sabar kam iniam."

Ezi Devit ghaze, "Ni a isi na daningihi! Midorozir sabar kam, a bar dera. Tam uam a gafrizir puvati."

¹⁰ Egha Devit Solin atiatigha dughiar kamra nguibar ekiar kam ategha arav ghu. A ghua Getin nguibar ekiamin atrivim Akis bato. ¹¹ Atrivimin ingangarir gumazibar dapaniba kamaghin a migei, "Gumazir kam Devit, a uan kantrin atrivim. Amiziba a bagha kamagh ighiam bange:

"Sol 1,000plan apanibav sosi.
Ezi Devit 10,000plan apanibav sosi."

¹² Ezi Devit migirigar kam baregha kamaghin nighnisi, Getin nguibamin garir Atrivim Akis ti a misuegħti an aremegħam. Egha an atiati. ¹³ Kamaghin amizi, Devit atrivim ko an ingangarir gumazibar dapanibar damazimin, odava gumazir onganim gava. Me a ikiasava amima a bar gumazir onganimin mirarama oto. A pura tintinibar nguibar ekiamin tiar akamin, bizziba osira diava arava, pupuviba an akatorimin otiva an għuamasiżi minn izaghiri.

¹⁴ Ezi Atrivim Akis an gara kamagh uan ingangarir gumazir dapanibav già ghaze, "Ia kagh gan, gumazir kam bar ongani! Ia

tizimsua a inigha na bagħha izi? ¹⁵ Ia ti ghaze, nan kantrin gumazir organiba puватi, a? Bar aviriba iti, kamagh amizi ia tizim bagħha gumazir organir kam inigha izima, an arazir organiba nan damazimin dagh amuavira iti? A nan dipenimin ikian kogħam." Kamaghin amizima, Atrivim Akis Devit ataghizima, a għu.

22

Sol ofa gamir gumazibav sogħezi, me ariaghire

¹ Egha Devit Getin nguibar ekiam ategħa ara ghua, Adulamin nguibar ekiamin bororghin mighsiamin dagħi torir mamin iti. Ezi an aveghbuuba ko an afeziamin ikizim kamaghin oraki, a danganir kamin iti. Ezi me ghua a ko iti. ² Dughiar kamin, gumazir osimtizir igharagħha garir aviriba itiba ko, gumazir igharaz darazir biziba inigha da ikarazir puvatiziba ko, gumazir adariba gumazir igharazibar itiba, me bar mogħira Devit bagħha ghuegħa a ko uari ukavvagħha itima, a men gumazir dapanim in iti. Gumazir a ko itibar dibobonim, 400in borogħin għu.

³ Ezi Devit uan amebam ko afeziam inigha danganir kam ategħha, Moapin kantrin, Mispan nguibar ekiamin għu. Egha a kamaghin Moapian atrivim migei, "Ki kamagh-sua, ni nan amebam ko afeziam ategħi, aning ni ko ikiti, ki Ikiavira Itir Godin ifongam gifogħam, a na bagħha bizar tizim damuam."

⁴ Ezi Moapian atrivim, Devit ifongezi mogħin, a Devitin amebam ko afeziam inigha izima aning Moapin atrivim ko itima, Devit uabi dagħiar torim modogħa iti.

⁵ Ezi Godin akam inigha izir gumazir mam, an ziam Gat, a iza kamaghin Devit migei, "Ni ua danganir kamin ikian marki. Ni datirighira dikavigh Judan anabamin nguazimin mangi." Ezi Devit danganir kam ategħha, Judan nguazimin ghua an ruarir ekiar me kamaghin diborim Heretin ghugħha an iti.

⁶ Dughiar mam, Sol Gibean mighsiar dozmin ikia, temer mamin apengen aperagħav ikka, uan afuzimin suiraghav iti. Ezi an ingangarir gumazibar dapaniba an okarigha iti. Ezi gumazir maba Devit itir danganimin gun a migei. ⁷ Ezi Sol kamaghin uan ingangarir gumazibav gei, "Ia Benjaminin anabamin gumaziba, ia deraviram oragh. Ia ti ghaze, gumazir kam Devit, a dagher azeniba ko wainin azeniba issi ia daningam, a? Egh a ia damutu ia 1,000pla

ko 100plan midorozir gumazibar dapanibar otivam, a? Bar puvatigham. ⁸ Ki fo, ia bizir kabagh nighnigha na gasighasighasa akam misoke. Ian tav bar kamaghin na mikemezir puvati, nan otarim, Jesin otarir kamin akurvaghosa a ko akar gavgavim akiri. Ia na ginighnizir puvatigha, kamaghin na mikemezir puvati, nan otarim a nan ingangarir gumazir kam gamizima, a nan apanimin oto. Egha a datirighin na misuegħti ki aremegħħasa tuaviba buri.”

⁹Dugħiar kamin Idomian gumazim Doek, a Solin ingangarir gumaziba ko tuivighav iti. Egha a kamaghin Sol migei, “Ki Nopin nguibal ekiamin ikia garima, Devit ofa gamir gumazim Ahimelek bagħha għu, a Aħitupin otarim. ¹⁰Ezi Ahimelek, Devit mangamin tuavim bagħha Ikiavira Itir God ko migei. Egha a dagħer maba ko Filistian gumazim Goliatin midorozir sabam sara inigha Devit ganingi.”

¹¹Sol akar kam baregha gumazir maba amadazima, me ghua Nopin ofa gamir gumazim Ahimelek ko an ikizim minn itir ofa gamir gumaziba bar me inigha ize. ¹²Ezi ofa gamir gumazir kaba bar otivigha givazima, Sol kamaghin Ahimelek migel, “O Aħitupin otarim, ni oragh. Ki akar mam nin iti.”

Ezi Ahimelek ghaze, “Gumazir ekiam, ni akar manam iti?”

¹³Ezi Sol kamaghin a migei, “Bizzix tizim bagħha ni Jesin otarim ko, gua na gasighasighasa akam akiri? Ni dagħer maba ko midorozir sabar mam sara a ganiga, aka taba a daningasa Godin azangħi. A datirighin nan apanim gavvaha, na misuegħti ki aremegħħasa tuaviba buri.”

¹⁴Ezi Ahimelek kamaghin a ikaraghha ghaze, “Bar puvati. Devit a nin ingangarir gumazibar faragħha zuir gumazir bar aghħui, egha a deraghvira nin girara zui. Ingangarir gumazitam a gafirazir puvati. A uaghan nin amerem, a nin borogħin ikia ni gejhuvvir midorozir gumazibar dapanir mam. Nin dipenimin aven itir adarasi, me bar a gifuegħa ziar ekiam a ganidi.* ¹⁵Dugħiar kamra ki ti akatam a daningasa Godin azangħi, o? Bar puvati. Ki dugħiar aviribar a bagħha God ko migei. Ki nin ingangarir gumazim, ki uan adarazi ko, ni akam e gasan marki. E ni gasighasighasa akam akirizir puvati. Bizzir ni datirighin migeir kam, ki bar a gifozir puvati.”

¹⁶Ezi atrivim kamaghin a migei, “Puvati. Ahimelek, ki ni bareghan kogħam. Ni uan adarazi ko bar ovengam.”

¹⁷Egha Sol uan midorozir gumazir an borogħin tuivighav itibav ġia ghaze, “Aria.

Ia ragħirigh Ikiavira Itir Godin ofa gamir gumaziba misuegħti, me arighiregħ. Me Devit ko ingara fo, a nan araghbari, ezi me bar na migeir puvati.” Sol kamaghin migeima, midorozir gumaziba me misogħan aghħua. Me fo, kar Ikiavira Itir Godin ofa gamir gumaziba.

¹⁸Kamaghin amizi, Sol Doek migħiha ghaze, “Ni mangi me misuegħti me arighiregħ.” Ezi Doek ragħirigha ghua ofa gamir gumaziba bar me misogħezi me ariaghire. Dugħiar kamra a Ikiavira Itir Godin ofa gamir gumazir 85pla misogħezi me ariaghire. Għumazir kaba, me ofa gamir gumazir korotiar otevriż azenan azuiba. ¹⁹Ezi Sol uan midorozir gumaziba amadazima me Nopin ghue, kar ofa gamir gumaziba itir nguibal ekiam. Egha me Nopin gumazamiziba bar me misogħezi me ariaghire. Me gumaziba, ko amiziba, boriba ko borir agħegħeviż oteba apiba, bulmakauba, donkiba, ko sippiba sara bar me kuavareme.

²⁰Egha me Ahimelekin otarim Abiatar, a Aħitupin igħavotarim, me a misogħezir puvati. A men ara ghua Devit ko iti. ²¹Ezi Abiatar kamaghin Devit migei, “Sol Ikiavira Itir Godin ofa gamir gumaziba bar me misogħezi, me ariaghire.”

²²Ezi Devit kamaghin a migei, “Noka! Dugħiar ki nin afeziam ko ikezim, Doek uaghan iti. Ezi ki fo, a guizbangira nan gun Sol mikkimam. Ki fo, na bangin, nin afeziam uan adarazi ko ariaghire. Kar nan osimtiżiżra! ²³Kamaghin amizi, ni ikiva atiġiġi marki. Ga fo, gumazir na misogħasava amim, a uaghan ni misogħħasa. Ni na ko iki deraghvira ikiam.”

23

Devit Keilan nguibamin akura

¹Ezi gumazir maba iza kamaghin Devit migei, “Filistiabi Keilan nguibamin itir gumazamizibav soħħa, men witin ovizibar in-ba kua dar dagħeba isir danganim minn ghua, men witin dagħeba okeme.”

²Ezi Devit akar kam baregha kamaghin Ikiavira Itir Godin azai, “Ki mangi Filistiabav soħħam o markiż?”

Ezi Ikiavira Itir God ghaze, “A dera. Ni mangi Filistiabav suegħi Keilabar akuragli, me deragħam.”

³Ezi Devit ko itir gumaziba a migħiha ghaze, “Ni oragh. E datirighin Judan anabamin nguazim minn itima, bizzir aviriba e gamima, e atiġiġi. E manmagħiñ Keilan nguibamin mangi Filistiabav soħħam? E mangan kogħam.”

⁴Me kamaghin mikemezima, Devit uam Ikiavira Itir Godin azai. Ezi u aua kamaghin

migei, "Ki ian akuraghtima, ia midorozimin Filistiaba abinigham. Kamaghin amizima, ia dikavigh Keilan nguibamin mangi Filistiabav sogh."

⁵ Ezi Devit uan gumaziba ko, Keilan ghua pamtem Filistiabav soghezi, men aviriba ariaghire. A bar me abiragha, men bulmakauba ini. Kamaghira, Devit Keilan nguibamin gumazamizibar akurazi, me deravira iti.

⁶ Ahimelekin otarim Abiatar, faragha Atrivim Solin ara iza Devit ko itir dughamin, a ofa gamir gumazibar korotiar otevir azenan azuim inigha ize.* Me Keilan nguibamin zuir dughamin, Abiatar korotiar kam uaghan a inigha me ko zui.†

⁷ Ezi gumazir maba Sol migia ghaze, "Devit ghua Keilan nguibar ekiamin iti."

Ezi Sol ghaze, "Bar dera, God datirighin a isa nan agharim darigham. Devit a nguibar ekiar tiar akar gavgavim ko divazir gavgavim itimin aven ize. A ubi ubi isa kalabuziam gati. Kamaghin amizi, ki an suighamin ingangarim osemezir puvati."

⁸ Kamaghin amizi: Sol uan midorozir gumaziba bar men diazi, me Devit uan adarazi ko me konasa Keilan zui.

⁹ Ezi Devit kamaghin oraki, Sol a gasighasighasa izi. Ezi a kamaghin ofa gamir gumazim Abiatar migei, "Ni ofa gamir gumazibar korotiar otevir azenan azuir kam, a inigh ize."

¹⁰ Ezi an a inigha izezi, Devit kamaghin Ikiavira Itir God migei, "O, Ikiavira Itir God, ni Israelia en God, ki nin ingangarir gumazim, ki kamaghin oraki, Sol fo, ki Keilan kaghiti. Kamagh amizi, a na bangin kagh izi nguibar kam gasighasighasa. ¹¹ Ki foghasa, nguibar kamin gumazamiziba na isi Sol daningam, o puvatigham? Sol izamin akam a guizbangira o puvati? O Ikiavira Itir God, Israelia en God, nan ifongiam kamakin, ni nan azangsizim ikaragh."

Ezi Ikiavira Itir God kamaghin a migei, "Sol a izam."

¹² Ezi Devit ua Ikiavira Itir Godin azara, "Keilan gumazamiziba, me ki uan adarazi ko e isi Sol daningam, o puvatigham?" Ezi a ghaze, "Are, me ni migei moghira mamaghira damuam." ¹³ Ezi Devit kamaghin oregha zuamira uan gumaziba ini, men dibobonim 600in min tu. Me bar dikavigha Keila ategha ghue. Me bar moghira uari inigha tintinibar danganibagh arui. Ezi Sol orazima Devit Keila ategha arav ghuzima, Sol ua Keilan mangan nighnizir puvati.

* ^{23:6:} Korotiar kam, a ofa gamir gumazibar korotiar otevir azenan azuim, a dagiar pumuning iti. Aning Godin ifongiam gifoghamin ingangarim iti. † ^{23:6:} Fomira itir gumazir maba, akinafarir kam Grikin akamin a giragh an osiri. Egha me ghaze, Hibrun akamin mingarim kamaghin iti. Ezi e garima, akinafarir Hibrun akamin datirighin itir kam, akar kamin mingarim kamaghin ghu, Abiatar faragha Keilan nguibamin Devit bato.

^{23:18:} 1 Samuel 18:3

Devit a mighsiaba itir danganibar modi

¹⁴ Ezi Devit ghua Sifin nguibar ekiamin boroghin, mighsiaba itir danganir mongamin aghuibar modi. Danganir kam, kar danganir dakirtizir gumaziba puvatizim. Sol zurara Devit buriavira iti, ezi Ikiavira Itir God Sol gamima, a Devit bativir puvati. ¹⁵ Ezi Devit kamaghin fo, Sol izi a misueghti an aremegham. Kamaghin amizima, a ghua Sifin boroghin Horesin nguibamin iti. ¹⁶ Ezi Solin otarim Jonatan Devitin ganasa ghua, nighnizir gavgavim Ikiavira Itir Godin ikiasi akar aghuibar a migei. ¹⁷ Egha Jonatan kamaghin a migei, "Nan afeziam ni buri ni batogh, ni gasighasighan kogham. Kamaghin amizi, ni atiatingan marki. Ni gin Israelian atrivimin ikiam, eghit ki nin girara ikiam. Nan afeziam, a uaghan bizir kam gifo." ¹⁸ Egha aning Ikiavira Itir Godin damazimin, roroamningin ikiasi akar dikirizir gavgavir mam gami. Egha Jonatan uamategha uan nguibamin ghuzima, Devit Horesin ikiavira iti.

¹⁹ Ezi Sifin gumazir maba ghua Gibean nguibar ekiamin Sol migia ghaze, "O atrivim, ni oragh. Devit en bighan Hakilan mighsiamin modogha iti, a sautin amadaghan Jesimonin gumazamiziba puvatizir danganimin iti. Me Horesin nguibamin boroghin, mighsiabar misoghamin danganir aghuibar iti. ²⁰ O atrivim, e fo, ni gumazir kamin suighasa bar ifonge, ni iziva a inigh. E uari a isi nin agharim darigham."

²¹ Ezi Sol kamaghin me migei, "Ia nan akurvaghamin arazir aghuim gami. Bizir kam bangin, Ikiavira Itir God deraghvira ia damu. ²² Ki fo, gumaziba kamaghin migei, Devit bar dikirmiki, an e gifaragh. Kamaghin amizi, ia uamategh mangi a itir danganim bagh deraghvira ganigh, egh uaghan gumazir an ganizibar ziabi inigh. ²³ Ia bar deraghvira a modozir danganibagh fogh, egh zuamira izi na mikemeghti, ki ia ko mangam. A danganir kamra ikiti, ki mangi deraghvira a batogham. Ki Judabar dakoziba bar dar tongin a buriva an apigham."

²⁴ Sol mikemegha givazi, Sifia anetegha uan nguibamin ghue. Egha me kamaghin fo Devit uan gumazamiziba ko me Maonin gumazamiziba puvatizir danganimin iti. A sautin amadaghan, Jesimonin Jordanin danganir zarimin iti. ²⁵ Sol oregha givagha, uan gumaziba ko me danganir kamin ghua

Devit buri. Ezi gumazir maba iza Devit mikeme. Ezi a ghua danganir kurar dagiar aviriba itimin, Maonin gumazamiziba puvatizir danganir vuemin iti. Sol oraghti, Devit danganir manamin mangiti, a uaghan danganir kamin mangam.²⁶ Sol uan gumaziba ko mighsiar akirir vuemin mangiti, Devit uan adarazi ko me solin ariva, mighsiar akirir vuemin mangam. Egha Sol uan adarazi ko ghua bar Devit uan adarazi ko me ikiarugha bar men suighasava ami.²⁷ Ezi gumazir mam iza kamaghin Sol migei, "Filistiaba en nguazimin izegha e misosi. Ezi ni zuamira uamategh izi."

²⁸ Ezi Sol akar kam baregha uan gumaziba ko me Devit ategha, uamategha ghua Filistiaba ko misosi. Kamaghin amizi, me danganir kam dibora ghaze, "Midorozibagh Itaghvirazir Dagiam."²⁹ Ezi Devit danganir kam ategha ghua Engedin nguazimin danganir mogomer aghuibar iti.

24

Devit bar Atrivim Sol misoghasa amua a misoghezi an aremezir puvati

¹ Sol Filistiabar agiraghya givagha, ua iza Devit buri. Ezi gumazir maba kamaghin a migei, "Ni munagh gan, Devit muna Engedin boroghin gumazamiziba puvatizir danganimin iti."² Kamaghin amizi, Sol Israeliyan 3,000plan midorozir gumaziba amisevezima, me Devit ko an gumaziba buri. Me danganir kurar kamaghin diborim, Memen Atiaba Itir Danganir Kuram, me an me buri.³ Me ghua sipsipba itir divazir mabar boroghin, mighsiar torir mamin iti. Ezi Sol daviasa torir kamin aven ghu. Ezi Devit uan gumaziba ko, faraghya torir kamin, bar an aven ghughya an modogha iti.

⁴ Devitin gumaziba kamaghin a migei, "Aria. Datinrighin nin dughiar aghuim, Ikiavira Itir God an gun ni mikemegha gifa, a nin apanim nin agharim darigham. Eighti ni arazir manamin a damusi a damu." Ezi Devit nimira an amuda ghua, Solin boroghin ghughya, an korotiar ruarimin vin an avizir mam atu, ezi Sol fozir puvati.⁵ Devit anetugha givagha nighnigha ghaze, arazir kam derazir puvati.

⁶ Kamaghin amizima, Devit uamategha ghua uan gumazibav gia ghaze, "Ikiavira Itir God ubi gumazir kam ginabaghya a isa nan gumazir ekiamin aneti. Kamagh amizi, ki arazir kuratamin a damuan kogham. Ikiavira Itir God ubi nan anogoroke, ki bizir kam damuan kogham."⁷ Egha Devit uan gumazibar atarigha men amaman-gatizir puvati, ezi me ghua Solin misoghezir

puvati. Ezi Sol avigha givagha, torir kamin azenim girigha tuavim girigha ghu.

⁸ Ezi Devit an girara torir kamin azenim girigha an girara ghua an diagha ghaze, "Atrivim Sol, nan gumazir ekiam." Ezi Sol dimdiar kam baregha raghirizi, Devit uan tevimming apirigha, guam nguazim tuagha ziar ekiam a ganidi.

⁹ Egha a kamaghin Sol migei, "Ni tizim bagha gumazir kabar akaba baraghya ghaze, ki ni gasighasighasa?"¹⁰ Ni datirighin uan damazimning kagh gan, ni dagiar torimin itima, Ikiavira Itir God ni isa nan dafarim gati. Ezi nan adarazi ghaze, ni a misueghti an aremegh. Ezi ki nin apangkuvigha ghaze, kar Ikiavira Itir God inabazir atrivim, ki a misueghan kogham.¹¹ Nan afeziam, ni kagh ki suirazir nir avizir kamin gan. Ki nin korotiar ruarimin avizim atugha ni misoghan aghua. Kamagh amizi, ni deragh na gifogh, ki nin apanim puvati, egha paza ni ginighnizir puvati. Egha osimtzitam nin itir puvati. Ezi ni na misueghti ki aremeghaha na buriavira iti,¹² Ikiavira Itir God ubi, gan araziba tuisigh egh fogh suam, gan tinara arazir kuram gami. A, ni amizir arazir kurar kam bagh ni ikarvagh, iveauzir kuram ni danielgam. Eighti ki ubi arazitam ni damighan kogham.¹³ Ni aghuzir akar fomira itir kam gifo, 'Gumazir kurabara, arazir kurabagh ami.' Ezi ki gumazir kuram puvati, ki arazir kuratamin ni gamizir puvati. Bar puvati.¹⁴ O Israeliyan atrivim, ni nan agintighasa izi, o? Ezi ki tina? Ki mati afiam aremegha gifa. Ki mati pir mam.¹⁵ Kamaghin, Ikiavira Itir God ubi ga tuisigh mikim suam, gan tinara osimtzim gami. A uan kotin aven nan akuragh na bagh akam akirighti, ni na gasighasighan kogham."

¹⁶ Devit mikemegha givazima, Sol kamaghin a migei, "Devit, nan otarim, ni ubi na migei, a?" Egha Sol pamtem aziava arai.

¹⁷ Egha a kamaghin Devit migei, "Ni gumazir arazir aghuim gamim, ezi ki gumazir bar kuram. Guizbangira, ni deraghya na gami, ezi ki deraghya ni ikarazir puvatigha, bar arazir kuramin ni gami.¹⁸ Ni datirighin deraghya na gehgha ghaze, Ikiavira Itir God na isa nin agharim gatt, ezi ni na misoghezir puvati. Bar guizbangira, ni arazir kamin na gami.¹⁹ Ki fo, gumazitam uan apanim gasighasighan tuavim ikiva, a tizim bagh aneteghtima a pura mangam? Puvatigham. Ezi ni arazir kam gami, kamagh amizi, Ikiavira Itir God bar deraghvira ni damuva deraghvira ni ikaraghram.²⁰ Ki kamaghin bar fo, ni Israeliyan atrivimin ikiam. Egha gavgavigha deraghvira kantrin kam gativaghti, nin ovavir boriba uaghan a gati-

vagh mamaghira ikiam. ²¹ Ki kamagh sua, ni Ikiavira Itir Godin ziamin akar gavgavir tam akirigh suam, dughiar ni atrivimin otivamimin, ni nan gin otivamin ovavir boribav soghan marki. Puvatighti, ni me misuehti me arighireghti, nan ikizim ko nan ziam bar kuavaremegham."

²² Ezi Devit akar dikirizir kam gami. Ezi Sol uamategha uan nguibamin zuima, Devit uan adarazi ko uamategha uan misozir danganir gavgavir moga itimin ghue.

25

Samuel areme

¹ Ezi Samuel aremezima, Israelian gumazamiziba bar iza uari akuvagha a bagha azi. Egha me Raman nguibar ekiamin, an dipenimin miriamin anefa.

Samuelin ovevemin gin, Devit uan gumazibba ko dikavigha ghua, Paranin gumazamiziba puvatizir danganimin iti.

Abigel Devitin akura

²⁻³ Dughiar kamin, Maonin nguibar ekiamin gumazir mam, an ziam Nabal, a Kalemelin nguibar ekiamin boroghin nguazir mamin iti. A dagiar aviriba itir gumazir mam, egha 3,000plan sipsipba ko 1,000pla memeba iti. An amuimin ziam, Abigel, an amizir bar dirim, a nighnizir aghuiba ko fofozir aghuiba iti. Ezi Nabal adaribagh amir gumazim, an araziba ikufi.

Dughiar kamin, Nabal Karmelin nguibar ekiamin ikia, uan sipsipbar arizibar ghor. ⁴ Ezi Devit gumazamiziba puvatizir danganimin ikia orazima, Nabal ingangarir kam gami. ⁵ Ezi a gumazir 10plan igiaba amadazima, me Nabal bagha Karmelin zui. A kamaghin me migei, "Ia Karmelin mangi nan ziamin dughiar aghuim isi Nabal daningigh." ⁶ Ia kamaghin a mikim, 'Devit ghaze, O nan namakam, ki kamaghin Godin azai, a ni ko nin ikizim ko nin biziiba bar, navir amirizim ko dabirabir aghuim isi ia daningam. ⁷ Devit kamaghin oraki, gumazir maba nin sipsipbar arizibar ghor. A kamaghsua, ni deraghvira fogh, nin sipsipbagh eghuvir gumaziba, e ko Karmelin itima, e arazir kuratamin me gamizir puvatigha, men bizitam okemezir puvati. ⁸ Ni men azaraghti, e ni geghanizi moghira me ni gehanam. Datirighin isar ekiamin dugham, ezi Devit ni bagha e amadazima e izi. A kamaghsua, ni en apangkufiagh, e mati nin ingangarir gumaziba, ezi ni mati Devitin afeziam. E uari, ni daghetaba ikiva, taba e daningigh."

⁹ Ezi Devitin gumaziba ghua, Devitin ziamin akar kabar Nabal geghanigha a mizua iti. ¹⁰ Ezi Nabal kamaghin men akam

ikaragha ghaze, "Gumazir kam Devit, Jesin otarim, a manmaghin garir gumazim? Ki a gifozir puvati. Ki kamaghin oraki, dughiar kabar, ingangarir gumazir kinir aviriba uan gumazir dapanibar araghurui. Devit ti uaghan pura ingangarir gumazir kinir mam, egha uaghan araghurui gumazim. ¹¹ Ia managhira ize, ki ia gifozir puvati. Kamaghin amizi, ki uan bretha ko, dipaba, ko uan ingangarir gumazir nan sipsipbar ariziba aghoreziba, ki me bagha misoghezir asizir tuzir taba isi, ia daningan kogham. Bar puvatigham. Ki aghua."

¹² Ezi Devitin ingangarir gumaziba Nabalin akar kam baregha uamategha ghua Devit mikeme. ¹³ Ezi Devit kamaghin migei, "Ia bar moghira midorozim bagh midorozir sababa inigh uan oghiriabar aghuigh, misoghs mangi." Egha me vaghvagha bar moghira Devitin akamin gin zuima, Devit uaghan uan midorozir sabam uan oghriam garu. Egha a 400plan gumaziba kamagh me inigha zui. Ezi 200plan gumaziba, a bibzag eghuvasa me mikemezi, me iti.

¹⁴ Dughiar kamin Nabalin ingangarir gumazir mam ghua, kamaghin Nabalin amuim Abigel migia ghaze, "Devit gumazamiziba puvatizir danganimin ikia, uan gumazir maba amadazi me iza, en gumazir ekiam dughiar aghuim a ganingi. Ezi a pamtemin me dagaragha men atara akar kuram me ganingi. ¹⁵ Gumazir kaba faragha arazir kuratamin e gamizir puvati. Me zurara arazir aghuibaram e gami. Me zurara e ko dadaba aghuir danganimin iti. Me en bizitam okemezir puvati. ¹⁶ E me ko ikiava uan sipsipbagh eghuvir dughiamin, me arueba ko dimagariba bar, divazimin min e ekiarughra deravira e gegehuvi. ¹⁷ Ni deraghvira fogh, Devit uan gumaziba ko izi, en gumazir ekiam ko an gumazamizir a ko itibagh asighasighasa nighnisi. Kamaghin amizi, e ni bagha izi. E nin azai, ni deraghvira nighnigh, ni manmaghin osintzir kam akiram? E bar Nabal gifo, a gumazir bar kuram, a ifaghata, akaba barazir puvatizir gumazim."

¹⁸ Abigel kamaghin oregha zuamira 200pla bretha ko memen inimin ingarizir wain itir misevir pumuning inigha, sipsipin 5plan tuziba ko, 20 kilogremmin witin tueziba, ko 100plan wainin ovizir ikizir apuziziba, ko 200pla fikin ovizir me apuziziba, a dagher kaba bar ada inigha donkibagh isin da ariki. ¹⁹ Egha a kamaghin uan ingangarir gumazibav gia ghaze, "Ia donkiba inigh faragh mangti, ki ian gin mangam." A bizi amizir kamin gun uan pam mikemezir puvati.

²⁰ Egha Abigel uan donkin mam gaperagha Devit bativasava tuavir mamin zui.

Ezi Devit uaghan tuavir kamra, uan gu-maziba ko me munagh an ikegha izi. Ezi Abigel tuavir kamin ghua mighsiar mamin akirir vuemin me bato. ²¹ Dughiar kam, Devit nighnisi, “Ki tizim bagha gumazir kamin biziha gumazamiziba puvatizir danganimin dagh eghufi? E an bizitam oke-mezi pu. Bar puvati. An biziha bar de-raghavira iti, ezi datirighin an arazir kur-amin na ikara, an arazim derazir puvati. ²² Bizar kam bangin, ki dimagarir kamin an adarazir gumaziba bar me kuavare-megham. Puvatightima, ki Godin azaraghti, a na misueghti ki aremegham.”*

²³⁻²⁴ Ezi Abigel iza Devitin apigha zuamira uan donki gisin ikegha faghafiraghha, maghira Devitin dagarimmingin boroghin irigha, uan guam isa nguazim mituaghha ghaze, “O nan gumazir ekiam, kar nan osimtzimra, ni osimtzir kam nan pam darighan marki. Ki nin ingangarir amizim, ki ni mikimasa. Ga uaning! Ni ti nan akam baraghah, o?” ²⁵ Guizbangira, ni Nabalin akabagh nighnighan marki, an araziba bar ikufi. An ziamin mingarim kamakin, gumazir organir nighnizir aghuiba puvatizim, ezi an arazim an ziamin mirara ghu. O nan gumazir ekiam, ki nin ingangarir amizim, ni e bagha amadazir gumazir igiaba, ki ubi men ganizir puvati. Bar puvati. ²⁶ Ni oragh. Ikiavira Itir God uabi ni gamizi gumazir nin apanim gamiba, ni ubi me misoghezir puvati. Puvatizi, men ghuzibar osimtzim nin ikiam. Ezi Ikiavira Itir Godin zurara itimin ziamin, ki guizbangira pamtemin migia ghaze, mizazir God Nabal daningamim, a uaghan nin apaniba kamaghira me damau.

²⁷ “Nan gumazir ekiam, ki nin ingangarir amizim, nan ifongiam kamakin, ni nan bizar aghuir ki ni ganidiba inigh, uan ingangarir gumazir nin gin zuibar aning. ²⁸ Ga uaning, ki nin ingangarir amizim, ki nin damazimin arazir kuratam damichti, ni nan arazir kuram gin amadagh. Nan gumazir ekiam, ki fo, Ikiavira Itir God ni amadazi, ni an ifon-giamin gin ghua apanibav sosi. Ki Godin azai, ni nguazir kamin ikiamin dughiamin, ni arazir kuratam damighan kogham. Kamagh amizi, Ikiavira Itir God ni damichti ni atrivimin otogham, eghiti gin nin ovavir boriba Israeli atrivibar otiv mamaghira ikiam.

²⁹ “Gumazir ekiam, gumazitaba nin gintigh nin misoghs ikiti, Ikiavira Itir God, ni God deraghvira nin akurvaghah, mati gumazim uan bizar aghuiba deraghavira

dagh eghufi. Egh nin apaniba bat uegham, mati gumazim katapelin dagiam gasavamadi moghin, a ni apanibagh asivamangam. ³⁰ Ikiavira Itir God ni mikemezi moghin, a bizar aghuir aviriba ni daningam, egh ni damichti ni Israelia en atrivimin ikiam. ³¹ Ezi datirighin ni bizar kam ginighnigh, nan pam misoghan marki. Nan gumazir ekiam, ni ubi gumazitam puram a misoghezi, an aremezir puvati. Kamaghin amizi, men ghuzibar osimtzitam nin dafarimningin ikian kogham. Ga uaning, ki ni ingangarir amizim, ki kamaghin nin azai, Ikiavira Itir God gin deraghvira ni damuti, ni na ginirigh deraghvira na damu.”

³² Ezi Devit akar kaba baregha kamaghin Abigel migei, “Ikiavira Itir God, a Israelia en God, a ni amadazi ni datirighin iza na bato, bizar kam bangin ki an ziam fe. ³³ Ni datirighin nan anogoroke, ezi ki Nabalin osimtzim bagha, uan dafarimningin gu-mazir tabav soghezi me ariaghirezir puvati. Kamaghin amizi, men ghuzibar osimtzim nan itir puvati. Bizar kam bangin, ki nin akaba ko nighnizir aghuiba bagha God minaba. ³⁴ Ikiavira Itir God ia gasighasighan nan anogoroke. Ikiavira Itir Godin zurara itim, a Israelien God, ki an ziamin guizbangira ni migei, ni ti na bagha zuamira izezir puvatizi, gurumzaraghan Nabalin ingangarir gumazitam angamira ikeghan koghai.”

³⁵ Egha Devit bizar Abigel inigha izez-iba inigha kamaghin a migei, “Ni datirighin uamategh uan dipenimin mangiva navim amiragh iki. Ki nin akaba baregha gifa. Ni na mikemezi moghin, ki Nabali amizir arazir kuram gin amadagh, ia misueghan kogham.”

³⁶ Ezi Abigel uamategha dipenimin ghugha Nabalin garima, an atriviba amir isar ekiabar min isam gami. Egha a bar akongegha wainin dipar avirim apava bar organi. Kamaghin amizi, Abigel biziitam gun a gehganizir puvatigha ghua amimzaraghan. ³⁷ Ezi aminim tirazima, Nabalin nighnizim uamategha izi, ezi an amuim Abigel iza bizar otivizbar gun a gehgari. Nabali oregha givagha, bar zuamira an dighorim an kozi, a irigha mikiri, egha a mati dagiam pura irighav iti. ³⁸ Egha a kamaghira irighav ikia ghua 10plan dughiaba givazi, Ikiavira Itir God Nabali misoghezima an areme.

³⁹ Ezi Devit Nabalin ovever akam baregha kamaghin migei, “Ki Ikiavira Itir God

* ^{25:22:} Bar formura, me Hibrun akamin aven itir akar kam, Grikin akamin a gira. Ezi Grikin akam ghaze, “God na misueghti, ki aremegham.” Fofozir gumazir aviriba kamaghin nighnigha ghaze, akar kam, “ki ubi,” a uaghan Hibrun akamin aven kagh iti. Egha me gin ghaze, Devit men atrivir aghuim. Egha me datirighin a giragha ghaze, “nan apanibara.”

minaba. A uabi Nabal na gamizir arazir kurar kam ginirigha, an arazim tuisigha, a ikara. Nabal uabi arazir kuram gamizi, Ikiavira Itir God mizazim a gase. Ikiavira Itir God uabi nan tuavim apirizima, ki arazir kuratam gamizir puvati.”

Ezi Devit gin Abigelin ikiasa uan ingangarir gumaziba amadazima, me an azangsighasa ghue.⁴⁰ Ingangarir gumaziba Karmelin ghua a batogha kamaghin a migei, “Devit nin ikiasa e amadazima, e ni inigh a bagh mangasa izi.”

⁴¹ Ezi Abigel akar kam baregha uan tevimming apirigha guam aviraghha ghaze, “Ki pura an ingangarir amizim. Ki uan gumazir ekiamin ingangarir gumazibar dagariba ruam.” ⁴² Egha a bar zuamira dikavigha uan donki inigha a gaperagha zuima, an 5plan ingangarir amiziba a ko zui. A uan ingangarir amiziba ko me Devitin ingangarir gumazibar gin zui. Me ghua otivigha, Abigel Devitin amuimin oto.

⁴³ Devitin amuir faragha itimin ziam Ahinoam, a Jesrilin nguabar ekiamin amizir mam. Ezi Aning datirighin virara, Devitin iti. ⁴⁴ Solin guiyim Mikal a faragha Devitin ike, ezi Sol a inigha Laisin otarim Palti ganingi, a Galimin nguabar ekiamin gumazir mam.

26

Namba 2in dughiamin Devit Sol misoghezir puvati

¹ Ezi Sifin gumazir maba iza Gibean Sol batogha kamaghin a migei, “Devit ti Hakilan mighsiamin modogha iti, a Jesimonin gumazamiziba puvatizir danganimin boroghin iti.”

² Ezi Sol zuamira dikavigha guua Israeliyan 3,000in midorozir gumazir aghuiba inigha, Sifin gumazamiziba puvatizir danganimin ghuaghira, Devit buriasa zui. ³ Dughiar kamin, Sol Hakilan mighsiamin tuavir miriamin averpenibar ingari. Danganir me itim, a Jesimonin boroghin iti. Ezi Devit gumazamiziba puvatizir danganir kamin ikiavira ikia kamaghin oraki, Sol gumazamiziba puvatizir danganir kamin a buri. ⁴ Kamaghin amizi, a moga garir gumaziba amangizi, me ghua garima, Sol guizbangira izegha gifa. ⁵ Me iza Devit mikemezi, Devit dikavigha guua Sol itir averpenibar ghu, egha a bar deraghavira Sol uan midorozir gumazibar dapanim Apner ko, aning akuir danganimin gari, Apner a Nerin otarim. Sol uan averpenibar tongrima akuima, an midorozir gumazibra an okarigha akui. ⁶ Abisai, a Seruian otarim, egha Joapin aveghbuam. Ezi Devit kamaghin, Hitin gumazim Ahimelek ko

Israeliyan gumazim Abisai migei, “Guan tinara na ko dimangan Solin averpenibar magiram?”

Ezi Abisai ghaze, “Ki mangam.” ⁷ Ezi dimagarir kamin Devit ko Abisai, aning Solin averpeniba itir danganimin zui. Aning ghua garima, Ame! Sol uan adarazir tongrima akui. A uan afuzim uan dapanvirin nguazim anesara. Ezi Apner, uan midorozir gumaziba ko me an okarigha akui.

⁸ Ezi Abisai kamaghin Devit migei, “God datirighin nin apanim isa nin dafarim gati. Ni na ateghti ki an afuzimra a ginivam. Ki dughiar vamiran a biraghtima an aremegham. Ki dughiar pumuningin a ginivan kogham.”

⁹ Ezi Devit a migia ghaze, “Marki, ni a gasighasighan marki. Ikiavira Itir God, atrivimin ikiasa anemisefe, ezi gumazitam a gasighasichti, God uabi iveauzir kuram isi gumazir kam danningam.”

¹⁰ Egha Devit ua kamaghin migei, “Ikiavira Itir Godin zurara itimin ziamin, ki kamaghin ni migei, Ikiavira Itir God, uabi Solin misuegham, o Sol uabi uan dughiamin aremegham, o an apaniba midorozir tamin a misueghti an aremegham. ¹¹ Ikiavira Itir God kamaghin ifongezir puvati, a inabazir atrivim ki a gasighasigham. Ga an dapanvirin asaraghav itir afuzim ko an miner dipamra inigh mangam.”

¹² Ezi Devit Solin dapanvirin an afuzim ko nguazir miner dipam itim inigha, Abisai ko aning ghu. Ezi aning amizir arazir kam, gumazitam osegha aningin ganizir puvati. Me akua organizir bizir kam, Ikiavira Itir God uabi me gamizi me bar akuava onganigha mozorozir puvati. ¹³ Ezi danganir zarir mighsiamming abighizim, Devit an ghua mighsiar mamin ghuanaga orazimin tughav ti, a mong Solin averpenibar saghon iti.

¹⁴ Ezi Devit Solin midorozir gumaziba ko Apnerin diagha ghaze, “Oil! Apner, ni nan dimdiām barazi, o puvati?”

Ezi Apner an diagha ghaze, “Ni tina atrivimin dei?”

¹⁵ Ezi Devit a ikaraghha kamaghin a migei, “Ni ti guizin gumazim, o? Israeliyan gumazir manam, nin min gari? Bar puvati. Ni bar me gafira. Ni tizim bagha deraghavira uan gumazir ekiam, a gehuvir puvati? A nin atrivim, ni ti fozir puvati, a? Gumazir mam, datirighira atrivim misueghti an aremeghasa ian danganimin even magh ghu. ¹⁶ Apner ni oragh, ni ingangarir aghuitam gamir puvati. Ezi ia midorozir gumaziba ia deraghavira uan gumazir ekiam gehuvir puvati. A gumazir Ikiavira

Itir God atrivimin ikiasi misevezim. Kamaghin amizi, ki guizbangira Ikiavira Itir Godin zurara itimin ziamin ni migei, atrivim ia misueghti ia bar arighiregham. Ia mangi atrivimin dapanvirin an afuzim ko an miner pam bagh ganigh, aning iti, o puvati?

¹⁷ Ezi Sol oregha fo kar Devitin tiarim, egha a dikavigha ghaze, "Devit nan otarim, kar nin tiarimra, o?"

Ezi Devit ghaze, "Are, nan gumazir ekiam, nan atrivim, kar kirara."

¹⁸ Egha a ua ghaze, "O gumazir ekiam, ki nin ingangarir gumazim, ki arazir kurar manam gamizi, ni na buriavira iti? Guizbangira, ki arazir kuratam gamizir puvati. ¹⁹ Kamaghin amizi atrivim, ni nan gumazir ekiam, ki kamaghin ifonge, ni na barakigh. Ikiavira Itir God uabi na misoghs, ni mikemeghti, ki a bagh ofa tam damighti, a nan apangkuvigham. Egha gumaziba na misoghs ni navim ginivti, gumazir kaba Ikiavira Itir God me gasighasigham. Guizbangira, me kamaghua, me kantrin kamin na batueghti, ki mangiva asebar tevimming apiriva men ziaba fam. Egha bizir aghuir Ikiavira Itir God uan gumazamiziba bagha anidiba, ki da inian kogham. ²⁰ Atrivim, ni na misoghasa na buri, mati gumazim piba buri, o mati gumazim mighsiabar ghua kuarazir goniam gasasa a buriava avegha an aroriam ini. Ki kamaghin ni mikimasa, ni Ikiavira Itir God gifozir puvatizir darazir nguazimin na misoghan marki. Nan ghuzim, gumazim igharazibar nguazim giran ki aghua."

²¹ Ezi Sol akar kam baregha kamaghin Devit migei, "Noki, ki arazir kuram gami. Ezi Devit nan borim, ni uamategh na bagh izi. Ki ua ni gasighasighsi nighnighan kogham. Ki fo, dimagarir kamin ni bar atam na misoghezi ki aremeghai. Kamaghin amizi, nan araziba bar ikufi. Ki amizir arazir kam, a tong suvizir puvati."

²² Ezi Devit kamaghin Sol migei, "O atrivim, nin afuzim nan dafarimin iti. Ni gumazir igiatam amadaghti, a izi na dam a inigh. ²³ E fo, Ikiavira Itir God gara, gumazir zurara nighnizir gavgavim an ikiava, arazir aghuibagh amiba, a deraghavira me gami. Guizbangira, Ikiavira Itir God datirighin ni isa nan dafarim gati, ezi ki fo Ikiavira Itir God ua bagha misevezir gumazim, ki uan dafarim a datighan kogham. ²⁴ Ki kamaghin nighnisi, nin angamira itir ikirimirim, a bizir bar ekiam. Ezi ki ni ataghizi ni deraghavira iti. Ezi datirighin ki kamaghua, Ikiavira Itir God kamaghira nan angamira itir ikirimirim ginighnigh

deraghvira na damuva, nan osimtiziba agivaghti ki deraghvira ikiam."

²⁵ Ezi Sol kamaghin Devit migei, "Devit nan otarim, God deraghvira ni damu! Egha bizir avirir ni damuamiba da bar deraghviram otivam!" Aning uaning mikemegha givagha, Devit mighsiar kam ategha zuima, Sol uamategha uan nguibar ekiamin ghu.

27

Devit Filistiaba ko iti

¹ Ezi Devit gin kamaghin nighnisi, "Kiran ovehangin, Sol na misueghti ki aremegham. Kamaghin ti deraghram, ki ari mangi Filistiabar kantrin ikiam. Egha Sol aghuaghiva, ua na inisi, Israelian nguazimin na burian kogham. Egha ki tuavir kamin, ki a miseveghirigham."

² Egha Devit uan 600plan gumaziba ko me gumazim Akis bagha zui, a Maokin otarim, a Getin nguibar ekiamin atrivim. ³ Ezi Devit uan gumaziba ko men amuiroghboriba, me Atrivim Akis ko Getin apiaghav iti. Devitin amuir pumuning a ko iti. Mamin ziam Ahinoam, a Jesrilin amizim, ezi igharazim Abigel, a Karmelian amizim, a faragha ikezir pam Nabal, an areme. ⁴ Ezi Sol kamaghin oraki, Devit ara ghua Getin nguibar ekiamin itima, a uam a burir puvati.

⁵ Ezi Devit gin kamaghin Atrivim Akis migei, "Ni na gifuegh na ateghti, ki mangi ruarimin nin nguibar dozir mamin ikiam. Kamaghin derazir puvati, e nin nguibar ekiamin ikiti, ni ingangarir ekiamin e damuan ki aghua." ⁶ Ezi Akis Devitin akam baregha nguibar dozir mam a ganingi, an ziam Siklak. Kamaghin amizi, Siklak a Judabar atrivibar nguibamra, ezi a ikia iza datirighin ikiavira iti. ⁷ Ezi Devit azenir vamira ko iakinir 4plan Filistiabar kantrin iti.

⁸ Dughiar kamin Devit uan gumaziba ko ghua Gesuria ko Girsia, ko Amalekia misosi. Gumazamizir kaba Israelian apanibagh ami, egha Isipin boroghin, sautin amadaghan, Surin gumazamiziba puvatizir danganimin iti. Me fomira danganir kamin iti. ⁹ Ezi Devit zurara uan gumaziba ko ghua me misogha, men gumazamizibav sozi me bar ariaghire. Ezi me, men sipsipba ko bulmakauba ko, donkiba ko, kamelba ko men korotiaba sara bar ada inigha, uan nguibamrin ghue. Egha gin, a uamategha Atrivim Akis bagha ghu. ¹⁰ Ezi Atrivim Akis zurara dughiabar kamaghin Devitin azai, "Ni datirighin ghua te ko misoke?"

Egha Devit a gifar suam, "Ki ghua Negevin Judabar gumazibav sosi." O, a na mikim

* ^{27:6:} Migirigar kam, "datirighin," kar migirigar en dughiamin otozir puvatizim. Puvati. Kar, gumazir akinafarin kam osirizimin dughiamin akam.

suam, "Ki ghua Jeramelian nguibamin gu-mazibav sosi." O, a suam, "Ki ghua Kinian nguibamin gumazibav sosi." Gumazamizir ikizir kaba, me sautin amadaghan Judan nguazimin iti.

¹¹ Egha Devit ghua misozir dughiarbar a gumazamiziba kuavarei. A kamaghin nighnisi, "Gumazitam ikiva, a gin Getin iziva, ki uan gumaziba ko amizir biziбар gun Getia geghanigham." Devit Filistian ikia dughiarbar zurara arazir kamram ami.

¹² Kamaghin amizi Atrivim Akis nighnizir gavgavim Devitin ikiava kamaghin nighnisi, "Israelia, kar an gumazamizibara, a me ko misosi. Ezi me ti bar an aghuaghama. A datirighin nan akuragh zurara nan ingangarir gumazimin ikiam."

28

¹ Dughiar kabar aven, Filistiaba uan midorozir gumaziba akuvagha Israelia misoghasa. Ezi Atrivim Akis kamaghin Devit migei, "Ni kamaghin fogh, ni uan gumaziba ko, nan gin mangi Israelia misogham o?"

² Ezi Devit a migia ghaze, "Ki fo, ki nin ingangarir gumazim, ni gin nan ingangarir aghuir ki damuamimin ganam."

Ezi Akis ghaze, "Bar dera. Ki zurara uabi gehhuv uabin ganamin ingangarim ni daningam."

Sol Samuelin duam ko migei

³ Samuel fomira aremezima, Israelia a bagha azigha, an nguibar ekiam Ramon anefa. Dughiar kamin, Sol oveaghuezibar duaba ko migeir gumazamiziba batozima, me ua Israelin kantrin itir puvati.

⁴ Ezi Filistiaba Israelia misoghasa. Filistiabar midorozir gumaziba, uari akuvagha Sunemin nguibar ekiamin boroghin, notin amadaghan uan averpenibar ingari. Ezi Sol Israelin midorozir gumaziba akuvagha, Gilboan mighsiamin uari bagh averpenibar ingari. ⁵ Ezi Sol Filistiabar midorozir gumazibar gara aguava bar atiatingi. ⁶ Kamaghin amizi a Ikiavira Itir Godin azangsisi, "Ki bizir tizim damuam?" Ezi Ikiavira Itir God irebabmin bitezam an akazir puvati. Egha dagiar Ikiavira Itir Godin ifongiam gifoghamim ko Ikiavira Itir Godin akam inigha izir gumazibar akatoribar akatam inizir puvati. Ikiavira Itir God an akatam ikarazir puvati. Bar puvati.

⁷ Ezi Sol dikavigha uan ingangarir gumazir dapanibav gia ghaze, "Ia mangi na bagh amizir gumazamizir oveaghuezibar duaba ko migeim inigh iziti, ki me ko mikimasa."

Ezi me a migia ghaze, "Mam Endorin nguibar ekiamin iti."

⁸ Ezi Sol uan atrivir korotiam adegha korotiar kinir mam aru, a kamaghin damighti, gumaziba kamaghin foghan kogham, kar atrivim. Egha a uan ingangarin gumazir pumuning inigha me amizir kamin ganasa zui. Me ghua a batogha, Sol kamaghin amizimin migia ghaze, "Ki kamaghsua, ni aremegha givazir gumazimin duam ko mikimti, a bizir otivamimin gun na mikimam. Eghiti ki gumazir kamin ziam diboroghti, ni an diaghti, an duam azenim girigh."

⁹ Ezi amizim a migia ghaze, "Ni Atrivim Sol amizir bizim gifo. A Israelian ariaghirezir gumazibar duaba ko migeiba, ko kukunir gumaziba, a bar me batoghezi, me nguazir kam ategha ghue. Ni tizim bagha na bagha azuazim adui moghin migirigiar kam na ganidi. Sol na misuegħi ki aremegħasna ni na gifari."

¹⁰ Sol a ko akar mam akirigha ghaze, "Ikiavira Itir Godin zurara itimin ziamin, ki guizbangira ni migei, ni bizir kam damighti, me osimtizitam ni datighan kogham."

¹¹ Ezi amizim kamaghin Solin azai, "Aria, ki ni bagħ tinan dimam?"

Sol ghaze, "Ni, na bagħ Samuelin diagh."

¹² Ezi amizim Samuelin diagh garima an otozi, a tuaragħha Sol migia ghaze, "Ni tizim bagha na gifari? Ni uabi Atrivim Sol."

¹³ Ezi Atrivim Sol ghaze, "Marki, ni atiatiġan marki. Ni tizim gari?"

Ezi amizim ghaze, "Ki duar mamin garima, a iħarragħha gara nguazim anagħav oto."

¹⁴ Ezi Sol an azara, "Duam manmagħin gari?"

Ezi amizim ghaze, "A gumazir asem, a uan korotiar ruarim arugħa iżi."

Ezi Sol fo, kar Samuelra. Egha Sol u tevimmng apirigha guam nguazim mituagħha, Samuelin ziam fe.

¹⁵ Ezi Samuel kamaghin Sol migei, "Ni tizim bagha na gaghura, egha nan diazi ki dikavigha iżi?"

Ezi Sol Samuel ikaragħha ghaze, "God na ataghizi Filistiaba iżi na misogħasa, kamagh amizi ki osimtizir bar ekiam iti. God ua irebabar na migeir puvati. Egha a uan akam inigha izir gumazibar akatoribar na migeir puvati. Ezi ki fogħasa, ki manmagħin damuam. Kamaghin amizi ki uabin mikimasa nin dia."

¹⁶ Ezi Samuel an migia ghaze, "Ni oragh. Ikiavira Itir God akirim ragħha ni gasaragħa għifa, egha nin apanim oto. Ezi ni tizim bagħha nan dei? Ki nin akuragħan kogħam. ¹⁷ Ikiavira Itir God ni mikimasa,

nan akatorimin mikemezi moghin, bizar kam gami. An atrivir ingangarimin ni agivazi, ni ua Israelia gativaghan kogham. Ingangarir kam, an a isa nin namakam Devit ganingi.¹⁸ Ni uabi Ikiavira Itir Godin akam batoke. A fomira Amalekian atarava me gasighasaghosa ni mikemezi, ni an akamin gin ghuzir puvati. Ezi datirighin, Ikiavira Itir God bizar kamin ni gami.¹⁹ Egha bizar kamnaghira puvati, a ni ko Israelia isi Filistiabar agharim darigham. Ni gurumzaraghan uan otariba ko aremegh izi, na ko Gumazamizir Oveaghuezibar Nguibamin ikiam. Eighti Ikiavira Itir God Filistiabar amamangatighti, me Israeliyan midorozir gumaziba bar me abiraghom."

²⁰ Ezi Sol akar kam baregha bar atiatigha, maghira irigha nguazim girighav ti. An aruer kam ko dimagarir kamin daghetam amezir puvatigha, gavgaviba bar puvati.²¹ Ezi amizir kam ghua Solin garima, a bar atiatingi, ezi a kamaghin a migei, "Gumazir ekiam ni oragh, ki nin ingangarir amizim, ki nin akamin gin ghua, kamaghin uabi ginighnizir puvati, ki ovengam o ki angamira ikiam. Ki ni baregha bizar kam gami." ²² Datinighin ki kamaghin ifonge, ni nan akam baregh bizitam damuam. Ki dagher taba ni daningti ni dar amam. Ni damegh gavgavim inigh uamategh mangam."

²³ Ezi Sol ghaze, "Puvati. Ki damasa ifongezir puvati." Ezi an ingangarir gumazzimning ko amizim, me damasa bar a gakkhonezi, a nguazimin dikavigha dakozim gapera. ²⁴ Ezi bulmaukan iigar mikarzim sara itir mam, amizimin dipenimin iti. Ezi a zuamira a misuegha an tuziba tue. Egha plauan maba inigha da veregha, da poghpuegha yis puvatizir bretbar ingara da tue. ²⁵ Dagheba isigha givazima, amizim dagher kaba inigha iza Sol ko an ingangarir gu-mazimning sara me ganingizima, me da api. Me amegha givagha, dimagarir kamra dikavigha amizir kam ategha ghue.

29

Devit Filistiabar akurvaghan me aghua

¹ Ezi Filistiaba Afekin nguibar ekiamin uan midorozir gumaziba akufa. Ezi Israelia Jesrilin danganir zarimin, emimirir dipamin boroghin averpenibar ingarigha iti. ² Ezi Filistiabar gumazir dapaniba uan midorozir gumaziba abigha, okoruar aviribar da ariki. Men okoruar maba, 100plan gumaziba itima, okoruar maba 1,000plan gumaziba iti, egha me bar

misoghamin danganimin zui. Filistiaba faragha zuima, Devit uan midorozir gumaziba ko me Atrivim Akis ko zui.³ Ezi Filistiabar midorozir gumazibar dapaniba, me Devit uan gumaziba ko men apigha ghaze, "Hibrun kaba, tizim bagha kagh ti?"

Ezi Akis me ikaragha ghaze, "Kar Devit, fomira a Israeliyan Atrivim Solin ingangarir gumazir mam. A bar dughiar ruarimin na ko iti, ezi dughiar a na ko itiba, ki an osimtzizir tamin apizir puvati."

⁴ Ezi gumazir dapanir kaba atara ghaze, "Ni anemadaghti a uamategh mangi nguibar ni a ganingizimin iki. Ni aneteghti an e ko mangi misoghan kogham. A midorozim bagh mangiva, uan nighnizim giragh, e misuegħi ariġħiregħam. Devit kamaghin damighti, Atrivim Sol ua tuavir kamin a gakongiva a gifuegham. ⁵ E fo, Devitin kamra, amiziba a bagħha ighiam gamua kamaghin onge:

"Sol 1,000plan apanibav sosi.
Ezi Devit 10,000plan apanibav sosi."

⁶ Kamaghin amizi, Atrivim Akis Devitin diagħha a migia ghaze, "Ikiavira Itir Godin zurara itimini ziāmin, ki guizbangira kamaghin ni migei, ni gumazir aghuim ezi ki ghaze, kamaghin ti deragħam, ni na ko iżi midorozir kamin en akuragh. Ni na bagħha izezir dugħiemin ikegħa iza datirighin, ki nin arazir kuratamin apizir puvati. Ezi atrivir iħgaraziba kamaghin migia ghaze, ni e ko mangan kogham. ⁷ Kamaghin amizi, ni navix amirizim sara uamategh nguibam mangi deraghvira daperagh. Ni bizar Filistian atriviba ifongezir puvatizibar amuti, me ni basimam."

⁸ Ezi Devit kamaghin Atrivim Akis migei, "Nan gumazir ekiam, ki nin ingangarir gumazim, ki osimtzizir manam gami? Dugħiar ki iza nin ingangarim gamua ikia iza datirighin itimini, ki arazir kurar manam gami? Atrivim, bizar tizim bagħi mangi nin akuragh ni apanibav soghan kogham?"

⁹ Ezi Akis kamaghin a ikaragħha ghaze, "Ni nan damazimin mati, Godin enselin mam, egha osimtzibha puvati. Ezi midorozir gumazibar dapaniba mikemegħa gifa, ni e ko midorozim bagħi mangan kogħam.¹⁰ Devit, ni oragh. Gurumzaraghan aminim magħ titima, ni uan midorozir gumazir iħgaraziba ko, ia dikavighi bizibba akir. Aminim angazangarti ja deragħ ganiva, dikavigh uamategh nguibar ki ni ganingizim mangi.

^{28:18:} 1 Samuel 15:3-9 ^{29:5:} 1 Samuel 18:7; 21:11
puvati. Da kamakin, "nguibar ki ni ganingizim mangi. Ki bar ni ifonge, kamaghin amizi ni na basiman marki." Akar kaba ti fomira iti, egha gin ovenge. Ezi akar kaba ikiavira itir dugħiemin, gumazir maba Grikin akamin da għira, ezi akar kaba Grikin akamin 1 Samuelin iti.

* ^{29:10:} Vezin kamin aven, akar maba Hibrun akamin itir

Ki bar ni gifonge, kamaghin amizi ni na basiman marki.”*

¹¹ Kamaghin amizi Devit bar mizaraghara uan midorozir gumaziba ko me ua kantri Filistian ghuez, Filistiaba me Jesrilin ghue.

30

Devit uan midorozir gumaziba ko ghua Amalekia misosi

¹ Egha Devit uan midorozir gumaziba ko me 3plan dughiar arua ghua, uan nguibam Siklakin oto. Me garima, a ikuvigha gifa. Dughiar Devit Filistiabar midorozir gumaziba ko itimin, Amalekia iza Judan sautin amadaghan Negevin itir nguibar dozibar misoghsa izi. Me uaghan Siklakin nguibam misogha, uari bagh an bizia inigha nguibam gaborozima a isi. ² Egha me Siklakin amiziba bar me inigha ghue, guivir igiabar ikegha ghua amizir ghuriba sara, Amalekia me misoghezir puvatigha pura me inigha ghue.

³ Ezi Devit gin uan midorozir gumaziba ko ghua Siklakin otogha garima, nguibam sigha gifa. Me kamaghin fo, Amalekia Devit ko an midorozir gumazibar amuiba ko boriba bar me inigha ghue. ⁴ Ezi Devit uan midorozir gumaziba ko, me bar puvirama azia ghua men gavgaviba bar gifa. ⁵ Devitin amuimning, Ahinoam ko Abigel, Amalekia uaghan aning inigha ghu. Ahinoam, a Jesrilian amizim, ezi Abigel, a Karmelian amizim, a faragha ikezir pam Nabal, an areme.

⁶ Ezi Devitin gumaziba uan otariba ko guivibagh nighnigha, bar a basemegha dagiabar a ginivichti an aremeghasava amima, a bar osintizir ekiam isi. Egha Devit uan God ko migei, ezi Ikiavira Itir God, gavgavim an nighnizim ganingi.

⁷ Ezi Devit Ahimelekin otarim Abiatarin migia ghaze, “Ofa gamir gumazibar korotiar otevir azenan azuir kam, ni a inigh iziti, e Ikiavira Itir Godin nighnizim gifoka.” Ezi Abiatar korotiar kam inigha izi.

⁸ Ezi Devit kamaghin Ikiavira Itir Godin azara, “Ki mangiva okimakiar gumazir kabar agiraghram, o markiam? Ki mangi men apigham?”

Ezi Ikiavira Itir God kamaghin a migei, “Ni mangi men agiragh. Ni mangi me batogh me misoghiva, uan amuiba ko boriba ua me inigh.”

⁹⁻¹⁰ Kamaghin amizi Devit uan 600plan gumaziba ko ghua Amalekian agira. Me ghua Besorin Fanemin otogha, men marazi daruan ibura. Men mikarziba men amirazi me dipam abighan iburaghha maghira iti.

Men dibobonim 200in boroghin tu. Ezi Devit 400plan gumaziba ko, Amalekian gin zui.

¹¹ Ezi Devitin midorozir gumazir maba danganir kinir mam abigha ghua Isipin gumazir igiar mamin apigha, a inigha Devit bagha ghua, dagheba ko dipam a ganingi. ¹² Egha me fighin ikizir muziarir apuzizir mam ko wainin ovizir apuzizir ikizir pumuning a ganingi. Ana aruer 3pla ko dimagarir 3plan dagheba ko dipatam amezir puvatigha, mitiriam bangin mikirigha, gavgaviba bar puvati. An amegha givagha ua gavgavim ini. ¹³ Ezi Devit kamaghin an azara, “Tina nin gumazir ekiam? Egha a nguibar manamin gumazim?”

Ezi a ghaze, “Ki Isipian gumazim, egha ki Amalekian gumazimin ingangarir gumazir mam. Ki areima, nan gumazir ekiam kagh na atizi, ki kagh itima dughiar 3pla gifa. ¹⁴ E kantri Judan sautin amadaghan Negevin danganimin ghua, Judaba ko Keretia ko Kalepian misogha men bizia bar ada ini. Egha e Siklakin ghua men nguibar kam gaborozima a isi.”

¹⁵ Ezi Devit kamaghin an azara, “Ni na inigh okimakiar gumazir kaba bagh mangam, o?”

Ezi a ghaze, “Are, ga mangam. Ezi ki kamaghhsua, ni Godin ziamin akar gavgavim akirigh suam, ni na misueghti ki aremeghan kogham, egh uaghan na isi nan gumazir ekiamin dafarim darighan marki. Ni kamaghin damighti, ki ni inigh mangam.” Ezi Devit a ko akar gavgavim akiri.

¹⁶ Ezi Isipian gumazir kam Devit inigha Amalekia bagha ghu. Dughiar kamin, Amalekia bizir avirir Filistian kantri ko Judan nguazimin iniziba bagha isar ekiam gamua, dagheba ko dipar organiba apava tintinibar nguazim gireghav iti. ¹⁷ Ezi Devit uan midorozir gumaziba ko me Amalekia bararkia ghua aminim magh kuigha izima, me ghua midorozim fore. Egha Amalekian misogha ghua bar guaratizimin tu. Egha Amalekian aviribav soghezima me ariaghire. 400plan gumazibara uan kamelbagh apiaghah are. Ezi igharaziba bar moghira ariaghire. ¹⁸ Ezi Devit uan amuimning ko amizir igharaziba ko boriba ko men bizir Amalekia iniziba bar uam ada ini. ¹⁹ Men bizir ekiaba ko bizir muziariba bar iti, biziitm ikuvizir puvati. Egha an midorozir gumazibar otariba ko guiviba, ko bizir apaniba okemeziba bar, Devit bar moghira ua da ini. ²⁰ Egha Devit Amalekian bulmakauba ko sipsipba bar ada ini. Ezi an midorozir gumaziba da

inigha men faragha zui. Ezi gumazamiziba arazir kamin gara kamaghin dia ghaze, "Kar, Devitin asizibara, a midorozimin da ini."

²¹ Egha me ghuava, men 200plan gumaziba Besorin Fanemin me bato. Kar gumazir faragha mikarziba amiraghha dipam abighan iburaziba, Devit me ataghizi, me a mizua kagh iti. Ezi gumazir kaba datirighin iza Devit ko an gumazamiziba bato, ezi Devit men boroghin ghua dughiar aghuim me ganingi. ²² Midorozir gumazir Devit ko ghuezi maba, me gumazir aghuibua puvati, me ghaze, "Gumazir e ko ghua misoghezir puvatizir kaba, me e misogha inizir biziba inian kogham. Me uanamuiba ko boribara inigha pura mangam."

²³ Ezi Devit ghaze, "Bar puvatigham. Nan aveghbuuba, ia migirigiar kabar amuan marki. Ia fo, Ikiavira Itir God uabi bizar kaba e ganingi. A uabi e geghuva en akurazi, e apanir en nguibam gasighasighiziba abinigha bizar kaba ini. ²⁴ Tinara ian akaba baraghram? Puvatigham. E deraghvira biziba abigh, gumaziba vaghvagh iniamin biziba voroghira me daningam. Gumazir en bizibagh eghuviba ko gumazir midorozim bagha ghueziba, me iniamin biziba bar voroghira mangi."

²⁵ Arazir kam, Devit arazir God ifongezim ko bizar a damuasa me mikemezimin min, Israelia bagha a gami. Ezi Israelia zurara akar kamin gin ghua, iza datirighin ikiavira iti.

²⁶ Egha Devit uamategha Sikkakin ghugha, midorozimin inizir bizar maba isa uan namakar mabagh anidi, me Judan gumazir dapaniba. A kamaghin me migia ghaze, "Kar ian bizar aghuir Amalekia okemeziba, e Ikiavira Itir Godin apaniba da bizar aghuir aviriba ini, egha maba ia ganidi." ²⁷ Devit bizar aghuir kaba isa nguibar ekiar kabagh anidi: Betel, ko Rama, a Judan sautin amadaghan Negevin itir danganimin ko Jatir, ²⁸ ko Aroer, Sipmot, Estemoa, ²⁹ ko Rakal Jeramelia ko Kinian nguibaba, ³⁰ ko Horma ko Borasan ko Atak, ³¹ ko Hebron. Bizar maba, Devit fomira uan midorozir gumaziba ko aruizir nguibaba, a bar moghira bizar aghuibua me ganingi.

31

Sol uan otariba ko ariaghire

¹ Dughiar kamin, Filistiaba ghua Israelia ko misogha, Gilboan mighsiamin Israeliyan gumazir aviribav soghezima me ariaghire. Ezi men marazi midorozim ategha are. ² Ezi Sol uan otariba ko, me uaghan are, ezi Filistiaba men agiraghha ghua me misoghezi me ariaghire. Solin otaribar ziabar kara:

Jonatan, Abinadap ko Malkisua. ³ Ezi midorozim bar ekevezima gumaziba Solin agira. Filistian maba an apigha barir pibar a gasima, barir maba an mitivizi, a bar amughamuki.

⁴ Kamaghin amizi, Sol uan gumazir igiar an midorozir biziba aterimin diagh ghaze, "Ni uan midorozir sabam inigha izi na biraghtima ki aremek. Puvatighti, Filistian mikarzir mogomebar iniba aghorezir puvatizir kaba, izi na dipov mizazim na daningiva na misuegħti ki aremegħam." Ezi gumazir igiar kam bar atiatigha Sol ginivan bar aghħua. Kamaghin amizi, Sol uabi uan midorozir sabam asaragħha a gaverazi, sabam a mitizi an areme. ⁵ Ezi gumazir igiar kam gari Sol aremezi, a uaghan uan midorozir sabam asaragħha a gaverazi, sabam a mitizi a uaghan Sol ko areme. ⁶ Dughiar kamra, Sol uan otarir 3pla ko, an gumazir igiar an midorozir biziba aterim ko, Solin midorozir gumaziba sara, me bar mogħira ariaghire.

⁷ Ezi Israeliyan Jordanin Fanemin vongin itiba, ko Jesrilin danganir zarimin vongin itiba kamaghin oraki, Israeliyan midorozir gumaziba are. Me uaghan kamaghin oraki, Sol uan otariba ko, me bar ariaghire, ezi me uan nguibar ekiabha ategħha are. Ezi gin Filistiaba iza nguibar kaba inigha dar iti.

⁸ Midorozim għażi, amimzaragħan Filistiaba uamategħha iza, Israeliyan ariaghirezibar kuabar korotiaba suva, men biziba inisa izi. Egha me garima, Sol uan otariba ko, men kuabar Gilboan mighsiamin ireghav iti. ⁹ Ezi me Solin kuamini firim atuġha, an midorozir korotiaba ini. Egha me gumazir maba amadazima, me akaba isa ghua Filistiabar nguazimin tintinibar arua uan asebar dipenibar aven ghua an gun gumazamizibav gei. ¹⁰ Egha me Solin midorozir korotiaba isa uan aser amizim Astarten dipenim gati. Egha me Sol ko an otaribar kuuba inigha ghua, Betsan nguibar ekiāmin divazimini me gu.

¹¹ Ezi Israeliyan Jabesin nguibar ekiāmin iti darasi, me Gileatin nguazimin aven iti, me Filistiaba Sol gamizir arazimin eghagħanim baraki. ¹² Kamaghin amizi, Jabesin midorozir gumazir gavgaviba dimangan dikavighha ghua Betsan oto. Me ghua nguibar ekiāmin divazimini, Sol ko an otarir 3plan kuaba inigha iza Jabesin da tuezi da isi. ¹³ Egha me Sol ko an otaribar aghariba inigha, ghua Jabesin nguibar ekiāmin temer povir māmīn da isa mozm iġati. Egha me bar mogħira me bagħha aziava osemegħha 7plan dughiabar me bagħha dagħeba ataki.

Godin Akam Inigha Izir Gumazim Samuel, An Akinafarir Namba 2 O 2 Samuel Akar faragha zuim

Akinafarir kamin eghaghaniba, da Samuelin Akinafarir Namba 1in eghaghanimin gin, otivizir bizibagh eghari. Akinafarir kamning faragha akinafarir vamiran ike. Samuelin Akinafarir Namba 2, a gumazir vamira geghari, kar Atrivim Devit. Kamaghin, me gin an ogharazi, a ua baghavira iti. Akinafarir kam, a Devit atrivimin itir dughiamin bizibagh eghari.

God Atrivim Devit ko iti. Devit a gumazir gavgavim, a God gifongeghavira ikia, egha uaghan Israeliyan gumazamizibagh ifonge. A nighnizir bar gavgavim Godin iti, ezi Israelia bar a gifonge. Dughiar mabar, Devit uan inivafizir agorogemin gin ghua, arazir kurar avirir maba uaghan dagh ami. Ezi gin Godin akam inigha izir gumazim Natan, Devitin arazir kurabar an akazi, a uan arazir kurabar gun mikemegha navim gira.

Israeliyan damazimin, Devit bar ziar ekiam iti. Devitin dughiamin gin, osimtiziba Israelia bativima, me uam Atrivim Devit ginighnisi. Egha me kamaghin pamtemin nighnisi, me Devitin min garir atrivir gavgavitam ikiti deraghram. Devitin nighnizir gavgavim ko navim girazir arazim bangin, a Israeliyan tongin bar ziar ekiam ini.

Devit Israeliyan atrivimin oto

(Sapta 1--9)

Devit Solin ovevemin akam baraki

¹ Dughiar kamin, Devit uan midorozir gumaziba ko ghua Amalekia ko misogha itima, Atrivim Sol danganir igharazimin Filistiaba ko misoghava areme. Devit midorozimin Amalekia abinigha givagha, me uamategha Sikklin nguubar ekiamin izegha aruer pumuningin iti. Dughiar kamin Atrivim Sol aremegha gifa, ezi Devit tong fozir puvati. ² Ezi namba 3in aruem, gumazir igiar mam iza Sikklin oto. A iza uan osimtizim akakaghosa uan korotiam abigha begheaziba uan dapanim gagħui. A Devit bagħha ghugħa uan tevimmung apirigha guam nguazimin mituaghha, ziar ekiam Devit ganid. Gumazir kam Sol iti nagħin ikegħa iż-ze. ³ Ezi Devit an azara, “Ni managhira ikegħa iżi?”

Ezi gumazir igiam ghaze, “Apaniba Israelia gasighasizima, ki en midorozir gumaziba iti nagħin, me ategħa ara ni bagħha iżi.”

⁴ Ezi Devit an azara, “Ga uaning, ni midorozim in otivizir bizibar gun na gegħan.”

Ezi gumazir igiam a migia ghaze, “Israeliyan midorozir gumaziba midorozim in arezi, Filistiaba men gumazir avirim misoagharrighi me ariaghire, ezi Atrivim Sol uan otarim Jonatan ko, aning uaghan areme.”

⁵ Ezi Devit an azara, “Ni manmagħin Sol ko Jonatanin ovevem gifo?”

⁶ Ezi gumazir igiar kam ghaze, “Ki, Gilboan mighsiamin pin tughav ikia garima, Sol uan afuzim nguazim gasaragħa gavgavim uabi ganiga tughav iti. Ki garima, apaniba Solin borogħin zui, kar karisba ko hoziabagh apiaghira misozir midorozir gumaziba.” ⁷ Ezi Sol ragħiġiha nan gara nan dia. Ezi ki kamaghin a ikaragħha ghaze, ‘Gumazir ekiam, ki kagh iti.’ ⁸ A kamaghin nan azara, ‘Ni nguabar manamin gumazim?’ Ezi ki ghaze, ‘Ki Amalekian mav.’ ⁹ Ezi a kamaghin na migei, ‘Ni na bagħ zuamira iziva bar na misuegti ki aremeka. Nan apaniba bar puvira na misoghezima, nan damaziba nan sırma, ki kiran oveħġaqxin ovengam.’ ¹⁰ Kamaghin amizima, ki an akam baregħa an borogħin ghua a misoghezi an areme. Ki kamaghin fo, a bar gifa, a nguazim girigħ bar aremegħam. An aremegħa givazzi, ki an atrivbar dapanir asuam ko daveriam inigha, ni bagħha iżi. Nan gumazir ekiam, aningra kara.”

¹¹ Devit akar kam baregħa bar osemeħga uan korotiam abiki. Ezi an midorozir gumaziba uaghan kamaghira am. ¹² Me fo, Sol ko Jonatan ko Ikiavira Itir Godin midorozir gumaziba ko Israeliyan gumazamizir igharaziba sara, me bar mogħira midorozir sababar ariaghire. Kamaghin amizi, me bar men apangkuvigha osemeħha azia, dagħeba tagħha ikia ghua guaratizimtu.

¹³ Egha Devit gumazir igiar kam kamaghin an azara, “Ni nguabar manamin gumazim?”

Ezi a ghaze, “Ki Amalekian mav, nan afeziam fomira Amalekian nguazim ategħa iż-za Israeliyan kantrin nguazim gapera.”

¹⁴ Ezi Devit uam an azara, “Manmagħin ami? Ni atrivimin misogħa tong attiatir puvati? Kar atrivir Ikiavira Itir God misveżezim.”

¹⁵ Egha Devit uan midorozir gumazir mamin diazi, a izima a kamaghin a migei,

"Ni gumazir kam misuegħti an aremegħ." Ezi Devitin midorozir gumazim, midorozir sabamin gumazir kam okez ian areme.

¹⁶ Ezi Devit, Amalekian gumazir kuar kamin gara ghaze, "Ni amizir osimtizim bangin ni areme. Ni uabi uabin gun migia ghaze, Kikiavira Itir God misevezir atrivim misoghezi, an areme."

Devit aziava Sol ko Jonatan bagħa aghuimazir onger akam bange

¹⁷ Egha Devit bar osemeħha, Sol uan otarim Jonatan ko aning ginighniga aghuimazir ighiham bange. ¹⁸ Devit akar gavgavim Judan gumazamizibagh aniga ghaze, me ighiar kam bangam. Ighiar kamin ziam, Barir Pimin Ighiam. Egha me a isa Jasarin Akinafarin min osiri. Devit kamagħin ighiar kam bati:^{*}

¹⁹ "Gumazir en faragħa zuiba,
me Israelia en gumaziba,
me mighsiabagh isin ariaghire.

En midorozir gumazir gavgaviba
ariaghiregħa għifa.

²⁰ Ia Getin nguibar ekiam ko Askelonin
nguibar ekiamin tuvibar
bżżej kamin gun mikiman marki.

Filistin amiziba oreġħ
bar akuegham.

Egħiġi God għofzir puvatizibar guvibha,
me navix amirizim inī ħiġi bar
akuegham.

²¹ "En midorozir gumazir gavgaviba
Gilboan mighsiabar ariaghire.

Ezi midorozir oraba
pura mighsiar kabagh irav iti.

Ezi Solin oram uaghan pura iti,
ezi me borem uam a gazu ir puватi.

Kamagħin amizi, ki kamagħsua, amozim
ko dimagarimin ghuarjam mighsiar
kam uam a giran marki.

Egħiġi dagħer aghuiba ua nguazir kamin
aghħungan kogħam.

²² "Jonatanin barir pim a paza zuir puvati.
Ezi Solin midorozir sabam pura iti pu-

vati.
A midorozir gumazir gavgavibav sogħezi
me ariaghire,
ezi apanibar ghuziha ko oviba bar a
noke.

²³ Gumazamiziba bar Sol ko Jonatan gi-
fonge.

Aning gumazir bar aghuimning.

Aning zurara roroamningin min uanining
porogħav ikia,

kamaghira ikia guava areme.
Aning pamtemin uan apanibar agintisi,
egħha aning kuarazir isaba asizibar
agintizir ivemarar arazim gafira.
Egha aning gavgavir ekiam ikka
laionin gavgavim gafira.

²⁴ "Ia, Israelian amiziba, ia Sol bagħi azirak-
abar amuva an aghuimazim iki.

A korotiar aghevix aghuiba isa ia
ganingizi ia uari asingi.

Dar iżveziba bar pın iti.

A għol adiar ix-aghix Guar aviriba isa
ia ganingi.

²⁵ "Midorozir gumazir gavgaviba
midorozim ariaghire.

Ezi Jonatan uaghan areme,
ezi an kuam mighsiamin pın iti.

²⁶ O Jonatan, nan roroam!

Ki bar ni apangkuvigha oseme.

Ki bar ni gifonge,

ezi ni uaghan bar na gifonge.

Ni na gifongezix arazim, a bar gavgavigha,
bar ekefe,

egħha amiziba bar na gifongezix arazim,
a bar men ifongiām gafira.

²⁷ Midorozir gumazir gavgaviba
midorozim ariaghiregħa għifa,
ezi midorozim gamir biziba da bar iku-
vigha għifa."

2

Devit Judabar atrivimin oto

¹ Sol ko Jonatanin ovevemin gin, Devit kamagħin Ikiavira Itir Godin azai, "Ki ti mangiwa Judan nguibar ekiatam dapiam, o puvatigħam?"

Ezi Ikiavira Itir God ghaze, "Ni mangi." Ezi Devit ua kamagħin an azara, "Ki mangi nguibar ekiar manam dapiam?"

Ezi Ikiavira Itir God ghaze, "Ni mangiwa Hebronin nguibar ekiamin daperagh."

² Kamagħin, Devit uan amuimning ko
ghua Hebronin nguibar ekiamin apera. An
amuir mam, a Jesrilin nguibar ekiamin
amizim, an ziam Ahinoam. An amuir
iħarazim, a Karmelin nguibar ekiamin
amizim, an ziam Abigel. A fomira Nabal
amuim, Nabal aremezima Devit a inigha
an iti. ³ Devit uan gumaziba ko, an
għażiex adarasi, me bar ghua Hebron ko
Hebronin borogħin itir nguibar ekiabagh
apja. ⁴ Ezi Judan adarazir gumaziba iza
Hebronin oti vighha, uari bagħi atrivimin iki-
asa Devit amisevegħha, olivin borem an
da-ppanim għingie.

* **1:18:** Fofzix gumaziba ghaze, Jasarin Akinafarin kam, a Israelian akinafarir ghurix mam. Egha dati rigħiñ akinafarir kam bar ovene, ezi e fożix puvati akar manaba an ike. Josua God ko migejma an aruem gamizi an overiā minn tughav itir dugħi minn eghħaqnej, uaghan akinafarir kamin iti. Ni Josua 10:12-13 in gan. **2:2:** 1 Samuel 25:42-43 **2:4:** 1 Samuel 31:11-13

Devit atrivimin otogha givagha kamaghin oraki, Jabelin nguibar ekiamin itir gumazamizir maba Solin kuam afa. Jabel, a Gileatin nguazimin aven itir nguibam.

⁵ Kamaghin amizi, a gumazir maba amangizi, me ghua Jabelis migia ghaze, "Ia apangkuvim ikia arazir aghuimin Sol gamigha an kuam afa, a ian atrivim. Kamaghin, Ikiavira Itir God ian apangkuvigh deraghvira ia damu. ⁶ Ikiavira Itir God datirighin guizin apangkuvir arazimin ian akakaghiva, zurara deraghvira ia damu. Eghti ki uaghan ian arazir aghuir ia Sol gamizim ikarvagh deraghvira ia damuam. ⁷ Guizbangira, ian Atrivim Sol areme, ezi Judan adarazi uari bagh atrivimin ikiasa na misefe. Kamaghin amizi, ia tuivigh gavgavigh bizitamin atiatingan marki."

Israelia uari bagh atrivimin ikiasa Isboset amisefe

⁸ Filistiaba Sol misoghezi an aremezir dughammin, Nerin otarim Apner, ghua Solin otarim Isboset* inigha ghua, Jordanin Fanem abigha ghua Mahanaimin nguibar ekiamin oto. Apner Solin midorozir gumazibar faragh zuir gumazir dapanim. ⁹ Me Mahanaimin ikiava, Apner Isboset gamizi, a nguazir kabar atrivimin oto: Gileat, Aser, Jesril, Efraim ko Benjamin, egh a uaghan Israelian nguibaba, bar dar atrivimin oto. ¹⁰ Solin otarim Isboset 40plan azeniba itima, me Israelian atrivimin ikiasa anemisefe. Ezi an azenir pumuningra atrivir ingangarim gami. Ezi Judaba me Devitin gin zui, ¹¹ ezi a Hebronin ikia azenir 7pla ko akuamin, men atrivir ingangarim gami.

Israelia Judan adarazi ko misosi

¹² Ezi Nerin otarim Apner ko Solin otarim Isboset, uan ingangarir gumaziba ko, me bar moghira Mahanaimin nguibar ekiam ategha ghua, Gibeonin nguibar ekiamin oto. ¹³ Ezi Seruan otarim Joap, ko Devitin ingangarir gumaziba, me bar moghira iza Gibeonin dipar akaremin boroghin me bato. Isbosetin adarazi dipar akaremin vongin apiaghav itima, Devitin adarazi vongin apiaghav ti. ¹⁴ Ezi Apner kamaghin Joapin azara, "E midorozir gumazir igiar aghui taba inighti, me en damazibar ikararang uariv sogham."

Ezi Joap ghaze, "A dera, me mamaghira damuam."

¹⁵ Ezi Benjaminin ikizimin gumazir 12pla, me Isbosetin midorozir gumaziba, me iza Devitin 12plan midorozir gumaziba ko uariv sosi. Ezi Devitin midorozir

gumaziba vaghvagha, Isbosetin midorozir gumaziba vaghvagha me ko me uariv sosi. ¹⁶ Me vaghvagha midorozimin uari abinasava amua, egha me vaghvagha uan apanibar dapanibar suigha, midorozir sababar uan apanibar navibagh inifi. Egha 24plan gumazir kaba bar moghira iregha ariaghire. Kamaghin amizi, gumazamiziba danganir kam dibora ghaze, "Midorozir Sababar Danganim."

¹⁷ Ezi dughiar kamin, midorozir bar ekiam ikizir kamningin tongin oto. Ezi Devitin midorozir gumaziba me Apner ko, Israelian adarazi midorozimin me gafiraghha me abini. ¹⁸ Seruian otarir 3plan ziabar kara: Joap, Abisai ko Asahel, me uaghan midorozir kamin iti. Asahel, an asizir atiabar min bar pamtemin ivemari. ¹⁹ Ezi Israelia tintinibar arima, Asahel dikavigha Apner bagha ivegha biagħatīgħha ghua an agira. ²⁰ Ezi Apner ikiga girakirangin garima, Asahel an agintizima, Apner kamaghin an azai, "Asahel kar nirara?"

Ezi Asahel ghaze, "Are, kirara."

²¹ Egha Apner ghaze, "Ni nan agintīgħan marki. Ni agharir guvim o kiriāmin mangi. Egh ni midorozir gumazir igiar igharazit-tamin agiragh an suiragh, egh an biziba inigh." Ezi puvati. Asahel tong Apnerin akam barazi puvatigha, an agintīgħavira iti.

²² Ezi Apner uam a migei, "Ni na atakīgħi. Ki ni misuegti ni aremegħasa, ni ti ifonge? Ki ni misuegti ni aremegħti, ki nin avebam Joapin damazimin bar aghumsiġħam." ²³ Ezi puvati, Asahel tong a barazir puvati. Kamagh amizi, Apner girakirangin mogħin afuzir konimin Asahelin navim birazima, afuzim anemikiragh vongin an akirir agharim in oto. Ezi Asahel iriġħava areme. Ezi midorozir gumazir igharaziba iza garima, Asahelin kuam iriġħav iti, ezi me danganir kamin tuivighav ikia pura gari.

²⁴ Ezi Joap ko Abisai, aning Apnerin agiraghha ghua, aruem uaghřima aning Gian nguibamin boroghin Aman mighsiġin oto, kar Gibeonin gumazamiziba puvatizir danganim zuir tuavim. ²⁵ Aning garima, Benjaminin gumaziba Apner ko mighsiar dozir mamin uari akuvagħha, pura midorozim bagħha uari arigha iti. ²⁶ Ezi Apner aningin apigha, Joapin diqqa ghaze, "Manmagħin ami? Midorozir kam givagħan kogħam? Ni ti kamaghin fożir puvati, arazir kam osimtizir bar ekiam e daning? E ikizir vamira.

* ^{2:8}: Gumazir kamin ziam Isboset, a guizbangira, Isbal o Esbal. (Ni 1 Eghagħaniba 8:33in gan.) Ezi Hibrun akam ziam Isbal an akar kamin mirara għu, "Balin gumazim." Bal an asemin ziam, egha gumaziba ua ziar kam Bal osiran aghħua, egha me a giragħha kamaghin osiri, "Boset," an akar kamin mirara għu, "aghħumsizir bizzim."

Ni dazoghin uan gumazibav kemeghti, me uam en agintighan kogham?"

²⁷ Joap kamaghin oregha a ikara, "Ikiavira Itir Godin ziamin ki guizbangira ni migei, ni ti akar kamin na mikemezir puvatizi, nan gumaziba ian agintigha ghua gurum mizaraghan otoghan koghai."

²⁸ Joap akar kam mikemehga givaghha, sigham givia Israeliyan agintighan uan midorozir gumazibar anogoroke. Ezi me ua Israeliyan agintighizir puvatigha midorozim agifa.

²⁹ Ezi Apner uan adarazi ko me danganir kam ategha Jordanin danganir zarimin uaghiri. Egha me dimagarimin danganir zarir kamin ghua Jordanin Fanem abigha vongin ghua, amimzaraghan aruer arizimin Mahanaimin oto.

³⁰ Apner uan midorozir gumaziba ko ghuegha givazima, Joap uan midorozir gumaziba akuvagha me medi. A me mengeha kamaghin fo, 19plan midorozir gumaziba ariaghire. Ezi Asahel uaghan areme. ³¹ Dughiar kamin, Devitin adarazi Benjaminin 360plan gumazibav soghezi me ariaghire, kar Apnerin adarasi. ³² Ezi Joap uan gumaziba ko, me Asahelin kuam inigha ghua Betlehemin nguibamin, an afeziam afazir danganimin anefa. Me anefaghha dimagarimin uamategha ghua Hebronin otivima, aminim bar tira.

3

¹ Dughiar kamin gin, midorozim dughiar bar ruarin Devit ko Solin adarazir tongin iti. Devitin adarazi bar gavgavigha ghuavanaga Solin adarazigh amima, me bar amiraghha uaghiri.

Devit 6plan otariba iti

² Devit Hebron aperagh 6plan otarir kaba ini. Men ziabar kara: Amnon, an otarir ivariam, an amebam Ahinoam, a Jesrilin nguibar ekiamin amizim. ³ Ammonin girara irim, Kileap, an amebam Abigel, a Karmelian amizim. Abigel faragha Nabalin ike, ezi Nabal aremezi, Devit a inigha an iti. Ezi otarir mikezim, Apsalom, an amebam Maka, Maka kantri Gesurin Atrivim. Talmain guivim. ⁴ Namba 4in otarim, Adoniya, an amebam Hagit. Otarir namba 5in ziam, Sefatia, an amebam Abital. ⁵ Ezi otarir namba 6, Itream, an amebam Ekla, a Devitin amuim. Devit Hebronin ikiava otarir kaba ini.

Apner Devit ko migei

⁶ Solin adarazi ko Devitin adarazir midorozir gumaziba uariv sogha ghuavira itima, Apner a Solin adarazir gumazir ekiamin otivasava ami. ⁷ Ezi dughiar

mamin, Isboset kamaghin akar mam Apner gasa ghaze, "Ni nan afeziam Solin amuir dozim koma akui. Amizir kamin ziam Rispa, a Aian guivim. Ni tizim bagha kamaghin ami?"

⁸ Apner akar kam baregha atara bar osemega ghaze, "Ni ghaze, ki ti nin afiar gumazim? Egha ni ghaze, ki ti Judabar akurvasi? Puvati. Ni nighnigh. Dughiar nin afeziam Sol atrivimin iki iza datirighin, ki a ko an aveghbuuba ko an namakabar gin zui. Egha ki uaghan ni ataghizi, Devit ni inigha ni gasighasighizir puvati. Ezi ni datirighin amizir kam bagha akam na gasi, kar pura bizar kinim. ⁹⁻¹⁰ Ikiavira Itir God, Devit bagha Akar Gavgavir mam akirigha ghaze, Devit Solin adarazi batueghtima, me Israeliyan atrivibar ikian kogham. Ikiavira Itir God ghaze, a ubi Devit damighti a Israelia ko Judabar atrivimin ikiva, kantrin kam bar a gativagham. Eighti Devit kantrin kamin atrivimin iki, egh Danin anabamin nguazimin ikegh mangi nguibar ekiam Berseban tugham. God Devit bagha dikirizir Akar Gavgavir kam bagh, ki Devitin akuraghan koghti, God na misuegti ki aremegham." ¹¹ Kamaghin, Isboset oregha bar Apnerin atiatigha, ua migein puvati.

¹² Ezi Apner zuamira Devit bagha akam amaga ghaze, "Tinara kantrin kam gativagham? Ki kamaghua, ni na ko akar gavgavim akirighti, ki nin akuragh, Israelia damighti me bar nin gumazamizibara ikiam."

¹³ Ezi Devit kamaghin Apner bagha akam amada, "Nin akaba bar dera. Ki kamaghua, ni faragh bizar kam na koma anekirigh. Bizar kam kamakin, ni Solin guivim Mikal, na bagh a inigh izi. Puvatighti, ki ua nin ganan kogham."

¹⁴ Egha Devit gin Isboset bagha akam amaga ghaze, "Ki kamaghin ifonge, ni nan amuim Mikal na bagh anemadaghti a uamategh izi. A guizbangira nan amuim. Ki fomira 100plan Filistiabar mikarzir mogomebar inibar a givese." ¹⁵ Ezi Isboset kamaghin oregha gumazir maba amangizima, me ghua Laisin otarim Paltiel, a Mikalin pam, me ada Mikal inigha Devit bagha ize.*

¹⁶ Me Mikal inigha Devit bagha zuir dughiamin, Paltiel aziava Mikalin gin zui. Me ghua Bahurimin nguibar ekiamin otogha, Apner kamaghin Paltiel migei, "Ni uamategh uan dipenimin mangi." Ezi Paltiel an akam baregha uamatengen.

¹⁷ Me tighar Devit bagh mangamin dughiamin, Apner Israeliyan gumazir dapaniba bagha ghugha me migia ghaze,

“Ia oragh. Faragha zuir dughiar aviribar ia bar ifongegha ghaze, Devit en atrivimin ikiam.”¹⁸ Ia datirighin dikavigh mangi a damighti, an atrivimin otivam. Ia Ikiavira Itir God amizir akar kam ginighnigh. A kamaghin mikeme, ‘Nan ingangarim gu-mazim Devit, ki ingangarim a danightima, a Filistiaba ko apanir ighazaribar dafarimin, nan gumazamiziba Israelia, a ua me iniam.’¹⁹ Egha Apner uaghan uabi ghua Benjaminin adaraziv keme. Egha gin uamategha Hebronin ghugha, Benjaminia ko Israelia damuasa ifongezir biziabar gun Devit migei.

²⁰ Apner uan gumazir 20pla ko me ghua Hebronin Devit batozir dughiamin, Devit me bagha isar ekiam gami. ²¹ Ezi Apner gin kamaghin Devit migei, “Ni na ateghi, ki mangiva Israelia bar me inigh iziti, me nin apengan ikisi ni ko akar gavgavim akiram. Eghzi ni ifongezi moghin, ni kantrin kamin danganiba bar dar atrivimin ikiam.” Ezi Devit uan adarazivgia ghaze, ia arazir kuratamin Apner damuan marki. Egha a Apner amadazima, a navir amirizim sara uamategha ghu.

Joap Apnerin misoghezi an areme

²² Apner Hebronin itir dughiamin, Joap ko Devitin midorozir gumazibar itir puvati. Me ghua apanibav sosi. Ezi Devit Apner amadazi a ghuzima, an girara Joapin adarazi me uan apanibav suegha, me da inizir biziba inigha uam Hebronin otifi. ²³ Ezi Joap ko an gin zuir midorozir gumazibar Hebron otivigha, Joap kamaghin oraki, Apner iza Atrivim Devitin gani, ezi Devit Apnerin misoghan gumazibar anogoregha anemadazima, a navir amirizim sara ghu.

²⁴ Kamagh amizi, Joap ghua atrivimin gara an migia ghaze, “Me ghaze, Apner iza ni batozima ni anetaghizima, a uamategha navir amirizim sara ghu. ²⁵ Ni ti Nerin otarim Apnerin arazibagh fozi puvati? A ni gifara nin ganasa izi. A nin akurvaghaha izir puvati. A nin danganir ni aruiba ko, ni amir biziiba, a modogh bar dar gan da asavsuighasa ize, egh a uamategh izi ni ko misogham.”

²⁶ Joap migirigar kam gamigha uamategha ghu. A ua Apner inigha izasa gumazibar amadazi, me an gintigha an gin ghue. Gumazir kaba ghua Siran mozirpamin a batogha, uam a inigha izi. Dughiar kamin, Devit bizi Joap amir kam gifozir puvati. ²⁷ Apner iza Hebronin otozir dughiamin, Joap a inigha ghua nguivar ekiamin tiar akamin, a ko tuga nimira a ko mikimasa. Egha aning tughav itir dughiar kamin, Joap uan afuam inigha Apnerin navim birazima an areme. Joap uan dozim

Asahelin ovevem ikarvagha, Apner birazi an areme.

²⁸ Me gin bizir kamin gun Devitin mikemezi, a ghaze, “Ikiavira Itir God fo, ki Apnerin suiragha a misoghezi an aremezir puvati. Nan gumazamiziba uaghan osimtizitam an itir puvati. Joap uabira, kar an osimtizim.” ²⁹ Kamagh amizi, an ghuzim Joapin dapanim giriva, an afeziamin dipenimin itir darazi sara bar me giram. Ki kamaghin ifonge, Joapin dipenimin aven itir gumazibar zurazurara, men tarazi gin lepan arimariam ikiti, men tarazi duar kurar midir puvatiziba ikiti, men tarazi amizibar ingangaribar amuam, eghzi men tarazi apaniba midorozibar me misoghtima me arighiriti, men tarazi zurazurara daghebar otevegham.”

³⁰ Arazir kamin, Apner faragha Gibeonin midorozimin aven Joap ko Abisain dozim, Asahel misoghezi an areme. Kamaghin amizi, Joap ko Abisai aning uan dozimin ovevem ikarvagha, Apnerin misoghezi an areme.

Me Apnerin kuam afa

³¹⁻³² Ezi Devit kamaghin Joap uan midorozir gumazibar ko me migei, “Ia uan korotiaba abighiva, azirakar korotiabar aghuigh, egh ia Apner bagh azi.” Me Hebronin anefa. Dughiar me Apnerin kuam inigha gumazir kuaba afir danganimin zuima, Devit Apnerin akuriamin girara zui. Devit gumazamiziba ko me mozimin boroghin tuivighav ikia, bar moghira puviram azi. ³³ Egha Devit Apner bagha azirakar igiar kam bange:

“Apner gumazir organim puvati.

A tizim bagha pura kamaghin areme?

³⁴ Me an suemning ko dafarimning ikezir puvati,
me a gifaragha a misoghezi an areme,
me gumazir kurabagh ami moghin,
me a gami.”

Devit ighiar kam gamigha givazi, gumazamiziba uam Apner bagha aza.

³⁵ Bizir kabar gin, gumazamiziba Devit migia ghaze, aruem ikiavira iti, ni daghetam ami. Ezi an aghuaghha akar gavgavir mamin me migia ghaze, “Ki daghetam ameghan kogh iki mangi guaratizimin tugham. Aruem tighar magiriti ki daghetam ameghti, God na misuegħti ki aremegħam.”

³⁶ Ezi gumazamiziba atrivimin akar kam baregha, men naviba amirazi me bar akonge. Guizbangira, me atrivim amir biziiba bar dar ganigha da bagħha bar akonge. ³⁷ Devitin adarazi ko Israelian gumazamiziba bar, Devit aruer kamin amizir biziibagh fo, Atrivim Devit, Apnerin

misoghezi aremezir gumazim, an a ko navir vamira itir puvati.

³⁸ Ezi atrivim kamaghin uan ingangarir gumazibav gia ghaze, “Ia oragh. Datirighin, e Israelia en faragha zuir gumazir gavgavir mam aremegha gifa. ³⁹ Guizbangira, Ikiavira Itir God na misevezi, ki atrivimin oto. Ezi ki uabi gavgaviba puvati. Ki Seruan otarimningin arazir kuram ikarvaghan ibura. Aning bar gavgafi. Ezi Ikiavira Itir God uabi aning amizir arazir kurar kam ikarvaghisi, iveauzir kuram aning daningam.”

4

Gumazir pumuning Isboset misogynhezi an areme

¹ Ezi Solin otarim Isboset kamaghin oraki, me Hebronin nguabar ekiamin Apner misogynhezi an areme, ezi a digavir kuram gamigha bar oseme. Ezi Israelia bar atiatingi. ² Ezi Isbosetin midorozir gumazir pumuning, aning midorozir gumazibar dapanimin ikia ghua apaniba ko misosi. Aningin ziamming, Bana ko Rekap, aning Rimonin otarimning, Rimon, a Berotin nguabar ekiamin gumazir mam. Gumazamiziba Benjaminin adarazi bagha Berotin nguabar ekiam ginaba, kamaghin amizi, gumazir kamning aning Benjaminin anabamin adarazir aven iti. ³ Guzin Berotin gumazamiziba, me faragha aregha, datirighin pura nguabar igharazibar gumazibar min Gitaimin nguibamin iti.

⁴ Solin otarim Jonatan, an otarir vamira iti, an ziam Mefiboset.* Mefiboset 5plan azeniba itima, Sol ko Jonatan areme. Dughiar kamin, Jesrilin nguabar ekiamin gumaziba, me Jonatanin adarazi bagha akam amaga ghaze, Jonatanin apaniba a misogynhezima an areme. Ezi an adarazi akar kam baraki, ezi amizir Mefibosetin garim a inigha arav ghu. Amizim pamtemin ivemarima, Mefiboset degiaghiri, egha datirighin an dagarimming an ikufi.

⁵ Dughiar mamin, aveghbuamning Rekap ko Bana, aning Isboset bagha ghua, aruer arizimin an dipenimin oto. Dughiar kamin, Isboset avughsava uan akuir misiamin irighav iti. ⁶⁻⁷ Aning Isboset misoghasa witba iniamin abazim gamua a gatin, an akuir danganimin aven ghua garima, a uan misiamin akui. Aning midorozir sabamin an navim birazima an areme. Ezi aning an firim atugha garima, gumaziba puvatizi, aning an dapanim inigha ghu. Aning dimagarimin Jordanin Fanemin danganir

zarimin ghua, ⁸ amimzaraghan Hebronin nguabar ekiamin oto. Egha Isbosetin dapanim inigha ghua Devitin akatha, kamaghin atrivim migei, “Atrivim, ni kagh gan. Nin apanim Sol, an otarim Isbosetin dapanim kara. Sol fomira ni misuehti ni aremeghasa tuaviba buri, kamaghin amizi, Ikiavira Itir God nin akurvaghha Sol un boriba ko men arazir kuraba ikarvasi.”

⁹ Ezi Devit kamaghin aningin akam ikaraghha ghaze, “Ikiavira Itir God zurara ikia, an arazir kurar kamaghin garibar aven ua na ini. Ezi an ziamin ki kamaghin guizbangira gua mikimam. ¹⁰ Dughiar ki Sklakin nguibamin itimin, gumazir mam iza na batogha ghaze, Sol aremegha gifa. A ghaze, ki ti an akam gakuegham. Ezi puvati. Ki midorozir gumazibav kemezi me an suiragha, a misogynhezima an areme. Kar mati, akar kurar a na bagha inigha izezimin iveauzir kuram ki a ganingi. ¹¹ Ezi gua datirighin pura gumazir kinir uan dipenim gakuim misogynhezima an areme. Gua gumazir bar kuramning. Gua ghaze, ki ti gua atehtima gua ikiam? Bar puvati. Ki gua amizir arazir kurar kam ikarvaghisi gua gasighasichti, gua ua nguaizir kamin ikian kogham.” ¹² Egha Devit akar gavgavim uan midorozir gumazibagh aniga ghaze, me Rekap ko Bana aning misuehti aning aremegh. Ezi midorozir gumaziba aning misuegha, aningin sueroghofariba aghoregha da inigha ghua Hebronin dipar akarer mamin boroghin da agui. Egha Isbosetin dapanim, midorozir gumaziba a inigha ghua Hebronin kuaba afir danganimin, Apnerin mozir kamra anefa.

5

Devit Israelia ko Judabar atrivimin oto (1 Eghaghaniba 11:1-9; 14:1-7)

¹ Ezi bizir kamin gin, Israelian anababa vaghvaghha dar gumazir dapaniba bar iza Hebronin nguibamin Devitin gara, kamaghin a migei, “Ni oragh. E bar inifafizir vamira ko ghuzir vamira. ² Sol fomira en atrivimin itima, ni midorozibar Israelia e bagha en midorozir gumazibar faragha zui. Ezi Ikiavira Itir God ni migia ghaze, ni sipsipbagh eghuvir gumazimin min iki, en gumazamizibagh ativagham. Egh en atrivimin otogham.” ³ Kamaghin amizi, Israeliyan gumazir dapaniba iza, Hebronin nguibamin otogha, Atrivim Devitin bighan uari akuvazi, a Ikiavira Itir Godin damazimin akardikirizir gavgavir mam me ko a gami. Ezi me borem isa an dapanim

* 4:4: 2 Samuel 9:3 * 4:4: Gumazir kamin ziam, a Meribal. (Ni 1 Eghaghaniba 8:34in gan.) Ziar kamin akuar abuananam, a, “Bal,” an asemien ziam. Ezi gin me ua ziar kam Bal osiran aghua, egha a giragha kamaghin osiri, “Boset.” An akar kamin mirara ghu, “Aghumsizir Bizim.” Ezi gumazir kamin ziam kamaghin oto, “Meriboset,” o “Mefiboset.”

4:10: 2 Samuel 1:1-16

ginga, maghiram anemisevezi a Israelian atrivimin oto. ⁴ Devit 30plan azeniba ikia atrivimin oto. Egha 40plan azenibar atrivimin iti. ⁵ Devit 7plan azeniba ko 6plan iakinibar, Hebronin Judabar atrivimin ike. Egha 33plan azenibar Jerusalemin nguubar ekiamin Israelia ko Judaba, uaghara me gativatha men gari.

⁶ Dughiar mamin, Atrivim Devit uan midorozir gumaziba ko ghua Jerusalem iniasa misosi. Jerusalem a Jebusian nguibamra. Jebusia ghaze, Devit men nguibam inian kogham, egha me dibovir akabar a migia ghaze, "Ia bar en nguubar ekiamin aven izan kogham. Gumazir damazir okaviriziba ko suer amiraziba, me pura izi ia izamin tuavim apirigham."

⁷ Ezi puvati, men akaba pura magh ire, Devit uan midorozir gumaziba ko ghua me misogha men nguubar ekiar divazir gavgavim itim ini. Nguubar ekiar kamin ziam Saion. Ezi gin gumazamiziba a dibora ghaze, Devitin Nguibar Ekiam. ⁸ Dughiar Devit nguubar ekiar kam inizimin, a kamaghin uan midorozir gumazibav gia ghaze, "E nguubar ekiar kam inisiva, tuavir dirizir Jebusia dipam iniasa aruimin aven mangiva nguubar ekiamin otogham. Egh e damazir okaviriziba ko suer kuraba ko misogham. Gumazir kamagh gariba, me nan apanibar min iti."

Gumazamiziba datirighin Devitin akam ginighnighavira ikia kamaghin migia ghaze, "Damazir okaviriziba ko suer amiraziba Ikiavira Itir Godin Dipenimin aven mangan kogham."

⁹ Kamaghin amizi, Devit gin ghua Saionin nguubar ekiar gavgavir kam gapera. Egha a ziam a gatigha ghaze, Devitin Nguibar Ekiam. Egha Devit mikemezima, inganganir gumaziba nguubar ekiamin dipenir aviribar ingarizi da nguubar ekiam azui. Me danganir konir nguaziba akunizimin, dipeniba faraghavira azenan dar ingara, egha nguubar ekiamin aven izi. ¹⁰ Ikiavira Itir Godin Gavgaviba Bar Itim Devit ko itima, bizir kam bangin, Devit atrivir gavgavim ikia ghua bar ekevegha ikia mamaghira iti.

¹¹ Tairin nguubar ekiamin Atrivim Hiram, a uan gavmanin ingangarir gumazir dapaniba Devit bagha me amada. A uaghan Atrivim Devitin dipenimin ingarasa, temer sidaba ko, dipenibar ingarir gumaziba ko gumazir dagiabar ingariba, a me amangi. Ezi me Devit bagha atrivir dipenimin ingari. ¹² Devit bizir kabar gari, da a bagha izima a kamaghin fo, Ikiavira Itir God guizbangra Israelian atrivimin ikiasi a ginaba. A uaghan kamaghin fo, Ikiavira Itir God uan

gumazamiziba bar men akurvaghaha, kamaghin amizi, a kantri Israel gamima, a bar dera.

¹³ Devit Hebron ategha iza Jerusalem gaperazir dughiamin, an amuir ighazarir maba uam ada inigha dar iti, a uaghan amuir dozir maba uaghan dar iti. Ezi an amuir kaba, Jerusalemin otariba ko guvir maba bate. ¹⁴ An otaribar ziabar kara: Samua, Sobap, Natan, Solomon, ¹⁵ Iphar, Elisua, Nefek, Jafia, ¹⁶ Elisama, Eliada ko Elifelet.

*Devit Filistiabav sogha me abini
(1 Eghaghaniba 14:8-17)*

¹⁷ Filistiaba kamaghin oraki, Israelia Devit amisevezima a men atrivimin oto. Ezi Filistiaba mangi me misogh Devitin suighasa zui. Me bizir kam damuasa amima Devit fogha, uan danganir mogomer gavgavim uaghiri. ¹⁸ Filistiaba iza Refaimin danganir zarimin otogha tintinibar ghuegha mongegha iti. ¹⁹ Ezi Devit kamaghin Ikiavira Itir Godin azara, "Ki mangiva Filistian kabav sogham o? Ki mangi me ko misoghti, ni me isi na dafarim darigham o?"

Ezi Ikiavira Itir God kamaghin a ikaragha ghaze, "Are, ni mangi. Ki me isi nin dafarim datighti, ni midorozimin me abiraghah."

²⁰ Ezi Devit ghua Filistiabav sogha me abiraghah kamaghin migei, "Ikiavira Itir God mati aperiam otogha, pamtemin ivemara nan damazimin nan apaniba abiaghariaha me gasighasiki."

Kamaghin amizi, me danganir kam dibora ghaze, "Ikiavira Itir God Aperiamin Min Pamten Ivemara Apaniba Abiagharsi." ²¹ Ezi Filistiaba uan marvir guaba ategha are. Ezi Devit uan midorozir gumaziba ko men marvir guar kaba inigha ghue.

²² Ezi Filistiabiha gin ua izegha, Refaimin danganir zarimin tintinibar uari aghamsigha iti. ²³ Ezi Devit kamaghin Ikiavira Itir Godin azara, "Ki manmaghin damuam?"

Ezi Ikiavira Itir God kamaghin a ikaragha ghaze, "Ia me misoghs mangiva, men guabar moghin mangan marki. Ia modogh men girakirangin moghin mangi, egh temer balsamba tuivighav iti naghin, misoghsivira gan iki. ²⁴ Ia oraghtima niginim mati, gumaziba temer kabar ghuabagh isin daruam. Eghia ia fogh suam, ki ubi Filistiabav soghs ian faragh mangam. Ia niginim kam baraghamin dughiamin, ia maghira ivemar mangi me misogh." ²⁵ Ezi Devit Ikiavira Itir God a mikemezi moghiram amigha, Filistiabar agiraghah bar me misuagharki. Israelia me misogha

Gibeonin nguibar ekiamin ikegha ghua
Geserin nguibar ekiamin tu.

6

*Me Akar Dikirizir Gavgavimin Boksiam
inigha Jerusalemin ize*

(1 Eghaghaniba 13:1-14; 15:25-16:6;
16:43)

¹ Ezi Devit deraghavira misozir gumazir bar aghuiba uam me akufa. Israelian midorozir gumazir kaba, men dibobonim 30,000. ² Devit me inigha Godin Akar Dikirizir Gavgavimin Boksiam iniasi Judan nguazimin itir nguibam Balan zui. Me Boksiar kam migia ghaze, Ikiavira Itir Godin Gavgaviba Bar Itim, kar an Akar Dikirizir Gavgavimin Boksiam. Boksiar kam, enselin bar gavgavir pumuningin nedazimning, a gisin ikia mati, Ikiavira Itir Godin atrivir dabirabim. ³ Ezi Devit uan midorozir gumaziba ko ghua Balan nguibar ekiamin otogha, mighsiar dozir mam a gisin Abinadapin dipenimin ghue. Egha me Godin Akar Dikirizir Gavgavimin Boksiam inigh mangasa, karisin igiar mam inigha Boksiar kam isa a gisin aneti. ⁴ Ezi Abinadapin otarimming, Usa ko Ahio, aning karisin igiar kamin akua tuavimin zui. ⁵ Ezi Ahio karisin faragha zui. ⁶ Ezi Devit Israelia ko me bar moghira ghuava, Ikiavira Itir Godin damazimin bar akongegha pamtem ighiabagh amua, ararer aghuim gamua an ziam fe. Me gitaba ko buuba, tambarinba ko dibiarir ararer guar aviriba inigha dav sosi.

⁶ Me ghua gumazir mamin nguazir asizimin oto, gumazir kamin ziam Nakon. Kar me witin ovizibar iniba kua dar dagheba isir danganim. Danganir kamin bulmakauba daghdazima, Akar Dikirizir Gavgavimin Boksiam irasava ami. Kamaghin amizi, Usa uan agharim amadagha Boksiamin suira. ⁷ Usa ghaze, Akar Dikirizir Gavgavimin Boksiam ti pura bizim, egha an suira. Kamaghin amizi, Ikiavira Itir God bar puvira Usan aningaghegha atara a misohezi, an Akar Dikirizir Gavgavimin Boksiamin miriam naghiram areme. ⁸ Devit garima, Ikiavira Itir God uan aningagharim Usa gingezi an areme. Ezi Devit bar God baseme. Egha me danganir kam dibora ghaze, God uan aningagharim Usa ginge, egha datirighin me uaghan kamaghira a diboravira iti.*

⁹ Devit datirighin Ikiavira Itir Godin atiatigha ghaze, "Manmaghsu, Ikiavira Itir Godin Akar Dikirizir Gavgavimin Boksiam izi na ko ikiham?" ¹⁰ Kamaghin amizi, Devit Boksiam inigh Devitin Nguibar

Ekiamin mangan aghuaghha, a inigha Jerusalemin zuir tuavim ategha ghua, Getin nguibar ekiamin gumazir mam, Obetidomin dipenimin aneti. ¹¹ Ezi Boksiam 3plan iakinibar Obetidomin dipenimin iti. Ezi dughiar kamin, Ikiavira Itir God bar deraghavira Obetidom ko an adarazi gami.

¹² Ezi Atrivim Devit gin kamaghin oraki, Akar Dikirizir Gavgavimin Boksiam Obetidom ko itima, Ikiavira Itir God, Obetidom ko an adarazi ko an biziba bar, deraghavira me gami. Kamaghin amizi, Devit uamategha Obetidomin dipenimin ghugha, Godin Akar Dikirizir Gavgavimin Boksiam inigh ua Devitin Nguibar Ekiamin izasava ami. Bizar kam bagha gumazamiziba bar akonge. ¹³ Gumaziba dikavigha Boksiam inigha uan sueba 6plan dughiabar da akura ghua tuifi, ezi Devit Ikiavira Itir God bagha ofa gami. A bulmakaun apurir mam ko bulmakaun igiar mikarzim sara itir mam inigha ofa gami. ¹⁴ Egha Devit ofa gamir gumazimin korotiar otevir azenan azuir dirir mam arugha, an sazimning uabi gike. Egha ziar ekiam Ikiavira Itir God ganiga, an damazimin ighiabagh amua pamtem uabi fa uabi akuri. ¹⁵ Me Akar Dikirizir Gavgavimin Boksiam atera Jerusalemin zuima, Devit Israelia ko me bar moghira arazir kamram amua, bar akongegha pamtemin diava sighabagh ivi.

¹⁶ Me Akar Dikirizir Gavgavimin Boksiam atera Devitin Nguibar Ekiamin aven izir dughamian, Solin guivim Mikal winduan tughav ikia men gari. A uan pam Atrivim Devitin garima, a ighiabagh amuava Ikiavira Itir Godin damazimin tintinibar uabi fakurava, Ikiavira Itir Godin ziam fe. Devit amir arazir kam, Mikal bar a gifongezir puvati, kamaghin amizi a navir kuram Devitin ikia a baseme. ¹⁷ Ezi me Ikiavira Itir Godin Boksiam isava, Devit a bagha ingarizir purirpenimin aven aneti. Egha Devit ofan bar isia mighiriba ko, gumazamiziba God ko navir vamiran ikiamin ofabagh ami. ¹⁸ Devit ofabagh amigha givagha, kamaghin gumazamizibav gei, "Ikiavira Itir Godin Gavgaviba Bar Itim, a uan ziamin deraghvira ia damu." ¹⁹ Egha Devit dagheba isa bar gumazamizibav aningi. Gumaziba ko amiziba vaghvaghah pret ko asizir tuzin me avimin tueziba ko wainin ovizir me apuziziba, me bar ada ini. Me da inigha givagha, me uamategha uan nguibabar ghue.

²⁰ Ezi Devit uamategha uan dipenimin ghugha, uan ikizim deragh me damuasa, Ikiavira Itir Godin azangasava ami. Ezi Solin guivim Mikal dipenim ategha azenan

6:2: Ua Me In 25:22

6:3: 1 Samuel 7:1-2

* **6:8:** Akar kam "datirighin," an en dughiar kam migeir puvati. A

dughiar gumazim akinafarir kam osirizim migei.

6:11: 1 Eghaghaniba 26:4-5

6:19: 1 Eghaghaniba 16:43

iza Devit migia ghaze, "Ame, Israeliyan atrivim uan ziar ekiam akakagha, bibiamra bar deraghavira uabi fakuri. Ezi an ingangarir gumazir dapanibar, ingangarir amizir kiniba bar an gani. Nin arazir kam, mati gumazir nighnizir aghuiba puvatizim amir arazim."

²¹ Ezi Devit kamaghin a ikaragha ghaze, "Ki ziar ekiam isa Ikiavira Itir Godra daningasa an damazimin ighiam banga uabi fa uabi akuri. A uabi nin afeziamin ikizimin danganim inigh na daningasa na ginabazi, ki an gumazamizibar dapanimin ikiam, kar Israelia. Ezi ki an ziam fasa ighiabagh amuavira iti. ²² Ki uan ziam bar anebiragh, egh an damazimin pura bizar kinimin min ikiam. Eighti ingangarir amizir ni migeir kaba, me ziar ekiam na daningam." ²³ Ezi bizir kam bangin, Solin guivim Mikal, a borir tam batezir puvatigha ikia guava areme.

7

*Akam inigha izir gumazim Natan, Godin akar dikirizim Devit ganangi
(1 Eghaghaniba 17:1-15)*

¹ Dughiar maba givazima, Ikiavira Itir God, Atrivim Devit gamizi, apanir an okariziba ua izava a ko misozir puvati. Kamaghin amizi, a uan dipenimin bar deraviram aperaghav ikia avughi. ² Egha atrivim kamaghin akam inigha izir gumazim Natan migei, "Ki dipenir aghuir me sidan temebar ingarizim gaperaghav iti. Ezi Godin Akar Dikirizir Gavgavimin Boksiam, a purirpenimin iti. Bizir kam ti derazir puvati."

³ Ezi Natan atrivim ikaragha ghaze, "Ikiavira Itir God ni ko iti. Kamaghin bizir tizim nin nighnizimin izi, ni a damusi puram a damu."

⁴ Ezi dimagarir kamin, Ikiavira Itir God Natan migia ghaze, ⁵ "Ni mangi nan ingangarir gumazim Devit mikim suam: Ikiavira Itir God ghaze, ni nan Dipenir ki aven ikamimin ingaramin gumazir ki misevezim puvati.

⁶ "Ki dipenir ekiabar aven itir puvati. Dughiar ki Isipin ua Israelia inizimin, ki tintinibar zuir dughiaba, ki Purirpenimin averara iti. ⁷ Ki danganir aviribar Israelia, ia koma aruava, kamaghin ian gumazir dapanir ki misevezir tamin azarazir puvati, 'Ni tizim bagha na bagha temer sidan dipenir tamin ingarizir puvati?'

⁸ Egha Ikiavira Itir God ua Natan migia ghaze, "Ni kamaghin nan ingangarir gumazim Devit mikim: Ki Ikiavira Itir Godin Gavgaviba Bar Itim, ni sipsipbagh eghuva

dar garir dughiamin, ni nan gumazamizibar Israelia, men gumazir dapanimin iki-asa ki ni amisefe. ⁹ Ni zuir danganiba bar, ki ni ko iti. Egha ki nin apaniba abirazima, ni me gasighasiki. Nguazir kamin gumazibar ziaba ekevezi moghin, ki nin ziam damighti a bar ekevegham. ¹⁰⁻¹¹ Ki uan gumazamizibar Israelia bagha nguazir mam amisefe. Ki an me arighti, me uan nguibamin min deraghvira a dapiagh ikiva uam atiatingan kogham. Eighti gumazir kuraba fomira me gamizi moghin, ua me damuan kogham. Ian ovaviba fomira nguazir kam inizir dughiamin ikegha, iza ki ia bagha misevezir gumazir dapanibar dughiamin, ian apaniba ia gasighasighavira iti. Ezi datirighin ki apanibar tuaviba apirighti, me ua me gasighasighan kogham. Ki nin adarazi ateghti, me ikiva ni bagh ovavir boriba batam.

¹² "Ni aremeghti, me ni afaghamin dughiamin, ki nin boribar tongin otarir tam amiseveghti, an atrivir gavgavimin otoghti, bizitam a dikabiraghan kogham. ¹³ Atrivir kamra, a na bagh Dipenimin ingaram. Eighti ki an ovavir boribar amighti, me gin atrivibar iki gavgavigh mamaghira ikiam. ¹⁴ Eighti ki uabi ia inigh, egh ian Afeziamin min ikiti, ia nan borimin min ikiam. Egh an arazir kuram damighti ki mizazim a gasegham. Mati afeziam uan borim mizazim a gasi moghin ki a damuam. ¹⁵ Egh ki zurara an apangkuvam. Ki faragha Sol batoghezi ni an danganim inizi moghin, ki akirim ragh an otarim gasaraghan kogham. ¹⁶ Eighti nin adarazi givaghan kogham. Ki nin ikizimin aven gumazibar amuti, me atrivibar otiv mamaghira ikiam." ¹⁷ Natan Ikiavira Itir Godin akaba baregha givagha, ghua God an akazir biziba bar dar gun Devit mikeme.

*Devit Ekiam ko migei
(1 Eghaghaniba 17:16-27)*

¹⁸ Atrivim Devit, Ikiavira Itir Godin akam baregha givagha, an Purirpenimin aven ghugha an damazimin kamaghin a ko migei, "O Ikiavira Itir God, nan Ekiam, ki tina, ni arazir aghuir aviribar na gami. Ezi ki uan adarazi ko, e ziar ekiaba puvati. Ezi ni fomira deraghavira na gamua iza datirighin tu. ¹⁹ O Ikiavira Itir God, ni ghaze, arazir aghuir ni e gamizir kaba ti nin damazimin bizir muziariba, egha ni arazir ighazariz mamin ua na gami. Ni uan ingangarir gumazimin ovavir borir gin otivamibar amuamin bizimin gun na mikeme. O Ikiavira Itir God ki gumazir kinim, ezi ni bar bizir ekiabar amuasa dar nan akakasi. ²⁰ Kamaghin amizi, Ikiavira

7:12: Onger Akaba 89:3-4; 132:11; Jon 7:42; Aposel 2:30

7:16: Onger Akaba 89:36-37

7:14: Onger Akaba 89:26-27; 2 Korin 6:18; Hibru 1:5

Itir God, nan Ekiam, ki manmaghin ni mikimam? Ki nin ingangarir gumazim, ezi ni na gifogha gifa. ²¹ Ni uan ifongiamin gin ghua uan ingangarir gumazim bagha bizar ekiar kam gami. Egha ni uan akar dikirizir ekiaiba nan akakasi. ²² O Ikiavira Itir God, en Ekiam, nin gavgavim bar ekevezi, tav ua nin min itir puvati. E uan inazibar akatoribar oraghizi moghin, ni uabira bar guizin God. ²³ E Israelia Isipin kalabusin itima ni uam e ini, egha ni e gamizi e nin gumazamizibar otifi. Kamaghin amizi, nguazir kamin gumazamizir igharaziba me, e nin gumazamizibar min garir puvati. E nin gumazamiziba kantrin kamin otogha itima, ni bizar aghuiba ko bizar ekiar aviribar en akura. Ni gumazamizir igharaziba batuegha men asebagh asighasighizi, e iza men nguazim ini. Kamaghin amizi kantriba bar dar gumazamiziba ziar ekiam ni ganidi. ²⁴ O Ikiavira Itir God, ni Israelia e gamizi, e zurara kamaghira nin gumazamizibar ikiam. Eighti ni ubabi en Godin ikiam.

²⁵ "O Ikiavira Itir Godin Gavgavim, ni uan ingangarir gumazim, ko an adarazi bagha amizir akar dikirizir kam, ki kamagh-sua, ni a damighti a zurara kamaghira iki. ²⁶ Eighti gumazamiziba bizar ni amir kabar ganiva, ziar ekiam ni daningam. Egh me mikim suam, 'Ikiavira Itir Godin Gavgaviba Bar Itim a Israeliyan God.' Egh ni zurara nan adarazir amuti me atrivibar otivam. ²⁷ Ikiavira Itir Godin Gavgaviba Bar Itim, ni Israelia en God. Ni kamaghin nan aka, ni nan ovavir boribar amuti, me zurara gavgavigh ikiam. Kamaghin amizi, ki nin ingangarir gumazim, ki ni ko mikiman atiatir puvati.

²⁸ "O Ikiavira Itir God, ni nan Ekiam, ni ubabi guizbangira God, ni uan akar dikirizibar gin ghua biziiba bar dagh ami. Egh ni uan ingangarir gumazim bagha akar dikirizir aghuir kam a damut, a guizbangiram otogh. ²⁹ O Ikiavira Itir God, ni nan Ekiam, ki nin ingangarir gumazim, ki kamaghin ifonge, ni akar dikirizir kam ginighnigh, egh nan ikizim deraghvira me damu. Eighti ovavir borir nan gin izamiba, nin damazimin iki zurara kamaghira ikiam."

8

Devit apaniba abini

(1 Eghaghaniba 18:1-17)

¹ Ezi gin, Devit uan midorozir gumaziba ko ghua ua Filistiaba ko misosi. Egha me Filistiabav sogha me abini, kamaghin amizi, Filistiaba ua Israelia gativazir puvati. ² Egha gin, Devit ua uan midorozir

gumaziba ko ghua Moapia misogha me abini. A men midorozir gumaziba gaghora me migeima, me 3plan bizar ruaribar nguazim gireghav iti. Egha a gumazir bizar faragha itiba ko bizar namba 2in itibav gia ghaze, me aremegham. Egha namba 3in gumazir bizim migia ghaze, me aremeghan kogham. Ezi Moapia Devitin apengan ikiya dagiaba isa a ganidi. ³ Ezi Devit uan midorozir gumaziba ko ghua kantri Soban atrivim ko misosi, an ziam Hadateser, a Rehopin otarim. Soba, a Sirian kantrin nguibar ekiar mam. Dughiar kamin Hadateser uan midorozir gumaziba inigha apanibav soghasa ghua, Yufretisin Fanemin amadaghan nguazir otevitam ua bagh a iniasi zui. Ezi Devitin adarazi me batogha, midorozimin me abini. ⁴ Egha Devit Hadateserin midorozir gumazir aviriba ini. A 20,000plan midorozir gumaziba isa, 1,700plan midorozir gumazir hoziabagh apiaghira misoziba ini. Egha Devit uaghan, 100plan karisbagh etiur hoziaba ini. A uaghan hoziar igharazibar suer agiriba aghorezi, da daruan ibura.

⁵ Dughiar kamin Sirian Damaskusin nguibar ekiamin itiba, Me Atrivim Hadateserin akuraghha misoghasa ghue. Ezi Devit uan midorozir gumaziba ko, me Sirian midorozir gumazir 22,000plan misoghezi me ariaghire. ⁶ Ezi Devit uan midorozir gumaziba Sirian kantrin tintinbar me ariki. Ezi Sirian gumazamiziba Devitin apengan ikiava dagiaba isa a ganidi. Danganir Devit misoghasa zuiba bar, Ikiavira Itir God an akurvazima, an apaniba abiri. ⁷ Devit garima, Hadateserin midorozir gumazir dapaniba golin ingarizir oraba ateri. Ezi David orar kaba inigha Jerusalemin ghu. ⁸ A uaghan, Hadateserin nguibar ekiamning Beta, ko Berotai, aningin brasin aviriba ini.

⁹ Kantri Hamatin Atrivim Toi, an orazi, Devit Hadateserin midorozir gumaziba abinigha gifa. ¹⁰ Dughiar aviribar Hadateser faragha Toin apanim gami. Kamaghin amizi, Devit Hadateserin misoghezir biziim bagha, Atrivim Toi bar akonge. Kamaghin Toi, uan otarim Joram, Devit bagha anemada. Egha a migia ghaze, "Ni mangi nan dughiar aghuir a daningigh. Egh kamaghin a mikim suam, Ki orazi, ni Hadateser abiraghha gifa. Kamaghin amizi, ki bizar ni amizir kam bagha bar akonge." Ezi Joram Devit bagha ghua bizar aghuir me gol ko silva ko brasin ingariziba a ganidi. ¹¹ Ezi Devit bizar aghuir kaba inigha Ikiavira Itir Godin ziam fasa dagh inaba, eighti da God baghvira ikiam. A kantrin igharaziba bar dav soghainizir golba ko silvaba, a

kamaghira dagh ami. ¹² Devit Idomia* ko Moapia, Amonia, Filistia, Amalekia, ko Soban Atrivim Hadateser, a me da gol ko silvan kaba ini.

¹³ Devit gin uan midorozir gumaziba ko Idomia ko misoghsa, Danganir Zarir Amangsizir Avirim Itimin ghu. Egha me Idomian 18,000plan gumazibav soghezi me ariaghire. Ezi gumazamiziba akar kam baregha ziar ekiam Devit ganingi.[†]

¹⁴ Ezi Devit uan midorozir gumaziba kantri Idomin tintinibar me ariki. Ezi Idomian gumazamiziba Devitin apengan ikiava, dagiaba isa a ganidi. Danganir Devit misoghsa zuiba bar, Ikiavira Itir God an akurvazima, an apaniba abiri.

¹⁵ Devit Israelia bar me gativagha, guzin arazibar deraghavira uan gumazamizibagh ami. ¹⁶ Seruian otarim Joap, a midorozir gumazibar dapanim. Ezi Ahilutin otarim Jehosafat, a gavmanin akinafariba osirir gumazir faragha zuim. ¹⁷ Ezi Sadok ko Ahimelek, aning ofa gamir gumazimning. Sadok, a Ahitupin otarim, ezi Ahimelek, a Abiatarin otarim. Ezi Seraia, an atrivimin akinafariba osirir gumazim. ¹⁸ Ezi Jehoiadan otarim Benaiā, a Devit geghuvir midorozir gumazibar gumazir dapanim. Kar Keret ko Peletin adarazir gumaziba. Ezi Devitin otariba me ofa gamir gumazibar min iti.

9

Devit deragha Mefiboset gami

¹ Dughiar mam Devit kamaghin gumazibar azara, “Solin adarazir gumazitaba ikiavira iti, o puvati? Tarazi ikitima, ki deragh me damuasa. Ki Jonatan na gamizir apangkuvir arazim ikarvaghaga.”

² Dughiar kamin Solin adarazir ingangarir gumazir mam iti, an ziam Siba. Me atrivimin ganasa an dia, ezi a ghua atrivim batozima atrivim kamaghin a migei, “Nin ziam Siba?”

Ezi a ghaze, “Are, gumazir ekiam, ki nin ingangarir gumazimra.”

³ Ezi atrivim Siban azara, “Solin adarazir tarazi ua ikiavira iti o puvati? Tarazi ikiti, ki Godin apangkuvir arazim men akakaghaha.”

Ezi Siba kamaghin Devit migei, “Jonatanin otarir vamira ikiavira ikia, egha an dagarimning uaghara ikufi.”

⁴ Ezi atrivim an azara, “A managh iti?”

Ezi Siba a migia ghaze, “A Lodebarin nguibar ekiamin Amielin otarim Makirin dipenimin iti.”

⁵ Ezi atrivim kamaghin oregha, gumazir maba amadazi me ghua Lodebarin nguibar ekiamin Amielin otarim Makirin dipenimin otogha otarir kam inigha izi. ⁶ Otarir kamin ziam Mefiboset, a Jonatanin otarim egha Atrivim Solin igiavotarim. A izav otogha, uan tevimming apirigha aviraghua nguazimin mitua, egha ziar ekiam Devit ganingi. Ezi Devit an migia ghaze, “Aruer aghuim, Mefiboset.”

Ezi Mefiboset ghaze, “Kirara, ki nin ingangarir gumazir kinim.”

⁷ Ezi Devit a ikaragha ghaze, “Ki nin afeziam Jonatan ginighnighavira iti. Egha a bangin ki apangkuvir arazimin ni damuam. Kamaghin amizi, ni atiatiqan marki. Egh ni zurara nan dipenimin izi na ko nan dagher dakozimin damam.”

⁸ Ezi Mefiboset ua uan tevimming apirigha aviraghua, uan quam nguazimin mituaghah għażżeha, “Atrivim, ni bizir tizim bagħ arazir aghuir kamin na damuasa? Ki pura bizir kinim. Ki mati afiar aremezir kuamin minni iti.”

⁹ Egha Mefiboset ghugha għivza, Atrivim Devit, Solin ingangarir gumazim Siban diazi a izima, a kamaghin a migei, “Nin gumazir ekiam Sol uan adarazi ko, men nguaziba ko biziba bar, ki da isiva Mefibosetin dafarim darigham. A Solin igiavotarim. ¹⁰ Eghти ni uan otariba ko ingangarir gumaziba ko, ia nguazir kamin azenibar ingar. Egh ia dagħer azenibar dagħer mitighiziba asīgħa inīgha izi. Eghти arazir kamin, nin gumazir ekiamin adarazi dagħebla ikiam. Eghти Mefiboset uabi, zurara izi na ko nan dagħer dakozimin damam.” Dughiar kamin, Siba 15plan otariba ikia 20plan ingangarir gumaziba iti.

¹¹ Ezi Siba kamaghin Devit migei, “Atrivim, nin nan gumazir ekiam, bizir ni damuasa na mikemeziba, ki bar dar amuam.” Bizir kamin gin, Mefiboset għuava atrivim ko an dagħer dakozimin ap, egha mati atrivimin otarir mam.

¹² Mefiboset otarir igiar mam iti, an ziam Mika. Dughiar kamin, Siban dipenimin itir adarazi ko an ingangarir gumazamiziba me bar, Mefiboset bagħha ingangaribagh ami. ¹³ Ezi Mefiboset uabi Jerusalemin ikia, zurara Atrivim Devit ko an dagħer dakozimin ap, a ko iti. Mefibosetin dagarimning uaghħara ikufi.

Atrivim Devitin otaribar egħaghanim

* **8:12:** Hibrun akam ghaze “Siriba.” Egha me fomira akar kam Griķin akam ġiġi għiġi an osiri, “Idomia.” Guizbangħa, Hibrun akam ti faragħha ghaze, “Idomia,” ezi ġin me pazav an osiri. Ni uaghan 1 Eghħaganibha 18:11in gan.

8:13: Onger Akaba 60:1 † **8:13:** Hibrun akam deragħha vezin kamin mingarim abighixir puvati. **9:1:** 1 Samuel 20:15-17 **9:3:** 2 Samuel 4:4

10

(Sapta 10-20)

*Devit Amonia ko Siriaba abini
(1 Eghaghaniba 19:1-19)*

¹ Bizar kamin gin, Amonian atrivim aremezi, an otarim Hanun an danganim inigha atrivimin oto. ² Ezi Devit ghaze, "Ki arazir aghuimin Hanun damuam, mati an afeziam Nahas faragha arazir aghuimin na gami."

Kamaghin amizi, Devit apangkuvir mirigjibar Hanunin mikimasa uan abuir gumazir maba amada. Ezi me ghua otozir dughiamin, ³ kantri Amonian gumazir dapaniba uan atrivim migia ghaze, "Ni ti ghaze, Devit abuir gumazir kaba amadazi, me ziar ekiam nin afeziam daningasa ize? Bar puvati. A me amadazi me modogh en nguabar ekiam getiva an ganasa oda ize. Egh me gin uan midorozir gumaziba ko izi e gasighasigham."

⁴ Ezi Hanun akar kam baregha, Devitin abuir gumazibar suigha, men ghumasiziba vaghvaghya dar vuebagh isegha vueba ataki. Egha uaghan men korotiar ruariba arighara da aghorezi da bar otef, ezi men mitiarakaba azenimra iti. Egha me amadazi me ghue. ⁵ Ezi abuir gumazir kaba bar aghumsigha, uamategh uan nguibabar mangan aghua. Ezi Devit Hanun amizir bizar kam baregha, kamaghin abuir gumazir kaba bagha akam amaga ghaze, "Ia Jerikon nguabar ekiamra iki mangiti ian ghumasiziba uam otivigh givaghti ia Jerusalemin izi."

⁶ Ezi Amonia kamaghin fo, me Devitin gumazibagh amizir bizar kam bagh, a bar men aningaghegham. Kamaghin amizi, me nguabar avirir kabar midorozir gumaziba bagha akaba amangi. Egha me Sirian kantrin aven itir nguabar ekiamning, Betrehop ko Soban midorozir gumazitaba iniasa, me ko akam akirasa ghue. Ezi me Amonian akurvaghaha 20,000plan midorozir gumaziba amada. Ezi me ua Topin nguabar ekiamin midorozir gumazir 12,000pla ini. Egha me uauarir akurvaghaha, 1,000plan midorozir gumaziba bagha Makan atrivim ko akam akiri.

⁷ Ezi Devit orazi, Amonia uan midorozir gumaziba bar me akufa. Egha a Joap ko midorozir gumaziba bar me amadazi, me me ko misoghasa zui. ⁸ Ezi Amonia uan nguabar ekiamin azenan izegha misoghasa uari arigha, divazimin tiar akamin boroghin tuivighav iti. Ezi Siriaba ko Topia ko Makaba, me uarira dadar torimin tuivighav iti. Egha misoghasa uari arigha iti.

⁹ Ezi Joap apanir kabar ganigha fo, midorozir gumazir okoruar pumuning, vong ko vong sara dikavigh izi a ko

misogham. Kamaghin amizi, a Israelian gumazir gavgavir deragha misozir maba amisevegha me isa, dadar torimin itir apanir kabar arava bizimin me afe. Egha a ubi men dapanimin ikia faragha tu. ¹⁰ Egha a uan dozim Abisai amisevezi, a midorozir gumazir igharazibar faragha zui. Egha Amonian midorozir gumazibar arava men boroghin uan midorozir gumaziba bizimin me afa zui. ¹¹ Egha Joap kamaghin Abisai migei, "Ni ganti, Sirian midorozir gumaziba e adugh mangi e abinsi damuti, ia izi en akuragh. Eghti Amonia ia adugh mangi ia abinsi damuti, e mangi ian akuraghram. ¹² Ia atiatingan marki! E uan gumazamiziba ko nguabar ekiar God e ganingiziba bagh nighnigh pamtemin misogham. Eghti Ikiavira Itir God damuasa ifongezir bizar aghium a mar guizbangirama otogh."

¹³ Egha Joap uan midorozir gumaziba ko Siriabav soghosa ghua garima, me ara tintinibar ghue. ¹⁴ Ezi Amonia gari, Siriaba arima, me uaghan Abisain adarazir damazimin ara ghua uan nguabar ekiam avinizir divazir ekiamin aven monge. Ezi Joap pura Amonia ategha uan midorozir gumaziba inigha uamategha Jerusalemin ghu.

¹⁵ Ezi Siriaba garima, Israelia midorozimin me abira, kamaghin amizi, me uan midorozir gumazibar diazima me bar iza uari akufa. ¹⁶ Ezi Atrivim Hadateser gumazir maba amangizi, me ghua Yufretisin Fanemin vongin aruem anadi naghin otoga, Sirian midorozir gumaziba inigha ghua bar Helamin nguabar ekiamin me akufa. Ezi Atrivim Hadateserin midorozir gumazibar garir gumazir dapanim Sobak, men faragha ghua men gumazir dapanimin iti.

¹⁷ Ezi Devit orazi, Siriaba iza Helamin uari akuvagha itima, a Israelian midorozir gumaziba bar me inigha ghua Jordanin Fanem girigha vongin ghua Helamin ghu. Ezi Sirian midorozir gumaziba tuiva misoghasa uari arigha maghira Israelia ko midorozim fore. ¹⁸ Ezi Israelian midorozim bar gavgavigha Sirian midorozir gumaziba adugh zuima me are. Ezi Devit uan midorozir gumaziba ko, men 700plan karisbagh isin ikia misozir gumaziba ko 40,000plan nguazimin tuiva misozir gumazibav soghezi, me ariaghire. Egha uaghan Sirian midorozir gumazibar dapanim Sobak misoghezima, a danganir kamrama areme. ¹⁹ Ezi Atrivim Hadateserin apengan itir atrivir maba garima, Israelia me abinigha gif. Ezi me tagha, Israelia ko navir vamiran ikiasi akam akirigha Israelian apengan iti. Kamaghin amizi, Siriaba uam Amonian akurvazir puvati.

11

Devit Urian amuim ko arazir kuram gami

¹ Ezi azeniba vaghvagha, dar dughiar orangtiziba givasava amima, atriviba uan midorozir gumaziba isa uan apaniba ko misoghasa zui. Ezi Devit Amonia misoghasa Joap ko, uan midorozir gumazibar gumazir dapaniba ko Israelian midorozir gumaziba, a bar me amangi. Ezi me ghua Amonia misogha me abiragha, Raban nguubar ekiamin midorozim fore. Ezi Devit uabi midorozim bagha ghuzir puvatigha Jerusalemlra iti.

² Egha guaratizir mamin aruem uaghira bar migorima, Devit uan misiamin dikavigha avughsa uan dipenimin pin itir danganim garui. Egha garima amizir mam uan dipenimin rua iti. Amizir kam, an ganganiba bar dera. ³ Ezi Devit foghasa, munar amizir manamra rue, egha gumazir mam amadazima a foghasa ghu. Ezi gumazim ghua an ganigha kamaghin fo, kar Batseba, Eliamin guivim. A Hitian adarazir gumazir mam Uria, an amuim. ⁴ Ezi Devit gumazir maba amangizi me ghua Batseba inigha ize. Dughiar kamin, Batseba uan iakinibav suegha givagha, uan mikarzim zuasa biziagh am. Egha Batseba Devit bagha izezi, Devit a koma akuini, Batseba gin uamategha uan dipenimin ghu. ⁵ Egha gin Batseba borimin duirava fo, a navim adai, egha Devit bagha akam amada.

⁶ Ezi Devit oregha Joap bagha akam amaga ghaze, “Ni Hitian gumazim Uria amadaghti a na bagh izegh.” Ezi Joap Devit bagha Uria amadazi, a ize.

⁷ Uria Devit bagha izezi, a kamaghin an azara, “Joap derazi an midorozir gumaziba uaghan dera? Ezi midorozim manmaghira zui? Me, en apaniba abinigham, o?” Ezi Uria midorozimin otivizir biziba bar a gehhani.

⁸ Ezi Devit Urian migia ghaze, “Bar dera, ki oregha gifa. Ni datirighin uan dipenimin mangi dagarimning ruegh avughsa.” Ezi Uria Atrivim Devit ategha azenan ghuzzi, Devit gin bizir aghuir maba Uria daningasa, da isa gumazir mam ganigizi an ada inigha a bagha zui. ⁹ Ezi Uria uan dipenimin ghuzir puvati. A uan gumazir ekiamin gumazir a gehhuviba ko, me atrivimin dipenimin tiar akar miriamin akui.

¹⁰ Ezi Devit orazi, Uria uan dipenimin ghuzir puvatizi, Devit ghuava a migei, “Ni tizim bagha uan dipenimin ghuzir puvati? Ni dughiar ruarinim midorozimin ikia uan dipenimin ikezir puvati.”

¹¹ Ezi Uria kamaghin Devit ikara, “Israelia ko Judabar midorozir gumaziba midorozir

danganimra iti. Ezi Akar Dikirizir Gavgavimin Boksiam me ko ikiavira iti. Ezi nan gumazir ekiam Joap, midorozir gumaziba ko pura danganir azentuzimin averpeni-bar ikiavira iti. Egheti ki uabira mangi uan dipenimin deragh damiva, dipabar ami, egh uan amuim ko dakuti, kamaghin bar deraghan kogham. Ki bar guizbangira arazir katam damighan kogham.”

¹² Ezi Devit a migia ghaze, “A dera, ni datirighin kagh ikeghti ki gurumzaraghan, ua ni amadaghti ni mangam.” Ezi aruer kamin Uria Jerusalemin iti. Ezi amimzaraghan guaratighin, ¹³ Devit Urian diazi a iza a ko apima, a dipar organiba a ganigizi an ada amegha bar organi. Egha dimagarir kamin, Uria dakuusa uan dipenimin iraghuzir puvati. A uan daguvsiam ghuaragha, gumazir atrivim geghuvu itiba koma akui.

¹⁴ Egha amimzaraghan, Devit Joap bagha akinafarir mam osirigha, Uria ganigigha anemadazima a uamategha midorozir danganimin ghu. ¹⁵ Devit kamaghin akinafarim osiri, “Ni Uria isi midorozim bar gavgavizi naghin anetigh. Egh ia bar uari amikirvegh girakirangin izeghti, apaniba a misuegħti an aremegħ.” ¹⁶ Dughiar kamin Joap midorozir gumaziba ko me Raban nguubar ekiam iniasi misoghavira iti. Egha Joap akinafarim inigha givagha egha gari, Amonian midorozir gumazir gavgaviba bar pamten misozir danganim, a Uria isava danganir kamin aneti. ¹⁷ Ezi Amonian midorozir gumaziba uan nguubar ekiam avinasa azenan iza, Joapin midorozir gumaziba ko misosi. Ezi midorozir kamin aven, Devitin ingangarir gumazir dapanir maba ariaghire, ezi Uria uaghan me koma areme.

¹⁸ Joap gin Devit bagha akam amaga midorozir kamin otivizir bizibar gun migei. ¹⁹ Egha Joap gumazir akar kaba inigh mangamim migia ghaze, “Midorozir kamin aven otivizir biziba ni bar adar gun Devitin mikemegħ. ²⁰ Egheti an atan kamaghin ni mikimam, ‘Ia manmagħsua ghua nguubar ekiamin divazim bar an miriamra ghugħha misosi? Ia kamaghin fożir puvati, apaniba divazim gis in tuvigh ikva, barir pibar ia gasegham. ²¹ Ia ti fomira Gideonin otarim Abimelek batozir bizir kam bakiñiñiha mati? Gideonin otarim Abimelek, a fomira Tebesin nguabar ekiamin borogħin divazir miriamin tugħav itima, amizir mam divazim gis in ikia, dagħar wit mirmir ġiñi puegħha a mikiñi an areme. Ezi ia manmagħsua bar divazir miriamin borogħin ghue?” Atrivim mikemegħ givagħti, ni kamaghin a mikim,

Nin Ingangarir Gumazim Uria, Hitian gumazim, a uaghan areme.”²²

²² Ezi gumazir kam Joapin akaba inigha Devit bagha ize. ²³ Egha kamaghin a migei, “Apaniba gavgavigha e adugha nguibar ekiamin azenan izegha tuzir torimin e misosi. Ezi e ua me adugha bar ghua nguibar ekiamin tiar akamini ghu.” ²⁴ Ezi Amonian midorozir gumazir maba divazir ekiamin pin ikia, barir pibar nin ingangaribar garir gumazir dapanir mabagh asezi me ariaghire. Ezi nin ingangarir gumazim Uria, a Hitian gumazim, a uaghan areme.”

²⁵ Ezi Devit a migia ghaze, “Ni uamategh mangi Joapin mikim suam, A midorozimin aven otivizir bizibagh nighnigh, egh da bagh pamtemin nighnighan marki. Gumazitam foghan kogham, tinara midorozimin aven ovegham. Kamaghin amizi, an Amonia misogh me abinigh, egh men nguibar ekiam bar a gasighasikigh.”

²⁶ Ezi Batseba gin uan pamín ovevem baregha, a bagh azia iti. ²⁷ A uan pam gibua a bagha ikegha givazima, Devit gumazir mabav kemezi me Batseban akua a bagha atrivimin dipenimin ize. Ezi Devit an itima, an otarir mam bate. Ezi Devit amizir arazir kam, Ikiavira Itir God bar a gifongezir puvati.

12

Natan Devitin arazir kuram aghuri

¹ Egha Ikiavira Itir God, Devit bagha uan akam inigha izir gumazim Natan amada. Ezi Natan iza a batogha kamaghin Devit geghiri, “Dughiar mam gumazir pumuning nguibar ekiar mamin iti. Aningin mav bizir aviriba iti, ezi mav onganarazibagh amua bizir aviriba puvati. ² Gumazir bizir aviriba itim, a bulmakauba ko sipsipin bar aviriba iti. ³ Ezi gumazir biziba puvatizim, sipsipin nguzir amebar vamira ua bagha a givezegha an akuaghapi, ezi an a ko iti. Egha a deraghavira sipsipin nguzir amebar kamin garima, an an boriba ko dipenimin ikia ghuava ekefe. A dagher muziarir a itiba, ana da abigha dar naba isa uan sipsip ganiga anetaghizarima, a an dipaba apir kavin dipar naba api. Egha an a isa uan evarim garigha a muagha akui. Ezi sipsipin kam mati an guivimin miraram oto. ⁴ Ezi dughiar mamin, gumazir mam iza gumazir bizir aviriba itimin dipenimin ize. Ezi a uan namakar a bagha izezim bagh uan sipsipin tam o bulmakaun tam misuegh a bagh isaman aghua. Egha a gumazir biziba puvatizim sipsipin nguzim okemegha a misuegha uan namakar a bagha izezim bagha a isami.”

⁵ Ezi Devit kamaghin oregha, gumazir bizir aviriba itir kam bar a basemega, kamaghin Natan migei, “Ki Ikiavira Itir Godin ziamin guizbangira migei, gumazir arazir kurar kam gamizim, me a misuehti, an aremeghti deragham. ⁶ Guizbangira, a gumazir biziba puvatizim apangkuvir puvatigha arazir bar kuram gami. Kamaghin amizi, a 4plan sipsipba isi, a inizir sipsipin kam ikarvaghram.”

⁷ Ezi Natan kamaghin Devit migia ghaze, “Nirara, gumazir ki egharir kamnang! Ikiavira Itir God, a Israelien God, a kamaghin ni migia ghaze, ‘Ki nin akurazi, Sol ni gasighasighizir puvati. Ki borem isa ni gingegha ni amisevezi, ni Israelien atrivimin oto. ⁸ Nin gumazir aruam Sol, ki an dipenim ko an biziba ko an amuiba, ki bar da isa nin dafarim gati. Egha ki ni gamizi ni Israelia ko Judabar atrivimin oto. Bizir kaba nin damazimin oteveghti, ki bizitaba ua ni danielngvira ikiam. ⁹ Ezi ni manmaghsua Ikiavira Itir Godin akam batuegha, an damazimin arazir kurar kam gami? Ni Hitian gumazim Uria misoghezi an areme. Ni midorozim bagha anemadazi, Amonia uan midorozir sabamin a misoghezi an areme, ezi ni an amuim ini. ¹⁰ Ezi ni deraghviram oragh. Ni nan akam batuegha Urian amuim ikiasaya a ini. Kamaghin amizi, dughiar gin izibar, gumaziba nin ovavir borir tabav soghti me arimighiram, egheti arazir kam ikivira ikiam.’

¹¹ “Ki Ikiavira Itir God, ki kamaghin migia ghaze, Ki nin adarazir gumazitarbar amighti, me osintizir ekiaba ni darigham. Egh nin damazimin, ki nin amuiba isi gumazir ighazaribar aningam. Egheti me azenara arazir kurabar nin amuiba amuam. ¹² Ni uan arazir kuram modogha a gami, ezi ki nin arazir kurar kam, azenara a ikarvaghti, Israelia bar an ganam.”

¹³ Ezi Devit kamaghin oregha ghaze, “Ki Ikiavira Itir Godin damazimin arazir kuram gami.”

Ezi Natan a ikaragha ghaze, “Ikiavira Itir God, nin arazir kuraba gin amada, ezi ni aremeghan kogham. ¹⁴ Ezi nin arazir kurar kam bangin, apaniba akar kurabar Ikiavira Itir God migei. Kamaghin amizi, nin otarir Batseba otezim aremegham.”

¹⁵ Natan Devitin arazir kurabar gun a mikemegha givagha, uamategha uan dipenimin ghu.

Ezi gin, Devitin borim, Ikiavira Itir God a gamizi, a puviram arei.

Devitin otarim areme

¹⁶ Devitin otarim arei, ezi otarim ghuamaghaha, Devit dagheba tagha God ko migia a gaghori. A dimagaribar uan dipenimin ghua pura nguazim girav iti. ¹⁷ Ezi an ingangarir gumazir aruaba ghua an miriamin tuivigha egha dikavasa a migeima, a me barazir puvati. A uaghan me ko daman aghua. ¹⁸ Ezi 7plan dughiaiba givazima, an borim areme, ezi an ingangarir gumaziba an borimin ovevemin gun an mikiman bar atiatingi. Me kamaghin uarira uariv gei, “Borim tighar ovengamin dughiamin, e a migeima an e barazi puvati. Kamaghin e datirighin borimin ovevemin gun a mikemeghan kogham. A bizar kam baregh ti dikavigh uabi gasighasigham.”

¹⁹ Ezi Devit garima, an ingangarir gumaziba sighsirir akabar uarira uariv geima a fo, borim ti aremegha gifa. Ezi a men azara, “Borim aremez, o?”

Egha me ghaze, “Are, an areme.”

²⁰ Egha Devit akar kam baregha, nguazimin dikavigha ghua rue. Egha borem uan mikarzim gaghuiqua, korotiar aghuiba aghuigha, Ikiavira Itir Godin ziam fasa an Dipenimin ghua, uan tevimming apirigha dapanim aviraghua guam nguazim mitua. Egha Devit ua uan dipenimin izegha, dagheba isair gumazibav mikemezi, me a bagha dagher maba tuigha a ganingizi, ana da api. ²¹ Devit arazir kam gamizima, ingangarir gumaziba kamaghin a migei, “Ni arazir manmaghin amizim gami? Nin borim aremezir puvatizir dughiamin, ni a bagha aziava dagheba ta. Ezi borim aremez, ni datirighin dikavigha dagheba api. Ni mingarir manam gatava arazir kam gami?”

²² Ezi Devit me ikaragha ghaze, “Ki ghaze, Ikiavira Itir God ti nan apangkuvigh nan borim damighti an aremeghan kogham. Kamaghin borim angamira ikiavira itima, ki aziava dagheba ta. ²³ Ezi datirighin an aremegha givazi, ki tizim bagh dagheba tagham? Arazir kamin ki ua borim damighti a dikavigh angamira ikiam? Bar puvati. A zuir danganir kam ki gin uaghan an mangam. Egh a ua na bagh izeghan kogham.”

Batseba Solomon bate

²⁴ Egha gin Devit gavgavim uan amuim Batseba daningasa, akar aghuiba a migei. Egha Devit a koma akuizima, a navim asegha otarir igharazir mam bate. Ezi Devit ziam Solomon a gati. Ezi Ikiavira Itir God bar borir kam gifonge. ²⁵ Kamaghin

amizi, Ikiavira Itir God uabi ziar kam Jeddida * borim darighasa, uan akam inigha izir gumazim Natan amadazi a Devit bagha ghu.

Devit misogha Raban nguibar ekiam ini

²⁶ Ezi dughiar kamin, Joap uan midorozir gumaziba ko, Raban nguibar ekiam misogha ghuavira iti, kar Amonian atrivimin nguibar ekiam. Egha me nguibar ekiar kamin akuar mam ini. ²⁷ Egha a Devit bagha akam amaga ghaze, “Ki Raban nguibar ko misogha men dipaba tur danganim inigha gifa. ²⁸ Egha datirighin, ni zuamira Israelin midorozir gumazir ikiavira itiba akuvagh, me amadaghti, me izi pamtemin Raban gumaziba ko misogh me abinighiva nguibar ekiam inigha. Puvatighti, nan adarazira misogh me abinighthi, gumazamiziba nan ziam nguibar ekiar kam darigham.” ²⁹ Ezi Devit akar kam inigha givagha, midorozir gumazir ikiavira itiba akuvagh, me bar ghua Raban gumaziba ko misogha me abinigha nguibar ekiam ini. ³⁰ Egha Devit Amonian atrivimin dapanir asuam ini. Dapanir asuar kam, me golin an ingarizi, an osintizim 35 kilogram. Dapanir asuar kam, me dagiar dirir bar pin kozir mamin an kuruke. Ezi Israelia dapanir asuar kam inigha Devitin dapanim garu. Devit uaghan dagiaba ko bizar aghuir aviriba nguibar ekiar kamin ada ini. ³¹ Egha Devit Raban nguibar ekiamin itir gumazamiziba bar me inigha, ingangarir guar aviribar amuasa me arisi. Marazi sobiar ingarir ingangaribagh ami, marazi ainin afavibar ingangaribagh ami, marazi ainin sobiabar ingangaribagh ami. Ezi marazi brighbar ingari. [†] Arazir kamra, Devit kantri Amonin nguibar ekiar igharaziba bar men gumazamizibagh ami. Egha gin, Devit uan midorozir gumaziba ko me umategha Jerusalemin ghue.

13

Amnon arazir kuramin Tamar gami

¹ Bizar kamin girara, arazir mam oto. Devitin otarim Apsalom, a buaramizir mam iti, an ziam Tamar. An ganganiba bar dera. Ezi Devitin otarir igharazir mam, an ziam Amnon, amebar igharazim a bate. A bar Tamar gifongegha, a bagha navim dikafi. ² Tamar tong bar gumazitam koma akguiha fozir puvatizi, me bar deragha a gegrhuvima a iti. Kamaghin amizi, Amnon Tamarin boroghin mangamin tuaviba puvati, egha a zurara a ginighnigha arei moghin iti. ³ Egha

* ^{12:25:} Ziar kam Jeddida, an mingarim kamaghin ghu, “Ikiavira Itir God bar a gifonge.” ^{† 12:31:} Hibrun akam deragha vezin kamin mingarim abighizir puvati. Gumazir maba ghaze, a kamaghin migei, “Egha a Raban nguibar ekiamin gumazamiziba bar me inigha egha soba ko ainin afaviba ko ainin sobiabar me misoghezi, me ariaghire. Egha a marazi brighbar ingarir avenin marazi tue.”

Amnon namakar mam iti, an ziam Jonadap. A Devitin awebam Saman otarim, a biziav min kimi, dar dagheba guizbangirama oti-vamin fofozir ekiam iti.⁴ Egha a Amnonin azara, "Atrivimin otarim, ni na mikim, manmaghin amizi ki zurara nin garima, ni ose-megha arei moghin gari?"

Ezi Amnon a ikaragha ghaze, "Ki uan ave-bam Apsalomin buaramizim Tamar, bar a gifonge."

⁵ Ezi Jonadap a ikaragha ghaze, "Ni ifar arei moghin damu, egh uan misiamin irighiv iki mamaghira iki. Eghit ni afeziat nin gansi aven iziti, ni kamaghin a mikim suam, 'Ga uaning! Ni nan buaramizim Tamar amadaghti an aven izi, eghit ki ganti, a na bagh daghetam tuam. Egh a uabi daghem na daningti ki aneremam."

⁶ Ezi Amnon, Jonadapin akam baregha, ghua uan misiamin ghugha ifara arei moghin amua uan misiam girighav iti. Ezi Atrivim Devit an arimariaj akam baregha an ganasa an dipenimin ghu. Ezi Amnon a migia ghaze, "Ga uaning! Ki aria nin azangssi, ni nan buaramizim Tamar amadaghti an aven izi, eghit ki ganti a na bagh kekin taba tu. Egh a uabi kekin kaba inigh na daningti ki dar amam."

⁷ Dughiar kamin, Tamar atrivimin dipenimin itima, Devit a bagha akam amaga ghaze, "Ni mangi uan tuebam Amnonin dipenimin mangiva a bagh daghetam tuam."⁸ Ezi Tamar oregha uan tuebam Amnonin dipenimin ghugha garima, a uan misiam girighav iti. A irighav ikiya garima, Tamar plauan maba inigha plaua giragha kekba tuer minemin da tue.

⁹ A kekba tuer minemisa kekba Amnonin damazimin da ingegha itarim gati. Ezi Amnon daman aghua. Egha a ghaze, "Ja ingarir gumaziba bar, ja azenan mangi." Ezi gumazamiziba kamaghin oregha, me bar dipenim ategha azenan ghue.

¹⁰ Ezi Amnon Tamar migia ghaze, "Ni kekba inigh ki akui naghin izi, egh kekba isi na daningti ki dar amam." Ezi Tamar kekin tuezir kaba inigha a irighav iti naghin a bagha zui.

¹¹ Tamar kekba inigha ghuava Amnon daningasa amima, a maghira an dafarim gitrogha a migia ghaze, "Nan buaramizim, ni izi nan misiamin na ko dakuasa ki ifonge."

¹² Ezi Tamar a migia ghaze, "Markiam, ni nan tuebam. Ni arazir kurar kam damusi na gaghonan marki. E Israelia arazir kurar kabagh amir puvati. Ni aghumsizir arazir mizirizir kam damuan marki."¹³ Ni arazir

kurar kam damighti, ki aghumsizir ekiam inigh, ua gumazamizibar damazimin daruan kogham. Eghit Israelia bar mikim suam, ni bar ikufi, egh me ni dipova bar pazivira ni mikimiva bar ni abiraghram. Ga uaning! Ni arazir kurar datirighin a damusi nighnighan marki. Ni nan ikisi ifuegh, ga uan afeziat Atrivim Devitin azarakra. Ni nan ikisi, a ti nin amamangatigham."¹⁴ Ezi Amnon Tamarin migirigiam baragh aghuagh, uan gavgavim sarama an suiragh, a gekuigha a gakaghora a koma akui.

¹⁵ Egha datirighin a Tamarin aghua. A faragha bar Tamar gifonge, egha datirighin bar a basemeha bar an aghua. An an aghuazir arazim bar ekevegha, a faragha a gifongezir arazim gafira. Egha a migia ghaze, "Ni dikavigh na gitagh mangi."

¹⁶ Ezi Tamar a ikaragha ghaze, "Nan tuebam, ni na barakigh. Ni datirighin na batogha na gamir arazir kurar kam, a ni nan suiragh a arazir kuramin na gamizir arazim bar a gafiraghram." Ezi Amnon bar tong Tamar barazir puvati.¹⁷ Egha uan ingangarir gumazir igiamin diagha a migia ghaze, "Ni izi amizir kurar kam nan damazimin a batuegħi an azenan mangi, ni tiam asaragh."¹⁸ (Dughiar kamin, Tamar kroti ruarir kurkazir bar aghuiba itiba aruġha, Amnon bagħha għu. Kar atrivbar guvix tighar pamin ikkiamiba azur korotiar aghuġi ruariba.) Ezi Amnonin ingangarir gumazim a batogħezi an azenim girizi, a tiam asara.

¹⁹ Ezi Tamar uan navir osimtzim akak-gha, averenim uan dapanim għażiex korotiar ruarir kurar kam abiki. Egha dafarimning uan dapanim għażiex, pamten aziavira zui.

²⁰ Ezi Apsalom uan buaramizim Tamarin garima, an aziavira izima, a an azara, "Manmagħin ami? Nin tuebam Amnon ni ko akua arazitamin ni gamiżi ni azia izi? Amnon, a nin tuebam, kamaghin, ni azir akam ategħ pura uabi amiragh mighihi bizir a ni gamizir kamin osiman marki. Egh nin tuebam Amnon ni gamizir arazir kurar kamien gun gumazitam mikimān marki." Ezi Tamar Apsalomin dipenimin ghugha a ko iti, ezi osimtzir kam surarama anebiravira iti.²¹ Ezi Atrivim Devit eghħagħanir kam baregha an muriam bar mogħira ikufi.*

²² Ezi Apsalom bizżettin bar Amnon migeir puvatiga bar aghumra iti. Amnon an buaramizim suiragh a gekuigha għuwa

* ^{13:21:} Bar fomira gumaziba Hibrun akam, me Grighiñ akam ġira, egha vezin kamin me mong an ruarim osiri. Ezi e datirighin fożi puvati, me uari akar kam osiri, egha a fomira Hibrun kamin iti, egha datirighin ua itir puvati. Grighiñ akam ghaze, "Amnon Devitin otarir ivariam, ezi Devit bar a gifonge. Kamaghin Devit Amnon iverżi kuram a ganingizir puvati."

arazir kuramin a gami, kamaghin amizi, Apsalom bar an aningaghegha an aghua.

*Apsalom, Amnon misuehti
an aremeghasa tuaviba buri*

²³ Azenir pumuning givazima, Apsalom uan ingangarir gumaziba ko Balhasorin nguibamin sipsipin arizibagh isi, isam damuasa atrivabar otariba bagha bar akaba amangi. Nguibar kam a Efraimin nguibar ekiamin boroghin iti. ²⁴ Egha Apsalom Atrivim Devit bagha ghua, kamaghin a migei, "Atrivim, ki nin ingangarir gumazim, ga uaning. Ki uan gumaziba ko sipsipin arizibagh isi isam damuasa. Egh ni uan ingangarir gumazir dapaniba ko, ia nan isamin izasa k ian azangsisi."

²⁵ Ezi Atrivim Devit a ikaragha ghaze, "Nan otarim, ti puvatigham. Ebar mangegh uam osimtzim ni danigham." Ezi Apsalom mangasa a gaghovavira iti. Ezi atrivim an gin mangan aghuaghha ghaze, Apsalom ni mangi, nin biziwa deraghram.

²⁶ Ezi Apsalom a migia ghaze, "Ia kamaghin izan aghuaghiva, nan aveghbuam Amnon amadaghi, an e bagh izi."

Ezi atrivim a ikaragha ghaze, "A bizi tizim baghvira nin gin mangam?" ²⁷ Ezi Apsalom Amnon bagha Devitin azangsighavira iti, ezi an Amnon ko uan otarir igharaziba saram amamangatizi, me bar Apsalomin gin ghu.

²⁸ Egha me ghua Balhasorin nguibamin otivigha, Apsalom uan ingangarir gumaziba pamten me abira me migia ghaze, "Ia isamin torimin ganti, Amnon dipar organiba amegh organighti, ki mikimvira ikiti, ia a misuehti a irigh aremegh. Ki uabi a misuehti an aremeghasa ia migia ia abira. Kamaghin amizi, ia tuivigh gavgavigh bizitam atatiangan marki."

²⁹ Ezi Apsalomin ingangarir gumaziba a mikemezi moghirama isamin even Amnon gamizi, Atrivim Devitin otarir igharaziba kamaghin ganigha dikavigha vaghvaghua uan donkibagh apiagha bar puv are.

³⁰ Me tuavimin ghuavira itima, gumazir mam men faragha ghua, Devit migia ghaze, "Apsalom nin otariba bar me misoghezi me ariaghire, men tav itir puvati." ³¹ Ezi atrivim kamaghin oregha dikavigha tugha uan korotiar ruarin abigha nguazim girighav ti. Ezi an ingangarir gumaziba uaghan tuivighavira ikia uan korotiar ruariba abiagharsi.

^{† 13:32:} Hibrun akam deragha vezin kamin mingarim abighizir puvati. ^{‡ 13:34-36:} Vezin kamin aven, akar kam, "Ezi an atrivim bagha ghua kamaghin a migei, 'Ki gumazir mabar garima me Horonaimin izir tuavmin mighsiamin miriamin otivigha izaghiri,'" a datirighin Hibrun akamin itir puvati. Akar kam ti fomira ike, egha datirighin ovenge. Bar fomira dughiar akam ikiavira itimin, gumaziba Grikin akamin a gira, ezi akar kam a Grikin akamin ikiavira iti.

^{§ 13:37-39:} Talmai an Apsalomin inazir afeziam. Ni 2 Samuel 3:3in gan.

³² Ezi Devitin aveghbuam Sama, an otarim Jonadap kamaghin Devit migei, "Nan gumazir ekiam, ni nighnizir gavgavim akar kabar ikian marki. Me nin otariba bar me misoghezi me ariaghirezir puvati. Me Amnonra misoghezi an areme. Bizir kamin mingarim kamakin, Amnon faragha ariazir kurabar Apsalomin buaramizim Tamar gami. Ezi Apsalom zurara dughiabar bizir kam ginighnighavira ikia, Amnon misoghezi an areme. Ki Apsalomin guamin garima a mitarmangizi, ki an nighnizim gifo." ³³ Atrivim, nan gumazir ekiam. Ni akar kaba isi uan navir averiam darighan marki, kar pura akar kiniba, nin otarir igharaziba ariaghirezir puvati. Amnon uabiram areme."

³⁴⁻³⁶ Ezi Apsalom zuamiram arav ghu.

Jonadap Devit ko migiavira itima, nguibar ekiam geghuva an garir midorozir gumazir igiar mam, munaghira Horonaimin izir tuavmin garima, gumazir avirim mighsiamin miriamin otivigha izaghiri. Ezi an atrivim bagha ghua kamaghin a migei, "Ki gumazir mabar garima me Horonaimin izir tuavmin mighsiamin miriamin otivigha izaghiri."‡

Ezi Jonadap Devit migia ghaze, "Ni gan! Ki ni mikemezi moghira mar atrivimin otaribara izi." Jonadap mikemega givazima, Devitin otariba even izegha maghirama azi. Ezi Devit uan ingangarir gumaziba ko, me me ko puvirama azi.

Apsalom arav ghu

³⁷⁻³⁹ Apsalom ara ghua kantri Gesurin ikia, Atrivim Talmai ko iti. Talmai, a Amihutin otarim. § An azenir 3plan Gesurin iti.

Ezi Atrivim Devit dughiar ruarin Amnon gibua a bagha ikegha givagha, ua Apsalomin apangkuvigha ghaze, a uamattegh izi.

14

Apsalom ua izasa, Joap a bagha tuaviba buri

¹ Seruan otarim Joap kamaghin fo, Atrivim Devitin navim bar Apsalom baghvira iti. ² Ezi Joap amizir nighnizir aghuiba itim bagha uan ingangarir gumazir mam amadazi, a ghua Tekoan nguibamin a inigha ize. Ezi Joap kamaghin a migei, "Ni kamaghin damuasa ki ifonge, ni ifar mati gumazim aremezi ni aghuimazimin iti moghin iki. Ni aghuimazir korotiabar aghuigh, egh borem uan mikarzim daghuan marki. Ni mati

^{† 13:32:} Hibrun akam deragha vezin kamin mingarim abighizir puvati. ^{‡ 13:34-36:} Vezin kamin aven, akar kam, "Ezi an atrivim bagha ghua kamaghin a migei, 'Ki gumazir mabar garima me Horonaimin izir tuavmin mighsiamin miriamin otivigha izaghiri,'" a datirighin Hibrun akamin itir puvati. Akar kam ti fomira ike, egha datirighin ovenge. Bar fomira dughiar akam ikiavira itimin, gumaziba Grikin akamin a gira, ezi akar kam a Grikin akamin ikiavira iti.

gumazim aremezi ni dughiar ruarinin a gibua iti moghin iki.³ Egh ni atrivim bagh mangiva akar ki ni ganidir kabar gun a mikim.” Egha Joap atrivim mikimamin akabar amizim migei.

⁴ Ezi Tekoan amizir kam atrivim bagha ghugha, atrivim damazimin nguazim girigha uan quam nguazim mituaghha, ziar ekiam a ganiga ghaze, “O atrivim, ni nan akuragh.”

⁵ Ezi atrivim an azara, “Ni osimtizir manam iti?”

Ezi amizim ghaze, “Atrivim, guizbangira, nan pam aremezi ki odiarimin iti.⁶ Ki nin ingangarir amizim. Ki faragha otarir pumuningra iti. Egha aning azenibar ikia uaninging atara uaning misozima, anining tongin midorozim abighan gumaziba puvati. Ezi mav mavin misoghezi an areme.⁷ Ezi datirighin nan pamin ikizimin adarazi bar dikavigha nan atara ghaze, otarir uan aveghbuam misoghezi an aremezim, ni a isi en dafarim datighti, e a misueghti an aremegh, uan aveghbuam ovevem ikaraghram. Ki men akamin gin mangiva, ki otariba puvatigham. Mati ki avivkiar mam iti, ezi me anemungasa. Me kamaghin damighti, nan pam ko an ikizimin zihamnguziar kamin ikian kogham.”

⁸ Ezi Atrivim Devit, amizimin akam baregha kamaghin a ikaraghha ghaze, “A dera, ki nin osimtizim ni bagh anekiram. Ni uamategh uan dipenimin mangi.”

⁹ Ezi Tekoan amizim kamaghin atrivim migei, “Atrivim, nan gumazir ekiam, osimtizir kam na ko nan afeziamin adarazir izam. Eghti ni ko nin dipenimin itir darazi osimtiziba puvatigham.”

¹⁰ Ezi atrivim a migia ghaze, “Gumazitam migirigiar kuratam ni mikemeghti, ni a inigh na bagh iziti, ki a mikemeghti a ua kamaghin ni damuan kogham.”

¹¹ Ezi amizim ua kamaghin migei, “Ga uaning, atrivim, ki kamaghin ifonge, Ikiavira Itir God, a nin God, ni an zihamn mighvira a mikimtima, me nan otarir igharazim misueghti an aremeghan marki. Bar markiam. Guizbangira, en arazim kamakin, gumazim uan aveghbuam misueghti an aremegh, gumazir kamin anababar a misueghti an aremegham. Ezi ni arazir kamin gin mangan marki, eghti gumazitam nan otarim misueghti an aremeghan marki.”

Ezi Devit ghaze, “Ki, Ikiavira Itir Godin zihamn guizbangira ni migei, ni otarimin dapanir arizitam tong nguazim girighan kogham. An aremeghan kogham.”

¹² Ezi amizim kamaghin migei, “Ga uaning, nan atrivir ekiam, ki nin ingangarir

amizir kinim. Ni na ateghti ki tong ua mikemeka?”

Ezi Devit ghaze, “A dera ni mikim.”

¹³ Ezi amizim kamaghin Devit migei, “Ni tizim bagha bizir kurar kamin Godin gumazamizibagh ami? Ni uabi uan otarim batuegha anetaghizi, a ua izezir puvati. Kamaghin amizi, akar ni datirighin na mikemezir kam, ni uabi uabi isa kotiam gati.¹⁴ E fo, e bar moghira arighiregh ua angamira ikian kogham, mati gumazim dipam nguazim gingeghti, gumazitam uam a iniva avegham. God pura gumazibar ikirimiriba agevir puvati. Egheti gumazitam an saghon ikitima, a gumazir kam inigh uabin boroghin izisi, a bagh tuaviba buriam.¹⁵ Atrivim, nan gumazir ekiam, ga uaning, gumazamiziba na gasighasighasa na migei. Kamaghin amizi, ki men atiati, egha datirighin ni mikimasa ni bagha izi. Ki nin ingangarir amizim, ki kamaghin nighnisi, ki nin azaraghtima, ni nan akurvagharni tuavitam batogham.¹⁶ Ki kamaghin nighnisi, gumazir maba ki uan otarim ko, ga gasighasighava ami, egheti God ga ganingizir nguazir kam, ga an ikian kogham. Ki ghaze, ni ti nan akam baragh nan akuragh, gumazir kabar dafarim da ua ga iniam.¹⁷ Kamaghin amizi, ki ghaze, ni na bagh akar gavgavitar akirighti ki deraghvira ikiam. Atrivim, nan gumazir ekiam, ni mati Godin enselin mam, egha ni arazir kuraba ko arazir aghuilbagh fo, manam dera, ezi manam ikufi. Ezi Ikiavira Itir God, nin God ni ko iki.”

¹⁸ Atrivim oregha kamaghin amizim ikara, “A dera, ki datirighin azangsizir mam nin ti. Ki kamaghsua, ni datirighin guizbangira na mikimiva bizitam nan mongan marki.”

Ezi amizim ghaze, “A dera, atrivim, nan gumazir ekiam, ni nan azang.”

¹⁹ Ezi Devit kamaghin an azara, “Joap ti akar kabav kimasa ni amadaz, o?”

Ezi amizim ghaze, “Atrivim, nan gumazir ekiam, ki nin zihamn guizbangira ni migei, ki nin azangsizim gitaviraghan ibura, egh ki uaghan akatam nin modoghan kogham. Are, bar guizbangira, nin ingangarir gumazim Joap, an akar kabar na mikemegha, na amadazima ki dar gun ni migei.²⁰ Nin ingangarir gumazim Joap, a pura dav kemezir puvati. An Apsalomin osimtizir kam akirasa akar kabagh ami. Ezi gumazir ekiam, ni mati Godin enselin mam, ni fofoziba ko nighnizir aghuir aviriba iti, egha ni nguazir kamin otivir biziba bar dagh fo.”

²¹ Ezi gin atrivim kamaghin Joap migei, “Bar dera, ki nin nighnizimin gin mangam.

Eghti ni mangiva Apsalom inigh uamategh izi.”

²² Ezi Joap kamaghin oregha Atrivim Devitin damazimin nguazim girigha fuagha, uan guam nguazim mituagha ziar ekiam a ganiga ghaze, “O atrivim, nan gumazir ekiam, God deraghvira ni damu. Ni nan azangsizimin gin ghuzi, ki datirighin fo, ni na gifonge.” ²³ Egha Joap dikavigha Gesurin ghughia, Apsalom inigha uamategha Jerusalemin ize.

²⁴ Ezi atrivim kamaghin migia ghaze, “Apsalom uan dipenimra iki, egh a nan damazimin izi nan ganan marki.” Kamaghin amizi, Apsalom uan dipenimra ikia egha atrivimin damazimin ghuzir puvati.

Devit Apsalomin arazir kuram gin amada

²⁵ Apsalom gumazir bar dirim, egha duar kuritam bar an namnamin dagarimningin ikegha uanaga an dapanir siriamin itir puvati. Israeliyan gumazitam an min garir puvati, kamagh amizi, Israelia an ganaasa bar akonge. ²⁶ An dapanir arizim bar mitemegha, aghua ruarvagha a baseir dughiamin, an azeniba vaghvagha gevur dughiamin an anepiri. Egha me dapanir arizir a dipirizir kamin osimtizimin gari, an atrivimin skelin a kilogremin pumuningin tu. ²⁷ Apsalom amuimin ikia otarir 3pla ikia egha guivir vamira iti, an ziam Tamar. A bar amizir dirim.

²⁸ Ezi Apsalom azenir pumuningin Jerusalemin ikia, egha tong bar atrivimin damazimin ghuzir puvati. ²⁹ Egha Apsalom Joap bagha akam amadaghha ghaze, Joap Apsalomin amamangatighti, an atrivim bagh mangi. Ezi Joap Apsalom bagh mangan aghua. Ezi a dughiar igharazimin uam Joap bagha akam amada, ezi Joap ua mangan aghua. ³⁰ Kamaghin amizi, Apsalom uan ingangarir gumazibav gia ghaze, “Joapin balin azenim nan azenimin boroghin iti. Ia mangiva a daboroghtima a isigh.” Ezi me guhua an balin azenim gaborozima a isi.

³¹ Ezi Joap arazir Apsalomin ingangarir gumaziba amizir kam baregha, Apsalomin dipenimin ghughia an azara, “Nin ingangarir gumaziba bizir tizim bagha nan balin azenim gaboro?”

³² Ezi Apsalom kamaghin a ikaragha ghaze, “Ki izi uabin ganasa ni bagha akaba amadima ni izan aghua. Ki kamaghwsa, ni izegh nan akam inigha mangiva atrivimin azaragh, a tizim bagha Gesurin na inigha Jerusalemin ize? Ki ti munaghira ikia deraghai. Ki datirighin atrivimin guamin

ganasa, eghti a nan arazir kuratamin apighiva, na misueghti ki aremegham.”

³³ Ezi Joap ghughia Apsalomin akabar gun Atrivim Devit migei. Atrivim oregha givagha gumazir maba amadazima, me ghua Apsalom inigha izi. Ezi Apsalom nguazim girigha fuagha, uan guam nguazim mituagha ziar ekiam atrivim ganingi. Ezi atrivim an tore.

15

Apsalom Atrivim Devit batueghasa tuaviba buri

¹ Ezi bizir kabar gin, Apsalom karisin mam ko, hoziar maba ko 50plan gu-mazir a ggehuv an daroribar faragh mangamiba ini. ² A dughieba vaghvagha bar mizaribar, dikava ghua ngeubar ekiamin tiar akamin zuir tuavir miriamin tuivav iti. Eghti gumazir manam osimtizim ikiva anekirsit atrivim bagh iziti, Apsalom an diagh kamaghin an azaragh, “Ni ngeubar manamin gumazim?”

Eghti gumazir kam kamaghin mikimam, “Ki nin ingangarir gumazim, ki Israeliin anbar mamin gumazim.”

³ Ezi Apsalom gumazir kamin osimtizimin mingarim gifogha, kamaghin a migei, “Ni oragh, nin akaba bar guizbangira, egha dera. Ezi noki, atrivim deravira nin akaba baraghamin gumazitam amisevezir puvati.”

⁴ Egha Apsalom dughiebar zurara kamaghin gumazibav gei, “Tav ti na misevezi ki jasin otogha deraghai. Egh ki gumazibar osimtiziba kotin da tuisigha deraghavira da akirai. Ki ubi jasin otivasa ifonge.”

⁵ Egh uaghan, gumazitam an ganigh a bagh izi ziar ekiam a daningisi uan teviba aporsi damuti, a zuamira uan dafarimning an amadagh a muigh an toram. ⁶ Gumazamizir uan osimtiziba inigha atrivim bagha zuiba, Apsalom arazir kamra me gami. An arazir kamin Israeliyan gumazamiziba, bar men nighnizibagh etui.

⁷ Azenir 4pla givazima,* Apsalom ghua kamaghin Atrivim Devit migei, “Ga uaning, ni na teghtima ki uamategh Hebronin mangi, akar dikirizir ki Ikiavira Itir God gamizir mam damighti, an otoka. ⁸ Ki nin ingangarir gumazim, ki Sirian kantrin aven itir ngeubam Gesurin ikia, egha Ikiavira Itir God bagha akam akira ghaze, a ua na inigh Jerusalemin mangighti, ki Hebronin ngeubamin an ziam fam.”

⁹ Ezi atrivim a migia ghaze, “Ni navir amirizim sara mangi.” Ezi Apsalom uamategha Hebronin ghu.

* **15:7:** Hibrin akam ghaze, 40plan azeniba. Ezi fomira gumazir maba akar kam Grighin akamin a gira, egha ghaze, akar kam a 4plan azenibav gei.

¹⁰ Apsalom uaghan Israelian anababa bar me mikimasa modogha gumaziba amangi. Ezi me kamaghin Israelia migei, "Ia sighar ararem baragh maghira, kamaghin dim mikim, Apsalom Hebronin ikia atrivimin otoga gifa." ¹¹ Apsalom Hebronin zuir dughiamin, a Jerusalemin 200plan gumazibar diazi, me a ko zui. Gumazir kaba, bizir a damuasava nighnizim me a gifozir puvati, egha puram an gin zui. ¹² Me ghua Hebronin otivigha, Apsalom ofabagh ami. An ofan kabagh amir dughiamin, a Gilon gumazir mam Ahitofel, a inigh izasa gumazir maba amangizi, me Gilon nguibal ekiamin ghue. Ahitofel, a gumazir nighnizir aghuiba isa Atrivim Devit ganidibar mav. A uan nguibal Gilo ategha Apsalom bagha ize. Dughiar kamin, Apsalom nighnizir kurar an averara amiba ekiva zui. Ezi an gin zuir gumazibar dibobonim ghuavanagavira iti.

Devit Jerusalem ategha arav ghu

¹³ Ezi abuir gumazir mam iza kamaghin Devit migei, "Datinighin Israelian gumazibar navir averiaba, bar moghira Apsalom baghavira iti."

¹⁴ Ezi Devit kamaghin uan ingangarir gumazir dapanir Jerusalemin itibav gia ghaze, "Aria, ia dikavigh e zuamiram Jerusalem ategh areka. Puvatighti, Apsalom e misuehti e bar arighiregham. E zuamiram areka, e suighsuighthima, Apsalom uan adarazi ko izi en nguibal ekiam gasighasigh, en gumazamizibav sueghti me arighiregham."

¹⁵ Ezi atrivimin ingangarir gumazir dapaniba a ikaragha ghaze, "Are, atrivim en gumazir ekiam, ni bizir tizim damuasa migei, e a damuam." ¹⁶ Kamaghin amizi, atrivim uan dipenimin itir darazi ko an ingangarir gumazir dapaniba, me dikavigha Jerusalem ategha uan suebar zui. Egha atrivim uan amuor dozir 10pla ataghizi, me atrivimin dipenimin gara iti.

¹⁷ Atrivim uan adarazi ko me Jerusalem ategha ghua, nguibal ekiamin itir dipenir bar abuan dazighiamin itimin boroghin tuivighav iti. ¹⁸ Egha atrivim tughav ikia garima, an ingangarir gumazir dapaniba ko a gehguva an faragha zuir midorozir gumaziba, me a gitagħa voroghira dik arua zui, ezi Keret ko, Peletian adarazi ko Getin nguibal ekiamin midorozir gumazir 600pla, me uaghan a ko zui. Fomira 600plan midorozir gumazir kaba me Devit ko Getin nguibal ekiamin ike, me uaghan an gin ize.

¹⁹ Ezi atrivim kamaghin Getin midorozir gumazibar gumazir dapanim Itai migia ghaze, "Ni tizim bagħa e ko mangasa? Ni

kantrin igharazimin gumazim, ni iza kagh iti, nin nguibal sagħon iti. Kamaghin ni uamategh Jerusalemin mangiwa Atrivim Apsalom ko iki. ²⁰ Ni dughiar otev imra kagh ike, kamaghin, ki ni damuti ni nguibal kam ategħi pura e ko daruan kogħam. E pura tintinibar iki daruam. Kamaghin, ni uan midorozir gumaziba inigh uamategh mangi deragħam. Ikiavira Itir Godin apangkuvim ko an arazir a ia bagħavira itim, guizbangira ia ko zurara iki."†

²¹ Ezi Itai kamaghin Devitin akam ikaragħha ghaze, "O atrivim, nan gumazir ekiam, ki Ikiavira Itir Godin ziam, ko nin ziamin, ki guizbangira ni migei, ki zurara ni ko ikiām. Ni nguibal manamin mangi, ki uaghan an mangam. Egh me ni misuegħti ni aremegħam, me uaghan na misuegħti ki aremegħam."

²² Ezi Devit kamaghin a migei, "A dera, ia e ko mangam." Kamaghin amizi, Itai uan midorozir gumaziba ko men amuiroghboriba ko, me faragħa zuir darazir gin zui. ²³ Devit uan adarazi ko me Jerusalem ataghixiż dughiamin, kantrin aven itir gumazamizibar mogħira puviram azi. Ezi atrivim uan adarazi ko me Kidronin Fanem giregħa gumazamizibar puvatizir danganim min amadagħan zui.

²⁴ Devit tughav ikia garima, gumazamiziba arua zuima, ofa gamir gumazimning Sadok ko Abiatar, ko Livaiba me uaghan me ko zui. Livaiba Godin Akar Dikirizir Gavgavimin Boksiem gisaghpuġha iza nguazim gati, egha uam a gisaghpużiż puvatigha, ikia għuava dughiar gumazamizibar Jerusaleml ataghixiż oto. ²⁵ Ezi atrivim kamaghin Sadok migei, "Ni Akar Dikirizir Gavgavimin Boksiem inigh uamategh nguibal ekiamin mangi. Eghxi Ikiavira Itir God na gifuegħ, egh nan amamgħat tigħiż ki ua izi, Akar Dikirizir Gavgavimin Boksiem ko Purirpeni a itim min ganam. ²⁶ Ki pura iti. Eghxi Ikiavira Itir God na gakueghan kogħam, a dera, a bixi tizimna na damusi a puram a damu."

²⁷ Egha Devit ua kamaghin ofa gamir gumazim Sadok migei, "Ni nan akam deragħha a gifos, o puvati? Ki kamaghin migei. Ni uan otarim Ahimas ko Abiatarin otarim Jonatan, aning inigh ia uamategħ navir amirizim sara nguibal ekiamin mangi. ²⁸ Ni oragh, ki mangiwa gumazamizibar puvatizir danganim min otogh, fanem gira zuir danganim min borogħiñ iki ia mizuamam. Eghxi ia bixi Jerusalemin otiviziba dar akam na bagħ anemadagh." ²⁹ Ezi Sadok ko Abiatar Akar Dikirizir Gavgavir Boksiem inigh uamategħha Jerusalemin ghugħha iti.

† **15:20:** Hibrun akam deragħha vezin kamin mingarim abighiżżejjur puvati. Bar fomira gumazir maba akar kam Grighiñ akamin a girghaqha an osiri, ezi datinighin Aruamin akam Grighiñ akamin gin zui.

³⁰ Ezi Atrivim Devit bar osemegha uan dagarir asuamning suegha uan dapanim avaragha azia Olivin Mighsiamin ghuavanadi. Ezi an gin zuir darasi, uaghan uan dapaniba avegha azia ghuavanadi. ³¹ Ezi Devit kamaghin oraki, "Ahitofel Apsalom ko an gin zuir darazir akurvaghaha ghu."

Ezi Devit kamaghin Ikiavira Itir God ko migei, "O Ikiavira Itir God, ga uaning, ni Ahitofelin migirigibagh iraghti, da bar pazaviram mangi."

³² Me ghua mighsiamin orazimin otifi, kar danganir me Ikiavira Itir Godin ziam fem. Ezi Devitin namakar mam iza a bato, an ziam Husai, an Arkan ikizimin gumazim. An apangkuvir ekiam Devitin ikia uan korotiam abigha nguazim uan dapanim gaghui. ³³ Ezi Devit an ganigha kamaghin a migei, "Ni na ko iziti, ki nin akurvaghisi ingangarir ekiatam damigham. ³⁴ Egh ni nan akurvaghisi, ni uamategh nguibar ekiam mangi, Apsalomin ganigh kamaghin a mikim, 'O atrivim, ki fomira nighnizir aghuba nin afeziam ganingi, egha datirighin ki nin ingangarir gumazimin otivasa.' Ni kamaghin damichti, nighnizir ni Apsalom ganidir kam, a Ahitofel Apsalom ganingizir nighnizim atugham. ³⁵ Ni oragh. Ofa gamir gumazir pumuning, Sadok ko Abiatar, aning uaghan Jerusalemin iti. Ni atrivimin dipenimin oraghizir biziba, bar adar gun aning mikemegh. ³⁶ Sadokin otarim Ahimas, ko Abiatarin otarim Jonatan, aning uaghan uan afeziatming ko iti. Ni oraghizir migirigibaa aning mikemeghti aning izi na mikimam." ³⁷ Ezi Devitin namakam Husai, an akamin gin ghua uamategha Jerusalemin ghu. Husai ghua Jerusalemin otozima, Apsalom uaghan iza nguibar ekiamin oto.

16

Siba tuavimin Devit bato

¹ Devit Husai ko mikemegha givagha, a mighsia orazim ategha mong sivagha ghu. Ezi Mefibosetin ingangarir gumazim Siba iza a bato. Siba 200plan bretha ko 100pla wainin ovizir me apuzizir ikiziba ko, 100plan temer fikin ovizibar ikiziba ko, memen inimin ingarizir misevir wainin dipam ruiziba a da inigha izi. A dagher kaba isa donkin pumuning gis in da arigha Devit bagha izi. ²Ezi Devit kamaghin Siban azara, "Ni tizim bagha bizir kabar akua izi?"

Ezi a kamaghin Devit ikara, "Donkin kamning, ni amuiba ko boriba aning daperagh mangam. Ezi bretha ko temer fighin oviziba, kar nin adarazi dar amam.

Ezi wainin kam, kar nin adarazi gumazimiba puvatizir danganimin daru mangiti, mikarziba men amiaghti, me aneremam."

³ Ezi atrivim ghaze, "Bar dera, ni na mikim, nin gumazir ekiam Sol, an igiam Mefiboset managh iti?"

Ezi Siba ghaze, "Israelia ti datirighin animesevehti, a uan inazim Atrivim Solin min Israelia gativagh men ganam. Kamaghin amizi, a Jerusalemin ikiavira iti."

⁴Ezi Atrivim Devit kamaghin oregha Siba migia ghaze, "A dera, ki datirighin Mefibosetin biziba bar ni daningam."

Ezi Siba kamaghin Devit ikara, "Atrivim, nan gumazir ekiam, ki nin damazimin tevimming apirigha ziar ekiam ni ganidi. Ki kamaghsua, bizir ki damuamiba ni damutti, ni na gifueghivira ikiam."

Simei akar kurabar Devit migei

⁵ Atrivim Devit Siba ko mikemegha givagha Bahurimin otogha givagha garima, Solin ikizimin mav, Geran otarim Simei, iza akar kurabav gia Devitin atara a bagha izi.

⁶ Devit uan ingangarir gumazir dapaniba ko itima, Simei dagiabar me ginifi. Devit uan midorozir gumazir aviribar torimin arua zuima, Simei tong men atiatir puvati.

⁷ Egha Simei Devitin atara ghaze, "Ni kamatigh. Ni gumazibav sozima da ariaghiri gumazim. Ni gumazir kuram, ni kamatigh. ⁸Ni Sol batuegha an danganim inigha atrivimin oto. Egha ni Solin adarazir gumazir aviribar soghezima, me ariaghire. Kamaghin, Ikiavira Itir God nin arazir kurar kam ikarvasi. Egha Ikiavira Itir God nin danganim iniasa, nin otarim Apsalom amisevezi, a Israelian atrivimin oto. Ni gumazir gumazibav sozima me ariaghiri, kamaghin, God datirikin ni gasighasini."

⁹ Ezi Seruian otarim Abisai kamaghin Devit migei, "Atrivim, nan gumazir ekiam, gumazir kam manmaghsua akar kurabav gia ni atari? An afiar aremezir kuamin min gara iti. Ki ti mangiva an firim atugham."

¹⁰ Ezi atrivim kamaghin Seruian otarimmin Abisai ko Joap, aning migia ghaze, "Kar guan bizim puvati. Anetakigh. Ikiavira Itir God ti a mikemegha ghaze, 'Ni akar kurabav kim Devitin atar,' egheti a bizir kam bagh nan ataram, a dera. Egheti tinara kamaghin an azaragh, 'Ni tizim bagha Devitin atari?'"

¹¹ Egha Devit kamaghin Abisai ko uan ingangarir gumazir dapanir igharazibav gia ghaze, "Nan otarir nan otozimra na misuegħti ki aremegħħasa, ezi ia tizim bagha Benjaminin anabamin gumazir kamin adaribar digavir kuram gami? Guizbangira, Ikiavira Itir God a mikemezima, a bizir kam gami. Kamaghin

amizi, ia anetegehti an akar kabar amu. ¹² Ikiavira Itir God nan arazir kurabar osimtizibagh fo, egh a ifongegehiva, a ti adarir kurar datirighin otivizir kaba bagh arazir aghuim na ikaragh, deraghvira na damuam.” ¹³ Devit mikemegha givagha, uan gumaziba ko tuavimin zui. Tuavir me zuir kamnang, a mighsiar boroghin zuir tuavim. Ezi Simei mighsiar vuemin miriabar me gisin ghuava, Devitin atarava dagiaba ko nguazir minezibar a giniva zui. ¹⁴ Ezi atrivim uan gumazamiziba ko ghua danganir me zuimin otifi. Me bar amiagh a danganir kamin avughsa iti.

Apsalom Jerusalemin oto

¹⁵ Ezi Apsalom ko Israelia bar ghua Jerusalemin otifi. Ezi Ahitofel uaghan me ko ghu. ¹⁶ Ezi Devitin namakar aghuim Husai, a ghua Apsalom batogha an diagha kamaghin a migia ghaze, “Ni dughiar ruarimin atrivimin ikivira ikiam!”

¹⁷ Ezi Apsalom akar kam baregha kamaghin Husai migia ghaze, “Ni Devitin namakar bar aghuim, manmaghin amizi ni an gin ghuzir puvati? Kar namakar aghuubar arazir puvati. Ki nin ganigha dikavir kuram gami.”

¹⁸ Ezi Husai kamaghin Apsalom migia ghaze, “Puvati. Ikiavira Itir God ko, gu-mazamizir kaba ko, Israeliyan igharaziba, me bar atrivitam amiseveghtima, ki an apengan ikiva ko ikiam. ¹⁹ Egh ki nin ingangarir gumazimin ikian kogh, egh ki mangi tinan ingangarir gumazimin ikiam? Puvatigham. Ki fomira nin afeziamin ingangaribagh ami. Ezi kamaghin, ni an otarim, ki datirighin nin ingangaribar amuam.”

²⁰ Ezi Apsalom kamaghin Ahitofel migia ghaze, “Ni datirighin na mikim, ki bizir tizim damuam?”

²¹ Ezi Ahitofel ghaze, “Ni mangi uan afeziamin amuir doziba ko daku, a me ataghizima me atrivimin dipenimin gara iti. Ni kamaghin damighti, Israeliyan gu-mazamiziba bar fogh suam, Ni guizbangira uan afeziam gamizi a nin apanimin oto. Eghia gumazamizir datirighin nin gin zuiba, me nin gin mangisi bar gavgavigham.” ²² Ahitofel kamaghin mikemezima, me gumazir maba amadazima, me ghua atrivimin dipenir siriamin avughsir danganimin, purirpenir mamin ingari. Eghia gumazamiziba bar, men damazimin Apsalom an aven ghu. Ezi me vaghvaghya an afeziamin amuir doziba isa an aven zuima a me koma akui.

²³ Dughiar kamin gumazamiziba kamaghin nighnisi, Ahitofel me migeir akar

kaba nighnizir aghuiba me ganidi. Ezi da mati God uabi me ganidir akaba, ezi me guizbangira dar gin zui. Devit faragha Ahitofelin akabar gin ghu, ezi datirighin Apsalom uaghan dar gin mangasa.

17

Husai Apsalom gifara

¹ Ezi gin Ahitofel kamaghin Apsalom migia ghaze, “Ni na amadaghtiki 12,000plan gumaziba inigh datirighin dimangan me ko, e Devitin gintigham. ² A datirighin bar amiragha navim osemegha iti moghira, ki mangiva a ko misogham. A digavir kuram damighti, an gumaziba ari mangiti ki atrivimra misuehti an aremegham. ³ Egh ki an gumazamiziba bar me inigh ua ni bagh izam. Me mati amizim datirighira pamin ikegha a basemegha arav ghughia, gin a uamategha uan pam bagha ize. Ni kamaghin ifonge, ni Devit misuehti an aremeghti, gumazamiziba deravira ikiam.”* ⁴ Apsalom ko Israeliyan gumazir dapaniba akar kam baregha kamaghin migia ghaze, mar nighnizir bar aghuimra.

⁵ Ezi Apsalom ghaze, “Ia Husaini diaghti, a zi uan nighnizimun gun mikimti e a bareka.”

⁶ Ezi Husai izezima, Apsalom a migia ghaze, “Kar nighnizir Ahitofel e ganingizim, e an gin mangam o puvatigham? Puvatighti, ni e mikim, e manmaghin damuam?”

⁷ Ezi Husai Apsalomin akam ikaraghha ghaze, “Nighnizir Ahitofel datirighin ia ganingizim, a derazir puvati. ⁸ Ni fogh, nin afeziam Devit uan midorozir gumaziba ko, me misozir gumazir gavgaviba, egha bar osemegha iti, me mati bean amebam gumazim an nguziba okemezima, an navim isia iti. Ni uan afeziamin midorozir arazibagh fo, a dimangan uan midorozir gumaziba ko dakuighan kogham. ⁹ Egha a datirighin ti mighsiar tamin dagiar torir ekiatamin modogħav ikiama, a danganir igharazitam ikiama. Eghia e datirighin mangi me misoghtima, me en midorozir gumazir tabav suegħti me arimighiregħti, gumazamiziba akar kam baregh kamaghin mikim suam, ‘Apsalomin adarazi me bar ikufi.’ ¹⁰ Eghia nin midorozir gumazir igharaziba akar kam baregh bar atiatigham. Me uari mati midorozir gumazir gavgaviba, egha laionbar min tuifi. Ezi Israeliya bar fo, nin afeziam a midorozibar faraghvira zuir midorozir gumazim, ezi an midorozir gumaziba bar puvira misosi.

¹¹ “Nan nighnizim kamakin. Ni Israeliyan nguibabar itir gumazamiziba bar, notin

amadaghan Danin anabamin nguibamin ikegh, bar mangi sautin amadaghan Berseban nguibamin otogh, dar gumazamiziba bar men diaghti, me izi uari akuvaghram. Me ongarir dadarimin gigimin min bar avirasemegham. Eghiti ni datirighin uabi men faragh mangiva ia Devit ko misoghi.¹² Egh e Devit buri mangi managh a batogh, e datirighin mizazim an adarazigh asam. Me bar en tivaghan kogham, mati dimagarimin ghuariam irima, gumazitam anepiran iburaghram. Eghiti Devit uan adarazi ko, e me misoghitma me bar arimighiregham. Eghiti men tav bar ikiān kogham.¹³ Eghiti an arī nguibar ekiatamin aven mangighthima, Israelian midorozir gumaziba benir gavgaviba inigh izī nguibar ekiar kamin divaziba ikeghiva, nguibar ekiar kam gekuigh danganir zarimin anekunighti, a bar ikuvigham. Eghiti nguibar ekiar kamin dagiar muziaritam bar ikeghan kogham. Bar puvatigham."

¹⁴ Husai mikemegha givazima, Apsalom ko Israelian gumaziba bar kamaghin migei, "Husain migirigjaba bar dera, egha Ahitofelin migirigjabay afira." Guizbangira, Ikiavira Itir God faragħha Apsalom gasighasighasa nighniki. Kamaghin amizi, a uabi men nighniziba fezi, me Husain akabar gin zui. Guizbangira Ahitofelin migirigjaba da dera, ezi puvati, Ikiavira Itir God me gamizi, me akar kamin gin ghuzir puvati.

Devit Jordanin Fanem girigha vongin għu

¹⁵ Ezi bizix kamin gin, Husain ghua akar an Apsalom ko Israelian gumazir dapanibav mikemezibar gun ofa gamir gumazimning Sadok ko Abiatar migei. Egha a uaghan Ahitofelin akabar gun aning mikeme.

¹⁶ Egha a ghaze, "Gua zuamira Devit bagħ akam amadagh a mikim suam, Atrivim, ni datirighin dimangan Jordanin Fanem vongin kagh dakuan marki, Ni fanem girigh vongin mangi. Puvatightima, Apsalom uan adarazi ko iziva, ni ko nin adarazi sara bar ia misuegħti ia arimighiregham."

¹⁷ Ezi Jonatan ko Ahimas, aning ghua Jerusalemin azenan Enrogelin Fanemin me mizu iti. Aning ofa gamir gumazimning otarimning. Gumazamiziba aningin ganti aning nguibar ekiamin aven mangan aghuagħha, egha aning azenan modogħav iti. Ingangarir amizir mam faragħha nguibar ekiar kamin otvir biziżbar gun aning migei. Ezi aning ghua Devit mikeme.¹⁸ Ezi dugħiār kamin, gumazir iġiār mam aningin ganighha ghua Apsalom mikeme. Kamaghin amizi, aning zuamira ghua Bahurim min ġuibamin

gumazir mamin dipenim min għu. Ezi mozir dipar mam an dipenim borogħin iti, ezi Jonatan ko Ahimas mozir kam giraghugħha modo.¹⁹ Ezi gumazir kamin amuim inir mam inighha iza an oneħha mozir dipar kamin akam avara. Egha a witin maba inighha tintinbar inir kam gisid da ariki. Eghiti gumaziba fogħan kogħam, aning kagh modogħav iti.

²⁰ Ezi gin Apsalomin gumazir maba aningin gin iza kamaghin amizim azai, "Ahimas ko Jonatan managh iti?"

Ezi amizim ghaze, "Aning fanem girigha vongin għu." Ezi gumaziba ghua Ahimas ko Jonatan buriava aningin apizir puvatighha uamategħha Jerusalemin għu.

²¹ Apsalomin gumaziba ghuegħha givazzi, Ahimas ko Jonatan mozir kam ategħha Atrivim Devit bagħha ghugħha kamaghin a migei, "Ni kagh ikian marki. Ni uan adarazi bar me inigh zuamira fanem girigh vongin mangi." Egha aning gin Ahitofel Devit gasighasighħasa mikemezir migirigjaba bar a għegħi.

²² Ezi Devit akar kaba baregħa givagħha, bemira uan adarazi inighha Jordanin Fanem girigha vongin għu. Ezi aminim itima me vongin ghuegħha gifa. Men tav ua danganir kamin itir puvati.

²³ Ahitofel garima Apsalom an akabar gin zuu puvati, ezi a ghua uan donki gaper-aghha uamategħha uan nguibar ekiamin għu. A ghua uan biziiba ko amuim ko boriba akirigha gin ghua uabi aguraghha areme. Ezi an amuim ko boriba an kuam inighha ghua, an afeziabar kuuba afezir danganin min anefa.

²⁴ Egha Apsalom ko Israelian midorozir gumaziba dikavighha Devitin gin zui. Ezi dugħiār Apsalom ghua Jordanin Fanem girigha vongin zuimin, Devit uan adarazi ko ghua Mahanaim min ġuibar ekiamin otogħha għiġi. ²⁵ Apsalom faragħha Amasa amisevezima, a Joapin danganim inighha an midorozir gumazibar gumazir dapanimin iti. Amasa Jeterin otarim, a Ismaelik ikizim min ġuibar mam,[†] egha a Nahasin guivim Abigelin iti. Ezi Joapin amebba Seruia, an Abigelin amezzemebam. ²⁶ Dugħiār kamin, Apsalom Israelia ko ghua Gileatin Distrighin otivighha averpeniabar ingari.

²⁷ Ezi Devit ghua Mahanaim min otozir dugħiāmin, gumazir 3pla iza bato. Men ziabar kara, Sobi a Nahasin otarim, a kantri Amonin ġuibar ekiām Raban gumazim. Ezi Amielin otarim Makir, a Lodebarin ġuibar ekiamin gumazim. Ezi Barsi-

^{17:23:} 2 Samuel 15:12 [†] ^{17:25:} Hibrun akam ziar kam Ismael itir puvati. A ghaze, Israel. Ezi fomira gumazir maba akar kam Grighiak amak a giragħha an osiri, egha me ghaze, Ismael migei. 1 Eghħaganibha 2:17, uaghan Ismael migei.

lai, a Gileatin Distrighin Rogelimin nguabar ekiamin gumazim.²⁸⁻²⁹ Gumazir kaba itariba ko nguazar mineba, ko daguraguir misiaba isi Devit uan gumaziba ko me daningasa da inigha zui. Egha me dagher maba sara inigha zui, kar wit ko bali, plaua ko witin me avimin tueziba, ko nguezir igharaghha garir pumuning ko, hani ko, bulmakaun otem ko dagher sisin me bulmakaun oter eborimin ingarizim. Me uaghan sipsipin maba inigha ghue. Me kamaghin fo, Devit uan gumaziba ko iza gu-mazamiziba puvatizir danganimin zuir tu-avimin ize. Ezi mitiriam men azima kuariba men piri, ezi men mikarziba bar men amia. Kamaghin amizi, me dagher kaba inigha me bagha izi, eghti me dar amiva ua gavgavim niiam.

18

Joap Apsalom misoghezima, an areme

¹ Ezi Atrivim Devit uan midorozir gumaziba bar me akuvagha, dar 1,000plan midorozir gumazir okoruuba vaghvagha me bagha faragha zuir gumazir dapaniba amisevegha, egha uaghan kamaghira 100plan midorozir gumaziba bagha gumazir dapanir maba amisefe. ² Egha uan midorozir gumaziba 3plan okoruubar me abiki. Joap okoruar mam gativagha an garima, an aveghbuam Abisai mamin garima, Getin nguabar ekiamin gumazim Itai okoruar mamin gari. Egha Devit kamaghin uan midorozir gumazibav già ghaze, "Ki ubai ia ko e misoghsí mangam."

³ Ezi me kamaghin a migei, "Puvati. Ni e ko mangon kogham. E bar midorozimin areghti, me e ginighnighan kogham. Egh me en taraziv sueghti, e arimighireghti, me uaghan gumazir aremezibagh nighnighan kogham. Ezi ni e ko mangiti, me ni misueghti ni aremeght, bizar kam mati me 10,000plan gumazibav soghezi me bar ariaghire. E ghaze, kamaghin ti deragham, ni nguabar ekiamin kaghira iki. Egheti e gumaziba o bizitarbar oteveghti, ni e bagh da amangam." ⁴ Ezi atrivim kamaghin men akam ikaragha ghaze, "A dera, ki ian nighnizimin gin mangam." Egha Devit diwarzir nguabar ekiam avinizimin tiar akar ekiamin miriamin tughav ikia garima, midorozir gumazibar sueba voroghira dika azenan zui. Midorozir gumaziba vaghvagha uan okoruabar aven iti, okoruar mamin dibobonim 1,000plan gumaziba iti, ezi okoruar mamin dibobonim 100plan gumaziba iti. Egha me bar uan okoruabar voroghira dika aven zui.

⁵ Devit akar gavgavim Joap ko Abisai ko Itai migia ghaze, "Ia na bagh nighnigh, gumazir igiar kam Apsalom apangkufigh." Ezi midorozir gumaziba bar, akar gavgavir

Devit uan midorozir gumazir dapanibagh aningiziba, me bar da baraki.

⁶ Egha Devitin midorozir gumaziba ghua Israelia bato, kar Apsalom midorozir gumaziba. Egha me Efraimin anabamin ruarimin uariv sosi. ⁷⁻⁸ Me uariv sogha ghua, Devitin midorozir gumaziba bar Israelia abinigha bar me gasighasiki. Midorozim bar ekevegha bar distrighin danganiba bar a da ini. Gumazir bar avirim ruarimin aven tintinibar onganigha ariaghire. Kamagh amizi ruarimin aven ariaghirezibar dibobonim, a midorozimin ariaghirezir darazir dibobonim gafira. Midorozir gumazir dughiar kamran ariaghireziba bar dar dibobonim, 20,000in tu.

⁹ Ezi Apsalom donki gaperagha ghua, Devitin midorozir gumazir maba batogha ara zui, ezi an donki okin temer ekiar mamin apengen zuima, an dapanir arizim temer aguar mamin guragha gavgafi. Ezi Apsalom guraghav itima, an donki ivemara ghuvira iti, ezi Apsalom overiam ko nguazimin tizimin guraghav iti. ¹⁰ Ezi midorozir gumazir kabar mav, Apsalom ganigha ghua Joap migia ghaze, "Ki datirighin Apsalom garima, a temer okin aguamin guraghav iti."

¹¹ Ezi Joap a ikaragha ghaze, "Bizir kam ti guizbangira, o? Ezi ni a misueghti an aremeghan aghua? Ni a misoghezi an aremezi, ki ti 10plan silvan dagiaba, ko midorozir gumazibar letin tam ni ganighai."

¹² Ezi gumazir kam kamaghin Joap ikaragha ghaze, "Ni silvan dagiar 1,000pla isi na daningichti, ki bizitamin atrivimin otarim damighan kogham. E bar ikiava orazima, atrivim akar gavgavir kam isa ni ko Abisai ko Itai, a ia mikeme. A kamaghin migei, 'Ia gumazir igiar kam Apsalom ganighiva, a gasighasighan marki.'

¹³ Ki atrivimin akam batuegha Apsalom misoghezi an aremeghai, kamaghin atrivim bizar ki amizir kam bareghai. Guizbangira, atrivim zurara bizar otivbar akaba, a bar da barasi. Ezi ki amizir bizar kam, atrivim a baregh, kamaghin a na isi kotiam datighti, ki fo, ni kotiamin aven nan akuraghan kogham."

¹⁴ Ezi Joap a ikaragha ghaze, "Marki, ki ni ko mikiman aghua." Egha Joap ghua afuzir 3pla inigha temer Apsalom guraghav itir kam bagha ghu. Ezi Apsalom angamira itima, Joap afuzibar an dighorim ginifi.

¹⁵ Ezi Apsalom aremeghasava amima, 10plan midorozir gumazir Joapin afuzibar ko biziba ateriba, ivegha Apsalom boroghin iza bar an kuam amighizi, an areme.

¹⁶ Apsalom aremegha givazima, Joap midorozim agivasa midorozir gumazir

mam migia ghaze, ni sightham givitima, Devitin midorozir gumaziba oreghiva midorozim atakigh. Ezi Devitin adarazi sightham baregha Israelian agintizir arazim ategha uamategha izi.¹⁷ Egha me ruarin min ghua Apsalomin kuam inigha mozir konir mamin anekunizi, a iragh. Egha dagiar pozir iba isa an mozim mikirav itima, dagiar pozir bar ekiam anagava oto. Ezi Israelia uamategha ara uan nguibaba vaghvagha dar ghue.

¹⁸ Apsalom fomira angamira itir dughiamin, a dagiar ruarir ekiam mam inigha Atrivimin Danganir Zarimin uan ziam ababanim gamuava, anesara. Egha a kamaghin migei, “Ki otarir nan danganim iniamba puvati, egha i Israelia damuti, me na ginighnigham.” A bizar kam bagha uan ziam isa dagiar kam gati. Ezi datirighin gumazamiziba uaghan dagiar kam dibora ghaze, “Apsalomin Dagiam.”*

Me Apsalomin ovevemin gun Devit gejhani

¹⁹ Apsalom aremegha givazima, Sadokin otarim Ahimas kamaghin Joap migei, “Ia na ateghti ki atrivim bagh ivegh mangiva eghaghanir aghuir Ikiavira Itir God an apanibar gavgavim abirazim a gehhanam.”

²⁰ Ezi Joap a migia ghaze, “Puvati, ni datirikin atrivim bagh eghaghanir aghuim inigh mangon kogham. An otarim aremegha gif, kamaghin amizi, ni dughiar igharazitam mangit deragh.”²¹ Dughiar kam, Itiopian gumazir mam iti, an atrivimin ingangarir gumazim. Ezi Joap a migia ghaze, “Ni mangiva, bizir ni ganizbar gun atrivim geghan.” Ezi a Joapin damazim uan tevimming apirigha, dikavigha Devit bagha ivemara zui.

²² Ezi Sadokin otarim Ahimas ua Joap gaghora ghaze, “Bizir tizir na bativimb, ki dagh nighnizir puvati. Ki kamaghsua, ni na ateghti ki uaghan Itiopian gumazir kamin gin mangiva atrivim gehhanasa.”

Ezi Joap kamaghin an azai, “Nan otarim, ni bizir tizim bagh mangasa? Ni mangi a mikemegh an bizir aghuitam inighan kogham.”

²³ Ezi Ahimas ghaze, “Bizir tizim na bativam, ki mangam.”

Ezi Joap ghaze, “Aria ni mangi.” Ezi Ahimas ivedha Jordanin Fanem moghin ghua, Itiopian gumazir kam gitagħha faragħa għu.

²⁴ Dughiar kamin, Devit nguibar ekiamin aven itir divazimin tiar akam ko azenan itir divazimin tiar akamningin tizim gaper-aghav iti. Nguibar ekiam gejhva an garir gumazir mam ghua, tiar akamin borogħin

divazir gavgavim gis in tughav ikia garima, gumazir vamira ivedha izi.²⁵ Ezi gumazir kam iza atrivimin diagħha ghaze, “Gumazir mam ivemara izi.”

Ezi atrivim ghaze, “Gumazir vamira ivedmar izi, e suam mar gumazir eghaghanir aghu inigha izim.” Ezi gumazim ivemara roghira izi.

²⁶ Ezi nguibar ekiam gejhva an garir gumazim ua gari, gumazir igharazir mam uaghan ivedha izi. Ezi a gumazir tiar akamin gara itimin diagħha ghaze, “Ni gan gumazir igharazir mam uaghan ivemara izi.”

Ezi atrivim ghaze, “Gumazir igharazir mam uaghan eghaghanir aghuitam inigha izi.”

²⁷ Ezi eghuvir gumazim ua kamaghin migei, “Ki garima, faragħa ivedha izir gumazim, mati Sadokin otarim Ahimas ivedmari.”

Ezi atrivim ghaze, “A gumazir aghuim. A ti eghaghanir aghuitam sara izama.”

²⁸ Ezi Ahimas roghira iza kamaghin atrivimin diagħha ghaze, “E deraghvirā iti.”

Egha an atrivimin borogħin izava, nguazim girigha fuagħa, uan guam nguazim mituagħha ghaze, “Atrivim, ni nan ekiam, e Ikiavira Itir Godin ziam fam, a nin God. Gumazir ni batogħha ni ko misożiba, a me isa en dafarim gatizi e me abini.”

²⁹ Ezi atrivim kamaghin Ahimasin azara, “Nan borim Apsalom deragħha iti, o puvati?”

Ezi Ahimas kamaghin a ikaragħha ghaze, “Atrivim, Joap dikavigha, ki nin ingangarir gumazim, ko nin Itiopian ingangarir gumazim amadid dughiamin, ki garima, gumazir avirim pamtemin diav arai. Ezi ki deravira fożir puvati, me bizir tizim għami.”

³⁰ Ezi atrivim a migia ghaze, “Ni sisu magħi tħalli tħalli.” Ezi a isivagħha ghua munagh tughav iti.

³¹ Ezi Itiopian gumazir kam iza kamaghin atrivim migei, “Atrivim, ni nan gumazir ekiam, ki eghaghanir aghuim ni daningasa izi. Gumazir ni ko misogħava ni batoziba, datirighin dughiar kamin, Ikiavira Itir God ni akurazi, me uam arazir kuratamin ni damu kogħam.”

³² Ezi atrivim oregha kamaghin migei, “Nan borim Apsalom, a deraghvirā iti o puvati?”

Ezi Itiopian gumazim kamaghin a ikaragħha ghaze, “Atrivim, ki kamaghin ifonge, arazir datirighin gumazir igħiġi kam batozim, a gumazir ni apanim gamua ni ko misożiba bar me batifgħi.”

³³ Ezi atrivim akar kam baregħa an navim bar a baseme, ezi a dikavigha nguibamin tiar akamin borogħin itir dipenim ġurriar

* **18:18:** Akar kam, “datirighin,” an en dughiar kam migei puvati. A dughiar gumazir akina farir kam osirizim migei.

pin itimin ghuanabogha azi. An aven ghughakamaghin azia migei, "O nan otarim Apsalom, nan otarim, nan otarim Apsalom. Ki nin danganim inigha aremezi ti deraghai. O Apsalom, nan otarim, nan otarim!"

19

Joap akar gavgavim Devit ganingi

¹ Ezi gumazir maba gin ghua kamaghin Joapin migia ghaze, "Devit bar Apsalomin apangkuvigha a bagha azia iti."

² Dughiar kamin Devitin midorozir gumaziba kamaghin oraki, Devit uan otarim Apsalom bagh azia iti. Kamaghin amizi, me midorozim damu apaniba abinamin arazim bagha navir agorogem gamir puvati. Men naviba osemegha iti.

³ Egha midorozir gumaziba nimira nimira nguubar ekiamin iza, mati midorozir gumaziba midorozimin aregha aghumsizim sara iza.

⁴ Dughiar kamin, atrivim uan guam avaragha pamtemin azia ghaze, "O Apsalom, nan otarim, noka. Apsalom, nan otarim, nan otarim!"

⁵ Ezi Joap atrivimin dipenimin ghughakamaghin a migei, "Ni oragh. Ni datirighin uan midorozir gumazibagh amizi, me bar aghumsiki. Dughiar kamra, gumazir kaba nin akura. Ezi ni uan amuiba ko boriba ko amuir doziba, ia osimtizir tam inizir puvati.

⁶ Ezi gumazir ni gifongeziba, ni me gifongezir puvati. Ezi gumazir ni gifongezir puvatibusi ni me gifonge. Nin arazim bighavira kamaghin en akaghaghaze, nin ingangarir gumazir dapaniba ko midorozir gumaziba, me pura biziba. Ezi ki fo, Apsalom ti angamira itima e bar ariaghirezi, ni ti bar akongeghai.

⁷ "Ni oragh, ni dikavigh zuamira mangi midorozir gumaziba deravira me mikimiva, men navibar amighti da deraka. Ki Ikiavira Itir Godin ziamin guizbangira ni migei, ni kamaghin damighan koghti, datirighin dimangan me ni ateghi, ni bar osimtizir ekiam iniam. Egha osimtizir kam osimtizir ni uan igiamra ikia iza datirighin tuzir osimtiziba, bar dagh afiraham."

⁸ Joap mikemegha givazima, Devit dikavigha ghua nguubar ekiamin tiar akamin aperaghav iti. Ezi an midorozir gumaziba kamaghin oraki, atrivim nguubar ekiamin tiar akamin boroghin aperaghav iti. Kamaghin amizi, an midorozir gumaziba iza a ko iti. Ezi Israeli midorozir gumaziba arava vaghvagha bar uan nguibabar ghue.

Judaba ua Jerusalemin ikiasi, Devitin azangsisi

⁹ Israeli gumazamiziba bar, uari adoghodogha marazi ghaze, "Atrivim Devit

en akurazima, Filistiaba ko apanir igharaziba e gasighasizir puvati. Egha a datirighin, Apsalomin atiatigha arav ghughakamaghin ataki.

¹⁰ E Apsalom amisevezi a en atrivimin otozi, me midorozimin aven a misoghezi an areme. E Devit inigh iziti a en atrivimin ikiam. E bizir tizim mizuamam?"

¹¹ Gumazir maba Israelien migirigjar kamin gun Atrivim Devit gehhani, kamaghin amizi, a ofa gamir gumazimning, Sadok ko Abiatar bagha akam amaga ghaze, "Ki kamaghin ifonge, ia nan akam isi Judabar gumazir dapanibay mikim suam, ki kagh ikia Israelia migeir akaba baraki. Ia Judaba bizir tizim bagha Israelia ataghizi, me faraghavira nan azangsigha ghaze, ki ua uan dipenimin mangam?"

¹² E bar aveghbuuba egha anabar vamirara, egha i tizim bagha gumazir igharaziba ataghizi me ian faragh mangi, uam na inigh izasa?"

¹³ Egha Devit uaghan Amasa migia ghaze, "Ga anabar vamira. Ki ni amiseveghtima, ni Joapin danganim inigh, nan midorozir gumazibar gumazir dapanimin ikiam. Ki kamaghin damighan koghti God na misuegħti ki aremegħam."

¹⁴ Ezi Devitin akaba, Judan gumazamizbar nighnizibagh ekuizi, me nighnizir vamiram amigha kamaghin a bagha akam amadaghha ghaze, "E ifonge, ni uan adarazi ko, ia bar uamategħ Jerusalemin izi."

¹⁵ Kamaghin amizi, Devit uan adarazi ko ghua Jordanin Fanemin otifi. Ezi Judan gumazamiziba kamaghhsua, Devit izi Jordanin Fanem girighti, me a bativigh a ko Jordanin vongin izam. Egha me ghua Jordanin Fanem borogħin, Gilgalin nguubar ekiamin a mizuai iti.

¹⁶ Ezi Geran otarim Simei, a Benjaminin anabamin mav, an nguibam Bahurim, a zuamira Judaba ko iza Atrivim Devit bativasa izaghiri.

¹⁷ Ezi Benjaminin anabamin 1,000plan gumaziba Simei ko Devit bagha ize. Ezi Siba, a Solin adarazir ingangarir gumazim, a 15plan otariba ko 20plan ingangarir gumaziba sara, zuamira ghua Jordanin Fanemin atrivim bato.

¹⁸ Me atrivimin adarazir akurvaghha, me isa fanemin vongin me arisi.* Egha atrivim ifongezir biziba, me bar dagħi am.

Devit Simein apangkuji

¹⁹ Atrivim dipam girasava amima, Simei iza an damazimin iriġha kamaghin a migei, "Ga uaning, nan gumazir ekiam, ni nan arazir kuraba ġin amangasa ki ifonge. Ni Jerusaleml ataghizir dughiamin, osimtizir ki amizim, ni a ginighnighan marki, ni nan arazir kurar kam bar a ġin amadagh.

²⁰ Atrivim, ki fo, ki arazir kuram gami, kamaghin amizi ki notin amadaghan gumazir igharazibar faragha iza ni bato. Ki nin ingangarir gumazim."

²¹ Ezi Seruan otarim Abisai kamaghin a migei, "Simei akar kuramin Ikiavira Itir God misevezir atrivim mikeme, kamaghin a aremeghti, deraghalm!"

²² Ezi Devit kamaghin Abisai uan avebam Joap ko aning migia ghaze, "Kar guan bizim puvati, gua Seruan otarimning. Gua tizim bagha nan apanim damuasa? Ki datirighin kamaghin fo, ki Israelia bar men atrivim. Ezi dughiar kamin, e Israelian gumazitam misueghti an aremeghan kogham. Bar puvatigham."

²³ Egha atrivim akar dikirizim gamua pamtemin Simei migia ghaze, "Bar guizbangira, me ni misueghti, ni aremeghan kogham."

Devit Mefibosetin apangkufti

²⁴ Ezi Solin igiavotarim Mefiboset uaghan iza Devit bato. Dughiar Devit Jerusalem ataghizimin ikegha iza datirighin, atrivim uamategha deragha izezimin, Mefiboset uan dagariba ko korotiaiba ruezir puvati, egha uaghan uan ghuamasizim gisezir puvati. ²⁵ Mefiboset datirighin Jerusalem ategha[†] iza atrivim bato. Ezi atrivim kamaghin an azara, "Mefiboset, ni manmaghin amigha na ko arav ghuzir puvati?"

²⁶ Ezi Mefiboset kamaghin a ikaraghha ghaze, "O atrivim, nan gumazir ekiam, ni fo, nan dagarimming ikufi. Dughiar ni Jerusalem ataghizimin, ki uan ingangarir gumazim migia ghaze, 'Ni na bagh donkin tam inigh iziti, ki a daperagh atrivim ko mangam.' Ezi nan ingangarir gumazim na gifara. ²⁷ Egha a ni bagha ghua akar ifavaribar ni migia nan ziam abira. Ezi atrivim, ni nan gumazir ekiam, ni mati Ikiavira Itir Godin ensel. Ni bizir aghuir manamin na damusi ni a damu. ²⁸ Ki fo, ni nan afeziamin adarazir gumazamiziba bar me misueghti me arighireghamin gavgavim iti. Ezi puvati, ni nan apangkuvigha na ataghizi, ki zurara nin dipenimin aven itir dagher dakozimin api. Kamaghin amizi, ki ua bizir igharaz tam uabi daningisi nin azangan kogham."

²⁹ Ezi atrivim kamaghin migei, "Nin migirigiar kam mamaghira tugh, ki nighnigha gifa. Ni Siba ko gua Solin nguazim tuiragh uaning daning, an aksuor tam initima ni aksuatam inigh."

³⁰ Ezi Mefiboset kamaghin atrivim migei, "Ni Siba ateghti, a bar ada ini. Ki dagh nighnizir puvati. Ki ni baghavira nighnizima, ni deraghavira ikegha ua ize."

³¹ Ezi Gileatin Distrighin gumazim Barsilai, a Rogelinin nguibam ategha izaghira atrivim ko Jordanin Fanem girigh vongin mangasa a ko iti. ³² Barsilai datirighin 80plan azeniba ikia egha bar ghuri. A dagiar aviriba iti, ezi Devit uan adarazi ko Mahanaimin itir dughamin, Barsilai dagheba ko bizar aviribar Devit uan adarazi ko me ganidi. ³³ Ezi atrivim kamaghin a migei, "Ni nan gin Jerusalemin iziti ki ni gehuv nin ganam."

³⁴ Ezi Barsilai a ikaraghha ghaze, "Nan gumazir ekiam, ki kiran ovehangin aremegham, ezi ki tizim bagh nin gin Jerusalemin mangam?" ³⁵ Ni oragh, ki 80plan azeniba iti, egha deragha bizar aghuiba ko kurabagh fozir puvati. Ki dagheba ko dipabar amiva deragh dar isingtiziba baraghan kogham, manam derazi manam ikufi. Nan kuarimning uaghan ikufi, eghti gumazamiziba ighiabar amuti, ki me onger ighiaba baraghan kogham. Kamagh amizi, ki tizim bagh nin gin mangiva osimtizim ni daningam? Ti puvatigham. ³⁶ Atrivim, ni bizar tizim bagh arazir aghuir kamin na damuasa? Marki. Ki ni ko fanemin vongin tong sisagh mangigh, egh ki uamategham. ³⁷ Ga uaning, ni na ateghti ki uamategh uan nguibamin mangiva, nguazir uan afeziam ko amebamin kuamning afazi naghin aremeka. Ezi nan otarim Kimham iti, a ni ko mangam. A nin ingangarir gumazim. Egha ni bizitam a bagh a damusi ni puram a damu."

³⁸ Ezi atrivim kamaghin a ikaraghha ghaze, "Kimham na ko mangam. Ezi ki bizar tizim a bagh a damusi ifongegeh, ki puram a damuam. Egha ni bizar tizim damusi pura nan azaraghti, ki ni bagh puram a damuam."

³⁹ Egha atrivim uan gumazamiziba ko, me bar Jordanin Fanem girigha vongin ghue. Egha atrivim deragh Barsilai damuasa God ko migei. Egha a Barsilain totezi, a uamategha uan nguibamin ghu. ⁴⁰ Atrivim vongin ghua Gilgalin nguubar ekiamin zuima, Kimham a ko zui. Ezi Judabar midorozir gumaziba ko Israelian marasi, me bar atrivim ko vongin zui.

Israelia ko Judaba uari adoghodosi

⁴¹ Devit Gilgalin nguubar ekiamin itima, Israelian gumaziba bar atrivim bagha iza, kamaghin a migei, "Gumazir ekiam, bizar tizim bagha en aveghbuuba Judaba, en modogha ni ko nin amuiba ko boriba ko nin midorozir gumaziba inigha Jordanin Fanem abiki?"

⁴² Judan gumaziba bar akar kam baregha kamaghin a ikaragha ghaze, “Atrivim en ikizimin mav, kamaghin amizi e arazir kam gami. Ezi ia tizim bagha e baseme? Atrivim e bagha daghetam givezezir puvati, egha bizitam bar e ganingizir puvati.”

⁴³ Ezi Israelien gumaziba kamaghin me ikaragha ghaze, “Gumazitam atrivimin otoghiva a bar moghira en kantrin atrivimin ikiam. Ezi kantrin kamin aven, e Israelia 10plan anababa iti, ezi ia Judaba anabar vamirara iti. Guizbangira, Devit ian anabamin oto, egha a bar en atrivimin iti, ezi e 10plan anababa, e ia gafira. Ezi ia tizim bagha en aghuaghha e gasighasighasava ami? E uari uam atrivim inigh izamin nighnizimin mingarim.” Ezi puvati, Judaba bar gavgavigha pamtemin migia Israelia abini.

20

Seba atrivim abinas

¹ Dughiar kamin gumazir kurar mam iti, an ziam Seba. A Bikrin otarim, a Benjaminin anabamin gumazir mam. Egha Seba sightham givia dia ghaze, “Devit marki, e an anabamin gumazamiziba puvati. E Jesin otarimin adarazi puvati, e an gin mangan kogham. Aria, e Israelien gumazamiziba umategh uan nguibabar mangam.” ² Ezi Israelien akar kam baregha, bar Devit ategha Seba ko zui. Ezi Judan gumaziba Devitin gin ghua, Jordanin Fanem ategha tuavimin ghua Jerusalemin otifi.

³ Me ghua Jerusalemin otivigha givagha, Devit uan atrivir dipenimin aven ghuga, uan 10plan amuir dozir an atrivir dipenimin ganasa taghiziba, a me inigha dipenir igharazimin me arigha, men ganasa gumazir maba misefe. Egha marazi amisevezima, me dagheba ko bizar igharaziba sara me ganidi. Egha a fomira me gami moghin, a ua ghua me ko akur puvati. Me zurara pura dipenimin iti, mati amizin odiariba.

⁴ Ezi atrivim gin kamaghin Amasa migei, “Ni mangi Judan gumazibar diagh me akufagh. Egh gurum mizaraghan o zuerimin ia bar izi na batogh. Egh ni uaghan me ko iki.” ⁵ Ezi Amasa men dimasa ghua, egha a zuamira men diazir puvati, ezi atrivim me izasa diborozir dughiam, a givazi me tighar izam.

⁶ Ezi atrivim kamaghin Abisai migei, “Apsalom osimtizir ekiam e ganingi, ezi datirighin Bikrin otarim Seba, osimtizir bar ekiam e daningam, eghiti Seban osimtizim bar ekevegh Apsalomin osimtizim gafraham. Kamaghin amizi, ni nan midorozir

gumaziba inigh mangi an agiragh an suiragh. Puvatighti Seba uan adarazi ko mangi nguibar ekiar divazir gavgaviba itibar ikiti, e an suighan iburaghama.”*

⁷ Ezi Abisai, ko Joapin midorozir gumaziba, ko atrivim geghuvir midorozir gumaziba, kar Keretia ko Peletian midorozir gumazir gavgaviba, me bar Jerusalem ategha, Bikrin otarim Seban agintighasa ghu. ⁸ Me ghua Gibeonin dagiar ekiamin otozi, Amasa iza me bato. Dughiar kamin, Joap midorozir korotiam arugha midorozir sabam inigha uan letiamin anemighiri. Midorozir sabar kam uan misevimin aven iti, ezi Joap Amasan boroghin zuir dughiamin midorozir sabam suiaghirigha nguazim giri.

⁹ Ezi Joap kamaghin Amasa migei, “Aruer arizim aveghbuam, ni deraz, o?” Egha uan agharir guvimin an ghuamasizimin suiragh, an torasa. ¹⁰ Joap midorozir sabar mam uan agharir kiriamin an suira, ezi Amasa midorozir sabar kamin ganizir puvati. Joap Amasan navim birazima, an muriam suiaghirigha nguazim girizi, a maghiram areme. Ezi Joap uam a biazir puvati. Joap Amasa birazi an aremezi, a uan aveghbuam Abisai ko aning Bikrin otarim Seban agintighasa ghu.

¹¹ Ezi Joapin midorozir gumazir mam Amasan kuamin boroghin tughav ikia dia ghaze, “Gumazir Devit ko Joap gifongeza, me Joapin gin mangi.” ¹² Ezi ghuzim bar Amasan kuam noghezi, an kuam tuavir torim girighav iti. Ezi midorozir gumaziba bar iza an kuamin ganigha ua zuir puvati. Ezi Joapin midorozir gumazir kam garci me zuir puvatizima, a an kuam gekuigha ghua tuavim ategha tuzir torimin anetigha inimin anevara. ¹³ Ezi Amasan kuam ua tuavimin itir puvatizima, midorozir gumaziba bar Joapin gin ghua Seba buri.

¹⁴ Ezi Seba ghua Israelien anababa bar men nguaziba abigha ghua, nguibar ekiamin Abel Betmakan oto. Ezi Berin ikizimin gumaziba bar, a ko uari akuvagha a ko ghua nguibar ekiamin aven ghue. ¹⁵ Ezi Joapin midorozir gumaziba kamaghin oraki, Seba nguibar ekiamin aven itima, me iza nguibam ekiaru. Egha me misoghasa nguibar ekiamin divazimin boroghin nguazim pozim mikira ghuavanadi. Egha me divazim akarichti a irasava, me temer ekiabar pamten ivivigha a ginivavira iti. ¹⁶ Ezi amizir nighnizir aghuim itim, nguibar ekiar kamin ikia kamaghin Joapin adarazir dia ghaze, “Oi, ia oragh! Ia Joap mikemeghti a izi. Ki akam an iti.”

¹⁷ Ezi Joap roghira izima, amizim an azara, "Ni Joapra?"

Ezi Joap ghaze, "Are, kar kirara."

Ezi amizim a migia ghaze, "Ki nin inganagarir amizim, ki akar mam nin iti. Ki kamaghsua, ni bar deraghvira kuarim atigh na baragh."

Ezi Joap ghaze, "A dera, ki nin akam baraghām."

¹⁸ Ezi amizim kamaghin Joap migei, "Me fomira ghaze, ni osimtizim ikiwa, Abelin nguibar ekiamin mangi. Me Abelin zuima, a men osimtiziba akiri. ¹⁹ Ni oragh. En nguibar ekiam a Israelin kantrin aven nguibar ekiaba bar dar faraghavira iti. E tintinibar misozir puvatigha deravira apiaghā, uan arazir aghuibar girara zui. Ezi ni datirighin nguibar ekiar kam gasighasighasa. Ni bizir tizim bagha, Ikiavira Itir God baghavira itir bizim gasighasighasava ami?"

²⁰ Ezi Joap kamaghin a ikaraghā ghaze, "Bar puvati. Ki nguibar kam gasighasigh a kuvarimasra puvati. ²¹ E gumazir vamira iniasa ize, an ziam Seba, a Bikrin otarim. A Efraimin anabar mighsiabar itir gumazim. Gumazir kam, an Atrivim Devit abinasa nighnizim gumazibagh anidi. E kamagh-sua, ia Seba e danighti, e ian nguibar ekiam ategh mangam."

Ezi amizim kamaghin Joap migei, "Bar guizbangira, e gumazir kam misuegħti an aremegħti, e an dapanim feħġ, divazimin vongin a kunighti, ia datirighram an ganam."

²² Kamaghin amizi, amizim nguibar ekiamin ghua uan nighnizir aghuim gumazamiziba bar me migei. Ezi me an nighnizimin ġin ghua, Seban firim atugħa an dapanim isa divazimin azenan, Joap bagħ anekuni. Ezi Joap sīħam givima an midorozir gumaziba nguibar ekiam ategħa vagħvagħha uamateghha uan nguibabar zui. Ezi Joap Atrivim Devit bagħha uamateghha Jerusalemin għu.

Devitin ingangarir gumazir dapanibar ziabha

²³ Joap datirighin Israelien midorozir gumazibar dapanir bar faragħa zuim. Ezi Jehoiadan otarim Benaia, a midorozir gumazir atrivim gegħu vibar gumazibar dapanim, kar Keretia ko Peletia. ²⁴ Ezi Adoniram, a gumazir atrivim uan ingangaribar amuasa inizibar gumazir dapanim. Ezi Ahilutin otarim Jehosafat, a gavmanin akiñafariba osirir gumazir faragħa zuim. ²⁵ Ezi Seva, an Atrivim Devit amir eghaghanibar akiñafariba osirir gumazim. Ezi Abiatar ko Sadok aning ofa

gamir gumazimning. ²⁶ Ezi Jairin adarazir gumazim Ira, a uaghan Devitin ofa gamir gumazir mam.

Devit ko Godin eghaghaniba

21

(*Sapta 21–24*)

Gibionia Atrivim Solin arazir kurabu ikara

¹ Devit atrivim minn itir dugħi minn, mitriar ekiam oto, ezi 3plan azenibar dagħeba bar puvati. Ezi Devit bizir kamin mingarim bagħha Ikiavira Itir Godin azai. Ezi Ikiavira Itir God a migia ghaze, "Bizar kamin mingarim kamaghin għu. Atrivim Sol Gibeonia misoghezi me ariaghire, ezi bizir kam bangin, osimtizim Solin ovavir boribar ikiavira iti." ² Kamaghin amizi, Devit Gibeonian diazi me ize.* Gibeonia Israelien gumazamiziba puvati, me Amoria. Amorian marazi ariaghire, ezi varazira ikiavira iti. Bar fomira Israelia akar gavgavim akirigha ghaze, me Gibeonia gasighasighen kogħam. Ezi Atrivim Sol, a Israelia ko Judabara Israelin nguazir kamin ikiasi gavvgafi. Kamaghin amizi, Sol Gibeonia agivasa ingari.

³ Gibeonia datirighin iza Devit batozima, a kamaghin me migei, "Ki arazir kurar e ja gamixi kamin osimtizim anegħivasava ami. Eġiha ia deragh e damuši Ikiavira Itir Godin azangsgħi. Ki osimtizir kam akirsi ja bagħiż bizir tizim damuam?"

⁴ Ezi Gibeonia kamaghin Devit ikara, "Osimtizir kam, a e ko Sol uan ikizim ko iti, ezi ni gol ko silvaba e danighti, bizir kam givaghan kogħam. E uaghan Israelien gumazit misogħihs ni azaraghan kogħam."

Ezi Devit ghaze, "Ezi ki ja bagħiż bizir tizim damuasa ia ifonge?"

⁵ Ezi me kamaghin atrivimin akam ikaraghā ghaze, "Sol bar e gasighasigh e agħivasa nighnisi, eġi en gumazitam Israelien nguazimin ikian kogħam. ⁶ E fo, Ikiavira Itir God atrivimin ikiasi Sol amisefe. Solin nguibam Gibeon. Kamaghin amizi, e kamaghin nin azai, Ni Solin ikizim gumazir 7plan e daningi. Eġiha e Ikiavira Itir Godin damazitam me guighti, me arim ġiġiregħam."

Ezi Devit me migia ghaze, "A dera, ki me isi ja daningam." ⁷ Devit faragħa Ikiavira Itir Godin damazitam Solin otarim Jonatan bagħha akar gavgavim akiri, egha a datirighin a giniri.[†] Kamaghin amizi, a Jonatanin otarim Mefiboset inizir puvati. Mefiboset a Solin igħiavotarim, ezi an aisa Gibeonia ganingiz puvati.

* **21:2:** Ni Josua 9:3-15-in gan.

† **21:7:** Ni 1 Samuel 20:14-17 ko 2 Samuel 9:1-7-in gan.

21:8: 1 Samuel 18:19

⁸ Egha Devit Armoni ko Mefibosetin igharazim ini. Aning Sol ko Rispan otarimning, Rispa a Aian guivim, egha a Solin amuir dozir mam. Devit uaghan Solin guivim Merapin otarir 5pla ini. Merapin pam Adriel, Adriel a Barsilain otarim, a Meholan nguibamin gumazim, aning otarir kaba bate.

⁹ Devit gumazir kaba isa Gibeonia ganingizima, me me inigha mighsiamin ghuavanabogha, Ikiavira Itir Godin damazimin 7plan gumazir kaba guizi, me bar moghira ariaghire. Bizir kam, a balin azeniba anima me baliba faraghavira dar aghorasava amir dughiamin oto.

¹⁰ Ezi gumazir aremezir kabar pumuningin amebam Rispa, a azir inir ghurir maba inigha, mighsiar kamin ghuavanabo. A inir kabar purirpenir muzieriar mam dagiar mam gisin an ingari. Egha gumazir kabar kuaba iakinir mabar dar garavira ika ghu amoziim izir dughiam oto, ezi amoziim arigha gumazir 7plan kabar aghariba rue. Rispa dimagaria ko aruebar gumazir kuar kaba deraghavira dar gara iti, puvatighti, kuaraziba ko asizir atiaba izi dar amegham. ¹¹ Ezi Devit gin Aian guivim Rispa amizir arazir kam baraki. ¹² Egha Devit Gileatin Distrighin ghu, Jabelin nguibar ekiamin gumazimiziba bagha ghuua, Sol ko an otarim Jonatanin aghariba ini. Filistiaba fomira Gilboan mighsiamin Sol ko Jonatanin misuegha, amingin kuamning inigha ghuua Betsanin nguibar ekiamin tuavir akabar aning agura. Ezi Jabelia gin ghuua aningin kuamning okemegha aning inigha ghu.[‡] ¹³ Ezi Devit uan ingangarir gumazibav mikemezi, me Sol ko Jonatanin aghariba inigha ghue. Me uaghan gumazir 7plan Gibionia guizibar aghariba akufa. ¹⁴ Egha me Benjaminin anabamin nguazimin Selan nguibar ekiamin ghugha, Sol ko Jonatanin aghariba isa, Solin afeziam Kisir dagiar mozim gati. Atrivim mikemezi moghin me bizibagh ami. Ezi arazir kamin gin, me uan kantri deragh a damuasa God ko migeima, a men akaba barasi.

Israelia Filistiabar gumazir bar dafaba ko misosi

(*1 Eghaghaniba 20:4-8*)

¹⁵ Ezi midorozim uam Israelia ko Filistiabar tongin oto. Ezi Devit uan midorozir gumaziba ko ghuaghira Filistiaba ko misosi. Me uariv sogha ghuua Devitin gavgaviba bar givazima, a ua misoghan ibura. ¹⁶ Ezi Filistiian gumazir mam an ziam Isbibenop, a gumazir dafabar mam, a Devit misuegħti, an aremegħasa migei. An afuzir igiār

mizer ruarir me brasin ingarizim iti, ezi an osimtizim din dibobonim, 3pla ko akuamin kilogremi tu. Egha uaghan midorozir sabar igiār mam iti. ¹⁷ Ezi Seruan otarim Abisai, Devit bagħha iza an akuraghha Filistiian kam misoghezima an areme. Ezi midorozir gumaziba akar gavgavim Devit migia ghaze, “E mangi misogħam din dughiamin ni eko mangan kogħam. Ni mati lamin angazangarir Israelia e ganidim, ni lamin kam damighti, a mungegħan marki.”

¹⁸ Egha Israelia gin ua Filistiaba ko misosi. Dugħiār kamin me Gopin nguibamin uariv sosi. Ezi Israelian mav, a Husan nguibamin gumazim, an ziam Sibekai, a Filistiian gumazir dafar mam misoghezi an areme, an ziam Sap.

¹⁹ Dugħiār igharazir mamin, Israelia ua Filistiaba ko Gopin nguibamin uariv sosi. Ezi Betlehemin gumazim Jareoreġim, an otarim Elhanan, a Getin nguibar ekiamin gumazim, a Goliatin igharazim misoghezima an areme. Goliatin afuzir misiam bar ekevegħha mati me iniba nuavir masin tretbar suizir aghorit bar dafam.

²⁰ Ezi gin midorozir igharazir mam ua Getin nguibar ekiamin oto. Gumazir bar dafabar ovavir borir mam uaghan iti, egha a gumazir ruarir dafam. Ezi an dafarimming vagħvagħha 6plan dafarir puziba iti, ezi an dagarimming uaghan kamaghira 6plan dagarir puziba iti. Da bar mogħira 24plan puziba. ²¹ Gumazir kam dibovir akabar Israelia migiav iti, Devitin aveghħbuu Samu, an otarim Jonatan a misoghezi, an areme.

²² Filistiān 4plan gumazir kaba, me gumazir bar dafar Getin nguibar ekiamin izeż-żebi ovavir boriba. Devit uan midorozir gumaziba ko me misoghezi, me ariaghire.

22

*Devit Ikiavira Itir God bagħha
ighiem bange
(Onger Akaba 18)*

¹ Dugħiār kamin, Ikiavira Itir God, Devitin apanim Sol ko apanir igharaziba da uam a ini. Ezi a bizir kam ginighniga Ikiavira Itir God bagħha iħġiar kam bange. ² Iġħiar kamin mīgħiġiġiaba kamakin:

Ikiavira Itir God, a nan divazir bar gavgavim min iti.
A nan dagiar ki an aven uabi modim min ikka,
nan akuraghha nan apaniba da ua na ini.
Nan God, a dagħar ekiamin min iti,
ezi ki uan apanibar ara għuwa an modi.
A nan oramim min ikka na avara,
ezi ki an uabi modi.

‡ **21:12:** Ni 1 Samuel 31:8-13in gan. **21:17:** 1 Atriviba 11:36; Onger Akaba 132:17

A nan akuragh deragh nan ganamin gav-gavim iti,
egha nan divazir bar gavgavim min iti.

³ Nan God mati dagiar ekiam,
ezi ki an guava an uan apanibar modi.

A nan oramin min ikia na avara,
ezi ki an uabi modi.

A ua na isir gavgavim ikia
egha na geghufi.

Ki an deima, an nan akurazima,
apaniba na gasighasighizir puvati.

A nan akuragh deragh nan ganamin gav-gavim iti,
egha nan divazir bar gavgavim min iti.

O Ikiavira Itir God, ni nan Akurvazir Gu-mazim.

Ki an deima, a nan akurazima, apaniba na gasighasighizir puvati.

⁴ E Ikiavira Itir Godin ziam feka!
Ki an deima, a nan akurazima,
apaniba na gasighasighizir puvati.

⁵ Guizbangira, ki atam areme.
Ovevem benir gavgavim min na iki-agharigha gifa,
mati ongarim dikava dipiraghira, na avasava ami.

⁶ Ovevem bar na inizi, ki Gumazamizir Oveaghuezibar Nguibamin magirasava ami.
Mati me nan suighasa azuazim agurazi,
a nan suighasa iti.

⁷ Ki osimtzir ekiamin ikia, egha pamten Ikiavira Itir Godin dei.
Ki uabin akurvaghaha uan Godin arai.
Ezi a uan Dipenimin ikia nan ararem barazima,
an an kuarir torim giraghu.

⁸ Kamaghin amizi, a nan apanibar atari.
Egha mikimkizim gamizi an otogha,
overiabagh inobaghnobasi.

⁹ Ikiavira Itir God, migharim an atinimin otivaghiri,
ezi avim an akamin otivaghira bizir aviribar isi.

Egha mizariaba ira tintinibar zui.

¹⁰ God overiam kuigha izaghiri,
ezi migharir piziba an dagarimningin apengan iti.

¹¹ A iza mati, a enselin bar gavgavim gaperazi, an a inigha izi.
Mati aminim avizimning ikia,
God inigha bar atamra izi.

¹² An aminirbirim gamizi an anevara.
Mati a purirpenimin aven modoghav iti,
amozimin miturir piziba anevara.

¹³ A ghuarier pizibagh amizi, an angazan-garim bar da avarazi,
onimarim ghuarier pizir kam abigha azenim giri.

¹⁴ Ikiavira Itir God uan Nguibamin ikia, tiarim akara pamten dagarvasi.
Godin Bar Pin Itim uan akam akara pamten migei.

¹⁵ An onimaribagh amizi, da mati an barir aviba
an apanibagh asavamadi, ezi me tintinibar ara zui.

¹⁶ O Ikiavira Itir God, ni men atarir adarir kam,
mati aminir ekiam nin atinimin otogha me giva me munamadi.

Nin adarir kam ongarim gamizi, a bar misingi,
ezi bizir nguazir mingarimin suiraziba,
bar azenim gire.

¹⁷ Ikiavira Itir God pin ikia, uan agharim amadazi, a izaghira nan suiragha ua na gekui.

An ongarir bar konimin uam na inigha azenim gati.

¹⁸ Dughiar kamin nan apaniba bar gavgavigha na abinasava ami.
Ezi Ikiavira Itir God, men dafariba da ua na ini.

¹⁹ Ki dughiar kuramin itima, nan apaniba iza na ko misosi.
Ezi Ikiavira Itir God, na geghuvan gari.

²⁰ A deravira nan gara nan akurazi, ki danganir aghuimin ikia deravira iti.
A bar guizbangira na gifonge, egha kamaghin a ua na ini.

²¹ Ki arazir aghuimin gin zui.
Ezi bizir kam bagha, Ikiavira Itir God bizar bar aghuir aviribar na gami.

Ki Godin damazimin zue,
ezi a izevir aghuim isa na ganidi.

²² Ikiavira Itir God, a nan God.
Ki akirim ragha a gasarazir puvati.
Ki guizbangira an Akar Gavgavibar gin zui.

²³ Ki zurara bizir God damuasa e mikemezibagh nighnisi.
Egha ki an arazir a ifongeziba batoghezir puvati.

²⁴ A fo, ki an damazimin osimtzibar puvati.
Ki guizbangira arazir kurabar uabira uabi geghuvu ua bagha gari.

²⁵ Ki Ikiavira Itir Godin damazimin zuegha iti.
Kamaghin amizi a nan arazir aghuir kamin ganigha,
a ikaragha arazir aghuimin na gami.

26 Ikiavira Itir God, gumazir ni ataghizariz
puvatizim,
ni uaghan an ataghizariz puvati.

Gumazir nin damazimin derazim,
ni uaghan arazir aghuim an akakasi.

27 Gumazir nin damazimin zuezir araz-
ibagh amim,
ni uaghan uan arazir zueziba an
akakasi.

Eghti gumazir arazir kuramin gin zuim,
ni uaghan arazir kuramin a ikarvashi.

28 Gumazamizir uari abiriba, ni men akur-
vasi.
Gumazamizir uari pirafiba, ni me abiri.

29 O Ikiavira Itir God, ni angazangarim na
ganidi.

Egha mitarmem na dama a batosi.

30 Nin gavgavimin, ki uan apanibav sogham.
Ki uan Godin akurvazimin, apanibar
divazim ikiavkinigh me abiraghram.

31 Godra, an araziba da bar guizbangira
egha bar aghungi.

A bitezitam damusi akam akirigh, egh an
a damuam.

An oramin min iti,
eghti gumazitam a bagh izi an aven
modogh nighnizir gavgavim an iki,
deraghvira ikiam.

32 Ikiavira Itir God, a bar uabira guizbangira
God.

A bar uabira dagiar ekiamin min ikia e
apasa.

33 Godra nan daroribar na akumakui,
egha gavgavim na ganiga deragha nan
garima, ki zui.

34 A nan suemning gamizi, ki asizir atiabar
min,

mighsiabar pin mar deraviram arui.

35 A midorozir arazibar nan sure gamizi,
nan agharimning barir pir me ainin
ingarizim,
gekuamin gavgavim iti.

36 O God, ni uan oram na ganingizima, ki an
girakirangin modozi, ni nan apanibar
dafaribar ua na ini.

Ni uan gavgavimin nan akura.

Ni nan dimdiam baregha nan akurazi,
ki gumazamizibar damazimin ziar
ekiam iti.*

37 Ni bar tuavir aghuim na ganingizi, ki an
ghua,
apighsigha irizir puvati.

38 Ki uan apanibar agintighavira ikia ghua,
men suiragha me gasighasigha bar me
agifa.

39 Ki me gasezi, me kuabara ira,

nan dagarimningin apengara ira ua
dikavasava amuava avenge.

40 Nirara, midorozim damuasa gavgavim na
ganingi,
ezi ki me misogha me abinizi, me nan
dagarimningin apengan iti.

41 Ni nan apanibagh amizi,
me akiribagh ighegha, na gasegha uam
are.

Gumazir na gifongezir puvatiziba, ki
bar me gasighasiki.

42 Gumazir kaba, uarir akurvaghaha diava
arai, ezi men akurvaghahim gumaz-
iba puvati.

Me Ikiavira Itir Godin diava arai, ezi a
men dimdiaba barazir puvati.

43 Ki bar me gasighasighizi,
me mati aminim nguazir minemeniam
giveragh ghu.

Ki me dikabira me abini,
mati ki tuavimin
nguazir beghneaziba dika zui.

44 Ni gumazir na gasighasizibar dafarimin
uam nan akura.

Ni na gamizi, ki Kantrin Igharazibar
Gumazamizibar dapanimin oto.

Gumazamizir ki fozir puvatiziba, ni
men kantriba na ganingizi, ki dagh
ativagha men gari.

45 Kantrin Igharazibar Gumazamizibar kam-
aghin na baregha zuamira iza,
nan guamin uan teviba apira nan akam
barasi.

46 Men gavgaviba bar givazi, me nirizim ko
agorogem sara na bagha izi.

47 Ikiavira Itir God, a zurara ikia mamaghira
iti.

A dagiar ekiamin min na modozi ki an
apazangin itima a na geghufi,
kamaghin amizi, ki ziar ekiam a
daningam.

God nan akurvazimin ikia ua na inizi,
kamaghin, ki an ziam fam.

48 Nan apaniba na gamizir arazir kuraba,
Godra ua da ikarvashi.

A Kantrin Igharazibar Gumazamizibar
isa nan apengan me ati.

49 A nan apaniba da ua na ini.
Bar guizbangira, Ikiavira Itir God,

ni nan apanibar damazibar ziar ekiam
na ganingi.

Ni nan akurazi, midorozir gumaziba na
misoghezi ki aremezir puvati.

50 Kamaghin amizi, Ikiavira Itir God,
ki Kantrin Igharazibar Gumazamizibar
tongin iki nin ziam fi, onger akar nin
ziam feba bangam.

* 22:36: Hibrun akam deragha vezin kamin mingarim abighizir puvati. 22:50: Rom 15:9

⁵¹ Ki Devit, Ikiavira Itir God atrivimin ikiasi na ginabagha na misefe.

A nan akurvazima, ki uan apanibav sogha me abiri.

A zurara nan apangkuva mamaghira iti.

A nan gin otivamin ovavir boriba, a kamaghira me damu mangivira ikiam.

23

Devitin akar abuananaba

¹ Kar Devitin akar abuananaba:

Ki Jesin otarim Devit, kar ki migeir migirigiba.

Ki gumazir, Jekopin God atrivimin ikiasi na misevezim.

God gumazamizibar damazimin ziar ekiam na ganungi.

Ezi ki ighiar aghuir aviriba osirigha Israelia ganungi, ezi me bar dagh ifuegha da bange.

² Ikiavira Itir Godin Duam ia mikimasa, akaba isa na akam gati.

Guizbangira, God uabi uan akaba isa na ganingizi, ki dar gun ia migei.

³ Israelia en God, a mati dagiar ekiar e modim,

a kamaghin na migei,

"Atrivim Godin apengen ikiva, guizin araziba ko Godin atiatim sara

gumazamizibagh eghuv men gan.

⁴ A kamaghin amua mati, aruem mizaraghara ghuardiaba puvatizir overiamin anaga isira,

mati amozir avirim grazibagh izezima, aruemin angazangarim dagh isirazi da taghtasi."

⁵ God na ko akar dikirizir gavgavir mam akira ghaze,

A nan ikizim damighti me iki gavgavigham,

eghti a na ko dikirizir akar kam otevkinighan kogham.

Eghti akar dikirizir gavgavir kam, a zurara kamaghira ikiam.

Bizir ki ifongeziba, God nan akuraghti da deraghviram otivam.

⁶ Gumazir arazir kurabagh amiba, me mati benir dikonir ataghatariba, gumaziba da makuri.

Eghti gumazamiziba uan dafaribar dar suighan kogham.

⁷ Gumazitam benir dikonir kaba batueghsi, an ainin otevitam o afuziv siatamin da itir danganimra da akuvagh dar apontgi, da isi bar gifagh.

Midorozir gumazir gavgavir ziaba itibar ziaba

(*1 Eghaghaniba 11:10-47*)

⁸ Devitin midorozir gumazir gavgavibar ziabar kara. Men faraghavira itim, Josep Basebet, a Takemonin adarazir gumazim. A 3plan midorozir gumazir gavgavir kabar mav, egha a men faraga zui. A dughiar mamin afuzimin suiraghā† 800plan apaniba ko misogha bar me misoghezi, me ariaghire.

⁹ Ezi Dodon otarim Eleasar, a midorozir gumazir ziar ekiaba itir 3plan kabar namba 2in gumazim. A Ahohin adarazir gumazim. Dughiar mamin an Atrivim Devit ko Pasdamimin nguibamin itima, Filistiaba misoghasa uari akufi. Ezi Filistiaba izir dughiamin, Israelia men attatigha ua uari amikirivegha are. Danganir kamin balin azenir mam iti. ¹⁰ Ezi Eleasar uabira tuga gavgavigha, Filistiabav sozi me ariaghire. Ezi an aghariba a girima, a midorozir sabamin suirazi an an ikia gavgavigha kamaghira iti. Ezi Ikiavira Itir God dughiar kamin bar Filistiaba agifa. Ezi Israeliyan midorozir gumaziba uamategha iza garri Eleasar uabira iti, ezi Filistian midorozir gumazibar kuabar, korotiaba suamin inganġarima iti.

¹¹ An girara itim, Agin otarim Sama, a Hararin nguibamin gumazim. A namba 3in midorozir gumazir ziam itim. Dughiar mamin Filistiaba iza Lehin nguibamin iza, nguezir azenir ekiamin borogħin uari akufa. Ezi Israeliyan midorozir gumazir igharazir maba men ganigha are. ¹² Ezi Sama attiati puvatigha tuga gavgavigha, nguezir azenir kam gegħuva, a bagħa Filistiabav soghezi me ariaghire. Dughiar kamin Ikiavira Itir God bar Filistiaba abini.

¹³ Devitin midorozir gumazir dapanibar tongin, marazi men faragħa zui. Gumazamiziba ziar kam me gati, Devitin Midorozir Gumazir Gavgavir 30pla. Dughiar mamin, azenir igiab dar qiegħi asir dughiam iz-żi, Devitin Midorozir Gumazir Gavgavir 30plan tongin, gumazir 3pla dikavigha, Devit bagħha ghua Adulamin dagħi torimint a bato. Ezi Filistiaba uaghan dughiar kamran iza Refaimin danganir zarim uari bagħa averpenibar ingarigha iti. ¹⁴ Ezi dughiar kamin, Devit uan mogomer danganir gavgavimin iti, ezi Filistiabar midorozir gumaziba Betlehemin nguibam inigha għif. ¹⁵ Ezi Devit kuarim an pirima, a pamtem nighthi ghaze, "Maia, tina mangi na bagħha Betlehemin nguibamin divażiż tiar akamin borogħin itir mozir dipam, an tam, tuigh iżi na danigham!"

* **23:4:** Hibrun akam deragħha vezin kamin mingarim abighiżżejjur puvati. † **23:8:** Hibrun akam deragħha vezin kamin mingarim abighiżżejjur puvati. ‡ **23:13:** Ni 1 Samuel 22:1 in gan.

¹⁶ Ezi midorozir gumazir gavgavir 3plan kaba, me kamaghin oregha ghua, Filistiaba itir danganimin me ko misogha me abigha ghu. Egha Betlehemin nguibam avinizar divazimin itiar akamin boroghin ghua dipam tuigha Devit bagha a ingha umategħha ize. Ezi Devit dipar kam amezir puvati, a dipam ofan min a isa Ikiavira Itir God ganiga, nguzimin a inge. ¹⁷ Egha Devit kamaghin migei, "O Ikiavira Itir God, gumazir dipar kam tuasa ghueziba me bar atam ariaghiregħha ua ize. Ki dipar kam ami mati, ki men ghuzim api. Kamaghin amizi, ki anemegħan kogħam." Egha Devit dipam amezir puvati.

Kar bizar mam midorozir gumazir 3plan kaba a gami.

¹⁸ Ezi Abisai 30plan midorozir gumazir gavgavibar faragħa zuir gumazim. [§] An aveghbuam Joap, ezi aningin amebam Seruia. Dugħiar mamin Abisai uan afuzim inigha 300plan apanibav soghezi me bar ariaghire. Kamaghin, a uaghan midorozir gumazir gavgavir 3plan kaba ko ziar ekiam iti. ¹⁹ Egha a 3plan midorozir gumazir gavgavir kabagh itaqha ziar ekiam ikia, egha men gumazir dapanimin oto. Egha a uabi 3plan midorozir gumazir kaba ko magħiż għuzir puvati.

²⁰ Ezi Jehoiadan otarim Benaia, a Kapselin nguibamin gumazim, a uaghan midorozir gumazir gavgavir mam. Egha midorozir avirir mabagh amua apaniba abini. Dugħiar mamin, Benaia Moapin kantrin gumazim, Ariel, an otarir pumuning misoghezi aning areme. Ezi gin dugħiar orangtizmin, aisin ofiziba irima, a mozir mam giraghugħha laionin mam misoghezima an areme. ²¹ Egha dugħiar iħbarazir mamin, a Isipian gumazir għażiex aghħiex mamin misoghezima an areme. Gumazir kam afuzim suraghav iti, ezi Benaia ter ararir osimtizir mam inigha an borogħin ghugħha an misuegħa, an dafarim an afuzim amikegħha afuzir kamin a birazi, an areme. ²² Jehoiadan otarim Benaia, amizir bizar ekiar kabanang a pirafazi, a uaghan midorozir gumazir gavgavir 3plan kaba ko ziar ekiam iti. ²³ An ziar ekiam, 30plan midorozir gumazir gavgavir kabagh afira, egha midorozir gumazir 3plan ziar ekiaba itir kaba ko magħiż għuzir puvati. Ezi Devit uabi gejhuv uabin ganamin gumazibar dapanimin aneti.

²⁴⁻³⁹ Kar 30plan midorozir gumazir gavgavibar ziab:

Asahel, a Joapin dozim,

§ **23:18:** Gumazir maba ghaze, namban kam a 30 puvati. Me ghaze, a ti 3plan gumazibav gei.

Betlehemin nguibamin gumazim Elhanan, a Dodon otarim, Sama, a Harotin nguibamin gumazim, Elika, a Harotin nguibamin gumazim, Heles, a Peletian nguibar ekiamin gumazim, Ira, a Ikesin otarim, a Tekoan nguibar ekiamin gumazim, Abieser, a Anatotin nguibar ekiamin gumazim, Mebunai, a Husan nguibamin gumazim, Salmon, a Ahohin adarazir gumazim, Maharai, a Netofan nguibar ekiamin gumazim, Banan otarim Helep, a Netofan nguibar ekiamin gumazim, Itai a Ribain otarim, a Gibean nguibar ekiamin Benjaminin anabamin gumazim, Benaia, a Piratōn nguibar ekiamin gumazim, Hidai a Gasin Mighsiamin borogħin itir danganir zarimin gumazim, Abialbon a Araban nguibar ekiamin gumazim, Asmavet, a Bahurimin nguibamin gumazim, Eliaba, a Salbonin nguibar ekiamin gumazim, Jasen, a Għunin nguibamin gumazim, Saman otarim Jonatan, a Hararin nguibamin gumazim, Ahiam, a Sararin otarim, a Hararin nguibamin gumazim, Ahasbain otarim Elifelet, a kantri Makan gumazim, Ahitofelin otarim Eliam, a Gilon nguibamin gumazim, Hesro, a Karmelin nguibar ekiamin gumazim, Parai a Arapin nguibamin gumazim, Natanin otarim Igħal, a Soban nguibar ekiamin gumazim, Bani, a Għat ġadha anabamin gumazim, Selek, a kantri Amonian gumazim, Naharai a Berotin nguibar ekiamin gumazim, a Seruian otarim Joapin midorozir afuziba ko bizar iħbarazib sara aterir gumazim, Ira, a Itrān ikizimmin gumazim, Garep, a Itrān ikizimmin gumazim, Uria, a Hitian gumazim.

Midorozir gumazir kabar dibobonim 37tu.

24

*Devit gumazamiziba medi
(1 Eghħagħaniba 21:1-27)*

¹ Dughiar mamin, Ikiavira Itir God ua Israelian atara, osimtizim me daningasa nighnizim Devit ganingi. Egha a Devit migia ghaze, “Ni mangi Israelia ko Judabar gumazamiziba mengegh.”

² Ezi Atrivim Devit kamaghin midorozir gumazibar dapanim Joap migei, “Ni midorozir gumazibar gumazir dapaniba inigh, ia mangi Israelian gumazamiziba bar me mengegh. Ia Israelian anababa bar dar mangi, notin amadaghan Danin nguabar ekiam ikegh, mangi sautin amadaghan Berseban nguabar ekiamin otogh, ni gumazamiziba bar me mengegh. Ki e uan gumazamizibar dibobonim gifoghasa.”

³ Ezi Joap kamaghin atrivim ikaragha ghaze, “Atrivim, nan gumazir ekiam, ki kamagh ifonge, Ikiavira Itir God, a nin God, a gumazamizibar dibobonim damighti a bar ghuavanabogh, egh bar avirasemegham. Ki ghaze, bizir kam ti, dughiar n ikiavira itimin otoghi, ni ubi uan damazimin an ganam. Ezi atrivim, nan gumazir ekiam, ga uaning, gumazamiziba mengamin ingangarim, kar en ingangarim puvati. Ezi ni tizimsua arazir kurar kam damuasava ami?”*

⁴ Ezi atrivim kamaghsua gavgavigha ghaze, Joap uan midorozir gumazir dapaniba ko me an akamin gin mangam. Kamaghin amizi, me atrivim ategha ghua Israelian gumazamiziba mengasa ghue.

⁵ Me Jordanin Fanem giregha vongin ghuegha, Aroerin nguabar ekiamin boroghin sautin amadaghan ghu. Nguabar kam Gatin anabamin nguazimin danganir zarimin tizimin iti. Egha me nguabar kamin sautin amadaghan averpenibagh ami. Egha gin me Aroer ategha notin amadaghan ghua Jaserin nguabar ekiamin oto. ⁶ Me gin ua Jaser ategha ghua Gileatin Distrighin otifi. Egha ghua Tatimhotsin danganimin ghu. Me ua danganir kam ategha ghua Danin anabamin nguazimin itir nequbam Janin otogha, vongin ghua aruem uaghiri naghin Saidonin nguabar ekiamin oto. ⁷ Egha me uamatetgha sautin amadaghan iza, Tairin nguabar ekiamin otifi, nguabar ekiar kam a divazir gavgavim iti. Egha gin me dikavigha Tair ategha

ghua, Hivia ko Kenanian nguabar ekiaba bar dagh arui. Egha me abuan ghua Judan sautin amadaghan otogha, ghua Berseban nguabar ekiamin otogha ghua Negevin nguazimin otifi. ⁸ Egha me uan kantrin nguibaba bar dagh aruigha givagha uamatetgha Jerusalemin ghu. Men darorir kamin ruarim, a 9plan iakiniba ko 20plan dughiarbar ghu. ⁹ Me ghua otivigha givagha, Joap ghua kamaghin me uan darorimin gun atrivim geghari, “Israelia me 800,000in gumaziba iti, ezi me midorozir gumazibar ingangarim damuam. Ezi Judan gumazibar dibobonim a 500,000in tu.”

¹⁰ Devit bar me mengegha givagha, gin an amizir arazir kam bagha navim osemecha kamaghin Ikiavira Itir God ko migei, “Ki bar organigha midorozir gumaziba menge. Ki arazir kurar kamin osimtizir bar ekiam gami. O Ikiavira Itir God, ga uaning, ki amizir arazir kurar kam, ni a gin amadagh.”

¹¹⁻¹² Ezi dughiar kamra, Ikiavira Itir God, kamaghin Devitin akaba inigha izir gumazim Gat, a Devitin gin otivamin bizibar garir gumazim, a migia ghaze, “Ni mangi Devit mikemegh, ‘Ki Ikiavira God, ki guizbangira migei, ki 3plan tuaviba ni ganidi. Eghiti ni dar tam ginabaghti, ki anarira gin mangiva, a isi ni daningam.’”

Amimzarakhan mizaraghara Devit os-egha dikavigha givazi, ¹³ Gat Devit bagha ghua kamaghin Ikiavira Itir Godin akamin gun a mikeme. Egha kamaghin an azai, “Ni 7plan azenibar mitiriar ekiam nin kantrin otivasa ifonge? O, apaniba izi ia misogh ian agintighti, ia ari mangi danganir igharazibar 3plan iakinibar ikiam? O, arimariar kuratam nin kantrin gumazamiziba 3plan aruebar me bativam? Ni bar deraghvira nighnigh uan ifongiamin na mikemeghti, ki uamatetgh mangi na amadazir Godin mikimam.”

¹⁴ Ezi Devit bar atiatigha kamaghin Gat migei, “Ni na migeir akar kam, osimtizir ekiam na ganidi. Ki fo, Ikiavira Itir God a zurara apangkuvir God. Kamaghin, a bizir manam damusi a damu. Ki kamaghin aghua, gumazamiziba e gasighasigham.”

¹⁵ Kamaghin amizi, Ikiavira Itir God Israelia bagha arimariar kuram amadazi,

* **24:3:** E fozir puvati, Ikiavira Itir God mammaghsua dughiar kamin Israelian atari. (Ni ves 1in gan.) Egha uaghan, akinafarir kam deragha e migeir puvati, gumaziba medir arazir kam, manmaghsua Godin damazimin “Arazir kuram.” Gumazir maba ghaze, God uabira gumazamizibar dibobonim gifogh. Kamaghin Joap ghaze, “Gumazamiziba mengamin ingangarim, kar en ingangarim puvati.” Ezi guizbangira, God dughiar mabar gumazamiziba mengasa Israelia migei. Egha God men ziaba iniasa me migei, a uaghan dagiaba a daningasa mikeme, eghiti arimariar ekiam me inighan kogham. (Ni Ua Me In 30:11-12in gan.) Nighnizir igharazim kamakin. Devit kamaghin ifonge, a uan midorozir gumazibar amighti me bar avirasemegham, kamaghin amizi a gumaziba menge. (Ni ves 9in gan.) Guizbangira, bar fomira Ikiavira Itir God Israelia migia ghaze, A ubi midorozimin men akuragh, egh me kamaghin nighnigh kogham, Men midorozir gumazir avirim me damutti me apanibagh afiragh. (Ni Gumazir Dapaniba 7:2-7in gan.) Bizir kam bangin, arazir Devit amizir kam derazir puvati. **24:10:** 1 Samuel 12:13; 13:13 **24:13:** 1 Eghaghaniiba 21:12 **24:14:** Onger Akaba 51:1; 130:4-7

arimariam mizarazir kamram otoga ghua a diborozir dughiamin tu. Ezi notin amadaghan Danin nguibar ekiamin ikegha ghua sautin amadaghan Berseban nguibar ekiamin, 70,000plan gumazamiziba ariaghire. ¹⁶ Ezi dughiar kamin, enselin gumazamizibagh asighasighamim, a Jerusalemin izegha givagha, me gasighasighsava ami. Ezi Ikiavira Itir God, osimtizir kurar kam gumazamizibar aningen men apangkuvigha, uan nighnizim giragha enselin kamin migia ghaze, "Marki. Me atakigh." Dughiar kamin Ikiavira Itir Godin ensel danganir me witin ovizibar iniba kua dar dagheba isimin boroghin iti. Ezi danganir kam, a Araunan nguazim, a Jebusian adarazir gumazim.

¹⁷ Ezi Devit enselin kamin ganigha kamaghin Ikiavira Itir God migei, "Kirara ki arazir kuram gami, egha osimtizir ekiam iti. Ezi gumazamizir kaba, me sipsipin mirara iti, mevzika, me osimtizir manam gami? Bar puvati. Ki uan ikizim ko erara, ni e gasighasigh."

¹⁸ Ezi dughiar kamra Godin akam inigha izir gumazim Gat ghua kamaghin Devit migei, "Ni Jebusian gumazim Araunan danganir me witin ovizibar iniba kua, dar dagheba isimin mavanang, egh Ikiavira Itir God bagh ofa gamir dakozir tamin ingarigh." ¹⁹ Ezi Gat Devit mikemezi moghin, Devit, Ikiavira Itir Godin Akar Gavgavimin gin ghua me witin dagheba isir danganir kamin oto.

²⁰ Ezi Arauna ingarir danganimin ikia vin garima, atrivim uan ingangarir gumazir dapaniba ko a bagha izi. Kamaghin amizi, a ziar ekiam atrivim daningasa an boroghin ghua nguazim girigha fuagha, uan guam nguazim mitua. ²¹ Egha kamaghin migei, "Atrivim, nan gumazir ekiam, ki nin ingangarir gumazim, ki manmaghin amizi ni nan ganasa izi?"

Ezi Devit kamaghin a ikaragha ghaze, "Ki danganir ni datirighin witin iniba kua, dar dagheba isir kam, ki a givezasa izi. Ki an Ikiavira Itir God bagh ofabar amuamin dakozimin ingaram. Eighti arimariar kurar kam gumazamiziba ategham."

²² Ezi Arauna kamaghin Devit migei, "Atrivim, nan gumazir ekiam, marki. Ni nan nguazir kam givezan ki aghua, ni puram a iniam. Egh uaghan bizir tizir ni ofa damuasa ifongeziba, sara iniam. Ni bulmakaun kaba inigh ofan bar isia mighiribar amuasa, ki bulmakaun kaba ni ganidi. Ni uaghan, avim arighsi ter ararir witin iniba miseviba ko, temer ruarir ki bulmakauningin tuemning gatizim, aning uaning inigha ingangarim gamim, ni ofaba tusi a inigh. ²³ Atrivim, ki bizir kaba bar da isa ni ganidi."

Egha Arauna ua kamaghin migei, "Ki kamaghhsua, ni Ikiavira Itir God bagh damuamin ofaba, a dagh ifuegham."

²⁴ Ezi atrivim kamaghin a ikaragha ghaze, "Bar puvati. Ki Ikiavira Itir God bagh ofa damusi, pura gumazir igharazimin bizitam, o uan bizir ki ivezezir puvatizitam inigh izi, a bagh ofan bar isia mighirizim damighan kogham. Kamaghin amizi, ki uan dagiaba isi nin bizir kabagh iveauzam." Egha Devit nguazir otevir kam ko bulmakauba giveza, 50plan silvan dagiaba isa Arauna ganingi. ²⁵ Egha Devit danganir kamin Ikiavira Itir God bagha ofa gamir dakozimin ingarigha, ofan bar isia mighiriba ko ofan God ko navir vamiran ikiamibagh ami. Egha Devit nguazimin itir gumazamiziba bagha Ikiavira Itir Godin azai. Ezi Ikiavira Itir God an azangsiziba baraki. Egha God arimariar kam Israelin anegifa.

**Israelia ko Judabar
Atriviba,
Men Akinafarir Faragha
Zuim
O
1 Atriviba
Akar faragha zuim**

Akinafarir kam, a Samuelin Akinafarir Namba 2in eghaghanibar gin otivizir biziagh eghari. An Atrivim Devitin ikirimir abuananam gegrhi. An Atrivim Solomonin ikirimir ko ingangaribagh eghara, egha uaghan, Israelia uan kantri abigha kantrin pumuningin otozimin dughiamin, an aning gativazir atrivibagh eghari. Egha uaghan Ikiavira Itir Godin akam inigha izir gumazir mabar eghaghaniba uaghan an iti. Me Godin akaba isa atriviba ko gumazamiziba tuavir aghuimin gin mangasa, men akakagha me migei. Godin akam inigha izir gumazibar mav, a Elaija.

Akinafarir kam, mati Samuelin Akinafarir Namba 1 ko Namba 2. A pura eghaghanir kinim puvati. An atriviba amizir biziagh eghara uaghan men araziba tuisisi. Atrivir Ikiavira Itir Godin apengan itiba, me ziar aghuiba iti, egha me atrivibar itir dughabar, Israelia men apengan ikia deraghavira iti. Ezi atrivir Godin akaba batoziba, me ziar kuraba iti. Egha me atrivibar itir dughabar, Israeliin dabirabim ikufi. Atriviba arazir kurar kam gami. Me asebar ziaba fasa tintinibar mighsiabar ghuavanadi. Men arazir kam God gamima, a bar men oseme.

**Solomon Israelien atrivimin
iti**

(Septa 1--11)

Atrivim Devit bar ghuri

¹ Atrivim Devit bar ghurizi, an mikarzim zurarama arugharusi. Ezi me inir mitiar avagha akuiba issava anevema, da tong fefem a ganidir puvati. ² Kamaghin amizi, an ingangarir gumazir dapaniba a migia ghaze, "Atrivim, en gumazir ekiam, e ti ni bagh guvir igiatam inighti, a ni ko iki nin akurvagh deragh nin ganam. Egh a ni muigh daku egh nin mikarzim fefem a daningam." ³ Kamaghin amizi, me kantri Israeliin danganiba bar, dar amizir igiar bar diriba bagha ruiaghara arui. Egha Sunemin nguibamin amizim, Abisak, an apigha, a inigha atrivim bagha ize. ⁴ Amizir bar igiar dirir kamin ganganiba bar dera, a

bar deraghavira atrivimin akurvaghha an gara a gegrhi. Ezi Atrivim Devit tong poroghamiba uari ko akuava amir arazitamin a gamizir puvati.

Adoniya atrivimin otivasa

⁵⁻⁶ Adoniya, a Devit ko Hagitin otarim. Hagit Apsalom bategha, an girara Adoniya bate. Adoniyen ganganiba bar dera, ezi an afeziam bar fomira iza datirighin, dughiatamin tong an arazir kuratam bagha an azangsigha kamaghin a mikemezir puvati, "Ni manmaghsua arazir kabagh ami?" Egha datirighin Adoniya ubi, ubi fa ghaze, an atrivimin otivam. Kamaghin amizi, a midorozir karisba ko hoziba ko 50plan gumazir a gegrav an faragh mangamiba ini. ⁷ Egha a ghua Seruan otarim Joap, ko ofa gamir gumazim Abiatar, aning ko mikemezima, aning an akuraghti an atrivimin otivasa aning ifonge. ⁸ Ezi ofa gamir gumazim Sadok, ko Jehoadan otarim Benaia, ko akam inigh izir gumazim Natan, ko Simei, ko Rei, ko atrivimin midorozir gumazir gavgvaviba, me Adoniyan nighnizim ko itir puvati.

⁹ Dughiar mamin. Adoniya ofa damuasa danganir mamin ghu, danganir kam, me kamaghin a dibora ghaze, Kuruzibar Dagiam, a Enrogelin nguazimin aven anadir dipar atuimin boroghin iti. A sipsipba ko bulmakaun apuriba ko bulmakaun igiar mikarziba sara itibav suegha ofa gami. A izasa atrivimin otarir igharaziba, ko Judan atrivimin ingangarir gumazir dapaniba, ko atrivimin ingangarir gumazir igharaziba me bagha akam amada. ¹⁰ Egha an akam inigha izir gumazim Natan, ko Benaia, ko atrivimin midorozir gumaziba, ko an aveghbuam Solomon, a me bagha akatam amadazir puvati.

Solomon atrivimin oto

¹¹ Ezi akam inigha izir gumazim Natan, a Solomonin amebam Batseba bagha ghuu kamaghin a migei, "Ni kamaghin oraghiz, o puvati, Hagitin otarim, Adoniya, Atrivim Devitin danganim inigh atrivimin otivasava ami. Ezi en gumazir ekiam Devit, biziagh kam gifozir puvati. ¹² Kamaghin, ni uan otarim Solomon ko, gua uaghara aremeghan koghsa, ki gua mikimamin akabar girara mangi dar amuam. ¹³ Ni bar zuamira Atrivim Devit bagh mangi kamaghin a mikim suam, 'Atrivim, nan gumazir ekiam, ki nin ingangarir amizim. Ni na ko faragha akam akira kamaghin mikeme, nin otarim Solomon gin nan danganim inigh atrivimin otogh, nan atrivir dabirabim dapiam. Ezi manmaghsua amizi, Adoniya datirighin

atrivimin oto?¹⁴ Dughiar ni mangi Atrivim Devit ko mikimvira ikiamimin, ki aven izi gavgavim nin akam daning, ni migei moghira mikimam.”

¹⁵ Ezi Batseba atrivimin ganasa atrivim akui naghin a gatin aven ghu. Atrivim Devit bar ghuri, ezi Sunemian amizim Abisak, a gehuva deragha an gari. ¹⁶ Ezi Batseba atrivimin guamin uan tevimming apirigha guam avirazi, atrivim an azara, “Ni bizir tizim gifongegeha na bagha izi?”

¹⁷ Ezi Batseba a ikaragha ghaze, “Nan gumazir ekiam, ki nin ingangarir amizim. Ni fomira akar mam Ikiavira Itir God, a nin God, an ziamin na koma anekira ghaze, nan otarim Solomon nin danganim inigh atrivimin otogh, nin atrivir dabirabim dapiam. ¹⁸ Ezi ni oragh! Atrivim, nan gumazir ekiam. Adoniya datirighin atrivimin oto. Ezi ni ti tong kamaghin fozir puvati. ¹⁹ A bulmakaun apuriba ko, bulmakaun igiar mikarziba sara itiba ko, sipsipin aviribav suegha ofa gami. Egha nin otariba ko ofa gamir gumazim Abiatar ko midorozir gumazibar faragha zuir gumazim Joap, a me bagha akaba amangizi me ghue. Egha nin ingangarir gumazim Solomon, an a bagh akatam amadazir puvati. ²⁰ O atrivim, nan gumazir ekiam, Israeliyan gumazamiziba bar nirara gara ni mizua iti, ni uabi gumazir manatam amiseveghti, a nin danganim inigh atrivimin otogh, egh atrivir dabirabim dapiam. ²¹ Puvatighti, ni aremegh mangi uan inazir afeziaba iti naghin me ko ikiti, gumazamiziba ki uan otarim Solomon ko kamaghin ga mikimam, ga gumazim ko amizir kuramning. Egh me ga misueghti ga aremegham.”

²² Egha Batseba migiavira itima, akam inigha izir gumazim Natan iza atrivimin dipenimin oto. ²³ Ezi Atrivim Devitin ingangarir gumaziba ghua a migia ghaze, “Akam inigha izir gumazim Natan izegha nin ganasa.” Ezi atrivim an amamangatizi, Natan atrivim akui naghin a gatin aven ghugha, uan tevimming apirigha dapanim avira.

²⁴ Egha Natan Devit migia ghaze, “O atrivim, nan gumazir ekiam, ni ti kamaghin mikeme, Adoniya nan danganim inigh atrivimin ikiwa nan atrivir dabirabim dapiam? ²⁵ E orazi, a datirighin ofa damuasa ghua bulmakaun apuriba ko, bulmakaun igiar mikarziba sara itiba ko, sipsipin aviribav suegha ofa gami. Egha nin otariba ko ofa gamir gumazim Abiatar ko midorozir gumazibar faragha zuir gumazim Joap, a me bagha akaba amangizi me ghue. Me datirighin dagheba ko dipaba a koma ada apava an gun tiariba akara ghaze, ‘Adoniya datirighin dughiar ruarinmin atrivimin iki mamaghira

ikiam.’ ²⁶ Ezi a, na ko, ofa gamir gumazim Sadok ko, Jehoiadan otarim Benaia ko, nin ingangarir gumazim Solomon, an e bagha akatam amadazir puvati. ²⁷ Atrivim, nan Ekiam, manmaghiram ami? Me amir bizir kam, ni an amamangatizi me a gami o? Ni ti, gumazir nin danganim inigh, atrivir dabirabim dapiam, ni an gun uan ingangarir gumazibav kemezir puvati.”

²⁸ Ezi Atrivim Devit ingangarir gumazibav gia ghaze, “Ia Batseban diaghti a ua izi.” Ezi Batseba ua iza atrivimin boroghin tu.

²⁹ Ezi atrivim a ko akam akira ghaze, “Ikiavira Itir God zurara ikia, egha nan akuragha nar osimtizir guar aviribar aven ua na ini. ³⁰ An ziamin, ki guizbangira ni migei, datirighin aruer kamra, ki fomira Ikiavira Itir God, a Israeliyan God, an ziamin, ni ko akar dikirizim gamizi moghin, ki a damighti, an otivam. Ki kamaghin akar dikirizim gamua ghaze, nin otarim Solomon, nan danganim inigh nan atrivir dabirabim dapiam.”

³¹ Ezi Batseba akar kam baregha, uan tevimming apirigha, aviragha kamaghin migei, “Atrivim, ni nan gumazir ekiam. Ni zurara iki mamaghira ikiasi, ki ifonge.”

³² Ezi Atrivim Devit kamaghin ingangarir gumazibav gei, “Ia mangiva, ofa gamir gumazim, Sadok ko akam inigha izir gumazim Natan, Jehoiadan otarim Benaia, me mikemehti, me atrivimin guamin izi.” Ezi me aven ize.

³³ Ezi atrivim kamaghin me migei, “Ia nan ingangarir gumaziba inigh mangi, nan otarim Solomon inigh a isi nan donki datighti, an a daperaghti, ia a inigh Gihonin Dipar Atuir Emimirimin mangi. ³⁴ Egh danganir kamin, ofa gamir gumazim Sadok, ko akam inigha izir gumazim Natan, Solomon Israeliyan atrivimin otivsi, aning borem isi an dapanim gingegh. Ia kamaghin damighi givagh, sigham givi kamaghin araghasi suam, ‘Atrivim Solomon dughiar ruarinmin atrivimin ikiwira ikiam.’ ³⁵ Egh ia an girara izitima, a ua nan dipenimin aven izi nan atrivir dabirabim dapiam. Ki Israelia ko Judabar atrivimin ikiasi anemisefe. Ezi kamaghin, a nan danganim inigh atrivimin ikiam.”

³⁶ Ezi Jehoiadan otarim Benaia, kamaghin atrivimin akam ikaragha ghaze, “Bar guizbangira. Atrivim, ni nan gumazir ekiam. E kamaghsua, Ikiavira Itir God, a nin God, a mikemezi moghin, a bizir kabar amighti da otivam. ³⁷ Ikiavira Itir God ni gamizi moghin, a Solomon ko ikiwa an akurvaghram. Egh uaghan, Ikiavira Itir God Solomon damighti, an atrivir gavgavir aghuimin otoghti, an ziar ekiam nin ziar ekiam gafiraghram.”

³⁸ Kamaghin amizi, ofa gamir gumazim Sadok, ko akam inigha izir gumazim Natan, ko Jehoiadan otarim Benaya, ko Keretia, ko Peletian adarasi, me bar ghua Solomon inigha, Atrivim Devitin donki gafagha an akua Gihonin Dipar Atuir Emimirimin uaghiri. ³⁹ Ofa gamir gumazim Sadok ghua Ikiavira Itir Godin Purirpenimin sipsipin komin borem aven itim ini. Me Gihonin itima, a komin kam inigha borer maba isa Solomonin dapanim ginga atrivimin otivasa anemisefe. Me sighabagh ivima, gumazamiziba bar kamaghin araghasi, “Solomon a dughiar ruarumin atrivimin iki mamaghira ikiam.” ⁴⁰ Gumazamiziba bar, me bar akongegha diava, marvibagh iviava, Solomonin gin uamategha Jerusalemin zui. Men dimdiam bar gavgavigha, nguazim gamima a ivazvusi.

Adoniya Atrivim Solomonin atiatingi

⁴¹ Adoniya uan adarazi ko amegha givagha, niginir ekiam barasi. Ezi Joap sighabar ararem baregha kamaghin migei, “Kar niginir ekiar manam Jerusalemin oto?”

⁴² Joap migiavira itir dughiamin, ofa gamir gumazim Abiatarin otarim Jonatan, iza me bato. Ezi Adoniya kamaghin a migei, “Ni izi. Ni gumazir aghuim, ni ti akar aghuitam inigha e bagha izi.”

⁴³ Ezi Jonatan kamaghin Adoniyan akam ikaragha ghaze, “Noki, en gumazir ekiam Atrivim Devit, a Solomon gamizima an atrivimin oto. Kamagh amizi, ki akar aghuitam inigha izir puvati. ⁴⁴ Atrivim Devit, ofa gamir gumazim Sadok, ko akam inigha izir gumazim Natan ko, Jehoiadan otarim Benaya, ko Keretia, ko Peletian adarasi, bar me amadazi, me Solomon ko zui. Me zuir dughiamin, me Solomon isa Atrivim Devitin donki gisin anefazi, an aperagha zui. ⁴⁵ Me Gihonin Dipar Atuir Emimirimin ghua, ofa gamir gumazim Sadok ko akam inigha izir gumazim Natan, aning borem issa Solomonin dapanim gingegha, a gamizi an atrivimin oto. Ezi kamaghin me bar akongegha araghisa uamategha Jerusalemin izi, ezi datirighin Jerusalemin itir gumazamiziba bar dia niginir dafar kam gami. Niginir kamra ia datirighin a barasi. ⁴⁶ Ezi Solomon datirighin atrivimin dabirabim gapera. ⁴⁷ Ezi atrivimin ingangarir gumazir dapaniba ghua Atrivim Devitin gara, uan naviba a ganiga kamaghin a migei, ‘Ni datirighin bizir bar aghuim gami. Ikiavira Itir God Solomon damighti, an atrivir

gavgavir aghuimin otoghti, an ziar ekiam nin ziar ekiam gafiraham.’ Ezi Atrivim Devit uan dakozimin ikia uan dapanim aviragha ziar ekiam God ganidi. ⁴⁸ Egha a kamaghin migei, ‘God datirighin nan otaribar tongin mav amisevezi, a nan danganim inigha atrivimin iti. God na ataghisi, ki ubi bizir an amizir kamin gari. Kamaghin amizi, e Ikiavira Itir God, a Israelian God, e a bagh, bar akongegham.’”

⁴⁹ Gumazir Adoniya koma apiaghha ameziba akar kam baregha, me bar atatiqha agoi. Kamaghin amizi, me dikavigha Adoniya ategha tintinbar ghue.

⁵⁰ Ezi Adoniya, Solomonin atatiqha ara ghua, Ikiavira Itir Godin Purirpenimin aven ghua, ofa gamir dakozimin mkebabar itir bulmakaun kombar min garir bizibar suiraghga gavgafi.* ⁵¹ Ezi gumazir maba ghua Atrivim Solomon migia ghaze, “Adoniya nin atatiqha ghua, Ikiavira Itir Godin Purirpenimin aven ghua ovengen atatiqha, ofa gamir dakozimin mkebabar itir bulmakaun kombar min garir bizibar suiki. Adoniya kamaghin migei, ‘Ki ofa gamir dakozimin suiraghvira iki mangiti, Atrivim Solomon, na misuehti ki aremeghan koghsa a Ikiavira Itir Godin damazimin akar dikirizir gavgavitam damuui.’”

⁵² Ezi Solomon kamaghin men akam ikaragha ghaze, “An arazir aghuim damighti, bizir kuratam a batoghan kogham. Eghit an arazir kuram damighiva, an ovengam.”

⁵³ Egha Atrivim Solomon gumaziba amadazima, me ghua ofa gamir dakozimin Adoniya inigha Solomon bagha ize. Ezi Adoniya atrivimin boroghin tevimming apirigha avirazi, Atrivim Solomon kamaghin a migei, “Ni uamategh uan dipenimin mangi.”

2

Devit akar abuananabar Solomon migei

¹ Devit fo, an ovengamin dughiam bar roghira ize, kamaghin amizi, an akar kaba uan otarim Solomon ganidi. ² A kamaghin migei, “Ki kiran oveghhangin aremegham. Ni guizin gumazimin min tugh gavgavigh, uan ingangarim damu. ³ Ni Ikiavira Itir God, nin God ni mikemezir biziba ni dar amu. Egh ni tuavir aghuir an e bagha inabazibar gin mangi, egh arazir a ifongeziba, ko an Akar Gavgaviba, ko bizir a damuasa e mikemeziba, ko a migeir akaba, ni bar dar gin mangi. Kamaghin God nin akuraghti,

* **1:50:** Israelia kamaghin nighnigh suam, gumazitam me misuehti me aremeghs damuti, me ari mangi, Godin Dipenimin aven mangi ofa gamir dakozimin mkebabar itir bulmakaun kombar suiragh ikiam. Me kamagh nighnisi, me an suiragh deravira ikiam. Ni Ua Me In 21:13-14in gan.

2:2: Josua 23:14

2:3: Josua 1:7; 1 Eghaghaniba 22:12-13

2:4: 2 Samuel 7:12-13; 7:25; 2 Atriviba 20:3

danganir manam ni an iti, nin ingangarim bar deraghviram otivam.⁴ Ikiavira Itir God fomira akar dikirizir mamin na gamigha ghaze, 'Devit, nin ovavir boriba zurara uan navir averiaba ko duabar, bar deravira nan damazimin daru mangiti, ki zurara nin adazariz gumazitam damighti, a Israelian atrivimin otivam.' Kamaghin amizi, Solomon, ni guizbangira bar deraghvira an akabar gin mangi, egheti a na gamizir akar dikirizir kam abighan kogham.

⁵ "Ezi Solomon, ni oragh. Ni fogha gifa, Seruian otarim Joap, an arazir kurat kam, an osimtzir ekiam na ganingi. A Israelian midorozir gumazibar dapanir faragha zuimning misoghezi, aning areme. Kar, Nerin otarim Apner ko Jeterin otarim Amasa. A midorozimin dughiamin aning misoghezi aning aremezir puvati. Bar puvati. A pura gumazir kamnning misoghezi aning areme, ezi aningin osimtzizim an ikiavira iti. ⁶ Ni uan nighnizir aghuimin gin mangiva, an arazir kuram uam a ikaragh. Ni aneteghti a pura iki ghurigh ubi aremegh. Gumazamizir Oveaghuezibar Nguibamin magiran marki.

⁷ "Ni uaghan Barsilain otaribar apangkuvigh deraghvira me damu, kar Gileatin Distrighin gumazim, ni me ateghti me izi nin adarazi ko dapiagh dami iki. Ki fomira nin aveghbuam Apsalomin aravghuzir dughiamin, me arazir aghuimin na gami.

⁸ "Ezi Geran otarim Simei, a Bahurimin nguibar ekiamin gumazim, a Benjaminin anabamin mav, a uaghan iti. Ki tighar Mahanaimin mangamin dughiamin, aruer kamra a bar akar kuraba na ganiga, egha na gasighasighasa Godin azangsisi. Egha a ua iza Jordanin Fanemmin na batozima, ki Ikiavira Itir Godin ziamin akar dikirizim gamua ghaze, ki a misueghti an aremeghan kogham. ⁹ Ezi puvati, ni mizazitam a gasegh. Ni kamaghin nighnighan marki, a gumazir osimtzibar puvatizim. Ni nighnizir aghuim iti. Ni tuavir manatamir mangiva, a misueghti an aremegh. Gumazamizir Oveaghuezibar Nguibamin magiram."

Devit areme

¹⁰ Egha gin Devit uan inazir afeziabar min aremezima, me Jerusalemin anefa. Nguibar ekiar kam, me kamaghin a dibori, "Devitin Nguibar Ekiam." ¹¹ Devit kantri Israelin 40plan azenibar atrivimin ike. A faragha Hebronin nguibar ekiamin 7plan azenibar atrivimin ike, egha 33plan azenibar Jerusalemin atrivimin ike. ¹² Ezi Devitin otarim Solomon an danganim inigha

atrivimin oto. Solomon atrivir gavgavimin otozi, bizitam anebirazir pu. Bar puvati.

Adoniyan ovevem

¹³ Dughiar mamin, Hagitin otarim Adoniya iza Solomonin amebam Batseba bato. Ezi Batseba an azara, "Ni akar aghuitam mikimasa izi, o?"

Ezi Adoniya kamaghin a ikaragh ghaze, "Are, ki akar aghuimra mikimasa izi."

¹⁴ Egha a kamaghin migei, "Ki akar bar muzierar mam iti." Ezi Batseba a migia ghaze, "A dera, ni na mikim."

¹⁵ Ezi Adoniya ghaze, "Ni fo, Israelian guazamiziba bar kamaghin fo, ki atrivimin otivasava ami. Ezi puvati. Ikiavira Itir Godin ifongiamin nan aveghbuam atrivimin otozima, ki puvati. ¹⁶ Egha ki datirighin azangsizir vamira iti. Ki kamaghin ifonge, ni nan azangsizir kamin amamangatig."

Ezi Batseba ghaze, "Ni mikimi ki oraghram."

¹⁷ Ezi Adoniya kamaghin a migei, "Ga uaning, ki kamaghsua, ni mangi Atrivim Solomonin azaraghima, a nan amaman-gati, ki Sunemin nguibamin amizir kam Abisak, ki an ikiasa. Ki fo, atrivim nin akam batueghan kogham."

¹⁸ Ezi Batseba kamaghin Adoniya migei, "A dera, ki mangi ni bagh atrivimin azangsigham."

¹⁹ Egha Batseba, Adoniya bagha Atrivim Solomon mikimasa zuir dughiamin, atrivim dikavigha, ziar ekiam uan amebam daningasava uan teviming apirigha uan dapanim avira. Egha a ua uan atrivir dabirabim gaperagha, egha ingangarir gumazibav geima, me dabirabir mam inigha iza Atrivim Solomonin dabirabim vongin an agharin guvimin anetizi, Batseba a gapera. ²⁰ Egha Batseba kamaghin migei, "Ki azangsizir bar muzierar mam iti. Ki kamaghsua, ni an aghuaghan marki."

Ezi Solomon kamaghin a ikaragh ghaze, "Amebam, ni purama azaragh. Ni fo, ki nin azangsizim aghuaghan kogham."

²¹ Ezi Batseba ghaze, "Ki kamaghsua, ni uan aveghbuam Adoniyam amaman-gatighi, a Sunemin amizim Abisakin ikiam."

²² Ezi Atrivim Solomon azangsizir kam baregha atara kamaghin migei, "Ni tizim bagha Adoniya, Abisakin ikiasa nan azangsisi?"* Egh ni ti uaghan, a nan danganim inigh atrivimin ikisi ni nan azangsigham. A nan avebamra. Egh ni uaghan ofa gamir gumazim Abiatar ko

2:5: 2 Samuel 3:27; 20:10 **2:7:** 2 Samuel 17:27-29 **2:8:** 2 Samuel 16:5-13; 19:16-23 **2:11:** 2 Samuel 5:4-5; 1

Eghaghaniiba 3:4 **2:12:** 1 Eghaghaniiba 29:23 **2:17:** 1 Atriviba 1:3-4 * **2:22:** Gumazitam atrivimin amuim inighi, kamaghin gumazir kam atrivimin ikiasa. Ni 2 Samuel 3:6-11 ko 16:21-22in gan.

Seruan otarim Joap bagh azangsiziba inigh izam.”

²³ Egha Atrivim Solomon, Ikiavira Itir Godin ziamin akar dikirizim gamua ghaze, “Adoniya amizir akar kam, an osimtzizim iti. Kamaghin amizi, ki a misueghti an aremegham. Ki kamaghin damighan koghti, God na misueghti ki aremegham. ²⁴ Ikiavira Itir God nan akuragha gavgavim na ganingi. Ezi kamaghin, ki uan afeziam Devitin danganim inigha atrivimin oto, mati Ikiavira Itir God fomira akar dikirizir mamin e gamua ghaze, gin Israeliyan atriviba nan ovavir boribar tongin aven otivigham. Kamaghin amizima, Ikiavira Itir Godin ziamin bar guizbangira, Adoniya datirighin aremegham.” ²⁵ Egha Atrivim Solomon akar gavgavimin Benaia mikemezi, a ghua Adoniya misoghezima, an areme.

Solomon ofa gamir gumazibar ingangarimin Abiatar agifa

²⁶ Atrivim Solomon kamaghin ofa gamir gumazim Abiatarin migia ghaze, “Ni uamategh uan nguibam Anatotin mangi uan nuguazimin iki. Ni osimtzizim iti, ezi ki ni misueghan koghti ni aremeghan kogham. Ki fo, ni fomira nan afeziam Devit ko ikegha, Ikiavira Itir God, en Ekiamin Akar Dikirizir Gavgavimin Boksiam gisaghpur. Ezi Devit osimtzizir aviriba aterima, ni a ko ikia uaghan da ateri. Kamaghin amizi, ki ni misueghan koghti, ni aremeghan kogham.” ²⁷ Egha ofa gamir gumazim Abiatar, Solomon an ingangarimin anegifa. Kamaghira, Ikiavira Itir God fomira Silon nguibamin mikemezir akam, Solomon a gamizi an oto. Akar kam kamakin, ofa gamir gumazim Elin adarasi, men ofa gamir gumazibar ingangarim givagham.[†]

Me Joap misoghezi an areme

²⁸ Joap, fomira Apsalomin roroam gamizir puvati, an Adoniyan akurvasi. A datirighin Adoniyan ovevemin migirigiam baregha, atiatigha ara ghua Ikiavira Itir Godin Purirpenimin aven ghua, uabin akurvaghassa ofa gamir dakozimin mikebabar itir bulmakaun kombar min garir biziba pamtemin dar suragha iti.[‡] ²⁹ Ezi gumazir maba ghua kamaghin Atrivim Solomon migei, “Joap ara ghua Ikiavira Itir Godin Purirpenimin aven ofa gamir dakozim pamtemin an suiragha iti.”

Ezi Solomon Jehoiadan otarim Benaian migia ghaze, “Ni mangiva Joap misueghti an aremegh.”

³⁰ Ezi Benaia Ikiavira Itir Godin Purirpenimin aven ghua kamaghin Joap migei,

“Atrivim ghaze, ni danganir kam ategh azenan mangi.”

Ezi Joap ghaze, “Puvati. Ki azenan mangighan kogham. Ni kaghira na misueghti, ki aremegham.” Ezi Benaia uamategha atrivim bagha ghua, Joapin akamkin gun a migei.

³¹ Ezi atrivim kamaghin Benaian akam ikaragha ghaze, “A dera, ni an nighnizimin gin mangiva a misueghti, an aremegh. Egh an kuam inigh mangi anefagh. Joap gumazir osimtziziba puvatiziba pura me misoaghaghiz me ariaghire. Ezi an osimtzizir kam, na ko nan afeziamin adarazir iti. Ni a misueghti, an aremeghti, an osimtzizir kam uam en ikian kogham. ³² Ikiavira Itir God, Joap amizir arazir kurar kaba ikarvagh, iveau kuram a daningam. Joap Nerin otarim Apner ko Jeterin otarim Amasa, a midorozir sabamin puram aning misoghezi aning areme. Aning an min gumazir kuramming puvati. Apner, a Israeliyan midorozir gumazibar dapanim, ezi Amasa, a Judabar midorozir gumazibar dapanim. Nan afeziam Devit fozi puvatizi, Joap arazir kam gami. ³³ Ikiavira Itir God, Joap amizir osimtzizir kam ginighnigh, zurara mizazim Joap ko an adarazir aningam. Egh Ikiavira Itir God, zurara dabirabir aghuim ko navir amirizim isi, Devit ko an ovavir boriba, ko an adarasi, ko an ikizimin otivamin atrivibar aningam.”

³⁴ Ezi Jehoiadan otarim Benaia akar kaba baregha, uamategha Ikiavira Itir Godin Purirpenimin aven ghua, Joap misoghezima an areme. Me an kuam inigha ghua an dipenimin boroghin anefa, a gumazamiziba puvatizir danganim boroghin iti. ³⁵ Ezi atrivim, Jehoiadan otarim Benaia amisevezima, a Joapin danganim inigha midorozir gumazibar dapanimin oto. Egha atrivim, Abiatarin danganim iniasa, ofa gamir gumazim Sadok amisefe.

Me Simei misoghezi an areme

³⁶ Joap aremegha givazima, Atrivim Solomon Simein diagha kamaghin a migei, “Ni Jerusalemin dipenimin ingarigh, egh dipenir kamra iki. Egh ni bar Jerusalem ategh igharagh mangan marki. ³⁷ Ni Kidronin Fanem girigh vongin Jerusalemin nguibar ekiamin mitaghnamin ikiavkinighti, ki bar zuamira aruer kamra ni misueghti ni aremegham. Ni kamaghin fogh, ni uabi uan osimtzizim bagh aremegham.”

³⁸ Ezi Simei kamaghin a ikaragha ghaze, “Atrivim, nin akam bar dera, ezi ki ni mikemezi moghin damuam.” Kamaghin

^{2:26:} 1 Samuel 22:20-23; 2 Samuel 15:24
^{2:27:} Ni 1 Samuel 2:27-36 in gan.

^{† 2:27:} Ni 1 Samuel 2:27-36 in gan.

^{‡ 2:28:} Ni akar 1 Atriviba 1:50 in itimin gan.

amizi, Simei dughiar ruarinmin Jerusalemin iti.

³⁹ Ezi azenir 3pla ghua givazi, Simein ingangarir gumazir kinir pumuning ara ghua, Getin nguibar ekiamin Atrivim Akis ko iti, a Makar otarim. Ezi gumazir maba kamaghin Simei migei, “Nin ingangarir gu-mazir kamning ghua Getin iti.” ⁴⁰ Ezi Simei zuamira dikavigha uan donki gaper-aghah, uan ingangarir gumazimning buri-asu Atrivim Akis bagha Getin ghu. An aningin apigha, aning inigha uamategha Jerusalemin ize.

⁴¹ Ezi Solomon kamaghin oraki, Simei Jerusalem ategha Getin ghughah uamategha ize. ⁴² Kamaghin amizi a Simein diazima a izima, a kamaghin a migei, “Ki ni gamizima, ni Ikiavira Itir Godin damazimin akar dikirizim akrirgha ghaze, Ni Jerusalem ategh tintinibar daruan kogham. Egha ki kamaghin pamtemin ni migia ghaze, Ni nguibar ekiam ateghti, ki zuamira aruer kamra ni misueghti ni aremegham. Ezi ni kamaghin na ikara, A dera, ki nin akamin gin mangam.” ⁴³ Egha ni bizir tizim bagha, Ikiavira Itir Godin ziamin amizir akar dikirizim abigha, uaghan nan akam batok?”

⁴⁴ Egha atrivim ua kamaghin migei, “Arazir kurar ni nan afeziam Devit gamiziba, ni bar adagh fo. Ezi datirighin ni amizir arazir kurar kaba bagh, Ikiavira Itir God, mizazim ni gasam.” ⁴⁵ Egh Ikiavira Itir God deraghvira na damuva, egh zurara Devitin ovavir boribar amuti, me atrivibar ottavam.”

⁴⁶ Ezi Simei ghuzima, Atrivim Benaia a migia ghaze, “Ni mangiva Simei misueghti an aremegh.” Ezi Benaia atrivim ategha ghua Simei misoghezi an areme.

Solomon datirighin atrivir bar gavavin otozi, gumazitam anebinan ibura.

3

*Solomon nighnizir aghuim bagha
God ko migei*

(Eghaghaniba 1:3-12)

¹ Egha Solomon, Isipian atrivimin guivir mamin ikia, egha arazir kamin a Isipian atrivim ko akam akiri, egheti kantrining deraghvira iki, uaning misoghan kogham. Solomon uan amuum inigha Devitin Nguibar Ekiam Jerusalemin ize. Amizim danganir kamin ikiavira itima, Solomon uan dipenim ko Ikiavira Itir Godin Dipenim ko divazir Jerusalem avinizimin ingari. ² Israelia tighar Ikiavira Itir God bagh Dipenir tamin ingaram. Kamaghin amizi, me tintinibar mighsiabar ghuavanaga an

ziam fasa ofabagh ami. ³ Ezi Solomon Ikiavira Itir God gifuegha, uan afeziam Devitin min arazir God ifongezibar gin zui. Egha an arazir mam ikufi, an asiziba ko pauran mughuriar aghuim zuim isa Ikiavira Itir God bagha mighsiabar dar ofabagh ami.

⁴ Nguibar ekiam Gibeon, a mighsiamin pin ikia egha ofa gamir danganir ekiam iti, egha ofa gamir danganir igharazibagh afira. Ezi me kagh ghuegha Ikiavira Itir Godin ziam fe. Kamaghin amizi, dughiar kamin Solomon ofa damuasa Gibeonin ghu. Solomon 1,000plan asiziba inigha ofan bar isia mighiriba tuasa Gibeonin ofan dakozir kamin ghua da tue. ⁵ Dimagarir mam, Solomon Gibeonin nguibamin ikia akua ire-bamin garima, Ikiavira Itir God uabi an akagha a migia ghaze, “Ni bizir tizim gifongegh, nan azaraghti, ki ni daningam.”

⁶ Ezi Solomon kamaghin an akam ikaragha ghaze, “Nan afeziam Devit, nin damazimin zurara guzin araziba bar deraghvira dar gin ghua, egha arazir aghuir voroghira itim gami. Ezi kamaghin amizi, ni zurara bar an apangkuvigha, bar deraviram a gami. Egha datirighin ni uaghan kamaghin amuavira iti, ezi ki an otarim, ni na ataghizi, ki an danganim inigha atrivimin iti.” ⁷ O Ikiavira Itir God, ni nan God. Ki nin ingangarir gumazim, ni na gamizi, ki uan afeziam Devitin danganim inigha atrivimin iti. Ki igiamra ikia ingangarir kam damuamin fofoziba puvati. ⁸ Nin ingangarir gumazim datirighin, ni ua baghavira misevezir gumazamizibar tongin iti. Me bar avirasemezi, gumaziba me mengan ibura. ⁹ Kamaghin amizi, ni nighnizir aghuim ko fofozim na danighti, ki deraghvira nin gumazamizibagh ativagh men ganam. Egh ki fogham, arazir manam a dera, manam ikufi. Puvatighti, ki manmaghira nin gumazamizir avirir kam gativagh men ganam? Guizbangira, gumazitam uabi me gativan iburaghram. Ki uabi ki fofoziba bar puvati.”

¹⁰ Ezi Ekiam Solomonin azangsizir kam baregha, Solomon bagha an navim bar dera. ¹¹ Egha God Solomon migia ghaze, “Ni dughiar ruarinmin nguazir kamin ikiasi, nan azangsizir puvati, egha dagiar aviriba iniasia nan azai puvati, egha uan apani-bagh asighasighasa nan azai puvati. Ni Israelia gativagh deraghvira men ganamin nighnizir aghuim ko fofozim iniasia nan azai. ¹² Kamaghin amizi, ki guizbangira, bizir ni uabi daningasa nan azangsizim, ki a isi ni daningam. Ki datirighin nighnizir aghuim ko fofozir aghuim ni daningam.

Gumazitam fomira fofozir kamagh garitam itir puvati, egh uaghan gin gumazitam fofozir kamagh garitam ikian kogham. ¹³ Guizbangira, ni ziar ekiam ko dagiar aviruba ubi daningasa nan azarazir puvati. Ezi ki bizir kaba bar ni daningam. Dughiar ni atrivimin ikiamim, atrivir igharazitam ni itir ziar ekiar kam itir puvati. ¹⁴ Egh ni uan afeziam Devitin min nan tuaviba ko arazir ki ifongeziha ko nan Akar Gavgavibar gin mangiti, ki ni damutti ni dughiar ruarimin nguazir kamin ikiam.

¹⁵ Ikiavira Itir God mikemegha givazi, Solomon osegha dikavigha fo, a irebammin gani. Egha gin a uamategha Jerusalemin ghugha, Ekiamin Akar Dikirizir Gavgavir Boksiamin boroghin tu. Egha ofan bar isia mighiriba ko ofan God ko navir vamiran ikiamim gami. Egha bizir kamin gin, a uan ingangarir gumaziba bagha isar ekiam gami.

Nighnizir aghuim Solomonin akurazi a deravira kotiam gami

¹⁶ Dughiar mamin, tuavimin amizimning uan osintizim akirasa atrivim bagha ize. ¹⁷ Amizir mam kamaghin migei, "Nan gumazir ekiam, ga uaning, ni oragh. Ki amizir kam ko ga uaning inigha dipenir vamiran ikia, ki otarir mam bate. Egha ki borir kam batir dughiamin, amizir kam uaghan na ko dipenimin iti. ¹⁸ Aruer pumuning givazi, mikezim otozi, a uaghan otarir mam bate. Ga uaningra dipenimin iti. Ezi igharazitav ua ga ko dipenir kamin itir puvati. ¹⁹ Ezi dimangan, an akuav onganigha iragha iza uan borim gisin mitozi an areme. ²⁰ Ezi dimangan ki akuvira itima, a nan borim inigha uan misiamin ghu, egha uan borir kuar kam inigha iza nan boroghin aneti. ²¹ Ki mizaraghara dikavigha otém uan borim daningasa amua garima, an aremehga gifa. Egha ki deraghavira an namnamin gara anesavsuiha ghaze. Kar borir ki otezim puvati."

²² Amizir kam mikemegha givazi, amizir igharazim kamaghin migei, "Puvati. Borir aremezim, a nin borim. Ezi borir angamira itim, a nan borim." Aning atrivimin damazimin uaning adosi.

²³ Ezi atrivim kamaghin aning migei, "Gua uaghara akar vamira bagha uaning adosi. Mav ghaze, 'Otarir angamira itim a nan borim.' Ezi igharazitav uaghan ghaze, 'Bar puvati. A nan otarim.'

²⁴ Ezi atrivim kamaghin uan ingangarir gumazibav gia ghaze, "Ia midorozir sabatam inigh izi." Ezi me ghua midorozir sabam inigha atrivim bagha ize.

²⁵ Ezi a kamaghin me migei, "Ia otarir angamira itir mam, inigh izi tongiram anebigh, egh an akuar vuem isi amizitam daningigh, egh an akuar vuem isi amizitam daningigh."

²⁶ Ezi guizin borir kamin amebam bar uan borimin apangkuvigha kamaghin atrivim migei, "Nan gumazir ekiam, marki. Ga uaning! Ni borim amizir munam daningigh. Ni a misuegħti an aremehgan marki."

Ezi amizir igharazim ghaze, "Puvati. Ni gan tav daningan kogham. Ni pura tongiram anebikigh."

²⁷ Ezi atrivim kamaghin migei, "Ia borim misuegħti an aremehgan marki. Ia borim isi amizir borir angamira ikiasi migeim daningigh. E fo, anarira guizin borir kamin amebam."

²⁸ Ezi gin Israeliān gumazamiziba bar, Atrivim Solomon kotiamin aven amizimning gamizir nighnizir aghuir kam baregha, dikavir kuram gamigha ziar ekiam a ganid. Egha me kamaghin fo, God uabir, guizin arazimmin gin mangi osintiziba akiramin fofozim ko nighnizir aghuim a ganingi.

4

Atrivim Solomonin ingangarir gumazir dapaniba

¹ Atrivim Solomon Israeliān danganiba bar a dagh atifa. ² Ezi an ingangarir gumazir dapanibar kara:

Sadokin otarim Asaria, an ofa gamir gu-mazim.

³ Sisan otarir pumuning, Elihorep ko Ahiya, aning atrivimin akinafariba osirir gumazimning.

Ahilutin otarim Jehosafat, an atrivim amir biziba bar, a dar eghaghaniba osirir gumazim.

⁴ Jehoīadan otarim Benaia, a midorozir gumazibar dapanim.

Sadok koma, Abiatar, aning ofa gamir gu-mazimning.

⁵ Natanin otarim Asaria, a distrighbar garir gumazir dapanibar dapanim.

Natanin otarim Sabut, a ofa gamir gu-mazim, egha a gumazir guizin nighnizir aghuiba atrivim ganidim.

⁶ Ahisar an atrivimin dipenimin ingangaribar garir gumazir dapanim.

Apdan otarim Adoniram, an atrivimin ingangarir gumazir kinibar dapanim.

⁷ Ezi Solomon uaghan 12plan gumazir dapanibav sefe. Eghi me Israeliān distrighin

12pla gativagh dar dagheba iniva, egh atrivim ko gumazamizir a ko an dipenimin itiba bagh da amangiti, me dar amam. Azeniba bar zurara, 12plan iakinibar tongin, iakinir vamira, distrighin kaba vaghvagh men iakinimra, me dagheba isi atrivim ko an dipenimin itir adarasi, me daghebar men akurvaghram. ⁸ Ingangarir gumazir dapanir distrighin kabar garibar ziabar kara:

Benhur, a Efraimin anabamin mighsiaba itir danganimin garir gumazim.

⁹ Bendeker, a nguabar ekiar kabar gari: Makas, Salbim, Betsemes ko Elon Bethanan.

¹⁰ Benheset, a nguabar ekiar kabar gari: Arubot, Soko ko, Heferin nguabar ekiamin nguaziba.

¹¹ Ben Abinadap, Dorin nguabar ekiam ko an boroghin itir mighsiabar itir danganim gari. A Solomonin guivir mamin iti, an ziam Tafat.

¹² Ahilutin otarim Bana, a nguabar ekiar kabar gari: Tanak, Megido, ko Betsanin nguabar ekiam ko an boroghin itir nguazim. Nguazir kam a Saretanin nguabar ekiamin boroghin, Jesrilin nguabar ekiamin Sautin amadaghan iti. Distrighin kamin mitaghniam, aruem anadi naghin Abel Meholan ikegha ghua, Jokmeamin nguabar ekiamin aruem uaghiri naghin tu.

¹³ Bengeber, a Gileatin Distrighin itir Ramotin nguabar ekiamin gara, egha uaghan gumazir kam Jair, an nguibabar gari, a Manasen anabamin gumazir mam. Nguibar kaba uaghan Gileatin nguazimin iti. A uaghan Argopin danganimin gari, a Distrik Basanin iti. Distrighin kam a 60plan nguabar ekiaba iti, da bar divazir gavgaviba ko tiar akar gavgaviba iti. Tiar akar kaba, me brasin ingarizir igugunir gavgavibar da asi.

¹⁴ Idon otarim Ahinadap, a Mahanaimin nguabar ekiamin gari.

¹⁵ Ahimas, a Naptalin anabamin nguazimin gari. A Solomonin guivir ighazarim Basematin iti.

¹⁶ Husain otarim Bana, an Aserin anabamin nguazimin gara, egha uaghan Bealotin nguabar ekiamin gari.

¹⁷ Paruan otarim Jehosafat, a Isakarin anabamin nguazimin gari.

¹⁸ Elan otarim Simei, a Benjaminin anabamin nguazimin gari.

¹⁹ Urin otarim Geber, a Gileatin Distrighin gari. Fomira distrighin kam, Amorian Atrivim Sihon ko Basanin Atrivim Ok, aning an ikia an gari.

Ezi gumazir dapanir vamira, a Judan Dis trighin ikia distrighin kabar gumazir dapanir kaba bar adar gari.*

Solomon atrivimin itima kantri bar deraghaviram oto

²⁰ Juda ko Israelin gumazamiziba bar aviraseme, mati ongarir gigim. Me dagheba ko dipaba apava bar akonge.

²¹ Solomon kantrin kaba bar dar atrivimin iti, da Yufretisin Fanemin aruem anadi naghin ikegha ghua, Filistiabar nguazimin aruem uaghiri naghin otogha ghua, sautin amadaghan, Isipin mitaghniamin tu. Kantrin kaba bar Solomonin apengan ikia, egha dughiabar uan takisba isa a bagha iza ghua, dughiar an aremezimin tu.

²² Arueba bar vaghvagh Solomon kaghin dagheba isi, 6,000 kilogram plaua ko 3,000 kilogram plauan aghuiba, ²³ ko 20plan bulmakauba, ko 10plan bulmakaun me akuaghapir mikarziba sara itiba, ko 100plan sipsipba, ko dian ruarimin itiba, ko tuarir mikarziba sara itiba ini.

²⁴ Solomon Israelin boroghin itir kantriba bar adar gara ghua, aruem anadi naghin Yufretisin Fanemin tu. An nguazir mitaghniam, Yufretisin Fanemin boroghin itir nguabar ekiam Tipsan ikegha, bar ghua aruem ghuaghiri naghin itir nguabar ekiam Gasan tu. Danganir kabar itir atriviba bar an apengan iti, ezi kantrin ighazarir an boroghin itiba, me an apanim gamir puvati. ²⁵ Solomon atrivimin itir dughamin, Juda ko Israelin nguaziba bar dar gumazamiziba, me Danin nguabar ekiamin ikegha ghua Berseban nguabar ekiamin tu, me bar deraghavira uan wainin azeniba ko fighin temebar boroghin apiav iti. Ezi bizir kuratam me batozir puvati.

²⁶ Solomon hoziabar arighamin dipenir aviriba iti, kar hoziar midorozir karisba mikirvaziba. Ezi a 40,000plan hoziaba dipenir kabagh arisi. Solomon uaghan 12,000plan midorozir gumaziba iti, me hoziabagh apia misozir gumaziba.

²⁷ Distrighin kaba vaghvagh dar 12plan gumazir dapanira, me Atrivim Solomon bagha iakinir a me bagha inabazimin dagheba iniasa zui. Dagher kaba, da atrivim ko gumazamizir an dipenimin ikia a ko apibar dagheba. Gumazir dapanir kaba, me bar deraghavira uan ingangarim gami, ezi atrivim dughiar tamin daghebar otevezir puvati. ²⁸ Iakinir atrivim inabazimin, me uaghan, hoziar karisbagh etuiba ko hoziar ighazariba bagha, baliba ko graziba isa izi. Me hoziaba bagh dagher kaba inigh, vaghvagh danganir hoziaba iti naghin mangam.

* ^{4:19:} Hibrun akam kagh deragha bigha migeir puvati.
Atriviba 10:26; 2 Eghaghaniba 1:14; 9:25

^{4:21:} Jenesis 15:18; 2 Eghaghaniba 9:26

^{4:26:} 1

²⁹ God, nighniziba ko fofozir aghuir aviriba isa Solomon ganingi. A fofozir bar aghuiba iti, mati ongarimin gigim, ezi gumazitam da mengan iburaghram. ³⁰ An fofozim ko nighnizir aghuim, aruem anadi naghin itir fofozir gumazibar ko, Isipin itir fofozir gumazibar fofoziba bar dagh afira. ³¹ Solomonin fofozim, a nguazir kamin fofozir gumazibar fofoziba bar dagh afira. Solomonin fofozim, uaghan Etanin fofozim gafira. Etan a Esran adarazir fofozir gumazir mam. Solomonin fofozim uaghan Maholin otaribar fofozim gafira, Maholin otaribar izibar kara, Heman, Kalkol ko Darda. Kamaghin amizi, Israelin boroghin itir kantriba bar, dar gumazamiziba, an ziar ekiamin akam barasi. ³² Solomon, 3,000plan aghuzir akaba osirigha, egha uaghan 1,005plan ighiaba osiri. ³³ An akaba, biziba bar dav gei, mati Lebanonin sidan temer ekiam ko, hisopin min garir temer dagiar divazir miriabar aghuibav gei. A uaghan asizir aviriba ko, kuaraziba ko ipeba ko, osiriba sara migei. ³⁴ Kantriba bar dar atriviba, Solomon barazi, a nighnizir aghuim ko fofozir aghuim itima, ezi me gumaziba amadima me iza an akar aghuiba barasi.

5

*Solomon Ikiavira Itir God bagha Dipenimin ingarasa bizibar kiri
(2 Eghaghaniba 2:1-18)*

¹ Fomira Hiram Tairin atrivimin ike, a fomira Atrivim Devitin namakar aghuim. Egha Hiram kamaghin oraki, Solomon, Devitin danganim inigha atrivimin oto, ezi a uan ingangarir gumazir dapaniba Solomonin ganasa me amada. ² Ezi Solomon, Hiram bagha akam amaga ghaze, ³ “Ni fo, nan afeziäm Devit atrivimin itir dughami, apaniba zurara izava a ko misosi. Kamaghin a Ikiavira Itir God, uan Godin ziam famin Dipenimin ingaramin dughiaba puvati. A kamaghin nighnisi, Ikiavira Itir God apanir kaba abinighti, ki uan Ikiavira Itir Godin Dipenimin ingaram. ⁴ Ezi datirighin, Ikiavira Itir God, nan God, kantrin igharazibagh amizima, me e ko deraghaviram apia. Kantrin kaba datirighin uam en apanim gamir puvatizi, arazir kuratam e batozir puvati. ⁵ Kamaghin amizi, ki datirighin Ikiavira Itir God, nan God, an ziam famin Dipenimin ingarasa ifonge. Ikiavira Itir God fomira nan afeziäm ko akar kam akirigha ghaze, ‘Ki nin otaritam amiseveghti, a nin danganim inigh atrivimin ikiam.

Egh a na bagh Dipenimin ingaram, eghti gumazamiziba Dipenir kamin na bagh roghira izi nan ziam fam.’ Kamaghin amizi, ki datirighin a bagh Dipenimin ingaram. ⁶ Kamaghin amizi, ni uan ingangarir gumaziba, amadaghtima me sidan temeba okisi, Lebanonin Mighsiabar mangi, eghti ki dar Dipenir kamin ingaram. Ni fo, Saidonia temeba oka bar fo, ezi nan ingangarir gumaziba fazir puvati. Kamaghin amizi, ki uan ingangarir gumaziba amadaghtima, me puram men akurvaghisi izam. Eghti ni manmaghin dagiaba, uan ingangarir gumazibagh ivesi ifueghti, ki pura ni daningam.”

⁷ Ezi Hiram, Solomonin akar kam baregha, an navim bar dera, ezi a kamaghin migei, “E datirighin Ikiavira Itir Godin ziam fam. Guizbangira, an otarir aghuim isa Devit ganingizima, an an danganim inigha, atrivimin otogha kantrin gavgavir kamin gari. Devitin otarir kam, a bar nighnizir aghuiba ko fofoziba iti.” ⁸ Egha Hiram kamaghin Solomon bagha akam amaga ghaze, “Ki nin akam baregha givagha, an amamangati. Ki ni bagh temer sidaba ko painin temeba amangam. ⁹ Nan ingangarir gumaziba Lebanonin temeba okegh, da inigh ongarir dadarimin mangam. Me da akuvagh, pamtemin da ikegh, dar ikiziba inigh ongarimin izi, ongarir dadarir ni misevezimin dar arigham. Danganir kamin, nan ingangarir gumaziba dar beniba firighti, nin ingangarir gumaziba da iniam. Bizir vamira ni na bagh a damuasa ki ifonge, ni na ko nan dipenimin iti darazi bagh dagheba amang.”

¹⁰ Kamaghin amizi. Hiram Solomon bagha temer sidaba ko painin temer aviriba oke, ezi da Solomon diborozir dibobonimin tu. ¹¹ Ezi zurara azeniba vaghvagh Solomon 2,000 tan witha ko, 4,000 litan* olivin borer aghuiba isa, Hiram uan adarazi ko damasa me bagha da amadi.

¹² Ikiavira Itir God, akar dikirizir amizimin girara ghua fofozim ko nighnizir aghuiba Solomon ganingi. Ezi Hiram ko Solomon, namakar aghuimningin oto. Aning deraghavira ikiasi, akar dikirizir gavgavir mam gami.

¹³ Atrivim Solomon 30,000plan gumaziba, Israelian danganibar bar me inigha uan ingangarir kam damuasa me migei.

¹⁴ Egha an okoruuar 3plan me abiki, ezi okoruuba vaghvagh 10,000plan gumaziba iti. Eghti iakiniba vaghvagh, gumazir okoruuar tam mangi Lebanon kantrin ingangaribar amu ua izam. Eghti iakinir igharazimin

4:31: Onger Akaba 89:1 **4:32:** Aghuzir Akaba 1:1; 10:1; 25:1; Solomon 1:1 **5:5:** 2 Samuel 7:12-13; 1 Eghaghaniba 17:11-12; 28:6 * **5:11:** Gumazir fomira itir maba akar kam gira, egha me ghaze, akar kam 400,000 litan migei. Ni 2 Eghaghaniba 2:10in gan. **5:14:** 1 Atriviba 12:18

okoruar igharazim mangi ingaram. Ezi okoruar 3plan kaba kamaghin ami, tam mangi Lebanonin kantrin iakinir vamiran ingarigh, egh ua izi iakinir pumuningin nguibamin ikiti, igharazim mangam. Me kamaghin uarigh itavratha ingari. Ezi Adoniram a ingangarir gumazir kabar gari. ¹⁵ Ezi Solomon uaghan 80,000plan dagiabar aghorir gumaziba ini, ezi me mighsiabar dagiabar ghori. Egha dagiaba aterasa 70,000plan gumaziba ini. ¹⁶ Egha a uaghan ingangarir gumazir kabar ganasa gumazir dapanir 3,300plan maba amisefe. ¹⁷ Ezi ingangarir gumazir kaba Solomonin akamin gin ghua, danganir dagiar bar aghuiba iti naghin dagiabar ghora, dagiar dafar bar dirir pin koziba aghora, egha deravira dar kiri. Egha me da atera Jerusalemin ghua da arisi, egheti gin me Godin Dipenimin ingarsi, dagh isin Dipenim asam. ¹⁸ Ezi dipenimin ingarir fofozir gumaziba uaghan Solomon ko Hiramin ingangarir gumazibar tongin iti. Egha me Gebalin nguibar ekiamin ingangarir gumaziba ko ingara, Godin Dipenimin ingaramin dagiaba akira temeba abisi.

6

Solomon Ikiavira Itir God bagha Dipenimin ingari

¹ Israelia Isip ataghizir dughiamin ikegha iza datirighin, kar 480plan azeniba. Ezi azenir kam kar namba 4in azenir Solomon Israelian atrivimin itim. Ezi azenir kamin namba 2in iakinim, kar iakinir me kamaghin diborim Siv,* Solomon Ikiavira Itir Godin Dipenimin ingari. ² Dipenir Atrivim Solomon Ikiavira Itir God bagha ingarizir kam, an ruarim 30 mitan tu, ezi an arozim 10 mitan tu, ezi an tuiriyim, a 15 mita ko akuamin tu. ³ Ezi azuarir mam Dipenimin guamin iti. An ruarimin ababanim, mati Dipenimin arozimin ababanimin min 10 mitan tu. Ezi an ruarim 5 mitan tu. ⁴ Dipenir kamin biriba winduuba iti, ezi winduan kaba dipenimin aven ekevegha, azenan bar sufi. Me winduan kaba, bizar torir muziarir aviriba itibar da ave, egheti angazangarim Dipenimin aven izam.[†] ⁵ Ezi danganir muziarir aviriba, Dipenimin miriar 3pla, bar da ekiarugha gavgavim Dipenimin biribagh anidi. ⁶ Danganir muziarir kaba, da uarigh isin ikia ghuava anaga 3plan ghuriaba iti. Me ghuriar kabar ingarasa, ghuriar 3plan apengen iti akoribar arighasa, me Dipenimin biribar toribar amuan aghua. Kamaghin amizi, me ghuriar namba 2

bagha dipenir akoriba arighasa, an birim gekuigha mong aven ghu, egheti dipenir akorir kam arighamin danganim ikiam. Me kamaghira namba 3in ghuriam uaghan a gami. Kamaghin amizima, ghuriar namba 1, a suvizi an arozimin ababanim, 2 mita ko 28 sentimitan tu. Ezi an pin itir ghuriar namba 2, a mong ekevezi, an arozimin ababanim 2 mita ko 74 sentimitan tu. Ezi ghuriar namba 3, an ekevezi an arozimin ababanim 3 mita ko 20 sentimitan tu.

⁷ Me dagiaba inizir danganimin, me bar deraghavira dagiaba inizir danganimin dar ghora da avis. Egh me gin ada inigh iyi, Ikiavira Itir Godin Dipenimin ingaram. Kamaghin amizi me dipenimin ingarir dughiamin, hamaba ko, sobiaba, ko ainbar ingarir bizar igharaziba, dar niginiba puvati.

⁸ Ghuriar pin itimningin ghuavanadir adiriziam iti, a Dipenimin sautin amadaghan iti. ⁹ Ezi Solomonin ingangarir gumaziba, me Dipenimin miriabar itir ghuriar kabar ingari, egha sidan temer arariba inigha dipenir siriamin ingari. ¹⁰ Dipenim avinizir danganir kam, a ghuriar 3pla iti. Ezi ghuriar kabar tuirivimin ababaniba da bar 2 mita ko 28 sentimitan tu. Me sidan temeba inigha Dipenimin biribar poghezi, da dipenir akoribar min ikia ghuriar kaba gavgavim dagh anidi.

¹¹ Ezi Ikiavira Itir God gin kamaghin Solomon migei. ¹² “Dipenir ni datirighin na bagha ingarir kam, ki akam nin iti. Ni deraghvira arazir ki ifongeziba, ko bizar ki damuasa ia mikemeziba, ko nan Akar Gavgavibar gin mangitima, ki deraghvira ni damuam, mati ki fomira nin afeziam Devit bagha akam akirizi mokin.” ¹³ Egh ia Israelia, ki ian tongin ikiam, ia nan gumazamiziba. Egh ki ia ateghan kogham. Bar puvati.”

Me Ikiavira Itir Godin Dipenimin danganiba asingi (2 Eghaghaniba 3:8-14)

¹⁴ Ezi Solomon uan ingangarir gumaziba ko me Ikiavira Itir Godin Dipenimin ingarigha gifa. ¹⁵ Me Dipenimin aven itir biriba avasa sidan temer arariba inigha da ave, an ghuriar aruir danganimin ikegha, ghua an siriamin tu. Egha me painin temer arariba inigha an ghuriar vazimin itimin da ghuani. ¹⁶⁻¹⁷ Me Ikiavira Itir Godin Dipenimin aven danganir ekiar mam abigha, birimin ingari. Danganir bar aven itim, me kamaghin a dibori, Danganir Bar Anogoroghezim, ezi an ruarimin ababanim

* **6:1:** Israeliyan iakinir kam Siv, an April ko Mein dughiamin otifi. **6:4:** Hibrun akam, danganir kamin deragha bigha a migei puvati. **6:7:** Ua Me Ini 20:25; Godin Araziba 27:5; Josua 8:31 **6:14:** 2 Eghaghaniba 3:1-14 **6:16-17:** Ua Me Ini 26:33-34

10 mitan tu. Ezi danganir ighazarizim, me kamaghin a dibori, Anogoroghezir Danganim, ezi an ruarimin ababanim 20 mitan tu. Birir aning abighizir kam, me temer sidan araribar an ingari. Ezi birir kam ghuvanaga dipenir siriamin tu.¹⁸ Me sidan temer arariba inigha biriba bar da ave. Eighti gumaziba biribar dagiabar ganan kogham. Egha me seviba ko akimarin onezibar nedazir aghuariba ter ararir kabar dar ghore.

¹⁹ Me Ikiavira Itir Godin Akar Dikirizir Gavgavimin Boksiam arighasa, Dipenir kamin aven Bar Anogoroghezir Danganimin ingari. ²⁰ Bar Anogoroghezir Danganimin ababaniba, bar voroghira ghue, an ruarim 10 mitan tuzi, an arozm uaghan 10 mitan tu, ezi an turivim uaghan 10 mitan tu. Me golin aghuiba inigha danganir kamin biriba ave. Danganir kamin tiar akamin boroghin, me temer sidan ofa gamir dakozir mamin ingari. Egha me uaghan ofa gamir dakozir kam golin da ave.[‡] ²¹ Me golin aghuim inigha Anogoroghezir Danganimin aven an biriba bar da ave. Me uaghan sen golin ingarigha Danganir Bar Anogoroghezimin tiar akamin da agui. Me danganir kamin biriba golin da ave. ²² Kamaghin amizi, Ikiavira Itir Godin Dipenimin averiam ko ofa gamir dakozir Danganir Bar Anogoroghezimin aven itim, me golin aghuimin bar da ave.

²³⁻²⁶ Me olivin temeba inigha enselin bar gavgavir pumuningin nedazimning ingari, egha aning isi Bar Anogoroghezir Danganimin aven aning asam. Aningin ruarimningin ababanim 5 mitan tu. Enselen bar uaghara gari. Aningin avizimning kuigha voroghira iti. Ezi aningin avizimningin ruarimin ababanim vaghvaghha 2 mita ko 50 sentimitan tu. Kamaghin amizi, enselin bar gavgavir mamin avizimningin ruarimningin ababanim 5 mitan tu. ²⁷ Me enselin bar gavgavir kamningin ingarigha givagha, aning isa Bar Anogoroghezir Danganimin aning asara. Enselen mam agharir guvimin tughav itima, an avizim agharir guvimin itir birimin poro. Ezi enselin ighazarim, an agharir kiriamin tughav itima, an avizim agharir kiriamin itir birimin poroghav iti. Ezi aningin avizir ighazarimning iza Bar Anogoroghezir Danganimin tongin, uaningin akuigha uaning bira. ²⁸ Me uaghan golin enselin kamning avara.

²⁹ Egha me Bar Anogoroghezir Danganim ko, Anogoroghezir Danganim, aningin biriba, enselin bar gavgavir nedaziba,

ko akimarin onezibar nedaziba, ko detin tememin nedaziba, dar kira dar ghori. ³⁰ Egha me gol inigha an ghuriar aruir danganimning avara.

³¹ Egha me Bar Anogoroghezir Danganim bagha olivin temer arariba inigha, tiar akar pumuningin ingari. Egha me tiam asir danganimin ter akinir 5plan mikebaba itimningin aning agura. Egha dughiar me tiam asim, tiar kamning iza uaghara uaning dukua. ³² Tiar akar kamning, me enselin bar gavgavibar nedaziba ko detin temebar nedaziba ko akimarin onezibar nedazibar, aningin dar kira dar ghore. Egha me gol inigha tiar akamning ko, nedazir kaba saram avara.

³³ Kamaghira, me Dipenimin Danganir Anogoroghezimin aven zuir tiar akamningin ingarasa, olivin temer ararimning inigha guarir akinimning tiar kamning arighamimin ingari. Ezi guarir akinir kamning, vaghvaghha 4plan miriaba iti.

³⁴ Egha me painin temer ararir ruarir 4pla inigha tiar akar pumuningin ingari. Tiar akar kamning vaghvaghha akuar pumuning iti, ezi me ainsisbar da isav suiki. Pumuning vongin itima, pumuning vongin iti. Da kuamin dughiamin da isivagh isivagh mangi uarigh puegham. Egha me tiar akar kamning isa, tiar akamin danganimin aning asara, mati me Bar Anogoroghezir Danganimin tiar akam gamizi mokin. ³⁵ Egha me enselin bar gavgavibar nedaziba, ko detin temebar nedaziba ko akimarin onezibar nedazibar, aningin dar kira dar ghore. Egha me gol inigha tiar akamning ko, nedazir kaba saram avara.

³⁶ Egha me Dipenim boroghin itir danganir arozim avinizir divazimin ingarasa, dagiar deragha dighoregha dikiriziba inigha, 3plan bizibar da arisi, me da uarigh isin arisi. Egha me sidan temer arariba dagiar kabagh isin arisi. Egha me ua dagiar 3plan bizibar uarigh isin arigha, temer araribar bizir mam dagiabagh isin ati, me kamaghira amua ghua divazir kam agifa.

³⁷ Solomon namba 4in azenimin atrivimin itir dughiamin, an iakinir namba 2in, me Ikiavira Itir Godin Dipenimin apengen itir mingarir gavgavim ati. Iakinir kam me kamaghin a dibori, Siv, iakinir kamin me dipenim asasa dagiaba isa bizibar da arisi. ³⁸ Ingangarir gumaziba 7plan azenibar Dipenir kamin ingari, egha Solomon atrivimin itir azenir namba 11, an iakinir namba 8in aven, me Dipenimin ingangariba bar da agifa. Me iakinir

[‡] 6:20: Hibrun akam danganir kamin deragha bigha a migeir pu. ^{6:22:} Ua Me Ini 30:1-3 ^{6:23-26:} Ua Me Ini 25:18-20 ^{§ 6:38:} Israeliak iakinir kam Bul, a en iakinir Oktoba ko Novemban dughiamin otifi.

kam kamaghin a dibori, Bul.[§] Solomon mikemezi moghira, me ingangariba bar deraghavira dagh amizi, Dipenimin ingangariba bar deraghaviram oto.

7

Me Solomon bagha dipenir ekiamin ingari

¹ Solomon ua bagha atrivimin dipeniba itir danganir mamin dipenimin ingari, ezi an ingangarir gumaziba ingara ghuavira itima, 13plan azeniba givazi, danganir kamin dipenir kaba gifa. ² Solomonin ingangarir gumaziba, dipenir ekiar mamin ingari, egha ziam a garigha ghaze, Lebanonin Ruarir Pizimin Dipenim. Dipenir kamin ruarin ababanim, 50 mitan tu, ezi an arozimin ababanim, 25 mitan tu, ezi an tuirivimin ababanim, 15 mitan tu. Dipenir kamin, me temer sidan dipenir akiniba isa 4plan bizibar da ase. Egha me dipenimin tuirivimin pin, sidan ter ararir ruariba inigha akoribar min dipenir akinibagh isin da ariki. ³ Egha dipenimin arozimin gin ghua, me akoriba isa 3plan bizibar gin ghua dipenir akinibagh isin da tuamraki. Akorir kabar dibobonim, 45in tu, ezi biziba vaghvagha 15plan akoriba iti. Egha me sidan temer bighizibar arariba inigha an siriamin ingari. ⁴ Dipenimin birir vong ko vongin itiba uaghara winduan bizir 3pla iti. Me winduaba deraghavira dar abaraghha dar ingarizi, da birmningin vong ko vongin ikia, bar voroghira gara iti. ⁵ Dipenir kamin tiar akaba, da 4plan miriaba iti. Egha tiar akar kaba, da bizibar aven itima, biziba vaghvagha tiar akar 3pla iti.

⁶ Egha me dipenir mamin ingarigha kamaghin a dibora ghaze, Dipenir Akinir Ekiar Aviriba Itir Dipenim. Dipenir kamin ruarin ababanim, 25 mitan tu, ezi an arozimin ababanim, 15 mitan tu. Dipenir kamin azuarimin akiniba, da azuarir kamin isiriam gisaghpu.*

⁷ Egha me uaghan Atrivimin Dabirabimin Dipenimin ingari. An ziar ighazariz mam Dipenir Kotiaba Barazim. Kar dipenir Solomon gumazamizibar osimtiziba baraghaim. Me sidan temeba abigha dar arariba inigha, dipenir kamin biriba apira, ghuriamin arui naghin ikegha, ghuavanaga an siriamin tu.[†]

⁸ Egha me arazir kamin gin ghua Solomonin dipenir a ubi ikiamim bagha, me divazir ighazarimin aven, Dipenir Kotiaba Barazimin girakirangin an ingaravira iti. Egha me uaghan dipenir ighazaribar

min an ingari. Solomon uaghan dipenir kamaghira garim uan amuim bagha an ingari. A Isipin atrivimin guivim.

⁹ Dipenir kaba bar, me dagiar bar aghuibara inigha dipenir kabar ingara, dar ghuriabar arui naghin ikegha ghua dar siriabar tu. Egha uaghan danganir uari akuvamim avinizir divazimin ingari. Dagiar kaba, me dar ghora, egha soba ko siselba isa deravira dar miriabar kiri. ¹⁰ Egha dipenir kabar apengan itir mingariba bagha, me dagiar aghuir bar pin koziba ini. Dagiar kaba, da bar ekefe, dar mabar ababanim, 3 mita ko akuamin tu, ezi mabar ababanim 5 mitan tu. ¹¹ Me dagiar ekiar kaba arigha givagha, dagiar dirir me deraghha dighora dikiriziba inigha, uaghan sidan temeba isa dipenibar ingari. ¹² Egha dipenir kaba itir danganir kam, me anevinizir divazim bar an ingarava aneghui. Divazir kam, me an ingara, dagiar aghuir me deraghha dighora dikiriziba inigha 3plan bizibar da arigha, uarigh isin arisi. Egha me sidan temer arariba dagiar kabagh isin arisi. Egha me ua dagiar 3plan bizibar uarigh isin arigha, temer araribar bizir mam dagiabagh isin arisi, me kamaghiram amua zuima divazir kam gifa. Me faragha Ikiavira Itir Godin Dipenimin guamin danganir uari akuvimin divazimin ingarizi moghira, divazir kamin ingara ghuavti a gifa. A Ikiavira Itir Godin Dipenimin guamin itir azuarimin min gari.

Huram iza Atrivim Solomonin ingangaribagh ami

¹³⁻¹⁴ Tairin nguibar ekiamin gumazir mam, an ziam Huram. Gumazir kam, brasin bizibar ingarir fofozir gumazir ekiam. An afeziam Tairin gumazim, a uaghan brasin bizibar ingarir fofozir gumazim, ezi an aremehga gifa. Huram amebam, a Naptalin anabamin amizir mam. Solomon Huram bagha akam amadazi, aiza Solomon a mikemezi moghin, brasin biziba bar dar ingari.

Huram brasin guarir akinir ruarin pumuningin ingari

(2 Eghaghaniba 3:15-17)

¹⁵ Huram guarir akinir ekiar ruarin pumuning brasin aningin ingari. Ezi aningin ruarinning virara 9 mitan tu, ezi aningin arozimning 6 mitan tu. ¹⁶ Egha uaghan a guarir akinir ruarin kamning gisin darighasa brasin dapanimningin ingari. Guarir akinir kamningin dapanimningin guarimin ababanim, 2 mita ko 28 sentimitan tu. ¹⁷ Egha a sen brasbar ingarigha ivemin min da ikegha guarir

* 7:6: Hibrun akam, deraghha akar kamin mingarim abighizir puvati. † 7:7: Hibrun akam, deraghha akar kamin mingarim abighizir puvati.

7:8: 1 Atriviba 3:1

akinimningin dapanimning adia da agui. Guarir akinimning adiarir kabar, 7plan ikiziba vaghvaghha aningin iti.¹⁸ Egha a bras inigha pomigranetin temer ovizir aviribar nedazibar ingarigha, da isa brasin guarir akinimningin dapanimning gisin arigha ghu. Guarir akinimning vaghvaghha pomigranetin ovizibar nedazir bizar pumuning iti.¹⁹ Guarir akinir dapanimning vaghvaghha aningin gan-ganim mati akimarir dirim oneghirigha iti. Aningin ruarimin ababanim, 2 mitan tu.²⁰ Guarir akinir kamningin dapanimningin apengan, aning gighuizir mizimning iti. Ezi Huram iveau min irighizir sen bras inigha, mizir kamning gisin da ike. Egha aning gisin a pomigranetin temer ovizibar nedaziba bizar pumuning dagh itui. Ezi dipenir akinimning vaghvaghha 200plan pomigranetin ovizibar nedaziba iti.[‡]²¹ Huram guarir akinimningin ingangariba agivagha, aning isa Ikiavira Itir Godin Dipenimin azuarimin tiar akamin boroghin aning asara. Egha guarir akinir sautin amadaghan tughav itim, kamaghin a dibori, Jakin. Egha notin amadaghan tughav itim kamaghin a dibori, Boas.[§]²² Guarir akinir kamningin dapanimning gisin, me akimarir dirir onezimin mirara ingarizir bizimning aningin iti. Ezi guarir akinir kamningin ingangariba bar gifa.

Huram tengin dipar ekiam brasin an ingari

(2 Eghaghaniba 4:2-5)

²³ Ezi Huram brasin aviriba inigha da tuezi da isia amerezi, a bras tengin bar ekiamin ingarigha, a dibora ghaze, On-garim. Tengin kamin arozimin ababanim, 4 mita ko 57 sentimitan tu, ezi an tuirivimin ababanim, 2 mita ko 28 sentimitan tu, ezi an akam gighuizir ababanim, 13 mita ko 71 sentimitan tu.²⁴ Egha a kerbezbar nedaziba tengin kamin dapanimin miriaba, bar bizar pumuningin da arigha a gighui. Ezi tengin kamin dapanim gighuizir nedazibar tiziba, a 1 mita 1 mita, a kerbezbar nedazir 20pla iti. Egha a tengin ingarigha givagha nedazir kaba tengin azenan da poghezir puvati. Puvati, a tengin ingarava nedazir kaba sara ingari.²⁵ Egha Huram 12plan bulmakaun apuriba brasin dar ingara, uaghan maghira tengin kam dar ogabagh isin an ingari. Ezi bulmakaun kabar 3plan guaba, aruem anadi naghin gari, ezi 3pla aruem uaghiri naghin gari, ezi 3pla notin amadaghan gari, ezi 3pla sautin amadaghan gari. Ezi dar ogaba

tengin dikanimin apengan ikia, eghauarir akaughav iti.²⁶ Tengin kamin brasin mitiam, azenan ikegha ghua averiamin tuzim, a bar mitemegha, an ababanim, 8 sentimitan tu, mati gumazimin dafarimin ababanim. Tengin kamin miriam mati kavin akam, egha akimarir aghuarir onezir mamin min oneghirigha iti. Tengin kam 40,000 litan dipam anaven ikiam.

Huram brasin wilkarbar ingari

²⁷ Egha Huram itarir ekiabar afasa 10plan wilkarba brasin dar ingari. Wilkarin kabar 4plan miriabar ababanim magh ghuegha, 1 mita ko 82 sentimitan tu, ezi dar tuirivabar ababanim, 1 mita ko 37 sentimitan tu.²⁸⁻²⁹ A kamaghin wilkarbar ingari. Wilkarba da boksiabar min, miriar 4pla iti. Huram faragha dar agharibar ingari. Egha gin a brasin maba inigha laionin nedaziba ko, bulmakaun apuriba nedaziba ko, enselin bar gavgavibar nedazibar ingari. A brasin nedazir kaba inigha wilkarin 4plan miriabar poke. Egha bar dar aghariba avezir puvati. Ezi wilkarin aghariba adiarir ababaniba iti, dagh aghuizir adiariba iti. Ezi adiarir kaba laionin nedazim ko bulmakaun nedazir itibar apengan ikia, egha uaghan dar pin iti.³⁰ Wilkarin kaba vaghvaghha brasin ingarizir wilin 4pla iti, egha wilningin suizir ighuvir brasin aghariba iti. Wilkarin kabar pin, da mikebar 4pla iti, ezi mikebar kabar pin, brasin akinir 4pla iti, mati dipenir akinir itarir ekiam aterim. Ezi akinir kabagh aghuizir adiariba iti.³¹ Brasin bizir mam, a ringin ekiamin min gari, ezi 4plan akinir kaba ringin kamin suiraghia ikia aneteri. Ezi itarir ekiam ringin kam gisin aperaghav iti. Wilkarin kamin siriamin ikegha pin ghuanagan ringin apebam ababanim, a 50 sentimitan tu. Ezi wilkarin siriamin ikegha pin ghuanagan ring gisin tuzir ababanim, a 68 sentimitan tu. Nedazir aghuiba ringin kam gighui. Ezi wilkarin apebam, a ringin min gari puvati, a boksiamin min ikia miriar 4pla iti.^{**}

³² Wilkarin kaba, da vaghvaghha 4plan wilba ikia nedaziba itir miriabar apengan iti. Ezi wilkarin wilningin suizir ighuvir brasin agharir kamning, Huram dar ingarizir puvatigha wilkar gatizir pu. Puvati. Agharir kamning, wilkarin poroghav ikia bizir vamiran min oto. Ezi wilbar arozibar ababanim, da 68 sentimitan tu.³³ Wilin kaba, mati midorozir karisbar wilba. Ezi Huram bizir kaba bar brasin amerezimin dar ingari, kar wilin suizir

^{‡ 7:20:} Hibrun akam, deragha akar kamin mingarim abighizir puvati. ^{§ 7:21:} Hibrun akamin ziar kam Jakin, a mong akar otevir kamin min ghu, "God a gamizi an oto." Hibrun akamin ziar kam Boas, a mong akar otevir kamin min ghu, "Godin gavgavim." ^{** 7:31:} Hibrun akam, deragha akar kamin mingarim abighizir puvati.

ighuvir aghariba ko, spokba ko, wilin suizir bizar igharaziba sara.³⁴⁻³⁵ Ezi ringin kaba ko akinir teng ateramiba, Huram dar ingarizir puvatigha wilkar gatizir pu. Puvati, da wilkarin poroghav ikia bizar vamiran min oto. Ringin turivimin ababaniba, da 25 sentimitan tu.³⁶ Huram akinir kaba ko wilkarbar miriaba, a bar dar enselin bar gavgaviba, ko laionba, ko detin temebar nedazibar ghore. Danganir maba pura itima, ana da sara gighuizir adiaribar ghora, nedazir igharazir kabar dagh ighuaghru.³⁷ Kamaghira, Huram wilkarin 10plan kabar ingarizi, da bar voroghira ghue. Ezi dar ababaniba bar voroghira ghu.

³⁸ Ezi Huram vaghvagha wilkarin kabar afasa 10plan itarir ekiabar ingari. Tengin dipar kabar arozibar ababaniba, vaghvagha 1 mita ko 80 sentimitan tu. Ezi itarir ekiar kaba, 800 litan dipam dar aven ikiam.³⁹ Egha Huram bizar kabar ingarigha givagha, a wilkarin 5pla sautin amadaghan Godin Dipenimin boroghin da ati, egha 5pla isa notin amadaghan Dipenimin boroghin da ati. Egha a tengin dipar ekiar kam isa Dipenimin mikebamin boroghin aruem anadi nagh ko sautin amadaghan aningin tizimin aneti.

Huram Godin Dipenim bagha ingarizir bizibar ziaba

(2 Eghaghaniba 4:11-18)

⁴⁰ Egha Huram uaghan ruamin mineba, ko savolin muziariba, ko ghuziba kavamadir itariba sara ingari. Egha datirighin, Huram Atrivim Solomon a ganingizir ingangariba bar ada agifa. Kar Ikiavira Itir Godin Dipenimin ingangariba.⁴¹ Bizar Huram ingarizibar kara: Brasin ingarizir guarir akinir ruarir pumuning ko, aningin pin itir dapanimning ko, a sen brasba ivemin min dar ingarigha, a da isa guarir akinimningin dapanimningin asuamning asangi.⁴² A uaghan 400plan temer pomigranetin ovizibar nedazibar ingarigha da isa guarir akinir dapanimning garuzur ivemin min garir bizim gike. Guarir akinimningin dapanimningin asuamning vaghvagha pomigranetin ovizir bizar pumuning aningin iti.⁴³ A uaghan 10plan wilkarbar ingari, egha 10plan itarir ekiar dagh isin itibar ingari.⁴⁴ Egha uaghan tengin dipar bar dafar kamin ingari, me a dibora ghaze, Ongarim. Egha uaghan 12plan bulmakaun apuribar nedazir tengin kam ateramibar ingari.⁴⁵ Egha a uaghan ruamin mineba, ko savolin muziariba, ko ghuziba kavamadir itariba, a brasin bar

dar ingari. Huram, Solomonin akamin gin ghua, Ikiavira Itir Godin Dipenim bagha biziba bar adar ingari. An adar ingarigha givagha, iniba inigha bar deraghavira da isa dagh amizi, da bar deragh taqtashti.

⁴⁶ Atrivim Solomon Saretan nguabar ekiam ko, Sukotin nguabar ekiammingin tizimin, Jordanin Faner danganir zarimin, a bizar kabar amuusa Huram mikeme. Danganir kam, a bizar kabar ingaramin nguazir gavgavir aghuim iti. Huram brasba inigha, da tuezi da isigha ameregha dipamin min oto. Ezi ana da isa mozir me bizar kabar nedazibar min nguazir kuizibagh fugha dar ingari.⁴⁷ Solomon Huram mikemezi, a brasin bizar kaba bar dar ingari. Da bar aviraseme, ezi me brasin kabar osimtzim mengezir puvati. Ezi gumazitam brasin kabar osimtzim gifozir puvati.

Me Ikiavira Itir Godin Dipenim darighasa golin bizibar ingari

(2 Eghaghaniba 4:19-5:1)

⁴⁸ Solomon Ikiavira Itir Godin Dipenimin bizibar ingaras, ingangarir gumazibav keme. Ezi me gol inigha, ofa gamir dakozim ko, God ganidir bret arizir dakozim iningari.

⁴⁹ Egha me Anogoroghezir Danganim birmimningin boroghin darighasa golin bar aghuim inigha 10pla lamba afamin aghoribar ingari, 5pla birir agharir guvimin tughav itima, 5pla agharir kiriamin itir birimin tuivighav iti. Me uaghan golin bar aghuim inigha akimariiba ko, lamba ko, bizar akamimin min garir avimin suighamibar ingari.⁵⁰ Egha me golin bar aghuim inigha, ofan ghuziba arighamin itariba ko, itarir igharaziba ko, bizar lamba amungamiba ko, itarir paura tutima migharir mughuriar aghuim mangamiba, ko itarir avim ateramiba, me bar dar ingari. Me uaghan gol inigha, Bar Anogoroghezir Danganim ko Danganir Anogoroghezim ko Godin Dipenimin guamin itir tiar akabar ainsisbar ingari.

⁵¹ Atrivim Solomon, uan ingangarir gumaziba ko, me Ikiavira Itir Godin Dipenimin ingangariba bar ada agifa. Egha Solomon, an afeziam Devit Ikiavira Itir God baghavira inabazir bizar kaba, silva ko gol ko itarir aghuiba, an ada inigha iza Ikiavira Itir Godin Dipenimin aven itir danganir biziba arizimin da ariki.

8

Me Akar Dikirizir Gavgavimin Boksiam inigha Godin Dipenimin ize

(2 Eghaghaniba 5:2-6:2)

¹ Egha Atrivim Solomon Israeliyan gumazir aruaba ko, men anababar gumazir dapaniba ko, men inazir afeziabar dakozibar gumazir ekiaba bagha akam amaga ghaze, me bar izi Jerusalemin a bativam. A kamaghsua, me Atrivim Devitin Nguubar Ekiam Saionin Mighsiamin mangi, Ikiavira Itir Godin Akar Dikirizir Gavgavimin Boksiam inigh izi, Ikiavira Itir Godin Dipenimin mavanang, danganir igiam darigham. ² Ezi Israeliyan gumazamiziba bar, namba 7in iakinimin iza Atrivim Solomonin boroghin uari akufa, kar iakinir me kamaghin diborim, Etanim.* Kar Averpenibar Ikiamin Dughiar Ekiam. ³ Israeliyan gumazir aruaba bar otivigha givazi, ofa gamir gumaziba, Akar Dikirizir Gavgavimin Boksiam gisaghp. ⁴ Ofa gamir gumaziba ko Livaiba, Ikiavira Itir Godin Boksiam ko, God bativamin Purirpenim ko, an biziba bar ada inigha, Ikiavira Itir Godin Dipenimin boroghin zui. ⁵ Me ghua otivigha givazima, Solomon Israeliyan gumazamiziba ko me bar iza Akar Dikirizir Gavgavimin Boksiam guamin uari akuvagha iti. Egha me God bagh ofa damuasa sipsipba ko bulmakaun apurir aviribav soke. Egha me God bagh ofa damuasa sipsipba ko bulmakaun apurir bar aviribav soghezi, gumaziba da mengan ibura.

⁶ Me ofaba bar dagh amigha givazima, ofa gamir gumaziba Ikiavira Itir Godin Akar Dikirizir Gavgavimin Boksiam inigha, Ikiavira Itir Godin Dipenimin aven itir Danganir Bar Anogoroghezimin ghua, enselin bar gavgavimningin avizimningin apengan aneti. ⁷ Enselin kamningin aviziba kuiaghirkha ikia, Akar Dikirizir Gavgavimin Boksiam ko iter otevir Boksiam aterimning sarama avara. ⁸ Boksiam aterir iter otevir kamning bar ruara. Ezi aningen ruaghatevimmeng, tiar akamin inir ekiamin porozi, aningen otevir pumuning mong fighav iti. Eighti gumazim Danganir Anogoroghezimin tugh, aningen ruaghatevimmengin inim fighav itir danganimningin ganam. Gumazim Danganir Anogoroghezir kamin azenan ikiva, aningen ganigan kogham. Iter otevir kamning, datirighin ikia kamaghira iti.^t

⁹ Akar Dikirizir Gavgavimin Boksiam

aven bizir aviritaba itir puvati. Godin Akar Gavgaviba itir dagiar akuamningra, an aven iti. Israelia fomira Isip ategha iza Sainain Mighsiamin itima, Ikiavira Itir God me ko Akar Dikirizir Gavgavim akiri. Ezi Akar Dikirizir Gavgavir kam, a dagiar akuar kamningin iti, ezi Moses fomira aning isa Boksiam kam garu.

¹⁰ Ezi ofa gamir gumaziba Bar Anogoroghezir Danganir ategha azenan izimrama, ghuiariam Ikiavira Itir Godin Dipenim avara.^f ¹¹ Ikiavira Itir Godin angazangarim ghuiariam aven isiragha, bar angazangarigha Dipenim bar anevara. Kamaghin amizi, ofa gamir gumaziba uan ingangarim damuan ibura. ¹² Ezi Solomon kamaghin Ikiavira Itir God ko migia ghaze, "O Ikiavira Itir God, ni ghaze, ni ghuiari bar mitarmemir aven ikiam. ¹³ Ezi ki datirighin ni bagha Dipenir bar aghuir mamin ingari, kar dipenir ni zurara ikivira ikiamim."

*Solomon gumazamizibav gei
(2 Eghaghaniba 6:3-11)*

¹⁴ Atrivim Solomon God ko mikemegha givagha, raghirigha Israeliyan gumazamizibar gara, deragh me damuasa Godin azangssi. ¹⁵⁻¹⁸ Egha a kamaghin migei, "E Ikiavira Itir Godin ziam fam, a Israeliyan God. An akar dikirizir nan afeziam Devit bagha amir kam, deraviram an gin ghu. Devitin nighnizim kamakin, a Dipenitam ingarighti, gumazamiziba Ikiavira Itir God, Israeliyan Godin boroghin iziva an ziam fam. Ezi Ikiavira Itir God kamaghin a migei, 'Ki Isipin kantrin uan gumazamiziba inigha izir dughiamin iza datirighin, ki Israelia nan ziam fasa ua bagh Dipenitam ingarasa, ki nguubar ekiatam ginabazir puvati. Egha Devit, ki uan gumazamizibar ganasa ni a misefe. Ni na bagh Dipenimin ingarasava amir nighnizir kam, a dera. ¹⁹ Egh ni uabi na bagh Dipenimin ingaran kogham. Nin otarir nin otoghamimra, gin na bagh Dipenimin ingaram, eighti gumazamiziba an mangiva nan ziam fam.'

²⁰ "Ikiavira Itir God, akar dikirizir kam gamizi, a datirighin guizbangiram oto. Ezi Ikiavira Itir God akam akirizi moghin, ki uan afeziam Devitin danganim inigha Israeliyan atrivimin otogha iti. Egha ki Ikiavira Itir God, Israeliyan God bagha

^{8:2:} Ofa Gami 23:34 * ^{8:2:} Israeliyan iakinir kam Etanim, a en iakinir Septemba o Oktoban otifi. † ^{8:8:} Migirigiar otevir kam, aghoriba iti moghira iti, e itir dughiar kam migeir puvati. A gumazir akinafarir kam osirizir dughiam migei.

^{8:9:} Godin Araziba 10:5 † ^{8:10:} Ikiavira Itir God ghuiariam aven Israelia batifi, eighti me ganigh fogh suam, a me ko iti. Ikiavira Itir Godin ghuiariar kam, gumazamiziba puvatizir danganim tuavim men akakasi. (Ni Ua Me In 13:2 in gan.) Egha Ikiavira Itir God ghuiariam aven ikia, akam Moses ganungi, (Ni Ua Me In 19:9 ko 20:21 in gan.) Israeliya zurara Ikiavira Itir Godin Purirpenimin, gumazamiziba puvatizir danganir kamin, an asara, ezi Ikiavira Itir Godin ghuiariar kam Purirpenim ave. (Ni Ua Me In 40:34 ko Ofa Gami 16:2 in gan.) ^{8:12:} Onger Akaba 18:11; 97:2 ^{8:15-18:} 2 Samuel 7:1-11; 1 Eghaghaniba 17:1-10 ^{8:19:} 2 Samuel 7:12-13; 1 Eghaghaniba 17:11-12

Dipenir mamin ingari, egh̄ti Israelia an boroghin mangi an ziam fam. ²¹ Egha ki Akar Dikirizir Gavgavimin Boksiam arighasa, Dipenir kamin aven danganir mamin ingari. Boksiar kamin aven, dagiar akuar pumuning iti, Akar Dikirizir Gavgavim aningin iti. Ikiavira Itir God fomira en inazir afeziabia inigha Isipin kantri ategha azenan izezir dughiamin, a me koma Akar Dikirizir Gavgavir kam gami.”

*Solomon God ko migei
(2 Eghaghaniba 6:12-42)*

²² Egha Solomon Israelian gumazamizbar damazimin, Ikiavira Itir Godin ofa gamir dakozimin boroghin tuga uan darfamning fegha overiamin aka. ²³ Egha a kamaghin God ko migei, “O Ikiavira Itir God, Israelian God, godin tam nin min overiam ko nguazimin itir puvati. Ni zurara, uan Akar Dikirizir Gavgavir kamin gin ghua, uan ingangarir gumazamizir uan navir averiabar aven ni baghavira itiba, apangkuvir ekiam men ikiavira iti. ²⁴ Nan afeziam Devit, a nin ingangarir gumazim, ni fomira a ko amizir akar dikirizir kam deraghaviram an gin ghua, datirighin a gamizi a guizin oto. ²⁵ Kamaghin amizi, O Ikiavira Itir God, Israelian God, ki datirighin nin azai, ni nan afeziam Devit ko dikirizir akar igharazim uaghan a ginighnigh. Ni a migia ghaze, ‘Devit, nin ovavir boriba nin min zurara nan gin izi, deraghvira nan damazimin daruti, ki zurara nin adarazir aven gumazitam amiseveghi, a Israelin kantrin atrivimin iki mamaghira ikiam.’ ²⁶ O Israelian God, ki kamaghsua, ni nan afeziam Devit, a nin ingangarir gumazim, ni a ko dikirizir akar kam damighti an daghem guizin otogh.

²⁷ “O God, guizbangira ni ti izi nguazir kamin ikiam o? E fo, overiar bar pin itim a bar ekefe, ezi ni an ikiamin danganiba ti puvatighama! Egh̄ti dipenir ki ni bagha ingarizir kam, a manmaghin nin tughatigham? ²⁸ O Ikiavira Itir God, nan God, ki nin ingangarir gumazim, ni datirighin nan ararem ko azangsizim barakigh. ²⁹ Ni kamaghin migia ghaze, ‘Dipenir kam kar nina, egh̄ti gumazamiziba an aven iziva nin boroghin izam.’ Ki kamaghin ifonge, Ni arueba ko dimagaribar zurara damazim Dipenir kam gasaragh mamaghira iki. Egh̄ti ki Dipenir kamin ganiva ni ko mikimamin dughiabar, ni nan migirigiauba baragh. ³⁰ O Ikiavira Itir God, ni uan Nguibamin pin iti. Ki Israelia ko, e nin gumazamiziba e nin Dipenimin ganiva ni

ko mikimamin dughiabar, ni en migirigiauba baragh en arazir kuraba gin amang.

³¹ “Gumazitam, arazir kuramat gumazir igharazitam damighti, an namakaba a inigh nin Dipenimin aven izi, egh̄ti ofa gamir dakozimin boroghin mangi, egh̄ti pazi gumazir kam damusi nin azangam. ³² O Ikiavira Itir God, ni uan Nguibamin iki, uan ingangarir gumazamizbar akaba baragh, deraghvira men kotiam akiragh. Egh̄ti ni mizazim isi gumazir osimtizim gamizim gasi, egh̄ti osimtizir kuramin uam a ikaragh. Egh̄ti ni deraghvira osimtiziba puvatizir gumazim damighti, gumazamiziba bizar kamin ganigh fogh suam an arazir kuram gamizir puvati.

³³ “E Israelia, nin gumazamiziba e arazir kurabar amuti, bizar kam bangin en apaniba e misoghti, ni apanibar amamangatighti me e abiragh. Egh̄ti e ti ua uan navibagh iragh, uan arazir kuraba gin amangisi, nin Dipenimin izi nin ziam fi nin azangsighti, ³⁴ ni uan Nguibamin iki e Israelia nin gumazamiziba en azangsiziba baragh, en arazir kuraba gin amang. Egh̄ti en apaniba e inigh kantrin igharazimin mangighti, ni uam e inigh izi kantrin ni fomira en inazir afeziabagh aningizimin e atigh.

³⁵ “Egh̄ti e nin gumazamiziba arazir kurabar amuti, ni en arazir kuraba ikarvagh amozimin anogoregham. Egh̄ti, e uan navibagh iragh Dipenir kamin gan nin ziam fi, nin azangsighti, ³⁶ ni uan Nguibamin iki, e Israelia, nin ingangarir gumazamiziba, en azangsiziba baragh, en arazir kuraba gin amang. Egh̄ti ni uan arazir aghuiabar en sure damu. Egh̄ti amozim amadaghti a nguazir ni fomira e ganingizim giri.

³⁷ “Egh̄ti dagheba otevir dughiam en kantri batogham, o arimariar kurar ekitatam otogham, o aminir avimin min isitam izi azenibagh asighasigham, o azenibar itir dagheba pura kuram, o odezir aviriba daghebar ami da agivam, o apaniba izi en nguibar ekiabar e korogh e misogham, o arimariar igharagh garir aviriba e gasighasigham, ³⁸ bizar kaba otivti, e Israelia nin gumazamiziba, en tav osimtizir kabar tamin mizazim baragh, uan aghariba fegh nin azangsighti, ³⁹ Ikiavira Itir God, ni uan Nguibamin ikiva en azangsizim baregh en akuragh, en arazir kuraba gin amadagh. Nirara gumazamizbar nighniziba bar dagh fo, kamaghin, ni ubi vaghvagh en arazir kurar e amiziba ikarvagh ivezir kuram e daning. ⁴⁰ Ni kamaghin damightima, e nin gumazamiziba zurara nin apengan iki, egh̄ti

nguazir ni en inazir afeziabagh aningizir kamin ikiam.

41-42 “Kantrin Igharazibar Gumazamiziba, me nin adarazi Israelian aven itir puppati, egh me nin ziam bangin, uan nguubar saghon itiba ategh kagh izam. Guizbangira, me nin ziar ekiam ko, ingangarir bar ekiar ni en gumazamizibar akurvaghaha amiziba, me da baraki. Egh men tarazi, nin ziam fis, nin Dipenir kamin boroghira izi, egh ni ko mikimam.”⁴³ O Ikiavira Itir God, ni uan Nguibamin iti, egh ni men dimdiam baragh, egh bizir me damuasa nin azangsizibar amu. Kamaghin amizi, e Israelia, nin gumazamiziba, e ami moghin, nguazir kamin gumazamiziba bar ni gifogh egh nin atiating nin apengan ikiam. Egh me foghsuam, Dipenir ki ingarizir kam, kar nin Dipenimra, eghti an aven nguazir kamin gumazamiziba me nin boroghira izam.

44 “Egh danganir manamin ni uan gumazamiziba amadaghti, me mangi uan apanibav soghs, nin nguabar ekiar ni ua bagha misevezir kam ko Dipenir ki ni bagha ingarizir kam, guam a mituagh ni ko mikimti.”⁴⁵ Ikiavira Itir God, ni uan Nguibamin iki, e uarir akurvaghaha ni ko migeir migirigiaba baragh en apangkufigh.

46 “Gumazamiziba bar moghiram arazir kurabagh ami. Egheti e arazir kurabar amighti ni en atar en apanibar amaman-gatighi, me izi e ko misogh e abinigh e inigh mangi, kantrin saghon itim o roghira itim e isi kalabuziabar min e arigham.”⁴⁷⁻⁴⁹ Egheti e men kantrin kamin aven kalabuziar gumazamizibar min ikiva, uan arazir kuraba bagh nighnigh navibagh iraghti, Ikiavira Itir God, ni e uarir akurvaghamin azangsiziba baragh. Guizbangira, e uan apanibar kantrin ikiva nighnizir gavgavim nin iki, uan navir averiabar aven ni baghvira iki guizbangira navibagh iragh, egh e nguazir ni en ovavibagh aningizir kam ko, nguabar ekiar ni ua baghavira inabazir kam ko, gumazamiziba ni bagh izamin Dipenir ki ni bagha ingarizir kamin ganiva guam a mituagh kamaghin ni ko mikim suam, ‘E arazir kurabar tuavimini ghua arazir kurar aviribagh amigha gifa.’ Egheti ni uan Nguibamin iki, e ni ko migeir migirigiaba baragh, e nin gumazamiziba, ni en kuarkuvigh en akuragh, en arazir kuraba gin amadagh.”⁵⁰ Egh e nin gumazamiziba, en nin akaba batozir arazim ko, en arazir kurar avir e amiba, ni da gin amadagh, egh en apanibar amighti me en kuarkufigh.”⁵¹ E Israelia guizin nin gumazamiziba. Ni Isipin kantrin e inigha azenan ize, kantrin kam avir fefer

ekiar mamin min iti, ezi ni an e inigha ize.

⁵² “O Ikiavira Itir God, e nin gumazamiziba ko en atrivim, a nin ingangarir gu-mazim, e ni ko migeir migirigiaba ni zurara da baraghsi oragh iki.”⁵³ Ni akam akirizim moghin, e Israelia, ni kantrin igharazibar tongin e amisevezi e nin gumazamizibar otifi. O Ikiavira Itir God, ni en Ekiam, ni en inazir afeziaba Isipin me inigha izir dughiamin, ni uan ingangarir gumazim Moses, an akatorimin aven, ni akar dikirizir kam gami.”

God deragh gumazamizibar amuasa, Solomon an azangssi

⁵⁴ Solomon Ikiavira Itir God ko mikimasa, ofa gamir dakozimina boroghin tevimum apirigh agharimning fuegha a ko migei. Egha an a ko mikemegha gifa.”⁵⁵ Egha Solomon dikavigha tuga gumazamizibar damazimin tiarir ekiamin, God deragh Israelia damuasa a ko migei.”⁵⁶ A ghaze, “E Ikiavira Itir Godin ziam fam, a uan akar dikirizimin gin ghua, navir amirizim ko dabirabir aghuim isa Israelia ganangi. A uan ingangarir gumazim Moses ko dikirizir akatam, pura ghuuzir puvati.”⁵⁷ Ikiavira Itir God, a en God, a faragha en inazir afeziaba ko ikezi moghin, datirighin an e ko ikiam. An e ategehti, e pura uarira ikian kogham.”⁵⁸ An e damutti en naviba a baghvira iki, egh an Akar Gavgaviba, ko an arazir a ifongeziba ko, bizir a damuasa en inazir afeziabav kemeziba, e deravira dar gin mangam.”⁵⁹ Ki God ko migeir migirigiaba, ko bizir ki damuasava an azangsiziba, an ada isi bar uan nighnizim darigham. A uaghan, Israelia uan atrivim ko, apangkuvin men iki men akurvagh, dughiabar vaghvagh men akurvaghti, me dagheba ko bizarib oteveghan kogham.”⁶⁰ Egheti nguazir kamin gumazamiziba bar fogh suam, Ikiavira Itir God, a God, ezi godin tam ua itir puvati.”⁶¹ Ia bar moghira uari isi Ikiavira Itir God, en God daning, egh an Akar Gavgaviba ko an arazir a ifongeziba, ia datirighin ami moghin deraghvira dar gin mangi.”

Dipenir kam, me Ikiavira Itir God baghvarama a ginaba

(2 Eghaghaniha 7:4-10)

⁶² Egha Atrivim Solomon uan gumazamiziba ko me bar moghira, Ikiavira Itir God bagha ofabagh ami.”⁶³ Solomon God ko navir vamiran ikiasi 22,000plan bulmakaun apuriba ko 120,000plan sipsipba inigha ofa gami. Arazir kamin atrivim uan gumazamiziba ko me Dipenir kam gamizima, a Ikiavira Itir Godin Dipenimin oto.”⁶⁴ Aruer kamra atrivim nguazir Godin Dipenimin guamin boroghin itir danganir

uari akuvim, a Ikiavira Itir God bagha anemisevezi, an a baghavira iti. Egha nguazir asizir kamin, an ofan bar isia mighiriba ko, wit tuamin ofaba ko, God ko navir vamiran ikiamin ofa bagha asizibar oviba isa ofabagh ami. Ikiavira Itir Godin damazimin tughav itir ofa gamir dakozir kam, me faragha brasin an ingarizi, a mong suvizi me an ofan avirir kabar amuan iburaghha, danganir arozir gumazamiziba uari akuvir kamin ofabagh ami.

⁶⁵ Kar Averpenibar Ikiamin Dughiar Ekiam. Ezi Atrivim Solomon Israelia ko uari akuvagha Jerusalemin iti. Me Ikiavira Itir God, en Godin damazimin, 7plan aruebar uari akuvagha ikegha, gin me ua 7plan arueba isafuraghha 14plan arueba me bar dar ike. Gumazamizir avirim nguazir kamin danganiba bar dar ikegha ize. Notin amadaghan Hamatin nguubar ekiamin zuir tuavir akamin ikegha, ghua sautin amadaghan kantri Isipin nguazir mitaghniamin tu. ⁶⁶ Aruer ekiar kaba givazima, amimzaraghan Solomon gumazamiziba ua me amadima, me uamategha uan nguibabar zui. Egha gumazamiziba atrivim me ganingizir biziba bagha a minabagha, God deragh atrivim damuasa me an azai. Me fo, Ikiavira Itir God uan ingangarir gumazim Devit ko, dikirizir akamin gin ghua, uan gumazamiziba Israelia deraghavira me gami. Egha me uamategha ghua, bizir aghuir kabagh nighnigha bar akongegha uan nguibabar zui.

9

Ikiavira Itir God ua Solomon bato (2 Eghaghaniba 7:11-22)

¹ Solomon Ikiavira Itir Godin Dipenim ko, atrivimin dipenimin ingarigha gifa. A dipenir kamningin ingaramin nighniziba, a bar ada gifa. ² Ezi gin, Ikiavira Itir God faragha Gibeonin nguubar ekiamin irebamin a batozi moghin, uam a bato. ³ Egha Ikiavira Itir God kamaghin a migei, "Ki nin azangsiziba baregha gifa. Egha ni ingarizir Dipenir kam ua bagha a ginabagha gifa, eghit gumazamiziba zurara dughiahar Dipenir kamin aven iziva nan boroghin izam. Eghit ki zurara Dipenir kam damazim a gasi, egh uan navir averiamin aven a ginighnigham. ⁴ Eghit ni uan afeziam Devit amizi moghin, ni navir averiamin aven na baghvira nighnigh nan damazimin deravira daru, egh arazir ki ifongeziba ko bizir ki damuasa ia mikemeziba, ki ni mikemezi moghin bizibar amu. ⁵ Ni kamaghin damuti,

ki zurara nin ovavir boribar amuti, me Israelin atrivibar iki mangivira ikiam. Egh ki nin afeziam Devit ko amizir akar dikirizir kam damighti, a guizin otivam. Ki kamaghin Devit migia ghaze, 'Devit, ki zurara nin ovavir boribar amuti, me Israeliat atrivibar iki mangivira ikiam.'

⁶ "Egh Solomon, ni uan ovavir borir gin otivamiba ko, ia na ategh nan Akar Gavgaviba ko arazir ki ifongezibar gin mangan kogh, egh asebar gin mangi dar ziaba fiti, ⁷ ki nguazir Israelia ia ganingizimin bar ia batuegham. Eghit ikirizir igharazibar gumazamiziba dibovir akabar ia mikim ian ziam gasighasigham. Ki uaghan, akirim ragh Dipenir ki ua bagha inabazim gasaraghram, egh uam a ginighnighan kogham. ⁸ Dipenir kam, datirighin ziar ekiam iti. Eghit gin gumazir danganir kamin izamiba me iziva an gan me dipov aki misoribar aning, digavir kuram damigh, egh bar atiatigh, kamaghin mikimam, 'Ikiavira Itir God, manmaghsuavira nguazir kam gasighasigha, egha Dipenir kam sarama asighasiki?' ⁹ Eghit gumazitaba men akam ikaragh suam, 'Bizir kamin mingarim kamakin, Israelia Ikiavira Itir God men God, anetaki. A fomira men inazir afeziaba Isipin me inigha nguzir kamin ize. Ezi me God ategha, ragha uan asebar gin ghua dar ziaba fe. Kamaghin amizi, Ikiavira Itir God asighasizir kam gamizima a me bato.'"

*Solomon bizar aghuir mam isa
Atrivim Hiram ganangi
(2 Eghaghaniba 8:1-2)*

¹⁰ Solomon uan ingangarir gumaziba ko, me Ikiavira Itir Godin Dipenimin ingara anegivagha, egha gin me Solomonin dipenimin ingari. Ingangarir me amir kaba bar, me 20plan azenibar dar ingari.

¹¹ Tairin nguubar ekiamin Atrivim Hiram, Solomon ifongezi moghin, sidan temeba ko painin temeba ko golin aviriba, ingangarir kabar amuasa Solomon ganangi. Kamaghin amizi, ingangarir kaba bar givazi, Solomon 20plan nguubar ekiaba bizir aghuimin min da isa Hiram ganangi. Nguubar ekiar kaba da Galilin Distrighin iti. ¹² Ezi Hiram Tairin nguubar ekiam ategha iza Solomon a ganingizir nguubar ekiar kabar ganigha, dagh ifongezir puvati. ¹³ Egha a kamaghin Solomon migei, "Nan aveghbuam, kar manmagh garir nguubar ekiaba, ni da isa na ganangi?" Bizir kam bagha, datirighin gumazamiziba danganir kam ziar kam a garisi, "Kabul."* ¹⁴ Hiram faragha golin bar avirim isa Solomon ganangi, ezi dar osimtizim 4pla tanin tu.

9:2: 1 Atriviba 3:5; 2 Eghaghaniba 1:7 9:4: 1 Atriviba 3:14; 11:4-6 9:5: 1 Atriviba 2:4 9:8: 2 Atriviba 25:9; 2 Eghaghaniba 36:19 * 9:13: Hibrun akamin ziar kam, "Kabul," a mong akar kam ko voroghira ghu, "Nguazir ikuvim."

*Solomon amizir bizir igharaziba
(2 Eghaghaniba 8:3-18)*

¹⁵ Atrivim Solomon gumazir bar avirim inigha me migia ghaze, me an ingangariibar amuam. A me migeima, me Ikiavira Itir Godin Dipenimin ingarigha uaghan an dipenim sara ingarigha, divazir ekiar Jerusalem avinizimin ingari. Egha me mikemezi, me Jerusalemin nguazibagh kua da isa Jerusalemin danganir iraghuezibav kira da apeme. Egha me mikemezi, me nguibar ekiar kaba uam adar kiri, Hasor, Megido ko Geser. ¹⁶ Geserin nguibar ekiam, a fomira Kenanian nguibar ekiam, ezi Isipian atrivim iza me misoghezi me ariaghirezi me a gaborozzi a isi. Ezi Solomon Isipin atrivim guivim inigha an itima, atrivim Geserin nguibar ekiar kam bizar aghuimin min a isa uan guivim ganingi. ¹⁷ Ezi Solomon gin ua Geserin nguibar ekiar kamin ingari. A gin Bethoronin nguibar ekiar vin amadaghan itim ko, ¹⁸ Balat ko Tamarin nguibamningin ingari. Tamarin nguibar ekiam, Judan anabamin gumazamiziba puvatizir danganimin iti. ¹⁹ Egha a uaghan dagheba itir nguibar ekiaba ko midorozir karisba arizir nguibar ekiaba ko, hoziaba arizir nguibar ekiaba ko, Jerusalem ko, Lebanon ko, nguazir an ativagh garibar aven, a bizar ighazariz a ingarasfa ifongeziba, bar adar ingari.

²⁰ Ezi Israelin kantrin aven, ikizir ighazariz mabar gumazamiziba iti. Kar Amoria, Hitia, Peresia, Hivia, ko Jebusia, men marazi Israelian tongin ikiavira iti. ²¹ Israelia fomira men aviribav soghezi me ariaghire, egha bar me kuavaremmezir puvatizi, men ovavir borir vabara ikiavira iti. Ezi datirighin Solomon me gamizima, me puram an ingangarir gumazir kinibar min otivigha, datirighin ikiia kamaghira iti.[†] ²² Ezi Israelia, Solomon me gamizim me an ingangarir gumazir kinibar itir pu. Bar puvati, a me isa midorozir gumaziba ko, gavmanin ingangarim gamir gumazir dapaniba, ko midorozir gumazibar garir gumazir dapanibar me ariki. Egha marazi isa, karisin tuiva ghua misozir ingangarim ko, gumazir hoziabagh apiagh ghua misozibar ingangarim me ganingi. ²³ Solomonin ingangaribagh amir gumaziba, men garir gumazir dapanibar dibobonim, a 550in tu.

²⁴ Solomonin amuim, a Devitin Nguibar Ekiat ategha ghua Solomon a bagha ingarizir dipenir igiamin iti. Amizir kam, a Isipian atrivim guivim. Egha

gin, Solomon gumazibav mikemezi, me Jerusalemin itir danganir iraghuezibav apeme.

²⁵ Egha azeniba vaghvagha, Solomon 3plan dughiabar ingarizir ofan dakozir kamin Ikiavira Itir God bagha ofa bagh ami. A ofan bar isia mighiriba ko, Ikiavira Itir God ko navir vamiran ikiamin ofaba tue. Egha a Ikiavira Itir Godin damazimin ofan migharin mughuriar aghuim zuibagh ami. Kamaghira, Solomon ofan kabagh amua Dipenir kamin ingangarim gamizi, a guizbangirama oto.[‡]

²⁶ Atrivim Solomon, a Esiongeberin nguibar ekiamin kurir aviribar ingari. Esiongeber a kantri Idomin iti, an Ongarir Aghevimin dadarimin ikia Elatin nguibar ekiamin boroghin iti. ²⁷ Ezi Atrivim Hiram uan gumazir aghuir kuribar aven ingara ongarimin aruir arazimin bar a gifoziba amadazi, me ghua Solomonin kuribar aven ingarir gumaziba ko me kurir kabar aven ingari. ²⁸ Ezi kurir kaba kantri Ofirin ghua golin aviriba isa Solomon bagha izi. Golin kabar osimtzizim 14plan tanbagh afira.

10

*Seban kantrin atrivir amizim Solomonin ganasa izi
(2 Eghaghaniba 9:1-12)*

¹ Kantri Seban atrivir amizim kamaghin oraki, Ikiavira Itir God deraghavira Solomon gamizima a ziar ekiam iti. Kamaghin amizi, atrivir amizim Solomonin fofozim gifofoghsa azangsizir gavgavibar an azangsighsa izi. ² Atrivir amizim uan ingangarir gumazir aviriba ko, kamelin bizar aviriba sara iza Jerusalemin oto. Kamelin kaba golin aviriba ko, pauran igharagh garir mughuriar aghuiba itiba, ko dagiar igharagh garir iveauiba bar pin koziba inigha izi. Atrivir amizim izegha givagha, uan azangsizir a Solomonin azangsighsa nighnighiziba, a bar dar an azangsi. ³ Ezi Solomon bar deraghavira an azangsiziba ikarvaki. An azangsizir an azangsiziba, Solomon tam ikarvaghan iburazir pu. Bar puvati. ⁴ Seban kantrin atrivir amizim, Solomon nighnizir aghuim ko fofozim baraki, egha a uaghan atrivibar dipenir ekiar a ingarizimin gani. ⁵ Egha atrivir amizim uaghan garima, Solomon dughiabar vaghvagha dagher aghuir aviriba isa, uan ingangarir gumazir dapaniba ko apiai ikia da api. Ezi atrivir amizim uaghan garima, ingangarir gumaziba ko men korotiar aghuir me

^{9:15:} 2 Eghaghaniba 8:16 ^{† 9:21:} Migirigar otevir kam, "datirighin uaghan," an en itir dughiar kam migeir puvati.

A gumazir akinafarir kam osirizimin dughiam migei. ^{9:25:} Ua Me Ini 23:17; 34:23; Godin Araziba 16:16 ^{‡ 9:25:} Hibrun akam, deragha akar kamin mingarim abighizir puvati. ^{10:1:} Matyu 12:42; Luk 11:31

azuiba ko gumazir wain anidiba, me kurkazir aghuiba iti. Egha a garima, Solomon asizir aviriba inigha Ikiavira Itir Godin Dipenimin ghua a bagha ofan bar isia mighiribagh ami. A bizir aghuir kabar ganigha digavir kuram gamigha ua mikiman ibura.

⁶ Egha gin, a kamaghin Atrivim Solomon migei, "Ki uan kantrin ikiava bizar ni amibar eghaghaniba ko, nin nighnizir aghuim ko, fofozim barasi. Ezi ki datirighin fo, akar kaba da bar guizbangira." ⁷ Ki faragha nighnizir gavgavim akar kabar itir puvati. Egha datirighin ki ubi iza, uan damazimin bizar kabar ganigha gifa. Guizbangira, bizar ki datirighin gariba, da akar ki oraghiziba bar dagh afira. Nin nighnizir aghuim ko fofozir aghuim bar ekevezi, nin dagiaba bar aviraseme. ⁸ Nin gumazamiziba ti zurrara bar akueghama. Ezi nin ingangaribar faragha zuir gumazir ni ko ikia zurara nin nighnizir aghuiba baraziba, me ti bar akueghama. ⁹ Ki Ikiavira Itir God, nin Godin ziam fe. A navir aghuim nin ikia ni gamizi, ni Israeliian atrivimin iti. A bar Israelia ia gifongegha, an ifongiar kam ian ikiavira iti. Ni guizin arazim ko arazir aghuimin deraghvira Israeliian gan me gegovham. A kamaghsua ni gamizi, ni atrivimin oto."

¹⁰ Egha Seban atrivir amizim golin bar aviriba isa Solomon ganingi, ezi golin kabar osimtizim 4 tan gafira. Atrivir amizim uaghan pauran mughuriar aghuiba itir aviriba ko, dagiar igharaghha garir izeziba bar pin kozir aviriba a ganingi. Bar guizbangira, bizar kaba bar aviraseme. Dughiar kamin gin, pauran avirir igharaghha garitaba ua kantri Israeliin aven izezir puvati.

¹¹ Ezi Atrivim Hiramin ingangarir gumaziba, an kuriba ghua kantri Ofirin ghua golin aviriba ko, temer aghuibar bighizir arariba ko, dagiar avirir izeziba bar pin koziba, me da inigha Israeliin ize. ¹² Ezi Solomon uan ingangarir gumazibav mikemezi, me temer aghuir kaba inigha Ikiavira Itir Godin Dipenim bagh adiriziari aghuibagh amua an dipenim bagha mabagh ami. Egha a me mikemezi, me temer aghuir kabar arariba inigha gumazir gitabav soziba bagha gitabar ingari. Bar fomira iza datirighin, gumaziba kantri Israeliin aven, ua temer kamagh garitabar garir puvati.

¹³ Ezi Atrivim Solomon, bizar aghuir aviriba isa Seban atrivir amizimin ifongiam agivasa a ganingi. Solomon atrivir amizim ganingizir bizar aviriba, da bar bizar atrivir amizim Solomon bagha inigha izezir biziagh afira. Ezi Seban atrivir amizim, uan ingangarir gumaziba ko me uamategha ua kantrin ghu.

Solomon dagiar aviriba iti

(2 Eghaghaniba 9:13-28)

¹⁴ Solomon azenibar vaghvagh 23 tan gol isi. ¹⁵ Egha a uaghan dagiar ingangaribagh amir gumaziba da takis isi. Ezi Arebian atriviba ko, Israeliin distrighbar garir gumazir dapaniba dagiaba isa a ganidi.

¹⁶ Solomon mikemezima, an ingangarir gumaziba 200plan ter araribar orar misoghamibar ingari. Egha me gol inigha orar kabar pogha da ave. Orar kaba vaghvaghda aavezir golin osimtizim, a 7 kilogremi tu. ¹⁷ Egha 300plan ter araribar orar dozir misoghamiba uaghan dar ingari. Egha gol inigha orar dozir kabar pogha da ave. Orar kaba vaghvaghda aavezir golin osimtizim, a 2 kilogremi tu. Ezi Solomon mikemezima, me orar kaba bar da inigha dipenir me kamaghin diborimin da ariki, Lebanonin Ruarir Pizimin Dipenim.

¹⁸ Ezi Solomon mikemezi, me atrivir dabirabir ekia mamin ingari. Egha me golin aghuim ko, elefanin atariba inigha an kurke. ¹⁹⁻²⁰ Atrivimin dabirabim bar bin iti, ezi adiriziari tuiv mavanangamim, a 6plan ighuvir kaba, me 12plan laionin nedazibar ingarigha da asezi da tuivighav iti. Ezi adiriziari ighuvir kaba vaghvaghla laionin nedazir pumuning iti, mam vongin iti, ezi mam vongin iti. Ezi atrivimin dabirabir kamin girakirangin, vongin ghuavanabogha ikiraghua ua vongin izaghiri. Atrivir dabirabir kam, an agharimning arighamin danganir pumuning iti. Ezi agharimning arighamin danganir kamningin boroghin, me laionin nedazir pumuningin ingarizi, aning vong ko vong sara iti. Kantrin igharazibar atriviba, men atrivibar dabirabitam tong kamaghin garir puvati.

²¹ Ezi ingangarir gumaziba gol inigha Solomon bagha dipaba apir itaribar ingari. Egha Lebanonin Ruarir Pizimin Dipenimin aven itir itariba bar, me golin aghuimin dar ingari. Solomonin dughiamin, gumazamizibar nighnizim, silva pura bizim, kamaghin amizi, me silvan bizar katamin ingarizir puvati.

²² Solomon kurir aviriba iti, ezi kurir kaba da Atrivim Hiramin kuriba ko, ongarimin arui. Kurir kaba zurara azenir 3pla givaghti, me bizar aghuir kaba ater ua Israeliin izam. Kar gol, ko silva, ko elefanin atariba, ko monkiba, ko kuarazir bar diriba.

²³ Atrivim Solomon, dagiar aviriba ko bizar aviriba ko nighnizir aghuiba ko fofozir aghuiba ikia, egha kantrin igharazibar atriviba bar me gafira. ²⁴ Kantrin igharazibar atriviba bar, Ikiavira Itir God, Solomon ganingizir nighnizir aghuiba ko, fofozir aghuiba baraghosa Solomon bagha izi. ²⁵ Atrivir kaba azenibar vaghvaghha

Solomon bagha bizir aghuiba isa izava a ganidi. Me bizir gumaziba silva ko golin ingariziba ko, korotiar aghuiba ko, afuziba ko, pauran igharaghha garir mughuriar aghuiba zuija ko, hoziaja ko, donkiba, a bagha da isa izi.

²⁶ Solomon dughiabar zurara midorozir karisba ko, uan midorozir gumaziba bagha hoziaja isi. Egha a karisba ko hoziaja da ikiasa a inabazir nguibar ekiabar ada ariki, ezi maba a ko Jerusalemin iti. A 1,400plan karisba ikia, egha 12,000pla hoziaja iti. ²⁷ Solomon atrivimin itir dughiamin, a temer sidan aviriba ko silvan aviriba inigha Jerusalemin ize. Ezi dughiar kamin silvan aviriba ikia, dagiar kinibar min pura tintinibar irav iti. Egha uaghan temer sidan bar aviriba iti, mati temer Israelin mighsiar muziaribar izezibar min iti. ²⁸ Solomon uan hoziaja, kantri Musri* ko kantri Silisian da ini. A dagiar ingangaribagh amir gumaziba amadima, me Silisian ghua a bagha hoziajbagh ivesi. ²⁹ Ezi dagiaba bagha ingangaribagh amir gumazir kaba, Musrin karisba ko hoziajbagh ivesi. Karisba vaghvagha dar iveau 6,000 kinan tu, ezi hoziaja vaghvagha dar iveau 1,500 kinan tu. Egha dagiar ingangaribagh amir gumazir kaba, me karisba ko hoziaja isa ghua da amadima, Hitia ko Siriabar atriviba dagh ivesi.

11

Solomon akirim ragha God gasara

¹ Solomon kantrin igharazibar amizir avirim gifonge. A faragha Isipian atrivimin guivimin ikia, egha uaghan kantri Moapin amizibar ikia, egha kantri Amonin amizibar ko, kantri Idomin amiziba, ko Saidonin nguibar ekiamin amiziba, ko Hitian amizibar iti. ² Nguibar kabar amiziba, Ikiavira Itir God faragha, men ikian Israeli anogoroke. Ikiavira Itir God Israelia migia ghaze, "Ia Israeli azenan itir amizir kabar ikian bar marki. Ia kamaghin damuti, guizbangira, me ia gekuti ia na ategh men asebar gin mangam." Ikiavira Itir God kamaghin mikemegha gifa. Ezi puvati, Solomon amizir kabagh ifongegehavira iti. ³ Solomon amuir 700pla ikia, amuir dozir 300pla iti. Ezi amizir kaba an nighnizim girazi, an akirim ragha Ikiavira Itir God gasara. ⁴ Solomon ghurizir dughiamin, amizir kaba an navir averiam girazi a men asebar gin zui. Kamaghin amizi, Solomon uan afeziat Devitin araziba ategha, egha Ikiavira Itir God, an Godin gin zuir puvati. Bar puvati. ⁵ Solomon

aser kam Astarten ziam fe, kar Saidonian aser amizim. Egha a uaghan asem Molekin ziam fe, a Amonian asem, ezi an amizir arazim bar ikuvizi, Ikiavira Itir God bar an aghua. ⁶ Solomon kamaghin amua, Ikiavira Itir Godin damazimin arazir kuram gami. A uan afeziat Devitin arazir aghuiba ategha, Ikiavira Itir Godin arazim guizin an gin zuir puvati. ⁷ A uaghan, aser kam Kemosin ziam fasa danganir mamin ingari, kar Moapian aser arazir bar kurir God bar aghuazibagh amim. A uaghan Molekin ziam fasa danganir mamin ingari, kar Amonian aser arazir bar kurir God bar aghuazibagh amim. Danganir kamning, aning Jerusalemin aruem anadi naghin mighsiam gisin iti. ⁸ Egha a uaghan uan amuir azenan itir kaba bagha danganir mabar ingari, eghiti me dar mangiva ofan migharir mughuriar aghuim zuim ko, ofan igharaghha gariba uan aseba bagh dar amuam.

⁹⁻¹⁰ Ikiavira Itir God, a Israeli God, a faragha dughiar pumuningin Solomon batogha aser kabar ziaba fan an anogoroke. Ezi Solomon Ikiavira Itir Godin Akar Gavgavim batuegha, akirim ragha a gasara. Kamaghin amizi, Ikiavira Itir God adarim Solomonin ikia, ¹¹ egha kamaghin a migei, "Ni oragh! Ni uan ifongiamin gin ghua, arazir ki ifongeziba ko nan Akar Dikirizir Gavgavim abigha, nan Akar Gavgavimin gin zuir puvati. Kamaghin amizi, ki kamaghin nighnigha givagha ghaze, ni atrivir ingangarimin givagh, ua kantrin kamin ganan kogham. Ki nin ingangarir gumazitam amiseveghtima an atrivimin otivam. ¹² Ni aremeghti nin otarim atrivimin ikitima, ki a batuegham. Ki nin afeziat Devit ginighnigha, datirighin ni batueghan kogham. ¹³ Egh ki atrivir ingangarimin bar a batueghan kogham. Puvati. Ki uan ingangarir gumazim Devit ko, nguibar ekiar ki ua baghavira inabazim, ki aning ginighnisi. Kamaghin amizi, ki nin otarim ateghti a Israeli anaba tamin atrivimin ikiam."

Gumazir pumuning Solomonin apanim gami

¹⁴ Egha Ikiavira Itir God, gumazir mam gamizima, a Solomonin apanimin oto. Gumazir kamin ziam Hadat, a Idomian atrivimin ikizimin gumazir mam. ¹⁵ Atrivim Devit fomira Idomia ko misoke. Ezi Israeli midorozir gumazibar dapanim Joap, a Idomin ghugha, midorozimin ariaghirezir gumazibar kuaba afe. ¹⁶ Joap uan midorozir gumaziba ko me iakinir 6plan Idomin kantrin ikia gumazibav

sogha ghua bar me kuavareme. ¹⁷ Dughiar kamin Hadat suvighavira ikia, egha Idomin gumazir maba ko ara Isipin kantrin zui. Gumazir kaba, kar an afeziamin ingangarir gumaziba. ¹⁸ Me Midianin nguazim ategha ghua Paranin gumazamiziba puvatizir danganimin otifi. Egha Paranin gumazibza inigha, me bar moghira Isipin ghue. Me otivigha givagha, ghua Isipin atrivim batozima a nguazir asizir mam ko, dipenir mam Hadat ganigha, daghebar an akurvasi. ¹⁹ Isipin atrivim bar Hadat gifongegha anetaghizima, a Tapenesin afumim min iti. Tapenes, a Isipin atrivim min amuim. ²⁰ Ezi Hadatin amuim otarir mam bate, ezi me ziam Genubat a gati. Ezi Tapenes Genubat inigha Isipian atrivimin boriba sara atrivimin dipenimin men gari. ²¹ Ezi Hadat Isipin ikia orazi, Devit ko an midorozir gumazibar dapanim Joap, aning areme. A kamaghin oregha ghua Isipian atrivim migia ghaze, "Ni nan amamangatigli, ki uamategh uan kantrin mangam."

²² Ezi atrivim an azara, "Ni manmaghsua uamategh uan kantrin mangasa? Ni na ko ikia bizitarbar otevez ti."

Ezi Hadat a migia ghaze, "Ki bizitam gasazir puvati. Ki kamaghsua, ni pura na ategeth ki mangam."

²³ God gumazir ighazarir mam uaghan a gamizima, a Solomonin apanimin oto. Gumazir kamin ziam Reson, a Eliadan otarim. Reson a kantri Soban Atrivim Hadateserin ingangarir gumazir mam. An Hadateser ategha arav ghu. ²⁴ Egha a gumazir maba akuvagha men faragha ghua, tintinibar puram arua, gumazamizibav sogha men biziiba okei. Ezi Devit fomira Hadateserin midorozir gumazibav sogha me agivazi,* biziir kamin gin, Reson uan adarazi ko me ghua Damaskusin nguabar ekiamin iti. Egha an adarazi an akurazi, a Damaskusin atrivimin oto. ²⁵ Ezi Solomon atrivimin itir dughiamin, Reson zurara Israeli an apanim gami, Hadat amizi mokin. Egha Reson kantri Sirian atrivimin ikia, Israeli bar men aghua.

Ikiavira Itir God, Jeroboam bagha akam akri

²⁶ Solomonin ingangarir gumazir dapanir mam uaghan akirim ragha a gasaragha an apanim gami. An ziam Jeroboam. An afeziamin ziam Nebat, ezi an amebamin ziam Serua. Ezi an afeziam Nebat areme. Jeroboam, a Seredan nguibamin gumazim. Kar Efraimin anabamin nguazimin itir nguabar

ekiam. ²⁷ Jeroboam Atrivim Solomon abinasa nighnisi. Bizir kamin mingarim kamaghin ghu, Solomon Jerusalemin danganir iraghueziba apeava, Devitin Nguibar Ekiam avinizir divazim akirir dughiamin, ²⁸ Jeroboam bar deraghavira ingari. Solomon an ingangarir aghuir kabar ganigha anemisevezi a Josepin anabamin adarazir gativagha men gari. Ingangarir kaba, atrivim da isa me ganangi.

²⁹ Dughiar mamin, Jeroboam Jerusalem ategha tuavir mamin zuima, Godin akam inigha izir gumazim Ahiya, a Silon gumazim, a iza tuavimin a bato. Aning uaningra itima, gumazitam uam aning ko itir puvati. Dughiar kamin, Ahiya korotiar igiar mam arugha egha ize. ³⁰ Egha Ahiya korotiar igiar kam suegha, an suiragh 12plan akuabar anebiki. ³¹ Egha a Jeroboamin migia ghaze, "Ikiavira Itir God, Israeli God, kamaghin ni migei, 'Ni gan! Ki Ikiavira Itir God, ki atrivir ingangarimin Solomon agivasa nighnigha gifa. Ki ni damighti ni Israeli anabar 10pla gativagh men ganam. Kamaghin amizi, ni korotiar akuar 10pla ua bagh dar suikigh. ³² Ki uan ingangarir gumazim Devit ko, Israeli anababar tongin Jerusalemin nguabar ekiar ki ua baghavira inabazim, ki aning ginighnisi. Kamaghin, ki Solomon ateghti, an anabar vamiran ganam. ³³ Israelia akirim ragha na gasaragha Saidonin aser amizim Astarten ko, Moapien asem Kemos, ko, Amonian asem Molek, me men ziaba fe. Me tuavir aghuir ki men akaziba dar gin zuir puvatigha, nan arazir ki ifongeziba ko, biziir ki damuasa ia mikemezibar gin zuir puvati. Egha ki ifongezir puvatizir biziba me dagh ami. Me Solomonin afeziam Devitin arazir aghuiba bar ada ataki. Ezi biziir kam bangin ki arazir kam men akagharn.

³⁴ "Egh ki atrivir ingangarimin Solomon da bar anegivaghan kogham. Ki uan ingangarir gumazir ki ua bagha misevezim Devit, a ginighnisi. A nan Akar Gavgaviba ko arazir ki ifongeziba bar dar gin zuir gumazim. Ki a ginighnigh, Solomon anetegeth an atrivimin iki mangi aremegham. ³⁵ Solomon aremegh givaghti, an otarim an danganim inigh atrivimin ikiti, ki an dafarimin 10plan Israeli anababa inigh ni Jeroboam, nin dafarim darigham. ³⁶ Egh ki Solomonin otarim ateghti, a Israeli anabar vamiran ganam. Ehti nan ingangarir gumazim Devitin lam mungueghan kogham.[†] Bar puvatigham. An ovavir boriba atrivibar iki mangivira ikiam. Devitin ikizimin adarazir tongin

* **11:24:** Ni 2 Samuel 8:3-6 ko 10:15-19 in gan. † **11:36:** 2 Samuel 21:17 in, gumazir maba ghaze, Devit mati lam, angazangarim Israeli ganidi. Gin akar kam, Devitin lam, a Devitin adarazir akar isin zuimin min oto. Akar kam, "Devitin lam mungan kogham," an mingarim kamaghin, "Devitin ikizim givan marki."

gumazitam zurara Jerusalemin atrivimin ikiam. Nguibar ekiar kam, gumazamiziba an iziva nan boroghin izi nan ziam fasa ki a ginaba. ³⁷ Jeroboam, ki ni damightima ni Israelian atrivimin otogh, nguazir ni ganasa ifongezibza, ni bar dagh ativagh dar ganam. ³⁸ Ni nan Akar Gavgvir ki ni migeiba deragh da baragh, egh deragh tuavir ki nin akaghambiar gin mangi, egh nan damazimin arazir aghuibar amu, egh nan ingangarir gumazim Devit amizi moghin, ni nan Akar Gavgviba ko arazir ki ifongezibar gin mangit, ki ni ko ikiam. Egh ki nin ikizimin adarazir amuti, me atrivibar iki mangivira ikiam. Eighti ki Israelian anabar 10pla isi ni daningam. ³⁹ Solomon arazir kuram gami, ezi bizar kam bangin ki iveauzir kuram isi Devitin ovavir boribar aningam. Egh ki zurara mizazim me gasivira ikian kogham.”

⁴⁰ Solomon gin kamaghin fo, Jeroboam anebinasa. Kamaghin amizi, Solomon Jeroboam misuehti an aremeghasa. Ezi Jeroboam ara ghua Isipian Atrivim Sisak ko iti. Egha Isipin ikiavira itima Solomon areme.

Solomon areme (2 Eghaghaniba 9:29-31)

⁴¹ Solomon amizir bizar igharaziba, ko an nighnizir aghuiba ko fofozim, me bar ada isa, Solomonin Eghaghaniba Itir Akinafarimin ada osiri. ⁴² Solomon 40plan azenibar Jerusalemin atrivimin ikia, egha Israelia bar me gativagha men gari. ⁴³ Egha Solomon uan inazir afeziabar min aremez, me an kuam isa, an afeziat Devitin Nguibar Ekiar Jerusalemin, anefa. Ezi an otarim Rehoboam an danganim inigha atrivimin iti.

Israel ko Juda, kantrin pumuningin oto

12

(Sapta 12-16)

Anabar notin amadaghan itiba bigha Judaba ataki (2 Eghaghaniba 10:1-19)

¹ Israelian notin amadaghan itir anababa bar, me uari bagh Rehoboam amisevegħti, a men atrivimin otivasa me nguibar ekiar Sekemin uari akufa, kamaghin amizi Rehoboam me bagħha għu. ² Nebatin otarim Jeroboam, a fomira Atrivim Solomonin ara ghua Isipin iti. Ezi Israelia Rehoboam damighti an atrivimin otivasa amima, Jeroboam bizar kamin akam baraki. ³ Ezi Israelian gumazir maba Jeroboam bagħha ghua a migia ghaze, “Ni uamategħ Israelin izi.” Ezi a Isip ategħa uamategħa izegħha għivvagħa, Israelia ko bar Rehoboam bagħha

ghua kamaghin Rehoboam migei, ⁴ “Nin afeziām Solomon osimtizir ekiam e ganiga, e gamizi e osimtizir ekiam atera pamtemin ingari. Kamaghin amizi ni en asughasugh en osimtizir taba agifagh. Ni kamaghin damighti, e datirighin nin apengen ikiam.”

⁵ Ezi Atrivim Rehoboam akar kam bareghha kamaghin me migei, “Ia mangi, 3plan dughieba għivajtia ia ua izi ki uan nighnizmin gun ia mikim.” Ezi me anetegħha uamategħa ghue.

⁶ Ezi Rehoboam ghua gumazir ghuriba ko migei. Gumazir kaba, me fomira nighnizir aghuiba an afeziām Solomon ganidi. Rehoboam kamaghin men azara, “Ia manmagħin nighnisi, ki akar manatamin gu-mazazir kabav kimam?”

⁷ Ezi me kamaghin a migei, “Ni arazir aghuimin gumazaziz kabar amuva men akurvagħsi datirighin akar aghuitamin me mikimti, me zurara nin apengen ikiam.”

⁸ Ezi Rehoboam gumazir ghurir kabar akam baraghizir puvatīha, ghua gumazir igiabar azangsisi. Gumazir kaba me an kuuba, egha me uagharam aghħungi, egha datirighin me an ingangarir gumazizbar otifi. ⁹ A kamaghin me migei, “Gumazaziz kabha ghaze, nan afeziām Solomon me gatizir osimtizir kaba, ki dar taba agivam. Ezi ia manmagħin nighnisi, ki akar manatamin me ikarvagħam?”

¹⁰ Ezi ingangarir gumazir igiār kaba kamaghin a migei, “Ni men azangsizir nin afeziām me gamizir osimtizir kataba ikarvagħsi, ni kamaghin me mikim, ‘Ia ghaze, nan afeziām paza ia gami, a? Puvati. Kar pura bizim. Nan dafarir tereghiem, bar nan afeziām gavgvim gafira. ¹¹ Guizbangira nan afeziām osimtizim ia ganingi, ezi ki osimtizir ekiar bar aviriba ia daningam. Nan afeziām benimin ia ifozoroke, ezi ki benir gavgvir atariba itibar ia fozo rogti, ian inivafiziba asighram.”

¹² Ezi dughiar 3pla għivażiha, Jeroboam Israelian gumazazibba bar me ko uamategħha, Atrivim Rehoboam mikemezi mogħin me izi. ¹³⁻¹⁴ Ezi atrivim gumazir ghuribar nighnizmin ġin zuur puvatīha, a gumazir igiabar nighnizmin ġin ghua, pamtemin gumazazibav gei. A kamaghin me migei, “Guizbangira, afeziām osimtizim ia ganingi, ezi ki osimtizir ekiar aviriba ia darigham. Nan afeziām benimin ia ifozoroke, ezi ki benir gavgvir atariba itibar ia fozo rogti, ian inivafiziba asighram.” ¹⁵ Fomira akam inigha iziż gumazim Ahija, a Silon gumazim, a Ikiavira Itir Godin akar dikirizim Nebatin otarim Jeroboam ganingi. Egha God datirighin uan akar dikirizir kam damut, a gużin otivasava ami. Kamaghin

amizi, Ikiavira Itir God uabi Rehoboam gamizi, a gumazamizibar nighnizimin gin zuir puvati.

¹⁶ Gumazamiziba me datirighin fo, atrivim men akam bareghan kogham. Kamaghin amizi, me pamtemin dia kamaghin migei, "E Devitin adarazir apengan ikian aghua. E Devitin adarazi puvati, e uaghan Devitin otarir kamin adarazi puvati. E Israelin gumazamiziba bar uamategh uan nguibabar mangam. Egheti ia Devitin adarasi, ia uarira uarir gan." Me akar kam mikemegha, me tintinibar uan nguibabar ghue. ¹⁷Ezi Israeliel marazi uaghan Judan nguibar ekiabar ikia, Judabar tongin iti. Ezi Atrivim Rehoboam men gari.

¹⁸Egha gin Atrivim Rehoboam Adoniram amadazima, a Israelia bagha zui. Adoniram, a fomira gumazir atrivimin ingangaribagh amir gumazibar garir gumazim. An ziar igharazim Adoram. Dughiar Adoniram ghua Israelia batozimin, me bar moghira dagiabar a ginivizima an areme. Ezi Rehoboam bizir kamin akam baregha, zuamira uan karisin ghuavanabogha ara Jerusalemin ghu. ¹⁹Dughiar kamin ikegha iza datirighin, Israeliel notin amadaghan itiba me akaba batogħavira iti, me Devitin ikizimin tav atrivimin otogħi men ganan me bar aghua.

²⁰Ezi Israeliel gumazamiziba kamaghin oraki, Jeroboam Isip ategħa ize. Egha me uari ko iviriamin ikiasa a bagħi akam amada. A izezima, me a gamizima a Israeliel ikiziba bar men atrivimin iti. Ezi Judan anabamin adarazira, me Devitin ikizimin otivizir atrivbar apengan iti.

Akam inigha izir gumazim Semaia, Godin akam akuri

(2 Eghagħaniba 11:1-4)

²¹ Ezi Rehoboam ghua Jerusalemin otogħa, Juda ko Benjaminin anabamningin midorozir gumazir gavgavibar diazi, me iza uari akufa. Modorozir gumazir kabar dibobonim 180,000in tu. Rehoboam kamaghhsua, me mangi Israeliel notin amadaghan itir anababav suegh, me damighti me ua izi an apengan ikiam. ²²Ezi God kamaghin akam inigha izir gumazim Semaia migei, ²³"Ni Judan Atrivim Rehoboam bagħi mangi, egh a ko, Judaba ko Benjaminin anabamningin adarazi ko, gumazamizir igharaziba sara kamaghin me mikim, ²⁴Ki Ikiavira Itir God, ki kamaghin migei: Ia mangi Israelia misogħan marki, me ian adarasi. Guizbangira, ki uabi kamaghin amizi, Israelia ian bighiaghri. Kamaghin ia uamategh uan nguibabar

mangi." Ezi Semaia Ikiavira Itir Godin akam me mikinizi, me uamategha uan nguibabar ghue.

Jeroboam akirrim ragħha Ikiavira Itir God gasara

²⁵ Ezi Atrivim Jeroboam, Efraimin anabamin nguazir mighsiaba itibagh isin nguibar ekiam Sekem avinizar divazim, gavgavim a ganiga an ingarigha, egha nguibar kam dughiar mabar an ike. Egha gin anetegħa, Gileatin Distrighin itir nguibar ekiam Penuel avinizar divazim inagara, gavgavim a ganid.

²⁶ Jeroboam kamaghin nighnigha ghaze, "Nan gumazamiziba ti na tegħi, ua Devitin adarazir apengan mangħiġam. ²⁷ Me datirighin Jerusalemin itir Ikiavira Itir Godin Dipenim zurarama an ghua, a bagħa ofabagh ami. Me ti uan nighnizibagh iragh, uamategh uan Ekiam Rehoboam, a Judabar atrivim, me an apengan ikiam. Egh me ti na misuegħti ki aremegħti, me uamategh Atrivim Rehoboam bagħi mangam."

²⁸ Jeroboam nighnizir kam deraghaviram a tuisigha givagħha, kamaghin bulmakaun apurir pumuning marvir guamningin min, golin aningen ingari. Egha kamaghin uan gumazamizibavgia ghaze, "Ia dughiar aviribar Ikiavira Itir Godin ziam fasa Jerusalemin zui. Ezi datirighin ia uā mangan kogħam. Israelia, ja gan, ja godnning kara. Aning Isipin ja inigha, ja akua kagh ize. Ja aningen ziam fi." ²⁹Egha a golin bulmakaun mam Betelin nguibar ekiamin anetegħha, igharazim Danin nguibar ekiamin aneti. ³⁰Ezi gumazamiziba bulmakaun kamnning ziamming fe. Me kamaghin amua ażariz kuram gami. Dan bar sagħon iti, ezi gumazamiziba Danin itir bulmakaun kamin ziam fasa pura Danin zui. ³¹Ezi Jeroboam uaghan asebar ziaba fasa tintinibar mighsiabagh isin danganibar ingari. Egha dar ofa damuasa gumazir kinir maba pura adav sefe. Me Livain anabamin adarazi puvati.

Ikiavira Itir God, Betelin itir danganir gol bulmakauningin ziamming fem gasiġas ħażżeġa

³² Egha Jeroboam, gol bulmakauningin ziamming fasa dughiar ekiar mam ginaba, a namba 8in iakinim an namba 15in aruem. Kar bulmakaun kamnning ziam fer dughiem, a Judaba Godin ziam fer dughiem ko ekevegħha magħi għu. Egha a bulmakaun ingarizimming bagħha, asizibav suegħa ofa gamir dakozim gisín da tiegħha ofa gami. A Betelin ofan kabagh am. Egha a ofa gamir gumazir a uabi miseveziba

12:16: 2 Samuel 20:1 * **12:19:** Akar kam, "dughiar kamin ikegha iza datirighin," a datirighin en dughiar kam migeir puvati. A gumazir akina farik kam osrizi minn dughiem migei. **12:28:** Ua Me Ini 32:4 **12:32:** Ofa Gami 23:33-34

bagha akam amadagha ghaze, Me Betelin izi danganir ofabagh amibar ingangarimin faragh mangi a damuam. ³³ Egha namba 8in iakinim, an namba 15in aruer a uabi inabazim, kar Israeliyan dughiar ekiar me marvir guabar ziaba famim. Ezi Jeroboam, Betelin nguibamin ingarizir ofa gamir dakozimin ghugha, mughuriar aghuim zuir ofa gami.

13

¹ Atrivim Jeroboam ofa gamir dakozimin tughav ikia ofa gami, ezi Godin akam inigha izir gumazir mam a bagha izi. Akam inigha izir gumazir kam a Judabar gumazim, ezi Ikiavira Itir God, Juda ategh Betelin mangasa a mikeme. ² Ikiavira Itir God, an akam ofa gamir dakozir kamin ikia, egha akam inigha izir gumazim migia ghaze, Ni kamagħin ofa gamir dakozir kam mikim: “O ofa gamir dakozim, ki Ikiavira Itir God, ki akam nin iti. Otarir mam, an ziam Josaia, a Devitin ikizimin aven otivam. An atrivimin iksamim dugħiġi, a nin ofa gamir gumazir ni gis in ofa gamiba inigh, ni gis in me arīgh me misuegħi me arim ġiġi rehem. Egh a gumazir kabar aghariba ni gis in da tiegħti, ni bar mizeħġam.”

³ Egha akam inigha izir gumazim akar kam kunigha ua kamagħin migei, “Ki datirigħiñ bizitam ni mikimam, Ikiavira Itir God arazitam nin akagħti ni fogħ suam, kar guizbangira Ikiavira Itir Godin akamra. A kamakin: Ofa gamir dakozir kam dipriġi righti, an itir averenim tintinibar ireħegħam.”

⁴ Jeroboam ofa gamir dakozimin borogħin mitiġħav ikia, akar kam baraki. Egha uan dafarim fuegħa akam inigha izir gumazim inku ughha ghaze, “Gumazir mamin suiragh.” Ezi Jeroboamin dafarim magħira mineġħiġiha ikia mamaghira iti, ezi an anepiġi wa użan ibura.

⁵ Ezi ofa gamir dakozir kam, Ikiavira Itir God, uan akam inigha izir gumazim inkamien aven mikemezi mogħira, a dipriżi averenim tintinim inku ughażi għidha. ⁶ Ezi Atrivim Jeroboam kamagħin akam inigha izir gumazim migei, “Nan ifongiak kamakin, ni na bagħ uan Ikiavira Itir God, ni God, ni a ko mikimti, a nan akuragħti nan dafarim ua deraka.” Ezi akam inigha izir gumazim Ikiavira Itir God ko migeima, an atrivimin dafarim gamizi, a ua deragħha iragħu.

⁷Egha atrivim kamagħin akam inigha izir gumazim migei, “Ki kamagħin ifonge, ni nan dipenim in iżi ga damam. Egh ki bixi aghħiutam ni daningam.”

⁸Ezi akam inigha izir gumazim kamagħin a migei, “Ni uan dagħiabu akuar pumuningin da abigh tam na daningiżi damuti, ki nin dipenim in mangan kogħam, egh Betelin nguibamin kagh ni ko dagħeba ko dipabar aman kogħam. ⁹ Guizbangira, Ikiavira Itir God na migia ghaze, ki dagħeba ko dipatam aman kogħam, egh uaghan tuavir ki izezim, ki ua nguibamin mangi an mangan kogħam. Ki uamattegh tuavir a izezim ġiġi tħalli.” ¹⁰ Ezi akam inigha izir gumazim tuavir a izezim ġiġi tħalli. A Betel ategħiha tuavir iħbari.

Akam inigha izir gumazir ghurim, Judan akam inigha izir gumazim gifara

¹¹ Dugħiār kamin akam inigha izir gumazir ghurir mam Betelin nguibamin iti. Ezi an otariba iza, Judan akam inigha izir gumazim Betelin amizir bizibbar gun a migei. Egha uaghan akam inigha izir gumazim, Atrivim Jeroboam mikemmezir akabar gun a migei. ¹² Ezi afezziż ghurim kamagħin otaribar azara, “Akam inigha izir gumazir kam, tuavir manamra a uamattegha an għu?” Otariba akam inigha izir gumazim ghuziż tuavim għiġi, kamagħin amizi, me uan afezziż mikeme.

¹³ Ezi a kamagħin me migei, “Ia mangi satel inighiżi nan donki gis in datiġi.” Ezi me amigħha għiżi, a donki gaperagħha zui. ¹⁴ A Judan akam inigha izir gumazim ġin għuwa an garima, a temer okin povim aperagħav iti.

Ezi akam inigha izir gumazir ghurim kamagħin an azara, “Ni akam inigha izir gumazir kam, ni Juda ategħha iza?”

Ezi akam inigha izir gumazim a ikaragħha ghaze, “Are, kar kirara.”

¹⁵ Ezi gumazir ghurim kamagħin a migei, “Ni nan dipenim in iżi na ko damasa ki ifonge.”

¹⁶ Ezi Judan akam inigha izir gumazim a migia ghaze, “Ki uamattegh ni ko nin dipenim in mangan kogħam. Egh ki daganir kamin dagħetam ko dipatam amegħi kogħam. ¹⁷ Guizbangira, Ikiavira Itir God na migia ghaze, ki dagħeba ko dipatam aman kogħam, egh uaghan ki tuavir ki izezim, ki ua nguibamin mangi uam an mangan kogħam. Ki tuavir iħbari.

¹⁸ Ezi akam inigha izir gumazir ghurim kamagħin a migei, “Ki uaghan nin min akam inigha izir gumazir mam. Ezi Ikiavira Itir God uan ensel na bagħha anemadagħha ghaze, ki ni inigh uan dipenim in mangi dagħeba ko dipam ni daningi, ni dar am.” Egha gumazir ghurir kam a gifara. ¹⁹ Ezi

Judan akam inigha izir gumazim, kamaghin oregha, gumazir ghurir kamin gin an dipenimin ghugha dagheba ko dipaba api.

²⁰ Aning dagheba apir dakozimin aperaghav itima, Ikiavira Itir God, akar mam isa akam inigha izir gumazir ghurir kam ganingi. ²¹ Ezi akam inigha izir gumazir ghurir kam, Judan akam inigha izir gumazir kam pamtem a migia ghaze, "Ikiavira Itir God, nin God kamaghin migia ghaze, ni an Akar Gavgavim batuegha, egha a ni mikemezei moghin amizir puvati. Bar puvati. ²² Ni ua iza danganir a dagheba ko dipabar aman nin anogoroghezi, ni da ame. Kamaghin amizi, ni aremeghti me nin kuam isi nin inazir afeziabar mozimin ni afaghan kogham."

²³ Ezi Judan akam inigha izir gumazim amegha givazi, akam inigha izir gumazir ghurir, a bagha uan donki akirigha a ganingizi ana gaperagha zui. ²⁴ A ghuavira itima laionin mam iza a batogha a misoghezi an areme. Ezi an kuam irighav itima donki an boroghin tughav itima, laion uaghan an kuamin boroghin tughav iti. ²⁵ Ezi gin gumazir maba tuavir kamin ghua garima, an kuam tuavimin irighav itima, laion an boroghin tughav iti. Ezi me ghua Betelin nguibamin otivigha ganizir bizar kamin gun gumazamizibar gei.

²⁶ Ezi akam inigha izir gumazir ghurim akar kam baregha ghaze, "Mar Judabar akam inigha izir gumazimin kuamra. A Ikiavira Itir Godin akam batoke. Ezi Ikiavira Itir God, mikemezei moghiram amua laion amadazi, a iza a misoghezi an areme."

²⁷ Ezi a uan otaribav gia ghaze, "Ia satel isi nan donki gisin anetigh." Ezi a mikemezei moghin me ami. ²⁸ Ezi a tuavimin ghua garima akam inigha izir gumazimin kuam tuavimin irighav iti. Ezi donki ko laion an kuamin boroghin tughav iti. Laionin kam, an kuam apir puvatigha, bizitamn donki gamizir puvati.

²⁹ Ezi akam inigha izir gumazir ghurim kam an kuam isa uan donki gati. Egha a inigha Betelin ghugha, an kuam bagha azia, a isa mozimin anefam. ³⁰ Egha akam inigha izir gumazir ghurim an kuam isa uan dagiar torimram anefa. Egha uan otariba ko azia kamaghin migia ghaze, "O, en aveghbuam! O, en aveghbuam, noki!"

³¹ Me anefatha givagha, akam inigha izir gumazir ghurim kamaghin uan otaribav gei, "Ki aremeghti ia nan kuam isi Godin akam inigha izir gumazir kamin kuam itir mozimin boroghin na afagh. ³² Guizbangira, Ikiavira Itir God, akar an akam inigha izir gumazim mikemezibar amighti, da bar guizbangirama otivigham.

Ikiavira Itir God, Betelin itir ofa gamir dakozim gasighsigh, egh Samarian Dis trighin itir nguibabar itir asebar ziaba feir dipeniba bar dagh asighasigham."

Jeroboam arazir kuram gamua ghuavira iti

³³ Jeroboam bizir kabar gari da otifi, ezi a uan arazir kuraba ataghiraghsha nighnizir puvati. Bar puvati. An ofa damuasin danganir a uabi ingarizibar ofa damuasa gumazir kinibav siva ghuavira iti. Gumazir manam ofa damuamin ingangarim bagha nighnisi, Jeroboam puram anemisevegħti, a ingaram. ³⁴ Jeroboam uan adarazi ko me arazir kurar kabagh amua, men arazir kurar kaba me gamima me osintizim iti. Arazir kam bangin, Ikiavira Itir God Jeroboamin adarazi bar me kuavareme.

14

Jeroboamin otarim arimariam ini

¹ Dughiar kamin, Atrivim Jeroboamin otarim Abiya arimariam a ini. ² Ezi Jeroboam kamaghin uan amuimin migia ghaze, "Ki kamaghin ifonge, ni igharagh kurkegħti, gumazamiziba suam, ni nan amuimin puvati. Egh ni Silon mangi. Ni fo, Godin akam inigha izir gumazim Ahiya a nguibar kamin iti. Gumazir kam na migia ghaze, ki Israelien atrivimin otivam. ³ Ni 10plan bretin rubuziba ko, bisketin taba ko, hanin minetam inigh mangi a daningiġ. Egh otarimn arimariam gifofogħsi an azaragh. Egh ti a ni mikimam." ⁴ Ezi Jeroboamin amuimin a mikemezei moghin ghua Silon nguibamin Ahiyan dipenimin zui. Ahiya datirighin bar ghurigha damazibha okafi.

⁵ Jeroboamin amuimin izavira itima, Ikiavira Itir God Ahiyan migia ghaze, "Jeroboamin amuimin ni bagħ iżi, uan otarimn arimariam gifofogħsi ni azangsighħa iżi, a deragħam ti. A ifar amizir igharazim min gan ni bagħ izam." Egha Ikiavira Itir God, biziba bar dar gun Jeroboamin amuimin mikimasa Ahiya mikeme.

⁶ Ezi Ahiya orazima, Jeroboamin amuimin ġagariba tiar akamin azenan tingażżima a kamaghin migei, "Jeroboamin amuimin ni aven iżi. Ni tizim bagħ amizir igharazim min uabi garigha na gifarasa? Ki migirigiar mam iti, ki ni mikemegeħti nin navim bar ni basmegħam. ⁷ Ni uamategħ Jeroboam bagħ mangi, kamaghin Ikiavira Itir Godin akamin a mikim, 'Ki Ikiavira Itir God, Israelien God, ki kamaghin migei: Jeroboam, ki uan gumazamiziba Israelia, men tontin ni amisevezi ni men atrivimin oto. ⁸ Ki Deviñ adarazi da atrivir ingangarim adegha, a isa ni ganingi. Ezi

ni nan ingangarir gumazim Devit amizir arazir aghuibar gin zuir puvati. Devit nan Akar Gavgaviba bar adar gin ghua, uan navir averiamin aven na baghavira ikia, egha arazir nan damazimin derazibaram ami.⁹ Ni arazir kuram gamua ghuavira ikia, faragha ikezir darazir arazir kuraba bar dagh afira. Ni ua bagha godin igharaziba ko marvir guar ni ainin amerezibar dar ingari. Egha akirim ragha na gasaragha aser kabar ziaba fe. Ezi ki nin arazir kaba bagha, bar nin aningaghe.¹⁰ Bar guizbangira! Ki nin adarazigh asighasigham. Egh Jeroboam, Israeliian aven nin gumaziba gin otivi, ki bar moghira me agivaghram, gumazir igiaba ko aruaba sara. Ki bar me agivaghram, mati gumazim buariba bar da suegha da makunizi tam ua itir puvati.¹¹ Nin adarazir aven gumazitaba nguabar ekiamin arimighiregh men kuaba ikiti, afiaba dar amam. Eghiti tarazi nguabar ekiamin azenan arimighiregħi isaba men kuabar amam. Ki Ikiavira Itir God, ki mikemegħa gifa.”

¹² Egha Ahiya ua Jeroboamin amuim migia ghaze, “Ni uamategh uan nguibamin mangi. Ni nguabar ekiamin aven mangitimira nin otarim aremegħam.¹³ Eghiti Israelia bar moghira an aziva anefam. A uabira Jeroboamin adarazir tongin, Ikiavira Itir God, Israeliian God, an garima, an arazir aghuibagh ami. An kuamra gumaziba a isi mozim darigham. Eghiti Jeroboamin adarazir gumazir igharaziba, puvatigham.¹⁴ Eghiti Ikiavira Itir God, gumazitam amisevegħti an atrivimin ikiam, egh atriv kam Jeroboamin adarazi bar me agivaghram. Bizzir kam, datirighin ikegħi mangivira ikiam.”*

¹⁵ “Israelia, temer Guarir aser amizim Aseran nedazim itiba dar ziaba fe, men arazir kam Ikiavira Itir God gamizi, a bar men aningaghe. Kamaghin amizi, Ikiavira Itir God, mizazim me gasegħti, me atiatigħ akongam, mati aperiam uaghira ighurunim amożorzo i avazvasi. Egh Ikiavira Itir God, nguazir aghuir a Israeliian inazir afezibagħ aningizir kamin me batuegħam. Egh Yufretis Fanemien vongin tintinbar me aghħamsigh me akunigham.¹⁶ Jeroboam uabi arazir kurar kam gamiġha, bar Israelia gekuizi me arazir kuram gami. Kamaghin amizi, Ikiavira Itir God Israeliian

arazir kurar kam ginighnigh, akirim ragħ me gasaragħam.”

¹⁷ Ezi Jeroboamin amuim akar kaba baregha dikavighha uamateghha Tirsan nguabar ekiamin zui. A ghua uan dipenimin aven zuima, an otarim areme.¹⁸ Ezi Ikiavira Itir Godin akam inigha izir gumazim Ahiya mikemezi mogħira, Israelia bar mogħira otarim min azia, egha a isa mozim gati.

Jeroboam areme

¹⁹ Atrivim Jeroboam amizir araziba, da bar akinafarir mamin aven iti, akinafarir kam me kamaghin a dibori, Israeliian Atrivibar Eghaghaniba.[†] Akinafarir kamin, a uan apanibav sogħezir eghaghaniba ko, a kantri gativħaqha amizir bizibbar eghaghaniba, an aven iti.²⁰ Jeroboam 22plan azenibar atrivimin ikegħa uan inazir afeziabar min aremezi, me an kuam isa anefha. Ezi an otarim Nadap an danganim inigha atrivimin iti.

Rehoboam Judabar atrivimin iti (2 Eghaghaniba 11:5-12:16)

²¹ Solomonin otarim Rehoboam, a Judabar atrivimin iti. A 41plan azeniba ikia, egha atrivimin oto, egha 17plan azenibar atrivimin ike. A Jerusalemin aperagħha iti, nguabar ekiar kam Ikiavira Itir God, Israeliian nguabar ekiar igharazibar tongin, ua bagħha a ginaba, eghiti danganir kamin Israelia bar Godin borogħin iziva an ziam fam. Rehoboamin amebam, an ziam Nama, a kantri Amonian amizim.

²² Dugħiak kamin Judabar gumazamiziba arazir kurar aviriba Ikiavira Itir Godin damazimin dagħi am. Ezi arazir kurar me amizir kaba, Ikiavira Itir Godin aningħagħarim gamizi, a ghua bar ekefe. Men inazir afeziaba faragħa arazir kurabagh am, ezi Ikiavira Itir Godin adar datirighin Judabar itim, a bar ekevegħha adarir fomira men inazir afeziabar ikezim bar a gafira.²³ Judaba datirighin mighsija ko temer ekiabar aebabar, dagħi Guarir dighorba itiba ko temer Guarir aser amizim Aseran nedazim itiba, isa danganir kabar da asava dar ziaba fe.²⁴ Ezi arazir bar kurar mam oto. Gumazir maba, me asebar ziaba fer danganir kabar poroġħamiba uari isava akur arazibagh am. Judan gumazamiziba, me gumazamizir fomira

^{14:10:} 1 Atriviba 15:29

* ^{14:14:} Hibrun akam, deragħha akar kamin mingarim abighix puvati.

^{† 14:19:}

En Godin Akinafarimin aven, akinafarir pumuning iti, me kamaghin aning dibora ghaze, Israeliā ko Judabar Atriviba 1 ko, Israeliā ko Judabar Atriviba 2. Ezi uaghha akinafarir igharazir pumuning iti, me aning dibora ghaze, Atrivibar Eghaghaniba 1 ko, Atrivibar Eghaghaniba 2. Ezi marazi kamaghin nighnisi, bar fomira akinafarir igharazimning uaghan ike, Kar, Israeliā Atrivibar Eghaghaniba ko, Judan Atrivibar Eghaghaniba. Dugħiak mabar, Godin Akinafarimin aven itir akinafariba, akinafarir igharazir kammingi akaba dar iti. Ezi datirighin akinafarir igharazir kamning, bar ovengo, ezi e uam adar ganan kogħam. ^{14:23:} 2 Atriviba 17:9-10 ^{14:24:} Godin Araziba 23:17

nguazir kamin ikezibar min, arazir bar kurir ki aghuazibagh ami. Gumazamizir fomira ikezir kaba, Ikiavira Itir God me batuegha, nguazir kam isa Israelia ganingi.

²⁵ Ezi Rehoboam atrivimin itima an namba 5in azenim otozi, Isipian Atrivim Sisak uan midorozir gumaziba ko iza Jerusalem ko misosi. ²⁶ Egha me Jerusalemia misogha, me abinigar Ikiavira Itir Godin Dipenim ko, atrivimin dipenimin bizir bar aghuiba, me bar da ini. Egha uaghan Solomon midorozim bagha ingarigha golin noghezir oraba, me bar ada inigha Isipin ghue. ²⁷ Ezi gin Atrivim Rehoboam uan ingangarin gumazibav kemezi, me bras inigha uam orar igiabar ingarigha brasin da noke. Ezi da Isipia okemezir orabar danganiba ini. Ezi Rehoboam da isa, ingangarin gumazir an dipenimin tiar akabagh eghuvibagh aningizi me dar suigha tiarakabar gari. ²⁸ Atrivim Ikiavira Itir Godin Dipenim zuir dughiabar, a geghuvir gumazir kaba orar kaba inigh anaku mangam. Eghit atrivim uamategh uan dipenimin izeghti, me orar kaba inigh da itir dipenimin mangi dar arigham.

²⁹ Atrivim Rehoboam amizir arazir igharaziba, da akinafarir me kamaghin diborimin aven iti, Judabar Atrivibar Eghaghaniba. ³⁰ Rehoboam ko Jeroboam aning atrivimningin itir dughiamin, kantrin pumuning zurara uaning misosi. ³¹ Ezi gin Rehoboam uan inazir afeziabar min aremezima, me Devitin Nguibar Ekiamin an inazir afeziabar kuuba afir danganimin anefi. Ezi an otarim Abiya an danganim inigha atrivimin oto. Rehoboamin amebam an ziam Nama, a kantri Amonin amizim.

15

Abiya Judan atrivimin oto (Eghaghaniba 13:1-14:1)

¹ Nebatin otarim Jeroboam, Israelin atrivimin itima, an namba 18in azenimin, gumazir ziam Abiya, an ziar igharazim Abijam, a Judan atrivimin oto. ² A 3plan azenibar Jerusalemin atrivimin iti. Ezi an amebamin ziam Maka, Apsalomin guivism. ³ Abiya arazir kurar an afeziam amizibar miraram ami. A uan inazim Devit amizi moghin, a bar uabi isa Ikiavira Itir God, an God ganidir puvatigha, a ko navir vamiran itir puvati. ⁴ Ezi Ikiavira Itir God Devit bangin, an otarir mam isa Abiya ganingi, an danganim inigh Jerusalem

atrivimin ikiam. Eghit a Jerusalem damichti, a deraghvira iki gavgavigham. ⁵ Devit Ikiavira Itir Godin damazimin arazir aghuibagh ami, egha zurara an Akar Gavgavibar gin zui. Dughiar bar vamira, Devit pazav Hitian gumazim Uria gami. ⁶ Abiya angamira itir dughiamin,* Rehoboamin midorozir gumaziba, ko Jeroboamin midorozir gumaziba, zurara uariv soghavira iti. ⁷ Atrivim Abiya amizir arazir igharaziba, da akinafarir me kamaghin diborimin aven iti, Judabar Atrivibar Eghaghaniba.

⁸ Abiya uan inazir afeziabar min aremezi, me Devitin Nguibar Ekiamin aven anefi, ezi an otarim Asa an danganim inigha atrivimin iti.

*Asa Judabar atrivimin oto
(2 Eghaghaniba 15:16-16:14)*

⁹ Jeroboam Israelian atrivimin itima, an azenir namba 20in, Asa Judan atrivimin oto. ¹⁰ Asa 41plan azenibar Jerusalemin atrivimin iti. An inaghamim Maka, an Apsalomin guivism. ¹¹ Asa uan inazim Devitin min arazir aghuir Ikiavira Itir Godin damazimin derazibagh ami. ¹² Egha Asa asebar ziaba fer danganibar, gumazir poroghamiba uari bakia uari koma akuir arazim gamiba, a bar me batoke. Egha an inazir afeziaba dighoregha asezir asebar marvir guaba, a bar da batoke.

¹³ Egha uan inaghamim Maka, atrivir danganimin a batoke. Ikiavira Itir God bar aghuazir aser amizim Asera, Maka an nedazimin ingari, ezi atrivim an danganimin a batoke. Egha nedazir kurar kam okegha a inigha ghua Kidronin Fanemin danganir zarimin a gaborozi a isi.

¹⁴ Ezi asebar ziaba fer danganir bar pin itiba ikiavira iti. Asa dagh asighasighizir puvati. Egha dughiabar zurara Asan navir averiam Ikiavira Itir God baghavira iti. ¹⁵ Egha Asa, an afeziam Ikiavira Itir God bagha inabazir biziba ko a uabi inabaziba, kar silvaba ko gol ko itarir igharaghha gariba, a da inigha Ikiavira Itir Godin Dipenimin ghu.

¹⁶ Egha Asa ko Basa atrivimningin ikia, zurara uaning misogha mamaghira iti.

¹⁷ Basa dughiar mamin uan midorozir gumaziba inigha ghua Judaba ko misosi. Me Raman nguibar ekiam inigha, uam an divazimin ingarigha anevini, eghit gumazamiziba Judan mangigh izegh damuan kogham. ¹⁸ Ezi Atrivim Asa silva ko golin nar Ikiavira Itir Godin Dipenimin itiba ko atrivimin dipenimin itiba sara ini. Egha

14:25: 2 Eghaghaniba 12:2-8 **14:26:** 1 Atriviba 10:16-17; 2 Eghaghaniba 9:15-16 **15:4:** 1 Atriviba 11:36 **15:5:**

2 Samuel 11:1-27 **15:6:** 2 Eghaghaniba 13:3-21 * **15:6:** Hibrun akinafarir bar ghuriba, danganir kamin, dar akaba ko uaghara garir puvati. Dar aviriba, ziar kam, Rehoboam dar iti, ezi vabara ziar kam, Abiya dar iti. **15:12:** 2 Eghaghaniba 15:8-15

uan ingangarir gumazibagh aningi, eghiti me da inigh nguibar ekiam Damaskusin mangi Sirian Atrivim Benhadat daningam. Benhadat, a Taprimonin otarim, egha Hesionin igiavotaram. Asa kamaghin Benhadat mikimasa uan ingangarir gumazibav keme,¹⁹ "Datinighin ga uaning ko akar dikirizir gavgavim damigh, egh namakar aghuummingin ikiam, mati nan afeziam ko nin afeziam amizi mokin. Ki ni bagha silva ko gol amadi. Eghiti ni mangi Israeliyan Atrivim Basa ko amizir akar dikirizir gavgavir mam abikigh, eghiti a uan midorozir gumaziba inigh mangi nan nguazim atakigh."

²⁰ Ezi Atrivim Benhadat, Atrivim Asan migirigiamin amamangatigha, uan midorozir gumazibar dapaniba amangizi, me ghua midorozir gumaziba inigha ghua, Israeliyan nguibar ekiaba konasa ghue. Me ghua nguibar ekiar kaba kora, Ijonin nguibar ekiam isava, Dan ko Abel Betmaka ini. Egha uaghan Galilin Dipar Akaremin boroghin itir nguazim isava, Naptalin anabamin nguazim bar moghiram a ini.

²¹ Ezi Atrivim Basa kamaghin akam baraki, Sirian midorozir gumaziba iza Israeliyan misosi, ezi a ingangarir Raman nguibar ekiamin amim ategha, ua ghua Tirsan nguibar ekiamin iti.

²² Ezi gin Atrivim Asa Raman nguibamin mangasa, Judan gumaziba bar moghira me bagha akam amada. Ezi me ghua, dagiaba ko temer kaba bar da ini, kar Atrivim Basa gavgavim divazim daningasa akuvazir bizziba. Egha me da inigha zui, ezi Asa da isa, Mispan nguibam avinizir divazim ko Geban nguibar ekiam avinizir divazim gavgavim aning ganingi. Nguibar kamning, Benjaminin anabamin nguazimin iti.

²³ Atrivim Asa amizir arazir igharaziba, ko an gavgavir ekiaba, da akinafarir me kamaghin diborimin aven iti, Judabar Atrivbar Eghaghaniba. Akinafarir kam, an Atrivim Asa nguibar ekiaba avinizir divaziba, gavgavim dagh aningizir ingangarir ekiaba ko ingangarir igharazir an amizibagh eghari. Ezi Asa ghurigha givazi, arimiar kurar mam an dagarimningin oto.

²⁴ Egha Asa uan inazir afeziabar min aremezi me an kuam inigha Devitin Nguibar Ekiamin, an inazir afeziaba koma anefa. Ezi an otarim Jehosafat, an danganim inigha atrivimin oto.

Nadap Israeliyan atrivimin iti

²⁵ Asa namba 2in azenimin Judabar atrivimin itima, Jeroboamin otarim Nadap, Israeliyan atrivimin oto. Egha an azenir pumuningra atrivimin ike.

²⁶ Egha Nadap uan afeziamin arazir kurabar gin ghua,

Ikiavira Itir Godin damazimin uabi arazir kurabagh ami. Egha a uaghan Israelia getuima me uaghan arazir kurabagh ami.

²⁷ Ezi Isakarin anabamin gumazim Ahiya, an otarim Basa, a Nadapin misueghti an aremeghasa tuaviba buri. Ezi Nadap uan midorozir gumaziba ko ghua Filistiaba ko misogha, Gibetonin nguibar ekiam ekiaruzir dughiamin, Basa, Nadap batogha a misoghezi an areme. ²⁸ Ezi Asa uabi Israeliyan atrivimin iti. Asa Judan atrivimin itima, an namba 3in azenimin, bizir kam oto.

²⁹ Ezi Basa zuamira Jeroboamin adarazi bar me misuaghariki. A men tav ataghizi a itir puvati. Bar puvati. Ezi arazir kamin, akar Ikiavira Itir God uan ingangarir gumazimin akamin aven mikemezim, a guzin oto. Akam inigha izir gumazim Ahiya, a Silon nguibamin gumazim.

³⁰ Jeroboamin adarazir batozir bizimin mingarin kamakin, Jeroboam faragha uabi arazir kuram Ikiavira Itir God, Israeliyan Godin damazimin a gami, egha a uaghan Israelia getuima, me arazir kuram gami. Jeroboamin arazir kurar kaba Ikiavira Itir God gamima, a bar aningaghe, kamaghin amizi a Jeroboamin adarazigh asighasiki.

³¹ Atrivim Nadapin arazir igharaziba, da akinafarir me kamaghin diborimin aven iti, Israeliyan Atrivbar Eghaghaniba.

Basa Israeliyan atrivimin oto

³²⁻³³ Asa namba 3in azenimin Judan atrivimin itima, Ahiyan otarim Basa, Israeliyan atrivimin oto. Egha a 24plan azenibar Tirsan nguibar ekiamin atrivimin ike. Dughiar Asa ko, Basa atrivimningin itim, aning uaning misoghvira iti.

³⁴ Egha Basa uan afeziam Jeroboamin min, Ikiavira Itir Godin damazimin arazir kurabagh ami. Egha a uaghan Israelia gekuizi, me arazir kurabagh ami.

16

¹ Ezi Ikiavira Itir God, akam Basa daningasa, akam inigha izir gumazim Jeshu mikeme, a Hananin otarim. Ikiavira Itir God ghaze,

² "Basa, ni deraghviram oragh. Ni faragha gumazir kinim, ezi ki ni gamizi ni atrivimin otogha, nan gumazamiziba Israeliyan gativagha men gari. Egha ni Jeroboamin min arazir kurabagh amua, gumazamizibagh etuima, me arazir kurabagh ami. Ezi men arazir kuraba na gamima, ki men aningaghe.

³ Kamaghin amizi, ki Nebatin otarim Jeroboamin adarazi gasighasighizi moghin, ki ni ko nin adarasi, bar ia gasighasigham.

⁴ Nin adarazir aven gumazitaba, nguibar ekiamin arimighiregh men kuaba ikiti,

afiaba dar amam. Egheti tarazi nguibar ekiamin azenan arimighireghti, isaba men kuabar amam. Ki Ikiavira Itir God, ki mikemegha gifa.”

⁵ Atrivim Basa amizir arazir igharaziba, ko an gavgavir ekiaba bar, da akinafarir me kamaghin diborimin aven iti, Israeli Atrivibar Eghaghaniba. ⁶ Ezi Basa uan inazir afeziabar min aremezi, me Tirsan anefa. Ezi an otarim Ela an danganim inigha atrivimin oto.

⁷ Atrivim Basa Ikiavira Itir Godin damazimin arazir kurabagh ami, mati Atrivim Jeroboam fomiram amizi moghin, ezi an arazir kurar kaba Ikiavira Itir God gamima an aningaghe. Basa uaghan Jeroboamin adarazi bar me misuaghariki. Ezi Ikiavira Itir God, Basa ko an adarazigh asighasighasa akam isa akam inigha izir gumazim Jehu ganangi. Jeroboamin adarazi kuavaremezi moghin Basan adarazi uaghan kuavaremeham.

Ela Israeliian atrivimin oto

⁸ Atrivim Asa namba 26in azenimin, Judan atrivimin itima, Basan otarim Ela, Israeliin atrivimin oto. Egha a Tirsan nguibar ekiamin azenir pumuningra atrivimin ike. ⁹ Ezi Elan ingangarir gumazir mam, Simri, a Elan karisin mabar garir gumazibar dapanim, a Ela misueghti an aremeghaza tuaviba buri. Dughiar mam, Ela a Tirsan nguibar ekiamin ikia, Arsan dipenimin dipar organiba apava ongani. Arsa, an atrivimin dipenimin garir gumazim. ¹⁰ Ezi Simri dipenimin aven ghugha, Ela misoghezi an areme, ezi an an danganim inigha atrivimin oto. Asa Judan atrivimin itima, an namba 27in azenimin arazir kam oto.

¹¹ Simri atrivimin otozi dughiamin, a zuamira Basan adarazir gumaziba, bar me misuaghariki. Egha uaghan an anababa ko namakaba bar me misuaghariki. A tav ataghizi a itir puvati. ¹² Kamaghin amizi Simri, Basan adarazi bar me agifa. Arazir kamin, Ikiavira Itir God, uan akam isa akam inigha izir gumazim Jehu ganingizim, a guizin oto. ¹³ Basa uan otarim Ela ko, Ikiavira Itir God, a Israeliian God, an damazimin arazir kuram gamua asebar ziba fe. Egha Israelia gekuizi, me uaghan arazir kurabagh ami. Kamaghin amizi, Ikiavira Itir God aningagheha, bar Basan adarazigh asighasiki. ¹⁴ Atrivim Ela amizir arazir igharaziba bar, da akinafarir me kamaghin diborimin aven iti, Israeli Atrivibar Eghaghaniba.

Simri Israeliian atrivimin oto

¹⁵ Atrivim Asa namba 27in azenimin, Judan atrivimin itima, Simri Israeliian atrivimin oto. Egha a Tirsan nguibar ekiam 7plan aruebar atrivimin ike. Dughiar kamin Israeliian midorozir gumaziba kantri Filistian, Gibetonin nguibar ekiam iniasi anekiarugha me ko misosi. ¹⁶ Me misogha ghua kamaghin oraki, Simri arazir bar kuram gamigha atrivim misoghezi an areme. Ezi aruer kamra, midorozir gumaziba uan gumazir dapanim, an ziam Omri, me anemisevezi a Israeliian atrivimin oto. ¹⁷ Ezi Omri uan midorozir gumaziba ko Gibeton ategha ghua, Tirsan iniasi an ekiarugha misosi. ¹⁸ Ezi Simri Tirsan nguibar ekiamin garima, Omrin midorozir gumaziba an adarazi abiraghha, nguibar ekiam isi, ezi a ghua atrivim iti naghin, dipenir gavgavir mamin aven ghu. Egha an avim gaborogha atrivimin dipenibagh aboi. Egha a uabi avir kamin aven areme. ¹⁹ Bizar Simri batozimin mingarin kamakin: Jeroboam faragha uabi arazir kuram Ikiavira Itir God, Israeliian Godin damazimin a gami, egha a uaghan Israelia getuima, me arazir kuram gami. Ezi Simri, Jeroboamin arazibar gin ghua, arazir kuram gamigha, an iveau kurar kam ini. ²⁰ Atrivim Simri amizir arazir igharaziba bar, da akinafarir me kamaghin diborimin aven iti, Israeli Atrivibar Eghaghaniba. Akinafarir kam, a Atrivim Ela abirazir eghaghanim, uaghan an aven iti.

Omri Israeliian atrivimin oto

²¹ Atrivim Simri aremezi, Israeliian ikizim bigha, ikizir pumuningin oto. Israeliian gumazamizir maba, Ginatin otarim Tipni amiseveghti, an atrivimin ikiasava ami, ezi igharaziba Omri baka. ²² Egha gin Omrin adarazi Tipnin adarazi abira. Ezi Tipni aremezi, Omri atrivimin oto.

²³ Atrivim Asa namba 31in azenimin, Judan atrivimin itima, Omri Israeliian atrivimin otogha 12plan azenibar atrivimin ike. An 6plan azenir faragha zubar, a Tirsan nguibar ekiamin ike. ²⁴ Egha gin Omri mighsiar muziarim itir nguazir mam givese. Egha mighsiar kamin divazir gavgavim avinizir nguibar ekiar mamin ingari. Gumazir an a da nguazir kam givezezim, an ziam Semer, Omri 60,000 silva isa Semer ganangi. Egha Omri gumazim Semer ginighnigha ziar kam nguibar ekiam ganangi, Samaria.

²⁵ Egha Omri arazir kurar avirim Ikiavira Itir Godin damazimin dagh ami. An arazir kuraba bar ekevegha atrivir, faragha ikezibar arazir kurabagh afira. ²⁶ Omri, a Nebatin otarim Jeroboamin arazir kurabar gin ghua, Ikiavira Itir Godin damazimin

uabi arazir kurabagh amua, uaghan Israelia getuima me arazir kurabagh ami, ezi me aseba fer arazim, Ikiavira Itir God, Israelin God gamizi, a puvira men atari.²⁷ Atrivim Omri amizir arazir igharaziba bar, da akinafarir me kamaghin diborimin aven iti, Israeliian Atrivibar Eghaghanibi. Akinafarir kam, a Omrin ingangarir gav-gavibagh eghari.²⁸ Ezi Omri uan inazir afeziabar min aremezi, me Samarian nguubar ekiamin mozimin anefa. Ezi an otarim Ahap, an danganim inigha atrivimin oto.

Ahap Israeliian atrivimin oto

²⁹ Atrivim Asa namba 38in azenimin, Ju-dan atrivimin itima, Omrin otarim Ahap Israeliian atrivimin oto. Egha a 22plan azeni-bar Samarian nguubar ekiamin ike.³⁰ Egha Ahap arazir kurar avirim Ikiavira Itir Godin damazimin dagh ami. An arazir kuraba bar ekevegha atrivir faragha ikezibar arazir kurabagh afira.³¹ A Jeroboamin min arazir kurabagh amua, egha ghaze, pura bizim. Egha a Saidonian nguibamin Atrivim Et-bal-in guivism Jesebelin iti. Egha Saidonian asem Balin ziam fe.³² Egha Ahap asem Bal bagha Samarian dipenir mamin ingarigha, ofa gamir dakozir mam dipenir kamin aven an ingari.³³ Egha a datirighin aser amizim Aseran marvir guamin ingarigha, an ziam fe. An arazir kam, Ikiavira Itir God, Israeliian God, gamizi, a bar an aningaghe. An arazir kuraba bar ekevegha, atrivir faragha ikezibar arazir kurabagh afira.

³⁴ Dughiar Ahap atrivimin itimin, Betelin nguubar ekiamin gumazim Hiel, a ua Jerikon nguubar ekiamin ingari. Hiel nguubar ekiamin avinamin divazir mingarim bagha dagiar ekiaba arizima, an otarir ivariam Abiram areme. Egha a nguibam avinizar divazimin tiar akar ekiabar ingarima, an otarir abuananam Segup areme. Bizir kam Hiel bato, mati akar Ikiavira Itir God bar fomira. Nunin otarim Josua mikemezimin min oto.*

Akam inigha izir gumazim Elaijan eghagham

17

(*Sapta 17-21*)

Elaija ghaze, Israeliin kantri, amozi ba puvatigham

¹ Akam inigha izir gumazir mam, Elaija, a Gileatin Distrighin itir nguubar ekiam Tisben gumazim. Dughiar mamin, a iza Atrivim Ahap batogha kamaghin a migia ghaze, “Ki Godin ingangarir gumazim. Ikiavira Itir God, Israeliian Godin bar zurara itim, ki an ziamin, guizbangira

ni migei: Amoziba ko dimagarimin ghuariamin dipaba azenir tabar nguazim giran kogham. Egh kamaghira iki mangiti azenir taba givagham. Egh kamaghira iki mangiti, ki mikemeeghti, amozi ua izam.”

² Ezi Ikiavira Itir God kamaghin Elaija migei,³ “Ni danganir kam ategh, Jordanin Fanemin aruem anadi naghin mangi, Keritin Daghurimin boroghin uabi modogh iki.⁴ Egh ni daghurir kamin dipabar ami. Ki kuarazir kotkotbav kemegha gifa, eighti me ni bagh dagheba inigh izam.”⁵ Ezi Elaija Ikiavira Itir Godin akamin gin ghua, Jordanin Fanem aruem anadi naghin Keritin Daghurimin boroghin iti.⁶ A dipar kam apa itima, kuarazir kotkotbav mizaraziba ko guaratizibar, a bagha bretba ko asiziba isa izi, ezi a dapi.⁷ Ezi dughiar mabar kantri Israeliin amozi ba puvati, ezi daghurir dipar kam uaghan dake.

Elaija, amizim uan otarim ko aningin akura

⁸ Keritin Daghurim dakegha givazi, Ikiavira Itir God kamaghin Elaija migei,⁹ “Ni dikavigh Saidonin nguubar ekiamin boroghin itir nguubar mam Sarefatin mangi, egh kagh daperagh iki. Ni oragh, nguubar kamin, amizir mam iti, an pam areme. Ki, dagheba ni daningiva egh nin gan nin akurvaghaha, ki amizir kam amisevegha a mikeme.”

¹⁰ Ezi Elaija dikavigha Sarefatin nguibamin ghu. A ghua nguubar kamin divazimin tiar akamin otogha garima, amizir pam aremezir mam dazibagh eghufi. Ezi an amizimin diagha an azaraghha ghaze, “Ga uaning, ki dipatam amasa. Ni na bagh dipatam minemin a tuigh a inigh izi.”

¹¹ Ezi amizim Elaijan akam baregha dipam iniasi zuima, a uam an diaghha ghaze, “Noki, ni na bagh bretin otevitam sara inigh izi.”

¹² Ezi amizim a ikaraghha ghaze, “Ikiavira Itir God, nin Godin ikia mamaghira itim, a nan gari. An ziamin, ki guizbangira migei, ki bretba puvati. Plauan bar muziarimra, a nguazar minemin iti, ezi olivin borer muziarim, uan misevimin iti. Ki datirighin plauan muziarim tuasa daziba akumakui, egh da inigh an dipenimin mangih a tuam. Ki uan otarim ko, ga aneramegh givaghti, dagheba ua puvatigham. Mar ga ovengsivira muizuam ikiam.”

¹³ Ezi Elaija a migia ghaze, “Ni mamaghin nighnigh atiatingan marki. Ni uan dipenimin mangi, ni mikemezi moghira damu. Egh, ni faragh plauan muziarim tam ko borem inigh egh bretin muziarim tuagh a inigh izi na daningigh, egh ni gin

* **16:34:** Ni Josua 6:26in gan.

17:1: Luk 4:25; Jems 5:17

17:9: Luk 4:25-26

uan otarim ko gua uaning bagh damu. ¹⁴ Guizbangira, Ikiavira Itir God, a Israelien God, a kamaghin migia ghaze: Nin plauan muziarim ko borer muziarim ikivira ikiti, Ikiavira Itir God uam amozim amadaghti a ua nguazim gizam.” ¹⁵ Ezi a dipenimin ghugha Elaija a mikemezi moghiram ami. Egha amizir odiarir kam uan adarazi ko Elaija, me dughiar bar damamin dagheba zurara izivagha mamaghira iti. ¹⁶ Ikiavira Itir God, akam Elaija ganingizi, a mikemezi moghin, an plauan minem ko borer mishevimin itim givazir puvati.

¹⁷ Dughiar maba givazi, dipenir kamin ghuamizimin otarim arei. An arimariam ghuu bar ekevezima an areme. ¹⁸ Ezi amozim Elaija migia ghaze, “Ni Godin ingangarir gumazim, ni manmaghsua arazir kamin na gami? Ni ti kaghizegha nan arazir kuraba issi Godin damazim gati, ezi bizar kam bangin nan otarim areme.”

¹⁹ Ezi Elaija a ikaraghha ghaze, “Ni otarim inigh izi na daningihi.” Egha Elaija otarimin kuam amebamin dafarimningin a inigha, a firaghha dipenimin pin itir ghuriamin ghuavanabogha uan dakozimin aneti.

²⁰ Egha a pamten Ikiavira Itir Godin diagha ghaze, “O Ikiavira Itir God, ni nan God. Amizir odiarir kam uan dipenim nan taghizi, ki a ko iti. Ezi ni manmaghsua osimtizir ekiar kam amizir kam gatigha, an otarim gamizi, an areme?”

²¹ Egha Elaija dughiar 3plan uabi aminegha otarim gisin irighav ikia, kamaghin Godin dia a migia ghaze, “O Ikiavira Itir God, ni nan God, ni otarir kam damighti, a ua dikavigh angamira iki.” ²² Ezi Ikiavira Itir God, Elaijan dimdiam baregha otarim gamizi a ua dikavigha angamira iti.

²³ Ezi Elaija akui naghin pin, otarim fegha a firaghha izaghira an amebam ganiga, kamaghin an amebam migei, “Ni gan. Nin otarim ua dikavigha angamira iti.”

²⁴ Ezi amebam a ikaraghha ghaze, “Bar guizbangira, ki datirighin fo, ni Godin ingangarir gumazim. Ezi Ikiavira Itir Godin akar nin akatorimin otiviba, da bar guizbangira.”

18

Elaija ko asem Balin akam inigha izir gumaziba

¹ Aruem dughiar ruarimin iti, ezi an dughiar namba 3in azenimin, Ikiavira Itir God kamaghin Elaija migei, “Ni mangi Atrivim Ahapin ganigh, eghiti ki uam amozim amadaghti a izam.” ² Ezi Elaija

dikavigha Ahap bagha ghu. Dughiar kamin, Samariaba dagheba bar puvati.

³ Atrivim Ahap, faragha uabin ganasa Obadia bagh akam amada. Obadia a gumazir atrivimin dipenimin garim. Obadia Ikiavira Itir Godin ziam fa bar an apengan iti. ⁴ Dughiar Atrivir Amizim Jesebel Ikiavira Itir Godin akam inigha izir gumazibav sozi me ariaghirim, Obadia akam inigha izir gumazir 100pla inigha, me isa dagiar toriz ekiabar me monge. A 50pla isa torir mamin me muegha, egha 50pla isa torir mamin me monge. Egha a dagheba ko dipaba me ganiga men gara iti. ⁵ Ezi Obadia Ahap bagha izezi, Ahap kamaghin a migei, “Ga kantrin danganiba bar dar mangiva, tintinibar danganir mozir dipaba faragha ikeziba ko, daghurir muzier dipaba faragha ikeziba bar adar mangam. Egha ti danganir kamin dadaba buriam, eghiti hoziaba ko donkiba dar amam. Dadaba ikiti, en hoziaba ko donkiba arimighiran kogham.” ⁶ Egha aning kantrin aven danganiba amisefe, Ahap tamin mangi dadaba buriti, Obadia tamin mangi dadaba buriam. Egha aning ghu.

⁷ Obadia zuima, Elaija iza tuavimin a bato. Ezi Obadia an ganigha fogha, uan guam isa nguazim gatigha Elaijan ziam fe. Egha a kamaghin an azara, “Elaija, nan gumazir ekiam, kar nirara?”

⁸ Ezi Elaija kamaghin an akam ikaraghha ghaze, “Are, ki Elaija. Ni ua mangi Atrivim Ahap kamaghin a mikim suam, Elaija izegha gifia.”

⁹ Ezi Obadia kamaghin an azara, “Gumazir ekiam, ki bar arazir kurar manam gamizi, Atrivim Ahap na misueghti ki aremeghasa ni ifonge? ¹⁰ Ikiavira Itir God, nin Godin zurara itimin ziamin, ki bar guizbangira migei, atrivim ua nin ganasa bar ifongegha, nguazir kamin danganiba bar ni buria ni bagha gari.* Eghiti kantrin tamin gumazir dapanitam kamaghin mikim suam, ni an kantrin itir puvati, egha Ahap akar gavgavimin gumazir dapanibav gha, ni itir puvati. Eghiti Ahap kamaghin guizbangira darigh mikim suam, ni itir puvati. ¹¹ Ezi datirighin ni ifueghti, ki mangi atrivim mikim suam, Elaija ua izegha gifia. Ki kamaghin damuan bar aghua. ¹² Ki ni ateghti, Ikiavira Itir Godin Duam ti ni inigh danganir ki fozir puvatizimin mangan maraghe. Eghiti Atrivim Ahap izi ni buri nin apighan kogh, nan atar na misueghti ki aremegham. Ni na amangan marki. Markiam. Guizbangira, ki

^{17:21:} 2 Atriviba 4:34-35 ^{17:22:} Hibrus 11:35 ^{17:24:} Jon 3:2; 16:30 * ^{18:10:} Aruer ekiamin dughiam otozi, kantrin biziba bar ikufi. Kamaghin, Atrivim Ahap, Elaija buri. A kamaghin ifongegha ghaze, Elaija mikimti, amozim ua izam. (Ni 1 Atriviba 17:1in gan.)

igiamra ikia zurara Ikiavira Itir Godin apengen ikia, an ziam fa iza datirikin. Kamaghin amizi, ni nan apangkufigh.¹³ Egha Jesebel Ikiavira Itir Godin akam inigha izir gumazibav soghezi me ariaghbirir dughiamin, ki 100plan akam inigha izir gumaziba dagiar torir ekiabar me monge. Ki 50pla mozir igharazimin me mongeha, 50pla mozir igharazimin me monge. Egha ki dagheba ko dipaba me ganiga men gara iti. Ni ti ingangarir aghuir ki amizir kam gifos, o?¹⁴ Ezi datirighin ni kamaghin ifonge, ki mangi atrivim mikim suam, Elaija ua izegha gifa. Egh ki ni mikemezi moghin damighti, atrivim gin izi nin apigan kogh na misueghti ki aremegham."

¹⁵ Ezi Elaija a ikaragha ghaze, "Ni atiattingan marki. Ki Ikiavira Itir Godin Gavgaviba Bar Itimin ingangarir gumazim, a zurara ikia mamaghira itim. Ezi an ziamin ki ghaze, bar guizbangira, Ahap aruer kamin nan ganam."

¹⁶ Ezi Obadia ghua, Atrivim Ahap bativasa ghua a batogha, kamaghin a migei, "Elaija ua izegha gifa." Ezi Ahap dikavigha Elaija bativasa zui.

¹⁷ Egha Ahap an garavira a migia ghaze, "Datirighin, ki nin apigha gifa. Nin osimtizim bangin, Israelia osimtizir ekiamini."

¹⁸ Ezi Elaija kamaghin Ahapin akam ikaragha ghaze, "Ni ifari. Ia Ikiavira Itir Godin Akar Gavgaviba batoke, egha aser Balbar ziaba fe. Kamaghin amizi, kar nin afeziamin adarazi ko ian osimtizim. Nan osimtizim puvati.¹⁹ Ni datirighin Israeliyan gumazamiziba bagh akam amadaghti, me izi Karmelin Mighsiamin na bativam. Egh ni uaghan asem Balin akam inigha izir gumazir 450pla, ko aser amizim Aseran akam inigha izir gumazir 400pla inighi izi. Kar Atrivir Amizim Jesebel akuaghapir akam inigha izir gumaziba."

²⁰ Ezi Ahap Israeliyan gumazamiziba ko akam inigha izir gumazir ifavariba bar moghira men diazi, me ghua Karmelin Mighsiamin uari akufa.²¹ Ezi Elaija ghua gumazamizibar boroghin tughav ikia, kamaghin migei, "Ia gumazamizir nighnizir pumuning itiba, ia manadizoghin nighnizir vamira ikiam? Egh Ikiavira Itir God, a guizbangira God, ia anarira an ziam fam. Eighti Bal a guizbangira God, ia anarira an ziam fam." Ezi gumazamiziba tong akatam ikarazir puvati. Bar puvati.

²² Ezi Elaija me migia ghaze, "Ikiavira Itir Godin akam inigha izir gumazitam ua itir puvati. Ki uabira iti. Ezi asem Balin akam inigha izir gumazir 450pla iti.²³ Ia bulmakaun apurir igiar pumuning

inigh na bagh izi. Eighti Balin akam inigha izir gumaziba uari bagh bulmakaun kamningin tam inigh. Egh a misuegh an aghoregh ofa damusi, a isi ofa gamir dakozimin dazibagh isin anetigh. Egh avim a darighan marki. Eighti ki uaghan bulmakaun igharazim inigh ofa damuamin arazimin a damuam. Egh ki uaghan avim a datighan kogham.²⁴ Eighti ia uan asem Bal ko mikim an dim, eighti ki Ikiavira Itir God ko mikim an dimam. Eighti godin manam en azangsizim baregh avim amadaghti, a izighiri ofan kamin insighti, e bar fogh suam, a guizbangira God."

Ezi gumazamiziba akar kam baregha dia ghaze, "Bar dera! E mamaghira damuam."

²⁵ Ezi Elaija kamaghin Balin akam inigha izir gumazibav gia ghaze, "Ia aviraseme, kamaghin amizi ia faragh mangi, uan bulmakaun amisevegh a misuegh aneghoregh, a isi ofa gamir dakozim darigh. Egh avim arighan marki. Egh ia uan asem ko mikim an diaghti an avim amadaghti, a izighiri ofan kamin isi."

²⁶ Ezi asem balin akam inigha izir gumaziba, bulmakaun gumazamiziba inigha izezir kamningin mam ini. Egha ofa damuasa bizibar kiri. Egha me mizaraghara asem Bal ko migia, an dia ghua aruer arizimin tu. Me kamaghin dia migia ghaze, "Bal, ni en dimdiam baraghosa e ifonge." Ezi me dia migeir migirigabar ikarvaziba pu. Bar puvati. Me onger akaba banga, igha uari akura ofa gamir dakozir gumaziba ingarizir kam gighuaghha rui.

²⁷ Egha aruer arizimin Elaija kamaghin me dipova ghaze, "Ia amirvaghan marki. Kar ti godra. Ia tong mighigh a ko ua mikim. A ti bizitam ginighnigha iti, o a ti daviasa ghu, egha ian dimdiam baraghizir puvati. A bizir igharazibagh amuama, o a ti nguibar igharazitamir ghughama. O, a ti akuama, kamaghin amizi ia a gaghuragh."²⁸ Ezi akam inigha izir gumaziba pamtemin dia, egha afuaba ko midorozir sababa inigha uan asemin ziam fer arazibar gin ghua, uari uan namnaba aghori. Ezi ghuziba men namnarab emira izaghiri.²⁹ Me mati gumazir organibar min dia ghuavira itima, guarazitimin ofa damuamin dughiam oto. Ezi men dimdiar ararebar ikarvaziba puvati, ezi bizitam bar otozir puvati. Bar puvati.

³⁰ Ezi datirighin Elaija kamaghin gumazamizibav gei, "Ia nan boroghiha izi." Ezi me bar iza uari akuvagha an ekiaru. Ezi Elaija uam Ikiavira Itir Godin ofa gamir dakozim akiri, gumaziba fomiram a gasighasiki.

³¹ A ofa gamir dakozimin ingarasa 12plan dagiaba ini. Dagiar kaba, dar

dibobonim, men inazir afeziām Jekopin otarir 12plan otivizir ababanim gami. Fomira Ikiavira Itir God kamaghin Jekop mikeme, "Gumazamiziba ziar kam Israel ni darigham." ³² Egha Elaija dagiar kaba inigha Ikiavira Itir God bagha ofa damuamin dakozimin ingari. An ofa gamir dakozimin ingariga givagha, egha afemozir mam gikua dakozim gighui. Afemozir kam, me 14 litan dipam a gingeghti a izivaghām.[†]

³³ Egha Elaija daziba inigha ofa gamir dakozim gatigha, bulmakaun tuziba aghoregha da isa dazibagh isin ariki. ³⁴ Egha a kamaghin gumazamizibav gei, "Ia 4plan miner dipar izeveziba inigh iżi ofan asizir tuziba ko dazibagh isin dagħegeħ." Me amigha givazi, a me mikemezi me uam ami. Ezi me uam amigha givazi, a ua me mikemezi me uam ami. Ezi me kamaghin ami. ³⁵ Ezi dipam ofa gamir dakozimin miriamin emira uaghira afemozir kam gizira.

³⁶ Egha bar guaratizimin, ofa damuamin dughiamra, akam inigha izir gumazim Elaija ofa gamir dakozim boroghin ghugha kamaghin God ko migei, "O Ikiavira Itir God, ni Abraham ko Aisak ko Israeliin God, ki kamaghin ifonge, ni datirighin gumazamiziba kamaghin men akagh, ni uabira Israeliin God. Egh ni uaghan kamaghin men akagh suam, ki nin ingangarir gumazim, egha niñ akamra gin ghua bizir kaba bar dagħi am. ³⁷ O Ikiavira Itir God, ni nan dimdiām baregh, egh ki nin azarazi mogħin damu, eghi gumazamizir kaba fogħi suam, nirara guizbangira Ikiavira Itir God, egh ni men navir averiabar amighti, me ua ni bagħiżi."

³⁸ Ezi Ikiavira Itir God avim amadazi, a izaghira ofan bar isia mighirir kam bar an isia, daziba ko ofa gamir dakozimin dagiaba, ko nguazir minemeniar an miriamin itim sara isi. Ezi afemozimin itir dipam uaghan bar dake. ³⁹ Ezi gumazamiziba kamaghin ganigha, uari issa nguazimin uari akunigha kamaghin dia migei, "Ikiavira Itir God, a uabira guizbangira God! Ikiavira Itir God, a uabira guizbangira God!"

⁴⁰ Ezi gin Elaija kamaghin me migei, "Ia dikavigh Balin akam inigha izir gumazibav bar mogħira men suikħi. Ia men tav attegħi an arimangan marki!" Ezi me akam inigha izir gumazir ifavarir kabar suighizi, Elaija me inigha Kisonin Dagħurim min miriamin uaghirigha me misoghezi, me ariaghire.

Amozim ua Israeliin kantri gizi

⁴¹ Me danganir kamin ikiavira ikiava, Elaija kamaghin Ahap migei, "Ni zuamira mangi egh dami. Ki amozir ekiam barazi, a iza nidi." ⁴² Ezi Ahap għuava api. Ezi Elaija uan ingangarir gumazim ko Karmel in Mighsiar orazim għuavanab. Egha Elaija uan guam aviragħha uan tevimmjingin tizim gati.

⁴³ Egha kamaghin uan ingangarir gumazim migei, "Ni munagh mangi ongarimin gan."

Ezi ingangarir gumazim ghua ganigha ua izegħha ghaze, "Ki bizitam min ganizir puvati."

Ezi Elaija ingangarir gumazim uam a migei, "Ni mangi ua ganigh." Ezi ingangarir gumazim kamaghira am. Ezi Elaija 7plan dugħiabar migrigiār kamram am.

⁴⁴ Egha namba 7in dugħiāmin ingangarir gumazim ua iza kamaghin migei, "Ki ghuarier muzierir mamin garima, an ongarim gis in oto. A svigħha gumazim dafarim min gari."

Ezi Elaija uan ingangarir gumazim migei, "Ni zuamira Atrivim Ahap bagħi mangi a mikemegħti, a uan karis inigh zuamira magirigh. Amozim an tuavim apirigham."

⁴⁵ Ezi ghuarier piziba zuamira otivigha overiām bar anevara. Ezi aminim dikavizi amozir ekiam suaghiri. Ezi Ahap uan karisin ghuanabogħa, Jesrilin zuir tuavim zui. ⁴⁶ Ezi Ikiavira Itir God in għavvism Elaijan ize. Ezi Elaija pamtemin uan inim ikegħa Ahapin karisin faraghavira iveghha zui. A kamaghira ivemara ghua aning Jesrilin oto.

19

Elaija ara Sainain Mighsiamin għu

¹ Atrivim Ahap Jesrilin otogħi għivagħa, Elaija amizir biziżże bar dar gun uan amuir Atriv Amizim Jesebel mikeme. Egha uaghan Elaija asem Balin akam inigha izir gumazibav sogħezi me ariaghirezbar migħiġiāmin gun a migei. ² Ezi Jesebel Elaija bagħha akam amaga ghaze, "Ni asem Balin akam inigha izir gumazibav sogħezi me aremezi mogħin, ki ni misuegħti ni aremegħam. Ni gurumzaragħan dugħiār kamra, ni aremegħam. Ki kamaghin damiġħan kogħti, aseba narara misuegħti ki aremegħam." ³ Elaija kamaghin oreħha, ati tigħiha uabi inigha arav għu. A uan ingangarir gumazim inigha aning ghua, kantri Judan itir nguibam Berseban oto. Egha Elaija uan ingangarir gumazim nguibar kamin anetaki.

⁴ Egha Elaija uabira gumazamiziba puvatizir danganim min aruer vamiran an zui. A ghua temer muzierir mam batogħa,

† 18:32: Hibrun akam derħa akar kamin mingarim abighiżi puvati. 18:36: Diboboniba 16:28 18:42: Jems 5:18 19:4: Jona 4:3

an povimin aperaghha aremeghalsa God ko migei. Egha ghaze, "O Ikiavira Itir God, osimtizir na bativir kaba da kamaghira tugh, ni na inighti ki ovegh mangam. Ki gumazir aghuim puvati, nan ovaviba ovengesi moghin, ki ovengam. Kamaghin ni datirighin na ateghti ki aremeka."⁵ A God ko mikemegha givagha, temer kamin povimin irighava akui.

Ezi enselin mam zuamiram otogha, an suiraghha a migia ghaze, "Ni osegh dikavigh dami."⁶ Ezi Elaija osegha uan dapanvirin gari dagiabar tuezir bretin baravim ko dipar misesvimin itim, aning iti. Ezi an apava dipam amegha, uamategha mitogha akui.

⁷ Ezi Ikiavira Itir Godin ensel ua iza an suiraghha a migia ghaze, "Ni dikavigh dami. Ni dameghan koghiva, tuavir ruramin mangiva avegham."

⁸ Ezi Elaija dikavigha uam apa egha dipam api. Ezi dagher kaba gavgavim a ganingizi, a 40plan arueba ko 40plan dimagaribar arua ghua, Godin mighsiam Horep o Sainain oto.⁹ Ezi aminim pirizi, Elaija ghua dagiar torir mamin aven ghugha akui. Elaija torir kamin aven ikiavira itima, Ikiavira Itir God a batogha an azara, "Elaija, ni tizim gamua kagh iti?"

¹⁰ Ezi an a ikaragha ghaze, "Ikiavira Itir Godin Gavgaviba Bar Itim, ki zurara nin ziamra fasa gavgafi. Ni fo, Israelia nin Akar Dikirizir Gavgavim abigha, nin ofa gamir dakoziiba akaraghlarigha, nin akam inigha izir gumaziba, me midorozir sabamin bar me misoghezi me ariaghire. Ezi ki ubira iti, ezi me uaghan na misuegħti ki aremegħasawa ami."

¹¹ Ezi Ikiavira Itir God a migia ghaze, "Ki Ikiavira Itir God, ki mighsiamin boroghira izi mangam, kamaghin amizi, ni azenan mangiva mighsiamin pin nan damazimin tugh." Ezi Elaija garima, Ame! Ikiavira Itir God iza zui! Ezi aminir bar gavgavir mam, iva iza Ikiavira Itir Godin guamin mighsia ko dagħiabu abiaghħarisi. Ezi Ikiavira Itir God aminir kamin aven itir puvati. Aminim iva iza ghugha givazi, mikimkizim oto. Ezi Ikiavira Itir God, mikimkizir kamin aven itir puvati.¹² Ezi mikimkizimin gin, avim oto. Ezi Ikiavira Itir God, avir kamin aven itir puvati. Ezi avimin gin, Elaija orazi, tiarir mużiżiar mam mati gumazim sighsirir akabav gei.

¹³ Ezi Elaija a baregha, korotiar ruarimin uan guam avaraghha, azenan ghua torir akamien tughav iti. Ezi tiarir mam, kamaghin an azara, "Elaija, ni tizim gamua kagh iti?"

¹⁴ Ezi an a ikaragħha ghaze, "Ikiavira Itir Godin Gavgaviba Bar Itim, ki zurara nin ziamra fasa gavgafi. Ni fo, Israelia nin Akar Dikirizir Gavgavim abigha, nin ofa gamir dakoziiba akaraghlarigha, nin akam inigha izir gumaziba, me midorozir sabamin bar me misoghezi me ariaghire. Ezi ki ubira iti. Ezi me datirighin na misuegħti ki aremegħasawa ami."

¹⁵ Ezi Ikiavira Itir God kamaghin a migei, "Tuavir ni izezir kamra, ni uamategh an mangi, Damaskusin nguibar ekiamin boroghira itir gumazamiziba puvatizir danganim otogh. Egh gin ni nguibamin aven mangi, Hasaelin ganigh borem an dapanim gingegħ, anemisevegħti a Sirian kantrin atrivmin otogh."

¹⁶ Egha Ikiavira Itir God ua kamaghin a migei, "Ni uaghan, Nimsin adarazir gumazir mam Jehu batogh borem isi an dapanim gingegħ anemisevegħti, a Israeliyan atrivmin ikiam. Egh ni uaghan nguibam Abel-Meholan itir gumazim Safatin otarim Elisa, batogh borem isi an dapanim gingegħ anemisevegħti, a nin danganim inigh egh akam inigha izir gumazim in otivam.¹⁷ Eghti Hasael atrivmin ikiamin dugħiġi, a gumazamizir aviribav sogħti me arghiregħam. Eghti tarazi an aregham, eghti Jehu me misuegħti me arghiregħam. Eghti tarazi an aregham, eghti Elisa me misuegħti me arghiregħam.¹⁸ Eghti ki Israeliyan tongin itir gumazamizir 7,000in varazira amamangatighti, me angamira ikiam. Me asem Bal bagħha teviba apirizir puvati. Egha an nedażibar torava, an ziam fer puvati. Gumazamizir kaba na bagħavira ikia nan gin zui."

Elaija Elisa bato

¹⁹ Ezi Elaija mighsiam ategħha uamategha Israelien nguazim minn ghua, Safatin otarim Elisan api. A 11plan gumazir igharaziba ko azenim gutu. Gumaziba vagħvagħa bulmakaun pumuning ko ingari. Me bar mogħira 24plan bulmakauba abirima da nguazim abizir biziba mikkirvsi. Ezi 11plan gumazir kaba uan bulmakauba ko faragħa zui, ezi Elisa uan bulmakaun pumuning ko, me gin izi. Ezi Elaija, Elisa bagħha ghua, uan korotiar ruarim suegħha Elisa garu.²⁰ Egha Elaija zuima, Elisa uan ingangarib bulmakauning ategħha iverġa an gin ghua kamaghin Elaija migei, "Ni na ategħti, ki uamategh mangi uan amebam ko afeziamin toregh aningen agharibar suiragh, egh iżi nin gin mangħi."

Ezi Elaija a migia ghaze, "A dera, ni mangi. Ki nin anogoregħan kogħam."

²¹ Ezi Elisa anetegha uamategha ghu. A ghua uan bulmakaun pumuning misoke. Egha bulmakauningin tuemning gatizi, aning uaning inigha ingangarim gamizir temer kam inigha, avim atigha bulmakaun asiziba tue. Egha da isa gumazamizibagh aningizi, me da api. A kamaghin amigha givagha, Elaijan gin ghua an ingangarir gumazimin oto.

20

Siriaba Israelia misosi

¹ Sirian Atrivim Benhadat, uan midorozir gumaziba akuvagha, Israelia misoghasa zui. Ezi 32plan atrivir igharazir midorozir hoziaba ko karisba inigha iza an akura. Egha me bar ghua Samarian nguivar ekiam ekiarugha Israelia misosi. ² Dughiar kamin, Atrivim Ahap Samarian itima, Benhadat gumaziba amangizi, ³ me ghua Ahapin migia ghaze, “Ni uan silvaba, ko golba, ko amizir diriba, ko nin otarir gavgaviba, ni bar da na daningigh.”

⁴ Ezi Atrivim Ahap, Benhadat bagha kamaghin akam amaga ghaze, “O Atrivim Benhadat, nan gumazir ekiam, ki ni mikemezi moghin damuam. Ki uan biziba ko, e bar nin bizibara.”

⁵ Ezi gin Benhadat ua gumazir igharazir maba, kamaghin Ahap mikimasa me amada, “Ki faragha silvaba ko golba, ko amuiba, ko boriba ubi daningasa ni mikeme. ⁶ Eghit gurumzaraghan dughiar kamra, ki uan gumazir dapaniba ameghti, me nin dipenim ko, nin gumazir dapanibar dipenibar izam. Egh me bizar aghuir ni bar ifongeziba inigh mangam.”

⁷ Ezi Atrivim Ahap akar kam baregha, Israelien gumazir dapanibar diazi, me iza uari akuvazi, a kamaghin me migei, “Ia gan, gumazir kam osimtiziba buri. A faragha ghaze ni uan amuiba ko boriba, ko silvaba ko golba na daningigh. Ezi ki an akamin amamangati. Ezi a uam akam gira, kar a ti es gasighasighasa.”

⁸ Ezi gumazir dapaniba ko gumazamiziba bar Atrivim Ahap migia ghaze, “Ni an akar kamin gin mangan marki. Egh arazir kam damuan marki.”

⁹ Ezi Atrivim Ahap kamaghin Benhadatin gumazibav gia ghaze, “Ia mangi Atrivim Benhadat kamaghin a mikemegh: Ki an akar a faragha mikemezim gifonge. Egha akar a gin migeim, ki an amamangatighan kogham. Bar puvatigham.” Ezi gumazir kaba ghua Ahapin akabar gun Benhadat mikeme.

¹⁰ Ezi Benhadat ua me amangizi, me iza akar igharazim Ahap ganiga ghaze,

“Ki datirighin uan midorozir gumazir aviriba inigh iziti, me nin nguivar ekiar kam gasighasigham. Me bar bizibagh asighasichti da pura minezibar min iregham. Ki kamaghin damighan koghti, nan aseba na misueghti ki aremegham.”

¹¹ Ezi Israelien atrivim a ikaraghah kamaghin gumazir kabav gia ghaze, “Ia mangi Benhadat kamaghin a mikemegh. Gumazim a guizbangira midorozir gumazim, a misoghs mangasa midorozir sabam ikegha dia ifaghata uan ziam fer puvati. A midorozim agivagh egh gin uan ziam fi bar akuegham.”

¹² Dughiar kamin, Atrivim Benhadat atrivir igharazir maba ko, uan averpenibar ikia dipar organiba api. Ezi gumaziba Ahapin akam inigha iza a migei. Ezi an akar kam baregha uan midorozir gumazibav gia ghaze, e dikavigh mangi Samariaba ko misogham. Egha me uan averpeniba ategha zui.*

¹³ Dughiar kamin, akam inigha izir gumazir mam Atrivim Ahap bagha ghua a migia ghaze, “Ikiavira Itir God kamaghin migei, ‘Ni gan, Benhadatin midorozir gumazir avirir kaba izasa. Eghit ki nin amamangatighi, ni datirighin me abinigham. Egh ni datirighin kamaghin fogh suam, kirara ki Ikiavira Itir God.’”

¹⁴ Ezi Ahap kamaghin akam inigha izir gumazim migei, “Tinara me misogh me abinigham?”

Ezi akam inigha izir gumazim kamaghin a migei, “Ikiavira Itir God ghaze, distrighbar gavmanin gumazir dapanibar midorozir gumazir igiaba, me dikabinigham.”

Ezi atrivim ua men azara, “Tinara midorozim faragh mangi midorozim foram?”

Ezi akam inigha izir gumazim ghaze, “Nirara.”

¹⁵ Ezi atrivim, distrighbar gavmanin gumazir dapanibar midorozir gumazir igiab kabar diazi, me iza uari akufa. Men dibobonim 232in ghu. Ezi gin a Israelien midorozir gumazir igharazibar diazima, me iza uari akufa. Men dibobonim 7,000in ghu. ¹⁶ Egha me aruer arizimin nguivar ekiam ategha midorozim bagha ghue. Ezi Benhadat 32in atrivir maba ko, uan averpenibar ikia, puvira dipar organiba apa, egha organi. ¹⁷ Egha Benhadat midorozir gumazir maba amangizi, me moga Israelien ganasa ghue. Egha me Israelien midorozir gumazir igiab kabar garima me izi. Ezi me uamategha ghua Benhadat migia ghaze, “Gumazir maba Samarian nguivar ekiam ategha izi.”

* ^{20:12:} Gumazir maba ghaze, Hibrun akam ves 12 ko ves 16in itir Sukotin nguivar ekiam migei. Ezi gumazir maba kamaghin nighnisi, a midorozir gumazibar averpenibar gei.

¹⁸ Ezi Benhadat kamaghin uan midorozir gumazibav gei, "Ia mangi men suigh, egh me misoghirarighan marki. Me ti misoghasa izi o, me e ko navir vamiran ikiasi en azangsighasa izi, pura bizim. Ia me ateghti, me angamira iki."

¹⁹ Ezi Israelin midorozir gumazir igaiba nguibam ategha faragha zuima, Israelin midorozir gumazir igharaziba men girakirangin zui. ²⁰ Egha midorozimin, Israelin midorozir gumaziba deravira misogha, vaghvaghha Siriabar midorozir gumaziba inigha bar me misuaghari. Ezi men marazir arima, Israelia men agintisi. Ezi Benhadat hoziam gaperagha midorozir gumazir hoziabagh apia misozi ba arav ghu. ²¹ Ezi Atrivim Ahap midorozir gumazir maba ko Samarian nguibar ekiam ategha ghua, Sirian midorozir gumazir hoziabah ko karisbar itiba ko misosi. Egha me Sirian midorozir gumazir avirim misuaghari, bar me abini.

²² Ezi gin, akam inigha izir gumazim, Atrivim Ahap bagha ghugha ua kamaghin a migei, "Siriabar atrivim azenir munamin ua izi ia ko misogham. Kamaghin amizi, ni ua mangi uan midorozir gumaziba gavgavim me daning, egh Siriaba ko misoghi deragh nighnigh iki."

Siriaba ua Israelia ko misosi

²³ Ezi gin Atrivim Benhadatin gumazir dapaniba kamaghin a migei, "Israeliaseba, da mighsiabar aseba. Kamaghin amizi, aser kaba Israeliakurazi, me e abira. E me ko danganir zaribar uariv sogh, egh guizbangira me abinigham. ²⁴ Kamaghin amizi, ni kamaghin damu: Ni atrivir kaba faragh me batueghti, me ua nin midorozir gumazibar faragh mangan marki. Ni uan midorozir gumazibar faragh mangamin gumazir dapanitaba amisefegh. ²⁵ Egh ni uaghan gumazir aviriba inighi, me nin midorozir gumazibar ikiti, nin midorozir gumaziba fomira avirasemezi moghin ikiam. Egh e mangi danganir zariman Israelia misogh, me abinigham." Ezi Atrivim Benhadat akar kam baregha, me mikemezi moghirama ami.

²⁶ Egha azenir gin izimin a uan midorozir gumaziba inigha, me Israelia misoghasa Afekin nguibamin ghue.

²⁷ Ezi Israeliain atrivim uan midorozir gumazibar diazi, me iza uari akuvagha, midorozir bizibar kiri. Egha me ghua danganir Sirian midorozir gumaziba itimin boroghira ghugha, danganir pumuning aghuigha aningin iti. Israeliakizim, a bar suvigha, mati memen okoruar bar muziarir pumuning. Ezi Sirian midorozir gumaziba bar avirasemegha tintinibar danganiba bar dar iti.

²⁸ Ezi akam inigha izir gumazir kam ghua kamaghin Atrivim Ahap migei, "Ikiavira Itir God ghaze, 'Sirian gumazamiziba ghaze ki mighsiabar asem, egha danganir zaribar itir puvati. Kamaghin amizi, ki ian amamangatighti, ia men midorozir gumazir avirir kam abiragh. Eghiti ia Israelia kamaghin fogh suam, ki uabi ki Ikiavira Itir God.'

²⁹ Ezi Siriabar midorozir gumaziba ko Israelin midorozir gumaziba uan averpenibara ikia ghua aruer namba 7in tu. Egha aruer namba 7in, me dikavigha uariv sosi. Egha aruer kamra Israelia, Sirian midorozir gumazir bar aviribav suaghari, men dibobonim 100,000in tu. ³⁰ Ezi Sirian midorozir gumazir maba bar ara Afekin nguibar ekiamin aven ghue. Ezi nguibar ekiam avinizir divazim akariaghiriha ira ua 27,000plan gumazibav suaghari. Ezi Benhadat uaghan ara ghua nguibar ekiamin aven ghugha, dipenir mamin danganir bar aven itimin uabi modo.

³¹ Ezi an gumazir dapaniba ghua an ganigha kamaghin a migei, "E kamaghin akam baraki, Israeliain atriviba, me apangkuvim itir gumaziba. Egha e kamaghin nighnisi, e azirakar korotiabar aghuigh, benibar uan firibar afehg Israelian atrivim bagh mangam. E kamaghin damighti, a ti nin apangkuvigham, egh ni misueghti ni aremeghan kogham."

³² Ezi Benhadat men azangsizimin amamangatizi, me azirakar korotiaba aghuigha, benim inigha uan firibagh ike. Egha me Atrivim Ahap bagha ghua kamaghin a migei, "Nin ingangarir gumazim, Benhadat ghaze, ni an apangkuvigh, a misueghti an aremeghan marki."

Ezi Ahap me migia ghaze, "An angamira iti, o? A dera. A mati nan aveghbuam."

³³ Ezi Benhadatin gumazir dapaniba deraghavira kuariba arigha Ahapin akaba baraghha, zuamira nighnizir gavgavim an akar otevir kamini iti. Egha me zuamira kamaghin migei, "Bar guizbangira. Are, Benhadat nin aveghbuam."

Ezi Ahap me migia ghaze, "Ia mangi a inigh na bagh izi." Ezi me ghua Benhadat mikemezi an Ahap bagha ghu. Ezi Ahap uan karis gaperagha Benhadatin gara a mikemezi, an an karisin ghuanabo.

³⁴ Egha Benhadat kamaghin Ahap migei, "Ki nguibar ekiar nan afeziam faragha nin afeziam ko misoga iniziba, da isi ua ni daningam. Egh ni uaghan dagiar ingangarir taba Damaskusin dar amu. Nan afeziam fomira Samarian nguibar ekiamin amizi moghin ni damu."

Ezi Ahap kamaghin a migei, "Ni mamaghin damusi, ki nin amamangatighti, ni

mangam.” Egha Ahap Benhadat ko akar mam akirigha, an amamangatizi a ghu.

*Akam inigha izir gumazir mam ghaze,
Ahap ikuvigham*

³⁵ Ezi Atrivim Benhadat ghugha givazima, Ikiavira Itir God, akam inigha izir gumazibar ikizimin tongin mavin nighnizim fezi, a kamaghin akam inigha izir gumazir igharazim migei, “Ni na misoghsa, ki ifonge.” Ezi akam inigha izir gumazir kam, a misoghan ifongezir puvati.

³⁶ Ezi akam inigha izir gumazim, akam inigha izir gumazir igharazir kam migia ghaze, “Akar ki ni ganingizir kam, kar Ikiavira Itir Godin akamra. Ezi ni Ikiavira Itir Godin akam batoke, kamaghin amizi ni na ategh mangiti, laion tam ni misuegħti ni aremegħam.” Ezi akam inigha izir gumazir igharazir kam zuima, laion otogha a misogheżi an areme.

³⁷ Ezi gin akam inigha izir gumazir kam, gumazir igharazim bagħha ghua, kamaghin a migei, “Ni na misoghsa ki ifonge.” Ezi gumazir kam a misogħa, mizazir kuram a gaseħha an mikarzim gasighasik. ³⁸ Ezi akam inigha izir gumazir kam, nir avizir mam isa uan guam avara, eghi gumazamiziba a gifogħan kogħam. † Egha an Atrivim Ahapin mizua tuavir mirriam tughħiġi iti.

³⁹ Ezi atrivim izima, akam inigha izir gumazim an diagħha ghaze, “Atrivim, ki midorozir ekiamin aven itima, en midorozir gumazir mam, apanir mam inigha iza na migia ghaze, ‘Ni deraghvir gumazir kamin gan. An arimangħi, ki ni misuegħti ni aremegħam. Puvatightima, ki ni damuti, ni 30,000plan kina isi uan ikirimirim uam a givezam.’ Midorozir gumazir kam na mikkemħa għu. ⁴⁰ Ezi Atrivim, ki ghua ingangarir avirir igharazibagh amua itima, gumazir kam arav għu.”

Ezi Atrivim Ahap a migia ghaze, “Ni uabi issa kotiām gatigħa għifa. Egha ni uabi fo, ivezir kurar manam ni bativam.”

⁴¹ Ezi akam inigha izir gumazir kam, zuamira nir avizir uan guam avarazim adangizi, atrivim magħira a għifo, an akam inigha izir gumazim. ⁴² Ezi akam inigha izir gumazim atrivim migia ghaze, “Ikiavira Itir God kamaghin migia ghaze: Ki faragħha ja mikeme, ja midorozim gamir dughħiġamin, ja apaniba bar me misuegħti me arimghiregħ. Ezi ni Benhadat ataghħiżi an arav ghuzi, an midorozir gumaziba uaghan are. Kamaghin amizi, ni an danganim inigh aremegħam. Eghi nin midorozir gumaziba an midorozir gumazibar danganibha inigh-

bar ikuvigham.” ⁴³ Ezi Atrivim Ahap akar kam baregha givagħha, atara navim ikuva, uamategħha uan nguibar ekiam Samarian għu.

21

Atrivim Ahap, Nabotin wainin azenim baka

¹ Ezi gin, bizir igharazir mam kamaghin oto. Nabot, a Jesrilin nguibam ġumazir mam, an wainin azenim Jesrilin iti, a Samarian Atrivim Ahapin dipenir ekiamin borogħin iti. ² Ezi Ahap Nabot migia ghaze, “Nin wainin azenim nan borogħin iti. Kamaghin, ni a isi na danighti, ki nguazir kam inigh, an ua bagħ Zuravaribha oparam. Ni a isi na danighti, ki wainin azenir bar aghuir igharazitam ni danigham, eghi a bar derragħ, ni datirighin itir wainin azenir kam bar a gafragħam. O ni ifongegħ, magħsuegħ dagħiaba bagħha anemangħi, ki iverżi agħu minni givezam.”

³ Ezi Nabot ghaze, “Fomira fomira, nan inazir afeziabha nguazir kamin għuaviba ikiangi, ezi ki datirighin a gatvagħha an għalli. Kamaghin amizi, Ikiavira Itir Godin ziamin, ki a isi ni danighan kogħam.”

⁴ Nabot kamaghin Ahap mikemezi, an navim bar ikuvizi, an osemegħava atari. Egha uamategħha uan dipenir nguibar ekiam Samarian itimih għu, egha dakuasava amua uan misiġġi girigħa guam issa birim misuegħha, dagħebar aman aghħua. ⁵ Ezi an amuim Jesebel a bagħha ghua an azara, “Ni manmagħsua bar osemegħha dagħebar aman aghħua?”

⁶ Ezi a uan amuim ikaragħha ghaze, “Jesrilin ġumazir kam Nabot, nan akam baraghizir puvati. Ki a migia ghaze, Ki an wainin azenim givezam. O magħsuegħ, a dagħiabar aghħuagħti, ki wainin azenir igharazitam a daningam. Ezi a na daningan aghħua.”

⁷ Ezi Jesebel a migia ghaze, “Tinara kantri Isrælin atrivim? Ni, o igharaz tav? Ni osimā mark! Ni dikavigh dagħet am. Ki Nabotin wainin azenim isi ni daningam.”

⁸ Egha Jesebel aktinafarir maba osirigha, Ahapin ziam dagh ariga, an ababanim sara dagh atiġha, Jesrilin itir ġumazir dapaniba ko gumazir aruuba bagħha ada amangi. ⁹ Akinafarir kabar osiziriba kamaghħi migei, “Ia dagħeba ataghiraghmin duqħiġat amisfegħ. Egh dugħiar kamin, ja Jesrilin ġumazamiziba bar men diaqi, me izi uari akufagh. Egh faraghavira itir dabirabim Nabotin teġħi an a daperagh.

¹⁰ Egh ġumazir kuratamming an borogħin aning afagħti, aning daperagh akam a

20:36: 1 Atriviba 13:24 **† 20:38:** Akam inigha izir gumazir maba, ababanir maba uan guabagh arisi. Ezi akam inigha izir gumazir kam, ababanir kam modi. Ni Esekiel 9:4 in gan.

gasiva kamaghin a mikim, ‘Nabot, ni akar kurabar God ko atrivim mikeme.’ Ia Nabot inigh nguibar ekiamin azenan mangiva, dagiabar a ginivti an aremegh.”

¹¹ Ezi Jesrilin gumazir dapaniba ko guiazir aruaba Jesebelin akinafariba inigha a mikemezi moghin ami. ¹² Egha dagheba ataghiraghsha, dughiam amisevegha guazamizibar diazi, me iza uari akufa. Egha faraghavira itir dabirabir danganim, me a isa Nabot ganingizi an a gaper.

¹³ Ezi gumazir kurar pumuning iza Nabotin boroghin apera. Egha guazamizibar damazibar akaba agasa a migia ghaze, “Nabot akar kurabar God ko atrivim mikeme.” Ezi guazamizibar kamaghin oregha, a inigha nguibar ekiamin azenan ghugha, dagiabar a ginivizi an areme.

¹⁴ Ezi me Jesebel bagha akam amaga ghaze, “Me Nabot dagiabar a ginivizi an areme.”

¹⁵ Ezi Jesebel kamaghin oregha zuamira ghua kamaghin Ahap migei, “Nabot aremegha gifia. Kamaghin amizi, ni datirighin dikavigh mangi, wainin azenir a faragha nin anogoroghezir kam ini.” ¹⁶ Ahap kamaghin oregha wainin azenir kam iniasa zui.

¹⁷ Ezi Ikiavira Itir God, Tisben nguibar ekiamin itir akam inigha izir guazim, Elaija migia ghaze, ¹⁸ “Ni Israelin Atrivim Ahap bagh mangi egh a mikemegh. A Samaria ategha, Jesrilin nguibamin ghua Nabotin wainin azenimin iti. A ua bagh azenir kam iniasava ami. ¹⁹ Ni kamaghin a mikim suam: ‘Ki Ikiavira Itir God, ki ghaze, Ni guazir kam misoghezi an aremegha givazi, ni ua an wainin azenim sara iniasa, a? Ki guizbangira ni migei, Danganir afiaba Nabotin ghuzim ozighizimin, da uaghan nin ghuzim ozigham.’”

²⁰ Ezi Elaija Ahap bagha zuima, Ahap an apigha kamaghin migei, “O nan apanim, ni iza ua na bato, a?”

Ezi Elaija ghaze, “Are, ki ni mikimasa izi. Nin nighniziba ko ifongiaba, Ikiavira Itir Godin damazimin, arazir kurabar amusa bar gavgafi. ²¹ Kamaghin amizi, Ikiavira Itir God kamaghin ni migei, ‘Ki Ikiavira Itir God, ki ni gasighasigham. Egh nin adarazir guazir igiaba ko aruaba sara bar me agivagham. ²² Ni Israelin getuima, me arazir kurar gamima, nin arazir kurar kam na gamima, ki bar aningaghe. Ki faragha Nebatin otarim, Atrivim Jeroboamin adarazi ko Ahiani otarim Basan adarazigh amizi moghin, ki uaghan nin adarazir amuam.’ ²³ Egha Ikiavira Itir God, uaghan akam Jesebelin iti. Egha kamaghin a migei: Jesebel aremeghti, afiaba Jesrilin nguibar ekiam avinizir

divazimin boroghin, an kuam amam. ²⁴ Eghti Ahap, ni tarazi nguibar ekiamin aven arimighiregħti, afiaba men kuabar amam. Eghti ni tarazi nguibar ekiamin azenan arimighiregħti, kuarazir isaba men kuabar amam.”

²⁵ Bar guizbangira, fomira guazitam Ahapin min Ikiavira Itir Godin damazimin, uabi isa arazir kurabagh aniga dagħi amir puvati. An amuim Jesebel, anarira anebira a getuima, an a baragħa arazir bar kurar kabagh ami. ²⁶ Ahap asebar ziaba fava, Amorian guazamizir fomira nguażir kamin ikeziba, a men arazir bar kuribar gin zui, kar arazir kurar God bar a aghuaziba. Ezi Ikiavira Itir God me batuegha, nguażir kam isa Israelia ganingi.

²⁷ Ezi Ahap, Elaijan akam baregha givagħha bar oseme. Egha uan korotiam abigha, azirkar korotiam aruġha uan dakozim girigħav ikia, dagheba ataki. A nighnizir aviribagh amua, egha deragħa uan ingangaribagh amir puvati.

²⁸ Ezi Ikiavira Itir God kamaghin akam inigha izir guazim Elaija migei, ²⁹ “Datirighin Ahap nan damazimin uabi abira. Ni an arazir kamin gari, o puvati? An arazir kam gami, kamaghin amizi, dughiar an angamira itimin, ki an adarazigh asighasighan kogħam. Puvatigham. An otarim atrivim ikiāmin dughiamin, ki an adarazigh asighasigham.”

Akam inigha izir guazim Mikaian eghagħanim

22

(Sapta 22)

Akam inigha izir guazim Mikaia ghaze, Ahap aremegħam

(2 Eghagħaniba 18:2-27)

¹ Israelia ko Siriaba ua uariv sozir puvatigha, 3plan azenibar uari koma apiagh deravira iti. ² Ezi namba 3in azenimin, Judan Atrivim Jehosafat, Israelin Atrivim Ahapin ganasa Israelin għu. ³ Ezi Ahap uan guazir dapanibav già ghaze, “Ia fo, Gileatin Distrighin aven itir nguibar ekiam Ramot, kar en nguibar ekiam. Ezi Siriaba a ini. Ezi manmagħsua e bizitam Sirian atrivim gamizir puvatigha, a dama uan nguibar ekiam Ramot inizir puvati?”

⁴ Egha Atrivim Ahap, Atrivim Jehosafat migia ghaze, “Ni na ko izam ti? Ki kamaghħsua, ga mangi Ramotin nguibam bagħ misuegħ uam ainiā?”

Ezi Atrivim Jehosafat a ikaragħha ghaze, “Ki nin ġin mangħsa purama oragħha iti. Nan midorozir guazibba ko, hoziba ko karisba, ni akurvaghha pura iti.”

⁵ Egha Atrivim Jehosafat uaghan kamaghin Israelin atrivim migei, "Bizir ga damuamin kam, ga ti faragh a bagh Ikiavira Itir Godin ifongiam gifoka."

⁶ Ezi Atrivim Ahap 400plan akam inigha izir gumazibar diazi me izima a men azara, "Ki mangi Ramotin nguabar ekiam uam a iniam, o puvatigham?"

Ezi me ghaze, "A deragham, ni mangi. Ekiam nin akuraghti, ni me abiraghram."

⁷ Ezi Atrivim Jehosafat kamaghin Atrivim Ahapin azara, "Ikiavira Itir Godin akam inigha izir gumazir igharazitam ua iti, o puvati? Tam ikiti, ga an azaragh, egh Ikiavira Itir Godin ifongiam gifogham."

⁸ Ezi Ahap a ikaraghha ghaze, "Akam inigha izir gumazir igharazir mam iti, an ziam Mikaia, a Imlan otarim. A dughiatamin, Godin akam baraghha, akar aghuitamin na migeir puvati. Dughiaba bar, a na gasighasighamin akar kuram na ganidi. Kamaghin amizi, ki gumazir kam bar an aghua."

Ezi Jehosafat ghaze, "Ni mamaghin mikiman marki."

⁹ Ezi Atrivim Ahap uan gumazir dapanir mamin diazi a izezi an a migia ghaze, "Ni zuamira mangi, Imlan otarim Mikaia inigha bagh izi."

¹⁰ Dughiar kamin, Atrivim Ahap ko Atrivim Jehosafat uan atrivir korotiaba aghuigha, uan atrivir dabirabimning gaperaghav iti. Me aningin atrivir dabirabimning, Samarian nguabar ekiam avinizir divazimin tiar akamin boroghin itir nguaizir zarir mamin aning afä. Kar witin ovizibar iniba kua dar dagheba isir danganim. Ezi akam inigha izir gumaziba aningin guamin tugha, gin otivamin biziбав gei.

¹¹ Ezi Kenanan otarim, Sedekaia, a uaghan 400pla akam inigha izir gumazir kabar mav. An ainin mam inigha, ua bagha bulmakaun komin min garir bizar mamin ingari. Egha uan dapanim garugha iza Ahap migia ghaze, "Ikiavira Itir God ghaze, Ni Siriabav sogh me abiraghram. Mati ni komin kamin me gasivira ikiti me bar givagham."

¹² Ezi akam inigha izir gumazir igharaziba uaghan kamaghira migei. Me ghaze, "Ni Ramotin nguabar ekiamin mangi misogh, egh guizbangira nguabar ekiar kam iniam. Ikiavira Itir God, nin akuraghti, ni me abiraghram."

¹³ Ezi, gumazir dapanir Ahap Mikaia iniasi amadazi ghuzim, an a inigha izi. Aning atrivim boroghin iza, gumazir dapanir kam Mikaia migia ghaze, "Akam inigha izir gumaziba bar moghira ghaze,

atrivim midorozimin Siriaba abiraghram. Kamaghin amizi, ni uaghan kamaghira, akar atrivim bar akueghamin tamin atrivim mikim."

¹⁴ Ezi Mikaia ua a ikaraghha ghaze, "Ikiavira Itir Godin zurara itimin ziamin, ki guizbangira ni migei, akar manam Ikiavira Itir God a mikimasa na mikeme, anarira ki an gun mikim."

¹⁵ Egha a ghua Atrivim Ahap batozi, Ahap an azara, "Mikaia, e Ramotin nguabar ekiam bagh mangi, misogh uam a iniam ti, puvati?"

Ezi Mikaia atrivim dipova ghaze, "A dera, ni mangi misogh egh Ramotin nguabar ekiam ini. Ikiavira Itir God nin akuraghti, ni me abiraghram."

¹⁶ Ezi Atrivim Ahap a migia ghaze, "Ni ifaran marki. Ki zurara ni migia ghaze, ni Ikiavira Itir Godin ziamin guizbangira na mikim. Ni manadizoghin nan akam baraghram?"

¹⁷ Ezi Mikaia Ahap migia ghaze, "Ki garima Israelian midorozir gumaziba mati, ghuaviba puvatizir sipsipbar min pura tintinibar mighsiabagh miri. Ezi ki Ikiavira Itir God barazi, a ghaze, "Gumazamizir kabar faragh mangamin gumazir dapaniba puvati. Ni me amangighti, me vaghvagh uan nguibabar mangi egh deraghvira iki."

¹⁸ Ezi Israeli Atrivim Ahap kamaghin oregha Atrivim Jehosafat migia ghaze, "Ni ge, ki ni mikemegha gifa. Akam inigha izir gumazir kam bizir aghuitamin gun na migeir puvati. A zurara bizir kurar na batimabar gun na migei."

¹⁹ Ezi Mikaia ua kamaghin migei, "Ni datirighin deragh kuarim atigh oraghti, ki Ikiavira Itir God nan akazir biziбар ni mikimam. Ki garima, Ikiavira Itir God uan Ngubamin uan atrivir dabirabim gaperaghav iti, ezi an enselba bar an okarigha tuivigha iti.

²⁰ Ezi Ikiavira Itir God kamaghin men azara, 'Tinara mangi Ahap gifariva a gekuighthi, a Ramotin nguibamin mangi midorozimin aven ovengam?' Ezi enselba vaghvagh uan nighniziba Ikiavira Itir God ganidi.

²¹ "Me kamaghin amua ikiav itima, duar mam iza Ikiavira Itir Godin damazimin tugha, kamaghin a migei, 'Ki mangi a gifaragh a gekuighthi.'

²² "Ezi Ikiavira Itir God an azara, 'Ni mangaghram a gifaram?'

"Ezi duam kamaghin Ikiavira Itir God migei, 'Ki mangi Ahapin akam inigha izir gumazibar amuti, me a gifaraghram.'

²³Ezi Ikiavira Itir God duar kam migia ghaze, ‘Ni mangi a gifaraghti, a nighnizir gavgavim nin akamin ikiam.’”

²⁴Ezi Mikaia bighavira Ahap migia ghaze, ‘Ikiavira Itir God, ni ikuvighasa a ifonge, egha ni gifarasa duar kam amadazi, a nin akam inigha izir gumazir kabagh amizi, me ni gifaragha gifa.’”

²⁵Ezi akam inigha izir gumazim Sedekaia, a Kenanan otarim, an orazi, Mikaia akar kamin Ahap migeima, an an boroghin ghua an koviam misuegha ghaze, ‘Ikiavira Itir Godin Duam manmaghin na ategha, nin ghugha akar kam ni ganingi?’”

²⁶Ezi Mikaia, Sedekaian akam ikaragha ghaze, ‘Apaniba gin izi Israelia ia abinighti, ni ari mangi dipenitimin aven danganir mogomemin modogh ikiam. Egh dughiar kamra ni fogham, Ikiavira Itir God uabi akar kam na ganingizi, ki an gun migei.’”

²⁷Ezi Atrivim Ahap uan gumazir dapanir mam migia ghaze, “Ni Mikaian suiragh nguibar ekiamin garir gumazir ekiam, Emon ko nan otarim Joas, aning bagh mangi. ²⁸Egh kamaghin aning mikemeigh, ‘Atrivim kamaghin migei: Gua gumazir kam isi kalabuziam datigh. Egh bretin muziariba ko dipabara, a daning mangiti midorozim givaghti ki uamategham.’”

²⁹Ezi Mikaia ghaze, ‘Ia gumazamiziba bar deravira nan akar kam baragh!’”

Egha kamaghin Ahap migia ghaze, “Ni osimtititam inighan kogh ua deraghvira nguibamin izegh, egh ni kamaghin fogh suam, Akar ki migeir kam, a Ikiavira Itir Godin izezir puvati.”

Ahap ghua misosi (2 Eghaghaniba 18:28-34)

³⁰Kamaghin amizi, Israelin Atrivim Ahap ko Judan Atrivim Jehosafat, aning uan midorozir gumaziba inigha, Siriaba ko misoghasa ghua, Gileatin Distrighin itir nguibar ekiam Ramotin otifi. ³¹Midorozim tighar akuighirighasava amima, Atrivim Ahap kamaghin Atrivim Jehosafat migei, “Ga midorozim bagh mangi, ki uan atrivir korotiaba sueghiva korotiar igharazitar aghuigti, midorozir gumaziba nan atamangigham. Egh ti uan atrivir korotiabar aghuigh.” Egha Israelian atrivim korotiar igharaziba aghuigha aning midorozim bagha zui.

³²Dughiar kamra, Sirian atrivim uan 32plan midorozir gumazir karisin pin tuiva misozibar dapaniba, akar gavgavim me ganiga ghaze, ‘Ia Israelian atrivim baghvira gan a misogh, egh gumazir igharazibav soghan marki.’” ³³Ezi me misozir dughiamin, midorozir gumazibar dapanir kaba Atrivim Jehosafatin ganigha ghaze, a ti Israelian atrivim. Egha atrivim

misoghasa ghua tiarim akara deima, ³⁴me fo, kar Israelian atrivim puvati, egha me anetaki.

³⁵ Midorozim ghuavira itima, Sirian midorozir gumazir mam, uan barir pimin Israelia iti naghin puram asavamada. Ezi barim ghua Ahapin mikarzir midorozir korotiam avarazir puvatizim gasara. Ezi Ahap uan karisin suizir gumazim migia ghaze, “Ki ikuvigha gifa. Ni zuamira ua karis giragh midorozir danganim atakigh.” ³⁶Ezi midorozim ghuavira ikia bar gavgavizi, Atrivim Ahap midorozim ategh mangan iburaghburaghizi, me karisin aven puram anefazi, a Siriabar damazimin uan karisin aven aperaghav ikia Siriabar gari. Ezi an duar torim ghuzim puvira ivemara izaghira karis gizivagha, kamaghira itima, aruem gevima an areme.

³⁷ Aruem ghuaghira migroroghasava amima, Israelia ko Judan midorozir gumaziba me bar dia kamaghin migei, “E bar moghira uamatagh uan kantriba ko uan nguibabar mangam!”

³⁸ Kamaghin amizi, Atrivim Ahap aremezi, me an kuam inigha ghua Samarian anefa. ³⁹Egha an karis, Samarian dipar akarer mamin a rue. Ezi afiaba izava an ghuzim apima, tuavimin amiziba izava an ghuzim itir dipar akarem gure. Bizir kaba, Ikiavira Itir God mikemezi moghin otifi. ⁴⁰Atrivim Ahap amizir araziba bar, da akinafarir me kamaghin diborimin aven iti, Israelian Atrivibar Eghaghaniba. Akinafarir kam, dipenir a ingarigha elefanin ataribar asingiziba ko, an nguibar ekiaba avinizir divaziba gavgavim dagh aningizir ingangarir amizibagh eghari. Atrivim Ahap uan inazir afeziabbar min aremezi, an otarim Ahasia an danganim inigha atrivimin oto.

Jehosafat Judan atrivimin oto (2 Eghaghaniba 20:31-21:1)

⁴¹ Ahap Israelian atrivimin itima, an namba 4 azenimin aven Asan otarim Jehosafat Judan atrivimin oto. ⁴²Jehosafat azenir 35plan ikia atrivimin oto, egha 25plan azenibar Jerusalemin atrivimin iti. An amebam, Silhin guivim, an ziam Asuba. ⁴³Jehosafat uan afeziabbar Israelian atrivim ko aning uan dafarimning suiragha, aning deraghvira aperaghav ikia, ua uaning misozir puvati.

⁴⁵ Atrivim Jehosafat amizir araziba bar, da akinafarir me kamaghin diborimin aven iti, Judan Atrivibar Eghaghaniba. Akinafarir kam, a uan apanibav soghezir eghaghaniba ko, an gavgavir ekiabar eghaghaniba an aven iti. ⁴⁶ Fomira Jehosafatin afeziām Asa, asebar ziaba fer danganibar, gumazir poroghamiba uari bakia uari koma akur arazim gamiba batoke. Ezi men marazi ikiavira itima, Jehosafat bar me agifa.

⁴⁷ Dughiar kamin, Idomin kantri atriviba puvati. Ezi Judan atrivimra Idomin kantri gativagh, an ganasa gumaziba amisefi.

⁴⁸ Atrivim Jehosafat mikemezi, ingangarir gumaziba kantri Ofirin mangamin kuribar ingari, eghti da ongarimin mangi kantri Ofirin gol inigh izam. Ezi kurir kaba, da nglubar ekiam Esiongeberin ikuvigha, puram apiaghav iti. Kamaghin amizi, me Ofirin ghuzir puvati. ⁴⁹ Ezi gin, Israelian Atrivim Ahasia kamaghin oraki, Jehosafatin kuriba ikufi, ezi a kamaghin Jehosafat migei, “Ni uan kuriba ua da amangighti, ki uan kurimin ingangarir gumaziba, nin ingangarir gumaziba ko me amadaghti me mangam.” Ezi Jehosafat an nighnizimin aghua.

⁵⁰ Egha gin Atrivim Jehosafat uan inazir afeziabar min aremezima, me an kuam isa Devitin Nguibar Ekiamin, an inazir afeziabar kuaba afezir danganimin anefa. Ezi an otarim Jehoram an danganim inigha atrivimin oto.

Ahasia, Israelian atrivimin oto

⁵¹ Jehosafat Judan atrivimin itima, an namba 17in azenimin aven, Ahapin otarim Ahasia Israelian atrivimin oto. Egha azenir pumuningin Samarian atrivimin ike. ⁵² A uan afeziām ko amebarin min arazir kuraba Ikiavira Itir Godin damazimin dar gin ghua, Nebatin otarim Jeroboamin min ami. Jeroboam faragha Isrelia gekuizi, me arazir kurar aviribagh ami. ⁵³ Ahasia, asem Balin ziam fe. An arazir kam bangin, Ikiavira Itir God, Israelian God, an afeziām Ahapin aningaghezi moghin, an aningaghe-

**Israelia ko Judabar
Atriviba,
Men Akinafarir Namba 2
O
2 Atriviba
Akar faragha zuim**

Atrivibar Akinafarir Namba 2, a bizir Atrivibar Akinafarir Faragha Zuimin eghaghanibar gin otivizibagh eghari. Akinafarir kamning, bar fomira akinafarir vamiran ike. Atrivibar Akinafarir Namba 2, a Israelian kantrin pumuningin atrivibagh eghari. Kar Judabar kantrin sautin amadaghan itim, ko Israelian kantrin notin amadaghan itir atrivibar eghaghaniba. A bizir otivizibagh eghara ghua, kantrin kamningin apaniba aning gasighasighizir dughiamin tu. Notin amadaghan itir kantri Israel, kantri Asiria, faragha iza a gasighasiki. Ezi gin, sautin amadaghan itir kantri Juda, kantri Babilonin Atrivim Nebukatnesar a gasighasiki.

Akinafarir kam, an Atrivibar Akinafarir Faragha Zuimin min ghu, egha an atriviba amizir araziba tuisisi. Me Godin apengen iti, o puvati? Bizir ekiam akinafarir kam aneka, a kamakin. Bizir Israelin ikizimring virara aning batozi, apaniba me gasighasighizim, kar me uan atriviba ko men osimtzim. Judabar atriviba ko Israelian atriviba ko men gumazamiziba, me bar moghira akirim God gasaragha dughiar aviribar an Araziba batogha, an akam barazir puvati. Kamaghin amizi, me osimtzir ekiar kam bato.

Gumazamizibar nighnizimin aven, Jerusalem ko Godin Dipenir an itim, kar bizir bar ekiamning, egha kamaghin men aka, God me ko iti. Ezi me kamaghin nighnigha ghaze, God me ko ikiti, bizir kuratam me batoghan kogham. Ezi akinafarir kam, a Jerusalem ikuvizir bizim, ko apaniba Godin Dipenim gasighasighizir bizim geghari. Bizir kam, a Israelian gumazamizibar nighniziba bar dagh asighasiki. Bizir kam bangin, gin men ikirimurimin araziba, ko Godin ziam fer araziba bar igharaghavram oto.

Elaija ko Elisan eghaghanim

(Sapta 1:1–8:15)

Elaija ghaze,
Atrivim Ahasia aremegham

¹ Israelian Atrivim Ahap aremezir dughiamin gin, Moapia, Israelia me gativagh men ganan me aghuaghha me batoke.

² Dughiar mamin, Israelien Atrivim Ahasia, uan dipenimin azuarim pin aperaghav iti. Azuarir kamin birim akariaghiri, Ahasia nguazim girigha bar kufi. Kamaghin amizi, a gumazir maba amada, eghiti me Filistian kantrin itir nguabar ekiam Ekronin mangi Ekronin asem Balsebup, an azangsigh fogh suam, a ua deragh otogham, o puvatigham. ³ Ezi Ikiavira Itir Godin ensel, kamaghin Tisben nguabar ekiamin itir Godin akam inigha izir gumazim Elaija migei, “Ni dikavigh mangi gumazir Samarian atrivim Ekronin nguabar ekiamin amadaziba batogh. Egh ni kamaghin me mikemegh, ‘Ia manmaghsua Ekronin asem Balsebupin azangasa? Godin tam ti Israelin kantrin aven itir puvati, ezi ia mangasa? ⁴ Ia oragh. Ikiavira Itir God migirigiar kam Atrivim Ahasia gami: Ni ua deraghan kogham. Bar puvati. Ni kamaghira uan dakozimin irighiv ki mangi aremegham.’” Ezi Elaija akar kam baregha, dikavigha ghua gumazir kabav gei.

⁵ Ezi gumaziba Elaijan akam baregha givagha, uam atrivim bagha ghuzi, atrivim kamaghin men azara, “Ia tizimsua zuamira ua ize?”

⁶ Ezi me kamaghin a ikaragha ghaze, “Gumazir mam tuavimin e batogha ghaze, ‘Ia uamategh mangi, Ikiavira Itir Godin akar kamkin gun atrivim mikemegh. Akar kam kamakin: Ia manmaghsua Ekronin asem Balsebupin azangasighasa? Ia ti Godin tam Israelin kantrin aven itir puvati, egha ia mangasa? Bar guizbangira, ni ua deraghan kogham. Bar puvati. Ni kamaghira uan dakozimin irighiv ki mangi aremegham.’”

⁷ Atrivim akar kam baregha kamaghin men azara, “Gumazir akar kam ia ganingizim, a manmaghsin garir gumazim?”

⁸ Ezi me kamaghin a ikaragha ghaze, “A korotiar me asizir arizibar ingarizim aru, egha letin me asizir inimin ingarizim ubi amighiri.”

Atrivim oregha ghaze, “Mar, Tisben gumazim, Elaija.”

⁹ Egha atrivim, midorozir gumazibar dapanir mam ko an midorozir gumazir 50pla sara, me amangizi, me Elaija inigh izasa zui. Me ghua danganir Elaija itimin otivigha gumazir dapanir kam Elaijan garima, a mighsiar mam gisin aperaghav iti. Ezi gumazir dapanir kam kamaghin Elaija migei, “O Godin akam inigha izir gumazim, atrivim ghaze: Ni izighiri mangi an ganigh.”

¹⁰ Ezi Elaija kamaghin a ikaragha ghaze, “Ki guizbangira, Godin akam inigha izir gumazim, eghiti avim Godin Nguibamin ikegh izighiri ni ko nin 50plan midorozir gumaziba sara bar ian isigham.” Ezi zuamira

avim izaghira gumazir dapanir kam ko an midorozir gumazibar isizi, me ariaghire.

¹¹ Ezi gin atrivim, ua midorozir gumazibar dapanir igharazim ko an midorozir gumazir 50pla amadazi, me Elaija bagha ua ghue. Me ghua otivigha, gumazir dapanir kam kamaghin a migei, "O Godin akam inigha izir gumazim, atrivim akar gavgavim ni ganiga ghaze: Ni zuamira izighiri, egh mangi an ganigh."

¹² Ezi Elaija kamaghin an akam ikaragha ghaze, "Ki guizbangira, Godin akam inigha izir gumazim, egheti avim Godin Nguibamin ikegh izighiri ni ko nin 50plan midorozir gumazibara sara bar ian isigham." Ezi zuamira avim izaghira gumazir dapanir kam ko an midorozir gumazibar isizi, me ariaghire.

¹³ Ezi gin atrivim ua midorozir gumazibar dapanir igharazir mam ko an midorozir gumazir 50pla amangizi, me Elaija bagha ua ghu. Egha namba 3in gumazir dapanir kam ghua mighsiamin ghuavanaga, Elaijan boroghira tevimum apirigha, kamaghin an azara, "O Godin akam inigha izir gumazim, ga uaning, ni nan ikirimirim ko nan midorozir gumazibar ikirimiribar apangkuvighti, e nin damazimin bizir aghuimin min otoghti, ni e gasighasighan marki. ¹⁴ Ki fo, avim Godin Nguibamin ikegha izaghirigha gumazir dapanir faragha izezimningin isiava aningen midorozir gumazibara sara isi. Ezi ga uaning, ni nan apangkuvighasa ki ifonge, egh na gasighasighan marki."

¹⁵ Gumazir dapanir kam mikemega givazi, Ikiavira Itir Godin ensel, kamaghin Elaija migei, "Ni dikavigh gumazir kam ko magiri. Ni an atiatingan marki." Ezi Elaija dikavigha a ko atrivim bagha zui.

¹⁶ Elaija ghua otogha akar kamin gun atrivim migei, "Ikiavira Itir God kamaghin mikeme: Ni ghaze, Israelin kantrin aven Godba ti puvati, egha ni gumaziba amangizi, me Ekron asem Balsebupin azangasa ghu. Kamaghin amizi, ni ua deraghan kogham. Bar puvati. Ni kamaghira uan dakoziimin irighiv iki mangi aremegham."

¹⁷ Ezi gin Ahasia areme, ezi bizir kam, Ikiavira Itir God, Elaijan akam garugha mikemezi moghin, an otogha gifa. Ahasia otariba puvati, ezi an aveghbuam, Joram, an danganim inigha, Israelian atrivimin oto. Dughiar kamin, Judan kantrin aven, Jehosafatin otarim Jehoram atrivimin iti. Jehoram atrivimin itir azenir namba 2in aven, Joram Israelian atrivimin oto. ¹⁸ Atrivim Ahasia amizir bizir igharazibar eghaghaniba, da akinafarin kamin iti, me a dibora ghaze, Israelian Atrivibar Eghaghaniba.

2

God Elaija inigha uan Nguibamin ghu
¹ Ikiavira Itir God amimir ighuaghbaruimin Elaija inigh uan Nguibamin mangasa nighnisi. Bizir kam otivasa roghira izezi, Elaija ko Elisa Gilgal ategha zui. ² Egha Elaija kamaghin Elisa migei, "Ikiavira Itir God mangi Betelin otivasa na mikeme. Kamaghin amizi, ga uaning, ni kagh iki."

Ezi Elisa kamaghin an akam ikaragha ghaze, "Ikiavira Itir Godin ziham, ki bar guizbangira migei, ki ni ko mangam." Kamaghin amizi, aning virara Betelin nguibamin ghu.

³ Dughiar kamin, Godin akam inigha izir gumazibar okoruar ekiar mam Betelin iti. Egha me bar dikavigha nguibamin azenan iza aning batogha, kamaghin Elisa migei, "Ikiavira Itir God datirighin, nin gumazir ekiam inigh mangam. Ni ti kamaghin foz, o puvati?"

Ezi Elisa kamaghin men akam ikaragha ghaze, "Ki fogha gifa. Ia ua bizir kamin mikiman marki."

⁴ Ezi aning ikia, egha Elaija kamaghin Elisa migei, "Ikiavira Itir God Jerikon nguibamin mangasa na amada, kamaghin amizi, ga uaning, ni kagh iki."

Ezi Elisa ghaze, "Ikiavira Itir Godin ziham, ki guizbangira migei, ki ni ko mangam."

Egha aning virara Jerikon nguibamin ghu. ⁵ Dughiar kamin, Godin akam inigha izir gumazibar okoruar mam Jerikon iti. Egha me Elisa bagha iza kamaghin a migei, "Ikiavira Itir God datirighin nin gumazir ekiam inigh mangam. Ni kamaghin foz, o puvati?"

Ezi Elisa kamaghin men akam ikaragha ghaze, "Ki fogha gifa. Ia ua bizir kamin mikiman marki."

⁶ Ezi aning Jerikon ikiavira ikia Elaija kamaghin Elisa migei, "Ikiavira Itir God Jordanin Fanemin mangasa na mikeme. Kamaghin amizi, ga uaning, ni kagh iki."

Ezi Elisa ghaze, "Ikiavira Godin ziham, ki guizbangira migei, ki ni ko mangam." Egha aning virara Jordanin Fanemin ghu.

⁷ Ezi Godin akam inigha izir gumazir okoruabar tongin, gumazir 50pla aningen gin ghu. Aning ghua Jordanin Fanemin otogha dipamin boroghin tughav iti. Ezi akam inigha izir gumazir 50pla, mong aningen saghon tuivighav iti. ⁸ Ezi Elaija uan korotiar ruarim suegha, a righa a isa Jordanin Fanemin dipam misoke. Ezi dipam bigha akuar pumuningin irizi, nguazir tizimin itim misingi. Ezi aning nguazir misingizimin arua dipamin vongin ghu.

⁹ Aning ghua Elaija kamaghin Elisa migei, "Ikiavira Itir God na iniamin dughiam

roghira ize, ezi ki ni ategham. Kamaghin amizi, ki faragh bizar tizimra, ni bagh a damu nin akuragham, ni bizar tizim gifonge?"

Ezi Elisa kamaghin an akam ikaragha ghaze, "Ki fo, ni Godin gavgavim inigha akam inigha izir ingangarim gami. Ga uaning, ni gavgavir kam na daningasa ki ifonge, mati afeziam bizar aviriba uan otarir ivariam ganidi. Egh ki nin danganim inigh, Godin akam inigha izir ingangarim damuam."

¹⁰ Ezi Elaija kamaghin an akam ikaragha ghaze, "Bizar ni nan azarazir kam, a bizar ekiam, ki a damuan ibura. Eighti ni nan ganti Ikiavira Itir God na inigh mangiti, ni guizbangira gavgavir kam iniam. Ki zuir dughiamin, ni nan ganighan koghiva, ni gavgavir kam inighan kogham."

¹¹ Aning ghua migia zuima, Ame! Avir mam zuamira aningin torimin oto. Avir kamin aven, aning garima, hoziaba karisin mam kurvasi. Ezi aminir ighuagharrui Elaija inigha Godin Nguibamin ghu. ¹² Ezi Elisa Elaijan gari a zuima a kamaghin dia migiavira iti, "Nan afeziam! Nan afeziam! Ni Israelian akuravazir gumazir bar gavgavim, mati midorozir hoziaba ko midorozir karisba." Ezi Elaija ghugha givazi, Elisa uam an gari puvati. Kamaghin amizi, Elisa bar oseme, egha uan korotiar ruarinmin suiragh a nebighizi, an akuar pumuningin iri, kar a uan osimtizim akakgha amizir arazim. ¹³ Elaija ghuanadir dughiar kamin, an korotiar ruarinnguazim giri. Ezi Elisa a inigha uamategha Jordanin Fanemin ghua an miriamin tughav iti. ¹⁴ Egha a Elaijan korotiar ruarin kam inigha, Elaija faragha amizi moghin dipam misoke. Egha a dipam misozir dughiamin, a ghaze, "Ikiavira Itir God, a Elaijan God, a managh iti? A ti uaghan, na ko ikiam?" Ezi dipam zuamira bigha akuar pumuningin otozi, Elisa uamategha vongin ize.

¹⁵ Ezi 50plan Godin akam inigha izir gumaziba, danganir kamin ikiavira ikia, egha bizar kamin garima, Elisa a gami. Egha me ghaze, "Ia gan! God fomira Elaija ganingizir gavgavir kam, a datirighin Elisan iti." Egha me iza a batogha, tevibar pirigha dapaniba avigha, ghuaghira nguazim giregha, ziar ekiam a daningasa.

¹⁶ Egha me kamaghin Elisa migei, "Ni gan. En adarazir aven, 50plan gumazir gavgaviba iti. Ezi me mangi nin gumazir ekiam bativasa e ifonge. Ikiavira Itir Godin Duam ti a inigha ghua mighsiatamin anetaki, o danganir zaritam in etaki."

Ezi Elisa me migei, "Marki. Ia me amadaghti me mangi a burian marki."

¹⁷ Ezi Godin akam inigha izir gumaziba bar gavgavigha, a gakaghora an azangsisi. Kamaghin amizi, Elisa mong aghumsigha, men tivan aghuaghha ghaze, "A dera, ia me amadaghti me mangi." Ezi me 50plan gumaziba amangizi me 3plan aruebar Elaija buriava, a batozir puvati.

¹⁸ Dughiar kamin, Elisa Jerikon ikiava me mizuaima, me ua izezi, a kamaghin me migei, "Ki manmagħin ia mikeme? Ezi ia gavgavigha nan akam baraghān aghħau."

Elisa dipam gamizi, a deragħha oto

¹⁹ Dughiar kamin, Elisa Jerikon ikiavira itima, nguibamin gumazamiziba iza kamaghin a migei, "Gumazir ekiam, ni gan, nguivar kam bar dera. Ezi dipam ikufi. Amizir naviba adaiba, me dipar kam apava, me zuamira, borir ghuariba bati. Kamaghin amizi, boriba ariaghiri."

²⁰ Ezi Elisa kamaghin me migei, "Ia mangi itarir igiatam inigh, egh amangsizir tam a datiġi, a inigh izi." Ezi me Elisa mikemezi mogħin ami.

²¹ Ezi Elisa a inigha ghua emimirir dipam minn ghugħha amangsizir kam a minkinġha ghaze, "Ikiavira Itir God kamaghin migei: Ki Ikiavira Itir God, ki dipar kam gamizi, a deragħha oto. Eighti dipam ua gumazibar amuti, me arimigħlran kogħam. Egh ua amizibar amuti, men otimirir dughiem zuamiram otogħan kogħam." ²² Ezi Elisa mikemezi mogħin, dipar kam deragħha kamaghira ikia iza datirighin iti.

Otarir igiar maba Elisa dipof

²³ Ezi gin Elisa Jeriko ategħa Betelin għu. Ezi nguibamin otarir igiar maba nguibamin azenan iza an gani, egha me kamaghin Elisa dipova ghaze, "O gumazir onarim mīseżi, ni kamatigħi! Gumazir onarim mīseżi, ni danganir kam gitagh."

²⁴ Ezi Elisa ragħha mighiha men gara ghaze, "Ki guizbangira migei, Ikiavira Itir God ia gasighasigham." Ezi asizir bean amebar pumuning zuamira ruarinmin azenan iza, otarir kabar tongin otarir 42plan misogħha, tintinibar men mikarziba abiaghħariki.

²⁵ Ezi Elisa danganir kam ategħa bar ghua Karmelin Mighsien għu. Egha gin Karmel ategħa uamateghha Samarian nguibar ekiamin għu.

3

Israelia Moapia misosi

¹ Dughiar kamin, Jehosafat Judabar atrivim in iti, ezi an namba 18 in azenim in, Ahapin otarim Joram, Israelian atrivim in

oto. Egha a 12plan azenibar Samarian atrivimin ike.² Atrivim Joram arazir kuram Ikiavira Itir Godin damazimin a gami. Egha an arazir bar kurar aviribagh amizir puvati, mati an amebam ko afeziam amizi mokin. Joram asem Balin marvir guar an afeziam fomira ingarizir kam batoke. ³ Egha Nebatin otarim Atrivim Jeroboam, amizir arazir kurar kabara, Joram uam a dagh ami, arazir kurar kamagh gariba Jeroboam Israelia gekuizi me dagh ami. Joram arazir kurar kaba ataghizir puvati. Bar puvati.

⁴ Dughiar kamin, kantri Moapin Atrivim Mesa sipsipin aviriba iti. A Israeli an atrivimin apengan iti, egha azeniba bar takisin min uan 100,000plan sipsipin apurir igiaba isa Israelin atrivim ganidi. Egha uaghan 100,000plan sipsipin apuriba amisiva, dar arizibar ghora Israeli an atrivim bagha da amadi. ⁵ Ezi gin Israeli Atrivim Ahap aremezi, Atrivim Mesa Israeli an atrivir igiamin apengan ikian aghuagha, ua sipsipba takisin min a ganidir puvati. ⁶ Ezi Atrivim Joram zuamira dikavigha Samaria ategha, Israeli midorozir gumaziba bar me akufa. ⁷ Egha Joram, Judabar Atrivim Jehosafat bagha akam amaga ghaze, "Moapin Atrivim nan apengan ikian aghua. Ezi ki mangi a misoghasaya ami. Ni na ko izam, o puvatigham?"

Ezi Jehosafat kamaghin an akam ikanaghha ghaze, "Ki ni ko mangam. Ki nin ifongiamin gin mangasa iti. Ezi nan midorozir gumaziba ko hoziaiba nin akurvaghsha iti. ⁸ Egh e tuavir manamin mangam?"

Ezi Joram kamaghin an akam ikanaghha ghaze, "E Idomin kantrin gumazamiziba puvatizir danganimin aven zuir tuavimin mangi otogham."

⁹ Kamaghin, Israeli Atrivim Joram ko Judan Atrivim Jehosafat ko Idomin atrivim, me uan midorozir gumaziba inigha zui. Tuavir kam, a bar ruarazi, me 7plan aruebar arua zuima, men dipaba bar gif. Ezi midorozir gumaziba ko asizir biziba ateriba, damamin dipaba puvati.

¹⁰ Ezi Atrivim Joram kamaghin migei, "Ki, e uarir apangkufi. Ikiavira Itir God e 3plan atriviba, an en diagha e isa Moapian atrivimin dafarim gati."

¹¹ Ezi Atrivim Jehosafat kamaghin Atrivim Joram azai, "Ikiavira Itir Godin akam inigha izir gumazitam iti, o puvati? Tam ikiti, e a mikemeghi a Ikiavira Itir Godin azaraghram, e manmaghin damuam."

Ezi Atrivim Joram gumazir dapanir mam, kamaghin an akam ikanaghha ghaze, "Safatin otarim Elisa, a iti. A fomira Godin

akam inigha izir gumazim Elaijan ingangarir gumazimin ike."

¹² Ezi Atrivim Jehosafat oregha ghaze, "Elisa, a guizbangira Ikiavira Itir Godin akam inigha izir gumazim." Ezi atrivir 3plan kaba Elisan ganasa ghue.

¹³ Ezi Elisa Israeli an atrivimin ganigha ghaze, "Ia manmaghsua na bagha izi? Ia akam inigha izir gumazir nin ameboghefeziba fomira ghua azangsighizir kaba, me bagh mangi."

Ezi Atrivim Joram kamaghin a ikanaghha ghaze, "Puvati. Ikiavira Itir God uabi e 3plan atriviba en diagha e isa Moapin atrivimin dafarim gati. Ezi e ni bagha izi."

¹⁴ Ezi Elisa kamaghin Joram migei, "Ki Ikiavira Itir Godin Gavgaviba Bar Itimin ingangarir gumazim. A zurara ikia mammaghira iti, egha gavgaviba bar iti. Ezi ki an ziamin ki guizbangira migei: Atrivim Jehosafat ti ia ko itir puvatizi, ki nin guamin ganighan koghai, o ni ko mikemeghan koghai. Ezi ki fo, Jehosafat a gumazir aghuim. Kamaghin amizi, ki a bangin nin akam baraghram. ¹⁵ Egh i datirighin mangi, gumazir deragha gita misogha ighiabagh amitam inigh izi." Ezi me gumazir gita misoghami inigha ize. Ezi a gita misozir dughiamin, Ikiavira Itir Godin gavgavim Elisan iza anevara.

¹⁶ Ezi Elisa akam akura ghaze, "Ikiavira Itir God ghaze: Ia daghurir dipar fomira emira, egha datirighin misingizir kamin, mozir dipar aviribagh kuigh. ¹⁷ Ia amozim ko aminimin ganighan kogham, eghti dipam uan danganir kam gizvaghram. Kamaghin amizi, ian bulmakauba ko donkiba damamin dipar aviriba ikiam."

¹⁸ Elisa ua kamaghin migei, "Ikiavira Itir God ghaze, Dipam ia ganidir ingangarir kam, an damazimin a bizir ekiam puvati. A bizir bar muziarim. Ezi Ikiavira Itir God ua bizir igharazitam damuasa. Ia Moapian misoghami dughiam, a ia ateghti, ia me abinigham. ¹⁹ Egh nguubar divazir gavgaviba itiba ko, nguubar ekiar bar aghuiba vaghvagh da inigh. Egh ia men temer aghuiba oki, egh men mozir dipaba ape-megh. Egh ia dagiaba isi azenibar ingaramin nguaziba bar dav kinigh, eghti me dagheba oparan kogham."

Elisa mikemegh givazi, atrivir 3pla anetegha ghu. ²⁰ Ezi amimzaraghbar mizaraghara, kar mizarazir ofa damuamin dughiam, aruem anadima, dipam zuamira Idomin ikegha izaghira, nguazir otevir kam bar a gizifa.

²¹ Ezi Moapia kamaghin akam baraki, 3plan atriviba izi me misoghasa. Egha me bar gumazir midorozim damuamin gavgaviba itibar diazi, me iza uari akufa. Egha me gin iza kantri Moap ko kantri Idomin

mitaghniamin tuga misoghasa danganiba isa mizua iti.²² Egha amimzaraghan, Moapia dikavigha garima, Ikiavira Itir God Israelia bagha dipam amadagha gifa. Ezi aruer angazangarim dipam gisira, ezi Moapia dipamin garima, a ghuzimin min bar aghefe. Ezi Moapia saghuiamin tuivav ikia an gari.²³ Egha me kamaghin dei, "Ame! la gan. Kar ghuzimra. Apaniba ti uariv sogha, uarira uan aviribav soghezi me ariaghire, ezi men ghuziba nguazimin iti. Aria, e mangi men danganimin men biziwa iniam."

²⁴ Egha me dikavigha Israeliyan danganim ghue. Egha me ghua otivir dughamin, Israeliyan midorozir gumaziba puv me misogha, men gintigha bar ghua Moapin kantrin ghu. Egha Israelia Moapian avirim misuaghariqa,²⁵ men nguuibagh asighasiki. Israelia Moapian danganiba bar dagh arui. Me mangi azenibar ingaramin nguazir tam batoghamin dughamin, midorozir gumaziba bar dagiaba inigha nguazir kam mikinizi dagiaba bar nguazim avara. Egha uaghan me mozir dipaba bar da apemegha, temer aghuiba bar ada oke. Me nguibar ekiaba bar dagh asighasigha, nguibar ekiar vamira gasighasighizir puvati, kar Kirheres, Moapin nguibar ekiam. Ezi midorozir gumazir katapelin asiba, me nguibar ekiar kam ekiarugha dagiabar asavamadima, da nguibamin aven zui.

²⁶ Ezi Moapin atrivim apanir kabar garima, me a gafisi, kamaghin amizi a 700plan midorozir gumazir midorozir sababar suigha misogha foziba ini, egha me Kirheresin nguibar ekiam ategh ari Idomin atrivim bagh mangasa ua iburaghburaki.²⁷ Ezi Moapin atrivim uan otarir ivariam ini, otarir kam an danganim inigh atrivimin ikiam. Egha atrivim otarir kam misuegha an ofa gami, mati Moapian asemin ofan bar isia mighirim. A nguibar ekiam avinizar divazim gisim ofan kam gami. Israelia bizir kamin ganigha bar atiatingi.* Egha me midorozim ategha, uamategha uan kantrin ghue.

4

Elisa amuir odiarimin akura

¹ Dughiar mamin Godin akam inigha izir gumazibar okoruamin mav, an amuim Elisa bagha ize. An pam aremezi an odiarimin iti. Egha a kamaghin Elisan diava arai, "O gumazir ekiam, nan pam areme.

Ni fo, a zurara Ikiavira Itir Godin atiati an apengen iti. Egha a faragha gumazir mam da pura dagiaba ini. Ezi datirighin ki da ikanvaghamin dagiaba puvati. Ezi gumazir kam nan otarimning iniasa izi, egh aning damutti aning an ingangarir gumazir kinimningin otogham."

² Elisa akar kam baregha kamaghin amizim migei, "Ki manmaghin nin akuraghram?" Bizir manam nin dipenimin iti?"

Ezi amizim kamaghin a ikanvagha ghaze, "Ki miner mam iti, olivin borem an iti, anarira. Ki ua bizir ighazariba puvati."

³ Ezi Elisa kamaghin a migei, "Ni mangi namakabar azaraghti, me uan miner pura itiba ni daningigh. Ni miner aviriba inigh.

⁴ Egh ni miner kaba inigh uan dipenimin aven mangi, egh tiam asaragh. Datirighin ni uan otarimning ko borer nin miner kamin itim isi, miner kabagh ingegeh. Ni minetam gingeghti a izivaghti, ni a inigh danganitam dafagh. Ni kamaghira damuvira mangiti, miner kaba bar izefehg."

⁵ Ezi amizim akar kam baregha givagha ghua, uan namakaba da mineba inigha, uan dipenimin ghu. Egha a uan otarimning ko dipenimin aven ghugha tiam asara. Ezi an otarimning mineba isa a bagha izima, a borem miner kabagh ingavira iti.⁶ Amizim borem minebagh ingegeh givagha, kamaghin uan otarir mam migei, "Ni miner ighazarim inigh izi."

Ezi otarim ghaze, "Amebam, mineba bar izefe." Egha dughiar kamra, borem ua amizimin minemin otivir puvati. A kamaghira tu.

⁷ Ezi amizim ghua kamaghin Godin akam inigha izir gumazim Elisa migei, "Ki miner kaba bar borem dagh ingegeh gifa."

Ezi Elisa kamaghin a migei, "Ni mangi borer kaba amadagh, egh dagiaba inigh. Egh ni uan pam inizir dagiaba ikanvagham. Eghti dagiar naba ikiam, kar ni uan otarimning ko ia daghebagh iveauzam."

Elisa Sunemin nguibar ekiamin amizimin otarim gamizi, a ua dikafi

⁸ Dughiar mamin Elisa Sunemin nguibamin ghu. Amizir mam nguibar kamin ikia, egha dagiar aviriba iti. Egha uan dipenimin daghetam amasa Elisan azangsisi. Ezi Elisa zurara Sunemin izir dughiabar an amizir kamin dipenimin apiaghirava api.

⁹ Egha dughiar mamin amizir kam kamaghin uan pam migei, "Ni gan, gumazir kam

* 3:27: Hibrun akam deragha akar kam abigha migeir puvati. Fofozir gumazir maba kamaghin nighnisi, Israelia ti kamaghin nighnisi, Moapian asem men ataram, kamaghin me atiati. Ezi fofozir gumazir ighazariba ghaze, Israelia ti kamaghin atiati, Ikiavira Itir God Israelian atari, egha a bizir kurar kam gamizi a Israelian damazimin oto. Ezi fofozir gumazir maba ghaze, Israelia uari Moapian atrivimin arazir kamin osemegha midorozim ataki.

zurara iza e koma api, ki fo, a Godin akam inigha izir gumazim, egha a God baghavira itir gumazimra.¹⁰ Ga uaning, ga ti dipenir ghuriar pin itimin daguraguir danganitam akrigham. Egh e akuir dakozitam ko, apir dakozitam ko, dabirabir tam ko, lamen tam, danganir kamin dar arigham. Eighti gumazir kam izamin dughiamin, a danganir kamin ikiam.” Egha aning a bagha danganir kam akiri.

¹¹ Ezi dughiar mamin Elisa ua Sunemin izegha, danganir kamin ghuavanabogha, uan akuir dakozim girighav ikiava avughsı. ¹² An avughsı ikia kamaghın uan ingangarir gumazim Gehasi migei, “Ni magırı na bagh Sunemin amizir kamin ganıgh, egh a mikemeghti a izi.” Ezi Gehasi amizim mükemezi a iza an guamin tu.

¹³ Ezi Elisa Gehasi migia ghaze, “Ni kamaghın amizimin azaragh, ‘Bar guizbangıra, ni ingangarir ekiam gamua gan akura. E biziř tizim damıgh, nin akurvazır aghumıa ikaraghıam?’ Elisa ti mangı atrivim o midorozıř gumazibar dapanımin azaraghti, aning ni bagh biziř aghuitam damuam? Ni kamaghın ifongez, o?”

Ezi Gehasi ghua amizir kamin azarazi, amizim kamaghın a migei, “Ki uan adarazır tongin iti, egha bizıtamin otevezir puvatı.”

¹⁴ Ezi Elisa kamaghın Gehasin azara, “E biziř aghuir manatamın amizir kamin arazır aghumıa ikarvagham?”

Ezi Gehasi ghaze, “Ki gari, biziř vamıra iti, an pam bar għurizi, a boriba puvatı.”

¹⁵ Ezi Elisa Gehasi migia ghaze, “Ni amizim mikemeghti, a izi.” Ezi Gehasi ghua amizim mikemezi, a iza tiar akamin tughav iti.

¹⁶ Ezi Elisa amizim migia ghaze, “Azenir munamin dughiar kamra, ni otaritam uan agharimningin a firagħam.”

Ezi amizim a ikaraghha ghaze, “Ga uaning, nan gumazir aruam, ni Godin akam akurir gumazim, ni na gifaran marki.” ¹⁷ Ezi gin, amizir kam navim asangi. Egha Elisa mikemezi mogħira, azenir munamin, dughiar kamra an otarim bate.

¹⁸ Azenir mabar gin otarim ekevegha, uan afeziam bagħa azenibar għu. Kar witbar għorir dugħiham, ezi afeziam ingangarir gumaziba ko witin azenimin iti. ¹⁹ Otarim ingangaribar gara ikia, egha kamaghın uan afeziam diava arai, “Iiii afeziam! Nan dapanim puvira na gami. A na gamuavira iti! Iiii!”

Ezi afeziam uan ingangarir gumazir mam migia ghaze, “Ni otarir kam inigha an amebam bagħ mangi.” ²⁰ Ezi ingangarir gumazim otarim inigha an amebam bagħa

ghu. Ezi otarim amebamın apozim girighav ikia ghua, dugħiar aruer arizimin tu, egha an areme. ²¹ Ezi amebam otarimin kuam inigha dipenimin pin ghuanaga Elisan danganitam aven ghua dakozim aneti. Egha amebam azenan ghugha tiam asara.

²² Egha a uan pam diazi, a izima a kamaghin a migei, “Ni mangi ingangarir gumazitam mikemegħti, a na bagħ donki inigha izi. Eighti ki zuamira mangi, Godin akam inigha izir gumazir kamin ganigh, egh uamategħ izam.”

²³ Ezi an pam ghaze, “Manmagħ amizi ni datirighira mangasa? Ni Sabatin dugħiam o iakinur igiamin dugħiar ekiam mizuamam, o?”

Ezi amizim ghaze, “Marki, ki datirighira mangasa. Ni nimira iki. Biziba deragħam.”

²⁴ Ezi ingangarir gumazim satel donki gatizi, amizim a gapera. Egha amizim kamaghin ingangarir gumazim migei, “E mangamin dugħiamin, ni donki damuti, a zuamira mangi. Ni na bangin aghumra mangan marki. Donki aghumra mangi ki ifuegh, ni mikimam.”

²⁵ Egha amizim ingangarir gumazim ko, Godin akam inigha izir gumazim Elisan ganasa Karmelin Mighsiamin għu.* Aning saghon ikiavira itima, Elisa aningin gani. Egha a uan ingangarir gumazim, Gehasi migei, “Ni munagh gan, Sunemin amizir kam iži.” ²⁶ Ni iverġa a bagħ mangiva an azaragh fogħ, a uan pam ko otarim me ti deragħha iti, o puvati?”

Ezi Gehasi ghua amizimin azarazi, amizim kamaghin an akam ikaraghha ghaze, “E deraghvira iti.” ²⁷ Amizim iza mighsiamin Elisa batogħa, aviragħha Elisan dagħarimningin suira. Ezi Gehasi amizimin garima, a kamaghin amima, an a tivamadagħi a tong saghon mangasa.

Ezi Elisa kamaghin Gehasi migei, “Anekkie. Ki fo, an osimtizir bar ekiam iti. Ezi ikiavira Itir God an osimtizim nan modogħha an gun na mikemezir puvati.”

²⁸ Ezi amizim ghaze, “Gumazir ekiam, kar niqiegħiġi minn God borir kam na ganingi. Ki nin azarazir puvati. Ezi ki ni migia ghaze, ni na gifaran marki.”

²⁹ Elisa akar kam baregħa, kamaghin Gehasi migei, “Ni deraghvira uan inim ikegħi, egh nan fidżiżiż aghorim uan darfimin an suiragh, egh zuamira Sunemin nguibamin mangi. Egh ni gumazitam batogħ, dugħiam a danningan marki. Eighti gumazitam dugħiham ni dantgi, ni an akam ikaraghhaen marki. Ni amizir kamin dipenimra mangi, egh fidżiżiż otarir kamin guam gisìn datīgħi.”

³⁰ Ezi otarimin amebam kamaghin garima, Elisa mangan ibura, ezi a kamaghin migei, "Ikiavira Itir Godin ziamin, ki guizbangira migei, ki ni ategh uabira mangan kogham." Kamaghin amizi Elisa dikavigha amizir kam ko uamategha Sunemin ghu.

³¹ Ezi Gehasi faragha ghua Elisan fidizir aghorim isa otarimin guam gati, ezi a tong mozorogha amir puvati. Bar puvati. Egha Gehasi uamategha zui. A tuavimin aning batozir dughiamin, a kamaghin Elisa migei, "Ni mikemezi moghin ki ami, ezi otarim ua dikavizir puvati."

³² Egha me ghua dipenimin otivigha, Elisa uan danganimin tiar akamin ghughha, otarir kamin kuamin garima a dakoziim girighay iti. ³³ Egha an aven ghughha tiam asaragha, Ikiavira Itir God ko migei. ³⁴ Egha a dakoziim gisim ghuavanabogha otarimin kuam gisim fuaghha, uan akam isa otarimin kuamin akam gatigha, uan damazimning an damazimning porogha, uan dafarimning isa an dafarimning gisim ati. Elisa kamaghin amuavira itima, otarimin mikarzim ua fei. ³⁵ Ezi Elisa dakoziim ategha mong uan danganimin aven arui. Egha ua ghua otarim gisim avira. Ezi otarim 7plan dughiaabar asigha uan damazimning kui.

³⁶ Ezi Elisa Gehasin diagha kamaghin a migei, "Ni mangi otarimin amebam mikemeghti a izi."

Ezi Gehasi kamaghin amizi, amizir kam anaga akuir danganimin aven ghu. Ezi Elisa a migei, "Ni uan otarim inigh." ³⁷ Egha amizim Elisan dagarimning boroghira irigha, dapanim aviraghha nguazim mituagha, ziar ekiam Elisa ganidi. Egha gin dikavigha uan otarim inigha ghu.

Elisa diparsizim gamizi, a dera

³⁸ Dagheba puvatizir dughiar kurar mam, Israelin nguazim bato. Ezi dughiar kamin Elisa uamategha ghua Gilgalin nguibamin iti. Dughiar mamin, Godin akam inigha izir gumazibar okoruamin, gumazir maba iza a da nighniziba isi. Me apiaghha an akaba barasi, egha Elisa uan ingangarir gumazim kamaghin a migei, "Ni miner ekiam inigh iziva Godin akam inigha izir gumaziba bagh diparsizim damu."

³⁹ Ezi Godin akam inigha izir gumazir mam diparsizir tam damuasa ghua, zu-ravariba buri. Egha a ruarin min itir sevibar min garibizibar gara ghaze, ka ti dagher aghuiba. Kamaghin amizi, a sevir ovizir aviriba inigha, uan inim garighizi an inim bar izifa. Egha a da inigha iza dar ghoregha minem gaghui. Ezi gumaziba deragha sevir ovizibagh fozir puvati. ⁴⁰ Diparsizim isigha giovazi, Godin akam inigha izir gumaziba

damasa me da isa itaribagh arisi. Ezi me apir dughiamin, diparsizim men akabav sosi, ezi me kamaghin Elisan dei, "O Godin akam inigha izir gumazim, diparsizir kam bar puvira misosi. Ezi e daman ibura. E ti arimighiregham."

⁴¹ Ezi Elisa plauan me witin ingarizir taba inigha izasa me migei. Me da inigha izezima, Elisa da minem mikinigha, kamaghin uan ingangarir gumazim migei, "Ni diparsizim uam a isi itaribar arikigh, eghti Godin akam inigha izir gumaziba damam." Ezi me apima, diparsizim datirighin ua men akabav sozir puvati.

Elisa 100plan gumaziba dagheba me ganidi

⁴² Ezi dughiar mamin gin, gumazir man Balsalisan nguibam ategha, Elisa bagha ize. Kar bali aghoramin dughiam. Gumazir kam uan azenimin, balin faragha aniba aghoregha, 20plan balin bretin rubuzir tueziba ko balin tuezir puvatizir maba sara inigha uan mitarim gaghuigha, da inigha Elisa bagha ize. Ezi Elisa uan ingangarir gumazim migia ghaze, "Ni dagher kaba isi akam inigha izir gumazibar aningti, me dar ami."

⁴³ Ezi an ingangarir gumazim ghaze, "Dagher kaba avirasemezir puvati, Dagher kaba manmaghira 100plan akam inigha izir gumazir kabar tughatigham."

Ezi Elisa an akam ikaragha ghaze, "Ikiavira Itir God ghaze, me damiti, dagher naba ikivira ikiam. Kamaghin amizi, ni dagheba isi gumazibar anighti, me dar ami." ⁴⁴ Ezi ingangarir gumazim dagheba isi akam inigha izir gumazibagh aningizi, me da api. Egha Ikiavira Itir God mikemezi moghira, me amegha izivazi, dagher naba ikiavira iti.

5

Namanin lepan arimariam gifa

¹ Naman, a Sirian midorozir gumazibar gumazir dapanir ekiam. Namanin darfamin, Ikiavira Itir God, Sirian midorozir gumazibar akurazi, me apaniba dikabini, kamaghin amizi, Sirian atrivim bar a gifuegha, a bagha bar akonge. Naman a midorozir gumazir bar aghuim, egha a lepan arimariam iti. ² Dughiar mamin Sirian midorozir gumazibar ghua Israelia misogha, guvir igiar mamin suiragh a sara ghu. Ezi guvir igiar kam, a Namanin amuimin ingangarir amizimin iti. ³ Dughiar mamin gin, Israelian guvir igiar kam kamaghin Namanin amuimin migei, "Nin pam Godin akam inigha izir gumazir Samaritan itir kam bagh mangigh, ti deragham.

Godin akam inigha izir gumazir kam an arimariam akirighti, a ua deragham."

⁴ Naman akar kam baregha, atrivim bagha ghua, guivir igiar kamin akamin gun a mikeme. ⁵ Ezi atrivim kamaghin a migei, "Ni mangi! Ki Israelian atrivim bagh akinafaritam osirigh, ni danighti ni a inigh mangi a daningigh."

Egha atrivim akinafarim osirigha Naman ganingi. Ezi Naman 300,000 kina silvan dagiaba ko 60 kilogrem gol, ko 10plan korotiar kurkiamiba sara inigha, dikavigha Samarian ghu.

⁶ Egha Naman Sirian atrivim da akinafarir kam inigha ghua, Israelian atrivim ganingi. Akinafarir kam kamaghin migei: "Akinafarir kam, nan gumazir dapanim Naman ki a bagh ni mikimasa. A lepan arimariam iti, ezi ni a damighti, a ua deraghaha ki ifonge."

⁷ Ezi Israelian atrivim akinafarir kamin ganigha uan navir osimtzim akakagha uan korotiam abiki. Egha a kamaghin migei, "Amei! Sirian atrivim tizim bagha kamaghin na bagh akam amada, ki mangi gumazir kamin arimariam akirigham? A ti ghaze, ki God, ki gumazim damighti a deragh ikiamin gavgavim iti, a? O ki gumazim damighti, an aremeghamin gavgavim iti, a? Ki fo, a na misoghosa tuaviba buri."

⁸ Ezi Godin akam inigha izir gumazim Elisa, kamaghin oraki, atrivim navir osimtzim ikia, uan korotiam abiki. Kamaghin amizi, Elisa kamaghin atrivim bagha akam amaga ghaze, "Ni manmaghsua navim osemequa uan korotiam abiki? Ni gumazir kam amadaghti a na bagh izi, eghiti ki kamaghin an akaghti a fogh suam, Godin akam inigha izir gumazir mam guizbangira Israelin iti." ⁹ Kamaghin amizi, atrivim Naman mikemezi, a uan karisba ko hoziaba sara ghua Elisan dipenimin tiar akamin oto.

¹⁰ Ezi Elisa gumazir mam Naman bagha anemadazi, a dipenimin azenan ghua kamaghin Naman migia ghaze, "Ni mangi 7plan dughiabar Jordanin Fanemin dipamin rueghti, nin arimariam givaghti, nin mikarzim ua deraghti, ni deragham."

¹¹ Ezi Naman akar kam baregha puv atari, egha Elisan dipenim ategha ghu. Naman ghaze, "Elisa ti azenan izegh nan ganigh, Ikiavira Itir God, uan God ko mikim, egh arimariam iti naghin isin uan dafarim ighuavamangam. Egh arazir kamin a na damighti, ki ua deragham. Ezi puvati.

¹² A Jordanin Fanemin dipamin ruasa na migei. Ezi Damaskusin Fanemning Abana ko Farpar, aning bar Israelien dipabagh afira! Eghiti dipatam nan arimariam agivsi, ki ti uan kantrin aven itir dipar kamning guruva ua deragham." Naman kamaghin migia, egha bar aningaghegha ghu.

¹³ Ezi an ingangarir gumaziba an boroghin ghua kamaghin a migei, "Gumazir ekiam, Godin akam inigha izir gumazim bizir bar ekiatam damusi ni mikimti, e fo, ni a damuam. Ezi a kamaghin bizitam mikemmezir puvati. A pura ruasa ni mikeme. Kamaghin amizi, ni an akamin gin mangi."

¹⁴ Ezi Godin akam inigha izir gumazim Elisa, a Naman mikemezi moghin Naman an akam baregha, ghua Jordanin Fanemin ghuaghira 7plan dughiabar ubi isa dipam gazui. Ezi an arimariam bar givazi an mikarzim ua bar zuegha, borir igiamin min oto.

¹⁵ Egha a uan ingangarir gumaziba ko, me ua Godin ingangarir gumazim bagha ghue. Egha Naman, Elisan guamin tugha a migia ghaze, "Ki datirighin fo, godin tam ua nguazir kamin nguibatamin itir puvati. La Israelia, ian God, a guizbangira God. Kamaghin amizi, ga uaning, ki nin ingangarir gumazim, ki bizar aghuim ni daningasa, ni na dama a inigh."

¹⁶ Ezi Elisa an akam ikaragha ghaze, "Puvati. Ki Ikiavira Itir Godin zurara itimin ingangarir gumazim. A nan garima, ki an ziamin guizbangira ni migei, ki bar ni da bizitam inighan kogham." Ezi Naman bizar aghuitam Elisa daningasa bar gavgafi, ezi Elisa bar aghua.

¹⁷ Ezi Naman ghaze, "Ni nan bizar aghuim inian aghua, a marki. Ga uaning, ki nin ingangarir gumazim, ni nan amamangatighti, ki Israelian nguazir minemeniar aviritaba inigh uan donkining datighti, aning da ater e uamategh uan nguibamin mangam. Egh nguazir minemeniar kabagh isin, ki Ikiavira Itir God bagh, ofa gamir dakozimin ingaram. Guizbangira, ki godin igharazitaba bagh ofan bar isia mighiriba, ko ofan igharazibar amuan kogham. Ki Ikiavira Itir God baghvira ofan bar isia mighiriba ko ofan igharazibar amuum. ¹⁸ Ezi ni nan osimtzim gifoghasa ki ifonge, eghiti Ikiavira Itir God nan arazir kuraba gin amadaghgam. Nan gumazir ekiam zurara ghua asem Rimonin ziam fe, ezi ki a ko iti. E Rimonin ziam fer dipenimin aven zuir dughiamin, atrivim nan agharimin suis. Egha tevibar pira asem Rimon ziam fer dughiamin, a na getuima, ki uaghan aser kamin marvir guamin boroghin teviba apiri. Ki fo, ki uamategh mangiti, arazir kam gin uam otivam. Ezi Ikiavira Itir God nan arazir kuraba gin amangasa ki ifonge."

¹⁹ Ezi Elisa ghaze, "Ni osiman marki. Ni navir amirizim inigh mangi."

Ezi Naman Elisa ategha ghu. Egh a tighar saghon mangamin dughiamin, ²⁰ Elisan ingangarir gumazim, Gehasi, uabira kamaghin ubi migia ghaze, "Nan gumazir ekiam, Sirian gumazim Naman ataghizi, a

pura zui. Manmaghsua a bizir Naman a daningamim inizir puvati? Ikiavira Itir Godin ziamin, ki guizbangira migei, ki Namanin gin ivegh mangi, egh a da bizitaba inigham."

²¹ Egha dikavigha Namanin gin zui. Ezi Naman garima, gumazir mam an gin ivegha izi, ezi a uan karis ategha ghuaghira tuavimin tughav itima, Gehasi iza a bato. Ezi Naman kamaghin Gehasin azara, "Bizitam ia batoz, o?"

²² Ezi Gehasi ghaze, "Puvati. Nan gumazir ekiam kamaghin ni mikimasa na amada: Godin akam inigha izir gumazimmin datirighira an dipenimin ize. Aning Efraimin mighsiaba itir Godin akam inigha izir gumazimning. Ga uaning, ni silvan beghiam ko korotiar pumuning, Godin akam inigha izir gumazir kamning bagh daraningish."

²³ Ezi Naman kamaghin a ikaragha ghaze, "Beghiar vamira marki, ni pumuning inigh." A mighighavira da iniasa Gehasi migei, ezi Gehasi da iniasa ifonge. Kamaghin amizi, Naman beghiar pumuning isa silvan aviriba aning gaghui, silvan kabar dibobonim, 60,000 kinan tu. Egha uaghan korotiar aghuir pumuning ini, egha bizir kaba inigha uan ingangarir gumazimning ganingi, ezi aning da atera Gehasin faragha zui. ²⁴ Me ghua Samarian mighsiamin otivigha, Gehasi bizir kaba inigha dipenimin aven da ati. Egha ingangarir gumazir kamning, ua Naman bagha aning amada. ²⁵ Aning ghuzi, Gehasi ua dipenimin aven ghugha Elisan damazimtu. Ezi Elisa kamaghin an azara, "Gehasi, ni managh ghugha izi?"

Ezi Gehasi ghaze, "Gumazir ekiam, ki danganitamin ghuzir puvati."

²⁶ Ezi Elisa kamaghin a migei, "Ni ifaran marki. Ni ti ghaze, ki nin ganizir puvati, a? Nan duam ni ko ikia garima, gumazir kam karis ategha ni bativasa izaghiri. Gehasi, kar dagiaba ko, korotia ko, olivin azeniba ko, wainin azeniba ko, sipsipba ko, bulmakauba ko, ingangarir gumazamizir kiniba iniamin dughiam puvati. Arazir kam derazir puvati. ²⁷ Ni Naman da dagiaba ini. Kamaghin amizi, lepan arimariar faragha Namanin ikezir kam, a datirighin nin ikiam. Egh ni ko gin otivamin adarasis, ia zurara lepan arimariar kam iniam."

Ezi Gehasi Elisa ataghizir dughiamin, Gehasi lepan arimariam ini. Ezi an mikarzim, ghuariar ghurghurimin min bar ghurghuri.

6

Elisa sobiav zem gamizi, a ua dipamin azenan oto

¹ Dughiar kamin, Elisa Godin akam inigha izir gumazir okoruamin gara me geghufi. Ezi dughiar mam gumazir kaba kamaghin a migei, "En dipenim sufi, egha en tughatizir puvati. ² Kamaghin amizi, ni e ateghti, e bar Jordanin Fanemin mangam. Egh e vaghvagh temer vamira vamiram okam. Egh e uari bagh dipenir igiatam, Jordanin Fanemin miriamin an ingaram."

Ezi Elisa ghaze, "A dera, ia mamaghin damu."

³ Ezi Godin akam inigha izir gumazir mam kamaghin a migei, "Ga uaning, gumazir ekiam, ni e ko izasa e ifonge."

Ezi Elisa a ikara, "A dera, ki ia ko mangam."

⁴ Egha a me ko ghua Jordanin Fanemin otivigha, maghira temeba oti. ⁵ Me ingara itima, Godin akam inigha izir gumazir mamin sobiav zem asiaghirigha dipam giraghu. Ezi akam inigha izir gumazir kam uan sobiam inian iburaghia kamaghin dei, "Ame! Gumazir ekiam, ki gumazir ighazarimin sobiam inigha ize. Ezi a dipam giraghu."

⁶ Ezi Godin akam inigha izir gumazim Elisa, kamaghin an azara, "Sobiam managhira iragh?" Ezi akam inigha izir gumazim, sobiam iraghuzir danganimin Elisan aka. Ezi Elisa temer aguar dozir mam atughia, sobiam iraghuzi naghin dipam mikini, ezi sobiam uam anabo.

⁷ Ezi Elisa ghaze, "Ni datirighin sobiam inigh." Ezi Godin akam inigha izir gumazim uan dafarim amadagha sobiam ini.

Elisa Sirian midorozir gumazibar tifa

⁸ Dughiar mamin, Sirian atrivim uan midorozir gumaziba ko izi Israelia misoghasa. Egha atrivim uan gumazir dapaniba ko, uariv già nighnizim batogha ghaze, me danganir me ikiamimin ingarigh, egh kagh ikegh dikavigh mangi Israelia misogham.

⁹ Ezi Godin akam inigha izir gumazim Elisa, a Sirian midorozir gumaziba ikiamin danganim gif, egha Israeliyan atrivim bagha akam amada. A uaghan Israeliyan atrivim migia ghaze, Israelia danganir kam boroghin mangan marki. Me an boroghin mangiti, Sirian midorozir gumaziba me gasighasigham.

¹⁰ Ezi atrivim akar kam baregha, midorozir gumaziba danganir Sirian midorozir gumaziba ikiamin naghin ikiasi me amada. Ezi Siriabi danganir kamin otivigha Israeliyan midorozir gumazibar garima, me fomira iti. Kamaghin amizi, me danganir kamin ikian ibura. Arazir kam dughiar aviribar otifi.

¹¹ Ezi Sirian atrivim bizir kam bangin nighnizir kurar bar aviribagh ami. Egha a

uan gumazir dapanibar diazi, me izima a men atara pamtemin kamaghin me migei, "Ia na mikemegh, en gumazir manam Israelian atrivimin akurvasi?"

¹² Ezi an midorozir gumazibar dapanir mam a ikaragha ghaze, "O atrivim, en gumazitam arazir katam gamizir puvati. Bar puvati. Kar Elisara, a Israelian Godin akam inigha izir gumazim. E damuasa amir biziba bar, a zurara Israelian atrivim migei. Ni migeir akaba Elisa bar a dagh fo. Ni akuir danganimin iki mikimti, Elisa fogham."

¹³ Ezi atrivim kamaghin gumazir dapanibav gei, "Ia mangi fogh, Elisa danganir manamin iti. Egh ia midorozir gumaziba amadaghti, me mangi an suiragh." Ezi me ghua kamaghin fo, Elisa Dotanin nguibir ekiamin iti.

¹⁴ Kamaghin amizi, atrivim midorozir gumazir avirim amisefe, egha me amangizi me hoziaba ko karisba inigha Dotanin ghue. Me ghua dimagarimin otivigha nguibam koro.

¹⁵ Ezi bar mizaraghara Elisan ingangarir gumazim dikavigha dipenimin azenan ghu. Egha a garima, Sirian midorozir gumaziba uan hoziaba ko karisba sara nguibir ekiam ekiarugha gifa. Egha a ghua kamaghin Elisa migei, "Ame! Gumazir ekiam, Sirian midorozir gumaziba e kiarugha gifa. E managhin damau?"

¹⁶ Ezi Elisa kamaghin a migei, "Ni atating marki. Me guizbangira midorozir gumazir avirim iti, ezi en akurvaghmin midorozir gumazir bar avirim iti, ezi en midorozir gumazibar dibobonim, men midorozir gumazibar dibobonim bar a gafira."

¹⁷ Ezi Elisa kamaghin God ko migia ghaze, "O Ikiavira Itir God, ni gumazir kamin damazimning kuighti, a ki migeir darazir ganika." Ezi Ikiavira Itir God ingangarir gumazir kamin damazimning kuizi, a garima, hoziar aviriba ko karisin aviriba Elisa itir mighsiar kam bar a gizifa. Ezi karisba ko hoziar kaba, da avimin mirara gari.

¹⁸ Ezi Sirian midorozir gumaziba Elisan suighasa izavira itima, Elisa kamaghin God ko migei, "O Ikiavira Itir God, ki kamaghhsua, ni Sirian midorozir gumazibar damaziba okavichti, me ganan kogham." Ezi Ikiavira Itir God men damaziba okafi.

¹⁹ Ezi Elisa danganir Sirian midorozir gumaziba itimin ghugha kamaghin migei, "Ia ti ongani. Tuavir kam, ia inigh nguibir ekiam ia mangasava amimin mangighan kogham. Ezi marki, ia nan gin iziti ki ian aku gumazir ia ruir kam bagh mangam." Ezi me an gin zuima, a men akua Samarian nguibir ekiamin ghu.

²⁰ Egha me nguibir ekiamin aven ghue. Ezi Elisa kamaghin God ko migei, "O Ikiavira Itir God, ni Sirian midorozir gumazibar damaziba kuighti, me ua gan." Ezi Ikiavira Itir God men damaziba kuizi, me ua gari. Egha me kamaghin gara fo, me Samarian nguibir ekiamin aven iti.

²¹ Ezi Israelian atrivim men ganigha kamaghin Elisan azara, "Gumazir ekiam, ki ti me misuegħi me arighiregħam, a?"

²² Ezi Elisa ghaze, "Puvati. Ni midorozimin aven apanibar suzir dugħiġi min, ni zurara me misozi me ariaghix ir-puvati. Kamaghin amizi, ni gumazir kabav soghan marki. Ni dagheba ko dipaba me daning, eghi me gin uan atrivim bagħ uamattegh mangam."

²³ Ezi Israelian atrivim Sirian midorozir gumaziba bagħha isar ekiam gamigha me ganingi. Me amegħha givazi, a ua me amangizi me Sirian atrivim bagħha ghue. Egha dugħiār kamin, Sirian midorozir gumaziba ua iza Israelia misozir puvati.

Sirian midorozir gumaziba Samarian nguibir ekiam ekiaru

²⁴ Azenir maba givazi, Sirian Atrivim, Benhadat, uan midorozir gumaziba akuvagħha, Samarian nguibir ekiam konasa zui, egh Samaria misogħasa. ²⁵ Ezi dugħiār kamin Samarian nguibir ekiam dagheba bar puvati. Ezi Sirian midorozir gumaziba dugħiār ruarimin nguibam ekiarugħa itima, Samarian gumazamiziba dagħeħba bagħ mangi da inigh nguibir ekiamin aven izasa ibura. Kamaghin amizi, gumazitam donkin dapanim givesi, kamaghin a 80 kinan a giveżam. Eghi gumazitam 250 gremin kuarazir bunbamin buaribagh ivesi, a 5 kinan dagħ ivezam.

²⁶ Dugħiār mamin Israelian atrivim nguibir ekiam avinizir divażżej mitiār gavgavim gis in arui, ezi amizir mam kamaghin an dei, "O nan atrivim, ni en akuragh!"

²⁷ Ezi atrivim kamaghin an akam ikaragħha ghaze, "Ni ti ghaze, ki wit ko wain iti, a? Ki ua manmagħin ian akuragħam? Puvati. Ikiavira Itir God ti nin akuragħam."

²⁸ Egha atrivim an azara, "Ki manmagħin ni akuragħha ni ifonge?"

Ezi amizim kamaghin a ikaragħha ghaze, "Ga amizir kamnning, kamaghin akam akiri, nan otarim ga faragh anemam, egh dugħiār iħarazim, ga an otarim amam. ²⁹ Kamaghin amizi, ki uan otarim misuegħha ga aneme. Egha amimzaragħan, ki an borim misogħasa a migei. Ezi puvati. A uan otarim modogħha gifa."

³⁰ Kamaghin amizi, atrivim akar kam baregħa bar osemegħa, uan korotiam abiiki.

A ngubar ekiam avinizir divazir mitiar gavagvim gisin aruavira itima, gumazamiziba datirighin an buaber korotiamin garima, atrivim uan korotiar azenan itimin aven aneru.³¹ Egha atrivim ghaze, "Elisa en osimtzir kabar mingaram. Ezi ki datirighira an firim atughti an aremegham. Ki kamaghin damighan koghti, God uabi na misueghti ki aremegham."

³² Atrivim kamaghin migia, Elisa misueghti an aremeghaha gumazir mam amadazi, a ghu. Ezi dughiar kamin Elisa uan dipenimin itima, Samarian gumazir dapanir maba a ko iti. Gumazir kam atrivim anemadazi, a tighar izima, Elisa kamaghin gumazir dapanibav gei, "En atrivim, a gumazir gumazibav sozi me ariaghirm. Egha a datirighin nan firim aghorasa gumazir mam a amada. Eighti gumazir kam izi otoghamin dughiamin, ia pamtemin ti amasarakh anepirighti, an aven izan kogham. Ezi atrivim uabi gumazir kamin gin izi."

³³ Elisa migiavira itima, gumazir kam atrivim ko oto. Egha atrivim kamaghin Elisa migei,^{*} "Ikiavira Itir God uabi dughiar kurar kam gamizi an e bato. An en akurvaghsiz bizitam damighan kogham. E a mizuaman kogham."

7

¹ Ezi Elisa kamaghin akam ikaragha ghaze, "Bar guizbangira, Ikiavira Itir God ghaze, aruem gurumin kamaghira ganti, gumazamiziba nguibamin tiar akamin mangi, egh me 1 kinara, 3 kilogrem plauan aghuir me witin ingarizim givezam, egh 1 kinara, 6 kilogrem bali givezam."

² Ezi gumazir dapanir atrivim geghuva a ko izezim, Elisan akam baregha, kamaghin an akam ikaragha ghaze, "Ni oragh! Ikiavira Itir God ti uan Nguibamin tiar akaba kuigh dagher aviriba e gingegham, ki ghaze, e zuamira ti dagheba dagiar muziarimin kamaghin dagh ivezghan kogham."

Ezi Elisa kamaghin gumazir dapanir kam migei, "Bar guizbangira, ni bizir kamin ganti, an otogham. Egh ni dagher katam ameghan kogham."

Sirian midorozir gumaziba are

³ Ezi aruer kamin 4plan gumazir lepan arimariam itiba, me Samarian nguibar ekiamin, tiar akar ekiamin azenan iti. Egha me uarira uariv gia ghaze, "E tizimsua puram apiaj ikia ovevem mizuai?"⁴ E mangi dagheba buriam. E Samarian nguibar ekiamin aven mangan kogham. Me dagheba puvati, kamaghin amizi,

mitiriam puvira en aghegham. Egh uaghan, e danganir kamra dapiagh ikiva arighiregham. E ti Sirian midorozir gumaziba itir danganimin mangam. Eighti me e misueghti, e arimighiregham, a dera. Me uaghan e ateghti, e angamira ikiak, a uaghan deragham, pura bizim. E fo, e ovengesa iti."

⁵ Egha me bar guaratizimin dikavigha Sirian midorozir gumaziba itir danganimin ghue. Egha me danganimin boroghira ghua garima, gumazitam itir puvati.⁶⁻⁷ Bar guizbangira, Sirian midorozir gumaziba bar aregha gifa. Guaratizir kamin, Ekiam Sirian midorozir gumazibagh amima, me niginir ekiam basari, mati midorozir gumazir avirim uan hoziaba ko karisba ko izi. Egha Sirian midorozir gumaziba ghaze, "Ia gan! Israelian atrivim ti Hitian atrivim ko Isipin atrivim givezezi, aning uan midorozir gumaziba inigha e misoghasa izi." Sirian midorozir gumaziba kamaghin mikemegha, dikavigha zuamira danganim ategha arav ghue. Me uan averpeniba ko hoziaba, ko donkiba ataghizi da iti, egha me are. Me biziitam inigha ghuzir puvati.

⁸ Ezi 4plan lepan gumazir kaba men danganimin otivigha, ghua averpenir mamin aven ghuegha garima, Sirian midorozir gumazibar dagheba ko dipaba iti. Ezi me dagheba apa dipaba saram api. Me gin silva ko gol ko korotiaba inigha ghua, danganir mamin da monge. Egha me ua iza averpenir igharazimin biziiba uaghan da ini, egha me da isa ghua da modi.⁹ Egha gin me uarira uariv gia ghaze, "E ti arazir aghuim gamir puvati. E bizar bar aghuim datirighin an gari, egh e mangi gumazamizibav kemeka. E uan akabar kumigh iki mangi amimzaraghan otogh, e iveaukuram iniam. Aria, e mangi atrivimin gumazir dapanibav kemeka."

¹⁰ Egha me dimagarimra ua Samarian ghugha ngubar ekiamin tiar akamin garir gumazibar dia ghaze, "E Sirian midorozir gumazibar danganimin ghuegha garima, gumazitam itir puvati. Egha uaghan gumazibar migirigiatapa baraghizir puvati. Sirian midorozir gumaziba, me arav ghue, ezi men biziiba bar men danganimin ikiavira iti. Me hoziaba ko donkibar beniba firizir puvati. Beniba men suighavira itima, men averpeniba ikiavira iti. Ezi dagheba ko biziiba averpeniba ikiavira iti."

¹¹ Tiar akamin garir gumazibar akar kam baregha, akam inigh atrivimin dipenim mangasa gumazamizibar dei.

¹² Ezi atrivim dimagarim akar kam ini. Egha dikavigha uan gumazir dapanibav

* ^{6:33:} Hibrun akamin akar otevir kam, atrivim, vezin kamin puvati. Ezi me kamaghin nighnisi, atrivim migirigiar kamin Elisa gami.

migia ghaze, "Ki Sirian midorozir gumazibar nighnizim gifo. Me kamaghin fo e daghebar otefe. Kamaghin amizi, me averpeniba ategha ghua, tuzir danganibar mogaiti. Me ghaze, e nguibam ategh azenan mangiti, me en suigh en nguibar ekiam iniam."

¹³Ezi atrivimin gumazir dapanir mam kamaghin a migei, "E ti gumazitaba ameghti, me 5plan hoziar nguibamin ikiavira itiba inigh mangi fogham, bizir manam Sirian midorozir gumaziba bato. Eghti Siriaba, e amangizir gumazir kabagh asighasighti, a dera, pura bizim. E fo, e bar nguivar ekiamin aven iti, e oveaghuezibar min arighiregham. Kamaghin amizi, e gumazitaba ateghti, me 5plan hoziar ikiavira itiba inigh mangam."*

¹⁴Egha me gumazir mabav sefe. Ezi atrivim karisin pumuning ko hoziaba isa gumazir kabagh aningi, egha me amangizi me foghasa ghue, bizir manam Sirian midorozir gumazir bato.

¹⁵Egha gumazir kaba ghua kamaghin fo, Sirian midorozir gumaziba are. Ezi me men gin ghua Jordanin Fanemin otogha, me iniba ko misozir biziba ko men bizir ighazarir tuavimin irezibar gani. Egha me umategha izi atrivim mikeme.

¹⁶Ezi Samarian gumazamiziba bizir kam baregha, me zuamira ivemara ghua, Sirian midorozir gumazibar averpenibar men bizir me taghiziba ini. Egha me plauan aviriba ko baliba ini. Kamaghin amizi, Ikiavira Itir God mikemezi moghin, me 1 kinara, 3 kilogram plauan aghuir me witin ingarizim givesi, egha 1 kinara, 6 kilogram bali givesi. ¹⁷Atrivimin akurvazir gumazir dapanim, atrivim nguibar ekiamin tiar akar ekiamin garir midorozir gumazibar ganasa anemisefe. Ezi a tiar akamin boroghira tughav itima, gumazamiziba ivemara Sirian midorozir gumazibar faragha ikezir danganimin ghue. Gumazamizir avirim ivemara tiar akamin azenan ghua, anekunizi, a irizi me a dika ghuavira itima, an areme. Atrivim faragha ghua Elisan gani, ezi Elisa Godin akar kam isa atrivim ganungi. Ezi a datirighin guizbangin oto.

¹⁸Elisa faragha kamaghin atrivim mikeme, "Aruem gurumin kamaghira ganti, gumazamiziba nguibamin tiar akamin mangi, egh me 1 kinara, 3 kilogram plauan aghuir me witin ingarizim givezam, egh 1 kinara, 6 kilogram bali givezam."

¹⁹Egha gumazir dapanir datirighin aremezir kam, a kamaghin Elisan akam ikaraghha ghaze, "Ni oragh! Ikiavira Itir God ti uan Nguibamin tiar akaba kuigh dagher

aviriba e gingegham, ki ghaze, e zuamira ti dagheba dagiar muziarimin kamaghin dagh iveauzeghan kogham."

Egha Elisa kamaghin gumazir dapanir kam migia ghaze, "Bar guizbangira, ni bizar kamini ganti, an otogham. Egh ni dagher katam ameghan kogham." ²⁰Ezi datirighin bizar kam Elisa mikemezi moghin oto. Guazir dapanir kam nguibamin tiar akamin tughav iti. Ezi gumazamiziba dagheba ini asa ivemara azenan ghua, anekunizi, a irizi me a dika ghuavira itima, an areme.

8

Sunemin nguibar ekiamin amizim, ua Israelin ize

¹Dughiar mam, Elisa ghua Sunemin nguibar ekiamin amizim mikeme, amizir kamra an borim faragha areme, ezi Elisa a gamizi, a ua dikafi. Elisa kamaghin amizim mikeme, "Ikiavira Itir God ghaze, mitiriar ekiamin dugham en nguazimin otivam, egha gumazamiziba 7plan azenibar dagheba puvatigham. Egha ni uan pam ko borim inigh nguazir igharazimin mangi iki mangi, dughiar kurar kam givaghram."

²Ezi amizir kam Elisan akamin gin ghua, uan pam ko borim inigha ghua Filistian nguazimin ikiavira itima, 7plan azeniba gifa. ³Egha gin 7plan azenir kaba givazi, a uan pam ko borim inigha ua Israelin ize. Egha a ua uan dipenim ko nguazim iniasa atrivimin azangana ghu.

⁴Amizim atrivim bagha zuima, atrivim Elisan ingangarir gumazim Gehasi migia ghaze, "Ga uaning, ni mirakelin ekiar Elisa amizibar na geghanasa ki ifonge."

⁵Ezi Gehasi, Elisa fomira otarir aremezim gamizi a ua dikavizir bizim geghari. Egha an egharavira itima, amizir kam ua uan biziba iniasa atrivimin azangsighasa izav oto. Ezi Gehasi amizir kamini ganigha, kamaghin atrivim migei, "Atrivim, ni gan! Kar amizir kamra. Ezi kar otarir aremezir kamra, Elisa a gamizi a ua dikafi."

⁶Ezi atrivim Elisa amizir bizim bagha amizir kamini azai, ezi amizim a geghari. Egha gin atrivim uan gumazir dapanir mamin diazi a izima, a kamaghin a migei, "Ni amizir kamini akuraghti, a uan biziba uamatagh bar ada inigh. Ni uaghan an akuraghti, a dagher azenibar otivizibar dagiaba iniam, kar a 7plan azenibar kantrin igharazimin itima, an azenimin otivizir dagheba."

Sirian Atrivim Benhadat areme

⁷Dughiar mam, Elisa Sirian nguibar ekiam Damaskusin ghu. Ezi dughiar kamini Sirian Atrivim Benhadat, arimariam iti. Ezi

me kamaghin atrivim migei, "Godin akam inigha izir gumazir kam Elisa, a datirighin Damaskusin iza kagh iti."

⁸ Ezi atrivim uan gumazir dapanir mam Hasael kamaghin a migel, "Ni dikavigh bizir aghuitam Godin akam inigha izir gumazim daningisi a inigh mangi an ganigh. Egh ni a mikemeghi, a kamaghin Ikiavira Itir Godin azaragh, nan arimariam givagham, o puvatigham."

⁹ Kamaghin amizi, Hasael bizir bar aghuir me Damaskusin ingariziba ini. Ezi 40plan kamelba da ateram. Egha ada isa kamelbagh arigha Elisa bagha ghu. A ghua otogha kamaghin Elisan migei, "Gumazir Ekiam, Sirian Atrivim Benhadat, a nin otarimin min iti, a uan arimariam bagh nin azangasa na amada, an arimariam givagham, o puvatigham?"

¹⁰ Ezi Elisa kamaghin an akam ikaragha ghaze, "Ni mangi kamaghin atrivim mikemeghi, an arimariam givagham. Ezi Ikiavira Itir God kamaghin nan aka, bar guizbangira an aremegham." ¹¹ Elisa akar kam gamigha givagna, dughiar ruarim puv Hasaelin gara ghuavira itima, Hasael aghumsigha nighnizir aviribagh ami. Ezi Elisa aza.

¹² Ezi Hasael kamaghin an aza, "Nan gumazir ekiam, ni tizim bagh aza?"

Ezi Elisa kamaghin a ikaragha ghaze, "Ki fo, ni gin arazir kurar aviribar Israeliyan gumazamizibar amuam. Ni uan midorozir gumaziba ko, men divazir gavgavibagh asighasigh, egh dar apongti da isiam. Egh ia Israeliyan gumazir igiabav soghti me arighiram. Egh ia borir muziariba, nguazimin me apisti me arighiram. Egh ia naviba adair amizibar garir dughiam, ia midorozir sababa inigh men naviba ofiram. Kamaghin amizi, ki aza."

¹³ Ezi Hasael akar kam baregha, kamaghin Elisan akam ikaragha ghaze, "Ki pura gumazir kinim. Ki manmaghin bizir ekiar kam damuam?" Ezi Elisa kamaghin a migel, "Ikiavira Itir God kamaghin nan akatha gifa, ni Sirian atrivimin otivam."

¹⁴ Aning mikemegha givagha, Hasael ua Atrivim Benhadat bagha ghu. Ezi atrivim an azara, "Elisa manmaghira ni mikeme?"

Ezi Hasael ghaze, "Elisa ghaze, bar guizbangira nin arimariam givaghti, ni ua deragham." ¹⁵ Egha amimzaraghan Hasael atrivim misueghti an aremeghasa nighnisi. Kamaghin amizi, a inim inigha, dipam garugha a inigha ghua, atrivimin guam avara. Egha mighigha an suirazi, atrivim aminim isava avegha, areme. Ezi gin Hasael an danganim inigha uabi Sirian atrivimin oto.

Israelin kantri ko kantrin Judan eghaghanium ghua Israelin kantri ikuvizir dughiamin tu

(Sapta 8:16–17:41)

*Jehoram Judabar atrivimin oto
(2 Eghaghaniba 21:1-20)*

¹⁶ Ahapin otarim Joram, Splan azenibar Israeliyan atrivimin iti, ezi Jehosafatin otarim Jehoram, a uan afeziamin danganim inigha, Judabar atrivimin oto. ¹⁷ A 32plan azeniba ikiava atrivimin oto, egha a 8plan azenibar Jerusalemin atrivimin iti.

¹⁸ A Israeliyan Atrivim Ahapin guivimin iti. Kamaghin amizi, an Ahapin adarazi ko Israeliyan atrivir igharazibar arazir kurabar gintisi. Egha arazir kurar aviriba Ikiavira Itir Godin damazimin dagh ami.

¹⁹ Ezi Ikiavira Itir God Judan kantri gasighasighizir puvati. Guizbangira, Ikiavira Itir God uan ingangarir gumazim, Atrivim Devit ginighnisi. A fomira Devit ko akar dikirizim gamua ghaze, Devitin ikizibar tongin gumazitam zurara atrivimin ikiam, eghiti Devitin lamen angazangarin mungeghan kogham. Ezi dughiar kamin Ikiavira Itir God akar dikirizir kam ginighnisi. Kamaghin amizi, a Judan kantri gasighasighan aghua.*

²⁰ Dughiar Jehoram Judan atrivimin itimin, Idomian gumazamiziba an akam batogha an apengan ikan aghua. Egha me uari bagha atrivir mam amisefe, ezi a me gativagha men gari. ²¹ Ezi Jehoram dikavigha uan midorozir gumazir karisbar tuiva misoziba inigha, me Idomia misoghasa Sairin nguabar ekiamin amadaghan ghue. Me ghua otivizi Idomian gumaziba iza Jehoram midorozir gumazibar ekiaruga, me misoghasa. Ezi dimagarimin, Jehoram uan midorozir gumazir karisbar misoziba ko, me bar partmen misogha Idomian gumaziba adugha zui. Ezi Israeliyan midorozir gumazir igharaziba midorozim ategha, uamategha ara uan nguibabar ghue. ²² Kamaghin amizi, Judaba Idomia dikabirazir puvati. Ezi Idomian gumazamiziba, uari uan kantri gativagha ikia iza datirighin tu. Ezi dughiar kamin, Lipnan gumazamiziba uaghan akaba batogha, ua Judabar apengan itir puvati.

²³ Atrivim Jehoram amizir bizir igharazibar eghaghaniba, da akinafarir me kamaghin diborim, Judan Atrivibar Eghaghaniba, an even iti. ²⁴ Ezi gin Atrivim Jehoram uan inazir afeziabar min aremezi, me an kuam inigha Devitin Nguibar Ekiamin ghua, an inazir afeziabar moziba

itir danganimin anefa. Ezi an otarim Ahasia, an danganim inigha atrivimin oto.

*Ahasia Judabar atrivimin oto
(2 Eghaghaniba 22:1-6)*

²⁵ Ahapin otarim Joram, a 12plan azenibar Israeliyan atrivimin itima, Jehoramin otarim Ahasia, Judabar atrivimin oto. ²⁶ Ahasia a 22plan azeniba ikia, egha atrivimin oto. Egha azenir vamiran Jerusalemin atrivimin ike. An amebam, Atalia, a Israeliyan Atrivim Omrin, igiar guivim. ²⁷ Ahasian amebam Ahapin ikizimin ize, kamaghin amizi, a Ahapin ikizimin arazir kurabar gin ghua, arazir kuraba Ikiavira Itir Godin damazimin dagh ami, mati Ahapin ikizim amizi mokin.

²⁸ Dughiar mamin, Atrivim Ahasia, Israeliyan Atrivim Joram porogha a ko ghua, aning Syrian Atrivim Hasaelin misosi. Me Gileatin Distrighin, Ramotin nguubar ekiamin boroghira uariv sosi. Ezi Syrian midorozir gumaziba Joram birazi, a bar ikufi. ²⁹ Ezi Joram midorozim ategha ghua, Jesrilin nguubar ekiamin ikia, ua deraghsha misuza iti. A Jesrilin ikiavira itima Atrivim Ahasia an ganasa ghu.

9

God Jehu amisevezi; a Israeliyan atrivimin oto

¹ Atrivim Joram Jesrilin nguubar ekiamin itima, Godin akam inigha izir gumazim Elisa, akam inigha izir gumazibar okoruamin tongin, gumazir igiar mamin diazi a ize. Ezi a kamaghin a migei, “Ni deraghvira ua nimir kegh, egh olivin borem itir mishevur muzierim inigh dikavigh Gileatin Distrighin itir nguubar ekiam Ramotin mangi. ² Egh ni Ramotin otogh, mangi Jehosafatin otarim Jehu batogh,* a Nimsin igiavotarim. Egh a ua namakaba ko ikiti, ni a inigh danganir mogomer tamin aven mangi. ³ Egh borem itir mishevur kam inigh borem an dapanim gingegh kamaghin a mikim, ‘Ikiavira Itir God, Israeliyan atrivimin ikiasi na amisefe.’ Ni bizir kam damigh givagh, egh tiar akam kuigh zuamiram ari mangigh.”

⁴ Elisa mikemegha givazi, Godin akam inigha izir gumazir igiar kam dikavigha Ramotin nguubar ekiam ghu. ⁵ Egha an otoga garima, Jehu aperaghav ikia midorozir gumazibar, gumazir dapanir igharaziba ko migei. Egha a Jehu migia ghaze, “Gumazir ekiam, ki akar mam nin iti.”

Ezi Jehu an azara, “En tinara, ni akam an iti?”

* **9:2:** Jehun afeziam, a Judan atrivimin ikezir gumazir kam Jehosafat puvati. Atrivim Jehosafatin eghaghanim, a 1 Atrivim sapta 22 ko 2 Atrivim sapta 3in iti. Jehosafat, a gumazir igharazim. **9:6:** 1 Atriviba 19:16 **9:10:** 1 Atriviba 21:23 **9:11:** 2 Atriviba 9:33-36

Ezi Godin akam inigha izir gumazim kamaghin a migei, “Nirara, ki akam nin iti.”

⁶ Ezi Jehu dikavigha dipenimin aven ghu, Godin akam inigha izir gumazim an gin ghua olivin borem inigha Jehun dapanim ginga kamaghin a migei, ‘Ikiavira Itir God, a Israeliyan God, kamaghin migei, Ki datirighin Israeliyan atrivimin ikiasi ni amisefe. Eghni nan gumazamiziba Israelia, me gativagh men ganam. ⁷ Egh ni Ahapin ikizim misoghirarikigh, kar atrivir ni fomira an ingangarir gumazir dapanimin ikezim. Eghni ki arazir kamin, Atrivir Amizim Jesebelin arazir bar kuraba ikarvaghram. Kar fomira nan akam inigha izir gumaziba ko nan ingangarir gumazibav soghezi, me ariaghirezir amizim. ⁸ Eghni ki Ahapin adarazi bar me gasighasigham. Bar guizbangira, Israeliyan tongin ottir Ahapin ikizimin gumaziba, ki bar moghira me agivagham, gumazir igiaba ko aruuba sara. ⁹ Ki bar fomira Nebatin otarim Jerooboamin ikizim, ko Ahiyan otarim Atrivim Basan ikizim gasighasiki. Egh kamaghira ki Ahapin ikizim bar me gasighasigham. ¹⁰ Eghni Atrivir Amizim Jesebel aremegham, eghni an kuam afamin gumaziba puvatigham. Puvati, afiabi Jesrilin nguubar ekiamin boroghiram an kuam amam.” Ezi Godin akam inigha izir gumazir kam Ikiavira Itir Godin akar kamin gun mikemegha givagh, tiar akam kuigha arav ghu.

¹¹ Ezi Jehu ua atrivimin gumazir dapanir igharaziba bagha ghu, men mav an azara, “Bibiza bar deraghvira iti, o? Manmaghsua gumazir onganir kam iza nin gani?”

Ezi Jehu kamaghin an akam ikaragha ghaze, “Ia gumazir kamaghin garibar arazibagh fo, me zurara pura tintinibar migirigia bagh ami.”

¹² Ezi me kamaghin a migei, “Ni ifari. Ni deraghvira e mikim. Ni e gifar akam mongan marki.”

Ezi Jehu bighavira kamaghin gumazir dapanibav gei, “Gumazir kam iza kamaghin na migei, ‘Ikiavira Itir God ghaze, a Israeliyan atrivimin ikiasi na misevegha gifa.’”

¹³ Gumazir dapaniba akar kam baregha, zuamira ua korotiar ruariba suegha dipenimin adidiabave, ezi Jehu adidiabine tughav iti. Ezi me sigham givia kamaghin dei, “Jehu atrivimin otogha gifa.”

Jehu, Israeliyan Atrivim Joram misoghezi, an areme

¹⁴⁻¹⁵ Jehu, a Jehosafatin otarim, egha Nimsin igiavotarim. A datirighin nguubar ekiam Ramotin ikia, egha Atrivim Joram

misueghti an aremeghti, an an danganim inigh atrivimin otivasa uan gumazir dapaniba ko akabar kiri. Ezi Atrivim Joram Jesrilin ikiavira iti. Faragha Israelia, Sirian Atrivim Hasael ko misozir dughiamin, Atrivim Joram midorozimin aven osimtzizir ekiam ini, egha a derazir puvati. Ezi datirighin Jehu uan gumazir dapaniba kamaghin me migei, "Ia na ko navir vamira iki, egh ia deraghvira gan, egh gumazitam ateghti, a Ramot ategh Jesrilin nguibar ekiamin gumazamiziba bagh mangi, bizar ki damuamin kabar gun mikiman marki." ¹⁶ Egha Jehu uan karisin anabogha, midorozir gumazir maba ko me Ramot ategha Jesrilin ghue. Atrivim Joram min arimariam givazir puvati, egha a Jesrilin uan dakozim girighav iti. Ezi dughiar kamin, Judan Atrivim Ahasia, Joram ganasa Jesrilin ghughua, aning uaghara Jesrilin iti.

¹⁷ Ezi ganganir gumazir mam, nguibar ekiam Jesril avinizir divazimin tauan tughav ikia garima, Jehu ko an midorozir gumaziba izi. Ezi a dia kamaghin gumazir nguibamin itibav gei, "Ki midorozir gumazir avirim garima, me izi."

Ezi gumazir maba ghua, ganganir gumazir kamin akabar gun Atrivim Joram mikemezi, a kamaghin me migei, "Ia midorozir gumazitam mikemeghti, a hoziam inigh, ivesh mangi me batogh kamaghin me mikim, 'Biziba bar ti ian deraz, o puvati?'"

¹⁸ Ezi midorozir gumazir mam hoziam gaperagha ivesh ghua kamaghin Jehu migei, "Atrivim kamaghin foghasa, biziba bar ti ian deraz, o puvati?"

Ezi Jehu an akam ikaraga ghaze, "Kar nin bizi puvati. Ni pura en gin izi."

Ezi ganganir gumazim, midorozir gumazir kam bagha garavira itima, a ua izezir puvati. Ezi a kamaghin atrivim bagha akam amada, "Midorozir gumazir ni amadazim, a ghua me bato, egha ua izezir puvati."

¹⁹ Ezi atrivim midorozir gumazir igharazim amadazi, a ghu. Egha midorozir gumazir kam me batozir dughiamin, a uaghan kamaghin Jehu migia ghaze, "Atrivim kamaghin foghasa, biziba bar ti ian deraz, o puvati?"

Ezi Jehu a migia ghaze, "Kar nin bizi puvati. Ni pura en gin izi."

²⁰ Ezi ganganir gumazim, midorozir gumazir kam bagha garima, a izezir puvati, egha a kamaghin atrivim bagha akam amada, "Midorozir gumazir ni amadazim, a uaghan ua izezir puvati. Ezi ki gumazir karisin itimin garima, a Nimsin otarim Jehu ami moghin, bar arazir organim gami. An

hoziabagh amima da bar puvira ivemara, karisba amikirvagh iyi."

²¹ Ezi Atrivim Joram ghaze, "Ni na bagh karis akir." Ezi me anekirigha givazi, Israeli Atrivim Joram uan karisin anabo, ezi Judabar Atrivim Ahasia karisin igharazimin ghuavanabo. Egha aning Jehu bativasa ghu. Egha aning ghua, Jesrilian gumazim Nabotin nguazimin boroghin a bato.

²² Joram, Jehu batozir dughiamin, a kamaghin Jehun azara, "Biziba bar ti nin deraz, o puvati?"

Ezi Jehu kamaghin an akam ikaraga ghaze, "Da manmaghlin deraghram? Nin amebam Jesebel asebar gin ghuavira iti, egha arazir kuraba ko imezibagh amuavira iti, mati tuavimin amizim tintinibar arua gumazir igharaziba ko akui moghin ami. Nin amebamin arazir kurar kaba bar ekiva zui."

²³ Joram, Jehun akar kam baregha, zuamira uan karis giragha arav ghu. Egha kamaghin Ahasian dei, "Ahasia, gumazir kam na abinasa izel!" ²⁴ Egha Jehu uan barir pim bar pamtemin a gekuigha, Joram akirim gase. Ezi barim an dighorim abighizi, a uan karisin averiam girigha areme.

²⁵ Ezi Jehu, kamaghin gumazir dapanim Bitkar migei, "Ni Joram kuam inigh Nabotin nguazimin anekunigh, kar Jesrilin gumazim. Ni Ikiavira Itir God fomira Joram afeziam Atrivim Ahap mikemezir akar kam ginighnighvira iki. Dughiar kamin, ga uan karisning inigha Ahapin gin zuima, Ikiavira Itir God kamaghin Ahap mikeme. ²⁶ Ki Ikiavira Itir God, ki boghimra gumazibar garima, me nin ifongiamin gin ghua, Nabot ko an otaribav soghezi, me ariaghire. Kamaghin amizi, guizbangira, ki Nabotin nguazimra nin arazir kurar kaba ikaragharm."

Egha Jehu ua kamaghin Bitkar migei, "Ikiavira Itir God fomira mikemezi moghin, ni Joram kuam inigh mangi Nabotin nguazir kamin anekunigh."

Judan Atrivim Ahasia areme

²⁷ Ezi Judan Atrivim Ahasia, Atrivim Joram garima, an aremegha givazi, a uan karisin ikia egha ara Bethaganin nguibar ekiamin ghu. Ezi Jehu uan midorozir gumaziba ko Ahasian agintisi, egha Jehu kamaghin midorozir gumazibav gia ghaze, "Ia uaghan a gasegh!" Ezi a uan karisin ghua Gurin mighsamin ghuavanadima, me Ipleamin nguibamin boroghin a gase. Ezi Ahasia bar ara ghua Megidon nguibar ekiamin ghughua gin areme. ²⁸ Ezi Ahasian gumazir dapaniba an kuam inigha, karisin mam gatigha uam a inigha Jerusalemin ghu.

10

Me Ahapin ikizim misoghezi, me bar ariaghire

¹ Atrivim Ahapin otariba ko, an igiavotariba me Samarian nguibar ekiamin iti.* Men dibobonim, 70in tu. Ezi Jehu akinafarir maba osirigha, Samarian gumazir dapaniba ko gumazir aruaba ko, gumazir Ahapin ovavir borir otaribar gariba bagha da amaga kamaghin migia ghaze, ²⁻³ “Ahapin otariba, ia ko iti. Ezi ia midorozir karisba ko hoziaba ko afuziba, ko misoghamin bizar maba sara ikia, egha divazir gavgavim avinizir nguibar ekiamin iti. Kamaghin amizi, dughiar ia akinafarir kaba iniamimin, ia Ahapin ovavir boribar tongin, gumazir bar aghuitam atrivimin ikisi anemisefegh. Egh ia an akuragh a bagh misogh.”

⁴ Ezi gumazir dapaniba ko gumazir aruaba akar kam inigha, bar atiatigha ghaze, “Jehu atrivir pumuning abiraghha gifa. Eghti e manmaghin anebiraghram? E bar ibura.”

⁵ Kamaghin amizi, gumazir atrivimin dipenimin garim ko nguibar ekiamin gumazir dapanir faragha zuim, ko gumazir aruaba, ko gumazir Ahapin ovavir boribar gariba, me Jehu bagha kamaghin akam amada, “E nin ingangarir gumaziba, e nin ifongiamin gin mangasa. E gumazitam amisevegħti an atrivimin otogħan kogħam. Bar puvatigham. Ni tizim damusi, ni puram a damu.”

⁶ Ezi Jehu uam akinafarir igharazim osirigha kamaghin gumazir kabav gei, “Ia nan gin mangi egh nan apengen ikisi, ia bar Ahapin ovavir borir otaribav suegħti, me arighiregħħasa ki ifonge. Egh gurumin kamaghira garir dughiamra, ia men dapaniba inigh Jesrīlin izi.” Dugħiar kabar, Ahapin ovavir borir otarir 70plan kaba, me gumazir aruaba ko Samarian nguibar ekiamin iti, ezi gumazir aruar kaba zurara men sure gami. ⁷ Egha gumazir aruar kaba Jehu da akinafarim inigha, Ahapin ovavir borir otarir 70plan kaba bar me misoghezi me ariaghire. Me men firibar ghoregħha, men dapaniba isa akirabagh aghuigha Jehu bagħha da amangi.

⁸ Ezi Jehu kamaghin oraki, me Ahapin ovavir borir otaribar dapanibar akua izegħha gifa, ezi a kamaghin me migei, “Ia dapanir kaba inigh, nguibar ekiamin tiar akar ekiamin, da isi pozir pumuning mikinigh, egh da ategħti, da mamaghira iki mangi gurum mizaraghan tugh.”

³⁶ Egha me ua ghuegħha bizar kamin gun Jehu migeima, a ghaze, “Bizar otozir kam, Ikiavira Itir God, uan ingangarir gumazim Elaija, a Tisben nguibamin gumazim, an akam garugħha mikeme. Ikiavira Itir God kamaghin mikeme, Jesebel aremegħamin dughiam, ariaba iżi Jesrīlin nguibar ekiamin an kuam amam. ³⁷ Eghti an mikarzir otevir mizumziariba tintinibar nguazim giregh ikīva, ariar buaribar min ganam. Eghti gumaziba dar ganiva, fogħan kogħam kar ti Jesebelin mikarzir otevir naba, o?”

† **9:31:** Jesebel ziar kam Jehu gati, Simri. A fo, Simri fomira atrivimin ingangarir gumazir mam, a uan atrivim misoghezi, an areme. Ezi Jehu datirighin uaghan arazir kamram ami. Ni 1 Eghħaganiba 16:8-20in gan. **9:36:** 1 Atriviba 21:23

* **10:1:** Hibrun akam ghaze, Jesrīl. Gumazir fomira itir maba Grighin akamin akar kam għira, me ghaze a Samarian nguibar ekiamin migei.

⁹ Egha amimzaraghan, Jehu dikavigha nguibar ekiamin tiar akamin ghugha dapanir kabar gari. Gumazamizir avirim danganir kamin iti, ezi Jehu tugha kamaghin me migei, "Kiuabi uangumazir ekiam Atrivim Joram abiraghasa nighnisi. Egha ki a misoghezi an areme. Egha ki fo, ia gumazir kam misoghezi an aremezir puvati. Ezi tinara gumazir kabav soghezi, me ariaghire? E fozir puvati. ¹⁰ Ezi bizir kam kamaghin en aka, akar Ikiavira Itir God fomira isa Ahapin ikizim ganingiziba, da bar guizin otivaghiri. Ezi datirighin Ikiavira Itir God, akar a uan ingangarir gumazim, Elaijan akam garugha mikemezim, an otogha gifa." ¹¹ Egha gin Jehu, Ahapin ikizir Jesrilin itir igharaziba, ko an gumazir dapaniba, ko an namakar aghuiba, ko an ofagamir gumaziba, a bar me misoghezi me ariaghire. Jehu tav ataghizi a itir puvati. Bar puvati.

Jehu, Atrivim Ahasian ikizim misoghezi, me ariaghire

¹² Egha Jehu uan midorozir gumaziba ko Jesril ategha, Samarian mangasa. A tuavir kamin ghua danganir me kamaghin diborim, Sipsipbar Garir Gumaziba Uari Akuvir Danganimin oto. ¹³ Egha a gumazir maba bativigha, kamaghin men azara, "Ia managh ikegha ize?"

Ezi me kamaghin an akam ikaragha ghaze, "E Atrivim Ahasian adarasi. E Atrivim Joramini adarazi ko Atrivir Amizim Jesebelin ikizimin ganasa Jesrilin zui."

¹⁴ Ezi Jehu akar kam baregha, kamaghin uan adaraziv gei, "Ia gumazir kabar suikigh." Ezi me gumazir kaba bar men suigh, me inigha ghua mozir bar ekiam itir danganimin zui. Egha me Ahasian adarazi bar me misoghezi me ariaghire, ezi tav itir puvati. Men dibobonim, 42in ghu.

Jehu Ahapin ikizimin igharaziba bar me misoghezi, me ariaghire

¹⁵ Ezi Jehu uan midorozir gumaziba ko danganir kam ategha ghua, tuavimin Rekapin otarim Jonadap bato. Egha Jehu dughiam a ganigha, kamaghin a migei, "Ki nin nighnizim bar a gifonge. Ni manmaghin ami, ki amir biziba ni dagh akongez, o puvati?"

Ezi Jonadap kamaghin Jehu migei, "Are, ki ni ko navir vamira iti."

Ezi Jehu kamaghin a migei, "A dera. Kamaghin ni uan dafarim na daningigh, ga uan dafarimningin suiraka." Egha Jehu, Jonadapin dafarimin suiraghha, a gekuigha karisin anabo.

¹⁶ Egha Jehu kamaghin a migei, "Ni na ko izi egh fogham, ki Ikiavira Itir Godin gin

mangasa gavgafi." Egha aning karisin aven aperagha Samarian ghu. ¹⁷ Me Samarian otivigha, Jehu Ahapin ikizimin gumazir igharazir maba bar me misoghezi me ariaghire. A bar me agifa, ezi akar kam, Ikiavira Itir God fomira Elaija ganingizi moghira, a guzin oto.

Jehu gumazamizir asem Balin ziam feba bar me misoghezi, me ariaghire

¹⁸ Ezi gin Jehu Samarian gumazamizibar diazi, me iza uari akufa, ezi a kamaghin me migei, "Fomira, Atrivim Ahap asem Balin ziam fasa gavgafi. Eghiti nan arazir ki asem Balin ziam famim, Ahapin arazir asem Balin ziam fem bar a gafiraghram. ¹⁹ Eghiti datirighin ia Balin akam inigha izir gumaziba ko, an ofa gamir gumaziba ko, asem balin ziam fer gumazamizibar diaghti, me bar izi uari akufagh. Ia tav ateghti, a pura ikan marki. Datirighin ki ofan bar ekiam asem Bal bagh a damuasa. Eghiti tav otoghan kogh aremegham." Jehu gumazamizir asem Balin ziam febab sueghti me aremeghsa, a me gifara akar kam gami.

²⁰ Egha a ua kamaghin migei, "E asem Balin ziam fis fughiar ekiatam amiseveka." Egha me dughiar mam amisefe. ²¹ Ezi Jehu akam bar Israeliel nguibaha bagha anemadazi, gumazamizir asem Balin ziam feba me iza uari akufa. Tav ua nguibamin itir puvati. Egha me ghua asem Balin izam fer dipenimin aven ghuezi, dipenim bar izifa.

²² Me aven ghuegha givazi, Jehu, ofa gamir gumazir korotiar aghua asem Balin ziam febar garim, kamaghin a migei, "Ni krotiabia inigh, gumazamizir iza asem Balin ziam febar aningigh." Ezi gumazir kam Jehu mikemezzi moghin ami.

²³ Ezi gin, Jehu ko Rekapin otarim, Jonadap aning Balin ziam fer dipenimin aven ghu. Egha Jehu kamaghin gumazamizibav gei, "Ia deraghvira uarir gan, egh uari asavsuigh, gumazamizir Ikiavira Itir Godin ziam fe tam ti e ko ikiamma. E gumazamizir asem Balin ziam febara ikiam." ²⁴ A mikemege givagha, Jonadap ko danganir ofa gamir dakozir itimin aven ghua, asem Bal bagha ofan bar isia mighiriba ko ofan igharazibagh ami.

Gumazamiziba tighar izamin dughiamin, Jehu faragha 80plan midorozir gumazibav sevegha asem Balin ziam fer dipenimin azenan mizuam ikiasa me mikeme. Egha a kamaghin me mikeme, "Ia asem Balin ziam fer gumazamiziba bar me misueghti me ariaghiregh. Eghiti midorozir gumazitam gumazamizir kabar tav ateghti an arimangigham, midorozir gumazir kam aremegham."

²⁵ Egha Jehu ofan bar isia mighirizim gamigha givagha, kamaghin uan midorozir gumaziba ko gumazir dapanibav gei, “Ia aven izi bar me misuehti me arighiregh. Ia tav ateghti an ari mangan marki.” Ezi me aven ghua midorozir sabamin bar me misuaghariki. Egha me gin men kuaba inigha ghua nguubar ekiamin azenan da kuni. Egha me uamategha nguubar ekiamin itir Balin ziam fer dipenim bagha zui. ²⁶ Me Balin ziam fer dipenimin aven ghuegha, guarir akinir asebar nedaziba itir gumaziba dar ziaba feba, inigha azenan iza avimin dagh aboro. ²⁷ Egha me asem Balin marvir guam gasighasiga, an ziam fer dipenim gasighasiki. Egha me asem Balin ziam fer dipenir kam gamizi a buarir dipenimin oto, egha ikia iza datirighin tu.[†]

²⁸ Arazir kamin, Jehu asem Balin ziam fer arazim agifa, ezi Israelia uam an ziam fer puvati. ²⁹⁻³⁰ Ezi Ikiavira Itir God kamaghin Jehu migei, “Ni nan navir averiamin ifongiamin gin ghua, egha ni bizir kaba Ahapin adarazigh ami, ezi nin arazir kam nan damazimin dera. Kamaghin amizi ki gin nin adarazir gumaziba ateghti, me atrivibar otivam. Nin ikegh mangi nin otarim ko an otarim, ko an igiavotarim ko an azizimin tugham.” Ezi gin Jehu Atrivim Jeroboamin arazir kurabar gin zui, gumazir kam a fomira Israelia gekuizi me arazir kuram gami. Jeroboam golin bulmakaun pumuningin ingarigha, mam inigha Betelin nguibamin aneti, egha mam inigha Danin nguibamin aneti. Ezi Jehu Israelia ataghizi, me bulmakaun kamningin ziam fe. ³¹ Ezi Jehu uaghan Ikiavira Itir God, a Israeliian Godin Arazib a uan navir averiamin aven bar deraghavira dar gin mangasa gavgavizir puvati. An akirim ragha Jeroboamin arazir kurabagh asarazir puvati. Jeroboam, a fomira Israelia gekuizi, me arazir kurabagh amizir atrivim.

Jehu areme

³² Dughiar kamin Jehu atrivimin itima, Ikiavira Itir God kantrin igharaziba ataghiri, me Israelia gafigha men nguazir otevir maba isi. Sirian Atrivim Hasael Israeliian nguazir otevir kam bar a iniasa me misosi. ³³ A Jordanin Fanemin aruem anadi naghin iti. Ezi Hasael Israelia abiragh, men nguazir kaba ini, a sautin amadaghan Arnonin Fanemin boroghin itir, Aroerin nguubar ekiamin ikegha ghua, notin amadaghan ghua, Gileat ko Basanin Distrighningin tu. Kar Gatin anabam, ko Rubenin anabam, ko Manasen anabamin akuar mamin adarazir nguaziba.

³⁴ Ezi bizir igharazibar eghaghanir Atrivim Jehu amiziba, da akinafarir kamin iti, me a dibora ghaze, Israeliian Atrivibar Eghaghaniba. Akinafarir kam ingangarir gavgavir an amiziba bar dagh eghari. ³⁵ Egha gin Jehu uan inazir afeziabar min aremezi, me Samarian nguubar ekiamin mozimin anefa. Ezi an otarim Jehoahas, an danganim inigha atrivimin oto. ³⁶ Jehu Samarian ikia, 28plan azenibar Israeliian atrivimin ike.

11

Atalia Judan Atrivir Amizimin oto (2 Eghaghaniba 22:10-23:15)

¹ Ezi Atrivim Ahasian amebam Atalia kamaghin akam baraki, an otarim Ahasia aremegha gifa, ezi a zuamira midorozir gumazibav kemezi, me Judan atrivibar ikizimin gumaziba bar me misoghezi me ariaghire. ² Ezi midorozir gumaziba Ahasian otarim Joas misoghezi an aremezir puvati. Me kamaghin fozir puvati, Atrivim Joramini guivim Jehoseba ko Atrivim Ahasian buaramizim, moga Joas inigha amizir an ganamim, ko aning isa danganir me daguivsiaba arizimin aven aning modo. Kamaghin amizi, Atalia Joas misoghezi an aremezir puvati. ³ Ezi Jehoseba 6plan azenibar Ikiavira Itir Godin Dipenimin aven Joas modozi an a ko iti. Ezi dughiar kamin Atalia Judan atrivir amizimin ikiavira iti.

⁴ Ezi namba 7in azenimin Atalia amizir atrivimin itima, ofa gamir gumazir Jehoiada, midorozir gumazir amizir atrivimin gariba ko, midorozir gumazir atrivimin dipenimin gariba, me bagha akam amaga ghaze, me Ikiavira Itir Godin Dipenimin izi. Me izegha givazi, Jehoiada me ko akar dikirizir gavgavir mam gami. A me bagha akar mam akirizi, me bizir a damuasa me mikemeziba bagha, Ikiavira Itir Godin ziamin akar dikirizir gavgavim gami. Ezi a gin Ahasian otarim Joas inigha iza men aka. ⁵⁻⁸ Egha Jehoiada kamaghin me migei, “E Joas darnichti an atrivimin otivasa ki ifonge. Kamaghin amizi, ki bizir ia damuamiba bagh ia mikimasa. Ki fo, midorozir gumazir okoruar pumuning Sabatin dughiamin, ingangarim agivagha avughs, ezi igharaziba men danganiba isa ingangarim gami. Ezi Sabatin kam otivasa, ezi midorozir gumazir okoruar 3pla, ia bar Ikiavira Itir Godin Dipenim izasa ki ifonge. Midorozir gumazir Sabatin dughiamin ingangarim gamiba, kar atrivimin dipenimin gari darasi, ko Surin tiar akamin garir darasi, ko midorozir gumazir akirangin tuivigha ikia, divazimin tiar akamin gariba,

[†] **10:27:** Akar kam, “datirighin,” e itir dughiam migeir puvati. Puvati. A dughiar gumazim akinafarir kam osirizim migei. **10:29-30:** 1 Atriviba 12:28-30

me bar Ikiavira Itir Godin Dipenimin izi Joas geghuv an ganam. Midorozir gumaziba bar midorozir sababar suighiva, Ikiavira Itir Godin Dipenimin danganiba bar da tuivigh iki, egh deraghviram atrivim bagh gan. Eighti a danganitamin mangiti, midorozir gumaziba a ko mangi. Egh midorozir gumaziba gumazitam ateghti, an an boroghin izan marki. Eighti gumazitam roghira iziti, me gumazir kam misuehti an aremegh.”*

⁹ Ezi midorozir gumazibar dapaniba, ofa gamir gumazim Jehoiadan akar kamin gin ghua Sabatin dughiamin, me midorozir gumazir ingangarim agivagha avughasa amir kaba, ko midorozir gumazir men danganiba iniamiba, bar men akua Jehoiada bagha Ikiavira Itir Godin Dipenimin izi. ¹⁰ Dughiar kamin, Atrivim Devitin afuziba ko oraba, da Ikiavira Itir Godin Dipenimin iti. Ezi Jehoiada bizir kaba inigha midorozir gumazibar dapanibagh aningi. ¹¹ Ezi midorozir gumaziba ghua, Ikiavira Itir Godin Dipenimin uari bagha danganiba inigha, sautin amadaghan ikegha ghua notin amadaghan tu. Me uaghan ofa gamir dakozimin boroghin tuivighav ikia, egha midorozir sababa suigha, atrivim ekiaruga bar deraghvira gara iti. ¹² Midorozir gumaziba uari akirigha mizua itima, ofa gamir gumazim Jehoiada, Joasin akua azenan iza, atrivibar dapanirasuam Joasin dapanim garu. Egha Akar Dikirizir Gavgavim itir akinasifarir righizir mam a ganingi. Egha me gin olivin borem Joasin dapanim gingegeha anemisevezi, an atrivimin oto. Ezi gumazamiziba bar akuegha dafaribav sogha, kamaghin dei, “Joas dughiar ruarinim atrivimin ikiam.”

¹³ Ezi Atrivir Amizim Atalia midorozir gumaziba ko gumazamizibar dimdiham baregha, uan dipenim ategha Ikiavira Itir Godin Dipenimin danganir gumazamiziba uari akuva itimin ghu. ¹⁴ A ghua otogha garima atrivir igiam, atriviba ami moghin, Ikiavira Itir Godin Dipenimin guamin itir guarir akinimin boroghin tughav iti. Egha a midorozir gumazibar dapaniba ko gumazir sighabagh ivibar garima, me atrivir igiamin boroghin iti. A uaghan garima gumazamiziba bar akuegha, men marazi uaghan isighabagh ivi. Ezi Atalia puv atara uan korotiam abigha dia ghaze, “Ia gumazamizir kuraba. Ia bar arazir kuram gamua na abinasa.”

¹⁵ Ezi Jehoiada Ikiavira Itir Godin Dipenimin boroghin Atalia misuehti an aremeghan an aghua. Egha a kamaghin midorozir gumazir dapanibav gei, “Ia

Atalian suiraghti, midorozir gumaziba anekiarugh a kurugh Ikiavira Itir Godin Dipenim avinizar divazimin azenan mangi. Eighti gumazitam an gin mangiti, ia gumazir kam misuehti an aremegh.” ¹⁶ Ezi me Atalian suiragha, a inigha Godin Dipenim ategha ghua atrivimin dipenim avinizar divazir hoziaiba aven zuir tiar akamin aven ghugha, a misoghezi an areme.

*Ofa gamir gumazim Jehoiada gumazibar akurazi,
me Ikiavira Itir Godin girara zui
(Eghaghaniba 23:16-21)*

¹⁷ Godin ofa gamir gumazim Jehoiada, Atrivim Joas ko gumazamizibar akurvazi, me Ikiavira Itir God ko Akar Dikirizir Gavgavim gamu ghaze, me Ikiavira Itir Godin gumazamizibara ikiem. Egha a uaghan atrivim ko gumazamizibar akurazi, me uarir tongin Akar Dikirizir Gavgavim gami. ¹⁸ Egha gin gumazamiziba asem Balin ziam fer dipenimin ghua, bar a gasighasiki. Egha me ofa gamir dakoziba ko asem Balin marvir guabagh asighasiki. Egha me Balin ofa gamir gumazim Matan misoghezi an areme. Ezi Jehoiada midorozir gumazir maba misivezi me Ikiavira Itir Godin Dipenimin gara a gegrufi. ¹⁹ Ezi Jehoiada, midorozir gumazibar dapaniba ko, midorozir gumazir atrivimin gariba ko, atrivimin dipenimin garir midorozir gumaziba, me Ikiavira Itir Godin Dipenimin ghugha atrivir igiam inigha an akua atrivimin dipenimin zuima, gumazamiziba bar men gin zui. Me bar ghua otivigha, tiar akar me kamaghin diborim, Midorozir Gumazibar Tiar Akam, an aven ghua Joas isava atrivir dabirabim gatizi an a gapera. ²⁰ Ezi gumazamiziba bar akonge. Me fo, midorozir gumaziba atrivimin dipenimin boroghin Atalia misoghezi an areme. Kamaghin amizi, gumazamiziba navir amirizim sara Jerusalemin apiaghav iti. ²¹ Joas 7plan azeniba ikia, egha atrivimin oto.

12

*Joas Ikiavira Itir Godin Dipenim akiri
(Eghaghaniba 24:1-14)*

¹ Jehu Israelian atrivimin itima, an namba 7in azenimin aven Joas Judan atrivimin oto. Egha Joas Jerusalemin ikia, 40plan azenibar atrivimin iti. Joasin amebam Sibia, a Berseban amizim. ² Ezi Joas atrivimin itir dughiamin, Godin ofa gamir gumazim Jehoiada an nighnizibar kira zui, kamaghin amizi, Joas arazir aghuiba Ikiavira Itir Godin damazimin dagh ami. ³ Egha Joas, mighsiabar pin itir

* **11:5-8:** Hibrun akam vezin kabar migirigiar otevir maba deragha dar mingariba abighizir puvati.

11:14: 2

asebar ziaba fer dipenibagh asighasighizir puvati, ezi gumazamiziba danganir kabar ghuavira ikia ofabagh amua, egha pauran mughuriar aghuim zuiba tue.

⁴Dughiar mamin, Joas ofa gamir gumazibar diazi me izima a me migia ghaze, "Ia ofa gamir gumazamiziba bar, dagiar me inigha Ikiavira Itir Godin Dipenimin iziba ini, kar Ikiavira Itir Godin Dipenimin takisin dagiabla, ko dagiar gumaziba uan akar dikirizibar gin mangi daningamiba, ko me uan ifongiabar God ganidir dagiaba.* ⁵Ia ofa gamir gumaziba vaghvagh, deraghvira dagiar gumazamiziba ia ganidibar gan. Egh ia ganti, Ikiavira Itir Godin Dipenimin danganitam ikuvigham, eghiti ia dagiar kabar taba inigh gumazibagh ivezeqhti, me danganir ikuvizir kam akirigham."

⁶Ezi azenir mabar gin, kar Joasin namba 23plan azenibar an atrivimin iti, egha an ofa gamir gumazibar garima, me Ikiavira Itir Godin Dipenim akirasa bizitam gamir puvati. ⁷Ezi a Jehoiada ko ofa gamir gumazir igharazibar diazi me izezi, a kamaghin me migei, "Ia manmaghsua Ikiavira Itir Godin Dipenimin danganir ikuvigha itiba akiran aghua? Kamaghin, ia gumazamiziba da isir dagiabagh ativagh dar ganan marki. Ia dagiar kabar taba isi, gumazir Ikiavira Itir Godin Dipenim ikuvizir biziбар korsi ki misivamibar aningam." ⁸Ezi ofa gamir gumaziba Joasin akamin amaman-gati, egha me ua gumazamiziba da dagiabia inian koghasa akam akiri, egha uaghan me uari Ikiavira Itir Godin Dipenimin biziбар ikuvizibar akiramin ingangaribar ganan kogham.

⁹Ezi gin ofa gamir gumazim Jehoiada boksiar mam inigha, an asuamin torim gamigha, a isa ofa gamir dakozimin boroghin aneti. Ezi gumazamiziba iza Ikiavira Itir Godin Dipenim avinizir divazimin aven zuir dughiamin, me boksiar kamin garima, an ofa gamir dakozimin agharir guvimin amadaghan iti. Ezi ofa gamir gumazir Dipenimin tiar akamin gariba, me gumazamiziba inigha izir dagiabisa isa boksiar kam gazui. ¹⁰Egha ofa gamir gumaziba garima, boksiam izivasava anima, me gumazir atrivimin akinafariba osirim ko Godin ofa gamir gumazibar dapanim bagha akam amada. Ezi aning iza dagiar kaba isa mitarim gaghua da inigha ghua da medi. ¹¹⁻¹²Me da mengegha givagha, da isa Ikiavira Itir Godin Dipenim akirir gumazir dapanibagh anidi. Ezi gumazir kaba dagiabisa isa gumazir dipenibar ingariba, ko gumazir

dagiар dipenibar ingara foziba, ko dagiaba aghorir gumazibagh ivesi. Egha me uaghan temer arariba, ko ingaramin dagiabagh ivesi. Ezi ingangarir kamin akurvazir biziř manaba iti, me uaghan dagh ivesi. ¹³⁻¹⁴Ezi silvan dagiar me Ikiavira Itir Godin Dipenimin iniziba, da ingangarir vamira iti, kar Ikiavira Itir Godin Dipenim akiramin dagiabla. Kamaghin amizi, me dagiар kaba inigh, itarir ekiaba, ko itarir me silvan ingariziba, ko sighaba, ko biziř lam amungamiba, ko Ikiavira Itir Godin Dipenimin aven, ingaramin biziř ighazarizir me gol ko silvan ingariziba, me dagh iveauz kogham. ¹⁵Gumazir ingangarimin gariba me dagiabisa okeir puvati. Ezi gumazir aruuba dagiar kaba bagha men azangsizir puvati, me manmaghira dagiar kabagh ami. ¹⁶Ezi dagiar gumazamiziba osimtizim agevir ofa bagha anidiba, ko dagiar arazir kuraba gin amadir ofaba bagha anidiba, me da isa Ikiavira Itir Godin Dipenimin itir boksiam gazuir puvati. Me da isa Godin ofa gamir gumazibagh anidi.

Sirian atrivim Judabav soghasa

¹⁷Atrivim Joas Ikiavira Itir Godin Dipenim akirasa gumazibav sevegha gifa, ezi gin, Sirian Atrivim Hasael uan midorozir gumaziba ko, iza Getin nguibar ekiam koro. Me Getia abiragha givagha, egha ragha Jerusalemia ko misoghsa ghue. ¹⁸Ezi Atrivim Joas, Atrivim Hasael izi Jerusalem misoghan aghuagha, biziř ekiar bar aghuim isa Hasael bagha anemada. Joasin inazir afeziaba, kar Atrivim Jehosafat ko, Atrivim Jehoram ko, Atrivim Áhasia, me bar Joasin ifongiamin gin ghua, biziř bar aghuiba isa Ikiavira Itir God ganingi. Ezi datirighin Joas bar a da ini. Egha a uaghan Ikiavira Itir Godin Dipenim ko atrivimin dipenimin dagiabisa modir danganimin itir golba bar ada ini. Egha a biziř bar aghuir kaba Sirian Atrivim Hasael bagha da amada. Ezi Hasael da inigha givagha, Jerusalem ategha ghu.

¹⁹Ezi biziř igharazibar eghaghanir Atrivim Joas amiziba, da akinafarir kamin iti, me a dibora ghaze, Judabar Atrivibar Eghaghaniba. ²⁰⁻²¹Dughiar mamin, Joasin ingangarir gumaziba Joas misueghti, an aremeghsa akam akiri. Ezi men mamning, Simeatin otarim Josakar, ko Somerin otarim Jehosabat, aning tuavimin itir dipenir mamin a misoghezi an areme, kar tuavir ghuaghira Silan nguibamin otozim. Dipenir kam, me fomira Jerusalemin boroghin nguazibagh kua da isa Jerusalemin danganir ira ghuezibav kira da apemezir danganimin iti. Kamaghira

* **12:4:** Hibrun akam deragha vezin kamin mingarim abighizir puvati. Ni Ikiavira Itir Godin takisin dagiabagh foghs, ni Ua Me In 30:11-16'in gan. Egh ni akar dikirizimin dagiabagh foghs, ni Ofa Gami 27:1-7'in gan.

12:15: 2 Atriviba

Joas aremezi, me an kuam isa Devitin Nguibar Ekiamin ghua an inazir afeziaba ko anefa. Ezi an otarim Amasia, an danganim inigha atrivimin oto.

13

Joahas Israelian atrivimin oto

¹ Ahasian otarim, Joas a 23plan azenibar Judabar atrivimin itima, Jehun otarim, Joahas a Israelian atrivimin oto. Egha a 17plan azenibar Samarian nguibar ekiamin atrivimin iti. ² Nebatin otarim, Atrivim Jeroboam arazir kuram gamizi moghin, Joahas arazir kuram Ikiavira Itir Godin damazimin a gami. Jeroboam fomira Israelia gekuizi, me arazir kuraba Ikiavira Itir Godin damazimin dagh gami. Ezi Jeroboam amizir arazir kaba, Joahas datirighin arazir kamaghira garibagh ami, egha da ataghizir puvati. Bar puvati. ³ Kamaghin amizi, Ikiavira Itir God puvira Israelian atari, egha Syrian Atrivim Hasael ataghizi, a dughiar aviribar iza Israelia misogha me abiri. Ezi gin Hasaelin otarim Benhadat, Syrian atrivimin oto. Ezi Ikiavira Itir God anetaghizi, a uaghan Israelia dikabinasava ami. ⁴ Ezi Atrivim Joahas Ikiavira Itir God ko migei. Guizbangira, Ikiavira Itir God fogha gifa, Syrian atrivim bar pazavira Israelia gami. Kamaghin amizi, God Joahasin dimdiām baraki. ⁵ Egha Ikiavira Itir God, Israeliān akurvaghosa gumazir mam amisefe, ezi gumazir kam Siraibar dafarim da ua me ini. Kamaghin amizi, Israelia fomira deragha ikezi moghin, datirighin men nguibabar dabirabim ua dera. ⁶ Egha me arazir kurar kam ataghizir puvati, kar arazir kurar Jeroboamin ikizim fomiram amiziba. Jeroboam uaghan Israelia gekuizi, me dagh ami. Me datirighin arazir kurar kabaghamuavira iti. Egha me aser amizim Aseran marvir guar Samarian itim, me a batoghezir puvati.

⁷ Ezi Syrian midorozir gumaziba Israeliān midorozir gumazir aviribav soghezi me ariaghire. Syrian midorozir gumaziba bar puvira me gamua, me dikabira me gamima me nguazir minemniamin min otifi. Kamaghin amizi, dughiar kamin, Joahas midorozir gumazir aviriba puvati. Israelia datirighin 50plan midorozir gumazir hoziabagh apia misozibara iti. Egha me misoghamin 10plan karisba ikia, egha 10,000plan midorozir gumazir igharazibaiti.

⁸ Ezi bizir igharazibar eghaghanir Atrivim Joahas amiziba, da akinafarir kamin iti, me kamaghin a dibori, Israeliān Atrivibar Eghaghaniba. Akinafarir kam,

ingangarir gavgavir an amiziba bar dagh eghari. ⁹ Egha gin Joahas uan inazir afeziabar min aremezi, me an kuam inigha Samarian nguibar ekiamin ghua anefa. Ezi an otarim Jehoas, an danganim inigha atrivimin oto.

Jehoas Israelian atrivimin oto

¹⁰ Joas 37plan azenibar Judan atrivimin iti, ezi Joahasin otarim Jehoas, a Israelian atrivimin oto. Egha 16plan azenibar atrivim ikia, Samarian nguibar ekiamin iti. ¹¹ Nebatin otarim, Atrivim Jeroboam fomira arazir kuram gamizi moghin Atrivim Jehoas arazir kuram Ikiavira Itir Godin damazimin a gami. Jeroboam fomira Israelia gekuizi, me Ikiavira Itir Godin damazimin arazir kuram gami. Ezi datirighin Jehoas, Jeroboamin min arazir kurar kamaghira garibagh ami. Egha an arazir kurar kaba ataghizir puvati. Bar puvati. ¹² Ezi bizir igharazibar eghaghanir Atrivim Jehoas amiziba, da akinafarir kamin iti, me kamaghin a dibori, Israeliān Atrivibar Eghaghaniba. Akinafarir kam, Israeliān Atrivim Jehoas, Judan Atrivim Amasian adarazi ko misoghezir dughiamin, amizir bizir gavgavibagh eghari. ¹³ Ezi gin Jehoas uan inazir afeziabar min aremezi, me an kuam inigha Samarian ghua, Israeliān atrivibar mozibar boroghin anefa. Ezi Jehoasin otarim Jeroboamin igharazim an danganim inigha atrivimin oto.

Elisa areme

¹⁴ Ezi Jehoas atrivimin itir dughiamin, Elisa arimaria bar ekiam ini. A bar aremeghasava ami, ezi Atrivim Jehoas ghua an gari. Jehoas an apangkuvigha azia a migia ghaze, “Nan afeziam! Nan afeziam! Ni Israeliān akurvazir gumazir bar gavgavim, mati midorozir hoziaba ko midorozir karisba.”

¹⁵ Ezi Elisa kamaghin a migei, “Ni mangi barir pim inigh izi.” Ezi Jehoas ghua a inigha izi.

¹⁶ Egha Elisa a migia ghaze, “Ni barir pim inigh a gekuugh asisivira gan.” Ezi atrivim kamaghin amizi, Elisa uan dafarim issa atrivimin dafarim gisin ati.

¹⁷ Egha gin Elisa kamaghin atrivim migei, “Ni datirighin mangi dipenir winduan aruem anadi naghin itim kuigh.” Ezi Jehoas uan barir pim ategha ghua windua kui.

Ezi Elisa ghaze, “Ni barir pim gekuugh barim gasivamadagh.”

Ezi Jehoas kamaghin amizi, Elisa diaghaghaze, “Barir kam, kar Ikiavira Itir Godin barim, a Syrian midorozir gumaziba abiraghām. Eghti ni Afeghin nguibamin Syrian midorozir gumaziba ko misogh bar me agivaghām.”

¹⁸ Egha Elisa ua kamaghin atrivim migei, “Ni bariba inigh.”

Ezi atrivim da inigha givazi, Elisa ghaze, “Ni barir kaba isi nguazim gapisigh.” Ezi Jehoas bariba isa 3plan dughabar nguazim gapisi.

¹⁹ Ezi Godin akam inigha izir gumazim Elisa an ganigha atara kamaghin migei, “Ni 5pla o 6plan dughabar nguazim gapizighan aghua? Ni kamaghin amigha ti, Sirian midorozir gumaziba agivaghay. Egh ni datirighin 3plan dughabar, me abiragham.”

²⁰ Ezi gin Elisa aremezi, me an kuam inigha dagiar mozir me ingarizimin anefa. Azeniba zurara, Moapian gumazir okoruar maba iza paza Israelia gami.

²¹ Dughiar mamin Israelien gumaziba iza gumazir mamin kuam afasa. Egha me garima, Moapian marazizima, me zuamira gumazir kamin kuam is Elisan mozir an aghariba iti naghin anekunighava are. Ezi gumazir kamin kuam mozimin ghuaghira Elisan agharibagh isin iri, ezi zuamira, an angamira itir ikirimirim ua iza an kuamin anabozia ua dikafi.

Sirian midorozir gumaziba ua Israelia misosi

²² Ezi azeniba bar Jehoasin afezi, Joahas Israelien atrivimin itima, Sirian Atrivim Hasael, Israelia misogha osimtizim me ganingi. ²³ Ezi Ikiavira Itir God Israelien apangkuvigha bar me gifonge. A fomira Akar Dikirizir Gavgavir Abraham ko Aisak ko Jekop ko amizir kam ginirigha, a Israelien akuragha me gasighasighizir puvati. Egha a Israelia batueghti, me an damazimin saghon mangan an aghua.

²⁴ Ezi gin Atrivim Hasael aremezi, an otarim Benhadat an danganim inigha Sirian atrivimin oto. ²⁵ Ezi Israelien Atrivim Jehoas, uan midorozir gumaziba ko, Atrivim Benhadatin midorozir gumaziba ko me uariv sosi. Egha Jehoas, a Benhadat abiragha, Jehoasin afezi, Joahas dughiamin, nguubar Sirian midorozir gumaziba Israelia da imizir kaba, a uam ada ini. Jehoas 3plan dughabar Benhadat abira.

14

Amasia Judan atrivimin oto (2 Eghaghaniba 25:1-24)

¹ Ezi Joahasin otarim, Jehoas azenir pumuningin Israelien atrivimin itima, Joasin otarim Amasia Judan atrivimin oto. ² A 25plan azeniba ikia, egha atrivimin otogha, 29plan azenibar Jerusalemin atrivim iti. An amebam, Jehoadin, a Jerusalemin nguubar ekiamin amizir mam.

³ Amasia afezi, Joas fomira amizi moghin, an arazir aghuabar Ikiavira Itir Godin damazimin dagh ami. Egha a uaghan uan ovavim Atrivim Devit amizir arazir aghuabar gin zuir puvati. ⁴ Guizbangira, Amasia mighsiabar pin itir asebar ziaba fer danganir kabagh asighasighizir puvati. Ezi gumazamiziba danganir kabar ghua aseba bagha ofabagh amua, egha pauran mughuriar aghuim zuiba tue.

⁵ Amasia Judan kantri gativagha gavgavigha an garir dughamin, a mikemezima, me ghua, an ingangarir gumazir dapanir an afezi Atrivim Joas misoghezir kammingin, misoghezi aning areme. ⁶ Ezi a ingangarir gumazir kamningin boribav soghezi, me ariaghirezir puvati. A me ataghizi, me iti. An Akinafarin itir Moses Osirizir Araziba itir akabar gin zui. Akinafarin kamin aven Ikiavira Itir God Akar Gavgavim e ganiga ghaze, “Gumazitamin borim arazir kuratam damichti, ia an arazir kurram ikarvaghshi, an amebam ko afezi misueghti, aning aremeghan kogham. Eighti kamaghira, amebam ko afezi arazir kuratam damichti, ia aningin arazir kurram ikarvaghshi, aningin boribav sueghti, me aremeghan kogham. Gumazim arazir kurram damichti, ia anarira misueghti, an aremegh.”

⁷ Dughiar mamin, Amasia uan midorozir gumaziba ko me ghua Idomian midorozir gumazir 10,000pla, Danganir Zarir Amangsizir Avirim Itimin me ko misosi. Egha me Idomia abiragha, Selan nguubar ekiam ini. Egha Amasia nguubar ekiar kam, ziam Joktel a gati. Ezi me dughiar kamin ikegha iza datirighin, ziar igiar kam a garisi.

⁸ Ezi gin Amasia, Israelien Atrivim Jehoas bagha gumaziba amangi. Atrivim Jehoas, a Joahasin otarim, egha Jehun igiavotarim. Gumazir kaba ghua Jehoas batogha, kamaghin a migei, “Israelia, Atrivim Amasia ia misoghasa migei. Kamaghin amizi, ia izi.”

⁹ Ezi Jehoas, Judan Atrivim Amasia akam ikaragha kamaghin akar isin zuimin a migei, “Lebanonin kantrin aven, dikoniba itir ikarizir mam, temer sidan mam bagha akam amaga kamaghin a migei, ‘Ni uan guivim, nan otarim bagh anemangasa ki ifonge. Eighti aning uanining ikiam.’ Dikoniba itir ikarizir kam, akar kam mikemezi, gin asizir atiar mam danganir kam garua, ikarizir kam dikabinizi, a ikufi.”

¹⁰ Jehoas akar isin zuir kam gamua, ua kamaghin Amasia migei, “Ki fo, bar guizbangira, ni Idomia misogha bar me abira. Kamaghin amizi, ni bar akuegha uan ziam bar a fe. Ni midorozir kamin ziar ekiam ini. Egh ni datirighin bar akuegh,

deraghvira uan nguibamin iki. Egh ni ua e misoghsı midorozim foran marki. Puvatightima, ni ko Judan gumazamiziba bar, ia pazavira iregh bar ikuvigham."

¹¹ Ezi Amasia Jehoasin akam baraghan aghua. Kamaghin amizi, Israeliel Atrivim Jehoas Israeliel midorozir gumaziba ko, me nguibar ekiar Judan kantrin itim Betsemesin ghugha, Judabar Atrivim Amasia ko an midorozir gumaziba, ko misosi. ¹² Me uariv sogha ghuavira itima, Israelia Judan midorozir gumaziba dikabirazi, Judan midorozir gumaziba ara ua uan nguibabar ghue. ¹³ Ezi Israeliel Atrivim Jehoas, Betsemesin nguibar ekiamin iki, Judabar Atrivim Amasian suiragh a isa kalabus gati. Atrivim Joasin otarim Amasia, a Atrivim Ahasian igiavotarim. Ezi gin, Atrivim Jehoas Israeliel midorozir gumaziba ko, Betsemesin nguibar ekiam ategha Jerusalemin ghue. Egha me Jerusalemen avinizar divazir gavgavim gasighasiki, me Efraimin Tiar Akamin ikegha ghua, Tiar Akar Mikebamin itimin tu. Divazir kuvizir kamin ababanim, a 200 mitan min ghu.

¹⁴ Ezi Jehoas Jerusalemin aven ghua, nguibar ekiamin itir golba ko silvaba bar ada ini. A uaghan itarir ekiable ko itarir igharazir Ikiavira Itir Godin Dipenimin itiba, ko atrivimin dipenimin mongezir dagiaba bar ada ini. Egha uaghan Judan gumazir ekiar maba isa kalabus gatigha kamaghin Amasia migei, "Amasia, ni uam Israelia e misoghsı nighnighan marki. Ni kamaghin damichti, ki nin gumazir ekiable sueghti, me arighiregham." An akar kam mikemehga givagha, gumazir ekiar kaba ko gumazamizir maba ko bizar kaba sara inigha ua Samarian ghu.

Atrivim Jehoas areme

¹⁵ Ezi bizar igharazibar eghaghanir Atrivim Jehoas amiziba, da akinafarir kamin iti, me kamaghin a dibori, Israeliel Atrivibar Eghaghaniba. Akinafarir kam, Israeliel Atrivim Jehoas, Judan Atrivim Amasian adarazi ko misoghezir eghaghanim, ko an amizir bizar gavgavir igharazibagh eghari. ¹⁶ Ezi gin Jehoas uan inazir afeziabar min aremezı, me an kuam inigha Samarian nguibar ekiamin ghu, Israeliel atrivibar mozibar boroghın anefa. Ezi an otarim, Jeroboamin igharazim, an danganim inigha atrivimin oto.

Atrivim Amasia areme

(2 Eghaghaniba 25:25-28)

¹⁷ Israeliel Atrivim Jehoas aremegha givazi, Judan Atrivim Amasia ua 15plan azenibar ikegha, areme. ¹⁸ Ezi bizar

igharazibar eghaghanir Atrivim Amasia amiziba, da akinafarir kamin iti, me kamaghin a dibori, Judabar Atrivibar Eghaghaniba.

¹⁹ Atrivim Amasia Jerusalemin itima, gunazir maba a misuehti an aremeghaha akam akiri. Ezi an akar kam baregha, ara Lakisin nguibar ekiamin ghu. Ezi an apanir kaba gumazir maba amangizi, me an gin Lakisin nguibar ekiamin ghua, a misoghezi, an areme. ²⁰ Ezi me an kuam inigha hoziabagh atigha ua Jerusalemin ize. Egha me an kuam isa Devitin Nguibar Ekiamin, an inazir afeziaba afezi naghin anefa.

²¹ Ezi gin Judan gumazamiziba bar Usia ini, an ziar igharazim Asaria. Egha me a gamizi, a uan afeziäm Amasian danganim inigha atrivimin oto. Usia 16plan azenibar ikia, atrivimin oto. ²² Egha mong gin, an atrivimin itir dughiamin, a ghua misogha apanibar dafarimin Elatin nguibam uam a ini. Egha nguibar kamin danganir ikuviziba a ua dar kiri.

Jeroboamin igharazim, Israeliel atrivimin oto

²³ Joasin otarim Amasia 15plan azenibar Judan atrivimin itima, Jehoasin otarim, Jeroboam Israeliel atrivimin oto. Egha a 41plan azenibar atrivimin ikia, egha Samarian iti. ²⁴ Egha Nebatin otarim Jeroboamin faragha itim, an amizi moghın a Ikiavira Itir Godin damazimin arazir kurabagh ami. Fomira Jeroboamin faragha itim, Israelia gekuizi, me Ikiavira Itir Godin damazimin arazir kurabagh ami. Ezi datirighin Jeroboamin kam arazir kurar kabara, Jeroboamin faragha itim amizi moghira, an adagh ami. ²⁵ Jeroboamin tighar atrivimin otivamin dughiamin, apaniba Israeliel nguazir otevir aviriba ini. Ezi datirighin Jeroboam misogha, ua nguazir kaba ini, a tuavir ghuaghira Hamatin nguibar notin amadaghan itimin ikegha ghu, Amangsızım Itir Dipar Akaremın, sautin amadaghan itimin tu. Ezi arazir kamin, Jeroboam Ikiavira Itir God, Israeliel Godin akam gamizi, a guizbangıram oto. Akar kam, God faragha a isa Amitain otarim, Jona,* a Godin akam inigha izir gumazim a ganıngizi, an a gun mikeme. Godin akam inigha izir gumazir kam Jona, a Gatheferin nguibamin gumazir mam.

²⁶ Ikiavira Itir God Israeliel apanibar garima, me osımtızır ekiam me garighavira ikia, egha me agıvasava ami. Ezi gumazir vaghvaziba ikiavira iti.† Egha uaghan men akurvaghamin gumaziba puvati. ²⁷ Ezi Ikiavira Itir God bar Israeliel ziam

* 14:25: Jona 1:1 * 14:25: Gumazir kamra, Godin akam inigha izir gumazim, Jona, vezin kam a geghari. † 14:26:

angarighti, gumaziba ua me ginighnighan kogham, a kamaghin mikemezir puvati. Kamaghin amizi, a Jehoasin otarim, Atrivim Jeroboam apanibar dafarimin ua me iniasa anemisefe.

²⁸ Ezi bizir igharazibar eghaghanir Atrivim Jeroboam amiziba, da akinafarir kamin iti, me kamaghin a dibori, Israeliian Atrivibar Eghaghaniba. Akinafarir kam, an ingangarir gavgvavir an amiziba ko, a Damaskusin nguabar ekiam ko Hamatin nguabar ekiam, ua da iniasa misoghezir midorozibar eghaghanibagh eghari. Nguubar ekiam Hamat, Judaba faragha a gatifa. ²⁹ Ezi gin Jeroboam uan inazir afeziar Israeliian atriviba ikezibar min areme. Ezi an otarim Sekaraia an danganim inigha atrivimin oto.

15

Usia Judan atrivimin oto (2 Eghaghaniba 26:1-23)

¹ Jeroboam 27plan azenibar Israeliian atrivimin itima, Amasian otarim, Usia Judan atrivimin oto. Usian ziar igharazim, Asaria. ² A 16plan azeniba ikia, egha atrivimin oto, egha 52plan azenibar atrivimin ikia, egha Jerusalemin iti. An amebam Jekolia, Jerusalemin nguabar ekiam amizim. ³ Ezi Usian afeziam Amasia amizi moghin, Usia Ikiavira Itir Godin damazimin arazir aghuibagh ami. ⁴Egha Usia mighsiabar pin itir asebar ziabia fer danganibagh asighasighizir puvati. Kamaghin amizi, gumazamiziba danganir kabar ghua aseba bagha ofabagh amua, egha pauran mughuriar aghuim zuiba tue.

⁵ Dughiar mamin Ikiavira Itir God lepan arimariam gamizi, a Usian mikarzim bato, ehti arimariar kam givaghan kogham. Ezi an atrivir dipenim ategha ghua dipenir igharazimin iti, ezi an otarim Jotam, an atrivir ingangarim gami, egha atrivimin dipenimin gara, egha kantri gativatha ikia ghuav itima, Atrivim Usia areme.

⁶ Ezi Atrivim Usia amizir bizir igharazibar eghaghaniba, akinafarir kamin iti, me kamaghin a dibori, Judan Atrivibar Eghaghaniba. ⁷ Ezi Atrivim Usia uan inazir afeziabar min aremezi, me an kuam inigha Devitin Nguubar Ekiamin ghua an kuam isa an inazir afeziabar mozibar boroghin anefa. Ezi an otarim Jotam, an danganim inigha atrivimin oto.

Sekaraia Israeliian atrivimin oto

⁸ Usia 38plan azenibar Judan atrivimin itima, Jeroboamin igharazimin otarim, Sekaraia, Israeliian atrivimin oto. Egha a Samarian nguubar ekiamin ikia, 6plan

iakinibara atrivimin ike. ⁹ Egha Sekaraian ovaviba amizi moghin, a Ikiavira Itir Godin damazimin arazir kurabagh ami. An arazir Nebatin otarim Jeroboam amizir arazir kurar kaba ataghizir puvati. Jeroboam fomira Israelia gekuizi, me arazir kuraba Ikiavira Itir Godin damazimin dagh ami. Ezi datirighin Sekaraia uaghan arazir kabaram ami. ¹⁰ Ezi Jabesin otarim Salum, gumazir maba ko uari akuvagha, Sekaraia misuehti, an aremeghasa tuaviba buri. Egha gin Salum ubabi, gumazamizibar damazimin, Sekaraia misoghezi an aremezi, Salum ubabi atrivimin oto. ¹¹⁻¹² Ezi arazir kamin, a Ikiavira Itir God mikemezir akar dikirizim gamizi, a guizbangiram oto.* Fomira Ikiavira Itir God kamaghin Atrivim Jehu mikeme, "Ki gin nin adarazir gumaziba ateghti, me atrivibar otivam. Nin ikegh mangi nin otarim ko an otarim, ko an igiavotarim ko an azizimin tugham." Ezi Sekaraia amizir bizir igharazibar eghaghaniba, da akinafarir kamin iti, me kamaghin a dibori, Israeliian Atrivibar Eghaghaniba.

Salum Israeliian atrivimin oto

¹³ Usia 39plan azenibar Judan atrivimin iti, ezi Jabesin otarim Salum, Israeliian atrivimin oto. Egha Samarian ikia, iakinir vamiran atrivimin ike. ¹⁴ Ezi dughiar kamin, Gadin otarim Menahem, Tirsan nguubam ategha Samarian ghugha, Salum misoghezi an areme, ezi a ubabi atrivimin oto. ¹⁵ Ezi Salum amizir bizir igharazibar eghaghaniba, da akinafarir kamin iti, me kamaghin a dibori, Israeliian Atrivibar Eghaghaniba. Akinafarir kam uaghan Salum ko gumazir igharaziba me Atrivim Sekaraia misuehti an aremeghasa amizir arazibagh eghari.

¹⁶ Dughiar Menahem uan gumaziba ko, me Tirsan ategha Samaria bagha zuimin, me Tipsan nguubar ekiamin otifi. Ezi Tipsan gumaziba uan nguubamin aven mangasa Menahemin gumazibar amamangatizir puvati. Kamaghin amizi, Menahem midorozim foregha me uariv sogha, Menahem uan adarazi ko me bar pazavira, Tipsan nguubar ekiam gasighasiki. Egha me Tipsan nguubamin gumazamiziba ko nguubar dozir an boroghin itibar gumazamizibav misoghezi me ariaghire. Egha me amizir naviba adaiba inigha men navibagh iniva da ofrima, me ariaghiri.

Menahem Israeliian atrivimin oto

¹⁷ Usia 39plan azenibar Judan atrivimin itima, Gadin otarim Menahem Israeliian atrivimin oto. Egha a Samarian nguubar ekiamin ikia 10plan azenibar atrivimin

* 15:7: Aisaia 6:1 * 15:11-12: Ni 2 Atriviba 10:30in gan.

iti. ¹⁸ Egha an arazir kuraba Ikiavira Itir Godin damazimin dagh ami, mati Nebatin otarim Jeroboam, amizi mokin. Jeroboam fomira Israelia gekuizi, me arazir kuraba Ikiavira Itir Godin damazimin dagh ami. Ezi Menahem datirighin arazir kaba ataghizarir puvati, an adagh amuavira ikia ghuav areme. ¹⁹ Menahem atrivimin itir dughiamin, Tiklat Pileser, Asirian atrivimin ikia, egha iza Israelia ko misosi. Ezi Tiklat Pileserin ziar igharazim, Pul. Ezi Menahem 3,000,000 kina silva inigha, Tiklat Pileser givezasa a ganingi, egha a ua misoghan koghiva, egha Menahemin akuraghti, a Israeliyan kantrin atrivir gavgavimin ikiam. ²⁰ Menahem manmaghin dagiar kaba ini, a gumazir dagiar aviriba itiba vaghvagha me gaghorima, me 50 silvan dagiaba a ganingizi, ana da isa Atrivim Tiklat Pileser ganingi. Ezi Tiklat Pileser Israeliyan kantri ategha ghu.

²¹ Menahem amizir bizar igharazibar eghaghaniba bar, da akinafarir kamin iti, me kamaghin a dibori, Israeliyan Atrivibar Eghaghaniba. ²² Ezi Menahem uan inazir afeziabar min areme. Ezi an otarim Pekahia, an danganim inigha atrivimin oto.

Pekahia Israeliyan atrivimin oto

²³ Usia 50plan azenibar Judan atrivimin iti, ezi Menahemin otarim Pekahia, Israeliyan atrivimin oto. Egha Samarian nguibamin ikia azenir pumuningra atrivimin ike. ²⁴ An arazir kuraba Ikiavira Itir Godin damazimin dagh ami. Fomira Nebatin otarim Jeroboam Israelia gekuizi, me arazir kuraba Ikiavira Itir Godin damazimin dagh ami. Ezi Pekahia datirighin arazir kurar kabaram amua da ataghizarir puvati. ²⁵ Ezi Pekahia midorozir gumazibar garir gumazir mam, an ziam Peka, a Remalian otarim. A Gileatin Distrighin 50plan gumaziba ko, Pekahia misuehti an aremeghasa akam akiri. Dughiar kamin, Pekahia Samarian ikia uan atrivir dipenitmin aven itir danganir gavgavim itima, gumazir kaba danganir kamin aven ghua, a misoghezi, an areme. Egha me uaghan Argop ko Arie misoghezi, aning areme. Ezi Peka, Atrivim Pekahia danganim inigha atrivimin oto.

²⁶ Ezi Pekahia amizir bizar igharazibar eghaghaniba, akinafarir kamin iti, me kamaghin a dibori, Israeliyan Atrivibar Eghaghaniba.

Peka Israeliyan atrivimin oto

²⁷ Atrivim Usia 52plan azenibar Judan atrivimin iti, ezi Remalian otarim Peka, Israeliyan atrivimin oto. Egha a Samarian nguibar ekiamin ikia, 20plan azenibar

atrivimin iti. ²⁸ Egha an arazir kuraba Ikiavira Itir Godin damazimin dagh ami. Nebatin otarim Jeroboam fomira Israelia gekuizi, me Ikiavira Itir Godin damazimin arazir kurabagh ami. Ezi Peka uaghan arazir kabaram amua da ataghizir puvati.

²⁹ Peka Israeliyan atrivimin itir dughiamin, Asirian Atrivim, Tiklat Pileser iza, Israelia misogha, Ijonin nguibar ekiam, ko Abel Betmakan nguibar ekiam, Janoan nguibar ekiam, Kedesin nguibar ekiam, Hasorin nguibar ekiam, Gileatin Distrik, Galilin Distrik, ko Naptalin anabamin nguaziba bar ada ini. Egha a danganir kabar gumazamiziba inigha, Asirian kantrin ghua me isa kalabuziabar min ingangarir gumazamizir kinibar me ariki.[†]

³⁰ Ezi Usian otarim Jotam, a 20plan azenibar Judan atrivimin itima, Elan otarim, Hosia gumazir maba ko, Atrivim Peka misuehti, an aremeghasa tuavir mam bato. Egha gin Hosia, Peka misoghezi, an aremezi, Hosia uabi an danganim inigha Israeliyan atrivimin oto. ³¹ Ezi Atrivim Peka amizir bizar igharazibar eghaghaniba bar, da akinafarir kamin iti, me kamaghin a dibori, Israeliyan Atrivibar Eghaghaniba.

Jotam Judan atrivimin oto

(2 Eghaghaniba 27:1-9)

³² Ezi Remalian otarim Peka azenir pumuningin Israeliyan atrivimin itima, Usian otarim Jotam, a Judan atrivimin oto. ³³ A 25plan azeniba ikia, atrivimin otogha Jerusalemin ikia, 16plan azenibar atrivimin iti. An amebam Jerusa, a Sadokin guivim. ³⁴ Ezi Jotamin afeziam Usia amizi moghin, an arazir aghuiba Ikiavira Itir Godin damazimin dagh ami. ³⁵ Egha Jotam mighsiabar pin itir asebar ziaber fer danganibagh asighasighizir puvati. Kamaghin amizi, gumazamiziba danganir kabar ghuavira ikia, aseba bagha ofabagh amua, paurn mughuriar aghuim zuiba tue. Ezi Jotam mikemezi, me Ikiavira Itir Godin Dipenim avinizir Divazimin Tiar Akar Pin Itimin ingari.

³⁶ Ezi bizar igharazir Jotam amizibar eghaghaniba, da akinafarir kamin iti, me kamaghin a dibori, Judabar Atrivibar Eghaghaniba. ³⁷ Ezi Jotam atrivimin itir dughiamin, Ikiavira Itir God, Sirian Atrivim Resin ko Israeliyan Atrivim Peka, aningin midorozir gumaziba amangizi, me dughiar faragha zuimin, Judaba konasa ghue. ³⁸ Ezi Jotam uan inazir afeziabar min aremezi, me an kuam inigha Devitin Nguibar Ekiamin ghua, an inazir afeziabar mozibar boroghin anef. Ezi an otarim Ahas, an danganim inigha atrivimin oto.

[†] 15:29: Ni akinafarir kamin akirangin itir Akar Mingaribar gan. A Israeliyan kalabusin itir dughian migei.

16

*Ahas Judan atrivimin oto
(2 Eghaghaniba 28:1-27)*

1 Remalian otarim Peka 17plan azenibar Israeliyan atrivimin itima, Jotamin otarim, Ahas Judan atrivimin oto. **2** Egha Ahas 20plan azeniba ikia, atrivimin otogha, 16plan azenibar Jerusalemin atrivimin iti. An ovavim Devit arazir aghuibagh ami, ezi Ahas Ikiavira Itir God, an God, an an damazimin arazir aghuibagh amir puvati. **3** Puvati. A Israeliyan atriviba amizi moghin, puram arazir kuram gami. Egha uaghan a bar arazir igharazim gami. A uan ofarim misuegha, aseba bagha ofan bar isia mighirim min a tua. Egha a fomira nguazir kamin ikezir gumazamizibar arazir kurabar gin zui. Ezi Ikiavira Itir God bar men arazibar aghuaghha me batuegha, nguazir kam isa Israelia ganingi. **4** Ezi Ahas mighsiabar pin itir asebar ziaba fer danganibar zui. Danganir kaba, da uaghan mighsiar dozibagh isin ikia, temer ekiabar apengan iti. Egha an aseba bagha ofabagh amua, pauran mughuriar aghuim zuiba tue.

5 Dughiar kamin, Syrian Atrivim Resin, ko Israeliyan Atrivim Peka, a Remalian otarim, aning uan midorozir gumaziba inigha, Jerusalem konasa ghu. Egha me Jerusalemia ko misosi, me Atrivim Ahas ko an midorozir gumaziba dikabinasa amuava avenge. **6** Ezi dughiar kamin, Syrian Atrivim Resin, ua Elatin nguibam iniasa misosi. Egha a ua Elatin nguibam inigha, Judan Elatin aven itiba batoke. Egha a Idomia ataghizi, me ghua Elatin nguibamin iti. Egha an ikia iza datirikin.* **7** Ezi Atrivim Ahas gumazir maba amangizi, me Asirian Atrivim Tiklat Pilesen bagha ghua kamaghin a migei, "Ki Atrivim Ahas, ki nin ingangarir gumazim, egha ki nin borimin min iti. Datirighin Syrian atrivim ko Israeliyan atrivim na ko misosi. Kamaghin amizi, ni izi me misoghti, me e gasighasighan kogham." **8** Egha Ahas Ikiavira Itir Godin Dipenimin itir gol ko silvan dagiaba, ko atrivimin dipenimin itir dagiaba sara inigha Asirian atrivim givezegehti, a Judabar akurvaghosa da amada. **9** Ezi Atrivim Tiklat Pilesen, Ahasin akam baregha, uan midorozir gumaziba inigha ghua, Damaskusin nguibar ekiamin misogha a ini. Egha Tiklat Pilesen, Atrivim Resinin misoghezi, an areme. Egha Damaskusin gumazamiziba, kalabuziar gumazamizibar min me inigha, Kirin nguibar ekiamin ghu.

10 Ezi gin Atrivim Ahas, Asirian Atrivim Tiklat Pilesen ganasa Damaskusin ghu. A danganir kamin itir dughiamin, a Damaskusin itir asebar ziaba famin ofa gamir dakoziimin gani. Egha an nedazimin ingerigha, ofa gamir dakoziir kamin ingerir araziba osiri. Egha Jerusalemin Godin ofa gamir gumazim Uria bagha anemada, egha a mikemezi, a kamaghira ofa gamir dakoziir mamin ingari. **11** Ezi Uria akam baregha, kamaghira garir ofa gamir dakoziir Damaskusin itimin ingari. Ahas tighar ua Jerusalemin izamin dughiamin, Uria ofa gamir dakoziir kam gamigha gifa. **12** Ahas ua izezir dughiamin, a ghua ofa gamir dakoziimin gari. Egha ofa damuasa ofa gamir dakoziir ekiar kamin boroghin ghua adirizamin ghuavanabo. **13** Egha an ofan bar isia mighirim, ko wit tuer ofa, ko wain inger ofabagh ami. Egha asizir ghuzim inigha, God ko navir vamiran ikiamin ofa bagha, ghuzim isa ofa gamir dakoziimin a kavamadi.

14 Bar fomira iza dughiar kamin, ofa gamir dakoziir me fomira brasin ingerizim, a Ikiavira Itir Godin damazimin ikia an Dipenimin guamin tughav iti. Ezi Atrivim Ahas datirighin ofa gamir dakoziir kam, an danganimin a inigha, a gisivaghya notin amadaghon ofa gamir dakoziir igiar kamin miriamin anesara. Godin ofa gamir dakoziir kam, faragha ofa gamir dakoziir igiar kam ko Ikiavira Itir Godin Dipenimin tiar akamin, tizimin tughav ti. **15** Ezi Atrivim Ahas kamaghin Uria migei, "Ni zurara ofa damuamin dughiaba, ni ofa gamir dakoziir igiar kamra mangi. Ni mizarazibar ofan bar isia mighirabar amuva, garantizibar wit tuer ofabar amu. Egh ni atrivim bagh ofa damuva, egh uaghan gumazamiziba bar me bagh ofa bar amu. Kar ofan bar isia mighiriba ko wit tuer ofaba. Egh ni gumazamiziba bagh ofan igharazibar amu, kar wain inger ofaba. Egh ni asizibar ghuziba bar ada inigh ofa damu, egh da kavamangiti, da ofa gamir dakoziir igiar kamra iri. Ezi brasin ingerizir ofa gamir dakoziim, kar nan bizimra. Ki an ofabar amu egh Godin azangsighti, a na mikimti bizir ki damuasa nighniziba ki dar amuam." **16** Ezi Uria atrivimin akar kaba baregha zurara dar gin ghua, egha kamaghin ami.

17 Ezi gin Atrivim Ahas ingangarir gumazibav kemezi, me Ikiavira Itir Godin Dipenim avinizir divazimin aven ghuga, Solomonin ingangarir gumaziba fomira wilkarin brasin amizibar aghariba akaraghari. Egha uaghan itarir ekiar

16:3: Godin Araziba 12:31 **16:5:** Aisaia 7:1 * **16:6:** Migirigiar otevir kam, "datirikin," a datirighin e itir dughiar kam migeir puvati. A gumazir akinafarir kam osirizimin dughiam ghei. **16:14:** Ua Me Ini 27:1-2; 2 Eghaghaniba 4:1

wilkar gisin itiba ini. Egha me bulmakaun brasin tengin dipar ekiamin apengan itiba ini. Me gin dagjaba inigha tengin ekiar kam afasa dakozir igiamin ingari.[†] ¹⁸ Egha Ikiavira Itir Godin Dipenimin boroghira, bizar mam mati dipenir dozir mamin min iti, me Sabatin dughamian uari bagha aruemin fefem avasa an ingari. Egha me datirighin a girazi, gumaziba an guamin ganan kogham. Ezi me, tiar akar atrivim Godin Dipenimin aven zuim, me uaghan an itir kurkazir aghuim girazi, gumaziba ua kurkazir kamin ganan kogham. Atrivim Ahas Asirian atrivimin ifongiamin gin ghua, arazir kabagh ami.[‡]

¹⁹ Ezi Atrivim Ahas amizir bizar ighazaribar eghaghaniba bar, da akinafarir kamin iti, me kamaghin a dabori, Judabar Atrivibar Eghaghaniba. ²⁰ Ezi Ahas uan inazir afeziabar min aremezi, me an kuam inigha Devitin Nguibar Ekiamin ghua, a isa an inazir afeziabar mozibar boroghin anefa. Ezi an otarim Hesekia an danganim inigha atrivimin oto.

17

Hosia Israelian atrivimin oto

¹ Atrivim Ahas Judan atrivimin itima, an namba 12in azenimin aven, Elan otarim Hosia, a Israeli an atrivimin oto. Egha 9plan azenibar atrivimin ikia Samarian nguibar ekiamin iti. ² An arazir kuraba Ikiavira Itir Godin damazimin dagh ami. Egha a Israeli atrivir ighazarir an faragha zuiba amizi moghin, an arazir kurar bar aviribagh amizir puvati. ³ An atrivimin itir dughamian, Asirian Atrivim Salmaneser iza Israelia ko misosi. Egha Asirian midorozir gumaziba Israelia abira, ezi Hosia Salmaneser akar dikirizimin a gamua ghaze, an an apengan ikiva, egh zurara azenibar a takisin min dagjaba a danningam. ⁴ Egha azenir mamin, Hosia gumazir maba amangizi, me Isipin Atrivim So bagha ghuegha an azai, egh a Hosian akuraghram. Egha uaghan azenir kamin, Hosia azenibar zurara ami moghin, a Salmaneser bagha takisin min dagjaba amadir puvati. Kamaghin amizi, Salmaneser kamaghin fo, Hosia a gifaraghia uan akar dikirizim abiki. Kamaghin amizi, a uan midorozir gumaziba amangizi me ghua, Hosian suiraghia kalabus gati.

Asiriaba Samariabav sogha me abini

⁵ Dughiar Asirian Atrivim Salmaneser, Hosia kalabus gatizimin gin, Salmaneser uan midorozir gumaziba inigha ghua

Israeli an nguazimin aven arua bar me misosi. Meghua Samarian nguibar ekiamin otivigha, me korogha, 3plan azenibar me ko misosi. ⁶ Ezi namba 9in azenimin Hosia Israeli atrivimin itima, Asirian atrivim Samariaha dikabiragh, men nguibar ekiam in. Egha a Israelia inigha Asirian kantrin ghu. Egha marazi isa Halan nguibar ekiam gati, egha marazi isa Gosanin Distrighin aven itir, Haborin Fanemin boroghira me ariki. Ezi marazi Midian kantrin nguibabar iti.

⁷ Osimtzir Israelia bativir kaba, dar mingarim kamakin. Me Ikiavira Itir God, men Godin damazimin arazir kuram gami. Ikiavira Itir God fomira men inazir afeziaba Isipin atrivimin dasfarimin ua me ini. Ezi me bizar kam ginighnizir pu. Bar puvati. Israelia asebar ziaba fe, ⁸ egha me uan atirivibar arazir kurar me faragha amizibar gin zui. Egha me ikizir ighazarir fomira nguazir kamin ikezibar, arazir kurabar gin zui. Ezi Ikiavira Itir God ikizir kaba batuegha, nguazir kamin isa Israelia ganingi. ⁹ Ezi Israelia Ikiavira Itir God, men God akirim ragha a gasaraghha mogha, arazir kurar bar aviribagh ami. Kar, arazir Ikiavira Itir Godin damazimin derazir puvatiziba. Me mighsiabar pin itir asebar ziaba famin danganiba, uan nguibar ekiba ko nguibar doziba bar, dar boroghin, dar ingari. ¹⁰ Egha me mighsiabar oraziba ko temer ekiabar apebabar dughuazibar ghua, uari bagha dagjar guarir dighoriba itiba ko temer guarir aser amizim Aseran nedazim itiba saram asava, egha dar ziaba fe. ¹¹ Egha me danganir kabar ikia, asebar ziaba fer arazir ikizir ighazaribaz fomiram amizibagh ami, ikizir kaba, Ikiavira Itir God fomira nguazir kamin me batoke. Me pauran mughuriar aghuim zuiba tua, aseba bagha ofa gami. Ezi Israeli arazir kurar kaba Ikiavira Itir God gamima, an aningaghe. ¹² Fomira Ikiavira Itir God kamaghin me mikeme, “Ia asebar marvir guabar ziaba fan marki.” Ezi me an akam baraghan aghuaghha marvir guar kabar ziaba fe.

¹³ Ezi Ikiavira Itir God uan akam inigha izir gumaziba amangizi, me vaghvaghia Israel ko Judan ghuegha, kamaghin Akar Gavgavim me ganiga ghaze, “Ia nighnizibagh iragh, egh ia uan arazir kuraba ategh nan Akar Gavgaviba, ko arazir ki ifongezibar gin mangi. Arazir kaba, ki ian inazir afeziabagh aningi. Ki akar kaba isa, uan ingangarir gumazibar akabagh atizi, me ia mikeme, kar nan akam inigha izir gumaziba.” ¹⁴ Ezi

[†] **16:17:** Hibrun akam deraghakar kamin mingarim abighizir puvati. [‡] **16:18:** Ahas uan ingangarir kabar amusa, brasin kaba ini. Solomon fomira Godin Dipenim bagha bizar kabar ingari. Ni 1 Atriviba 7:23-39in gan. **16:20:** Aisaia 14:28 **17:10:** 1 Atriviba 14:23

Israelian dapaniba gavgavigha Godin akam barazir puvati, egha an akam batuegha uan inazir afeziabar arazibar gin zui. Inazir afeziar kaba, me nighnizir gavgavim Ikiavira Itir Godin ikian aghua, a men God. ¹⁵ Israelia akirim ragha arazir God ifongezibagh asava, Akar Dikirizir Gavgavir a men inazir afeziabia ko amizim, ko an ikiangsizir a me ganingiziba, me bar dar aghua. Me akaba batogha, egha ghua asebar ziaba fe. Aser kaba guizbangin godba puvati. Ezi Israeliel gumazamiziba bizar ifavarir kinir kabar ziaba fe, me uari pura bizar ifavarir kinibar min otifi. Fomira Ikiavira Itir God me mikeme, me men boroghira itir ikihibar arazibar gin mangan marki, ezi Israelia an akam batuegha, arazir kabar gin zui. ¹⁶ Egha me Ikiavira Itir God, men Godin Akar Gavgaviba bar da batuegha da abiki. Egha me gol inigha bulmakaun apurir pumuningin marvir guamningin ingarigha, aningin ziamming fe. Egha me aser amizim Aseran marvir guamin ingarigha an ziam fe. Egha uaghan, overiamin itir mikoveziba bar dar ziaba fava, egha asem Balin ziam fe. ¹⁷ Egha me uan otariba ko guivibav sogha, avimin aven me tua aser kabar ofa gami. Egha me ganganir gumazibar ko gumazamizir aremezibar duuba ko migeiba bagha ghua, egha uarin akurvaghosa men azai. Egha me imezibagh amir arazibagh ami. Israelia ti nighnizir vamira iti, a kamakin, me Ikiavira Itir Godin damazimin arazir kuram damuvira ikiwasava ami. Ezi Ikiavira Itir God men arazir kurar kamin ganigha puvira men atari. ¹⁸ Ikiavira Itir God bar Israeliel aningaghegha, men guabar ganan aghua. Kamaghin amizi, a men nguazimin me batoghezi, me ghua saghon itir kantrin ghu. Ezi Judan anabamin gumazamiziba uan nguazimin ikiavira iti.

¹⁹ Egha Judaba, me uaghan Ikiavira Itir God, men God, an Akar Gavgavibar gin zuir puvati. Israelia gin ghuezir arazir kurar kabara, Judan gumazamiziba uaghan dar gin zui. ²⁰ Ezi Ikiavira Itir God akirim ragha bar Israeliel gasara. Egha a puv me gamua, egha apaniba amangizi me iza me gasighasiki. Israelia arazir kuraba ataghizir puvati, ezi Ikiavira Itir God men aghuaghha, me batoghezi me an damazimin saghon ghue.

²¹ Fomira Israeliel ko Judaba uari inigha Atrivim Devitin adarazir apengan iti. Egha gin Ikiavira Itir God Israeliel gamizi, me Judan adarazi ko uari abiki. Egha Israeliel adarazi dikavigha Nebatin otarim Jeroboam amisevezi, a men atrivimin oto. Egha Jeroboam me gammima, me Ikiavira

Itir God ategha, arazir kurar avirir bar ekiabagh ami. ²² Egha gin Israeliel uaghan, Jeroboam amizi moghin, arazir kurar bar igharazibagh ami. Me arazir kaba ataghizir puvati. Bar puvati. ²³ Ezi gin Ikiavira Itir God bar men aghua, egha me batoghezi me uan kantrin saghon ghue. Ikiavira Itir Godin arazir kamin mingarim makamkin, God dughiar aviriba ikiangsizir akaba isa Israeliel bagha uan akam inigha izir gumazibagh aningi. Kar an ingangarir gumaziba, ezi me arua Israeliel migiavira iti, ezi me me baraghan aghua. Kamaghin amizi, Asiriaba iza Israeliel misogha me abiragha, me inigha uan kantrin ghue, ezi me kantrin kamin ikiavira iti.*

Ikizir igharazibar gumazamiziba Israeliel nguazim gapia

²⁴ Asirian atrivim ghua, Babilonin nguubar ekiamin gumazamiziba, ko Kutan nguubar ekiam, Ivan nguubar ekiam, ko Hamatin nguubar ekiam, ko Sefarvaimin nguubar ekiamin gumazamiziba, a bar me inigha Samarian nguubar ekiabar ghuegha, Israeliel nguubar ekiabar me ariki. Ezi gumazamizir kaba bar Israeliel nguazim gapia.

²⁵ Egha me iza kagh apiagha Ikiavira Itir Godin ziam fer puvati. Kamaghin amizi, Ikiavira Itir God laionba amangizi, da iza men maraziv suaghariki.

²⁶ Ezi gumazir maba ghua kamaghin Asirian atrivim migei, “Gumazamizir ni inigha ghua Samarian nguibabagh arighiziba, me nguazir kamin asebar arazibagh fozir puvati. Kamaghin amizi, aser kam laionba amangizi da iza gumazamizibav sozi me ariaghiri.”

²⁷ Atrivim akar kam baregha uan gumazir dapanir mam migia ghaze, “Ni mangi Israeliel ofa gamir gumazir e inigha kagh izezir kabar tam inigh izi. Egh uam anemadaghti, a Samarian kantrin mangi iki, egh nguazir kamin asebar arazibar gumazamizibar sure damu.” ²⁸ Ezi me Israeliel ofa gamir gumazir mam inigha, ua Samarian anemada, ezi a ghua Betelin nguibamin ikiava, Ikiavira Itir Godin ziam fer arazibar gumazamizir kabar sure gami.

²⁹ Ezi ikizir kabar gumazamiziba me uan arazibar gin ghuavira ikia, egha uari bagha asebar marvir guabar ingari. Egha me marvir guar kaba isa, Israeliel formira asebar ziaba fasa mighsiabar pin itir danganir ingarizir kabagh ariki. Egha ikizir vaghavaziba uari bagha marvir guabar ingara da isu nguivar me itibagh arisi. ³⁰ Babilonin ikegha izezir gumazamiziba, uari bagha

* ^{17:23:} Migirigar otevir kam, “ikiavira iti,” a edatirighin itir dughiam migeir puvati. A gumazir akinafarir kam osirizimin dughiam migei.

asem Sukotbenotin marvir guamin ingari, ezi Kutan gumazamiziba, asem Nergalin marvir guamin ingari, ezi Hamatia uari bagha asem Asiman, marvir guamin ingari, ³¹ ezi Ivan gumazamiziba asem Niphasin marvir guam ko asem Tartakin marvir guamin ingari. Ezi Sefarvaimia me uan boribav sogha da tua, ofan min asemning Adramelek ko Anamelek ganidi. ³² Egha gumazamizir kaba uaghan Ikiavira Itir Godin ziam fe. Me uari uan adarazir gumazir maba misevima, me Ikiavira Itir Godin ofa gamir gumazibar otifi. Godin ofa gamir gumazir kaba me asebar ziam fer danganir mighsiabar itibar ikia, egha gumazamizir asizir me ofa bagha isa izibar ofa gami. ³³ Egha arazir kamin me Ikiavira Itir Godin ziam fa, egha uaghan me uan nguibamin amir arazimin gin ghuua uan asebar ziaba fe.

³⁴ Egha datirighin uaghan gumazamizir kaba arazir kamin gin ghuavira iti. Me guizbangira Ikiavira Itir Godin ziam fer puvati, egha me arazir God ifongeziba ko, bizar a damuasa me mikemeziba ko, Araziba ko, Akar Gavgaviba, me dar gin zuir puvati, kar a Jekopin ovavir boribagh aningizir araziba. Jekop a gumazir kam, God ziar igharazir kam Israel a ganangi. ³⁵ Ikiavira Itir God fomira Israelia ko akar dikirizir mam gami, egha mighigha kamaghin me migia ghaze, "Ia asebar ziaba fan marki. Ia men apengan ikian marki, egh me bagh teviba apiran marki. Egh me bagh ofabar amuan marki. Bar marki. ³⁶ Ia nan ziamra fi, ki Ikiavira Itir God, egh nan apengan iki. Nan gavgavir ekiamin, ki Isipin ia inigha ize. Kamaghin amizi, ia na bagh teviba apiriva, na baghvira ofabar amu. ³⁷ Ia arazir ki ifongeziba, ko bizar ki damuasa ia mikemeziba, ko nan Araziba bar, ko nan Akar Gavgavir ki ia bagha osirigha ia ganingiziba, ia bar dar gin mangi. Ia asebar ziaba fan marki. ³⁸ Ia Akar Dikirizir Gavgavir ki ia koma amizir kam, gin amangam marki. Egha ia mangi asebar ziaba fan marki. ³⁹ Puvati. Ia nan ziamra fi, ki Ikiavira Itir God, ian God. Egh ia nan apengara iki. Ia kamaghin damuti, ki ian akuraghti apaniba ia abinan kogham." ⁴⁰ Ezi gumazamizir kaba an akam barazir puvatigha, uan arazir me fomira amizibar gin ghuavira iti.

⁴¹ Ikitir igharazibar gumazamizir iza Samarian itir kaba, me Ikiavira Itir Godin ziam fa, egha uaghan uan asebar ziaba fe. Ezi datirighin men ovavir boriba uaghan, men arazir kabara gin ghuavira iti.[†]

Judan kantri ghuaghira ghua bar ikuvigha givazir

17:34: Genes 32:28; 35:10 17:36: Godin Araziba 6:13

41 in iti, an e itir dughiar kam migeir puvati. A gumazir akinafarir kam osirizimin dughiam migei. ^{18:4:} Diboboniba 21:9

dughiamin eghaghanim

18

(Sapta 18–25)

Hesekia Judan atrivimin oto
(2 Eghaghaniba 29:1-2; 31:1)

¹ Elan otarim Hosia, an namba 3in azenimin, a Israelian atrivimin itima, Ahasin otarim Hesekia, Judan atrivimin oto.

² Hesekia azenir 25pla ikia, egha atrivimin oto, egha 29plan azenibar Jerusalemin atrivimin iti. An amebam Abiya, Sekaraian guivim. ³ Hesekia Ikiavira Itir Godin damazimin arazir aghuibagh ami, mati an ovavim Atrivim Devit amizi mokin. ⁴ Egha Hesekia mighsiabar pin itir asebar ziaba fer danganibagh asighasigha, dagiar guarir akiniba apirigha temer guarir aser amizim Aseran nedazim itim okaghariki. Hesekia garima, Moses fomira ingarizir kuruzir brasin kam, me a dibora ghaze, "Nehustan," egha gumazamiziba pauran mughuriar aghium zuiba tua, kuruzir kamin ziam fe. Kamaghin amizi, Hesekia datirighin kuruzir brasin kam inigha anebiaghari.

⁵ Hesekia nighnizir bar gavgavim Ikiavira Itir Godin iti, a Israelian God. Judan atrivir igharazir tam, Hesekian min nighnizir gavgavim Godin itir puvati. An nighnizir gavgavim, atrivir faragh ikeziba ko an gin otivizir atriviba, bar men nighnizir gavgavibagh afira. ⁶ A bar Ikiavira Itir Godin porogha a baghvira iti, egha zurara Ikiavira Itir God ataghirazir pu. Bar puvati. A deraghavira Ikiavira Itir Godin Akar Gavgavir, a Moses ganingiziba gin zui.

⁷ Kamaghin amizi, Ikiavira Itir God Hesekia ko ikia egha an akurvazima, an amir biziba bar deraghaviram otifi. Asirian atrivim Judabagh ativagh men ganan Hesekia bar aghua, egha ua a atrivir kamin apengen itir puvati. ⁸ Egha Hesekia uaghan uan midorozir gumaziba ko Filistian kantrin ghuegha, egha Filistian kantrin ekiana ko nguibar doziba sara misosi. Egha me Filistiaba abiraghha ghuua, Gasan nguibar ekiam ko nguibar an boroghira itibar tu.

⁹ Hesekia azenir 4plan, Judan atrivimin itima, dughiar kamin Elan otarim Hosia, an namba 7in azenimin a Israelian atrivimin iti. Egha azenir kamin, Asirian Atrivim Salmaneser uan midorozir gumaziba ko iza Israelia ko misosi. Me Samarian nguibar ekiam iniasha anevinigha misosi. ¹⁰ Me nguibar ekiam korogha ghuua, namba 3in azenim otozi, me Samaria dikabiragh a ini. Kar namba 6in azenim Hesekia atrivimin iti, ezi namba 9in azenimin Hosia atrivimin

[†] 17:41: Migirigiar otevir kam "datirikin," a ves 34 ko ves

18:4: Diboboniba

iti. ¹¹ Ezi Asirian atrivim Israelia inigha Asirian kantrin ghu. Egha marazi isa Halan nguibar ekiam gati, egha marazi isa Gosanin Distrighin aven itir, Haborin Fanemin boroghira me ariki. Ezi marazi Midian kantrin nguibabar iti.

¹² Osimtzir Israelia bativir kaba, dar mingarim kamakin. Me Ikiavira Itir God, men God, me an akam batosi, egha a me ko amizir Akar Dikirizir Gavgavir kam abigha, Ikiavira Itir Godin ingangarir gumazim Moses, me ganingizir Akar Gavgavir barazir puvatigha, an arazibar gin zuir puvati.

Asirian midorozir gumaziba Jerusalemin nguibar ekiam iniasav amua misosi

(Eghaghaniba 32:1-19; Aisaia 36:1-22)

¹³ Hesekia 14plan azenibar atrivimin itima, ezi Asirian Atrivim Senakerip uan midorozir gumaziba ko iza Judaba ko misogha me abiragh, men nguibar divazir gavgaviba aviniziba bar da ini. Egha me Jerusalem inizir puvati. ¹⁴ Atrivim Senakerip Lakisin nguibamin iti, ezi Hesekia kamaghin a bagha akam amada, "Ki ni akam batuegha, datirighin osimtzim iti. Ezi ki kamaghsua, ni na ko misoghan marki. Egh nan kantri ateghti, ki kamaghin damuam, ni bizir manam bagh azangsighti, ki ni daningam." Ezi Senakerip 10,000 kilogrem silva ko 1,000 kilogrem gol uabi daningasa Hesekia migei. ¹⁵ Kamaghin amizi, Hesekia Ikiavira Itir Godin Dipenimin itir silvan dagiaba ko atrivimin dagiaba itir danganimin dagiaba inigha, Senakerip bagha bar da amada. ¹⁶ Egha Hesekia Ikiavira Itir Godin Dipenimin tiar akabar itir golba ko guarir akinir tiar akabar miriamin itimningin golba bar da adangi. A uabi faragha ingangarir gumazibav kemezi, me golin kaba tiar akar kaba avava, egha guarir akinimning sara nomke. Egha datirighin a golin kaba inigha Atrivim Senakerip bagha da amangi. ¹⁷ Ezi Asirian atrivim gol ko silvan kaba inigha, uan midorozir gumazibar dapanir ekiar 3pla, ko midorozir gumazir bizar dafam amadazi, me Lakis ategha, Atrivim Hesekia bagha Jerusalemin zui. Me ghua Jerusalemin oto. Dughiar kamin, danganir mam iti, Mozir Dipar Pin Itimin daghurim, dipam an ghuaghira Jerusalemin oto. Daghurir kam, a tuavir ekiar ghua iniba ruer danganimin boroghin oto. Asiriaba otivigha danganir kamin tuivighav iti.

¹⁸ Ezi Asirian gumaziba Atrivim Hesekia bagha akam amaga ghaze, a izi. Ezi a uan fofozir gumazibar dapanir 3pla amangizi, me Asirian gumazir kaba bativasa ghue. Kar, Hilkian otarim Eliakim, an atrivimin

dipenimin garir gumazim, ko Sepna, atrivimin akiñafariba osir gumazim, ko Asapin otarim Joa, an atrivim amir bizibar eghaghaniba, bar ada osir gumazim, me zui. ¹⁹ Egha gumazir dapanir 3plan kaba, Asiriaba bativizi, Asirian midorozir gumazibar dapanir ekiabar mav, akar gavginim me migia ghaze, "Ia mangi, Asirian atrivir ekiamin akar gavgavir kamin gun Hesekia mikemegh. A kamaghin migei, Hesekia, ni gavgavir manam ikia, egha nan apengen ikan aghua? ²⁰ Migirigar kiniba ti midorozimin gavgavim gafraz, o? Bar puvati! Ni nan akaba barazir puvati. Egha ni ghaze, tina izi nin akuragh! Ezi ni na baraghan aghua. ²¹ Ki fo, kantri Isip nin akuragh misoghasa ni a bagha gara mizua iti. Egha ki ni migei, Isip mati abuar misiam dipiriaghira gifa. Egh ni a inigh fidizimin min an suiragh daruti, an ruaghatevim nin agharim mitigham. Isipin atrivimin arazim, abuar misiar kamin mirara ghu. Kamaghin amizi, misoghamin dughamian a izi nin akuraghan kogham. ²² Egh ni ti kamaghin mikimam, ia Israelia nighnizir gavgavim Ikiavira Itir Godin iti, a ian God, a ian akuragh. Ezi ki ghaze, bar puvatigham. E fo, Hesekia, ni uabi ghua mighisabar pin itir danganir an ziam feba ko, an ofa gamir dakozir pura tintinibar itiba bar dagh asighasiki. Egha ni Judaba ko Jerusalemia migia ghaze, me Jerusalemla izi ofa gamir dakozir vamiran Godin ziam fam."

²³ "Hesekia, ni izi nan gumazir ekiam Asirian atrivim ko akam akirigh. Ni ti 2,000plan midorozir gumazir gavgavibar apighthi, nan atrivim 2,000plan hoziaba ni danichti, me dar apiagh misogham. Ki fo, ni uabi gumazir kamaghin garitaba itir puvati. ²⁴ Egha ni kamaghin nighnisi, Isipian midorozir gumaziba uan hoziaba ko karisba sara izi nin akuragh misogham. Bar puvatigham, me izan kogham. Ni en midorozir gumazibar tongin gumazir dapanir ziaba puvatizitam abinamin gavgaviba puvatigham. ²⁵ Ni ti ghaze, ki uabi uan nighnizimin iza nin kantri ko misogha a gasighasisi, a? Bar puvati. Ikiavira Itir God uabi na mikemezi, ki iza kantrin kam gasighasisi."

²⁶ Eliakim ko Sepna ko Joa akar kam baregha, me Asirian midorozir gumazibar dapanir kam migia ghaze, "Ni Aramin akamin e mikim, e a gif. Ni Hibrun akam mikimam marki. Puvatighti, gumazir nguibar ekiamin divazir gavgavir mitiam gisín mitivighav itiba nin akam baregham."

²⁷ Ezi Asirian atrivimin gumazir dapanir kam kamaghin a ikaragha ghaze, "Nan atrivim akar kam ia ko ian atrivimra,

mikimasa na amadazir puvati. Puvati. Gu-mazir divazim gisin tuivighav itiba, me uaghan akar kam baraghām. Guizbangira, midorozim otoghti, e Jerusalem koroghti, dughiar kuram bar ia batogham. Eghī ia gumazir divazim gisin tuivighav itiba, ia bar dagheba puvatighiva, uan buaribar amiva, uan misizir pabar amam."

²⁸ Egha Asirian midorozir gumazibar dapanir kam, divazim gisin apiaghav itir gumazibar gara kamaghin pamtemin Hibrun akamin men dia me migei, "Ia deraghvira Asirian atrivir ekiamin akam baragh! ²⁹ Atrivim kamaghin migei, Ia Hesekia baraghti, a ia gifaran marki. Hesekia ian akuraghti ia deragh ikan kogham. ³⁰ Ia Hesekian apezeperin akaba baraghan marki, egh ia nighnizir gavgavim Hesekian akamin iki egh suam, Ikiavira Itir God ian akuraghti, e Asiriaba ia abinigh Jerusalemin nguibar ekiam inighan kogham. ³¹ Ia Hesekian akam baragh ua na ko misoghi nighnighan marki. Ia deravira dapiagh iki, egh ia uan mozir paba tu dar amiva, wainin ikarizibar ovizibar ami. Ia uan azeniabar itir temer fighin oviziba uan azeniabar da inisi, ia na ko akam akrigh na ateghtima, ki ian nguibar ekiam iniam. ³² Eghī ia deraghvira iki mangiti, ki ia inigh mangi kantrin ighazariz ian kantrin mirara garimin ia atigham. Kantrin kam wainin azenir aviriba iti. Egha a bret damuamin witin azenir aviriba iti. Egha uaghan olivin temeba ko haniba iti. Hesekia ia gifaragha ghaze, Ikiavira Itir God, ian akuragh Asiriaba dikabiraghām!"

³³ "Ia Hesekia ateghtima a ia gifaran marki. Ia ti ghaze, kantrin ighazaribar aseba men akurvasi, ezi me Asiriaba e misogha e abira, a? Bar puvati. ³⁴ E ghua Hamatin nguibar ekiam ko Arpatin nguibar ekiam, Sefarvaim, Hena, Ivan ko misozima, men aseba managh ikia, men akurazir puvati? Egha e ghua Samaria ko misozima, Samarian aseba men akuragha e dikabiraz, o? Bar puvati. ³⁵ Kantrin kaba me aser aviraviriba iti, ezi e me ko misosi. Ezi men aseba men akurazi, me e misogha e abirazir puvati. O Jerusalemia, ia manmaghsua nighnigha ghaze, Ikiavira Itir God ian akuraghti, e ia misogh ia abiraghan kogham? Bar puvatighaml!"

³⁶ Asirian gumazir dapanir kam me mikemeha givazi, gumazir divazir gavgavim apaghav itiba oregha fo, faraghavira Atrivim Hesekia Asiriabar akam ikarvagh bizitam mikiman men anogoroke. Kamaghin amizi, me uan akabar kumigha an migirigiatam ikarazir puvati. ³⁷ Ezi Asirian gumazir dapanir kamin migirigia, Eliakim, Sepna, ko Joa gamizi men naviba bar oseme. Ezi me

uan korotiaba abiaghārigha, ghua gumazir kamin migirigia bar dar gun Hesekia migei.

19

Hesekia uan osimtizbar gun Godin akam inigha izir gumazim Aisaia migei (Aisaia 37:1-7)

¹ Ezi Judan Atrivim Hesekia Asirian atrivimin gumazir dapanimin akam baregha, uan korotiaba abiaghārigha buaber korotiaba aghuigha, Ikiavira Itir Godin Dipenimin ghu. ² Egha atrivimin dipenimin garir gumazim Eliakim ko, atrivimin akinafariba osirir gumazim Sepna, ko ofa gamir gumazir għuribar diazi me izi. Ezi a me amangizi, me Emosin otarim, Aisian ganasa zui. Ezi gumazir kaba, buaber korotiaba aghuigha zui. ³ Me għuava otivigha kamaghin Aisaia migei, "Atrivim Hesekia ghaze, Kar osimtizir ekiaba ko aghumsiziba otivir dugħiam. Asiriaba dibovir migirigar aviribar e gami. E amizir navim asangizim min ami, a borim batam dugħiam otozi, an a batamin gavgaviba puvati. ⁴ Asirian atrivim uan abuir gumazim amadazi, a izi dibovir akabar en Godin Zurara Ikiavira Itim mikeme. E fo, Ikiavira Itir God, an dibovir akaba baregha gifa, eghī a gumazamizid dibovir akar kabagh amiziba, iż-żejjur kuram isi me daningam. Kamaghin amizi, ni en akuragh God ko mikimti, e ikiavira itir varazira a en akuraghti, e ovengħan kogham."

⁵ Ezi Aisaia, Hesekian akam baregha, ⁶ kamaghin gumazir an akam inigha izezir kabav gei, "Ia uamategħ atrivim bagħ mangi Ikiavira Itir Godin akamin gun a mikemegħ. Ikiavira Itir God ghaze, Ni akar a nan tiragħtiraz iġi kam mighiġi, a ġinġiġnigh atiatingan marki. A pura Asirian atrivimin ingangarir gumazir kinim, a migirigar kam gami. ⁷ Ia oragh. Ki uan Duamin gavgavim, Asirian atrivim damiġi an okam nighnigham. A migirigar kinim baregh pura uamategħ ari uan kantrin mangħiġam. An Asirian kantrin ikivira ikiti, ki gumazitarbar amighti, me a misuegti an aremegħam."

Asirian midorozir gumaziba ua Jerusalem gasighasighasa migei (Aisaia 37:8-20)

⁸ Ezi Asirian abuir gumazim kamaghin oraki, Atrivim Senakerip Lakisın nguibam ataki. Ezi abuir gumazir kam dikavigha Jerusalem ategħha ghua Libnan nguibamin otogħha garima, an atrivim Lipnan nguibamin ikia Lipnabav sosi. Ezi a għuava atrivim bato. ⁹ Asiriaba misogħa itima, gumazir maba iza Atrivim Senakerip

migia ghaze, "Itiopian Atrivim Tirhaka uan midorozir gumaziba ko iza ni ko misoghasa." Ezi Senakerip Jerusaleminiasa nighnisi, kamaghin amizi, an akinafarir mam osirizi, an abuir gumaziba a inigha Hesekia bagha ghu.¹⁰ Senakerip kamaghin akinafarim osiri, "Hesekia, ki fo, Godin ni nighnizir gavgavim itim, a ni migia ghaze, ki misogh ia abinigh Jerusalem inighan kogham. A ni gifari. Ni bar an akam baraghan marki.¹¹ E Asirian atriviba, ni uabi en arazibagh fo, e kantrin igharazibar atriviba ko misogha bar me gasighasisi. Egha ni ti ghaze, ki nin kantri kamaghin a damighan kogham? Puvati, ia guizbangira e gitaghan kogham.¹² Nan inazir afeziaba fomira, Gosenin nguibam ko Haranin nguibam, Resepin nguibam, ko Idenin gumazamizir Telasarin nguibamin itiba, me nguibar kabagh asighasiki. Men aseba men akurazir puvati, ezi me deragha ikezir puvati.¹³ Ezi nguibar kaba, Hamat, Arpat, Sefarvaim, Hena, ko Iva, men atriviba datirighin managh iti? Me itir puvati. E bar me misoaghaghiz me ariaghire."

¹⁴ Ezi Atrivim Hesekia akinafarir kam, abuir gumazir a inigha izeziba dama an suiragh a ganigha, a inigha Ikiavira Itir Godin Dipenimin ghu. Egha Ikiavira Itir Godin damazimin an onegha aneti.¹⁵ Egha Hesekia kamaghin Ikiavira Itir God ko migei, "O Ikiavira Itir Godin Gavgaviba Bar Itim, ni Israeli God, ni enselin bar gavgavibagh afiragh bar pin uan atrivir dabirabim gaperaghavit. Ezi nin gavgavim enselin bar gavgavibar gavgavim gafira. Nirara, ni guizbangira God, ni nguazir kamin kantribar gumazamiziba bar me gativagha men gari. Nirara, overiam ko nguazimin ingari.¹⁶ O Ikiavira Itir God, ni deragh kuarim atigh nan migirigia baregh, deravira bizir kurar e bativizir kabar gan. Ni Godin Angamira Itim. Ezi Senakerip ni dipova mikemezir akar kaba, ni deragh da baregh dar gan.¹⁷ O Ikiavira Itir God, e kamaghin fogha gif, Asirian atriviba kantriba bar dagh asighasigha men nguaziba saram asighasiki.¹⁸ Egha atrivir kaba, kantrin kabar marvir guaba sarama asighasigha da isa avimin da tue. Men marvir guar kaba, da guizin godba puvati, me temeba ko dagiaba isa uan dafaribar dar kiri. Kamaghin amizi, Asiriaba bar moghira dagh asighasigha, dagh apongezi da isi.¹⁹ O Ikiavira Itir God, ni en God, ni datirighin en akuragh, Senakeripin dafarimin uam en inigh. Eighti nguazir kamin kantribar gumazamiziba bar kamaghin ganigh fogh suam, nirara ni Ikiavira Itir God."

*Aisaia Godin akam isa atrivim ganidi
(Aisaia 37:21-38)*

²⁰ Ezi Emosin otarim Aisaia, Hesekia bagha kamaghin akam amada, "Ikiavira Itir God, a Israeli God, a ghaze, 'Ni Asirian Atrivim Senakeripin dafarimin, ua uari ini-asa nan azangsiki.'²¹ Kamaghin amizi, Ikiavira Itir God datirighin Asirian Atrivim Senakerip ginighnigha akar kam gami. A kamaghin migei:

"Saionin nguibar ekiam, a mati amizir igiar bar dirim,
a ni dipova aghumsizir akabar ni migei.
Jerusalem nin girakirangin, ni dipova uan dapanim roi.

²² Ni uabira uan ziam fa, egha ni timara akar kuraba ko dibovibar a gami?
Ni tinara pamtemin tiraghtirazir akabar a migei?
Ni tinara dikabinasa arazir kabagh ami?
Kirara, ki Israeli Godin Bar Zuezim, ni bizar kabar na gami!

²³ Ni uan ingangarir gumazir dapanibav ke-mezi,
me nin ziam fa nan ziamin tira.
Ezi ki men akatoribar migirigiar kaba baraki.

Ki fo, ni kamaghin migia ghaze, ni uan karisin aviriba inigha Lebanonin Mighsiabar orazibar ghuavanaga, egha bar Lebanonin ruarir bar pizimin aven ghua, danganir gumaziba aven zuir puvatizimi, ni temer sidan bar ruariba ko temer painin bar aghuiba oke.

²⁴ Egha ni pura tintinibar aruir dughiabar, ni damamin dipatam gasazir puvati. Dipaba bar dakezir dughiamin, ni kuizir mozir dipaba, da bar moghira izefe, ezi nin adarazi da api.

Egh ni mangi Isipin faner ekiabar aruti, niin sueba dipar kabar amuti da misingam.

²⁵ "Senakerip, ni kamaghin fozir puvati, ki fomira bizir kabar amuasa ni amisefe.

Ki nguibar gavgavir divazir gavgaviba itiba, ki dagh asighasigha, gavgavim ni ganangi.

Ezi ni nan nighnizimra gin ghua nguibar kaba akaraghaghaghiz da iregha, mati me dagiaba pozibav kinizi, da iti.

²⁶ Ezi gumazamizir nguibar kabar itiba bar atiatingi.

Me okam nighnigha men gavgaviba bar moghira gefe.

- Me mati, aruer dughiamin, aminir fe-fem iza grazibar isi da midii moghin misigha iti.
- Aminir fefer kam aruem anadir naghin ikegha izi,
grazir dipenir siriabar aghuiba ko grazir tintimin aghuiba isizi, da deragha aghuir puvati.
- ²⁷ “Ezi ki bar moghira ni gifo, nin dabirabir araziba ko, digavir araziba ko, iza zuir araziba, ki bar dagh fo.
- Egha nin aningagharir nan itim, ki uaghan bar a gifo.
- ²⁸ Nin aningagharir akar nan itiba ko, ni uabira uabi feir arazim, ki bar dagh fo.
- Ezi ki datirighin akezim isi nin atinim darugh, egh ainin otevir me hosis akam gazuim, isi nin akam darugham.
- Egh ni amikirigh tuavir ni uan nguibamin ikegha izezim, uam an mangigham.”
- ²⁹ Ezi Aisaia akar ababanir mam isa Hesekia ganiga, kamaghin migei, “Ia kamaghin ganigh fogham, azenir kam ko azenir gin izamimin, ia dagheba oparan kogham. Ia azenir kamin witin pura uari azenibar otiviba ini dar ami, egh mangi azenir pumuningin, ia azenir faragha ghuzimin dagher ovizir iregha aghuiba, ia dar ami, egh namba 3in azenimin, ia ua ingariva opar dami. Egh ia uaghan wainin ovizibar amisi, wainin ikariziba opariva, dar ovizibar amam.” ³⁰ Eghit Judan anabamin gumazamizir ikiavira itir varazira, me witin azenim puvira be moghin, borir aviriba batir bar avirasmegham. ³¹ Eghit apaniba Jerusalemin gumazamiziba bar me gasighasighan kogham, men tarazi ikivira ikiam. Gumazamizir ikiavira itir varazira iki Saionin Mighsiamin mitivighvira ikiam. Ikiavira Itir Godin Gavgaviba Bar Itim, a bizar kabar amuti da otivighirasa nighnizir gavgavim iti.
- ³² “Egha Ikiavira Itir God ua kamaghin migei,
‘Asiriabar atrivim uan midorozir gu-maziba ko, Jerusalemin aven izan kogham.
- Egh me uan baritamin aseghti, a nguibar ekiar kamin aven izeghan kogham.
Egh midorozir gu-maziba misoghs, oratam inigh nguibar kamin aven izeghan kogham.
- Egh me tugh misoghs, nguibar ekiamin divazir miriamin nguazim arichti, a ghuavanaboghan kogham.
Bar puvatigham.
- ³³ Ki Asiriabar atrivim uam a purighti, a izezir tuavim uam an mangam. Kamaghin amizi, a Jerusalemin aven izeghan kogham.
- Ki Ikiavira Itir God, ki kamaghin mikeme.
- ³⁴ Ki uan ingangarir gumazim Devit, a ko dikirizir akam ko, uan ziar ekiam ginighnigh, egh bizir kamning bangin, ki nguibar ekiar kamin ganiva an akurvaghram.”
- ³⁵ Egha dimagarir kamra, Ikiavira Itir Godin enselin mam dikavigha ghua, Asiriabar midorozir gumaziba itir danganimin, men 185,000plan midorozir gumazibav soghezi, me ariaghire. Ezi aminim tirazi bar mizaraghara, gumazamiziba dikavigha midorozir gumazir kabar kuabar gari.
- ³⁶ Ezi Senakerip midorozir gumazir ikiavira itiba ko, dikavigha uamategha Asirian kantrin ghuegha, Niniven nguibar ekiamin iti. ³⁷ Egha a dughiar mamin uan asem Nisrokin dipenimin ghugha an ziam fe. Ezi an otarimung, aningin ziamming, Adramelej ko Sareser, aning midorozir sabam inigha even ghugha a misoghezi an aremezi, aning ara ghua Araratin kantrin iti. Ezi an otarir igharazim, an ziam Esarhadon, a uan afeziamin danganim inigha, Asirian kantrin atrivimin iti.

20

*Atrivim Hesekia arimariam inizi, Ikiavira Itir God an akura
(Aisaia 38:1-8; 38:21-22; 2 Eghaghaniba 32:24-26)*

¹ Dughiar kamin, Asiriaba bar arazir kurabar Judabagh amima, Hesekia arimariam inigha atam areme. Ezi Emosin otarim Aisaia ghua an ganigha kamaghin migei, “Ikiavira Itir God kamaghin migei, ‘Nin arimariam givaghan kogham, a ikivira ikiti ni ovegham.’ Kamaghin amizi, ni gumazamizir nin dipenimin itiba, me mikemeghti, me nin ingangariba bar dar amu dar kirigh.”

² Ezi Hesekia akar kam baregha, uan guam isa a itir dipenimin averiamin birimin gara, Ikiavira Itir God ko migia ghaze,

³ “O Ikiavira Itir God, ki uan navir averiamin aven ni baghavira ikia, nin ifongiamin gin ghua, bar guizbangira zurara nin ingangarim deravira a gamuavira iti. Kamaghin amizi, ki amizir ingangariba, ni dagh nighnigh na ateghi, ki ovengen kogham.” Egha Hesekia Ikiavira Itir God ko mikemegha givagha, bar puviram azi.

⁴ Aisaia atrivimin dipenim ategha zui. Egha tighar dipenir avizim ataghirazima, Ikiavira Itir God ua kamaghin a migei,

5 "Ni ua mangi Hesekian ganigh, a nan gumazamizibar atrivim, egh a mikemegh: Ki Ikiavira Itir God, nin inazir afeziām Devitin God, ki nin azangsizim baregha nin temeribar ganigha gifa. Kamaghin amizi, ki ni damuti, ni ua ghuamaghegham. Guizbangira, ni gurumin nan Dipenimin mangigh nan ziam fi. ⁶ Egh kamaghin Hesekia mikim: Ki Ikiavira Itir God, ki kamaghin mikeme: Ki ni ateghti, ni 15plan azenibar ua ikegh gin aremegham. Ki uaghan nin akuragh, egh Asiriabar atrivimin amamangatighan koghti, a ni abiraghan kogh Jerusalemin inighan kogham. Bar puvatigham. Ki uan akar dikirizir ki fomira uan ingangarir gumazim Devit ko amizim ginighnigha kamaghin damuasa."

⁷ Egha Aisaia kamaghin atrivimin ingangarir gumazibav gia ghaze, "Ia mangi fighin ovizir me apuzisitaba inigh, da dipavzuiaram darugh da mirmirigh da inigh izi, Hesekian duar bar gavgavim dukuaqhti, a ua misigham." Ezi me ghua da inigha iza Hesekian duar gavgavir kam gatizi, an duam misingi.

⁸ Hesekia tighar ghuamaghamin dughiamin, a faragha uaghan kamaghin Aisaian azara, "Ikiavira Itir God, ababanir manam nan akaghti, ki an ganigh fogh suam, ki gurumin uam an Dipenimin mangi, an ziam fam?"

⁹ Ezi Aisaia a migia ghaze, "Ikiavira Itir God nin akakaghamin ababanim kamakin. Ni, adiriziār e an gara aruebar auaba mega zuir kamin gari. Ezi ni adiriziamin dughuazim, 10plan ighuvuba ini zuamira mavanganasa ni ifonge, o a 10plan ighuvuba ini zuamira uamategh 10plan ighuvuba ini ifonge?"

¹⁰ Ezi Hesekia ghaze, "An adiriziamin dughuazim zuamira 10plan ighuvibar mavanganang, a pura bizim. Kamaghin amizi, a zuamira uamategh 10plan ighuvibar izighirasa ki ifonge."

¹¹ Ezi Aisaia pamtemin Ikiavira Itir Godin dei, ezi Ikiavira Itir God adiriziār dughuazim gamizi, a zuamira uamategha timra 10plan ighuvibar ghuaghiri. Adiriziār kam, Atrivim Ahas fomiram an ingari.

*Babylonian Atrivim Merodak abuir gu-mazir maba amangizi,
me Jerusalemin ize
(Aisaia 39:1-8)*

¹² Baladanin otarim, Merodak Baladan, a Babilonin atrivimin iti. An orazi, Atrivim Hesekia arimariār dafam ikia, ua ghuamaghe. Ezi an akinafariba osirigha bizir aghuir mam sarama gumazir mabagh aningizi, me Hesekia bagha da inigha zui.

¹³ Ezi Hesekia men akaba baregha givagha, bar akongegeha, me inigha uan dipenimin ko, dagiaba itir dipenimin ko, bizir aghuiba itir dipenibar aven ghua, uan dagiaba ko, bizir igharaziba men aka. A uan silvaba ko, golba, pauran mughuriar aghuiba ko, borer aghuiba ko, midorozir biziba, me bar moghira dar gani. Hesekia bizitam modozir puvati. An atrivimin dipenimin avinizir dipenibar itir biziba ko, an kantrin danganiba bar dar itir biziba, a bar dar men aka.

¹⁴ Ezi Babilonin izezir gumaziba uamategħha ghuezi, Godin akam inigha izir gumazim Aisaia, iza kamaghin Atrivim Hesekian azara, "Gumazir kaba manmagħira migei? Me kantrin manamin gumaziba?"

Ezi Hesekia kamaghin an akam ikaraghha ghaze, "Me kantri Babilonin gumaziba, me nan ganasa sagħuamin ikegħha ize."

¹⁵ Ezi Aisaia kamaghin Hesekian azara, "Me bar bizir tizimra nin dipenimin aven an gani?"

Ezi Hesekia kamaghin an akam ikaraghha ghaze, "Ki uan biziba bar men akakaki. Egha ki uan bizir aghuiba akuvir dipenibar aven biziżtam men modozir puvati."

¹⁶ Ezi Aisaia kamaghin Hesekia migia ghaze, "Ni oragħi, ki Ikiavira Itir Godin akam ni mikimam. ¹⁷ Ikiavira Itir God kamaghin migei, 'Bar guizbangira, dughiatam gin iziti, Babilonia izi, nin atrivir dipenimin itir biziba bar ada inigh, egh bizir nin inazir afeziāba fomira biziba akuvir dipenibar akuvaziba, me bar da inigh Babilonin kantrin mangigham. Egħi biziżtam ua ikian kogħam. ¹⁸ Egħi me ian ovavir borir ian otivizibar otarir taba inigh mangi me damuti, me kalabuziar gumazamizbar min otivighti, me men mikarzir mogomebar oviziba amisevegħti, me Babilonin atrivimin dipenimin aven ingaram."

¹⁹ Ezi Hesekia akar kam baregha, kamaghin Aisaia migei, "Ikiavira Itir Godin akar ni na migeim, a dera."

Guizbangira, Hesekia kamaghin nighnigha ghaze, "Ki datirighin atrivimin itir dughiar kamin, bizir kurar kaba otivan kogħam. E pura navir amirizim ikiti midoroziba puvatigham."

*Atrivim Hesekia areme
(2 Eghagħaniba 32:32-33)*

²⁰ Atrivim Hesekia amizir bizir igharazibar eghagħaniba bar, akinafarir kamin iti, me kamaghin a dibori, Judabar Atrivibar Eghagħaniba. Akinafarir kam Hesekia amizir ingangarir gavgavibagh eghar. Egha akinafarim uaghan bizir kabagh

eghari, Hesekia dipamin suiraghti a ikiasa dipar akarer mam gikui. Egha dipam inigh Jerusalemin aven mangasa nguazimin averara torir ruarir mam gikui.²¹ Atrivim Hesekia uan inazir afeziabar min aremez, an otarim Manase, an danganim inigh atrivimin oto.

21

*Manase Judabar atrivimin oto
(2 Eghaghaniba 33:1-20)*

¹ Manase azenir 12pla ikiava, Judabar atrivimin oto, egha 55plan azenibar Jerusalemin atrivimin ike. An amebamin ziam, Hepsiba. ² Manase arazir aghuimir gin zuir pu. Bar puvati. A gumazamizir ighazarir fomira nguazir kamin ikezibar arazir mizirizir kurabar gin zui, ezi Ikiavira Itir God me batuegha nguazir kam isa Israelia ganingi. Ezi datirighin Manase Ikiavira Itir Godin damazimin arazir kabagh ami, kar arazir God bar aghuaziba.

³ Fomira an afeziam Hesekia mighsiabar pin itir asebar ziaba fer danganiba apiraghari. Ezi datirighin Manase ua dar ingari. Egha asem Balin ziam fasa ofa gamir dakozibar ingari. Egha a Israeliian Atrivim Ahap, fomira amizi moghin, an aser amizim Aseran nedazim itir temer guarir akinibar ingari. Egha uaghan overiamin itir mikovezibar ziaba fe. ⁴ Egha an aseba bagha Ikiavira Itir Godin Dipenimin aven ofa gamir dakozibar ingari. E bar fo, fomira Ikiavira Itir God, uan Dipenir kam ginighnigha kamaghin mikeme, "Jerusalemin itir Dipenir kam, an aven gumazamiziba nan ziamra fi ikiam." ⁵ Ezi Manase, Ikiavira Itir Godin Dipenim avinizir divazimin aven itir danganir uari akuvir pumuningin, an overiamin itir mikovezibar ziaba fasa, ofa gamir dakozir mabar ingari. ⁶ Egha a uan otarim misoghezi an areme, ezi an ofan bar isia mighirimin min a tuazi a bar isia mighiri. Egha u aubin akuraghaha ariaghirezir gumazamizibar duabar diava, egha uaghan uabin akurvaghaha kukunir gumazibar azai, egha akavsiar igharagha garir aviribagh ami. Manase arazir kurar aviriba Ikiavira Itir Godin damazimin dagh ami, ezi an arazir kurar kaba Ikiavira Itir God gamizi, a bar aningaghe.

⁷ Egha Manase aser amizim Aseran marvir guar kam inigha, a isa Ikiavira Itir Godin Dipenimin aven aneti. Fomira Ikiavira Itir God Dipenir kam ginighnigha kamaghin Devit ko an otarim Solomon mikeme, "Jerusalemin itir Dipenir kam, ki ubi Israeliian anababar tongin a ginaba, eghit me zurara an izi, nan ziamra fam. ⁸ Egh ia nan

gumazamiziba, nan Akar Gavgaviba ko nan Arazir nan ingangarir gumazim, Moses, ia ganingiziba bar adar gin mangiti, nguazir ki fomira ian inazir afeziabagh aningizi ia datirighin apiaghav itir kam, ki ia batueghan kogham."

⁹ Ezi Israelia nan akam baraghan aghuaghha, an gin zuir puvati. Bar puvati. Ezi Atrivim Manase Judaba ko Jerusalemian nighnizibagh amua me getuima me bar arazir kurabagh amuavira iti. Ezi men arazir kurar kaba, da gumazamizir fomira nguazir kamin ikezibar arazir kurabagh afira. Gumazamizir kaba, Ikiavira Itir God me batoghezi, Israelia nguazir kamin aven ize.

¹⁰ Ezi Ikiavira Itir God Atrivim Manasen arazir kurar kabar ganigha, egha an akar kam isa uan akam inigha izir gumazibagh aningi, kar an ingangarir gumaziba. Ikiavira Itir Godin akam kamakin: ¹¹ "Atrivim Manase arazir bar kurar igharagha garir ki aghuazibagh ami, da Amoria fomira amizir arazir kurabagh afira. An asebar marvir guabar ingara men ziaba fe, egha arazir kamin a Judan gumazamizibagh ekua zuima, me uaghan arazir kuraba nan damazimin dagh ami.

¹² Kamaghin amizi, ki Ikiavira Itir God, Israeliian God, ki kamaghin migei: Ki bar Jerusalemin nguibar ekiam ko Judabar kantri gasighasigham. Eghiti Kantrin Igharazibar Gumazamiziba bizir kamin akam baregh, me digavir bar kuram damigh, egh nighnizir aviribar amuam.

¹³ Mati ki faragha Samarian nguibar ekiam ko Atrivim Ahap uan adarzi ko me gamizi moghin, ki arazir kamra Jerusalem damuam. Ki bar Jerusalem gasighasigh egh an gumazamiziba bar me gasighasigham. Eghiti Jerusalem mati itarim, me a ruegha giwayi, minezir muzierir taba an itir puvatizi moghin a pura ikiam. ¹⁴ Eghiti varazira ikiti, ki men akuraghan kogham. Bar puvati. Ki me isi apanibar dafarim darigham. Eghiti apaniba pazi me damuva, men biziba bar ada okemegham. ¹⁵ Nan arazir kamin mingarim kamakin: men ovaviba fomira Isip ataghizir dughiamin ikegha iza datirighin, nan gumazamiziba nan damazimin arazir kurar kabagh amuavira iti. Ezi men arazir kam na gamizi, ki bar men aningaghe."

¹⁶ Manase Judan gumazamizibagh amima, me Ikiavira Itir Godin damazimin arazir kurabagh ami. Egha a ubi uaghan uan adarzi men apanim gami. Egha Jerusalemin danganir mikebabar, Manase gumazamizir aghuir arazir

kurabagh amir puvatizir aviribav soghezi me ariaghire.

¹⁷ Atrivim Manase amizir arazir igharazibar eghaghaniba, akinafarir kamin iti, me kamaghin a dibori, Judabar Atrivibar Eghaghaniba. Akinafarir kam, an amizir arazir kurabagh eghari. ¹⁸ Manase uan inazir afeziabar mir aremezi, me an kuam isa an atrivimin dipenim avinizir divazimin ghua nguazir otevir mamin anefa, me a dibora ghaze, Usan Azenim. Ezi an otarim, Emon an danganim inigha atrivimin oto.

Emon Judabar atrivimin oto

(*2 Eghaghaniba 33:1-25*)

¹⁹ Emon 22plan azeniba ikia egha atrivimin oto, egha a Jerusalemin ikia azenir pumuningra atrivimin ike. An amebamin ziam, Mesulemet, a Harusin guivim, an nguibam Jotba. ²⁰ Emonin afeziam Manase amizi moghin, Emon uaghan Ikiavira Itir Godin damazimin arazir kurabagh ami. ²¹ An afeziam fomira amizi moghin, a uan afeziam amizir arazir kurabara gin ghua asebar marvir guabar ziaba fe. ²² An akirim ragha Ikiavira Itir God gasara, an inazir afeziabar God, egha a Ikiavira Itir God ifongezir arazibar gin zuir puvati. ²³ Ezi dughiar mamin, Emonin ingangarir gumazibar dapaniba uari akuvagha, a misueghti an aremeghsa tuaviba buria akam misosi. Egha me gin atrivimin dipenimin aven a misoghezi an areme. ²⁴ Ezi gin Judan gumazamiziba, ingangarir gumazibar dapanir Emon misoghezir kaba inigha, uaghan me misoghezi me ariaghire. Egha me Emonin otarim Josaia gamizi, a uan afeziamin danganim inigha men atrivimin oto.

²⁵ Atrivim Emon amizir bizar igharazibar eghaghaniba, da akinafarir kamin iti, me kamaghin a dibori, Judabar Atrivibar Eghaghaniba. ²⁶ Ezi me Emonin kuam isa Usan Azenimin itir mozimin anefa. Ezi an otarim Josaia, an danganim inigha atrivimin oto.

22

Josaia Judabar atrivimin oto

(*2 Eghaghaniba 34:1-2*)

¹ Josaia 8plan azeniba ikia, egha Judan atrivimin oto, egha 31plan azenibar Jerusalemin atrivimin ike. An amebamin ziam Jedida, an Adaijan guivim, a Boskatin nguibar ekiamin amizim. ² Atrivim Josaia uan ovavim, Atrivim Devit fomira amizi moghin, a Ikiavira Itir Godin damazimin arazir aghuibagh ami. Egha a Ikiavira Itir Godin akaba bar dar gin mangasa bar gav-gafi.

Me Ikiavira Itir Godin Dipenimin Godin Araziba Itir Akinafarimin api
(*2 Eghaghaniba 34:8-28*)

³ Atrivim Josaia 18plan azenibar atrivimin ikia, a uan gumazir an akinafariba osirim Safan amadazi, an akam inigha Ikiavira Itir Godin Dipenimin ghu. Safan, an Asalian otarim, egha uaghan Mesulamin igiavotarim. Josaia kamaghin Safan migei, ⁴ “Ni mangi ofa gamir gumazibar dapanim Hilkian ganigh, egh a mikemeghti, a dagiar gumazamiziba isa ofa gamir gumazir Ikiavira Itir Godin Dipenimin tiar akamin garibagh anidiba, a bar da mengegh. ⁵ Egh ni Hilkia mikemeghti, a dagiar kaba inigh Ikiavira Itir Godin Dipenim akirir ingangarim gamir gumazir kabar aningigh. Eghit me Dipenir kam akirir gumazibagh ives. ⁶ Egh me dipenibar ingarir gumaziba ko gumazir dagiabar dipenibar ingara fozibagh ives. Egh uaghan me ter arariba ko dagiar me Ikiavira Itir Godin Dipenim akirasa dighoregha arighiziba sara ivesegh. ⁷ Ki fo, gumazir ingangaribar garir kaba, me gumazir ifarir puvatiziba, egha dagiaba oker puvati. Ezi ofa gamir gumazibar dapanim dagiar kaba bagh men azangan kogham, me manmaghin dagiar kabagh ami.”

⁸ Ezi Safan ghua atrivim mikemezi moghin ami. Ezi Hilkia akam baregha, kamaghin Safan migei, “Ki akinafarir righizir mamin gari, a Ikiavira Itir Godin Dipenimin aven iti. Akinafarir kam Ikiavira Itir Godin Arazibar Akaba an iti.” Egha Hilkia akinafarir kam isa Safan ganingi, ezi an a dibori.

⁹ An a diponegha givagha, akinafarim inigha ghua Atrivim Josaia bagha ghugha kamaghin a migei, “Nin ingangarir gumaziba dagiaba bar ada inigha, Ikiavira Itir Godin Dipenimin gara anekirir ingangarir gumazibagh aningi.”

¹⁰ Egha Safan ua kamaghin migei, “Atrivim, ofa gamir gumazibar dapanim Hilkia akinafarir kam na ganungi.” Egha an akinafarim onegha atrivim bagh a dibori.

¹¹ Ezi atrivim Godin Akinafarir kamin aven itir Arazibar Akaba baregha, bar ose-megha uan korotiam abiki. ¹² Egha an ofa gamir gumazim Hilkia, ko Safanin otarim Ahikam, ko Mikaijan otarim Akbor, ko atrivim bagha akinafariba osirir gumazim Safan, ko atrivimin ingangarir gumazim Asaia, a bar men dia. Ezi me izegha givazi, a kamaghin me migei, ¹³ “Godin Arazibar Akaba itir Akinafarir ki datirighin inizir kam, a bizir Ikiavira Itir Godin gin mangasa

ifongezibar gun e migei. Ezi en inazir afeziba Ikiavira Itir Godin Akar kaba batuegha gifa. Ezi bizir kam bangin Ikiavira Itir God bar en aningaghe. Ezi datirighin e Godin Akinafarir kamin apigha gifa. Kamaghin amizi, ki kamaghhsua, ia mangi Ikiavira Itir Godin azaragh fogh, ki Jerusalemia ko, Judan gumazamiziba ko, e bizir manabar amuusa a ifonge.”

¹⁴Gumazir kaba atrivimin akam baregha, me Godin akam inigha izir amizir mam ko mikimasa nguubar igiar Jerusalemin boroghin itimin ghu. Amizir kamin ziam, Hulda. Hulda a Salumin amuim, a gumazir ofa gamir gumaziba azuir korotiaba itir danganimin garim. Salum a Tikyan otarim, egha Harhasin igiavotaram. Hulda gumazir kabar akam baregha givagha, ¹⁵kamaghin men akam ikaragha ghaze, “Ikiavira Itir God, Israeliyan God, a kamaghin migei: Ia gumazir ia amadazir kam Josaia bagh uamateh mangi, kamaghin a mikemegh, ¹⁶Ki Ikiavira Itir God, ki atrivim garir Akinafarimin itir Akar kaba bar dar gin mangi, egh ki Jerusalem ko an itir gumazamiziba saram asighasigham. ¹⁷Gumazamizir akirim ragha na gasarazir kaba, me asebar marvir guabar ofabagh ami. Ezi men arazir kurar kam na gamizima, ki pupviram atari. Ki Jerusalemia bar men aningaghe, ezi nar aningagharir kam, a givaghan kogham.

¹⁸“Ezi datirighin ki Ikiavira Itir God, Israeliyan God, ki ian atrivim kamaghin a mikimasa. Me ni bagha Akinafarir kam diborima, ¹⁹ni bizir ki Jerusalem ko an itir gumazamizibar amuusa mikemeziba, ni dagh fo. Ki kamaghin migei, Jerusalem bar ikuvigh pura danganir kinimin ikiam. Eghti Kantrin Igharazibar Gumazamiziba uan apaniba akar kurabar me mikimsi, kamaghin mikimam, “Ia Jerusalemia ikuvizi moghin ia ikufigh.” Ezi atrivim, ni akar kam baregha navim giragha, nan damazimin ubai abira. Egha ni datirighin uan korotiam abigha, azia nan dei. Kamaghin amizi, ki Ikiavira Itir God, ki kamaghin migei, ki nin dimdiam baraki. ²⁰Egh ki ni ateghti, ni ubai Jerusalemin otivamin asighasizir kamin ganighan kogham. Puvati. Ni bar deraghvira ikiam. Egh ni gin uan inazir afeziabar min aremeghti, me nin kuam afagh givaghti, ki Jerusalem gasighasigham.” Godin akam inigha izir amizim Hulda, Ikiavira Itir Godin akam gumazir kabagh anigha givazi, me akar kam inigha uam atrivim bagha uamategha ghue.

23

*Judaba Ikiavira Itir Godin apengan iki-asaa akar dikirizim gami
(2 Eghaghaniba 34:3-7; 34:29-33)*

¹Ezi Atrivim Josaia Juda ko Jerusalemin gumazir dapanibar diazi, me iza uari akufa. ²Egha atrivim ko ofa gamir gu-maziba ko, akam inigha izir gumaziba ko, Judan gumazamiziba ko Jerusalemin itir gumazamiziba, me ghua Ikiavira Itir Godin Dipenimin uari akufa. Me uari akuvagha givazi, atrivim Akar Dikirizir Gav-gavim itir Akinafarir Righizir me Ikiavira Itir Godin Dipenimin apizir kam inigha, an itir akaba bar me bagha dar bori. ³Atrivim Ikiavira Itir Godin Dipenimin tiar akamin boroghin itir guarir akinimin boroghin tughav ikia, Ikiavira Itir Godin damazimin Akar Dikirizir Gav-gavim gamua kamaghin migei: A bar guizbangira uan navir averiam ko, uan duamin aven, Godin Akar Gav-gaviba ko, akar a me ganingiziba ko, arazir a ifongeziba, a bar dar amuam. Egh an Akinafarir kamin aven itir Akar Dikirizir Gav-gavim aksa bar dar gin mangam. Ezi gumazamiziba uaghan bar Akar Dikirizir Gav-gavir kamin akabar gin mangasa kamaghira akar dikirizir mam gami.

⁴Ezi gin Atrivim Josaia, ofa gamir gumazibar dapanim Hilkia ko, ofa gamir gumazir an apengan ingariba ko, ofa gamir gumazir Ikiavira Itir Godin Dipenimin tiar akamin gariba, me inigha akar gav-gavim me mikemegha ghaze, Me Ikiavira Itir Godin Dipenimin aven mangi, asem Bal ko, aser amizim Asera ko overiamin itir bizi-bar ziaba fer bizi-bar, me bar ada inigha azenan izi. Me bizir kaba bar ada inigha azenan izezi, atrivim bizi-bar kaba bar ada inigha, nguubar ekiamin azenan ghua, Kidronin Fanemin danganir konimin da tue. Ezi bizi-bar isigha givazi, me dar averenim inigha, Betelin nguubar ekiamin ghu. ⁵Egha Atrivim Josaia, aseba bagha ofa gamir dakozibar ofabagh amir ofa gamir gumaziba batoke. Judabar atriviba, fomira ofa gamir gumazir kabav sevezi, me mighsabar pin itir danganir asebar ziaba febar ofabagh ami. Ezi asebar ziaba fer danganir kaba, da Judan nguubar ikia egha Jerusalemin boroghin iti. Atrivim Josaia uaghan asem Bal ko, aruem ko, iakinim ko, mikoveziba ko overiamin itir bizi-bar igharaziba sara, dar ofa gamir gumaziba batoke. ⁶Egha a Ikiavira Itir Godin Dipenimin aven itir aser amizim Aseran marvir guam batuegha, a inigha Jerusalemin azenan ghua Kidronin Fanemin danganir konimin uaghira a tuazi a isi. Egha gin an averenim inigha a misozi

a pauran miraram oto. Ezi me ghua pura tintinibar Jerusalemin gumazamizir kinir oveaghuezibar mozibar danganibar a inge.
⁷ Ezi Josaia migeima, me ghua gumazir poroghamibar uari bakia uari koma akuir arazim gamibar danganiba, da Ikiavira Itir Godin Dipenimin boroghin iti, egha me datirighin bar ada akaragharki. Dipenir kaba, da nguazir otevir amiziba aser amizim Aseran marvir guam bagha inibar ingari naghin iti.

⁸ Ezi Atrivim Josaia, Judan kantrin aven itir mighsiar orazibar ghua, ofa gamir gumaziba ofa gamir danganiba bar dagh asighasiki. A notin amadaghan Geban nguibar ekiamin ikegha ghua, sautin amadaghan Berseban nguibar ekiamin tuziba, a bar dagh asighasiki. Atrivim Josaian arazir kam bangin, danganir asebar ziaba fer kaba, da datirighin gumazamizibar damazibar bar mize. Ezi Josaia nguibar kabar ofa gamir gumaziba bar me inigha Jerusalemin ize. Egha uaghan ofa gamir dakozir Josuan tiar akamin boroghira itibagh asighasiki. Gumazir kam Josua, a Jerusalemin gavmanin gumazir dapanir faragha zuim, a faragha Jerusalemin nguibar ekiamin aven zuir tiar akar ekiar agharir kiriamin itimin, ofa gamir dakozir kabar ingari.

⁹ Ezi mighsiabar pin ingarir ofa gamir gumazir kaba, kar ofa gamir gumazir atrivim inigha Jerusalemin izeziba, me Ikiavira Itir Godin ofa gamir dakozir Jerusalemin aven itimin ofa damuan kogham. Bar puvati. Me pura uan adarazi ko ikia yis puvatizir bret api.

¹⁰ Faragha zuir dughiamin, danganir asebar ziaba fer mam iti, me a dibora ghaze, Tofet, a Hinomin danganir zarimin iti. Ezi Josaia danganir kam gamizi a gumazibar damazibar bar mize. Kamaghin amizi, gumaziba faragha amizi moghin me ua danganir kamin mangan kogh, uan boribla issi asem Molek bagh ofan min ua da tuan kogham. ¹¹ Fomira Judabar atrivir mabha ghaze, aruem an aser mam. Egha me an ziam fe. Me hoziabar nedazir mabha ko midorozir karisba isa, aruem bagha da amisevegha da isa nguazir otevir mam, a Ikiavira Itir Godin Dipenimin avinizar divazimin tiar akamin boroghin iti, me da ariki. Nguazir otevir kam a divazimin boroghin ikia, atrivimin ingangarir gumazim Natanmelekin dipenimin boroghira

iti. Ezi Atrivim Josaia hoziar kaba ko karisin nedazir kaba tuezi, da bar isi.

¹² Ezi atrivimin dipenim gisin danganir mam iti, me a dibora ghaze, Atrivim Ahasin Danganim. Fomira Judabar atrivir maba, ofa gamir dakozir maba danganir pin itir kamin dar ingari. Ezi uaghan Atrivim Manase, Ikiavira Itir Godin Dipenimin avinizar divazimin aven uari akuvir danganir pumuningin, ofa gamir dakozir mabar ingari. Ezi datirighin Atrivim Josaia ofa gamir dakozir kaba bar dagh asighasiki. Egha gin me ofa gamir dakozir asighasighizir kabar mineziba ko dar oteviba inigha ghua, Kidronin Fanemin danganir konimin da makuni. ¹³ Josaia, Atrivim Solomon fomira ofa gamir dakozir Jerusalemin amadaghan aruem anadi naghin, Olivin Mighsiamin sautin amadaghan itibagh asighasiki.* Aser kaba, aser amizir kuram Astarte, ko Moapian aser kuram Kemos, ko Amonian aser kuram Molek, Solomon dar ziaba fasa ofa gamir dakozir kabar ingari. Aser kaba, kar Ikiavira Itir Godin damazimin bizir bar kurar a bar aghauziba. ¹⁴ Atrivim Josaia dagiar guarir dighoriba itiba apiragharki, temer guarir aser amizim Aseran nedazim itiba okagharki. Egha a gumazir aremegha givazibar aghariba inigha, tintinibar asebar ziaba fer danganibar da kuni, egha kamaghira danganir kabagh amizi, da gumazamizibar damazibar mize.†

¹⁵ Bar fomira, Nebatin otarim Jeroboam, Betelin nguibar ekiamin ofa gamir dakozir mam ko mighsiabar pin itir asebar ziaba fasa danganir mamin ingari. Jeroboam, an atrivir fomira Israelia gekuizi me Ikiavira Itir Godin damazimin arazir kurabagh ami. Ezi datirighin Atrivim Josaia, Betelin ghugha gumazibav kemezi, me asebar ziaba fer danganir kabagh asighasigha, ofa gamir dakoziba apiragharki. Me asebar ziaba fer danganibagh aborozi da isi, egha gin me avimin averenim inigha a misogha zuima a pauran min oto. Egha me uaghan aser amizim Aseran marvir guam inigha avimin a tuazi a isi. ¹⁶ Ezi Atrivim Josaia mighsiar kamin tughav ikia egha a raghirigha, mozir mabar garima da iti. Ezi a gumazibav kemezi, me ghua gumazir ariaghirezibar aghariba asizi, ana da isa Jeroboamin ofa gamir dakozim gatigha avimin dagh aborozi da isi, ezi bizir kam ofa

23:10: Ofa Gami 18:21; Jeremaja 7:31; 19:1-6; 32:35

23:12: 2 Atriviba 21:5; 2 Eghaghaniha 33:5

23:13: 1 Atriviba

^{11:7}* **23:13:** Gumazir akinafarir kam osirizim, mighsiamin ikezir bizir kurar kabagh nighnisi. Kamaghin amizi, danganir kam, Hibrun akam, ziar igharazim Olivin Mighsiam gati, a "Mighsiar Ikuvin." † **23:14:** Josua kamaghin nighnigha gumazir oveaghuezibar aghariba pura tintinibar da akuni, eghzi gumaziba atiatingiva egh asebar ziaba fer danganibar saghon ikiam. Kamaghin amizi, Israelia kamaghin nighnizir gavgavim iti, gumazir oveaghuezibar aghariba, bizir kuraba.

23:15: 1 Atriviba 12:33

23:16: 1 Atriviba 13:1-2

gamir dakozim gamima, a gumazamizibar damazimin bar mize. Egha arazir kam a Ikiavira Itir Godin akar a fomira uan akam inigha izir gumazir mamin akam garugha mikemezim gamizi, a guizbangiram oto.¹⁷ Josaia aghariba tuegha givagh, gumazir kuaba afir danganir ighazariz mamin garima a iti. Ezi a men azara, "Kar tinan mozim?"

Ezi Betelin nguabar ekiamin gumazamiziba Josaia ikaraghha ghaze, "Kar Judan kantrin akam inigha izir gumazir kamin mozim, a fomira iza bizir ni datirighin ofa gamir dakozir kam gamizir bizibar gun mikeme."

¹⁸ Ezi Josaia kamaghin me migei, "Ia bizitamin a damuan marki. Ia an aghariba ateghti da mar an mozimin iki." Kamaghin amizi, me an aghariba inizir puvati. Egha uaghan me Samarian Distrighin akam inigha izir gumazir ighazariz kamin aghariba inizir puvati. ¹⁹ Fomira Israelian atriviba, Samarian Distrighin itir nguabar ekiabar asebar ziaba fer danganir mighsiab pin itibar ingari. Ezi men arazir kam Ikiavira Itir God gamizi, a men aningaghe. Josaia faragha Betelin nguabar ekiamin amizi moghin, datirighin a danganir kabagh asighasiki. ²⁰ Egha an asebar ziaba fer danganir kabar ofa gamir gumaziba bar me inigha, men ofa gamir dakozibagh isin me misoghezi, me ariaghire. Egha a gumazir ariaghirezir ighazariz mabar aghariba dakozir kabar da tuegha, ingangarir kam agivagh, ua-mategha Jerusalemin ghu.

*Gumazamiziba, God Isaelia Gitazir Dughiam Ginighnighamin Isam gami
(2 Eghaghaniba 35:1-19)*

²¹ Egha gin Atrivim Josaia akam gumazamiziba bagha anemaga ghaze, "Ikiavira Itir God, en God, Akar Dikirizir Gavgavim Itir Akinafarimin mikemezi moghin, E God Isaelia Gitazir Dughiam Ginighnighamin Isam damuam." Ezi gumazamiziba atrivim mikemezi moghiram ami.

²² Gumazamiziba bar deraghavira isar kam gami. Me fomira gumazir dapanibar dughiamin tuga iza Isaelia ko Judabar atrivibar dughiamin, gumazamiziba me Isar kam deragh a gamizir puvati. Egha datirighin me bar deragh a gami. ²³ Dughiar kamin, Josaia 18plan azenibar atrivimin itima, me Godin Akinafarimin Akaba deraghavira dar gin ghuwa, Ikiavira Itir God bagha Jerusalemin Isar kam deraghviram a gami.

Atrivim Josaia arazir kurar ighazariz mabar Judan kantrin, da batoke

²⁴ Atrivim Josaia uaghan gumazir ariaghirezir gumazibar duaba ko migeiba ko, nedazir muziarir gumaziba uan dipenibagh ariziba ko, asebar marvir guar gumaziba ingarizir ighazarib sara batoke. Kar Jerusalem ko Judan nguibaba bar men asebar ziaba fer bizir kurar God bar aghuzib, a bar da batoke. A kamaghua, gumazamiziba Ikiavira Itir Godin Arazir Akinafarir kamin aven itiba bar dar gin mangasa a ifonge. Akinafarir kam, ofa gamir gumazibar dapanim Hilkia Ikiavira Itir Godin Dipenimin an api. ²⁵ Josaia an atrivir bar aghuim. An navir averiam ko an duam ko an gavgavim aven, a ifongiar vamira ko nighnizir vamirara iti, a Ikiavira Itir God baghavira ikia, Moses Osirizir Araziba bar dar gin mangasa. Fomira atrivitam Josaian min derazir puvati, egha gin atrivitam an min itir puvati. A bar me gafira.

²⁶ Josaia guizbangira arazir aghuir aviribagh ami, ezi Ikiavira Itir God, Atrivim Manase amizir arazir kurabagh nighnighavira iti, egha a Judaba bar men aningaghegha, an aningagharim givazir puvati. ²⁷ Egha Ikiavira Itir God kamaghin migei, "Ki fomira Israelian kantri gamizi moghin, ki bar arazir magh garimin Judan kantri damigham. Ki Jerusalem akirim ragh a gasaraghram, kar nguabar ekiar ki ua bagha misevezim. Egh dipenir ki misevezi gumazamiziba an izi nan ziam famin kam, ki akirim ragh a gasaraghram."

*Josaia areme
(2 Eghaghaniba 35:20-36:1)*

²⁸ Atrivim Josaia amizir bizir ighazaribar eghaghanir ighazariba, akinafarir kamin iti, me kamaghin a dibori, Judan Atrivibar Eghaghaniba. ²⁹ Josaia atrivimin itir dughiamin, Isipin Atrivim Neko, Isipin midorozir gumaziba inigha Asirian atrivim ko misoghsa Yufretisin Fanemin ghu. Atrivim Josaia bizir kamin akam baregha, uan midorozir gumaziba inigha ghuwa Isipia ko misosi. Me Megidon nguabar ekiamin boroghin misozima, Isipian Atrivim Josaia misoghezi, an areme. ³⁰ Ezi Josaian apengan ingarir gumaziba an kuam inigha, midorozir karisim mam gatigha, a inigha uamategha Jerusalemin ghu. Egha me Josaian kuam inigha an mozimin anefha. Ezi Judaba, Josaian otarim Joahas inigha, boremin an dapanim gingegha anemisevezi, a men atrivimin oto.

*Joahas Judabar atrivimin oto
(2 Eghaghaniba 36:2-4)*

³¹ Joahas 23plan azeniba ikia Judabar atrivimin oto. Egha a Jerusalemin ikia iakinir 3plara atrivimin ike. An amebam,

an ziam Hamutal, a Lipnan nguibamin gumazim Jeremaian guivim.³² Joahas uan inazir afeziabar arazibar gin ghua, egha arazir kuraba Ikiavira Itir Godin damazimin dagh ami.

³³ Isipin Atrivim Neko, Joahas atrivir ingangarim agifa, egha a isa Riplan nguibar ekiamin kalabus gati, an Hamatin kantrin aven itir nguibam. Ezi Joahas Jerusalemin aven uam atrivimin itir puvati. Ezi Atrivim Neko Judan kantrin gumazamizibagh amima, me takisin min dagiaba a ganidi, dar dibobonim, 3,400 kilogrem silva ko 34 kilogrem gol.³⁴ Ezi Atrivim Neko, Josaiyan otarir mam Eliakim ini, egha a Eliakim gamizi, a Josaiyan danganim inigha Judabar atrivimin oto. Ezi Atrivim Neko Eliakimin ziam adegha, ziam Jehoiakim a gati. Egha gin Atrivim Neko Joahas inigha Isipin kantrin ghu. Ezi Joahas Isipin ikia ghuava areme.

³⁵ Ezi Atrivim Jehoiakim, takisin min dagiaba isi Atrivim Neko danganasa, gumazamiziba bar me da silvaba ko golba ini. Jehoiakim me mikemeghti, me takisin dagiaba manmaghin tughti, me a danningam. Gumazir dagiar bar aviriba itiba, me dagiar aviriba anidi. Ezi gumazir dagiar aviriba puvatizir, me dagiar muziaribara anidi. Ezi Atrivim Jehoiakim silvaba ko golba inigha, Atrivim Neko bagha da amada.

*Jehoiakim Judabar atrivimin oto
(2 Eghaghaniba 36:5-8)*

³⁶ Jehoiakim 25plan azeniba ikia, Judabar atrivimin oto. Egha a Jerusalemin ikia 11plan azenibar atrivimin ike. An amebamin ziam, Sebida, a Ruman nguibar ekiamin gumazim Pedaian guivim. ³⁷ Jehoiakim uan inazir afeziabar arazibar gin ghua, arazir kuraba Ikiavira Itir Godin damazimin dagh ami.

24

¹ Ezi Jehoiakim Judabar atrivimin itir dughiamin, Babilonian Atrivim Nebukatnesar uan midorozir gumaziba ko iza Judan kantri misosi. Egha a me abiragh, Atrivim Jehoiakim gamizi, an an apengan iti. Ezi 3plan azeniba givazi, Atrivim Jehoiakim, Atrivim Nebukatnesar a gativaghan a bar aghua, egha a uam an apengan itir puvati. ² Ezi dughiar kamin, Ikiavira Itir God, Babilonian gumazir bizir maba ko, Siriabar gumazir bizir maba ko, Moapian gumazir bizir maba ko, Amonian gumazir bizir maba, me izi, Jehoiakimin adarazi ko misogh Judan kantri gasighasighasa, a me

amada. Ikiavira Itir God fomira uan akam inigha izir gumaziba, kar an ingangarir gumaziba, uan akaba isa me ganingizi, me an gun mikeme. Ikiavira Itir God mikemezi moghin, datirighin bizir kabagh amizi, da guizbangiram otifi. ³ Bar guizbangira, Ikiavira Itir God uabi nighnizir kam guiazir kabagh aningizi, me kamaghin ami. Ikiavira Itir God Atrivim Manase amizir arazir kurar kabagh nighnighavira iti. Bizir kam bangin, a Judabar atari, egh a me batueghti me an damazimin saghon mangasa, a ifonge. ⁴ Atrivim Manase uaghan, fomira Jerusalemin nguibar ekiamin aven itir gumazamizir aghuir arazir kuratam gamizir puvatizir aviribav soghezi me ariaghire. Ezi Ikiavira Itir God bizir kam ginighnighavira ikia, egha Atrivim Manasen arazir kuraba gin amangan aghua.

⁵ Atrivim Jehoiakim amizir bizir ighazaribar eghaghaniba, da akinafarin kamin iti, me kamaghin a dibori, Judabar Atrivibar Eghaghaniba. ⁶ Atrivim Jehoiakim uan inazir afeziabar min aremezi, an otarim, Jehoiakin an danganim inigha atrivimin oto.*

⁷ Isipin atrivim fomira ativazir danganiba, Isipin kantrin mitaghniamin fanemin ikegha ghu Yufretisin Fanemin tu. Ezi dughiar kamin Babilonian atrivim dagh atifa. Kamaghin amizi, Isipin atrivim uan midorozir gumaziba ko ua ghuu kantrin ighazariba ko misozir puvati.

*Jehoiakin Judabar atrivimin oto
(2 Eghaghaniba 36:9-10)*

⁸ Jehoiakin 18plan azeniba ikia, egha Judan atrivimin oto. Egha a Jerusalemin ikia 3plan iakinibara atrivimin ike. An amebamin ziam, Nehusta, a Jerusalemin gumazim Elnatanin guivim. ⁹ Jehoiakin uan afeziamin arazir kurabar gin ghua, Ikiavira Itir Godin damazimin arazir kurabagh amzi.

¹⁰ Egha Jehoiakin atrivimin ikiavira itima, Babilonian Atrivim Nebukatnesar uan midorozir gumaziba inigha iza, Jerusalem korogha a iniasa misosi. ¹¹ Babilonian midorozir gumaziba Jerusalem korogha iti, ezi Atrivim Nebukatnesar uabi iza uan midorozir gumaziba ko iti. ¹² Ezi Atrivim Jehoiakin garima, Nebukatnesar izegha givazi, a uabi uan amebam ko, an apengan ingangarir gumaziba ko, an gumazir dapaniba ko atrivimin dipenimin garir gumaziba, a bar me isa Atrivim Nebukatnesar danganasa, me bar nguibam ategha azenan ghua, Nebukatnesar batogha a migia ghaze, e ua misoghan kogham. Ezi Atrivim Nebukatnesar, Atrivim Jehoiakin isa kalabus gati. Bizir kam Nebukatnesar

23:34: Jeremaia 22:11-12

23:36: Jeremaia 22:18-19; 26:1-6; 35:1-19

24:1: Jeremaia 25:1-38; Daniel 1:1-2

* **24:6:** Jehoiakim ko Jehoiakin aning gumazir ighazaribar pumuning, aning ziamning mong uaghara ghu. **24:12:** Jeremaia 22:24-30; 24:1-10; 29:1-2

atrivimin itir azenir namba 8in aven oto.
¹³ Dughiar kamin, Atrivim Nebukatnesar Ikiavira Itir Godin Dipenimin aven ghua, Atrivim Solomon fomira ingarizir bizar golba itiba, a bar ada inigha da biaghari. Egha a uaghan bizar bar aghuir Ikiavira Itir Godin Dipenimin itiba ko, bizar aghuir atrivimin dipenimin itiba, a bar da atera Babilonin ghu. Arazir kamin mingarim kamakin, Ikiavira Itir God fomira an gun mikeme, ezi a guizbangiram oto.

¹⁴ Ezi Atrivim Nebukatnesar Jerusalemin gumazamizir bar ko, gumazir dapaniba bar ko, midorozir gumazir gavgaviba, a bar men suiragha kalabuziar gumazamizibar min me inigha ghu, men dibobonim 10,000in tu. Egha a uaghan gumazir bizar igharagha garibar ingaramin fofozim itiba ko, gumazir ainin bizibar ingaramin fofozim itiba sara bar me ini. A me inigha Jerusalem ategha ghua Babilonin kantrin otozi, me kalabuziar gumazibar min otifi. An onganarazibagh amir gumazamizir varazira ataghizi, me Judan kantrin ikiavira iti. Gumazamizir igharaziba bar, me ua Judan kantrin aven itir puvati.
¹⁵ Atrivim Nebukatnesar, Jehoiakin ko an amebam ko, an amuiba ko, an gumazir dapaniba ko, Judan gumazir aruaba, a bar me inigha Jerusalem ategha kalabuziar gumazamizibar min Babilonin ghu. ¹⁶ Egha Atrivim Nebukatnesar midorozir gumazir gavgaviba bar me inigha ghu, men dibobonim 7,000. Egha a uaghan gumazir avirir bizar igharagha garibar ingarir fofozim itiba ko gumazir ainin bizibar ingariba sara ini, men dibobonim 1,000in tu. Gumazir kaba bar gumazir gavgaviba, ezi me midorozir gumazibar ingangarim damuan tughati.

¹⁷ Atrivim Nebukatnesar, Jehoiakinin afezjar dozim Matania gamizi, a Jehoiakinin danganim inigha atrivimin oto. Nebukatnesar ziam Matania adegha ziar kam, Sedekaia a gati.

Babilonia Jerusalem misogha a ini
(2 Eghaghaniba 36:11-21; Jeremaia 52:1-11)

¹⁸ Sedekaia 21plan azeniba ikia, Judan atrivimin oto. Egha 11plan azenibar Jerusalemin atrivimin ike. An amebam, Hamutal, a Jeremaiyan igharazimin guivism, a Lipnan nguibir ekiamin gumazir mam.
¹⁹ Sedekaia, Jehoiakimin arazibar gin ghu, Ikiavira Itir Godin damazimin arazir kurabagh ami. ²⁰ Judaba ko Jerusalemin arazir kuraba Ikiavira Itir God gamizi, a

bar men aningaghe. Egha Ikiavira Itir God gumazamizir kaba bar me batoghezi, me an guamin saghon ghue.

Ezi gin Sedekaia, Babilonin atrivim a gativagh an ganan a bar aghua, egha a uam an apengen itir puvati.

25

¹ Egha namba 9in azenimin Sedekaia atrivimin ikia ghu, an namba 10in iakinimin, namba 10in iakinir kamin aruemmin oto. Ezi Babilonin Atrivim Nebukatnesar uan midorozir gumaziba bar dar akua iza Jerusalem avinigha, nguibam iniasi misosi. Me Jerusalem korogha, ghu temeba okegha iza nguubar ekiamin divazir gavgavim boroghira dar pozim mikini. Egh me nguazim dav knighti, da figh ghuhanaboghti, me mangi dagh isin mitivigh, nguibar ekiam ko misogham. ²⁻³ Me azenir vamira ko akuamin Jerusalem avinigha iti. Ezi Sedekaia 11plan azenibar atrivimin iti, ezi an namba 4in iakinimin otogha* ghu, namba 9in aruem otozi, men dagheba bar gifa. Kamaghin amizi, Jerusalemin gumazamiziba mitiriam bar puv men azi. ⁴ Dughiar kamin Babilonia divazimin cuer mam akarigha Jerusalemin aven ghue. Ezi Atrivim Sedekaia Jerusalemin midorozir gumaziba koma are. Me dimagarimin suebar ghuava atrivimin dagher azenimin otivigha ghu, danganir divazir pumuning uaning isasuiragha itir tiar akar kamin ghu, Jerusalemin nguibar ekiamin otivigha ghue. Egha me Jordanin Fanemin danganir zarimin ghuaghbir tuavimin zui. ⁵ Ezi Babilonin midorozir gumaziba Atrivim Sedekaian agiragh ghu, Jerikon nguibar ekiamin boroghin itir danganir zarimin a bato. Ezi Sedekaian midorozir gumaziba anetegha, ara tintinibar ghue.

⁶ Ezi Babilonia Sedekaian suiragha a inigha Babilonin atrivim bagha ghu. Ezi dughiar kamin Atrivim Nebukatnesar Riplan nguibamin iti, an Hamatin nguazimin aven itir nguibam. Ezi Nebukatnesar uan kotin aven Sedekaian gara ghaze, Sedekaia uanarazir kuraran amizimin iveau iniam.

⁷ Ezi Babilonian midorozir gumaziba uaghan Sedekaian otariba ini, egha me inigha Riplan ize. Ezi nguibar kamin Nebukatnesar mikemezi, me Sedekaian otariba inigha, Sedekaian damazimin bar me misuaghari. Egha atrivim mikemezi, me Sedekaian damazimning asi, egha an suemning ko dafarimning senin ada ikegha,

a inigha Babilonin ghu. Egha a isa Babilonin kalabus gati.

*Babilonin midorozir gumaziba,
Jerusalem gasighasiki
(Jeremaia 52:12-23)*

⁸ Nebukatnesar Babilonin atrivimin itima, an namba ¹⁹in azenim otogha ghua an namba 5in iakinimin, an namba 7in aruem oto. Ezi dughiar kamin, Nebusaradan, an atrivimin garir midorozir gumazibar gumazir dapanir faragha zuim, a dikavigha Babilonin atrivimin ingarim gativagh an ganasa Jerusalemin ize.

⁹ Egha a Ikiavira Itir Godin Dipenim ko Judan atrivimin dipenim ko, Jerusalemin gumazir aruabar dipeniba sara, a bar dagh aponge. Babilonian dipeniba bar, a vaghvaghya dagh aponge. ¹⁰ Babilonian midorozir gumazir Nebusaradanin gin zuiba, me bar moghira Jerusalem avinizir divazim gasighasigha bar anekaraghari. ¹¹ Nebusaradan gumazamizir Jerusalemin ikiavira itiba inigha ghua, Babilonin kalabus gati. Egha a uaghan Judan faragha Jerusalemin ategha ara ghua an gara, a ko ikezibar akua, Babilonin kalabuziabar min me inigha ghue. ¹² Egha Nebusaradan, gumazamizir organarazibagh amir marazi ataghizi, merara Judan nguazimin ikiavira iti. Egha a me migia ghaze, ia wainin azeniba ko, azenir igharazibar gan iki.

¹³ Egha Babilonia ghua Ikiavira Itir Godin Dipenimin ghuegha, brasin guarir akiniba ko, tengin doziba pin da afasa brasin ingarizir osazariba apiraghari. Egha me uaghan tengin dipar ekiar me brasin ingarizim abiki. Israelia fomira kamaghin a dibori, "Ongarim." Egha me brasin kaba bar da inigha Babilonin ghue.

¹⁴ Babilonia uaghan averenim iniamin itariba ko, savolin muziariba ko, lamba munger biziiba ko, itarir ofan ghuzibar arighamiba ko, pauran mughuriar aghuium zuiba tuer itariba ko, Judaba Ikiavira Itir Godin Dipenimin aven ingarasa amizir brasin biziiba sara me da ini. ¹⁵ Egha Nebusaradan uaghan biziir gumaziba gol ko silvan ingariziba, kar itarir avim ateriba ko ofan ghuziba arizir itarir ekiaba, a uaghan ada ini.

¹⁶ Atrivim Solomon fomira bras inigha guarir akinir kamning ko, tengin ekiar me kamaghin diborim, "Ongarim," an adar ingari. Egha wilkarin itarir ekiar dagh isin darighamibar ingari. Ezi Solomon mukemezi, me biziir kaba isa Ikiavira Itir Godin Dipenimin ada ariki. Ezi brasin

cabar osimtizim bar ekefe, eghti gumazitam dar osimtizim gifofoghsı, da isi skelin tam darigan iburaghı. ¹⁷ Gumaziba fomira ababanir vamiran brasin guarir akinir kamningin ingari. Aningin ruarinning 8 mitan tu. Ezi me brasin guarir akinimningin dapanimningin ingarizi, aning mong ekefe. Egha aningin dapanimning ghuanaga 1 mita ko 30 sentimitan tu. Ezi me bras inigha iver nuzimin, mati temer pomigranetin oviziba. Me pomigranetin kaba tintinibar iver nuzimin min ada ike. Egha me guarir akinir kamningin dapanimning gighuigha, aning asingi.

*Judaba ghua Babilonin kalabusin iti
(Jeremaia 52:24-27)*

¹⁸ Babilonian gumazir dapanir faragha zuir kam Nebusaradan, an ofa gamir gumazibar dapanim Seraia, ko Seraian apengen itir gumazim Sefanaia, ko Godin Dipenimin tar akamin garir gumazir 3plan igharaziba sara ini. ¹⁹ Egha Jerusalemin, a gumazir dapanir Jerusalemin midorozir gumazibar garim ini. Egha nighniziba Judan atrivim ganidir gumazir 5pla ini. Egha a Judan midorozir gumazibar gumazir dapanibar akinafariba osirir gumazim ini, kar gumazir gumaziba isima, me midorozir gumazibar otivim. Egha a 60plan gumazamizibar garima, me Jerusalemin ikiavira iti, ezi a uaghan me ini. ²⁰ Egha Nebusaradan gumazamizir kaba, bar me inigha Babilonin atrivim bagha Riplan nguibamin ghu. ²¹ Kar Hamatin nguazim. Ezi atrivim mikemezi, me gumazir kabav soghezi me ariaghire.

Babilonia kamaghın amigha, me gin Judan igharaziba inigha ghua Babilonin kalabus gati.[†]

*Gedalia Judan nguazim gatifa
(Jeremaia 40:7-9; 41:1-3)*

²² Atrivim Nebukatnesar, a gumazamizir Babilonia ataghizi me Judan nguazimin itibagh ativagh men ganasa Gedalia amisefe. Gedalia a Ahikamin otarim, egha Safanin igiyavotarim. ²³ Judan midorozir gumazir maba uan gumazir dapaniba ko, me kantri Judan danganir mabar ikiavira iti. Me kamaghın akam baraki, Babilonin atrivim, Gedalia, Judan nguazimin, gavmanin gumazir dapanir faragha zuimin ikiasi anemisefe. Ezi gumazir kaba bar dikavigha Gedalian ganasa Mispan ghue. Gumazir dapanir kabar ziabar kara: Netanian otarim Ismael, Karean otarim Johanan, Tanhumetin otarim Seraia, a Netofan nguibamin gumazim, ko Makan

nguazimin gumazim Jesania.²⁴ Ezi Gedalia me ko akam akira ghaze, "Bar guizbangira, ia Babilonia men apengan ikiva, men atiatingan marki. Puvati. Ia nguazir kamin ikiva, egh Babilonin atrivimin apengan iki, deraghvira ikiam."

²⁵ Ismael a Netanian otarim, egha a Elisaman igiavotarim, egha a Judan atrivibar ikizir mam. Ezi azenir kamin namba 7in iakinim, a 10plan gumaziba inigha me Mispan izegha Gedalia misoghezi an areme. Egha me uaghan Judan gumaziba ko Babilonian midorozir gumazir Gedalia ko Mispan itiba bar me misoghezi me ariaghire. ²⁶ Bizir kamin gin, danganir kamin ikiavira itir Judaba, ko midorozir gumazibar gumazir dapanir ikiavira itiba, me bar Babilonian atiatingi. Kamaghin amizi, me ara ghua Isipin iti.

Babilonin atrivim kalabusin Jehoiakin firi

(Jeremaia 52:31-34)

²⁷ Judan Atrivim Jehoiakin, Babilonin 37plan azenibar kalabusin itima, Evil Merodak, Babilonin atrivimin oto. Egha azenir kamin aven, an namba 12in iakinim otogha ghua, namba 27in aruem otozi, Evil Merodak, Jehoiakinin apangkuvigha, kalabusin anegifa. ²⁸ Evil Merodak arazir aghuimin a gamua, ziar ekiam ko dabirabir aghuim a ganingi, ezi an dabirabir kam atrivir ighazarir Jehoiakin ko Babilonin kalabusin ikezibar dabirabim gafira. ²⁹ Kamaghin amizi, Jehoiakin ua kalabuziar korotiaba azuir puvati. Egha a zurara dughiabar Babilonin atrivim ko apiav ikia apa ghua, Jehoiakin aremezir dughiamin tu. ³⁰ Babilonin atrivim mikemezi, me dughiabar dagiaba isa Jehoiakin ganidi, eghiti a deraghvira ikiam. Me kamaghiram amua ghua, Jehoiakin aremezir dughiamin tu.

Atrivibar Eghaghaniba Itir Akinafarir Faragha Zuim O 1 Eghaghaniba Akar faragha zuim

Akinafarir kamning, e kamaghin aning dibori: 1 Eghaghaniba ko 2 Eghaghaniba, aning 1 Samuel ko 2 Samuelin Akinafarimning, ko 1 Atriviba ko 2 Atrivibar Akinafarimningin eghaghanir dar aven itiba, ua dagh eghari. Eghaghanir avirir dar aven itiba, magh ghu, ezi gumazir aning osirizim, an nighnizim mong igharagha ghu. Akinafarir kamning, nighnizir pumuningin mingarimin gun mikimasa.

Namba 1. Guizbangira, Israelia akirum ragha God gasaragha osimtzir igharagha garir aviribagh amima da me abini, ezi God bar me ataghizir pu. Puvati. God uan akar dikirizir men inazir afeziaba ko amizim damichti a guizin otivasa me ko ingaravira iti. Akinafarir kamning, Godin ingangarin kam en akaghaha, bizir aghuir Israeliyan atrivir maba amiziba, aning deragha dar gun migei. Atrivir kaba, Atrivim Devit ko Solomon ko Jehosafat ko Hesekia ko Atrivim Josaia.

Namba 2. Akinafarir kamning uaghan, eghaghanir Israelia Godin Dipenimin ikia an ziam fer arazir aviriba, aningin aven iti. Akinafarir kamning kamaghin en akaghaha, manmaghin amizi, arazir kam oto, egha bizir tizim baka. Akinafarir kamning uaghan, deragh ofa gamir gumaziba ko Liavaibar ingangariba akaghaha.

1 Eghaghaniba, Israeliyan inazir afeziabar ziaba iti, kar Adamin ikegha iza Atrivim Solin tu. Egha uaghan Atrivim Sol ko Atrivim Devit geghari.

Adamin ikizim

(Sapta 1:1-27)

*Adamin otaribar ikizibar ziaba
(Jenesis 5:1-32; 10:1-31; 11:10-20)*

¹ Adam Setin afeziam, ezi Set Enosin afeziam. ² Ezi Enos Kenanin afeziam, ezi Kenan Mahalalelin afeziam, ezi Mahalalel Jaretin afeziam. ³ Ezi Jaret Enokin afeziam, ezi Enok Metuselan afeziam, ezi Metusela Lamekin afeziam. ⁴ Ezi Lamek Noan afeziam, ezi Noa otarir 3pla iti, Siem ko Ham ko Jafet.

* ^{1:8:} Kus, a Itiopian adarazir inazir afeziam. Ezi Isip, an ziar igharazim Misraim, a Isipian inazir afeziam. Ezi Put, an ziar igharazim Libia, a Libiabar inazir afeziam. Ezi Kenan, a Kenanian inazir afeziam. ^{† 1:19:} Hibrun akamin, ziar kam, "Pelek," a mong migirigiar otevir kam ko voroghira ghu, "Bar biaghire."

⁵ Jafetin otaribar ziabar kara: Gomer, Magok, Madai, Javan, Tubal, Mesek, ko Tiras. ⁶ Ezi Gomerin otaribar ziabar kara: Askenas, Rifat, ko Togarma. ⁷ Ezi Janvanin otaribar ziabar kara: Elisa, Tarsis, ko Saiprus, ko Rodes.

⁸ Ezi Hamin otaribar ziabar kara: Kus, Isip, Libia ko Kenan.* ⁹ Ezi Kusin otaribar ziabar kara: Seba, Havila, Sapta, Rama ko Sapteka. Ezi Rama otarir pumuningra iti: Seba ko Dedan. ¹⁰ Ezi Kus otarir mam iti, an ziam Nimrot. Nimrot a nguazir kamin bar faraghavira otozir gumazir bar gavgavim.

¹¹ Isip a ikizir kabar ovavim: Lidia, Anam, Lehap, Naptu, ¹² ko Patrus, Kaslu, ko Krit. Ezi Filistian ikizimin adarasi, me Kritin Arighatizimin itir darazir aven otifi.

¹³ Ezi Saidon a Kenanin otarir ivariam. Ezi igharaz darazi uaghan Kenanin ovavir boriba, ezi men adarazir kara: Hitia, ¹⁴ Jebusia, Amoria, Gergasia ko, ¹⁵ Hivia, Arkaya, Sinia, ¹⁶ Arvatia, Semaria ko Hamatia.

¹⁷ Siemin otaribar ziabar kara: Elam, Asur, Arpaksat, Lut ko Aram. Ezi Aramin otaribar ziabar kara: Us, Hul, Geter ko Mesek. ¹⁸ Ezi Arpaksat, a Selan afeziam, ezi Sela, a Eberin afeziamin oto. ¹⁹ Ezi Eber an otarir pumuning iti. Mamin ziam Pelek. Pelek itir dughiamin nguazimin itir gumazamiziba tintinimin biaghire. Kamaghin me ziar kam, "Pelek," a gati. Ziar kamin mingarim kamakin, "Bar biaghire."

Ezi Pelekin dozimin ziam Joktan.[†] ²⁰ Ezi Joktanin otaribar ziabar kara: Almodat, Selep, Hasarmavet, Jera ko, ²¹ Hadoram, Usal, Dikla, ko ²² Ebal, Abimael, Seba ko, ²³ Ofir, Havila, ko Jobap. Gumazir kaba bar, me Joktanin otariba. ²⁴ Ezi Siem Arpaksatin afeziam, ezi Arpaksat Selan afeziam. ²⁵ Ezi Sela Eberin afeziam, ezi Eber Pelekin afeziam, ezi Pelek Reun afeziam. ²⁶ Ezi Reu Serukin afeziam, ezi Seruk Nahorin afeziam, ezi Nahor Teran afeziam. ²⁷ Ezi Tera Abramian afeziam. Ezi Abramian ziar igiam kamaghin ghu, Abraham.

Abrahamin ikizim

(Sapta 1:28-54)

*Abrahamin ovavir borir mabar ziaba
(Jenesis 25:12-16)*

²⁸ Abraham otarir pumuning iti, Aisak ko Ismael. ²⁹ Ismaelin otarir ivariamin ziam Nebaiot. Ezi an girara iriba, Kedar, Atbel, Mipsam ko, ³⁰ Misma, Duma, Masa, Hadat, Tema ko, ³¹ Jetur, Nafis ko Kedema.

³² Abraham, amuir dozimin iti, an ziam Ketura. Keturan otivizir otaribar ziabar

kara: Simran, Joksan, Medan, Midian, Isbak ko Sua. Joksan otarir pumuning iti, Seba ko Dedan.³³ Ezi Midianin otaribar ziabar kara: Efa, Efer, Hanok, Abida ko Elda. Ka bar Keturan igiavotariba.

*Ison ovavir boribar ziaba
(Jenesis 36:1-19)*

³⁴ Abrahamin otarim Aisak, otarir pumuning iti, Iso ko Jekop. Jekopin ziar igharazim, Israel.³⁵ Ezi Ison otaribar ziabar kara: Elifas, Ruel, Jesus, Jalam, ko Kora.³⁶ Elifasin otaribar ziabar kara: Teman, Omar, Sefi, Gatam, Kenas, Timna ko Amalek.³⁷ Ruelin otaribar ziabar kara: Nahat, Sera, Sama ko Misa.

*Seirin ovavir boribar ziaba
(Jenesis 36:20-30)*

³⁸ Seirin otaribar ziabar kara: Lotan, Sobal, Sibeon, Ana, Dison, Eser ko Disan.³⁹ Ezi Lotanin otarimning, Hori ko Homam. Lotan buaramizim Timna.⁴⁰ Sobalin otaribar ziabar kara: Alvan, Manahat, Ebal, Sefi, ko Onam. Ezi Sibeonin otarir pumuning, Aia ko Ana.⁴¹ Anan otarim Dison. Ezi Disonin otaribar ziabar kara: Hamran, Esban, Itran, ko Keran.⁴² Eserin otaribar ziabar kara: Bilhan, Savan ko Jakan. Ezi Disanin otarimning ziamning kara: Us ko Aran.

*Idomin kantrin atrivibar ziaba
(Jenesis 36:31-43)*

⁴³ Ezi Israelin nguibam atriviba puvatizi dughiamin, Idomin nguibam atrivir aviriba iti. Atrivir faragha otozim Bela, a Beorin otarim. A Dinhaban nguibar ekiamin atrivimin iti.⁴⁴ Egha Bela aremezi, Bosran nguibar ekiamin gumazim Seran otarim Jobap, an danganim inigha atrivimin oto.⁴⁵ Egha Jobap aremezi, Temanian nguazimin gumazim Husam, an danganim inigha atrivimin oto.⁴⁶ Egha Husam aremezi, Bedatin otarim, Hadat an danganim inigha atrivimin iti. Hadat Moapin nguazimin ghua Midianin gumaziba ko misoghava midorozimin me abira. Egha Hadat Avitin nguibar ekiamin atrivimin iti.⁴⁷ Egha Hadat aremezi, Masrekan nguibamin gumazim, an ziam Samla, an danganim inigha atrivimin oto.⁴⁸ Egha Samla aremezi, Saul an danganim inigha atrivimin oto. Saul, a Rehobotian gumazir mam. Rehobot, a Yufretisin Fanemin miriamin itir nguibam.⁴⁹ Ezi Saul aremezi, Akborin otarim Balhanan an danganim inigha atrivimin oto.⁵⁰ Egha Balhanan aremezi, Hadat an danganim inigha atrivimin oto. Egha Paun nguibamin

atrivimin iti. Ezi an amuim Mehetabel, a Matretin guivim. Ezi Mehetabelin inazim Mesahap.

⁵¹ Ezi gin Hadat aremezi, gumazir dapaniba Idomian anababagh ativagha men gari. Me distrighin kabagh ativagha dar gari: Timna, Alva ko Jetet,⁵² Oholibama, Ela, Pinon,⁵³ Kenas, Teman, Mipsar,⁵⁴ Makdiel ko Iram. Me bar, Idomian anababar gumazir dapanibar ziaba.

Israelin otaribar ziaba

2

(Sapta 2-8)

¹ Israelin otaribar ziabar kara: Ruben, Simeon, Livai, Juda, Isakar, Sebulun,² Dan, Josep, Benjamin, Naptali, Gat ko Aser.

JUDAN OAVIR BORIBAR ZIABA

Judan otaribar ziaba

³ Judan otaribar ziabar kara: Er, Onan ko Sela. Otarir 3plan kabar amebam Batsua, a Kenanian amizim. Judan otarir ivariam, Er, a Ikiavira Itir Godin damazimin arazir bar kuram gamizi, Ikiavira Itir God a misoghezima an areme. ⁴ Ezi Judan otarir igharazimning iti, Peres ko Sera. Ezi an ingin amebam Judan ivozir guivim, an ziam Tamar. Kamaghin amizi, Juda bar moghira otarir 5pla iti.

⁵ Peresin otaribar ziabar kara: Hesron ko Hamul.⁶ Seran otaribar ziabar kara: Simri, Etan, Heman, Kalkol, ko Darda. Sera bar moghira 5plan otariba iti.⁷ Karmin otarim Akan,* a Seran adarazir mav. Anarira bizir Israelia God bagha inabaziba ini. Ezi bizir kam bangin God osimtzim isa Israelia ganingi.⁸ Etan otarir vamira iti, an ziam Asaria.

Atrivim Devit otozir adarazir ziaba

⁹ Peresin otarim Hesron, a otarir 3pla iti, men ziabar kara: Jeramel, Ram ko Kalep.¹⁰ Ezi Ram an Aminadapin afeziam, ezi Am-inadap, a Nasonin afeziam. Nason, a Judan anabamin gumazir dapanir mam.¹¹ Ezi Nason, a Salmonin afeziam, ezi Salmon, a Boasin afeziam,¹² ezi Boas, a Obetin afeziam, ezi Obet Jesin afeziam.

¹³ Ezi Jesi otarir 7pla iti. An otarir ivariam Eliap, ezi an girara irim Abinadap, ezi an namba 3in otarim Simea.¹⁴ Ezi an namba 4in otarim Netanel, ezi namba 5 Radai.¹⁵ Ezi namba 6 Osem, ezi abuan namba 7 Devit.¹⁶ Jesi uaghan guivir pumuning iti, Seruia ko Abigel. Ezi Seruia otarir 3pla iti, Abisai ko Joap ko Asahel.¹⁷ Ezi Abigelin pam Jeter, a Ismaelin adarazir gumazir

^{2:7:} Josua 7:1 * ^{2:7:} Ziar kam, "Akan," a guizbangira gumazir kamin ziam. Ezi Hibrun akamin, ziar igharazim, "Akar," an araremin mingarin kamaghin ghu, "Ikufi." Kamaghin amizi, gumazir migirigiar otevir kam osirizim, kamaghin an osiri, "Akar."

mam. Abigel otarir mam bate, an ziam Amasa.

Hesronin otarir mabar ziaba

¹⁸ Hesronin otarim Kalep, an amuimin ziam Asuba. Ezi Asuba, guivir mam bate, an ziam Jeriot. Ezi Jeriotin otaribar ziabar kara: Jeser, Sobap, ko Ardon.[†] ¹⁹ Ezi Asuba aremezi, Kalep Efrata inigha an itima, an otarir mam bate, an ziam Hur. ²⁰ Ezi Hur, Urin afeziam, ezi Uri Besalelin afeziam.

²¹ Ezi gin, Hesron 60plan azeniba ikia, Makirin guivimir iti. Amizir kam, Gileatin afumim. Egha amizir kam otarir mam bate, an ziam, Segup. ²² Ezi Segup, a Jairin afeziam. Ezi Jair Gileatin Distrighin itir nguubar ekiar 23pla gativagha dar gari. ²³ Ezi Gesur ko Sirian adarazi izava, Jair ko Kenatian adarazi ko misogha men nguubar ekiaba ko, men nguubar dozir men boroghin itir maba sara ini. Me 60plan nguubar ekiaba bar moghira da ini. Danganir kamin iti darasi, kar Gileatin afeziam Makirin ovavir boriba. ²⁴ Ezi Hesronin amuim Abiya navim adair dughiamin, Hesron, Kalep Efratan nguubar ekiamin aremezi. [‡] Ezi Abiya otarim bategha, ziam Asur a gati. Ezi gin, Asur Tekoan nguubar ekiam aghuigha an ingari.

Jeramelin ovavir boribar ziaba

²⁵ Ezi Hesronin otarir ivariam Jeramel, a 5plan otariba iti. Ram, an otarir ivariam. Ezi otarir ighazaribar ziabar kara: Buna, Oren, Osem, ko Ahiya. ²⁶⁻²⁷ Ezi Ram otarir 3pla iti, men ziabar kara: Mas, Jamin, ko Eker. Ezi Jeramel uam amizir mam inigha an iti, an ziam Atara. Ezi Atara otarir vamira bate, an ziam Onam. ²⁸ Ezi Onamin otarimningin ziamning kara: Samai ko Jada. Ezi Samai, an otarimningin ziamning kara: Nadap ko Abisur. ²⁹ Ezi Abisur Abihail inigha an itima, an otarir pumuning bate, Aban ko Molit.

³⁰ Nadapin otarimningin ziamning kara: Selet ko Apaim. Ezi Selet boritam inizir puvatigha areme. ³¹ Ezi Apaim otarir vamira iti, an ziam Isi. Ezi Isi otarir vamira iti, an ziam Sesan. Ezi Sesan otarir vamira iti, an ziam, Alai.

³² Ezi Samain avebam Jada, an otarimningin ziamning kara: Jeter ko Jonatan. Ezi Jeter boritam inizir puvatigha areme. ³³ Ezi Jonatan otarir pumuning iti, aningin ziamning, Pelet ko Sasa. Gumazir kaba, kar Jeramelin ovavir boriba.

³⁴ Ezi Sesan otariba puvati, a guivibara iti. Ezi Isipian gumazir mam, Sesanin ingangarir gumazir kinimin iti. Ingangarir

gumazir kinir kamin ziam, Jara. ³⁵ Ezi Sesan uan guivir mam ataghizi, a ingangarir gumazir kinim Jaran iti. Egha otarir mam bate, an ziam Atai. ³⁶ Ezi Atai, a Nataniñ afeziam, ezi Natan, Sabatin afeziam. ³⁷ Ezi Sabat, Eplalin afeziam, ezi Eplal, a Obetin afeziam. ³⁸ Ezi Obet, a Jehun afeziam, ezi Jehu, a Asarian afeziam. ³⁹ Ezi Asaria, a Helesin afeziam, ezi Heles Eleasan afeziam. ⁴⁰ Ezi Eleasa, a Sismain afeziam, ezi Sismai, a Salumin afeziam. ⁴¹ Ezi Salum, a Jekamian afeziam, ezi Jekamia, a Elisaman afeziam.

Kalepin ovavir boribar ziaba

⁴² Ezi Jeramelin avebam Kalep, an otaribar ziabar kara. An otarir ivariam, Mesa. Ezi Mesa Sifin afeziam, ezi Sif Maresan afeziam, ezi Maresa Hebronin afeziam.

⁴³ Ezi Hebronin otaribar ziabar kara: Kora, Tapua, Rekem ko Sema. ⁴⁴ Ezi Sema, a Rahamin afeziam, ezi Raham, a Jorkeamin afeziam.

Ezi Rekem, a Samain afeziam. ⁴⁵ Ezi Samai, a Maonin afeziam, ezi Maon, a Betsurin afeziam.

⁴⁶ Ezi Kalepin amuir dozir mam, an ziam Efa. Ezi Efan otaribar ziabar kara: Haran, Mosa, ko Gases. Ezi Haran, a Gasesin ighazarimin afeziam.

⁴⁷ Ezi Jadain otaribar ziabar kara: Regem, Jotam, Gesan, Pelet, Efa, ko Sap.

⁴⁸⁻⁴⁹ Ezi Kalepin amuir dozir ighazarir mam, an ziam Maka. Ezi Makan otaribar ziabar kara: Seber ko Tirhana, Sap ko Seva. Ezi Sap, Mattanan nguubar ekiamin ingari. Ezi Seva Makbena ko Gibean nguubar ekiammingin ingari. Ezi Kalep guivir mam iti, an ziam Aksa.

⁵⁰⁻⁵¹ Ezi Kalepin ovavir borir ighazarir maba uaghan iti. Kalep ko Efrata, aningin otarir ivariam Hur. Ezi Hurin otaribar ziabar kara: Sobal, Salma, ko Harep. Ezi Sobal, Kiriat Jearimin nguubar ekiamin ingari. Ezi Salma, Betlehemin nguubar ekiamin ingari. Ezi Harep, Betgaderin nguubar ekiamin ingari.

⁵² Ezi Sobal, a Kiriat Jearimin nguubar ekiamin ingarizir gumazim, a Haroen nguubar ekiamin itir gumazamiziba, ko nguubar ekiam Menuhotin itir gumazamizir mabar inazir afeziam. ⁵³ Egha a uaghan Kiriat Jearimin itir gumazamizibar inazir afeziam. Gumazamizir kaba, me Itra ko Put ko Sumat ko Misran ovavir boriba. Nguubar ekiam Sora ko nguubar ekiam Estaolin gumazamiziba, me uaghan men adarasi.

[†] **2:18:** Hibrun akam deragha akar kamin mingarim abighizir puvati. Fomira itir gumazir maba uari akar kam gira, ezi Tok Pisin Buk Baibelin itir osirizim men nighnizimin girara ghu. [‡] **2:24:** Hibrun akam deragha akar kamin mingarim abighizir puvati.

⁵⁴ Ezi Salman ovavir boriba, me nguibar ekiam Betlehem, ko nguibar ekiam Netofa, ko nguibar ekiam Atrot Betjoapin gumazamiziba, ko nguibar ekiam Manahatin gu-mazamizir maba, me bar moghira Sorin nguibamin ikegha izezir gumazamiziba.
⁵⁵ Ezi Jabesin nguibar ekiamin itir marasi, me akinafariba osira fozir ikiziba. Ikiz kabar ziabar kara: Tira, Simea ko Suka. Kar Kinin adarasi. Ezi men inazir afeziam Hamat. Hamat uaghan Rekapin nguibar ekiamin itir adarazir inazir afeziam.

3

Atrivim Devitin ovavir boribar ziaba

¹ Devit Hebronin nguibar ekiamin itir dughamin, an otarir maba ini. Men ziabar kara: Amnon, an otarir ivariam, an amebam Ahinoam, a Jesrulin nguibar ekiamin amizim. Ezi an gin ototir otarim, Daniel. An amebam Abigel, a Karmelin nguibar ekiamin amizim.² Ezi otarir namba 3, Apsalom. An amebam Maka, ezi Makan afeziam Talmai, a kantri Gesurin atrivim. Ezi otarir namba 4 Adoniya. An amebam, Hagit.³ Ezi otarir namba 5, Sefatia, an amebam Abital. Ezi otarir namba 6, Itream, an amebam, Ekla.⁴ Devit Hebronin nguibar ekiamin ikiava otarir kaba ini. A 7plan azeniba ko 6plan iakinbar Hebronin atrivimin ike.

Egha Jerusalemin ikia, 33plan azenibar atrivimin iti.⁵ A kagh itima, an amuim Batseba otarir 4pla bate. Batseba an Amielin guivim. Ezi an otaribar ziabar kara: Simea, Sobap, Natan, ko Solomon.⁶ Devit ua gin, otarir 9pla ini. Men ziabar kara: Iphar, Elisama, Elifelet,⁷ Noga, Nefek, Jafia,⁸ Elisaman igharazim ko, Eliada ko Elifeletin igharazim.⁹ Devit otarir kaba ini. A uaghan otarir igharazir maba ini, an amuir doziba me bate. Egha a uaghan guivir mam iti, an ziam Tamar.

Atrivim Solomonin ovavir boribar ziaba

¹⁰ Kar Solomonin ovavir boribar ziaba. Solomon, a Rehoboamin afeziam, ezi Rehoboam, a Abiyan afeziam, ezi Abiya, a Asan afeziam, ezi Asa, a Jehosafatin afeziam,¹¹ ezi Jehosafat, a Jehoramin afeziam, ezi Jehoram, a Ahasian afeziam, ezi Ahasia, a Joasin afeziam,¹² ezi Joas, a Amasian afeziam, ezi Amasia, a Usian afeziam, an ziar igharazim Asaria. Ezi Usia, a Jotamin afeziam,¹³ ezi Jotam, a Ahasin afeziam, ezi Ahas, a Hesekian afeziam, ezi Hesekia, a Manasen afeziam.¹⁴ Ezi Manase, a Emonin afeziam, ezi Emon, a Josaijan afeziam.

¹⁵ Ezi Josaia otarir 4pla iti. An otarir ivariam, Johanan, ezi an girara irim Jehoiakim, ezi namba 3in otarim Sedekaia, ezi namba 4in otarim Salum, an ziar igharazim Joahas.

¹⁶ Ezi Jehoiakim otarir pumuning iti, Jekonia ko Sedekaia. Jekonia, an ziar igharazim Jehoiakin.

Atrivim Jehoiakinin ovavir boribar ziaba

¹⁷ Jehoiakin, an atrivir Babilonia suiragha kalabuziar gumazimin min, a inigha ghua uan kantrin atizim. An otaribar ziabar kara: Sealtiel,¹⁸ ko Malkiram, Pedaia, Senasar, Jekamia, Hosama, ko Nedabia.¹⁹ Pedaian otarimning ziamning kara: Serubabel ko Simei. Ezi Serubabel otarir pumuning iti, aningin ziamning, Mesulam ko Hanania. A uaghan guivir mam iti, an ziam Selomit.²⁰ Ezi Pedaia otarir 5pla iti. Men ziabar kara: Hasuba, Ohel, Berekia, Hasadia, ko Jusap Heset.²¹ Ezi Hananian otarimning ziamning, Pelatia ko Jesaia. Ezi Jesaia, a Refaian afeziam, ezi Refaia, a Arnanin afeziam, ezi Arnan, a Obadian afeziam, ezi Obadiah, a Sekanian afeziam.*

²² Ezi Sekania otarir vamira iti, an ziam Semaia. Ezi Semaia otarir 5pla iti. Men ziabar kara: Hatus, Igal, Baria, Nearia ko Safat.²³ Ezi Nearia otarir 3pla iti, Elioenai, Hischia ko Asrikam.²⁴ Ezi Elioenai otarir 7pla iti, men ziabar kara: Hodavia, Eliasip, Pelaia, Akup, Johanan, Delaia ko Anani.

4

Judan adarazir igharazibar ziaba

¹ Judan ovavir borir mabar ziabar kara: Peres, Hesron, Karmi, Hur ko Sobal.² Ezi Sobal, a Reaian afeziam, ezi Reaia, a Jahatin afeziam, ezi Jahat, a Ahumai ko Lahatin afeziam. Gumazir kaba, Soran nguibar ekiamin itir ikizibar inazir afeziaba.

³⁻⁴ Ezi Kalepin amuim Efrata, an borir ivariar an otezimin ziam, Hur. Ezi gin Hur Betlehemin nguibar ekiamin ingari. Hurin otaribar ziabar kara: Jesril, Isma, Itbas, Penuel ko Eser. Ezi men buaramizim Hasel-lponi. Ezi gin Jesril, Isma ko Itbas, me Etamin nguibar ekiamin ingari. Ezi Penuel Gedorin nguibar ekiamin ingari. Ezi Eser Husan nguibar ekiamin ingari.*

⁵ Ezi Asur, a Tekoan nguibar ekiamin ingarizir gumazim, an amuir pumuning iti, aningin ziamning Hela ko Nara.⁶ Ezi Nara otarir 4pla bate. Men ziabar kara: Ahusam, Hefer, Temeni, ko Hahastari.⁷ Ezi Hela

3:4: 2 Samuel 5:4-5; 1 Atriviba 2:11; 1 Eghaghaniba 29:27
 kamin mingarim abighizir puvati.

*** 4:3-4:** Hibrun akam vezin kamningin mingarim deragha an abighizir puvati.

3:5: 2 Samuel 11:3 *** 3:21:** Hibrun akam deragha akar

3plan otariba bate, men ziabar kara: Seret, Ishar, ko Etnan.

⁸Ezi Kos, Anup ko Sobeban afeziam. Egha Harumin otarim Aharhelin ikizibar inazir afeziamra.

⁹Gumazir mam iti, an ziam Jabel. An araziba bar deragha uan aveghbuubar araziba bar dagh afira. Ezi gumazamizibar bar an ziam fe. Jabelin amebam a batir dughiamin, a bar mizazir ekiamini. Kamaghin amizima, a ziam Jabel, a gati.[†]

¹⁰Ezi dughiar mamin Jabel kamaghin Israelian Godin dia ghaze, "O God, ki kamaghhsua, ni deravira na damuva nguazir aviriba na daningti, da nguazir ki datirighin itim gafiraghram. Eghit nin gavgavim na ko ik'va nan akurvagh! Egh ni bar deravira na gehghvuti, arazir kuraba mizaziba na danangan kogham." Ezi God Jabelis azangsizim baregha Jabel an azarazi moghiram ami.

¹¹Ezi Suhan aveghbuam Kelup, a Mehrin afeziam, ezi Mehrin, a Estonin afeziam.

¹²Ezi Eston, a Betrafa ko Pasea ko Tehinan afeziam. Ezi Tehina, a Nahasin nguivar ekiamin ingari. Gumazir kaba Rekan danganimin iti.

¹³Ezi Kenasin otarimning ziamming, Otniel ko Seraia. Ezi Otniel, Hatat ko Meonotain afeziam.

¹⁴Ezi Meonotai, a Ofran afeziam.

Ezi Seraia, a Joapin afeziam. Ezi Joap, danganir zarir mamin itir ikizimin inazir afeziam. Danganir zarir kam, me kamaghin a dibora ghaze, "Fofozim Itir Ingangarir Gumazibar Danganir Zarim." Danganir kamin itir gumazamiziba, me bizir guar aviribar ingaramin fofoziba iti. Kamaghin amizi, me ziar kam a gati.

¹⁵Jefunen otarim Kaled, otarir 3pla iti. Men ziabar kara: Iru, Ela ko Nam. Ezi Ela, Kenasin afeziam.

¹⁶Jehalelein otaribar ziabar kara: Sif, Sifa, Tiria ko Asarel.

¹⁷⁻¹⁸Ezi Esran otaribar ziabar kara: Jeter, Meret, Efer ko Jalon. Ezi Meret, a Isipian atrivimin guivim Bitian iti. Aningin boribar ziabar kara: Miriam, Samai ko Isba. Gin Isba Estemoan nguivar ekiamin ingari. Meret uaghan Judan anabamin amizir mamin iti. Aningin boribar ziabar kara: Jeret ko Heber ko Jekutiel. Ezi gin, Jeret Gedorin nguivar ekiamin ingari. Ezi Heber Sokon nguivar ekiamin ingari. Ezi Jekutiel Sanoan nguivar ekiamin ingari.

¹⁹Ezi Hodia, a Nahamin afumimin iti. Aningin ovavir borir maba, Gerem ko Makan ikizimning iti. Ezi Geremin ikizim, me

nguigar ekiam Keilan itima, Makan ikizim, me Estemoan nguigar ekiamin iti.[‡]

²⁰Simonin otaribar ziabar kara: Amnon, Rina, Benhanan, ko Tilon.

Ezi Isi otarir pumuning iti: Sohet ko Bensohet.

²¹⁻²³Ezi Sela, a Judan otarir mam. Kar an ovavir borir mabar ziaba: Er, Lada, Jokim, Joas, Sarap, ko Koseban nguigar ekiamin iti darasi, ko Betasbean nguigar ekiamin iti darasi. Betasbean itir gumazamizir kaba, me inir bar aghuiba nuavir darasi.

Ezi Er, a Lekan nguigar ekiamin ingari. Ezi Lada, a Maresan nguigar ekiamin ingari. Ezi Joas ko Sarap, aning Moapin nguazimin iti darazi ko Jasubi Lahemin nguigar ekiamin iti darazi gativagha men gari.

Gumazir kaba, Netaim ko Gederan nguigar ekiamning ikiava atrivibar ingangaribagh ami. Me nguazir minebar ingarir gumazibar.

Migirigiar otevir kam, gumaziba fomira an osiri.

SIMEONİN OVAVIR BORIBAR ZIABA

²⁴Simeonin otaribar ziabar kara: Ne-muel, Jamin, Jarip, Sera ko Saul. ²⁵Ezi Saul, a Salumin afeziam, ezi Salum, a Mipsamin afeziam, ezi Mipsam, a Misman afeziam. ²⁶Misman ovavir boribar ziabar kara: Misma, a Hamuelin afeziam, ezi Hamuel, a Sakurin afeziam, ezi Sakur, a Simein afeziam.

²⁷Ezi Simei otarir 16pla ko guivir 6pla iti. Ezi an aveghbuuba otarir aviriba pupavi. Kamaghin amizi, Simeonin anabam, Judan anabamin min avirasemezir pupavi. ²⁸Simeonin anabamin adarasi, me nguigar ekiar kabar iti: Berseba, Molada, Hasarsual, ²⁹Bilha, Esem, Tolat, ³⁰ko Betuel, Horma, Siklak, ³¹ko Bet, Markabot, Hasarsusim, Bethbiri, ko Saraim. Simeonin anabamin gumazamiziba nguivar kabar ikia ghuavira itima, Atrivim Devitin dughiam oto. ³²Me uaghan 5plan nguigar ekiar kabar iti: Etam, Ain, Rimon, Token ko Asan. ³³Egha me uaghan danganir dozir nguigar ekiar kabar boroghin itibar ikia ghua Balatin nguigar ekiamin tu. Kar Simeonin anabamin nguivar ekiaba. Simeonin anabamin adarasi, me bar deraghavira uan ikiziba ko gumazamizibar ziaba osiri.

³⁴⁻³⁸Kar men ikizibar faragha zuir gu-mazir dapanibar ziaba: Mesobap, Jamlek ko Amasian otarim Josa, ko Joel, Elioenai, Jakoba, Jesohaia, Asaia, Adiel, Jesimiel, Be-naia, Jehu, ko Sisa. Jehu, a Josibian otarim,

[†] 4:9: Hibrun akamin ziar kam Jabel, a mong akar otevir kam ko voroghira ghu, "Mizazim." [‡] 4:19: Hibrun akam akar kam deragha an mingarim abighizir pupavi. ^{4:28:} Josua 19:2-8

ezi Josibia, a Seraian otarim, ezi Seraia, a Asielin otarim. Ezi Sisa, a Sifin otarim, ezi Sifi, a Alonin otarim, ezi Alon, a Jedain otarim, ezi Jedaia, a Simrin otarim, ezi Simri, a Semaian otarim. Gumazir dapanir kabar ikizibar gumazamiziba ghua bar aviraseme.

³⁹ Egha me uan bulmakauba ko sipsipa damamin grazir aghuiba buria ghua, Gedorin danganir aruem anadi naghin, danganir zarimin boroghin iti. ⁴⁰ Me ghua danganir kamin garima danganir kamin graziba bar dera, ezi danganir zarir kam bar ekefe. Ezi me danganir kamin itima, osimtzitaba me bativir puvatizima, me deraghavira iti. Hamin adarazi bar fomira danganir kamin ike.

⁴¹ Judabar Atrivim Hesekia, an atrivimin itir dughiamin, Simeonin anabamin gumazir dapaniba garima, grazir bar aghuiba danganir kamin iti. Kamaghin amizi, me ghuava Ham ko Meunin adarazi ko misosi. Egha me gumazamizir kabav sogha men purirpenibagh asighasigha bar me kuavareme. Ezi men tav ua itir puvati. Egha gin Simeonin anabamin gumazamiziba danganir kam gapia.

⁴² Ezi Simeonin anabamin 500plan midorozir gumaziba dikavigha ghua, Seirin danganimin aven itir mighsiabar itir danganimin ghue, kar Idoman nguazim. Men gumazir dapaniba, me Isin otariba. Men ziabar kara: Pelatia, Nearia, Refaia, ko Usiel. ⁴³ Amalekian adarazir marazi fomira Israelien ara ghua danganir kamin iti. Ezi Simeonin anabamin gumaziba ghuava, Amalekian ikiavira itir varazira misogha me dikabiraghya men danganim inigha an ikia iza datirighin tu. §

5

RUBENIN OVAVIR BORIBAR ZIABA

¹ Jekop an ziar mam Israel, an otarir ivariam Ruben. Ruben uan afeziamin amuir dozir mam ko akui. Kamaghin amizi, an otarir ivariaba iniamin danganim, an a inizir puvati. Puvati. An dozim Josepin otarimning, an danganir kam ini. Kamaghin amizi, Israeliel otaribar ziar me osiziribar tongin, Rubenin ziam faragha itir puvati. ² Guizbangira, Juda uan aveghbuubar tongin bar gavgavigha ziar ekiam iti, ezi gin Israeliel atriviba, Judan ovavir boribar tongin otifi. Ezi Josep, Israeliel otarir ivariamin min danganir kam ini.

³ Kar Israeliel otarir ivariam, Rubenin otaribar ziabar kara: Hanok, Palu, Hesron ko Karmi.

⁴ Ezi Rubenin ovavir boribar tongin, gunazir mam Joel, an ovavir boribar ziabar kara: Joel, a Semaian afeziam, ezi Semaia, a Gokin afeziam, ezi Gok, a Simein afeziam, ⁵ ezi Simei, a Maikan afeziam, ezi Maika, a Reaian afeziam, ezi Reaia, a Balin afeziam, ⁶ ezi Bal, a Beran afeziam. Bera, a Rubenin anabamin gumazir dapanimin itima, Asirian Atrivim Tiklat Pileser an suiragha uan kantrin ghua kalabuziamin min aneti.

⁷ Ezi Rubenin anabamin adarazir gumazir dapanibar ziaba, me kamaghin dar bora da osira izaghiri: Jeiel a faragha zui, ezi Sekaria, ⁸ ko Bela, aning an gin zui. Bela, a Asasin otarim, ezi Asas, a Seman otarim, ezi Sema, a Joelin otarim. Anabar kam itir danganim, Aroerin nguibar ekiamin notin amadaghan ikegha ghua Nebo ko Balmeonin nguibar ekiamningin tu. ⁹ Me Gileatin Distrighin danganir kamin itima, men bulmakauba ko sipsipa bar aviraseme. Ezi men marazi ghua aruem anadi naghin, nguazir gumazamiziba puvatizir danganimin miriamin itim inigha an iti, nguazir kamin mitaghniem ghua Yufretis Fanemin tu.

¹⁰ Ezi Sol atrivimin itir dughiamin, Rubenin adarazir Hagarin adaraziv soghezi me ariaghire. Ezi Rubenin anabamin adarasi, Hagarin nguazim inigha a gapia. Nguazir kam, Gileatin Distrighin amadaghan aruem anadi naghin iti.

GATIN OVAVIR BORIBAR ZIABA

¹¹ Ezi Gatin anabamin adarasi, Basanin Distrighin ikia Rubenin anabamin adarazi iti naghin notin amadaghan iti. Me itir nguazimin mitaghniem ghua aruem anadi naghin Salekan nguibar ekiamin tu. ¹² Gatin anabamin marazi Basanin Distrighin iti. Ezi Joelin ikizim men faragha zui, ezi Safamin ikizim men girara zui, ezi uaghan Janain ikizim ko Safatin ikizim me ko iti.

¹³ Ezi Gatin anabam, 7plan ikizir igharaziba uaghan iti. Men ziabar kara: Maikel, Mesulam, Seba, Jorai, Jakan, Sia ko Eber.

¹⁴ Men ovavim Abihail, a Hurin otarim. Ezi Huri, a Jaroan otarim, ezi Jaroa, a Gileatin otarim, ezi Gileat, a Maikelin otarim, ezi Maikel, a Jesisain otarim, ezi Jesisai, a Jadon otarim, ezi Jado, a Busin otarim.

¹⁵ Ezi ikizir kamin gumazir dapanim Ahi, an Apdielin otarim, egha Gunin igiavotarim.

¹⁶ Ezi 7plan ikizir kaba, Gileatin Distrik ko Basanin Distrighin ikia, egha uaghan aningin aven itir nguibar ekia ko dozibar iti. Egha uaghan me Saronin nguazimin iti. Nguazir aghuir kaba, men bulmakauba

ko sipsipba damamin grazir bar aghuiba iti.¹⁷ Dughiar Jotam Judabar atrivimin itim, ko dughiar Jeroboam Israelian atrivimin itimin, akinafarim osirir gumaziba Gatin anabamin ikizibar gumazibar ziaba, bar da osiri.

Rubenin adarazi ko Gatin adarazi ko Manasen adarazi apaniba abira

¹⁸ Israelian Jordanian Fanemin aruem anadi naghin itir darasi, me Rubenin anabamin adarazi ko Gatin anabamin adarazi ko Manasen anabamin me tuirazimningin mamin adarasi, me bar moghira 44,760plan midorozir gumaziba iti. Gumazir kaba bar deravira oraba ko midorozir sababar suigha misogha, uaghan barir pibar asa bar fo. ¹⁹ Me ghua Hagarin adarazi ko, Jetur ko, Nafis ko, Nodapin adarazi ko misosi. ²⁰ Ezi midorozimini dughiamin, Israelia uarir akurvaghaha Godin diagha an azai. Ezi God men akurazi me uan apanir kaba abira. Me bar uarir akurvaghaha nighnizir gavgavir ekiam Godin itima, God men akura. ²¹ Ezi me uan apanibar asiziba uari bagha da ini. Me 50,000plan kamelba isava, 250,000plan sipsipba ko 2,000plan donkiba ini. Egha uaghan 100,000plan gumazamizibar suigha kalabuziabar min me inigha ize. ²² Bar guizbangira, God ubi midorozir kamin faragha zui, kamaghin amizi apanibar gumazir aviriba midorozir kamin ariaghire. Egha me gin uan apanibar nguazim inigha a gapia. Me an ikia ghua azenir aviribar gin, Israelian apanir igharaziba me inigha ghua kantrin igharazimin me isa kalabuziabar min me atizir dughiamin oto.

MANASEN ANABAR ME TUIRAZIMN-INGN MAMIN OVAVIR BORIBAR ZIABA

²³ Manasen anabar me tuirazimningin ikizir mam bar aviraseme. Me Basanin Distrighin iti, ezi men nguazim Balhermonin nguibar ekiamin notin amadaghann ghua Senirin Mighsiamin tu, an ziar mam Hermonin Mighsiam.

²⁴ Men ikizibar gumazir dapanibar ziabar kara: Efer ko Isi, Eliel, Asriel, Jeremaia, Hodavia, ko Jadiel. Gumazir kaba bar midorozir gumazir aghuiba, egha uaghan ziar ekiaba iti.

Ruben ko Gat ko Manasen adarazi ghua Asirian kantrin aven kalabuziabar min iti

²⁵ Ezi gin Rubenin anabam ko Gatin anabam ko Manasen anabar me tuirazimningin mamin adarasi, me uan inazir afeziabar Godin akam batuegha arazir bar kurabagh ami. Egha me gumazamizir faragha nguazir kamin ikezibar asebar

ofa gami. Israelia ghua nguazir kamin otozir dughiamin, God me bagha nguazir kamin iti darazi batoke. Ezi datirighin Israelia ua akirim ragha uan God gasara, mati amizim uan pam ategha tuavir amizimin min pura tintinibar gumaziba ko akui moghin iti. ²⁶ Kamaghin amizi, Israelian God, Asirian Atrivim Pul, an ziar igharazim Tiklat Pileser, a me misoghaha nighnizim a ganigha an nighnizim fe. Ezi Asiriaba izava Israelia misogha me abira. Egha Asiriaba Rubenin anabam, ko Gatin anabam, ko Manasen anabar me tuirazimningin mamin adarazi inigha ghua, Halan nguazim ko Haborin Fanem ko Gosenin Fanemin boroghin itir nguazim, ko Haran Distrighin otogha me isava kalabuziabar min me ati. Ezi me kagh ikia iza datirighin iti.*

6

LIVAIN OVAVIR BORIBAR ZIABA

Livain anabamin aven ofa gamir gumazibar dapanibar ziaba

¹ Livain otaribar ziabar kara: Gerson, Kohat ko Merari. ² Ezi Kohatin otaribar ziabar kara: Amram, Ishar, Hebron ko Usiel. ³ Ezi Amramin boribar ziabar kara: Aron ko Moses ko Miriam. Ezi Aronin otaribar ziabar kara: Nadap, Abihu, Eleasar ko Itamar. ⁴ Ezi Eleasar, a Finiasin afeziam, ezi Finias, an Abisuan afeziam, ⁵ ezi Abisua, a Bukiin afeziam, ezi Buki, a Usin afeziam, ⁶ ezi Usi, a Serahian afeziam, ezi Serahia, a Meraiotin afeziam, ⁷ ezi Meraiot, a Amarian afeziam, ezi Amaria, a Ahitupin afeziam, ⁸ ezi Ahitup, a Sadokin afeziam, ezi Sadok, a Ahimasin afeziam, ⁹ ezi Ahimas, a Asarian afeziam, ezi Asaria, a Johananin afeziam, ¹⁰ ezi Johanan, a Asarian igharazimin afeziam. Atrivim Solomon Jerusalemin Godin Dipenimin ingarizir dughiamin, Asarian igharazir kam ofa gamir gumazibar dapanimin iti. ¹¹ Ezi Asarian kam, a Amarian afeziam, ezi Amaria, a Ahitupin afeziam, ¹² ezi Ahitup, a Sadokin afeziam, ezi Sadok, a Salumiin afeziam, ¹³ ezi Salum, a Hilkian afeziam, ezi Hilkia, a Asarian afeziam, ¹⁴ ezi Asaria, a Seraian afeziam, ezi Seraia, a Jehosadakin afeziam. ¹⁵ Ezi Ikiavira Itir God nighnizim isava Atrivim Nebukatnesar ganingizima, Babilonia izava Judaba ko Jerusalemia inigha kalabuziabar min me inigha ghue. Dughiar kamin me uaghan kalabuziar gumazimin min, Jehosadak inigha Babilonin ghu.

* 5:26: 2 Atriviba 15:19; 15:29; 17:6 * 5:26: Akar kam, "datirighin," a en dughiam migeir puvati. Agumazir akinafarir kam osirizimin dughiam a migei.

Livain anabamin ikizir igharazibar ziaba

¹⁶ Livain otaribar ziabar kara: Gerson, Kohat ko Merari. ¹⁷ Ezi Gersonin otarimningin ziamning kara: Lipni ko Simei. ¹⁸ Ezi Kohatin otaribar ziabar kara: Amram, Ishar, Hebron ko Usiel. ¹⁹ Ezi Merarin otarimningin ziamning: Mali ko Musi.

Gumazir kaba, Livain anabamin ikizibar gumaziba.

²⁰ Ezi Gersonin ikizimin ovavir boribar ziabar kara: Gerson, a Lipnin afeziam, ezi Lipni, a Jahatin afeziam, ezi Jahat, a Siman afeziam, ²¹ ezi Sima, a Joan afeziam, ezi Joa, a Idon afeziam, ezi Ido, a Seran afeziam, ezi Sera, a Jeaterain afeziam.

²² Ezi Kohatin ovavir boribar ziabar kara: Kohat, an Aminadapin afeziam, ezi Aminadap, a Koran afeziam, ezi Kora, a Asirin afeziam, ²³ ezi Asir, a Elkanan afeziam, ezi Elkana, a Ebiasapin afeziam, ezi Ebiasap, a Asirin igharazimin afeziam, ²⁴ ezi Asir, a Tahatin afeziam, ezi Tahat, a Urielin afeziam, ezi Uriel, a Usian afeziam, ezi Usia, a Saulin afeziam.

²⁵ Ezi Elkanan ovavir boribar ziabar kara: Amasai, Ahimot, ²⁶ ko Elkana. Ezi Elkanan igharazir kamin ovavir boribar kara: Elkana, a Sofain afeziam, ezi Sofai, a Nahatin afeziam, ²⁷ ezi Nahat, a Eliapin afeziam, ezi Eliap, a Jerohamin afeziam, ezi Jeroham, a Elkanan afeziam.

²⁸ Ezi Samuelin otarimningin ziamning kara: Joel* an otarir ivariam, ezi an girara irim Abiya.

²⁹ Ezi Merarin ikizimin ovavir boribar ziabar kara: Merari, a Malin afeziam, ezi Mali, a Lipnin afeziam, ezi Lipni, a Simein afeziam, ezi Simei, a Usan afeziam, ³⁰ ezi Usa, a Simean afeziam, ezi Simea, a Hagian afeziam, ezi Hagia, a Asaian afeziam.

Godin Dipenimin aven onger akabagh amir gumazibar ziaba

³¹ Ezi Atrivim Devit Akar Dikirizir Gavagavim Boksiam inigha iza, Jerusalemin Ikiavira Itir Godin Dipenimin aven izegha anetigha givagha, Godin Dipenimin aven onger akabar ingangarimin faragh mangamin gumazir maba amisefe. ³² Ezi gumazamiziba bar uari akuvir dughiamin, gumazir kaba Ikiavira Itir God bativamin Purirpenimin tiar akamin boroghin ighiabagh ami. Me Godin Purirpenium boroghin kamaghiram amua ghua, Atrivim Solomon Jerusalemin itir Ikiavira Itir Godin Dipenir igiamin ingari. Gumazir kaba, bar deravira Godin Akinafarimin aven onger akabar amuamin arazibar gintisi.

³³ Devit ighiabar amuamin gumazibar faragh mangamin gumazir 3pla amisefe. Eghti men boriba gin kamaghira ingangarir kam damuam. Kohatin ikizimin gumazim men fara, an ziam Heman. An onger akabar araziba bar adagh fo. Heman, a Joelin otarim, ezi Joel, a Samuelin otarim, ³⁴ ezi Samuel, a Elkanan otarim, ezi Elkana, a Jerohamin otarim, ezi Jeroham, a Elielin otarim, ezi Eliel, a Toan otarim, ³⁵ ezi Toa, a Sufin otarim, ezi Suf, a Elkanan otarim, ezi Elkana, a Mahatin otarim, ezi Mahat, a Amasain otarim, ³⁶ ezi Amasai, a Elkanan otarim, ezi Elkana, a Joelin otarim, ezi Joel, a Asarian otarim, ezi Asaria, a Sefanaian otarim, ³⁷ ezi Sefanaia, a Tahatin otarim, ezi Tahat, a Asirin otarim, ezi Asir, a Ebiasapin otarim, ezi Ebiasap, a Koran otarim, ³⁸ ezi Kora, a Isharin otarim, ezi Ishar, a Kohatin otarim, ezi Kohat, a Livain otarim, ezi Livai, a Israelin otarim.

³⁹ Devit misevezir gumazir namba 2, an ziam Asap. Asap, a Hemanin aveghbuam, egha a ko ingangarir vamiram ami. Egha onger akabagh amir dughiab, Asap uan adarazi ko Hemanin agharir guvimin amadaghan tuifi. Asap, a Berekin otarim, ezi Berekin, a Simean otarim, ⁴⁰ ezi Simea, a Maikelin otarim, ezi Maikel, a Basean otarim, ezi Basea, a Malkian otarim, ⁴¹ ezi Malkia, a Etnin otarim, ezi Etni, a Seran otarim, ezi Sera, a Adaian otarim, ⁴² ezi Adaia, a Etanin otarim, ezi Etan, a Siman otarim, ezi Sima, a Simein otarim, ⁴³ ezi Simei, a Jahatin otarim, ezi Jahat, a Geronin otarim, ezi Gerson, a Livain otarim.

⁴⁴ Ezi namba 3in gumazir Devit misevezim, an ziam Etan, a Merarin ikizimin adarazi gativagha men gari. Onger akabagh amir dughiamin, Merarin adarazi Hemanin agharir kiriamin amadaghan tuifi. Etan, a Kisim otarim, ezi Kisi, an Apdin otarim, ezi Apdi, a Malukin otarim, ⁴⁵ ezi Maluk, a Hasabian otarim, ezi Hasabia, a Amasian otarim, ezi Amasia, a Hilkian otarim, ⁴⁶ ezi Hilkia, a Amsin otarim, ezi Amsi, a Banin otarim, ezi Bani, a Semerin otarim, ⁴⁷ ezi Semer, a Malin otarim, ezi Mali, a Musin otarim, ezi Musi, a Merarin otarim, ezi Merari, a Livain otarim.

⁴⁸ Ezi Ikiavira Itir Godin Dipenimin aven ingangarir igharaziba, gumazir aruaba dar amuasa Livain anabamin gumazir igharaziba amisefe.

Aronin ovavir boribar ziaba

⁴⁹ Aron uan otariba ko, asiziba bar isia mighirir ofa gamir dakozim ko pauran mughuriar aghuim tuamin ofa gamir dakozim, ofa damuamin ingangarim iti.

Egha me Bar Anogoroghezir Danganimin aven ingangaribagh ami. Egha me uaghan Israelian arazir kuraba gin amangasa ofabagh ami. Godin ingangarir gumazim Moses, an Aron mikemezir migirigiaba, me dar gintigha ingangarir kaba bar dagh ami.

⁵⁰ Kar Aronin ovavir boribar ziaba: Aron, a Eleasarin afeziam, ezi Eleasar, a Finiasin afeziam, ezi Finias, a Abisuan afeziam,⁵¹ ezi Abisua, a Bukiin afeziam, ezi Buki, a Usin afeziam, ezi Usi, a Serahian afeziam,⁵² ezi Serahia, a Meraiotin afeziam, ezi Meraiot, a Amarian afeziam, ezi Amaria, a Ahitupin afeziam,⁵³ ezi Ahitup, a Sadokin afeziam, ezi Sadok, a Ahimasin afeziam.

Israelia Livain anabam bagha misevezir nguubar ekiabar ziaba

⁵⁴ Kar danganir Israelia Aronin ovavir boriba bagha misevezir nguubar ekiabar ziaba: Aron, a Kohatin ikizimin gumazim. Israelia fomira, nguibaba tuiragh Livain anabamin adarazir aningsi satu gikararava kamaghin fogh suam, men ikizimin aven terara faragh nguibam iniam. Ezi Aronin adarazir ziam faragha oto.⁵⁵ Kamaghin amizi, Israelia Hebronin nguubar ekiar Ju-dan anabamin nguazimin itim isava Aronin adarazigh aningi. Egha uaghan nguazir nguubar ekiar kamin boroghin itiba isava me ganangi. Nguazir kam grazir bar aghuir bulmakauba ko sipsipba damamiba an iti.⁵⁶ Ezi azeni ba ko nguubar dozir Hebronin boroghin itir kaba, me faragha da isava Jefunen otarim Kalep ganingisha gifa. Kamaghin amizi, Israelia da isava Aronin adarazigh aningizir puvati.⁵⁷ Israelia Hebronin nguubar ekiam ko Jatirin nguubar ekiam isa, Aronin adarazigh aningi. Hebron, a nguubar ekiar gumazamiziba ari mangi mongamim.[†] Egha me uaghan nguubar ekiar ighazar maba sara Aronin adarazigh aningi. Nguubar ekiar kabar ziabar kara: Lipna ko Estemoa ko,⁵⁸ Hilen ko Debir ko,⁵⁹ Asan ko Betsemes. Me uaghan nguubar ekiar kabar boroghin itir nguazir maba sara me ganangi. Nguazir kaba bulmakauba ko sipsipba damamin grazir bar aghuiba iti.⁶⁰ Egha Israelia uaghan nguubar ekiar Benjaminin anabamin nguazimin itir maba isa me ganangi. Nguubar ekiar kabar ziabar kara: Geba, Alemet ko Anatot. Egha me dar boroghin nguazir grazir aghuiba itiba sara me ganangi. Me 13plan nguubar ekiaba isava Aronin adarazigh aningi.

⁶¹ Ezi Israelia ua satu gikararava nguubar ekiar 10pla isava Kohatin ikizimin ighazar darazigh aningi. Nguubar ekiar kaba Manasen anabar tuirazimningin mamin nguazir aruem uaghiri naghin itimin iti.

⁶² Egha me Gersonin ikizimin ovavir boriba bagha 13plan nguubar ekiaba amisefe. Nguubar ekiar kaba, Isakarin anabamin nguazim ko Aserin anabamin nguazim ko Naptalin anabamin nguazim ko Manasen anabar me tuirazimningin ikizir ighazarim nguazimin iti. Manasen anabar kamin nguazim, a Basanin Dis-trighin iti.⁶³ Egha me Merarin ikizimin ovavir boriba bagha, 12plan nguubar ekiaba amisefe. Nguubar ekiar kaba, Ruben, Gat ko Sebulunin anababar nguazibar iti.⁶⁴ Egha arazir kamra me nguubar ekiaba ko dar nguazir grazir aghuiba itiba isava Livain anabamin ovavir boribagh aningi.⁶⁵ Nguubar ekiar kabar maba, Juda ko Simeon ko Benjaminin anababar nguazibar iti. Ezi ni men ziabar ganigha gifa. Me satu gikararava me bagha nguubar ekiar kaba amisefe.

⁶⁶ Kohatin ikizimin ovavir boriba inizir nguubar ekiar kabar maba, Efraimin anabamin nguazimin iti.⁶⁷ Sekem, a nguubar ekiar kabar nguubar mam, an Efraimin anabamin mighsiaba itir danganimin iti. A nguubar ekiar gumazamiziba ari mangi mong ikiasi Israelia misevezir mam. Ezi nguubar ekiar ighazar kabar ziabar kara: Geser,⁶⁸ ko Jokmeam ko Bethoron,⁶⁹ ko Ajalon ko Gatrimon. Egha me uaghan nguubar kabar boroghin itir nguazir grazir aghuiba itiba sara me ganangi.⁷⁰ Ezi Kohatin ikizimin ighazar darasi, nguubar ekiar pumuning iti. Nguubar ekiar kamningin ziamning kara, Aner ko Bileam. Aning Manasen anabar me tuirazimningin mamin nguazimin iti. Me uaghan aningin boroghin itir nguazir grazir aghuiba itiba sara Kohatin ikizim ganangi.

⁷¹ Israelia nguubar ekiar isa Gersonin ikizim ganingizimning, aning Manasen anabar tuirazimningin mamin nguazimin iti. Aningin ziamningra kara: Astarotin nguubar ekiam, ko Basanin Dis-trighin itir nguubar ekiam Golan. Me uaghan aningin boroghin itir nguazir grazir aghuiba itiba sara Gersonin ikizim ganangi.⁷² Ezi nguubar ekiar kabar maba, Isakarin anabamin adarazir nguazimin iti. Dar ziabar kara: Kedes ko Daberat,⁷³ ko Ramot ko Anem. Me uaghan dar boroghin itir nguazir grazir aghuiba itiba sara Gersonin ikizim ganangi.⁷⁴ Ezi nguubar ekiar kabar maba Aserin anabamin adarazir nguazimin iti. Dar ziabar kara: Masal, Apdon,⁷⁵ Hukok ko Rehop. Me uaghan dar boroghin itir nguazir grazir aghuiba itiba sara Gersonin ikizim ganangi.⁷⁶ Nguubar kabar maba, Naptalin anabamin adarazir nguazimin iti. Dar ziabar kara: Galilin Dis-trighin itir

[†] 6:57: Ni Josua sapta 20in gan.

nguibar ekiam Kedes, ko Hamonin nguibar ekiam, ko Kiriataimin nguibar ekiam. Me dar boroghin itir nguazir grazir aghuiba itiba sara Gersonin ikizim ganingi.

⁷⁷ Egha Israelia nguibar kabar maba isava Merarin ikizimin ovavir borir igharazibagh aningi. Nguibar ekiar kabar ziaba kara. Sebulunin anabamin nguazimin itir nguibamningin ziamning kara: Rimono ko Tabor. Me uaghan aningin boroghin itir nguazir grazir aghuiba itiba sara Merarin ikizim ganingi. ⁷⁸⁻⁷⁹ Ezi Rubenin anabamin nguazimin itir nguibar ekiabar ziabar kara: gumazamiziba puvatizir danganimin itir nguibar ekiam Beser, ko Jasa ko Kedemot ko Mefat. Me dar boroghin itir nguazir grazir aghuiba itiba sara Merarin ikizim ganingi. Rubenin anabamin nguazim, a Jordanin Fanemin aruuen anadi naghin itima, Jerikon nguibar ekiam, a Jordanin Fanemin vongin iti. ⁸⁰⁻⁸¹ Ezi Gatin anabamin nguazimin itir nguibar ekiabar ziabar kara: Gileatin Distrighin aven itir nguibar ekiam Ramot, Mahanaim, Hesbon ko Jaser. Me uaghan dar boroghin itir nguazir grazir aghuiba itiba sara Merarin ikizim ganingi.

7

ISAKARIN OVAVIR BORIBAR ZIABA

¹ Isakar otarir 4pla iti. Men ziabar kara: Tola, Pua, Jasup ko Simron. ² Tolan otaribar ziabar kara: Usi, Refaia, Jeriel, Jamai, Ipsam ko Semuel. Gumazir kaba, Tolan ovavir boribar ikizibar gumazir dapaniba, egha me midorozir gumazir bar gavgaviba. Ezi Devit atrivimin itir dughamin, Tolan adarazir midorozir gumazibar dibobonim, 22,600plan gumaziba.

³ Usi otarir vamira iti, an ziam Israhia. Ezi Israhia otarir 4pla iti, men ziabar kara: Maikel, Obadia, Joel ko Isia. Me bar moghira uan ikizibar gumazir dapanibar otifi. ⁴ Gumazir kaba amuiroghborir aviriba iti. Kamaghin amizi, men adarazi bar aviraseme, egha me uan adarazir ziaba osira izaghira me medima, men dibobonim, 36,000plan midorozir gumaziba iti.

⁵ Ezi Isakarin anabamin adarazir dibobonim bar moghira 87,000plan midorozir gumaziba iti.

BENJAMININ OVAVIR BORIBAR ZIABA

⁶ Benjamin otarir 3pla iti, men ziabar kara: Bela, Beker ko Jediael. ⁷ Ezi Bela 5pla otariba iti, men ziabar kara: Esbon, Usi, Usiel, Jerimot ko Iri. Me bar moghira uan adarazir gumazir dapanibar otifi, egha me

midorozir gumazir gavgaviba. Me vaghvagha men ziaba osirir dughamin, men adarazir midorozir gumazibar dibobonim, 22,034plan gumaziba.

⁸ Ezi Bekerin otaribar ziabar kara: Semira, Joas, Elieser, Elioenai, Omri, Jeremot, Abiya, Anatot ko Alemet. Gumazir kaba bar, me Bekerin otariba, me bar moghira uan adarazir gumazir dapaniba, egha me midorozir gumazir gavgaviba. ⁹ Me vaghvagha men ziaba osirir dughamin, men adarazir midorozir gumazibar dibobonim, 20,200plan gumaziba.

¹⁰ Jediael otarir vamira iti, an ziam, Bilhan. Ezi kar Bilhanin otaribar ziaba: Jeus, Benjamin, Ehut, Kenana, Sitan, Tarsis ko Ahisahar. ¹¹ Gumazir kaba bar, me Jediaelin ikizimin adarasi, me bar moghira gumazir dapaniba, egha uaghan midorozir gumazir bar gavgaviba. Me vaghvagha men ziaba osirir dughamin, men adarazir midorozir gumazibar dibobonim, 17,200plan gumaziba, egha midoroziba bagh mangamin gavgaviba iti.

¹² Ezi Irin otarimningin ziamning kara: Supim ko Hupim.

Ezi Husim, a Aherin otarim.*

NAPTLALIN OVAVIR BORIBAR ZIABA

¹³ Naptalin otaribar ziabar kara: Jasiel, Guni, Jésér ko Salum. Me Jekopin amuir dozim, Bilhan ovavir boriba.

MANASEN OVAVIR BORIR IGHARAZIBAR ZIABA

¹⁴ Manasen otarimningin ziamning, Asriel ko Makir. Aningin amebam, Manasen amuir dozim, an Aramin ikizimin amizim. Ezi Makir, a Gileatin afeziam. ¹⁵ Makir amizir mam inigha Hupim ganingi, egha mam inigha Supim ganingi. Makirin buaramizim Maka. Makirin otarir namba 2 a Selofehat. Ezi Selofehat guivibara iti.[†]

¹⁶ Ezi Makan igharazim, a Makirin amuim, a uam otarir pumuning bate. Maka, otarir mam ziam Peres a gati, ezi igharazimin ziam Seres. Seres otarir pumuning iti, Ulam ko Rakem. ¹⁷ Ezi Ulam otarir vamira iti, an ziam Bedan. Gumazamizir kaba me Gileatin adarasi. Gileat a Makirin otarim, ezi Makir, a Manasen otarim. ¹⁸ Ezi Gileatin buaramizim an ziam Hamoleket, a Ishot ko Abieser ko Mala bate. ¹⁹ Ezi Semidan otaribar ziabar kara: Ahian, Sekem, Likhi, ko Aniam.

EFRAIMIN OVAVIR BORIBAR ZIABA

²⁰ Efraimin ovavir boribar ziabar kara: Efraim, a Sutelan afeziam, ezi Sutela,

* ^{7:12:} Gumazir maba kamaghin nighnisi, ziar kam, "Aher," a "Dan," migei. † ^{7:15:} Ves 15, ko 17, da Hibrun akamin gin zui. Ezi Hibrun akam uabi danganir mabar deragha mingarim abighizir puvati.

a Beretin afeziām, ezi Beret, a Tahatīn afeziām, ezi Tahat, a Eleādān afeziām,²¹ ezi Eleādā, a Tahatīn igharazimīn afeziām, ezi Tahat, a Sabatīn afeziām, ezi Sabat, a Sutelān igharazimīn afeziām. Efrahīm ua otarir igharazīr pumuning iti, Eser ko Eleāt. Ezi aning Getin nguībar ekiamīn adarazīr bulmakauba okimasa uaghīrizīma, Getia aning misoghezīma aning areme.²² Ezi aningin afeziām Efrahīm, aning bagha puv aziava ara dughiār avīribar iti, ezi an aveghbuuba izava an navim damutī a navir amīrizīm inīsā, a ko iti.²³ Ezi gin, Efrahīmīn amiuū uam otarir mam bate. Ezi Efrahīm ghaze, dughiār bar kuram an ikīzīm bato. Kamaghīn amīzi, a ziār kam, Beria a gati.[‡]
²⁴ Ezi Efrahīmīn guivim Sera, uan adarazi ko me nguībar ekīar 3plan kabār ingari, dar ziābar kara: Bethorōnīn Pīn Itim, ko Bethorōnīn Vin Itim, ko Usensera.

²⁵ Ezi Efrahīm, a Refān afeziām, ezi Refa, a Resepīn afeziām, ezi Resep, a Telān afeziām,[§] ezi Tela, a Tahānīn afeziām,²⁶ ezi Tahan, a Lādānīn afeziām, ezi Lādan, a Amīhūtīn afeziām, ezi Amīhūt, a Elīsāmān afeziām,²⁷ ezi Elīsāma, a Nūnīn afeziām, ezi Nun, a Josuān afeziām.

²⁸ Efrahīmīn anabāmīn nguāzība ko nguībar ekībar kara: Betēlin nguībar ekīam ko nguībar dozīr an boroghīn itībā, ko nguāzīr Nārān nguībar ekīamīn aruēm anādi naghīn ikeghā, ghua Geserīn nguībar ekīamīn aruēm uaghīri naghīn otoḡā, ghua Geserīn nguībar ekīam ko an boroghīn itīr nguībar dozībar tu. Eghā ghua Sekemīn nguībar ekīam ko nguībar dozīr an boroghīn itīm ko, Aian nguībar ekīam ko nguībar dozīr an boroghīn itībar tu.²⁹ Efrahīmīn anabāmīn nguāzīmīn mitaghñīam, a Manāsēn anabāmīn nguāzīmīn mitaghñīamīn tu. Mitaghñīar kāmīn boroghīn, Manāsēn adarāsī, me nguībar ekīar kabāgh atīvāghā dar gārī, dar ziābar kara: Betsān, ko Tanāk, ko Megīdō, ko Dōr, ko dar boroghīn itīr nguībar dozība.

Israēlīn otarīm Josep, a ovavir borība nguībar ekīar kabār iti.

ASERĪN OVAVIR BORIBAR ZIABA

³⁰ Aserīn otaribar ziābar kara: Imna, Isva, Isvī, ko Beria. Ezi Aserīn guivim Sera.
³¹ Ezi Berian otarimning ziamning kara: Heber ko Malkiel. Ezi Malkiel, a Birsaitīn afeziām.³² Ezi Heber, a Japlet ko Somer ko Hotāmīn afeziām. Ezi Heberīn guivim Sua.
³³ Ezi Japletīn otaribar ziābar kara, Pasak ko Bimhal ko Asvat.³⁴ Ezi Japletīn dozīm Somerīn otaribar ziābar kara: Ahi, Rogā,

‡ 7:23: Hibrun akāmīn, ziār kam “Beria,” a mong akar kam ko voroghīra ghu, “Dughiār kuram.”
akam deragħha akar kāmīn mingarim abighizir puvati.

Jehuba ko Arām.^{**} ³⁵ Ezi Somerīn dozīm Helem, a nziār mam Hotām, a otaribar ziābar kara: Sofa, Imna, Seles ko Amal.³⁶ Ezi Sofan otaribar ziābar kara: Sua, Harnefer, Sual, Beri, Imra,³⁷ Beser, Hot, Sama, Silsa, Itran ko Bera.³⁸ Ezi Jeterīn otaribar ziābar kara: Jefune, Pispa ko Ara.³⁹ Ezi Ulan otaribar ziābar kara: Ara, Haniel ko Risia.

⁴⁰ Gūmazīr kaba, kar Aserīn anabāmīn ovavir borība, eghā me uaghan uan ikīzībar gūmazīr dapanība. Gūmazīr aruar kaba, me gūmazīr bar aghuiba, eghā midorozīr gūmazīr bar gavgavība. Me vaghvaghā men ziāba osirīr dughīamīn, men adarazīr midorozīr gūmazībar dibobonim, 26,000plan gūmazība.

8

BENJAMINĪN OVAVIR BORIBAR ZIABA Benjaminīn adarāsīr ziāba

¹ Benjaminīn otaribar ziābar kara: a ntiār ivariām Bela, ezi an girārā irim Asbel, ezi an otarir nambā 3 Ahara,² ezi otarir nambā 4 Noha, ezi otarir nambā 5 Rafa.³ Ezi Belan otaribar ziābar kara: Adar ko Gera ko Abihut,⁴ Abisua ko Naman ko Ahoa,⁵ ko Gera ko Sefufam ko Huram.

⁶⁻⁷ Ezi Ehutin otaribar ziābar kara: Naman ko Ahīya ko Gera. Me Geban nguībar ekīamīn itīr gūmazāmīzībar gūmazīr dapanība. Ezi Gera uan aveghbuuba batoghezīma, me ghua nguībar ekīam Manahātīn iti. Gera, a Usa ko Ahīhutin afeziām.

⁸⁻⁹ Ezi Saharaim, a Moapīn kantrīn ikia uan amūr pumuning batoke, aning zīamning, Husim ko Bara. Ezi gin an amūr igharazīm Hodēs, otariba bate. Men ziābar kara: Jobap, Sibia, Mesa, Malkam,¹⁰ Jeus, Sakia ko Mirma. An otarir kaba uan ikīzībar gūmazīr dapanībar otīfī.¹¹ Ezi Saharaim uam otarir pumuning iti, Abitup ko Elpal. An amūr a otoghezīmīningin mam, Husim, aning bate.¹² Ezi Elpalīn otaribar ziābar kara: Eber, Misam ko Semet. Semet uam adarazi ko Onon nguībar ekīam ko, Lotin nguībar ekīam ko an boroghīn itīr nguībar dozībar ingari.

¹³ Ezi Beria ko Seman ikīzīmīning, Ajālonīn nguībar ekīamīn iti. Aning gūmazāmīzībar kabār gūmazīr dapanīmīningin ikia, eghā Getin nguībar ekīamīn gūmazāmīzība batoke.

¹⁴⁻¹⁶ Ezi Berian otaribar ziābar kara: Ahio, Sasak, Jeremot, Sebadaia, Arat, Eder, Maikel, Ispa ko Joha.

§ 7:25: Hibrun akāmīn deragħha akar kāmīn mingarim abighizir puvati.

17-18 Ezi Elpalin otaribar ziabar kara: Sebadaia, Mesulam, Hiski, Heber, Ismerai, Islia ko Jobap.

19-21 Ezi Simein otaribar ziabar kara: Jakim, Sikri, Sapdi, Elenai, Siletai, Eliel, Adaria, Beraia ko Simrat.

22-25 Ezi Sasakin otaribar ziabar kara: Ispan, Eber, Eliel, Apdon, Sikri, Hanan, Hanania, Elam, Antotiya, Ipdea ko Penuel.

26-27 Ezi Jerohamin otaribar ziabar kara: Samserai, Seharia, Atalia, Jaresia, Elaija ko Sikri.

28 Gumazir kaba, me uan ikizibar gumazir dapaniba, egha me uaghan gumazir aruuba. Me Jerusalemin iti.

29 Ezi Jeiel,* a gumazir Gibeonin nguibar ekiamin ingarizim, a uan amuim Maka ko Gibeonin nguibar ekiamin iti. ³⁰ An otarir ivariam, Apdon. Ezi an otarir igharazibar ziabar kara: Sur, Kis, Bal, Nadap, ³¹ Gedor, Ahio, Seker, ³² ko Miklot. Ezi Miklot, a Simean afeziam. Men ikizim, Benjaminin anabamin igharaz darazir boroghin Jerusalemin iti.

*Atrivim Solin adarazir ziaba
(1 Eghaghaniba 9:39-44)*

33 Ezi Ner, a Kisin afeziam, ezi Kis a Solin afeziam. Ezi Solin otaribar ziabar kara: Jonatan, Malkisua, Abinadap ko Ebal, an ziar igharazim, Isbiset. ³⁴ Ezi Jonatan, a Meribalin afeziam, an ziar igharazim Mefiboset. Ezi Meribal, a Maikan afeziam, ³⁵ Ezi Maikan otaribar ziabar kara: Piton, Melek, Tarea ko Ahas. ³⁶ Ezi Ahas, a Jehoadaan afeziam. Ezi Jehoadaan otaribar ziabar kara: Alemet, Asmavet ko Simri. Ezi Simri, a Mosan afeziam. ³⁷ Ezi Mosa, a Binean afeziam, ezi Binea, a Rafan afeziam, ezi Rafa, a Eleasan afeziam, ezi Eleasa, a Aselin afeziam.

38 Ezi Asel 6plan otariba iti. Men ziabar kara: Asrikam, Bokeru, Ismael, Searia, Obadia ko Hanan. ³⁹ Ezi Aselin dozim Esekin otaribar ziabar kara: An otarir ivariam, Ulam, ezi an girara irim, Jeus, ezi an gin irim, Elifelet. ⁴⁰ Ezi Ulamin otariba, me midorozir gumazir bar gavgaviba, egha me barir pibar asa bar fo. Me bar moghira borir aviriba ko igiar aviriba itima, men dibobonim 150plan gumaziba.

Gumazir kaba bar moghira Benjaminin anabamin adarasi.

9

¹ Me Israelián ikizibar ziaba bar moghira da osira izaghira da menge, ezi ziaba itir akinafarir kam me kamaghin a dibori, Israelián Atrivibar Eghaghanibar Akinafarim.

* **8:29:** Hibrun akam gumazir kamin ziam vezin kamin a diborir puvati, egha 9:35in a kamaghin migia ghaze, an ziam "Jeiel." **9:2:** Esra 2:27; Nehemia 7:73

Judan gumazamiziba, uan kantrin ikia akirim ragha God gasara. Kamaghin amizima, God Babilonia ataghizima me iza me inigha ghua kalabuzaibar min Babilonin kantri gati.

Israelia kalabus ategha uamategha uan nguazimin ize

(Sapta 9:1-34)

Gumazamizibar gumazir dapanibar ziaba

² Ezi gin, Israelián marazi kalabusin min itir dughiam agivagha Babilon ategha uamategha ghua, uan nguibabar ghuegha uari uan nguazibagh apia. Ezi faragha izezir darazir tongin, ofa gamir gumaziba ko Livain adarazi ko Godin Dipenimin aven ingarir darasi.

³ Ezi Judan anabamin marazi ko Benjaminin anabamin marazi ko Efraimin anabamin marazi ko Manasen anabamin marasi, me Jerusalemin iti. ⁴⁻⁶ Judan anabamin gumazamizir izava Jerusalemin itibar dibobonim, a 690in tu. Men gumazir dapanir mamin ziam, Utai. Utai, a Amihutin otarim, ezi Amihut, a Omrin otarim, ezi Omri, a Imrin otarim, ezi Imri, a Banin otarim. Gumazir kaba, Judan otarim Peresin ovavir boriba. Ezi Selan adarazir tongin, an otarir ivariam Asaia, a Judabar gumazir dapanim. Ezi gumazir dapanir igharazir mam, Juel, a Seran ovavir borim, ezi Sera, a Judan otarim.

⁷ Ezi Mesulamin otarim Salu, a Benjaminin anabamin adarazir gumazir dapanir mam. Mesulam, a Hodavian otarim, ezi Hodavia, a Hasenuan otarim. ⁸ Ezi Benjaminin anabamin adarazir gumazir dapanir igharazibar ziabar kara: Jerohamin otarim Ipnea, ko Usin otarim Ela, a Mikrin igiavotarim, ko Sefatian otarim Mesulam. Sefatia, a Ruelin otarim, ezi Ruel, a Ipiyan otarim. ⁹ Gumazir kaba, me Benjaminin anabamin adarazir gumazir dapaniba. Ikizir kabar gumazamizibar dibobonim bar moghira, 956in tu.

Ofa gamir gumazibar dapanir mabar ziaba

¹⁰ Ofa gamir gumazibar adarazir gumazir dapanibar ziabar kara: Jedaia, Jehoiarip, Jakin, ¹¹ ko Asaria. Me Godin Dipenimin faragh mangasava Asaria amisefe. Asaria, a Hilkian otarim, ezi Hilkiak, a Mesulamin otarim, ezi Mesulam, a Sadokin otarim, ezi Sadok, a Meraiotin otarim, ezi Meraiot, a Ahitupin otarim. ¹² Ezi gumazir dapanir igharazir mam, Adaia. Adaia, a Jerohamin otarim, ezi Jeroham, a Pasurin otarim, ezi

Pasur, a Malkian otarim. Ezi ua gumazir dapanir igharazir mam, Masai. Masai, a Adielin otarim, ezi Adiel, a Jaseran otarim, ezi Jasera, a Mesulamin otarim, ezi Mesulam, a Mesilemitin otarim, ezi Mesilemit, a Imerin otarim.

¹³ Ezi ofa gamir gumazibar ikizir kaba, men faragha zuir gumazir dapanibar dibobonim, a 1,760in tu. Gumazir kaba, me bar deravira Godin Dipenimin aven ingangaribagh amir fofoziba iti.

Livain anabamin gumazir dapanir mabar ziaba

¹⁴ Livain marasi, Livain anabamin adarazir gumazir dapanibar iti. Gumazir dapanir mamin ziam Semaia, a Hasupin otarim. Ezi Hasup, a Asrikamin otarim ezi Asrikam, a Hasabian otarim. Gumazir kaba, me Merarin ikizimin gumazir. ¹⁵ Ezi gumazir dapanir maba, ua iti, men ziabar kara: Bakbakar, Heres, Galal ko Matania. Ezi Matania, a Mikan otarim, ezi Mika, a Sikrin otarim, ezi Sikri, a Asapin otarim. ¹⁶ Ezi gumazir dapanir igharazir mam, Obadia, a Semaian otarim. Ezi Semaia, a Galalin otarim, ezi Galal, a Jedutunin otarim. Ezi ua gumazir dapanir mam Berekia, a Asan otarim, egha Elkanan igiavotaram. Berekian adarasi, Netofan nguibar ekiamin boroghin itir nguibar dozibar iti.

Godin Dipenimin tiar akabar garir gumazibar ziaba

¹⁷ Ezi Jerusalemin nguibamin itir Godin Dipenimin itiar akabar mitiva, dar garir gumazibar ziabar kara: Salum, Akup, Talmon, Ahiman, ko me ko ingarir aveghbuuba. Ezi Salum, men gumazir dapanim. ¹⁸ Fomira Jerusalemin nguibam tighar ikuvighamin dughiamin, gumazir kabar ikizimin gumaziba, aruem anadi naghin Godin Dipenimin itiar akamin gari, itiar akar kam, me kamaghin a dibori, Atrivimin Itiar Akam. Gumazir kaba, men inazir afeziaba, bar fomira Israelia gumazamiziba puvatizir danganimin itir dughiamin, me Livain anabamin adarazi bagha danganir me itim geghuva an gari. ¹⁹⁻²⁰ Ezi dughiar kamin Koran adarasi, Ikiavira Itir Godin Purirpenim ko, an aven zuir itiar akabar gari. Ezi me amir ingangarir kam Eleasarin otarim Finias, men faragha ghua men gari. Ezi Ikiavira Itir God, Finias ko iti.

Ezi Devitin dughiamin, Salumin igharazim uan aveghbuuba ko, me Koran ovavir boriba, me Ikiavira Itir Godin Purirpenimin itiar akabar garir ingangarim iti. Salumin igharazir kam, a Koren otarim, egha Ebiasapin igiavotaram.

²¹ Ezi Meselemin otarim Sekaraia, a God bativamin Purirpenimin itiar akabar

garir gumazim. ²² Me ingangarir kam damuasa 212plan gumaziba amise. Me gumazir kabar ziaba ko men ikiziba, me itir nguibabar ziabar apengan vaghvaghada osira izaghiri. Atrivim Devit ko Godin akam inigha izir gumazim Samuel, ingangarir kam isa gumazir kabagh aningi.

²³ Ezi gumazir kaba, Ikiavira Itir Godin Purirpenimin itiar akabar gari. Ezi men ovavir boriba gin uaghan kamaghira Ikiavira Itir Godin Dipenimin tiar akabar garir ingangarir kam damuam. ²⁴ Me Godin Dipenim avinizir divazimin miriav 4plan itir itiar akar 4plan kabar boroghin mitiva dar gari. Tiar akar mam, divazimin aruem anadi naghin itima, mam aruem uaghiri naghin itima, mam notin amadaghan itima, mam sautin amadaghan iti. ²⁵ Ezi dughiar mabar men aveghbuuba, uan nguibaba ataghiraghia iza men akurvaghingangarir kam gami. Men aveghbuar kaba, 7plan aruebar ingara, ua uan nguibabar zui. ²⁶ Ezi Livain anabamin gumazir 4pla, gumazir dapanibar ikia kamaghira iti. Me Godin Dipenim aven itir danganim ko bar pin kozir biziba arizir danganimin garir ingangarim iti. ²⁷ Me Dipenim geghuva mizarazibar Dipenimin tiaba kuamin ingangarim gamua iti. Kamaghin amizi, me dimagaribar Godin Dipenim avinizir divazimin aven itir danganibar akui.

Livain anabamin gumazir igharazibar ingangariba

²⁸ Jerusalem tighar ikuvighamin dughiamin, Livain anabamin marasi, me Godin ingangaribar amuamin bizibar ganamin ingangarim iti, kar itariba ko mineba ko bizir maba sara. Ofa gamir gumaziba ofa damuasa da inigha zuir dughiaba, ko ua ada inigha izir dughiaba, gumazir kaba bar deravira da mengam. ²⁹ Ezi Livain anabamin igharaz darasi, Ikiavira Itir Godin Dipenimin aven itir bizir igharazibar ganamin ingangarim iti, kar dakoziba ko bizir igharazir God baghavira itiba. Me uaghan plauan aghuim ko wain ko olivin borem ko pauran mughuriar aghuim itim ko ua pauran igharazir maba sara me dar gari. ³⁰ Ezi pauran igharaghia gariba isa da veverir ingangarim, a ofa gamir gumazibar ingangarimra.

³¹ Livain anabamin gumazir mam, an izam Matitia, a ofaba bagha plauan baraviba tuer ingangarim gami. Matitia, a Salumin otarir ivariam, egha a Koran ikizimin mav. ³² Ezi Kohatin ikizimin marasi, me zurara Sabatin dughiabar, God daningamin bretin rubuziba tuer ingangarim iti.

³³ Ezi Livain anabamin ikizibar gumazir dapanir maba, me onger akabar amuamin

ingangarim iti. Gumazir kaba, me dimagariba ko aruebar ingangarir kam damuam. Me ua ingangarir igharaziba puvati. Kamaghin amizima, me Godin Dipenim avinizir divazimin aven itir danganir mabar akui.

Gumazir aruar kalabus ategha ua izegha Jerusalemin itir mabar ziaba

³⁴ Kalabus ategha uamatetegha izezir gumazir kaba, me Livain anabamin adarazir gumazir dapaniba. Gumazir aruar kaba Jerusalemin iti.*

Atrivim Solin ikizim

(*Sapta 9:35–10:14*)

Atrivim Solin adarazir ziaba

(1 Eghaghaniba 8:29–38)

³⁵ Gumazir Gibeonin nguibar ekiamin ingarizim Jeiel, a uan amuim Maka ko Gibeonin nguibar ekiamin iti. ³⁶ An otarir ivariam Apdon. Ezi an otarir igharazibar ziabar kara: Sur, Kis, Bal, Ner, Nadap, ³⁷ Gedor, Ahio, Sekaraia, ko Miklot. ³⁸ Ezi Miklot gin, Simean afeziamin oto. Men ikizim, Benjaminin anabamin igharaz darazir boroghin Jerusalemin iti.

³⁹ Ezi Ner, a Kisin afeziam, ezi Kis, a Solin afeziam. Ezi Solin otaribar ziabar kara: Jonatan, Malkisua, Abinadap ko Ebal, an ziar igharazim, Isboset. ⁴⁰ Ezi Jonatan, a Meribalin afeziam, an ziar igharazim Mefiboset. Ezi Meribal, a Maikan afeziam. ⁴¹ Maikan otaribar ziabar kara: Piton, Melek, Tarea ko Ahas.[†] ⁴² Ezi Ahas, a Jaran afeziam. Ezi Jaran otaribar ziabar kara: Alemet, Asmovet ko Simri. Ezi Simri, a Mosan afeziam. ⁴³ Ezi Mosa, a Binean afeziam, ezi Binea, a Refaia, a Eleasan afeziam, ezi Eleasa, a Aselin afeziam. ⁴⁴ Ezi Asel 6plan otariba iti. Men ziabar kara: Asrikam, Bokeru, Ismael, Searia, Obadia ko Hanan.

10

Atrivim Sol uan otariba ko ariaghire
(*1 Samuel 31:1–13*)

¹ Dughiar mamin, Filistiaba ghua Israelia ko misoga, Gilboan mighsiamin Israeliain gumazir aviribav soghezima me ariaghire. Ezi men marazi midorozim ategha are. ² Ezi Sol uan otariba ko, me uaghan are, ezi Filistiaba men agiratha ghua Solin otarir 3pla misoghezi me ariaghire. Solin otaribar ziabar kara: Jonatan, Abinadap ko Malkisua. ³ Ezi midorozim bar ekevezima gumaziba Solin agira. Filistian maba an apigha barir pibar a gasima, barin maba a mitivizi, a bar amughamuki. ⁴ Kamaghin amizi, Sol uan

gumazir igiar an midorozir biziba aterimin diagha ghaze, “Ni uan midorozir sabam inigh izi na biraghtima ki aremeka. Puvatighti, Filistian mikarzir mogomebar iniba aghorezir puvatizir kaba, izi na dipov Mizazim na daningiva na misuegti ki aremegham.”

Ezi gumazir igiar kam bar atiatigha Sol gininan bar aghua. Kamaghin amizi, Sol uabi uan midorozir sabam asaragha a gaverazi, sabam a mitizi an areme. ⁵ Ezi gumazir igiar kam gari, Sol aremezi, a uaghan uan midorozir sabam asaragha a gaverazi, sabam a mitizi a uaghan Sol ko areme. ⁶ Dughiar kamra, Sol uan otarir 3pla ko an adarasi, me bar moghira ariaghire.

⁷ Ezi Israelian danganir zarimin itiba kamaghin oraki, Israelian midorozir gumaziba are. Me uaghan kamaghin oraki, Sol uan otariba ko, me bar ariaghire, ezi me uan nguibar ekiaba ategha are. Ezi gin Filistiaba iza nguibar ekiar kaba inigha dar iti.

⁸ Midorozim givazi, amimzaraghan Filistiaba uamatetegha iza, Israelian ariaghirezibar kuabar korotiaba suva, men biziba ini-asza izi. Egha me garima, Sol uan otariba ko, men kuaba Gilboan mighsiamin ireghav iti. ⁹ Ezi me Solin kuamin firim atugha, an dapanim ko midorozir korotiaba ini. Egha me gumazir maba amadazima, me akar aghum inigha ghua Filistiabar nguazimin tintinibar arua uan asebar dipenibar aven ghua an gun gumazamiziba ko men asebav gei. ¹⁰ Egha me Solin midorozir korotiaba isa uan asebar ziaba fer dipenimin da ariki. Egha an dapanim inigha ghua asem Dagonin ziam fer dipenir birimin anegura. ¹¹ Ezi Israelian Jabesin nguibar ekiamin iti darasi, me Gileatin nguazimin aven iti, me Filistiaba Sol gamizir arazimin eghaghanim baraki. ¹² Kamaghin amizi, midorozir gumazir gavgaviba dikavigha ghua Sol ko an otaribar kuaba inigha Jabesin ize. Egha Solin kuam ko an otaribar kuuba inigha ghua Jabesin nguibar ekiamin temer Okin povimin me isa mozmiz gati. Egha me bar moghira me bagha aziava osemegha 7plan dughiabar me bagha dagheba ataki.

¹³ Sol Ikiavira Itir Godin akam baraghizir puvati. A Ikiavira Itir Godin Akar Gavgavim batoke. An oveaghuezibar duabar dia, nighnizim ubi daning tuavim uabin akakaghasa, dar azai. Kamaghin amizi, an areme. ¹⁴ A Ikiavira Itir Godin nighnizim inian aghua. Kamaghin amizi, Ikiavira Itir God a misoghezi an areme. Ezi God Jesin otarim Devit gamizi, an atrivimin oto.

Atrivim Devitin eghaghanim

* ^{9:34:} Vezin kam, gumazir men ziaba ves 14–17in itiba, me migei. † ^{9:41:} Hibrun akam, vezin kamin, Ahasin ziam itir puvati. Ezi ni ves 42, ko 1 Eghaghaniba 8:35in gan. ^{10:13:} Ofa Gami 19:31; 20:6; 1 Samuel 13:8–14; 15:1–24; 28:7–8

11

(Septha 11--21)

*Devit Israelian atrivimin oto
(2 Samuel 5:1-10)*

¹ Ezi bizir kamin gin, Israelia bar iza Hebronin nguibamin Devitin gara, kamaghin a migei, "Ni oragh. E bar, ni ko inivafizir vamira ko ghuzir vamira." ² Sol fomira en atrivimin itima, ni midorozibar Israelia e bagha en midorozir gumazibar faragha zui. Ezi Ikiavira Itir God, nin God, ni migia ghaze, "Ni sipsipbagh eghuvir gumazimin min iki, nan gumazamizibagh ativagham. Egh men atrivimin otogham." ³ Kamaghin amizi, Israelian gumazir dapaniba iza, Hebronin nguibamin otogha, Atrivim Devitin bighan uari akuvazi, a Ikiavira Itir Godin damazimin akar dikirizir gavgavir mam me ko a gami. Ezi me borem isa an dapanim ginga, maghiram anemisevezi a Israelian atrivimin oto, mati Ikiavira Itir God, uan akam inigha izir gumazim Samuelin akam garuga mikemezi mokin.

⁴ Dughiar mamin, Atrivim Devit uan midorozir gumaziba ko ghua Jerusalem iniasa misosi. Jerusalem, a Jebusian nguibamra. ⁵ Ezi Jebusia ghaze, Devit men nguibam inian kogham. Ezi puvati, Devit uan midorozir gumaziba ko ghua me misogha men divazir gavgavim avinizir nguibar ekiam ini. Nguibar ekiar kamin ziam Saion. Ezi gin, gumazamiziba a dibora ghaze, "Devitin Nguibar Ekiam." ⁶ Devit faragha nguibar ekiar kam ko misoghasa kamaghin uan midorozir gumazibar gei, "Gumazir manam bar faraghivira Jebusian gumazitam misueghti an aremegham, a nan midorozir gumazibar gumazir dapanimin ikiam." Ezi Seruian otarim Joap, a faragha ghua midorozim fore. Kamaghin amizi, Devit anemisevezi, a midorozir gumazibar gumazir dapanimin oto. ⁷ Kamaghin amizi, Devit gin ghua Saionin nguibar ekiar gavgavir kam gapera. Ezi gumazamiziba ziam a gatigha ghaze, "Devitin Nguibar Ekiam." ⁸ Ezi Devit mikemezima, ingangarir gumaziba nguibar ekiamin dipenir aviribar ingarizi da nguibar ekiam azui. Me danganir konir nguiziba akunizimin, dipeniba faraghavira azenan dar ingara, egha nguibar ekiamin aven dar ingara izi. Ezi Joap ua nguibar ekiamin danganir ighazarir mabar ingara ghuavira iti. ⁹ Ikiavira Itir Godin Gavgaviba Bar Itim, Devit ko iti, bizir kam bangin, Devit atrivir gavgavimin ikia ghua bar ekevegha ikia mamaghira iti.

*Devitin midorozir gumazibar ziaba
(2 Samuel 23:8-39)*

¹⁰ Kar Devitin midorozir gumazir bar gavgavibar gumazir dapanibar ziaba. God Israelin kantri ginighnigha Devit atrivimin ikiasi anemisefe. Midorozir gumazir kaba ko Israeliyan igharaz darasi, Devit atrivimin otivasa me bar an akurvaghah pamtening ingara ghuavira iti. Arazir kamin, Ikiavira Itir God uan akar dikirizim gamizi, a guizbangiram oto. ¹¹ Devitin midorozir gumazir gavgavibar ziabar kara: Jasobeam, a Hakmonin adarazir gumazim. A midorozir gumazir gavgavir kabar gumazir dapanir 3plan faragha zui. Dughiar mamin, a uan afuzimin suiragh 300plan apaniba ko misogha bar me misoghezi, me ariaghire.

¹² Ezi Dodon otarim Eleasar, a midorozir gumaziz ziar ekiaba itir 3plan kabar namba 2in gumazim. A Ahohin adarazir gumazim. ¹³ Dughiar mamin, an Atrivim Devit ko Pasdamimin nguibamin itima, Filistiaba misoghsa uari akufi. Ezi Filistiaba izir dughiamin, Israelia men atiatigha ua uari amikirivegha are. Danganir kamin, balin azenir mam iti. ¹⁴ Ezi Devit Eleasar ko, azenir kamin tongira mitighav ikia, Filistiaba nguazir kam inian men aghuaghha, pamten me ko uariv sosi. Egha aning Filistian kabav soghezima me ariaghire. Arazir kamin, Ikiavira Itir God bar Filistiaba abirazi, Israelia deravira iti.

¹⁵ Devitin midorozir gumazir dapanibar tongin, marazi men faragha zui, ezi gumazamiziba ziar kam me gati, Devitin Midorozir Gumazir Gavgavir 30pla. Dughiar mamin Devit Adulamin dagiar torimin aven itima, Devitin Midorozir Gumazir Gavgavir 30plan tongin, gumazir 3pla dikavigha an ganasa ghu. Dughiar kamra, Filistiaba uaghan iza Refaimin danganir zarimin uari bagha averpenibar ingarigha iti. ¹⁶ Ezi dughiar kamin, Devit uan mogomer danganir gavgavimin iti, ezi Filistiabar midorozir gumaziba Betlehemin nguibam inigha gif. ¹⁷ Ezi Devit kuarim an pirima, a pamtem nighnigha ghaze, "Maia, tina mangi na bagh Betlehemin nguibam avinizir divazimin tiar akamin boroghin itir mozir dipatam tuigh izi na danigham!"

¹⁸ Ezi midorozir gumazir gavgavir 3plan kaba, me kamaghin oregha ghua, Filistiaba itir danganimin me ko misogha me abigha ghu. Egha Betlehemin nguibam avinizir divazimin itiar akamin boroghin ghua dipam tuigha Devit bagha a inigha uamategha ize. Ezi Devit dipar kam amezir puvati, a dipam ofan min a isa Ikiavira Itir God ganiga, nguzimin a inge. ¹⁹ Egha Devit kamaghin migei, "O Ikiavira Itir God, gumazir dipar kam tuasa ghueziba me bar

atam ariaghiregha ua ize. Ki dipar kam ammati, ki men ghuzim api. Kamaghin amizi, ki anemeghan kogham." Egha Devit dipam amezir puvati.

Kar bizir mam, midorozir gumazir 3plan gavgavir kaba a gami.

²⁰ Ezi Abisai 30plan* midorozir gumazir gavgavibar faragha zuir gumazim. An aveghbuam Joap. Dughiar mamin, Abisai uan afuzim inigha 300plan apanibav soghezi me bar ariaghire. Kamaghin amizi, a uaghan midorozir gumazir gavgavir 3plan kaba ko, ziar ekiam iti. ²¹ Egha a 3plan midorozir gumazir gavgavir kabagh itagha ziar ekiam ikia, egha men gumazir dapanimin oto. Egha a ubi 3plan midorozir gumazir gavgavir igharazir kaba ko magh ghuzir puvati.

²² Ezi Jehoiadan otarim Benaia, a Kapselin nguibamin gumazim, a uaghan midorozir gumazir gavgavir mam. Egha midorozir avirir mabagh amua apaniba abini. Dughiar mamin, Benaia Moapin kantrin gumazim, Ariel, an otarir pumuning misoghezi aning areme. Ezi gin dughiar orangtizimin, aisin ofiziba irima, a mozir mam giraghugha laionin mam misoghezima an areme. ²³ Egha dughiar igharazir mamin, a Isipian gumazir bar dafar mamin misoghezi an areme. Gumazir kamin tuirivim 2 mita gifira. Gumazir kam afuzimin suiraghav iti, ezi afuzir misiam bar ekevegha, mati iniba sisair masinin ainin ruarin min gari. Ezi Benaia ter otevir osimtzir mam inigha an boroghin ghugha a misogha, an dafarimin afuzim amikegha a birazi, an areme. ²⁴ Jehoiadan otarim Benaia, amizir bizar ekiar kabanang a pirafazi, a uaghan midorozir gumazir gavgavir 3plan kaba ko ziar ekiam iti. ²⁵ An ziar ekiam, 30plan midorozir gumazir gavgavir kabagh afira, egha midorozir gumazir 3plan ziar ekiaba itir kaba ko magh ghuzir puvati. Ezi Devit ubi gehuv, uabin ganamin gumazibar dapanimin aneti.

²⁶⁻⁴⁷ 30plan midorozir gumazir gavgavibar ziabar kara:

Asahel, a Joapin dozim,
Betlehemin nguibamin gumazim El-hanan, a Dodon otarim,
Sama, a Harorin nguibamin gumazim,
Heles, a Pelonin nguibar ekiamin gumazim,
Ira, a Ikesin otarim, a Tekoan nguibar ekiamin gumazim,
Abieser, a Anatotin nguibar ekiamin gumazim,
Sibekai, a Husan nguibamin gumazim,

* **11:20:** Gumazir maba ghaze, dibobonir kam 3ra tu.

Ilai, a Ahohin adarazir gumazim,
Maharai, a Netofan nguibar ekiamin gumazim,
Banan otarim Helet, a Netofan nguibar ekiamin gumazim,
Itai a Ribain otarim, a Gibean nguibar ekiamin Benjaminin anabamin gumazim,
Benaia, a Piratonin nguibar ekiamin gumazim,
Hurai, a Gasin Mighsiamin boroghin itir danganir zarimin gumazim,
Abiel, a Araban nguibar ekiamin gumazim,
Asmavet, a Baharumin nguibamin gumazim,
Eliaha, a Salbonin nguibar ekiamin gumazim,
Gisonin nguibamin gumazim Hasemin otariba,
Jonatan, a Sagen otarim, a Hararin nguibamin gumazim,
Ahiam, a Sakarin otarim, a Hararin nguibamin gumazim,
Elifal, a Urin otarim,
Hefer, a Mekeran nguibamin gumazim,
Ahiya, a Pelonin nguibamin gumazim,
Hesro, a Karmelin nguibar ekiamin gumazim,
Narai, a Esbain otarim,
Joel, a Natanin aveghbuam,
Miphah, a Hakrin otarim,
Selek, a kantri Amonian gumazim,
Naharai a Berotin nguibar ekiamin gumazim, a Joapin midorozir afuziba ko bizar igharaziba sara aterir gumazim,
Ira, a Itran ikizimin gumazim,
Garep, a Itran ikizimin gumazim,
Uria, a Hitian gumazim,
Sabat, a Alain otarim,
Adina, a Sisan otarim, a Rubenin anabamin midorozir gumazir dapanir mam, egha Adinan ikizimin 30plan gumazibar dapanimin iti,
Hanani, a Makan otarim,
Josafat, a Mitanin nguibamin gumazim,
Usia, an Astarotin nguibamin gumazim,
Hotamin otarimning Sama ko Jeiel, aning Aroerin nguibamin gumazimning,
Jedael ko Joha, aning Simrin otarimning, aning Tisin nguibamin gumazimning,
Eliel, a Mahavan nguibamin gumazim,
Elnamin otarimning Jeribai ko Josavia,
Itma, a Moapian kantrin gumazim,
Ezi Mesoban nguibamin gumaziba, Eliel ko Obet ko Jasiel.

12

Benjaminin anabamin gumazir Devitin midorozir gumazibar otivizibar ziaba

¹ Kisin otarim Sol, a Devitin gintizir dughiamin, Devit an ara ghua Sikkakin nguibar ekiamin iti. Devit Sikkakin itima, midorozir gumazir gavgavir maba iza a ko iti. Egha me an akuraghya misosi. ² Me Benjaminin anabamin gumaziba, ezi Atrivim Sol men ikizimin mav. Gumazir kaba, barir pibar asa bar fozir gumaziba. Egha agharir kiriam o agharir guvimin barir piba ko katapelbar deraviram asi.

³ Men midorozir gumazibar faragha zuir gumazir dapanim, Ahieser. An dozim Joas, a men gumazir dapanir namba 2. Aning Gibeon nguibamin gumazim Seman otarimning. Ezi gumazir igharazibar ziabar kara:

Jesiel ko Pelet aning Asmavetin otarimning,

Beraka,

Anatotin nguibar ekiamin gumazim Jehu,

⁴ Gibeonin nguibar ekiamin gumazim Ismaia, a Devitin 30plan midorozir gumazir gavgavir kabar gumazir dapanim, egha bar deravira misosi.

Jeremaia, Jahasiel, Johanan,

ko Gedearn nguibar ekiamin gumazim Josabat,

⁵ ko Elusai, Jerimot, Bealia, Semaria, ko Haripin nguibar ekiamin gumazim Se-fatia,

⁶ ko Koran nguibar ekiamin gumaziba Elkana, Isia, Asarel, Joeser ko Jaso-beam,

⁷ ko Gedorin nguibar ekiamin gumazim Jerohamin otarimning Joela ko Se-badaia.

Gatin anabamin gumazir Devitin midorozir gumazibar otivizibar ziaba

⁸ Devit gumazamiziba puvatizir danganimin itir mogomer danganir gavgavir kamin itir dughiamin, Gatin anabamin midorozir gumazir gavgavir maba Sol ategha ghua Devit ko iti. Me orabar suigha afuzibar misogha bar fo. Me misozir dughiabar, men guaba bar ikuvigha, laionbar guabar min gari. Egha me mighsiabar itir asizir atiabar min bar puwira ivemari. ⁹⁻¹³ Men ziabar kara:

Eser, a men dapanim,

ezi namba 2 Obadia,

namba 3 Eliap,

namba 4 Mismana,

namba 5 Jeremaia,

namba 6 Atai,

namba 7 Elijel,

namba 8 Johanan,

namba 9 Elsabat,

namba 10 Jeremaian igharazim,

ezi namba 11 Makbanai.

¹⁴ Gatin anabamin gumazir kaba, me Devitin midorozir gumazibar gumazir dapaniba. Me bar midorozir gumazibar garir gumazir dapanir bar aghuiba. Egha me apaniba ko misozir dughiabar, marazi 100plan apanibav sogha me abiri, ezi marazi 1,000plan apanibav sogha me abiri.

¹⁵ Azenir mamin, an iakinir faragha zuimin, midorozir gumazir kabara, Jordanin Fanemin aperiar ekiam abigha vongin ghue. Dughiar kamin, me aruem anadi naghin ko aruem uaghiri naghin gumazamizir danganir zarimin boroghin itibav sogha men gintisi. Ezi gumazamiziba tintinibar are.

Benjamin ko Judan anabamningin gumazir maba Devitin midorozir gumazibar dapanibar otifi

¹⁶ Dughiar mamin, Benjaminin anabamin gumazir maba ko Judan anabamin gumazir maba iza, Devit modogha itir danganir gavgavir kamin an ganasa ize. ¹⁷ Ezi Devit ghua me batogha kamaghin me migei, "Ia navir amirizimin nan akurvaghsni na bagh iziti deragham. Ki ia ko akam akir ian namakimin otivasa ifonge. Ki ubi osimtitizam ian itir puvatigha, tong ia gasighasighizir puvati. Kamaghin amizima, ia na isi nan apanibar agharim datighti, en inazir afeziabar God a ian ganiva ia tuisigham."

¹⁸ Ezi men mav, Amasai, Godin Duam a gapazazima, a kamaghin Devit migei, "O Jesin otarim Devit, e ni ko ikiasa. E nin adarazir ikiasa. Bar guizbangira, nin God nin akurvasi. Kamaghin amizi, ni ko nin akurvazir gumaziba, deravira iki navir amirizim ko dabirabir aghuim ikiam." Ezi, Devit me inigha uan midorozir gumazibar garir gumazir dapanibar me ariki. Ezi Amasai gin Devitin 30plan midorozir gumazir gavgavibar gumazir dapanimin oto.

Manasen anabamin gumazir maba Devitin midorozir gumazibar dapanibar otifi

¹⁹ Ezi Devit Filistiaba ko ghua, Atrivim Sol ko misoghasa zuima, Manasen anabamin marazi Sol ategha Devit bagha ghue. Ezi Devit Filistiabar akurazir puvati. Bizar kam kamakin, Filistiabar atriviba faragha Devit ko an adarazi batoke. Me kamaghin fo, Devit fomira Solin akura. Kamaghin amizi, me atiatia ghaze, Devit ua midorozimin dughiamin, Solin adarazir akuragh Filistiabav soghti, me arighiregham. Kamaghin amizi, atriviba kamaghin migirigiam gamigha Devit amadazi, a zui. ²⁰ Devit uamatgeha Sikkakin zuir dughiamin, Manasen anabamin midorozir gumazir kaba a ko zui. Men ziabar kara: Atna, Josabat, Jediael, Maikel ko Josabat igharazim ko Elihu ko Siletai. Manasen anabamin midorozir gumazir kaba, me vaghvaghia 1,000plan

midorozir gumazibar gumazir dapanibar iti. ²¹ Gumazir kaba, me bar midorozir gumazir bar aghuiba, ezi Devit me inigha uan midorozir gumazibar gumazir dapanibar me ariki. Egha Devit gumazir misoziba ko bizia okeba ko misozir dughiamin, gumazir dapanir kaba an akuraghia me ko misosi. ²² Ezi arueba bar midorozir gumazir aviriba iza Devitin midorozir gumazibar otivasa mamaghira iti. Ezi an midorozir gumazibar dibobonim bar pin ghuavanaboo, mati Godin midorozir gumazir okoru bar dafamra.

Israelia bar moghira Devitin akuraghti an atrivimin otivam

²³ Devit Hebronin nguabar ekiamin itir dughiamin, Ikiavira Itir God mikemezi moghin, midorozir gumazir avirim a damighti a Israelian atrivimin otogh Solin danganim iniasa, me a bagha ize. Me midorozir biziba saram atera izi. Men anababar dibobonibar kara.

²⁴ Judan anabamin adarazir tongin, 6,800plan midorozir gumaziba, me uan oraba ko afuzir ruariba inigha da sara ize.

²⁵ Ezi Simeonin anabamin adarazir tongin, 7,100plan midorozir gumaziba ize. Me bar midorozir gumazir bar aghuiba.

²⁶ Ezi Livain anabamin adarazir tongin, 4,600plan midorozir gumaziba ize. ²⁷ Ezi Jehoiada, a Aronin ovavir boribar gumazir dapanim, a 3,700plan midorozir gumaziba inigha ize. ²⁸ Ezi Sadok, a midorozir gumazir igiar bar gavgavim, a uabi uan ikizimin 22plan midorozir gumazir dapaniba ko ize.

²⁹ Ezi Benjaminin anabamin adarazir tongin, kar Atrivim Solin adarasi, men gumazir 3,000pla ize. Me faragha, men gumazir aviriba Sol ko ikia an gin zui, egha me datirighin Devit bagha ize.

³⁰ Ezi Efraimin anabamin adarazir tongin, 20,800plan midorozir gumaziba ize. Me bar midorozir gumazir bar aghuiba, egha me uan ikizibar aven ziar ekiaba iti.

³¹ Ezi Manasen anabar me tuirazimningin mamin adarazir tongin, 18,000plan midorozir gumaziba ize. Men adarazi uari me amisevegha me amadazi, me Devit damuti an atrivimin otivasa Hebronin ghu.

³² Ezi Isakarin anabamin adarazir tongin, 200plan gumazibar garir gumazir dapaniba ko midorozir gumazir men apengan ingariba, me bar ize. Gumazibar garir gumazir dapanir kaba, nighnizir aghuiba iti, egha me dughiar kamin bizir otiviziba ko Israelia damuamin bizibar mingariba, me bar dagh fo.

³³ Ezi Sebulunin anabamin adarazir tongin, 50,000plan midorozir gumazir bar

aghuiuba ize. Me Devitin akurvaghamin nighnizir bar vamira iti. Egha misoghamin bizir guar aviriba sara ize.

³⁴ Ezi Naptalin anabamin adarazir tongin, 1,000plan midorozir gumazibar dapaniba ko 37,000pla midorozir gumaziba ize. Me uan oraba ko afuzir ruariba suigha ize.

³⁵ Ezi Danin anabamin adarazir tongin, 28,600plan midorozir gumaziba ize. Me zurara misoghasavira gara iti.

³⁶ Ezi Aserin anabamin adarazir tongin, 40,000plan midorozir gumaziba ize. Me uaghan zurara misoghasavira gara iti.

³⁷ Ezi Rubenin anabam ko Gatin anabam ko Jordanin Fanemin aruem anadi naghin itir Manasen anabar me tuirazimningin igharazim, me Jordanin Fanemin aruem anadi naghin iti, men adarazir tongin, 120,000plan midorozir gumaziba ize. Me bar midorozim damuamin bizir aviriba sara ize.

³⁸ Midorozir gumazir aghuir kaba bar, midorozir biziba atera iza Hebronin otifi. Me Devit damighti, a Israelian danganiba bar dar atrivimin otivasa, me bar nighnizir vamira iti. Ezi Israelian igharaz darasi, me uaghan nighnizir kamra iti. ³⁹ Gumazir kaba, men namakaba me bagha inigha izezir dagheba, me da apava aruer pumuning ko mikezimin Devit ko Hebronin iti. ⁴⁰ Bar guizbangira, Israelian kantrin itir danganiba bar dar iti darasi, bar saghon itir Isakarin nguazim ko Sebulunin nguazim ko Naptalin nguazir notin amadaghan iti darazi uaghan, me bar kamaghin oregha bar akuegha dagher igharaghia garir avirim atera Hebronin izi. Me plauan avirim ko wainin ovizir me apuziziba ko fikin ovizir me apuziziba ko wainin dipar aviriba ko olivin boreba, me da atera ize. Me dagher kaba isa donkiba ko kamelba ko bulmakaubagh isin da arigha da atera ize. Egha gumazamiziba damamin bulmakauba ko sipsipba, me uaghan da inigha ize.

13

Devit ghua Godin Akar Dikirizir Gavgavimin Boksiam ini

(2 Samuel 6:1-11)

¹ Dughiar mamin, Devit uan gumazir dapanir 1,000plan gumazibar gariba, ko gumazir dapanir 100plan gumazibar gariba, ko uan gumazir dapanir igharaziba kamaghin me ko uariv gia men nighnizim bagha men azai. ²⁻³ Egha a bar moghira Israelian diagha kamaghin me migei, "Ki kamaghin nighnisi, e ti mangi Ikiavira Itir Godin Akar Dikirizir Gavgavimin Boksiam inigh iziti deraghram. Guizbangira, Sol

atrivimin itir dughiamin, e bar Boksiar kam bakinighniki. Kamaghin amizi, ia nighnizir kam gifueghti, Ikiavira Itir God, en God, e Akar Dikirizir Gavgavimin Boksiar kam inigh izisi ifueghti, e namakar Israelin kantrin itiba bagh akam amangam. Egh e uaghan ofa gamir gumaziba ko Livian uan nguibabar itiba sara me bagh akam amadaghgam. Eghit me bar moghira izi e ko uari akuvaghgam.”⁴ Ezi gumazamiziba bar moghira iza uari akuvagha nighnizir kam gifongegha Devitin amamangati.

⁵ Kamaghin amizi, Devit Israelin kantrin iti darazi bagha bar akaba amangi, sautin amadaghan itir Isipin mitaghniamin boroghin Sihorin Fanemin ikegha bar ghua, notin amadaghan itir Hamatin zuir tuavir akamin tu. Ezi me Kiriati Jearimin mangi Ikiavira Itir Godin Akar Dikirizir Gavgavimin Boksiam iniasi, bar iza uari akufa. ⁶ Ezi Devit me inigha Godin Akar Dikirizir Gavgavimin Boksiam iniasi Judan nguazimin itir nguibam Balan zui, an ziar igharazim Kiriati Jearim. Me Boksiar kam migia ghaze, Ikiavira Itir God, kar an Akar Dikirizir Gavgavimin Boksiam. Boksiar kam, enselin bar gavgavir pumuningin nedazimning, a gisin ikia mati, Ikiavira Itir Godin atrivir dabirabim. ⁷ Ezi Devit uan midorozir gumaziba ko ghua Balan nguibar ekiamin otivigha, ghua Abinadapin dipenimin oto. Egha me Akar Dikirizir Gavgavimin Boksiam inigh mangasa, karisin igiar mam inigha Boksiam isa a gisin aneti. Ezi Abinadapin otarimning, Usa ko Ahio, aning karisin igiar kamin akua tuavimin zui. ⁸ Ezi Devit Israelia ko me bar moghira ghuava, Ikiavira Itir Godin damazimin bar akongegha pamtem ighiabagh amua an ziam fe. Me gitaba ko buaba, ko tambarinba ko dibiarir guar avirbab sogha sighthabagh ivi.

⁹ Me ghua gumazir mamin nguazir asizimin oto, gumazir kamin ziam Kidon. Kar me witin ovizibar iniba kua dar dagheba isir danganim. Danganir kamin bulmakauba daghdazima, Akar Dikirizir Gavgavimin Boksiam irasava ami. Kamaghin amizi, Usa uan agharin amadaghba Boksiam suira. ¹⁰ Kamaghin amizi, Ikiavira Itir God bar puvirama Usan aningaghegħha atari. Ezi danganir kamra, Usa Akar Dikirizir Gavgavimin Boksiam miriamin maghiram areme. ¹¹ Devit garima, Ikiavira Itir God uan aningagħarim Usa ġingezi an areme. Ezi Devit atari. Ezi me danganir kam dibora ghaze, “God Uan Aningagħarim Usa Gingie,” egha datirighin

me uaghan kamaghira a diboravira iti.*

¹² Devit datirighin Ikiavira Itir Godin atiatigha ghaze, “Ki manmagħin, Ikiavira Itir Godin Akar Dikirizir Gavgavimin Boksiam inigh iziti a na ko ikiam?” ¹³ Kamagh amizi, Devit Boksiam inigh Devitin Nguibar Ekiamin mangan aghuagħha, a inigha Jerusalemin zuir tuavim ategħa ghua, Getin nguibar ekiamin gumazir mam, Obetidomin dipenimin aneti. ¹⁴ Ezi Boksiam 3plan iakinbar Obetidomin dipenimin iti. Ezi dughiar kamin, Ikiavira Itir God bar deraghvira Obetidom ko an adarazigħ ami.

14

*Devit Jerusalemin ikia atrivimin iti
(2 Samuel 5:11-16)*

¹ Tairin nguibar ekiamin Atrivim Hiram, a uan gavmanin ingangarir gumazir danpaniba Devit bagha me amada. A uaghan Atrivim Devitin dipenimin ingaras, temer sidaba ko, dipenibar ingarir gumaziba ko dagħiabar bizbirri ingarir gumaziba, a me amangi. Ezi me Devit bagħha atrivimin dipenimin ingari. ² Devit bizir kabar gari, da a bagħha izima a kamaghin fo, Ikiavira Itir God guizbangira Israelian atrivimin ikiasi a ginaba. A uaghan kamaghin fo, Ikiavira Itir God uan gumazamiziba bar men akurvaghħasa, kamagh amizi, a kantri Israel gamima, a bar dera.

³ Ezi Devit Jerusalemin ikia ua amuir igharazir maba inigha dar iti. Ezi an amuir kaba, otariba ko guvir maba bate. ⁴ A Jerusalemin ikiava otarir maba ini. Men ziabar kara: Simea, Sobap, Natan, Solomon, ⁵ Iphar, Elisua, Elpelet, ⁶ Noga, Nefek, Jafia, ⁷ Elisama, Beliada ko Elifelet.

*Devit Filistiaba ko misogħa me abira
(2 Samuel 5:17-25)*

⁸ Filistiaba kamaghin oraki, Israelia Devit amisevezima a men atrivimin oto. Ezi Filistiaba mangi me misuegħ Devitin suighasa zui. Me bizir kam damuasa amima Devit fogħha, uan danganir mogomer gavgavimin uaghiri. ⁹ Filistiaba iza Refaimin danganir zarimin otogħa gumazamizibav sogħha men bħżeek. ¹⁰ Ezi Devit kamaghin Godin azara, “Ki mangiva Filistian kabav sogħam, o? Ki mangi me ko misogħti, ni me isi na dafarim darīgħam o?”

Ezi Ikiavira Itir God kamaghin a ikaragħha ghaze, “Are, ni mangi. Ki me isi nin dafarim datighti, ni midorozim in me abiragħam.”

¹¹ Ezi Devit ghua Filistiabav sogħha me abiragħha kamaghin migei, “Ikiavira Itir God mati aperiam otogħa, pamtemin ivemara

13:5: 1 Samuel 7:1-2 **13:6:** Ua Me Ini 25:22 * **13:11:** Akar kam, “datirighin,” a datirighin itir dughiam migeir puvati. A gumazir akinafarir kam osrizi min dughiam migei.

13:14: 1 Eghaghaniba 26:4-5

nan dafarimin nan apaniba abiaghaghia
me gasighasiki.”

Kamaghin amizi, me danganir kam
dibora ghaze, “Ekiam Aperiamin Min
Pamten Ivemara Apaniba Abiagharsi.”

¹² Ezi Filistiaba uan marvir guaba ategha
are. Ezi Devit uan midorozir gumazibav
kemezi, me men marvir guabagh apongezi
da isi.

¹³ Ezi Filistiaba gin ua danganir zarir
kamin izegha gumazamizibav sogha men
biziba okei. ¹⁴ Ezi Devit kamaghin Godin
azara, “Ki manmaghin damuam?”

Ezi Ikiavira Itir God kamaghin a ikaragha
ghaze, “Ia me misoghs mangiva, men
guaba moghin mangan marki. Ia modogh
men girakirangin moghin mangi, egh temer
balsamba tuivighav iti naghin misoghsivira
gan iki. ¹⁵ Ia oraghtima niginim otogham,
mati gumaziba temer kabar ghuabagh
isin daruam. Eghti ia fogh suam, ki uabi
Filistiabav soghs ian faragh mangam.
Ia niginir kam baraghamin dughiamin,
ia maghira ivemar mangi me misogh.”
¹⁶ Ezi Devit Ikiavira Itir God a mikemezi
moghiram amigha, Filistiabar agiragh
bar me misuaghariki. Me me misogha
Gibeonin nguubar ekiamin ikegha ghua
Geserin nguubar ekiamin tu. ¹⁷ Devit amizi
bizir kam, kantribar gumazamiziba bar
moghira a baregha ziar ekiam Devit ganidi.
Ezi Ikiavira Itir God me gamizima, me bar
Devitin atiatingi.

15

*Me Akar Dikirizir Gavgavimin Boksiam
inigh Jerusalemin mangasa*

¹ Devit ua bagha Jerusalemin dipenibar
ingari, Jerusalem, a Devitin Nguibar Ekiam.
Egha u uaghan Godin Akar Dikirizir Gav-
gavimin Boksiam arighasa danganir mam
akiri, egha me danganir kamin, Purirpenir
mamin ingari. ² Ezi Devit kamaghin migei,
“Ikiavira Itir God uan Akar Dikirizir Gav-
gavimin Boksiam aterasa, Livain anabamin
adarazi ginaba. Eghiti me zurara an ingan-
garim damuam. Kamaghin amizi, Livain
anabamin adarazira, me Akar Dikirizir Gav-
gavimin Boksiam gisaghpuh aneteram.”
³ Egha Devit, Akar Dikirizir Gavgavimin
Boksiam inigh mangi danganir a bagha
dikirizimin anerighasa Israelian diazima,
me iza Jerusalemin nguibamin uari akufa.
⁴ Egha a Aronin ovavir boriba, ko Livain an-
abamin adarazi akufa. ⁵ Men ziabar kara:

Kohatin ovavir boribar tongin 120plan
gumaziba ize. Ezi men gumazir dapanim, Uriel.

⁶ Ezi Merarin ovavir boribar tongin
220plan gumaziba ize. Ezi men
gumazir dapanim, Asaia.

⁷ Ezi Gersonin ovavir boribar tongin
130plan gumaziba ize. Ezi men
gumazir dapanim, Joel.

⁸ Ezi Elisafanin ovavir boribar tongin
200plan gumaziba ize. Ezi men gu-
mazir dapanim, Semaia.

⁹ Ezi Hebronin ovavir boribar tongin
80plan gumaziba ize. Ezi men gumazir
dapanim, Eliel.

¹⁰ Ezi Usielin ovavir boribar tongin
112plan gumaziba ize. Ezi men
gumazir dapanim, Aminadap.

¹¹ Ezi Devit gumazir kabar dia. Kar
ofa gamir gumazim Sadok, ko ofa gamir
gumazir igharazim Abiatar, ko Livain
anabamin gumazir dapanir kaba, Uriel,
Asaia, Joel, Semaia, Eliel ko Aminadap.

¹² Egha a kamaghin me migei, “Ia Livain
anabamin ikizibar gumazir dapaniba,
ia uan adarazi ko, arazir ia damuti ia
Godin damazimin zueghamibar gin mangi.
Arazir kamin gin, ia mangi Ikiavira Itir
God, Israelien God, an Akar Dikirizir
Gavgavimin Boksiam inigh, danganir ki
a bagha dikirizimin izam. ¹³ E faragha
ghua a isir dughiamin, ia e ko ikezir
puvati. E arazir aghuimin gin ghua faragha
Godin azarazir puvati, e manmaghira
damuam. Kamaghin amizi, Ikiavira Itir
God, en God, bar pazaviram e gami.” ¹⁴ Ezi
ofa gamir gumaziba ko Livain adarasi,
arazir me uari damigh Godin damazimin
zueghamim gami, egh me mangi Ikiavira
Itir God, Israelien Godin Akar Dikirizir
Gavgavimin Boksiam inigh izam. ¹⁵ Egha
Ikiavira Itir God, fomira Moses mikemezi
moghin, Livaiba Akar Dikirizir Gavgavimin
Boksiam aterasa, me Boksiam aterir arazim
gamua, Boksiam iter otevir pumuningin
suiragha, a fegha uan dipizibagh atigha
a gisaghpuh zui. ¹⁶ Ezi Devit Livain
adarazir gumazir dapanibav kemezi,
me uan tarazi amiseveghti, me Akar
Dikirizir Gavgavimin Boksiam inigh zamin
dughiamin, me onger akar aghuubar
amu. Egh me uan bar akongezir arazim
akakaghs, pamtemin ighiabar amu gitaba
ko tambarinba ko buabav sogh, Akar
Dikirizir Gavgavimin Boksiam inigh izam.

¹⁷⁻²¹ Ezi Livain gumazir dapaniba gu-
mazir kaba amisefe:

Joelin otarim Heman,
Hemanin adarazir mav Asap, a Berekian
otarim,

ko Kusaian otarim Etan, a Merarin ovavir boribar mav.

Gumazir kaba, onger akaba bangi tambarinbay soghamin ingangarim iti. Ezi gumazir dapaniba, 3plan gumazir kabar akuraghsha ua Livain anabamin adarazir gumazir maba misefe. Livain adarazir gumazir kaba gitabav sozir ingangarim iti. Marazi gitan igharagha garibav sosi, dar ararem bar pin ghuanabo. Gumazir kabar ziabar kara:

Sekaraia, Jesiel, Semiramot, Jehiel, Uni, Eliap, Masea, ko Benαι.

Ezi marazi gitan igharagha garibav sosi, dar ararem bar iraghu. Gumazir kabar ziabar kara:

Matitia, Elifelehu, Miknea, Obetidom, Jeiel ko Asasia. Obetidom ko Jeiel, aning Godin Dipenimin itiar akabar garir adarazir gumazimning.

²² Ezi Kenania, a ingangarir kabar amuan bar fo, kamaghin amizi, me Akar Dikirizir Gavgavimin Boksiam inigh izamin ingangarir kabar ganasa Kenania amisefe. Kenania, a ighiam gamir gumazir kabar garir gumazim. ²³⁻²⁴ Egha me Akar Dikirizir Gavgavimin Boksiamin ganasa gumazir maba amisefe, men ziabar kara:

Berekia, Elkana, Obetidom, ko Jehia.

Egha me ofa gamir gumazir maba amisevezima, me sighabagh ivia Akar Dikirizir Gavgavimin Boksiamin faragha zui. Ofa gamir gumazir kabar ziabar kara:

Sebania, Josafat, Netanel, Amasai, Sekaraia, Benai ko Elieser.

*Me Akar Dikirizir Gavgavimin Boksiam inigh Jerusalemin ize
(2 Samuel 6:12-22)*

²⁵ Egha me bar uari akuvagha givagha, Devit, Israeliyan gumazir dapaniba ko 1,000plan midorozir gumazibar garir gumazir dapaniba, me Obetidom dinpenimn ghugha, Ikiavira Itir Godin Akar Dikirizir Gavgavimin Boksiam inigh ua Devitin Nguibar Ekiamin izasava ami. Gumazamiziba bizir kam bagha bar akonge. ²⁶ Ezi Livaiba Ikiavira Itir Godin Akar Dikirizir Gavgavimin Boksiam aterir dughiamin, God men akura. Kamaghin amizi, me a bagha 7pla bulmakaun apuriba ko 7pla sipsipin apuribar ofa gami. ²⁷ Ezi Devit, ofa gamir gumazimin korotiar ruarir dirir mam arugha, an sazimning ubi gike. Ezi Godin Akar Dikirizir Gavgavimin Boksiam aterir Livaiba ko, gitabav sogha

ighiabagh amiba ko, ingangaribar garir gumazim Kenania, me bar moghira Devit kurkezi moghin kurke. Ezi Devit ikezi nir ruarir kam gisin, a uaghan ofa gamir gumazimin korotiar otevir azenan azuir dirir mam arugha, an sazimning ubi gike. ²⁸ Me Akar Dikirizir Gavgavimin Boksiam ateria Jerusalemin zuima, Devit Israelia ko me bar moghira arazir kamram amua, bar akongegha pamtemin diava sighabagh ivia tambarinbay sogha gitan igharagha garir kabav sozima, dar ararem bar pin mar ghuavanabo.

²⁹ Me Akar Dikirizir Gavgavimin Boksiam ateria Devitin Nguibar Ekiamin aven izir dughiamin, Solin guivim Mikal winduan tughav ikia men gari. A uan pam Atrivim Devitin garima, a ighiabagh amuava Ikiavira Itir Godin damazimin igharagha ighava ubi fa ubi ekurava, Ikiavira Itir Godin ziam fe. Devit amir arazir kam, Mikal bar a gifongezir puvatigha, navir kuram Devitin ikia a baseme.

16

¹ Ezi me Ikiavira Itir Godin Akar Dikirizir Gavgavimin Boksiam isava, Devit a bagha ingarizir purirpenimin aven aneti. Egha me Godin damazimin ofan bar isia mighiriba ko, gumazamiziba God ko navir vamiran ikiamin ofabagh ami. ² Devit ofabagh amigha givagha, Ikiavira Itir Godin ziamin, deraghvira gumazamizibar amuasa, an azai. ³ Egha Devit dagheba isa bar gumazamizibagh aningi. Gumaziba ko amiziba vaghvagha pretin rubuzim ko asizir tuzir me avimin tueziba ko wainin ovizir me apuziziba, me bar ada ini.

⁴ Egha Devit gin Godin ofa gamir gumazir maba amisefe, eghti me Ikiavira Itir Godin Akar Dikirizir Gavgavimin Boksiamin boroghin mangi Ikiavira Itir God, Israeliyan Godin ziam fam. Me Godin dim a minabi an ziam fam. ⁵ Egha Devit Asap amisevezi, a gumazir kabar faragha zui. Ezi Sekaraia Asapin namba 2in iti. Ezi gumazir igharazibar ziabar kara: Jeiel, Semiramot, Jehiel, Matitia, Eliap, Benai, Obetidom ko Jeielin igharazim. Gumazir kabar ingangarim, me gitabav sogham. Egha Asap brasin itaribav sogham. ⁶ Egha Devit ofa gamir gumazimning Benaia ko Jahasiel, Godin Akar Dikirizir Gavgavimin Boksiamin boroghin mangi sighabagh iviam ingangarim bagha aning amisefe. ⁷ Aruer kam, a faragha zuir dughiar Devit Ikiavira Itir God minabaghamin onger akabar amuamin ingangarim isa Asap ko an adarazigh aningizim.

*Me Ikiavira Itir God
minabir ighiam gami
(Onger Akaba 105:1-15; 96:1-13; 106:1;
106:47-48)*

⁸ Asapin adarazi ighiar kam bati:

E bar Ikiavira Itir Godin ziam diponiva a minabaka.

Egh ingangarir ekiar an amizibar gun Kantrin Igharazibar Gumazamiziba bar me mikimam.

⁹ E Ikiavira Itir God bagh ighiaba bangi egh an ziam fam.

Egh bizar aghuir an amizibar gun mikimam.

¹⁰ Gumazamizir Ikiavira Itir Godin boroghin zuiba, uan navir averiabar aven a bagh bar akongegh.

E an ziar aghuim ginighnigh an ziar ekiam bar a pirafit bar akuegham.

¹¹ E zurara Ikiavira Itir Godin boroghira mangi uarir akurvaghisi an gavgavim bagh an azangsigham.

¹²⁻¹³ Ia Israelin ovavir boriba, Israel a Ekiamin ingangarir gumazim.

Ia Jekopin boriba, ia Ikiavira Itir God ua baghavira inabazir gumazamiziba.

Arazarazir ekiaba ko ingangarir gavgavir an amiziba ko akar a en apanibagh asighasigha mikemeziba, ia uam adagh nighnighvira iki.

¹⁴ Ikiavira Itir God, a en God.

Egha nguazir kamin gumazamiziba bar me gativagha men gari.

¹⁵ Ikiavira Itir God e koma Akar Dikirizir Gavgavir mam gami, egh zurazurara Akar Dikirizir Gavgavir kam ginighnigham.

An Akar Dikirizir Gavgavir kam ginighnigh mangivira ikiam.

¹⁶ An Abraham ko Akar Dikirizir Gavgavir kam gami.

Egha Aisak koma Akar Dikirizir Gavgavir kam akiri.

¹⁷ An Akar Dikirizir Gavgavir kam Jekop koma a gami, a Israelian ovavim, egha Akar Dikirizir Gavgavir kam gavgavim a ganingi, eghiti a zurara iki mamaghira ikiam.

¹⁸ Ikiavira Itir God kamaghin migia ghaze, "Ki Kenanin nguazim ni daningam, eghiti nguazir kam nin ovavir boribar nguazimin ikiam."

16:11: Onger Akaba 24:6

16:16: Jenesis 12:7; 26:3

Onger Akaba 105:15

16:26: Ofa Gami 19:4

*** 16:29-30:** Hibrun akam deragha akar kamin mingarim abighizir puvati. Gumazir maba kamaghin nighnisi, Hibrun akamin mingarim kamakin, "Ia kurkazir aghuiba ikegh izi, an ziam fi."

¹⁹ Fomira Israelia bar avirasemezir putatigha,

Kantrin Igharazibar Gumazamizibar min pura Kenanin nguazimin iti.

²⁰ Egha Kantrin Igharazibar Gumazamizibar min pura tintinibar dagh aruavira iti.

²¹ Ezi God tarazi ataghizi, me me misogha me abinizir puvati.

A men akurvaghha me bagha atrivir maba akar gavgaviba me ganiga atriviba dikabira,

²² egha ghaze, "Ki ua bagha misevezir gumazamiziba, ia me gasighasighan marki!

Ia nan akam inigha izir gumaziba pazi me damuan marki!"

²³ Nguazir kamin gumazamiziba bar, ia Ikiavira Itir God bagh onger akabar amu.

Dughiabar zurara ia an gun uariv mikim suam, Ikiavira Itir God zurara en akurvasi.

²⁴ Ia, an gavgavim ko ingangarir aghuir an amibar

gun kantriba bar dar gumazamizibav kim.

²⁵ Ikiavira Itir God a bar faraghavira ikia bar gavgafi.

Ezi e an ziam fi mangivira ikiam.

Aseba bar, me Ikiavira Itir Godin min itir puvati.

E an apengara ikiva an atiatingam.

²⁶ Nguazimin itir gumazamizibar aseba, da pura ifavarir godba.

Ikiavira Itir God, an overiamin ingari.

²⁷ Ikiavira Itir God, atrivimin ikia ziar ekiam ikia, egha uan Dipenimin iti.

A bizar aghuiba ko gavgavim mingarim.

²⁸ Ia nguazimin itir ikizibar gumazamiziba bar,

ia Ikiavira Itir Godin ziar ekiam ko gavgavim bagh bar akongegh.

²⁹⁻³⁰ Ikiavira Itir God, a bar faraghavira itima, ia an ziar ekiam fi.

Ia ofaba inigh an Dipenimin mangi.

Ikiavira Itir Godin Araziba da bar deragha bar zue, arazir kaba mati an kurkazir aghuim.

Ia gumazamiziba bar moghira an arazir kabagh nighnigh an ziam fi.*

Ia nguazimin gumazamiziba, ia an atiating egh akong.

Ia Kantrin Igharazibar Gumazamizibar tongin iki mikim suam,

16:17: Jenesis 28:13 **16:21:** Jenesis 20:3-7 **16:22:**

"Ikiavira Itir God, an atrivimin iti.

A nguazimin ingarigha a gamizi, a gavgavigh iki mamaghira ikiva sivaghsivaghan kogham."

³¹⁻³³ Nguazim ko overiam, gua bar akongegh, ongarim, ni bar akuegh egh niginir dafam damu.

Ia ongarimin aven itir biziba, ia uaghan bar akongegh.

Ia azeniba, ko azenibar aghuir biziba, ia bar moghira bar akongegh.

Ia ruaribar temeba, ia uaghan ighiabar amu bar akongegh.

Ia bar moghira izi, Ikiavira Itir Godin damazimin ighiam damu.

A izi nguazimin gumazamiziba bar men araziba tuisigham.

³⁴ Ikiavira Itir Godin Araziba bar dera, ezi a zurara en apangkuva ikia mamaghira iti.

Kamaghin amizi, e bizir kam bagh a minabagh!

³⁵ O God, ni datirighin en akuragh!

E gumazamizir bar igharazibar torimin iti, ni uam e akuvagh uam e inigh en nguazimin izi.

Eghti e nin ziar ekiam ginighnigh nin ziar ekiam minabagh.

E nin ziam fisi bar akuegham.

³⁶ E Ikiavira Itir Godin ziam feka, a Israelian God.

E datirighin ko, gin izamin dughiabar zurara an ziam feka.

Asapin adarazi ighiar kam bangegha givazi, gumazamiziba kamaghin migei, "Bar guizbangira!" Egha me Ikiavira Itir Godin ziam fa ghaze, "Alezua!"

Asap ko an adarasi, men ingangarim

³⁷ Devit Ikiavira Itir Godin Akar Dikirizir Gavgavimin Boksiamin boroghira ikiva, aruebar vaghvagh Godin ziam famin arazibar faragh mangasa Asap ko an adarazi amisefe. Me zurara ingangarim kam damu kamaghira ikiam. ³⁸ Egha Devit uaghan Asapin adarazir akurvaghaha ingangarim isa Jedutunin otarim Obetidom ko an adarazir tongin 68plan gumazibagh aningi. Ezi Obetidom ko Hosa Purirpenimin tiar akabar garir ingangarim iti.

Gibeonin nguibar ekiamin ofabar amuamin ingangarim

³⁹ Devit Gibeonin nguibar ekiamin itir Purirpenimin ofa damuva an ganamin ofan ingangarim bagha Sadok ko ofa gamir gumazir igharaziba amisefe. ⁴⁰ Me zurara müzaraziba ko guaratizibar, asiziba bar isia mighir ofa gamir dakozimin, Ikiavira Itir

God bagh ofan bar isia mighiribar amuam.

Ikiavira Itir God Israelia ganingizir ofa damuamin Arazir kaba, me dar gintigh. ⁴¹ Egha Devit Ikiavira Itir God minabiva ighiaba bangasa Heman ko Jedutun ko Li-vain marazi a misefe. Ighiar kaba kamaghin ghu, "Ikiavira Itir God zurara en apangkuvigha mamaghira iti." ⁴² Heman ko Jedutun, Ikiavira Itir Godin ziam famin ighiaba bagh sighabagh ivi tambarinba ko buar guar aviribav soghamin ingangarim iti. Ezi Jedutunin otariba Ikiavira Itir Godin Purirpenimin tiar akabar ganamin ingangarim iti.

⁴³ Devit ingangariba me ganigha givazi, gumazamiziba uamategha uan nguibabar zui. Ezi Devit, deragh uan adarazir amuasa Godin azangsighasa, uamategha uan dipenimin zui.

17

*Godin akam inigha izir gumazim Natan, Godin akamin gun Devit migei
(2 Samuel 7:1-17)*

¹ Dughiar maba givazima, Atrivim Devit uan dipenimin bar deraghavira ikia avughi. Egha a kamaghin Godin akam inigha izir gumazim Natan migei, "Ki dipenir aghuir me sidan temebar ingarizimin bar deraghavira iti. Ezi Ikiavira Itir Godin Akar Dikirizir Gavgavimin Boksiam, a Purirpenimin iti. Bizir kam derazir puvati."

² Ezi Natan atrivim ikaragha ghaze, "Ikiavira Itir God ni ko iti. Kamaghin amizi, bizir tizim nin nighnizimin izi, ni a damusi ni puram a damu."

³ Ezi dimagarir kamin, Ikiavira Itir God Natan migia ghaze, ⁴ "Ni mangi nan ingangarir gumazim Devit mikim suam: Ikiavira Itir God ghaze, ni nan dipenir ki aven ikiamimin ingaramin gumazir ki misevezim puvati. ⁵ Ki dipenir ekiabar aven itir puvati. Ki fomira Isipin kantrin aven Israelia inigha azenan iza ghua datirighin tu, ki tintinibar danganir aviribar arua, Purirpenimin aven iti. ⁶ Ki danganir aviribar Israelia, ia koma aruava, kamaghin ian gumazir dapaniir ki misevezir tamin azarazir puvati, 'Ni manmaghsua na bagha temer sidabar dipenitamin ingarizir puvati?'"

⁷ Egha Ikiavira Itir God ua Natan migia ghaze, "Ni kamaghin nan ingangarir gumazim Devit mikim: Ki Ikiavira Itir Godin Gavgaviba Bar Itim, ni sipsipbagh eghuva dar garir dughiamin, ni nan gumazamiziba Israelia, men gumazir dapanimin iki-asu ki ni amisefe. ⁸ Ni zuir danganiba bar, ki ni ko iti. Egha ki nin apaniba

abirazima, ni me gasighasiki. Nguazir kamin gumazibar ziaba ekevezi moghin, ki nin ziam damighti a bar ekevegham. ⁹⁻¹⁰ Ki uan gumazamiziba Israelia bagha nguazir mam amisefe. Ki an me arighthi, me uan nguibamin min deraghvira a dapiagh ikiva uam atiatingan kogham. Eghzi gumazir kuraba fomira me gamizi moghin, ua me damuan kogham. Ian ovaviba fomira nguazir kam inizir dughiamin ikegha izi, ki ia bagha misevezir gumazir dapanibar dughiamin, ian apaniba ia gasighasighavira iti. Ezi datirighin ki apanibar tuaviba apirighthi, me ua me gasighasighan kogham. Ki nin adarazi ateghti, me ikiva ni bagh ovavir boriba batam.

¹¹ “Ni aremeghti, me mozimin ni afaghti, ki nin boribar tongin otaritam amisevegħi, an atrivir gavgvamin otogħi, bizitam a dikabiragħan kogham. ¹² Atrivir kamra, a na bagħ dipenimmin ingaram. Eghzi ki an ovavir boribar amighti, me gin atrivibar ikki gavgvigh mamaghira ikiam. ¹³ Eghzi kirara, an afeziamin min ikki, a nan otarimmin min ikiam. Eghzi ki zurara an apangkuvam. Ki faragħa Sol batogħezi ni an danganim inizi moghin, ki akirrim ragħi nin otarim gasaragħan kogham. ¹⁴ Eghzi nin adarazi givaghan kogham. Ki nin ikizimmin aven gumazibar amuti, me atrivibar otiv mamaghira ikiam.” ¹⁵ Natan Ikiavira Itir Godin akaba baregħa givagħha, ghua God an akazir biziba bar dar gun Devit mikeme.

*Devit Ikiavira Itir God ko migei
(2 Samuel 7:18-29)*

¹⁶ Atrivim Devit, Ikiavira Itir Godin akam baregħa givagħha, an Purirpenimmin aven ghugħha an damazimmin kamaghin a ko migei, “O Ikiavira Itir Godin Gavgvim, ki tina, ni arazir aghuir aviribar na gami. Ezi ki uan adarazi ko, e ziar ekiaba puvati. Ezi ni fomira deraghvira na gamua itza datirighin tu. ¹⁷ O God, ni ghaze, arazir aghuir ni e gamizir kaba ti nin damazimmin bizar mużiariha, eghzi ni arazir iħbariż mamin ua na gami. Ni uan ingangarir gumazimmin ovavir borir gin otivamibar amuamin bizzimmin gun na mikeme. O Ikiavira Itir Godin Gavgvim, ki gumazir kinim, ezi ni bar bizar ekiabar amuasa dar nan akakasi. ¹⁸ Kamaghin amizi, ki manmagħin ni mikimam? Ki nin ingangarir gumazim, ezi ni na gifogħha għifa. ¹⁹ O Ikiavira Itir God, ni uan ifongħlamin gin ghua uan ingangarir gumazim bagħha bizar ekiar kam gami. Eghzi ni uan akar dikirizir ekiaba nan akakasi. ²⁰ O Ikiavira Itir God, nin gavgvim bar ekevezi, tav ua nin min itir puvati. E uan inazibar akotoribar oraghizzi mogħin, ni uabira bar guzin God. ²¹ E

Israelia, Isipin kalabusin itima, ni uam e ini, egha ni e gamizi, e nin gumazamizibar otifi. Kamaghix amizi, nguazir kamin gumazamizir iħbariż, me, e nin gumazamizibar min garir puvati. E nin gumazamizibar kantrin kamin otogħi itima, ni bizar aghħuba ko bizar ekiar aviribar en akura. Ni gumazamizir iħbariż batuegħa men asebagħ asighasighi, e iza men nguazim ini. Kamaghix amizi kantriba bar, dar gumazamizibar ziar ekiam ni ganidi. ²² O Ikiavira Itir God, ni Israelia e gamizi, e zurara kamaghira nin gumazamizibar ikiam. Eghzi ni uabi en Godin ikiam.

²³ “O Ikiavira Itir God, ni uan ingangarir gumazim ko an adarazi bagħha amizir akar dikirizir kam, ki kamagħsua, ni a damighti a zurara kamaghira iki. ²⁴ Eghzi gumazamizibar bizar ni amir kabar ganiya, ziar ekiam ni daningam. Eghzi me kamaghix mikim suam, ‘Ikiavira Itir Godin Gavgviba Bar Itim, a Israelien God.’ Eghzi ni zurara nan adarazir amuti me atrivibar otivam. ²⁵ O nan God, ni kamaghix nan aka, ni nan ovavir boribar amuti, me zurara gavgvigh ikiam. Kamaghix amizi, ki nin ingangarir gumazim, ki ni ko mikimam atiatir puvati.

²⁶ “O Ikiavira Itir God, ni uabi guizbangira God, ni uan akar dikirizibar gin ghua, bizza bar dagħi am. Eghzi ni uan ingangarir gumazim bagħha akar dikirizir aghuir kam damuti, a guizbangiram otogh. ²⁷ O Ikiavira Itir God, ki nin ingangarir gumazim, ki kamaghix ifonge, ni akar dikirizir kam ginighnigh, eghderaghvira nan ikizim damu. Eghzi ovavir borir nan gin izamiba, nin damazimmin iki zurara kamaghira ikiam.”

18

*Devit midorozimmin aven
uan apaniba abira
(2 Samuel 8:1-18)*

¹ Eghażi gin, Devit uan midorozir gumazibba ko uaqħha Filistiabiha ko misosi. Eghażi me Filistiab soġha me abinigha, Getin nguibar ekiama isava nguibar an borogħin itir maba sara ini. Eżi Filistiabiha uaqħha għażiż tħalli. ² Eżi gin, Devit uan midorozir gumazibba ko uaqħha Moapia misoġha me abira. Eżi Moapia Devitin apengen ikkia dagħiaba issa takisim min a ganidi. ³ Eżi Devit uan midorozir gumazibba ko uaqħha kantri Soban atrivim ko misosi, an ziam Hadateser. Soba, a Siriān kantrin nguibar ekiar mam, eghażi a kantri Hamat inborogħi iti. Dugħiż kamin Hadateser uan midorozir gumazibba inighha apanibav soġħasa ghua, Yufretis in Fanemmin amadagħan nguazir otevitam ua

bagh a iniasi zui. Ezi Devitin adarazi me batogha, midorozimin me abini. ⁴Egha Devit Hadateserin midorozir gumazir aviriba ini. A 20,000plan midorozir gumaziba isa, 7,000plan midorozir gumazir hozibagh apiaghira misoziba ini. Egha Devit uaghan, 1,000plan karisba ini, egha 100plan hoziaba ini. A uaghan hoziar igharazibar suer agiriba aghorezi, da daruan ibura.

⁵ Dughiar kamin Sirian Damaskusin nguubar ekiamin itiba, me Atrivim Hadateserin akuragh misoghasa zui. Ezi Devit uan midorozir gumaziba ko, me Sirian midorozir gumazir 22,000plan misoghezi me ariaghire. ⁶Ezi Devit uan midorozir gumaziba Sirian kantrin tintinibar me ariki. Ezi Sirian gumazamizibar Devitin apengan ikiava dagiaba isa takisin min a ganidi. Danganir Devit misoghasa zuiba bar, Ikiavira Itir God an akurvazima, an apaniba abiri. ⁷ Devit garima, Hadateserin midorozir gumazir dapaniba golin ingarizir oraba ateri. Ezi David orar kaba inigha Jerusalemin ghu. ⁸A uaghan Hadateserin nguubar ekiamning Beta, ko Berotai, aningin brasin aviriba ini. Solomon gin brasin kaba inigha Godin Dipenimin bizir kabar ingari, brasin tengin bar ekiam ko Godin Dipenimin guarir akinir ruarir pumuning ko brasin itariba ko bizar igharaziba sara.

⁹ Kantri Hamatin Atrivim Toi, an orazi, Devit kantri Soban Atrivim Hadateserin midorozir gumaziba abiraghha gifa. ¹⁰Dughiar aviribar Hadateser faragha, Toin apanim gami. Kamaghin amizi, Devit Hadateserin misoghezir bizim bagha, Atrivim Toi bar akonge. Kamaghin Toi, uan otarim Hadoram, an ziar igharazim Joram, Devit bagha anemada. Egha a migia ghaze, “Ni mangi nan dughiar aghuim a daningiagh. Egh kamaghin a mikim suam, Ki orazi, ni Hadateser abiraghha gifa. Kamaghin amizi, ki bizar ni amizir kam bagha bar akonge.” Ezi Hadoram Devit bagha ghua bizar aghuir me gol ko silva ko brasin ingariziba a ganidi. ¹¹Ezi Devit bizar aghuir kaba inigha Ikiavira Itir Godin ziam fasa dagh inaba, eghzi da God baghvira ikiam. A kantrin igharaziba bar me misogha inizir golba ko silvaba, a kamaghira dagh ami. Kar Idomia ko Moapia ko Amonia ko Filistiaba ko Amalekia.

¹² Ezi Seruian otarim Abisai, Devitin midorozir gumaziba inigha uaghira Idomia ko misoghasa, Danganir Zarir Amangsizir Avirim Itimin ghu. Egha me Idomian 18,000plan gumazibav soghezi me ariaghire. ¹³Ezi Abisai, Idomian ganasa

midorozir gumaziba kantri Idomin tintinibar me ariki. Ezi Idomian gumazamizibar Devitin apengan ikiava, dagiaba isa takisin min a ganidi. Danganir Devit misoghasa zuiba bar, Ikiavira Itir God an akurvazima, an apaniba abiri.

¹⁴ Devit Israelia bar me gativagha, guizin arazibar deraghavira uan gumazamizibagh ami. ¹⁵Seruian otarim Joap, a midorozir gumazibar dapanim. Ezi Ahilutin otarim Jehosafat, a gavmanin akindafariba osirir gumazir faragha zuim. ¹⁶Ezi Sadok ko Ahimelek, aning ofa gamir gumazimning. Sadok, a Ahitupin otarim, ezi Ahimelek, a Abiatarin otarim. Ezi Savas, an atrivimin akindafariba osirir gumazim. ¹⁷Ezi Jehoiadan otarim Benaia, a Devit geyhuvir midorozir gumazibar, gumazir dapanim. Kar Keret ko Peletin adarazir gumaziba. Ezi Devitin otariba gavmanin gumazir dapanir ekiabar iti.

19

*Devit, midorozimin
Amonia ko Siriaba abira
(2 Samuel 10:1-19)*

¹ Bizar kamin gin, Amonian Atrivim Na-has aremezi, an otarim an danganiim inigha atrivimin oto. ²Ezi Devit ghaze, “Ki arazir aghuimin Hanun damuam, mati an afeziam Nahas faragha arazir aghuimin na gami.”

Kamaghin amizi, Devit apangkuvir migirigabar Hanunin mikimasa uan abuir gumazir maba amada. Ezi me ghua otozir dughiamin, ³ kantri Amonian gumazir dapaniba uan atrivim migia ghaze, “Ni ti ghaze, Devit abuir gumazir kaba amadazi, me ziar ekiam nin afeziam daningasa ize? Bar puvati. A ti ifar mongiva en kantri getiva an ganasa oda me amadazi me ize. Egh me gin uan midorozir gumaziba ko izi e gasighasigham.”

⁴ Ezi Hanun akar kam baregha, Devitin abuir gumazibar suigha men ghua-masizibagh ise. Egha uaghan men korotiar ruariba arighara da aghorezi da bar otefe, ezi men mitiarakaba azenimra iti. Egha a me amadazi me ghue. ⁵Ezi abuir gumazir kaba bar aghumsigha, uamategh uan nguibabar mangan aghua. Ezi Devit Hanun amizir bizar kam baregha, kamaghin abuir gumazir kaba bagha akam amaga ghaze, “Ia Jerikon nguubar ekiamra iki mangiti an ghumasiziba uam otivigh givaghti ia Jerusalemin izi.”

⁶ Amonia kamaghin fo, me Devitin abuir gumazibagh amizir bizar kam, an a bagh bar men aningaghegham. Kamaghin amizi, Hanun uan adarazi ko, me midorozir karisba ko karisbagh

isin apia misozir midorozir gumazibagh iveauza Mesopotemian adarazi ko, Sirian gumazir kantri Makan itiba ko, kantri Soban itir darazi bagha akam amada. Egha Hanun kantrin kabar midorozir gumazibagh iveauza silvan maba amada, dar osimtizim 35,000 kilogrem in tu.⁷ Ezi me 32,000plan midorozir karisba isava Hanun ganingi. Ezi Makan atrivim uan midorozir gumaziba ko uaghan Hanunin akurvaghaha iza Medeban nguabar ekiamin boroghin danganim aghuigha an iti. Ezi Amonin midorozir gumaziba uaghan uan nguubar ekiam ategha iza Israelia ko misoghasa uari akuvagha iti.

⁸ Ezi Devit kamaghin oraki, Amonia uan midorozir gumaziba bar me akufa. Egha a Joap ko midorozir gumaziba bar me amadazi, me me ko misoghasa zui. ⁹ Ezi Amonia uan nguubar ekiamin azenan izegha misoghasa uari arigha, nguubar ekiam avinizir divazir tiar akamin boroghin tuivighav iti. Ezi atrivir men akurvaghaha izeziba uan adarazi ko, me uarira dadar torimin tuivighav iti. Egha misoghasa uari arigha iti.

¹⁰ Ezi Joap apanir kabar ganigha fo, midorozir gumazir okoruuar pumuning, vong ko vong sara dikavigh izi a ko misogham. Kamaghin amizi, a Israelien gumazir gavgavir deragha misozir maba amisevegha me isa, dadar torimin itir apanir kabar arava bizimin me afe. Egha a uabi men dapanimin ikia faragha tu. ¹¹ Egha a uan dozim Abisai amisevez, a midorozir gumazir igharazibar faragha zui. Egha Amonia midorozir gumazibar arava men boroghin uan midorozir gumaziba bizimin me afa zui. ¹² Egha Joap kamaghin Abisai migei, "Ni ganti, Sirian midorozir gumaziba e adugh mangi e abinsi damuti, ia izi en akuragh. Eighti Amonia ia adugh mangi ia abinsi damuti, e mangi ian akuragh." ¹³ Ia atiatingan marki! E uan gumazamiziba ko nguubar ekiar God e ganingiziba bagh nighnigh pamtemin misogham. Eighti Ikiavira Itir God damuasa ifongezir bizir aghuim a mar guizbangirama otogh."

¹⁴ Egha Joap uan midorozir gumaziba ko Siriabav soghasa ghua garima, me ara tintinibar ghue. ¹⁵ Ezi Amonia gari, Siriaba arima, me uaghan Abisain adarazir damazimin ara ghua uan nguubar ekiam avinizir divazir ekiamin aven monge. Ezi Joap pura Amonia ategha uan midorozir gumaziba inigha uamategha Jerusalemin ghu.

¹⁶ Ezi Siriaba garima, Israelia midorozimin me abira, kamaghin amizi, me uan midorozir gumazibar diazima me bar

iza uari akufa. Egha me uarir akurvaghaha gumazir maba amangizi, me ghua Sirian adarazir Yufretisin Fanemin aruem anadi naghin itir gumazir maba ini. Ezi Sirian gumazir kaba iza men akura. Ezi Atrivim Hadateserin midorozir gumazibar garir gumazir dapanim Sobak, men faragha ghua men gumazir dapanimin iti. ¹⁷ Ezi Devit orazi, Siriaba iza uari akuvagha itima, a Israelien midorozir gumaziba bar me inigha ghua Jordanin Fanem girigha vongin ghua danganir Siriaba itimin ghu. Ezi Sirian midorozir gumaziba tuiva misoghasa uari arigha maghira Israelia ko midorozim fore. ¹⁸ Ezi Israelia midorozimin bar gavgavigha Sirian midorozir gumaziba adugha zuima me are. Ezi Devit uan midorozir gumaziba ko, men 7,000plan karisbagh isin ikia misozir gumaziba ko 40,000plan nguazimin tuiva misozir gumazibav soghezi, me ariaghire. Egha uaghan Sirian midorozir gumazibar dapanim Sobakin misoghezi, a danganir kamrama areme. ¹⁹ Ezi Atrivim Hadateserin apengan itir adarazi garima, Israelia me abinigha gif. Ezi me tagha, Israelia ko navir vamiran ikiasi akam akirigha Israelien apengan iti. Kamaghin amizi, Siriaba ua Amonian akurvazir puvatiga.

20

*Devit misogha Raban nguabar ekiam ini
(2 Samuel 11:1; 12:26-31)*

¹ Ezi azeniba vaghvaghha, dar dughiar orangtiziba givasava amima, atriviba uan midorozir gumaziba inigha uan apanibav soghasa zui. Ezi azenir Devit Siriaba abirazimin gin, orangtizimin dughiam givasava amima, Joap midorozir gumaziba inigha Amonia misoghasa zui. Me ghua Amonia misogha me abiragh, Raban nguubar ekiam ekiarughha midorozim fore. Ezi Devit uabi midorozim bagha ghuzir puvatiga, Jerusalemlra iti.

Joap Israelia ko pamten Amonia ko misogha ghua Raban nguabar ekiam ini.

² Ezi Devit Amonian atrivimin dapanir asuam ini. Dapanir asuar kam, me golin an ingarizi, an osimtizim 35 kilogrem. Dapanir asuar kam, me dagiar dirir bar pin kozibar an kuruke. Ezi Israelia dapanir asuar kam inigha Devitin dapanim garu. Devit uaghan dagiaba ko bizir aghuir aviriba nguubar ekiar kamini ada ini. ³ Egha Devit Raban nguubar ekiamin itir gumazamiziba bar me inigha, ingangarir guar aviriba amusa me arisi. Marazi sabar ingarir ingangaribagh ami, marazi ainin afavibar ingangaribagh ami, marazi ainin sobiabar ingangaribagh ami. Arazir kamra, Devit

kantri Amonin nguabar ekiar ighazariba bar men gumazamizibagh ami. Egha gin, Devit uan midorozir gumaziba ko me uamategha Jerusalemin ghue.

Israelia Filistiabar gumazir bar dafaba ko misosi

(2 Samuel 21:18-22)

⁴Egha Israelia gin ua Filistiaba ko misosi. Dughiar kamin me Geserin nguibamin uariv sosi. Ezi Israelien mav, a Husan nguibamin gumazim, an ziam Sibekai, a Flistian gumazir bar dafar ruarir mam misoghezi an areme, an ziam Sipai.

⁵Dughiar ighazarir mamin, Israelia ua Filistiaba ko uariv sosi. Ezi Jairin otarim Elhanan, a Getin nguabar ekiamin gumazim Lami misoghezima an areme, a Goliatin aveghbuam. Lamin afuzir misiam bar ekevegha mati me iniba nuavir masinin tretbar suizir aghorir bar dafam.

⁶Ezi gin midorozir ighazarir mam ua Getin nguabar ekiamin oto. Gumazir bar dafar ruarir ovavir borir mam uaghan iti, egha a gumazir ruarir dafam. Ezi an dafarimning vaghvaghya 6plan dafarir puziba iti, ezi an dagarimning uaghan kamaghira 6plan dagarir puziba iti. Da bar moghira 24plan puziba. ⁷Gumazir kam dibovir akabar Israelia migiav itima, Devitin aveghbuam Sama, an otarim Jonatan a misoghezi, an areme.

⁸Filistian gumazir kaba, me gumazir bar dafar ruarir Getin nguabar ekiamin izezibar ovavir boriba. Devit uan midorozir gumaziba ko me misoghezi, me ariaghire.

21

*Devit gumazamiziba medi
(2 Samuel 24:1-25)*

¹Dughiar mamin, apanibagh amir gumazim Satan, osimtizim Israelia danielasa, egha gumazamiziba mengasa Devitin nighnizim fe.

²Ezi Atrivim Devit Joap ko midorozir gumazibar gumazir dapanir ighazarir mabav gia ghaze, "Ia mangi Israelien gumazamiziba bar me mengegh. Ia kantrin danganiba bar adar mangi, notin amadaghan Danin nguabar ekiam ikegh, mangi sautin amadaghan Berseban nguabar ekiamin otogh, gumazamiziba bar me mengegh. Ki e uan gumazamizibar dibobonim gifoghasa."

³Ezi Joap kamaghin atrivim ikaraghha ghaze, "Atrivim, nan gumazir ekiam, ki kamagh ifonge, Ikiavira Itir God, a gumazamizibar dibobonim damighti a bar ghuvanabogh, egh bar avirasemegham. Ezi atrivim, nan gumazir ekiam, ga uaning, gumazamiziba mengamin ingangarim, kar en

ingangarim puvati. Ezi ni tizimsua arazir kurar kam damuasava ami? Arazir kam ti osimtizim Israelia danigham." ⁴Ezi atrivim gumazamiziba mengasa gavgavigha Joap abiraghbirasi. Kamaghin amizi, Joap uan midorozir gumazibar dapaniba ko atrivim ategha Israelien gumazamiziba mengasa ghue. Egha me gin uamategha Jerusalemin ize.

⁵Me ghua otivigha givagha, Joap ghua kamaghin me uan darorimin gun atrivim gehgari, "Israelia bar moghira, men dibobonim 1,100,000plan gumazibar tu, me midorozir gumazibar ingangarim damuam. Ezi Judan gumazibar dibobonim a 470,000plan tu." ⁶Ezi Joap ingangarir atrivim a ganingizir kam bar a gifongezir puvati, kamaghin amizi, a Livain anabam ko Benjaminin anabamin adarazi mengezir puvati.

⁷Ezi me Israelien gumazamiziba medir arazir kam, God bar a gifongezir puvati. Kamaghin amizi, a mizazim Israelia gase. ⁸Ezi Devit kamaghin God ko migei, "Ki bar organigha midorozir gumaziba menge. Ki arazir kurar kamin osimtizir bar ekiam gami. O Ikiavira Itir God, ga uaning, ki amizir arazir kurar kam, ni a gin amadagh."

⁹⁻¹⁰Ezi Gat, a gumazir Devit bagha Godin akam inigha izim, Ikiavira Itir God kamaghin a migi ghaze, "Ni mangi Devit mikemegh, 'Ki Ikiavira Itir God, ki guizbangira migei, ki 3plan tuaviba ni ganidi. Eghiti ni dar tam ginabaghti, ki anarira gin mangiva, a isi ni daningam.'"

¹¹Ezi Gat Devit bagha ghua kamaghin Ikiavira Itir Godin akamin gun a migei, "Ikiavira Itir God tuavir 3plan kabar tam amisivasa ni bagha mikeme. ¹²Ni 7plan azinenbar mitiriar ekiam nin kantrin otivasa, ni ifonge? O, apaniba izi ia misogh ian agintighti, ia ari mangi 3plan iakinibar danganir ighazaribar ikiam? O, Ikiavira Itir God arimariar kuratam amadaghti an enselin dafarinin nin kantrin gumazamiziba 3plan aruebar me bativam? Ni bar deraghvira nighnigh uan ifongiamin na mikemeghti, ki uamategh mangi na amadazir Godin mikimam."

¹³Ezi Devit bar atiatigha kamaghin Gat migei, "Ni na migeir akar kam, osimtizir ekiam na ganidi. Ki fo, Ikiavira Itir God a zurara apangkuvir God. Kamaghin, a bizir manam a damusi a damu. Ki kamaghin aghua, gumazamiziba e gasighasigham."

¹⁴Kamaghin amizi, Ikiavira Itir God arimariar kuram amadazi, Israelien 70,000plan gumazamiziba ariaghire. ¹⁵Ezi God Jerusalem gasighasighasa uan ensel amada. Egha Ikiavira Itir God garima,

enselin kam Jerusalem gasighasighasa zui, ezi a osimtizir kurar kam gumazamizibar aningen men apangkuvigha, uan nighnizim giragha ensel migia ghaze, "Marki. Me atakigh." Dughiar kamin Ikiavira Itir Godin ensel witin ovizibar iniba kua dar dagheba isir danganimin boroghin iti. Ezi danganir kam, an Araunan nguazim, a Jebusian ikizimin gumazim, an ziar igharazim Ornan.

¹⁶ Ezi Devit Israeliyan gumazir dapaniba ko azirakar korotiaba aghuigha iti. Egha Devit kogha pin garima, Ikiavira Itir Godin ensel, midorozir sabam uan agharimin an suiragha overiam ko nguazimin tizimin tughav ikia Jerusalem gasighasighasa anakuighav iti. Ezi Devit uan gumazir dapaniba ko nguazim girigha uan guaba isa isanguazim mitua.¹⁷ Egha Devit enselin kamin ganigha kamaghin Ikiavira Itir God migei, "Kirara ki arazir kuram gami, egha osimtizir ekiam iti. Ezi gumazamizir kaba, me sipsipbar min iti, mevzika, me osimtizir manam gami? Bar puvati. Ki uan ikizim ko erara, ni e gasighasigh."

¹⁸ Ezi Ikiavira Itir Godin ensel Devit mikimasa kamaghin Gat migei, "Ni Jebusian gumazim Araunan witin ovizibar iniba kua dar dagheba isir danganimin mavanang, egh Ikiavira Itir God bagh ofa gamir dakozitamin ingarigh."¹⁹ Ezi Gat Devit mikemezi moghin, Devit, Ikiavira Itir Godin Akar Gavgavimin gin ghua me witin dagheba isir danganir kamin oto.²⁰ Dughiar kamin, Arauna uan otarie 4pla ko witin dagheba isa iti. Egha me enselin ganigha, otariba ara ghua monge.²¹ Arauna garima, Devit a bagha izi. Kamaghin, a ziar ekiam atrivim daningasa an boroghin ghua tevimning apirigha uan guam nguazim mitua.

²² Ezi Devit kamaghin Arauna migei, "Ki witin ovizibar iniba kua dar dagheba isir danganir kam, ki a givezasa izi. Ni an iveau manmaghin anerisi, ki bar a givezam. Ki an Ikiavira Itir God bagh ofabar amuamin dakozimin ingaram. Eighti arimariar kurar kam gumazamiziba ategham."

²³ Ezi Arauna kamaghin Devit migei, "Atrivim, nan gumazir ekiam, marki. Ni nan nguazir kam givezan ki aghua, ni puram a iniam. Egh uaghan bizar tizir ni ofa damuwa ifongeziba sara, ni pura da iniam. Ni bulmakaun kaba inigh ofan bar isia mighiriba God daningisi, ki bulmakaun kaba ni ganidi. Ni uaghan avim arighsi, witin ovizibar iniba kua dar dagheba isir ter ararir kaba daziba bagh ada inigh. Ni

wit tuamin ofa damusi, witin kaba inigh. Atrivim, bizir kaba ki bar ada isa ni ganidi."

²⁴ Ezi Atrivim Devit kamaghin a ikaragha ghaze, "Bar puvati. Ki Ikiavira Itir God bagh ofa damusi, pura gumazir igharazimin biritam, o uan bizir ki ivezezir puvatizitam inigh izi, a bagh ofan bar isia mighirizim damigan kogham. Kamaghin amizi, ki uan dagiaba isi nin bizir kabagh ivedezam."

²⁵ Egha Devit nguazir otevir kam giveza, 7 kilogram gol isa Arauna ganiingi.²⁶ Egha Devit danganir kamin Ikiavira Itir God bagha ofa gamir dakozimin ingarigha, ofan bar isia mighiriba ko ofan God ko navir vamiran ikiambagh ami. Egha Devit gumazamiziba bagha Ikiavira Itir Godin azai. Ezi Ikiavira Itir God an azangsiziba baregha, overiamin avim amadazi, a izaghira ofa gamir dakozimin itir ofabar isi.²⁷ Ezi Ikiavira Itir God mikemezi, ensel midorozir sabam uam a isa an danganim gati.

²⁸ Dughiar kamin, Devit Araunan nguazimin ikia garima, Ikiavira Itir God an mighirigabi basasi. Kamaghin amizi, Devit danganir kamin ikia Ikiavira Itir God bagha ofabagh ami.

²⁹ Dughiar kamin, Ikiavira Itir Godin Purirpenim ko ofaba bar isia mighirir ofa gamir dakozim, Gibeonin nguibar ekiamin uari akuvin danganimin iti. Israelia fomira gumazamiziba puvatizir danganimin itir dughiamin, Moses Purirpenir kamin ingari.³⁰ Ezi dughiar kamin Devit Ikiavira Itir Godin enselin midorozir sabamin atiatingi, kamaghin amizi, a Gibeonin mangi Godin ifongiam gifogohan aghua.

22

¹ Egha Devit Araunan nguazimra ikia kamaghin migei, "E kagh Ikiavira Itir Godin Gavgavimin Dipenimin ingaram. Eighti ofan bar isia mighiribar amuamin ofa gamir dakozim uaghan kagh ikiam, eighti Israelia kagh iziva ofabar amuam."

Devit Ikiavira Itir God bagh Dipenimin ingarasa biziba akiraghasi

(Sapta 22-29)

Solomon Ikiavira Itir Godin Dipenimin ingaram

² Kantrin igharazibar gumazamizir maba izegha Israeliyan nguazimin ituma, Atrivim Devit men diagha me akuvagha ingangarim me ganiingi. Marazi a dagiaba aghorasa me amisevegha me mikeme, eighti dagiar kaba me bar deravira da aghoram. Eighti me da inigh Ikiavira Itir God bagh Dipenimin ingaram.³ Ezi Devit dikonibar

ingarasa ainin bar aviriba inigha, ainin igharazibar itiar akaba gavgavim dar aningasa dar ingari. Egha uaghan brasin bar aviriba inigha da akufa, ezi gumazitam dar osimtiziba tuisighan iburaghram. ⁴ Ezi Tair ko Saidonin nguibar ekiamningin itir gumazibza, temer sidan aviriba inigha Devit bagha ize, ezi gumazitam dar dibobonim mengan iburaghram. ⁵ Devit tighar ovengamin dughiamin, a kamaghin migei, "Nan otarim Solomon, a bar otarir igiam, egha a dipenibar ingaramin arazibagh fozir puvati. Ezi ki kamaghsua, Solomon Ikiavira Itir God bagh Dipenir bar aghuitamin ingarighti, kantribar gumazamiziba bar moghira Dipenir kam bagh bar akuegh, egh ziar ekiam isi a daningam. Kamaghin amizi, ki uabi Solomon bagh biziba inigh da arighti, a Dipenimin ingaram."

⁶ Egha Devit uan otarim Solomon mikemeghti a Ikiavira Itir God, Israeliyan God bagh Dipenimin ingarasa, Solomonin diazi a izi. ⁷ Egha David kamaghin Solomon migei, "Nan otarim, ki uabi Ikiavira Itir God, uan God bagh Dipenir tamin ingarasa nighnisi, eghzi gumazamiziba Godin boroghin izi an ziam fam. ⁸ Ezi Ikiavira Itir God kamaghin na migei, 'Devit, ni na bagh Dipenitamin ingaran kogham. Ni midorozir aviribagh amua gumazir aviribav suagharki. Ki nin garima, ni bar gumazir aviribav soghezi me ariaghire. Kamaghin amizi, ni ingangarir kam damuan ki aghua. ⁹ Ki otarim tam ni daningasa, eghzi an atrivimin otogh dabirabir aghuim ko avughsazim gumazamizibar aningam. Eghzi ki kantrin igharazarib amuti, me an aningaghan kogham. Borir ki daningamin kam, ni ziam, "Solomon," a datigh.* Eghzi an atrivimin ikiamin dughiamin, ki dabirabir aghuim, ko navir amirizim, ko avughsazim Israelia daningam. ¹⁰ Atrivir kamra, Dipenir gumazamiziba nan boroghin izi nan ziam famimin ingaram. A nan otarimin otoghti, ki an afeziamin otogham. Eghzi an ovavir boribar gumazibara ki me damuti, me zurara Israeliyan atrivibar otiv mamaghira ikiam."

¹¹ Egha Devit ua kamaghin Solomon migei, "Nan otarim, Ikiavira Itir God ni ko iki, egh nin akuraghti, ni Ikiavira Itir God, en God uabi mikemezi moghira a bagh deravira Dipenimin ingar. ¹² Ikiavira Itir God fofozir aghuim ko nighnizir aghuim ni daningasa ki ifonge, egh a ni amiseveghti ni Israeliyan atrivimin otoghamin dughiamin, ni deravira Ikiavira Itir God, en God, an Arazibar gin mangi. ¹³ Solomon, ni deravira

uabi ggehuv, egh Ikiavira Itir God Israelia e bagha Moses ganingizir arazir a ifongeziba, ko bizir a damuasa e mikemezibar gin mangiti, bizir ni damuamiba deraviram otivam. Ni mitigh bar gavgavigh, egh atiatingan marki. Ni bizitam atehtti, a ni damuti ni digavir kuram damigh puram organan marki.

¹⁴ "Ki Ikiavira Itir Godin Dipenimin ingarasa bar ingangarir dafam gamua 3,500 tan gol ko 35,000 tan silva akufa. Egha ki uaghan bras ko ainin aviriba akufa, eghzi gumaziba dar osimtizim gifofoghs iiburaghram. Egha ki uaghan temeba ko dagiaba arighizi da iti. Eghzi ni taba uam ada inigh. ¹⁵ Ni ingangarir gumazir aviriba iti. Kar dagiaba aghorir gumaziba, ko dagiabar dipenibar ingaramin fofoziba itir gumaziba, ko gumazir dipenibar ingariba ko gumazir bizir guar aviribar ingaramin fofozir gumaziba, ¹⁶ mati gol ko silva ko bras ko ainin ingarir gumaziba. Ni ingangarim damuti, Ikiavira Itir God ni ko ikiam."

¹⁷ Egha Devit gin, Solomonin akurvaghosa Israeliyan gumazir dapanibav gei. ¹⁸ A kamaghin me migei, "Ia fo, Ikiavira Itir God, en God ia ko iti. A na ataghizima, ki fomira nuguazir kamin itir gumazamizir avirim misogha me agifa. Ezi me datirighin a ko ian apengan iti. Ezi arazir kamin, a dabirabir aghuim ko navir amirizim ia ganingizi, ia deravira apiaghav itima, apaniba ua ia misozir puvati. ¹⁹ Kamaghin amizi, ia datirighin bar nighnizir vamira iki, egh ia bar gavgavigh Ikiavira Itir Godin Gavgavimin ifongiamin gintigh. Egh ia datirighin Ikiavira Itir God, ian Godin Dipenimin ingarigh. Egh gin ia Ikiavira Itir Godin Akar Dikirizir Gavgavimin Boksiam ko itariba inigh, Dipenir kamin dar arikh. Dipenir kamin, gumazamiziba Ikiavira Itir Godin boroghin iziva an ziam fam."

23

¹ Devit ghurigha givazir dughiamin, a uan otarim Solomon amisevezi, a Israeliyan atrivimin oto.

Devit Livaiba bagha ingangariba amisefi

² Atrivim Devit Israeliyan gumazir dapaniba ko ofa gamir gumaziba ko Livaiba akufa. ³ A mikemezima, gumaziba Livain anabamin adarazi medima, Livaibar gu-mazir 30plan azeniba ikiya dagh afiraziba, men dibobonim bar moghira 38,000plan gumazibza. ⁴ Ezi Devit kamaghin migei, "Gumazir kabar 24,000pla, Ikiavira Itir Godin Dipenimin ingangaribar ganam. Eghzi men 6,000pla, akinafariba osirir ingangariba ko

^{22:7:} 2 Samuel 7:1-16; 1 Eghaghaniba 17:1-14 ^{22:8:} 1 Atriviba 5:3; 1 Eghaghaniba 28:3 ^{*} ^{22:9:} Hibrun akamin ziar kam, "Solomon," a mong akar kam ko voroghira ghu, "dabirabir aghuim ko navir amirizim ko avughsazim."

^{22:13:} Josua 1:6-9 ^{23:1:} 1 Atriviba 1:1-40

kotiaba tuisighamin ingangaribar amuam. 5 Eighti men 4,000plan gumaziba, Ikiavira Itir Godin Dipenimin itiar akabar gan a gegrhuv iki. Eighti men 4,000pla, Ikiavira Itir Godin ziam fisi buaba ko gitabav soghamin ingangaribar amuam. Ki Godin ziam fasa sighthaba ko dibiarir guar aviribar ingari. Eighti me bizir kaba inigh an ziam fi.”

⁶ Livain anabam 3plan ikiziba iti. Egha me Livain otarir 3plan kabar otifi: Gerson, Kohat ko Merari. Ezi Devit datirighin men gumaziba isa 3plan ikizir kabar me ariki, eighti me uan ingangaribar amuam.

⁷ Gerson otarir pumuning iti, Ladan ko Simei. ⁸ Ezi Ladan otarir 3pla iti. Otarir ivariam Jehiel, ezi an dozimining, Setam ko Joel. ⁹ Me bar moghira Ladanin adarazir gumazir dapaniba. Ezi Simei otarir 3pla iti, kar Selomot ko Hasiel ko Haran.* ¹⁰ Ezi Simei otarir 4pla iti: Jahat ko Sina ko Jeus ko Beria. Sinan ziar mam, Sisa. ¹¹ Jahat, a Simein otarir ivariam, ezi Sisa, an girara irim. Ezi Jeus ko Beria otarir aviriba puvati, kamaghin amizi, aningin ovavir boriba uari isafuragha uan ziaba osirigha ikizir vamiran otogha iti.

¹² Ezi Kohat otarir 4pla iti: Amram, Ishar, Hebron ko Usiel. ¹³ Amramin otarimningin ziamning kara: Aron ko Moses. Ikiavira Itir God Aron ko an ovavir boriba amisefe, eighti me zurara gumazamiziba God ganidir biziбар ganam. Egh uari akuvamin dughiabar, me Ikiavira Itir Godin damazimin pauran mughuriar aghuim zuiba tuva tuva mughuriar aghuim damutи an otivam. Me uaghan Ikiavira Itir Godin ingangarim damu, egh uaghan an azangsighti, a deravira gumazamizibar amuam. ¹⁴ Ezi Godin ingangarir gumazim Moses, an ovavir boriba uaghan Livain anabamин gumazir igharazibar min otivigha iti. ¹⁵ Mosesin otarimningin ziamning kara: Gersom ko Elieser. ¹⁶ Ezi Gersomin otarir ivariam ziam: Sebuel. ¹⁷ Ezi Elieser otarir vamira iti, an ziam Rehabia. Ezi Rehabia ovavir borir bar avirim iti.

¹⁸ Ezi Kohatin otarim Ishar, ezi Ishar, an otarir ivariam Selomit. ¹⁹ Ezi Kohatin otarir igharazir mam Hebron, an otarir 4pla iti. An otarir ivariam Jeria, ezi an girara irim Amaria, ezi namba 3 Jahasiel, ezi namba 4 Jekameam. ²⁰ Ezi Kohatin otarir igharazim Usiel, an otarir pumuning iti. An otarir ivariam Maika, ezi an girara irim Isia.

²¹ Ezi Livain otarir igharazim Merari, an otarimningin ziamning kara: Mali ko Musi. Ezi Malin otarimningin ziamning: Eleasar ko Kis. ²² Ezi Eleasar otariba puvatigha

areme, a guivibara iti. Ezi an guivir kaba me kaghira uan afeziar dozim Kisın otaribar iti. ²³ Ezi Musi otarir 3pla iti: Mali ko Eder ko Jeremot.

²⁴ Gumazir kaba bar moghira Livain ovavir boriba, egha me bar Livain anabamин ikizibar gumazir dapaniba. Me Livain anabamин adarazir ziaba osira iza-ghirir dughiamin, me men ziaba vaghvaghа men adarazir ziabar apengen men ziaba osiri. Ezi Livain anabamин adarazir 20plan azenibar ikegha ghuanadir gumaziba, me Ikiavira Itir Godin Dipenimin aven ingangarin gami.

²⁵ Devit faragha kamaghin mikeme, “Ikiavira Itir God, Israelian God, avughaszir bar aghuim uan gumazamizibagh aningi, egh a uabi Jerusalemin iki mamaghira ikiam. ²⁶ Kamaghin amizi, datirighin Livaiba ua Ikiavira Itir Godin Purirpenim ko ofabagh amir biziba ater daruan kogham.” ²⁷ Ezi gumaziba gin Devitin akar abuananabar gin ghua, egha Livain anabamин gumazibar ziaba osira uaghiri. Ezi Livain anabamин 20plan azenibar ikegha ghuanadir gumaziba, me Ikiavira Itir Godin Dipenimin aven ingarasa men ziaba isi.

²⁸ Livaibar ingangarim kamakin.† Me Aronin ovavir boribar akuragh Ikiavira Itir Godin Dipenimin aven ingangarim ingangarim iti. Egha me uaghan Ikiavira Itir Godin Dipenimin aven me uari akuvir danganiba ko danganir an avinizir divazimin aven itibar ganamin ingangarim iti. Ikiavira Itir God bagha misevezir itarir ekiaba ko itarir doziba, da Ikiavira Itir Godin damazimin mizeghti, Livaiba bizir kabar amuti da ua zueghamin ingangarim iti. Egha Livaiba uaghan Ikiavira Itir Godin Dipenimin aven damuamin ingangarir ighazariz maba uaghan iti.

²⁹ Me God ganidir bretin rubuzibar pozir pumuningin ganamin ingangarim ikia, egha uaghan wit tuamin ofa bagh plauan aghuiba, ko yis puvatizir basketba, ko bret tuamin ofaba, ko plauan me olivin borem sara veregha ingarizir bretba bar dar ganam. Me uaghan ofan kabar amuamin daghebar gan dar osimtiziba tuisighamin ingangarim iti. ³⁰ Egha mizaraziba ko guaratiziba bar, me Ikiavira Itir Godin damazimin izi a minabiva an ziam famin ingangarim iti. ³¹ Me uaghan Ikiavira Itir God bagh ofan bar isia mighiribar amusi, me Sabatin dughiabar ko iakinir igiaba otivir dughiabar isar ekiaba, ko uari

* **23:9:** Simein boribar dibobonir ves 9in itim, a ves 10 ko 11 min zuir puvati. Kamaghin amizi e fozir puvati, dibobonir manam a guizbangira. **23:13:** Ua Me Ini 28:1 **23:26:** Godin Araziba 10:8 **23:28:** Diboboniba 3:5-9 † **23:28:** E kamaghin gari, Devitin akam ves 26in gifa. Marazi ghaze akar kam ves 28in ikegha ghua ves 32in tu, a uaghan Devit migei.

akuvir dughiaba, me arazir kam damu mamaghira iki. Godin Akar Gavgaviba mukemezi moghin, me dar gin mangiva dughiar ekiabar vaghvagh ofan manaba ko ofaba manmaghin dar amuam. Livaiba zurara Ikiavira Itir Godin damazimin an ziam famin ingangarim iti.³² Livaiba Ikiavira Itir God Bativamin Purirpenim ko an Dipenimin ganamin ingangarim iti. Egh me uaghan uan adarasi, kar Aronin ovavir boriba, me men akurvagh Ikiavira Itir Godin Dipenimin ingangaribar amuam.

24

Devit Godin ingangarim damuasa ofa gamir gumaziba amisiva me arisi

¹ Kar Aronin ovavir boribar ikiziba. Aronin otaribar ziabar kara: Nadap, Abihu, Eleasar ko Itamar. ² Ezi Nadap ko Abihu, aningin afeziam ikiavira itir dughiamin, aning aremegha boriba puvati. Kamaghin amizi, Eleasar ko Itamar, aningra ofa gamir gumazimningin oto. ³ Ezi Devit atrivimin itir dughiamin, a kamaghhsua, ofa gamir gumazibar ingangariba deraviram otivam. Kamaghin amizi, a ofa gamir gumazibar ikiziba vaghvaghingangarim bagha me amisefe. Ezi Sadok ko Ahimelek an akuragha ingangariba isa ofa gamir gumazibagh anidi. Sadok, a Eleasarin ovavir boribar mav, ezi Ahimelek a Itamarin ovavir boribar mav. ⁴ Aning garima, Eleasarin ovavir boriba gumazir dapanir aviriba iti. Kamaghin amizi, aning me tuiragha me isa 16plan ikizibar me ariki. Ezi Itamarin ovavir boriba, gumazir dapanir aviriba puvati. Kamaghin amizi, aning me tuiragha me isa 8plan ikizibar me ariki. ⁵ Devit ofa gamir gumazibar ingangarim bagha gumaziba amisevir dughiamin, a Eleasarin ikizimin gumazibara amisevir puvati, o Itamarin ikizimra amisefe, puvati. A virara aningin ikizimningin gumaziba amisivam. Aningin ikizimning me uaghara Godin ingangarir kam damuamin gumaziba iti. Egha me uaghara Ikiavira Itir Godin Dipenimin aven ingangarim damuamin gumaziba iti. Kamaghin amizi, me satu gikarara gumaziba amisefe.

⁶ Eleasar ko Itamarin ikizimningin ovavir boriba, uari gitavtagha uaghara satu gikararava ofa gamir gumaziba amisefi. Me me amisevegha givazi, akinafariba osirir gumazim Livain anabamin gumazim Netanelin otarim Semaia, a men ziaba osiri. Ezi Atrivim Devit uan ingangarir gumazibar garir gumaziba ko, ofa gamir

gumazim Sadok ko, ofa gamir gumazim Abiatarin otarim Ahimelek, ko ofa gamir gumaziba ko Livaiba ikizibar gumazir dapaniba, me bar moghira Semaian garima, a ziaba osiri.

⁷ Me faraghvira satu gikararai dughiamin, me Jehoiaripin ikizim amisefe. Namba 2 Jedaijan ikizim,⁸ namba 3 Harimin ikizim, namba 4 Seorimin ikizim,⁹ namba 5 Malkian ikizim, namba 6 Mijaminin ikizim,¹⁰ namba 7 Hakosin ikizim, namba 8 Abiyan ikizim,¹¹ namba 9 Jesuan ikizim, namba 10 Sekanian ikizim,¹² egha namba 11 Eliasipin ikizim, namba 12 Jakimin ikizim,¹³ namba 13 Hupan ikizim, namba 14 Jesebeapin ikizim,¹⁴ namba 15 Bilgan ikizim, namba 16 Imerin ikizim,¹⁵ namba 17 Hesirin ikizim, namba 18 Hapisesin ikizim,¹⁶ namba 19 Petahian ikizim, namba 20 Jesheskelin ikizim,¹⁷ namba 21 Jakinin ikizim, namba 22 Gamulin ikizim,¹⁸ namba 23 Delaian ikizim, egha namba 24 Masian ikizim.

¹⁹ Me Ikiavira Itir Godin Dipenimin mangi ingangaribar amuasa ofa gamir gumazibar ikizir kabav sefe. Men inazir afeziam Aron fomira ingarizi moghin, me ingaram. Ikiavira Itir God, a Israelian God, a fomira ingangaribar kam damuasa Aron mikeme.

Livaiba ikizibar ziaba

²⁰ Kar Livain ovavir borir igharaziba, me uan ikizibar gumazir dapanibar iti. Men ziabar kara:

Sebuel, an ziar igharazim Subael, a Amramin ovavir boribar mav.

Ezi Jedeaa, a Sebuelin ovavir boribar mav.

²¹ Ezi Isia, a Rehabian ovavir boribar mav, a men gumazir dapanim.

²² Ezi Selomit, a Isharin ovavir boribar mav.

Ezi Jahat, a Selomitin ovavir boribar mav.

²³ Ezi Hebron* otarir 4pla iti: an otarir ivariam Jeria, ezi an girara irim Amaria, ezi namba 3 Jahasiel, ezi namba 4 Jekameam.

²⁴ Ezi Maika, a Usielin ovavir boribar mav.

Ezi Samir, a Maikan ovavir boribar mav.

²⁵ Ezi Isia, a Maikan dozim.

Ezi Sekaraia, a Isian ovavir boribar mav.

²⁶⁻²⁷ Merarin ovavir borimningin ziamning kara: Mali ko Musi. Guizbangira, aning Merarin otarim Jasian otarimning.

Merarin otarir igharazibar ziabar kara: Soham, Sakur ko Ipri.[†]

²⁸⁻²⁹ Malin otarimningin ziamning kara: Eleasar ko Kis. Eleasar otariba puvati.

* 24:2: Ofa Gami 10:1-2

* 24:23: Ziar kam Hebron, a Hibrun akamin vezin kamin itir puvati. Egha vezin kam 1

Eghaghaniba 23:19in mirara ghu, ezi Hebronin ziam ves 23:19in iti.

† 24:26-27: Hibrun akam vezin kamin mingarim deragha abighizir puvati.

Ezi Jeramel, a Kisin ovavir boribar mav.
³⁰ Ezi Musin otaribar ziaba kara: Mali ko
 Eder ko Jeremot.

Gumazir kaba, me Livain anabamin
 ikizibar gumaziba.

³¹ Livain anabamin ikizibar gumazir dapaniba uan doziba ko, ingangarir manam damusi satu gikararang Livain anabamin ikizibav kemeghti, me a damuam. Aronin ikizimin ofa gamir gumaziba, kar men aveghbuuba, me amizir arazibar mirara me dagh ami. Ezi Atrivim Devit, ko Sadok, ko Ahimelek, ko ofa gamir gumaziba ko Livaibar ikizibar gumazir dapaniba, me bar moghira men garima, me satu gikararai.

25

*Devit Godin Dipenimin ighiam damuasa
 Livaibar adarazi amisefe*

1 Devit uan midorozir gumazibar dapaniba ko, me Ikiavira Itir Godin Dipenimin aven an ziam famin ingangaribar amuasa gumazir maba amisefe. Men ziabar kara: Asapin ovavir boriba, ko Hemanin ovavir boriba, ko Jedutunin ovavir boriba. Me Ikiavira Itir Godin akam gumazamizibav mikinamin ingangarim ikia egha gitan guar aviriba ko tambarinbay sogh uaghan akam me mikinam. Men ziaba ko ingangarir me amibar kara:

2 Asapin otaribar tongin, me Sakur ko Josep ko Netania ko Asarela me amisefe. Asap uabi me gativagha men gari, egha atrivim me migeir dughiabar, me Godin akam akuri.

3 Me Jedutunin otaribar tongin, 6plan gumazir kaba amisefe: Gedalia, Seri, Jesaia, Simei,* Hasabia ko Matitia. Ezi men afeziam Jedutun me gativagha men gari. Me Ikiavira Itir Godin akamin gun migiava a minabava, an ziam fava gitan igharagha garibav sogha ighiabagh ami.

4 Ezi Hemanin otaribar tongin, me gumazir kaba amisefe. Bukia, Matania, Usiel, Sebuel, Jerimot, Hanania, Hanani, Eliata, Gidalti, Romamtieser, Josbekasa, Maloti, Hotir ko Mahassiot. ⁵ Heman, a Godin akam isi atrivimin mikimamin ingangarim iti. God faragha ziar ekiam isi Heman daningasa akam akiri. Kamaghin amizi, an otarir 14pla ko guivir 3pla a ganingi. ⁶ Ezi Heman uan otaribagh ativagha men garima, me Ikiavira Itir Godin Dipenimin aven, an ziam famin ingangariba iti. Me gitan igharagha

gariba ko tambarinbay sogh an ziam fiva ighiaba bangam.

Ezi Atrivim Devit Asap ko Jedutun ko Heman gativagha men gari.

⁷ Gumazir kaba ko Livain ighazariz ighiabar amuamin foziba, men dibobonim 288. Me bar deravira ighiabagh amir fofozim ini, egha me bar deravira gitabav sogha fo. ⁸ Me bar moghira, satu gikararang foghasa, terara ingangarimin faragh mangam. Gumazir igiaba, o gumazir ghuriba, o gitabagh ikarara bar fogha givaziba, o tighar gitabagh ikararangamin fofozim iniamiba, me bar satu gikararai. Men ikiziba vaghvagha 12plan gumaziba iti.

⁹ Me faraghavira satu gikararava, Asapin ikizimin gumazim Josep ko an adarazi amisefe.

Egha namba 2in dughiamin, Gedalia ko an otariba ko an adarazi amisefe.

¹⁰ Egha namba 3in dughiamin, me Sakur ko an otariba ko an adarazi amisefe.

¹¹ Egha namba 4in dughiamin, me Seri, an ziar ighazarim Isri, me an otariba ko an adarazi amisefe.

¹² Egha namba 5in dughiamin, me Netania ko an otariba ko an adarazi amisefe.

¹³ Egha namba 6in dughiamin, me Bukia ko an otariba ko an adarazi amisefe.

¹⁴ Egha namba 7in dughiamin, me Asarela, an ziar ighazarim Jesarela, me an otariba ko an adarazi amisefe.

¹⁵ Egha namba 8in dughiamin, me Jesaia ko an otariba ko an adarazi amisefe.

¹⁶ Egha namba 9in dughiamin, me Mataenia ko an otariba ko an adarazi amisefe.

¹⁷ Egha me namba 10in dughiamin, Simei ko an otariba ko an adarazi amisefe.

¹⁸ Egha me namba 11in dughiamin, Usiel, an ziar ighazarim Asarel, me a ko an otariba ko an adarazi amisefe.

¹⁹ Egha me namba 12in dughiamin, Hasabia ko an otariba ko an adarazi amisefe.

²⁰ Egha me namba 13in dughiamin, Sebuel, an ziar ighazarim Subael, me an otariba ko an adarazi amisefe.

²¹ Egha namba 14in dughiamin, me Matitia ko an otariba ko an adarazi amisefe.

²² Egha namba 15in dughiamin, me Jerimot ko an otariba ko an adarazi amisefe.

²³ Egha namba 16in dughiamin, me Hanania ko an otariba ko an adarazi amisefe.

²⁴ Egha namba 17in dughiamin, me Josbekasa ko an otariba ko an adarazi amisefe.

* ^{25:3:} Ziar kam, "Simei," datirighin Hibrun akamin itir puvati. A fomira ike, egha datirighin itir puvati. Ves 17 Simein gun migei.

- ²⁵ Egha namba 18in dughiamin, me Hanani ko an otariba ko an adarazi amisefe.
- ²⁶ Egha namba 19in dughiamin, me Maloti ko an otariba ko an adarazi amisefe.
- ²⁷ Egha namba 20in dughiamin, me Eliata ko an otariba ko an adarazi amisefe.
- ²⁸ Egha namba 21in dughiamin, me Hotir ko an otariba ko an adarazi amisefe.
- ²⁹ Egha namba 22in dughiamin, me Gidalti ko an otariba ko an adarazi amisefe.
- ³⁰ Egha namba 23in dughiamin, me Mahasiot ko an otariba ko an adarazi amisefe.
- ³¹ Egha namba 24in dughiamin, me Romamtieser ko an otariba ko an adarazi amisefe.

26

Godin Dipenimin tiar akabar garir gumazibar ziaba

¹ Livain anabamin gumazir maba, Ikiavira Itir Godin Dipenimin tiar akabagh eghuva dar garir gumaziba. Men ziabar kara:

Meselemia, a Koren otarim, a Asapin adarazir mav, egha a Koran ikizimin gumazim.

²⁻³ Ezi Meselemeian otaribar ziabar kara: An otarir ivariam Sekaraia, ezi namba 2 Jediael, ezi namba 3 Sebadaia, ezi namba 4 Jatniel, ezi namba 5 Elam, ezi namba 6 Jehohanani, ezi namba 7 Elione-nai.

⁴⁻⁵ God deragha Obetidom gamima, an otarir aviriba iti. Men ziabar kara: An otarir ivariam Semaia, ezi namba 2 Jethosabat, ezi namba 3 Joa, ezi namba 4 Sakar, ezi namba 5 Netanel, ezi namba 6 Amiel, ezi namba 7 Isakar, ezi namba 8 Peuletai.

⁶ Ezi Obetidomin otarim Semaia, an otarir maba iti. Me gumazir bar aghuiba egha bar gavgafi, kamaghin amizi, me uan ikizibar gumazir dapanibar otifi.

⁷ Semaian otaribar ziabar kara: Otni, Rafael, Obet, Elsabat, Elihu ko Semakia. Elihu ko Semakia bizir aviribar ingaran bar fo.

⁸ Obetidomin ikizimin 62plan gumaziba, me bar gumazibar garir gumaziba, egha me bar gavgavigha uan ingangaribagh fogha dagh ami.

⁹ Ezi Meselemeian ikizimin gumazir 18pla, me bar deravira uan ingangaribagh fogha dagh gami.

¹⁰⁻¹¹ Hosa, a Merarin ikizimin gumazim. Hosan otaribar kara: An otarim Simri, a men dapanimin iti. (Simri, a guizbangira Hosan otarir ivariam puvati. An afeziam an amisevezi, a gumazir dapanimin oto.) Ezi namba 2 Hillkia, ezi namba 3 Tebalia, ezi namba 4 Sekaraia. Hosan ikizimin 13plan gumaziba, me tiar akabar garir ingangarim iti.

¹² Itiar akabar garir gumazir dapanir kaba, me uan ikiziba ko, me Ikiavira Itir Godin Dipenimin itiar akabar ikia dagh eghuva dar garir ingangarim gami, mati Livain gumazir igharaziba uan ingangaribagh ami moghin ami.

¹³ Ikizir kabar gumaziba bar moghira satu gikararang foghaha, me Ikiavira Itir Godin Dipenimin itiar akar manamin gan a geghuvam. Men ikizim aviraseme, o avirasemezir puvati, ikizir kabar gumaziba bar moghira ingangarim iniam. ¹⁴ Me satu gikarara kamaghin foghaha, terara aruem anadi naghin itir itiar akamin gan a geghuvam. Ezi satu Meselemeia amisefe. Ezi gin me ua satu gikarara kamaghin foghaha, Sekaraia itiar akar manamin gan a geghuvam, ezi satu itiar akar notin itim amisefe. Sekaraia, a Meselemeian otarim, egha nighnizir aghuiba anidir gumazim.

¹⁵ Ezi satu gin sautin amadaghan itir itiar akamin gan a geghuvasa Obetidom amisefe. Egha satu, danganir biziba arizibar ganamin ingangarim bagha an otariba amisefe. ¹⁶ Egha satu, aruem uaghiri naghin itir itiar akam ko itiar akar me kamaghin diborim Saleket, aningin ganasa, Supim ko Hosa amisefe. Saleketin itiar akam, a pin ghuavanadir tuavimin boroghin iti. Me itiar akar kabar ganamin ingangarim damuasa, me ikizir kaba amisefe, eghiti ikizitam faragh ingarighti, gin ikizir igharazitam men danganim inigh ingaram.*

¹⁷ Arueba bar zurara, Livain 6pla aruem anadi naghin itir itiar akamin gara a geghufi, ezi 4pla notin amadaghan itir itiar akamin gara a geghufi, ezi 4pla sautin amadaghan itir itiar akamin gara a geghufi. Ezi 4pla danganir me biziba arizibar gara a geghufi. Me gumazir pumuning isa danganir me biziba arizibar vongin ati, egha ua pumuning isa danganir me biziba arizibar vongin ating ati. ¹⁸ Ezi 6plan gumaziba, aruem uaghiri naghin itir itiar akamin gara a geghufi.[†] Pumuning dipenimin gara a geghufi, ezi 4plan gumaziba tuavimin gari.

^{26:4-5:} 2 Samuel 6:11; 1 Eghaghaniba 13:14 * ^{26:16:} Hibrun akam deragha vezin kamin mingarim abighizir puvati. † ^{26:18:} Hibrun akam deragha akar kamin mingarim abighizir puvati.

¹⁹ Gumazir itiar akabar garir kaba bar moghira Kora ko Merarin ikizimningin adarasi.

Livaiba amir ingangarir maba

²⁰ Livaibar gumazir mam Ahiya, a Ikiavira Itir Godin Dipenimin aven itir dagiaba arizir danganibar garir gumazim. Egha a uaghan gumazamiziba Ikiavira Itir God bagha anidir bizar aghuiba itir danganimin gari. ²¹ Ezi Gersonin otarim Ladan, an ikizimin gumazir mam, an ziam Jehiel. ²² Ezi Jehielin otarimning, Setam uan aveghbuam Joel ko, aning Ikiavira Itir Godin Dipenimin aven itir dagiaba arizir danganibar garir ingarim iti.

²³ Ezi Amram ko Ishar ko Hebron ko Usielin ikiziba, me bar ingangariba iti. Men ingangaribar kara:

²⁴ Amramin ikizimin gumazim Sebuel, a Ikiavira Itir Godin Dipenimin aven itir dagiaba arizir danganibar garir gumazir dapanim. A Mosesin otarim Germosom, an ovavir boribar mav.

²⁵ Sebuelin ikizimin gumazir mam iti, an ziam Selomit. A Gersomin aveghbuam Elieser, an ovavir boribar gumazim. Elieser, a Rehabian afeziam, ezi Rehabia, a Jesaian afeziam, ezi Jesaia, a Joramian afeziam, ezi Joram, a Sikrin afeziam, ezi Sikri, a Selomitin afeziam. ²⁶ Gumazamiziba God bagha anidir bizar aghuir Ikiavira Itir Godin Dipenimin itiba, Selomit uan adarazi ko, me bizar aghuir kabar gara dagh eghufi. Atrivim Devit, ko ikizibar gumazir dapaniba, ko midorozir gumazibar gumazir dapaniba bizar aghuir kaba God bagha dagh inaba. ²⁷ Me midorozibagh amir dughiabar, me uan apaniba abira men bizar aghuir aviriba ini. Egha me gin God bagha bizar kabar mabagh inabagh, Ikiavira Itir Godin Dipenimin ingangarim damuasa da inigha ize. ²⁸ Bizar aghuir Ikiavira Itir Godin Dipenimin itir kabar maba, Godin akam inigha izir gumazim Samuel, ko Atrivim Sol, ko Nerin otarim Apner, ko Seruan otarim Joap, me da isa God ganungi. Ezi Selomit uan adarazi ko bizar kaba bar dagh eghuva dar gari.

²⁹ Ezi Isharin ovavir boribar tongin, me Kenania uan otariba ko, gavmanin ingangaribar amuasa me amisefe. Me akinafariba osirir ingangaribagh amua kotin aven Israeli gumazamizibar osintiziba tuisisi.

³⁰ Ezi Hebronin ovavir boribar tongin, me Hasabia ko an adarazir 1,700plan gumaziba amisevezi, me gavmanin

ingangarim gami. Me Israeli nguazir aruem uaghiri naghin ikegha guha, Jordanin Fanemin otozimin, me gavmanin ingangariba bar dagh ativagha dagh ami. Gumazir kaba me gavmanin ingangariba bar dagh fo, egha me Ikiavira Itir God bagha amir ingangariba ko atrivimin ingangariba bar adagh ativagha dagh ami. ³¹ Ezi Jeria, a Hebronin ovavir boribar adarazir gumazir dapanim. Namba 40in azenimin Devit atrivimin itima, me Hebronin ovavir boriba buri. Egha me garima, gumazir kabar aviriba, Gileatin Distrighin itir nguubar ekiam Jaserin iti. Jaserin itir gumazir kaba, me bizar bar aghuir igharagha garir aviribagh amir fofozir gumaziba. ³² Ezi Atrivim Devit, Israeli Jordanin Fanemin aruem anadi naghin itir danganir kabagh ativagh dar ganasa Jeria, ko an adarazi amisefe, men dibobonim 2,700in tu. Nguazir kaba, Rubenin anabam ko Gatin anabam ko Manasen anabar me tuirazimningin faragha zuimin adarazir nguaziba. Ezi 2,700plan gumazir kaba me gumazir bar aghuiba, egha uan ikizibar gumazir dapanim. Egha gumazamiziba God bagha amir ingangariba ko atrivimin ingangariba bar dagh ativagha dar gari.

27

Atrivimin gumazir dapaniba ko midorozir gumazibar dapanibar ziaba

¹ Kar Israeli ikizibar gumazir dapanibar ziaba, ko 1,000plan midorozir gumazibar garir gumazir dapanibar ziaba, ko 100plan midorozir gumazibar gari gumazir dapanibar ziaba, ko akinafariba osirir gumazibar ziaba. Gumazir dapanir kaba, 12plan ikizir ekiabar gumazir ingangaribagh amibagh ativagha men gari. Ikizir kabar ikizir vamira zurara azenibar iakinir tamin ingarichti, gin ikizir igharazim men danganim inigh iakinir igharazimin ingaram. Ikizir kaba vaghvagh 24,000plan gumaziba iti. Men ziabar kara:

² Sapdielin otarim Jasobeam, a iakinir faragha zuimin ingangarim damuamin 24,000plan gumazibar garir gumazir dapanim. ³ Egha a uaghan midorozir gumazibar gumazir dapanibar garir gumazir dapanim. A Peresian ikizimin gumazir mam.

⁴ Ezi Ahohin ikizimin gumazim Dodai, a namba 2 iakinimin ingangarim damuamin gumazir 24,000pla me

- geghuva men gari. Ezi Miklot an namba 2in ikia an akurvasi.*
- 5 Ezi Benaya, a ofa gamir gumazim Jehoiadan otarim, a namba 3in iakinimin ingangarim damuamin 24,000plan gumaziba me gehuva men gari. ⁶ Benaya, an Atrivim Devitin 30plan midorozir gumazir gavgavibar mav, egha midorozir gumazir kabar gumazir dapanim. Ezi an otarim Amisabat an namba 2in ikia an akurvasi.
- 7 Ezi Asahel, a Joapin dozim, a namba 4 iakinimin ingangarim damuamin 24,000plan gumaziba me gehuva men gari. Ezi an otarim Sebadaia, gin an danganim ini.
- 8 Ezi Samhut, a Isharin ikizimin gumazim, a namba 5 iakinimin ingangarim damuamin 24,000plan gumaziba me gehuva men gari.
- 9 Ezi Ikesin otarim Ira, a Tekoan nguubar ekiamin gumazim, a namba 6 iakinimin ingangarim damuamin 24,000plan gumaziba me gehuva men gari.
- 10 Ezi Heles, a Pelonin nguabar ekiamin gumazim, a namba 7in iakinimin ingangarim damuamin 24,000plan gumaziba me gehuva men gari. Heles, a Efraimin anabamin adarazir gumazim.
- 11 Ezi Sibekai, a Husan nguabar ekiamin gumazim, a namba 8in iakinimin ingangarim damuamin 24,000plan gumaziba me gehuva men gari. Sibekai, a Seran ikizimin gumazim.
- 12 Ezi Abieser, a Anatotin nguabar ekiamin gumazim, a namba 9 iakinimin ingangarim damuamin 24,000plan gumaziba me gehuva men gari. Abieser, a Benjaminin anabamin adarazir gumazim.
- 13 Ezi Maharai, a Netofan nguabar ekiamin gumazim, a namba 10in iakinimin ingangarim damuamin 24,000plan gumaziba me gehuva men gari. Maharai, a Seran ikizimin gumazim.
- 14 Ezi Benaya, a Piratonin nguabar ekiamin gumazim, a namba 11in iakinimin ingangarim damuamin 24,000plan gumaziba me gehuva men gari. Benaya, a Efraimin anabamin adarazir gumazim.
- 15 Ezi Heldai, a Netofan nguabar ekiamin gumazim, a namba 12in iakinimin ingangarim damuamin 24,000plan gumaziba me gehuva men gari. Heldai, a Otnielin ikizimin gumazim.

*Gumazir dapanir Israelian anababagh
eghuva men garibar ziaba*

¹⁶ Israelian anababar adarazir gumazir dapanibar ziabar kara:

- Elieser, a Sikrin otarim, a Rubenin anabamin adarazi gativagha men gari. Ezi Sefatia, a Makan otarim, a Simeonin anabamin adarazi gativagha men gari. ¹⁷ Ezi Hasabia, a Kemuelin otarim, a Livanin anabamin adarazi gativagha men gari. Ezi Sadok, a Aronin ikizimin adarazi gativagha men gari. ¹⁸ Ezi Elihu, a Devitin avebar mam, a Judan anabamin adarazi me gativagha men gari. Ezi Omri, a Maikelin otarim, a Isakarin anabamin adarazi gativagha men gari. ¹⁹ Ezi Ismaia, a Obadian otarim, a Sebulunin anabamin adarazi gativagha men gari. Ezi Jeremot, a Asrielin otarim, a Naptalin anabamin adarazi gativagha men gari. ²⁰ Ezi Hosia, a Asasian otarim, a Efraimin anabamin adarazi gativagha men gari. Ezi Joel, a Pedaian otarim, a Manasen anabar me tuirazimningin mamin adarazi gativagha men gari. ²¹ Ezi Ido, a Sekaraian otarim, a Manasen anabar me tuirazimningin ikizir igharazimin adarazi gativagha men gari, me Gileatin Distrighin iti. Ezi Jasiel, a Apnerin otarim, a Benjaminin anabamin adarazi gativagha men gari. ²² Ezi Asarel, a Jerohamin otarim, a Danin anabamin adarazi gativagha men gari. Kar Israeli anababar garir gumazir dapaniba.

²³ Ikiavira Itir God bar fomira akam akira ghaze, a Israelian gumazamizibar amighti, men dibobonim bar avirasemegh overiamin mikovezibar min otogham. Kamaghin amizi, Atrivim Devit gumazir igiar 20plan azenibar apengan itiba, a me mengezir puvati. ²⁴ Seruan otarim Joap, a gumaziba medir dughiamin, a ingangarir kam agivazir puvati. God gumaziba medir arazir kam gifongezir puvati, kamaghin amizi, a Israelia puv me gami. Ezi bizir kam bangin, me gumazibar dibobonim, Atrivim Devit Amizir Bizibar Eghaghaniba Akinafarir kamin da osirizir puvati.

Atrivimin bizibagh eghuva dar garir gumazibar ziaba

²⁵ Adielin otarim Asmavet, an atrivimin dagiba ko bizir aghuibar garir gumazim. Ezi Usian otarim Jonatan, a dagher dipenir

* **27:4:** Hibrun akam me kagh deragha akamin mingarim abighizir puvati. **27:23:** Jenesis 15:5; 22:17; 26:4 **27:24:**

tintinibar kantrin itiba ko nguabar ekiabar aven itiba ko nguabar dozibar itiba ko midorozir danganibar itir tauan bar gavgavibar gari. ²⁶ Ezi Kelupin otarim Esri, an azenibar ingarir gumazibar garir gumazim. ²⁷ Ezi Raman nguubar ekiamin gumazim Simei, an atrivimin wainin azenibar garir gumazim. Ezi Sefamin nguubar ekiamin gumazim Sapdi, a wainin dipaba arighamin danganibar garir gumazim. ²⁸ Ezi Gederin nguubar ekiamin gumazim Balhanan, an aruem uaghiri naghin itir mighsiar dozibar itir olivin temeba ko fighin temebar garir gumazim. Ezi Joas, olivin boreba arizir danganibar garir gumazim. ²⁹ Ezi Saronin danganir zarimin itir gumazim Sitrai, a Saronin danganir zarimin itir bulmakaubar garir gumazim. Ezi Atlain otarim Safat, a danganir zarir igharazibar itir bulmakaubar garir gumazim. ³⁰ Ezi Ismaelin ikizimin gumazim Obil, an atrivimin kamelbar garir gumazim. Ezi Meronotin nguubar ekiamin gumazim Jeedea, a donkibar garir gumazim. ³¹ Ezi Hagarin ikizimin gumazim Jasis, a sipsipba ko memebar garir gumazim.

Gumazir kaba bar moghira, Atrivim Devitn bizibar garir gumazir dapaniba.

Gumazir nighnizir aghuiba isa Devit ganidibar ziaba

³² Jonatan, a Atrivim Devitin afeziar dozim, a nighnizir aghuiba isa Atrivim Devit ganidir gumazim. A fofozir ekiam ikia egha akinafariba osirir arazim bar a gifa. A Hakmonin otarim Jehiel ko, aning atrivimin otaribar sure gamir ingangarim iti.

³³ Ezi Ahitofel uaghan nighnizir aghuiba atrivim ganidir gumazim. Ezi Arkan nguubar ekiamin gumazim Husai, an atrivimin roroar aghuim. ³⁴ Ahitofel aremezir dughiamin gin, Abiatar ko Benaian otarim Jehoiada, aning Ahitofelin danganim ini.

Ezi Joap atrivimin midorozir gumazibar gumazir dapanir faragha zuim.

28

Devit Godin Dipenimin ingaramin araziba ko, me manmaghin an ingaramin arazibar gun gumazir aruabav gei

¹ Atrivim Devit Israeli gumazir dapaniba izi Jerusalemin uari akuvaghaha, me bagha akam amada. Kamaghin amizi, Israeli anababar gumazir dapaniba, ko atrivimin ingangaribagh amir gumazibar gumazir dapaniba ko, gumazir dapanir 1,000plan midorozir gumazibar gariba, ko

gumazir dapanir 100plan midorozir gu-mazibar gariba, ko atrivim ko an otaribar biziba ko asizibar garir gumazibar gumazir dapaniba, ko atrivimin dipenimin ingan-garibagh amir gumazibar dapaniba ko, midorozir gumazir gavgaviba ko, gumazir aruuba, me bar moghira iza Jerusalemin uari akufa.

² Ezi Atrivim Devit dikavigha mitigha kamaghin me migei, “Ia nan aveghbuuba ko nan gumazamiziba, ki amir migirigiam ia a baragh. Ki Ikiavira Itir Godin Akar Dikirizir Gavgavimin Boksiam arighasa a bagh Dipenir aghuitamin ingarasu uan navir averiamin pamten nighnisi. Eghti Boksiar kam kagh avughs, en Godin dagarimming arizir danganimin min ikiam. Ki Dipenir kamin ingarasa nighnigha, a bagha biziba bar da akuvagha gifa. ³ Ezi God kamaghin na migei, ‘Devit, ni midorozir gumazimra, egha gumazamizir avirimin misoghezi me ariaghire, ezi men ghuziba nin iti. Kamaghin amizi, gumazamiziba na bagh izi nan ziam famin Dipenir kam, ni an ingaram kogham.’

⁴ “Egha Ikiavira Itir God, Israelian God, Israelia gativagh men gan mamaghira ikiasi na ko nan ovavir boriba amisefe. A faragha Judan anabamin adarazi amisefe, eghti me Israelia gativagh men gan men gumazir dapanibar ikiam. Egha Judan anabamin gumazibar tongin, a nan afeziamin ikizim amisefe. Egha gin, a uan ifongiamin gin ghua, nan aveghbuabar tongin na amisevegha na gamizi, ki Israelia bar moghira, men atrivimin oto. ⁵ Ikiavira Itir God otarir aviriba na ganingi. Egha men tongin a Solomon amisefe, eghti a nan danganim inigh Israeli kantrin ganam. Israeli kantri, a guizbangira Ikiavira Itir Godin kantri. ⁶ Ezi Ikiavira Itir God kamaghin na mikeme, ‘Nin otarir kam, Solomon, anarira nan Dipenim ko an avinamin divazimin ingaram. Guizbangira, a nan otarim ikiasi ki anemisefe. Eghti ki an afeziamin ikiam. ⁷ A datirighin ami moghin, nan Akar Gavgaviba ko bizar ki damuasa mikemezibar gin mangiti, ki an ikizimin adarazir gumaziba amsivti, me zurara atrivibar iki mangi mamaghira ikiam.’”

⁸ Egha Devit ua kamaghin gumazamizibav gei, “Ia Ikiavira Itir Godin gumazamizir datirighin kagh tuivhagh itiba, ki e uan Godin damazim ko ian damazibar, ki guizbangira kamaghin ia migei, Ikiavira Itir God, ian God e ganingizir Akar Gavgavir kaba, ia bar deravira dar gin mangi. Ia kamaghin damu, nguazir aghuir kam inikiam, egha a ian nguazimra ikivira ikiam. Eghti

ian ovavir borir gin otivamba uaghan zu-rara nguazir kamin iki mamaghira ikiam.

⁹ “Ezi nan otarim Solomon, ki ni migei, ni bar deraghvira uan afeziamin God gifogh an apengan ikisi, ni uan navir averiamin aven nighnizir bar vamira iki. Egh ni an ifongiamin gin mangisi bar gavgafigh. Ikiavira Itir God en nighniziba ko ifon-giabagh fo, kamaghin amizi, ni kamaghin damu. Ni an ifongiam gifoghsyi bar gavgav-ighti, a nin amamangatighti ni deravira a gifogham. Egh ni akirim ragh a gasaraghti, a ni batuegh akirim ragh ni gasaraghti ni zurara an saghon ikiam.¹⁰ Egh ni datirighin kamaghin fogh, gumazamiziba izi Ikiavira Itir Godin ziam famin Dipenim, an an ingarasa ni amisefe. Kamaghin amizi, ni gav-gavigh Dipenir kamin ingar.”

¹¹ Devit mikemegha givagha, Ikiavira Itir Godin Dipenimin ingaramin bizar osiziriba ko Dipenimin ingaramin nedazimin akinafarim isa Solomon ganingi. Nedazir kaba, da Ikiavira Itir Godin Dipenir kamin danganiba, ko Dipenimin azuarir ekiam, ko danganir bizar aghuibar arighamiba, ko pin itir danganir doziba, ko aven itir danganir ekiaba, ko Danganir Bar Anogoroghezim, kar Akar Dikirizir Gavgavimin Boksiam arighammin danganim. Boksiar kamin asuam, kar God gumazamizibar arazir kuraba gin amadir danganir. Danganir kabar nedaziba, da bar akinafarir kamin iti. ¹² Godin Duam, Devitin akazir bizibar nedazibar kara: Ikiavira Itir Godin Dipenim avinizir divazimin aven itir uari akuvir danganim, ko me uari akuvir danganir ekiam okarizir danganir doziba, ko Godin Dipenimin aven itir dagiaba arizir danganiba, ko gumazamiziba Ikiavira Itir God ganidir bizar aghuibar arizir danganiba.

¹³ Akinafarir kam uaghan osizirir ighazarir maba iti, dar kara: Ofa gamir gu-maziba ko Livaiba ingangarim damuamin araziba, ko Ikiavira Itir Godin Dipenim aven ingaramin araziba, ko Ikiavira Itir Godin Dipenimin aven itir ingangarim bagh itariba ko bizar ighazariba, me man-maghin dar ingaramin arazim, da uaghan akinafarir kamin aven iti. ¹⁴ Osizirir kam, uaghan ghaze, gol ko silvan kapba ko itariba ko bizar ighazaribar ingarsi, me gol ko silvan osimtzir manmaghin itiba inigh dar ingaram. ¹⁵ Egh lamba ko da arighamin aghoriba bagh, me gol ko silvan osimtzir manmaghin itiba inigh dar ingaram. ¹⁶ Egh golin dakozibar ingarsi, me golin osimtzir manmaghin itiba inigh dar ingaram, kar dakozir me bretba arigh da isi God daningamiba. Egh me silvan dakozibar ingarsi, me

silvan osimtzir manmaghin itiba inigh dar ingaram. ¹⁷ Akinafarir kamin me bizar kaba uaghan da osira izaghiri: Me fokba ko itariba ko kapbar ingarsi me golin aghuir osimtzir manmaghin itiba inigh dar ingaram. Egh silvan itarir ighazariba bagh, me silvan osimtzir manmaghin itiba inigh, dar ingaram. ¹⁸ Ezi akinafarir kam uaghan bizar kabar gun migei: me golin aghuir osimtzir manmaghin itiba inigh, me pauran mughuriar aghuim tuamin ofa gamir dakozimin ingaram. Egh me golin aghuir osimtzir manmaghin itiba inigh, enselin bar gavgavir pumuningin nedaz-imningin ingerighti, aningin avizimning oneghirigh Ikiavira Itir Godin Akar Dikirizir Gavgavimin Boksiam gisin ikiam. Enselin kamnning, Ikiavira Itir Godin karisin ababanimin min ikiam.

¹⁹ Ezi Atrivim Devit kamaghin migei, “Akinafarir kamin itir nedaziba bar, Ikiavira Itir God uabi dar nedazibar nan akazi, ki da osiri.”

²⁰ Egha Atrivim Devit kamaghin uan otarim Solomon migei, “Ikiavira Itir Godin Gavgavim, a nan God, a ni ko iti, a nin akurvaghram. Kamaghin amizi, ni mitigh bar gavgavigh ingangarir kam damu. Ni osimtzibar ganti, da ni abinan marki. Ni atiatingan marki. God ni ateghan kogham. Puvati. A ni ko iki mamaghira iki mangiti, ni an Dipenimin ingangarim agivagham. ²¹ E Godin Dipenimin ingangaribar amuasa Livain anabamin ikiziba ko ofa gamir gumazibar ikiziba amisevegha gifa. Ezi ingangarir guar aviribar amuan bar foziba, nin akurvaghaha gara iti. Ezi gumazir dapaniba ko gumazamiziba bar moghira, nin migirigabar gintighasa pura niraram oragha iti.”

29

Gumazamiziba Godin Dipenimin in-garasa bizar aghuiba arisi

¹ Ezi Atrivim Devit kamaghin gumazamiziba bar me migei, “God uabi, nan otarim Solomon, uan Dipenimin ingarasa a ginaba. Ezi e bar fo, a bar igiamra ikia ingangaribar amuan fofozir ekiaba puvati. Ikiavira Itir Godin Gavgavimin Dipenimin ingaramin ingangarir kam, a ingangarir dozim puvati, mati me nguazir kamin gumazamizibar dipenimin ingarasa. Puvati. A ingangarir bar ekiam. ² Kamaghin amizi, ki Ikiavira Itir Godin Dipenimin ingarasa pamten ingara bizar aviribar kiri, kar gol, silva, bras, ain, temeba, dagiar pizir aghuibar, dagiar gariba, ko dagiar bar aghuir iveauz bar pin kozir ighazariba uaghan, ki bar da inigha da ariki.

³ Ki uan Godin Dipenim bagha bar ifonge,

kamaghin amizi, bizir ki akuvagha givazir kabagh isin, ki datirighin uabi uan gol ko silvaba aningi.⁴ Kantri Ofirin golin bar aghuir ki aningizir kabar osimtzizim, 100,000 kilogrem gafira. Ezi silvan aghuirbar osimtzizim 240,000 kilogrem tu. Bizir kaba, da Ikiavira Itir Godin Dipenimin averiamin an bibrabar miriaba asingamin bibia. ⁵ Fofozir gumazibza uaghan silva ko golin kaba iniva Ikiavira Itir Godin Dipenimin aven itir bizir igharazibar nedazibar ingaram. Ezi ian tinara datirighin ofan min uan biziabba ko ubi isi, Ikiavira Itir God daningasa ifonge?"

⁶ Ezi ikizibar gumazir dapaniba, ko anababar gumazir dapaniba, ko gumazir dapanir 1,000plan midorozir gumazibar gariba, ko gumazir dapanir 100plan midorozir gumazibar gariba, ko atrivimin ingangaribar garir gumazir dapaniba, me Devitin migirigiar kam barazima a men navibagh inivima me uan ifongiamin gin ghua uan bizir aghuiba isa da anidi. ⁷ Me aningizir bizir kabar osimtzibza kamaghin ghu: gol 170,000 kilogrem gafira, ezi silva 340,000 kilogrem gafira, ezi bras 620,000 kilogrem tu, ezi ain 3,400,000 kilogrem gafira. ⁸ Ezi gumazir dagiar aghuir iveau bar pin kozir igharaghia gariba itiba, me da isa Godin Dipenimin aven itir dagiaba arizir danganimin da ariki. Gersonin ovavir boribar mav Jehiel, a dagiar kaba arizir dipenimin garir gumazim. ⁹ Gumazamizibza garima, men gumazir dapaniba uan bizir aghuir aviribar aningasa naviba dikafi, egha me nighnizir bar vamira ikia uan ifongiamin gin ghua bizir kaba isa Ikiavira Itir God ganidi. Ezi gumazamizibza bar akonge. Ezi Atrivim Devit uaghan bar akonge.

Devit Ikiavira Itir Godin ziam fe

¹⁰ Egha Atrivim Devit gumazamizibar damazimin Ikiavira Itir Godin ziam fa kamaghin a minabi:

"O Ikiavira Itir God, ni en inazir afeziam Israeli God,
e nin gumazamizibza, e zurara nin ziam fi mamaghira ikiam.

¹¹ Ni gavgavir bar ekiam ikia, ziar ekiam ikia, bar pin mar iti, ni bar faraghaiti. Bar guizbangira, overiam ko nguazimin itir bizir kaba bar nin biziba.

Kamaghin amizi, ni biziba bar dagh ativaghia dar atrivir ekiam.

¹² Nirara bar bizir aghuir aviriba e ganidi. Egha nirara biziba bar dagh atifa. Nirara gavgavir ekiar kamin mingarim. Nirara gumazamizibar amuti me gavgavigh ziar ekiaba iniam.

¹³ "En God, e datirighin ni minabava nin ziar bar ekiam fe.

¹⁴ "Ki uan gumazamizibza ko, e kamaghin mikiman kogham, e ni ganidir bizir kabar ghuaviba. Puvati. E pura gumazir kiniba, e biziitamin ghuavim ikiangizir puvati. Bizir kaba, kar bar nin bizibara. Ni faragha bizir kaba e ganingi, ezi e datirighin ua da isa ni ganidi. ¹⁵ E nin damazimin e iza pura guighav itir gumazamizibza ko azenan itir gumazamizibza, mati en inazir afeziaba. En ikimirimir nguazir kamin itim, a uaghan en suiraghan kogham. E otivigh dughiar otevimaprekegħi arghiregħ, mati nedazibar min, ghuarjam aruem apazazi, da zuamira puvati. ¹⁶ O Ikiavira Itir God, en God, nirara ziar ekiam iniasa, e ni bagħha Dipenimin ingarasa bizir kaba kagh ada akufa. Ezi bizir ni bagħha inigha izir kaba, da bar nin bizibara.

¹⁷ "Nan God, ni gumazamizibar naviba tuisigha men garima, me arazir voroghira itibagh amima, ni navir amirizim isi. Ki bizir kam ginighnigha, uaghan nin ziar ekiam ginighni, ezi nan navim bizir kaba ni daningasa na dikavima, ki uan ifongiamin gin ghua da isa ni ganingi. Ezi arazir kamra, nin gumazamizibar kaba uan bizibba isa ni ganingi. Ezi ki men ganigha bar akonge. ¹⁸ O Ikiavira Itir God, ni en inazir afeziaba Abraham ko Aisak ko Jekopin God, ni uan gumazamizibar amuti, me ni bagħ kamaghin garir nighnizim ko arazir aghuiba iki gavgavigh mamaghira ikiām. Egh ni uaghan men navir averiabar aven itir ifongiabar amighti, me nin poroh iki gavgavigh. ¹⁹ Ni nan otarim Solomonin nighnizim feghti, a nighnizir bar vamira iki ni Akar Gavgaviba, ko ni mikemezir akaba, ko arazir ni ifongeżibar gin mangi, egh ni Dipenimin ingar. Dipenir kam, ki an ingarasa bizibar kiri."

²⁰ Egha Atrivim Devit kamaghin bar gumazamizibav gei, "la Ikiavira Itir God, ian God, an ziam fi." Ezi gumazamizibza oregha Ikiavira Itir God ko Atrivim Devitin damazimin dapaniba avigha nguazim giregha fuaghav ikia, Ikiavira Itir God, men inazir afeziabar God, ziar ekiam a ganidi.

²¹ Egha gumazamizibza amimzaraghan 1,000plan bulmakaun apurir igiaba, ko 1,000plan sipsipin apuriba, ko 1,000plan sipsipin nguziba inigha ghua Ikiavira Itir God bagħha ofan bar isia mighribi bagħ am. Egha me uaghan wainin dipam ingamin ofabagh am. Me uaghan Israeli gumazamizibza bagħha ofan igharazir avir mabagh am. ²² Egha me dugħiār kamin isar ekiam gamua ofan igharazir kabar

wainin dipaba ko asizir tuziba apava Ikiavira Itir Godin damazimin bar akonge.

Egha dughiar kamra, me Ikiavira Itir Godin ziamin olivin borem isa ua namba 2in dughiamin Solomonin dapanim gingegha, uam anemisevezi an atrivimin oto. Egha me uaghan ofa gamir gumazimin otivasa Sadok amisefe.

²³ Ezi Solomon datirighin uan afeziamin danganim inigha Ikiavira Itir Godin gumazamizibar atrivimin oto. An ingangarim bar derazi Israelian gumazamiziba bar an akabar girara zui. ²⁴ Ezi gavmanin gumazir dapaniba, ko midorozir gumazir gavgaviba, ko Devitin otariba, me bar moghira Atrivim Solomonin apengan ikiasiakam akiri. ²⁵ Ezi Ikiavira Itir God Solomon gamizi, a Israelian gumazamizibar damazimin, a bar me gafiraghbar pin iti. Ezi God Solomon gamizi, a bar ekevegha ziar ekiam ikia Israelian atrivir faragha ikezibagh afira.

Devit areme

²⁶ Jesin otarim Devit, a Israelian kantrin danganiba bar, dar atrivim. ²⁷ A kantri Israelin 40plan azenibar atrivimin ike. A faragha Hebronin nguabar ekiamin 7plan azenibar atrivimin ike, egha 33plan azenibar Jerusalemin atrivimin ike. ²⁸ A gumazamizibar damazimin bar ziar ekiam ikia, uaghan dagiar aviriba iti. A ikia ghua bar ghurigha givagha ovenge. Ezi an otarim Solomon gin, an danganim inigha atrivimin oto. ²⁹ Atrivim Devit uan igiamin atrivimin ikia ghua ghurigha aremezi dughiamin amizi bizibar eghaghaniba, da akinafarir mabar iti. Akinafarir kaba, me kamaghin dar bori, Godin Akam Inigha Izir Gumazim Samuelin Eghaghaniba, ko Godin Akam Inigha Izir Gumazim Natanin Eghaghaniba, ko Godin Akam Inigha Izir Gumazim Gatin Eghaghaniba.* ³⁰ Akinafarir kaba, Atrivim Devit amizir ingangarir ekiabagh eghara, uaghan a kantrin atrivimin ikia amizir bizibagh eghari. Egha da uaghan a bativizir bizir igharazibar eghaghanim gamua, egha Israelian gumazamiziba ko nguazir kamin itir kantrin igharazibar eghaghanibagh ami.

29:23: 1 Atriviba 2:12

29:27: 2 Samuel 5:4-5; 1 Eghaghaniba 3:4

* 29:29: Godin akam inigha izir gumaziba

fomira osirizir akinafarir 3plan kaba, da ovenge, egha ua itir puvati. E fozir puvati, manmagħin garir eghaghaniba dar aven iti.

Atrivibar Eghaghaniba Itir Akinafarir Namba 2 O 2 Eghaghaniba Akar faragha zuim

Akinafarir kam, an eghaghanibar akinafarir Namba 1in Eghaghanibar akinafarimin akuar mam. Kamaghin, ni Namba 2in Eghaghanibar akinafarimin akar mingaribar gansi, ni Namba 1in Eghaghanibar akinafarimin akar faragha zuim gan.

Namba 2in Eghaghanibar akinafarir kam, an Atrivim Solomonin eghaghanim gamua ghua dughiar Israelin kantri bigha akuar pumuningin ikia kantrin pumuningin otogha ghua, kantrin kamning uaghara apanibar dafaribar ikuvizir dughiamin tu. Akinafarir kam uaghan, kantri Israelin notin amadaghan itimin otivizir bizir aviribav kemezir puvati. A kantri Juda ko Jerusalemin nguubar ekiamin otivizir biziba, a dararam eghari.

Atrivim Solomonin eghaghanim

(*Sapta 1-9*)

*God nighnizir aghuim isa
Solomon ganangi
(1 Atriviba 3:4-15)*

¹ Devitin otarim Solomon, atrivir bar gavgavimin oto. Ezi Ikiavira Itir God, an God, a ko ikiava gavgavim a ganiga a gamima, a guizbangira ziar ekiar bar pin itim ini. ² Solomon, 1,000plan midorozir gumazibar garir gumazir dapaniba, ko 100plan midorozir gumazibar garir gumazir dapaniba, ko jasba, ko Israeliyan gumazir dapaniba bar moghira, ko men ikizibar gumazir dapaniba bar men dia. Ezi gumazir kaba iza Israeliyan gumazamiziba ko bar moghira uari akuvazi, Solomon Godin akamin gun me migei. ³ Egha Solomon ko gumazamiziba bar moghira dikavigha Godin ziam famin danganir Gibeonin nguabar ekiam itir mighsiamin ghue. Dughiar kamin, God bativamin Purirpenim, pin itir danganir kamin iti. Bar fomira, Israelia gumazamiziba puvatizir danganimin itima, Ikiavira Itir Godin ingangarir gumazim Moses, Purirpenir kamin ingari. ⁴ Dughiar kamin, Godin Akar Dikirizir Gavgavimin Boksiam Jerusalemin itir purirpenir ighazarir Devit ingarizimin iti. Atrivim Devit, faragha Kiriat Jearimin nguabar ekiamin ghua

Boksiar kam inigha, iza Jerusalemin itir purirpenir kamin aneti. ⁵ Ezi God bagha ofa gamir dakozir mam uaghan, Gibeonin itir Ikiavira Itir Godin Purirpenimin guamin boroghin iti. Kar brasin dakozir Besalel fomira ingarizim, Besalel, a Urin otarim, egha Hurin igiavotarim. Ezi Solomon gumazamiziba ko, me bar moghira ghua danganir kamin Ikiavira Itir God ko migia, an ziam fe. ⁶ Egha Solomon ghua God bativamin Purirpenimin otogha brasin ofa gamir dakozir kamin boroghin tugha, Ikiavira Itir Godin damazimin ofa gamir dakozir kam gisin 1,000plan ofan bar isia mighiribagh ami.

⁷ Solomon ofa gamigha givazi, Ikiavira Itir God dimangan, uabi an akatha a migia ghaze, “Ni bizir tizim gifongegeh, nan azaraghti, ki ni daningam.”

⁸ Ezi Solomon kamaghin an akam ikaragha ghaze, “Ni nan afeziam Devit, bar an apangkuvigha deragha a gami. Egha ni datirighin na gamizi, ki an danganim inigha atrivimin oto. ⁹ O Ikiavira Itir Godin Gavgavim, gumazamizir ni me gativasa na ganingizir kaba, me bar avirasemezi gumazitam me diponan iburaghram, mati nguazir kamin minemniaba. Kamaghin, ni datirighin nan afeziam Devit ko amizir akar dikirizir kam damichti, a guizbangira otivasa ki ifonge. ¹⁰ Ni datirighin nighnizir aghuim ko fofozim na daningasa ki ifonge, eghiti ki deraghvira gumazamizir kabar ganam. Puvatighti, ki manmaghira nin gumazamizir avirir kabagh ativagh men ganam? Guizbangira, gumazitam uabi me gativan iburaghram. Ki uabi ki fofoziba bar puvati.”

¹¹ Ezi God kamaghin Solomonin akam ikaragha ghaze, “Nin azangsizim a bar dera. Ni bizir aviriba ko dagiar aviriba ko ziar ekiam iniasa nan azarazir puvati. Ni uan apanibagh asighasighasa nan azarazir puvati. Ni dughlar ruarimin nguazir kamin ikiasi nan azarazir puvati. Ni gumazamizir ki ni ganingiziba deraviram men ganasa, nighnizir aghuim ko fofozir aghuim bagha nan azai. ¹² Kamaghin, ki datirighin nighnizir aghuir bar aviriba ko fofoziba ni daningam. Egh ki uaghan dagiar aviriba ni daningiva gumazamizibar amuti, me ziar ekiam ni daningam. Eghiti bizir kamin, atrivir nin faragha ikeziba ko nin gin izamiba, ni bar me gafiraghram.” ¹³ Ezi Solomon Gibeonin Godin ziam fer danganimin itir God bativamin Purirpenim ategeha, uamategha Jerusalemin ghu. Egha a Jerusalemin atrivimin ikia Israeliyan gari.

1:4: 2 Samuel 6:1-17; 1 Eghaghaniba 13:5-14; 15:25-16:1

1:12: 1 Eghaghaniba 29:25; 2 Eghaghaniba 9:22

1:5: Ua Me Ini 38:1-7

1:9: Jenesis 13:16; 28:14

*Atrivim Solomon midorozir gumazir aviriba ko bizir aviriba iti
(1 Atriviba 10:26-29)*

¹⁴ Solomon dughiabar zurara uan midorozir gumaziba bagha, midorozir karisba ko hoziaba isi. Egha a karisba ko hoziaba ikiamin nguubar ekiabar da arisi, ezi maba a ko Jerusalemin iti. A 1,400plan karisba ikia, egha 12,000plan hoziaba iti. ¹⁵ Solomon atrivimin itir dughiamin, a temer sidan aviriba ko silvan aviriba ko golin bar avirim inigha Jerusalemin ize. Ezi dughiar kamin silvaba bar avirasemegha dagiar kinibar min pura tintinibar irav iti. Egha uaghan temer sidan bar aviriba iti, mati Israelin mighsiar muziaribar itir temeba. ¹⁶ Solomon, kantri Musri ko kantri Silsian, ua bagha hoziaba ini. A dagiar ingangaribagh amir gumaziba amadima, me Silsian ghua a bagha hoziabagh ivesi.* ¹⁷ Ezi dagiaba bagha ingangaribagh amir gumazir kaba, Musrin karisba ko hoziabagh ivesi. Karisba vaghvagha dar iveau 6,000 kinan tu, ezi hoziabagh vaghvagha dar iveau 1,500 kinan tu. Ezi dagiar ingangaribagh amir gumazir kaba, me karisba ko hoziaba inigha ghua da amadima, Hitia ko Syrian atriviba dagh ivesi.†

2

Solomon Ikiavira Itir Godin Dipenimin ingarasa biziбар akiri

(1 Atriviba 5:1-18)

¹ Solomon gumazamiziba Ikiavira Itir Godin ziam fasa, a Godin Dipenitamin ingarasa nighnisi. Egha a ua baghavira uaghan dipenitamin ingarasa nighnisi. ² Egha a 80,000plan gumaziba mighsiaba itir danganimir mangi; dagiaba aghorasa me amisevegha, 70,000plan gumazir dagiaba ko bizir igharaziba sara ateramiba amisevegha, 3,600plan ingangarir gumazibar ganamin gumazir dapaniba amisefe.

³ Egha Solomon Tairin nguubar ekiamin Atrivim Hiram bagha akam amaga ghaze:

“Ni fomira nan afeziam Atrivim Devitin akura, egha ni an Dipenimin ingarasa temer sidaba a bagha da amangi. Ezi ki kamaghin ifonge, ni datirighin uaghan arazir kamra na damuam. ⁴ Ki datirighin Ikiavira Itir God, uan God bagh Dipenimin ingaram. Dipenir kam, a God baghvira ikiham, eghiti ki uan gumazamiziba ko dipenir kamin mangi mughuriar aghuiba zuir pauran aghuiba tuam. Egha e zurara Godin damazimin bretin rubuzir

e ofan min a daningamibar arigham. Egh e bar isia mighirir ofabar amuam. Egh e zurara mizaraziba ko guaratiziba bar, ko Sabatin dughiaba, ko iakinir igiabar dughiar ekiaba, ko Ikiavira Itir God, en Godin ziam famin dughiar ekiar igharaziba, e a bagh ofan kabar amuam. Azurara arazir kam damuasa Israelia e mikeme.

⁵ “En God gavgavir bar ekiam ikiavia godin igharaziba bar dagh afira. Kamaghin, ki bar Dipenir ekiamra ingaram.

⁶ Guizbangira, gumazitam God bagh dipenir tamin ingaran iburagh. E fo, overiar bar pin itim, en damazimin a bar ekefe, egha a uaghan Godin damazimin, bar sufi. Kamaghin, tinara a bagh dipenitamin ingaramin gavgavim iti? Ti puvatigham. Ki uaghan a bagh dipenimin ingaran iburaghburaki. Egha ki a bagh, paura tuti a isi migharir mughuriar bar aghuim damuamin danganimin min, Dipenimin ingarasa ifonge.

⁷ “Ki ubi, ki Juda ko Jerusalemin gumazir maba iti, fomira nan afeziam Devitin, Godin Dipenir kamin ingangaribar amuasa me amisefe. Me bizir igharagha garibar amuamin fofoziba iti. Ni gumazir bizir igharagha garibagh fozir aghuitam amadaghti, a izi me ko ingar. Gumazir kam, gol ko silva ko bras ko ainin biziбар ingaramin fofozim iki. Egh nir pighagheviba, ko nir agheviba ko nir bluplaba ko, dighdirir bar aghuiba ingaramin fofozir bar aghuim iki. A uaghan nedaziba aghoramin fofozim iki.

⁸⁻⁹ “Ki uaghan kamaghin fo, nin ingangarir gumazir maba Lebanonin mighsiabar itir danganibar itir temeba oka bar fo. Kamaghin, nin ingangarir gumaziba Lebanonin temer sidaba ko temer painba ko junipan temeba okegh na bagh da amadaghti da izasa ki ifonge. Ki Dipenir bar dafar dirimin ingaram. Kamaghin, ki uan ingangarir gumaziba amadaghti me mangi, nin ingangarir gumazibar akuragh temer pozir dafam mikinam.

¹⁰ “Ni oragh, ki daghetaba nin ingangarir gumazibar aningam. Ki witin me mirmirigha givazimin 2,000 tanba, ko balin 2,000 tanba, ko wainin dipar 400,000 litaba, ko olivin borer 400,000 litaba ia daningam.”

¹¹ Tairin Atrivim Hiram, Solomonin akam baregha givagha, akinafarim osira, Solomonin akam ikarvagha kamaghin a migia ghaze:

* 1:14: 1 Atriviba 4:26

1:16: Godin Araziha 17:16

Musri, a Kantri Isipin ababanim gami. † 1:17: Hibrun akam deragha akar kamin mingarim abighizir puvati.
1 Atriviba 8:27; 2 Eghaghaniba 6:18

* 1:16: Gumazir maba kamaghin nighnigha ghaze, Kantri

2:6:

[“]Ikiavira Itir God uan gumazamiziba bar me gifonge, kamaghin a ni gamizi, ni men atrivimin oto.¹² E datirighin Ikiavira Itir Godin ziam fam, a Israeliyan God. A ubi overiam ko nguazimin ingari. Egha otarir bar aghuir mam isa Atrivim Devitin danganim iniasava a ganangi. Devitin otarir kam a nighnizir aghuir bar aviriba ko fofoziba iti. Egh a Ikiavira Itir Godin Dipenimin ingariva, ua bagh tamin ingaram.

¹³ “Kamaghin, ki datirighin uan ingangarir gumazir faragha zuim Huram nin akurvaghisi anemangam. A ingangarir guar aviribar amuamin fofozim ikiavia, nighnizir bar aghuim iti.¹⁴ An amebam Danin anabamin adarazir amizim, ezi an afeziam Tairin nguubar ekiamin gumazim. Huram, a gol ko silva ko bras ko ain ko dagiaba ko temebar biziabar ingaramin fofozim iti. Egha a uaghan nir pighagheviba, ko nir bluplaba, ko nir agheviba ko, inir ghurghurir aghuariba ko dighdirir bar aghuir bar diribar ingari. Egha a nedaziba aghorir fofozim iti. Egha gumaziba nedazir manmaghin garibar ingarsi a mikimti, an adar ingaram. A nin ingangarir gumaziba ko nin afeziam Atrivim Devitin ingangarir gumazibar akurang ingaram.

¹⁵ “Ezi nan gumazir ekiam, ni datirighin mikemezi moghin, e bagh witba ko baliba ko wainin dipaba ko olivin boreba amangasa ki ifonge.¹⁶ Nan ingangarir gumaziba Lebanonon mighsiabar ghuavanabogh temer ni ifongezaiba okegh ada inigh, ongarir dadarim bagh magiram. Egh me ongarimin da uari akuvagh pamten da ikegh, da inigh ongarimin Jopan nguubar ekiamin magiram. Eighti nin ingangarir gumaziba Jopan izi temer kaba inigh Jerusalemin mavanangam.”

*Me Ikiavira Itir Godin Dipenimin ingari
(1 Atriviba 5:15-6:38)*

¹⁷ Solomon mikemezi, me Kantrin Igharazibar Gumazamizir Israeliyan aven itiba, bar me menge. Fomira Solomonin afeziam Atrivim Devit me menge, ezi Solomon datirighin ua me medi. Ezi men dibobonim 153,600in tu.¹⁸ Egha a mighsiaba itir danganimin itir dagiaba aghorasa men 80,000plan gumaziba amisevegha, dagiaba ko biziba aterasa 70,000plan gumaziba amisefe, egh men ganti me deravira ingangarim damuasa 3,600plan gumazir dapaniba amisefe.

3

¹ Atrivim Solomon Jerusalemin aven, Morian Mighsiam gisin maghira Ikiavira

Itir Godin Dipenimin ingari. Mighsiar kamra, Ikiavira Itir God Solomonin afeziam Devit bato. Fomira Jebusian adarazir gumazir mam Arauna, a mighsiar kamin witin ovizibar iniba kua dar dagheba isir danganimin ikia ingangarir kam gami. Danganir kam, Devit Ikiavira Itir Godin Dipenimin ingarasa anemisefe.² Solomon atrivimin itir dughiamin, namba 4in azenimin, an namba 2in iakinimin an aruer namba 2in, a Dipenimin ingangarim maghiram a gami.³ Godin Dipenimin biribar ababaniba, Atrivim Solomon ubi dar ingari, ezi da kamaghin ghu, an ruarin 27 mita, ezi an arozim 9 mitan tu.⁴ Ezi azuarir mam Dipenimin itiar akamin amadaghan iti. An arozim 9 mitan tugha, Godin Dipenimin arozim ko voroghira ghu. Ezi an turivim, 54 mitan tu. Ezi me golin aghuim inigha, danganir kamin aven biriba bar dagh arigha da ave.⁵ Egha me temer painin arariba inigha Godin Dipenimin aven itir Anogoroghezir Danganimin biriba bar dagh afughafuki. Egha me golin aghuim inigha ter ararir kabagh arigha bar da ave. Egha golin kam gisin, me temer detin nedaziba ko senin digiriba aghore.⁶ Atrivim golin kaba, kantri Parvaimin da ini. Egha a dagiar bar dirir iveauza bar pin koziba inigha, Godin Dipenim asingi.⁷ A gol inigh, Dipenimin danganiba bar dar pogh da avasa gumazamizibar gei, kar dipenir otavaraziba ko afiaba, ko biriba, ko tiar akaba, ko ter ararir tiar akabar apengan itiba. Egha me Dipenimin biribar enselin bar gavgavibar nedazibar ghore.

⁸ Egha Solomon me mikemezi, me Bar Anogoroghezir Danganimin ingari. An arozim 9 mita, egha Dipenimin arozim ko voroghira ghu. Ezi an ruarin uaghan 9 mitan tu. Egha me golin bar aghuim inigha Bar Anogoroghezir Danganimin biribar pogha bar da ave. Golin kamin osimtizim 20,000 kilogram gafira.⁹ Me 500 grem gol inigha dikonibar dapanibar pogha da ave. Egha me uaghan gol inigha ghuriar pin itimin danganir dozibar biribar pogha da ave.

¹⁰ Egha atrivimin ingangarir gumaziba enselin bar gavgavir pumuningin nedazimningin ingari. Egha me gol inigha bar moghira aningin pogha aning avara. Egha Bar Anogoroghezir Danganimin aven aning asara.¹¹⁻¹³ Aning uaghan Bar Anogoroghezir Danganimin amadaghan gari. Aningin avizimning kuiaghiriha voroghira iti. Ezi aningin avizibar ruariba vaghvagh, 2 mita ko 25 sentimitan tu. Enselin mam agharir guvimin amadaghan mitighav iti, ezi an avizir mam agharir guvimin birim biragha an poro. Ezi enselin

igharazim agharir kiriamin amadaghan mitighav iti, ezi an avizir mam agharir kiriamin birim biragha an poro. Ezi aningin avizir igharazimming iza danganir kamin aven tongira uaning bira. Enselin kamningin avizibar ruariba bar moghira 9 mitan tu. ¹⁴ Egha Bar Anogoroghezir Danganimin tiar akam avasa, me inir bluplaba, ko pighagheviba, ko agheviba ko, inir ghurghurir aghuarriba sara inigha inir ekiam isami. Egha me enselin bar gavgavibar nedaziba inir kamin da isamigha, tiar akamin anegura.

*Me guarir akinir ruarir
pumuningin ingari
(1 Atriviba 7:15-22)*

¹⁵ Atrivim migeima, me guarir akinir ruarir pumuningin ingarigha Ikiavira Itir Godin Dipenimin tiar akamin azenara aning asara. Aningin ruarimning uaghara 16 mitan tu. Me uaghan guarir akinir ruarimningin roghuar pumuning akirigha guarir akinir kamning gisin aning ati. Guarir akinir ruarir kamningin roghuanmingin ruarim, 2 mita ko 20 sentimitan tu.
¹⁶ Me gin senbar ingarigha guarir akinir ruarir kamningin roghuanming garu. Egha me temer pomigranetin ovizibar nedazir 100plan ingarigha, senin kabagh isin da ike.* ¹⁷ Ezi me guarir akinir ruarimningin ingangariba agivagha, aning inigha Ikiavira Itir Godin Dipenimin azuarimin tiar akamin boroghin aning asara. Egha guarir akinir ruarir sautin amadaghan tughav itim, kamaghin a dibori, Jakin. Egha notin amadaghan tughav itim kamaghin a dibori, Boas,[†]

4

*Me Ikiavira Itir Godin Dipenim bagha ua
bizar mabar ingari
(1 Atriviba 7:23-51)*

¹ Atrivim Solomon mikemezi, me bras inigha ofa gamir dakozir mamin ingari. An ruarim 9 mitan tu, ezi an arozim uaghan 9 mitan tu, ezi an tuirivim 4 mita ko akuamin tu. ² Egha me brasin aviriba inigha da tuezi da isia amerezi, me bras tengin bar ekiamin ingarigha, a dibora ghaze, Ongarim. Tengin kamin arozin ababanim 4 mita ko 57 sentimitan tu, ezi an tuirivimin ababanim, 2 mita ko 28 sentimitan tu, ezi an akam gighuizir ababanim, 13 mita ko 71 sentimitan tu. ³ Egha me bulmakaun apuribar nedazir bizir pumuning

tengin kamin akamin miriabar da arigha a gighui. Ezi tengin kamin akam bulmakaun nedaziba bar a gighuigha iti. Egha bulmakaun 12plan nedaziba, 1 mita 1 mitan tizibar aven iti. Me nedazir kabar ingarigha da isa tengin poghezir pu. Puvati, me tengin ingaravira nedazir kaba sara ingari.⁴ Egha me 12plan bulmakaun apuriba brasin dar ingara, uaghan maghira tengin kam dar ogabagh isin an ingari. Ezi bulmakaun kabar 3plan guaba, aruem anadi naghin gari, ezi 3pla aruem uaghiri naghin gari, ezi 3pla notin amadaghan gari, ezi 3pla sautin amadaghan gari. Ezi dar ogaba tengin dikinimin apengan ikia, egha uarirakuughav iti.⁵ Tengin kamin brasin mitiar azenan ikegha ghua ave-riamin tuzim, a bar mitemegha, an ababanim, 8 sentimitan tu, mati gumazimin dafarimin ababanim. Tengin kamin miriam mati kavin akam, egha akimarir aghuarir onezir mamin min kuiaghiringha iti. Tengin kam 60,000 litan dipam an aven ikiam.⁶ Egha me uaghan tengin muziarir 10plan ingari. Egha me 5pla sautin amadaghan Godin Dipenimin miriamin ada afe, egha 5pla notin amadaghan ada afe. Ezi tengin kaba, me dar ofan bar isia mighiribar amuamin asizir tuziba ruam. Ezi tengin ekiam, ofa gamir gumaziba a guruam.

7-8 Egha me gol inigha lambar arighasa 10plan aghoribar ingari. Lamin aghoribar ingaramin arazimin Akar Gavgavim, a Moses Osirizir Arazibar akindafarimin iti, ezi me deraviram an gintigha, lambar aghariba arazir kamin dar ingari. Egha me uaghan 10plan dakoziabingari. Egha lamin aghariba ko dakoziiba isa, Godin Dipenimin aven, Anogorogezir Danganimin aven da ariki. 5plan dakoziiba ko 5plan lamin aghoriba notin amadaghan iti, ezi 5plan dakoziiba ko 5plan lamin aghoriba sautin amadaghan iti. Egha me uaghan gol inigha 100plan itiar ekiabar ingari. ⁹ Me uari akuvamin danganir ekiam ko uari akuvamin danganir dozimin ingari. Danganir dozir kam, a ofa gamir gumazibar danganim. Egha uari akuvamin danganir ekiamin tiar akabar ingari. Egha me bras inigha tiar akar kabar pogha, bar ada ave. ¹⁰ Egha me tengin ekiam inigha Dipenimin guamin mikebar sautin amadaghan itimin anefia.

¹¹ Ezi Huram uaghan ruamin mineba, ko savolin muziariba, ko ghuziba kavamadir itariba sara ingari. Egha datirighin Huram

3:14: Ua Me Ini 26:31 * **3:16:** Hibrun akam ghaze, me Bar Anogoroghezir Danganimin aven senin kabar ingari. Ezibar guizbangira, Bar Anogoroghezir Danganimin aven, me an bibizar ingarir puvati. Kamaghin amizi, gumazir aviriba ghaze, me deragha akar kamin mangarimin osirizir puvati. † **3:17:** Hibrun akamin, ziar kam Jakin, akar kamin

mirara ghu, "God a gamizi an oto." Ezi ziam, Boas, akar kamin mirara ghu, "Godin gavgavimini aven." 4:1: Ua Me Inim

Atrivim Solomon a ganingizir ingangariba bar ada agifa. Kar Ikiavira Itir Godin Dipenimin ingangariba. ¹² Bizar Huram ingarizibar kara: Brasın ingarizir guarir akinir ruarir pumuning ko, aningin pin itir dapanimning ko, sen brasba ivemin min dar ingarigha, a da isa guarir akinimning dapanimningin asuamming asingi. ¹³ A uaghan 400plan temer pomigranetin ovizibar nedazibar ingarigha da isa guarir akinimning dapanimning garuzur ivemin min garir bizim gike. Guarir akinimningin dapanimningin asuamning vaghvagna pomigranetin ovizir bizar pumuning aningin iti. ¹⁴ A uaghan 10plan wilkarbar ingari, egha 10plan itarir ekiar dagh isin itibar ingari. ¹⁵ Egha uaghan tengin dipar bar ekiar kamin ingari, me a dibora ghaze, Ongarim. Egha uaghan 12plan bulmakaun apuribar nedazir tengin kam ateramibar ingari. ¹⁶ Egha a uaghan ruamin mineba, ko savolin muziariba, ko ghuziba kavamadir itariba, a brasın bar dar ingari. Huram, Solomonin akamin gin ghua, Ikiavira Itir Godin Dipenim bagha biziba bar adar ingari. An adar ingarigha givagha, iniba inigha bar deraghavira da isamigha dagh amizi, da bar deraghha taghtasi.

¹⁷ Atrivim Solomon Seredan nguubar ekiam ko, Sukotin nguubar ekiamningin tizimin, Jordanin Faner danganir zarimin, a bizar kabaramuasa Huram mikeme. Danganir kam, a bizar kabar ingaramin nguazir gavgavir aghuim iti. Huram brasba inigha, da tuezı da isia ameregha dipamin min oto. Ezi ana da isa mozir me bizar kabar nedazibar min nguazir kuizibagh fuga dar ingari. ¹⁸ Solomon Huram mikemezi, a brasın bizar kaba bar dar ingari. Da bar aviraseme, ezi me brasın kabar osimtzim mengezir puvati. Ezi gumazitam brasın kabar osimtzim gifozir puvati.

¹⁹ Solomon Ikiavira Itir Godin Dipenimin bizar ingarası, ingangarir gumazibav keme. Ezi me gol inigha, ofa gamir dakozim ko, God ganidir bret arizir dakozimin ingari. ²⁰ Egha me Anogoroghezir Danganimin birimningin boroghin darighasa golin bar aghuim inigha 10pla lamba afamin aghoribar ingari. Lambar ingaramin arazimin akam, a Moses Osirizir Arazibar aven iti, ezi me lamin aghoriba arazir kamin gin ghua dar ingari. ²¹ Me uaghan golin bar aghuim inigha akimarija ko, lamba ko, bizar akamimin min garir avimin suighamibar ingari. ²² Egha me golin bar aghuim inigha, ofan ghuziba arighamin itariba ko, itarir igharaziba ko, bizar lamba amungamiba ko, itarir paura tutima

migharir mughuriar aghuim mangamiba, ko itarir avim ateramiba, me bar dar ingari. Me uaghan gol inigha, Bar Anogoroghezir Danganir ko Danganir Anogoroghezim ko Godin Dipenimin guamin itir tiar akabar ainsisbar ingari.

5

¹ Atrivim Solomon, uan ingangarir gumazir ko, me Ikiavira Itir Godin Dipenimin ingangariba bar ada gifa. Egha Solomon, an afeziäm Devit Ikiavira Itir God baghavira inabazir bizar kaba, silva ko gol ko itarir aghuiba, ana da inigha iza Ikiavira Itir Godin Dipenimin aven itir danganir biziba arizimin da ariki.

*Me Akar Dikirizir Gavgavimin Boksiam
isa Ikiavira Itir Godin Dipenimin aneti
(1 Atriviba 8:1-9)*

² Egha Atrivim Solomon Israelian gumazir aruuba ko, men anababar gumazir dapaniba ko, men inazir afeziabar dakozibar gumazir ekiaba bagha akam amaga ghaze, me bar izi Jerusalemin a bativam. A kamaghsua, me Atrivim Devitin Nguubar Ekiam Saionin Mighsiamin mangi, Ikiavira Itir Godin Akar Dikirizir Gavgavimin Boksiam inighi izi, Ikiavira Itir Godin Dipenimin mavanang, danganir igiam darigham. ³ Ezi Israelian gumazamiziba bar, namba 7in iakinimin iza Atrivim Solomonin boroghin uari akufa. Kar Averpenibar Ikiamin Dughiar Ekiam. ⁴ Israeliyan gumazir aruuba bar otivigha givazi, Livain gumaziba, Akar Dikirizir Gavgavimin Boksiam gisaghpu. ⁵ Ofa gamir gumaziba ko Livaiba, Ikiavira Itir Godin Boksiam ko, God bativamin Purirpenim ko, an biziba bar ada inigha, Ikiavira Itir Godin Dipenimin boroghin ghu. ⁶ Me ghua otivigha givazima, Solomon Israeliyan gumazamiziba ko bar iza Akar Dikirizir Gavgavimin Boksiamin guamin uari akuvagha iti. Egha me God bagh ofa damuasa sipsipba ko bulmakaun apuribar aviribav soghezi, gumaziba da mengan ibura.

⁷ Me ofaba bar dagh amigha givazima, ofa gamir gumaziba Ikiavira Itir Godin Akar Dikirizir Gavgavimin Boksiam inigha Ikiavira Itir Godin Dipenimin aven itir Danganir Bar Anogoroghezimin ghua, enselin bar gavgavimningin avizimningin apengen aneti. ⁸ Enselin kamningin avizibza kuiaghiringha ikia, Akar Dikirizir Gavgavimin Boksiam ko iter otevir Boksiam aterimning sarama avara. ⁹ Boksiam aterir iter otevir kamning, bar ruara. Ezi aningin ruaghatevimping, tiar akamin

inir ekiamin porozi, aningin ruaghatevimming mong fighav iti. Eghti gumazim Danganir Anogoroghezimin tugh, aningin ruaghatevimming itir danganimningin ganam. Gumazim Danganir Anogoroghezir kamin azenan ikiva, aningin ganighan kogham. Iter otevir kamning, datirighin ikiva kamaghira iti.*¹⁰ Akar Dikirizir Gavgavimin Boksiamin aven bizir aviriba itir puvati, Godin Akar Gavgaviba itir dagiar akuamningra, an aven iti. Israelia fomira Isip ategha izi Sainain Mighsiamin itima, Ikiavira Itir God me ko Akar Dikirizir Gavgavim akiri. Ezi Akar Dikirizir Gavgavir kam, a dagiar akuar kamningin iti, ezi Moses fomira aning isa Boksiar kam garu.

*Godin angazangarir ekiam Ikiavira Itir Godin Dipenim gizifa
(1 Atriviba 8:10-11)*

11-13 Gumazamiziba tighar uari akuvagh Akar Dikirizir Gavgavimin Boksiam inigh Ikiavira Itir Godin Dipenimin aven mangamin dughiamin, Godin ofa gamir gumazibza Godin damazimin zueghamin arazim gami. Ezi gumazamiziba iza uari akuvaghha givazir dughiamin, Asap, ko Heman ko Jedutun, ko men otariba ko men adarasi, me inir ghurghurit bar aghuiba ikegha, aruem anadi naghin ofa gamir dakozimin boroghin tuivighav iti. Gumazir kaba, me Livaibar tongin gumazir ighiabagh amua gitabav soziba. Me gitan guar aviriba ko brasin itarib aviribar suighav iti, ezi 120plan ofa gamir gumazibza sighthabar suigha me ko tuivighav iti. Gumazir kaba, me onger akaba banga bar fo, egha me uarirakuigha Ikiavira Itir Godin ziam fava a minabir ighiabagh amir dughiamin, gumazir ighiabagh amiba ko sighthabaghi ibiba, me bar tiarir vamiran ighiar bar aghuibagh ami.

Ofa gamir gumazibza Akar Dikirizir Gavgavimin Boksiam isa Ikiavira Itir Godin Dipenimin aven anetigha givagha, me azenimin izir dughiamin, ighiam gamir gumazibza maghira dikavigha sighthabagh iviava, brasin itariba ko gitabav sogha, Ikiavira Itir Godin ziam fe. Me kamaghin onge:

*Ikiavira Itir Godin Araziba bar dera,
ezi a zurara en apangkuva ikia mamaghira iti.”*

Me tuivighavira ikia ighiar kam gamir dughiamin, ghuariam zuamira Ikiavira Itir Godin Dipenimin averiam bar a gizifa.

¹⁴ Ikiavira Itir Godin angazangarim ghuardiamin aven isiraghba bar angazangarigha Dipenim bar anevara. Kamaghin, ofa gamir gumazibza uan ingangarim damuan ibura.[†]

6

¹⁻² Ezi Solomon kamaghin Ikiavira Itir God ko migia ghaze, “O Ikiavira Itir God, ni ghaze, ni ghuardiar bar mitarmemin aven ikiam. Ezi ki datirighin ni bagha Dipenir bar aghuir mamin ingari, kar dipenir ni zurara ikivira ikiamim.”

*Solomon migirigjaba isava gumazamizibagh anidi
(1 Atriviba 8:14-21)*

³ Atrivim Solomon God ko mikemegha givagha, raghbirigha Israeliyan gumazamizibar gara, deragh me damuasa Godin azangsisi. ⁴⁻⁸ Egha a kamaghin migei, “E Ikiavira Itir Godin ziam fam, a Israeliyan God. An akar dikirizir nan afeziam Devit bagha amizir kam, deraghaviram an gin ghu. Devitin nighnizim kamakin, a Dipenitamin ingarighti, gumazamiziba Ikiavira Itir God, Israeliyan Godin boroghin iziva an ziam fam. Ezi Ikiavira Itir God kamaghin a migei, ‘Ki Isipin kantrin uan gumazamiziba inigha izir dughiamin ikegha iza datirighin, Israeliyan nan ziam fasa, ki ua bagh Dipenitamin ingarasa, nguibar ekiatam ginabazir puvati. Egha uaghan, uan gumazamizibar ganasa gumazitam amisevezir puvati. Egha datirighin, ki nguibar ekiar kam Jerusalem amisefe, egheti gumazamiziba an iziva nan ziam fam. Devit, ki uan gumazamizibar ganasa ni a misefe. Ki fo, ni na bagh Dipenimin ingarasava amir nighnizir kam, a dera. ⁹ Ni ubi na bagh Dipenimin ingaran kogham. Nin otarir nin otoghamimra, a gin na bagh Dipenimin ingarighti, gumazamiziba an mangiva nan ziam fam.’

¹⁰ “Ikiavira Itir God, akar dikirizir kam gamizi, a datirighin guizbangiram oto. Ezi Ikiavira Itir God akam akirizi moghin, ki uan afeziam Devitin danganim inigha Israeliyan atrivimin otogha iti. Egha ki Ikiavira Itir God, Israeliyan God bagha Dipenir kamin ingari, egheti Israelia an boroghin mangi an ziam fam. ¹¹ Egha ki Akar Dikirizir Gavgavimin Boksiam arighasa, Dipenir kamin aven danganir mamin ingari. Boksiar kamin aven, dagiar akuar pumuning iti, ezi Akar Dikirizir Gavgavim aningin iti. A fomira me koma Akar Dikirizir Gavgavir kam gami.”

* **5:9:** Migirigar otevir kam, “Iter otevir kamning, datirighin ikia kamaghira iti,” a e itir dughiar kam migeir puvati. A gumazir akinafarir kam osirizimin dughiam migei. **5:10:** Godin Araziba 10:5 **5:11-13:** 1 Eghaghaniba 16:34; 2 Eghaghaniba 7:3; Esra 3:11; Onger Akaba 100:5; 106:1; 107:1; 136:1; Jeremaia 33:11

[†] **5:14:** Ni 1 Atriviba 8:11in gan.

*Solomon God minabi
(1 Atriviba 8:22-53; Onger Akaba 132:8-10)*

12-13 Egha Solomon Israelian gumazamizibar damazimin, Ikiavira Itir Godin ofa gamir dakozimin boroghin tu. A me brasin ingarizir ofa gamir dakozimin ghuavanabogha a gisn miti. Dakozir kam ofa gamir dakozimin boroghin, danganir me uari akuvimin iti. Dakozir kamin arozim, 2 mita ko 20 sentimitan tu, ezi an ruarim, uaghan 2 mita ko 20 sentimita, ezi an tuirivim, 1 mita ko 30 sentimitan tu. Solomon Israelian gumazamizibar damazimin, uan dafarimning fegha overiamin aka.¹⁴ Egha kamaghin God ko migei, "O Ikiavira Itir God, Israelian God, godin tam nin min overiam ko nguazimin itir puvati. Ni zurara, uan Akar Dikirizir Gavgavir kamin gin ghua, uan ingangarir gumazamizir navir averiabar aven ni baghavira itiba, apangkuvir ekiam men ikiavira iti."¹⁵ Nan afeziam Devit, a nin ingangarir gumazim, ni fomira a ko amizir akar dikirizir kam deraghaviram an gin ghua, datirighin a gamizi a guizin oto.¹⁶ Kamaghin, O Ikiavira Itir God, Israelian God, ki datirighin nin azai, ni nan afeziam Devit ko dikirizir akar igharazim uaghan a ginighnigh. Ni a migia ghaze, 'Devit, nin ovavir boriba nin min zurara nan gin izi, deraghvira nan damazimin daruti, ki zurara nin adarazin aven gumazitam amiseveghti, a Israelin kantrin atrivimin iki mamaghira ikiam.'¹⁷ O Israelian God, ki kamaghsua, nan afeziam Devit, a nin ingangarir gumazim, ni a ko dikirizir akar kam damighti an daghem guizir otogh.

18 "O God, guizbangira ni ti izi nguazir kamin ikiam o? E fo, overiar bar pin itim a bar ekefe, ezi ni an ikiamin danganiba ti puvatighama! Ezi dipenir ki ni bagh ingaramin kam, a manmaghin nin tughatigham? "¹⁹ O Ikiavira Itir God, nan God, ki nin ingangarir gumazim, ni datirighin nan aream ko azangsizim barakigh.²⁰ Ni kamaghin migia ghaze, 'Dipenir kam kar nina, eghzi gumazamiziba an aven iziva nin boroghin izam.' Ki kamaghin ifonge, Ni arueba ko dimagaribar zurara damazim Dipenir kam gasaragh mamaghira iki. Eghzi ki Dipenir kamin ganiva ni ko mikimamin dughiabar, ni nan migirigiaha baragh. ²¹ O Ikiavira Itir God, ni uan Nguibamin pin iti. Ki Israelia ko, e nin gumazamiziba, e nin Dipenimin ganiva ni ko mikimamin dughiabar, ni en migirigiaha baragh en arazir kuraba gin amang.

22 "Gumazitam, arazir kuramat gumazir

igharazitam damighti, an namakaba a inigh nin Dipenimin aven izi, egh nin ofa gamir dakozimin boroghin mangi, egh pazi gu-mazir kam damusi nin azangam. Eghti nin damazimin bizir kam guizbangira puvatighi, ni osimtizir kam gin amadagh.²³ O Ikiavira Itir God, ni uan nguibamin iki, uan ingangarir gumazamizibar akaba baragh, egh deraghvira men kotiam akirigh. Egh ni mizazim isi gumazir osimtizim gamizim gasi, egh osimtizir kuramin uam a ikaragh. Egh ni osimtiziba puvatizir gumazim deraghvira a damighti, gumaziba bizir kamin ganigh fogh suam an arazir kuram gamizir puvati.

24 "E Israelia, nin gumazamiziba, e arazir kurabar amuti, bizir kam bangin en apaniba e misoghi, ni apanibar amamangatighi me e abiragh. Eghti e ti ua uan navibagh iragh, uan arazir kuraba gin amangisi, nin Dipenimin izi nin ziam fi niin azangsighti,²⁵ ni uan Nguibamin iki e Israelia nin gumazamiziba en azangsiziba baragh, en arazir kuraba gin amang. Egh en apaniba e inigh kantrin igharazim mangighti, ni uam e inigh izi kantrin ni fomira en inazir afeziabagh aningizim e atigh.

26 "E nin gumazamiziba arazir kurabar amuti, ni en arazir kuraba ikarvagh amoziim anogoregham. Eghti, e uan navibagh iragh Dipenir kamin gan nin ziam fi, nin azangsighti,²⁷ ni uan Nguibamin iki, e Israelia, e nin ingangarir gumazamiziba, ni en azangsiziba baragh, en arazir kuraba gin amang. Egh ni uan arazir aghuiba en sure damu. Egh amoziim amadaghti a nguazir ni fomira e ganingizim gizi.

28 "Eghti dagheba otevir dughiam en kantri batogham, o arimariar ekiatam otogham, o aminir avimin min isitam izi azenibagh asighasigham, o odezir aviriba daghebar ami da agivam, o apaniba izi en nguibar ekiabar e korogh e misogham, o arimariar igharaghha garir aviriba e gasighasigham,²⁹ bizir kaba otivti, e Israelia nin gumazamiziba, en tav osimtizir kabar tamin mizazim baragh, uan aghariba fegh nin azangsighti,³⁰ ni Ikiavira Itir God, ni uan Nguibamin ikiva en azangsizim baregh en akuragh en arazir kuraba gin amadagh. Nirara gumazamizibar nighniziba bar dagh fo, kamaghin, ni uabi vaghvagh en arazir kurar e amiziba ikarvagh ivezir kuram e daning.³¹ Ni kamaghin damightima, e nin gumazamiziba zurara nin apengan iki, egh nguazir ni en inazir afeziabagh aningizir kamin ikiam.

32 "Kantrin Igharazibar Gumazamiziba,

me nin adarazi Israelian aven itir puvati, egh me nin ziam bangin, uan nguibar saghon itiba ategh kagh izam. Guizbangira, me nin ziar ekiam ko, ingangarir bar ekiar ni en gumazamizibar akurvaghassa amiziba, me da baraki. Egh men tarazi, nin ziam fisi, nin Dipenir kamin izi, egh ni ko mikimam.³³ O Ikiavira Itir God, ni uan Nguibamin iti, egh ni men dimdiham baragh, egh bizir me damuasa nin azangsizibar amu. Kamaghin, e Israelia, nin gumazamiziba, e ami moghin, nguazir kamin gumazamiziba bar ni gifogh, egh nin atiating nin apengen ikiam. Egh me fogh suam, Dipenir ki ingarizir kam, kar nin Dipenimra, eighti nguazir kamin gumazamiziba an aven, me nin boroghira izam.

³⁴ “Egh danganir manamin ni uan gumazamiziba amadaghti, me mangi uan apanibav soghs, nin nguibar ekiar ni ua bagha misevezir kam ko Dipenir ki ni bagha ingarizir kam, guam a mituagh ni ko mikimti,³⁵ Ikiavira Itir God, ni uan Nguibamin iki, e uarir akurvaghassa ni ko migeir migirigiaba baragh en apangkuvigh en akuragh.

³⁶ “Gumazamiziba bar moghiram arazir kurabagh ami. E arazir kurabar amighti, ni en atar en apanibar amamangatighti, me izi e ko misogh e abinigh e inigh mangi, kantrin saghon itim o roghira itimini e isi kalabuziabar min e arigham.³⁷⁻³⁹ Eighti e men kantrin kamin aven kalabuziar gumazamizibar min ikiva, uan arazir kuraba bagh nighnigh navibagh iraghti, Ikiavira Itir God, ni e uarir akurvaghamin azangsiziba baragh. Guizbangira, e uan apanibar kantrin ikiva nighnizir gavgavim nin iki, uan navir averiabir aven ni baghvira iki guizbangira navibagh iragh, egh e nguazir ni en ovavibagh aningizir kam ko, nguibar ekiar ni ua baghvira inabazir kam ko, gumazamiziba ni bagh izamin Dipenir ki ni bagha ingarizir kamin ganiva, guam a mituagh kamaghin ni ko mikim suam, ‘E arazir kurabar tuavimin ghua arazir kurar aviribagh amigha gifa.’ Eighti ni uan Nguibamin iki, e ni ko migeir migirigiaba baragh, e nin gumazamiziba, ni en kuarkuvigh en akuragh, en arazir kuraba gin amadagh.

⁴⁰ “O nan God, e nin Dipenimin itir danganir kamin iki ni ko mikimti, ni zurara en ganiva uan kuarim atigh en dimdiaba baragh.

⁴¹ “O Ikiavira Itir Godin Gavgavim, ni dikavigh, uan Akar Dikirizir Gavgavim Boksiar sara izi

uan avughsir danganimin iki.

Akar Dikirizir Gavgavim Boksiar kam, a nin gavgavir bar ekiam aka.

O Ikiavira Itir Godin Gavgavim, ni zurara uan ofa gamir gumazibar akuragh, eighti nin arazir kam, a men kurkazir aghuimin min ikiam.

Eghti nin gumazamizir ni baghvira itiba, nin arazir aghuiba bangin bar akongegham.

⁴² O Ikiavira Itir Godin Gavgavim, ni uan ingangarir gumazim Devit ginighnigh. Guizbangira, ni zurara an apangkufi. Kamaghira, ni uabi misevezir atrivim, akirim ragh a gasan marki.”

7

*Solomon Dipenir kam damighti,
a Ikiavira Itir God baghvira ikiasi
ofa gami*

(*1 Atriviba 8:62-66*)

¹ Solomon God ko mikemegha givazi, God overiamin avim amadazi, a izaghira, ofan bar isia mighiriba ko ofan maba sara, bar adar isi. Ezi Ikiavira Itir Godin angazangarim bar ekevegha an Dipenir kam bar a gizifa. ² Ikiavira Itir Godin angazangarir ekiar kam Godin Dipenim gizifa, kamaghin amizi, ofa gamir gumaziba an aven mangan ibura. ³ Israelia avir kamin garima, a izaghirma, me gari, angazangarir bar ekiam Ikiavira Itir Godin Dipenim gizivaghha an iti. Ezi me Ikiavira Itir Godin Dipenim avinizir divazimin nguazimin arighizir dagiabagh isin, uan teviba apirigha dapaniba avigha, uan guaba isa nguazim mituaghha, Ikiavira Itir God minabava, an ziam fa ghaze:

“Ikiavira Itir Godin Araziba bar dera,
egha a zurara en apangkuva ikia
mamaghira iti.”

⁴ Egha Atrivim Solomon uan gumazamiziba ko me bar moghira, Ikiavira Itir God bagha ofabagh ami. ⁵ Atrivim Solomon God bagha 22,000plan bulmakaun apuriba ko 120,000plan sipsipba inigha ofa gami. Arazir kamin atrivim uan gumazamiziba ko me Dipenir kam gamizima, a Ikiavira Itir Godin Dipenimin oto. ⁶ Godin ofa gamir gumaziba vongin mitivizi, Livaiba vongin mitifi. Atrivim Devit ighiabar amuasa uan ingangarir gumazibav kemezi me ingarizir biziiba, me da sara mitivighav iti. Devit fomira Ikiavira Itir Godin ziam famin dughiamin, Livaiba gitaba ko bizir igharazibav sogha, Ikiavira Itir God minabir ighiabagh amua, bizir kabagh ikararai. Me

ighiar kam gami, "Ikiavira Itir God, zurara en apangkuva ikia mamaghira iti." Ezi gumazamiziba datirighin mitivighav itima, Livaiba ighiar kam batima, ofa gamir gumazibza sighthabagh ivi.

⁷ Aruer kamra Atrivim Solomon, nguazir Godin Dipenimin guamin boroghin itir danganir uari akuvim, a Ikiavira Itir God bagha anemisevezi, an a baghavira iti. Egha nguazir asizir kamin, an ofan bar isia mighiriba ko, wit tuamin ofaba ko, God ko navir vamiran ikiamin ofa bagha asizibar oviba isa ofabagh ami. Ikiavira Itir Godin damazimin tughav itir ofa gamir dakozir kam, me faragha brasin an ingarizi, a mong suvizi me an ofan avirir kabar amuan iburagha danganir arozir gumazamiziba uari akuvir kamin ofabagh ami.

⁸⁻⁹ Kar Averpenibar Ikiamin Dughiar Ekiam, Ezi Atrivim Solomon Israelia ko uari akuvagha Jerusalemin iti. Gumazamizir avirim nguazir kamin danganiba bar dar ikegha ize. Me notin amadaghan Hamatin nguabar ekiamin zuir tuavir akamin ikegha, ghua sautin amadaghan kantri Isipin nguazir mitaghniamin tuzir darasi. Me Ikiavira Itir God, en Godin damazimin, 7plan aruebar uari akuvagha ikegha, gin me ua 7plan arueba isafuragha 14plan arueba bar me dar ike. Egha amimzaraghan me ua uari akufa.* ¹⁰ Ezi namba 7in iakinim, an namba 23in aruemim, Solomon ua gumazamiziba amadima, me uamategha uan nguibabar zui. Me fo, Ikiavira Itir God, deraghavira Atrivim Devit ko, Atrivim Solomon, ko uan gumazamiziba Israelia gami. Kamaghin amizi, me bizir aghuir kabagh nighnigha bar akongegha uamategha uan nguibabar zui.

God ua Solomon bato (1 Atriviba 9:1-9)

¹¹ Solomon Ikiavira Itir Godin Dipenim ko, atrivimin dipenimin ingarigha gifa. A dipenir kamningin ingaramin nighniziba, a bar ada gifa. ¹² Ezi Ikiavira Itir God, dimangan a batogha, kamaghin a migei, "Ki nin azangsiziba baregha gifa. Gumazamiziba izi nan ofa damuasa, ki dipenir kam amisefe. ¹³⁻¹⁴ Eghiti ia nan akaba baraghan kogh, arazir kurabar amuan, ki amozimin tivaghti a izan kogham, o ki odeziba amadaghti da izi ian azenibar amam. O ia nan gumazamiziba, ki ia bagh arimariar bar kuratam amadagh. Eghiti dughiar kamin, ia nan gumazamizir ki uan ziam fasa inabaziba, ia uari abiragh, na ko mikim, nan boroghin izi na baghvira iki, egh ia uan arazir kuraba bagh navibagh iraghti,

ki uan Nguibamin iki ian dimdiaba baragh ian arazir kuraba gin amadagh, egh ian nguazim damighti, a ua deraghram. ¹⁵⁻¹⁶ Ki Dipenir kam amisevezi a nan Dipenimin mirara ikiam, eghiti gumazamiziba zurara Dipenir kamin nan boroghin izi, nan ziam fam. Kamaghin amizi, ki zurara Dipenir kamin ganiva, uan navimin even a ginhnigham. Nan Dipenim itir danganir kam, ki zurara ian dimdiaba baraghs, ia bagh gan ikiam. ¹⁷ Solomon, ni uan afeziam Devit amizi moghin, ni navir averiamin even na baghvira nighnigh nan damazimin deravira daru, egh arazir ki ifongeziba ko bizir ki damuasa ia mikemeziba, ki ni mikemezi moghin bizibar amu. ¹⁸ Ni kamaghin damuti, ki zurara nin ovavir boribar amuti, me Israelin atrivibar iki mangivira ikiam.

¹⁹ "Egh ia na ategh nan arazir ki ifongeziba ko nan Akar Gavgavibar gin mangan kogh, egh asebar gin mangi dar ziaba fiti, ²⁰ ki nguazir Israelia ia ganingizimin bar ia batuegham. Eghiti ikezir igharazibar gumazamiziba dibovir akabar ia mikim ia gasighasigham. Eghiti ki uaghan, akirim ragh Dipenir ki uan ziam bagha inabazim gasaragh, egh uam a ginhnighan kogham. ²¹ Dipenir kam, datirighin ziar ekiam iti. Eghiti gin gumazir danganir kamin izamiba me iziva an gan digavir kuram damigh bar atatiagh kamaghin mikimam, 'Ikiavira Itir God, manmaghsuavira nguazir kam gasighasigha, Dipenir kam sarama asighasiki?'" ²² Eghiti gumazamizitaba men akam ikaragh suam, "Bizir kamin mingarim kamakin, Israelia Ikiavira Itir God men God, anetaki. A fomira men inazir afeziaba Isipin me inigha nguazir kamin ize. Ezi me akirim ragh God gasaragh, uan asebar gin ghua dar ziaba fe. Kamaghin amizi, Ikiavira Itir God asighasizir kam gamizi a me bato."

8

Solomon amizir bizir igharaziba (1 Atriviba 9:10-28)

¹ Solomon uan ingangarir gumaziba ko, me Ikiavira Itir Godin Dipenimin ingara anegivagh, gin Solomonin dipenimin ingari. Ingangarir me amizir kaba bar, me 20plan azenibar dar ingar. ² Solomon dipenir kamningin ingaram agivagh, Atrivim Hiram a ganingizir nguabar ekiar

* ^{7:8-9:} Ni 2 Eghaghaniba 5:3in gan.

7:13-14: 2 Eghaghaniba 6:37-39

7:18: 1 Atriviba 2:4

ikuviziba uam adar ingari. Egha a Israelian marazi amangizi, me ghua nguubar ekiar kabagh apia. ³ Ezi Solomon datirighin uan midorozir gumaziba inigha ghua, Hamat ko Soban nguubar ekiamning ko misogha, me abiraghya nguubar ekiar kamning ini. ⁴ Egha gin, a gumazamiziba puvatizir danganimini Tatmorin nguubar ekiam uam an ingari. A faragha Distrik Hamatin nguubar ekiar mabar aven, dagheba ko bizar aghuiba arizir dipenir ekiabar ingari. Egha a datirighin ua deravira nguubar ekiar kabar ingari. ⁵ Egha Solomon gin Bethoronin Pan Itir nguubar ekiam, ko Bethoronin Vin Itir nguubar ekiam, uam aningin ingari. A divazir bar mitiar gavgavir ekiamin nguubar kamning avini. Egha a uaghan nguubar ekiar kamningin tiar akar ekiaba gavgavim dar aningasa, ainin ighuvibar ingari. ⁶ Egha a uaghan Balatin nguibamin ingari. Egha a uaghan dagheba itir nguubar ekiaba ko midorozir karisba arizir nguubar ekiaba ko, hoziabla arizir nguubar ekiaba ko, Jerusalem ko, Lebanon ko, nguazir an ativaghya garibar aven, a bizar ighazarir a ingarasra ifongeziba, a bar adar ingari.

⁷Ezi Israelin kantrin aven, ikizir ighazariz mabar gumazamiziba iti. Kar Amoria, Hitia, Peresia, Hivia, ko Jebusia, men marazi Israelian tongin ikiavira iti. ⁸ Israelia fomira men aviribav sogheze me ariaghire, egha bar me kuavaremezir puvatizi, men ovavir borir vabara ikiavira iti. Ezi datirighin Solomon me gamizima, me puram an ingangarir gumazir kinibar min otivigha, datirighin ikia kamaghira iti. ⁹ Ezi Solomon Israelia gamizi, me an ingangarir gumazir kinibar itir pu. Bar puvati. A me isa midorozir gumaziba ko midorozir gumazibar garir gumazir dapanibar me ariki. Egha marazi isa, karisbar tuiva misozir ingangarim ko, hoziabagh apiaghira misozir ingangarim me ganungi. ¹⁰ Solomonin ingangaribagh amir gumazibar gumazir dapanibar dibobonim, a 250in tu.

¹¹ Solomonin amuim Devitin Nguibar Ekiam ategha ghua Solomon a bagha ingarizir dipenir igiamin iti. Amizir kam a Isipian atrivimin guivim. Fomira Akar Dikirizir Gavgavimin Boksiam danganir kamin iti. Kamaghin amizi, Solomon ghaze, "Nan amuir kam, Israelian Atrivim Devitin dipenimin ikian kogham. Ikiavira Itir Godin Akar Dikirizir Gavgavimin Boksiam ikezir danganiba, da bar zue, egha God baghavira iti." Kamaghin amizi, Solomon uan amuim bagha, nguubar ekiamin azenan itir dipenir igiamin ingarigha a inigha ghuzi, an an iti.

¹² Solomon, Ikiavira Itir God bagha ofa gamir dakozir ingarizim, a Godin Dipenimin azuarimin guamin boroghin itima, a zurara dakozir kamin ghua Ikiavira Itir God bagha ofan bar isia mighirizibagh ami. ¹³ Moses Osirizir Araziba mikemezi moghin, a dughiabar zurara ofabagh ami. A uaghan Sabatin dughiabar ofaba, ko iakinir igiabar dughiar ekiabar ofaba, ko azeniba vaghvagha, a 3plan dughiar ekiabar ofabagh ami. Dughiar ekiar 3plan kabar kara: Yis Puvatizir Bretin Isam Damuamin Dughiam, ko Azenibar Dagher Igiaba Asiamin Dughiamin Isar Ekiam, ko Averpenibar Ikiamin Dughiar Ekiam. ¹⁴ Solomon uan afeziam Devitin arazibar gintigha, bizar a damuasa mikemeziba, a zurara Godin ofa gamir gumaziba a men ikizibar, ingangariba bagha me tuira. Egha a Godin ofa gamir gumazibar akurvagh ingangarim damuasa Livaiba vaghvagha me tuira. Ezi men marazi uaghan ighiabar amu Godin ziam fam. Livaibar ingangarir a me bagha inabaziba, me dughiabar vaghvagha dagh ami. Egha Solomon uaghan garir gumaziba men ikiziba, a Godin Dipenimin tiar akabar ganasa vaghavagha me tuira. Arazir kaba, God baghavira itir gumazim Devit, a me mikeme. ¹⁵ Godin ofa gamir gumaziba ko Livaiba bar deraghavira Atrivim Devitin akabar gintigha, ingangarir a damuasa me mikemeziba, me bar dagh ami. Egha me uaghan dagiaba arizir danganibar ganamin akar a me ganingizimin gintisi.

¹⁶ Solomon Ikiavira Itir Godin Dipenimin ingarasa, ingangarir ekiam gami. An ingangarir gumaziba faraghavira Dipenim asasa dagiaba apengan da arigha ingangarir kabagh amua ghua Dipenim asarazir dughami tu. Ezi Dipenimin ingangariba bar givazi, Dipenir bar dirim oto.

¹⁷ Atrivim Solomon, a Esiongeberin nguubar ekiamin ghu. Esiongeber a kantri Idomin iti, an Ongarir Aghevimin dadarimin ikia Elatin nguubar ekiamin boroghin iti. ¹⁸ Ezi Atrivim Hiramin kurir maba ko gumazir aghuir kurimin aven ingara ongarimin aruir araziba bar dagh foziba, a me amadazi, me Solomonin kuribar aven ingarir gumaziba ko me kurir kabar aven ingari. Egha me kantri Ofirin ghua golin aviriba inigha uamategha Atrivim Solomon bagha ize. Golin kabar osimtzizim, 16 tanin boroghin tu.

9

Kantri Seban atrivir amizim

* **8:8:** Akar kam, "datirighin ikia kamaghira iti," a datirighin en dughiar kamin migeir puvati. A gumazir akinafarir kam osirizimin dughami gun migei. **8:13:** Ua Me Ini 23:14-17; 34:22-23; Diboboniba 28:9-15; 28:16-29:39; Godin Araziba 16:16 **9:1:** Matyu 12:42; Luk 11:31

*Solomonin ganasa izi**(1 Atriviba 10:1-13)*

¹ Kantri Seban atrivir amizim kamaghin oraki, Ikiavira Itir God deraghavira Solomon gamizima a ziar ekiam iti. Kamaghin amizi, atrivir amizim Solomonin fofozim gifogofhaza azangsizir gavgavibar an azangsighasa izi. Atrivir amizim uan ingangarir gumazir aviriba ko, kamelin bizar aviriba sara iza Jerusalemin oto. Kamelin kaba golin aviriba ko, pauran igharagha garir mughuriar aghuiba itiba, ko dagiar igharagha garir izeviba bar pin koziba inigha izi. Atrivir amizir izegha givagha, uan azangsizir a Solomonin azangsighasa nighnighiziba, a bar dar an azangsisi. ² Ezi Solomon bar deraghavira an azangsiziba ikarvaki. An azangsizir an azangsiziba, Solomon tam ikarvaghan iburazir pu. Bar puvati. ³ Seban kantrin atrivir amizim, Solomonin nighnizir aghuim ko fofozim baregha, uaghan atrivbar dipenir ekiar a ingarizimin gani. ⁴ Egha atrivir amizim uaghan garima, Solomon dughiabar vaghvagha dagher aghuir aviriba isa, uan ingangarir gumazir dapaniba ko apiav ikia da api. Ezi atrivir amizim uaghan garima, ingangarir gumaziba ko men korotiar aghuir me azuiba ko gumazir wain anidiba, me kurkazir aghuiba iti. Egha a garima, Solomon asizir aviriba inigha Ikiavira Itir Godin Dipenimin ghuia a bagha ofan bar isia mighiribagh ami. A bizar aghuir kabar ganigha digavir kuram gamigha ua mikiman ibura.

⁵ Egha gin, a kamaghin Atrivim Solomon migei, "Ki uan kantrin ikiava bizar ni amibar eghaghaniba ko, nin nighnizir aghuim ko, fofozim barasi. Ezi ki datirighin fo, akar kaba da bar guizbangira. ⁶ Ki faragha nighnizir gavgavim akar kabar itir puvati. Egha datirighin ki uabi iza, uan damazimin bizar kabar ganigha gifa. Guizbangira, bizar ki datirighin gariba, da akar ki oraghiziba bar daghi afira. Nin nighnizir aghuim ko fofozir aghuim bar ekefe. ⁷ Ezi nin gumazamiziba ti zurara bar akueghama. Ezi nin ingangaribar faragha zuir gumazir ni ko ikia zurara nin nighnizir aghuiba baraziba, me ti bar akueghama. ⁸ Ki Ikiavira Itir God, nin Godin ziam fe. A navir aghuim nin ikia ni gamizi, ni Israelin atrivimin iti. A bar Israelia ia gifongegha an ifongiar kam ian ikiavira iti. Ni guizin arazim ko arazir aghuimin deraghvira Israelian gan me gehuvum. A kamaghsua ni gamizi, ni atrivimin ito."

⁹ Egha Seban atrivir amizim golin bar aviriba isa Solomon ganingi, ezi golin kabar osimtizim 4 tan gafira. Atrivir amizim uaghan pauran mughuriar aghuiba itir aviriba ko, dagiar igharagha garir izeviba

bar pin kozir aviriba a ganingi. Bar guizbangira, bizar kaba bar aviraseme. Fomira pauran aghuir igharagha garitaba kantri Israelin aven itir puvati.

¹⁰ Ezi Atrivim Hiramin ingangarir gumaziba ko Solomonin ingangarir gumaziba, kuribar ghua kantri Ofirin ghua golin aviriba ko, temer aghuir bighiziba ko, dagiar avirir izeviba bar pin koziba, me da inigha Israelin ize. ¹¹ Ezi Solomon uan ingangarir gumazibav mikemezi, me temer aghuir kaba inigha Ikiavira Itir Godin Dipenimin bagha adiriziari aghuibagh amua an dipenim bagha mabagh ami. Egha a me mikemezi, me temer aghuir kabar arariba inigha gumazir gitabav soziba bagha gitabar ingari. Bar fomira iza datirighin, gumaziba kantri Israelin aven, ua temer kamagh garitabar garir puvati.

¹² Ezi Atrivim Solomon, bizar aghuir aviriba isa Seban atrivir amizimin ifongiam agivas a ganingi. Solomon atrivir amizim ganingizir bizar aviriba, da bar bizar atrivir amizim Solomon bagha inigha izezir bizibagh afira. Ezi Seban atrivir amizim, uan ingangarir gumaziba ko me uamategha uan kantrin ghu.

*Solomon bizar bar aviriba iti**(1 Atriviba 10:14-19)*

¹³ Atrivim Solomon azenibar vaghvagha 23 tan gol isi. ¹⁴ Egha a uaghan dagiar ingangaribagh amir gumaziba da, takis isi. Ezi Arebian atriviba ko, Israelin distrighbar garir gumazir dapaniba dagiaba isa a ganidi.

¹⁵ Ezi Solomon mikemezima, an ingangarir gumaziba 200plan ter araribar orar misoghamibar ingari. Egha me gol inigha orar kabar pogha da ave. Orar kaba vaghvagha da avezir golin osimtizim, a 7 kilogremin tu. ¹⁶ Egha 300plan ter araribar orar dozir misoghamiba uaghan dar ingari. Egha gol inigha orar dozir kabar pogha da ave. Orar kaba vaghvagha da avezir golin osimtizim, a 2 kilogremin tu. Ezi Solomon mikemezima, me orar kaba bar da inigha dipenir me kamaghin diborimin da ariki, Lebanonin Ruarir Pizimin Dipenim.

¹⁷ Ezi Solomon mikemezi, me atrivir dabirabir ekiar mamin ingari. Egha me golin aghuim ko, elefanin atariba inigha an kurke. ¹⁸⁻¹⁹ Atrivimin dabirabim bar pin iti, ezi adiriziari tuiv mavanangamim, a 6plan ighuviba iti. Ezi ighuvir kaba, me 12plan laionin nedazibar ingarigha da asezi da tuyighav iti. Ezi adiriziari ighuvir kaba vaghvagha laionin nedazir pumuning iti, mam vongin iti, ezi mam vongin iti. Atrivir dabirabir kam, an agharimning arighamin danganir pumuning iti. Ezi agharimning arighamin danganir kamningin boroghin,

me laionin nedazir pumuningin ingarizi, mam vongin itima, mam vongin iti. Kantrin igharazibar atriviba, men atrivibar dabirabitam, tong kamaghin garir puvati.

²⁰ Ezi ingangarir gumaziba gol inigha Solomon bagha dipaba apir itaribar ingari. Egha Lebanonin Ruarir Pizimin Dipenimun aver itir itariba bar, me golin aghuimin dar ingari. Solomonin dughiamin, gumazamizibar nighnizim, silva pura bizim, kamaghin amizi, me silvan bizir katamin ingarizir puvati.

²¹ Solomon kurir aviriba iti, ezi kurir kaba da Atrivim Hiramin ingangarir gumaziba ko, ongarim garui. Kurir kaba zurara azenir 3pla givaghti, me bizar aghuir kaba ater ua Israelin izam. Kar gol, ko silva, ko elefanin atariba, ko monkiba, ko kuarazir bar diriba.

²² Atrivim Solomon, dagiar aviriba ko bizar aviriba ko nighnizir aghuiba ko fofozir aghuiba ikia, egha kantrin igharazibar atriviba bar me gafira. ²³ Kantrin igharazibar atriviba bar, Ikiavira Itir God, Solomon ganingizir nighnizir aghuiba ko fofozir aghuiba baraghosa Solomon bagha izi. ²⁴ Atrivir kaba azenibar vaghvaghya Solomon bagha bizar aghuiba isa izava a ganidi. Me bizar gumaziba silva ko golin ingariziba ko, korotiar aghuiba ko, afuziba ko, pauran igharaghha garir mughuriar aghuiba zuiba ko, hoziaba ko, donkiba, a bagha da inigha izi.

²⁵ Solomon, midoroziba bagha hoziaba ko karisba bagha danganir dozir bar aviribar ingari. Danganir da ikiham kabar dibobonim, 4,000in tu. Ezi a uaghan 12,000in hoziar igharazir maba iti, ezi maba a ko Jerusalemin iti, ezi maba, a dar ganasa misevezir nguibar ekiar igharazibar iti.

²⁶ Atrivim Solomon kantriba bar me gativagha men gari, a Yufretisin Fanemin ikegha ghua kantri Filistian otogha ghua kantri Isipin tu. ²⁷ Solomon atrivimin itir dughiamin, a temer sidan aviriba ko silvan aviriba inigha Jerusalemin ize. Ezi dughiar kamin silvan aviriba ikia, dagiar kinibar min pura tintinibar irav iti. Egha a uaghan temer sidan bar aviriba iti, mati temer Israeliin mighisar muziaribar izezibar min iti. ²⁸ Solomon uan hoziaria kantri Musri ko kantrin igharazibar ada ini.*

Solomon areme

(1 Atriviba 11:41-43)

²⁹ Solomon amizir bizar igharaziba, an atrivimin itir dughiamin ikegha ghua, an aremezir dughiamin tu, dar eghaghaniba bar akinafarir 3plan kabar iti: Godin Akam Inigha Izir Gumazim Natanin Akinafarim,

ko Nguibar Ekiam Silon Akam Inigha Izir Gumazim Ahian Akinafarim, ko Akam Inigha Izir Gumazim Ido osirizir Bizar God an Akazibar Akinafarim. Idon Akinafarim uaghan bizar Nebatin otarim Jeroboam batozibagh eghari. ³⁰ Solomon 40plan azenibar Jerusalemin atrivimin ikia, egha Isrelia bar me gativagha men gari. ³¹ Egha a uan inazir afeziabar min aremez, me an kuam isa Jerusalemin, an afeziham Devitin Nguibar Ekiam anefa. Ezi an otarim Rehoboam an danganim inigha atrivimin iti.

Atrivim Rehoboamin eghaghanim

10

(Septa 10-12)

Notin amadaghan itir Israelin adarasi, me Judaba ataki

(1 Atriviba 12:1-19)

¹ Israelian notin amadaghan itir anababa bar, me uari bagh Rehoboam amiseveghti, a men atrivimin otivasa me nguibar ekiam Sekemin uari akufa, kamaghin amizi, Rehoboam me bagha ghu. ² Nebatin otarim Jeroboam, a fomira Atrivim Solomonin ara ghua Isipin iti. Ezi Isrelia Rehoboam damichti an atrivimin otivasa amima, Jeroboam bizar kamin akam baraki. ³ Ezi Israelien gumazir maba Jeroboam bagha ghua a migia ghaze, “Ni uamategh Israelin izi.”

Ezi a Isip ategha uamategha izegha givagha, Isrelia ko bar Rehoboam bagha ghua kamaghin Rehoboam migei, ⁴ “Nin afeziham Solomon osimtizir ekiam e ganiga, e gamizi e osimtizir ekiam atera pamtemin ingari. Kamaghin amizi, ni en asughasugh en osimtizir taba agifagh. Ni kamaghin damichti, e datirighin nin apengan ikiham.”

⁵ Ezi Atrivim Rehoboam akar kam baregha kamaghin me migei, “Ia mangi, 3plan dughiaba givaghti ia ua iziti, ki uan nighnizimin gun ia mikimam.” Ezi me anetegha uamategha ghue.

⁶ Ezi Rehoboam ghua gumazir ghuriba ko migei. Gumazir kaba, me fomira nighnizir aghuiba an afeziham Solomon ganidi. Rehoboam kamaghin men azara, “Ia manmaghin nighnisi, ki akar manatamin gumazamizir kabav kimam?”

⁷ Ezi me kamaghin a migei, “Ni arazir aghuimin gumazamizir kabar amuva, men akurvaghs i datirighin akar aghuitamin me mikimtima, me zurara nin apengan ikiham.”

⁸ Ezi Rehoboam gumazir ghurib kabar akam baraghizir puvatigha, ghua gumazir igiabar azangsisi. Gumazir kaba me an kuuba, egha me uagharam aghungigha,

datirighin an ingangarir gumazibar otifi.⁹ A kamaghin me migei, "Gumazamizir kaba ghaze, nan afeziām Solomon me gatizir osimtizir kaba, ki dar taba agivam. Ezi ia manmagħin nighni, ki akar manatamin me ikarvagħam?"

¹⁰ Ezi ingangarir gumazir iġiar kaba kamaghin a migei, "Ni men azangsizir nin afeziām me gamizir osimtizir kataba ikarvagħsi, ni kamaghin me mikim, 'Ia ghaze, nan afeziām paza ia gami? Puvati. Kar pura bizim. Nan dafarir tereħgħam, bar nan afeziām gavgavim gafira.¹¹ Guizbangira nan afeziām osimtizim ia ganingi, ezi ki osimtizir ekiar bar aviriba ia daningam. Nan afeziām benimin ia ifozoroke, ezi ki benir gavgavir atariba itibar ia fozorogħti, ian inivafiziba asighiram."

¹² Ezi dughiar 3pla givazima, Jeroboam Israelian gumazamiziba bar me ko uamategħa, Atrivim Reħoħoam mikemeżi mogħin me izi. ¹³⁻¹⁴ Ezi atrivim gumazir ghuribar nighnizim gin zuir puvatiga, a gumazir iġiabar nighnizim gin ghua, pamtemin gumazamizibav gei. A kamaghin me migei, "Guizbangira, afeziām osimtizim ia ganingi, ezi ki osimtizir ekiar aviriba ia darīgħam. Nan afeziām benimin ia ifozoroke, ezi ki benir gavgavir atariba itibar ia fozorogħti, ian inivafiziba asighiram."¹⁵ Fomira akam inigha izir gumazim Ahija, a Silon gumazim, a Ikiavira Itir Godin akar dikirizim Nebatin otarim Jeroboam ganingi. Egha God datirighin uan akar dikirizir kam damuti, a guizin otivasava ami. Kamaghin amizi, Ikiavira Itir God uabi Reħoħoam gamizi, a gumazamizibar nighnizim gin zuir puvati.

¹⁶ Gumazamiziba me datirighin fo, atrivim men akam bareghan kogħam. Kamaghin amizi, me pamtemin dia kamaghin migei, "E Devitin adarazir apengen ikan aghħua. E Devitin adarazi puvati, e uaghan Devitin otarir kamin adarazi puvati. E Israelian gumazamiziba, e bar uamategħ uan nguibabar mangam. Eġi ta Devitin adarasi, ia uarira uarir gan." Me akar kam mikemegħa, tintinibar uan nguibabar ghue.¹⁷ Ezi Israelian marazi uaghan Judan nguibar ekiab irikia, Judabar tongi iti. Ezi Atrivim Reħoħoam men gari.

¹⁸ Egha gin Atrivim Reħoħoam Adoniram amadazima, a Israelia bagħha zui. Adoniram, fomira gumazir atrivim in ġangaribagh amir gumazibar garir gumazim. An ziar igharazim Hadoram. Adoniram ghua Israelia batozir Dugħiāmin, me bar mogħira dagħiabar a għinivizza an arem. Ezi Reħoħoam bixi kamin akam baregha,

zuamira uan karisin għu uvanabogħha ara Jerusalemin għu.¹⁹ Dughiar kamin ikegħa iza datirighin,* Israelian notin amadagħan itiba me akaba batogħavira iti, me Devitin ikizim minn tav atrivim otogh men ganan me bar aghħu.

11

Akam inigha izir gumazim Semaia Godin akam akuri

(1 Atriviba 12:21-24)

¹ Ezi Reħoħoam ghua Jerusalemin otogħha, Juda ko Benjaminin anabamningin midorozir gumazir gavgavibar diazi, me iza uari akufa. Modorozir gumazir kabar dibobonim 180,000 in tu. Reħoħoam kamagħsua, me mangi Israelian notin amadagħan itir anababav suegħi, me damighti me ua izi an apengen ikiem.² Ezi Ikiavira Itir God kamaghin an akam inigha izir gumazim Semaia migei,³ "Ni Judan Atrivim Reħoħoam bagħ mangi, egh a ko, Judaba ko Benjaminin anabamningin adarazi ko, gumazamizir iħarraziba sara kamaghin me mikim,⁴ 'Ki Ikiavira Itir God, ki kamaghin migei: Ia mangi Israelia misogħan marki, me ian adarasi. Guizbangira, ki uabi kamaghin amizi, Israelia ia bighiaghiri. Kamaghin ia uamategħ uan nguibabar mangi.'"⁵ Ezi Semaia Ikiavira Itir Godin akam me mikinizi, me uamategħa uan nguibabar ghue.

Reħoħoam nguibar ekiar maba avinizir divażiba gavgavim dagħ anidi

⁵ Reħoħoam Jerusalemin ikiava, uan ingangarir gumazibav kemezi, me ghua kantri Judan nguibar ekiar maba avinizir divażiż bar mitiäv gavgaviba, gavgavim dagħ anidi. ⁶ Me nguibar ekiar kaba avinizir divażiba gavgavim dagħ aningi: Betlehem, Etam, ko Tekoa,⁷ ko Besur, Soko, ko Adulam,⁸ ko Get, Maresa ko Sif,⁹ ko Adoraim, Lakis, ko Aseka,¹⁰ ko Sora, Ajalon, ko Hebron. Nguibar ekiar divażiż gavgaviba avinizir kaba, Judan anabam ko Benjaminin anabam minn adarazir nguazim minn iti.¹¹⁻¹² Me divażiż kaba bar mogħira gavgavim dagħ aningi. Nguibar ekiar kabar aven, Atrivim Reħoħoam dar ganasa uan midorozir gumazibar dapanir maba ariki. Nguibar ekiabha vagħvagħha, midorozir gumazibar dapaniba vagħvagħha dar gari. Egha a uaghan nguibar ekiar kabar midorozir dughħiabagh nighnigha, bixiż aviriba arīghizi da iti. A dagher bar aviriba, ko olivin boreba, ko wainin dipapa, ko orar ekiabha, ko afuzibha ariki. Egha an

^{10:15:} 1 Atriviba 11:24-39

^{10:16:} 2 Samuel 20:1
an e datirighin itir dughiar kamin gun migei puvati. A gumazir akiņafarir kam osirizim minn dughħiamin gun migei.

^{* 10:19:} Akar kam, "Dughiar kamin ikegħa iza datirighin,"

arazir kamin nguubar ekiar kabagh amizi, da bar gavgafi. Egha a Judan anabam ko Benjaminin anabamin adarazir atrivimin iti.

Ofa gamir gumaziba ko Livaiba Jerusalemin ize

¹³ Kantri Israelin danganiba bar adar itir ofa gamir gumaziba ko Livaiba uan nguibaba ategha iza Atrivim Rehoboam ko iti. ¹⁴ Atrivim Jeroboam ko an gin otivir atriviba, ofa gamir gumaziba ko Livaibar anogoregha me batoghezi, me Ikiavira Itir Godin ofa gamir ingangarim gamir puppati. Kamaghin amizi, me uan dipeniba ko nguaziba ategha ghua Jerusalem ko Judan nguazimin danganir mabar iti. ¹⁵ Atrivim Jeroboam me batuegha givagha, a ubi mighsiabar orazibar pin asebar ziaba fasa gumazir kinir maba amisevezi, me ofa gamir gumazibar otifi. Ofa gamir gumazir igiar kaba uaghan Jeroboam ingarizir bulkamaun apuribar nedaziba ko asebar marvir guabar ziaba fe.*

¹⁶ Ezi Israeliyan anababa bar dar gumazimir maba, Ikiavira Itir God, a Israeliyan God, egha men inazir afeziabar God, me a baghavira ikia an ziam fasa a bagha ofabar amusava ami. Egha me kantri Israel ategha ofa gamir gumaziba ko Livaibar gin Jerusalemin izi. ¹⁷ Gumazamizir kaba, Judaba ko ikia, kantri Juda gamima, a bar gavgafi. Egha me azenir 3plan Atrivim Devit ko Atrivim Solomon amizi moghin arazir aghuibagh ami. Ezi bizar kam Atrivim Rehoboamin akurazi, an atrivir bar gavginim oto.

Atrivim Rehoboam amuir aviriba ko borir aviriba iti

¹⁸ Atrivim Rehoboam, Jerimotin guivim Mahalatin iti. Jerimot, an Atrivim Devitin ofaribar mav. Mahalatin amebam, a Abihail. Abihailin afeziam, a Eliap, ezi Eliap, a Jesin otarim. ¹⁹ Ezi Mahalat otarir 3pla bate. Men ziabar kara: Jeus ko Semaria ko Saham. ²⁰ Ezi Rehoboam gin, Apsalomin guivim Makan iti. Ezi Maka 4pla otariba bate. Men ziabar kara: Abiya, Atai, Sisa ko Selomit. ²¹ Rehoboam 18plan amuiba iti, egha uaghan 60plan amuir doziba iti. Ezi an amuir kaba, 28plan otariba ko 60plan guiviba bate. Rehoboam amuir aviriba iti, egha a guizbangira Maka bar a gifonge. ²² Kamaghin amizi, a gin ovengamin dughiamin, an atrivimin otivasa, Makan otarim Abiya amisefe. Egha an Abiya atizi, a uan aveghbuabar faragha zui. ²³ Rehoboam nighnizir aghuim ikiava, uan otarir ighazariz maba amisevezi,

me ghua Judan Distrik ko Benjaminin Dis trighin itir nguubar ekiar divazir bar gavgiba avinizibar gari. Egha a dagher aviriba me ganiga, me amuiba ikiasha, me bagha amizir bar aviriba ini.

12

*Judaba arazir kuram gamizi,
God puv me gami
(1 Atriviba 14:22-28)*

¹ Rehoboam atrivir bar gavgavimin otogha kantri Judan garir dughiamin, a uan gumazamizir ko me bar moghira akirim ragha Ikiavira Itir Godin Arazibagh asara. ² Kamaghin amizi, Rehoboam atrivimin itima an namba 5in azenim otozi, Isipian Atrivim Sisak uan midorozir gumaziba ko iza Jerusalemin ko misosi. ³ Atrivim Sisak uan midorozir gumazir bar avirim ko ize, ehti gumaziba me mengan iburaghram. Egha a uaghan misoghamin karisin 1,200pla ko 60,000in midorozir gumazir hozibagh apia misoziba iti. Midorozir gumazir kaba, me kantri Isip ko kantri Libia ko kantri Suki ko kantri Itiopian gumaziba. ⁴ Midorozir gumaziba misogha, kantri Judan nguubar ekiar divazir bar gavgaviba avinizibar inigha, iza Jerusalemin boroghin otifi.

⁵ Ezi Judan kantrin gumazir dapaniba, Sisak uan midorozir gumaziba ko men ara iza Jerusalemin, Rehoboam ko iti. Ezi Godin akam inigha izir gumazim Semaia ghua me batogha, kamaghin me migei, “Ikiavira Itir God kamaghin mikeme, ia akirim ragha a gasara, kamaghin amizi, a datirighin akirim ragha ia gasara, egh Sisak ateghti a ia abiraghram.”

⁶ Ezi atrivim uan gumazir dapaniba ko me akar kam baregha uari abiraghha kamaghin migei, “Bar guizbangira, e arazir kuram gami. Ezi arazir Ikiavira Itir God amim, a guizin arazimra.”

⁷ Ezi Ikiavira Itir God men garima, me uari abirazi, an akar ighazariz mam uam uan akam inigha izir gumazim Semaia ganiga ghaze, “Ki garima, me uari abira. Kamaghin amizi, ki me gasighasighan kogham. Sisak Jerusalemin misoghamin dughiamin, ki an ateghti, a bar me gasighasighan kogham. Guizbangira, ki men aningaghe, egh ki Jerusalemin nguubar ekiam isi Sisak danighti a bar a gasighasighan kogham.

⁸ Ki Sisak ateghti, a me abiraghti, me an apengen iki an ingangarir gumazamizir kinibar otivigham. Ehti arazir kamin, me ganigh fogh suam, nan ingangarir gumazamizir kinibar itir arazim, a dera, ezi nguazir kamin atrivibar ingangarir gumazamizir kinibar itir arazim, a ikufi.”

⁹ Ezi Sisak uan midorozir gumaziba ko iza Jerusalemia ko misogha, me abinigha Ikiavira Itir Godin Dipenim ko, atrivimin dipenimin bizir bar aghuiba bar da ini. Egha uaghan Solomon midorozim bagha ingarigha golin noghezir oraba, me bar ada inigha Isipin ghue. ¹⁰ Ezi gin Atrivim Rehoboam uan ingangarir gumazibav kemezi me bras inigha uam orar igiabar ingarigha brasin da noke. Ezi da Isipia okemezir orabar danganiba ini. Ezi Rehoboam da isa, ingangarir gumazir an dipenimin tiar akabagh eghuvibagh aningizi me dar suigha tiarakabar gari. ¹¹ Atrivim Ikiavira Itir Godin Dipenimin zuir dughiabar, a geghuvir gumazir kaba orar kaba inigh an aku mangam. Eighti atrivim uamategh uan dipenimin izeghti, me orar kaba inigh da itir dipenimin mangi dar arigham.

¹² Ikiavira Itir God Atrivim Rehoboamin garima, a bar uabi dikabiragh, an apengan iti. Kamaghin amizi, God ua Rehoboamin aningazir puvatigha, bar a kuavaremezir puvati. Ezi dughiar kamin, arazir aghuir maba kantri Judan aven ikiavira iti.

*Rehoboam areme
(1 Atriviba 14:21-22; 14:29-31)*

¹³ Rehoboam a Jerusalemin ikia atrivir bar gavgavimin oto. A 41plan azeniba ikiava, atrivimin oto, egha 17plan azenibar atrivimin iti. A Jerusalemin iti, nguibar ekiar kam, Ikiavira Itir God, Israelin kantrin nguibaba bar dar tongin an amisefe, eighti danganir kamin, Israelia bar an boroghin izi, an ziam fam. Rehoboamin amebam, a kantri Amonian amizim, an ziam Nama. ¹⁴ Rehoboam uan navir averiamin aven Ikiavira Itir Godin ifongiamin gin mangan aghua, kamaghin amizi, a Ikiavira Itir Godin damazimin arazir kurabagh ami.

¹⁵ Atrivim Rehoboam amizir arazir igharaziba, akinafarir kamningin iti: Godin akam inigha izir gumazim Semaian Eghaghanibar Akinafarim, ko Godin akam inigha izir gumazim Idon Eghaghanibar Akinafarim. Idon akinafarir kamin aven, atrivibar adazariz ziaba uaghan iti. Rehoboam ko Jeroboam aning atrivimningin itir dughiamin, kantrin pumuning zurara uaning misosi. ¹⁶ Ezi gin Rehoboam uan inazir afeziabar min aremezima, me Devitin Nguibar Ekiamin anefa. Ezi an otarim Abiya an danganim inigha atrivimin oto.

Atrivim Abiyan eghaghanim

13

(Sapta 13)

*Judaba ko Israelia uariv sosi
(1 Atriviba 15:1-8)*

¹ Jeroboam Israelin atrivimin itima, an namba 18in azenimin, Abiya, a Judan atrivimin oto. ² A 3plan azenibar Jerusalemin atrivimin iti. Ezi an amebamin ziam Mikaa, a Urielin guvum. Uriel, a Gibeon nguibamin gumazim.

Dughiar kamin, Atrivim Abiya ko Atrivim Jeroboam uaning misosi. ³ Atrivim Abiya uan midorozir gumazir gavgavir 400,000plan miseveziba inigha Israelia ko misoghasa zui. Ezi Jeroboam uan 800,000plan misevezir midorozir gumazir gavgaviba ini, me bar midorozir arazibagh fo, ezi a me inigha Judaba ko misoghasa izi. ⁴ Atrivir pumuning, uan midorozir gumaziba ko, Efraimin anabamin mighsaba itir danganimin uari akuvagha misoghasa gara iti. Ezi Abiya ghua, Semaraimin Mighsiamin mitigha kamaghin dia migei, “Jeroboam, ni Israelia ko, ia deragh kuariba arigh nan akam baragh. ⁵ Ikiavira Itir God, a Israelien God, a Devit ko an ovavir boriba ko, Akar Dikirizir Gavgavim gamigha ghaze, a zurara ikiwira ikiam. Akar Dikirizir Gavgavir kam, an migirigiam kamaghin iti, Israelien atriviba zurara Devitin ovavir boribar otivam. Ia ti bizar kam gifoz, o puvati?

⁶ “Fomira Nebatin otarim, Jeroboam, an Atrivim Solomonin ingangarir gumazimin iti. Egha a uan atrivimin aningaghegha, a barazir puvatigha an apanim gami. ⁷ Ezi gumazir kurar arazir kurar igharaghia garibagh amiba, Jeroboam ko roroabagh ami. Egha Solomonin otarim Rehoboam men ifongiamin arazibar gin mangasa, me bar gavgafi. Dughiar kamin Rehoboam gumazir igiamra ikia kantrin ganamin araziba deragha dagh fazir puvati. Egha a men akaba munasan ibura. ⁸ Egha ia datirighin midorozir gumazir avirim ko Jeroboam golin ingarizir bulmakaun nedazir pumuning sara izi, aning ian marvir guamning. Egh ia misogh, Ikiavira Itir Godin kantri abinasava ami. Ikiavira Itir God uabi, kantrin kamin atrivibar otiv an ganasa Devitin ovavir boriba amisefe. ⁹ Ia uaghan Ikiavira Itir Godin ofa gamir gumazibza batoke, kar Aronin ovavir boriba. Egha Livain anabamin adarasi, ia uaghan me batoke. Ia Kantrin Igharazibar Gumazamiziba ami moghin, ia uari uari bagha ofa gamir gumazir igharaziba amisefi. Gumazir kinitam ia bagh bulmakaun apurir igiatam ko 7pla sipsipin apuriba inigh iziti, ia puram anemiseveghti, a ian ifavarir asebar ofa gamir gumazimin otogham.

¹⁰ “Ezi e Ikiavira Itir God, a en God, e an gin ghuavira ikia, akirim ragha a gasarazir puvati. Ezi Aronin ovavir boriba, me ofa gamir gumazibar ikia, Ikiavira Itir

Godin ingangarim gamima, Livaiba men akurvasi. ¹¹ Me zurara mizaraziba ko guaratizibar, Ikiavira Itir God bagha ofan bar isia mighiriba ko pauran mughuriar aghuim zuir ofabagh ami. Egha me God ganidir bretin rubuziba inigha, Godin damazimin zuezir dakozimin da arisi. Egha me zurara guaratizibar, lamin aghorir me golin ingarizibagh isin arighizir lambagh aboi. E Ikiavira Itir God, en God, e an akabar gintigha bizir kabagh ami, ezi ia puvati. Ia bar akirim ragha a gasara. ¹² Ia oragh. God en faragha zuir gumazim, ezi an ofa gamir gumaziba e ko kagh ikiava, ia ko misoghasa midorozimin sighabagh iviasa gara iti. O Israelia, Ikiavira Itir God, a ian inazir afeziabar God, ia a ko misoghan marki. Ia e dikabiraghan kogham. Bar puvatigham."

¹³ Atrivim Abiya migiavira itima, Atrivim Jeroboam uan midorozir gumazir maba amangizima, me ghua Abiyan midorozir gumazibav misoghasa, men girakirangin mogha me ekiaru. ¹⁴ Ezi Abiyan midorozir gumaziba ragha Israeliyan midorozir gumazibar ganigha fo, Israeliya midorozim foreghasa me ekiarughha gifa. Ezi me zuamirauar akurvaghosa Ikiavira Itir Godin dei. Ezi Godin ofa gamir gumaziba sighabagh ivi. ¹⁵ Ezi Judaba midorozim foreghasa pamten diava araghasi, egha me diava araghaisir dughiamin, God Jeroboam ko an midorozir gumazibagh amizi, me bar atiatigha are. ¹⁶ Israelia, Judabar damazimin arima, God Judabar akurazi, me bar me gasighasiki. ¹⁷ Egha Atrivim Abiya uan midorozir gumaziba ko, me bar Israeliya abinigha, men midorozir gumazir gavgavir aghuir 500,000plan misuaghariki. ¹⁸ Dughiar kamin, Judaba kamaghin fo, Ikiavira Itir God, a men inazir afeziabar God, a midorozimin men akurvaghram. Me nighnizir gavgavim Godin iti, kamaghin amizi, me Israelia gafiraghbar me abira.

¹⁹ Dughiar kamin, Atrivim Abiya uan midorozir gumaziba ko, me Jeroboamin midorozir gumazibar agintigha ghua, Israeliyan nguubar ekiar 3pla ini. Nguubar ekiar kabar ziabar kara: Betel, ko Jesana ko Efron. Me uaghan nguubar ekiar 3plan kabar boroghin itir nguubar dozir aviriba sara ini. ²⁰⁻²¹ Egha Abiya atrivir bar gavgavim oto. An amuir 14plan iti, ezi me otarir 22pla ko guivir 16pla bate. Ezi Abiya atrivimin ikia ghua aremezir dughiamin, Jeroboam uam atrivir gavgavimin ikezir puvati. Ezi Ikiavira Itir God gin Jeroboam gasighasighizi, an areme. ²² Atrivim Abiya amizir bizir igharazibar eghaghaniba, da akinafarir kamin iti, me kamaghin a dibora ghaze, Godin Akam Inigha Izir Gumazim Idon Eghaghanibar Akinafarim.

Atrivim Asan eghaghanim

14

(Sapta 14-16)

Asa Judan kantrin atrivimin oto

¹ Abiya uan inazir afeziabar min aremezi, me Devitin Nguibar Ekiamin aven anefa, ezi an otarim Asa an danganim inigha atrivimin iti. Egha Asa kantri Judan garir dughiamin, midorozitam otozir puvatigha ghua, 10plan azeniba gifa. ² Ezi Asa Ikiavira Itir Godin damazimin arazir aghuibagh amzi. ³ Egha a gumaziba ikizir igharazibar asebar ziaba fasa ingarizir ofa gamir dakoziagh asighasiki. Egha a uaghan mighsiabar pin itir aseba fer danganibagh asighasigha, dagiar Guarir dighoriba itiba apiraghariqa, temer Guarir aser amizim Aseran nedazim itiba okaghariki. ⁴ Egha a Judaba Ikiavira Itir God, men inazir afeziabar Godin Araziba ko Akar Gavgavibar gintighasa, me migei. ⁵ Egha uaghan, Judan nguubar ekiaba itir aseba fer danganiba ko pauran mughuriar aghuim zuim tuer ofa gamir dakoziiba, a bar da batoke. Egha a deragha kantrin garima, midoroziba puvatizi, gumazamiziba deraghavira iti.

⁶⁻⁷ Egha Atrivim Asa kamaghin Judabav gei, "E uan nguubar ekiataba avinsi, divazir mitiar ekiar gavgavitar ingarigham. Egh midorozir gumaziba tuiv iki apanibar gansi, tauan ruaritaba, divazir gavgavir kabagh isin dar ingarigham. E uaghan tiar akar gavgavibar ingarigh, ainin iguguniba kunigham. E Ikiavira Itir God, en Godin ifongiamin gintighasa gavgafi, kamaghin amizi e bar deravira uan kantrin iti. Ezi Ikiavira Itir God deravira en kantrin garima, osimtitizam e batotizir puvati." Egha Atrivim Asa ingangarir gumazir maba amangizi, me ghua Judan nguubar ekiar mabar, divazir mitiar bar gavgavibar da avini. Me ingangarir kam gamir dughiamin, Ikiavira Itir God me misoghasa apanibar amamangatizir puvati, kamaghin amizi, midorozir tam otozir puvati. Ezi ingangarir Judaba amir kaba, bar deraviram oto. ⁸ Ezi Atrivim Asa, Judan anabamin 300,000plan midorozir gumaziba ko Benjaminin anabamin 280,000plan midorozir gumaziba iti. Judan anabamin gumaziba, me afuziba ko oraba suis, ezi Benjaminin anabamin gumaziba, me orar doziba ko piba ko baribar suis. Gumazir kaba me bar gavgavigha misoghamin araziba bar adagh fo.

Ikiavira Itir God Asan akurazi, a Itiopia abira

⁹ Asa, kantri Judan atrivimin itir dughiamin, Itiopian kantrin gumazir mam Sera, uan midorozir gumazir

bizir dafam inigha Judabav soghasa izi. Seran midorozir gumazibar dibobonim 1,000,000in tu. Egha a 300plan midorozir karisba iti. Me iza Maresan nguabar ekiamin otifi. ¹⁰ Me izava otivima, Atrivim Asa uan midorozir gumaziba ko, me dikavigha me ko misoghasa zui. Judaba ghua Maresan nguabar ekiamin boroghin otivigha, Sefatan danganir zarimin Seran midorozir gumaziba batifi. Egha midorozir gumazir okoruuar kamning uaning misoghasavira gara iti. ¹¹ Ezi Asa kamaghin Ikiavira Itir God, uan Godin dia ghaze, "O Ikiavira Itir God, ni fo, nan midorozir gumaziba avirasemezir puvati, egha e gavgaviba puvati, ezi gumazir kam midorozir gumazir bar aviriba iti. E fo, nirara gumazir gavgaviba puvatizbar akurvazima, me gumazir gavgaviba itiba abiri. Kamaghin amizi, Ikiavira Itir God, en God, ni en akuragh! E ni baghavira gari. E nin ziar ekiam fasa apanir avirir kaba ko misoghasavira ami. O Ikiavira Itir God, nirara, ni en Godra. Ni nguazir kamin gumazitamin amamangatighti, a ni abiraghian kogham."

¹² Asa God ko mikemegha givaga, Judan midorozir gumaziba ko me ghua Itiopiabav sosi. Ezi Ikiavira Itir God Itiopiaba abirazi, me are. ¹³ Ezi Atrivim Asa uan midorozir gumaziba ko men agiraghya ghua Gerarin nguabar ekiamin midorozir gumazir bar avirim misoghezi, me ariaghire. Ezi Itiopian kantrin midorozir gumaziba ua misoghan ibura. Ikiavira Itir God uan midorozir gumazibar akurazi, me bar Itiopiabagh asighasiki. Egha Judaba men bizir bar aviriba inigha ghue. ¹⁴ Ikiavira Itir God, Gerarin danganimin boroghin itir nguabar ekiabar gumazibagh amizi, me bar atatingi, kamaghin amizi, Asa pura nguabar ekiabar kaba bar ada ini. Bizir bar aviriba nguabar ekiabar kabar iti, ezi Asan midorozir gumaziba bizir kaba inigha da atera ghue. ¹⁵ Egha Asan midorozir gumaziba uaghan danganir kamin sipsipbagh eghuvir gumazibav sogha, sipsipba ko kamelin aviriba inigha Jerusalemin ghue.

15

Atrivim Asa Judabar araziba akirmighasa me migei

¹ Dughiar mamin, Odetin otarim Asaria, Godin Duam a gapasa. ² Ezi Asaria ghua Atrivim Asan gara kamaghin a migei, "Atrivim Asa, ni oragh. Ni ko, Judan anabam ko Benjaminin anabamin adaras, ia oragh. Ia Ikiavira Itir Godin boroghira ikiti, a ia ko ikiam. Egh ia a buriva a

baghvira ikiti, a ia ategehti, ia an boroghin ikiam. Egh ia akirim a gasaraghti, an akirim ia gasaraghram. ³ Bar guizbangira, Israelia bar dughiar ruarin, guizin God ko itir puvati, me akirim ragha a gasara. Egha me Godin akabar men sure damuamin ofa gamir gumazitaba itir puvati. Egha me uaghan an Araziabar gin zuir puvati. ⁴ Ezi osimtizir ekiaba Israelia bativir dughiabar, me uamategha Ikiavira Itir God bagha izi. Egha me a baghvira ikiti a burima, a me ataghizi, me an boroghin izi. ⁵ Fomira, gumazamiziba uan nguubaba ategha, nguabar igharazibar zuima, gumazir kuraba me misogha paza me gami. Osimtizir ekiar aviriba nguazir kamin gumazamizibagh amima, me dabirabir aghuiba bar puvati. ⁶ God osimtizir igharagha garir aviriba me ganidi. Kamaghin amizi, me bar biaghiregha iti. Egha kantrin maba misogha kantrin igharaziba abiri. Ezi nguabar ekiaba uariv sosi. ⁷ Eghiti iarara ingangarir aghuim damusi bar gavgafigh. Ia bar mitivigh gavgavighti, Ikiavira Itir God ian ingangarimin gan, deravira ia damuam."

⁸ Atrivim Asa, Odetin otarim Asarian akaba baraghizi, akar kaba, gavgavim an nighnizim ganingi. Ezi a Judan anabam ko Benjaminin anabamin nguazibar itir marvir guar God bar aghuaziba bar da batoke. Egha a uaghan Efraimin anabamin nguazimin itir mighsiabar itir danganibar ghua, nguabar ekiar a midorozimin inizibar marvir guaba saram otoke. Egha Asa ingangarir gumazibav kemezi, me Ikiavira Itir Godin Dipenimin azuarimin guamin boroghin itir ofa gamir dakozi kam bar deraghavira anekiri. ⁹ Efraimin anabam ko Manasen anabam ko Simeonin anabamin adarazir avirim, me kamaghin gari, Ikiavira Itir God, a Atrivim Asan God, a Asa ko iti. Ezi gumazamizir kaba, kantri Israel ategha iza, sautin amadaghan Asa ko Judan kantrin iti. Ezi Asa datirighin, gumazamizir kaba izi Judaba ko Benjaminin adarazi ko bar uari akuvaghaha, a men dia.

¹⁰ Asa atrivimin itir azenir namba 15in, an namba 3in iakinimin, gumazamizir kaba iza Jerusalemin uari akufa. ¹¹ Egha dughiar kamin, me midorozimin aven inizir asizibar tongin, me 700plan bulmakaua ko 7,000plan sipsipba inigha Ikiavira Itir God bagha ofa gami. ¹² Egha me Akar Dikirizir Gavgavim, a koma a gamua ghaze, me Ikiavira Itir God, men inazir afeziabar God baghvira ikiti, bar uan nighniziba ko navir averiabar aven, uari isi a daning an gintigham. ¹³ Egha me kamaghin

migia ghaze, gumazitam o, amizitam, a igiamra ikiam o, a ghurigham, a Ikiavira Itir God, Israelian God baghvira ikian aghuaghti, me a misuegħti an aremegħam. ¹⁴ Egha me Ikiavira Itir Godin ziamin, akar dikiriz kam gamiġha, bar pamten dia, uan sīgħabagħ ivi. ¹⁵ Judan gumazamiziba bar, uan navir averiabar aven, Ikiavira Itir Godin ifongiāmin gin mangasa bar gavgħafi. Kamagħin amizi, me bar mogħira akar dikiriz me amizir kam bagħha bar akonge. Me Ikiavira Itir God buriava a bagħavira ikiasi bar gavgħafi, ezi Ikiavira Itir God me ataghizi, me an borogħin iżi. Ezi a bar deraghavira men kantrin gara dabirabir aghuim me ganidima, osimtizitam me batozir puvati.

¹⁶ Ezi Atrivim Asa uan inagħamim Makan garima, Maka aser amizim Aseran nedazir Ikiavira Itir God bar aghuazim ingari. Kamagħin amizi atrivim an danganim a batteko. Egha nedazir kurar kam okegħha a inigha ghua Kidronin danganir zarimin a gaborozi a isi. ¹⁷ Ezi danganir bar pın̄ itir me asebar ziaba feba ikiavira iti. Asa dagħi asighasighiżiż puvati. Egha Asan dugħiaba bar, an navir averiām zurara Ikiavira Itir God bagħavira iti. ¹⁸ Egha Asa, an afezjam Ikiavira Itir God bagħha inabazir bixiba ko a uabi inabaziba, kar silvaba ko gol ko itarir iħarragħa gariba, a bar da inigha Ikiavira Itir Godin Dipenimin għu. ¹⁹ Ezi dugħiar kamin ikegħha ghua namba 35 in azenimin, Asa atrivim minn itima, apanitam iza a ko misogheżiż puvati.

16

*Israelia Judaba ko misosi
(1 Atriviba 15:17-22)*

¹ Asa Judan atrivim minn itir dugħiemin, an namba 36 in azenimin aven, Israelian Atrivim Basa dugħiar mamin uan midorozir gumaziba inigha ghua Judaba ko misosi. Me Raman nguibar ekiam inigha, uam an divażim minn ingarigha uam an evi, eġi gumazamiziba Judan danganim minn mangiż izegħi damuan kogħam. ² Ezi Atrivim Asa silvaba ko għol Ikiavira Itir Godin Dipenimin itiba ko atrivim minn dipenimin itir maba sara inigha, Damaskusin nguibar ekiamin itir Sirian Atrivim Benhadat bagħha da amada. Egha Asa kamagħin Atrivim Benhadat bagħha akam amada, ³ “Datirighiñ ga uaning ko akar dikiriz għavvajitam damiġħ, egh namakar aghju minn iċċek, mati gan afezjamm minn amizi mokin. Ki ni bagħha silvaba ko għol Ikiavira Itir Godin Dipenimin itiba ko aktar dikiriz għad-ding idher.” ⁴ Eżi Atrivim Benhadat, Atrivim Asan migiriġi minn amam mangat iġha, uan midorozir gumazibar dapaniba amangizi, me midorozir gumaziba inigha ghua, Israelian nguibar ekiab konasa ghue. Me ghua nguibar ekiar kaba kori: Ijon ko Dan ko Abel Betmaka. Egha uaghan Naptalin anabamin nguazim bar mogħiram a ini, kar nguibar ekiar me dagħeba ko bixiż iħarraxi ariziba. ⁵ Ezi Atrivim Basa kamagħin akam baraki, Sirian midorozir gumaziba iza Israelia misosi, ezi a ingangar Raman nguibar ekiamin amim ategħha, divażim agiavzir puvati. ⁶ Egha gin Atrivim Asa Raman nguibam minn mangasa, Judan gumaziba bar mogħira me bagħha akam amada. Ezi me ghua, dagħiaba ko temer kaba bar da ini, kar Atrivim Basa divażim għavvajim a daningasa akuvazir bixiba. Egha me da inigha izezima, Asa da inigha, Mispan nguibar ekiam avinizir divażim ko Geban nguibar ekiam avinizir divażim, għavvajim anning ganingi.

gumaziba inighi mangi egh nan nguazim atakħiġi.”

⁴ Ezi Atrivim Benhadat, Atrivim Asan migiriġi minn amam mangat iġha, uan midorozir gumazibar dapaniba amangizi, me midorozir gumaziba inigha ghua, Israelian nguibar ekiab konasa ghue. Me ghua nguibar ekiar kaba kori: Ijon ko Dan ko Abel Betmaka. Egha uaghan Naptalin anabamin nguazim bar mogħiram a ini, kar nguibar ekiar me dagħeba ko bixiż iħarraxi ariziba. ⁵ Ezi Atrivim Basa kamagħin akam baraki, Sirian midorozir gumaziba iza Israelia misosi, ezi a ingangar Raman nguibar ekiamin amim ategħha, divażim agiavzir puvati. ⁶ Egha gin Atrivim Asa Raman nguibam minn mangasa, Judan gumaziba bar mogħira me bagħha akam amada. Ezi me ghua, dagħiaba ko temer kaba bar da ini, kar Atrivim Basa divażim għavvajim a daningasa akuvazir bixiba. Egha me da inigha izezima, Asa da inigha, Mispan nguibar ekiam avinizir divażim, għavvajim anning ganingi.

*Godin akam inigha iziż gumazim Hanani
Akar Għavvajim isa Atrivim Asa għanġi*

⁷ Dugħiar kamin, Godin akam inigha iziż gumazim Hanani ghua Atrivim Asan gara, kamagħin a migei, “Ni ti ghaze, Sirian atrivim nin akurvagħi minn għavvajim għażiex iti, egha ni nighnizir għavvajim Ikiavira Itir Godin itir Gozo puvatigħha, uabin akurvaghha an azangsgħan aghha. Kamagħin amizi, ni uan apaniba ko Sirian Atrivim minn midorozir gumaziba abiragħan iburaghom. ⁸ Ni kamagħin fo, Itiopjan kantri ko Libian kantrin midorozir gumaziba iza ni ko misoke. Me midorozir gumazir bar aviriba ko midorozir karisib bar aviriba ko midorozir gumazir bar avirib hooziabu kapiġiha misoziha iti. Ezi dugħiar kamin, ni nighnizir għavvajim Ikiavira Itir Godin ikiava, an azarazima, a nin akura. Ikiavira Itir God għavvajim ni ganingi, ni me abira. ⁹ Gumazamizir uan navir averiām aven Ikiavira Itir God bagħavira itiba, me nguazir kamin danganir manamin iti, a Zurara me buria deravira me bagħha tintinbar għaliex. Egha a men akurvagħha għavvajim me ganidi. Ezi ni uabin akurvaghha Sirian atrivim minn azarazir arazir kam, a derazir puvati. Kamagħin amizi, datirighiñ ni Judaba ko, ia deravira dapiġiha kogħam. Apaniba Zurara ja koo misogħam.” ¹⁰ Godin akam inigha iziż gumazim, Hananin migiriġi kaba Asa gamima, a bar puviram atari. Egha a mikemezi, me Hanani inigha kalabus għat-tinġiha, an suemning pamtem temem sara

aning ike. Egha dughiar kamra, Atrivim Asa uaghan arazir kurabar Judan gumazamizir mabagh ami.

*Atrivim Asa areme
(1 Atriviba 15:23-24)*

¹¹ Atrivim Asa amizir arazir igharazibar eghaghaniba, da akinafarir kamin iti, me kamaghin a dibori, Judaba ko Israeliyan Atrivibar Eghaghanibar Akinafarim. ¹² Asa atrivimin itima, an azenir namba 39in, arimariar bar kurar mam an dagarimningin oto. Ezi Asa uabin akurvaghosa Ikiavira Itir Godin azangsizir puvati. A doktabara, men azangsisi. ¹³ Ezi an atrivimin itir namba 41in azenimin, Atrivim Asa uan inazir afeziabar min areme. ¹⁴ Ezi me Devitin Nguibar Ekiamin a ubi gumazibav kemezi me a bagha okorezir dagiar torimin, anefa. Gumaziba paura ko borer mughuriar aghuim zuiba veregha, ada inigha torimin atizir dakoziim gisn da inge. Egha me atrivimin kuam isa dakoziir kam gisn aneti. Egha me an apangkuvigha an ziar ekiam ginighnigha avir dafam ati.

Atrivim Jehosafatın eghaghanim

17

(Septa 17-20)

Jehosafat Judabar atrivimin oto

¹ Ezi Jehosafat uan afeziamin danganim inigha, Judan kantrin atrivimin oto. Egha a uan midorozir gumaziba, gavgavim me ganingizi, me bar gavgafi, egha Israelia izi me misoghan iburagh. ² Egha uan midorozir gumaziba, Judan nguibar ekiar divazir bar gavgavir avinizibar me arigha, uaghan Judan kantrin danganiba bar me ariki. Egha a Efraimin anabamin nguazimin itir nguibar ekiabar, midorozir gumazir maba ariki. Kar an afeziham Asa faragha midorozimin inizir nguibar ekiaba. ³ Jehosafat atrivimin itir dughiamin, a uan inazir afeziham Devitin min arazir aghuibagh ami. An asem Balin ziam fer puvati, kamaghin, Ikiavira Itir God a ko ikiava, an akurvasi. ⁴ Jehosafat uan afeziham Godin gintigha, egha uaghan Godin Araziba bar deragha dar gintisi. A Israeliyan kantrin itir atrivibar min arazir kurabagh amir puvati. ⁵ Ezi Ikiavira Itir God Jehosafat gamizi, an atrivir gavgavimin otogha, deravira Judan kantrin gari. Ezi Judan gumazamiziba bar bizir aghuibha inigha a bagha zui. Kamaghin, a dagiar aviriba ko bizir aviriba ikia, Judabar damazimin ziar ekiam iti. ⁶ A Ikiavira Itir Godin Arazibar gin mangasa bar gavgafi.

Egha a kantri Judan danganiba bar dagh arua, mighsiabar pin itir asebar ziaba fer danganiba bar adagh asighasigha, temer guarir aser amizim Aseran nedazim itiba saram asighasiki.

⁷⁻⁹ Jehosafat atrivimin ikia, an namba 3in azenimin aven, a uan gumazir aruar maba ko, Livain maba ko ofa gamir gumazir pumuning amaga ghaze, me Ikiavira Itir Godin Araziba Itir Akinafarim inigh, Judan nguibar ekiaba bar dar mangi, arazir kabar gumazamizibar sure damu. Ezi, me Judan nguibab bar dagh arui. Gumazir aruar kabar ziabar kara: Benhail, Obadia, Sekaraia, Netelan ko Mikaija. Ezi Livaibar ziabar kara: Semaia, Netania, Sebadaia, Asahel, Semiramot, Jehonatan, ko Adoniya ko Tobia ko Tobadonia. Ezi ofa gamir gumazimningin ziamningra kara: Elisama ko Jehoram.

Jehosafat bar atrivir gavgavim

¹⁰ Jehosafat atrivimin itir dughiamin, Ikiavira Itir God, Judan kantrin boroghin itir kantribar atriviba bar me gamizi, me bar Jehosafatın atiatingi. Kamaghin amizi, me izava a ko misoziir puvati. ¹¹ Ezi Filistian marazi bizir aghuir maba inigha Jehosafat bagha ize, egha me uaghan takis givezasa, silvaba inigha ize. Ezi Arebian gumazamiziba uaghan 7,700plan sipsipin apuriba ko 7,700plan memen apuriba inigha iza Jehosafat ganingi. ¹² Ezi Jehosafat atrivir gavgavimin oto. Egha a gumaziba amangizi, me Judan nguibar ekiabar ghue. Egha me bizibar arighamin dipenibar ingarigha, dagheba ko biziba isa dagh ariki. Egha midorozir gumaziba iki apaniba bagh ganasa danganir bar gavgavibar ingari. ¹³ Egha Jehosafat biziba arighamin dipenir kabar aven bizir bar aviribar pozibav kini. Egha uan midorozir gumazir gavgaviba Jerusalemin me ariki.

¹⁴ Midorozir gumazir kabanang, me uan ikiziba ko iti, ezi gumazir dapaniba vaghvagha, 1,000plan midorozir gumazibar gari. Judan anabamin adarazir gumazir bar gavgavibar garim, an ziam Atna, a 300,000plan midorozir gumazibar gari. ¹⁵ An gumazir an girara irim, Jehohanan, a 280,000plan midorozir gumazir bar gavgavibar gari. ¹⁶ Gumazir dapanir aningin gin irim, an ziam, Amasia, a Sikrin otarim. A ubabi isa Ikiavira Itir Godin ingangarim ganiga, 200,000plan midorozir gumazir gavgavibar gari.

¹⁷ Ezi Benjaminin anabamin adarazir midorozir gumazibar faragha zuir gumazir dapanimin ziam, Eliada. A midorozir gumazir bar gavgavir aghuim, a 200,000plan

midorozir gumazibar garir gumazir dapanim. Me bar orabar suigha pibar asa bar fo. ¹⁸ Ezi gumazir dapanir Eliadan girara irim, an ziam, Jehosabat, a 180,000plan midorozir gumazibar gari. Me zurara uan midorozir bizibar suigha misoghasa gara iti. ¹⁹ Midorozir gumazir kaba bar moghira atrivimin ingangarim gamua, Jerusalemin iti. Ezi Judan kantrin danganir ighazariba bar, dar itir nguibar ekiar divazir bar gavgavir aviniziba, atrivimin midorozir gumaziba uaghan adar iti.

18

*Godin akam inigha izir gumazim Mikaia ghaze,
Atrivim Ahap aremegham
(1 Atriviba 22:1-28)*

¹ Judan Atrivim Jehosafat, dagiar aviriba ko bizar bar aviriba iti, ezi gumazamiziba an ziam fe. Egha a Israelian Atrivim Ahap ko akam akira ghaze, an otarim Ahapin guivimin ikiam, egheti kantrin pumuning uaning inigh deraghvira ikiam. ² Azenir maba ghua givazi, Jehosafat dikavigha, Atrivim Ahapin ganasa Samarian nguibar ekiamin ghu. Kamaghin, Ahap uan ingangarin gumazibav kemezi, me Atrivim Jehosafat, a ko izezir darazi bagha bulmakauba ko sipsipin bar aviribav suegha, me bagha dagher dafam gami. Ahap Jehosafatin azaraghti, a mangi an akuragh Gileatin Distrighin itir, Ramotin nguibar ekiamin misoghasa nighnizim iti. ³ Egha Ahap kamaghin Jehosafat migei, “Ni na ko izam, o? Ki kamaghsua, ga mangi Ramotin nguibar ekiam bagh misogh uam a iniam?”

Ezi Atrivim Jehosafat a ikaragha ghaze, “Ki nin gin mangasa purama oraghia iti. Nan midorozir gumaziba, nin akurvaghosa pura iti. ⁴ Bizar ga damuamin kam, ga ti faragh a bagh Ikiavira Itir Godin ifongiam gifoka.”

⁵ Ezi Atrivim Ahap 400plan akam inigha izir gumazibar diazi me izima a men azara, “Ki mangi Ramotin nguibar ekiam uam a iniam, o ti puvatigham?”

Ezi me ghaze, “A deraghram, ni mangi. God nin akuraghti, ni me abiraghram.”

⁶ Ezi Atrivim Jehosafat kamaghin Atrivim Ahapin azara, “Ikiavira Itir God, an akam inigha izir gumazir igharazitam ua iti, o puvati? Tam ikiti, ga an azaragh, egh Ikiavira Itir Godin ifongiam gifogham.”

⁷ Ezi Ahap a ikaragha ghaze, “Akam inigha izir gumazir igharazir mam iti, an ziam Mikaia, a Imlan otarim. A dughiatamin, Godin akam baraghia, egha akar aghuitamin na migeir puvati. Dughiabar zurara, a na gasighasighamin akar kurabar

na ganidi. Kamaghin amizi, ki gumazir kam bar an aghua.”

Ezi Jehosafat ghaze, “Ni mamaghin mikiman marki.”

⁸ Ezi Atrivim Ahap uan gumazir dapanir mamin diazi a izezi an a migia ghaze, “Ni zuamra mangi, Imlan otarim Mikaia inigh na bagh izi.”

⁹ Dughiar kamin, Atrivim Ahap ko Atrivim Jehosafat uan atrivir korotiaba aghuigha, uan atrivir dabirabimning gaperaghav iti. Me aningen atrivir dabirabimning, Samarian nguibar ekiam avinizir divazimin tiar akamin boroghin, itir nguazir zarir mamin aning afa. Kar witin ovizibar iniba kua dar dagheba isir danganim. Ezi akam inigha izir gumaziba aningen guamin tugha, gin otivamin biziav gei.

¹⁰ Ezi Kenanan otarim, Sedekaia, a uaghan 400pla akam inigha izir gumazir kabar mav. An ainin mam inigha, ua bagha bulmakaun komin min garir bizar mamin ingari. Egha uan dapanim garuga iza Ahap migia ghaze, “Ikiavira Itir God ghaze, Ni Siriabav sogh me abiraghram. Mati ni komin kamin min me giniv mangi, bar me agivaghram.”

¹¹ Ezi akam inigha izir gumazir igharaziba uaghan kamaghira migei. Me ghaze, “Ni Ramotin nguibar ekiamin mangi misogh, egh guizbangira nguibar ekiar kam iniam. Ikiavira Itir God, nin akuraghti, ni me abiraghram.”

¹² Ezi gumazir dapanir Ahap, Mikaia iniasi amadazim, a Mikaia inigha izi. Aning atrivim boroghin iza, gumazir dapanir kam Mikaia migia ghaze, “Akam inigha izir gumaziba bar moghira ghaze, atrivim midorozimin Siriaba abiraghram. Kamaghin amizi, ni uaghan kamaghira, akar atrivim bar akueghamin tamin atrivim mikim.”

¹³ Ezi Mikaia a ikaragha ghaze, “Ikiavira Itir Godin zurara itimin ziam, ki guizbangira ni migei, akar manam Ikiavira Itir God a mikimasa na mikeme, anarira ki an gun mikimak.”

¹⁴ Egha a ghua Atrivim Ahap batozi, Ahap an azara, “Mikaia, e Ramotin nguibar ekiam bagh mangi, misogh uam a iniam, ti puvati?”

Ezi Mikaia atrivim dipova ghaze, “A dera, ni mangi misogh egh Ramotin nguibar ekiam ini. Ikiavira Itir God nin akuraghti, ni me abiraghram.”

¹⁵ Ezi Atrivim Ahap a migia ghaze, “Ni ifaran marki. Ki zurara ni migia ghaze, ni Ikiavira Itir Godin ziamin guizbangira

na mikim. Ni manadizoghin nan akam baraghgam?"

¹⁶ Ezi Mikaia Ahap migia ghaze, "Ki garima, Israelian midorozir gumaziba mati, ghuaviba puvatizir sipsipbar min pura tintinibar mighsiabagh miri. Ezi ki Ikiavira Itir God barazi, a ghaze, 'Gumazamizir kabar faragh mangamin gumazir dapaniba puvati. Ni me amangichti, me vaghvagh uan nguibabar mangi egh deraghvira iki.'"

¹⁷ Ezi Israelian Atrivim Ahap kamaghin oregha, Atrivim Jehosafat migia ghaze, "Ni ge, ki ni mikemegha gifa. Akam inigha izir gumazir kam bizir aghuitamin gun na migeir puvati. A zurara bizir kurar na batimibara gun na migei."

¹⁸ Ezi Mikaia ua kamaghin migei, "Ni datirighin deragh kuarim atigh oraghti, ki Ikiavira Itir God nan akazir bizibar ni mikimam. Ki garima, Ikiavira Itir God uan Nguibamin uan atrivir dabirabim gaperaghav iti, ezi an enselba bar, an agharir guvim ko agharir ikiriamin tuivighav iti. ¹⁹ Ezi Ikiavira Itir God kamaghin men azara, 'Tinara mangi Ahap gifariva a gekuighthi, a Ramotin nguibamin mangi midorozimin aven ovengam?' Ezi enselba vaghvagh uan nighniziba Ikiavira Itir God ganidi.

²⁰ "Me kamaghin amua ikiav itima, duar mam iza Ikiavira Itir Godin damazimin tugha, kamaghin a migei, 'Ki mangi a gifaragh, a gekuigham.'

²¹ "Ezi Ikiavira Itir God an azara, 'Ni manmaghiram a gifaram?'

"Ezi duam kamaghin Ikiavira Itir God migei, 'Ki mangi Ahapin akam inigha izir gumazibar amuti, me a gifaragh.'

"Ezi Ikiavira Itir God duar kam migia ghaze, 'Ni mangi a gifaraghti, a nighnizir gavgavim akam inigha izir gumazibar akamin ikiam.'"

²² Ezi Mikaia bighavira Ahap migia ghaze, "Ikiavira Itir God, ni ikuvighasa a ifonge, egha ni gifarasa, duar kam amadazi, a nin akam inigha izir gumazir kabagh amizi, me ni gifaraghha gifa."

²³ Ezi akam inigha izir gumazim Sedekaia, a Kenanan otarim, an orazi, Mikaia akar kamin Ahap migeime, an an boroghin ghua an koviam misuegha ghaze, "Ikiavira Itir Godin Duam manmaghin na ategha, nin ghugha akar kam ni ganingi?"

²⁴ Ezi Mikaia, Sedekaian akam ikaragha ghaze, "Apaniba gin izi Israelia ia abinightly, ni ari mangi dipenitamin aven danganir mogomemin modogh ikiam. Egh dughiar kamra ni fogham, Ikiavira Itir God uabi akar kam na ganingizi, ki an gun migei."

²⁵ Ezi Atrivim Ahap uan gumazir dapanir mam migia ghaze, "Ni Mikaian suiragh nguibar ekiamin garir gumazir ekiam, Emon ko nan otarim Joas, aning bagh mangi. ²⁶ Egh kamaghin aning mikemegh, 'Atrivim kamaghin migei: Gua gumazir kam isi kalabuziam datigh. Egh bretin muziariba ko dipabara, a daning mangiti midorozim givaghti ki uamategham.'"

²⁷ Ezi Mikaia ua ghaze, "Ia gumazamiziba bar deravira nan akar kam baragh!"

Egha Ahap migia ghaze, "Ni osimtitizam inighan kogh ua deraghvira nguibamin izegh, egh ni kamaghin fogh suam, Akar ki mikemezir kam, a Ikiavira Itir Godin izezir puvati."

*Atrivim Ahap misoghasa zui
(1 Atriviba 22:29-36)*

²⁸ Kamaghin amizi, Israeliin Atrivim Ahap ko Judan Atrivim Jehosafat, aning uan midorozir gumaziba inigha, Siriaba ko misoghasa ghua, Gileatin Distrighin itir nguibar ekiam Ramotin otifi. ²⁹ Ezi midorozim tighar akuighirighasava amima, Atrivim Ahap kamaghin Atrivim Jehosafat migei, "Ga midorozim bagh mangi, ki uan atrivir korotiaba sueghiva korotiar igharazitar aghuighthi, midorozir gumaziba nan atamangigham. Egh ti ni uan atrivir korotiabar aghuigh." Egha Israelian atrivim korotiar igharaziba aghuigha aning midorozim bagha zui.

³⁰ Dughiar kamra, Sirian atrivim uan midorozir gumazir karisbar pin tuiva misoziбар dapaniba, akar gavgavim me ganiga ghaze, "Ia Israeliin atrivim baghvira gan a ko misogh, egh gumazir ziaba itir igharaziba o ziaba puvatiziba ko misoghan marki." ³¹ Ezi me misoziбар dughiamin, midorozir gumazibar dapanir kaba Atrivim Jehosafatin ganigha ghaze, a ti Israeliin atrivim. Egha me a misoghasa zuima, a tiarim akara deima, ezi Ikiavira Itir God an akura. God midorozir gumazibagh ekuizi me anetaki. ³² Ezi me fo, kar Israeliin atrivim puvati, egha me anetaki.

³³ Midorozim ghuavira itima, Sirian midorozir gumazir mam, uan barir pimin Israelia iti naghin puram asavamada. Ezi barim ghua Ahapin mikarzir, midorozir korotiam avarazir puvatizim gasara. Ezi Ahap uan karisin suizir gumazim migia ghaze, "Ki ikuvigha gifa. Ni zuamira ua karis giragh midorozir danganim atakigh." ³⁴ Ezi midorozim ghuavira ikia bar gavgavizi, Atrivim Ahap midorozim ategh mangan iburaghburaghizi, me karisin aven puram anefazi, a Siriabar damazimin uan karisin aven aperaghav

ikia Siriabar gara kamaghira itima, aruem gevima an areme.

19

*Godin akam inigha izir gumazim Jehu,
Jehosafat atari*

¹ Atrivim Ahap aremegha givazi, Atrivim Jehosafat bar deravira uamategha iza Jerusalemin uan atrivir dipenimin oto. ² Ezi dughiar kamin, Godin akam inigha izir gumazim Jehu, a Hananin otarim, a ghua Atrivim Jehosafat batogha kamaghin a migei, “Ni ti ghaze, ni gumazir kurabar pogh men akurvaghmin arazim, ko gumazir Ikiavira Itir God gifongezir puvatizibagh ifongezir arazim ti dera? Ni arazir kamaghin garim gamizi, Ikiavira Itir God nin aningaghe. ³ Egha God fo, ni uaghan arazir aghuir mabagh ami. Ni uan kantrin aven, itir aser amizim Aseran nedaziba itir guarir akinibagh asighasigha, Godin ifongiamin gintighasa gavgafi.”

Jehosafat kotiabar jasba amisefe

⁴ Atrivim Jehosafat Jerusalemin iti. Egha dughiar mabar, a dikava ghua uan gumazamizibar ganasa ghua, sautin amadaghan Berseban nguibal ekiamin ikegha ghua notin amadaghan Efraimin anabamin mighsiaba itir danganimin tuifi. Egha a Ikiavira Itir God, men inazir afeziabar God bagh uamategh izasa me migei. Ezi me a baregha uamategha God bagha ize. ⁵ Ezi Jehosafat kotiaba tuisighamin jasba amisevegha, Judan nguibal ekiar davariz bar gavgavim aviniviza bar me ariki. ⁶ Egha kotiaba tuisizir jasba, a kamaghin me migei, “Ia gumazamizibar ingangarim gamir puvati. Ia Ikiavira Itir Godin ingangarim gami, a uabi ia ko iti. Kamaghin amizi, ia kotiaba tuisighamin dughiar, ia uari uan araziba bagh deravira gan. ⁷ Ikiavira Itir God, en God, kotiamin aven, guizin arazim giragh kotiaba baraghmin araziba, ko uan namakabar akabar akurvaghmin araziba ko, gumazamiziba ia apezeper dagiaba ia daningamin araziba, arazir kaba God bar dar aghua. Kamaghin amizi, ia gumazir kotiaba tuisizir, ia Ikiavira Itir Godin atiatingiva bar an apengen iki, egh deraghvira uan arazibar gan.”

⁸ Jehosafat uan gumazir dapaniba ko uamategha Jerusalemin izezir dughiamin,* Jehosafat Livain marazi ko ofa gamir gumazir maba ko ikizibar gumazir dapanir maba amisefe, eghit me gumazamizir Ikiavira Itir Godin Akar Gavgaviba abiziba tuisighamin jasbar otivam, egh uaghan

Jerusalemin nguibal ekiamin aven itir gumazamizibar uari adoghodozir migirigiba akirmigham. ⁹ Jehosafat kamaghin jasin kabav gei, “Ia ingangarir kam damuamin dughiamin, ia bar Ikiavira Itir Godin atiating an apengen ikiva, deraghvir a arazibar gin mangi. Ia ingangarir kam damuti, a deraghviram otivi, ia uan navir averiabar aven bar ifongegh. ¹⁰ Eghiti ian namakataba, nguibal ekiar igharazibar ikegh izi uarir akurvagh kotiaba tuisighsi ian azangti, ia men akuragh kotiaba tuisighamin arazir aghuibar men sure damu. Gumazim, gumazir igharazimin misoghezi an aremezir kotiam ko, gumazim Godin Araziba, ko an Akar Gavgaviba abighizir kotiam, ko gumazim arazir God ifongeziba abighizimin kotiam ko arazir God damuasa ia mikemeziba abighizir kotiam, ia men sure damuti, me Ikiavira Itir Godin damazimin osmtiziba puvatigham. Eghiti ia ko ian adarasi, Godin damazimin osmtiziba puvatighti, God ian aningagheghan kogham. ¹¹ Ia deraviram oragh. Gumazir pumuning ian faragh mangi kotiabar ingangaribar ganam. Gumazamizibar Ikiavira Itir Godin Araziba abigha da munasir kotiaba baraghmin dughiamin, Godin ofa gamir gumazibar dapanim Amaria, ian kotiabar faragh mangam. Eghiti gumazamizibar gavmanin araziba abigha da munasir kotiaba baraghmin dughiamin, Ismaelin otarim Sebadaia, a Judan gumazir dapanim, a ian kotiabar faragh mangam. Eghiti kotiabar ingangaribar, Livaiba ian akurvagh. Ikiavira Itir God, gumazir arazir aghuibagh amiba ko iti, kamaghin amizi, ia atiatingan kogh tuivigh gavgavigh ingangarir kaba bar dar amu.”

20

Apaniba izava Judaba ko misosi

¹ Bizir kabar gin, Moapia ko Amonia ko Amonin kantrin itir igharaz darasi,* me iza Judaba ko uariv sosi. ² Ezi gumazir maba Atrivim Jehosafat bagha iza kamaghin a migei, “Idomian midorozir gumazir avirir dafam, Amangsizim Itir Dipar Akaremin vongin itir nguazim ategha ni ko misoghaba izi. Egha me datirighin Hasason Tamarin iti.” Hasason Tamar, a Engedin nguibal ekiamin ziar mam. ³ Ezi Atrivim Jehosafat kamaghin oregha bar atiatingi. Egha a Ikiavira Itir Godin ifongiam gifofoghasa. Kamaghin, a Judan kantrin danganiba bar adar itir gumazamizibar bagha akam amaga

19:3: 2 Eghaghaniba 17:4-6; 30:19 **19:6:** Godin Araziba 1:17; Onger Akaba 82:1 **19:7:** Godin Araziba 10:17;

Aposel 10:34; Rom 9:14; 1 Pita 1:17 * **19:8:** Hibrun akam deragha akar kamin mingarim abighizir puvati. **19:9:**

2 Samuel 23:3 * **20:1:** Hibrun akam deragha akar kamin mingarim abighizir puvati.

ghaze, me bar dagheba tagh Ikiavira Itir God ko mikimam.⁴ Ezi Judan danganiba bar adar itir gumazamiziba uarir akurvaghaha Ikiavira Itir God ko mikimasa Jerusalemin ize.

⁵ Egha me iza Jerusalemin gumazamiziba ko me Ikiavira Itir Godin Dipenimin danganir igiar me uari akuvamin uari akufa. Ezi Atrivim Jehosafat ghua men tongin tughha, kamaghin God ko migei,⁶ “O Ikiavira Itir God, ni en inazir afeziabar God, ni uan Nguibamin ikiava, nguazimin ikiziba bar me gativagha men gari. Ni gavgavir bar ekiam iti. Egheti gumazitam ni misogh ni abiraghan kogham.”⁷ O en God, ni fo, e Israelia nin roroam Abrahamin ovavir boriba, e nin gumazamizibara. Ni gumazamizir fomira nguazir kamin apiaziba, ni me batoghezi me are, egheti nguazir kam, a en nguazimra iki mamaghira iki-as a ni e ganingi.⁸ Ezi e dughiar ruarimin nguazir kamin ikegha gifa. En inazir afeziaba fomira nin boroghin mangi, nin ziam fasa Dipenir kamin ingari. Egha me an ingarigha givazir dughiamin, me kamaghin ni ko migia ghaze,⁹ “Ikiavira Itir God, osimtizitam e batogham, o apaniba izi e ko misogham, o arimarian kurar ekitatam otogham, o dagheba otevir dughiar ruaritam e batoghi, e izi Dipenir kamin guamin nin damazimin tugham. Dipenir kam, a danganir e nin boroghin izi nin ziam famim. Egh e osimtizir kam ginighnigh uarir akurvaghshi nin azangsigham. Egheti ni en dimdiam baragh uam e iniam.”

¹⁰ Egha Atrivim Jehosafat ua kamaghin God ko migei, “Ni Amonia ko Moapia ko Idomian ganigha gifa, me e misoghasa ize. Bar fomira, en inazir afeziaba Isip ategha iza ikizir kabar nguazimin otivir dughiamin, ni en inazir afeziaba ataghizi, me me ko misoghezir puvati. Kamaghin amizi, en inazir afeziaba me gitagha, me gasighasighizir puvati.”¹¹ Ezi me datirighin tong arazir aghuir en inazir afeziaba me gamizibagh nighnizir pu. Puvati. Me bar arazir kuram gamua e ko misoghasa. Me nguazir ni uabi e ganingizir kamin e batueghasa izegha gifa.¹² O, en God, midorozir gumazir avirir kaba e misoghasava ami. Ezi e me ko misoghamin gavgaviba puvati. Kamaghin amizi, ni uabi bar puv me damigh. Bar guizbangira, e fozir puvati, e manmaghin damuam. Kamaghin amizi, e uarir akurvaghaha ni baghvira gara iti.”

¹³ Dughiar kamin, Judan gumaziba uan amuiroghboriba sara, me bar moghira, Ikiavira Itir Godin damazimin

an Dipenimin boroghin tuivighav iti.¹⁴ Ezi Livaibar mav, an ziam Jahasiel, a gumazamizir kabar tongin tughav iti. Jahasiel, a Sekaraian otarim, ezi Sekaraia, a Benaian otarim, ezi Benaia, a Jeielin otarim, ezi Jeiel, a Matanian otarim. Gumazir kaba bar moghira, me Livain gumazim Asapin ovavir boriba. Ezi Ikiavira Itir Godin Duam pamten iza Jahasiel gizivazima,¹⁵ a kamaghin migei, “O Atrivim Jehosafat, ko ia Jerusalemin itir gumazamiziba ko ia Judaba bar, ia deraviram oragh. Ikiavira Itir God, a kamaghin ia migei: Ia midorozir gumazir avirir kamin atiating naviba osiman marki. Midorozir kam, kar Ikiavira Itir Godin bizimra. A ian bizim puvati.”¹⁶ Apaniba gurum mizaraghan ia misoghs i Sisin mighsiamin ghuanadir tuavimin izam. Egheti ia mangi Jeruelin gumazamiziba puvatizir danganimin boroghin, aruem anadi naghin danganir zarimin me batogham.¹⁷ Ia uari midorozir kamin misogham kogham. Puvati. Ia mangi misoghamin danganimin pura tuivigh iki gan, egheti Ikiavira Itir God ian akuragh midorozir kam damuam. Ia Jerusalem ko Judan danganibar itir gumazamiziba, ia atiating naviba osiman marki. Ia gurum mizaraghan midorozim bagh mangi, egheti Ikiavira Itir God ia ko ikiam.”

¹⁸ Ezi me akar kam baraghizir dughiamin, Atrivim Jehosafat tevimonin apirigha uan guam nguazim mitua. Ezi Judaba ko Jerusalemia bar, me Ikiavira Itir Godin damazimin nguazim giregha an ziam fe.

¹⁹ Ezi Livain anabamün Kohat ko Koran adarazi dikavigha pamtemin dia Ikiavira Itir God, a Israelian God, an ziam fe.

²⁰ Ezi bar mizaraghara, me dikavigha Tekoan nguubar ekiamin boroghin itir gumazamiziba puvatizir danganimin mangasava amua iti. Me tighar Jerusalem ataghiraghamin dughiamin, Atrivim Jehosafat kamaghin me migei, “Ia Judaba ko Jerusalemia, ia oragh! Ia nighnizir gavgavim Ikiavira Itir God, ian Godin iki, egh tuivigh gavgafigh. Egh ia Godin akam inigha izir gumazibar akaba nighnizir gavgavim dar iki, egh ia uan apaniba abiraghan.”²¹ Egha atrivim uaghan gumazamizibar nighnizibagh foghosa men azangsi, egha gin, a midorozir gumazibar faragh mangi, ighiar kam bangasa me amisefe: Ezi me kamaghin ighiam bat!

“Ikiavira Itir Godin Araziba bar zue,
ezi arazir kam, mati an kurkazir
aghuiim.

E bizir kabagh nighnigh,
egh an ziam fi ighiaba bangam.
Ikiavira Itir God zurara en apangkuvigha
mamaghira iti.
Kamaghin amizi, e a minamam."

²²⁻²³ Jehosafat uan midorozir gumaziba ko zuir dughiamin, gumazir ighiam batiba, me dikavigha Ikiavira Itir Godin ziam famin ighiabagh ami. Ezi Ikiavira Itir God, Amonia ko Moapia ko Idomian midorozir gu-mazibagh amizima, me uarira uarir atara uariv sosi. Amonia ko Moapia, faragha Idomia ko misogha, bar me misoghezi me ariaghire. Egha gin Amonia ko Moapia uari uariv sogha bar uarigh asighasiki. ²⁴ Ezi Judan midorozir gumaziba ghua gumazamiziba puvatizir danganimin itin tauan mamin oto, kar tauan midorozir gumaziba ikia apaniba bagha garim. Egha me apaniba bagha garava avenge. Me apanibar kuabar garima, da pura tintinibar nguazimin irav iti, ezi me digavir kuram gami. Men tav angamira itir puvati, me bar moghira ariaghire.

²⁵ Ezi Atrivim Jehosafat uan adarazi ko, gumazir kuar kabar tongin ghua garima, bizir bar aviriba iti. Ezi me dagheba ko korotiaba ko bizir bar aghuir avirir maba ini. Biziiba bar aviraseme, kamaghin amizi, me aruer pumuning ko mikezimin bizir kaba isavira iti. ²⁶ Egha namba 4in aruemim, me iza danganir zarir mamin uari akuvagha, Ikiavira Itir God men akuraghia amizir bizim ginighnigha, an ziam fe. Bizir kam bangin, dughiar kamin ikegha iza datirighin, me danganir kam kamaghin a dibori, Godin Ziam Fer Danganir Zarim. ²⁷ Ikiavira Itir God men akuraghia men apaniba abira, kamaghin amizi, Jehosafat faragha zuima Judaba ko Jerusalemin gumaziba an gin ikie, me bar akuegha uamategha Jerusalemin zui. ²⁸ Egha me gitabav sogha sighabagh iviava Jerusalemin nguubar ekiamin aven zui, egha Ikiavira Itir Godin Dipenim avinizir divazimin tiar akamin boroghin ghua ziar ekiam a ganidi. ²⁹ Ezi kantrin igharazibar atriviba ko gumazir dapaniba kamaghin oraki, Ikiavira Itir God Israelian akuraghia men apanibav soghezi, me bar ariaghire. ³⁰ Ikiavira Itir God bar deraghavira Jehosafatin kantrin gari, kamaghin amizi, midorozitam uam otozir puvatizi, Jehosafat uan gumazamiziba ko avughsi.

Atrivim Jehosafat areme (1 Atriviba 22:41-50)

³¹ Jehosafat azenir 35plan ikia atrivimin oto, egha 25plan azenibar Jerusalemin atrivimin iti. An amebam, Silhin guivim,

an ziam Asuba. ³² Jehosafat uan afeziam Asa faragha ikiava amizi moghin, a Ikiavira Itir Godin damazimin arazir aghuibagh ami. ³³ Egha bizir vamira, an a gamizir puvati, a mighsiabar pin itir asebar ziaba fer danganibagh asighasighizir puvati. Ezi gumazamiziba uaghan deragha uan inazir afeziabar Godin gintigha tuga gavgavizir puvati.

³⁴ Atrivim Jehosafat amizir arazir igharaziba bar, a faragha atrivimin otozir dughiamin ikegha ghua an aremezir dughiamin eghaghaniba, akinafarir kamin iti, me kamaghin a dibori, Hananin Otarim Jehun Eghaghaniba. Ezi akinafarir kam, akinafarir bar ekiamin aven iti, me kamaghin a dibori, Israeliyan Atrivibar Eghaghanibar Akinafarim.

³⁵ Dughiar mam, Atrivim Jehosafat Israeliyan Atrivim Ahasia ko poro, ezi atrivir kam arazir bar kurar aviribagh ami. ³⁶ Egha aning uaning inigh biziiba ater kantri Tarsisin mangasa kurir ekiabar ingari. Ezi anining ingangarir gumaziba Esiiongeberin kurir ekiar kabar ingari. ³⁷ Ezi Dodavahun otarim Elieser, a Maresan nguubar ekiamin gumazim, a Godin akar bar gavgavimin kamaghin Jehosafat migei, "Ni atrivir kuram Ahasia ko roroam gami. Kamagh amizi, Ikiavira Itir God gua ingarizir kurir ekiabagh asighasigham." Ezi kurir kaba ghua bar ikuvigha Tarsisin mangan ibura.

21

¹ Egha gin Atrivim Jehosafat uan inazir afeziabar min aremezima, me Devitin Nguubar Ekiamin, an inazir afeziabar kuaba afezir danganimin anefa. Ezi an otarim Jehoram an danganim inigha atrivimin oto.

Atrivim Jehoram eghaghanim

(Sapta 21)

*Jehoram Judan atrivimin iti
(2 Atriviba 8:17-24)*

² Atrivim Jehoram dozir 6pla iti. Men ziabar kara: Asaria, Jehiel, Sekaraia, Asarian igharazim, Maikel ko Sefatia. Jehoram ko 6plan gumazir kaba, me bar Judan Atrivim Jehosafatin otariba. ³ Jehosafat gol ko silvan avirim ko bizir iveauzir bar pin koziba isa uan horir kabagh aningi. Egha a uaghan Judan nguubar ekiar divazir bar gavgavim avinizibar ganamin ingangariba me ganingi. Jehoram, a Jehosafatin otarir ivariam, kamaghin amizi, Jehosafat uan danganim inigh atrivimin ikiisa anemisefe.

⁴ Jehoram atrivimin otozir dughiamin, a uan kantri bagha gavgavigha, bar uan

doziba ko Judan gumazir dapanir mabav soghezi me ariaghire.

⁵ Jehoram 32plan azeniba ikiava atrivimin oto, egha a 8plan azenibar Jerusalemin atrivimin iti. ⁶ A Israeliyan Atrivim Ahapin, guivimin iti. Kamaghin amizi, an Ahapin adarazi ko Israeliyan atrivir igharazibar aazar kurabar gintisi. Egha arazir kurar aviriba Ikiavira Itir Godin damazimin dagh ami. ⁷ Ezi Ikiavira Itir God Judan kantri gasighasighizir puvati. Guizbangira, Ikiavira Itir God uan ingan-garir gumazim, Atrivim Devit ginighnisi. A fomira Devit ko akar dikirizim gamua ghaze, Devitin ikizibar tongin gumazitam zurara atrivimin ikiam, eghiti Devitin lamen angazangarim mungehan kogham. Ezi dughiar kamin Ikiavira Itir God akar dikirizir kam ginighnisi. Kamaghin amizi, a Judan kantri gasighasighan aghua.

⁸ Jehoram Judan atrivimin itir dughiamin, Idomian gumazamiziba an akam batogha an apengan ikian aghua. Egha me uarir ganasa atrivir mam amisefe. ⁹ Ezi Jehoram uan midorozir gumazir dapaniba ko karis bar tuiva misoziq gumaziba inigha, Idomia misoghasa zui. Me ghua otivizi, Idomian gumaziba iza Jehoram midorozir gumaziba ekiarugha me misoghasa. Ezi dimagarimin Jehoram midorozir gumazir karisbar zuiba inigha, bar pamtem misogha me adughha ghue. ¹⁰ Egha, Judaba Idomia dikabirazir puvati. Ezi Idomian gumazamiziba, uari uan kantri gativaga ikia iza datirighin tu. Jehoram Ikiavira Itir God, uan inazir afeziabar God akirim ragha a gasara. Kamaghin amizi, dughiar kamin, Lipnan nguibamin gumazamiziba uaghan akaba batogha, ua Judabar apengan itir puvati.

¹¹ Ezi Jehoram uaghan Judan kantrin mighsiabar itir danganibar asebar ziaba fasa danganibar ingari. Egha a Juda ko Jerusalemin nguibar ekiamin gumazamizibagh ekuizi, me akirim ragha Ikiavira Itir God gasaragha, an damazimin arazir kurabagh ami.

¹² Dughiar mam, Godin akam inigha izir gumazim Elaija, Atrivim Jehoram bagha akinafarir mam osirigha anemaga ghaze, "Ikiavira Itir God, a ni ovavim Devitin God, akam kamaghin ni iti: Ni uan afeziatm Atrivim Jehosafat ko nin inazim Atrivim Asa, ni aningin arazir aghuibar gintizir puvati. ¹³ Ni Israeliyan atrivir arazir kurabagh amibar gin ghua, Judaba ko Jerusalemia getuima, me akirim ragha God gasara. Ni Atrivim Ahap uan adarazi ko Israelia gamizi moghira ni a gami. Egha ni uan dozibav soghezi, me ariaghire. Me gumazir

aghuibia, egha men araziba bar nin arazibagh afira. ¹⁴ Kamaghin amizi, Ikiavira Itir God nin gumazamiziba ko, nin amuiba ko boriba sara pazivira ia damuva, nin biziba bar dagh asighasigham. ¹⁵ Eghiti ni uabi, arimariar bar kuram nin muriar averriamin ikiam. Eghiti dughiabar vaghvagh, arimariar kam bar ekevegħti, nin evenavim asighirigham."

¹⁶ Ezi dughiar kamin, Ikiavira Itir God, Filistiaba ko Arebian Itiopian nguazimin borogħin itibagh amizi, me Jehoram anningagħe. ¹⁷ Egha me iza kantri Juda misogħa, Atrivim Jehoram dinipenim itir biziba bar ada inigha għu. Egha me an amuiba ko an otariba inigha ghue. Egha an otarir abuananam inigha ghuzir puvati, an ziam Joahas, an ziar igharazim Ahasia.

¹⁸ Ezi bizir kabar gin, Ikiavira Itir God arimariar bar kuram gamizi, an atrivimin muriamin oto. Arimariar kam a givaghan kogħam. ¹⁹ Arimariar kam an itiha, azenir pumuning għifa, ezi Jehoram evenavim asiaghixi, a mizazir bar kuram inigha areme. Ezi Judan gumazamiziba a ginighnighasa avir ekiatam arizir puvati, mati me an ovavibagh amizi mokin.

²⁰ Jehoram azenir 32pla ikia atrivimin oto, egha 8plan azenibar Jerusalemin atrivimin iti. Ezi an aremezir dughiamin, gumazitam an apangkuvizir puvati. Me atrivha afir danganinim anefazir puvati, me Devitin Nguibar Ekiāmin anefna.

Atrivim Ahasia ko Atrivir Amizim Atalian eghaghanim

22

(Sapta 22)

Ahasia Judan atrivimin oto

(2 Atriviba 8:25-29; 9:21-28)

¹ Jehoram atrivimin itir dughiamin, Arebian gumazir maba midorozir gumazir maba inigha Judan iza, an otarir ekiaba bar me misoghezi me ariaghire. Egha me Jehoram otarir abuananam Ahasia misogheżi puvati. ² Ezi Ahasia 42plan azeniba ikia, egha atrivimin oto. Egha azenir vamiran Jerusalemin atrivimin ike. An amebam Atalia, a Israeliyan Atrivim Omrin igiam. ³ An amebam nighnizir kurabar an sure gami, kamaghin amizi, an Ahapin ikizim arazir kurabagh ami. ⁴ An afeziatm aremezir dughiamin gin, an Ahapin adarazi inizi, me nighniziba a ganidima, a men nighnizibar gin ghuzzi, bizar kam bangin an araziba bar ikuvigha a gasighasissi. Ezi Atrivim Ahasia arazir kuraba Ikiavira Itir Godin damazimin dagh ami, mati Ahapin

ikizim amizi mokin. ⁵ Egha Atrivim Ahasia gumazir kabar akam baregha ghua Israelian Atrivim Joramın porogha a ko ghua, aning Sirian Atrivim Hasael misosi. Me Ramotin nguibar ekiamin boroghira uariv sosi, a Gileatin Distrighin itir nguibam. Ezi Sirian midorozir gumazibar Joram birazi, a bar ikufi. ⁶ Ezi Joram midorozim ategha ghua, Jesrilin nguibar ekiamin ikia, ua deraghasa mizua iti. A Jesrilin ikiavira itima, Atrivim Ahasia an ganasa ghu.

⁷ Ezi God fogha gifa, Atrivim Ahasia mangi Joramın gan ikiamin dughiar kamin, an a gasighasigham. Egha dughiar kamin Ahasia ghua Joram ko ikia aning ghua Nimsin otarim Jehu bato. Ikiavira Itir God, Ahapin ikizim gasighasigha, Jehu amisefe. ⁸ Ezi Jehu, Ahapin ikizim gasighasigha ghua Judabar gumazir dapanir maba ko Ahasian dozibar otariba bato. Gumazir kaba Ahasian ingangaribagh ami. Ezi Jehu bar me misoghezi, me ariaghire. ⁹ A me misoghezi me ariaghiregha givazi, an Atrivim Ahasia buri. Ezi Ahasia Samarian nguibamin modogha iti. Ezi gumazir maba an ganigha a inigha Jehu bagha izezi, an a misoghezi an areme. Ezi me Ahasian kuam purama anetaghizi a itir puvati. Me kamaghin nighnigha ghaze, Ahasia, an Atrivim Jehosafatin igiam, Jehosafat bar uan navir averiamin aven Ikiavira Itir God baghavira iti. Kamaghin amizi, me Ahasian kuam isa mozimin anefa. Ezi dughiar kamin, Ahasia ikizimin aven, Judabar atrivimin ikiva men ganamin gumazitam ua itir puvati.

*Atalia Judabar atrivir amizimin oto
(2 Atriviba 11:1-3)*

¹⁰ Ezi Atrivim Ahasian amebam Atalia kamaghin akam baraki, an otarim Ahasia aremegha gifa. Ezi a zuamira midorozir gumazibav kemezi, me Judan atrivibar ikizimin gumaziba bar me misoghezi me ariaghire. ¹¹ Ezi midorozir gumaziba Ahasian otarim Joas misoghezi an aremezir puvati. Me kamaghin fozir puvati, Atrivim Jehoramin guvivim Jehoseba, an Atrivim Ahasian buaramizim, an ofa gamir gumazim Jehoiadan amuim, amizir kamra, a moga atrivimin otarir aremeghamibar tongin Joas inigha, amizir an ganamim ko, aning isa danganir me daguvisiaba arizimin aven aning modo. Kamaghin amizi, Atalia Joas misoghezi an aremezir puvati. ¹² Ezi Jehoseba 6plan azenibar Ikiavira Itir Godin Dipenimin aven Joas modozi an a ko iti. Ezi dughiar kamin, Atalia Judan atrivir amizimin ikiavira iti.

Atrivim Joasın eghaghanim

23

(Sapta 23-24)

*Me Joas amisevezi, an atrivimin oto
(2 Atriviba 11:4-16)*

Atalia atrivir amizimin itima, an namba 7in azenimin, Godin ofa gamir gumazim Jehoiada bizitam damuasa nighnizir gavgavim iti. Egha a 100plan midorozir gumazibar garir gumazir dapaniba ko migeima, me an akuraghasa a ko akar dikirizir gavgavim gami. Gumazir dapanir kabar ziabar kara: Jerohamın otarim Asaria, ko Jehohaninan otarim Ismael, ko Obetin otarim Asaria, ko Adaian otarim Masea, ko Sikrin otarim Elisafat. ² Gumazir dapanir kaba Judan nguibar ekiaba bar dar ghua, Livaiba ko Israelian ikizibar gumazir dapaniba inigha Jerusalemin ize.

³ Ezi gumazir kaba bar moghira Godin Dipenimin uari akuvagha, Atrivim Joasin apengan ikiasi akar dikirizir gavgavim gami. Ezi Jehoiada kamaghin me migei, "Ikiavira Itir God akar dikirizim kamaghin a gamigha ghaze, dughabar zurara atriviba Devitin ikizimin otivam. Kamaghin amizi, Ia izi Joasin ganigh. An Atrivim Ahasian otarim, an atrivimin otivam. ⁴ Ezi e datirighin kamaghin damuam. Ia Godin ofa gamir gumaziba ko Livaiba, Sabatin aruemim ingangarim damusi ize, 3plan okoruabar uari tuiragh. Okoruutam, Godin Dipenimin tiar akabar ganam. ⁵ Eghti okoruar namba 2, atrivimin dipenimin gan, eghti okoruar namba 3, tiar akar me kamaghin diborim, Jesot, me an gan. Eghti gumazamiziba bar, Ikiavira Itir Godin Dipenimin uari akuvir danganir ekiamin iki. ⁶ Ofa gamir gumaziba ko Livaiba men akurvaziba, merara Godin damazimin zue, kamaghin amizi, me Ikiavira Itir Godin Dipenimin aven mangam. Ia gumazamizir igharaziba ateghi, me aven mangan marki. Gumazamizir igharaziba, God mikemezi moghin azenan iki. ⁷ Livaiba uan midorozir sababar suigh atrivim Joas ekiarugh, bar deraghviram an gan. Eghti a danganir manaman mangiti, me a sara mangi. Eghti gumazitam Ikiavira Itir Godin Dipenimin aven iziti, Livaiba a misuegħti an aremehgħ."

⁸ Ezi Livaiba ko Judan gumazamiziba bar moghira, ofa gamir gumazim Jehoiadan akar kamin gin zui. Egha Sabatin dughiamin, gumazir dapaniba, gumazir ingangarim agivagħha avugħsasa amir kaba, ko gumazir men danganiba iniamiba, gumazir dapanir kaba bar men akua Jehoiada bagħha Ikiavira Itir Godin Dipenimin ize. ⁹ Dughiar kamin, Atrivim Devitin afuziba ko orar ekiaba ko doziba, da Ikiavira Itir Godin Dipenimin iti. Ezi Jehoiada

bizir kaba inigha midorozir gumazibar dapanibagh aningi.¹⁰ Egha Jehoiada, Ikiavira Itir Godin Dipenimin divazimin danganiba bar dar mitivasa gumaziba amangi. Ezi midorozir gumaziba ghua, Ikiavira Itir Godin Dipenimin uari bagha danganiba inigha, sautin amadaghan ikegha ghua notin amadaghan tu. Me uaghan ofa gamir dakozimin boroghin tuivighav ikia, midorozir sababa suigha, atrivim ekiaruga bar deraghvira gara iti.¹¹ Midorozir gumaziba uari akirigha mizua itima, ofa gamir gumazim Jehoiada uan otariba ko, Joasin akua azenan iza, atrivibar dapanir asuam Joasin dapanim garu. Egha Akar Dikirizir Gavgavim itir akinafarir righizir mam a ganingi. Egha me gin olivin borem Joasin dapanim gingegeha anemisevezi, an atrivimin oto. Ezi gumazamiziba bar akuegha kamaghin dei, "Joas dughiar ruarimin atrivimin ikiam."

¹² Ezi Atrivir Amizim Atalia orazima niginir dafam oto. Ezi midorozir gumaziba ko gumazamiziba bar akuegha dia ivemara arua atrivimin ziam fe. Ezi atrivir amizim uan dipenim ategha Ikiavira Itir Godin Dipenimin danganir gumazamiziba uari akuba itimin zui.¹³ A ghua otogha garima, atrivir igiam, atriviba ami moghin, Ikiavira Itir Godin Dipenimin guamin itir guarir akinim boroghin tughav iti. Egha a midorozir gumazibar dapaniba ko gumazir sighthabagh ivibar garima, me atrivir igiam boroghin iti. A uaghan garima gumazamiziba bar akuegha, men marazi uaghan isighabagh ivi. Ezi ighiabagh amir gumaziba uan gitaba ko buabav soghava ighiabagh amua men faragha zui. Ezi Atalia puv atara uan korotiam abigha dia ghaze, "Ia gumazamizir kuraba. Ia bar arazir kuram gamua na abinasa."

¹⁴ Ezi Jehoiada Ikiavira Itir Godin Dipenimin boroghin Atalia misueghti an aremeghan an aghua. Egha a kamaghin midorozir gumazir dapanibav gei, "Ia Atalian suiraght, midorozir gumaziba anekiarugh a kurugh Ikiavira Itir Godin Dipenim avinizir divazimin azenan mangi. Eighti gumazitam an gin mangiti, ia gumazir kam misueghti an aremegh."¹⁵ Ezi me Atalian suiragha, a inigha Godin Dipenim ategha ghua atrivimin dipenim avinizir divazir hoziaba aven zuir tiar akamin aven ghugha, a misoghezi an areme.

*Ofa gamir gumazim Jehoiada,
Ikiavira Itir Godin gin mangasa
gumazamizibar akurvasi*
(2 Atriviba 11:17-21)

¹⁶ Godin ofa gamir gumazim Jehoiada, Atrivim Joas ko gumazamizibar akurvazi,

me Ikiavira Itir God ko Akar Dikirizir Gavgavim gamua ghaze, me Ikiavira Itir Godin gumazamizibara ikiam. Egha a uaghan atrivim ko gumazamizibar akurazi, me uarir tongin Akar Dikirizir Gavgavim gami.¹⁷ Egha gin gumazamiziba asem Balin ziam fer dipenim ghua, bar a gasighasiki. Egha me ofa gamir dakoziba ko asem Balin marvir guabagh asighasiki. Egha me ofa gamir dakozir kabar boroghin Balin ofa gamir gumazim Matan misoghezi an areme.¹⁸ Ezi Jehoiada Ikiavira Itir Godin Dipenimin aven itir ingangaribar ganasa, Livain adazariz tongin, Godin ofa gamir gumazir maba ko Livain igharaziba sara me amisefe. Ikitir kamning, Atrivim Devit fomira ingarasa men ovavibav kemezi moghira me ingari. Egh me Moses Osirizir Araziba mikemezi moghin, Ikiavira Itir God bagh ofan bar isia mighiribar amu. Egh me Devit mikemezi moghin, ofa damuamin dughiamin, me buabav sogh ighiabagh amir gumazibav kimti, me ighiar bar akongezibar amu.¹⁹ Egha Jehoiada Ikiavira Itir Godin Dipenim avinizir divazimin tiar akabar ganasa Livain maba amisefe. Eighti Livain kaba bar deraghvira tiar akabar ganti, Ikiavira Itir Godin damazimin zuezir puvatizir gumazamiziba aven mangen kogham.

²⁰ Ezi Jehoiada, midorozir gumazibar dapaniba ko, midorozir gumazir atrivimin gariba ko, atrivimin dipenimin garir midorozir gumaziba, me Ikiavira Itir Godin Dipenimin ghuegha atrivir igiam inigha an akua atrivimin dipenimin zuima, gumazamiziba bar men gin zui. Me bar ghua otivigha, tiar akar me kamaghin diborim, Tiar Akar Pin Itim, an aven ghua Joas isava atrivir dabirabim gatizi an a gapera.²¹ Egha Judan gumazamiziba bar akonge. Me fo, midorozir gumaziba Atalia misoghezi an areme. Kamaghin amizi, gumazamiziba navir amirizim sara Jerusalemin iti.

24

*Joas uamategha Ikiavira Itir Godin
Dipenim akiri*

(2 Atriviba 12:1-16)

¹ Joas 7plan azeniba ikia, egha atrivimin oto. Egha 40plan azenibar Jerusalemin atrivimin iti. Joasin amebamin ziam Sibia, a Berseban nguibar ekiamin amizim.

² Godin ofa gamir gumazim Jehoiada ikiavira itir dughiamin, Joas Ikiavira Itir Godin damazimin arazir aghuabagh ami.

³ Ezi Jehoiada, Atrivim Joas bagha amizir pumuning ginaba. Ezi Joas aningin itima, aning otariba ko guiviba bate.

⁴ Ezi dughiar maba ghuegha givazima, Joas uamategh Ikiavira Itir Godin Dipenim

akirasa nighnisi. ⁵ Egha a ofa gamir gumaziba ko Livaiba akuvagha kamaghin me migei, "Ia mangi Judan nguibar ekiabar itir gumazamiziba bar me mikimti, me e uan Godin Dipenim akirsi dagiabar arigh. Ia azenibar zurara ingangarir kam damu. Egh ia datirighin zuamira mangi dagiar kaba inigh." Ezi Livaiba zuamira ingangarir kam gamizir puvati.

⁶ Egha Joas gin ofa gamir gumaziba ko Livaibar garir gumazir dapanim Jehoiadan diagha, kamaghin an azara, "Manmaghin amizi ni Livaibar aviraghi, me zuamira Judaba ko Jerusalemia da takisin dagiaba inian aghua? Ia fo, Ikiavira Itir Godin ingangarir gumazim Moses, Israelian gumazamiziba ko, akam akirigha ghaze, me Ikiavira Itir Godin Purirpenimin ingangaribar amusi takisin dagiaba iniam.* Ezi Livaiba tizim bagh mangi takisin dagiaba inian aghua?"

⁷ Amizir kurar kam Atalia atrivimin itir dughamin, an adarazi Ikiavira Itir Godin Dipenim akarigha even ghuegha bizar mabagh asighasiki. Egha me uaghan gumaziba Ikiavira Itir God ganingizir biziiba bar ada inigha, uan asem Balin ziam fasa ada inigha ghue. Kamaghin amizi Joas ingangarir kaba ua dar amuasa nighnisi.

⁸ Egha atrivim dagiabar arighasa Livaibav kemezi, me boksiar mamin ingari, egha me Ikiavira Itir Godin Dipenim avinizir divazimin tiar akamin boroghin aneti. ⁹ Egha me Ikiavira Itir Godin Dipenim bagha takisin dagiaba inigh izasa, Jerusalemin gumazamiziba ko Judan kantrin danganiba bar dar itir darazi bagha akam amada. Israelia fomira gumazamiziba puvatizir danganimin itima, Godin ingangarir gumazim Moses me mikemezi, me takis aningizi moghin, me datirighin ua takisbar aningam. ¹⁰ Ezi gumazir dapaniba ko gumazamiziba bar, akar kam baregha, me bar akonge. Egha me dagiaba inigha iza boksiar kam gazuima, a bar izifa. ¹¹ Ezi Livaiba dughiabar zurara boksiar kamin gari a iziyavira itima, me a isa atrivimin ingangarir gumaziba bagha zui. Egha atrivim gumazir akinafariba osirim ko Godin ofa gamir gumazibar dapanim, boksiar kamin dagiaba bar da inigh, egh boksiam uam a isi an danganim datigham. Me kamaghira amuava, Ikiavira Itir Godin Dipenim akirasa, dagiar bar aviriba ini.

¹² Ezi Atrivim Joas ko ofa gamir gumazibar dapanim Jehoiada, dagiar kaba inigha, Dipenim akirmighamin gumazibar gumazir dapanibagh aningi. Ezi gumazir dapanir kaba ghua ingangarir gumazir kabagh iveauza me ini. Dipenibar ingarir

gumaziba ko, gumazir deravira dagiabar dipenibar ingariba ko, gumazir deravira ain ko brasin bizibar ingariba, me me inizi. Egha me ua Ikiavira Itir Godin Dipenimin ingaran anekiram.¹³ Ingangarir gumazir kaba bar puvira ingarava Godin Dipenim bar deravira anekirizi, a fomira ikezi moghin otogha bar deragha bar gav-gafi. ¹⁴ Ingangarir gumaziba Ikiavira Itir Godin Dipenimin ingara anegivazi, gol ko silvan naba ikiavira iti. Ezi ingangarir gumazibar dapaniba silva ko golin kaba atrivim ko Jehoiada ganingi. Egha aning ingangarir gumazir ighazaribav kemeghti, me silva ko golin kaba inigh, ofa damaumin biziba, ko pauran mughurian aghuim zuim tuamin itariba, ko itarir ighazariba ko baghaba, ko Godin Dipenimin aven ingaramin bizar ighazariba sara ingaram. Ezi Jehoiada ikiavira itir dughamin, gumazamiziba Ikiavira Itir Godin Dipenimin ghua ofan bar isia mighiribagh ami.

¹⁵ Ezi gin Jehoiada bar ghuri, ezi an azeniba 130plan tuzi, an areme. ¹⁶ Ezi gumazamiziba Jehoiadan ingangarir an amiziba ko arazir aghuir a Godin damazimin amizibagh nighnisi. Kamaghin amizi, me an kuam isa Devitin Nguibar Ekiamin itir atriviba afir danganimin anefa.

Judaba akirim ragha God gasara

¹⁷ Jehoiada ovegha givazi, Judan gumazir dapaniba iza Atrivim Joasin ziam fava anepezeperima, a men akabar gin zui. ¹⁸ Atrivim Joas Juda ko Jerusalemin gumazamiziba ko, me akirim ragha Ikiavira Itir God, men ovavibar God gasara, egha me ua Ikiavira Itir Godin Dipenimin an ziam fer puvati. Me guarir akinir aser amizim Aseran nedazim itiba, ko marvir guabar ingarigha, dar ziaba fe. Me osimtizir bar dafam Godin damazimin a gami, kamaghin God men aningaghe. ¹⁹ Ezi Ikiavira Itir God, gumazamiziba uamategh a bagh izasa, an Akar Gavgavim uan akam inigha izir gumazibav kemezi, me ghua gumazamizibav geima, gumazamiziba men akaba baraghian aghua.

²⁰ Ezi Godin Duam, ofa gamir gumazim Jehoiadan otarim Sekaraia gapasa. Ezi gumazamiziba Sekaraian ganasa, an azenim girigha ghua bar me gafiraghha mitigha kamaghin migei, "Ikiavira Itir God kamaghin migei: Ia an Akar Gavgaviba munasaraghya gifa, kamaghin amizi, ia deraghvira ikian kogham. Ia tizim bagha arazir kam gami? Ia akirim ragha Ikiavira Itir God gasaraghya gifa, kamaghin amizi, an akirim ragha ia gasara."²¹ Ezi Atrivim Joas uan gumazir dapaniba ko me Sekaraian akar kabar aghuaghga a misuegti, an

aremehgasa akabav sosi. Egha atrivim mikemezi, me Ikiavira Itir Godin Dipenim avinizir divazimin aven, gumazamiziba uari akuvir danganimin dagiabar a ginya ghuavira itima, an areme. ²² Atrivim Joas, a Sekaraian afeziam Jehoiada amizir arazir aghuibagh nighnizir puvati. A pura Sekaraia misoghezi an areme. Sekaraia duam suer dughiamin, a kamaghin migei, "Ikiavira Itir God ia amir bizir kamin ganigh ia ikarvagh iveau kuram ia daningam."

Me Joas misoghezi an areme

²³ Azenir kam givazi azenir igiam otivasa amir dughiamin, Sirian kantrin midorozir gumaziba iza Atrivim Joas ko misosi. Me iza kantri Judan otivigha, Jerusalemin nguubar ekiamin misogha, Joasin midorozir gumaziba abini. Egha Siriaba men gumazir dapaniba bar me misoghezima me ariaghire. Egha me Judabar bizir bar aviriba inigha Damaskusin nguubar ekiamin ghua, Sirian atrivim ganingi. ²⁴ Judaba akirim ragha Ikiavira Itir God, men ovavibar God gasara, kamaghin amizi, bizir kaba otifi. Ezi Ikiavira Itir God Sirian midorozir gumazir bizir muziaram ataghizi, me iza Judan midorozir gumazir bar avirim misogha me abira. Ikiavira Itir God, arazir kamin Atrivim Joasin arazir kuram ikarvaghha iveau kuram a ganingi. ²⁵ Midorozir kamin, Joas duar bar aviriba ini. Ezi midorozim givazi, Siriaba uamatetgha uan nguibabar ghuezi, atrivimin gumazir dapanir maba, me Joas, ofa gamir gumazim Jehoiadan otarimin misoghezi, an aremezir bizir kam ginighnisi. Egha me Joas amizir bizir kurar kam ikarvagh, a misuehti an aremeghase akam akiri. Ezi Joas gin uan dakoziminakuima, me an dakozimin a misoghezima an areme. Ezi an kuam, me atriviba afir danganimin anefazir puvati. Me an kuam isa, Devitin Nguibar Ekiamin anefa. ²⁶ Atrivim misoghezi an aremezir gumazimning ziamning, Sabat ko Jehosabat. Sabatin amebam Simeat, an Amonian adarazir amizim. Ezi Jehosabatin amebam Simrit, a Moapian adarazir amizim. ²⁷ Joasin otaribar eghaghaniba, ko Godin akam inigha izir gumazimin migirigiar avir a gasiba, ko a uamatetgha Godin Dipenim akirizir eghaghaniba, da bar moghira akinafarir me kamaghin diborimin iti, Atrivibar Eghaghanibar Akar Mingarir Maba. Joas aremehga givazi, an otarim Amasia an danganim inigha atrivimin oto.

Atrivim Amasian eghaghanim

(Sapta 25)

Amasia Judan atrivimin iti (2 Atriviba 14:2-6)

¹ Amasia 25plan azeniba ikia, egha atrivimin otogha, 29plan azenibar Jerusalemin atrivim iti. An amebam, Jehoadin, a Jerusalemin nguubar ekiamin amizir mam. ² Amasia arazir aghuibara Ikiavira Itir Godin damazimin dagh amua, egha guizbangira uan navir averiamin dar gintizir puvati.

³ Amasia Judan kantri gativaghagva gavvigha an garir dughiamin, a mikemezima, me ghua, an ingangarir gumazir dapanir an afeziam Atrivim Joas misoghezi an aremezir kamning misoghezi aning areme.

⁴ Egha a ingangarir gumazir kamningin boribav soghezi, me ariaghirezir puvati. A me ataghizi, me iti. An Akinafarimin itir Moses Osirizir Araziba itir akabar gin zui. Akinafarir kamin aven Ikiavira Itir God Akar Gavgavim e ganiga ghaze, "Gumazitamin borim arazir kuratam damighti, ia an arazir kuram ikarvaghshi, an amebam ko afeziam misuehti, aning aremehgan kogham. Egheti kamaghira, amebam ko afeziam arazir kuratam damighti, ia aningin arazir kuram ikarvaghshi, aningin boribav suehti, me arimighiran kogham. Gumazim arazir kuram damighti, ia anarira misuehti, an aremehg."

Amasia ghua Idomia ko misosi (2 Atriviba 14:7)

⁵ Atrivim Amasia, Judaba ko Benjaminin adarazi bar men diazi, me iza uari akufa. Me iza uari akuvazi, a 20plan azeniba itir gumazir igiaba ko 20plan azenibagh afiraziba amisevegha, me isa uan midorozir gumazibar me ariki. Egha a 1,000plan midorozir gumazibar garir gumazir dapaniba, ko 100plan midorozir gumazibar garir gumazir dapaniba amisefe. Egha a ikiziba vaghvagh, men ganasa gumazir dapanir maba ariki. Ezi midorozir gumazibar dibobonim 300,000in tu. Me bar moghira afuziba ko orabar suigha misoghan bar fo. ⁶ Egha a uaghan 100,000plan midorozir gumazir aghuibara kantri Israelin ada ini. A silvabar me giveze, ezi silvan kabar osimtizim 3,000 kilogremin tu.

⁷ Ezi Godin akam inigha izir gumazir mam ghua kamaghin atrivim migei, "Israelin kantrin gumaziba, Ikiavira Itir Godin apengen itir puvati, ezi a me ko itir puvati. Kamaghin amizi, ni Israelian midorozir gumazir kaba inighti me midorozim bagh nin gin mangan marki. ⁸ Ni kamaghin fogh, God uabira gumazibar amuti, me uan apaniba abiraghram, o men apaniba me

abiraghām. Kamaghin amizi, pura bizim, ni uan midorozir gumaziba ko Israelian midorozir gumaziba inigh midorozim bagh mangi, egh atiatingan koghiva bar pamtem misogham. God nin apanibar amighti, me ni abiraghām.”*

⁹Ezi Amasia akar kam baregha kamaghin akam inigha izir gumazimin azara, “Ezi 3,000 kilogram silvan ki Israelian midorozir gumazitam ivezetiba, ki manmaghin dar amuam?”

Ezi Godin akam inigha izir gumazim kamaghin Amasia akam ikaragha ghaze, “Ni nighnizir aviribar amuan marki. Silvan dagiar ni me ganingizir kaba, Ikiavira Itir God da ikarvagh bar aviriba ni danningam, egh ti silvan ni aningizir kaba bar dagh afiraghām.”

¹⁰Ezi Amasia Israelian midorozir gumariz kaba amangizi, me uamategha uan nguibabar ghue. Ezi me Judaba bagha naviba bar men ikufi.

¹¹Egha gin Amasia gavgavim uan nighnizir ganigha, uan midorozir gumaziba inigh Idomia misoghasa Danganir Zarir Amangsizir Avirim Itimin ghu. Egha me Idomian midorozir gumazir 10,000pla misoghezi me ariaghire. ¹²Egha me ua 10,000plan gumazir igharazibar suigha me inigha mighsiar mamin ghuavanabo. Egha me isava davariir bar konir mamin me akunizi, me bar misaraghire.

¹³Amasia uan midorozir gumaziba ko ghuia Idomia misozir dughamian, Israelian midorozir gumazir Amasia uam amangiziba, me uamategha iza Judan nguibabar ekibav sosi, me Samarian nguibabar ekiamin ikegha ghuia, Bethoronin nguibabar ekiamin tu. Egha me 3,000plan gumazamizibav soghezi me ariaghirezi, me nguibabar ekiar kabar itir bizar aghuir bar aviriba inigha ghue.

Akam inigha izir gumazir mam Amasian atari

¹⁴Atrivim Amasia Idomia misogha me abiraghāgivagha, men marvir guaba inigha uamategha Judan izegha, uan asebar min da atigha, dar ziaba fasa da bagha ofan min paurnur mughuriar aghuim zuiba tue. ¹⁵Ezi Ikiavira Itir God, Atrivim Amasian arazir kamin ganigha bar a baseme. Egha Ikiavira Itir God uan akam inigha izir gumazim amadazima, a ghuia kamaghin Amasia migei, “Ni tizim bagha ikizir igharazim asebar ziaba fe? Ni fo, aser kaba uan adarazir akuraghā nin dafarimin ua me inizir puvati. Ezi, ni tizim bagha dar ziaba fe?”

¹⁶Godin akam inigha izir gumazim migiavira itima, Amasia an migirigiaiba

atugha kamaghin migei, “Tina nighnizim na daningasa ni amisefe? Ni uan akam dukuagh. Puvatighti, ki uan midorozir gumazitam mikemeghti, a ni misuegħti ni aremegħam.”

Ezi Godin akam inigha izir gumazim uan akam dukumasa, egha ua kamaghin atrivim migei, “Ki datirighin fo, ni arazir kuram gamigha, datirighin nan akam baraghah aghua. Kamaghin amizi, God datirighin ni gasighasigham.”

Amasia Israelia ko misosi (2 Atriviba 14:8-20)

¹⁷Ezi gin Judan Atrivim Amasia, Israelian Atrivim Jehoas bagha gumaziba amangi. Atrivim Jehoas, a Joahasin otarim, egha Jehu igiavotarim. Gumazir kaba għuha Jehoas batogħha, kamaghin a migei, “Atrivim Amasia, Israelia, ia ko misogħasa migei. Kamaghin amizi, ia izi.”

¹⁸Ezi Jehoas, Judan Atrivim Amasian akam ikaragħha kamaghin akar isin zuimin a migei, “Lebanonin kantrin aven, dikoniba itir ikarizir mam, temer sidan mam bagħha akam amaga kamaghin a migei, ‘Ni uan guivim, nan otarim bagħ ġu anem mangasa ki ifonge. Eghi aning uaningin ikiak.’ Dikoniba itir ikarizir kam, akar kam mikemezi, gin asizir atiar mam danganir kam garua, ikarizir kam dikabinizi, a ikufi.”

¹⁹Jehoas akar isin zuir kam gamu, ua kamaghin Amasia migei, “Ki fo, bar guizbangira, ni Idomia misogħa bar me abira. Kamaghin amizi, ni bar akuegħha uan ziam bar a fe. Ni midorozir kamin ziżi ekiam ini. Ni datirighin bar akuegħ, deraghvira uan nguibamin iki. Egh ni ua e misogħsi midorozim foran marki. Puvatightima, ni ko Judan gumazamizib, iregh bar ikuvigham.”

²⁰Ezi Amasia Jehoasin akam baraghah aghua. Bizar kamin mingarim kamakin, Judabar Idomian asebar ziaba fe. Kamaghin amizi, God Judaba isi men apanibar dafarim darighħasa nighnigha għifa. ²¹Kamaghin amizi, Israelian Atrivim Jehoas Israelian midorozir gumaziba ko, me nguibabar ekiar Judan kantrin itim Betsemin ġħuha, Judabar Atrivim Amasia ko an midorozir gumaziba ko misosi. ²²Me uariv soġha għuwa, Israelia Judan midorozir gumaziba dikabirazi, Judan midorozir gumaziba ara ua uan nguibabar ghue. ²³Ezi Israelian Atrivim Jehoas, Betsemin nguibabar ekiamin Judabar Atrivim Amasian suira. Amasia, Atrivim Joas in otarim, egha Atrivim Ahiasian igiavotarim. Ezi gin, Atrivim Jehoas Israelian midorozir gumaziba ko, Betsemin nguibabar ekiam ategħha

* ^{25:8:} Hibrun akam derħa akar kamin mingarim abighiżżejjur puvati.

Jerusalemin ghue. Egha me Jerusalem avinizir divazir gavgavim gasighasigha, Efraimin Tiar Akamin ikegha ghua, Tiar Akar Mikebamin Itimin tu. Divazir kuvizir kamin ababanim, a 200 mitan tu.

²⁴ Ezi Jehoas Jerusalemin aven ghua, golba ko silvan nguabar ekiamin itiba bar ada ini. A uaghanitarir ekiaba ko itarir ighazarir Ikiavira Itir Godin Dipenimin itiba, ko atrivimin dipenimin mongezir dagiaba bar ada ini. Egha a uaghan Obetidom ko Judan gumazir ekiar maba isa kalabuziabar min me atigha kamaghin Amasia migei, "Amasia, ni uam Israelia e misoghs i nighnighan marki. Ni kamaghin damighti, ki nin gumazir ekiabav sueghti, me arighiregham." An akar kam mikemegha givagha, gumazir ekiar kaba ko gumazamizir maba ko bizir iniziba sara inigha ua Samarian ghu.

²⁵ Ezi gin Israelien atrivim Jehoas aremegha givazi, Judan Atrivim Amasia ua 15plan azenibar ikegha, areme. ²⁶ Atrivim Amasia amizir arazir ighazariba bar, a faragha atrivimin otozir dughiamin ikegha ghua an aremezir dughiamin eghaghaniba, akindafar kamin iti, me kamaghin a dibori, Judaba ko Israelien Atrivibar Eghaghanibar Akinafarim.

²⁷ Atrivim Amasia akirim ragha Ikiavira Itir God gasarazir dughiamin, gumazir maba a misueghti an aremeghasa akam akiri. Ezi an akar kam baregha, ara Lakisir nguabar ekiamin ghu. Ezi an apanir kaba gumazir maba amangizi, me an gin Lakisir nguabar ekiamin ghua, a misoghezi an areme. ²⁸ Ezi me an kuam inigha hoziabagh atigha ua Jerusalemin izegha, Devitin Nguabar Ekiamin, an inazir afeziaba afezi naghin anefa.

Atrivim Usian eghaghanim

26

(*Sapta 26*)

*Usia Judan atrivimin oto
(2 Atriviba 14:21-22; 15:1-7)*

1-2 Atrivim Amasia uan inazir afeziabar min aremegha givazima, Judaba bar, an otarim Usia amisevezi, a uan afeziamin danganim inigha atrivimin oto. Usia 16plan azeniba ikiava atrivimin oto. An atrivimin itima azenir maba givazi, a ghua misogha apanibar dafaribar, ua Elatin nguabar ekiam ini. Egha nguabar ekiar kamin danganir ikuviziba, a uam adar kiri.

³ Usia 16plan azeniba ikia atrivimin oto, egha 52plan azenibar Jerusalemin atrivimin iti. An amebam Jekolia, a Jerusalemin nguabar ekiamin amizim. ⁴⁻⁵ Usia atrivimin itir dughiamin, gumazir

mam Sekaraia, a Ikiavira Itir Godin atiating an apengan ikiamin arazibar an sure gami. Sekaraia angamira itir dughiamin, Atrivim Usia God baghavira iti. Usian afeziham Amasia amizi moghin, Usia Ikiavira Itir Godin damazimin arazir aghuibagh ami. Egha Usia Ikiavira Itir Godin ifongiamin gintighasa gavgavighavira itima, God an akurazi bizar an amiba bar deraghaviram otifi.

⁶ Egha Atrivim Usia dikavigha ghua Filistiaba ko misosi. Egha a me misogha me abiragh, Getin nguabar ekiam avinizir divazim ko, Japnen nguabar ekiam avinizir divazim ko, Asdotin nguibam avinizir divazim, a bar da akaraghari. Egha a Asdotin nguazim ko Filistian nguazim danganir ighazaribar nguabar ekiar igiabbar ingari. ⁷ God Usian akurazi, a Filistiaba ko Meunia ko Gurbalin nguabar ekiamin itir Arebian adarazi abini. ⁸ Usia atrivir bar gavgavim otozi, kantrin mar itibar ikegha ghua Isipin mitaghniamin tuzir gumazamiziba bar an ziar ekiamin migirigiam barasi. Ezi Amonia takisir min dagiaba a ganiga, uari an akakagha ghaze, me an apengan iti.

⁹ Egha Usia Jerusalemin, nguabar ekiam avinizir divazim gavgavim a ganidi. A tauan gavgaviba, Tiar Akar Mikebamin Itim, ko Danganir Zarimin Zuir Tiar Akam, ko Sighar Konimin min amizir divazim gisin tauabar ingari, eghiti midorozir gumaziba dar iki apaniba bagh ganam. ¹⁰ Atrivim Usia a bulmakauba ko sipsipin bar aviriba, danganir zariba ko aruem uaghiri naghin mighsiar muzieribar iti. Kamaghin amizi, Usia gumazamiziba puvatizir danganimin apaniba bagha garir gumaziba bagha tauan ruarir mabar ingari. Egha a uaghan an asiziba damasa dipar mozir aviribagh kui. Usia azenibar ingarava da oparir ingangarim bar a gifonge. Kamaghin amizi, a gumazamizibav kemezi, me dagheba bar deraghia otivir nguaziba ko mighsiar dozibar, azenibar ingariba, wainin ikariziba ko dagher avirir ighazarir maba saram oparigha deraghavira dar gari.

¹¹ Atrivim Usia midorozir gumazir bar aviriba iti, ezi me misoghan bar fo. Ezi atrivimin akindafariba osirir gumazim Jeiel, ko midorozir gumazibar garir gumazim Masea, aning midorozir gumaziba mega vaghvaghia okoruar me ikiamibar me ariki. Ezi atrivimin midorozir gumazibar garir gumazir faragha zuim Hanania, ingangarir kam damuasa aningen faragha ghua aningen gari. ¹² Judan ikizibar gumazir dapaniba, me Usian midorozir gumazir gavgavir kabar dapanibar iti, ezi

men dibobonim 2,600in tu. ¹³ Midorozir gumazibar dibobonim 307,500in tu. Ezi me bar gavgavigha atrivimin akuragh apanibav sogh me abinamin fofoziba iti. ¹⁴ Ezi Atrivim Usia misoghamin bizar igharaghha garir avirim arighizi, da iti. Bizar kaba: afuziba ko, oraba, dapanir asuaba, midorozir korotiaba, barir piba ko katapelin asamin dagiaba. ¹⁵ Egha a uaghan Jerusalemin fofozir gumazir maba iti, ezi me katapelin bar dafabar min masinbar ingarigha, da arighizi da iti. Egha midorozim otivamin dughamin, me katapelin min garir masinin kaba ater nguubar ekiam avinizar divazir mitiar gavgavimin ghuavanang, divazir mitiar sighar konim amadazir danganim gisin itir taua ko midorozir gumaziba apaniba bagha gara itir tauan gavgavibar dar arigham. Egh* me masinin kabar afuziba ko dagiabagh asivamangiti, da apaniba bagh mangam.

Ikiavira Itir God bar deraghaviram Usian akurvazima, a ingangarir bar aviribagh ami. Kamaghin amizi, Usia atrivir bar gavgavimin oto, ezi saghon itir nguubar ekiabar gumazamiziba an ziar ekiamin akaba barasi.

*Usia God barazir puvati
(2 Atriviba 15:5-7)*

¹⁶ Atrivim Usia, bar gavgavigha uan ziam fa ifaghata ghaze, an atrivir bar gavgavim. Kamaghin amizi, a irigha ikufi. A Ikiavira Itir God, uan Godin akamin gintizir puvati. Dughiar mam, a Ikiavira Itir Godin Dipenimin aven ghua pauran mughuriar aghuim tuer ofa gamir dakozimin ofa damuasa zui. ¹⁷ Ezi ofa gamir gumazim Asaria garima, Usia aven zuima, Asaria Ikiavira Itir Godin ofa gamir gumazir gavgavir 80pla inigha an gin Ikiavira Itir Godin Dipenimin aven zui. ¹⁸ Egha me an atara kamaghin a migei "Atrivim Usia, ni oragh. Kar nin ingangarim puvati, ni ofan mughuriar aghuim zuim Ikiavira Itir God bagh a damuan kogham. Ikiavira Itir God ofan kabaramuasa, Aronin ovavir boribara amisefe. Merara ofa gamir gumaziba, egha me God baghavira iti. Ni bar osimtizir ekiamin God gami, kamagh amizi, ni zuamira danganir kam atakigh. Ni ua Ikiavira Itir Godin Gavgavimin damazimin ziar aghuim ikian kogham."

¹⁹ Dughiar kamin, Usia, pauran mughuriar aghuim otivamin itarimin suiragha, ofa gamir dakozimin boroghin tughav iti. An akar kam baregha, ofa gamir gumazir kabar atari. Ezi lepan

arimariam zuamiram an minedevim bato. Bizar kam, Ikiavira Itir Godin Dipenimin aven, pauran mughuriar aghuim tuamin ofa gamir dakozimin boroghin, ofa gamir gumazibar damazimin oto. ²⁰ Godin ofa gamir gumazibar dapanim Asaria, ko ofa gamir gumazir igharaziba garima, lepan arimariam atrivim Usian minedevimin itima, me digavir kuram gamigha Ikiavira Itir Godin Dipenimin an avirazima, an azenan ghu. Ezi a fo, Ikiavira Itir God an aningaghegha, arimariar kam gamizi an a bato. Kamaghin amizi, a zuamira azenan ghu.

²¹ Atrivim Usian itir Lepan arimariar kam givaghan kogham. Kamaghin amizi, a uamategh Ikiavira Itir Godin Dipenimin aven mangan kogham. Usia uaghan atrivir dipenim ategha ghua dipenir igharazimin uabira iti. Ezi an otarim Jotam, an atrivir ingangarim gamua, atrivimin dipenimin gara, egha kantri gativagha an gara ghuavira itima, Atrivim Usia areme.

²² Ezi Atrivim Usia amizir arazir igharaziba bar, a faragha atrivimin otozir dughamin ikegha ghua an aremezir dughamin eghaghaniba, da Emosin otarim Aisaia, a Godin akam inigha izir gumazim, an osirizir akinafarimin aven iti. ²³ Atrivim Usia uan inazir afeziabar min areme. Ezi gumaziba fo, a lepan arimariam iti, kamaghin amizi me an kuam isa atriviba afir danganimin ghua mong saghon anefa. Ezi an otarim Jotam, an danganim inigha atrivimin oto.

Atrivim Jotamin Eghaghanim

27

(Sapta 27)

*Jotam Judan atrivimin iti
(2 Atriviba 15:32-38)*

¹ Jotam 25plan azeniba ikia atrivimin oto, egha 16plan azenibar Jerusalemin atrivimin iti. An amebam Jerusa, a Sadokin guivism. ² Jotam Ikiavira Itir Godin damazimin arazir aghuiba ami, mati an afeziatim Usia amizi mokin. Jotamin afeziatim faragha Ikiavira Itir Godin Dipenimin aven ghugha arazir kuram gami. Ezi Jotam arazir aghuim gamua Ikiavira Itir Godin Dipenimin aven ghuzir puvati. Ezi Judan gumazamiziba arazir kurabagh amua ghuavira iti.

³ Ezi Jotam mikemezi, ingangarim gumaziba Ikiavira Itir Godin Dipenim avinizar Divazimin, Tiar Akar Pin Itimin ingari. Egha me Jerusalemin aven itir danganim Ofelin boroghin, gavgavim bar divazim

* **26:15:** Midorozir masinin kam mati katapelin ekiam. Me an dagiar ekiaba ko afuzibar uan apanibagh asivamangam.

26:16: Godin Araziba 32:15; 1 Atriviba 13:1-4

26:18: Ua Me Ini 30:7-8; Diboboniba 3:10; 16:39-40

26:19: 2

ganiga ingangarir aviribagh ami. ⁴ Egha an ingangarir gumaziba, Judan anabamin mighsiaba itir danganibar, nguabar ekiabar ingari. Egha mighsiar temer aviriba itibar, me midorozir gumaziba mangi iki ganamin dipenir gavgaviba ko tauan gavgavibar ingari. ⁵ Ezi gin, Jotam uan midorozir gumaziba ko, me ghua kantri Amonian atrivim ko an midorozir gumazibav sosi, egha Jotamin midorozir gumaziba, bar me abira. Egha Jotam, Amonia migia ghaze, ia takis na dandingam. Ezi Amonia azenir kamra 3,400plan kilogrem silva ko 1,000 tan wit ko 1,000 tan baliba isa Jotam ganungi. Amonia kamaghira azenir namba 2 ko namba 3in biziba a ganungi. ⁶Jotam Ikiavira Itir God, uan Godin damazimin God ifongezir arazibagh ami. Kamaghin amizi, an atrivir bar gavgavimin oto. ⁷Ezi bizir ighazariz Jotam amizibar eghaghaniba, da akinafarir me kamaghin diborimin iti, Judaba ko Israelien Atrivibar Eghaghanibar Akinafarim. Akinafarir kam uaghan an amizir midoroziba ko arazibagh eghari. ⁸Jotam 25plan azeniba ikia atrivimin oto, egha 16plan azenibar Jerusalemin atrivimin iti. ⁹Egha Jotam uan inazir afeziabar min aremezi, me an kuam inigha ghua Devitin Nguibar Ekiamin anefa. Ezi an otarim Ahas, an danganim inigha atrivimin oto.

Atrivim Ahasin eghaghanim

28

(Sapta 28)

*Ahas Judan atrivimin iti
(2 Atriviba 16:1-4)*

¹ Ahas 20pla azeniba ikia, atrivimin oto, egha 16plan azenibar Jerusalemin atrivimin iti. An ovavim Devit arazir aghuibagh ami, ezi Ahas Devitin min Ikiavira Itir Godin damazimin arazir aghuibagh amir pu. ²Puvati. A Israelien atriviba amizi moghin arazir kurabagh ami. A ingangarir gumazibav kemezi, me brasba inigha asem balin nedazimin ingari. ³Egha a uaghan arazir bar ighazarim gami. A Hinomin Danganir Zarimin uan otaribav suegha, aseba bagha ofan bar isia mighiribar min me tue. Egha a fomira nguazir kamin ikezir gumazamizibar arazir kurabar gin zui. Ezi Ikiavira Itir God bar men arazibar aghuaghga me batuegha, nguazir kam inigha Israelia ganungi. ⁴Ahas mighsiabar pin itir asebar ziaba fer danganibar zui. Danganir kaba, da uaghan mighsiar dozibagh isin ikia, temer ekiabar apengan iti. Egha an aseba bagha ofabagh amua, pauran mughuriar aghuim zuiba tue.

Siriaba ko Israelia iza

Judaba ko uariv sosi

(2 Atriviba 16:5)

⁵⁻⁶ Atrivim Ahas arazir kurar bar aviribagh ami, ezi Judan gumazamiziba uaghan Ikiavira Itir God, men ovavibar God, akirim ragha a gasara. Kamaghin amizi, God Sirian atrivim ko an midorozir gumaziba amangizi, me iza Ahas ko an midorozir gumazibav sogha me abira. Egha Siriaba, Judan aviriba inigha ghuzi, me Damaskusin kalabuziabar min iti. Ezi gin Ikiavira Itir God, Israelien Atrivim, a Remalian otarim Peka amadazi, a uan midorozir gumaziba ko iza, Ahas uan midorozir gumaziba ko me misogha me abira. Egha men 120,000plan midorozir gumazir gavgaviba, aruer vamiran me misoghezi, me ariaghire. ⁷Ezi Israelien midorozir gumazir gavgavir mam Sikri, a Judan gumazir aruar 3pla misoghezi, me ariaghire. Men ziabar kara: Atrivim Ahasin otarim Masea, ko atrivimin dipenimin garir gumazim Asrikam, ko atrivimin girara irir gumazir dapanim Elkana. ⁸Israelia, Judabar namakaba, me tong men apangkuvizir puvati. Me Judan 200,000plan amiziba ko boriba kalabuziabar min me inigha, men bizir aghuir aviriba sara inigha Samarian nguibar ekiamin ghu.

Akam inigha izir gumazim Odet, Akar Gavgavim isa Israelia ganidi

⁹ Ezi dughiar kamin Ikiavira Itir Godin akam inigha izir gumazir mam iti, an ziam Odet. Israelien midorozir gumaziba uamategha izir dughiamin, Odet ghua me batogha kamaghin me migei, "Ikiavira Itir God, en ovavibar God, Judabar atara, me isa ian dafaribagh ati. Ezi ia bar men aningaghegha, me misoghezi me ariaghire. Ezi Ikiavira Itir God, ia amizir arazir kurar kamin ganigha gifa. ¹⁰Egha ia uaghan datirighin Juda ko Jerusalemin gumazamizibar amichti, me kalabuziabar min ian ingangarir gumazir kiniba ko ingangarir amizir kinibar otivasa? Manmaghin ami, ia ti ghaze, ia Ikiavira Itir God, ian Godin damazimin deraghavira ikia, egha arazir kurar kamin uan namakabagh amigha osimtiziba iti. ¹¹Ia oragh. Guizbangira, Ikiavira Itir God bar puv ian aningaghegh bar puv ia damigham. Kamaghin amizi, ia datirighin uan namakar ia kalabuziabar min arighiziba ateghti, me uamategh uan guibabar mangi."

¹² Ezi Israelien 4plan gumazir aruaba, me Israelien midorozir gumaziba amizir arazir kam gifongezir puvati. Men ziabar kara: Johananin otarim Asaria, ko Mesilemotin otarim Berekia, ko Salumin

otarim Jehiskia, ko Hatlain otarim Amasa. ¹³ Ezi 4plan gumazir aruar kaba kamaghin midorozir gumazibav gei, "Ia kalabuziar maba inigh kagh izan marki. E Ikiavira Itir Godin damazimin arazir kurabagh amizi dar osimtzim en iti. Ia arazir kurar kam uam a damichti, arazir kam en arazir kuraba isafuraghti, d Ikiavira Itir Godin damazimin mangi bar ekevegham. Egheti Ikiavira Itir Godin aningaghlar ekiam en ikiak." ¹⁴ Midorozir gumaziba akar kam baregha, kalabuziaba ko bizar me Judan iniziba inigha, gumazir aruar kaba ko Israelian damazibar da atigha, me ghue. ¹⁵ Ezi 4plan gumazir aruar kaba,* dikavigha kalabuziabar akurvasi. Me midorozir gumaziba midorozim inizir korotiar maba issa, gumazamizir korotiaba puvatizibagh aningi. Egha me daghuasa dagarir asuuba me ganiga, dagheba ko dipaba me ganidi. Egha olivin borem isa marasinin min men duabagh aghua da nosi. Egha me gumaziba ko amizir daruan gavgaviba puvatiziba inigha donkibagh afeqha, bar moghira men akua men adarazi bagha zui. Me ghua Jerikon nguibal ekiamin oto, nguibal ekiar kam, detin temer bar aviriba an iti. Egha Israelia me atigha uamategha Samarian ghu.

Atrivim Ahas uabin akurvaghaha Asiriabar azangssi

(2 Atriviba 16:7-9)

¹⁶⁻¹⁷ Israelia, Judabav sogha me abirazi bizar kabar gin, Idomia uamategha iza Judabav sogha me abira. Egha me gumazamizir maba kalabuziab min men suigha, me inigha ghu. Kamaghin amizi, Atrivim Ahas gumaziba amangizi, me Asirian atrivim bagh mangi an azaraghti, a izi an akuraghram. ¹⁸ Ezi Filistiaba uaghan iza aruem uaghiri naghin mighsiar muziariba ko sautin amadaghan itir Negevin danganimin itir Judan nguibal ekiabav sosi. Egha me Judaba abiragh, Betseminesin nguibal ekiam ko, Ajalonin nguibal ekiam ko, Gederotin nguibal ekiam ini. Egha me uaghan Sokon nguibal ekiam ko, Timna ko, Gimson nguibal ekiam, ko dar boroghin itir nguibal doziba sara ini. Filistiaba nguibal ekiar kaba inigha, dagh amizima da men nguibal ekiabar otifi. ¹⁹ Osimtzir Atrivim Ahas ko Judan gumazamiziba batozimin mingarim kamakin, Ahas arazir kurar bar aviribagh amua, da ataghiraghaha nighnizir puvatigha, akirim ragha Ikiavira Itir God gasara. Kamaghin amizi, Ikiavira Itir God kantri Juda abinasa, osimtzir kaba ataghizi

* **28:15:** Hibrun akam deraghakar kamin mingarim abighizir puvati. Gumazir maba ghaze, akar kaba "4plan gumazir aruar kaba," a deraghakar migeir puvati. Me kamaghin nighnigha ghaze, "Ingangaribar garir gumazir dapaniba, gumazir aruar maba amisefe, ezi men ziaba akinafarir kalabuziabar garir gumazibar ziaba itir osizirir mamin iti." **28:23:** 2 Eghaghaniba 25:14; Jeremaia 44:17-18 **28:27:** Aisaia 14:28

da otifi. ²⁰ Ezi gin Asirian Atrivim Tiklat Pilesler Judan ize, egha Ahasin akurazir puvati. A uan midorozir gumaziba ko iza pazavira Ahas gami. ²¹ Ezi Ahas, Tiklat Pilesler apezeperasa, Ikiavira Itir Godin Dipenim ko atrivimin dipenim ko gumazir dapanibar dipenibar itir golba ko biziha inigha a ganigi. Ezi arazir kam tong Ahasin akurazir puvati.

Atrivim Ahas bar God ataki

²² Atrivim Ahas osimtzir aviriba isir dughamin, a Ikiavira Itir God ginighnizir puvati. A bar akirim ragha Ikiavira Itir God gasaragha, arazir bar kurar aviribagh ami. ²³ A kamaghin migei, "Siriaba faragha midorozim na abira. Sirian atrivibar aseba ti Siriabak akura. Egheti ki da bagh ofa damuti, da ti uaghan nan akuraghram." Egha Ahas Sirian asebar ofa gami. An arazir kabagh amima, bizar kam bangin osimtzir ekiaba, a ko Israelian gumazamiziba batifi. ²⁴ Atrivim Ahas uaghan Ikiavira Itir Godin Dipeniminaven itir itarir ekiaba inigha tintinibar da abiagharriga, Ikiavira Itir Godin Dipenimin tier akaba ase. Egha an asebar ziaba fasa, Jerusalemin danganiba par dar ofa gami dakoziabar ingari. ²⁵ Judan nguibal ekiaba bar moghira, dar gumazamiziba mangi ofan mughuriar aghuim zuibar amu asebar ziaba fasava, Ahas mighsiabar pin itir danganibar ingari. Egha arazir kamin, Ahas Ikiavira Itir God, an ovavibar God gamizi, a bar Ahasin aningaghe.

²⁶ Atrivim Ahas amizir arazir igharaziba bar, a faragha atrivimin otozir dughamin ikegha ghua an aremezir dughamin eghaghaniba, akinafarir kamin itima, me kamaghin a dibori, Judaba ko Israelian Atrivibar Eghaghanibar Akinafarim. ²⁷ Ezi Ahas uan inazir afeziab min aremezi, me a inigha Israelian atriviba afir danganimin anefazir puvati. Me an kuam inigha Devitin Nguibal Ekiamin ghugha anefa. Ezi an otarim Hesekia an danganim inigha atrivimin oto.

Atrivim Hesekian eghaghanim

29

(Sapta 29--32)

*Hesekia Judan atrivimin iti
(2 Atriviba 18:1-3)*

¹ Hesekia azenir 25pla ikia, egha atrivimin oto, egha 29plan azenibar Jerusalemin atrivimin iti. An amebam

Abiya, a Sekaraian guivim. ² Hesekia Ikiavira Itir Godin damazimin arazir aghuibagh ami, mati an ovavim Atrivim Devit amizi mokin.

Me Ikiavira Itir Godin Dipenim gamizi, a ua zue

³ Hesekia atrivimin itima an azenir faragha zuimin, an iakinir faragha zuimin, a uam Ikiavira Itir Godin Dipenimin tiar akaba kuigha, ada akirasa gumazir mabav keme. ⁴ Egha a Godin ofa gamir gumazir maba ko, Livain mabav kemezi, me iza aruem anadi naghin Ikiavira Itir Godin Dipenimin, danganir gumazamiziba uari akuvimin uari akufa. ⁵ Ezi a kamaghin me migei, "Ia Livaiba, ia oragh! Ia bar uari isi Ikiavira Itir God, en ovavibar God daningigh. Bizar mizirizir maba Dipenir kam gamizi a Godin damazimin zuezir puvati, ezi ia bar da inigh azenan mangi da makunigh. Egh Dipenir kam damighti, a bar zuegh, God baghvira ikiam. ⁶ En ovaviba deragha, Ikiavira Itir God, en Godin akamin gintizir puvatigha an damazimin arazir kurabagh ami. Me Ikiavira Itir God ategha Dipenir a itim akirim ragha a gasara. ⁷ Egha me Ikiavira Itir Godin Dipenimin azuarimin tiar akaba asegha, lamin isiba amunge. Egha me pauran mughuriar aghuim zuim tuer puvatigha, Israeli God bagha ofa gamir dakozimin, ofan bar isia mighiribagh amir puvati.

⁸⁻⁹ "Judaba ko, Jerusalemia arazir kurar kabagh amima, Ikiavira Itir God men aningaghegha me gasighasiki. An apaniba amadazi me iza, en inazir afeziabav soghezi me ariaghire. Egha me en amuiba ko, otariba ko, guiviba inigha ghua kalabuziabar min uan kantrin ghue. Ezi ikizir igharazibar gumazamiziba, Ikiavira Itir God, en nguibar ekiabagh amizir biziba baregha, me digavir kuram gamua, bar atiatigha dibovir akabar e gami. Ezi e bizir kaba bar adagh fo.

¹⁰ "Kamaghin amizi, ki datirighin Ikiavira Itir God, a Israelia en God ko Akar Dikirizir Gavgavim damuasa uan navir averiamin aven nighnisi, egha a uam en aningaghan kogham. ¹¹ Ia ofa gamir gumaziba ko Livaiba, ia kamaghin fogh, Ikiavira Itir God uan ingangaribar amuasa ia amisefe. Kamaghin amizi, ia bar deravira ingangarir kam damu. Ia Ikiavira Itir Godin damazimin tugh an ingangarim damuva, tuavim gumazamizibar akakaghti, me guizin an ziam fam. Egha ia ofan mughuriar aghuim zuibar amuam."

¹² Atrivimin akam baraghizir Livaibar ziabar kara: Amasain otarim Mahat ko, Asarian otarim Joel, aning Kohatin ikizimin gumazimning. Ezi Apdin otarim

Kis, ko, Jehalelelin otarim Asaria, aning Merarin ikizimin gumazimning. Ezi Siman otarim Joa ko, Joan otarim Iden, aning Gersonin ikizimin gumazimning. ¹³ Ezi Simri ko Juel, aning Elisafanin ikizimin gumazimning. Ezi Sekaraia ko Matania, aning Asapin ikizimin gumazimning. ¹⁴ Ezi Juehl ko Simei, aning Hemanin ikizimin gumazimning. Ezi Semaia ko Usiel, aning Jedutun ikizimin gumazimning. ¹⁵ Livain kaba dikavigha ghua uan adarazi batogha, me Ikiavira Itir Godin damazimin uari zueghasa zueghamin arazim gami. Me zuegha givagha Ikiavira Itir Godin akabar gintigha, atrivim me mikemezi moghin, Ikiavira Itir Godin Dipenim gamizi a ua zue. ¹⁶ Ezi ofa gamir gumaziba Ikiavira Itir Godin Dipenim damuti, a zueghasa an aven ghuegha, bizir Godin damazimin zuezir puvatiziba, bar da inigha azenan ize. Me bizir kaba bar da inigha Ikiavira Itir Godin Dipenimin guamin boroghin, danganir ekiar me uari akuvimin ize. Ezi Livaiba bizir kaba atera Jerusalemin azenan ghua, Kidronin fanemin danganir zarim giraghugha da ariki. ¹⁷ Me iakinir faragha zuimin aruer farazimin, Ikiavira Itir Godin Dipenim avinizir divazimin aven itir biziba bar zueghamin ingangarim maghiram a gami. Me ingara ghua namba 8in aruemin me Dipenimin azuarimin tiar akamin otifi. Egha me Ikiavira Itir Godin Dipenim an damazimin zueghasa, 8plan aruebar ua ingari. Iakinir kamin aruer namba 16in, me ingangarir kam agivazi, Ikiavira Itir Godin Dipenim an damazimin ua zue.

Me Ikiavira Itir Godin Dipenimin ofa gami

¹⁸ Godin ofa gamir gumaziba ko, Livaiba ingangarim agivagha, ghua Atrivim Hesekia gara kamaghin a migei, "E Ikiavira Iti Godin Dipenimin itir biziba bar adagh amizi, da zuegha gifa. Ofan bar isia mighiribar amuamin dakozim ko, an ingangarir biziba bar moghira, egha dakozir me God ganidir bretba arizim ko, dakozimin ikiamin biziba, da bar moghira zue. ¹⁹ Atrivim Ahas fomira akirim ragha God gasara, egha Ikiavira Itir Godin Dipenimin itir itarir ekiaba ko, itarir doziba itir danganibar da inigha, danganir igharazibar da arighizi, e uam a da inigha izegha dagh amizi, da Ikiavira Itir Godin damazimin ua zue. Egha e Ikiavira Itir Godin Dipenimin ofa gamir dakozimin boroghin da ariki."

²⁰ Atrivim Hesekia akar kam baregha givagha, bar mizaraghara Jerusalemin gumazir dapanibar diazi, me iza uari akufa. Me bar moghira iza uari akuvazi, a me

inigha Ikiavira Itir Godin Dipenim bagha zui.²¹ Egha me 7plan bulmakaun apuriba ko, 7plan sipsipin apuriba ko, 7plan sipsipin nguziba ko, 7plan memen apuriba inigha da sara zui. Egh 7plan memen apurir kaba, me da Judan gumazamizibar arazir kuraba ko, atrivimin adarazir arazir kuraba ko, Ikiavira Itir Godin Dipenim aven amizir arazir kuraba, bar moghira dagh nighnigha, arazir kuraba gin amadir ofa damuam. Egha atrivim, asizir kabar Ikiavira Itir Godin ofa gamir dakozimin dar ofa damuasa Aronin ovavir boribav keme.²² Ezi me 7plan bulmakaun apuriba faragha dav soghezi, ofa gamir gumazibar dar ghuziba inigha ghua ofa gamir dakozimin da kavamangi.²³ Ezi gin atrivim gumazir aviriba ko tughav itima, ofa gamir gumazibar ghua arazir kuraba gin amadir ofa bagha 7pla memen apuriba inigha izezi, atrivim ko gumazir kaba bar uan dafariba isa memen kabagh isin ariki.

²⁴ Egha atrivim kamaghin migei, "E Israelian gumazamiziba bar, me e bagh arazir kuraba gin amadir ofabba ko, ofan bar isia mighiribar amuam." Kamaghin amizi, ofa gamir gumazibar, Israelia bar men arazir kuraba gin amangamin ofabba bagha, 7plan memen kabav suegha, dar ghuziba inigha ghua ofa gamir dakozimin da kavamangi.

²⁵ Atrivim Hesekia, Ikiavira Itir God fomira uan akam inigha izir gumazimning, Gat ko, Natan ko, Atrivim Devit ganingizir Akar Gavgavimin gintigha, Livaibav kemezi, me gitaba ko, tambarinba ko, buuba inigha ghua, Ikiavira Itir Godin Dipenimin aven tuivighav iti.²⁶ Livain kaba, Atrivim Devit fomira ikiararangizir gitaba ko bizar igharazibar suigha tuivighav iti. Ezi ofa gamir gumazibar uan sighabar suigha me ko tuivighav iti.²⁷ Ezi Hesekia ofan bar isia mighiribar amuasa, ofa gamir gumazibar kemezi, me maghira ofabagh amima, Livaiba, Ikiavira Itir Godin ziam fer onger akabagh ami. Ezi ofa gamir gumazibar sighabagh ivima, Livaiba Atrivim Devit atizir gitaba ko bizar igharazibagh ikarara ighiar aghuibagh ami.²⁸ Ezi gumazamiziba bar Ikiavira Itir Godin ziam fema, Livaiba onger akabagh amima, ofa gamir gumazibar sighabagh ivi. Me kamaghiram amua ghuavira itima, ofan bar isia mighiriba isigha bar gifa.²⁹ Ofan kaba givazima, Atrivim Hesekia ko, gumazamizibar bar moghira, teviba apirigha dapaniba avigha Ikiavira Itir Godin ziam fe.³⁰ Ezi Atrivim Hesekia gumazir dapaniba ko, me Atrivim

Devit ko akam inigha izir gumazim Asap, aning fomira Ikiavira Itir Godin ziam fasa osirizir ighiaba bangasa Livaibav gei. Ezi Livaiba bar akuegha ighiabagh ami. Egha me gin teviba apirigha dapaniba avigha Godin ziam fe.

³¹ Ezi Hesekia gin kamaghin gumazamizibar gei, "Ia guizbangira bar uari isa Ikiavira Itir God ganingi. Kamaghin amizi, ia an boroghin izam. Ia Ikiavira Itir God ko navir vamiran ikiamin ofaba, ko a minabir ofaba inigh, Ikiavira Itir Godin Dipenimin izi." Ezi gumazamiziba bar moghira atrivimin akam baregha ofaba inigha izi. Ezi marazi uan navir averiabar aven, bar isia mighirir ofabar amuasa bar ifonge,³² egha me 70plan bulmakaun apuriba ko, 100plan sipsipin apuriba ko, 200plan sipsipin nguziba inigha Ikiavira Itir God bagha bar isia mighirir ofan kabar amuasa izi.³³ Egha me uaghan 600plan bulmakaun apuriba ko, 3,000plan sipsipba ofabar min da inigh, Ikiavira Itir God daningasa izi.³⁴ Ofa gamir gumazir Godin damazimin zueghamin arazim gamiziba avirasemezir puvati, ezi ofan bar isi mighiramiba bagh asizibav sogh, dar inibav sa da aghoramin ingangarim bar ekefe. Kamaghin amizi, ingangarim zuamira givaghsha, Livain maba dikavigha ofa gamir gumazibar akuragha asizibav soke. Bizar kamin mingarim kamakin, Livaiba faragha dikavigha, zuamira Godin damazimin zueghamin arazim uarigh amigha zue. Ezi ofa gamir gumazir aviriba zuamira arazir kam gamizir puvati. Egha gin ofa gamir gumazibar Godin damazimin uari zuezir arazim gamizi, Livaiba ua ingangarir kam gamir puvati.³⁵⁻³⁶ Ofa gamir gumazibar bar, ofan bar isia mighirir aviribagh ami. Egha me ingangarir kamnaghiram amizir puvati. Me God ko navir vamiran ikiamin ofaba bagh asizibar oviba tuava, bar isia mighirir ofabba bagha gumazamiziba inigha izezir wainba isa ofan min da inge. Atrivim Hesekia uan gumazamiziba ko kamaghin fo, God men akurazi Dipenim akiraghaisir ingangarir kaba zuamira gifa. Kamaghin amizi, me God pirafa bar akonge. Egha me kamaghira ua Ikiavira Itir Godin Dipenimin aven ofabagh amua an ziam fe.

30

Me, God Israelia Gitazir Dughiam Ginighnighamin Isam damuamin biziba akiri

¹ Atrivim Hesekia, a God Israelia Gitazir Dughiam Ginighnighamin Isam damuasava Israel ko, Judan gumazamiziba bagha akam amada, eghti me izi Jerusalemin Ikiavira Itir Godin Dipenimin uari akuvagham. Egha a

uaghan Efraim ko, Manasen anabamningin gumazamiziba bagha akinafariba amangi. ²⁻³ Me iakinir faragha zuimin isar kam damuasa ifonge, mati me bar fomira ami mokin. Ezi ofa gamir gumazir aviriba Godin damazimin zueghamin arazibagh amizir puvati, egha uaghan gumazamiziba iza Jerusalemin uari akuvazir puvati. Kamaghin amizi, atrivim uan gumazir dapaniba ko, an gumazamiziba, me iakinir namba 2in isam damuasa akam akiri. ⁴ Atrivim ko gumazamiziba bar nighnizir kam bagha navir vamira iti. ⁵ Kamaghin amizi, me bar Israelin itir danganiba bagha akaba amangi. Me Berseban nguabar ekiar sautin amadaghan itimin ikegha ghua, Danin nguabar ekiar notin amadaghan itimin tu. Egha gumazamizibav kemeghti, me Ikiavira Itir God, a Israelien God bagh izi, Jerusalemin uari akuvagh God Israelia Gitazir Dughiam Ginighnighamin Isam damuam. Moses Osirizir Araziba ghaze, Israelia bar moghira uari akuvagh isar kam damuam, ezi men varazira arazir kamin gintisi.

⁶ Kamaghin amizi, atrivim uan gumazir dapaniba ko, akinafariba osirigha gumazir mabagh aniga kamaghin me migia ghaze, ia akinafarir kaba inigh bar moghira Israel ko Judan danganiba bar dar mangi. Akinafarir kabar itir akaba kamaghin migei, "Ia Israelien ikiavira itir varazira, Asirian atriviba ia gasighasighizir puvatiziba, ia oragh. Ia uamategh Ikiavira Itir God, a en ovaviba Abraham, Aisak ko, Jekopin God, a bagh izi. Ia kamaghin damuti, Ikiavira Itir God izi ia ko ikiam. ⁷ Ian inazir afeziaba ko, aveghbuuba amizi moghin, ia arazir kurabar amuan marki. Me Ikiavira Itir God, a men ovavibar God, me akirim ragha a gasara, ezi God me ategha puv me gamua bar me gasighasiki. Ezi ia uari bizar kabar gani. ⁸ Ia uan ovavibar min akaba batoghan marki. Ia uari isi Ikiavira Itir God daningigh. Egha ia Jerusalemin izi Ikiavira Itir God, en God zurara ikiasia ua bagha misevezir dipenimin an ziam fi. Ia kamaghin damuti, a ua ian aningaghan kogham. ⁹ Ia fo, ian apaniba ian aveghbuuba ko, boriba inigha uan nguubar gruegha, me isa kalabuziabar min me ariki. Ia uamategh Ikiavira Itir God bagh iziti, a ian apanibar amuti, me ian adarazir apangkuvigh, ua me amadaghti me uamategh ian nguazimin izam. Bar guizbangira, Ikiavira Itir God ian God, a Godin apangkuvim itim. Kamaghin amizi, ia navibagh iragh, a bagh uamategh iziti, a ragh ua ian ganiva, ua ia iniam."

¹⁰ Ezi gumazir kaba akinafarir kaba inigha ghua Efraim anabam ko, Manasen

anabamin nguazimningin itir nguabar ekiabar ikegha ghua, Sebulunin anabamin nguazir notin amadaghan itimin tu. Egha me atrivimin akabar gumazamizibav geima, gumazamiziba oraghan aghuaghha, aka mikirvagh, dibovir akabar gumazir kabav gei. ¹¹ Ezi Aser ko, Manase ko, Sebulunin anababar gumazir varazira akar kam baregha, Ikiavira Itir Godin damazimin uari abiraghha Jerusalemin ghue. ¹² Ezi God ubi Judabagh amima, me navir vamira inigha bar moghira atrivim ko, an gumazir dapanibar akamin gintiha iza Jerusalemin uari akuvaghha, Ikiavira Itir Godin Akar Gavgaviba mikemezei moghin, isar kam gami.

*Me God Israelia Gitazir Dughiam
Ginighnighamin Isam gami*

¹³ Egha iakinir namba 2in, Yis Puvatizir Bretin Isam Damuamin Dughiamin, gumazamizir bar avirir dafam iza Jerusalemin uari akufa. ¹⁴ Egha me ghua Jerusalemin itir asebar ziaba fer ofa gamir dakoziba ko, ofan migharir mughuriar aghuim zuir ofa gamir dakoziba akaragharki. Egha me ofa gamir dakozir kabar oteviba inigha, ghua Kidronin Fanemin danganir zarimin da makuni. ¹⁵ Egha namba 2in iakinimin, an aruer namba 14in, me God Israelia Gitazir Dughiam Ginighnighamin Isam bagha sipsipin nguzibav soke. Ezi ofa gamir gumaziba ko, Livaiba, Godin damazimin zueghamin arazibar gin ghua uari zuezir puvati, kamaghin me bar aghumsigha ghua uari zueghamin arazimin uarigh amigha zue. Me uari zuegha givagha, ofan bar isi mighirambar asiziba inigha Ikiavira Itir Godin Dipenimin zui.

¹⁶ Ofa gamir gumaziba ko, Livaiba, Godin ingangarir gumazim Moses me ganingizir Arazibar gin ghua Ikiavira Itir Godin Dipenimin gumazamizibar damazimin tuifi. Ezi Livaiba ofabar ghuziba inigha ofa gamir gumazibagh aningizi, me da isa ofa gamir dakozimin da kavamadi.

¹⁷ Gumazamizir aviriba, Godin damazimin uari zueghasa zueghamin arazim gamizir puvati, kamaghin me uari uan sipsipin nguzibav suegh dar ofa damuan kogham. Kamaghin amizi, Livaiba gumazamizir kabar sipsipin nguzibav soghezi da Ikiavira Itir Godin bibaram otifi. ¹⁸⁻¹⁹ Ezi gumazamiziba bar moghira ofa gamizir sipsipin kabar tuziba ame. Egha me Moses Osirizir Araziba mikemezei moghin, men bar avirim faragha Godin damazimin uari zuezir arazim gamizir puvati. Zuezir puvatizir gumazamizir avirir kabar maba, me Efraim ko, Manase ko Isakar ko,

31

Hesekia Ikiavira Itir Godin Dipenimin ingangariba akiri

Sebulunin anababar adarazir ize. Atrivim Hesekia me ginighnigha kamaghin God ko migei, "O Ikiavira Itir God, en ovavibar God, ni fo, gumazamizir kaba nin Arazibar gin ghua uari zuezir puvatigha, nin Dipenimin ize. Me bar ifongiar ekiam nin ikia ni bagh izi nin ziam fasa. Ikiavira Itir God, ni bar dera, ni gumazamizir kabar arazir kuraba gin amadagh." ²⁰ Ezi Ikiavira Itir God Hesekian azangsizim baregha, gumazamizir kabar arazir kuraba gin amadagha, me gasighasighizir puvati.

²¹ Ezi gumazamiziba, Yis Puvatizir Bretin Isam Damuamin Dughiam bagha Jerusalemin uari akuvagha 7plan aruebar ikia bar akonge. Ezi Livaiba ko, ofa gamir gumaziba, dughibar zurara Ikiavira Itir Godin Dipenimin pamtemin gitabav sogha Ikiavira Itir Godin ziam fe. ²² Isar kamin dughiamin, Livain maba Ikiavira Itir Godin ingangariba bar deraghvira dagh ami, kamaghin amizi, Atrivim Hesekia me minabagha gavgavim me ganidir akabar me migei. Dughiar kamin, gumazamiziba 7plan aruebar Ikiavira Itir Godin ziam fer isar ekiam gamua God ko navir vamiran ikiamin ofabagh amua, egha Ikiavira Itir God, men ovavibar Godin ziam fava a minabi.

Me Godin ziam fer dughiam ua 7plan aruebagh isafura

²³ Yis Puvatizir Bretin Isar Ekiamin Dughiamin aruer 7pla gifa, ezi gumazamiziba Godin ziam fasa 7plan arueba ua dagh isafuraghaha akam akiri. Kamaghin amizi, me ua 7plan aruebar Godin ziam fa bar akongegha iti. ²⁴ Ezi Atrivim Hesekia 1,000plan bulmakaun apuriba ko, 7,000plan sipsipba inigha ofabar amuasa gumazamizibagh aningi. Ezi an gumazir dapaniba, 1,000plan bulmakaun apuriba ko, 10,000plan sipsipba ofabar amuasa gumazamizibagh aningi. Ezi dughiar kamin, ofa gamir gumazir bar aviriba, Godin damazimin uari zueghasa zueghamin arazim gami. ²⁵⁻²⁶ Ofa gamir gumaziba ko, Livaiba ko, Judan gumazamiziba ko, notin amadaghan Israelin nguazimin izeziba ko, Kantrin Igharazibar Gumazamizir Juda ko Israelin itiba, me bar moghira Jerusalemin ikia bar akonge. Bar guizbangira, Devitin otarim Atrivim Solomonin dughiamin ikegha iza datirighin, bizir kamaghin garitam Jerusalemin otozir puvati. ²⁷ Ezi gin ofa gamir gumaziba ko, Livaiba dikavigha tuivigha deragh gumazamizibar amuasa, Godin azangssi. Ezi God uan Nguibamin ikia, egha uan ofa gamir gumazibar azangsizim barasi.

¹ Godin ziam fer dughiar ekiar kaba givazima, gumazamizir iza Jerusalemin uari akuvaziba, me tintinibar Judan nguibar ekiabar ghua, dagiar guarir akiniba apiraghariha, temer guarir aser amizim Aseran nedazim itiba okaghari. Me uaghan Judan anabam ko, Benjaminin anabam ko, Manasen anabam ko, Efraimin anabamin nguazibar ghua, ofa gamir dakoziiba ko, mighsiabar pin itir danganir asebar ziaba feba saram asighasigha, bizitam ataghizir puvati. Egha me gin uamategha uan nguibabar zui.

² Atrivim Hesekia ofa gamir gumaziba ko, Livaiba tuiraghha, men ikiziba vaghvagh damuamin ingangaribar me arigha, me migia ghaze, ia ofa gamir gumaziba ko, Livain ikiziba fomira ingarizi moghin ia ingangaribar amu. Ingangaribar kaba: Me ofan bar isia mighiriba ko, God ko navir vamiran ikiamin ofabagh amua, Ikiavira Itir God minabava, an ziam fava, an Dipenimin ingangariba bar dagh ami. ³ Atrivim kamaghin migia ghaze, ofa gamir gumaziba, an divazimin aven an asizibar tongin asiziba iniva ofan bar isia mighiriba, zurara mizaraziba ko, guaratizibar dar amu. Egh me uaghan Sabatin dughiba ko, iakinir igiaba ko, Godin ziam fer dughiar ekiaba sara, me an asiziba inigh ofa damu, mati Ikiavira Itir Godin Arazir Moses fomira osiriziba mikemezi mokin.

⁴ Egha atrivim kamaghin Jerusalemin gumazamizibav gia ghaze, me uan daghebar tongin daghetaba inigh ofa gamir gumaziba ko, Livaiba bagh da inigh izi. Gumazamiziba kamaghin damuti, ofa gamir gumaziba ko, Livaiba deragh uan ingangarim damuam, mati Ikiavira Itir Godin Araziba mikemezi mokin. ⁵ Atrivimin akar kam, kantrin danganiba bar dar ghu, ezi gumazamiziba zuamira witin faragha otivizir bar aghuiba ko, wainin dipar bar aviriba ko, olivin boreba ko, haniba, ko, dagher guar avirir me azenibar iniziba inigha, ofa gamir gumaziba ko, Livaiba bagha da inigha izi. Me uaghan uan dagheba 10plan pozibav kinigha, dar pozir vamira isa ofa gamir gumaziba ko, Livaibagh aningi. ⁶ Ezi Judan nguibar ekiabar itir gumazamiziba, me bar moghira vaghvaghha uan bulmakauba ko, sipsipba 10plan okoruubar da arigha, egha dar okoruar mam inigha zui. Me uaghan uan biziba 10plan pozibav kinigha, dar pozir vamira Ikiavira Itir God, men God

bagha da ariki,* egha me bizar kaba bar ada inigha izo pozir aviribav kini.

⁷ Gumazamiziba iakinir namba 3in, bizbar pozibav kinigha, da atera zui. Me kamaghira amua ghua namba 7in iakinimin tu.
⁸ Ezi Atrivim Hesekia ko, gumazir dapaniba ghua, gumazamiziba inigha izezir bizar pozibar ganigha, Ikiavira Itir Godin ziama, Israelien gumazamiziba minabagha, me bagha bar akonge.
⁹ Egha atrivim kamaghin ofa gamir gumazibva ko, Livaibar azai, "Manmaghin amizi ia dagher pozir avirir kaba iti."

¹⁰ Ezi ofa gamir gumazibar dapanim Asaria, a Sadokin adazarir mav, a kamaghin atrivimin akam ikaragha ghaze, "Ikiavira Itir God bar deraghavira uan gumazamizibagh amizi, me dagher bar avirim inigha an Dipenimin ize. E dagher kabar avirim ame, egha da agivan iburazi, dagher pozir bar aviriba ikiavira iti."

¹¹ Ezi atrivim mikemezi, ingangarir gumaziba Ikiavira Itir Godin Dipenim avinizir divazimin aven, biziwa arighasa danganiba akira dar ingari.
¹² Egha me dagher kaba ko, bizar igharaziba ko, 10plan pozibar arighizir bizar kabar pozir mam inigha, Ikiavira Itir Godin Dipenimin biziwa arighamin danganir kabagh ariki. Ezi Livain mamin ziam Konania, a ingangarir kamin garir gumazir dapanim, ezi an aveghbuu Sime, a ingangarir kamin garir gumazir namba 2.
¹³ Atrivim Hesekia ko, Godin Dipenimin ofa gamir gumazibar dapanim Asaria, aning Konania ko, Simein akurvaghosa, ua Livain maba amisefe. Men ziabar kara: Jehiel, Asasia, Nahat, Asahel, Jerimot, Josabat, Eliel, Ismakkia, Mahat ko Benaya.
¹⁴ Imnan otarim Kore, a Livain mav, a Ikiavira Itir Godin Dipenim avinizir divazimin aruem anadi naghin itir tiar akamin garir gumazim. Atrivim ko, Asaria ingangarir kaba Kore ganangi: A gumazamiziba uan ifongiabar gin ghua, God ganidir ofabu iniam. Egh uaghan ofan igharazir gumazamiziba Ikiavira Itir God ganidiba inigh, ofan bar anogoroghezibar naba inigh, da turagh ofa gamir gumazibar aningam.
¹⁵ Ezi Livain maba Koren akurvaghia ingangarir aghuim gamua, ofa gamir gumazibar nguubar ekiabar aven ingara ofa gamir gumazibar ikiziba bagha dagheba turaghia me ganidi. Livain kabar ziabar kara: Iden, Miniamin, Jesua, Semai, Amaria ko Sekania. Me dagheba isa men ikiziba bar me ganidima, tav daghetamin otevezir puvati, me bar moghira dagheba ini, gumazir igiaba ko, ghuriba sara.
¹⁶ Ofa gamir gumazibar otariba, 3plan azeniba

ikit, me men ziaba isiva ikizibar ziabar apengen da osiram. Egh me daghebar aningamin dughiamin, me ziar kabar ganiva, dagheba me daningam. Egh Godin ofa gamir gumazitamikizim mangi Ikiavira Itir Godin Dipenimin ingaramin dughiam otoghti, me Jerusalemin mangegh ingarti, me ua men nguibamin me bagh daghebar arighan kogham.[†]

¹⁷ Me ofa gamir gumazibar ziaba osir dughiamin, me men ikizibar ziabar apengen da osirighti, me uari akuvagh, uaghara ingaram. Egh Livaibar ziaba osir dughiamin, me 20plan azenibar ikegha ghuunadir gumaziba, me men ikiziba damuamin ingangaribar apengen men ziaba osiri.
¹⁸ Egha ofa gamir gumazibar ziabar apengen, me men amuiba ko, borir iririviba ko, otariba ko, guivir asebar ziaba saram osiri. Ezi ofa gamir gumazir kaba, zurazurara Ikiavira Itir Godin damazimin uari uari zuamin ingangarim iti.[‡]
¹⁹ Aronin adazarir ofa gamir gumazir maba, me ofa gamir gumazibar nguubar ekiabar nguazir otevir mabar iti. Ezi gumazir maba nguubar ekiar kabar ikiava, dagheba ofa gamir gumazir kabagh anidi. Egha me uaghan dagheba isa Livain ziabar apengen itir Livaibagh anidi.

²⁰ Hesekia, Judan danganiba bar dar ofa gamir gumaziba ko, Livaibar akurvazir ingangarir aghuim gami. Egha a Ikiavira Itir God, uan Godin damazimin, arazir aghuiba ko, guizin arazibagh ami.
²¹ Hesekia uan navir averiamin aven God baghavira ikiasa bar gavgafi. Egha deraghavira ingara Godin Dipenim uam anekirigha Godin Akar Gavaviba ko, an Arazibar gin zui. Kamaghin amizi, Hesekia amizir ingangarir aviriba, da bar deraghaviram otifi.

32

Asiriaba Jerusalemia misoghasa izi

(2 Atriviba 18:13-37; 19:14-29; 19:35-37; Aisida 36:1-22; 37:8-38)

¹ Atrivim Hesekia guizbangira Ikiavira Itir Godin akabar gin ghua amizir ingangarir kabar gin, Asiriabar Atrivim Senakerip uan midorozir gumaziba ko iza Judabav sosi. Egha men nguubar ekiar divazir bar gavgaviba aviniziba okarigha iti. Senakerip nguubar ekiar kabagh ativagh dar ganasa nighnisi.
² Ezi Hesekia kamaghin oraki, Senakerip uaghan Jerusalem ko misoghasa.
³ Ezi Hesekia uan gumazir dapaniba ko, midorozir gumazir bar gavgaviba ko, me nguubar ekiamin azenan itir emimirir dipaba apirasa akam misoke. Ezi me bar an akura.
⁴ Dughiar

^{31:10:} Malakai 3:10 [†] ^{31:16:} Hibrum akam deragha akar kamin mingarim abighizir puvati. [‡] ^{31:18:} Hibrum akam deragha akar kamin mingarim abighizir puvati.

kamin, me gumazir bizar ekiam akuvaghha, kamaghin me migei, "E mangi nguubar ekiamin azenan itir emimirir dipaba apirika. E kamaghin damichti, Asiriaba ua izi damamin dipar aviriba ikian kogham." Egha me ghua faner men nguazim abigha zuim ko, emimirir dipar kaba bar ada apemequa da apiri.

⁵ Egha Hesekia zuamira Jerusalem avinizir divazir gavgavim a daningasa, uan ingangarir gumazibav gei. Ezi ingangarir gumaziba divazir akaraghirezir akuar mam uam anekirigha, me midorozir gumaziba isin iki apaniba bagh ganasa, tauan gavgavir ruariba divazim gisin dar ingari. Egha nguubar ekiam avinizir divazim, an azenan, me ua divazir gavgavir igharazir mamin ingarizi, a bar nguubar ekiam ekiaru. Egha me Devitin Nguubar Ekiamin itir danganir zarir me nguazibar apemezem, me ua gavgavim divazim ganidi. Egha me misoghasa afuziba ko, orar avirabar ingari.

⁶ Egha gin, Hesekia Jerusalemin gumazibar ganasa, midorozir gumazibar garir gumazir dapanim amisefe. Egha a nguubar ekiamin tiar akamin boroghia uari akuvir danganir ekiamin, bar gumazamiziba akufa. Egha gavgavim men navibar aningasa, akar bar aghuubar me migei. A kamaghin me migei, ⁷ "Ia tugh gavgavigh, Asirian atrivim ko, an midorozir gumazir bizar kamin atiatingan marki. Me gavgavir bar ekiam ti, ezi e ko itir gumazir mam, an gavgavim bar ekevegha men gavgavim bar a gafira. ⁸ Asirian atrivim, a gumaziba da uan gavgavim ini, ezi en gavgavim, a Ikiavira Itir God, en Godra. A e ko iki en akuragh, en midorozibar aven, an e bagh en apaniba abinam." Gumazamiziba atrivimin akaba barazima, akar kaba gavgavim men navibagh aningi.

⁹ Dughiar kamin Senakerip uan midorozir gumaziba ko, me Lakisin nguubar ekiamin misosi. Egha a uan gumazir dapanir maba amangizi, me an akabar gun Hesekia ko, Judabav kimasa Jerusalemin ghue. An akabar kara: ¹⁰ "Ki Asirian Atrivim Senakerip, ki foghaza, ia manmaghin garir gavgavim ikia ghaze, e ian nguubar ekiam inian iburaghram? Bar puvati. ¹¹ Ki fo, Hesekia kamaghin ia migei, Ikiavira Itir God, a ian God, a ian akuraghti, e Asiriaba ia gasighasighan kogham. Hesekia ia gifari, ia nighnizir gavgavim an akabar iki e ateghti, e ian nguubar ekiam inigham koghti, ia uari bagh ganigh. E ia ekiarughi, ia damamin dagheba ko, dipaba puvatigh arighiregham.

¹² Ia fo, Hesekian kamra, mighsiabar pin itir danganir Godin ziam feba ko, an ofa gamir dakozir pura tintinibar itiba bar dagh asighasiki. Egha ghaze, ia Judaba ko Jerusalemia, ia mangi ofa gamir dakozir vamira, mughuriar aghuim zuir ofabar amuva Godin ziam fam.

¹³ "Ki uan ovaviba ko, e kantrin igharazibagh amizir biziba, ia ti dagh fozir puvati? Ia ghaze, igharaz darazir aseba men akurazi, ti men kantribagh asighasighizir pu? Bar puvati. ¹⁴ E kantrin aviriba ko misoke, ezi men aser aviriba iti. Ezi kantrin igharazitam min assetam men akurazi, me midorozir tamin e abirazir puvati. Ezi ia tizim bagha ghaze, ian God ian akuraghti ia midorozimin e abiraghram? Ti puvatigham! ¹⁵ Ia Hesekia ateghti a ia gifaran marki, egh ia an akam baraghan marki. Bar guizbangira, kantrin igharazitam assetam an akuragha gavgavim a ganigizi, a nan ovaviba ko misogha me abirazir puvati. Bar guizbangira, ian God uaghan ian akuraghan kogham."

¹⁶ Asirian atrivimin gumazir dapaniba, akar kurar bar avirabar Ikiavira Itir God ko, an ingangarir gumazim Hesekia gami. ¹⁷ Atrivim Senakerip uaghan akinafariba osira Ikiavira Itir God, Israeliyan God dipofi. Akinafarib kaba, migrigiār kaba iti, "Ki kantrin igharazibav sozima, men aseba men akurazi, me na abirazir puvati. Ezi kamaghira, Hesekian God uaghan nan dafarim da, uan gumazamiziba akuraghan kogham. Bar puvatigham."

¹⁸ Asirian gumazir dapaniba pamtemin Hibrun akamin dim tiariba akar mikimti, Jerusalemin nguubar ekiam avinizir divazir mitiar gavgavim gisin itir gumazamiziba uan akam baregh, bar atiatigham. Egha tuavir kamin, Asiriaba nguubar ekiam inian iburaghan kogham. ¹⁹ Asiriaba kamaghin nighnigha ghaze, Jerusalemin God ti kantrin igharazibar asebar min gari. Aser kaba gumazamiziba uari uan dafaribar dar ingari, kamaghin amizi, me dibovir akabar a gami.

²⁰ Atrivim Hesekia, Asiriabar akar kaba baregha, akam inigha izir gumazim Aisaia ko, aning uaningin akurvaghaha God ko migia an dei. (Aisaia, a Emosin otarim.) ²¹ Ikiavira Itir God aningin dimdiam baregha enselin mam amadazi, a Asirian atrivimin midorozir gumaziba itir danganim Ghua, gumazir dapaniba ko, midorozir gumazibar garir gumazir dapanibav soghezi me bar ariaghire. Kamaghin amizi, Atrivim Senakerip bar

aghumsigha, uamategha uan kantrin ghu. Egha gin, a uan asemin ziam fasa, an dipenimin aven ghuzi, an otarir maba iza midorozir sababar a misoghezi, an areme.

²² Arazir kamin, Ikiavira Itir God, Atrivim Hesekia ko, Jerusalemin akura, ezi Asirian Atrivim Senakerip me gasighasighizir puvati. Ikiavira Itir God uaghan, igharaz darazi ataghizi, me iza Judabagh asighasighizir puvati. Judaba amir biziiba bar, Ikiavira Itir God men akurazi me navir amirizim sara deraghavira ikia avughsi. ²³ Ezi Kantrin Igharazibar Gumazamizir avirim, Jerusalemin iza, Ikiavira Itir God bagha ofaba inigha izi. Me uaghan bizi aghuiba inigha iza Hesekia ganidi. Dughiar kamin ikegha zui, Kantrin Igharazibar Gumazamiziba, ziar ekiam Judan Atrivim Hesekia ganiga ghuavira iti.

Hesekia arimariam ini

(2 Atriviba 20:1-3; 20:12-19; Aisaia 38:1-3; 39:1-8)

²⁴ Asiriaba paza Judabagh amir dughiar kamin, Atrivim Hesekia arimariar bar ekiam inigha aremehasava ami. Dughiar kamin, a Ikiavira Itir God ko migeima, Ikiavira Itir God an dimdiam ikaragha, ababanir mam an akaghah ghaze, an arimariam givagham. ²⁵ Hesekian arimariam gin givazi, a Ikiavira Itir God, an akurazir bizi ekiar kam ginighnizir puvati. A ubi fava, Ikiavira Itir God minabazir puvati. Kamaghin amizi, Ikiavira Itir God an aningaghegha, a ko, Juda ko, Jerusalemin gumazamizibagh asighasighasava ami. ²⁶ Ezi Hesekia Jerusalemia ko, me uari fer arazim ategha uari abira. Kamaghin amizi, an atrivimin itir dughiamin, Ikiavira Itir God me gasighasighizir puvati.

Hesekia ziar ekiam ko dagiar bar aviriba iti

²⁷ Hesekia dagiar bar aviriba ikia, atrivir bar gavgavimin otogha ziar ekiam iti. A ingangarir gumazamizibav kemezi, me silvaba ko, gol ko, dagiar iveauzir bar pin koziba ko paauran mughuriar aghuim zuiba ko, bizi igharazir iveauzir bar pin kozibar arighamin dipenibar ingari. ²⁸ Ezi an ingangarir gumaziba uaghan witba ko, wainin dipaba ko, olivin boreba arighamin dipenibar ingari. Egha me uaghan bulmakaun guar aviriba arighamin dipenir ekiabar ingarigha, sipsipbar arighasa divazibar ingari. ²⁹ God bizi aghuir bar aviriba Hesekia ganangi, ezi Hesekia sipsipba ko, bulmakaun bar aviriba ini. Ezi an ingangarir gumaziba a bagha nguubar ekiar

aviribar ingari. ³⁰ Atrivim Hesekia fomira Gihonin Emimirir Dipam pin anepirigha, Devitin Nguibar Ekiamin aruem uaghiri naghin, dipam bagha nguazimin aven torir ruarim gikuizi, dipam an aven uaghiri. Atrivim Hesekia amizir biziiba bar deraviram otifi. ³¹ Babilonin kantrin itir gumazir aruaba, God kantri Juda gamizir mirakelin kamin* eghaghanim baregha, bizi kamin mingarim gifoghaha gumazir maba amangizi, me Hesekia bagha izi. God Hesekian araziba ko, navir averiam gifoghaha a badava, dughiar kamin Hesekia ataki.

Atrivim Hesekia areme (2 Atriviba 20:20-21)

³² Atrivim Hesekia amizir bizi igharaziba ko, an arazir aghuiba eghaghaniba bar, akinafarir me kamaghin diborimin iti, Akam Inigha Izir Gumazim Aisaia, A Emosin Otarim, a Irebamin Min Garir Bizimin Ganizir Bizibar Eghaghaniba ko, akinafarir me kamaghin diborim, Judaba ko Israelian Atrivibar Eghaghanibar Akinafarim. ³³ Atrivim Hesekia uan inazir afeziabar min aremezi, me an kuam isa Atrivim Devitin ovavir boribar mozibar boroghin anefa. An mozim atrivir igharazir mabar mozibar mong mighsiamin pin iti. Ezi Juda ko, Jerusalemin gumazamiziba, an ziar ekiam ginighnigha bar an kuarkufi. Ezi an otarim Manase an danganim inigha atrivimin oto.

Atrivim Manasen eghaghanim

33

(Sapta 33)

Manase Judan atrivimin iti (2 Atriviba 21:1-9)

¹ Manase azenir 12pla ikia, Judabar atrivimin otogha, 55plan azenibar Jerusalemin atrivimin ike. ² Manase arazir aghuimin gin zuir pu. Puvati. A gumazamizir igharazir fomira nguazir kamin ikezibar arazir mizirizir kurabar gin zuima, Ikiavira Itir God me batuegha, nguazir kam isa Israelia ganangi. Ezi datirighin Manase Ikiavira Itir Godin damazimin arazir kabagh ami, kar arazir Godin damazimin derazir puvatiziba.

³ Fomira an afeziam Hesekia mighsibar pin itir asebar ziaba fer danganiba apiragharki. Ezi datirighin, Manase ua dar ingari. Egha asem Balin ziam fasa ofa gamir dakozibar ingari. Egha an aser amizim Aseran nedazim itir temer

32:25: 2 Eghaghaniba 24:18; 26:16; Onger Akaba 116:12

Mirakelin kam, an eghaghanim, a 2 Atriviba 20:8-11in iti.

15:4 33:4: 2 Eghaghaniba 6:6

* **32:31:**

33:2: Godin Araziba 18:9; 2 Eghaghaniba 28:3; Jeremaia

guarir akınibar ingari. Egha uaghan overiamin itir mikovezibar ziaba fe.⁴ Egha an aseba bagha Ikiavira Itir Godin Dipenimin aven ofa gamir dakoziбар ingari. E bar fo, fomira Ikiavira Itir God, uan Dipenir kam ginighnigha kamaghin mukeme, "Jerusalemin itir Dipenir kam, an aven gumazamiziba nan ziamra fi ikiam."⁵ Ezi Manase, Ikiavira Itir Godin Dipenim avinizir divazimin aven itir danganir uari akuvir pumuningin, an overiamin itir mikovezibar ziaba fasa, ofa gamir dakoziбар mabar ingari.⁶ A Hinomin danganir zarimin iragnughha, uan otarir mabav soghezi me ariaghirezi, a ofan bar isia mighirimin min me tuezi me bar isia mighiri. Egha a uabin akuraghaha ariaghirezir gumazamizibar duabar diava, uaghan uabin akurvaghaha kukunir gumazibar azai, egha akavsiar igharaghaha garir aviribagh ami. Manase arazir kurar aviriba Ikiavira Itir Godin damazimin dagh ami, ezi an arazir kurar kaba Ikiavira Itir God gamizi, a bar aningaghe.

⁷ Egha Manase aser amizim Aseran marvir guar kam inigha a isa Ikiavira Itir Godin Dipenimin aven aneti. Fomira Ikiavira Itir God, Dipenir kam ginighnigha kamaghin Devit ko, an otarim Solomon mikeme, "Jerusalemin nguubar ekiam ko an itir Dipenir kam, ki uabi Israelian anababar tongin a ginaba, eghti me zurara an izi, nan ziamra fam."⁸ Ia nan gumazamiziba, ki mikemezi moghin, ia nan Araziřnan ingangarir gumazim, Moses, ia ganigiziba ko, arazir ki ifongeziба ko, bizir ki damuua is a mikemeziba, ia bar dar gin mangiti, nguazir ki fomira ian inazir afeziabagh aningizi, ia datirighin apiaghav itim, ki an ia batueghan kogham."⁹ Ezi Atrivim Manase Judaba ko, Jerusalemian nighnizibagh amua me getuima me bar arazir kurabagh amuavira iti. Ezi men arazir kurar kaba, da gumazamizir fomira nguazir kamin ikezibar arazir kurabagh afira. Gumazamizir kaba, Ikiavira Itir God me batoghezi, Israelia nguazir kamin aven ize.

Manase navim gira

¹⁰ Manase uan gumazamiziba ko, me amir arazir kuraba, Ikiavira Itir God da ataghiraghaha me migeima, me an akam baragha an gin zuir puvati.¹¹ Kamaghin amizi, Ikiavira Itir God Asirian atrivimin midorozir gumazibar gumazir dapaniba ko, an midorozir gumaziba amangizi, me iza Judaba ko misogha me abira. Egha Asiriaiba kalabuziamin min Manasen surragha, akezim an atinim garugha, senin

an dafarimning ikegha, a inigha Babilonin ghu.¹² Ezi a bar osemegha Ikiavira Itir God, an ovavibar Godin damazimin uabi abiraghha, uamatetgha God bagha iza,¹³ uabin akurvaghaha an azangsisi. Ezi God Manasen azangsizim baregha an akuraghaha anetaghizi, a uamatetgha Jerusalemin ghugha, ua kantri gativaghha an gari. Egha Manase datirighin kamaghin fo, Ikiavira Itir God, a uabira guizbangira God.

¹⁴ Bizir kabar gin, Manase Jerusalem avinizir divazimin azenan itir divazir igiamin ingari. Me kamaghin danganir kam dibori, Devitin Nguibar Ekiam. Divazir kamin tuirivim bar pin iti. Divazim aruem uaghiri naghin, danganir zarir Gihonin Dipar Emimirimin ikegha ghuua notin amadaghan tiar akar me kamaghin diborimin tu, Osiriba Amadir Tiar Akam. Divazim uaghan Ofelin mighsiam avini. Egha Manase uaghan, Judan Distrighin itir nguibar ekiar divazir bar gavgaviba avinizibar ganasa, midorozir gumazibar gumazir dapaniba amisefe.¹⁵ Egha a ikizir igharazibar marvir guaba ko a uabi Ikiavira Itir Godin Dipenimin aven atizir aser nedazim batoke. Egha a uaghan, Ikiavira Itir Godin Dipenim itir mighsiamin pin itir asebar ofa gamir dakoziба ko, Jerusalemin danganir igharazibar itir ofa gamir dakoziба sara akaragharki. Egha a bizir kaba inigha nguibar ekiamin azenan ghuua bar ada makuni.¹⁶ Egha a gin uamatetgha Ikiavira Itir Godin ofa gamir dakoziм akiri. Egha God ko navir vamiran ikiamin ofaba ko, God minamamin ofaba bagha, asiziba inigha iza ofa gamir dakoziм dar ofa gami. Egha a kamaghin Judabav gei, "Ia Ikiavira Itir God, a Israelia en God, ia an ziam fi."¹⁷ Ezi gumazamiziba Atrivim Manasen akam baregha, ua asebar ziaba fer puvati. Me bar moghira Jerusalemin izir puvati. Me uan mighsiabar itir danganibara ghuua Ikiavira Itir God, men Godin ziam fa, egha ofaba a ganidi.

Atrivim Manase areme (2 Atriviba 21:17-18)

¹⁸ Atrivim Manase amizir arazir igharazibar eghaghaniba, akinafarir me kamaghin diborimin iti, Israelian Atrivibar Eghaghanibar Akinafarim. Manase God ko mikemezir migirigiba ko, akam inigha izir gumaziba Ikiavira Itir God, Israelian Godin ziamin Manase mikemezir akar kaba, da uaghan akinafarir kamin iti.¹⁹ Ezi Atrivim Manasen eghaghanir maba akinafarir me kamaghin diborimin iti, Godin Akam Inigha Izir Gumazibar Eghaghaniba. Akinafarir kam, Manasen arazir kurabagh eghara,

an akirim ragha God gasarazir arazim geghara, an asebar ziaba fer danganir a ingarizibagh eghara, egha a ingarizir guarir akinir aser amizim Aseran nedazim itibagh eghara, egha marvir guar a ingarigha dar ziaba febar eghaghanibagh eghari. Akinafarir kam uaghan, a navim giragha uabi abirazir arazim ko, a God ko migeima, God an dimdiam baraghizir bizibagh eghari.²⁰ Manase uan inazir afeziabar min aremezi, me atrivimin dipenim avinizir divazimin aven anefa. Ezi an otarim Emon an danganim inigha atrivimin oto.

*Emon Judan atrivimin iti
(2 Atriviba 21:19-26)*

²¹ Emon 22plan azeniba ikia egha atrivimin oto, egha azenir pumuningra Jerusalemin atrivimin ike. ²² Emonin afeziam Manase amizi moghin, Emon uaghan Ikiavira Itir Godin damazimin arazir kurabagh ami. Amonin afeziam Manase fomira ingarizir marvir guaba, a da bagha ofabagh amua dar ziaba fe. ²³ Emonin afeziam, Ikiavira Itir Godin damazimin uabi abiragha navim gira, ezi Emon kamaghin amizir puvati. An arazir kurabar osimtizim ghuavira iti. ²⁴ Dughiar mamin, Emonin ingangarir gumazibar dapaniba uari akuvagha, a misueghti an aremeghasa tuaviba buria akam misosi. Egha me gin atrivimin dipenimin aven a misoghezi an areme. ²⁵ Ezi gin Judan gumazamiziba, ingangarir gumazibar dapanir Emon misoghezir kaba inigha, uaghan me misoghezi me ariaghire. Egha me Emonin otarim Josaia gamizi, a uan afeziamin danganim inigha men atrivimin oto.

Atrivim Josaiyan eghaghanim

34

(Septa 34-35)

*Josaia Judan atrivimin iti
(2 Atriviba 22:1-2)*

¹ Josaia 8plan azeniba ikia, Judan atrivimin oto, egha 31plan azenibar Jerusalemin atrivimin ike. ² Atrivim Josaia uan ovavim, Atrivim Devit fomira amizi moghin, a Ikiavira Itir Godin damazimin arazir aghuibagh ami. Egha a Ikiavira Itir Godin akaba bar a dar gin mangasa bar gavgafi.

Josaia asebar marvir guaba batuegha da makuni

³ Josaia 15plan azeniba ikia, egha a namba 8in azenir an atrivimin itir dughiar kamra, a uan ovavim Atrivim Devit Godin ziam fa a baghvira iti. An namba 12in

azenir an atrivimin itir dughiamin, a uan ingangarir gumaziba amangizi me Juda ko Jerusalemin danganiba bar dagh arua, asebar ziaba fer danganir mighsiabar pin itiba bar dagh asighasigha, temer guarir akinir aser amizim Aseran nedazim itiba ko, marvir guar me temeba ko, ainin ingariziba, bar dagh asighasiki.⁴ A ghua garima, ingangarir gumaziba asem Balin ofa gamir dakozibagh asighasigha, dar boroghin itir paura mughuriar aghuimin ofabagh amir dakozibagh asighasiki. Egha me temer guarir aser amizim Aseran nedazim itiba ko, temeba ko, ainin ingarizir aser mabar nedaziba sara asighasigha, dav sozima da misaraghira averenimin min oto. Egha me averenir kaba inigha ghua gumazamizir fomira aser kabar ofa gamizibar mozibagh isin da kavamangi.⁵ Egha Josaia asebar ofa gamir gumazibar aghariba inigha, men ofa gamir dakozibagh isin da tuezi da isi. A bizir kabagh amiga givazi, Juda ko, Jerusalem Ikiavira Itir Godin damazimin ua zue.

⁶ Egha Josaia ghua Manasen anabamin nguazim ko, Efraimin anabam ko, Simeonin anabam ko, Napatalin anabamin nguazim ghua bar notin amadaghan tu. An arazir kamra, apaniba faragha asighasighizir nguubar ekiabar itir asebar ofa gamir dakoziba, a bar adagh asighasiki.⁷ A Israelin danganir kaba bar dagh arua, ofa gamir dakozibagh asighasigha, temer guarir akinir aser amizim Aseran nedazim itiba ko, aser igharazibar nedaziba sara, a bar adav sogha da misaragharihgizi da averenimin min oto. Egha a uaghan Israelin nguazimin aven, pauran mughuriar aghuim gamir dakoziba bar dagh asighasiki. A ingangarik kam agivagha, uamategha Jerusalemin ghu.

*Me Ikiavira Itir Godin Dipenimin aven,
Godin Arazibar Akinafarimin api
(2 Atriviba 22:3-20)*

⁸ Atrivim Josaia 18plan azenibar atrivimin ikia, egha asebagh asighasighizir ingangarim agivagha, a uan kantri ko, Ikiavira Itir Godin Dipenim gamizi, aning Godin damazimin zue. A gin gumazir 3pla amadazi, me Ikiavira Itir God, an Godin Dipenim uam anekirighasamin ingangarimin ganasa ghue. Gumazir 3plan kabar ziabar kara: Asalian otarim Safan ko, Jerusalemin nguubar ekiamin garir gumazir dapanim Masea ko, atrivimin akinafariba osirir gumazim Joa, a Joahasin otarim.⁹ Gumazir kaba Ikiavira Itir Godin Dipenimin itiar akamin garir Livaiba bagha ghue. Livaiba faragha Godin

Dipenimin ingangarimin akuraghsha, Manasen anabamin gumazamiziba ko, Efraimin anabamin adarazi ko, Israelian ikiavira itir varazira ko, Judan anabamin adarazi ko, Benjaminin anabamin adarazi ko, Jerusalemin nguabar ekiamin itir adarazi da, dagiar maba ini. Egha gumazir 3plan kaba, dagiar kaba inigha ofa gamir gumazibar dapanim Hilkia bagha ghu. ¹⁰ Egha me dagiar kaba Hilkia ganingizi, a Ikiavira Itir Godin Dipenim akirir ingangarimin garir gumazibagh aningizi, me Dipenim akiramin ingangarir gumazibagh ivese. ¹¹ Me, dipenibar ingarir gumaziba ko, gumazir dagiabar dipenibar ingara fozibagh ivese. Ezi me Godin Dipenim avinizir divazimin aven dipeniba uam adar ingarasa, dipenir inogoriba ko, birir aghariba ko, dagiar me dighoregha arighiziba, dagh ivese. Fomira Judan atrivimin dipenir kaba deraviram dar garir puvatizi, da ikufi. ¹² Gumazir dipenir kabar ingariziba, me bar ingangarir aghuim gami. Atrivimin gumazir dapaniba, gumazir kabar ganasa Livain marazi amisefe. Livain kabar ziabar kara: Merarin ikizimin gumazir kamning Jahat ko, Obadia ko, Kohatin ikizimin gumazir kamning, Sekaraia ko, Mesulam. Ezi Livain igharaziba, kar gitau guar aviribar misoghan bar foziba, ¹³ gumazir Dipenimin ingarasa biziiba ateriba ko, Ikiavira Itir Godin Dipenim avinizir divazimin aven ingangarir guar aviribagh ambar gari. Ezi Livain marazi akinafariba osirima, marazi Godin Dipenimin tiar akamin garima, marazi ingangarir igharazibagh ami.

¹⁴ Livaiba dagiar gumazamiziba inigha Ikiavira Itir Godin Dipenimin zuiba isavira itima, ofa gamir gumazibar dapanim, Hilkia, Godin Araziba Itir Akinafarir Righizimin api. Kar Ikiavira Itir God, Israelian bagha Moses ganingizir Araziba. ¹⁵ Ezi Hilkia kamaghin akinafariba osirir gumazim Safan migei, "Ki akinafarir righizir mamin api, a Ikiavira Itir Godin Dipenimin aven iti. Akinafarir kam, Ikiavira Itir Godin Arazibar Akaba an iti." Egha Hilkia akinafarir kam isa Safan ganingi.

¹⁶ Ezi Safan gin akinafarir kam inigha iza atrivim ganiga kamaghin a migei, "E ni mikemezi moghin biziba bar adagh ami. ¹⁷ E Ikiavira Itir Godin Dipenimin itir dagiaba bar ada inigha dipenim akiraghaisir ingangaribar garir gumazibza ko, ingangarir gumazibagh aningi."

¹⁸ Egha Safan kamaghin migei, "Atrivim, ofa gamir gumazibar dapanim Hilkia, akinafarir kam na ganingi." Egha an akinafarir righizir kam onegha atrivimin damazimin a dibori.

¹⁹ Ezi atrivim akinafarir kamin aven itir Godin Arazibar Akar kaba baregha, bar osemegha, uan korotiam abiki. ²⁰ Egha an ofa gamir gumazim Hilkia ko, Safanin otarim Ahikam, ko, Maikan otarim, Apdon ko, atrivimin akinafariba osirir gumazim Safan ko, atrivimin ingangarir gumazim Asaia, a bar men diazi me izezi, a kamaghin me migei, ²¹ "Godin Arazibar Akaba itir Akinafarir ki datirighin inizir kam, a Ikiavira Itir God ifongezir arazibar gin mangasa e migei. Ezi en inazir afeziaba Ikiavira Itir Godin Akar kaba batuegha gifa. Ezi bizar kam bangin Ikiavira Itir God bar en aningaghe. Ezi datirighin e Godin Akinafarir kamin apigha gifa. Kamaghin amizi, ki kamaghsua, ia mangi Ikiavira Itir Godin azaragh fogh, ki Jerusalemia ko, Judan gumazamiziba ko, Israelin ikiavira itiba, e bizar manabar amuasa a ifonge." ²² Gumazir kaba atrivimin akam baregha, me Godin akam inigha izir amizir mam ko mikimasa nguabar igiar Jerusalemin boroghin itimin ghu. Amizir kamin ziam, Hulda. Hulda a Salumin amuim, a gumazir ofa gamir gumaziba azuir korotiaba itir danganimin garim. Salum a Tokhatin otarim, egha Hasran igiavotarim.

Hulda gumazir kabar akam baregha givagha, ²³ kamaghin men akam ikaraghah ghaze, "Ikiavira Itir God, Israelian God, a kamaghin migei: Ia gumazir ia amadazir kam Josaia bagh umategh mangi, kamaghin a mikemegh, ²⁴ 'Ki Ikiavira Itir God, ki kamaghin migei: Me Judan atrivimin damazimin diponezir Akinafariman itir Akaba, ki uabi bar dar gin mangi, Jerusalem ko, an itir gumazamiziba saram asighasigham. ²⁵ Gumazamizir akirim ragha na gasarazir kaba, me asebar marvir guabar ofabagh ami. Ezi men arazir kurar kam na gamizima, ki puviram atari. Ki Jerusalemia bar men aningaghe, ezi nan aningaghair kam, a givaghan kogham.

²⁶ "Ezi datirighin ki Ikiavira Itir God, Israelian God, ki kamaghin Judan atrivim mikimasa. Me ni bagha Akinafarir kam diborima, ²⁷ ni bizar ki Jerusalem ko, an itir gumazamizibar amuasa mikemeziba, ni dagh fo. Ki kamaghin migei, Jerusalem bar ikuvigh pura danganir kinim ikiam. Ezi atrivim, ni akar kam baregha navim girragha, nan damazimin uabi abira. Egha ni datirighin uan korotiam abigha, aziava nan dei. Kamaghin ki Ikiavira Itir God, kamaghin ni migei, ki nin dimdiam baraki. ²⁸ Egh ki ni ateghti, ni uabi Jerusalemin otivamin asighasizir kamin ganighan kogham. Puvati. Ni bar deraghvira ikiam. Egh ni gin uan inazir afeziabar min aremeghti, me nin kuam afagh givaghti, ki Jerusalem ko, an itir darazigh asighasigham." Godin

akam inigha izir amizim Hulda, Ikiavira Itir Godin akam gumazir kabagh anigha givazi, me akar kam inigha atrivim bagha uamategha ghue.

Gumazamiziba Ikiavira Itir Godin apengan ikiasa akam akiri

(2 Atriviba 23:1-20)

²⁹ Ezi Atrivim Josaia Juda ko, Jerusalemin gumazir dapanibar diazi, me iza uari akufa. ³⁰ Ezi atrivim ko, ofa gamir gumazibra ko, Livaiba ko, Judan gumazamiziba ko, Jerusalemin itir gumazamiziba, me ghua Ikiavira Itir Godin Dipenimin uari akufa. Me uari akuvagha givazi, atrivim Akar Dikirizir Gavgavim itir Akinafarir Righizir me Ikiavira Itir Godin Dipenimin apizir kam inigha, an itir akaba bar me bagha da dibori. ³¹ Atrivim Ikiavira Itir Godin Dipenimin tiar akamin boroghin itir guarir akitinim boroghin tughav iki, Ikiavira Itir Godin damazimin Akar Dikirizir Gavgavim gamua kamaghin migei: A bar guizbangira uan navir averiam ko, uan duamin aven, Godin Akar Gavgaviba ko, arazir a me ganingiziba ko, arazir a ifongeziba, a bar dar amuam. Egh an Akinafarir kamin aven itir Akar Dikirizir Gavgavim akaba bar dar gin mangam. ³² Egha Benjaminin adarazi ko, Jerusalemin itir igharazi darasi, me Akar Dikirizir Gavgavir kamin akabar gintighasa, atrivim migirigiar bar gavgavim me ganungi. Egha gin Jerusalemin gumazamiziba, me uan ovavibar God ko amizir Akar Dikirizir Gavgavim akabar gintisi. ³³ Israeliyan danganiba bar asebar marvir guaba dar ikiavira iti, ezi bizar kaba Ikiavira Itir Godin damazimin bizar bar kurar a bar aghauziba. Ezi Josaia marvir guar kaba bar adagh asighasiki, egha Israelia Ikiavira Itir God, uan Godin gintighasa, bar gavgafi. Ezi an atrivim itir dughamian, gumazamiziba Ikiavira Itir God, men ovavibar Godin gintighasa bar gavgafi, egha me anetaghizir puvati.

35

Me God Israelia Gitazir Dughiam Ginighnighamin Isam gami

(2 Atriviba 23:21-23)

¹ Atrivim Josaia mikemezi, me God Israelia Gitazir Dughiam Ginighnighamin Isam gami. Me iza Jerusalemin uari akuvagha, iakinir faragha zuimin, an aruer namba 14in, me dughiar ekiar kam ginighnigha ofa damuasa sipsipin nguzir bar aviribav soke. ² Ezi Josaia ofa gamir gumazibav gia ghaze, ia uamategh Ikiavira Itir Godin Dipenimin uan ingangarim damu. Egha me deravira ingangarir

kam damuasa, a uaghan gavgavim men nighnizibagh anidi.

³ Egha a uaghan akar mam Livaibagh aningi, me Ikiavira Itir Godin adarazira, me Ikiavira Itir Godin akamin Israeliyan sure damuamin ingangarim iti. An migirigiam kamakin, “Ia mangi Ikiavira Itir Godin Akar Dikirizir Gavgavim Boksiam inigh, uan dipizibar aneter mangi, Devitin otarim Solomon fomira ingarizir Dipenimin aven anetigh. Egh ia ua Akar Dikirizir Gavgavim Boksiam ater mangi izegh damuan kogham, mati ia fomira ami mokin. Ikiavira Itir God, ian Godin Dipenimin ingangariba, ia deravira dar amu. Egh ia uaghan deravira Israeliyan akurvagh, kar Godin gumazamiziba. ⁴ Atrivim Devit ko, an otarim Atrivim Solomon akinafarim osirizi moghin, ia ikiziba vaghvagh dar gumaziba vaghvagh mangi ikizir igharazibar gumaziba ko, ia Ikiavira Itir Godin Dipenimin aven ingangarir vabaram amiba bagh uari akir. ⁵ Ian ikiziba vaghvagh Israeliyan anababar ikizibar akurvaghshi, uan danganibar tuivigh me mizuum iki. ⁶ Ia Godin damazimin uari zuamin arazimin gin mangi uari zuegh, God Israelia Gitazir Dughiam Ginighnighamin Isam bagh, ofa damusi sipsipin nguzibav sogh. Egh ia ofan kam damusi biziha akir, eghit Israelia ofan kamin araziba Ikiavira Itir God, Moses mikemezi moghin, deraghvira dar gin mangam.”

⁷ Gumazamiziba ofa damuasa Atrivim Josaia ubi sipsipin nguzir bar avirim ko, memen nguziba ko, bulmakaun apuriba inigha gumazamizibagh aningi. Sipsipin nguziba ko, memen nguzibar dibobonim, 30,000, ezi bulmakaun apuribar dibobonim 3,000. ⁸ Ezi atrivimin gumazir dapaniba, ofa damuasa uaghan asizir aviriba gumazamiziba ko, ofa gamir gumaziba ko, Livaibagh aningi. Ezi ofa gamir gumazibar dapanim Hilkia ko, Godin Dipenimin garir gumazir igharazimning Sekaraia ko Jehiel, me dughiar ekiar kamin uaghan ofa damuasa, sipsipin nguzir bar aviriba ko, memen nguziba inigha ofa gamir gumazibagh aningi. Dar dibobonim, 2,600intu. Egha me 300plan bulmakaun apuriba inigha, God bagh ofa damuasa, ofa gamir gumazibagh aningi. ⁹ Ezi Livaibar gumazir dapanir faragha zuir kaba, Konia uan dozimming Semaia ko, Netanel ko, Livain igharazir kaba: Hasabia ko, Jeiel Josabat, me sipsipin nguzir aviriba ko, memen nguzir bar aviriba ini, dar dibobonim 5,000intu. Egha 500bulmakaun apuriba sara ini, ezi asizir kaba bar, me da isa Livaibagh aningi. Eghit me God,

Israelia Gitazir Dughiam Ginighnighamin Isam bagh, Ikiavira Itir Godin ofa damuam.

¹⁰ Me ofa damuasa biziiba bar da akirigha givagha, atrivim mikemezi moghin, ofa gamir gumaziba ko, Livaiba ghua ofa gamir dakozimin boroghin, uan danganibar tuifi. ¹¹ Ezi Livaiba sipsipba ko, memebar suegha, dar ghuziba inigha ofa gamir gumazibagh aningi. Ezi ofa gamir gumaziba ghuziba inigha, ofa gamir dakozimin da kavamadi. Ezi Livaiba asizir iniba amsi. ¹² Moses Osirizir Arazibar Akinafarim mikemezi moghin, Livaiba asiziba aghoregha, Ikiavira Itir Godin ofa damuasa ofan bar isia mighiribar ofa gamir dakozimin tuamin asizir tuziba isa, vaghvagha ikizibar gumazamizibagh aningi. Livaiba arazir kamra misoghezir bulmakaubagh ami. ¹³ Ofan kamin bizar God damuasa me mikemezi moghin, Livaiba sipsipba ko, memebar tuziba inigha avimin da tue. Egha me bulmakaun tuziba inigha, miner ruariba ko, miner epertizibar da avis. Ezi asizir tuzir kaba bar isigha givazi, me zuamira da inigha ghua gumazamizibagh anidi. ¹⁴ Egha gin Livaiba uari uari bagha asizir tuziba tua egha ofa gamir gumaziba bagha uaghan maba tue, me Aronin ovavir boriba. Ofa gamir gumaziba ofan bar isia mighiribar bagha bar ingangarir ekiam gamua, dar ovibar ofa gamua zuima aminim piri. Kamaghin amizi, me uari uari bagha asizir tuzitaba tuezir puvati.

¹⁵ Ezi ighiaba banger gumaziba kar Asapin ovavir boriba, me Godin Dipenimin uan danganibar tuivighav iti, mati Atrivim Devit ko, Asap ko, Heman ko, atrivimin akam inigha izir gumazim Jedutun, fomira me mikemezi moghin ami. Ezi Livain maba Godin Dipenimin tiar akabar garir ingangarim gamua vaghvagha tiar akabar gara iti. Ezi Livain igharaziba me bagha asizir tuziba tue. Kamaghin amizi, tiar akabar garir gumazir kaba ingangarir danganiba ataghiragsi nighnighan kogham.

¹⁶ Aruer kamin, me God Israelia Gitazir Dughiam Ginighnighamin Isam gami. Egha me ofan bar isia mighiriziba Ikiavira Itir Godin ofa gamir dakozimin dagh ami, mati Atrivim Josaian damuasa me mikemezi mokin. ¹⁷ Israelin gumazamizir Jerusalemin itiba, me dughiar kamin isar kam gami. Egha me 7plan aruebar kagh ikia ghuavira itima, Yis Puvatizir Bretin Isam Damuamin Dughiam ghua gifa. ¹⁸ Me God Israelia Gitazir Dughiam Ginighnighamin Isam gamizi, a bar deraghviram oto. A God Israelia Gitazir Dughiam Ginighnighamin Isar Israelia

fomira amizibagh afira, kar akam inigha izir gumazim Samuelin dughiamin ikegha, iza Atrivim Josaian dughiamin tu. Atrivir igharaziba isar kam gamizi, a deraghya otozir puvati. Ezi datirighin Atrivim Josaia, ofa gamir gumaziba ko, Livaiba ko, Judaba ko, Israelia ko, Jerusalemia, me bar isar kam gamizi, a bar deraghviram oto. ¹⁹ Dughiar kamin, Josaia 18plan azenibar atrivimin itima, me God Israelia Gitazir Dughiam Ginighnighamin Isar kam bar deraghviram a gami.

*Isipia Judaba ko misogha Josaia misoghezi, an areme
(2 Atriviba 23:28-30)*

²⁰ Atrivim Josaia Ikiavira Itir Godin Dipenim akirizir bizar kabar gin, Isipin Atrivim Neko, apaniba ko, misoghasa Isipin midorozir gumaziba inigha Yufretisin Fanemin boroghin itir Karkemisin nguibir ekiamin ghu. Josaia bizar kamin akam baregha uan midorozir gumaziba inigha Isipia ko, misoghasa zui. ²¹ Ezi Atrivim Neko kamaghin Josaia bagha akam amaga ghaze, "O Judan atrivim, ki adariba nin puvati, egha ni ko misoghasa izir puvati. Kamaghin amizi, ni tizim bagha na misoghasa? God na ko ikia, egha apanibav soghasa nan avira, ezi ki mangi merara misoghasa. Kamaghin amizi, ni Godin anogoroghan marki. Puvatightima, a ni gasighasigham." ²² God migirigiar kam Atrivim Nekon akamin Josaia ganingizi an a baregha, midorozim bagha bar ifuegha bar otoke. Kamaghin amizi, Isipia deragh an gan a gifofoghan koghsha, an atrivir korotiam suegha, korotiar igharazim aru. Egha a uan midorozir gumaziba inigha misoghasa Megidon danganir zarim giraghugha, Isipia ko misosi. ²³ Me misogha, Isipian midorozir gumaziba uan barir pibar Judabar amadaghan asavamaga, egha Josaia gase.

Ezi a kamaghin uan ingangarir guazibav gei, "Ki kuram inigha gifa. Ia na inigha midorozir danganim ategh mangi igharagh na atigh." ²⁴ Ezi me karisin a itimin a inigha karisin igharazim gatigha, a inigha Jerusalemin ghu. Ezi an aremezima, me an kuam isa an inazir afeziabar mozibar boroghin anefa. Ezi Judaba ko, Jerusalemin gumazamiziba, me bar Atrivim Josaian kuarkuvigha, a bagha puv azi. ²⁵ Ezi akam inigha izir gumazim Jeremaia, Atrivim Josaia bagha azirakar ighiar mam osiri. Ezi dughiar kamin iza datirighin, gumaziba ko amizir azir akabagh amiba, me Atrivim Josaia ginighnigha azirakar ighiar kam gamuavira

iti. Ezi osimtizibar dughiarbar, Israelia zurara arazir kamın gin ghua azirakar kam gami. Azirakar ighiar kam, Azir Akabar Akinafarimin iti. ²⁶⁻²⁷ Atrivim Josaia amizir bizar igharazibar eghaghaniba, da dughiar an atrivir ingangarim faraghavira itimin ikegha ghua, an aremezir dughiamin tu, da akinafarir me kamaghin diborimin iti, Judaba ko, Israelian Atrivibar Eghaghanibar Akinafarim. Akinafarir kam uaghan, Josaia Ikiavira Itir Godin Akinafarimin Osirizir Arazibar gintigha amizir arazir aghuibagh eghari.

Apaniba kantri Juda gasighasiki

36

(Sapta 36)

*Joahas Judan atrivimin iti
(2 Atriviba 23:30-35)*

¹ Josaiyan ovevemin gin, Judaba, an otarim Joahas inigha, borem an dapanim gingegeha, anemisevezi a uan afeziamin danganim inigha men atrivimin oto. ² Joahas 23plan azeniba ikia Judabar atrivimin oto. Egha iakinir 3plara Jerusalemin atrivimin ike. ³ Isipin Atrivim Neko Jerusalemin iza, atrivir ingangarimin Joahas agifa. Ezi Joahas uam atrivimin itir puvati. Ezi Atrivim Neko Judan kantrin gumazamizibagh amima, me takisin min dagıaba a ganidi, dar dibobonim, 3,400 kilogram silva ko 34 kilogram gol. ⁴ Ezi Atrivim Neko, Joahasin dozim Eliakim inigha a gamizi, a Joahasin danganim inigha Juda ko, Jerusalemin atrivimin oto. Neko Eliakimin ziam adegha ziam Jehoiakim a gati. Egha gin, Neko Joahas inigha Isipin ghuga kalabuziar gumazimin min aneti.

*Jehoiakin Judan atrivimin iti
(2 Atriviba 23:36-24:7)*

⁵ Jehoiakim 25plan azeniba ikia, Judabar atrivimin oto. Egha 11plan azenibar Jerusalemin atrivimin ike. Jehoiakim Ikiavira Itir Godin damazimin arazir kurabagh ami. ⁶ Jehoiakim Judabar atrivimin itir dughiamin, Babilonian Atrivim Nebukatnesar uan midorozir gumaziba ko iza Judan kantri misosi. Egha Nebukatnesar me abiragha Atrivim Jehoiakimin suiragha kalabuziar gumazimin min senbar a ikegha, a inigha Babilonin nguibar ekiamin ghu. ⁷ Egha Nebukatnesar

uaghan Ikiavira Itir Godin Dipenimin aven itarir ekiar maba ko, itarir dozir maba inigha Babilonin ghugha, uan atrivir dipenimin da ariki.

⁸ Atrivim Jehoiakim amizir bizar igharazibar eghaghaniba, akinafarir me kamaghin diborimin iti, Judaba ko, Israelian Atrivibar Eghaghanibar Akinafarim. Akinafarir kam uaghan Jehoiakimin arazir kuraba ko, an amizir bizar bar kurar God bar aghuazibagh eghari. Ezi an otarim Jehoiakin, an danganim inigha atrivimin oto.

*Jehoiakin Judan atrivimin iti
(2 Atriviba 24:8-17)*

⁹ Jehoiakin 8plan azeniba ikia, Judan atrivimin oto. Egha 3plan iakiniba ko, 10plan aruebara Jerusalemin atrivimin ike. Egha a Ikiavira Itir Godin damazimin arazir kurabagh ami. ¹⁰ Azenir kamın, orangtizimin dughiam givasava amima, Atrivim Nebukatnesar midorozir gumaziba amadazi, me ghua Jehoiakin isa kalabuziar gumazimin min, a inigha Babilonin ghu. Egha midorozir gumaziba uaghan Ikiavira Itir Godin Dipenimin aven itir itarir aghuiba inigha Babilonin ghu. Egha Nebukatnesar Jehoiakinin afeziar dozim Sedekaia gamizi, a Juda ko Jerusalemin atrivimin oto.*

*Babilonia Jerusalemia ko misogha
nguibar ekiam ini
(2 Atriviba 24:18-25:21; Jeremaia 52:1-11)*

¹¹ Sedekaia 21plan azeniba ikia, Judan atrivimin oto. Egha 11plan azenibar Jerusalemin atrivimin ike. ¹² Sedekaia Ikiavira Itir God, an Godin damazimin, arazir kurabagh ami. Ezi akam inigha izir gumazim, Jeremaia, Ikiavira Itir Godin akamin gun a migeima, a uabi abirava an akam barazir puvati. ¹³ Sedekaia bar akaba barazi puvatigha, navim giraghan aghuaghha, Ikiavira Itir God, Israelian God bagh, uamategh izan aghua. Nebukatnesar faragha uabin gin mangasa Akar Gavgavimin Sedekaia gamizi, a pura Godin ziam dibora ghaze, a zurrar Nebukatnesarin akamin gintigham. Egha Sedekaia uaghan Atrivim Nebukatnesarin akaba barazir puvatigha, uam an apengan itir puvati. ¹⁴ Ezi ofa gamir gumazibar dapaniba ko, gumazamiziba bar moghira akirim ragha Ikiavira Itir God gasaragha,

36:4: Jeremaia 22:11-12

36:5: Jeremaia 22:18-19; 26:1-6; 35:1-19

36:6: Jeremaia 25:1-38; 36:1-32; 45:1-5;

Daniel 1:1-2 **36:10:** Jeremaia 22:24-30; 24:1-10; 29:1-2; 37:1; Esekiel 17:12-13 * **36:10:** 2 Eghaghaniba 36:9 kamaghin migei, Jehoiakin 8pla azenibara ikia egha atrivimin oto. Ezi 2 Atriviba 24:8 kamaghin migei, Jehoiakin 18pla azenibara ikia atrivimin oto. Ezi 2 Eghaghaniba 36:10 ghaze, Sedekaia a Jehoiakinin Avebam. Ezi 2 Atriviba 24:17 ghaze, Sedekaia a Jehoiakinin afeziar dozim. Fofozir gumazir aviribar nighnizim, akar 2 Atrivibar itim, a guizbangira, ezi akar 2 Eghaghanibar itim, a guizbangira puvati. **36:11:** Jeremaia 27:1-22; 28:1-17 **36:13:** Esekiel 17:15

kantrin igharazibar arazir bar kurar God bar aghuzibagh amua ghuavira iti. Me kamaghin amua, Ikiavira Itir Godin Dipenir Jerusalemin itir a ua baghavira inabazim gamima, an an damazimin mize. ¹⁵ Ezi men inazir afeziabar God, a uan Dipenim ko, uan gumazamizibar apangkuvigha, ivighvigha me mikimasa uan akam inigha izir gumaziba amangi. ¹⁶ Ezi gumazamiziba, akam inigha izir gumazibar akabar aghuagha dar abara me dipovavira iti, ezi Ikiavira Itir Godin aningagharmi oto. Egha an aningagharmi kam an gumazamizibar ikiavira iti, ezi me a gitaviraghan tuaviba puvati.

¹⁷ Kamaghin amizi, Ikiavira Itir God Babilonin atrivim amadazi, a uan midorozir gumaziba ko iza midorozir sababar Judabagh asighasiki. Egha me Ikiavira Itir Godin Dipenimin ghua gumazir igiabav soghezi me ariaghire. Atrivim gumazir igiaba ko, amizir igiaba ko, gumazamizir ghuriba ko, amughamughiziba sara, bar tong men apangkuvizir puvati. Ikiavira Itir God bar Judaba isa Babilonin atrivimin dafarim gati. ¹⁸ Ezi Babilonin atrivim, Ikiavira Itir Godin Dipenimin itir itarir ekiaba ko, itarir doziba ko, bizar bar aghuiba, ko, Judan atrivim ko, an gumazir dapanibar bizar bar aghuiba, a bar da inigha Babilonin ghu. ¹⁹ Ezi Babilonia Godin Dipenim gaborogha Jerusalem avinizir divaziba bar ada akaragharki. Egha nguibaminaven atrivir dipenim ko, dipenir aghuir igharaziba bar dagh apongezi da isi. Egha bizar iveauza bar pin kozibagh asighasiki. ²⁰ Babilonin atrivim gumazamizir midorozimin ariaghirezir puvatiziba inigha ghua Babilonin kalabuziar gumazamizibar min me ariki. Ezi me pura men ingangarir gumazamizir kinibar min ikia ghua, kantri Persia tugha gavgavigha, Babilon dikabirazir dughiam oto. ²¹ Israelia fomira uan nguazimin ikia, egha 7plan azenibar vaghvagha dar aven azenir vamira avughsazim nguazim ganingizir puvati. Kamaghin amizi, Ikiavira Itir God faragha Jeremaian akam garugha mikemezir akam, guizbangiram otivasa, Israelia ghua 70plan azenibar Babilonin kalabuziabar min iti. Ezi men nguazim puram avughsa iti.[†]

*Atrivim Sairus kamaghin migei, Judaba uamategħ uan nguibamin mangi
(Esra 1:1-3)*

²² Sairus kantri Persian atrivimin itir dughiamin, an azenir faraghavira zuimin, Ikiavira Itir God, akam inigha izir gumazim

Jeremaia mikemezir akam damighti, a guizin otivasa, a Sairusin nighnizim fezi, an akar kam osirigha, a isa nguazir an ativagha gariba bagha bar da amangi. Egha akar kam nguazir an ativaziba bar dar mangti, gumazir akar kam inigha zuiba, gumazamiziba bagħ a diponam. ²³ Kar Persian atrivim Sairusin migirigiam, "Ikiavira Itir God, a Godin uan Nguibamin itim, a nguazimin itir kantriba bar na ganingizi, ki dagħ atifa. Egha Judan Distrighin aven Jerusalemin nguibar ekiamin, uan Dipenimin ingarasa na amisefe. Ikiavira Itir God, a Israelia ian God, ia an gumazamiziba, ezi a ia ko iti. Kamaghin amizi, ia uamategħ Jerusalemin nguibamin mavanangam."

Esra Osirizir Akinafarim O Esra Akar faragha zuim

Akinafarir Esra osirizim, a Judan Atrivibar 2 Eghaghaniba uam adagh iviragh, eghaghanir maba uam ada osir. 2 Eghaghanibar Akinafarimin aven, e gari, osimtiziba Israelia bativizi, men avirim ghua Babilonin kantrin kalabusin iti. Ezi Godin Dipenir Jerusalemin itim ko Jerusalemin nguibar ekiam uabi bar ikuvigha iti. Ezi Ezran Akinafarimin, Judan marazi Babilonin kalabus ategha uamategha uan nguazimin Judan Distrighin ize. Egha me ua Godin Dipenir igiam Jerusalemin an ingari.

Esran Akinafarimin aven, an akuar pumuning ko mikezim iti.

1. Persian Atrivim Sairus mikemezi, Judan marazi faragha Babilonin kalabus ategha uamategha Judan Distrighin ize (Sapta 1--2).

2. Judaba ua Godin Dipenimin ingarigha, nimira nimira ua Godin ziam fer arazibar gin zui (Sapta 3--6).

3. Ezi azenir maba givazi, Judan marazi uamategha Jerusalemin izezi, Esra men gumazir dapanimin iti. Esra Godin Araziabagh fofozir gumazir mam. Egha Godin ziam fer arazibar gin mangiva, an apengen ikiva, deragh dapiasa me migei (Sapta 7--10).

Israelia uamategha Juda ko Jerusalemin izi

(Sapta 1--2)

Atrivim Sairus ghaze, Judaba uamategh uan nguazimin mangam

(2 Eghaghaniba 36:22-23)

1 Sairus kantri Persian atrivimin itir dughamin, an azenir faraghavira zuimin, Ikiavira Itir God, akam inigha izir gumazim Jeremaia mikemezir akam damighti, a guizin otivasa, Sairusin nighnizim fezi, an akar kam osirigha, a isa nguazir an ativagha gariba bagha bar da amangi. Eghiti akar kam nguazir an ativaziba bar dar mangiti, gumazir akar kam inigha zuiba, gumazamiziba bagh a diponam.

2 Kar Persian Atrivim Sairusin migirigiam, "Ikiavira Itir God, a Godin uan Nguibamin itim, a nguazimin itir kantriba bar na ganingizi, ki dagh atifa. Egha Judan Distrighin aven Jerusalemin nguibar ekiamin, uan Dipenimin ingarasa na amisefe. 3 Eghiti gumazir manaba ian

tongin iki, God me ko ikiti, me ateghti, me Jerusalemin mavanang Ikiavira Itir Godin Dipenimin ingar. A Israelien God, egha Jerusalemin itir God. 4 Eghiti danganir manabar itir Israelien varazira, ia bar moghira men akuragh bizir aghuiba me daningti, me da inigh mangi. Ia silva ko gol, dagheba, asiziba, ingangaribiza, ko bizir me Godin Dipenimin ofa damuamin taba, uan ifongiamin gin mangi da isi pura me daning. Kar Godin Dipenir Jerusalemin nguibamin ikiamim."

5 Ezi Judan anabam ko Benjaminin anabamin adarazir gumazir dapaniba, ko ofa gamir gumaziba ko Livain anabamin adarasi, me gumazamizir God men duaba fezi me uamategh Jerusalemin mangasa ifongeziba, bar dikavigha, Ikiavira Itir Godin Dipenim uam an ingarsi mangasava ami. 6 Ezi men boroghin itir darasi, men akurvagh silvan itarir ekiaba ko gol ko dagheba me ganingi. Egha uaghan bizir aghuir iveauzir bar pin koziba sara me ganingi. Egha Godin Dipenimin ofa damuamin asiziba sara pura me ganingi. Egha biziba aterir asiziba sara uaghan pura me ganingi. 7 Ezi Atrivim Sairus uaghan, Ikiavira Itir Godin Dipenimin itir itarir aghuiba ko, itarir dipam apiba sara me ganingi. Itariba ko itarir dipam apiba, Atrivim Nebukatnesar fomira ghua Israelia ko misogha me abiraghia Jerusalemin da inigha izegha, da isa uan asebar dipenim gati. 8 Persian Atrivim Sairus datirighin bizir kaba isava Mitredat ganingi, an atrivimin dagiar dipenimin garir gumazim. Ezi Mitredat da mengegha da isa Sesbasar ganingi, a Judan anabamin gumazir dapanir bar ekiam.

9-10 Bizir kabar dibobonim a kamakin: 30plan golin itarir ofa damuamiba, ko 1,000plan silvan itarir ofa damuamiba, ko 29plan itarir ighazariba, ko 30plan golin itarir muzieriba, ko 410plan silvan itarir muzieriba, ko 1,000plan itariba ko dipaba apir itarir guar ighazariba.*

11 Gol ko silvan itarir kaba, bar moghira dar dibobonim 5,400in tu. Ezi Sesbasar bizir kaba inigha, Israelien ighazariba ko Babilonin nguibar ekiam ategha Jerusalemin zui.

2

Israeliian gumazamizir uamategha Jerusalemin ghuezibar dibobonim
(Nehemia 7:4-73)

1 Bar fomira, Nebukatnesar Babilonin atrivimin itir dughamin, a ghua Judabav misogha men gumazamizir avirim inigha

Babilonin kalabusin ikiasi me inigha ize. Egha gin gumazamizir avirim Babilon ategha iza, Jerusalem ko Judan danganir mabar iti. Me vaghvagha ua uan inazir afeziabar nguazibar iti.² Judan anabamin gumazir dapanibar ziabar kara: Serubabel, Josua, Nehemia, Seraia, Relaia, Mordekai, Bilsan, Mispar, Bikvai, Rehum, Ko Bana. Israelian anababar adarazir kalabus ategh uamategh Jerusalemin mangamiba, men ziaba ko men dibobonim kara:

³⁻²⁰ Parosin ovavir boribar gumaziba, men dibobonim 2,172in tu.

Ezi Sefatian ovavir boribar gumaziba, 372.

Ezi Aran ovavir boribar gumaziba, 775.

Ezi Pahatmoapin ovavir boribar gumaziba, 2,812. (Me Jesua ko Joapin ikizimningin ovavir boriba.)

Ezi Elamin ovavir boribar gumaziba, 1,254.

Ezi Satun ovavir boribar gumaziba, 945.

Ezi Sakain ovavir boribar gumaziba, 760.

Ezi Banin ovavir boribar gumaziba, 642.

Ezi Bebain ovavir boribar gumaziba, 623.

Ezi Asgatin ovavir boribar gumaziba, 1,222.

Ezi Adonikamin ovavir boribar gumaziba, 666.

Ezi Bikvain ovavir boribar gumaziba, 2,056.

Ezi Adinin ovavir boribar gumaziba, 454.

Ezi Aterin ovavir boribar gumaziba, 98. (An ziar mam. Hesekia.)

Ezi Besain ovavir boribar gumaziba, 323,

Ezi Joran ovavir boribar gumaziba, 112.

Ezi Hasumin ovavir boribar gumaziba, 223.

Ezi Gibarin ovavir boribar gumaziba, 95.

²¹⁻³⁵ Kar Judan nguibabar ziaba, gumazir uamategha Judan izeziba, men inazir afeziaba nguibar kaba fomira dar iti, ezi men ovavir boriba datirighin uamategha dagh apia. Nguibabar ziaba ko gumazibar dibobonibar kara:

Betlehemin nguibamin gumaziba, 123.

Ezi Netofan nguibamin gumaziba, 56.

Ezi Anatotin nguibamin gumaziba, 128.

Ezi Asmavetin nguibamin gumaziba, 42.

Ezi Kiriat Jearimin nguibam ko Kefiran nguibam ko Berotin nguibamin gumaziba, 743.

Ezi Rama nguibam ko Geban nguibamin gumaziba, 621.

Ezi Mikmasin nguibamin gumaziba, 122.

Ezi Betel nguibam ko Ain nguibamin gumaziba, 223.

Ezi Nebon nguibamin gumaziba, 52.

Ezi Makbisin nguibamin gumaziba, 156.

Ezi Elamin nguibar igharazimin gumaziba, 1,254.

Ezi Harimin nguibamin gumaziba, 320.

Ezi Lotin nguibam ko Haditn nguibam ko Ono nguibamin gumaziba, 725.

Ezi Jerikon nguibamin gumaziba, 345.

Ezi Senan nguibamin gumaziba, 3,630.

³⁶⁻³⁹ Kar ofa gamir gumazibar ikizir, uamategha Jerusalemin ghueziba, men guazibar ziaba ko men dibobonibar kara:

Jedaian ikizim, men inazir afeziam Jesua, an adarasi, 973.

Ezi Imerin ikizimin gumaziba, 1,052.

Ezi Pasurin ikizimin gumaziba, 1,247.

Ezi Harimin ikizimin gumaziba, 1,017.

⁴⁰⁻⁴² Ezi Livain anabamin adarazir uamategha Jerusalemin ghueziba, men ziaba ko men dibobonibar kara:

Jesuan ikizim ko Katmielin ikizimin gumaziba, 74. (Ikizir kamningin inazir afeziam, Hodavia.)

Ezi Godin Dipenimin onger akabar faragha zuir gumaziba, 128. (Ikizir kamin inazir afeziam, Asap.)

Ezi Godin Dipenimin tiar akar ekiamin garir gumaziba, men ikizibar gumaziba, 139. (Men inazir afeziabar ziabar kara: Salum, ko Ater; Talmon, Akup, Hatita, ko Sobai.)

⁴³⁻⁵⁴ Ezi Godin Dipenimin ingangarir gumazir uamategha Jerusalemin ghueziba, men ikizibar ziabar kara:

Siha ko Hasufa, Tabaoet,
Keros, Siaha, Padon ko,
Lebana, Hagaba, Akup ko,
Hagap, Samlai, Hanan ko,
Gidel, Gahar, Reaia ko,
Resin, Nekoda, Gasam ko,
Usa, Pasea, Besai ko,
Asna, Meunim, Nefisim ko,
Bakbuk, Hakufa, Harhur ko,
Baslut, Mehida, Harsa ko,
Barkos, Sisera, Tema ko,
Nesia ko Hatifa.

⁵⁵⁻⁵⁷ Ezi Solomonin ingangarir gumazibar ovavir boribar ziabar kara: me uaghan uamategha Jerusalemin ghue:

Sotai ko Hasoferet, Peruda ko,
Jala, Darkon, Gidel ko,
Sefatia, Hatil, Pokeret, Hasebaim, ko Ami.

⁵⁸ Godin Dipenimin ingangarir gumazibar ovavir boriba, ko Solomonin ingangarir gumazibar ovavir boriba, men dibobonim 392.

59-60 Ezi Delaian ikizim, ko Tobian ikizim, ko Nekodan ikizim, men gumazibar dibobonim 652. Men nguibabar kara: Telmela, ko Telharsa, Kerup, Adan ko Imer. Gumazir kaba uari uan inazir afeziabat ziabagh fozir puvati. Kamaghin, me deravira uari akaghan kogh suam, me guizbangira Israeliad aradasi, o puvati.

61-62 Ezi ofa gamir gumazibar ikizir kaba, me ziaba itir akinafarinim aven gara uarir tongin uan inazir afeziabat ziabagh ruia dar apizir puvati. Kamaghin amizi, me deragha uarigh fozir puvati, me guizbangira ofa gamir gumaziba, o puvati. Men ziabar kara: Habaia, Hakos, ko Barsilai. Barsilain ikizimin inazir afeziam fomira Gileatin Distrighin Barsilain ikizir igharazimin guivimin ike. Egha gumazir kam, uan amuimin afeziamin ziam ini. Gumazir 3plan kabar ikiziba, uan inazir afeziar tamin ziar tamin apizir puvatizi, gumazir dapaniba ghaze, me ofa gamir gumaziba puvati, me pura gumazir kinibar min iti.

63 Ezi Judan gavmanin gumazir ekiam God bagha ofa gamir daghebar aman men anogoroke. A ghaze, me mizuam iki mangiti ofa gamir gumazitam otogh, Godin ifongiam gifoghs, Urim ko Tumimin dagiamningin satu gikararang egh suam, me guizbangira ofa gamir gumaziba, o puvati.

64-67 Israeliad gumazir uamategha ghueziba bar moghira, men dibobonim 42,360in tu.

Ezi men ingangarir gumaziba ko amizibar dibobonim 7,337.

Ezi men onger akabar faragha zuir gu-mazamizibar dibobonim 200.

Ezi hoziaba 736.

Ezi kamelba 435.

Ezi donkiba 6,720.

Ezi donkin apuriba ko hoziar amebaba uarir ikia otezir nguziba, me mul dagh arigha, 245plan mulba inigha ize.

68 Egha Israeliad izia Jerusalemin itir Godin Dipenimin otivigha, men gumazir dapanir maba, Godin Dipenim uam an ingarasa uan biziisa isa ofan min puram akurvaghaha ada aningi. Me danganir Godin Dipenim faragha ikezimin an ingaram. 69 Gumazir biziir aviriba itiba, ko gumazir biziir muziariiba itiba, me itir biziiba, me dar mirara ghua biziiba isa da anidi. Ezi golin osimtzim ghua 500 kilogremiin tu. Ezi silvan osimtzim ghua 2,800 kilogremiin

tuzi, ofa gamir gumazibar korotiaba, da 100pla.

70 Ezi ofa gamir gumaziba ko Livain adarasi, ko gumazamizir igharazir maba, me Jerusalemin aven ko an boroghin iti. Ezi Godin Dipenimin onger akabar faragha zuir gumazamiziba, ko Godin Dipenimin tiar akar ekiam garir gumaziba, ko Godin Dipenimin ingangarir gumaziba, me Jerusalemin boroghin itir nguibabar apia. Ezi Israeliad gumazamizir igharaziba uan nguibar men inazir afeziabat fomira apiazibara iti.

Israelia uamategha Godin Dipenimin ingari

3

(Sapta 3-6)

*Me uamategha
Godin ziam fer arazim gami*

¹ Israelia bar, deravira uan nguibabar apiaghav itima, namba 7in iakinim oto. Ezi me bar iza navir vamira ikia Jerusalemin uari akufa. ² Ezi Jehosadakin otarim Josua, ko ofa gamir gumazir igharaziba, ko Sealtielin otarim Serubabel uan adarasi ko,

me bar uamategha Israeliad God bagha ofa gamir dakozimin ingari. Kar, asiziba tue da bar isia mighirir ofabagh amir dakozim. Fomira, Godin gumazim Moses Osirizir Arazim, me an gin ghua dakozir kamin ingari. ³ Me distrighin kamin itir gumazir igharazibar atiata, egha puvati, me ofa gamir dakozir faragha ikezimin danganim, a gisim uam an ingari. Egha me mizaraziba ko garantizibar Ikiavira Itir God bagha asiziba tue da bar isia mighirir ofabagh amir.

⁴ Ezi Averpenibar Ikiamin Dughiar Ekiam otozi, me Moses Osirizir Araziba mikemezi moghin amua, bizir God damuasa me mikemeziba, me dughiar zurara asiziba tue da bar isia mighirir ofabagh amir. ⁵ Egha me uaghan dughiar zurara asiziba tue da bar isia mighirir ofabagh amuavira ikia, egha iakinir igiamin dughiar ekiaba bagha ofabagh amua, uaghan Ikiavira Itir God ua bagha inabazi moghin, me isar ekiaba bagha ofaba a ganidi. Egha me uaghan uan ifongiamin pura daningamin ofabagh amir. ⁶ Gumazamiziba namba 7in iakinimin dughiar faragha zuir aruemin, me dughiar kamin ofan bar isia mighiriba Ikiavira Itir God ganiga iza ghua kamaghira iti. Egha me tighar maghin Ikiavira Itir Godin Dipenimin ingarsi dagiar ekiar an apengan iki gavgavim a daningamiba, tighar dar arigham.

Me uamategha Godin Dipenimin ingari

⁷ Persian Atrivim Sairus, Israelian amamangatizi, me Lebanonin nguazimin itir temer sidaba iniam. Kamaghin, gumazamiziba dagheba ko temer olivin borem gumazir dapanibagh aningizi, me da isa Lebanonin kantrin nguubar ekiamming Tair ko Saidon, aningin gumazamizibar amadagha temer kabagh ivese. Ezi Tair ko Saidonin gumaziba uan temer sidan kaba inigha ongarim moghin ghua, Jopan nguubar ekiamin da amadazi da ize. Ezi Israelia uaghan dagiaba isava dagiabar aghor ingangarir gumaziba ko dipenibar ingarir gumazibagh aningi.

⁸ Ezi Israelia uamategha Jerusalemin izezir dughiamin, dughiar maba ghua azenir pumuning oto. Egha ghua an iakinir pumuningin otozi, ingangarim guizbangira dikafi. Me datirighin Ikiavira Itir Godin Dipenimin uam an ingari. Gumazir dapanim Serubabel, a Sealtielin otarim, ko ofa gamir gumaziba Josua, a Jehosadakin otarim, ko aningin adarazi bar, kar ofa gamir gumaziba ko Livaiba ko men marasi, bar kalabuziam ategha uamategha Jerusalemin izeziba, me ingangarir kam gami. Me Livain gumazir 20plan azenibar ikegha ghuavanadiba, me me isa Ikiavira Itir Godin Dipenimin ingangarim gumazir dapanibar me amisefe. ⁹ Kamaghin amizi, Jesua uan otariba ko an ikizim, kar Livain anabamin gumaziba, me Katniel uan otariba ko, kar Judan anabamin adarasi, me uari inigha ingangarir kamin faragh zui. Ezi Henadatin ovavir boriba, me uaghan men akura. Me uaghan Livain adarasi.

¹⁰ Ezi dipenimin ingarir gumaziba, dagiar ekiaba isa Dipenimin apengan iki gavgavim a daningasa, da ariki. Ezi dughiar kamra, ofa gamir gumaziba uan ofa gamir korotiaba aghuigha, sighaba sara iza faraghavira iza uan danganim ini. Ezi Livaiba, kar Asapin adarasi, me vaghvaghya tabarinbar suigha izi. Egha me bar Ikiavira Itir Godin ziam fe, Israelian Atrivim Devit fomira mikemezi mokin. ¹¹ Me bar akongegha uarira uari ikarvazir ighiabagh amua Ikiavira Itir Godin ziam fava a minabi:

“Ikiavira Itir God, a bar dera!

Guizbangira, a zurara Israelian apangkuvigha mamaghira iti.”

Me gara guizbangira fo, ingangarir gumaziba Ikiavira Itir Godin Dipenimin dagiar ekiar an apengan iki gavgavim

a daningamiba, me da arighizi da iti. Kamaghin amizi, me bar uan gavgavibar pamtemin tiariba akara Ikiavira Itir Godin ziam fe. ¹² Ofa gamir gumazibar gumazir ghurir aviriba, ko Livain gumazir ghuriba ko men anababar gumazir dapanir ghuriba, fomira Ikiavira Itir Godin Dipenimin faragh ikezim ginighniga, egha ingangarir gumazir kabar garima, me ua Dipenimin ingarima, me puvirama azi. Ezi gumazir igharaziba bar akongegha tiariba akara dei. ¹³ Araghaisizim ko azirakam bar ekevezi, saghon mar itir gumaziba men niginir daftar kam baragha egha fozir puvati, me araghasi, o me azi. Me men niginimram orasi.

4*Apaniba Israelian ingangarim apirasa*

¹ Ezi Juda ko Benjaminin anabamin apaniba orazima, Israelian kalabus ategha uamategha iza Ikiavira Itir God bagha Dipenimin ingari. A Israeli God. ² Egha me ghua Serubabel ko anababar gumazir dapaniba batogha kamaghin me migei, “E ia ko Godin Dipenimin ingarasa. E uaghan ian Godin ziam fe. Bar fomira, Asirian Atrivim Esarhadon e amadazi e iza kantrin kamin iti. Egha e kagh izezir dughiamin ikegha datirighin, e ian God bagha ofabagh amuavira iti.”

³ Ezi Serubabel ko Josua ko gumazir dapaniba kamaghin me migei, “Ia en akuragh Ikiavira Itir Godin Dipenimin ingaran e aghua. Persian Atrivim Sairus mikemezi moghin, e uari an ingaram.” ⁴ Fomira nguazir kamin izezir gumazir kaba me pazi me damuasava amua ghaze, men naviba ikuvigh egh atiatigh Godin Dipenimin ingangarim ategham. ⁵ Egha me dagiaba isa Persian gavmanin ingarir gumazir dapanibagh anigha Israelian ingangarim aghoriv kunasa me gaghori. Me kamaghin amua ghua gin Atrivim Dariusin dughiam oto.

Apaniba Judaba isa kot gati

⁶ Ezi dughiar maba givazi, Atrivim Darius aremezi, Atrivim Serksis an danganim inigha Persian atrivimin oto. An faraghavira zuir dughiaba, Israelian apaniba akaba me gasir akinafarim osirigha a bagh anemada.

⁷ Ezi gin Serksis aremezi, Atrivim Artaserksis an danganim inigha Persian atrivimin oto. Ezi Bislam ko Mitredat koma Tabel, koma gumazir me ko ingariba akinafarim osirigha Persian Atrivim Artaserksis bagha anemada. Me Aramin

3:10: 1 Eghaghaniba 25:1

3:11: 1 Eghaghaniba 16:34; 2 Eghaghaniba 5:13; 7:3; Onger Akaba 100:5; 106:1; 107:1;

118:1; 136:1; Jeremaja 33:11

3:12: Hagai 2:3 **4:2:** 2 Atriviba 17:24-41

4:6: Esta 1:1 **4:7:** Akinafarir

kamin migirigiam, ves 4:7 tuga ghua ves 6:18in, me Hibrun akamin an osirizir pu. Puvati. Me Aramin akamin an osiri.

akamin akinafarim osiri. Egh̄ti gumazir a diponamim, Persian akamin a gigham.*⁸ Ezi gavmanin gumazir faraghavira itim Rehum, ko Simsai provinsin kamin akinafariba osirir gumazimning, aning Jerusalemin itir adarazir kotim gamua Atrivim Artaserksis bagha akinafarimin kamaghin an osiri.

⁹ “Dughiar aghuim Atrivim, ki Rehum nin gavmanin gumazir faraghavira itim, ko Simsai provinsin kamin akinafariba osirir gumazim. Ga, ko ingarir gumaziba, me jasba, ko gavmanbar garir gumaziba, men nguubarbar kara: Erekin provins, ko Babilonin kantrin ekiam ko Susan nguubar ekiam, a Elamin nguazimin itir nguibam. E bar ni bagha akinafarir kam osiri.¹⁰ Fomira atrivir bar ekiam Asurbanipal, gumazamizir maba nguubar igharazibar men suigha me isa Samarian nguubar ekiam ko Yufretisin Fanemin vongin itir provinsin me afe, me uaghan e ko akinafarir kam osiri.”

¹¹ Kar akinafarir me osirizim, me an mirara akinafarir igharazimin an osirigha anemada.

“Atrivim Artaserksis, e nin ingangarir gumaziba, e Yufretisin Fanemin vongin ikia, migirigiar maba iti. Egha e akinafarir kam ni bagha anemadi.¹² O Atrivim, e kamaghsua, ni bizar kam gifogh. Judaba nin provinsin igharaziba ategha uamategha iza Jerusalemin nguubar ekiar kurar kam uam an ingari. Fomira nguubar ekiam kamin gumazamiziba, atrivimin akaba batozir gumazamiziba, egha me datirighin uan nguibamin dagiar ekiam an apengan ikia gavgavim a ganidiba ko biriba ua dar ingaravira ikia, egha anegivasava ami.¹³ O Atrivim, ni kamaghin fogh, gumazamiziba nguubar ekiam kam uam an ingariva an birla agivagh, egha me gavman daningamin dagiaba ko takisin igharaziba ko uam a danigan koghti, gin nin dagiar dipenimin dagiar aviriba puvatigham.¹⁴ Ni en garava bizibar en akurvasi, kamaghin Judaba pazi ni damuva aghumsizim ni daninan e aghua. E kamaghsua, akinafarir kam ni oraghosa e ni bagha an osiri.

¹⁵ “E kamaghin ifonge, ni uan akinafariba osirir gumazibav mikemeqhti, me mangi gavmanin akinafarir nin inazir afeziabla fomira osirizir osiziribar dipon. Jerusalemin gumazamiziba,

akaba barazir puvatizir darasi. Fomira inazir afeziabar dughiam, gumazamizir kaba, atriviba ko provinsbar gumazir dapaniba kamaghira osimtiziba me ganidi. Egha Jerusalemin gumazamiziba, atrivabar akaba batosi, kamaghin amizi, atriviba nguubar ekiam kam gasighasiki.

¹⁶ “Kamaghin, O Atrivim ni foghase e kamaghin ni migia ghaze, me ua nguubar ekiam kamin ingariva, an biriba agivaghti, ni ua Yufretisin Fanemin vongin provinsin kabagh ativaghan kogham.”

Atrivim men akam ikara

¹⁷ Ezi atrivim kamaghin men akinafarimin akam ikara:

“Dughiar aghuim. Gavmanin gumazir faraghavira itim Rehum, ko provinsin akinafariba osirir gumazim Simsai, ko gavmanbar garir gumazir igharaziba, ia Samaria ko nguazir igharazir Yufretisin Fanemin vongin itir provinsin itiba, akinafarir kam ia bagha zui.

¹⁸ “Akinafarir ia amadazim, me an gara Persian akamin ki oraghosa me a gigha a dibori.¹⁹ Ezi ki akinafariba osirir gumazibav mikemezi, me akinafaribar gara egha fo, dughiar avirabar Jerusalemin gumazamiziba akaba barazi puyati, egha atrivabar akaba batosi. Ezi guizbangira gumazir kurar avirim nguubar ekiam kam gizifa.²⁰ Fomira atrivir gavgaviba Jerusalemin gara ikiava, Yufretisin Fanemin vongin itir provinsin kaba bar dagh ativaghda gari. Egha me gavman daningasa gumazamiziba da dagiaba ko takisin igharaghha garir aviriba isi.

²¹ “Kamaghin amizi, ia akar gavgavimra me bagh anemangi men anogoreghti, me ua nguubar ekiam kamin ingaran marki. Egh me nararama oragh ikiti ki me mikimam.²² Ia zuamira mangi bizar kam damigh. Ia a damighan koghti, men ingangarim en atrivimin araziba ko dagiaba iniamin tuavibagh asighasigham.”²³ Ezi me Atrivim Artaserksis da akinafarir kam inigha ghua Rehum ko Simsai ko gavmanbar garir gumazir igharaziba bagha ghua me oraghosa a dibori. Ezi me Judan gumazir Jerusalemin nguibamin itiba, akar bar gavgavimin nguubar ekiam kam uam an ingaran men anogoroke.

²⁴ Ezi Godin Dipenir Jerusalemin itim, an ingangarim pura tugha mamaghira iti. Egha kamaghira ikia ghua Darius

4:24: Hagai 1:1; Sekaraia 1:1 † **4:24:** Ves 24, an a sapta 4 ves 5in migirigiar otevimin tugha zui. Ezi 4:6-23, Atrivim Darius aremegha givazi, azenir avirabar gin bizar avirir otiviziba, an dar gun migei.

Persian atrivimin otozir dughiam, an azenir pumuning oto.[†]

5

Me ua Godin Dipenir ingangarim gami

¹ Dughiar kamin, Godin akam inigha izir gumazimning, Hagai ko Sekaraia, Sekaraia a Idon ovavir borir mam. Aning gumazamizir Jerusalemin nguibam ko Judan nguzamin itiba bagha Godin akamin gun me migei. Aning Israelian Godin ziamin gavgavimin migei. Godin kam bar pin ikia me gatifa. ² Ezi Serubabel, Sealtielin otarim, a ko Josua, Jehosadakin otarim, aning Godin akam inigha izir gumazir kamningin akam baregha, gumaziba inigha ua Jerusalemin Godin Dipenimin ingari. Ezi Godin akam inigha izir gumazir kamning, men akurvasi. ³ Dughiar kamin, Tatenai, Yufretisin Fanemin vongin itir provinsin gavmanin gumazir dapanim. A ko Setar Bosenai, ko gumazir aning ko ingarir igharaziba, me Israelia amir biziwa baregha zuamira Jerusalemin ghu. Egha Godin Dipenimin ingarir gumaziba kamaghin men azara, "Tina ia mikemezi, ia dipenir kam uam an ingari." ⁴ Egha me uaghan Dipenimin ingarir gumazibar ziaba bagha men azai. ⁵ Ezi Godin damazim Judabar gumazir dapanibar garavira iti. Ezi Persian gavmanin gumazir dapanir pumuning gumaziba ingangarim damuan men anogoroghezir puvatigha, ghuva Persian gumazir kaba ua Judaba amir biziwa kamin gun migia Darius bagh akinafarim osirigha, anemadagha mizua ghuav itima, an ikarvazimin akam ua ize. ⁶⁻⁷ Tatenai, Yufretisin Fanemin vongin itir provinsin gavmanin gumazir dapanim, ko Setar Bosenai, ko gumazir aning ko ingarir igharaziba, me kamaghin Atrivim Darius bagha migiava osiri.

"Atrivim Darius, navir amirizim ko dabirabir aghuim ni ko iki.

⁸ "Ni kamaghin fogh, e Judan Distrighin ghuegha gari, Judaba uan Godin Gavgaviba Bar Itimin Dipenim uam an ingari. Me dagiar dafar dighoreziba isa, palangin ighuvir me ighuvizibagh isin da afa zui. Egha ingangarim me deragh an gara a gamizi, a bar deragha zuamira ghuavira iti.

⁹ "Ezi e men faragha zuir gumazibar diagha men azara, tinara ian amaman-gatizi, ia Godin Dipenim uam an ingara ingangarir kabagh ami? ¹⁰ Egha me uaghan men gumazir dapanir kabar ziaba bagha men azara, e ingangarir kamin faragha

zuir darazir ziabagh fogh, da osirigh ni mikimam.

¹¹ "Ezi Judaba kamaghin e ikara, 'E overiam ko nguazim gativazir Godin ingangarir gumaziba. En atrivir gavgavir mam fomira Dipenir kamin ingarigha anegivazi, e datirighin uam an ingari. ¹² Fomira en inazir afeziaba Godin uan Nguibamin Itim gamizi, an atarava Kaldian gumazim Nebukatnesar, Babilonin atrivimin amamangatizi, a Godin Dipenim apirigha bar a gasighasigha, gumazamiziba inigha ghuva Babilonin kalabus gati. ¹³ Ezi gin Sairus Babilonin atrivimin itir dughiamin, an azenir faragha zuir kamin, an e mikemezi, e ua God Dipenimin ingari. ¹⁴ Fomira Jerusalemin itir Godin Dipenimin aven, me Godin ziam fasa, gol ko silvan ingarizir itariba ko dipaba apir itarir aviriba iti. Ezi Atrivim Nebukatnesar bar da inigha ghuva Babilonin uan asemien dipenimin ada ariki. Ezi gin Atrivim Sairus itariba ko dipaba apir itarir kaba isa en gumazir mam Sesbasar ganungi. Gumazir kam, Atrivim Sairus anemisevezi, a Judan Distrighin gavmanin gumazir dapanimin iti. ¹⁵ Ezi Atrivim Sairus, Sesbasar migia ghaze, a ua biziwa kaba inigh Jerusalemin mangi, danganir Godin Dipenim faragha ikezimra, uam an ingarigh biziwa kaba an aven dar arikigh. ¹⁶ Kamaghin amizi, Sesbasar Jerusalemin izegha, Godin Dipenim bagha uam dagiar ekiwa isa, Dipenimin apengan iki gavgavim a daningasa, da ariki. Dughiar kam iza datirighin ingangarim ghuva, egha givazir puvati."

¹⁷ "Atrivim e uari, ni uan akinafariba osirir gumazibav kemeghti, me Babilonin akinafaribar aven Atrivim Sairus mikemezir akar kam bagh deragh rui. Ni ti fogham, Atrivim Sairus a guizbangira Godin Dipenim uam an ingarasa me mikeme. Egh ni gin akam amadagh deragh e mikim suam, me dipenir kam uam an ingaram, o puvatigham."

6

Me uam Atrivim Sairusin akaba buri

¹ Ezi Atrivim Darius mikemezi, an akinafariba osirir gumaziba Babilonin ghuegha akinafarir Atrivim Sairus osiriziba bagha, gavmanin akinafaribar aven da buri. ² Egha me Babilonin dar apizir puvati. Me ghuva Midianin Provinisitir nguibar ekiam Ekbatanan tughu ruia akinafarir

righizir mamin api. Ezi akinafarir kam kamaghin migei:

³ "Sairus atrivimin itir dughiamin, an azenir faragha zuimin, a ghaze, me ua Jerusalemin itir Godin Dipenimin ingaram. Egh danganir kam, me asiziba tue da isia mighirir ofabar amu egh ofan igharazir maba uaghan da inigh izam. Me Dipenim bagh dagiar ekiaba isi dipenimin apengan iki gavgavim a daningisi, dar arigham. Dipenir kamin siriam 27 mitan tugti, an arozmang 27 mitan tugh. ⁴ Egh me dipenir birebar ingarsi dagiar dafaba isi abiar 3pla uarigh isin dafi ghuavanang otogh, egh temer abiar ighuvir vamiram a gisin datigh, egh ua kamaghira an ingar ghuavanang otogh. Egh atrivimin dagiar dipenimin dagiataba inigh bizar kabagh iveauziva, egh ingangarir gumazibar iveauz uaghan me daning. ⁵ Egh me uaghan Godin ziam fisi, gol ko silvan ingarizir itariba ko dipaba apir itariba bar da inigh, mangi Jerusalemin itir Godin Dipenir igiamin dar arikigh. Fomira Atrivim Nebukatnesar Jerusalemin bizar kaba inigha Babilonin ize. Ezi ia datirighin ua da inigh mangi dar danganibar arigh."

Atrivim Darius ghaze, me ingangarim damu mangivira iki

⁶ Atrivim Darius, a Sairus fomira osirizir akinafarimin gara fogha, uan ingangarir gumazir dapanibar akinafarim ikaragha kamaghin osiri:

"Dughiar aghuim, Tatennai, Yufretisin Fanemin vongin itir provinsin gavmanin gumazir dapanim, ko Setar Bosenai, ko gumazir gua ko ingarir igharaziba, ki akar kam ia bagh anemadi. Ia pura Judabar gan, egh Godin Dipenimin ingangarim men anogoroghan marki. ⁷ Ia me ateghi, Judan Distrighin gavmanin gumazir faragha zuim ko men gumazir dapaniba Godin Dipenim faragha ikezi naghin uam an ingar.

⁸ Kamaghin amizi, ki akar gavgavimin kamagh ia migei, ia uaghan Judan gumazir dapanibar akuragh Dipenir kamin ingar. Me bemitam bagh mikimti, ia bemira me bagh a givesegh. Ki dagiar ia Yufretisin Fanemin vongin itir provinsbar gumazamiziba dama takisin min isiba, ki dav gei, kar atrivimin dagiaba. Kamaghin ingangarimin suighsuighan kogham. ⁹ Dughiabar zurara, Judan ofa gamir gumaziba, Godin uan Nguibam Itim bagh asiziba tue da isia mighirir ofabar, ko ofan igharazir mabar

amusi, bizir manam bagh ia mikimti, ia da isi me daning. Bulmakaun apurir igiaba, sipsipin apuriba, sipsipin nguziba o wit, amangsizim, wainin dipam, o olivin borem, ia dughiatam ataghiraghan marki, ia zurara dughiabar me daning. ¹⁰ Ia kamaghin damuti, me Godin uan Nguibam Itim ifongezir ofabar amuwa, a ko mikimti, a na ko nan otaribagh nighnigh deragh e damuam.

¹¹ "Ki akar gavgavim, ua kamaghin ia migei. Tina akam baraghan kogham, gumariztaba an dipenir birimin agharitam asigh, aneminegh, an namnam giniva anemikizagham. Egh me an dipenim gasighasigh a damuti, a mati me bizir bar miziriziba inigha tintinibar dar pozim mikini. ¹² God, Jerusalem ginabaghah għażiex, a kagh ikiam. Eghni ni tina, atrivit tam o gumazir kinitam, ni akar kam batuegħ Godin Dipenir Jerusalemin Itim gasighasighti, God pazivira ni damiġħam. Ki Atrivim Darius, akar gavgavir kam gami. Ia bar deraghvira an gin mangi."

Me God bagħavira Dipenir kam amisefe

¹³ Ezi gavmanin gumazir dapanim Tatennai, ko Setar Bosenai, ko gumazir aning ko ingarir igharaziba, me Atrivim Dariusin akar gavgavim baraki, egha bar a mikemezi mogħiram ami. ¹⁴ Kamaghin amizi, Judan gumazir dapaniba ingangarim bar deraghvira a gamua għuavira iti. Ezi Godin akam inigha izir gumazimming Hagai, ko Idon ovavir borim Sekkaraia, aning gavgavim me ganiga me abiri. Ezi Israelian God mikemezi mogħin, me ingaravira ikia ghua anegħi. Egha Persian atriviba Sairus ko Darius ko Atrivim Artaserksis, me bar mikemezi mogħira, Judaba Godin Dipenimin ingari. ¹⁵ Egha Darius atrivimin itir dughiamin, me namba 6in azenimin, Adarin iakinimin, nambu 3in aruem, me Godin Dipenim agħiha.*

¹⁶ Egha Israelin gumazamiziba bar, ofa gamir gumaziba, Livaiba, ko gumazamizir kalabus ategħha uamattegħha izeżiż igharaziba, me bar Godin ziam famin isar ekiam gamua, Godin Dipenim isa an agharim garigha, bar akongegħha ghaze, dipenir kam a Godin Dipenimra. ¹⁷ Me Godin Dipenim ginighnigham ofabagh amu, 100plan bulmakaun apuriba, 200plan sipsipin apuriba, 400plan sipsipin nguziba ko 12plan memen apuriba isa ofabagh ami. Me memen kaba, Israelin anababar 12pla vagħvagħha, men arazir kuraba batogħħasa dar ofa gami. ¹⁸ Egha uaghan me Jerusalemin itir Godin Dipenimin arazibar ġin mangasa, ofa gamir gumaziba

ko Livaiba amisevegha, ingangariba ko ingangarir danganibar ua me arisi. Me Moses Akinafarimin Osirizi moghiram ami.

God Israelia Gitazir Dughiam, me a ginighnigha isam gami

¹⁹ Gin izir azenimün, iakinir faraghavira zuimin, namba 14in aruem, gumazamizir kalabus ategha uamategha izezir kaba, God Israelia Gitazir Dughiam ginighnigha isam gamua bar akonge. ²⁰ Ofa gamir gumaziba ko Livaiba ruegha uari akirigha Godin damazimin zue. Egha Livaiba, God Israelia gitazir ofabar amusa sipsipin nguzibav soke. Tuavir kamin me Israeliyan kalabus ategha ua izeziba, ko ofa gamir gumaziba, ko me uari bagha ofabagh ami. ²¹ Ofan me amir asizir tuzir kaba, Israeliyan kalabus ategha ua izeziba, me bar uari inigha da ame. Ezi uaghan nguazir kamin itir gumazamizir igharaziba, me ikizir igharazibar arazir miziriziba ategha, Ikiavira Itir Godin ziam fasa ifonge, a Israeliyan God, me bar uari inigha ofan kabar asizir tuziba ame. ²² Me aruer 7plan bar akuegha Yis Puvatizir Bretin Isam Damuamin Dughiam, an isam gami. Me fo, Ikiavira Itir God, Asirian atrivim gamizi a me ko navir amirizim inigha, Israelia Godin Dipenimin ingangarimin men akura. Kamaghin amizi, me guizbangira bar akonge.

Esra Jerusalemin amizir ingangariba

7

(*Sapta 7--10*)

Esra Jerusalemin oto

¹⁻⁵ Azenir aviriba givazima gin, Artaserksis Persian atrivimin itima, gumazir mam Babilonin iti, an ziam Esra. Esra an Aronin ovavir boribar mav. Esran inazir afeziabar ziabar kara: Esra, a Seraian otarim. Ezi Seraia, Asarian otarim. Ezi Asaria, Hilkian otarim. Ezi Hilkia, Salumin otarim. Ezi Salum, Sadokin otarim. Ezi Sadok, Ahitupin otarim. Ezi Ahitup, Amarian otarim. Ezi Amaria, Asarian otarim. Ezi Asaria, Meraiotin otarim. Ezi Meraiot, Serahian otarim. Ezi Serahia, Usin otarim. Ezi Usi, Bukiin otarim. Ezi Buki, Abisuan otarim. Ezi Abisua, Finiasin otarim. Ezi Finias, Eleasarin otarim. Ezi Eleasar, Aron otarim. Ezi Aron, a ofa gamir gumazibar dapanim.

⁶⁻⁷ Bar fomira Ikiavira Itir God, Israeliyan God, uan Araziba isa Moses ganingi. Ezi Esra deravira Moses Osirizir Arazibagh fo. Ezi dughiabar zurara, God deraghavira Esra gami, kamaghin Esra bizar tiziba bagha Atrivim Artaserksisin azangsisi, ana

ganidi. Egha Artaserksis atrivimin itima, an namba 7in azenimin, Esra Israeliyan gumazamizir igharaziba ko Babilon ategha ua Jerusalemin zui. Men aven ofa gamir gumaziba ko Livaiba, ko onger akabar faragha zuir gumaziba, ko Godin Dipenimin garir gumaziba koma, Godin Dipenimin ingangarimin gamir gumaziba. ⁸⁻⁹ Esra me ko, iakinir faraghavira itimin, an aruer farazimin Babilon ategha Jerusalemin zui. Ezi God men akurazi, me iakinir namba 5in, an aruer farazimin Jerusalemin oto. ¹⁰ Esra, Ikiavira Itir Godin Arazibagh fogh deravira dar gin mangasa, pamtemin ingarir gumazim. Egha a uaghan arazir God ifongeziba ko bizar a damuasa me nikemeziba, deravira Israeliyan sure damuti, me uaghan deravira dar gin mangam.

Atrivim Artaserksis, Esra bagha akinafarim osiri

¹¹ Ofa gamir gumazir kam Esra, a uaghan Godin Arazibagh foziir gumazibar mav, a Ikiavira Itir Godin Akar Gavgaviba ko arazir God ifongeziba, a bar dagh fo. Ezi dughiar kamin, Atrivim Artaserksis akinafarir mam osirigha Esra ganingi. Ezi akinafarim kamaghin migei:

¹² “Ki Atrivim Artaserksis, ki kantrin atrivibar atrivir ekiam. Dughiar aghuim Esra, ni ofa gamir gumazim, egha Godin Uan Nguibamin Itimin Araziba, ni bar adagh fo. ¹³ Ki akar gavgavimin uan ingangarir gumazibav kemegha ghaze, Israeliyan gumazamizir datirighin kagh itiba, ko ofa gamir gumaziba, ko Livaiba, men nin gin Jerusalemin mangisi ifuegh, egh me mangi.

¹⁴ “Ki 7plan gumazir nighnizir aghuiba na ganidiba ko, e ni amadaghti, ni mangi Jerusalem ko Judan gumazamiziba itir danganiba bar dar gan, egh kamaghin me gifogham, me Godin Arazibar suiraghda dar gintisi, o puvati. Godin Arazimin Akinafarir kam, a nin agharimin iti, ezi ni an suiraghav iti. ¹⁵ Ezi ki uan fofozir gumaziba ko, gol ko silva ko bizar aghuitaba inigh Israeliyan God daningasa. Eghni ni bizar aghuir kaba inigh mangi Godin Dipenir Jerusalemin itimin dar arigh. ¹⁶ Egh uaghan, ni Babilonin Distrighin inizir gol ko silvaba inigh mangi. Egh uaghan, bizar Israelia ko ian ofa gamir gumaziba Jerusalemin itir Godin Dipenimin ingarasa puram aningiziba, ni da inigh mangi.

¹⁷ “Ni deravira dagiabar amu. Ni bulmakaun apuriba ko, sipsipin apuriba ko sipsipin nguziba, ko wit ko wain,

givezegh da inigh mangi Jerusalemin itir Godin Dipenimin otogh ofa gamir dakoziñ ofa damu.¹⁸ Ia ofan kabagh ivezegh givaghti gol ko silvan naba ikivira ikiti, ni uan adarazi ko ia uan God ko mikimiva, an nighnizim gifogh, dagiar kaba isi bizir a ifongezibagh ives. Egh ia fogh givagh bizar kabara, dagiar kabar dagh ivesegh.¹⁹ Ia itariba ko dipaba apir itarir ia uan Godin Dipenimin an ziam fasa me ia ganingiziba, ia da inigh mangi bar da isi uan Godin Dipenimin ada arikigh.²⁰ Eghiti bizir kaba otevegħti, ia nan dagiar dipenimin na da dagiataba inigh bizir otevezir igharaz tabagh ivesegħ.

²¹ “Ki Atrivim Artaserksis, nan dagiar dipenimin ingangari gumaziba, me Yufretisin Fanemin vongin itir provinsin iti, ezi ki akar gavgvavim me ganidi. Nan migirigiam kamakin, ofa gamir gumazir kam Esra, Godin uan Nguibamin Itim Araziba, a bar deravira dagħ fo. A Godin Dipenimin ingarsi, bizir tizim bagħ ian azangam, eghти ia zuamiram a daningiħ.²² Eghiti bizir ia a daningamiba, da dibononir kam gafigħan marki, Silva 3,400 kilogamra iki, wit 500 begħiabara iki, wain 2,000 litara iki, eghти olivin borem 2,000 litera iki. Eghiti amangsizim a ifongezi mogħiġ ia a daning.²³ Ia Godin Uan Nguibamin Itim, uan Dipenim bagħha ifongeżiż biziba, ia bar ada isi Ezra daning. Ki kamaghin ifonge, Godin adarim, na ko nan boriba ko nan ovavir borir gin otivamiba, bar en iċkien kogħam.

²⁴ “Ia orakigh, ia ofa gamir gumaziba, ko Livaiba, onger akabar faragħa zuir gumaziba, Godin Dipenimin garir gumaziba, koma Godin Dipenimin ingangarim gamir gumaziba ko Godin Dipenimin ingarir gumazir igharaziba, ia takisín dagiaba me dam da inian marki.

²⁵ “Ki fo, Esra, nin God fofozir bar avirim ni ganingi, kamaghin ni ingangaribar faragħa zuir gumaziba ko jasba, amisevegħti, me gumazamizir Yufretisin Fanemin vongin ikia Godin Arazibar gin zuiba, deragh me gatīvagh me damu. Egh ian gumazamizitaba deragh Godin Arazibagh fogħan kogħti, ni deragh men sure damuti, me fogħ dar gin mangam.²⁶ Eghiti gumazitaba nin Godin Arazibar gin man-gan kogħam, o ki Atrivim Artaserksis, nan akar gavgvaviba dar gin mangan kogħam, eghти ni bar zuamira iverzur kurram me daningam. Ni me misuegħti me aremegħ, o me amadagħti me mangi sagħon itir

kantrin igharazitam mangi, o men bizza inigh, o me isi kalabus datigh.”

Esra Godin ziam fe

²⁷ Ezi Esra ghaze, “Ikiavira Itir God, an en inazir afeziabar God, ki bar a minabagħha an ziam fe! An Atrivim Artaserksis nighnizim fez, a Ikiavira Itir Godin Dipenir Jerusalemin itim deragħa a damuosa ifuegħa tuavir kam ati.*²⁸ God nan apangkuvighavira ikia, kamaghin an atrivim ko nighnizir aghuiba atrivim ganidir gumaziba, ko an ingangaribar faragħa zuir gumazir dapaniba nighnizim me ganingizi, me nan akurvaghha bar akonge. Ezi Ikiavira Itir God, nan God, a nan akuragħha gavgvavim na ganingizi, ki Israeli anababar gumazir dapanir aviriba uabin gin Jerusalemin mangasa men azangsizima, me uaghan mangasa ifonge.”

8

Judan gumazir uamateghha Jerusalemin ghuzbar ziaba

¹ Kar Israeli anababar gumazir dapanir Babilonin kalabus ateħha, Esran gin uamateghha Jerusalemin ghuziba, men ziabar kara. Dugħiarr kamin Artaserksis atrivim iti.

²⁻³ Gersom, a Finiasin ikizim min ovavir boribar mav.

Ezi Daniel, Itamarin ikizim min ovavir boribar mav.

Ezi Hatus, a Sekanian otarim, egha Deviñ ikizim min ovavir boribar mav.

Ezi Sekaraia, Parosin ikizim min ovavir boribar mav. Ezi an adarazi 150plan gumaziba Sekaraia ko ghue. Men ikizim min adarazir, akinafarir men inazir afeziabar ziaba itir mam, me an suira.

⁴ Ezi Elilioenai, a Serahian otarim egha Pahatmoapin ikizim min ovavir boribar mav. Ezi an adarazi 200plan gumaziba a ko ghue.

⁵ Ezi Sekania, a Jahasielin otarim, ezi an adarazir 300plan gumaziba a ko ghue.*

⁶ Ezi Ebet a Jonatanin otarim, egha Adinin ikizim min ovavir boribar mav. An adarazir 50plan gumaziba a ko ghue.

⁷ Ezi Jesaia, Atalian otarim. Egha Elamin ikizim min ovavir boribar mav. Ezi an adarazir 70plan gumaziba a ko ghue.

⁸ Ezi Sebadaia, a Maikelin otarim, egha Sefatian ikizim min ovavir boribar mav. An adarazir 80plan gumaziba a ko ghue.

- ⁹ Ezi Obadia, a Jehielin otarim, egha Joapin ikizimin ovavir boribar mav. Ezi an adarazir 218plan gumaziba a ko ghue.
- ¹⁰ Ezi Selomit, a Josifian otarim. An adarazir 160plan gumaziba a ko ghue.[†]
- ¹¹ Ezi Sekaraia, a Bebabin otarim, egha Bebabin ikizimin ovavir boribar mav. An adarazir 28plan gumaziba a ko ghue.
- ¹² Ezi Johanan, a Hakatanin otarim, egha Asgatin ikizimin ovavir boribar mav. An adarazir 110plan gumaziba a ko ghue.
- ¹³ Ezi Elifelet ko Juel ko Semaia, me Adonikamin ikizibar ovavir boriba. Egha Adonikamin adarazir 60plan gumaziba, gumazir kaba ko ghue. Egha me dughiar kamra me ko ghuzir puvati. Me gin dughiar igharazimin ize.
- ¹⁴ Ezi Utai ko Sakur, aning Bikvain ikizimin ovavir boribar gumazimning. Bikvain adarazir 70plan gumaziba aning ko ghu.

*Esra Godin Dipenimin aven ingangarim
damuasa Livain marazi amisefe*

¹⁵ Ki Esra, ki me ko ghua Ahavan nguibar ekiamin Faner an amadaghan zuimin gumazamiziba akuvagh, me ko 3plan aruebar danganir kamin iti. Egha ki ofa gamir gumazibar marazir garima, me en tongin ti, ezi Livain tav itir puvati. ¹⁶ Kamaghin amizi, ki gumazir dapanir 9plan diazi me izi. Gumazir kabar ziabar kara: Elieser, Ariel, Semaia, Elnatan, Jarip, Elnatanin igharazim ko Natan, Sekaraia koma Mesulam. Egha ki uaghan fofozir aghuim itir gumazir pumuningin dia. Aningin ziamming, Joiarip koma Elnatan. ¹⁷ Egha ki me amadazima, me Ido bagha ghue. Ido a Godin Dipenimin ingangarir gumazim. Egha nguibam Kasifian gumazir dapanim. Ki akam amaga ghaze, a koma, a ko ingarir gumazibar azaraghtima, a gumazitaba amadaghtima me izi, e ko Godin Dipenimin ingaram.

¹⁸ Godin apangkuvim e ko itima, a Livain gumazir mam e bagha anemada. An ziam Serebia, egha Malin adarazir mav. A deraghavira ingangaribagh ami. Ezi an otariba ko an adarasi, 18plan gumaziba a ko ize. ¹⁹ Ezi Ido uaghan Hasabia ko Jesaia amada. Aning Merarin adarazir gumazim, egha uan ikizimin gumazir 20pla ko ize. ²⁰ A uaghan 220plan gumazir Godin Dipenimin ingangarim damuamiba amangi. Fomira Atrivim Devit uan gumazir dapaniba ko, gumazir kabar inazir afeziabagh inabazi, me Livaibar akura. Ezi

220plan gumazir kabar ziaba, akinafarir mamin iti.

Esra Israelian gumazamiziba ko me bar moghira dagheba ategha God ko migei

²¹ E Ahavan Fanemin boroghin ikiava, ki kamaghin gumazamizibav gei, "E dagheba ateghiva uan Godin damazimin uari abinigham. Egh e Jerusalemin mangamin dughiamin, euarir akuraghxi an azaraghti, an e ko en boriba ko en bizibar ganan."

²² Ki kamaghin me migei, ki tizim baghavira atrivimin azangsighan aghua, eghiti a tuavimin en apanibar e gehghuvamin hoziabagh apiaghbir gumaziba ko midorozir ganighai.

Ki atrivim ko itir dughiamin, ki kamaghin a mikeme, "En God a bar deraghavira gumazamizir an gin zuibagh ami. A uaghan gumazamizir an akabar gin zuir puvatiziba, a men atara mizazim me gasi." Ki kamaghin atrivim mikeme, kamaghin amizima, ki midorozir gumaziba bagh an azangsighan aghumsiki. ²³ Egha e dagheba ategha uan God ko migeima, an en akam baraghha, e gehghuva deraghavira e gami.

Ofa gamir gumaziba Godin Dipenimin ofabar amuamin bizibar gan

²⁴ Ki Serebia ko Hasabia ko 10plan faraghavira zuir ofa gamir gumazir igharaziba misevegha, men diazi me ize.

²⁵ Bar fomira atrivim ko nighnizir aghuba a ganidir gumaziba, ko gavmanin ingarir gumazir dapaniba, ko Israelian gumazamiziba bar, me silvaba ko golba ko itariba isa Godin Dipenimin aven ingangarim damuasa na ganungi. Ezi ki da inigha dar osimtizim mengegha, da isava ofa gamir gumazir kabagh aningi. ²⁶ Bizar ki me ganingizir kaba, dar osimtiziba kamakin: Silvan osimtizim, 22,000 kilogrem, ezi golin osimtizim 3,400 kilogrem, ezi 100plan silvan itarir ekiar kabar osimtizim, da vaghvagh 34 kilogrem.[‡] ²⁷ Golin itarir ekiar 20pla, dar osimtizim vaghvagh 8 kilogrem ko 400 grem. Brasin itarir ekiar pumuning, me bar deraghavira aningin ingarizi aning taghtasi, ezi aningin ivezim mati golin itarir ekiar pumuning.

²⁸ Ezi ki 12plan ofa gamir gumazibagh aniga kamaghin me migei, "Ia oragh. Ia Ikiavira Itir God, en inazir afeziabar God, a ua bagha ia amisevez, ia an damazimin zuegh an ingangarim damuam. Ezi kamaghira, itariba ko dipaba apir itariba uaghan Godin damazimin zue, egha da an bizibara. Ezi silva ko gol, gumazamiziba uan ifongiamin gin ghua da isa pura ofan min Ikiavira Itir God ganungi. ²⁹ Ia bizar

[†] 8:10: Hibrun akam deragha migirigiar kamin mingarim abighizir puvati. [‡] 8:26: Hibrun akam deragha migirigiar kamin mingarim abighizir puvati.

kaba deravira dar gan mangi Jerusalemin Godin Dipenimin otogh. Egh ia munagh da isiva, Godin Dipenimin aven itir danganimin mangi ofa gamir gumazir ekiaba ko Livaiba ko Israeliyan ikizibar gumazir dapaniba, ia men damazimin bizir kabar osimtiziba meng men agharim darigham.”³⁰ Ki mikemehga givazima, ofa gamir gumaziba ko Livaiba, me e ko Jerusalemin mangasa, silva ko gol ko itariba isi.

Esra ko Judan gumazir kalabusin ikeziba, me uamategha Jerusalemin ghue

³¹ Kar iakinir faragha zuimin, namba 12in aruemin, e Jerusalemin mangasa Ahavan Fanem ataki. Ezi en God e ko ikia, deravira en garima, bizir kuratam tuavimin batozir puvati. Kamaghin apaniba iza e misoghezir puvatizi, okimakiar gumaziba tuavir miriam mongegeha uari fava en mikirava en biziba okemezir puvati. ³² E ghua Jerusalemin otivigha, 3plan aruebar avughsa pura iti. ³³ Egha namba 4in aruemin, e Godin Dipenimin ghua silva ko gol ko itarir kabar osimtiziba mengegeha, da isa ofa gamir gumazim Meremot ganingi. Meremot a Urien otarim. A ko Finiasin otarim, ofa gamir gumazim Eleasar, koma Livain gumazir pumuning, Josabat a Jesusuan otarim, ko Noadja, a Binuin otarim ko me ganungi. ³⁴ Me bar uari inigha bizir kaba deravira da mengegeha da guragha dar osimtizim gifogha ghaze, biziba bar iti. Egha da isa akinafarimin aven vaghvagha da osiri.

³⁵ Dughiar kamín, kalabus ategha ua izezir gumazamiziba bar, asizir maba inigha iza Israeliyan God bagha asiziba tue da isia mighirir ofabar amusa. Me Israeliyan anabar 12pla bagha bulmakaun apurir 12plan ofa gami. Egha uaghan sipsipin apurir 96pla, ko 77plan sipsipin nguziba isa ofa gami. Egha uaghan memen 12pla isa me uan arazir kuraba gin amangasa uaghan dar ofa gami. Asizir kaba bar, me avimin tue da bar isia mighirir ofabar min Ikiavira Itir God ganingi. ³⁶ Egha uaghan me akinafarir atrivim me ganingizim isava, Yufretisin Fanemin vongin itir provinsin gumazir dapanim ko, a ko ingarin gumazir igharazibagh aningizi me an ganigha, gin deravira Godin gumazamizibagh amua, Godin Dipenimin ingangarimin men akurvasi.

9

Judan marazi, arazir kurabagh amua God gifozir puvatizir ikizibar guivibar iti

¹ Bizir kaba bar givazima, gin Israeliyan gumazir dapaniba iza kamaghin na migei,

“Israeliyan gumazamiziba ko ofa gamir gumazir maba ko Livaiba, God gifozir puvatizir darazir saghuiamin itir puvatigha men arazibagh ami. Kar arazir kurabagh amir ikizibar. Me Kenania ko Hitia, Peresia, Jebusia, Amonia, Moapia, Isipia ko Amoria. ² Judan gumazir maba, uari ko uan otariba bagha men guivir mabar ikasa me ini. Kamaghin amizi, e God ua bagha amisevezir darasi, e God gifozir puvatizir gumazamiziba ko porogha men min ami. Gumazir dapaniba ko ingangarimin garir gumaziba kamaghin amima, gumazir igharaziba men gara uaghan men min ami.” ³ Ezi ki migirigar kam baregha, nan navim bar oseme. Ezi ki uan korotiam abiaghariha uan dapanir arizim ko ghuamasizibar suigha da asiaghariki. Ezi nan nighniziba bar otevezi ki puram aperaghav iti. ⁴ Ki osemehta aperaghav ikia ghuavti guaratizimin ofa damuamin dughiam oto. Ezi gumazamiziba nan gara men marazi kamaghin fo, kalabus ategha ua izezir gumazamiziba, deravira Godin gin zuir puvatigha arazir kurabagh ami. Egha me Israeliyan Godin akabagh fogha an aningagharm ginighnigha bar atiatingi. Egha men avirim iza ki aperaghav iti naghin tugha nan gari.

⁵ Ezi guaratizimin ofa damuamin dughiam otozi, ki uan korotiar ruarim ko azenan itir korotiar ki abiaghariiba, da nan mikarzimin ikiavira itima, ki dikafi. Egha ki Ikiavira Itir God, a nan God, an damazimin uan teviming apirigha uan agharimning fegha kamaghin God ko migei, ⁶ “O God, ni nan God. Ki uan guam fegh nin ganan bar aghumsiki, Ki fo, en arazir kuraba bar ekevegha ghua en dapanibagh afiragha bar pin ghu. En osimtizim bar ekevegha ghua overiamin min pin mar ghuavanabo. ⁷ Bar fomira, en inazir afeziabar dughiamin ikegha iza datirighin, en arazir kurabar osimtizim bar ekevegha ikiavira iti. En arazir kurar kaba bangin, ni en atriviba ko en ofa gamir gumaziba ko e isa, atrivir igharazibar agharim gatizi, me iza en suigha e misozi e ariaghiri, me en biziba okia, egha kalabuziabar min e atera ghue. E guizbangira bar ikuvigha aghumsigha kamaghira iti.

⁸ “O Ikiavira Itir God, ni en God, ni datirighin en apangkuvigha, en ikiavira itir varazira ataghizima, e kalabuziam ategha, deravira nin nguazir bar zuezir kamín aven iti. Guizbangira, ni en akurazima, e mati kalabusin aven ikiavira itima, ni gavgavim e ganingi. Egha ni en akuragha, en damazibagh amizi, e ua deravira gari. ⁹ Guizbangira, e mati kalabusin itima,

en God e ataghizi, e kalabusra ikiavira itir puvati. Ni en apangkuvigha Persian atrivibar damazimin deraghavira e gamua, ikirimirir igiam e ganidi. Ezi me nin Dipenir akaraghirezim uam an ingarasa en amamangarisi. Egha en akurvazima, e kagh Judu ko Jerusalemin deravira iti.

¹⁰ “O en God, bizar kaba bar otivizi, e datirighin ua manmaghin mikimam? Ni arazir aghuibar e gamima, e nin akar bar gavgaviba barazir puvati. ¹¹ Nin akam inigha izir gumaziba, me nin ingangarir gumaziba, me nin akar gavgavim isa kamaghin e migei, nguazir e aven mangi ini-amim, a nin damazimin zuezir puvati. Ezi, guizbangira, gumazamizir nguazir kamin itiba, men araziba bar mizegha bar ikufi. Ezi men arazir kurar kaba nguazim bar anevara. ¹² Kamaghin amizi, ia uan guiviba men otaribar aningen marki. Egh uan otariba men guivibar aningen marki. Egh me deravira ikisi ia men akurvaghan marki. Egh me damuamin biziba, ia men akurvaghan marki. Ia deraghvira nan akam baregh, egh deravira dapiagh gavgavigh. Egh ian ovavir boriba nguazir kamin deravira dapiagh gavgavigh, nguazir kamin dagher aghuibar ami mamaghira ikiam.

¹³ “Bar guizbangira, ni kamaghin e mikemezi, e nin akam baraghizir puvatigha, arazir kurar avirim gamua osimtizir ekiam en iti. Ezi puvati, ni e gasighasigha bar e agivazir puvati. Ni en marazi ataghizima varazira ikiavira ikia kat. ¹⁴ E bizar kabagh fo, egh e tizim bagh nin Akar Gavgaviba bareghan kogh, ua gumaziba ko amizir arazir kurabagh amiba, e men ikiam? Kar bar arazir kuram. E fo, e kamaghin damightima, ni en aningagheghti, en ikiavira itir varazira me ua ikian kogham. ¹⁵ O Ikiavira Itir God, ni Israeliel God, ni arazir aghuibaram ami. Ezi e arazir kurabagh amima, ni pazavira e gamima, en ikiavira itir varazira iti. Egha e fo, e nin boroghin mangasava, e gumazamizir aghuibra puvati. E arazir kurabagh amir gumazamiziba, egha e osimtizim ikia, nin damazimin tuivan ibura.”

10

Me God gifozir puvatizir amizibar ikian koghamin arazimin akam akiri

¹ Egha Esra, Godin Dipenimin tiar akamin boroghin ikia nguazir kamin guivibar ikiamin arazimin osemegha, God ko migia nguazimin uabi ekunigha irighav ikia azia arazir kurar kabar gun migiavira iti. Ezi Israeliel gumaziba ko amiziba, ko borir bar avirim, bar izava anekiarugha uaghan

puvirama aziava arai. ² Ezi Sekania, a Jelielin otarim, egha Elamin ikizimin mav, a iza kamaghin Esra migei, “Bar guizbangira, e Godin akam batuegha God gifozir puvatizir amizibar iti. Ezi tuavir mam iti, egh Israelian gumazamiziba tighar ua nighnizir gavgavim Godin ikiam. ³ E datirighin uan God ko akar gavgavim akirigh mikim suam, e uan amuir en gin zuir kaba ko men boriba, isi ua me amangichti, me ua uan nguibabar mangam. Ni ko gumazir Godin Akar Gavgavibar apengan itir igharaziba, ia e mikim. Egh Israelian Araziba manmaghin damusi e mikimti, e a damuam. ⁴ Ni dikavigh tugh, kar nin ingangarir ni damuamim. E ni ko navir vamira ikia nin girakirangin iti. Egh Israelian gavgavigh a damu.”

⁵ Kamaghin amizi, Esra dikavigha ofa gamir gumazibar, gumazir dapaniba ko Livaiba ko Israeliel mikeme, egh Israelian mikemezi moghin, akar dikirizim God ko a damuam. Egha me akar kam akiri. ⁶ Ezi Esra Godin Dipenimin tiar akam ategha Eliasipin otarim, Jehohanan itir danganimin ghugha, dimagarir kamin aziava, Israeliel kalabus ategha ua izezibar arazir kurar kam ginighnigha, daghetam ko dipatam amezir puvati.

⁷ Ezi me akam amadaghha ghaze, Juda ko Jerusalemin itir kalabus ategha ua izezir gumaziba, me bar izi Jerusalemin uari akufagh. ⁸ Ezi gumazir dapaniba ko ingangaribar garir gumaziba akar gavgavim me ganiga ghaze, dughiar 3pla tighar otogh givamimin, ia bar izi. Egh Israelian gumazitam izeghan koghti, e an biziba a dama da iniam. Egh Israeliel gumazamizibar tongin a batuegham.

⁹ Ezi 3plan dughiar kaba otogha gifa. Kar iakinur namba 9in, an aruer namba 20, Judan anabamin gumazamiziba ko Benjaminin anabamin gumazamiziba bar iza Jerusalemin otifi. Egha me Godin Dipenimin boroghin uari akuvamin danganimin apia. Ezi maburan amozim ariki. Me osimtizir kamin migirigiba baraghaha nighnigha atiatia itima, amozim iza mamaghira iti, ezi me arugharugha nisi.

¹⁰ Ezi ofa gamir gumazim Esra dikavigha tugha kamaghin me migei, “Ia nguazir kamin ikizibar amizir God gifozir puvatizibar iti, ezi arazir kamin, ia Godin akam batoke. Egha Israeliel arazir kuram osimtizim gamima, a bar ekefe. ¹¹ Ia oragh. Ia datirighin, uan arazir kurabar gun Ikiavira Itir Godin mikim, a ian inazir afeziabar God. Egh a ifongezir arazibara ia dar amu. Egh en nguazimin itir ikizibar gumazamiziba ko poghan marki. Egh

uaghan God gifozir puvatizir amizir ia itiba batokegh."

¹² Ezi gumazamizir kaba bar pamtemin kamaghin migei, "Bar guizbangira! E ni migei moghira damuam."

¹³ Egha me uaghan kamaghin migei, "En avirim bar ekefe. Ezi amozim uaghan ekevegha pamten izi, eghti e purama azenimin kamagh mitivigh iki akam akiran kogham. Osimtizir e amizir kam, e aruer vamira o aruer pumuningin anekirighan kogham. En avirim, arazir kurar kam uaghan an aven ti. Ezi e zuamira uari akirighan kogham. ¹⁴ Ia en amaman-gatightima, en gumazir dapanibara ikiva e bagh osimtizir kam akir. Ia dughiatoba amisevehti, gumazir amizir God gifozir puvatizibar itiba, vaghvaghya iziti, nguibaba vaghvagh men gumazir dapaniba ko jasba, me ko bizir kam akiram. Eghti tuavir kamin en Godin aningaghahrir kuram e ataghiragham." ¹⁵ Gumaziba bar migirigiar kamin amamangatizi, Asahelin otarim Jonatan, ko Tikvan otarim Jasea, aning aghua. Ezi Livain gumazim Sabetai koma Mesulam, aning uaghan aghuaghya Jonatan koma Jasean nighnizim bagha gavgafi.

¹⁶ Ezi kalabus ategha izezir darasi, nighnizir kam gifonge. Ezi ofa gamir gumazim Esra, gumazir dapaniba amisevegha men ziaba osiri, me vaghvaghya uan anababar ikizibar gumazir dapaniba. Ezi namba 10in iakinimin, an aruer faragha zuimin, me apiagha osimtizir kamin garava a tuisisi. ¹⁷ Ezi iakinir 3plan gin, gumazir ikizir igharazibar amizibar itiba, me men osimtizir kaba akirigha gifa.

Amizir God gifozir puvatizibar pabar ziaba

¹⁸ Kar, ofa gamir gumazir God gifozir puvatizir amizibar itiba, men ziabar kara:

Masea ko Elieser ko Jarip ko Gedalia. Me Josuan ikizim. Ezi Josua Jehosadakin otarim. ¹⁹ Me uan amuiba batueghasa, akar gavgavim akiri. Me kamaghin fo, me arazir kuramin osimtizim iti. Egha men osimtizim bangin me vaghvaghya sipsipin apurir mam inigha Godin ofa gami, eghti God men arazir kuramin osimtizim gin amadaghiam.

²⁰ Ezi Hanani ko Sebadaia, aning Imerin ikizim ovavir otarimning.

²¹ Ezi Harimin ovavir boribar marasi, men ziabar kara: Masea, Elaija, Semeia Jehiel koma Usia.

²² Ezi Pasurin ovavir boribar marasi, men ziabar kara: Elioenai, Masea, Ismael, Netanel, Josabat koma Elasa.

²³ Kar Livain gumazir amizir God gifozir puvatizibar itibar ziaba:

Josabat, Simei, Kelaia, an ziар mam, Ke-lita, ko Petahia, Juda ko Elieser.

²⁴ Ezi Godin Dipenimin onger akabar faragha zuir gumazibar mav, a God gifozir puvatizir amizimin iti, a Eliasip, a uabira.

Ezi Godin Dipenimin tiar akar ekiamin garir gumaziba, God gifozir puvatizir amizibar itiba, men ziabar kara: Salum, Telem ko Uri.

²⁵ Ezi Israelian gumazir igharaziba, me God gifozir puvatizir amizibar iti, men ziabar kara:

Ramia, Isia, Malkia, Mijamin, ko Eleasar ezi mav Malkia ko Benaia, kar Parosin ikizimin ovavir boriba.

²⁶ Ezi Matania, Sekaraia, Jehiel, Apdi, Jer-emot ko Elaija. Kar Elamin ikizimin ovavir boriba.

²⁷ Ezi Elioenai, Eliasip, Matania, Jeremot, Sabat, koma Asisa. Kar Satun ikizimin ovavir boriba.

²⁸ Jehohanan, Hanania, Sabai, ko Atlai. Kar Bebain ikizimin ovavir boriba.

²⁹ Mesulam, Maluk, Adaia, Jasup, Seal ko Jeremot. Kar Banin ikizimin ovavir boriba.

³⁰ Atna, Kelal, Benaia, Masea, Matania, Besalel, Binui, ko Manase. Kar Pahat-moapin ikizimin ovavir boriba.

³¹⁻³² Elieser, Isiya, Malkia, Semeia, Simeon, Benjamin, Maluk, ko Semaria. Kar Harimin ikizimin ovavir boriba.

³³ Matenai, Matata, Sabat, Elifelet, Jere-mai, Manase, ko Simei. Kar Hasumin ikizimin ovavir boriba.

³⁴⁻⁴² Madai, Amram, Uel, Benaia, Bedea, Keluhi, Vania, Meremot, Eliasip, Mata-nia, Matenai, Jasu, Bani, Binui, Simei, Selemia, Natan, Adaia, Maknadebai, Sasai, Sarai, Asarel, ko Selemian. Se-maria, Salum, Amaria, ko Josep. Kar Banin ikizimin ovavir boriba.

⁴³ Jeiel, Matitia, Sabat, Sebina, Jadai, Joel, ko Benaia. Kar Nebon ikizimin ovavir boriba.

⁴⁴ Gumazir kabanang, bar God gifozir puvatizir amiziba inigha dar iti, ezi amizir kabar marazi boriba bategha gifa. Ezi Israelian gumazir kaba uan amuiba ko borir kaba batoghezi, me uamategha uan nguibabar ghue.*

* 10:44: Hibrun akam deragha migirigiar kamin mingarim abighizir puvati.

Nehemia Osirizir Akinafarim O Nehemia Akar faragha zuim

Fomira, Nehemian Akinafarim, a Esran Akinafarir akuar mamin min iti. Kamaghin amizi, akinafarir kam uaghan, Judan Atrivibar Eghaghanir Namba 2 uam a giviragh, eghaghanir maba uam ada osiri. Nehemian Akinafarim akuar 3pla iti.

1. Persian atrivim, Judabar ganasa Nehemia amisefe, ezi Nehemia Jerusalemin ghugha, an divazir bar mitiar gavgavim uam an ingarasa Judabar arira. Egha uaghan men dabirabim ko Godin ziam fer ingangariba akirava men akurvasi (Sapta 1-7).

2. Esra Godin Akar Gavgaviba diborima, gumazamiziba uan arazir kuraba aghuri (Sapta 8 ko 9).

3. Nehemia Jerusalem gativagha amizir bizibar eghaghanir igharaziba, da uaghan iti (Sapta 10-13).

Akinafarir kamin danganir aviriba da Nehemian arazibagh eghari. A gumazir Ikiavira Itir Godin apengan ikia zurara a ko migeim.

Nehemia ua Jerusalemin divazir bar mitiar gavgavimin ingari

(Sapta 1-7)

Jerusalem ikuvighavira iti, ezi bizir kam bangin, Nehemia bar oseme

1 Eghaghanir kam, Hakalian otarim Nehemia an osiri.

Bar fomira Artaserksis atrivimin itima, an azenir 20in aven, Kislevin iakinim oto. Ezi ki Nehemia ki Susan nguubar ekiamin iti, a gavmanin faragha zuir nguubar ekiam.* 2 Ezi dughiar kamin Hanani nan aveghbuuar mam ko gumazir bizir maba, Judan kantrin ategha iza Susan nguubar ekiamin otifi. Ezi ki me batogha fofoghsa kamaghin men azara, Judan gumazamizir Babilonin kalabuziam ategha ghueziba, me ti Jerusalemin nguibamin otivigha deragha iti, o puvati? Ezi Jerusalemin nguibam uaghan deragha iti, o puvati?

3 Ezi me kamaghin migei, "Puvati. Gumazamizir Babilonin kalabus ategha uan nguazimin ghuezir varazira, me osimtzir ekiam iti. Ezi Ekiam gifozir puvatigha Jerusalemin boroghin itiba, me

paza me gamizi me aghumsizir ekiam iti. Ezi Jerusalem avinizir divazir bar mitiar gavgavim ikuvighavira iti. Ezi divazir tiar akar avim fomira isiziba, da uaghan kamaghira iti. Jerusalemia dar ingarizir puvati."

4 Ezi ki akar kam baregha aperaghav ikia puv azi. Egha bar osemeha dughiar maba ki dagheba tagha, Godin Uan Nguibamin Itim ko migavira iti. 5 Egha ki kamaghin God ko migei:

"O Ikiavira Itir Godin Uan Nguibamin Itim, ni gavgavir ekiam itima, gumazamiziba nin atiatia nin apengan iti. Ni Akar Dikirizir Gavgavim e koma a gamua, an gin ghua, egh ni akar dikirizir kam ateghan kogham. Eghti gumazamizir ni gifongegha nin Akar Gavgavibar gin zuiba, ni zurara bar men apangkuvavira iti. 6 O God, ki nin ingangarir gumazim, arueba ko dimagariba ki Israelian akurvaghosa nin azangsisi, me nin ingangarir gumazamiziba. Kamagh amizi ki kamaghin ifonge, ni kuarim atigh deravira nan azangsizim baragh. Ki guizbangira kamaghin nin damazimin migia ghaze, ki uan inazir afeziaba ko, arazir kuram gamigha gifa. Ezi erara pu. Puvati, Israelian gumazamiziba bar uaghan arazir kuram gami. 7 E nin damazimin arazir kuram gami. Fomira ni uan Akar Gavgaviba, ko arazir ni ifongeziba, ko bizar ni damuasa e mikemeziba, ni e bagha uan ingangarir gumazim Moses ganingi, ezi e datirighin dar gin zuir puvati.

8-9 "Akar Gavgavir ni fomira isa Moses ganingizim, ni a ginighnigh, egh a gin amangan marki. Ni kamaghin migia ghaze, 'Ia Israelian gumazamiziba akirim na gasaraghti, ki ia batueghti, ia tintinibar mangi Kantrin Igharazibar Gumazamizibar tongin ikiam. Egh gin, dughiar ia saghon itir kantrin kamin, ia navibagh iragh ua na bagh izi nan akamin gin mangam. Eghti ki nguazir ua bagha misevezim, a nan ziam famin danganim, ki ian aku an mangam. Ia kantrin bar saghon itibar ikiti, ki ua ia inigh izam.' E ua ni bagha ize, kamaghin ki nin azai, ni uan akar dikirizimin gin mangi en akurvagh.

10 "E Israelia nin ingangarir gumazamizibar min iti. Egha e nin gumazamizibara. Ni uan gavgavir ekiamin, ni apanibar agharibar uam e inizi e ariaghirezir puvati. 11 O Ekiam, e Israelia, e nin ingangarir gumazamiziba, e bar ni gifongegha egha nin ziam fe. Ki kamaghin

* 1:1: Iakinim Kislev, a Israelian iakinir namba 9, egha an en iakinimning Novemba ko Disembar otifi. 1:7: Godin Araziba 28:14; Daniel 9:5 1:8-9: Ofa Gami 26:33; Godin Araziba 12:5; 30:1-5

ifonge, ni Israelian azangsiziba baragh. Egh ki uaghan, kamaghin ifonge, ni nan azangsizim baragh, ki nin ingangarir gumazim. Ki mangi atrivimin ganamin dughiamin, ni atrivim damighti, a nan apangkuvigh egh nan akuragh."

Ki atrivimin ingangarir gumazimin itir dughiamin, ki kamaghin God ko migei. Nan ingangarim kamakin, ki atrivimin wainin dipamin gara a bagha a inigha izima an anepi.

2

Nehemia Jerusalemin zui

¹ Ezi iakinir 4pla giovazi, dughiar mam Atrivim Artaserksis apima, ki wainin dipam inigha a bagha izi. Dughiaba bar ki ingangarir kam gamua nan navim ko guam bar dera. Ezi dughiar kam nan navim bar osemezi nan guam bar derazir puvati. ²Ezi atrivim nan azara, "Manmagh amizi nin guam ikufi? Ni arei puvati, egha ni bizitam bagha navim ikufi?" Ame. Ki akar kam baregha digavir kuram gami. ³Egha ki kamaghin atrivim migei, "O atrivim, ni dughiar ruarin min deravira ikiam. Guizbangira, nan navim bar oseme. Nguibar ekiar me nan inazir afeziabi afazim, a bar ikuvaghavira iti. Ezi divazir bar gavgavir kamin tiar akaba, avim fomira dar isizi, da uaghan kamaghira iti. Ki bizir kam ginighnigha bar oseme."

⁴ Atrivim akar kam baregha kamaghin nan azara, "Ki datirighin ni bagh tizim damuasa ni ifonge?"

Ezi ki zuamira uan navir averiaminaven uabin akurvaghaha Godin Uan Nguibamin Itimin azara. ⁵Egha ki kamaghin atrivim migei, "O atrivim, ga uaning, nin navim nan deraghti, ki bizitam bagh nin azangam. Kamaghin, Ni ifuegh na amadaghti, ki Judan nguazimin mangi nguibar ekiar uan inazir afeziabar mozibar itimin otogh, uan namakabar akuragh, ua uan nguibar ekiamin ingaram."

⁶ Ki atrivim ko migeima, ezi atrivimin amuim an min aperaghav iti. Atrivim na baregha ghaze, "A dera, ni mangi. Ni dughiar ruarin o otevimin Judan nguazimin ikiam o? Ni manadizoghin ua izam?" Ezi ki uan nighnizimin gun a migei.

⁷ Ezi ki atrivim akinafarim Yufretisin Fanemin vongin itir provinsin, gavmanin gumazir dapaniba bagha osirizir akinafarim bagha an azara. Egha ki akinafarir kaba me mikemeghti, me na ateghti ki men nguibar ekiamin mangi, Judan Distrighin otogham. ⁸Ezi uaghan ki Asap bagh akinafaritam osirasa atrivimin azara, gumazir kam Atrivimin ruariab

gari. Akinafarir kam a mikemeghti a temer taba na danightima ki da abigham. Egha ter ararir kabar me Jerusalemin divazimin tiar akabar ingariva, uaghan dipenir divazir gavgavim itimin tiar akamin ingarichti, midorozir gumaziba an iki Godin Dipenimin ganam. Egh uaghan nan dipenir sara ingaram. Dughiar kamin, God na ko ikia nan akurvasi. Kamaghin amizi, atrivim bizir kabar nan amamangati.

⁹ Egha atrivim midorozir gumazir dapanir maba, ko midorozir gumazir hoziabagh apiazir maba, me amadazi, me iza na ko tuavimin ghuavira iti. Egha e ghua Yufretisin Fanemin vongin itir provinsin otifi. Egha atrivim akinafarim isa provinsin kamin gavmanin garir gumazibagh aningi.

¹⁰ Ezi Bethoronin nguibamin gumazim Senbalat ko, Tobia an Amonian ikizimin ingangarir gumazir ekier mam, aning orazi, ki Israelian akurvaghaha iti. Ezi aning bar na baseme.

¹¹ Kamaghin amizi, ki Jerusalemin otogha 3plan dughiabar pura iti. ¹² God fomira Jerusalem bagh damuamin nighnizir kam nan navir averiamin aven na ganingi. Ezi dughiar kamin, ki gumazitam mikemezir puvati. Egha ki ikia ghua dimagarir arizimin dikavigha gumazir maba ko, e apiazir danganir kam ategha nguibar ekiamin divazimin gari. Ki uabira uan donki gaperagha zui, ezi marazi uan suebar zui. ¹³ Dimagarim ikiavira itima, ki gumazir vabara ko, e nguibar ekiam ategha, Aruem Uaghiri Naghin Tiar Akamin azenin zui, kar me kamaghin diborim, Danganir Zarimin Tiar Akam.

Egha e ragha sautin amadaghan ghua mozir pam gita, Mozir par kam, me Kuruzir Ekiamin Mozir Pam, a gati. Egha e ghua Tiar Akar Bizir Bar Mizariziba Akurir Danganimin oto. E aruuavira ikia izava, ki deravira divazir bar mitiar gavgavir me fomira dipirizim, ko tiar akar avimin isizibar gara da tuisisi. ¹⁴ Ezi gin e ragha ghua notin amadaghan ghua Mozir Pam Tiar Akam ko Atrivimin Dipar Akarer Muziarimin oto. Ezi danganir kamin, tuavir kam kirizima, donkin ki aperazir kam mangan ibura.

¹⁵ Kamaghin amizi, dimagarir kamin, e Kidronin danganir zarim giraghue, egha ki deravira divazimin gari. Egha gin ua raghirigha tuavir e ghuezim, uam an izi. Egha iza tiar akar e ghuezim, e uam an oto. Kar Danganir Zarimin Tiar Akam. Egha ua nguibar ekiamin aven zui.

¹⁶ Jerusalemin itir gumazir dapanir tam, bizir ki dimagarimin amizir katam gifozir puvati. Guizbangira, ki Judan tavir

mikemezir puvati. Ki ofa gamir gumaziba, ko gumazir dapaniba ko gavmanin faragha zuir gumaziba, ko gumazir igharazibar ingangarir e Judaba bar damuamim, ki me mikemezir puvati.

¹⁷Ezi datirighin ki me akuvagha ghaze, "Ia ganigha fo, Jerusalem bar ikuvizi, an tiar aka uaghan bar ikufi. Kamaghin amizi, e osimtizir ekiam ko aghumsizir dafam iti. Ezi datirighin e ua nguubar ekiamin divazimin ingaram, arazir kamin e gumazir e dipova itibar akabar kuaghram." ¹⁸Egha ki uaghan God nan akurazir bizir aghuibar gun me mikeme. Egha atrivimin akar aghuium uaghan me mikeme.

Ezi me kamaghin akam ikaragha ghaze, "Bar dera. E datirighin ingangarir kam damuam." Me na mikemegha givagha, me ghua ingaramin bizibar kiri.

¹⁹Ezi Senbalat ko Tobia, ko Arebian gummazim Gesem, me bizar e damuamin akam baregha, me iza e dipova en ingarava aka kamaghin migia ghaze, "Ia tizim damuasa? Ia ua nguubar ekiamin divazir bar mitiar gavgavimin ingarasa, a? Ia ti ghaze, ia kamaghin damuva atrivim ko misogh an akam batogham."

²⁰Ezi ki kamaghin men akam ikaragha ghaze, "Godin Uan Nguibamin Itim, e an ingangarir gumaziba, an en akuraghti e ingangarir kam damigham. Ezi iarara, Jerusalem ian nguubar ekiam puvati. Fomira ian inazir afeziaba nguubar ekiar kamin ikezir puvati. Kamaghin amizi, ingangarir kam ian bizim puvati."

3

Me ua Jerusalemin divazir bar mitiar gavgavimin ingari

¹Ezi gumaziba ua Jerusalem avinizir divazimin ingari. Ofa gamir gumazibar dapanim Eliasip, ko ofa gamir gumazir igharaziba, tiar akar ekiar, me kamaghin diborim, Sipsipin Tiar Akam, me faragha an ingari. Egha me anegivagha, maghira God bagha inabazir danganimin Godin ziam fe. Egha gin me agasasa, tiar akamningin ingarigha a gasara. Egha me divazir ekiamin ingara ghua gumazir 100plan Apaniba Bagha Gara itir Taua ko Hananelin Tauan tu. Me anegivagha God bagha inabazir danganimin, maghira Godin ziam fe. ²Ezi Jerikon nguibamin gumaziba, ofa gamir gumazibar boroghin ingara divazir namin ingari. Ezi Sakur, a Imrin otarim, a gumazir maba ko ingara ghua, Jerikon gumaziba ingari naghin oto.

³Ezi Hasenan adarazi tiar akar ekiar kam, me kamaghin a dibori, Osiribar Tiar Akam, me faragha an ingari. Egha ter akiniba isa tiar akamin miriabagh asegha,

tiamin danganim da arigha tiam asamin loghin gavgaviba ko ainin ruariba isa, tiam dukumasa dagh arisi. ⁴Ezi Meremot gumazir maba ko divazir nar Osiribar Tiar Akam boroghin an ingara gavgavim a ganidi. Meremot a Urien otarim, egha Hakosin igavatarim. Ezi Mesulam gumazir maba ko, divazir nar igharazimin ingari, a Meremotin adarazi ingarizir divazir namin boroghin iti. Mesulam a Berekian otarim, egha Mesesabelin igavatarim. Ezi Sadok gumazir maba ko, divazir namin ingara ghua Mesulamin adarazi ingarizir divazir namin boroghin iti. Sadok a Banan otarim. ⁵Ezi Tekoan nguibamin gumaziba an nar mam Sadokin adarazi boroghin an ingara zui. Ezi Tekoan gumazir dapaniba, uari fava divazim faragha an garir gumazibar akaba baraghan aghua, kamaghin amizi, gumazir dapaniba uan dafaribar ingangaritam gamizir puvati.

⁶Ezi Pasean otarim Joiada, ko Besodean otarim Mesulam, aning gumazir maba ko, ingara ghua divazir kamin tiar akar mamin ingari. Me Jesanan Tiar Akam a garisi. Egha ter akiniba isa tiar akamin miriabagh asegha, tiamin danganim da arigha egha tiam asamin loghin gavgaviba ko ainin ruariba isa, tiam dukumasa dagh arisi.

⁷Ezi Gibeonin nguibamin gumazim Melatia, ko Meronotin nguibamin gumazim Jadon, ko Gibeonin nguibam ko Mispan nguibamin gumaziba, me divazir nam Joiada ko Mesulamin adarazir boroghin an ingara, ghua Yufretisin Fanemin vongin itir, provinsin gavmanin faragha zuir gumazir dapanimin dipenimin oto.

⁸Ezi Harhaian otarim Usiel, ko gumazir maba, divazir nam, Melatia ko Jadonin adarazir boroghin an ingari. Usiel, gumazir golin bizibar ingarir mam. Ezi Hanania ko gumazir maba divazir nam Usielin adarazir boroghin an ingara ghua Divazir Nar Bar Ekiamin oto. Hanania, a borer mughuriar aghuibar ingarir gumazir mam.

⁹Ezi Hurin otarim Refaia, gumazir maba ko, divazir nam Hananian adarazir boroghin an ingari. Refaia a Jerusalem itir distriughin akuar cuer mamin faragha zuir gumazir dapanim. ¹⁰Ezi Harumapin otarim Jedaia, ko gumazir maba divazir namin ingara an dipenimin boroghin oto. Ezi Hasapnean otarim Hatus, divazir nam Jedian adarazir boroghin an ingari. ¹¹Ezi Harimin otarim Malkia, ko Pahatmoapin otarim Hasup, gumazir maba ko divazir nam Hatusin adarazir boroghin an ingari. Egha me uaghan Tauan Bretba Tuer Danganimin divazimin ingari. ¹²Ezi Halohesin otarim Salum, divazir nam Harimin adarazir boroghin an ingari. Ezi an guiviba an akuragha an ingari. Salum, a Jerusalem

itir distrighin akuar igharazimin faragha zuir gumazir dapanim.

¹³ Ezi Hanun ko Sanoan nguibamin gu-maziba, Danganir Zarimin Tiar Akamin ingari. Egha tiامning isa tiamin danganim garigha egha tiam asamin loghin gavgaviba ko ainin ruariba isa, tiam dukumasa aning garisi. Egha me ghua divazir nar ekiamin, ingaravira ghua Tiar Akar Bizar Bar Miziriziba Akurir Danganimin oto, divazir nar kamin ruarim a 440 mitan tu.

¹⁴ Ezi Rekapin otarim Malkia, ko gumazir maba, Tiar Akar Bizar Miziriziba Akurir Danganim ua an ingari. Egha tiامning isa tiamin danganim garigha, egha tiam asamin loghin gavgaviba ko ainin ruariba isa, tiam dukumasa aning garisi. Malkia, a Bet Hakeremin Distrighin gumazir dapanim.

¹⁵ Ezi Kolhosen otarim Salum, a Mispan Distrighin gumazir dapanim. A gumazir maba ko, ua Mozir Pamin Tiar Akam, an ingari. Egha ter ararir naba inigha tiar akam avasa a gisín ivemín ingari. Egha tiامning isa tiamin danganim garigha, egha tiam asamin loghin gavgaviba ko ainin ruariba isa, tiam dukumasa aning garisi. Egha me ghua divazir nam Selan Dipar Akarer Muziarim boroghin an ingara zui. Divazir nar kam atrivimin azenimin boroghin iti. Egha me uam an ingara ghua Atrivim Devitin Nguubar Ekiamin ghuavanadir dagiar adidiamin oto. ¹⁶ Ezi Asbukin otarim Nehemia, a Betsurin Distrighin akuar mamin gumazir dapanim, a gumazir maba ko, divazir nam Salumin adarazir boroghin an ingara zui. Me divazimin ingara ghua, dipar akarer gumaziba ingarizim ko midorozir gumazir gavgaviba itir dipenimin boroghin oto.

Livain divazir bar mitiar gavgavimin ingangarimin faragha zuibar ziaba

¹⁷ Ezi Livain gumaziba divazir nar igharazibar ingari. Men ziabar kara: Banin otarim Rehum, ko Livain gumazir maba, divazir nam Nehemian adarazir boroghin an ingari. Ezi Hasabia, a Keilan Distrighin akuar mamin gumazir dapanim, a ko an distrighin itir Livain gumazir maba, divazir nam Rehumin adarazir boroghin, uam an ingari. ¹⁸ Ezi Henadatin otarim Bavai, a Keilan Distrighin akuar igharazimin gumazir dapanim, a ko an distrighin itir Livain gumaziba, divazir nam Hasabian boroghin uam an ingara zui. ¹⁹ Ezi Jesuan otarim Eser, a Mispan nguibar ekiamin gumazir dapanim, a Livain adarazir marazi ko, divazir nam Bavain adarazir boroghin an ingari. Ezi divazir nar kam ghua me midorozir biziba arizir dipenimin oto.

Danganir kamin, divazim bar sigharkonim ati, ezi me Sigharkonim a garisi. ²⁰ Ezi Sabain otarim Baruk, Livain igharaziba ko, divazir nam Eserin adarazir boroghin an ingari. Me bar gavgavigha pamtem an ingara Sigharkonimin ikegha ghua ofa gamir gumazibar dapanim Eliasipin dipenimin tiar akamin oto. ²¹ Ezi Urian otarim Meremot, an Hakosin igavatirim, a Livain maba ko, divazir namin ingara Eliasipin dipenimin tiar akamin ikegha, ingara ghua an dipenimin kuebamin tu.

Ofa gamir gumazir; divazimin ingangarim gamibar ziaba

²² Ezi ofa gamir gumazir maba, divazir nar mabar ingari. Jerusalemin boroghin itir ofa gamir gumaziba, divazir nam Meremotin adarazir boroghin an ingari. ²³ Ezi ofa gamir gumazimning Benjamin ko Hasup, ko marazi ua divazir nar ofa gamir gumaziba ingarizimin ikegha, an ingara ghua aningin dipenimin miriamin oto. Ezi ofa gamir gumazim Asaria, a Masean otarim, egh an Ananian igiavotirim, a marazi ko, divazir nam uan dipenimin boroghin an ingari. Ezi divazir nar kam, me Benjaminin adarazi ingarizir naghin suiragha, an ingara zui. ²⁴ Ezi ofa gamir gumazim Binui, an Henadatin otarim, divazir nam uam an ingara Asarian dipenimin boroghin ikegha ghua Sigharkonimin tu. ²⁵ Ezi ofa gamir gumazim Palal, a Usain otarim, marazir ko, divazir nam uam an ingara Sigharkonimin vongin ikegha ghua atrivimin dipenimin itir tauan tu. Tauan pin itir kam, a nguibar ekiamin garir gumazibar dipenimin boroghin tu. Ezi Parosin otarim Pedaia, marazi ko, divazir nar igharazim Palalin adarazir danganimin boroghin uam an ingari. ²⁶ Me divazimin ingara ghua, Dipaba Isir Tiar Akamin ko tauan gumaziba Godin Dipenim garimin tu. Tiar akar kam, aruem anadi naghin divazir nar kamin iti, ezi tauan kam aruem ghuaghiri naghin iti, ezi divazir me ingarizim, aningin tizimin iti. Divazir nar kam Ofelin boroghin iti. Danganir kam, Godin Dipenimin ingangarir gumaziba, an iti.

Divazimin ingarizir gumazir igharazibar ziaba

²⁷ Ezi Tekoan nguibamin gumaziba, divazir nam Pedaian adarazir boroghin uam an ingari. Kar dughiar namba 2in, me ua divazimin ingari. Divazir nar kam, me tauan ekiar Godin Dipenim boroghin itimin vongin ikegha ghua Ofelin divazimin tu.

²⁸ Ezi ofa gamir gumazir maba divazir nam uam an ingari, a notin amadaghan itir Hoziaba Zuir Tiar Akamin boroghin iti. Me vaghvaga divazir nar men dipenibar

boroghin itibar ingari.²⁹ Ezi Imerin otarim Sadok, marazi ko, divazir nar ofa gamir gumazir kabar boroghin uam an ingari. Kar, an dipenim boroghin itir divazir nam. Ezi Sekanian otarim Semaia, marazi ko, divazir nar mam Sadokin adarazi boroghin an ingari. Semaia, a Godin Dipenimin Aruem Anadi Naghin Tiar Akamin garir gumazim.³⁰ Ezi Selemian otarim Hanania, ko Salapin otarir namba 6 Hanun, aning gumazir maba ko, divazir nam Semaian adarazir boroghin an ingari. Aning divazir nam faragha an ingarigha, datirighin ua divazir ighazariz mam uam an ingari. Ezi Berekian otarim Mesulam, marazi ko, me divazir nam Hanania ko Hanunin boroghin an ingari. Me Mesulam dipenimin boroghin an ingari.

³¹ Ezi Malkia, a gumazir golin bizibar ingarim, a gumazir maba ko divazir nam Mesulam boroghin uam an ingara ghua, Godin Dipenimin ingarir gumazibar dipenimin tu. Dipenir kam, Godin Dipenimin dagiabar ingarir gumaziba uaghan an aven iti. Dipenir kam Godin Dipenimin tiar akamin vongin iti, me ghaze kar Uari Akuvamin Tiar Akam. Egha a divazir mikebamin, bar pin itir ghuriyamin boroghin iti.³² Ezi golin bizibar ingarir gumazibar ko dagiabar ingarir gumaziba, divazimin ingara divazir mikebamin bar pin itir ghuriyamin ikegha ghua Sipsipbar Tiar Akamin tu.

4

Nehemia apaniba abira

¹ Ezi Senbalat kamaghin oraki, e Judaba divazir kamin ingari. Ezi a puv atara dibovir akabar e gami.² A uan roroaba ko Samarian midorozir gumazibar damazimin a kamaghin migei, "Judan gumazir amiraghmirazir kaba tizim damuasa? Me ti ghaze, me nguivar ekiar kam uan anesaraghgam? Me ti ghaze, me uan God bagh ua ofabar amuam, a? Me ti ghaze, me Dipenir kamin ingarigh dughiar vamiran aven anegivagham? Me ti ghaze, me fomira isizir bizibar pozibar tongin, dagiaba inigh ua dar divazir aghuimin ingaram?"

³ Dughiar kam, Amonian gumazim Tobia, a Senbalatin boroghin tughav itima, a migirigiar kam gami. Ezi Tobia kamaghin migei, "Are, divazir me ingarir kam, a tugh gavgavighan kogham. Eughti afiar atiatam an ghuavanangti, divazim bar akarighiregham."

⁴ Gumazir maba iza Senbalat ko Tobian migirigiar gun na migei. Ezi ki God

ko migia kamaghin an azai, "O en God, ni akar kurar apaniba e gamiba barasi. Me pazav e gami, ki kamaghsua, ni ubi me ikarvagh. Ni me ateghtima okimakiar gumaziba men biziba okimiva, me inigh nguivar saghuiabar itibar mangiva, me isi kalabuziam datigh.⁵ Ni men osimtizim avaragh men arazir kuraba gin amangan marki. Guizbangira, me divazimin ingarir gumazibar damazimin akar dibovir kurabagh amua ni gamizi, nin aningagharmen iti."

⁶ Ki God ko mikemegha gifa, egha dughiar otevimin e bar navir averiamin even navir vamira ikia, pupura ingarima divazim ghuavanaga arighan ghu. Ezi an nar kamaghira tuzim ikiavira itima, e gin bar anegivagham.

⁷ Ezi Senbalat, ko Tobia, Arebian gumaziba, ko Amonia ko, Asdotia me kamaghin oraki, e Jerusalemin divazimin ingangarir aghuim gamua divazir dipiraghireziba e bar dar ingari. Ezi me pupura en atara ghuavira iti.⁸ Egh me uari inigh izi en ingangaribagh asighasigh e ko misoghamin akar mam akiri.⁹ Ezi e men nighnizim baraki, egha uarir akurvaghaha Godin azavira iti. E arueba ko dimagaribar uarir ganasa gumazir maba amisevegha, ingangarim me ganiga ghaze, apaniba e gasighasighan kogham.

¹⁰ E Judaba ingarir dughiam, e ighiar kam gami:

"Bizir e aterir kaba bar oseme.

Ezi en aghariba bar amira.

Dagiar ikuviziba bar aviraseme.

E manmagh divazir kamin ingaram?"

¹¹ Ezi en apaniba kamagh uariv gei, "E mogomebar mangi Judaba batoghti, me en ganighan kogham. Eughti e zuamira me misuegti, me arighiregham. Eughti me uan ingangarim agivaghan kogham."

¹² Apaniba kamaghin migeima, en Judan maraizi men boroghin ikia, zurara iza bizir apaniba e gasighasighasa amir bizibar gun e migei.*

¹³ Kamaghin amizi, ki afuziba ko midorozir sababa ko barir piba iniasi ingarir gumazibav gei, egh me uari inigh vaghvagh uan anababa ko iki. Egh mangi divazir nar me tighar ingaribar akirangin iki apaniba bagh mizuam iki.

¹⁴ Ki ghua gumazamiziba bar deravira men gara fo, me osemegha bar atiatingi. Kamaghin amizi ki dikavigha gumazir dapaniba ko, ingangaribar ganamin gumaziba ko, gumazamiziba bar, kamaghin me

^{4:4:} Onger Akaba 79:12; 123:3-4 * ^{4:12:} Hibrun akam deragha migirigiar kamin mingarim abighizir pupati.

^{4:14:} Godin Araziba 10:17; 2 Samuel 10:12

migei, "Ia apanibar atiatingan marki. Bizar ekiar kam, ia deragh a ginighnigh egh fogh, Ekiam bar gavgafi, ezi gumazamiziba bar an atiatingi. Kamaghin amizi, ia orakigh, ia uan namakaba ko amuiroghboribora ko dipeniba bagh deraghvira misogh gavgafgh."

¹⁵ Ezi gin apaniba kamaghin oregha fo, me e damuamimin biziba e dagh fos. Egha me fo, God men tuavim apirizi me e gasighasighan kogham. Kamaghin amizi, e Judaba bar uamategha ghua, vaghvaghua uan divazimin ingangarim bagha ghue.

¹⁶ Egha dughiar kamin e ingangarir arazim gira. Egha ki ingangarir gumazibav gia ghaze, tarazi divazimin ingarti, tarazi tugh apaniba bagh gan iki. Egh apanibar ganamin gumazir kaba, afuziba ko oraba ko barir pibar suiragh, midorozir korotiabar aghuigh. Ezi gumazir dapaniba deravira Judan gumazamizbar akurvasi. ¹⁷ Ezi gumazir divazimin ingariba, divazimin ingara zuir biziba dafarir mamin dar suigha, egha dafarir vuemin midorozir bizibar suiki. ¹⁸ Egha gumazir ingariba vaghvaghia midorozir sababa uan oghiriabagh aghui. Ezi sigham givir gumazim, zurara uan sighamin suigha apaniba bagha gara nan boroghin ikiavira iti.

¹⁹ Ezi ki gumazir dapaniba ko ingangarim garir gumaziba ko gumazamiziba bar, ki me migei, "Divazim bar en ruaragh ekefe. Ezi divazim bar ruarazi, e vaghvaghia saghuibar uari arigh ingaram. ²⁰ Kamaghin amizi, ia sigham baregh, ia fogh suam, apaniba izi. Kamaghin, ia bar zuamira na bagh izi uari akufagh. Eighti en God e bagh apaniba ko misogham."

²¹ Ki me mikemegha, e bar ua ingaravira ikia, arueba zurara dar mizarazibar ikia ghua aminim pirima, mikoveziba otivir dughiamin, marazi divazimin ingarima, marazi afuziba suigha apaniba bagha gari.

²² Dughiar kamin, ki kamaghin gumazamiziba ko men ingangarir gumazibav migei, "Ia garantizibar ingangarim agivagh, Jerusalem ataghiraghan marki, ia kagh ikiv an gan. E aruebar ingariva, dimagaribar divazimin ganam." ²³ E bar moghira kamaghin ami, dimagaribar e uan ingangarir korotiaba suer puvati. Ki uan roroaba ko ingangarir gumaziba ko midorozir gumazir zurara nan gin zuiba, en korotiaba en mikarzibar itima e akui. Dughiaba bar e uan midorozir bizibar suighizi da en dafaribara iti.

5

Nehemia Judabar osimtiziba akiri

¹ Dughiar maba givazi, gumazir aviriba, uan amuiba sara, me uan namakar Judan itiba pamtem me gimobi. ² Men marazi ghaze, "E borir aviriba itima, dagheba en otefe. E damamin dagheba puvatizi, e arimighiram."

³ Ezi marazi kamaghin migei, "Kar dagheba puvatizir dughiam. Kamaghin amizi, e daghebagh izezasa uan namakabar dagiar maba pura da ini. Ezi me ghaze, e da ikaraghan koghti, me en wainin azeniba ko dipeniba inighti, arazir kam, men bizir e inizibar ikarvaghram."

⁴ Ezi marazi kamaghin migei, "E atrivim bagh takisir dagiaba isi a daningasa, uan namakaba da dagiaba pura da ini. Ezi me ghaze, e ti dagiar kaba ikaraghan koghti, me en dagher azeniba ko wainin azeniba inigh izezir kam ikarvaghram. ⁵ Me, en adarazira, me osimtizir kam e ganingi. En boriba uaghan men boriba ko magh ghue. Me ti ghaze, me e gafira? Puvati, e bar magh ghue. E ua tuaviba puvatizi, en boriba men ingangarir gumazamizbar otifi. Ezi e men dagiaba ikarvaghhamin bizim bangin, en guivir maba uaghan men ingangarir amizibar otifi. Me uaghan en nguaziba ko wainin azeniba ini. Datirighin e uan guiviba ua me iniamin tuaviba puvati."

⁶ Ki gumazamizir kabar adarir akam baregha, nan navim bar oseme. ⁷ Ki osimtizir kam akirasa bar deravira nighnisi. Ki fo, gumazir dapaniba ko ingangaribar garir gumaziba, osimtizir kam gami. Egha ki kamaghin me migia ghaze, "Ia aveghbuuba ian dagiaba ikarvazir dughiamin, ia me da dagiar ekiabara isi." Kamaghin ki osimtizir kam akirasa gumazamiziba, bar men diazi me iza uari akufa.

⁸ Me uari akuvazi ki kamaghin me migei, "Ia bar fo, en gumazamizitaba, ikizir igharazimin pura ingangarir gumazir kinibar ikitima, e ua me givezisi pamtem ingar, dagiar rurir dafabar amuam. Ezi datirighin, ia uan namakabar paza me gamua, me ataghizi, me pura ingangarir gumazamizir kinibar min iti, ezi me e givesi." Ki kamaghin me migeima, gumazir dapaniba nimira ikia akatam ikarazir puvati.

⁹ Ki ghaze, "Arazir ia amizim, derazir puvati. Ia Godin atiating egh an apengen ikiva, arazir aghuibr gin mangi. Ia kamaghin damuti, en apaniba dibovir akabav kiman koghiva, en araziba dikabinan kogham. ¹⁰ Ki uan adarazi ko uan ingangarir gumaziba, e gumazamizir kaba ataghizi, me pura e da dagiaba inigh, tuavir kamin dagheba ko dagiaba ini. Kamaghin amizi, me ua da ikarvaghs me mikiman kogham. ¹¹ En dagiaba

me ua da ikarvaghan marki. Me wit ko olivin borem ko wainin dipaba, kar me e da inizir biziba, me ua da ikarvaghan marki. Egheti, men nguaziba ko wainin azeniba ko olivin azeniba ko dipenir ia me da iniziba, ia ua me daning.”

¹² Ezi gumazir dapaniba ghaze, “E ni mikemezi moghin damu men biziba me danigh, ua me da bitezit amian kogham.”

Ezi ki ofa gamir gumazibar diazi, me izi. Ezi ki ghaze, “Ia gumazir dapaniba, ofa gamir gumazibar damazimin akar gavgavir kam akirigh, akar ia amizir kam deravira an gin mangi.” Ezi me akar gavgavim akiri.

¹³ Ezi ki uan ivariam gikeyzir inim firigha a guraguraghizi an itir biziba ire. Ezi ki ghaze, “Gumazitam uan akar dikirizimin gin mangan koghti, God an dipenimin biziba ko an ingangarimin dagheba sara, a da guragureghti, a inir kamin min pura ikiam. Mati ki inir kam guraguraghizi a pura iti moghin, gumazir kam biziba puvatigh pura ikiam.”

Ezi gumazamiziba bar kamaghin migei, “Bar guizbangira,” egha me Ikiavira Itir Godin ziam fe. Egha gin me akam akirizzi moghin me deravira bizar kabagh ami.

Nehemia uabira uabin akurvaghosa nighnizir puvati

¹⁴ Ki 12plan azenibar Judan gavmanin faragha zuir gumazir dapanimin iti. Ezi dughiar kamin, Atrivim Artaserksis 20plan azenibar atrivimin ikia ghua, 32plan azenibar oto. Ezi azenir kabar ki uan adarazi ko e dagiar atrivim daghebagh iveauza aningiziba inizir puvati. ¹⁵ Gavmanin faragha zuir gumazir dapaniba, me nan faragha otogha gumazamiziba osimtiziba me ganidi. Me, dughiaba bar dagheba ko wainin dipaba ko 40plan silvan dagiaba, me dama da isi. Ezi uaghan men ingangarir gumaziba gumazamiziba dikabiri. Ezi, ki Godin atiatia an apengen iti, kamaghin amizi ki arazir kam damuan aghua.

¹⁶ Egha ki uan adarazi ko, nguazitam givezezir puvati. Ki uan gavgavibar da isa, ingangarir gumazibar akuragh, Jerusalemin divazimin ingari. Ezi nan dipenimin ingarir gumazibar uaghan, ingangarir gumazibar akurvaghha divazimin ingari.

¹⁷ Dughiaba bar 150plan gumaziba iza nan dipenimin dagheba api. Kar gumazir dapaniba ko Judabar gumazamiziba. Ezi Kantrin Igharazibar Gumazamiziba men gara, uaghan iza nan dipenimin dagheba api. ¹⁸ Ezi ki isair gumazibar gia ghaze, Dughiaba vaghvagh ia bulmakaun vamira ko, 6plan sipsipin igiar aghuiba ko, tuarir aviriba ia dav sogh isam. Egh ia dughiar 10plan vaghvagh wainin dipar aviriba

inigh izi. Ki fo, Judan gumazamizir aviriba osimtizir ekiam iti. Kamaghin amizi, gumazir dapanim na ganingizir dagheba givezamin dagiaba, ki me dama da inian aghua. Ki uabi uan dagiabar daghebagh ivesi.

¹⁹ O God, ki nin azangsisi, ni arazir aghuir ki gumazamizir kabagh amizir kam nighnigh deraghvira na damu.

6

Gumazir maba Nehemia gasighasighasa akam akiri

¹ Ezi Senbalat, Tobia, Arebian gumazim Gesem ko en apanir ighazarir maba orazi, e divazim agivaghha an tiar akaba tighar dar ingar, dar danganiba dar arigham.

² Kamaghin amizi Senbalat ko Gesem me na bagha akam amaga ghaze, ni izi Onon Danganir Zarimin nguibar mamin ga bativam. Ezi ki fo, aning na gifaragh na gasighasighasa. ³ Egha ki aning bagha akam amaga ghaze, ki ingangarir bar ekiar mam gami, kamaghin amizi, ki izeghan kogham. Ki guan gansi pura ingangarim ateghi, ingangarir gumaziba ti ingangarim ategh egh ingarighan kogham. Bar puvatigham.

⁴ Ezi me migirigiar kamra 4plan dughiar na bagha anemada. Ezi ki uaghan amizir migirigiar kamra me bagha anemadi.

⁵ Ezi Senbalat namba 5in dughiamin ua na bagha akinafarim osirigha, uan ingangarir gumazim ganingizi an a inigha na bagha ize. Dughiar kamin, an akinafarir kam, bitezitam a noghezir puvati, a pura na bagh anemada. ⁶ Akinafarir kam kamaghin migei:

“Ki Senbalat, ki Gesem barazima, a kamaghin migei, en boroghin itir gumazir maba migirigiar mam gamizi an oto. Migirigiar kam kamakin: Ni ko Judan gumazamiziba atrivimin apengen ikian aghuaghha, uari baghvira gumazir dapanim amiseveghti a misoghasa. Bizar kam bagha ia divazimin ingari. Egh ni uabi uabi damigh atrivimin otoghasava ami. ⁷ E orazi, Ni Godin akam inigha izir gumazibav mikemezi me Jerusalemin akam akun mikim suam, Judaba atrivir mam iti. Ki akavsiar kamin mingarim gifoghasa, kamagh ifonge. Ki foghti, atrivim uabi akar me ni mikemezir kam baregham. Kamaghin amizi, ga uaning akuvagh migirigiam akirigham.”

⁸ Ezi ki an akinafarim ikaraghha ghaze, “Ni osirizir akaba guizbangin akaba puvati. Ni uan nighnizimin da osiri.”

⁹ Ki fo, me atiatim e daningt i ingangarim ategh anevaghan koghasa, me akar kam

gami. Egha ki Ikiavira Itir Godin azai, "Ki fo Nirara gavgavim na daningti, ki ingangarim damuam."

¹⁰ Egha gin ki ghua Semaian gari, a Delaian otarim, Mehetabelin igavatarim, a uan dipenim ateghan kogham. Egha a kamaghin na migei, "Ga fo, apaniba dimagarinim izi ni misueghti ni aremegham. Kamaghin, ga mangi Ikiavira Itir Godin Dipenimin Anogoroghezir Danganimin mangi modogh, tiar akaba aseka."

¹¹ Ezi ki an akam ikaragha ghaze, "Ki, atiatia ara modir gumazim puvati. Ki uabin akurvaghsı arimangi Ikiavira Itir Godin Dipenimin modoghan kogham. Bar puvati."

¹² Egha gin ki nighnigha ghua, egha kamaghin fo, Ikiavira Itir God akar kam Semaia ganingizir puvati. Guizbangira, Tobia ko Senbalat migirigiar kam damuasa a givese. ¹³ Aning nighnigha ghua ghaze, Semaia akam na daningti, ki mangi Dipenir kamin itir Anogoroghezir Danganimin mangi arazir kuram damuam. Guizbangira, me nan ziam gasighasigh aghumsizim na daningasa, a givese.

¹⁴ Dughiar kamin, ki God ko migia ghaze, "O God, ni nan God, ni Senbalat ko Tobia na gamizir arazim ginighnigh, iveauzir kuram isi aning daningigh. Ezi uaghan akam inigha izir amizim Noadia ko akam inigha izir gumazir igharaziba, me atiatir nighnizibar na damuasava ami, kamaghin ni men arazim ginighnigh iveauzir kuram isi me daningigh."

Divazir mitiar bar gavgavim ingangarim gifa

¹⁵ E 52plan dughiarbar ingara zuima, Elulin iakinimin an dughiar 25plan otozima, Jerusalem avinizir divazir mitiar gavgavim ingangarim gifa. ¹⁶ Ezi kantrin en boroghin itiba ko en apaniba orazi, e divazimin ingangarim agifa. Egha me fo, en God en akurazi e ingangarir kam gami. Me uaghan fo, arazir kurar me e damuamiba bangin, men ziaba gumazir igharazibar damazimin irezima me aghumsigha atiati. ¹⁷⁻¹⁸ Dughiar kam, Judan gumazir dapanir Jerusalem itir maba, Tobia ko navir vamira iti. Tobia faragha Sekanian guivimin iti, Sekania an Aran otarim. Ezi uaghan Tobian otarim Johanan, a faragha Mesulamin guivimin iti, Mesulam a Berekian otarim. Kamaghin amizi, dughiar e divazimin ingarimin, gumazir dapanir kaba Tobian akurvaghsha, a bagha akinafariba osirigha, a bagha da amadima, a me ikarvagha akinafariba me bagha da amadi. ¹⁹ Ezi dughiar maba gumazir dapanir kaba iza, Tobian arazir aghuimin gun na migei. Egha gin ki me migeir akaba

inigha ghua Tobia migei. Ezi Tobia atiatim na daningasa akinafarir kaba osiravira iti.

7

¹ Datirighin divazimin ingangarim givazima, e an tiar akaba dar danganibar da arigha, uaghan Jerusalemin tiar akabar ganamin gumaziba misefe. Egha e uaghan Livain gumaziba ko gumazamizir Godin ziam fiva, ighiabar amuamiba sara misevegħha, ingangarim isa me ganingi.

² Egha ki Jerusalemin ganamin gumazir pumuning amisefe. Gumazir mam, a nan aveghbu Hanani, ezi mav Hanania a midorozir gumazibar faragħa zuir gumazim. Hanania gumazir bar aghuim, a guizbangira Godin atiatia an apengan itima, an araziba gumazir igharazibar arazibagh afira. ³ Ezi ki aning migia ghaze, "Gua Jerusalemin tiar akaba bar mizaraghha da kuan marki. Gua mizuam mangi aruem anabogħti ia da kuigh. Egho ħażżeġ ġuġibam garir gumaziba garantizibar ingangarim givagħti, me tiar akaba pamtemin da asegh, egh amin īgugun irruariba dav kinigh. Egh bizibar gansi uaghan Jerusalemin gumazitaba amisefegħ. Egh ua gumazitaba amisevegħti, me uaghan uan dipenibar borogħin divazimin gan."

*Israelian ua Jerusalemin
izezibar dibobonim
(Esra 2:1-70)*

⁴ Jerusalemin ġuġibam, a ġuġibar bar ekiam. Ezi gumazamizir aviriba an itir puvati. Egha me uaghan an aven dipenir aviriba tighar dar ingaram. ⁵ Kamaghin amizi, God nighnizim na ganingizi, ki gumazir dapaniba ko gavmanin īngaribar gumaziba ko gumazamizibar bar me akuvagh men ziaba akinafarim da osirigham. Ki kamaghin damuasava amua faragħa, Babilon ategħa ua Judan izezibar ziabar ganasa, men ziaba itir akinafarim buri. Egha batogħa ziar kabar api:

⁶ Bar fomira Atrivim Nebukatnesar Israelian aviriba inigha Babilonin kalabus gati. Ezi me azenir aviribar kalabusin iti. Egha gin gumazamizir avirim Babilon ategħa iza, Jerusalem ko Judan danganir mabar iti. Me vagħvagħha ua uan inazir afeżżeż ħażżeġ ġuġibam igejha. ⁷ Babilon ategħa ua izezibar gumazir dapanibar ziabar kara: Serubabel, Josua, Nehemia, Asaria, Ramia, Nahamani, Mordekai, Bilsan, Misperet, Bikvai, Nehum, ko Bana.

Israelian anababar adarazir kalabus ategħ uamategħi Jerusalemin mangamiba, men ziaba ko men dibobonim kara.

⁸⁻²⁵ Israelian anababar ikiziba, me Babilonin ġuġibam ategħa uamategħha uan

nguibamin izeziba, men ziaba ko men dibobonibar kara:

Parosin ovavir boribar gumaziba, men dibobonim 2,172 in tu.

Ezi Sefatian ovavir boribar gumaziba, 372.

Ezi Aran ovavir boribar gumaziba, 652.

Ezi Pahatmoapin ovavir boribar gumaziba, 2,818. (Me Jesua ko Joapin ikizimningin ovavir boriba.)

Ezi Elamin ovavir boribar gumaziba, 1,254.

Ezi Satun ovavir boribar gumaziba, 845.

Ezi Sakain ovavir boribar gumaziba, 760.

Ezi Binuin ovavir boribar gumaziba, 648.

Ezi Bebain ovavir boribar gumaziba, 628.

Ezi Asgatin ovavir boribar gumaziba, 2,322.

Ezi Adonikamin ovavir boribar gumaziba, 667.

Ezi Bikvain ovavir boribar gumaziba, 2,067.

Ezi Adinin ovavir boribar gumaziba, 655.

Ezi Aterin ovavir boribar gumaziba, 98. (An ziar mam, Hesekia.)

Ezi Hasumin ovavir boribar gumaziba, 328.

Ezi Besain ovavir boribar gumaziba, 324

Ezi Haripin ovavir boribar gumaziba, 112.

Ezi Gibeonin ovavir boribar gumaziba, 95.

26-38 Kar Judan nguibabar ziaba, gumazir uamategha Judan izeziba, men inazir afeziba nguibar kaba fomira dar ike, ezi men ovavir boriba datirighin uamategha izegha dagh apia. Nguibabar ziaba ko gumazibar dibobonibar kara:

Betlehem ko Netofan nguibamningin gumaziba, 188.

Ezi Anatotin nguibamin gumaziba, 128.

Ezi Bet Asmavetin nguibamin gumaziba, 42.

Ezi Kiriati Jearimin nguibam ko Kefiran nguibam ko Berotin nguibamin gumaziba, 743.

Ezi Rama ko Geban nguibamningin gumaziba, 621.

Ezi Mikmasin nguibamin gumaziba, 122.

Ezi Betel ko Ain nguibamningin gumaziba, 123.

Ezi Nebon igharazimin nguibamin gumaziba, 52.

Ezi Elamin igharazimin nguibamin gumaziba, 1,254.

Ezi Harimin nguibamin gumaziba, 320.

Ezi Jerikon nguibamin gumaziba, 345.

Ezi Lot ko Hadit ko Onon nguibabar gumaziba, 721.

Ezi Senan nguibamin gumaziba, 3,930.

39-42 Kar ofa gamir gumazibar ikizir uamategha Jerusalemin ghueziba, men gumazibar ziaba ko men dibobonibar kara:

Jedaijan ikizim, men inazir afeziam Jesua, an gumaziba, 973.

Ezi Imerin ikizimin gumaziba, 1,052.

Ezi Pasurin ikizimin gumaziba, 1,247.

Ezi Harimin ikizimin gumaziba, 1,017.

43-45 Ezi Livain anabamin adarazir uamategha Jerusalemin ghueziba, men ziaba ko men dibobonibar kara:

Jesuan ikizim ko Katmielin ikizimin gumaziba, 74. (Ikizir kamningin inazir afeziam, Hodavia.)

Ezi Godin Dipenimin onger akabar faragha zuir gumaziba, 148. (Ikizir kamin inazir afeziam, Asap.)

Ezi Godin Dipenimin tiar akar ekiamin garir gumaziba, men ikizibar gumaziba, 138. (Men inazir afeziabar ziabar kara: Salum, ko Ater, Talmon, Akup, Hatita, ko Sobai.)

46-56 Ezi Godin Dipenimin ingangarir gumazir uamategha Jerusalemin ghueziba, men ikizibar ziabar kara:

Siha ko Hasufa, Tabaoet,
Keros, Sia, Padon ko,
Lebana, Hagaba, Salmai ko,
Hanan, Gidel, Gahar ko,
Reaia, Resin, Nekoda ko,
Gasam, Usa, Pasea ko,
Besai, Meunim, Nefusesim ko,
Bakbuk, Hakufa, Harhur ko,
Baslut, Mehida Harsa ko,
Barkos, Sisera, ko Tema ko,
Nesia ko Hatifa.

57-59 Ezi Solomonin ingangarir gumazibar ovavir boribar ziabar kara, me uaghan uamategha Jerusalemin ghue:

Me Sotai ko Soferet ko Perida
Jala, Darkon, Gidel ko,
Sefatia, Hatil, Pokeret, Hasebaim ko
Emon.

60 Godin Dipenimin ingarir gumazibar ovavir boriba, ko Solomonin ingangarir gumazibar ovavir boriba, men dibobonim kara, 392.

61-62 Ezi Delaian ikizim, ko Tobian ikizim, ko Nekodan ikizim, men gumazibar dibobonim, 642. Men nguibabar kara: Telmela, ko Telharsa, Kerup, Adon ko Imer. Gumazir kaba uari uan inazir afeziabar ziabagh fozir puvati. Kamaghin amizi, me

deravira gumazir dapanibar uari akaghan kogh suam, me guizbangira Israelian adarasi, o puvati.

63-64 Ezi ofa gamir gumazibar ikizir kaba, me ziaba itir akinafarinmin aven gara, dar tongin uan inazir afeziabar ziaba buria dar apizir puvati. Kamaghin amizi, me deragha uarigh fozir puvati, me guizbangira ofa gamir gumaziba, o puvati. Men ziabar kara, Habaia, Hakos, ko Barsilai. Barsilain ikizimin inazir afeziat fomira Gileatin Distrighin Barsilain ikizir igharazimin amizimin ike. Egha gumazir kam, uan amuimin afeziatmin ziam ini. Gumazir 3plan kabar ikiziba, uan inazir afeziatmin ziatamin apizir puvatizi, gumazir dapaniba ghaze, me ofa gamir gumaziba puvati, me pura gumazir kinibar min iti. ⁶⁵ Ezi Judan gavmanin gumazir ekiam God bagha ofa gamir daghebar aman men anogoroke. A ghaze, me pura iki mangiti ofa gamir gumazitam otogh, Godin ifongiam gifoghs, Urim ko Tumimin dagiamningin satu gikararang egh suam, me guizbangira ofa gamir gumaziba, o puvati.

66-69 Israelian gumazir uamategha ghueziba bar moghira, men dibobonim 42,360in tu.*

Ezi men ingangarir gumaziba ko men ingangarir amizibar dibobonim, 7,337.

Ezi men onger akabar faragha zuir gumazamizibar dibobonim, 245.

Ezi hoziaba, 736.

Ezi kamelba, 435.

Ezi donkiba, 6,720.

Ezi donkin apuriba ko hoziar amebabauarik otezir nguziba, me mul dagh arisi, egha me 245plan mulba inigha ize.

70-72 Egha Israelia izi Godin Dipenimin otivigha, men gumazir dapanir maba, Godin Dipenim uam an ingarasa uan biziba isa, ofan min puram akurvaghosa ada aningi. Me danganir Godin Dipenim fomira itimin an ingaram. Gavmanin faragha zuir gumazim gol aningi, an osimtizim 8 kilogrem tu. Egha 50plan itarir golba, ko 530plan ofa gamir gumazibar korotiaba aningi. Ezi ikiziba bar vaghvaghya men gumazir dapaniba, 168 kilogrem gol, ko 1,250 kilogrem silva, da aningi. Ezi gumazamizir igharaziba, 168 kilogrem gol, ko 140 kilogrem silva ko 67plan ofa gamir gumazibar korotiaba aningi.

⁷³ Ezi ofa gamir gumaziba ko, Livaiba, ko Godin Dipenimin tiar akar ekiamin garir gumaziba ko, Godin Dipenimin onger akabar faragha zuir gumazamiziba, ko Godin Dipenimin ingarir gumaziba, ko Israelian gumazamizir igharaziba, me bar moghira uan ngubiar men inazir afeziaba fomira inigha apiazibaram apiaaghav iti.

Ezi dughiar kamin, iakinir namba 7 oto.

Esra Godin ziam famin arazibar gumazamizibar akurvashi

8

(Septa 8-10)

*Esra Moses Osirizir Arazibar
Akinafarin gumazamiziba bagha a dibori*

¹⁻² Iakinir namba 7in an dughiar faragha zuimin, Israelian gumazamiziba bar Jerusalemin nguibamin iza, Dipaba Isir Tiar Akamin uari akuvir danganimin uari akufi. Egha Moses Osirizir Arazibar Akinafarin inigha izasa ofa gamir gumazim Ezra, an azai. A Judan Arazibagh fozir gumazibar mav. Akar kam fomira Ikiavira Itir God Israelia bagha a isa Moses ganingizi, an an osirizi an akinafarinmin iti. Dughiar kamin, gumazamiziba ko borir akaba baraghamin fofozim itiba, me bar foghassa iza uari akufa. Ezi Esra Akinafarin Kam inigha me uari akuvir naghin ghu.

³ Egha a bar mizaraghara, me Dipaba Isir Tiar Akamin boroghin tugha, gumaziba ko amiziba ko boriba bagha akar kam dibora ghua aruer arizimin tu. Ezi me kuariba arigha Moses Osirizir Akar Gavgavibar Akinafarin kam basari.

⁴ Me faragha ter ararir maba inigha Esra tuiv akam diponasa osazarir mamin ingari. Kamaghin amizima Esra datirighin a gisin tugha akam diponasa. Dughiar kamin, gumazir maba an agharir guvimin tuivighav iti, men ziabar kara: Matitia, Sema, Anania, Uriia, Hilkia, ko Masea. Ezi igharazir maba an agharir kiriamin tuivighav iti, men ziabar kara: Pedaia, Misael, Malkia, Hasum, Hasbadana, Sekaraia, ko Mesulam.

⁵ Osazarir a tuzir kam, a mong pin iti, egheti gumazamiziba deragh an ganti, an akar kam diponam. Me an garima, an Akinafarin tuima, me bar moghira dikavigha tuifi. ⁶ Ezi Esra ghaze, “E Ikiavira Itir Godin ziam fam. A Godin Bar Gavgavir Ekiam Itim.”

Ezi me bar aghariba fegha ghaze, “Bar guizbangira! Bar guizbangira.” Egha me iteviba apirigha dapaniba avigha guaba

^{7:65:} Godin Araziba 33:8 * ^{7:66-69:} Migirigar otevir kamin akar mam datirighin Hibrun akamin itir puvati. Ezi e garima, migirigar kam mati Esra 2:66-67in voroghira ghu. Kamaghin ami, fofozir gumaziba ghaze, a ti fomira ikegha datirighin itir puvati. ^{7:73:} 1 Eghaghaniba 9:2; Nehemia 11:3

nguaziminakuigha Ikiavira Itir Godin ziam fe.

⁷ Egha me ua tuivima, Esra akar kam dibora an gun me migeima, Livaiba akar kamin mingarimin gun me geghari. Livaiba ziabar kara: Jesua, Bani, Serebia, Jamin, Akup, Sabetai, Hodia, Masea, Kelita, Asaria, Josabat, Hanan, ko Pelaia.

⁸ Ezi Esra Godin Akinafarir kam a dibori, ezi Livaiba aghumra akam gighi an mingarim abighti, gumazamiziba fogham.

⁹ Gumazamizir kaba Akinafarir kamin aven itir akam baregha, men naviba bighizi me aziava arai. Ezi gavmanin faragha zuir gumazim Nehemia ko, ofa gamir gumazim Esra ko, Livain anabamin gumazir men sure gamiba, me gumazamizibavgia ghaze, "Kar Ikiavira Itir God, ian God, a baghavira itir dughiar ekiam. Kamaghin amizi, ia naviba osemech arangan marki."

¹⁰ "Ia uan dipenibar mangi, isar ekiabar amu asizir aghuiba ko wainin isingtizim ami. Egh daghetaba ko wainin taba isi gumazir dagheba puvatizibar aning. Kar Ikiavira Itir Godin dughiar ekiam, kamaghin ian naviba osiman marki. Ikiavira Itir God bagha bar akongezir arazim, a gavavim daningam."

¹¹ Ezi Livaiba gumazamizibar tongin aruava, me migia navir amirizim me ganidi. Me ghaze, "Kar Godin dughiar ekiam. Kamaghin, ia naviba osiman marki, egh nimira iki navir amirizim iki."

¹² Kamaghin amizi, gumazamiziba uan dipenibar ghuegha, apava wainin dipaba apava, bar akuegha egha dagher naba isa gumazir dagheba puvatizibagh anidi. Me datirighin Godin Akamin mingarir kam gif, egha me bizir kabagh ami.

Averpenibar Ikiamin Dughiar Ekiam

¹³ Amimzaraghan, Israelian ikiziba bar dar gumazir dapaniba ko ofa gamir gumaziba ko Livaiba, me Godin Arazibar aven Akar Gavgavibar mingarim gifoghasa Esra bagha zui. ¹⁴ Ikiavira Itir God fomira Israelia bagha uan Araziba isa Mosesin agharim gatizi, ana da osiri. Me datirighin Moses Osirizir Arazibar gari, akar mam an aven iti. Akar kam kamaghin, iakinir namba 7 otoghti, dughiar kam otoghti Israelia bar averpenibar aven iki, egh Averpenibar Ikiamin Dughiar Ekiam damuam. ¹⁵ Kamaghin amizi, me Jerusalem ko ngubar igharazibar gumazamiziba bagha akam amaga ghaze, "Ia mighsiabar mangi olivin temebar aghariba ko dar dafariba ko ter guar avirir dafarir aviriba itiba inigh izi uari bagh averpenibar ingar. La Moses Osirizir Arazibar aven akar kamin gin mangi bizir kabar amu."

¹⁶ Ezi gumazamiziba ghua ter dafariba inigha iza uan averpenibar ingari. Marazi uan dipenir siriar baravibagh isin dar ingari, ezi marazi uan dipeniba avinizir divazibar aven dar ingari, ezi marazi Godin Dipenim avinizir divazim aven dar ingari, ezi marazi Dipaba Isir Tiar Akam ko Efraim Tiar Akam boroghin uari akuva itir danganibar dar ingari. ¹⁷ Gumazamizir Babilon ategha uan nguibamin izeziba, me bar uari bagh averpenibar ingara egha dar iti. Bar fomira Nunin otarim Josuan dughiamin, Israelia kamagh garir averpenibar ingarigha, dar aven ikia isar kam gami. Ezi Josua aremezima, me gin arazir kam uam a gamir puvati. Israelia datirighin uam arazir kam gamua men naviba bar akonge.

¹⁸ Egha me 7plan dughiar isar kam gami, an dughiar farazimin ikegha ghua dughiar abuananamin, Esra Godin Arazibar Akinafarimin aven akaba dibori. Ezi dughiar namba 8 otozi, me uari akuvagha dughiar kaba agivasa, Godin ziar ekiam fe, mati bizir a damuasa mikemezi mokin.

9

Gumazamiziba uan arazir kurabar gun migei

¹ Ezi iakinir kamra, an dughiar 24in, Israelia uari akufi. Egha me kamaghin uari Godin akaghaha, me guizbangira uan arazir kuraba bagha osemecha, dagheba ataki. Egha azirakar korotiar bibiziba aghuigha, nguazir mineziba isa uan dapanibar da kavamadi, egha tuavir kamin, me Godin akaghaha, me bar oseme. ² Israeliyan gumazamizir kaba Kantrin Igharazibar Gumazamiziba ko pozir arazim ategha gifa. Egha me tuiva uan arazir kuraba ko uan inazir afeziabar arazir kuraba sara gun migei. ³ Gumazir maba 3plan auan tuivigha Ikiavira Itir Godin Arazibar Akinafarimin akaba dibori, a men God. Ezi gumazamizir kaba kuariba arigha da basri. Egha gin, me ua 3plan auan, uan arazir kurabar gun God migia, an ziam fe. A men Ikiavira Itir God.

⁴ Livaiba akam akurir dakozimin ghuavanadir adidiamin tuivighav ikiava, akam akura pamtemin Ikiavira Itir God, men Godin dia an azangssi. Men ziabar kara: Jesua, Bani, Katmiel, Sebania, Buni, Serebia, ko Banin igharazim ko Kenani. ⁵ Livain marasi, men ziabar kara: Jesua, Katmiel, Bani, Hasapnea, Serebia, Hodia, Sebania, ko Petahia, me Ikiavira Itir God ko mikimasa gumazamizibavgia ghaze, "Ia dikavigh Godin ziam fi, a ian Ikiavira Itir God, e zurara an ziam fi mamaghira ikiam."

Gumazamiziba uan arazir kuraba gin amangasa God ko migei

⁶ Gumazamiziba kamaghin God ko migia ghaze:

“Ni uabira ni Ikiavira Itir God. Ni oveiram ko mikoveziba ko nguazim ko ongarim ko bizar bar adar itiba, ni bar dar ingari. Ni angamira itir ikirimirim bar dagh aningi. Nin Nguibamin itir enselba iteviba apira nin ziam fe.

⁷ “O God, ni Ikiavira Itir God, Abram Babilonin kantrin itir nguibam, Urin itima, nirara a inigha kagh ize. Egha ni ziar kam Abraham a gati. ⁸ Ni an navim ko nighnimizim ganigha fo, a ni baghavira iti. Kamaghin amizi, ni a ko Akar Dikirizir Gavgavim gamua ghaze, Ni nguazir kam a daningam, kar Kenania ko Hitia ko Amoria ko Peresia ko Jebusia ko Girgasian nguazim. Ni ghaze, Nguazir kam, ni a bagha inabazir nguazim, ehti an ovavir boriba an ikiam. Nin araziba bar dera, ehti ni uan akar dikirizir kam abighan kogham. Kamaghin ni uan akar dikirizimin gin ghu.

⁹ “Ni fomira en inazir afeziaba Isipin kantrin itir dughiam, me osimtzizir ekiabar aven itima, ni men gari. Ezi me Isip ategha Ongar Aghevimin otozir dughiam, me uarir akurvaghosa nin arai, ezi ni men ararem baraki. ¹⁰ Ni fo, Isipia nin gumazamiziba abinigha paza me gami. Kamaghin, ni mirakelin gavgavibagh amua Isopian atrivim ko gavmanin ingangarir gumaziba ko an kantrin itir gumazamiziba, ni uan gavgavir ekiam men akakasi. Me dughiar kamin ziar ekiam ni ganiga iza datirighin oto. ¹¹ Ni mikemezi, ongarim bigha akuar pumuningin irizi, nguazir midiarir tuavim otozi nin gumazamiziba ghua vongin oto. Ezi Isipin midorozir gumaziba nin gumazamizibar agiragh zauma, ni ongarir bar konim gamizi, a me avarazi me dagtabar min iraghue. ¹² Ezi aruebar ni ghuarier ruarir ekiamin ikia zuima, me nin gin zui. Ezi dimagaribar ni avimin aven ikia zuima, nin angazangarim tuavim men akakazima me zui.

¹³ “Me Sainain Mighsiamin otozi, ni uan Nguibamin ikegha me bagha iza-aghira me migei. Egha bizar ni damuasa mikemeziba ko, Guizin Araziba ko, arazir ni ifongeziba ko, Akar Gavgaviba me ganingi. ¹⁴ Ni men sure gamua ghaze,

Sabat, kar nan dughiamra. Egha ni uan Akar Gavgaviba ko arazir ni ifongeziba ko, nin Araziba, ni da isa uan ingangarir gumazim Moses ganingi, ezi a gumazamizibag aningi.

¹⁵ “Ezi gin mitiriam men azima, ni uan Nguibamin daghem me ganidima, me anepi. Ezi kuarim men pirima, ni dagiamin otivir dipam me ganidima, me anepi. Ezi nguazir kam, ni fomira me daningasa akam akirizim, ni datirighin me migia ghaze, me an aven mangi nguazir kam inigh a gativagham.

¹⁶ “Ezi en inazir afeziaba, nin akaba baraghizir puvatigha, uari fa nin akam batogha, an gin zuir puvati. ¹⁷ Me nin akabar gin mangan aghua. Me mirakelin gavgavir ni men tongin amiziba, me bar da gin amada. Me uari fa puv akaba batogha, ua Isipin mangi ua kalabuziar ingangaribar amusa, men faragha zuir gumazim, me uari bagha anemisefe. O God, ni nguazir kamin gumazamizibar arazir kuraba gin amadi. Ni en kuarkuvigha e gifuegha deragha e gami, egha bar nimira nimira en atari. Nin apangkuvir arazim ekevegha, ni en inazir afeziaba akirim me gasarazir puvati.

¹⁸ “Dughiar mam me golba inigha da tuezzi da isigha ameregha dipam ara. Ezi me da isa mozir me bulmakaun nguzimin nedazimin min, nguzir kuizim, a fugha bulmakaun nguzimin ingari. Egha me ghaze, kar en god, a Isipin kantrin e inigha ize. Arazir kamin, me puvira nin ziam gasighassis.

¹⁹ “Me kamaghin ami, ezi ni bar men apangkufi, egha me ataghizi me gumazamizibar puvatizir danganir kamin pura itir puvati. Ni me da ghuarier ruarir ekiam tuavim men akakazir kam inizir puvati. Egha uaghan ni me da, tuavim akakazir avir, dimagarimin angazangarim me dama a inizir puvati. ²⁰ Ni, deragh ikiasi, uan Duar Aghuim isa me ganidima, a men sure gami. Egha uaghan men garima, mitiriam men azima, ni manan daghem me ganidi. Egha men garima, kuarim men pirima, ni dipam me ganidi. ²¹ Ezi 40plan azenir kabar aven me gumazamiziba puvatizir danganimin ghuvira itima, ni bar deragha men gara bizar me oteviba, ni bar men akurvasi. Dughiar kamin, men korotiabi biaghirezir puvati, ezi uaghan men sueba bava me gamir puvati.

- 9:7: Genes 11:31; 12:1; 17:5 9:8: Genes 15:18-21 9:9: Ua Me In 3:7; 14:10-12 9:10: Ua Me In 7:8-12:32
 9:11: Ua Me In 14:21-29; 15:1; 15:4-5; 15:10 9:12: Ua Me In 13:21-22 9:13: Ua Me In 19:18-23:33 9:15: Ua Me In 16:4-15; 17:1-7; Diboboniba 20:7-13; Godin Araziba 1:8; 1:21 9:16: Diboboniba 14:1-4; Godin Araziba 1:26-33
 9:17: Ua Me In 34:6; Diboboniba 14:18 9:18: Ua Me In 32:1-4 9:19: Godin Araziba 8:2-4 9:22: Diboboniba 21:21-35

22 "Ni en inazir afeziabar amamangatizi, me kantri Hesbonin Atrivim Sihon ko, kantri Basanin Atrivim Ok, aning misogha, aning dikabiragh, aningin nguaziba ini. Ezi nguazir kam a men kantrin nguazir otevir mamin min oto. 23 Ezi ni ovavir borir bar aviriba me ganingi, mati overiamin mikovezibar dibobonim. Egha ni men amamangatigha, men inazir afeziaba daningasa akam akirizir nguazim, me uan apaniba abiragh a ini. 24 Me Kenanian adarazir misozir dughiam, ni Kenania abiragh inazir afeziaba ataghizi me nguazir kam ini. Ni me ataghizi me uan ifongiamin gin ghua Kenanian gumaziba ko atriviba abinigha men nguazim sara ini. 25 En inazir afeziaba misogha nguubar divazir gavgavibar aven itiba ko, nguazir dagheba deragha aghuiba ko, dipenir bizar aviriba izivaziba ini. Egha mozir par gumazir igharaziba kuizim isa, wainin azeniba ko, temer olivin aviriba ko, temer avirir aghuir dagheba itiba sara ini. Me nguubar kamin aperagha an dagher aghuir aviriba apava mikarziba aghua bizar aghuir ni me ganingizir kam bangin me bar akonge.

26 "Ezi puvati, nin gumazamiziba ni baraghizir puvatigha, nin akaba batogha, akirim ragha nin Arazibar Akinafarim gasara. Nin akam inigha izir gumaziba akar aghuubar gun me migia ghaze, la bar uan God bagh ua izi. Ezi me oraghizir puvatigha, me misoghezi me ariaghire. Dughiar aviribar, me arazir kam gamua nin ziam gasighasisi. 27 Kamaghin amizi, ni apanibar amamangatizi, me iza me misogha me gafiragh paza me gamua mizazim me ganingi. Ezi gin men osimtizimin aven, inazir afeziabar kaba uarir akurvaghosa nin diava arai. Ezi ni uan Nguibamin ikia men dimdiam baragh, men apangkuvigha akurvazir gumazir maba amadazi, me apaniba batoke.

28 "Ezi gin, me avughsegha dabirabir aghuimin dughiamin aven ikia, me uam arazir kurar mabagh ami. Ezi ni ua apanibar amamangatizi, me uan gavgavim me abiragh me gatifa. Ezi gin me ua iza navibagh iragha uarir akurvaghosa nin azai. Ezi ni uan Nguibamin ikia men dimdiam barasi. Dughiar aviriba, me arazir kurar kam gami. Ezi ni zurara men apangkuva apaniba da ua me isi.

29 "Ni uan Arazibar Akinafarimin aven akabar gin mangasa ni me migei.

Me fo, gumazitam dar gin mangi, tuavir kamin a ikirimirir aghuim iniam. Ezi me uari fa nin Akar Gavgaviba barazi puvatigha, akirim nin Arazir ni damuasa mikemezibagh asaragh, arazir kurabagh ami. Men dapaniba gavgavizi me uan navibar kumi, kamaghin me nin akamin gin mangan aghua. 30 Azenir aviriba ni amiraghaitigha navibagh iraghosa me migei. Nin Duam akar kam isa nin akam inigha izir gumazibagh aningizi, me dar gun gumazamizibav gei. Ezi inazir afeziabar kaba akam baragh aghua. Kamaghin amizi, ni me isa Kantrin Igharazibar Gumazamizibar dafaribagh ati. 31 Ezi nin apangkuvim bar ekefe, kamaghin ni akirim me gasarazir puvatigha, me ataghizi me bar ikuvizir puvati. O God, ni bar en apangkufi, egha bar e gifonge!

32 "Ni en God, ni ziar ekiam ko gavgavir ekiam itir God. E bar nin atatigha nin apengan iti. Dughiba bar, ni uan Akar Dikirizir Gavgavir kamin gin ghua, zurara en apangkufi. E datirighin osimtizir ekiam ateri, eghini e ginighnigh en akurvagh. Fomira Asirian atrivibar dughiamin ikegha izi datirighin, en atriviba ko gumazir dapaniba ko ofa gamir gumaziba ko akam inigha izir gumaziba ko inazir afeziaba, me bar osimtizir kam atera iza datirighin tu. 33 E arazir kuram gami, ezi ni iveau kuram e ganingi. E fo, nin arazir kam bar derazi, ni guizbangira zurara uan akamin gin ghua en akurvasi.

34 "Guizbangira, en inazir afeziaba ko, en atriviba ko, en gumazir dapaniba ko, ofa gamir gumaziba, me nin Arazibar Akinafarimin aven itir akabar gin zuir puvati. Me nin Akar Gavgaviba ko, Moses Osirizir Arazibar gin mangan aghua. 35 En atrivibar dughiamin, ni deragha en inazir afeziabag amua, bizar bar aghuir aviriba me ganidi. Me nguazir ekiam gapia, ezi nguazir kamin dagher aghuiba an ikia deragha aghui. Ezi me bizar kam ginighnizir puvati. Me arazir kurab aitegha navibagh iragha, ua ni bagha izir puvati.

36 "Datirighin, nguazir ni inazir afeziabag aningizim, e an iti, ezi dagher aghuiba an ikia deragha aghui. Ezi e an aven ikia pura ingangarir gumazir kinibar iti. 37 E arazir kuram gamigha gifa, kamaghin ni kantrin igharazibar atrivibar amamangatizi, me en gara e gatifa. Egha me bizar aghuir aviriba en nguazimin otiviziba isi. Me gavgavir

ekiam ikia, kamaghin me en mikarziba ko asizibagh ativazi, e men ifongiamin gin zui. Kamaghin amizi, e osimtzir ekiam itil!"

Nehemia Jerusalem ko Juda gatifa

(Sapta 10-13)

Gumazamiziba, Godin Akar Dikirizir Gavgavimin gin mangasa akam akiri

³⁸ "E Israelia, e kamaghin migia ghaze, e bar arazir kuram gamizi, kamaghin God kantrin igharazibar atrivagha amizi, me e gativagha en bizar aviriba en nguazimin da isima, e osimtzibiza ateri. Kamaghin amizi, e Israeliyan gumazamiziba uari inigha navir amirizimin ikia, Ikiavira Itir God ko Akar Dikirizir Gavgavim gamua, an osiri. Ezi en gumazir dapaniba ko, Livaiba ko, ofa gamir gumaziba, akar kam osirigha gavgavim a daningasa men ziaba ko ababaniba isa akar kam gisin da arisi."

10

¹ Israelia, God ko Akar Dikirizir Gavgavim gamua gavgavim a daningasa. Ezi gumazir faragha uan ziam osirizim, a gavmanin faragha zuir gumazim Nehemia, an Hakalian otarim. Ezi Nehemian gin, Sedekaia uan ziam osiri.

²⁻⁸ Ezi Sedekaian gin ofa gamir gumaziba iza uan ziaba osiri. Men ziabar kara:

Seraia, Asaria ko Jeremaia,
Pasur, Amaria, ko Malkia,
Hatus, Sebania, ko Maluk,
Harim, Meremot, ko Obadiah,
Daniel, Gineton, ko Baruk,
Mesulam, Abiya, ko Mijamin,
Masia, Bilgai ko Semaia.

⁹⁻¹³ Ofa gamir gumazibar gin Livaiba uan ziaba osiri. Men ziabar kara:

Asanian otarim Jesua,
Binui, a Henadatin ikizimin gumazim,
Katmiel ko Livain marasi, ko
Sebania, ko Hodia,
Kelita, Pelaia ko Hanan,
Mika, Rehop, ko Hasabia,
Sakur, Serebia, Sebanian igharazim,
Hodia, Bani, ko Beniu.

¹⁴⁻²⁷ Livaibar gin gumazir dapaniba uan ziaba osiri. Men ziabar kara:

Paros ko Pahatmoap,
Elam, Satu, ko Bani.
Buni, Asbat, ko Bebai,
Adoniya, Bikvai, ko Adin,
Ater, Hesekia, ko Asur,

Hodia, Hasum, ko Besai,
Harip, Anatot, ko Nebai,
Makpias, Mesulam, ko Hesir,
Mesesabel, Sadok, ko Jadua,
Pelatia, Hanan, ko Anaia,
Hosea, Hanania, ko Hasup,
Halohes, Pilha, ko Sobek,
Rehum, Hasapna, ko Masea,
Ahija, Hananin igharazim, ko Anan,
Maluk, Harim ko Bana.

Akar Dikirizir Gavgavimin akaba

²⁸ "E Israeliyan gumazamiziba, Akar Dikirizir Gavgavir kam gamua an osiri. E bar, ofa gamir gumaziba, ko Livaiba, ko Godin Dipenimin tiar akamin garir gumaziba, ko Godin Dipenimin onger akabar faragha zuir gumazamiziba, ko Godin Dipenimin ingangarir gumaziba, ko gumazamizir igharaziba bar, e bar Godin Arazibar Akinafarimin aven itir akabar gin zui. Egha ikizir igharazibar gumazamiziba ko poghezir puvati. E uan amuiba ko, borir akam baregh nighnizir gavgavim an ikiamiba ko izi.

²⁹ E bar izava uan adarazi ko uan gumazir dapaniba ko uari akuvagha akar gavgavir mam gami. E Godin Arazibar Akinafarimin akabar gin mangasa. Akar kaba, God en inazir afeziabar aningasa uan ingangarir gumazim Moses ganingi. Ikiavira Itir God, en Ekiam ghaze, e an Akar Gavgaviba, ko bizar a ifongeziba, e deraghvira dar gin mangi daramuam. E an akam batuegti, Ikiavira Itir God e gasighasigham.

³⁰ "E ghaze, e ikizir igharazibar gumazamizir en kantrin itiba, wit ko bizar igharaziba inigh Sabatin dughiam ko Godin ziam feir dughiar ekiabar da inigh iziti, e dagh iveau kogham.

³¹ "E ghaze, ikizir igharazibar gumazamizir en kantrin itiba, wit ko bizar igharaziba inigh Sabatin dughiam ko Godin ziam feir dughiar ekiabar da inigh iziti, e dagh iveau kogham.

"Ezi azenir namba 7in, e uan azenibar aven dagheba oparan kogham, en nguazim pura ikiam.

"Egh gumazitam faragha zuir azenitamnizitam purama inighti, azenir namba 7in, e kamaghin mikim suam, a bizar kam ikarvaghan markiam.

³² "Azeniba bar e vaghvagh Ikiavira Itir Godin Dipenimin ingangarir bagh silvan dagiar akuar muzierir tabar aningam.

³³ "Silvan kam, bizar kabagh iveau: Godin damazimin me dakozim darighamin bret, ko dughiaiba bar me ofaba damuamin wit, ko dughiaabar zurara me asizir ofan bar isia mighiriba, ko

bizir Sabatin dughiamin ofa damuamiba, ko iakinir igiamin isar ekiamin ofa damuamim biziba, ko dughiar ekiar igharazimin ofa damuamim biziba, ko Israeliyan arazir kuraba gin amadir ofaba, ko ofan igharaziba ko bizir igharazir Godin Dipenimin aven ingariba sara.

³⁴ “E gamuzamiziba bar, ko ofa gamir gumaziba ko Livaiba, e Godin Arazibar Akinafarimin gin mangi, satu gikararangiva, tarazi amiseveghti me dazibar kuegh, da inigh Godin Dipenimin iziti, ofa gamir gumaziba da isi, asizir gumuzamiziba God bagha inigha iziba isi, ofa gamir dakozimin da tuam. Azeniba bar, me ikiziba vaghvagh daziba inigh mangasa, dughiar maba me bagha da amisefe. Me ofan kaba Ikiavira Itir God, en God daningam.

³⁵ “Azeniba bar e dagher faragha azeni-bar aniziba, ko ter ovizir faragha aniziba inigh Godin Dipenimin izam.

³⁶ “Egh e uan otarir ivariaba inigh ofa gamir gumaziba bagh Godin Dipenimin mangi, me amisevegh suam, me Godin adarazira. E bulmakauba ko sipsipba ko memen apurir nguzir ivariaba inigh God baghvira da misevegham. God uan Arazibar Akinafarimin aven e mikemezi moghin, e damuam.

³⁷ “Azeniba bar, e faragh iniamin wit, a mirmirighti, plaua otoghti e a inigh izam. Egh wainin dipam ko olivin borem ko ter ovizir igharaziba inigh egh Godin Dipenimin izi ofa gamir gumazibar aningam.

“Egħi Livaiba en nguibabar izamin dughiamin, e uan azenibar dagheba tuirägti pozir 10plan otoghti, e pozitam isi Livain gumaziba me daningam.

³⁸ Egħi Aronin ovavir boribar tongin, ofa gamir gumazitam, a Livaiba ko izi dagħer kabar 10plan poziba iniam. Egħi Livaiba dagħer kaba tuirägt, dar 10plan pozibar, pozitam inigh Godin Dipenimin mangi, dagħeħa arīgham danganimin dar arīħam. ³⁹ E Israeliyan gumaziba ko Livain ovavir boriba, en witin naba ko wainin dipar naba ko olivin boremin naba da inigh, Godin Dipenimin izi dagħeħa arīgham danganimin dar arīħam, danganir kam, Godin Dipenimin itarir ekiaba uaghan an aven iti. Godin Dipenimin aven itir danganir kam uaghan, ofa gamir gumaziba, ko Godin Dipenimin tiar akamin garir gumaziba, ko Godin Dipenimin onger akabar faragħa zuir gumaziba, uaghan me ikiamin danganim kagh iti.

“Bar guizbangira, e Godin Dipenimin garir ingangarir kam ategħan kogħam.

“Akar Dikirizir Gavgvir kamin akaba, kamaghira tu.”

11

Jerusalemin apiazir gumazamizibar zi-abu

¹ Dugħiар kamin, Israeliyan gumazir dapaniħa Jerusalemin iti. Ezi gumazamizir nguibar igharazibar itiba me satu gikararai, egh tuavir kamin me ikiziba tuirägti, 10plan okoruuba otogħti me gumazir okoruutam amiseveghti, gumazir kaba mangi Jerusalemin ikiam. Kar Godin nguibar ekiāra. Eġħi 9plan gumazir okoruuba nguibar igharazibar ikiam. ² Ezi gumazamizir maba uan ifongiamin gin ghua Jerusalemin iti. Kamaghix amizima Israelia me bagħha bar akonge.

³ Ezi Israeliyan gumazamizir igharaziba, ko ofa gamir gumaziba, ko Livaiba, ko Godin Dipenimin ingangarir gumaziba, ko Atrivim Solomonin ingangarir gumazibar ovavir boriba, me uan nguibaba ko uan nguazibara iti.

Gumazir dapanir Judan provinsin ikegħa iza Jerusalemin apiaziba, men ziabar kara.

⁴ Judan anabamin adarasi, men gumazir dapanibar ziabar kara:

Me gumazir dapanir pumuning iti. Ataia ko Masea. Ataia u Usian otarim, egha a Sekaraian igavataram. Ataian ovavir igharazibar ziabar kara: Sekaraia an Amarian otarim, ezi Amaria a Sefatian otarim, ezi Sefatia a Mahalalelin otarim. Me bar Peresin ovavir boriba, ezi Peres Judan otarim.

⁵ Ezi Judan adarazir gumazir dapanir igharazibar kara, Barukin otarim Masea, a Kolhosen igavataram. Ezi Kolhose Hasanian otarim, ezi Hasaia Adaian otarim, ezi Adaia Joiripin otarim, ezi Joirip Sekaraian otarim. Me Selan ovavir boriba, egha Judan anabamin adarasi.

⁶ Egha Peresin ovavir borir Jerusalemin itiba, me bar gumazir gavgvibara. Me bar mogħira, men dibobonim, 468in tu.

⁷⁻⁹ Benjaminin anabamin adarasi, men gumazir dapanibar ziabar kara:

Salu ko Gabai, Salai, Joel ko Juda.

Salu a Mesulamin otarim, ezi Mesulam Joetin otarim, ezi Joet Pedaian otarim, ezi Pedaia Kolaian otarim, ezi Kolaia Masean otarim, ezi Masea Itielin otarim, ezi Itiel Jesaian otarim. Jerusalemin

itir Benjaminin anabamin adarazi bar moghira, men dibobonim, 928in tu.

Ezi Sikrin otarim Joel, Benjaminin adarazir faragha zuir gumazir dapanim.

Ezi Hasenuan otarim Juda, a Benjaminin adarazir mav. A gumazir dapanir Joelin gin zuim, a an akuragha Jerusalemin aven itir distrighin mamin gari.

¹⁰ Kar Jerusalemin itir ofa gamir gumazibar gumazir, dapanibar ziaba:

Joiaripin otarim Jedaia, ko gumazir dapanim Jakin,¹¹ ko gumazir dapanim Seraia, a Hilkian otarim, ezi Hilkia a Mesulamin otarim, ezi Mesulam a Sadokin otarim, ezi Sadok a Meraiotin otarim, ezi Meraiot, a Godin Dipenimin ofa gamir gumazibar dapanim Ahitupin otarim, a fomira Godin Dipenimin ofa gamir gumazibar dapanimin ike.¹² Me bar moghira 822plan gumaziba, me Godin Dipenimin ingangarim gami.

Gumazir dapanim Adaia, a Jerohamin otarim, ezi Jeroham a Pelalian otarim, ezi Pelalia a Amsin otarim, ezi Amsi a Sekaraiyan otarim, ezi Sekaraia a Pasurin otarim, ezi Pasur, a Malkian otarim.¹³ Ikizir kam, men gumazir dapanibar dibobonim, 242in tu.

Ezi uaghan, gumazir dapanim Amasai, a Asarelin otarim, ezi Asarel a Asain otarim, ezi Asai a Mesilemotin otarim, ezi Mesilemot a Imerin otarim.¹⁴ Ikizir kamin adarazir aven, 128plan midorozir gumazir gavgaviba iti. Midorozir gumazir kabar dapanim, an Hagedolimin otarim Sapdiel.

¹⁵ Livaibar gumazir dapanir Jerusalemin itibar ziabar kara:

Hasupin otarim Semaia, ezi Hasup a Asrikamin otarim, ezi Asrikam a Hasabian otarim, ezi Hasabia a Bunin otarim.

¹⁶ Gumazir dapanim Sabetai ko Josabat, aning Livain Godin Dipenimin azenan ingangaribar gari.

¹⁷ Gumazir dapanim Matania, a Mikan otarim. Ezi Mika, a Sapdin otarim, ezi Sapdi a Asapin otarim.

Dughiar me Godin Dipenimin izi Godin ziam febar, Matania a gumazir God ko migia a minabar gumazir dapanimin iti.

Ezi Bakbukia, a gumazir dapanir mam, a Matanian akurvaghia ingangarir kam gami.

Ezi uaghan, gumazir dapanim Apda, Samuan otarim, ezi Samua a Galalin otarim, ezi Galal a Jedutun otarim.

¹⁸ Livain Godin nguibar ekiar Jerusalemin itiba, me bar moghira men dibobonim, 284in tu.

¹⁹ Jerusalemin itir Godin Dipenimin tiar akamin garir gumazibar, gumazir dapanimning ziamning kara:

Gumazir kamning, Akup ko Talmon. Aning uan adarazi ko, me Dipenimin tiar akabar gara itir gumaziba, men dibobonim 172.

²⁰ Israelian marazi ko ofa gamir gumazir maba ko Livain maba, Judan nguibar igharazibar iti. Nguibar kaba men inazir afeziabar nguazibara iti.²¹ Ezi Godin Dipenimin ingangarir gumaziba Ofelin iti. Ezi Siha ko Gispa men ingangaribar garir gumazimning.

²² Ezi Banin otarim Usi, a Livain Jerusalemin itibar gari. Ezi Bani a Hasabian otarim, ezi Hasabia a Matanian otarim, ezi Matania a Mikan otarim, Asapin ovavir boribar adarasi. Ezi Asapin ovavir boriba, me Godin Dipenimin aven onger akaba banger gumazibar gari.²³ Persian atrivim ubai, akar gavgavim me ganiga ghaze, tinara dughiaba bar Godin Dipenimin aven ighiabari amuam. Egha atrivim, me bagha dughiabiar damamin dagheba me bagha da akiri.

²⁴ Ezi Petahia a Mesesabelin otarim, ezi Mesesabel a Seran ovavir borim, me Judan ovavir boriba. Petahia, a Persian kantrin ikiava, atrivimin boroghin ikia, an damazimin, Israelia bagha abuir gumazimin min iti.

Gumazamizir nguibar igharazibar itiba

²⁵ Gumazamizir aviriba uan nguibar uan nguazimin boroghin itibar iti. Judan gumazamizir maba nguibar ekiar pumuning ko mikezimin iti, Kiriat Arba ko an boroghin itir nguibaba, ko Dibon ko an boroghin itir nguibaba, ko Jekapsel ko an boroghin itir nguibaba.²⁶ Ezi marazi nguibar kabar aven iti, dar ziabar kara: Jesua, Molada, ko Betpelet,²⁷ Hasarsual, Berseba ko an boroghin itir nguibaba ko,²⁸ Siklak, Mekona ko an boroghin itir nguibaba ko,²⁹ Enrimon, Sora ko Jarmut ko,³⁰ Sanoa ko Adulam ko angingin boroghin itir nguibaba ko, Lakis ko an boroghin itir nguaziba, ko Aseka ko an boroghin itir nguibaba. Kamaghin Judaba sautin amadaghan itir nguibabam Berseban ikia iza, nguibar danganir ekiar kamin itibar ikia ghua, Hinomin danganir zarir notin amadaghan itimin otifi.

³¹ Ezi Benjaminin anabamin gumazamizir maba, nguibar ekiar kaba, Geba ko Mikmas, Ajja ko Betel ko dar boroghin itir nguibar doziba,³² Anatot, Nop, Anania ko,³³ Hasor, Rama, Gitaim ko,³⁴ Hadit, Seboim, Nebalat ko,³⁵ Lot ko Ono, kar gumazir digirir ingangaribagh amiba, me danganir zarir kamin iti.³⁶ Gumazir dapaniba,

Livain Judabar tongin itibav gia ghaze, men tarazi uan nguibaba ategh, Benjaminin anabamin adarazir nguibabar mangi men tongin ikiam.

12

Ofa gamir gumaziba ko Livaibar ziaba

¹ Ofa gamir gumazir aviriba, ko Livaiba ghua, Sealtielin otarim Serubabel ko ofa gamir gumazibar dapanim Josua, aningin gin faragha Babilon ategha ua Jerusalemin ize.

²⁻⁷ Ofa gamir gumazibar ziabar kara:

Seraia, Jeremaia, Esra, Amaria, Maluk, Hatus, Sekania, Rehum, Meremot, Ido, Ginetoj ko Abiya, Mijamin, Madia ko Bilga, Semaia, Joiarip ko Jedaia, Salu, Amok, Hilkia ko Jedaia.

Gumazir kaba, dughiar Josua ofa gamir gumazibar dapanimin itimin itir dughiamin, me ofa gamir gumazibar tongin ikia, men faragha zuir gumazibar iti.

⁸⁻⁹ Livain ua izezibar ziabar kara:

Jesua, Binui, Katmiel, Serebia, Juda, Matania, Bakbukia, ko Uno.

Matania uan adarazi ko, me gumazir God minabir ighiabagh amir gumaziba, ezi a men faragha zui.

Gumazir kaba onger akar akuar mam bangezi me gin, Bakbukia ko Uno uan adarazi ko, me me ikarvaghha ighiar akuar ighazarizim bange.

Ofa gamir gumazibar dapanim Josua, an ovavir boribar ziaba

¹⁰⁻¹¹ Josua a Joikimin afeziam, ezi Joikim a Eliasipin afeziam, ezi Eliasip a Joidian afeziam, ezi Joiada a Jonatanin afeziam, ezi Jonatan a Jaduan afeziam.

Ofa gamir gumazibar itir ikizibar gumazir dapanibar ziaba

¹²⁻²¹ Joikim ofa gamir gumazibar dapanimin itir dughiamin, ofa gamir gumazir kaba uan ikizibar gumazir dapanibar iti. Men ziabar kara:

Meraia, a Seraian ikizimin gumazir dapanim.

Ezi Hanania a Jeremaian ikizimin gumazir dapanim.

Ezi Mesulam a Esran ikizimin gumazir dapanim.

Ezi Jehohanjan an Amarian ikizimin gumazir dapanim.

Ezi Jonatan a Malukin ikizimin gumazir dapanim.

Ezi Josep a Sebanian ikizimin gumazir dapanim.

Ezi Atna a Harimin ikizimin gumazir dapanim.

Ezi Helkai a Meraiotin ikizimin gumazir dapanim.

Ezi Sekaraia a Idon ikizimin gumazir dapanim.

Ezi Mesulam a Ginetonin ikizimin gumazir dapanim.

Ezi Sikri a Abiyan ikizimin gumazir dapanim.

Ezi Piltai a Moadian ko Miniaminin ikizimin gumazir dapanim.

Ezi Samua a Bilgan ikizimin gumazir dapanim.

Ezi Jehonatan a Semaian ikizimin gumazir dapanim.

Ezi Matenai a Joiaripin ikizimin gumazir dapanim.

Ezi Usi a Jedaian ikizimin gumazir dapanim.

Ezi Kalai a Salain ikizimin gumazir dapanim.

Ezi Eber a Amokin ikizimin gumazir dapanim.

Ezi Hasabia a Hilkian ikizimin gumazir dapanim.

Ezi Netanel a Jedaian ikizimin gumazir dapanim.

²²⁻²³ Fomira Eliasip ko Joiada, Jonatan, ko Jaduan dughiamin, me ofa gamir gumazibar dapanibar itima, Israelia ofa gamir gumazibar dapanibar ziaba akinafarir mamin da osiri. Arazir me amizir kam, me bar fomira a gamua iza Darius atrivimin itir dughiamin oto. Ezi Judan Atrivibar Eghaghanibar Akinafarimin aven, me uaghan Livain gumazir dapanibar ziaba osiri. Me fomira osira iza ofa gamir gumazibar dapanim Jonatan, a Eliasipin ovavir borim an dughiamin oto. Ezi dughiar kamin gin me arazir kam ataki.

Me Godin Dipenimin ingangarim isa Livaibagh aningi

²⁴ Egha me Godin ziam fa a minabir dughiamin, Atrivim Devit mikemezi moghin Livaiba ami. Devit a gumazir Godin akam akurim. Ezi Livaiba gumazir bizir pumuningin iti, bizir mam ighiar otevir mam bange, ezi bizir mam me ikarvaghha ighiar akuar ighazariz mam bange. Ezi Hasabia ko Serebia ko Jesua Katmielin otarim, me ingangarir kam me ganningi.

²⁵ Ezi Matania, Bakbukia, Obadia, Mesulam, Talmon ko Akup, me Godin Dipenimin aven biziba arizir danganibar gar. Danganir kaba Godin Dipenir avinizimin divazimin tiar akabar boroghin iti.

²⁶ Livain kaba itir dughiamin, ofa gamir gumazibar dapanim Joiakim, a Josuan

otarim, egha a Jehosadakin igiavotarim. Ezi dughiar kam Nehemia gavmanin faragha zuir gumazim iti. Ezi ofa gamir gumazim Esra, a ikia bar Moses Osirizir Arazibagh fo.

Nehemia Jerusalemin divazir mitiar gav-gavim isa God ganidi

²⁷ Ezi Jerusalemin divazim givazima, gumazamiziba iza uari akuvagha Godin ziam fava, divazim isa God ganidi. Dughiar kamin, me Livaiba bar men diazi me iza uari akuvagha, bar akuegha ighiaba banga Godin ziam fe. Me ighiabagh amir dughiamin, Livain marazi itarin kapabar suigha dav sozima, marazi gitau igharaghagh garibagh ikararai. ²⁸⁻²⁹ Kamaghin Livain Godin Dipenimin ighiabagh amiba, me Netofan nguibam ko Betgilgal, ko Geba, ko Asnavet ko me uari bagha ingarizir nguibar igharaziba, me dar ikegha iza uari akufa. Nguibar kaba Jerusalemin boroghin iti. ³⁰ Ezi ofa gamir gumazibam ko Livaiba Godin damazimin zueghamin arazim uarigh ami. Me uaghan arazir kamra, Jerusalemin gumazamiziba ko divazim ko tiar akabagh ami.

³¹ Ezi ki Nehemia, ki Judan gumazir dapaniba isa divazimin pin itir voroghira zuir danganimin ghuavanadi. Egha ki okoruar ekiar pumuningin me tuiraghaghaze, me bizar ekiamningin mangi nguibar ekiamin divazimin pin a gighu daru, ighiabar amu God minabam. Ezi okoruar mam agharir guvimin arua ghua, Tiar Akar Bizar Miziriziba Akurir Danganimin oto. ³² Ezi men gin, Hosaia ko Judan gumazir dapanibar okoruar mamin adarzi zui. ³³⁻³⁵ Ezi ofa gamir gumazir maba men gin ghua sighthabagh ivi. Men ziabar kara: Asaria, Esra, Mesulam, Juda, Benjamin, Semaia, ko Jeremai. Ezi Jonatanin otarim Sekaraia men gin zui. (Ezi Jonatan a Semaian otarim, ezi Semaia a Matanian otarim, ezi Mataania a Mikaiam otarim, ezi Mikai a Sakurin otarim, ezi Sakur a Asapin otarim.) ³⁶ Ezi Sekaraian ikizimin marazi an gin zui. Men ziabar kara: Semaia, Asarel, Milalai, Gilalai, Mai, Netanel, Juda ko Hanani. Me bar moghira ighiabar amuamin gitaba ko marvir igharaghagh garir aviriba inigha, dasara ghua dagh ikararai. Atrivim Devit, fomira gitaba ko marvir kabang, a dagh ikararangi. Ezi Godin Arazibagh fozir gumazim Esra, a gumazir kabar faragha zui.

³⁷ Me arua ghua Mozir Pamin Tiar Akamin otoga adidiamin ghuavanaga Atrivim Devitin Nguibar Ekiamin oto. Egha Atrivim Devitin dipenir ekiam gitagha ghua Dipaba Isir Tiar Akamin oto. Tiar akar kam, nguibar ekiamin aruem anadi naghin amadaghan iti.

³⁸ Ezi Livain okoruar igharazim God minabaghaha, bizar ekiar igharazimin min ghua, agharir kiriamin amadaghan divazimin pin itir voroghira zuir danganim gisín arua zuima, ki men gin zui. Ezi gumazamizir bizar ekiar igharazim nan gin ghua, Tauan Bretba Tuer Danganim gitagha ghua, Divazir Nar Bar Ekiamin oto. ³⁹ Egha e danganir kam ategha ghua, Efraimin Tiar Akam gitagha ghua, Jesanan Tiar Akam gitagha ghua, Hananelin Taua gitagha ghua, Gumazir 100pla ikia garir Taua gitagha ghua, Sipsipbar Tiar Akamin tu. Egha uam arua ita Godin Dipenimin aven zuir tiar akar kamin oto. Me tiar akar kam kamaghin a dibori, Uari Akuvamin Tiar Akam.

⁴⁰ Kamaghin amizi, Livaibar okoruar ekiar pumuning ua Godin Dipenimin danganimin iza, Dipenim avinir divazimin aven ghua, vaghvaghua uan danganibar tuivigha, ighiaba banga God minabi.

Gumazir nan gin izezir kabar tongin, gumazir dapanir igharaziba uaghan iti. ⁴¹⁻⁴² Ofa gamir gumazibam ko gumazir igharazir kaba, sighabar suigha dagh ivi. Ofa gamir gumazibar ziabar kara: Eliakim, Masea, Miniamin, Mikai, Elionai, Sekaraia, ko Hanania. Gumazir igharazibar ziabar kara: Masea, Semaia, Eleasar, Usi, Jehohanan, Malkia, Elam ko Eser. Ezi Jesrahia gumazir ighiabagh amibar gara men faragha zuima, me bar pamtem deravira ighiabagh ami.

⁴³ Dughiar kamin me ofan aviriba God bagha dagh amua bar akonge. Bar guizbangira. Me fo, God me gamizima, me bar akonge. Ezi amiziba ko boriba uaghan bar akonge. Ezi gumazamizir saghon itiba, me dimdiar niginim ko bar akongezir niginim barasi.

Gumazamiziba bar, ofa gamir gumaziba ko Livaibar akurvasi

⁴⁴ Dughiar kamra, me Godin Dipenimin aven bizibar arighamin danganimin ganasa gumazir mabagh inaba. Danganir kabar, gumazamiziba dagher faragha azeniabar aniziba, ko temer ovizir faragha aniziba, ko men bizar igharazir maba, me da isi God daningam. Me uan azeniabar dagheba tuiragli, da pozir 10plan otoghti, me pozitam isi God daningam, mati Moses Osirizir Araziba mikemezi mokin. Eghti gumazir kaba ingangarir kam damuam: me gumazamizibar nguazibar mangi, dagheba inigh mangi, Godin Dipenim dar arigham. Guizbangira, Judaba, ofa gamir gumazibam ko Livaibar amir ingangarim bagha bar akuegha, navir aghuim men iti.

Kamaghin amizi, me ofa gamir gumaziba ko Livaibar akurvaghaha, gumazir kaba amisefe. ⁴⁵ Ezi ofa gamir gumaziba ko Livaiba, Godin Akinafarimin aven itir Arazibar gin ghua, an ziam famin arazibar ingangarim gami. Egha uaghan gumazimiziba Godin damazimin zueghasa, Godin azangsighamin arazim gami.

Ezi gumazir ighiabagh amiba ko Godin Dipenimin tiar akabar garir gumaziba, me uan ingangarim gami. Ingangarir kam fomira Atrivim Devit uan otarim, Atrivim Solomon ko, aning men inazir afeziabbar ikizir pumuning ganingi.

⁴⁶ Bar fomira, Atrivim Devit ko Asapin dughiamin, aning ighiaba batir gumazimming, gumazir onger akar kamin faragha zuiba ingara, ighiaba banga God bagha bar akuegha a minabi. Ezi datirighin men ovavir boriba, gumazir ighiabagh amibar otifi. ⁴⁷ Serubabel ko Nehemia itir dughiamin, Israelia bar, me dughiabar zurara uan dagheba isa gumazir Godin Dipenimin ighiabagh amiba ko Dipenimin tiar akamin garir gumaziba bagha iza me ganidi. Egha me bizar aghuiba isa Livaibagh anidir arazim, mati me ofaba isa God ganidi. Ezi ofan me Livaibagh aningiziba, me ofan akuar vuem isa Aronin ovavir boribagh anidi, mati Godin Akinafarim mikemezi mokin.

13

Israelia, God gifozir puvatizir gumazamiziba batosi

¹ Dughiar kamin gumazamiziba uari akuvazi, Livaiba me bagha Moses Osirizir Arazibar Akinafarim diborima, me a barasi. Ezi akinafarir kamin migirigar mam kamaghin migei, Amonia ko Moapia Godin ziam fer gumazamizibar aven izan kogham. ²⁻³ Ezi Israelia akar akinafarir kamin aven itim baregha, gumazamizir men ameboghfeiaba God gifozir puvatiziba, me me batosi. Egha me ghaze, me ua Israeliyan gumazamizibar tongin ikian kogham. Akinafarir kamin mingarim kamaghin: Dughiar Israelia Isip ategha izimin, Amonia ko Moapia dagheba ko dipataba me ganingizir puvati. Egha gumazir kaba akam inigha izir gumazim Balam givese, eghti a God mikemegehti a Israelia gasighasigham. Ezi God Balamin akam girazi, a kamaghin mikemezir pu. Puvati. Balam ghaze, God deragh me damuam.

Nehemia bizibar kiri

⁴ Ofa gamir gumazim Eliasip, me fomira en Godin Dipenimin biziba arighamin

danganim akirir ingangarim a ganingi. Ezi Eliasip, a Tobian roroam. ⁵ Egha Eliasip, Tobia ataghizi, a Dipenimin danganir ekiar mamin iti. Danganir kam, me fomira ghaze, witin ovizir me ofabar amuamiba, ko pauran mughuriar aghuim zuim anidim, ko Godin Dipenimin ingangarim damuamin biziba, ko ofan gumazamiziba God ganidiba, me da isi danganir kam darigham. Ofan kaba, gumazamiziba Godin Akar Gavgavibar gin ghua faragha uan azenibar dagheba, ko wainin dipaba, ko olivin boreba, da tuirazi da pozir 10plan otozi, me pozir mam isa God ganidi. God bizar kaba isa Livaiba ko, gumazir ighiabagh amiba ko, tiar akabar garir gumaziba, ko ofa gamir gumaziba, a me bagha dagh inaba. Ezi Eliasip, Tobia ataghizi, a Dipenimin danganir ekiar kamin iti.

⁶ Ki Nehemia, ki Jerusalemin itir puvatizir dughiamin, bizar kaba otifi. Ki faragha Atrivim Artaserksisin ganasa uamategha Persian kantrin ghu. Dughiar kamin a 32plan azenibar Babilonin atrivim iti. Dughiar maba givazima, ki uamategh Jerusalemin mangasa atrivimin azai. Ezi a nan amamangatizi ki uamategha ize. ⁷ Dughiar ki ghua Jerusalemin otozimin, me kamaghin na migei, Eliasip Godin Dipenimin avinizir divazimin aven, danganir ekiar mam isa Tobia ganingi. Arazir kurar an amizir kam a bar ikufi. ⁸ Kamaghin amizi, ki puv atara, Tobian biziba bar da isa azenimin da kuni. ⁹ Egha ki akar gavgavim me ganingizi, me Godin Arazibar gin ghua danganir kam gamizi, a Godin damazimin ua zue. Ezi ki ua me mikemezi, me Godin Dipenimin aven ingangarim damuamin biziba ko, ofa damuamin witba ko, pauran mughuriar aghuim anidim, me bar da inigha dar danganibar da ariki.

¹⁰ Ki uaghan kamaghin oraki, gumazamiziba ua dagheba isa Livaibagh anidir puvati. Kamaghin amizi, Livaiba ko Godin Dipenimin ighiabagh amir gumaziba, me Jerusalem ategha dagher azenibar ingarasa uamategha uan nguazibar ghue.

¹¹ Kamaghin amizi, ki gumazir aruabar atara egha men azara, “Manmagh amizi ia Godin Dipenim ataghizi a pura iti?” Egha ki Livaiba ko gumazir ighiabagh amibar diagha ua me inigha, Godin Dipenimin izezi, me uamategha uan ingangarim gami.

¹² Ezi Judaba bar, ua uan witba, ko wainin dipaba, ko olivin boreba, da tuirazi da pozir 10plan otozi, me pozir mam inigha Godin Dipenimin iza, dar arighamin danganim gati. ¹³ Ezi ki ofa gamir gumazim Selemia

ko, Godin Akinafarim gifozir gumazim Sadok, ko Livain gumazim Pedaia, me amisevegha ghaze, me Dipenir kamin aven itir danganir kabar kirigh an biziba mengam. Egha ki gumazir mam men akurvaghaha anemisefe. An ziam Hanan, a Sakurin otarim, egha Matanian igavotarim. Gumazamiziba ghaze, gumazir kaba arazir aghuibaram ami, ezi ki me amisefe. Ezi me uan namakaba bagh dagheba tuiragh da mengegh da isi me daningam.

¹⁴ “O nan God, ni na ginighnigh. Guizbangira, ki nin Dipenimin ingangarin gamua nin ziam famin arazibar kiri. Nan ingangarin aghuimin akar nin akinafarimin itim, ni a batuegh a gin amadaghan, ki aghua.”

¹⁵ Dughiar kam, ki Judan gumazamizir mabar gari, me Sabatin dughiarbar wainin oviziba dikava, da mirmira wainin dipaba isi. Ezi Judan igharaziba dagheba ko wainin dipaba, wainin oviziba, fighin oviziba, ko bizir igharazir maba sara donkibagh arigha, da inigha Jerusalemin izi. Ezi Sabatin dughiamin ki pamtemin me migia ghaze, “Sabatin dughiamin, gumazamiziba bar bizibah iveauz markiam. Ki arazir kamin bar ian anogoroke.” ¹⁶ Tairian gumazir maba faragha uan nguubar ekiamin ikegha Jerusalemin ize. Egha osiriba ko bizir igharazir aviriba sara inigha Sabatin dughiamin Jerusalemin izima, en gumazamiziba dagh ivese. ¹⁷ Ezi ki Judabar gumazir aruabar atara ghaze, “Ia orakigh! Ia bar arazir kuram gami. Ia Sabatin dughiam gamizi, a dughiar kinimin oto. ¹⁸ Ia fo, en inazir afeziaba fomira arazir kam gamizi, God iveauz kuram isa me ganiga, nguubar ekiar kam gasighasiki. Ezi datirighin ia Sabatin dughiam gasighasizir arazir kam gamuavira itima, Godin adarim ian ikiavira iti.”

¹⁹ Egha ki pamtem kamaghin migia ghaze, “Ia wighba bar Sabat otivamin dughiam, ia nguubar ekiamin divazimin tiar akaba bar dar kumigh. Sabatin dughiam otivsi, Fraide bar aruem ghuaghbirir dughiamra, ia tiar akaba bar dar kumigh, iki mangi Sabat givaghamin dughiamin otogh.” Egha ki uan ingangarin gumazir mabav keme, eghit me deraghvira gan gumazibar anogoregħti, me biziba Sabatin dughiamin da inigh da ateriva nguubar ekiamin izan kogham. ²⁰ Dughiar mabar, gumazir biziba amadiba ko gumazir biziagh iveauzimba, me Jerusalemin izi nguubar ekiamin divazimin azenan daku e mizuamt, e tiar akaba kuam.

²¹ Ezi ki men gara ghua kamaghin men tarata ghaze, “Ia tizim bagha divazimin azenan ikiava akui. Aria, ia mangi. Ia Sabatin dughiamin ua iziti, ki iveauz kuram ia daningam.”

Me kamaghin oregha gin ua Sabatin dughiamin izir puvati. ²² Ezi ki gin Livaiba me migia ghaze, “Ia Godin Arazibar gin mangi uari akrigh Godin damazimin zuegh. Egh dughiar ia zueghamim, ia izi divazimin tiar akabar ganti, gumaziba Sabatin dughiamin Godin Akar Gavgavimin gin mangam. Kar, Godin dughiar kamra. Eghit gumazir igharaziba uaghan uan biziba inigh nguabar ekiamin izan marki.”

“O nan God, ki nin azai, ni uan apangkuvir arazimin gin mangi nan arazir aghuimin ginighnigh, egh ni uaghan nan apangkufigħ deravira na damu.”

²³ Dughiar kam, ki uaghan kamaghin gari, Judan gumazir maba Asdotia ko Amonia ko Moapian amizir mabar iti. ²⁴ Ezi men borir maba Asdotian akam gifogha a migei. Ezi marazi nguabar igharazibar akabagh fogha dav gei. Egha me Judabar akam gifozir puvati. ²⁵ Egha ki gumazir kabar atara me misogha marazir dapanir ariziba asiagharki. Egha ki kamaghin me migei, “Ia arazir kurar kam gami, kamaghin God ia gasighasigham.” Egha ki gumazir kabagh amizi, me Godin ziamin akar gavgavim akrirgha ghaze, Me uan guiviba isi azenan itir ikizir igharazibar otaribar aningen kogham. Egh uan otariba isi men guivabar aningen kogham. Egh ia uari, ikizir igharazibar amizibar ikiän kogham.

²⁶ Ki kamaghin me migei, “Ia ti fo, Israelian Atrivim Solomon, kantrin igharazibar amizibar ikiä, egha bizir kam bangin arazir bar kurabar iri. Guizbangira, God bar Solomon gifongegħha a gamizi, an atrivimin oto. Egha kantrin igharazibar atriviba bar men tongin, an fofozim bar ekevegha bar me gafira. Ezi, gumaka, a uabi, kantrin igharazibar amizibar iti, ezima me a getuima, an arazir kurabagh am. ²⁷ E ian arazir kurabar gin mangi ikizir igharazibar amizibar ikiäm, egh e tuavir kamin Godin akam batogħam. Ia ti, e kamaghin damuan ia ifonge?”

²⁸ Dughiar kam ofa gamir gumazibar dapanim Eliasip, an otarim Jojada, an otaribar mav ikizir igharazir mamin amizimin iti. Amizir kam, an Horonian gumazim, Senbalatin guivim. Kamaghin amizi, ki Jojadan otarim batogħezi, an arav guħħu, ua Jerusalemin itir puvati.

²⁹ “O nan God, ni ofa gamir gumazir kabagh amizir arazir kurar kam ginighnigh. Me ofa gamir gumazibar adarazigh amizi, me nin damazimin mize. Egha me Akar Dikirizir Gavgavir ni ofa gamir gumaziba ko Livaibagh amizir kam gasighasiki.”

³⁰ Arazir kam bangin, ki ikizir igharazibar gumazamizir kurar en tongin itibar biziba batoke. Egha ofa gamir gumaziba ko Livaiba, vaghvagha me bagha, ki ingangariba me ganingi. ³¹ Ki gumazamizir maba ofa tuamin dazibar kuasa me a misefe. Egha uaghan me da inigh izamin dughiam amisefe. Egha uaghan dagher faragha azenibar aniziba, ko iter ovizir faragha aniziba, me ofan min da inigh izasa ki me mikeme.

“O nan God, ki nin azai, ki amizir arazir kaba, ni dagh nighnigh deragh na damu.”

Estan Eghaghanim O Esta Akar faragha zuim

Estan Akinafarimin eghaghaniba, Israelia kantri Persian itir bizar me bativizibar eghaghaniba. Esta uabi Israeliyan amizim egha ua Persian kantrin atrivimin amuim, o kwinin oto. Kamaghin amizi, Israeliyan apaniba me misogh me agivasava amima a men akura.

Dughiar bar ekiar Judaba bar ifongezim, me kamagh a dibora ghaze, Purimin Dughiar Ekiam. Ezi akinafarir kam Purimin Dughiar Ekiam kamin mingarim abiki.

Gumazir akinafarir kam osirizim, akinafarir kaminaven dughiatamin Godin ziam bar an osirizir puvati. Ezi ni eghaghanir kamin gan Godin apangkuvim ko an ifongiamra ganam.

Esta Persian kantrin kwinin oto

(Septa 1--2)

Kwin Vasti atrivimin akam batoke

¹⁻² Ezi Atrivim Serksisin dughiamin, a Persian kantrin atrivimin iti, egha uan atrivir dabirabir Susan nguibamin itim gapiaghiri, Susa kar Persian nguibar ekier gavgavim. Serksis 127plan provinsba uaghan dar gari, Indian kantrin ikegha ghua Itiopian kantrin tus. ³ An atrivimin azenir namba 3in dughiam, a uan ingangaribar faragha zuir gumaziba ko, gavmanin gumazir ekiaba isar ekiam bagha men dia. Ezi Persian kantri ko Midian kantrin midorozir gumazir dapaniba ko provinsbar garir gumaziba ko gumazir ekiaba me bar izegha a ko iti.

⁴ Ezi isar ekier kam iakinir 6plan iti, ezi Atrivim Serksis uan dagiaba ko dipenimin itir bizar aghuibar gumazamizibar akakasi. Ezi me an bizar bar aghuir ganganir aghuibah amibar gari.

⁵ Ezi iakinir 6plan kaba givazima, atrivim uan dipenimin divaziminaven a iti naghin isar ekier igharazim gami. Susan nguibar ekier gavgavimin itir gumaziba bar, biziba itiba ko biziba puvatiziba, kar men isam. Me isar kam wan wighin an iti. ⁶ Me isam gamua itir danganir bar aghuim, gumaziba fomira dagiar agheviba ko ghurghuriba ko bluplaba ko, ongarimin itir zoghuuba ko, dagiar glasini mingariba inigha, nguazim dafeqha ghuriar kamin ingari. Egha me isam gamir dughiamin me danganir kam inir ghurghurim ko pighaghevim ghuaragha benir aghuimin

a ike. Egha iniba ikezir benir kam, me dagiar akinimin a guragha, silvan ringin aghuibar a gitui. Egha me golin dabirabiba ko silvan dabirabiba tintinibar dagheba apir danganir kamin ada afe. ⁷ Atrivimin ingangarir gumazibawain isa golin dikirizir kavin digirir igharaghagrabagh inge. Ezi atrivim uan bizar avirim amodoghin, wain isa gumazir kabagh anigavira iti. ⁸ Egha Atrivim Serksis kamaghin an dipenimin ingarir gumazibavgei, gumazir wain gifueghavira itiba, wain me daningvira iki. Anogorozi ba puvati.

⁹ Ezi dughiar kamin Kwin Vasti isar ekiam, amiziba baghavira, uaghan atrivimin dipenimin a gami.

¹⁰ Ezi isar ekier kam ikia ghua namba 7in aruemmin otozima, atrivim wain amegeha mong ongani. Egha uan ingarir gumazir 7plan diazima me a bagha izi. Men ziabar kara: Mehuman ko Bista, Harbona, Bikta, Abaka, Setar ko Karkas. ¹¹ Atrivim Serksis me amaga me migia ghaze, ia mangi Kwin Vasti inighi izi. Kwin Vasti uan kwinin dapanir asuam arughu izi. Kwin Vastin ganganim bar dera, kamaghin ki a isi uan nguibabaraven gumazir ekiaba ko, gumazir nan isamin izeziba bar men akakaghaha. ¹² Ezi ingangarir gumaziba ghua Kwin Vasti an migirigabar gun a migei. Ezi kwin izan aghua. Ezi atrivim kamaghin oregha an muriam Kwin Vasti bagha bar moghira an ikufi.

¹³ Kar atrivimin arazim, a fofozir gumazibar azara, kar gumazir faragha zuir dughibar arazibagh foziba. A men azaraghti, me gumazibar dabirabim ko arazir aghuibaa mikimti, a fogham. Kamaghin amizi, a fofozir gumazibar diazima me ize, egh me a mikimti a man arazitamra kwin damuam. ¹⁴ Ezi gumazir kaba bar atrivimin boroghira ikia, men ziabar kara: Karsena ko Setar, Atmata, Tarsis, Meres, Marsena ko Memukan. 7plan gumazir kaba, me kantri Persia ko kantri Midian gumazir dapaniba, egha gumazir ekier igharaziba me uaghan me gafira. Ezi atrivim me baragha men nighizibar girara zui.

¹⁵ Egha a kamaghin 7plan gumazir kabav gei, "Ki Atrivim Serksis, ki uan ingarir gumaziba Kwin Vasti bagha me amada, ezi me ghua bizar ki a damuasa ifongeziba bagha a migeima, ezi a nan akam batoke. Ezi en arazim manmagh inibir kam migei? E manmaghira kwin damuam?"

¹⁶ Ezi Memukan kamagh atrivim ko an gumazir dapanibav gei, "Atrivim ni orakigh, Kwin Vasti osimtizim nirarama atizir puvati. An osimtiziba isa bar nin gumazir dapaniba ko ni garir provinsbar gumazibagh

ariki. ¹⁷ Guizbangira, ni garir nguibabar aven itir amiziba, me bar kwinin arazir kurar kam baraghram. Egh amiziba kamagh mikimam, ‘Atrivim Serksis Kwin Vasti migia ghaze amang an ganam, ezi kwin aghuagha atrivimin akam batoke.’ Amiziba uaghan akaba batogh uan pabar akaba baraghan kogham. ¹⁸ Dughiar kamra Persian ko Midian gumazir dapanibar amuiba kwin amizir arazir kam baregh, egh uan paba arazir kamra an gun me mikimam, egh amiziba akar kurabav kimiva arazir kurar aviribar amuam.

¹⁹ “Ezi atrivim, ni akar ki migeim giueghiva, ni akam gumazamiziba bagh anemadagh kamaghin mikim suam, ‘Vasti ua izi Atrivim Serksisin ganan kogham.’ Ni akinsafarir Persia ko Midian araziba aven itim, ni a inigh arazir kam osirigh. Eighti arazir kam iki kamaghira ikiam. Egh ni amizir aghuir igharazitam inighti, a Kwin Vastin danganim inigh kwinin iki. ²⁰ Eighti nin akam nguibar ni gariba bar dar mangichti, amiziba bar uan pabar akaba baragh men apengan ikiam, gumazir ziaba itiba ko ziaba puvatiziba uaghara.”

²¹ Ezi atrivim uan gumazir dapaniba ko me migirigar kam gifonge, kamaghin atrivim Memukan mikemezi moghin ami. ²² Egha atrivim akinsafarim provinsin a gariba bagha anemada, egha gumazamiziba migeir men nguibamin akabar me osiri moghira me bagha ada osirigha, kamaghin migia ghaze, “Gumazimra uan dipenimin itir darazir ko biziiba bar dar dapanimin ikiam.”*

2

Esta kwinin oto

¹ Dughiar maba givazima, Atrivim Serksisin adarim amirazima, a ua Vasti gamizir arazim giniri, a Kwin Vasti agivaghti a ua kwinin ikian kogham. ² Ezi gumazir nighnizir aghuiba a ganidiba a koma apiagha kamaghin a migei, “Ni ti ua bagh amizir igiar igharazitaba buriam. Me ganganir aghuiba iki egh uaghan araziba deragh. ³ Egh ni uan provinsin ni ativagha garibar gumazitaba miseveghti, me amizir igiar aghuiba inigh gavmanin nguibar ekiar gavgavim Susan izi, egh me isi dipenir ni amiziba akuvi naghin me arikh. Eighti Hegai, gumazir nin amizibar garim,* a deragh men ganam. Eighti amiziba borem

uan mikarzibar aghu egh uari asingiva, gan ganir aghuiba amuam. ⁴ Eighti ni amizir kabar tav gifongegh, egh tav amiseveghti a Kwin Vastin danganim iniam.” Atrivim oregha bar akar kam gifonge, egha kamaghin damuasa.

⁵ Dughiar kam Susan nguibar ekiar gavgavim aven Judan gumazir mam iti, an ziam Mordekai. Mordekain afeziamin ziam, Jair. Jair a Simein ovavir borir mam, Kisim otarim. Mordekai, a Benjaminin adarazir mav. ⁶ Ezi faragha Babilonin Atrivim Nebukatnesar, Judan Atrivim Jehoiakim ko Judan marazi inizi me ghua Babilonin kalabusin ike. Egha Mordekai inizi a me ko uaghan ghu. ⁷ Mordekai guivir mam iti, an ziam Esta, ezi guizin Hibrun akamin an ziam Hadasa, ezi Esta Mordekain afeziar dozimin guivim. Ezi an afeziar dozim uan amuim ko aning areme, ezi Mordekai Esta inigha uan borimin miraram a gami. Ezi Esta bar deragha ganganir aghuim gami.

⁸ Ezi Atrivim Serksis gumaziba ko amiziba bagha akam amaga ghaze, me amizir igiar aviriba inigh Susan nguibamin izi. Ezi me amizir igiaba inigha iza uaghan Esta inigha ize. Me Esta isa atrivimin dipenimin amiziba itir danganimin aneti. Ezi Hegai amizibagh ativagha men gari. ⁹ Hegai Estan garima a bar derazima a bar a gifonge. Kamaghin amizi, a mikarzibaadir borem ko dagher bar aghuiba Esta ganingi. Egha amiziba itir dipenimin danganir faraghavira itim, an a isa Esta ganingi. Egha atrivimin dipenimin ⁷plan amizir igiaba amisevezima, me Esta ko ikia deragha a gami.

¹⁰ Mordekai faragha Esta migia ghaze, an atrivimin dipenimin mangi kamaghin mikiman kogham, a Judan amizim. ¹¹ Dughiaba bar Mordekai amiziba itir dipenimin divazimin tiar akam garuavira iti. A Estan ikirimirim gifoghaza a manmaghiram amua iti. Egha a uaghan foghaza bizar tizimra Esta bativam.

¹² Azenir vamiran aven, me amizibar mikarziba akiraghasezima men ganganiba bar der, Iakinir 6plan me mean tememin apongezir boremin amizibar mikarziba aghefi. Egha iakinir 6plan igharazibar me borer mughuriar aghuim zuimin me aghefi. Bizar kabar gin me guivir igiaba vaghvagha me isa ghua Atrivim Serksisin akakasi. ¹³ Egh dughiar amizim atrivimin

* **1:22:** Hibrin akam deragha akar otevir kamin mingarim abighizir pu. Gumazir maba akar kam giga ghaze, “Gumazimra uan amuiroghboribar dapanim, egh a uan danganimin mikimam.” * **2:3:** Hegai atrivimin amuibar ganamin ingangarim iti. Ezi Serksis atrivir dughiamin, atriviba amuir aviribar ikia egha amuir doziba sara iti. Atriviba uan amuir doziba isa dipenibar da arizi, ingangarir gumazir maba men gari. Me ingangarir gumazir kaba men amuiba ko daku me gikararangan me atiatigha men turiar oviziba bar dar ghore. **2:6:** 2 Atriviba 24:10-16; 2 Eghaghaniba 36:10

dipenimin mangasava amim, uabi ifongezi moghin uabi asingigh atrivimin dipenimin mangi.¹⁴ Amizir atrivim bagha zuim, a guaratizimin iki mangiti aminim dutugham. Eghti amimzaraghan me a inigh mangi amizibar dipenir igharazimin Sasgasin dafarim datigham. Sasgas, an atrivimin amuir dozibar dipenimin garir gumazim. Amuir kam uam atrivim bagh mangan kogham. Atrivim a gifueghiva an ziam diborogh an diaghtima a mangam. Tuaviba ua puvati.

¹⁵ Ezi datirighin Esta mangi atrivimin ganamin dughiam oto. Esta Abihailin guivim, Abihail a Mordekain afeziar dozim. Mordekai ua bagha Esta inigha uan borimin mirarama a gami. Gumaziba bar Estan gara bar a gifonge. Esta ghua atrivimin garir dughiamin a uan ifongiamin gin ghua uabi asingizir pu, puvati. An amizibar garir gumazim Hegai, a mikemezi korotiabaram aghui.¹⁶ Ezi dughiar kam Serksis atrivimin iti 7plan azeniaba. Azenir kamin iakinir namba 10 me a dibora ghaze Tebet, me an Esta inigha atrivim bagha zui.[†]

¹⁷ Ezi atrivim amizir igharazibar aghuagha Esta bar a gifonge. A Estan garima an amizir igharaziba bar me gafiragha, an ganaganiba bar dera. Amizir igiar igharaziba Estan min atrivimin dighorm kuarizir pu. Kamaghin amizi, atrivim kwinin dapanirasuam an dapanim garu. Ezi Esta Kwin Vastin danganim inigha kwinin oto.¹⁸ Egha Atrivim Serksis Esta kwinin otozir bizim bagha isar ekiam diboro. Egha uan gumazir dapaniba ko ingangaribar faragha zuir gumazibav gia ghaze, me Haman bagh teviba apiriva an ziam fam. Me bar moghira atrivim mikemezi moghin ami, ezi Mordekai ubira puvati. Mordekai bar moghira Haman bagh teviba apiran aghua.

Mordekai atrivimin akurazima an osimtizim inizir pu

¹⁹ Ezi dughiar kam me amizir igiaba ua me akufa. Ezi dughiar kamra,[‡] atrivim Mordekai amisevezima an atrivimin dipenimin gumazir dapanir mamin iti.²⁰ Mordekai faragha kamaghin Esta migia ghaze, ni gumazitam mikiman marki, egh suam, ni Judabar amizim. Ezi Esta an akamin mirara ghu, egha Mordekain akaba baragha dar gin zui, kar a zurarama amir arazim.

²¹ Mordekai, Atrivim Serksisin ingangarim gamir dughiamin, gumazir

pumuning adarim atrivimin ikia a misuehti an aremeghaha akam misoke. Aningin ziamning, Biktana ko Teres. Gumazir kamning atrivim itir danganimin tiar akamin garir ingangarim gami.²² Ezi Mordekai aningin migirigiar kam baregha ghua Kwin Esta mikeme. Ezi Esta kamaghin oregha migirigiar kam isa atrivim ganingicha, ghaze, kar Mordekain akurvazim ni bagha izi. Ezi atrivim fo, Mordekai akar kam baraki.²³ Me akar aning mikemezimin mingarim gifoghasa amuvira ikia, egha a gifo a guizbangira. Egha me tememin aning agurazima aning areme. Egha atrivim kamaghin uan ingangarir gumazibav gia ghaze, “Bizir otozir kam, e uan gavmanin akinsafarimin aven eghaghanimin min an osirigh.” Ezi me atrivimin damazimin a mikemezi moghirama ami.

Haman Judabagh asighasighasa

3

(Sapta 3-5)

Haman Judaba kuvarimasa akam misoke

¹ Egha gin Atrivim Serksis gavmanin faragh mangasa gumazir mam amisefe, an ziam Haman, Haman a Hamedatan otarim, egha Agakin adarazir mav.² Egha atrivim ingangaribar faragha zuir gumazibav gia ghaze, me Haman bagh teviba apiriva an ziam fam. Me bar moghira atrivim mikemezi moghin ami, ezi Mordekai ubira puvati. Mordekai bar moghira Haman bagh teviba apiran aghua.

³ Ezi atrivimin ingangaribar faragha zuir gumazir igharaziba ganigha kamaghin an azara, “Ni tizim bagha atrivimin migirigiar gin mangan aghua?”

⁴ Dughiar aviribar me Mordekain arazir kam bagha a migei, ezi Mordekai men akaba baraghan aghua. Mordekai kamaghin me migia ghaze, “Ki Judan adarazir gumazir mam, kamaghin ki Haman bagh uan tevimming apirighan kogham.”^{*} Ezi ingangaribar faragha zuir gumaziba Mordekain migirigiar kamin gun Haman mikeme. Kamaghin me gan foghasa, Haman ti Mordekai ateghti a kamaghira damuam, o puvatigham.

⁵ Ezi Haman gari Mordekai a bagha teviba apiri puvatigha an ziam feir puvati, ezi an a bagha an muriam bar an ikufi.⁶ Haman gin kamaghin fo, Mordekai a Judabar

^{† 2:16:} Iakinim Tebet, a en namba 10in iakinim Oktoban min iti.

^{‡ 2:19:} Hibrun akam vezin kamin mingarim deravira bigha migeir puvati. ^{*} 3:4: Haman, a Agakin adarazir mav, Agak, a Amalekian gumazim. Ezi Amalekian me Judabar apanim gami. Kamaghin amizi, Mordekai a bagh tevimming apiran aghua. Ni Ua Me Ini 17:8-16 ko Godin Araziha 25:17-19in gan.

mav, kamaghin a Mordekai gasighasighasa akam misoke. Mordekai uabira puvati. Haman tuavitam ginighnigh egh Judan Persian kantrin itir darazi bar moghira me misuegħti me arighireghsa nighnisi.

⁷ Dughiar kam Serksis atrivim itima an namba 12 azenir kamin iakinir farazim Nisan, Haman ghaze, me suu gikararang egh iakinim ko dughiar aghuir Judabagh asighasigham iż-żejt. Me ikararegha givagħha kamaghin fo, namba 12 iakinim Adar,[†] an dughiar namba 13in, Haman Judabagh asighasigham.

⁸ Egha Haman ghua kamaghin atrivim migei, "Gumazamizir igharazibar marazi nin kantrin nguibaba tintinibar dar aven iti. Egha kagh iti darazi amir araziba me ko dagh amir puvati. Me bar ighara, egha atrivim arazibar gin zuir puvati. Kamaghin ni me ategħti me iċkvira ikiti, bizar kam nin akuraghan kogħti, nin kantri deragh mangan kogħam. ⁹ Ore atrivim, ni ifuegħ akam gumazamizib bagħ anemadagħti, me bar gumazamizir kabav suegħti me arimighiregh. Ki guizbangira ni migei, ni ifuegħiha akam gumazamizib bagħ anemadagħti, me gumazamizir kabav suegħti me arighiregh. Ki guizbangira ni migei, ni kamaghin damighti ki 10 tausen silvan dagħiaba isi nin dagħiā dipenim datīgħam, eġħi me dagħiā kabar atrivim ingangarir kam damu."

¹⁰ Atrivim Serksis dafarim gazuur ringin mam iti, ringin kam atrivimin ziam ko nedazim an iċċia egha an arazir an amiba gavgavim dagħi anidi. Ezi atrivim migirigħar kam baregha ringin kam suegħa Judabar apanim gamir gumazim Haman ganingi. ¹¹ Egha atrivim a migħi ghaze, ki ifonge dagħiaba ategħti da iki. Biziż tizim ni gumazamizir kabar amusi, a dera ni puram a damu.

¹² Ezi iakinir faragħha zuimin dughiar namba 13in, Haman gumazir atrivimin akinafariba osiribar diażima me izi. Ezi a uan migirigħiaba bar me mikemezzi me a mikemezzi biziba bar ada osiri. Me Atrivim Serksis garir nguibar kaba, me bar me bagħha men nguibabar akabar me osirir arazim min da osiri. An akinafariba gumazir dapanir ekiaba ko provinsbar garir gumazir dapaniba ko nguibabar garir gumazir ekiaba bagħha da osiri. Ezi akinafariba bar Atrivim Serksis dafarim gazuur ringin ababanim dar iti. Ringin ababanir kam kamaghin akħġa ghaze, atrivim uabi akinafarir kaba osiri. ¹³ Ezi gumazir akinafarir kaba inigh-

mangamiba, me dikavighha atrivim garir nguibar kaba bar adar għu. Akinafarir kaba bar kamaghin migħi ghaze, "Adarin iakinim min namba 13in dughiam min ia Judan adarazi bar me misuegħti me arimighiregh. Gumazir iġiaba ko, gumazir għuriba ko, amiziba ko, boriba dughiar kamra bar me kuavaremegħ, egh men apangkuvan marki. Dughiar kamra bar me kuavaremegħ egh bar men biziba inigh. ¹⁴ Eġi gumazir dapaniba provinsba bar dar aven itir gumazamizib bagħi akinafarir kam dipoti, me bar mogħirama a baragh. Eġi dughiar kam otivi, me magħirama Judabav soġġi me arimighiram."

¹⁵ Ezi gumazir akinafarir kam inigha zuiba, me zuamira ghua kantrin kamin nguibaba bar a adagh arui. Egha me Susan nguibar ekiamin uaghan akinafarimin akam akun, ezi gumaziba bar oraki. Ezi atrivim ko Haman, uaningra iċċia wain apava uaning migiava eghari. Ezi Susan itir gumazamizib mirigħiġar kam baregha digavir kuram gamiġha nighnighava avenge.

4

Mordekai uabin akurvaghħasa Estan azangħsisi

¹ Mordekai kamaghin oreġha bar attingi. Kamaghin a uan korotia ība abigha bar oseme. Egha azirakar korotiar bibiziba aghuigha averenim isa uan dapanir arizim għażi, egha tuavir kamin men akħġaħħa, a bar oseme. Egha a nguibar ekiamin aven arua pamten azirakar iġħiabagh ami. ² A ghua atrivimin dipenim minn tiar akamra tu, egha aven ghuzi puvati. A fo, gumazim aven mangi, azirakar korotiar bibiziba aghuigh, aven mangan kogħam. ³ Ezi dughiar kam atrivimin akinafarim kantrin kamin provinsba bar a dar ghuzi me oraki, ezi Judan gumazamizibar naviba bar osemezi me pamten diava arava azir iġħiabagh ami. Me arava dagħetam apir puvati. Egha Judan gumazamizir aviriba azirakar korotiar bibiziba aghuigha averenim għakui.

⁴ Ezi Estan ingangarir amiziba ko an garir gumaziba a bagħha ghua Mordekai amir arazibar gun a migei. Ezi Kwin Esta digavir kuram gamiġha osemegħha nighnighava avenge. Egha a korotiar maba Mordekai bagħha da amaga danganir uari akuvimin ghaze, an azirakar korotiar maba suegħ egh korotiar aghuir kabar aghuigh. Ezi Mordekai ada inian aghħua. ⁵ Kamaghin Esta Hatakin diazi an a bagħha iżi. Hatak ana amizibar garir gumazir mam, atrivim

[†] **3:7:** Iakinim Nisan, a en iakinim minn Mas ko Epril min iti. Ezi Adarin iakinim a en iakinim minn Februari ko Masin min iti. Kamaghin amizi, Haman damuusa migei bizim bagħi mizuam mangi min namba 11 iakinim otogħti an a damuam.

faragha Hatak amisevegha ghaze, a Estan ingangarim damuam. Hatak izezima, Esta anemaga ghaze, ni mangi nguibar ekiamin tiar akamin Mordekai batogh. Egh an azaragh deragh fogh, a manmaghsua arazir kabagh ami?

6 Ezi Hatak nguubar ekiamin tongin atrivimin dipenimin tiar akamin ghua Mordekai bato. 7 Ezi Mordekai bizir Haman mikemeziba ko a gamiziba ko, Judaba ovengeghti, dagiar Haman mikemezir moghira gavmanin dipenim datighamba, bar dar gun Hatak mikeme. 8 Egha akinafarir me Susan nguubar ekiamin osirigha provinsba bar dar amadaziba, Mordekai dar mam inigha Hatak ganingi. Akinafarir kam Judan gumazamizibagh asighasighamin migirigia ba an iti. Egha Mordekai a migia ghaze, akinafarimin mingarim Esta gegharagh a mikemegh. Hatak Esta mikemeghti a mangi uan gumazamiziba bagh atrivim gaghoniva kamaghin an azaraghram, a Estan adarazir apangkuvighti me ovengan kogham.

⁹ Ezi Hatak uamategha ghua bizir Mordekai a mikemeziba, bar adar gun Esta mikeme. ¹⁰ Ezi Esta Mordekai bagha migirigiam uam Hatak ganingizi an a inigha ghua Mordekai ganingi. ¹¹ A ghaze, "Atrivimin akar dikirizir gavgavim kamaghin iti, gumazamiziba bar a gif. A ghaze, ni tina pura uan nighnizimin atrivimin gansi, tiar akar even itimin mangighan kogham. Bar puvati. Ni kamaghin damigh ni ovegham. A uban nin diaghti ni mangiva an ganam. Tuavir vamira kamagh iti, ni even mangiti atrivim nin ganigh uan golin atrivir fidizim feghti, ni oveghan kogham. Ezi datirighin, atrivim nan diazi ki an ganasa even ghuzir puvatiz iakinir vamira gif."

12 Ezi Mordeka Estan migirigiam baregha,¹³ a ikaraghha nighnizim a ganiga kamaghin a migei, "Ni ghaze, ni atrivimin dipenimin iti, egha ghaze ni deraghvirakikam. Ni Judaba en min uaghan mizazim iniam.¹⁴ Ni aghumra kamaghin uabin asugh ikitima, akurvazir igharazim pin ikegh izighiri Judan adarazir akuraghti me osimtzir kam gitagham.* Ni ovegħti nin afeziamin adarazi uaghan givagħam. Egħi t-tina fogħam? Ni ti tizim bagħha kantrin kamin kwinni oto? Ni kwinni otozir bizar kam, ka ti dugħiar aghuir nin adarazi osimtzimmin iti, ezi kar men akurvaghamin dugħiar aghuim."

¹⁵ Ezî Esta a bagha kamaghîn akam uam anemada, ¹⁶ “Ni mangî Judan Susan

nguibamin itiba bar me inigh me akuvagh, egh kamaghin damu. Ia aruer 3pla ko dimagarir 3plan dagheba, ataghiragh na bagh nighthigh. Eghti ki uan ingangarir amiziba ko e uaghan kamaghira damuam. Eghti bizir kamin gin, ki atrivim bagh mangam. E fo, ki mangamin arazir kam, kar ki atrivimin akar dikirizir gavgavim abigham. Egh ki kamaghin damigh ovengsi ovegham, akaba pu, a dera.”

¹⁷ Ezi Mordekai atrivimin dipenimin tiar akam ategh ghua Esta a mikemezi moghira a biziba bar dagh ami.

5

Esta, atrivim ko Haman isar ekiam bagh mangasa, atrivimin azangsisi

¹ Ezi Esta 3plan dughiabar dagheba ta. Egha bizir kamin gin a uan kwinin koroziaba aghuigha ghua atrivim iti naghin divazimin boroghin tughav ikia, atrivim apiaghiri naghin gari. Kar atrivim itir dangani ekiam. Ezi atrivim uan dabirabim gaperaghav ikia tiar akamin azenan gari.
² Egha a gari, Kwin Esta azenan tughav ikia egha atrivimin nighnizim gekuigha ubi mikini, ezi a bar a gifonge. Egha atrivim uan golin atrivir fidizim Estan akuigha anemadzima, Esta izava an ruaghatevimin suira.

³ Ezzi atrivim kamaghin migia ghaze, "Kwin Esta, manmaghin amizi ni na bagha izi? Ni bizitam gifeugh na bagh izi egh na mikim, eghti ki, ativagha garir nguibamin biziha, ki tongira da abighiva egh akuuatam ni daningam."

⁴ Ezi Esta an akam ikaragha ghaze, "O atrivim, datirighin dimangan ki isar mam ni bagh a damuam. Eghti ni ifueghiva, ni ko Haman isar ekiar kam bagh izasa ki nin azangssi."

⁵ Ezi atrivim akar kam gifuegha, Haman bagha akam amaga ghaze, a zuamira izegħiva aning Estan isamin mangiva an azangzsizir bizim damuam. Kamagħin amizi, atrivim Haman ko Estan isam bagħa għu.

⁶ Egha isamin me wain apa ghua, atrivim ua Estan azara, "Kwin Esta, bizir ni ifuegha na mikimasaava amim, na mikim. Eghiti nguibaar ki ativagha garim ki tongira anebigh egh akuuatam ni daningam."

7 Ezi Esta i karagha ghaze, ⁸ "Atrivim, ki ti nin damazimin derazi ni na gifonge, egh ni nan azangsizimin gin mangisi ifongeghti, Atrivim ki uam nin azangsisi, ki gurumzaraghan isar ighazarim ni ko Haman bagh uam a damuam. Ki kamaghin

4:14: Jon 12:27 * **4:14:** Estan akinafarimin aven me Godin ziam diborozir puvati, ezi migirigar otevir kam, "akurvazir igharazim pin ikegh izighiri Judan adarazir akurraghi me osimtizir kam gitagham," an akar isin zuimin min iti. A kamagh mukimasa "God tnavir igharazitam batoghi a en akurragham."

ifonge, gua gurumzaraghan isar kamin ua izam. Dughiar kamin bizir ki ifongegha ni mikimasava amim, ki ni mikimam."

Haman Mordekai misueghti an aremeghsa tuavim akiri

⁹ Ezi Haman dughiar kamin dagher danganim ategha bar akuegha navir amirizimin zui. Egha a ghua Mordekain garima an atrivimin dipenimin aven zuir divazimin tiar akamin min aperaghav iti. Egha tong dikavigha Haman gifuegha dughiam a ganidir puvati. A tong an atiatir puvati. An ganganir kam Haman gamizi an nighnizim ikuviz a bar a basemegha puviram atari. ¹⁰ Egha Haman pura uan osintizim abiragh a uan dipenimin ghu. Egha uan namakabar diazi me izi, ezi a uaghan uan amuim Seres mikemezima a uaghan me ko iti.

¹¹ Ezi me otivigha givazima Haman men damazimin uabira uan ziam fe. Egha me migia ghaze, ki dagiar aviriba ko, bizar aviriba ko, borir aviriba iti. Egha ghaze, atrivim na isa pin na atigha ingangarir ekiam na ganningi. Ezi ingangarir gumazir igharaziba bar nan apengen iti.

¹² Egha Haman ua kamaghin migei, "Kwin Esta, uabi isar ekiar mam gamigha gumazir igharazitam diazir puvati. An atrivim ko narara inabazima ga ghu. Egha ghaze, guarara gurumzaraghan mangi a ko ua damam. ¹³ Egha ki Judabar adarazir gumazim Mordekain garima, an atrivimin dipenimin tiar akamin aperaghav iti. Ezi nan muriam a bagha bar ikufi. Ezi ki nighnizi, bizar aghuir ki mikemezi kaba pura biziba."

¹⁴ Ezi Hamanin amuim Seres ko, an namakabar nighnizir mam batogha ghaze, "Ni nighnigh osiman marki. Ni gumazibav kemeghti, me temer ruaritam asaragh, egheti an ruarim 20 mitan tugh. Egheti ni surum bar mizaraghara mangi atrivim mikemegh egh Mordekai inigh an firim dafagh an egoraghti an aremegh. Ni kamaghin damigh, navir amirizim inigh mangi damam." Haman migirigiar kam gifuegha gumazibav kemezi, me Mordekai guasa temer mam asara.

Judaba deravira ikiamin tuavim bato

6

(Sapta 6-10)

Atrivim ziar ekiam isa Mordekai ganingi

¹ Ezi dimagarir kamra atrivim deravirama akuizir puvati. Egha akinsafarimin aven eghaghahin bizar an kantrin otivizi me osiriziba bagha me migei, egheti me da inigh izi a bagh dar ponam.

² Egha me Biktana ko Teresin eghaghanim dibori, aning atrivimin danganir a itimin garir gumazimning. Gumazir kamning atrivim misueghti an aremeghsa tuavir mam bato. Ezi gin Mordekai aningin nighnizim gifogha aningin gun mikeme.

³ Ezi atrivim kamaghin migia ghaze, "E bizar aghuir manamra Mordekai amizir ingangarir kam bagha a ikara?"

Ezi gumaziba kamaghin migia ghaze, "E bizar aghuir manamra Mordekai amizir ingangarir kam bagha a ikara?"

⁴ Ezi atrivim kamaghin men azara, "Nan ingangarir gumazitaba dipenir kamin iti, o puvati?" Ezi bar datirighira Haman atrivimin dipenir tiar akamin azenan tughav iti. An atrivimin azaragh egh mangi Mordekai temer a kuazazimin an firim dafagh a guasa. Kamaghin Haman uabi atrivimin dipenimin divazimin aven izi.

⁵ Ezi ingangarir gumaziba an ganigha kamaghin atrivim migei, "Haman izegha givagha ni mizua kaghiti. A nin ganasa." Ezi atrivim ghaze, a inigh aven izi.

⁶ Ezi Haman aven izima atrivim a migia ghaze, "Gumazir mam iti, ezi ki ziar ekiam a daningasa. Egha ki fozir pu, ki bizar aghuir manatam a daningam. Ezi nin nighnizim, ki manmaghiram a damuam?"

Ezi Haman uabira uabi ginighnigha ghaze, "Atrivim tinara bizar aghuir kam a damuam? Ua gumaziba puvati, kar kirara."

⁷⁻⁸ Egha Haman kamaghin atrivimin akam ikara, "Ni mikimti, me korotiar ni uabi azuim inigh mangi gumazir kam darugh. Egh ni uan hoziar mam inigh, atrivimin dapanir asuam isi hoziamin dapanim uaghan anesingigh. ⁹ Egh ni uan ingangarir gumazir faragh zuitam a misevegħti, a gumazir kam nin korotiam anesingam. Eghti gumazir kam hoziam daperagħti, nin ingangarir gumazir kam a inigh nguibal ekiamin danganir uari akuvimin mangi. Egh aning mangamin dughiam ingangarir gumazim kamaghin dim mikim, 'Ia bar gumazir kam gan. Atrivim ziar ekiam a ganingi. Egh arazir aghuir atrivim a gamimin gan!"

¹⁰ Ezi atrivim akar kam baregha Haman migia ghaze, "Bar dera! Ni zuamira mangi korotiam ko hoziam inigh, egh ziar ekiam Judabar gumazim Mordekai daningħi, a gumazir nan dipenir tiar akamin ingarim. Egh bizar ni mikemeziba, ni bar dar amigh."

¹¹ Ezi Haman atrivimin korotiam inigha iza Mordekai garu. Ezi Mordekai hoziam gaperazi Haman a inigha ghua nguibal ekiamin uariakuvi nagħin għu. Aning għuavira ikia Haman kamaghin gumazibar dia ghaze, "Ia bar gumazir kam gan.

Atrivim ziar ekiam a ganingi. Egh arazir aghuir atrivim a gamimin gan!"

¹² Aning kamaghin amigha givagha, gin Mordekai uamategha atrivimin ingangarim bagha ghu. Ezi Haman bar aghumsigha navim bar a basemezi, a uan guam avaraghara ara uan dipenimin ghu.

¹³ Egha a uan amuum ko namakaba bizar a bativizbar gun bar me mikeme. An amuum ko an namakar fofozir aviriba itiba, me kamaghin a migei, "Datirighin nin ziam ko gavagavim Mordekai ni dama a iniasa. A Judan gumazim, ni anebinsi damuva avegham. A ni dikabiragh ni agivaghram. Eghni ni puram an guraghav ikiam."

Esta Hamanin gun atrivim migei

¹⁴ Egha me uariv giavira itima, atrivimin dipenimin aven ingarir gumaziba otifi. Egh Haman inigh Estan isam bagh zuamira mangasa.

7

¹⁻² Ezi kar namba 2in dughiam atrivim ko Haman ghugha Esta koma api. Me wain apa egha daghemin tongin atrivim uam Estan azara, "Kwin Esta, bizar ni ifuegha na mikimasava amim, ni na mikim. Eghni, nguibar ki ativaghgarim, ki tongira anebigh egh akuatam ni daningam."

³ Ezi Esta a ikaraghah għaze, "Atrivim, ki nin azangsisi, nin ifongiam nan azangsizim ikti, ni nan azangsizim ikaragh. Ezi nan azangsizimra kara, ki ko na adarasi, e ovengan ki aghua. E angamira ikiasi. ⁴ Ki kamaghin oraki, gumazir mam ki uan adarazi ko e misuegħi e aremegħamin tuvavim atiġha gifa. Me bar e kuavaremħa. Egh me ki uan adarazi ko e isi, pura kalabuziar amiziba ko gumazibar min ikki, e iniam, eghni ki ni mikimmin akaba puvatigham. Ki osimtizim ni daningan aghua. Ezi me bar e kuvarimasa, kamaghin ki bizar kamin gun migei."

⁵ Ezi Atrivim Serksis kamaghin oregha Estan azara, "Tina atiatiba puvatigha, ni migeir bizar kabar amuti da otivasa. Ezi gumazir kam managh iti?"

⁶ Ezi Esta a ikaraghah għaze, "Ki Haman migei. A en apānim damu egh e gasighasighasa." Ezi Haman, Atrivim Serksis ko Kwin Esta, aningin guammingin bar aguaghfagħha bar atiatingi. ⁷ Ezi atrivim puvira atara dikavighha pura dagħer dakozim ategħha azenan ghua uan dipenimin divażiżmin aven itir plauan azenimin għu. Guizbangira Hamanin ganġi, atrivim bizar kam bagħ osimtizim a daningam. A ua bagħ Kwin Esta mikimiva a għażżeira. A għażże, an apangkuvim nan iki, egh atrivim na bagħ mikimti, a

na gasighasighan kogħam. Kamaghin a dipenimin aven ikiavira iti.

⁸ Egha a bar osemegħa dakozir Esta aperaghav itim uabi ekunigha uabin akurvaghha Esta għagħori. Ezi datirighha atrivim azenimin ikegħa aven iza kamaghin ganigha, pamten tuaraghha migei, "Gumazir kam ti nan dipenimin nan damazim arazir kurabar kwin damuwa?"

Atrivim mikemezi, an ingangarir gumaziba magħira iza, Hamanin guam avara, arazir kamin me gumaziba bar men akgħa, atrivim Haman misuegħti an aremegħam. ⁹ Ezi atrivimin dipenimin ingangarir gumazir mam an ziam Harbona, a kamaghin migia ghaze, "Haman temer akiñir mam uan dipenimin borogħin anesara. Ezi an ruarim 20 mitantu. A Mordekai dafagh aneguasa ingarizir bizim, gumazir fomira atrivimin akurazima an ovengież puvatizim."

Ezi atrivim akam amaga ghaze, "Ia mangi Haman isi temer akiñir kamin an firim dafagh aneguragħti, an aremegħ." ¹⁰ Ezi me Haman inigha, a Mordekai aguasa asarazir tememram Haman agura. Me kamaghin amigha givazima atrivim navir amirizim isi.

8

Atrivim Judabav già għaze, me uan apanbar midoroziba ikarvaghha

¹ Ezi Judabar apanim Haman ovengież dughiemra, Atrivim Serksis an dipenim ko an biziba bar ada isa Kwin Esta ganingi. Ezi Esta atrivim migħi għażże, Mordekai na ko e ikkiz vamira, a kamaghin atrivim mikemezi Mordekai iza atrivimin guamin tu. ² Ezi atrivim uan dafarim ring suegħa a isa Mordekai ganingi. Ringin kam atrivim ziamin ababanim an iti. Ringin kamra Haman faragħa uan dafarim garisi, ezi atrivim a inigha, Mordekai ganingi. Ezi datirighha Esta Mordekai a misveżima, a Hamanin dipenim ko an biziba bar dagh ativħaqha dar gari.

³ Egha gin Esta atrivim bagħha ua ghugħha, an dagħiġminn ġi borogħin iri, egha azia temeriba ira iti. Egha a gumazir arazir kurar kam gamiziba bagħha atrivim azangsisi, eghni an apangkuvim iki me mikemegħti me uam arazir kurar Haman Judabar amuosa mikemeżiż damuan kogħam. ⁴ Ezi atrivim uan għol atriv fididżim isa Estan amadazima, a dikavighha għażże, ⁵ "Atrivim, ki ua nin azangsisi, nin ifongiam nan azangsizim iki, egh ni na gifongeġġi, egh ni nan akam gifongeġħti, ki nin damazim deragħam, kamaghin ni nan azangsizim ikaragh. Egh akina farir gavvavitam osirigh egh uan guibar ekiaba

bagh ada amadagh. Egheti me fogham, Haman a Agakin adarazir mav, a Hamedatan otarim, a Judabagh asighasighamin nighnizir kam me anetegha damuan marki. ⁶ Osimtzir kam nan adarazi bativan ki bar aghua. Egh me nan adarazi bar me gasighasichti, nan dabirabim manmaghin deragh ikivira ikiam?"

⁷ Ezi Atrivim Serksis kamaghin Kwin Esta ko Judabar gumazim Mordekai migei, "Gua fo, Haman Judabagh asighasighasava anima, kamaghin ki tememin anegurazima an areme. Ezi ki an biziba bar da isa Esta ganingi. ⁸ Ezi datirighin guarara uan ifongiamin gin mangi akatam osirigh uan adarazi Judaba, me bagh anemangisi anemang. Gua akinsafarim osiriva nan ziamin gavgavim ko nan ringin itir nedazim isi akinsafarimin porogh, egheti nin akaba gavgavim adar ikiam. Gumazamiziba bar fo, akinsafarir nan ringin nedazim itim, tav anebighan gavgaviba bar puvatigham."

⁹ Ezi Mordekai atrivimin akinsafariba osirir gumazibav keme. Ezi me akinsafariba osirigha da isa Judaba ko, gumazir dapanir ekiaba ko, nguibar ekiabar garir gumazir dapaniba ko, 127plan provinsbar garir gumazir ekiaba, provinsin kaba da Indian provinsin ikegha ghua Itiopian provinsin tu, me me bagha vaghvaghda amada. Mordekai osirir gumazibav gia ghaze, ia da osiriven men nguibabar akabar me osirir arazimin akaba vaghvagh me bagh da osirigh, egh uaghan Judabar migeir akamin me bagh osirigh. Mordekai amir bizar kam, a iakinir namba 3 an ziam Sivan, an 23 aruemin oto.* ¹⁰ Egha Mordekai atrivimin ziamin akinsafariba osirigha givagha, atrivimin ringin nedazimin dar poke. Egha gumazir akinsafariba inigh mangamiba, me hoziar aghuir atrivimin ingangarimram amiba inigha, akinsafarir kaba inigha zuamira nguibaba bar dar ghue.

¹¹ Ezi akinsafarir kabar osizirabar ave-riabar, atrivimin akar gavgavim dar iti. Da kamaghin migia ghaze, nguibar an ativaghgaribar aven, Judaba ko misoghsizi uari uari akiriva uari bagh gan, egh uarir akurvagh. Egheti atrivim garir nguibabar dar midorozir gumazir manaba, me iziva Judaba misoghsizi iziti, atrivim Judabar amamangatigham. Egheti me uan ifongiamin gumaziba ko, amiziba ko, boriba ko misogh me agivagh men biziba bar ada iniam. ¹² Egha Haman faragha Persian nguibar ekiamin akar kam akiri, iakinir namba 12, an ziam Adar, an aruer 13in, a Judabagh asighasighasa

dughiar kam ati. Ezi bizim ua raghiri, ezi dughiar Haman atizir kamra, Judaba uan apanibav sogham. ¹³ Ezi akinsafarir kam a atrivimin akar dikirizir gavgavim an iti, egh bar moghira nguibabar mangam, egheti gumazamiziba bar oregh fogham. Egheti Judabar apaniba izi, me misoghamin dughiam, akar gavgavim uaghan men amamangatigha ghaze, Judaba uaghan men midorozim ikarvagh. ¹⁴ Ezi atrivim migeima gumazir akinsafariba inigha zuiba atrivimin hozיאbagh apiaghā ivemara bar zuamira ghue. Egha me akar gavgavir kam bar Susan nguibar ekiamin aven uaghan anekuri.

¹⁵ Ezi me Mordekai atrivimin korotiar ghurghurim ko blupla a garu. Egha inir bighaghevир ruarir mam uaghan a garu. Egha gin atrivimin dapanir asuar aghuim a garu. A ubi asingigha atrivimin dipenim ategha azenan zui. Ezi Susan gumazamiziba an ganigha bar akeugeha pamten diava arai. ¹⁶ Ezi Judabar naviba derazima me amiraghia iti. Me bar moghira bar akeugeha fo, me uan apanim abiraghā gifa. ¹⁷ Ezi nguibaba ko provinsba bar dar aven atrivimin akar gavgavim otozi Judabar a baraki. Egha Judabar bizar kam bagha, dughiar kamin isar ekiam gamigha avughha ikia apa bar akeugeha iti. Ezi Judabar azenan itir gumazir aviriba atatiqha iza men tongin ikia Judabar min otiva Judabar arazibar gin zui.

9

Judaba uan apanibagh asighasiki

¹ Adarin iakinimin, an aruer namba 13 oto. Dughiar kamra atrivim faragha akar gavgavim kamaghin anetigha ghaze, apaniba Judabagh asighasigh me abiraghaha. Ezi puvati, dughiar kam otozi Judaba ua raghirigha me gasighasigha me gafira. ² Dughiar kamin atrivim garir provinsbar aven itir nguibaba, Judaba bar dar aven ikia uari akufa. Egha uan apanibar midoroziba ikarvaghaha uarivgia egha biziba akira iti. Ezi atrivim garir nguibabar gumazamiziba bar Judabar atatiqha biziitam me damuan ibura. ³ Egha provinsba garir gumazir dapaniba ko, gumazir aruaba ko, gavmanin gumazir dapaniba ko, atrivimin ingangaribar garir gumaziba, me bar Mordekain atiati. Kamaghin amizi, me bar Judabar akurvashi. ⁴ Kantrin kamin gumazamiziba bar fo, Mordekai datirighin atrivimin dipenimin aven gavgavir ekiam atrivimin apengen a ini. Ezi dughiar kamin an gavgavim ekiva ghuavanagavira iti. ⁵ Kamaghin

* 8:9: Judabar kalendan iakinir namba 3 Sivan, kar Pentikosin dughiam. Ezi en iakinimin dughiar kam kar Mei ko Jun.

amizi, Judaba uan ifongiamin gin ghua uan apaniba puvira me misuagharsi. Me midorozir sababar suigha me ko uariv sogha me misozi me ariaghiri.

⁶ Egha Susan nguabar ekiamra me gumazir 500pla misoghezi me ariaghire. ⁷⁻¹⁰ Judaba uaghan Hamanin otarir 10pla bar me misoghezi me ariaghire. Haman a Judabar apanim gamir gumazim, a Hamedatan otarim. An otaribar ziabar kara: Parsandata ko, Dalfon, Aspata, Porata, Adalia, Aridata, Parmasta, Arisai, Aridai ko, Vaisata. Me ariaghirezima, Judaba men bizitam okemezir puvati.

¹¹ Ezi dughiar kamra Susan nguabar ekiamin aven ariaghirezir gumazibar dibobonimin eghaghanim ghua atrivim bato. ¹² Egha gin atrivim kamaghin Kwin Esta migia ghaze, "Susan nguibamra Judaba gumazir 500pla misoghezi me ariaghire. Ezi Hamanin 10plan otariba uaghan ariaghire. Ezi nguabar ekiar ighazariba e fozir puvati, ingangarim manmaghin ghuama!"

Egha atrivim ua kamaghin Estan azara, "Ni datirighin bizar tizim uam a gifonge? Ni ifongezir bizar bagh na mikemegh, eghiti ki ni danigham."

¹³ Ezi Esta atrivim ikaragha ghaze, "Ni nan azangsizim gifuegh, egh a ikaragh. Egh Judan Susan itibar amamangatighti me datirighin amizi moghin gurumzaraghan ua kamaghira damu. Egh Hamanin otarir ariaghirezibar kuuba inigh temer Haman asarazimin men firibar afegh me aguigh."

¹⁴ Ezi atrivim me kamaghin damuasa a ifonge. Egha an akar kam Susan itir Judan gumaziba bagha anemada. Ezi me dughiar kamin azena gumazibar damazibar Hamanin otaribar kuuba tememin me agui.

¹⁵ Ezi Adarin iakinimin, an aruer namba 14in Judaba Susan nguibar ekiamin uari akufa. Egha 300plan gumaziba nguibar ekiamin me misoghezi me ariaghire. Me ariaghirezima Judaba men biziataba okemezir puvati. ¹⁶ Ezi atrivim garir provinsin ighazaribar itir Judaba, me uaghan uarira uari akuva deravira ikiasa mighigha misosi. Me uan apaniba ko uariv sogha uan midoroziba ikarvasi.

Egha gavgavigha misogha egha 75,000plan gumazir men aghuazibav soghezima me ariaghire. Ezi me ariaghirezima me men biziataba okemezir puvati. ¹⁷ Me Adarin iakinimin namba 13in aruem, me apanibav soghezi me ariaghire. Ezi aruer namba 14in midorozitam uam otozir puvati, ezi Judaba dughiar kamin avughsa bar akuegha isar ekiam gami.

¹⁸ Ezi Judan Susan nguibar ekiamin itiba, me Adarin iakinimin aruer namba 13 ko 14in

uan apanibav sogha me agiva ghuavira iti. Egha Adarin iakinimin namba 15in aruem, me avughsa bar akuegha isar ekiam gami. ¹⁹ Bizar kam bagha, Judan gumazamizir nguibar dozibar itiba bar bizar kam ginighnigha, Adarin iakinimin aruer 14in avughsa bar akuegha isar ekiam gamir dughiam. Me dughiar kamin uaghan uan bizar aghuiba uari ikarvaghha uari ganidi.

Me Purim arizir isar ekiam

²⁰ Ezi Mordekai bizar otivizir kaba bar ada osirigha givagha, Persian nguibar Judaba itibar ada mangi. Nguibar roghira itiba ko saghon itiba uaghara. ²¹ Egha a me migia ghaze, Adarin iakinimin namba 14in aruem ko 15in aruem, kar ia zurara bar akuegh ikiamin dughiam. ²² Aruer kammingin Judaba uan apaniba agifa. Ezi iakinir kamra men osimitizim ko arareba gifa, ezi Judabar naviba derazi me bar akonge. Ezi Mordekai me migia ghaze, ia isar ekiabav kim dar amu egh dar iki. Egh dagher aghuiba uari ikarvagh uari daning, egh gumazir bibiza puvatiziba ia uaghan bibiza me daning. ²³ Ezi Judaba Mordekai me mikemezi moghin ami. Ezi dughiar kamin azeniua vaghvaghha me avughsa ikia isam gamuava apa, egha biziba uari ikarvaghha uari ganidir arazir kam, a men arazir me zurara damuamin min oto.

²⁴ Me fo, fomira Judabar apanim gamir gumazim Haman a Hamedatan otarim, egha Agakin adarazir mav. A Judabar apanim gamua, egh me misuehti me arimighirasa fofoghosa ikararer mam gamua egha dughiar mam bato. Ezi Hibrun akam me fofoghosa ikararem gamimin mingarim kamakin, dughiar kam "Purim," a garisi. Dughiar kam, Haman Judaba bar me gasighasighasa a diboro.

²⁵ Ezi Esta atrivim bagha ghuzi atrivim akinafarir gavgavim osiri. Egha ghaze, "Fomira Haman Judaba bar me gasighasighasa akam ati, ezi datirighin osimitizir kamra uamatagh izi a bativam." Ezi me temer an asarazimram aneguragha, uaghan an otariba gui. ²⁶ Egha me bizar me bativizir kabagh nighnigha kamaghin ami. Ezi Mordekai akinafarim amaga ghaze, me dughiar kamin avughsam. Ezi kamaghin, me avughsazir dughiar kamning dibora ghaze, "Purimin Dughiar Ekiam." Ezi ziar kam Purim, an mingarim kara, Satun Ikararem. ²⁷ Ezi Judaba dughiar kam gamizima, a me azenibar zurara damuamin arazimin min iti, eghiti men ovavir borir gin otivamiba ko gumazamizir ighazarir Judabar aven izamiba uaghan arazir kam in mangam. Egh azeniba bar,

dar dughiar pumuningin Judaba Mordekai me mikemezir dughiar kam ginighnigham.²⁸ Egha me ghaze, Judan adarazir aven dipeniba vaghvagh men ovavir borir gin otivamiba ko, gumazamizir provinsba bar dar itiba ko, nguibar bar ekiabar itiba bar, me Purimin dughiam ginighnigh egh azenia bar me avughsam.

²⁹ Egha Abihailin guivim Kwin Esta, ko Mordekai, aning akinafarir ighazarir mam osiri. Ezi Purimin Avughsamimin migirigiam an iti. Ezi akinafarir kamin Kwin Esta migia, Mordekai faragha uabira osirizir akinafarim, gavgavim a ganidi. ³⁰ Egha aning Judan 127plan provinsin Persian kantri aven itiba bagha akinafarir kaba amangi. Akinafariba kamaghin migia ghaze, “Ua midoroziba puvati, ezi ia bar guizbangira naviba amiragh dabirabir aghuimin iki. ³¹ Egh ia uan ovavir borir gin otivamiba ko, ia Purimin Dughiar Ekiaba dar suighvira iki. Mati ia faragha arava naviba osiava dagheba ataghizar arazimin gin mangi. Ki Mordekai ko Kwin Esta, ga akar gavgavir kam bar moghira ia ganingi.” ³² Ezi Estan akar a Purimin Dughiar Ekiam bagha mikemezim gavgavim Purim ganidi. Ezi me akinafarir mamin an osirigha anetizima a iti.

10

Atrivim Serksis ko Mordekai ziar ekiam iti

¹ Ezi Atrivim Serksis ongarir dadarimin boroghin itir gumazamiziba ko, uan kantrin aven itir gumazamiziba inigha, me gamizi, me a garir nguazibar ingara iti.

² Ezi bizar ekiaba ko bizar aghuir atrivim amiziba ko, migirigiar arazir a Mordekai gamizi a gumazir ekiam otoziba, me bar da isa Persian atriviba ko Midian atrivibar akinafaribar ada osiri. ³ Ezi Judan gumazim Mordekai a ubi atrivimin apengan ikia ingari, ezi Atrivim Serksis uabira an gumazir dapanimin iti. Ezi Judaba bar a gifuegha an ziam fe. Ezi a ingangarim gamima Judabar dabirabim bar dera. Kamaghira, me atiatingan kogham. Eighti men ovavir borir bar gin otivamiba men dabirabim deraghvira iki mangivira ikiam.

Jopin Akinafarim O Jop Akar faragha zuim

Jopin Akinafarim, arazir aghuibagh amir gumazir mam geghari, gumazir kam osimtizir ekiam bato. An boriba bar ariaghire, ezi an bulmakauba ko bizir maba saram ovenge. Egha gin, a ubi arimariar ekiam bato. Kamaghin amizi, Jop osimtizir ekiamin aven ikiak an navim bar oseme, ezi an namakar 3pla an apangkuvigha izava a ko iti. Egha Jop uan namakaba ko me osimtizir a batozir kamin mingarim bagha migirigar ruarin gami.

Jopin namakaba Israelian nighnizir għurimin gin zui. Me ghaze, gumazir arazir aghuibagh amibara, God deravira me gami. God osimtizim gumazim dandingi, e fogħ suam, gumazir kam arazir kuram gamizi, God an arazir kuram akirasa osimtizim a ganidi. Kamaghin Jopin namakar 3plan kaba ghaze, Jop uan arazir kuram ategħti, God faragħa a gami mogħin, ua deraviram a damuam. Ezi Jop kamaghin fo, a gumazir Godin damazim derazim. Egha Godin damazim arazir kuratam gamizir puvatiz, God osimtizir kaba a ganingi.

Jop puvira God a gamizir bixir kabagh nighnigha, azangsizir ekiaba iti. Ezi da kammak, "Godin Araziba manmagħin ti? An arazir aghuibaram ami, o? Nighnizir gavvav Godin ikiak an apenġan itir arazim, an dagħem manmagħin gumazamizbar ikirimir bativam?" Jop uan nighnizir gavgavim ataghixir puvati, egha a uan azangsiziba God damuun atiatir puvatiz. Jop, ziar aghuir kam, Godin damazim derazir gumazim, a uam a iniasa bar ifonge.

God deragħa bighavira Jopin azangsizir gavgaviba ikarazir puvatiz. Egha a uan gavgavir ekiam ko uan fofozir ekiam Jopin aka. Ezi Jop, Godin migirigar kam baregħa ghaze, ki paza God gami. Nan aningħagħarim bar ekefe, ezi ki akar kurabar ni mikeme.

Akinafarir kam, bar abuan, God ua deravira Jop gamiġha, Jopin namakabar atari. Nighnizir me Jopin osimtizim min garim gata mikkemzeżiba, da derazir puvatiz. Akinafarir kam kamaghin en akakasi, e kamaghin mikkim kogħam: E Godin nighnizim ko araziba bar mogħira dagh fogħa għifa. God an Ekiam. Ezi an nighnizim ko fofozim, e gumazamizba, en nighniziba ko fofoziba bar dagh afira.

Jop dugħiar kuram bato

(Sapta 1-3)

God ko Satan, Jopin arazibav gei

¹ Bar fomira, Usin nguazimin itir gumazir mam, an ziam Jop. A gumazir bar aghuim, egha Godin damazim arazir kuratam itir puvati. A Godin atiatia an apenġen ikiava an ziam fava, zurara akirim arazir kurabagh asi. ² An amuim a bagħha otar 7pla ko guivir 3pla bate. ³ A uaghan 7,000plan sipsipba ko, 3,000plan kamelba ko, 1,000plan bulmakauba ko 500plan donkin amebaba iti. Egha a ingangarir gumazir aviriba ko ingangarir amizir aviriba iti. Bizir kaba bagħha gumazamiziba bar an ziam fe, ezi a kantrin aruem anadi naghin itibar gumazibagh afraigħha ziar bar ekiam iti.

⁴ Ezi Jopin otariba zurara ghua dugħiar me vagħvagħha uari bagħha mīsevezibar, uan dipenibar isar ekiabagh ami. Men tav isam damuamin dugħiam, a uan aveghħuuba ko, uan amizir 3plan diagħi me iżi a ko damam. ⁵ Isabar dugħiabar girara, Jop zurara akaba amadima, me an dipenim iżi. Egha me Godin damazim zueghħasa, a me bagħha ofabagh ami. A bar mizaraghha dikavigh vagħvagh me bagħha asiziba bar isia mighiři ofabagh ami. A zurara arazir kam gami. A kamaghin nighnisi, me ti uan navir averiabar aven ti arazir kuram gamua paza Godin mikkemegħħama. Egha nighnizir kam bangin, a me bagħha ofabagh ami.

⁶ Dugħiar mamin Godin Nguibamin itir enselba iza Ikiavira Itir Godin damazim uari akufa. Ezi Satan uaghan iza men tontin iti. ⁷ Ezi Ikiavira Itir God kamaghin an azara, "Ni managh ikegħa izav oto?"

Ezi Satan kamaghin a ikara, "Ki nguazimin danganir vamiran itir puvati. Ki arua nguazir kamin danganiba bar dar mangiż izegħi gami."

⁸ Ezi Ikiavira Itir God Satanin azara, "Ni ti nan ingangarir gumazim, Jopin ganiz, o? Jop, a bar gumazir aghuim, egha nan damazim arazir kurabu puvatiz. A nan atiativa nan apenġan ikiak nan ziam fava, zurara akirim ragħha arazir kurabagh asi. Nguazir kamin danganiba bar gumazitam an min itir puvatiz."

⁹ Ezi Satan kamaghin Godin akam ikaragħha ghaze, "Ni deravira Jop gami, kamaghin a ni bagħavira iti. Ni ghaze, Jop nin dafarim bixir aghħuitam inighan kogh, egh ti ni apenġan ikiak, o? Ki ghaze, ti puvatigħam. ¹⁰ Ni zuraram a ko, an amuiroghboriba ko, an bixiba deravira

dar gari. Mati, gumazim divazir bar gavgavimin aven iti. Ni zurara deraviram a gamua bulmakauba ko asizir aviriba a ganingizi, da a itir nguazim bar a gizifa. ¹¹ Kamaghin, ni uan agharim aminegh, a da bizar aghuir kabagh asighasigh da agivagh, egh ni ganti an akar bar kurabar ni mikimam."

¹² Ezi Ikiavira Itir God kamaghin Satan migei, "Ni gan! Ki bizar aghuir kaba bar da isa nin agharim gati. Ni an biziba manmaghin dar amusi, dar amu. Egh Jop ubabi, ni paziva a damuan marki." Ezi Satan Ikiavira Itir Godin akam baregha anetegha ghu.

Dughiar namba 1 in Satan osimtizim Jop ganingi

¹³ Dughiar mamin, Jopin otariba ko guiviba, me uan avebamín dipenimin isar ekiam gamua dagheba ko wainin dipaba api. ¹⁴ Ezi ingangarir gumazir mam ivedha Jop bagha izegha kamaghin a gehgari, "E akunimin ingarima, bulmakauba nguazim abizima, donkiba men boroghira graziba api. ¹⁵ Ezi Sabean gumaziba zuamiram otivigha uan midorozir sababar ingangarir gumazibav soghezi me ariaghire, ezi me bulmakauba ko donkiba inigha ghue, ezi ki uabira miseveaghirigha arav ghugha ni mikimasa izi."

¹⁶ Gumazir kam migiavira itima, ingangarir gumazir igharazim otogha iza kamaghin migei, "Onimarir dafam, Godin avimin min overiamin ikegha tagtagha izaghira, sipsipha ko dagh eghuvir ingangarir gumaziba bar men isizi, me ariaghire. Ezi ki uabira osimtizir kamin miseveaghirigha arav ghugha ni mikimasa izi."

¹⁷ Gumazir kam migiavira itima, ingangarir gumazir igharazir mam uam otogha iza kamaghin migei, "Kaldian 3plan gumazir okoruba iza nin kamelba okemega, nin ingangarir gumazibav soghezi me ariaghire. Ezi ki uabira ki miseveaghirigha arav ghugha ni mikimasa izi."

¹⁸ Gumazir kam migiavira itima, ingangarir gumazir igharazir mam uam otogha iza kamaghin migei, "Nin otariba ko guiviba, nin otarir ivariamin dipenimin isar ekiam gamua dagheba ko wainin dipaba api. ¹⁹ Ezi aminir dafam zuamira dikavigha gumazamiziba puvatizir danganimin ikegha iza, me itir dipenimin 4plan mikebabagh ivarazi, a dipirigha me misoghezi, me ariaghire. Ezi ki uabira miseveaghirigha arav ghugha ni mikimasa izi."

²⁰ Ezi Jop kamaghin oregha bar ose-megha, dikavigha uan korotiar ruarin abigha uan dapanim gise. Egha Godin damazimin tevimming apirigha, uan guam nguazim mituagha Godin ziam fe. ²¹ Egha a kamaghin migei, "Nan amebam na batezir dughamian, ki bizitam inigha izezir puvati. Ki bibiamra ize. Egh kamaghira, ki aremegh pura mangam. Ikiavira Itir God ubabi bizar kaba na ganigha, egha datirighin ua da ini. Kamaghin, ki an ziam fe."

²² Egha osimtizir kamin aven, Jop paza Godin mikemegha arazir kuratam gamizir puvati. An akatam God gasir puvati.

2

Dughiar namba 2 Satan osimtizim Jop ganingi

¹ Dughiar igharazir mam, enselba ua iza Ikiavira Itir Godin damazimin uari akufa. Ezi Satan iza uaghan men tongin ti. ² Ezi Ikiavira Itir God an azara, "Ni managh ikegha izav oto?"

Ezi Satan kamaghin a ikara, "Ki nguazimin danganir vamiran itir puvati. Ki arua nguazir kamin danganiba bar dar mangih izegh gami."

³ Ezi Ikiavira Itir God an azara, "Ni nan ingangarir gumazim Jopin ganiz, o puvati? A gumazir bar aghuim, egha nan damazimin arazir kuraba puvati. A nan apengan ikia nan ziam fava, zurara akirim ragha arazir kurabagh asi. Nguazir kamin danganiba bar, gumazitam an min itir puvati. Ezi ni na apezepera na abirazi, ki ni ataghizi ni puram osimtizim a gati. Ezi a na ataghizir puvati. A fomiram ami moghin nan gin ghua kamaghira iti. An arazir kuratam gamir puvati."

⁴ Ezi Satan kamaghin a ikaraghha ghaze, "Guisi? Ki ghaze, gumazitam deravira ikisi, uam biziba bar da ateghiva ua uan ikirimrim givezam. ⁵ Kamaghin, ki ghaze, ni uan agharim aminegh an namnam ko agharibagh asighasigh, egh ni ganti, an nin damazimin bar pazivira ni mikemegham."

⁶ Ezi Ikiavira Itir God kamaghin Satan migei, "A dera, ki a isa nin agharim gati. Ni arazir manamin a damusi ifuegh, ni a damu. Egh ni a misueghti an aremeghan bar marki."

⁷ Egha Satan Ikiavira Itir God ategha azenan ghua duar bar gavgaviba Jopin mikarzim gariki. Da an dagarimningin apengan ikegha ghua an dapanimin tu.

⁸ Ezi Jop dikavigha nguubar ekiamin azenan, uan osimtizim akaghaha danganir me bizar kuraba makurimin ghua, averenimin tongin aperaghay iti. Egha nguazir miner akuar mamin suiraghha ubabi isavira iti. ⁹ Ezi

an amuim ghua an gara kamaghin a migei, "Manmaghin amizi ni Godin suiraghavira iti? Ni anetakigh, egh an ziam gasighasigh, egh aremegh."

¹⁰ Ezi Jop kamaghin uan amuim ikara, "Bar puvatigham. Ni amizir onganir mamin min migei. E bizar aghuariba God dama da isi. Egh manmaghsu an osimtiziba uaghan e daningti, e da inian kogham?"

Guizbangira, osimtizir kaba Jop bativizir dughiamin aven, an akar kuratam God mikemezir puvati.

Jopin namakar 3pla izava an gari

¹¹ Ezi Jopin namakar 3pla, osimtizir kurar a batozim baregha, a bagh mangi an ganasa akam misoke. Men ziabar kara: Elifas a Teman nguibar ekiamin gumazir mam, ezi Bildat a kantri Suhan gumazir mam, ezi Sofar a kantri Naman gumazir mam. Me dikavigha uan nguibaba ategha uari akuvagha Jopin apangkuva gavgavim a daningasa zui. ¹² Me izavira ikia saghuiamin tuvigha an garima, an mikarzim bar ikuvizi, me deraviram a gifozir puvati, a guizbangira Jop o, gumazir igharazim. Egha me puvira pamten azia, uan korotiar ruariba abigha nguazir mineziba isa pin da akurima, da izaghiri men dapanibagh isin iri. ¹³ Egha me a ko 7plan arueba ko 7plan dimagaribar nguazimin apiaghav ikia garima, a mizazir dafam isi. Kamaghin amizi, me a ko migirigiar tam gamir puvati.

3

Jop dughiar amebam a batezimin atara migei

¹ Egha 7plan dughiarbar gin, Jop bizibav gia amebam a batezir dughiam pazava a migei. ² A kamaghin migei:

³ "Kamaghin deraghai, dimagarir nan afeziam ghua nan amebam koma akuizi, a nan navim asangizim, God dughiar kam bar a kuavaremeghai.

Dughiar amebam na batezim, a dughiar kam bar a gin amadaghai.

⁴ God dughiar kam gamizi a bar mitarmangizi deraghai.

Pin Itir God, aruem ataghizi, a dughiar kam gisiraghan kozi deraghai.

⁵ A dughiar kam gamizi a bar mitarmegha, ghuardiar piziba overiam avaraghiva aruem angazangarim bar anepazazi, kamaghin deraghai.

⁶ Dimagarir ki borimin otozi amebam nan navim adaimin, mitarmer dafam anevarazi deraghai.

God dimagarir kam kalendan dughabar tongin anetizir puvatizi deraghai.

Kamaghin, gumazamiziba iakinibar aruer igharazibar tongin a diborir puvatighai.

⁷ Gumazamiziba uarir ikiava bar akongezir arazim dimagarir kamin a gamizir puvatizi, deraghai.

Dimagarir kamin amiziba boriba batezir puvatizi, kamaghin deraghai.

⁸ Ki ghaze, gumazamizir akavsiabar ongarimin itir bizibav geir gavgavim itiba,

ko gumazir asem Leviatan fer gavgavim itiba,
me akar kuraba dughiar kam ganingizi, ti deraghai.

⁹ Dimagarir kamin aminim pirigha mamaghira itima, aminim itir mikovezir anadiba isian koghai,

ezi aminim itir angazangarir faragha otivim otoghan koghai, kamaghin deraghai.

¹⁰ Dimagarir kam, nan amebamin borir mitarim dukuazir puvatizi, ki datirighin osimtizir dafamin aven iti.

Kamaghin, ki ghaze, dimagarir kam ikuvigha deraghai.

¹¹ "Manmaghsua, ki uan amebamin navir averiamin itir dughiamin aremezir puvati?

Manmaghsua, amebam na batir dughiamin, ki aremezir puvati?

¹² Tizim bagha amebam na isa uan apoziim gatigha
otem na ganingi?

¹³ Ki ovegha datirighin ti navir amirizimin ikia,
eghaakuava avughsai.

¹⁴ Ki ti atriviba ko men fofozir gumazibar min aremegha avughsa deravira ikiai.

Me nguibar ekiar ikuviziba uari bagha ua deraghavira dar ingarigha gifa.
Egha me uaghan ariaghiregha, datirighin avughsa iti.

¹⁵ Gumazir aruar gol ko silvan uan dipenibagh arighizi, da bar izivaziba, me datirighin bar ovea ghue.

Ki men min deravira dakuasa.

¹⁶ Kamaghin deraghai, ki amebamin navir averiamin aven aremegha, aruem angazangarimin ganigan koghai.

¹⁷ "Gumazamizir Oveaghuezibar Ngulibamin,

gumazir arazir kurabagh amiba
datirighin arazir kabagh amir puvati.
Ezi gumazamizir amiraziba der-
aghaviram avughisi.

18 Gumazamizir Oveaghuezibar Nguibamin,
kalabuzaiba datirighin amiraghiriha
nimira iti.
Me uan gumazir me dikabira men
garibar dimdiaba barazi puvati.

19 Danganir kamin, gumazamizir guar
aviriba iti.
Gumazir kiniba ko gumazir ziaba itiba,
me bar moghira an iti.
Danganir kamin, pura ingangarir gu-
mazir kiniba, me ua uan gumazir
men garibar apengen itir puvati.
Me firiaghiregha gifa.

20 "Ki kamaghin azai, God gari, gumazamiz-
iba osimtiziba ko dughiar kurabar
itima,
a tizim bagha me ataghizarima me
angamira iti?

21 Gumazamizir kabanang aremeghasa bar
ifonge, ezi ovevem me bativir puvati.
Me ovevem buria puvira ingari,
mati me nguazimin modoziir bizi
ivezir bar pin kozim bagha
nguazim gutui.

22 Me ovevem batozir dughiamin,
me matmatiamin gara bar akonge.

23 God gumazir kabar tuaviba bar ada piri,
ezi me mangamin tuaviba monge.
Ezi me fozir puvati, me manmaghin
damuam.
Ki kamaghin azai, Tizim bagha God me
ataghizi ikirimirir angamira itimin
angazangarim men iti.

24 "Nan navir averiam ara mamaghira iti,
ezi ki dagheba apir puvati.
Ki pazavira ubabi baragha, zurara diava arai.
Ezi nan navir osimtizim, mati dipam
afemozibagh izivagha emira zui.

25 Guizbangira, bizi kti atiatiba,
da na bativigha gifa, egha na
gasighasasi.

26 Kamaghin, ki navir amirizimin itir puvati.
Egh nimira daperagh iki avughsan
kogham.
Bar puvati. Osimtizimra na gizifa."

Elifasin migirigiar faragha zuim

4

(Sapta 4-5)

*God gumazir aghuibar akurvagha, gu-
mazir kuraba dikabiri*

¹ Ezi Elifas, Jopin migirigiam baregha ka-
maghin migei:

2 "Jop, ki tong mikemegham.
Ki ni mikimti, ni nan ataram, o pu-
vatigham?
Ki pura ikian kogham.

3 Ni oragh. Ki fo, ni nighnizir aghuiba gu-
mazamizir avirim ganingi,
egha gavgavim gumazamizir
osimtizibar aven itibagh aningi.

4 Gumazamizir osimtizibar aven ikia irez-
iba,
ni migirigiar aghuiba me ganiga, ua me
ghufezi me tuivigha gavgafi.

5 Ezi noka, datirighin dughiar kuram ni ba-
tozi,
ni digavir kuram gamigha atiatia nin
nighniziba ikufi.

6 Ni nighnizir gavgavim Godin ikiava, an
ziam fava, an atiatia an apengan iti.
Ni zurara arazir aghuibagh amir gu-
mazim.
Kamaghin datirighin, ni nighnizir bar gav-
gavim an iki,
egha mizuamtii a nin akuraghama.

7 "Jop, ni nighnigh,
gumazir arazir aghuibagh amua, egha
osimtizitam gumazitam gatizir pu-
vatitizitam,
osimtizitam batogha aremez, o?
Ti Puvati.

8 Ki gari, gumazir arazir kurar aviribagh
amiba,
gin osimtizir aviriba ko dughiar kuraba
me batifi.

Egha mati, gumazim azenimin in-
garigha dagher aghuim azenimin
anekaragha dagher aghuim asi.
Ezi gumazim dagher kuram akaragha,
dagher kuram asi.

9 Gumazir arazir kurabagh amiba, God men
anangagha me gasighasigha bar me a
gefi,
mati amirin gavgavim ivaima, avim ru-
arimin itir temebar isia bar da gifa.

10 Gumazir kuraba gumazir igharazibagh
asighasizir dughiabar me bar
akonge,
mati laionin gavgaviba, me asizim
misoghezir dughiamin pamten
tiarim akara dazeri.

Ezi God gumazir kaba abira, egha puv me
gasighasasi.
Ezi me mati atariba dipiraghirezir
laionba, me uam asizibav soghti da
arimighiran gavgaviba puvati.

11 Kamaghin amizi, me mati laionin gavgav-
iba dagheba puvatigha ariaghiri,
ezi dar nguziba tintinibar zui.

Ezi kamaghira, gumazir arazir kurabagh
amiba arazir kamra me bativam."

Godin damazimin gumazitam derazir puvati

¹² Egha Elifas ua kamaghin migia ghaze:

"Dughiar mam sighsirir akar mam mogomemin iza
nan kuarim giraghu.

¹³ Gumazamiziba dimagarimin pamten akuir dughiamin,
ki migirigiar kam ini.

Ki akuava organigha itima
nighnizir avirim tintinimin nan da-
panimin aven izi.

¹⁴ Dughiar kamin, atiatim na avarazi,
nan mikarzim nighava agoi.

¹⁵ Ezi aminir muziarim iza nan guam
seregha zui.
Ezi ki puviram atiatima nan
mikarzim ariziba dikafi.

¹⁶ Ki bizar mamin garima, a nimira tughav
iti.
Ezi ki deragha fozir puvati, kar bizar
tizim.

A nimira tughav ikia niginiba puvati.
Ezi tiarir dozim kamaghin migei,

¹⁷ 'God gumazamizibar ingarizi me an
apengen iti.

Kamaghin, tav ti Godin damazimin de-
raghan kogham.
A ti Godin mirara zueghan kogham.
Bar puvati.

¹⁸ E fo, enselba God ko ikiava an ingangarim
gami.

Egha dughiar maba me deravira uan
ingangarim gamir puvati.

God men arazir mabar garima, da der-
azir puvati.

¹⁹ Ezi gumazamiziba, me nguazir kamin
bizar kiniba.

Ezi ni ti ghaze, me enselbagh afiragh
Godin damazimin deravira ikiam?
Puvatigham.

God nguazim inigha gumazibar ini-
vafizibar ingari,
ezi me zuamira ariaghiri, mati gu-
maziba bughiraviaba dikabiri.

²⁰ Gumazim mizarazimin deravira ikegh
egh guaratzimin oveghti,
gumazamizir igharaziba uam a
ginighnighan kogham.

²¹ Gumazamiziba tighar nighnizir aghuim
ko fofozim iniamin dughiamin,
ovevem zuamira me bativima, gumazir
igharaziba men bizar aviriba isi,
mati gumazim averpenim ikezir
beniba firizi a zuamira de-
giaghiri."

5

¹ Egha Elifas ua kamaghin migia ghaze:

"Jop, ni akurvazim bagh dim!
Tina nin tiarim baregh izam? Ti pu-
vatigham.
Enselin tam ti nin akurvaghaha nighnisi
o?

² Gumazitam onganigh nighnizir aghuim
puvatigh arazir aghuim damuan
koghiva,
zurara navim ikuv aningaghiti, an
arazir kam a damutti an aremegham.

³ Ki gari, gumazir organir arazir kurabagh
amiba, me deraghavira uan dangani-
bar iti,
ezi ki zuamira me gasighasighasa Godin
deima, a me gasighasiki.

⁴ Eghti men boriba deravira ikiamin tu-
aviba puvatigham.
Eghti kotin aven gumazir kurabaga
me abinamin dughiamin, namakar
kotin aven men akurvaghambiba
puvatigham.

⁵ Gumazamizir dagheba puvatigha kuariba
piriba,
me izi gumazir kurar kabar azenibar
dagheba iniam.

Egh me uaghan benir ataghataribar aven
titir dagheba sara iniam.

Egh me uaghan men dagiaba ko bizar
igharaziba sara inisi nighnigham.*

⁶ E fo, arazir kurabaga osimtiziba, daghe-
bar min nguazim anagav otivir pu-
vati.

Bar puvati.

⁷ E gumazamiziba, e uari osimtizir e ba-
tivibar mingariba.

E uari osimtizibagh amima, da otifi,
mati itam isia afuaghira, avir muziarib-
agh asavamadi."

God dughiar kuramin, ni gejhuvam

⁸ Egha Elifas migia ghua ghaze:

"Ki ti ni araghha, osimtizir ekiaba atera ikiiai,
ki da agivasa God gakaghora a ko
migiai.

⁹ A digavir kuram gamir bizibagh amima e
da tuisighan asa.

Da bar en nighnizibagh afirazi, e der-
agha dagh fozir puvati.

¹⁰ An amozim amadima,
a nguazim giza dipam isa azeniba ko
bizibagh antidi.

¹¹ A ziar ekiaba, ziaba puvatizir gumaza-
mizibagh antidi.
Egha azia naviba ikuvir gumazamiz-
ibar arareba agiva me gamima,
me ua deragha bar akuegha iti.

* 4:13: Jop 33:15 5:5: Hibrun akam deragha migirigiar kamin mingarim abighizir puvati. 5:11: Jop 22:29;

- 12 "Ifavaribagh amir gumazamiziba,
a men nighniziba onganim dagh anidi,
ezi me damuasa ifongezir arazibagh
amir puvati.
- 13 Gumazamizir maba pazi igharaz darazir
amuasa, arazir kurar guar aviribagh
nighnisi,
ezi God men arazir kabagh amima da
meraram asighasisi.
- Mati gumazim asizim bagha ivem atigha,
egha a uabi ivemin aven ghu.
Egha bizir me damuasa migeiba, da
pura ghua gifa.
- 14 Men nighniziba bar davdavizi, me
bitezitam damighan kogham.
Aminim tiraghti aruem bar anangti,
me mitarmer ekiamin iti moghin, me
tuavir zuimin ganan kogham.
- 15 Ezi God gumazamizir biziba puvatizbar
akurvasi.
Ezi gumazir ekiar gavgaviba itir kaba,
me pura biziba,
me onganarazibagh amir gumazamiz-
ibagh asighasigan kogham.
- 16 Kamaghin, onganarazibagh amir gu-
mazamiziba nighnizir gavgavim
Godin ikia, uarir akurvaghsha a
mizua iti.
Egiti gumazir arazir kurabagh amiba
pazi me damuan kogham.
- 17 "Ni oragh. Godin Gavgaviba Bar Itim,
gumazitam arazim akirmighti, gu-
mazir kam, a bar akongegham.
Kamaghin amizi, God ti ni
akirmighasava ami,
ezi ni an aghuzir akaba baragh egh
akirim ragh a gasan marki.
- 18 E fo, God osimtzizim ko mizazim gumazi-
tam danigh,
egh a damighti, a gin ua ghuam-
aghegham.
- 19 Dughiar bar aviriba, a nin ganti,
ni osimtzizim aven ikiti, a nin
akuraghram.
Egiti bizir kuratam ni gasighasigan
kogham.
- 20 Egiti mitiriar ekiamin dughiamin, a
dagheba ni daningti, ni deraghvira
ikiam.
Egh midorozimin dughiamin a ni
geghuvti, nin apaniba ni misuegħti
ni aremegħan kogham.
- 21 "Apaniba akar ifavaribar nin ziam
gasighasighi damuti, God ni
akuragħti, men akaba ni abiragħan
kogham.

Egħiż bizir kurar ni gasighasighamiba
otivti, God ni geħguvti, ni atiatiġan
kogħam.

22 Mitiriar ekiamin dughiam ko dughiar ku-
ramin, God ni geħguvam, egħiż ni
navir aghuim iki bar akuegham.
Egh ni nguazir kamin itir asiszir atiabar
atiatiġan kogħam.

23 Egh ni azenir ni ingarim, dagiatam an
aven ikian kogħam.
Egħiż asiszir atiaba ni ko navir
amirizim iki deraghvira ni ko
ikiam.

24 Egħiż ni fogħam, niñ biziba bar der-
aghvira iti,
egħiż ni navir amirizim iki uan puri-
penim aven daperaghiv ikiam.
Egh ni ganti, niñ sipsipba bar ikiti,
tam oveghan kogħam.

25 Ni uaghan kamaghin fogħam, niñ boriba
bar avirasmegħam.
Ni ovavir boriba avirasmegħ, tintini-
bar nguazim iż-żgħix minn ikiam.

26 Egh ni gavgavigh iki mangi bar
ghurighiva, ovegham,
mati rais aghoramin dughiam otozi, gu-
mazamiziba rais aghora an oviziba
isi.

27 Jop, ni oragh. E deravira bizir kabagh
nighnigha kamaghin fo, da bar
guizbangira.
Migirigħi kam, ki ni akurvaghħasa a
għami,
ni deravira kuarim atiġ-
migirigħi baregh, nighnizim
inīgh."

Jop Elifasin akam ikara

6

(Sapta 6-7)

Jop mizazir ekiam isavira iti

¹Ezi Jop kamaghin Elifasin akam ikarvasi:

- 2 "O, ki uabin apangkufi.
Ki ti uan navir osimtzizim ko osimtizir
na batoziba bar da isi, skel tam
datiġħam!
- 3 Guizbangira, nan osimtizir kurar kaba,
ongarir dadarim iż-żgħix gigim
osimtzizim, bar a gafiragħam.
Kamaghin amizi, ki atarava migirigħi
aviribagh ami.
- 4 Godin Gavgaviba Bar Itim, barir
marasinsin kuram itibar na gasi.
Marasinsin kurar kam nan namnamin
aven ghuzi, nan nighnizim iku.
God atiatiġ na daningamin bizir
guar aviriba amadi.

- 5 "Donkin atiaba ko bulmakauba, damamin graziba ikiti,
da diman kogham. Bar puvatigham.
- 6 Eghiti dagher isingtiziba puvatiziba, e ti pura dar amam o? Puvati.
E faragh amangsizim dar atigh, egh dar amam.
Ez̄i tuarir aroriamin dipar kinim a isingiz o? Bar puvati.
- 7 Nan navir averiam dagher kamaghin garibagh ifongezir puvati.
Da mati nan damazimin bar ikuvizir dagheba.*
- 8 "Oio, ki kamaghsua, God nan azangsizim baregh,
nan azangsizimin mirara bizir kam damuam.
- 9 Ki kamaghsua,
God na dikabiragh pamten na misoghti ki aremeká.
- 10 Ki fo, ki akirim ragha Godin akam gasarazir puvati,
a Godin Bar Zuezim.
Kamaghin, ki mizazir ekiam isa aremeghamin dughiam, ki kamagh mikim suam, a dera, pura bizim,
ki bar akuegh uabi fi uabi akunam.†
- 11 Nan gavgaviba bar gifia,
ezi bizir aghuir manatam uam na bativsi ki a mizuamam?
Egh ki bizir tizim bagh ua iki navir amirizim ikiam?
Nan ikirimirim givaghti, deraghram.
- 12 Ni ghaze, nan gavgavim ti, bras ko dagiamin min iti, a?
Bar puvati.
- 13 Bar guizbangira, nan gavgavim bar givazi,
ki manmaghin uabi uabin akurvaghmin bizitam damuam? Bar puvati.
- 14 "Gumazim osimtzir ekiam itir dughiam,
an namakar aghuiba a ko ikia bar an apangkufi. Arazir kam dera.
Gumazamizir uan namakabagh ifongezir puvatiziba,
me uaghan Godin Gavgaviba Bar Itimin atiatia an apengan itir puvati.‡
- 15 Ki garima, ia nan namakaba ia bar deraghvira na gifari.
Ia mati amozim izi puvatizi daghuriba dake.
- 16 Amozir dughiamin daghuriba izevegha pamtemin emiri.
- 17 Egha aruemin dughiamin daghurir kaba bar dakegha dipaba puvati.
- 18 Dughiar maba gumaziba uan kamelin biziiba ateriba ko, tuaviba ataghiraghha tuavir igharazibar zui.
Egh me dipaba puvatigh, tuavim ategh mangi daghurir kabar dipaba buriam.
Eghiti dipar kaba dakeghti, me pura gumazamiziba puvatizir danganimin daru mangi arimighiregham.
- 19-20 Teman nguibar ekiamin gumaziba ko Sabean gumazir biziiba amadiba, uaghan kamaghiram ami.
Me ghaze, dipaba daghurir kabar ikiam, egh me uan kamelba inigh mangiti me dipabar amam.
Ezi me daghuribar garima, da bar dakezi, me digavir kuram gami.
Egha men nighniziba bar derazir puvatigha okam nighnisi.
- 21 Ia ti uaghan daghurir dakezir kabar min ami.
Ki ghaze, ia ti nan akurvaghaha ize, ezi ia nan garima, ki ikuvigha itima, ia bar puviram atiati.
- 22 Manmaghin ami?
Ki fomira bizir aghuitam uabi daningasa ti ian azara?
O, ki ti dagiabar uabin akurvaghaha gumazir igharazibar azagsighasa, ia apezpere?
- 23 O, ki ti apanibar dafaribar uabi iniasha ian azara?
O, ki atrivir kuramin dafarimin uabi givezasa ti ian azara?
Bar puvati.
- 24 "Aria, ia nan sure damuti, ki arazir kurar amiziba deragh dagh fogham.
Egh ki akam dukuagh iararam oraghram.
- 25 E fo, fofozir gumazim guizin akam mikimti, an migirigiaha gumazir igharazibar nighnizibar amuti, me nighnizir gavgavim dar ikiam.
Ezi ia puram akam arai.
Ia akaba deravira nan arazibar osimtzititamin gun migeir puvati.
- 26 Osimtzir kam bar na gasighasiki.
Kamaghin, nan migirigiaha derazir puvati.
Ezi ia ghaze, da aminimin min pura ivai.
Egha ia ghaze, ia ti na akirigham? Bar puvati.
- 27 Ki ghaze, ia ti borir asaghazibagh eghuvamin gumazim amisivisi, satu gikararangam.
Egh ia dagiaba inisi, ti uan namakaba amangam.

* 6:7: Ves 5 ko 7 ghaze, Jop kamaghin akar isin zuim gami, Elifasin akam tong nan akurvazir puvati, mati daghem isingizir puvati. Kamaghin amizi, ki uan akabar gun migiavira iti. † 6:10: Hibrun akam, vezin kam deragha a migeir puvati. ‡ 6:14: Hibrun akam, vezin kam deragha a migeir puvati.

28 "Aria, e uari, ia deravira gan na tuisigh.
 Ia fo, ki ia gifarir puvati.
29 Ia migirigar kaba ko arazir derazir pu-
 vatiziba atakigh,
 egh ia arazir aghuimra gin mangi nan
 araziba tuisigh.
Ki arazir kuratam gamizir puvati.
 Kamaghin amizi, ia pazi na
 ginighnighan marki.
30 Ia ti ghaze, nan migirigiam derazir puvati.
 Egha ia ti ghaze, ki fozir puvati arazir
 manam dera,
 o arazir manam ikufi.
 Bar puvati."

7

¹ Egha Jop ua kamaghin migia ghaze:
"O God, e nguazir kamin itir ikirimirim a ka-
 maghin iti, gumazamiziba bar puvira
 ingar ikiam,
 mati gumaziba ingangarim damuasa e
 amikirvagh zui.
Egha mati gumazim uan ingangarir iveauzim
 iniasa ubabi abiragh,
 bar pamten ingaravira iti.
² E mati ingangarir gumazir kinibar min,
 danganir dughuaziba itibar ikiasi
 ifonge.
 Egha e mati ingangarir gumazim
 iveauzim iniasa ingarigha iveauzim
 bagha mizua iti.
³ God nguazimin ikiasi na amisevegha na
 gamizi,
 iakiniba iza zuima, nan ikirimirim mati
 pura bizar kinim,
 egha mingarir aghuim puvatigha kam-
 aghira iti.
Ezi zurara dimagaribar, nan navim ose-
 megha ikia derazir puvatigha kam-
 aghira iti.
⁴ Ki misiamin akua egha aminim zuamira
 tiasa ki ifonge.
 Ezi dimagarim bar ruarazi, ki misiamin
 ubabi gighavkiravira itima, aminim
 tira.
⁵ Ezi apizir muziariba ko nguazir mineziba,
 korotiabar min, nan namnam bar a
 noke.
 Ezi duar akaziba zuamira nan duaba
 avezi,
 duabar ganganiba, misingizi moghin
 gari.
 Ezi duaba zuamira ua biaghiregha,
 mitiziba uam otifi.
⁶ Ezi uaghan, mati amizim zuamira mitarim
 girighizi moghin,

nan dughiar ki nguazimin itiba, da iza
 zuamira zui.
Ezi nan ikirimirim derazir puvatigha
 kamaghira iti.
Ezi nan nighnizim ghaze, ki ua der-
 aghan kogham."
Jop uan osimtzizim God migei
⁷ Egha Jop ua kamaghin migia ghaze,
 "O God, ni fo, mati gumazim ghuar-
 iam sue moghin, nan ikirimirim a bar
 otefe.
Ezi nan damazim ua bizar aghuir na bati-
 vamibar ganan kogham.
⁸ Gumazamiziba datirighin nan gari, me gin
 ua nan ganan kogham.
 Ni nan ganvira ikiti, ki pura puvatighti,
 ni ua nan ganan kogham.
⁹ Gumazim aremegh, Gumazamizir
 Oveaghuezibar Nguibamin mangam,
 mati ghuiariam ua overiamin itir pu-
 vati, a uan danganim ategha ghu.
 Nguibar kamin itir gumazim a ua
 izeghan kogham.
¹⁰ A ua izi uan dipenimin mangan kogham,
 ehti an adarazi a gin amadaghiam.
¹¹ "Kamaghin amizi, ki bizar kam
 ginighnighamin dughiamin, ki uan
 akam dukuaghan kogham.
 Ki osimtzizir bar ekiam aterima nan
 navir averiam bar puviram arai.
 Ki uan duamin even bar oseme,
 kamaghin amizi, ki mikimam.
¹² Manmaghinh amizi, ni zurara kal-
 abuziamin min na gehhufi?
 Ni ti ghaze, ki ongarimin itir kuruzir
 asem, egh ki biziagh asighasigham.*
¹³ Ki ghaze, ki ti dakuam,
 egh kamaghin ki uan mizazir kam gin
 amadaghiam.
¹⁴ Puvati, ki akuir dughiamin, ni atiatir ire-
 bar kuraba nan akakasi,
 ezi ki aser guar igharazibar gari.
 Arazir kamin, ni na gamizi ki bar
 atiatingi.
¹⁵ Ki kamaghin uabin apangkuvigha ghaze,
 me nan firim dafazi ki aremegha der-
 aghai.
 Ki iki uan mikarzimin, uam osimtzizir
 kaba ateran aghua.
¹⁶ Ki bar amira.
 Ki ua nguazir kamin ikian aghua.
God, ni osimtzizim ua na daningen marki.
 Nan dughiam bar otefe,
 kamaghin, ni na ateghti ki pura
 ikiam.

* **7:12:** Fomira gumazir maba kuruzir aser ongarimin ikia biziagh asighasizimin eghaghanim men iti. Ezi God a isa
kalabus gatighan a gara iti. Egha eghaghanir kamin akar igharazir maba da Jop 9:13 ko 26:12-14in iti. **7:17:** Onger
Akaba 8:4; 144:3; Hibru 2:6

17 "E gumazamiziba, e bar bizir tiziba, ni zurara puviram e ginighnisi?

Tizim bagha ni zurara en garavira iti?

18 Tizim bagha ni zurara mizarazibar en araziba tuisisi?

Egha ni manmaghsua en garavira ikia avughsaziba puvati?

19 Ki kamaghsua, ni uan guam giragh tong dughiar otevimin nan ganan marki, egheti ki tong avughseka.

20 Nan arazir kuram ti ni gasighasighizi, ni osimtizim na daningasavira nighnisi?

Ki mati asavamadir ababanimin min itima, ni zurara uan afuzibar na ginifi.

Ni gumazir e ggehuvim, mati gumazir kalabuziabar suigha, me ggehuvim.

Ezi ki ti osimtizir ekiam ni ganidi, o?

21 Ni manmaghsua nan arazir kuraba gin amangan aghua?

Kiran ovehangin ki ovegh mozir torimin irighiv ikiam.

Egheti ni na buriamin dughiamin, ni nan apigan kogham."

Bildatin migirigiar faragha zuim

8

(Sapta 8)

Gumazir kuraba dughiar ruarinmin ikian kogham

¹ Ezi Bildat, a Suhan kantrin gumazir mam, a kamaghin migei:

² "Nin migirigiam a kamaghira iti, egha derazir puvatigha, mati aminir ekiam ivai.

Ni dazoghin migirigiar kam ategham?

³ Ni ti ghaze, Godin Gavgaviba Bar Itim guizin uan arazim gigha e gamir akar dikirizibagh nighnizir puvati? Bar puvati.

An arazir aghuiba, zurara kamaghira iti.

⁴ Nin boriba ti arazir kuram Godin damazimin a gamizi, a men arazir kuramra uam me ikara.

⁵ Egheti ni ubai Godin Gavgaviba Bar Itim ko ikiva, a ko mikimiva uabin apangkuvsu an azang.

⁶ Egh ni gumazir aghuir Godin damazimin derazimin otogh bar zueghti, God izi nin akuraghram.

A ni damighti ni fomira uan dipenimin ikezi moghin ikiam.

⁷ A bar bizir aviritalba ua ni daningti, da bizir avirir ni faragha ikezibagh aferaghram.

8 Ni inazir afeziar fomira ikezibar nighnizir aghuibagh fogh, egh men fofozim deraghviram a tuisigh.

9 "E dughiar bar otevimira nguazimin iti, mati nedazim aruem a gamizi a tu, ezi ghuariam aruem apazazima a zuamira puvati.
E boghimra otivigha fofozir muziarim iti.

10 Fomira ikezir gumazamiziba fofozir aghuiba ko nighnizir aghuariba iti.
Kamaghin, men nighnizir aghuiba ko fofozir aghuiba nin sure damuam.

11 "Ighuruniba ko graziba ti dipaba puvatizir nguazimin deragha aghui?
Bar puvati.
Da danganir dipaba itibar deraviram aghui.

12 Ezi dipam dakezi, ighurunir kaba ko graziba deragha aghuir puvati.
Gumazamiziba tighar da aghoramin dughiamin, da suvighavira ikia misingi.

Grazir maba grazir kabar min zuamira midir puvati.

13 Gumazamizir akirim ragha God gasaraziba, me mati grazir kaba.

Me ikuvighamin tuavimin gin zui.
Me kamaghin nighnighan marki, me deraghviria ikiam.

Puvati. Me ovengam.

14-15 Men nighnizir gavgavim ghaze, e deravira ikiam.

Ezi puvati, me bar tuavir aghuim ataki.
Me mati gumazamizir organiba boghoborimin dipenimin suiragh an ghuvanangam.

Egheti boghoborir dipenim zuamira dutughti me pazavira iregham.

16 Gumazamizir kaba fomira mati grazir gavgavibar min azenimin ike.
Me deraviram aghuima men biba azenimin danganiba bar dar ghue.

17 Egha dagiabar suigha bar gavgafi.

18 Egheti gumazitam grazir kaba asichti, gumazamiziba foghan kogham, fomira grazir gavgavir mam danganir kamin ike.

19 Guizbangira, gumazamizir akirim ragha God gasiba, me bar akongezir arazimin dughiam bar otefe.

Egh me arighiregħti, igharaz darazi otivigh men danganim iniam.*

* 8:19: Hibrun akam, ves 16in tugaħha ves 19in tu, a deragħha migeir puvati.

8:20: Jop 4:7; 21:30

20 "Egħi gumazim arazir aghuibar amu, egh Godin damazimin arazir kurabu puvatighti,
God akirim ragħa għasan kogħam.

Gumazir arazir kurabagh amim,
God an akurvaghan kogħam.

21 Jop ni oragh, God nin arazibar ganti da deragħti,
a ni damigħi tħi navir aghuim ikkiam,
egħi tħi dimiva bar akeueħġam.

22 Egh a ni gifongezir puvatizir gumazamiziba abiragħti, me bar aghumisigham.
Eighti gumazamizir arazir kurabagh amiba, me uan biziba sara bar oveħġam."

Jop Bildatin migirrigħaba ikarvasti

9

(Sapta 9–10)

Jop, God ko akam akirasa

1 Egha Jop kamaghin Bildatin migirrigħam ikara:

2 "Guizbangira, ki fo nin migirrigħam, a guizbangira.
Gumazim Godin kotin otogħti,

God manmagħin gumazir kamin arazimin ganiva a mikkim suam, a nan damazimin derazir gu-mazim?

3 Gumazitam God ko akabar uaning misogħti,
God 1,000in bizi bar an azangħsighti, gumazir kam azangsizir katam bar a ikaragħan kogħam.

4 God nighnizir aghuim ko fofozim ko gav-gavir ekiam iti.
Kamaghin, tinara a batuegh a gafir-
ragħam?
Gumaziba puvati.

5 Egh an aningagħegħamin dughiamin, a zuamira mighsiabagh isivagh-sivazi, da zui,
egħha bar mogħira dagh asighħas.

6 A nguazim gavgavim a daningasa bizi bagħ-
nobaghnobzima, nguazim puvira ivazvasi.

7 A pura aruem mikemegħti, a isiragħan kogħam.
A mikovezibar angazgaribha apaza-
ghti e dar ganan kogħam.

8 A ubabi overiām pin-aneti.
Ezi ongarim dipirima, an a għisrin arui.

9 God mikoveziba bar dar ingarizi,

da vagħvagħha ziaba iti, mati Guezam ko īavibam ko sautin amadagħan itir mikovezir iħbari.

10 A digavir kuram gamir bizir guar aviribagh ami,
ezi da bar en fofozim gafira.

Ezi digavir kuram gamir arazir an amiba, e da mengiva aveħġam.

11 "God nan boroghira izi na gitagh mangiti, ki an ganighan kogħam.

12 A bizix tizim gifonge, a puram a iniam, gu-mazitam an angorogħan kogħam.
Eighti tħi an azangam, Ni tizim gami?

13 God uan aningagħarim minn suizi puvati.
Rahap uan roroaba ko, a me gamizir arazim ni an gani.
God apanir kaba dikabirazi, me an apengen iti.

14 Ki gavgaviba puvati, egh tong Godin akam ikaragħan kogħam.
Egh ki Godin kotin tugh, ki migirrigjar manatamin a mikkim? Ki akaba puvatigham.

15 Ki gumazir arazir kurabagh amir puvatizim,
egħi ki Godin koti aven, migirgiatamin a ikaragħan kogħam.
Godra gumazamiziba tuisizir gumazim, egh a na isi kot darīgham.

Ki fo, ki ua tuaviba puvati, egh ki an azaragħti a nan apangkuvigham.

16 Egh ki kotin akam akirsi an diaqħti a izegħiva, ti koti amin, nan akam bareghan kogħam.

17 An aminir ekiam ko amozim minn na abinasa aning amadi.
Ezi ki kamaghin nighnisi, ki osimtiziba puvatizi,

a na gasighasighavira iti.

18 "God tong na ataghixar puvati, ezi ki avugħseżi puvati, kamaghin ki mizazim isavira iti.
Ezi bizix a na gamir kaba, da na gamima, ki osiavira iti.

19 An gavgavim ababanim, nan gavgavim bar a gafira.
Egh ki kotin akam akirsi nighħnighti, tinara a inigh kotin izam?* Pu-vatigham.

20 Ki arazir kuratam gamizir puvati, egħha ki bizi ta minn osimtizir tam itir puvati,
egħi ki kotin mangi nan migirrigħaba iku-viġħi, God nan akam giragħti, ki der-
aghvira kot damiġħan kogħam.

8:21: Jop 5:22; Onger Akaba 126:1-2; 132:16 **8:22:** Jop 18:14; Onger Akaba 132:18 **9:2:** Jop 4:17 **9:9:** Jop

38:31; Amos 5:8 * **9:19:** Hibrun akar datiरiñ itim ghaze, "Tinara a inigh kot bagħi izam?" Ezi gumazir aviribha ghaze, Bar fomira akar kam, "Tinara a inigh kot bagħi izam?" a itima, gin gumazir maba Hibrun akam iġra għaż-
osiri.

- ²¹ Guizbangira, ki bizitam pazava a gamizir puvati.
 Egha ki nighnisi, ki pura bizir kinim, egha uan ikirimirir kam ki bar an aghua.
- ²² Ki fo, e bar magh ghue, gumazir kuraba ko gumazir aghuiba sara, God bar e agivam.
- ²³ Eighti dughiar kuram gumazamizir aghuibagh asighasighti, a men osimtizim dipova an ingiarva akam.
- ²⁴ God gumazir kuraba ataghizi me nguazir kam gativagha an gari.
 Egha jasbar nighnizibagh amima, da onganigha deravira kotiabagh amir puvati.
 God ti bizir kabar amuti, da otivan koghti, tinara dar amuti da otivam?
- ²⁵ “Nan dughiar ki angamira ikiambia, da atamra ghua gefi.
 Da puvira ivemara gumazimin ivemarim gafira.
 Kamaghin amizi, ki ua dughiar aghuim bativan kogham.
- ²⁶ Dughiar kaba atamra gefi, mati kurim ongarimin atamra ivemari,
 egha mati isam asizimin suighasa tuga zuamira izaghiri.
- ²⁷⁻²⁸ Kamaghin deragham, ki uan navimin itir osimtizim gin amadagh, bar akongegh deravira ikiambia.
- Ki kamaghin damuasava amua, egha osimtizir kam ko mizazir kam uam aningin atiati.
- Ki fo, God, ni nan gari, ki nin damazimin gumazir kuramin min iti, kamaghin ki atiati.
- ²⁹ Kamaghin ki tizim su uabi mikim suam, ki gumazir aghuim?
 Nan migirigjaba pura biziba, ezi ki bar amira.
- ³⁰ Egh ki nin damazimin zuegħsi, sopin bar aghuim inigh mangi, dipar dikiriamin uabi ruegħti,
- ³¹ ni na isi mozir konir begħneazim itimina na kunighti, nan mikarzim bar pugħpurigham.
 Kamaghin, ki ti pura uabi ruegħam.
- Eighti nan korotiaba suam, ki ti bizir bar kurar mam, egh nan mikarzimin aghuagħam.
- ³² “God ti pura gumazir kinitam amuai, ga ti kotiabar ghua uan migirigjaba akrai.
- ³³ Ezi gumazir gan osimtizim baragh a tuisighamiba puvati,

a gan migirigjaba tuisigh gan adarim akiram,
³⁴ egh Godin mikimti, a ua na misogħan kogh, egh puv na damuan kogħam, egh an atiatiġi na daningi, bizir kurabar amuan kogħam.
³⁵ Kamaghin damuamin gumazitam ikiti, ki ua Godin atiatiġan kogħam, egh a ko uan osimtizim deravira a mikimam.
 Guizbangira, ki kamaghin fo, ki bizitamin osimtizitam itir puvati.”†

10

Jop uan ikirimirim bar an aghua

¹ Jop ua kamaghin migei:

- “Ki angamira ikiambia bar aghua.
 Ki aremegħti deragħam.
 Kamaghin ki uan navir averiamin aven itir osimtizir ekkiar kamin gun mikimvira ikiambia.
- ² Ki kamaghin Godin mikimam, ni pura kotin na tuisighan marki.
 Ni nan atarija, nan osimtizim gurara na mikimasa ki ifonge.
- ³ “Gumazir ni uabi ingariziba, ni paza me gamir arazim ko arazir kurar ni me gamiba,
 ni manmagħin nighnisi, da deraz, o?
 Egha arazir kurar gumaziba damuasa nighnizib,
 ni da bagħha ifongeżiż arazim, a deraz o?
- ⁴ Ni ti e gumaziba bizibar gari mogħin, ni dar gari,
 ni arazir kabanang gami.
- ⁵ Ezi manmagħin ami, ni en min dughiar otevima ikegħi ovengam o?
 Ti puvatigham.
- ⁶ Ezi ni manmagħsua pamten nan arazir kurara ko osimtiziba buriasa ingar?
- ⁷ Ni fo, ki bizitamin osimtizitam itir puvati.
 Ezi ni mizazim na gasi.
 Egha ni fo, gumazitam nin da farim in ua na inighan kogħam.
- ⁸ “Ni uabi nan inivafizim in ġiġi,
 egha datirighi, ni ua na gasighassis.
- ⁹ Ni nighnigh, ni gumazim nguazir minemin īngarizi mogħin,
 ni nan ingari.
 Ezi datirighi mamaghħin ami?
 Ni ti na damighti, ki ua nguazir minneni gavagħħas?
- ¹⁰ Ni nan afeżżiż gamizi, a navim nan amebba ganingi,
 ki an borir mitarimmin aven otogħava aghħui.

- 11 Ni aghariba ko agiriba nan inivafizim gatizi, nan mikarzim gavgafi, ezi ni nan agiriba ko aghariba avasa, tuziba ko inim nan inivafizim gati.
- 12 Ni ikirimir angamira itim na ganiga, bar nan apangkufi.
Ni na geghuvima, ki angamira ikiavira iti.
- 13 Ezi ki fo, ni na geghuvir dughiamin, ni ua pazi na damuamin nighnizim iti.
- 14 Ni bar deravira nan garavira iti, eghzi ki arazir kuratam damighti,
ni nan arazir kuram gin amadaghan kogham.
- 15 Ki arazir kuratam damighti,
guizbangira ni pazi na damigham. Egh ki arazir aghuim damigh, kamaghin nighnighan kogh suam,
ki gumazir aghuim. Puvati.
- Osimtzir na bativiba bar na gasighasighizi, ki bar aghumsiki.
- 16 Egh ki bar akuegh suam, ki gumazir aghuim,
eghti ni zuamira nan agiragh, matilaion asizimin agiragh a misoghezi an areme.
Egh ni na abinsi, digavir kuram gamir arazir aviribar amuam.
- 17 Ni uan aningagharim akakaghs, ni osimtzir avirim amangam.
- Nin aningagharim ekiva mizazir ekiam na daningam,
mati midorozir gumazir bizar ekiam na misoghasa otivaghviravira iti.
- 18 "God, ni tizim bagha na ataghizi amebam na bate?
Kamaghin deraghai, ki uan amebamin navimin aven aremez
gumazitam o amizitam nan ganighan koghai.
- 19 Ki amebamin navir averiamin aremez me maghira modogha na inigha ghua,
matmatiamin mozin na afaghai.
Arazir kam, mati ki nguazir kamin otozir puvati.
- 20 Ezi God, ni fo, nan dughiam bar otefe, kamaghin ni uam osimtzim na daningam marki.
Ni na ateghti, ki tong navir amirizim inkegh ovengam.
- 21 "Egh gin ki nguazir kam ategh mangi
nguibar bar mitarmangizim ikiam, egh uamateghan kogham.
- 22 Nguibar kamin itir bizia, da deragha itir puvatigha bar ikufi.

Egha angazangariba bar moghira puvati, kamaghin amizi, mitarmemra nguibar kam avara."

Sofarin migirigia

11

(Sapta 11)

Jop navim giraghti,

God uam an apangkuvigham

¹ Ezi Sofar Naman kantrin gumazim, a kamaghin Jop migei:

- ²⁻³ "Jop, ni migirigiar bar avirim gami,
Ni ghaze, nin migirigiar kaba ti e damuti,
e suam ni gumazir aghuim.
Ni ti ghaze, nin migirigiar organir kaba e damuti,
e akabar kumigham.
Ni nighnizir aghuir aviriba paza dav keme.
Gumazir ni damuti, ni ti uan akar kabar aghumsizim iniāmin tam itir puvati.
Ki uan akam dukuaghan kogham.
Ki ti nin migirigia ikaragh.
- ⁴ Ni ghaze, migirigiar ni amizir kaba, da bar migirigiar aghuiba.
Egha ni uaghan arazir kuratam gamizir puvatigha, Godin damazim dera.
- ⁵ Ki kamaghua bar ifonge,
God uabi nin migirigiar kaba ikarvaghti deragh.
- ⁶ Egh a nighnizir aghuim ko fofozir aghuim mingarimin gun ni mikimasa, ki ifonge.
Bizar aviriba mogomemin iti, kamaghin gumazamiziba deragh dagh foghan kogham.*
Jop, ni kamaghin foghaha ki ifonge, God dughorir amirazim nin ikiava, arazir kurabar osimtziba ko magh ghuezir osimtzir ekiatam ni ganingizir puvati.

- ⁷ "Godin Gavgaviba Bar Itimin fofozir aghuiba ko nighnizir aghuiba,
ni ti bar dagh fogha iti? Puvati.
Egha ni ti an fofozimin mitaghniabar abaraghha iti?
Bar puvati.
- ⁸⁻⁹ Godin fofozimin ababanim, Godin Nguibamin min bar pin iti.
Egha Gumazamizir Oveaghuezibar Nguibam gafiraghha bar vin mar iraghu.
Godin fofozim bar ruaraghha, nguazir kamin danganir mikebaba bar dagh afira.
Egha bar ekevegha ongarimin mitaghniabar dagh afira.
Ni manmaghira Godin nighnizim ko fofozim gifogham? Ti puvatigham.

* **11:6:** Hibrun akam, vezin kam deragha a migeir puvati.

¹⁰ God izi ni inigh kotin mangiva ni isi kalabus datighti,
tinara a mikim suam, markiam?
¹¹ God ifavarir arazibagh amir gumazamizibagh fo.
A men ganti, me arazir kurabar amuti,
a me tuisigham.
¹² Ni ganti, donkin amebam gumazir boritam bateghan kogham.
Kamaghira ni ganti gumazir nighnizir aghuim puvatizim,
manmaghin fofozir aghuim ko
nighnizir aghuim iniam?†
Bar puvatigham.

¹³ “Jop, ni navim giragh uan agharimning fegh God ko mikimiva an azangsighti,
a nin apangkuvigh nin akuragham.
¹⁴ Ni arazir kuratam damigh, egh akirim ragh uan arazir kuram gasaragh.
Egh arazir kuram ateghti, a ua izi nin purirpenimin aven ni ko ikian marki.
¹⁵ Ni kamaghin damigh uam osimtzibiza puvatigh bar akuegham.
Egh ni gavgavigh bizitamin atiatingan kogham.
¹⁶ Egh ni uan osimtzizim ko mizazim gin amadagham.
Egh ni uam aning ginighnigan kogham,
mati aperiam ivemara ghua fanem giraghuzi,
gumazamiziba a bakinighniki.
¹⁷ Nin ikirimirim igiamin otogham.
Egh bar deragham, mati aruem pazaghar torimin ikia deraghavira siraghara gari.
Ezi osimtzizir ni batozir kaba mati dimagarimin mitarmer ekiam, da ua nin ikian kogham,
mati aruer igiamin mizarazim.
¹⁸⁻¹⁹ Egh ni fogham, God bar deraghvira ni ggehuvam.
Eighti nin ikirimirim amiraghrighti, ni gavgavigh ikiam.
Ni bizitamin atiatingan kogham,
kamaghin amizi, ni dakuamin dughiam, ni bar deravira dakuam.
Gumazir aviriba uarir akurvaghsi izi nin azangsigham.

²⁰ Gumazamizir arazir kurabagh amiba, me akurvazim bagh gan ikivira ikiam.
Eighti puvatigham.
Me Godin aningagharam gitaviraghzi tuavir aviriba buriam.
Eighti bar puvatigham, me damuva avegham, ovevemra me bativsi me a mizuam ikiam.”

† 11:12: Hibrun akam, vezin kam deragha a migeir puvati.

Jop, Sofarin migirigiaba ikarvasi

12

(Sapta 12–14)

Jop uan namakabar migirigiabar aghua

¹ Jop kamaghin Sofarin akaba ikarvasi:

- ² “Bar guizbangira, ia 3plan namakar kaba, ia nighnizir aghuim ko fofozir aghuim iti.
Egh ia ti aremegh nighnizir aghuim ko fofozir aghuim sara,
inigh mangi bar givagham.
³ Ti puvatigham. Kirara, ki uaghan fofozim iti.
Ian fofozim nan fofozim gafirazir puvati.
Ia migeir biziba,
gumazamiziba ti bar dagh fogha gifa.
⁴ “Ezi datirighin ia nan namakaba, ia na dipofi.
Ki arazir aghuibagh amua, Godin damazimin arazir kuratam gamizir puvati.
Egha ki fomira ia ko migeir migirigiaba, a da barasi.
Ezi ia datirighin iza na dipova nan ingaravati.
⁵ Gumazamizir deravira ikia osimtzibiza me bativir puvatiziba,
me gumazamizir organarazibagh amua osimtzibiza itibar ingaravati.
Me mati gumazamiziba tuavimin gumazir manin garima, a irasava amima,
me bar a munamadazi, a degiaghiri.
⁶ Ezi okimakiar gumazamiziba ko Godin akaba batozir gumazamiziba,
men ikirimirim a dera.
Me uan fofozim ko gavgavimin garima,
bizir kamning me bagha ikirimirim aghuim gamima, an otifi,
ezi bizir kam mati men asemin min oto.*
⁷⁻⁸ “Ia mangi asiziba ko kuaraziba ko osiribar azaraghti,
me ian sure damu.
Ia ifueghiva, uaghan mangi nguazir kamin azaraghti,
a Godin Arazibar gun ian sure damu.
⁹ Ikiavira Itir God ingarizir bizir kaba bar,
da an amir bizibagh fo.
¹⁰ Gumazamizibar ikirimirim ko bizir a ingarizir igharaziba sara,
da bar an dafarimin iti.
¹¹ “En akatoriba dagheba apa dar isingtizim barasi, daghem isingiz, o a ikufi.

* 12:6: Hibrun akam, vezin kam deragha a migeir

puvati.

Kamaghira en kuariba, migirigia
barazima, e bar deravira da tuisisi.

12 Guizbangira, gumazamizir ghuriba
nighnizir aghuiba ko fofoziba iti.

13 Ezi Godin nighnizir aghuim ko fofozim,
gumazamizir ghuribar fofozim bar a
gafira.
Egha uaghan gavgavir ekiam iti.

14 "God bizitam gasighasichti, gumazitam
uam an ingarighan kogham.
God gumazitam kalabus datighti, gu-
mazitam ua a inighan kogham.

15 Egh God amozimin anogoreghti, aruer
ekiam otoghti, nguazim bar misigh
gavgavigham.
Egh an amozir avirim amangti faneba
bar aperiar ekiaba otivti,
dipam nguazimin danganir aviriba
avaragh dagh asighasigham.

16 God gavgavir ekiam iti.
A bizar guar aviribar amuamin fofozir
avirim iti.
Gumazamizir akar ifavaribav geiba ko gu-
mazamizir akar ifavaribar gin zuiba,
me bar moghira Godin agharimin iti.

17 Gumazir nighnizir aghuiba atrivibagh
anidiba,
God men nighnizir aghuariba batoz-
ima,
me organigha bibiabaram arui.
Egha a uaghan jasbagh amima,
me ongan.

18 God atrivibar ingangaribar me agefi,
ezi me ua atrivir korotiaba azuir pu-
vati.
Me pura ingangarir gumazir
kinibar min inir kiniba iti.

19 A ofa gamir gumazibagh amima, me on-
ganigha bibiabaram arui.
Egha a gumazir ekiaba abiri.

20 Nighnizir aghuiba isa gumazir dapani-
bagh anidiba, God men akatoribar
kumi.
Egha gumazamizir ghuribar nighnizir
aghuim ko fofozim batosi.

21 A gumazir dapaniba abira paza me gami,
egha gumazir gavgavibar gavgaviba
agefi.

22 A bizar mogomebagh amima,
da azenibagh iri.
Egha an angazangarim gamima,
a bar mitarmangizir danganibar
otivima, danganir kaba bar angazan-
gari.

23 A kantribagh amima, da gavgava ziaba
iti.
Egha a gin uam adagh asighasisi.
A kantribagh amima, da otiva bar gavgafi,
egha gin a dar gumazamiziba inigha
ghua kantrin igharazibar me kalabus
garisi.

24 A kantribar gumazir dapanibar nighnizir
aghuiba batoghezi,
me organigha puram arui,
mati me danganir biziba puvatizimin
puram arui.

25 Me mati gumazim danganir mitarmemin
ikia tuavim buria pura suighsuisi.
Egha a me gamima, me dipar on-
ganiba apir gumazamizibar min pu-
rama aghuavtifi."

13

1 "Guizbangira, ia migeir bizir kaba, ki
fomira da baregha dar ganigha gifa.
Ki bizar kabagh fogha gifa.

2 Bizar ia fofoziba ki uaghan dagh fo.
Ia fofozim, nan fofozim gafirazir pu-
vati.

3 Kamaghin, ki ia ko mikiman bar amira.
Ki Godin Gavgaviba Bar Itim ko
mikimasa.
Ki uan osimtzir kam akirsi a ko ga
migirigiar uaning misoghasa,
kamaghin ki ifonge.

4 Ezi iarara, migirigiar ifavarir aviribagh
ami.
Ia mati dokta gumazimin arimariam
akiran fofozim puvati.

5 Kamaghin amizi, ia ua mikiman marki.
Ia ti akabar kumigh nimira ikiti,
gumazamiziba suam, ia nighnizir
aghuim ko fofozir aghum iti.

6 "Egh ia deravira kuarim atigh
nan migirigia baraghaha ki ifonge.

7 Ia akam ara migirigiar ifavaribagh ami,
egha ia ti kamaghin nighnisi, migirigiar
kaba Godin akuraghram?

8 Ki kamaghin garib, ian nighniziba ti Godin
akuragh na abinasa.

9 God ia tuisigh deravira ian araziba ko
nighnizibar ganti ia deravira ikiam, o
puvati?
Ia ti gumazamizibagh ifari moghin God
gifikasi o? Bar puvatigham.

10 Ki fo, ia pura Godin akurvagh na abinsi
navir averiamin na ginighnighti,
God ian ataram.

11 Eighti ia an gavgavir bar ekiamin gan bar
atiatigh akongam.

12 Aghuzir akar fomira ikeziba ia dav keme,
da pura biziba, mati averenim.
Ia kotin aven migeir akaba,
da gavgaviba puvati, mati begh-
neazim."

*Jop kamaghin atiatir puvati, God a
misuegħti an aremegħam, kamaghin Jop
mikiman atiatir puvati*

13 Jop ua kamaghin migia ghaze:
"Ia akabar kumighti ki uabira mikimam.

Bizir manam na bativsi, a mar na batif.
Ki uan akam dukuaghan kogham.

¹⁴ Ki atiatir puvati, ki Godin mikimasaviram
amua iti.
Egh ki aremeghsı, a dera, pura bizim, ki
aremegham.

¹⁵ A dera, God na misueghti ki aremeghsa
ifonge,
eighthi ki a mizuamiva nighnizir gav-
gavim an iki mamaghira ikiam.

A nan ganti, ki an damazimin an gun mikim
suam,
ki arazir kurabagh amir puvati.*

¹⁶ Gumazir arazir kurabagh amitam Godin
guamin izan kogham.
Ki a mikimsi atiatingan koghti, a tuavir
kamin na gifogh suam,
ki gumazir arazir kuratam gamizir
puvatizim.
Egh a nan apangkuvigh nan akurvaghti
ki deravira ikiam.

¹⁷ Datinrighin ia deravira kuaribar arigh na
baragh.
Eighthi ki uan nighnizimin aven itir
biziimun gun mikimasa.

¹⁸ Godin mikimamin migirigiaba, ki dagh
fozi da iti,
ezi ki fo, Godin damazimin ki osimtiziba
puvati.

¹⁹ Tinara na ko ga migirigiabar uaning
misoghiva, na mikim suam, ki arazir
kuram gami?
Tav ikiti, ki akam dukuagh, egh nimira
iki aremegham.

²⁰ "O God, bizir pumuningra ni aningin na
damuasa, ki nin azangsisi.
Ni nan azangsizir kamning gifueghti, ki
nin atiating egh nin mongan kogham.

²¹ Nan azangsizimning kamakin.
Ki kamaghin ifonge, ni uam osimtizim
na darighan marki.
Egh atiatim na ganidir bizir kurabar
amuun marki.

²² Ni kamaghin damigh, egh nan diagh
na mikimti, ki nin migirigiaba ikar-
vagham.
O puvatighti, ki faragh ni mikimti, ni
nan migirigiam ikaragh.

²³ Ki arazir kurar manaba ko osimtizir man-
abagh ami?
Ni bighivira na mikimasa ki ifonge.

²⁴ Tizimsua, ni akirim ragha na gasara?
Ni tizim bagha nan apanimin min na
gami?

²⁵ Ki mati raizin misevir kinim ko grazir
midiarir muziarir mam, aminim a
givav amadi.

* **13:15:** Gumazir maba ghaze, E vezin kam kamaghin a giragh, "Egh a faragh na misueghti ki aremeghsı, ki bighivira an damazimin a mikim suam, ki arazir kuratam gamizir puvati, egha ki a mizuai, eighthi a nan apangkuvigham." † **13:27:** Hibrun akam, vezin kam deragha a migeir puvati.

Kamaghin, ni tizimsua atiatim na
ganiga nan agintisi?

²⁶ Ki igiamra ikiava amizir arazir kuraba, ni
ti dagh nighnighavira iti,
egha ni arazir kurar kaba ikarvagha
osimtizir ekiam na garisi.

²⁷ Ni senin nan suemning ikezi, ki daruan
ibura.
Ki daruti ni nan gin danganiba bar dar
mangi,
egh nan dagarir nozimning de-
ravira aningin ganam.†

²⁸ E gumazamiziba mati temem, apiziba
anemezi a mazigha gifa,
egha mati korotiam barareba anepa
toriba a gariki."

14

¹ "E gumazamiziba dughiar otevima
nguazir kamin iti,
egha amebam e batezir dughiamra,
osimtiziba e bativavira ikia,
iza e aremezir dughiamtin tu.

² E mati, akimarin mizarazimin otogha,
guaratzimin misingi.
Egha uaghan e mati nedaziba, ghuar-
iam aruem apazazi da zuamira pu-
varisi.

³ Kamaghin, ni manmaghsua en araziba
tuisisi?
God, ki pura bizim, ezi manmaghsua ni
na isa kot gati?

⁴ E gumazamiziba nin damazimin bar mize.
Eighthi tina e damighti e nin damazimin
zuegham?
Bar puvati.

⁵ Ni en ikirimirim ababanim atigha gifa,
eighthi e manmaghin dughiaba ko azeni-
bar nguazir kamin ikiam?
Gumazitam uan ikirimirim bagh ua
dughiatam gisivaghan kogham.

⁶ Kamaghin, ni datirighin na ateghti,
dughiar ki itimin, ki avughsı navim
deraghgam,
mati ingangarir gumazim an ingan-
garim guaratzimin givazi an navim
dera.

⁷ "Ki fo, gumazitam temem okeghti,
a ua ghuzim anangamin tuavim iti.

⁸ Tememin povim mising magiriti an biba
kurigham,

⁹ eighthi nguazim dipam ikiti, ghuzir igiam
temer dakar me okezimin otogham.
Egh an aghung aguuba asi mati temer
igiam.

¹⁰ Ezi e gumazamiziba kamaghin puvati,

e ovengezir dughiam e bar givagham,
eghti igharaz darazi uam en ganan
kogham.

11 Dipar akareba ko dipar ekiaba dughiar
mabar bar dakegham.

12 Kamaghira gumazamiziba ovea ua
dikavir puvati,
egh mangi overiam givamin
dughiamin,
me kamaghira ikiti bizitam me
gaghuraghan kogham.

13-14 "Gumazamizir oveaghueziba, me ti ua
ikirimirir igiam iniam?

O God, kamaghin deragham, ni
Gumazamizir Oveaghuezibar
Nguibamin na modogh mangi, nin
aninggaharim bar amiraghamin
dughiamin tugh.

Egh ni ua dughiatam, na ginighnighsi a gin-
abagh.

Egħi ki pura ni mizuam iki mangiti,
dughiar ni na ataghiraghha
misevezim otogħam.

15 Egh dughiar kamin, ni uabira uan in-
gangarim ginighnigham, kar kirara
ni nan ingari.

Egh ki ua nin borogħin ikisi ni bar
ifuegham.

Kamaghin amizi, ni nan diagħti,
ki nin akam ikaraghām.

16 Egħi dughiabar zurara, ni nan daroriba
bar deravira dagħ eghuvam.

Egh nan arazir kurabagh nighnighan
marki.

17 Nan arazir kurar ki amiziba, ni bar da gin
amadagh ua dagħ nighnighan marki,
mati me biziba mitarim gaghuiħa, an
akam ikegħa dagħ nighnizir puvati.

18-19 "Ezi bizar kaba ti otivan kogħam.
Ki biziba bar dar gari da ikufi.

Miġhsiar gavgaviba dipiraghira pura
nguazir kinimin oto.

Dagħiġi ekiaba sivagħsivagħha uan dan-
ganir ikeziba ataghirasi.

Dipamin gavgavim dagħiġi ekiabagh ami da
ghua sufi,

egħa nguazim gikua anetra iħarragħha
zui.

Ezi kamaghira, ni gari e gumazamiziba
ghaze, e deravira ikiam,
ezi ni en nighnizir gavgavir kaba
agivasa arazir guar aviribagh ami.

20 Ni uan gavgavim me abiri me ariaghiri.
Egha me ariaghir dugħiam, men
guuba iħarragħa gari,
ezi ni me amadima me Oveaghuez-
ibar Nguibamin zui.

21 Egħiġi gin gumazamiziba ziar ekiam men
otaribar aningam o, me men ziaba
abin aghumsizim me dandingam,

egħiġi gumazir ovengeziba bizar kamin
ganan kogh, egh uaghan a gifogħan
kogħan.

22 Me mati gumazir uan inivafizimra
mizazim barazim,
egħa osimtizir a bativiziba bagħha ażi."

Elifasın migirigiar namba 2

15

(Sapta 15)

Gumazir kuraba iveau kuram iniam

1 Jop mikemegħa givazi, Temanin nguibar
ekiamin gumazim Elifas kamaghin a
ikaragħha ghaze:

2 "Jop, ki ghaze, ni gumazir nighnizir
agħuim ko fofozim itim.

Manmagħin amizi nin migirigia mati
aminim, ezi ni puram akam arai?

3 Ni e adogħa għuavira iti,
ezi nin migirigia deragħha gumazi-
tamin akurvazir pu.

Puvati.

4 Migirigiar kamaghin amiba, gumazamiz-
ibagh amima,
me Godiñ atiatiava an apengen itir pu-
vati,
egħa uam an damazim īkia a
ginighnizir puvati.

5 Ni arazir kuram gami, ezi bizar kam ni
gamima ni migirigiar kabagh ami,
egħiġi da ni amizir arazir kuraba avegh
da mongegħam.

Nin apezeperir migirigia bar dera,
egħa mati ifavaribagh amir gumaza-
miziba.

6 Ni tuisighamin arazim, a nan ingangarim
puvati.

Nin akatorimra ni tuisigh pazi ni
damuti,
ni fogħ suam, ni arazir kuram
gamiga gifa.

7 "Ezi manmagħin ami?
Tav ti nin faragħha nguazir kamin otozir
puvati?

Nin amebam ni batezir dughiamin,
God ti tighar miġħsabar ingaram?

Bar puvati.

8 Jop, God uan Nguibamin enselba aku-
vagħha me ko migirigia bagħam, ezi ni
dughiar kamin uaghan īkia oraghiz,
o?

Ni ti uabira nguazim ītir gumazamiz-
ibar tongin, nighnizir agħuim ko fo-
fozim iti?

Bar puvati.

9 Nin fofozim en fofozim gafirazir puvati.
Bizżeż tizim ni a gifo, e uaghan a gifo.

10 Gumazir għurir ghurapaniba e ko iti.

Ezi men azeniba nin afeziamin azeniba
bar dagh afira.

¹¹ "Jop, God nin mizazim amirvaghassav
ami, eghit ni navim amiragh nimira
ikiam.

Ezi e nin asusgasugha ni migiava, egha
migirigar aghuiba ni ganingi.

Egha ni ti ghaze, bizir God damuamim,
a pura bizim, egha ni aghua?

¹²⁻¹³ Ni digavir kuram gamigha navir ave-
riamin aven Godin atara damazimmin-
ing atiaghirkha gari,
egha migirigar kurar avirim a gami.

Tizim nin nighnizim gasighasiki,
ezi ni arazir kam gami?

¹⁴ "Gumazamiziba Godin damazimin zuezir
puvati.

Gumazir amebam otezir tam, arazir
aghubaram amir puvati.

¹⁵ E gumazamiziba, enselba e gafira, ezi God
men arazibar gari, da derazir puvati.
Overiamin itir biziba da an damazimin
uaghan zuezir puvati.

¹⁶ Ezi e nguazir kamin itir gumazamiziba, e
tong bar derazir puvati.

En araziba bar ikuvigha mughuasi.

E arazir kuram damuasa bar ifonge,
mati gumazim kuarim an pirma, a
dipam bagha areme.

¹⁷ "Jop, ni deravira kuarim atigh nan
migirigjaba baragh.

Bizir ki ganigha fofozim iniziba, ki dar
nin sure damuasava ami.

¹⁸ Ki nighnizir aghuim ko fofozir aghuim itir
gumazamiziba da fofozir kam ini.

Me uari uan afeziaba da fofozir kam
ini.

Ezi dughiar me nan sure gamizim,
me migirigjatam modozir puvati.

Me bar dar gun na mikeme.

¹⁹ Gumazamizir kaba uan nguazimra iti.

Ezi nguibal igharazibar gumazitam iza
me ko ikia,
egha men nighnizibagh
asighasighizir puvati.

²⁰ "Nan migirigjiam kamakin:

Gumazamizir kuraba me kamaghira
mizazim ini mangi ovegham.

²¹ Me niginiba barazir dughiar, me bar
puviram atiati.

Me ghaze, bizir kurar me gasighasigham
izi.

Egh me suam, osintiziba puvati, dughiar
kamin apaniba izi,
men bizibagh asighasigh men biziba
okimam.

²² Me fo, bizir kuraba otiv bar me avam,
mati mitarmem nguazim avara.

Men nighnizim ghaze, me osintizir
kam gitagħan kogħam.

Egha me fo, apaniba midorozir sabamin me
misogħti,
me arimghiram.

²³ Me dagħeħa buriagh arui, ezi dagħeba itir
puvati.

Ezi me fo, dugħiar ovezim, dugħiar
bar kuram me bativam,
mati mitarmem nguazir kam
avara.

²⁴ Men nighniziba derazir puvati, me
pazavira nighnigha bar atiatingi.
Bizir kam me abiraghha, men
nighnizibagh asighasici,
mati atrivim uan apanibagh
asighasici.

²⁵ "Me ifaghata ghaze, me Godin Gavvaviba
Bar Itim bar a gafira,
egħa an akaba batogħa an gavvavim
iriaghriasi.

Kamaghin amizi, dugħiar kurar kam,
gumazamizir kurar kaba bativam.

²⁶ Mati me midorozir korotiam arugħa,
midorozir oramin suiragħha
Godin misogħasavira zui.

²⁷ Me datirighin deravira ikiava mikarziba
bui,
egħa bizir aghuir aviriba iti.

²⁸ Ezi nguibal ekiar me datirighin itiba iku-
vigham,
egħi men dipeniba dipirighiregħ iku-
vighti,
me dar ikivira ikiam.

²⁹ Eġħi men dagħiaba ko biziba bar geveg-
ham.

Egh gumazitam ua men ganighan
kogħam.

³⁰ Me mitarmer osintizir ekiar kam
gitagħan kogħam.
Mitarmem nguazim avarazi mogħin
me avaraghham.

Godin aningagħarim me gasighasigham,
mati avim tememin isima, aminim an
da fariba ko bizibagh iva tintinbar
zui.

³¹ Me ifavarir arazim min suur
ghaze,
bizir kam iverz aghuim me daningam.
Ezi puvati.

Me bizir aghħiġi inighan kogħam.
Men ifavarir arazimra, mati men iverz
kurar me iniamim.

³² Egh me azenir aviribar ikegħan kogħ-
ovengam,
mati temer igħam, gumaziba an oke.

33 Gumazamizir kaba ingangarir aviribagh ami, ezi da deraghaviram otivir puvati.

Da mati wainin ikarizim wainin oviziba batii,
egha da tighar aniamin dughiam,
da puram asiaghiri.

Me mati olivin temem akimarir avirim a batifi,
egha bar suaghirezi, olivin oviziba tememin puvati.

34 Gumazamizir nighnizir gavgavim Godin itir puvatiziba, men adarazi pura ikiam.

Me boriba puvatigham.

Egħiġi gumazibha gumazamizibar azangsighti, me mong apezeperir dagiaba me givezegħ me gakaghonti, me me bagħi arazir kuram damiġħ, egh dagħi kaba inigh uari bagħi dipenibar ingaram.

Egħiġi dipenir kaba, da bar mogħira isigham.

35 Ifavaribagh amir arazir guar aviribar nighnizim, men navir averiabar otifi, mati borim amebamin navir averiamin otifi.

Arazir kuram damuamin nighnizim men naviba ko nighnizibagh izifa, ezi me ifavarir avirim gami.”

Jop Elifasın akam ikara

16

(Septa 16–17)

Jop ghaze, God pazava a gami, ezi a uabin akurvaghha Godin azangssis

¹ Jop kamaghin Elifasin migirigiam ikara:

2 “Ki zurara migirigiar kaba baragħha ghua, ua da baragħan amira.

Ia tong bar nan akurvazir puvati.

3 Ia ghaze, Jop, ni akam ara għuavira iti.

Ni dazogħin nimira ikiam?

Ni nighnizir manam ikia, egha nimira itir puvatigha en migirigħiaba baragħan aghħwa?

Ni en migirigħiaba ikarvaghvira iti.

4 Ezi ki kamaghin ia mikimasa, ia nan danganim inigh, ki paza iti mogħin ikiti, ki ia deragħa iti mogħin ikiti, arazir ia datirighin na gamir kamra ia damuam.

Ki uan apangkuvim ian akakagħsi puviram akam arangam.

Egh ki ja bativizir bizir kurar kabar digavir kuram damiġħ dapanim rongam.

5 Nan akatorimin ki migirigiar gavgavir bar aviribar ia damuti, ian mizaziba amiragh magiram.

6 Egha ki uabi kamaghin nighnisi, ki mikimam, o ki akatorim dukuagh, a pura bizim, arazir kam nan akuragh nan mizazim a givaghan kogħam.

7-8 “Bar guizbangira, God bar nan gavgaviba agifa.

A na gamizi, ki bar agharim guragħha gavgaviba nan puvati.

Kamaghix nan namakaba nan gara bar ati tgħidha ghaze,

ki ti arazir kuram gamizi, God nan arazir kuram ikarvaghha mizazim na gasi.*

9 God bar nan aghuagħha nan apanim gami. A bar nan aningagħegħha ataribagh ivia, na gasighasasi.

10 “Gumazibha tuivigha na okarigha, arazir kurabar na gami.

Me na dipova nan ingaravaka egha nan koviam apese.

11 Gumazir akirrim ragħha God gasava arazir kurar aviribagh amiba, God na isa men agharim gati.

12 Fomira ki deraghvir a ike, ezi God otogħa nan firimin suiragħha bar na misaragharki, egha puv na gamizi, ki bar ikufi.

A na gamizi, ki an baribar asavamangamin abbanir mamin min oto.

13 Ezi an midorozir gumazibha na gasavamadi.

Egha a nan navim atuzi, nan muriam suiaghiriga nguazim giri.

God tong nan apangkuvir pu. Bar puvati.

14 A nan tuavim apirigha puvira na misosi, mati midorozir gumazir gavgavim apanibar nguibar ekiam iniasa pamtem misosi.

15 Fomira, ki ziar ekiam iti, ezi datirighin, ki organarazibagh amua bar aghumsiki.

Egha uan korotiabiha suegħha azir korot-tiam aru.

16 Ki aziavira itima nan damazimning begħha nan mitarmangi.

Ezi nan guam bar agħevegħha iħaragħha gari.

17 Ki arazir kuraba puvati, ezi osimtizir kaba pura na batifi.

Ki īħaraz darazi paza me gamir puvati.

* 16:7-8: Gumazir maba ghaze, E vezin kam kamaghin a giragh, “Bar guizbangira, God, ni bar nan gavgaviba għifa. Egha ni nan adarasi, me gasighasaghizzi me arriaghiregħa għiha. Ni na gamma, ki agharim guragħha egha ni nan mizazib bar amira. Ezi gumazibha nan gara ghaze, Ki arazir kuram gami, egha ni nan arazir kurabagh ikarvaghha bar puv na gami.”

Egha ki God ko migeir arazim ko nan daroriba,
da bar Godin damazimin dera.

¹⁸ "O nguazim, ni oragh.
Ki aremeghti nan ghuzim ireghti, ni ghuzir kam avan bar marki.

Ni ghuzim ateghti, a puram azenimra iki, egh osimtzir kam akirsí Godin dimam.

¹⁹ Ki fo, na bagha garir gumazir mam Godin Nguibamin iti.
A fo, ki osimtzitam gamizir puvati.

A nan akurvagh, koton aven gavgavim nan migirigia bar aningam.

²⁰ Nan namakaba na gifongezir puvatigha, pazavira na dipofi.

Ezi ki Godin damazimin aziavira iti.†
²¹ Ki kamaghsua, gumazim uan namakamin akuraghya gumazir igharazim ko akam akiri moghin, akurvazir gumazitam nan akuragh na bagh God ko mikimiva, a ko akam akiram.

²² Guizbangira, ki dughiar otevimin angamira ikiam, ti azenir vamira, o azenir pumuningin, ki ovevemin tuavimin mangi ua izan kogham."

17

¹ "Nan ikirimirim ikuvigha gifa, ezi dughiar ki ovengamim, a bar roghira ize.
Ezi matmatiamra na mizua iti.

² Gumazamiziba na okarigha tuivighav ikia dibovibar na migei, ezi ki men gari, me arazir kurar kamin na gami.

³ "O God, ni uabira nan akuragh nan kalabuziam givezeghti ki firighirigham.
Gumazir kamaghin nan akurvaghahim tam itir puvati.

⁴ Ni nighnizir aghuinan namakaba dama da batoke, ezi me na abinasavira nighnisi.

Kamaghin, me nan akuraghan kogham.
Kamaghin amizi, ni me damighti, me deragh otivighan kogh na gafighan marki.

⁵ O God, ni fomira itir aghuzir akam ginighnigh,
'Gumazitam dagjaba o biziba inisi, uan namakam puram a isi kot datigh, egh a uan boriba ko, uan arazir kuram bagh iveaukuram iniam.'

⁶ "Datirighin gumazamiziba Godin garima,

an osimtzir ekiam na ganingizi, me nan guam gipari.

Danganiba bar me na dipova kamaghin migei,

'Ia gan, Jop arazir bar kuram gamigha osimtzir ekiar kam imi.'

⁷ Ki bar osemegha puviram azi, bizar kam na gamima nan damazimning bezi, ki deravira gari puvati.

Egha ki bar agharim gura.

⁸ Gumazir aghuir osimtziba puvatiziba, me gari, bizar kaba na bativima, me bar digavir kuram gami.

Egha me gumazir kurabar gari, me deravira iti, ezi bizar kam bangin men naviba bar ikufi.

⁹ Ezi gumazamizir aghuiba uan arazir aghuiba bar suiragh mamaghira ikiam.
Me arazir aghuiba bar damuam, mati men dafariba bar zuegha, gavgavigha mamaghira iti.*

¹⁰ "Aria, ia ua mikim.
Ki ian migirigia baragha fo, ian tav nighnizir aghuaritam ko fofozim itir puvati.

¹¹ Ki angamira itir dughiam givasava ami.
Bizar ki damuasa bar ifongeziba, ki datirighin dar amuan kogham.

¹² Ki mitarmemik ikiavira itima, nan namakaba ghaze,
'Puvati, ni angazangarimin iti.'

Me ghaze, 'Ni osiman marki. Aminim tiasava ami.'

Ezi ki gari mitarmer ekiam ikiavira iti.

¹³ Ki Gumazamizir Oveaghuezibar Nguibam baghavira mizua iti, egheti a nan dipenimin min ikiam.

Egh ki nguibar kamin dakuti mitarmem na avaragham.

¹⁴ Ki matmatiam ginighnigh kamaghin a diponam, 'Nan afeziam.'

Apizir nan mikarzim apiba, ki kamaghin dar ponam,

'Nan amizim,' ko 'Nan amebam.'

¹⁵ Ki suam, gin osimtzir kaba givaghti ki deravira ikiam, guizbangira, ki ti puram mizuam ikiam. Tinara na mikim suam, ki ua deragh ikiam?

Ti puvatigham.

¹⁶ Ki aremegh Gumazamizir Oveaghuezibar Nguibamin magirigh, egh ki ti ua deragh ikiam tuavitam ikiam o?

Ti puvati."

Bildatin migirigiar namba 2

* 16:18: Genes 4:10; Esekiel 24:6-8 16:19: Jop 19:25

* 17:9: Hibrun akam, vezin kam deragha a migeir puvati.

† 16:20: Hibrun akam, vezin kam deragha a migeir puvati.

18

(Sapta 18)

*God gumazir kuraba
ivezir kuram me ganidi*

¹ Ezi Suhan kantrin gumazim Bildat kamaghin Jopin migirigiam ikarvasi:

² "Jop, ni dazoghin uan akam dukuaghram?
Ni deravira uan migirigia ba tuisighti, e
ni ko mikimam.

³ Ni manmaghsua kamaghin nighnisi,
e bulmakabar min ikia fofoziba pu-
vati?

⁴ Nin aningagharim nirara ni gasighasisi.
A bar bizibar ingarigha dar dangani-
bara da ariki, egh da batueghan
kogham.

A dagiar ekiabagh isivaghsivaghti, da
mangti nguazir kinim ikian kogham.
Bar puvati.

⁵ Gumazamizir arazir kurabagh amiba, God
me gasighasisi.

A gumazamizir kaba agefi, mati gu-
mazim lam amunge.

⁶ Eighti gumazamiziba ua lamin angazan-
garimin ganti,
a ua arazir kurabagh amibar dipenibar
ikian kogham.

⁷ Gumazamizir kaba deravira itir
dughiamin me pamten arui,
ezi osimtizim me batozi, me dapaniba
avigha nimiram arui.

Me paza igharaz darazir amuasa nighnizir
aviriba iti,
ezi men nighniziba ghua meraram
asighasisi.

⁸ Me mati asiziba aruima iver ekiam dar
suisi,
egha mati asiziba, gumaziba da bagha
okorezir mozibar ghuaghiri.

⁹ Me mati asiziba azuazimin aven zui,
¹⁰ egħa me mati asiziba benibar dui,
benir gumaziba asizibar suighasa
arighiziba.

¹¹ Bizir atiatir ekiam me ganidiba,
da danganir me aruibar otiva men
agintisi.

¹² "Arazir kurabagh amir gumazamiziba,
me datirighin dagheba otevegha
mitiriamra iti.

Ezi dugħiar bar kuram otogħa
me gasighasighasava ami.

¹³ Gumazamizir kurar kaba, arimariar bar
kuratam men mikarzibar otiv,
men soroghafariba ko bizibagh
asighasigh me damut me ovengam.

¹⁴ Me ghaze, men dipeniba ti men
ikrimirim damut, a bar deraghām.

Ezi puvati, me puviram atiating
ovengam.

¹⁵ Me oveghti, gin men ikizimin aven tav ua
iki,
men dipenimin ikian kogham.

Eighti ikizir igharazimin gumazamiziba izi,
men dipenimin aven itir mugħuriar
kuram agivsi,
pauran me selfan dagiamin ingarizim
fusfugħam.

Egh gin me uari dipenir kamin ikiam.

¹⁶ Gumazamizir arazir kurabagh amiba bar
givagħam,
mati temem, an biba ko an aguaba
misingizi a bar misingi.

¹⁷ Eighti gumazamiziba bar me gin
amadħagħam.
Eighti me ua nguazir kamin ziaba pu-
vatīgham.

¹⁸ Me angamira itir dughiamin, me aruemin
angazangarim gari.
Ezi ovevem iza me batogħezi, me
nguibar bar mitarmangizim għue.

¹⁹ Men ikizim bar kuavaremegħam,
egħi me uari men boritaba, o men
ovavir boritaba ikian kogham.
Puvati. Me bar ovengam.

²⁰ Aruem anadi nagħin itir gumazamiziba
ko, aruem għuaghiri nagħin itir gu-
mazamiziba,
me bixi kurar gumazamizir kaba
batozim bareghiva, digavir kuram
damigh puviram atiatingam.

²¹ Osimtizir guar avir kaba, gumazir kur-
ar nighnizir għavgavim Godin itir pu-
vatībar amuiroghboriba ko,
men dipenibar aven itir darazi sara,
bar me bativam."

Jop Bildatin akam ikarvashi**19**

(Sapta 19)

Jop bar ikuvigha uabira iti

¹ Ezi Jop Bildat ikaraghha ghaze:

² "Ia migirigia ba mizazir ekiam na ganiga,
puvira na abira na gasighasisi.
Ia dazogħin migirigiar kaba ategħam?

³ Dughiar aviribar ia na gasighasigha na
abiri.
Ia kamaghin amua tong bar aghumsiz
puvati.

⁴ Ki guizbangira Godin damazimin arazir
kuratam damiġħam,
egħi bixi kam nan bżimra, a ian
bżim puvati.

⁵ Ia ti ghaze, ia gumazir aghuiba, ezi ki
gumazir kuram?
Ia gari, bixi kurar kaba na bativizi ia
akam na għasa ghaze,

- ki arazir kuram gami.
- 6 "Ezi ki arazir kuratam gamizir puvati.
God uan ifongiamra bizar kabagh ami.
A uan iver ekiamin nan suiragha na amighiri.
- 7 Ia gan! God puvira na misoghvira iti.
Ezi a na ataghiraghosa ki pamten diaava arai.
- Ezi a nan dimdiam ikarvazir puvati.
Egha a guizin arazimin na gamir puvati.
- 8 A nan tuavim apirizi ki mangan asa.
Egha mitarmem gamizi, a tuavir kam avarazi,
ki tuavimin garir puvati.
- 9 A nan ziar aghuim gasighasighizi,
gumazamiziba ghaze, ki gumazir kumram.
- 10 A na gasighasigha bar na akaraghariki,
mati gumazim dipenim akaraghariki.
Ki faragha ghaze, a nan akuraghti ki deravira ikiam.
Ezi puvati, a nan nighnizir kaba bar da batoke.
- 11 God puvira nan atara egha kamaghin nighnisi,
ki mati an apanim.
- 12 A uan midorozir gumaziba amangizi,
me iza nan dipenim okarigha na ko misosi.
- 13 "God nan ikizim gamizi, me na ategha ua na ko itir puvati.
Ezi na ko itir darazi ua na gifozir puvati.
Men damazibar, ki nguubar igharazimin gumazimin min iti.
- 14 Ezi nan anababa uaghan na ataki.
Ezi nan roroaba na bakinighinigha gifa.
- 15 Gumazir fomira iza nan dipenimin ikeziba, me na ginamadaghya gifa.
Ezi nan ingangarir amiziba, me ua na gifozir puvati.
Ki men damazimin nguubar igharazimin gumazimin min oto.
- 16 Ki uan ingangarir gumazibar deima,
me na bagha izir puvati.
Ki uan akatorimin migirigiar aghuibar me mikinam,
ezi puvati, me nan akaba ikarvazir puvati.
- 17 Ki mikimasava amima, nan akatorim puvira mughuasi,
ezi nan amuim, nan boroghin ikian aghua.
Ezi guizin nan aveghbuuba,
me nan gari, ki mati bizar kuram.
- 18 Nguibamin boriba na dipova na gasighasisi.
Egh ki men damazibar mangiti, me akar kurabar na mikinam.
- 19 Nan namakar bar aghuiba, me datirighin bar nan aghua.
Ki bar ifongezir gumaziba, me uaghan akirim na gasaragha na abinasava ami.
- 20 Ki bar agharim gurazi, nan mikarzim bar suiaqhirigha gavgaviba puvati.
Ki bar ikuvigha, bar atam aremeghai.
Egha ki fozir puvati, manmaghlin amizi ki ovengezir puvati.
- 21 "God uan agharimin na misoghezi ki bar ikuvigha iti.
Kamaghlin, ia nan namakaba, e uari, ia nan kuarkuvigh deravira na damu.
- 22 Manmaghsua, God na gamizi moghira, ia pazavira na gami?
Ia gari, ki paza itima, ia tizim bagha na abinasa migirigiar aviribagh ami?
- 23 "Oio! Ki kamaghsua, ki God ko migeir akar kaba,
gumazitam bar ada isi akinafaritam da osirighti, da ikivira iki.
- 24 Kamaghlin deragham, me ti nan akaba isi, dagiatamin dagiar tuizimin da aghoregh, egh taba ainin da osirighti, da iki mamaghira ikiam.
- 25 Ki fo, nan Akurvazir Gumazim, Godin Nguibamin iti,
egh a gin nguazir kamin izi kotin aven tugh nan akurvagh na bagh mikimam.
- 26 Arimariar kuraba nan mikarzim gasighasichti,
ki da sara ikivira iki Godin ganam.
- 27 Ki uabi uan damazibar an ganam, eighti a na bagh mikimam.
Ki an ganti an nan roroamin min ikiam.
Ki guizbangira Godin ganasa nan navim bar dikavigha iti.*
- 28 "Ia ti ghaze, Osimtzir Jop bativir kamin mingarim, anarira iti. Kamaghlin, e a isi kot darighamin arazim ataghiraghan kogham.
- 29 Ezi iarara, ia uari bagh ganigh.
Ia migirigiar kabanhag Godin aningagharam damutti,
a iveauzir kuram ia daningiva mizazim ia gasegham.
A kamaghlin damighti, ia fogham, gumazir arazir kurabagh amiba Godin kotin otivam."

Sofarin migirigiar namba 2

20

(Sapta 20)

19:26: Onger Akaba 17:15; 1 Korin 13:12; 1 Jon 3:2
deragha migeir puvati.

* **19:27:** Hibrun akar ves 25in ikegha ghua ves 27in tuziba,

Gumazir kuraba dughiar bar otevimin deravira ikiam

¹ Jop mikemegha givazi, kantrin Naman gumazim, Sofar kamaghın a ikarvası:

² "Jop, ni oragh.

Nin migirigiam na gamizi, ki digavir kudem gamigha okam nighnisi.

Ezi ki nin migirigiam zuamiram a ikaraghasa.

³ Ni na akirmighasa migeir migirigiam, ki a barazi, a bar aghumsizim na ganingi.

Ezi ki bighivira nin akam ikarvaghasa.

⁴ Bar fomira God gumazamiziba nguazir kam gatizir dughiamin,

tugha izi datirighin,

⁵ gumazamizir arazir kurabagh amiba, dughiar otevimir, bar akuegha navir aghuim isi.

⁶ Gumazamizir kabanang gumazamizibar damazimin gumazir ekiabar otiva ziari ekiaba isi.

Me mati mighsiar mam, an ghuam pin mar ikiia ghuariaba ko voroghira zui.

⁷ Gumazamizir kaba uan buaribar mirara ikuvigham.

Egh me bar ovengam.

Eghti gumazir fomira men gara me gifoziba, me kamaghın mikimam,

gumazir kaba managh iti?

⁸ Gumazir kamaghın amiba, me irebamin min zuamira givaghti,

gumaziba uam men ganan kogham.

⁹ Me ua uan nguibabar ikiian kogham, eghti gumazitam ua men ganighan kogham.

¹⁰ Eghti men boriba uarir apangkuv, egh uarir akurvaghsı, gumazamizir onganarazibar azangsigham.

Gumazir kaba ikiwira iki, onganarazibagh amiba da, okemezir bizar avirim uam ada ikarvaghama.

¹¹ Egh me igiabara uan gavgaviba sara iki, egh zuamira puram ovengam.

¹²⁻¹³ "Gumazamizir kuraba, arazir kuram bar a gifonge, egha me anetaghiraghan aghua.

Me mati gumazim dagher isingtizim gi-fuegha a isa uan mizemin apengan aneti, eghti daghemen isingtizim zuamira givaghan kogham.

¹⁴ Ezi men arazir kuram meraram asighasigham,

mati daghem gumazimin navir averriamin ghuaghira, kuruzir imezimin min otogha, a gasighasisi.

¹⁵ Gumazamizir kuraba uan okimakiar arazimin dagiar aviriba ko biziba akumakua,

dar pozibav kiri.

Eghti God bizir kaba batueghti da mangam, mati gumazim dagher aghuir aviriba amegha gin ua dar misi.

¹⁶ Gumazamiziba akumakuir biziba meraram asighasigham, mati kuruzim me givima, an imezim me misozima me ariaghiri.

¹⁷ Me bizir kaba pozibav kira ghaze, Bizar kaba me damutı me deravira dapiagh bar akongegham, mati faner ekiabar dipaba izevegha emiri.

Ezi puvati, bizir aghuir kaba me bativan kogham.

¹⁸ Me bizir kaba pozibav kira ingangarir dafam gami.

Eghti God igharaz darazi ateghti me bizir kaba iniam.

Kamaghın amizi, gumazamizir kurar kaba bizir kabar iveauzim suiraghan kogh, da bagh bar akueghan kogham.

¹⁹ Guizbangira, me gumazamizir onganarazibar apangkuvir pu.

Puvati, me paza me gami.

Me arazir ifavarir aviribagh amua gumazamizir igharazibar dipeniba isi.

²⁰ Me zurara gumazamizir igharazibar bizibar gara dagh ifuegha da iniasi, egha tong avughsir puvati.

Kamaghın God me ateghan koghti, me bizir me bar ifongezir kabar suiraghan kogham.

²¹ Bizir me gara ifongeziba, me pura da isi, mati gumazim dagher aghuim apava bar anegifa, ezi muzierir tam ua itir puvati.

Egha me dabirabir aghuim itima, men biziba deraghaviram otifi. Eghti dughiar aghuir kam dughiar ovezimin ikegh ua givaghanam.

²² Me bizir aghuir avirir kaba ikiamin dughiamin, osimtizir ekiam me avaraghti bizir kuraba bar me abinam.

²³ "Me bizir bar aghuir avirim iniam. Eghti Godin aningagharam bar men ekeveghti, an osimtizir avirim, amozir ekiam min me gingam.

²⁴ God apaniba amadaghti, me amin ingarizir midorozir sababa ko brasin ingarizir afuziba sara izam.

Eghti gumazamizir kuraba, apanibar midorozir sababar ariti, apaniba brasin ingarizir baribar me gasam.

²⁵ Eghti bariba me amikiragh men namnabar vongin otivam.

Eghti gumazamizir kurar kaba uarira uan ghuzibar ganti, da barir kabar ikiti, me bar atiatigham.

²⁶ Dagia ko bizir me akuvaziba bar ikuvigham, eghiti mitarmem bar da avaragham.

Eghiti gumazir kurar kaba uan biziiba sara, avir nguazimin gumazitam atizir puvatizimin aven, bar ovegham.

²⁷ Godin Nguibam uabi, gumazamizir kabar arazir kurabar gun mikimam, eghiti nguazir kam uaghan me isi kiotiam darigham.

²⁸ God bar men aningaghe, egh a men arazir kuraba ikaryaghamin dughiamin, a men adarazi ko men dagia ko biziiba bar moghira da kuavaremegham. Mati aperiar ekiam otogha iza men biziiba bar da inigha ghuezi, biziitam itir puvati.

²⁹ God osimtizir kaba, gumazamizir kurabar aningasa, a dagh inabagha gifa.

Eghiti me kamaghira gevegham.”

Jop Sofarin migirigia ikarvashi

21

(Sapta 21)

Gumazamizir kuraba dabirabir aghuim iti

¹ Egha Jop ghaze:

² “Ki kamaghsua, ia deravira kuarim atigh nan migirigiam baragh.

Ia kamaghin damu nan navim damuti, a deraghama.

³ Ni teghti ki mikemeka.

Ki mikemegh givaghti, ni dibovibar na mikim.

⁴ Ni oragh. Ki ti gumazibav gia me adoghdosi, o puvati?

Bar puvati.

Ki God ko migeima a nan akam ikarazir puvati, kamaghin amizi, ki an osemegha nimira itir puvati.

⁵ Ia deravira nan gan, ia bar digavir kuram damigh, egh mikiman akabagh asaghama.

⁶ Ki bizir kurar na bativizibagh nighnigha, puvati atiatisa nisi.

⁷ “Tizim bagha God arazir kurabagh amir gumazamiziba ataghiraizi me ikia bar ghuri?

Egha tizim bagha a me ataghiraizi me gumazir ekiabar otiva gavgaviba ikia bizir aviriba iti?

⁸ Gumazir kurar kaba boriba ko ovavir boriba iti.

Egha me ikia borir kabar gari, me aghuava ekefe.

⁹ Gumazir kurar kabar amuiroghboriba deraghavira uan dipenibagh apigha, biziitamin atiatir puvati.

Ezi God uaghan iveauzir kuram isa me ganiga me gasighasizir puvati.

¹⁰ Men bulmakaun apuriba navim bulmakaun amebabagh anidima, da deraviram ota nguzir gavgavibarama oti.

¹¹ Gumazir kaba borir aviriba iti, Egha me borir kaba ataghiraizi, me sipsipin nguzibar min, biziimin arua ikarara ighiabagh amuava arui.

¹² Gumazir maba gitaba ko buabav sogha marvibagh ivima, da ararer aghuibagh amima, borir kaba bar akongegha ighiabagh ami.

¹³ Dughiaiba zurara gumazir kurar kaba, dabirabir aghuim isi. Me tighar ovegh, Gumazamizir Oveaghuezibar Nguibamin mangisi, me arimariaba ko mizaziba puvatigham.

¹⁴ “Arazir kurabagh amir gumazamiziba kamaghin God migei, ‘Ni e ategh mangi.

E nh akam baragh, egh an gin mangan aghua.’

¹⁵ Egha me uaghan kamaghin migei, ‘Godin Gavgaviba Bar Itim a tina, egh e an apengen iki an ziam fam a?’ Egh e a ko mikim, biziir aghuir manatam iniam? Bar puvatigham.’

¹⁶ Gumazir kaba dabirabir aghuim ikiava, biziir avirim isi. Ezi biziir kaba men gavgavibar otivir puvati.

Kamaghin amizi, ki kuarim atigh gumazir kurar kabar migirigia baragh aghua, egh men nighnizibar gin mangan kogham.

¹⁷ “Dughiar aviriba God ti gumazir kurabagh amima, me ariaghiraizi puvati.

Egha uaghan dughiar aviriba God osimtizibagh ami, da otiva me gasighasizir puvati.

A men aningazir dughiamin, a dughiar aviribar mizazim me gasir puvati.

¹⁸ God dughiar aviribar me batozir puvati, mati aminir ekiam dadar midiaribagh ivai.

¹⁹ Ia ti kamaghin mikeme,

'God afeziabar arazir kuram ikarvagha, men boriba pazavira me gami.'

Ezi ki nighnisi, arazir kam derazir puvati.
God gumazir kurabara mizazim me gasiti, me fogham,
God men arazir kurabara ikarvasi.

20 Me uari uan damazibar,
Godin Gavgaviba Bar Itimin
an ingagharam
guizin an gan a gifogham.

21 Egh me mangi Gumazamizir Oveaghuezibar Nguibamin ikiva,
ua uan amuiroghboribar apangkuvan kogham,
me manmaghira iti.

22 "E gumazamiziba, enselba e gafira, ezi God men araziba tuisisi.
Kamaghin, tinara God e damuamin arazir aghuim bagh an sure damuam? Bar puvati.

23-24 Ki gumazamizir mabar gari, men dabirabimin ikirimirim, a bar dera.
Me osimitziba ko arimariaba puvatigh iki mangi, me ovengamin dughiam otogham.

25 Ezi gumazamizir maba dabirabir aghuarim puvati.
Gumazamizir kaba men dabirabim deraz puvatizi, men navir averiaba bar oseme.
Me tong akongezir arazir tam itir puvatigha ghua, dughiar me ovengezimin oto.

26 Ezi gumazamiziba ovia, mozimin itir dughiamin, arazir vamira me batifi.
Apiziba men kuabagh izefi.

27 "Ki ian nighnizibagh fogha gifa.
Ia ti pazi na damu na abinasavira nighnisi.

28 Ia kamaghin mikeme,
'Bizir guar aviriba gumazir ekiar arazir kurabagh amiba batifi,
ezi men dipeniba ko biziba bar ikufi,
ezi gumazamiziba ua men garir puvati.'

29 Egha ia ti gumazir nguibar igharazibagh aruir gumazibar azangsizir puvati,
egha ia ti God arazir kurar, gumazir kuraba ganidiba bagha men azangsizir puvati, a?

30 Me guizbangira kamaghin ia mikimam,
'God aningaghegh bizir kuram damichti, an otogh danganir mamin gumazamizibagh asighasighiva,
gumazamizir arazir kurabagh amibagh asighasighan kogham.'

Puvati. A me ataghira me deravira iti.'

31 Kamaghin amizi, tinara gumazamizir kuraba kotin me tuisigham?
Gumazitam me isi kotiam datighan kogham,
egh gumazitam men arazir kuraba ikarvaghshi mizazim me danighan kogham.

32-33 Ezi gumazamizir kurar kaba over dughiamin, gumazamizir avirim iza uari akuva,
me afasa me inigha matmatiamin zui.
Gumazir maba men matmatiaba deravira dar gara iti.
Ezi men kuuba aghumra ireghav iti.

34 Kamaghin ki fo, ia pura akam ara na gifarir gumaziba.
Ia ghaze, migirigar kaba ti gavgavim na daningam?
Ezi puvati, migirigar kaba tong nan akurvazir puvati."

Elifasin migirigar namba 3

22

(Sapta 22)

Jop navim giragli, God bar deraviram a damuam

1 Ezi Teman nguibamin gumazim Elifas, Jopin migirigiam ikarvasi:

2 "E gumazir kiniba, e ti Godin akurvaghshi, bizibar amuam o? Puvatigham.
Fofozir gumaziba uaghan puvatigham.

3 Ni ti ghaze, ni Godin damazimin derazir arazim, Godin Gavgaviba Bar Itimin akuragli, a uan ingangarim damuam o?

Egh ni arazir aghuibara damuva, ni suam arazir kam deravira God damuam? Bar puvati.

4 Egh ni Godin apengan ikiva an ziam fiti, a nin atariva, ni isi kotiam darigham, o?
Bar puvati.

5 Jop, ni arazir kurar aviribagh ami, kamaghin amizi, God nin arazir kurar kaba bagha ni tuisisi.

6 "Ni arazir kabagh ami. Nin akar gumaziba ni ko akam akirigh biziba inigh, ua da ikarvaghram.

Dughiar kamin, me ua nin biziba ikanvaghmin ababanim bagha, ni men biziba isi.

Egha ni bizir kabar suiragha gavgafi, egħha ua me ganidir puvati.

Marazi uan korotiaba ni ganingi, ezi ni ua da me ganingizir puvati,

- ezi me ua uan mikarzim avamin korotiaba puvati.*
- ⁷ Kuariba pirir gumazamiziba, ni dipaba me ganidir puvati.
- Egha mitiriaba azir gumazamiziba ni dagheba me ganidir puvati.
- ⁸ Ni gumazir ekiar ziam itim, kamaghin amizi ni ghaze, ni uan ifongiamin bizibar amuam. Egha ni gumazir igharazibar nguazir akuar maba ini.
- ⁹ Ezi amizir odiarir paba ovengeziba, iza uarir akurvaghosa nin azangsisi, ezi ni men akurvazir pu.
- Puvati. Ni me batozima me zui.
- Egha ni borir asaghazazir afeziaba puvatiziba uaghan akurvazir aghuitam me ganingizir pu.
- Puvati. Ni me abiri.
- ¹⁰ Nin arazir kaba bangin, bizir nin suigha ni gasighasighiziba otivigha bar moghira ni ekiaruga, ni gamima, ni bar puviram atiati.
- ¹¹ Mati mitarmer ekiam ni avarazi, ni bizitam garir puvati, mati aperiar ekiam bar moghira ni avara.
- ¹² "Jop, ni mikovezir bar pin itibar gan. Ezi Godin uan Nguibamin itim, a bar mikovezir kabagh afiraghha pin mariti.
- ¹³⁻¹⁴ Bizar kam nin nighnizim gamima, ni ti kamaghin migei, 'God bizin tizim gif?
- An overiam gisin aruima, ghuariar ekiam anevarazi mitarmer ekiam a modo, ezi an en ganan kogham.
- A manmaghin en araziba tuisigham?†
- ¹⁵ "Jop, ni manmaghin ami? Ni ti tuavir ghurir kuramin mangasa gavgafi? Gumazir arazir kurabagh amiba, me tuavir kamin zui.
- ¹⁶ Me tighar ghuram, God zuamira me agefi. Me bar kufi, mati dipenim faner ekiamin apinimin ikia ikuvi.
- Egha mati aperiar gavgavim fanemin otogha dipenim gasighasigha an ingarizir temeba ko dagiaba atera ghue.
- ¹⁷ Gumazir kaba kamaghin God migei, 'Ni e ategh mangi.' Egha me uaghan kamaghin mikeme, 'Godin Gavgaviba Bar Itim bizir manamra e damuam?'
- ¹⁸ Egha me kamaghin fozir puvati God uabi me ataghizi me bizir aghuir aviriba isi.
- Kamaghin amizi, ki kuarim atigh gumazir kurabar migirigiaiba baraghiva, men nighnizir avirim gin mangen kogham.
- ¹⁹ Gumazamizir Godin damazimin deraziba gari, God iveauzir kuram gumazir kurabagh anidima, me bar akonge. Ezi arazir kuraba puvatizir gumazamiziba, me gumazamizir kurar kaba dibovir akabar me migei.
- ²⁰ Me kamaghin migei, 'Bar dera. En apanir kaba ikuvigha gif. Ezi avim men dagiaba ko bizir aghuibar isi.'
- ²¹ "Jop, ni oragh. Ni datirighin God ko akam akirigh, a ko navir vamira iki.
- Ni kamaghin damichti, a deravira ni damuam, eghti nin dabirabim ua deragham.
- ²² An aghuzir akar a ni daningamiba, ni bar ada inigh, egh deravira an migirigiaiba isi uan navim datigh.
- ²³ Ni uamategh Godin Gavgaviba Bar Itim bagh iziti, a nin osintiziba bar da givagh, dabirabir aghuim ua ni daningam. Egh ni akirim ragh uan arazir kurabagh asaragh dar saghon iki.
- ²⁴ Kamaghin deragham, ni kantrin Ofirin inizir golin bar aghuiba isi, danganir kurabar da makunigh.
- ²⁵ Egh ni Godin Gavgaviba Bar Itim ateghti, a nin golin aghuiba ko silvabar danganim inigh, egh nin bizir bar aghuimin min ikiam.
- ²⁶ Ni kamaghin damigh, egh Godin Gavgaviba Bar Itim deravira ni gamizir bizim bagh bar akuegham. Egh ni Godin damazimin navir zuruzim iki an ganam.
- ²⁷ Ni God ko mikimi, a ni baragh egh bizir ni an azangsiziba ni daningam. Egh ni God ko akam akirizir bizibar amusi bar akuegham.
- ²⁸ Egh ni bizir manam damuasa nighnisi, God ni ateghti, ni bizir kam damuti, a deraghviram otogham.
- Eghni God nin dabirabim damuti, bar akongezir arazim a gizivagham, mati an angazangarim ni gisirazi, ni deravira gara tuavimin zui.
- ²⁹ Ni fo, gumazamizir uan ziaba feba, God me abiri,

^{22:9:} Godin Araziba 15:7-11 † ^{22:13-14:} Elifas ti deravira Jopin nighnizibagh fozir puvati. Jop faragha ghaze, God gumazir arazir kurabagh amibagh asighasizir puvati. (Ni sapta 21:19-33in gan.) Egha Jop kamaghin mikemezir puvati, God gumazir kabar ganiva men araziba tuisighan kogham. ^{22:18:} Jop 21:16

egha uari abirir gumazamiziba, a men
akurvazima,
me deravira iti.
30 E fo, God gumazamizbar garima, me an
damazimin bar zue, ezi a men akur-
vasi.
Kamaghin amizi, ni arazir kuramin
osimtzitam ikian kogh, egh an
damazimin bar zuegħti, a uaghan nin
apangkuv nin akurvagħti,
ni ovengan kogħam.”‡

Jop Elifasin migirigiam ikarvasti

23

(Sapta 23-24)

Jop Godin kotin tuivasa atiatir puvati

¹ Jop kamaghin Elifasin migirigiam ikar-
vasti:

2 “Ni oragh. Datirighin ki bar osemegħa iti,
egħa bixi kurar na gasighasizir kam
bagħha puvira Godin mikkimasava ami.
Ki guizbangira uan ararem abinasava
amuia,
egħa bar amuava avenge.

3 Oio! God itir danganim, ki a gifogħa der-
aghaj,
egħa ki datirighira bighavira għuav an
damazmin tughħi.

4 Egha na batozir osimtzizmin gun de-
raviram a migħaj,
mati gumazim kotin aven eghari.

Ki uan kotiamin akurvagħsi,
migirigiar aviribar amuam.

5 Egh ki fogħam, a ikarvazir manam nan
migirigħiabar aningam,
egħi ki an nighnizim gifogħam.

6 Ia ti ghaze, God nan apani damuva, uan
gavġavim minna abiragh
Bar puvatigham.

A bar deravira kuarim atiġ
nan migirigħiaba baraghm.

7 Ki Godin damazimin derazir gumazim,
egħi ki an guamin kotin tughħi,
a nan migirigħiaba tuisighiva, de-
ragħvira nighnigh nan akam
akirriġham.

A nan migirigiam baregh bighivira kam-
aghin mikkimam, ki arazir kuratamin
osimtzitam itir puvati.

Egħi ta' nan kotiam bar givagħam.

8 “Ame! Ki aruem anadi nagħin God buri, ezi
a itir puvati.

Egha ki ghua aruem għuaghiri nagħin a
buriava, an apizir puvati.

9 God uan ingangarim not ko sautin
amadagħan a gami.
Ezi ki danganir kabar ghua a buriava,
an apizir puvati.

10 Ezi God nan daroriba bar dagh fo.
Egh a bixitam na damiġħ fogħam, ki
golin min bar dera.

11 Tuavir God zuim, ki deraviram an zui.
Ki tuavir kam ataghizir puvatigha
igharaghha zuir puvati.

12 Ki an akam batogħeżiż puvati.
A na ganingiżiż akaba, ki bar dar gin
zui.

Ki an akaba bar dagh ifongegħha ghaze,
da bar dera, egha dagħer isingizibagh
afira.

13 “Ezi God uabira, a bixitam damusi
nighnieti, tinara an nighnizim
otevkiniġħam? Bar puvatigham.
A iti mogħira iti.

Egh a bixitam damusi ifuegh,
a puram a damuam.

14 Kamaghin amizi, bizir a na damuasa
nighnizir manaba, an adar amuam.
A nighnizir aviriba iti, ezi e dagh fożiż
puvati.

15 Kamaghin amizi, ki an guamin tughamin
bizir kam ginighnigha, puviram an
atiati.

Ki a arazibagh nighnigha, nan
agħariba puvira nisi.

16 Godin Gavġaviba Bar Itim nan gavġaviba
bar da agħvagħha,
na gamizi, ki puviram atiati.

17 Ki faragħa kamaghin ikezir pu.
Puvati. Godra mitarmer ekjar kam
amadazi a iza na avarazi,
ki datirighiñ bar pazavira iti.

Egha ki mitarmer kamin tongin
ikia, an diava aravira iti.”*

Jop Bildatin migirigiam ikarvasti

24

*Jop ghaze, God arazir aghuim gamir pu-
vati*

¹ Jop ua kamaghin migia ghaze:

“Godin Gavġaviba Bar Itim manmagħsua,
gumazir kurabar araziba tuisighħa
dugħiatañ ginabazir puvati?

Manmagħsua nighnizir gavġavim
Godin itir gumazamiziba, pura Godin
kotiam bagħha mizua iti?

2 Gumazir arazir kurabagh amiba iħgaraz
darazir nguaziba okimasa,

‡ 22:30: Hibrun akam, ves 29 ko 30 deragħa aning migeir puvati. 23:10: Onger Akaba 66:10; 139:1-3; Jems 1:12

* 23:17: Hibrun akam, vezin kam deragħa a migeir puvati. 24:2: Godin Araziba 27:17; Aghuzir Akaba 22:28; Hosea

- egha men nguaziba iniasa men
nguazir mitaghniabar ababanibagh
isivaghsivasi,
egh me suam, ka ti men nguazimra.
Me men sipsipba okia uan sipsipbar
tongin da arisi.
- ³ Gumazir kurar kaba, arazir kurar kam
gami, me borir afeziaba ovengez-
ibar, donkiba okei.
- Egha me paba ovengezir amizibar ama-
mangarizi, amizir kaba dagiaba pura
da isi, egh da ikarvaghamin dughiar
kamra,
me ua men dagiar me iniziba ikar-
vaghamin ababanimin min, men
azenibar ingarir bulmakauba isi.
Kamaghin amizi, amizir kaba
uan azenibar ingaramin bul-
makauba puvatigha, dagheba
puvati.
- ⁴ Gumazamizir dagiaba ko biziba pu-
vatiziba, gumazir kurar kaba, me
gamima me atiati,
egh me uan ifongiamin bizitam
damighan kogham.
Nguazir kamin itir gumazamizir on-
ganarazibagh amiba, me gumazir
kurabar atiatia men saghon ikia uari
monge.
- ⁵ Onganarazibagh amir gumazamizir kaba,
mevezika, me mangi gumazamiziba
puvatizir danganimin ikiam.
Egh dagheba uan boribar aningsi
donkin atiabar min pamten ingar
dagheba buriam.
- ⁶ Me gumazir igharazibar nguazibar ghua
dagher bar kurabara isi.
Ezi gumazir kurabar ingangarir gu-
maziba men wainin azenibar wainin
oviziba inigh givaghti,
gumazamizir kaba mevezigh mangi
azenir kabar aru wainin ovizir nar
itiba akumakumam.
- ⁷ Me dimagaribar, mikarzir kinibar akuava
arugharusi.
Me uan mikarziba avamin biziba pu-
vati.
- ⁸ Me mighsiamin itir danganimin itima,
amozim me gizima me kumkui.
Me dipeniba puvatigha amozimin
moga dagiar ekiabar apengan iti.
- ⁹ “Gumazir kurar kaba ghua, amizir paba
ovengezibar,
borir iririvir oteba apiba, me me da
dagh etui.
- Me amizir kabar amamangarizima, me
pura dagiaba isi.
Dughiar kamra, me ua me ikar-
vaghamin ababanimin min, men
borir kabar suirazi me iti.
- Egha gin borir kabagh amima, me
pura men ingangarir gumazir
kinibar otifi.
- ¹⁰ Gumazamizir kaba, mevezika, me uan
mikarziba avamin korotiaba puvati.
Me ghua gumazir igharazibar azenibar
ingara, men dagher dipenibar witbar
pozibav kiri.
Egha me uari dagheba puvatigha
mitiriam men azi.
- ¹¹ Me olivin temebar tongin ikia dar oviziba
mirmirir danganimin dagiamin da
mirmiri,
ezi olivin borem otifi.
- Ezi marazi wainin dipam iniasa wainin
oviziba dikabirir danganimin da
dikabiri,
egha me uari wainin dipar kaba apir
puvati, ezi kuarim puv men piri.
- ¹² Nguibar ekiabar aven ovengasava amir
gumazamiziba puviram arai.
Me bar ikuvigha uarir akurvaghaha ara
Godin dei.
Ezi God men osimtizir kabagh nighnizir
puvati.
- ¹³ “Gumazamizir maba God ifongezir araz-
ibar tuavimin gin mangan aghua.
Me arazir aghuibar apanim gamua da
batosi,
kar angazangarimin araziba.
- ¹⁴ Bar mizaraghara, aminim tighar tiam,
gumazir kuraba dikavigh mangi
biziba puvatizir gumazamizibav soghti
me arimighirasa zui.
Egha dimagaribar me biziba
okimasava arui.
- ¹⁵ Poroghamiba uari bakeir arazim gamir
gumaziba, me aruem bararti,
a magirighti me mangi gumazir
igharazibar amuiba ko dakuam.
Me zuir dughiam, me uan guaba avegh
suam,
Tav nan gan na gifoghan kogham.
- ¹⁶ Dimagarimin okimakiar gumaziba
dipeniba akara aven ghua biziba
okei.
Aruem men dughiam puvati,
kamaghin amizi, aruemin, me tiar ak-
aba asegha dipenir averiabara iti.
- ¹⁷ Gumazir kaba aruer ekiamin daruan
atiati, mati gumazir igharaziba
dimagarimin daruan atiati.
Ezi dimagarim me gamima, me bar
akonge.

- 18 *“Ia kamaghin migirigiar kabanang gami,
 ‘Gumazamizir arazir kurabagh amiba
 dughiar ruarimin ikian kogham. Pu-
 vatigham.
 Aperiar ekiam zuamira izi me inigh
 mangigham.
 Eighti God mikimti men nguazim iku-
 vigham.
 Eighti gumazitam mangi men wainin
 azenimin ingaran kogham.
- 19 Aruem anaga isirazima ghuariar
 orangtizim ghua gefi.
 Kamaghira, Gumazamizir Oveaghuez-
 ibar Nguibam gumazamizir arazir
 kurabagh amiba isi,
 ezi me bar gefi.
- 20 Eighti men mikarziba apizibar dagher
 isingtizimin min otogham.
 Egha tav ua me ginighnighan kogham.
 Ezi men amebar me bateziba uaghan bar
 me gin amadaghgam.
 Eighti men arazir kuraba uaghan bar
 givagham.’
- 21 “Gumazir kurar kaba paza furabaghatir
 amizibagh ami.
 Egha amizir odiarir paba ovengezibar
 akurvazir puvati.
- 22 Ezi God uan gavgavimin, gumazir gav-
 gavibar akurvazima, me dughiar ru-
 aribar iti.
 Egha dughiar me ghaze me
 ovengamim, God ua me fema me
 deravira iti.
- 23 God me gamima, me nimiram apiav ikia
 osimtziba men puvati.
 Egha a zurara deravira men arazir me
 amibar gari.
- 24 Ezi me ziar ekiaba iti.
 Me dughiar otevibar ikia gumazamizir
 igharazibar min zuamiram ovei.
 Me mati wit aghoramin dughiam otogha
 givazi,
 gumaziba aneghori.†
- 25 Nan migirigia abu guizin migirigia abu pu-
 vatighti,
 tinara nan ifavarim azenim datigham?
 Tinara nan akagh suam,
 ki puram akam arai?”

Bildatin migirigiar namba 3

* **24:18:** Sapta 24:18 ikegha ghua sapta 28:28in tu, akar kaba deragha migeir puvati, tinara akam akuni. Elifas 3plan dughiabar mikeme, ezi Bildat uaghan 3plan dughiabar mikimam. Ezi Hibrun akar datirighin en itim, Sofar dughiar pumuningra mikeme. E fo, Bildatin akar abuananam (a sapta 25in iti) a bar otefe. Ezi uaghan, Jopin akar otevir maba an namakar 3plan fomira gun mikemezibar mirara ghu. Ezi bizar kam bagha, fofozir gumazir maba ghaze Sofarin ziam fomira kagh ike, egha gin an ovenge. Egha me ghaze akar kam, sapta 24:18-20in iti, kar Sofarin akar otevim. Ezi e guizbangira fozir puvati, fofozir gumazir kabar nighnizim dera o puvati. Kamaghin amizi, e akar datirighin Hibrun akamin itimin gin mangam. Jop ti guizbangira akar 24:18-25in itiba mikeme, e ghaze, a akar 24:18-20in aven itiba, a namakabar nighnizibar gun migei, egha akar 24:21-25in aven itiba, a men akaba ikarvasi. † **24:24:** Hibrun akam ves 18in ikegha ghua ves 24in tu, a deragha migeir puvati.

25

(Sapta 25)

*E gumazamiziba Godin damazimin pura
 biziba*

¹ Ezi Suhan kantrin gumazim Bildat kam-
 aghin Jop ikarvasi:

2 “God gavgavir ekiam ko biziba bar dagh
 ativaghamin fofozim ikia,
 biziba bar dagh amima, da an atiatia
 puviram agoa nisi.

Egha a uan Nguibamin bizibagh amima,
 da nimira ikia dabirabir aghuim iti.

3 An midorozir gumaziba bar aviraseme, ezi
 tav me mengen iburaghgam.

Ezi a uan angazangarim gamizi, a dan-
 ganiba bar dagh isira.

4 Kamaghin amizi, e gumazamiziba
 manmaghin Godin damazimin
 deraghgam?

Amebam otezir gumazir manamat,
 Godin damazimin zuegham? Bar
 puvatigham.

5 Ia gan. Iakinim ko mikovezibar angazan-
 garim e dar garima da bar ekefe,
 ezi Godin damazimin, da bar sufi.

6 Kamaghin amizi guizbangira, e nguazir
 kamin itir gumazamiziba, an
 damazimin zuezir puvati.
 E mati nguazimin aghuviziba.

E pura bizir kiniba.”

Jop Bildatin akam ikara

26

(Sapta 26-31)

*Godin gavgavim bar en fofozim ko
 nighnizim gafira*

¹ Jop kamaghin Bildatin akam ikara:

2 “Ni ti ghaze, ni gumazir gavgaviba pu-
 vatizir kamin akurvasi.

Egha nighnizir aghuiba ko gavgaviba
 puvatizir gumazamizibar akurvazir
 gumazim.

Bar puvati. Ni tong nan akurvazir
 puvati.

³ Ni ghaze, ni nighnizir aghuim fofoziba pu-
 vatizir gumazamizibagh anidir gu-
 mazim.

- Egha ni ghaze, ni nighnizir aghuiba puvatizir gumazamiziba, ni men sure damuam.
- ⁴ Tinara nighnizim ni ganingizi, ni kamaghin bizibav gei?
- Tinan duam fofozir aghuim ni ganingizi, ni kamaghin bizibar gunmigei?
- ⁵⁻⁶ “Gumazamiziba ovea ghua ongarimin apengan itir Oveaghuezibar Nguibamin iti, egha me Godin mongezir puvati.
- Me Godin damazimin azenara iti.
A men garima, me atiatia nisi.
- ⁷ God overiamin ingarigha pura pin anetizi, a danganir bizitam faragha itir puvatizimin iti.
- Egha nguazim atizi a pura iti, bizitam an suirazir puvati.
- ⁸ God amozim isa uan ghuardabar anetizi, da amozimtin suirazi, a iti.
- Dipar kam bar osemegha, an osimtzim ghuardiaba abizir puvati.
- ⁹ God ghuardiabagh amizi, da iza iakinir ekiam avaragha Godin atrivir dabirabim modo.
- ¹⁰ An ongarim gisin, gumazimin damazim gan mangi givaghamin mitaghniam, iver agharimin min, a gighua an osiri. Mitaghniar kam, aruem ko dimagarim abisi.
- ¹¹ God atarir dughiamin, mighsiaba ko overiam digavir kuram gamua agoa nisi.
- ¹² God uan gavgavir ekiamin ongarim gamizi, a pura nimira iti.
- A uan nighnizir aghuimin, ongarimin itir kuruzir aser ekiam Rahapin gavgavim dikabira.
- ¹³ God uabi aminir ekiam amadazi a iza ghuardiabagh ivarazi, overiam uam angazangari.
- Egha a uan dafarimin kuruzir aser ekiar kam birazima, an areme.
- ¹⁴ Bizar an amizi otivizir kaba, da an gavgavir ekiamin pura bizir muziariba, e da baragha dar gari.
- Egħi God bar uan gavgavim en akagħti, e akatam bar a mikkim iburaghā. Bar puvatigham.
- Godin gavgavim bar ekefe.”
- ² “Godin gavgaviba Bar Itim arazir aghuimin na gamizir puvati, ezi ki datirighin paza iti.
- A kotin deravira na baragħa na tuisighiżir puvati, kamaghin amizi, a na gamizir arazibar ki adarim an iti.
- Egha Godin zurara itimmin ziamin ki guizbangira migei,
- ³ dughiebar surara God na ataghizi, ki angamira ikiavira iti,
- ⁴ egha ki akar kuratam ko akar ifavartam uan akatorimin a damighan kogħam.
- ⁵⁻⁶ “Kamaghin ia deraghvira na baragh. Amebam na batezir dughiamin ikeġħa iza datirighin, ki kamaghin fo, nan nighnizim ko navir averiamin, ki Godin damazimin deravira iti.
- Ki pamten kamaghin mikkimasa, ki arazir kuratam gamizir puvatigha osimtzibha nan puvati.
- Ki akar otevir kabara mikkim mangi eghovegħ mangam.
- Kamaghin amizi, ki fo, akar ia na migeir kaba, da guizbangiram akaba puvati.
- ⁷ “Ki kamaghin ifonge, God iveau kuram nan apanibar aningam.
- An arazir kurabagh amir gumazamizbar mirara me damu.
- ⁸ Gumazamizir nighnizir gavgavim Godin itir puvatigha, an gin zuir puvatiziba, God men ikirrimi agivagħti, me biziż aghħiur manam iniam?
- Bar puvatigham.
- ⁹ Osimtzim me bativamin dughiamin, me uarir akurvaghxi Godin dimti a me baraghā, o? Bar puvatigham.
- ¹⁰ Gumazamizir kamaghin amiba, Godin Gavgaviba Bar Itim bagħ bar akuegħiha, zurara dughiebar a ko mikkimam, o? Bar puvati.
- ¹¹ “Ki ian sure damighti ia Godin gavgavim deravira a gifogħam.
- Egh bizar a damuasa nighniziba, ki dar gun ja mikkimam, Kar Godin Gavgaviba Bar Itim.
- ¹² Ia uari Godin arazir kabar ganigha gifa. Egha ia manmagħsua akar mingariba puvatizir kabav gei?
- ¹³ “Godin Gavgaviba Bar Itim, gumazamizir kuraba ko paza iħbarar darazigħ amir gumazamiziba, a iveau kuram me bagħha an abaragħa gifa.
- Egh mizaziba ko osimtzir kaba isi me daningam.

27

Jop arazir kurabha puvatigha ua bagħha pamten migei

¹ Jop ua kamaghin migei:

14 Gumazir kaba borir aviriba ikiti,
apaniba borir kabav misoghti me
arimighiram.
Egh me zurara dagheba puvatigham.

15 Eghti gumazir kurar kaba arimighiregti,
men ikiavira itir adarazi arimariam
me damuti,
me uaghan arimighiregham,
eghti men amuir odiariba me bagh
azian kogham.

16 Gumazir kuraba silvan dagiar avirim ko
korotiar avirim akumakum,
nguazir minemniabar min, uan
dipenibar dar pozibav kinam.

17 Eghti gin gumazamizir Godin damazimin
deraziba izi,
men korotiar aghuiba ko silvan
dagiaha abigh uari daningam.

18 Gumazir kurar kaba dipenir aghuiba
ingari,
ezi dipenir kaba, dughiar ruarin
ikeghan kogham.
Da mati boghoborir dipeniba ko averpenir
aznenibar itim.
Da zuamira dipirighregham.

19 Me dimagarimin dakuasava amua
garima, men biziba bar avirasemega
deravira iti.
Egha mizarazimin me osegha gara
digavir kuram gami,
Ame! Men bizir avirir kaba ua itir puvati.
Ezi me bar biziagh asa.

20 "Bizir kuraba aperiamin min, me aviti me
puv atiatingam.
Bizir kaba ua ikan kogham, mati
aminir gavgavim dimagarimin
otogha dagh ivaragha ghu.

21 Aruem anadi naghin izir aminim me asir-
afagha me inigha ghuzi,
me ua uan danganimin itir puvati.

22 Aminir kam uan gavgavir ekiam sara me
givai,
ezi me ari mangasa pamtemin ingari.

23 Egha me amimir kam batoghan ibura.
Aminim men ingarava aka dafaribav
sogha,
bar me batoke."*

28

*E nighnizir aghuim ko fofozim danganir
manamin an apigham?*

1 "Gumaziba gol ko silva iniasa nguazimin
aven mozir bar konibagh tui.

Egha gol ko silva tuamin danganibar
ingari, eghti avim dar minezibar isighti
da bar zuegham.

2 Egha me ain buria nguazim gutui.

Me nguazir torimin dagiaha isa da
tuema kapa otifi.

3 Me nguazimin mozibagh tuima, dar toriba
vin mar uaghiri,
eghti me ain itir dagiaha buriam.

Me lambagh abuava mozir kabagh tui,
ezi angazangarim mozimin itir
mitarmem batozima,
dagiaha azenara otivima, me da isi.

4 Me nguazir torir kaba, saghon mar ada
okori,
danganir kaba, gumazir ighazariba dar
zuir puvati.

Me uarira ikiha ingari.
Me nguazir torir kabar beniba uari
dafegha dar suigha, uaghira mangi
izegh gamua ingangarim gami.

5 Gumazir ighazariba, nguazim gis inzeni-
bar ingara dagheba ko biziba opari.
Ezi gumazir nguazimin apengan
ingarir kaba, me dagiaha abigha
nguazim gikua a girazi,
a mati avim danganir mam bar an isizi
moghin iti.

6 Ezi gumazir kaba nguazimin aven itir
dagiabar aven Sapaiyan dagiar blu-
plan aghuariba isi.
Egha nguazimin aven uaghan golin
minemeniam isi.

7 Isaba ko bagaba, nguazimin aven mozir
konir me ingarizibar aven garir pu-
vati.

8 Laionba ko asizir gavgavir ighazariba sara
torir kabar averiabagh aruир puvati.

9 "Gumaziba dagiar gavgaviba itir dangani-
bagh kuava,
mighsiaba abizi da bar iraghue.

10 Me dagiabar aven dipar tuavibar ingari
moghin, dagiaha aghora averara zui.
Egha me aven ghua garima, dagiar
aghuir izevir bar pin koziba iti.

11 Me mozibagh ku ganti, dipam danganir
kamin otivti me anepirigham,
eghti dipam nguazir torim gizivaghan
kogham.

Egheti bizir aghuir nguazimin aven mon-
geghav itiba,
me da asigh azenim datigham.

12 "Ezi e managh mangi fofozir aghuarim ko
nighnizir aghuarim iniam?
Fofozir aghuim ko nighnizir aghuim
iniam nguibam managh iti?

13 Guizbangira fofozir aghuarim ko
nighnizir aghuarim bizir bar ekiam,
egha dagiaha ekiaba ko bizir ighazariba
bar dagh afira.

* 27:23: Akar ves 13-23in itiba, akar otevir avirir Jopin namakar 3pla fomira gun mikemeziba mirara ghu. Kamaghin amizi, fofozir gumazir maba ghaze, kar Jopin akaba puvati, kar ti an namakar kabar mavin migirigiaha.

Ezi gumazamiziba bizir kam deraviram a gifozir puvati.

Ezi fofozim ko nighnizir aghuarim nguazir kamin gumazamizibar tongin itir puvati.

¹⁴ Ongarim ko an apengan itir danganir bar koniba kamaghin migei,
‘Fofozir aghuarim ko nighnizir aghuarim, aning kagh itir puvati.’

¹⁵ Golin bar aghuim a pura bizim, ni a isi ua nighnizir aghuarim givezeghan kogham.

Fofozir aghuarimin iveauzim bar pin ko, eghti ni silvan aghuarimin a givezeghan kogham,
silvan aghuarim, a pura bizim.

¹⁶ Ni kantri Ofirin golin bar aghuiba ko dagiar iveauziba bar pin koziba, da isi aning givezeghan kogham.

¹⁷ Ni aning givesi, glasin dagiar iveauzir bar pin kozim ko bizar aghuir golin ingariziba inigham, noka, ni aning givezeghan kogham.
Da uaghan pura biziba.

¹⁸ Aningin iveauzim, bar pin ikia adiarir aghuarim ko dagiar ghurghurir gav-gavir glasin min tagtazimin iveauzim bar a gafira.

Pelin iveauzim bar pin ko, egha pelin iveauzim uaghan fofozir aghuarim ko nighnizir aghuarim givezeghan kogham.

¹⁹ Topasin dagiar iangurir aghuarir me kantri Itiopian isiba ko avimin tuezir golin aghuiba,
da uaghan fofozir aghuarim ko nighnizir aghuarim tong aning givezeghan kogham.
Bar puvati.

²⁰ “Ezi e managhira fofozir aghuarim ko nighnizir aghuarim batogham?
Fofozim ko nighnizir aghuarim danganir manamra iti?”

²¹ Fofozim ko nighnizir aghuarim, gumazamiziba ko angamira itir biziba sara bar men modo.
Kuarazir pin mighagha aruiba, uaghan aningin garir puvati.

²² Ovengezibar Danganim ko Ovevem ubi, aning kamaghin migei,
‘Ga mong aningin sighsirir akaba baraki,
egha aningin ganizir puvati.’

²³⁻²⁴ “Ja oragh, God uabira nguazir kamin danganiba bar dar gara,
egha overiamin apengan itir bizibar gari.

Kamaghin, a uabira fofozim ko nighnizir aghuarim itir danganim gifo.

Egha tuavir aning bagha zuim gifo.

²⁵ Bar fomira, God nighnigha aminimin gav-gavimin abara,

egha uaghan nighnigha ongarir ekiam

ikiasa, a dipabar ababanim ati.

²⁶ Egha uaghan amozim damuamin arazi-iba ariki,
egha onimarin tagtagh mangamin tu-avim ati.

²⁷ Bizar kabar gin God nighnizir aghuarimin gara an arazi-iba bar da tuisisi.

Egha nighnizir aghuarim gamizi a tuga gavgavizi a ghaze, a bizar bar aghuim.*

²⁸ Egha God kamaghin gumazamizibav gei, ‘Ki ian Ekiam. Gumazir nan atiatia nan apengan ikiava arazir kurabar gin zuir puvatizim, gumazir kam nighnizir aghuarim ko fofozim iti.’

29

Jop uan dughiar aghuir faragha ikezim ginighni

¹ Jop ua kamaghin migei:

² “Oio. Ki uabin apangkufi, ki fomira der- agha ikezi moghin ikiasa ifonge.

Fomira God bar deraghavira na geghufi.

³ A lamin min itima, an angazangarim na gisira.

A dimagaribar angazangarimin min tu-avim nan akakazima, ki zui.

⁴ Fomira, God nan roroamin min ikia, de- ravira nan purirpenimin aven itir ikizimin gari.

Ki faragha gavgavigha ikezi moghin, ki datirighin ua kamaghira ikiasha ifonge.

⁵ Fomira, Godin Gavgaviba Bar Itim, na ko ikiavira itima,

nan boriba uaghan na ko iti.

⁶ Ezi nan bulmakauba ko memeba oter eborir avirim na ganingi,
ezi olivin oviziba mirmirir danganimin aven, nan olivin boreba bar izifa.

⁷ “Ki faragha nguubar ekiamin gumazir da- panir mamin ikia,

egha ghua nguubar ekiamin tiar akamin gumazir dapaniiba ko uari akuva ikia kiotiabar basari.

⁸ Gumazir igiaba nan gari ki izima, me uari amikirvaghha ghua saghon iti.

Ezi gumazir ghurapaniba, ziar ekiam na daningsi dikavigh tuivigham.

* ^{28:27}: Hibrun akam, vezin kam deraghha a migeir puvati.

^{28:28}: Onger Akaba 111:10; Aghuzir Akaba 1:7; 9:10

⁹Ezi gumazir dapaniba uaghan uan akabar kumigh,
pura nimira ikiam.

¹⁰Ezi gumazir bar ekiaba uaghan nan akam baraghisi,
uan akabar kumigh nimira ikiam.

¹¹⁻¹²“Onganarazibagh amir gumazamiziba uarir akurvaghaha nan deima, ki men akurvasi.

Egha afeziaba puvatizir boriba, men akurvazir gumaziba puvatizi, ki men akurvasi.

Kamaghin amizi, na barazi ki bizibav geir gumazamiziba, me nan ziam fe.

Egha nan gari ki bizibagh ami darasi, me nan arazibar gara da bagha bar akonge.

¹³Gumazamizir kiran ovehangin ovengamiba, ki men akurvasi, ezi me na minabi, egha God deravira na damuasa me a ko migei.

Ezi amuir odiariba, ki men akurvazima, me uan navir averiabar aven bar akonge.

¹⁴Ki zurara Godin damazimin arazir aghuibagh amua, guizin araziba igharaz darazir akakasi, mati ki korotiar ruarir aghuim aru.

¹⁵Ki mati damazir kurabar damazim, egha ki tuavim men akakasi, egha mati suer kurabar suem, ki men akurvazima, me deraviram arui.

¹⁶Ki mati onganarazibagh amir gumazibar afeziam, egha men akurvasi.

Gumazir ki fozir puvatiziba, ki kotin aven men akurvasi.

Igharaz darazi kotin aven akabar me abiri, ezi ki men akaba isa me bagha migei.

¹⁷Gumazir arazir kurabagh amiba, ki men gavgaviba agiva, egha men dafaribar gumazir kiniba ua me isi.

Mati gumazim afiar atiamin atariba apirigha asizir a ivirazim uam a ini.

¹⁸“Ki ghaze, ki ti dughiar ruarin min nguazir kamin ikiam, egh deravira uan dipenimin iki mangi ovengam.

¹⁹Ki ghaze, ki ti gavgavigh, temer dipar miriamin dikarazimin min, an biba dipar avirim isima, an dafariba dimagarin min ghuariam dagh irima, da bar derazi moghin ikiam.

²⁰Gumazamiziba nan ziar ekiam fivira ikiam. Egha ki gavgavir igiam inivira ikiam, mati gumazim barir pir igiam dafa.

²¹“Gumazamiziba damuamin araziba ki dar me migeima, me akabar kumigha nimira ikia na barasi.

²²Nan migirigjaba men navir averiabar ghuaghiri, mati amozir pam emira aghumra nguazir averiamin ghuaghiri.

Ki mikemegh givaghti, me nan nighnizim ua migirigiar otevitam a isafuraghan kogham.

Puvati.

²³Me kuariba arigha bar deravira nan akam barasi.

Me akam bagha bar akonge, mati aruem dughiar ruarin min ganizi amozim ua izasa me bar akonge.

²⁴Ki dughiar aghuim me ganiga me ko migeima, me igharaghha nighnisi, Ame! Manmaghsua gumazir ekiar kam e ko migei?

Ezi nan guamin ganganir aghuarim ko arazir ki me ko migiavira itim, gavgavim men navibagh anidi.*

²⁵Ki men gumazir dapanimin min ikiava, arazir me damuamiba bagha, nighniziba me ganidi.

Ki gumazamiziba ko iti, mati atrivim uan midorozir gumazibar tongin iti.

Egha uaghan gavgavim men navibagh anidi, mati ovevemin dughiamin gumazir mam gavgavim isa azi darazigh anidi.”

30

Jop osimtizir a batozibav gei

¹Jop ua kamaghin migei:

“Datinighin ziaba puvatizir gumazibar boriba, dibovir akabar na migei.

Men afeziaba pura bizar kinibar min ikia, egha gumazamizibar damazimin onganarazibagh amua, bizar aghuitam gamizir puvati.

Kamaghin garir gumaziba, ki me ataghizi me nan sipsipbagh eghuvir afiabar tongin itir puvati.

²Ki gari, me nan akurvaghamin gavgaviba puvati.

Me bar amiraghimiraki, kamaghin amizi, ki ingarasa me migeir puvati.

³Gumazir kaba, dagheba puvatigha aghariba gui, egha men navir averiaba daghem bagha arai.

Me ara danganir misingizibar ghua pura dagher muziariba buri.

* 29:24: Hibrun akam, vezin kam deragha a migeir puvati.

- ⁴ Egha tevsevir misoziba asia, dar biba ko dafariba api.
- ⁵ Egha me nguibamin boroghin izir dughiamin,
gumazamiziba me dagarvagha me batosi,
mati me okimakiar gumazibagh ami.
- ⁶ Kamaghin amizi, me ara ghua saghon itir mighsiabar avarir konir faner misingizibar danganibar ikia, dagiar torir ekiaba ko nguazir torir ekiabar ti.
- ⁷ Me gumazamiziba puvatizir danganimin tevsevibar tongin arua donkibar min arai.
Egha tevsevir kabar tongin uari akuva mogia iti.
- ⁸ Nguibamin gumazamiziba me fozorogha, me misogha me batoke.
Kar, onganarazibagh amua ziaba puvatir gumazamiziba.
- ⁹ “Ezi datirighin men boriba iza na dipova ighiabagh ami.
Me ghaze, ki ti pura bizim, egha nan ziam dibora a gasighasisi.
- ¹⁰ Me ghaze, ki bizir bar kuram, egha bar nan aghua.
Me na ategha saghon iti,
egha me nan boroghin izir dughiamin, me nan guamin iparan atiatir puvati.
- ¹¹ God bar na abiraghna gavgaviba bar ada gifa,
kamaghin amizi, me atiatir puvatigha bizar manam damuasa ifuegha, an na gamua arazir kurabar na gami.
- ¹² Ki uan agharir guvimin garima, gumazir igiar kurar bizim dikavigha, na baghavira iza na misogha na batozima, ki aravira zui.
Me na gasighasighasa arazir guar avirbagh ami.
- ¹³ Ki me gitaviraghosa amima, me nan tuavim apirizi ki aran ibura.
Ki ikuvigha gifa, ezi me nan osimtzizim damuti a bar ekivasa.
Ezi men anogoroghamin gumazitam itir puvati,
kamaghin me na gamizi, ki bar ikufi.*
- ¹⁴ Me mati midorozir gumaziba nguubar ekiamin divazir gavgavim akarigha misoghasa ivemara nguabar ekiamin zui.
Egha mati ongarim dipiraghira niga dadarimin izi moghin,

- me ivemara na bagha izi.
- ¹⁵ Bizar guar igharaghha garir aviriba na bativa na gamima, ki puv atati.
Nan ziar ekiam gifa, mati terafarim aminim a givarazi a ghu.
Nan dabirabir aghuim ko nan bizar aghuariba gifa, mati ghuariam ghugha ua itir puvatizi, overiar kinim iti.
- ¹⁶ “Ezi kiran ovehangin nan ikirimirim givagham,
dughiba bar ki osimtzizim ko mizazim barasi.
- ¹⁷ Dimagaribar nan agharapaniba mizazim isi,
mati me afuzimin na ginifi.
Mizazim na gasir bizar kam na ataghizarir puvati.
A kamaghira iti.
- ¹⁸ God uan gavgavimin nan mikarzim gamizi a igharaghha oto.
Egha pamtemin na amighiri,
mati korotiam nan firagharam amighiri.†
- ¹⁹ God na kunizi ki beghneazim giragħu, egha ki mati nguazir minemeniam ko averenimin min pura iti.
- ²⁰ “O God, ki nin damazimin tugħha uabin akurvaghħasa nin dei,
ezi ni pura nan gari.
Egha kuarim atiġha nan dimdiż barazi puvati.
- ²¹ Ni nan apangkuvir puvati.
Ni uan gavgavimin paza na gamuavira iti.
- ²² Ni ter afarimin min pin na kunizi aminim na inigha zui.
Ni aminim gamima, a tintinbar na akuri.
- ²³ Ki fo, ki aremehġti ni na amadagħti, ki magiři danganir ni gumazamizir oveaghueziba bagħha inabazim ilkiem.
- ²⁴ “Egħiġi gumazitam bar ikuvighi damuva akurvazim bagħ-dimti,
gumazitam ti a misogh pazi a damuam o? Bar puvati.‡
- ²⁵ Kirara, ki faragħha gumazir dughiar kurabar itbar kuarkufi.
Egha biziба puvatizir gumazamizibar apangkuvi.
- ²⁶ Ki kamaghin nighniki, nan dabirabir aghuim zurara ikiam, ezi puvati, dughiar bar kuram na bato.

* **30:13:** Hibrun akam, vezin kam deragħa a migeir puvati.

† **30:18:** Hibrun akam, vezin kam deragħa a migeir puvati.

‡ **30:24:** Hibrun akam, vezin kam deragħa a migeir puvati.

Ki ghaze ki angazangarimin aven ikiam.
Ezi puvati, mitarmem bar na avara.
27 Nan navir averiam zuraram osei,
ezi dughiaba zurara mizazim ko
osimtzim na batifi.
28 Ki paza itima nan mikarzim bar pigha
igharaghaga gari.
Ezi aruem na gaponegezir pu.
Puvati. Arimariam na gamima ki kamaghin
oto.
Ki gumazamizibar tongin ikia akur-
vazim bagha men azangsisi.
Ezi me nan akurazir puvati.
29 Ki mizazir ekiam isa pazavira iti,
egha nan ararem mati afiar atiamin
ararem ko ponemin araremin min iti.
30 Nan mikarzim misigha pigha inge,
ezi nan mikarzimin inir muziariba tin-
tinibar pura vuaghira iri.
Ezi arimariar kurar kam nan
mikarzim gamizi, a puvira fei.
31 Ki fomira deravira ikia uan gita misogha
uan marvim givi,
egha agoroger onger akabagh ami.
Egha datirighin ki uan gita misogha azir
akabagh ami,
mati gumazim ovengezi me a gubai."

31

*Jop ghaze, an arazir kuratam gamizir
puvati*

¹ Jop ua kamaghin migei:

"Ki uan navir averiamin aven uabi akar
dikirizir gavgavim gamua ghaze,
ki amizir igiatamin ganiva, nighnizir
kuratamin iran kogham.
2 Godin Gavgaviba Bar Itim
a manmaghin en arazir kuraba ikar-
vaghram?
3 Gumazamizir arazir kurabagh amiba, God
dughiar kuram gamima,
a me batifi, ezi bizir kam me
gasighasigha bar me kuavarei.
4 God bar nan arazibagh fogha,
nan daroribar gari.

5 "Ki arazir ifavaribagh amir puvatigha,
tintinimin gumazamizibagh ifarir pu-
vati.
6 God guizbangira deravira nan araziba
tuisigh egh fogham,
ki bizitamin osimtzitam itir puvati.
7 Ki tuavir aghiuim ategh, egh nan navim
bizir nan damazimning garibar gin
mangi,
arazir kuratam damigh, egh Godin
damazimin mizeham.
8 Eighti God gumazir igharazimin amaman-
gatichti, a ki oparizir daghebar ami,

egh nan azenim bar a gasighasigham.
9 Nan namakamin amuim, ki a bagh navim
dikav,
egh mangi an dipenimin modogh iki an
pam bagh oragham,
a mangichti, ki mangi a ko dakuighti,
10 kamaghin, nan amuim uabi mangi
gumazir igharazibar ingangarir
amizim gavagh men wit mirmiram.
Eighti gumazir igharaziba a ko dakuam.
11 Ki aghumsizir ekiam itir arazir kurar kam
damichti me na isi kot datichti,
ki an iveau kuram iniam.
12 Arazir kurar kam, mati avir fefer gav-
gavir gumazamizibar isim.
Ki guizin kamaghin damichti, avir kam
bar nan isiva nan biziba sara bar a da
givaghti,
ki mangi Oveaghuezibar Nguibamin
ikiam.
13 "Fomira, nan ingangarir gumazim o
amizim migirigiam nan ikia na bagha
izima,
ki deravira me baraghha men osimtziba
akiran aghuaghti,
14 gin God nan arazir kuram tuisighamin
dughiam iziti,
ki manmaghin an akam ikarvaghram?
Bar puvatigham.
15 Guizbangira, God na gamizi ki amebamin
navimin oto,
egha anarira ingangarir gumaziba ko
ingangarir amizibagh amizi,
me uan amebabar navibar otifi.
Godin kamra bar e gamizi,
e an damazimin magh gari.
16 "Ki zurara onganarazibagh amir gu-
mazamizibar akurvaghha bizir me
puvatiziba me ganidi.
Egha amuir odiaribar gari, me pura itir
puvati,
ki uaghan men akurvasi.
17 Ki uan daghetamin anogoregha uabira
anemezir pu.
Puvati, ki borir asaghazaziba uaghan
men akuaghapi.
18 Ki uan igiamin ikia iza datirighin,
ki amuir odiariba ko borir asaghazaz-
ibar akurvasi.
Ki men afeziamin min men akurvaghha
me gehhufi.
19 Ki gari, gumazitam korotiaba puvatigha
puv arugharusi,
ezi ki ti an akurazir pu? Puvati.
20 Ki korotiar aghuir me nan sipsipin
arizibar ingarizim a ganingi.
Korotiar kam fefem a ganidima, a nan
ziam fa na minabi.

- 21 Ki ti borir asaghazaziba paza me gamuava, men biziba iniasa kot gifaraghai,
ki fo, gumazir dapanir igharaziba nan akabar min ghughai.
- 22 Ki kamaghin amizi, God nan dipizimningin mitaghniamin agharimning asizi aning irighai.
- 23 Ki Godin gavgavir ekiam ginighnigha puvati.
A gumazir arazir kurabagh amibagh asighasighasa, bizir kuraba amadi.
Kamaghin amizi, ki arazir aghuibaram ami.
- 24-25 "Ezi guizbangira, ki pamten ingara bizir aviriba ko dagiar aviriba iti.
Egha ki bar akuegha uabi uan ziam fer puvati.
Egha ki nighnizir gavgavim kamaghin itir puvati,
nan gol ko dagiaba ko biziba nan akuraghti deravira ikiam.
Puvati.
- 26-27 Ki garima, aruem bar deravira isira, ezi iakinim uaghan angazangarir bar dirim iti.
Ezi nan navir averiam, aser kamningin ziamming fasa na dikavir puvati.
Ezi ki ziar ekiam aning daningasa uan dafarimningin torezir puvati.
- 28 Ki arazir kabar amu, egh ki Godin bar pin itim akirim ragh a gasaraghram.
Eighti arazir kam bangin, me uaghan na isi kot datighti, ki iveau kuram iniam.
- 29 "Ki garima, dughiar kuram nan apaniba batifi,
ezi men osintiziba bangin, nan navim derazir puvatizi ki bar akongezir puvati.
- 30 Ki dughiatamin akam akarigha uan apanibagh asighasighasa Godin azangsighizir puvati,
kamaghin amizi, ki arazir kuram gamizir puvati.
- 31 Nan ingangarir gumazamiziba kamaghin migei,
'A dagheba gumazamiziba bar me ganingizi men naviba bar izifa.
A gumazitam ataghizir puvati.'
- 32 Nguibar igharazibar gumazibar dakuamin danganiba puvatizi,
ki me ataghizi me pura nguibar ekiamin tuavibagh akuir puvati.
Tuavibagh aruir gumazibar sara,
ki me isa uan dipenimin zui.
- 33-34 Gumazamizir igharaziba arazir kurar mabagh amua ti da modi.
Ki uaghan arazir kuratam gamigha ti a modoghai,

kamaghin amizi, ki uan dipenimra modoghav ikia,
gumazamizir igharaziba ko migeir puvatighai.
Nan arazir kamin, me fogh suam, ki arazir kuram gamigha,
nguibamin gumazamizibar atiati.
Eighti me na dipova nan ziam gasighasigham.
Ezi puvati. Ki arazir kuratam gamizir puvati.
Ki mongamin arazir kuraba puvati.

35 "Oio, ki kamaghsua, tav iki kuarim atigh na baragh.
Ki kamaghin mikimam, ki arazir kuratam gamizir puvati,
ki datirighin ababanitam damighti, a gavgavim nan akam daningam.
Ki kamaghin ifonge, Godin Gavgaviba Bar Itim, datirighin nan migirigiaba bar da ikarvagh.
A gumazir na isi kotiam darighamim, ki kamaghin ifonge,
a uan kotiamin migirigiaba da isi akinafaritamin da osirigh.

36 Eighti ki akinafarir kam bagh bar akongegh uan dipizimin azenara aneter,
egh uaghan atrivimin dapanir asuamin min uan dapanim daghuam.

37 Egh ki atrivimin borimin min Godin damazimin tugh,
egh ki amizir bizibar gun bar a mikimam.

38-39 "Eighti ki gumazitam pazi a damu, an nguazim okemegh, a givezeghan kogh
dagheba oparighti,
nguazir kam uabi nan atar pamten arangti,

40 wit ko balin ovizir ki opariziba,
benir dikoniba ko ogher kuraba dar danganim inigh
nguazir kamin aghungam."
Jopin migirigiaba iza kagh tu.

Elihu, a Jop uan namakar igharaziba ko me migei

32

(Septa 32-37)

Eliun nighnizim, a Jop ko mikemegh egh navir amirizim iniam

¹ Jopin namakar 3pla orazi Jop ua bagha gavgafi, a gumazir aghuir arazir kuratam gamizir puvatizim, kamaghin amizi, me uam an akatam ikarvazi puvati. ² Ezi gumazir igiar mam, an ziam Elihu, a me ko ikia men migirigiaba barasi. An afeziam Barakel, a Busin adazariz mav, egha Ramin

ikizimin aven iti. A kamaghin orazi Jop ghaze, an arazir aghium gami, ezi God arazir kuram gami. Bizir kam bangin, Elihu puviram atara muriām Jop bagha bar ikuſi.³ Elihu garima, Jopin namakar 3pla fo, Jop arazir kuram gamizi, me akam a gasi. Me deraviram an migirigiatam ikarazir puvati. Kamaghin amizi, Elihu uaghan bar me baseme.⁴ A gumazir igiam, ezi me ghurigha a gafira. Kamaghin amizi, a faragha nimira ikia gumazir ghuriba barazima, me migei. Me mikemegha givazi, datirighin a uan nighnizimin gun Jopin mikimasa ami.⁵ Elihu uaghan orazima, gumazir 3plan kaba, migirigiaſa puvatizi, a bar me baseme.

⁶ Elihu datirighin dikavigha kamaghin migei:

"Ta gumazir aruaba, ki gumazir bar igiam, egha ian apengan iti.

Kamaghin ki faragh uan fofozimin ia mikiman bar atiatigha uaghan aghumsiki.

⁷ Ki kamaghin nighnisi, ia gumazir ghuriba mikimiva, egh fofozir aghuiba ko nighnizir aghuiba gun mikim.

⁸⁻⁹ Ezi azenir aviriba ti gumazim gamima, a fofozir aghuim ko nighnizir aghuim iti.

Puvati, Godin Gavgaviba Bar Itimin Duam, iza nighnizir aghuim gumazibza e ganidi.

Ezi gumazir ghuriba kamaghin tuisighan kogh suam, arazir manam Godin damazimin derazi manam ikuſi.

¹⁰ Kamaghin ia na baraghti, ki ubi, uan fofozir nan itibav kimasa.

¹¹ "Ia oragh. Ia Jop ko mikimasa fofozir aghuim ko nighnizir aghuarim itir migirigiaſa bagha ruia puv ingari.

Ki ia mizua bar deravira ian migirigiaſa baragha da tuisisi.

¹² Ki bar deravira kuarim atigha, ia migeir migirigiaſa baraki.

Ki orazi, ian migirigiatam Jopin migirigiaſa ikaragha kamaghin migeir pu, a guizbangira migei puvati.

¹³ Ia kamaghin uarira uariv kiman kogham, e nighnizir aghuim buria egha a inigha gifia.

E God ategehti anarira Jopin migirigiaſa ikarvaghām.

E gumazir kiniba a ikaraghan kogham.

¹⁴ Jop uan migirigiaſa na gasir puvati, a ia migei.

A na gasiti, ki a ikarvaghām migirigiaſa,

ian migirigiaſa mirara mangan kogham.

¹⁵ "Jop, ni gan. Nin namakabar nighniziba otefe.

Me ua ni mikimamin migirigiaſa bagh asaga nimira iti.

¹⁶ Me pura tuivighav ikiā nimira iti, kamaghin amizi, ki me mizuaman kogham.

Ki mikimasa.

¹⁷ Ki uan fofozimin gun ni mikim egh uaghan nin migirigiaſa ikarvaghām.

¹⁸ Nan navim migirigiaſa bar a gifia. Aminir ekiam ivai moghin, nan navir averiam pamtem nan ingari, ezi ki ni mikimam.

¹⁹ Migirigiar ki ni mikimamiba bar nan navim gizivagha iti, mati wainin misevir, me asizir memen inimim ingarizim, wainin igiam an itima a buigha bighasava ami.

²⁰ Guizbangira ki mikemegh deragh uabi baragh, navir amirizim ikiam.

²¹ Ki tavin gin mangan kogham. Nan navimin itir bizim, ki guizbangira bighivira aneghurigh a mikimam.

Ki gumazitam apezeper akar isingtizir tam a mikemeghan kogham.

²² Gumazamiziba akar isingtizibar me apezeperir arazim, ki a gifozir puvati.

Ki kamaghin damighti, Godin nan ingarizim zuamira na gasighasigham."

33

Godin arazir gumazamiziba akiramim, Elihu an gun migei

¹ "Jop, ki datirighin ni mikimamin migirigiaſa, ni deravira kuarim atigh bar deravira da baragh.

² Ki bar datirighira migirigiar kabar gun ni mikimasa ami.

³ Ezi migirigiar ki ni mikimamin kabanang, ni da baragh kamaghin fogh, ki Godin damazimin derazir gumazim, egh nan navimin itir nighniziba, ki bighivira deravira dar gun ni mikimam.

⁴ "Godin Gavgaviba Bar Itimin duam nan ingari, egha uan ikirimirir angamira itim anidir aminim isa, na giveragha na gamizi, ki angamira iti.

⁵ Jop, ki kamaghin ifonge, gan migirigiar uariv soghamiba, ni deraghvira dagh nighnigh.

Ni nan damazimin tugh egh uan nighnizim mikim.
 6 Godin damazimin ga magh gari.
 A nguazimin virara gan ingari.
 7 Kamaghin amizi, ni nan atiatingan marki.
 Ki osimtizim ni daningen kogh, egh ni abinan kogham.

8-9 "Ki kamaghin nin migirigia baraki.
 Ni pamtem migia ghaze,
 'Ki arazir kuratam gamizir puvatiga,
 Godin damazimin zue, ezi bizitamin osimtizim nan itir puvati.

10 Ezi God uan apanimin min osimtiziba na darighasa tuaviba buri,
 mati a gumazir kurabagh ami mokin.

11 A senin nan dagarimning ike,
 a bar deravira nan daroriba ko ki amir bizar gar'i.

12 "Jop, ni oragh.
 Migirigiar ni amizir kaba, da derazir puvati.
 Ezi datirighin ki kamaghin ni mikimasa.
 Godin fofozim ko gavgavim bar ekefe,
 egha bar gumazamizibar fofozim ko gavgavim gafira.

13 Ni tizimsua akam God gasa ghaze,
 a gumazamizibar migirigia ikarvazir puvati?

14 E fo, God tuavir aviribar uan akamin e migei.
 Ezi e gumazamiziba deragha an akam gifozir puvati.

15 "E dimagaribar uan misiabagh akuir dughiabar,
 God irebar guar aviriba en akakasi.

16 Egha irebar kabar aven, e uan arazir kuraba akirasa,
 an akar modoghav itim isa azenim gatigha nighniziba e ganidi.
 Egha akar kam gamizi,
 a en nighnizibar ikia gavgafi.

17 Egh arazir kamin a gumazamizibar anogoreghti,
 me arazir kurabar amuan kogham.
 Egh uari fan kogham.

18 A kamaghin aghua, e arazir kurabar amuti,
 en apaniba e misoghti e arighiregh mangi Oveaghuezibar Nguibamin ikiam.

19 "Dughiar maba God gumazamizibar arazir kuraba akirasa arimariaba me ganidi,
 ezi me misiabagh irav ikia men aghariba aven misaziba isi.

20 Me daghebar aman bar aghua.
 Me bar ifongezir dagheba, me da isa me ganidi,
 ezi me dar gari da mati bizir bar kurabara.
 Ezi me dar aman ibura.

21 Me mikarziba suegha bar aghariba gui,
 ezi men aghariba azenim gire.

22 Men ikirimirim bar givasava ami,
 ezi ovevemin enselba bar me agivasa me mizuai.
 Ezi me Oveaghuezibar Nguibamin mangasava ami.

23 "Eghti Godin enselin bar avirim tongin enselin tam izi,
 gumazir kamin akuragh, egh arazir aghuir a damuamimin gun a mikemegham.

24 Eghti enselin kam, gumazir kamin apangkuvigh kamaghin Godin azangam,
 'Ni gumazir kamin apangkuvigh, aneteghti an Oveaghuezibar Nguibamin mangan marki.
 Ki uam a givezamin tuavim batogha gifa.*

25 Eghti gumazir kamin mikarzim ua gav-gavigh igiamin otogham,
 mati a fomira igiamin ikezi mokin.

26 Gumazir kam datirighin God ko mikimti an a baraghram.
 God an akurazi an ovengezir puvati, kamaghin amizi, a Godin damazimin izi an ziam fi bar akuegham.†

27 Egh gumazir kam bar akuegh ighiam bangi gumazamizir igharazibav kim suam,
 'Ki arazir aghuibar tuavim ataki, kamaghin ki arazir kuram gami.
 Arazir kam bangin God iivezir bar kurar ekiatnam na ikaragha na ganighai.
 Ezi puvati, a nan apangkuvigha kamaghin amizir puvati.

28 A ua nan ikirimirim givese, ezi ki Oveaghuezibar Nguibamin ghuzir puvati.
 Ki angamira ikiavira iti, egha aruemis angazangarimin gara bar akonge.'

29 "Guizbangira, dughiaba zurara God arazir kabar gumazamizibagh ami.
 Dughiar pumuning, o pumuning ko mikezimin ghua dughiar aviriba, a kamaghin amuavira iti.

30 A ua men ikirmiribagh ivesi, ezi me Oveaghuezibar Nguibamin zuir puvati.

33:8-9: Jop 10:7; 16:17; 27:5-6

33:10: Jop 13:24; 19:11

33:11: Jop 13:27

33:15: Jop 4:13

* 33:24:

Hibrun akam, ves 23 ko 24in akar otevir mabar deragha dav geir puvati. † 33:26: Hibrun akam, vezin kam deragha a migeir puvati.

Me angamira ikiavira iti, egha aruemin angazangarimin gara bar akonge.

³¹ “Jop ni datirighin oragh.

Ki migirigiar maba iti, ki dar ni mikimasa.

Kamaghin amizi, ni akam dukuagh, egh kuarim atigh deravira na baragh.

³² Ki kamaghsua bar ifonge, gumazamiziba fogh suam, ni gumazir arazir kuratam gamizir putativizim.

Egh ni migirigia taba iki mikimi, ki ni baraghasa.

³³ Ni migirigjaba puvatigh, egh nimira iki na baragh.

Egħi ti nin sure damuti, ni fofozir aghuium ko nighnizir aghuium iniam.”

34

Elihu ghaze, Jop paza migia akam God gasi

¹ Elihu ua kamaghin migia ghaze:

² “Ja nighnizir bar aghuiba itir gumaziba, ia bar deravira kuaribar arigh, nan akaba baragh.

Ia gumazir fofozir aghuiba itiba, ia na baragh.

³ Akatorim daghem apava a barasi, a bar isingiz o, a ikufi.

Kamaghira, kuarim migirigiam baraghha ta'uisi, a deraz o, a ikufi.

⁴ E uari bagħ migirigjaba tuisigh fogham, manam dera, ezi manam ikufi.

⁵ “Jop kamaghin mikeme, ‘An arazir kuratamin osimtizitam itir puvati, ezi God arazir aghuiumin a gamizir putati.

⁶ A bizitamin osimtizim itir puvatigha arazir kuratam gamizir puvati, ezi God ti ghaze, a ifavarir gumazim, egha bar a gasighasiki.

Mati God uan barimin a gasezir duam, uam akumighan kogham.”

⁷ “Gumazir manatamra Jopin arazim damuam?

A puvira akaba God gasi, mati dipam ivemari.

⁸ Egha a uaghan gumazir kuraba koma arua, me amir arazir kurabagh ami.

⁹ A ghaze, e God ifongezir arazibar amuti bizir aghuir manatam e bativam?

Ti puvatigham.

Kamaghin an arazir kurar kabagh ami.*

¹⁰ “Kamaghin amizi, ia nighnizir aghuiba itir gumaziba ia na baragh.

Godin Gavgaviba Bar Itim arazir kuratam damighan kogham.

Bar puvatigham.

¹¹ A deraviram en araziba tuisigha, en arazir e amibar miraram, e ikarvasi.

¹² Bar guizbangira, Godin Gavgaviba Bar Itim paži gumazitam damighan kogham,

egħi arazir kuratam damighan kogham.

¹³ Ezi tinara faraghavira nguazir kam gatvagħa gavgavim God ganingi? Bar puvati.

¹⁴ God uan navir averiamin aven uabi ginighnigh,

egħi uan Duam ko an aminir angamira itir ikirimrim anidim, a uam aning inighti,

¹⁵ biziba bar zuamiram arimighiregħam, egħi gumazamiziba uamategħ nguazim gavagħam.

¹⁶ “Jop ni oragh. Ni nighnizir aghui um iki, egh kuarim atigh na baragh.

¹⁷ Ni manmagħin nighni, Godin Gavgavim Itim,

a ti deravira nguazir kamin gumazamizibagh ativagh men ganan kogħam o?

Ezi manmagħsua, ni akam arazir aghuibagh amir God gasa ghaze, a ti arazir kuram gamiġha guizin arazim ġin mangan aghħua?

¹⁸ Gumazir kinitam kamaghin atrivitam mikemegħan kogh suam, ni atriv bar kuram.

Egh gumazir aruatam kamaghin a mikemegħan kogh suam, ni gumazir bar kuram.

¹⁹ God uabi gumazamizbar ingarizi, me an damazim magħi ghue.

A gari, gumazamizir biziba itiba, ko biziba puvatizir gumazamiziba, me bar mogħira magħi ghue.

²⁰ A gumazamiziba bar me gamima, me zuamiram ariaghiri,

* ^{34:5:} Jop 27:2; ^{31:6} Septuagint ^{34:9:} Sapta 21:7-13 in aven, Jop ghaze, Gumazir arazir kurabagh amiba, God iveriż kuram isla me ganiga me gasighasizir puvati. Egha Sapta 21:15 in aven, Jop ghaze, Gumazir kuraba migeir akaba, da akar Elihu kagh amibar mirara għu. Akar Elihu Jop gasarazim, a guizin akam puvati. Ezi sapta 21:16, Jop ghaze, An arazir kurabagh amir gumazamiziba ko navir vamira isir puvati. ^{34:10:} Jēnēsijs 18:25; Godin Araziba 32:4; Ongjer Akaba 92:15; Rom 9:14 ^{34:11:} Ongjer Akaba 62:12; Esekiel 33:20; Matju 16:27; 2 Korin 5:10; 1 Pita 1:17 ^{34:15:} Jēnēsijs 3:19; Fofozir Gumazim 12:7

- gumazamizir ziar ekiaba itiba o gav-
gavir ekiaba itir puvatiziba, me pura
biziiba.
- Dimagarir arizimin, a me gami me digavir
kuram gammima,
a uabi uan gavgavimin men ikirimiriba
gefi.
- ²¹ “E managh zui, Godin damazim en araz-
iba bar dar gari.
- Dughiaba bar, an damazim deravira en
daroribar garavira iti.
- ²² Dimagarir bar mitater pizi tam ikiti,
Godin damazimin arazir kurabagh
amir gumazamiziba ti an aven
modogham o?
- ²³ God en arazir kurabagh fogha gifa,
kamaghin amizi, a da tuisighamin
dughiatam amisivan marki.
- ²⁴ Dughiar a gumazir dapaniba gevim,
a men arazibagh fofoghasa ingarir pu-
vati.
- A men arazibagh fogha gifa,
a pura me batogha, gumazir igharaziba
men danganibagh arisi.
- ²⁵ A men arazir kurabagh fogha,
kamaghin a dimagaribar me agiva me
dikabiri.
- ²⁶ A gumazir kaba amizir arazir kuraba
bangin,
gumazamizir igharaziba ganasa, a men
damazibar me gasighasisi.
- ²⁷ A fo, me akirim ragha a gasaragha, an
Akar Gavgavibar gin mangan aghua.
Kamaghin amizi, a me gasighasisi.
- ²⁸ Me ongararazibagh amir gumazamiziba
paza me gami,
ezi me Godin deima, a men ararem
barasi.
- ²⁹⁻³⁰ God nimira iki bizitam damuan koghti,
tinara suam God arazir kuram gami?
- Egh a uan guam modoghti, tina an boroghin
mangi an guamin ganam?
Bar puvati.
- God gumazamiziba ko kantribagh ativagha
bar dar gari,
eghti gumazir kuratam atrivimin
otoghan kogh, egh gumazamizibagh
asighasighan kogham,
mati gumazim asizimin suighasa
azuazimin ingari.†
- ³¹ “Ian tinara orazi Jop kamaghin God
mikeme,
‘God osimtiziba na garizima ki da ateri,
- egh ki uam arazir kuratam damighan
kogham.‡
- ³² God bizar ki fozir puvatiziba, da nan ak-
aghti,
ki arazir kuratam damigh, egh bar
moghira da ategham.”
- ³³ “Jop, ni God amir bizibagh ifongezir pu-
vati.
Ni kamaghin nighnighan marki,
ni uabi ifongezir biziba God dar
amuam.
- Ni uabi tuisigh, egh arazir manamin gin
mangi a damusi, ni a damu.
Kar nan ingangarim puvati.
- Arazir manam nin deraghti,
ni datirighin fofozir aghuarir kamin
gun e mikim.§
- ³⁴ “Ki gari, gumazir fofozir aghuim ko
nighnizir aghuim itiba,
me nan akar kam baregh suam,
- ³⁵ ‘Jop pura bizibav gei, ezi an migirigia
derazir puvati.
A deravira nighnizir puvatiga migei.’
- ³⁶ Jop gumazir arazir kurabagh amibar min
bizibav gei.
Ezi nan ifongiam kamakin,
God kamaghira a damu mangivra ikiti a
fogh suam,
a migirigiar kabar amuvira ikiam, o ti
puvatigham.
- ³⁷ Jop arazir kuram gamigha,
arazir kam gisin Godin akaba batosi.
A en tongin ikia en migirigia batogha,
egha atara akaba God gasi.”

35

*Elihu ghaze, Jopin akaba ikufi, egh an
atari*

¹ Elihu migiavira ua kamaghin migei:

² “Jop ni ghaze, nin arazim dera,
egha Godin arazim gafira.
Nin migirigiar kam ti deraz o, pu-
vati?*

³ Ni uaghan ghaze, ki arazir kuratam
damighan koghti,
bizar kam manmaghin nan
akuraghram?
Egh uaghan bizar aghuir manatam na
bativam?

⁴ “Jop, ki datirighin ni ko nin namakabar
akaba ikarvaghasa.

^{34:21:} Jop 31:4; Jeremaija 16:17; 32:19 ^{34:22:} Onger Akaba 139:12; Amos 9:2-3; Hibru 4:13 ^{† 34:29-30:} Hibrun
akam, ves 29 ko 30 deragha aningin migeir puvati. ^{‡ 34:31:} Hibrun akam deragha vezin kamin mingarim abighizir
puvati. ^{34:32:} Jop 13:19; 24:25 ^{§ 34:33:} Hibrun akam deragha vezin kamin mingarim abighizir puvati. ^{*} 35:2:
Dughiar aviribar Jop ghaze, An arazir kuratam gamizir puvati. (Ni sapta 10:7 ko 27:5-6in gan.) Ezi akar Elihu Jop gasarazir
kam, a guizin akam puvati. ^{35:3:} Jop 7:17-20

- 5 Ni kogh pin deraghvira overiamin itir
ghuariabar gan.
Da bar pin mar iti.
Kamaghira, God bar pin iti.
- 6 Ni arazir kuratam damigh, egh ni a
gasighasighan kogham.
Ni arazir kurar avirim gami, ezi da pura
bizim.
- 7 Egh ni zurara arazir aghuubar amuti,
da manmaghin an akuragham?
Ni arazir kuraba puvatigh,
egh tuavir kamin, ni bizir aghuir man-
tam isi God daningam? Puvatigham.
- 8 Arazir kurar ni amiba, da gumazamiziba
eraram asighasisi.
Ezi arazir aghuir ni amiba, da gumaza-
mizibaram akurvasi.
- 9 "Gumazir gavgaviba gumazamiziba dika
me abiri.
Ezi gumazir kaba uarir akurvaghosa
bar pamten gumazir ekiar aghuubar
diava arai.
- 10 Ezi gumazitam kamaghin deir puvati,
'Godin Nan Ingazim, a managh iti?
A dughiar kurabar gavgavim en navibagh
anidima,
e bar akuegha ighiabagh ami.
- 11 God fofozir aghuarim gumazamizibagh
anizingi, me asizir atiaba ko kuaraz-
ibagh afira,
egha akurvazim bagh, a bagh mangan
aghua.'
- 12 Guizbangira, gumazamiziba akurvazim
bagha Godin diava arai.
Ezi me gumazir uarira uari feba ko
arazir kurabagh amiba,
God men dimdiaba barazi puvati.
- 13 Men nighniziba derazir puvati,
kamaghin amizi, me puram an diava
arai.
Eighti Godin Gavgaviba Bar Itim, men
dimdiaba baraghan kogham.
- 14 Jop, ni kamaghin migia ghaze,
Ni Godin garir puvati.
Ni uaghan ghaze,
ni dughiar bar ruarimin a mizuaima,
a koton aven nin azangsizim akirizir pu-
vati.
Kamaghin amizi Jop, God ti nin
dimdiam bareghan kogham.
- 15 Ni uaghan kamaghin migia ghaze,
God ivezir kuram isa gumazir arazir
kurabagh amibagh anidir puvati.
Egha men arazir kurabagh nighnizir
puvati.†
- 16 "Jop pura bizibav gei, ezi an migirigia
derazir puvati.

A deravira nighnizir puvatigha, pura
bizibav gei."

36

God e akirasa osimtiziba e ganidi

¹ Elihu ua kamaghin migei:

- 2 "Jop, ki migirigiar maba gavgavim ua
Godin akam daningamiba ikiavira iti.
Kamaghin amizi, ni nimira ikiti, ki tong
uam nin sure damika.
- 3 Fofozir aghuir aviriba nan navim gizifa.
Ezi datirighin ki kamaghin nin akak-
aghosa, Godin Nan Ingazim,
a zurara voroghira itir arazibagh ami.
- 4 Bar guizbangira, ki akar ifavaritam gamir
puvati.
Ki fofozir gumazimin min, ni ko iti,
ezi nan fofozim gumazir igharaz-
ibar fofoziba bar dagh afira.
- 5 "Ni oragh! God gavgavir bar ekiam iti,
egha a uan fofozimin gavgavim, a
ifongezir biziba bar dagh ami.
Egha a gumazamizibar aghuazar
puvati.
- 6 Arazir kurabagh amir gumazamiziba, a
men ganiva men amamangatighti,
me dughiar ruarimin ikian kogham.
Egha onganarazir gumazamiziba, a
men akurvatha men osimtiziba akiri.
- 7 God gumazir an' damazimin deraziba, a
deravira men gara me gegrufi,
ezi gumazamizir kiniba ziar ekiam me
ganidi,
mati me atrivibagh ami.
- 8-9 Eighti dughiar kuram otoghti, osimtizim
gumazamiziba ikegham,
mati me senba ko beniba gu-
mazimin soroghafariba ike.
God kamaghin men akagha ghaze,
Me uarira uan ziaba fava arazir kurar
aviribagh ami.
Kamaghin amizi, dughiar kuram
me batifi.
- 10 A me gamima, me deraviram akaba
barasi.
Egha uam arazir kurabar amuan men
anogorosi.
- 11 Me an akaba baragh an apengan iki,
egh dughiabar zurara navir amirizim
ko dabirabir aghuim ikiam.
- 12 Me oraghan aghuaghti, apaniba me
misuegti,
me arimighiram.
Egh me uari foghan kogham,
bizir tizim me bato.
- 13 "Gumazamizir nighnizir gavgavim Godin
itir puvatiziba,

an osimtziba me garizir dughiarbar,
me Godin aningagha,
uarir akurvaghosa an azangsizir pu-
vati.

¹⁴ Me aghumsizir arazibagh amir gumaza-
mizibar tongin ikia,
egha igiabaram ovei.

¹⁵ God gumazamizibagh amima, me
osimtziba ko mizaziba isi.
Arazir kamin, God arazir aghuibar
amuasa gumazamizibar sure gami,
egha tuavir kamin a ua me isi, ezi me
deravira iti.

¹⁶ "Jop, ni gan, ni datirighin osimtzir ekiam
atera atam ovenge.

Ezi God ua ni iniasa bar ifonge,
egh ni damichti, ni deravira daperagh
firighirigham.

Egħi ta' dagħer bar aghuibar ko biziba ni
daningam.

¹⁷ Ezi datirighin God nin gari,
ni mati gumazir arazir kurabagh amim,
egha ni isa kotiam gatiga osimtzim ni
ganangi.

Ezi ni manmagħin osimtzir kam
gitagħam? Ti puvatigham.

¹⁸ Kamaghin ni deraghvir ganigh, nin
anīnagħarim ni damuti, ni God
dipovan marki.

Egh ni ua suam, ni uabi givezamin
ivezim a bar ekefe, egh ni God
ateghan marki.

¹⁹ Nin bizar aviriba ko nin gavgavim,
datirighin nin osimtzir kam agivaghan
kogħam.

²⁰ Ni dimgarim otivsi puvira nighnighan
marki,
kar gumazamizibza zuamira pu-
varighamin dughiam.

²¹ Ni faragħa arazir kurabagh ami.
Bizir kam bangin ni fogħasa, God
osimtziba ni ganangi.

Kamaghin ni ua bagħ ganigh,
ni uam arazir kuratam bar an aven
mangan marki.*

²² "Ni deraviram oragh. God gavgavir ekiam
ikia bar pin ti.

Egha tisan bar aghuim.
Tina ua an min ġen sure damuam?
Bar puvati.

²³ Tinara God damuamin bizibar a mikimti,
a adar amuam?

Egh tina kamaghin a mikk suam, 'God,
ni arazir kuram gami?'

Gumazitam kamaghin mikkemegħan
kogħam.

²⁴ Gumazamizibza God ingarizir bizibar
gara,

egħa onger akabagh amua an ziam fe.
Kamaghin amizi, ni uaghan an
ziam fi.

²⁵ Gumazamizibza bar God amizir bizibar
gani,
egħa me sagħon ikia deragħa dagħ
fozir puvati."

Godin fofozim ko gavgavim bar pin iti

²⁶ Elihu ua kamaghin migia ghaze,

"E manmagħin God gifogħam, a bar
ekevegħha bar pin iti.
E uaghan manmagħin an azenibagh
fogħam. Bar puvatigham.

²⁷ A nguazir kamin dipam isa għuavanaga a
gamima,
an amozim in oto.

²⁸ Egha amozir ofiziba ko ghuardiar ove-
riamin itiba,
izaghira nguazim gizima, gumazamiz-
iba dipar avirim isi.

²⁹ E kamaghin fozir puvati, ghuardiar man-
aba ekevegħha overiam avara,
mati Godin Purirpenim.

E fozir puvati,
arariba manmagħin ghuardiar apen-
ġġan ikia tingazi.

³⁰ God onimaribagħ amima, da tintinim
danganiba bar dar tagħtasi.
Egha ongarir konim avarazi, a
mitarmemin aven iti.

³¹ God ghuardiabba ko amozibagh atifa, egha
arazir kamra a gumazamizibza bar
me gativagħha deravira men gari.
Egha amozim gami an azenibagh izima
gumazamizibza dagħer aviriba iti.

³² An uan dafarimningin onimariem ko-
rogha,
afuzi minn, bizir a inivasa ifongezim
ginifi.

³³ Arariba tingażima, e fo, aminim ko
amozim otogħam.
Ezi bulma kauba uaghan fogħa arazir
mabagh ami."

37

¹ "Arariba dagħarvazima, ki nisi,
ezi nan dighorim na ginifi.

² Ia araribar dagħarvazibha baragh.
Mar Godra pamten dia migei.

³ An onimaribagħ amima,
da tagħtagħha overiāmin danganiba bar
dar zui.

Egha nguazir kamin apinir mamin
ikegħha apinir mamin għu.

⁴ Ezi ġe in orazi, a pamten dia migei, ezi e an
gavgavim barasi.

God kamaghin amima onimariem tagħ-
tagħha tintinibar zui.

* 36:21: Hibrun akam ves 16 ikegħha għua ves 21 in tuzir akar otevir maba deragħa dav geir puvati.

5 "Godin tiarim, mati ararim dagarvasi,
a bar igharaghha ghugha an ararem bar
dera.
Egha an amir biziba bar, en
nighnizibagh afira.

6 A migeima aisin amozim nguazim giri.
A migeima, amozir bar ekiam nguazir
gizi.

7 Arazir kamin, a gumazamizibar amuti me
ingaran kogham.
A kamaghin damuti, an amir biziba,
gumazamiziba deragh dagh fogham.

8 Dughiar kamin asizir atiaba,
uan danganibar mangi mongegh
ikiam.

9 Aminir gavgaviba uan danganibar ikegha
izi.
Egha aminir ekiar kaba orangtizim
inigha izi.

10 God uan akatorimin aminim giverazi ais
otifi.
Egha dipar ekiabagh amima, da aisin
min otiva bar gavgafi.

11 A dipar avirim isa ghuariar ekiabar aven
da akufi,
ezi onimariiba dar tongin ikia taghtagha
tintinibar zui.

12 God uabi migeima, ghuariba ighuagh
arui.
Da ghua gumazamiziba itir dangani
bar, God damuasa mikemezir biz
ibagh ami.

13 God kamaghsua amozim amadi, dughiar
maba a gumazamizibar arazir
kuraba akirasa,
egha dughiar maba, a men apangkuva
arazir aghuim me damuasa.

14 "Jop, ni kuarim atigh nimira iki puram
oragh,
egh God amir bizar ekiar igharaghha
garibagh nighnigh.

15 God Akar Gavgavim ghuaribagh
anizingizi, onimariiba dar aven ikia
taghtagha tintinibar zui.
Ni ti kamaghin foz, o?

16 God overiamin ghuariba guizi, da pura
guighav iti.
A ghuaribagh amir arazir kam, ni ti a
gifozi, o?

God fofozir aviriba ikia, digavir kuram
gamir arazimin, ingangarir aghuir
kabagh ami.
Ezi ni fofozir kamaghin garim puvati.

17 Ni korotiam aruzi, aminir fefer sautin
amadaghan izim ni gamima,
doriba nin azima, ni bar puvira sokosi.
Ni manmaghin aminir fefer kamin
tivaghman.
Bar puvatigham.

18 God overiamin ingarigha, a isa an dan
ganimin anetizi, a ikia gavgafi.
Ezi overiam mati guabar garir bizimin
min iti, me brasin ganganir kamin
ingari.
Ezi ni ti Godin akuragh kamaghin bizitamin
ingarigham?
Bar puvatigham.

19 En nighniziba derazir puvati, mati e
mitatemin aven iti,
ezi e manmaghin nighnigh egh God ko
mikimam?
Kamaghin amizi, ni migirigiar e God
mikimamibar en sure damuam o pu
vati?
Ti puvatigham!

20 God oraghti, ki migirigiam an ikiti, a ti
kuarim atigh na baraghram, o?
A ti mighigh nan akabagh nighnighan
kogham.
Gumazitam ti bar organigh, God a
misuehti, an aremeghs i kamagh
mikimam.
Ti bar puvatigham.*

21 "Aminim ghuaribagh ivarazi, overiam
bar zuuegha itima,
aruem bar deravira isira,
ezi e an angazangarimin ganan
iburaghburaki.

22 Ni gan, Notin amadaghan angazangarir
ekiam overiamin oto,
an ganganim mati gol.
Kar God uabin kurkegha,
uan angazangarim ko gavgavim sara
izi,
ezi gumazamiziba an gara puviram
atiati.

23 Godin Gavgaviba Bar Itim, a bar pin iti,
eghti e an boroghin mangan kogham.
A gavgavir ekiam iti, egha guizin araziba ko
arazir aghuibara gin ghua,
puram e abirir arazim gamir puvati.

24 Kamaghin amizi, gumazamiziba an atiati.
Ezi gumazir uarira uari feba ghaze, me
fofozir aviriba iti,
God gumazir kaba barazi puvati."

Ikiavira Itir God, Jopin akam ikara

38

(Septa 38-39)

Bizir God amiziba, Jopin fofozim gafira
¹ Ikiavira Itir God aminir ekiam ko
amozimin aven ikia kamaghin Jopin akam
ikaraghha ghaze:

2 "Jop, ni nighnizir aghuim ko fofozim pu
vati.
Ni bar manmaghin garir gumazim,

* **37:20:** Hibrun akam, vezin kam deragha a migeir puvati.

- egha ni fofoziba puvatigha tintinibar
migirigar aviribagh ami?
- ³ Ni datirighin guizin gumazimin min tugh.
Eghti ki azangsizibar ni damuti, ni nan
azangsiziba ikarvagh.
- 4 "Jop, dughiar ki nguazir kamin in-
gara egha gavgavim an mingarim
ganidimin, ni managh ike?
Ni bizir kaba deragh dagh fogh na
mikim.
- 5 Tinara, deraghvira nighnigha nguazir
kamin mitaghniaba arik?
Tinara benim inigha nguazir kam
garigha, an ruariba ko arozibar
ababanibagh amuagh arui?
Ni ti bizir kabagh foz o?
- 6 Gavgavim nguazir kam daningamin
guarir akiniba, managh mitivighav
iti?
Ezi tinara dagiar, nguazim isin iki, gav-
gavighamibar ingari?
- 7 Ingangarir kam otozir dughiamin,
mikoveziba an ganigha bar
akongegha ighiabagh amima,
enselba dia bar akonge.
- 8 "Dughiar ongarim nguazim abigha
azenan otogha anadimin,
tinara an tiar akam asarazi,
a itir danganimra iti,
ezi aperiam otozir puvati?
Kirara, ki bizir kam gami.
- 9 Dughiar ongarim igiamram otozimin,
kirara ghuardiaba isa, anevara,
mati amebam inim isa uan borir
iririvim gike.
- Ki migharir piziba isa ongarim avarazi,
mitarmer bar ekiam anevara.
- 10 Kirara ongarimin mitaghniam atigha, an
miriabar divazir gavgavibar min a da
ase,
eghti ongarim anebigh aven mangiva
avegham.
- 11 Ki ongarim migia ghaze,
'Ni ongarir ekiam, ni dikav bar pin ma-
vanang dipir izi kaghira tugh.
Ni mitaghniar kam fagh vongin man-
gan marki.'
- 12 "Jop, ni ti pura migeima aminim tira?
Ni ti dughiar vaghvaghha mizarazibar
dughiar bar?
- 13 Mitarmem mati inir mitiar ekiamin min
dimagarimin nguazim ave,
ezi gumazir kuraba mitarmem aru-
ava arazir kurabagh ami.
Ni ti dughiatamin mizarazim mikemezi an
otogha mitarmem batoke,
- ezi gumazir kuraba digavir kuram
gamigha tintinibar are?
- 14 Mizarazimin, aruem angazangarim bizi-
bagh anidima da bar azenara iti,
ezi bizir dimagarimin mongeziba, e de-
ravira dar gari.
- 15 Aruem dughiam, gumazir kuraba
mitatemin uan arazir kuraba amir
puvatigha,
gumazamizibagh asighasighamin gav-
gavim puvati.
- 16 "Jop, ni ti ongarir dikinim giraghuga, an
ganiz o?
Egha dipaba an otivi danganibar ganiz
o?
- 17 Oveaghuezibar Nguibar mitarmem
aven itim,
ni ti ghua an tiar akamin ganiz o?
Ti puvati.
- 18 Nguazir kam bar ekefe, ezi ni ti an
mitaghniaba bar dagh fogha mati?
Ni fogh na mikemegh.
- 19 "Jop, ni managh mangiva, angazangarim
otivir danganim bativam?
Egh ni managh mangiva, mitarmem
otivir danganim bativam?
- 20 Ni angazangarim ko mitarmem
mangamin tuavim,
ko aning uamategh izamin tuavim, ni ti
aninging akagham?
- 21 Jop, ki angazangarim ko mitarmem in-
garamin dughiam, nin amebam ti ni
bategha gif.
Kamaghin ni aninging danganim gif.
- 22 "Jop, ni ti ghua ais ko aisin amozim itir
danganimin ganiz o?
- 23 Ki dar ingarizi, da pazi gumazir igharaz
darazi damu, me misoghamin
dughiam mizuai.
- 24 Tuavir onimarim taghtatha tintinibar
zuim, ni ti a gif,
a managh iti?
Egha ni ti fo, aminim aruem anadi
naghin managh ikegha iza tintinibar
nguazimin zui?
- 25 Tinara amozir ekiam bagha tuavim atizi,
a nguazimin izaghiri?
Tinara ararir tingazir kaba bagha ove-
riamin mangamin tuavim ati?
- 26 Tina amozibagh amima,
da gumazamiziba puvatizir danganiba
ko nguazir midiaribagh izi?
- 27 Nguazir kam faragha pura iti, ezi temeba
ko graziba an puvati.
Ezi datirighin amozim a gamizi,
grazir bar avirim nguazir kamin
otifi.

28 "Jop, dimagarimin ghuariam ko amozim
ti afeziatam iti, o puvati?

29 Ezi tina ais ko aisin amozimin amebar
aning batezim?

30 Ais irir dughiamin dipaba gavgavigha
dagiabar min iti.

Egha ais bar ongarim avara.

31 "Jop, ni gavgavim iki mikovezir taba aku-
vaghti, da overiamin itir danganir
vamiran ikiam?

Egh ni mikovezir bar avirir kam ikezir
benim firigh me ateghti, me tintini-
bar mangam?

Ti puvatigham.

32 Mikovezir bizir kaba, ni ti tuavim dar
akakagh,
egh azemiba vaghvagh dughiar man-
amra da otivasa, ni dav gei?

33 Ni ti overiamin bizir a damuasa
mikemezibagh fogham o?

Egh ni ti nguazimin itir bizibar amighti,
da uaghan arazir kabar gin mangam?

Ti puvatigham.

34 "Ni ti ghuardabar dimti, da ni baregh
amozir ekiam amadaghti,
a ni giri aperiamin min otogh ni
avaraghram o?

35 Egh ni managh mangisi onimaram
amangti,
a ti kamaghin ni mikimam,
'Ki nin ingangarim damuasa pura
iti.'

36 Aperiam otivamin dughiam,
tina fofozir aghuim kuarazibagh anidi?
Tina fofozim tuaribagh anidima,
aminim tiasava amir dughiamin, da
ati?*

37 Tina ghuardaba bar da mengamin fo-
fozim iti?

Ghuardaba mati nguazir mineba ove-
riamin iti,

ezi tina da fusfughti amozim izighiram?

38 Eghti nguazimin minemeniam ua porogh
gavgavigham."

*Tina fofozim kuaraziba ko asizibagh
anigi?*

39-40 Ikiavira Itir God ua kamaghin migei:

"Jop, laionba uan mogomer danganiba ko
toribar ikia mizuai itima,
ni ti asizibagh ami da roghira izima,
laionba dav sogha da apa,
uan mitirriaba agefi?

41 Ezi kuarazir kotkotba, dagheba puvatigha
puram arua dagheba burir dughi-
aba, ko men nguziba daghem bagha
nan deir dughiaba,

tinara dagheba me ganidi?
Kirara."

39

1 "Ni ti fo, azenibar dughiar manamra,
mighsiamin itir memen amebaba oti?
Ni ti garima, asizir dian amebaba uan
nguziba bat?

2-3 Ni ti fogham, iakinir manabara, memen
nguziba ko dian nguziba amebabar
navibar aven iti?

Egha ni ti fo, dughiar manamra memen
amebaba uan teviba apira nguziba
bat?

4 Meme ko dian nguzir kaba uan amebaba
ko, tuziba ko ruaribar ikia ekevegha
gavgafi.

Me ekevegha givagha, uan amebaba
ategha bar ghue.
Egha ua izir puvati.

5 "Tina donkin atiabar beniba firizi,
da uan ifongiabar gin ghua pura tintini-
bar zui?

6 Ki danganir gumazamiziba ikia ingarir
puvatizir isa me ganingi,
kar danganir grazir aghuiba aghuir pu-
vatizim, kar amangsizir avirim itir
nguazir kuram.

7 Donkin atiaba fo, me nguubar ekiabar ikiti
gumazamiziba benibar me ikiva, in-
gangarim damusi pamten me dagar-
vaghram.

Kamaghin me akirim ragha nguubar
ekiamin niginim ko dagarvazibagh
asara.

8 Egha me pura mighsiabagh arua,
egha damasa terafariba ko graziba
buri.

9 "Jop, bulmakaun atiaba ti ni bagh ingan-
garim damuam o?

Egh dimagarimin da ti izi nin bul-
makaubar dipenim dakuam o?

10 Ni ti benim bulmakaun atiam dafagh a
damuti, a bizir osimtzibagh ekuam
o?

O ni a damuti, a ter otevim kurvagh
nguazim abigh nin azenimin in-
garim?

11 Ni fo, bulmakaun atiam gavgavir ekiam
iti,

ezi ni ghaze, a nin akuragh nin ingan-
garir ekiabar amuam?

12 Ni ghaze, a mangi nin azenimin witin
aniziba inigh izi,
nin danganir witin misievibav sogha da
amisevimin izam o?

- ¹³ "Poneba^{*} bar akongezir dughiaba, me uan aviziba onava dav sosi.
Egha me kuarazir benibar min avizir ekiaba ko arizir aghuiba itir puvati.
Ni ti men gara me gif?
- ¹⁴ Poneba uan aroriaba pura nguazimin dar atigh, egh da ategh mangigham,
ezi nguazim fefem dagh anidi.
- ¹⁵ Egha da tong kamaghin nighnizir puvati, gumazitam, o asizitam da dikaragharn.
- ¹⁶ Poneba deravira uan aroriabagh amir puvati,
da mati poner igharazim otezir aroriabar min dagh ami.
- Da kamaghin nighnizir puvati, dar aroriaba ikuvighti,
dar ingangarir ekiar aroriaba batim pura mangigham.
- ¹⁷ Ki nighnizir aghuim ko fofozir aghuim dagh aningizir puvati,
kamaghin amizi, da arazir kabagh ami.
- ¹⁸ Ezi da dikavigha ivemarir dughiabar,
da bar puvira ivemara, uan aviziba pamten dav sogh,
egh hos ko, gumazir a gaperazim gafiragharn."
- ¹⁹ "Jop, ni ti gavgavim hoziabagh anidi?
Egha ni ti arizir ruariba, dar tuebagh arisi?[†]
- ²⁰ Nirara ti hoziabagh amima, da odezibar min bar pin uari akuri?
Hoziaba bar puv avighagha pamten arai, ezi men arareba atiatim gu-mazmizibagh anidi.
- ²¹ Men gavgavir ekiam me gamima, me bar akongegha
pin uari akura, egha sueroghofariba nguazim misosi.
Egha midorozim bagha pamten ivemara zui.
- ²² Hoziaba atiatir puvatigha, nighnizir aviribagh amir puvati. Midorozir ekiam a pura bizim,
da akirim a gasaraghan kogh, ari mangi modoghan kogham.
- ²³ Da midorozir gumaziba atera ivemarima, men barir mitariba tingazi,
ezi afuzir ruarir gumaziba suighiziba aruem dagh amima, da taghtasi.
- ²⁴ Me sigham givir dughiam, hoziaba pura nimira itir puvati,
dar naviba dikavima, da misoghasavira amua
egha ivemara zui.
- ²⁵ Me sigham givir dughiam, hoziaba arai.
Da tighar midorozimin boroghin mangam, da saghon ikiavira ikia midorozimin mughuriam barasi.

- Egha hoziaba midorozir gumazibar dapaniba barazima, me pamten midorozir gumazibar dei,
ezi midorozir gumaziba misoghasa pamten dia migei.
- ²⁶ "Kuarazir isaba, ni ti fofozim ko nighnizim dagh aningizi, da overriamin mighaghha arua,
egha dikava uan aviziba onava migha sautin amadaghan zui?
- ²⁷ Kuarazir bagaba ti ni mizuai, ni dav kemeghti,
da mighsiabar mavanang pin uan mikonibar ingaram?
- ²⁸ Da mighsiabar ghua dagiar ekiaba itir danganir kurabar, uan mikonibar ingari.
Danganir kurar kaba, kar dar danganir mogomer gavgaviba.
- ²⁹ Da uan danganir kabar ikia deravira saghon mar asizibar gari.
- ³⁰ Ezi bagabar nguziba, asizir kabar ghuzibar amasa bar ifonge.
Midorozimin dughiamin gumazir kuuba tintinimin nguazim girav itima,
bagaba izza danganir kamin uari akufi."

Jop God migei

40

(Sapta 40:1-5)

Godin azangsiziba, Jop da ikarvaghan ibura

¹ Ikiavira Itir God kamaghin Jopin azai:

² "Jop, ki Godin Gavgaviba Bar Itim, nin migirigia na ko misosi?
Egha ni akam na gasa ghaze, ki arazir kuram gami.
Ezi datirighin ni nan azangsiziba ikarvaghaha ki ni mizuai."

³ Jop kamaghin Ikiavira Itir God ikara:

⁴ "Ki pura bizir kinim.
Ki manmaghin nin akaba ikarvaghah?
Ki akam dukuagh nimira ikiam.

⁵ Ki migirigar bar avirim gami,
kamaghin amizi, ki ua mikiman kogham."

God, Jopin migiavira iti

(Sapta 40:6-41:34)

Jop guizin gumazimin min tuivasa, God a migei

⁶ Ezi Ikiavira Itir God aminir ekiam ko amozimin aven ikia, kamaghin Jopin akam ikaragha ghaze:

[†] 39:19: Akar vezin 19in ikegha ghua 25in tuziba, da hoziar midorozir gumaziba apiaghira midorozim bagha zuibav gei. 39:30: Matyu 24:28; Luk 17:37

7 "Jop, ni guizin gumazimin min tugh,
eghti ki biziбар nin azangsichti, ni nan
akaba ikarvagh.

8 Ni migia ghaze, nin araziba derazi ni gav-
gafi.

Egha ni tizimsua akam na gasa ghaze,
ki arazir aghuim gamir puvati?

9 Nin gavgavim ko nan gavgavim ti magh-
ghu?

Ki pamtem migia araribar min dagar-
vasi.

Ezi ni ti uaghan nan min damuam?

10 "Ni kamaghin otivsi, nan danganim inigh,
egh nan atrivimin kurkazir aghuiba
inigh dar aghuigh,
egh ziar ekiam inigh gumazamizibagh
ativagh,
bar men pin iki.

11 Egh ni ganti gumazamiziba uan ziaba fiti,
ni puv men aningaghi bar me abinigh.

12 Ni gumazamizir akaba batozibar gan me
dikabin.

Egh gumazamizir arazir kurabagh
amiba,
me itir danganibara, zuamira bar me
diki me mirmirigh.

13 Egh Oveaghuezibar Nguibamin, kal-
abuziar danganimin me arikigh.
Egh me isi nguazir torim datighti,
gumazamizir ighazariba ua men ganan
kogham.

14 Ni bizir kabar amighti, ki nin ziam fi
suam,
ni uan gavgavimin gumazir arazir
kurabagh amiba, abiragh bar me
agifa."

*God uabira, asizir bar gavgavim
hipopotamus gativagham*

15 Ikiavira Itir God ua kamaghin migia
ghaze:

"Jop, ni mangi asizir bar gavgavim
hipopotamusin gan, da bar ekefe.

Ki uabi dar ingarizi moghin uaghan nin
ingari.

Hipopotamusba bulmakaubar min
graziba ko ter afariba api.

16 Dar namnaba bar ekevegha bar gavgafi.
Dar naviba ko akiriba uaghan bar gav-
gafi.

17 Dar ipeba tuivigha gavgafi, mati sidan
temeba,
ezi dar soroghafariba gavgavir ekiam
iti.

18 Dar aghariba bar gavgafi, egha mati
brasìn gavgavimin ingarizir ainba.
Dar soroghafariba bar gavgafi, mati
ainin oteviba.

19 Ki God, ki ingarizir asizibar tongin,
hipopotamusba bar me gafira.
Ki dar ingari, egh kirara dar gavgaviba
abinam.*

20 "Hipopotamusba apir graziba, da
mighsabar iti.
Danganir kaba, asizir atiaba uarigh
ikararagh arui.

21 Hipopotamusba temer dikoniba itibar
apebabar irav iti,
egha danganir dakarabar, ighurunir
povibar modi.

22 Egha da temer dipar miriabar itibar
aguabar apengen mogava avughsı.

23 Aperiam otogh pamten ivemarti, da ati-
atingan kogham.

Aperiam Jordanin Fanemin otogh, bar
izivagh dar akatoribar aven mangitı,
da pura uarir asugh nimira ikiam.

24 Tinara dar suiragh da ikegham?
Tinara azuazimin ingarigh, benibar
dar atinibar afeghti, da kalabuziamın
ikiam?
Ti puvatigham."

41

*Ongarimin itir goar bar ekiam, an
asizibar atrivimin iti*

¹ Ikiavira Itir God ua kamaghin migia
ghaze:

"Jop, ni ti akezim akunigh ongarimin itir
goar ekiar kamin guraghı?

Ni ti an mizem benir gavgavimin a
ikegham?

2 Ni ti an atinim benir gavgavim a dafagh a
gekuigh mangigham?

Egh ni ti uaghan akezim isi an aghozim
dafaghı?

3 Ni manmaghin nighnisi?

Ni ti an suiragh a ikeghti, a uabin
apangkuvıghı nin azangsichti, ni
aneteghti a mangam o?

Egh a ni apezeper akar isingtiziba
nimira ni mikimam o?

4 A ti ni ko akar gavgavim akirigh,
zurara ni bagh ingaram o?

5 Ni ti a ko ikararangam,
mati ni kuarazim ko ikararangasa
benimin a ike?

O, ni ti benimin a ikeghti,
nin ingangarir amiziba a kurvagh
mangam?

6 Dagiaba bagha ingarir gumazamiziba
ti, an iveauzibar akabar uari
adogham?

Egh me ti an asiziba aghoregh,

da inigh mangi danganir biziba
amadi naghin da amangam?

⁷ Ni ti afuzir aviribar a ginifti,
da an mikarzim ko dapanim
gizivagham?

⁸ Aria, ni uan agharimning a gisin datigh,
egh an gavgavimin ganigh, ua kam-
aghin damuan kogham.

A puvira ni misuegti,
ni an midorozir kam gin amadaghan
kogham.

⁹ “Ni ongarimin itir goar ekiar kamin
ganigh, egh ni bar atiatigh nirizim
nin agharapaniba asivkinti,
nin gavgaviba bar givagham.

Kamaghin amizi, ni ongarimin
itir goar ekiar kamin suighsi
nighnighan marki.

¹⁰ Tinara an navim giniv, a ko misogh
anebiragham?

Gumazir kamaghin amitam itir puvati.
Ezi kamaghin tina na ko misogh na
abiragham?

Ti puvatigham.

¹¹ Nguazir kamin biza da bar nana,
kamaghin amizi, tina faragh biza da
danighti,
ki an biza da ikarvagham?
Bar puvatigham.*

¹² “Ki datirighin ongarimin goar ekiar
kamin suebagh eghanam, da man-
maghin gari,
an namnam gavgavir aghuarim iti.

Ezi ki bizir kam bangin mikimiva,
uan akam dukuaghan kogham.

¹³ Tinara an inimin itir naziar gavgaviba
adegham?

Tinan afuzim an inim ko naziar gav-
gavim viraram aning abizagh vongin
otogham?†

¹⁴ An atarir ekiar aviriba itima gumazamiz-
iba bar dar atiatingi.

Kamaghin amizi, tina an akam
akarigham?

¹⁵ An akiragharmiñ itir naziar gavgaviba,
da bar uarir kumigha gavgavim an
inim ganidi.

¹⁶ An naziaba bar deravira uarigh kumigha
gavgavizi,
aminim dar tongin mangighan
kogham.

¹⁷ Da bar uari savyuiraghha gavgavizi,
bitezit da kuighan kogham.

¹⁸ “An asir dughiamin, avim an fetoribar
otiva azenan iza tintinibar zui.

Ezi an damazimning isia mati aruer
ebariba mizarazimin siragha anaga
aghefe.

¹⁹ Avir mizariaba an akatorimin otivaghira,
biaghira tintinibar zui.

²⁰ Ezi miturir an fetorimin otivim,
mati minem avim gisin ikia siaghkua
miturim otifi.

²¹ A uan akatorim akarir dughiamin, an
aminim avim gamima, an otifi.
Ezi avim an akatorimin ikiava otivaghiri.

²² “An firaghariñ bar gavgafi,
ezi gumazamiziba an gara puviram
atiati.

²³ An inivafiziminiñ itir tuziba bar uarigh
asavkonegha,
bar gavgavigha ighuam zuir puvati.
Bar puvati.

²⁴ An navir averiam bizitamit atiatir pu-
vati.
An navir averiam bar gavgafi,
mati dagiar ekiar raiziar mireviba
mirmirim.

²⁵ “A dikavigh tughamin dughiam,
atrivid gavgaviba uaghan puviram
atiati.

Me oraghti a dipam misogh tingaghiti,
men agharapaniba pura men
amiraghti,
me bizitam damuan iburagham.

²⁶ Gumazir midorozir sababar an okasava
ami, o me afuzir ekiaba ko dozibar a
ginivasava ami, da pura biza.

Bizir kaba a gasighasighan kogham.

²⁷ A dar gari, da pura biza.
An ainin gari, a mati dadar midiarim,
egha brasin gavgavim gari, a mati ter
kurum.

²⁸ Gumaziba baribar a gasiti,
an arimangighan kogham.

Me katapelin dagiabar a gasiti,
a da baraghti, mati ter afariba an nam-
nam giri.

²⁹ An aghorir ekiar misozibar gari,
da mati grazir midiariba.

An afuzir magameba baraghha da dipova
ghaze,
da pura bizir kiniba.

³⁰ “Goar ekiamin navimin itir naziaba bar
ghumigha,
mati nguazir minem misaraghirezi, an
arariba ghumi.

Egh a nguazir apengtizim daruti,
an naziar kaba nguazim abigham.

³¹ An ongarimin aven aruir dughiam, on-
garim isiaghtui,

* 41:11: Godin Araziba 10:14; Onger Akaba 50:12

† 41:13: Hibrun akam, vezin kam deragha a migeir puvati.

mati dipam minemin aven isiaghtui.
 32 An ongarim garuir dughiam,
 an tuavir a zuim, pupuvir bar
 ghurghuriba an ikia taghtasi.
 33 Goar ekiam bizitamin atiatir puvati.
 Asizir tam an min itir pu.

Bar puvati.

34 A gari, asizir ekiar maba uaghan ziar
 ekiaba iti,
 ezi a ghaze, Da pura biziba.
 Asizir ekiaba pura uan ziaba fe,
 ezi a bar dar atriyimin iti."

Jop Ikiavira Itir Godin akaba ikarvashi

42

(*Sapta 42:1-6*)

Jop aghumsigha navim gira

¹ Ezi Jop kamaghin Ikiavira Itir Godin
 migirigiaiba ikarvaghha ghaze:

² "Ki datirighin fo, nirara biziba bar dar
 amuamin gavgavim iti.
 Egha ni uan ifongiamin gin ghuava
 amir ingangariba,
 tav dar anogoreghan kogham.

³ Ni kamaghin nan azara,
 Tina nighnizir aghuim ko fofozim
 puvatigha tintinibar migirigiar
 aviribagh ami, egha ki damuasa amir
 biziba pos?"
 Ki fo, ki bizibar mingariba deravira dagh
 fozir puvatigha,
 egha migirigiar onganir aviribagh ami.
 Bizar igharaghha garir aghuarir ki
 mikemeziba,
 da nan fofozim ko nighnizim gafira.

⁴ "Ezi ni kamaghin na mikeme,
 'Jop, ni deravira kuarim atigh nan
 migirigiaiba baragh.'

Eghiti ki bizir maba bagh nin azangsighti,
 ni nan azangsiziba ikarvaghgam."
⁵ Ikiavira Itir God, ki fomira pura gumaza-
 mizibar akaba baragh, egha ni gifo.
 Egha datirighin ki uabi uan damazimin
 nin gari.

⁶ Kamaghin amizi, ki uan migirigiaiba ko
 uabira uabin aghumsiki.
 Egha datirighin nguazir minemeniam
 ko averenim gaperaghav iti,
 nan arazir kam kamaghin nin ak-
 agham,
 ki navim giraghya gifa."

Ikiavira Itir God, Jopin namakabav gei

(*Sapta 42:7-9*)

Ikiavira Itir God Jopin namakabar atari

⁷ Ikiavira Itir God Jop mikemegha
 givagha, kamaghin Teman nguabar ekiamin
 gumazim Elifas migei, "Nan ingangarir
 gumazim Jop, a guizin akamin nan arazibar
 gun migei. Ezi ia an min guizin nan arazibar
 gun migeir puvati. Kamaghin amizi, ki ni
 ko nin namakamningin atari. ⁸ Bizar kam
 bagh ia mangi 7plan bulmakaun apuriba ko
 sipsipin apurir 7pla inigh, nan ingangarir
 gumazim Jop bagh mangi. Egh dav suegh,
 bar isia mighirizir ofabar amu. Eghti nan
 ingangarir gumazim Jop, ia bagh na ko
 mikim nan azangsighti, ki a baregh ian
 apangkuvigham. Nan ingangarir gumazim
 Jop, ia an min guizin nan arazibar gun
 migeir puvati. Kamaghin, ki a baregh,
 ian akar ifavariba bagh ia gasighasighan
 kogham."

⁹ Ezi Teman nguabar ekiamin gumazim
 Elifas ko, Suhan kantrin gumazim Bildat
 ko, Naman kantrin gumazim Sofar, me
 ghua Ikiavira Itir God me mikemezi moghin
 ami. Ezi a Jopin azangsizim baregha men
 apangku.

God bar deraghavira Jop gami

(*Sapta 42:10-17*)

*Ikiavira Itir God dabirabir aghuarim ua
 Job ganangi*

¹⁰ Jop uan namakaba bagha God ko
 mikemezir dughiamin girara, Ikiavira Itir
 God dabirabir aghuarim uam a ganangi.
 Egha a fomira itir bizibar dibobonim gisın
 dagh iviragh, ua bizar aviriba isa Jop
 ganangi. ¹¹ Ezi Jopin aveghbuuba ko, an
 buaramiziba ko an namakar fomira itiba,
 iza an dipenimin a koma api. Egha osimtzir
 Ikiavira Itir God a ganingizibagh nighnigha,
 an apangkuva gavgavim a ganidi. Egha me
 vaghvaghya silvan dagiar maba ko gol ringin
 mam a ganingi.

¹² Dughiar kamin Ikiavira Itir God mong
 bar deraghavira Jop gami. Ezi an ikirimimir
 abuananamin azeniba, da an osimtzizim
 faragha zuir azenibagh afiragh bar dera.
 Ezi Jop 14,000plan sipsipba ko, 6,000plan
 kamelba ko, 2,000plan bulmakauba ko,
 1,000plan donkin amebaba ini. ¹³ Egha Jop
 uam otarir 7pla ko guivir 3pla ini. ¹⁴ Guivir
 faragha zuim, a ziam Jemima a gati, Jemima
 girara irim Kesia, ezi abuananamin
 ziam, Kerenhapuk. ¹⁵ Jopin guivir kaba
 men ganganiba bar dera, ezi nguazir kamin
 aven, amizitam kamaghin garir puvati. Ezi
 Jop uan otariba bagha nguazim ko bizi-
 bila abizir dughiam, a uan guiviba bagha
 uaghan nguazim ko bizi abiki.

¹⁶ Egha osimtzir kamin gin, Jop uam
 140plan azenibar ikegha, uan boriba ko

igiaba ko ovavir boriba ko men boribar gani.¹⁷ Egha a bar deravira ikia ghua bar ghurighava areme.

Godin Ziam Fer Onger Akabar Akinafarim O Onger Akaba Akar faragha zuim

Akinafarir kam, a Israelian Onger Akaba itir akinafarim. Onger akar akinafarir kamin itir maba, me Jerusalemin nguibamin ikia Godin Dipenimin da bange. Ezi onger akar kabar maba, gumazamiziba uari osimtzibba ikia, Godin ziam fer dughiamin dar gun migei.

En ganganimin, gumazir aviriba ti onger akar kaba dughiar vamirin da osirizir puvati. Me dughiar igharaz igharazibar kamagh ami. Ezi gin gumazir igharaziba da akuvagha akinafarir vamira gami.

Onger akar kaba ko God ko migeir arazir kaba, dar nighnizir aviriba iti. Akinafarir kamin aven akar kaba iti:

onger akar Godin ziam feba,

ko uan arazir kuraba bagh God ko mikinti a da gin amangamin akaba,

ko osimtzibba ko mizazibba izir dughiamin, akurvazim bagha God ko migeir akaba,

ko atrivim amisivamimin dughiar ekabar onger akaba,

ko nighnizir gavgavimin gun Godin mikimamin ighiaba,

ko onger akar God minamamiba,

ko uan navir kuraba ko osimtzibba agivsi God ko migeir arazim,

ko God ko mikinti an apanibagh asighasighamin arazim,

ko onger akar gumazamiziba da baragh dar migirigabar gin mangamiba.

God ko migeir arazir kaba ko onger akar kaba, da gumazamiziba e itir ikirimirir kam bar ada avaraghda dar gun migei. En dughiar e bar akongeziba iti, en dughiar e osimtzibba isiba iti. En dughiar e igiabara itiba iti, en dughiar e ghuramiba iti. E dughiar mabar arei, egha dughiar mabar en naviba dera. Onger Akabar Akinafarir kam, a ikirimirir e datirighin itir ikiamin dughiaba ko magh ghu, egha fomira iza datirikin onger akar kaba Godin gumazamizibba nighniziba gavgavim dagh aniga, egha men ikirimirimin men akurvasi.

Akinafarir namba 1*

1

(Onger Akaba 1-41)

*

1:: Hibrun akamin aven, me Onger Akabar Akinafarimin 5plan otevibagh ami, me dar bora ghaze, 5plan akinafariba.

1:1: Onger Akaba 26:4; Aghuzir Akaba 14:15 **1:2:** Josua 1:8; Onger Akaba 119:1; 119:35; 119:47; 119:92 **1:3:**

Aisia 3:10; Jeremaia 17:8; Esekiel 47:12 **1:6:** Jon 10:14; 2 Timoti 2:19 **2:1:** Onger Akaba 46:6 **2:1:** Aposel 4:25-26

Godin damazimin derazir gumazamiziba ko, gumazamizir arazir kurabagh amiba

1 *Gumazamizir kamaghin amiba, me bar akongegh:*

*me gumazamizir arazir kurabagh amibar akaba baraghha men gin aruir puvatigha,
tuavir gumazamizir kuraba zuiba, me men gin zuir puvatigha,*

Godin akaba batogha da dipovir gu-mazamiziba ko, apiaghirir puvati.

2 *Gumazamizir kaba, bar Ikiavira Itir Godin Araziagh ifongegha,
dimagariba ko aruebar dar gara pamtem dagh nighnighavira iti.*

3 *Me mati temem, me dipar miriamin anekara.
A uan dughamra bava, dafariba midir puvati.*

Kamaghira, bizir me amiba bar, da deraghavirama otifi.

4 *Ezi gumazamizir arazir kurabagh amiba, me kamaghin ikian kogham.*

*Bar puvati.
Aminim raizin misveibagh ivarazi da zui moghin, bizir me amiba deragh otivan kogh,
dagheba dar puvatigh pura mangam.*

5 *Kamaghira, gumazamizir arazir kurabagh amiba,*

*God uan kotiamin me batuegh iveauzir kuram me daningti,
me Godin damazimin derazir gu-mazamizibar saghon ikiam.*

6 *Guizbangira, gumazamizir Ikiavira Itir Godin damazimin deraziba,
a me gehuv deragh men ganam.*

Eghti gumazamizir arazir kurabagh amiba, me bar ikuvigh ovegham.

2

God atrivim ginaba

1 *Manmaghiram amizi, Kantrin Igharazibar Gumazamiziba, akaba batozir arazim damuasa uariv gei?*

Manmaghiram amizi, ikizir igharazibar gumazir dapaniba, arazir kurabar amuusa uari ko akam misoke?

Men akar kabar daghetam, otoghan kogham.

2 *Nguazir kamin itir atriviba, midorozim bagha uari akufi.*

Ikiavira Itir God ko atrivir a ua bagha inabazim,

gumazir dapaniba aning
dikabinasa tuaviba buri.
Me kamaghin migia ghaze,
3 "Aning e ikezir senba e da aghorarigham.
Benir aning e ikezir gavgavir kaba, e da
firigham."

4 Ekiam uan Nguibamin atrivir dabirabim
gaperaghav ikia,
me dipova men ingaravati.

5 A me bagha navim bar an ikuvizi, an Akar
Gavgavim me migei.
Ezi an adarir ekiar kam me gamima, me
bar atiatima,
a me migia ghaze,

6 "Ki uabi gumazir atrivimin ikiamin kam
amisevegha gifia.
Ki uabi a isa Saionin Mighsiar ua bagha
inabazimra anefazi,
an aperaghav iti."

7 Ezi atrivim kamaghin migei,
"Ki datirighin Ikiavira Itir God na
mikemezir bizibar gun mikimam.
Aghaze, 'Ni nan otarim, ezi datirighin ki
nin afeziamin oto.'

8 Ni nan azaraghti ki ikiziba bar ni
danningam.
Ni nguazir kamin itir kantriba bar me
gativagh men ganam.

9 Ni uan agharir gavgavimin men suiragh
men ganam.
Ni me abighti, me nguazir mineba
biaghiri moghin bighiregh,
mizumzuiaribar iregham."

10 Kamaghin amizi, ia atriviba,
ia kuariba arigh oregh nighnizir
aghuim iniam.
Ia nguazimin gumazir dapaniba,
ia akar kam baregh deravira uari bagh
ganam.

11 Ia uari isi God danigh, egh an apengen iki.
Egh agorogem sara bar atiatingigh.

12 Ia uari amiragh teviba apirigh magiri,
an dagarimningin tor.
Puvatighti, an adarim zuamirama otoghti ia
arimighiregham.
Guizbangira, an aningaghehti an
ningagharim zuamirama otogham.

Eghti gumazitam God bagh izi an aven
modogh,
nighnizir gavgavim an iki bar
akuuegham.

2:4: Onger Akaba 37:13; 59:8; Aghuzir Akaba 1:26 **2:7:** Aposel 13:33; Hibrū 1:5; 5:5 **2:8:** Onger Akaba 72:8;
Daniel 7:13-14; Jon 17:4-5 **2:9:** Onger Akaba 89:23; Akar Mogomem 2:26-27; 12:5; 19:15 **2:11:** Filipai 2:12; Hibrū
12:28 **2:12:** Jon 5:23; 1 Pita 2:6 **3:1:** 2 Samuel 15:13-17:22 **3:3:** Onger Akaba 62:7 **3:4:** Onger Akaba
4:3; 43:3 **3:6:** Onger Akaba 23:4; 27:3; 118:10-13 **3:7:** Jop 16:10; Onger Akaba 22:21; 57:4; 58:6 **3:8:** Onger
Akaba 28:8; 29:11

3

*Gumazir mam mizaraghara gavgavim
iniasa God ko migei*
Devit uan otarim Apsalomin arav ghugha,
dughiar kamin ighiar kam osiri.
1 O Ikiavira Itir God, nan apaniba me bar
aviraseme.
Me nan apanim gamua egha pazavira
na gami.
2 Men aviriba na migia ghaze,
"God nin akuraghan kogham."
(Ighiam gamua an suiam
atugha avughsegha ua
ighiam gami.)

3 Ezi men akar me migeir kam a guizbangira
puvati.
Ikiavira Itir God, nirara nan midorozir
orammin min iti, ezi ki nin uabi modi.
Nirara nan akurvazima ki uan apaniba
abiri.
Ni nan osimtzibza agevima, ki tugha
gavgavighavira iti.

4 Ki uabin akurvaghaha Ikiavira Itir Godin
dei.
Ezi a uan mighsiar ua baghavira in-
abazimin ikia
na baraghha nan akurvasi.
(Ighiam gamua an suiam
atugha avughsegha ua
ighiam gami.)

5 Ki misiamin akuava organigha, egha gin
osegha bar deravira iti.
Bar guizbangira, Ikiavira Itir God bar
deravira nan gari.

6 Nan apanir 10,000pla danganiba bar na
ekiaru,
ezi ki men atiatir puvati.

7 O Ikiavira Itir God, ni nan God, ni dikavigh
izi nan akuragh.
Guizbangira, ni mati gumazim uan
apanibar koviyabav sozi moghin, ni
nan apaniba aghumsizim me ganidi.
Ni mati gumazim uan apanibar atariba
apirizi moghin,
ni gumazir kurar kaba abiri.

8 Ikiavira Itir God, ni uabira en akurvagh
uam e ini,
ezi bizir katam bar e gasighasighizir
puvati.
Ni bar deraghavira uan gumaza-
mizibagh ami.

(Ighiam gamua an suiam
atugha avughsegha ua
ighiam gami.)

4

Gumazim dimagarimin gavgavim iniasa God ko migei

Devit onger akar kam osiri.

Gumazir onger akar kabar faragha zuim,
gumazibav geima, me gitabav sosi.

¹ O God, nan Akurvazir Gumazim, ni nan
akuraghha nan apaniba abira,
ezi ki nin dei, ni nan akuragh.

Fomira osimtizir bar ekiam nan itima, nan
navim bar na baseme,
ezi ni nan akurazi osimtizim datirighin
gifa.

Ni datirighin nan apangkuvigh nan
dimdiam barakigh.

² O gumazibav, dughiabar manmaghin, ia
akar aghumsiziba na gasi nan ziam
gasighasivira ikiam?

Egh dughiabar manmaghin, ia nguazir
kamin bizar kinibagh ifueghvira
ikiam?

Ia dughiabar manmaghin arazir
ifavarim gifueghvira ikiam?

(Ighiam gamua an suiam
atugha avughsegha ua
ighiam gami.)

³ Ia akar kam bar deragh a gifogh.
Gumazamizir Ikiavira Itir Godin apen-
gan itiba, God ua baghvira me gin-
aba.

Ezi ki an diazi, a nan azangsizim
barasi.

⁴ Ia atar uari bagh gan, egh arazir kuratam
damuan marki.

Ia uan misiabagh ireghiv iki,
migirigar kam ginighnigh uan ak-
abar kumigh.

(Ighiam gamua an suiam
atugha avughsegha ua
ighiam gami.)

⁵ Ia nighnizir gavgavim Ikiavira Itir Godin
ikiva,

ofan a ifongezibar amu.

⁶ Gumazamizir aviriba bizar aghuibar gan,
bar akueghasa ifonge.

O Ikiavira Itir God, niin guamin
angazangarim e gisirazi moghin,
ni bar e gifuegh en boroghira iki,
egh en apangkuvigh en akur-
vagh.

7 Wit ko wainin oviziba azenibar aghua bar
puvira bema, gumaziba da bagha bar
akonge.

Ezi ni na gamizi ki ni bagha bar
akongezir arazim, nan navir ave-
riam bar a gizivagha,
wit ko wain gifongezir arazim
guizbangira bar a gafira.

⁸ Ki misiamin ghua atiatir puvatighava akui.
Ikiavira Itir God, nirara deragha na
akumakua nan garima,
ki deraghvira ikia atiatir puvati.

5

*Gumazim deragh uabi gehuvasa God ko
migei*

Devit onger akar kam osiri.

Ezi gumazir onger akar kamin faragha
zuim gumazibav geima me itabagh ivi.

¹ O Ikiavira Itir God,
ki ni ko migeir migirigiaba ni da baragh,
egh kuarim atigh nan ararem
baragh.

² Ni nan atrivim ko nan God,
ki ni ko migei,
ni nan ararem baragh.

³ O Ikiavira Itir God, ki mizarazibar ni ko
migeima, ni na barasi.
Aruem anadir dughiabar ki ni ko migei.
Kar mati nan ofa ki a isa ni ganidi,
ezi ni datirighin na ikarvaghaha ki ni
mizua iti.

⁴ Ni Godin arazir kurabagh ifongezir pu-
vatizim.

Kamaghin, gumazamizir arazir
kurabagh amiba
nin boroghin ikian kogham.

⁵ Gumazamizir uarira uari feba, me niin
damazimin ikian kogham.

Ezi gumazamizir arazir kurabagh
amiba, ni bar me gifongezir puvati.

⁶ Gumazamizir ifavaribagh amiba, ni me
gasighas.

Egha gumazamizir gumazibav sozi me
ariaghiriba ko ifavaribagh amiba,
ni bar men aghua.

⁷ Ni zurara nan apangkufi, kamaghin, ki nin
Dipenir miriamin aven mangam.

Ki dipenir ni ua bagha inabazimin izi,
niin atiagh uan tevimming apirigh
ni ziam fam.

⁸ O Ikiavira Itir God, nan apaniba bar
avirasemegha na gasighasighasha.

Kamaghin ni nan aku mangiti,

4:1: Onger Akaba 17:6; 18:6; 18:18-19 **4:3:** Onger Akaba 6:8-9; 50:5; 135:4 **4:4:** Onger Akaba 77:6; 119:11;

Efesus 4:26 **4:5:** Godin Araziba 33:19; Onger Akaba 51:19; 62:8 **4:6:** Diboboniba 6:26; Jop 7:7; 9:25 **4:7:**

Onger Akaba 97:11-12; 119:14; 119:72 **4:8:** Jop 11:19; Onger Akaba 16:9 **5:2:** Onger Akaba 3:4; 65:2 **5:3:**

Onger Akaba 30:5; 88:13; 130:6 **5:5:** Habakuk 1:13 **5:6:** Onger Akaba 55:23; Akar Mogomem 21:8 **5:7:** 1

Atriviba 8:29-30; Onger Akaba 132:7; 138:2 **5:8:** Onger Akaba 24:4-5; 27:11

ki nin guizin arazimin tuavimin gin mangam.

⁹ Nan apaniba, me guizin akam bar a gifozir puvati.

Me gumazir igharaziba me gasighasighasavira nighnisi.

Men akatoriba mati gumazamizibar moziba akaba akari;

me migeima ovevem otifi.

Gumazamiziba me baragh men gin mangisi, me ifavarir akar bar isingtibav kimam.

¹⁰ O God, ni men arazir kuraba tuisigh iveauzir kuram me daning.

Ni men nighnizir kurar kabagh iraghti, me bar organigh.

Me arazir bar kurar aviribagh amua nin akam batosi,

kamaghin ni me batueghti me nin saghon iki.

¹¹ Egh gumazamizir ni bagha iza nin aven modiba,

ni me ateghti me bar akongegh.

Gumazamizir ni ativagha gariba, men naviba deraghti,

me ighiabar amu bar akongegh.

Gumazamizir bar ni gifongeziba, me bar akongegh nin ziam fi.

¹² O Ikiavira Itir God, gumazamizir nin akamin gin zuiba,

ni bar deraghavira me gami.

Nin ifongiam oramin min me avaragha me modima,

me bar deraghavira iti.

6

Gumazim osimtizim ikia uabin akurvaghosa God ko migei

Devit onger akar kam osiri.

Gumazir onger akar kamin faragha zuim, gita gikararang ongasa me mikeme.

¹ O Ikiavira Itir God, ni adarim iki pamten na mikiman marki.

Nin navim ikuvighthi, ni iveauzir kuram na daningan marki.

² O Ikiavira Itir God, ki bar osemegha ua gavgaviba puvati,

ezzi ni nan apangkufiigh.

Nan gavgaviba bar gifa, egheti ni gavgavir igiam na daningighthi ki ua deraghamb.

³ O Ikiavira Itir God, nan navim osimtizir ekiam a itaragha ghuaghiri.

Ezi dughiaba manmaghin,

osimtizir ekiar kam nan navir averiamin ikivira ikiam?

⁴ O Ikiavira Itir God, ni iragh izi nan akuragh ua na inigh.

Nin apangkuvim zurara ikia mamaghira iti, ni uan apangkuvim ginirigh nan akuraghti ki ovengan kogham.

⁵ Gumazamizir oveaghueziba, me ua ni ginighnizir puvati.

Gumazamizir Oveaghuezibar Nguibamin, tina ua nin ziam fam?

⁶ Ki dia ghuavti, nan gavgaviba bar gifa.

Nan temeriba zurara dimagaribar nan misiam giri,

ki ara ghuav itima, nan dapani aghoghonim bar kumkumi.

⁷ Nan apanir aviriba iti, kamaghin amizi, ki dughiabar aziavira iti.

Nan damazimning nan bezi, ki deragha bizibar garir puvati.

⁸ Ikiavira Itir God nan azirakam baregha gifa, kamaghin, ia gumazir arazir kurabagh amiba, na gitagh.

⁹ Ki uabin akurvaghosa Ikiavira Itir God ko migeima, a na baregha gifa.

Ki a ko migeir migirigiba, a da baregha gifa.

¹⁰ Nan apaniba osimtizir ekiam inigh, bar aghumsigh atiatigham.

Me zuamira na ategh organigh ari tintinibar mangeham.

7

Gumazim osimtizim ikia God ko migei

Benjaminin adarazir gumazir mam an ziam Kus, an arazir mam gamizi, Devit a base-megha onger akar kam osiri.

A God ko migia a bange.

¹ O Ikiavira Itir God, ni nan God, ki ni bagha iza nin uabi apazagha uan apanibar modo.

Ni nan akuraghti, nan apanir nan agintiziba na misuehti, ki aremeghan kogham.

² Puvatightima, laion gumazim gasighasizi moghin, me na gasighasigh nan mikarzim abighirarigham.

Me na gekuigh mangighthi,
gumazir nan akuragh na iniamiba pu-
vatigham.

³ O Ikiavira Itir God, ni nan God, ki arazir
kuram damigham,
o gumazir igharazitam gasighasigham,
⁴ o ki uan namakam gifaragh puram
akatam a gasam,
o ki arazir kuramin pura uan
apanim damighthi,
⁵ ni nan apanibar amamangatighti, me nan
agiragh nan suiragh.
Egh na dikabiragh magiri nan
mikarzim bar a gasighasigh,
anetighti a pura nguazim girighiv
iki.
(Ighiam gamua an suiam
atugha avughsegha ua
ighiam gami.)

⁶ O Ikiavira Itir God,
ni aningaghegh dikavighasa ki ifonge.
Apaniba bar aningaghegha na misosi,
ni izi nan akuragh.
O nan God, ni gumazibar araziba
tuisighamin dughiam amisefe,
kamaghin ni dikavigh izi nan akuragh.
⁷ Ni bar ikiziba akuvaghti, me ni okaragh.
Egh ni uan atrivir dabirabir pin itim
daperagh
bar me gativagh men gan.
⁸ O Ikiavira Itir God, ni gumazamizibar
araziba tuisisi.
Ni fo, ki guzin arazir aghuibara ami.
Kamaghin amizi, ni nan araziba
tuisighamin dughiamin nan
akuragh.

⁹ O God, ni bar Godin aghuimra.
Ni gumazamiziba bar men navir averi-
aba ko nighniziba tuisisi.
Ni gumazamizir kurabar arazir kuraba bar
ada gifagh.
Egh nin damazimin derazir gumaza-
miziba,
ni me damuti, me tugh gavgafigh.

¹⁰ God nan oramin min,
na geghuva nan garir gumazim.
Gumazamizir an akam baraghha an gin
zuiba,
a men akurvaghha ua me isi.
¹¹ God guzin arazimra gumazamizibar
araziba tuisisi.
Gumazamizir arazir kurabagh amiba,

a zurara me dikabira ivezir kuram
me ganidi.

¹² Gumazim uan navim giraghan koghti,
God uan midorozir sabam aminam.

Egh a uan barir pim dafagh
midorozim bagh mizuam ikiem.

¹³ A gumazir kurar kabav sueghti me are-
meghasa
uan midorozir biziba akirigha gifa.
An afuzir aviba itiba menakuighav
iti.

¹⁴ E gari, gumazir kuram arazir kuram
damuasa uan nighnizim akirigha
gifa.
A zurara ifarava, osimtzir kabagh
amima da otivavira iti.

¹⁵ A gumazir igharaziba mozir torir kamin
magirasa, me bagh a gikui.
Egha a ubi mozir torir a kuizir kam
giragh.

¹⁶ Kamaghira, osimtzir an amizim,
anariram avaraghram.
Akam adariba ko, midorozir a igharaz
darazi damuasava amiba,
da raghirigh anariram asighasigham.

¹⁷ Ikiavira Itir God a bar guizbangira dera,
kamaghin ki bar a minabagham.
Ki Godin Bar Pin Itimin ziam fiva,
a bagh ighiaba bangam.

8

*Godin ziar ekiam ko gumazibar ziar
aghuium*

Devit onger akar kam osiri.

Gumazir onger akar kamin faragha zuim
gumazibav kemezi, me Getin nguibamin in-
garizir gita inigha a gikararai.

¹ O Ikiavira Itir God, ni en Ekiam.

Nguazir kamin nguibaba bar dar gu-
mazamiziba,
nin gavgavimin gara ziar ekiam ni
ganidi.

Ezi nin ziar ekiam bar overiam gizifa.

² Borir bar iririviba uaghan nin ziam fe.
Nin apaniba ko, nin akam batozir
darazi ni men tuavim apirasa,
divazir bar gavgavim ati.

³ Ki kogha pin overiar ni uan dafarimin
ingarizimin gara,
egha uaghan iakinim ko mikovezir uan
danganir ni me arighizibar gari,

7:4: Onger Akaba 109:4-5 **7:6:** Onger Akaba 35:23; 94:2; 138:7 **7:7:** Onger Akaba 22:27 **7:8:** Onger Akaba 26:1; 43:1; 98:9 **7:9:** Onger Akaba 34:21; 40:2; 94:23; Akar Mogomem 2:23 **7:10:** Onger Akaba 18:2; 18:30; 97:10-11 **7:11:** Onger Akaba 50:6; 90:9 **7:12:** Godin Araziba 32:41-42; Onger Akaba 64:7 **7:13:** Onger Akaba 18:14; 45:5 **7:14:** Jop 15:35; Aisaia 59:4; Jems 1:15 **7:15:** Onger Akaba 57:6 **7:16:** Onger Akaba 140:9-11 **8:1:** Onger Akaba 113:4; 148:13 **8:2:** Onger Akaba 44:16; Matyu 21:16; 1 Korin 1:27 **8:3:** Onger Akaba 111:2 **8:4:** Jop 7:17-18; Onger Akaba 144:3; Hibru 2:6-8

4 ki kamaghin nighnigha ghaze,
e gumazamiziba ti manmaghiram
amizir biziba, ezi ni mighigha e
ginighnisi?

E pura biziba.
Manmaghiram amizi, ni bar puvirama
e ginighnisi?

5 Ni uabi en ingarigha, e isa uabin apengan
e ati.

Ni gavgavim ko ziar ekiam isa e ganiga
e afazi,
bizir ni ingariziba bar en apengan
iti.

6 Bizar ni ingarizir kaba bar,
ni dagh ativagh dar ganasa e amisefe.
Biziba bar moghira ni da isa
e gumazamiziba en suemningin apen-
gan da ariki.

7-8 Bizar kaba bar moghira:
Sipsipba, bulmakauba, asizir ruarimin
itiba ko,
overiamin itir kuaraziba,
ongarimin osiriba ko ongarimin aven
aruir biziba,
da bar en apengan iti.

9 O Ikiavira Itir God, ni en God.
Nguazir kamin nguibaba bar dar gu-
mazamiziba,
nin gavgavimin gara ziar ekiam ni
gandi.

9

*Gumazim Godin guizin arazir bagha a
minabi*

Devit ighiar kam osiri.

Gumazir onger akar kamin faragha zuim,
a gumazamizibav kimti, me Almut Labenin
tiarimin gin mangi ighiar kam bangam.

1 O God, ki uan navir averiamin ni
minabaghosa.

Ki ni amir ingangarir aghuir kaba bagh
gumazamizibav kimasa.

2 Ki ni ginighnigh ni bagh ongi
bar akuegham.

O Godin Bar Pin Itim, ki ni bagh ongi
egh ziar ekiam ni daningam.

3 Nan apaniba nin ganigha ara ghua,
nin damazimin daghiregha bar
ariaghire.

4 Ni uan atrivir dabirabim gaperagha
guizin arazimin gumazamizibar araz-
iba tuisisi.

Egha nan araziba guizin arazimin da tu-
isigha ghaze,

ki osimtiziba puvati.

5 Ni Kantrin Igharazibar Gumazamizibar
araziba tuisigha gifa.
Gumazamizir kuraba, ni bar me
gasighasigh men ziaba angarighthi,
gumazamiziba me ginighnighan
kogham.

6 Ni bar apanibagh asighasigha gifa,
eghti me ikuvigh iki mamaghira ikiam.
Men nguubar ekiaba sara, ni bar dagh
asighasigha gifa,
eghti gumazitam ua me ginighnighan
kogham.

7 Ezi Ikiavira Itir God zurara uan atrivir
dabirabim daperaghav iki mam-
aghira ikiam.
A guzin arazimin gumazamizibar
araziba tuisigham.

8 A uan guzin arazir kabar gin ghua gu-
mazamizibar araziba tuisisi.
A uan arazir aghuimin gumazamiz-
ibagh ativagha men gari.

9 Ikiavira Itir God osimtiziba itir gumaza-
miziba bagha
dipenir gavgavir mamin min iti.

Eghti apaniba osimtizibar aningamin
dughiabar,
me an aven mangegh muegham.

10 O Ikiavira Itir God, gumazamizir ni bagha
iziba,
ni akirim giragha me gasir puvati.
Kamaghin gumazamizir ni gifoziba,
me nighnizir gavgavim nin iti.

11 Ikiavira Itir God, Saionin nguibamin ikia
uan atrivir dabirabim gaperaghav iti.
E a bagh ongiva an ziam fam!

E Kantrin Igharazibar Gumazamizibar
tongin iki,
arazir an amizibar gun mikimiva
an ziam fam.

12 Ikiavira Itir God, gumazamizir mizaziba
isiba, a me ginighnisi.
A me baragha uan kuarimning dukuir
puvati.
Gumazamizir arazir kurabar me gamiba,
a men arazir kuraba ikarvasi.

13 O Ikiavira Itir God, ni nan apangkufigh!
Apaniba na garizir osimtiziba ni dar
gan.

Ki bar ovengasava amir dughiabar,
ni nan akurvagha ua na isima ki der-
aghavira iti.

14 Kamaghin amizi, ni na gamizir biziba,
ki bar dagh eghan nin ziam fam.

8:6: Genes 1:26-28; 1 Korin 15:27; Efesus 1:22; Hibru 2:8
9:14: Aghuzir Akaba 10:7 **9:7:** Onger Akaba 102:12; 102:26; Hibru 1:11 **9:8:** Onger Akaba 96:13; 98:9 **9:9:**
Onger Akaba 37:39; 46:1; 91:2 **9:10:** Godin Araziba 31:6-8; Onger Akaba 37:25; 70:4; 91:14 **9:11:** Onger Akaba
107:22 **9:12:** 2 Samuel 4:11; Onger Akaba 9:18; 10:17; 22:24; 37:25; Aisaia 49:14-15; Hibru 13:5 **9:14:** Onger
Akaba 13:5; 20:5; 35:9

9:2: Onger Akaba 5:11; 83:18

9:5: Godin Araziba

9:8: Onger Akaba 96:13; 98:9

9:9:

Ni ua na inizir bizim bagh, ki Saionin
nguibamin tiar akamin tughiv iki,
bar akuegh an gun mikimam.

15 Kantrin Igharazibar Gumazamiziba en
suighasa, nguazimin toribagh tui.
Egha me uari dagh iraghue.

Me en suighasa azuaziba guizi,
azuaziba merara suiki.

16 Ikiavira Itir God, guizin arazimin gumaza-
miziba tuisizir dughiamin,
a uan arazir aghuim akakasi.

Gumazamizir kuraba, igharaz darazigh
asighasighasha amir biziba
meraram asighasisis.

(Ni akar kam ginighnigh kuarimin
aven bar aghumra ighiam
damu.)

(Ighiam gamua an suiam
atugha avughsegha ua
ighiam gami.)

17 Gumazamizir kuraba ko Kantrin Igharaz-
ibar Gumazamizir akirim ragha God
gasaraziba,
me bar moghira mangi Gumazamizir
Oveaghuezibar Nguibamin ikiam.

18 Dughiarbar zurara, God onganaraz-
ibagh amir gumazamizibagh
nighnighavira iti.
Gumazamizir osimtiziba itiba, me
nighnizir gavgavim ikia kamaghin
fo,
God men akurvaghram.

A me ateghti
me puram a mizuam ikian
kogham.

19 O Ikiavira Itir God, ni dikavigh izi.
Ni nguazimin gumazamiziba ateghti,
me gavgavigh ni gafiraghan marki.

Ni Kantrin Igharazibar Gumazamizibar
amighti,
me nin kotin aven nin damazimin tu-
ifigh.
Egh ni guizin arazimin men araz-
iba tuisigh.

20 O Ikiavira Itir God, ni me damighti me bar
atiatingigh.

Ni Kantrin Igharazibar Gumazamiziba
kamaghin me damighti,
me bar fogh suam me gavgaviba
puvati,
me pura bizir kiniba.

(Ighiam gamua an suiam
atugha avughsegha ua
ighiam gami.)

10

*Gumazim uabin akurvaghosa God ko
migei**

1 O Ikiavira Itir God, ni manmaghsuavira
nan saghuiamin tughav iti?
Ki osimtiziba itir dughiarbar, ni man-
maghsuavira nan modi?

2 Gumazir kuraba uari fa,
egha gumazir onganarazibagh
amibagh asighasighasha men agintisi.

Ni me damighti, me nguazir torir gumazir
igharaziba magirasa kuiziba,
me uari dar magiri.

3 Gumazir kuram uabi fa,
uan navir averiamin aven itir arazir
kurabagh ifonge.

Gumazir bizir aviribagh ifongezim,
an akar kurabar Ikiavira Itir God
migavia, akirim ragha a gasi.

4 Gumazir kuram ifaghata ghaze, ki bar biz-
ibagh fo.

A ghaze, ki nighnizir aghuir aviriba iti.
Egha God ginighnizir puvati.

A ghaze, "God, arazir kurar ki amibar gari
puvati.

A nan arazir kaba ikaraghan kogham."

5 Gumazir kam amir biziba, da bar der-
aghavirama otifi.

Egha a ifaghata, bar tong nin
nighnizibagh foizir puvati,
egha uan apaniba men apanim
gami.

6 A uabira uabi ginighnigha ghaze, ki tugha
gavgafi.

Bizitam bar na munamadaghan koghti,
ki osimtizitam batoghan kogham.

7 An atamra paza bizibav giava, gumaza-
mizir igharazibagh asighasighasa
migei.

A gumazamizibar amuti me atiatin-
gasa, bizibar me gifara atamra migei.
An arazir kuraba ko osimtizibar
amuti da otivasa atamra bizibav
gei.

8 Gumazir kamaghin amim, nguibamin
aven modoghav iti.
A iki ganam, gumazir aghuim iziti an a
misuehti an aremegham.

9:15: Onger Akaba 7:15; 9:23; Aghuzir Akaba 5:22; 26:27

8:13; Onger Akaba 50:22

9:18: Onger Akaba 12:5; Aghuzir Akaba 23:18; 24:14

31:3; Esekiel 28:2

* **10::** Gumazir maba ghaze, Onger Akabar Akinafarimin sapta 10, a sapta 9in akinafarir otevir

mam. **10:2:** Onger Akaba 7:16; 9:15; Aghuzir Akaba 5:22

10:3: Onger Akaba 94:4; Rom 1:32

10:4: Onger Akaba 14:1-2; 53:1

10:5: Onger Akaba 12:5; Aisaia 26:11

10:6: Aisaia 56:12; Akar Mogomem 18:7

10:7: Onger Akaba 20:12; Onger Akaba 12:2; Rom 3:14

10:8: Onger Akaba 17:11; Habakuk 3:14

10:9: Onger Akaba 17:12; Maika

9:16: Ua Me In 14:31; Aghuzir Akaba 5:22

9:17: Jop 9:18; Onger Akaba 62:9; Aisaia

31:3; Esekiel 28:2

9:20: Onger Akaba 62:9; Aisaia

31:3; Esekiel 28:2

10:3: Onger Akaba 94:4; Rom 1:32

10:4: Onger Akaba 14:1-2; 53:1

10:5: Onger Akaba 12:5; Aisaia 26:11

10:6: Aisaia 56:12; Akar Mogomem 18:7

10:7: Onger Akaba 20:12; Onger Akaba 12:2; Rom 3:14

10:8: Onger Akaba 17:11; Habakuk 3:14

10:9: Onger Akaba 17:12; Maika

A gumazir gavgaviba itir puvatiziba bagha modoghav ikia gari.

⁹ A laionin min uan torimin modogha gara iti.
A modogh iki egh gumazir organarazibagh amibar suighasa.
A uan iver ekiamin men pigha men suigha me amikirvaghag zui.

¹⁰ Gumazir kurar kam nimiram apiaav ikia gara,
gumazir gavgaviba puvatiziba,
a uan gavgavir ekiar kamin me abiri.

¹¹ Gumazir kuram kamagh nighnigha ghaze,
“God ti arazir kurar ki amir kaba, mighigha dagh nighnizir puvati.
A uan damazimning dukuagha, nan garir puvati.”

¹² O Ikiavira Itir God, ni dikavigh izi!
Egh gumazir kurab akevizi kuram isi me daningigh!
Ni osimtiziba aterir gumazamiziba, me bakanighnighan marki!

¹³ Gumazir kuram akirim ragha ni gasaragha uan navir averiamin ghaze,
“God ti, ki amizir arazir kurar kaba uam ada ikaraghan kogham.”

¹⁴ Gumazamizir kurabar arazir kuraba, ni dar ganigha gifa.
Egha mizaziba ko, osimtizir me gumazamizir igharazibagh anidiba, ni dagh fogha gifa.
Ni osimtiziba aterir gumazamizir kabar akurvaghaha mizua iti.
Ni zurara, borir afeziaba ariaghireziba, ko gumazir gavgaviba puvatigha uari isa ni ganidiba, ni men akurvasi.

¹⁵ Ni gumazir kurab kabar gavgavim bar anegifagh.
Egh me amir arazir kurar kam uam an ganan kogham.

¹⁶ Ikiavira Itir God atrivimin iki mamaghira ikiiam.
Egh a uan nguazimin, Kantrin Igharazibar Gumazamizir kurab batuegħi, me bar mogħira għiġaqha.

¹⁷ O Ikiavira Itir God, gumazamizir osimtiziba atera nin apengen itiba, ni men dimdiā baragh gavgavim isi men navir averiabar aniningħi.

¹⁸ Ni, borir afeziaba ariaghireziba ko, gumazir osimtiziba itiba, ni men arareba baragh men akuragh.
Ni uan guizin arazimin men araziba tuisighti me iki.

Eghzi nguazimin gumazamiziba uam osimtizim me darighan kogħam.

11

Gumazim nighnizir gavgavim Godin iti Devit onger akar kam osiri.

An onger akabar faragħa zuir gumazim ġiniegħi, onger akar kam osiri.

¹ Ki nighnizir gavgavim Ikiavira Itir Godin ikia kamaghin fo, a na għegħuva nan gari.

Ni onganigh kamagh na mikim suam,
“Ni kuarazimin min mighheq mighsia min mavanang.”

² Guizbangira, gumazir kuraba uan barir pibagh afegħha għifa.

Me aminib irrim uan baribar gumazir aghħiubagh asasava ami.

³ Gumazamiziba arazir aghħiuba ategħi bizibba bar ikuvighti,
gumazir arazir aghħiubar gin zuim man-maghira damuam?

⁴ Ikiavira Itir God uan Dipenimin aven ikiavira iti.

A uan Nguibam iattrivimin ikiavira iti, eghha gumazamiziba amir biziżza a bar mogħira dar gara da tuisisi.

⁵ Ikiavira Itir God, a gumazamizir aghħiuba ko kurab uaghara men araziba tuisigha men gari.

Eghha gumazir misogħasa ifongeżi, a uan navir averiamin aven bar men aghħua.

⁶ An avir bar puvira isia feim gumazir kurabayha inge.

Kar a men iveri kuram ikarvazima, men mikarziba bar puvira men feima me mizazir kuram isi.

⁷ Guizbangira, Ikiavira Itir God arazir aghħiubagh ami.

A uabi arazir aghħiūm bar a gifonge.

Gumazamiziba an akam baragh an gin mangiva, an guamin ganam.

10:11: Jop 22:13; Onger Akaba 94:7; Esekiel 9:9

Onger Akaba 145:13; Jeremaia 10:10; Daniel 4:34; 1 Timoti 1:17

Onger Akaba 82:3; Aisaia 11:4

11:1: Onger Akaba 2:12; 121:1

Onger Akaba 87:1; 119:152

11:4: Maika 1:2; Matyu 23:16-22

Jeremaia 4:11-12; Esekiel 38:22

11:7: Onger Akaba 7:9-11; 16:11; 33:5

10:14: Onger Akaba 68:5; 2 Timoti 1:12; 1 Pita 4:19

10:16:

10:17: Ua Me Inni 22:23; Onger Akaba 9:12

10:18:

11:2: Onger Akaba 37:14; 64:3-4

11:3: Onger

Onger Akaba 22:1; Jems 1:12

11:6: Onger Akaba 75:8;

11:5: Jenesi 22:1; Jems 1:12

12

Godin gumazamiziba uarir akurvaghasa God ko migei
Devit onger akar kam osiri.
Gumazir onger akar kamin faragha zuim,
stringin 8pla itir gita gikararang ongasa me
mikeme.

¹ O Ikiavira Itir God, ni en akuragh.

Gumazamizir aghuiba bar puvati?
Ni ua gumazamizir zurara
nighnizir gavgavir nin ikiavira
itibar ganan kogham.

² Gumazamiziba bar, gumazamizir igharaziba
ko ifavaribagh ami.

Me asuir akaba uarivgia egha uarira
uarigh ifari.

³ Ikiavira Itir God, ni gumazamizir igharaz
darazi apezeperiba ko
gumazamizir uari fa migeiba,
ni bar men akabar kumigh.

⁴ Me kamaghin migia ghaze,
E mikimsi ifongegh e mikimam.

Gumazitam en anogoroghan kogham.
Tinara e gativagh en ganam?"

⁵ Ezzi Ikiavira Itir God ghaze, "Gumazamizir
onganarazibagh amiba, gumazamizir
igharaziba paza me gamizi
me mizaziba isa ara iti.

Me nan akurvazim iniasa bar ifonge.
Ki datirighin dikavigh izi men akurvagh."

⁶ Godin akam bar guizbangira.

An akam mati me avimin silva tuazima,
a 7plan dughibaar isigha bar zue.

⁷⁻⁸ O Ikiavira Itir God, gumazamizir kuraba,
me danganiba bar dar iti.

Guizbangira, nguazimin itir gumazamizibar
nighnizim,
arazir kuram a bizar bar aghuim.

Kamaghin amizi, ni bar deravira e geghuv
en gan.

Egheti gumazamizir kurar kaba e
gasighasighan kogham.

13

*Gumazim Godin akurvazim bagh an
azangsisi*

Devit onger akar kam osiri.

An onger akar kabar faragha zuir gumazim
ginighnigha onger akar kam osiri.

¹ O Ikiavira Itir God, ni manadizoghin ua na
ginighnigham?

Ni ti bar na gin amadagha ma?

Ni manadizoghin uan guam nan
akaghtima ki an ganigham?

² Ni manadizoghin osimtizir ki isir kaba
givagham?

Dimagariba ko aruebar, mizazir kaba ti
nan ikivira ikiam, o?

Ni manadizoghin nan akuraghti,
ki ua apanibar apengan ikian
kogham?

³ O Ikiavira Itir God, ni nan God.

Ni na ginighnigh ki ni ko migeir
migirigiaa baragh.

Egh gavgavim ua na danighti ki
ovengan kogham.

⁴ Apaniba kamaghin mikiman marki suam,
e anebiraghya gifa.

Ki irighamin arazir kam, me an
ganigh a bagh bar akueghan
marki.

⁵ Ki nighnizir gavgavim kamaghin ikia
ghaze,
ni nan apangkuvigha ikia kamaghira
iti.

Ni nan akurvaghaha ki bar ifonge.

⁶ Bar guizbangira, Ikiavira Itir God bar de
ravira na gami.

Kamaghin ki an ziamin onger akabar
amuva,
ziar ekiam a daningam.

14

*Gumazamizibar arazir kuraba
(Onger Akaba 53)*

Devit onger akar kam osiri.

An onger akar kabar faragha zuir gumazim
ginighnigha onger akar kam osiri.

¹ Gumazamizir onganiba uan navir averi
abar aven nighnigha ghaze,
"God itir puvati."

Gumazamizir kaba, me bar gumazamizir
kurabara.

Me bar moghira arazir aghuitam gamir
puvati.

² Ikiavira Itir God uan Nguibamin pin
ikia, nguazimin itir gumazamizibar
garima,
men tav nighnizir aghuim ikia a
gifofohgas a buri,
ti puvati.

³ Me bar tuavir aghuim ataki.
Me bar moghira ikuvigha magh gari.
Men tav arazir aghuitam bar a gamizir pu.
Bar puvati.

12:1: Isaia 57:1; Maika 7:2 **12:2:** Onger Akaba 41:6; Jeremaia 9:8; Rom 16:18 **12:5:** Onger Akaba 10:18; 34:6;

35:10; Isaia 33:10 **12:6:** Onger Akaba 119:140; Aghuzir Akaba 30:5 **12:7-8:** Onger Akaba 37:28; 55:10-11; 97:10

13:1: Jop 13:24; Onger Akaba 88:14; Isaia 59:2 **13:3:** Jeremaia 51:39 **13:4:** Onger Akaba 25:2; 35:19; 38:16

13:6: Onger Akaba 116:7; 119:17 **14:1:** Onger Akaba 10:4; 53:1 **14:1:** Rom 3:10-12 **14:2:** Onger Akaba

33:13; 102:19 **14:4:** Isaia 64:7; Jeremaia 10:25; Amos 8:4

4 Ikiavira Itir God kamaghin migia ghaze,
“Gumazamizir arazir kuram gamiba,
nighnizir aghuitam men itir puvati.
Me bret apa anegevi moghin, me nan gu-
mazamiziba agefi.
Egha me tong na ko migeir puvati.”

5 God gumazamizir an akam baragha an gin
zuiba, a me ko iti.
Kamaghin amizi, gumazamizir arazir
kurabagh amir kaba,
a me ginobaghti me nighiva akong
bar atiatigham.

6 Gumazamizir onganarazibagh amiba,
Ikiavira Itir God me akumakua
deragha men garima, me an aven
modi.
Kamaghin, gumazir arazir kurabagh
amiba,
me onganarazibagh amir gumaza-
miziba damuasa migeir bizibar
ingaravati.

7 Ki kamaghin ifonge, Israelian akur-
vaghamin gumazitam Saionin
nguibamin ikegh azenan izi.
Ikiavira Itir God, uan gumazamizibar
akuraghti me deravira ikiti, Jekopin
ovaviba bar akuegham.
Guizbangira, Israelian naviba der-
agham.

15

God ifongezir arazir e damuamiba

Devit onger akar kam osiri.

1 O Ikiavira Itir God, tinara nin Dipenimin
ikiam?
Tinara mighsiar ni ua bagha inabazim
dapiam?

2 Gumazim, God ifongezir moghin biziba bar
dar gin ghua,
arazir aghuiba zurara dagh amua,
egha zurara uan navir averiamin
aven guizin akam ginighnigha
guizbangira migei,
a nin Dipenimin aven ikiam.

3 Gumazir kam, gumazir igharazibar zi-
abagh asighasizir puvati,
egha arazir kurabar uan namakabagh
amir puvati,
egha akar kinibar pura uan ro-
roabav geir puvati,
gumazir kamnang, a nin
Dipenimin aven ikiam.

4 Gumazir kam, akirim ragha God gasarazir
gumazamiziba, a bar men aghua,
egha gumazamizir Godin apengan ikia
an atiatiba, a men ziaba fe,
egha uan akar dikirizibar girara
ghua bizibagh ami.

Bizir kam osimtizir ekiam a daningti, a
nighnigh suam, a pura bizim.
A guizbangira uan akar dikirizir kamin
gin mangam.

Gumazir kamnang, a nin
Dipenimin aven ikiam.

5 Gumazir kam uan dagiaba amadima,
gumazir igharaziba pura da ini,
egha me ua da ikarvazir
dughiamin, a dagh isin ua
dagiataba isir puvati.

Gumazir arazir kuratam gamizir pu-
vatizitam kotiam gifarisi anepezeper
dagiaba a daningti,
a dagiar kaba inian marki.

Gumazir kamaghin amim,
a tugh gavgavigh irighan kogham.

16

*Gumazim nighnizir gavgavim ikia God
ko migei*

Devit onger akar kam osiri.
Onger akar kabar mam, me ziam Miktam, a
garisi.

1 O God, ni deragh na gehhuv egh nan gan.
Ki deraghvira ikiasa ni bagha iza nin
aven modi.

2 Ki kamaghin Ikiavira Itir God migia ghaze,
“Ni nan Ekiam.

Bizir aghuir ki datirighin itiba,
da nin agharimrama otifi.”

3 Godin gumazamizir nguazir kamin itiba,
me bar gumazamizir aghuiba.
Ki me ko ikiasa bar akonge.

4 Gumazamizir aseba bagha ivemara zuiba,
me osimtizir aviriba ateram.
Ki me ko uari akuv asebar ziaba fi,
asizibav sogh me ko ofa damuan aghua.

5 Ikiavira Itir God, nirara nana, bizir
igharaziba ua puvati.
Bizir ki oteveziba, ni da na ganidi.
Ezi nan ikirimirim nindafarimin
iti.

6 Ki bizir aghuiba nindafarimin da ini.
Bar guizbangira, bizir kaba da bar
guizbangira dera.

14:6: Onger Akaba 9:9; 142:5 **14:7:** Jop 42:10; Onger Akaba 53:6; 126:1 **15:1:** Onger Akaba 23:6; 24:3; 27:4;
61:4 **15:2:** Aisaia 33:15; Sekaraia 8:16; Efesus 4:25 **15:3:** Ua Me Ini 23:1; Onger Akaba 28:3; 50:20 **15:4:** Josua
9:18-20; Gumazir Dapaniba 11:35; Aposel 28:10 **15:5:** Godin Araziba 16:19; Esekiel 18:8 **16:1:** Onger Akaba 7:1;
17:8 **16:3:** Onger Akaba 101:6; 119:63 **16:4:** Josua 23:7; Onger Akaba 32:10; 106:37-38 **16:5:** Onger Akaba
23:5; 119:57; 125:3 **16:6:** Jeremaia 3:19 **16:7:** Onger Akaba 73:24; 77:6

7 Ikiavira Itir God nan sure gamima, kamaghin ki an ziam fe.

Nan navir averiam dimagaribar nan sure gamima,

 ki datirighin deraghavira
 nighnigha bar bizibagh fo.

8 Ki fo, Ikiavira Itir God zurara nan boroghira iti.

A bar roghira ikia gavgavim na ganidima,

 ki atatiava agoir puvati.

9 Kamaghin nan navir averiam bar akonge.

Ezi nan duam bar akonge.

Ezi nan mikarzim bar bizitamin atiatir puvati.

10 Ki fo, ni na ateghti ki Gumazamizir Oveaghuezibar Nguibamin magiran kogham.

Ni gumazir ua baghavira inabazim ateghti,

 a mozir konimin iki kurighan kogham.

11 Ni uabi ikirimirir aghuarim iniamin tuavim nan akagha gifa.

Ki nin damazimin ikiti, nan navir averiam agorogem bar a gizivagham.

Ki nin boroghira iki zurara bar akueghvira ikiam.

17

Arazir kuratam gamizir puvatizir gu-mazim, a God ko migei

God ko migeir migirigar kam, Devit an osiri.

1 O Ikiavira Itir God, ki nin damazimin dera, egha osimtizir me na gariziba bagha

 nin dia ghaze,

 ni na baragh nan akuragh.

Ki guizbangira ni ko migei,

 ni nan akuragh.

2 Guizin arazir gumazamiziba tuisizim, ni a gifo.

Kamaghin ni nan kotiamin nan akuragh.

3-4 Ni uabi nan navir averiam gifo.

Ni dimangan na bagha iza nan araziba tuisigha gifa,

 egha nan arazir kuratamin apizir puvati.

Gumazamizir igharaziba akar kurabav gei, ezi ki bar gavgavigha ghaze, ki akar kuratam mikiman kogham.

Ki nin Akar Gavgavimin suiraghya an gin gua,
 adariba ko midorozir arazibar gin zuir puvati.

5 Dughiabar zurara ni nan akakazir tuavimra, ki an gin zui.

Ki tuavir kam ategha pura tintinibar zuir puvati.

6 O God, ki fo, ki ni ko migeir migirigjaba ni da barasi.

Kamaghin amizi, ki nin dia ni ko migei.
Ki ni ko migeir migirigar kaba,
 ni kuarim atigh da baragh.

7 Ni uan apangkuvir arazir kam azenara anekagh,
 uan gavgavimin en akuragh.

Eghti e ni ko iki nin aven modoghti,
 apaniba e gasighasighan kogham.

8 Ni uabi uan damazir tuzim gehuva deragha an gari moghin,
 ni na gehuv deragh nan ganam.

Mati tuarir amebam uan nguziba akumakua uan avizimningin apengan me modi moghin,
 ni na avaragh na modogh.

9 Kamaghin gumazir kurar kaba na gasighasighan kogham.

Me datirighin bar nan apanim gamigha na okarigha gifa.

10 Me gumazamizir igharazibar apangkuvir nighnizitam tong bar men itir puvati.
Me akaba akara egh uarira uan ziaba fe.

11 Me datirighin nan diariba pegha iza bar na okarigha gifa.

Me na abiraghti ki magirasa dafariba na gasegha gifa.

12 Me mati laion asizim misuehti an aremeghasa,
 na bagha modogha mizua iti.

13 O Ikiavira Itir God, ni dikavigh izi.
Egh nan apanibav sogh bar me abinigh.

Ni uan midorozir sabam inigh egh gumazir kurar kaba ko misogh,
 men dafaribar ua na inigh.

14 O Ikiavira Itir God, ni uan gavgavir ekiamin nan akuraghti,
 gumazir kaba nan ikirimirir kam agivaghan kogham.

Nguazir kamin bizir gumaziba uari bagha akuviba,
 ni men dafaribar ua da inigh.

Ki fo, gumazamizir ni bar ifongeziba, ni men mitiriaba agefi.

Men boriba dagher aviriba iti.
 Ezi me uan ovavir borir gin otivamiba bagha bizir aghuiba arisi.

16:8: Onger Akaba 27:8; 73:23

16:8: Apostel 2:25-28

16:9: Onger Akaba 13:5; 30:12; 108:1

16:10: Onger

Akaba 49:15; 86:13; Apostel 13:35

16:11: Onger Akaba 36:7-8; 43:4

17:3-4: Onger Akaba 16:7; Sekaraia 13:9;

Malakat 3:2-3; 1 Pita 1:7

17:5: Onger Akaba 119:133

17:7: Onger Akaba 31:21

17:8: Godin Araziba 32:10;

Onger Akaba 91:1; 91:4; Sekaraia 2:8; Matyu 23:37

17:10: 1 Samuel 2:3; Onger Akaba 73:7

17:15: Onger Akaba

4:6-7; 16:11; 1 Jon 3:2

¹⁵ Eghiti kirara, ki gumazir nin damazimin derazim,
ki nin guamin ganam.
Ki dakuigh osegh dikavigh fogh suam,
ni na ko iti, egh ki bar akuegham.

18

Ikiavira Itir God en akurvazima, e uan apaniba abiri
(*2 Samuel 22:1-51*)

Devit a Ikiavira Itir Godin ingangarir gu-mazim, an onger akar kabar faragha zuir gumazim ginighnigha onger akam osiri.

Dughiar kam Ikiavira Itir God, Devitin apanim Sol ko apanir igharaziba da uam a ini. Ezi a bizir kam ginighnigha Ikiavira Itir God bagha onger akar kam gami.

¹ O Ikiavira Itir God, ni gavgavim na ganidi, ezi ki ni bagha bar ifonge.

² Ikiavira Itir God, a nan divazir bar gav-gavim min iti.

A nan dagiar ki aven uabi modimin min ikia, nan akuraghya nan apaniba da ua na ini.

Nan God, a dagiar ekiamin min iti, ezi ki uan apanibar ara ghua an modi.

A nan oramin min ikia na avara, ezi ki an uabi modi.

A nan akuragh nan ganamin gavgavim ikia, egha nan divazir bar gavgavimin min iti.

³ E Ikiavira Itir Godin ziam feka!
Ki an deima a nan akurazima, apaniba na gasighasighizir puvati.

⁴ Guizbangira, ki atam areme.

Ovevem benir gavgavimin min na iki-agharigha gifia,
Mati ongarim dikava dipiraghira, na avasava ami.

⁵ Ovevem bar na inizi ki Gumazimizir Oveaghuezibar Nguibamin magirasava ami.

Mati me nan suighasa azuazim agurazi, a nan suighasa iti.

⁶ Ki osimtzir ekiamin ikia egha pamten Ikiavira Itir Godin dei.

Ki uabin akurvaghosa uan Godin arai.

Ezi a uan Dipenimin ikia nan ararem barazima, an an kuarir torim giraghu.

⁷ Kamaghin amizi, a nan apanibar atari.
Egha mikimkizim gamizi an otogha, mighsiabagh inobaghnobasi.

⁸ Migharim Ikiavira Itir Godin atinimin otivaghiri,

ezi avim an akamin otivaghira bizir aviribar isi.

Egha mizariaba ira tintinibar zui.

⁹ God overiam kuigha izaghiri, ezi migharir piziba an dagarimningin apengan iti.

¹⁰ Mati a enselin bar gavgavim gaperazi, an a inigha izi.

Mati aminim avizimning ikia, God inigha bar atamra izi.

¹¹ An aminirbirim gamizi an anevvara.

Mati a purirpenimin aven modoghav itima, amozimin miturir piziba anevvara.

¹² A ghuardiar pizibagh amizi, angazangarim bar da avarazi,

onimarin ko amozir ofizir ekiar dagiabar min gariba, ghuardiar pizir kam abigha azenim giri.

¹³ Ikiavira Itir God uan Nguibamin ikia tiarim akara pamten dagarvusi.

Godin Bar Pin Itim uan akam akarizi, an akaba mati onimarin ko amozir ofizir ekiar dagiabar min gariba daghira izaghiri.

¹⁴ An onimaribagh amizi, da mati an barir aviba,

an apanibagh asavamadi, ezi me tintinibar ara zui.

¹⁵ O Ikiavira Itir God, ni men atarir adarir kam,

mati aminir ekiam nin atinimin otogha me giva me munamadi.

Nin adarir kam ongarim gamizi, a bar misingi, ezi bizir nguzair mingarimin suiraziba bar azenim gire.

¹⁶ Ikiavira Itir God pin ikia uan agharim amadazi,

a izaghira nan suiraghna na gekui.
An ongarir bar konimin uam na inigha azenim gati.

¹⁷ Dughiar kamin nan apaniba bar gavgavigha na abinasava ami.

Ezi Ikiavira Itir God men dafaribar ua na ini.

¹⁸ Ki dughiar kuramit itima nan apaniba iza na ko misosi.

Ezi Ikiavira Itir God na gehuva nan gari.

¹⁹ A deravira nan gara nan akurazi, ki danganir aghuimin ikia deravira iti.

A bar guizbangira na gifonge, egha kamaghin a ua na ini.

²⁰ Ki arazir aghuimin gin zui.

- Ezi bizir kam bagha Ikiavira Itir God
bizir bar aghuir aviribar na gami.
Ki Godin damazimin zue,
ezi a ivezir aghuim isa na ganidi.
21 Ikiavira Itir God, a nan God.
Ki akirim ragha a gasarazir puvati.
Ki guizbangira an Akar Gavgavibar
gin zui.
- 22 Ki zurara bizir a damuasa e
mikemezibagh nighnisi.
Egha ki arazir a ifongeziba batoghezir
puvati.
- 23 A fo, ki an damazimin osimtiziba puvati.
Ki guizbangira arazir kurabar uabira
uabi geghuva ua bagha gari.
- 24 Ki Ikiavira Itir Godin damazimin zuegha
iti.
Kamaghin a nan arazir aghuir kamin
ganigha,
a ikaragha arazir aghuimin na
gami.
- 25 Ikiavira Itir God, gumazir ni ataghizar
puvatizim,
ni uaghan an ataghizar puvati.
Gumazir nin damazimin derazim,
ni uaghan arazir aghuim an akakasi.
- 26 Gumazir nin damazimin zuezir araz-
ibagh amim,
ni uaghan uan arazir zuezibar an
akakasi.
Eighti gumazir arazir kuramin gin zuim,
ni uaghan arazir kuramin a ikarvusi.
- 27 Gumazamizir uari abiriba, ni men akur-
vasi.
Gumazamizir uari pirafiba, ni me abiri.
- 28 O Ikiavira Itir God, ni nan God, ni
angazangarim na ganidi.
Egha na da mitarmem batosi.
- 29 Ki nin gavgavimin uan apanibav sogham.
Ki uan Godin akurvazimin, apanibar
divazim ikiavkinigh me abiraghama.
- 30 Godra, an araziba da guizbangira egha
bar aghungi.
A bizitam damusi akam akirigh, egh an
a damuam.
- An oramin min iti,
eghti gumazitam a bagh izi an aven
modogh nighnizir gavgavim an iki,
gumazir kam deraghvira ikiam.
- 31 Ikiavira Itir God, a bar guizbangira God.
A bar uabira dagiar ekiamin min ikia e
apasa.
- 32 Godra nan daroribar na akumakui,
egha gavgavim na ganiga deragha nan
garima,
- ki zui.
33 A nan suemning gamizi, ki asizir atiabar
min,
mighsiabar pin mar deraviram arui.
- 34 A midorozir arazibar nan sure gamizi,
nan agharimning barir pir me ainin
ingarizim, gekuamin gavgavim iti.
- 35 O God, ni uan oram na ganingizi, ki an
girakirangin modozi, ni nan apanibar
dafaribar ua na ini.
Ni uan gavgavim nan akura.
Ni nan dimdiambaregha nan akurazi,
ki gumazamizibar damazimin ziar
ekiam iti.
- 36 Ni bar tuivar aghuim na ganingizi ki an
ghua,
apighsigha irizir puvati.
- 37 Ki uan apanibar agintighavira ikia ghua,
men suragha me gasighasigha bar me
agifa.
- 38 Ki me gasezi me kuabara ira,
nan dagarimningin apengara ira ua
dikavasava amuava avenge.
- 39 Nirara midorozim damuasa gavgavim na
ganangi,
ezi ki me misogha me abirazi,
me nan dagarimningin apengan
iti.
- 40 Ni nan apanibagh amizi,
me akiribagh ighhega na gasegha uam
are.
Gumazir na gifongezir puvatiziba,
ki bar me gasighasiki.
- 41 Gumazir kaba uarir akurvaghaha diava
arai,
ezi men akurvaghamin gumaziba pu-
vati.
Me Ikiavira Itir Godin diava arai,
ezi a men dimdiaba barazir puvati.
- 42 Ki bar me gasighasighizi,
me mati aminim nguazir minemeniam
giveragh ghu.
Ki me dikabira me abini,
mati ki tuavimin nguazir beghneaziba
dika zui.
- 43 Ni gumazir na gasighasizibar dafarimin
uam nan akura.
Ni na gamizi, ki Kantrin Igharazibar
Gumazamizibar dapanimin oto.
Gumazamizir ki fozir puvatiziba,
ni men kantriba na ganingizi, ki dagh
ativagha dar gari.
- 44 Kantrin Igharazibar Gumazamiziba kam-
aghin na baregha zuamira iza,
nan guamin uan teviba apirigha nan
akam barasi.
- 45 Men gavgaviba bar givazi,

me nirizim ko agorogem sara na bagha
izi.

⁴⁶ Ikiavira Itir God, a zurara ikia mamaghira
iti.

A dagiar ekiamin min na modozi ki an
apazangin itima a na gehufi,
kamaghin amizi, ki ziar ekiam a
daningam.

God nan akurvazimin ikia ua na inizi,
kamaghin, ki an ziam fam.

⁴⁷ Nan apaniba na gamizir arazir kuraba,
Godra ua da ikarvasi.

A Kantrin Igharazibar Gumazamiziba
isa nan apengen me ati.

⁴⁸ A nan apaniba da ua na ini.

Bar guizbangira, Ikiavira Itir God,
ni nan apanibar damazibar ziar ekiam
na ganungi.

Ni nan akurazi,
midorozir gumaziba na misoghezi ki
aremezir puvati.

⁴⁹ Kamaghin amizi, Ikiavira Itir God,
ki Kantrin Igharazibar Gumazamizibar
tongin iki nin ziam fi,
onger akar nin ziam feba bangam.

⁵⁰ Ki Devit, Ikiavira Itir God atrivimin ikiasi
na ginabagha na amisefe.

A nan akurvazima, ki uan apanibav
sogha me abiri.

A zurara nan apangkuva mamaghira iti.
Nan gin otivamin ovavir boriba,

a kamaghira me damu mangivira
ikiam.

19

*God ingarizir biziba, an ziar ekiam en
akaksi*

Devit onger akar kam osiri.

An onger akar kabar faragha zuir gumazim
ginighnigha onger akam osiri.

¹ Overiam Godin gavgavir ekiam ko ziar
ekiam en akaksi.

Bar guizbangira, bizir pin itiba, da an
gun e gehgara ghaze,
a bar deragha dar ingari.

² Arueba zurara sigha gara, bizir kamin gun
migei.

Ezzi dimagariba uaghanhizibar kamin en
akakgha ghuavira iti.

³ Aruem ko dimagarim mikimamin akaba
puvatigha migeir puvati.

E aningin migirigiataba barazir puvati.

⁴ Ezzi e aruem ko dimagarimin gara fofoziba
isi.

Akam inigha izir gumazibar akatoribar
otivir migirigia,

da ghua nguazir kamin nguibaba bar
dar otozi,
gumazamiziba bar, men kuariba
da baraki.

Overiamin pin, God aruem bagha
purirpenir mamin ingari.

⁵ Aruem otogha anaga,
mati gumazim amuimin ikiasa bar
akuegha, a itir danganim ategha
azenan izi.

Aruem anaga,
mati gumazir gavgavim itim
pamtem ivemara bar akonge.

⁶ Aruem dikavigha overiamin miriamin
anagava otogha
ua vongin uaghiri.

Ezi biziitam an fefer gavgavir
kamin modoghan kogham.

⁷ Ikiavira Itir Godin Araziba, da bar
guizbangira,
egha ikirimir aghuim e ganidi.

E nighnizir gavgavim Ikiavira Itir Godin ak-
abar ikiam.

Ezi fofoziba puvatizir darasi,
a fofozir aghuim me ganidi.

⁸ Ikiavira Itir Godin akaba bar deravira en
sure gami.

An akar kaba en sure damuti, e
uan navir averiabar da bagh bar
akuegham.

An Akar Gavgaviba angazangarim e ganidi,
egha fofozir bar aghuim en
nighnizibagh ariki.

⁹ Ikiavira Itir Godin atiatia an apengen itir
arazim,
a bar deragha zuegha ikia mamaghira
iti.

Bizir Ikiavira Itir God damuasa
mikemezibar arazim,
a bar guizbangira deragha voroghira
zui.

¹⁰ Godin akam bar deragha bar gol gafira.
E fo, gumaziba gol tuema, a isigha golin
aghuiimram oto.

Guizbangira, Godin akam,
golin isigha bar derazir avirim gafira.
Godin akam bar isingi, egħha hani gafira.
A guizbangira bar hanin isingizim
gafira.

¹¹ Ki nin ingangarir gumazim.
Nin akaba fofozim na ganidi,
ki dar gin zuima,
nan dabirabim bar dera.

¹² Tinara ubi uan osimtziz an itibagh
fogham?

18:47: Onger Akaba 94:1 **18:49:** Rom 15:9 **19:1:** Onger Akaba 8:1; 50:6; Rom 1:19-20 **19:4:** Rom 10:18

19:6: Onger Akaba 113:3 **19:7:** Onger Akaba 119:130 **19:8:** Onger Akaba 12:6; 36:9; 119:128 **19:9:** Onger

Akaba 119:138; 119:142 **19:10:** Onger Akaba 119:72; 119:103; 119:127 **19:11:** Onger Akaba 17:4 **19:12:**

Onger Akaba 40:12; 51:1-2; 90:8

O Ikiavira Itir God, arazir kurar ki amizir maba, ki dagh fozir puвати.
Ni nan arazir kurar kaba batuegти,
ki nin damazimin zuegham.
13 Ki nin ingangarir gumazim, ni bar deragh na ggehuv nan ganti,
ki ubai fer arazim ko akaba batozir arazir kuram,
bar na gativaghan marki.
Kamaghin ki arazir kuratam damuan koghiva,
deravira ikiti osimtiziba nan putatigham.
14 O Ikiavira Itir God, nan ifongiam kamakin,
ni nan migirigiba ko nan navir averiamin aven itir nighnizibagh fogh dagh ifuegham.
O Ikiavira Itir God, ni nan dagiar ekiamin min itima, ki nin aven uabi modi.
Ni nan Akurvazir Gumazimra!

20

*Gumazim uabin akuragh midorozim
damuasa God ko migei*
Devit onger akar kam osiri.
A gumazir onger akabar faragha zuim ginighnigha an osiri.
1 Ni osimtizim ikiamin dughiamin, Ikiavira Itir God nin dimdiam ikaragh nin akurvaghram.
A en ovavim Jekopin God, a ni ggehuv nin ganam.
2 A Saionin Mighsiamin ikia uan Dipenimin iti,
egh a uan akurvazim ni bagh anemadagh gavgavim ni daningam.
3 Ofan ni a bagha amiba, a bar dagh nighnigh,
egh nin ofan bar isia mighiribagh ifuegham.
(Ighiam gamua an suiam atugha avughsegha ua ighiam gami.)

4 Ni bizir tizim gifuegha navim a bagha ni dikafi,
God a isi ni daningam.
Bizir ni damuasa nighniziba,
a dar amighti da bar otivigham.
5 Ni uan apanibav sogh me abiraghti,
e bizir kam bagh bar akuegham.
E bizir kam ginighnigh uan Godin ziam fam.
E ghaze, ni Ikiavira Itir Godin azangsizir biziiba,
an ada ikaragh da isi ni daningam.

6 Ki datirighin fo, Ikiavira Itir God,
uabi uan atrivir a ua baghavira misevezir kam, an an akurvasti.
A uan Nguibar aghuimin ikia, an azangsiziba barasi.
Egha uan gavgavim an akurvazima, a midorozim uan apaniba abiri.
7 Gumazir maba nighnizir gavgavim uan midorozir karisbar ikia ghaze, da men akurvaghram.
Ezi marazi nighnizir gavgavim uan hoziabar ikia ghaze, da men akurvaghram.
Ezi eia, e nighnizir gavgavim uan Ikiavira Itir Godin ziamin ikia kamaghin fo, a en akurvaghram.
8 Gumazimizir kamaghin amiba, me asaghpora ira bar puvarisi.
E puвати.
E dikavigh tuivigh gavgavigham.
9 O Ikiavira Itir God,
ni atrivimin akuraghti a uan apaniba abinigh.
E nin deir dughiabar, ni en dimdiam ikaragh en akuragh.

21

God atrivimin akurazi, an an ziam fe
Devit onger akar kam osiri.
A gumazir onger akabar faragha zuim ginighnigha an osiri.
1 O Ikiavira Itir God, ni gavgavim isa atrivim ganingizi, a bizir kam bagha bar akonge.
Ni a gamizi, a uan apanibav sogha me abira,
bizir kam bagha a guizbangira bar akonge.
2 Bizir a uan navir averiamin ifongeziba ni a ganigha gifa.
Bizir a iniasi nin azarazir kam, ni an anogoroghezir puвати.
(Ighiam gamua an suiam atugha avughsegha ua ighiam gami.)
3 Ni a bagha iza bizir aghuiba isa a ganiga, atrivimin dapanir asuar me golin aghuimin ingarizim isa, an dapanim garu.
4 A ikirimirir aghuim bagha nin azarazima, ni a isa a ganingi.
Guizbangira, ikirimirir a ikiamin dughiaba, da bar ruaragh iki, mamaghira ikiam.
5 Ni an akurazima, a gavgavim ko ziar ekiam iti.

- Ni ubi gavgavir ekiam ko ziar ekiar kam a ganigi.
- ⁶ Bar guizbangira, ni bar deraghavirama a gami, egh ni deraviram a damu kamaghira ikiam.
- Ni an boroghira ikiti, a bizi kam bagh bar akuegham.
- ⁷ Atrivim nighnizir gavgavim Ikiavira Itir Godin iti.
Godin Bar Pin Itir kam, an apangkuvighavira iti,
kamaghin atrivim tugh gavgavigh mamaghira ikiam.
- ⁸ Ni uan agharimin uan apanibar suigham. Ni uan aghairir guvimin, ni gifongezir puvatizir darazir suigham.
- ⁹ An azenaram otogh izamin dughiamin, avim bizibar isia da gevi moghin, a me agivagham.
- Guizbangira, Ikiavira Itir God puv men ataram, mati gumazim bizim tuvaremezi a bar iraghuzi moghin, God me agivagham.
An aningagharim avimin min men isi bar me gasighasigham.
- ¹⁰ Ni, men ovavir borir nguazir kamin gin otivamiba, ni bar me misueghti me arimighireham.
Eighti men boritam ua nguazir kamin ikian kogham.
- ¹¹ Me arazir kuratabar pazi ni damuasa, nighnigha akam akirigha gifa.
Eighti men nighnizir kam, a dagheba puvatigham.
- ¹² Guizbangira, ni uan bariba men guamin dagh asavamangiti, me raghiregh ari mangeham.
- ¹³ O Ikiavira Itir God, ni dikavigh uan gavgavim sara iziti, e ighiaba bangi nin gavgavir ekiam fam.
- 22**
- Gumazim osimtizim ikia akurvazim bagha dia, egha ighiam banga God minabi Devit ighiar kam osiri.
- Gumazir onger akabar faragha zuim gumazamizibav kemezi me tiarir kamin ighiam bange, "Mizarazimin asizir dian amebam."
- ¹ O nan God, nan God, ni tizim bagha na ataki?
- Ni manmaghsua saghon ikia nan ararem baragha
nan akurvaqhan aghua?
- ² O nan God, ki aruebar nin deima, ni na barazir puvati.
Ki dimagaribar nin azangsighavira ikia tong avughsir puvati.
- ³ Ezi nirara bar deragha zuegha, arazir aghuibaram amua, uan atrivir dabirabim gaperaghav itima, Isaelia nin ziam fe.
- ⁴ Fomira en ovaviba nighnizir gavgavim nin iti.
Me nighnizir gavgavim nin itima, ni men akurazi, men apaniba me abirazir puvati.
- ⁵ Me nin diava araima, ni men akuragha ua me ini.
Ezi nighnizir gavgavir me nin itir kam, a pura ghuzir puvati.
- ⁶ Ezi kirara, ki gumazim puvati, ki pura apizir kuramin min iti.
Gumazamiziba bar nan atara na dipova na dikabira, akiriba igha na gasi.
- ⁷ Gumazamiziba bar nan gara akaba na gasa, mizeba onga na garigha uan dapaniba roi.
- ⁸ Me ghaze, "Ni nighnizir gavgavim Ikiavira Itir Godin iti.
A manmaghsua nin akuragha ua ni inizir puvati?
God ni gifongegha ni bagha bar akonge, egha manmaghsua a nin akurazir puvati?"
- ⁹ O God, ni nan amebamin navir averiamin na inigha azenan na atizi, ki uan amebamin otem apavira itima, ni na gehhuva deragha nan gari.
- ¹⁰ Nan amebam na batezir dughiamin iza datirighin, ki nighnizir gavgavim nin iti.
Nan amebam na batezir dughiamra, ni nan Godin iti.
- ¹¹ Osimtizim bar nan boroghin izegha givazi, nan akurvaghamin gumaziba puvati.
Kamaghin amizi, ni nan saghon ikian marki!
- ¹² Nan apanir aviriba bulmakaun apuribar min na ekiarughha gifa.

Me mati, Distrik Basanin bulmakaun gavgaviba.
 13 Me, laion uan akam akara asizibav sogha dagh asighasizi moghin, me na gasighasighasava ami.
 14 Nan gavgaviba bar gifa, mati me dipam nguazim gingezi a ghua pura gifa.
 Nan namnamin aghariba bar nan apunapuni.
 Kendel purama emira uaghiri moghin, nan navir averiam purama amiragh uaghiri.
 15 Nan kuarmizim miner bighizir mamin min na misingi.
 Ezi nan mizem izza nan akatorimin aven pura itoroghav iti.
 Ni na ataghizi,
 ki nguazir minemeniamin min irighav ikia bar ovengasava ami.
 16 Gumazir kuraba bar na ekiarughha gifa, mati afiabar bar asizim okarigha gifa.
 Me nan suemning ko dafarimning ginivaghasi.
 17 Nan aghariba bar azenim girezi, gumazir kaba nan ganigha na dipova bar akonge.
 18 Me nan korotiaba tuiragh uarira uari daningasa, da bagha satu gikararai.
 19 O Ikiavira Itir God, ni nan saghon ikian marki.
 Ni nan Akurvazir Gumazim, ni zuamira izi nan akuragh.
 20 Ni nan akuraghti men midorozir sabam na atughan kogham.
 Ni nan akuraghti, gumazir afiabar min itir kaba na misuegħti ki aremegħan kogham.
 Ki angamira ikivira ikiam.
 21 Laionba asizir atiabav sogha da api moghin, me na agivasa.
 Egha bulmakaun atiabar min uan kombar na ginivasa.
 Kamaghin amizi, ni nan akuragh men dafariba da ua na inigh.
 22 Ki uan adarazir tongin iki nin ziamin gun me mikimam.
 Gumazamiziba uari akuvamin danganimin,
 ki men tongin iki nin ziam fam.
 23 Ki kamagh mikim suam,
 “Ta Ikiavira Itir Godin atiata an apengan iti darasi, ia an ziam fi.

Ia Jekopin ovavir boriba, ia ziar ekiam a daning.
 Ia Israelia, ia an damazimin tugh an ziam pirafi.”
 24 Gumazamizir organaraziba, a men osimtizibar gara pura da ataghirazir puvati.
 A kamaghin migeir puvati, men osimtiziba pura biziba.
 A men sagħon itir puvati.
 A men azangsiziba barasi.
 25 Gumazamiziba uari akuvagh nin ziam famin dugħiġi,
 ki ni amizir biziba bagħi nuziżi.
 Egh gumazamizir nin atiata nin apengen itibar damazimin,
 ki fomira nin ofa damuasa akam akirizir biziba,
 ki ni bagħi dar damuam.
 26 Gumazamizir organaraziba, me damasa ifongezi moghin, dami bar izi vagħi ikiam.
 Gumazamizir Ikiavira Itir Godin borogħin zuiba, me an ziam pirafi.
 Men naviba amiragh deraghvira iki mamaghira ikiam.
 27 Nguazimin itir ikiziba bar, me Ikiavira Itir God ginighnigh, a bagħi izi an guamin teviba apirigh an ziam fam.
 28 Me fogħ suam,
 Ikiavira Itir God atrivimin ikia, kantriba bar dar gumazamizibagh gatvagħha men gari.
 29 Bar guizbangira, gumazamizir uarira uari feba, an guamin teviba apirigh an ziam fam.
 Egħi gumazamizir ovengasava amiba, me bar Godin guamin teviba apirigh an ziam pirafam.
 30 Gumazamizir ġin otivamiba, Ekiamin ingangarim damuam.
 Gumazamiziba, uan ovavir borir ġin otivamiba,
 me an akamin gun me mikimam.
 31 Gumazamizir men amebaba tighar me batamiba, me ġin otivighti, me me mikim suam,
 “God uabi uan gumazamizibar akuragħha ua me ini.”

23

Ikiavira Itir God, a na għeħuvir gumazim Devit iħġiars kam osiri.

1 Ikiavira Itir God, a gumazir deragha uan sipsipbagh eghuva dar garimin min iti.

Kamaghira, a deragha na gehuva nan gari.

Kamaghin ki bizitamin otevezir puvati.

2 A na inigha ghua grazir aghuiba itir danganimin na atizi, ki dagh isin irav iti.

A na inigha dipar aghuiba itir danganibar zuima, ki dar boroghin avughsa iti.

3 A gavgavir igiam na ganidi.

A fomira uan ziar ekiam bangin mikemezi moghin, a na inigha tuavir aghuibara zui.

4 O God, ni na ko iti.

Kamaghin, ki danganir zarimin mangiva ovevemin tuavir mitarmemin mangi, egh bizir kurabar atiatingan kogham.

Ni uan asadivir aghorir sipsipbagh eghuvimin suirazi, ki an gara fo, ni na geghuv deragh nan ganam.

Kamaghin, nan navim bar nan dera.

5 Ni na bagha daghem gamigha azenara na dafazi, nan apaniba bar nan gari.

Ni nan diazi ki iza ni ko aperazi, ni borem isa nan dapanim ginge. Ezi nan itarim bar izivagha fasfaghira iri.

6 Bar guizbangira, nin arazir aghuim ko apangkuvir arazim, dughiabar zurara na ko ikiam.

Eghti ki Ikiavira Itir Godin Dipenimin iki mamaghira ikiam.

24

God a bar atrivir ekiam

Devit onger akar kam osiri.

1 Nguazir kam ko an itir biziba bar, da bar Ikiavira Itir Godin bizibara.

Ezi nguazimin itir gumazamiziba bar uaghan an bizibara.

2 An ongarir konibar aven mati akinir guariba asegha, nguazimin ingarigha a isava dipar kabagh isin anefazi a bar gavgafi.

3 Tinara Ikiavira Itir Godin mighsiamin ghuavanangam?

Tinara an Dipenimin aven mangam?

4 Gumazamizir kamagh amiba, merara an aven mangam.

Men navir averiaba ko, me amir araziba ko, nighniziba zue,

egha asebar ziaba fer puvatigha, igharaz darazi ko akam akrigha egha gin me gifarir puvati.

5 Kamagh amir darasi, Ikiavira Itir God deragh me damu, ua me inigh men akuragh me dipon suam,

me nan damazimin dera, egha osimtiziba puvati.

6 Gumazamizir kamagh amiba, kar me God buri.

Me Jekopin Godin boroghira ghua a baghavira iti.

(Ighiam gamua an suiam atugha avughsegħha ua iħġiem għami.)

7 Ia tiar akaba, ia uari kuighiregh!

Ia tiar akar fomira itiba, ia bar arokegh. Eghti Atrivir Gavgavir Bar Ekiam Itim aven izam.

8 Atrivir Gavgavir Bar Ekiam Itir kam, a tinara?

A Ikiavira Itir God uabi.

A gavgavir bar ekiam ikia uan apanibav sogħha me abiri.

9 Ia tiar akar ekiaba, ia uari kuighiregh! Ia, tiar akar fomira itiba, ia bar arokegh.

Eghti Atrivir Gavgavir Bar Ekiam Itim aven izam.

10 Atrivir Gavgavir Bar Ekiam Itir kam, a tinara?

Ikiavira Itir Godin Gavgaviba Bar Itim, a guizbangira Atrivir Gavgavir Bar Ekiam!

(Ighiam gamua an suiam atugha avughsegħha ua iħġiem għami.)

25

Gumazim, God an daroriba deragh dar ganiva a ko ikiasi, a God ko migei

Devit onger akar kam osiri.

1 O Ikiavira Itir God, ki datirighin uan navir averiamin aven nin ziam fava nin azai.

23:1: Onger Akaba 34:9-10; Aisaia 40:11; Jon 10:11; 1 Pita 2:25

Mogomem 7:17 **23:3:** Onger Akaba 5:8; 19:7; 85:13

23:5: Onger Akaba 78:19; 92:10; Luk 7:46

23:6: Onger Akaba 25:7; 25:10; 27:4-6; 2 Korin 5:1

19:5; Godin Araziba 10:14; Onger Akaba 50:12; 1 Korin 10:26

Onger Akaba 15:1 **24:4:** Onger Akaba 15:4; Aisaia 33:15-16; Matyu 5:8; 1 Timoti 2:8

105:4 **24:7:** Aisaia 26:2; Hagai 2:7; Malakai 3:1

23:2: Onger Akaba 36:8; Esekiel 34:14; Akar

23:4: Onger Akaba 16:8; 27:1; Aisaia 43:2; Maika 7:14

24:1: Ua Me In

19:5; Godin Araziba 10:14; Onger Akaba 50:12; 1 Korin 10:26

24:2: Onger Akaba 104:5; 136:6; 2 Pita 3:5

24:3: Onger Akaba 27:8; 105:4

25:1: Onger Akaba 86:4; 143:8

- 2 Ni nan God, ezi ki nighnizir gavgavim nirara iti.
O God, nan nighnizir gavgavir kam pura mangichti ki aghumsighanaghua.
- Ni nan akuraghti,
nan apaniba na abiragh na dipovan kogham.
- 3 Gumazamizir nighnizir gavgavim nin itiba,
apaniba me abin aghumsizim me danangan kogham.
- Gumazamizir pura nin akaba batoziba,
merara aghumsizim iniam.
- 4 O Ikiavira Itir God, ni uan arazir aghuiba
nan akakagh.
Egh tuavir ki mangamiba, ni dar nan
sure damu.
- 5 Ni nan God, ni nan akuragha ua na ini.
Kamaghin, ni uan guizin akamin
gin mangamin arazibar nan sure
damuti,
ki dughiabar zurara nighnizir gav-
gavim nin ikiam.
- 6 O Ikiavira Itir God, nin arazir aghuim ko
apangkuvir arazir ni e gamiba,
da fomira ikia iza datirighin iti.
Ni datirighin ua dagh nighnighiva
dar amu mangivira iki.
- 7 Ki uan igiamra ikiava amizir arazir kurabba, ko nan arazir akaba batoz-
iba,
ni dagh nighnighan marki.
- O Ikiavira Itir God, ni deragha na gamua bar
nan apangkufi,
kamaghin amizi ni na ginighnigh.
- 8 Ikiavira Itir God bar dera, ezi an araziba
bar guizbangira.
Kamaghin amizi, a gumazamizir arazir kurabagh amiba,
a uan arazibar gin mangasa men
sure gami.
- 9 Gumazamizir uari abira an apengan itiba,
a men faragha ghua tuavim men
akakazima, me arazir aghuibaram ami.
Egha arazir a ifongezibar men sure
gami.
- 10 Gumazim Ikiavira Itir Godin Akar
Dikirizir Gavgavim ko an Akar
Gavgavibar gin zuima,
an an apangkuvighavira iti.
- Egha a mikemezi moghira deragha bizibagh
amuua,
uan nighnizim gighavkirir puvati.
- 11 O Ikiavira Itir God, nan arazir kuraba bar
aviraseme.
Kamaghin, ni uan ziam bagh uan akar
dikirizim gin mangi,
nan arazir kuraba gin amadagh.
- 12 Gumazir Ikiavira Itir Godin atiatia an
apengan itiba,
Godra, a bagha atizir tuavir aghuim an
akaghti,
an an mangam.
- 13 Gumazir kam zurara dabirabir aghuim
inivira ikiam.
Eighti an ovavir boriba nguazir aghuir
kam inighti,
a men nguazim gavagh iki kam-
aghira ikiam.
- 14 Gumazamizir Ikiavira Itir Godin atiatia
an apengan itiba,
a men namakam gami.
- Egha uan Akar Dikirizir Gavgavim azenara
anekaza
me a gif.
- 15 Ki zurara uabin akurvaghosa Ikiavira Itir
Godin gara a mizuai,
ezi a bizir na gasighasighasava amibar
aven ua na isi.
- 16 O God, ki uabira ikia osimtizim aterima
nan gavgaviba bar gif.
Kamaghin amizi ni nan kuarkuvigh na
bagh izi.
- 17 Osimtiziba nan navimin aven ikia ekiva
ghuavira iti.
Ni nan akuraghti osimtizir kaba na
abinan marki.
- 18 Ni nan osimtiziba ko mizazibar gan,
egh nan arazir kuraba gin amadagh.
- 19 Ni ge, nan apaniba bar avirasemegha,
bar nan aghuaghia guizbangira nan
apanim gami.
- 20 Ni nan akuragh deragh nan ganti,
me na abinti ki aghumsighan kogham.
Nirara nan akurvasi,
ezi ki ni bagha iza nin aven modi.
- 21 Ni araziba dera, egha bar guizbangira.
Ezi ki nighnizir gavgavim nin ikia ni
mizua ghaze,
ni zurara na ggehuv deragh nan
gan.

25:2: Onger Akaba 31:1; 41:11 **25:3:** Aisaia 49:23
40:1; 43:3; 79:9 **25:6:** Onger Akaba 98:3; 103:17 **25:7:** Jop 13:26; Onger Akaba 31:19; 51:1
Akaba 32:8; 86:5; 92:15 **25:9:** Onger Akaba 23:3; 27:11
34:9; Onger Akaba 79:9 **25:13:** Onger Akaba 69:36; Aghuzir Akaba 1:33; Jeremaja 23:6
29:4; Aghuzir Akaba 3:32 **25:15:** Onger Akaba 123:2; 124:7 **25:16:** Onger Akaba 69:16; 143:4
Akaba 40:12; 107:6 **25:18:** Onger Akaba 31:7; 103:3 **25:19:** Onger Akaba 3:1-2; 9:13 **25:21:** Onger Akaba
41:12 **25:22:** Onger Akaba 130:8

25:4: Onger Akaba 27:11; 86:11 **25:5:** Onger Akaba
40:1; 43:3; 79:9 **25:6:** Onger Akaba 98:3; 103:17 **25:7:** Jop 13:26; Onger Akaba 31:19; 51:1 **25:8:** Onger
Akaba 32:8; 86:5; 92:15 **25:9:** Onger Akaba 23:3; 27:11
34:9; Onger Akaba 79:9 **25:13:** Onger Akaba 69:36; Aghuzir Akaba 1:33; Jeremaja 23:6 **25:14:** Jenesis 17:1; Jop
29:4; Aghuzir Akaba 3:32 **25:15:** Onger Akaba 123:2; 124:7 **25:16:** Onger Akaba 69:16; 143:4 **25:17:** Onger
Akaba 40:12; 107:6 **25:18:** Onger Akaba 31:7; 103:3 **25:19:** Onger Akaba 3:1-2; 9:13 **25:21:** Onger Akaba

22 O God, ni uan gumazamiziba Israelia ua
me inighti,
osimtizir kaba ua me abinan kogham.

26

*Arazir kuratam itir puvatizir gumazim
God ko migei*

Devit onger akar kam osiri.

1 O Ikiavira Itir God, ki nighnizir gavgavim
pamtem nin iti,
egha nin damazimin arazir kuratam
gumazir puvati.
Kamaghin, ni nan gun mikim suam,
ki gumazir aghuim.

2 O Ikiavira Itir God, ni bar nan araziba ko,
nan nighniziba ko, nan navim tuisigh
ingangarim na danigh,
deragh na gifogh.

3 Guizbangira, nin apangkuvim nan faragha
ghua tuavim nan akaksi.
Ni na mikemezi moghira deragha biz-
ibagh amua zurara nan faragha zui,
ezi ki zurara nin guizin arazimin
gin zui.

4 Ki ifavaribagh amir gumazamiziba ko
arua
me ko apiav itir puvati.

5 Ki gumazamizir arazir kurabagh amibar
gin daruan bar aghuagh
me gitavirasi.

6 O Ikiavira Itir God, ki uan dafariba ruegha
kamagh uabi akaghah ghaze,
ki osimtiziba puvati.

Egha ki izi nin ofa gamir dakozir miriamin
arua
nin ziam fe.

7 Ki ni minabava ni bagha onger akar mam
banga
nin ingangarir bar aghuir ni amizibar
gun migei.

8 O Ikiavira Itir God, Dipenir ni itim ki bar a
gifonge.
Danganir kam, ni angazangarim ko
gavgavir ekiam bar a gizivagha iti.

9 Ki fo, mati amizim uan dipenim bar anevia
ghuzi moghin,
ni gin gumazamizir arazir kurabagh
amiba avigh mangi
na sara inigh mangan marki.
Egh uaghan gumazir gumazibav sozi
me ariaghiriba,

ni me sara na gasighasighan ki
aghua.

10 Gumazamizir kaba,
me zurara arazir kurabar amusasavira
ikia,
egha dagiaba isa arazir kurabar
amusaa gumazir igharazibagh
ivesi.

11 Ezi ki uabi, ki nin damazimin arazir ku-
ratam gamizir puvati.

Eghti ni nan kuarkuvigh ua na inigh.

12 Ki nguaizir aghuimra tuga gavgafi.
Bitezat na gasighasighsi damuva aveg-
ham.

Ki gumazamizir aviribar tongin iki,
egh Ikiavira Itir Godin ziam fam.

27

Godin ziam faya a ko migeir migirigiba
Devit onger akar kam osiri.

1 Ikiavira Itir God, a nan angazangarim ko
nan Akurvazir Gumazim.

Ezi ki gumazitamin atiatangan kogham.
Ikiavira Itir God, a dipenir gavgavim min
na modogha na geghuva nan garima,
ki atiatir puvati.

2 Mati afiam asizimin tuzibar amasava ami
moghin,
nan apaniba na gasighasighsi iziva,
bizibagh asaghpor iregham.

3 Midorozir gumazir aviriba bar na
ekiarughamin dughiamin, ki atiatin-
gan kogham.
Nan apaniba na ko misoghsı izamin
dughiamin,
ki nighnizir gavgavim Godin iki egh
tugh gavgavigham.

4 Ki bizir vamira bagha Ikiavira Itir Godin
azaraghah gifa.

Bizir ki bar ifongezimra kara:
ki angamira itir dughiamin, ki an
Dipenirramra aven ikiam.

Ki an ganganir aghuimin gan an boroghin
iki bar akeughasa.

Ki an Dipenirram iki a baghvira ikiva an
nighnizim gifofoghsı an azangam.

5 Eghti osimtiziba otivamin dughiamin
a uan Dipenirram bar deravira na
modogham.

A na isi uan Purirpenimin aven na
modogham.
A na isi dagiar gavgavim pin mar na
afagham.

26:1: 2 Atriviba 20:3; Onger Akaba 28:7; Aghuzir Akaba 20:7

26:2: Onger Akaba 17:3; 139:23; Sekaraia 13:9

26:3: 2 Atriviba 20:3 **26:4:** Onger Akaba 1:1

26:5: Onger Akaba 1:1; 31:6; 139:21-22 **26:6:** Onger Akaba

73:13 **26:9:** 1 Samuel 25:29; Onger Akaba 28:3

26:10: Godin Araziba 16:19; 1 Samuel 8:3; Aisaia 33:15 **26:12:**

Onger Akaba 22:22; 40:2; 107:32 **27:1:** Onger Akaba 118:14; Aisaia 33:2; 60:20; Maika 7:8

27:2: Onger Akaba 9:3; 14:4 **27:3:** Jop 4:6; Onger Akaba 3:6 **27:4:** Onger Akaba 18:6; 23:6 **27:5:** Onger Akaba 17:8; 31:20; 40:2;

50:15 **27:6:** Onger Akaba 3:3; 107:22

6 Nan apanir na okarigha itiba, ki bar me abiraghām.

Egh bar akongegh dimiva arang an Purirpenimin a bagh ofa damuam.
Egh onger akabar amu Ikiavira Itir Godin ziam fam.

7 O Ikiavira Itir God, ki nin deir dughiamin, ni nan kuarkuvigh nan migirigia
baragh na ikarvagh.

8 O Ikiavira Itir God, ni kamagh na migia ghaze,

Ni bar na nan boroghira izi na baghavira iki
na gifofoghs i nan azangsigh.”
Eighti ki ni ko ikisi bar nin boroghira mangam.

9 Ni uabi nan mongan marki.

Ki nin ingangarir gumazim, ni nan God,
nan Akurvazir Gumazim.

Ni dughiar aviribar nan akurvasi.

Ni nan atar nan aghuagh, egh na ataghiraghan marki.

10 Dughiar mabar nan amebam ko afeziam akirim na gasaragha nan aghuaghuaesi,
ezi ni Ikiavira Itir God, ni na gego
deragha nan gari.

11 O Ikiavira Itir God, ki damuasa ni ifongezir araziba, ni dar nan sure
damu.

Ki apanir aviriba iti,
kamaghin ni tuavir aghuimra nan
akaghti ki an mangam.

12 Ni na ateghti nan apaniba na inigh me ifongezir moghin na damuan marki.

Me akar ifavaribagh amua egha atia-
tim na ganidi.

13 Nighnizir gavgavir kam nan ikiavira
itima, ki kamaghin fo,
ki nguazir kamin angamira iki ganti,
God deraghvira uan gumazamiz-
ibar amuam.

14 Ni nighnizir gavgavim Ikiavira Itir Godin
iki a bagh mizuam.

Nin navim osiman marki.

Ni tugh gavgavigh mamaghira iki mangiti
a izi nin akuraghām.

28

*Gumazim uabin akurvaghaha God ko
migei*
Devit onger akar kam osiri.

- 27:7:** Onger Akaba 4:3; 13:3; 61:1 **27:8:** Onger Akaba 34:4; 105:4; Amos 5:6 **27:9:** Onger Akaba 6:1; 40:17;
69:17; 94:14 **27:10:** Aisaia 40:11; 49:15; Jon 16:32; 2 Timoti 4:16-18 **27:11:** Onger Akaba 5:8; 25:4; 86:11 **27:12:**
Godin Araziba 19:18; Matyu 26:60; Aposel 9:1 **27:13:** Jeremaia 11:19 **27:14:** Onger Akaba 62:5; Aghuzir Akaba
20:22; Aisaia 25:9 **28:1:** Onger Akaba 83:1; 88:4; 143:7 **28:2:** Onger Akaba 5:7; 138:2 **28:3:** Onger Akaba
26:9; 55:21; Jeremaia 9:8 **28:4:** 2 Timoti 4:14; Akar Mogomem 18:6; 22:12 **28:5:** Jop 34:27; Aisaia 5:12 **28:7:**
Onger Akaba 13:5; 18:2; 22:4 **28:9:** 1 Atriviba 8:51-53

1 O Ikiavira Itir God, nirara dagiar gav-
gavim min na modozi,
ki nin apazangin itima ni na ggehufi.

Ki uabin akurvaghisi nin dimamin
dughiamin,
ni gumazir kuarir organimin min na
baraghan koghan marki.

Ki ni ko migeir migirigia, ni da baraghan
koghti,
ki ti ovegh mangi Oveaghuezibar
Nguibamin mangigham.

2 Ni orakigh, ki uabin akurvaghisi uan da-
farimning fegh
nin Dipenimin akagh nin dimiva
arangti,
ni nan kuarkuvigh nan akuragh.

3 Gumazamizir arazir kurabagh amiba,
me akar isingtiziba uan namakaba ko
davgia, egha men navir averiaba bar
ikufi,
ni gumazir kamaghin amiba sara
na abiraghan marki.

4 Gumazamizir kamagh amiba, ni me amir
arazir kaba ikarvagh ivezir kuram
me daning.
Bizar kurar manam me a gami,
ni anarira ikaragh uam a isi
ivezimin min me daning.

5 Ikiavira Itir God me bagha amizir ingan-
garir ekiaba me dagh nighnizir pu-
vatigha ghaze,
a uan dafarimningin bizir ekiatam
gamizir puvati.

Kamaghin, a me gasighasigh bar
me kuavaremegham.

6 Ki Ikiavira Itir Godin ziam fe.
Guizbangira, ki uabin akurvaghaha a ko
mikemezi a na baraki.

7 Ikiavira Itir God uabi gavgavim isa na
ganiga,
nan oramin min ikia na modi.

Ezi ki nighnizir gavgavim an iti.
A nan akurvaghaha na gamima,
ki uan navir averiamin, a bagha
bar akuegha
onger akabagh amua a minabi.

8 Ikiavira Itir Godin gumazamiziba, a uabi
men gavgavim.
Egha attrivir a ua bagha inabazim,
a uabi a gego huva deragha an akur-
vasi.

9 O Ikiavira Itir God, ni uan gumazamizibar akuragh.

Kar gumazamizir ni ua baghvira in-abaziba,
ni deraghvira me damu.

Ni sipsipbar garir gumazimin min,
me inigh me ater mangi,
deragh men gan kamaghira iki.

29

Godin dimdiam, e aminim ko amozir ekiamin aven a barasi

Devit onger akar kam osiri.

1 Ia Godin Nguibamin itir enselin gavgaviba,
ia Ikiavira Itir Godin ziam fi.

Ia an gavgavim ko an ziar ekiam bagh
bar akongeht.

2 Ia Ikiavira Itir Godin ziar ekiamin gun
mikim.

Egh an damazimin zuegh iki an ziam fi.

3 Ikiavira Itir Godin tiarim ongaribagh isin
izima, da bar a barasi.

Godin Gavgavir Bar Ekiam Itim,
araribar min pamten dagarvasi.

An akam ongarimin danganiba bar
dagh isin pamten dagarvaghda da
avara.

4 Ikiavira Itir Godin dagarvaziba gavgaviba
dar iti.

A dagarvazima, gumazamiziba a
baraghha an atiatia an ziam fe.

5 Ikiavira Itir Godin dagarvazima,
an tiarim Lebanonin kantrin itir temer
sidaba apiragharsi.

6 A Lebanonin kantrin mighsiabagh amizi,
da bulmakaun nguzibar min uari
ekura uanaga izaghiri.

A Hermonin Mighsiam gamizi,
a bulmakaun apurir igiabar min uari
ekura uanaga izaghiri.

7 Ikiavira Itir Godin tiarim otiva
onimarim gamima a taghtasi.

8 Ikiavira Itir Godin tiarim,
a gumazamiziba puvatizir danganim
gamima, a nighava agoi.

Guizbangira, a Kadesin gumazamiziba pu-
vatizir danganim gamizi,
a puviria nighava agoi.

9 Ikiavira Itir Godin tiarim pamtem asizir
atiabagh amima,
da agoa otamin dughiaba ataghiragh
puram oti.

Ezi ruarin ter afarir angamtiziba
purama asiaghira iri.

Ezi Godin Dipenimin aven itir gumazamiz-
iba bar pamtem dia ghaze,

"God uabira gavgavim ko ziar ekiam
iti!"

10 Ikiavira Itir God uan atrivir dabirabim
gaperagha ongarir konibagh ati-
vaghda dar gari.

A en atrivimin ikia, egh mamaghira
ikiam.

11 Ikiavira Itir God uan gumazamiziba gav-
gavim me ganiga,
deraghda me gamua dabirabir aghuim
ko navir amirizim me ganidi!

30

Gumazir mam God minaba a ko migei

Devit onger akar kam osiri.

Me onger akar kam banga egha Godin
Dipenim a baghvarama a ginaba.

1 O Ikiavira Itir God, nan osimtziba na
abirazi,

ni ua na fegha anabogha nan akura.
Egha nan apaniba ataghizi me na dipovezir
puvati.

Kamaghin amizi, ki bizar kam bagha
bar akuegha nin ziam fe.

2 O Ikiavira Itir God, ni nan God,
ki uabin akurvaghaha nin dei,
ezi ni nan arimariam gamizi ki ua
dera.

3 O Ikiavira Itir God, ki atam aremeghai, ezi
ni na gamizi ki ua dikafi.

Ki Gumazamizir Oveaghuezibar
Nguibamin ghugha gifa.
Ezi ikirimirir ki itir kam, ni ua na
ganangi.

4 Ia Ikiavira Itir Godin gumazamiziba, ia a
bagh onger akabar amu
an ziar bar zuezim fi.

Egh bizar an amizibagh nighnigh a
minabi.

5 Guizbangira, a en atarir adariba, da
dughiar otevimiria iti.

Ezi dughiar e nguazir kamin itimin,
a uan navim sara e gifongegha de-
ragha e gami.

Dimangan en temeriba iregham,
egh amimzaraghan e deragh iki bar
akuegham.

6 Ki deraghha ikia ghaze,
"Bitezat na munamadaghan kogham."

7 O Ikiavira Itir God, ni uan navim sara na
gifongegha deraghha na gamizi,
ki mati mighsiar mam tuga gavgafi.

Ni nan modozir dughiamin,
ki bar puvirama atiati.

⁸ O Ikiavira Itir God, ki ni ko migia
pamten nin dia nin azai.
Ekiam, ni nan akuragh.

⁹ Ki oveghti bizir aghuir tizitam otogham?
Ki ti dagiar torimin magirighti, bizir
kam tinan akuraghram?

Gumazamizir oveaghueziba me ti ua nin
ziam fam?
Me ti ua dikavigh mikim suam, ni
me mikemezi moghira zurara ni me
bagha deragha bizibagh ami?
Bar puvatigham.

¹⁰ O Ikiavira Itir God, ni na baregh nan
apangkufigh.
O Ikiavira Itir God, ni nan Akurvazir
Gumazimin iki!

¹¹ Ni nan navir osimtizim batoghezi
ki bar akuegha ighiabagh ami.
Ki faragha azirakar korotiaba aghui,
ezi datirighin ni nan azirakar korotiaba
suegha,
nan azirakam oteghavkinizi nan
navim derazi ki bar akonge.

¹² Ikiavira Itir God, ki uan akam dukuaghan
kogham.
Ki uan navir averiamin onger akabar
amu egh nin ziam fam.
Egh zurara ni minabivira ikiam.

31

Gumazamizir Ikiavira Itir Godin apen-
gan itiba a deragha men gari
Devit onger akar kam osiri.
An onger akar kabar faragha zuir gumazim
ginighnigha onger akam osiri.

¹ O Ikiavira Itir God, ki nin aven modoghti
ni na ggehuv deragh nan ganasa, kam-
aghin ki ni bagha ize.
Ni na ateghti nian apaniba na abinti,
ki aghumsighan kogham.
Ni zurara arazir aghuim gami.
Egh ni uan arazir aghuir kamin gin
mangi nan akuragh!

² Ni nan dimdiam baregh zuamira nan
akuragh!
Ni dagiar ekiamin min na modogh.
Ni divazir gavgavimin min iki na ekiarughti,
nan apaniba na abinan kogham.

³ Guizbangira, ni ubi nan dagiar ekiamin
min iti.
Ni nan divazir bar gavgavimin min iki
deragha na ggehufi.

Ni uan ziar ekiam bangin, ni fomira
mikemezi moghin,
ki zui naghin, ni nan faragh mangi nan
akua na ggehuv.

⁴ Ni nan danganir mogomemin min iti.
Nan apaniba modogha na bagha gu-
razir azuazir kam,
ni nan akuraghti a nan suighan
kogham.

⁵ O Ikiavira Itir God, ki uan duam nin da-
farim garisi.
Ni guizin arazibagh amir God,
ni nan akuraghua ua na inigha gifa.

⁶ Marvir guar gavgaviba puvatizbar ziaba
fer gumazamiziba,
ni bar men aghua.
Ezi ko,
ki nighnizir gavgavim nin iti.

⁷ Ni zurara nan apangkufi,
kamaghin ki ni bagha bar akonge.
Guizbangira, bizir kurar na bativiba, ni bar
dar gari.
Egha nan navir averiamin aven itir
osimtiziba,
ni bar dagh fo.

⁸ Ni nan akurazi
ki apanibar dafaribar itir puvati.
Ni nan akurazi ki deragha iti.

⁹ O Ikiavira Itir God, ki osimtizir ekiam ikia,
egha azia ghua nan damazimning bezi,
nan gavgaviba bar gifa.
Kamaghin, ni nan apangkufigh.

¹⁰ Osimtizir kam, na gamua nan ikirimirim
otefe.
Ki aziavira iti, egh kamaghin ki dughiar
ruarimin ikeghan kogham.
Osimtizir ekiam nan itima, ki gavgaviba pu-
vati.
Nan agharapaniba nan ami-
raghamirasi.

¹¹ Nan apaniba na dipova na migei.
Ezi nan namakaba nan aghuagha akar
kurabar na migei.
Ezi nan roroaba uaghan nan atiatia ghaze,
God iveau kuram a ganidi.
Ki tuavimin zuir dughiabar,
gumaziba nan gara nan ari.

¹² Gumazim aremezzi gumazamiziba bar a
gin amadazi moghin,
me na gin amada.
Ki mati, nguazir minem bighizi,
me na makuni.

¹³ Ki orazi, apanir aviriba uari akuva
girakirangin moghin aghumra uariv
gei.
Me atiatim na daningasa uari akuva na
gasighasighasa akam misosi.
Egh na misuehti ki aremeghasa
uariv gei.

¹⁴ O Ikiavira Itir God, ni nan God,
ki nighnizir gavgavim nin iti.
¹⁵ Ki datirighin itir ikirimirir kam,
ki a isa nin dafarim gati.
Ni nan akuragh
nan apanir nan agintizibar da-
faribar ua na inigh.
¹⁶ Ki nin ingangarir gumazim, ni uan guam
na mituazi an angazangarim na
gisirazi moghin,
kamaghira ni bar na gifuegh nan
boroghira iki.
Ni zurara nan apangkuvighavira iti.
Kamaghin, ni nan akurvagh!
¹⁷ O Ikiavira Itir God, ki nin azangsisi, ni nan
akuragh.
Ni apanibar amamangatighti me na
abiraghti ki aghumsizim inian marki.
Gumazir kuraba mar ikuvighiva
aghumsigh.
Me mar oveng mangi Gumazamizir
Oveaghuezibar Nguibamin magiri,
egh akabar kumigh iki.
¹⁸ Gumazir kaba uari fa akaba batogha,
gumazir aghuiba dipova akar kurabar
me migei.
Egha ifavarir akabav gei.
Ni me gasighasighti, me uam akaba
akaran kogham.
¹⁹ Gumazir nin atiatia nin apengan itiba,
ni men akurvaghaha bizir aghuir
aviriba me bagha dagh ami.
Gumazir nighnizir gavgavim nin ikia nin
aven modiba,
ni deravira me gami.
Egha gumazamizibar damazibar
ni zurara men akurvasti.
²⁰ Men apaniba me gasighasighasa akabar
kiri,
eghti dughiar kamin, ni me avaragh
deraghvira me geyhuvti
me gasighasighan kogham.
Me nin dafarimin apengan ikiti,
apanibar akar kuraba me gasighasighan
kogham.

²¹ Ikiavira Itir God bar nan apangkufi,
ezi ki ghaze, ki an ziam fam!
Nan apaniba na ekiarugha na gasighasighasava
amima,
God uan gavgavimin nan akurazi ki de-
ravira iti.
²² Ki faragha bar atiatigha kamagh nighnisi,
Ikiavira Itir God, ni na batoghezi ki ua
nin boroghin itir pu

Puvati, ni nan ararem baregha nan
akura.

²³ Ia gumazamizir God baghavira itiba,
ia bar moghira a gifongegh!
Gumazamizir zurara an gin zuiba,
a bar deraghavira me gehuva men
gari.
Egha gumazir uari fa akaba batoziba,
a iveauzir kuram me ganidi.
²⁴ Ia gumazamizir nighnizir gavgavim
Ikiavira Itir Godin itiba,
ia uan navibar aven atiatingan kogh,
egh tugh gavgavigh mamaghira iki.

32

*Gumazim uan arazir kurabar gun God
migeima, an an arazir kuraba gin amada
Devit onger akar kam osiri.
Me onger akar kam kamaghin a dibori,
Maskil.*

¹ Gumazamizir arazir kurabagh amiba,
God men arazir kuraba gin amadagha
da avara,
eghti gumazamizir kaba bar
akuueham.
² Gumazamizir arazir kurabagh amiba, God
men arazir kuram mengvira ikian
koghti,
arazir ifavaritam an ikian kogham,
eghti gumazamizir kaba bar
akuueham.
³ O God, ki uan arazir kurabar gun ni
mikemezir puvatigha,
dimagariba ko aruebar ara kamaghira
ikia
ghua nan aghariba bar nan amira.
⁴ Dimagariba ko arueba, ni iveauzir kuram na
ganingizi
nan gavgaviba bar gifa.
Mati aruer ekiam nguazim
gaboima a bar misingi.
(Ighiam gamua an suiam
atugha avughsegha ua
ighiam gami.)

⁵ Datirighin ki uan arazir kuraba bar dar
gun Ikiavira Itir God mikemezi,
an ada gin amadagha gifa.
Egha ki uan arazir kuratam modozir puvati,
ki bar da aghurigha ni mikeme.
(Ighiam gamua an suiam
atugha avughsegha ua
ighiam gami.)

31:16: Diboboniba 6:25-26; Onger Akaba 4:6; 67:1 **31:17:** 1 Samuel 2:9; Onger Akaba 25:2; 115:17 **31:18:** 1 Samuel 2:3; Onger Akaba 12:3; Jut 1:15 **31:19:** Aisaia 64:4; 1 Korin 2:9 **31:20:** Jop 5:21; Onger Akaba 27:5; 32:7
31:21: 1 Samuel 23:7; Onger Akaba 17:7 **31:22:** Aisaia 38:11-12; Jona 2:4 **31:24:** Onger Akaba 27:14 **32:1:**
Onger Akaba 85:2; 103:3 **32:1:** Rom 4:7-8 **32:2:** Jon 1:47; 2 Korin 5:19 **32:3:** Onger Akaba 31:10; 38:8; 39:2-3
32:5: Ofa Gami 26:40; 2 Samuel 12:13; Jop 31:33; Onger Akaba 103:12; 1 Jon 1:9 **32:6:** Onger Akaba 46:1-3; 69:1;
69:13

6 Kamaghin dera, nin gumazamiziba osimtzibza bativ,
egh zurara ni ko mikimti,
osimtzizim aperiar ekiamin min me avigh mangisi izi,
me avigh mangighan kogham.

7 Nirara nan mogomer danganim,
ki nin aven modima osimtzibza na abirir puvati.
Ki osimtzibar aven itima,
ni na ekiaruga nan akurvasi.
Kamaghin ki pamten dia ighiabagh amua nin ziam fe.
(Ighiam gamua an suiam atugha avughsegha ua
ighiam gami.)

8 Ikiavira Itir God ghaze,
Tuavir ni mangamim,
ki nin sure damu deragh ni gegharaghti,
ni an mangam.
Ki deravira nin sure damu egh nin gan ni gegravam.

9 Ni hoziaba ko donkibar min onganan marki,
mati me ain ko benir ruaribar men akabagh aghuigha me getuima me izi.
Puvatighti me izeghan kogham.

10 Gumazir arazir kurabagh amiba osimtzizir aviriba bativam.
Ezi gumazir nighnizir gavgavim
Ikiavira Itir Godin itiba,
me zurara an apangkuvir ekiamin aven deragh ikiam.

11 Ia gumazamizir arazir aghuibagh amiba,
Ikiavira Itir God ia bagh amizir biziba,
ia da bagh naviba deragh bar akongegh.

Ia Godin damazimin zuezir gumazamiziba,
ia bar pamten dim mikim bar akongegh.

33

Godin ziam fer onger akam

- 1 Ia gumazamizir aghuibaga, ia Ikiavira Itir God ia bagha amizir bizir aghuibum bagh bar akongegh.
Arazir kam bar dera:
ia an akam baragha an gin zui darasi, ia an ziam fi.
- 2 Ia kulele ko gitau stringin 10pla itim misogh,
Ikiavira Itir God bagh ighiam damu an ziam fi.

- 3 Ia onger akar igiaba osirigh da bangi, egh deragh gitu misoghi an ararem deraghti,
ia bar akongegh pamten dim mikim.
- 4 E fo, Ikiavira Itir Godin akam a guizbangira iti.
Ezi an akam mikemezi moghira, a zurara guizin arazibar gin ghua ingan-gariba bar dagh ami.
- 5 Ikiavira Itir God, a en arazir aghuibaga ko guizin araziba bar dagh ifonge.
An apangkuvir arazim, nguazimin itir gumazamiziba bar me ave.
- 6 Ikiavira Itir God fomira mikemezi, aruem ko iakinim ko mikoveziba,
ko overiamin pin itir biziba bar otivigha iti.
- 7 Gumazim dipam isa itam guruizi moghin, an ongarim isa danganir vamiran anekufa.
Egha ongarim gamizi a bar konegha nguazimin apengan itir danganim vin mar iraghu.
- 8 Ia nguazimin itir gumazamiziba,
ia Ikiavira Itir Godram atiating an apengan iki.
- 9 A mikemezi nguazir kam puram oto.
An Akar Gavgavim mikemezi, biziba bar nguazir kamin otifi.
- 10 Kantrin Igharazibar Gumazamiziba damuasava nighnizir biziba,
Ikiavira Itir God dagh amima da ghua puvarisi.
Ikizir igharaziba damuasa akabav sozir migirigjaba,
an adar tuaviba apiri.
- 11 Ikiavira Itir God damuasava amir biziba,
da gavgavigh mangivira ikiam.
A uan navir averiamin aven itir nighnizim giraghan kogham.
An nighnizim zurara ikivira ikiam.
- 12 Kantrin tam God baghavira ikiti,
Ikiavira Itir God deravira a damutti a bar akongegham.
Kantrin kamin gumazamiziba God ua baghavira me ginaba.
- 13 Ikiavira Itir God uan Nguibamin ikia,
nguazimin itir gumazamiziba bar men gari.
- 14 A uan Nguibamin ikia,
egha nguazimin bar deragha en gari.

32:7: Gumazir Dapaniba 5:1-31; Onger Akaba 31:20; 91:1; 121:7 **32:8:** Onger Akaba 25:8; 33:18 **32:10:** Onger Akaba 16:4; Aghuzir Akaba 13:21; Rom 2:9 **32:11:** Onger Akaba 7:10; 64:10; 97:12 **33:5:** Onger Akaba 11:7; 37:28; 119:64 **33:6:** Jenesis 1:14-19; 2:1; Onger Akaba 104:30; Hibru 11:3 **33:7:** Ua Me In 15:8; Josua 3:16; Onger Akaba 78:13 **33:9:** Onger Akaba 148:5 **33:10:** Onger Akaba 2:1-3; Aisaia 8:10; 19:3 **33:11:** Jop 23:13; Onger Akaba 40:5; Aghuzir Akaba 19:21; Aisaia 55:8 **33:12:** Godin Araziba 7:6; Onger Akaba 28:9; 144:15 **33:13:** Jop 28:24; Onger Akaba 11:4; 14:2 **33:14:** Atriviba 8:39; 8:43; Onger Akaba 102:19

- ¹⁵ A uabi nighniziba ko navir averiabar ingarigha da isa gumazamizibagh ariki,
egha bizir me amiba a bar dagh fo.
- ¹⁶ Atrivim midorozir gumazir aviriba ikiti, me an akuragh midorozim damu an apaniba abiraghan kogham.
Ezi kamaghira midorozir gumazim van gavgavim apaniba abiraghan kogham.
- ¹⁷ Midorozir hoziam midorozir gumazimin akuraghti, a uan apaniba abiraghan kogham.
Apaniba midorozir gumaziba abiraghti, men hoziba men akuraghan kogham.
- ¹⁸ Ia oragh! Gumazamizir Ikiavira Itir Godin atiatia an apengan itiba, an damazim men iti.
Gumazamizir kaba, me nighnizir gavgavim an apangkuvir arazimin iti.
- ¹⁹ A deragh gumazamizir kabar ganti me angamira ikiam.
Mitiriam aghamin dughiam otoghti, a men akuraghti me daghem bagh ovengan kogham.
- ²⁰ E Ikiavira Itir God baghvira mizuamiva, nighnizir gavgavim an ikiti an e geghuvam.
A en oramin min iti, ezi e an aven modima a en akurvashi.
- ²¹ E nighnizir gavgavim an ziar bar zuezimin iti.
Kamaghin, e uan navir averiabar aven a bagh bar akongegham.
- ²² O Ikiavira Itir God, e nighnizir gavgavim nin ikiavira ikia nin akurvazim bagha mizuai.
Kamaghin amizi ni en apangkuvigh mamaghira ikia.

34

God bar deragha Devit gamizi, an an ziamfe

Devit, Abimelek ko ikia ifarava organizi moghin amima, Abimelek a batok. Devit uamategha ghugha onger akar kam osiri.

- ¹ Ki zurara ziar ekiam Ikiavira Itir God daningam.
Ki an ziam fi mamaghira ikiam.
- ² Ikiavira Itir God nan akurazir bizir kam bangin, ki a minabava a bagha bar akonge.

33:15: 2 Eghaghaniba 16:9; Jop 10:8; Onger Akaba 119:73
20:7; 147:10; Aghuzir Akaba 21:31 **33:18:** Jop 36:7; Onger Akaba 32:8-10; 1 Pita 3:12
Akaba 37:19; Apostel 12:11 **33:20:** Onger Akaba 62:1; 115:9; Aisaya 8:17 **34:1:** 1 Samuel 21:13-15; Efesus 5:20; 1
Tesalonika 5:18; 2 Tesalonika 1:3; 2:13 **34:3:** Onger Akaba 69:30; Luk 1:46 **34:4:** Onger Akaba 18:6; Matyu 7:7;
Luk 11:9 **34:6:** Onger Akaba 3:4; 34:17-19 **34:7:** 2 Atriviba 6:17; Daniel 6:22; Sekaraia 9:8; Hibru 1:14 **34:8:**
Onger Akaba 2:12; 1 Pita 2:3 **34:9:** Onger Akaba 31:23 **34:10:** Jop 4:10-11; Onger Akaba 84:11 **34:12:** 1 Pita
3:10-12 **34:13:** 1 Pita 2:22

Gumazamizir osimtiziba ateriba me bizir kam uaghan a baragh, men naviba bar moghira deraghram.

- ³ E bar moghira an ziar ekiamin gun mikimiva, egh an ziam fam!

⁴ Ki uabin akurvaghaha Ikiavira Itir Godin azangsizima, a nan azangsizim baraki.

A nan atiatiba bar da batoghezi, ki datirighin navir amirizimin iti.

⁵ Gumazamizir nighnizir gavgavim Ikiavira Itir Godin itiba, me bar akongegh.

Men nighnizir gavgavir kam, a iki gavgavighti me aghumsighan kogham.

⁶ Gumazamizir organarazibagh amiba Ikiavira Itir God ko migeima, a me baraghha men osimtizibar aven deragha men akurvasi.

⁷ Ikiavira Itir Godin ensel, gumazamizir an atiatia an apengan itiba, a me apaza men akurvasi.

Eghti osimtiziba me gasighasighan kogham.

⁸ Ia kamaghin ganigh fogh suam, Ikiavira Itir Godin araziba da bar moghira dera.

Gumazim God bagh mangi an aven modogh nighnizir gavgavim an iki, egh a deragh iki bar akuegham.

⁹ Ia Ikiavira Itir Godin gumazamiziba, ia an atiating an apengan iki.

Gumazamizir an atiatia an apengan itiba me bizitamin otevezir puvati.

¹⁰ Dughiar mabar laionin nguziba dagheba puvatizi, mitiriaha men azi.

Ezi gumazamizir nighnizir gavgavim Ikiavira Itir God ikia an apengan itiba, me bizir aghuiba bagha asaghazasir puvati.

¹¹ Nan boriba, ia izi na baraghti ki ian sure damuti, ia zurara Ikiavira Itir Godin atiating an apengan iki.

¹² Nin dabirabim deraghaha ni ifongez, o? Ni dughiar ruarimin iki bar akongeghasa ifonge? Are!

33:16: Onger Akaba 44:6; 60:11 **33:17:** Onger Akaba

33:19: Jop 5:20; Onger

Akaba 32:8-10; 1 Pita 3:12 **33:20:** Jop 5:20; 1

Tesalonika 5:18; 2 Tesalonika 1:3; 2:13 **34:1:** 1 Samuel 21:13-15; Efesus 5:20; 1

Luk 11:9 **34:6:** Onger Akaba 3:4; 34:17-19 **34:7:** 2 Atriviba 6:17; Daniel 6:22; Sekaraia 9:8; Hibru 1:14 **34:8:**

Onger Akaba 2:12; 1 Pita 2:3 **34:9:** Onger Akaba 31:23 **34:10:** Jop 4:10-11; Onger Akaba 84:11 **34:12:** 1 Pita

3:10-12 **34:13:** 1 Pita 2:22

13 Ni kamaghin ikisi, akar kurabav kiman koghiva ifavarir akaba atakigh.

14 Ni akirim ragh arazir kurabagh asaragh, egh arazir aghuibara damu. Egh navir amirizimin gumazamizir igharaziba ko ikisi gavgavigh mamaghira iki.

15 Ikiavira Itir Godin damazimin derazir gumazamiziba, a deragha men gara, men arareba barasi.

16 Ikiavira Itir God gumazamizir arazir kurabagh amiba, a me batogha men aghua. Kamaghin, me oveghti gumazamiziba ua me ginighnigan kogham.

17 Ikiavira Itir Godin damazimin derazir gumazamiziba, me Godin deima a me barasi.

A men akurvazima osimtziba me abirir puvati.

18 Gumazamizir naviba osia itiba, Ikiavira Itir God bar men boroghira iti. Egha gumazamizir osimtzizir ekiar me abinasava amiba, a men akurvasi.

19 Osimtzizir bar aviriba gumazir aghuibatifi.

Ezi Ikiavira Itir God men akurvazima osimtzizir kaba me abirir puvati.

20 Ikiavira Itir God guizbangira men akurazima, men agharitam dipiraghbirizir puvati.

21 Gumazamizir kuraba, bizir kurar aviriba me damuti, me arimighiram.

Godin damazimin derazir gumazamiziba,

God men apanibagh asighasigham.

22 Ikiavira Itir Godin ingangarir gumazamiziba, a ua me iniam.

Egh gumazamizir a bagha ghua an aven modiba, a deragh men ganti, me ovengen kogham.

35

Gumazim uabin akuryaghosa God ko migei
Devit onger akar kam osiri.

34:14: Aisaia 1:16-17; Rom 12:18; Hibru 12:14

34:15: Jop 36:7; Onger Akaba 34:6; 34:17

34:16: Aghuzir Akaba

10:7; Jeremaia 44:11; Amos 9:4

34:17: Onger Akaba 34:6; 34:15; 34:19; 145:19-20

34:18: Onger Akaba 51:17;

Aisaia 57:15; 66:2

34:19: Aghuzir Akaba 24:16; 2 Timoti 3:11-12

34:20: Jon 19:36

Attriviba 1:29; Onger Akaba 103:4

35:4: Onger Akaba 40:14; 70:2; 129:5

35:12: Onger Akaba 38:20; Jeremaia

18:20; Jon 10:32

35:13: Jop 30:25

1 O Ikiavira Itir God, gumazir nan atara na ko misoza, ni men atar me ko misogh.

2 Ni dikavigh uan midorozir biziba inigh, uan oramin suiragh izi nan akuragh.

3 Ni uan afuzim ko ghuardam inigh izi gumazir nan agintiziba ko misogh.

Ni na mikim suam, ki nin Akurvazir Gumazim!

4 Gumazir kaba na misueghti ki are-meghasava ami.

Ni me abiraghti me aghumsikigh.

Me na gasighasighasa akabav sosi.

Ni men agintigh me damighti me okam nighnigh.

5 O Ikiavira Itir God, aminin pipiabagh ivai da migha zui moghin, nin ensel gumazir kurar kabar agintigh me batokegh.

6 Ikiavira Itir Godin ensel me batueghti me mangi.

Tuavir me zuir kam, an a damighti aminim an pirighti a bar apighsigham.

7 Ki arazir kuratamin me gamizir puvati, ezi me nan suighasa modogha azuazim ati.

Torir ki magiramim, me a gikuigha gifa.

8 Me foghan koghti, ni me damighti, dughiar bar kuram me batogham.

Me na gasighasighasa atizir azuazir kam, a meraram asighasigham.

9 Ki kamagh fogh suam, Ikiavira Itir God nan akuraghua ua na ini. Eghiti ki uan navir averiamin aven bar akuegham.

10 Ki bar uan navir averiamin aven kamagh mikim suam,

“O Ikiavira Itir God, gumazitam ua nin min itir puvati.

Gumazamizir gavgaviba puvatiziba, ni deravira men akurvasi.

Gumazamizir onganarazibagh amiba, ni deravira me gehufi.

Ezi gumazamizir gavgavir bar ekiaba itiba me gasighasighasa amuava avenge.”

11 Gumazamizir ifariba, arazir kurar ki amir puvatiziba bagha pura kotin aven akam na gasa na migei.

12 Ki arazir aghuibara me gami, ezi me arazir kurabar na gami.

- Kamaghin amizi, ki uabira ikia nan navim bar oseme.
- ¹³ Me arer dughiabar, ki men apangkuva azirakar korotiaba aghua uabi abiragha, me bagha dagheba ataghiraghpa pamtem God ko migei.
- ¹⁴ Ki me bagha God ko migia, mati ki uan aveghbuam o namakam ginighnigha a bagha God ko migei. Nan amebam aremezi ki an apangkvigha a bagha aziagha rui moghin, ki me bagh azi.
- ¹⁵ Ki osimtizimin irizir dughiamin, me uariakuva na dipova na migia bar akonge.
- Gumazamizir ki fozir puvatiziba, me puram akaba na gasa na migia ghuavira iti.
- ¹⁶ Me arazir bar kurabar gin ghua, osimtizim na garigha dibovir akabar na migiavira iti. Me na gifongezir puvatigha nan gara uan atariba kuskusi.
- ¹⁷ O Ekiam, ni dughiar bar ruarimin me mizua itima me kamaghiram ami. Ni manadizoghin bizitam damuam? Ni nan akuragh ua na inighti, me ua na gasighasighan kogham. Me laionbar min amua na misosi, ni men dafaribar ua na inigh.
- ¹⁸ Ni kamaghin damighti, nin gumazamizir aviriba uari akuvamin dughiamin, ki men tongin ni minamam. Guizbangira, ki gumazamizir aviribar tongin nin ziam fam.
- ¹⁹ Gumazamizir maba pura nan apanim gami. Ni me ateghti me osimtiziba na darigh na abinan marki. Men na bagha naviba pura men ikufi. Kamaghin, ni me ateghti me osimtizir na gariziba bagh, damaziba ighighiri na dipov bar akueghan marki.
- ²⁰ Me tong igharaz darazi ko dabirabir aghuimin ikiasi migeir puvati. Me gumazamizir nimira ikia deraghna nguibamin apiaghav itiba, bagha uariakuva ikia, ifavarir akabagh amua me gasighasighasavira uariv gei.
- ²¹ Me pamten migia akaba na gasa ghaze, "Bar guizbangira, e nin gari ni arazir kurabagh ami!"
- ²² O Ikiavira Itir God, gumazir kamaghin amiba ni uabi men ganigha gifa.
- Ekiam, ni uan akam dukuagh ikian marki. Ni nan saghon ikian marki.
- ²³ O Ekiam, ni nan God, ni osegh dikavigh izi, gavgavim isi nan akabar aning, egh na bagh mikim.
- ²⁴ O Ikiavira Itir God, ni nan God, nin araziba da bar dera. Ni uan arazir aghuabar gin mangi nan akuraghti nan apaniba ganigh fogh suam, ki arazir kuraba puvati. Ni me ateghti me nan osimtizimin gan bar akongeghan marki.
- ²⁵ Ni men amamangatighti me kamagh mikiman marki, "Bar dera! Bizir e damuasa bar ifongezim, an otogha gifa! E bar a gasighasigha gifa."
- ²⁶ Gumazir osimtizim na gatigha bar akongezir kaba, ni me damighti me okam nighnigh bar aghumsikigh. Me nan ziam abira uan ziaba fe. Ni men ziaba abin aghumsizim me daning.
- ²⁷ Ezi gumazamizir maba kamaghin ifonge, ni na dipon suam ki nin damazimin dera. Gumazamizir kaba bar akuegh pamten dimiva kamaghin mikim suam, "Ikiavira Itir God, a gavgavir ekiam iti. God kamaghin ifonge, an ingangarir gumazim deraghvira ikiam. Bizir kam bagh a bar akongegh."
- ²⁸ Egitki ni arazir aghuabar gun mikim, egh dughiabar zurara nin ziam fi mamaghira ikiam.

36

Gumazir kurabar arazir kuraba

Ikiavira Itir Godin ingangarir gumazim Devit, an onger akar kam osiri.

An onger akabar faragha zuir gumazim ginighnigha onger akar kam osiri.

¹ Arazir kuram, a gumazir kuramin navir averiamin ikia nighniziba a ganidi. Gumazir kabanang, me tong Godin atiatia an apengan itir puvati.

Bar puvati.

Me bar akirim ragha God gasara.

² Guizbangira, me uari uan ziabagh nighnigha uari uan ziaba fe.

Me kamaghin fozir puvati,

God me isi kot darigh egh me amizir arazir kuraba tuisigham.

3 Men akatoribar akaba ikuvizi, me zurara biziagh ifari.

Egha arazir aghuibara amuamin fofozir aghuitam itir puvati.

4 Me uan misiabagh irav ikia arazir kurabara damuasa nighnisi.

Me zurara tuavar kuramín nighnizbar gin mangasavir nighnisi.

Egha tong akirim ragha arazir kurtam gasarazir puvati.

Godin arazir aghuim

5 O Ikiavira Itir God, nin apangkuvim bar ekevegha

uanaga overiamin suira.

Ezi ni zurara guizin arazimin gin ghua uan nighnizim gighavkirir puvati,

ezi nin arazir kam uaghan bar ekevegha uanaga,

overiamin itir ghuariabar suira.

6 Nin arazir aghuim bar ekevegha mighsiar ekiabar min tughav iti.

Nin kotin aven itir arazimin mingarim, e deragha a gifozir puvati.

An ongarimin min bar konegha vin mar iragh.

0 Ikiavira Itir God, ni gumazamiziba ko asiziba virara deravira me geghuva men gari.

7 O God, nin apangkuvir arazim bar derazi e bar a gifonge.

Gumazamiziba bar ghua nin aven modi.

Mati tuarir nguziba uan amebamin avizimningin apengan ghua modi.

8 Nin Dipenimin dagher aviriba itima, nin gumazamiziba apa izivagha mamaghira iti.

Mati ni uan faner aghuimin gumazamizibar amamangatizi, me anepi moghin, ni bizar aghuir bar aviriba e ganidi.

9 Biziba bar, ni dar ikirimirimin mingarim, mati dipar ikirimirimir aghuim anidim.

Kamaghin, nin angazangarimin amodoghin, e deravira biziagh gari.

10 Gumazamizir ni gifoziba, ni men apangkuvigh kamaghira iki.

Gumazamizir nin damazimin deraziba, ni deragh me damu.

11 Ni gumazir uari fava akaba batoziba ateghti,

me na dikabinan marki.

Egh gumazir arazir kurabagh amiba ateghti,

me nan agiragtí ki aran kogham.

12 Ia gan.

Gumazir arazir kurabagh amiba daghiregha nguazimin fueghav iti.

Me ua dikavan kogham.

37

God gumazamizir aghuiba deragh me damuva, gumazamizir kuraba pazi me damuam

Devit onger akar kam osiri.

1 Ni gumazamizir kuraba amir araziba bagh nighnigh osiman marki.

Egh me amir biziagh gan navim dikavan marki.

2 Guizbangira, me graziba midii moghin zuamira misigham.

Egh ter afarir gariba imua midii moghin, zuamira misigh puvarigham.

3 Ni nighnizir gavgavim Ikiavira Itir Godin iki,

egh arazir aghuabar amu.

Egh ni nguazir kamin iki deragh ikiam.

4 Ni Ikiavira Itir God bagh bar akuegħti, a biziñ uan navir averiam ifonġeziba ni daningam.

5 Ni uabira uabi isi Ikiavira Itir God danigh, egh nighnizir gavgavim an ikiti, a nin akuragħam.

6 A nin arazir aghuim damighti, nin arazir aghuir kam, aruem aruer arizimin isiragh gavavizi mogħin isiragh.

7 Ni Ikiavira Itir Godin damazimin uabin asugh a mizuamt, a nin akuragħam.

Gumazamizir taba uan nighnizibar gin mangi biziż aghuir aviriba init, ni men gan navim dikavan marki.

Egħiġi gumazamiziba arazir kurabar amuti, ni dagh nighnigh osiman marki.

8 Ni atar egh osiman marki.

Biziż kaba ni gekuighti ni arazir kuram damigham.

9 Gumazamizir nighnizir gavgavim Ikiavira Itir Godin itiba, me uan nguazimin iki deraghvira ikiam.

Egħiġi gumazamizir kuraba bar iku vigham.

10 Dugħiarr ruarim puvatighti, gumazamizir arazir kurabagh amiba pura puvarigham.

36:5: Onger Akaba 57:10; 108:4 **36:7:** Rut 2:12; Onger Akaba 17:8; 31:19; 91:4 **36:8:** Jop 20:17; Onger Akaba

16:11; Akar Mogommex 22:1 **36:9:** Jeremaja 2:13; Jon 4:10; 4:14; 1 Pita 2:9 **37:1:** Onger Akaba 73:3; Aghuzir

Akaba 23:17; 24:1; 24:19 **37:2:** Onger Akaba 90:5-6 **37:4:** Aisaia 58:14 **37:5:** Aghuzir Akaba 16:3; Matyu 6:25;

Luk 12:22; 1 Pita 5:7 **37:6:** Jop 11:17; Maika 7:9 **37:7:** Onger Akaba 62:1; Aisaia 30:15; Jeremaja 12:1 **37:8:**

Onger Akaba 73:3; Efesu 4:26 **37:9:** Jop 27:13-14; Aisaia 57:13 **37:10:** Jop 20:9; Hibru 10:36-37

Ni men nguibabar me buriva
men apighan kogham.

¹¹ Gumazamizir uari abira aghumra itiba,
me deragh uan nguazim dapiagh
bizir aviriba inigh bar akuegh
ikiam.

¹² Gumazamizir arazir kurabagh amiba,
me gumazamizir aghuibagh
asighasighasava amua,
men atara atariba kuskusi.

¹³ Ekiam kamaghin fo,
gumazamizir kuraba givaghamin
dughiam a izi.
Kamaghin a men ingaravati.

¹⁴ Gumazir kuraba uan midorozir sababa
asia,
egha beniba uan pibagh afi.
Me gumazamizir onganarazibagh
amiba ko, asaghazisiba ko, gu-
mazamizir aghuibagh asasa.

¹⁵ Puvatigham.
Men midorozir sababa raghiregh mer-
ara misueghti me arimighiregham.
Egħi men piba, bar mogħira
dipirighiregham.

¹⁶ Gumazir aghuimin bizir muziarim,
a gumazamizir kurabar bizir aviribagh
afira.

¹⁷ E fo, Ikiavira Itir God gumazir kurabar
gavgavim agħvagħam.
Egh a gumazamizir aghuiba deragh me
geghuv men ganam.

¹⁸ Ikiavira Itir God gumazamizir an akamin
gin zuiba,
a deravira me geħħuva men gari.
Ezi nguazir me itim, a bar mogħira men
nguazimin min iki
mamaghira ikiam.

¹⁹ Me dugħiar kurabar osimtiziba bativan
kogham.
Egh dagħeba oteveghamin dughiamin,
me dagħeba oteveghan kogħam,
me dami mamaghira ikiam.

²⁰ Egħi, gumazamizir kuraba me bar iku-
vigham.
Ikiavira Itir Godin apaniba, me graz-
iba ko akimmarir aghuibrar min bar
iregham.
Me migharimin min dugħiar ote-
vimin iki
mangħiġ bar puvarigham.

²¹ Gumazir kuram, a pura gumazibar biziba
isa da ikarvazir puvati.
Gumazir aghuim, arazir aghuibagh
amua
pora biziba isa gumazir igharaz-
ibagh anidi.

²² Gumazamizir Ikiavira Itir God deragh
amiba,
me nguazir kam inigh deraghvira an
ikiam.

Egħi Ikiavira Itir God asighasighamin gu-
mazamiziba,
me puvarigham.

²³ Ikiavira Itir God ifonqezi mogħin, a gu-
mazamiziba daruwa
me bagħha tuavim ati.

A gumazitam in arazim bagħ-
akongegħiha,
an a geħġi gavgavim a daningti, a
tugħi gavgavigham.

²⁴ Ikiavira Itir God uan dafarim in gu-
mazamizir kabar suiragh men akuragli,

me ua dikavigh tuivigham.
Kamaghin gumazamizir kaba irighsi
damuamin dughiam,
me bar ireghan kogħam.

²⁵ Ki uan igħiġi min ikia iza datirighin ki
ghurha gari,
God akirim ragħha gumazir aghuitam
gasarazir puvati.

Ki uaghan garima,
men boriba dagħeba puvarigha da
bagħ-azangsgħiżiż puvati.
Bar puvati.

²⁶ Gumazamizir aghuiba zurara apangkuva
biziba isa pura gumazamizibagh
anidi.

Ezi God bizix bar aghuiba isa me ganid
mogħin, a boriba isa me ganidima
me bar akonge.

²⁷ Ni uan arazir kuraba akirim ragħ-
dagh asaragh,
egħi arazir aghuibara amu.
Egh ni zurara deravira nguazir
kamin ikvira ikiam.

²⁸ Ikiavira Itir God, an arazir aghuibara
ifonġe.
Kamaghin, a uan gumazamiziba me
ataghirazir puvati.

A dugħiabar zurara me geħħuva arazir
aghuibara me gami.
Egh a gumazir kurabar boribagh
asighasigham.

²⁹ Gumazamizir aghuiba, God me
ganingiżiż nguazim inigh,
a dapiagh iki mamaghira ikiam.

³⁰ Gumazamizir aghuiba, migirigja
aghuiħbaram ami.
Men migirigja bar mogħira nighniz
aghuiba iki
guizin arazimin gumazamizibar
akurvasi.

³¹ Me uan Godin Akar Gavgavim isa

37:11: Matyu 5:5 **37:16:** Aghuzir Akaba 15:16; 16:8; 1 Timoti 6:6 **37:23:** 1 Samuel 2:9; Aghuzir Akaba 16:9

37:25: Onger Akaba 37:28; 59:15; 109:10 **37:28:** Onger Akaba 11:7; Aghuzir Akaba 2:22; Aisaia 14:20 **37:31:**

38

- uan navir averiabagh atigha,
deragha arui.
- 32 Gumazir kuram gumazir aghuim
misueghti an aremeghasa,
a bagha mizua gara iti.
- 33 Ikiavira Itir God gumazamizir aghuiba
ataghirazima,
apaniba me misozi me ariaghbir pu-
vati.
- Gumazir kuram gumazir aghuim isi kot
datighti,
Ikiavira Itir God gumazir aghuim
ateghti,
gumazir kuram koton aven a gaf-
rakh anebiraghan kogham.
- 34 Ni nighnizir gavgavim Ikiavira Itir Godin
iki a mizuamiva an akabar gin mangi.
Ni kamaghin damuti a ziar ekiam isi ni
danangam.
Eghti nguazir a ni ganingizir kam ni
a iniam.
Egh ni uabi ganti a nin apanibagh
asighasigham.
- 35 Ki gumazir kuramin garima, a gavgavir
ekiam iti.
A Lebanon kantrin temer sidan min
ekevegha tughav ikia,
temer igharaziba bar dagh afira.
- 36 Ki gin uamategha zuima, gumazir kam ua
itir puvati.
Ki a bagha gara,
bar an apizir puvati.
Bar puvati.
- 37 Gumazamizir Godin damazimin deraz-
iba, me osimtizitam itir puvati.
Ni men gan fogham.
Me navir amirizimin ikia deraviram apiazi,
men ovavir boribar dabirabim der-
agha ikia mamaghira iti.
- 38 Gumazamizir kuraba me bar pu-
varigham.
Eghti men ovavir boriba uaghan bar
gevegham.
- 39 Ikiavira Itir God ubi, gumazamizir an
damazimin derazibar akura.
Me osimtizibar aven ikiava, a
baghavira ghua an aven modima,
a me geghuva deragha men gari.
- 40 Ikiavira Itir God men akuragha ua me ini.
Me an boroghin ikia an aven modi.
Ezi a gumazamizir kurabar dafaribar uam
me inizi,
me deraghavira iti.
- Gumazim osimtizim ikia, God ko migei
Devit kamaghin ifonge, God an osimtizibar
gan dagh nighnigham. Kamaghin an onger
akar kam osiri.
- 1 O Ikiavira Itir God, ni aningagharam iki,
egh nan ataran marki.
Ni adarim nan iki, egh ni ivezir kuram
na daningen marki.
- 2 Ni uan baribar na gasegha,
na abirazi ki iraghу.
Ni uan agharimin na misoghezi, ki
iraghу.
- 3 Ni adarim nan itima, ki mizazir ekiam isi.
Nan arazir kuram bangin,
nan namnam arimariam bar
anevara.
- 4 Nan arazir kuraba bar na avaragha gifa,
ezi osimtizir kaba mati ki bizir avirir
maba ateri ezi da bar oseme.
Ezi kamaghin, ki da ateran
iburaghburaki.
- 5 Ki arazir organir bar kuram gami.
Kamaghin amizi, nan mikarzimin itir
duaba emimiziba ikia bar kuri.
- 6 Nan navir averiam osimtizir ekiam
ikia, egha bar moghira na itaraghа
ghuaghiri,
ezi ki nguazimin fuaghav iti.
Ki dughiabar zurara a ginighnigha
azlavira iti.
- 7 Nan mikarzim fei, mati avim nan
mikarzimin isima,
arimariam bar na akuati.
- 8 Arimariam bar guizbangira na akuatizi,
ki onganigha bizitam ginighnizir pu-
vati.
Mati bizir mam nan navir averiamin
ikia na dikabiri.
- Nan navir averiam osimtizir ekiam an
itima,
ki mizazim isava arai.
- 9 O Ikiavira Itir God, ni nan ifongiar ekiam
gifo.
Nan navir arerer kam nin modozir pu-
vati.
- 10 Nan dighorim bar pamten nan ingari.
Nan gavgaviba givazi,
nan damazimning nan pirizi ki ua
deragha garir puvati.
- 11 Ezi nan namakaba ko nan roroaba, me
nan duabar ganan atiatigha,
nan boroghin izan aghua.
Nan adarazi uaghan nan saghon
iti.
- 12 Gumazir na misueghti ki aremeghasava
amiba,
me na bagha azuazim guragha gifa.

Gumazir na gasighasighasava amiba,
me zurara pazavira na damuasavira
migei.

Egha me dughabar zurara na
gasighasighasavira akabav sosi.

¹³ Ki gumazir kuarim organizimin min ikia,
egha me barazir puvati.

Ki gumazir migeir puvatizimin min
ikia, akam akarigha migeir puvati.

¹⁴ Guizbangira, ki gumazir kuarir on-
ganimin min ikia,
egha men akaba baragha da ikarvazir
puvati.

¹⁵ O Ikiavira Itir God, ki nighnizir gavgavim
nin ikia ni mizuai.

O Ekiam, ni nan God, nirara uabi nan
migirigaba ikarvaghram.

¹⁶ Ki nin azangssi,
“Nan apaniba na abirazir bizar kam bagh
bar akongeghs, ni men amaman-
garighan marki.

Ki irizir bizar kam, me a mikim na
dipova bar akongeghan marki.”

¹⁷ Ni fo, mizazir ekiar kam nan ikia kam-
aghira iti,
ezi kamaghin ki irasava ami.

¹⁸ Ki datirighin uan arazir kurabar gun ni
migei,
da bar osimtizir ekiam nan navim
ganidi.

¹⁹ Nan apanibar mikarziba bar deragha
gavgafi.
Gumazir aviriba pura nan apanim
gamua nan aghua.

²⁰ Ki arazir aghuibar me gamima, me arazir
kurabar na ikarvasi.
Ki arazir aghuijin gin zui, ezi me bizar
kam bagha nan apanim gami.

²¹ O Ikiavira Itir God, ni na ataghiraghan
marki.

Ni nan God, ni nan saghon ikian marki.

²² O Ekiam, ni nan Akurvazir Gumazim.
Ni zuamira na bagh izi nan akuragh.

39

Gumazir osimtizim itimin akam

Devit onger akar kam osiri.

An onger akar kamin faragha zuir gumazim
Jedutun ginighigha onger akar kam osiri.

¹ Ki uabira ubi migia ghaze,

“Ki amir araziba bagh deravira uabin
ganam.

Ki uan mizem bagh deraghvira ganti,
a na isi arazir kuratam datighan
kogham.

Gumazir kuraba na ko ikiti,

ki mizer otuaritam mikiman
kogham.”

² Ki bar nimira ikia, egha bizar aghuitam bar
a migeir puvati.

Kamaghin, nan osimtizim bar
ekevegha ghuavanabo.

³ Ki bizar kam dughabar zurarama a
ginighighavira ikia,
nan navir averiam osimtizim a
gizivavira iti.

Ezi ki migia ghaze,

⁴ “O Ikiavira Itir God, ni nan ikirimirim
dughiamin ruarim nan akagh.

Ki dughiar manamrama ovengam?

Ni na mikemegh,
ki nguzair kamin ikiamin ikirimirim a
ruara, o an otefe?”

⁵ Ni ti nan ikirimirim dughiabagh amizi da
bar otefe.

Nan ikirimirim dughiar kam nin
damazimin a pura bizimin oto.

Gumazamiziba bar, men ikirimirim
mati gumazim akamin aminim
giverazi a zui.

(Ighiam gamua an suiam
atugha avughsegha ua

ighiam gami.)

⁶ Gumazamiziba bar, men ikirimirim mati
aruem temem gisirazi an nedazim
otogahti.

Egha me bizar aviriba iniasa puvira in-
gari, ezi men ingangarir kaba pura
zui.

Gumazamiziba angamira ikia bizar aviriba
uari bagha da akuva, egha fozir pu-
vati,

men ovevemin gin tinara da iniam.

⁷ O Ekiam, ki datirighin ua tina mizuamam?
Puvati.

Nan nighnizir gavgavim nirara ikiti, ki
zurara ni mizuamam.

⁸ Ni nan arazir kuraba gin amadagh, egh
uam na inigh.

Ni gumazir kurar organibar amaman-
gatighti
me na dipova nan ingarvakan
marki.

⁹ Ni ubi osimtizir kam na ganangi.
Ezi kamaghin, ki akam akarigh bitezitam
mikiman kogham.

Ki uan akam dukuagh pura ikiam.

¹⁰ Ni iveauzir kuram isi na daningvira ikian
marki.

Ni mizazim na gasezi ki atam areme.

¹¹ Ni gumazimin arazir kuram ikeravagh
osimtizim a ganidi.

Egha bizar i fongeziba, ni bar dagh
asighasisi,

mati barereba ko omebabada
apima da mazava akuaghiri.
Bar guizbangira, gumazimin ikirimirim
mati aminim varagha ghu.
(Ighiam gamua an suiam
atugha avughsega ua
ighiam gami.)

12 O Ikiavira Itir God, ni nan azangsriba
baragh.
Egh nan ararem baregh nan akuragh.
Nan temeriba irir dughiar kam, ni
kuarim atigh na baragh.

Ni fo, nan ovaviba dughiar otevimin
nguazir kamin ikezi moghin,
ki uaghan dughiar otevimin nguazir
kamin ikiam.

13 Ni iveauzir kuram ua na daningan marki.
Ni na ateghti ki uabira ikiti, nan navim
tong deraka.
Egh ki gin ovegh nguazim bar ane-
taghiraghram.

40

Godin ziam fer onger akam

Devit onger akar kam osiri.
An onger akar kabar faragha zuir gumazim
ginighnigha onger akar kam osiri.

1 Ki dughiar bar ruarinim Ikiavira Itir God
mizua itima,
a nan ararem baregha nan akura.

2 Ki mati gumazim torir konimin aven ikia
oveghasava amima,
Ikiavira Itir God nan suiragha na
gekuigha anabo.

Mati ki beghneazim bar a giraghugha an
aven itima,
a ua na asigha dagiar ekiam gisin na
afazi, ki gavgavim inigha tu.

3 An onger akar igiar mam nan akam gati.
Kar onger akar e uan Godin ziam
famim.

Gumazamizir avirim kamaghin ganigh ati-
atigh an apengan ikisi,
nighnizir gavgavim Ikiavira Itir Godin
ikiam.

4 Gumazamizir nighnizir gavgavim Ikiavira
Itir Godin itiba, me bar akongegh.
Gumazamizir kaba, me gumazir uari
uan ziaba febar gin zuir puvatigha,
uamategha asebar ziaba fer pu-
vatii.

5 O Ikiavira Itir God, ni nan God, ni bizar
aghuir bar aviriba e bagha dagh ami.
Gumazitam nin min amir puvati, ni bar
me gafira.

Ni e bagha bizar aghuir aviribagh ami.
Dar dibobonim bar ghuavanaboz,

ki da mengan ibura.

6 Asizir e misogha ni bagha ofa gamiba
ko, bizar aghuir e ofan min isa ni
ganidiba,
ni dar aghua.

Asizir e ni bagha avimin tuazi bar isigha
mighiriziba ko, arazir kuraba gin
amangamin ofaba,
ni dar aghua.

Nin ifongiamra kara, ni nan nighnizim
kuighti,
ki nin akaba baragh dagh fogh dar gin
mangam.

7 Ki datirighin ghaze,
“God, kira kara. Moses fomira nan gun
Akinafarir righizimin aven osirizi
moghin,
ki datirighin izegha gifa.

8 O nan God, ki nin Akar Gavgaviba uan
navimin aven ada arigha,
nin ifongiamin gin mangasa bar
ifonge.”

9 O Ikiavira Itir God, gumazamiziba uari
akuva nin ziam fer danganimin,
ni en akurazir akar aghuir kam, ki an
gun me mikemega gifa.
Nifo, ki me mikim mangivira ikiam.

10 Ni en akuragha ua e inizir bizar aghuir
kam, ki a modozi a narara itir puvati.
Ki gumazamiziba uari akuvir dangani-
bar kamaghin migia ghaze,
Ni zurara en apangkufi,
egha mikemezi moghira deragha
biziagh amua, uan nighnizim
gighavkirir puvati.

11 O Ikiavira Itir God, ki fo, ni nan apangku-
vir arazir kam, ni anegivaghan
kogham.

Ni zurara uan guzin akamin gin mangi,
na gifongezir arazir kam bagh na
geghuv nan akurvaghama.

*Gumazim uabin akurvaghaha Godin azai
(Onger Akaba 70)*

12 Guizbangira, arazir kurab bar avirim na
okarigha itima,
ki da mengan iburaghburaki.
Nan arazir kuraba bar na abiragha givazi
ki ua garir puvati.

Dar dibobonim bar nan dapanir arizibar
dibobonim gafirazi,
nan navim bar nan amirazi ki gavgav-
iba puvati.

13 O Ikiavira Itir God, ni ifuegh

40:2: Onger Akaba 27:5; 69:2; Jeremaia 38:6; 38:10-13

84:12; 125:5

40:5: Onger Akaba 71:15; 139:17-18; Aisaia 55:8-9

40:6: Hibrus 10:5-7

40:8: Onger Akaba 37:31; 2 Korin 3:3

40:12: Onger Akaba 18:5; 38:4; 65:3

40:4: Onger Akaba 32:7; 33:3; 64:9

40:4: Onger Akaba

40:6: Aisaia 1:11; Jeremaia 6:20; Maika 6:6-8

40:10: Onger Akaba 89:1; Aposel 20:20; 20:27

zuamira izi nan akuragh!
¹⁴ Gumazamizir maba na misueghti ki are-meghasa.
 Eighti ni me abinigh men nighniziba aghamsighti, me aghumsika.
 Osimtizir ki isiba, gumazamizir maba dar gara bar akonge.
 Ni men ziaba abinigh me batueghti me mangi.
¹⁵ Gumazir maba na migia ghaze,
 "A mara! Ni magh a baragh!"
 Ni me damighti
 me amir arazir kam bagh aghumsizir dafam inigh.
¹⁶ Gumazamizir ni bagha iziba,
 men naviba deraghti, me ni bagh bar akongegham.
 Gumazamizir nin akurvazim iniasa bar ifongeziba,
 me zurara ni minabiva kamaghin mikim suam,
 "Ikiavira Itir God,
 a bar ekevegha bar pin iti!"
¹⁷ Kirara, ki gavgaviba puvatigha uabira uabin akurvaghan iburaghburaki.
 Ezi Ekiam na ginighnisi.
 O nan God, ni ubi nan akuraghua na ini.
 Ni suighsuighan marki, ni zuamira izi nan akuragh!

41

Gumazim ariava uabin akurvaghaha God ko migei
 Devit onger akar kam osiri.
 An onger akar kabar faragha zuir gumazim ginighnigha onger akam osiri.
¹ Gumazir onganarazibagh amir gumazimizibagh nighnigha men akurvazim, a bar akonge.
 Guizbangira, an osimtizim ikiamin dughiamin Ikiavira Itir God an akurvaghan.
² Ikiavira Itir God deragh a geghuv an ganti, an angamira ikiam.
 A uan nguazimin ikiti, Ikiavira Itir God bar deragh a damuam.
 God anetegehti apaniba uan ifongiamin gin mangi anebiraghhan kogham.
³ Gumazir kam arimamin dughiamin, Ikiavira Itir God a ko iki gavgavim a daningam.
 Egh an arimariam damighti, a deragh ghuamaghegham.
⁴ Ezi ki ubi, nan migirigiam kamakin,
 "O Ikiavira Itir God, ki nin akam batuegha arazir kuram gami.

41:1: Aghuzir Akaba 14:21 **41:2:** Onger Akaba 27:12
 Jeremaja 20:10; Matyu 26:23; Mak 14:20; Luk 22:21; Jon 13:18
 119:131

Eighti ni nan apangkuvigh nan arimariam agifagh."
⁵ Nan apanibar naviba nan ikuvigha na dipova kamaghin migei,
 "A zuamira aremeghti deragh, eghti e ua a ginighnighan kogham."
⁶ Gumazir iza nan garir maba, me ifara pura migirigiar kiniabar na migei.
 Me na mikim nan azang kamaghin foghasa, ki arimariar kuram iti.
 Egh azenan danganiba bar dar mangi nan arimariamin gun me mikimam.
⁷ Apaniba bar na gifongezir puvati, egha nan arimariamin gun aghumra uarira uari geghari.
 Me kamagh nighnisi, bizir kuram na gasighasighan.
⁸ Me kamaghin migia ghaze,
 "Bizir bar kuram a inigha gifa.
 A uan misiar irighav itim ategh dikavighan kogham."
⁹ Nan roroar aghuim, ki nighnizir gavgavim an iti.
 Gumazir na ko dagheba apim, nan apanimin oto.
¹⁰ O Ikiavira Itir God, ni nan kuarkuvigh egh nan arimariam agifagh.
 Eighti ki gumazir kabar arazir kurar kam ikaraka.
¹¹ Apaniba na abiraghan koghti, ki fogh suam, ni bar na gifonge.
¹² Ni nan gari, nan daroriba nin damazimin dera.
 Kamaghin amizi, ni ua na inigh nan suiragli
 ki nin boroghin iki mamaghira ikiam.
¹³ E Ikiavira Itir Godin ziam fam, a Israelian God.
 Eighti gin otivamin ovaviba bar, me uaghan an ziam fam.
 Guizbangira!
 Bar guizbangira!

Akinafarin namba 2**42**
(Onger Akaba 42-72)

Gumazim uan nguibam ategha saghon ikia God ko migei
 Kar Koran adarazir onger akam.
 A gumazir onger akar kamin faragha zuim ginighnigha onger akam osiri.
 Me onger akar kam kamagh a dibori, Maskil.

41:9: 2 Samuel 15:12; Onger Akaba 55:12-13; 55:20;
41:13: Onger Akaba 106:48 **42:1:** Onger Akaba

¹ Asizir atiam dipatam amasa ariaghira iveau mara daghurir muziaribar uaghiri moghin,
O God, ki nin boroghin ikiasi bar ifonge.

² O God, ni Godin Angamira Itim, ki ni bagha kuarim bar puvira nan piri, mati gumazim kuarim an pirizi a dipatam amasa.

God, dughiar manamra ki bar nin boroghira mangi egh nin ziam fam?

³ Ki zurara arueba ko dimagaribar aziavira iti, ezi nan temeriba mati nan dagher ki zurarama apim.

Dughiabar zurara gumazamiziba nan azangsigha ghaze, "Nin God managh iti?"

⁴ Ki fomira gumazamizir avirimin faragha ghuu me inigha Godin Dipenimin aven ghu.

Ki me ko zuir dughiamin, gumazamizir avirir kam Godin ziam fa a minabava pamten tiariba akara onger akabagh ami.

Ki bizar kabagh nighnigha egha nan navim bar moghira biaghiri.

⁵ Ki uan navir averiamin aven uabira uabin azangsigha ghaze, ki tizim bagha bar oseme?

Ki osiman kogham.

Kamaghin dera, ki ua nighnizir gavgavim Godin ikiva, uam an ziam fam.

Nan God, a nan Akurvazir Gumazim.

⁶⁻⁷ Nan God, ki orazi osimtiziba aperiamin min afora na bagha izi.

Mati dipav sizim Jordanin Fanem ko Hermon ko Misan mighsianningin ikegha afora nig aizaghiri.

Ongarir konim, ongarir bar konezimin diava a migei.

Ezi dipar daghabar zaghiriba niginir dadam gami.

Ni ongarim gamima, a dikava dipiraghira, ghuu bar ongarir dadaribar ghuavanadi.

Kamaghira, osimtizir ni na ganidir kaba, mati dipav siziba iza na misogha na ave.

⁸ Ki kamaghua ifonge, Ikiavira Itir God aruemin nan apangkuvti, ki dimagaribar a bagh onger akabar amuva a ko mikimam.

A Godin ikirimirir aghuim na ganidim.

⁹ God, a dagiar ekiamin min gavgavim na ganidi,

ezi ki kamaghin a migei, "Ni manmaghsua na ginighnizir puvati? Ni manmaghsua nan apaniba ataghizi me na abirazi, nan navir averiam bar na baseme?"

¹⁰ Dughiabar zurara nan apaniba na dipova nan azangsigha ghaze, "Nin God a managhira iti?"

Ezi men azangsizir kam afuzimin min nan mikarzim ginivima, ki aremeghasava ami.

¹¹ Ki uan navir averiamin aven uabira uabin azangsigha ghaze, ki tizim bagha bar oseme?

Ki osiman kogham.

Kamaghin deraghram, ki ua nighnizir gavgavim Godin ikiva, uam an ziam fam.

Nan God, a nan Akurvazir Gumazim.

43

Gumazim uan nguibam ategha saghon itir kantrin ikia God ko migei

¹ O God, gumazamizir akirim ragha ni gabisna abinasa.

Ni nan akuragh gavgavim isi nan akabar aning, egh na bagh mikimti me kamaghin fogham, ki arazir kuratam gamizir puvati.

Ni gumazir ifara arazir kurabagh amibar dafaribar nan akuragh ua na inigh.

² O God, ki ni baghavira zuima ni na modi. Ni manmaghsua nan aghuatha na batoke?

Manmaghsua nan apaniba na abirazi, nan navim osemeha kamaghira iti?

³ Ni uan guizin akam amadagh uan angazangarim akaghti, aning tuavim nan akagh uam na inigh Salomin Mighsiar ni ua bagha inabazimin.

Dipenir ni ubi itimin mangam.

⁴ O God, ni nan God, nirara nan navim gamima a derazi ki bar akonge.

Ki nin ofa gamir dakozimin mangi, egh uan gita misogh nin ziar ekiam fam.

⁵ Ki uan navir averiamin aven uabira uabin azangsigha ghaze, ki tizim bagha bar oseme?

Ki osiman kogham.

Kamaghin deraghram, ki ua nighnizir gavgavim Godin ikiva, uam an ziam fam.

A nan God, a nan Akurvazir Gumazim.

44

Apaniba paza Isrelia gamima, me uarir akurvaghaha Godin azangsisi
 Kar Koran adarazir onger akam.
 A gumazir onger akar kamin faragha zuim ginighnigha an osiri.
 Me onger akar kam kamagh a dibori, Maskil.

1 O God, e uan kuarir toribar orazi,
 en inazir afeziaba bizir ekiar ni men
 dughiamin formira me bagha amizibar
 ibar e geghan.

2 Ni ubabi uan gavgavimin ikizir igharazibar
 gumazamizibar nguazimin me batuegha,
 uan gumazamiziba isa nguazir kamin
 me arighizi me gavgavigha iti.

Ni iveauz kuram isa Kantrin Igharazibar Gu-mazamizibagh aningi.
 Egha en inazir afeziabagh amizi, me
 deravira ikia borir bar aviriba bate.

3 En inazir afeziaba uan midorozir sababar
 midorozim gamua nguazir kam inizir puvati.
 Me uan agharibar misogha uan gavgav-
 ibar apaniba abirazir pu.
 Bar puvati.

Ni ubabi me gifongegeha me ko itima,
 nin angazangarimin gavgavim me
 gisirazi,
 me nin gavgavimra, uan apaniba abini.

4 Ni nan atrivim ko nan God.
 Ni Akar Gavgavim aningizima, Jekopin
 adarazi uan apanibav sogha me
 abiri.

5 E nin gavgavimin amodoghin
 e uan apanibav sogha me abira.

6 Ki nighnizir gavgavim uan barir pim ko
 baribar itir puvati.
 Da nan akuraghti ki uan apaniba
 abiraghan kogham.

7 Nirara en akurazi
 en apaniba e misogha e abirazir puvati.
 En aghuazir gumaziba, ni me abirazi
 me aghumsigha okam nighnisi.

8 O God, nirara e nin ziam fi,
 egh ni minabi mamaghira ikiam.
 (Ighiam gamua an suiam
 atugha avughsegha ua
 ighiam gami.)

9 Ni datirighin manmaghsua akirim ragha e
 gasara?
 Kamaghin en apaniba uam e abirima, e
 aghumsisi.

En midorozir gumaziba misoghasa zuima,
 ni ua me ko zuir puvati.

10 Ni kamaghin e gamizi, e uan apanibar
 atiatigha are.
 Ezi en apaniba uari bagha bar en biziba
 ini.

11 Ni e ataghizi, e sipsipin me misueghti
 aremeghamibar min iti.
 Ni en nguazimin e batuegha e amangizi,
 e tintinbar ghua
 Kantrin Igharazibar Gumazamiz-
 ibar tongin pura iti.

12 Ni uan gumazamiziba isa gumazir
 igharaziba pura ingangarir gumazir
 kinibar ikiasi me amangizi,
 gumazir kaba dagiar ekiatamin me
 givezezir puvati.

13 Ni kamaghin e gamizi, en boroghin itir
 darasi,
 dibovir akabar e migia en ingaravati.

14 Bizar ni e gamizir kamin eghaghanim
 otozi,
 Kantrin Igharazibar Gumazamiziba a
 baregha
 dapaniba roa aghumsizir akabar e
 migia en ingaravati.

15-16 Ki zurara orazima, gumaziba dibovir
 akabar na migia aghumsizim na
 ganiga
 bar akar kurabar na migei.

Ki uaghan zurara garima, apaniba ko gu-
 mazir iveauz kuram na daningasava
 amiba
 mizazim na gasi.
 Kamaghin amizi ki zurara
 aghumsizir bar dafam isima a
 bar nan avara.

17 O God, en nighnizimin, e ni ataghizir pu-
 vati.
 Nin Akar Dikirizir Gavgavim, e
 anebighizir puvati.
 Ezi bizar kaba e batifi.

18 E akirim ragha ni gasarazir puvati,
 egha nin tuavim ataghizir puvati.

19 Ni guizbangira e abira, mati ni asizir
 atiaba itir danganimin e ataghizi,
 e akurvaziba puvatigha uarira iti.
 Ni mitarmer bar ekiamin e avarazi
 e an averi iti.

20-21 O en God, e nin ziam fan koghiva,
 godin ifavaribar ziaba fiti ni fogham.
 Ni guizbangira gumazibar navir averiabar
 itir nighnizir mogomeba,
 ni bar dagh fogha gifa.

22 E nin gin zui, ezi bizar kam bangin me
 zurara e misozima e ariaghirasava
 ami.

- Me kamaghin nighnigha ghaze, e mati sipsipin gumaziba misueghti aremeghasavirama amibar min, me e misoghasa.
- 23 O Ekiam, ni manmaghin amigha akuavira iti?
Ni osegh dikafigh.
Ni akrim ragh e gasaraghvira ikian marki.
- 24 Ni manmagsua uan guam bar en modo? Egha apaniba pazavira e gamir araziba ko mizazir e isir kabar garir puvati?
Ni en osimtizim bakinighnighan marki!
- 25 E nguazim gisin daghirezi, en mikarziba mati gumaziba ariaghiregha nguazim gireghav iti.
- 26 O God, ni uan apangkuvir arazim ginighnigh dikavigh izi en akuragh, egh uam e inighti e arimighiran kogham.

45

Atrivim amuimin ikiamim dughiamin onger akam

- Kar Koran adarazir onger akam.
Kar, gumazim amizim gifongezir ighiam.
Gumazir onger akar kabar faragha zuim gumazibav gia ghaze, me Akimarin Aghuubar tiarimin gin mangi, ighiar kam bangi.
Me onger akar kam kamagh a dibori, Maskil.
- 1 Migirigar aghuir avirir maba nan nighnizimin izi.
Ki onger akar kam osirighti me atrivim bagh a diponam.
- Nan mizem mati finfinim, a gumazir akinafariba osira fofozimin min ikia onger akar kam osiri.
- 2 O atrivim, ni gumazir ganganir aghuim gamim.
Gumazir igharazitam nin min garir puvati.
- Migirigar nin akamin otiviba bar deravira zui.
Ezi God deragha ni gamua mamaghira iti.
- 3 Ni atrivir bar gavgavim.
Ni adiarir bar aghuim gamizi nin ziam bar pin mar iti.
- Ni uan midorozir sabam inigh uan oghiriam gikgeh misoghsa gan.
- 4 Ni atriviba bar dar faragha ghua ziar ekiam iti.
Ni guizin akam ko arazir aghuim baghavira misoghsa,

- uan hoziom gaperagha ghua misogha uan apaniba abira.
- Eghti nin midorozir arazim gavgavim sara mangiti, gumazir kuraba bar nin atiatigham.
- 5 Nin bariba bar ghumigha, apanibar dighoriba okorava aven zui.
- Ni Kantrin Igharazibar Gumazamizibav sogha me abirima, me nin suemningin apengan iti.
- 6 Nin atrivir dabirabir God ni ganingizim, a zurara iki mamaghira ikiam.
Eghti ni guizin arazimin uan gumazamizibagh ativagh men ganam.
- 7 Ni arazir aghuibara ifuegha, arazir kuraba bar dar aghua.
- Kamaghin amizi, God ni amisevegha, ni ziar ekiam ikiasa a borem nin dapanim ginge.
- A kamaghin ni gamizi ni bar akonge, ezi ni bar akongezir bizir kam, atrivir igharaziba bar me gafira.
- 8 Mea ko kasia ko alo, dar mughuriar aghuim, nin korotiar ruarimin ikia mughuriar aghuim zui.
Me elefanin ataribar digirir igharagha garibar ingarigha, atrivir dipenim asigha ni bar akueghasa me gitabagh ikiararai.
- 9 Atrivibar guivir maba, me nin ziaba itir amizibar tongin ikia nin dipenimin aven iti.
Ezi amizir igiar nin amuimin otoghamim, a nin agharir guvimin tughav iti.
- A Ofirin kantrin golin asingizir korotiar aghuim arugha tughav iti.
- 10 Amizir igiar atrivimin ikiasava amim, ki datirighin a mikimasa.
O guivim, ni kuarim atigh deragh nan migirigiaha baragh.
Ni uan nguibamin gumazamiziba ko, nin afeziamin dipenimin itir darazi gin amadagh.
- 11 Ni kamaghin damuva atrivimin damazimin ganganir bar aghuim damuti, a nin gan ni gifuegham.
- A nin gumazir ekiam, ni an akaba baragh dar gin mangi.
- 12 Tairin kantrin gumazamiziba ni bagh bizir aghuiba inigh iziti, dagiar aviriba itir gumaziba, ni me ginighnighsi me uaghan dagiaba ni daningam.
- 13 Atrivimin amuir bar igiam, an akua itir danganimra ikia ganganiba bar dera.

A korotiar me tret golin nuavigha kurkezim aru.
14 Korotiar an aruzir kam dirir bar aviriba iti,
 ezi me an akua atrivim bagha zui.
 A zuima an namakar amizir igiaba,
 me uaghan an akua zui.
15 Men naviba men derazi me bar akeugha ghua,
 atrivimin dipenimin aven zui.
16 O atrivim, ni datirighin otarir aviriba ikiti,
 me nin inazibar danganiba inigh atrivibar ikiam.
 Ni me damichti me ziar ekiam iki,
 nuguazir kamin gumazamiziba bar me gativagh men ganam.
17 Ki nin ziar ekiamin gun mikimti,
 gumazamizir gin otivamiba ni ginighnighvira ikiam.
 Eghti dughiar gin izamiba,
 gumazamiziba zurara nin ziam fi mambahira ikiam.

46

God e ko iti
 Kar Koran adarazir onger akam.
 Gumazir onger akar kamin faragha zuim
 gumazamizibav kemezi, me ighiar ziam
 "Amizir Igiaba," an tiarimin a bange.
1 God en danganir mogomemin min ikia,
 e akumakua deragha en gara, gav-
 gavim zurarama e ganidi.
 Dughiar e osimtizir ekiabar aven itibar,
 a en akurvaghosa gara iti.
2 Mikimkiziba otivti, mighsiabia dipirighiri
 ongarir torimin magiriti,
 e atiatingan kogham.
3 Ongarim dikav pamten dipirighiri mangi
 mighsiabav soghti, da nuighnuigham,
 egheti e akongan kogham.
 (Ighiam gamua an suiam
 atugha avughsegħha ua
 iħġiām gami.)

4 Godin Nguibam, a Godin Bar Pin Itim ua
 bagħi għinaba, egha an aven iti.
 Ezi faner bar ekiar mam an torimin
 ivemarima,
 gumazamiziba dipar kam bagħha
 bar akonge.
5 God Nguibar kamin aven iti, ezi Nguibar
 kam ikuvighan kogham.
 Aminim tighar tisi damuti,
 God an akuragħam.
6 Kantrin aviribar gumazamiziba digavir
 kuram damiġħ uarira uariv sogħam.

Egheti atriviba uan gumazamiziba ko
 bar iregham.
 Egheti Godin tiarim ararimin min da-
 garagħti,
 nuguazim puram ameregh magħram.
7 Ikiavira Itir Godin Gavgaviba Bar Itim, an
 e ko iti.
 A Jekopin God,
 a en danganir mogomem.
 (Ighiam gamua an suiam
 atugha avughsegħha ua
 iħġiām gami.)
8 Aria! Ia izi Ikiavira Itir God amizir bizibar
 ganigh.
 A nuguazim min amizir bizibba,
 ia dar gan digavir kurabar amuam.
9 A nuguazim oteviba bar dar midoroziba
 agefi.
 Egha barir piba ko afuzibar suigha da
 apiraghariġha,
 oraba aviba dagħi arizi da isi.
10 A kamaghin migia ghaze, "Ia uarir asugh
 nimira iki.
 Egh deragh na gifogh, ki guizbangira
 God.
 Kantriba bar nan ziam fi.
 Nguazir kamin itir gumazamiziba bar
 kamaghin mikim suam,
 Kirara ki ekevegha bar pin iti."
11 Ikiavira Itir Godin Gavgaviba Bar Itim, an
 e ko iti.
 A Jekopin God,
 a en danganir mogomem.
 (Ighiam gamua an suiam
 atugha avughsegħha ua
 iħġiām gami.)

47

God gumazamiziba bar men atrivimin iti
 Kar Koran adarazir onger akam.
 Kar gumazir onger akar kamin faragħa
 zuim in onger akam.
1 Ia gumazamiziba bar, ia God bagħ bar
 akonqegħ,
 egh uan dafaribav soħħi pamtem
 dimiva
 onger akabar amuva an ziam fi.
2 Ikiavira Itir God, a Godin Bar Pin Itim,
 an atrivir ekiamin ikia nuguazir kam
 gativħaga an gari.
 Kamaghħi amizi, e bar an atiatiava
 an apengen iti.
3 God ikizir igharaziba bar me abirazi, e me
 gatifa.

A Kantrin Igharazibar Gumazamiz-
ibagh amizi, me en apengan iti.
 4 E Jekopin ovavir boriba, ezi God bar e
gifonge.
 God Kenanin nguazim e bagh a gin-
abagh,
a isa e ganingi.
 (Ighiam gamua an suiam
atugha avughsegħha ua
ighiam gami.)

5 God uan Nguibamin għuavanangamin
dugħiġi min,
gumazamiziba bar akuegħha tiariba
akari,
ezi sīgħabagh ivir gumaziba dagh
ivi.

6 E God bagħi ongħiwa an ziam fam!
 A en atrivim, e a bagħi abar amuva
ziar ekiam a dandingam!

7 God, a nguazim iñi tħalli għad-
men atrivim.
 E a bagħi ongħiwa an ziam fam!

8 God uan atrivir dabirabim gaperagħa,
nguazir kamin itir kantriħa bar dagħ
ativiġha dar gari.

9 Gumazamizibar gumazir dapaniba,
me Abrahamin Godin ġin zuir gumaza-
miziba ko uari akuvagh ikiam.
 Nguazim iñi tħalli atriviba bar men midoroz
gumazibar oraba, da bar Godin biz-
iba.
 Eghi me bar an ziam fam!

48

Saionin nguibam, ziar ekiam iki egh-
ikivira ikiam

Kar Koran adarazir onger akam.

Kar Godin ziam fer onger akam.

1 Ikiavira Itir God, ziar ekiam iti.

E Godin mighsiamin għuavanang,
egħi an nguibar ekiamin aven
mangi an ziar ekiam piraflam.

2 Saionin Mighsiar kam, an gangamit bar
deragħha bar pin mar iti.

A notin amadagħan iti, ezi atrivir
ekiamin nguibam an iti.

Ezi nguazim iñi tħalli għad-
mighsiar kam bagħha bar ifonge.

3 God nguibar kamin ikiā, midorozibar
dugħiabar uan gumazamizibagh
egħuva men akurvazima,
me deravira iti.

4 Atriviba uan midorozir gumaziba ko uari
akuva,

Saionin nguibam ko misogħasa iżi.

5 Me iza nguibamin gara atiatim men
anadima,

me agoava ara zui.
 6 Me nguibamin gara nighħava agoa mizazim
isi,
mati amizim borim batasa mizazim isi.
 7 Aminir ekiam aruem anadi nagħiñ ikegħa
iza, Tarsisin nguibamin kuribagh
asħiegħasizi mogħiex,
ni me gasighasikgħi.
 8 God fomira amizir bizibbar akaba, e pura da
baraki.
 E datirgħi uan damazibar uan Godin
Nguibamin ikia garima, a bixi
kabagh ami.
 A Ikiavira Itir Godin Gavgaviba Bar Itim,
kamaghix u an nguibamin gara gav-
gavim isa a ganidima,
a tugh gavgavigh, egh kamaghira
ikiam.
 (Ighiam gamua an suiam
atugħha avughsegħha ua
ighiam gami.)

9 O God, e nin Dipenimin aven ikia
nin apangkvir arazir kam
ginighnighavira iti.

10 Nguazir kamin gumazamiziba bar fo, ni
ziar ekiam iti.
 Eghha me bar nin ziam piraflam.
 Ni arazir aghjuu gamua gumaza-
miziba me gatvagħha men gari.

11 Saionin nguibam iñi tħalli għad-
mighsiar kam bar akongegħ.
 Ni arazir aghjuu ġin ghua gumaziba
bar men araziba tuisisi.
 Kamaghix Judan aven itir nguibabar gu-
maziba,
me bar akongegħ.

12 Ia Israelia, ia bar iżi
 Saionin nguibam avinijir divazim
ażenar daruva, an dipenir ruarir gu-
maziba iki ganamiba meng.

13 Ia Saionin nguibam avinijir divazim der-
agh an ganigh nighnizim inighħiva,
deragh an itir dipenir gavgavibar
ganigh.
 Eghha ġin, deraghvir ġin otivamin
ovavibagh eghanam.

14 Ia kamagh me mikim suam,
 “Godin kam a en God, a zurara ikia kam-
aghira iti.
 Eghha zurara en faragh mangi tuavim
en akakagh.”

49

Gumazim dagħiaba ko bixi aviribara
nighni, a għażiż orġanġ
 Kar Koran adarazir onger akam.
 Kar onger akabar faragħha zuir gumazim iñi
onger akam.

- ¹ Ia bar moghira bizir kam baragh.
 Ia nguazir kamin itir gumazamiziba, ia
 bar kuariba arigh deragh nan akam
 baragh.
- ² Ia gumazir ziaba itiba ko ziaba puvatiziba,
 dagiaba itir gumazamiziba, ko dagiaba
 puvatiziba, ia akar kam deragh a
 baragh.
- ³ Nan navir averiam nighnizir aghuir mam
 an dikafi.
 Ki nighnizir aghuir kam mikimti a fo-
 fozir aghuim ia daningam.
- ⁴ Ki faragh aghuzir akar tabav kemegh,
 gita misogh aghuzir akar kamin
 mingarim bangi ia mikimam.
- ⁵ Gumazir kuraba na ekiaruzi, ki dughiar
 kurabar ikia,
 egha dughiar kurar kabar atiatir pu-
 vati.
- ⁶ Gumazir bizir aviriba itir kaba,
 me uan biziagh nighnigha uari uan
 ziaba fa migirigiabagh ami.
 Ezi ki men atiatir puvati.
- ⁷ E fo, gumazitam uabi uan mikarzim
 givezeghan kogham.
 Egh a uabi uan ikirimirim givesi
 dagiatam God daningan kogham. Bar
 puvati.
- ⁸⁻⁹ Guizbangira, gumazimin ikirimirim
 givezamin iveau, a bar pin ko.
 Gumazim angamira ikisi dagiaba God
 danighti,
 God aneteeghti an angamira
 dughiar ruarimin ikeghan
 kogham.
 Bar puvatigham.
- ¹⁰ E fofozir gumazamizibar garima, me
 uaghan ariaghiri.
 Ezi gumazamizir kuraba ko gu-
 mazamizir onganiba, me uaghan
 ariaghiri.
 Gumazamizir kaba bar uan dagiaba ko bizir
 aghuiba ateghti,
 gumazamizir igharaziba da iniam.
- ¹¹ Gumazamizir kaba faragha uari nguaz-
 iba iti.
 Datirighin matmatiaba men nguibar
 me zurara ikiambar min ikiam.
- ¹² Gumazimin ziar ekiam, an ovengamin
 tuavim apirighan kogham.
 Puvati. E bar asizibar mirarama
 arimighiram.
- ¹³ Arazir kamnang, a gumazamizir uarira
 uarigh nighnigha bizir aviriba itiba
 bativam.
- Gumazamizir kamaghin amiba me
 nighnizir aghuiba puvati,
 me bizir isir kaba bagh bar akuegh,
 uaghan kamaghiram ovengam.
 (Ighiam gamua an suiam
 atugha avughsegha ua
 ighiam gami.)
- ¹⁴ God me amisevegha ghaze, me sipsipbar
 min arighiri,
 Gumazamizir Oveaghuezibar
 Nguibamin mangam.
 Eghti ovevem me gehhuv men
 garir gumazimin min ikiam.
 Me uan dipenir aghuiba ateghti, men
 mikarziba bar kurighireghti, me
 Gumazamizir Oveaghuezibar
 Nguibamin ikiam.
 Eghti amimzaraghan, gumazamizir
 aghuiba gumazamizir kabagh
 ativagh men ganam.
- ¹⁵ Eghti God nan akuragh ua nan ikirimirim
 givezeghti,
 Gumazamizir Oveaghuezibar
 Nguibamin gavgavim ua nan
 suighan kogham.
 A ua bagh ua na iniam.
 (Ighiam gamua an suiam
 atugha avughsegha ua
 ighiam gami.)
- ¹⁶ Gumazitam dagiar aviriba inigh egh
 dipenir ekiatamin ingarigh ua bagh
 bizir bar aghuiba a darighthi,
 ni bizir kam ginighnigh osiman marki.
¹⁷ Ni fogha gifa, a gin aremegh bizir
 katam sara mangighan kogham.
 An bizir aghuir kaba, a ko Gumaza-
 mizir Oveaghuezibar Nguibamin
 mangighan kogham.
- ¹⁸ An angamira itir dughiam, a bizir kabar
 gara da bagha bar akonge.
 Egha bizir aviriba iniasa bar pamten
 ingarima,
 gumaziba a migia ghaze,
 "A gumazir bar aghuim."
- ¹⁹ An aremegh uan inazir afeziaba ko,
 nguibar uam aruer angazangarimin
 garir puvatizimin ikiam.
- ²⁰ Gumazimin ziar ekiam, an ovengamin
 tuavim apirighan kogham.
 Puvati. E bar asizibar mirarama
 arighiram.

50

God gumazamizibar araziba tuisisi
 Asap onger akar kam osiri.
¹ Godin Bar Gavgaviba Itim, a en Ikiavira Itir
 God.

- An aruem anadi naghin ikegha ghua
aruem uaghiri naghin itir gumaza-
miziba bar men del.
- ² God Saionin nguibamin ikia uan
Dipenimin iti.
Nguibar kam a bar deragha ganganir
aghuij gami,
Godin angazangarim Saionin otiva a gisir-
agha
nguazir kam bar an ghu.
- ³ En God a izi, egha a nimira izir puvati.
Avir ekiam bizir aviribar isia an
faragha izima,
amozim ko aminin ekiam a sara izi.
- ⁴ An overiam ko nguazimin diazi,
aning izi uaghan iki ganti,
a guizin arazimin gin mangi
uan gumazamizibar araziba
tuisigham.
- ⁵ God ghaze,
“Ta nan gumazamiziba, ia na bagh izi.
Ia na ko Akar Dikirizir Gavgavim
gamigha gavgavim a daningasa,
asizibav sogha ofa gami.”
- ⁶ Overiam ubi ghaze, Godin Araziba bar
moghira dera.
Guizbangira, a ubi guizin arazimin gin
ghua
gumazamizibar araziba tuisisi.
(Ighiam gamua an suiam
atugha avughsegha ua
ighiam gami.)
- ⁷ God ghaze,
“Nan gumazamiziba, ia oraghti ki
mikimam.
Ia Israelia, ki kotin aven tugh ia gasir
akamin gun mikimam.
Ki uabira God, ki guizbangira ian
God.
- ⁸ Ki ofan ia amiba bagha ian atarir puvati.
Ki ian garima,
ia zurara nan damazimin ofa
bagha amua avimin da tue da
bar isia mighiri.
- ⁹ Ki ian divazibar aven ian bulmakaun
apuriba ko memen apuriba inian
aghua.
- ¹⁰ Guizbangira, ruarinmin itir asizir atiaba
bar nana.
Mighsiaba bar dar itir bulmakauba,
da bar vaghvaghna asizibara.
- ¹¹ Kuarazir mighsiabar itiba, ki vaghvaghna
dagh fo.
Asiziba ko apizir tuzibar aven aruiba,
da bar nana.
- ¹² Mitiriam nan aghiti, ki dagheba bagh ian
azaraghan kogham.

- Guizbangira, nguazim ko bizir an itiba,
da bar nan biziba.
- ¹³ Ki ti bulmakaun tuziba api, o?
Ki ti memen ghuzim api?
Bar puvati.
- ¹⁴ “Kamaghin deragham, ia bar God
minabagh.
Kamaghin garir ofa ia a damu.
- Ki Godin Bar Pin Itim, bizir aghuir ia na
daningasa mikemegha givaziba,
ia da isi na daning.
- ¹⁵ Osimitzim ia bativamin dughiamin,
ia nan dimti ki ian akuraghram.
Eghti ia nan ziam fam.”
- ¹⁶ God kamaghin gumazamizir arazir
kurabagh amibav gia ghaze,
“Ia tizim bagha nan arazir ki ifongeziba
pura dar bori?
Ia arazir kam tong ian akurazir pu-
vati.
Egha tizim baghavira nan Akar
Dikirizir Gavgavim purama a
migei?”
- ¹⁷ Ki ia akir ia mikiman ia aghuaghia,
nan akaba girakirangin ada arisi.
- ¹⁸ Ia okimakiar gumazibar gara me ko na-
makabagh ami.
Egha ia poroghamiba uari bakia uari ko
akuir gumazamiziba koma arui.
- ¹⁹ “Ia zurara akar kurabav gia,
ian mizeba ifavarim ataghirazir puvati.
- ²⁰ Ia uan aveghbuuba girakirangin me
migia,
me isa kiotiabagh arisi.
- ²¹ Ia bizir kabagh amima, ki akam akarigha
bitezit migeir puvati.
Ia ghaze, ki ti ia ko e magh ghue?
- Bar puvati.
Ki datirighin ia isi kot datigh azena-
ian guabar ian atariva akam ia
gasam.
- ²² “Ia deraghviram oragh!
Ia gumazamizir akirim ragha na
gasaraziba.
- Ia kamaghin damuti, ki ia gasighasichti,
gumazitam ian akuragh ua ia inighan
kogham.
- ²³ Gumazim a na minabi, mati a na bagha
ofa gamua nan ziam fe.
Gumazamizir nan akamin gin zuiba,
ki men akuragh ua me iniam.”

51

Gumazim uan arazir kuraba gin amangasa God ko migei

Devit onger akar kam osiri.

A gumazir onger akabar faragha zuim ginighnigha an osiri.

Devit Batseba ko arazir kuram gamizi, Godin akam inigha izir gumazim Natan, iza akam a gasara. Ezi Devit uan arazir kuram ginighnigha ighiar kam osiri.

¹ O God, ni uan apangkuvir arazimin gin mangi,

egh nan apangkufigh.

Ni apangkuvir ekiar kam nan iki,
egh nan arazir kuraba batokegh.

² Gumazamiziba rua ua zue moghin,
ni na rueghti nan arazir kuraba
mangichti
ki zueka.

³ Ki fo, ki arazir kuram gamigha gif.

Egha arazir kurar ki amizir kam,
ki a ginighnighavira iti.

⁴ Ki bar nirara, nin damazimin arazir kuram
gami.

Ni uan arazir aghuimin gin ghua na isa
kot gatigha,
nan arazir kuraba bagha iveauzir ku-
ram na ganungi.

⁵ Ki uan amebamin navir averiamin aven
ikiavira itima,
arazir kuraba nan iti.

Arazir kurar kaba nan mikarzimin ikiavira
iti
nan amebam na bate.

⁶ Ki fo, ni kamaghin ifonge, ki uan
nighnizimin aven nin guizin akamin
gin mangam.

Kamaghin, ni uan nighnizir aghuim isi
nan navir averiam datigh.

⁷ Ni hisopin ter aguar muziaritam inigh a isi
dipam darugh,
egh nan mikarzimin a kavamadaghti, ki
nin damazimin zueka.

Egh na rueghti ki bar zuegh
nir ghurghurimin min bar
ghurghurika.

⁸ Bar guizbangira, ni bar na dikabiragha
egha nan arazir kuraba ikaragha
gif.

Datirighin nan navir averiam deraghti
ki bar akuegham.

⁹ Ni nan arazir kuraba ua dar ganan marki.

Ni da batuegh ua adagh nighnighan
marki.

¹⁰ O God, ni nan navir averiam damighti a
zuegh ua igiamin otogh.

Eghti nin ifongiar aghuim nan aven iziti
ki nirara ganam.

¹¹ Nin Duam nan aven iti,
ezi ni uabin boroghin na batuegh, na da
uan duam inian marki.

¹² Ni faraghavira ua na inizi ki ni bagha bar
akonge.

Ni datirighin bar akongezir arazir kam
na daningigh.

Ki nin akabar gin mangamin ifongiar
kam, ni ua na daningigh.

¹³ Eghti ki gumazir arazir kurabagh amiba
nin akamin me mikimam,
eghti me ni bagh izam.

¹⁴ O God, ni nan Akurvazir Gumazim,
kamaghin ni nan akuraghti, ki uan
arazir kurar kam bagh ovengan
kogham.

Kamaghin amizi, ni nan akurazir bizir kam
bagh,
ki pamten ighiabar amuam.

¹⁵ O Ekiam, ni nan akuraghti,
ki deragh eghaghanibagh fogh nin ziam
fam.

¹⁶ Ki fo, ni kamaghin aghua, ki asizim inigh
izi ni bagh an ofa damuam.
Ki ofa damusis asizim misuegh a tuaghti,
a bar isi mighiran ni aghua.

¹⁷ O God, ni kamaghin ifonge, ki ofan min
bar ubi abiragh bar nin apengan
ikiam.

Gumazamizir uari abira navibagh iz-
iba,
ni akirim ragha me gasir puvati.

¹⁸ O God, ni uan ifongiamin gin mangi
Saionin gumazamizibar akuragh,
egh Jerusalemin nguibamin divaziba
uam adar ingarighthi da tuifigh.

¹⁹ Dughiar kamin me ofan aghuir nin
damazimin deraziba ko, asizim
tuaghti a bar isi mighirighamin ofa,
me da isi ni daningam.

Me uan bulmakaun apuriba inigh
nin ofa gamir dakozimin izi
ni bagh dar ofa damuam.

51:1: 2 Samuel 12:1-15; Onger Akaba 109:26; Aisaia 43:25; Aposel 3:19; Kolosi 2:14 **51:2:** Aisaia 1:16; Jeremaia 4:14; Hibru 9:14 **51:3:** Aisaia 59:12 **51:4:** 2 Samuel 12:13; Luk 15:21; Rom 3:4 **51:5:** Jop 15:14; Efesus 2:3

51:6: Onger Akaba 15:2; Aghuzir Akaba 2:6; Jems 1:5 **51:7:** Diboboniba 19:18; Aisaia 1:18; Hibru 9:19 **51:8:** Onger Akaba 35:10; Aisaia 35:10; Joel 1:16 **51:9:** Jeremaia 16:17 **51:10:** Onger Akaba 78:37; Matyu 5:8; Aposel 15:9; Efesus 2:10 **51:11:** 2 Atriviba 13:23; Aisaia 63:10-11; Jeremaia 7:15 **51:12:** Onger Akaba 13:5 **51:13:** Onger Akaba 22:27; Aposel 9:21-22 **51:14:** 2 Samuel 12:9; Onger Akaba 35:28; 71:15 **51:15:** Ua Me In 4:15; Onger Akaba 9:14 **51:16:** Onger Akaba 40:6 **51:17:** Onger Akaba 34:18

52

*Gumazir arazir kurabagh ifongezim, a
gumazir organim*
Devit ighiar kam osiri.

A gumazir onger akabar faragha zuim
ginighnigha an osiri.

Idomian gumazim Doek, Solin dipenimin
ghugha ghaze, Devit Ahimelekin dipenimin
ghu. Dughiar kamin Devit ighiar kam osiri.
Me onger akar kam kamagh a dibori,
Maskil.

¹ O gumazir ekiam, ni mammaghsua uabi-
fa, arazir kurar ni Godin gumazamiz-
ibagh amiziba bagha bar akonge?
Godin apangkuvim men ikia mam-
aghira iti.

² Nin mizem resan min bar ghumigha
ifavaribagh ami da otifi.
Dugiabar zurara ni gumazamizibagh
asighasighsha migei.

³ Ni arazir aghuim bar an aghuagha arazir
kuram baghavira ifonge.

Ni guizin akam gifongezir puvatigha,
ifarasa bar ifonge.
(Ighiam gamua an suiam
atugha avughsegha ua
ighiam gami.)

⁴ Ni ifarir gumazim!
Ni uan akamin gumazamizibagh
asighasighsha bar ifonge.

⁵ Ni orakigh, God bar ni gasighasichti ni
ikuvigh kamaghira ikiam.
A nin dipenimin nin suiragh ni batuegh
bar ni agivaghti,
ni ua nguazir kamin ikian kogham.
(Ighiam gamua an suiam
atugha avughsegha ua
ighiam gami.)

⁶ Godin gumazamiziba kamaghin nin
ganigh atiatingam.
Me nin ingariva aki kamaghin
mikimam,

⁷ "Ia gumazir kamin gan! Gumazir kam
God a geghuv egh deragh an ganan
an aghua.

A uan dagiaba ko bizir aviribagh
nighnigha ghaze,
an arazir kuraba an akuraghti a
deragh ikiam."

⁸ Ezi ki, olivin tememin min Godin
Dipenimin aven tughav ikia de-
ravirama aghui.

Ki nighnizir gavgvim an apangkuvir
arazimin iki mamaghira ikiam.

⁹ O God, ni nan akurazi ki zurara ni
minabivira ikiam.

Ki gumazamizibar damazibar nin ziam
fi kamagh mikim suam,
"God arazir bar aghuimin na
gami."

53

*Gumazamizibar arazir kuraba
(Onger Akaba 14)*

Devit onger akar kam osiri.
Kar onger akar kabar faragha zuir gu-
mazimin onger akam.

A gumazamizibav kemezi me Mahalatin
tiarimin ighiar kam bange.
Me onger akar kam kamagh a dibori,
Maskil.

¹ Gumazamizir organiba uan navir averi-
abar aven nighnigha ghaze, "God itir
puvati."

Gumazamizir kaba me bar gumaza-

mizir kurabara.
Me bar moghira arazir aghuitam
gamir puvati.

² God uan Nguibamin pin ikia nguazimin itir
gumazamizibar gari,
men tav ti nighnizir aghuim ikia a
gifofohsha a buri,
ti puvati.

³ Me bar tuavir aghuim ataki.
Me bar moghira ikuvigha magh gari.
Men tav arazir aghuitam bar a gamizir pu.
Bar puvati.

⁴ God kamaghin migia ghaze,
"Gumazamizir arazir kuram gamiba,
nighnizir aghuitam men itir puvati.
Me bret apava anegevi moghin, me nan
gumazamiziba a gefi.
Egha me tong na ko migeir puvati."

⁵ Gumazamizir kamaghin amiba atiatir bar
dafam me bativam.
Fomira atiatir kamaghin garitam me
batozir puvati.

Guizbangira, God bar uan gumazamizibar
apanibar aghua.
Me ariaghirezi, a men aghariba tintini-
bar da kavkinizi, da irezi, me bar
aghumsiki.

Kamaghin, a bar me gafiragh gifa.

⁶ Ki kamaghin ifonge, Israelian akur-
vaghamin gumazitam Saionin
nguibamin ikegh azenan izi.
God uan gumazamizibar akuraghti me
deravira ikiti, Jekopin ovaviba bar
akuuegham.

Guizbangira, Israelian naviba der-
agham.

54

God nan Akurvazir Gumazim

Devit ighiar kam osiri.

Gumazir onger akabar faragha zuim, kar an onger akam. Gumazir kam, gumazir gitabav sozibav kemezi me ighiam gami. Sifia ghua Sol migia ghaze, Devit men tongin modoghav iti. Ezi Devit dughiar kamin ighiar kam osiri.

Me onger akar kam kamagh a dibori, Maskil.

¹ O God, ni uan ziar gavgavimin nan akuragh gumazir kurabar dafaribar ua na inigh.

Ni uan gavgavir bar ekiamin nan akuraghti, ki frighirika.

² O God, ki ni ko migei, ni na baragh.

Ni kuarim atigh nan migirigiaiba baragh.

³ Nguibar igharazibar gumaziba na misoghasa izegha gifra.

Gumazir igharaz darazigh asighasiziba, me na misuegħti ki aremegħħa.

Gumazir kaba kamaghin nighnisi,

God a pura bizzu.

(Ighiam gamua an suiam

atugħha avughsegha ua

ighiam gami.)

⁴ Bar guizbangira, God uabira nan akurvashi.

Ekiām nan akurvazima, ki deravira ikia, angamira ikiavira iti.

⁵ Nan apaniba, God mar mizazim me gasi.

Egh arazir kurar me na gamiba,
a magħrija da otevkīnigh da isi me
gasegh.

Ni mikemezi mogħira deragħa bizibagh
amua, uan nighnizim għiġav kirkir
puvati.

Egh kamaghira, ni bar nan apaniba
agivagħam.

⁶ O Ikiavira Itir God, ni bar derazi ki ni
minaba.

Ki uan ifongi am minni ni bagħ ofa damuasa
bar ifonge.

⁷ Ni nan akurazima, osimtizir na bativiba,
tam abirazir puvati.

Ki nin gari, ni nan apanibagh bar
me gasighasiki.

55

*Gumazim God an akurvaghħasa, an a ko
migei*

Devit ighiar kam osiri.

Kar onger akabar faragħa zuir gumazim in
onger akam.

A gumazir gitabav sozibav kemezi me
ighiam bange.

Me onger akar kam kamaghin a dibori,
Maskil.

¹ O God, ki ni ko migei ni na baragh.

Ni uan kuarim dukuaghan marki.

² Ki ni ko migeir migirigiaiba, ni deragh da
baregh,
egħi uamattegħ da ikaragh.

Osimtizir kam bar na gasighasighasava
ami.

³ Nan apaniba na gasighasighas pamtem
migei.

Gumazir kurar kaba na abiri, ezi nan
navir averiām derazir puvati.

Me osimtizir aviriba na garigha puvira nan
atara,
bar nan apanim gami.

⁴ Bizir kam na gami, nan navim bar na
baseme.

Ezi ki bar atiatigha aremegħasava ami.

⁵ Atiatim bar puvira nan anadima ki agoa
nizima,
atiatim bar na avara.

⁶ Ezi ki ghaze,

“Ki kuarazir bunbamin min aviziba ikiti de
ragħam.

Ki danganitam īn mangi iki avugħsisi,
mighegħ an mangam.

⁷ Ki mighegħ sagħon mangi,
gumazamiziba puvatizir danganim īn
avugħsxi ikiam.

(Ighiam gamua an suiam
atugħha avughsegha ua
ighiam gami.)

⁸ Ki zuamira mighegħ mangi ua bagħ d
daganitam īn apigh,
egħi uabi modogh aminir ekiam ko
amozim gitaghħam.”

⁹ O Ekiam, ki gari, gumazamiziba nguibar
ekiamin aven midoroziba fora dagh
ami da otifi.

Kamaghin ni nan apanir kabar mizebar
amighti,
da osemeġħti me deragh bizibav
kiman kogħam.

¹⁰ Arueba ko dimgaribar me nguibar
ekiamin divażiż gavgavibagh isin
arui.

Nguibar ekiamin gumazamiziba arazir
kurar aviribagh amua osimtizibagh
ami.

¹¹ Nguibar ekiar kamin aven an danganiba
bar,
gumazamiziba tintinibar uari
gasighasighasava amua, arazir
igharazibagh ami da otifi.

Tuavir miriaba ko biziba amaga dagh iveau
danganiba bar,
gumaziba gumazir igharazibav già me
abira,
ifara pura men biziba isi.

12 Nan apanitam akar kuram na
mikemehtî,
ki pura uabi abiragh purama an akamin
osimtzizim ateram.

Gumazir ki fojitam akatam na gasi
na mikinti
ki uabi isiva an modogham.

13 Ezi nirara, ni bar nan namakamra.
Nirara, ni nan roroamra, egha bar nan
boroghira iti.
Egha nirara ni arazir kurar kabar
na gami.

14 Ga fomira uaning ko aruava bizibar
uaning migia,
gumazamizir igharaziba ko Godin
Dipenimin zui.

15 Arazir kuram bar nan apanibar naviba ko
dipenibagh izifa.
Kamaghin amizi, me zuamirama
arimighireghasa ki ifonge.
Me angamira itir dughiamin,
me Gumazamizir Oveaghuezibar
Nguibamin mangi.

16 God nan akuraghosa ki an dei.
Eighti Ikiavira Itir God, nan akuragh ua
na iniam.

17 Mizarabiza ko aruer ariziba ko
dimagaribar,
ki uan osimtzibza bagh a ko mikimiva
arangti
a na baraghama.

18 Gumazir aviriba na ko misosi,
ezi ki osimtzizir ekiatam uan mikarzimin
a inizir puvati.
God bar deraghavira nan gara ua-
mategha na inigha izi.

19 Bar fomira, God atrivimin iti, egha
datirighin atrivimin ikiavira iti.
(Ighiam gamua an suiam
atugha avughsegha ua
ighiam gami.)

Gumazir Godin atiatir puvatiziba, me uan
arazir kurabagh ighan aghua.
Kamaghin amizi, God uabi nan
azangsizim baregh, egh midorozimin
apaniba abiraghama.

20 Nan namakam, a uan namakabara
misosi.
Egha me ko fomirama amizir akar
dikirizim abiki.

21 A uan akamin, akar isingtizibar na migei,
egha nan apanim gamuavira iti.
A uan akamin na ko navir amirizimin
ikiasa migei.

Ezi mizer otevir a migeiba, da mati
midorozir sabar ghumtizimin
min na aghori.

22 Osimtzizir ni aterir kaba bar, ni da isi
Ikiavira Itir Godin dafarim datigh,
eighti an ada ater gavgavim ni
danningam.

Gumazir Godin damazimin deraziba,
a me ateeghi bizitam me gasighasighan
kogham.

23 O God, gumazir gumazibav sozi me
ariaghira ko, gumazir ifariba,
me uan igiabara ikivira ikiti, ni me
batuegħi me mozir bar konimin
magirigh bar ovengegħ.

Eighti ki uabi nighnizir gavgavim nin iki
mamaghira ikiām.

56

*Gumazir nighnizir gavgavim itim God ko
migei*

Filiesta ba Getin nguibamin Devitin suirazi,
Devit ighiar kam osiri.

Onger akar kabar mam, me ziam Miktam, a
garisi.

Gumazir onger akabar faragħa zuim, a gu-
mazamizibav gei me tiarir kamin gin ghua
ighiām bange, “Kuarazim temer saghon
itim gaperaghav iti.”

1 O God, ni nan apangkufiġi.

Gumaziba zurara na misogħa nan
agħiżi.

Me dugħiabar zurara arazir
kurabar na gami.

2 Nan apanir kaba kamaghin ami,
me mizaraghara na ko misogħ mangi
guaratiġħi givagħam.

Gumazir bar aviriba uari fa nan
apanim gami.

3 O God, ki atiatir dugħiabar,
ki nighnizir gavgavim nin ikivira ikiām.

4 Ki Godin akam fa, egha nighnizir gavgavim
Godin ikia atiatir puvati.

Gumazir kinitam, arazir manatamin na
damuam? Puvati.

5 Dugħiaba bar, bizix ki amiba nan apaniba
dagh asighas.

Egha zurara na gasighasighasa tuaviba
buri.

6 Me na misuegħti ki aremegħħasa uari
akuva,

nan tuaviba isa mogav ikia, nan daroribar nan akuvamadi.

⁷ O God, ni men arazir kurar me amir kaba bagh arazitam men akagh.

Ni uan aningagharam akagh egh gumazir kaba bar me agifagh.

⁸ Ni na gifo, ki osimtzibza aterava ara iti.

Ni nan temerir irir kaba,
ni bar ada mengegha uan
akinafarimin ada osiri.

⁹ O God, ki kamaghin fo, ni na baghavira iti.
Egh ki nin dimamin dughiamin, ni nan
apanibar amighti me aregham.

¹⁰ Ki Godin akam ginighnigha a fe.

Guizbangira, ki Ikiavira Itir Godin
migirigiba pirafam.

¹¹ Ki nighnizir gavgavim Godin iti,
kamaghin, ki bizitam atiatir puvati.
Gumazir kinitam arazir man-
atamin na damuam? Puvati.

¹²⁻¹³ O God, bizar ki fomira damuasa ni ko
akam akirizim, ki a damuam.

Ni nan akurazi ki ovengezir puvati.

Ni nan akurazi ki asaghpora irizir
puvati.

Kamaghin amizi, ki dughiabar zurara ni ko
daru,
nin angazangarimin aven daru
mangivira iki ovegham.

Egh bizar ni amizir kaba bagh ni minabiva
ofa isi ni daningam.

57

Gumazim akurvazim bagha Godin azangsisi

Devit Solin aravghuga dagiar torir mamin
ikia ighiar kam osiri.

Gumazir ighiabar faragha zuim a gu-
mazamizibav kimti, me tiarir kamin gin
mangi ighiar kam bangam, "Gumazitam
gasighasighan marki."

Onger akar kabar mam, me ziam Miktam, a
garisi.

¹ O God, ni nan apangkuvigh nan akuragh.

Ki nin boroghira ikia bar deragha iti,
mati tuarir nguziba uan ame-
bamin avizibar apengan
modogħav ikia deraghavira iti.

Ki kamaghira deravira iki mangiti,
bizar na gasighasighamin kaba mangi
givagħam.

² Godin Bar Pin Itim, a God,
ki uabin akurvaghaha an dei.

Bizir ki otevezibza,
a bar ada isa na ganidi.

³ God uan Nguibamin iti, ezi ki a ko migeir
migirigiba,
a da baregh nan akuragh ua na iniam.

A gumazir na gasighasighamba
abinigh egh ua na iniam.
(Ighiam gamua an suiam
atugha avughsegha ua
ighiam gami.)

God bar nan apangkuvigha mikemezi
moghira,
a zurara uan akam in gin ghua biz-
ibagh ami.

⁴ Nan apaniba bar na okarizi ki men torimin
akui.

Me laionbar min gumazibar amasa
men atariba baribar min bar ghumi.
Ezi men mizeba sabar ghuntizir
pumuning itimin min bar ghumi.

⁵ O God, ni overiamin uan gavgavim ak-
agħti,
nguazimin gumazamiziba ganigh fogħ
suam,
nin gavgavim bar ekevegha me
gafiragħha pin iti.

⁶ Nan apaniba nan suighasa na bagħa ivem
agura.

Mati gumazim asizir atiamin suighasa
azuazim agura.

Ki magirrim mozim, me tuavir ki zuimin
an okorezi osimtizir ekiam nan iti.
Ezi puvati, me atamakuigha uari torir
kam giragħue.

(Ighiam gamua an suiam
atugha avughsegha ua
ighiam gami.)

⁷ O God, ki uan navir averiamin nighnizir
gavgavimra nin ikia,
egħha nighnizir igharaziba ua nan pu-
vati.

Ki gitabv soġħ
nin ziam famin ighiabar amuasa.

⁸ Ki daguim ategħi dikavigh uan gita ko
kulele misogħam.
Egħiżi dar ararer aghuim otivt aruem
bigh anangam.

⁹ O Ekiam, ki Kantrin Igharazibar Gumaza-
mizib tongin ni minamam.
Gumazamizibha bar mogħira oragħti,
ki nin ziam fi ighiam bangam.

¹⁰ Ki fo, ni en apangkuvir arazim, a bar
ekefe,
egħha overiamin ababanim tu.

Ni zurara amir arazir aghuir kaba
e da meng mangiti,

da mangi overiamin ghuardabar
suiraghama.

¹¹ O God, ni overiamin uan gavgavim akagh.
Eghti nguazimin gumazamiziba ganigh
fogh suam,
nin gavgavim bar ekevegha me
gafiraghia pin iti.

58

God gumazir kurabagh asighasighasa

Devit ighiar kam osiri.

Gumazir ighiabar faragha zuim a gu-
mazamizibav kimti, me tiarir kamin gin
mangi ighiar kam bangam, "Gumazitam
gasighasighan marki."

Onger akar kabar mam, me ziam Miktam, a
garisi.

¹ Ia gumazir dapaniba, ia kotiabar deragha
biziba baragha dav gei, o?

Ia gumazamizibar migirigiba deragha
da baragha da tuisisi, o puvati?
Ti puvati.

² Ian nighniziba arazir kurabara damuasa
dikafi.

Ia nguazimin gumazamizibagh
asighasighasaviram ami.

³ Gumazir arazir kurabagh amiba, me
mangamin tuavim ataki.

Men amebaba me batezir dughamian
ikegha iza datirikin, me ifaravira iti.

⁴ Men migirigiba mati, kuruzimin aven itir
imezir kuram dagh izifa.

Egha me kuruzimin min,
uan kuarin toribav konegha biziba
barazir puvati.

⁵ Kuruziba oraghti, gumazim marvim giviti,
kuruzir kaba dikavigh ighiam.

Gumazir kurar kaba, me kuruzir
mariviba barazir puvatizibar min
ami.

Marvibagh ivir fofozir gumazim marvim
giviti,
kuruzim oreghan kogham.

⁶ O God, ni arazir kurabagh amir gumazir
kabagh asighasikh.

Ikiavira Itir God, me laionin misozibar
min ikiapuvira misosi.

Ni men ataribav sogh, bar da
apirarigh da asigh.

⁷ Ni me damighti, me dipam nguazimin
aven uaghiri moghin mangi pura pu-
vatigh.

Ni me dikabinti, me gumazim grazim
dikabiri a uaghira midii moghin me
misingigh.

⁸ Ni me damutti, me demdembar min
arimighiregh puvatigh.

Ni me damighti, me borim amebamin
navir averiamrama aremezi moghin
iki.

Egh amebam gin a bategti an
aruemin ganighan kogham.

⁹ Gumazim temer muziarim voroghira
anetuzi moghin, God bar zuamira me
gasighasigham.

Me angamira ikiavira itima, God men
anngaghegha bar moghira me agifa.

¹⁰ God, gumazamizir arazir kurabagh
amibagh asighasigham.

Eghti gumazamizir aghuiba arazir
kamin ganigh bar akuegh,
gumazir kurabar ghuzibar uan da-
gariba ruam.

¹¹ Gumazir igharaziba uaghan ganigh fogh
suam,

"Bar guizbangira, gumazir aghuiba me
ivezir aghuim isi.

Bar guizbangira, God ikia
kotin aven nguazimin itir gumaza-
mizibar araziba tuisisi."

59

*Gumazim apaniba a gasighasighan
koghasa, God ko migei*

Devit ighiar kam osiri. Atrivim Sol, Devit
misueghti an aremeghaha, gumazir maba
amangizi me an dipenimin zui. Ezi dughiar
kamin, Devit ighiar kam osiri.

Gumazir ighiabar faragha zuim a gu-
mazamizibav kimti, me tiarir kamin gin
mangi ighiar kam bangam, "Gumazitam
gasighasighan marki."

Onger akar kabar mam, me ziam Miktam, a
garisi.

¹ O nan God, ni nan apanibar dafaribar ua
na inigh.

Egh deragh nan ganti, me na
gasighasighan kogham.

² Ni gumazir arazir kurabagh amibar da-
farimin ua na inigh.

Nigumazir na gasighasigh na misueghti
ki aremeghamibar dafaribar ua na
inigh.

³ Ni gan, gumazir kurar misoziba na
misueghti ki aremeghaha,
uari akuvaghia zuamira ghua uan dan-
ganibar mueghav ikia na bagha gari.

O Ikiavira Itir God, ki arazir ku-
ratam gamizir puvati.

⁴ Guizbangira, ki osimtiziba puvati.

Ezi me na misoghsa ivemara ghua uan
danganibar ikia, na bagha gara iti.

Ni uan danganim ategh dikavigh izi
nan gan nan akuragh.

5 O Ikiavira Itir Godin Gavgaviba Bar Itim, ni
 Israelian God.

Ni dikavigh zuamira izi iveau kuram isi
 Kantrin Igharazibar Gumazamizibar
 aning.

Gumazir uan namakaba isa apani-
 bar dafaribagh ariziba,
 ni men apangkuvan marki, ni
 bar me gasighasikigh.
(Ighiam gamua an suiam
 atugha avughsegha ua
 ighiam gami.)

6 Me dimagaribar ua nguabar ekiamin
 izegha,
 afiabar min aroava nguibamin azenan
 arui.

7 Ni men akar otuaria baragh,
 men migirigiba mati midorozir
 sabamin min bar ghumi.
 Me ghaze, "Tina e baregham."

8 O Ikiavira Itir God, ni dibovir akabar gu-
 mazir kurar kabav kimiva,
 Kantrin Igharazibar Gumazamiziba
 bar men ingarvaki.

9 O God, nirara ni gavgavim na ganiga der-
 agha nan gari.

Nirara ni nan danganir mogomem.
 Kamaghin, Ki ni baghavira gara iti.

10 Nan God apangkuvim nan iti, a izi nan
 akuragh.

A nan apaniba abinamin dughiam, a
 nan amamangatighti,
 ki iki men ganti, a me
 gasighasigham.

11 O God, ni me misueghti me arimighiran
 marki.

Ki kamaghin aghua, nan gu-
 mazamiziba bizir ni amir kam
 bakinighnigham.

Ni uan gavgavimin me abinigh egh pura
 tintinibar me aghamsikigh.

Ekiam, ni en oramin min itima, e nin
 aven modi.

12 Me zurara arazir kurabar amusi mikim
 uari fiti,
 ni azuazim asizimin suirazi moghin
 men suiragh.

Me nin ziam akar kurabar a migia
 egha zurara ifari.

13 Kamaghin amizi, ni uan aningagharim
 men akagh me misueghti me
 arimighiregh.

Ni men tav ateghti a ikian marki, ni bar
 me kuavaremegh.

Ni kamaghin damighti, nguazimin gumaza-
 miziba bar fogham,
 ni Jekopin ovavibar God.

Ni uaghan nguazimin gumazamiz-
 iba bar men atrivim.
(Ighiam gamua an suiam
 atugha avughsegha ua
 ighiam gami.)

14 Me dimagaribar ua nguabar ekiamin
 izegha,
 afiabar min aroava nguibamin azenan
 arui.

15 Me afiabar min, damisi dagheba buri
 daru, egh damegh izivaghan kogh,
 me puvira dapuriva arangam.

16 Osimtzir bar aviriba faragha na bativizi,
 ni nan divazimin min iti.
 Ki nin aven modogha itima ni bar der-
 agha nan gari.

Kamaghin, ki mizarazibar vaghvagh nin
 gavgavim ko apangkuvir arazim
 ginighnigh,
 ighiabar amu nin ziar ekiam fam.

17 O God, nirara ni gavgavim na ganiga der-
 agha nan gari.
 Nirara ni nan danganir mogomem
 min ikia,
 egha bar nan apangkufi.

Bizir kaba bagha,
 ki ighiam bangi nin ziam fasa.

60

*Gumazim uabin akuragh uabi iniasa,
God ko migei*

Devit ighiar kam osiri.

Gumazir ighiabar faragha zuim a gumaza-
 mizibav kimi, me tiarir kamin gin mangi
 ighiar kam bangam, "Akar Dikirizir Gav-
 gavimini akimirar aghuim."

Ighiar kam kamagh en sure gami. Bar
 fomira Devit Sirian gumaziba ko misosi,
 kar Mesopotemian nguazim ko Soban
 kantrin adarası. Ezi Joap uamategha
 izegha Idomin kantrin ghua Danganir Zarir
 Amangsizir Avirim Itimin ikia, me misogha
 men 12,000pla gumazibav soghezi me
 ariaghire. Dughiar kam Devit ighiar kam
 osiri.

Onger akar kabar mam, me ziam Miktam, a
 garisi.

1 O God, ni akirim ragha e gasaragh uam en
 garir puvatizi,
 en apaniba e misogha e abira.

Ni adarim en ikia kamaghin ami,
 ni datirighin uamategh izi en akuragh.

2 Ni Israelian nguazim gamizi mikimkizim a
 batozi a tongira bigha torir bar ekiam
 iti.

Ni a gamizi a bigha akuar pumuning iti.

- Kamaghin, ni uam an akuamning
inigh aning dukuaghti a ua gav-
gafigh.
- ³ E nin gumazamiziba, ni osimtzir aviriba e
ganungi,
mati ni wainin onganim e ganidima, e
anepava ongani.
- ⁴ Ni nir avizitam fegh ghuavanaboghti,
nin atiatia nin apengan iti darazi an
ganigh fogham.
Eighti men apaniba men agintighti,
me arı izi nin nir avizim batogh
an apengan deragh ikiam.
(Ighiam gamua an suiam
atugha avughsegha ua
ighiam gami.)
- ⁵ Ni bar ifongezir darazi bar deravira ikiasi,
ni uan agharir guvir gavgavimin en
suiragh en akuragh.
Ni en azangsizim baragh!
- ⁶ God uan Dipenimra ikia ghaze,
“Ki apaniba ko misogha me abiragh
gifa.”
Ki datirighin Sekemin nguibamin nguazim
ko Sukotin danganir zarim abigh,
egh uan gumazamizibar aningam.
- ⁷ Guizbangira, Gileatin nguazim ko Man-
asen nguazim, aning nana.
Ezi Efraimin nguazim a nan midorozir
dapanirasuamin min iti.
Ezi Judan nguazim mati nan atrivir
fidizim.
- ⁸ Moapin kantri, a nan itarir dipar ki ruemin
min iti.
Idomin kantri, a nan danganir ki uan
dagarir asuaba arizimin min iti.
Ezi Filistiaba, ki midorozimin me
abiraghbar akuegha pamten
dei.”
- ⁹ O God, tinara na inigh gavgavim itir
nguibar kamin aven mangam?
Tina nan faragh mangiti, ki Idomin
kantrin ekiamin aven mangam?
- ¹⁰ O God, ni akirim ragha e gasaras ti?
Ni ti en midorozir gumazibar akur-
vaghan aghua?
- ¹¹ O God, gumazibar gavgavibar akurvazim
a pura bizim.
Kamaghin amizi, ni en akuraghti e uan
apaniba ko misogham.
- ¹² E fo, Godin akurvazimra, e uan apanibav
sogh me abinigham.
A ubai en apanibav sogh me
agivagham.

- 61**
- Gumazim deragh uabin ganasa God ko
migei*
Devit ighiar kam osiri.
Gumazir onger akabar faragha zuim, kar
an onger akam. Gumazir kam, gumazir
gitabav sozibav kimti me ighiam bangam.
- ¹ O God, ni kuarim atigh nan dimdiam
baragh,
ki ni ko migeir migirigiba ni deragh da
baragh.
- ² Ki uan nguibamin saghon iti, ezi nan
navim bar oseme.
Ni nan akurvaghaha ki nin dei.
Ni na inigh mangi dagiar gavgavimin aven
na modoghti,
nan apaniba na gasighasighan kogham.
- ³ Nirara ni nan divazir bar gavgavimin iti,
ezi ki an modima,
nan apaniba na abinamin tuaviba pu-
vati.
Nirara dipenir ruarir gavgavimin min
bar deragha nan gara na gehhufi.
- ⁴ Nan ifongiam kamakin, ki zurara nin
dipenimin iki mamaghira iki mangi
ovegham.
Ki, tuarir nguziba uan amebamin
avizimin apengan ikia deragha iti
moghin,
ki nin apengan bar deravira ikiasi.
(Ighiam gamua an suiam
atugha avughsegha ua
ighiam gami.)
- ⁵ God, ki ni ko akam akirigha mikemezir
biziha ni da baregha gifa.
Gumazamizir nin atiatia nin ziam feba,
ni bizi aghuiba me ganidi.
Arazir kamra ni uaghan bizi
aghuiuba na ganidi.
- ⁶ Ni atrivim ateghti, an azenir aviribar
angamira ikivira iki.
Ni aneteeghi, a dughiar ruarin
nguazimin ikegh.
- ⁷ O God, ni aneteeghi a nin damazimin
dughiar ruarin atrivimin iki.
Ni bar a gifongegha mikemezi moghira
deragha bizi bagh amua,
uan nighnizim gighavkirir puvati,
kamaghira ni bar deragh a
geghuv an gan.
- ⁸ Ni kamaghin damuti, ki dughiabar zu-
rara akar faragha ni ko dikirizibar gin
mangi,
zurara ighiaba bangi nin ziar ekiam
fam.

62

God uabira deragha en gara e geghufi
 Devit iigar kam osiri.
 An onger akar kabar faragha zuir gumazim
 Jedutun ginighnigha, onger akar kam osiri.
¹ Godra, ki nighnizir gavgavim an ikia a
 baghvira mizua iti.
 Anarira, a nan akurvazima ki angamira
 ikiavira iti.
² Godra, a nan dagiamra, ezi ki an aven
 modima, a nan akurvasi.
 A nan divazir gavgavimin min iti, ezi ki
 akongan kogham.
³ Ia dughiaba manmaghin, na gasighasighasa
 na bagha izi?
 Ia ghaze, ki divazir ghurstin min irigh
 bar dipirighiregh bar givaghram.
⁴ Ki ziar ekiam iti, eghiti ia na abiragh nan
 ziar ekiar kam gasighasighasa.
 Ia ifavarir arazim bar a gifonge.
 Ia uan akabar God deragh na damuasa ia a
 migei,
 ezi ian navir averiaba ghaze,
 "God a gasighasikigh."
 (Ighiam gamua an suiam
 atugha avughsegħha ua
 ighiam gami.)
⁵ Ki nighnizir gavgavim Godra ikia a
 baghvira iti.
 Anarira deragha nan garima, ki
 angamira ikiavira iti.
⁶ Godra, a nan dagiam, ezi ki an aven mod
 ima, a nan akurvasi.
 A nan divazir gavgavimin min iti, ezi ki
 akongan kogham.
⁷ God uabira nan akurvagħha ziar ekiam na
 ganidi.
 A nan dagiamin min itima, ki an aven
 modi.
⁸ Nan adarasi, ia zurara nighnizir gavgavim
 Godin iki.
 Egh osimtizir ia itiba ko nighnizir ia
 itiba, ia bar da isi a danding.
 E ia a bagħ mangi an aven mon
 geħġi deraghvira ikiam.
 (Ighiam gamua an suiam
 atugha avughsegħha ua
 ighiam gami.)
⁹ Gumazir kiniba mati, aminim pura
 akamin otiva zui.
 Gumazir ziaba itiba, me uaghan pura
 biziba.

E men osimtiziba tuisigh fogħam, me
 guizbangħirama osemes ti.
 Men osimtiziba akamin otivir aminim
 ko magħi ghue.
¹⁰ Ia midorozir arazim ko okimakiar arazim
 kamagħin aning ginighnighan marki,
 "Aning dera, aning e damighti e dagħiarr
 aviriba ikiam." Ia
 dagħiaba ko ian biziba bar
 avirasemegħti, ia kamagħin mikkim
 marki,
 "Bizir kaba darara en gavgaviba."
¹¹ Nan orarazim, God dughiar aviribar kam
 aghin migei,
 "Ki God, ki gavgavir ekiam iti.
¹² Ki zurara gumazamizbar apangku.
 Ekiam, ni gumazamizbar amir in
 gangariba baghvira iverzim isi me
 daningam."

63

Gumazim God ko ikiasi a ko migei
 Devit ghua Judan Distrighin aven itir
 gumazamizbar puvatizir danganim in ikia,
 iħġiġ kam osiri.
¹ O God, ni nan God, ki nin ganasa
 ni bagħavira mizua iti.
 Ki mati, dipaba puvatizir danganim in ikia
 dipam bagħha ariaghiri mogħin,
 nan duam ni ko ikiasi ifongezi,
 ki bar ubbi isa ni ganangi.
² Ki nin Dipenimin aven nin ganasa ifonge,
 ni uan gavgavim ko ziar ekiam nan ak
 aghħasa ki ifonge.
³ Nguazir kamin ikirimrim a dera,
 ezi nin apangkuvir arazim a gafiragħa
 bar mogħira dera.
 Kamagħin, ki nin ziam fe.
⁴ Ki angamira ikivira iki,
 ni minabiva nin ziam fivra ikiam.
 Ki uan dafariba feħġ għuħanabogħ
 ni ko mikkim.
⁵ Nan duam bar deraghvira ikia mati,
 gumazim dagħer aghħuiba amegħha bar
 ikiri.
 Kamagħin, ki bar akuegħha nin
 ziam fa ighiabagh ami.
⁶⁻⁷ Ni dughiabar zurara nan akurvasi.
 Ezi ki dimagaribar uan misiām girighav
 ikia nirara nighnisi.
 Ki tuarir nguzim uan amebamin avizim
 apengen iti mogħin,
 ki bar nin borogħin ikia,
 bar akuegħha ighiabagh ami.

62:1: Onger Akaba 37:39; 59:9 **62:2:** Onger Akaba 62:6; 89:26 **62:5:** Onger Akaba 62:1 **62:7:** Onger Akaba 46:1; 85:9 **62:8:** 1 Samuel 1:15; Onger Akaba 52:8; Aisaia 26:4 **62:10:** Aisaia 61:8; Esekiel 22:29; Luk 12:15; 1 Timoti 6:10 **62:12:** Jop 34:11; Onger Akaba 103:8; Jeremaia 17:10; Matu 16:27; Rom 2:6; 1 Korin 3:8; Akar Mogomem 2:23 **63:1:** 1 Samuel 23:14; Onger Akaba 42:2; 84:2; 143:6 **63:6-7:** Onger Akaba 42:8; 61:4; 119:55; 149:5 **63:8:** Aisaia 26:9

- ⁸ Nan duam ni ko poroghav iti,
ezi nin agharim deragha na avara.
- ⁹ Gumazir na misueghti ki aremeghasava
amiba,
me Gumazamizir Oveaghuezibar
Nguiabamin mangam.
- ¹⁰ Me midorozim damu an aven oveghti,
afiar atiaba men mikarzibar amam.
- ¹¹ Egheti Atrivim God bagh bar akuegham.
Gumazir Godin ziam dibora a koma
akam akiriziba, me an gin mangi bar
akuegham.
Gumazir ifariba, God men akabar
kumighti me mikiman kogham.

64

*Gumazim God a gehuv deragh an
ganasa, an a ko migei*
Devit onger akar kam osiri.
Kar gumazir onger akabar faragha zuimin
ighiam.

¹ O God, gumazir kuraba na gasighasighasava
ami,
ezi ki osimtzizir bar ekiamin aven iti.
Ni nan migirigiam barakigh,
eghti me na misueghti ki ovengan
kogham.

² Gumazir kuraba modogha uari akuvagh
na misogh na gasighasighasa akabav
sosi.
Kamaghin, ni deragh na gehuv na
modoghti me na gasighasighan
kogham.

- ³ Me migeir migirigjaba bar ghumigha
midorozir sabamin min nan
mikarzim aghori.
Men akar kuraba nan akuighav iti,
mati gumazim igharazitav
gasasava barir pim ana
akuighav iti.
- ⁴ Me atiatir puvatigha mongehav ikia,
akaba gumazir aghuibagh asa me
migei.
Kamaghin me bar zuamirama asi.

- ⁵ Me gumaziba bagh azuazim aguaraghti a
men suighasa me uariv gei.
Me arazir kurar kam damuasa nimira
uarira uariv gia, gavgavim uari
ganiga ghaze,
“Tina e gifogham?”

- ⁶ Me arazir kurabar amuasa akam
misuegħha givagħha ghaze,
“E arazir kurar damuasa nighnizir
aghuir mam batogħha gifa.

- E damuasa amir bizir kam, gumazitam bar
a gifozir puvati.”
Guizbangira, e gumazibar nighniziba
ko navir averiabagh fożir puvati, da
bar modo.
- ⁷ Me kamaghin damuti God uan barimin me
gasegħti,
me zuamira duar ekiam inigham.
- ⁸ Me gumazir igharazibagh asighasighasa
migei,
kamaghin God meraram asighasigham.
Egheti gumaziba men gan beniba
aku
men ingariva akam.

- ⁹ Gumazamiziba bar Godin atiatingam.
Egh God amizir bizir kam mikim zurara
a ginighnigham.
- ¹⁰ Gumazamizir arazir aghuibagh amiba,
me Ikiavira Itir God bagh bar akongegħ
a bagħ mangi bizir kurar kamin
modogħam.
Gumazamizir navir aghuibha itiba,
Ikiavira Itir Godin ziam fam.

65

- Godin gumazamiziba bar akuegha a
minabi*
Devit onger akar kam osiri.
A gumazir onger akabar faragħa zuim
ginighnigha onger akar kam osiri.
- ¹ O God, e Saionin nguibamin mangi nin
ziam fam.
Egh fomira ni ko akam akirizir bizir
kabar amighti,
da guizbangirama otivigham.
- ² Ni guizbangira en migirigjaba barasi.
Kamaghin, e gumazamiziba bar
moghira ni bagħ mangam.
- ³ E uan arazir kuraba bagħ ni bagħ
mangam.
En arazir kurabar osimtzibba e abirima
e bar iraghue,
ezi nırara en arazir kuraba gin
amadi.
- ⁴ Gumazamizir ni uan Dipenimin ikiasi
misevegħha inigha ghueziba, me bar
akongegħ.
Nin Dipenir kam, bizir bar aghuir
aviriba an iti.
Kamaghin, e nin Dipenimin gu
mazamiziba uari akvu nagħin
iki,
navir amirizim ikiam.

- ⁵ O God, ni en akurvasi.
Ni en azangsiziba baragħa ingangarir
bar elkar aghuibbagħ ami.

Gumazamizir nguazir kamin saghiamin itiba, me nighnizir gavgavim nin iti.
 Men marazi uaghan ongarir bar ekiamin vongin saghon ikia, nighnizir gavgavim nin iti.

6 Ni uan gavgavimin mighsiabagh amizi, da otivigha uan danganibara iti.
 Nin gavgavir kam bar moghiram ekefe.

7 Ongarim dikavima, nirarama a migeima, an aghumra irighav ikia dipiraghbirir puvati.
 Ni gumazamizibar midorozibagh ami da gefi.

8 Gumazamiziba bizir kabar gara bar nin atiatingi.
 Me aruem anaga uaghiri naghin bizir ni amir kabar gara,
 ni bagha bar akongegha, pamten diava arai.

9 Ni nguazim damuti a deravira ikiasi, ni amozim amadima a izi.
 Ni nguazim gamima a deravira itima, dagheba a gisin deraghaviram aghui.
 God, nin Fanem dipaba bar a gizivazi, a ivemara ghuua danganibar ghuaghira datir puvati.
 Arazir kamin, dagher aviriba nguazir kamin otifi.

10 Ni amozir aviriba amadima, da azenibagh izi, ezi dipam nguazimin aven ghuaghiri.
 Dipam nguazim gami an amiraghiri, dagheba deraghaviram aghui.

11 Ni danganir manamin iti, dagher aghuiba danganir kamin iki bar avirasemegham.
 Ni bar en deragha daghebagh amima, da otiva bar aviraseme.

12 Danganir dadaba itiba, bulmakauba ko sipsipba dagh izefi.
 Azenir aviriba mighsiabar ikiti, mighsiaba bar akongegh.

13 Danganir dadaba itiba, sipsipin bar aviriba iti.
 Danganir zarir mighsiabar tongin itiba, witha bar dagh izifa.
 Bizir kaba bar moghira gumazir God bagha bar akeuegha an ziam febar min damuam.

66

Me God minabiva an ziam fasa onger akabagh ami
 Gumazir mam, gumazir onger akabar faragha zuim ginighnigha ighiar kam osiri.

65:9: Onger Akaba 46:4; 72:6; 104:13; 104:24; 147:8; 147:14
 67:3; 96:1-2; 117:1 **66:5:** Onger Akaba 46:8 **66:6:** Ua Me Ini 14:21; Josua 3:14-17
66:10: Onger Akaba 17:3; Aisaia 48:10; Sekaraia 13:9; 1 Pita 1:6-7

1 Ia nguazimin itir gumazamiziba bar, God bagh pamtem dimiva bar akongegh an ziam fi.

2 E ighiaba bangi an ziar ekiamin gun mikim, an ziar ekiam fiti, a bar pin iki.

3 E Godin mikim suam, “Bizir ni amiba da bar dera. Nin gavgavim bar moghiram ekefe, ezi nin apaniba bar atatiqha, nin damazimin uan teviba apiri.”

4 Nguazimin gumazamiziba bar nin ziam fava, ighiabagh amua ziar ekiam ni ganidi. (Ighiam gamua an suiam atugha avughsegha ua ighiam gami.)

5 Ia izi God amizir bizibar ganigh. A gumazamizibar tongin bizir bar ekabagh ami.

6 An ongarim gamizi a dakezi, nguazir midiarim otozi, en ovaviba puram a gisin arua dipam abigha ize.
 Me iza vongin otivigha, bizir an amizir kam bagha bar akonge.

7 A gavgavir bar ekiam ikia, atrivimin ikia mamaghira iti.
 A kantribar gumazamiziba amir ingangariba, a bar deragha dar gari.
 Gumazir akaba batoziba uari fan marki. (Ighiam gamua an suiam atugha avughsegha ua ighiam gami.)

8 Ia bar moghira izi, e uan Godin ziam fam. E an ziam fiti gumazamiziba bar e baraghram.

9 A bar deragha e gehuva en garima e angamira ikiavira itima, arazir kuram e abirazir puvati.

10 Gumazim avimin silva tuagha an kuraba isa da makuri da bar zuezi moghin, e osintiziba ateri, God en gara e tuisigh foghasa, e gavgavis o puvati.
 Egha tuavir kamin an e gamizi, e zue.

11 Ni osintizir ekiaba e gariki, mati ni e bagha azuaziba guizi e dar aven ghue.

12 Ni en apanibar amamangatizi, me e dikabiragh bar e righiriki.
 E mati avim ko dipam e avarazi, e aningin tongin arui.
 Ezi ni datirighin e inigha danganir aghuimin ize.

66:1: Onger Akaba 100:1 **66:4:** Onger Akaba

67:3; 96:1-2; 117:1 **66:5:** Onger Akaba 46:8 **66:6:** Ua Me Ini 14:21; Josua 3:14-17 **66:9:** Onger Akaba 121:3

- 13¹⁴ Osimtzim faragha na batozi, ki ni koma akam akira ghaze,
ki asizir avimin tue bar isia mighirim
isi, ofan min ni daningam.
Ki datirghin akar dikirizir kamín gin mangi,
nin Dipenimin mangi ofan kam
damuam.
15 Ki asizir mikarziba sara itiba inigh izi,
ofan min da isi ni daningiva,
da tuegħti da bar isi mighiram.
Ki sipsipin apuriba tuegħti, ofan kamín
mugħuriar aghuim nin mangam.
Ki bulmakaun apuriba ko membea
inigh izi ni bagħ ofa damuam.
(Ighiam gamua an suiam
atugħha avughsegha ua
ighiam gami.)
- 16 Ia gumazamizir Godin atiatia an apengan
itiba, ia izi nan akam baragh.
God nan akurvaghassava amizir biziba,
ki dar gun ja mikkim.
17 Ki faragħa uabin akurvaghħasa an dia,
egħa uaghan an ziam fasa onger ak-
abagh ami.
18 Ki ti arazir kuram uan navir averiāmin a
għifongeżi,
Ekiam nan azangsizim bareghan
kogħi.
19 Puvati. A na baregha għifa.
A guizbangira, ki a ko migeir
migħiġiġaba ana da baregha għifa.
20 God nan azangsizim batogħezir puvati.
Egħa uan apangkuvir arazim na dam a
inizir puvati.
Kamaghin amizi, ki an ziam fam.

67

Me dagħer igiaba inigha, da bagħha God minnabi
Gumazir onger akabar faragħa zuim, kar
an onger akam. Gumazir kam, gumazir
gitabav sozibav kemezi me iħġiam gami.
¹ God, e kamaghin nin azai, ni deraghvira e
damuva en apangkuv.
Mati nin angazangarim e gisirazi
mogħin,
ni ragħi en gan en akurvagh.
(Ighiam gamua an suiam
atugħha avughsegha ua
ighiam gami.)

2 Egħiġi nguazimin gumazamiziba ganigh
nin arazibagh fogħam.
Me kamaghin fogħam, ni gavgavir bar
ekiam ikia men akurvasi.

3 O God, nan ifongiam, gumazamiziba bar ni
għifuegħ nin ziam fi.

Guizbangira, me nin ziar ekiam
pirafam.

4 Ni guizbangira gumazamiziba araziba
tuvisħha, tuavir aghuim men akazi,
me nin ifongiam ġirara zui.
Kamaghin amizi, gumazamiziba nav-
iba bar akueghiva,
ighiaba bangi nin ziam fam.
(Ighiam gamua an suiam
atugħha avughsegha ua
ighiam gami.)

5 O God, nan ifongiam, gumazamiziba bar ni
għifuegħ nin ziam fi.
Guizbangira, me nin ziar ekiam
pirafam.

6 God, ni en God,
ni bar deragħha e gami.
Ezi dagħer aghuir aviriba en
nguazibar otifi.

7 Bar guizbangira, God deragħha e gami.
Nguazim ġumazamiziba bar an atiat-
ing an apengen iki.

68

God Israelien akurazi me bar akonge
Devit onger akar kam osiri.

Gumazir onger akar kabar faragħa zuim,
gumazibav geima me Godin ziam fa iħġiam
bange.

1 Gumazamizir Godin apanim gamiba,
a zuamira dikkavigh izi tintinim me
batuegħam.

Gumazamizir Godin apanim minn itiba,
me a gitagh aregham.

2 Aminim migharim givai a ghua puvatizi
mogħin,
God uan apaniba batuegħam.

Kandel isia an dipam suaghiri mogħin,
gumazamizir kuraba Godin damazim
ikuvigham.

3 Gumazamizir aghuiba, Godin damazim
naviba deragh bar akuegħ iki mam-
aghira ikiam.

4 God ghuardi abagh aperagħha overiāmin zui.
Ia an tuavim akir.

An ziam kara, Ikiavira Itir God.
E an damazim bar akuegħ,
ighiaba bangi ziar ekiam a daningam.

5 God uan Nguibamin ikia, borir amebogħ-
feziha ariaghireziba deragħha men
għara,
paba ariaghirez amiziba deragħha
men għari.

6 Gumazamizir uarira itiba, a men adarazi
isa me ko me akufi.

e uari akuvaghha gifa, e Godin ziam fam.

E Israelia, e Godin adarasi,
e Ikiavira Itir Godin ziam fam."

27 Benjaminin ikizir muziarim men faragha zui.
Men girara, Judan anabamin gumazir dapaniba uan adarazi ko zui.
Ezi men girara, Sebulun anabam ko Naptalin anabamin gumazir dapaniba me zui.

28 O God, ni uan gavgavim en akagh.
Gavgavir ni faragha en akazi kamra, ni datirighin en akagh.

29 Atriviba bizar aghuiba inigha iza, nin Dipenir Jerusalemin itimin ni ganidi.

30 Ni Asizir atiar dakarabar itir kamin atari moghin, ni Isipin atar.*
Ni bulmakaun apuriba uan nguziba ko men atari moghin,
ni Kantrin Igharazibar Gumazamizibar atar.

Ni men atar mangiti, me ni bagh teviba apirigh uan silvaba ni daning.
Gumazir midoroziba foriba, ni bar men agintighti
me ari tintinibar mangegh.

31 Isipin atrivim uan ingangarir gumaziba amadaghti,
me Jerusalemin mangi nin akam baraghant.
Eighti Itiopiaba ni ko mikimsi uan dafariba fam.

32 Ia Kantrin Igharazibar Gumazamiziba, ia onger akabar amu egh Godin ziam fi.
(Ighiam gamua an suiam atugha avughsega ua
ighiam gami.)

33 Overiar kam fomira iti, ezi God a gaper- agha zui.
Ia orakigh. God bar pamtemin dei.

34 Ia gumazamiziba bar, Godin ziar ekiamin gun mikim.
A Israeliian atrivim.
An gavgavir ekiam, e overiamin pin an ganam.

35 Israeliian God uan Dipenimin iti, ezi e an atiatingam.
A gavgavir ekiam isa uan gumazamizibagh anidi.

E Godin ziam fam!

69

Gumazim uabin akurvaghaha Godin azangsisi
Devit ighiar kam osiri.
Gumazir onger akar kabar faragha zuim gumazibav għażże, "Me Akimarir Aghuibar tiarim minn għin mangi, ighiar kam bangi."
1 O God, nan akuragh.
Dipam na avaragħha anaga nan firagħarim tu.
2 Ki begħneazzim itir dipamin suegħha uaghiri.
Ki tugh gavgavighamin nguazir gav-għaviba puvati.
Ki dipar konim minn arua zuima, dipam bar na avaragħasava ami.
3 O God, ki nien dia ghua nan dimdiabha bar mogħira givvha tagħżi, nan kuarim nan pirizi, nan gavgaviba għifa.
Ki uabin akurvaghaha fomira ni bagħha gara ikka ghua, nan damazimning na gami.
4 Gumazir bar avirim pura nan apanim gami.
Men dibobonim bar nan dapanir arizibagh afira.
Nan apaniba arazir kurabar na gami, ezi bizar me na gamir kaba mingħariba puvati.
Apanir kaba na gasighasighħasa, akar ifavaribar na gami.
Ki men bizitam okemmez puvati, me pura uan akaba na għasa ghaze, ki bizitaba pura me daningam.

5 God, ni na gifu ki gumazir organim.
Nan arazir kurabar osimtiziba nin damazim minn mongeżżejj puvati.

6 O Ekiam, ni Ikiavira Itir Godin Gavgaviba Bar Itim, ni nan dimdiabha baragh, ni na baraghan kogħti, nighnizir gavgavim nin iti darasi aghħumsizim iniam.

O Israeliian God, ni nan dimdiabha baragh, puvatighti, gumazamiziba nin ziam fe darazi dipova, akar kurabar me mikimam.

7 Ni bangin, gumazamiziba dibovir akabar na migeima ki aghħumsissi.

8 Nan aveghbuuba gumazir iħbari għażi għiġi mogħin nan għiġi.
Ezi nan adarazi nguibar iħbari għażi għiġi għiġi għiġi.

9 Nan navir averiām bar nin Dipenim gi-fuegħha a bagħavira iti.

* **68:30:** Gumazir maba ghaze, "Asizir atiar dakarabar itir kam," kar kantri Isipin akar isin zuim. **69:1:** Onger Akaba 69:2; 69:14-15; Jona 2:5 **69:2:** Onger Akaba 40:2 **69:9:** Jon 2:17; Rom 15:3

- Egha ki pamtemin Dipenir kamin
ingara deragha an garima, a der-
aghavira iti.
Gumazamizir maba akar kurabar
ni migei, ezi men akaba nan izi.
- ¹⁰ Ki dagheba ataghiraghha, arazir kamin ki
nin damazimin uabira ubi abiri.
Ezi gumazamiziba akar kurabar na
migei.
- ¹¹ Ki azirakar korotiaba azui,
ezi gumazamiziba na dipovava akar
kurabar na migiavira iti.
- ¹² Gumaziba tuavir akabar uari akuva ikia,
na gehgara na migei.
Gumaziba wainin dipaba apava on-
ganigha, na dighora onger akabagh
ami.
- ¹³ O Ikiavira Itir God, ki uabi bizar kabagh
nighnizir puvati, ki ni ko mikimasa.
Ni dughiatamin uan ifongiam ko
apangkuvir ekiamin gin mangi nan
azangsizim ikaragh.
Ni na ko akam akirigha givagha an gin zui.
Kamaghin, ni guizbangira nan
akuragh.
- ¹⁴ Ni beghneazir kamin aven ua na inighti,
ki an aven mangi ovengan kogham.
Ni deragh na gehgħu nan ganti, nan apaniba
na gasighasighan kogham.
Egħti osimtizir kam, dipar konimin min
na avaraghan kogham.
- ¹⁵ Ni na ategħti aperiam na avan marki.
Ni na ategħti ki mozim magħiġi, a
na avan marki.
Ni na ategħti dipar konim na avan
marki.
- ¹⁶ O Ikiavira Itir God, ni zurara nan
apangkuvir arazir kam bar dera,
kamaghin ni zurara nan azangsiziba
baragh.
Nin apangkuvim zurara nan iti,
kamaghin ni izi nan akuragh.
- ¹⁷ Ki nin ingangarir gumazim, kamaghin ni
nan mongan marki.
Osimtizir ekiam nan iti, kamaghin ni
zuamira nan azangsiziba ikaragh.
- ¹⁸ Ni nan borogħin izi egh ħan akuragh.
Ni nan apanibar dafaribar ua na inigh.
- ¹⁹ Gumazamizir akar kurabar na migeiba,
ni dagh fogħa gifa.
Egha ni fogħa gifa, me na dipovava
aghumsizim na ganingi.
- ²⁰ Akar kurar kaba, nan nighnizim
gasighasigha nan navim gamizi, a bar
moghira ma oseme.
Ezi gavgvaviba ua nan puvati.
- Ki ghaze, gumazitaba ti tong nan apangku-
vam,
- ezi bar puvati.
- ²¹ Mitiriam nan azima,
me aguiaġ dagħem gatiga na ganingi.
Ezi kuarim nan pirima,
me pura wainin kuram amasa na
ganingi.
- ²² Kamaghin deragħam,
dugħiżżej me isar ekiaba bagħha uariaku-
vibar,
men isar ekiar kaba me damut me
iri,
mati azuazim asizim misoke.
- ²³ Ni men damazibar amighti aminim men
pirighti,
me ua ganan kogħam.
- Ni men akiraghharibar amighti,
me tugh gavgavighxi damuva avegham.
- ²⁴ Ni puvira men atar mizazim me gasi.
Nin aningagħarir kam me initi me
oveng.
- ²⁵ Egħti nguibrar me itir kam pura ikiti,
ni gumazitaba ateġħti, me men puri-
penibar ikian marki.
- ²⁶ Gumazamizir maba, ni faragħa men
arazir kuraba ikarvagħha me
gasighasiki,
ezi gumazir kurar kaba paza me
għamuavira iti.
- Gumazamizir maba, ni men mikarzbagh
asighasighiżi me mizaziba inizi,
gumazir kuraba osimtiziba me garigha
dibovir akabar me migei.
- ²⁷ Ni gumazir kurar kabar arazir kurabagh
nighnighvira iki.
Egh me ategħti me nin gumazamizibar
aven izan marki.
- ²⁸ Ni gumazamizir kabar ziaba, akiñafarir
zurara itimien aven da angarigh.
Egh men ziaba, nin damazimin zuezir
gumazamizibar ziaba koma ada
osiran marki.
- ²⁹ O God, ki osimtizir ekiam atera mizazim
isi.
Nan akuragh ua na inighti ki ua deraka.
- ³⁰ Ki Godin ziam fi egh onger akabar
amuam.
Egh a minabiva an ziar ekiamin gun
mikimam.
- ³¹ Ikiavira Itir God, ki damuamin arazir
kam, ni a bagħ bar akongegħam.
Me bulmakauba tue da bar isia mighiħir
ofaba dera,
egħiżi nan arazir kam Godin
damazimin bar dagh afiraqħam.

32 Gumazamizir osimtiziba ateriba, me God nan akurazir bizimin ganigh bar akuegham.

Gumazamizir Godin ziam feba, me ua gavgvir igiam iniam.

33 Ikiavira Itir God gumazamizir biziba puvatizibar azangsiziba barasi, egha uan gumazamizir kalabusin itiba, a me gin amadir puvati.

34 Ia overiam ko, nguazim, ongarim ko osiriba ko, bizar bar ongarimin itiba, ia bar Godin ziam fi.

35 Guizbangira, God Saizon nguibamin gu-mazamizibar akuragh, men apanibar dafaribar ua me inigh, Judan nguibaba ua dar ingaram.

Godin ingangarir gumaziba nguibar kabar aven deraghvira ikiva, nguazir kaba bar ada iniam.

36 Eghiti Godin ingangarir gumazibar ovavir boriba, nguazir kaba iniam.

Gumazamizir kaba bar God gifongegh, nguazir kamin iki mamaghira ikiam.

70

Gumazim uabin akurvaghaha God ko migei

(Onger Akaba 40:13-17)

Devit, God an osimtizibar gan an akurvaghaha, an onger akar kam osiri.

A gumazir onger akabar faragha zuim ginighnigha an osiri.

1 O Ikiavira Itir God, ni nan God, ni ifuegh zuamira izi nan akuragh!

2 Gumazamizir maba na misueghti ki aremeghsa.

Eghiti ni me abinigh men nighniziba aghamsichti, me aghumsika.

Osimtizir ki isiba, gumazir maba dar gara bar akonge.

Ni men ziaba abinigh me batueghti me mangi.

3 Gumazir dibovir akabar na migeiba, ni bar aghumsizir ekiam me daningigh, eghiti me uan arazir kurar me amir kam bagh, akongegh fogham.

4 Eghiti gumazamizir ni baghvira zuiba, men naviba deraghti, me bar akuegh iki.

Gumazamizir kaba, ni bar moghira ua me ini.

Ni me bagha amizir ingangarir kam me bar a gifonge.

Egh me zurara kamagh mikim suam, "God, a guizbangira bar dera."

5 O God, ki gavgviba puvatigha uabira uabin akurvaghan iburaghburaki.

Kamaghin, ni zuamira na bagh izegh.

O Ikiavira Itir God, nirara nan akurvaghua ua na isir gumazim.

Ni suighsuighan marki, ni zuamira izi nan akuragh!

71

Gumazir ghurim God ko migei

1 O Ikiavira Itir God, ki ni ko ikiti ni na ggehuv na avaragh nan ganti, gumazir kuraba na gasighasichti ki aghumsighan kogham.

Ni me ateghti me na abinan marki.

2 Ni zurara arazir aghuim gami. Egh ni uan arazir aghuir kamin gin mangi nan akuragh!

Ki ni ko migeir migirigiba, ni da baregh ua na inigh.

3 Ni dagiar ekiamin min na modogh. Ni divazir gavgvimin min iki na ekiarughti, nan apaniba na abinan kogham.

Ki nin aven modogh ikiam. Nirara deragh na ggehuv nan ganti, ki deragh ikiam.

4 Nan God, ni gumazir kurabar dafarimin ua na ini.

Me arazir kurabar amuasa bar gavgafi.

5 Ekiam, ki nighnizir gavgvim min iti. Ki fomira uan igiamra ikia, nighnizir gavgvim Ikiavira Itir God, nin ikia, iza datirighin ikia kamaghira iti.

6 Nan ikirimirik ki itir kam, a nin agharimra iti.

Nan amebam na batezi dughiamra, ni na geghuva deragha nan gara iza datirikin.

Kamaghin, ki nin ziam zuraram a fam.

7 Na bativizir biziba, gumazamizir aviriba dar ganigha fo,

ni na geghuv nan ganasa gavgafi.

8 Dughiarbar zurara, ki nin ziar ekiam fi, an gun gumazamizibav kimasa.

9 Ki ghurigha givagha gavgviba puvati, ni na ategh akirim ragh na gasan marki.

10 Nan apaniba na misueghti ki aremeghsa uari akuvagha akabav sosi.

11 Me ghaze, "God anetegha givazi, gumazir an akurvaghama puvati. Aria, e an agiragh an suiraka."

12 O God, ni na ategh nan saghon ikian marki.

O nan God, ni zuamira izi nan akuragh.

¹³ Gumazir akaba na gasiba, ni me abinigh bar moghira me agifagh.

Me na gasighasighasa, ni me gasighasigh men ziaba abinighti, me okam nighnigh bar aghumsigham.

¹⁴ Ni nan akurvaghsı, ki ni mizuam nighnizir gavgavim nin ikiam.

Egh nin ziam fi mangivira ikiam.

¹⁵ Ki nin arazir aghuimin gun gumazamizibav kimam.

Bizir aghuir ni amir kabar diboboniba, ki deragha dagh fozir puvati.

Ni ua na inizir arazir kam, ki dughiabar zurara an gun me mikimam.

¹⁶ O Ekiam, ni Ikiavira Itir God, ki nin gavavir ekiam ginighnigh nin ziam fam.

Egh kamaghın akam akun suam,

“Ikiavira Itir God uabira dera.”

¹⁷ O God, ki igiamra ikia iza datırıghın, ni nan sure gami.

Ezi bizir aghuir ni amir kaba, ki dughiar kamin dar gun mikimvira ikiam.

¹⁸ Ki datırıghın ghurigha givagha bar ghurapani.

God, ni na ataghıraghan marki.

Ni na ko ikiti,
ki nin gavgavir ekiamin gun gumazamizir gin otivamibav kimam.

¹⁹ God, nin arazir aghuim nguazir kamin danganiba bar dagh izıvagha, uanaga overiamin tu,

egha gumazamizibar damazibar azenara iti.

Ni ingangarir bar ekiam gami.

Ezi nguazir kamin gumazitam nin min garir pu. Bar puvati.

Ni bar moghira me gafira.

²⁰ Osimtizir kaba ni na bagha da amangizi da izi.

Ezi ki fo, ni gavgavim ua na daningam.

Ki mati aremegha nguazir torimin ikia fo, ni ua na inigh azenan izam.

²¹ Ni nan ziam damichti a bar ekevegh, egh na damichti ki navir amirizim ikiam.

²² Ki gita misoghti an ararer aghuim otivti, ki nin ziam fam.

O nan God, nin akam a bar guizbangira, ezi ni na ataghırazir puvati.

Kamaghın, ki nin ziam fam.

Ni, Israelian Godin Bar Zuezim, ki buam misogh ighiam bangı ziar ekiam ni daningam.

²³ Ki ighiam bangı bar akongegh dimam.

Ki nin ighiaba bangı, egh uan akamra da bangan kogham.

Puvati. Ni ua na inizir bizir kam bagh, ki uan navim ko, nighnizim sara nin ighiaba bangam.

²⁴ Gumazamiziba na gasighasighasava amima,

ni me abirazı me bar aghumsiki.

Kamaghın amizi, ki dughiabar zurara arazir aghuir ni amizir kamin gun gumazamizibav kimam.

72

God atrivimin akurvaghisa, gumazim a bagha God ko migei

Solomon ighiar kam osiri.

¹ O God, ni uan arazir aghuiba deravira atrivim geghan.

Eghti a kotin aven deragh gumazamiziba tuisigham.

Nin kotiar araziba, da bar guizbangira zui, egh ni atrivir kamin akuragħi an kotiar araziba guizbangira mangi.

² Eghti a nin gumazamiziba ko gumazir onganarazibagh amiba, an arazir aghuimra me gativagh, guizin arazimin gin mangi men araziba tuisigham.

³ Ni men ingangaribar aven bizir aghuir aviribar amuti, men dabirabim deragħam.

Ni gumazamizibar amuti, me arazir aghuiba gin mangi.

⁴ Atrivim deragh onganarazibagh amir gumazamizibar akurvagh men osimtiziba akiram.

A biziba puvatizir gumazamizibar akurvagh.

Egh gumazir igharaz darazi gasighasighasava amiba, a me abinam.

⁵ O God, ki kamaghın nin azai.

Aruem ko iakinim isiragh ikivira ikiti, ni gumazamiziba zurara nin ziam fam.

⁶ Ni atrivim damichti a gumazir aghuimin min ikiti, an arazir aghuiba, amoziż azenibagh iżi, dagħeba dar aghui mogħin ikiam.

⁷ A ikivira ikiamin dugħiar kam, gumazamiziba arazir aghuimra gin mangam.

Iakinim isiraghavira itir dugħiamin, dabirabir aghuim otiv mangivira ikiam.

⁸ An atrivimin iki ongarimin roghira itir gumazamiziba ko saghon itiba, a me gativagh men ganam.

- Eghti an nguazir oteviba, Yufretisin Fanemin ikegh mangi nguazir kam bar an mangam.
- 9 Atrivir kamin apanir maba dipaba puvatizir danganimin iki a bagh teviba apiram.
An apaniba an damazimin nguazim giregham.
- 10 Spenin kantrin atriviba ko arighatizibar atriviba, me bizir aghuiba a daningam.
Egh uaghan, Seban kantri ko, Arebian kantrin atriviba, me a bagh takisba inigh izam.
- 11 Atriviba bar izi a bagh teviba apiram.
Eighti kantriba bar, dar gumazamiziba an ingangaribar amuam.
- 12 Guizbangira, an organarazibagh amir gumazamizibar dimdiaba baragha men akurvasi.
Gumazir organarazibagh amua akurvaziba men puvatiziba, a ubi men akurvasi.
- 13 Gumazamizir organarazibagh amua gavgaviba puvatiziba, a men apangkufi.
Gumazir biziba puvatiziba a ua me isi.
- 14 Gumazamizir arazir kurabagh amiba, me gasighasigh me abinsi damuti, a men akuragh ua me iniam.
An ifongiam bar men ekevezi, an arazir kabar me gami.
- 15 Atrivimin ikirimirim a ruaraghama.
Eighti Arebian kantrin gumaziba gol a daningam.
- Gumazamiziba a bagh God ko mikimti, God zurara deravira a damu an akurvaghama.
- 16 Dagher aviriba Lebanonin kantrin otivi moghin, gumazamizibar azenibar otiv.
Eghti gumazamiziba bar avirasemegh nguibabar iki, egh grazibar min danganiba bar dar iki.
- 17 Gumazamiziba, atrivir kamin ziam ginamangan kogham.
Dughiaba bar, areum tighar maghin anangti, gumazamiziba ziar ekiam atrivir kam daningam.
Egh gumazamiziba an ziam fam.
- God deragha atrivim gamir arazir kam bagh,
me uaghan kamaghira deragh uari damusi Godin azangsigham.
- 18 E Israeliian Ikiavira Itir Godin ziam fam.

A bar uabira arazarazir aghuir kabagh amima da otifi.
19 E zurara an ziar aghuir kam fivira ikiam. Bar guizbangira. An ziar Ekiam nguazir kam bar a gizifagh.

20 Kar Jesin otarim Devit, an azangsiziba kamaghira tu.

Akinafarir namba 3

73

(Onger Akaba 73-89)

Gumazir arazir kurabagh amiba, God mizazim me gasam

Asap ighiar kam osiri.

1 God bar guizbangira Israelian dera.
Egha an damazimin zuezir gumazamiziba, a bar men dera.

2 Ki guizbangira arazir kuramin irasa bar gefi.

Nan suemning mati apighsighizi, ki uan nighnizir gavgavim ataghiraghassava ami.

3 Gumazir maba uari fa dagiar aviriba isi.
Kamaghin amizi, ki gumazir kurar kabar bizibar gara, nan navim da bagha dikafi.

4 Men mikarziba mizaziba puvatizi me dera.
Me gavgavigha mikarziba deraghvira ikia naviba fiki.

5 Me gumazir igharaziba osimtziba ateri moghin, me osimtziba aterir puvati.
Gumazir igharaziba aterir osimtzizir kaba
bar me bativir puvati.

6 Kamaghin amizi, me uari fer arazir kam mati, me deragha uan mikarzibar kurti.
Me pura gumazir igharazibav sogha me gasighasisi.

Ezi arazir kam me avara, mati me korotiaba isa uan mikarziba ave.

7 Men nighniziba ko navibar aven, arazir kurar avirir me damuasa ifongeziba otivaghiri.

8 Me dibovir akabar gumazir igharazibav gia uari fa, arazir kurabar me damuasa nighnizibagh ami.

9 Me mizer otuaribar Godin uan Nguibamin itimin migei.
Me uarira uan ziaba fe, gumazamiziba men gin mangasa me arazir kam bagha bar gav-gafi.

10 Me kamaghin damuti, Godin gumazamiziba men akabagh ifuegh,

- nighnizir gavgavim dar ikiam.
- ¹¹ Gumazir kurar kaba ghaze, "E amir biza
iba God dagh foghan kogham.
Godin Bar Piñ Itim,
en arazir e amiba, a tam bativsi
damuva avegham."
- ¹² Gumazir kurar kabar arazim kamakin,
men dabirabim derazi, me bizar
aviriba ikia,
egha ua inivira ikiasa.
- ¹³ Ki uabi bar deravira uan navir ave-
riam ggehuvima, a Godin damazimin
zuezi,
ki arazir kuratabagh amizir puvati.
Nan arazir kam, a ti pura ghuz o?
- ¹⁴ O God, ni arueba ko dimagaribar
mizaziba na ganigavira iti.
Ezi osimtzir kaba, mizarazibar fofo-
iba na ganidi.
- ¹⁵ Ki gumazir kurabav gei moghin, nin
gumazamiziba akar otevitam me
mikemeghti,
me okam nighnigham.
Ki kamaghin amizir puvati.
- ¹⁶ Ki mighiga osimtzir kabagh nighnigha,
dar mingaribagh foghfoghasa amuava
avenge.
- ¹⁷ O God, ki kamaghin amua ghua amiragh
nin Dipenimin aven ghu.
Ki nin Dipenimin aven ikia nan
nighnizim derazi,
ki bizar gumazir kuraba bat-
vamibagh fofosi.
- ¹⁸ Guizbangira, tuavir me aruiba ni dagh
ami da bar apighsiki,
egha me gami me ira bar moghira ikufi.
- ¹⁹ Me bar moghira ikuvamin arazir kam, a
bar zuamira me batogham.
Eighti me ovengamin arazir kam bar
moghira men ikuvigham.
- ²⁰ O Ekiam, me mati gumazim irebam
ganizi, an amimzaraghan pura gifa.
A mizarazimin irebam ginighnizima, a
uam an nighnizimin itir puvati.
- ²¹ Ki faragha bizar kabagh nighnigha nan
navim bar oseme.
Mati, ki bizar kurar mam amezi, nan
navir averiam puvira na gami.
- ²² Nan nighnizim nan otevezi, ki deragha
nin arazibagh fozir puvati.
Ki asizir atiar nighniziba puvatizimin
min, nin damazimin an arazibagh
ami.
- ²³ Bar guizbangira, ki ni ko zurara iti,
- ezi ni nan dafarimin suira.
- ²⁴ Ni uan akar aghuimin, tuavir ki daru-
amibar nan akasaki.
Ni gin na inigh mangiti, ki ni ko nin
Nguibamin ikiam.
- ²⁵ O God, tina ua nin Nguibamin iki deragh
nan ganam?
Ni bar uabira, ua gumaziba puvati.
Ki bar ni gifonge.
Ki nguazir kamin ua bizitam gifongezir
puvati.
- ²⁶ Nan nighnizim ko nan mikarzim ua gav-
gaviba puvatighti,
God, ni ubi gavgavim nan navir ave-
riam daning.
Ki ua gumazir ighazaritam ganan
kogham.
Ni bar uabira ki nin ganam.
- ²⁷ Bar guizbangira, gumazamizir akirim
ragha ni gasaraziba,
me bar moghira givagham.
Gumazir faragha nin gin ghua datirighin ni
ataghiziba,
ni me gasighasigham.
- ²⁸ O God, ki nin boroghira itir arazir kam, a
bar dera.
Ekiam, ni Ikiavira Itir God, ni
guizbangira nan divazir gavgavim,
ezi ki nin aven modi.
Bizir ni amiba, ki bar adar gun
mikimam.

74

- Gumazim God ko migei,
eghti a Israelian akurvaghgam*
- Asap onger akar kam osiri.
Me onger akar kam kamaghin a dibori,
Maskil.
- ¹ O God, ni manmaghsua akirim ragha e
gasara?
E nin gumazamiziba, ni navim en iku-
vigh en atar kamaghira ikiam, o?
- ² Ni fomira ua bagha e ginaba, ni e
ginighnigh.
Ni e givezegha givazi, e nin adarazira.
Ni faragha Saionin Mighsiamin ike,
egh ni ua mighsiar kam ginirigh.
- ³ En apaniba nin Dipenim ko an itir biziba
bar dagh asighasiki.
Ni dikavigh izi bizar me fomira
asighasighizir kabar ganigh.
- ⁴ Nin apaniba nin Dipenim inigha givagha,
paza bizibagh amua dia ghaze, me God
abiraghha gifa.
Me nin biziba inigha, uan bizar men aba-
baniba itiba isa
dar danganibagh ariki.

5 Me mati gumazim ruarimin temeba okava da aghorogharighizi moghin, me temer nin dipenimin ingariziba, bar ada okava da aghore.

6 Temer me fomira digirir aghuibagh amiziba, apaniba hamaba ko sobiabar dav sogha da akari.

7 Nin Dipenir ni ubi aven itir kam, me a gasighasigha, a gaborozi a isi. Me danganir gumazamiziba iki ni ziam famim bar a gasighasiki.

8 Me uan navir averiabar aven bar e abinigh guizbangira e gasighasighasa nighnigha, e God ko migeir dipenir en nguazimin itiba, bar dagh aponge.

9 E gan fofohamin arazarazitaba bar itir puvati. Da bar moghira ghuegha gifa.

Ezi Godin akam inigha izir gumazitam uam e ko itir puvati. Osimitzir kam givamin dughiam, en tav bar a gifozir puvati.

10 O God, dughiaha manmagh apaniba ni dipovam? Me nin ziam akar kurabar a mikimvira ikiam?

11 Ni manmaghsua en akurvaghan aghuagħha, agharimmin girakirangin amadagħha puram en gari?

12 Bar guizbangira, O God, ni fomirama en atrivimin iki, dughiar aviribar en akurvazi, e midorozibagh amua uan apaniba abiri.

13 Ni uan gavgavimra ongarir ekiam tongiram anebiki. Egha maburan osirir ongarimin itibar dapaniba abighizi da ariaghire.

14 Ni guar bar ekiamin dapanim abighizi, ongarir miriamin itir gumazamiziba aneme.

15 Faneba ko dagħuriba, ni dipaba dagh atizi da ivemara uaghiri. Ni faner ekiabagh ami da dati.

16 Ni angazangarim ko mitatemin ingari, egha aruem ko iakinimin ingarizi aning pin uan danganimmin iti.

17 Nguazim mangi tuivamin danganiba, ni dar ababaniba arigha gifa. Azenibar aven, aruem ganamin dughiaba ko amozim izamin dughiaba, ni da arigha gifa.

18 Ikiavira Itir God, ni okinighnighan marki.

Nin apaniba gumazir organibar min nighnigha ghaze, ni mati pura bizim egha ni dipova ni migei.

19 Nin gumazamiziba gavgaviba puvati. Asizir atiam kuarazir muziarim misuegha anemezi moghin, apanir kaba bar moghira me agivan marki.

Kamaghin, ni me isi apanibar dafaribar arighan marki. E nin gumazamiziba, apaniba mizazim e gasi. Ezi e nin azai, ni e ginighnigh kamaghira iki.

20 En nguazibar danganiba bar, gumazir kuraba dar moga ikia tintinimin midorozibagh ami. Kamaghin amizi, ni e ko dikirizir akar kam, ni uam a ginighnigh.

21 Ni gumazir kuraba ategħti, me gumazir igharaziba dikaragh bar me abinan marki. Ni biziba otevezir gumazamizibar akurvagħti, me nin ziam fi.

22 O God, ni dikavigh izi pamten apanibav kim suam, iarara osimtizim gami, ki puvati. Egh gumazir akaba batogħa dibovir akabar ni migeiba, ni me ginighnigh bizitam damu.

23 Nin apaniba tiariba akara akar kurabar ni migei. Me akaba akara pamtem migiavira iti. Kamaghin amizi, ni men arazir kurar me amir kabagh nighnighvira iki.

75

God gumazamizir kuraba abinigha, gumazamizir aghuibar akura
Asap onger akar kam osiri.

Gumazir ighiabar faragħa zuim a gumazamizibav kimti, me tiarir kamin gin mangi ighiar kam bangam, “Gumazitam gasighasighan marki.”

1 O God, e zurara ni minaba egha nin ziam fe. E nin ziar ekiamin gun migia, bizar igharaghha garir ni amibagh eghari.

2 God kamaghin migia ghaze, “Ki kotiamin dughiar mam amisevegha givazima a iti. Nan kotiam guizbangira zui. Egha ifarir puvati.

³ Nguazir kam, mikimkizim a batoghti,
an itir gumazamiziba akongam.
Nguazimin mingarir apengan itim,
ki an suiraghti a iki gavgavigham.
(Ighiam gamua an suiam
atugha avughsegha ua
ighiam gami.)

⁴ Ki gumazamizir akaba batogha pura uan
ziaba febab gia ghaze,
'Ia uari fiva akaba batoghan marki.'

Ki gumazamizir kurabav gia ghaze,
'Ia uarira uan gavgavibagh nighnigh
uan ziaba fan marki.'

⁵ Ia uan gavgavibagh nighnigh da bagh
ifaghatan marki.
Egh pamten akabagh iti, dibovir akabar
na mikiman marki.'

⁶ Gumazamizibar araziba tuisighamin gu-
mazitam, an
aruem anadi naghin ko, aruem uaghiri
naghin ko, not ko sautin amadaghan
ikiva otoghan kogham.

Puvatigham.

⁷ God uabira en araziba tuisisi.
A gumazamizir maba fa, igharaziba
abiri.

⁸ Ikiavira Itir Godin aningagharim kam-
aghin iti.
A kavin mamin suira, ezi wainin igiar
gavgavir ekiam itim a gizifa.

An a ingezi gumazamizir kuraba anepa bar
anegifa.
Arazir kamra, gumazamizir kuraba
Godin kotin otivigh, egh bar geveg-
ham.

⁹ Ki uabi zurara Jekopin God bagh ighiaba
bangivira iki an ziam fam.
Egh an akabar gun mikimam.

¹⁰ Eghit God gumazamizir kurabar gavgav-
iba bar ada givagham.
Egh an damazimin derazir gumazamiz-
iba, a gavgavim ua me daningam.

76

*God midorozim gamua uan apaniba
abira*

Asap onger akar kam osiri.
Onger akar kam kar Godin ziam fer onger
akam. Onger akar kamin faragha zuir gu-
mazim, gumazibav gia ghaze, me gitabav
sogh.

¹ Judan adarazi bar deravira God gifo.
Israelia an ziar ekiam fe.

² An Dipenim Jerusalemin nguibamin iti.
Egha Saionin Mighsiamin ikia kam-
aghira iti.

³ A danganir kamin uan apanibar afuziba
ko,

oraba, ko midorozir sababa ko,
midorozir bizir igharaziba sara
apiraghari.

(Ighiam gamua an suiam
atugha avughsegha ua
ighiam gami.)

⁴ God, ni atrivibar ekiam egha ziar ekiam iti.
Nin ziam bar pin ikia, egha mighsiar
ekiabar ziar ekiabagh afira.
Ni mighsiabar uan apanibav sogha
me abiragh uamatgeha ize.

⁵ Ni men midorozir gumazir gavgavibav
sogha men bizir aghuiba bar ada ini.
Ezi midorozir gumazir kaba datirighin
ariaghirezi,
gumazir iki misogh ua men biziba
iniamba puvati.

⁶ O Jekopin God, ni men atarigha givazi,
hoziaba ko gumazir hoziabagh apiaz-
iba ariaghiregha nguazim gireghav
iti.

⁷ O God, ni men ataran bighangin, tinara nin
damazimin tuivam?
Bar puvati.
Gumazamiziba bar puvira nin
atiati.

⁸⁻⁹ Ni uan Nguibamin ikia gumazamiziba isa
uan kotiam gati.
Ni dughiar kamin tugha kotiamin gun
me migei.

Egha ni iza gumazamizir igharaz darazi
paza me gamiba, ni men akurvasi.
Gumazamiziba bar atiatigha mikiman
asa.
Me pura uan akabar kumigha iti.
(Ighiam gamua an suiam
atugha avughsegha ua
ighiam gami.)

¹⁰ Gumaziba naviba men ikufi,
ezi bizir kam gumazir igharazibagh
ami me nin ziam fe.
Gumazir midorozim gamua deragh
ikiavira itiba,
me nin ziam fam.

¹¹ Ikiavira Itir God a nin God,
ni a ko Akar Gavgavim akirigh,
egh guizbangira akar dikirizir
kamin gin mangi.
Egh ifaran marki.

E Ikiavira Itir Godin atiatingam,
kamaghin, gumazamiziba bar a bagh
bizar aghuiba inigh mangi.

¹² An atrivir akaba batoziba abiri.
Egha nguazimin atrivibagh ami
me bar an atiati.

77

*Gumazim osimtizim itir dughiamin a
God ko migei*

Asap onger akar kam osiri.

An onger akar kamin faragha zuir gumazim
Jedutun ginighnigh a bagha onger akar kam
osiri.

¹ Ki osemegha uabin akurvaghaha arava
God ko migei.

A na baraghaha ki pamten an dei.

² Osimtiziba na bativir dughiaba,
ki Ekiam buriava an dei.

Ki dimagaribar uan dafariba favira ikia a ko
migia,

navir amirizim inizir puvati.

³ Ki God ginighnigha nan navim arai.

Ki God ginighnigha nan navim bar na
basemezi

damaziba nan siri.

(Ighiam gamua an suiam

atugha avughsegħha ua

ighiam gami.)

⁴ God na gamima ki dimagaribar akuir pu
vati.

Nan navim bar na basemezi ki mikiman
asa.

⁵ Ki dughiar fomira ghueziba ko, azenir
fomira ghuezibagh nighnisi.

⁶ Ki dimagaribar uan onger akar kam
ginighnisi.

Ki nighnigha ikia, egha uabira uabin
azangsi:

⁷ "Ekiam zurara akirim ragħ na gasam o?
Egh a ua na gifongegħan kogħam o?

⁸ An apangkuvir arazim nan ikiavira iti, o
puvati?

A na ko dikirizir akar kam na ko ikiavira
iti, o puvati?

⁹ God en akurvaghaha ua nighnisi o puvati?

An en apangkuvir arazim, an adarim ti
anepirighama?"

(Ighiam gamua an suiam

atugha avughsegħha ua

ighiam gami.)

¹⁰ Ki nighnizir kam gamua nan navim na
baseme.

Ezi ki ghaze,

"Godin Bar Pin Itim, datirighin nan
akurvaghan agħħua."

¹¹ O Ikiavira Itir God, ki digavir kuram
gamir araziba ko,
ingangarir ekiar ni faragħa amiziba, ki
uamategħ dagh nighnigham.

¹² Ki guizbangira digavir kuram gamir araz
iba ko,

ingangarir ekiar ni faragħa amiziba, ki
uamategħ dagh nighnigham.

¹³ O God, arazir ni amiba, da bar deragħa
guizbangira zue.

Ezi godin ifavaritamin gavgavim ni
gafiraz puvati.

¹⁴ O God, nirara mirakelbagħ amua,
uan gavgavir ekiām Kantrin Igharaz
ibar Gumazamiziba bar men aka.

¹⁵ Nin gavgavimra ni uan gumazamizibar
akuragħha me ini.

Gumazamizir kaba, me Jekop ko
Josepin ovavir boriba.

(Ighiam gamua an suiam
atugha avughsegħha ua
ighiam gami.)

¹⁶ O God, fomira dipaba nin gara nin atiati.
Ongarir konimin aven, mikimkiziba
tintinibar otifi.

¹⁷ Ezi amozir ekiaba izaghirma,
onimariba danganiba bar dar tagħtasi,
ezi arariba pamten dagħvarvi.

¹⁸ Nin arariba aminir ekiāmin tongiñ dagar
vasti.

Ezi onimariba tagħtagħha bar nguazim
gisisti,
ezi nguazim mozorogħa
sivagħsivasi.

¹⁹ Ni ongarir torimin arua zuima,
tuavir aruim, ongarir konimin iti.

Ezi nin diaritam tuavir kamin itima,
gumazitam an ganizir puvati.

²⁰ Ni sipsipbar garir gumazim min,
gumazamizibar faragħa ghua me
inīgha zui.

Egha ingangarim Moses ko Aron
ganingizi, aning men faragħa ghua
men gari.

78

*Gumazamiziba God gamizi a bar me
baseme*

Asap nighnizir aghuim isi gumazamizibar
anġingas onger akar kam osiri.

Me onger akar kam kamagh a dibori,
Maskil.

¹ Nan gumazamiziba, ki ian sure damuamin
migirigħiaba ia deragħ da baragh.

Nan akamin otivir migirigħiaba, ia der
agh kuariba arigh da baragh.

² Ki akar isin zuibar bizir mogomemin
itibav kimam.

Eghħaganir kaba fomira ikegħa iza
datirighin otifi.

³ Akar kaba en inażiż afeziaba fomira
dav mikemegħha gifa.

Ezi e bizir kaba baregħa dagh fo.

⁴ E akar kaba uan boribar għuangsighan
kogħam.

- Borir igiar datirighin otivamiba, e kamagh me geghanam,
Ikiavira Itir God, a gavgavir ekiam iti.
Aingangarir ekiabagh amua, mirakelin arazarazir aviribagh ami.
- ⁵ God Akar Gavgaviba isa Israelian gumazamizibagh aningi.
Jekopin ovavir boriba akar kabar gin mangasa, a da isa me ganingi.
- A fomira en inazir afeziaba kamaghin me mikeme,
“Ia bar deraghvira nan Akar Gavgavibar uan boribar sure damu.”
- ⁶ Egheti men borir gin otivamiba uaghan dagh fogh,
egh me uaghan uan boribagh eghanam.
- ⁷ Me kamaghin damuva, nighnizir gavgavim Godin iki,
egh bizir an amiziba gin amangan kogham.
Me bar an Akar Gavgavibar gin mangam.
- ⁸ Me uan inazir afeziabar arazibar gin man-gan marki.
Men inazir afeziaba orazir puvatigha Godin akam batoke.
- Egha nighnizir gavgavim an itir puvatigha, an akaba zurara dar gin zuir puvati.
- ⁹ Fomira Efraimin adarazi piba ko bariba inigha misoghasa zuima, midorozim otozi me are.
- ¹⁰ Me Godin Akar Dikirizir Gavgavim batuegha, an akamin gin zuir puvati.
God men apangkuvighavira iti.
- ¹¹ A men damazibar amizir mirakelba ko, bizir an amiziba, me da gin amada.
- ¹² God en inazir afeziabar damazibar Isipin kantrin aven, a Soanin nguibamin mirakelbagh ami.
- ¹³ God ongarim abighizi ongarim vong ko vongin tughav itima, a Israelian akua an torimra ghua vongin oto.
- ¹⁴ An aruebar ghuariamin tongin ikia men faragha zui.
Egha dimagaribar avimin angazangarimin aven ikia men faragha zui.
- ¹⁵ A gumazamiziba puvatizir danganimin dagiaba abi, dipar nguazimin aven mar itiba otifi.
Egha dipam uan gumazamizibagh anidima me da api.
- ¹⁶ A dipabagh amizi, da dagiamin azenan otiva, fanemin min ivemara ghuaghiri.
- ¹⁷ A kamaghin amima, me gumazamiziba puvatizir danganimin ikia, akaba batoghvira ikia, Godin Bar Pin Itimin damazimin arazir kurabagh amuavira iti.
- ¹⁸ Me God isi ingangarim datigh an gan foghasa, egha dagher me bar ifongezir kam bagha bar puvira an diava arai.
- ¹⁹ Me God dipova ghaze, “Gumazamiziba puvatizir danganir kam, God ti dagher aviriba e daningam, o?”
- ²⁰ A guizbangira faragha dagiam misoghezi dipam azenan otogha afora uaghiri. Ezi a datirighin bret ko asizim e daningam, o?”
- ²¹ Ikiavira Itir God kamaghin me baregha an adarim bar ekevezi, an avim Jekopin adarazi bagha anemadazi a izaghiri.
- ²² Me kamaghin nighnizi puvati:
A uan gavgavim men akuraghti me deragh ikiam.
Egha me nighnizir gavgavim an itir puvati.
- ²³ An nighnizim men ikiavira itima, a pin overiam mikemezi a kuiaghiri.
- ²⁴ Egha a uan Nguibamin manan daghem isa gumazamizibagh anidi.
Gumazamiziba damasa, a me bagh manan daghem* anemadazi a iri.
- ²⁵ Enselba apir dagheba, God dar aviriba isa me ganingizi, me da amegha bar izefe.
- ²⁶ God uan gavgavim, aruem anadi naghin ko sautin amadaghan izir aminin amadazi a ivai.
- ²⁷ A nguazir minemniaba ko, ongarir gigimin min, kuarazir aviriba amangizi da izaghiri.
- ²⁸ God kuarazir kaba amangizi da danganir me itimin, bar men purirpenibar miriabara iri.
- ²⁹ Dagher gumazamizir kaba iniasi ifongeziba, God da me ganangi.
Ezi me da apa ghua bar izefe.
- ³⁰⁻³¹ Me apima dagheba men akatoribar ikiavira itima, God men atara
Israelian gumazir igiar gavgavibav soghezi me ariaghire.
- ³² God bizir kabagh ami, ezi me arazir kurabagh amua ghuavira iti.
A mirakelbagh ami, ezi me nighnizir gavgavim an itir puvati.

33 A mati gumazim uan akamin aminim
 giverazi an otogha ghua pura givazi
 moghin,
 A bar zuamira me gasighasighizi me
 ariaghire.
 34 God men maraziv soghezi me ariaghirezi,
 men marazi guizbangira navibagh
 iragha ua God bagha ize.
 35 Me ua nirigha ghaze,
 e Godin Bar Pin Itimin aven mogha egha
 deragha iti.
 Ezi a en akuragha uam e ini.
 36 Migirigiar me amir kaba, da bar
 guizbangira puvati,
 me a gifarava a migei.
 37 Me an akabar gin zuir puvati,
 egha a me ko Dikirizir Akar Gavgavim
 abiki.
 38 Ezi a men apangkuvighavira ikia,
 men arazir kuraba gin amadaghia,
 me gasighasizir puvati.
 A dughiar aviribar uan adarim aminivagh
 men akazir puvati.
 39 An nighnizim, me gumazibara,
 men ikirimirim dughiar ruarimin itir
 puvati.
 Men ikirimirim mati,
 aminim dughiar bar otevimra varagha
 ghugha gifa.
 40 Me gumazamiziba puvatizir danganimin,
 dughiar aviribar an akam batosi.
 Me dughiar aviribar a gami an
 navim oseme.
 41 Me zurara Godin gavgavim gifofoghsa, a
 gavgavis ti o puvati?
 Egha arazir kabagh amua,
 Israelian Godin Bar Zuezim gamizi,
 an navim bar osemegha men
 atari.
 42 God men akuragha men apanibar da-
 fariba da ua me inizir gavgavir kam,
 me a ginighnizir puvati.
 43 A mirakelin arazir kaba,
 Isipin kantrin aven, Soanin nguibamin
 dagh ami da otifi.
 44 A Isipian fanebagh amizi ghuzim dar
 otozi,
 gumazamiziba damamin dipaba pu-
 vati.
 45 A berezir aviriba ko, mitivir aviriba me
 bagha da amangizi,
 bereziba me givima, mitiviba men
 azenibagh asighasiki.
 46 An apiziba ko, odeziba amangizi,
 da iza men azenibar aghuir dagheba ko
 zuravariba bar ada ame.

47 An amozir ofizir dagiabar min gariba
 amangizi,
 da men wainin ikarizibagh ira bar dagh
 asighasiki.
 An ais gamizi
 a men fighin temebagh ira bar dagh
 asighasiki.
 48 An aisin amozir ofizir ekiaba amangizi da
 iza,
 men bulmakaubagh asighasiki.
 An onimariabagh amizi,
 da asizir igharazibagh asighasiki.
 49 An adarir bar ekiam men ikia men
 aninggahega,
 bar moghira me gasighasighasa enselin
 aviriba amangi.
 Ezi me iza me gasighasigha
 osimtzir bar ekiam me ganingi.
 50 A men atara me ataghizi me itir puvati.
 An arimariar ekiam me ganingizi me
 aria bar ariaghire.
 51 Isipian adarazir otarir ivariaba, a
 vaghvaghia bar me misoghezi me
 ariaghire.
 52 A sipsipbagh eghuvir gumazimin min,
 uan gumazamizibar faragha ghua,
 men akua gumazamiziba puvatizir
 danganimin ghu.
 53 A me ko zuima me atiatir puvatigha der-
 aghavira ghuava otifi.
 Ezi men apaniba, ongarim bar moghira
 me avara.
 54 A me inigha ghua uan nguazir a ua bagha
 inabazimra me ati.
 Nguazir mighsiar kam, a uan gav-
 gavimin a ini.
 55 Israelia izezi, a ikizir igharazibar gu-
 mazamiziba batuegha, nguazir kaba
 abiga
 da isa Israelian anababagh aningi.
 Ezi me pura, men dipeniba inigha
 deragha dagh apiaghav iti.
 56 Me Godin gavgavim gifofoghsa, a gav-
 gavis, ti puvati?
 Egha me Godin Bar Pin Itimin akaba
 batogha ghaze, a gavgaviba puvati.
 Egha an Akar Gavgavibar gin zuir
 puvati.
 57 Men inazir afeziaba faragha amizi
 moghin, me an akaba batogha
 nighnizir gavgavim dar itir puvati.
 Me mati barir pim ikirazi, gumazim asi
 bariba ikizirigha zui.
 58 Me mighsiabar ghua asebar ofa gamir
 dakozibar ingarizi, God puvira men
 atari.

78:35: Ua Me In 15:13; Godin Araziba 7:8; Aisaia 41:14; 63:9

Jon 3:6-8; Jems 4:14

78:44: Ua Me In 7:17-21

78:45: Ua Me In 8:1-6; 8:20-24

78:39: Onger Akaba 103:14-16;

78:46: Ua Me In 10:12-15

78:47: Ua Me In 9:22-25

78:51: Ua Me In 12:29

78:46: Ua Me In 10:12-15

78:52: Ua Me In 13:17-22

78:53: Ua Me In 14:26-28

78:54: Ua Me In 15:17; Josua 3:14-17

78:55: Josua 11:16-23

78:56: Gumazir Dapaniba 2:11-15

Me marvir guabar ingarizi, Godin navim me bagha bar ikufi.

⁵⁹ God bizir kabar gara adarir ekiam ikia, egha bar Israeliyan aghua.

⁶⁰ A Dipenir Silon nguibamin itimin ikia, eko iti.
A datirighin Purirpenir kam ataki.

⁶¹ An apanibar amamangatizi me an Akar Dikirizir Gavgavim itir Boksiam inigha ghu.
Boksiar kamin me an gavgavir ekiam ko, an guamin angazangarir ekiamin gari.

⁶² A uan gumazamizibar atara, me ataghizi men apaniba me misoghezi me ariaghire.

⁶³ Men otarir igiaba midorozimin aven bar ariaghirezima, men amizir igiaba ikiamin gumaziba puvati.

⁶⁴ Apaniba men ofa gamir gumazibav sozi me ariaghirma, men amuiba men apangkuva men azian iburaghburaki.

⁶⁵ Ekiam akuavia osegha, mati gumazir igiam wainin dipam amegha gavgavigha tintinibar dia migei.

⁶⁶ A uan apanibav sogha me abinigha men agintighizi me ghuegha, aghumsizir dafam isa kamaghira iti.

⁶⁷ A Josepin adarazir ovavir boribar aghua. A Efraimin anabamin adarazi amisevezir puvati.

⁶⁸ A Saionin Mighsiar a ifongegha uabi itim ko Judan anabam, a ua bagha a ginaba.

⁶⁹ A Saionin Mighsiar kamin uan Dipenimin ingarizi, a gavgavigha overiamin min pin iti.
A mati nguazir a ingarizir kamin min anetizi, a gavgavigha ikia mamaghira iti.

⁷⁰ Godin ingangarir gumazim Devit, uan sipsipbar gara itima, God a inigha uan gumazamizibar ganasa anemisefe.

⁷¹ A sipsipbar garir ingangarim an anogoregha, Israeliyan atrivimin ikiasi anemisefe. A Godin gumazamiziba me geghuv deragh men ganam.

⁷² Devit uan navir aghuimin gin ghua deragha men gari.
Egha uan fofozir aghuimin men faragha ghua bizibagh ami.

79

Isaelia uarir akurvaghosa God ko migei
Asap onger akar kam osiri.

¹ O God, Kantrin Igharazibar Gumazamiziba nin nguazimin ize.
Egha Dipenir ni ua bagha inabagha itim gamizi, a bar moghira nin damazimin mizegha ikufi.
Egha me Jerusalem bar a gasighasiki.

² Me nin gumazamizibav soghezi me ariaghirezi, me nin ingangarir gumazir kabar kuaba isa kuaraziba ko asizir atiabar daghebar min dagh aningizi, da da ame.

³ Me nin gumazamizibav soghezi me ariaghirezi, men ghuziba dipamin min Jerusalemin nguibar averiam bar a gimiri.
Ezi gumazir men kuabar suigh me mozibar arighamitam ua itir puvati.

⁴ Gumazamizir en boroghira itiba e dipova, en ingaravaka, akar kurabar e migei.

⁵ O Ikiavira Itir God, ni en atarovira iti o?
Ni dughiar ruarin en atar iki kamaghira ikiam o?
Ni navim en ikuvigh, nin aningagharm avimin min isi kamaghira ikiam o?

⁶ Ni kantrin ni gifozir puvatigha ni ko migeir puvatiziba, ni men atarti deragh.

⁷ Me kamaghin amua, Jekopin ovavir boriba bar me misuaghariha, men nguazim bar a gasighasiki.

⁸ Ni en inazir afeziaba amizir arazir kurabagh nighnighiva, paziva e damuan marki.
En nighnizir gavgaviba datirighin bar iraghuegha gifa.
Kamaghin, ni zuamira en apangkufigh.

⁹ O God, ni Godin En Akurvazim.
Ni uan ziar ekiam bagh nighnigh en akuragh uam e inigh, en arazir kuraba gin amadagh.

¹⁰ O God, Kantrin Igharazibar Gumazamiziba manmaghsu kamagh e mikimam, "Ian God mana?"
Ni uan gumazamizibar ghuziba ikarvagh, Kantrin Igharazibar Gumazamiziba mizazim me gasiti e ganika.

11 Ni kalabusin itir gumazamizibar ararem baragh.

Ni uan gavgavir ekiamin, gumazir apaniba misuegħti aremegħasava amiba, uam men akuragh.

12 O Ekiam, apanir kaba akar kurabar ni mikeme.

Kamagħin, ni men arazir kurar kaba ikaragh bar mogħira me agifa.

13 Nin gumazamizir nin sipsipbar min itiba, zurazura ni minamam.

En ovavir borir gin otivamiba, me uaghan nin ziam fi kamaghira ikiam.

80

Israelia ua tugh gavgavighasa, God ko migei

Asap onger akar kam osiri.

Gumazir ighiabar faragħa zuim, a gumazamizibav kimi, me tiarir kamin gin mangi ighiar kam damuam, “Akar Dikirizir Gavginim akimar aghuim.”

1 O Israelia gegħuvir gumazim, ni deravira e barakigh.

Ni sipsipbar min Josepin ovavir boribagh eghuva, deragħha men gari.

Ni uan atrirv dabirabim gaperaghav ikia, ensenil bar gavgavbar pīn iti.

Ni uan angazangarim e gisiragh.

2 Ni Efraim ko, Benjamin ko, Manase, men anababar ovavir boriba, ni uabi men akagh.

Ni uan gavgavim akagh izi en akuragh.

3 O God, ni uamategh e inigh izi
e ua dikavigh tuivigh, fomira ikezi mogħin ua ikiam.

Ni uan angazangarim e gisiragh, en apangkuvigh en akuragħti, e ovengan kogħam.

4 O God, ni Ikiavira Itir Godin Gavgaviba Bar Itim.

Ni dughiar bar ruarim uan gumazamizibar atara, me ni ko migeir migirigħiaba ni da barazir puватi.

5 Ni e gamizi, e bretin min uan temeriba apava, kavir temerir izvirizim, dipamin min uarir guri.

6 Ni gumazir en borogħin itibar arirazi, me iza en nguazim iniħħas uariv sosi.

En apaniba e dipovava en ingaravati.

7 O Ikiavira Itir Godin Gavgaviba Bar Itim, ni uamategh e inigh izi,

e ua dikavigh tuivigh, fomira ikezi mogħin ua ikiam.

Ni uan angazangarim e gisiragh, en apangkuvigh en akuragħti e oven-gan kogħam.

8 Ni uan gumazamizib a wainin ikarizim min Isipin me asığha me inigha iż-żejj.

Ni Kantrin Igharazibar Gumazamizib a batuegħa, men nguazibar uan gumazamizib a, wainin ikarizim min me arke.

9 Ni wainin ikarizir kam bagħha nguazim azeneġha anekara.

Ezi an aghħua an biba bar nguazim giragħhu, an aghħua ghua bar uabi aroke.

10 Wainin ikarizir kam aghħua, ekiva an dugħuazim mighsiaba bar ada aghħuazi, an aghariba sidan temer ekiaba bar ada avara.

11 An aghariba aghħua ghua Mediterenianin Ongarir Ekiamin tuga, iż-żu Yufretis in Fanem in tu.

12 Ni datirighin manmagħsua wainin azenim avinizir divażim bar anekaragħariki?

Gumazamizib a datirighin tuavim in daru, an oviziba okimam.

13 Dar atiaba a dikabinti, asizir atiaba anemam.

14 O Godin Gavgaviba Bar Itim, ni uam e ginighnigh, uan Ngħibamin pīn iki vanginān wainin ikarizir kam deraghvira an gan.

15 Ni uabi uan agharir guvimin wainin ikarizir kam akara.

Ni wainin biar igħam akarazi an aghħua gavgavigha għifa.

16 En apaniba anetugħha a isa avim mikiñiha għifa.

Ni uaghan me atuġħ me gasighasighti deragħam.

17 Nin gumazamizir ni ua bagħha inabaziba, ni me gamizi me ekevegħha bar gavgaf.

Ni men akuragh deragh men gan.

18 Ni kamagh damighti e uam akirrim ragħni ni gasan kogħam.

Ni en akuragħti e angamira deravira iki nñi ziam fam.

19 O God, ni Ikiavira Itir Godin Gavgaviba Bar Itim,

ni uamategh e inigh izi, e ua dikavigh tuivigh fomira ikezi mogħin ua ikiam.

Ni en boroghin ikiti, nin angazangarim e gisiraghti, ni deragh e damu.

Egh en apangkuvigh en akuraghti e ovengan kogham.

81

Dughiar ekiabir ighiaba

Asap ighiar kam osiri.

Gumazir ighiar kamin faragha zuim, gu-mazibav kemeghti me Gatin nguibamin gitabav sogham.

¹ Godin e geghuva deragha en garim, e a bagh pamtem dimiva bar akuegham.

E, ighiaba bangi Jekopin Godin ziam fam.

² Ia faragh gitaba ko ukulelebagh ikararangivä, tambarinbav soghti dar arareba de-ravirama otiv.

³ En isar ekiam otivamin dughiamin, iakinir igiam otoghti ia sighthabagh ivi.

Egh iakinim izi pazagħar torimin tugħti, ia ua sighthabagh ivi.

⁴ Arazir God ifongezir kam, a Israelia e ganingi.

Kar bizar Jekopin God damuasa e mikemexiba.

⁵ God Isipia ko misozir dughiam an akar kam, e Josepin ovavir boriba an e ganingi.

Ki akar otevir kam baragħa fozir puvati tina a migei.

⁶ Ki orazi a kamaghin migia ghaze, “Ian dipizbar itir osimtiziba, ki bar da adegha gifa.

Mitarir osimtizir ia ateriba, ki da isa nguazim dafegħa gifa.

⁷ Ia osimtiz bar ekiam ikia nan deir dughiamin, ki ian akura.

Ki overiamin pin, arariba dagarvazir nagħin uan mogomer danganim ikia, ian dimdiem baregħa a ikara.

Ki Meriban mozir pamin ikia, ian nighnizir gavgavim gifofogħasa arazarazir mabagh ami.

(Ighiam gamua an sujam atugħa avughsegha ua iħġiam gami.)

⁸ “Nan gumazamiziba, ki Akar Gavgavim ia mikim ia akirasa.

O Israelia, ia deraghvira nan akam baragh.

⁹ Ia marvir guabar ziaba fan marki.

Ia kantrin igharazibar asebar ziaba fan marki.

¹⁰ Ki Ikiavira Itir God, ian God.

Ki Isipin ia inigha azenan ize.

Ia nighnizir gavgavim na ikiti, ki bar de-ravira ia damuam.

Mati kuarazir nguzim akam akarigha itima, an amebam biziba atera iza an akam mikri.

¹¹ “Nan gumazamiziba, me nan akaba baraghān aghħua.

Bar guizbangira, Israelia uari abinigha nan apengen itir puvatī.

¹² Kamaghin, ki me ataghixi me uan navibar kumigha uari uan arazir kurabar gin ghua,

uan ifongiabar bizibagh ami.

¹³ Ki kamagħsua, nan gumazamiziba Israelia nan akaba baragh nan arazibar gin mangam.

¹⁴ “Me kamaghin damuti, ki zuamira uan gavgavir ekiamin men apanibav suegham.

Ki men apaniba bar me abinigham.

¹⁵ Nan aghuazir gumazamiziba, me attiār ekiam sara na bagħha izi.

Egħi ki men apanimin iki mamaghira ikiam.

¹⁶ Egħi ia, ki dagħer bar aghuiba ko, ruarim iti' haniba ia daningi, ia dami bar izevegham.”

82

God an atrivir ekiam

Asap ighiar kam osiri.

¹ Dughiar mamin aseba Godin Nguibamin uari akuvazi,

God uan dabirabir danganim gaper-aghha men faragħa ghua, akam me għas-

kamaghin me migei.

² A ghaze,

“Ia paza kotiaba tuisigha, gumazir arazir kurabagh amiba bar me gifonge.

(Ighiam gamua an sujam atugħa avughsegha ua

ighjam gami.)

³ Ia deragh gumazamizir uarira uarir akur-vagħan kogħamiba ko, borir afez-aba ariaghirezibar akurvagh.

Ia gumazamizir osimtiziba ateriba ko, onganarazibagh amir gumazamiziba, deragh me damu.

⁴ Gumazamizir gavgaviba puvatiziba ko, onganarazibagh amiba,

ia gumazir kurabar dafariba da ua me
inigh.

5 "Me nighnizir aghuitam men itir puvatizi,
me bitezam gifozir puvati.

Me mitatemin nguazir kam garua,
arazir aghuitam gumazamizibar
akurvaghosa a gamir puvati.

6 "Ki Godin Bar Pin Itim kamaghin migia
ghaze,

Ia aser muziarir kaba, ia bar nan
boriba.

7 Ia gumaziba ariaghiri moghin uaghan
arimighiregham.

Ia atrivir igharaziba iri moghin uaghan
iregham."

8 O God, ni dikavigh izi nguazimin gumaza-
miziba bar me gativagh men araziba
tuisigh.

Nguazimin itir gumazamiziba bar nin
gumazamiziba.

83

*God Israelian apaniba bar me agivasa,
gumazim God ko migei
Godin ziam fer ighiam, Asap an osiri.*

1 O God, ni akam dukuagh pura ganan
marki.

Ni pura uabin asugh nimira ikian
marki.

2 Ni gan, nin apaniba me midoroziba fori da
otifi.

Ezi gumazir nin aghuaziba nin akaba
batosi.

3 Me nin gumazamiziba paza me damuasa
muegha me bagha gara iti.

Gumazamizir nin apengan iti ni eghu-
vir kaba,
gumazir kurar kaba me
gasighasighasa.

4 Me ghaze,
"Ia izi e Israelin kantri bar a gasighasichti,
a ziaba puvatighti, me uam a
ginighnighan kogham."

5 Kantrin kaba Israel abinasa uari aku-
vaghha,
nighnizir vamiram amigha akam
misoke.

6-7 Ikizir kabanang: Idomia, Ismaelia,
Moapia, Hakria, ko
Gebalia, Amonia, Amalekia, Filistia, ko
Tairin nguibamin gumazamiziba.

8 Asirian kantri uaghan men aven ghugha
Moapia ko, Amonian akura.
Me Lotin ovavir borir bar gavgaviba.

(Ighiam gamua an suiam
atugha avughsegha ua
ighiam gami.)

9 O God, ni faragha Midiania gamizi moghin
ni me damigh.

Ni kamaghira Kisonin Fanemin Sisera
ko, Jabin aning gasighasiki.

10 Ni dughiar kamin Endorin nguibamin an-
ing gasighasighizi,
aningin kuamning ikia kuri.

11 Ni faragha Orep ko, Sep gamizi moghin,
ni men midorozir gumazir dapanibar
amigh.

Men gumazir dapaniba, ni faragha
Seba ko, Salmuna gamizi moghin
me damigh.

12 Gumazir kaba bar ghaze,
"E Godin nguazir bar aghuir kam inigh
an afeziam ikegham."

13 O God, ni uan aminir gavgavimin me
giveraghti,
me minezibar min mighi tintinibar
mangegh givagham.

Ni me gieveraghti, mati aminim raizin
misevibagh iverazi,
da migha ghuezi moghin, me mighi
mangegh.

14 Avim ruariba ko mighsiabar isia akara zui
moghin,
ni men agintighti me aregh.

15 Kamaghira, ni amozir ekiam amadaghti a
izi men agiraghti me aregh.
Ni aminir ekiam amadaghti, a iziti me
atiating.

16 O Ikiavira Itir God,
Ni me damighti me okam nighnigh bar
aghumsigh,
ni baghvira ikiam.

17 Nan ifongiam, ni me abiraghti me bar ati-
atingigh aghumsigh kamaghira iki.
Ni aghumsizim me danigh, me
misueghti me arimighiregh.

18 Ni kamagh damighti me guizbangira
ganigh fogh suam,
"Ni bar uabira nin ziam, Ikiavira Itir
God.

Nirara Godin Bar Pin Itim,
egha nguazir oteviba bar dagh ati-
vagha dar gari."

84

*Gumazim Godin Dipenim bar a gifonge
Kar Koran adarazir onger akam.*

Gumazir onger akar kamin faragha zuim
gumazibav kemezi, me Getin nguibamin in-
garizir gita inigha a gikararai.

1 O Ikiavira Itir Godin Gavgaviba Bar Itim.

- Nin dipenim a bar moghira dera.
- ² Nan navir averiamin, ki nin dipenimin, dughiabar zurara gumaziba uari akUVI naghin aven ikiasi.
- Nan ifongiam kamakin, ki bar nin Dipenim gifonge.
- Ni Godin angamira itim.
- Ki uan mikarzim ko nighnizim sara, ni bagh bar akuegh, ighiabar amuam.
- ³ O Ikiavira Itir Godin Gavgaviba Bar Itim. Ni nan God ko nan atrivim.
- Kuarazir muziariba nin ofa gamir dakozimin boroghira uari bagha mikonibar ingara, ota uan nguzibar gari.
- ⁴ Nin Dipenimin aven itir darasi, men naviba deragha bar akonge, me zurara nin ziam fava ighiaba bat. (Ighiam gamua an suiam atugha avughsegħa ua ighiam gami.)
- ⁵ Gumazamizir nin gavgavim iniasava amiba, ni bagha Saionin Mighsiamin mangasa ifongeziba, me bar akongegħ.
- 6 Me dipar atuir dipaba puvatizibar zui. Danganir kamin ziam Temeriba Itir Danganir Zarim.
- Me mozir dipaba danganir kamin dagħ amizi da ofti. Mizarazibar amoziba izima mozir dipar kaba izefi.
- ⁷ Me tuavimin ghua nin gavgavim isa għuavira iċċia gavgħaf. Me mangi Saionin Mighsiamin otivigh Godin ganti a ikiam. Godin kam, a godba bar dar pin iti.
- ⁸ O Ikiavira Itir Godin Gavgaviba Bar Itim, ni Jekopin God. Ni nan azangszizim barakigh. (Ighiam gamua an suiam atugha avughsegħa ua ighiam gami.)
- ⁹ O God, ni en atrivimin gan deragh a damu. A uabi oramin min e moga deravira e għegħufi. Ni uabi ua bagħha a ginabazi, an atrivimini iti. Ni deraviram a damu.
- ¹⁰ Ki aruer vamiran nin dipenimin gumaziba uari akUVI nagħin iti, a bar dera. Aruer kam, a 1,000plan aruer ki nġu ībar iħarazim itibagh afira.
- Ki uan Godin Dipenimin tiar akamin tughiv ikiasi bar akonge.
- Ki gumazir kurabar dipenibar ikian aghħua.
- ¹¹ Ikiavira Itir Godin Gavgavim, an aruemin min tuavim en akakagħa, oramen min e modi. A en apangkuva egha ziar ekiam e ganid. A gumazir an damazim in deraziba, a uan bizir aghħuiba men anogorozir puvati.
- ¹² O Ikiavira Itir Godin Gavgaviba Bar Itim, gumazamizir nighnizir gavgavim nin itiba, me zurara bar akuegham.

85

Gumazim God, an adarazīgħ eghuvasa a me bagħha God ko migei

Kar Koran anabam, men iħgħiam. A gumazir onger akabar faragħa zuim ġiniegħiha an osiri.

¹ O Ikiavira Itir God, ni deragħa uan nguazim gamigħa, Jekopin ovavir boriba ua men inizi me deragħa, faragħa ikez i mogħin iti.

² Ni uan gumazamizibar arazir kurar me amiziba, ni da għin amada. Ni men arazir kuraba batogħezi da ua itir puvati. (Ighiam gamua an suiam atugha avughsegħha ua ighiam gami.)

³ Ni faragħa men atara men aningazi. Ni arazir kam, datirighi uam a gamir puvati.

⁴ O God, ni en Akurvazir Gumazim. E nin azanggsi, ni en ataran marki, ni uam e inigh ua bagħ iżi.

⁵ Manmagħin ami, ni en atar kamaghira ikki, nin adarim givaghan kogħam o?

⁶ Ni ua ikrimmir e itir kam damighti a igiā min otogh, gavgavim e daningti e tuivigh gavgħiġ ħiġam.

Egħiġi e nin gumazamizib, ni bagħ bar akuegh nin ziam fam.

⁷ O Ikiavira Itir God, ni zurara bar en apangkuvir arazir kam en akagh, en akuragh uam e inighti e deragh ikiam.

⁸ Ki uan kuarim atiġħi Ikiavira Itir Godin Gavgavim Itim, an akam baraghm.

- E an gumazamiziba arazir kurar e amibar gin mangan kogh, uan navir averiabar aven a baghvira ikiti,
a mikimti e navir amirizim ikiam.
- ⁹ Bar guizbangira, an akurvazim, an gumazamizir an ziam fava an atiatia an apengen itiba, bar men boroghira iti.
An angazangarim e gisiraghha en akura,
a ubi e ko en nguazir kamin iki mamaghira ikiam.
- ¹⁰ Dughiar kamin, gumazamiziba uarir apangkuvigh, guizin arazir aghuibar zurara uarir amuam.
Me Godin damazimin deragh iki, navir amirizimin iki, deragh uari ko dapi-
agh ikiam.
- ¹¹ Gumazamiziba nguazimin iki, bar guizbangira Ikiavira Itir Godin gin mangi
nighnizir gavgavim an ikitira ikiam,
eghti Godin uan Nguibamin Itim
me damighti me an damazimin zuegham.
- ¹² Guizbangira, Ikiavira Itir God en akuragh
bizi aghuiba isi e daningam.
Eghti nguazir en azeniiba itiba, dagher
bar aviriba dar aghungam.
- ¹³ Ikiavira Itir God, gumazamizibar amighti,
me arazir an damazimin derazimin
gin mangam.
Eghti arazir kamra, God ua izamin tu-
avim atigham.

86

- Gumazim God ko mikimti God an akur-
vagham*
- Devit God ko migeir migirigia osiri.
- ¹ O Ikiavira Itir God, ki uabira uabin akur-
vaghamin gavgaviba puvati.
Kamaghin, ni na baragh.
- ² Ki nin ingangarir gumazim, ki nighnizir
gavgavim nin ikia, nin gin zui.
Kamaghin amizi, ni ua nan akuragh na
inighti, ki ovengan kogham.
- ³ O Ekiam, Ki dimagariba ko aruebar nin dei,
kamaghin, ni nan apangkufi.
- ⁴ Ekiam, ki nin ingangarir gumazim.
Ki uan navir averiamin aven ni
baghvira iti.
Kamaghin, ni na damighti nan navim
bar akongegh.
- ⁵ O Ekiam, ni bar dera,
egha gumazibar arazir kuraba gin
amadi.
Egħha ni ko migeir gumazamiziba,

- ni apangkuvir ekiam men ikia, men
azangsiziba barasi.
- ⁶ O Ikiavira Itir God, ni nan azangsizim der-
agh a baregh
nan akuragh.
- ⁷ Ki fo, ni na baregh nan akurvaghām.
Kamaghin, ki osimtizim itir dugħiam, ki
uabin akurvaghaha nin dei.
- ⁸ O Ekiam, ni iti mogħin ua godin tam itir
puvati.
Tav ni ingari mogħin ingari puvati.
- ⁹ O Ekiam, ikizibar gumazamizir ni ingariz-
iba bar izi,
nin ziar ekiam bagħ teviba apirigh, nin
ziam fam.
- ¹⁰ Ni bar uabira mirakelin bar aghuibagh
ami,
Ni uabira God.
- ¹¹ Ikiavira Itir God, arazir ki gin mangasa ni
ifongeżiba,
ni deravira dar nan sure damiġħ.
Egħti ki darara nighnigh,
zurara dar gin mangi nin ziam fam.
- ¹² O Ekiam, nan God, ki uan navimin aven ni
minabiva,
nin ziar ekiam zurarama a fasa.
- ¹³ Ni zurara bar nan apangku.
Kamaghin, ni ua na inizi, ki Gumaza-
mizir Oveaghuezibar Nguibamin
ghuzi puvati.
- ¹⁴ O God, akaba batozir gumazir maba
datirighin iza na ko misogħasa.
Gumazir kurar kaba nin akabar gin
zuir puvatiga,
uari akuvagħha na misuegħti ki are-
megħħasa.
- ¹⁵ O Ekiam, apangkuvir arazim ko,
akurvażir arazim bar ni gizivazi ni
zuamirama atarir puvati.
Ni bar en apangkuvigha, deravira uan
akamin gin ghua egha nighnizim gi-
ragħirazir puvati.
- ¹⁶ Ni uamategħ na bagħ iżi egh nan
apangkufi.
Ki nin ingangarir gumazim, nan ame-
bam uaghan nin ingangarir amizim,
a na base.
Kamaghin, ni nan akuragh gav-
gavim na daning.
- ¹⁷ O Ikiavira Itir God, Ni bizitam damighti
an otogh, nan akagħti ki fogħ suam,
ni bar na gifonge.
Egħti nan apaniiba uaghan ganigh
fogħam, ni nan akuraghha gavgavim
na ganingi.

Kamaghin, me uan arazir kurar me amizir
kam ginighnigh,
bar aghumsigham.

87

- Me Jerusalem bagha bar akonge*
- Kar Koran ovavir boribar ighiam.
Godin ziam fer ighiam.
- 1 Ikiavira Itir God, uan Nguibam, uan mighsiamin an ingari.
Kar Saionin Mighsiam.
 - 2 Israelin nguazimin itir nguibaba bar, dar tongin, Ikiavira Itir God, Jerusalemla bar a gifonge.
 - 3 Ia Godin Nguibamin aven itir gumazamiziba, ia deragh oragh, God ghaze, ni nguibar bar aghuim. (Ighiam gamua an suiam atugha avughsegha ua ighiam gami.)
 - 4 God ghaze, "Ki gumazamizir nan akam baragha an gin zuiba mengamin dughiamin, ki uaghan Isipin kantrin gumazamiziba ko, Babilonin kantrin gumazamiziba ko, Filistian ikizim ko, Tairin nguibamin gumazamiziba ko, Itiopian kantrin gumazamiziba, ki uaghan bar me mengam.
Me uaghan Jerusalemin adarasi.
 - 5 Ki kamaghin Jerusalem mikimam, 'Kar gumazamiziba bar men nguibam.'" Godin Bar Pin Itim, uabi Jerusalem asaragh, a damighti a bar gavgavigham.
 - 6 Ikiavira Itir God, uabi Kantrin Igharazibar Gumazamizibar ziaba osirigh, men ziaba isi Jerusalemin gumazamizibar ziaba sara me akuvagham. (Ighiam gamua an suiam atugha avughsegha ua ighiam gami.)
 - 7 Jerusalemin itir gumazamiziba bar akuegh ighiaba bangam.
Me suam, "O Jerusalem, bizir aghuir e itiba, ni bar dar mingarim."

88

- Gumazim uabin akurvaghaha God ko migei*
- Kar Koran ovavir boribar ighiam. Esran ikizimin gumazir mam Heman, ighiar kam osiri. Gumazir onger akar kamin faragha zuim me mikemezi, me "Mahalat Leanotin," tiarimin a bange. Me onger akar kam kamagh a dibori, Maskil.
- 1 O Ikiavira Itir God, nan God, ni nan akuraghua na ini.

- Ki uabin akurvaghaha aruebar nin diava, dimagaribar ni ko migei.
- 2 Ni kuarim atigh nan azangsiziba baragh. Egh deragh nan ararem baragh nan akuragh.
 - 3 Osimtizir aviriba na bativima, ki Gumazamizir Oveaghuezibar Nguibamin boroghin mangasava ami.
 - 4 Gumazir maba ariaghiregha ghua mozir komimin mangasava amima, ki uaghan men aven ikia, me ko zui. Ki guizbangira gavgaviba nan puvati.
 - 5 Ki mati, me na ataghizi ki gumazir oveaghueziba ko men danganimin iti.
Ki mati, gumazim me a misoghezi, an aremegha gumaziba ariaghira itir danganimin iti.
Ki mati, gumazir ni bar gin amadagha akurvazi puvatizibar min iti.
 - 6 Ni na isa mozir bar konir kam mikinizi, ki mozir bar konir kamin danganir bar mitatangizimin iti.
 - 7 Nin aningagharam bar na avara, mati ongarir ekiam dipirigha na abirazi ki aven iragh. (Ighiam gamua an suiam atugha avughsegha ua ighiam gami.)
 - 8 Ni kamaghin amizi, nan namakaba ganigha nan atiatigha bar nan saghon iti.
Bizir kam na ikiaghaghizi, ki azenan izan ibura.
 - 9 Osimtizir kam nan iti, ki anetera ghuavti damaziba nan ikufi.
O Ikiavira Itir God, ki aruebar vaghagh Zurara ni ko migei, ni nan akuragh.
 - 10 Gumazir oveaghueziba, ni ti me bagha mirakelbagh ami, o?
Me ti ua dikavruuegh nin ziam fam, o?
(Ighiam gamua an suiam atugha avughsegha ua ighiam gami.)
 - 11 Gumazir ovegha mozim gireghav itiba, me ti nin apangkuvir arazimin uariv gei, o?
Me ti danganir bar kurar kamin kamaghin uariv gia ghaze, God mikemezi moghira e bagha deraghha bizibagh amua, uan nighnizim gighavkirir pu.
Puvati, me kamaghin migeir puvati.

- 12 Gumazamizir Oveaghuezibar Nguibar mitater kamin itiba,
ni amir arazir kabar gari, o?
O me danganir bar mitater kurar kamin ikia, nin akurvazir arazim gari, o?
- 13 O Ikiavira Itir God,
ki mizarazibar uabin akurvaghaha, zurara ni ko migei.
- 14 O Ikiavira Itir God, ni manmaghsua akirim ragha na gasara?
Ni manmaghsua uan guam nan modo?
- 15 Ki uan igiamra ikia mizazir kamra isa iza datirighin atam areme.
Ni mizazir ekiam na gasezi, nan agharaniba bar nan amira.
- 16 Nin aningagharir ekiam bar na avarazi, ni na misogha bar na gasighasiki.
- 17 Ni kamaghin na gamizi, osimtzibza arueba ko dimagariba sara bar na ekiaru.
Mati aperiam otogha ghua nguazir oteviba bar da avara.
- 18 Ni nan roroar aghuiba ko namakabagh amizi, me bar na ataki.
Ki aminirbirimra a ko, ga roroamning gami.

89

Osimtzizir mam Israelin kantrin aven otozi me onger akar kam gami
Esran ikizimin gumazir mam Etan, an onger akar kam osiri.
Me onger akar kam kamagh a dibori, Maskil.
1 O Ikiavira Itir God, ki zurara nin apangkuvimin gun, gumazamizibav kimiva ongam.
Ki uan akamin, pamten gin otivamin boribav kim suam,
God mikemezi moghira, a zurara deraghavira e gami,
egha dughiatamin e ataghizarir puvati.
2 Ki fo, nin apangkuvim a ikia mamaghira iti.
Ni zurara deraghavira e gamua dughiatamin e ataghizarir puvatizir arazir kam,
a bar ekevegha overiamin min gavavigha ikia mamaghira iti.

3 Ni kamaghin migia ghaze,
“Ki gumazir mam ginabagha a koma Akar Dikirizir Gavgavim gami.
Ki uan ingangarir gumazim Devit ko, Akar Gavgavim gamigha gifai.

4 Ki kamaghin a migia ghaze, ‘Nin adarazira zurara atrivibar otivam.

Nin adarazir aven atrivitam otogh, iki mamaghira ikiam.’”
(Ighiam gamua an suiam atugha avughsegħa ua iħġiam gami.)

- 5 Ikiavira Itir God, nin Nguibamin itir enselba ni amir mirakelba bagħi, iħi abba bangi nin ziam fam.
Me gara fo, ni zurara deraghavira e gami, egha dughiatamin e ataghizarir puvati,
egħi me arazir kam ginighnigh uari akuv nin ziam fam.
- 6 O Ikiavira Itir God, nin Nguibamin aven, tav nin min itir puvati.
Nin nguibamin enseltam ni ko magħiżur puvati.
- 7 Nin Nguibamin enselbar gumazir dapaniba, me uari akuva bizibav già nin attiata nin apengen iti.
Enselin iħgarazir ni okarigha itiba, me uaghan attiata nirarama apengen iti.
- 8 O Ikiavira Itir Godin Gavgaviba Bar Itim.
Gumazitam bar gavgavigha nin min itir puvati.
- 9 O Ikiavira Itir God, ni zurara deraghavira e gami,
egħiha dughiatamin e ataghizarir puvati.
- 10 Ni ongarir ekiar gavgavim gatvagħha an gari.
A pamten dikavima, ni a gami a pura amiragħa iriġħav iti.
- 11 Overiam ko nguazim, aning nina.
Ni nguazimin ingarizima bizibba bar an iti.
- 12 Ni nguazim bar, an notin amadaghan ikegħa ghua sautin amadaghan bizziba virara dar ingari.
Gumazamiziba nin ziam fe mogħin, Tabor ko Hermonin Mighsiāmning, ni bagħha bar akeu ġehha iħġiam banga nin ziam fe.
- 13 Ni gavgavir bar ekiam iti.
Ezi nin gavgavir kam a bar ekefe.

14 Ni atrivimin ikia uan gumazamizibagh ativagħha, men akurvaghha deravira men gari.
Nin kiotiar araziba da bar dera.
Ni gumazamiziba bar men apangkuvigha, zurara deraghavira me gami,

- egha dughiatamin me ataghizariz puvati.
- ¹⁵ O Ikiavira Itir God, gumazamizir ighiabagh amua nin ziam feba, me bar akongegeh.
Nin angazangarim me gisirazi moghin, ni bar me gifuegha men boroghira iti.
- ¹⁶ Ni bar deravira me gamima, me bar akuegha dimagariba ko aruebar nin ziam fa ighiabagh ami.
- ¹⁷ Nirara, ni gavgavim e ganidi, ezi e ni bagha bar akonge.
Ni bar deragha e gamua en akurvazima, e uan apaniba ko misogha me abiri.
- ¹⁸ O Ikiavira Itir God, ni ubi e geghuv en ganamin gumazim, oramin min e ganingi.
Ni Israeliyan Godin Bar Zuezim, ni arazir aghuimramaamuava, atrivim e ganingi.
- God Akar Dikirizir Gavgavim Devit koma agami*
- ¹⁹ Ni fomira irebamin min gari bizimin aven, uan ingangarir gumazir ni ifongezibav gia ghaze,
“Ki midorozir gumazir bar aghuir mam amisevegha gifa.
Kigumazamizibar tongin anemisevegha, an atrivim ikiasi ki atrivir dapanirasuam a garu.
- ²⁰ Ki uan ingangarir gumazim Devit, an apigha anemisevegha uan borem a ginge.
A ian atrivimin ikiam.
- ²¹ Nan gavgavim zurarama a ko iki, mamaighira ikiam.
Nan gavgavim zurara a ko iki gavgavighvira ikiam.
- ²² An apaniba a misogh anebiraghan kogham.
Gumazir kuraba anebiraghti, a irighan kogham.
- ²³ Ki ubi an apaniba abinigh, an aghauzibav sueghti, me arimighireham.
- ²⁴ Nan apangkuvim a ko ikiti, ki zurara deraghvira a damu, egh dughiatamin aneteghan kogham.
Ki uan gavgavim a danighti a bar gavgavigham.
- ²⁵ Ki Mediterenianin Ongarir Ekiamin miriamin itir nguaziba bar a daning mangi, Yufretisin Faner dadarimin tuqham.
Eghti an adagh ativagh dar ganam.
- ²⁶ A kamagh na mikim suam, Ni nan God nan afeziam.
- Ni dagiamin min ikia na mogna nan akurvasi.
- ²⁷ Ki David amisevezi a nan otarir ivariamin iti.
A nguazimin atriviba bar dagh afiragh, men atrivir dapanimin ikiam.
- ²⁸ Ki zurara an apangkuvan akurvagh mamaighira ikiam.
Ki a ko Akar Dikirizir Gavgavim damighti, a gavgavigh iki mamaghira ikiam.
- ²⁹ Dughiabar zurara an ovavir boribar aven, men gumazitam atrivimin ikiam.
Atrivir kaba me Israelia gativagh men gan
iki mangiti, overiar kam givaghama.
- ³⁰⁻³² “An ovavir boriba nan akam batuegh, bizar ki damuasa mikemezibar gin mangan koghiva, akirim ragh arazir ki ifongezibagh asaragh,
nan Akar Gavgavibar gin mangan koghti,
ki men arazir kurar me amizir kam ginighnigh, mizazir kuram me daningam.
- ³³ Ki uan ingangarir gumazim Devit bar an apangkuvigh, egh deraghvira uan akar dikirizimin gin mangi zurara deraghvira a damu egh dughiatamin aneteghan kogham.
- ³⁴ Ki uan Akar Gavgavir a ko dikirizir kam abighan kogh, uan akatam uamategh a giraghan kogham.
- ³⁵ “Ki Godin bar zuegha arazir aghuibara amim.
Ki uan ziamin akam akira ghaze, Ki Devit gifaran kogham.
- ³⁶ An ovavir boriba iki mamaghira ikiam.
An adarazi gumazamizibagh ativagh men ganam, mati aruem isiraghama mangan kogham.
- ³⁷ Me iakinimin min isiragh mamaghira iki, kamagh gumazamizibar akaghām, nan akam a bar guizbangira.”
(Ighiam gamua an suiam atugha avughsegħha ua ighiam gami.)
- Etan orazi apaniba atrivim misogha anebirazi, an a bagħha ażi*
- ³⁸ Ni datirigh uan atrivir ni ua bagħavira inabazim, ni an atara anetegħha akirim ragħha a gasara.

39 Ni a ko dikirizir akar gavgavir kam abigha gifa.

Ni an atrivir dapanir asuam isa nguazimin anekunizi a mize.

40 Ni an nguibar ekiamin divaziba akaraghariki, ezi dipenir ekiaba bar ikufi.

41 Ezi gumazamizir anebigha aruiba an biziba okei.

An boroghin itir gumaziba dibovir akabar a migei.

42 Ni an apanibagh amizi me anebiragh, bar akonge.

43 Ni an midorozir gumazibagh amizi, me misoghamin gavgaviba puvati.

Ezi me a misogha anebira.

44 Ni anebirazi a uam atrivimin itir puvatigha,

ua gumazamizibagh ativagha men garir puvati.

45 Ni a gamizi a zuamira ghuri.

Egha aghumsizir dafam a ganingi.
(Ighiam gamua an suiam
atugha avughsegha ua
ighiam gami.)

Me uarir akurvaghaha God ko migei

46 O Ikiavira Itir God, ni dughiar ruarinim en modogh iki kamaghira ikiam, o?

Nin aningagharim ti avimin min isi kamaghira ikiam, o?

47 O Ikiavira Itir God, ni e ginirigh en ikirimirim otefegh.

Ni en ingarizi e iti, e ua bar moghirama ovegh pura gevegham.

48 Tinara angamira iki kamaghira iki, oven gan kogham?

Tinara uabin gavgavighvira iki,
Gumazamizir Oveaghuezibar
Nguibamín mangan kogham?
(Ighiam gamua an suiam
atugha avughsegha ua
ighiam gami.)

49 O Ekiam, ni en apangkuvighavira iti o?

Ni Devit ko dikirizir akar kam, manmaghiram a damuam?

50 O Ekiam, ni na ginirigh, ki nin ingangarir gumazimin iti, gumaziba dibovir akabar na migei.

Gumaziba bar moghira na dipova akar kurabar na migei.

51 O Ikiavira Itir God, ni atrivimin ikiasa na ginabazi, nan apaniba nan ingarava aka akar kurabar na migei.

52 E zurara Ikiavira Itir Godin ziam fi kamaghira ikiam.

Bar guizbangira.

Akinafarir namba 4

90

(*Onger Akaba 90--106*)

Godin migirigjaba ko gumazimin migirigjaba

Kar Moses God ko migeir onger akam. Moses a guizbangira God baghavira itir gumazim.

1 O Ekiam, ni bar guizbangira en dipenir, e aven itimim min itima, en inazir afeziaba fomira nin aven ikia iza, datirighin e iti.

2 Ni tighar mighsiaba ko nguazir kamin ingaram, ni Godin ikia kamaghira iti. Ni uaghan gin iki kamaghira ikiam.

3 Ni nguazimin gumazamizibagh amima, me arimighira ua ghua nguazim gava.

Ni ghaze, "Ia nguazimin gumazamiziba, ia arimighiri ua nguazim gavagh."

4 Nin nighnizim 1,000plan azeniba, da mati aruer vamira.

Dughiar kam, boghinaron aruemin min zuamira gifa.

Mati dimagarim dughiar otevimin ghua gifa.

5-6 Ni aperiamin min otogha gumaziba inigha zuima, me bar ariaghiregha ireghav iti.

Me irebamin min bar dughiar otevimin iti.

Me mati dadar moniba, aruem anadi me aghua ruari.

Ezi aruem uaghirma me midia uaghiri.

7 Ni adarim en ikia, e gasighasisi.

Ni adarim en iti, ezi e bar nin atiatingi.

8 Ni en arazir kuraba bar adar gari.

En arazir kurar e mogava amiba, ni bar ada isa azenim garigha gifa.

9 Nin adarim, e nguazimin itir ikirimimir kamin dughiam otefe.

Bar guizbangira, e zuamira givagh, mati e ghuardiaba sue moghin ami.

10 E 70plan azenibar iti, e gavgavigh 80plan azenibar ikiam.

Azenir eti kabar dughiaba, e zurara ingangarir ekiabagh amua osimtzibarama ateri.

Azenir kaba zuamira geveghti, e uaghan mangegham.

11 Tinara nin adarir ekiamin gavgavim gifof?

Ni atarima gumazamiziba nin atati, tinara men atiatir kam gifof?

12 Ni deragh en sure damuti, e uan ikirimimirin dughiam gifogham, an otefe.

E fofozir aghuim ikiva, dughiaba vagh-vagh deraghvira bizibar amuam.

¹³ O Ikiavira Itir God, nin aningagharir kam ti dughiar ruarinmin ikivira ikiam, o? E nin ingangarir gumaziba, ni en apangkuv.

¹⁴ Ni zurarama en apangkufi.

Nin apangkuvir kam mizarazibar e gizivira iki.

E dughiabar iki zurara onger akabar amuva, naviba deragh ikiam.

¹⁵ Ni faragha azenir aviribar osimtzizim e ganngi.

Ni osimtzizir e ganngizir kabar arueba menegh, dar mirara datirighin e damighti e bar akuegham.

¹⁶ E nin ingangarir gumaziba, ni uan ingangarir gavgaviba en akagh.

Ni uaghan en ovavir boriba, ni uan ingangarir gavgavir aghuiba men akagh.

¹⁷ O Ekiam, ni en God, e kamaghin ifonge, ni en apangkuvigh deraghvira e damu.

Bizir e amiba mar deraghvirama otiv.

Ni guizbangira bizir e amiba, ni gavgavim dar aningichti, da gavgavigh mamaghira iki.

91

God e ggehuvir gumazim

¹ Gumazim, Godin Bar Pin Itim, deragh an gansi an a bagh mangiti, God deragh an ganam.

A Godin Gavgaviba Bar Itimin boroghin ikiti, God dughuazimin min anevaragh.

² Gumazir kam Ikiavira Godin mikim suam, “Ni nan divazir gavgavimin min itima, ki nin aven uabi moga deravira iti.

Ni nan God.

Ki nighnizir gavgavim nirara iti.”

³ Bar guizbangira, God bar deragh ni ggehuv ni ganti,

Bizir kuratam azuazimin min modogh iki, nin suiragh ni gasighasighan kogham.

Ni an dafarimin aven ikiti, arimariar kuratam ni inighti, ni aremehgan kogham.

⁴ A tuarir amebam uan nguziba ave moghin,

uan avizimningin ni avaraghti ni aven ikiam.

Kamaghira, ni Ikiavira Itir God, an apengan ikiti a deravira ni modogh ni ggehuv nin ganam.

A ifarir puvati.

A zurara uan akar a mikemezibar gin mangi,

nin oramin min iki, deravira nin ganam.

⁵ Dimagaribar aruir duar kuraba, ni dar atiatingan marki.

Ni aruemin, bizir zuamira ni gasighasizi tamin atiatingan kogham.

⁶ Ni arimariar ekiar dimangan ni bativamiba, ko bizir kurar aruemin ni gasighasighambar atiatingan kogham.

⁷ Gumazir 1,000pla nin boroghin arimighiregħti, 10,000pla nin agharir guvimin arighiregħam, eghi ni deragħam. Bizir kuratam nin boroghin izan kogham.

⁸ Ni ganti arazir kurar gumaziba ni gamiba, God uam ada ikarvagħam.

⁹ Ni bizir kurabar atiatia Ikiavira Itir God bagħha zui.

Godin Bar Pin Itim, a nin divazimin min iki,

guizbangira ni ggehuvu nin gari.

¹⁰ Kamaghin, bizir kuratam ni bagħ izan kogħam.

Arimariar ekiatam nin dipenimin borogħin mangan kogħam.

¹¹ Ni daruamin dughiabar, Ikiavira Itir God, ni bagħ uan enselba Akar Gavgavim me mikimtima, me deraghvira nin ganam.

¹² Egh me uan dafaribar ni fuegħti, ni uan dagarim dagħiġatam anseghħan kogħam.

¹³ Ni laionba ko, kuruziba ko, laionin igiaba ko, kuruzir kurar ekiaba dikabinam.

¹⁴ God kamaghin migia ghaze, “Gumazir nan ziam gifogħa na gifongegħa nan porożiba, ki ua me inigh, deragh me ggehuv men ganam.

¹⁵ Eghi me na ko mikimti, ki me baraghom.

90:17: Aisaia 26:12 **91:1:** Onger Akaba 31:20; 121:5; Aisaia 25:4; 32:2 **91:2:** Onger Akaba 14:6; 18:2; 56:4; Jeremaja 16:19 **91:3:** 1 Atriviba 8:37; Onger Akaba 124:7; Aghuzir Akaba 6:5 **91:4:** Onger Akaba 36:7; 40:11; 63:7; Aisaia 51:16 **91:5:** Jop 5:19-23; Onger Akaba 23:4; 27:1 **91:6:** 2 Atriviba 19:35; Jop 5:22 **91:7:** Josua 14:10 **91:8:** Onger Akaba 37:34; 58:10 **91:11:** Onger Akaba 34:7; Matyu 4:6; Luk 4:10 **91:12:** Matyu 4:6; Luk 4:11 **91:13:** Gumazir Dapaniba 14:6; Daniel 6:22; Luk 10:19 **91:14:** Onger Akaba 9:10; 59:1; 145:20 **91:15:** 1 Samuel 2:30; Jop 12:4; Jon 12:26

Egh osimtizim me batoghti ki me ko ikiva,
ua me inigh ziar ekiam me daningam.
16 Egh ki men ikirimirim men iveau min a damighti
a mangi ruaraghram, egh ki uamategh
me inigh me ko ikiam.
 Egh ki ua me inigh
men Akurvazir Gumazimin ikiam.”

92

Godin ziam fer onger akam
 Ighiar kam, a Godin ziam fer ighiam.
 Me Sabatin dughiabar ighiar kam gami.
1 Ikiavira Itir God, ni Godin Bar Pin Itim,
arazir ni minaba ighiabagh amua nin ziam fer kam, a dera.
2 Ni nan apangkuvir araziba, ki mizarazibar
dar gun mikimam.
 Ki dimagaribar zurara, ni deraghavira
na gamir arazir kamın gun mikimam.
3 Ki gita ko kulele ko boam misoghti da
ararer aghuim damu
nin ziam fam.
4 Ki nin ingangarir aghuim ginighnigha
ighiam gamua bar akongezi,
nan navim dera.
5 O Ikiavira Itir God, nin nighnizim bar
ekevezi,
ni ingangarir bar ekiabagh ami.
6 Gumazir nighnizir aghuiba puvatigha onganiziba,
me bizar kabagh foghan kogham.
7 Gumazir kuraba dadabar min zuamiram
otivam.
 Eighti gumazir arazir kurabagh amiba,
me bizar aviriba inigh deraghvira
ikiti,
ni bar me gasighasigham.
8 Kamaghin, Ikiavira Itir God,
ni ubi atrivimin iki kamaghira iki.
9 E fo, gumazir nin apanimin itiba me
arimighiregham.
 Gumazir arazir kurabagh amiba, ni me
abinighthi
me tintinibar ari mangam.
10 Ni na amisevegha gavgavir ekiam na
ganizingi, ki bar akonge.
 Gavgavir kam bulmakaun gavgavim ko
magh ghu.
11 Ki uan apanibar gari me ikuvigha gifia,
ezi ki gumazir kurabar ararem barasi.
12 Gumazir Godin damazimin deraziba, me
deragh otivigham.

Me mati iruem dagher aghuiba bata,
egha uaghan Lebanonin kantrin
itir sidan temer ekiabar min aghungi.
13 Me mati, temer me Ikiavira Itir Godin
Dipenimin oparigha givaziba.
 Da en Godin Dipenimin aven aghua
egha deragha gara iti.
14 Da għurizir dugħiamin, dar dagheba
ikiavira iti.
 Dar dafaribagh arighavira itima, da
gavgavigha midir puvati.
15 Da kamagh amua gumazamizibav già
ghaze,
“Ikiavira Itir God a bar guizbangira, a
ifarir puvati.
 A dagiāmin min itima, ki an aven modima a
nan akurvasi.
 Arazir kuratam an itir pu.
 Bar puvati.”

93

God atrivimin iti
1a Ikiavira Itir God, an atrivimin ikia,
ziar bar ekiam ikia, gavgavir ekiam iti.
1b A nguazir kam gamizi,
a uan danganimra ikia
bar gavgavigha kamaghira iti.
2 O Ikiavira Itir God, biziba tighar otivam,
ni fomira ikia kamaghira iti.
 Ni atrivimin ikia zurara ikia kamaghira iti.
3 Ikiavira Itir God, ongarir konim mighiha
niga,
bar pamten dipira tingazi.
4 O Ikiavira Itir God, nin gavgavir ekiamin,
nin Nguibamin itir biziba, ni bar dagħ
ativatha dar gari.
 Ongarim dipira nidir niginim, a sufi.
 Nin gavgavim a gafrigħa bar ekefe.
5 Ikiavira Itir God, nin Akar Gavgaviba iki
kamaghira ikiam.
 Nin Dipenim zurara zuegh kamaghira
ikiam.
 Bar guizbangira!

94

*God gumazamiziba tuisigh, gumaza-
mizir kuraba abinigh, gumazamizir
aghuiħbar akuragħam*
1 Ikiavira Itir God, ni gumazamizir kurabar
araziba ikarvazir God.
 Ni datirighin uan aningagħarim men
akagh.

² Ni gumazamizibar amighti me nin kottiamin tuivam.

Ni datirighin gumazir akaba batozibar arazim ikarvagh,

ivezir kuram me daning.

³ O Ikiavira Itir God, dughiaiba manmaghin ikiavira iti, ezi gumazamizir kurar kaba uan arazir kuraba bagha bar akonge?

⁴ Gumazamizir kuraba akaba batogha, uan arazir kuraba bagha bar akonge. Me amir arazir kaba bagha uarira uari fe.

⁵ O Ikiavira Itir God, me osimtiziba nin gumazamizibagh arigha me abiri.

⁶ Me paba ariaghirezir amiziba ko, borir afeziaba ariaghireziba ko, Kantrin Ighazaribar Gumazamizir en nguazimin itibav sozima, me ariaghire.

⁷ Me ghaze,
“Ikiavira Itir God en garir puvati. E amir bizar kaba, Jekopin God mighigha dagh nighnizir puvatigha dar garir puvati.”

⁸ Ia gumazamizir nighnizir aghuiba puvatiziba, ia oregh deragh fogh.

Ia bar gumazir onganiba, ia manadizoghin fofozitam ikiam?

⁹ God en kuaribar ingari. God oraghram ti, o puvatigham? God en damazibar ingari. God ubabi ganam ti, o puvatigham?

¹⁰ A uabi kantriba bar dar gumazamizibagh ativagha men gara men sure gami. A me akiram o, puvatigham?

¹¹ Ikiavira Itir God, a bar gumazamizibar nighnizibagh fo.

Bizir me damuasa nighniziba, an a

dagh fogha gifa.

Da migharimin min zuamira mangigh, otivan kogham.

¹² O Ikiavira Itir God, ni uan Akar Gavgavimin gumazitamin sure damighti, gumazir kam bar akuegham.

¹³ Ni kamaghin damigh avughsazim a danigham.

Eghti osimtiziba a bativan kogh mangi, gumazamizir kuraba arimighiregh mozimin magiregham.

¹⁴ Bar guizbangira, Ikiavira Itir God uan gumazamiziba ateghan kogham.

An akirim ragh me gasaraghan kogham.

¹⁵ Gin, gumazamiziba kotin dughiamin guizbangira mikimam. Eghti gumazamizir Godin damazimin deraziba, me kotiamin migirigiar aghuibar gin mangam.

¹⁶ Tinara nan akuragha gumazamizir kuraba dikabira? Tinara nan akuragha arazir kurabagh ami da otivir gu-mazamiziba batoke?

¹⁷ God zuamira nan akurazir puvatizi, ki ti fomira matmatiam giraghughai.

¹⁸ Ki kamagh nighnigha ghaze, “Nan dagarim apighsighizi, ki datirighin irigham.” Puvati.

Ikiavira Itir God bar nan apangkuvigha nan suirazi, ki arazir kuramin irizir puvati.

¹⁹ Ki bizar aviribagh nighnigha nan navim osemezir dughiamin, ni nan navim gamizi a bar akongegha amiraghita iti.

²⁰ Gumazamizir kurar kaba, gumazamiziba arazir kurabar amuasa, me bagha akar gavgaviba akiri.

Ni gumazir kamaghin amiba ko ingarir puvati.

²¹ Me uari akuva gumazir aghuibav soghti me arimighirasa akabav sosi.

Me gumazir arazir kurabagh amir pu-

vatiziba, pura me isa kotiabar arigh, me misoghti me arimighirasa.

²² Ikiavira Itir God, a nan akurvaghaha bar gavgafi.

Nan God dagiamin min iti, ezi ki an aven modima, a nan akurvasi.

²³ Apaniba arazir kurar bar aviribagh ami, ezi a men arazir kurar kaba ikan-

vagh. Ikiavira Itir God, en God, a men arazir kurabagh nighnigh, me misoghti me arimighiregham.

95

Ia izi, e Godin ziam fam

¹ Ia izi, e ighiaba bangi Ikiavira Itir Godin ziam fam.

A en dagiamin min ikia e mogna en akurvasi,

e a ginighnigh onger akabar
amuam.

²E an boroghira mangi a minabiva,
pamten dim ighiabar amu
an ziam fi bar akeugham.

³E fo, Ikiavira Itir God, a Godin Bar Gavgav-
iba Itim.

An atrivir gavgaviba bar itim,
egha godin ifavariba bar dagh
afira.

⁴A nguazimin aven itir danganir koniba, ko
mighsiar bar pin itiba,
a bar dagh atifa.

⁵A ubi ongarim ko nguazimin ingari,
ezi aning uaghan an bizimningra.

⁶Ikiavira Itir God en ingari.

Ia izi, e an boroghin mangi dapaniba
avigh,
teviba apirigh uari a danigh an
ziam fam.

⁷A uabira en God.

E an gumazamiziba,
E sipsipbar min amima
a ubi e geghuva deragha en gari.
Ia bar deragh an akam barakigh!

⁸God kamagh ia migia ghaze,

"Ia inazir afeziaba fomira gumazamiziba
puvatizir danganimin ikia,
Meriban danganimin otogha, nan
akam batoke.

Me gin Masan danganimin ikia, uam akam
batoke.

Ia me amizir arazir kamin gin mangi
uan navibar kuman marki.

⁹Me guizbangira nan ingangarir gavgav-
ibar gani.

Egha nighnizir gavgavim nan itir pu-
vatigha,
nan gavgavim tuisigh fofoghasa
nan azai.

¹⁰Gumazamizir kabar naviba bar saghon
ikia nan gin zuir puvati.

Tuavir ki me bagh atizim, me zurara a
gitavirasi.

Kamaghin, ki 40plan azenibar gu-
mazamizir kabar aningaghe.

¹¹Kamaghin amizi, ki aningaghegha
kamaghin me migia ghaze,

'Me nan aghuvsazir danganimin aven
mangighan kogham.
Bar puvati!"

*God nguazimin gumazamiziba bar me
gativagha men gari*

¹Ia bar moghira onger akar igiatam,
Ikiavira Itir God bagh a bangi.

Ia nguazimin gumazamiziba bar, a
bagh ighiabar amu.

²Ia Ikiavira Itir Godin ziam fi, a bagh onger
akabar amu.

Dughiabar zurara ia an gun uariv
mikim suam,
Ikiavira Itir God zurara en akur-
vasi.

³Ia, an gavgavim ko ingangarir aghuir an
amibar
gun kantriba bar dar gumazamizibav
kim.

⁴Ikiavira Itir God a bar faraghavira ikia bar
gavgafi.

Ezi e an ziam fi mangivira ikiam.

Aseba bar, me Ikiavira Itir Godin min itir
puvati.

E an apengara ikiva an atiatingam.

⁵Nguazimin itir gumazamizibar aseba,
da pura ifavarir godba.

Ikiavira Itir God, an overiamin in-
gari.

⁶Ikiavira Itir God, atrivimin ikia ziar ekiam
ikia,

egha uan Dipenimin iti.
A bizir aghuiba ko gavgavimin
mingarim.

⁷Ia nguazimin itir ikizibar gumazamiziba
bar,

ia Ikiavira Itir Godin ziar ekiam ko gav-
gavim bagh, bar akongegh.

⁸Ikiavira Itir God, a bar faraghavira itima,
ia an ziar ekiam fi.

Ia ofaba inigh an Dipenimin mangi.

⁹Ikiavira Itir Godin Araziba, da bar deragha
bar zue, arazir kaba mati an kurkazir
aghuium.

Ia gumazamiziba bar moghira an
arazir kabagh nighnigh an ziam fi.*

Ia nguazimin gumazamiziba, an
atiating egh akong.

¹⁰Ia Kantrin Igharazibar Gumazamizibar
tongin iki mikim suam,

"Ikiavira Itir God, an atrivimin iti.

^AIa nguazimin ingarigha a gamizi a
gavgavigh iki mamaghira ikiva
sivaghivaghan kogham.

95:7: Onger Akaba 80:1; 100:3 **95:7:** Hibrus 3:15; 4:7

Godin Araziba 6:16 **95:8:** Ua Me Ini 17:1-7; Diboboniba 20:2-13

1:34-36; 12:9-10; Hibrus 4:3-5 **96:7:** Onger Akaba 29:1-2

* **96:9:** Eghaghaniba 20:21; Onger Akaba 33:8; 93:5;

114:7 **96:9:** Hibrun akam deragha akar kamin mingarim abighizir puvati.

Gumazir maba ghaze, Hibrun mingarim
kamakin, "Ia kurkazir aghuiba iki egha izi nan ziam fi."

95:7: Hibrus 3:7-11 **95:8:** Diboboniba 14:22;

Diboboniba 14:20-23; Godin Araziba

1:34-36; 12:9-10; Hibrus 4:3-5 **96:9:** Eghaghaniba 20:21; Onger Akaba 33:8; 93:5;

114:7 **96:10:** Onger Akaba 9:8; 67:4; 93:1; 98:9

Ikiavira Itir God, gin uan kotin arazir aghuimin gin mangiva,
gumazamizibar araziba bar da tuisigham."

¹¹ Nguazim ko overiam, gua bar akongegeh, ongarim, ni bar akuegh egh niginir dafam damu.

Ia ongarimin aven itir biziba, ia uaghan bar akongegeh.

¹² Ia azeniiba, ko azeniabar aghuir biziba, ia bar moghira bar akongegeh.

Ia ruaribar temeba, ia uaghan ighiabar amu bar akongegeh.

¹³ Ia bar moghira izi, Ikiavira Itir Godin damazimin ighiam damu.

A izi nguazimin gumazamiziba bar me gativagh men ganam.

Ikiavira Itir God, uan arazir aghuimin gin mangi, gumazamiziba bar me gativagh, uan guizin akamin men araziba tuisigham.

97

God an atrivir bar ekiam

¹ Ikiavira Itir God, an atrivimin iti.

Nguazimin itir gumazamiziba, ia bar akueghti, arighthizibar itir gumazamiziba, ia dimiva bar akongegeh.

² Overiar migharir piziba an okarizi, an arazir aghuimin gumazamizibagh ativaghya men gari.

³ Apanir a gasighasighasava amiba, avim an faragha ghua men isia me gasighasiki.

⁴ An onimaribar angazangaribagh ami, da nguazimin taghtazima, nguazim nighava agoi.

⁵ Ikiavira Itir God, a nguazir kamin God. Aizima, mighsiaba pura ameria uaghira dipabarr min otifi.

⁶ Overiam uabi, kamaghin akam akura ghaze,

"God arazir aghuibaram ami."

Ezi gumazamiziba bar an angazan-garim ko gavgavimin gari.

⁷ Gumazamizir marvir guabar ziaba feba bar aghumsiki.

Aseba teviba apirigh Ikiavira Itir Godin ziam fam.

⁸ Saionin nguibamin itir gumazamiziba, bizar kam barasi.

Judan nguibabar itir gumazamiziba, nin kotoriar arazir aghuir kam bagh bar akuegh, men naviba deragham.

⁹ O Ikiavira Itir God, Ni Godin Bar Pin Itim, ni nguazimin gumazamiziba bar me gativaghya men gari.

Ni ziar ekiam ikia, bar asebagh afira.

¹⁰ Arazir kurabar aghuazir gumazamiziba, Ikiavira Itir God bar me gifonge.

Gumazamizir a baghavira itiba, a men apaniba da ua me inigha, me gegrhuva deragha men gari.

¹¹ God angazangarim isa gumazamizir aghuibagh aniga, me gamizi men naviba bar akonge.

¹² Gumazamizir aghuiba, ia bizar Ikiavira Itir God amiba bagh, bar akongegeh.

Ia bizar kabagh nighnigh a minabagh. Ia an ziar zuezir aghuim ginighnigh, a pirafi.

98

God gumazamiziba bar men Atrivim

Kar Godin ziam fer onger akam.

¹ Ia onger akar igiatam Ikiavira Itir God bagh, a bangi.

A uan agharimin bizar aghuir igharagha garibagh ami.

A uan gavgavir ekiamin amodoghin, midorozir kam gamua apaniba abira.

² Ikiavira Itir God, apaniba ko misogha me abirazir bizimin gun mikeme, a uan akurazir arazim isa

gumazamizibar akazi me bar an gari.

³ A Israelian apangkuvigha men akuraghaha dikirizir akar kam ginighnighavira ikia, me ataghizir puvati.

Kantribar gumazamiziba Godin gari, an apaniba ko misogha me abiragha, uam e ini.

⁴ Nguazimin gumazamiziba, ia Ikiavira Itir God bagh bar akongezir ighiabar amu.

Ia onger akaba pamten dar amuva bar akuegh an ziam fi.

⁵ Ia gitabay sogh, Ikiavira Itir God bagh ighiabar amu.

Ia bobabav soghti, dar arareba bar deragh.

⁶ Ia shigaba ko itabagh iviva,

pamten dimiva Ikiavira Itir Godin ziam
fi,
a en atrivim.

⁷ Ni ongarim, ni ko nin itir osiriba, ko bizar
nin aven itiba,
ia bar pamten dim mikim.
Ni nguazim, ni ko nin itir gumazamiziba ko
bizar nin itiba,
ia bar onger akabar amu.

⁸ Ja faner ekiaba, ia dafaribav sogh.
Ja mighsiaba, ia ighiabar amuva bar
akongegh.
⁹ Ikiavira Itir God izi nguazim gativagh an
ganam.
An atrivimin iki, guizin arazimin gu-
mazamizibar araziba tuisigham.
Kamaghin amizi, ia a bagh bar
akuuegh onger akabar amu.

99

God an atrivir bar ekiam

¹ Ikiavira Itir God, an atrivimin iti.
Kamaghin gumazamiziba an atiatiava
agoi.
A uan atrivir dabirabim enselin bar gavgav-
ibar torimin a gapera,
kamaghin amizi, nguazim agoi.
² Saionin nguibamin aven,
Ikiavira Itir God bar ziar ekiam
ikiia,
gumazamizibagh ativagha men
gari.
³ Gumazamiziba bar anarira nighnigh,
ana atrivim, egha gavgavim ko ziar
ekiam itima, an ziam bar zue.
Me an ziar ekiam fi.

⁴ Atrivir gavgavim, ni arazir aghuiba bagha
ifonge.
Ni arazir aghuimra Israelia e gamizi e
an gin zui.
Ni e gamizi,
e kotin aven deragha gumazamizibar
araziba tuisisi.

⁵ Ja Ikiavira Itir Godin ziam fi, a en God.
An arazir aghuiba, ko an damazimin
zuezir arazibara amir God.
Kamaghin, ia an boroghin mangi
teviba apirigh,
an ziam fi.

⁶ Moses ko Aron, aning Ikiavira Itir Godin
ofa gamir gumazimningin iti.
Samuel uaghan God ko migeir gumazir
mam.
Me bar Ikiavira Itir God ko migeima,

a me baraghha me ikarvasi.
⁷ God ghuarier ruarir ekiamin tongin ikia,
Akar Gavgaviba ko arazir a ifongeziba
me ganingizi,
me dar gin zui.

⁸ O Ikiavira Itir God, ni en God, ni uan gu-
mazamizibar azangsiziba barasi.
Ni men arazir kuraba ikarvaghha
mizazim me gasi.
Ni ubi men akazi me fogha ghaze,
ni Godin men arazir kuraba gin
amadim.
⁹ E Ikiavira Itir Godin ziam fam,
a en God, e an mighsiamin an ziam fam.
Ikiavira Itir God, a en God,
a Godin arazir aghuibaram
amim.

100

God minabir ighiam

¹ Ia nguazim itir gumazamiziba bar,
ia Ikiavira Itir God bagh pamtem
dimiva,
bar akongegh an ziam fi.
² Ia Ikiavira Itir Godin ingangarim damu
an ziam fi bar akongegh.
Ia an boroghin iziva
bar akongezir ighiaba bangi.
³ Ia kamaghin fogh,
Ikiavira Itir God a guizbangira God.
A ubi en ingarizima e an adarazira.
E an gumazamiziba,
egha an sipsipbar min iti.
⁴ E an Dipenimin aven mangi
an ziam fiva a minamam.
E a minabagh
an ziar ekiam bar a pirafam.
⁵ E fo, Ikiavira Itir God arazir aghuibaram
amua,
egha zurara bar en apangkuvighavira
iti.
A damuasa mikemegha givazir biziba,
a zurara dagh amua kamaghira iti.

101

Atrivimin akar dikirizim

Devit ighiar kam osiri.
¹ O Ikiavira Itir God,
ki arazir aghuim ko apangkuvir arazim
ginighnighiva ighiam bangam.
Bar guizbangira, ki ni baghvira ighiar
kam bangam.
² Ki nin damazimin deraghvira tuavir
aghuiimra mangiti

gumazitam nan gan akatam na gasan kogham.

O God, ni manadizoghin izi nan akuraghgam?

Guizbangira, ki uan dipenimin aven iki gumazamizibagh ativagh men ganiva,
uan navir averiamin aven deraghvira nighnigh biziba bar dar amuam.

³ Egh ki iti naghin, arazir kuratam bar ikian kogham.
Gumazamizir akirim ragha ni gasiba ki men aghua.
Ki me ko daruan kogham.

⁴ Ki ifavarir arazimin gin mangan kogham.
Egha ki arazir kurabagh nighnighan aghua.

⁵ Gumazamizir moga girakirangin igharaz daraziv geiba,
ki bar me gasighasigham.
Egh ki gumazamizir ifaghata uari uan ziaba feba ateghti
me ikian kogham.

⁶ Ezi gumazamizir nighnizir gavgovim Godin ikiavira itiba, ki me gifonge.
Merara na ko nan dipenimin ikiam.
Eighti gumazamizir Godin damazimin devrivra tuavir aghuimin zuiba,
merara nan ingangaribar amuam.

⁷ Eighti gumazir akar ifavaribagh amitam
nan dipenimin aven ikian kogham.
Gumazamizir ifariba na ko ikian kogham. Bar puvatigham.

⁸ Eighti dughiaba vaghvagh,
en kantrin aven itir gumazamizir kuraba, ki me asighasigham.
Egh gumazamizir arazir kurabagh amiba,
ki me batueghti,
me ua Ikiavira Itir Godin nguibar ekiamin ikian kogham.

102

Gumazim osimtzim ikia God ko migei

¹ O Ikiavira Itir God,
ki uabin akurvaghaha nin dei,
ni nan dimdiam barakigh.

² Ki osimtzim ikiti,
ni nan modogh akirim ragh na gasan marki.
Ki nin dimamin dughiam,
ni zuamira na ikaragh nan akuragh!

³ Guizbangira, nan ikirimirim migharimin min dughiar otevimin ikegha ua ghugha gifa.
Ezi nan mikarzim mati avir ekiam nan isi moghin puvira nan fei.

⁴ Ezi nan navir averiam mati, me dadar midiaribar min,
na dikaragha na abirazi, ki iraghu.
Ezi ki bar osemegha daghebar aghuaghada mas a nighnizir puvati.

⁵ Ki mizazim baraghha pamten arai.
Ezi nan mikarzim ikuvizi, ki agharim gura.

⁶ Ki kuarazir bagabar min gumazamiziba puvatizir danganimin uabira iti.
Egha kuarazir mighamin min danganir kurar gumaziba ikian aghuazibar iti.

⁷ Ki misiamin akuima, nan damazimning kuiaghriaghavira iti.
Ki uabin apangkufi. Ki kuarazir dipenir siriabagh apiavtimin min uabira iti.

⁸ Ezi dughiabar zurara, nan apaniba migirigia bagh amua na dipova na gasighasisi.
Egha me gumazamizir igharazibagh asighasighasa nan ziam dibora ghaze,
osimtzir ki inizibar min me uaghan da iniam.

⁹⁻¹⁰ Ni adarir ekiam ko aningagharam nan iti,
egha ni na inigha mati gumazamiziba bizar miziriziba makurir danganimin da makuri moghin ni na makuni.
Kamaghin amizi, ki bar osemegha dagheba api moghin api moghin, avir sirim api ezi nan damazimning teriba dipamin min itarim girima, ki anepi.

¹¹ Nan ikirimirim dughiam mati nedazim zuamira ghua guaratzimin gifa.
Ezi ki angamira itir ikirimirim dughiam bar otefe.
Ki mati dadam aghua ghua misigha gifa.

¹² O Ikiavira Itir God, nirara gumazamizibagh ativagh men ganvira ikiam.
Eighti gumazamizir gin otivamiba nin ziar ekiam gifogham.

¹³ Eighti ni dikavigh izi Saionin nguibamin apangkuvigham.
Ezi datirighin dughiar apangkuvamim oto.
Ni datirighin an uabin torogh, egh an akurvaghram.

¹⁴ Saionin nguibam ikufi.
Ezi nin ingangarir gumazamiziba bar a gifonge.

A datirighin ikuvigha mati nguazir minemniamin otozi,
me bar an apangkufi.

- 15 Eighti Kantrin Igharazibar Gumazamiziba, Ikiavira Itir Godin ziar ekiam ko gavgavimin atiating, an apengan ikiam.
Eighti nguazimin atriviba an gavgavim ko angazangarir gavgavimin atiatingam.
- 16 Ikiavira Itir God, gin ua Saionin nguibamin ingarigh, egh uan gavgavim ko angazangarim sara gumazamizibar akaghram.
- 17 Egh a uan gumazamizir fomira pura taghiziba, a men azangsiziba baraghram.
Egh men azangsizibar aghuaghan kogham.
- 18 Bizar Ikiavira Itir God amir kam, tav akinafarimin an osirigh, eghit en ovavir borir gin otivamiba a gifogh, egh uaghan an ziam fam.
- 19 Gumazir osiramin kam kamaghin osiram:
“Ikiavira Itir God uan Nguibamin ikia, egha nguazir kamin vanganan gari.
- 20 A gara orazi, kalabuziar gumazamiziba uan osimtiziba aterava arai.
A gari, me marazi isa kotiam garigha egha ghaze, me arighregham.
God men akuraghaha ifonge, eghit me firighregh, egh ovengan kogham.”
- 21-22 Kamaghin amizi, ikizir aviribar gumazamiziba ko kantribar gumazamiziba Ikiavira Itir Godin ziam fisi, uari akuvagh Saionin nguibamin ikiva, an ziam pirafam.
Guizbangira, me Jerusalemin nguibamin ikiva ziar ekiam a daningam.
- 23 Guizbangira, ki igiamra itima, God nan gavgavim gasighasiki.
Egha na gamizi, nan ikirimirimin dugham otefe.
- 24 Kamaghin, ki ghaze, O nan God, ni ikia mamaghira iti.
Ki igiamin ikiavira iti, ki ghurizir puvati.
Ni datirighin na inigh mangan marki.
- 25 Ni bar faraghavira nguazir kamin ingari, ezi a gavgavigha ikiavira iti.
Ni uan dafarimningin, overiam ko bizir pin itibar ingari.
- 26 Overiam ko nguazim bar ikuvigh givagham,

- eghti ni zurara ikiam.
Guizbangira, aning bar ikuvigham, mati inim ghurigha bar biaghire.
Ni aning damighti aning givagham, mati gumazim korotiar ghurim suegha a makuni.
Eighti aning bar givagh ua ikian kogham.
- 27 Ezi ni ikia kamaghira iti, egha geviv puvati.
Eighti nin azeniha givaghan kogham.
- 28 En ingangarir gumazamiziba.
Ni deraghvira en boribar ganti, me deraghvira ikiam.
Egh ni men ovavir borir gin otivamibar akuraghti, me deraghvira ikiam.
- ## 103
- God bar en apangkuvigha bar e gifonge*
Devit ighiar kam osiri.
- 1 Ki Ikiavira Itir Godin ziam fam.
Ki uan duam ko, navir averiam ko, namnam sara
Ikiavira Itir Godin ziar aghuim pirafam!
- 2 Ki Ikiavira Itir Godin ziam fiva, bizar aghuir a na gamiba da bakinighnighan kogham.
- 3 A nan arazir kuraba bar da gin amaga, nan arimariabagh amizi, da ua dera.
- 4 A nan akuraghha ua na inizi, ki ovengezir puvati.
A bar na gifongegha nan apangkuvi.
- 5 Ki nguazimin itir dughiamin, God bar nan deraghha bizar bar aghuir aviribar na ganidi.
Kamaghin amizi, ki gumazir igiamin min gavgavigha, kuarazir bagamin min igiamra iti.
- 6 Ikiavira Itir God ingangarir aghuim gumazamizibar akurvaghlasava a gami.
Men marazi faragha gumazir arazir kurabagh amibar apengan ikia gavgaviba puvati.
Ezi a bar men akuraghha deraghha me gamizi me deravira iti.
- 7 Bar fomira, a uan araziba isa Mosesin aka.
Egha Israelia, a ingangarir gavgavir kaba men tongin dagh amizi me dar gani.
- 8 Ikiavira Itir God en kuarkuva an apangkuvim en iti.

A bar en apangkuvigha
zuamiram en atarir puvati.
⁹ An atara ghuavira itir puvati.
An atara egha adarimin suirazi,
a dughiar ruarinim itir puvati.
¹⁰ E arazir kurar bar aviribagh ami,
ezi an en arazir kuraba ikarvagh e
danningamin bizim,
an a gamir puvati.
¹¹ Gumazamizir an atiatia an apengan itiba,
a bar men apangkuvi.
A men apangkuvir ababanim,
a bar ekefe,
mati an overiamin pin ikegha
izaghira nguazimin tu.
¹² E fo, aruem anadi naghin ikegha ghua
aruem uaghiri naghin,
kar tizir bar ruarin.
Kamaghira, Ikiavira Itir God en arazir
kuraba batoghezi,
da bar en saghon mar iti.
¹³ E fo, afeziaba uan boribar apangkuvi
moghira,
Ikiavira Itir God uan gumazamizir an
atiatia
an apengan itibar apangkuvi.
¹⁴ A kamaghin fogha gifa, a uabi nguazim
inigha en ingarizi,
e mati pura nguazir minemniaba.
¹⁵ E gumazamiziba, en angamira itir
ikirimirim grazibar min,
dughiar ruarinim itir puvati.
E dughiar bar otevima
ruarinim akimarinim min
ikegha ariaghiri.
¹⁶ Ezi aminim akimarir kam giverazi a irizi,
gumazamiziba uam an garir puvati.
¹⁷ Ezi gumazamizir Ikiavira Itir Godin apen-
gan ikia an atiatia,
a zurazura men apangkuvi.
Egh men ovavir borir gin otivamiba,
a uaghan deragh me damuvira ikiam.
¹⁸ Gumazamizir kaba, Ikiavira Itir Godin
Akar Dikirizir Gavgavimin gin zui,
egha an Akar Gavgaviba barasi.
¹⁹ Ikiavira Itir God, uan Nguibamin ikia
uan atrivir dabirabim gaperaghav ikia,
biziagh ativagha bar adar gari.
²⁰ Ia Ikiavira Itir Godin midorozir enselba,
ia gavgaviba iti.
Ia kuariba arigha an akaba
baragh dar gin zui.
Ia an ziam fam.
²¹ Ia Godin Nguibamin itir midorozir en-
selba,

ia an ingangarir enselin an ifongiamin
gin zuiba,
ia bar Ikiavira Itir Godin ziam fam.
²² Ia danganiba bar dar itir biziba,
a ian ingarigha ia gativaghia ian gari,
ia bar moghira Ikiavira Itir Godin
ziam fam.
Eghti ki uabi uaghan Ikiavira Itir Godin
ziam fam!

104

*Ikiavira Itir God biziba bar
dar ingari, ezi e an ziam fam*

¹ Ki uan navir averiamin
Ikiavira Itir Godin ziam fam!
² O Ikiavira Itir God, nan God, ni bar pin iti.
Nin ziam bar pin ikia
egha ni atrivir bar ekiam.
³ Ni overiamatizima mikoveziba bar iti,
mati gumazim purirpenim
asaragha benimin a ikezima a
iti.
⁴ Ni uan dipenim dipar pin itibagh isin an
ingari.
Ezi overiamin mighariba, da mati nin
karis,
ezi aminim ni atera zui.
⁵ Ni aminim amadima, a nin akaba atera zui.
Ezi ni overiamin onimariba ko avir
mizariaba dagh amima,
da nin ingangarir gumazibar iti.
⁶ Ni fomira nguazir kam atizi,
a bar deraghavirama aperaghha gavgafi.
Egha bar mozorozir puvati.
⁷ Ni ongarim atizi a ikia
inimin min nguazim avara.
Ezi dipar kam mighsiaba bar ada
avara.
⁸ Ni ongarim pamten a mikemezi an arav
ghu.
Nin tiarim ararimin min dagarvazima,
ongarim a baragh a foregha
ghugha gifa.
⁹ Ongarim mighsiaba bar da ategha
afora danganir zaribar uaghire.
Egha danganir ongarim ikiasi ni inabazir
kamin,
a datirighin an ikia kamaghira iti.
¹⁰ Ongarim ikiamin danganim, nirara an
abaraghha gifa,
eghti ongarim ni atizir danganir kam
gitaviraghan kogham.

- Gin ongarim ua nguazir kam bar
an evaraghan kogham.
- 10 Ni nguazimin aven ivemarir dipabagh
amima,
da nguaz averiamin otivigha dan-
ganir zaribar afora,
egha mighsiabar tongin ivemara
uaghiri.
- 11 Asizir atiaba dipar kam api,
ezi donkin atiaba dipar kamram api.
Ezi kuariba ua men pirir puvati.
- 12 Overiamin pin mighagha aruir kuaraziba
iza,
temer dipar miriamin tuvighav itibar
uan mikonibar ingari.
Egha ter aguabar apiaghira rava arai.
- 13 Ni uan Nguibamin ikia egha amozim
amadi,
a mighsiabagh isin izi.
Ni ingangarir aghuim gamua nguazir
kamin akurazi,
bizar aghuiba nguazir kam bar a gizifa.
- 14 Ni bulmakauba apir dadabagh ami da
otifi.
Ezi e gumazamiziba oparir biziba,
ni uaghan dagh amizi da otivizi,
e dar dagheba isi.
- 15 Ni en akurazima, e wainin ikariziba opara
dar oviziba mirmira,
dar dipaba apa en naviba bar akonge.
Egha en guaba tagtaghaha, e olivin teme-
bar borem isa uan guabagh azui.
Egha e dagheba opara, da apava, en
mikarziba gavgafi.
- 16 Amozim izima,
Lebanonin temeba dipar avirim isi.
Sidan temer kabanang,
Ikiavira Itir God fomira da opari.
Ezi kar an temeba.
- 17 Sidan temer kaba,
kuaraziba iza dar uan mikonibar in-
gari.
Ezi kuarazir firir ruariba
temer painbar uan mikonibar ingari.
- 18 Memen atiaba mighsiaba itir dangani-
bagh arui,
ezi iriaba mighsiabar itir dagiar toribar
modi.
- 19 Ni iakinimin ingarigha,
azener vamiran iakiniba vaghvagh dar
dughiabar ada ariki.
Ezi aruem magiramin dughiam
gifo.
- 20 Ni mitatem gami, a dimagaribar otifi.
Ezi dimagaribar asizir atiaba arui.
- 21 Laionba asiziba buria pamten dei.
Egha asizir ni me ganidiba buri.
- 22 Aruem anadima me uamategha ghua,
uan mogomer danganibar zui.
- 23 Gumaziba uan ingangaribagh amua ghua
garima,
aruem uaghiri me gefi.
- 24 O Ikiavira Itir God, ni bizir bar avirim
ingari!
Ni bar fofozir ekiam ikia
bizir avirir kaba bar dar ingari.
Ezi bizir ni ingarizir kaba
nguazim bar a gizifa.
- 25 Ongarim bar ekefe,
ezi angamira itir bizir aviriba iti,
osirir ekiaba ko doziba, ko bizir
igharaziba an iti.
Ezi e da mengan ibura.
- 26 E gari, kuriba ongarim gisin ivemara zui,
ezi maburan osirir ekiar ni faragha in-
gariziba
ongarimin ikarara uari akura ua-
naga izaghiri.
- 27 Angamira itir biziba bar nirara gari,
mitiriam men azir dughiam
ni dagheba me daningasa me
nirara mizuai.
- 28 Ni dagheba me ganidima me api.
Nirara dagher aghuiba me ganidi,
men naviba izevegha tughati.
- 29 Guizbangira, ni akirim ragha me gasarazi
me atiati.
Men angamira itir ikirimirim, ni me
dama a inizi me ariaghire,
egha men mikarziba ua nguazir
minemniamin oto.
- 30 Ni ikirimirim angamira itim anidir aminim
me ganingizi,
me angamira iti.
Ni nguazimin бизир igiabagh amima
da otifi.
- 31 E ghaze, Ikiavira Itir Godin gavgavim ko
angazangarir ekiam zurara iki mam-
aghira ikiam.
Eighti Ikiavira Itir God, bizir a ingariz-
iba bagh bar akongegham.
- 32 A nguazimin garima,
mikimkizim puram a batifi.
A darfaram mighsiabagh arizima,
mighariba pura dar otifi.
- 33 Ki angamira itir dughiar kam
ki Ikiavira Itir Godin ziam fam.
Ki Ikiavira Itir God bagh ighiabar amu,
egh an ziam pirafehg gin ovengam.
- 34 A na gamima, ki bar akonge.
Ki kamaghsua ifonge,
a nan onger akabagh ifuegham.
- 35 Nan ifongiam kamakin,
ni arazir kurabagh amir gumazamiziba
bar me gasighasikigh.
Gumazamizir kuraba bar moghira gevegh

ua ikian kogham.

Ki uan navir averiamin aven
Ikiavira Itir Godin ziam fam!

Aleluia!

E Ikiavira Itir Godin ziam fam!

105

God uan gumazamiziba ko, men onger akam

¹ E bar Ikiavira Itir Godin ziam diponiva a minabaka.

Egh ingangarir ekiar an amizibar gun Kantrin Igharazibar Gumazamiziba bar me mikimam.

² E Ikiavira Itir God bagh ighiaba bangi egh an ziam fam.

Egh bizir aghuir an amizibar gun mikimam.

³ Gumazamizir Ikiavira Itir Godin boroghin zuiba,
uan navir averiabar a bagh bar akongegh.

E an ziar aghuim ginighnigh,
an ziar ekiam bar a pirafi bar akuegham.

⁴ E zurara Ikiavira Itir Godin boroghira mangi
uarir akurvaghisi an gavgavim bagh an azangsigham.

⁵⁻⁶ Ia Abrahamin ovavir boriba,
Abraham an Ekiamin ingangarir gu-
mazim.

Ia Jekopin boriba,
ia Ikiavira Itir God ua baghavira
inabazir gumazamiziba,

ia arazarazir ekiaba ko
ingangarir gavgavir an amiziba ko
akar a en apanibagh asighasigha
mikemeziba,
ia uam adagh nighnighvira iki.

⁷ Ikiavira Itir God, a en God.
Anguazir kamin gumazamiziba bar me
gativagha men gari.

⁸ Ikiavira Itir God e koma Akar Gavgavir
mam gami,
egh zurazurara Akar Dikirizir Gavgavir
kam ginighnigham.

An Akar Dikirizir Gavgavir kam
ginighnigh mangivira ikiam.

⁹ An Abraham ko Akar Dikirizir Gavgavir
kam gami.

Egha Aisak koma Akar Dikirizir Gav-
gavir kam akiri.

¹⁰ An Akar Dikirizir Gavgavir kam Jekop
koma a gami,

a Israelian ovavim,
egha Akar Dikirizir Gavgavir kam
gavgavim a ganingi,
eghti a zurara iki mamaghira
ikiam.

¹¹ Ikiavira Itir God kamaghin migia ghaze,
“Ki Kenanin nguazim ni daningam,
eghti nguazir kam
kar nin ovavir boribar
nguazim.”

¹² Fomira Israelia bar avirasemezir pu-
vatigha,
egha Kantrin Igharazibar Gumazamiz-
ibar min pura Kenanin nguazim iti.

¹³ Egha Kantrin Igharazibar Gumazamiz-
ibar min
pura tintinibar dagh aruavira iti.

¹⁴ Ezi God tarazi ataghizi,
me me misogha me abinizir puvati.
A men akurvaghha me bagha
Akar Gavgaviba atrivibagh aniga me
dikabira ghaze,

¹⁵ “Ki ua bagha misevezir gumazamiziba,
ia me gasighasighan marki!
Ia nan akam inigha izir gumaziba
pazi me damuan marki!”

¹⁶ Ikiavira Itir God mitiriar aghazir ekiam
amadazi,
a nguazim oto.

A men daghebagh amizi,
da bar gifia.

¹⁷ E fo, a Josep amadazi
a uan adarazir faragha ghua Isipin
kantrin iti.

Me dagiaba bagha Josep amadazi,
a Isipin kantrin aven ingangarir gu-
mazir kinimin min iti.

¹⁸ Ezi Isipin paza a gamua
senin gavgavim an suemning gike.
Egha ain ring an firim dafa.

¹⁹ Ezi Josep ikia ghuavira itima,
bizir a mikemeziba guizbangiram
otifi,
Ikiavira Itir Godin akam kamaghin
aka,
Josepin akaba da guizbangira.

²⁰ Ezi gin Isipin atrivim gumazir mam
amadazi,
a ghua kalabusin Josep inigha azenim
gati.

Guizbangira, gumazamizir aviribar garir
atrivir kam Josep ataghizi,
a firiaghiri.

²¹ Atrivir kam Josep inigha
uan bizibar ganasa gumazir da-
panimin aneti.

Ezi Josep Isipin gavmanin gumazir dapanimin iti.

22 Josep atrivimin dipenimin ingarir gumaziba ko, gumazir nighnizir aghuiba a ganidiba, a me gativagha men sure gami.

23 Jekop gin ghua Isipin kantrin otogha, nguibar igharazimin gumazimin min puram an guraghav ikia iti.

24 Ikiavira Itir God uan adarazir akurazi, me borir aviriba bate.

A me gamizi, men dibobonim men apanibar dibobonim gafira.

25 God Isipia gamizi, me an gumazamizibar apanim gamua, egha pazi me damuasa tuaviba buri.

26 Gin, God uan ingangarir gumazim Moses ko Aron, a misevezir gumazim, an aning amada, ezi aning Isipin kantrin zui.

27 Aning Isipin kantrin ikia Godin mirakelba ko digavir kuram gamir arazarazibagh ami.

28 Isipia Godin akam batoghavira iti. Kamaghin amizi, God mitarmer bar ekiam gamizi, a men nguazim avara.

29 A men dipabagh amizi, da bar ghuzibar otivizi, men osiriba bar ariaghire.

30 Mitiviba otiva bar avirasemegha men nguaziba bar adagh izifa, egha uaghan atrivimin dipenir ekiam gizifa.

31 God mikemezi, bereziba ko itiba otiva bar avirasemegha men nguazim bar a gizifa.

32 Amozimin danganimin, God amozir ofizir ekia dagabar min gariba amadazi da nguazimin izaghiri. Ezi onimarim taghtaqha nguazimin izaghira men nguazim gasava amadi.

33 God tuavir kamir men wainin ikariziba ko men fighin temebagh asighasiki, egha men nguazimin temeba bar ada apiraghariki.

34 A migeima, odeziba otifi. Ezi dar dibobonim bar ghuavanaboz, gumazitam dar ponan iburaghram.

35 Odezir kaba, bizir dafariba itiba, bar ada ame. Dagher me opariziba, uaghan odezir kaba bar ada ame.

36 God Isipian adarazi bar, men otarir ivariaba bar me misohezi me ariaghire.

37 A gin Israelia inigha Isipin kantri ategha azenan ghu. Me gol ko silvan aviriba inigha da sara ghuie. Egha me bar moghira mikarziba deraghav gavvaghha azenan izi.

38 Dughiar kamin Isipia Israeliyan atiatingi. Me zuima, datirighin Isipia bar akonge.

39 God ghuardi ekia mam isa overiamin pin anetizi, a me avara. Ezi a dimagaribar ghuardi gamizi an avimin min isia isiraghha angazangarim me ganidi.

40 Me dagheba bagha an azangssi, ezi a kuaraziba amadazi da izi me da ame. Egha a uan Nguibamin bretba isa me bagha da amadazi, me da apa bar ifize.

41 A dagiam gamizi, a kuiaghiri zima, dipam otogha ivemara ghua dipaba puvatizir danganimin Faner ekiamin min oto.

42 Guizbangira, Ikiavira Itir God uan ingangarir gumazim Abraham koma Akar Dikirizir Gavvavim gami, egha an a ginighnighavira ikia, bizir kabagh ami.

43 Kamaghin amizi, a uan gumazamiziba inigha zui. Gumazamizir kaba, a ua baghavira me amisefe, ezi me bar akuegħha iġhiabagh amua zui.

44 A gumazamizir igharazibar nguaziba isa me ganingi. Egha uan adarazir amamangatizi, me gumazamizir kabar azeniba ko nguibaba ini.

45 God kamaghin ifonge, Israelia zurara an arazir a ifongeziba ko an Arazibar gin mangam. Kamaghin amizi, a me bagha bizir aghuir kabagh ami.

Aleluia!
E Ikiavira Itir Godin ziam pirafam!

106

God uan gumazamiziba arazir aghuibaar me gami, ezi me arazir kurabagh ami

105:23: Jenesis 46:6; 47:11 **105:24:** Ua Me Ini 1:7-14
105:29: Ua Me Ini 7:17-21 **105:30:** Ua Me Ini 8:1-6
 9:22-25 **105:34:** Ua Me Ini 10:12-15 **105:36:** Ua Me Ini 12:29
 Me Ini 13:21-22 **105:40:** Ua Me Ini 16:2-15 **105:41:** Ua Me Ini 17:1-7; Diboboniba 20:2-13
 11:16-23 **106:1:** 1 Eghaghaniba 16:34; 2 Eghaghaniba 5:13; 7:3; Esra 3:11; Onger Akaba 100:5; 107:1; 118:1; 136:1; Jeremaia 33:11

105:26: Ua Me Ini 3:1-4:17 **105:28:** Ua Me Ini 10:21-23
105:31: Ua Me Ini 8:16-17; 8:20-24 **105:32:** Ua Me Ini 12:29 **105:37:** Ua Me Ini 12:33-36 **105:39:** Ua Me Ini 12:29
105:44: Josua 11:16-23

¹ E Ikiavira Itir Godin ziam fam!

An araziba bar dera,

ezi a zurara en apangkuva ikia mamaghira iti.

Kamaghin amizi, e bizir kam bagh a minabagham.

² Tina an ingangarir ekiar an amiziba bar, dagh eghanam?

Tina an arazir aghuir an amiba bar da bagh an ziam fam?

Gumazamiziba puvatigham.

³ Gumazamizir an Akar Gavgavimin gin ghua arazir aghuibagh amiba, me bar akongegh.

⁴ O Ikiavira Itir God, ni uan gumazamizibar akurvahsi izi egh na ginirigh.

Ni men akurvagh egh uaghan nan akuragh.

⁵ Ni ua bagha misevezir gumazamiziba ki men ganti, men dabirabim deraghti me bizir aghuiba iniam.

Eghti ki uaghan me ko bar akuegham.

E nin gumazamizibara, kamaghin e bar akuegham.

⁶ E, en ovaviba fomira arazir kuram gamizi moghin, arazir kuram gamigha gifa.

E arazir mizirizir guar aviribagh ami.

⁷ Fomira, en ovaviba Isipin kantrin aven ikia,

ni amizir bizar ekiar kaba deragha dagh nighnizir puvati.

Ni bar men apangkuvigha dughiar aviribar men akurvasi, ezi me nin apangkuvir ekiar kam bakinighnisi.

Egha me ghua Ongarir Aghevimin otivigha, Godin Bar Pin Itimin akam batoke.

⁸ God uan ziar ekiam bangin, uan gavgavir ekiam akakaghasa ua men akura.

⁹ An Akar Gavgavim Ongarir Aghevim ganingi, ezi a dakegha misingi.

Ezi a gumazamiziba inigha ongarir torir kamin apengan itir nguazimin tuavir dakirtizimin zui.

¹⁰ A gumazamizir kabar apanibar dafaribar ua me ini.

A men akuraghya men apanibar gavgavim dikabira, ezi me me gasighasighizir puvati.

¹¹ Ongarim bar men apaniba avezi, me bar ariaghire.

Men tav uam angamira iti puvati.

¹² Dughiar kamin Israelia an akam nighnizir gavgavim an ikia, an ziam fava ighiabagh ami.

¹³ Egha me bar zuamira an amizir bizir kam gin amada.

Egha me uan nighnizibar gin ghua bizar amusa, egha faragha Godin akam bagha an azangsizir puvati.

¹⁴ Me gumazamiziba puvatizir danganimin ikia

daghem bagha naviba puvira dikava, God ko itir arazim ategha an araziba tuisigh foghasa an gavgavim bagha azai.

¹⁵ God, me an azangsizir bizimin ganigha a ikara, egha uam arimariar bar ekiam gamizi, a me bato.

¹⁶ Gin me gumazamiziba puvatizir danganimin ikia,

egha men marazi Moses ko Aron navim aningin ikufi, aning Ikiavira Itir Godin ingangarir gumazimning.

¹⁷ Ezi nguazim akam akarizi Datan ko Abiram uan adarazi ko me torir kam giraghuezzi

nguazim iza ua dukuaghya me ave.

¹⁸ Ezi avim izaghira men gin zui darazir isia, egha gumazir kuraba bar men isi.

¹⁹ Me Horepin Mighsiamin ikia gol isa bulmakaun mamin ingarigha an ziam fe.

²⁰ Me Godin ziar ekiam akirim ragha agasaraghya, dadaba apir bulmakaun nedazimin ingarigha

Godin danganimin aneti, egha an ziam pirafi.

²¹⁻²² Godra, Isipin kantrin ingangarir ekiabagh amigha, Israelia ua me ini.

Egha a Isipin kantrin ingangarir bar ekiar aghuibagh ami, egha Ongarir Aghevimin bizir igharaghya garibagh ami, ezi gumazamiziba digavir kuram gami.

Ezi Israelia ua Godin men akurazir kam a bakinighniki.

²³ Kamaghin, God ghaze, a uan gumazamizibagh asighasigham.

- Ezi God inabazir ingangarir gumazim
Moses dikavigha abuir gumazimin
min Godin damazimin tu,
egha Israeli anakurazi Godin
aniningagharir kam iraghuzi,
God me gasighasighizir puvat.
- ²⁴ God akar dikirizim me ganiga ghaze,
a nguazir aghuim me daningam.
Ezi me akar kam nighnizir gavgavim an itir
puvatigha,
nguazir kam gifongezir puvatigha,
an aven mangan aghua.
- ²⁵ Egha me uan purirpenibar aven ikia
atar a migirigiar aviribar God gimoba
ghuavira ikiava,
egha Ikiavira Itir Godin akamin gin
zuir puvati.
- ²⁶ Kamaghin amizi, God akar dikirizim me
daningasa,
uan ziam dibora ghaze,
bar guizbangira, a me damuti,
me gumazamiziba pu-
vatizir danganimin ikiva
arimighiram.
- ²⁷ A men gin otivamin ovavir boribar amuti,
me mangi gumazamizir igharazibar
tongin ikiam,
egh kantrin me itir kabar iki oveng
mangam.
- ²⁸ Me gin aser mam, an ziam Bal,
me Peorin nguibamin an gin ghua a ko
poroghav ikia,
egha ofan me aser angamira itir
puvatizir kabagh aningiziba
ame.
- ²⁹ Ezi me amizir arazir kurar kam bangin,
Ikiavira Itir God atara,
arimariar ekiam me bagh ane-
madazima aize.
- ³⁰ Finias dikavigha
gumazamizibar arazir kurar kam
ikara,
egha arimariar kam me ataki.
- ³¹ God bizir Finias amizir kam ginighnigha
egha a dibora ghaze,
a nan damazimin dera.
A deragh iki mangivira ikiam.
- ³² Israelia gin Meriban dipamin ikia amir
arazibar God gamizi an atari,
ezi Moses me bangin osimtzizir ekiam
ini.
- ³³ Guizbangira, men arazir kam Moses
gamizi an atarava bar osemegha
deragh a nighnizir puvatigha paza
mikeme.
- ³⁴ Ikiavira Itir God ghaze, ia Kenanin gu-
mazamiziba bar me misuehti me
arimighiregh.
Ezi me me misoghezi me ariaghirezir
puvati.
- ³⁵ Israelia kantrin igharaziba ko ikia
men guiviba ko otariba uarir iti.
Egha me amir arazir kuraba
uaghan me ko dagh ami.
- ³⁶ Me men asebar marvir guabar ziaba fe,
ezi kamaghin men arazir kurar kam
azuazimin min men suiragha
me gasighasiki.
- ³⁷ Me uari uan otariba ko guiviba isa aseba
bagha me misozi me ariaghirma,
me men ofa gami.
- ³⁸ Me uari uan otariba ko guivibav sozi me
ariaghiri.
Men boriba osimtzitaba puvati,
ezi me me isa pura me misozi me
ariaghiri,
ezi me me isa Kenanian aseba
bagha ofa gami.
- Men arazir kamin, men boribar ghuza iba ira
egha men nguazim gamizi,
a Godin damazim mize.
- ³⁹ Me arazir kam gamua uari uari gami
me Godin damazimin mize.
Arazir kam Godin damazimin mati, gu-
mazamiziba uari isa uari ko tintini-
bar akuir arazim.
Me arazir kam gamua egh Godin akam
deragh a gin zuir puvati.
- ⁴⁰ Ikiavira Itir God uan gumazamizibar
atar a
egha ua me gifongezir puvati.
- ⁴¹ Egha me isa Kantrin Igharazibar Gu-
mazamizibar dafaribagh ariki,
ezi men apaniba me gativagha men
gari.
- ⁴² Men apanir kaba me gativagha men gara
me dikabiraghpa paza me gami,
ezi me pura uan apanibar gavgav-
ibar apengan iti.
- ⁴³ Dughiar aviribar God uan gumazamiz-
ibar akurvasi,
ezi me akam batogha uari uan
nighnizibar gin zui.
Me kamagh amua arazir kuram
bar an aven ghugha gifa.
- ⁴⁴ Me Ikiavira Itir God ko migeir dughiar,
a men arareba barasi,
egha men osimtzizim gara
men apangkuifi.
- ⁴⁵ A ua uan Akar Dikirizir Gavgavim
ginirigha
ua bar men apangkuifi.

- Egha ua uan nighnizim gira.
- ⁴⁶ A ua men apanir men suirazibar nighnizibagh irazi,
me Israeliyan apangkuфи.
- ⁴⁷ O Ikiavira Itir God, en God, ni datirighin en akuragh!
E gumazamizir bar ighazaribar torimin iti,
ni uam e akuvagh uam e inigh en nguazimin izi.
Eighti e nin ziar ekiam ginighnigh nin ziar ekiam minabaghām.
E nin ziam fisi bar akuegham.
- ⁴⁸ E Ikiavira Itir Godin ziam feka,
a Israeliyan God.
E datirighin ko, gin izamin dughiabar zurara an ziam feka.
Gumazamiziba bar mikim suam,
“Bar guizbangira!”
- E Ikiavira Itir Godin ziam fam.
Aleluia!
- ## Akinafarir namba 5
- ### 107
- (Onger Akaba 107–150)
- Gumazamiziba osimtizibar aven ikia Godin deima, a men apangkuvigha men akura
- ¹ Ikiavira Itir God a dughiabar zurara endera,
a zurara en apangkuva ikia mamaghira iti.
Kamaghin amizi, e a minamam!
- ² Ia, Ikiavira Itir God ua inizir gumazamiziba,
ia bar a minabi.
Guizbangira, a ian akuragha en apanibar dafariba da ia inis.
- ³ An aruem anadi naghin ko aruem uaghiri naghin ko not ko sautin itir gumazamiziba,
bar ia akuvaghia ia inigha ize.
- ⁴ Ezi ian marazi gumazamiziba puvatizir danganimin ikia
tintinibar arua deraghia fozir puvati,
me nguibatamin boroghin iti o puvati.
- ⁵ Ezi mitiriaba ko kuariba men pira men azi,
ezi me ghaze,
me givagham.
- ⁶ Me osimtizir kamin ikia,
egha Ikiavira Itir Godin diava an azangsizima,
- a men osimtizir kamin aven men akura.
- ⁷ A me inigha biaghatchiga ghua nguibar ekiar me an aven dapiamin mamin me ati.
- ⁸ Kamaghin, Ikiavira Itir God zurara men apangkuvigha arazir aghuimin me gamizir bizim bagha,
me a minabi.
- ⁹ Guizbangira, a kuariba pirir adarsi,
dipaba me ganidima, me apa bar izefi.
Ezi mitiriaba azi darasi,
a dagheba me ganidima, me apa bar izefi.
- ¹⁰⁻¹¹ Ezi ian marazi Godin Bar Pin Itimin akam batuegha,
egha an akam baraghizir puvati.
Kamaghin, me kalabusin dipenimin ikia egha mitater kuramin iti.
Men apaniba ainin senba isa me ikezima
me osimtizir ekiamin aven iti.
- ¹² Ezi God me dikabirazi,
me asaghpora ira ingangarir ekiam gamua
men gavgaviba bar gifa,
ezi men akurvaghanin gumaziba puvati.
- ¹³ Me osimtizir kamin ikia,
egha Ikiavira Itir Godin diava an azangsizima,
a men osimtizir kamin aven men akura.
- ¹⁴ Ikiavira Itir God me inigha men senba firigha,
danganir mitater kurar kamin me inigha
azenan ize.
- ¹⁵ Kamaghin, me Ikiavira Itir God zurara men apangkuvigha arazir aghuimin me gamizir bizim bagh, a minamam.
- ¹⁶ Me fo, a gumaziba brasin gavgavimin ingarizir tiaba abiaghariqa,
kalabuziar dipenimin ain baba akaragharsi.
- ¹⁷ Guizbangira, ian marazi bar arazir kurabagh ami.
Egha arazir kurar me amir kaba bangin me arimariar kuraba ini.
- ¹⁸ Me dagheba inian aghuagha ovengasava ami.
- ¹⁹ Men ikirimirim ikuvizi me pazavira ikia,
egha Ikiavira Itir Godin dei.
Ezi a men akuragha men osimtizir kam agifa.

107:1: 1 Eghaghaniba 16:34; 2 Eghaghaniba 5:13; 7:3; Esra 3:11; Onger Akaba 100:5; 106:1; 118:1; 136:1; Jeremaja 33:11

107:9: Onger Akaba 34:10; Luk 1:53 **107:10-11:** Jop 36:8; Aisaia 9:2; Luk 1:79 **107:14:** Onger Akaba 68:6;

20 A uabi migeima,
 an akar kam men mikarzibagh amizi da
 ua dera.
 Ezi a matmatiamin ua me ini.
 21 Kamaghin, me Ikiavira Itir God zurara
 men apangkuvigha arazir aghuimin
 me gamizir bizim bagh,
 a minamam.
 22 Me a minamamin ofabar amuva,
 an amizir bizir aghuibar gun gumaza-
 mizibav kimsi
 bar akongegh onger akabar amu.
 23 Ezi ian marazi kuribar aven ingara
 ongarir ekiaba bar dagh arua
 egha biziba amaga dagh ivesi.
 24 Kurimin ingarir gumazir kaba, me
 Ikiavira Itir God amizir bizir kabar
 gani.
 An ongarir ekiamin bizir aghuir
 kabagh ami.
 25 A mikemezi, aminir ekiam ongarir
 konimin oto,
 egha ongarim fema, a dikafi.
 26 Ezi kuriba a gisin bar pin uavanaga egha
 bar vin mar uaghiri.
 Ezi kurimin ingarir gumaziba bar ati-
 atingi,
 me fo me bar moghira bar iku-
 vigham.
 27 Me gumazir dipar onganiba amegha on-
 ganigha purama aruibal min
 kurim gisin arui,
 egha kurimin akurvaghamin
 nighniziba bar puvati.
 28 Me osimtizir kamin aven ikia,
 Ikiavira Itir Godin deima
 a men akuraghya men osimtizim
 agifa.
 29 An aminir ekiam gamizi an amira,
 ezi ongarim amiraghya
 uaghirigha ua dikavir puvati.
 30 Me ongarimin gari an amiraghya irighav
 itima,
 me bar akonge.
 Ezi Ikiavira Itir God me inigha
 nguibar me mangi ikiamin ongarir
 mikebamin ghu.
 31 Kamaghin, me Ikiavira Itir God zurara gu-
 mazamizibar apangkuvigha arazir
 aghuimin me gamizir bizim bagh,
 a minamam.
 32 Me gumaziba uari akuvir danganibar
 Godin gumazamiziba ko uari akuv,
 egh me an ziar ekiamin gun mikim.
 Me gumazir aruaba ko dapi bizibav kim,
 dughiar kamin me Ikiavira Itir Godin
 ziam fam.
 33 Ikiavira Itir God faner ekiaba ko dipar
 atuibagh ami,
 da dati.

34 Egha nguazir dagheba deragha aghuim
 gamizi,
 a ragha otogha amangsizir nguazimin
 otozi
 bitezat bar an otogha aghuir pu-
 vati.
 Nguazir kamin itir gumazamiziba arazir
 kuribagh ami,
 kamaghin, Ikiavira Itir God osimtizir
 kaba me ganingi.
 35 Egha gin Ikiavira Itir God, gumazamiziba
 puvatizir danganir midiariba,
 dipar akareba dagh arisi.
 Egha nguazir dipaba puvatizibar,
 a faneba arighizima da afora ivemari.
 36 Me nguazir kabar mitiriaba azir gumaza-
 miziba ariki,
 ezi me nguibar ekiamin ingarigha an
 aven iti.
 37 Ezi me dagheba opara, egħa wainin
 beniba opari,
 egħa dagħer aviriba ikia, wainin ovizir
 aviriba iti.
 38 Ikiavira Itir God uan gumazamiziba bar
 deragħa me gami,
 ezi me borir aviriba bate.
 Ezi a bulmaukaν aviriba me bagħha dagħ
 amizi
 da otifi.
 39 Men apaniba me ko misogħa,
 bar me dikabiragħa osimtizir bar ekiam
 me ganingi.
 40 Ezi Ikiavira Itir God men apanibar gu-
 mazir dapanibagh amizi,
 me pura bizir kinibar min iti.
 A me gamizi me tintinbar arua
 danganir misinqizir tuaviba pu-
 vatiziba, pura dagħ arui.
 41 Gumazir biziba puvatiziba, osimtizir
 aviribar aven iti,
 ezi a men akurazi, me deragħa iti.
 A men amizibagh amizi, me borir aviriba
 bati.
 Ezi men adarazi avirasemegħa mati
 sipsipin bizibar min bar aviraseme.
 42 Ezi gumazamizir Godin damazimin der-
 aziba, bizir kamin ganigha
 men naviba bar men dera.
 Ezi gumazamizir kuraba mikiman asagħa
 purama akabar kumigha nimira iti.
 43 Eġħi ia gumazamizir nighnizir aghuiba
 itiba,
 ia deraghvir bizir kabagh bar dagħ
 nighnigh.
 Egh kamagh akam akarigh suam,
 Ikiavira Itir God bar en apangkuvigha
 ikia
 mamaghira iti.

108

Gumazim apaniba dikabinasa Godin azangsisi

(*Onger Akaba 57:7-11; 60:5-12*)

Godin ziam fer ighiar kam, Devit an osiri.

¹ O God, ki uan navir averiamin aven nighnizir gavgavimra nin ikia,
egha ua nighnizir igharaziba nan puvati.

Datirighin nan navim dikavti,
ki gitabav sogh
nin ziam famin ighiar amuasa.

² Aminim tiraghti,
ki daguim ategh dikavigh uan gita ko kulele misogham.

Ki dagh ikararangti, dar ararer aghuim otivti
aruem bigh anangam.

³ O Ikiavira Itir God, ki Kantrin Igharazibar
Gumazamizibar tongin ni minamam.
Gumazamizibar bar moghira oraghti,
ki nin ziam fi ighiam bangam.

⁴ Ki fo, ni en apangkuvir arazim,
a bar ekefe, egha overiamin ababanimin tu.

Ni zurara amir arazir aghuir kaba
e da meng mangiti,
da mangi overiamin ghuardabar
suiraghama.

⁵ O God, ni overiamin uan gavgavim akaghti,
nguazimin gumazamiziba ganigh foghsuam,
nin gavgavim bar ekevegha
me gafragha pin iti.

⁶ Ni bar ifongezir darazi bar deravira ikiasi,
ni uan agharir guvir gavgavimin en suiragh en akuragh.
Ni nan azangsizim baragh!

⁷ God uan Dipenimra ikia ghaze,
“Ki apaniba ko misogha me abiraghha gifa.
Ki datirighin Sekemin nguibamin
nguazim ko Sukotin danganir zarim
abigh,
egh uan gumazamizibar aningam.

⁸ Guizbangira, Gileatin nguazim ko Manasen
nguazim, aning nana.
Ezi Efraimin nguazim a kon midorozir
dapanir asuamin min iti.
Ezi Judan nguazim, mati nan
atrivir fidizim.

⁹ Moapin kantri, a nan itarir dipar ki ruemin
min iti.
Idomin kantri, a nan danganir ki uan
dagarir asuuba arizimin min iti, egħha
nana.

Ezi Filistiaba ki midorozimin me abiraghha
bar akuegha pamten dei.”

¹⁰ O God, tinara na inigh
egħ nguibar gavgavim itir kamin aven
mangam?

Tina nan faragh mangiti
ki Idomin kantrin ekiamin aven
mangam?

¹¹ O God, ni akirim ragħha e gasaras ti?
Ni ti en midorozir gumazibar akurvaghan aghħua?

¹² Gumazibar gavgavibar akurvazim, a
pura bizim.

Kamagħin amizi, ni en akuragħti
e uan apaniba ko misogħam.

¹³ E fo, Godin akurvazimra,
e uan apanibav sogħi me abinigham.
A uabi en apanibav sogħi
me agħvagħam.

109

Gumazir osimtzim ittim dimdiam

Godin ziam fer onger akar kam, Devit an osiri.

A gumazir onger akabar faragħa zuim
għinġiġnha an osiri.

¹ O God, ki nin ziam a pirafa.
Ni nimira ikian marki.

² Gumazamizir kuraba ko gumazamizir
ifavariba na gasighasighħa.
Me nan gara ifara akar kurabar na
migia
nan apanim gami.

³ Me na ekiarugħa nan aghuazir akabar na
migei.
Guizbangira, me migeir migirigħiaba,
mingariba puvati.

⁴ Ki me gifuegħa me bagħha God ko migei.
Ezi me nan atara akaba na gasi.

⁵ Ki arazir aghuibar me gami,
ezi me arazir kuraba nan arazir
aghuija ikarvashi.

Ki bar me gifonge,
ezi me ki me gifongezir arazir kam ikarvaghha
na gifongezir puvatigha bar
nan aghħua.

⁶ Ki ghaze, ni jasin kuratam a misvegeħti,
a nan apanim kotiamin a baragh egh a
tuisigh.

An apantamrama,
an kotiam baragh.

⁷ Jasin kotiam barazir kam oragħti,
migirigħiaba mangiti,
a mikim suam, gumazir kam
guizbangira arazir kuram gami,
a isi kalabus datigh.

Nan apanim, God ko mikimti,
jasin kurar kam an akar kam gifogħ egh
mikim suam,
a God ko migeir arazir kam, an
arazir kuram.

- ⁸ Nan ifongiam, a bar zuamiram aremegh, egheti gumazir igharazitam an danganim inigh.
- ⁹ An aremeghti an boriba afeziaba puvatighi, an amuim uaghan paba puvatigham.
- ¹⁰ An boriba dipeniba puvatigh egh onganarazibar amu ikiasi ki ifonge. Egheti gumaziba me itir dipenir kurramin me batuegham.
- ¹¹ Nan apanir kam gumazitarbar bizitaba inigh egh da ikaraghan koghti, ki kamaghsua, me izi uan biziiba ikarvagh an nguazim inigh. Egheti nguibar igharazibar gumaziba izi bizir a ingangarim gamua iveauzeziba bar ada da inigham.
- ¹² Ki kamaghsua, gumazitam bar an apangkuvan marki. Gumazitam kamaghin an boribagh nighnigh suam, me afeziaba puvati egh men apangkuvan marki.
- ¹³ Ki kamaghsua, an ovavir boriba uaghan bar arimighiregham, egheti gin otivamin adarazi ua gumazir kamin ziam ginighnigh a diponan kogham.
- ¹⁴ An inazir afeziaba amizir arazir kuraba, Ikiavira Itir God uabi adagh nighnigh. Egh an amebamin arazir kuraba gin amangan marki.
- ¹⁵ Ikiavira Itir God me amizir arazir kurakam ginighnighvira iki, egheti gumazamiziba gumazir kamin adarazi nighnizitam ua men ikian bar marki.
- ¹⁶ Gumazir kam tong apangkuvir nighnizitam igharaz darazir itir puvati. A gumazir biziiba oteveziba ko, biziiba puvatiziba ko, naviba osemegha itiba, a paza me gamua ghua me misozi me ariaghire.
- ¹⁷ A faragha gumazamizibagh asighasighasa ifuegha akar kurabar me migei, egh a datirighin uabi bar moghira iku-figh!
- A God deragh gumazamizir igharazibar amuasa a me bagha Godin azangsighan aghua, egheti uaghan gumazitam God deragh a damusi an a bagh Godin azangsighan marki.
- ¹⁸ Dughiabar a migeir migirigiaba, a gumazir igharazibagh asighasighasa migei,

- ezi an migirigiabar kam mati an adiarir a uan mikarzimin kurkezim. Kamaghin dera, an akar kurar kam dipar an apimin min an namnamin aven iki. Egh boremin min an agharibar aven magiri.
- ¹⁹ An akar kurar kam, a korotiam aruzi moghin anevaragh, egh letiamin min uan ivariam gighuigh iki kamaghira iki.
- ²⁰ Ikiavira Itir God mizazir kamra gumazir na isa kot garizibar arighasa, ki ifonge. Guizbangira, gumazir kaba akar bar kuraba na migei.
- ²¹ O Ikiavira Itir God, nan Ekiam, ni uan ziar ekiam bangin, ni Akar Gavgavim akirizi moghin ni nan akuragh. Ni bar deragha egha zurara nan apangkuifi, kamaghin ni nan akuragh.
- ²² Ki biziiba bar puvatigha purama aperaghav ikia, uan navir averiamin aven mizazir kurram basari.
- ²³ Aruem anaga bizibagh isirazi dar nedaziba ghua guaratighin gevi moghin, ki mangigh givaghaha ami. Aminim odezibagh ivai da migha ghua gevi moghin, ki uaghan dar min mighegh mangigh givaghama.
- ²⁴ Ki dagheba ategha egha nan tevir akuriba gavgaviba puvati. Ki bar agharim gurazi, agharir suiaba bar nan amira.
- ²⁵ Gumazamiziba nan gara egha na dipofi, egha me uan dapaniba roa egha nan ingaravati.
- ²⁶ O Ikiavira Itir God, nan God, ni zurara bar nan apangkuifi. Kamaghin, ni nan akuragh egh uam na inigh.
- ²⁷ Ni nan apaniba kamagh men akaghti, me fogh suam, nirara nan akuragh egha uam nan ini.
- ²⁸ Me, ni na gasighasighsi me ni mikimam. Egheti puvatigham. Ni deravira na damuvira ikiam. Gumazir na gasighasighasava amiba ni me abinasu ki ifonge.
- Egheti, ki nin ingangarir gumazim, nan navim nan deraghama.
- ²⁹ Nan apaniba aghumsizir dafam iniasa, ki ifonge, egheti gumazamiziba men aghumsizir arazir kam bar an ganam.

³⁰ Gumazamiziba Godin ziam fasa uari akuvir dughiabar,
ki an ziam fam.

Egh akar ekiamin Ikiavira Itir God minamam.

³¹ Guizbangira, apaniba gumazamizir onganaraziba isi kot datigh kamagh mikim suam, me arimighiram.
Ezi, God gumazamizir onganarazibar gara men akurvasi.

110

Ikiavira Itir God gavgavim isa atrivim ganidir ighiam

Kar Godin ziam fer onger akam. Devit an osiri.

¹ Ikiavira Itir God, nan Ekiam migia ghaze,
“Ni nan agharir guvimin daperagh iki mangiti,
ki nin apaniba dikabiragh me isi nin dafarim datighti
me nin dagarimningin apengan ikiam.”

² Ikiavira Itir God ni damichti,
ni Saionin nguibamin iki gavgavir ekiam iki
nguibar aviribagh ativagh dar ganam.
God ghaze, ni uan apanibagh ativagh.

³ Ni uan apanibav soghamin dughiam,
nin gumazamiziba uaghan ni ko mangi
nin akurvaghram,
egh ia Godin mighsiamin ghuavanangam.

E gari ghuardiar amariba dimagaribar ira azenibagh iri
da aghua dagher aviriba iti.

Kamaghira, ni dughiabar zurara gavgavim ini mamaghira iki,
egh gumazir igiamin min otogham.

⁴ Ikiavira Itir God Akar Gavgavim ni koma anekirigha gifa,
egh uan nighnizim giraghan kogham.

A ghaze, “Ni ofa gamir gumazimin iki mamaghira ikiam.
Ni Melkisedeighin min ofa gamir gumazimin ikiam.”

⁵ Ekiam gavgavim ni daningasa ni ko iti.
Eghti an aningagharir dughiam otoghti
an atriviba tintinimin me misogh
me gasighasigham.

⁶ A nguazimin gumazamizibar arazir kuraba ikurvagh,

egh midorozir danganibar a gumazir
aviribav soghti me arimighiram.

An atrivir aviriba ko misogh me abinam.

⁷ Atrivim tuavir miriamin ivemarir daghurir dipabar ami,
egh a gavgavim inigh, uan apaniba dikabiraghram.

111

*Godin ziam fer ighiam**

¹ E Ikiavira Itir Godin ziam fam.

Gumazamizir God baghavira itiba,
me uari akuvamin dughiam,
ki men tongin ikiva, uan navir averiamin
aven nighnizir vamira ikiva
Ikiavira Itir God minamam.

² Ikiavira Itir God amir biziba, da bar bizir bar aghuiba.

Gumazamizir Ikiavira Itir God, bar a gifofoghasa ifongeziba,
me an ingangariba bar deragh dagh fogham.

³ Bizir an amiba, e dar gara
an ziar ekiam fa egha fo,
an atrivir gavgavir ekiam a bar dera.

An arazir aghuir kam zurara ikivira iki mamaghira ikiam.

⁴ Ikiavira Itir God zurara gumazamizibar nighnizibagh amima,
me zuraram an amir digavir kuram gamir arazibagh nighnighvira iti.
Ikiavira Itir God en apangkuva en akurvasi.

⁵ A gumazamizir an atiatiba, a dagheba me ganidi.

Egha uan Akar Gavgavir a gumazamizibar ko dikirizir kam,
a zuraram a ginighnisi.

⁶ A uan gavgavim uan gumazamizibar agha
Kantrin Igharazibar Gumazamizibar nguaziba isa
uan gumazamizibagh aningi.

⁷ An araziba, da bar guizbangira egha bar dera.

E an Akar Gavgaviba nighnizir gavgavim adar iki
egh dar gin mangam.

⁸ God Akar Gavgavir kaba e ganiga ghaze,
da gavgavigh iki mamaghira ikiam.
Guizbangira, God guizin arazir aghuimin gin ghua

110:1: Matyu 22:44; Mak 12:36; Luk 20:42-43; Aposel 2:34-35; 1 Korin 15:25; Efesus 1:20-22; Kolosi 3:1; Hibrus 1:13; 8:1; 10:12-13 **110:4:** Hibrus 5:6; 6:20; 7:17; 7:21 * **111:** Hibrus akamin onger akar kam, me uan alpabetin letabar vaghvaghda dar gin ghua ighiar kamin vesba osira bar ghuava vezin abuananamin oto.

Akar Gavgavir kaba e ganingizi da bar dera.

⁹ A ua uan gumazamizibagh ivezegha ua me ini.

Egha Akar Gavgavim me koma anekira ghaze,

Akar Dikirizir Gavgavir kam zu-rara iki mamaghira ikiam.

Ikiavira Itir God, an arazir aghuibaram amua bar derazir God,

ezi gumazamiziba an ziar ekiam ginighnigha ghaze,
a bar pin kozi,

me an atiatia an apengan iti.

¹⁰ Gumazitam nighnizir aghuim inisi
a faragh Ikiavira Itir Godin atiating an
apengan iki.

Gumazamizir an Akar Gavgavibar gin
zuiba,

me fofozir aghuiba ikiam.

Eghti e an ziam fi iki mamaghira
ikiam.

112

*Gumazir aghuiba me bar akongegham**

¹ E Ikiavira Itir Godin ziam fam!

Gumazamizir Ikiavira Itir Godin atiatia an
Akar Gavgavimin gin mangasa bar
ifongeza, me bar akongegh.

² Gumazir aghuiba boriba, nguazir kamin
iki
ziar ekiaba ikiam.

Men ovavir boriba,
Ikiavira Itir God deravira me damuam.

³ Men adarazi dagiar aviriba initi,
men bizi ba bar avirasemegham.

Me deraghvira arazir aghuimin gin
mangiva iki
mamaghira ikiam.

⁴ E fo, mitarmem iti,
ezi gumazir aghuim, gumazir aghuir
igharazibar akurvaghosa angazan-
garimin min anagava otogha,
men apangkuvigha, aminirbirim
gisira.

⁵ Gumazir guizbangira migia pura uan biza-
iba anidim,
an ingangariba a guizbangira dagh
amuti, an dagiaba isir tuaviba de-
ravira mangiti,
a bar akongegham.

⁶ Gumazir aghuim irighan kogh egh tugh
gavgavigh mamaghira ikiam.

Eghti gumazamiziba a ginighnighvira
ikiam.

⁷ An osimtzir otivibar migirigiba baragh
atiatingan kogham.

Puvatigham, a tuga gavgavigh
nighnizir gavgavim Ikiavira Itir
Godin ikiam.

⁸ A nighnizir aviribagh amua atiatir puvati.
A fo, God gin an apaniba dikabiragh.

⁹ A bizir bar aviriba gumazir onganaraz-
ibagh amibagh anidi.

Ezi an arazir aghuir kam givaghan
kogham, a ikivira ikiam.

Egh a nguibamin aven ziar ekiam
iki,
gumazamiziba an ziam fam.

¹⁰ Gumazir kuraba, gumazir aghuimin
dabirabimin ganiva puviram ataram.

Egh men naviba men ikuvighti,
men gavgavim me ateghti me pu-
ram amiragh magiri givaghan.

Guizbangira, bizir aghuir me iniasa mizua
itiba,
me da inighan kogham.

113

*Godin Araziba bar dera, kamaghin e ziar
ekiam a daningam*

¹ E Ikiavira Itir Godin ziam fam!

O Ikiavira Itir Godin ingangarir gumaza-
miziba,
ia Godin ziam fi.

² E bar moghira an ziam datirighin ko, gin
sara a fi
mangivira ikiam.

³ E Godin gumazamizir aruem anadi naghin
ikegh ghua aruem uaghiri naghin
itiba,
e bar moghira Ikiavira Itir Godin ziam
fam.

⁴ Ikiavira Itir God, kantribar gumazamiziba
bar me gativagha men garima,
me an ziam fe.

An gavgavim ko ziar ekiam bar ekevegha
overiam gafiraghba bar pin mar iti.

⁵⁻⁶ Ikiavira Itir God, a en God, gumazitam an
miraram amir puvati.

An atrivir bar ekiamin ikia bar pin iti.
Egha bar pin ikia overiam ko
nguazim virara vin beragha
aningin gari.

⁷ A gumazamizir onganarazir nguazir
minemniabar tongin itiba, men
akura.

111:10: Jop 28:28; Aghuzir Akaba 1:7; 9:10 * **112::** Hibrun akamin onger akar kam, me uan alfabetin letabar vaghvaghda gin ghua ighiar kamin vesba osira bar ghuava vezin abuananamin oto. **112:4:** Jop 11:17; Onger Akaba 97:11 **112:7:** Onger Akaba 57:7; 64:10 **112:9:** 2 Korin 9:9

A gumazamizir biziba puvatigha averenimin tongin itir kaba,
a iza me fe.
 8 A gumazamizir kaba isa uan gumazamizibar gumazir dapaniba ko me atizi,
me me ko apiaaghav iti.
 9 An amizir boriba batir puvatiziba deragha
me akirizi,
me borir aviriba bata bar akonge.

E Ikiavira Itir Godin ziam fam!

114

*Godin gumazamiziba Isipin kantrin
azenan izezir ighiam*

1 Israelia me Jekopin ovavir boriba,
me Isipin kantri ategha azenan ize.
Kar akar igharazibav geir gumazamiziba, men kantri.
 2 Dughiar kam, Judaba, Ikiavira Itir God
baghavira itir gumazamizibar min iti.
Guizbangira, Israelia God me gativagha
men gari, ezi me an gumazamizibar
min iti.
 3 Dughiar kam, Ongarir Aghevim Godin gav-
gavim garavim egha arav ghu.
Ezi Jordanin Fanem pura mitighav ikia
ua ivemari puvati.
 4 Ezi mighsiar ekiaba memebar min uari
akuri.
Ezi mighsiar muziariba sipsipin nguz-
ibar min uari akuri.

5 O Ongarim, ni manmaghsuava arav ghu?
O Jordanin Fanem, ni manmaghsua ua
ivemari puvati?
 6 O mighsiar ekiaba, ia manmaghsua meme-
bar min uari akuri?
O mighsiar doziba ia manmaghsua sipsipin
nguzibar min uari akuri?

7 O nguazim, datirighin Ekiam a izi, ni
nighiva akong.
A Jekopin God a izegha gifa,
ezi ni an damazimin nighiva akong.
 8 Godin kam, a dagiam gamizi, a mozir
dipamin min oto.
Guizbangira, a mighsiar gavgavim
gamizi,
a dipar nguazimin aven afora
azenan izimin min oto.

115

God uabira a guizbangira God

1 O Ikiavira Itir God, ni zurara bar en
apangkuvigha mamaghira ikia,
egha e ataghirazir puvati.

Kamaghin amizi, e zurara nin ziamra fam.
E uari uan ziaba fan kogham.

2 Manmaghirama amizi, Kantrin Igharaz-
ibar Gumazamiziba kamaghin en
azangsigha ghaze,
“Ian God managh iti?”
 3 Me kamagh fozir puvati, en God uan
Nguibamin iti,
egha a bizir tizim uan ifongiamin a
damusi ifuegh, ana damuam.
 4 Kantrin Igharazibar Gumazamiziba, silva
ko gol isa uan marvir guabar ingari.
Me uari uan dafaribar dar ingari.
 5 Ezi marvir guar kaba, da akatoriba ikia
egha migeir puvati,
Da damaziba ikia bizibar garir puvati.
 6 Da kuariba ikia, egha orazir puvati,
egha atiniba ikia bizibav ghuriabagh
amir puvati.
 7 Da dafariba ikia, bizibar suizir pu.
Da sueba ikia, egha aruir puvati.
Da akaba akarti tiariba pu-
vatigham.
 8 Guizbangira, gumazir marvir guar kabar
ingariba,
me uari marvir guar me ingarir kabar
min iti.
Gumazir nighnizir gavgavim mar-
vir guabar itiba, me uaghan dar
min iti.

9 O ia Israeliyan gumazamiziba,
ia nighnizir gavgavim Ikiavira Itir
Godin iki.
A deragha ia gamua egha ian akur-
vasi.
 10 O ia Aronin adarasi, ia ofa gamir gumaz-
iba,
ia Ikiavira Itir God nighnizir gavgavim
an iki.
A deragha ia gamua ian akurvasi.
 11 O ia gumazamizir Ikiavira Itir Godin ati-
atiba,
ia nighnizir gavgavim an iki.
A uabira deragha ia gamua ian
akurvasi.

12 Ikiavira Itir God zurara e ginighnigha ma-
maghira iti.
Egh a deravira e damuam.
 A, e Israelia deravira e damuam.
Egh uaghan Aronin adarasi,
me ofa gamir gumaziba, a deravira
me damuam.
 13 Gumazamizir Ikiavira Itir Godin atiatiba,
a deragh me damuam,
gumazamizir ziaba itiba ko ziaba
puvatiziba uaghara,

a deragh me damuam.

¹⁴ Ki ghaze, Ikiavira Itir God borir bar aviriba,
ia ko ian gin otivamin ovavir boribar
aninges.

¹⁵ Guizbangira, Ikiavira Itir Godin overiam
ko nguzamin ingarizim,
a bar deravira ia damu.

¹⁶ Nguibar bar pin itim, kar Ikiavira Godin
bizimra.

A nguaizir kam isa gumazamizibagh
aninges.

¹⁷ E fo, gumazamizir ariaghira me uan
nguibamin iraghue.

Egha Ikiavira Itir Godin ziam fer puvati.

¹⁸ Ezi e datirighin angamira itir gumazamiz-
iba,
e Ikiavira Itir Godin ziam minabi
mamaghira ikiam.

Aleluia!

E Ikiavira Itir Godin ziam fam!

116

*God gumazir mamin akurazi, an a
minabi*

¹ Ikiavira Itir God nan dimdiaba ko
azangsiziba barasi.
Kamaghin ki bar a gifonge.

² Dughiaba bar a nan azangsiziba
baraghavira iti,
kamaghin dughiar ki angamira itir
kam,
ki a ko mikimvira ikiam.

³ Ki faragha aremeghasava amima,
ovevem benimin min na ikezi ki iti.

Ki Gumazamizir Oveaghuezibar Nguibam
ginighnigha atiatia
egha navim bar osemeghavira iti.

⁴ Ki Ikiavira Itir Godin ziam dibora a migia
ghaze,

"O Ikiavira Itir God, ki ni gaghorı,
ni nan akuragh ua na inigh, puvatighti
ki ovegham!"

⁵ Guizbangira, Ikiavira Itir God zuraram en
kuakuva en akurvasi,
egha a bar dera.

En God, an apangkuvim itir God.

⁶ Gumazamizir uarira uarir akurvaghamin
gavgaviba puvatiziba,

Ikiavira Itir God men akurvasi.

Kamaghira ki faragha gavgaviba bar pu-
vatizi,
osimtiziba na gasighasighasava amima,
a nan akura.

⁷ Ki fo, Ikiavira Itir God bar deragha na
gami.

Kamaghin, ki datirighin navir
amirizimin ikiva avughsi ikiam.

⁸ O Ikiavira Itir God, ni nan akurazi, ki are-
mezir puvati.

Ni nan temeriba adisi.
Egha na ggehuvima ki irizir puvati.

⁹ Ki angamira itir dughiamin,
ki zurara Ikiavira Itir God ko daruam.

¹⁰ Ki faragha ghaze,
“Osimtizir ekiam na avaraghna na
dikabiraghassava ami.”
Ezi dughiar kamin ki nighnizir gav-
gavim Ikiavira Itir Godin ikiavira
ikia kamaghin migei.

¹¹ Ki dughiar kamin puv atiatia bar ose-
megha ghaze,
“Ki nighnizir gavgavim gumazitamin
ikian kogham.

Ki nighnizir gavgavim Ikiavira Itir
Godra ikiam.”

¹² Ikiavira Itir God bar deravira na gami.
Eighti ki ua bizir tizimrama a
daningam?

¹³ Ki ti wainin kavin tam a danigham,
eighti ofan kam kamaghin akagh suam,
Ikiavira Itir God ua na ini.

A ua na inizir bizir kam bagh
ki an ziamin dimiva a minamam.

¹⁴ An gumazamiziba izi uari akuvamin
dughiam,
ki a koma amizir Akar Dikirizir Gav-
gavir kam, ki a damuam.

¹⁵ Ikiavira Itir God ua bagha inabagha bar
ifongezir gumazitam aremegham,
eighti an damazimin gumazir kamin
ovevem, bar bizir ekiamin min
ikiam.

¹⁶ O Ikiavira Itir God, ki nin ingangarir gu-
mazim.
Nan amebam faragha nin ingangarir
amizimin ike,
ezi datirighin ki nin ingangarir gu-
mazimin ikia
egha nin ingangarim gami.

Ezi ni benir na ikeziba firizi
ki datirighin firaghiri.

¹⁷ Ki ni minabisi ni bagh ofa damuam,
egh nin ziamin dimiva a fam.

¹⁸ Ki faragha ni koma akar dikirizim gami.
Ki datirighin Akar Dikirizir Gavgavir
kamin gin mangi
nin gumazamizibar damazibar
anekaghama.

¹⁹ O Ikiavira Itir God, ki Jerusalemin
nguibamin mangi,
nin Dipenimin aven ofa damuan.

Aleluia!
E Ikiavira Itir Godin ziam fam!

117

E bar Ikiavira Itir Godin ziam fam!

¹ Ia Kantrin Igharazibar Gumazamiziba
bar,
Ikiavira Itir Godin ziam fi.

Ia ikiziba bar,
an ziamin onger akabar amu.

² Guizbangira, an apangkuvim e bagha zu-
rara ekeveghavira iti.
Egha a zurara uan akamin gin ghua
e ataghizarir puvati.

Aleluia!
E Ikiavira Itir Godin ziam fam!

118

*Me God men akuragha apaniba abirazir
bizim bagha a minabi*

¹ Ikiavira Itir God a dughabar zurara en
dera,
egha a zurara en apangkuvigha mam-
aghira iti.
Kamaghin amizi, e a minamam!

² E Israeliyan gumazamiziba, e kamaghin
mikim suam,
“A zurara en apangkuvigha mamaghira
iti.”

³ Aronin adarazi uaghan kamaghin mikim
suam,
“A zurara en apangkuvigha
mamaghira iti.”

⁴ Gumazamizir Ikiavira Itir Godin atiat-
iba e bar moghira uaghan kamaghin
mikim suam,
“A zurara en apangkuvigha
mamaghira iti.”

⁵ Ki faragha bar osimtizir ekiam ikia
Ikiavira Itir God ko migia an deima,
a na baregha
nan osimtizir kam agifa.

⁶ Ikiavira Itir God na ko itima
ki atiatir puvati.
Ki fo, gumazamiziba arazitamin na
damighan kogham.

⁷ Ikiavira Itir God uabi nan akurvasi.
Ki Ekiamra ganti,
a nan apaniba abinigh me
gasighasigham.

⁸ Kamaghin deragham, e Ikiavira Itir Godra
nighnizir gavgavim an ikiti,
an e gehuv e avaragh en ganti,
gumazamizir kuraba e gasighasighan
kogham.

Eghti e nighnizir gavgavim gumazamiz-
ibar ikian kogham.

⁹ Kamaghin deragham, e Ikiavira Itir Godra
nighnizir gavgavim an ikiti,
an e gehuv e avaragh en ganti,
gumazamizir kuraba e gasighasighan
kogham.

Eghti e nighnizir gavgavim gumazir da-
paniba ko atrivibar ikian kogham.

¹⁰ Apanir aviriba faragha na ekiaru,
ezi Ikiavira Itir Godin ziamin gavgav-
imra, ki me dikabira.

¹¹ Guizbangira, me danganiba bar na
ekiaruzi
ki tongira iti.

Ezi Ikiavira Itir Godin ziamin gav-
gavimra, ki bar me agifa.

¹² Me aparibar min bar na ekiaru.
Egha me dadabar avimin min zuamira
isigha munge.

Ikiavira Itir Godin ziamin gavgav-
imra, ki me gasighasiki!

¹³ Nan apaniba faragha na ko midorozim
pamten a gamua
na abinasava ami.

Ezi Ikiavira Itir God nan akura.

¹⁴ Ikiavira Itir God uabi na gamizima,
ki gavgavigha onger akam bangava an
ziam fe.

A zurara ua na ini,
ezi ki an ziam fasa.

¹⁵ Ia oragh! Ikiavira Itir Godin gumazamiz-
iba uan purirpenibar aven ikiia
bar akongegha dia kamaghin migei,
“Ikiavira Itir Godin gavgavimra,
e uan apaniba dikabira.

¹⁶ Ikiavira Itir Godin gavgavimra en akura.
Ikiavira Itir Godin gavgavimra,
e uan apaniba dikabira.”

¹⁷ Ki fo, ki aremeghan kogham. Puvati.
Ki angamira iki,
egh bizir Ikiavira Itir God amiz-
ibagh eghanam.

¹⁸ Ki fo, Ikiavira Itir God nan arazir kuraba
akirasa mizazir ekiam na gase,
egha na ataghizi ki aremezir puvati.

¹⁹ Ia Ikiavira Itir Godin Dipenimin na bagh
tiar akaba kuighti,
ki aven mangi egh a minamam.

²⁰ Kar Ikiavira Itir Godin tiar akam,

- eghti gumazamizir an damazimin der-
azibara an aven mangam.
- 21 O Ikiavira Itir God, ni ki ni ko mikemezir
migirigiam baraki,
egha nan akurazi, ki deragha iti.
Kamaghin ki ni minabi.
- 22 Kar dipenir akinir ingangarir gumaziba
aghuaizim,
a datirighin dipenim aterir guarim
gava.
- 23 Ikiavira Itir God uabi bizir kam gamizima
an oto.
Ezi e an garima, a bar dera.
- 24 Ikiavira Itir God uabi, dughiar aghuir
kam e ganingi.
Kamaghin en naviba deraghti, e bar
akuegham.
- 25 O Ikiavira Itir God, ni en akurvaghosa e
nin azangsisi.
Ni en akuraghti, bizir e amiba, da bar
deragham.
- 26 E ghaze, gumazir Ikiavira Itir Godin ziam
ko gavgavimin izim,
God deragh a damul!
- E Ikiavira Itir Godin Dipenimin ikia,
gumazir kamin ziam fe.
- 27 Ikiavira Itir God, a uabira guizbangira
God.
A bar deraviram e gamua an angazan-
garim e gisira.
Kamaghin, e bar akongegh temer aguabar
suigh
ofa gamir dakozimin mikebabar itir
bulmakaun kombar min garir biz-
ibagh ighuraruum.
- 28 O God, ni nan God,
ezi ki ni minabaghosa.
Ni nan God,
ki ziar ekiam ni daningam.
- 29 Ikiavira Itir God a dughiarbar zurara en
dera,
egha a zurara en apangkuvigha ikia
mamaghira iti.
Kamaghin amizi e a minamam!
- 2 Gumazamizir kaba uan navir averiabar
aven nighnizir vamiran ikiava,
an akabar gin ghua bar akonge.
- 3 Bar guizbangira, gumazir kaba arazir
kurabar gin zuir puvati.
Me Ikiavira Itir Godin Arazibara gin zui.
- 4 Ni uan akaba e ganigha givaghha ghaze,
e deraghvira dar gin mangam.
- 5 Ki kamaghhsua ifonge,
ki nin arazir ni ifongezibar gin mangisi
bar gavgavigham.
- 6 Ki nin Akar Gavgavibagh nighnighvira
ikiam.
Kamaghin ki aghumsighan kogham.
- 7 Ki deragh bizir ni damuasa e mikemeziba
bagh nighnighiva,
bar uan navim sara nin ziam fam.
- 8 Arazir ni ifongeziba, ki dar gin mangasa.
Ni na ataghiraghan marki!
- Gumazim Godin Akar Gavgavimin gin zui*
- 9 Gumazir igiam, a tuavir manamin Godin
damazimin zuegham?
A nin akamin suiragh gavgavigh an gin
mangi, egh zuegham.
- 10 Ki uan navir averiamin even nighnizir
vamiran ikiva, nin ingangarim
damuasa.
Ni nan akuraghti ki nin Akar Gavgaviba
ataghiraghan kogham.
- 11 Ki nin akam uan navim ko nighnizimin
aning gati.
Kamaghin, ki arazir kuratam nin
damazimin a damighan kogham.
- 12 O, Ikiavira Itir God ki nin ziam fe.
Ni uan arazir ifongezibar nan sure
damu.
- 13 Bizir ni damuasa e mikemeziba,
ki dar gun gumazamizibav gei.
- 14 Dagiar aviriba ko bizir aviriba, ki dagh
ifonge, ezi God gifongezir arazim, bar
bizir kabagh afira.
Ezi ki nin akaba bagha bar akonge.
- 15 Nin akaba, ki deravira dagh nighnigha
dagh ami.
Egha deragha dar gara da tuisisi.
- 16 Ni ifongezir araziba, ki dar gin mangasa
bar akonge.
Egh da gin amangan kogham.
- Gumazim Godin Akar Gavgaviba uan
navir averiamin dar gin zui*
- 17 Nan ifongiamra kara, ki angamira iki, egh
nin akamin gin mangam.
Kamaghin ki nin ingangarir gumazim,
ni bar deraghvira na damu.
- 18 Ni nan damaziba kuighti ki bizir bar
aghuiuba,

119

Godin Akamin Osiziriba, da bar dera

- 1 Gumazamizir, men daroriba Ikiavira
Itir Godin damazimin osimtziba
puvatiziba,
Ikiavira Itir Godin Arazibar gin zui, me
bar akongegham!

118:22: Luk 20:17; Aposel 4:11; 1 Pita 2:7 **118:22:** Matyu 21:42; Mak 12:10-11 **118:25:** Matyu 21:9; Mak 11:9;

Jon 12:13 **118:26:** Matyu 21:9; 23:39; Mak 11:9; Luk 13:35; 19:38; Jon 12:13 **119:1:** Onger Akaba 128:1 **119:10:**

Onger Akaba 119:2; 119:21; 119:118; 119:145 **119:16:** Onger Akaba 119:35; 119:70; 119:92-93; 119:174

- nin Arazibar aven dar ganam.
- ¹⁹ Ki dughiar ruarimin nguazir kamin ikeghan kogham.
Ni uan Akar Gavgaviba nan mongan marki.
- ²⁰ Nan navir averiam bizir God damuasa mikemezibar gin mangasa, dughiarab zurara na dikafi.
- ²¹ Gumazamizir nin Akar Gavgaviba batogha akirim ragha nin akabagh asiba, ni men atariva me gasighasigham.
- ²² Ezi kirara, ki nin akabar gin zui, ezi gumazamizir kaba akar kurabar na migia na dipofi.
Me uam akar kabar na mikiman ki aghua. Ni men anogorokegh.
- ²³ Gumazir dapaniba uari akuvagha, na misoghaha akam misosi.
Ezi ki nin ingangarir gumazim, ki zurara nin akabar suiragh dagh nighnigham.
- ²⁴ Nin akaba bar deravira nan sure gamizima, ki da bagha bar akonge.
Da deravira nan akurvazi, ki deraviram arui.
- Gumazim Godin Akar Gavgavimin gin mangasa*
- ²⁵ Ki aremeghasava amua nguazir minemeniabagh iraghу.
Eghti nin akam mikemezi moghin, ni na fegh gavgavim ua na daningigh.
- ²⁶ Ki uan araziba bar dar gun ni mikemezi, ni nan akam ikara.
Ni uan arazir ni ifongezibar nan sure damu.
- ²⁷ Ni nan akuraghti ki nin akabar aven itir akar mingaribagh fogham.
Ki nin akar aghuiba zurara dar gan dagh nighnigham.
- ²⁸ Nan navim bar na basemezi nan temeriba iri.
Nin akam mikemezi moghin, ni gavgavim nan navim daningigh.
- ²⁹ Ni nan akuraghti ki ifavarir tuavim ategham.
Ni ifongezir arazir aghuimin na damu, egh uan Arazibar nan sure damu.
- ³⁰ Ki nin gin mangasa akam akirigha, egha bizir ni damuasa na mikemezibagh nighnisi.
- ³¹ O, Ikiavira Itir God, ki akar ni na ganingizimin suiraghha an gin zui.
Ni na ateghti aghumsizir arazitam na bativan marki.
- ³² Ni fofozir arazir aghuir aviriba na daningti,

ki nin Akar Gavgaviba atamra dar gin mangisi nighnigham.

Gumazim fofozim uabi daningasa Godin azangsisi

- ³³ O, Ikiavira Itir God, ni uan arazir ifongeziba zurara nan sure damu, eghti ki dughiaba bar adar gin mangam.
- ³⁴ Ni uan Arazibar mingaribar amighti da azenara ikiti, ki bar moghira uan navimin dar gin mangam.
- ³⁵ Ki nin akar kam bagha bar akonge.
Tuavir ki mangamim ni nan akaghti, ki nin Akar Gavgavibar gin mangam.
- ³⁶ Ni nan navim damighti a nin akabar gin mangisivira dikav.
Nan navim bizir igharaziba bagh dikavan ki aghua.
- ³⁷ Nan akuraghti ki mingariba puvatizir arazir kuraba akirim ragh dagh asaraghama.
Nin akam mikemezi moghin ni deraghvira na damu.
- ³⁸ Gumazir nin atatiava nin apengan itiba, ni gavgavim me ganidi.
Kamaghira, ki nin ingangarir gumazim, ni uan akar dikirizir kamin gin mangi deragh na damu.
- ³⁹ Ki aghumsizir akaba baraghan aghua, ni nan akuraghti akar kaba na abinan kogham.
Guizbangira, bizir ni damuasa mikemeziba da bar dera.
- ⁴⁰ Ki nin akabar gin mangasa bar ifonge.
Nin Araziba da bar dera, kamaghin ni ikiavira itir ikirimirim na daning.
- Gumazim Godin Akar Gavgavim, nighnizir gavgavim an iti*
- ⁴¹ O Ikiavira Itir God, ni faragha akar dikirizim gamizi moghin, ni uan apangkuvim, azenara nan akagh egh ua na inigh.
- ⁴² Ki nin akam nighnizir gavgavim an iti.
Kamaghin, ni nan akuraghti akar kurar gumazamiziba na migeiba, ki da ikarvagham.
- ⁴³ Bizir ni damuasa na mikemeziba, ki nighnizir gavgavim dar iti.
Kamaghin, ni gavgavim na danighti, ki nin guizin akam dughiabar anekunvira ikiam.
- ⁴⁴ Ki nin Arazibar suiragh dar gin mangivira ikiam.
- ⁴⁵ Ki nin akabar gin mangasa ifonge.
Kamaghin, arazir kuratam nan mikarzimin itir puvatizi ki firiaghiri.
- ⁴⁶ Ki aghumsighan kogh

- nin akabar gun atrivibav kimam.
- 47 Ki nin Akar Gavgavir kaba guizbangira bar dagh ifonge.
Kamaghin ki da bagha bar akonge.
- 48 Ki nin Akar Gavgavibagh nighnizi da de-razi, ki bar dagh ifuegha ni minabi.
Ki zurara nin arazir ni ifongezir kabagh nighnigham.
- Gumazim ghaze, Godin akam a guizin bizim*
- 49 Ki nin ingangarir gumazim, ni faragha na koma akam akirizir bizim ginighnigh.
Nin akar kam na gamizi ki nighnizir gavgavim nin iti.
- 50 Nin akar dikirizim ikirimirir aghuim na ganidi.
Kamaghin amizi, osimtziba na bativir dughiamin, ki navir amirizimin iti.
- 51 Gumazir akaba batoziba dibovir akabar na migei,
ezi ki nin Araziba ataghizarir puvati.
- 52 O, Ikiavira Itir God, bizir ni damuasa e mikemeziba, ni fomira e ganingizi ki dagh nighnisi,
ezi da gavgavim na ganidi.
- 53 Gumazir kuraba nin Araziba abigha arazir kurabagh ami,
ezi nan navim bar men ikuvigha men atari.
- 54 Ki uan nguibam ategha saghon itir dan-ganibar ikia,
nin arazir ni ifongezibar ighiabagh ami.
- 55 O, Ikiavira Itir God, ki dimagaribar nin ziam ginighnigha,
egha nin Arazibar gin zui.
- 56 Nan arazir ekiamra kara,
ki dughiar zurara nin akabar gin zui.
- Gumazim Godin Akar Gavgavibar gin mangasa*
- 57 O, Ikiavira Itir God, ki ni koma akar dikirizim gamigha ghaze, ki nin akamra gin mangam.
Nan nighnizim ua bizitamin itir puvati.
Ni bar uabira ki nin ganam.
- 58 Ni faragha na ko akam akirizi moghin,
ki datirighin uan navir averiamin pamten nin azangsigha ghaze, ni nan apangkufigh.
- 59 Ki uan daroribagh nighnigha givagha,
nin akabar gin mangasa ni koma akam akiri.
- 60 Nin Akar Gavgavir kaba ki zuamira dar gin mangasa,
ki suighsuighan aghua.
- 61 Gumazir kuraba na gekuigh na inigh uan arazir kuraba bagh mangasava ami.

- Ezi puvati, ki nin Arazibagh nighnighavira iti.
- 62 Ki dimagarir arizibar dikava apiav ikia, bizir ni damuasa e mikemeziba bagha nin ziam fe.
- 63 Gumazamizir nin akabar gin ghua nin atiatia nin apengan ikia ingangarim gamiba,
ki men namakam.
- 64 O, Ikiavira Itir God, ni apangkuvim nguazir kamin gumazamiziba bar me gizifa.
Ni uan arazir ifongezibar nan sure damu.
- Godin Akar Gavgaviba deragha en akurvasi*
- 65 O, Ikiavira Itir God, ki nin ingangarir gu-mazim,
ni uan akamin mikemezi moghin arazir aghuimin na gami.
- 66 Ki nighnizir gavgavim nin Akar Gavgavibar iti.
Kamaghin, ni nighnizir aghuiba ko fo-fozir aghuiba na daning.
- 67 Ki fomira tighar mizaziba iniamin dughiam, ki nin gin zuir tuavim ataki.
Ki datirighin nin akaba baragha dar gin zui.
- 68 Ni bar deragha nin apangkuvim bar ekefe.
Kamaghin, ni uan arazir ifongezibar nan sure damu.
- 69 Gumazir uari feba ifavarir akar aviribar na mikeme.
Ezi ki uan navir averiamin aven nighnizir vamira ikia, nin akabar gin zui.
- 70 Gumazir kaba uan navibar kumigha nighnizir aghuiba men puvati.
Ezi ki nin Araziba bar dagh ifonge.
- 71 Ni bar deragha mizazim na gase.
Ni mizazim na gasezir bizir kamin, ni arazir ni ifongeziba nan aka.
- 72 Ki dagiar aviriba ikiva bar akueghan kogham.
Nin Arazimra ki bar a gifonge. A dagiaba bar dagh afira.
- Godin Akar Gavgavim a bar dera*
- 73 Ni ubi nan ingarigha deragha nan gari.
Ni datirighin nighnizir aghuiba na daning, uan Akar Gavgavibar nan sure damu.
- 74 Ki nighnizir gavgavim nin akamin iti.
Kamaghin, gumazamizir nin atiatiba me nan gan egh bar akueghan.
- 75 O, Ikiavira Itir God, ki fo bizir ni damuasa mikemeziba da bar guizbangira.
Ni bar na gifuegha, nan araziba akirmighasa osimtzizim na ganingi.

⁷⁶ Ki nin ingangarir gumazim, ni faragha akar dikirizimin gin mangi,
nan apangkuvigh gavgavim nan navim daning.

⁷⁷ Ki nin Araziba bar a dagh ifonge.
Kamaghin amizi, ni nan apangkuvighthi,
ki ikirimirir aghuim iniam.

⁷⁸ Gumazir uari feba akar ifavaribar na
migia,
pura na isi kotiam darighasa.

Ki ghaze, gumazir kamagh amiba ni
aghumsizim me daningigh.
Eghti ko, ki nin akaba zurara dagh
nighnighvira ikiam.

⁷⁹ Nin atiata, egha nin akabar gin zuir gu-
mazamiziba,
me na bagh izi na ko ikiam.

⁸⁰ Nan akuraghti ki bar uan navir averiamin
arazir ni ifongezibar gin mangam.
Egh arazir kamin ki aghumsighan
kogham.

*Gumazim uabin akurvaghosa God ko
migei*

⁸¹ Ki fomira uabin akurvaghosa, ni mizua
ghuava amira.
Ezi nan gavgavim bar gifä. Ki nighnizir
gavgavim nin akamin ikiavira iti.

⁸² Ni faragha akam akirizi moghin ki nin
ganasa, ikia ghua nan gavgaviba bar
givazi, ki amira.
Ki kamaghin migia ghaze, "Ni
manadizoghin nan akuraghram?"

⁸³ Ki memen nir me dipaba tuasa isamizir
ghurimin min ikuvizi, me a makuni.
Ezi arazir ni ifongeziba, ki dar
suiraghavira iti.

⁸⁴ Ki nin ingangarir gumazim, manmaghin
dughiabar ki zurara ni mizuam
ikiam?
Ni man dughiamin nan apaniba
mizazim me gasam?

⁸⁵ Gumazir uari feba nin Arazibar gin zuir
puvatigha,
nan suighasa na bagha modogha
azuazim agura.

⁸⁶ Ki nin Akar Gavgaviba nighnizir gav-
gavim dari iti.
Ezi gumazir kuraba uan akar ifavarib-
agh amua arazir kurabar na gami,
kamaghin amizi, ni nan akuragh.

⁸⁷ Gumazir kurar kaba bar atam na
misoghezi ki aremeghai.
Ki kamaghin aghuagha nin akaba
ataghirazir puvati.

⁸⁸ Ni zurara nan apangkuf, egh deragh nan
akurvagh.
Kamaghin, ki nin akabar gin mangivira
ikiam.

*Gumazim nighnizir gavgavim Godin
Akar Gavgavim iti*

⁸⁹ O, Ikiavira Itir God, ni akam ikivira
ikiam.

A nin Nguibamin iki mamaghira ikiam.
⁹⁰ Nin akam mikemezi moghin ni zuraram
an gin zui.

Ni nguazim an danganiram
anetizima a ua mozorozir puvati.

⁹¹ Bizza bar nin ingangarim gami.
Kamaghin amizi, ni ubi mikemezi,
biziba uan danganibara ikia, iza
datirighin ikia kamaghira iti.

⁹² Ki nin Arazibagh ifongezir puvatizi,
ni mizazim na gasegha na misoghezi ki
aremeghai.

⁹³ Ki nin akabar gin ghua egha angamira iti,
kamaghin, ki da ataghiraghan kogham.

⁹⁴ Ki zurara nin akabar gin zui, egha ki ni
baghavira itir gumazim.
Ni nan akuragh.

⁹⁵ Gumazir kuraba na misueghti ki are-
meghasa na bagha mizua mueghav
iti.

Ezi ki ubi, ki zurara nin akabagh
nighnighavira iti.

⁹⁶ Ki kamaghin fo, biziba bar givamin ote-
viba iti.

Ezi nin Akar Gavgavim bar dera, egh
dughiabar vaghvagh zurara ikivira
ikiam.

*Gumazim Godin Akar Gavgavim bagha
bar ifonge*

⁹⁷ Ki nin Arazim bagha bar ifonge.
Egha arueba ko dimagaribar a
ginighnighavira iti.

⁹⁸ Nin Akar Gavgavir kam na ko zurara ikia,
egha fofozir aghuim na ganidi.
Akar Gavgavir kam, nan fofozim
gamizi a nan apanibar fofozibagh
afira.

⁹⁹ Ki zurara nin guizin akabagh nighnisi.
Kamaghin ki fofozir aghuim ikia uan
tisabagh afira.

¹⁰⁰ Ki nin akabar gin zui.
Kamaghin, nan fofozim gumazir aru-
abar fofozibagh afira.

¹⁰¹ Ki nin akamin gin mangasa ifonge.
Kamaghin, ki arazir kuramin gin man-
gan aghua.

¹⁰² Ni ubi uan akabar nan sure gami,
kamaghin bizir ni damuasa e
mikemeziba, ki dar suiraghavira iti.

¹⁰³ Nin akaba da bar isingi.
Nin akar kabar isingtizim bar hanin
isingtizim gafira.

¹⁰⁴ Nin akaba nighnizir bar aghuim na
ganangi,

kamaghin ki arazir kuraba bar dar aghua.

Godin akam an angazangarimin min iti
 105 Nin akam a lamin angazangarimin min,
 tuavim nan akaghagha angazangarim
 na ganidima ki zui.
 106 Ki ni ko akam akira ghaze,
 ki guizbangira bizar ni damuasa e
 mikemezibar gin mangam.

107 O, Ikiavira Itir God, osimtzir bar ekiam
 na avara.

Nin akam mikemezei moghin, nan
 akuraghti ki angamira ikivira ikiam.

108 O, Ikiavira Itir God, ki ni ko migia egha ni
 minabi.

Ki ni minabir migirigiar kaba mati, ki
 uan ifongiamin gin zuir ofan min da
 ni ganidi.

Ni da inigh, egh bizar ni damuasa e
 mikemeziba,
 ni deraghvira nan sure damu.

109 Ki uabi zurara atam ovia taghirasi.
 Ezi nin Arazim, ki a bakinighnighan
 kogham.

110 Gumazir kuraba mati azuazim asizimin
 suighasa, na bagha mongegeha ikia
 azuaziba gui.
 Ezi ki nin akaba ataghizar puvati.

111 Nin akaba, ki dar suirazi da nan ikia
 kamaghira iti.

Akar kaba nan navim gami a bar
 akonge.

112 Ki mikemegha gifa, ki nin arazir ni
 ifongezibar suiragh,
 dar gin mangivira iki mangi ovegham.

Godin Akar Gavgaviba e gamizi e de-
ravira iti

113 Gumazir maba nighnizir vamira itir pu-
 vati,
 men nighniziba biaghire.

Gumazir kamaghin amiba ki bar men
 aghua.

Ki uabi, nin Araziba bar dagh ifonge.

114 Nirara nan mogomer danganim, egha
 oramin min na apazagha na modozi
 ki deravira iti.

Ezi ki nin akam nighnizir gavgavim an
 iti.

115 Ia gumazamizir arazir kurabagh amiba
 ia na gitagh.

Eghti ki uan Godin Akar Gavgavibar gin
 mangam.

116 Ni gavgavim na daningasa na koma
 akam akirigha gifa, eghti ki angamira
 ikivira ikiam.

Nin akar dikirizir kam, ki nighnizir gav-
 gavim an iti.

Ki akar kam bagh aghumsighan aghua.

Kamaghin, ni uan akar dikirizimin gin
 mangi gavgavim na daning.

117 Ni nan suiraghti ki deraghvira ikiam.
 Eghti, ki zurara nin arazir ni ifongeziba
 baragh dar gin mangam.

118 Gumazamizir nin arazir ni ifongezibar
 aghuaziba, ni akirim gigha me gasi.
 Men ifavarir akabar daghetam
 otoghan kogham.

119 Ni kamaghin nighnisi,
 nguzair kamin itir gumazamizir
 kuraba bar,
 mati bizar kurar gumazamiziba maku-
 nasava amiba.

Kamaghin amizi, ki bar nin akabagh
 ifonge.

120 Ki bizar ni damuasa e mikemezibagh
 nighnisi.

Egha kamaghin, ki bar nin atiatima,
 nan mikarzim nighava agoi.

Gumazim Godin Akar Gavgavibar gin zui

121 Arazir aghuir ki ni ko gumazamizibagh
 amiba, da nin damazimin bar dera.
 Ni na ateghti nan apaniba arazir ku-
 ramin na damuan marki.

122 Ki nin ingangarir gumazim, ni nan akur-
 vaghs na ko akam akiram.
 Egh gumazir uari febar amaman-
 gatichti me osimtzim na daningan
 kogham.

123 Ki nin akurvazim bagha mizua ghuava
 amira.
 Nin akar dikirizir aghuim, ki a iniasi
 dughiar bar ruarimin mizua ghuava
 amira.

124 Ki nin ingangarir gumazim, ni uan
 apangkuvir arazimin gin mangi de-
 ravira na damu.

Egh deraghvira uan arazir ni ifongez-
 ibar nan sure damu.

125 Ki nin ingangarir gumazim,
 kamaghin ni nighnizir aghuim na
 danighti, ki nin akabagh fogham.

126 O, Ikiavira Itir God, gumazamiziba nin
 Araziba zurara da abisi.
 Ni datirighin mizazim me gasi.

127 Kamaghin amizi, ki nin Akar Gavgaviba
 bar adagh ifonge.
 Ki nin akam gifongezir arazir kam, a gol
 gifongezir arazim bar a gafira.

128 Kamaghin amizi, Ki nin akaba bar dar gin
 zui.

Egha tuavir kurar igharaziba, ki bar
 dar aghua.

*Gumazim Godin Akar Gavgavimin gin
 mangasa*

129 Nin akaba bar moghira dera,

kamaghin, ki uan navir averiamin aven
bar dar gin zui.

¹³⁰ Gumazim igharazitavin akuragh nin akabar mingaribar an sure damighti,
nin akamin angazangarim an navir
averiamin ikiam.

Akar kam nighnizir aghuiba puvatizir gu-
mazamizibar amuti,
me nighnizir aghuiba ikiam.

¹³¹ Ki nin Akar Gavgaviba uan navir ave-
riamin dagh ifonge.

Mati gumazim dipam bagha kuarim
an pirima, a dipam apima an an
kuarmizimin uaghiri.

¹³² Ni gumazamizir nin ziam gifongeziba, ni
me gifongezib moghin,
ni na bagh izi nan apangkufi.

¹³³ Ni faragha na ko akar dikirizim gamizi
moghin deragh na gativagh nan gan.
Egħi arazir kuram na damighti ki
irighan kogham.

¹³⁴ Ni uam na inighti, gumazir akaba na
gasiba na gasighasighan kogham.
Egħi ki nin akabar gin mangam.

¹³⁵ Ki nin ingangarir gumazim, ni nan
borogħin ikiti, nin angazangarim na
gisiragli, ni deragh na damu.
Egħi arazir ni ifongezibar nan sure
damu.

¹³⁶ Gumazamiziba nin Arazibar gin zuir pu-
vati.

Kamaghin ki puviram azima nan
temeriba dipamin min ivemari.

*Godin Akar Gavgaviba da bar
guizbangira*

¹³⁷ O, Ikiavira Itir God, ni guizbangira bar
dera.

Ezzi bizar ni damuasa mikemeziba da
bar dera.

¹³⁸ Akar ni e ganingiziba,
da bar deragħha bar guizbangira.

¹³⁹ Nan apaniba nin akabagh nighnizir pu-
vati.

Kamaghin amizi, nan navim avimin
min nan isi.

¹⁴⁰ Ki nin ingangarir gumazim, ki nin akar
dikirizim ganigha a tuisigh fo, a
bar guizbangira.

Egħha akar dikiriz kam ki bar a gifonge.

¹⁴¹ Ki gumazir kinim ezzi gumazamiziba na
dipof,

ezzi ki nin akabagh nighnighavira iti.

¹⁴² Nin arazir aghuim a zurara ikiavira iti,
ezzi nin Araziba da bar guizbangira.

¹⁴³ Osimitzir ekiabha na batifi,
ezzi ki nin Akar Gavgaviba bagħha bar
akonge.

¹⁴⁴ Nin akaba da bar deragh iki mamaghira
ikiam.

Ni nighnizir aghuim na danighti ki
angamira iki mamaghira ikiam.

*Gumazim uabin akurvaghħasa God ko
migei*

¹⁴⁵ O, Ikiavira Itir God, ki uan navir ave-
riamin aven nighnizir vamira ikiava
ni ko mikkimasa.

Ni nan migirigiam barakigh.

Ki nin arazir ni ifongezibar gin
mangam.

¹⁴⁶ Ki datirighin nin dia ghaze,
ni ua na inighti ki nin akabar gin
mangam.

¹⁴⁷ Aminim tiasava amima ni nan akur-
vaghħasa ki nin dei.

Ki nin akaba nighnizir gavgavim dar iti.
¹⁴⁸ Ki dimagaribar akuir puvati.
Ki nin akar dikirizim ginighnighavira
iti.

¹⁴⁹ O, Ikiavira Itir God, ni bar nan apangkufi,
kamaghin ni nan migirigia ba
barakigh.

Ni bar mogħira dera, kamaghin ni na
akumakum nan ganti, ki deraghvira
ikiam.

¹⁵⁰ Gumazir nighnizir kuraba nan itiba, na
gasighasighħa nan boroghira izi.
Gumazir kaba nin Arazibar saġħon
ikia, dar gin zuir puvati.

¹⁵¹ Ezzi Ikiavira Itir God, nin Akar Gavgaviba
da bar guizbangira.

Ezzi ni ubi, ni bar nan boroghira iti.

¹⁵² Bar fomira ki nin akabagh fo.
Ni uan akar kam gamizi a ikia mam-
aghira iti.

Gumazim uabin akurvaghħasa Godin dei

¹⁵³ Ki nin Araziba bakiñiżżejjix puvati.
Kamaghin, ni nan osimtizibar gan nan
akuragh.

¹⁵⁴ Ni faragħa na ko akam akirizi mogħin,
ni nan akuragh ua na inigh ikirimir
aghjuu na daning.

¹⁵⁵ Gumazir kuraba arazir ni ifongezibar
gin zuir puvati,
ezzi ni ua me inian kogħam.

¹⁵⁶ O, Ikiavira Itir God, nin apangkuvim bar
ekefe.

Ni faragħa mikemezi mogħin, ni nan
akuragli ki angamira ikiam.

¹⁵⁷ Gumazir aviriba arazir kurabar na
gamua egħi na gasighasighħa,
ezzi ki nin akaba ataghix puvati.

¹⁵⁸ Gumazir akaba batoziba, me nin Akar
Gavgavibar gin zuir puvati.

Gumazir kaba, ki men gara nan navim
bar ikuvizi, ki bar men amira.

¹⁵⁹ O, Ikiavira Itir God, ni nan gari, ki nin
akaba bar dagħ ifonge.

- Ezi ni bar nan apangkufi, kamaghin ni uam na inighti ki angamira ikiām.
 160 Nin akar kam a guizin akamra.
 Bizir ni damuasa mikemeziba da zurara ikia mamaghira iti.
- Gumazim Godin Arazibar gin mangasa bar akonge*
- 161 Gumazir dapaniba arazir kurabar na gami, ezi men arazir kurar kaba, mingarir aghuitam itir puvati.
 Ezi ki zurara nin akabagh nighnighavira iti.
 162 Ki nin akaba bagha bar akonge.
 Mati gumazim dagiar aviribar apigha da isa bar akonge.
 163 Ki guizbangira ifavarir arazim bar an aghua,
 egha nin Araziba ki bar dagh ifonge.
 164 Dughiaba bar, a dar 7plan dughiabar,
 ki bizar aghuir ni damuasa mikemezibagh nighnigha nin ziam fe.
 165 Gumazamizir nin Arazibagh ifongeziba,
 me navir amirizimin ikia bar deraghavira iti.
 Eghti bizitam me damighti me asaghporegh ireghan kogham.
 166 O, Ikiavira Itir God, ki nin akurvazim bagha ni mizuā,
 nin Akar Gavgavibar gin zui.
 167 Ki nin akaba bar uan navir averiamin dagh ifonge.
 Egha zurara dar gin zui.
 168 Ki nin akaba, ko nin arazir aghuiba bar dar gin zui.
 Ezi ni bar nan arazibagh fogha gifā.
- Gumazim uabin akurvaghaha God ko migei*
- 169 O, Ikiavira Itir God, ni nan azangsizim baragh nan akuragh.
 Ni faragha mikemezī moghin, nan akuragh fofozir aghuim na daningigh.
 170 Ni faragha na mikemezī moghin, nan azangsizim baragh nan akuragh.
 171 Arazit ni ifongeziba, ni zurara nan sure gami.
 Kamaghin ki zurara nin ziam fam.
 172 Nin Akar Gavgavibar da bar guizbangira, kamaghin ki dagh nighnigh, egh iighiabar amuam.
 173 Ki nin akaba zurara dar gin zui.
 Kamaghin, ni zurara nan akurvaghisi gan iki.
 174 O, Ikiavira Itir God, ki nin akurvazim bagha ara ni mizuai.
 Ezi nin Araziba na gami ki bar akonge.

- 175 Ni na damighti ki angamira iki, egh nin ziam fam.
 Eghti bizir ni damuasa e mikemeziba en akuraghām.
 176 Ki nin ingangarir gumazim.
 Ki sipsipin ovengezimin min tuavir aghuim ataki.
 Ki nin Akar Gavgayiba gin amadir puvati, kamaghin amizi, ni na bagh izi na buri.

120

*Gumazim uabin akurvaghaha God ko migei**

Godin Dipenimin ghuavanaga an ziam fer ighiam.

1 Ki osimtizim itir dughiamin,
 ki uabin akurvaghaha Ikiavira Itir Godin diava araima,
 a nan dimdiam barasi.

2 Ki ghaze, “O Ikiavira Itir God, gumazir ifariba na gasighasighasava ami.
 Ni men akar ifavaribar ua nan akuragh,
 men dafaribar ua na inigh.”

3 Ia gumazir ifariba, God mizazir manmaghira garim ia daningam?
 Egh a manmaghira garir arazim ian arazir kuraba ikaraghām?

4 God ti afuzir ghumtizim inigh ia ginivam.
 A ti avir bar puvira isim inigh ia dapongam.

5 Maia! Ki uabin apangkufi!
 Ki Meseckia ko Kedarian tongin pazava aperaza moghin,
 ian tongin datirighin pazava apera.

6 Gumazir igharaziba ko deragh dapiān aghuaziba,
 ki dughiar ruarinān ian tongin ikegha, bar amira.

7 Ki uabi dabirabir aghuim baghavira migei, ezi me midorozim baghavira migei!

121

Ikiavira Itir God, a gumazir deraviram e geghuva en garim
 Godin Dipenimin ghuavanaga an ziam fer ighiam.

1 Ki uan akurvazim bagha mighsiaba ko zorogha dar gari.
 Eghti gumazir nan akurvaghāmī managhira ikegh otogh izam.

2 Ikiavira Itir Godin overiam ko nguazimin ingarizim,
 a bar uabira nan akurvasi.

119:165: Aisaia 32:17 119:172: Onger Akaba 119:138

119:176: Aisaia 53:6; Jeremaia 50:6; Matyu 18:12; Luk

15:4 * 120:: Godin gumazamiziba an ziam fasa Godin Dipenimin ghuavanaga ighiāba banga zui. 120:1: Onger Akaba 118:5; Jona 2:2 121:1: Onger Akaba 123:1 121:2: Onger Akaba 115:15; 124:8 121:3: Onger Akaba 41:2; 66:9

- ³ A Godin akuir puvatizim.
A ni akumakum deragh nin ganti,
ni irighan kogham.
- ⁴ A Israelia akumakua deragha men gari,
egha dughiatamin bar akuizir puvati.
- ⁵ Ikiavira Itir God, nin boroghira ikia,
mati dughuazim ni avara.
Egha ni geghuvu deragha nin gari.
- ⁶ Aruem isiragh ni dapongeghan kogham,
eghti dimangan iakinim ni gasighasighan
kogham.
- ⁷ Ikiavira Itir God ni geghuv deragh nin
ganti,
bizar kuratam ni gasighasighan
kogham.
- ⁸ Ni uan dipenim ataghiraghamin dughiam,
a ni geghuv deragh nin ganam.
Egh ni ua izamin dughiam, a kamaghira
damuam,
a datirighin ko, dughiar gin izamibar,
kamaghira damuam.

122

*Me Jerusalemin nguibam ginighnigha
ighiam gamua bar akonge*
Devit ighiar kam osiri.
Godin Dipenimin ghuavanaga an ziam fer
ighiam.

¹ Ki orazi, me kamagh na migia ghaze,
“Ia dikavigh e mangi Ikiavira Itir Godin
Dipenimin mangam.”
Ki kamaghin oregha bar akonge.

² E datirighin otivigha givagha,
Jerusalemin nguibam avinizir
divazimin aven tuivighav iti.

³ Me Jerusalemin nguibamin ingarizi,
a gavgavigha ganganim datirighin bar
dera.

⁴ God faragh Israelian anababav kemezi me
iza kagh Ikiavira Itir God minabazi
moghin,
me datirighin izava ami.

⁵ Danganir kam, atrivim kotiaba barazir
dipenim iti.
Kar Atrivim Devitin ovavir boriba ko
tiaba baragh
da tuisizir danganim.

⁶ Ia Jerusalem bagh Ikiavira Itir God ko
mikim.
Eghti a navir amirizim Jerusalemin iti
darazir anighti,
me navir amirizimin ikiva deragh
ikiam.

⁷ Gumazamizir Jerusalemin divazimin aven
itiba deragh ikiva,

- ua midorozim damuan kogham.
- ⁸ Ki uan adarazi ko, uan namakabagh
nighnigha,
kamaghin Jerusalem migia ghaze,
“Ni amiragh nimira ikiti
midoroziba nin aven otivan marki.”
- ⁹ Ki, Ikiavira Itir God, en God, an Dipenim
ginighnisi.
Egha Jerusalem bar deraghvira ikiasi
ki a bagha God ko migei.

123

*Gumazim Godin apangkuvim iniasa a ko
migei*
Godin Dipenimin ghuavanaga an ziam fer
ighiam.

¹ O, Ikiavira Itir God, ni uan Nguibamin
atrivimin itima,
ki kogha nin akurvazim bagha gari.

² Ingangarir gumazim, a uan gumazir da
panimin ganti, an an akurvaghram.
Ingangarir amizim, a uan amizir da
panimin ganti, an an akurvaghram.
Kamaghira, e Ikiavira Itir Godin ganvira iki
mangiti,
a uan apangkuvim en akakaghram.

³ O, Ikiavira Itir God, gumazamiziba arazir
kurabar e gami,
kamagh ni en apangkufigh.

⁴ Dughiar bar ruarimin dagiaba itir gu
mazamiziba dibovir akabar e migia,
uari fa pazava e gami.
Ezi e bar amira.

124

*Godin gumazamiziba, a uabi men akur
vazim*
Ighiar kam, Devit an osiri.
Godin Dipenimin ghuavanaga an ziam fer
ighiam.

¹ Ikiavira Itir God en akuraghan koghti, e
manmaghira damuam?
Ia Israelia azangsizir kam ikaragh
mikim suam:

²⁻³ En apaniba faragha naviba en ikuvigha e
misoke.
Ikiavira Itir God en akurazir puvatizi,
apaniba pazavira en atara bar e
gasighasighai.

⁴ Puvatizi apaniba aperiamin min e inigha
ghuzi
dipam e avarazi moghin e ovehai.

⁵ Mati aperiar ekiam
bar e adugha ghueghai.

⁶ E datirighin Ikiavira Itir God minabaghram.
A itima en apaniba asizir atiamin min e
givir puvati.

7 Mati gumazim kuarazimin suighasa azuazim gura,
e kuarazimin min mighegha a gitagha ghu.
Me gurazir azuazir kam dutu-
aghiri,
ezi e a gitagha ghu.

8 Bar guizbangira, Ikiavira Itir Godin ove-
riam ko nguazimin ingarizim,
a uabira en akurvasi.

125

*God uan gumazamizibagh amizi, me de-
ragha apia*
Godin Dipenimin ghuavanaga an ziam fer
ighiam.

1 Gumazamizir nighnizir gavgavim Ikiavira
Itir Godin itiba,
me Saionin Mighsiamin min iti.

Mighsiar kam bar gavgavigha
mozoroziba puvati,
a iki kamaghira ikiam.

2 Kamaghira, mighsiaiba Jerusalemin
nguibam ekiaruzi moghin,
datirighin ko gin Ikiavira Itir God,
uan gumazamiziba ekiarugh men
ganam.

3 Gumazir arazir kurabagh amiba,
Godin gumazamizibar nguazim gati-
vagh zurara men ganan kogham.

Me kamagh damuti,
Godin gumazamiziba uaghan arazir
kurabar amuam.

4 O, Ikiavira Itir God, gumazamizir ni
baghavira ikia nin akamin gin zuiba,
ni deraghvira me damu.

5 Ni gumazir kurabagh asighasigh,
egh gumazir ifara uan nighnizibar gin
zuiba sarama asighasikigh.

Eghti Israelia deraghvira ikiam.

126

*Israelia God men akurvaghaha me a ko
migei*
Godin Dipenimin ghuavanaga an ziam fer
ighiam.

1 Ikiavira Itir God uam e inigha
Saionin nguibamin ize,
ezi dughiar kam e ghaze,
e mati irebamini gari.

2 Kamaghin, e akava ighiabagh amuavira iti.
Ezi Kantrin Igharazibar Gumazamiz-
iba e migia ghaze,

"Ikiavira Itir God, Israeliyan akurvaghaha
maburan ingangarimram ami."

3 Bar guizbangira, Ikiavira Itir God en akur-
vaghaha bar ingangarir ekiam gami,

kamaghin e datirighin naviba deragha
bar akonge.

4 O Ikiavira Itir God, ni ua deraghvira e
damuam.
E mati dipaba puvatizir danganimin itir
faneba dipaba dake,
ni amozim damighti a ua iziti da
izevegham.

Kamaghira, ni e damuti e izivaghram.

5 Gumazir aravira dagheba opariba,
me dar dagheba iniva
bar akuegh dimiva arangam.

6 Guizbangira, gumazir aravira dagher
oviziba atera ghua da opariba,
me dar dagheba inigh
uamategh ighiabar amu da ater
izam.

127

*God arazir aghuimin me gamizi me an
ziam fe*
Ighiar kam, Solomon an osiri.

Godin Dipenimin ghuavanaga an ziam fer
ighiam.

1 Ikiavira Itir God uabi dipenimin ingar.
Puvatightima, dipenir kamin ingarir
gumaziba pura an ingarigham.

Ikiavira Itir God uabi nguibamin gan.
Puvatightima, nguibar kamin garir gu-
maziba pura ingarigham.

2 E dagheba ko dagiaba bagha bar
mizarazibara dikava ingara zui
aminiba piri.

E pura ingangarir kabagh ami.

Ikiavira Itir God uabi gumazamizir a
ifongeziba biziba me ganidima,
me pura ikia avughsi.

3 Boriba, kar bizi aghuir Ikiavira Itir God
anidiiba,
da bar dera.

4 Gumazir igiamin boriba,
mati afuziba midorozir gumazir
mamin dafarimin iti.

5 Gumazir borir aviriba itim a bar
akongegh.

A uan apaniba ko kotiam damuamim
dughiamin,
me kotiar danganimin an akur-
vaghram.

Eghti an kotiam deragh
mangam.

128

*God gumazamizir an akam baragha an
gin zuiba, a deraghha me gami*
Godin Dipenimin ghuavanaga an ziam fer
ighiam.

¹Gumazamizir Ikiavira Itir Godin atiatia an apengan ikia, an akaba baragh dar gin zuiba,
me bar akongegh.
²Ingangarir ni amibara ni dar dagiaba inigh bizar ni ifongezibagh iveauzam.
Eighti bizar ni amiba bar deraghti
ni bar akuegham.
³Nin amuim, wainin ikarizimin min ava ovizir aviriba iti moghin, a borir aviriba batam.
Nin boriba bar avirasemegh nin avirimiam,
olivin temer igiabar min bar an okarigham.
⁴Bar guizbangira,
gumazir Ikiavira Itir Godin atiatia an apengan itim,
a kamaghira ma otogham.
⁵Ikiavira Itir God, uan Dipenimin aven Saionin Nguibamin iti,
a deragh ni damu.
Ni zurara nguazimin itir dughiam,
ni Jerusalemin nguibamin itir bizibar ganti da deraghvirama otiv.
⁶Ki kamaghsua, ni dughiar ruarinim iki uan igiar boribar gan.

Eighti Israelia deraghvira iki.

129

Israelia uan apanibagh asighasighasa God ko migei
Godin Dipenimin ghuavanaga an ziam fer ighiam.
¹Israel, ni uan igiamin ikegha izza, datirighin nin apaniba ni gamizir arazir kuraba,
ni dagh eghan.
²Ni kamaghin mikim suam,
“Ki uan igiamin ikia izza datirighin, nan apaniba arazir kurabar na gami.
Me kamaghin na gamua egha na abirazir puvati.”
³Me nan akirim ifozorozima a duar ruariba iti.
Ezi duar kaba mati me azenir ekiam oparasa an nguazim abiaghari.
⁴Ezi Ikiavira Itir God an araziba dera,
a ikia kalabuzi kamin ua nan akurazi ki firiaghiri.”
⁵Ki ghaze, Saionin Nguibamin apanimin itir darasi,
e men agintighti
me uam ari uan nguibabar mangegh
bar aghumsika.

⁶Me dipenir siriabagh isin aghuir grazibar min aghungam.
Da aghung ua zuamira misigham.

⁷Gumaziba grazir kabar ikiziba ikia, egha da atera zuir puvati.

⁸Gumazibiza gumazamizir kabar boroghin mangi kamaghin mikiman marki,
“Ikiavira Itir God deragh ia damu!
Ikiavira Itir Godin ziamin ia deraghvira iki.”

130

Gumazim uabin akurvaghaha God ko migei

Godin Dipenimin ghuavanaga an ziam fer ighiam.

¹O, Ikiavira Itir God,
nan navir averiam bar osemez i ki nin dei,
ni nan akuragh.

²O Ekiam, ni na barakigh.
Ki ni migeir migirigiaba ko nan arareba ni da baregh
nan akuragh.

³O, Ikiavira Itir God, ni en arazir kuraba menegh dar suiragh ikiti,
Ekiam, en tinara nin damazimin tugh gavgavigham?

⁴Nirara arazir kuraba gin amadi,
kamaghin amizi, e nirarama atiating nin apengan ikiam.

⁵Ki uabin akurvaghaha ifongegha,
Ikiavira Itir God, a mizua iti.
Egha nighnizir gavgavim an akamin iti.

⁶Ki uan navir averiamin aven,
Ekiamin akurvazim bagha a mizua ti.
Ezi nan arazir kam a gumazir dimagarimin bizibar gara itima aminim men iti razir arazim,
a bar a gafira.

⁷E Israelia, Ikiavira Itir God zurara bar en apangkufi,
egha e ikuvighan koghasa an en akurvasi.
Kamaghin amizi, ia nighnizir gavgavim an iki.

⁸A uan gumazamiziba Israelia men akuraghua ua me ini,
egh men arazir kuraba gin amangam.

131

Gumazim nighnizir gavgavim ikia God ko migei

Ighiar kam, Devit an osiri.

Godin Dipenimin ghuavanaga an ziam fer ighiam.

¹ O Ikiavira Itir God, ki akaba batogh uabi uan ziam fan aghua.

Ki bizir ekiaba ko bizir ki damuan iburaziba dagh nighnizir puvati.

² Ki datirighin deragha aperagha navir amirizim iti,

mati borim uan amebamin otem ategha a ko aghumram aperaghav iti.

Kamaghira, nan navim purama amiraghva irighav iti.

³ O Israelia, ia datirighin nighnizir gavgavim Ikiavira Itir God iki, kamaghira iki mangivira iki.

132

Gumazamiziba Godin Dipenim bagha bar akonge

Godin Dipenimin ghuavanaga an ziam fer ighiam.

¹ O Ikiavira Itir God, Devit uabi ko, a inizir osimtzir ekiar kaba, ni dagh nighnighvira iki.

² O Ikiavira Itir God,
Ni Jekopin God, Godin Bar Gavgavir Ekiam Itim.

Devit ni ko dikirizir akaba ni dagh nighnighvira iki.

³ Devit ghaze,

“Ki uan dipenimin ghuavanaboghan kogh, uan misiam mitoghan kogham.

⁴ Ki dakusi uabi abinan kogham.

Eghti nan damazimning komeghan kogham.

⁵ Ki kamaghira deragh dakuan kogh mangi, ki Ikiavira Itir God bagh Dipenimin ingarsi danganitam batoghvira givaghram.

A Jekopin God, Godin Bar Gavgavir Ekiam Itim.”

⁶ E Betlehemin nguibamin ikia, Akar Dikirizir Gavgavimin Boksiamin akam baraki.

Egha ghua Kiriat Jearimin nguazimin an apigha a inigha ize.

⁷ E ghaze, e Ikiavira Itir Godin Dipenimin mangi,

egh an atrivir dabirabimin guamin teviba apirigh an ziam fam.

⁸ O, Ikiavira Itir God, ni dikavigh izi uan avughsir danganimin iki.

Ni uan Akar Dikirizir Gavgavimin Boksiam sara izi.

Boksiar kam, a nin gavgavir bar ekiam aka.

⁹ Nin ofa gamir gumaziba me zurara arazir aghubara damuam.

Arazir aghuir kaba men kurkazir aghuimin min ikiam.

Eghti nin gumazamizir ni baghavira itiba, bar akuegh pamten kamagh dimiva arang mikimam.

¹⁰ O, Ikiavira Itir God, ni faragha uan ingangarir gumazim Devit koma akam akirizi moghin,

ni datirighin uan Atrivir ni ua bagha inabazim, akirim ragh a gasan marki.

¹¹ Ni Devit ko akam akirigha gifa, egh uan nighnizim gighan marki.

Ni kamaghin migia ghaze,

“Ki nin gin otivitamin adarazir aven otaritam damighti

an Atrivimin otogham, eghti nin gin, ana Atrivimin ikiam.

¹² Nin otariba, ki men sure gamir akaba baregh

nan Akar Dikirizir Gavgavimin gin mangiti,

nin ovavibar otariba, uaghan Atrivibar iki mamaghira ikiam.”

¹³ Ikiavira Itir God, Saion Nguibam ua bagh a ginaba.

A nguibar kam bar a gifuegha, zurarama an ikiasi a ginaba.

¹⁴ A ghaze, “Ki nguibar kam bar a gifonge.

A nan avughsizir danganim, ki an aven iki mamaghira ikiam.

¹⁵ Ki Saion deragh a damu bizir bar aviriba isiva a daningam.

Eghti an itir gumazamizir onganaraziba,

ki dagheba me daningam.

¹⁶ Ki Saionin itir ofa gamir gumaziba ingangarim me danighti,

me ki nguazimin gumazamizibar akurvagh ua me iniamin akam, me me mikimam.

Eghti Saionin gumazamiziba bar akuegh tiariba akaram.

¹⁷ “Ki Devitin adarazir aven gumazitam damighti

an otogh Atrivir bar gavgavimin ikiam.

Ki an miseveghti,

a mati lamin angazangarimin min isir-
agh gavgavigh iki
mangivira ikiam.
¹⁸ An apaniba, ki me damighti
me aghumsizir bar ekiam inigham.
 Eighti an ativaghamin gumazamiziba,
men kantri gavgavigh iki
mamaghira ikiam."

133

Godin adarazi uari ko ikia, navir vamiran itir arazim a bar dera
 Devit ighiar kam osiri.
 Godin Dipenimin ghuavanaga an ziam fer
ighiam.
¹ Ia oragh, kamaghin bar dera,
e Godin adarazi bar navir vamiran
ikiva,
uari ko dapiagh aveghbuabar min
ikiam.

² Arazir kam mati olivin tememin borer
aghuiim,
me a isa Aronin dapanim ginge.
 Ezzi an emira uaghira an ghuamasizimin
uaghira,
egha uaghira an evarimin itir korotiamin tu.

³ Arazir kam uaghan mati, ghuardiar dipam
Hermonin Mighsiamin ira,
izaghira Saionin Nguibam gisin itir
mighsiabagh iri.

Danganir kamin, Ikiavira Itir God, gumazamizir
navir vamiran itiba bar deragha me gami.

A ikirimirir zurazurara itim me ganidi
me iki mamaghira ikiam.

134

E Ikiavira Itir Godin ziam fam
 Godin Dipenimin ghuavanaga an ziam fer
ighiam.
¹ Ia Ikiavira Itir Godin ingangarir gumaziba,
ia iziva an ziam fi.
 Ia dimagaribar an Dipenimin tuivav ikia an
ingangarim gami,
ia an ziam fi.
² Ia Godin Dipenimin aven dafariba fi
a ko mikim egh an ziam fi.

³ Ikiavira Itir God, a Godin overiam ko
nguazimin ingarizim,
a Saionin ngluibamin iki,
egh bar deragh ia damu.

135

Godin ziam fer onger akam
¹ Ia bar Ikiavira Itir Godin ziam fi!
Ia ziar ekiam a daning!

Ia Ikiavira Itir Godin ingangarir gumaziba,
ia an ziam fi.
² Ia gumazir Ikiavira Itir Godin Dipenimin
tuivaghav itiba,
ia an ziam fi.
³ Ikiavira Itir God a bar dera,
kamaghin ia an ziam fi.
 An apangkuvim bar en ekefe,
kamaghin ia an ziam fi ighiabar amu.
⁴ Ikiavira Itir God ua baghvira Jekop ginaba,
kamaghin Israelia kar bar Godin
adarazira.
⁵ Ki kamaghin fo, Ikiavira Itir God gavgavir
ekiam iti,
egha aseba bar dagh afira.
⁶ An overiam ko, nguazim ko, ongarim, ko
ongarir konimin bizim damuasa,
an a gami.
⁷ Ana amozim migharir pizibagh ami, da
nguazir oteviba bar dar zui,
ana onimaribagh ami, da tagtagha
amozim sara izi.
An aminim gami, a dikava ivava
danganiba bar dar zui.

⁸ A Isipian otarir ivariaba ko,
men asizir apurir faragha otivizir
aviribav soghezi, da ariaghire.
⁹ A Isipian atrivim ko, an ingangarir gumaziba,
me damighti me foghasa,
a mirakelba ko digavir kuram gamir
arazibagh ami.
¹⁰ Ikiavira Itir God, kantrin aviribagh
asighasigha,
atrivir gavgavir aviribav soghezi, me
ariaghire.
¹¹ An atrivir gavgavir kabar maraziv
soghezi me ariaghire,
Sihon Amorian atrivim, ko Ok a Basanian
atrivim, ko Kenanian atriviba,
bar moghira.

¹² An Atrivir kabar nguaziba, isa uan
gumazamiziba Israelia ganangi.
Eighti da men nguazibara min ikiam.

¹³ O, Ikiavira Itir God, gumazamiziba zurara
kamagh ni mikim suam,
ni ubi guizbangira God.
Gumazamizir gin otivamin kaba
me ni gifogham.
¹⁴ Ikiavira Itir God, uan gumazamizibar
araziba tuisigh, egh suam,
me osimtiziba puvati.
Egh a uan ingangarir gumazibar
kuarkuvam.

¹⁵ E fo, Kantrin Igharazibar Gumazamiziba
me silva ko golba isa,

uan dafaribara marvir guaba kiri.
 16 Marvir guar kaba, da akatoriba ikiia egha migeir puvati.
 Da damaziba ikia bizibar garir puvati.
 17 Da kuariba ikia, egha orazir puvati.
 Me ikimirir e datirighin ikiava angamira itir kam puvati.
 18 Guizbangira, gumazir marvir guar kabar ingariba,
 me uari marvir guar me ingarir kabar min iti.
 Gumazir nighnizir gavgavim marvir guabar itiba,
 me uari dar min iti.
 19 Ia Israelia, ia Ikiavira Itir Godin ziam fi.
 Ia Ikiavira Itir Godin ofa gamir gumaziba,
 ia an ziam fi.
 20 Ia Livain adarsi, ia Ikiavira Itir Godin ziam fi.
 Ia gumazamizir Ikiavira Itir Godin ati-
 atiba,
 ia an ziam fi.
 21 Saion, an ziar mam Jerusalem,
 a Ikiavira Itir Godin nguibam.
 Ia an itir gumazamiziba,
 an ziam fi.

Aleluia!

Ia bar Ikiavira Itir Godin ziam fi.

136*God minabir ighiam*

- 1 Ikiavira Itir God, bar arazir aghuibar e gami, kamaghin e a minabaghām.
 A zurara en apangkuvigha mamaghira iti.
 2 Ikiavira Itir God, godin ifavaribagh afi-
 ragha bar ekefe.
 Kamaghin e a minamam.
 A zurara en apangkuvigha mamaghira iti.
 3 Ekiām nguzair kamin gumazir ekiāba bar dagh afira.
 Kamaghin e a minamam.
 A zurara en apangkuvigha mamaghira iti.
 4 A uabira mirakelin ekiabagh ami.
 A zurara en apangkuvigha mamaghira iti.
 5 A uan nighnizir aghuiām overiamin in-
 gari.
 A zurara en apangkuvigha mamaghira iti.
 6 A nguazim isa dipabagh isin an ingarizi an aperaghav iti.

- A zurara en apangkuvigha mamaghira iti.
 7 An aruem ko iakinimin ingari.
 A zurara en apangkuvigha mamaghira iti.
 8 An aruem atizima an aruemis isiragha gari.
 A zurara en apangkuvigha mamaghira iti.
 9 A iakinim ko mikoveziba atizima me dimagarimin isira.
 A zurara en apangkuvigha mamaghira iti.
 10 A Isipian otarir ivariabagh soghezi me ariaghire.
 A zurara en apangkuvigha mamaghira iti.
 11 A Israeliān gumazamiziba inigha Isipin kantri ategha azenan ize.
 A zurara en apangkuvigha mamaghira iti.
 12 A uan gavgavir ekiamin, ua me inigha ize.
 A zurara en apangkuvigha mamaghira iti.
 13 An Ongarir Aghevim gamizi a tongira bi-
 aghiri.
 A zurara en apangkuvigha mamaghira iti.
 14 A uan gumazamizibar faragha ghua, on-
 garir kam biaghiriżi nagħin, an an tongira me inigha azenan ize.
 A zurara en apangkuvigha mamaghira iti.
 15 A Isipin atrivim ko an mīdorozir gumaziba avigha Ongarir Aghevimin me makunizi me dipam amegħa ariaghire.
 A zurara en apangkuvigha mamaghira iti.
 16 A uan gumazamizibar faragha ghua me inigha gumazamiziba puvatizir dan-
 ganin min għuava otifi.
 A zurara en apangkuvigha mamaghira iti.
 17 An atrivir bar gavgavibav soghezi me ariaghire.
 A zurara en apangkuvigha mamaghira iti.
 18 An atrivir ziaba itibav soghezi me ariaghire.
 A zurara en apangkuvigha mamaghira iti.
 19 An Amorian Atrivim Sihon, a misoghezi an areme.

136:1: 1 Eghaghaniba 16:34; 2 Eghaghaniba 5:13; 7:3; Esra 3:11; Onger Akaba 100:5; 106:1; 107:1; 118:1; Jeremaia 33:11**136:5:** Genes 1:1 **136:6:** Genes 1:2 **136:7:** Genes 1:16 **136:10:** Ua Me Ini 12:29 **136:11:** Ua Me Ini 12:51 **136:13:** Ua Me Ini 14:21-29 **136:16:** Ua Me Ini 13:18; 15:22 **136:19:** Diboboniba 21:21-30

- A zurara en apangkuvigha mamaghira iti.
- ²⁰ A Basanian Atrivim Ok, a misoghezi an areme.
A zurara en apangkuvigha mamaghira iti.
- ²¹ An atrivir kabar nguazim isa uan gu-mazamizibagh aningi.
A zurara en apangkuvigha mamaghira iti.
- ²² A nguazir kam isa uan ingangarir gu-mazim Israel ganingizi, nguazir kam men nguazimra min iti.
A zurara en apangkuvigha mamaghira iti.
- ²³ En apaniba e abrima an e ginighnighavira iti.
A zurara en apangkuvigha mamaghira iti.
- ²⁴ A en apanibar dafaribar uam e ini.
A zurara en apangkuvigha mamaghira iti.
- ²⁵ A dagheba isa gumazamiziba ko asiziba bar me ganidi.
A zurara en apangkuvigha mamaghira iti.
- ²⁶ Bizar kabanang bagh, e Godin uan Nguibamin itim minamam!
Bar guizbangira, a zurara en apangkuvigha mamaghira iti!

137

Israelia Babilonin kantrin kalabusin ikiavira ikia Jerusalemin nguibam bagha arai

- ¹ E Babilonin Faner miriabar apiaghav iki-ava,
Saionin nguibam ginighnigha a bagha azia iti.
- ² E uan gitabav sozir puvati, e purama da isa en boroghin itir temer aguabar da gui.
- ³ Gumazir e isa kalabus garighiziba ghaze, “Ia ighiabar amu en navibar amuti da deraghti e bar akuegham.
Ia Saionin nguibamin ziam dighor e bagh ighiabar amu.”

- ⁴ E manmagh suvira kantrin igharazimin iki, egh Ikiavira Itir Godin onger akabar amuam?

Kar en kantri puvati, e kamaghin damuan kogham.

- ⁵ O Jerusalemin Nguibam, ki ni gin amadagh,

gita inigh uan agharir guvimin uam a misoghan kogham.

- ⁶ O Jerusalem, ki ni isa faraghavira uan dighorim gamigha ni bagha bar akonge.
Ki ua ni bakinighnigh ni isi uan nighinizim datighan koghti, nan tiarim ikuvighti ki ighiabar amuan kogham.
- ⁷ O Ikiavira Itir God, ni dughiar gumaziba Jerusalem gasighasizi, Idomia e gamizir arazim ginighnigh.
Me ivivigha ghaze, Jerusalemin dipeniba bar dipirighiregh nguazim giregh.

- ⁸ O Babilonia, ia orakigh! Ia bar ikuvigham!
Ian arazir kurar ia e gamizir kam, gumazir uam a ikarvaghram, a bar akongegh.
- ⁹ Gumazir kam nin borir iririviba inigh, dagiabav kinighti me bar ikuvigham.
Kamaghin, gumazir kam bar akuegham.

138

Gumazim God minabi
Ighiar kam, Devit an osiri.

- ¹ O Ikiavira Itir God, ki uan navir averiamin aven bar ni minaba.
Egha asebar damazibar, ki ighiar nin ziam febagh ami.
- ² Ni zurara bar na apangkuvigha bar deragha nan gari.
Nin akam ko nin ziam kamaghin en akaghha ghaze, ni bar ekevegha bizir igharaziba bar dagh afira.
- Kamaghin, ki nin Dipenim uan guam a misuegh, teviba apirigh egh nin ziam fam.
- ³ Ki nin deima, ni dughiar kamin nan dimdiaba barasi.
Egha uan gavgavim na ganigavira iti.

- ⁴ Ni migei, nguazir kamin atriviba uari nin akam baraki, kamaghin me nin ziam fam.
- ⁵ Me nin ziar ekiam ko gavgavim ginighnigh, ni amizir biziba bagh ighiabar amuam.

- ⁶ O Ikiavira Itir God, ni bar faraghavira ikia egha bar pin iti.
Gumazir uari abira nin apengan itiba, ni me ginighnisi.
Egh gumazir uari feba,

me nin damazimin uari mongiva avegham.
 7 Osimtzir aviriba na batifi,
 ezi ni nan gari ki deragha iti.
 Nan apaniba nan atari,
 ezi ni me ko misogha
 uan gavgavimrama ua na ini.
 8 Ikiavira Itir God, ni na ko dikirizir akamin
 gin mangi biziba bar dar amu.
 Ni nan apangkuvigha ikia mamaghira
 iti.
 Ingangularir ni damuasa nighnizim,
 ni a damu bar anegifagh.

139

God e gifogha givagha bar deraghavira en gari
 Devit onger akar kam osiri.
 A gumazir onger akabar faragha zuim
 ginighnigha an osiri.
 1 O Ikiavira Itir God,
 ni nan navim tuisigha givagha
 na gifo.
 2 Ni nan saghon ikia nan nighniziba ko,
 ki amir biziba ko, ki apia dikavir araziba,
 ni bar dagh fo.
 3 Ni nan gari ki ingari, o ki akui,
 ki amir araziba,
 ni bar dagh fo.
 4 O Ikiavira Itir God, ki tighar mikimamin
 dughiam,
 ni fogha gifa ki tizim mikimam.
 5 Ni danganibar bar nan miriaba ekiaruga,
 uan gavgavir ekiamin bar deragha nan
 gari.
 6 Nin fofozir kam bar pin ikia,
 egha nan nighnizim bar a gafira.
 7 Ki managhira mangigh, nin duam
 ategham?
 Ki managhira mangigh nin modogham?
 Bar puvati.
 8 Ki nin Nguibamin mangam, ni uaghan iti.
 Ki Gumazamizir Oveaghuezibar
 Nguibamin ikiam, ni uaghan ti.
 9 Ki nguibar aruem anadi naghin ititamin
 ikiam,
 o aruem uaghiri naghin itir nguibar
 saghuiamin ikiam,
 10 ni kagh iki tuavim nan akakagh
 nan akurvaghram.
 11-12 Ki suam, "Aminir birim ni na avaraghti,
 aruer angazangarim ni iragh
 mitatemin otogh."

Nin nighnizim mitater kam a guizin
 mitatem puvati.
 Dimagarim, a uaghan aruem mirara
 isiraghga gari.
 Nin damazimin, aruem ko
 dimagarim magh gari.
 13 Guizbangira, ni nan mikarzimin ingarir
 dughiam,
 ni nan amebamin navir averiamin
 aven bar nan ingarizi,
 nan mikarzim bar moghira iti.
 14 Ni nan mikarzimin ingari,
 ezi nan mikarzim bar deragha
 igharaghga gari.
 Kamaghin ki nin ziam fe.
 Bizir ni ingariziba, da bar dera,
 ezi ki guizbangira uan navir averiamin
 aven bizar kabagh nighnigha dagh fo.
 15 Ki uan amebamin navir averiamin aven
 modoghav ikia nimiram irivima,
 ni nan agharibar garima da ekiva uari
 isavsuiki.
 16 Nan amebam tighar na batamin
 dughiam,
 ni faragha nan ganigha gifa.
 Bar fomira, ki tighar nguazimin otivam,
 ki nguazir kamin ikiasa ni ifongezi
 moghin dughiaba ni da osirigha gifa.
 17 O God, ki manmaghira nin nighnizibagh
 fogogham?
 Nin nighniziba bar avirasemegha bar
 pin iti,
 ezi ki dagh foghamin tuaviba pu-
 vati.
 18 Ki nin nighniziba mengti,
 dar megemem mangi ongarimin gi-
 gibagh afiraghram.
 Ki akuigha uam osezir dughiamin,
 ni na ko ikiavira iti.
 19 O God, ni gumazir kurabav sueghti me
 arimighireghasa ki ifonge.
 Gumazir misoziba na atakigh.
 20 Gumazir kaba, nin ziam akar kurabar a
 migei.
 Egha pura nin ziam diborava, a
 gasighasisi.
 21 O Ikiavira Itir God, gumazir ni gifongezir
 puvatiziba, ki bar men aghua.
 Gumazir uari fa ni gasighasighasava
 amiba,
 nan navim me bagha bar ikufi.
 22 Ki bar guizbangira me gifongezir puvati.
 Ki garima me nin apanibar min iti.
 23 O God, ni nan navir averiam tuisigh

egh deragh nan nighnizim gifogh.
²⁴ Ni bar deragh na tuisigh egh deragh na gifogh,
 ifavarir arazitam ti nan nighnizimin ikiam.
 Nan akuragh nan aku,
 ikirimir zurara itimin tuavimin mangi.

140

Gumazim deragh uabin ganasa God ko migei

Devit onger akar kam osiri.
 A gumazir onger akabar faragha zuim giniughigha an osiri.
¹ O Ikiavira Itir God, ni nan akuraghti,
 gumazir kuraba ko midorozibagh amir gumaziba, na gasighasighan kogham.
² Me zurara uan navir averiabar aven arazir kurabagh nighnigha,
 zurara gumazamizibar tongin adaribagh amima,
 da otifi.
³ Men mizebar otivir akaba,
 kuruzir ataribar min bar ghumi.
 Me gumazibagh asighasighasa migeir akaba,
 men akatoribar ikia mati kuruzim imezir kuram an aven iti.
 (Ighiam gamua an suiam
 atugha avughsegħha ua
 iħġiam gami.)

⁴ O Ikiavira Itir God, ni deragh nan ganti,
 gumazir kurabar gavgavim na abiraghan kogham.
 Ni uan dafarimin na avaragħti
 gumazir misoziha na gasighasighan kogham.
⁵ Gumazir uari uan ziaba feba, nan suighasa na bagħ azuazim benir gavgavibar an īngariga a gura.
 Me asizimin min nan suighasa a isa nan tuavim gati.
 (Ighiam gamua an suiam
 atugha avughsegħha ua
 iħġiam gami.)

⁶ Ki Ikiavira Itir God migia ghaze, Ni nan God.
 O Ikiavira Itir God, nan ararem baregh nan akuragh.
⁷ O Ikiavira Itir God, ni nan Ekiam,
 ni gumazir bar gavgavir ekiam itim,
 ni nan akuragh ua na inigh.
 Ki faragħa apaniba ko misozi,
 ni na modozi ki deraghavira iti.
⁸ O Ikiavira Itir God, gumazir kuraba iniasa migeir biziba,

ni da me daningan marki.
 Egh arazir kurar me damuasa akabav sogheziba,
 ni dar damighti da guizin otivan marki.
 (Ighiam gamua an suiam
 atugha avughsegħha ua
 iħġiam gami.)

⁹ Apanir na ekiaruzir kaba uari fe.
 Ni me damighti me na abinan kogham.
 Bizar me na damuasava amiba,
 ni da otevkimighti da meraram otiv.
¹⁰ Ni dagħar isibar avim amadagħti a me giri men isi.
 Tarazi ni me isi torir konimin me kuniti
 me uam anangan tuaviba puvatigham.
¹¹ Gumazir akaba iħgaraz darazi gasiba,
 men akatam guizbangiram otogħan kogham.
 Kamaghin dera, gumazir misoziha,
 bizar bar kuratam me batogh bar me agifagh.
¹² O Ikiavira Itir God, ki fo, gumazamizir onganaraziba ni men akurvasi.
 Egha osimtiziba itir gumazamiziba,
 ni deragħha men osimtizibar gara me akirmisi.
¹³ Guizbangira, gumazamizir aghuiba nin ziam fi,
 zurara ni ko iki kamaghira ikiam.

141

Gumazir mam dimangan God ko migei

Devit onger akar kam osiri.
¹ O Ikiavira Itir God, ki datirighin nin azangsisi,
 ni zuamira nan akuragh.
 Ki uabin akurvaghħasna ni ko migei,
 ni nan azangszim barakīgħi.
² Ki guaratizibar ofa gami, ni migharir mugħuriar aghuim zuim barazi mogħin,
 ki ni ko migeir migirigħiaba, ni da baragh da iniasa ki ifonge.
³ O Ikiavira Itir God, ni deragh nan akatorim gan,
 egh ki migeir migirigħiaba ni ifongezi mogħin ki me mikimam.
⁴ Ni na ategħti nan navim arazir kuraba bagħ dikavan marki.
 Ki gumazir kuraba ko uariaku arazir kuratam damuan kogham.
 Ni na ategħti,
 ki me ko men isar kurabar ikian kogħam.

⁵ Gumazir aghuim nan apangkuvigh, arazir aghuim damusi nan atar fofozim na daningti,
kamaghin a dera.

Kamaghin, ki gumazir kuraba ko namakabar amuan kogham.

Ki zurara God ko migia ghaze,
a men arazir kuraba uam ada ikar vagham.

⁶ Gumazitaba gumazir kurar kaba inigh me gasighasichti,
me fogh suam, nan akam a bar guizbangira.

⁷ Me gumazir kurar kabar aghariba inigh,
Gumazamizir Oveaghuezibar
Nguibamin mozir torim mikanigham,
mati gumazim temer akuam abiaghaghizzi
an muziariba tintinimin ire.

⁸ O Ekiam, ni Ikiavira Itir God,
ki nighnizir gavgavim nin ikiavira ikia,
egha nin aven modi.

Ni deravira nan ganti
ki ovengan kogham.

⁹ Ni deragh nan ganti,
gumazir kuraba na bagha modogha
guizir azuazir katam na suraghan kogham.

¹⁰ Ni gumazir kurabar amighti,
me uari uan azuazibar guighiv iki.
Eighti ki puvatigham.

Ki bar deravira daruti,
bitezit na gasighasighan kogham.

142

*Gumazir mam uabin akurvaghaha God
ko migei*

Devit dagiar torimin aven ikia, ighiar kam osiri.

Me onger akar kam kamagh a dibori,
Maskil.

¹ Ki uabin akurvaghaha Ikiavira Itir Godin dei.

Ki an apangkuvim bagha pamten a
gaghovra a migei.

² Na bativir araziba ko osimtziba
ki bar dar gun a migei.

³ Tuavir ki mangamim, nan apaniba nan
suighasa azuazir mam gura,
ezi nan navim osemezi, ki ghaze, ki iku vigham.

Nirara, ki mangamin tuavim
ni a gifo.

⁴ Ki uabin boroghin gari, gumazir nan akur vaghamiba puvati.

Ezi gumazir nan gan na gehuvamiba
puvati.

Ki mongamin danganiba puvati.

⁵ O Ikiavira Itir God, ni nan akurvaghaha ki
nin dei.

Nirara ni nan eghuvir gumazim.

Ki kamaghin ifonge,
ki angamira ikiavira itir dughiam,
nirara na ko ikiam.

⁶ Gumaziba arazir kurabar na gamua egha
bar gavgafi,
ezi ki me abinasava amuava avenge.

Nan navim bar oseme.

Kamaghin, ki uabin akurvaghaha nin
dei,
ni na barakigh.

⁷ Ni osimtzir kamin aven uam na inighti,
ki an firighirigh egh deravira ikiam.

Ni bar deravira na gami.

Kamaghin, gumazamiziba uari akuvagh
ikiti,
ki men tongin nin ziam fam.

143

*Gumazir mam uabin akurvaghaha God
ko migei*

Devit ighiar kam osiri.

¹ O Ikiavira Itir God, ki ni ko migeir
migirigia bni da baragh.

Ni arazir aghuibaram amua, bar
guizbangira migia ifarir puvati.
Ki ni ko migeir migirigia bni
kuarim atigh da baragh.

² Gumazitam bar zuegha nin damazimin itir
puvati.

Kamaghin, ni uan ingangarir gumazim
isi kotian datigh a tuisighan marki.

³ Nan apaniba nan agintigha bar na abira.
Egha na isa kalabuziar danganir
mitatemin na atizi,
ki fomirama oveaghuezibar min iti.

⁴ Kamaghin nan nighnizim ikuvizi,
nan navim osemeha mamaghira iti.

⁵ Ki fomiram otivizir biziba uam a dagh niri.
Egha ni fomira ingarizir bizir aghuibira,
ki uam adagh nighnisi.

⁶ Kuarim na misingizi, ki dipatamara amasa
bar ifongezi moghin,
nan duam ni ko mikimasa bar ifonge.

(Ighiam gamua an suiam
atugha avughsegħha ua
ighiam gami.)

⁷ O Ikiavira Itir God, nan nighnizir gavgavim
iragħu.

Ni nan dimdiam baragh.

Ni uabi nan mongan marki,
ki ti ovegh mangi oveaghuezibar
nguibamin mangigham.

⁸ Ki nighnizir gavgavim min iti,
ni mizaraziba vaghvagh apangku-
vir ekiar nan itir kam bagh, na
mikimvira iki.

Ki uan navir averiamin aven ni baghavira
iti.

Kamaghin ki mangamin tuavim ni nan
sure damu.

⁹ O Ikiavira Itir God, ni nan akurvaghosa ki
ni bagha zui,
ni na modogh.

 Ni nan apanibar dafaribar uam na
 inigh.

¹⁰ Ni nan God, ki kamaghsua, ni deravira
 nan sure damuti,
 ki nin ifongiamra gin mangam.

Nin duam deravira na damuti,
 ki tuavir aghuimin mangam.

¹¹ O Ikiavira Itir God, ni uan ziar ekiam
 bangin,

 ni akam akirizi moghin ni uam na inigh.
Ni arazir aghuibaram ami.

 Kamaghin, ni nan osimtizir na ba-
 tivibar aven uam na inigh.

¹² Ki nin ingangarir gumazim, ezi ni bar nan
 apangkuvi.

 Kamaghin amizi, gumazir nan apanim
 gamiba ko na gasighasighasava
 amiba,

 ni me misueghti me bar

 arimighiregh.

144

*God atrivimin apaniba abirazi, an a
minabi*

Ighiar kam, Devit an osiri.

¹ Ikiavira Itir God, ni dagiar ekiamin min
 itima

 ki an aven modozi

 ni deragha nan gari.

 Kamaghin ki nin ziam fe.

 A midorozir arazibar nan aka.

² A dagiar ekiamin min itima, ki an aven
 modi.

 Egha dipenir gavgavim min itima, ki
 an aven iti.

Egha a nguibar gavgavim min ikia nan
 akurvasi.

 Egha nan oramin min itima,
 ki an uabi apazagha deragha iti.

Ki nighnizir gavgavim an itima,
 a na ko ikia nan akurvazi ki deravira iti.

 A gumazamizir igharazibagh
 amizi me nan apengen iti.

³ O Ikiavira Itir God, e gumazamizir kiniiba.

Manmagh amizi, ni e ginighnigha der-
 agha en gari?

E pura bizar kinibar min iti,
 ezi ni manmaghsua mighigha e
 ginighnisi?

⁴ E mati gumazim, uan akatorimin dughiar
 vamiran aminim givera.

 E dughiar bar otevimira ikiam,
 mati aruem isirazi nin nedazim
 dughiar otevimira ikegha
 ua zuamira puвати.

⁵ O Ikiavira Itir God, ni overiam abigh
 izighiri.

 Egh uan agharim mighsiabar
 amadaghti
 dar miturir ekiaba otiv.

⁶ Ni uan onimarim damighti a tagtagh,
 apanibar agiraghti me tintinibar aregh.

 Ni uan baribar me gasiti me aregh.

⁷ Ni uan dafarim amadaghti a izighiri, na
 gekuaghti

 ki dipar konir kaba ategh uam anaboka.
 Ni Kantrin Igharazibar Gumaza-
 mizibar dafariba da uam na
 inigh.

⁸ Gumazamizir kaba guizbangira migeir pu-
 vati,

 me akar ifavaribagh ami.

Me ifara uari isa pin uari arigha ghaze,
 me guizbangira migei.

⁹ O God, ki nin ziam fi egh ighiar igiatam
 bangam.

 Ki gitia misogh ni bagh onger akam
 damuam.

¹⁰ Ni atrivibar akurvazi

 me misogha uan apaniba abiri.

 Ki nin ingangarir gumazim Devit,
 ni nan akuraghha nan apaniba da uam
 na ini.

¹¹ Ni nan apanir pazavira na gamibar da-
 faribar, nan akuragh ua na inigh.

 Ni Kantrin Igharazibar Gumazamiz-
 ibar dafariba da uam na inigh.

Gumazamizir kaba guizbangira migeir pu-
 vati, me akar ifavaribagh ami.

Me ifara uari isa pin uari arigha ghaze,
 me guizbangira migei.

¹² E kamaghin ifonge, en otarir igiaba
 aghung mangi ekevegh,

 temebar min gavgavigham.

 Eghti en guivibar ganganiba bar deragham,
 mati Atrivimin dipenir ekiamin aven
 itir dipenir akinibar itir nedazir bar
 aghuiiba.

¹³ E uaghan kamaghin ifonge, en azeniabar
 dagheba bar mighighvira otiti,

en dagher peniba izivaghram.
 Eighti en sipsipba nguzir aviriba bati,
 mangi mamaghira ikiam.
 14 En bulmakauba otí mamaghira ikiam.
 Eighti dar nguzitam ikuvighan kogh,
 egh tam aremeghan kogham.
 E kamaghin aghua, e oraghti
 gumazitam o amizitam, osimtiziba ater
 tuangiva arangam.
 15 Gumazamizir God kamaghin deragha me
 gamiba,
 me bar akongegeh.
 Gumazamizir Ikiavira Itir God inizi, a men
 Godin min iti,
 me bar akongegeh.

145

*Ighiar Godin ziam fem**

Ighiar kam, Devit an osiri.
 1 Atrivim, ni nan God, ki nin ziar ekiam fam.
 Ki nin ziar ekiam pirafi mangivira
 ikiam.
 2 Bar guizbangira, dughiaba vaghvagh bar,
 ki zurara ni minamam.
 Egh ki zurazurara nin ziam pirafi mam-
 aghira ikiam.
 3 Dughiaba bar, Ikiavira Itir God bar ziar
 ekiam iti, e an ziar ekiam fi mam-
 aghira ikiam.
 E an gavgavim gifoghsı damuva aveg-
 ham.
 En nighniziba otefe.
 4 Ekiam, gumazamizir datirighin itiba, me
 gumazamizir gin otivamiba bizir ni
 amibar gun me mikimiva,
 nin ziam fam.
 Me arazarazir bar ekiar ni amiziba,
 me dagh eghanam.
 5 Faraghavira Itir Atrivir Ekiam, ki nin gav-
 gavim ko,
 nin atrivir araziba ko, ingangarir eki-
 abagh nighnigham.

6 Guizbangira, ki nin ziar ekiam itir bizibar
 gun mikimam.
 Gumazamiziba nin ingangarir gav-
 gavir ekiar ni amizibagh egharavira
 ikia,
 7 ghua nin arazir aghuim ko, nin
 apangkuvir arazim, gehbara
 onger akam bange.
 8 Ikiavira Itir God bar en kuarkuva e gi-
 fueghavira iti.
 A bar en apangkuvigha zuamiram en
 atarir puvati.
 Kar bar bizir ekiam.
 9 Ikiavira Itir God gumazamiziba bar men
 deragha,
 bizir a ingariziba sarama apangkufi.
 Bar guizbangira.
 10 Kamaghin, Ikiavira Itir God, bizir
 angamira itir ni ingariziba bar
 moghira nin ziam fam.
 Eighti ni baghavira itir gumazamiziba ni
 minamam.
 11 Me nin gavgavim gun mikim suam,
 ni biziba bar dagh ativagha dar gari, da
 bar dera.
 Ezi nin ziam bar pin iti.
 12 Nin ingangarir ekiar ni amiziba ko,
 ni biziba bar dagh ativaghamin arazim,
 me dar gumazamizibav kimti me
 fogh suam,
 ni ziar ekiam ko gavgavir ekiam
 iti.
 13 Nguazimin itir gumazamiziba ko,
 biziba bar,
 ni dagh ativagh dar gan mamaghira
 ikiam.
 Ni bizibagh ativaghamin arazir
 kam, givaghan kogham.
 God uan akar dikirizimin gin ghua biziba
 bar dagh ami.
 Arazir an amir kaba,
 a bar en apangkufi.

144:15: Onger Akaba 33:12 * **145::** Arazir Israelia gin ghua akaba osirir maba, da mong ighara. Hibrun akamin me 22plan letabar uan akaba osiri. Egha dughiar maba, me osirir akaba 22plan akuabar da bisi. Ezi dar akuar kaba, vaghvaghda dar akar faragha zuibar faragha zuir letaba, letan igharazim iti. Me ikitir igharazibar akar, Hibrun akamin daghizir dughiamin, me Hibrun akamin arazir kamin gin ghua dagh izir puvati. E fo, Aruamin akamin migirigia 21plan letaba iti. An letabar dibobonim mong Hibrun letabar dibobonim min ghu. Ezi kamaghin Aruamu Baibelin Onger Akabar Akinafarim sapta 145, e Hibru akamin arazir kamin gin ghua, a gira. Eighti ni gan fogham, a manmaghin mangam. Ni ighiar kamin ganti 21plan letaba ikiam, vezin faragha zuim, an migirigiar otevir faragha zuim, a leta A an iti. Namba 2 ves, an migirigiar otevir faragha zuim, a leta B an iti. Egha ighiar kam kamaghira ghua ves 21in oto. Ighiar kamin aven ves, 8 ko 9 aning ighiar kamin aven itir nighnizir ekiamin gun migei, kamaghin amizi leta I vezin kamning virara aningin iti, egha gavgavim nighnizir ekiar ighiar 145in itim ganidi. Hibrun akamin arazir kam kaghira itir puvati, me uaghan arazir kamra gin ghua akinafarir kaba uaghan a da osiri. Kar Azir Akam 1-5 ko Onger Akabar Akinafarim sapta 9, ko 10, ko 34, ko 37, ko 111, ko 112, ko 119, ko Aghuzir Akabar Akinafarim sapta 31. **145:8:** Diboboniba 14:18; Onger Akaba 103:8

¹⁴ Osimtiziba itir gumazamiziba, Ikiavira
Itir God men akurvashi.
Gumazamizir, men apaniba me
abiniziba,
Ikiavira Itir God ua me fava gav-
gavim me ganidi.

¹⁵ Pin garir angamira itir biziba, me nirara
gari.
Ezi mitiriaba men azir dugiabia,
ni men akurvaghha dagheba me
ganidi.

¹⁶ Ruarimin itir biziba ko, nguibamin itir
biziba bar,
ni dagheba me ganidi me apa izivagha
kuatigha iti.

¹⁷ Sin itir arazir aghuibara, Ikiavira Itir God,
dar girara ghua bizibagh ami.
Arazir an amir kaba,
a bar en apangkufi.

¹⁸ Te navir averiaba zuegha Ikiavira Itir
Godin dei,
a bar men boroghira ikiam.

¹⁹ Uaghan, gumazamizir an atiatia an apen-
gan itiba,
a bizir me ifongeziba bar da isi me
danningam.

A uaghan men arareba baragh
men akurvagh ua me iniam.

²⁰ Vezir kuram, Ikiavira Itir God a isi gu-
mazamizir arazir kurabagh amiba,
me danningiva,
bar me gasighasigham.

Egh gumazamizir bar a gifongeziba,
a bar me akumakum deragh men
ganam.

²¹ Zurazurara, ki Ikiavira Itir Godin ziam
fam.
Eghti bizir angamira itir a ingariziba,
me an ziam fi iki mamaghira ikiam.

146

*Ikiavira Itir God, men akurvazima, me
an ziam fe*

¹ E bar Ikiavira Itir Godin ziam feka!

Ki uan navir averiamin aven uabira uabi
migia ghaze,
ki Ikiavira Itir Godin ziam fam!

² Nan dughiar ki nguazimin ikiamimin, ki
an ziam fam.
Ki ighiaba bangi an ziam fi kamaghira
iki,
mangi uan ovevem batogham.

³ Ia uarir akurvaghs i nguazir kamin
atriviba ko, gumazir dapaniba, me
ginighnighan marki.
Me pura gumazir kiniba, me ian
akuraghan kogham.

⁴ Me arimighiregh pura ua nguazim gavagh,
bizir me damusa mikemeziba,
me dar amighan kogham.

⁵ Gumazitam nighnizir gavgavim Jekopin
Godin iki suam,
Ikiavira Itir God nan akuraghan,
gumazir kam bar akongegh.

⁶ God, overiam ko nguazim, ko ongarimin
ingarigha, dar itir biziba bar dar in-
gari.
God dugiabar zurara bizir a gun
mikemegha givazibar gin ghua dagh
ami.

⁷ A gumazamizir gavgaviba puvatiziba, de-
ragha me gamizi, me dera.
A mitiriaba aziba, dagheba isa me
ganidi.

A kalabuziar gumazamiziba firi,
me kalabus ataghiraghha azenibar izi.

⁸ A gumazamizir damazir okavrizibagh
amima, me datirighin ua gari.
Gumazamizir, men apaniba me
abiniziba, a ua me fava gavgavim me
ganidi.

Ikiavira Itir God, an damazimin derazi
adarasi,
a bar me gifonge.

⁹ Kantrin Igharazibar Gumazamizir en
nguazimin itiba, Ikiavira Itir God
deragha men gari.
Amizir paba ariaghireziba ko, borir
afeziaba ariaghireziba,
a me fava men akurvashi.
A gumazamizir arazir kurabagh
amiba, a men tuaviba apaghapaki.

¹⁰ Ikiavira Itir God, Atrivimin iki mam-
aghira ikiam.
Ia Saionin gumazamiziba,
ian God, a Atrivimin iki, zurara
ikivira ikiam.

Aleluia!

E bar Ikiavira Itir Godin ziam fam!

147

*En God ziar ekiam ikia gavgaviba bar iti
1 E bar Ikiavira Itir Godin ziam fam!*

E ighiabagh amua uan Godin ziam fer
arazim dera.
An ziam fer arazir kam a
guizbangirama bar dera.

² Ikiavira Itir God ua Jerusalemin nguibam
akirigha,

16 A ghuardiaba amadazi da iza avivkiabar min izaghira, nguazim avara.

17 An aisin amozir ofizir dagiabar min gariba amadazi, da izaghira ongarimin gigibar min nguazim giri.

18 Eghit gumazitam an amadazir orangtizir kamin ikiva avegham.

19 A uan arazir a ifongeziba ko, bizar a damuasa e mikemeziba isa Israelia ganingi.

20 Kantrin Igharazibar Gumazamiziba an Akar Gavgavir kabagh fozir puvati, kamaghin bizar kam, a me bagh a gamizir puvati.

Aleluia!

E bar Ikiavira Itir Godin ziam fam!

148

Overiam ko nguazimin itir biziba bar Godin ziam fi

1 Ia Ikiavira Itir Godin ziam fi!
Ia Godin Nguibamin bar pin iti darasi, ia an ziam fi.

2 Ia enselba, ia bar moghirama an ziam fi!
Godin Nguibamin itir midorozir enselba uaghan an ziam fi.

3 Aruem ko iakinim, gua uaghan an ziam fi!
Mikovezir angazangarir gavgaviba itiba, ia uaghan an ziam fi.

4 Godin Nguibarin bar pin itim, ni uaghan an ziam fi!
Dipar overiamin pin itiba, ia uaghan an ziam fi.

5 Ikiavira Itir God mikemezi bizar kaba otifi!
Kamaghin me bar an ziam fi.

6 A ubi mikemezi me uan danganibarama, otivigha iti.
Me dar iki kamaghira ikiva, an akabar gin mangam.

7 Ia nguazimin itir biziba bar, ia Ikiavira Itir Godin ziam fi.

Ia bizar kabanang.
Ongarir konimin aven itir kuruzir ekiaba ko osiriba ko

8 onimariba ko dagiabar min garir amozir ofizir ekiaba ko amoziba ko migharir piziba ko
aminir ekiar an Akar Gavgavibar gin zuiba,
ia bar Ikiavira Itir Godin ziam fi.

9 Ia mighsiar ekiaba ko mighsiar doziba,

ko temer oviziba itiba ko sidan temeba
ko,

¹⁰ ruarim ko nguibamin asiziba bar
moghira ko goaba ko kuaraziba,
ia bar moghira Ikiavira Itir Godin
ziam fi.

¹¹ Ia nguazir kamin itir atriviba,
ko kantriba ko gavmanin gumaziba ko

¹² gumazir igiaba ko amizir igiaba ko
gumazir ghuriba ko boriba,
ia bar Ikiavira Itir Godin ziam fi.

¹³ Bar guizbangira, Ikiavira Itir God, an
ziam bar ekevegha gumazamizibar
ziaba bar dagh afira,
egha an ziar ekiam bar pin ikia
nguazim ko overiam gafira.

Kamaghin amizi, biziba bar
moghira an ziam fi.

¹⁴ A bar Israelia gifonge.
Me bar an gumazamizibara.
Me bar an boroghira itima,
a me gamima me gavgavighavira iti.
Egha me bar an ziam fe.

Aleluia!

Ia Ikiavira Itir Godin ziam fi.

149

*Godin gumazamiziba uan apaniba
abiragh, an ziam fe*

¹ Ia bar Ikiavira Itir Godin ziam fi!
Ia ighiar igiam, a bagh a bangi.

Ia gumazamizir a baghavira itiba,
ia an ziam fasa misevezir dughiaba,
ia uari akuv ziar ekiam a daning.

² Ia Israelia, God ian ingari,
ezi ia an bizar kam bagh bar akongegh.

Ia Saionin nguibamin gumazamiziba,
ia uan atrivim bagh bar akongegh.

³ Ia ighiabar amuva an ziam fiva ighi.
Ia gitaba ko, tambarinbav sogh
an ziam fi.

⁴ Ikiavira Itir God uan gumazamizibagh
ifonge.

Gumazir uari abira igharaz darazir
apengan itiba, a men ziaba fava,
me gami me midorozim gamua
uan apaniba abiri.

⁵ Godin gumazamiziba uan apaniba ko,
midorozim gamigha me abiragh
gifa.

Me datirighin bar akongegh.
Me dimagariba sara uari akuvir
dughiabar,
me God bagh bar akongezir ighi-
abar amu.

⁶ Me pamtem dimiva Godin ziam fi.

Me midorozir sabar ghumtiziba uan
dafaribar da suikigh.

⁷ Egh kantrin igharaziba akirsí misogh,
mizazim me gasi me abinigh.

⁸ Apanibar gumazir dapaniba ko atriviba,
me senin ainin ingarizibar me
ikegham.

⁹ Me God osirizi moghira me damuam.
Godin gumazamiziba arazir kam-
naghira damu, uan apaniba akiram.
God baghavira itir gumazamizir kaba,
arazir kamra damu,
uan apaniba abinigh ziar ekiam iniam.

Aleluia!

Ia bar Ikiavira Itir Godin ziam fi!

150

Godin ziam fer ighiar abuananam

¹ God uan Dipenimin itima, e an ziam fam.
A gavgavir bar ekiam ikia uan
Nguiabamin itima,
e an ziam pirafam.

² A bar bizar ekiabagh ami.
E ziar ekiam a daningam.

A bar faraghavira ikia, an ziar ekiam bar
pin mar iti.
E an ziam fam.

³ E sighabagh iviva, dibiariba ko gitabav
sogh,
Ikiavira Itir Godin ziam pirafam.

⁴ E tambarinbav soghiva, ighi an ziam fam.
E gitan avirir igharaghha garibav
soghiva, itabagh iviva ziar ekiam a
danningam.

⁵ E brasin itaribav soghti da bar puvirama
arangti,
e Ikiavira Itir Godin ziam fam.

⁶ E bizar bar angamira itiba,
e bar Ikiavira Itir Godin ziam fam.

E bar Ikiavira Itir Godin ziam fam!
Aleluia!

Dabirabir Aghuimin Aghuzir Akaba O Aghuzir Akaba Akar faragha zuim

Israelia akar bar otevir isingtizir gumazamizibar ikirimirim akir dabirabir aghuimin men akakaghambigah ifonge. Akar otevir kaba me Ingilisin akamin kamagh da dibori: ol Provep. Dabirabir Aghuimin Aghuzir Akabar akinafarir kamin aven, me akar otevir avirir kaba, kar Israeliyan tisaba gumazamizir igiabbar sure gamiba. Dughiar maba, e Aruanin gumazamiziba kamagh dibora ghaze, Aghuzir Akaba.

Bizir bar faragha zuir dabirabir aghuimin me daningam, me kamagh a dibori, nighnizir aghuimin ko fofozir aghuimin. Akinafarir kam, kamaghin en aka, nighnizir gavgavim Ikiavira Itir Godin itir arazim, ko an atiatia an apengan itir arazimra, aming nighnizir aghuimin ko fofozir aghuimin mingarim.

Akinafarir kamin averiam, dabirabir aghuimin migirigar aviriba en aka. A e uan amuiroghboriba ko deragh dapiamin tuavim en akaksi. Egha dagiar ingangaribar amu igharaz darazi ko deragh dapiamin tuavim en aka. Igiabbar akar bar aviriba iti, me da baragh egh gumazir uari fa orazir puvatiziba ko daruan kogham. Kamaghin dera, e uarira uari abinigh gumazamizir onganarazibar akurvagh.

Akinafarir kamin otevir maba, Godin Akar Gavgaviba, gavgavim dagh anidi. Ezi akar maba fofozir gumaziba uari da gara dagh fo, da en ikirimirim an akurvaghaha, ezi me dar gun migei. Me migirigar kaba bar da isa akinafarir kamin da osiri, eghti da dabirabir aghuimin en akakaghram.

Nighnizir aghuim, a bizir bar aghuim

(Sapta 1-9)

Akinafarir kam a gumazamiziba bar men akurvaghgam

¹ Akinafarir kam a Solomonin aghuzir akar otevir aghuiba an iti, a Devitin otarim, a Israeliyan atrivim.

² Egh akar kaba, nighnizir aghuim e daningiva, egh uaghan en sure damuam.

Eghti e mingariba izivazir akaba, deraghviria dagh fogham.

³ Egh akinafarir kamin itir akaba, dabirabir aghuimin tuavim, en sure damuam. Eghti e arazir aghuimin gin mangiva, egh gumazamiziba bar deragh me damuva, arazir magh garimin bar me damuam.

⁴ Eghti gumazir fofozir muziariba itiba, akar kam men akurvaghti me nighnizir aghuiba iniva, egh fofozir aghuimin gumazamizir igiabbar aningti, me deragh tuaviba tuisighamin arazim gifoghiva egh tuavir aghuimin gin mangam.

⁵ Eghti akinafarir kam gumazir fofoziba itiba bar men akurvaghti, me fofozim inivira ikiam.

Egh gumazir nighnizir aghuiba itibar sure damuti, me tuavir aghuimin gin mangisi nighnigham.

⁶ Egh akar kam men akurvaghti, me aghuzir akaba ko akar isin zuibagh fofozhiva, egh gumazir fofozibar akar aghuiba ko akar mogomebagh fofoham.

⁷ Eghti ni nighnizir aghuim inisi, ni faragh Ikiavira Itir Godin apengan iki an atiating.

Ezima gumazir nighnizir aghuiba puvatiziba, me fofozir aghuiba ko suren akaba inian aghua.

Gumazamizir igiabbar sure damuamin akaba

⁸ Nan borim, ni uan amebam ko afeziamin aghuzir akaba baragh egh aningin akaba batoghan marki.

⁹ Eghti aningin akaba ni damuti nin dabirabim ganganim deragh, mati ni adisir aghuim gami, ezi nin gananim dera.

¹⁰ Nan borim, arazir kurabagh amir gumazamiziba arazir kuram damusi ni gaghoti, ni men akam baraghan marki.

¹¹ Eghti kamagh garir gumaziba kamaghin mikimam, "Ni izi, e mangi tuavir miriamin muegh ganam. Eghti gumazir manaba iziti, e me misuegħti me arimighiregham.

Gumazir manaba iza uarir akurvaghmin tuaviba puvati, e uan ifongiamin gin mangi pura me misuegħti me arimighiregham.

¹² Me angamira ikivira iki iziti, e zuamiram otivighiva me misogħti me arimighiregham, mati ovevem gumazamiziba bativi me ariaghha Gumazamizir Oveaghuezibar Nguibamin għuaghiri.

¹³ Egh e gumazir kabar bizir aviriba initi
da bar en dipenibagh izivagham.

¹⁴ Ni izi en akuragh,
egh e koma bizir aviriba iniam."

¹⁵ Nan borim, kamagh garir gumaziba ko
daruan marki,
men saghuiamin ikiva egh men gin
mangan marki.

¹⁶ Kamagh garir gumaziba zurara arazir
kurabar amuasa bar ifonge.
Egha zurara gumazibav soghti me
arighirasava ami.

¹⁷ E fo, kuaraziba nighnizir aghuiba ikia
garima, gumazim da bagha ivem
arisi, ezi da kamaghin garava ara zui.
Ezi kamaghin amir gumaziba nighnizir
aghuiba puvati, me iveauz kuram
arimangamin nighniziba puvati.

¹⁸ Ezi kamagh garir gumaziba uari uari
bagha azuaziba adui,
da me misoghti me arimighiram.

¹⁹ Ezi gumazir misogha okeba, me arazir
kamin gin zui, me arimighiram.
Bizir me okeba, da me gasighasigham.

*Gumazir nighnizir aghuimin gin zuir pu-
vatiziba, me osimtizir ekiaba bativam*

²⁰ Nighnizir aghuim, a mati amizim tu-
avibar biziba amaga dagh iveauz dan-
ganibar tuvav ikia
gumazamizibar dei.

²¹ Egha a gumaziba danganir uari aku-
vim ko, gumazamizir aviriba itir dan-
ganibar tuvav ikia,
egha kamaghin dei,

²² "Ia gumazamizir nighniziba puvatiziba,
ia zurara kamaghira ikiasi, a? Ia
gumazamizir organiba!

Ia fofozir aghuim inian aghuagha egha
dibovibar a migei. Ia manadizoghin
arazir kam ataghiraghram?

²³ Ia oragh! Ki akar gavgavimra ia migei, ia
uan arazir kuraba atakigh.
Ki ian sure damuva egh nighnizir
aghuiba ia daningam, eghzi ia nan
akamin gin mangi.

²⁴ Ia na bagh izasa ki uan agharim
amadagha ian dei.
Ezi ia aghuagha izezir puvati.

²⁵ Ki ia akirasa migei, ezi ia aghua.
Egha ia bar moghira akirim ragha nan
akam gasara.

²⁶ Eghzi osimtizir ekiam ia batoghti ia iku-
vighamin dughamin,
ki uaghan bar puviram akiva, dibovir
akabar ia mikimam.

²⁷ Dughiar kuram zuamiram otogham, mati
aminir gavgavir kuram bizibagh
asighasiasi.

Eghzi osimtiziba ko mizaziba ia batogh
ia gasighasigham, mati aminir bar
ekiam oto.

²⁸ "Dughiar kam in ia uarir akurvaghs i nan
dimti, ki oreghan kogham.
Ia na buriva, egh ia nan apighan
kogham.

²⁹ Guizbangira, ia fofozir aghuim batoke.
Egha Ikiavira Itir Godin apengan iki an
atiatingan aghua.

³⁰ Dughiar ki ia akirasava amim, ia akirim
ragha na gasara.
Egha nan akar aghuim batoke.

³¹ Kamaghin amizi, ia datirighin uan arazir
kurar ia amiba bagh
ivezir bar kuram iniam, mati gumazim
dagher kuram amega puviram arei.

³² Ezi gumazamizir nighnizir aghuiba
puvatiziba, zurara akiribagh igha
na gasi, ezi men arazir kam me
misozima, me ariaghiri.
Me ghaze, me bar bizibagh fogha gifa,
egha me mati gumazir organiba.
Ezi men nighnizir kam meraram
asighasigham.

³³ Ezi gumazamizir deraghvira nan akam
baraziba, me deraghvira ikiam.
Egh osimtiziba men puvatighti, me ati-
atingan kogh, egh me fogham, bizir
kuratam me batogham kogham."

2

*Gumazir nighnizir aghuimin gin zuiba
deraghvira ikiam*

¹ Nan borim, ni nan akam baragh,
egh deraghviram nan akar gavgaviba
isi uan navim datigh. Nan akar kaba
bar pin ko.

² Egh nighnizir aghuim anidir akaba
baragh.
Egh ni fofozir aghuim inisi pamten in-
gar.

³ Egh ni nighnizir aghuim ko fofozir aghuim
bagh azangsichti aning ni bagh izam,
mati ni uabin akurvaghaha gumazir
mamin dei.

⁴ Egh ni nighnizir aghuim bativsi pamtemin
ingar, mati gumazim silvan
nguazimin even itim a buri,
egha mati gumazim bizir aghuir mon-
geziba, a da buri.

- 5 Egh ni bizir kabar amuva, egh ni Ikiavira
Itir Godin apengan ikia an atiatir
arazim bar a gifoghiva,
egh ni bar deraghvira God gifogham.
- 6 Guizbangira, Ikiavira Itir God uabi
nighnizir aghuim e ganidi.
Egha a fofozim ko deraghha nighnizir
arazim mingarim.
- 7 Egha a gumazamizir arazir aghuibar gin
zuiba, nighnizir aghuiba me ganidi.
Gumazamizir deraghaviram aruiba,
a bar deraghavira men garima me
osimtziba puvati.
- 8 God gumazamizibar gari, me gumaza-
mizir igharaziba deraghha arazir
magh gariba me gami, ezi a deravira
men gara men akura.
Egha gumazamizir an tuavimin gin
zuiba, a deravira me gegrufi.
- 9 Nan borim, ni nan akam bareghiva, egh
nighnizir aghuimin gin mangiva,
egh tuavir aghuir ni mangamim a
gifogham.
Egh ni arazir aghuim gifoghiva,
egh uaghan arazir magh garimin
gumazamizibar amuamin arazim
gifogham.
- 10 Egh ni nighnizir aghuir aviriba iniva,
ni uan fofozim bagh bar akuegham.
- 11 Ni deragh tuaviba tuisighamin arazim
gifoghiva egh tuavir aghuimin gin
mangam.
Eighti arazir kam, deravira nin ganam,
mati ni divazimin aven deravira iti.
Eighti fofozir aghuim ni gegrufi.
- 12 Eighti nighnizir aghuim nin akurvaghti,
ni gumazir arazir kurabagh amiba ko
akar kurabav geibar gin mangan
kogham.
- 13 Gumazir kaba tuavir aghuim ategha
tuavir mitatem zui.
- 14 Egha me arazir kurabar amuasa bar
akonge.
Egha arazir me amizir kam, me a bagha
bar ifonge.
- 15 Gumazir kaba ifarava,
men araziba bar ikufi.
- 16 Eighti gumazir igharazimin amuim ni
ko dakusi apezeperir akabar ni
mikimam,
eghti nighnizir aghuim nin akuraghti ni
an akam baraghan kogham.
- 17 Kamagh garir amizim, fomira uan
igiamra pamin ike, egha datirighin
a gin amadagha anetaki.

- A fomira Godin damazimin dikirizir
akam datirighin a bakinighniki.
- 18 Ni amizir kamin gin an dipenimin ghua,
kar ni ovever tuavimin zui.
- 19 Gumazir a bagha zuiba, me ua izir puvati.
Me ikirimir aghuim bagha zuir tu-
avim ataki, egh ua izeghan kogham.
- 20 Kamaghin amizi, ni nighnizir aghuim
ikiva,
egh ni gumazir aghuibar tuavimin
mangi, egh arazir aghuibar gin
mangi.
- 21 Eighti gumazir aghuiba en nguazimin
ikiam.
Eighti arazir kuraba puvatizir gumaziba
kagh iki mamaghira ikiam.
- 22 Eighti gumazim uan azenimin ogheba asi
moghin,
God gumazir arazir kurabagh amiba
asigh me batuegham.

3

*Nighnizir aghuim dabirabir aghuim ni
daningam*

- 1 Nan borim, ki nin sure damuamin akar
gavgavir kam ni a bakinighnighan
marki.
Ni zurara a ginighnigh a damu.
- 2 Ni akar kamin gin mangiva, egh ni dughiar
ruarimin nguazimin ikiva,
bar deraghvira daperagham.
- 3 Egh ni gumazir igharazibagh ifongezir
arazim ko, igharaziba ko poroghav
itir arazim ataghiraghan marki.
Egh ni arazir kamin gin mangiti, a mati
kurukazir aghuimin min nin firimin
ikiam. Egh ni deraghvira arazir kam
isi uan navim datigh.
- 4 Egh ni kamaghin damigh, God ko gu-
mazamizibar damazimin ziar ekiam
iniam,
eghti me ni gifongegham.
- 5 Ni nighnizir gavgavim Ikiavira Itir Godin
iki.
Egh kamaghin nighnighan marki, nan
fofozimra nan akurvagham.
- 6 Bizir ni bar amiba, ni Ikiavira Itir Godra
nighnigh egh dar amu,
eghti a tuavir aghuir ni mangamimra
nin akagham.
- 7 Ni suam, nan fofozimra a guizbangin
bizim. Puvati.
Ni Ikiavira Itir Godin apengan ikiva an
atiating, egh arazir kuraba akirim
ragh dagh asaragh.

- ⁸ Ni kamaghin damuti, arazir kam bar deraghvira nin akuraghgam,
mati marasin nin mikarzimin akurvazima, ni deraghavira iti.
- ⁹ Egh ni uan azenimin faragha mitighizir dagheba inigh ofan min da isi Ikiavira Itir God daningigh,
egh uaghan biziba ko dagiaba abigh God daning, egh bizar kamin ziar ekiam God daningam.
- ¹⁰ Egh ni kamaghin damuti, Ikiavira Itir God nin azenibar daghebar amuti da otiv, dagher aviriba ikiam.
Eghti ni uan dagher dipenibar aghuti da izivaghti, nin wainin mineba wainin dipam bar izivagh egh fasfaghgam.
- ¹¹ Nan borim, Ikiavira Itir God arazir kurar manam bagh ni akirti, ni osimiva egh ataran marki.
- ¹² Guizbangira, gumazamizir Ikiavira Itir God ifongeziba a me akirmisi, mati afeziam uan otarir a bar ifongezim akiri.
- ¹³ Gumazim nighnizir aghuim ko fofozim ini, a bar akongeagh.
- ¹⁴ Guizbangira, nighnizir aghuim bar deragha silva ko gol gafira.
- ¹⁵ Nighnizir aghuim, dagiar aghuir bar pin koziba bar dagh afira.
Egha uaghan bizar ighazariz ni bar ifongeziba bar dagh afira.
- ¹⁶ Nighnizir aghuim nin akurvaghti, ni dughiar ruarinin nguazimin ikiam.
Egh ziar ekiam ni daningiva egh bizar aviriba ni daningam.
- ¹⁷ Nighnizir aghuim zurara nin navim damutti an amiragh ikiam.
Egh nin dabirabim damuti a deraghviram otogham.
- ¹⁸ Nighnizir aghuim, mati temer ikirimirir aghuim anidimin min iti.
Kamaghin, gumazir nighnizir aghuimin suiraziba, me ikirimirir aghuimin ikia egha bar akonge.
- ¹⁹ Ikiavira Itir God nighnizir aghuimin nguazir kamin ingari, egha a fofozir aghuimin overiamin ingari.
- ²⁰ Egha nighnizir aghuimin dipar ekiar nguazir averiamin itim gamizi an akariaghviriga anabo.
Egha ghuardabagh amima, da uari akuvima amozim izi.
- ²¹ Nan borim, ni bar deragh gan, egh uan nighnizir aghuim ko tuaviba tuisizir arazimin suiragh gavgavigh, egh tuavir aghuimin gin mangi. Ni aning ataghiraghan marki.
- ²² Nighnizir aghuim ko fofozim ikirimirir ruarin ni daningiva, egh kurukazir aghuimin min nin firimin ikiam.
- ²³ Eghti ni deraghvira tuavimin mangiti, bizitam nin dagarim mitighti ni irighan kogham.
- ²⁴ Egh ni akuir dughiamin ni atiatingan kogham.
Ni bar deraghvira dakuam.
- ²⁵ Eghti dughiar kuram zuamiram otogh gummazir kurabagh asighasighti, ni atiatingan marki.
Dughiar kamagh gariba izam, mati amozir dafaba ko aminir gavgaviba izi, eghti ni nighnizir aviribar amuan marki.
- ²⁶ Ni fo, ni nighnizir gavgavim Ikiavira Itir Godin iki, eghti a ni ekiarugh egh nin ganam, eghti apaniba uan ivebar ni inighan kogham.
- ²⁷ Eghti gumazitam bizitam puvatigh egh uabi daningisi nin azangsighti, ni kamaghin mikiman marki, "Puvati."
Ni a damuamin tuavim ikiti, ni a daningigh.
- ²⁸ Eghti ni uan namakamin akurvaghamin tuavitam ikiva, ni datirighin an akurvagh. Ni kamaghin a mikiman marki, "Ni tong orarkegh.
Ni gurumzaraghan iziti, ki ni daningam."
- ²⁹ Nin namakar nin boroghira itiba, ni pazi me damusi nighnighan marki.
Me kamaghin nighnisi, ni men namakar aghuim.
- ³⁰ Ni gumazir arazir kuratam ni gamizir puvatir tam, ni puram an atar akabar a gasan marki.
- ³¹ Ni igharaz darazigh asighasisir gumazimizbar ganiva men biziba bagh navim dikavan marki.
Egh ni men tuavimin gin mangan marki.
- ³² Guizbangira, Ikiavira Itir God ubagi gumazir arazir kurabagh amibagh ifongezir puvati.
Egha gumazir aghuiba, a me gifuegha egha men boroghira izi.
- ³³ Ikiavira Itir God ghaze, gumazir kuraba uan amuiroghboriba sara bar arighiregham.

- Egha a gumazir aghuiba uan amuiroghboriba ko deraghavira me gamua, egha men gari.
- ³⁴ Gumazir uari fava dibovir akabar ighazar daraziv geiba, God dibovir akaba me mikim me ikarvaghram.
- Egha gumazir uan ziaba dikabiriba God bar deravira me gami.
- ³⁵ Gumazamizir nighnizir aghuiba itiba, ziar ekiaba iniam.
- Eghzi gumazamizir nighnizir aghuiba puvatiziba, me uari uan ziabagh asighasigh aghumsigham.

4

Ia fofozir aghuim ko nighnizir aghuim inigh

- ¹ Nan boriba, ki ian afeziam, ia bar deraghvira nan aghuzir akam baragh, egh ia mingariba izivazir akaba, deraghvira dagh fogham.
- ² Aghuzir akar ki ia ganidir kam, a bar dera, eghzi ia an suiragh gavgafagh.
- ³⁻⁴ Nan amebam borir ighazariz tam batezir puvati, a nararam ote, egha a bar na gifonge.
- Ezi ki aghirimra itir dughiamin uan afeziamin dipenimin itima, a nan sure gamigha kamaghin na migei, “Nan akam deraghviram a inigh uan navim datigh, egh an gin mangi, egh ni bar deraghvira ikiam.
- ⁵ Ni nighnizir aghuim ko fofozir aghuiba inigh.

Egh ni nan akam batogh a bakinighnighan marki.

- ⁶ Ni nighnizir aghuim ataghiraghan marki. Ni bar a gifongegh, eghzi a bar deraghvira ni geghuvam.

- ⁷ Nighnizir aghuim, a bar bizibar faraghvira iti. Guizbangira, ni gin bizir ighazariz aviriba iniam, ezi nighnizir aghuim a bar dagh afira, ezi ni a inisi pamtem ingar.

- ⁸ Ni nighnizir aghuim gifuegh pamtemin an suiragh, eghzi a ziar ekiam ni daningam.

- ⁹ A kurukazir aghuimin min nin dapanimin iki, egh a mati atrivimin dapanirasuamin min ikiam.”

Tuavir aghuim ko tuavir kuram

- ¹⁰ Nan borim, ni bar deraghvira nan akam baragh, egh ni dughiar bar ruarinmin ikiam.
- ¹¹ Ki nighnizir aghuimin nin sure gami, egha nin akua tuavir aghuimin zui.

- ¹² Ni tuavir kamin mangiti, bizitam nin tuavim apirighti ni irighan kogham.
- ¹³ Aghuzir akar aghuim, a nin ikirimrimin mingarim. Kamaghin ni zurara an suiragh deraviram a geghuv, egh anetaghiraghan marki.
- ¹⁴ Ni gumazir kurabar tuavimin mangan marki, egh men arazibar gin mangan marki.
- ¹⁵ Egh ni bar moghira tuavir kam gitagh, akirim a gasaragh mangi bar an saghon iki.
- ¹⁶ Gumazir kuraba arazir kuratam damusi nighnigh egh dakuighan kogham. Me arazir kuratam gumazir igharazitam damighvirama, egh me deraghvira dakuam.
- ¹⁷ Arazir kuram ko arazir gumazir igharaziba paza me gamim, aning mati men daghem ko dipar me apimning.
- ¹⁸⁻¹⁹ Gumazir kurabar tuavim mitarmer bar ekim min iti. Gumazir kaba tuavir kamin ghua irava fozir puvati, bizar manam men dagaribav tifi.
- Ezi gumazir aghuubar tuavim mati aruem anaga isiragha, angazangarim bar ekevegha ghua aruer arizimin tu.
- ²⁰ Nan borim, ni deraghvira kuarim atigh nan akam baragh.
- ²¹ Ni akar kam deraghviram an suiragh. Egh a isi uan navim datigh.
- ²² Ni nan akam inigh, eghzi akar kam ikirimrim aghuim ni daningti nin mikarzim ghuamagheghti, ni bar deraghvira ikiam.
- ²³ Ezi nighnizir aghuir nin ikirimrim akakazim, a nin nighnizim otifi. Kamaghin amizi ni zurara uan nighnizim deraghviram an gan.
- ²⁴ Ni akar ifavariba ko akar kurabav mikiman marki.
- ²⁵ Ni tuavir ni mangamimra deraghviram an gan. Egh ni tintinimin ganan marki.
- ²⁶ Ni faragh deragh nighnigh, egh gin mangi bizibar amu. Eghzi nin araziba bar deraghviram otivam.
- ²⁷ Ni zuir tuavir aghuim, ni anetaghiraghan marki.

Egh ni agharir guvim ko ikiriamin gin mangi arazir kuratam bar a damuan marki.

5

Ni gumazir igharazimin amuim oke-megh a ko dakuan marki

¹ Nan borim, ni deraghvira kuarim atigh nan akam baragh.

Ki nighnizir aghuim ko fofozir aghuim ni daningasa.

² Eighti ni deragh tuaviba tuisighamin arazim gifoghiva egh tuavir aghuimin gin mangam.

Eighti nin migirigiba mati gumazim fofozir aghuim ikia migei.

³ Ni fogh, amizitam uan pam ategh, ni gakuegħsi, a ni apezeperiva akar aviribar ni mikimiva egh ni gekuigham.

Eighti an akaba zuimin min bar isingigham.

⁴ Eighti ni an migirigabar gin mangighiva, gin an akabagh nighnighti da bar nin ikuvigham.

Amizir kamin akaba mati ni marasinin misozim ame. Egha u aghan mati midorozir sabamin min ni ginifi.

⁵ Ezi amizir kamagħin amim, a nin akua Gumazamizir Oveaghuezibar Ngubamin zui. Kar oever tuavimra.

⁶ A ikirimmir aghuimin zuir tuavimin mangasa nighnizir puvati.

A kamagħin fożir puvati, a tuavir kuarim ghua pura zui.

⁷ Nan boriba, deraghvira kuariba arighiva nan akam baragh, ia akar kam bakiñighnigan marki.

⁸ Ni bar amizir kamagħin amimin sagħon iki.

Egh ni an dipenimin tiar akamin borogħin mangan marki.

⁹ Ni a bagħ mangiġ, egh uan ziar aghuim gasighasigham.

Eighti an pam nin apangkuvighan kogħam. A ni misuehti ni uan igħamram ovegham.

¹⁰ Bixiż aghuir ni pamtem ingara iniziba, da gumazir igharazibar dafaribar mangiġħam.

¹¹ Eighti arimariam ni inighti ni bar agharim guragħam.

Egh ni ovengamin dugħiham, ni dakozim min iriġiħ iki mizazim iniva arangam.

¹² Egh ni kamagħin mikimam, “Ki bar ongani. Ki manmagħsua otuegħha aghuzir akabar aghħua.

Me na akirasa migeir akaba, ki da baraghān aghħua.

¹³ Gumaziba aghuzir akabar na migei, ezi ki men akaba barazir puvati.

¹⁴ Ki datirighin bar mogħira ikufi, egha gumazamizbar damazibar aghumsiki.”

¹⁵ Ki ua ni migei, ni gumazir igharazimin mozir dipam aneman marki.

Ni uan amuimra ko iki, egh anarira ko daku, mati gumazim uan mozir dipamram api.

¹⁶ Ni amizir igharaziba ko dakuti, me boriba bategti, borir kaba gin nin akuraghan kogħam.

Nin amuimra ni bagħ boriba bat.

¹⁷ Ni amizir igharaziba ko dakuti, nin boriba nin akurvaghan kogħam.

Me gumazir ni fożir puvatizbar akurvaghan. Arazir kam ikufi, nin boribba, ni ko iki.

¹⁸ God nin amuim deraghviram a damuti, a mati nin mozir dipam, eghi ni a bagħ bar akuegham.

¹⁹ An ganganim bar derażi an araziba bar aghħungi.

Egha bar ni gifonge, kamagħin amizi ni zurara a ginighnighiva, egh bar a gifongegħ. Egh ni zurara an otemningiñ bagħ bar akongegħ.

²⁰ Nan borim, ni manmagħsua gumazir igharazimin amuim ginighnighvira ikia a gifuegħha, an otemningiñ suighħasa?

Arazir kam bar ikufi.

²¹ Ni fogħ, Ikiavira Itir God ni amir biziba a bar dar gari, egha bar deraghvira nin arazibar gara dagh fo.

²² Gumazimin arazir kuram, ivemin mirara an sura, egha mati benimin min a ikiaghrik.

²³ Kamagh amir gumazim, a uan ifongiem dikabirir puvatigha arazir bar onganim gami, eghi an arazir kamnning a misuehti an aremegħam.

6

*Kar arazir maba,
ni dar gin mangan marki*

¹ Nan borim, gumazitam gumazir igharazitam da puram an bizzim ini, egh tħiġi uam a ikarvaghan, ezi ni a ko akam akirigha givagħha ghaze,

“Ni a ikarvaghan iburagħti, ki ni bagħ a ikarvaghan.” Nin arazir kam bar derażir puvati.

- ² Nin akar dikirizir kam nirara ikiaghariki, mati ni ubi ivem agurazi a nin suira.
- ³ Nan borim, ni gumazir kamin apengen itima, a ni ikiaghariki. Kamaghin ni iver kam zuamiram an azenim girigh.
- Ni ua mangi a mikemegh, gua akar dikirizir kam ua anekirigh ni firighirigham. Arazir kam nin ziam abirazi ni aghumsisi. Pura bizim. Ni mangiva anekirigh.
- ⁴ Ni avughsı dakusi nighnighan marki, ni zuamira mangi.
- ⁵ Ni iver kam firigh, mati asizim o kuarazim ivemin ubi frigha arav ghu.
- ⁶ Ia gumazir amiraziba, ki kamaghin ia mikimasa.
Ia mangiva sibabar araziba deraghvira dar ganigh, egh nighnizir aghuim inigh.
- ⁷ Sibaba, da gumazir dapaniba ko gumazir men faragha zuiba ko gumazir me gativagh men ganamiba, bar puvati.
- ⁸ Ezi dagher aviriba itir dughiamin, sibaba dagheba akufi, egha dagheba otevir dughiam bagha da arisi.
- ⁹ Ni gumazir amirazim, ni dughiar ruarin min akui.
Ni manadizoghin uan misiam ategh dikavam?
- ¹⁰ Ezi ni ghaze, "A dera, ki tong dakuigham. Ki dughiar ovezimin tong avughsegħ iki mangi egh gin ua dikavigham."
- ¹¹ Ni kamaghin damuti, nin biziба ko dagheba zuamira givagħti, ni gumazir onganarazibagh amim min otogħam.
Mati okimakiar gumazim nin biziба bar da okeme.
- ¹² Gumazir kuraba puram arua ifavaribagh ami.
- ¹³ Egha me deraghvira uan akabar bighavira migeir puvati.
Me uan namakabagh ifarasa arazir igharagħa garibagh amua, uan damaziba ko dafariba, ko suebar araziba akakasi.
- ¹⁴ Egha me zurara navimin aven ifavarib nighnizibagh amua arazir kurabar amuasa nighnisi, egha gumazibagh amima me gumazir igharazibar aningazi.
- ¹⁵ Eighti osimtizir ekiam zuamira me batogħam, egh me gasighasigham.
- Eighti me ua deragħamin tuaviba puvatigham.
- ¹⁶ Ikiavira Itir God 7plan arazir kurar kabar amuan anogoregħa bar dar aghua:
- ¹⁷ Gumazir ubi ubi fem, gumazir igharazibar għara ghaze, me pura biziba.
- Gumazir akar ifavaribav geim.
Gumazir pura gumazir igharazibav sozi me ariaghixim.
- ¹⁸ Gumazir arazir kuram damuasa nighnizim.
Gumazir zuraram arazir kuram damuasa ivemarim.
- ¹⁹ Gumazir kotiamin aven ifavarir akabav geim.
Gumazir aveghbuabagh ami me uarir aningazim.
- Ni gumazir igharazimin amuim ko dakuun marki*
- ²⁰ Nan borim, ni uan afeziam ko amebamin akar gavgaviba baragh, egh da bakiñighnien marki.
- ²¹ Ni aningen akaba inigh uan navim datigh, egh zurara dar ġin mangi, eighti da nin firimin kurukazir aghuim min ikivira ikiam.
- ²² Ni daruamin dughiamin, akar kam tuavim min akakagħam.
Egh ni dakuamin dughiamin, akar kam min ganam.
Egh ni dikavamin dughiam, akar kam nighnizir aghuim ni daningam.
- ²³ Akar Gavgavir kaba, mati lamen angazgarim, tuavim min akakagħam.
Aningen akaba min dabirabir aghuim bagħha ni migei, egha ni akiri.
- ²⁴ Aningin akaba min akurvagħti, ni gumazir igharazimin amuimin apezeperir akam baraghan kogħam.
- ²⁵ Ni amizir munamin mikarzir għanġi a għakongan marki. A nin ganīva ni geku uqġi ni a bagħ man-gan marki.
- ²⁶ Gumazitam tuavimin amizim koma akua arazir kuram gami, a iverz ekiam damuan kogħam, mati dagħer mużiari min ivezim.*
Ezi gumazitam, gumazir igharazimin amuim koma akui, a bar iverz ekiam damuam. Egh a uaghan aremegħam.
- ²⁷ Ni avim uan evarim borogħin an suiragħti, nin korotiam ti isigham, o?

6:6: Jop 12:7 **6:10:** Aghuzir Akaba 24:33-34 **6:11:** Aghuzir Akaba 10:4; 13:4; 20:4 **6:17:** Onger Akaba 18:27; 120:2-3; Aisaia 1:15 * **6:26:** Hibrun akam deragħa akar kamin mingarim abighiżżejj puvati. Gumazir mabba akam għiġha ghaze, "Egh ni zurara tuavimin amizim bagħha arui, ni uan biziба bar da tegħi egh onganarazir gumazim min ikiem."

- ²⁸ Ni avim gisin daruti,
avim ti nin suemin isigham, o?
- ²⁹ Kamaghira, ni gumazir igharazimin
amuim ko dakuighti,
me bar pazavira ni damighti ni bar
ikuvigh ivezir kuram gitaviraghan
iburagharn.
- ³⁰ Gumazitam mitriam an aghiti a
daghetam okemeghti,
me mighigh an ataran kogham.
- ³¹ Me bizir an amizir kamin apighiva a isi
kotiam datighti,
a bizir kaba bar da ikarvagh, an
dipenimin itir biziba bar ada da
inigham.
- ³² Ezi gumazim, gumazir igharazimin
amuim koma akui, a bar derazir
puvatigha egha bar ongani.
Gumazir kam, a ubi ubi gasighasisi.
- ³³ Gumazamiziba a misoghiva akar kurabar
a mikimiva an ziam gasighasigham,
eghti aghumsizim an iki mamaghira
ikiam.
- ³⁴ E fo, gumazim, gumazir igharazimin
amuim koma akui, an osmtizir
ekiam gami.
Kamaghira, amizir kamin pam bar
puvira aningaghegh bar pazavira
gumazir kam damigh ivezir kuram
a daningiva, egh an apangkuvighan
kogham. Bar puvatigham.
- ³⁵ An arazir kurar kam ikarvaghamin
dagiatam inian aghuagharn.
An aningagharir ekiar kam givaghan
kogh kamaghira ikiam.

7

- ¹ Nan borim, akar kam bar pin ko,
ni pamtem nan akamin suiraghti a nin
nighnizimin iki.
- ² Ni nan akam deraghviram an gin mangi, ni
deraghvira ikiam.
Egh deraghvira nan akamin gan, mati
ni ubi uan damazim gehufi.
- ³ Ni nan akam inigh uan navim datighti a iki
mamaghira ikiam,
mati ring zurara nin dafarimin iti.
- ⁴ Nighnizir aghuim, ni ko mamaghira ikia,
mati nin buaramizim ni ko iti.
Fofozim, a mati nin roroar aghuim.
- ⁵ Eghiti gumazir igharazimin amuim ubi ko
dakusi apezeperir akabar ni mikim ni
gaghonti,
nighnizir aghuimra ni mikemeghti, ni
an akamin gin mangan kogham.

Gumazir igiabar ikiangsizir akaba

- ⁶ Dughiar mamin ki uan dipenimin aven
winduan boroghin tughav ikia
egha tuavimin gari.

- ⁷ Egha ki gumazir igiabar garima me tu
avimin mangigh zegh gami.
Egha me nighnizir aghuiba ko fofoziba
puvati. Egha mav bar paza ghu.
- ⁸ Egha gumazir igiar kam,
amizir kurar mamin dipenimin
boroghin arui.
- ⁹ Ezi aruem iraghughha givazi,
aminim bar pirasava ami.
- ¹⁰ Ezi amizir kam tuavimin amizimin min
kurukegha, gumazir kam gekuigh
uabi minknasa.
Egha amizim ghuava a bato.
- ¹¹ Amizir kam, an aghumsizir puvatigha
puv ifaghati,
egha deragha dipenimin apiaghbirir pu
vati.
- ¹² Egha a zurara gumaziba buria
tuaviba ko biziba amadir danganiba ko
uari akuvir danganiba bar dagh arui.
- ¹³ Ezi ki garima, amizir kam gumazir igiar
kam muigha an tori.
Egha an damazimningra gara egha ka
magħin a migei,
- ¹⁴ “Ki datirighin ofan mam gami,
ezi ofan kamin asizir nar mam nan
dipenimin iti.
- ¹⁵ Kamaghin amizi, ki uan dipenim ategha
egħa ni buriasa izi.
Egha ki ni bato.
- ¹⁶ Ki uaghan misiar aghuim uan dipenimin
aneħkiri.
Egha ki Isipin kantrin inir avaver dirir
aghħuiba itiba isa, misiar kamin da
ghuani.
- ¹⁷ Egha ki pauran mugħuriar bar aghuim
zuiba,
misiar kam gingie.
- ¹⁸ Ni na ko izi!
Ga uaning gikararangiva daku mam
aghira ikki aminim tiragħam.
- ¹⁹ Ni nan pamin atiatingan marki.
A dipenimin itir puvati. A saghon
ghugħha magħira iti.
- ²⁰ A dagiar aviriba inigha da sara għu. Egh
zuamira izegħan kogħam.
Wighin pumuning givagħti a ua izam.”
- ²¹ Egha amizir kam, gumazir kamin navim
damutti a dikavasa,
akar isingtizir aghuiba ko apezeperir
akabar a gifarava a gakaghora an
navim ginif.
- ²² Ezi gumazir kam amizir kamin akam
baregha zuamira amizir kamin gin
dipenimin għu,
mati bulmakau me a misuegħti an are
megħħasa a inigha zui. Egha mati
asizir mam azuazim aven għu.
- ²³ Ezi gumazir kam kamaghħin fozir puvati,
afuzitam an dighorim mitivam.

A mati kuarazir mam mighegha ivem itir danganimin zui. Egha a fozir puvati, ivem an suiraghti an are-megham.

24 O nan boriba, ia oragh,
ia deraghvira nan akam baragh.

25 Ia uan naviba ateghti
da amizir kamaghin amimin gin man-gan marki.

26 Guizbangira, gumazir bar aviriba
amizir kamaghin amimin agharimin
ariaghire.

27 An bighan zuir tuavim mati ni ovevem
bagha firim mikingha ghu.

Ia tuavir kamin mangam, ia Gumaza-mizir Oveaghuezibar Nguibamin
zuir tuavimin ghugha gifia.

8

Nighnizir aghuim, en akurvasi

1 Nighnizir aghuim, mati amizir mam tughav ikia
egha en dei.

2 Egha a tuavimin boroghira itir danganir
pin tibar tuivav ikia
egha uaghan tuavir akabar tuivav iti.

3 Egha a nguivar ekiamin danganir uari
akuvimin tughav ikia,
kamaghin dei,

4 “Ki gumazamiziba bar ian dei.

5 Ia gumazir fofoziba puvatiziba, ia izi fo-zim ini.
Ia gumazir nighniziba puvatiziba ia nighnizir aghuim ini.

6 Ia deraghvira na baragh, ki akar bar aghuim ia mikimasa.

Nan akam guizin araziba ian akaghram.

7 Ki zurara guizbangin akamin gun ia migei.
Ki akar kurar maba bar adar aghua.

8 Nan akaba da guizbangira.
Ki akar ifavarir tam mukemeghan kogham.

9 Gumazir nighnizir aghuim ko fofozim
itiba,
me bar nan akam gifogha ghaze, akar
kam bar guizbangira.

10 Nan aghuzir akaba ko fofozim, aning bar
deraghha silva ko golin aghuim gafira.
Kamaghin ia silva ko gol bagh
nighnighan marki. Ia pamtem nan
akaba inisi nighnigh.

11 “Ki uabi ki nighnizir aghuim, egha ki
dagiar igharaghha gari bar pin koziba
ko

bizir ia bar ifongezibagh afira.

12 Ki dabirabir aghuimin arazim gifo.

Egha ki fofoziba bar iti, egha ki biziba
bar da tuisighamin fofozim iti.

13 Ezi gumazir Ikiavira Itir Godin apengan
ikia an atatiabba, me arazir kurabar
aghua.

Ki, akaba batotzir arazim ko, gumaza-mizibar uarira uan ziaba fer arazim ko, bizir kurabagh amir arazim ko, akar ifavaribav geir arazim, ki bar dar aghua.

14 Ki nighnizir aghuim gumazamizibar
aniningva, egh men akurvaghti me
ingangarir aghuibar amuam.

Ki nighnizir aghuim ko gavgavir ekiam
iti.

15-16 Ki atriviba ko gavmanin gumazir da-panibar akurvazima me uan kantrib-agh
ativagha bar deraghvira men
gara,

egha arazir aghuibar arisi, egh men
kantribar gumazamiziba arazir
aghuibar gintigham.

17 Ezi gumazamizir manaba gavgavigha na
buri, me nan ganam.

Ezi gumazamizir manaba na gifonge, ki
uaghan bar me gifuegham.

18 Ki ziar ekiam ko dagiar aviriba isi gu-mazamizibar aningasa.
Ki men akurvaghti me arazir aghuimin
gin mangiva, bizir bar aghuiba
iniam.

19 Ezi bizir ki me ganidiba,
bar guizin gol ko guizin silva gafira.

20 Ki zurara arazir aghuimin gintisi.
Ki dughiaba bar guizin arazibar gin zui.

21 Ki bizir aghuir aviriba gumazir na gi-fongezibar dipenibagh arisi.
Ezi men dipeniba bar izefi.

22 “Bar fomira fomira, Ikiavira Itir God
tighar bizibar ingaramin dughiam, a
faragha nan ingari.

Egha a gin bizir igharazibar ingari.

23 Bar fomira, a tighar nguazimin ingaram,
a nan ingarizi ki iti.

24 A tighar ongarim ko dipabar ingaram,
ki faragha oto.

25 A tighar mighsiar ekiaba ko dozibar in-garam, ki faragha oto.

26 A nguazir asisir zariba ko nguazir
mineminiar tamin ingarizir puvatizi,
ki faragha oto.

27 Ki Ikiavira Itir God ko itima, an overiam
gamizima, an oto.

Ki itima, an overiam ko ongarim
uaning mitivi naghin mitaghniat ati.

28 Ki itima, a għuriabagh amizima da ove-riamin iti.

- Ki itima, a dipabagh amizima da nguazim abigha anaga nguazim bar agizivazi ongarir ekiam oto.
- ²⁹ Ezi an Akar Gavgavimin ongarim migia ghaze, Ongarim, ni izivagh mangi mitaghniar ki atizimin tugh, egh an ikiavkinan marki.
- Ki itima, God nguazim ikiamin danganimin abara.
- ³⁰ Ikiavira Itir God ingangarir kabagh amir dughiamin, ki a ko itima a na misevezi, ki mati fofozir gumazim ingangarimin gari.
- Dughiaba zurara ki a ko itima, a na bagha bar akonge. Ezi ki uaghan a ko ikiasia bar akonge.
- ³¹ Dughiaba bar ki nguazimin itir bizar a ingarizibar gara bar akonge. Egha ki gumazamiziba bagha bar akonge.
- Kamaghin amizi, ki Ikiavira Itir Godin damazimin bar akuegha ikia mamaghira iti."
- ³² Ezi nighnizir aghuim ua kamaghin migei, "Nan boriba, ia deraghvira nan akam baragh egh nan arazibar gin mangi. Ia kamaghin damuva, ia bar akuegham.
- ³³ Ki ian sure damuti, ia nighnizir aghuim ko fofozim iniam.
- Egh ia akirim ragh nighnizir kam gasan marki.
- ³⁴ Gumazamizir deraghvira nan akam baraziba, me bar akongegh.
- Me zurara dughiabar iza nan dipenimin tiar akamin boroghira tuvav ikia egha na mizuai, ezi ki akam me ganidi.
- ³⁵ Na inizir gumazamiziba, me ikirimirir aghuim isi.
- Ezi Ikiavira Itir God bar me gakonge.
- ³⁶ Ezi gumazamizir na inizir puvatiziba, me uarira uarigh asighasisi.
- Ezi gumazamizir bar na gifongezir puvatiziba, me mati gumazamizir ovevem gifongeziba."

9

Nighnizir aghuim gumazamizibar dei

- ¹ Nighnizir aghuim, amizimin min, uan dipenimin ingari.
- Egha a gavgavim dipenim daningiva egh anesingasa, 7plan guarir akinibar dighoribagh amigha da kuni.
- ² Egha an asizim misuegha dagheba isai, egha wain sara verevererezi, a isingi. Egha a dagher dakozim akirigha gifä.
- ³ Egha uan ingangarir amiziba amangizi

me ghua nguibamin tongin danganir mighsamin tuivighav ikia kamaghin dia migei,

- ⁴ "Ia gumazir nighnizir aghuiba puvatiziba ko gumazir organiba, ia nighnizir aghuimin dipenimin izi.

⁵ Nighnizir aghuim ia migia ghaze, Ia izi nan daghebar amiva, egh wainin dipar ki ia bagha veregha givazimra ami.

- ⁶ Ia uan arazir organiba atakigh, egh izi ikirimirir aghuim ini.
- Egh ia nighnizir aghuimin tuavimin mangi."

Gumazir pumuningin arazimning

- ⁷ Ni gumazir ubi fa dibovir akabav geim akiram, an akar kuram ni ikaraghäm. Eghti ni gumazir kuram akiram, a ni misuegh nin mikarzim gasighasigham.

⁸ Kamaghin, ni akaba batozir gumazim akiran marki. A bar nin aghuagh nin apanim damuvira ikiam.

Eghti ni gumazir nighnizir aghuim itim akirighti, a ni gifuegham.

- ⁹ Ni gumazir nighnizir aghuim itim, akam a daningam, eghti nighnizir aghuiba a giziv mangivira ikiam.
- Egh ni gumazir aghuimin sure damuti, an fofozim ekiv mangivira ikiam.

¹⁰ Ni nighnizir aghuim inisi, ni faragh Ikiavira Itir Godin atiating an apengan iki. God a bar deragh arazir kuratam an itir puvati.

Ni fofozir aghuim inisi, ni faragh deraghiram a gifogħi.

- ¹¹ Nighnizir aghuim ni damuti ni dughiar ruarimin nguazimin ikiva, ni azenir aviribar ikiam.

¹² Ni nighnizir aghuim inigh, egh ni uabin akurvagħam.

Egh ni ubi fi dibovir akabav kimiva, egh ni uabira ubi gasighasigham.

Arazir organim, gumazamizibar dei

- ¹³ Ezi arazir organim mati amizir mam pura ifaghata tintinibar tiarim akari. Egha arazir aghuim gifozir puvati.

¹⁴ Ezi an dipenim nguibamin tongira danganir pin itimin iti.

Ezi a tiar akamin boroghin aperaghav iti.

- ¹⁵ Egha gumazamizibar gari, me uan ingan gariba bagha zui, ezi a uabin bigħan izasa men dei. A kamaghin migei,

¹⁶ "Ia gumazir nighnizir aghuiba puvatiziba ko gumazir organiba, ia nan dipenimin aven izi!"

17 Dipar ni okemeghamim, a bar isingigham.
Eghti dagher ni modogh damamim, a uaghan bar isingigham."

18 Ezi gumazir an akam baraziba, me fozir puvati, an dipenim mati oveaghuezibar dipenim.

Me fozir puvati, gumazir a bagha ghueziba, me datirighin Gumazamizir Oveaghuezibar Nguibamin iti.

Solomonin akar aghuiba

10

(Sapta 10:1-22;16)

Solomonin aghuzir akar oteviba

¹ Kar Atrivim Solomonin aghuzir akar oteviba, da dabirabir aghuimin arazimin gun migei:

Borim nighnizir aghuim ko fofozim ikiam, eghti an afeziam bar akuegham. Eghti borim arazir organimin gintighti, an amebam bar osemegham.

² Ni arazir kuramin gin mangiva egh dagiaba bar izivaghti, nin dagiaba ni damutti ni deraghvira ikian kogham. Eghti ni arazir aghuimin gintighti, God nin akurvagli ti dughiar ruarimin ikiam.

³ Ikiavira Itir God gumazir aghuiba ataghrazi me mitiriaba sara itir puvati. A gumazir kuraba ataghrazi, me bizir me ifongeziba isir puvati.

⁴ Ni ingarir puvati, ni biziba puvatigham. Egh ni bar puvira ingariva, egh ni bizir aviriba ikiam.

⁵ Gumazir nighnizir aghuim itim, a dagheba asir dughiamin a da isa da akufi. Ezi dughiar kamin gumazir akua ingarir puvatizim, an adarazi a bangin bar aghumsigham.

⁶ God gumazir aghuiba deraghvira me gami. Ezi gumazir kuram, gumazir igharazibagh asighasighasa nighnigha, nighnizir kurab modi.

⁷ Gumazir aghuitam aremegham, gumazamiziba a ginhinigh egh bar akuegham. Ezi gumazir kuraba ariaghiri, gumazamiziba zuamiram me bakinghnisi.

⁸ Gumazir nighnizir aghuim itim, a gumazir igharazibar akar aghuiba barasi. Ezi gumazir organigha puram akam araim, a bar ikuvigham.

⁹ Gumazir aghuiba deraghvira ikiam. Ezi gumazir arazir kurabagh amim, a uan arazir kuraba mongiva avegham, God adagh fogham.

¹⁰ Gumazir guizin akam avaragh a modim, an osimtizibagh ami da otifi. Gumazir pura guizin akaba bigha migeim, a gumazamizibagh amizi, me navir amirizimin ikia deraviram apia.

¹¹ Gumazamizir aghuiba akaba, mati dipar ikirimirir aghuim anidim. Ezi gumazamizir kuraba me gumazir igharazibagh asighasighasa nighnisi, ezi men akaba men nighnizir kurar kaba modi.

¹² Navir kuramin arazim osimtiziba fema da otifi. Ezi igharaz darazigh ifongezir arazim, an arazir kuraba bar da ave.

¹³ Gumazir nighnizir aghuim itim, a zurrara uan nighnizir aghuimin gun migei. Ezi gumazir nighnizir aghuiba puvatiziba, me fidizimin an akiragharam misuegham.

¹⁴ Gumazir nighnizir aghuim itim zurara fofozir avirir igharaziba isa egha zuamira dar gun migeir puvati. Eghti gumazir nighnizir aghuim puvatizim, a pura tintinibar akabav kim mangiti, osimtizim zuamiram otogham.

¹⁵ Gumazamizir dagiar aviriba itiba, men dagiar aviriba me geghuva men garima, me deraghvira iti, mati nguibamin divazir gavgavim anekiaruzi an gumazamiziba deravira iti. Ezi organarazibagh amir gumazamiziba biziba puvati, kamaghin me ikuvigham.

¹⁶ Gumazir aghuim ikirimirir aghuim iniam, mati gumazim uan iveau aghuim isi. Ezi gumazir kuraba arazir kurar aviribagh amima da otifi.

¹⁷ Gumazim, gumazir igharaziba ateghti me anerkiram, eghti a ikirimirir aghuimin tuavimin ikiam. Eghti gumazim, me anerkirasav amima ana aghua, a tuavir kam gitagha gifa.

¹⁸ Gumazim igharaztavin aghuatha navir kuram an ikia, egha bizir kam mongasava ami, kamaghin a zurrara akar ifavaribav gei. Ezi gumazim igharaztavin girakirangin a migei, a mati gumazir bar organim.

¹⁹ Gumazir akar aviribav geim, an akar kabar arazir kuraba otifi. Ezi gumazim akar aviribav geir puvati, a nighnizir aghuim iti.

²⁰ Gumazir aghuimin akaba mati guizin silva. Ezi gumazir kuramin nighniziba pura biziba, egha da bar derazir puvati.

²¹ Gumazir aghuimin akaba zurrara gumazamizir aviribar akurvasi. Ezi gumazir nighnizir aghuiba puvatiziba, men nighniziba bar paza zui, kamaghin me arimighram.

²² Ikiavira Itir God uabi bizir aghuiba e ganidi, egha an osimtiziba e ganidi puvati.

²³ Gumazamizir nighnizir aghuiba puvatiziba, me arazir kurar igharazibar amuasa bar akonge. Ezi gumazamizir nighnizir aghuiba itiba, me arazir aghuiba amuasa bar akonge.

²⁴ Gumazamizir kuraba bizir aviribar atiati, eghti bizir kaba me bativigham. Eghti

gumazamizir aghuiba bizir aghuir me bar ifongeziha iniam.

²⁵ Dughiar kuram gumazamizir kuraba batogham, bizir kam bar me agivagham, mati amozir ekiam izima aperiam me avigha ghu. Ezi gumazamizir aghuiba zurara gavgavigha egha deraghvira iti.

²⁶ Ni gumazir amirazim inighti a nin ingangarim damuan marki. Guizbangira, ni bar an aghuaghgam, mati ni dagher avivizim amezi a nin akam misosi, egha mati avir migharim nin damazimningin zui.

²⁷ Ni Ikiavira Itir Godin atiating an apengan ikiva egh ni dughiar ruarinin nguazimin ikiam. Ezi gumazamizir kuraba dughiar otevimin ikegh, egh me aremegham.

²⁸ Gumazamizir aghuiba Ikiavira Itir God mizuamti, a dughiar aghuim me daningam, eghti me bar akuegham. Eghti gumazamizir kuraba pura mizuamiva, dughiar aghuimin ganighan kogham.

²⁹ Ikiavira Itir God bar deraghavira gumazamizir aghuiba gari. Egha a gumazamizir arazir kurabagh amiba gasighasisi.

³⁰ Gumazamizir aghuiba deraghavira uan nguibamin ikivira ikiam. Eghti gumazamizir kuraba kamaghin ikeghan kogham.

³¹ Gumazamizir aghuiba nighnizir aghuir aviriba ikia, egha me dar gun gumazamizibav gei. Ezi gumazir akar kuram migeim, me an migirigiam atugham.

³² Gumazir aghuim bar fo, akar manaba gumazamizibar akurvasi. Ezi gumazir kurabar akaba gumazamizibar navibagh amima me osei.

11

¹ Gumazir biziba amadiba, ko gumazir bizibag iveauza, me gumazamizibag ifara pura biziba me dama da isima, Ikiavira Itir God men arazir kam bar an aghua. Egha a gumazir biziba deraghavira da amaga egha dagh iveauza, a bar me gakonge.

² Gumazir uarira uan ziaba feba bar aghumsizir ekiam iniam. Ezi gumazir nighnizir aghuim itiba, me uari dikabiri.

³ Gumazir aghuir Godin gin zuiba, me arazir aghuibara gin zui. Ezi gumazir ifavaribagh amiba, me uan ifavariba bangin bar ikuvigham.

⁴ Ikiavira Itir God nin arazir kuraba ikarvaghanin dughiamin, nin dagiar aviriba nin akuraghan kogham. Eghti ni arazir aghuimin gin mangam, nin arazir kam nin akuraghti ni zuamiram aremeghan kogham.

⁵ Gumazir aghuiba, men arazir aghuiba men akurvaghti, me tuavir aghuimin mangam. Ezi gumazir kuraba, men arazir kurabara, me gamima me iri.

⁶ Gumazir aghuiba, men arazir aghuiba, men akurvazi me deraghavira iti. Ezi gumazir ifavaribagh amiba, me biziaghifuer arazimra, me ikiaghari.

⁷ Gumazir kuraba ghaze, me uari uan gavgavibar bizir aghuir aviriba iniam. Egh me aremeghamin dughiamin, me bizi kaba inighan kogham.

⁸ Osimtizim gumazir aghuim batoghti, Ikiavira Itir God an akurvaghan, eghti osimtizir kamra gumazir arazir kurabagh amibar otivti, tina men akurvaghan.

⁹ Gumazir kuraba mikimi, men migirigia aghuiba gumazamizir igharazibagh asighasigham. Ezi gumazir aghuiba nighnizir aghuiba, men akurvaghti, me deraghvira ikiam.

¹⁰ Gumazir aghuiba dabirabim deraghaviram otoghti, nguibamin itir gumazamizibar akuegham. Eghti gumazir zurara arazir kuram gamauvira itim aremeghti, nguibamin itir gumazamizibar akuegham.

¹¹ Gumazir aghuiba zurara arazir aghuiba uan nguibar averiamin dagh ami, ezi da nguibam gamima a dera. Ezi gumazir arazir kurabagh amiba, me akar kurar igharazibav gei, ezi bizir kam nguibam gasighasisi.

¹² Gumazim akar kurabar gumazir igharazibav giava me gasighasisi, a mati gumazir onganim. Ezi gumazir nighnizir aghuim itim, a uan akam dukuagh a egha puram akar kabav geir puvati.

¹³ Gumazir migirigiar aviribagh amim, a uan guizin roroamin akar mogomebar gun migel. Ezi gumazir uan roroam baghavira itim, a uan guizin roroamin mogomer akabar gun migeir puvati.

¹⁴ Gavmanin gumazir dapaniba nighnizir aghuiba baraghan kogh, egh deraghvira gumazamizibar ganiva egh tuavir aghuimin men akakghan koghti, kantri ikuvigham. Eghti gumazir aviriba nighnizir aghuiba isi gavmanin gumazir dapanibar aningti, kantri deraghvira ikiam.

¹⁵ Gumazir mam pura bizir mam inigha, a ikarvaghisa ni koma akam akiri, egha a ubi a ikarvaghan ibura, kamaghin ni gin osimtizir ekiam ikiam. Ni deraghvira ikisi, arazir kam akirim ragh a gasaragh.

¹⁶ Amizir apangkuvir arazibagh amim, gumazamizibar ziar ekiam a daningam. Ezi gumazir apangkuvir puvatiziba, me dagiar aviriba ko biziba iniasi ifonge.

¹⁷ Ni gumazir munamin apangkuvigha deraghaviram a gami, egha arazir kamin ni deragha uabi uabi gami. Egha ni gumazir igharazim deragha a gamir puvati, kamaghin ni pazavira uabi uabi damuam.

¹⁸ Gumazir kuraba inizir biziba, me ghaze da men akuraghram, da bar men akuraghan kogham. Da mati pura bizir kiniba. Ezi gumazir arazir aghuibagh amiba, me guizin ivezir bar aghuim iniam.

¹⁹ Gumazir arazir aghuim pamten an gin zuiba, me ikirimirir aghuim iniam. Ezi gumazir arazir kurabaramuasa bar gavgaviba, me arimighiram.

²⁰ Ikiavira Itir God, gumazir nighnizir kuraba itiba, bar men aghua. Egha a gumazir deraghviram aruiba, bar me gakonge.

²¹ Bar guizbangira, Ikiavira Itir God gumazir arazir kurabagh amiba tuisigh, egh pazivira me damuam. Egha gumazir arazir aghuibagh amiba, me kotiamin miseveghirham.

²² Amizir ganganir aghuim gamir mam, a zurara deragha nighnigha bizibagh amir puvati, a mati dam me bar deraghaviram anesigha, golin ringin aghuim an atinim garu.

²³ Ikiavira Itir God bar gumazamizibar nighniziba ko men ifongiabagh fo. Ezi gumazamizir aghuiba me nighnizir aghuiba iti. Kamaghin amizi, a bizir aghuiba me ganidi. Ezi gumazamizir arazir kurabagh amiba, me nighnizir kuraba iti, kamaghin amizi, a men araziz kuraba ikarvasi.

²⁴ Gumazir maba uan dagiabba ko biziba isa gumazir igharazibagh aniga egha men akurvasi. Egha me gin uari uan ingangaribar dagiar aviriba isi. Ezi gumazir maba ghaze, me gumazir igharazibar akurvaghaha iti, egha me aghuaghua uan dagiabbar suira, egha gin me uari bar dagiabba puvati.

²⁵ Gumazamizir biziba isa gumazir igharazibar akurvazim, uabi bizir aviriba isi. Egh ni gumazir igharazibar akurvaghti, me uaghan nin akurvaghram.

²⁶ Gumazim, me an daghebagh ivezasava amima uan daghebar anogoroke, egha me akar kurabar a mikimam. Egha gumazim uan dagheba ateghti gumazamizibar dagh ivezegham, me bar a gakuegham.

²⁷ Gumazir arazir aghuim bagha ingarava an gin zuim, gumazamizibar bar a gifuegham. Egha gumazir arazir kuram gamuavira itim, dughiar kuram a bativam.

²⁸ Gumazim suam, nan dagiabara nan akurvaghti ki deraghvira ikiam, puvati, a

mati temer dafarir midiarim iri. Egha gumazir aghuiba me bar deraghvira ikiam, mati temem dafarir igiaba an iti.

²⁹ Gumazim uan adarazir osimtiziba me darigh mangiti, gin an afeziam aremeghti, a bizitam bar a inian kogham. Egha kamaghira gumazir nighnizir aghuiba putatiziba, me biziba bar ada ategham, egh me pura gumazir nighnizir aghuiba itibar ingangarir gumazir kinibar min ikiam.

³⁰ Arazir aghuimin daghem, a mati ikirimirir aghuim anidir temem. Ezi gumazir nighnizir aghuim itim, a gumazir igharazibagh amima me iziva a ko ikiasi ifonge.

³¹ E fo, gumazir aghuiba me nguazir kamin ikia uan araziba bagha ivedir aghuim isi. Ezi e bar fo, gumazir arazir kurabagh amiba me uan ivedir kuram gitaghan kogham. Ikiavira Itir God guizbangira me daningam.

12

¹ Gumazir fofozim gifongezim, a gumazir igharazim an arazir kuraba bagha anekirasa, a bar akonge. Ezi gumazim, a igharazitav an arazir kuraba akirasava amima an aghua, a mati bar gumazir onganim.

² Gumazamiziba arazir aghuimin gin zui, Ikiavira Itir God bar me gifuegha an navim bar men dera. Egha gumazir arazir kurabar igharaz darazir amuasa nighniziba, Ikiavira Itir God ghaze, a me gasighasigham.

³ Gumazim arazir kuram gami, bizir kam an akuraghti a deraghvira daperagh egh gavgavighan kogham. Ezi gumazim arazir aghuimin gin zui, a mati temem biba ikia bar iraghu, egha gumaziba anesiv avegham.

⁴ Gumazir tamin amuim arazir aghuim gami, ezi bizir kam ziar ekiam an pam ganidi. Ezi amizim arazir kurar aviribagh amizi, an pam aghumsisi, ezi amizir kam mati arimariar kuram an pamin agharibagh amua, egha an pam gasighasasi.

⁵ Gumazamizir aghuiba zurara arazir aghuir magh garibar bar gumazamizibar amuasa nighnisi. Ezi gumazamizir kuraba zurara gumazamizibagh ifarir arazibagh nighnisi.

⁶ Gumazamizir kurabar akaba, osimtiziba gumazamizibagh aniga me gasighasasi. Ezi gumazamizir aghuibar akaba, gumazamizir osimtiziba itibar akurvashi. Ezi gumazamizir kaba me deraghvira ikiam.

⁷ Gumazim arazir kuram damigh, a bar ikuvighti an adarazi uaghan bar givagham. Eghti gumazir aghuimin adarasi, me deraghvira iki mamaghira ikiam.

⁸ Gumazim nighnizir aghuim ikiam, eghti gumazamiziba an ziam fam. Eghti gumazim nighnizir ikuvigham, eghti me an ziam dikabiraghram.

⁹ Ingangarir gumazir kinim uan dagheba bagha puvira ingara, egha an dabirabim dera. Egha an dabirabim, gumazir ifara uan ziam fa dagheba otevimin dabirabim gafira.

¹⁰ Gumazir aghuiba uan asizibar apangkuva egha deraghavira men gari. Ezi gumazir kuraba bar pazaviram uan asizibagh ami.

¹¹ Gumazim deraghavira uan azenimin ingarava, a dagher aviriba iti. Ezi gumazir nighnizir aghuiba puvatizim, a ingangarir aviriba pura dagh ami, da an akuraghan kogham.

¹² Gumazir kuraba gari, gumazir maba arazir kurabagh amua bizar aviriba isi, ezi me men bizar kaba bar dagh ifonge. Ezi gumazir aghuiba me uan arazir aghuibar biziiba isi.

¹³ Gumazir kurabar akaba, men suiki. Eghti osimtizim gumazir aghuiba batoghti, me an misiviregham.

¹⁴ Nin migirigia ko araziba da deraghti, bizar kaba nin akuraghti ni iveau aghuim iniam.

¹⁵ Gumazir nighnizir aghuiba puvatiziba, me ghaze, men arazibara dera. Ezi gumazir nighnizir aghuiba itiba, me gumazir igharaziba ataghiraizi me nighniziba me ganidi.

¹⁶ Gumazir nighnizir aghuiba puvatiziba, me zuamira gumazir bizibar me gamibar aningagham. Eghti gumazitam, gumazir nighnizir aghuim itim akar kuramin a mikemeht, an akar kam gin amadagham.

¹⁷ Gumazir guizbangira migeim, a kotin aven ikia guizbangin akamin gun migei. Egh a gumazir ifarim, kamaghin a kotin aven akabagh ifari.

¹⁸ Gumazim deraghvira nighnizir puvatigha migei, an akaba gumazir igharazimin navim gasighasigham, mati midorozir sabam a miti. Ezi gumazir nighnizir aghuim itim, a mati marasinin aghuim gumazamizibar akurvashi.

¹⁹ Ifavarir akam, a dughiar otevimira ikiam, eghti gumazamiziba a bakiughnigham. Ezi guizbangin akam, a dughiar ruarinim iki mamaghira ikiam.

²⁰ Gumazamizir arazir kurabar amusa nighniziba, me uarira uarigh ifari. Ezi gumazir gumazamizibar akurvaghti me navir

amirizimin ikiasa nighnizim, a uabi bar akongegham.

²¹ Gumazamizir aghuiba osimtiziba bativir puvati. Ezi gumazamizir arazir kurabagh amiba, osimtizir aviriba batifi.

²² Ikiavira Itir God bar moghira gumazamizir akar ifavaribav geiba, bar men aningagha men apanim gami. Egha a gumazamizir guizbangin arazimin gin zuiba, me bagha bar akonge.

²³ Gumazim bizibar amuamin nighnizir aghuim gifo, a zuamira uan nighnizir aghuimin gun migeir puvati. Ezi gumazim nighnizir aghuiba puvati, a puram akam arai. Ezi gumazamiziba an akaba baraghha egha me fo, a mati gumazir akam araim.

²⁴ Gumazir puvira ingarim, an atrivimin min otogham. Ezi gumazir amiraziba, me pura ingangarir gumazir kinibar min otivagham.

²⁵ Gumazir zurara nighnizir aviribagh amim, an navir averiam bar a basemeghti, an nighniziba ikuvigham. Eghti gumazitam gumazir kam akar aghuimin a mikimi, an navim deragham.

²⁶ Gumazir aghuiba tuavir aghuimin uan namakabar akakasi. Ezi gumazir arazir kurabagh amiba tuavir aghuim ategha tuavir kinimin ghu.*

²⁷ Gumazir amiraziba asizitam misoghsisi mangi, a misuegh a inighan kogham. Ezi gumazir puvira ingariba, me uan ingangariba a gefi.

²⁸ Gumazir arazir aghuimin gin zuim, a ikirimir aghuarim iniam. Egh gumazir tuavir aghuir kamin gin zuim, an ovevemin tuavimin gin zuir puvati.

13

¹ Borim nighnizir aghuim ikiva, a uan afeziamin akam baraghama. Ezi akaba batozir gumazim, a gumazir igharaziba anekiran an aghua.

² Gumazim akar aghuibar gumazamizibav gia, bizar aghuiba isi. Ezi gumazir ifariba, me gumazir igharazibagh asighasizir araziba bagha bar ifonge.

³ Gumazim faragh deraghvira nighnigh egh gin biziav kim, egh a deragh ikiva ikuvighan kogham. Ezi gumazir pura akar aviribav geiba, me ikuvigham.

⁴ Gumazir amirazim bizar aviriba iniasi bar ifonge, egh da inighan kogham. Ezi gumazir bar puvira ingariba, bizar aviriba uan ifongiabar ada iniam.

⁵ Gumazir aghuiba akar ifavariba bar dar aghua. Ezi gumazir kuraba aghumsizir arazibagh ami.

⁶ Gumazir arazir aghuim gamim, an arazir kamra a geyhuvima a deraghavira

* 12:26: Hibrun akam deragha vezin kamin mingarim abighizir puvati.

iti. Ezi gumazir arazir kurabagh amiba, men arazir kurabara me gasighasisi.

⁷ Gumazir maba biziba puvatigha ifara ghaze, "E dagiar aviriba ko bizir aviriba iti." Ezi gumazir dagiar aviriba itir maba, mati gumazir dagiaba puvatiziba moghin iti.

⁸ Gumazir kuraba dagiaba itir gumazim paziva a damus mikimam, eghti a uabi uan dagiabbar me givezegh, deragh ikiam. Eghti gumazir biziba puvatiziba, me nighnizir aviribar amuan kogham. Me dagiar aviriba itir puvati, ezi gumazir kuraba pazi me damigan kogham.

⁹ Gumazir aghuim, matilam isia angazangarir ekiam anidi. Ezi gumazir kuraba, mati lam mungegħasava ami.

¹⁰ Akaba batogha uabi fer arazim, adaribagh amima da otifi. Egh gumazim gumazir igharaziba ategħti me nighnizir a daningam, gumazir kam nighnizir aghuim iti.

¹¹ Gumazim ingarir puvatigha zuamira pura dagiaba isi, an dagiaba zuamira pura givagħam. Ezi gumazim ingara nimira nimira dagħiġi mużiżiha akufi, eghti an dagiaba bar avirasmegħiha anangam.

¹² Gumazim bizitam iniasa nighnigha dughiar ruarin pura mizua iti, egh an navim bar osemegħvira ikiam. Egh a bizir kam inigh, egh nighnigh suam, nan ikrimirim bar dera, egha a bar akonge.

¹³ Gumazim gumazir igharaziba nighnizir aghuim a daningasava amima, an aghħua, kamagħin a uabira uabi gasighasigham. Eghti gumazim, gumazir igharaziba nighnizir aghuim a daningti, a bar akar kabar gin mangi, egh a deraghvira ikiam.

¹⁴ Gumazir nighnizir aghuiba itibar akaba, da mati dipar ikrimirir aghuim anidim. Ezi akar kam nin akuragħti, bizar ni gasighasighamim ni a misveghhir ħiġi.

¹⁵ Gumazim nighnizir aghuim ikiam, gumazamiziba a gifuegħam. Ezi gumazir ifarriba, me tuavir kuramen zui.

¹⁶ Gumazamizir nighnizir aghuiba itiba, faragħha bar deragħa nighnigha egha gin biziżiġi am. Ezi gumazamizir nighnizir aghuiba puvatiziba, me uan arazir onganiba azenara da akakasi.

¹⁷ Gumazim akar ifavarim inighha iza egha akam għira, ana osimtizim iniam. Ezi gumazim akam inighha iza akar kam deragħha anebiġha a migei, egh a gumazamizbar akuragħti me deraghvira ikiam.

¹⁸ Gumazim, gumazir igharaziba anekiran an aghħua, a biziba puvatigh egh bar aghumsigham. Eghti gumazim, gumazir igharaziba ategħti me

anekriġħam, eghti gumazamiziba ziar ekiam a daningam.

¹⁹ Gumazim bizitam iniasa a għinġnigha, egha a gin a ini, an navim bar deragħti a bar akuegħam. Ezi gumazir nighnizir aghuiba puvatiziba, me arazir kuraba akirrim ragħha dagh asan aghħua.

²⁰ Gumazim, gumazir nighnizir aghuim itim ko poroġha a koma arui, a uaghan nighnizir aghuim iniam. Ezi gumazim, gumazir nighnizir aghuiba puvatiziba ko poroġħiha, an osimtizim bativam.

²¹ Osimtiziba zurara gumazir arazir kurabagh amiba, me buria me batifi. Ezi gumazir aghuiba, me bizir aghuiba iniam. Mati men ivezim.

²² Gumazir aghuim aremezi, an igiaba an bizir aviriba isi. Eghti gumazir arazir kuram gamim, uan dagiaba akuvam, eghti gumazir aghuiba gin an biziba iniam.

²³ Dagħer aviriba gumazir onganarazzibagh amibar azenibar otifi, ezi gumazir aruar kuraba pazava amua, me dikabira men dagħheba isa zui.

²⁴ Afeziam uan borim arazir kuram bagħha a misogħezir puvati, kamagħin a borim gifongezix puvati. Ezi afeziam borim gifonge, ana misogħa egha anekiri.

²⁵ Gumazir aghuiba dagħer aviriba iti, ezi gumazir arazir kurabagh amiba zurara mitħiġi sara iti.

14

¹ Amizir nighnizir aghuim itim, a bar deragħavira uan dipenim min averiam akira deragħha an gari, ezi an adarazi a ko devarira ikia gavgħi. Ezi amizir nighnizir aghuiba puvatizim, a uabi uan dipenim ko uan adarazi gasighasisi.

² Gumazir arazir aghuimin gin zuim, a Ikiavira Itir Godin atiatiā an apengen iti. Ezi gumazir arazir ifavarim min gin zuim, "A ghaze, Ikiavira Itir God pura bizim."

³ Gumazir nighnizir aghuiba puvatizim min migiġiġi abba osimtiziba a ganidi. Ezi gumazir nighnizir aghuim itim, an migiġiġi abba an akurazzi, a deraghvira iti.

⁴ Ni bulmakaun nguazim gituitam ikian kogħam, an dagħer itarim pura missevir kinim ikiam. Eghti ni bulmakaun tam ikiti, dagħer aviriba nin azenim min ikiam.

⁵ Gumazim guizbangira arazim min ganigha migei, a kioti min guizbangira mikimam. Eghti gumazir ifarim, an migiġiġi abba deragh mangan kogħam.

⁶ Gumazir nighnizir aghuiba dibovir akbar dav gei, an ada inisi iburagh. Ezi gumazir nighnizir aghuim itim, a fofozir aghuim inisi deravira a iniam.

⁷ Ni gumazir nighnizir aghuiba puvatizibar saghon iki. Me nighnizir aghuitam ni danighan kogham.

⁸ Gumazir nighnizir aghuim itim, deraghvira uan darorim ginighnisi. Ezi gumazir nighnizir aghuiba puvatiziba, me uarira uari gifara, men nighniziba derazir pu.

⁹ Gumazir nighnizir aghuiba puvatiziba, arazir kurabagh amua dipova ghaze, da dera. Ezi gumazir aghuiba arazir aghuibagh amizi, God bar me gifonge.*

¹⁰ Gumazim uabi uan navim gifo, an osimtizim ko a bar akongezir arazim, a uabi dagh fo. Ezi gumazir igharazitam an navimin aven itir bizitam gifoghan kogham.

¹¹ Gumazir kuramin adarazi ikuvigh, egh bar moghira givagham. Eghti gumazir aghuimin adarasi, me bar moghira deraghvira iki gavgavigh mangivira ikiam.

¹² Gumazir maba ghaze, men araziba de-razi, me tuavir aghuimin zui. Ezi puvati. Me damu mangi mangi gin arimighiregham.

¹³ E akiti, navir osimtizim e ateghan kogham. Eghti nin bar akongezir arazim mangi givaghti, navir osimtizim a ikivira ikiam.

¹⁴ Gumazir kuraba uan arazir kurar me amiba bagha iveauzir kuram ini. Ezi gumazir aghuiba uarira uan arazir aghuiba bagha iveauzir aghuim ini.[†]

¹⁵ Gumazir fofozir muziarim itiba, pura akar igharaziba nighnizir gavgavim dar ti. Eghti gumazir nighnizir aghuim itim, a faragh deraghvira nighnigh egh gin bizim damuam.

¹⁶ Gumazir nighnizir aghuim itim, a deraghvira gara egha osimtizibagh itaghvirasi. Ezi gumazir nighnizir aghuiba puvatizim, a deravira nighnizir puvatigha ifaghatawa pura bizibagh ami.

¹⁷ Gumazir zuamiram aningaziba, arazir organibagh ami. Ezi gumazir nighnizir aghuim itim, a pura nimira iti.

¹⁸ Gumazir fofozir muziariba itiba, men araziba mati gumazir organibar araziba. Ezi gumazir nighnizir aghuiba itiba fofozir aghuim inigha, mati me iveauzir aghuim ini. ¹⁹ Gumazir arazir kurabagh amiba, me gumazir aghuibar apengan ikiam, egh apangkuvim bagh azangsighti me men akurvaghram.

²⁰ Gumazamizir biziba puvatiziba, gumazamiziba ko men namakaba sara bar men aghua. Ezi dagiaba itir gumazamiziba, me namakar aviriba iti.

²¹ Gumazim, uan nighnizimin aven gumazir igharazim gasighasisi, an arazir kuram gami. Ezi gumazim, gumazamizir biziba puvatizibar apangkufi, a bar akongegh.

²² Gumazamizir arazir kurabar amuasa nighniziba, men nighniziba bar pazivira mangam. Ezi gumazir arazir aghuim damuasa nighnizim, gumazir igharaziba a gifeuga navim an iti.

²³ Ni mighigh ingar, egh ni iveauzir aghuim iniam. Egh ni pura daperagh ikiva migirigiamra damuam, ni biziba puvatigham.

²⁴ Gumazamizir nighnizir aghuiba itiba, dagiaba uan iveauzir aghuimin min da iniam. Ezi gumazamizir nighnizir aghuiba puvatiziba, gumazamiziba bar fo, me ongan.

²⁵ Gumazim arazir mamin ganigha, kotin guizbangira an gun mikimti, me gumazir arazir kuram gamizir puvatizim misuehti, an aremeghan kogham. Eghti gumazir osimtiziba puvatiziba puram aremegham.

²⁶ Gumazim Ikiavira Itir Godin atiating an apengan iki, a tugh gavgavigh, egh bizitam atiatighan kogham, eghti an boriba uaghan deraghvira ikiam.

²⁷ Ikiavira Itir Godin atiatia an apengan itir arazim, mati dipar ikirimir aghuim anidim. Ezi arazir kam a gumazimin akuraghti, bizir a gasighasighamim, an a mesveghirigham.

²⁸ Atrivim gumazamizir avirim gativaghti, gumazamiziba ziar ekiam a daningam. Eghti atrivim gumazamizir vabaramativagham, egh a gumazir kinimin min ikiam.

²⁹ Gumazir zuamiram aningazir puvatizim, a nighnizir aghuim iti. Ezi gumazim zuamira aningazi, a uabi isa igharaz darazir akagha ghaze, an ongan.

³⁰ Gumazim navir amirizimin iti, an mikarzim deraghvira ikiam. Ezi gumazim biziba bagha zurara navim igharaz darazir ikufi, arazir kam mati arimariar kuram an agharibagh asighasisi.

³¹ God gumazamiziba bar men ingari, ezi gumazim gumazir organarazibagh amiba dikabiri, a mati God dikabiri. Ezi gumazim organarazibagh amir gumazibar apangkuva deragha me gami, arazir kam ziar ekiam God ganidi.

³² Gumazamizir kuraba uan arazir kurabar uari, uari gasighasisi. Ezi gumazamizir aghuiba me bizitam bagh nighnighan kogham. Men ovevemin dughiam otoghti, men nighnizir gavgavim men akuraghti me suam ovevem a pura bizim.

* ^{14:9}: Hibrun akam deragha vezin kamin mingarim abighizir puvati.

^{14:12}: Aghuzir Akaba 16:25; Rom 6:21

† ^{14:14}: Hibrun akam deragha vezin kamin mingarim abighizir puvati.

³³ Gumazir nighnizir aghuiba puvatiziba, me fo, nighnizir aghuim ko fofozir me iniamba iti. Ezi nighnizir aghuim ko fofozim zurazurara gumazir nighnizir aghuiba itiba ko iti.

³⁴ Gumazamiziba arazir aghuimin gin mangiti, men kantri ziar ekiam iniam. Eighti me arazir kuram damuvira ikiti, men kantri aghumsizim inivira ikiam.

³⁵ Atrivimin ingangarir gumaziba ingangarir aghuim gamima, atrivim bar akonge. Eighti ingangarir gumaziba ingangarir kuram damigh, egh aghumsizim atrivim danighti a bar men aningaghegham.

15

¹ Gumazim nin aningagham, ni nimiram an akam ikarvagli, an aningagharam amiraghram. Egh ni uan akabar gumazir igharazim pazav a mikemegh, a damighti a bar puvira nin aningaghegham.

² Gumazim nighnizir aghuim ikia akam akuri, a gumazamizibagh amima me nighnizir aghuim ko fofozim baka. Gumazim nighnizir aghuim puvatigha akam akuri, a puram akam arava pura migei.

³ Ikiavira Itir God bar bizibar garima da bar nuguazimin otifi, egha uaghan gumazir aghuiba ko gumazir kurabar gari.

⁴ Gumazim ghuamaghheghamin akamin gun gumazamizibav gei, eighti akar kam mati temer ikirimirir angamira itim anidimin min gumazamizibar amuti, me deraghvira ikiam. Ezi gumazim akar kuramin gumazamizibav keme, a men nighnizibagh asighasisi.

⁵ Gumazir nighnizir aghuiba puvatizim, a van afeziamin akam batoke. Ezi gumazim gumazir igharaziba ataghizi me anekiri, a nighnizir aghuim iti.

⁶ Gumazir aghuiba, bizir aviriba iti. Ezi gumazir kurabar dagiaba, osimtizim meraram anidi.

⁷ Gumazir nighnizir aghuiba itiba, me gumazamiziba nighnizir aghuiba me ganidi. Ezi gumazir nighnizir aghuiba puvatiziba, me kamaghin amir puvati.

⁸ Ikiavira Itir God, gumazir arazir bar kurabagh amiba, God men ofaba bar dar aghua. Egha God ko migeir gumazir aghuariba, a bar me gakonge.

⁹ Ikiavira Itir God gumazir arazir bar kurabagh amiba a bar men aghua. Egha gumazir arazir aghuiba gin zuiba, a bar me ifonge.

¹⁰ Gumazir tuavir aghuim ataghizim, a ivezir kuram iniam. Eighti gumazim,

gumazir igharaziba ateghti me anekiran aghua, an aremegham.

¹¹ Ikiavira Itir God gumazir ovengezibar gara, egha Gumazamizir Oveaghuezibar Nguibam sara gari. Egha a uaghan e nguazimin gumazamiziba, en nighniziba ko ifongiabagh fo.

¹² Akaba dipovir gumazim, a igharazitav anekiran an aghua, egha gumazir nighnizir aghuim itimim azaraghti, a nighnizim a daningan aghua.

¹³ Gumazimin navim bar akonge, an guam deraghram. Eighti gumazimin navim osemehtgi, an nighniziba ikuvigham.

¹⁴ Gumazir nighnizir aghuim itim, bizir igharazibagh fofoghasa bar puvira ingari. Gumazir nighnizir aghuiba puvatizim, a zurara pazavira migei.

¹⁵ Gumazir biziba puvatizim, pazavira ikia egha osimtizir ekiam iti. Gumazir navir aghuim ikia bar akongezim, an dughiaba bar mati isabagh amir dughiam.

¹⁶ Ni bizir aviriba puvatigha, Ikiavira Itir Godin atati an apengan iti, nin ikirimirim, gumazir dagiar aviriba ko osimtizir avirim itim, an ikirimirim gafira.

¹⁷ Gumazamizibagh ifongezir arazim, kar bizir ekiam. Ni uan namakaba ko ikia, ia zuravaribaram api, a bar dera. Ezi arazir kam, gumazir ni ifongezir puvatizim ko ikia bulmakaun asizim apim, bar a gafira.

¹⁸ Gumazir zuamiram aningazim, a gumazir igharazibagh amima, me atari. Ezi gumazir navir amirizim gumazamizibar adariba dikabiri, me ua navir vamira iti.

¹⁹ Gumazir amirazim ghaze, nan ikirimirim ikufi, egha uan ikirimirimin tuavim akiran amira. Ezi an ikirimirim mati, a pura ruarim akara zui. Ezi gumazir aghuim fo, an ikirimirim bar dera, mati a tuavir ekiam garui.

²⁰ Otarir nighnizir aghuim ko fofozim itim, an afeziam ko amebam bar akonge. Borir arazir organimin gin zuim, a uan afeziam ko amebam gakongezir puvati.

²¹ Gumazir nighnizir aghuiba puvatiziba, arazir organiba bagha bar akonge. Ezi gumazir nighnizir aghuim itiba, zurara arazir aghuimin gin zui.

²² Ni ingangarir tabar amuasa ifonge, ni faragh gumazir avirir igharazibagh nighnizir aghuiba iniam, eighti nin ingangarim deraghviram otogham. Ni kamaghindamighan kogh, ni pura ingarigham.

²³ Gumaziba migia ghuavira iti, ezi nin dughiamin ni migirigiar aghuir mamin me damigh, ni arazir kam bagh bar akuegham.

15:1: Gumazir Dapaniba 8:1-3; 1 Samuel 25:10; Aghuzir Akaba 25:15 **15:3:** Jop 34:21; Jeremaia 16:17; 32:19; Hibru

4:13 **15:13:** Aghuzir Akaba 17:22 **15:16:** Onger Akaba 37:16; Aghuzir Akaba 16:8; 1 Timoti 6:6 **15:17:**

Aghuzir Akaba 17:1 **15:21:** Efesus 5:15

²⁴ Gumazim nighnizir aghuim ikia tuavir isin zuimin ghua, an ikitrimirim iki mangivira ikiam. Kamaghin a uamategh Gumazamizir Oveaghuezibar Nguibamin magirighan kogham.

²⁵ Ikiavira Itir God, gumazir uabira uan ziam femin dipenim gasighasigham. Egh an amizir pam aremezim, an akuragham, eghit gumazir igharaziba amizir kamin nguazim inian kogham.

²⁶ Ikiavira Itir God, gumazamizir kurabar nighnizir kuraba, a bar dar aghua. Ezi Godin damazimin zuezir gumazamizibar akar aghuiba, God da bagha bar akonge.

²⁷ Gumazim dagiabar gara navim dikava egha arazir igharagha garir kurabar amuasa, kamaghin a uan adarazi osimtizim me ganingi. Ezi gumazitam, gumazir igharaziba arazir kurabar amuasa anepezepera dagiaba a daningasa, ezi gumazir kam ghaze, "Puvati, ki ian dagiar kaba inian aghua," kamaghin gumazir kam deraghvira ikivira ikiam.

²⁸ Gumazir aghuim, a faragh deragh nighnighiva, egh gin gumazir igharazibar akaba ikarvagh. Ezi gumazir kuram zuaram akar kurabara migei.

²⁹ Ikiavira Itir God gumazamizir arazir kurabagh amibar saghuiamin iti. Egha a gumazamizir aghuir a ko migeiba, a men azangsiziba barasi.

³⁰ Ni gumazimin guamin garima a bar akuegha iti, eghit nin navim deraghram. Egh ni akar aghuim bareghti, bizir kam gavgavim nin mikarzim daningam.

³¹ Gumazim deraghvira kuarim atighti, gumazir igharazim anekir an akurvaghti, a deraghvira ikiam. Egh gumazir kam nighnizir aghuim ko fofozimin itir gumazibar tongin ikiam.

³² Gumazim, gumazir anekiramimin akam batuegham, kamaghin a uabira uabi gasighasisi. Eghit gumazim, gumazir anekiramibar akam baraki, an nighnizim ko fofozim deragh otogham.

³³ Ikiavira Itir Godin atiatia an apengan itir arazim, ta tuavir nighnizir aghuim ko fofozim iniamim. Eghit ni ubi dikabiraghan koghiva, ni ziar ekiam inighan kogham.

16

¹ E bizibar amuasa nighnisi, Ikiavira Itir God faragh amamangatighti, e akatam mikimam.

² E kamaghin nighnigha ghaze, "en araziba bar Godin damazimin bar zue." Ezi Ikiavira Itir God, en nighniziba bar ada tuisigha, en arazir e amibar mingariba a bar dagh fo.

³ Ni biziba bar dar amusi, ni faragh da isi Ikiavira Itir Godin dafarim datigh. Eghti a bizibar amuti da deraghviram otivam.

⁴ Ikiavira Itir God biziba bar dar ingari, ezi da ingangariba iti. Ezi kamaghira, Ikiavira Itir God, gumazir arazir kurabagh amibar ingerigha, dughiar abuananamin ovengesa me amisefe.

⁵ Ikiavira Itir God, gumazir ifaghata uari uan ziaba feba bar men aghua. Ezi e kamaghin fo, Ikiavira Itir God, me ateghti me pura mangeghan kogham. Puvati. A ivezir kuram me daningam.

⁶ Gumazim Ikiavira Itir God bar a gifuegha, bar an poro, Ikiavira Itir God an arazir kuraba gin amangam. Gumazim Ikiavira Itir Godin atiating an apengan iki, egh an arazir kurabagh itagham.

⁷ Gumazim Ikiavira Itir God, ifongezir arazir kamagh garibar amuti, Ikiavira Itir God an akurvaghti, a gumazamiziba bar deraghvira me ko ikiva, uaghan uan apaniba deraghvira me ko ikiam.

⁸ Ni bizir muzieriba ikia, egha ni Ikiavira Itir Godin Arazipar gin zui, kamaghin nin ikitrimirim dera. Egha nin ikitrimirim, gumazir tuavir kurabar dagiaba isa uaghan arazir kurabagh amimin, ikitrimirim gafira.

⁹ E zurara bizibar amuasa nighnisi. Ezi Ikiavira Itir God tuavir e daruamibar en akakas.

¹⁰ Atrivim akam gumazamizibagh anidi, mati Ikiavira Itir God a ganingizir akabar gun migei. Egha kotin gumazamiziba tuisizir dughiam, a bar deravira me tuisisi.

¹¹ Gumazamiziba biziba tuisighasa bizibar abaraghti, da mangi mitemra tugham, eghit Ikiavira Itir God men arazim gifuegham. Biziba tuisighamin arazim, kar Godin bizimra. A gan fogh suam, e gumazamizibagh ifaraghram ti, puvatigham.

¹² Atrivim, arazir bar kuram gami kar arazir kuram. Guizbangira, gavman arazir aghutam damighti, a iki gavgavigham.

¹³ Gumazim guizin akam akunasa atrivim ifonge.

¹⁴ Atrivim gumazir mamin aningaghe, an a misuegħti an aremegħam. Ezi gumazir nighnizir aghuim itim, an atrivim damuti a ua navir amirizim ikiam.

¹⁵ Atrivim navir aghuim iki egh gumazitam gakuegham, a deraghvira gumazir kam damuti, gumazim deraghvira ikiam. Ezi atrivimin arazir kam, mati ghuardi amozzim akua iza, daghebagħ amima da ani.

¹⁶ Ni nighnizir aghuim ko fofozim ini, ezi bizir kam bar gol ko silva gafira.

¹⁷ Gumazamizir aghuiba arazir kuramin gin zuir tuavim gitavirasi. Gumazim uan darorim deragha an asavsuisi, a deraghvira ikiam.

¹⁸ Ifaghatar arazim ko uabira uan ziam fer arazim, aning ni damighti ni irigh bar ikuvigham.

¹⁹ Gumazir organarazibagh amim uabira uabi dikabiri, ezi arazir kam deragha, gumazir uari uan ziaba fa, igharaz darazir bibia okia uarigh anidim, a bar a gafira.

²⁰ Gumazim deraghviram an sure gamir gumazibar akam baregh, dabirabir aghuim ikiam. Gumazim bar nighnizir gavgavim Ikiavira Itir Godin Godin ikiva, a bar akuegham.

²¹ Gumazamiziba fo, gumazir nighnizir aghuim itim, a deragh araziba ko, nighnizir igharaghha gariba tuisigham. Egh a gumazir migirigiar aghuibagh amim, gumazamiziba an suren akaba baraghsi bar ifueghiva dar gin mangam.

²² Gumazir nighnizir aghuim itim, a mati dipar ikirimirir aghuim anidim. Gumazamizir nighnizir aghuiba puvatiziba, me onganizir arazibagh ami, ezi bizir kam me gasighasisi.

²³ Gumazir nighnizir aghuim itim, a faragha deraghvira nighnigha, gin migirigiar aghuim gami. Ezi bizir kam gumazamizibagh amima me an migirigia baraghsha bar ifonge.

²⁴ Migirigiar aghuim mati hani, a bar isingicha, gumazamizibar mikarziba gavavim me ganidi.

²⁵ Gumazamizir maba ghaze, men araziba derazi me tuavir aghuimin gin zui. Ezi puvati. Me damu mangi mangi gin arimighiregham.

²⁶ Ingangarir gumazamiziba fo, me puvira ingarigan kogh, dagheba puvatigham. Egha bizir kam me gamima, me puvira ingari.

²⁷ Gumazir bar kuram, a gumazamiziba pazi me damuasa tuavir igharaziba buri. Egha an migirigia mati avir dafam me gasighasisi.

²⁸ Gumazamizir arazir kurabagh amiba, gumazamizibagh amima me uarir tongin akabar uarira uariv sosi. Ezi gumazir girakirangin migeim, a gumazim gamima a namakamin atari.

²⁹ Gumazir misozim, uan anav apezepera, a inigha tuavir kuramin zui.

³⁰ Ni gari, gumazim uan damaziba pira gumazir igharazim mikinti, ni fogh, gumazir kam arazir kuram damuasa nighnisi. Ni gari, gumazim pamten uan akam dukua, ni fo, an arazir kuram gami.

³¹ Gumazamiziba, gumazir ghuribar dapanir arazir ghurghuribar gari, me fo, gumazir ghuriba me arazir aghuibar gin ghua, dughiar ruarimin nguazimin iti. Kamaghin, me ziar ekiam me ganidi.

³² Gumazim zuamira aningazir puvati, an arazir aghuim gami. Ezi arazir kam, midorozir gumazimin arazim gafira. Ezi gumazim ubi gativagha uabin gari, a gumazir pamten misogha nguibar mam inizim, ana gafira.

³³ Gumazir satu* gikarareba, me foghasa, bizir manam me a damuam. Ezi Ikiavira Itir God, uabira satu gamima a men azangsiziba ikarvasi.

17

¹ Gumazim uan amuiroghboriba ko deraghavira ikia, dagher kurar abuananaba iti, arazir kam deragha, gumazir uari ko atariba ko, isar ekiam gamir arazim, bar a gafira.

² Ingangarir gumazim nighnizir aghuim ikia, uan ingangarim gami, a uan gumazir a gativazimin borimin min otogham. Eghti gumazir a gativazimin borir kuram, ingangarir gumazir kamin apebamin ikiam. Eghti gumazir a gativazir kam aremeghti, me an dagiaba ko biziba tuiragh an boribar aningiva, egh uaghan ingangarir gumazir kam sara daningam.

³ Ikiavira Itir God kamaghin foghaha, e gumazir aghuiba o gumazir kuraba, egha en naviba badagh foghaha, mati me avimin gol ko silva tuaghiva aningin gifoghaha, ka guizbangin biziim, ti puvati.

⁴ Arazir kurabagh amir gumazamiziba, akar kuraba bagha orasi. Ezi ifavaribagh amir gumazamiziba, akar ifaraviba bagha orasi.

⁵ God bar gumazamizibar ingari, egh gumazitam gumazir organarazibagh amir gumazim akar asuibar a migei, a God gasighasisi. Ezi gumazim, gumazir igharabbar gari, me osimitziba isima a bar akonge, a ivezir kuram iniam.

⁶ Gumazim ghurigha egha igiar boriba iti, a me bagha bar akonge. Kamaghin amizi, bizir kam gumazamizibagh amima me ziar ekiam a ganidi. Ezi boriba uan amebaba ko afeziabla bagha bar akonge.

⁷ Akar aghuim migeir arazim, kar gumazir nighnizir aghuim puvatizir arazim puvati. Ezi bar guizbangira, arazir ifavarim, kar gumazir aruamin arazim puvati.

⁸ Gumazim arazir kuram damuasa igharazir tav apezepera dagiaba isa me ganidi, a kamaghin nighnisi, dagiar kaba

mati akavsiam an akurvaghti a uabi uan ifongiamin gin mangi bizibar amuam.

⁹ Gumazim, namakaba a gifongegh deraghvira a ko ikisi, a me a gamir arazir kuraba gin amang. Ni fogh, ni uan namakam amizir arazibar gun mikim mangivira ikiti, an atar gua uaning abigham.

¹⁰ Ni gumazir nighnizir aghuim itim akirsi, ni dughiar vamiran a mikemeght, a fofozir ekiam inigham. Egh ni gumazir nighnizir aghuiba puvatizim akirsi, ni 100plan dughabar a ifozoregħti, a uan araziba oteghiv kinighan kogħam.

¹¹ Gumazir arazir kurabagh amim, a midoroziba forima da otifi. Eghzi me gumazir kuratam amadagħi t a izi puv a damigham.

¹² Ni asiszir bean amebamin nguzitam oke-megħ, tuavimin bean amebar kam batogħi, a puvira nin atarighti, ni bar kuramra inigham. Ezi gumazir nighnizir aghuiba puvatizim, arazir kurabagh amuavira iti, ni a batoghiva, ni bar ikuvigham. Eghzi adarir arazir kam, a bean amebamin adarir arazim gafiragħam.

¹³ Me gumazir mam arazir aghuimin a gami, ezi gumazir kam arazir kuramin me ikara, eghzi an amuiroghboriba zurara dughiar kuramin ikiam.

¹⁴ Gumazim akam adarir mam gamizi an oto, a mati gumazim dipam apirizir divazir ekiam torim a gati. Kamaghix an arazir kam ategħi, adarir ekiāba ottivan kogħam.

¹⁵ Ikiavira Itir God, kotin arazir kamming bar anningin aghħua: pura gumazimin arazir kuraba ataghixarid arazim ko, gumazir arazir kurabagh amir puvatiziba, pura me gasighasizir arazim.

¹⁶ Gumazim nighnizir aghuiba puvati, a fofozir kam givesi damuva avegham.

¹⁷ Namakar aghuiba surara e gifongegħha mamaghira iti. Ezi osimtizibar dughabar aveghħbuuba en akurvaghħas amu iti.

¹⁸ Gumazitam pura bizitam inigh, egh a ikarvaghan ibura, egh a ikarvagħsi ni mikim suam, ni na ko bizir kam ikarvaghan akam akirigh. Ni a ko akam akiran marki. Ni akam akirigha, kar ni organiha gumazir nighniziba puvatizim min iti.

¹⁹ Gumazir arazir kuram gifongezim, a uaghan midoroziba forasava ami. Ezi gumazir uabi uan ziam fem, an osimtizim min aven mangasava ami.

²⁰ Gumazim nighnizir kuraba ko ifavarir akaba surara dav gei, a deraghvira ikiān kogħam. Puvati. An osimtizibara ruiam.

²¹ Otarim nighnizir aghuiba puvatighti, an afeziam bar osemegħam.

²² Navir aghuimin arazim, a mati marasin aghuim gumazim damut a deraghvira ikiam. Eghzi gumazimin nighnizim ikuvigham, bizir kam mati arimariar kuram an agharibagħ asighħasi.

²³ Gumazir arazir kuram gamiż koti, gumazamiziba kotiam gasighasighha anepzepera dagħiaba mogħi a ganidi, eghzi a bar akuegh dagħiġi kaba inigh egh koliam gasighasigham.

²⁴ Gumazir fofozim itim, a nighnizir aghuim iniasa bar puvira ingari. Ezi gumazir nighnizir aghuim puvatizim, an organiha tintinbar għar bizzir iħbari għad-ding.

²⁵ Borim arazir organiġi minn gin zui, an amebam ko afeziam navimming ikuvigh egh bar osemegħam.

²⁶ Kot mikimti, gumazir arazir kuram gamiż puvatizim a koliam givezam, ezi koliar arazir kam bar ikufi. Egh kol mikimti me, arazir aghuim gamir gumazir aruuba isi, pura mizaziba me daningam, eghzi koliar arazir kam uaghan bar ikuvigham.

²⁷ Gumazir fofozir avrija itim, a mighiha migej puvati. Ezi gumazir nighnizir aghuim itim, a zuamira aningazir puvati.

²⁸ Kamaghix amizi, gumazir nighnizir aghuim puvatizim, a uan akam dukua, eghzi gumazamiziba suam, a nighnizir aghuim ko fofozim iti.

18

¹ Gumazir bar uabira itim, a uabira uabi ginighnisi. Eghha gumazir iħbari nighnizir aghuiba itiba, a men nighnizibagh ifongeżżejj puvati.

² Gumazir nighnizir aghuiba puvatizim, a nighnizir aghuim ko fofozim iniasa bar akongeżżejj puvati. A pura uabi fava eghha uan nighnizibha aghurasa ifonge.

³ Gumazir arazir kurabagh amim, a ghaze, "Gumazir iħbari me pura bizzibba." Eghha men ziabagh asighasigha me gamima me aghumsxi.

⁴ Gumazim nighnizir aghuim ikia migei, an akaba bar guizbangin akaba, ezi nighnizir aghuir avirim an akar kabagh izifa, mati dipam mozir pam gizivagħha emira ira zui.

⁵ Gumazim arazir kuram gamiġha koti tu, ni an akurvaghan marki. Ni kamaghix damu, gumazir arazir kuratam gamiż puvatizim tuavim apirighti, koliam an osimtizim akirighan kogħam.

⁶ Gumazir nighnizir aghuiba puvatizim, a igharaz darazi ko akabar uariv sosi. Ezi me an akaba baregha, a misoghasa.

⁷ Gumazir nighnizir aghuiba puvatizim, akabav gei, egha a uabi paza uabi gami. A mati, ivemin uabi ikezima, ivem an suiraghha a gasighasasi.

⁸ Gumazamir maba zurara, gumazir igharaziba girakirangin me migeir akaba, baraghaha bar ifonge. Ezi akar kamagh gariba mati dagher isingtiziba me zuamira da api.

⁹ Gumazir amirazim a gumazir bizibagh asighsizimin aveghbuamin min ami.

¹⁰ Ikiavira Itir Godin ziam mati dipenir gavgavim. Eghiti gumazir aghuiba, ivemariva an mangiva deraghvira ikiam.

¹¹ Dagiaba itir gumazamiziba ghaze, "Men dagiaba divazimin min me avini, eghiti me deraghvira ikiam, mati nguibam divazir gavgavim anevini."

¹² Gumazir ifaghata egha uan ziam fem, a gin ikuvigham. Ni ziar ekiam inisi, ni faragh uabi dikabiragh.

¹³ Ni faragh oregh, egh gin akam ikaragh. Ni kamaghin damighan kogh, ni arazir onganim damigh, aghumsigham.

¹⁴ Gumazim ariava an nighnizim gavgavigha ikiavira iti, kamaghin an armiar kam dikabiragh. Eghiti gumazimin nighnizim ikuvigham, a manmaghinh ua deraghah?

¹⁵ Gumazir nighnizir aghuim itim, a fofozim iniasa puvira ingari, egha bizar aviribagh fofosi. Egha deravira gumazir an sure damuamiba barasi.

¹⁶ Ni gumazir aruutam ko mikimsi, a bagh izi bizar aghuitam inigh iziti, a ni ateghti ni an ganam.

¹⁷ Gumazir kotin tughav ikia faragha migeim, ni an akam baregh mikim suam, akar kam ti guizbangira. Eghiti gumazir igharazim an akar kam akirsi an azangsigham, eghiti ni an akar kam baregh foghan kogham, tinan akaba ti bar guizbangira.

¹⁸ Kotiam gumazir aruamningin tongin aning akirghan kogh, egh kotiam satu gikararangiva gumazim amisevegehti kotiam givaghah.

¹⁹ Ni uan aveghbuam damuti an navim nin ikuvigham, eghiti a uan nighnizim suiragh ni gifueghan kogham. A mati gumazamiziba nguibamin divazimin tiam asarazi, gumaziba aven mangan ibura. Ezi gumazir pumuning akabar uaning misogha dafarimningin suirazir puvati, bizar kam aningin tuavim apirighti aning navir vamiran ikian kogham, mati tiar

akar gavgavim gumazimin tuavim apirizi, a dipenimin aven mangan ibura.

²⁰ Nin migirigiaba deraghti, nin navim bar akuegham.

²¹ Nin migirigiaba, da gavgaviba iti. Da gumazim damuti a deraghvira angamira ikiam, o da uaghan gumazim damuti a ikuvigham. Kamaghin amizi, ni migirigiar aghuibav kimamin arazim gifongegh, ni deraghvira ikiam.

²² Ni amuimin iti, bizar kam bar dera. Bizar kam kamaghin nin aka, God ni bagha bar akuegha egha an navim bar nin dera.

²³ Onganarazibagh amir gumazim aghumra dagiaba itir gumazim migia, uabin akurvaghaha an azangissi. Ezi dagiaba itir gumazim pamten an akam ikara.

²⁴ Gumazim namakar aviriba itima, me an akurvazir puvati. Ezi gumazir maba, guizin namakaba iti. Namakar kamning deragha uaningin porogha navir vamiran iti. Egha aningin arazim, aveghbuar pumuningin tongin itir arazim gafira.*

19

¹ Gumazim biziba puvatigha, a gumazir aghuim, a gumazir nighnizir aghuiba puvatigha ifavaribagh amim, bar a gafira.

² Gumazim bizitam ingarasa gavgafi, egha bizar a damusa ifongezir kam a deragha a gifozir puvati, ezi arazir kam derazir pu. Egha gumazim zuamira ingangarir tam damuasa, a ingangarim damuti a deraghviram otoghan kogham.

³ Gumazamizir maba arazir onganibagh amua egha uarira uari gasighasigha, egha gin osimtizim isa Ikiavira Itir God garigha an atari.

⁴ Gumazir dagiar aviriba itim, a namakar aviriba ikiam. Eghiti gumazir dagiar aviriba itir puvatizim, an namakaba aneteghti a ua namakaba puvatigham.

⁵ Gumazim kotiam gifaragh, a iveau kram iniam. Me aneteghti a pura mangighan kogham.

⁶ Gumazir aviriba, gumazir ziaba itiba me gifueghsi, me me mikimiiva me apezeperam. Eghiti gumazir bizar aghuiba anidim, gumazir aviriba a ko namakam damuam.

⁷ Gumazir biziba puvatizim, an aveghbuuba an aghuaghah. Ezi kamaghira an namakaba uaghan akirim ragha a gasara. A me migia me apezeperi, ezi an akaba pura biziba.

⁸ Gumazim uabira uabin akurvaghaha, puvira ingara nighnizir aghuim ko fofozim isi. Egha gumazim deravira fofozir kam uan nighnizimin an suiraghah, kamaghin a dabirabir aghuim ikiam.

⁹ Gumazir kotiam gifarazim, a iveau kuram iniam. Me kamagh garir gumazir ifarim misuegħti an aremegħam.

¹⁰ Gumazir nighnizir aghuiba puvatizim, a dagħiav aviriba iti, bixiż kam derazir puvati. Ezi ingangarum gumazir kinim gumazir dapanim min otogħiha gumazir aruabagh ati-vagħen men ganam, bixiż kam a bar ikufi.

¹¹ Gumazir nighnizir aghuim itim, a zuuġġira adarim damiġħan kogħam. An arazir faraghvira amimra kara, a gumazir iħarazib a gamir arazir kurabagh nighnizir puvati.

¹² Atrivim atariva aningagħam, a mati lajon pamten tiarim akara dazeri. Ezi an navim deragħa, gumazamizibar akurvaghha ifonge, a mati amożżim dagħebagh izima da deraghviram otifi.

¹³ Otarir nighnizir aghuiba puvatizim, an osimtizir bar ekiam uan afeziam ganidi. Ezi gumazim min amuim, an atara migħi migiġiġiav aviribagh ami, a mati amożżim dipen isiriam torim ixzagħira, zurara muziaribar iravira iti.

¹⁴ Nin afeziam ko amebam dipenim ko dagħiaba ko biziba ni daningam. Eghzi God uabira amuir nighnizir aghuim itim ni daningam.

¹⁵ Gumazir amiraziba zurara akuavira iti. Gumazir puram apiav itim, a dagħeba puvatid eghi mitriaribar ikiam.

¹⁶ Gumazir Godin Arazibar gin zuim, a deraghvira iki ikuvighan kogħam. Ni Godin Araziba akirim ragħ dagh asaragh, ni aremegħam.

¹⁷ Ni organarazibagh amir gumazim min apangkuvigha bizim a ganingi, mati ni Ikiavira Itir God bizim puram a ganidi, eghzi Ikiavira Itir God gin bixiż kam ikarvagħam.

¹⁸ Nin borim akam batosi, ni anekirighti, ana arazir aghuimin gin mangam. Ni anetegħi ana arazir kuramin gin mangam, mati ni ovengħasa an amamangati.

¹⁹ Gumazir zuamiram adaribagh amim, a uan arazir kurabar osimtiziba ateram. Eghzi ni an akuragh an osimtizim agivagħam, kamaghira ni gin uam an akuragh.

²⁰ Ni gumazim ategħi a nin sure damuva nighnizir aghuim ni daningti, ni gin nighnizir aghuim ko fofozim ikiam.

²¹ Gumazamizibha bixiż aviribar amuasa nighnisi. Ezi bixiż Ikiavira Itir God damuasa nighnizim, bixiż kamram otivam.

²² Gumazim akar a ubi amiziba, gavvagħha dar gin zui, gumaziba a gifonge. Guizbangira, kamaghin derazir puvati, gumazim organarazibagh amir gumazim min

ikiam, kamaghin derazir puvati. Egha onganarazibagh amir gumazim, a gumazir aghuim, a gumazir ifarim bar a gafira.

²³ Ni Ikiavira Itir Godin atiati an apengen ikiam, arazir kam ikirimir aghuim ni daningam. Eghzi ni avugħsi deraghvira iki mamaghira ikiti, bixiż kuratam ni gasigasighan kogħam.

²⁴ Gumazir amirazim dagħebar amasa uan dafarim isa itarim gatigha ikia, uan agharim feħġi dagħetamin suiragh uan akam darighan aghua.

²⁵ Ni gumazir akaba dipovim misuegħti, gumazir nighniziba puvatizim ganigh fogħam, a ubi arazir aghuimin gin mangam. Eghzi ni gumazir nighnizir aghuiba itiba akirti, men fofozim bar deraviram otogħam.

²⁶ Borir tam uan afeziam paziva a damuva, uan amebam dipenim a bat-uegham, kamaghin a uan adarazi damuti me bar aghumsigham.

²⁷ Nan borim, ni ua nighnizir aghuimin sure damuan aghuagh, ni gumazir nighniziba puvatizibar arazibar gin mangam.

²⁸ Arazir kuram gamir gumazim kotin otogh, bar akuegħ kot gifaragh anegivagħam. Ezi arazir kuram, a bar kamagh amir gumaziba, men dagħer isingħiżiż imra.

²⁹ Gumazir akar kuraba ko akar asuiba geiba iveau kuraba iniam. Eghzi gumaziba, gumazir nighniziba puvatiziba, men akiriba fozoregħam.

20

¹ Gumazir dipar organir aviriba apim, an akar asuiba ko akar kurabav mikkimiva egh pura misogħam. Guizbangira, gumazim dipar onganim ataghixi an a għażiex, a nighnizir aghuiba puvati.

² Atrivim adarim ko aningagħarim, atiatim gumazamizibagh anidi, mati lajonin ararem. Ni atrivim damuti an aningagħegħam, ni ovegham.

³ Gumazir akirim ragħha midorozir arazim gasarazim, a ziar ekim iniam. Ezi gumazir nighnizir aghuiba puvatizim, a zurara akamadrabibha amima da otifi.

⁴ Gumazir amirazim dagħeba oparid dughħiġi min a uan dagħer azenimin īngarri puvati. Eghi dagħeba iniam min dughħiġi, a mangi pura uan azenimin dagħeba buriam.

⁵ Gumazim nighnizim mati mozir dipam, bar kone, ezi gumazir fofozir aghuim itim, a nighnizir kam gekuigh azenim datiqħam.

⁶ Gumazamizir aviriba ghaze, me uan namakaba bar me gifonge. Ezi gumazamizir vaghvazibara guizbangira gumazamizir igharaziba ko namakabagh ami.

⁷ Afeziatam, a gumazir aghuim, egha arazir aghuimin gin zui, egheti an gin zamin boriba bar akongegham.

⁸ Atrivim kotiaba barazir dughiam, a deraghavira kotiaba bagha izir gumazamizibar migirigia tuisigha dagh fo, bizir manam dera, manam ikufi.

⁹ Tinara kamaghin mikim suam, "Ki Godin damazim uabi uabi gamigha bar zue. Ezi datirighin arazir kuratamin osimtitizitam nan itir puvati." Ti puvati.

¹⁰ Gumazamiziba bizibagh iveauza ifongezi, gumazamizir biziba amadiba me paza biziba amagava, me gifari, ezi arazir kam, Ikiavira Itir God bar an aghua.

¹¹ E gumazir mamin arazibar ganiva fogh suam, a gumazir aghuim, ti gumazir kuram. Ezi arazir kamra e uaghan boribagh fogham, me deraghaviram ami, o me pazava ami.

¹² Ikiavira Itir God, bizibar ganamin damaziba e ganingi, egha biziba baraghamin kuariba e ganingi.

¹³ Ni gumazir zuraram akum, ni dagiaba puvatih ni onganarazibagh amir gumazimin min otogham. Ni dikavigh ingariva, egh ni dagher aviriba ikiam.

¹⁴ Gumazim bizitam givezasa amima, bizir kam invezim bar pin kozi, a migiavira ikia ghaze, bizir kam guizbangira derazir puvati, kamaghin me bizimin invezim isivaghti a izighiri. A gin bizir kam givezegha ghua uan ziam fa uan namakabav gia ghaze, an invezim bar izaghiri, a dagiar bar muziarimin a givese.

¹⁵ Gumazimin akam nighnizir aghuim gumazamizibagh anidi, arazir kam bar guizin bizi, egha gol ko dagiar igharagha gara bar pin kozibagh afira.

¹⁶ Gumazitam, gumazir igharazim pura inizir bizibagh ivesi akam akirigh, dagh invezeghan kogham, gumazir kam arazir kuram gami. Egheti gumazitam nin bizitam puram a inisi ni ko akam akirti, ni bizir kam ikaravazim bagh faragh an bizitam puram a inigh.

¹⁷ Bizir ni ifavarir arazim gamua pura inizim, ni suam, a mati dagher aghuim isingi. Egheti a gin iragh bar bizir kuramin min otoghiva, mati gigimin min nin akam gizivagham.

¹⁸ Ni faragh nighnizir aghuim igharazitav dam a inighti, nin ingangarim mangam. Kamaghira, ni apanim misoghs, ni faragh deraghvira igharazitav da nighnizim inigh fogham, ni manmaghin misogham.

¹⁹ Gumazir puv girakirangin migeim, ni modogh a mikeghti, a mangi akar kamin gun igharazitav mikemegham. Kamaghin, ni gumazir tintinibav geim ko poghan marki.

²⁰ Gumazim uan afeziat ko amebam akar kurabar aning mikemegham, an aremegham, mati lam dimagarimin munge.

²¹ Gumazim, an amebam ko afeziat ikiavira iti, a zuamira aningin danganim inigh biziba inighti, bizir kaba deraghvira ikian kogham.

²² Ni gumazir igharazim ni gamizir arazir kuraba ikarvaghisi nighnighan marki. Ni nighnizir gavgavim Ikiavira Itir Godin iki, a mizuamti a nin akuragh. Egh nin osimtitizir kam agivagham.

²³ Gumazamiziba bizibagh iveauza ifongezi, ezi gumazir biziba amadiba paza biziba amagava, me gifari, ezi arazir kam, Ikiavira Itir God bar an aghua.

²⁴ E nguazir kam inir dughiamin, Ikiavira Itir God e bagha tuaviba bar adagh inabazi da iti. Ezi e manmaghin tuavir kabagh fogham, da managh zui? Bar puvati.

²⁵ Ni faragh deraghvira nighnigh, egh ofa isi God daningisi akar dikirizir gavgavim damigham. Ni akar dikirizir gavgavim zuamiram a damigh, ni gin akar kam puviram a ginighnigham. Egh ni kamaghin damuva, uabi gasighasigham.

²⁶ Atrivir nighnizir aghuim itim, kotiabagh amuava, deraviram arazir kurabagh amir gumazamiziba tuisigha fogha, men apangkuvir puvatigha, iveauza kuram me ganidi.

²⁷ En navir averiaba, mati lamba, Ikiavira Itir God e ganingi. Da en nighniziba ko arazibar ganiva, deragh da tuisigham.

²⁸ Atrivim arazir aghuimra uan gumazamizibagh amuava, men apangkuva, men akurvasi, kamaghin a deraghvira ikiva dughiar ruarimin Atrivimin ikiam.

²⁹ Gumazir igiaba me gavgaviba iti, ezi bizir kam gumazamizibagh amima, me me bagha bar akonge. Ezi gumazir ghuriba dapanir arizir ghurghuriba iti, ezi gumazamiziba bizir kam ginighnigha ziar ekiam me ganidi.

³⁰ Ni gumazir arazir kuram gamizim misuegħti, bizir kam a damuti a uan arazir kuraba akirim ragħiġ dagh asaraghiva, gumazir aghuimin otogħam.

21

¹ Ikiavira Itir God nighniziba atrivim ganidima, atrivim an ifongiāmin gin zui, mati dipam dagħurim in ivemari.

² E ghaze, e amir araziba, da dera. Ezi puvati. Ikiavira Itir God en araziba ko navir averiaba tuisigha, en arazir kabar mingariba deravira dagh fo.

³ E arazir aghuiba ko, Godin damazim derazir arazibar gin mangam. Ezi Ikiavira Itir Godin damazimin, arazir kam e ofaba God ganidir arazim bar a gafira.

⁴ Gumazir arazir kurabagh amiba, zurara ifaghata uari uan ziaba fe. Kamaghin amizi, arazir kuram bar me gizifa.

⁵ Gumazir puvira ingariba, me zurara deraghavira nighnigha ingangaribagh ami. Ezi men ingangariba deraviram otivima, me bizar aviriba iti. Kamaghira gumazir atamatam ingariba, men ingangarim deragh otoghan koghti, me biziba izivaghan kogham.

⁶ Gumazim migirigiar ifavaribagh amuava dagiar aviriba ko biziba isi, an ovever tuavimin iti. Guizbangira, gumazir kamin dagiaba ko biziba mati ghuiaram dughiar bar otevimin ikegh, bar givagham.

⁷ Gumazir arazir kurabagh amiba, arazir aghuibar amuan aghua. Me gumazir igharaziba paza me gami. Ehti men arazir kamra me agivagham.

⁸ Gumazir arazir kuram gamim, a ifavarir tuavimin zui. Ezi gumazir osimtiziba puvatiziba, me arazir aghuiba am.

⁹ Gumazim uan dipenimin siriamin uabira aperaghav iti, a dera. Arazir kam, an amizir atara puv migeim ko dipenimin aven itir arazim, a bar a gafira.

¹⁰ Gumazir arazir kurabagh amiba, me arazir kurabar amuasa mitriaba men azi. Egh me gumazir men boroghin ititamin apangkuvighan kogham.

¹¹ Me, gumazir akaba dibova akabav geim ivezir kuram a danighti, gumazir nighniziba puvatizim ganighiva, nighnizir aghuim ko fofozim iniam. Ehti me gumazir nighnizir aghuim itimin sure damighti, an fofozim bar deraghviram otogham. ¹² Godin arazim a bar dera, egha arazir gumazir kuraba uan dipenibar aven amiba, a bar dagh fo. Egh a gumazir kaba me gasighasigham.

¹³ Ni uan kuarimning migoroghti, onganarazibagh amir gumazamiziba uarir akurvaghsı nin dimtima ni me baraghan kogham, ehti gin gumazamiziba ni dimdiam bareghan kogham.

¹⁴ Gumazitam nin atarighti, ni bizim mogomemin a daningichti, an adarim amiraghram.

¹⁵ Gumazamiziba kotin deragha araziba tuisisi, gumazamizir aghuiba me bar

akuegham. Ehti gumazir arazir kurabagh amiba men navir averiaba bar moghira ikuvigham.

¹⁶ Gumazir nighnizir aghuimin tuavim ataghizim, an ovegh mangi gumazir ariaghireziba ko ikiam.

¹⁷ Gumazir dagher aghuim ko wainin dipaba apava bar akongezim, an dagiaba giavghti, a biziba puvatigham.

¹⁸ Osimtizim gumazamizir aghuiba batoghti, gumazamizir arazir kurabagh amiba, men danganiba inigh osimtizir kaba ateram.

¹⁹ Gumazim, gumazamiziba puvatizir danganimin uabira iti, a dera. Arazir kam, an amizir zurara atara puvira migeim ko itir arazim, a bar a gafira.

²⁰ Gumazir nighnizir aghuim itim, a bizar igharagha garir aghuir aviriba uan dipenimin ada akufi. Ezi gumazir nighnizir aghuiba puvatiziba, me uan biziba agefi.

²¹ Gumazir arazir aghuim ko igharaz darazir apangkuvir arazimin gin zuim, a dughiar ruarimin deraghvira ikiti, me arazir aghuimin a damuva, ziar ekiam a daningam.

²² Gumazir nighnizir aghuim itim, a nguibam inisi tuavir aghuim midorozir gumazibar akaghram. Ehti gumaziba kamagh mikimam, nguibamin divazim bar gavgavizi, apaniba anekaran iburaghram. Ehti midorozir gumaziba mangi misoghiva, nguibamin midorozir gumazir gavgaviba dikabiraghiva, nguibam iniva divazir kam gasighasigham.

²³ Gumazir faragh deragh nighnigh biziav kimamim, a uabin akurvaghti osimtiziba a bativan kogham.

²⁴ Gumazir akaba batozim, a ifaghata akar asuiba gumazir igharazibav gei. Egha zurara uabi uan ziam fasa gavgafi.

²⁵ Gumazir amirazim biziiba iniasi ifonge, egha a ingangaribagh amir puvati. Ehti an ifongiar kam a damighti, an aremegham.

²⁶ Gumazir amirazim, bizar igharaghaga gariba iniasi zurara nighnisi. Ezi gumazir aghuim bizar avirum gumazir igharazibagh aniga da bagha nighnizir puvati.

²⁷ Ekiam gumazir arazir kurabagh amibar ofa bar aghua. Ezi gumazim arazir ifavarimin gin ghua ofabagh ami, ezi Ekiam ghaze, arazir kam bar ikufi.

²⁸ Gumazim kotiam gifaragh, egh aremegham. Ehti gumazir deraghviram akaba baraghda tuisizim, a mikimti, gumazamiziba deraghviram an akam baraghram.

²⁹ Arazir kurabagh amir gumazim kamaghin amua ifara ghaze, ki gumazir aghuim.

Eghti gumazir aghuim zurara deraghvira uan darorim ginighnigh, bizibar amuam.

³⁰ Ni nighnizir aghuim ko fofozir aghuim ko bizibar amuamin fofozim iki, egh ni Ikiavira Itir Godin apanimin ikiti, nin fofozir aghuir kam nin akuraghan kogham.

³¹ Midorozi gumaziba uan hoziaba midorozim bagha dar kiri. Eghti Ikiavira Itir God uabira me damutti me apaniba dikabiraghram.

22

¹ Gumazamiziba ghaze, ni gumazir aghuim, ezi me ziar ekiam ni ganidima, arazir kam bar dera. Guizbangira, ziar ekiam iniamin arazim, a dagiar aviriba iniamin arazim, bar a gafira.

² Ikiavira Itir God gumazamiziba bar adar ingari, gumazamizir dagiaba izivaziba ko gumazamizir onganarazibagh amiba.

³ Gumazir nighnizir aghuim itim, a gara fo, osimtizim a bativasava amima, a uabi modogha a gita. Ezi gumazir nighniziba puvatizim, an osimtizimin garima an ta'avimin itima, a ghua a batogha, osimtizim ateri.

⁴ Ni ubi dikabiraghira Ikiavira Itir Godin atiati an apengan iki, dagiar aviriba ikiva, ziar ekiam ini, deraghvira ikiam.

⁵ Bizir gumazamizibagh amima me daighira ikuvim, da gumazamizir arazir kurabagh amibar tuavimin iti. Eghti gumazim deragh ikisi, a deraghvira uan darorimin ganiva, bizir kurar kabagh itaviragh.

⁶ Ni arazir aghuimin gin mangisi uan borimin sure damuti, a tuavir kamini mangivira iki mangi a bar ghurigham.

⁷ Gumazir dagiaba izivaziba gumazir bizi ba otevezibagh atifa. Ezi gumazir pura biziba inigha tighar da ikarvaghambiba, me gumazir pura biziba me ganidiba, men ingangarir gumazir kinibar min iti.

⁸ Gumazir arazir kuram gamizim, dughiar kuram a bativam, eghti a ua gumazir igharaziba pazi me damuan kogham.

⁹ Gumazir biziba isa gumazir igharazi bagha anidiba, me dagheba isa onganarazibagh amibagh anidi. Kamaghin, Ekiam me bagha bar akongegha deravira me gami.

¹⁰ Ia gumazir akaba dibovir akabav dav geiba, batuegti, akamadariba ko akar kuraba givagham.

¹¹ Gumazim Godin damazimin zurara zuegh iki, akaba deraghti, atrivim an ro-roamin otogham.

¹² Ikiavira Itir God deraghvira gumazir fofozir aghuim akakazimin gara, gumazir ifavaribar akaba, da dikabiri.

¹³ Gumazir amirazim pura dipenimin apiav ikia kamaghin migei, "Laionin tam ti tuavimin ikiamma. Kamaghin ki tuavimin azenan mangichti, laion na misueghti ki aremegham!"

¹⁴ Amizir akar asuibar gumazibav gia me isava me ko akuim, an akam mati mozir mam bar kone. Eghti Ikiavira Itir God gumazitamin arazir kuraba ikarvaghira, an teghti a mozir kamin magirigham.

¹⁵ Boriba organigha arazir igharaghira garibagh ami. Ezi kamaghin ni me akirs me misueghti, me arazir kam ategham.

¹⁶ Gumazim arazir kuramin onganarazibagh amir gumazamizibagh amuava, men bizi ba isi, ko gumazir dagiaba izivazir gumazim bizi aghuim isa a ganidim, gumazir kamaghin amimning, uaning gumazir onganarazibagh amimning min ikiam.*

Gumazir nighnizir aghuiba itibar 30plan akar aghuiba (Sapta 22:17-24:34)

¹⁷ Ki datirighin gumazir nighnizir aghuiba ko fofozim itibar akabar nin sure damuasa. Ni deraghviram akar kam baragh, egh a ginighnigh. ¹⁸ Nighnizir kam nin navir ave-riamin ikiti, ni an gun gumazir igharazim mikimti, nin navim deraghram.

¹⁹ Ki datirighin akar kamin gun mikimasa, eghti ni ubi a baraghira, guizbangira nighnizir gavgavim Ikiavira Itir Godin ikiam. ²⁰ Ki 30plan akar aghuiba osiri, da deragh nin sure damuva nighnizir aghuim ko fofozim ni daningam.† ²¹ Kamaghin ni guizin akamin mingarim gifogham. Egh gumaziba ni amadaghti ni mangi fogh, akar manam guizbangira, ni foghiva deraghvira me geghanam.

Akar aghuir namba 1

²² Ni kamaghin nighnighan kogh suam, onganarazibagh amir gumazamiziba me pura gumazir kiniba, ezi ni pura men bizi ba isi. Eghti kamaghin me kotiamin otoghti, ni kotiamin me dikabinan marki. ²³ Guizbangira, Ikiavira Itir God me bagh ganiva egh men akurvaghram. Eghti gumazitam pazi gumazir onganarazibagh amiba me damighti, Ikiavira Itir God pazi gumazir kam damigham.

Akar aghuir namba 2

²⁴ Ni gumazir zuamiram atara puram aningaziba, me ko roroabar amuan marki.

^{22:1:} Fofozir Gumazim 7:1 ^{22:6:} Efesus 6:4; 2 Timoti 3:15 ^{22:8:} Jop 4:8; Hosea 10:13 ^{22:10:} Aghuzir

Akaba 26:20 * ^{22:16:} Hibrun akam deraghva vezin kamin mingarim abighizir puvati. † ^{22:20:} Hibrun akam akar otivir kam deraghva a gifozir puvati, "30plan akar aghuiba." Gumazir maba kamaghin a gira, "Akar maba, da bar dera." Ezi marazi ghaze, "Fomira itir akaba."

²⁵ Ni kamaghin damu, ni men arazim inighti, gin bizar kuraba azuazimin min ni misuegh ni gasighasigham.

Akar aghuir namba 3

²⁶ Gumazim igharazitav dam pura bizim inighti, ni a ikarvaghsı puram akam akiran marki. ²⁷ Ni bizar kaba ikaraghan koghti me nin biziha bar da inigh, nin dakozim uaghan a inigham.

Akar aghuir namba 4

²⁸ Egh nin ovaviba bar fomira nin nguazimin mitaghniam gatizir ababarim gisivagh mangan marki.

Akar aghuir namba 5

²⁹ Eghti gumazir ingangarir aghuim gamim, an Atrivimin ingangarir gumazimin otogham. Kamaghin amir gumazim, a gumazir ziaba puvatizimin ingangarir gumazimin otivan kogham.

23

Akar aghuir namba 6

¹ Ni aperagha ikia gumazir aruar mam koma api, egh ni dagher me ni daningamimra nighnigh, dagheba apir arazir aghuimin gin mangi. ² Egha ni puv apir gumazim, ni uan ifongiam abiragh. ³ Egh ni gumazir aruar kamin dagher aghuiba bagh puv ivizivghan marki. Da ni gifaraghti, ni arazir a ifongezir puvatizim damigham.

Akar aghuir namba 7

⁴ Ni dagiaba bar izivazir gumazimin min otvisi pamter ingaran marki. Ni nighnizir aghuim ikiva, egh kamaghin damuan kogham. ⁵ Ni dagiar aviriba inighti, da zuamira givagham. Dagiaba givaghamin arazim, mati kuarazir isam aviziba ikia mighheba bar isin mar ghu.

Akar aghuir namba 8

⁶ Ni gumazir uan bizibar suighavghira dar anogorozim ko daman marki. Egh ni an dagher aghuim bagh ivizivghan marki. ⁷ Ni a ko damiti a kamaghin ni mikimam, "Ni izi, uan ifongiamin gin mangi taba ua dar ami." Egha a guizbangira migeir puvati. A uan nighniziminaven ni damamin dagheba an ada amisefe. ⁸ Eghti ni gumazir kamin arazim gifogh, egh dagher ameziir kabar mighsi damuam. Eghti nin asuir akar ni a mikemeziba, da pura givagham.

Akar aghuir namba 9

⁹ Ni gumazir nighnizir aghuiba puvatizim ko mikiman marki. Ni nighnizir aghuim a daningam, a bar aghuaghan.

Akar aghuir namba 10

¹⁰ Bar fomira me nguazibar mitaghiniaba ariki, ezi ni mitaghniar kabagh isivaghan marki. Egh ni ameboghfeziar oveaghuezibar boribar nguaziba inian marki. ¹¹ Ezi Ikiavira Itir God ubi mati borir kabar anabar gumazimin min, men akurvaghmin ingangarim iti. Egh a kotiabar aven men akurvaghzi bar gavgavigh ikiam.

Akar aghuir namba 11

¹² Me nin sure damuti, ni bar deraghvir suren akar aghuiba suiragh. Egh ni deraghvir fofozir aghuim itir akaba baragh.

Akar aghuir namba 12

¹³ Ni borim akirsi, a misoghsı atiatingan marki. Ni aghorimin a misogh, an aremeghan kogham. ¹⁴ Guizbangira, bizar kam an akuraghti, a Gumazamizir Oveaghuezibar Nguibamin mangighan kogham.

Akar aghuir namba 13

¹⁵ Nan borim, ni nighnizir aghuim ko fofozim inighti, nan navim bar deraghram.

¹⁶ Eghti ni guizin akam mikimti, nan navir averiam bar akuegham.

Akar aghuir namba 14

¹⁷ Ni gumazir arazir kurabagh amibar arazibagh ifongeghan marki. Ni zurara gavgavigh Ikiavira Itir Godin atiating an apengen iki. ¹⁸ Ni kamaghin damuva, egh ni gin dughiar aghuim bativam, egh ni zuamiram oveghan kogham.

Akar aghuir namba 15

¹⁹ Nan borim, ni nan akam baragh, nighnizir aghuim iniam. Egh uan daroriba deraghvir dagh nighnigh. ²⁰ Egh ni puv wainin dipaba apir gumazamiziba ko pughan marki. ²¹ Guizbangira, wainin dipaba apa organizir gumazamiziba ko puv apir gumazamiziba, me bar organarazibagh amir gumazamizibar otivigham. Ezi gumazir apava puram akiim, a dughiar otevimira korotiar biaghireziba uan mikarzim avam.

Akar aghuir namba 16

²² Ni uan afeziar ni gamizi ni datirighin itim, ni an akam baragh. Egh nin amebam ghurichti, ni a bakinighnigh an aghuaghan marki. ²³ Egh ni guizin arazim ko, nighnizir aghuim ko, suren akaba ko, fofozir igharazir maba bagh gavgavigh da inigh. Egh ni arazir kaba makunan marki.

²⁴ Guizbangira, gumazim nighnizir aghuim ikia arazir aghuimin gin zui, ezi an afeziam bizar kam bagha bar akonke.

²⁵ Ni arazir aghuir kabar gin mangiti, nin

22:28: Godin Araziba 19:14; 27:17; Aghuzir Akaba 23:10

22:29: 1 Atriviba 11:28; Aghuzir Akaba 10:4; Fofozir

Gumazim 9:10; Matyu 25:21; Rom 12:11

23:4: Aghuzir Akaba 28:20; 1 Timoti 6:9-10

23:10: Godin Araziba 19:14; 27:17; Aghuzir Akaba 22:28

23:13: Aghuzir Akaba 13:24; 19:18; 29:15

23:23: Aghuzir Akaba 4:5-7; Matyu 13:44

afeziām ko amebar ni batezim, aningin navimning bar deragh bar akuegham.

Akar aghuir namba 17

²⁶ Nan borim, ni deraghvira nan akam baragh nan arazibar gansi bar akongegh. ²⁷ Guizbangira, tuavimin amizim ko, amizir pam ikia gumaziba isava akuiim, aning mati mozir bar konezim. ²⁸ Ezi amizir kamagħin amim, okimakiar amizimin min gu-maziba bagħha mizu gara iti. Egha a gu-mazir aviribagh etuima me uan amuiba ataghirasi.

Akar aghuir namba 18

²⁹ Gumazir manaba osimtizir ekiaba ikia, egha uari uarir apangku? Ezi gumazir manaba puvira migia midoroziba forima da otifi? Ezi gumazir manabar mikarziba du-abu puram otiva isi? Ezi gumazir manabar damaziba zuraram men aghefi?

³⁰ Kar gumazir wainin dipar aviriba ko dipar oħanġi maba saram apiba, kar mer-a. ³¹ Guizbangira, wain ganganir aghuim gamua, kavin aven angazgarim ikia, nin kuarighmizim dera. Egh ni wain ategħi tħalli a ni gekuu marki. ³² Ni anemegħi, gin kamagħin uabi baraghom, a mati kuruzim ni-givizima an imezim nin mikarzim aven għu. ³³ Eghi tħalli nihħnizim ikuvighti, ni suam, ni bixiż iħarragħa garibar għalli. Egh ni pura bixiż oħanġi iħarragħ kimam. ³⁴ Egh ni dakusi, ni uabi baragh, mati ni kurumin dipenim għisx ittim ana ongarimin għħua ni isa vong ko vongni nni akuri. ³⁵ Egh ni kamagħin mikimam, “Me na misozi, ki orazir puvati. Manmagħi amizi ki dikavizir puvati? Ki dikavigh ua dipar oħanġi ramasa.”

24

Akar aghuir namba 19

¹ Ni gumazamizir arazir kurabagh amibar arazibagh ifueghan marki. Egh men pogħsi nighnighan marki. ² Guizbangira, me gumazamizibagh asiġħas ħaż-za nighnigha, zurara osimtizibar amuti da otivamin arazibav gei.

Akar aghuir namba 20

³ Gumazir nighnizir aghuim ko fofozim ittim, a dipenir aghuimin ikiti, an amirogħ-ħoriba gavgavigh ikiam. ⁴ Kamagh garir gumazim, a bixiż aghuim avirir bar pin kozibagh iverzegħ uan dipenim dar arīgħam.

Akar aghuir namba 21

⁵ Gumazir nighnizir aghuim ko fofozim ittim, a gumazir gavgaviba ittim. Nighnizir aghuim bar deragħha gumazir gavgavim min arazim gafira. ⁶ Guizbangira, atrivim nġuġbar iħarrax is-za mif-ġuġi, a faragh

gumazir midorozim min arazibagh fożi da nighnizim inigham. Atrivim, gumazir nighnizir aghuiba a daningamin aviriba ikiti, a midorozim gafiragħam.

Akar aghuir namba 22

⁷ Nighnizir aghuim bar pin kogħha, gumazir nighnizir aghuiba puvatizim min nighnizim a gafira. Gumazamizibha ap-aghav ikia bixiż ekiaba bagħ akabav sosi, eżi gumazir nighnizir aghuiba puvatizim, puram akam dukuaghha aperaghav iti.

Akar aghuir namba 23

⁸ Gumazir arazir kuram damuasa nighnizir aviribagh amim, me a dipon suam, osimtibagh amir gumazim.

⁹ Gumazamizibha nighnizir aghuiba puvatizibha, me arazir derazir puvatizibar amuasa nighnisi, eżi arazir kaba bar arazir kuraba. Eżi gumazamizibha, dibovir akabav geir gumazim min għara ghaze, a gumazir kuram, e bar an aghħua.

Akar aghuir namba 24

¹⁰ Dugħiar kuram ni batogħti, nin aghħarir suiaba amiragħti, ni guizbangira gavgaviba puvatigham.

Akar aghuir namba 25

¹¹ Kot pazi mikim suam, me gumazim misuegħti an aremegħam, ni uamategħ mangi gumazir kam uam a inigh an akur-vagħam. ¹² Ni kamagħin mikim an kogħi suam, “Ki bixiż kam għifor puvati. Kar nan bixiż puvati.” Puvatigham. Ikiavira Itir God deraviram nin għara, bar deraviram min nighnizibha tuisisi. Egha a nin akar kamin mingarim għifo. Egha a gumazamizibha amizir arazibha bagħi vagħvagh me ikarvagh iverzegħ me daningam.

Akar aghuir namba 26

¹³ Nan borim, ni hanibar ami. A bar nin akamini isingi. ¹⁴ Eżi ni kamagħin fogħasa ki ifonge, nighnizir aghuim a uaghjan deragħha bar isingi. Eghi tħalli a inigh, gin dugħiar aghuim batogħi, egh zuamriż aremegħan kogħam.

Akar aghuir namba 27

¹⁵ Ni gumazir kuramin min modogh, gumazir aghuimin dipenim min ganiva, an dipenim akarib an bixiżha okiman marki.

¹⁶ Guizbangira, gumazir aghuim dugħiar aviribar daqħi, egha zurara ua dikafi. Eghi dugħiar kuram gumazir arazir kurabagh amiba batogħti, me bar iku-vagħim.

Akar aghuir namba 28

¹⁷ Ni uan apanim għanti, dugħiar kuram a batogħti, ni bar akuegħan marki. A uan dagħarim bixitħam gasegħ iriġi damuti,

ni an ingarvakan marki. ¹⁸ Ni kamaghin damut, Ikiavira Itir God nin gantima ni bar akueghti, a navir kuram nin ikiva egh nin apanir kamin ataran kogham.

Akar aghuir namba 29

¹⁹ Ni mighigh gumazir arazir kurabagh amibar arazibagh nighnighan marki. Egh uaghan men arazibagh ifueghan marki. ²⁰ Guizbangira, gumazir kaba me dughiar aghuim bativan kogham. Me lamin avim mungezi moghin, arighiregham.

Akar aghuir namba 30

²¹ Nan borim, ni Ikiavira Itir Godin apengan ikiva atrivimin apengan iki. Egh ni gumazamizir Ikiavira Itir God ko atrivim, aningin akaba batoziba, men sagon iki. ²² Guizbangira, gumazamizir kamagh gariba, me zuamira ikuvigham. Ezi e fozir puvati, Ikiavira Itir God ko atrivim, osimtzir manam me daningam.

Akar aghuir igharazir maba

²³ Gumazir nighnizir aghuiba itiba, akar kamin gun mikeme. Gumaziba kotin izima, kotiaba tuisizir gumazim akurvazim marazi daning egh marazi dikabinam, arazir kam bar ikufi. ²⁴ Ezi gumazir arazir kuram gamizim, me a kot datighti, jas aneteghti a pura mangiti, kantrin gumazamiziba bar jasin kam gifueghan koghiva, akar kurabar a mikimam. ²⁵ Ehti jas gumazir arazir kuram gamizim iveau kuram a danigham, jas deraghvira iki bizar avirir aghuiba iniam.

²⁶ Gumazitam, guizbangin akam ni ikara, a guizbangira nin namakam.

²⁷ Ni faragh uan azenibar ingarigh dagheba oparigh, egh gin dipenimin ingar.

²⁸ Ni kotin guizbangira mikim, egh gumazir arazir kuram gamizir puvatizim gifaragh puram a mikimiva a dikabinan marki. ²⁹ Egh ni kamaghin mikiman marki, “Ki datirighin arazir kuramin a ikaraghama. Egh a na gamizir arazir kamra ki a damuam.”

³⁰ Dughiar mam, ki arua ghua gumazir mamin dagher azenim ko wainin azenimin gari. Gumazir kam a nighnizir aghuiba puvati, egha gumazir amirazim. ³¹ Ezi ogher kuram ko dikonir beniba dagher azenir kamin ave. Ezi dagiar divazir azenir kam avinizim, a dipiraghiriha iri. ³² Ezi ki dagher azenir kamin ganigha, nighnizir aviribagh amua, fofozir aghuim ini. ³³ Guizbangira, gumazamizir amiraziba ghaze, “A dera, ki tong dakuigham. Ki dughiar ovezimin tong avugsegh iki mangi egh gin ua dikavigham.” ³⁴ Ni kamaghin damuti, nin biziba ko dagheba zuamira

givaghti, ni gumazir organarazibagh amimin min otogham. Mati okimakiar gumazim nin biziba bar da okeme.

Solomonin aghuzir akar oteviba

25

(Sapta 25–29)

¹ Kar Solomonin aghuzir akar otevir maba, a ubi dar gun migei. Ezi Hesekia, Judan atrivim, an osizirir gumaziba, me akar kaba osiri.

² God bizir aviriba uan nighnizimin ada monge. Kamaghin amizi e ziar ekiam a ganidi. Atrivim bizir avirir en mongezibar mingariba buriavira iti. Kamaghin amizi, e ziar ekiam a ganidi.

³ Bizir overiamin itiba, da bar pin iti, ezi bizar ongarimin itiba, da bar vin iti, ehti e dagh foghfoghs iburagham. Kamaghira, atrivimin nighniziba bar, gumazir kinitam deragh dagh foghan kogham.

⁴ Me silva isi avimin a tuaghti an poghezir dagiar minezir kuraba asighiregħti, silvara otogham. Ehti gumazim an itarir aghuimin ingarigham. ⁵ Ezi kamaghira, me gumazir arazir kurabagh amiba batuegħi, me ua atrivim ko ikian kogham, ehti atrivim bar arazir aghuim damuti, ngubam gavgavigh ikiam.

⁶ Ni atrivim ko ikiva, kamaghin nighnighan marki, ni gumazir ekiam, ni gumazir aruabar danganim inian marki.

⁷ Kamaghin, ni gumazir aruar tamin danganim inighti, atrivim gin otogħi me ni batuegħam. Arazir kam dera, ni pura gumazir kiniba ko ikiti, me gin ni mikemegħti ni mangi gumazir aruuba ko iki. Egh ni gumazitam gantima an arazitam damiġħi, ⁸ ni suam, an arazir kuram għami, egh zuamira mangħiakam a gasiva a kiotiām datigham. Arazir kam ikufi. Gumazir igharazim bizar kam guizbangin a gifogħ, a gin nin akaba dikabiragħti, ni aghumsigham.

⁹ Ni bizitam bagħha migirigiatam uan tavin iti, ni mangi gumazir kam ko akam akirgh. Egh ni bizar kamin mogomer akatam baraki, ni akar kamin gun a mikimam marki. ¹⁰ Ni kamaghin damuti, gumaziba gin oregh suam, ni akar modim aghuri, egh me aghumsizim ni danigham. Egh me nighnizir kurabar ni damuvira ikiam.

¹¹ Gumazim akar mam bar deraghvira a migei, an akam mati nedazir aghuim me golin an ingariga silvan anesingi.

¹² Gumazir nighnizir aghuim itim, uan anav akiri, ezi gumazir kam oregha ghaze, akar kam bar guizbangira. Egha ghaze, nan

namakar kamin akam mati golin kurukazir bar aghuim.

¹³ Gumazir akam inigha izim, iza deraghvira gumazir aruar anemadazibar akamin gun migei, a me gamima me bar akonge, mati gumaziba me azenibar ingarigha dagheba isa, dipar orangtiziba apa bar akonge.

¹⁴ Gumazamiziba bizir aghuim aningasa akam akirigha egha aneningizir puvati, me mati aminim ko ghuiariam izi, ezi amoziba puvati.

¹⁵ Ni nimira migiava zuamiram atarir puvati, ni gumazir nin akam baraghian aghuazibar amuti, me navibagh iragh. Egh ni uaghan gumazir dapanibar nighnizibagh iragh.

¹⁶ Ni hanin garima a tememin iti, ni damisi puningra dami. Ni aviribar amegh, nin navim bar izvaghti ni migham. ¹⁷ Egh ni zurara uan anavin dipenimin mangan marki. A nin aghuagh ua ni gifueghan kogham.

¹⁸ Gumazim akar ifavarim kotin uan anav gasara, a mati midorozir sabam, o afuzim, o temer otevimin a bira.

¹⁹ Ni fo, gumazir mam a gumazir ifarim, ezi ni ghaze, a dughiar kuramin nin akuraghian, ni mati atarir kuraba ikia damasa, o mati suer kuram ikia egha daruasa.

²⁰ Ni ghua gumazimin garima a bar ose-mezi, ni agoroger ighiabagh amua, gumazir kamin akurvazir pu. Bar puvati. Ni mati gumazim aminir orangtizimin dughiamin uan korotiam sue, o mati gumazim wainin dipam isa an duam ginge.

²¹ Nin apanim, mitiriam an aghiti, ni daghem a daning. Egh kuarim an pirti, ni dipatam a daning.

²² Nin arazir aghuir kamin a damighti, a uan arazir kuram ginighnigh bar aghumsigham. Eighti Ikiavira Itir God, nin arazir kam bagh bar deraghviram ni damuam.

²³ Girakirangin migeir akaba gumazim gamima an guam misingi, mati aminim amozim inigha izi.

²⁴ Gumazim uan dipenimin siriamin unabira aperaghav iti, a dera. Arazir kam, an amizir atara puv migeim ko dipenimin even itir arazim, a bar a gafira.

²⁵ Gumazim nguibar saghuiamin izezir akar aghuim baraki, a bar akuegham, mati gumazim kuarim bar an pirizi, a dipar orangtizim api.

²⁶ Gumazir kuram arazir kuram damusi gumazir kuram gekuigham, a mati mozir par aghuim negenem an oto.

²⁷ Ni hanin aviribar aman marki. Egh ni uaghan ziar ekiam ubi daningisi pamtem ingaran marki. Arazir kamning derazir puvati.*

²⁸ Gumazim uan aningagharam tivan iburaghti, gumazir igharaziba a dikabiragh. Kamagh garir gumazim mati nguibar mam divaziba an puvati, eighti apaniba aven mangi a gasighasigham.

26

¹ Gumazamiziba ziar ekiam isi gumazir nighnizir aghuiba puvatizim daningasa, ezi arazir kam derazir puvati. A mati, aisin amozim aruem garir dughiamin izi, o mati amozim daghebagh izi dughiamin izi.

² Gumazim arazir kuram damighan koghtima, gumazamiziba paziva a damusi God mikimti akar kam a guizin otoghan kogham. Men akaba mati kuaraziba zurara mighagha arua, danganitam gaperazir puvati.

³ Gumaziba hoziaba aghoribar dav sogham. Egh ainin donkibar akabar aghu, me damutti da men ifongiabar gin mangam. Egh gumazir arazir organibagh amiba, fidizibar men akiraghbariv suegham.

⁴ Gumazir nighnizir aghuiba puvatizim, an akar organimin ni mikimti, ni an akam ikaraghan marki. Ni a ikaragh, an min otogham.

⁵ Gumazim nighnizir aghuim puvatigha akar organim ni mikimti, ni an akam ikaragh. Kamaghin a fogh suam, an fofozim ekevezir puvati.

⁶ Ni gumazir nighnizir aghuiba puvatizim amadaghti, a gumazir igharazim bagh akam inigh mangigham, kamaghin arazir kamin ni ubira ubi gasighasisi, mati ni ubi uan suem atugha a makunigha mizazir ekiam isi.

⁷ Gumazir nighnizir aghuim puvatizim, a pura aghuzir akar otevir aghuitam mikimsi iburagh, mati gumazim suer kuram ikia duruan ibura.

⁸ Gumazim ziar ekiam isa gumazir nighnizir aghuiba puvatizim ganidi, arazir kam mati a katapelin asasa, dagiam isa katapel garugha pamtemin a ikezi dagiam zuir puvati.

⁹ Gumazir nighnizir aghuim puvatizim, an aghuzir akar otevir aghuitam mikimsa, a mati, gumazim dipar organim amegha organigha benir dikoniba itimin suirazi, dikoniba an dafarim mitifi.

¹⁰ Gumazir ekiam ingangarim isa gumazir nighnizir aghuim puvatizim ganigha, uaghan gumazir pura tintinibar aruibagh

aningu, a mati gumazim pim dafagha pura tintinibar asavamaga, egha gumazir avirim gasighasisi.*

¹¹ Gumazir nighnizir aghuim puvatizim, arazir organir a fomiram amizim a uam a gamuavira iti, a mati afiam migha egha ghua uan mimiziba api.

¹² Gumazir nighnizir aghuim puvatizim, e fofozir aghuimin an akuraghan kogham. Gumazim ghaze, a bar biziagh fo, eghiti e guizbangira bar an akuraghan iburaghama.

¹³ Gumazir amirazim pura dipenimin apiav ikia kamaghin migei, "Laionin tam ti tuavimin ikiamma. Kamaghin amizi, ki azenan mangan kogham."

¹⁴ Gumazir amirazim uan dakozim girighav ikia zurara ubi gighavkiravira iti. A mati tiar akamin itir ainsisin min mangi izegh gami.

¹⁵ Gumazir amirazim daghebar amasa uan dafarim isa itarim gatigha ikia, uan agharim fegh daghetamin suiragh uan akam darighan aghua.

¹⁶ Gumazir amirazim ghaze, "Nan fofovim, ⁷plan gumazir deraghavira nighnizir aghuimin gun migeibar fofovim gafira."

¹⁷ Gumazir pumuning uaninging atari, gumazir mam ghua aninging mavin akuraghosa migei, gumazir kam mati gumazim afiar atiamin garima an arua zuima, a ghua an kuarimningin suira.

¹⁸⁻¹⁹ Gumazim uan namakam gifaragha, gin kamaghin migei, "Ki pura dibovibav gei," a mati gumazir organim, an afuziba isa tintinibar iniva, aviba itir aghoriba pura tintinibar da makuri.

²⁰ Me dazibar avim atighan koghti, avim mungehem. Eghiti gumazamiziba girakirangin mikiman koghti, akam adariba bar givagham.

²¹ Daziba avibagh amima avim deravira isi. Ezi adaribagh amir gumazim, gumazibagh amima me uarir tongin akabar uarira uarir sosi.

²² Gumazamizir maba zurara, gumazir igharaziba girakirangin me migeir akaba, baraghosa bar ifonge. Ezi akar kamagh gariba mati dagher isingtiziba me zuamira da api.

²³ Gumazim arazir aghuim damuasa mighighavira migia, an nighnizimin, ana arazir kuram damuasa, a mati nguazir minem, me silvan a nomkezima, an ganganim bar dera.

²⁴ Gumazir igharazibar aghuazir gumazim, a pura me apezepera me migeima,

me ghaze, a me gifonge. Ezi an nighnizimin aven a pura me gifari.

²⁵ Gumazir kamaghin amimin akaba nin kuarimningin isingigham. Eghti ni an akabar nighnizir gavgavim dar ikian marki. Bar guizbangira, nighnizir kuraba an navim gizifa.

²⁶ A uan nighnizir kam modogham, eghiti gumazamiziba an arazir kuram gifogham.

²⁷ Gumazim igharazitav magirasa a bagha mozim gikuigha, a ubi mozir kam giraghu. Egha mati gumazim dagiam popoegha mighsiamin ghuavanadi, dagiam uauegħha izaghira a gis in għu.

²⁸ Gumazim akar ifavaribar gumazir igharazibav geim, bizir kam kamaghin en a ka, a me gifongezir puvatigha me gasighasighasa. Ezi gumazim zurara apezperir mighriġiabagh ami, bizir kam gumazamizibagh amima me derazir puvati.

27

¹ Ni gurumin bizitam damusi ifagħati pura mikiman marki. Ni guizbangira fożi puvati bizir manam gurumzaragħan otivam.

² Gumazir igharaziba nin ziam feir arazim, a dera. Eghiti ni ubi arazir kam damuan marki.

³ Gumazir nighnizir aghuiba puvatizim arazir organiba, da osimtizir ekiaba e ganidi. Osimtizir kaba da gigim osimtizim ko dagħar ekiaman osimtizim gafira.

⁴ Gumazir atarim ko aningażim, mizazim isa gumazir igharazibagh aniga, bar paza me gami. Navimin aven attara navim iku-vizir arazim, a bar ikuvigha, adarir arazim ko aningażir arazim gafira.

⁵ Ni azenara gumazim arazir kuram bagħ a migei, a dera. Arazir kam a ni modogħa gumazim gifongezim arazim gafira.

⁶ Guizin roroaba nin akurvaghha mizaziba ni ganidi. Ezi apaniba pura ni gifara, arazir aghuir avirim ni gami.

⁷ Gumazim amezima an navim bar izvazi, a ghaze, hanin isingizim ko dagħeba bar, da derazir puvati, Ezi mitiriam gumazim agħezi a ghaze, dagħeba bar mogħira dera. Dagħer misożiba, da uaghan an akamin isingi.

⁸ Gumazim uan nguibam ategħa tintinibar arui, a mati kuarazir mam uan mikonim ategħa egha pura tintinibar mighagħha arui.

* ^{26:10:} Hibrun akam deragħa vezin kamin mingarim abighiżżejjur puvati. ^{26:11:} 2 Pita 2:22 ^{26:12:} Aghuzir Akaba 29:20; Luk 18:11; Rom 12:16 ^{26:21:} Aghuzir Akaba 15:18; 29:22 ^{26:22:} Aghuzir Akaba 18:8 ^{26:23:}

Onger Akaba 12:3; Aghuzir Akaba 29:5 ^{27:1:} Luk 12:19-20; Jems 4:13-16 ^{27:2:} Aghuzir Akaba 25:27 ^{27:6:}

Onger Akaba 141:5

⁹ Sanda ko borer mughuriar aghuium zuiba, da e gamima e bar akonge. Ezi namakaba en akurvaghosa nighnigha, migirigiar aghuiba e ganidi. Me kamaghin e gamima, e guizbangira bar akonge.

¹⁰ Ni akirim ragh uan namakaba ko nin afeziamin namakabagh asan marki. Eighti dughian kuram ni batoghi, ni mangi uan aveghbuam batogh, egh uabin akurvaghisi an azangan marki. Guizbangira, gumazir nin boroghira itim, a nin aveghbuar saghuiamin itim gafira.

¹¹ Nan borim, ni nighnizir aghuim ko fofozim inighti, nan navim deragham. Eighti gumazitam akatam na gasiti, ki an akam ikaraghram.

¹² Gumazir nighnizir aghuim itim, a kamaghin fogh, osimtizim a bativam, eghti a uabi modogh a gitagham. Ezi gumazir nighnizir aghuim puvatizim, an osimtizimin garima an an tuavimin iti, ezi a ghuava a batogha aneteri.

¹³ Gumazitam, gumazir igharazim pura inizir bizibagh ivesi akam akirigh, dagh izezeghan kogham, gumazir kam arazir kuram gami. Eighti gumazitam nin bitezitam puram a inisi ni ko akam akirti, ni bizar kamin ikarvazim bagh faragh an bitezitam puram a inigh.

¹⁴ Ni bar mizarazimra tiarim akarigh dughiam isi uan namakam danigham, a mati ni akar kuram isa a ganidi.

¹⁵ Gumazitamin amuim, zurara atarava migirigiar aviribagh amuavira iti, a mati amozim dipenir inogorimin torim izaghira, zurara nimira nimira iravira iti. ¹⁶ Ezi an pam a damuti an arazir kam ateghan kogham, mati gumazir mam amininim tivaghassava ami, o a borem uan dafarimin an suigha amuava avenge.

¹⁷ Ni sabamning inigh uaningra uaning avisti, aning bar ghumigham. Kamaghira, gumazir pumuning nighniziba uaningra uaning ganiga, aningin nighniziba ghuvanabogha bar ghumi.

¹⁸ Gumazim uan tememin ovizim amisi, a deraghvira temer kamin gan. Eighti gumazim uan gumazir dapanir deraghaviram a geghuvti a deraghvira ikiti, gumazir an garim an ziam fam.

¹⁹ Gumazim dipamin aven gari, a uabi uan guamin gari. Ezi gumazim derivira uan nighniziba ko arazibagh nighnisi, a fo, a manmaghin garir gumazim.

²⁰ Gumazamizir bar aviriba ovegha gifa. Ezi Oveaghuezibar Nguibam, gumazamiziba a gizivaghan kogham. Gumazamiziba

ovengivira ikiam. Kamaghira, gumazamiziba bizibagh ifueghamin arazim izivaghan kogh, kamaghira ikivira ikiam.

²¹ Me avimin gol ko silva tuaghiva an ingin gifofoghasa, ka guizbangin bizim, ti puvati. Kamaghira, gumazamiziba, gumazimin ziam fa, an gara anesavsuigha fo, a gumazir aghuim, ti gumazir kuram.

²² Ni gumazir nighnizir aghuiba puvatizim puv a misogh, a dikabiraghti ana aremeghsa damu, egh a uan arazir onganim ateghan kogham.

²³⁻²⁴ Nin dagiaba zurara ikivira ikian kogham. Eighti atrivim kantri gativir dughiam, a uaghan zurara ikivira ikian kogham. Kamaghin, ni uan sipsipba ko memeba deraghvira dar gan. ²⁵⁻²⁶ Ni dadabar ganti da nin nguazimin otiv ruarti, ni uan asiziba bagh da aghoriva da akuvaghti me dar amam. Eighti dadar igitiba uam otivam. Eighti ni gin memeba amangiva, dagiaba inigh nguazim givesegh. Egh ni sipsipin ariziba iniva, ua bagh korotiaba isamam. ²⁷ Egh ni uan memebar oter eboriba ua bagh da inigh, uan amuiroghboriba ko ia dar ami. Egh ingangarir amiziba uaghan me daning.

28

¹ Gumazir arazir kurabagh amiba puram atiatia araghbarui. Ezi gumazir aghuiba laionbar min tuiva gavgavigha atiatir puvati.

² Kantrin gumazamiziba gavman akirasa uarira uariv sozima, gumazir dapanir igiar aviriba zuraram otivasava ami. Eighti gumazir dapanir nighnizir aghuim itim, a kantri damuti a gavgavigh deraghvira ikiam.

³ Gumazir biziba puvatizim, dikavigh organarazibagh amir gumazamiziba dikabiragh, a mati amozir ekiam azenibar daghebagh asighasisi.

⁴ Gumazamiziba akirim ragha Godin Akar Gavgavibagh asara, me gumazir arazir kurabagh amibar ziaba fe. Ezi gumazamizir Godin Akar Gavgavibar gin zuiba, me gumazir kuraba pamten me dikabiri.

⁵ Gumazamizir arazir kurabagh amiba, me arazir aghuiba deragha da tuisigha fozir puvati. Ezi gumazamizir Ikiavira Itir Godin gin mangasa ifongeziba, me arazir aghuim tuisigha bar a gifo.

⁶ Gumazir biziba puvatigha arazir aghuimin gin zuim, a deragha, dagiaba izivagha arazir kurabagh amir gumazim, bar a gafira.

⁷ Gumazir igiam Godin Akar Gavgvibar gintisi, a nighnizir aghuimin iti. Egh a gumazir arazir kurabagh amiba ko porogh, uan afeziam damut̄ a bar aghumsigham.

⁸ Gumazitam gumazamiziba ateghti me a da pura biziba inigh tighar a ikaraghām, a me da uan dagiabagh isin ua dagiataba iniva, dagiar kabar suiraghan kogham. Puvati. Dagiar kaba, gumazamizir onganarazibagh amibar apangkuvigh men akurvaghamin gumazimin dafarimin mangam.

⁹ Gumazim Godin akamin araziba akirim ragha dagh asaragh, God ko mikimti God a bareghan kogham. Ezi a God ko migeir arazir kam, God an gara bar an aghua.

¹⁰ Gumazim gumazir aghuibagh ifaraghti, me arazir kuram damighti, an arazir kurar kamra a gasighasigham. Ezi gumazir bizir kuratam gamizir puvatizim, Godin dafarimin bizar aghuiba iniam.

¹¹ Dagiar aviriba izivazir gumazamiziba ghaze, me fofozir aviriba iti. Ezi onganarazibagh amir gumaziba nighnizir aghuiba ikiam, me men araziba bar dagh fo.

¹² Gumazir aghuiba, me kantri gativagha an garima, gumazamizibar naviba derazima me bar akonge. Ezi gumazir kuraba, kantri gativir gumazibar otivizi, gumazamiziba men modi.

¹³ Gumazim uan arazir kuram modogh, an amir ingangaritam deragh otoghan kogham. Ezi gumazim uan arazir kuraba bar da ghurigh, akirim ragh arazir kurar kabagh asaraghti, God an apangkuvigham.

¹⁴ Gumazim zurara Ikiavira Itir Godin atiatia an apengan iti, a bar akuegham. Ezi gumazim Ikiavira Itir Godin akaba batogha navim gavgafi, a dughiar kuram iniam.

¹⁵ Kantrin gumazir dapanim, a gumazir arazir kurabagh amim, egha gumazir onganarazibagh amiba dikabira, laionin min pamtemin tiarim akara, asizim bean min amua daghem buriagha arui.

¹⁶ Kantrin gumazir dapanim, nighnizir aghuiba puvatigham, a puv gumazamiziba dikabinam. Ezi gumazir dapanim, gumazamizibar bizibagh etuir arazimin aghua, a dughiar ruarinim deraghvira ikiam.

¹⁷ Gumazim gumazir igharazim misoghezi an areme, a bar paza uabi baraghām. Egheti gumazamiziba an akuraghan kogham. Egheti a deravira daperaghan koghiva, mangi an aremeghamin dughiamin otogham.

¹⁸ Gumazim arazir aghuimin gin zui, a deragh ikiam. Ezi gumazir arazir kuram gamim, a zuamira ikuvigham.

¹⁹ Gumazim deraghavira uan azenimin ingarava, a dagher aviriba iti. Ezi gumazim pura ikia uan ifongiabar arua ingangaribagh amir puvati, a bar organarazibagh amir gumazimin min ikiam.

²⁰ Gumazim arazir aghuimin gin zui, God bar deraghviram a damau. Ezi gumazir zuamira dagiar gumazimin otivasa bar puvira ingari, God aneteghti a pura mangihan kogham. Puvati. God iveauzir kuram a danigham.

²¹ Gumazim pazi gumazitam̄ kotin an akuraghiva, igharazitav dikabiraghām, arazir kam derazir puvati. Ezi gumazir arazir kurabar amusava amiba iti, gumazitam̄ me apezeperegh dagiar muzier taba me danieli, me kotiam gasighasigham.

²² Gumazir uan bizibar anogorozim, a zuamira dagiar gumazimin min otivasa puvira ingari. Egha a kamaghin fozir puvati, an onganarazibagh amir gumazimin otogham.

²³ Ni gumazimin araziba akirti, a gin bar ni gakuegham. Ezi arazir kam, an apezepir akaba, bar dagh afira.

²⁴ Gumazim uan afeziam ko amebamin biziba okemegha ghaze, “Ki arazir kuram gamizir puvati,” a mati gumazir bizibagh asighasizimin miraram ami.

²⁵ Gumazim bizir avirim iniasi puvira nighnisi, an arazim gumazir aviribar amuti me ataram. Ezi gumazir pamten nighnizir gavgvavim Ikiavira Itir Godin itim, a deraghvira ikiva egh bizir aviriba ikiam.

²⁶ Gumazim ghaze, an fofozimra an akuraghti a biziba bar dar amuam, kamaghin a nighnizir aghuiba puvati. Ezi gumazim nighnizir aghuimin arazimin gintisi, a deraghvira ikiam.

²⁷ Gumazir onganarazibagh amir gumazamiziba biziba me ganidim, a bizitamin oteveghan kogham. Ezi gumazim onganarazibagh amir gumazibar gara men akurvaghaha ifongezir puvati, gumazamiziba akar kurabar a mikimam.

²⁸ Gumazir kuraba kantrin gumazir dapanibar itima, gumazamiziba men modi. Egh me arighiregti gumazir aghuibar adarazi gumazir dapanibar iki deravira ikiam.

29

¹ Me dughiar aviribar gumazir mam akirti, an akaba batoghvira ikiam, kamaghin a zuamira ikuvigham. Egheti an akurvaghamin tuaviba ua puvatigham.

² Gumazir aghuiba kantri gativagha an garī, gumazamiziba bar akonge. Ezi gumazir arazir kurabagh amim kantri gativagha an garima, gumazamiziba bar ose-megha ararer kuram gami.

³ Gumazir nighnizir aghuim iniasi bar ifongezim, a uan afeziam gamima a bar akonge. Ezi gumazim, tuavimin amizibar gintisi, a bar uan dagiaba ko biziba makuri.

⁴ Atrivim arazir aghuimin kantri gativagħ an ganti, kantri iki gavgavigham. Ezi atrivim gumazamizibar dagiaba iniasi pura nighni, a uan kantri bar a dikabiragh a gasighasigham.

⁵ Gumazim uan namakabagh ifariva me apezeperam, a mati namakamin suighasa ivem agura.

⁶ Gumazim arazir kuram damigham, a mati uabira uabin suighasa ivem agura. Ezi gumazir arazir aghuiba amiba, me bar akuegħa ighiabagħ amī.

⁷ Gumazamizir aghuiba me organarazibagh amīr gumazamizibar osimtibba bagħha nighnigha, men akurvagħha osimtizir kaba kiri. Ezi gumazamizir arazir kurabagh amiba, arazir kamin mingarim gifozix puvati.

⁸ Gumazamizir dibovir akabav geiba nguibam iż-żejjur gumazamizibagh amima men naviba isia aningagħha, adarir kurabar uarira uari ganid. Ezi gumazamizir nighnizir aghuiba itiba, me gumazamizib aminivima, me ua navir amirizim isi.

⁹ Gumazir nighnizir aghuim itim, a gumazir nighnizir aghuiba puvatizir mam kot gati, ezi gumazir nighnizir aghuiba puvatizir kam, akar dikabiriba ko dibovir akabav giavira ikia akam ara, nimira itir puвати.

¹⁰ Gumazir igharaz daraziv sozi me ariaghirkim, a gumazir aghuiba ifongezix puvati. Ezi gumazir aghuim, gumazir igharaziba deraghvira ikiasa a ifonge.*

¹¹ Gumazir nighnizir aghuiba puvatizim a uan aningħarhim azemni gati. Ezi gumazir nighnizir aghuim itim a uan aningħarhim dikabiraghha an suirazi a iti.

¹² Kantrin gumazir dapaniba, akar ifavariba baragt, gumazir arazir kurabagh amiba, merara an gumazir dapanibar ikiām.

¹³ Ikiavira Itir God bar gumazamizibar damazibar ingarizi, me bizibar gari. A uaghan organarazibagh amīr gumazamizib ko, me dikabirir gumazamizib uaghara men damazibar ingari.

¹⁴ Atrivim deragh gumazir organarazibagh amibar kotiam tuisighti, gin izamin

dugħiaba an adarazir atrivimin ikiām.

¹⁵ Ni uan borim akirsi a misogħti, a nighnizir aghuim iniam. Eġhti borim zu-rara uan ifongiāmin gin mangiva, uan ameb-damutti an aghumsgħam.

¹⁶ Gumazir arazir kurabagh amiba, kantri gativagħi, arazir kuram mangivira ikiām. Guizbangira gumazir kaba dugħiar ruarim ikegħan kogħam. Eġħi gumazir aghuiba men ganti, me iriġi ikuvigham.

¹⁷ Ni uan borim akirighti, an arazir aghuiba damutti, ni navir amirizim iki bar akuegħam.

¹⁸ Ikiavira Itir God, akam gumazamizibagh aningizir puvatiz, me tintinbar arazir iħgarazir avirim gamigħai. Ezi gumazir Godin Akar Gavgavibar gin zuim, a bar akongegħam.

¹⁹ Ni pura uan ingangarir gumazim akbaram a mikim, an araziba akirighan kogħam. A nin akar kam bareghiv, an gin mangan kogħam.

²⁰ Gumazir nighnizir aghuim puvatizim, e an akuragħti a fofozim iniam. Ezi gumazir faraghavira nighnizir puvatiga bizzib, e an akurvagħan īburagħam.

²¹ Nin ingangarir gumazim suvighavira itir dugħi, ni dugħiabar biziba isa a ganid, a gin bar nin otarim mirara ikiām.†

²² Gumazir zuamir amingażim, gumazir iħgarazibagh amima me atari, a ubi arazir kurar aviribagħ amī.

²³ Gumazim ifaghata uabira uan ziam fe, me an ziam dikabiragh. Eġħi gumazim ubi uan ziam dikabiragħti, me an ziam fam.

²⁴ Gumazim okimakiar gumazim iż-akuragħha, a ubi uabin apanim gami. Egh aning amiriz arazir kam aghurighi righti, me a isi kotiam datigham. A kotin aven akam modogħi, God a gasighasigham.

²⁵ Gumazitam gumazir iħgarazibar ati-tingti, an atiati, mati a ivem agurazi, ivem suira. Ezi gumazir nighnizir gavgavim Ikiavira Itir Godin itim, a deraghvira ikiām.

²⁶ Gumazir avirim, kantrin gumazir dapanim me gifuegħħasa me akabar anepezeperi. Ezi Ikiavira Itir God uabira en akaba deravira da tuisigha en akurvasi.

²⁷ Gumazamizir aghuiba, gumazamizir arazir kurabagh amiba bar dar aghua. Ezi gumazamizir kuraba, gumazamizir arazir aghuiba gin zuiba bar dar aghua.

Akar aghuir iħgaraziba

30

(Sapta 30--31)

^{29:2:} Esta 8:15; Aghuzir Akaba 11:10; 28:12; 28:18 * ^{29:10:} Hibrun akam deragħha vezin kamin mingarim abighiżżejjur
puvati. ^{29:17:} Aghuzir Akaba 13:24; 22:15; 23:13-14 ^{29:18:} 1 Samuel 3:1; Amos 8:11-12 † ^{29:21:} Hibrun
akam deragħha vezin kamin mingarim abighiżżejjur puvati.

Agur mikemezir akar maba

¹ Kar Agurin akaba, a Jaken otarim, an akar kaba dar gun Itiel ko Ukal aning migei.*

² Agur kamaghin mikeme: Ki gumazimin min itir puvati. Guizbangira, ki gumazimin min nighnizir puvati. Nan nighnizim bar ikufi. ³ Ki nighnizir aghuim ko fofozim inizir puvati. God a bar derazi, ki a gifozir puvati. ⁴ Tinara Godin Nguibamin ghuavanabogha an ganigha ua izaghira bizir a ganizbar gun migei? Ezi tinara uan darfammingin aminimin suira? Ezi tinara dipam isa overiamin itir ghuariabar aneti, mati gumazim bism inigha inim gatigha, a nomke? Ezi tinara nguazibar mitaghniaba akira da arighizi da iti? Gumazir kamin ziam tina? Ezi an otarimin ziam tina? Ni na mikim! Ni ti foz, o? Puvati.

⁵ Godin akam, a bar guizbangira. Ezi bizir a damuasa migeiba, da bar guizin otifi. Egha a bar deraghavira gumazamizir a bagha zuiba, divazimin min me avinigha men gari, mati oram, midorozir gumazibamodorozimin ghua an suigha uarir pisi.

⁶ Eighti ni Godin akam gisin, uabi uan akam isafuragh an gun mikimam, egh suam, kar Godin akamra. Ni kamaghin damuti, a nin atar ni akirighti, gin gumazamiziba fogh suam, ni gumazir ifarim.

⁷ O God, ki bizar pumuning bagha nin azangasa, eighti ni na daningasa ki ifonge. Ki nguazimin ikiamin dughiamin, ⁸ ni nan akuraghti, ki akirim ragh ifavarir arazibagh asaraghram. Eighti ni na ateghti, ki dagiaba izivazir gumazimin min otivan kogh, egh uaghan onganarazibagh amir gumazimin min otivan koghram. Ni dughiar vamiran vaghvagh daghebara na daning. ⁹ Guizbangira, ki dagher aviriba ikiva, akirim ragh ni gasaragh egh mikim suam, "Ikiavira Itir God, a tinara?" Egh ki onganarazibagh amir gumazimin min otoghiva, ti okimiva uan Godin ziam dikabiraghram.

¹⁰ Ni gumazir dapanim bagh mangi girakirangin an ingangarir gumazitam mikiman marki. Ni kamaghin damuti, ingangarir gumazim God ko mikimti, a pazi ni damighti, ni osimtzizim inigham.

¹¹ Gumazamizir maba ghaze, "God pazivira men amebaba ko afeziabar amuam." ¹² Ezi gumazamizir maba ghaze, "Me arazir kuratam gamizir puvati." Ezi puvati, men arazir kuramin osimtzizim ikiavira iti, ezi me Godin damazimin bar mize. ¹³ Ezi gumazamizir maba uan ziaba fa ghaze, e bar derazi, gumazir igharaziba

me pura biziba. ¹⁴ Ezi gumazamizir maba bar pazavira onganarazibagh amir gumazamizibagh ami. Men atariba mati sababa ko afuuba men akabagh izivazima, me onganarazibagh amir gumazamizibagh amua bar me agivasa.

¹⁵ Ghuziba apir mikinbam a guivir pumuning iti, ezi aning kamaghin arai, "Na Daning, na Daning."

Guizbangira, 4plan bizir kaba men ifongiaba givaghan kogham:

¹⁶ Kar, Gumazamizir Oveaghuezibar Nguibam, ko amizir furabar itim, ko nguazim dipam isa, egh tighar izivam, ko avim isia mamaghira iti.

¹⁷ Gumazitam uan amebam ko afeziamin akam batuegh, dibovir akabar aning mikim, egh aremeghamin dughiamin, me an kuam afaghan kogham. Eighti kuarazir kottotba an damazimning asichti, kuarazir isaba an mikarzim amegham.

¹⁸ Kar, 4plan bizir bar igharaghga gariba, ki adagh fozir puvati:

¹⁹ Kar, kuarazir isam pin mighagha aruir arazim, ko kuruzim dagiam gisin rozir arazim, ko kurim ongarim gisin aruir arazim, ko gumazim amizir igiam gifongezir arazim.

²⁰ Pamin itir amizim, gumazir igharaziba koma akua, egha kamaghin ami: a dagheba amegha akam ruegha ghaze, "Ki arazir kuratam gamizir puvati."

²¹ Arazir 4pla da nguazimin otifi. Kar arazir bar kuraba, nguazim uabi arazir kabar aghuaghga, bar puvira ivazvasi.

²² Arazir kaba kamakin:

Ingangarir gumazir kinim atrivimin otogha amir arazim, ko gumazir nighnizir aghuiba puvatizim puvira apir arazim, ²³ ko amizir fomira gumaziba a gifongezir puvatizim, a datirighin pamin iti, an arazim, ko ingangarir amizim uan amizir dapanimin danganim inizir arazim.

²⁴ Ezi nguazir kamin 4plan asiziba ko apizir muziariba ikia, nighnizir bar aghuiba iti:

* **30:1:** Gumazir maba ghaze, Agur saptan kamin akaba bar a dar gun mikeme. Ezi marazi ghaze, a ti an akar mabar amikeme. E fozir puvati, Agur ko Itiel ko Ukal me bar terara.

Nehemia 9:25-26; Jop 31:24; Hosea 13:6

30:4: Jon 3:13 **30:8:** Matyu 6:11; Luk 11:3 **30:8:**

30:12: 1 Jon 1:8

²⁵ Sibaba gavgaviba puvatigha, me dagheba otevir dugham bagha, dagheba akuva ada arisi.

²⁶ Ezi iriaba uaghan gavgaviba puvatigha dagiar ekiabar tizibar mikonibar ingari.

²⁷ Ezi odeziba atriviba puvatigha me bar uari imigha okoruamin arui.

²⁸ Ezi miziviar muziariba, e uan darfarin dar suigham. Ezi da atrivimin dipenimin iti.

²⁹ Ezi 4plan biziba bar ganganir aghuim gamuava arui:

³⁰ Laionba bar gavgavigha, bar asizir mabagh afira. Egha da arua bizitamin atiatir puvati.

³¹ Ezi tuarir apuriba, uan dapaniba fava arui,

ezi memen apuriba arui,
ezi atrivim a bar gavgavigha arua fo,
apanitam a gafiraghan kogham.

³² Ni arazir organim gamua ifaghata unabira uan ziam fava, arazir kurabar amuasa nighnisi. Ni uan akam dukuagh, arazir kam atakigh. ³³ Ni fo, ni bulmakaun oter eborim inigh a gighiti, bata otogham. Egh ni gumazir igharazimin atinim misuegħti, ghuziñ otogham. Kamaghira, ni gumazamizbar amuti me atarti, midorozim otogham.

31

Atrivim Lemuelin akar aghuiba

¹ Kar atrivim Lemuelin akaba. An amebam nighnizir aghuim a daningasa akar kamin a gegħani.

² Nan otarim, ki Godin azarazi, a ni isa na ganingi. Ezi ki uabi ni bategħa, bar ni gifonge. Kamaghin ni deraghvira nan akam baragh. ³ Ni amiziba ko ikararang me ko daku uan gavgvim me daningan marki. Guizbangira, kamagh garir amiziba atrivibagh amima me iku. ⁴ O Lemuel, ni oragh! Ni atriviba, wainin dipabar aman marki, egh dipar organir igharagħa gariba sara damisi navim dikavan marki. ⁵ Me dipar organibar amiva kantrin arazibha gin amadagh, uaghan organarazibagh amir gumazamiziba pazi me damuam. ⁶ Dipar organim ko wain, kar gumazamizir ovengasava amiba ko osimtizir ekiaba itir gumazamizbar bżimning. ⁷ Me

ifuegh damiva, uam onganarazibagh amir dabirabiba ko osimtizir bar ekiaba dagh nighnighan kogħam.

⁸ Ni, gumazamizir uan osimtizbar gun mikiman kogħamibagh nighnigh, kotin aven men akuragh mikim. Egh ni kotin aven mikim gavgavightima, kot arazir aghuibar onganarazibagh amir gumazamiziba me damu. ⁹ Egh ni ubi kotiam baragh, arazir aghuimra damu. Egh onganarazibagh amir gumazamiziba ko biziba puvatizir gumazamizbar akurvagh.

Amuir aghuimin araziba*

¹⁰ Guizbangira, gumazim ti amizir arazir bar aghuiba itimil ikisi, a bar pamtem da buriam. Kamaghin garir amizim, a bar deṛagħha pin ikia dagiar iverziba bar pin koziba par dagh afira.

¹¹ Amizir kamagh amim, an pam uan navir averiamin aven nighnizir gavgvim an ikia deraghvira a għiġi, a zuraram arazir aghuibar ġin zui. Eghzi an amuim an akuragħti, a bizir aviriba ikiam.

¹² Amizir kam dughiaba vaghvagħa arazir aghuibara, uan pam gami.

¹³ Egha a tretin aghuir me sipsipin arizibar ingariziba, ko tretin aghuir igharagħa gariba inigha, korotiaba isamasar bar akonge.

¹⁴ Egha a mati kurir ekiaba ami mogħin, saghon ghua dagheba isi, kamaghin amizi an adarazi me dagħer aviriba iti.

¹⁵ Amizir kamagh amim, aminim tighar bar tiragħim, an osegha dikavigha uan pam ko boriba bagħha dagħebha tue. Egha uan ingħarar amiziba bagħha ingħararibba abigha me ganidi.

¹⁶ Amizir kamagh amim, a faragħa nguazir mamin ganigha deravira nighnigha, a givese. Egha ġin a uan dagiar a faragħa iniziba inigha, wainin ikizim minn oviżibagh iverzegħa, da opari.

¹⁷ Amizir kam, dughiatamin amirazir puvati. An amizir gavgvir bar puvira ingarim.

¹⁸ Egha an lam munger puvatigha isiavira itima, a ingara ghua dimagarir arizimtu. Egha uan bizibbagħ amaga dagh iverzir ingħarġiġi garima, a deraghvira zui.

¹⁹ Kamagh amir amizim, uabi ua bagħ tretbagħ iriġha, inibar ingari.

²⁰ Egha a gumazamizbar gari, me biziba otevegħha onganarazibagh amima, a biziba isa me ganidi.

* ^{31:9}: Israeli akaba osir arazim, a mong igharagħa għu. Hibrun akamin aven, me 22plan letaba ikia uan akaba osiri. Dugħiarr maba, me akaba osirasa, 22plan vezba o danganibar me akar kaba vagħvagħ dar faragh ikiasha letaba arisi. Gumaziba Hibrun akam għiġa akar igharazibha osiru dugħiabar, me zurara Israeli arazir kamin ġin ghua da osir puvati. Hibrun akamin aven, Aghuzir Akabar 31:10-31 arazir kamin ġin zui. Hibrun akamin arazir kam, danganir vamiran itir puvati, me danganir igharazir kabar arazir kamin ġin zui: Azirakam 1-4 ko Onger Akaba 9-10 ko 25 ko 34 ko 37 ko 111 ko 119 ko 145. ^{31:10}: Aghuzir Akaba 12:4; 18:22; 19:14

²¹ Egha a uan pam ko boriba bagha korotiar bar aghuiba isamigha givazi da bar deragha iti. Egha amozir orangtizir dughiam iziti, a ua korotiaba me bagh dagh nighnighan kogham.

²² Egha a uabi uan dipenimin itir dakoziba aver inibar ingari. Egha a inir ghurghurir aghuiba ko inir pighaghevir aghuiba inigha ua bagha korotiaba isai.

²³ Ezi nguibamin gumazir dapaniba ziar ekiam an pam ganidi. Ezi an pam men tongin uaghan men gumazir dapanir mam.

²⁴ Ezi dughiar aviribar amizir kam korotiar aghuiba isava, letiabar ingarima, biziba amadir gumazamiziba izava dagh ivesi.

²⁵ Amizir kam, ziar ekiam ko gavgavim itima, aning mati korotiamin min anevara. Egha a bizir gin otivambar atiatir puvati.

²⁶ A gumazamizibagh ifuegha men sure gamua, deragha bighavira me migei. Egha an migrigiba, da nighnizir aghuiba ko fofozir aghuim iti. ²⁷ Egha a uan dipenimin biziba deravira dar gara dagh iporporir puvati. A puvira ingara ingangarir aghuim gami.

²⁸ Ezi an boriba dikavigha uan amebamin ziam fava a dibora ghaze, “Kar en amebar bar aghuimra.” Ezi an pam uaghan an ziam favira ikia ghaze,

²⁹ “En nguibamin aven amizir aviriba arazir bar aghuibagh ami, ezi ni bar deragha, bar me gafira.”

³⁰ Amizitam akar isingtiziba e daningti, e foghan kogham, a guizbangira migei o, a ti ifari. Ezi e fo, amizir ganganir aghuim gamim, a kamaghira ikiwira ikian kogham. Ezi amizir Ikiavira Itir Godin apengan ikia an atiatim, e amizir kamin ziam fam.

³¹ Bar guizbangira, e amizir kamin arazim ko ingangarir aghuir an amizim ginighnighiva, ziar ekiam a daningam. Egha gumazamiziba bar an ziam fam.

Fofozir Gumazim

Ikirimirimin Mingarim

Buri O Eklisiastis

Akar faragħha zuim

Akinafarir kamin, fofozir gumazir mam uan nighnizmin gun migei. Fofozir gumazir kam a bizar aviribagh nighnisi. A deraghavira gumazamizbar gara me asawsusi. Egha a bizar bar aviribar garima, da osimtzim an navim ganidi. Egha a gumazamizbar ikirimiribar gari, da bar otevegħha derazir puvati. Bizar bar aviribar gumazamiziba amiba, dar dagħer aghuitam otivir puvati. Kamaghin fofozir gumazir kam kamagħin migia ghaze, ikirimir gumazamiziba itir kam, an mingariba puvati.

Godra, a ikirimir kamin Afeziam. Ezi e gumazamiziba, e deragh Godin Arazibagh fogħan kogħam. Kamaghin akar gavgavir kabanang, e da baragh dar aghuaghān kogħam. Ezi fofozir gumazir kam kamagħin e migia ghaze, ia dar amiraghan marki. Manmagħi amizi e deragħha fożir puvati, God nguazir kamin ikkiasi dugħiar otev im vagħvagħha e ganingi, eġi dugħiar kamin aven e nguazir kamin iki pamtem ingariva bar akongegħam. Kamaghin deragħam.

Gumazir aviriba Godin akinafarim aven akinafarir mamin gari, akar kamagħin gariba an aven itima, me an gara digavir kuram gami. Egha akinafarir kam bizar mam en aka, a kamakkin. Gumazir manam osimtzir aviriba ateri, a uaghan Godin adarazir aven ikiam. Akinafarir kam gumazamizir bar aviribar akura. Guizbangira, me uari osimtzibha ikka nighnizir aviribagh ami. Fofozir gumazir kam osirizi mogħin, bizar kaba me batfi. Egha me akinafarir kamin garib dugħiġi, me kamaghin fo, me uarira itir puvati. Me Godin adarazir aven iti. Ezi bizar kaba me gamima me uam God me bagħha dikirizzi akar Godin akinafarim itibagh nighnisi.

Biziba bar mati pura biziba

¹ Kar gumazir bar fofozir mamin akaba, a Devitin otarim, a Jerusalemin nguibamin ikka atrivim minni:

² Bar fofozir gumazir kam kamaghin migia ghaze,

“Biziba bar, dar mingariba bar mongezi, bar guizbangira, e dagh fożir puvatigha bar okam nighnisi.”

³ E bar, overiamin apengen itir dugħiġi min

e ingangarir mitiabagh amua, egha da ikkvira ikiamin ivedżiż aghuir manabara isi?

Puvati. Da tong bar en akurvazir puvati.

⁴ Gumazamiziba ovia zui ezi igiaba otiva men danganiba isima, nguazir kam kamaghira iti.

⁵ E garima, aruem anaga uaghira zuamira ivemra uamategħa an anadir danganimin zui.

⁶ E gari, aminim sautin amadagħan ivava anaga notin amadagħan vua uaghiri. Egha a kamaghira amua għuavira iti.

⁷ E gari, faneba bar emira ongarimra uaghiri, ezi ongarim ivedżiż puvati. Egha gin dipaba uamategħha għuwa dipar suīabar ghuegħha uamategħha emira ua izaghiri.

⁸ Nguazir kamin biziba bar zurara għuavira itima e dar gara dagh nighnigha bar dar amira.

Guizbangira, e bizar kabar amirvagħha dar gun mikimamin migi rigħi abagh asa.

E bizar kabar garir ifongjam a gevix puvati, e pura dar gara kamaghira iti. E bizar kaba barazżej ifongjam a gevix puvati, e da baraghavira iti.

⁹ Bizar fomiram otiviziba, da gin uam otivam.

Bizar God fomiram amiziba, a ua dar amuam.

Bizar iġiata, overiamin apengen itir puvati.

¹⁰ Dugħiġi mabar gumazamiziba kamaghin migei, “Ia gan, kar bizar igiār mam.” Ezi puvati.

Bizar kaba bar, fomira e nguazir kamin tighar otivamin dugħiġi, da iti.

¹¹ Fomiram en inażiżbar dugħiġi minni otivizir biziba, gumazitam dagh inirġiħan kogħam.

Eġiġi gumazamizibar en gin otivamiba, me e ginir ġiġi kogħam.

Fofozir ekiam, a pura bizim

¹² Ki fofozir gumazim, ki Israelien atrivim ikka, Jerusalemin nguibamin ike. ¹³ Ki overiamin apengen otivir bizibar fofozim inħiġa dagh nighnisi, eghi ki deraghvira dagh nighnigh dar mingarim gifogħħasa. Guizbangira, ingangarir God e gumazamiziba en boribagh aningiżiż kam, a bar oseme.

¹⁴ Overiamin apengen otivir biziba bar, ki deraghavira dar ganigħha egha ki kamaghin fo, bar guizbangira, gumazamizibar amir biziba bar, dar mingariba bar mongezi, e dagh fożir puvatigha okam nighnisi. Da mati gumazim aminim suighħa ivedġha għuwa, an suighan ibura.

¹⁵ Bizar ikizirigha givaziba, e da aminan iburaghram.

Ezi bizar puvatiziba, e da mengan kogham.

¹⁶ Ki uabi kamaghin nighnigha ghaze, ki fofozir bar dafam iti, nan fofozim fomira Jerusalemin nguibamin atrivimin ikezir atrivibar fofozibagh afira. Ki fofozir aghuim inigha givagha, nighnizir aghuir aviribagh fo. ¹⁷ Ki nighnizir aghuim pamtemin a buria ingara, uaghan organizir arazimin mingarim buria ghuava amira. Ki puram ingangarir dafam gamigha datirighin fogha givagha ghaze, arazir nighnizir aghuim iniamim, a mati gumazim aminimin suighasa ivegha ghua an suighan ibura.

¹⁸ Bar guizbangira, gumazir fofozir aviriba itim, a nighnizir aviriba aterima da anebiri.

Ezi an fofozim ghua bar ekevegha, uaghan osimtzir aviriba a ganidi.

2

Agoroger araziba, dar mingariba puvati

¹ Ezi ki uabira ubi migia ghaze, Ki agoroger arazim deraghvira a tuisigh ganigh fogh suam, a ti guizbangira dera o puvati? Egha ki inivafizimin agoroger arazibar uan ifongiam agivasa dagh nighnisi. Egha ki datirighin fo, a uaghan an mingariba bar mongezi, e dagh fozir puvatigha okam nighnisi. ² Ki kamaghin fo, akazir arazim, an arazir organim. Ezi agoroger arazim tong en akurvazir puvati.

³ Ki nighnizir aghuir kamin mingarim gifogħasa ingaravira iti. Kamaghin, ki inivafizir agoroger arazim bagħha wainin dipaba apir arazim gamua a tuisisi. Ki kamaghin fogħħasa, gumazamiziba dugħiar otevimi overiamin apengen ikiti, bizar manamra men akuragħam?

⁴ Ki ingangarir avirir dafabagh amizi gumazamiziba da bagħha ziar ekiam na ganidi. Ezi ki ua bagħha dipenir bar dafabagh amuava, wainin azenibar ingari. ⁵ Ki azenibar ingara da opari, ezi dar aven temer dagħer aghuiba batiba iti. ⁶ Egha ki uan temer avirir kaba ruasa ua bagħha mozir dipar ekiabagh kui. ⁷ Ki ua bagħha pura ingangarir gumazir kiniiba ko amizir kinibagh ivese. Ezi men boriba, nan dipenimin aven nan ingangarir gumazamizbar min iti. Ezi ki bulmakauba ko sipsipin aviriba iti. Guzmanz fomira Jerusalemin nguibamin itiba, nan min bulmakauba ko sipsipin aviriba itir puvati. ⁸ Ki ua bagħha gol ko silvan

dagħar aviriba isi. Ezi kantrin igharazibar atriviba ko provinsin igharazibar gumazir dapaniba, me uan dagiaba isa na bagħha da amadi. Ezi ki ighiabagh amir gumazamiziba, me na bagħha ighiabagh ami. Egha ki amuir dozir aviriba iti, ezi me na damutti nan navim bar deragħam. Gumaziba bar, arazir kam bagħ bar akongegħam.

⁹ Ki bizar kaba bar da inizi, da na gamima nan ziam bar ekefe. Ezi fomira Jerusalemin nguibamin itir gumazitam nan min bizar aghuir aviritaba itir puvati. Nan fofozir aghuiba uaghan, na ataghħirazir puvati, da na koi kikavira iti. ¹⁰ Ki tong uan ifonġiam dikabirazir pu. Bar puvati. Ki bizar manam gifonge, ki puram a iniam. Egha ki amizir ingangarir kaba bagħha bar akonge. Ezi agoroger kam, a kamakin, a nan ingangarimin iveau. ¹¹ Egha gin ki uan dafarimmingin ingarizir bizar kaba bar dar gara, da tuisigha deraghvira dagh nighnigha ghaze, bizar kaba, dar mingariba bar mongezi, e dagh fozir puvatigha okam nighnisi. Da mati gumazim aminimin suighasa ivegha ghua, an suighan ibura. Ia oragh, e bar, overiamin apengen itir dughiamin e ingangarir mitiabagh ami, eġi da pura mangi dar dagħer aghuiba puvatigham. Da tong en akuragħan kogħam.

Nighnizir aghuim mati pura bizim

¹² Ki bizar kabagh amigha gifa, eġi gin gumazir igharazitam nan danganim inih atrivimin otogh, a bizar igharazir manatam damuam? Bar puvati. Kamaghin amizi, ki nighnizir aghuimin mingariba ko arazir organibar mingaribagh nighnighavira iti.

¹³ Ki nighnigha givagħa, kamaghin fo, nighnizir aghuim, an arazir organiba bar dagh afira, mati aruemin angazangarim mitarmem gafira. ¹⁴ Fofozir gumazamiziba me deraghha tuavimin garava an zui. Ezi gumazamizir organiba, mati gumaziba mitarmem tuavimin zui. Bizar kam a guizbangira, ezi ki nighnigha ghua nighnizir ekiar mam na bato. A kamakin, aning uaghara ovevem aning bativam.

¹⁵ Ezi ki uabira ubi ginighnigha ghaze, bizar gumazir organiba batozim, uaghan na bativam. Kamaghin, nan fofozir avirir kaba, manmagħin han akuragħam? Bar puvatigham. Egha ki uan navir averiamin aven kamaghin nighnisi, fofozir aghuim uaghan, an mingariba mongezi e dagh fozir puvatigha okam nighnisi. ¹⁶ Ki fo, gumazamizir gin izamiba, me bar e gin amadagħam. Guizbangira, gumazir organiba ko gumazir fofoziba itiba, me uam e ginirighan kogħam. Ezi ovevem din uaghara.

^{1:16:} 1 Atriviba 4:29-31 ^{1:18:} Fofozir Gumazim 12:12 ^{2:4:} 1 Atriviba 10:23-27; 2 Eghħaganibba 9:22-27 ^{2:7:} 1 Atriviba 4:23 ^{2:8:} 1 Atriviba 10:10; 10:14-22 ^{2:9:} 1 Eghħaganibba 29:25

fofozir gumazim, gumazir organim gafiragħan kogħam. Puvati. E bar mogħiram ovengam! ¹⁷ Ezi bizar overiamin apengen otivir kaba bar mogħiram osimtizim nan navim ganidi. Kamaghin, ki uan ikirrimiżi bar an aghħua. Bizar kaba bar, dar mingariba aven mongezi e dagħ fożi puvatigha okam nighnisi. Da mati gumazim aminim suighħasa iweġha għuava, an suighan ibura.

Ingangarir mitiabar mingariba ko dagħheba puvati

¹⁸ Ki overiamin apengen ikia zurara puvira ingari. Egha ki fogħa gifa, ingangarir mitiar ki amżiż kaba, gumazir iħarazim izi nan danganim inīgh dar ganam. Kamaghin, ki ingangarir kaba bar dar aghħua. ¹⁹ Eġi gumazir nan danganim iniamim, ki a għifozir pu, a ti gumazir fofozim itim, o gumazir organim. Egh a iżi, ki uan fofozir aghuimin overiamin apengen amžiż ingangarir mitiar kabar ganigh dar għuavmin ikegħam. Ezi arazir kam, uaghan an mingarim modozi, e a għifozir puvatigha okam nighnisi. ²⁰ Kamaghin, ki overiamin apengen ikia ingangarir mitiar amžiż kabagh nighnigha nan navim ikuvvigha bar oseme. ²¹ E garima, gumazir maba, fofozib ko nighnizir aghuim ikia egha uan fofozir kam ko nighnizir aghuir kam sara ingara biziba deragħa dagh amua, bizir bar aviriba isi. Egha me gin ariaghirezi, gumazir iħaraziba pura men biziba isi, me men min fofozir kamagh gariba itir puvati. Arazir kam a derazir puvati, egha uaghan an mingarim aven modozi e a għifozir puvatigha okam nighnisi.

²² E zurara overiamin apengen ikia puv ingarava bizar aviriba uaghan dagh nighnisi, ezi bizar kam iċkivira ikiamiñ iverġiż aghuir manatam e ikaragh? Bar puvati. ²³ Dugħiar e nguziñiñ itir kaba, mizaziba e batifi, ezi en ingangariba osimtiziba e ganidi. Ezi e uaghan dimagħbar dakuwa amua, dagh nighnighavira ikia avu għas-sazza en puvati. Ezi arazir kam uaghan, an mingarim modozi e a għifozir puvatigha okam nighnisi.

²⁴ Arazir mam bar dera, egha arazir iħarazibagh afira. A kamakin: E pamtem ingarħiż egh uan ingangaribar dagħheba ini dar amva, dagh ifongoosegħ bar akuegħam. Ki arazir kamin gara eghha fo, bizar aghuir kaba en biziba pu. Bar puvati, God uabi bizar kabar afeżiż, egha a da isa e ganidi. ²⁵ Guizbangira, God puvatighti, e manmagħiñ dami, bar akuegħiva arazir kabar amuwa? Bar puvatigham. ²⁶ Guizbangira, God ifongooseżiż gumazamizibba, a nighnizir

aghuiim ko fofozim ko, bar akuegħha itir arazim me ganidi. Ezi arazir kurabagh ami darasi, a me gamima, me ingara dagħheba ko biziба isa da akumakua da isa God ifongooseżi darazigh anidi. Arazir kam, uaghan an mingarim modozi e a għifozir puvatigha okam nighnisi. A mati gumazim aminim suighħasa iweġha għuava, an suighan ibura.

3

Biziba bar mogħira, vagħvagh otivamin dugħiaba iti

¹ Overiamin apengen otivir biziба vagħvagh, da uan dugħiabaram otifi:

- ² Amiżiба otamin dugħiaba iti,
ezi e bar arimighiरam dugħiaba iti.
Egha e dagħheba oparġi minn dugħiaba iti,
egħi e dagħheba asiġġi minn dugħiaba iti.
- ³ Egha e gumazibav soġħti me
arimighiरam dugħiaba iti,
egħi e me damutti me għuamagħamin
dugħiaba iti.
Egha e biziба angarar iħammin dugħiaba iti,
egħi e bizibara ingarammin dugħiaba iti.
- ⁴ Egha e aziġi minn dugħiaba iti,
egħi e akamini dugħiaba iti.
Egha e bizibagħ nighnigh navim ikuvamin
dugħiaba iti,
egħi e bar akonqiegħ iġħiabar amuamin
dugħiaba iti.
- ⁵ Ezi paba uan amuiba ko daku minn dugħi
ħabba iti,
egħi an nien uanġi minn dugħi
ħabba iti.
- ⁶ Egha e biziżi ovengħiżi burjamiġ minn
dugħiaba iti,
egħi da buri mangi da ategħamin dugħi
ħabba iti.
- ⁷ Egha e biziżi deraghvirā dar arigħamin
dugħiaba iti,
egħi e pura da makun minn dugħi
ħabba iti.
- ⁸ Egha e iħaraz darazi bar me
ifongoosegħi minn dugħi
ħabba iti,
egħi e men aghu għammin dugħi
ħabba iti.
- ⁹ Egha e iħaraz daraziv soġħam minn
dugħi
ħabba iti,
egħi me ko deravira dapi minn dugħi
ħabba iti.

⁹ Gumazamizir ingangaribagh amiba, me bar ikivira ikiamin iveauzir aghuir manabar uan ingangarir me amiba bagha da isi? ¹⁰ God e ganingizir ingangaribar osimtiziba, ki deraghavira dar ganigha dagh fogha gifa. ¹¹ God, biziba bar otivamin dughiarbar akiri, egha dagh amizi da uan dughiar aghuimin otivigha bar deragha gananjar aghuibagh ami. Ezi God uaghan en nighnizibagh amizi, e uan navibar aven nighnigha, bar fomira itir bizir otiviziba ko bar gin otivaminbagh foghasa nighnisi. Egh God fomiram amizir biziba ko gin damuamin biziba, e deraghvira dagh foghan kogham. ¹² Ki bizir kabagh nighnigha ghua kamaghin fo, arazir mam, arazir igharazibagh afira. Arazir kam, a kamakin, e nguazir kamin itir dughiamin, e arazir aghuibar amu bar akuegh ikiam. ¹³ Egh e uan ingangarir e amizibar iveauzir ini daghebar ami bar akuegh ikiam. Bizir kaba, God e ganidir bizir aghuiba.

¹⁴ Ki fo, Godin Araziba ikivira iki, egh givagan kogham. Puvati. Da kamaghira iki mamaghira ikiam. Gumazitam uan arazitam Godin arazitam gisin datighan kogham. Egh gumazitam ua Godin arazitam batueghan kogham. God gumazamiziba an atiating an apengan ikiasi, a kamaghin ami. ¹⁵ Bizir datirighin otiviba, da fomiram otifis. Ezi bizir gin otivamiba, da uaghan fomiram otivigha gifa. God fomiram otivizir biziba ataghizi, da bar ghuezir puvati. A bizir kabagh ami da uam otifi.

Gumazamizibar araziba derazir puvati

¹⁶ Ezi ki arazir mamin garima a uaghan overiamin apengan iti. E fo, jasba kotiamin aven arazir aghuibar gintigh deraghvira gumazamizibar osimtiziba tuisigham. Ezi puvati, me arazir aghuibar gintizir pu. Bar puvati. Me dughiar maba arazir bar kurabar gintisi. ¹⁷ Ezi ki ua kamaghin nighnisi, God gumazamiziba kotiam darighamin dughiamin, a gumazamizir an damazimin deraziba ko gumazamizir kuraba, a me bagh dughiam atigh, men araziba tuisigham. ¹⁸ Egha ki uaghan kamaghin nighnisi, God gumazamizibar araziba tuisichti, me kamaghin fogh suam, e gumazamiziba, en araziba uaghan asizibar arazibar min iti. ¹⁹ Ki ghaze, E gumazamiziba uaghan asizibar min ovengam. Asiziba ovei, ezi e gumazamiziba uaghan ovei. Gumazamiziba ko asiziba uagharam ikirimirir angamira itim anidir aminim ikia, arua biziagh ami, egha aning uaghara ikirimirir kamin iti. Kamaghin, gumazamizibar ikirimirir asizibar ikirimirir gafirazir puvati. Aningin ikirimirimin mingarim

uaghara aningin modozi e dagh fozir puvatigha okam nighnisi. ²⁰ Gumazamiziba ko asiziba uaghara, ovea ghua nguazimin zui. E fo, God nguazir minemeniam inigha, gumazimin inivafizimim ingari. Kamaghin, an aremegh, uamategh nguazir minemeniam gagavham. ²¹ Ezi, gumazir maba kamaghin migia ghaze, gumazim aremezi an duam Godin Nguibam ghuavanadima, asizimin duam nguazimin ghuaghiri. Ezi tinara bizir kamin ganigh a gifogham?

²² Ki bizir kam ginighnigha ghua kamaghin fo, arazir mam arazir igharazibagh afira. Arazir kam a kamakin. Ingangarir e amiba, e dar gan dagh ifongegh bar akuegh ikiam. Bar akongezir arazir kam, a iveauzir aghuir God e bagha misevezimra. Ezi tinara, e arimighiregh givaghti en gin otivamin biziba en akaghamb?

4

¹ Overiamin apengan itir bizir gumazamiziba amiba, ki ua dagh nighnigha fo, da derazir puvati. Gumazir kuraba gumazamiziba dikabira osimtiziba me garizima, me bar puviram arai. Ezi men akurvaghan gumaziba puvati. Ki gari, gavmanin gavgavim, gumazir kurabaram akurvasi. Kamaghin, gavman uaghan men akurvazir puvati. ² Ezi ki kamaghin nighnisi, gumazamizir ovengeziba, me bar dera, me nguazimin itir gumazamizibar min osimtiziba aterir puvati. Oveaghuezibar dabirabim, an angamira itir gumazamizibar dabirabim gafira. ³ Ezi gumazamizir tighar nguazimin otivamiba, me arazir kurar gumazamiziba overiamin apengan amibar ganizir pu. Kamaghin me bar dera, egha gumazamizir nguazimin itibagh afira.

⁴ Egha ki uaghan arazir mamin gari, gumazamiziba ingangarir mitiabagh amua, bizir aghuibagh ami. Ezi bizir kamin mingarim kamakin, me uan namakabar garima, me bizir aviriba ikia ziar ekiaba isima, me uaghan men min otivasa ingangarir aviribagh ami. Ezi ki ghaze, arazir kam uaghan an mingariba mongezi e dagh fozir puvatigha okam nighnisi. A mati gu-mazim aminimin suighasa ivegha ghuava an suighan ibura. ⁵ Marazi ghaze, gumazir ingangaribar amuan amiraghura pura nguibamin itim, a gumazir organim. Egh an gavgavim givaghti an aremegham. ⁶ Ezi ki kamaghin nighnisi, kamaghin dera, e bizir muziariba iki, navir amirizim sara ikiam. Gumazir maba bizir aviriba bagha nighnigha pamtem ingara osimtizir aviriba

sara iti, ezi arazir kam ikufi, mati gumazim aminimin suighasa ivegha ghuava an suighan ibura.

⁷ Ezi ki ua garima, arazir ighazariz mam overiamin apengan iti, a uaghan an mingarim modozi e dagh fozir puvatigha okam nighnisi. ⁸ A kamakin, gumazir mam a uabira iti, egha boriba ko aveghbuuba puvatigha ingaravira ikia avughsazibba an puvati. Egha bizar bar aviriba ikia kamaghin nighnisi, bizar kaba tighar nan ifongiam agivagham. Ki mangi zurara ingarvira ikiam. A kamagh uabi ubi migeir puvati, "Ki tizim bagha pura ingangarir mitiar kabagh amua dar daghetam isa pura ikia bar akongezir puvati? Ki oveghti tinara bizar kaba iniam? Puvatigham." Gumazir kamaghin amimin araziba, da bar kufi. Ezi ki datirighin fo, arazir kam uaghan, an mingarim modozi e dagh fozir puvatigha okam nighnisi.

⁹ Uabira itir arazim, a derazir puvati. Gumazir pumuning uaning inigh ikiti, deragham. Eghit gumazir pumuning uaning inigh ingarti, anining ingangarim deragham. ¹⁰ Eghit tav irighti, tav an agharimin suiragh uam a fegham. Ezi uabira itir gumazim, gumaka, a righti tina an akuragh a fegham? Bar puvatigham. ¹¹ Gumazir pumuning arugharugh, egh uaning inigh dakuva, anining mikarzimming fengam. Eghit tav uabira dakuva, an arugharugham. ¹² Gumazir vamira, an apaniba a misogh bar anegivagham. Ezi gumazir pumuning, me aning misoghan iburagh. Guizbangira gumazitam, benir pumuning ko mizezim inigh da ruivigh ikarizim girighti da zuamira dighoreghan kogham.

¹³⁻¹⁴ Gumazir igiar biziba puvatizitam o kalabuziar gumazir tam, aningen tav kantrin atrivimin ikiti deragham. Ezi atrivir ighazariz mam bar ghuri, egha a fofozir gumazibar nighnizir aghuiba baraghan aghua, ezi an arazim bar ikuvigha ongani. Guizbangira, atrivir igiar biziba puvatizir kam, a nighnizir aghuimin ikia, atrivir ghurir kam gafira.

¹⁵ Ki garima, atrivir ghurir kam gin aremezi, gumazir igiam an danganim ini, ezi overiamin apengan tir gumazamiziba bar atrivir igiar kamin gin zui. ¹⁶ Ezi gumazir bar avirir me men dibobonim diponan iburaziba, me bar an apengan itima a me gatifa. Ezi gin an aremezi, gin otivir gumazamiziba, me an amizir bizar ekiar kabagh nighnizir puvati. Egha ki datirighin fo, uaghan an mingarim modozi e dagh

fozir puvatigha okam nighnisi. Mati gumazim aminimin suighasa ivegha ghuava an suighan ibura.*

5

Ni pura mikim akar dikirizimin God damuan marki

¹ Ni deraghvira uan arazibagh nighnighiva, Godin Dipenimin aven mangi. Puram aven mangan marki. Ni fofozim iniasava aven zui. Egh gumazir mabar min

puram ofabar amuan marki, mati gumazim fofoziba puvatighava dagh ami. Kamaghin amir gumazamiziba, me deragha fozir pu, bizar manam Godin damazimin dera.

² Ni faragh navir averiamin aven deravira nighnigh, gin dikavigh uan akatorimin mikim. Egh ni God ko migeir dughiamin migirigiar aviribar amuan marki. God a gavgavir ekiam ikia uan Nguibamin iti, ezi e gumazir kiniba nguazir kamin iti. Kamaghin, ni an damazimin migirigiar aviribar a damuan marki.

³ E fo, ni osemegha bizar aviriba bagha navim isia dagh nighnigh, irebabar ganam. Kamaghira ni pupira migeir gumazim, ni mati gumazir organim pupira bizibav gei.

⁴ Egh ni akar dikirizi tamin God damaghiva, zuamiram an gin mangi a damigh. Egh ni uan akar dikirizimin gin mangi damighan kogh, ni mati gumazir organim. God kamaghin amir gumazamizibagh ifongezir puvati. Kamaghin ni akar dikirizim gami, egh ni an gin mangi a damigh.

⁵ Egha ni akar dikirizimin God gamigha an gintizir pu, kar arazir aghuim puvati, arazir bar kuram. Egh ni nighnigh fogh suam, ni uan akar dikirizim gintighan kogham, egh ni akar dikirizi kam damuan marki.

⁶ Egh ni puram akar dikirizim damaghiva, an gin mangan kogh, ni arazir kuram gami. Egh ni akar dikirizi tam damigh, egh gin Godin ofa gamir gumazim mikiman marki suam, "Ki deragha nighnizir puvatigha, akar dikirizi kam gami." Ni tizim bagh God damichti an aningagharim nin ikiam? Ni kamaghin damuti, a nin aningaghegham. Egh ni

ingangarir mitiabagh amua inizir bizibagh asighasigham. ⁷ Ni gumazir zurara irebabar garim, o ni gumazir pura migeim, arazir kaba uaghan pura biziba. Arazir kabar mingariba mongezi e dagh fozir puvatigha okam nighnisi. Kamaghin, ni zurara Godin atiating an apengen iki.

Ni gumazir dagiar aviriba itimin otivsi nighnighan marki

* **4:16:** Hibrun akam ves 13-16 aningen itir akar isin zuimning deragha aning abighizir puvati. **5:2:** Aghuzir Akaba 10:19; Matyu 6:7 **5:4:** Diboboniba 30:2; Godin Araziba 23:21-23; Onger Akaba 66:13-14; 76:11 **5:5:** Aghuzir Akaba 20:25; Aposel 5:4

⁸ Ni gavmanin ganti, a gumazir onganarizibagh amiba osimtzibah me darighiva, men kotiaba deragh da akiran kogh, me ateghti me deragh dapijan koghti, ia digavir kuram damuan marki. Arazir kamin mingarim kamakin. Ingangarir gumazir dapaniba arazir kabagh amima, men garir gumazir ekiar maba, men ingangaribar gara osimtzibah me garisi. Ezi gumazir men garir kaba, me uaghan gumazir ekiar maba ikia men gara osimtzibah me garisi, me arazir kamra me gami. ⁹ Egha me arazir kam gamima, gumazamiziba uan nguazibar azenibar ingara dagheba amaga dar izeziba isima me bar men dagiaba tuiragh uarira uarigh anidi. Ezi atrivim uaghan men dagiar nar maba isi.*

¹⁰ Gumazim dagiar aviriba iniasa puviram nighnizima, dagiar muziarir a isiba, an ifongiam agivaghan kogham. Ezi gumazim, dagiar aviriba itir gumazimin min otvis nighnighiva, bizar a isir kaba, an ifongiam agivaghan kogham. Kamaghin, dagiam bagha bar ifongezir arazim ko biziabagh ifongezir arazim, da uaghan dar mingariba mongezi, e dagh fozir puvatigha okam nighnisi. ¹¹ Egh gumazimin izezim mavanangti, an ikizir gumazir avirim iziva an dipenim gizivagh an daghebar amam. Kamaghin, gumazim uan dagiaba ko biziab garava, a ubi ua bagh bizitam givezan kogham. ¹² Ingangarir gumaziba, me dagher aviriba iti, o dagher muziariba iti, me dimangan deravira dakuam. Ezi dagiar aviriba itir gumazim, a zurara uan bizar avir kabagh nighnighava, deraghav akuir puvati.

¹³ Ki gara overiamin apengan itir arazibar garima, arazir bar kurar mam iti. Gumazir mam, gin izamin osimtzizim attatigha pura tintinibar biziabagh izezamin ifongiam dikabiragh, uan dagiaba atigha deraghaviram dar gara iti. ¹⁴ Egha gin an dagiar ingangarim akuiaghiziri, an dagiaba bar givazima, a uan borim daningamin biza pu.

¹⁵ E fo, en amebam e batezir dughiamin, a bizitam saram e batezir puvati, e puram bibiabara iti. Kamaghira, e ovengamin dughiamin, e pura bibiabara mangam. E guizbangira bizar aviriba iniasa ingangarir mitiabagh ami, egh e aremeghamin dughiamin, e bizar katam sara Gumazamizir Oveaghuezibar Nguibamin mangam kogham. ¹⁶ Ezi kar uaghan bar osimtzizir kurar mam, e pura dafarir kinibar nguazir kamin ize, ezi kamaghira, e dafarir kinibar uamategh mangam. Egha e nguazir kamin tir dughiamin, e pura ingangarir

mitiabagh ami, mati gumazim aminimin suighasa ivegha ghuav an suighan ibura. ¹⁷ Nguazir kamin tir dabirabim, a derazir pu, mati e zurara osimtzizim ikia ovevemin mitarmemin aven apia dagheba api. E zurara navir kuram isava, atarava, arimariaba isi. ¹⁸ Guizbangira, ki bizar kam ginighnigha ghua kamaghin fo, arazir mam bar deragha arazir kam gafira. Arazir kam, a kamakin, God e ganingizir dughiar otevir overiamin apengan ikiamimin, e uan ingangarir e amizibar izezim inigh daghebar ami bar akuegh ikiam. Bar akongezir arazir kam, a izezir God e bagha misvezim.

¹⁹ Egha God dagiaba ko bizitaba gumazitam danightima, a fogh suam, da izezir God a bagha inabaziba. Egh an adar gan bar akuegh, egh uan ingangariba ko dabirabim gan egh navir amirizim inigh ikiti, kamaghin deragham. Bizar kaba, kar God aningizi bizar aghuiba. ²⁰ Egha God gumazir kam ataghizi a uan dabirabir aghuimin gara, bar akuegha mamaghira ikia, kamaghin nighnizir pu, ki dughiar otevimin nguazir kamin ikiam.

6

Ikirimir kam, osimtzibah an iti

¹ Ki overiamin apengan ikia osimtzizir kurar mamin garima, gumazamiziba aneterava ingangarir dafam gami. ² God gumazir mam dagiar aviriba ko, bizar aviriba ko ziar ekiam, da a ganingi, ezi a ifongezir bizitam otevezir puvati. Ezi gumazir kam, God a ganingizi bizar aghuir kaba, an adar amu bar akuegh ikian firin, God gumazir igharazim bizar kaba anetaghizi an ada inigha dagh amua bar akuegha iti. Arazir kam, a bar ikuvigha, an mingariba mongezi e dagh fozir puvatigha okam nighnisi.

³ Egha gumazitam borir 100la ikiva, nguazir kamin azenir aviribar iki, egh gumazir kam uan bizar aghuir kaba bagh bar akuegh ikian kogh, egh gin aremeghti, me deragh a bagh mozim gikuigh anefaghan koghti, arazir kam, a bar derazir puvati. Ki guizbangira migei, borir amebamin navimin aven aremezim, a gumazir azenir aviribar nguazir kamin itim gafira. ⁴ Kamagh amir borim, mati pura bizim, a ziaba puvatizi, me mitarmemin anefazir dughiamin, me a ginamadagh gifa. ⁵ Egha borir kam, an aruer angazangarimin ganizir puvatigha, bizitam bar a gifozir puvati. Egha borir kam datirighin avughsazir aghuim gamua iti. Kamaghin, borir kamin dabirabim, gumazir bizar aviriba itir kamin dabirabim

* **5:9:** Hibrun akam deraghah ves 9in itir akamin mingarim abighizir puvati. **5:15:** Jop 1:21; Onger Akaba 49:17; 1 Timoti 6:7

gafira.⁶ Gumazir kam uan bizir kabar gara, dagħi agoir puvati. Gumazir kam 1,000in azeniba o 2,000in azenibar nguazir kamin ikiti, an dabirabim, borir kamin dabirabim gafiragħan kogħam. Guizbangira, e bar mogħiram oveng nguibar vamiran mang.

⁷ E dagheba iniasa, kamaghin, e zurara ingari. Ezi dagħer e isiba, da en ifongiām agevir puvati. ⁸ Manmagħin amizi, fofozir gumazim fofoziba puvatizir gumazim gafira? Bar puvati. Eghi gumazir biziba puvatizim, arazir aghuimin gumazamiz-ibar damazim a damighti, bizir kam manmagħin an akuragħti, a ikvira ikiamin iverżi aghuir manam iniam?⁹ Gumazir maba ghaze, e bizir guar aviriba inisi nighnighan kogħam. Arazir kam uaghan an mingariba aven mongezi e dagh fożor puvatīgħha okam nighnisi, mati gumazim aminim minn suighasa iverġa għuava an suighan ibura. Kamaghin dera, bizir tizir e inigha givaziba, e dagħi fuuegħ dar suiragh ikiam.

¹⁰ Bizir otivir kaba, da puram otivir puvati. Bar fomira God da otivasa mikemezi, da datirighin otivaghiri. Egha God en arazibagh fogħa għifa. Kamaghin e a ko uari batogħan kogħam. Guizbangira, an gavgavim en gavgavim gafira. ¹¹ E fo, e migi rigħiār adlo ħoddożiż aviribav kimta, da manmagħin en akurvagħam? Bar puvati. Puvira migeir arazim, a tong en akurvagħan kogħam, e pura migei. ¹² E dugħiār bar otevimin nguazir kamin iti, ezi en ikirrim, a dagħeħa puvatīgħha uaghan an mingariba mongezi e dagh fożor puvatīgħha okam nighnisi. En ikirrim, mati għuariam aruem apazazima, temer dugħuazim zuamriar arav għu. Ezi tina kamaghin fo, e arazir aghuir manamin gintgħam? Ezi tina kamaghin fo, e ovegħi givagħti, bizir manaba overiā minn apengan otivam?

7

Nighnizir aghuir aviriba

¹ Gumazamiziba kamaghin nighnigh suam, ni gumazir bar aghuim, nighnizir kam a dera. Egha a borer aghuir iverżi bar pin itim gafira. Eghi dugħiār ni ovengamim, a dugħiār nin amebam ni batezim gafiragħam.

² Gumazim aremegħti, me a bagħha azir dipenir māmin ikitima, ni a bagħ mangi. Arazir kam, a me dipenim ikia isar eki-abagh amir arazim gafira. Guizbangira, e bar mogħira ovengam. Kamaghin, e nguazir kamin iki bar deravira ovevemin arazim giniegħi nighnigh.

³ E bizitam bagħ navim ikuvigh ose-megħ ikiti, arazir kam akazir arazim gafira. Guizbangira, navir osimtiziba, e gamima en guaba iku, arazir kam e gami e arazir aghuim gifofogħa eghha akonge.

⁴ Egha gumazir nighnizir aghuiba itim, an aremezix gumazim bagħha azia itir darazi ko ikiam. Ezi gumazamizir nighnizir aghuiba puvatiziba, me inivafizir agoroger arazir aviribagh amir gumazamiziba ko ikiasi.

⁵ Gumazamizir nighnizir aghuiba itiba, nin atar, ni akirmigham, ni me baregh men ġin mangi arazir kam a dera. Arazir kam, gumazir onganim ziar ekiam isa ni ganidir arazim, gafiragħam.

⁶ Egh gumazamizir nighnizir aghuiba puvatiziba akti, men akazibar mingariba puvatīgħam. Mati benir ataghatarim avimini ikia isia tingazi, egha a minem gamima a isir puvati. Arazir kam uaghan pura bizim, an mingariba puvati.

⁷ Gumazir nighnizir aghuim ikiava gumazir igharazibar biziba ko dagiaba, pura dagh euqa da isi, a mati gumazir onganim. Eghi gumazim apezeperir dagiaba init, an arazir kamin, a uabi uan nighnizir aghuim gasighasxi.

⁸ Eghi gumazitam ingangarim foregh a damuasava ami, kar arazir aghuim. Egha an an ingarava anegħi, arazir kam bar deragħa arazir ingangarim damuasava amim, gafira. Ezi gumazir navim amiragħha uabin asuġha nimra itim, a dera. An arazim, gumazir uabira uabi femin arazim, bar a gafira.

⁹ Ni zuamira gumazir munamin aningagħegħan marki. Aningagħarim, a gumazir nighnizir aghuiba puvatizim arazim.

¹⁰ Ni kamaghin mikiman marki, “Manmagħin amizima, dugħiār fomira ikezim, datirighin tir dugħiār gafira?” Gumazir nighnizir aghuim puvatizim, a kamaghin azangsgħam.

¹¹ Gumazamiziba bar overiā minn apengan iki nighnizir aghuim iki, men akurvagh ikivira ikiamin iverżi aghuimin min ikiam. Bizir kam, a bar dera, mati afeziam aremegħasava amua uan bizir aghuiba isa uan boribagh aningi. ¹² Nighnizir aghuim ko dagiex, aning uaghara dugħiār kurabar en akurvasti. Egha nighnizir aghuim ko fofozim, dagiex gafira, egha deravira iki mamaghira ikiam.

¹³ God amizir biziba, ia bar deraghvir, dagh nighnigh. Egh God bizitam damighti a ikizirrighti, tinara uam aneminiegħam?

¹⁴ Nin ikirrim minn biziba bar deraviram

otivti, ni bar akuegh iki. Eghti dughiar kuram ni batoghti, ni kamaghin fogh suam, God dughiar aghuiba ko dughiar kuraba e bagha da amadi. Kamaghin, e fozir pu, bizar manam gin otivam.

¹⁵ Ki nguazir kamin ikia arazir aviraviribar gara ghaze, nan ikirimirim, an mingariba mongezi ki dagh fozir puvatigha okam nighnisi. Egha ki gumazir mabar garima, me arazir aghuiba gintigha, egha ariaghire. Ezi ki gumazir mabar gari, me arazir kurabagh amua, egha dughiar ruarinin nguazir kamin iti. ¹⁶ Kamaghin e uan damazimin uari fi, arazir aghuim ko nighnizir aghuimin gintighsi, bar pamten ingaran kogham. E ti, uarira uarigh asighasigham. ¹⁷ Egh e uaghan arazir kuraba ko arazir organibar gintighsi bar pamten ingaran kogham. E ti God ovengasa e bagha inabazir dughiamin aviraghram. ¹⁸ Ni ubi tuavir aghuimin gin mangi, egh arazir aghuimin suiragh, egh arazir kuramin suighan marki. Gumazim Godin atiata an apengan iti, a bizar manam damuti, a bar deraviram otogham.

¹⁹ Eghti gumazir dapanir ekiar 10pla, nguubar ekiar mamin akuragh a damut, a tugh gavgavigham. Ezi nighnizir aghuim, a gumazitamin akuraghi, a bar gavgavigh nguubar ekiar kamin gavgavim gafiraghram.

²⁰ Godin damazimin derazir gumazitam, zurara arazir aghuitam gamir pu. A dughiar mabar uaghan arazir kurabagh ami.

²¹ Ni gumazamizibar akaba bar, da baraghian marki. Egh ni kuarim atigh deragh me baraghti, nin ingangarir gumazim ti akar kuram ni daningam. ²² Guizbangira, ni kamaghin fogh, ni ubi dughiar aviribar akar kurabar gumazir igharazibav migei.

²³ Ki bar fofozir gumazimin otivasa, kamaghin ki bizar kabar mingariba bativasa bar deravira da tuisigha dagh nighniki. Ezi nan nighnizim otefe. ²⁴ Bizar otivir kabanangin mingaribagh foghamin ingangarim, bar aven ko. Mati bizim bar saghon itima e a buri, o bar vin mar iti. Kamaghin, tinara bizar kabar mingaribagh fogham? Bar puvati. ²⁵ Ki nighnizir aghuiba ko fofozir aghuiba mingaribagh foghosa bar ingangarir dafam gami. Egha uaghan arazir kuraba ko arazir organibar mingaribagh foghosa ingangarir dafam gami.

²⁶ Ki ingara ghua kamaghin fo, amizir maba osimtizir bar ekiaba e ganidi, ezi da ovevemin osimtizim gafira. Amizir kabanang mati, gumaziba en suighamin iveba. Ezi men dafariba mati sen e ikirarigham. God gumazitam gifuegħti, gumazir kam amizibar ivem gitagh arimangigham. Eghti ivem, arazir

kurabagh amir gumazimin suiragħti, an a gitagħan kogħam. Bar puvati. ²⁷ Ezi fofozir gumazim kamaghin migei, Bar guizbangira, ki bizar kabar mingariba bativasa bar nimira nimira ingara ghua datirighin bizar mabar arazim għifo. ²⁸ Ki ghua amiziba buriagħa aruava amizir aghuitam bativasa ingara ghua tam batozir puvati. Ezi tausen ġumazibar tongin, ki għiġi, gumazir aghuir vabara iti. Egha ki amizir aghuitamin garir puvati. ²⁹ Egha ki nighnizir ekiar mam bato, a kamakin, God gumazamizibar ingarigha ghaze, me an damazimin dera. Ezi me uari nighnizir aviriba ko tuavir guar aviribar gin zui.

8

¹ Fofozir gumazamizibara bar biziбар mingaribagh fos. Kamaghin tina men fofozim gafiraghram? Guizbangira, gumazimin navim ikuvighti an guam misiħam, eghi nighnizir aghuim ko fofozir aghuim a damuti an guam angazgarigh, bar akongegħam.

Ni atrivimin akamin gin mangi

² Ki kamaghin migei, ni atrivimin akamin gin mangi. Ni God ko dikirizir akam ginighnigh, egh atrivimin akaba batogħan marki. ³ Egh ni atrivim ko iki zuamiram anetaghiragħan marki. Egh nin akaba ko atrivimin akaba uariv sogħi, ni akaba gavvagan marki. Ni kamaghin fogħ, atrivim ni bareghan kogħam, a uan ifongiāmin gin mangam. ⁴ E bar fo, atrivim mikkimta, gumazamiziba bar an akamin gin mangi. Eghzi gumazitam kamaghin an azangsighan kogħam, “Ni tizim bagħha kamaghin ami?” ⁵ Gumazir atrivimin akaba bar dar gintizim, a deravira ikiam. Eghzi nighnizir aghuim itir gumazim, a biziбар amuamni tuavim ko dughiam gifogħam. ⁶ E fo, e gumazamiziba en osimtiziba bar ekevezi e da ateri. Ezi da akiramin tuavir aghuim ko da akiramin dughiar aghuim iti. ⁷ E fozir pu, bizar manam gin otivam. Ezi bizar kabar gun e mikkimā min gumaziba puvati. ⁸ Gumazim ovengamin dughiamin, an duam an invafizim ataghiragħam. Eghzi gumazitam an anogoregħan kogħam, gavgavir kaba bar puvati. Gumazitam ovevemin dughiam gisivagħan kogħam. E fo, midorozim din dughiamin, midorozir gumazir dapanir eki-abba, midorozir gumaziba ategħti me uamategħ uan nguibabar mangan kogħam. Egha gumazim arazir kuramin ginti, an arazir kam bar an porogh, anetaghiragħan iburagh.

E bar akongezir arazimin gintiġħam

⁹ Ki bizar kabar garava, gumazamizir overiāmin apengan ikiava amir biziħbagħ nighnighavira iti. Egha dughiar kamin ki

9

Bizir kamra bar e bativam

garima, gumazir ekiar maba gumazamizir mabagh ativagha me dikabira paza me gami. ¹⁰ Egha dughiar mabar ki garima, gumazir kurar mam aremezi, me mozimin anefa. Gumazamiziba anefagha uamategha gumazir kurar arazir kurabagh amim, aven itir nguibar ekiamin ghue. Egha me izir dughiar kamin, me gumazir kurar kamin ziam fe. Arazir kam uaghan, an mingariba mongezi, e dar gari puvatigha okam nighnisi.*

¹¹ Dughiar mabar, gumazamiziba uan arazir kurabar iveauzir kuram zuamiram a isir puvati. Kamaghin bizir kam gumazamizibar nighniziba fema, me arazir kurabar amuasa gavgavighavira iti. ¹² Dughiar mabar, gumazir arazir kurabagh amiba, me arazir kurar aviribagh amuavira iti, egha me dughiar bar ruarimin nguazir kamin ikiava, me zuamiram oveir puvati. Ki fo, marazi kamaghin migia ghaze, "Gumazim Godin atiatigh an apengan iki, deravira ikiam. ¹³ Egh arazir kurabagh amir gumazim, a deragh ikian kogham. A Godin atiatia an apengan itir puvati, kamaghin a bar dughiar otevimirin nguazir kamin ikiam."

¹⁴ A guizbangira, me organigha kamaghin migei, ezi ki arazir mamin garima, a me migeir moghin otozir puvati. Ezi arazir kam, a bar organigha bar ikufi. Dughiar mabar, gumazamizir Godin damazimin deraziba, iveauzir kurar gumazamizir kuraba iniamim isi. Ezi gumazamizir kuraba, Godin damazimin derazir gumazamizibar iveauzim isi. Ezi arazir kam, ki ghaze, a uaghan an mingarim modozi e dagh fazir puvatigha okam nighnisi.

¹⁵ Ezi ki kamaghin nighnisi, e bar akueghamin arazimin gin mangiti, a deraghram. Ua tuavir aghuir e gintighamba puvati. Kamaghin e overiamin apengan iki dagheba ko dipabar amiva bar akuegh ikiam. E fo, e ingangarir mitiabagh ami, egh dughiar God e ataghizi e overiamin apengan itimin, e bar akongezir arazim damu ikiam.

¹⁶ Ki gumazamizibar ingangarir arazibar gara deravira fofozim ko nighnizir aghuim iniasi arueba ko dimagaribar ingangarir bar dafam gamua akuir puvati. ¹⁷ Guizbangira God biziba bar dar ingari, ezi ki dar ganigha fo, e nguazimin otivizir bizir kabar mingariba buriva avegham. Egh e dagh foghs, ingar mangi amiraghram. Eighti fofozir gumazamiziba suam, e dar mingaribagh fogha gifia, me guizbangira migeir puvati. Me dagh foghan kogham.

¹ Ki bizir kaba bagha deravira nighnigha ghua kamaghin fos, Godin damazimin derazir gumazamiziba ko, gumazamizir nighnizir aghuiba itiba ko, me amir biziba, da bar Godin agharimin iti. God uabi, gumazamizibagh ifongezir arazim ko gumazamizibagh ifongezir puvatizir arazim gamizi da otifi. Guizbangira, e gumazamiziba fazir pu, bizir tiziba gin otivam. ² Ezi bar e bativamin bizir mam iti, e gumazamizir Godin damazimin deraziba, gumazir arazir kurabagh amiba, ko gumazir aghuiba, ko gumazir kuraba, Godin damazimin zuezir darasi, ko Godin damazimin mizezir darasi, gumazir ofa gamiba, ko ofa gamir puvatiziba uaghara, bizir kamra bar me batogham. Bizir kamra, gumazir aghuiba ko gumazir arazir kurabagh amiba bativam. Bizir kamra, gumazir God ko akar dikirizim gamiziba ko, gumazir God ko akar dikirizim damuosa atiatingiziba, a bar me batogham. ³ Egh e overiamin apengan itir gumazamiziba bar, bizir kurar kamra bar e batifi, a kamakin: ovevem. Gumazamiziba nguazimin itir dughiamin, me fo, me aremegham, egha dughiaba bar ovevemin arazim bagha nighnigha navim osemehta bar organigha a bagha mizuai. Egha gin me uaghan ariaghiri. ⁴⁻⁵ Afiar angamira itim, laionin aremezem gafira. Ezi kamaghira, gumazamizir angamira itiba, gumazamizir ariaghirezibagh afira. Me fo, bizitam me batifti, me ovengam. Ezi gumazir ovengeziba, me bizitam gifozir puvati, egh me bizir aghuitam inian kogham. Ezi gumaziba me ginamadaghia gifia. ⁶ Gumazamiziba ariaghirezir dughiamin, men ifongiam ko adariba ko gumazir igharazimin bizibagh ifongezir arazim, da bar gifia. Ezi gumazamizir kaba, me ua overiamin apengan iki bizitam damuan kogham.

⁷ Aria, ni mangi dami bar akongegh. Egh ni wainin dipam ami navir amirizim inigh. God arazir kamin amamangati. ⁸ Ni zurara korotiar aghuilar aghu bar deragh kuriki dapanariziba batogh bar akuegh iki. ⁹ En ikirimirim mati pura bizimin min itima an mingariba mongezi e dagh fazir puvatigha bar okam nighnisi. Eighti, God ni ganingizir ikirimirim kam, ni overiamin apengan a misevezir dughiabar, a ko bar akuegh iki. God a isa iveauzir aghuimin min ni bagha anemisevegha ni ganingi. Kamaghin ni overiamin apengan iki, uan ingangaribar amuva, God ni ganingizir ikirimirim amuir aghuimin min a ko iki bar akongegham.

* **8:10:** Hibrun akam deragha ves 10in akabar mingarim abighizir puvati.

¹⁰Egh ni ingangaritam damusi, bar uan gavgavim sara a damu. Ni fo, Oveaghuezibar Nguibar ni mangamim, ni ingangarir tam ko nighnizitam damuan kogham. Danganir kamin, ni nighnizir aghuitam ko fofozir aghuitam inian kogham.

¹¹Ki uamategha overiamin apengan bizar mamin gari. Gumazir bar puvira atamra ivemariba, me dughiar mabar gumazir igharazibagh afirazir pu. Ezi midorozir gumazir gavgaviba, dughiar mabar uan apanibagh afirazir puvati. Gumazir nighnizir aghuibia itiba, ko fofozir ekiaba itiba, me dughiar mabar dagiaba ko bizar aviriba isir puvati. Ezi ingangarir guar aviribagh amir fozir gumaziba, me dughiar mabar ingangarir ekiaba isir puvati. E fo, dughiar kuram dughiatabar bar e bativam. ¹²E fozir pu, e dughiar manam osintizim e bativam. Ezi dughiar kuram zuamiram e batifi, mati kuarazim o osirim ivemin aven ghuzi an an suiragha iti.

Gumazamizibar arazir aghuim ko arazir kuram

¹³Ki overiamin apengan ikia ua bizir mamin garima an oto. Ezi ki kamaghin nighnisi, kar ti, gumazir nighnizir aghuim itimin nedazir bar aghuim. Bizir ki garim kamakin. ¹⁴Dughiar mam nguibar muzieri mam iti, ezi gumazamizir aviriba an itir puvati. Ezi atririv bar gavgavir mam uan midorozir gumaziba inigha a ko misogh a dikabinasa ize. Egha midorozir gumaziba nguibar kam bar anekiarugha, an divazir gavgavim akarasa bizibar akiri. ¹⁵Ezi nguibar kamin, biziba puvatizir gumazir mam iti. Gumazir kam, nighnizir aghuim ko fofozim iti. Egha an nighnizir aghuimin, a nguibar kam uan apaniba dam a iniasa tuaviba burizi, me deraviram oto. Egha gin gumaziba ua biziba puvatizir gumazir kam, me a ginamada. ¹⁶Ezi ki kamaghin mikimasa, nighnizir aghuim, gavgavir ekiam gafira. Ezi gumazamizibagh kamaghin nighnisi, gumazir biziba puvatizim, an nighnizir aghuim pura bizir kinimin min iti. Kamaghin me an akaba barazir puvati.

¹⁷Gumazir nighnizir aghuibia itim uan akabar asughasugh nimira mikimti, e da baraghti, deragham.

Kamaghin amir gumazimin akaba, da nighnizir aghuibia puvatizir gumazibar atrivim, an tiarir arozim gafira.

¹⁸Nighnizir aghuim, a midorozimin bizibagh afira.

Eghti gumazitam arazir kurar tam damighti,

an arazir aghuir avirim gasighasigham.

10

¹E fo, bereziba mughuriar aghuim zuir boremin sivafarinim aven magiri arighiregti, borer kam bar puvira mughaghgam. Kamaghira arazir organir muziarim, gumazimin nighnizir aghuim ko ziar ekiam dikabiraghram.

²Gumazir uan navimin aven nighnizir aghuim itim, an arazir aghuibagh ami. Ezi gumazir uan navimin aven nighnizir aghuim itir puvatizim, an organigha arazir kurabagh ami. ³Egh gumazir kam pura tuavimin daruti, an arazibara gumazir mabar akakagh suam, a nighnizir aghuibia puvati.

⁴Egheti nin gumazir dapanim nin atarti, ni uan ingangarim ataghiraghan marki. A fogh suam, ni osintizim iti. Egh ni nimira ikiti, a nin arazir kuram ginamadaghram.

⁵Ki overiamin apengan ikia ua garima, gumazir maba osintizir bar dafar mam gami. Ezi osintizir kurar kam, a gumazir dapanibar osintizimra. ⁶Gumazir dapaniba, dughiar mabar ingangarir ekiaba isa gumazir nighnizir aghuibia puvatizibagh anidi. Egha dughiar mabar ingangarir mong derazir puvatiziba isa dagiar aviriba itir gumazamizibagh anidi. ⁷Ezi ki garima, ingangarir gumazir kiniba, hozibagh isin apiaghza zuima, gumazir ekiabi mati ingangarir gumazir kinibar min suebar zui.

⁸Gumazir tam mozir ekiam gikuigh a ti ubi an magirigham. Egheti gumazitam me dagiabar ingarizir divazir gavgavim abighti, kuruzim ti a givigham. ⁹Egheti gumazitam mighsiamin dagiar dafaba abighirarighti, dagiaba ti a misuegham. Egheti gumazitam temem abighti, temem ti a misuegħti a mizazim iniam. ¹⁰Egheti gumazimin sobiam għumīgħi kogħi, a temem okisi ingangarir dafam damigham. Egheti gumazim nighnizir aghuim ikiva, a ingangarir aghuim damuti, an ingangarimin dagħer aghuim otogħam. ¹¹Egheti gumazim kuruzim damighti a nimira ikiamin arazim gifogħi, a deragħam. Egh a kuruzim ategħti, an a givighti, an fofozim manmagħin an akuragħam? Bar puvati. ¹²Gumazir nighnizir aghuim itimin akaba, da ziar ekiam anariram anidi. Ezi gumazir nighnizir aghuim puvatizim akaba, da a dikabiri. ¹³Egh gumazir kam dikavigh mikimiva, a pazi bizir organibav mikimam. Egheti an migirigħiaba givamin dughiamin, an migirigħiaba bar ikuvigham, mati gumazir bar organimin migirigħiaba. ¹⁴Ezi gumazir

nighnizir aghuiba puvatiziba, me migia mamaghira iti. E fozir puvati, bizar manam gin otivam. Egha e fozir puvati, bizar manam e aremegh givaghti, a gin nguazimin otivam.

¹⁵ Gumazir nighnizir aghuiba bar puvatizim uan dipenimin mangasa tuaviba buriava avenge. Kamaghin amir gumazim, a pura ingangarir mitiabagh amua, an gavgavim pura gefi.

¹⁶ O gumazamizir ian kantrin atrivim aghirimra itim, Iavzika! Ian gumazir faragha zuiba ti mizarazibara dikava pura isabara amuvira ikiam. Eghti osimtzizir ekiabara ian kantrin kam bativam. ¹⁷ Eghti ian kantrin atrivim, a gumazir ziam itir tamin borim, eghti ian gumazir faragha zuiba, me dagheba ko wainin dipaba apir dughiamin da ami gavgavim uari daningam, egh dipar organir aviriba apir arazibar amuan kogham, eghti kantrin kam, a bar deravira ikiam.

¹⁸ Eghti gumazim amiragh uan dipenir inogorim akiran aghuaghti, dipenir inogorim angarighiregħti, amozim aven iri dipenim gasighasigham.

¹⁹ Daghem a gumazim gamima, a bar akonge, ezi wainin dipam gumazim gamima, an navim bar nuira. Ezi dagħiба da ingangarir guar avīrim damuamin bizar aghuim.

²⁰ Ni uan akuir danganimin aven modoghiv iki, adarir kurabar atrivim ko dagħiба itir gumazim, aning damuan marki. Egh ni uaghan migirigiar kurabar me damuan marki. Ni kamaghin damuti, kuarazitam ti nin migirigħiaba inigh mangi me danigham.

11

Ni deragh nighnighiva ingangarim damu

¹ Ni danganir aviribar ingangaribar amu, egh ni gin iveau aghuim iniam. ² Ni fozir pu, dugħiar kurar manam nguazir kamin otivam. Kamaghin, ni uan dagħiaba is: 7pla o 8plan dagħar ingangaribar arikigh.

³ E fo, dipam overiāmin pin itir ghuardiabagħ izvazima, amozim nguazim ġiri. Temem ira sautin amadaghhan iriġħav iti, o notin amadaghhan iriġħav iti, a danganir irizim, a iriġħiv ikiam. ⁴ Eghti ni aminim ko amozim din dugħiam bagħ aning mizuam mangi azenitam ingarib an oparighan kogh, ni dagħetam inian kogħam. ⁵ God biziba bar dar ingari, ezi e kamaghin fożir pu, manmagħi amizi, borin igħam, amebamin navimin aven iti, ezi an duam iza an aven ghuzima an angamira iti. Kamaghira God amir biziċċa, e dagh fogħan kogħam.

⁶ Ni dagħetaba mizarazimin da opariva, taba guaratizimin da opar, ni kamaghin fożir puvati, dagħer ni mizarazimin opariziba o ni guaratizimin opariziba deraviram otivigham, o da uaghara deraviram otivam.

⁷ Angazangarim a bizar aghuim, ezi e aruemin angazangarim gara, bar akonge.

⁸ Ni nguazir kamin itir azenibar, ni bar akeuegħ iki. Egh e azenir aviribar iki, bizar kaba bakiñiġħiġ kogħam, e bar azenir aviribar, mitarmem iki. Gumazamizir Oveaghuezbar Nguibamin ikiam. Ezi bizar gin otivamiba, dar mingariba mongezi e dagh fożir puvatigha okam nighnisi.

Gumazamizir igiabar sure damuamin akaba

⁹ Ia gumazamizir igiaba, ia igiamra itir dugħiamin, ia bar akongegħ iki. Ia uan nighniziba ko ifongiamin gintiġ. Kamaghin ia uari bagħ gan, God uan kotiamin dugħiam, a ian araziba tuisigham.

¹⁰ Ia igiamra itir dugħiam, a ruarazir puvati. Kamaghin amizi, bizar osimtzibha ia ganidiba, ia puv dagħi nighnighan marki. Egh ia, bizar mizazir ian mikarzbibgħ anidibar gintiġ marki. Ki datirighin fo, ia igiamin itir ikirimirim uaghan, mati an mingariba mongezi e dagh fożir puvatigha okam nighnisi.

12

¹ God bar en ingari, kamaghin, ia igiamra itir dugħiamin, ia a ginighnij. Ia kamaghin a gin amadagh gin għurighti, dugħiar kuram ia batogħti, ia vagħvagh kamaghin mikimam, “Ki uan ikirimirim gakongezir puvati.” ² Eghti dugħiar kamin ian damaziba ikuvighti, ia kamaghin nighnigh suam, aruem ko iakinim ko mikoveziba deragħa isir puvati. Ezi amozix ghuardiab u iza danganir vamiran iti.

³ Eghti dugħiar kamin, ian dafariba gav-gaviba puvatigh inigham. Eghti ian sueba gav-gaviba puvatigh ikizirigham. Eghti ian atariba bar asighiregħ vagħvaziba ikiti, ia dagħer gav-gavibar aman kogħam. Egh ian damaziba ikuvighti, ia deravira bizibbar ganan kogħam. ⁴ Egh ian kuarir toribar bar pirighti, ia dipenimin azenan otivir niginibar baraghha kogħam, mati me wit mirmirid dagħiġi tingħażżej, ko marvir ararer aviriba. Eghti ia daku minn dugħiamin, kuarazibar araremiria ja għażiun. ⁵ Eghti ian danganir pin itibar atiatingi, tuavbar aruan buraghburegħam. Ia dapanarizibha għurġħurighti, ia daruan asaghħasiegħam. Eghti biziba ia damuti, ian naviba da bagħ dikavan kogħam. Eghti ia aremegħ mangi nguċċar ia zurara ikiġi minn ikiam. Eghti

ian nguibamin iti darasi, me arang azir akabar amu ikiam.

⁶ Ia tighar aremeghamin dughamin, ia God ginighnigh. Guizbangira, ia kamaghin ovengam, mati lamin silvan sen dutuaghirizi, an golin itarim irigha ikuvizi, an avir angazangarim munge. Egha mati, me mozir dipamim minem dafagha dipam tua a gekuava anadir benim dutuaghirizi, nguazir miner dipam tuim, irigha bar misaraghire.* ⁷ E fo, God fomira nguazir minemeniam isa gumazimin ingari. Eighti gin ia aremeghti ian mikarziba ua nguazir minemeniam gavagham. Eighti ian duar God ia ganingiziba, uamategh God bagh mangam.

⁸ Fofozir gumazim kamaghin migei,
Biziba bar, dar mingariba bar mongezi
e dagh fozir puvatigha bar okam
nighnisi.

Akinafarimin akar abuananam

⁹ Fofozir gumazir kam bar nighnizir aghuim iti, kamaghin a gumazamizibar sure gami. An akar aghuiba ko aghuzir akar aviriba bar deravira dagh nighnigha da tuisisi. Egh an akar manam ginighnighti, a guizbangira mikimti, an akinafarimin an osiram. ¹⁰Egha an akar aghuiba buria akar gumazamizibar kuaribar isingiziba bagha ingangarir dafam gami. Egha bar deravira guizin akar kaba osiri.

¹¹ Fofozir gumazimin akaba mati aghorim, me aneminezi a ghumi. Aghorir kam, mati sipsipbar garir gumazim an suiraghia sipsipbagh eghuva tuavim dar akakasi. Egha fofozir gumazim akar aghuiba akumakua akinafarimin aven da osiri, eighti akar kaba bar dughiar ruarimin ikiam, mati dikoniba me palang gafuzi da gavgafi. God bar en garir gumazim, egha akar kaba e ganngi.

¹² Nan borim, ki akar abuananam ua ni mikimasa. Ni nan akam baragh. Gumazamiziba akinafarir aviriba osiri, ezi ingangarir kamaghin amim a gevir puvati. Ni zurrara akinafaribar ganti, nin mikarzim bar amiraghram. Kamaghin ni bizir kam bagh deravira gan.

¹³ Ki, nighnizir kaba bar dar gun ni mikemegha givagha, egha nighnizir abuananam ni mikimasa. Egh akar kaba bar ada givasa, ki kamaghin migei, e gumazamiziba en ikirimirimin faragha zuir bizim, a kamakin. E Godin atiating an apengan iki, an akabar gintigham. ¹⁴ Guizbangira, God e amizir araziba bagh uan kotin aven e tuisigham. Arazir aghuiba, ko arazir

kuraba, ko mogava amir araziba sara da bagh e tuisigham.

* **12:6:** Hibrun akamien ves 2-6 da akar isin zuibara migei, ezi akar kabar mingariba da deragha otozir puvati. **12:14:** Fofozir Gumazim 11:9; Aposel 17:30-31; Rom 2:16; 2 Korin 5:10

Solomonin Onger Akam O Solomon Akar faragha zuim

Akinafarir kam, me ighiamin min an osiri, ezi gumaziba ko amiziba ongezir akaba da vaghvaghya akar otevir kabar aven iti. Da kamakin, onger akar otevir mam, gumazim amizir a bar ifongezimin migei. Ezi onger akar otevir mam, amizim a bar ifongezir gumazimin migirigiaiba ikarvasi. Ezi akar isin zuir bar aghuiba, aningin onger akar otevir kabar aven iti. Egha da bar deravira kamaghin en akakasi, gumazim amizim bagha bar akonge, ezi amizim uaghan gumazim bagha bar akonge.

Godin Akinafariminakinafarir ighazariz mabar aven, Godin akam inigha izir gumaziba ko gumazir ighazariz maba sara kamaghin akar isin zuim gami, Israelia me Godin amuimin min iti. Kamaghin amizi, Israelia akinafarir kamin gara fo, God bar me gifuegha arazir aghuibar me gami. Ezi me uaghan bar God gifonge. Ezi Kraisin gin zuir gumazamizir maba, me akinafarir kam kamaghin an gari, kar Krais uan sios ko aningin akar isin zuim. Krais uan sios bar a gifonge, ezi an sios uaghan bar a gifonge.

Bar Faraghaviram Oтивизир Бизбар Егхаганимин Акинфаримин авен, God gumazim ko amizimin ingari, eghti aning uaning porogh ikiam. (Ni Jenesis 2:24in gan.) Akinafarir kam gavgavim akar kam ganidi, egha kamaghin en akakasi, God gumazir aghuim o amizir aghuim isi ni danighti, ni a bagh bar akongegh. Kar Godin bizir aghuir a pura ni ganingizim.

1

¹ Onger akar kam a bar dera,
egha onger akaba bar dagh afira.
Me Solomon ginighniga a baghavira ighiar
kam osiri.

Onger akar faragha zuim

Amizir igiamin onger akam
² Dughiar aviribar ni nan tori,
ki kamaghsua,
ni zurara kamaghira damuvira iki.
Guizbangira, ni na gifuegha,
na baghavira iti.
Ni na gifongezir arazir kam, a bar isingi,
egha wainin aghuimin isingtizim
gafira.
³ Nin mikarzim mughuriar bar aghuim iti.
Ki nin ziam baregha bar akonge,
mati ki sandan aghuim bagha bar
akonge.

Kamaghin, amizir ighiaba bar ni gifonge.

⁴ Ni na inigh ga zuamira ari mangam.

Ni mati nan atrivim,
egh ni na inigh mangi uan danganir
akuimin mangi.

Egh ga uaghara bar akongegham.

Ni bar na gifonge, kamagh amizi ga bar
akonge.

Gan agoroger kam,
a bar wainba apir gumazibar agoroge-
bagh afira.

Ni bar deragha bar igharagha gari.
Kamaghin amizi, amizir ighiaba bar ni
bagha pura iri.

⁵ O Jerusalemin itir amizir ighiaba, ia oragh.
Nan mikarzim piki,
Ezi ki ganganir aghuim gami.

Nan mikarzim pigha,
mati Kedarin purirpenim.
Ezi nan ganganim bar dera,
mati inir aghuir Solomonin dipenimin
guighav itiba.

⁶ Guizbangira, nan mikarzim piki,
ezi ia kamaghin nighnighan marki,
ki ti pura ingangarir amizir kinim.
Puvati.

Aruem na gapongezi,
nan mikarzim kamaghin oto.
Nan tuebabu nan atara na gamizi,
ki ghua wainin azenibar gari.
Kamaghin amizi, ki deragha uan mikarzim
geghuvir puvati.

⁷ O nan roroar bar aghuim,
ki bar ni gifonge.
Ni na mikemegh,
ni uan memen okoruam inigh managh
mangam?
Da danganir manam in mangigh grazir
aghuiua bativ dar amam?
Egh aruer ekiamin, da mangi man-
agh muegh avughsam?

Ni na mikemeghti,
ki ni buriamin ingangarir ekiam
damuan kogham.

Ni na mikemeghan koghti:
ki ti initam inigh uan guam avaragh,
egh memebagh eghuvir gumazir
ighazaribar menen okoruabar
tongin ni buriam.

Gumazir igiamin onger akam
⁸ O nan amizir dirim, nin ganganim bar
deragha
amizir ighazaribar ganganiba bar dagh
afira.

Ni nan gansi,
ni memebar diarir nozibar gin mangi.
Ni dar gin mangi, egh ni grazir aghuibar
apigham,

eghti nin memeba dar amam.
Grazir kaba sipsipbagh eghuvir gumazibar averpenibar boroghin iti.

⁹ O nan dighorim,
 nin kurkaziba bar derazi nin ganan
 ganibar dera,
 mati hoziaba kurkegha
 Isipin atrivimin karis getui.

¹⁰ Kurkazir nin dapanir arizimin guighav itiba,
 nin koviamning gammima, a dafo.
Ezi nin manmariar aghuiba nin firimin itima,
 nin firim bar dafo.

¹¹ Eghti e golin kurkazir tabar ingarigh,
 silvan kurkazir igharaziba sara
 ingarigh,
 egh ki da isi ni daningam.

Amizir igiamin onger akam
¹² Nan atrivim uan dakozim gakua, egha borer aghuir ki uabi gaghuizimin mughuriam isi.

¹³ Nan roroar ki bar ifongezim,
 a mati pauran anezir mughuriar aghuim itim,
 nan evarim gisin irighav ikiava akui.

¹⁴ Nan roroar ki bar ifongezim, a mati akimarir mughuriar aghuim zuim,
 a Engedin nguibamin wainin azenibar otifi.

Gumazir igiamin onger akam
¹⁵ Ame! Ni amizir bar dirim
 ezi ki bar ni gifonge.
Ezi ni uaghan na gifonge,
 ezi nin damazim bar dera mati kuarazir bunbamin damazim.

Amizir igiamin onger akam
¹⁶ Ame! Nan roroar gumazir ki bar ifongezim, ni bar dera.
Nin ganganiba bar dera,
 ezi ki bar ni gakonge.
Gan misiam mati, grazir garir aghuim.
¹⁷ Temer sidan aguar kaba,
 mati gan dipenir akoriba.
Ezi painin temeba mati
 gan dipenir afiaba.

2
¹ Ki mati ruarimin akimarir dirim,
 a pura Saronin danganir zarimin oto.
Egha ki mati akimarir aghuarim,
 a mighsiabar tongin itir danganir zarimin ti.

Gumazir igiamin onger akam
² Ki garima, nan dughorir amizim, an amizir igiar igharazibar tongin ikiia
 mati akimarir dirim dikoniba itir ikarizibar tongin iti.

Amizir igiamin onger akam
³ Nan roroar gumazir ki bar ifongezim, a gu
 mazir igiar igharazibar tongin ikiia,
 mati temer dagher aghuiba itim, a ru
 arimin ikiia temer igharazibar tongin
 ti.

Aruer ekiamin dughiam ki an dughuazimin aven ikiasi bar ifonge.
Temer kamian oviziba bar deragha nan akatorimin bar isingi.

⁴ A na inigha isar ekiam bagha uan dipenir ekiamin ghu.
A bar na gifonge, ezi ki a bagha bar akonge,
 mati nir aghuir me isa gan dagher
 dipenimin ga avarazim, ki a
 bagha bar akonge.

⁵ Nan roroam, ki bar ni gifonge,
 ezi nan damaziba nan sirizi, nan
 agharapaniba bar nan amira.
Ga uaning, ni ter oviziba ko wainin ovizir
 me apuzizir taba na danighti,
 ki dar amegh ua gavgavim iniam.

⁶ Ki ghaze, Nan roroam uan agharir kiriam,
 nan dapanimin aghorogham.
Eghti an agharir guvim, a nan namnam muigham.

⁷ O Jerusalemin amiziba, ki kamaghin ian azai,
 ia dian asizir atiar aghuibagh nighnigh,
 egh na ko akam akirigh suam,
Ia ga uaning gifongezir arazim, an tuavim
 apiran marki,
 egh iki mangiti gan ifongiam givagh.

Onger akar namba 2

Amizir igiamin onger akam
⁸ Ki oragha fo, nan roroar gumazir ki bar ifongezim na bagha izi!
 Ki garima, a mighsiabagh isin uabi akura ivemara izi.

⁹ Nan roroar gumazir ki bar ifongezim,
 a pamten ivemari, mati dian asizir apurir gavgavir mam.
Ame! A izegha givagha en dipenimin divazim azenan tughav ikiawinduan aven gari.

Gumazir igiamin onger akam
¹⁰ Nan roroar gumazir ki bar ifongezim kamaghin na migei:

“O nan amizir ki bar ifongezim,
 ni nan amizir dirim,
 ni dikavigh azenan izi,
 egh na ko, ga ari mangam.
¹¹ Ni amozimin atiatingan marki,
 amozir dughiam a gifa.
¹² Ezi akimariba nguazir kamin danganiba
 bar a da avara,
 ezi kar onger akabar dughiam.
Aruer kuaraziba tintinimin ruaribar
 onger akabagh ami.

- 13 Ezi fighin temeba be.
 Ezi ruarimin beniba akimariba otifi,
 ezi dar akimariba mughuriar aghuiba
 zui.
- O nan amizir ki bar ifongezim,
 nan amizir dirim,
 ni dikavigh azenan izi,
 egh ga arī mangam."
- 14 Ni uan dipenimin aven ikia,
 mati kuarazir bumbam saghon itir
 mighsiamin dagiar torir muziarimin
 modoghav iti.
- Ni azenan iziti, ki nin guar dirimin ganiva,
 egh nin tiarir isingtizim baraghiam.
- 15 Gan wainin ikarizibar, akimariba otifi.
 E fo, afiar atiar muziariba aru-
 ava tintinibar wainin azenibagh
 asighasighasava ami.
- Kamaghin amizi, ni afiar atiar muziarir
 kabar suikigh,
 eghiti da gan azenimin aven izegh gan
 wainin ikarizibagh asighasighan
 kogham.
- Amizir igiamin onger akam*
- 16 Nan roroar gumazir ki bar ifongezim, ki
 an amuim,
 ezi a nan pam,
- mati a uan memeba inigha
 akimarir aghuibar tongin ghuzi, da
 graziba api moghin,
 a na ko ikiasa bar akonge.
- 17 A dagh eghuv dar gan mangiti
 aminim tiraghti, mitarmem arī
 mangigham.
- O nan roroar gumazir ki bar ifongezim, ni
 zuamira raghirigh arī mangi,
 mati asizir dian apurir aghuir mam ive-
 mara mighsiar ekiabagh isin ara zui.
- 3**
- 1 Ki dimagaribar zurara akuava, irebabar
 gumazir ki ifongezir kamin gari.
 Egha irebamin aven ki pamtemin
 a ginighniga danganiba bar a
 buriavira ikia ghua,
 egha an apizir puvati.
- 2 Ki irebamin aven dikavigha, nguibar
 ekiamin aven a buriagh arui.
 Ki nguibar ekiamin tuaviba ko, gu-
 mazamiziba uari akuvir danganiba
 ko danganiba bar dagh arui.
- Egha ki bar ifongezir gumazir kam buria,
 egha ki a batozir puvati.
- 3 Ezi nguibar ekiam geghuvir gumaziba
 arua iza na bato.
 Ezi ki men azara,
 "Gumazir ki ifongezir kam, ia ti an ga-
 niz, o puvati?"
- 4 Egha ki me ategha ghua
- maghira gumazir ki ifongezir kamin
 api.
- Ki a bagha ghua a muki,
 egha ki an ataghiraghan aghua.
- Egha ki a inigha uan amebamin dipenimin
 ghu,
 egha ga amebar na batezimin danganir
 akuimin aven ghu.
- 5 O Jerusalemin amiziba, ki kamaghin ian
 azai,
 ia dian asizir atiar aghuibagh nighnigh,
 egh na ko akam akirigh suam,
 ia ga uaning gifongezir arazim, an tuavim
 apiran marki,
 egh iki mangiti gan ifongiam givagham.
- Onger akar namba 3**
- Amizir igiamin onger akam*
- 6 Bizir tizim gumazamiziba puvatizir dan-
 ganim ategha izi?
 Bizir kam, mati migharim me sanda
 ko pauran anezir, me iter balsan
 eborimin ingarizim tuema an
 migharim otifi.
- Ezi an mughuriam,
 mati pauran aghuir dagiar ingangarib-
 agh amir gumaziba amadim.
- 7 Ia gan! Me akuriar aghuim inigha a
 gupugha izi.
 Ezi Atrivim Solomon uabi a gaperaghav
 iti.
- Ezi 60plan midorozir gumaziba a ko izi.
 Me Israelian midorozir gumazibar
 tongin itir midorozir gumazir
 gavgaviba.
- 8 Me fomira dughiar aviribar misoke.
 Egha me midorozir sababar misogha
 bar fo.
- Me bar moghira vaghvagha uan midorozir
 sababa suiki.
- Me fo, apaniba dimagaribar iza me
 misosi,
 kamaghin amizi, me deravira uari
 bagha gara iti.
- 9 Atrivim Solomon uan gumazibav kemezi,
 me kantri Lebanonin temer aghuiba
 inigha
 a bagha akuriar aghuimin ingari,
 mati dipenir muziarir mam.
- 10 Akuriar aghuir kamin sueba, me silvan
 dar ingari,
 ezi an dabirabir danganim me golin an
 ingari.
- Ezi me akuriar aghuir kamin danganir
 apiaghirim pilo, atrivimin inir
 pighaghevimin anevara.
- Jerusalem amiziba deravira
 dabirabir kam asingi.
 Me atrivim bagha ingangarir kam
 damuasa bar ifonge.

¹¹ O Jerusalemin amiziba, ia azenan izi
Atrivim Solomonin ganigh.
Atrivimin dapanir asuam an da-
panimin iti.
Atrivim Solomon amuimin itir dughiamin,
an amebam dapanir asuar kam isa
an dapanim garu.
Ezi dughiar kamin a bar akonge.

4

Gumazir igiamin onger akam

¹ O amizir ki ifongezim, nin ganganim bar
dera.

Bar guizbangira, ni amizir dirim.

Ni uan guam mongasa nir avizim uan da-
panim gike.

Ezi ki nin damazimningin gari, aning
kuarazir bumbamin damazimningin
min dikiravira gara bar dera.

Nin dapanir arizim girakirangin guraghav
itim, pigha ruaragha bar dera,
mati memen pizir okoruam bar
akuuegha, uari fa kura Gileatin
Mighsiamin ghuaghiri.

² Nin atariba bar ghurghuri,
mati sipsipin mikarzir ghurghuriba,
me dar arizibagh isegha datirighira
da rue.

Nin ataritam asiaghirizir pu,
Puvati. Da bar deravira iti.

³ Nin iriviba bar aghevegha, mati benir
aghevim.

Nin akatorim bar aghungigha, bar
dera.

Inim nin guam avara,
ezi ki nin koviamningin gari, aning
dafo,
mati pomigranetin ovizir aghevir
akuam.

⁴ Nin firagharin bar ruaragha bar dera,
mati Atrivim Devitin tauan ruarir
aghuim.

Ezi nin firagharin itir manmaniar
aghuiba,
mati midorozir gumazir aviribar
oraba taghtagha tauan ruarir kamin
guighav iti.

⁵ Nin oteming mati dian asizir aghuarir
pumuning,
akimaribar tongin graziba api.

⁶ Aning mati mighsiar mamning,
mughuriar aghuiba itir biziba bar
aning gizifa,
mam sandan anezim, ezi mam pauran
balsamin temer eborimin ingarizim.

Ki mangi mighsiar kamningin iki mangiti
aminim tiraghti, aruem oviram.

⁷ Nan amizir ki bar ifongezim, nin gan-
ganim bar dera.

Nin mikarzim duar kuritam an itir pu-
vati.

⁸ Nan amuim, ni na ko izi,
egh ga Lebanonin Mighsiaba ategh
mangam.

Ni Amanan Mighsiam ko Senirin Mighsiam
ko Hermonin Mighsiar orazim
ategh izighiri.

Ni fo, laionba ko asizir atiar
ighazariba mighsiar kabar iti.

⁹ Ni nan amuim,
egha ni guizin nan dighorim asi.

Ni dughiar vamiran pura damazir
ofizimningin nan gara,
egha nan dighorim asi.

Ki nin firimin itir manmaniamin gara
bar ni gifonge.

¹⁰ Ni nan amuim,
egha ni guizin nan dighorim,
ni bar na gifonge,
ezi ki bar akonge.

Nin ifongiar kam, a bar isingi,
egha wainin isingtizim gafira.

Sandan mughuriar ni uabi gazuir kam,
a paauran mabar mughuriaba bar dagh
afira.

¹¹ O nan amuim,
nin migirigia, nan kuarimin aven bar
isingi.

Nin akamin torir araziba, nan akamin bar
isingi,
mati hani akatorim isingi.

Ni nan torezi, ki bar akonge,
mati ki bulmakaun oter eborim ko ani
api.

Nin korotiaba mughuriar aghuim iti,
mati Lebanonin Mighsiabar mughuriar
aghuim.

¹² O nan amuim, ni bar nan dighorim.

Ni mati azenir divazim itim,
eghti gumazitam an mangan kogham.

Ni mati mozir dipar mam,
egha azenir kamin aven iti,
eghti gumazitam aven mangan
kogham.

¹³⁻¹⁴ Ni mati azenir aghuim,
temer bar aghuiba an iti.

Temer maba dagher aghuiba iti,
ezi maba mughuriar aghuim zuir
boreba iti.

Maba me dar sandan aghuiba dar ingari,
egha maba, daghebagh amima, da
isingi.

Temer kaba, dar oviziba bar isingigha,
nguazir kamin ter oviziba bar dagh
afira.

Dar eboriba bar isingigha, nguazir
kamin ter eboriba bar dagh afira.

¹⁵ Ni mati mozir dipam izivagha fasfaga
ivemara ghua,
ikirimir zurara itim anidim azenir
kam ganidi.

Ni mati daghurir suiar dipaba

Lebanonin Mighsiabar otiva ivemara izaghira azenir kamin izim.

Amizir igiamin onger akam

- 16 O notin aminim, ni osegh dikafigh.
O sautin aminim, ni dikavigh izi.
Gua dikavigh izi nan azenim givang,
egh danganiba bar dar amuti,
da azenir kamin mughuriar
aghuim ikiam.
Eighti nan roroar gumazir ki bar ifongezim,
uan azenimin iziva, egh an ter ovizir
bar aghuilar amam.

5

Gumazir igiamin onger akam

- 1a O nan amuim, ni bar nan dighorimra,
ki uan azenimin izegha gifa.
Egha nan sanda ko temer eborir mughuriar
aghuiba itiba,
ki da akufa.
Ki uan hanin aghuim amegha,
uan bulmakaun oter eborim ko wainin
dipam amegha gifa.

Amizibar onger akam

- 1b Gua namakar aghuimning,
gua deravira uaning gifongegh,
mati gua dagheba ko dipaba apa,
ghua bar izifa.

Onger akar namba 4

Amizir igiamin onger akam

- 2a Ki dimagarimin akuima,
nan nighnizim ingaravira iti.
Egha ki irebamin aven uan roroar gumazir
ki bar ifongezimin garima,
a nan tiar akam gafughafusi.

Gumazir igiamin onger akam

- 2b O nan amuim, ni guizin bar nan dighorim,
ni kuarazir bumbamin min ikia
guizbangira bar dera.
Ni tiam kuighti ki aven izam.
Dimagarimin ghuariam izaghira nan da-
panim rue.
Ezi nan dapanarizim kumkumi.

Amizir igiamin onger akam

- 3 Ki uan korotiar ruarim suegha gifa.
Ki tizim bagh uam aneghuam?
Ki uan dagariba ruegha gifa.
Egh dikavigh daruan aghua.
Tizim bagh nan dagariba ua
mizegham?

- 4 Ki orazi, nan roroar gumazir ki bar
ifongezim,
tiam kuighasa uan dafarim isa aven
tiar torimin amadagha tiar akamin
igugunimin suirazi,
nan mikarzim na dikafi,
ezi ki a baghavira ikia bar akonge.
5 Ki uan roroar ki bar ifongezim bagha tiam
kuasa dikafi.

Ki uan dafarim isa tiar akamin gugunim
darighasava amima,
ezi sandan nan dafarimin itim, ira
tiar akamin igugunimin poro.

6 Ki uan roroar gumazir ki bar ifongezim
bagha tiam kui.

Ki gari, ezi puvati, a zuamira ua ragha
ghugha gifa.

Ezi ki an garir puvati.

Ki an migirigabagh nighnigha
nan navim a bagha bar ikufi.

Ki a buriagharia, an apizir puvati.
Ki an deima, a na ikarazir puvati.

7 Ezi nguilar ekiamin divazim geghuvir gu-
mazibna batogha,
na misogha na mikarzim gasighasigha,
egha ki azenan azuir korotiam ini.

8 O Jerusalemin amiziba, ki akar gavgavim
ia ganiga ghaze,

Ia nan roroar gumazir ki bar ifongezir
kam, ia a batoghiva, a mikim suam,
ki bar a gifonge.

Bizir kam bagha nan agharapaniba
nan amirazi, nan damazimning nan
siri.

Amizibar onger akam

9 O amizir dirim, nin ganganim bar deragha
amizir ighazaribar ganganiba bar dagh
afira.

Ni ifongezir roroar gumazir kam,
a gumazir manmaghin garim?

A ti e amizir ighazariba en paba bar dagh
afira,
kamaghin amizi ni ghaze,
e ni ko akar kam akiram.

Amizir igiamin onger akam

10 Nan roroar gumazir ki bar ifongezim, a
bar gavgavigha,
an guam bar derazi, an damazimning
dafozi, an mikarzimin ganganim bar
dera,
egha gumazir tausen plan aviribar
ganganim gafira.

11 An dapanim bar deragha golin min dafo.
An dapanarizim pigha bar dera,
mati kuarazir pizimin arizim.

12 An damazimning bar dafogha,
mati kuarazir bumbamning ruegha
givagha, dipar miriamin aperaghav
iti.

13 An koviamningin bar deragha
mati temer eborir mughuriar aghuim
itiba azenim gizifa.

An iriviba, mati akimarir aghuim.

An migirigabagh dera,
mati sandan mughuriar aghuim.

14 An agharimning bar dera.
Egh uan dafarimningin kurka ringin
ivezir pin koziba aghui.

An navir asizim bar ghurghurigha, bar dafao.

Ezi an letiam me dagiar bluplan iveauzir pin kozibar anesingizi, a uan ivariam gike.

¹⁵ An suemning mati guarir akinir pumuning, me dagiar ghurghurir aghuibar an ingin ingari.

Ezi aning golin taghtazir pumuning gisin tughav iti.

An ganganim bar deragha, mati sidan temer diriba, egha mati Lebanonin kantrin mighsiar ekiaba.

¹⁶ A nan torima, ki an isingtizim isi.

An mikarzim bar moghira na gamima, ki bar a gifonge.

O ia Jerusalemin amiziba, ki ifongezir gumazir kam, a nan roroar aghuim, an ganganim kamaghin gari.

6

Amizibar onger akam

¹ O ni amizir dirim, ni bar amizir igharazibagh afira.

Nin roroar gumazir ni bar ifongezim managh ghu?

Ni e mikemeghti, e nin akuragh a buriam.

A tuavir manamin ghu?

Amizir igiamin onger akam

² Nan roroar gumazir ki bar ifongezim, uan azenim giraghu.

Azenir kam, bizir mughuriar aghuiba itiba, a gizifa.

An memen okoruam azenimin graziba api,

ezi an akimarir aghuiba akumakua da arisi.

³ Nan roroar gumazir ki bar ifongezim, ki an amuim,

ezi a nan pam,

mati a uan memeba inigha akimarir aghuiba tongin ghuzi, da graziba api.

Onger akar namba 5

Gumazir igiamin onger akam

⁴ O ki ifongezir amizim, ni ganganim bar dera,

mati Tirsan nguibal ekiam, ko Jerusalemin nguibal ekiam.

Nin ganganim nan damazimin, ni amizir bar dirim,

mati gumazir mam gari, midorozir gumaziba uan ababanir inir avizibar suigha izi,

ezi ki digavir kuram gamigha mikiman asa.

⁵ Ni nan ganan ki aghua.

Ni nan gara nan muriam aghorima, ki okam nighnisi.

Nin dapanarizir girakirangin guraghav itim, pigha ruaragh bar dera, mati memen pizir okoruam bar akuegha, uari fa kura Gileatin Mighsamin ghuaghiri.

⁶ Nin atariba bar ghurghuri, mati sipsipin ghurghurimin ariziba me datirighira da rue.

Nin ataritam asiaghizir pu.

Puvati. Da bar deraghavira iti.

⁷ Inim nin guam avara, ezi ki nin koviamningin gari, aning dafogha, mati pomigranetin ovizir aghevир akuam.

⁸ Atrivim amuir aviriba iti.

60plan kwimba, ko 80plan amuir dozia.

Egha amizir igiar avirir maba uaghan iti, ezi gumazitam men dibobonim gifozir puvati.

⁹ Ezi ko, ki amizir ifongezir vamira iti.

A bar amizibagh afira, ezi ki bar a gifonge.

An amebam, uan guivibar tongin, bar a gifuegha,

a bagha bar akonge.

Amizir igiaba bar an garava, an ziam fe.

Atrivim amuir ekiaba ko, amuir doziba, a bagha bar akuegha ighiabagh ami.

¹⁰ Muna tinara nan gari?

An guam mati aminim tirazi, aruer ekiam isiraghda dafao.

An guam bar angarigha, mati iakinir aruem isira.

An ganganim nan damazimin bar amizir dirim,

mati gumazir mam garima, midorozir gumaziba uan ababanir inir avizibar suigha izi,

ezi ki digavir kuram gamigha mikiman asa.

¹¹ Ki izaghirigha givagha azenimin aven itir temer aghuir oviziba itibar tongin iti.

Ki temeba ko dar akimarir otivibar ganasa danganir zarimin ize.

Ki wainin ikarizir mumuriba, ko temer dagher aghuiba itibar akimaribar ganasa ize.

¹² O nan amizim, ki nin gara, egha agorogem na misosi.

* **6:12:** Hibrun akam vezin kam deragha a migeir puvati.

Ki kamaghin nighnisi,
ki mati gumazir aruar mamin karisin
aven iti.*

Amizibar onger akam

^{13a} O Sulamin ikizimin amizim,
ni uamatenggeh,
ni uamatenggeh.

Ni uamategh iziti, e nin ganika!

Amizir igiamin onger akam

^{13b} Ki Sulamin ikizimin amizim,
ia tizim bagh nan ganti,
ki midorozir gumazir okoruar
pumuningin tongin igham
gighiam?

7*Gumazir igiamin onger akam*

¹ O ki ifongezir amizim, ni bar amizir
igharazibagh afira,
egha mati atrivimin guivim.

Ni dagarir asuaba aghuizi,
nin dagarimning bar aghungi.

Nin oghiriamningin ganganimning, bar
dera,
mati nedazir mamning, fofozir
gumazim dagiar aghuimin aning
aghore.

² Nin overapanim,
mati itarir mam, me wainin dipam ko
pauran isingtizim verezi, an a gizifa.

Nin navim bar dera,
mati witin pozir mam, me akimarir
aghuaribar an kuruke.

³ Nin oteming bar dera,
mati asizir dian atiar aghuarir
pumuning.

⁴ Nin firaghbar bar dera,
mati tauan ruarir ghurghurim.

Nin damazimning bar dera,
mati dipar akarer muzierir Hesbonin
nguibar ekiamin tiar akamin
boroghin itimning.

Nin atinin bar dera,
mati Lebanon ggehuvir gumazibar
tauan ruarin.
Me an ikiava, Damaskusin nguibar
ekiam ggehufi.

⁵ Nin dapanim nin namnam gisin ikia bar
dera,
mati atrivimin dapanir asuam,
egha mati Karmelin Mighsiar
orazim.

Nin dapanir arizir girakirangin guraghav
itim, pigha ruaragha bar deragha
taghtasi,

mati atrivimin inir aghuim.

Egh nin dapanarizir kam,
atrivim damuti, a ni gakuegh, nin kal
abuziar gumazimin min otogham.

⁶ O nan amizir ki ifongezim, ni amizir bar
dirim.

Ki bar ni gifonge,
ezi nin biziba bar na gamima,
ki bar akonge.

⁷ Nin ruarim bar dera,
mati iruem voroghira tughav iti.

Ezi nin oteming,
mati iruer foroziamning.

⁸ Ki ghaze, ki iruer kamin mavanang,
egh an dagheba iniam.

Ki nin otemingin gari,
aning mati wainin orozaghar ovizir
aviriba itimning.

Ezi nin akamin otivir mughuriam,
mati ter ovizir mughuriar aghuim itim.

⁹ Ni nan torima bar dera,
mati wainin bar aghuim, nan amizimin
akatorimin amiraghavira emiri.

Ni nan tora,
mati ga uaning inigha akua wainin
isngtizim api.

Amizir igiamin onger akam

¹⁰ Nan roroar gumazir ki bar ifongezim,
ki an amuim,
ezi a bar na gifonge.

¹¹ O nan roroar gumazir ki bar ifongezim,
ni na ko izi.

Ga dimagarimin ruarimin mangi,
egh nguibar dozibar iki dakuum.

¹² Egh mizaraghara dikavigh mangi
wainin ikarizir azenibar ganam.
Dar atiba ko akimariba ti
oneghama?

Egh uaghan pomigranetin ovizir
aghuiuba ber temebar ganam,
dar akimariba ti onez, o puvati?

Ja wainin azenir kamin iki,
egh ki ubi isi ni daning kamaghin nin
akaghram,
ki bar ni gifonge.

¹³ O nan roroar gumazir ki bar ifongezim,
ki temer ovizir aghuiba ini,
ter ovizir kaba e dav gia ghaze,
amiziba an oviziba isa akavsiar
arazim gamua da apima,
dar mughuriam gumazim damuti,
an amuim ko daku, egh boriba
batam,

ki da isa tiar akamin boroghin da ati,
eghti ni dar amam.

Ki fomira maba ini,
egha maba ki datirighira da ini.

Ki uan ifongiam isa ni baghavira aneti.

Egh ga ter ovizir kamin mughuriam ini ga
uan ifongiam damuti, a dikavam.

8

¹ Nan amebam ti ni bategha, otem ni
ganigizi,
kamaghin deraghai.

Kamaghin, ki tuavir ekiamin ni batogh,
nín torti gumazitam pazi ga
ginighnighan kogham.

² Egha ki ni inigha ga uan amebamin
dipenimin ghuzi,
ni deravira nan sure gamighai.

Ezi ki, wain ko pauran isingtizim sara
verezim,
a isa ni ganighai.

Egha ki uan pomigranetin ovizibar
dipaba ni ganingizi, ni da
ameghai.

³ Ki ghaze, nan roroam uan agharir kiriam
nan dapanimin aghorogham.

Eghti an agharir guvim, a nan namnam
muigham.

⁴ O Jerusalemin amiziba, ki kamaghin ian
azai,
ia na ko akam akirigh suam,
ga uaning gifongezir arazim, ia an tuavim
apiran marki,
egh iki mangiti gan ifongiam givagham.

Onger akar namba 6

Amizibar onger akam

^{5a} Ia gan. Munar amizir manam gumaza-
miziba puvatizir danganim ategha
izi,
egha uan roroar gumazir a ifongezim
dukuagha aning izi?

Gumazir igiamin onger akam

^{5b} Ga temer ovizir aghuiba itimin povimin
ikiava,
ki nin ifongiam gamizi, a dikafi.
Nin amebam temer kamin ape-
bamin ni bate.

Amizir igiamin onger akam

⁶ Ni uan navir averiamin aven, narara
ifongeh,
egh uam amizitam gifueghan marki.
Ni amizir ighazaritam uan dafarimin an
suighan marki.

Kirara, ni nan dafarimin suigh.

Nan ifongiam ni bagha bar gavgafi,
mati Ovevem ni iniasa gavgafi.

Kamaghira, nan ifongiam ni bagha puvira
dikafi,
mati avim isia pamten dikafi.

⁷ Ifongiar arazim, an avir mizariamin min
isi,
kamaghin ongarir ekiaba anemungan
iburagham,
eghti aperiar ekiaba iziva
anegivaghan kogham.

Gumazitam nan ifongiam givesi nighnigh,
uan dagiaba ko biziba isi na daningti,
tam tughatighan kogham.

Ki dagh ifueghan kogham.

Ki pura ni gifueghan.

Amizir igiamin tuebabar onger akam

⁸ En buaramizim suvighavira iti
ezi an otemning tighari.

An amizir ekiamin otoghti,
gumazitam an ikisi damuti,
e manmaghin a bagh damuam?

⁹ En buaramizim nguibar ekiamin
divazimin min deravira ikiti,
e divazir kam gisin a bagh silvan tauan
a ggehuvamimin ingaram.

Eghti a nguibar ekiamin tiar akamin min
ikititi,
e temer sidan ararir gavgavibar
anepirigham.

Amizir igiamin onger akam

¹⁰ Ki mati nguibar ekiam ekiaruzir divazim,
ezi nan otemning mati tauan ruarir
pumuning.

Ki ifongezir gumazim nan gari,
ki aghuigha amizir ekiamin oto.
Egha ki an damazimin bar dera.

Gumazir igiamin onger akam

¹¹ Atrivim Solomonin wainin azenim Balha-
monin nguibamin iti.

Gumaziba azenir kamin ingarsi,
me vaghvagh 1,000 silvan dagiaba
isi Atrivim Solomon daning.

¹² Solomon mar uan 1,000 silvan dagiaba
ini.

Ezi gumazir azenimin ingariba,
me mar uan 200 silvan dagiaba ini.

Ezi ki bizir kabagh nighnizir puvati,
ki uabi, nan wainin azenim iti.

Ki uabi wainin azenir kamin gari.

¹³ O amizir ki ifongezim,
ni azenimin aven iki mikimti, ki nin
tiarim baraghama.

Nan namakaba uaghan nin tiarim
baraghaha.

Amizir igiamin onger akam

¹⁴ O nan roroar gumazir ki bar ifongezim,
ni uamatetegh atamra izasa ki ifonge,

mati dian asizir atiar aghuim
mighsiabagh isin ivemara izi,
mighsiar kaba, bizir mughuriar

aghuir aviriba dar iti.

Godin Akam Inigha Izir Gumazim Aisaiyan Akinafarim O Aisaia Akar faragha zuim

Aisaia Godin akam inigha izir gumazim, a Jerusalemin itir dughiamin Asiriaba iza, notin amadaghan itir kantri Israel gasighasighasa izi. Egha me uaghan kiran ovehangin iza sautin amadaghan iti Judan kantri gasighasighai.

Aisaian akinafarir kam, e 3plan akuabar an abiki.

1. Septa 1-39. Dughiar kamin, Asirian midorozir gumazibar, Judabagh asighasighasa bar roghira izezima, Aisaia akinafarir kam osiri. Aisaia faragha mong ubi geghani (Septa 1-12).

Dughiar kamin Judabar gumazamizir bar aviriba, bar puv atiatia itima, Aisaian akam osimtizir me batozir kamin mingarimin gun me migei. A kamaghin migei, bizir kam Asirian ifongiamin otozir pu. Puvati, Judaba akirim ragha God gasara, kamaghin me uari osimtizim iti. Kamaghin amizi, God me gasighasighasa.

Aisaia kamaghin migei, Judaba uan gumazir ekiaba ko, me Ikiavira Itir Godin apengan ikiva, arazir aghuibara gintigh. Egh me kamaghin damu, me deravira ikiem. Me arazir kurar kabar gintighvira ikiti, God me gasighasigham.

Egha Aisaia uaghan gin otivamin dughiar aghuimin akam akuri. Atrivim Devitin ovavir borir mam, an atrivimin otoghti, nguubar aviribar gumazamiziba, bar dughiar aghuim iniam.

2. Septa 40-55. Akinafarimin akuar kamin, a Judaba Babilonin kalabusin ikiamin dughiamin gun migei. Bizir kaba, da akinafarir akuar faragha itimin itir bizibar gin otifi. Judaba naviba osemegha itima, Godin akam inigha izir gumazim, dughiar aghuim otoghtima, me bar akueghamin dughiamin gun me migei. God a biziwa bar dar afeziam. A ghaze, Judabar apaniba me inigh mangiti, me bar uan nguibamin saghon ikiem, egheti God me ginamadaghan kogham. A fomira me gamizir akar dikirizibagh nighnighavira iti. Egh a Persian Atrivim Sairus amisevegghtima, a uan ingangarim damuva, Judaba amadaghti, me uamategh uan nguibamra izam. Egha Godin akam

inigha izir gumazim uaghan kamaghin migia ghaze, Israeliyan agharimin, God nguazir kamin gumazamiziba bar deravira me damuam.

Akinafarimin akuar kamin migirigiar avirir maba uaghan kamaghin iti, Ikiavira Itir Godin ingangarir gumazir mam otogh, mizazim inigh, egh gumazamizibar akuraghram. Kraisin gin zuir gumazamizir aviriba kamaghin nighnizir gavgavim iti, kar Iesusra.

3. Septa 56-66. Akinafarimin akuar kam, Judaba uamategha iza Jerusalemin itima, Godin akam inigha izir gumazim, akam me ganidi. Akinafarir kamin migirigiar maba kamaghin migei, God uan akar dikirizim ginhnhaghavira iti, ezi bizir kam, gavgavim Judabar navibagh anidi. Ezi akinafarir kamin migirigiar otevir maba kamaghin me migei, Me Godin apengan ikiva, an ziam fer arazir aghuibar gintighiva, Godin ziam fiva, an amamangarighiva, egh ofaba a daning. Me uaghan gumazamizir biziba puvatizibagh nighnigh, men akurvagh.

Akar aghuir mam, Aisaia 61:1-2in iti, Jesus uan ingangarim foregh a damuamin dughiamin, an a diborima, gumazamiziba a barakis. (Ni Luk 4:16-21in gan.)

Aisaian akinafarir kamin migirigiar avirir maba Godin gumazamizibar akurvazima, me navir amirizim isi. Migirigiar kaba Godin gavgavim gun migei. Gumazamiziba, osimtizir guar aviribar isa dar mizaziba barasi. God guizbangira men afeziam, egh a men akurvagh. E Kraisin gin zuir gumazamiziba kamaghin fo, Jesusin ikirimirim ko an ovevemin, Godin akam inigha izir gumazim mikemezir akabar daghem oto.

Aisaia Godin akam Juda ko Jerusalemin itir gumazamiziba mikiri

(Septa 1-12)

¹ Akinafarir kam, Emosin otarim Aisaia, an akaba an iti. Ezi a irebamin min garir bizibar garima, Ikiavira Itir God uan akam isa a ganingi, egheti a Judan nguazimin gumazamiziba ko Jerusalemin nguubar ekiamin gumazamiziba^{*} akam me mikinam. Ezi Usia, ko Jotam, Ahas, ko Hesekia, me Judan kantrin atrivibar itir dughiarbar Aisaia akar kam akuni.

Ikiavira Itir God uan gumazamizibar atari

² Ikiavira Itir God kamaghin migei:

^{1:1}: 2 Atriviba 15:1-7; 15:32-38; 16:1-20; 18:1-20; 21:2; 2 Eghaghaniya 26:1-23; 27:1-9; 28:1-27; 29:1-32:33 * ^{1:1}: Judan nguazim, a sautin amadaghan itir kantrin iti. Ezi Jerusalemin nguubar ekiam, a Judan nguazimin aven iti, ezi Godin Dipenim ko Judan atriviba, an aven iti. ^{1:2}: Jeremaja 2:12; 22:29; Maika 1:2; 6:1-2

"O overiam, ni kuarim atigh, egheti nguazim,
ni uaghan oragh.

Borir ki garima ekeveziba,
me datirighin nan akaba batosi.

³ Bulmakauba uan ghuavibagh fo.

Ezi donkiba men ghuaviba dagheba me
ganidi me apir danganibagh fo.

Ezi nan gumazamiziba, Israelia, me kam-

aghin na gifozir puvati, ki me gehgufi.

Ezi bulmakauba ko donkiba, dar fo-

fozim bar men fofozim gafira."

⁴ Iavzik! Ia gumazamizir bar kuraba, ian
araziba uaghan ikufi.

Ia zurara arazir kurabagh amuavira
itima, ian arazir kuram ia gekua
ghuaghiri.

Ia Israelia, ia uan Ikiavira Itir God ategha
gifa.

Guizbangira, ia akirim ragha Israelian
Godin Bar Zuezim gasara.

⁵ Egha manmaghsua ia Godin akam
batoghavira iti?

Ia ti zurara mizaziba inian aghua, a?

Israelia, ia mati gumazir me bar puv
misoghezim,

ezi an mikarzim ikufi, egha gavgaviba
puvati.

Ezi duaba bar an dapanim gizifa.

⁶ Duaba an dapanim bar anegirigha uaghira
an suemningin tu,

ezi an mikarzitam pura itir puvati.

Duar igharagha garir aviriba an
mikarzimin iti,

ezi an mikarzim pura fifiki.

Me an duaba ruezir puvatigha da nomkezir
puvati.

Egha me tong marasin tam dagh
aghuijir puvati.

⁷ Ian apaniba ian kantri gasighasigha
givagha, ian nguibabagh apongezi
da isi.

Egha ia garavira itima, me ian azenibar
ian dagheba isi.

Nguibar ighazarimin gumaziba iza
ian kantrin biziba bar dagh
asighasighizi,
nguazir kinim oto.

⁸ Saionin nguibam, me gumagh ataki.

A uabira iti, egha gavgaviba puvati.

A mati, averpenim gumaziba wainin azeni-
bar tongin an ingari.

A mati, averpenir muziarir kurar mam,
me melonin azenir ekiamin tongin an
ingarizi a uabira mitighav iti.

A mati, nguibam an apaniba, anerugha
gifa.

⁹ Ezi Ikiavira Itir Godin Gavgaviba Bar Itim,
en tarazi ataghizir puvatizi,
e itir puvatighai.

Ezi bar guizbangira, e bar gevegha givaghai,
mati bar fomira Sodom ko Gomoran
nguibamning, bar ikufi.

¹⁰ Ia Jerusalemin gumazir dapaniba ko, gu-
mazamiziba,
ia mati fomira Sodom ko Gomoran
ikezir gumazir kurabar min iti.

Eghia datirighin bar deravira kuariba arigh
Ikiavira Itir Godin akam baragh, a en
God.

A, ian sure damuamin akam, ia de-
raviram a baragh.

¹¹ Ikiavira Itir God kamaghin migei,
"Ia ti kamaghin nighnisi, ia na gamir ofan
guar avirir kaba, ki dagh ifonge, a?
Bar puvati.

Ki ia sipsipba inigh izi da tueghti, da bar isi
mighirighamin ofaba,
ki bar dar aghua.

Egh ian asizir deragh aghungizir asizibar
oviba,
ki uaghan dar aghua.

Ki uaghan bulmakaun apuriba ko, sipsipin
nguziba ko, memen apuribar ghuz-
iba,
ki bar dar aghua gifa.

¹² "Ia nan ziam fasa izir dughiamin, ia
nimira iza nan Dipenim avinizir
divazimin aven izir puvati.
Bar puvati.

Ia pura iza aruava niginir dafam gami.

¹³ Ia na bagh ofaba inigh izisi pura ingan-
garir dafabar amuan marki.
Guizbangira, ki ian ofaba bar dar
aghua.

Egha ia tuer pauran mughuriar aghuiba,
dar mughuriar kurabara nan
atinimin zui.

Ki iakinir igiabar ia nan ziam fer dughiaba
ko, Sabatha ko, nan ziam fer arazir
ighazariz ir amibar ganan bar aghua.
Ia izi uari akuvagh arazir kurabar
amuusa izi.

Kamaghin amizi, ki bar arazir kabar
aghua.

¹⁴ Ki, iakinir igiabar ia nan ziam fer araziba
ko, ia mizevezir isar ekiar ighazariba,
ki uan navir averiamin aven bar dagh
ifongezir puvati.

Bizir kaba bar osimtizim na ganidi,
ezi ki da ateran porporegha bar dar
amira.

15 "Egh ia uan dafariba fegh na ko mikimti,
ki ian ganan kogham.

Egh ia dughiar aviribar na ko mikimti,
ki uan kuaramning migorogħam.

Guizbangira, gumazir ia misoghezir
ariaghireziba,
men ghuziba ian dafaribar pueghavira
iti.

16 Ki ian garima, ia amir araziba bar
ikufi.

Ia mangi ruva, uari zuegh uan arazir kurar
ian pogheziba bar da adangigh.

Egh uam arazir kurabar amuan marki.

17 Ia arazir aghuim ko, guizin arazimin
fofozim inigh.

Egh arazir aghuir kam bagħi ingar bar gav-
gavigh iki.

Egh gumazir igharaz darazi dikabiriba,
men arazir kuram akirighiwa
nighnizir aghuiba me daning.

Egh ia borir amebogħfeziaba oveaghueziba
ko, amizir paba oveaghueziba, de-
ravrira me damu.

Egh uaghan gumazamiziba pazi me
damuti, ia men akurvagh.

18 "Ia oragh. Ki Ikiavira Itir God, ki ia migia
ghaze,

Ia izi, e uari akuvagh deraghvira
nighnigh akam akirigham.

Ki garima, ia arazir kurar aviriba iti,
egħa ia mati nir ghurghurim, me
nguazir aghevim a gasighasigha
givazi mogħin iti.

Egħi ki ia zuegh ia damuti, ia
ua buruvir ovizimin min bar
ghurghurigham.

Guizbangira, ian arazir kuraba, mati ter
ovizir aghevix ighiabagh amimin min
gari.

Egħi ki ian arazir kuraba gin
amadagħi,
ia arinir ghurghurimin min bar
ghurghurigham.

19 Egh ia ifuegħiva nan akabar gin izi, ian
dabirabim bar deragħam,
egħi bixiż aghuiba ian azenibar otivt,
ia dar amam.

20 Egh ia aghuagh nan akam batuegħti,
ian apaniba izi ia misogħti, ia
ariġħiregħam.
Ki Ikiavira Itir God, ki mikemegħa
għifa."

*Ikiavira Itir God Jerusalemin araziba
akirmiġħasa*

21 O Jerusalemin nguibar ekiam, ni fomira
deravrira nan akamin ginti,
egħa ni datirighin tuavibar amizim
min oto.

Fomira, gumazamizir arazir aghuibagh
amiba ko, gumazir kotiamin aven
guizin arazibar gintiziba, ni gizifa,
egħa datirighin, gumazir gumazamiz-
ibav sozi me ariaghiriha, ni gizifa.

22 Ni fomira silvan aghuimin min gari,
egħa ni datirighin mati kapa
akuaghiregħa għifa.

Ni fomira mati wain, a bar singi,
egħa ni datirighin, mati wain me dipam
sara a iverezi a isingtiziba puvati.

23 O Jerusalem, nin gumazir dapaniba, me
gumazir akaba batoziba,
egħa me uaghan okimakiar gumazibar
namakaba.

Me zurara kota ħabbar dughħiamin, me gumazir
arazir kurabagh amibar amaman-
għat-ti,
me uarir akurvaghha me givizivigha,
dagiaba ko biziha me ganidi, eżi me
men akurvasi.

Egha me kota ħabbar dughħiamin, me
borir amebogħfeziabi oveaghuez-
ibar akurvazir puvati,

Egha me uaghan deragħha kuariba
arigha oragħa, amizir paba
oveaghuezibar osimtiziba akirir
puvati.

24 Ki Ekiam, ki Ikiavira Itir Godin Gavgaviba
Bar Itim.

Ki Israelian Atrivir Bar Gavgavim, egha
ki kamagħin migei,

"O Jerusalem, ni datirighin nan akaba
baragh.

Ki uan apaniba, ivezir kuram me ikar-
vaghħam,
egħi me uam osimtizim na
darighan kogħam.

25 O Jerusalem, ki ingangarir gav-
gavim foregha, nin arazir kuram
akirmiġħam,
mati gumaziba silvan itir mineziba
amisivasa da tue mogħin,
ki bar avir pamtemin isimmin ni
tuam.

Kamagħira, ki ian arazir miziriziba
adangasa.

26 Egh ki uamattegħ ian jasba ko ian gumazir
dapanir aghuibar arighiwa,
deraghvira kota ħabbar baraziba arigham,
mati fomira nin ikezir darazi.

Egħi gumazamiziba kamagħin ni dipon
suam,
Ngiubbar Ekiar Godin Damazim Dera-
zim,

ko Ngiubbar Ekiar Deravira Godin
Akamin Gintizim."

27 Ikiavira Itir God, kotiamin aven uan
guizin arazimin gin mangi

Jerusalemin araziba bar deraviram da tuisigh, egh gin uam a iniam.
 Arazir aghuir kamra, a ua Jerusalemin gu-mazamiziba iniam.
 Kar gumazamizir navibagh iragha uan arazir kuraba ataghiziba.

²⁸ Ezi gumazamizir Ikiavira Itir Godin akam batoziba, ko gumazamizir arazir kurabagh amiba, a me gasighasigham.
 Gumazamizir akirim ragha God gasiba, a bar me agivaghram.

²⁹ Ia faragha temer okin ekiabar tongin, ase-bar ziaba fava
 temer kaba bagha bar akonge,
 egh gin ia amizir arazir kurar kaba bagh aghumsigham.
 Ia faragha aseba fasa azenibar ingarigha, dar anogoregha ghaze,
 da asebar ziaba famin danganiba aghegha pura iti.
 Egh gin ia navibagh iragh, egh arazir ia faragha amizibagh nighnigh bar aghumsigham.

³⁰ Ia temer okin ekiam misigha aremezi moghin, ia arimighiregham.
 Egh ia mati azenim dipaba puvatigha kuvizi moghin, ia ikuvigham.

³¹ E fo, ogher misigha givaziba zuamira isi, ezi arazir kamra gumazamizir gavgaviba ko bizir me amiziba bativam.
 Avir kuram, uaghara zuamiram men sigham,
 eghti dughiar kamin gumazitam men akurvaghsi avim amungan iburaghram.

2

Ikiavira Itir God dabirabir aghuim gu-mazamiziba bar me daningam
(Maika 4:1-3)

¹ God, Judan kantri ko Jerusalemin nguibar ekiamin gumazamiziba mikimasa, irebamin min garir bizimin aven uan akam isa Emosin otarim, Aisaian aka. ² A ghaze:

Gin otivamin dughiar tamin, mighsiar Ikiavira Itir Godin Dipenim tugħav itim,
 ziar bar ekiam iniam.

Egh a pin mar iki mighsiar igharaziba bar dagħi afiraghm.

Eghti Kantrin Igharazibar Gumazamiziba bar izi an uari akuvagh ikiam.

³ Kantrin aviribar gumazamiziba izi suam, “Ia izi e Saionin Mighsiamin mavanangam, a Ikiavira Itir Godin mighsiam.
 Kar Jekopin Godin Dipenim.

E mangiti a uan arazir a ifongezibar en sure damuam.

Egh a ubi misevezir tuavim, e an gin mangam.”

Moses Osirizir Araziba, Saionin Mighsiamin ikegħ mangiti gumazamiziba a iniam.

Guizbangira, Jerusalemin nguibam, kar danganir Ikiavira Itir God uan akam isi uan gumazamizibar aningamim,

eghti me azenan mangi an akam akunam.

⁴ A jasin min iki kantriba bar dar gumazamizibar araziba tuisigh, men osimtiziba deragh da akirti, me uari inigh deragh ikiam.

Egh me uan midorozir sababa inigh, dav soghti, da baravigh nguazibagh tuir ainbar min otivigham.

Egh me uan afuzibav soghti, da ikizirigh sabar azenibar ingaribagh ami mogħin, otivigham.

Egh danganiba bar dar itir gumazamiziba, uam uariv soghan kogh ikiva, ua midorozir arazibar sure damuan kogħam.

⁵ O Jekopin ovavir boriba, ia izi. Ikiavira Itir God uan Akar Gavgaviba isa uan angazangarim min e ganidi. Da angazangarim min tuavim en akakasi, egha an Akar Gavgaviba, deravira tuavim en aka.
 Eghti e Akar Gavgavir kabar gin mangam.

Ikiavira Itir God uan ziar ekiam akaghram

⁶ Asebar gin zuir arazir guar aviriba, Jekopin ovavir boribagh izifa, ezi me mati Filistian gumazamiziba.

Ezi kukunir gumazibar arazir kuraba, me aruem anadi nagħin itir kantriba dama da ini.

Ezi me datirighin Kantrin Igharazibar Gu-mazamizibar arazibar gintisi.

Kamagħin amizi, O Ikiavira Itir God, nin gumazamiziba, Jekopin ovavir boriba, ni akirim ragħha me gasara.

⁷ Silva ko gol, Israelin nguazim bar a gizifa, ezi me uan bizir aghuiba mengan ibura.

Me hosin bar aviriba iti, egha me uan karisba, bar da mengan iburaghram.

⁸ Ezi men marvir guaba, men nguazim gizifa.

- Ezi me uari uan dafaribar ingarizir godin ifavaribar nedaziba dar ziaba fa teviba apiri.
- ⁹ O God, ni gumazamiziba bar me dikabiraghti me bar aghumsigham. Egh ni gumazamizir kaba, men arazir kuraba gin amadagh ua me fan marki.
- ¹⁰ Ia gumazamiziba, ia ari mangi dagiar toribar mongegeh. Ia nguazibar moziba okoregh dar aven mongegeh.
- Guizbangira, ia Ikiavira Itir Godin ganti, an atrivimin min uan angazangarir ekiam ko gavgavim sara iziti, ia akong bar atatiqham.
- ¹¹ Ikiavira Itir God otivamin dughiamin, a gumazamizir uarira uari feba bar me abiragham, egheti me bar aghumsigham.
- Egheti a uabira dughiar kamin ziar ekiam iniam.
- ¹² Ikiavira Itir Godin Gavgaviba Bar Itim uabi gumazamizir uarira uan ziaba feba abinasa dughiar kam amisefe. Egh dughiar kamra, bizar ekiar gumazamiziba gara bar akeuegha uan ziaba feba, a bar dagh asighasigham.
- ¹³ A Lebanonin kantrin itir temer sidan ruarir diriba ko, Basanin Distrighin itir temer okin gavgaviba saram asighasigham.
- ¹⁴⁻¹⁵ Egh a mighsiar ekiabagh asighasigh, egh tauan ruariba ko nguabar ekiamin divazir mitiar bar gavgaviba saram asighasigham.
- ¹⁶ A Tarsisin nguabar ekiamin kurir aghuiba, ko kurir ekiar bar dirir igharaziba, bar dagh asighasigham.
- ¹⁷⁻¹⁸ Ikiavira Itir God otivamin dughiamin, a gumazamizir uarira uari feba bar me abiragham, egheti me bar aghumsigham.
- Egheti marvir guaba uaghan bar givagham.
- Egheti Ikiavira Itir God uabira dughiar kamin ziar ekiam iniam.
- ¹⁹ Egh gin izamin dughiamin, Ikiavira Itir God dikavigh nguazir kamin gumazamiziba iveauzir kuram me daningisi izam.
- Gumazamiziba bar an ganti, an atrivimin min uan angazangarir ekiam ko gavgavim sara iziti, me bar puviram atiating, ari mangi dagiar toribar mongegeh ikiam.

- Tarazi nguazibar moziba okoregh dar aven mongam.
- ²⁰ Dughiar kamin gumazamiziba marvir guar me gol ko silvan ingarigha dar ziaba feba, me da inigh mangi, kuarzia ko aghunababa itir dangani-bar da makunam.
- ²¹ Dughiar kamin, Ikiavira Itir God, uan aningagharim ko angazangarir gavgavim sara gumazamizibar araziba tuisighsi izam.
- Egheti gumazamiziba atiagh iveauzir kuram gitaghs, ari mighsiar ekiabar ghuavanegh mozir torir kuiziba ko dagiar toribar aven mongegeh ikiam.
- ²² Ia gumazir kiniba kamagh me ginighnighan marki, egh suam, me ian akurvagham.
- Puvati. Me dughiar otevimra ikegh arimighiregham.
- Mati gumazim abuan duam suasa uabi gekuigha gifa.
- ### 3
- Jerusalemin gumazamizibar dabirabim bar ikuvigham*
- ¹ Ia oragh! Ekiam, a Ikiavira Itir Godin Gavgaviba Bar Itim, a kiran oveghangin Jerusalem ko Judan gumazamiziba, me da, men akurvaziba ko biziba bar da batuegham, kar bizar me gamima men dabirabim deraziba.
- A men dagheba ko dipaba bar da agivagham.
- ² A men midorozir gumazir gavgaviba ko midorozir gumazir igharaziba sara batuegham, egh kotiaba barazir gumaziba ko, Godin akam inigha izir gumaziba ko, kukunir gumaziba ko, nguabar ekiabar garir gumazir dapaniba batuegham.
- ³ Egh a uaghan midorozir gumazibar gumazir ekiaba ko, gavmanin gumazir ekiaba ko, gumazir nighnizir aghuiba atrivim ganidiba, a bar me batuegham.
- Egh gumazir bizar igharagha garir aviribar ingariba ko, gumazir imezibagh amiba batuegham.
- ⁴ Egh ki pura otarir igiaba ateghti, me Jerusalem ko Judan gumazir dapanibar otivigham.
- Egh me uan ifongiar organibar kantrin ganiva, arazir guar aviribar amuam.
- ⁵ Egh gumazamiziba uarigh afighafighsi, igharaz darazi dikabinam.

Namakaba uaghan uari dikabinam.
Egħi gumazamizir igiaba, me uan gumazamizir ghuribar akaba munasi, me batogħam.

Egħi gumazamizir nighnizir kuraba itiba, me gumazamizir nighnizir aghuwa itibar akaba batogħam.

⁶ Egħi dugħiars kamin, gumazim uan aveġħbu amra bagħ mangi kamaghin a mikk suam,
“E għi, ni dagħu min korotiar ruarir mam iti.

Ni en gumazir dapanim in otoghiva, danganir kurar me biziż kuraba maku-nir kam gativagħam.”

⁷ Egħi a kamaghin men akam ikaragh, “Ki ian akurvagħi min tuaviba puvati. Ki uaghan dagħeba ko iniba nan dipenim min puvati.

Ia na misvegħti, ki ian gumazir dapanim in tħiġi minn it-tarġi.”

⁸ Jerusalem ko Juda, men migirgi abba ko ingangariba, Ikiavira Itir God dikabirava, an ziar ekċiam gasiġħas.

Egħha me arazir kurar kaba an damazim in-dagh ammi. Kamaghin amizi, dugħiars kurar me batozima, me akuiagh riġiha uaghiri.

⁹ Egha me kotiaba barazir dugħiabar, me ifongeżiż gumazamizibaram akurvagħa iħbaraz darazi dikabiri. Ezi men arazir kamra, me isa kotiām garisi.

Sodomia fomiram amizi mogħira, me gumazamizir iħbarazibar damazibar arazir kurar damuan aghumsizir puvati.

Mevzika!
Me ikuvigham. Me uari arazir kuram gamiġha an osimtizim ateri. Kamaghin amizi, me uan arazir kurrar minn iż-żejt aħżej.

¹⁰ Gumazir Godin damazim in-deraziba, ia me mikemegħ, Me uan ingangaribar iverzir aghuim iniam, kamaghin, me bar akongegħ.

¹¹ Ezi gumazamizir kuraba, mevzika! Me bar ikuvigham! Me uan dafaribar amizir arazir kuraba, gumazir iħbarazibha me iċkar vagħi arazir kurar me amizir kabara, me daningam.

¹² O nan gumazamizib, iavzika!

* ^{3:9:} Gumazir maba kamaghin nighnisi, akar kam ababanir pumuningin tongin iti, “Ni men guabara ganigh fogħ suam, kar gumazir arazir kurabagh amiba.” † ^{3:17:} Hibrun akam deragħa migirgi kamin mingarim abighiżżejj puvati.

Ian gumazir dapaniba ia gifara ia gamizi, ia men gin tuavir kurabar ghue.

Ezi borir igiaba ko amizib, ia gat-vagħha, ia dikabira paza ia gami.

¹³ Ezi Ikiavira Itir God gumazamizib bar men kotiaba baraghha, me tuisighasav ami.

¹⁴ Egha Ikiavira Itir God uan gumazamizibar gumazir dapaniba ko gumazir aruuba ko kotiām gamua kamaghin me miegi,

“Nan gumazamizib mati, nan wainin azenim, ezi iarara azenir kam gasiġħasiga, an itir biziba bar da okeme.

Ia gumazamizir biziba otevezibar apangkuvir puvati. Bar puvati.

Men biziż mużiari, ia me da da isava uan dipenibar da pozibav kiri.

¹⁵ Tina ja mikemexima, ia nan gumazamizibagh asiġħas, a?

Ia gumazir biziba puvatiziba paza me gami, mati me gumazim isa, nguazim mikiñiha an dapanim dikaraghha nguazim gisìn a righiżi.

Ki Ekiam, ki Ikiavira Itir Godin Gavgaviba Bar Itim, ki guizbangira ia miegi, ia bar arazir kuram gami.”

Saionin itir amizir puv uari feba, me bar iverzir kuram battivam

¹⁶ Egha Ikiavira Itir God kamaghin miegi, “Ia Saionin itir amizibar gan.

Me ghaze, me bar pīn mar iti.

Me aruir dugħiabar, gumazamizib men ganasa me uan suer kurkazibar amuti da tingħiġħas, me pura darorir afangtizir kabagh ammi.

Me arua uan dapaniba fezi, men firiba bar ruara, ezi men damazibha pura tintinibar gu-mazibar gari.”

¹⁷ Kamaghin amizi, Ekiam amizir kaba iverzir kuram me danigham.

Ikiavira Itir God Saionin amizibar amuti, duaba men dapanibagh izi vagħam, egħi me men dapanibar ariziba bar dagh isiegħi, me bar aghumsizir dafam iniam.†

¹⁸⁻¹⁹ Egħi dugħiars kamin, Ekiam Saionin amizibar kurkaziba, bar me da ada

adegham. Kar men kurkaziba: suer averiaba ko, segiaba ko, boavtariba ko, kuarir kurkaziba ko, dafarivteba ko, dapaniba aver nir aviziba ko,²⁰ dapaniba kurkamin soriba ko, men daveriaba ko, miteba ko, forivtarir muziarir borer mughuriar aghuim zuim azuiba ko, bizir me suigha akavsiar arazibagh amiba ko,²¹ ziaba itir ringin aghuiba ko, ngueba ko,²²⁻²³ korotiar bar aghuiba ko, azenan azuir korotiar ruariba ko, saketin aghuiba ko, dagiaba azuir forivtariba ko, guabar garir ganganiba ko, korotiar me nir ghurghurir aghuiba isamiziba ko, dapanir asuuba ko, inir aghuiba. Ekiam bar me dama da adegham.[‡]

²⁴ Eghiti dughiar kamin, Saionin amiziba, fomira deragha kurti moghin ua kukan kogham.

Me borer mughuriar aghuim zuiba puvatigham,
eghti men mikarziba bar puvira
mughaghram.

Me ua miteba uan ivariaba amighinan kogham,
egh uan ivariaba pura benir kinibar uari amighinan.

Me ua deraghvira uan dapanir arizibar akirigh da asingen kogham,
eghti men apaniba izi, men dapanir ariziba bar dagh iseghtima, me onariba misegh ikiam.

Me korotiar bar diriba ua da aghuan kogham,
egh me korotiar bibizir kurabar aghuam.

Eghiti men guar bar aghuiba, men apaniba kalabuziabar dighoribar min me aghor me tuegham.

Eghiti me bar aghumsigham.

²⁵ O Jerusalem, nin apaniba, nin midorozir gumazir gavgaviba ko nin gumazir ighazariba misoghti, me arighiregham.

26 Egh me nin biziba bar da inigham.
Ni mati amizim, me bar an korotiaba suezi, a pura bibiamra nguazim gaperaghav iti moghin ikiam.

Eghiti nin gumazamiziba nin ganti, bizir kaba ni bativti, men naviba bighti me bar puvaziam.

4

¹ Dughiar kamin, 7plan amiziba gumazitamin suiragh a muigh, kamaghin pamtem a gakaghonam,
“E dagheba ko korotiaba uari uarir akurvagh ikiam.

E paba puvatigha bar aghumsiki.

Kamaghin amizi, e uari, ni en pam gavagh.”

Jerusalem ua deragh zuegh ikiam

² Dughiatam gin otoghi, Ikiavira Itir God Ter Aguam damighti, a ua ghuzir igiam otogham. Eghiti Israeliyan ikiavira itir varazira, me bizir kabar ganti, da bar deraghti, me bar akuegham. ³ Jerusalemin ikiavira itir gumazamizir kaba, me Saionin ikiavira itir varazira, God angamira ikiias me amisevegha gif, egha uan akinasfarimin men ziaba osiri. Egh a datirighin me dipon suam, me an gumazamizibara.

⁴ Ekiam Jerusalemin nguibam damighti, a ua deragh zueghasa. A uan gavgavir ekiamin, avimin min izi gumazamizibar araziba tuisigh, egh Saionin amizibar arazir miziriziba bar da ruva da gin amadaghram. Egh uaghan Jerusalemin gumaziba, gumazir ighazariba misozi men ghuziba irezir araziba ruegham. Dughiar kamin Jerusalem zuegh givagham.

⁵ Gumazamiziba Saionin Mighsiamin pin Godin ziam fisi uari akuvaghti, Ikiavira Itir God ghuardiatam damighti, an otogh Saionin Mighsiam avaraghram. Aruebar, ghuardiam a gisin ikiam, egh dimagaribar, a migharim ko avir mizariar angazangarimin min isi ikiam. Ghuardiar kam, averpenimin min an mighsiam gisin guraghiv iki, an ziar ekiam ko angazangarir ekiamin even itir bizir aghuiba, an a da avaraghram.

⁶ Averpenir kam mati, Godin gavgavim ko angazangarimin ababanim, a Jerusalem aviva, aruer bar gavgavim apazaghram, egh uaghan amozir ekiabar dughiamin, a Jerusalem damuti, a deravira ikiam.

5

Wainin azenimin ighiam

¹ Ia oraghti, ki uan namakar ki ifongezim bagh onger akar kam bangam.

Nan onger akar kam, ki uan namakamin wainin azenim gehgħari.

Nan namakam, mighsiam gisin itir nguazir mam iti, dagheba an deragha aghui, ezi a nguazir kamin wainin azenimin ingari.

² A nguazim abiagħarigha, dagiaba amisevegha,
wainin ikarizir agharir bar aghuiba amiseveghha da isa da opari.

Egha wainin azenir kamin torimin, a dipenir bar pin itimin ingari, an an aven ikiva wainin azenimin ganam.

[‡] 3:22-23: E datirighin deragħa fożi puvati, fomira ikezir kurkazir kaba, da ti manmagħira gari. ^{4:5:} Ua Me Inni 13:21; 24:16

A dipenir kamin aven, wainin oviziba diki da righirighasa, dagiar mozir mam gikui.

Ingangariba bar givazima, a datirighin wainin ovizibar ganasa mizua ghaze, “Da ti deraviram otivighti dar daghem isingigham.”

Ezi puvati. Ikariziba deragha ber puvatigha, oviziba bar suvigha akam misosi.

³ Ezi nan namakam kamaghin migia ghaze: “Ia Judan kantrin itir gumazamiziba ko Jerusalemia,

ia datirighin na ko nan wainin azenim tuisigh ga mikim,

Tina osimtzim iti?

Nan osimtzim, o nan wainin azenimin osimtzim?

⁴ Ki fo, wainin azenim deraghvira biva ovizir aghuiba ikiasi, ki ingangarir aghuim gami.

Ezi manmaghin amizi wainin oviziba bar suvigha akam misosi?

Bizir ki ua damuamin tam ti iti, ezi ki a gamizir puvati?

⁵ Ki datirighin uan wainin azenim damuamin arazimin gun ia mikimam.

Ki azenim avinizir divazim akarigh a gasighasigham.

Egh ki wainin azenim avinizir divazim akarighthi a irigham.

Eghti asizir atiaba wainin azenimin aven mangi azenim dikabin wainin ikarizibar amiva, dagh asighasigham.

⁶ Ki nguazim damichti ruarim a batoghti dikoniba itir ikariziba azenir kamin avegham.

Ki wainin azenimin ogher kuraba asian kogh, egh ikarizibar aghariba aghoran kogh.

Ki uaghan ghuariabav kemeghti, da amozimin tivaghti a wainin azenir kam gizan kogham.”

⁷ Ikiavira Itir Godin Gavgaviba Bar Itimin wainin azenim, a Israelian gumazamiziba.

Bar guizbangira, Judan gumazamiziba, an oparizir wainin agharir aghuir a bar ifongeziba.

Me guizin arazir aghuibara damu ikiasi a ifonge, ezi puvati. Me gumazibav sozi me ariaghiri.

Me arazir aghuibar igharaz darazir amusa a ifonge, ezi puvati.

Ararer kuram men danganibar otiva ghuavira iti.

Gumazamizir arazir kurabagh amiba, me bar ikuvigham

⁸ Iavzika, ia dipenir aviriba ko nguzabagh iveza egha uari baghvira dar poziba mikiri darasi, ia bar ikuvigham.

Kiran oveghangin ia nguziba ko biziba bar da inighti, igharaz darazi dapiamin danganibagh asaghram.

Eghti ia uarira nguzir kamin ikiam.

⁹ Ki orazi, Ikiavira Itir Godin Gavgaviba Bar Itim kamaghin migei:

“Bar guizbangira, dipenir bar dirir dafar kabanagh, da ikuvigham, eghti gumazitaba dar ikian kogham.

¹⁰ Me wainin azenir ekiam oparigham, eghti wainin ikariziba wainin ovizir aviriba dar ituighan kogham, egh da wainin dipar bar muziarimra otogham.

Egh me 10plan witin oviziba itir mitariba oparigh, egha dagh eghuvamin dughiamin, me mitarir vamira daghuigham.”

¹¹ Iavzika! Ia gumazir bar mizaribara dikavava wain ko, dipar onganir igharagha garir avirir gavgaviba apiba, ia bar ikuvigham!

Ia da apava onganigha ikia ghua dimagariba aghori.

Ia bar ikuvigham.

¹² Ia isabagh amua, wain apava, gitaba ko bubab sogha, marvibagh ivia, ighiar guar aviribagh ami.

Egha ia arazir kaba bar dagh fo. Egha Ikiavira Itir God amir biziba, ia fofozim dar itir puvati.

¹³ Kamaghin amizi, Ikiavira Itir God ghaze, “Bar guizbangira nan gumazamiziba, ia na gifoghan aghua, kamaghin ian apaniba ia inigh mangi nguibar igharazimin ia isi kalabuziam darigham.

Ian gumazir aruaba ko gumazamiziba, me dipaba ko dagheba puvatigham, egh me bar ikuvigham.

¹⁴ Jerusalemin itir darasi, ia datirighin isabagh amua bar akuegha iti, ezi bar guizbangira, Gumazamizir Oveaghuezibar Nguibamin, uan akam bar anekarigha, gumazir aruaba ko gumazamiziba tuasa me mizua iti.

Iavzika, ia bar ikuvigham.”

¹⁵ Gumazamiziba bar, me bar aghumsigham.

Gumazamizir uarira uan ziaba feba,

- God me dikabiraghram,
eghti me ua ziaba puvatigham.
- ¹⁶ Ikiavira Itir Godin Gavgaviba Bar Itim uan arazir aghuimin gumazamiziba akir men akaghram,
egh a ubi ziar ekiam iniam.
- Egh a ubi gumazamizibar akagh suam, a Godin arazir aghuiba ko arazir zuruz-ibaram amim.
- ¹⁷ Nguibar ekiaba bar ikuvighti, ogheba aghung bar nguibaba avaragham.
Egħi sipsipin nguziba ko memeba izi danganir kamin oghebar amam.
- ¹⁸ Iavzika, ia gumazir igharazibagh ifarasa bar ifuegħa arazir kurabagh amiba, ia bar ikuvigham.
- Ian arazir kurar kaba ian pogħezi, ia da ataghiraghan iburaghām.
- ¹⁹ Ia kamaghin migħi ghaze,
“E kamaghin orasi, Israelien Godin Bar Zuezim,
a biziġġi ġej damus iegħi a zuamiram a damuam.
Egh e kamaghin ganigh, an nighnizim gifogħam.”
- ²⁰ Iavzika, ia bar ikuvigham.
Ia ghaze, arazir kuram a dera, eżi arazir aghuim a ikufi.
- Egha ia ghaze, mitarmem an angazgarim, eżi angazangarim a mitarmem.
Egha ia ghaze bizar akatorimin ikia misozim a isingi, eżi bizar akatorimin ikia isingizim, a misosi.
Ia bar ikuvigham.
- ²¹ Iavzika, ia ghaze, ia nighnizir bar aghuiba ikiava ian fofozim, igharaz darazir fofozibagh afira.
Ezi puvati.
Ia bar ikuvigham.
- ²² Iavzika! Ia gumazir dipar onganim apava, egħha bizar kam bagħha ia ziar ekiam isi.
Ezi ia bar ikuvigham.
- Ian gavgaviba ko fofoziba, da dipar on-
ganim vververam fofozimra iti.
Iavzika! Ia bar ikuvigham.
- ²³ Iavzika! Ia koton aven akaba tuisighamin dugħiġi min, gumazir arazir kurabagh amiba uan osimtiziba akirasa, ia apezepera dagħiaba ia ganidima,
ia me ataghirazima me zui.
Egha ia gumazir osimtiziba puvatizibar akaba deragħha da tuisizir puvati.
- ²⁴ Ia Ikiavira Itir Godin Gavgaviba Bar Itim akaba baraghān aghħua.
Ia akirim ragħha Israelien Godin Bar Zuezim Akar Gavgavibagh asaragħha gifa.
Kamaghin amizi, ia dadar misingizibar min ikuvigham,
mati dar bibi kurigha givazi, dar akimariba asiaghira nguazim għira, minezibar min migħha ghue.
Osimtizir kam bar zuamiram ia batogħam, mati avim isia ghua dadar misingizibagh iriġha zuamira isigha gifa.
- ²⁵ Ikiavira Itir God uan gumazamizibar aningagħe.
Egha datirighin uan agharim ghufsegha me gasiġħasighħa gara iti.
A dugħiār vamiran agharim akunighti, mikkimkizim otogħti, mighsiaba ivazvaqt, gumazamizir bar avirim arīghiregħam.
Egħi men kuaba nguibar ekiamin tuavibar buarir pozibar min pura tintinibar ireghiv ikiam.
- Ikiavira Itir God kamaghin damuam, eġhti bizir kam an aningagħarim agiġvaghan kogħam.
Puvati. A iverzir kuram isi me daningvira ikiam.
- ²⁶ Egh Ikiavira Itir God kantrin bar saghon ittim midorozir gumaziba bagħ-
dimdiar ababanitam damighti, me izi an gumazamizibagh asiġħasigham.
Ia gan!
Midorozir gumazir kaba bar puvira iver-
mar akizirriżżi izam.
- ²⁷ Midorozir gumazir kaba, me bar gumazir gavgavibara.
Men tav, an suem a gamima, a irasa amir puvati.
Men tav, an damazim akuir puvati.
Men tav, uan mitem bar deraviram an amigħiñi firiaghixiżi puvati.
Men tav, dagħiġi asuar bar gav-
gavimming aruzi aningin beniba dighoraghixiżi puvati.
- ²⁸ Men bariba bar għumizi, me pibar afeqha, egħha asasavira gara iti.
Men hoziabba bar gavgħi,
eżi men hoziabbar dagħiġi puziba mati
dagħiġi bar gavgaviba egh bighiran kogħam.
Men karisba bar puviram akiziristi,
eżi dar wilba aminir ekiamin min iver-
mari.
- ²⁹ Midorozir gumazibar dimdiar ararem,

mati laion asizimin gintigha ghuav an suiragha, a dazeri moghin me diava arai.
 Midorozir gumaziba mati laion uan asizim misuegha a inigha zui moghin, me uan apanibar suigha me atera zui.
 Eighti gumazitam uam me inian iburaghram.
³⁰ Eighti dughiar kamin, midorozir gumaziba izi Judan kantri gasighasigham, egh me bar pamtemin dim niginir dafam damuam, mati ongarim dipira iza ongarir dadarim gira tingazi.
 Eighti gumazitam ian kantrin kamin ganti, a bar ikuvighti, ghuarier piziba aruemin angazan garim apazaghti, kantrin kamin danganiba bar mitarmegham.*

6

God Aisaian diazi, an akam inigha izir gumazimin oto

¹ Atrivim Usia aremezir azenimin, ki irebamin min biziimin gari moghin Ekiamin garima, a uan atrivir dabirabim gaperaghav iti. Ezi dabirabir kam bar na gafiraghba pin iti. Ezi an aruzir korotiam a bar ruaraghba an Dipenir averiam bar a ini. ² Ezi enselin bar gavgaviba an okarigha iti. Egha enselba bar vaghvaghba 6plan aviziba iti. Me uan avizir mamning isa uan guaba ava, egha avizir mamningin uan mikarziba nogha, egha avizir mamningin migha zui.* ³ Egha me dia ongava uarira uarivgia ghaze:

“Ikiavira Itir Godin Gavgaviba Bar Itim, an arazir kurabar saghon ikiava Bar Zue,
 a Bar Zue,
 a Bar Zue!
 An angazangarim ko gavgavim ko ziar ekiam,
 bar nguazim avara.”

⁴ Ezi ki ikiava orazima, enselba dia ongema, Dipenimin akinir tiar akamin itiba ivazvaghba nisi. Ezi ki garima, migharim Dipenim gizifa.

⁵ Ezi ki atiatigha ghaze, “Maia, ki ikuvigha gifa. Nan mizem zurara akar kurabav giavira iti, ezi ki gumazamizir mizer akar kurabav geiba ko iti. Ki arazir kurabagh

amir gumazim, egha datirighin ki Atrivimin ganigha gifa, a Ikiavira Itir Godin Gavgaviba Bar Itim. Ki uan damazimningin an ganigha gifa, kamaghin amizi, ki aremegham.”

⁶ Ezi enselin kabar mav, ghuakamimin min garir bizim isa ofa gamir dakozimin itir avir mikiamin suiragha, mighegha na bagha izi. ⁷ Egha avir mikiar kam nan akam gatigha uam a ini, egha kamaghin na migei, “Ni oragh. Ki avir mikiar kam nin akam gati, ezi God datirighin nin arazir kuraba gin amadagha, nin osimtizim adangi, ezi ni zue.”

⁸ Ezi ki orazima, Ekiam kamaghin enselbar azangsisi, “Ki tinaram amangam? Tina e bagh akam inigh mangi gumazamizibav kimam?”

Ezi ki ghaze, “Ni na amadaghti, ki mangam.”

⁹ Ezi Ekiam akar kam Israeliyan gumazamizibar aningasa na mikemegha na amada:

“Ia zurara ganiva, egh deragh bizitamin ganighan kogham.

Ia uaghan zurara oraghiva, egh ia deragh bizitamin mingarim gifoghan kogham.”

¹⁰ Egha a uaghan kamaghin mikeme:

“Ni gumazamizir kabav kimiva, men nighnizibar amighti, da pirigh, egh men kuaribar amighti, me akam baraghan aghuagh, egh men damazibar amighti, me ganan iburagh.”

Puvatightima, me ua bizitamin ganigh akam baregh an mingarim gifogham. Egh me navibagh iragh egh na bagh iziti,

ki men arazir kuraba gin amadaghti, me ua deragh.”

¹¹ Egha ki kamaghin an azara, “O Ekiam, ki ingangarir kam damu mangi man dughiamin tugham?”

Ezi a kamaghin nan akam ikaragha ghaze:

“Ni ingangarir kam damu, mamaghira iki mangiti

nguibir ekiaba bar ikuvigham, eighti nguazim ikuvighti, dipeniba pura misesvir kinibar ikiam, egheti gumazamizitaba uam a dar ikian kogham.”

¹² Ki Ikiavira Itir God,

* **5:30:** Hibrun akam deragha migirigar kamin mingarim abighizir puvati. **6:1:** 2 Atriviba 15:7; 2 Eghaghaniba 26:23 * **6:2:** Enselin avizir 6pla itir kaba, da enselin igharazibar min garir puvati. Enselin kaba me Hibrun akamin kamaghin me dibori, “Serafim.” Ezi men akam Godin akinasafarin even danganir vamiran iti. **6:3:** Akar Mogomem 4:8 **6:4:** Akar Mogomem 15:8 **6:5:** Gumazir Dapaniba 6:22; 13:22; Jeremaia 1:6 **6:9:** 2 Korin 3:14-15 **6:9:** Matyu 13:14-15; Mak 4:12; Luk 8:10; Jon 12:40; Aposel 28:26-27 **6:11:** Maika 3:12

ki gumazamiziba bar men agiraghti,
me bar uan nguibam ategh saghon
mangegham,
eghti men kantri gumazamizitaba
uam an ikan kogham.

¹³ Eghti gumazamizir vaghvazir taba
nguazir kamin ikivira iki,
me uaghan gevegham.

Eghti kantrin gumazamiziba bar kuavare-
megham,
eghti gin nan gumazamizir bizar igiam
otivigham,
mati temem me an okegha a
gaborozi a isigha givazi, ghuzir
igiaba an otoghav aghui.”

7

*God Atrivim Ahas migia ghaze, ni
nighnizir gavgavim iki gavgavigh iki*

¹Dughiar kam, Usian otarim Jotam, ezi Jotam Ahasin afeziam. Ezi Ahas Jerusalemin aven, Judan atrivimin itima, midorozim oto. Resin, a Syrian atrivim, ezi Remalian otarim Peka, a Israeliian atrivim, aning ghuja Jerusalemia ko misosi. Egha aning a inian iburaghburaki.

Ezi midorozim tighar Jerusalemin otivam, ²Judan Atrivim Ahas, a Devitin ovavir borim, a kamaghin oraki, “Siriabar midorozir gumazibza Israeliian midorozir gumazibzar akuraghsha Israeliin nguazimin izegha gifa.” Ezi atrivim uan gumazamiziba ko, me bar puvirum attiatia bar puv nisi, mati aminim temebagh ivai.

³Ezi Ikiavira Itir God kamaghin Aisaia migei, “Ni uan otarim Sejasup inigh gua mangi Atrivim Ahas batoghs, Mozir Dipar Pin Itimin daghurimin mavangan, dipar kam a uaghira Jerusalemin otifi. Egh gua mangi tuavir ekiar ghua iniba ruer danganimin boroghin iki, atrivim batogham.” ⁴Ni kamaghin atrivim mikim suam, A gavgavigh iki, egh a pura tintinimin migirigiaba baraghti da an navim abinan marki. An aghumra iki, egh Atrivim Resin uan adarazi ko Remalian otarim Israeliian atrivir kamin atiatingan marki. Atrivir kamningin aningagharam mati avim kiran oveghangin mungeghasava ami, ezi migharimram otifi. ⁵Guizbangira, Siriaba, ko Efraimin adarasi, ko Israeliian atrivim, a Remalian otarim, me Judan Atrivim Ahas abinasa akam akiri. ⁶Me kamaghin migia ghaze, me izi kantri Judan gumazamiziba ko misogh atiatim an gumazamizibar

aning, ua bagh kantri inigh, egh Tabelin otarim amiseveghti an atrivimin ikiam.[†]

⁷“Ezi ki Ekiam, ki Ikiavira Itir God, ki kamaghin mikemegha gif:

“Bizir kam otoghan kogham.
Bar puvatigham.

⁸Ia fo, Sirian kantrin faragha zuir nguibar ekiam, an ziam Damaskus.

Ezi Atrivim Resin, a Damaskusin nguibam gativagha an gari.

Ia ganti, 65plan azenia givaghti,
Israeliian kantri, bighiregh egh bar
givagham.

⁹E fo, Israeliian kantrin faragha zuir
nguibar ekiam, a Samaria.

Ezi Remalian otarim Peka, a Samarian
nguibamin atrivimin ikia a gativagha
an gari.

Kamaghin amizi, Ahas, ni oragh. Ia
nighnizir gavgavim Godin ikan
kogh,
egh ia uaghan tugh gavgavighan
kogham.”

¹⁰Egha Ikiavira Itir God, uam akar
ighazarim isa Ahas ganingi. ¹¹A kamaghin
Ahas mikimasa Aisaia mikeme, “Ni Ikiavira
Itir God, nin God, an azaraghti, an
ababanir arazitam akagh. Ni ababanir
manatamin gansi ifongegeh an azaragh.
Egh ni, Gumazamizir Oveaghuezibar
Nguibamin ababanir tamin ganasa, o
ababanir overiamin ikegha izir ababanir
tam, o danganir ni ifongezir manam, ni
puram azaraghti God nin akagham.”

¹²Ezi Ahas ghaze, “Ki mirakelin tamin
gansi azangsighan kogham. Ki Ikiavira Itir
Godin gavgavim ko araziba, dar gan da
tuisighan aghua.”

¹³Ezi Aisaia an akam ikaragha ghaze, “Ia
Atrivim Devitin ovavir boriba, ia bar der-
aghviram oragh! Ian araziba gumazamiz-
ibagh amima me bar ian amira. Ia uaghan
nan God, kamaghiram a damuti a ti ian
amiragh, o? ¹⁴Kamaghin, Ekiam ubi
ababanir tam nin akagham. Ababanir kam
kamakin. Amizir gumazitam ko akuizir pu-
vatizim navim asegh, otaritam bategham.
Eghti me ziar kam Emanuel a darigham.”[‡]

¹⁵“Eghti an aghung mangi egh biziba
tuisighamin nighnizim iki suam, bizir
manam a dera an a damuam, ezi bizir
manam a ikufi, an a damuan kogham. Egh
dughiar kamin, a hani ko sis amam, daghem

^{7:1:} 2 Atriviba 16:5; 2 Eghaghaniha 28:5-6 * ^{7:3:} Hibrun akamin, ziam Sejasup an mingarim an mirara ghu,

“Gumazamizir varazira uameategh izam.” [†] ^{7:6:} E gumazir kamin ziam gifozir puvati, me kamaghin a dibori “Tabelin
otarim.” Fofozir gumaziba kamaghin nighnisi, a Syrian adarazir gumazir mam. ^{7:14:} Aisaia 9:6; Matyu 1:23; Luk

1:31; 1:34 [‡] ^{7:14:} Hibrun akamin, ziam Emanuel, an mingarim kamaghin ghu, “God e ko iti.”

sis, me bulmakau ko sipsipin oter eborimin dar ingari.[§]

¹⁶ “O Atrivim Ahas, ni datirighin atrivir kamningin atiati. Eghzi aningin kantrining bar ikuvigham, eghzi aningin nguazimning pura ikiam. Dughiar kamin borir kam, arazir manam a dera an a damuan, ezi arazir manam a ikufi, an a damuan kogham. Egh a tighar dagh foghamin dughiamin bizir kaba otivam.” ¹⁷ Eghzi Ikiavira Itir God ni ko nin gumazamiziba ko nin adarazi bagh dughiar bar kuram amadaghti a izam. Dughiar Judaba ko Israelia uari abigha ikia iza datirighin, osimtzir tam me batozir puvati. Ezi datirighin osimtzir bar kuram me bativam. Osimtzir kam a kamakin: Ikiavira Itir God, Asirian atrivimin amamangatighti, a Judaba bagh izam.

¹⁸ “Eghzi dughiar kamin Ikiavira Itir God bobemin Isipian diaghtima, midorozir gumazir bar avirim, saghon mar Isipian Faneba bar dar suibar ikegh, berezir bizir bar avirim min izam. Egh an Asiriaba bobemin men diaghti me aparir okoruubar min izam.” ¹⁹ Egh me kantri Judan danganiba bar dagh izivagham. Me danganir moziba bar dagh izivagh, dagiar toriba ko ogheba aghuir danganiba ko benir dikoniba itiba bar dagh izivagham.

²⁰ “Dughiar kamin, Ekiam Yufretis in Fanem inongin Asirian atrivim inigham. An Ekiamin resan min otogh, egh ia Judaba, a ian dapanarizibagh isam. A ian ghuamasizibagh isiva, ian dapaniba ko mikarzir ariziba sara isam.

²¹ “Eghzi dughiar kamin, apaniba izi ian bulmakauba ko sipsipbv sogham. Eghzi gumazitam bulmakaun vamira ko sipsipin pumuningra ikiti,²² da oter eborir avirbar amuti da otivam. Eghzi an oter eborir kam inigh damamin sisin ingaram. Eghzi gumazamizir ikiavira itir varazira, me haniba ko sisbar amam.

²³⁻²⁴ “Dughiar kamin ian azeniba bar moghira ikuvigham. Datirighin wainin azeniba da wainin ikarizir 1,000pla iti, ezi azeniba vaghvagha dar iveau 1,000 kina. Eghzi gin temer ataghatariba itiba ko benir kuraba otivigh azenir kaba avegham. Eghzi gumaziba danganir kabar asiziba burisi, me uan barir piba sara mangam.

^{§ 7:15:} Israelia gumazamiziba puvatizir danganimin ikiavira itir dughiamin, me dagher aviriba puvati. Egha me kamaghin oraki, Kenanin nguazim haniba ko oter eborir aviriba iti, egha me ghaze kar dagher bar aghuibara. Ni Ua Me In 3:8in gan. Egha me gin iza Kenanin nguazim otivigha garima, hani ko oter eborim, aningra itir puvati, dagher guar aviriba uaghan iti. Kamaghin amizi, gumazir maba kamagh nighnisi, gumazir maba ghaze, borir kam dagher aghuibara damam, mati hani ko sis. Ezi gumazir maba ghaze, akar kamin mingarim bar igharavira iti. Me ghaze, azeniba bar dar dagheba bar ikuvigham. (Ni ves 21-25in gan.) Ezi dagher guar pumuning iti, hani ko oter eborir damamim o daghem sis, me oter eborimin an ingari. ^{*} ^{8:1:} Hibrun akam bizitam mingarim deragha bigha mikemezir puvati. ^{† 8:3:} Gumazir maba ghaze, akam inigha izir gumazim Asaia, an amuim uaghan akam inigha izir amizir mam.

²⁵ Datirighin gumazamiziba mighsiar dozibar dagheba opari. Eghzi gin temer ataghatariba itiba ko benir kuraba otivigh mighsiar dozir kaba bar, da avegham. Gumazamiziba dikonibar atiating egh me uam mangi azenibar ingaran kogham. Puvati. Me pura bulmakauba ko sipsipba atehti, darara danganir kabar daru dagheba buriam.”

8

Asiriaba misoghszi izi Damaskus ko Samarian bizir aghuiba okemegham

¹ Ezi Ikiavira Itir God kamaghin na migei, “Ni osirsi bizir ekiatam inigh, egh a gisin en akamini letan kinir kabar, ziar kam osirigh, ‘Me Zuamiram Okemegh Zuamiram a Inigh Mangi.’ Ni bar deraviram an osirigh, eghzi gumazamiziba deraviram an ganiva a diponam.” ² Egh akar ni osiramin kam gavgavim a danielgisi, ni gumazir aghuir kamning inigh, ofa gamir gumazim Uria ko Jeberekian otarim Sekaraia, aning ganti, ni an osir.”

³ Ezi ki gin ghua uan amuim, a Godin akam inigha izir amizir mam, a koma akui. Ezi a navim asegha otarim bate. Ezi Ikiavira Itir God kamaghin na migia ghaze, “Ni ziar kam a datigh, ‘Me Zuamiram Okemegh Zuamiram A Inigh Mangi.’[†]

⁴ Borir kam tighar kamaghin fogh suam, kar nan amebam ko nan Afeziam, ezi dughiar kamra, Asirian kantrin midorozir gumaziba izi Damaskusin nguibar ekiam ko Samarian nguibar ekiamin bizir aghuiba okemegh, mangi uan atrivim danielg. Ezi borir kamin ziham mingarim kamakin, Zuamiram Okemegh Zuamiram A Inigh Mangi.”

Asirian atrivim Judaba dikabinasava ami, ezi God me ko iti

⁵ Ezi Ikiavira Itir God ua kamaghin na migei:

⁶ “Ki Ekiam, ki Jerusalemin boroghin itir dipam Siloan min iti,
egha zurara aghumra ivemari.
Ezi Judan gumazamiziba kamaghin nighnisi, Ki ti gavgaviba puvati.

Egha me Atrivim Resinin gavgavim
ko Israelin atrivir kamin gavgavim
ginighnigha,
atiatir bar ekiam men itima, agoro-
gem me misozima aghariba men
amira.

⁷⁻⁸ Kamaghin amizi, ki Ekiam, ki Yufretisin
Fanem damighti,
an aperiam bar ekevegh danganiba bar
da avaraghram.

Dipam nguibaba bar da avaragh, Yufretisin
Fanemin miriamin ikegh izi
kantri Judan otogham,
egh dipam bar buigh iziv anang gu-
mazimin firaghanim tugham.

Yufretisin Fanem, an Asirian kantrin atrivir
gavgavim uan midorozir gumazibra
ko men nedazim.

Ezi e fo, God e ko iti!

Egha deravira e ggehuvam,
mati kuarazir avizir bar ekiamning
itim, an aning onegha migha ghua
en nguazim bar, deravira an gari.”‡

⁹ Ia deraviram oragh, ia kantrin roghira
itiba ko saghon itibar gumazamiziba.
Ia uari akuvagh misoghs gan iki.

Eghti ian gavgavim bighirighti,
ia digavir kuram damigh puram on-
ganim damuam.

¹⁰ God e ko iti.
Kamaghin amizi, bizir ia damuasa
nighnizim,

ia a damuti, ian tuavim pirighti,
bizir kam otoghan kogham.

Ia bizir aviribav mikimam,
eghti dar dagheba puvatigham.§

Aisaia uan adarazi ko me Godram atiat-
ing

¹¹ Ki Ikiavira Itir Godin gavgavim baraz-
ima, a nan anadima, a kamaghin na migei,
“Ni gumazamizir kabar nighniziba ko araz-
ibar gin mangan marki. ¹² Gumazamiziba
kamaghin mikim suam, gumazir maba
kantri Juda gasighasighasa akam akiri,
eghti ni uan adarazi ko kamaghin
nighnighan marki, akar kam a guizbangira.
Bar puvati. Egh gumazamiziba puviram

‡ **8:7-8:** Hibrun akamin ziam Emanuel kamaghin ghu, “God e ko iti.” Aisaia 7:14in aven, Aisaia ghaze, boritam otoghi
me ziam Emanuel a darigham. Aisaia ti borir kam ginighnigha ghaze, “Emanuel.” § **8:10:** Hibrun akar kam Emanuel
a kamakin, “God e ko iti,” a ziar kam ko magh ghu Emanuel. Ni Aisaia 7:13-15 ko 8:7-8in gan. **8:12:** 1 Pita 3:14-15

8:14-15: 1 Pita 2:8 **8:16:** Aisaia akam osirigha ghaze, Gumazamiziba Godin akabar gin mangan koghti, God
ghaze a bizir kabar amuti da otivam. Egha Aisaia akar kabar akinafarim righa, a savausigha, kandelin gris isa tongiram a
gati, egha e uan ababanim isa kandelin gris gisim ati, eghti gumazitam an akaba angaran kogham. Kamaghin amizi, bizir
kaba gin otivighti, gumazamiziba an akinafarir akar irighizir kam kuigh akar an osiriziba dipon kamaghin guizin fogh
suam, Aisaian akaba, da guizbangira. **8:17:** Hibru 2:13 **8:18:** Hibru 2:13 †† **8:18:** Aisaia Godin akam akunigha
gifa. A datirighin aghumra iki ganti, God damuasa ifongezir bizibar amuam. Eghti gumazamiziba Aisaian ganiva egh an
boribar ziabar mingaribagh nighnighiva, a me mikemezir akabagh nighnigham. Ni Aisaian boribar izibar mingaribagh
fotoghs, ni Aisaia 7:3 ko 8:3-4in gan. Ves 17-18in akar kam, “Israelin gumazamiziba,” a kantri Israel ko kantri Judan
gumazamizibav gei.

atiating nighamin dughiamin, ia men min
puvirama atiatingan marki. ¹³ Ia kamaghin
fogh suam, Ikiavira Itir Godin Gavgavim
Bar Itim, a Godin Bar Zuezim, egha arazir
aghuibara ami. Ia anariram atiatingiva
an apengen iki. ¹⁴⁻¹⁵ A gumazamizibar
mogomer danganir bar gavgavim min
iti. Egha a dagiamin min Israelia ko Judan
gumazamiziba aruir tuavimin iti. Egha
men aviriba uan dagariba asi daghiri iku-
vigham. Ezi Jerusalemin gumazamiziba, an
azuazimin min men suighasa iti. Egha men
aviriba azuazir kamin guam. Jerusalemin
gumazamiziba, ki guizbangira azuazimin
min men suighasa iti.”

*Ekiam damuasa mikemezir biziba, Ai-
saia dar mizua iti*

¹⁶ Nan suren gumazibar damazimin,
Ikiavira Itir God na ganingizir akar
kaba,
ki da osirigh, da righiva da ikegh kan-
delin grisin anemighirigh,
uan ababanim isi kandelin gris
datighti, da deraghvira ikiam.**

¹⁷ Egh ki datirighin, Ikiavira Itir God
damuasa mikemezir biziba,
ki puram a mizuam da bagh gan ikiam.
Ki fo, an akirim ragha Israelian gumazamiz-
ibagh asagha gifia,
egh a ua ragh men ganan kogham.
Egha iki nighnizir gavgavim an
ikivira ikiam.

¹⁸ Ia gan. Ikiavira Itir Godin Gavgaviba
Bar Itim, Saionin Mighsiamin ikiava, borir
kaba na ganingi. Ezi ki uan boriba ko an e
atizi e Israeliyan gumazamiziba bagha, aba-
banimin min iti. Egha me en ganiva, Godin
Arazibagh nighnigham.††

*Godra uan gumazamiziba bizir aghuiba
me ganidi*

¹⁹ Eghti gumazamiziba ia mikimti, ia
mangi gumazamizir oveaghuezibar duaba
ko mikim, me da nighniziba iniam. Egha
me kuarazibar min imoba, sighsirir akabar
migei. Ezi gumazamizir oveaghueziba,
me nighniziba gumazamizir angamira
itibar aningen iburaghram. Kamaghin

amizi, e tizim bagh aseba ko gumazamizir oveaghueziba da nighniziba iniasi ivemara me bagha zui? Puvati. Arazir kam ikufi. Me uan God bagh mangi.²⁰ Me Godin Araziba ko an Akar Gavgaviba ko, an nighnizim gifogh. Egh me kamaghin damighan kogh, me mitarmemin averara ikiti, aminim me bagh tiraghan kogham, eghti me dughiar aghuitamin ganighan kogham.[#]²¹ Puvati. Me bar dughiar kuram iniam. Me navir osimtzizir dafaba ikiti, mitiriaba men aghiti, me pura tintinibar kantrin aven daruam. Mitriam me damuti me atar, akar kurabar uan aseba ko atrivim mikimam. Me kogh overiamin ganiva,²² vin nguazimin gan, egh me bar bizar aghuitamin ganighan kogham. Bar puvati. Me osimtziba ko dughiar kuramra danganiba bar da gan ikiam, mati aminirbirim bar me avara. Egh me osimtzizim gitaviragh arimangamin tuaviba puvatigham.

9

Godin, gumazamiziba bar akueghsi, an atrivir aghuim me daningam

¹ Eghti gin, osimtzibiza aterir darasi, me uam osemeghan kogham. Ia fo, Ikiavira Itir God, fomira Naptali ko Sebulunin anababar nguibaba bar dagh asighasighizi, me bar aghumsiki. Eghti gin dughiatam iziti, tuavir ongarimin zuimin boroghira itir danganim, ko Jordanin Fanemin dadarir vongin itir danganim, a Galilin Distrighin nguazim, danganir kam Kantrin Igharazibar Gumazamizir aviriba uaghan an aven iti, nguibar kaba uaghan bar moghira, men dughiar kuraba da givaghti, me ziar ekiam iniam.*

² Gumazamizir arazir kurabar mitatemin aven aruiba, me datirighin angazangarir ekiamin gari.

Me danganir mitatemin apiaghav ikiava aremeghasava ami, ezi datirighin aminim tirazi angazangarim me gisira.

³ Ikiavira Itir God, ni uan gumazamizibagh amizima, me bar aviraseme, Ni me gamizi, me bar akonge.

Me nin damazimin bar akongezir arazir kam, mati me azenibar dagheba asia da bagha bar akonge.

[#]²⁰: Ves 19 ko 20in, Hibrun akam deragha migirigiar kamin mingarim abighizir puvati. ^{9:1}: Matyu 4:15

* ^{9:1}: Asiriaba izava kantri Israelin misoga, Sebulun ko Naptalin anababar nguibaba ko nguibar igharaziba ko Galilin Distrighin notin amadaghan itir nguaziba ini. Ni 2 Atriviba 15:29in gan. Kantrin kamin danganir kam, an ziar mam Galili.

^{9:2}: Matyu 4:16; Luk 1:79; Efesus 5:8; 5:14 † ^{9:4}: Fomira Midiania paza Israelia gami, ezi Gideonin dafarimin Ikiavira Itir God men gavgaviba apiri. Ni Gumazir Dapaniba 6:1-6 ko 7:9-25in gan. ^{9:6}: Aisaia 7:14; Luk 2:11; Jon 3:16; Taitus 2:13 ^{9:7}: 2 Atriviba 19:31; Daniel 2:44; Luk 1:32-33

Egha mati midorozir gumaziba midorozim gamigha givagha, bizar me iniziba da tuiragha uari ganiga bar akonge.

⁴ Gumazamiziba bar akongezir bizim, a kamakin:

Ni fomira Midianin kantrin gavgaviba apiragharihizi moghin, datirighin men apanibar gavgaviba apiragharihiga gifa.

Guizbangira, apaniba faragha nin gumazamizibagh ativagha, me gamima, me mati bulmakaun mam, gumazim ter ararim isa an tuem gatigha, ingangarim zuamiram a damuasa, a gaghora a misosi.

Ezi ni apanibar aghoriba ko ter arariba apiragharihizi, me ua nin gumazamiziba paza me gamir puvati.[†]

⁵ Guizbangira, midorozir gumaziba midorozir korotiar aghua ghua misoza, avim bar dar isigham.

Men dagarir asuaba ko men korotiar gu-mazibar ghuziba itiba, avim bar adar isigham.

Eghti osimtzibiza bar givaghtima, dughiar aghuim otogham.

⁶ Bar guizbangira, otarir mam amebam e bagha a bate, a borir God e ganingizir mam.

Eghti an e gativaghe ganamin arazir kam, mati gumazim dipenir akinir dafam uan dipizim gatigha aneteri.

Kar an ziaba, Gumazir Nighnizir Bar Aghuiba Anidim, ko Godin Gavgaviba Bar Itim, ko Afeziar Zurara Ikiavira Itim, ko Atrivir Dabirabir Aghuim ko Navir Amirizim Anidim.

⁷ Eghti atrivir kam, Atrivim Devitin danganim inigh, Devitin atrivir dabirabim daperagh gu-mazamizibar ganam.

Eghti a gumazamizibagh ativagh men ganamin gavgavir kam, an ekiv mangivira ikiam.

Kamaghin midoroziba ua puvatighti, gumazamiziba navir amirizimin ikia, deraghvira dapiagh iki mamaghira ikiam.

Atrivir kam, guizin arazimin gin ghua biza
iba deragha da tuisigha,

Godin arazir aghuibara amuasavira iti.
A kamaghin damuti,

an atrivir ingangarim datirighin ikegh
gavgavigh mangivira ikiam.

Ikiavira Itir Godin Gavgaviba Bar Itim, uan
gumazamiziba guizbangira bar me
gifonge,
kamaghin amizi, a bizir kam damighti
an otogham.

Ikiavira Itir God Israelia gasighasiki

8 Ekiam mikemegha givagha ghaze,
a kantri Israel gasighasigham, kar
Jekopin ovavir boriba.

Egħi ta dughiar kurar kam me batogħti,

9 Samarian nguibar ekiamin itir gumaza-
miziba ko, Efraimin adarasi,
me bar kamaghin fogħ suam, Ekiamra
bizir kamin me gami.

Egha me datirighin ghaze, me bar pin mar
iti,
egħha uarira uan ziabha fe.

Me kamaghin migei,

10 "Apaniba en brighin dipeniba
akaragharrigha, en temer fikba
okagharriki.

Ezi e da bagħha naviba ikuvir pu, da
pura biziba.

Puvati. E dagħiġa aghoregh dipenir bar
gavgavibar ingaram.

Egh temer fikbar danganibar, temer
sidan bar aghuiba oparam."

11-12 Ezi Ikiavira Itir God Israelian
aniningagħe,
kamaghin amizi, a men apanibar
naviba feqha gifa, egħi ta iżi me iżi me
misogħam.

An aruem anadi nagħin Siriabar naviba fe,
me Atrivim Resinħin adarasi.

Egha a uaghan aruem uaghiri nagħin
Filistiabar naviba fe.

Egha a uaghan Israelia misogħ, me
dikabinas Atrivim Resinħin apanibar
naviba fe.

Ekiam kamaghin amigha gifa,
ezi bizir kam an aningagħarim agivaghan
kogħam.

Puvati. A iverzir kuram isi me
daningvira ikiam.

13 Ezi Israelian gumazamiziba navibagh
irazir puvati.

Ikiavira Itir Godin Gavgaviba Bar Itim,
iverzir bar kuram me ganingi,
ezi me uamategħa a bagħavira izi
puvati.

14 Kamaghin amizi, Ikiavira Itir God, kantri
Israel gasighasiki.

Guizbangira, an aruer vamiran Israeliin
dapanim ko puem atu.

A dughiar vamira, a iruer dafarim
ko iħġurunim għiġiżi aning iri.

15 Dapanim, a gumazir aruaba ko gumazir
ziar ekiaba itibar ababanim.

Ezi puem, a gumazir akam inigha iziba,
me akar ifavaribar gumazamizibagh
anidiba, men ababanim.

16 Gumazir dapaniba tuavir aghuim ko
arazir aghuim men akazir puvati.

Kamaghin amizi, gumazamiziba okam
nighnha pura tintinbar ghue.

17 Gumazamizir kaba bar mogħira God
ategħa arazir kurabagh ami.

Me bar akar kurabav gei.
Kamaghin amizi, Ekiam bar mogħira me
gasighasigham.

A gumazir igħiata ġegħiġi a iċ-ċiex
kogħam.

Egh an amizir paba oveaghueziba ko borir
ameboġħfeziaba oveaghuezibar
apangkuvighan kogħam.

Ekiam kamaghin damuam, egħi ta bizir
kam an aningagħarim agivaghan
kogħam.

Puvati. A iverzir kuram isi me
daningvira ikiam.‡

18 Gumazamizibar arazir kurabara me
gasighasisi.

Mati avim benir ataghatariba ko ogher
kurabar isia ghua, temer dafaribagh
irriġha ghua, ruarir ekiam giriz i-asi.

Ezi maburan migharim dikavigha
ghuavanadji.

19 Ikiavira Itir Godin Gavgaviba Bar Itim
bar aningagħeqha, nguazir kamin ru-
aghtevibar itir gumazamiziba bar
me gasighasiki.

A mati avim ruarir ekiamin isia bar
a gasighasighi mogħin, bar me
gasighasiki.

Gumazamizibar uaghan vagħvagħha men
nighnibar gin ghua,

igharaz darazi dikabinasava ami.§

20 Me gumazamizir igharazibar biziba, tin-
tinbar da okimasa.

Egħi bizir kaba men ifongiaba agi-
v kogħam.

Me mati gumazim dagħer aviriba apavira
ikiava iziżiżi puvati.

Egha me uaghan arazir kamra, uan
ikizibagh amua me gasighasici.**

21 Manasen anabamin adarasi, Efraimin an-
abamin adarzi abinasa,

9:17: Aisaia 5:25; Maika 7:2 ‡ 9:17: Hibrun akam deragħa migiġiġar kamin mingarim abighiżiż puvati. § 9:19:

Hibrun akam deragħa migiġiġar kamin mingarim abighiżiż puvati. ** 9:20: Hibrun akam deragħa migiġiġar kamin
mingarim abighiżiż puvati.

ezi Efraimia Manaseba abinasa.
 Egha aning uaghan Judaba
 abinasa.
 Kamaghin amizi, Ekiam me ateghti me
 uarira uarigh asighasigham,
 eghti bizir kam an aningagharim
 agivaghan kogham.
 Puvati. A tighar ivezir kuram isi me
 daningvira ikiam.

10
 1-2 Iavzika! La gumazamizir kamagh amiba,
 ia bar ikuvigham.

Ia gumazir onganarazibagh amibagh
 ifar men biziba iniasi
 arazir igiar igharagha garir
 aviriba arigha, da osirigha me
 gasighasisti.

Ia arazir kurar kaba arigha dar gin zuima,
 nan gumazamizir onganaraziba kotin
 aven, uan biziba bagha mikimasa iz-
 ima,
 ia guizin araziba ategha arazir kurar ia
 arazir kabar, me dikabirima,
 me bizir me iniamba isir puvati.

Egha arazir kamra, ia amizir paba
 oveaghuezibar biziiba okiava,
 borir ameboghfeziiba oveaghuezibar
 biziiba saram okei.

3 God ian arazir kurar ia amir kaba ikar-
 vagh, ia gasighasichti, ia manmaghin
 damuam?

Dughian kam, a kantrin saghon itimin
 gumaziba inigh iziti,
 me aminir gavgavimin min izi ian
 biziibagh asighasichti, ia man-
 maghin damuam?

Ia ti ivegh mangi tina dama akurvazim
 iniam?
 Ian ziar ekiam ko biziir avirir ia iniz-
 iba, ia ti managh dar arighti, da der-
 aghvira ikiam?
 Bar puvatigham!

4 Ia bizitam damuva avegham. Bar pu-
 vatigham.

Ian tarazi midorozimin arimighiregham.
 Me ian tarazir suigh mangiti, ia kalabuzi-
 abar tongin bar atiatigh teviba
 apirigh mamaghira ikiam.
 Ia osintizir bar kurar kam gitaghan
 kogham.

Ikiavira Itir God biziir kabar amuti, da ia
 bativam,
 eghti bizir kam an aningagharim
 agivaghan kogham.
 Puvati. A tighar ivezir kuram isi me
 daningvira ikiam.

Asirian kantrin ikuvigham
 5 Egha Ikiavira Itir God kamaghin migei:

Asirian kantrin gumazamiziba, mevzika!
 Me bar ikuvigham.

Ki uan gumazamiziba puvira men
 atari.

Kamaghin ki datirighin ingangarim isi
 Asirian kantrin gumazamizibar
 anngti,
 me nan aghorimin min otoghi,
 gumazamizir nan navim gamima a ikuviz-
 iba,
 me ivezir kuram me daningiva me
 gasighasigham.

6 Nan gumazamizir kaba na ategha
 uamategha nguazir kamin bizibagh
 amua, na gamizi
 ki bar men aningaghe.

Kamaghin amizi, ki Asiriab amadaghti,
 me mangi gumazamizir ki aningaghavira
 itir kabagh asighasigh,
 egh me dikiti me mati gumazim tu-
 avir beghneazim dit moghin me
 magiram.

Egh me uan ifongiabar gin mangi men biziir
 aghuiba me dama da mikegh,
 da inigh uan kantrin mangam.

7 Ezi Asirian atrivimin nighnizim, nan
 nighnizim ko voroghira ghuzir
 puvati.

A ghaze, a kantrin avirir igharaziba
 uaghan bar dagh asighasigh,
 da agivasa nighnisi.

8 A ubi fa kamaghin migia ghaze,
 “Ki ghaze, ki kantrin aviribar atriviba
 abiniga men nguibar ekiaba ini.

Ezi atrivir ki abiraziba,
 me nan midorozir gumazibar, gu-
 mazir dapanibar iti.

9 Ki misogha nguibar ekiar kaba ini:
 Kalno, Karkemis, Hamat,
 Arpat, Samaria, ko Damaskus.

10 Ki kantrin aviriba abiragh fo,
 men asebar marvir guar aviriba men
 iti.

Ezi men aser kaba, da tong men akurvazir
 puvati.

Ki ghaze, marvir guar kaba, Jerusalem
 ko Samarian marvir guabagh afira.

11 Ki Samaria ko an aseba ko marvir
 guabagh asighasigha gifa.

Egh arazir kamra, ki Jerusalem ko an
 aseba ko marvir guabar amuam.”

12 Asirian atrivim ghaze, a bar pin
 mar ikiya bar gavgafi, egha a uabira uan
 ziam fe. Eghti gin nan Ekiam, a faragha
 mikemezi moghin, a Saionin Mighsiamin
 iki, a Jerusalemin nguibar ekiam, a uan
 ingangariba bar dar amigh givaghti, a gin
 uamategh mangi ivezir kuram Asirian

atrivim daningam. ¹³ Ekiam orasi, Asirian atrivim uabira ubi fa, kamaghin migei:

"Ki bizibar amuamin nighnizir bar aghuim iti.

Kamaghin amizi, nan gavgavim ko fo-fozimin, ki bizar kabagh ami.

Ki kantribar mitaghniaba akaraghbarigha gifa, ezi da bar nan apengan iti.

Egha bizar bar aghuir me akumakua arighiziba, ki da ini.

Ki bar gumazir gavgavim, kamaghin ki kantrin kabar atrivibagh afiragh, me dikabini,

mati bulmakaun apurir ekiam misosi.

¹⁴ Nguazir kamin itir kantriba bar, mati kuarazir mikonir mam,

ki, men bizar aghuiba, mati kuarazir mikonimin, gumazim kuarazir aror-
iaba isi moghin, nimira bar da ini.

Kuarazir amebaba ikia, nan gari puvati.

Meyzikal! Kuarazir amebatam uan aro-
riaba bagha ara nan agintighizir pu-
vati.

Ki pura men biziba okemegha da
inigha ghu."

¹⁵ Atrivim uabi uan ziam fe, ezi Ekiam kam-
aghin azaragha ghaze,

Sobiatam ti uabi fi kamaghin mikim suam,
a ubi gavgaviba iti, ezi an gavgavim
gumazir an suirazimin gavgavim
gafira, a?

Puvati, nighnizir kam organi.

Eghti son tam ti uabi fi suam,
a ubi gavgaviba iti, ezi an gavgavim
gumazir an suiragha temem pun-
gizim gafira, a?

Puvati, nighnizir kam organi.

Eghti itazitam ti uabi fi suam,
a ubi gumazitamin suiragh, a inigh
misoghs mangam, a?

Puvati. Nighnizir kaba, bar organi.

¹⁶ Ezi Ekiam, a Ikiavira Itir Godin Gavgaviba
Bar Itim,

a ziar ekiam ko gavgavir ekiam iti.

Egh a datirighin arimariar bar kuratam
amadaghti,

an Asiriabar midorozir gumaz-
ibar amu, men gavgavir ekiam
agivagham.

Egh a uaghan avim damighti,
a dikavigh isi mangi men biziba bar da
agivagham.

¹⁷ Ekiam, a Israeli Godin Bar Zuezim,
a Israeli gumazamizibar angazan-
garimin min iti.

Egh Asiriaba, an avir bar dafamin min
otogh,
men kantri daboroghti, a isigham.

Egh dughiar vamiran, a Asirian oghevsevir
kurabar apueghti,
da bar isigham.

¹⁸ Egh afiragh mangi temer ekiaba ko
nguazir aghuir azenibar ingaramim
sara daboroghti,
da bar isigham.

Ikiavira Itir God, Asiriabagh asighasigh, bar
men duaba ko mikarziba agivagham,
mati arimariam gumazim puva gamizi,
an gavgavim bar magiri ameregh
givagham.

¹⁹ Eghti Asirian kantrin temer vaghvaz-
ibara mitivighiv ikiti,
borir iririvitam uaghan da mengan
fogham.

*Gumazamizir ikiavira itir varazira, ua-
mategham*

²⁰ Jekopin ovavir boriba, datirighin uan
apanibar atrivir me misogha itim, me
an atiatighava, an apengan ikia uarir
akurvaghosa an dia. Eghti gin izamin
dughiam otoghti, Israeli ikiavira itir
varazira, apanir kam bagh gan uarir
akurvaghs nighnizir gavgavim an ikian
kogham. Puvati. Dughiar izamimin, me
Ikiavira Itir God baghvira iki nighnizir
gavgavim an ikiam. A Israeli Godin
Bar Zuezim, eghti me guizin an akamin
gin mangi uarir akurvaghs, anarira
mizuamam. ²¹ Gin, Jekopin ovavir boribar
gumazamizir ikiavira itir varazira, me
uamategh Godin Gavgavir Ekiam Itim bagh
izam. ²² Fomira, Israeli gumazamiziba,
mati ongarimin itir gigimin min, bar
aviraseme. Ezi God ghaze, me bar
ikuvigham. God uan arazir aghuimin gin
mangiva iveau kurar kam me daningam.
Eghti gin men gumazamizir ikiavira itir
varazira uamategh uan nguibabar izam.

²³ Ekiam, a Ikiavira Itir Godin Gavgaviba
Bar Itim, a nguazir kamin kantriba bar, a
ivezir kuram isi me daningasa mikemegha
gifa, egh a bar me gasighasigham.

²⁴ Nan Ekiam, a Ikiavira Itir Godin
Gavgaviba Bar Itim kamaghin migei, "Ia
nan gumazamizir Saionin nguibar ekiam
iti, ia Asiriabar atiatingan marki. Me,
Isipia fomira uan itaziba isa ia misogha,
paza ia gamizi moghin, me ia damuam,
eghti ia men atiatingan marki. ²⁵ Nan
navim ia bagha ikuvighavira iti, kamaghin,
ki Asiriaba ataghizi me ia gasighasigi.
Eghti ki, kirah ovehangin, uan adarir ian
itim agivagh, egh raghirigh Asiriabagh
asighasigham. ²⁶ Ki, Ikiavira Itir Godin
Gavgaviba Bar Itim, ki me misogham,
mati ki fomira Midiania, Orepin Dagiamin
boroghin benim isa me fozorogha me

* **10:21:** Hibrin akamin akar kam, "Gumazamizir varazira uamategh izam," a mati Aisaian otarir mamin ziam. Ni
Aisaia 7:3:in gan. **10:22:** Rom 9:27

misoke. Egha mati, ki fomiram Isipin kantrin, uan asadivir aghorim ghufegha ongarim gisin amadazi, apaniba ongarir torimin bar ikufi.[†] ²⁷ Asiriaba datirighin ia gativagha ia gasighasisi, mati gumazim ter otevim, bulmakaun firim gatigha, an abirma, a ingangarim gami. Datirighin Asiriaba bar deraghaviram apiazi, ia paza iti. Ezí men arazir kam na gammima, nan navim puvira nan isi. Kamaghin, ki gin izamin dughiar kamin, ki Asiriabar gavgavim agivaghti, me uam osimtzibza ia daningan kogham.”[‡]

Apaniba Jerusalemia misoghasa izi

²⁸ Apaniba Ain nguubar ekiam boroghin iza a gitagha, Mikronin nguubar ekiamin otivigha gifia.

Me uan dagheba ko biziba isa Mikmasin nguubar ekiamin da ariki.[§]

²⁹ Me uaghira daghurir dipamin faghafia, binigha ghuhanaga, dimangan Geban nguubar ekiamin akui.

Raman nguubar ekiamin itir gumazamiziba bar atiatingi.

Ezi, Gibeon nguubar ekiamin itir gumazamiziba, kar Atrivim Solin nguubar ekiam, me anetegha are.

³⁰ O Galimin nguubar ekiamin itir gumazamiziba, ia pamtemin dim.

Ia Laisan nguubar ekiamin itir gumazamiziba, ia kuariba arighiva oragh.

Ia Anatotin nguubar ekiamin itir gumazamiziba, iavzika!

Ia ti akabagh asa.

³¹ Matmenan nguibam ko Gebimin nguibamin itir gumazamiziba, me uari mongasa danganiba buriava, aregha gifia.

³² Apaniba datirighin Nopin nguubar ekiamin otivigha gifia.

Egha Saionin Mighsiamin amadaghan gara, uan dafariba apira, uan gavgaviba akakagha ghaze, me Jerusalemin nguubar ekiam gasighasighasa uari baraki.

³³ Ia oragh!

Ekiam a Ikiavira Itir Godin Gavgaviba Bar Itim,

[†] **10:26:** Ni Gumazir Dapaniba 7:23-25in gan. [‡] **10:27:** Hibrun akam deragha migirigiar kamin mingarim abighizir puvati.

[§] **10:28:** Nguubar ekiar ighazar kaba da notin amadaghan Jerusalem boroghin iti, kamagh amizi, notin amadaghan itir apaniba Jerusalem gasighasighsi iziva, me faragh Ain nguubar ekiam ko nguubar ekiar kaba batogham, dar ziaba ves 28-32in iti. **11:1:** Aisaia 53:2; Jheremaja 23:5; Sekaraia 3:8; Apostel 13:23; Akar Mogomem 5:5; 22:16

^{*} **11:1:** Jesi, an Atrivim Devitin afeziam. (Ni 1 Samuel 16:10-13in gan.) Temer ghuzir igiar kam oto, a mati Devitin ikizimin otozir atrivir igiamin ababanim. **11:2:** Aisaia 61:1; Matyu 3:16; Jon 16:30; 2 Timoti 1:7 **11:4:** Aisaia 9:7; 49:2; Malakai 4:6; 2 Tesalonika 2:8 **11:5:** Efesus 6:14

a gumazir ziar ekiam ko gavgavim itiba dikabiraghgam.

Me datirighin temer ekiar ruaribar min iti, eghti a me okiti me iregham.

³⁴ Me mati Lebanonin temer aghuibar min mitivigha gavgavigha iti, egha mati temer dafar ruarir bar ruarir pizimin itibar min iti.

Egh a me gasighasigham, mati gumazim sobiam inigha temer ekiar kaba okiti da iregham.

11

Atrivir igiam, dabirabir aghuim me daningam

¹ Jesin ovavir boriba, mati temer povim me an okegha givazi, an dakam ikiavira iti.

Eghti gumazir mam otogham, mati temer ghuzir igiam temer dakar kamin otogh mavangam.*

² Eghti Ikiavira Itir Godin Duam izi gumazir kam gizivagh a ko iki, egh fofozir aghuim ko nighnizir aghuim a daningam.

Eghti an atrivir gavgavim in ikiva, deraghvira ingangarim damuamin fofozim ikiam.

Egh a deraghvira Ikiavira Itir God gifogh, an atiatingiva zurara an apengan ikiam.

³ Eghti Ikiavira Itir Godin atiatir arazir kam a damuti,

a bar akuegh mamaghira ikiam.

Egh kotiaba baraghamin dughiam, a pura gumazimin ganganimin ganiva, a tuisighan kogham.

Egh a gumazamizir tintinimin migeir akaba, a pura da baragh da tuisighan kogham. Bar puvatigham.

⁴ A kotin aven guizin arazir aghuimin gin mangi, organarazibar migirigia baragh, deraghvira me tuisigham.

A nguazir kamin itir gumazir uari abira aghumra itiba, a men osimtizibar baragh, me tuisigh men akurvaghgam.

An akam me daningti, nguazir kamin gumazir kuraba, ivezir kuram iniam.

A mikimti, gumazir kurar akaba batoziba arimighiram.

⁵ An arazir aghuim mati gumazim letin uabi amighiri,
an an ikiti, a gumazamizibar ganam.

Eighti an nighnizir gavgavir arazir aghuim gamim, mati inim gumazimin evarim avara,
an an ikiti, a uan ingangarim damuvira ikiam.

⁶ Eighti afiar atiaba ko sipsipin nguziba uari inigh deraghvira ikiam,
eghti lepatba, da kaziar ekiabar min gari, da memen nguziba ko dakuam.

Eighti bulmakaun nguziba ko laionin igiaba daru egh uari inigh damam,
eghti borir dozir mam men gan men aku men faragh mangam.

⁷ Eighti bulmakauba ko beaba uari inigh damiti,
men nguziba uari inigh dakuam.
Eighti laionba bulmakaubar min dadabar amam.

⁸ Eighti borir dozir oteba apavira itiba,
me kuruzir imeziba itibar mozibar boroghira ikararangam.

Eighti borir oteba ataghiziba,
uan dafariba isi kuruzir kuraba itir mozibar aven dar arigh, egh deraghvira ikiam.

⁹ Dughiar kamin, nguazimin itir gumazamizibar deraghvira Ikiavira Itir God gifogham.
Eighti fofozir kam, nguazimin oteviba bar dagh izivagham,
mati ongarim bar ghua uan danganira tu.

Kamaghin amizi, God baghavira itir mighsiamin itir gumazamizibar ko, gumazamizir ighazariba bar moghira
uari inigh deraghvira ikiva,
tav pazi tav damuan kogh, egh me gasighasighan kogham.

Judan gumazamizir ikiavira itir varazira, me uamategh izam

¹⁰ Eighti dughiar kamin, atrivir igiam, Jesin ovavir boribar tongin otogh,
mati temer ghuzir igiam, temer dakar kamin oto.
Eighti gumazamizibar an ganti, a me bagh ababanimin min ikiam.

Eighti gumazir kamra, kantribar gumazamizibar a bagh izi a baghvira ikiam.

Eighti an Dipenir an avughsit ikiamic, bar gavgavigh ziar bar ekiam ikiti,
an angazangarim bar me gisiraghram.

¹¹ Egh gin ua izamin dughiamin, Ekiam uamategh uan agharim ghufegh uan gavgavim akagh, uan gumazamizibar inigh uamategh izi, men nguibabar me arigham. Kar gumazamizir ikiavira itir varazira, me kantri Asiria ko, Isip ko, Itiopia ko, Elam ko, Babilonian kantri ko, Hamat ko, Mediterenianin Ongarir Ekiamin arighatizibar ikiavira itiba.

¹² Kantriba bar dar gumazamizibar gansi, Ekiam nir avizim ghufegh abanimin min anesaragh, egh a Israelia ko, Judan gumazamizir apaniba inigha ghua kalabuz gatiziba, a ua me akuvagham.

Me datirighin tintinibar ikia nguazir rughateviba bar dar iti,
eghti Ekiam ua me inigh izam.

¹³ Eighti gin kantri Israel ua navir kuram kantri Judan ikian kogham.
Eighti kantri Juda, uam kantri Israelin aningagheghan kogham.
Puvati. Aning uaning inigh deraghvira dapiam.

¹⁴ Aning uaning inigh mangi aruem uaghiri naghin itir Filistiaba ko misogham.
Egh aning misoghiva aruem anadi naghin itir gumazamizibar bizir aghuiba iniam.

Aning kantri Idom ko Moap ko, Amonin gumazamizibar dikabiragh, kantrin kaba gativaghti, me men apengen ikiam.

¹⁵⁻¹⁶ Ikiavira Itir God, Ongarir Aghevim damichti a bar dakegham.
Egh ammir fefer bar puvira ivaim damichti a izam,
eghti ammir kam, Yufretisin Fanem damichti a daki mangi suvigham.

Egh a 7plan dipar eghuravibar emir mangam.

Kamaghin amizi, dughiar kamin tuavim, tuavir ekiamin min bar ekevegh aruegham,
eghti gumazamizibar Asiria ategh daru iziti, men dagarir asuaba tong kumkumighan kogham.

Tuavim Israelia bagha kuiaghiri me Isip ategha izezi moghin, bizir kam uaghan kamaghiram otivam.

12

Ekiam minabir ighiam

¹ Eighti gin izamin Dughiam otoghti, ia Israelia kamaghin igham damuam:

“O Ikiavira Itir God, ki nin ziam fe.

Ni nan aningaghe, ezi nin aningagharim gifa,
ezi ni bar deraghavira nan asughasugha gavgavim na ganidi.
Ezi datirighin nan navim deraghavira iti.

² "Ia oragh! God nan akuraghua ua na ini.
Eghti ki nighnizir gavgavim an ikiva atiatingan kogham.

Ikiavira Itir God, a Godra, a na gamima, ki gavgavigha iti.
Guizbangira, a nan Akurvazir Gu-mazim, ezi ki an ziam fava onger akam gami."

³ Mozir dipam, gumazir kuariba piriba, anepa bar akonge.
Ezi kamaghira, God uan gumazamizibar akuraghua me inighti, me bar akuegham.

⁴ Dughiar kamin ia kamagh mikimam:

"E Ikiavira Itir God, an ziam dipon, egh a minabiva, uarir akurvaghshi an dimam.

Egh ingangarir ekiar an amizibar gun kantribar gumazamizibar bar moghira me mikimiva, an ziar ekiamin gun mikim.

⁵ Ia Ikiavira Itir Godin ingangarir bar ekiar an amiziba bangin, a bagh onger akabar amu an ziam fam!
Ia nguazir kamin gumazamizibar bar me mikim suam, God ingangarir ekiabagh ami."

⁶ O Saionin Mighsiamin itir gumazamizibar, ia fo,
Israelian Godin Bar Zuezim, a ian tongin ikia
ingangarir ekiabagh amua, ziar bar ekiam iti.

Kamaghin amizi, ia pamten dimiva arang bar akuegh onger akabar amu.

Aisaia, Godin akamin, gun kantrin mabav gei

13

(Sapta 13–23)

God kantri Babilon gasighasigham

¹ God kantri Babilon gasighasighasa, kamaghin, a irebamin min garir bizimin aven, akam isa Emosin otarim, Aisaia ganungi. ² A kamaghin migei:

"Ni nan nir avizir pin itim isi ababanimin min temeba puvatizir mighsiar mamin a kuasagh, eghti midorozir gumaziba an ganigh izi uari akuvagh ikiam.

Ni pamtemin men dimti, me zuamira izi. Eghti ni uan dafarim ghufegh, Babilonit ir gumazir aruar uan ziaba feba, tiar akar ekiabar amadaghan men akagh, egh me amadaghti, me mangi me ko misogh.

³ Ki Babilon bagha nan navim bar nan ikufi, egha ki uabi uan midorozir gumazir aghuir bar gavgaviba amisevegha, men diazi, me ize.

Egha ki Akar Gavgavim me mikeme, eghti me mangi Babilonia iveau kuram me daningam.

Midorozir gumazir kaba, ziar ekiaba iti, egha Babilon misoghasa bar akonge."

⁴ Ia mighsiabagh isin niginir dafar kam baragh, kar gumazir bar aviribar niginim. Kantrin aviribar midorozir gumaziba iza uari akufa.

Ikiavira Itir Godin Gavgaviba Bar Itim, misoghasa uan midorozir gumaziba akufa.

⁵ Me kantrin bar saghon itimin ikegha ize, egha me mati Ikiavira Itir Godin piba ko bariba.

A bar aningagheha, me akuvagh me damuti, me nguazir kamin itir kantribagh asighasigh, bar me agivagham.*

⁶ Ikiavira Itir God Izamin Dughiar Ekiam, a roghira izegha gifa. Kamaghin amizi, ia bar puviram aziva arang.

Dughiar kamin, Godin Gavgavim Bar Itim, dughiar bar kuram amadaghti a izam.

⁷ Bizir kam bangin, gumazamizibar aghariba bar men amiraghti, men gavgaviba bar givaghti, me uan navibar aven bar atiatingam.

⁸ Me nigh bar atiatighiva, mizazir bar ekiaba baraghama, mati amizim borim batasa mizazim isi moghin, me mizazim iniam.

Me digavir kuram damuti, men guabara uarir akakagh suam, me mizazir bar ekiam isi.

12:2: Ua Me In 15:2; Onger Akaba 118:14

12:3: Jon 4:10; 4:13; 7:37-38

13:1: Aisaia 47:1-15; Jeremaija

50:1-51:64 * 13:5: Gumazir maba kamagh nighnisi, Hibrun akam, a "Nguazir kamin itir kantriba bar," a dav geir puvati. Me ghaze, Hibrun akam kamaghin migei, "Kantrin kamra nguibaba bar an iti." 13:6: Joel 1:15 13:8: Onger Akaba 48:6; Aisaia 21:3

- Egh me uarira uan guabar ganamin dughiamin,
me bar atiatigham.
- ⁹ Bar guizbangira, Ikiavira Itir God Izamin Dughiar Ekiam, a izi,
kar Ikiavira Itir God uan aningagharir ekiam sara izasa misevezir dughiam, egh nguazir kamin itir ruaghateviba bar dagh asighasighiva, gumazamizir arazir kurabagh amiba me bar me agivagham.
- ¹⁰ Dughiar kamin, mikoveziba bar dar angazangarim mungegham. Egh aruem otoghti, an angazangarim mitarmegham,
eghti iakinimin angazangarim putvaghram.
- ¹¹ Ikiavira Itir God kamaghin migei, "Gumazamizibar arazir kuraba nguazir kam gizifa, kamaghin amizi, ki men arazir kuraba ikarvagh, puv me damigham." Gumazamizir uarira uan ziaba feba, ki me dikabiraghram. Gumazamizir igharaz darazi paza me gamua uari feba, ki pazi me damigh men ifaghatir arazim agivagham.
- ¹² Gumazamizir bar avirim arighiregham, eghti ki vaghvaziba ateghti, me ikiam. Egh ni kantri Ofirin golin bar aghuim burian asaghlasaghizi moghin, ni me burian asaghasegham.
- ¹³ Dughiar kamin, ki Ikiavira Itir Godin Gavgaviba Bar Itim, uan aningagharir bar dafam sara izam. Egh ki overiam ko nguazim damighti, aning nigham, eghti nguazim isivagh uan danganim ategham."
- ¹⁴ Dughiar kamin, gumazamiziba bar puviram atiatingiva aregham, mati asizir atiam, gumazim ruarimin ghua a gasasava amima, an arav ghuzi moghin, me arimangegham. Egh mati sipsipbar garir gumaziba pupatizi, me onganigh pura tintinibar zui moghin, me tintinibar ari uamategh pura uan nguibabar mangam.
- ¹⁵ Eghti gumazir manam, apaniba an suira, me uan midorozir sababar a biraghti, an aremegham.
- ¹⁶ Eghti apaniba, borir iririviba, men amebabar aghariba da me amikiva, eghti amebaba ko afeziaba ganvira ikiti, me boriba isi dagiaba itir nguazim gapizti, me arimighiram.
- Eghti apaniba men dipenibagh asighasigh, men biziba okimiva, men amuiba suigh, me abin arazir kurabar me damuam.
- ¹⁷ Ikiavira Itir God ua ghaze, "Ki, Midbar navibagh inivima, me Babilonia misoghasa izi. Me Babilonian silva ko gol bagha nighnaha misoghasa izir puvati.
- ¹⁸ Me bar Babilonia agivasa nighnizim bar gavgafi. Me gumazir igiaba uan pibar me gasiti, me arighiregham. Eghti borir ekiaba ko muzieriba, me men apangkuvighan kogham."
- ¹⁹ E fo, Babilonin nguibar ekiam, a bar deraghga nguibar ekiar mabagh afira. Babilonian gumazamiziba, me uan nguibar ekiamin ziar aghuim bagha bar akonge.
- Eghti God Sodom ko Gomora gasighasighizi moghin, a Babilon gasighasigham.
- ²⁰ Gumazitam ua nguibar kamin ikian kogham. Eghti uaghan Arebian gumaziba izi uan averpenitam danganir kamin anesaraghan kogham.
- Eghti sipsipbar garir gumaziba uan sipsipba inigh iziti, da danganir kamin iriv iki avughsan kogham.
- ²¹ Nguibar kam pura danganir kinim gavaghti, asizir atiaba iziva an ikiam. Eghti dimagarimin, kuaraziba dipenibar ikiam.
- Eghti poneba uaghan ikiti, memen atiaba uari akun nguibar ekiamin mangi izegh damuam.
- ²² Eghti, atrivibar dipeniba ko gumazir ekabar dipeniba, afiar atiaba izi dar iki, pura dapur ikiam.
- Bar guizbangira, Babilon ikuvighamin dughiam, a roghira izegha gifia.

14

Ikiavira Itir God uan gumazamiziba ua me iniam

¹ Egh ti Ikiavira Itir God uamategh Jekopin ovavir boribar apangkuvigham. A ua bagh Israelia misevegham. Egh a menaku uamategh men nguazimra mangam. Egh ti Kantrin Igharazibar Gumazamiziba izi me ko iki, men gumazamizibagh avagham. ² Guizbangira, Kantrin Igharazibar Gumazamiziba, Israelia inigh menaku uamategh Israelian nguazimin izam, kar Ikiavira Itir Godin nguazim. Egh ti Israelia, gumazamizir kabar amuti, me pura Israeliang ingangarir gumazamizir kinibar otivigham. Fomira Israelia kalabus gatizir darasi, me datirighin, Israeliakalabuziabar aven ikiam. Me fomira Israelia dikabiragha paza me gami, me datirighin Israeliang apengan ikiti, me me gativagham.

Atrivir bar gavgavir irizimin ighiam

³ Ia Israelia, Ikiavira Itir God ian mizazim ko dughiar kuram agivaghti, ia deravira ikiam. Igharaz darazi ia abirma, ia men ingangarir mitiabagh ami, egh osimtzir kam, datirighin givagham. ⁴⁻⁵ Egh ti Ikiavira Itir God kamaghin damighti, ia Babilon atrivim ginighnigh ighiar dibovir akar kam damuam. Ighiar kam kamakin:

“Maia! Ia ganigh, atrivir gavgavim irigha gifa.

Manmaghin amizi, atrivir puvisatara un ziam fer kaba iri?

Ikiavira Itir Godra,
paza gumazibagh amir gumazir kurar kabar gavgavim agifa.

⁶ Atrivir kaba pura gumazamizibar aningaghegha paza me gami.

Egha me arazir kurabar kantrin igharazibagh amua, me gasighasighan avughsir puvali.

Me dughiaba bar, kantrin igharazibar atara osimtzir kuraba me ganiga me gatifa.

⁷ “Ezi datirighin nguazir kamin ruaghateviba bar, avughsa navir amirizimin iti.

Dar gumazamiziba bar akuegha ighabagh ami.

⁸ “Ezi Lebanonin kantrin ruarimin itir temer painba ko, temer sidaba, oregha fo,

Babilonin atrivim aremegha gifa.

Kamaghin amizi, me uaghan bar akonge.

Me ti ghaze, ‘Gumazitam ua iziva e okan kogham. Bar dera!

⁹ “Gumazamizir Oveaghuezibar Nguibamin, me ni iniasa bar akuegha biziha akira iti.

Danganir kam ti kamaghin migia ghaze,

Ia gumazir aruaba, dikav.
Ezi ia atriviba, ia uan atrivir dabirabiba ataghiragh.

Ia bar izi gumazir izir kam batogh.
¹⁰ Me bar moghira ni dipov migirigiar kamin ni damuam,

‘Maia, e kamaghin nighnisi,
nin gavgavim ti bar en gavgavim gafira.

Ezi nin gavgavim datirighin bar givazi ni en min iti.

Ni gavgaviba puvali.’

¹¹ “Ni fomira kurkazir aghuibr uabin kurtima, gumazamiziba gitaba misogha, ighiabagh amua, nin ziar ekiam fe.

Ezi datirighin, ni Gumazamizir Oveaghuezibar Nguibamin itima, nguazimin apiziba nin dakozim gavagham.

Egh ti ni me gisim dakuam.

Egh ti kuruzir muzieriba blanketin inimin min ni avaragham.

¹² “Ni fomira ziar bar ekiam ike.

Gumazamizibar damazimin, ni mati mizarazibar nadir mikovezir overiamin ikia isimin min iti.

Ezi noka, ni datirighin irigha gifa.

Ni fomira midorozir gumazir gavgavim itim.

Ni kantrin aviriba agevir gumazim.

¹³ Ni ti kamaghin nighnisi,
‘Ki mikovezibagh afiragh, bar pin mar overiamin mavanabogham.

Egh ti uaghan izi, notin amadaghan itir mighsiar aseba iza uari akubi naghin, a gisim bar pin mar daperaghiv ikiam.

¹⁴ Ki ghuardabagh isin bar pin mar ghuanabogħi,
Godin Bar Pin Ittimin min ikiam.’

¹⁵ “Ezi noka, ni irigha gifa,
ni bar vin mar magiri Gumazamizir Oveaghuezibar Nguibamin iki, egh ni bar apengan ikiam.

¹⁶ Egh nguibar kamin, oveaghuezir gumazamiziba nin apigh bar digavir kuram damigham.

Egh me dikirvira nin gan kamaghin azaraghām,

‘Gumazir kamra ti, nguazim gamizi a ivazzavima, kantrin igharazibar itir atriviba atiatia nisi, guisi?’

¹⁷ Gumazir kamra ti, nguibar ekiabagh asighasighava, nguazim gamima, a nguazir kinimin oto?

Gumazir kamra ti, kalabuziam gatizir
gumazamizibar apangkuvizir pu-
vatigha, me ataghizi,
me uamategha uan nguibabar ghuzir
puvati?
Are, gumazir kamra!"

¹⁸ "Atrivir igharaziba over dughiamin,
gumazamiziba bar deravira men
kuabagh amua,
mozir bar aghuilar me afi.

¹⁹ Ezi ni puvati.

Nin kuam mati, gumazim temer aguam
kurasa an anetugha anekunizi
moghin,
me nin kuam akunizima a mozim
giraghu.

Nin kuam tuavimin gumazir igharazir
midorozimin ovengezibar kuabar
pozimin apengan iti.

Ezi gumazamiziba a dika ivemara
mangi izegh gami.

Men duaba bar moghira,
gumazir ovegha givazibar mozimin,
bar vin mar magiram.

²⁰ Ni uan kantri gasighasigha,
uan gumazamiziba misoghezi, me
ariaghire.

Kamaghin amizi, me atrivir igharazibar
min deravira nin kuam akirigh,
anefaghan kogham.

Atrivir kurar kamin boriba,
nguazir kamin bar givaghti, bar der-
aghram.

²¹ Kamaghin, an boriba, ia bar da inigh izi,
egh men inazir afeziaabar arazir kuraba
ikarvaghs,

me misoghti me arighiregh.

Eghti men tav ua ikian kogh, atrivimin
otogh, ua kantribar ganan kogham.

Egh ua nguazir kamin danganiba bar
dar mangi
nguibar ekiabar ingaran kogham."

Ikiavira Itir God

Babilonia gasighasigham

²² Ikiavira Itir Godin Gavgaviba Bar Itim
kamaghin migei:

"Ki Ikiavira Itir God, ki uabi dikavigh mangi
Babilonia misoghiva,
me gasighasigh bar me agivagham.

Ki men tav ateeghima a ikian kogham.
Bar puvati.
Gumaziba ko, amiziba ko, boriba,
bar givagham.

²³ Ki mati amizim uan bizimin mineziba avi
moghin,

ki uan bizim isi Babilon bar anevigh
anegivagham.

Ki Babilon damighti, mughuriar kuram itir
begheazim bar anevaraghram.
Eghti asizir atiaba an ikiam.

Ki Ikiavira Itir Godin Gavgaviba Bar Itim,
ki mikemegha gifa."

Ikiavira Itir God, Asiriabagh asighasigham

²⁴ Ikiavira Itir Godin Gavgaviba Bar Itim
kamaghin akar dikirizir mam gami:

"Bar guizbangira, bizar ki damuasa
nighnigha givazim,
ki a damuam.

²⁵ Asiriaba nan nguazimin iza, nan gumaza-
mizibagh amizi,
me osimtizir bar ekiam ateri.

Asiriaba pamtemin Israelia abirimma, me
puvira ingari,
mati bulmakaun mam, gumazim ter
ararim an tuem gatigha, anebirimma, a
ingari.

Eghti Asiriaba, Israelien nguazir
mighsiabar ikivira ikiti,
ki me dikabin bar me righirigham.

Egh osimtizir ekiar Israelia aterir kam,
ki bar anegivagham."

²⁶ Nguazir kamin itir kantrin gavgaviba,
Ikiavira Itir God arazir kamra me
damuasa nighnigha gifa.

Kamaghin amizi, a me
gasighasighasa uan agharim
ghufegha gara iti.

²⁷ Ikiavira Itir Godin Gavgaviba Bar Itim,
kamaghin damuasa nighnigha gifa,
ezi tina an anogoregham?

A uan agharim ghufegha gifa,
eghti tav an agharim medagh magiran
iburaghram.

Ikiavira Itir God Filisttiabagh asighasigham

²⁸ Atrivim Ahas aremezzi azenimin,
Ikiavira Itir God akar mam aningi. Akar
kam kamakin:

²⁹ "Ia Filistian gumazamiziba, ia oragh.
Agorir ian misoghezir kam, a
dipiraghvirigha gifa, eghti ia bizar
kam bagh bar akongan marki.

Gin kuruzitam oveghti, kuruzir kuratam an
danganim iniam.

Egh kuruzir kam, a kuruzir bar kuram
bategti,

an aviziba iki, egh mighi mangi
izegh damuam.*

³⁰ Gumazamizir onganarazibagh amiba,
me deravira ikiam.

Gumazamizir biziba puvatiziba, me
navir amirizim iniam.

Eghti ia Filistiaba, ki mitiriba azir dughiar
bar ruarim amadaghti, a izam.

Eghti mitiriar azir kam, ian ikiavira itir
varazira damuti,
me bar mitiriam bangin arighiri
bar gevegham.

³¹ "Ia Filistian nguabar ekiaba ko, gumaza-
mizir men itiba,
ia bar moghiram atiatingiva, nighiva
akong puv aziva, pamtemin dim gan,
midorozir gumazir bar bizar dafam, notin
amadaghan ikegha izi.

Me izima, mati avir miturim men
girakirangin otifi.

Midorozir gumazir kaba, me midorozir gu-
mazir bar gavgaviba,
ezi, men tav uabira gin izir puvati, me
bar moghira uari inigha izi."

³² E Israelia, e ganti, Filistian abuir
gumaziba izi uarir akurvaghisi en
azangsighti,
e manmaghin men akam ikarvaghram?

E kamaghin men akam ikarvaghram,

"Ikiavira Itir God, Saionin nguibamin in-
garigha a gamizi a tughga gavgafi.

Ezi an gumazamiziba osimtizir ekiaba
me bativir dughiabar,
me a bagh mangi an aven modogh
deravira ikiam."

15

Ikiavira Itir God Moapia gasighasigham

¹ Ikiavira Itir God kantri Moap
ginighnigha akar kam aningi:

Apaniba dimagarimin iza kantri Moapin
otoga,

Arin nguabar ekiam gasighasisi.

Me ghua Kirin nguabar ekiam gasighasighizi,
Moapin kantri datirighin bar ikufi.

² Kamaghin amizi, Dibonin nguabar ekiamin
itir gumazamiziba, mighsiabar ghua-
vanabogha,
asebar ziaba fer danganibar aziava ara
iti.

Moapia bar fo, Nebon nguabar ekiam ko,
Medeban nguabar ekiam bar iku-
vizima,

kamaghin me aningin apangkuvigha
azi.

Me bar aning bagha osemegha,
uan dapanir ariziba ko, ghuamasizir
arizibagh ise.

³ Egha azir korotiaba aghuigha,
nguubar ekiabar tuavibagh arui.

Marazi uan dipenibar avughsamin dan-
ganibar iti,
ezi marazi uari akuva itir danganibar
iti,

Me bar puv azima, temeriba men damaz-
ibar izaghira,
egha uaghira nguazim giri.

⁴ Hesbonin nguabar ekiam ko, Elealen
nguubar ekiamin itir gumazamiziba,
me uaghan bar puviram azi,
ezi Jahasin nguabar ekiamin itir
gumazamiziba, men azir akaba
barasi.

Ezi midorozir gumazir gavgaviba uaghan
osemegha ara dei.

Guizbangira, Moapian gavgavim bar
gifa.

⁵ Mevzika! Ki uaghan Moapian apangku-
vigha, me bagha azi.

Ki garima, me uan nguibam ategha, ara
ivemera

Soarin nguabar ekiam ko, Eklat
Selisian nguabar ekiamin zui.

Me aziavira ghua Luhitin nguabar
ekiamin tuavimin ghuavanadi.

Egha me uan osimtizir ekiam ginighnigha
pamtem aziava ara
Horonaimin nguabar ekiamin tuavimin
zui.

Ezi men ararem bar ekefe.

⁶ Me fo, Nimrimin dipam bar misingizi,
an apinimin itir oghevseviba uaghan
misingi.

Me ghaze, Danganir kam, oghevse-
viba ko, temeba ti uam an aghungan
kogham.

⁷ Ezi Moapia uan nguibamin ikiava,
uari bagh akumakumizir bizar
aghriba, me da saram ari.

Me kantri Moap ategha, Temeba
Itir Danganir Zarir tuavimin zui.

⁸⁻⁹ Bar guizbangira, me uarir akur-
vaghmin ararem bar ekevegha
men kantrin danganiba bar dar ghu.

Eklaimin nguabar ekiam ko, Berelimin
nguabar ekiam ko,
kantri Moapin itir nguabar ekiar
aviribar gumazamiziba, men ararem
baraki.

* 14:29: Fofozir gumazir maba ghaze, Asirian atrivir mam aremezir dughiamin, Godin akam inigha izir gumazim Aisaia, ti akar kam akuri. An akar isin zuir kamin kamaghin migei, atrivir igharaziba atrivir kamin danganim iniam, eghti men arazir osimtizim kantrin igharazibagh aningamim bar ekevegham, egh atrivir kamin arazibagh afiraghram.

15:1: Aisaia 25:10-12; Jeremaja 48:1-47; Esekiel 25:8-11; Amos 2:1-3; Sefanaia 2:8-11

Guizbangira, Moapian ghuzim Di-
monin dipam gizifa.

Ezi Ikiavira Itir God kamaghin migei,
A uam puv Moapia damigham.

Moapian arav ghueziba ko, kantri Moapin
ikiavira itir varazira,
a laionin bar kuram mikemeghti, a izi
bar me gasighasigham.*

16

¹ O Moapin atrivim, e Moapian gumaza-
miziba ara iza Idomin nguibar ekiam
Selan iti.

Egħi atrivim, ni sipsipin nguziba isi da
madagħiġi, da Saionin Mighsiamin
mangam.

Sipsipin kaba, Saionin Mighsiamin gumaza-
miziba dar ganigh fogħ suam,
e uam dagħiaba takisim min me
daningam.

Gumazir sipsipin kaba inigha zuiba,
me gumazamiziba puvatizir dan-
ganimin zuir tuavimin mangi,
Jerusalemin otivigham.
Jerusalem, Saionin guivimin ab-
banim gami.

² Egh me kamaghin Judan gumazamizibav
mikim,

Apaniba en nguibabar en agirazi,
e ara ghua Arnonin Fanemin miriamin
ikia,
deragħha itir puvati.

E mati kuarazir nguziba uan mikonimin
suaghiregħa
pura tintinibar ruarimin aven arui
mogħin,
e ara pura tintinibar arui.

³ Ezi, e kamagħsua, ia en akaba tuisighiva,
kotin aven guizin arazimin gin mangi
en akuragh.

E kamaghin ifonge, ia en danganir
mogħomen min otogh.

E mati gumaziba temer ekiamin apen-
gan mangi aruer dafamin mizazimin
uari muegh, an orangtizim iċċi
mogħin, e izi ian kantri uari mongam.

En apaniba en nguibabar en agirazima,
e datirighin pura guighav iti.

Kamaghin, ia ua e isi, apanibar agharim
datighti,
me izi pazi e damuan marki.

⁴ E uari, e Moapian gumazamizir
araghharuiba, ia e ategħi,
e izi ian tongin ian nguazim iċċi.

Egħi ta en ganiva e muegħti,
en apaniba ġasighasighan kogħam!

“E fo, osimtzir datirighin e bativ kaba
givagħi,

en apaniba en kantri ategħi mangi ua
pazi e damuan kogħi,

⁵ egħi danganir kamin, atriv mam
otogħam.

A Devitin ovavir boribar gumazir mam.

Egh a uan gumazamiziba bar men
apangkuvigh,
egħi zurara guizin arazimin gin mangi
men ganam.

A uan gumazamizibar osimtziba baragh,
egħi zuamira me tuisigh me
akirmigham.

Egh a zurara arazir aghuibal amusi
gavvgavigham.”

⁶ Ezi Judaba Moapian akar kam baregha,
me kamaghin uarira uariv gei,

“E Moapian arazir uari febar eghaghaniba
baregha gifa.

Me puv ifaghha uarira uan ziaba fa,
migirigħar guar aviribagh ami.

Me ghaze, me uarira ikia, gumazamizir
iġharazibagh afiragħha, me dipofi.

E fo, Moapia me gumazamizir ifariba.

E nighnizir gavvgavim men akabar
ikian kogħam.

⁷ “Kamaghin amizi, e Moapian gumazamiz-
iba ategħi,

me uan kantrin osimtzim ko mizazim
bagħ aziva arangam.

Me fomira Kirheresin nguibar ekiamin ikia,
wainin ovizir midiarir me apuzizir
aghuija api.

Men bixiż aghuiba, da bar mogħira iku-
vigha gifa,

kamaghin amizi, me datirighin dagħer
aghuir kabagh nighnigha,
bar uarir apangkuvighav arai.

Mevzika!

Gumazamiziba bar men apangkuvigh
me bagħ aziam.

⁸ Me uaghan uan wainin azenir aghuir
Hesbonin nguibar ekiam ko, Sipman
nguibar ekiamin boroghira itibagh
nighnigha,
dar apangkuvavira iti.

Kantrin iġharazibar atriviba fomira,
wainin azenir kabar wainin dipabar
amasa bar ifonge.

Ezi wainin dipar kaba me gamima, me bar
ongani.

Ezi wainin azenir kaba datirighin, bar
misigha ikuvigha gifa.

Moapia fomira wainin azenir bar aviriba
ike,

da Hesbon ko Sipman nguibar ekiamn-
ingin ikegħa,

ghua notin amadħaq Jaserin
nguibar ekiamin ghua, aruem

* 15:8-9: Vezin kam, Hibrun akam deragħha migirigħar kamin mingarim abighiżżejj puvati.

anadi naghin itir gumazamiziba
puvatizir danganimin tu.
Egha maghira ghua Amangsizim Itir Dipar
Akarem girigha
ghua vongin aruem uaghiri naghin tu.
9 "Ki Jaserin nguabar ekiam ko, Sipman
wainin azeniiba bagha azi.
Ezi nan damazir temeriba uaghan Hes-
bon ko, Elealen nguabar ekiamning
gisin iri.
Ki fo, ia bar ikuvigha gifa,
kamaghin amizi, ian gumazamiziba
wainin azenibar mangi,
wainin ovizir andiziba kuarsi bar
akuegh dim ivemar mangigh
izegh damuan kogham.
10 Wainin azenir kaba, da fomira bar puvira
be,
ezi gumazamiziba da kuarir
dughiamin, me bar akonge.
Ezi datirighin bar akongezir arazir dimdiar
kam gifa, ezi gumazamiziba ua bar
akongeghamin ighiabagh amir pu-
vati.
Ezi gumazamiziba uam wainin itarir
ekiamin, wainin oviziba mirmirir
puvati.
Ikiavira Itir God men akaba dukuagha,
me bar akongezir arazir dimdiar kam
agifa.
11 Kamaghin amizi, ki Moapia ko, Kirheresin
nguabar ekiamin gumazamiziba
bagha nan navim bar oseme.
Gumazimin navim bar osemegha gita
misoga ighiar amirizibagh ami
moghin, nan navim bar oseme.
12 Moapian gumazamiziba uan asebar zi-
aba fasa mighsiabar ghuavanega,
dar dipenibar aven dar dei.
Me arazir kabagh amua pura uan gavgav-
iba agefii.
Ezi men arazir kam tong men akur-
vazir puvati."

13 Moapia ikuvighamin migirigiar kaba,
Ikiavira Itir God bar fomiram dagh amigha
gifa. 14 Egha Ikiavira Itir God datirighin
ua kamaghin migei, "Moapia uan bizir
aghuija sara bar givaghamin azenir 3plara
iti. 3plan azenir kabanang, dar areuba
ki vaghvagha, bar deraghavira da medi.
Ezi namba 3in azenimin, ki mikemezi
moghin ki bizir kabar amuam. Moapin
ziam datirighin bar pin iti, egh a gin
bar givagham. Gumazamizir bar avirim
datirighin kantri Moapin iti, eghit men
kantri ikuvamin dughiamin, gumazamizir
varazira an ikiva gavgaviba puvatigham."

17

*Ikiavira Itir God, kantri Siria ko Israelia
gasighasigham*

¹ Ikiavira Itir God Damaskusin nguabar
ekiam ikuvighasa akar kam aningi. A kam-
aghin migei:

"Ia oragh! Apaniba Sirian kantrin nguabar
ekiam Damaskus gasighasigham,
eghti a bizar kuraba akurir danganir
pozimin otogham.

2 Gumazamizitaba uam Aroerin Distrighin
nguibabar ikian kogham.

Eghit an nguibaba, pura sipsipbar dan-
ganibagh avagham.

Eghit a ua dar amuti, da atiatingamin
gumaziba puvatigham,
kamaghin amizi, sipsipin kaba deravira
ikiam.

3 Apaniba, kantri Israelin nguabar gavgav-
ibagh asighasigh,
egh uaghan Damaskusin gumazamiz-
ibagh gativagham.

Datirighin kantri Israel ko Siria, aning ziar
ekiamning itima,
gumazamizir avirim aningin iti.

Eghit kantrin kamming bar ikuvighti, gu-
mazamizir varazira ikiam.

Ki Ikiavira Itir Godin Gavgaviba Bar
Itim,
ki mikemegha gifa."

4 Ikiavira Itir God ua kamaghin migei,
"Dughiar kamin, Jekopin ovavir boribar
ziar ekiam givagham.

Men bizir aghuir bar aviriba ko, gu-
mazamizir bar avirim givagham,
eghti men kantri biziba bar pu-
vatigh pura ikiam.

Egha mati arimariam gumazir gav-
gavir dafam batozi,
a bar agharim gura.

5 Israelia datirighin bar avirasemegha,
mati witba Refaimin danganir zarimin
bar puviram otifi.

Eghit apaniba me gasighasigh givaghamin
dughiamin,
me bar avirasemeghan kogham,
mati me azenimin witba ako-
regha givazi, witin vaghvaziba
mitivighav iti.

6 Egha me mati, temer oliv, gumazim
aghormi inigha a misoga olivin
ovizir aviriba ini,
ezi datirighin olivin ovizir puningra an
ghuamin itima,
ovizir vaghvaziba an aguabar iti.

Ki Ikiavira Itir God, Israeliyan God,
ki mikemegha gifa."

7 Dughiar kamin, gumazamiziba navibagh iragh,
 Israelin Godin ziam fi nighnizir gav-
 gavim an ikiam,
 a Godin men ingarizim,
 a Israelien Godin Bar Zuezim.
8 Egh me uamategh uari ingarizir ofa gamir
 dakoziba bagh mangan kogh,
 egh ua aser amizim Aseran ziam fan
 kogh,
 egh temer guarir aser amizim
 Aseran nedazim itiba, dar ziaba
 fan kogham.
Egh pauran mughuriar aghuim zuim is:
 aser amizim Asera bagh me ofa gamir
 dakozibar uam a tuan kogham.
Me uari uan dafaribar ingarigha asebar zi-
 aba fer bizir kaba,
 me bar da agivagham.

9 God Israel gasighasighamin dughiar kamin, men nguibar ekiar gavgaviba, bar ikuvigh pura ikiam, da mati nguazir kamin fomira ikezir darazir nguibabar min ganam. Israelia fomira misoghasa izima, me uan nguibaba ategha are, ezi nguibar ekiar kaba pura mighsiabagh isin itima, ruarim ada avara.*

10-11 O Israelia, God ian akurvazir bizir kam, ia a ginighnizir puvati.
Dughiar kurabar, a mati dagiar bar ekiam,
 ia ghua an aven uari mogra deravira iti.
Ezi bar guizbangira, ia a gin amadagha bar a ginighnizir puvati.
Ia igharaz darazir asebar ziaba fava,
 ia ghaze, aser kaba ian akuraghti,
 ia deravira ikiam.
Egh ia mizaziba ko arimariaba iki bar ikuvigh deragh ikian kogh,
 egh uamategh deraghamin tuaviba puvatigham.
Mati ia wainin azenim oparigha, wainin ikarizibar dafaribar gari,
 da zuamiram akimariiba otivima, ia bar akonge.
Ezi ia dar dagheba inighan kogham. Puvati.
 Wainin ikarizir kaba misighti, azenim bar ikuvigham.

God kantrin gavgaviba dikabira

12 Ia niginir ekiar kam baragh!
 Kar kantrin aviribar midorozir gumaz-
 iba uari akuvir niginim.
Men niginim mati, ongarim pamtem iza
 dadaramin dipiraghira tingazi.
13 Apaniba mati, aperiar dafam aforegha
 izi.

Eghiti God men atariva pamtem me mikemeghti,
 me uamategh ari uan nguibabar mangam.
God men agiraghti, me pura mangam,
 mati aminim mighsiabar dikavigha,
 raizin misevibagh varazi, da pura tintinibar zui,
 egha mati aminir dafam pamtem iza,
 nguazir mineziba avizi da tintini-
 bar ghuavanadi.
14 Guaratizibar, apaniba iza nguibam korima,
 gumazamiziba bar atiatingi.
 Egha mizarazibar me itir puvati.
God, arazir kamin, en apanibar tuaviba apirima,
 me iza pazav e gamua,
 en biziba okeir puvati.

18

Ikiavira Itir God, akam Itiopian kantrin iti

1 Itiopian kantrin dipabar vongin itir gumazamiziba, mevzika!
Nguazir kamin apizir aviriba an ikia, migha mangin izegh gami.
2 Me uan abuir gumaziba amadima,
 me ighuruniba inigha, da ikegha bot-bar ingarigha, dagh apiagh Nailin Fanemin uaghiri.
Ja Itiopia bar abuir gumaziba, ia zuamira zuir gumaziba,
 ia uamategh uan kantrin gavgavimin mangi, kantrin dipar aviriba itim.
Kantrin kamin itir gumazamiziba, me bar ruarigha, mikarziba bar dera.
Ezi ian kantrin kam, midorozimin ziar ekiam iti,
 ezi kantrin igharaziba bar an atitingi.

3 Ia gumazamizir nguazir kamin ruaghavim bar an itiba, ia bar oragh.
Ia ganti, me ababanitam mighsiabar a kuazaghti, ia deraviram an gan.

Egh ia oraghti me sighatam giviti,
 ia kuariba arigh deragh a baragh.
4 Ikiavira Itir God kamaghin na mikeme,
 Ki uan Nguibamin ikiava, gumazamizibar arazibar gara,
 puram aghumra ikia men gari.
Egha ki me gasighasighasa navim dikavir puvati.

Ki me mizua pura nimira iti,
 mati aruem nguazim gisirazima,
 an fefem ghuavanadi.
Egha ki mati dagheba iniamin dughiam roghira izima,

* 17:9: Vezin kam, Hibrun akam deragha migirigiar kamin mingarim abighizir puvati.

ghuariaba dimagaribar iza azenibagh
iri moghin,
ki nimira ikia me mizuavira iti.”

⁵ Guizbangira, kantrin kam bar gavgafi,
mati wainin ikarizim deraviram
otoga, an akimariba otivigha irezi,
wainin oviziba kiran oveghanjin
aniam.

Gumazim aningaghegha wainin ovizir
ghuariba itir aguam atuzi a irizi
moghin,

God kantrin kam gasighasigham.*

⁶ Ikiavira Itir God apaniba amadaghti,
me izi kantrin kam bar a gasighasigham,
eghti kantrin kamin midorozir gu-
mazibar kuaba pura tintinibar
nguazim gireghiv ikiam.

Eghti kuarazir isaba ko, ruarinmin itir asizir
atiaba izi men kuabar amam.

Aruemin dughiamin, isaba izi dar amiti,
orangtizimin dughiamin, ruarinmin
itir asizir atiaba izi kuar kabar
amam.

⁷ Dughiar kamin, Itiopian kantrin gumaza-
miziba bizar bar aghuiba inigh mangi
Ikiavira Itir Godin Gavgaviba Bar Itim
daningam.

A kantrin gavgavim. A kantrin
dipar bar aviriba itim.

Kantrin kamin itir gumazamiziba bar ruar-
igha, mikarziba bar dera.

Egha kantrin kam, midorozimin ziar
ekiam iti, ezi kantrin ighazarriba bar
an atiatingi.

Eghti me uan bizar aghuiba inigh izi Saionin
Mighsiamin izam.

Ikiavira Itir God, ua bagha danganir
kam amisefe,
eghti gumazamiziba an izi, an ziam
fam.

19

Ikiavira Itir God Isipia gasighasigham

¹ Isipia bar ikuvighasa, Ikiavira Itir God
akar kam me bagha an aningi.

“Ia gan! Ikiavira Itir God ghuiariam gisin
aperaghav ikia,
ivegha akigha Isipin kantrin izi.

A izi otoghamin dughiamin, Isipian aseba,
bar puvira nighti,
Isipian gumazamiziba bar puviram ati-
atingiva,
gavgaviba amiragh magirigh bar
givaham.”

² Egha Ikiavira Itir God kamaghin migei,

* **18:5:** Gumazir maba kamagh nighnisi, vezin kam kantri Itiopian migei. Ezi gumazir ighazarriba ghaze, a kantri Asirian
migei. **19:1:** Jeremaia 46:2-26; Esekiel 29:1-32:32 * **19:10:** Hibrun akam deragha migirigar kamin mingarim
abighizir puvati.

“Ki Isipian navibagh inivti, me uarira uariv
sogham.

Aveghbuuba uarira uariv soghtima,
namakaba uarira uariv sogham.

Isipian nguubar ekiaba uarira uariv
soghtima,
provinbsa uaghan uarira uariv
sogham.

³ Ki Isipia damighti men gavgavim givaghti,
me okam nighnighiva,
bizar me damuasa nighniziba, me
dar amuan kogham.

Egh me uan asebar azangti, da ti men akur-
vaghram.

Egh me mangi, gumazir oveaghuezibar
duabbar azangsigham,
me bizar manam damuam.

Me imezibagh amir gumaziba ko kuku-
nir gumazibar nighnizibagh foghs
men azangsigham.

⁴ Ki Isipia isiva, atrivir kuratamin agharim
datighti,
a men ganam.

A gumazir bar aningaghezim,
a men gan, deragh me damuan
kogham.

Ki Ekiam, ki Ikiavira Itir Godin Gavgaviba
Bar Itim,
ki mikemegha gifa.”

⁵ Eghti Nailin Fanem bar dakegh magiriti,
nguazim otogh bar misingigham.

⁶ Daghurir dipar izava Nailin Fanem
giniviziba,
aghumra daka uaghirma, mughuriar
kuram otifi.

Egghtima ogheba ko ighurunir
dipamin itiba bar misingigham.

⁷ Eghti me fanemin miriam ko an
akamin boroghin oparizir dagheba
misingti,
aminim vang bar da inigh mangigham.

⁸ Eghti gumazir Nailin Fanemin osiriba
isiba,
uam osiribar guan kogh, uan iver eki-
aba akuniva osiriba inian kogham.

Kamaghin amizi, men naviba bar ose-
meghti,
me aziva arangam.

⁹ Eghti korotiabar ingarir biziba
uam otivan kogham.

Eghti gumazir iniba nuaviba ko amizir ko-
rotiaba isaiba,
me bar amiragh, bar osemegh puviram
aziam.

¹⁰ Eghti Isipian gumazir dapaniba bar iku-
vichti,
dagiaiba bagha ingarir gumazamiziba,

men navir averiaba bar me base-
megham.*

¹¹ Soanin nguibamin gumazir ekiaba, me
gumazir ograniba.

Ezi gumazir nighnizir aghuiba Isipin
atrivim ganidiba, me migirigiar
kuraba a ganidi.

Fofozir gumazir kaba vaghvaghya atiatir pu-
vatigha kamaghin Isipian atrivim gi-
fara

uari fa migia ghaze,

*Ki fofozir gumazibar gin zuir suren gumaz-
ibar mav.

Ki fomira itir atrivibar ovavir
borimra!"

¹² Egha me managh uan fofoziba moegha,
Ikiavira Itir Godin Gavgaviba Bar Itim,
Isipia damuamin bizibar gun ni
mikemezir puvati?

Bar puvati.

¹³ Soanin nguibam ko, Memfisin nguibar
ekiam, aningin gumazir ekiaba,
me gumazir ograniba.

Ezi Isipian gumazamizibar gumazir da-
panir ekiaba,
me uaghan deragha kantrin garir pu-
vati.

¹⁴ Guizbangira, Ikiavira Itir God, Isipian
nighnizim gasighasigha gifa.

Bizir kam bangin, Isipia amir biziba,
bar ikuvigha ghua,
mati wainin dipar onganim
amezir gumazim uan mimizim
dikaraghha, atam irighai.

¹⁵ Gumazitam kantri Isipin akuraghti, a de-
ragh ikian kogham.

Gumazir ekiam o pura gumazir kinim,
a bizitam damuan kogham.

*Ikiavira Itir God Isipia iveauz kuram me
danigti, me navibagh iragh*

¹⁶ Gin izamin dughiamin, Isipia kamaghin
osintzibha ateriva, me Ikiavira Itir Godin
Gavgaviba Bar Itimin ganti, a me misoghsu
uan agharim ghufeghti, me amizibar min
bar atiatigh nigham. ¹⁷ Egh dughiar kamin,
Isipian gumazamiziba oraghti, me kantri
Judan ziam diboroghti, me Ikiavira Itir
Godin Gavgaviba Bar Itim ko a damuamin
bizibagh nighnigh, bar moghiram an atiat-
ing nigham.

¹⁸ Dughiar kamin, Isipian gumazamizir
an 5plan nguibar ekiabar itiba, me Hibrun
akam mikimam. Egh nguibar ekiar
kabar itir gumazamiziba, Ikiavira Itir Godin
Gavgaviba Bar Itim baghvira iki an apen-
gan ikiam. Nguibar ekiar kabar mam, me

ziar kam a darigham, "Aruemin Nguibar
Ekiam."†

¹⁹ Eghti dughiar kamin, Isipin kantrin
tongin, Ikiavira Itir Godin ofa gamir dakozir
tam ikiam. Eghti me uaghan Isipin kantrin
mitaghniamin, Ikiavira Itir God baghavira
itir dagiar dipenir akinir mam asaraghti,
a tughiv ikiam. ²⁰ Dagiar dipenir akinir
kam ko, ofa gamir dakozir kam, Isipin
nguazimin ikiti, gumazamiziba aningin
gan, Ikiavira Itir Godin Gavgaviba Bar Itim
ginighnigham. Eghti apaniba izi pazi me
damuamin dughiamin, me Ikiavira Itir
Godin dimti, an Akurvazir Gumazitam
amadaghti, a izi men akuragh ua me
iniam. ²¹ Eghti Ikiavira Itir God ubi isi
Isipian akaghti, me a gifogh suam, a ubi
Ikiavira Itir God. A kamaghin damighti,
Isipia bar deragh a gifogh, an ziam fi,
uan asiziba tuer ofaba ko witin oviziba
tuamin ofaba, da inigh a bagh mangam.
Egh me akar dikirizibar a damuva, egh me
damuasa mikemezir bizibar amuam. ²² Bar
guizbangira, Ikiavira Itir God iveauz kuram
Isipia daningam. Arazir an amir kamin,
a men arazir kuraba akirmighasa. Eghti
gin me navibagh iragh uamategh Ikiavira
Itir God bagh mangiti, a men azangsiziba
baragh, me damuti, me ghuamaghegh
deravira ikiam.

²³ Dughiar kamin, tuavir ekiar mam
Isipin kantri ko Asirian kantrin tongin
ikiam. Eghti Asiriaba daru Isipin kantrin
mangiti, Isipia daru Asirian kantrin
mangam. Eghti kantrin kamningin gu-
mazamiziba Ekiamin ziamra fam. ²⁴ Eghti
dughiar kamin, kantri Israel, Isipin kantri
ko Asirian kantri, me roroabar otogh uari
inigh deraghvira ikiam. Eghti God me
bangin, nguazimin itir kantriba bar, dar
gumazamiziba bar deragh me damuam.
²⁵ Egh Ikiavira Itir Godin Gavgaviba Bar
Itim, bizir aghuiba me daning kamaghin
mikimam, "Isipia, ki deravira ia damuam,
ia nan gumazamiziba. Egh ia Asiriaba, ki
deravira ia damuam, ia gumazamizir ki
ubi ingariziba. Egh ia Israelia, ki deravira
ia damuam, ia gumazamizir ki ua bagha
miseveziba."

20

*Aisaia amizir arazir kam, a God
damuamin bizim akakasi*

¹ Asirian Atrivim Sargon migeima, an
midorozir gumazir dapanir ekiam, Asirian
midorozir gumaziba inigha ghua Filistian
kantrin aven, Asdotin nguibar ekiam
misosi. Ezi azenir kamra, God akan kam
Aisaia ganingi. ² Ikiavira Itir God fomiram

† **19:18:** Akinafar grur maba Hibrun akam ziar kam iti, "Aruemin Nguibar Ekiam." Ezi maba ziar kam iti,
"Ikuvighamin Nguibar Ekiam." **19:23:** Aisaia 27:13; 35:8; 62:10

Emosin otarim Aisaia, arazir kam damuasa a migia ghaze, Aisaia azir korotiar an aghuiziba adegh bibiamra iki, egh uan dagarimin, dagarirasuwa suegh pura suer kinibar daru. Ezi Aisaia Ikiavira Itir Godin akam baregha, a mikkemezi moghin ami.

³ Ezi gin, Ikiavira Itir God kamaghin migei, "3plan azenir kaba bar moghira, nan ingangarir gumazim Aisaia, korotiar tam ko dagarir asua tam aruzir puvatigha, puram arui. Ezi an arazir an amizir kam, a bizi bar kurar Isipin kantri ko, Itiopian kantri bativamin ababanim." ⁴Egħi Asirian atrivin mangi, kantri Isip ko kantri Itiopia misogħam. Egh a kantrin kamnningin gumazamizir igħiabha ko, gumazamizir ġħuriba inigh mangi kantrin ġħarazir tamin me kalabuziam darigham. Egh me mangamin dugħi min, me korotiaba ko dagarir asuataba aghu ħiġan kogħam, me pura daru. Me pura bibiabara iki, bar aghumsigham. ⁵Gumazamiziba kantri Itiopia ko kantri Isipin gara men ziamming fa' ghaze, Aning ti en apanibav soħħi en akurvagħam, egh me guizbangira digavir kuram damiġħ, bar aghumsigh, naviba bar ikuvigham. ⁶Dugħiarr kamin, Filistian gumazamizir ongarin miriamin itiba, me kamaghin uarira uariv kimam, 'Maia! E kantrin gavgavir kamning, en akurvaghha, e aningin azaragħha ghaze, me en akuragħtima, Asiriabu ua izi e gasighasighan kogħam. Ezi ia gan, kantrin kamnigra datirighin ikufi. Ezi e Asirian midorozir afuziba gitaviragħan tuaviba ua puvati."

21

Ikiavira Itir God, Babilonin nguibar ekiam gasighasigham

¹ Ikiavira Itir God, Babilon ikuvigham in akar kam aningi, an ongarimin borogħin gumazamiziba puvatizir danganimin iti.

Ia oragh, osimtizir bar dafam ko, bizibagh asighasizir arazim me batogħam. Apaniba izi mati, aminir bar gavgavim, Negevin danganim, a sautin amadaghan itir gumazamiziba puvatizir danganimin ikegħa, pamtem iweħha iż-żebi min nġuazim avighha izi. Gumazamiziba puvatizir danganir kam, gumazamizibagh amima me bar atiati.*

² Ezi God bizir bar kurar mam nan aka, ki ireb min garir bizimmin, an gani.

Ki orazi, Ikiavira Itir God kamaghin migei:

"Babilonia, me gumazamizibagh ifara paza me gami darasi.

Egha me arazir kam gamima a ghua bar ekefe.

Kamaghin amizi, ia kantri Elamin itir midorozir gumaziba, ia izi Babilonia misogħi.

Egħiha ja Midian kantrin midorozir gumaziba,

ia izi nguibar ekiar kam an ekiarugh.

Ki osimtizir Babilonia gumazamizir ġħarazibagh anidiba agivagħam."

³ Irebar kam na gamima, ki bar atiatiga aguaghfagħha, mati amizim borim batasa mizazim isi mogħin, ki mizazir bar dafam isi.

Ki bar atiatiga nan nighażim bar ikufi, egha ki bixitam ganan bar aghu aħħaqha, akatam baragħan bar aghħua.

⁴ Nan dapanim organizi, nan mikarzim atiatim bangin nisti. Aruem iraghħu għiġi, aminirbirim nġuibam avarazi dughiaba, ki zurara guaratiziba bagħha bar ifonge. Ezi datirighin puvati, aminirbirim otozi irebam na gamima, ki bar atiatiingi.

⁵ Ki irebar kamin garima, gumazamiziba isar dafam damuasa biziha akiri.

Egha me inir dafaba nġuazim da ghuanizi gumaziba dagh apiaghha dagħeba ko dipabba ap-

Ezi gumazir mam zuamira iza kamaghin dei,

"Ia gumazir aruuba, apaniba izegħha għifa. Ia dikavigh uan midorozir orabha asiġġ misogħi gan."

⁶ Ezi Ekiam kamaghin na migia ghaze:

"Ni apaniba bagħ ganamin gumazitam amisevegħti,

a tugh gavgavigh gan iki.

Egh a biziż manamin ganigh, ni mikimam.

⁷ Egh a ganti, gumazim karis daperaqhti, hozjar pumuning a geku izi mangi, maba kamaghira aning tiv izam.

A gumazibar ganti, me donkiba ko, kamelbar apiagh izam, egħi, a bar deravira għaniva, kuarimming atiġ oragħam, biziż tizimram otivam."

* ^{21:1:} Hibrun akamini ziar kam Babilon itir puvati. A ghaze, "Danganir midiarir kinir ongarimin borogħin itim." Ezi a mati Babilonin akar isin zuim.

⁸Ezi apaniba bagha garir gumazir kam, laionin min tiarir dafam akara, pamten kamaghin dei,
“Ekiam, ki arueba ko dimagariba bar, apaniba bagh ganamin danganir kamin tughav ikia bar deravira me bagha gara iti.
⁹Egha ki datirighin gumazibar garima, gumazim karis gaperazi hoziar pumuning a gekuigha izi, ezi maba kamaghira aning tiva izi.”
Egha gumazir kam ua kamaghin migei: “Babilon ikuvigha gifa, a ikuvigha gifa. Ezi men asebar marvir guaba nguazim giregha bar misaraghire.”

¹⁰Ezi ki ghaze:
“O ia nan gumazamiziba, ian apaniba ia misoke, mati gumaziba witin ovizibav sosi. Ezi ki datirighin, Ikiavira Itir Godin Gavgaviba Bar Itim na ganingizir akam, ki ia mikemegha gifa, kar Israeli God.”

Godin akam inigha izir gumazim, Idomian azangszizim ikara
¹¹Ikiavira Itir God, Duman nguibar ekiamin otivamin bizibar gun migei.

Idomian kantrin itir gumaziba dia kamaghin azangsisi,
“O apaniba bagha garir gumazim, dimagarim manadizoghin givaghram?
A bar guizbangira, dughiar manamin givaghram?”[†]

¹²Ezi ki apaniba bagha garir gumazim, ki kamaghin men akam ikaraghah għaze,
“Aminim tiragh izam, ezi datirighin dimagarim ikiavira iti.

Egħi ta uam azangsighsi, ia uamategħ izi'v azang.”

Ekiām Arebia gasighasigham

¹³Arebia bar ikuvighasa, Ekiam akar kam aningi.

Ia Dedanian gumaziba, ia kamelin biziżbagħ apiagħha, danganir dipaba puvatibagh aruava, biziżbagħ i'veza da amadi.

^{21:9:} Akar Mogommek 14:8; 18:2 ^{† 21:11:} Hibrun akam, ves 11 ko 13, aningin mingarim bigha mikemezir puvati. Gumazir maba ghaze, Duman nguibar ekiam, a Arebian nguibar ekiar mam. Jenesis, sapta 25:13-15, ziar kam Duma, a ziam Tema ko Kedar ko iti. (Ni saptan kamin ves 14-16in gan.) Ezi ves 11 uaghan kantri Idomin migei. Kamaghin amizi, gumazir maba ghaze, vezin kamin ziam Duma a kantri Idom.
^{*} ^{22:1-2:} Asiriaba izi Jerusalemin ekċiaruzir dughiamin, Jerusalemin gumaziba Asiriabar atiatiġha tuivigha gavgavigha me ko misoqheżi puvati. Jerusalemin gumazir maba arasawa ami, ezi Asiriaba men suigha me misoqheżi me ariaghire. Ezi marazi nguibar ekiamin aven ikia arimariabha ko mitiriam bangin ariaghire. ^{† 22:3:} Hibrun akam deragħha migiġiġar kamin mingarim abighiżżejj puvati.

Eghia ari mangi
Arebian ruarimin danganir dipaba puvatizmin muegham.

¹⁴O ia Teman nguazimin itir gumazamiziba, ia dikavigh mangi, gumazamizir kuariba bar puv me pirirkaba, ia dipaba inigh me bagħi mangi.
Ia Teman gumazamiziba, gumazamizir ruarimin arav ghuezirkaba, ia dagħeba inigh me bagħi mangi.
¹⁵Men apaniba midorozir sababa ko, piba inigha iza puv me misosi, kamaghin amizi, me are.

¹⁶Ezi Ekiam kamaghin na mikkeme, “Kedarin nguibar ekiamin itir gumazamiziba, uan bixiż aghuiba sara bar givagħamin azenir bar vamira iti. Ki bar deravira azenir kamin dughħiha vagħvagħha da medi, egh azenir kam givamin aruer kamra, ki me damuasa mikkemexiż bizibar me damuam.
¹⁷Kedaria, me midorozir gumazir bar gavgaviba, egha me pibar misogħan bar fo. Egha me bar givagħti, midorozir gumazir buangningra ikiam. Ki Ikiavira Itir God, Israeli God, ki mikemegħha gifa.”

22

Ikiavira Itir God, Jerusalemin gumazibar atari

¹⁻²Ikiavira Itir God, Irebamin Min Garib Biziba Otivamin Danganir Zarim bagħi akar kam aningi.

Ia Jerusalemin itir gumazamiziba, ia bar mannaghira nighnigha, dia niginir dafam gamua, egha bar akonge?

Ia uan dipenir inogoribar għuavanega pamtem deima, ian niginim nguibar ekiamin ruaghvibba bar dar għu.

Ian gumazir ariaghireziba, me midorozir gumazir gavgavibar min misogħava ariaghirez puvati.*

³Ia fo, ian midorozir gumazir dapaniba ara bar sagħon ghue.

Ian gumaziba uan apanibar midorozim ikarvagħan piba ko bizibba puvati.

Kamaghin amizi, apaniba men apigha

- zuamira bar moghira men suiki.[†]
- ⁴ Kamaghin ki ia migei,
Ia nan navim damuti,
a nimira ikisi damuan marki.
- Nan navim bar ikuvizi ki azia iti,
kamaghin amizi, ia na ateghti ki uabira
ikiam.
- Nan gumazamiziba bar ikufi,
ezi ki me ginighnighav arai.
- ⁵ Ikiavira Itir Godin Gavgaviba Bar Itim, nan
Ekiam,
an osimtzizir guar aviriba ia bativamin
dughiam amisevegha gifa.
Osimtzizir kaba, Irebamin min
Garir Bizibar Garir Danganir
Zarimin ia bativam.
- Dughiar kamin, apanir bar avirim iziva
pamtemin dimiva ivemar mangi
izegh damuti,
ia digavir kuram damigh onganigham.
- Egh me nguabar ekiamin divazir gavgavim
akarti,
ia atiatingti, ian dimdiam bar saghon
mangi mighsiabar tugham.
- ⁶ Elamin kantrin midorozir gumaziba, me
piba ko baribar suiki,
egha me misoghasa hoziaba ko karisba
sara izi.
- Ezi Kirin nguabar ekiamin midorozir gu-
maziba,
me misoghasa uan oraba sara izi.
- ⁷ Misoghamin karisba ian danganir zarir
bar aghuba bar dagh ifeze.
- Ezi midorozir gumaziba hoziaba
mikirvazir karisbagh apiaghah,
men nguabar ekiamin tiar akabar
otivigha givagha misoghasa gara
iti.
- ⁸ Ia fo, Ikiavira Itir God,
ua kantri Juda gehguva an garir puvati.
- Ia fomira kamaghin fo,
ia misoghamin bizar aviriba isa dipenir
me kamaghin diborim gati,
Lebanonin Ruarir Pizimin Teme-
bar Ingazir Dipenim.
- Ezi ia ti datirighin ghaze, apaniba izi ia
ko misoghi,
ia misoghamin bizar kaba ian
akuraghti, ia deraghvira ikiam.
- ⁹⁻¹⁰ Egha ia kamaghin gari, Jerusalemin
daghabar ingarizir divazir bar mitiar
gavgavim,
an danganir aviriba akuaghiregha iku-
vigha iti.
- Egha ia Atrivim Devitin nguabar ekiam
Jerusalem,
ia an dipeniba bar da menge.
- Egha ia dipenir maba akaragharriga
- dar daghaba inigha nguabar ekiamin
divazim akirmiki.
- Egha ia dipam, Mozir Dipar Vin Itimin
magirasa,
ia afemozibagh gikui.
- ¹¹ Egha ia mozir dipar mam, nguabar ekiam
avinizir divazimningin tongiram a
gikui.
- Egħi mozir dipar ghurir nguabar
ekiamin azenan itim, a ivemar izi
nguabar ekiamin aven itir mozir
dipar igiamin magiram.
- Ia bizir kabagh amua, egha tong God
ginighnizir puvati.
- Bizir ia bativamin kaba, a fomira ia
bagħha da amisef.
- Egha bizir kabar ingarizi, da otifi.
- ¹² Egha bizir kaba otivir dughiamin,
Ikiavira Itir Godin Gavgaviba Bar
Itim, nan Ekiam, a kamaghin ifonge,
Ia aziv arang kuarkuv, egh uan da-
paniba bar dagħi isegħi,
egħi azir korotiabar aghuigh.
- ¹³ Egh ia gan! Ia azir arazibagh amir puvati.
Ia akazim gamua bar akuegha iti.
Egha ia sipsipba ko bulmakaubav sogħa,
isar dafam gamua,
egħa wainin dipaba api.
- Egha ia kamaghin migei,
“E fo, e gurumin ovengam, kamaghin
amizi,
ia izi e dami wainin dipabar
amam.”
- ¹⁴ Ikiavira Itir Godin Gavgaviba Bar Itim,
a uabi na batogħa migirigħiak kam nan
kuarim gati,
“Ki ian arazzi kurar kam gin amadaghan
kogh,
mamaghira iki mangi ia aremegħitma
givagħam.”
- Kar Ikiavira Itir God, Godin Gav-
gaviba Bar Itim, a nan Ekiam, an
akam.
- Ikiavira Itir God Sepna batuegham*
- ¹⁵ Ekiam a Ikiavira Itir Godin Gavgaviba
Bar Itim, a migħi ghaze:
- Ni mangi Sepnan ganigh, gumazir kam
atrivimin dipenimin bizziba bar dar
gari.
- Egh ni akar kamin a mikim,
- ¹⁶ “Sepna, ni nguaziba ko ikiziba kagh itir
puvati.
- Tinara nin amamangatizi, ni uabi fa pin
itir mighsiāmin ghua,
ua bagħha dagħam abigha torim
okore,
egħi dagħar torir kam, ni bagħ mozir
bar aghuimin otogħam?

17-18 "Ni ti ghaze, ni gumazir gavgavim, a?
Bar puvati!

Ni kamaghin fogh, Ikiavira Itir God, bar
pamtemin nin suiragh, ni munumigh
ni righti,
ni balin muziarimin min otogham.
Egh a ni akunighti, ni akigh mangi
bar saghon itir nguazir ekiatamin
irigham.

Egh ni danganar kamin aremegham.
Egh ni karisin bar dirir ni bar ifongezir
kaba ategham.

Ni datirighin atrivimin ingangarim gami.
Egh ni gin aghumsizim atrivimin
adarazir ganidir gumazimin
otogham.‡

¹⁹ "Ikiavira Itir God ingangarimin ni
agivagh ni batueghti, ni pura ikiva ua ziaba
puvatigham. ²⁰ Bizar kam otoghi, ki uan
ingangarir gumazim Eliakimin diaghti a
izam. A Hilkian otarim. ²¹ Egh ti korotiar
ruarir kam isi Eliakim darugh, miter
atrivimin ingangarir gumazim uan ivariam
gitim a gikegh, ni amir ingangarimin
gavgavim inigh an dafarim datigham.
Egh ti an afeziamin min otogh bar moghira
Jerusalem nguibamin gumazamiziba, ko
Judian nguibaba bar me gativagh men
ganam. ²² Egh ti Ikiavira Itir God, ki
Atrivim Devitin dipenimin kiba isi, an
dafarim datigham. Egh ti tiam kuighthi tav
a dukuaghan kogham. A tiam dukuaghti
tav a kuighan kogham. ²³ Ki a damighti,
a ingangarir kam bagh bar gavgavigham,
mati purirpenbar suizir afughafuziba, da
purirpenimin suirazi a danganir vamira
ikia gavgafi. Egh ti adarazi bar moghira
ingangarir an amir kam bangin ziar ekiam
iniam.

²⁴ "Egh ti an adarazi ko an boriba ko
namakaba, me bar moghira an guighiv
iki, uarir akurvaghisi an azangsigham.
Me, mineba ko mitariba akezir mamin
guraghav iti moghin, me an guighiv ikiam."

²⁵ Egha Ikiavira Itir Godin Gavgaviba Bar
Itim, ua kamaghin migei, "Dughiar kamin
akezir kam, a faragha gavgavigha iti, egh a
datirighin asighirigh irigham. Egh ti bizar an
guighav ikia osimtizim a ganidiba, me bar
ikuvigham. Ki Ikiavira Itir Godin Gavgaviba
Bar Itim, ki mikemegha gifa."

23

*Ikiavira Itir God, Tairin nguibar ekiam
gasighasigham*

¹ Bizar Tairin nguibar ekiamin otivamiba,
Ikiavira Itir God, dar akam anidi:

O ia gumazir kurir ekiabar ongarim
garuiba, iavzika!

Ian nguibar ekiam Tair, a bar ikuvigha
gifa,
ezi tam uam an itir puvati.

Ia Tarsisin nguazimin ikegha, uamategha
iza Saiprusin Arighatizim ategha,
uan nguibam bagha izi,
egha dughiar kamin ia asighasighizir
arazir kam baraki.

Kamaghin amizi, ia naviba ikuvigh
aziv arang.

² ² Ia ongarir miriamin itir darasi,
ia Saidonin nguibar ekiamin itir
dagia bagha ingarir gumaziba,
ian naviba osemehg, uan akaba
dukuagh.

Ia Saidonin nguibar ekiamin gumaziba,
kuriba bizar aviriba ia bagha da
inigha izi.

³ Egha ia ongarir bar konim gisin arua,
kantrin aviribar ghua
biziba amaga, dagh ivezagha arua,
egha ia ziar ekiam isi.

Ian kuriba Isipin kantrin ghua,
Nailin Fanemin ghua, Sihorin Danganir
Zarimin amadaghan ghua,
witin oviziba ko, biziba inigha ia
bagha izi.
Ezi ia dar dagiabar ingangaribagh
amua,
dar dagiaba isi.

⁴ Ia Saidonin nguibar ekiamin gumazamiz
iba, ian nguibar ekiar bar gavgavir
ongarir miriamin itim,
a bar ikuvigha gifa.

Ongarim ti ian nguibam ginighnigha ghaze,
"Iavzika! Nan boriba bar moghiram ovegha
gifa.

Ezi ki mati, amizim borim batasa,
mizazim barazir puvatizi moghin iti.
Egha ki mati, amizir gumazamizir
igiar bar aghuiba bata, egha der
agha dar gari puvatizim."

Kamaghin amizi, ia bar aghumsigh!

⁵ Egh ti Isipia, Tairin nguibar ekiamin
otivizir bizar kaba baregh,
bar atiating, egh men gavgaviba bar
givagham.

⁶ Ia gumazamizir ongarir miriamin itiba,
ia naviba ikuvigh, aziv arangiva,
ari bar saghon Tarsisin nguazimin
amadaghan mangi.

⁷ Tair nguibar ekiar bar gavgavir fomira
itim,

‡ ^{22:17-18:} Hibrun akam vezin kamin deragha bigha mikemezir puvati. ^{22:22:} Akar Mogomem 3:7 ^{23:1:} Esekiel 26:1-28:19; Joel 3:4-8; Amos 1:9-10; Sekaraia 9:1-4; Matyu 11:21-22; Luk 10:13-14

a nguubar ekiar ia a bagha bar akongezim.

Fomira nguubar ekiamin itir gumazamiziba uan marazi amangizi, me nguazir saghon itibar ghua, nguubar ekiar igiabar ingara da aghui.

Ezi tizim bagha, nguubar ekiar kam uabi ikuvigha iti?

⁸ Tinara migiava arazir kurar kam gamizima, a Tairin oto, nguubar ekiar kam atriviba amisevezi, me nguubar ekiar ighazaribagh ativagha dar gari?

Ezi a dagiaba bagha, biziba amaga dagh ivezir ingarir gumaziba, atrivibar otivaribar min itima, nguazir kamin itir gumazamiziba bar, ziar ekiam me ganidi.

⁹ Kar Ikiavira Itir Godin Gavgaviba Bar Itim migeima, arazir kam oto.

Gumazir uan gavgaviba ko, uan ziar ekiaba fa bar akongeziba, Ikiavira Itir God me dikabinasa.

Egha a uaghan gumazir ziar ekiaba itibar ziaba dikabinasa, bizir kam gami.

¹⁰ Ia Tarsisin nguazimin itir gumazamiziba, ia uan ifongiamin biziбар amu, mati Nailin Fanemin aperiar dafam otogha afora pura tintinibar zui.

Ia fo, Tairin nguubar ekiamin itir gumazamiziba ua ikian kogh, ian ifongiamin tuaviba apiran koghast.*

¹¹ Ikiavira Itir God uan agharim ghufegha gifa, an ongarim gisın an amadaghı, kantrin ongarir miriamin itir kabagh asighasighasava ami.

Kamaghın amizi, kantrin kabar itir gumazamiziba atiatiava agoi.

A Kenanin nguazimin nguubar ekiar gavgavir kabagh asighasighasava akam anigha gifa.

¹² A kamaghın migei:

“O Saidonin nguubar ekiar dirim, gumaka! Ni uabin akurvaghan kogham.

Nin bar akongezir arazim givagh ua ikian kogham.

Ni bar ikuvigh, egh deravira ikian kogham.

Kamaghın amizi, ia Saidonian gumazamiziba, ia dikavigh ari Saiprusin Arighatizimin mangi.

Egh ia uaghan avughsamın dan-ganiba puvatigham.”

¹³ Ia Kaldian nguazim deraghviram an gan.

* **23:10:** Hibrun akam vezin kamin deragha bigha mikemezir puvati.

Men kantri bar givazi, gumazitam uam an itir puvati.

Ia fo, Asiriaba men kantri gasighasiki, egha men nguazim gamima, a ruarinin itir asizir atiabar nguibam gava.

Asiriaba dakoziбар ingarizima, da Kaldiabar nguubar ekiamin divazir gavgavim bar aneviniz, nguubar ekiam an aven iti.

Egha me dakoziбар kabagh isin tuivigha me misosi.

Me nguubar ekiar kamin divazir gavgavir kam akaraghariki, egha bar nguubar ekiabagh asighasiki.†

¹⁴ O ia gumazir kurir ekiabar ongarim garuiba, iavzika!

Ia Tarsisin nguibamin ikegha iza garima, ian nguubar ekiar gavgavim, a bar ikuvigha gifa.

Kamaghın amizi, ia naviba ikuvigh aziva arang.

¹⁵ Bizir kaba otivamin dughiamin, gumazamiziba 70plan azenibar, Tairin nguubar ekiam ginamadaghı. Kar atrivim ikiamin azenibar dibobonim. 70plan azenir kaba givaghti, Tair tuavimin amizimin min ikiti, gumaziba a dighor ighiam damuam. Ighiar kamin migirigıaba kamakin:

¹⁶ O tuavimin amizim, me ni ginamadaghı gifa.

Kamaghın ni gita inigh nguubar ekiam daru.

Egh ni ighiabar amuva, onger akar bar aghuibar amu, eghı gumaziba ua ni ginighnigham.

¹⁷ Eghı 70plan azeniba givaghti, Ikiavira Itir God, Tairin nguubar ekiam damichtı, a uamategh nguubar gumazamiziba iza biziba amaga dagh ivezimin min otogham. Egh Tairin nguubar ekiam, nguazir kamin itir kantrin ighazaribaza, bar me apezeperti, me izi a ko dagiar inganganibar amuva, mati tuavimin amizim, a gumaziba apezepertıma, me a bagha izi. ¹⁸ Egh dagiaba ko, bizir tizir Tair isiba, a ua baghvira da isi, dar pozim mikinan kogham. Puvati. Da Ikiavira Itir Godin biziбар min ikiam. Eghı Tair inigha pozim mikinizar biziбар kaba, Ikiavira Itir Godin damazimin ikiamin gumazamiziba bar da inigham, egh me damamin dagher bar aviriba ko, korotiar aghuir daghuamin bar aviriba ikiam.

Ikiavira Itir God Saionin Mighsiam gisın iki,

* **23:13:** Vezin kamin, Hibrun akam deragha mikemezir puvati.

gumazamiziba bar me gativagh men ganam

24

(Sapta 24--27)

Ikiavira Itir God nguazir kam gasighasigh, egh a uabi gumazamizibagh ativagham

1 Ia deraviram oragh! Ikiavira Itir God nguazim bar a gasighasichti,
a bar nguazir kinimini otoghti gumazamiziba puvatigham.

A nguazim dikaragh a righirigham.

Egh a gumazamizibar amighti, me ari tintinibar mangegham.

2 Gumazamizir dabirabir igharaghha garibar itiba, me bar moghiram osimtizir vamira bativam.

Godin ofa gamir gumaziba ko, gumazamizir kiniba,
gumazir dapaniba ko, ingarir gumaziba,
amizir dapaniba ko, amizir kiniba,
biziba amadir gumaziba ko, bizibagh iveauzir gumaziba ko,
gumazir munam ko, akam akirigh dagiaba a danighti a gin uam ada ikarvaghamin arazim gamir gumaziba ko,
gumazir munamin dagiaba iniasa a ko akam akirir arazim gamir gumaziba,
gumazir dagiaba itiba ko, gumazir biziiba puvatiziba,
me bar moghira dughiar kuram bativam.

3 Nguazim bar moghira ikuvigh pura ikiam.
Bizir kaba otivasa Ikiavira Itir God mikemegeha gifa.

4 Nguazir bar misingigha, an gavgavim gifa,
ezi an azirakar amirizibagh ami.
Ezi gumazamizir ziaba itiba,
men gavgaviba uaghan gifa.

5 Gumazamizibar arazir kuraba bangin, nguazim Godin damazimin bar ikufi.
Me akirim ragha Godin Arazibagh asara.

Me arazir God ifongeziba munasa amuavira iti.
Me God ko Akar Dikirizir Gavgavir iki mamaghira ikiammin abiki.

6 God men arazir kurabar osimtizim bangin mikemezi,
dughiar bar kuram nguazimin otozi,
gumazamizir bar avirim, avir ekiam men isigha gifa,
ezi bar varazira iti.

A kamaghin damighti,
gumazamiziba uan arazir kurabar osimtiziba ateram.

7 Egha me garima, wainin ovizir igiaba midiuma,

wainin ikariziba uaghan midi.

Ezi gumazamizir wainin dipaba apa bar akongeziba,

me datirighin naviba bar osemegha iti.
8 Me ua bar akuegha, dia uan tambarinbav misozir puvati.

Ezi me bar akongezir arazir isam gamim a uam otozir puvati.

Ezi ighiar me gitan guar aviribav soghava amim,
a bar gifa.

9 Me wainin dipaba apir dughiamin, me ua ighiabagh amir puvati.

Men osimtiziba me gamima,
dipar organim ua men akatoribar isingizir puvati.

10 Nguibar ekiamin itir biziba bar moghira ikufi.

Ezi dipenibar tiar akaba bar pirigha itima,
gumazitam dar aven mangan iburaghram.

11 Ezi gumazamiziba damamin wainin dipaba puvati,
kamaghin amizi, me nguibar ekiabar tuavibar mitivighav ikia
wainin dipaba bagha dei.

Gumazamiziba bar akongezir arazim gifa,
ezi navir kuram ko navir osimtizimra nguazimin ruaghateviba bar, dar ghu.

12 Nguibar ekiam bar ikufi,
ezi an divazir gavgavim itir tiar akar ekiam irigha bar akaraghire.

13 Arazir kamra, nguazir kamin itir gumazamizibar me bativam,
eghti gumazamizir varazira ikiam,
mati gumaziba olivin oviziba kuarigha da inigha givazi,
ovizir vabara olivin tememin guighav iti.

Egha mati me wainin oviziba inigha givazi,
vaghvazibara wainin azenimin iti.

14 Ezi ikiavira iti varazira, me bar akuegh ighiabbar amuam.

Gumazamizir aruem uaghiri naghin itiba,
me Ikiavira Itir Godin ziar ekiam ko, gavgavim bagh bar akuegham.

15 Kamaghin amizi, ia aruem anadi naghin itir gumazamiziba,
Ikiavira Itir Godin ziam fi.

Ia ongarimin arighatizibar itir gumazamiziba,
ia bar moghira ziar ekiam a daning,
a Israeli God, Ikiavira Itir God.

16 Ia oragh!
Nguazir kamin ruaghatevir bar saghon itibar gumazamiziba,
me bar akongezir ighiabagh ami.

Ezi men ighiam kamakin,
“Ikiavira Itir God, arazir aghuibagh
ami.
Kamaghin amizi, e bar ziar ekiam a
ganidi.”

Ezi ki kamaghin migei,
“Iavzika! Ki bar akueghan kogham.
Nan navim bar osimtzizir dafam iti,
ezi nan ikirimirim pura givasava
ami.

Ki garima, gumazir arazir kurabagh
amiba ko akar ifavaribagh amiba,
igharaz darazigh ifara paza me
gami.

¹⁷ Ia nguazir kamin itir gumazamiziba,
iavzika!
Dughiar kuram ko, torir ekiam ko, iver
ia avaragh ian suighamba,
me ia Mizua iti.

¹⁸ Eghti gumazitam dughiar kurar kamin
migirigiam bareghiva arimangam,
a torir ekiamin magirigham.

Egh a uamategh anabogh ari mangisi,
ivem gasagham.

Guizbangira, overiam kuighirighti, amozir
ekiam nguazim giram.

Eghti nguazim mingarim nigham.

¹⁹ Nguazim bar pupira nigh bighiri,
akaba akarighiregh ikiam.

²⁰ Nguazim ivazvagh,
mati gumazim wainin dipam apava on-
ganigha mangin izegh gami.

Egh mati averpenir muziarimin min,
aminir gavgavim a givaima, a mangin
izegh damuam.

Gumazamizibar arazir kuram in osimtzizim,
bar osemezi nguazim an ateran
ibura.

Kamaghin amizi, nguazim irigh, ua
dikavigan iburaghram.”

²¹ Eghti Ikiavira Itir God uabi misevezir
dughiamin,
a Godin Nguibamin itir midorozir gu-
maziba ko,
nguazir kam gativir atriviba, iveauzir
kuram isi me daningam.

²² God me akuvagh me isi kalabus datigham,
mati me kalabuziar gumazamiziba
inigha torir mam gati.

Egh a me dukuaghti, me dughiar ruarimin
kalabuziamin ikiam,
egh a gin iveauzir kuram me daningam.

²³ Dughiar kamin, Ikiavira Itir Godin Gav-
gaviba Bar itim, uan angazangarir
ekiam ko, uan gavgavim sara izi,
Jerusalemin itir Saionin Mighsiamin
iki, gumazamizibagh ativagh men
ganam.

Eghti an gumazamizibar gumazir faragha
zuiba an ganam.
Eghti an angazangarim pamtem me
gisiraghti,
aruem ko iakinimin angazangarim
pura bizir kinimin min otogham.

25

Ikiavira Itir Godin ziam fer ighiam

¹ O Ikiavira Itir God, ni nan God, ezi ki nin
ziam fasa.

Ni nan akurvaghaha bizir aghuir
igharaghha garibagh ami.

Ni fomira dmamuwa mikemezir biziba,
ni guizbangira dagh amigha gifa.
Kamaghin amizi, ki ziar ekiam ni
ganidi.

² Ni nguibar ekiabagh amizi, da minezir
pozibar otifi.

Nguibar ekiar divazir gavgaviba itiba,
bar ikufi.

Ezi apanibar nguibar ekiar kabar gavgav-
iba bar gifa,
ezi me ua dikavan ibura.

³ Kantrin gavgavibar gumazamiziba, ziar
ekiam ni daningam.

Eghti kantrin kurabar nguibar ekiaba,
me nin atiatingam.

⁴⁻⁵ Gumazamizir biziba puvatiziba,
ni deravira me geghuva men gari.

Gumazamizir onganarazibagh amiba,
osimtzibar dughiamin itima,
ni men mogomer danganir bar gav-
gavimin min iti.

Atrivir kurabar adariba ko aningagharia,
mati aminir gavgavim iza dipenir birim
ginifi.

Ezi ni mati averpenim me avarazi,
aminir gavgavim iziva me ginobaghan
kogham.

Ezi gumazir kurabar adariba,
mati aruemin fefem dipaba puvatizir
danganimin ikegha pamtem me
gisira.

Ezi ni mati, me tememin dughuazimin
apengen ikia,
aruemin fefem uari apasi.

Ezi aminim ko amozimin dughiamin,
ni biziba puvatizir gumazamiziba
avarazi

me deravira iti,
ezi aruer gavgavim me gapongezir pu-
vatii,

mati overiamin ghuardia
aruemin fefem avarazi,
nguibam bar orangi.

Ni ifaghatir apanibar akaba dukumizi,
atrivir kurabar dimdiaba pura gefi.

*God Saionin Mighsiamin isar ekiam
damuam*

⁶ Egh Saionin Mighsiam, Ikiavira Itir Godin
Gavgaviba Bar Itim,
isar bar ekiam kantribar gumazamiz-
iba bar me bagh a damuam.

Eghti isar kam bar deragham, egh asizir bar
aghuir oviba itiba ko,
damamin wainin dipar bar aghuiba an
ikiam.

⁷ Datirighin gumazamizir naviba osemegha
itiba,
me mati gumazim aremezzi,
me a bagha osemegha korotiar
piziba aghui.

Eghti Ikiavira Itir God,
Saionin Mighsiamin iki, gumazamiziba
bar men ovever osimtziba agivam,
mati me gumazir kuam avarazir
niravizir kam, a me dama
anedegham.

⁸ Egh God ovevem dikabiragh,
a gasighasigh, bar a gafiraghram.

Ikiavira Itir God, en Ekiam, men ararem
agivagham,
egh bar gumazamizibar damazibar
teriba bar da adizam.

Egh a uan gumazamizir aghumsigha itiba,
a men aghumsiziba bar da givagham.

Kar, Ikiavira Itir God kamaghin
damuasa mikemezir akam.

⁹ Ezzi bizar kaba otivamin dughiamin, gu-
mazamiziba kamaghin mikimam,
“Ikiavira Itir God, en God.

E nighnizir gavgavim an iki, a mizuam
ikiti,
anarira izi en akuragh uam e
iniam.

A uabira Ikiavira Itir God, egha an en akura.
Kamaghin amizi, a uam e inizir bizar
kam bagh,
e bar akuegham.”

God kantri Moab gasighasigham

¹⁰ Eghti Ikiavira Itir God bar deravira
Saionin Mighsiamin ganti, a der-
aghvira ikiam.

Egh a Moapian gumazamiziba fofozim
me daning.

Egh apanibar amamangatigli,
me izi me gasighasigh me abinigham,
mati bulmakauba uari uan
buariba dikabiri, da dadabar
aven zui.*

¹¹ Egh Moapia, mati gumazim ongarir torir
ekiamin ikiava,

ovengan atiatia ongarir dadarimin
mangasa nighnigha,

uan dafarimningin pamtemin ongarim
misogha
afozofogha zui moghin,
me osimtzir kam gitaviraghxi
arazir bar igharazibar amuam.

Eghti Ikiavira Itir God uan dafarimin me
abiraghti,
me fogh suam, bizir me uari fasa amir
kaba,

da men akuraghan kogham.†

¹² Eghti God Moapian nguabar ekiabar
divazir gavgaviba akararigham.
Divazir kaba datirighin pin mar iti.

Ezi an adar amuti, da bar daghiri nguazim
giregham.

Da bar iregh nguazir minemniabar
tongin irighiv ikiam.

26

*God uan gumazamizibar amuti me uan
apaniba dikabiraghram*

¹ Dughiatam gin otoghti, Judan nguazimin
itir gumazamiziba ighiar kam damuam:

En nguabar ekiaba bar gavgafi!
Ikiavira Itir God, a uabi en divazir bar
mitiar gavgavimin min iti.

An en akurvazima,
e uan apaniba dikabiri.

² Ia nguabar ekiamin tiar akar ekiaba kuigh,
eghti Godin damazimin derazir gu-
mazamiziba aven izam.

Gumazamizir kaba zurara Ikiavira Itir
Godin apengan ikia,
nighnizir gavgavim an iti.

³ O Ikiavira Itir God, gumazamizir nin apen-
gan itiba,
me zurara ni baghavira iti.

Kamaghin amizi, ni me gamima,
navir amirizimin arazim me gizifa.

⁴ Ikiavira Itir God, en God, a en mogomer
danganir gavgavim,
mati dagiar gavgavir ekiam.

Egh a zurara kamaghira ikiam.
Kamaghin e guizbangira nighnizir gav-
gavim Ikiavira Itir Godin ikiva,
zuraram an apengan ikiam.

⁵ Gumazamizir ziar ekiar bar pin itiba,
Ikiavira Itir God me dikabiri.

Egha a nguabar ekiar gavgaviba
akaraghaghizima,
da bar nguazim gire.

⁶ Nguabar nguazim girezir kaba,

25:8: 1 Korin 15:54; Akar Mogomem 7:17; 21:4 **25:9:** Jenesis 49:18; Onger Akaba 20:5; Taitus 2:13 **25:10:** Aisaia

15:1-16:14; Jeremaija 48:1-47; Esekiel 25:8-11; Amos 2:1-3; Sefanaia 2:8-11 * **25:10:** Matmena a Moapin kantrin
nguabar ekiar mam. Ezi Hibrun akam Matmena, an ziham mingarim kamaghin min ghu, “Davir danganim.” A mati
Godin akam inigha izir gumazim dibovir akabar Moapin nguabar ekiar kamian ziam gami. † **25:11:** Hibrun akam
vezin kam deragha bigha mikemezir puvati. **26:2:** Aisaia 45:25; 60:11; 60:18; 60:21; 62:1-2 **26:3:** Aisaia 27:5;
57:19; 66:12

gumazir onganaraziba ko gumaza-
mizir gavgaviba puvatiziba,
datirighin iza uan suebar me
dikabira me gisin arui.

⁷ O God, gumazamizir nin damazimin der-
aziba,
ni me zuir tuavim akirizi, a voroghira
iti.

Ikiavira Itir God, nin damazimin derazir
gumazamiziba,

ni me bagha tuavim akirizi a dera.

⁸ O Ikiavira Itir God, e nin Akar Gavgavibar
gin zui,
egha e ni baghavira gara,
nirara mizua iti.

Egha uan navir averiabar aven nin ziar
ekiam bar a gifongegeha ghaze,
gumazamiziba bar ni gifogh
zurara ni ginighnigham.

⁹ Dimagaribar mitiriam nan azi moghin,
nan nighnizim nirara iti.

Egha mizarazibar, ki uan navir averiamin
aven

ni ko ikiasi bar ifonge.

Ki fo, ni nguazir kamin itir gumazamizibar
araziba tuisisi,
eghti me ganiva guizin nin araziba der-
aghvira dagh fogham.

¹⁰ Eghti ni gumazamizibar araziba tuisigh
gumazamizir kurabar apangku-
vighti,
me ti nin arazir derazibar fofozim
inighan kogham.

Egh me gumazamizir nin damazimin deraz-
ibar nguazimin ikiva,
me arazir kurar kabar amu mamaghira
ikiam.

Egh me Ikiavira Itir Godin ziar ekiam ko
gavgavim ginighnighan koghiva,
an apengan ikian kogham.

¹¹ O Ikiavira Itir God, ni gumazamizir
kurabagh asighasighasa
uan agharim ghufegha gifa.
Ezi me an ganizir puvati.

Egh ni me ateghti, me an gan fogh suam,
ni uan gumazamizibar akurvaghaha
bar ifonge.

Eghti gumazir kurar kaba bar aghum-
sigham.

Eghti ni uan apaniba bagha atizir avir
kam,
bar me daponti me isigh.

¹² O Ikiavira Itir God, ni en ingangariba
akirmigha dagh amizi,
da deraviram otifi.

Kamaghin amizi, ni dabirabir aghuim ko
navir amirizim isi

e daningigh.

¹³ O Ikiavira Itir God, en God,
gumazir ekiar ighazariba fomira e gati-
vaghava en gari.

Ezi e ziar ekiam niraram anidi.

¹⁴ Gumazir ekiar kaba datirighin
ariaghiregha gifa.
Me ua itir puvati, egh me ua dikavan
kogham.

Ni men gavgavim dikabiragha, me
gasighasighizima, me bar ikuvigha
gifa.

Ezi gumazamiziba ua men ziabagh
nighnizir puvati.

¹⁵ O Ikiavira Itir God, ni en kantri gamima, a
bar ekefe.

Ni en kantrin gumazamizibagh amizi,
men dibobonim bar ghuavanabo.

Ni en nguazimin mitaghiaba aruegha bar
dagh isifa.

Ezi bizir kam bangin, nin ziar ekiam
ghua bar ekefe.

¹⁶ O Ikiavira Itir God, ni uan gumazamiziba
puv me gamima,
men gavgaviba gifa.

Egha me osimtizibar tongin ikia ni bagha iza
osimtizir dafam sara

sighsirin akabar ni ko migei.

¹⁷ O Ikiavira Itir God,
e mati amizim borim batasa mizazim
isa pamtemin arai moghin,
e nin damazimin mizazim isi.

¹⁸ E, mati amizim borim batasa,
osimtizir dafam atera, egha mizazir
dafam isa
nighnigha ghaze, bizir aghuitam ti
otivam.

Ezi puvati. E bizitam gamizi an otozir pu-
vati.

E mati, amizim boritam batezir puvati,
a pura aminir kinim bate.

Guizbangira, e uan nguazimin itir apaniba
dikabinamin gavgaviba puvati,
egha uan nguazimin dabirabir
aghuitam gamizir puvati.

Egha e nguazir kamin ikiasi borir
aviritaba batezir puvati.*

¹⁹ O Ikiavira Itir God, ni uan gumaza-
mizir oveaghuezibar amuti, me ua
dikavigham.

Ni uan gumazamizir ovenguezibar
kuabar amuti, me gin ua angamira
ikiam.

Ia mozimin itir kuaba,
ia ua osegh dimiva bar akuegh ighiabar
amuam!

^{26:7:} Onger Akaba 27:11; Aisaia 42:16; 57:2 ^{26:9:} Onger Akaba 63:1; 63:5-6; Aisaia 55:6; Luk 6:12 ^{26:11:} Hibru

10:27 * ^{26:18:} Hibrun akam vezin kamin mingarim deragha bigha mikemezir puvati.

O Ikiavira Itir God, ni mati dimagarimin
ghuariam nguazir misingizim
girima,
oghevsevir igiaba a bativi moghin,
ni gumazamizir oveaghuezibar amuti,
me nguazim ategh ua dikavam.

*Ikiavira Itir God, iveau kuram isi uan
gumazamizibar aningam,
eghti me gin deraghvira ikiam*

²⁰ Ia nan gumazamiziba, ia uan dipenibar
aven mangi uan tiaba asegh.

Ia dughiar otevimira muegh ikiti,
Ekiamin aningagharim givaka.

²¹ Ia gan! Ikiavira Itir God uan Nguibam
ategha izaghiri,
egh nguazir kamin itir gumazamizibar
arazir kurabar ikarvaghmin iveau
me daningam.

Eghti gumazir ighazar darazi me
misoghezi me ariaghireziba,
nguazim uabi ovengezir gumazir
kabar ghuziba mongan iburaghram.

Bar puvatigham.

A gumazamiziba amizir arazir kurar
kaba bar da azenim datigham.

27

¹ Eghti dughiar kamin, Ikiavira Itir God uan
gavgavir bar ekiam akakagham.

A izi ongarimin itir kuruzir aser dafar
kam Leviatan,
ivezir kuram isi a daningiva a
gasighasigham.

A uan midorozir sabar ekiar gavgavir bar
ghumizim inigh,
kuruzir bar pupira daghdagha tintini-
bar araghurar kam atughti
an aremegham.

²⁻³ Dughiar kamin, Ikiavira Itir God ighi-
atam kamaghin a bangam:

"E wainin azenir aghuimin ighiam
damuam.

Ki, Ikiavira Itir God, ki bar deraviram
azenir kamin gari.

Egha ki zurara dipam a ganidi.

Gumazitaba ti iziv a gasighasigham,
kamaghin amizi, ki dimagariba ko
aruebar deraviram an gari.

⁴ Ki datirighin uan wainin azenir kamin
atarir puvati.

Egh ki ganti, ogher ataghatariba itiba ko,
ogher kurataba a bativighti,
ki, mati midorozir gumazim uan apani-
bau sozi moghin,
ki dagh asighasigham.

Ki avim daborogh, ogher kaba bar dar
aboroghti

da isigham.

⁵ Egh apanir kaba, ki men gansi,
me na bagh izi na ko deragh ikisi, me
akar dikirizir tam damigham."

⁶ Gin izamin dughiamin, Israelia, Jekopin
ovavir boriba,
me wainin ikarizir akimariba itimin
min mitigh gavgavigh,
egh borir aviriba batam, mati
wainin ikariziba ovizir aviriba
ituiham.

Eghti men otivir dagheba, bar avirasemegh,
mangi nguazimin danganiba bar dagh
izivagham.*

⁷ Ikiavira Itir God, Israelian apaniba puv me
gamizi moghin,
Israelia gamizir puvati.
Guizbangira, a ighazar darazigh amizi
moghin,

Israelian gumazamizir aviribav
soghezi, me ariaghirezir puvati.

⁸ Ikiavira Itir God uan gumazamiziba
amadazi,
me kalabuziamin zuir dughiamin, a
puv me gami.

A men aningaghegha uan aminir gavgavim
amadazima,
a iza me avigha ghu,
mati aminir gavgavim aruem anadi naghin
ikegha izi,
men biziba avigha ghu.

⁹ Egh Israelia guizbangira mikim suam,
Ikiavira Itir God men arazir kurabar
osimtiziba agivam,
eghti me uan asebar ofa gamir dakoziba
apirighiva,
dar dagiaba amsariraghiti da nguazir
minemniamin min otogham.

Egh me temer guarir aser amizim Aseran
nedazim itiba okirarigh.

Egh paura tuema a mughuriar aghuim
zuir dakoziba,
bar dagh asighasikigh.

Tuavir kamin, Ikiavira Itir God men arazir
kuraba gin amadagham.

¹⁰ Nguibar ekiar kam fomira divazir bar
gavgavim iti,
egha datirighin a bar ikuvigha iti.

A datirighin pura nguibar dadar kinim min
itima, gumazitaba uam an itir puvati.

Egha bulmakaubar nguibamin min
otozi, da iza uari akuva ikia,
dadaba ko tevsevibar dafariba
apava, kagh avughsa iti.

¹¹ Ezi temer kabar aguuba misigha givazi,
dar aguuba dipiraghira nguazim gir-
ima,

amiziba avibar arighasa iza dagh eghufi.
Nguibar ekiar kamin itir gumazamiziba, me bar onganigha akaba baraghan aghua, kamaghin, arazir kam me batifi.
Kamaghin amizi, God, a Godin men ingarizim, a men apangkuvir puvatigha deragha me gamir puvati.

¹² Egh Ikiavira Itir God bizar kabar amuamin dughiamin, a uan gumazamizir tintinibar kantribar itiba iniam, Yufretisin Fanemin ikegh mangi Isipin kantrin tugham. A vaghvagh me iniam, mati gumazim witin oviziba righirigha dar miseviba ategha, witin ovizir aghuibara isa itarim garisi. ¹³ Eghiti dughiar kamin sighamini ararem bar ekevegham. A Israeliyan dimam, men apaniba fomira me batoghezima, me ghua kantri Asiria ko, kantri Isipin ovegha ikiavira iti. Eghiti me uamategh Jerusalemin izi, Ikiavira Itir Godin mighsiamram an ziam fam.

Ekiam, Jerusalemin gumazamizibar araziba akirmigham

28

(*Sapta 28–35*)

Ekiam Samarian nguibar ekiar bar aghuim gasighasigham

¹ O Efraimin anabamin adarasi, iavzika!
Ian nguibar ekiar bar aghuim Samaria bar ikuvigham.

Ian gumazir aruaba wain apava onganigha, Samarian ziam bar puviram a fa kamaghin migia ghaze,

a nguibar ekiar bar gavgavim.

A mighsiar bar muziarim gisín iti, a nguazir bar aghuir dagheba oparamimin tongin iti,
egha a bar deragha gari, mati ian gumazir aruaba uan dapanibagh arizir akimaribar min, bar dera.

Egh ian nguibar ekiam dughiar ruarinin ikeghan kogh, mati akimarim misigha ikuvizi moghin, ikuvigham.*

² Bar guizbangira, Ekiam ia dikabinasa ikizir bar gavgavir mam amisevegha gifa.

Eghiti me aminir gavgavimin min iziva, amozim ko aisin amozimin min bar pamtemin ia giriva,

ia amisararigh, ia fi nguazim mikingham.

³ Egh me ia dikabin ia gisín daruam, ia Efraimin anabamin adarasi, ian gumazir aruaba wainin dipaba apava onganigha, ian nguibamin ziam bar pin mar a fe.

⁴ A mighsiar bar muziarim gisín iti, a nguazir bar aghuir dagheba oparamimin tongin iti, mati ian gumazir aruaba uan dapanibagh arizir akimaribar min bar dera.

Egh ian nguibar ekiar kam dughiar ruramin ikeghan kogham, mati akimarim misigha ikuvizi moghin, ikuvigham.

Egh a zuamira givagharm, mati temer fighin mamin ovizim, mabagh afiraghfa faragha anizi, gumazir mam zuamira a inigha aneme.

⁵ Eghiti dughiar kamin, gumazamizir ikiavira itir vabara, me Ikiavira Itir Godin Gavgaviba Bar Itim bagh bar akuegham.

A ubi atrivimin dapanir asuar aghuimin min ikiam, egh mati akimarir bizim me uan dapanibagh aghui.

⁶ Ikiavira Itir God ubi nighnizir aghuimin isi kotaiba barazir gumazir aruabar anighti, me guizin arazimin gin mangi deraghvir a kotaiba tuisigham.

Eghiti a gavgavim isi nguibar ekiamin tiar akabar itir midorozir gumazibar aningam, eghiti me apaniba ateghti, me aven izi gumazamizibav soghan kogham.

Godin ofa gamir gumaziba ko Godin akam inigha izir gumaziba Aisaia dipofi

⁷ Godin ofa gamir gumaziba ko, Godin akam inigha izir gumaziba, uaghan wainin dipaba ko dipar onganiba puv da apava onganigha, asaghporaghira nuighnuigha men daroriba derazir puvati.

Godin akam inigha izir gumaziba, me irebamin min garir bizibar ganasa, God men akakazir bizibar, me deragha dar garir puvati.

Ezi Godin ofa gamir gumaziba, men nighniziba derazir puvatigha, gumazamizibar osimtziba deragha da tuisizir puvati.

* **28:1:** Vezin kamin, Aisaia Samarian nguibar ekiam migei. Samaria, a notin amadaghan itir kantri Israeliyan nguibar ekiar mam.

8 Dakozir me apiaghav ikia dipar onganiba apiba,
men mimiziba bar dagh izifa, ezi dar danganiba bar mizegha iti.

9 Gumazir aruar kaba, nan akam barazir dughamin, me kamaghin migia ghaze,
“Gumazir kam bar tinara sure damuasa?

Ebiziba bar dagh fogha gifa, ezi a tinan sure damuasa?

E borir agheheviba puvati,
egha datirighiram amebamin otem ataki.

10 A zuraram akar kabaram ami,
mati borir iririviba azava ghaze, ta ta da da ni ni na na.
Migrigiar kaba mingariba puvati.”†

11 Bar guizbangira, gumazamizir kaba, nan akaba baraghan bar aghua,
kamaghin amizi, Ikiavira Itir God uan akam nguubar igharazimin gumazim danighti,
a uan nguibamin akamin mikim gumazamizir kabav kimam.

12 God uabi uan gumazamiziba nguazir otevir kamin me ariki,
egha kamaghin me mikeme,

“Ia danganir kamin avughs i navir amirizim inigh iki.

Ia gumazamizir osimtiziba aterava amiraziba,
ia nguazir kamin avughs nimira iki.”

Ezi me an akam baraghan aghua.

13 Kamaghin amizi, Ikiavira Itir God uabi men sure damuam,
eghti me aghuagh kamaghin mikim suam,

Godin akam mingariba puvati, mati borir iririviba azafi.

Egh me bar onganigh dughiar kuram initima,
men apaniba, mati azuazim asizimin suirazi moghin,

me inigh mangi kalabus darigham.

God dagiar bar aghuir gavgavim Saionin Mighsiam darigham

14 Ia gumazir aruar Jerusalemin itir gumazamizibar gariba,
ia deraghvira Ikiavira Itir Godin akam baragh.

Ia na dipova ghaze,
nan akam a pura bizim.

15 Egha ia ti kamaghin migei,

“E Ovevem ko akar gavgavim akirigha gifa.

E Gumazamizir Oveaghuezibar Nguibam ko, akar gavgavim akirigha gifa, kamaghin, e ikuvighan kogham.

Dughiar kurar manam aperiamin min e bativam, e a gitagham.

En nighnizir gavgavim kamaghin iti, en ifavarir akaba ko ifavarir arazir guar igharaghha garir aviriba, en akurazima, e deravira iti.”

16 Ezi Ikiavira Itir God, nan Ekiam, kamaghin migei,

“Ia gan! Ki datirighin dagiar mam isa, Saionin Mighsiamin anerisi.

Ezi a dipenim aterir dagiamin min oto.

Ki deravira tuisigha ghaze,
a dagiar aghuir bar gavgavim, egħa an iveauz bar piñ ko.

Gumazamizir nighnizir gavgavim an itiba, me zuamiram atiating nighan kogham.‡

17 Ki Godin guizin arazim damighti, a mati gumazir mam bizimin ruarimin ababanim tuisighsi, benim amikirivagh bizimin ruarimin dibonim gifogham,
egħi men araziba tuisigham.

Egħi arazir aghuim,
mati gumazir mam bizbar osimtiziba gan dagħi fogħsi,
a skelin min otogh ian akaba tuisigham.

Ia ti ghaze,
ian arazir ifavariba ian akuragħti, ia deravira ikiam.

Ezi puvati. Ki bar dughiar kuram damighti a ia batogħam.

Egha ia, mati aperiars dafam otogħha gumazamizibagh asighasighiżi mogħin, ia bar ikuvigh mangi mongamin danganiba puvatigħam.

18 Egh ki ja Ovevem ko amizir akar dikirizir gavgavim uaghan anetugħiha, ia Gumazamizir Oveaghuezibar Nguibam ko, akar dikirizir gavgavim agivħaqiem.

Egħi dughiar bar kuraba ia bativtima, ia bar mogħira ikuvigham.

19 Dughiar kurar kaba ia ategħan kogħam. Puvati.

Da dimagariba ko aruebar zurara ia bativ mamaghira ikiam, mati amizim bizimin uan dipenim zurara aneviavira iti.”

† 28:10: Veżiñ kamin, Hibrun akam deragħha akam mingarib bigha mikeneżiż puvati (ves 13 uaghan.) 28:11: 1 Korin 14:21 28:16: Onger Akaba 118:22-23; Rom 9:33; 10:11; 1 Pita 2:6 ‡ 28:16: Gumazir maba, veżiñ kamin akuar abuananam għiġha ghaze, “Dagħi kamin ziam kamakin, ‘Gumazir guizbangira nighnizir gavgavim itiba, me atiatingiwa akongan kogħam.’”

- Egh ia guizbangira Godin akar kabar mingaribagh foghiva, puv atiating nigham.
- ²⁰ E fo, gumazim dakozim dakuasava amima, dakozim bar otevezi an suemning pura guraghav iti, ezi a dakuan ibura.
- Egha gumazim dakuasava amima, an nir avavem bar suvizi
a uan mikarzim deragh anevaraghan kogh, egh dakuan iburaghram.
- Kamaghira, ia bar osemegham, eghti ian akurvaghram tuaviba bar puvatigham.
- ²¹ Guizbangira, Ikiavira Itir God fomira Perasimin Mighsiam ko Gibeonin danganir zarim gamizi moghin, dikavigh uan gavgavim ko aningagharam sara izam.
- Egh ingangarir a nighnizim, an a damuam.
- Egh ia ingangarir kamin ganti, a bar igharagh otogham.
- ²² Kamaghin amizi, ia Godin akaba batogha da dipovir arazir kam atakigh. Puvatighi, ian kalabuziamin aven itir arazir kam,
a bar ekevegh mamaghira ikiam.
- Ki kamaghin oraki, Ikiavira Itir Godin Gav-gaviba Bar Itim, nan Ekiam, mikimti ian kantrin kam bar moghira iku-vigham.
- Gumazamizibar fofozir aghuim, a Godra ikegha izi*
- ²³ Ia kuariba arigh, deragh nan akaba baragh.
- ²⁴ Gumazitam dagher oviziba oparsa, zurrara dughiabar akunimin ingaravira iti, o? Puvati.
A ti dughiabar pura nguazim gikuavira iti? Puvati.
- ²⁵ A nguazim gikuigha, anekirasegha givagha, zuravariba opari.
A witin oviziba, bar voroghiram da oparava, balin oviziba igharaghda opari.
- Egha, u uaghan azenir kamin miriamin, raizin guar avirir igharaziba opari.
- ²⁶ An God uabi, azenimin ingaramin arazir aghuim, bar deraviram an sure gami.
- ²⁷ Egha zuravarir muziaribar oviziba ini-amim dughiamin, gumazir kam, ter ararir bar dafam isa pamtem zuravaribav sozir puvati.
- Egha a wilbaro tiva ghua zuravaribagh isin da mira zuir pu.
Bar puvati.
- A ter agharir bar muziarim inighiva, zurravarir muziarir kabar oviziba inisi, bar aghumra dav sogha da kuari.
- ²⁸ A witin oviziba dikabinamin arazim bar a gifoi, egha an adar bretbar ingaram.
- Egha a witin oviziba, ko witin misesviba, da amisivasa hos ko wilkar isa witin ovizibagh isin ghua da mirmira zui.
- Egha a deravira aghumra ghua dar gara ghaze,
A witin oviziba amisar dagh asighasighan kogham.
- ²⁹ Ingangarir kabar fofozim ko nighnizir aghuim, bar Ikiavira Itir Godin Gav-gaviba Bar Itim ize.
A uabira fofozir aghuir Guar aviriba ko nighnizir aghuim bar a gizifa.

29

Ikiavira Itir God, aminim ko mikimkizim ko avimin min Jerusalemin izam

¹ Ikiavira Itir God, kamaghin migia ghaze, "O Ariel, Ariel, ni nguubar ekiar Atrivim Devit fomira ikezim, Jerusalem, noka! Ni bar ikuvigham.

Ni datirighin nan ofa gamir dakozimin min iti.

Ki garima, azeniba zurara iza zuima, ni uan isar ekiabar arazibar gin ghuavira iti.

Egh ni gin bar ikuvigham.

² Ki osimtizim inigh iziti a ni bativam.
Eghti ni bar osemegh tiarim akariva arangam.

Ni nan ofa gamir dakozimin min iti, eghti ghuzim bar ni ruegh ni avaraghram,
mati gumaziba ofa gamir dakozim gisin asizibav sozi,
dar ghuziba ofa gamir dakozim avarazi moghin ni avaraghram.*

³ Ki nin apaniba inigh iziti, me ni ekiarugham.

Egh me ni misoghs, nguaziba inigh nin divazir gavgavim miriamin uarigh isin darigh divazim bar an okarigham,
egh nguazir kam gisin dakozibar in-garigh, mitivigh ni misogham.

⁴ Eghti ni bar moghira degeghirighti, nguazim ni avaraghram.

Eghti ni bar nimira, nimira mikimam,

* ^{28:21:} Josua 10:10-12; 2 Samuel 5:20; 1 Eghaghaniba 14:11
Jerusalem garisi. Fofozir gumaziba deraghia ziar kamin mingaram gifozir puvati. Marazi ghaze, "Godin laion." Ezi marazi ghaze, "Godin mighsiam." Ezi aviriba me ghaze, "God bagha ofa gamir dakozim." Ezi vezin kamning aning nighnizir kamin gin zui.

^{29:2:} Ves 1 ko 2, Hibrun akamin ziam Ariel, Aisaia a is a

mati ariaghirezir gumazamizibar
duaba nguazimin aven ikia
migei.

Egha mati, tiarir mam nguazimin
minemniabar tongin ikia, aghumra
sighsirakabav geima,
tiarir bar muziarim an ikegha azenan
izi."

⁵ Ezi apanir iza ni misozir kaba,
me nguazir minemniamin min bar
aviraseme.

Men gumazir ekiar kuraba bar
avirasemegham,
mati me witin ovizibar amasa, dav soz-
ima,
dar miseviba pura tintinibar mizi
moghin, me bar avirasemegham.

Ezi bar zuamira,

⁶ Ikiavira Itir Godin Gavgaviba Bar Itim
otoghiva,
arariba ko mikimkizim, ko niginir bar
dafam, ko aminir bar gavgavim,
amozir bar dafam ko,
avir mizariar bar kurar biziba bar da
tueghamim sara izam.

⁷ Egheti kantrin igharazibar midorozir gu-
mazir avirir Ariel ko misogha paza a
gamiziba,
da uam ikian kogham.

Ezi me nguibar ekiam iniasa ingarizir
dakoziba, da pura givagham,
mati Jerusalemia irebar kuramin men
ganizi mokin.

Egh mati irebamin min garir bizim
dimangan otogha zuamira pura zui
moghin,
an anapiba zuamira bar givagham.

⁸ Ezi kantrin aviribar midorozir gumazir
avirir kaba, Saionin Mighsiam ko
misoghasa ize,
egh me bar a dikabiraghan kogham.

Bar puvatigham.

Mati mitiriam azir gumazim irebamin gar-
ava, an aven api,
egha an osezir dughiamin, a ubabi
barazi, mitiriam an aghavira iti.

Egha mati gumazim dipam amasa kuarim
bar a misingi,
egha a irebamin aven gari, a dipam api.
Egha, a dikavizir dughiamin, a ubabi barazi,
kuarim an piravira iti.

God gumazamizibagh amizi me ongani

⁹ Ia Juda ko Jerusalemin gumazamiziba, ia
okam nighnir onganighvira iki
damazir okavirizibar min daru.

Ia gumazim wainin dipam ko dipar on-
ganim apava deragha aruir puvatizi
moghin arui.

Egha guizbangira, ia wain ko dipar on-
ganiba apa organim gamir puvati.

¹⁰ Ikiavira Itir God ian damazibagh amizi
pariam puv ian azi.

Ia mati gumazim akuav aremezzi
moghin akui.

Ezi God uaghan uan akam inigha izir gu-
mazibar damaziba okafi,
ezi me ganamin bizibar garir puvati.

Egha God uaghan an akam inigha izir gu-
mazibar damaziba avara,
ezi me God amir bizibar garir puvati.

¹¹ Kamaghin amizi, God irebamien min
garir bizimin aven nin akakaghamin biz-
iba, ni dar mingaribagh foghan kogham.
Mati me akaba aven itir akinafarim righa,
kendelin gris a gatigha, pamtemin a dukuazi
a gavgavizi, me a diponasa ni ganingi.
Egh ni ti gumazir akinafariba dibora fozi-
tam, akar akinafarimin itir kaba dipensi a
mikimti, a suam, "Akinafarir bar dukuagh
gavgavizir kam, ki a diponan iburaghbu-
raki." ¹² Egheti ni ti gumazir akinafariba
dibora fozir puvatizitam, akinafarimin itir
akar osiziriba dipensi a mikimti, a ka-
maghin mikimam, "Ki akinafariba dibora
fozir puvati."

¹³ Ezi Ekiam kamaghin migia ghaze:
"Gumazamizir kaba uan akatoribara nan
ziam fe,
ezi men naviba ko nighniziba bar nan
saghon iti.

Me guizbangira nan ziam fer puvati.
Me gumaziba pura uari amizir otivizir
arazibar gintisi.

Me arazir kabar men sure gamizi, me pura
uan akatoribara dar bori,
ezi da men navir averiabar aven zuir
puvati.

¹⁴ Kamaghin amizi, ki uamategh bizir bar
igharagh garitabar amuti,
da gumazamizir kaba bativam.

Egheti me bar digavir kuram damigham.
Egheti ki gumazamizir nighnizir
aghriba me ganidibar fofoziba
adegham,
egh ki men fofozir gumazamizibar
fofoziba bar da agivagham."

*Ikiavira Itir God bizibar amuti da
igharagh otogham*

¹⁵ Gumazamizir uan nighnizir kuraba ko
uan arazir kuraba Ikiavira Itir Godin
da mongasava amiba, mevzika!
Me bar ikuvigham!

Me arazir kurab kaba, mogomer danganiba
ko dimagaribar dagh amua kam-
aghin migia ghaze,
"Timara en ganigh e gifogham?"

¹⁶ Me biziba otavkira bar da adafi.

Egha me kamaghin migei,

“Gumazir nguazir minemin ingarim, a
nguazimin min gari.”

Manmaghin ami?

Pura bizir kinitam ti gumazir an in-
garizim kamaghin a mikim suam,

“Ni nan ingarizir puvati,” migirigiar kam ti
deraz, o?

Egh pura bizir kinitam ti gumazir an
ingarizim kamaghin a mikim suam,

“Ni bizitam gifozir puvati,” migirigiar kam ti
deraz, o?

Bar puvati.

¹⁷ Kiran oveghangin biziba bar igharagh
otivigham.

Lebanonin kantrin ruarir pizim, bar
nguazir aghuir azenibar ingaramim
gavagham.

Eghzi azenir bar aghuiba ruarir
pizim gavagham.

¹⁸ Eghzi dughiar kamin kuarir orazir pu-
vatiziba,
akinafarir me osirizimin akaba
baraghram.

Eghzi damazir kurar bar mitarmemim aven
itiba,
ua ganam.

¹⁹ Eghzi gumazamizir uari abiriba,
me Ikiavira Itir God bagh bar
akuegham.

Eghzi gumazamizir biziba puvatiziba,
me uaghan Israeliyan Godin Bar Zuezim
bagh bar akuegham.

²⁰ Eghzi gumazir ekiar kuraba, men gavgav-
iba givagham.

Eghzi gumazir Godin akam batogha a
dipoviba, me puvarigham.

Eghzi gumazir arazir kurabar amuasa bar
ifongeziba,
me bar moghira bar ikuvigham.

²¹ Egh arazir kamra uaghan, gumazir pura
ifara igharaz darazi isa kot gariziba,
ko gumazir osimtzibagh amibar akur-
vagha akar ifavaribagh amiba,
ko gumazir kotiam adavadavighti,
eghti gumazir Godin damazimin
deraziba kotiamin me gafirghan
kogham,
gumazir kaba, me bar moghira bar
ikuvigham.

²² Kamaghin amizi, Ikiavira Itir God,
kar Godin fomira Abrahamin akurazim,
datirighin kamaghin Israeliyan gumazamiz-
ibav gei:

“Ia Jekopin ovavir boriba ia uam
aghumsighan kogham,

egh ian guaba uam pighatomegh ganan
kogham.

²³ Ia ingangarir ki ian tongin amizibar gan,
egh guizbangira kamaghin fogh suam,
ki Israeliyan God,
ki Jekopin ovavir boribar Godin
Bar Zuezim.

Eghzi ia nan ziam fiva nan apengan ikiam.

²⁴ Eghzi gumazamizir nighnizir aghuiba itir
puvatiziba,
datirighin nighnizir aghuiba iniam.
Ezi gumazamizir imoba puv akaba batoz-
iba,
me nan akaba baraghzi
bar ifuegham.”

30

*Ikiavira Itir God kamaghin migei, Isipia
Judabar akurvaghan kogham*

¹ Ikiavira Itir God kamaghin migei,
“Judan adarasi, me nan boriba me bar
ikuvigham, me bar orazir puvatizir
darazi.

Me nan nighnizimin gintizir puvati.

Me uan nighnizibar gintigha ghua
kantrin igharazim ko roroam gami.

Eghzi tuavir kamin, me arazir kurar bar
avirim,
uan arazir kurar faragha amizibagh
siriabagh arisi.

Mevzika.

Kamaghin amizi, me bar ikuvigham.

² Me Isipia ko akam akirasa nan nighnizim
bagha nan azarazir puvati,
eghti Isipian atrivim men akuragh men
ganti,
apaniba me gasighasighan
kogham.

³ Eghzi men nighnizim deragh ingaran
koghti me bar aghumsigham.
Osimtzizir me bativamin kam,

Isipin atrivim men akuragh me
apazaghan kogham.

⁴ E fo, Judan atrivim Soanin nguibar ekiam
ko Hanesin nguibar ekiam, Isipin
abuir gumaziba batoghasa,
uan abuir gumaziba ko ingangarir gu-
mazir faragha zuiba amadazi, me
ghua otivigha gifa.

⁵ Eghzi Isipia men akurvaghzi bizitam
damighan kogham. Bar puvatigham.
Kamaghin amizi, Judaba aghumsigh
bar uarir apangkuvigham.

Me aghumsizir bar ekiamra Jud-
abar aningam.”

⁶ Ekiam, a Negevin danganimin, sautin
amadaghan itir gumazamiziba puvatizir
danganimin itir asizir atiaba, akar kam me
ganingi. A kamaghin migei:

“Judan gumazir aruaba sautin amadaghan itir gumazamiziba puvatizir danganir kam garui.

Kar gumazamiziba osimtzibah bativamin danganir kurar mam.

Laionin amebaba ko apuriba ko, kuruzir gumazamizibagh iviba ko, kuruzir kurar mighegha zuiba ko, asizir atiar kuraba danganir kamin iti.

Ezi gumazir aruar kaba ingangarir dafam gamua, bizir bar aghuir iveauzim bar pin koziba isa, donkiba ko kamelbagh isin arigha ghua,

kantrin men akurvaghan koghamiba bagha da atera zui.

⁷ Isipin kantri, kantrin igharazibar akurvaghosa migjava, a men akurvazir puvati.

Kamaghin amizi, ki datirighin ziar igiar kam a gati,

‘Maburan Kuruzir Aser Puram Aperagħav Itim.’”

Gumazamiziba Godin akam baraghan aghua

⁸ Ikiavira Itir God gumazamizibar damazimin, me amir arazibar eghaghaniabar akaba, dagiamin da osirigh da aghorasa na mikeme.

Egh uaghan eghaghanir kam akiñafarir righizimin da osirigh.

Egħiġiġiġ kam zurara iki gumazamizibar akakagh suam,

⁹ me gumazamizir bar puviram akaba barazir puvatiziba.

Me zurara Ikiavira Itir Godin akaba batosi, a men Afeziem.

Egha me zurara ifarava, an suren akaba barghan aghua.

¹⁰ Egha me kamaghin Godin ganganir gumaziba ko an irebamin min garir bizibar garir gumazibav gei,

“Ia ua irebamin min garir bizibar ganan marki.

Eghia uan akabar kumigh.

Ia uam arazir aghuiba ko arazir zuezibar gin mangi ġej minik iman marki.

E oraghosa ifongeżżejj akar e apezeperibaram e mikim,

kar bizir aghuir otivan kogħamiba.

¹¹ Ia ingangarir kam atakīgħi, egh bar sagħon ikiva, en tuavim apiran marki.

E Israelien Godin Bar Zuezim akaba barghan aghua.”

¹² Ezi Israelien Godin Bar Zuezim, a kamaghin migei,

‘Ta nan Akar Gavgavim munasava akirrim ragħha na gasara.

Egha ia kamaghin nighnizir gavgavim ikgħi ghaze,

Ifavarir arazim ko igharaz darazi dikabir araziba ian akuragħam.

¹³ Kamaghin amizi, ia arazir kuram gamigha gifha, ezi arazir kurar kam bar ia gasighasigham, mati bibiżiż mużiżarim divazir ruarim ġhuamin ikka bar ekefi, egha kiran ovegħhangin dipirasava ami. Egh divazim dipirigh zuamira iriġham.

¹⁴ Bar guizbangira, ia bar ikuvigham, mati nguazir minem bigha akuar bar mizumzuiaribar ire, ezi akuar ekiatam itir puvati, me akua tam isi avim isir danganimin mangi avir mikam tuighan kogħam.

O akua tam inigh mangi mozir dipamin an dipaba tuan iburagħam.”

¹⁵ Ikiavira Itir God, nan Ekiam, a Israelien Godin Bar Zuezim, a kamaghin migei, “Tuavir ia deravira ikiam, a kamak. Ia uamategħ na bagħi izi, egh avugħsi ikiti, ki ian akurvaghan.

Egħiġi ia navir amirizim iki nighnizir gavgavim narara ikiva, ia gavgavigh ikiam.”

God kamaghin mikeme, ezi ia an akar kamin ġin mangan bar aghua.

¹⁶ Egha ja ghaze, “Puvati! E hoziabar apiagh puv ari mangam.”

Ezi God ghaze, “Guizbangira, ia ari mangi!”

Ia ghaze, “En hoziaba puvira ivemaram.”

Ezi God ghaze, “Ia apanibar hoziaba bar puvira ivemar ian gintiġħam.”

¹⁷ Ia apanibar midorozir gumazir vamira iżi misogħi dimti, ian 1,000plan midorozir gumaziba puv aregham.

Egh men midorozir gumazir 5plara iżi ian dimti,

ia bar mogħira dikavigh ġuhibar ekiam ategħi aregham, egħiġi gumazitam ua ikian kogħam.

Egħiġi ian gumazir ikiavira itir varazira bar uarira ikiam, mati me inir avizim guasa temer vamira mighsiar itimin a kuasa.

¹⁸ Guizbangira, Ikiavira Itir God, a Godin gužiñ arazibagh amm.

Kamaghin amizi, a ian apangkuvighasa ifongiar bar ekiam iti.

A uan apangkuvim ian akakaghaha
ia mizua iti.

Gumazamizir nighnizir gavgavim an iki-
ava,uarir akurvaghaha a mizua itiba,
me bar akuegham.

*Ikiavira Itir God, deravira
uan gumazamizibar amuam*

¹⁹ Ia Jerusalemia, ia Saionin Mighsiamin
iti, ia ua quarkuv aviz arangan kogham.
Ezi Ikiavira Itir God datirighin ian
apangkuvigha, deravira ia damuasa gara
iti. Egh ia uari bagh an azangsigh an
dimti, a zuamira ian dimdiam baregh ian
akuraghram. ²⁰ Guizbangira, Ekiam ia
gamizi, ia osimtzir dafam ateri, egha ia
mati gumazim daghebar otevezzi moghin
iti. Ezi a ia ko ikia ian sure gami. Egh
gin ia uam a burian kogham. Ia uari uan
damazibar an ganam.* ²¹ Egh ia daruamin
dughiamin tuavimin atamakuigh, ia ti
tuavir agharir guvimin amadaghan itimin
mangam, o agharir kiriamin amadaghan
itimin mangam, egh a ian gin iki ia
mangamin tuavim ia mikimam. ²² Egh ia
uan asebar marvir guaba, ia fomira dar
ingarigha silva ko golin da noke. Egh ia
marvir guar kaba batogh dar ganti da mati
bizar kuriba, egh ia kamaghin me mikimam,
“Ia kamatigh. E ua ia gifongezir puvati.”

²³ Egh ti Ekiam ia oparizi dagher oviziba
bagh amozim amadaghti, a izighiri da
ruam, egh ti da deravira nguazir kamin
otivam. Egh ti ia dagher aviriba ikiam.
Egh ian bulmakauba uaghan damamin
grazir aviriba ikiam. ²⁴ Egh ia uaghan uan
azenibar dagher aghuiba inigh izi, egh bar
deravira da akuvagh, uan bulmakauba
ko donkin ian nguazim abigha ingariziba
bagh, fogh ko sped isi dagh iniv da
aghamsigh me daningam. ²⁵ Dughiar
Ekiam misevezimin, dughiar bar kurram
ian apaniba batoghtima, me pura tintinibar
arimighiregham, egh men divazir gav-
gavir kaba bar ikuvigham. Egh dughiar
kamin, dipaba mighsia bar dar otiv
ivemar izighiriti, ia dipatamin oteveghan
kogham. ²⁶ Egh dughiar kamin, iakinimin
angazangarim aruemin angazangarim
min siraghram. Egh aruem isiragh
gavgavichti an angazangarim bar ekevegh,
a fomira garir angazangarim gafiraghram.
Mati ni 7plan aruebar aruer angazangariba
inigha aruer vamira gisafura. Ikiavira Itir
God uomategh uan gumazamizibar deravira
me damu men mizaziba ko osimtzibar
adegehti me ghuamagheghamin dughiamin,
bizar kaba otivam.

*Ikiavira Itir God ivedzir kuram isi Asiri-
aba daningam*

²⁷ Ia gan! Ikiavira Itir God nguabar saghon
itimin ikia dikavigha uan gavgavir
ekiam sara izi.

A bar puvirama atarima, avim ko avir
miturim an aningagharam akakasi.

A migeir dughiamin,
avir biziba bar da isiamim an aka-
torimin otivi.

²⁸ An aningagharam biziba bar dagh
asighasisi,
mati aperiam otogha ivemara biziba
bar da ava ghua, gumazimin
firagharin tu.

Ikiavira Itir God kantriba bar uan
agharin men suigha,
me ikuvasa a pura tintinibar me
kavkiri.

Egha a men nighnizibagh amima, da der-
agha ingari puvatizi,
a me inigha danganir me mangan
ifongezir puvatizibar zui,
mati gumazim hoziamin daroribar an aku
mangasa,
ainin otevim an akam garu.

²⁹ Egh ti Ikiavira Itir Godin gumazamiziba,
ia bizir kabar ganti da otivi,
ia Godin ziam fer arazim bagha isar eki-
aba dimagaribar dagh ami moghin,
ia bar akongezir ighiabar amuam.

Gumazamiziba Ikiavira Itir Godin
mighsiamin mavanang bar akuegham,
uan itabagh ivi ighiabar amuam,
kamaghira ia men min bar akuegham.

Ikiavira Itir God a mati dagiar gavgavim,
egha a uabi Israelian mogomer dan-
ganim.

³⁰ Ikiavira Itir God gumazamizibar amuti,
me an dimdiar gavgavim baraghram,
egh me an aningagharin mizazim
baraghram.

An avir gavgavir biziba bar da isiamim sara
izam,
egh uaghan aminir gavgavim ko
amozim ko maburan amozir ofizir
dagibar min gariba, sara izam.

Egh ti arariba dagarvaghti,
gumazamiziba an aningagharin
ganam.

³¹ Ikiavira Itir Godin dimdiam kantri Asiria
damuti, a bar atiatigham.

Egh ti a uan aghorimin suiragh Asiriaba
misogh mamaghira ikiam.

³² Ikiavira Itir God, Asiriabav sozir
dughiamin, Godin gumazamiziba
bar akueghiva,
gitaba ko buar guar aviriba misoghiva,
Ekiam me misozir aghorimin
tingagharam girara mangam.

* **30:20:** Vezin kam, Hibrun akam deragha akamin mingarim bigha mikemezir puvati. **30:29:** Godin Araziba 32:4

33 Me Asirian atrivimin kuam tuasa avim arighasa mozir mam gikuigha gifa.

Egha me mozir kam gituima a bar vin mar iraghughha bar aroke,
ezi me dazir aviribar kuegha dar pozim mikini.

Egheti Ikiavira Itir God, an aningagharim pamtem otogh,
mati aminin pamtemin avim giveraghti, a bar puvira isigham.

31

Ikiavira Itir God uan gavgavim akazi, kantrin gavgaviba daghire

¹ Ja abuir gumaziba, ia kantri Isipin ghuava uarir akurvaghosa, men azangsisi, iavzika!

Ia bar ikuvigham.

Ia Isipian hoziaba ko men karisin aviriba ko karisin suizir gumazir bar gavgaviba, ia nighnizir gavgavim dar iti.

Ia ti ghaze, Isipia ian akuraghram.

Egha ia Israelien Godin Bar Zuezim, nighnizir gavgavim an itir puvati.

Egha ia uarir akurvaghosa Ikiavira Itir Godin azangsizir puvati.

Kamaghin amizi, ia bar ikuvigham.
Iavzika!

² Ikiavira Itir God, fofozir aghuim iti.
A dughiar kuram gumazamizir kurabar aningsi, me daningam.

Egha a zurara uan akabar gin zui.

A dikavigh gumazir kuraba ko, gumazir arazir kurabagh amibar akurvazir gumaziba ko misogham.

³ Isipia, me aseba puvati, me pura gumazir kiniba.

Men hoziaba uaghan en hoziabar min gari, da aseba puvati.

Egheti Ikiavira Itir God uan gavgavim akagh iveaukur amibar akurvazir gumaziba ko misogham.

Kantrin gavgavir kam irighti kantrin an akurazim uaghan irigham.

Egh aning uaghara bar ikuvigham.

⁴ Guizbangira, Ikiavira Itir God kamaghin na migia ghaze,

"Ia fo, laionin tam, sipsipin a misoghezim amisi dazer iki, egh sipsipin kam ategh arimangighan kogham.

Egheti sipsipbar gari gumazir avirim izi a dagarvaghti,

a men atiatigh ari mangighan kogham.

Kamaghira, ki Ikiavira Itir Godin Gavgaviba Bar Itim,

ki dikavigh Saionin Mighsiamin apanibav soghs iizighiram,
eghti bizitam nan tuavim apirighan kogham.

⁵ E fo, kuaraziba pin migha, egha deraghvira uan mikonibar itir nguzibagh eghufi. Kamaghira, ki Ikiavira Itir Godin Gavgaviba Bar Itim,
ki deragh Jerusalem ggehuv deragh an ganam.

Ki zurarama an boroghin iki mangin izegh damu
a getiva deragh an ganiva an akurvaghram."*

⁶ Ia Israelia, ia Ikiavira Itir God, deragha a barazir puvatigha an akaba batosi.
Egh ia uan navibagh iragh uamategh a bagh izi.

⁷ Ikiavira Itir God izamin dughiamin,
ia asebar marvir guaba makunigham.
Kar nedazir ia uari uan dafaribar silva ko gol isa dar ingariziba.
Ia kamaghin amigha arazir kuram gami.

⁸ Ikiavira Itir God kamaghin migia ghaze,
"Midorozir sabar tam Asirian kantri misogh egh bar me agivaghram.
Midorozir sabar kam, a gumazibar sabam puvati, ki ubi anemadaghti a mangam.

Asiriaba midorozir sabar kam gitaviraghshi aregham,
eghti men midorozir gumazir igiaba kalabusin mangi
pura ingangarir gumazir kinibar min otivigham.

⁹ Atiatir bar ekiam, Asiriaba batoghti,
men nguibar ekiar gavgavim irigham.
Men midorozir gumazibar dapaniba, bar atiatigh uan midorozir inir avizir asaraghv itim ategh onganigh puviram aregham."

Kar Ikiavira Itir Godin Akar Gavgavim.
A Saionin Mighsiamin ikia, avimin min iti.

A Jerusalemin nguibar ekiamin ikia,
danganir ekiar avir pamtemin isimin min iti.

32

Atrivir aghuim kantrin ganam

¹ Ia oragh! Atrivitam otivam!
Atrivir kam, arazir aghuimin gin mangi, kantrin kam gativaghram.

Egheti kantrin gumazir dapaniba, me guizin arazimin gin mangi,

* 31:1: Aisaia 30:2; Esekiel 17:15; Daniel 9:13; Hosea 7:7

* 31:5: God uan nguibar ekiam Jerusalem ggehufi, mati ves 5 mikemezi mokin. Egheti gumazamiziba akirim a gasaraghima, (ni ves 1-3in gan) a uaghan izighiri Jerusalem misogham, mati ves 4 mikeme.

gumazamizibagh ativagh men ganam.

² Gumazamiziba akurvazim bagh iziti,
gumazir dapanir kaba deravira vagh-
vagh bar deravira men akurvaghram.
Gumazir dapanir kaba, gumazamizibar
danganir mogomemin min ikiam,
eghti dughiar amozir ekiaba ko aminir
ekiaba iziti, me mangi men uari
mongam.

Eghiti me mati dipaba puvatizir dan-
ganimin,
dipam ivemara an zui moghin iki,
egh mati dagiar ekiam aruem
apazagha, danganir orangtizimin
min iti.

Aruem bar gaygavichti,
gumazamiziba mangi an
apazangin dapiagh iki avugh-
sam.

³ Gumazamizir bizibar gariba,
men damaziba okavighan koghti,
me deravira bizibar ganam.

Eghiti gumazamizir kuariba deraziba,
men kuariba deraghvira ikiti,
me deravira biziba baraghram.*

⁴ Eghiti gumazamizir faragha deragha
nighnigha bizibagh amir puvatiziba,
me datirighin biziba deragh dagh
nighnigh dar amuam.

Eghiti gumazamizir mikimasa mizeba ose-
meziba,
me deravira bizibav kimam.

⁵ Eghiti arazir ziar ekiam isa gumazir arazir
kurabagh amiba ko, gumazir organi-
bagh amibagh anidim,
a bar givagham.

⁶ Guizbangira, gumazir arazir organibagh
amiba, me migirigar organibagh
ami,
egha me zurara bizir kurabar amuasa
nighnisi.

Me arazir Ikiavira Itir God aghuazibagh
amuava,
egha akar ifavarir aviriba Ikiavira Itir
God gasi.

Egha me mitiriaba azir gumazamiziba,
dagheba me ganidir puvati.
Egha kuariba pirir gumazamiziba,
dipaba me ganidir puvati.

⁷ Ezi ifavarir gumazamiziba, nighnizir
kurar bar aviriba men dapanibagh
izifa.

Me gumazamizir biziba puvatiziba,
dikabinasa men kotiaba adafi.

Me, ongaranazibagh amir gumazir arazir
kurabagh amir puvatiziba,
me kotin aven ifavarir arazir igharaz-
ibar migirigabar me gami.

⁸ Ezi gumazamizir aghuiba me ziar ekiaba
iti, me zurara arazir zuezibagh ami.

Egha me arazir aghuiba amuasavira
iti.

Amiziba azirakabar amu

⁹ Ia Jerusalemian amiziba, ian dabirabim
derazi ia ghaze, ia deravira ikiam.
Egh ia deravira kuariba arigh nan
akam baragh.

¹⁰ Ia datirighin navir amirizimin iti.
Egh ia oragh, azenir vamira givaghti, ia
bar atiating nigham.

Ia ganti, ian wainin azeniba ko, dagher
igharazibar azeniba,
da ua ban kogham.

¹¹ Datirighin ian dabirabim derazi ia ghaze,
ia deravira ikiam.
Egh ia atiating nighiva akong uan ko-
rotirot aghuiba suva, azirakar koro-
tiabar aghuam.

¹² Ia uan azenir obarir aghuiba ko wainin
azenir aghuiba bagh uan osimtiziba
akakaghs,

ia uan evaribav misogh azirakabar
amu.

¹³ Benir ataghatariba ko oghevsevir kuraba
nguazir kam avaragham,
kamaghin ia nan gumazamiziba
nguazim bagh azirakabar amu.

Guizbangira, ia dipenir bar dirir ia bar
ifongeziba, ia fomira dagh nighnigha
da bagha bar akonge,
egh datirighin ia da bagh azirakabar
amu.

Ia fomira uan nguibar ekiamin ikia bar
akonge,
egh gin, ia a bagh osemegham.

¹⁴ Bar guizbangira, atrivim uan dipenim
ategham.

Eghiti gumazamiziba bar moghira
nguibar ekiar kam ateghti
gumazamizibar niginir me ingara
mangin izegh gamir kam, ua
ikian kogham.

Eghiti midorozir gumazibar divazir gav-
gavim ko, dipenir suer ruarir
midorozir gumaziba ikia apaniba
bagha gariba,
da bar moghira pura iki bar ikuvigham.

Eghiti afiar atiaba dughiar bar ruarin
danganir kamin ikiam.

Eghiti donkin atiaba an aven darusi bar
akuuegham,
eghti sipsipba ko bulmakauba izi
oghevsevibar amam.

*Ikiavira Itir God dabirabir aghuim isi
uan gumazamizibar aningam*

¹⁵ Ikiavira Itir God uan Nguibamin ikia
uan Duam, uam e bagh anemangam.

Eghiti dughiar kamin, gumazamiziba pu-
vatizir danganim,
azenir bar aghuim otogham,

* 32:3: Ni Aisaia 6:9-10in gan.

eghti bizir bar igharaghha gariba a bativam.
 Eighti azeniba, dagher aviribar amuti da otivam,
 mati temeba pura ruarir piżmin aghui.
¹⁶ Dugħiar kamin, gumazamiziba nguazir kamin ruaghateviba bar dar iki, arazir aghuiba ko guizin arazibara damuam.
¹⁷ Gumazamiziba arazir aghuim damuti, tuavir kamin dabirabir aghuim otogħam.
 Eighti gumazamiziba uam atiatingan kogh, nimira iki nighnizir gavgavimin aven tugh gavgavigh kamaghira ikiam.
¹⁸ Ezi Ikiavira Itir God ghaze,
 Nan gumazamiziba, me dabirabir aghuim ikiam, egh me deravira iki avugħi,
 uan nguibabar aven navir amirizim iki, egh bixitam atiatingan kogħam.
¹⁹⁻²⁰ Eighti aisin amozim mar iri ruarir ekiamin itir temeba bar dagh asighasigh,
 egh uaghan nguibar ekiamin dipenibagh iriti, da bar nguazim giregħam,
 egħi ta Ekiamin gumazamiziba bar deravira ikiam.
 Egh ia uan dagħer oviziba nguazir dipam iti nagħin da oparam,
 egh ia uan bulmakauba ko donkiba ategħi,
 da uan ifongiabar daru oghevse-vibar am ikiā.

33

Gumazamiziba Ikiavira Itir Godin dimti, a deravira men ganam

- 1 Ia kantrin igharazibagh asighasizi darasi, iavzika!
- Ia bar ikuvigham.
 Bar guizbangira, ia datirighin iku-viżir puvati.
- Ezi ia kantrin igharazibagh asighasighamin dughiem,
 a gifa, egħi ta uari ikuvigham.
- Ia igharaz darazigh ifarava, uan akar dikiriziba abigha
 me isa apanibar agharim garisi.
- Bar guizbangira, tarazi datirighin ia gifar-farazir puvati.
- Eighti ia igharaz darazigh ifaramin dughiem, a givagħam.
- Eighti igharaz darazi ia gifar,
 ia isi apanibar dafarim darigham.
- O Ikiavira Itir God, en nighnizim nirara iti.
 Ni en apangkuvigh zurara dughiabar e ekiarugh

uan gavgavimin deragh en gan.
 Egh osimtitibar dughiamin en akurvagh e damuti,
 e uan apaniba dikabiraka.
³ Gumazamiziba nin dimdiam barasi,
 mati arariba dagħrvazima me ari.
 Kantrin bar gavgaviba nin garima,
 ni dikavigha uan gavgavim men akazi,
 me atiatia tintinibar ari.
⁴ Ezi bizir me ara tagħiziba,
 Israelian gumaziba izi zuamiram da iniam.
 Mati oħdeż bizir avirim migheha iza azenibagh apiagh,
 men dagħeħha apa bar ada gifa.
 Ezi kamaghira, gumaziba zuamira izi men biziha ater mangam.
⁵ Ikiavira Itir God, ziar ekiam ikiava,
 bar pin uan Nguibamin iti.
 Egh a uan guizin arazim ko arazir aghuim amadagt,
 a izi Jerusalemin mikebaba bar da avaragħam.
⁶ Egh ia Ikiavira Itir Godin gumazamiziba, a zurara deragh ian ganiva,
 ia damuti ian dabirabim deragh gavgavigh ikiam.
 Egh a bizir aghuiba ia daningti
 ia deraghvir ikiā.
 A nighnizir aghuiba ko, fofozir aviriba ko,
 arazir an atiatiava an apengen itiba,
 da bizir bar aghuibar min,
 an ada isa ia ganidi.
⁷ Ia munagh ganigh!
 Midorozir gumazir gavgaviba tintin-bar tuavibar mitivighav ikia
 akurvazim bagħha diava arai.
 Ezi abuir gumaziba midorozim agħiġasa in-għarrar mītäm gami,
 ezi midorozim givazir puvati.
 Kamagħin amizi, abuir gumaziba datirighin bar puviram aži.
⁸ Tuavir ekiaba pura itima,
 gumazamiziba ua dar mangi izegħi
 gamir puvati.
 Gumazamiziba akar dikirizir me amiziba,
 me da abiki.
 Ezi gumazim uan damazim biziġi
 ganigha, koton aven guizbangiram an
 gun migeima,
 me nighnizir gavgavim an akamin
 ikian aghħua.
 Egha me gumazir igharazibar gara ghaze,
 me mati pura biziba.*
⁹ Ezi nguazim uabi bar osemegħa azirak-abagh amima, an gavgavim gifa.
 Lebanon ruaribar temeba midii, egha bar aghumsiki.

* **33:8:** Hibrun akam deragħa ves 6-8in akabar mingarim deragħha anebiġiżżejjur puvati.

Ezi Saronin Danganir Zarim bar misingigha
dipaba puvatizir danganim gava.

Ezi Basanin Distrighin temeba ko,
Karmelin Mighsiamin temebar
dafariba da midia suaghiri.

*Gumazamiziba Ikiavira Itir Godin gav-
gavimin ganam*

¹⁰ Ikiavira Itir God kamaghin migei,
“Ki datirighin dikavigh ingangarim
damuam,
eghti gumazamiziba ganigh nan ziar
ekiam fam.

¹¹ Ia nan apanim gami darasi,
ia pura bizir dagheba puvatiziba bagha
nighnigha ingangarir mitiabagh ami.
Ia mati, gumazim uan azenimin ingangarir
dafam gami,
ezi puvati, dadar misingiziba ko oghev-
sever kiniba puram an otifi.

Ian ingangarir mitiar kam avimin min
otogh
bar ia agivagham.

¹² Egh ia mati me gumazibar aghariba tuezi,
da arinimin otozi moghin, ia otivigham.
Egha mati me benir ataghatarim tuazima
an averenimin otozi moghin, ia
otivigham.

¹³ Ia gumazamizir roghira itiba, ko nguibar
saghon itiba,
ia ingangarir gavgavir ki amizibar
migirigiba baragh
egh ia nan ziar ekiam ko gav-
gavimin gun mikim!”

¹⁴ Saionin itir gumazamizir arazir
kurabagh amua Godin damazimin
mizeziba,
me bar atiatighava agoi.

Egha me kamaghin migei,
“Ikiavira Itir Godin aningagharam, an
avir bar gavgavimin min isiava, biza-
iba bar da gefi.

An ofa gamir dakoziim itir avim zurara
isia mamaghira iti.

Ezi en tongin tinara a ko ikiam?”

¹⁵ Gumazamizir kabanang Ikiavira Itir God
ko ikiam:

Gumazamizir arazir aghuibagh amiba,
ko
gumazamizir guizbangira migeiba, ko
gumazamizir ua baghavira biziiba
iniasa igharaz darazi dikabirir
puvatiziba, ko
gumazamizir gumaziba apezeperir
dagiaba isi me daningti, me a bagh
arazir kuram damuamin aghuaziba,
ko

gumazamizir gumazir mam gumazir
igharazitam misueghti an are-
meghan me oraghan aghuaziba, ko

gumazamizir arazir kurabar ganan
aghauaziba.

¹⁶ Gumazamizir kamaghin amiba, me bar
deravira ikiam.

Me mati gumazim mighsiam gisin
mogomer danganir bar gavgavimin
modoghav iti moghin deravira ikiam.

Eghti bizitam me dikabiraghan kogham.

Eghti me zurara damamin dagheba ko
dipaba ikiam.

*Ikiavira Itir God, dughiar bar aghuim isi
Jerusalem daningam*

¹⁷ Ia uan atrivir dirim uam an ganti,
a uan atrivir korotiar bar aghuubar
aghuiugh,
kantri deraviram an ganam.

Egh ia uan kantrin ganti,
a bar areuegh bar ekevegham.

¹⁸ Egh ia uamategh dughiar kurar ia ba-
tozir kam ginirigh, egh kamaghin
azangsigham,

“Apanibar gumazir dapanim izava
en dagiaba ko biziiba inigha dar
osimtizibagh foghosa da tuisigha, da
mega atrivir kuram ganingiziba,
me managh iti?

Apanibar gumazir dapanim izava en tauan
ruariba mengeziba,
me managh iti?

“Ti puvati.”

¹⁹ Akaba barazir puvatigha uarira uan zi-
aba fer gumazir kaba,
ia ua men guatamin apighan kogham.

Egh ia ua me uan akabar migeir migirigiba
baraghan kogham,
akar me mikimamim, gumazitam der-
agh an mingarim gifoghan kogham.

²⁰ Ia Saionin gan, an ziar mam Jerusalem,
a nguibar ekiar e zurara Ekiamin ziam
fer dughiar ekiabar uari akuva itim.
Danganir e avughsa deravira itim.

A purirpenir gavgavimin min mitigh
gavgavigham,
eghti gumaziba an afughafuziba
asigh, an beniba aghoregh, a
inigh mangan kogham.

²¹ Ikiavira Itir God uan gavgavim ko ziar
ekiam Jerusalemin aven e bagh anek-
aghah.

Egh a Jerusalem damighti, a bar
kantrin dirimin min ikiam,
an aven faner ekiaba ko daghurir
dipar muziarir aviraviriba
ikiam.

Eghti midorozimin kurir me pul gamua
zuiba ko kurir ekiaba,
dipar kabar izan kogham.

²² Bar guizbangira, Ikiavira Itir God uabi,
jasin min iki,

egh en atrivimin iki,
en gumazir deravira en ganamim min
iki,
egh en Akurvazir Gumazimin
ikiam.

²³ Apaniba Jerusalem inisi bar iburaghbu-regham.

Me mati kurimin ingangarir gumaziba kurimin ikiti a ivemaran kogham.

Mati kurimin mas mitigha gavgavizir puvati.

Ezi an beniba firaghirezi, an sel kuiaghizir puvati.

Kamaghin amizi, apaniba ari mangi bizir aviriba ateghti da ikiti,
Jerusalemia ivemar izi bizir kaba iniam.

Gumazir suer kuraba uaghan izi men gin otivigh, uaghan bizir aviribar ganti,
da ikivira ikiti,
me uari bagh da inigh mangam.

²⁴ Eghti dughiar kamin, Jerusalemin itir gumazitam kamaghin mikiman kogham,

“Ki arimariam iti.”

Eghti Ikiavira Itir God

Jerusalemin itir gumazamizibar arazir kuraba ginamangam.

34

God kantri Idom gasighasigham

¹ Ia nguazir kamin itir kantriba bar dar gumazamiziba, ia izi.

Ia ikiziba bar izi uari akuvagh akar kam baragh.

Nguazim ko an itir biziba bar moghira, ia uaghan kuariba arigh deraghviram oragh.

² Ikiavira Itir God, kantriba bar me ko midorozir gumaziba, bar men aningaghegha me bagha navim isi, egha me aremeghasa, a mikemegha gifa.

³ Eghti men kuaba, gumaziba mozibar da afeghan kogham.

Puvati. Da pura iki kur mughuriam mangam.

Eghti men ghuziba mighsiaba avaragh daghuribar emir magiram.

⁴ Aruem ko, iakintim ko mikoveziba bar moghira kuarigh iregh givaghram.

Eghti overiam mati akinafarim me a irigha a nomke.

Mikoveziba ko bizar overiamin ikia isiba,

mati wainin ikarizibar dafarir midiariba ko fighin temebar ovizir midiariba,
misigha ira nguazim girezi moghin nguazim giram.

⁵ Ikiavira Itir God kamaghin migei:

“Nan aningagharim, a midorozir sabamin min iti,

egh midorozir sabar kam pin ikegh, iveaukuram aningamin ingangarim agivagh,

egh overiam ategh magiri,

Idomia bagh izi iveaukuram me daningiva me misoigti me arimighiram.

Kar ki asighasighasa mikemegha givazir darasi.”

⁶ Eghti Idomian ghuzim ko ovim, Ikiavira

Itir Godin midorozir sabam bar anegiragirigham, mati sipsip ko memen ghuzim ko ovim, gumaziba ofa damuasa dav sozi men ghuziba ko ovim men dafariba agiragiri.

Ikiavira Itir God kantri Idomin aven Bosran nguibar ekiamin,

gumazamizir bar avirim misuegħti me arimighiregham.

Mati a ubi Bosran iki ofan bar dafam damuam.

⁷ Egh Ikiavira Itir God, uaghan bulmakaun

atiaba ko bulmakaun igiaba ko bulmakaun apurir bar gavgaviba, dav sogħti da arimighiriti,

dar ghuziba ko oviba Idomin kantrin nguazim giregh anevaragħam.

⁸ Ikiavira Itir Godin nguibar ekiam Saion, apaniba a dikabiravira iti.

Kamaghin amizi, a me ikarvaghmin azenir mam amisevegha gifa.

Eghti dughiar kam otogħti, a iveaukuram isi me daningam.

⁹ Idomin kantrin faneba, koltan min isia amera zui mogħin otogħam.

Eghti nguazim minneziba dagħiav avir isibar min otivam.

Eghti Idomin nguazim kolta isi mogħin isiam.

¹⁰ Avir kam mungegħan kogħam. Puvati.

An arueba ko dimagaribar isi gavgav- īghamaghira ikiti, an migharim zu-raram otivam.

Eghti Idomin nguazim pura iki mangi men ovavir borir gin otti-

vilba, men danganiba inigh mangi dugħiabar iki mamaghira ikiti.

Eghti gumazitam ua danganir kamin mangan kogħam.

¹¹ Eighti a, isaba ko, taragiaba ko, anebaba ko, mighiaba dar danganim gavagham.

Ikiavira Itir God Idomian biziba bar da agivagham,

egh Idomin nguazim damighti a pura ikiam, mati nguazim fomirama otogha pura ikezi moghin ikiam.

¹² Men gumazir aruaba ko gumazir dapaniba ua ikian kogham.

Eighti atrivitam ua kantrin kamin ganan kogham.

¹³ Beniba ko oghevsevir dikoniba itiba atrivimin dipenim ko dipenir igharazibar avi da avegham.

Eighti afiar atiaba izi iki arangti, poneba izi dipenir kabar dakuam.

¹⁴ Eighti asizir atiar guar aviriba izi danganir kamin uari akuvagh ikiam.

Eighti memen atiaba uaghan izi iki dimti,

amizir aser dimagaribar aruim uaghan izi dakusi, danganir kamin daguir danganiba buriam.

¹⁵ Eighti mighiaba izi uan aroriabar arighsi, danganir kamin izi mikonibar ingarsi danganiba buriam,

egh da aroriaba arighthi, da afueghti da uan aviziba kuigh uan nguzibar gan ikiam.

Eighti isar apuriba ko isar amebaba, me uaghan izi ikiam.

¹⁶ Ia Ikiavira Itir Godin akinafarir righizimin aven ganiva, ia bizir kabar migrigiabar ganti, da ikiam.

Asiziba, o kuaraziba, o bizir tiziba, akinafarim dar gun migei, da bar izi kantri Idomin nguazim ikiam.

Egh da vaghvagh asizir amebaba ko apuriba ikiam.

Guizbangira, Ikiavira Itir God uabi da izasa dav keme.

An Duam da akuvagh, da inigh izam.*

¹⁷ Ikiavira Itir God uabi Idomin nguazim abigha, asizir kaba bagha da tuiragha dagh aningi,

eghti da zurara danganir kamin iki mangiti dar ovavir borir gin otivamiba, dar danganiba inigh

mangi dughiabar iki mamaghira ikiam. Nguazir kam, Ikiavira Itir God da bagha aneti.

35

God ua bizibagh amizi da deragha otifi

¹ 1 Gumazamiziba puvatizir danganiba, ko nguazir misngiziba, da bar akuegham.

Akimarir aghuiba otivigh gumazamiziba puvatizir danganiba avaraghti, da bar akongegham.

² 2 Egh nguazir midiarir kam, akimarir aviriba an otogh oneghti, an gananim bar deraghti, a bar akuegh pamten dimiva arangam.

Ikiavira Itir God dirir aghuim isi nguazir midiarir kam daningti, an gananim bar deragham,

egh Lebanonin ruarir ekiam ko, Karmelin Mighsiam ko,

Saronin Danganir Zarimin gananir aghuimin mirara ganam.

Eighti gumazamiziba Ikiavira Itir Godin angazangarim ko gavgavim ganiva, egh uaghan en Godin ziar ekiamin ganti,

an atrivimin kurkazir aghuimin min ikiam.

³ 3 Ia atiatim itir gumazamiziba amuti, me atiatingan kogh tuivigh gavgavigh iki.

Egh gavgaviba puvatizir gumazamiziba gavgavim me daning.

⁴ 4 Ia gumazamizir atiatiba me mikim suam, "Ia tuivigh gavgavigh, egh atiatingan marki.

Ian God izi ian akuragh, egh ivezir kuram isi ian apanibar aningiva bar me gasighasigham."

⁵ 5 Dughiar kamin, gumazir damazir okaviriziba ua ganti, gumazir biziba barazir puvatiziba, uam oraghram.

⁶ 6 Eighti gumazir suer kuraba, uari akun mavanang izighiram, mati ruarimin itir asizir mam, me dia a garisi.

Eighti gumazir migeir puvatiziba, me pamten dim, egh bar akuegham.

Eighti dipaba otiv gumazamiziba puvatizir danganibar mangi, egh nguazir misngizibar itir fanebar ivemar magiram.

⁷ 7 Egh gigir misngizim, dipar akaremin min otogham.

Nguazir dipaba faragha puvatiziba, nguazim aven ivemarir dipar atuba,

dar otivigh ivemar izighiram.

* **34:16:** Vezin kam, Hibrun akam deragha akamin mingarim bigha mikemezir puvati. **35:1:** Aisaia 27:6; 27:10; 41:18-19; 55:12-13 **35:3:** Hibru 12:12 **35:4:** Aisaia 34:8; 61:2 **35:5:** Matyu 11:5; Luk 7:22 **35:6:** Luk 11:14; Jon 5:8-9; 7:38; Aposel 3:8

Afiar atiabara ikezir danganir misingizir kam, dadar aviriba ko ighuruniba an otivam.

8 Egheti tuavir ekiam kagh ikiti, me kamaghin a dipon suam,
kar "God Ua Baghavira Inabazir Tuavim."

Egheti Godin damazimin arazir kurabagh amir gumazitam an daruan kogham, kar Godin gumazamizbar tuavimra.

Egheti gumazamizir nighnizir aghuiba itiba ko gumazamizir nighnizir aghuiba oteveziba,
me an atam akuighan kogham, me a gifogh an mangam.*

9 Laionin tam ko, asizir kurar misozitam tuavir kamin mangan kogham.
Asizir aningazir taba tuavir ekiar kam daruan kogham.

Gumazamizir Ikiavira Itir God akuraghua ua inizibara,
tuavir kamin daruam.

10 Gumazamizir Ikiavira Itir God men akuraghua ua iniziba, me ua izi,
Saionin Mighsiamin bagh iziva, bar akongegh ongi, tiariba akariva tuavir kamin izam.

Egh me dabirabir bar aghuim ikiti,
bar akongezir arazir kam a men iki me gizivagh kamaghira ikiam.
Egheti mizaziba ko osimtibza me ategh, ua men ikian kogham.

Asiriaba Jerusalemin nguibar ekiam iniasa

36

(Sapta 36-39)

*Asiriaba Jerusalemin iniasava ami
(2 Atriviba 18:13-37; 2 Eghaghaniba 32:1-19)*

¹ Hesekia 14plan azenibar an atrivimin itima, ezi Asirian Atrivim Senakerip, uan midorozir gumaziba ko iza Judaba ko misogha, me abiraghya men nguibar ekiar divazir gavgaviba avinizibza bar da ini. Egha me Jerusalem inizir puvati. ² Senakerip, Lakisin nguibar ekiamin ikia uan abuir gumazim ko midorozir gumazir bizir dafam amadazi, me Lakis ategha, Atrivim Hesekia bagha Jerusalemin zui. Me an boroghin ghua otifi. Dughiar kamin, danganir mam iti, Mozir Dipar Pin Itimin daghurim, dipam an ghuaghira Jerusalemin otifi. Daghurir kam, a tuavir ekiar ghua iniba ruer danganimin boroghin iti. Asiriaba otivigha danganir kamin tuivaghav iti.

35:8: Aisaia 11:16; Jeremaia 14:8; Matyu 7:13; 1 Pita 1:15-16
abigha migeir puvati. **35:9:** Aisaia 5:29; 13:22; 51:10; 62:12

36:6: Esekiel 29:6-7

³ Ezi Israelin gumazir dapanir 3pla ghuav a bato. Kar, Hilkian otarim Eliakim, an atrivimin dipenimin garir gumazim, ko Sepna, atrivimin akinafariba osir gumazim, ko Asapin otarim Joa, an atrivim amir bizibar eghaghaniba bar a da osir gumazim, me zui. ⁴ Ezi 3plan gumazir kaba ghuava Asirian abuir gumazir kam batozi, an akar gavgavimin me migia ghaze, "Ia mangi, Asirian atrivir ekiamin akar gavgavir kam Hesekia mikemegh. A kamaghin migei, 'Hesekia, ni gavgavir manam ika egha nan apengan ikian aghua? ⁵ Migitrigiar kiniba ti midorozimin gavgavim gafiraz, o? Bar puvati! Ni nan akaba barazir puvati. Egha ni ghaze, tina izi nin akuragh! Ezi ni na baraghan aghua. ⁶ Ki fo, kantri Isip nin akuragh misoghasa, ni a bagha gara Mizua iti. Egha ki ni migei, Isip mati abuar misiam dipiraghvirha gifa. Egh ni a inigh fidizimin min an suiragh daruti, an ruaghavetim nin agharim mitigham. Isipin atrivimin arazim abuar misiar kamin mirara ghu. Kamaghin amizi, misoghamin dughamin a izi nin akuragh kogham. ⁷ Egh ni ti kamaghin mikimam, ia Israelia nighnizir gavgavim Ikiavira Itir Godin iti, a ian God, a ian akuragh. Ezi ki ghaze, bar puvatigham. E fo, Hesekia, ni ubi ghua, mighsiabar pin itir danganir an ziam feba ko, an ofa gamir dakozir pura tintinibar itiba bar dagh asighasiki. Egha ni Judaba ko Jerusalemia migia ghaze, me Jerusalemra izi ofa gamir dakozir vamiran Godin ziam fam."

⁸ "Hesekia, ni izi nan gumazir ekiam, Asirian atrivim ko akam akirigh. Ni ti 2,000plan midorozir gumazir gavgavibar apighti, nan atrivim 2,000plan hoziaiba ni danighti, me dar apiagh misogham. Ki fo, ni ubi gumazir kamaghin garitaba itir puvati. ⁹ Egha ni kamaghin nighnisi, Isipian midorozir gumaziba uan hoziaba ko karisba sara izi nin akuragh misogham. Bar puvatigham, me izan kogham. Ni en midorozir gumazibar tongin gumazir dapanir ziaba puvatizitam abinamin gavgaviba puvatigham. ¹⁰ Ni ti ghaze, ki ubi uan nighnizimin iza nin kantri ko misogha, a gasighasisi, a? Bar puvati. Ikiavira Itir God uabi na mikemezi, ki iza kantrin kam gasighasisi."

¹¹ Ezi Eliakim ko, Sepna ko Joa akar kam baregha, kamaghin Asiriabbar abuir gumazim migia ghaze, "Ni Aramin akamin e mikim, e a gif. Ni Hibrun akam mikiman marki. Puvatigham, gumazir nguibar ekiamin divazir gavgavir mitiam gisin

* **35:8:** Hibrun akam deragha vezin kamin mingarim
35:10: Aisaia 1:27; 65:19; Akar Mogomem 7:17; 21:4

mitivighav itiba nin akam baregham."

¹² Ezi abuir gumazir kam kamaghin akam ikaraghha ghaze, "Nan gumazir ekiam pura akar kamin ia ko ian gumazir ekiam, a iarara mikimasa na amadazir pu. Puvati. Gumazir divazim gisin tuivighav itiba, me uaghan akar kam baragh. Guizbangira, midorozim otoghi, e Jerusalem ekiarugham, eghit dughiar kuram bar ia batogham. Eghit ia gumazir divazim gisin tuivighav itiba, ia bar dagheba puvatighiva uan buaribar amiva, uan misir pabar amam."

¹³ Ezi Asirian abuir gumazim, divazim gisin apiaghav itir gumazamizibar gara kamaghin pamtemen Hibrun akamin men dia me migei, "Ia deraghvira Asirian atrivir ekiamin akam baragh! ¹⁴ Atrivim kamaghin migei, Ia Hesekia baraghti, a ia gifaran marki. Hesekia ian akuraghti, ia deragh ikian kogham. ¹⁵ Ia Hesekian apezeperr akaba baraghan marki, egh ia nighnizir gavgavim iki suam, Ikiavira Itir God ian akuraghti, e Asiriaba ia abinigh Jerusalemin nguibar ekiam inighan kogham. ¹⁶ Ia Hesekian akam baragh ua na ko misoghs nighnighan marki. Ia deravira dapiagh iki, egh ia uan mozir paba tu dar amiva, wainin ikarizibar ovizibar ami. Ia uan azenibar itir temer fighin oviziba uan azenibar da inisi, egh ia na ko akam akirigh na ateghtima, ki ian nguibar ekiam iniam. ¹⁷ Eghit ia deraghvira iki mangiti, ki ia inigh mangi kantrin ighazariz ian kantrin mirara garimin ia atigham. Kantrin kam wainin azenir aviriba iti. Egha bret damuamin witin azenir aviriba iti.

¹⁸ "Hesekia ia gifaraghha ghaze, 'Ikiavira Itir God, ian akuragh Asiriaba dikabiragh!' Ia Hesekia ateghtima a ia gifaran marki. Ia ti ghaze, kantrin ighazaribar aseba men akurvasi, ezi me Asiriaba e misogha e abira, a? Bar puvati. ¹⁹ Egha Hamatin nguibar ekiam ko Arpatin nguibar ekiam ko Sefarvaim ko misozima, men aseba managh ikia, egha men akurazir puvati? Egha e ghua Samaria ko misozima, Samarian aseba men akuraghha e dikabiraz, o? Bar puvati. ²⁰ Kantrin kaba me aser avirivira iti, ezi e me ko misos. Ezi men aseba men akurazi, me e misogha e abirazir puvati. O Jerusalem, ia manmaghsua nighnigha ghaze, Ikiavira Itir God ian akuraghti, e ia misogh ia abiraghan kogham? Bar puvatigham!"

²¹ Asirian gumazir dapanir kam me mikemega givazi, gumazir divazir gavgavimin apiaghav itiba oregha fo, men Atrivim Hesekia faragha an akam ikarvagh bizitamin mikiman men anogoroke. Kamaghin amizi, me uan akabar kumigha an

migirigiatam ikarazir puvati. ²² Ezi Asirian abuir gumazim mikemezir migirigia, Eliakim, Sepna, ko Joa gamizi men naviba bar oseme. Ezi me uan korotiaba abiaghariha ghua abuir gumazimin migirigia bar dar gun Hesekia migei.

37

*Hesekia uan osimtizimin
gun Aisaia migei
(2 Atriviba 19:1-17)*

¹ Ezi Judan Atrivim Hesekia Asirian atrivimin abuir gumazimin akam baregha, uan korotiaba abiaghariha buaber korotiaba aghuigha, Ikiavira Itir Godin Dipenimin ghu. ²Egha atrivimin dipenimin garir gumazim Eliakim ko, atrivimin akinafariba osirir gumazim Sepna, ko ofa gamir gumazir ghuribar diazi, me izi. Ezi a me amangizi, me Emosin otarim, Aisaian ganasa zui. Ezi gumazir kaba, azirakar korotiaba aghuigha zui. ³ Me ghuava otivigha kamaghin Aisaia migei, "Atrivim Hesekia ghaze, Kar osimtizir ekiaba ko aghumsiziba otivir dughiam. Asiriaba dibovir migirigiar aviribar e gami. E amizir navim asangizimin min ami, a borim batamin dughiam otozi, an a batamin gavgaviba puvati. ⁴ Asirian atrivim uan abuir gumazim amadazi, a iza dibovir akabar en Godin Zurara Ikiavira Itim mikeme. E fo, Ikiavira Itir God, an dibovir akaba baregha gifa, egh gumazir kamaghin amizim, God ivezir kuram a daningam. Kamaghin amizi, ni en akuragh God ko mikimti, Ikiavira Itir God, e varazira en akuraghti, e ovengen kogham."

⁵⁻⁶ Ezi Aisaia Hesekian akam baregha, kamaghin gumazir an akam inigha izir kabav gei, "Ia uamategh atrivim bagh mangi Ikiavira Itir Godin akamin gun a mikemegh. Ikiavira Itir God ghaze, 'Ni akar a nan tiraghtirazir kam, mighigh a ginighnigh atiatingan marki. A pura Asirian atrivimin ingangarir gumazir kinim, a migirigiar kam gami. ⁷ Ia oragh. Ki uan Duamin gavgavimin, Asirian atrivim damichti an okam nighnigham. Egh a migirigiar kinim baregh pura uamategh ari uan kantrin mangigham. An Asirian kantrin ikivira ikiti, ki gumazitabar amichti, me a misueghti an aremegham.'"

*Asiriaba ua Jerusalem
gasighasigha migei
(2 Atriviba 19:8-19)*

⁸ Ezi Asirian abuir gumazim kamaghin oraki, Atrivim Senakerip Lakisin nguibam ataki. Ezi abuir gumazir kam dikavigha Jerusalem ategha ghua Libnan nguibamin otogha garima, an atrivim

Lipnan nguibamin ikia Lipnabav sosi. Ezi a ghuava atrivim bato.

⁹ Asiriaba misogha itima, gumazir maba iza Attrivim Senakerip migia ghaze, "Itiopian Attrivim Tirhaka uan midorozir gumaziba ko iza ni ko misoghasa." Ezi Senakerip Jerusalem iniasa nighnisi, kamaghin amizi, an akinafarin mam osirizi, an abuir gumaziba inigha Hesekia bagha ghu. ¹⁰ Senakerip kamaghin akinafarim osiri, "Hesekia, ki fo, Godin ni nighnizir gavgavim itim, a ni migia ghaze, ki misogha abinigh Jerusalem inighan kogham. A ni gifari. Ni bar an akam baraghan marki. ¹¹ E Asirian atriviba, ni ubi en arazibagh fo, e kantrin igharazibar atriviba ko misogha bar me gasighasiki. Egha ni ti ghaze, ki nin kantri kamaghira damighan kogham? Puvati, ia guizbangira e gitaghan kogham. ¹² Nan inazir afeziaba fomira, Gosenin nguibam, Haranin nguibam, Resepin nguibam, ko Idenin gumazamizir Telasarin nguibamin itiba, me nguibar kabagh asighasiki. Ezi men aseba men akurazir puvati, ezi me deragha ikezir puvati. ¹³ Ezi nguibar kaba, Hamat, Arpat, Sefarvaim, Hena, ko Iva, men atriviba datirighin managhira iti? Me itir puvati. Ebar me misoaghaghiz me ariaghire."

¹⁴ Ezi Attrivim Hesekia akinafarir kam, abuir gumazir a inigha izeziba dama an suiragha an ganigha, a inigha Ikiavira Itir Godin Dipenimin ghu. Egha Ikiavira Itir Godin damazimin an onegha aneti. ¹⁵⁻¹⁶ Egha Hesekia kamaghin Ikiavira Itir God ko migei, "O Ikiavira Itir Godin Gavgaviba Bar Itim, ni Israeli God, ni enselin bar gavgavibagh afiragha bar pin uan atrivir dabirabim gaperaghav iti. Ezi nin gavgavim enselin bar gavgavibar gavgavim gafira. Nirara, ni guizbangira God, ni nguazir kamin kantribar gumazamiziba bar me gativagha men gari. Nirara, overiam ko nguazimin ingari. ¹⁷ O Ikiavira Itir God, ni deragh kuarim atigh nan migirigiaha baregh, egh deravira bizir kurar e bativizir kabar gan. Ni Godin Angamira Itim. Ezi Senakerip ni dipova mikemezir akar kaba, ni deragh da baregh dar gan. ¹⁸ O Ikiavira Itir God, e kamaghin fogha gifa, Asirian atriviba kantriba bar dagh asighasigha men nguaziba saram asighasiki. ¹⁹ Egha atrivir kaba, kantrin kabar marvir guaba sarama asighasigha da isa avimin da tue. Men marvir guar kaba, da guizin godba puvati, me temeba ko dagiaba isa uan dafaribar dar kiri. Kamaghin amizi, Asiriaba bar moghira dagh asighasigha, dagh aponegezi da isi. ²⁰ O Ikiavira Itir God, ni en God, ni datirighin en akuragh Senakeripin dafarimin uam

en inigh. Eghti nguazir kamin kantribar gumazamiziba bar kamagh ganigh fogh suam, nirara ni Ikiavira Itir God."

*Aisaia Godin akamin gun atrivim migei
(2 Attriviba 19:20-37)*

²¹ Ezi Emosin otarim Aisaia, Hesekia bagha kamaghin akam amada, "Ikiavira Itir God, a Israeli God, a ghaze, 'Ni Asirian Attrivim Senakeripin dafarimin, ia ua uari iniasi nan azangsiki. ²² Kamaghin amizi, Ikiavira Itir God datirighin Asirian Attrivim Senakerip ginighnigha akar kam gami. A kamaghin migei:

"Saionin nguibar ekiam, a mati amizir igiar bar dirim,
a ni dipova aghumsizir akabar ni migei.
Jerusalem nin girakirangin, ni dipova uan dapanim roi.

²³ Ni uabira uan ziam fa, egha ni tinara akar kuraba ko dibovibar a gami?
Ni tinara pamtemin tiraghfirazir akabar a migei?

Ni tinara dikabinasa arazir kabagh ami?
Kirara, ki Israeli God Bar Zuezim,
ni bizir kabar na gami!

²⁴ Ni uan ingangarir gumazir dapanibav ke-mezi,
me nin ziam fa nan ziamin tira.
Ezi ki men akatoribar migirigiar kaba baraki.

Ki fo, ni kamaghin migia ghaze, ni uan karisin aviriba inigha Lebanonin Mighsabbar orazibar ghuavanega, egha bar Lebanonin ruarir bar pizimin aven ghua, danganir gumazamiziba aven zuir puvatizimin,

ni temer sidan bar ruariba ko temer painin bar aghuiba oke.
²⁵ Egha ni pura tintinibar aruir dughiabar, ni damamin dipatam gasazir puvati. Dipaba bar dakezir dughiamin, ni kuizir mozir dipaba,

da bar moghira izefe, ezi nin adarazi da api.

Egh ni mangi Isipin Faner ekiabar aruti, nin sueba dipar kabar amuti da misingam.

²⁶ "Senakerip, ni kamaghin fozir puvati, ki fomira bizir kabar amusa ni amisefe.

Ki, nguibar gavgavir divazir gavgaviba itiba, ki dagh asighasigha, gavgavim ni ganangi.

Ezi ni nan nighnizimra gin ghua nguibar kaba akaraghaghiz da iregha, mati me dagiaba pozibav kinizi, da iti.

²⁷ Ezi gumazamizir nguabar kabar itiba bar atiatingi.

Me okam nighnigha men gavgaviba bar moghira gefe.

Me mati, aruer dughiamin, aminir fefem iza grazibar isi

da midii moghin misigha iti.

Aminir fefer kam aruem anadir naghin ikegha iza,

grazir dipenir siriabar aghuibar ko grazir tintinimin aghuibar isizi, da deragha aghuir puvati.

²⁸ “Ezi ki bar moghira ni gifo, nin dabirabir araziba ko dikavir araziba, ko iza zuir araziba, ki bar dagh fo.

Egha nin aningagharir nan itim, ki uaghan bar a gifo.

²⁹ Nin aningagharir nan itir akaba ko, ni uabira uabi feir arazim, ki bar dagh fo.

Ezi ki datirighin akezim isi nin atinim darugh, egh ainin otevir me hosin akam gazuim, isi nin akam darugham.

Egh ni amikirigh, tuavir ni uan nguibamin ikegha izezim uam an mangigham.”

³⁰ Ezi Aisaia akar ababanir mam isa Hesekia ganiga kamaghin migei:

“Ia kamaghin ganigh fogham, azenir kam ko azenir gin izamimin, ia dagheba operan kogham.

Ia azenir kamin witin pura uari azenibar otiviba ini dar ami, egh mangi azenir pumuningin, ia azenir faragha ghuzimin dagher ovizir iregha aghuibar, ia dar ami, egh namba 3in azenimin, ia ua ingariva opar dami.

Egh ia uaghan wainin ovizibar amisi, wainin ikariziba opariva, dar ovizibar amam.

³¹ “Eghti Judan anabamin gumazamizir ikiavira itir varazira,

me witin azenim puvira be moghin, borir aviriba batibar avirasemegham.

³² Eghti apaniba Jerusalemin gumazamiziba bar me gasighasighan kogham, men tarazi ikivira ikiam.

Gumazamizir ikiavira itir varazira, iki Saionin Mighsiamin mitivighvira ikiam.

Ikiavira Itir Godin Gavgaviba Bar Itim, a bizir kabar amuti da otivighiras nighnizir gavgavim iti.

³³ “Egha Ikiavira Itir God ua kamaghin migei,

‘Asiriabar atrivim, uan midorozir gumaziba ko, Jerusalemin aven izan kogham.

Egh me uan baritamin asegti, a nguabar ekiar kamin aven izeghan kogham.

Egh midorozir gumaziba misoghs, oramat inighuubar kamin aven izeghan kogham.

Egh me tugh misoghs, nguabar ekiamin divazir miriamin nguazim arichti, a ghuavanaboghan kogham. Bar puvatigham.

³⁴ Ki Asiriabar atrivim uam a purighti, a izezir tuavim uam an mangam.

Kamaghin amizi, a Jerusalemin aven izeghan kogham.

Ki Ikiavira Itir God, ki kamaghin mikeme.

³⁵ Ki uan ingangarir gumazim Devit, a ko dikirir akam ko, uan ziar ekiam ginighnigh,

egh bizir kamning bangin, ki nguabar ekiar kamin ganiva an akurvaghram.”

³⁶ Egha dimagarir kamra, Ikiavira Itir Godin enselin mam dikavigha ghua, Asiriabar midorozir gumaziba itir danganimin, men 185,000plan midorozir gumazib soghezi, me ariaghire. Ezi aminim tirazi bar mizaraghara, gumazamiziba dikavigha midorozir gumazir kabar kuabar gari.

³⁷ Ezi Senakerip midorozir gumazir ikiavira itiba ko, dikavigha uamategha Asirian kantrin ghuegha, Niniven nguabar ekiamin iti.

³⁸ Egha a dughiar mamin uan asem Nisrokin dipenimin ghugha an ziam fe. Ezi an otarimning, aningin ziamning, Adramelek ko Sareser, aning midorozir sabam inigha aven ghugha a misoghezi an aremezi, aning ara ghua Araratin kantrin iti. Ezi an otarir igharazim, an ziam Esarhadon, a uan afeziamin danganim inigha, Asirian kantrin atrivimin iti.

38

Atrivim Hesekia arimariam itima, Ikiavira Itir God an akura

(2 Atriviba 20:1-11; 2 Eghaghaniba 32:24-26)

¹ Dughiar kamin, Asiriaba bar arazir kurabar Judabagh amima, Hesekia arimariam inigha atam areme. Ezi Emosin otarim Aisaia ghuava an ganigha kamaghin a migei, ‘Ikiavira Itir God kamaghin migei, ‘Nin arimariam givaghan kogham, a ikivira ikiti ni ovegham. Kamaghin amizi, ni gumazamizir nin dipenimin itibav

kemeghti, me nin ingangariba bar dar amu dar kirigh.”

² Ezi Hesekia akar kam baregha, uan guam isa a itir dipenimin averiamin birimin gara, Ikiavira Itir God ko migia ghaze, ³ “O Ikiavira Itir God, ki uan navir averiamin aven ni baghavira ikiha nin ifongiamin gin ghuia, bar guizbangira zurara nin ingangarim deravira a gamuavira iti. Kamaghin amizi, ki amizir ingangariba, ni dagh nighnigh na ateghti, ki ovengan kogham.” Egha Hesekia Ikiavira Itir God ko mikemegha givagha, bar puviram azi.

⁴ Ezi Ikiavira Itir God ua kamaghin Aisaia migei, ⁵ “Ni mangi kamaghin Hesekia mikemegh, ‘Ki Ikiavira Itir God, nin inazir afeziam Devitin God, ki nin azangsizim baregha nin temeribar ganigha gifa. Kamaghin amizi, ki ni ateghti, ni ua 15plan azenibar ikegh gin ovengam. ⁶ Egh ki nin akuragh, Asiriabar atrivimin amaman-gatichti, a ni abiragh Jerusalem inighan kogham. Bar puvatigham.

⁷ “Ki Ikiavira Itir God, ki ababanitam ni danighti, ni kamagh fogh suam, ki damuasa akam akirigha givazir bizim, ki a damuam. ⁸ Ni gan! Ababanir kam kamakin, Atrivim Ahas fomira ingarigha asarazir adiriziam, ia an dughuazibar gara aruem inuaa medi. Aruem datirighin ghuaghiri, egha ki a damighti, a timira uamategh overiamin mangiti, an angazangarimin dughuazim adiriziamin 10plan ighuvibar pin uamategh ghuavanabogham.”*

Ezi aruem uaghira adiriziamin dughuazim gamima, a zuamira timira uamategha pin ghuia adiriziar ighuvir 10in pin itimin tu, a datirighin 10plan auan a faragha ikezi moghin iti.

⁹ Ezi Hesekia ua ghuamaghegħa akar kam osira ghaze:

¹⁰ Ki kamaghin uabi ginighnigha ghaze, ki ti uan igiamram aremegħi nguazir kam ategħam.

Egh mangi Gumazamizir Oveaghuezibar Nguibamin ikiam.

¹¹ Ki ghaze, ki gumazamizir angamira itibar tongin iku u Ikiavira Itir Godin ganighan kogham.

Ki Gumazamizir Oveaghuezibar Nguibamin mangi, egh ua nguazir kamin itir gumazamizir angamira itibar ganighan kogham.

¹² Nan angamira itir ikirimir kam, mati averpenim, gumaziba anepirigha a inigha għu.

Ki ghaze, nan ikirimir, mitarir ruarimin min ruaragh, egha ki mitarimin min a girighavira iti. Ezi puvati.

Nan ikirimir ki datirighin itir kam, mati amizim mitarim girizi mogħin, me zuamiram anetugħti, an otevegham. God, nan ikirimir angamira itim ni zuamira anegħifagh.

¹³ Ki dimagaribar nighnigha ghua mizarazibar tu, egha ghaze, Ni laionin min nan aghariba apiri.

Ni dughia bar na gamma, nan ikirimir kam għivasava ami.†

¹⁴ Ki mizazim isa ara deima, nan arareba gavgaviba puvati, mati kuarazir nguzi min ararem.

Nan arareba, da kuarazir bunbamin ararebar min bar nimiram arai.

Ki dughiar bar ruarimin akurvazim ini-as, kogħha overiamin garava araima, nan damazimmin teriba ira na gamizi, ki bar amira.

O Ekiam, ki osimtizir bar ekiam iti, ezi ni iziva nan akuragh.

¹⁵ Egh ki manmagħira mikimam? Ikiavira Itir God, nan akurvaghħasa akam akirigha għiġi, eghha a datirighin bizix kabagh amizi da otifi.

Kamaghin amizi, ki uan navir averiamin aven osimtizir ekiar na batozir kam ginighni,

egħi pura uabi abiragh nimira iki mangi ovengamin dughiem otogħam.

¹⁶ O Ekiam, ni ikirimir isi gumazamizibar aningi, me angamira ikiam.

Ezi bizix na bativizir kaba, da ikirimir igħiġi nan duam ganangi.

Ni nan arimariam agħiġaqha na gamizi, ki ua dikavigha għuamagħe.‡

¹⁷ Ezi osimtizir ekiar na bativiba, ki dar gara fo, da nan akurvaghħasa otifi.

Ezi datirighin, ni bar mogħira nan arazir kurabha gin amadha għiġi.

Ni bar mogħira na gifuegħha nan amaman-gatix puvatizzi, ki Gumazamizir Oveaghuezibar Nguibamin ghuzi puvati.

¹⁸ Gumazamizir Oveaghuezibar Nguibamin itiba, me nin ziam fan kogħam.

^{38:3:} Nehemia 13:14 ^{38:7:} 2 Atriviba 20:8 * ^{38:8:} Judabar arazim kamaghin. Atrivim Ahas asarazir adiriziam, a men kloġi min iti. Aruem an garima, an dughuazim, adiriziar ighuvibar għisra, eżi me dughuazim gara fo, kar auan manam. † ^{38:13:} Ves 11-13, Hibrun akam deragħa dar akar mabar mingarim abighiżżejjur puvati. ‡ ^{38:16:} Hibrun akam deragħa ves 15 ko 16, aningin akabar mingariba deragħa da abighiżżejjur puvati.

Egh ni uan gumazamiziba bagha zurara amir bizir aghuiba,
me dar ganan kogham.

¹⁹ Gumazamizir angamira ikiavira itiba,
guizbangira merara, ki datirighin nin ziam fe moghin, me nin ziam fa ni minabi.

Amebabba ko afeziaba, ni zurara amir bizir aghuiba,
me dar gun uan boribav gei.

²⁰ Ikiavira Itir God nan akuraghha na gamizi ki ua ghuamaghe.

Eghti dughiaba bar, e Ikiavira Itir Godin Dipenimin mangi,
gitabav sogh, ighiaba bangi an ziam fam.

E datirighin angamira itir dughiar kam, e kamaghira zurara a ziam fivira ikiam.

²¹ Aisaia faragha kamaghin migia ghaze, “Atrivimin ingangarir gumaziba, fighin ovizir me apuzizi taba inigh, da mirmirigh dipatam darugh da munumigh da inigh izi, Hesekian okar gavgavim dukuaghti, a ua deragham.”

²² Ezi Hesekia faragha uaghan kamaghin Aisaian azara, “Ikiavira Itir God, ababanir manam nan akaghti, ki an ganigh fogh suam, ki uam an Dipenimin mangi, an ziam fam?”

39

Babilonin Atrivim Merodak, gumaziba amangizi me Jerusalemin ize

(2 Atriviba 20:12-19)

¹ Baladanin otarim, Merodak Baladan, a Babilonin atrivimin iti. An orazi, Atrivim Hesekia arimariar dafam ikia, ua ghuamaghe. Ezi an akinafariba osirigha bizar aghuir mam sarama gumazir mabagh aningizi, me Hesekia bagha da inigha zui.

² Ezi Hesekia men akaba baregha givagha bar akongegha, me inigha uan dipenim ko, dagiaba itir dipenim ko bizar aghuiba itir dipenibar aven ghua, uan dagiaba ko bizar ighazariba men aka. A uan silvaba, ko golba, ko pauran mughuriar aghuiba ko, borer aghuiba ko midorozir biziba, me bar moghira dar gani. Hesekia biziitam modozir puvati. An atrivimin dipenim avinizir dipenibar itir biziba ko, an kantrin danganiba bar dar itir biziba, a bar dar men aka.

³ Ezi Babilonin izezir gumaziba uamategha ghuezi, Godin akam inigha izir gumazim Aisaia, iza kamaghin Atrivim Hesekian azara, “Gumazir kaba manmaghira migei? Me kantrin manamin gumaziba?”

Ezi Hesekia kamaghin an akam ikaraghha ghaze, “Me kantri Babilonin gumaziba, me nan ganasa saghuiamin ikegha ize.”

⁴ Ezi Aisaia kamaghin Hesekian azara, “Me bar bizir tizimra nin dipenimin aven an gani?”

Ezi Hesekia kamaghin an akam ikaraghha ghaze, “Ki uan biziba bar men akakaki. Egha ki uan bizir aghuiba akuvir dipenibar aven bizitamin men modoziir puvati.”

⁵ Ezi Aisaia kamaghin Hesekia migia ghaze, “Ni oraghti, ki Ikiavira Itir Godin Gavgaviba Bar Itimin akam ni mikimam.

⁶ Ikiavira Itir God kamaghin migei, ‘Bar guizbangira, dughiatam gin iziti, Babilonia izi, nin atrivir dipenimin itir biziba bar ada inigh, egh bizar nin inazir afeziaba fomira biziba akuvir dipenibar akuvaziba, me bar da inigh Babilonin kantrin mangigham. Eghti bizitam ua ikian kogham. ⁷ Eghti me ian ovavir borir ian otivizibar otarir taba inigh mangi me damuti, me kalabuziar gumazamizibar min otivichti, me men mikarzir mogomebar oviziba amiseveghti, me Babilonin atrivimin dipenimin aven ingaram.’”

⁸ Ezi Hesekia akar kam baregha, kamaghin Aisaia migei, “Ikiavira Itir Godin akar ni na migeim, a dera.” Guizbangira, Hesekia kamaghin nighnigha ghaze, “Ki datirighin atrivimin itir dughiar kamın, bizar kurar kaba otivan kogham. E pura navir amirizimin ikiti midoroziba puvatigham.”

God uan gumazamiziba ua me iniam

40

(Sapta 40-55)

Dughiar aghuim Godin gumazamiziba bativamin akam

¹ Ian God ghaze:

“Ia gavgavim isi nan gumazamizibar aningti,
me navir amirizimin iki.

² Ia apangkuvim itir akar aghuir kam isi, Jerusalemin nguibamin gumazamiziba me mikim gavgavim me daning.

Egh kamaghin nan gun me mikim suam, ki Ikiavira Itir God,

ki uan dafarimin men arazir kuraba ikaraghha bar dughiar ruarimin me ataghizi me kalabusin ike.

Ezi datirighin ki men mizaziba ko ingangarir ekiam agivagha
men arazir kuraba gin amadazi, me firriaghire.”

³ Ezi gumazir tiarir mam kamaghin dia ghaze,

“Ia gumazamiziba puvatizir danganimin,
Ikiavira Itir God baghiva tuaviba
azeniva dar kir.

⁴Egh danganir zariba apemiva,
mighsiaba ko akiribagh kuti da magiri.
Egh tuavir ikiziriziba, ia dar ingarichti, da
voroghiha mineghirigh.
Egh tuavir kuraba, ia deraghvira da
akir.

⁵Egiti Ikiavira Itir Godin angazangarir gav-
gavim ko ziar ekiam azenim girichti,
nguazir kamin gumazamiziba bar
moghiram an ganam.”
Kar Ikiavira Itir Godin, akatorimin
otozir migirigiam.

⁶Ezi tiarir mam kamaghin migia ghaze,
“Ni akam akun.”
Ezi ki ghaze,
“Ki akar manam akunam.”
Ezi tiarir kam na ikaraghia ghaze,
“Ni kamaghin mikim suam,
Gumazamiziba nguazir kamin ikivira ikian
kogham,
me oghevseviba midii moghira
misigham.
Me ruarinmin itir akimariba suaghiri
moghin,
dughiar ruaribar itir puvati.

⁷Ikiavira Itir God amimir fefeim amadima,
oghevseviba midiima, akimariba
midia suaghiri.
Bar guizbangira, gumazamiziba oghev-
sevibar min, bar moghira gevegham.

⁸E fo, oghevseviba midii, ezi akimariba
suaghiri.
Ezi en Godin akam,
a zurara ikia kamaghira iti.”

⁹O Saionin gumazamiziba, ia mighsiar
ekiamin mavanangiva, akar aghuim
akun.
O Jerusalemin gumazamiziba, ia
pamtemin dimiva akar aghuim akun.
Ni atiatingan koghi, akam akun Judan
nguibabav kim suam,
“Ia gan, ian God a izi!”

¹⁰Ia gan. Ikiavira Itir God, ian Ekiam, a uan
gavgavir ekiam sara izi.
A uan apaniba dikabiraghia gifia.

Egha a uan gumazamiziba, ua me inigha izi,
mati bizar aghuir a midorozimin me
dikabiraghia inizir biziba.*

¹¹A sipsipbagh eghuvir gumazimin min,
uan gumazamiziba deraghia me
geghuva men gari.

A zurara uan agharimningin sipsipin nguz-
iba akumakua,
me isa uan evarim garigha, me ater-
agha arui.

A sipsipin amebar nguzir bar muzieriba
itiba, a men asughasuga,
me isa tuaviba men akakagha, men
akuza zui.

Israeliyan God, an aseba bar dagh afira

¹²Gumazitam ongarim tuisighasa uan da-
farimin bar a tuigha an suirazir pu-
vati.
Gumazitam overiamin arozim
gifoghasa uan dafarim onegha an
suirahga an abarazir puvati.
Gumazitam nguazir minezim tuisighasa
uan itarim inigha bar moghiram a
tuizir puvati.
Gumazitam, mighsiar ekiaba ko
dozibar osimtizibar dibobonim
gifoghasa, uan skel inigha da medir
puvati.

¹³Gumazitam bizibar amuamin fofozim,
Ikiavira Itir Godin sure damuan
kogham.
Gumazitam an faragh mangi
nighniziba a daningan kogham.

¹⁴Ikiavira Itir God fofozim bagha gumazi-
tamin azarazi,
a ti guzin arazimin tuavimin an sure
gami?
Bar puvati.
Gumazitam nighnizir aghuiba ko fo-
fozir aghuir a itir kabar Godin sure
gamizir puvati.
Bar puvati.

¹⁵Bar guizbangira, Ikiavira Itir God,
kantribar garima, me mati pura biziba.
Me mati dipar muzierir ofizir
vamira ira miner ekiam giri.
Egha mati gumazim nguazir minezir
muzierir bar vamiran osimtizim
gifoghsa
a inigh skel datighti, an osimtiziba pu-
vatigham.
Kantriba bar, Godin damazimin
guizbangira bar sufi.
A saghuiamin itir arighatizibar garima,
men osimtiziba
mati nguazir minezir kinim.

¹⁶Egh gumazamiziba asiziba bar dav suegh,
Lebanonin ruarinmin temeba okegh,
da inigh izi avir ekiam atigh, asizir kaba
bar da tueghti,
da bar isi mighirighamin ofa
damuam.

- Eighti men ofan kam Godin damazimin
pura bizimin min otogham.
- ¹⁷ Nguazir kamin kantriba bar, me Ikiavira
Itir Godin damazimin pura biziba.
Me pura bizir kiniba.
- ¹⁸ Kamaghin amizi, tinara Godin min gari?
Guizbangira, bizaritam a ko magh garir
puvati.
- ¹⁹ Ezi, asebar marvir guaba, gumazir
digiribagh amiba,
me da aghora dar ingari.
Ezi golin ingarir gumaziba me golin da
nomke,
egha da ikiasa silvan senbar ingari.†
- ²⁰ Gumazamizir organarazibagh amiba,
me temer aghuir bar gavgavir zuamira
kurighan koghamiba amisefi.
Egha gumazir digiriba deragha dagh amiba
me migei.
Ezi me me bagha asebar marvir guaba
temebar dar aghori.
Gumazir kam bar deravira marvir guar
kam tememin aneghoreghti,
a tugh gavgavigh iki irighan kogham.‡
- ²¹ Ia ti fozir puvati?
Egha ia ti oraghizir puvati?
Gumazitam ti ia mikemezir puvati,
ezi ia bar fomira iza datirighin bizar
kam gifozir puvati?
- ²² Godin overiamin pin uan atrivir
dabirabim gaperaghavitim,
a bizar kaba bar dar ingari.
Egha an overiam, inimin min an onegha,
averpenimin min a kuasa.
Ezi an damazimin, nguazir kamin gu-
mazamiziba bar suvigha, odezibar
min iti.
- ²³ An atriviba ko gumazir ziaba itiba
abirima,
me ua ziaba puvati.
- ²⁴ Atriviba mati, akimarin igiaba gumaza-
miziba datirighira da opari, ezi dar
biba tighar nguazimin magiram.
Eighti Ekiam aminin fefem amadaghti,
a izamin dughiamin, me zuamira
misingam.
Eighti aminin minezir muziarimin
min, me giveragh mangigham.
- ²⁵ Ezi Godin Bar Zuezim azaraghha ghaze,
“Tinara nan min gari?
Guizbangira, gumazitam na ko magh
gari puvati.”
- ²⁶ Ia pin overiamin gan!
- Tinara mikoveziba ko overiamin itir
bizar ingarizi, da otifi?
Bizir kaba, Godin midorozir gumazibar min
iti.
A ziaba dagh arigha dar pone.
An adar dibobonim gifogha, vaghvaghda dar
ziabagh fo.
A gavgaviba bar iti, kamaghin amizi,
bizar pin itir katam ovengan kogham.
- ²⁷ Ia Israelia, ia Jekopin anabamin adarasi,
ia manmaghsua puvira imoba kam-
aghin migei,
“Ikiavira Itir God, en osimtizibar garir
puvati.
E dughiar kuraba bativima, en God
en akurvaghan aghua.”
- ²⁸ Ia ti kamaghin oregha fozir puvati,
Ikiavira Itir God, a Godin zurara ikia
mamaghira itim.
A nguazir kam ko an itir biziba bar moghira
dar ingari.
An amiraghha amirazir puvati.
Egha an gavgavim geviv puvati.
Eighti gumazitam an nighnizim
gifoghsii damuva avegham.
- ²⁹ A gavgaviba puvatizir gumazamiziba
gavgaviba me ganidi.
Ezi men gavgaviba amiraghha uaghiri-
ma, a me gamizi,
me uamattegha gavgaviba isi.
- ³⁰ Dughiar mabar, gumazir igiabar gavgav-
iba gefi.
Ezi me amirvaghha pura iri.
- ³¹ Ezi gumazamizir nighnizir gavgavim
Ikiavira Itir Godin ikia, an gavgavim
bagha a mizua itiba,
a gavgavir igiam me daningti, me zu-
rara gavgavighvira ikiam.
Me dikavigh deraghvira mangam,
mati kuarazir bagaba overiamin
mighaghha arui.
- Me i vemar mangi, egh avighaghan kogham,
me daru mangi, egh amirvaghan
kogham.

41

*Ikiavira Itir God ghaze, a Israeliian
akuragh ua me iniam*

¹ God kamaghin migei:
Ia kantrin roghira itimin gumazamiziba
ko, saghon itir arighatizibar gumaza-
miziba,
ia uan akaba dukumigh nan akam
baragh.

† ^{40:19:} Fofozir gumazir maba ghaze, senba mati

pura adiarir kiniba. Ezi fofozir gumazir ighazarir maba ghaze, senba nedazibar suigham, puvatigiti nedaziba iregham.
‡ ^{40:20:} Hibrun akam deragha vezin kamin akar mingarim abighizir puvati. ^{40:21:} Onger Akaba 19:1; Aposel
14:17; Rom 1:19-20 ^{40:28:} Onger Akaba 147:5; Rom 11:33 ^{40:31:} Onger Akaba 103:5

Ia bar deravira nighnigh kotin izi uan akaba tuisighamin dughiamin dav kim.

E uari akuvagh akaba tuisigh dar gan egh fogh suam, tinan akam a guizbangira.

² Tinara aruem anadi naghin atrivim garugha a fezi, a kantriba ko misogha ghua egha bar moghira me abini.

Godra kantriba an agharim gatigha, a gammima, an atrivir ighazariba abiri.

An midorozir sabam ko pim bar me agefi, ezi me mati nguazir mineziba ko raizin afezibar min otozi, aminim me giva zui.*

³ A zuamira me bativa, me gasighasigha me gitaviraghia zui, ezi me biziitamin a damuan ibura, mati aminim uabi a inigha zuima, a tong nguazim dikarazir puвати.

⁴ Tinara bizar kabagh amizi da otifi? Ki Ikiavira Itir Godra, ki dagh ami.

Ki nguazim gamizi an otozir dughiamin, ki zurara bizibagh amima, da nan ifongiamin nguazir kamin otifi.

Ki Ikiavira Itir God, ki bar faraghavira iti. Egh ki ikivira iki mangi bar gin dughiar abuananamin, uaghan ikiam.

⁵ Saghuiamin itir arighthatiziba bar men gumazamiziba, ko nguazimin oteviba bar dar itir gumazamiziba, me ki amizi bizibar ganigha, puv atiatia nisi.

Egha me iza uari akuvaghha, ⁶ me uan naviba gavgavim dar aningasa, uarira uariv gei.

⁷ Egha me asebar marvir guabar ingari. Gumazir digiribagh amiba, golin bizar ibar ingarin gumazibav gia ghaze, ia ingangarir bar aghuimram ami.

Ezi golin misogha anekiri gumaziba, kamaghin ainin bizibar ingarin gumazibav gei,

Aia, ia bar deraviram ada isavsuiki.

Egha me gin da iran atiatigha, dikonibar dagh afughafuki.

⁸ Ezi ia Israelia, ia Jekopin anabamin adarasi, ki ia amisevezi, ia nan ingangarir gumazamizibar iti. Ia nan roroam Abrahamin ovavir boriba.

⁹ Ki nguazir kamin ruaghatevimin itir nguibar bar saghon itimin ia inigha ize.

Egha ki kamaghin ia mikeme, ia nan ingangarir gumazamizibar iki.

Ki ua bagha ia ginaba, egha ki ian aghuaghha akirim ragha ia gasarazir puвати.

¹⁰ Ki ian God, egha ki ia ko iti, kamaghin amizi, ia atiatingan marki.

Ki ia damutti ia gavgavichti, ki ian akuraghram.

Ki bar deravira ian ganiva, uan gavgavir ekiamin ian apaniba abinam.

¹¹ Ia gan! Ian aningagha ia isa kot bagha zui darasi, me ia dikabinan iburagh bar aghum-sigham.

Gumazir ia misoghasa amiba, me pura bizar kinimin min otogh bar givagham.

¹² Ia misogha ia gasighasighava amir gumazir kaba, ia me buri men apighan kogham.

Me pura nguazir kam ategh bar puvarigham.

¹³ Ki Ikiavira Itir God, ian God, ki ian boroghira ikia, gavgavim isa ian agharir guvim ganiga kamaghin ia migia ghaze,

Ia atiatingan marki.

Kirara, ki ian akurvaghram.

¹⁴ Ikiavira Itir God ghaze: "O Israelia, ia avirasemezir puvatigha gavgaviba puвати. Ki ian akurvaghram.

Ki Israeliian Godin Bar Zuezim, ian Akurvazir Gumazim.

¹⁵ Ia gan! Ki ia damichti, ia wit dikava a mirmiri ter ararir bar dafar me ainin dikonibar afughafughizim min otogh.

Kar ter ararir igiam, ezi an dikonibar atariba bar ghumi.

Egh bizar ian tuaviba apira osimtzibza ia ganidiba, ia da dikabinigham.

Mati ia mighsiaba abiaghaziri da uaghira nguazir minemniamin otifi.

¹⁶ Ia osimtzizir kaba isi pin da akunam, mati gumazim nguazir minezim ruegha pin anekunizi, aminim a givaraghha ghu.

Egh ia Ikiavira Itir God bagh bar akuegham.

Egh ia Israeliian Godin Bar Zuezim in ziam fam.

¹⁷ "Gumazamizir organarazibagh amiba dipaba puvatigha,

* **41:2:** Akar kam, "Aruem anadi naghin itir atrivim," a ti kantri Persian Atrivim Sairus. Ni Aisaia 44:28 ko 45:1 ko 46:11 in gan. **41:4:** Aisaia 44:6-7; 46:10; Akar Mogomem 1:8; 1:17 **41:8:** 2 Eghaghaniha 20:7; Jems 2:23 **41:9:** Godin Araziba 14:2; Onger Akaba 135:4 **41:10:** Josua 1:9; Aisaia 44:2; Rom 8:31 **41:13:** Aisaia 42:6; 45:1

- men kuariba bar men pirizi, me dipaba buri.
- Me nan deima, ki Ikiavira Itir God, ki men migirigjaba barasi.
- Ki Israeliian God, ki me ginamadaghan kogham.
- ¹⁸ Ki fanebar amuti, dipaba mighsiar temeba aghuir puvatizibar otiv afor dar izighiram.
- Egh ki dipar emimiribar amuti, da danganir zaribar otiv monmoniba anangam.
- Egh ki dipar akarebar amuti, da danganir dakirtizibar otivam.
- Egh ki dipaba puvatizir daghuribar amuti, dipaba dar otiv dagh izivam.
- ¹⁹ Egh ki sidan temeba ko, pain ko, oliv ko, saipres ko, temer guar igharaghha garibar amighti, da dipaba puvatizir danganimin otivigh aghungam.
- ²⁰ Ki kamaghsua, gumazamiziba ganigh fogh suam, ki Ikiavira Itir God, Israeliian Godin Bar Zuezim, ki uan gavgavir ekiamin bizir kabagh ami.
- Ki bizir kaba bar dar ingarizi, da otifi."
- Aseba da guizin godba puvati*
- ²¹ Ikiavira Itir God, a Jekopin anabamin atrivim, a kamaghin migia ghaze, "Ia kantrin igharazibar aseba, ia uan akar otevir ia mikimamiba deragh da akirigh, uan akaba gavgavim dar aningsi kotin iziti, kot deragh ian migirigjaba tuisigh da baraghram.
- ²² "Ia faragha, bizir gin otivamibar gun mikeme.
- Egh datirighin akar kaba kot geghan, egh bizir kabar mingariba abigh e mikimti, e deraghvira da tuisigh dagh fofofogh suam, da guizbangira otoz, ti puvati. Egh ia gin otivamin bizibar gun mikim.
- ²³ Egh ia gin izamin arazibar gun e mikim, egh ti bizir kaba otivamin dughiamin, e kamaghin fogh suam, ia guizin godba, o puvati.
- Ia bizir aghuitam, o bizir kuratam damuti, e ian gavgaviba deraghvira dar ganam.
- ²⁴ E fo, ia pura bizir kiniba, kamaghin amizi, ia bizitam damighan kogham.
- Ezi gumazamizir ian ziaba feba, me uaghan bizir kurabar min otivizi, ki bar men aghua.
- ²⁵ "Ki aruem anadi naghin itir gumazir mam amisefe. Gumazir kam ziar ekiam na ganidi. Ezi ki datirighin notin amadaghan a inigha izi.
- Ezi a mati, gumazir nguazir minebar ingarim, a minem ingarasa nguazim dikabiri moghin, an atriviba dikabira me abiri.
- ²⁶ Ia kantrin igharazibar aseba, ian tongin tina ghaze, bizir kaba otivam? Puvati.
- Ian tongin tinara migirigiar tam damighti, e kamaghin mikimam, a guizbangira migei.
- Ian tav kamaghin mikemezir puvati, bizir kaba otivam.
- Guizbangira, gumazitam ian tav barazima, a migirigiatam gamizir puvati.
- ²⁷ Ki uabi faraghavira, bizir kaba otivasa ki dar gun Saion mikeme.
- Ezi datirighin ia garima, ada otivigha gifa.
- Ki datirighin Jerusalemin akar aghuim akunasa abuir gumazir mam amadaghha gifa.[†]
- ²⁸ "Ki aser kabar garir dughiamin, me migirigiatam gamizir puvati. Egh me nighnizir aghuitam damuan kogham.
- Egh men tav nan azangsiziba ikaraghan kogham.
- ²⁹ Ia gan! Aser kaba da pura bizir kiniba. Dar nedaziba mati aminim pura ivai. Da bizitam damuamin gavgaviba puvati."

42

Ikiavira Itir Godin ingangarir gu-mazimin migirigjaba

¹ Ikiavira Itir God ghaze:
Ia gan! Kar nan ingangarir gumazim, ki uabi anemisefe, egha ki bar a gifuegha, a bagha bar akonge.

Egha uan Duam isa a gati.
Egħi a nguazir kamin kantribar gumazamiziba guizin arazimin gin mangiśi me tuisigham.

² A mikimamin dughiamin, a pamten akam akarigh mikiman kogham.
A tuavibar tuiv aghurighvira pamten mikiman kogham.

³ Ighurunim gavgaviba puvatigha dipirasava amim, a bar anepirighan kogham,

41:18: Onger Akaba 107:35; Aisaia 35:6-7; 43:19 **† 41:27:** Vezin kam, Hibrun akam deragħha an mingarim abigha an gun mikemezir puvati. **42:1:** Aisaia 43:10; Matyu 3:17; 17:5; Mak 1:11; Luk 3:22; 9:35; Jon 3:34; Efesus 1:6 **42:1:** Matyu 12:18-21

- egh lamin pamtem isir puvatizim, a anemungeghan kogham.
- Egh a kamaghira, gavgaviba puvatizir gumazamizibar asughasugh deravira me damuam.
- A kamaghira damu mangi, guzin arazim damighti a iki gavgavigham.
- ⁴Egħi osimtitam a dikabiragħan kogħam.
- A pamten ingar mangiva, dughiar a guzin arazimin gin mangi gumazamiziba tuisighamim otogħam.
- Egh an otogh gavgavigh nguazir kam bar an ikiam.
- Ezi saghon itir arighthażiżbar gumazamiziba,
me arazir God uarir sure
damuamibav mizua iti.
- ⁵Ikiavira Itir God, an overiamin ingarigha a isa inimin min an oneħha aneti.
- Egha nguazir kamin ingarigha, an itir biziżba bar dar ingarigha dagħi amizi, da otivigha aghui.
- Egha angamira ikiamin aminim ko gav-gavim isa nguazir kamin gumazamizibagh aningi.
- Godin kamra, uan ingangarir gumazim migħi ghaze,
- ⁶“**Ki** Ikiavira Itir God, ni nan arazir aghuimin bizibar amuasa ki nin dia.
- Egh nin agharimin suiragh, deragh ni gejhuv nın ganam.
- Egh ni bangin, ki Akar Dikirizir Gavgavim nguazir kamin gumazamiziba ko a damuam.
- Egh ni damuti, ni kantribar gumazamiziba, bar men angazangarim min ikiam.
- ⁷Ni ingangarir kam damuam:
- Ni damazir okavirizibar amuti, me ua ganam.
- Egh kalabusin itir gumazamizir danganir mitarremin apiaghv itiba, ni me damighti me firighiregham.
- ⁸“**Kirara, ki** Ikiavira Itir God, kar nan ziam.
- Ezi ki uabira, ia nan ziar ekiamra fi.
- Ia gumaziba ingarizir marvir guatamin ziam fan bar marki.
- ⁹ Ia ganigh! Bizar ki fomira otivasa mikemeziba, da datirighin otivigha gifa.
- Ki bizar igharazir tīgħiż fanġi, gun ia mikimam.
- Egħi ja dagh foghvira ikiti, da gin otti vam.”
- Gumazamiziba bar, Ikiavira Itir Godin ziamra fi*
- ¹⁰Ia nguazir kamin itir gumazamiziba bar,
- ia iħiġiār igħam bangi, Ikiavira Itir Godin ziam fi!
- Ia gumazir kuribagh aruiba ko ongarimin osiriba, ia an ziam fi.
- Ia saghon itir arighthażiżbar gumazamiziba, ia iħiġiār iġiaba bangi.
- ¹¹Ia dakħiġiż danganim min itir nguibabar gumazamiziba ko, Kedarian adarasi, ia tiariba akar an ziam fi.
- Ia Selan nguibamin gumazamiziba, ia mighsiabar mavanegħ dim mikim bar akongegħ.
- ¹²Ia gumazamizir roghira itiba, ziar ekiam Ikiavira Itir God daning.
- Ia saghon itir arighthażiżbar gumazamiziba, ia bar mogħira an ziam fi.
- ¹³Ikiavira Itir God mati, midorozir gumazir gavgavim, egha a datirighin misogħasa zui.
- A tiarim akara diava mati, gumaziba midorozim foreghħas misogħamin arazibagh amua, misogħasa gara iti.
- Egha a gav-gavim ikia, uan apaniba ko misogħasa atiatir puvatigha, bar me abini.
- ¹⁴Ikiavira Itir God ghaze,
- “**Ki** dughiar ruarimin uabin asugħa aghumra ikia, bizitam gamizir puvati.
- Datirighin, ki amizim navim asegha otasa mizazim isa arai mogħin, ki pamten diava arai.
- Egha bar avighaqhegħa, nan akam ko nan atinim pamten aminim geku aven ghua azenan izi.
- ¹⁵Ki mighsiaba bar dagh asighasigh, egh tembeba ko grazibar amighti, da misiġħam.
- Egh ki faner ekiaba ko dipar akarebar amighti, da bar dakeghħam.
- ¹⁶Ki uan gumazamiziba inigh tuavir me fomirama aruizir puvatizim min me atiġġi, me an mangam.
- Me datirighin mati damaziba okavigha aminirbirimin iti.
- Egħi ki aminirbirim me dam anedegħ, angazangarim me daningam.
- Tuavir fightiżi kurar me fomiram aruiziba, ki da akozeġħti, me tuavir voroghira ireghav itibar aruam.
- Ki guizbangira, me gin amadagħan kogħam.
- Bizar ki damuasa mikemezir kaba, ki tam ategħi kogħam.
- Ki gużiñ dar amighti, da otivam.

¹⁷ Gumazamiziba marvir guabar ziaba fa
nighnizir gavgavim dar ikia ghaze,
da men guizin godba.

Ezi ki bar gumazamizir kaba batuegh me
damuti,
me bar aghumsigh uan nighnizibagh
iragham."

*Israelia, gumazamizir damazir
okaviriziba ko kuarir organibar min iti*

¹⁸ Ikiavira Itir God ghaze:

"O Israelia, ian damaziba pirizi, ian kuariba
bar ongani.

Ia uan damaziba kuigh ganiva, egh
kuariba arigh oragh!"

¹⁹ Ia nan ingangarir gumazamiziba, ki ua
bagha ia amisefe,
eghti ia na baghvira iki, nan abuir gu-
mazibar min iki
nan akam inigh mangam.

Egha ia gumazir damazir okaviriziba ko,
kuarir organibar min iti,
egha bar damazir ikuviziba ko kuarir
onganiba, bar me gafira.*

²⁰ Bizar bar aviriba, ia dar ganigha dar ak-
aba baraki.

Egha bizar kaba, ia deragha dar gari
puvati,
egha deragha kuariba arigha, akar
kam baraghizir puvati."

²¹ Ikiavira Itir God, arazir aghuibaram ami.
Kamaghin amizi, a uan Akar Gavgaviba
isa ia ganingi.

Eighti gumazamizir igharaziba dar ganigh
kamaghin fogh suam,
Akar Gavgavir kaba, bar deragha bar
pin iti.

²² O Israelia, ia datirighin bar paza iti.
Apaniba ia gasighasigha ian biziba oke-
megha da inigha ghue.

Me uaghan pamtem ian suigha ia inigha
ghua kalabuziar diperiba ko toribar
aven ia ariki.

Ia mati pura bizar kiniba, apaniba ia oke-
megha ia inigha ghue,
ezi ian akurvagh ua ia iniamin gumaz-
iba puvati.

²³ Ezi datirighin ikegh mangi,
ian te deragh kuariba arigh nan akam
baraghram?

²⁴ Tinara mikemezi, apaniba iza, e
Jekopin anabamin gumazamizibagh
asighasiki?

E Israelia, tinara e isa en apanibar
agharam gatizi, me izegha en biziba
okeme?

Ikiavira Itir God uabi arazir kam
gami.

E akirim ragha Ikiavira Itir God gasaragh
arazir kurabagh amua,
an Akar Gavgaviba batogha, a ifongezi
moghin zuir puvati.

Kamaghin amizi, a uabi bizir kam
gamizi, an oto.

²⁵ A en apanibar amamangatizi, me iza e ko
misosi.

Ezi tuavir kamin, a uan aningagharim
isa e Israelia, e gingezi, an e avara.
An aningagharim avimin min bar
en isi.

E arazir kamin gara, egha deragha fozir
puvatigha,
bitezam gamir puvati.

43

*God uan gumazamizibar akurvaghua ua
me ini*

¹ Ia Israelia, ia Jekopin anabamin adarasi,
Ikiavira Itir God ian ingarigha ia
gamizi,
ia gumazamizir ikizir vamiran
otozi, a kamaghin ia migei:

"Ki ian akuraghia givagha, ian ziaba ia
gariki,
ki ua baghvira ia amisefe.

Kamaghin amizi, ia atiatingan
marki.

² Ia dipar konibagh iri mangiti,
ki ia ko mangam.

Ia faneba abigh vongin mangiti,
da ia avan kogham.

Eighti ia avir ekiar puvira isimin aven
mangiti,
a ian isian kogham.

³ Ki Ikiavira Itir God, ian God, Israelian
Godin Bar Zuezim, ian Akurvazir Gu-
mazim.

Ia apanibar dafarimin itir dughiamin,
ki Isipia ko, Itiopiaba ko, Sebaba, me
isi

ian danganim inisi apanibar
agharam datigh ia givezegehi, ia
firighirigham.

⁴ Ki ia isa uabin dighorim gamigha,
bar moghira ia gifongegha,
ziar ekiam ia daningasa.

Kamaghin amizi, ki gumazamizir igharaz-
itaba inigh ian danganim inisi
apaniba bagh me amadaghram.
Guizbangira, kantrin igharaziba ian
danganim iniam.

⁵ Ki ia ko iti,
kamaghin ia atiatingan marki.

* **42:19:** Vezin kam, Hibrun akam an mingarim deragha bigha an gun mikemezir puvati. **43:1:** Aisaia 42:6; 44:6;
44:21; 45:4 **43:2:** Godin Araziba 31:6-8; Onger Akaba 91:3; Daniel 3:25-27 **43:5:** Aisaia 41:10; 41:14; Jeremaia
30:10-11; 46:27-28

Ian adarazi me aruem anadi naghin ko
aruem uaghiri naghin iti,
eghti ki me akuvagh uamategh men
aku izam.

⁶ Ki not ko sautin itir gumazamizibav ke-
meghti, me ia ateghti,
ia uamategh izam.

Ki kantrin bar saghuiamin itiba, me
mikimi,

me nan otariba amadaghti, me ua-

mategħ uan nguibamin izam.

Ki gumazamizir nguazir kamin oteviba bar
dar itiba, me mikimi,

me nan guiviba amadaghti,

me uamategh uan nguibamin

izam.

⁷ Ja nan gumazamizibara,
ki vaghvagħha ian ingari.

Ki uan ziar ekiam ko gavgavir ekiam bagħa,
ian ikizmin īngarigha ghaze,

Kantrin Igharazibar Gumazamiziba ian
ganiva

nan ziam fam."

*Israelia kotin aven God bagħ oteviba
akakħagħam*

⁸ Ikiavira Itir God ghaze,

"Ia gumazamizibar diagħti me izi uari ak-
ufagh.

Guizbangira, me damazir okaviriziba
ko orazi puvatizibar min ikia,
egħa me ganamin damaziba ko
akam baraghamin kuarir toriba
iti!

⁹ Kantrin Igharazibar Gumazamiziba uari
akuvagħha iza kotin damazimin tuiv-
igha għifa.

Men tinara gin otivamin bizibar gun
mikimam?

Ezi men tongin gumazir manam faragħa
bizibar gun mikemezi, da datirighin
otifi?

Tinara kotin aven tugh suam, an
aser mam barazima, a bizir gin
otivambar gun mikeme, ezi da
datirighin guizbangiram otifi?
Bar puvati."

¹⁰ Ikiavira Itir God ghaze,

"Israelia, ia na ko ikia uan damazibar nan
gara na gifgo,

egħi ia kotin aven nan gun mikim.

Ia nan ingangarir gumazamizibar otivasa,
ki ua bagħavira ia amisefa.

Ki ghaze, ia na gifogħi nighnizir gavgavim
nan iki, deragh na gifogħi suam,

ki bar uabira ki guizbangira God.

Fomira godin tam nan faragħa ikezir puvati,
egħi godin tam uam otogh nan dan-
ganim inighan kogħam.

¹¹ Ki uabira, ki Ikiavira Itir God,
egħa ian Akurvazir Gumazim,
ezi ian akurvazir gumazitam ua itir pu-
vati.

¹² Ki uabira, ki Ikiavira Itir God.
Kirara, ki bizir damuamimin gun
mikeme.

Egha ki mikemezi mogħin, ian akuragħha
għifa.

Egha ki ian akurvazir bizim gun
akam akuri.

Ezi ian akurvazir godin iħarazitam ua itir
puvati. Ki uabira.

Ezi ia uan damazibar bizir kaba bar dar
ganigħi fo.

Egh kotin aven, ia nan gun mikim.

¹³ Datiरighin ko dugiabar zurara,
ki guizin Godin ikiam.

Ki gumazamizitabar suiragħi me nan
agharrimin ikti,
tina nan gavgavim irriagh, nan
agharrimin me batuegham? Bar
puvatīgham.

Egh ki ingangaritam damuti,
gumazitam nan ingangarim tivaghan
kogħam."

*Israelian Babilonin kalabusin itiba, God
ua me iniam*

¹⁴ Ikiavira Itir God, a Israelien Godin Bar
Zuezim, ian Akurvazir Gumazim, a
ghaze,

"Ki ian akurvagħsi midorozir gumaziba
amadagħi, me izi Babilonia ko
misogħam.

Egħi Babilonia ari mangi, uan kurir me
bar akongeżibar mavanegħ,
uan nguibam ategħi bar ari
mangeħħam."

¹⁵ Ki Ikiavira Itir God, Israelien Godin Bar
Zuezim.

Ki ian īngarigha ia gamizi, ia gumaza-
mizir ikizir vamiran iti,
ezi ki ian atrivim in iti."

¹⁶ Ikiavira Itir God ghaze,
"Ki fomira ongarir bar ekiam tongiram
anebigha tuavim ati.

¹⁷ Egha ki midorozir gumazir aviribagh
amizi, me uan karisba ko hoziaba
sara tuavir kamin ghue,
egħha me bar ikuvigha ua dikavizir pu-
vati.

Me mati gumazim lam giverazi
a zuamira munge.

¹⁸ Ezi datirighin ki ghaze,
Ia bizir ki fomiram amizibara,
nighnighan marki.

¹⁹ Ia gan! Ki bizir igħiam damuasava ami.

Ezi bizir kam a datirighin otifi, ezi ia ti an ganiz, o puvati?

Ki danganir misingizibar tuavibar ingariva, egh ki dipabar amuti, da gumazamiziba puvatizir danganir kamin ivemaram.

²⁰ Nan gumazamizir ki ua bagha miseveziba, me dipabar ami, ki dipam damighti, a danganir misingizimin otoghti, bizir kam bangin asizir atiaba, ko afiar atiaba, ko poneba ziar ekiam na daningam.

²¹ Gumazamizir kaba, bar akuegh nan ziar ekiamin gun mikimasa, ki ua bagha men ingarigha me gamizi, me nan adarazir otifi."

Israelian arazir kuraba, osimtizim God ganidi

²² Egha Ikiavira Itir God ua kamaghin migia ghaze:

O Israelia, ia Jekopin adarasi, ia nan ziam dibora, a fer puvati.

Manmaghin amizi ia amiraghna nan aghua?

²³ Egha ia asiziba tue da bar isia mighirir ofaba bagha sipsipba na daningasa, da inigha izezir puvati.

Egha ia uan navir averiabar aven, ia nan ziam fa na ginighnizir puvatigha ofabagh ami.

Guizbangira, ki ia na daningamin ofan guar bar aviriba ko, pauran me temer bal-samien eborimin ingarizimin ofabagh nighnigha, osimtizir bar aviriba ia gisin arizir puvati.

²⁴ Ezi ia ofa damuasa uan dagiaba isa, na bagha ighurunir mughuriar aghuim zuibagh izevezir puvati.

Egha ia ofaba bagha sipsipba na daningasa, ia dar ovir aghuir aviriba sara na ganingizir puvati.

Kamaghin amizi, ian arazir kuraba na gamima, ki osimtizim ateri.

Ezi bizir kam na gamizi, ki ian arazir kurabar aghua.

²⁵ Kirara, ki God, ki uan ziar ekiam baghavira nighnisi, kamaghin ki ian arazir kuraba bar da gin amada.

Egh ki ua ian arazir kurar kabagh nighnighan kogham.

²⁶ Ia ti ghaze, ia arazir kurar tabagh amizir puvati.

Egh ia kotin aven deraghvira mikim uan nighniziba azenim darigh oteviba akakagham, eighti e nighnizir vamira damu akir mikim suam, ian nighniziba ti dera.

²⁷ Ezi bar puvati! Ian inazir afeziar bar faraghavira ikezim, arazir kuram gami, ezi ian gumazir dapaniba uaghan nan akam batoke.[†]

²⁸ Kamaghin amizi, ian ofa gamir gumazibar dapaniba, ki me gamizi, me nan damazimin mizegha bar aghumsiki.

Ia Jekopin anabamin adarasi, ia bar moghira ikuvighasa ki ian amaman-gatis.

Gumazamizir igharaziba ia dipov ian ingarav akasa, ki men amamangati.

44

Ikiavira Itir God uan gumazamizibar akurvasi

¹ Ikiavira Itir God ghaze, "Ia Israelia, ia Jekopin anabamin adarasi, ia oragh!

Ki ubi ia amisevezi, ia nan ingangarir gumazamizibar iti.

² Ki Ikiavira Itir God, ki fomira ian ingarigha ia gamizi, ia ikizir vamiran oto.

Ia uan amebabar navir averiabar ikezi, me tighar ia batamin dughiam, ki ian ingarigha deravira ian gari.

O Jesurun, ia nan gumazamizibar ikiisa ki fomira ia ginabagh gifa.

O Jekopin anabamin gumazamiziba, ia nan ingangarir gumazir aghuibar min iti.

Kamaghin amizi, ia atiatingan marki.

³ Ki mati gumazim dipam isi nguazir dipaba puvatizibagh ingiva, egh dipam damighti, a nguazir midiaribar ivemaram.

Kamaghira, ki uan Duam isi ian boribagh ingiva,

ian ovavir boriba deragh me damuam.

⁴ Eighti me deraghvira aghungam, mati grazir garir dipaba itibar min gan-ganiba deragh.

Egh mati, temer faner miriabar aghuibar min ganam.

⁵ Eighti Kantrin Igharazibar Gumazamiziba, men tarazi nighnizir gavgavim nan ikiam.

Men tarazi kamagh mikim suam, 'E Ikiavira Itir Godin adarasi.'

43:25: Aisaia 1:18; 44:22; Esekiel 36:22; Aposel 3:19

43:27: Inazir afeziar bar faraghavira itir kam, a ti, Jekopra.

44:3: Aisaia 35:7; Joel 2:28; Jon 7:38; Aposel 2:18

Men tarazi suam, 'E Jekopin anabamin adarasi.'

Eghiti tarazi uan agharibar kamaghin osiram, 'E Ikiavira Itir God baghavira iti darasi.'

Men tarazi suam, 'E Israeliyan adarasi.'

Gumazir asebar marvir guabar ingariba, me bar ongani

⁶Ikiavira Itir God, a Israeliyan atrivim, a men Akurvazir Gumazim, a Ikiavira Itir Godin Gavgaviba Bar Itim, A kamaghin migei, "Ki Ikiavira Itir God, kirara ki bar faraghavira ikia, egh bar gin ikiva abuan ikiwira ikiam.

Ezi godin tam ua itir puvati.

Kirara, ki God.

⁷Tinara, nan min gari?

Godin tam ikiva, a ubi nan damazimin uan eghaghanimin gun e mikim.

Egh ubi abigh uan otevibar en akagh.

Kirara bar fomira gumazamizibar ingarigha nguazir kam gati.

Eghiti godin tam ti guizbangira ikiva, a bar fomira otozir biziwa ko bizi gin izamibar gun e mikimti, e bar moghira biziw kabagh fogham.*

⁸Nan gumazamiziba, ia nigh akongiva atatingan marki.

Bizir otivamin kaba, ki fomira dar gun ia mikemega gifa.

Ezi ia uan damazibar dar ganigha na gifo, egh kotin aven ia nan gun mikim.

Godin tam ua itir puvati!

Bar puvati.

Ki uabira ki ian dagiar ekiamin min itima, ia nan aven uari modi.

Ki biziw kam bar a gifo, a bar guizbangira!

⁹"Gumazir marvir guabar ingariba, men ingangariba dagheba putatigham.

Ezi nedazir me gara da bagha bar akongezir kaba, da pura biziw kinibar min iti.

Ezi aser kabar ziaba fer gumazamiziba, me mitatemin aven iti moghin, biziitamin ganigha a gifoghan kogham, kamaghin kotin aven me uan asebar akuragh deraghvira da bagh mikiman kogham.

Kamaghin amizi, me onganigh aghumsigham.

¹⁰Me manmaghinh nighnigha, aser kabar marvir guabar ingari?

Nedazir kinir kaba, tong bar men akuraghan kogham.

¹¹La gan! Gumazamizir digiribagh amir kaba, me pura nguazir kamın itir gumazir kinibara, egha marvir guabar ingari.

Kamaghin amizi, gumazamizir marvir guabar ziaba feba, me bar aghumsigham.

Ki ghaze, me bar izi nan damazimin kotin tuifigh.

Bar guizbangira, ki me damighti, me bar atiatigh bar aghumsigham.

¹²"Gumazir ainbar bizibar ingara foziba, me ainba isa avim garigha aser kabar marvir guabar ingari.

Me uan gavgavibar haman suigha ain misogha, nedazir kabar ingari.

Egha me dar ingarin dughiabar, mitiriam men aghiti me dipaba ko daghebar aman koghti, men gavgaviba bar moghira gevegham.

¹³"Ezi gumazir temebar nedazibar ingara foziba, me temem inigh marvir guam akirsi, an abaragh bar deraghviram anekirigham.

Egh finfinimin marvir guar kamın nedazim temem inigh marvir guam akirsi, an abaragh bar deraghviram anekirigham.

Egh gin tuizim inigh osizirimin girara mangi, aneghoregħti, gumazir igiar bar diritamin nedazim bar deravirama otogh gan ikiam.

Eghiti me marvir guar dighorezir kam inigh, a isi uan aseba feir dipenimin anetigham.

¹⁴Me temer sidaba isa ingangarir kam gami.

Me faraghvira ruarir ekiabar ghua okin temer igiar aghuilar gara dagh ifefi, egha me uaghan amozimin dughiam Mizuā iti.

Eghiti amozim izi, da aghung mangi ekevegħti, me mangi da okegh izi ingangarir kam damuam.

¹⁵Temer kabar maba me dar daziba isava aviba arigha dar fii.

Egha maba me da arizi da isima, me dar bretha tue.

Egha me temer otevir igharazimin marvir guamin ingari,

egha an damazim̄in tevimming apirigha
an ziam fe.

¹⁶ Me temer kam̄ isa arazir kabar a gami.
Me anebigha a isa uan dagheba ko
asiziba tuava,
apa uan kuvibav gori da ghua bar
izefi.

Egha uaghan, me avimin fingasa aviba arisi.
Me avimin fia ghaze, ‘Avim bar der-
agha nan mikarzim̄in izima, ki bar
deragha uabi barasi.’

¹⁷ Egha temer kabara, me uari uan marvir
guabar ingari.

Egha me teviba apira dar ziaba fe.

Egha me kamaghin dia migei,
‘Ni nan god, kamaghin amizi, ni nan
akuragh.’

¹⁸ “Gumazamizir kamaghin amiba,
me bar guizbangiram ongani.

Bizitam ti men damazibagh amizi, me
damazir okaviriziba ikia bizibar gari
puvati.

Bizitam ti men nighnizibagh amizi, me
ghua bar ongani.

¹⁹ Gumazim nighnizir aghuim iki, arazir
kam tuisigh egh kamaghin mikimam,
‘Ki temer otevir kabar mabar avim ati,
egha uaghan bretba ko asiziba tuegha da
ame.

Egh tizim bagh ki an otevir kam inigh,
bizir bar kurar kamin marvir guamin
ingarigh,
uan tevimming apirigh an ziam
fam?’

Guizbangira, gumazamizir onganir kaba,
me nighnizir aghuiba puvatig
migirigiar katam damuan kogham.

²⁰ Men nighniziba bar ikuvizi, me bar arazir
kuram gami.

Egha mati gumazim averenim ame.

Gumazamizir kaba deragh ikiamin tuavi-
tam itir puvati.

Egha me kamaghin fozir puvati, bizir
me suizir kaba, da pura temer kiniba,
da guizin godba puvati.”

*Ikiavira Itir God uan gavgavimin, Is-
raelia ua me ini*

²¹ Egha Ikiavira Itir God kamaghin migei,
‘Ia Israelia, ia Jekopin anabamin adarasi,
ia nan ingangarir gumazamizibar min
iti,

egh ia bizir kabagh inirigh.

Ki ian ingara ia gamizi,
ia gumazamizir ikizir vamiran
otogha, nan ingangarir gumaza-
mizibar min iti.

Eghti ki ia amangan kogham.

²² Ian arazir kuraba, ki da adegha da isa pin
da akunizi, aminim da inigha ghu.

Nin arazir kuraba givagham, mati
ghuariaba aruem mizaraghara
anadi, da a sara ghuegha gifia.

Ki ian akurvaghha deravira ian gari,
kamaghin amizi, ia uamategh na bagh
izi.”

²³ Ikiavira Itir God uan ziar ekiam ko gav-
gavim akagha Israelian akuraghua ua
me ini.

Kamaghin amizi, O overiam, ni ighi-
abar amu bar akongegh.

Nguazimin aven itir biziba bar, ia
uaghan tiariba akar.

O mighsiaba ko temer ruarimin itiba,
ia uaghan tiariba akar.

²⁴ “Ki Ikiavira Itir God, ian Akurvazir Gu-
mazim,
ia uan amebamin navir averiamin ikezi
a tighar ia batamin dughiamin,
ki uabi, uan adarazir otivasa ian
ingari.

Ki kamaghin ia mikimasa:

Ki uabira bizibagh amizi da otifi.

Ki uabira overiam ko nguazimin ingarigha,
aning isa aningin danganimin aning ati.

²⁵ Bizar gin otivamibar gun migeir gumaz-
iba,

ki me gamizi, me okam nighnigha, men
migirigia paza zui.

Ezi kukunir gumaziba, ki men nighnizibagh
amima, me okam nighnisi.

Ezi fofozir gumaziba, ki me gamizi, me
ongani.

²⁶ Nan ingangarir gumazim nan akam
akuniva,

bizir gin otivamiba, ki a mikimi, a
mangi gumazamizibar kim,
eghti ki a migeir akar kabar amuti,
da guizbangiram otivam.

Ki kamaghin migia ghaze, gumazamiziba ua
Jerusalemikiam.

Egh Judan nguubar ekiaba me ua-
mategh dar ingaram.

Nguubar apaniba asighasighiziba,
ki uamategh da feghti, da dikavigh tuiv-
igham.

²⁷ Ki kamagh mikim suam, ongarim ni
dakegh, eghti a dakegham.

Egh ki uaghan faner uaghira ongarim
ginivizibar amighti, da misigham.

²⁸ Ki ghaze, kirara atrivimin ikiasa Sairus
amisefe.

Eghti a nan gumazamiziba deraghvira
men ganam,

mati sipsipbagh eghuvir gumazim
uan sipsipba deravira me
geghufi.

Eghti a ingangarir ki ifongezibar amuam.
A mikimti, me Jerusalem uam an in-
gariva,
nan Dipenim uam anesam.”

45

*Ikiavira Itir God, atrivimin ikiasi Sairus
anisefe*

¹ Ikiavira Itir God, a Sairus atrivimin ikiasi
anemisevegha givagha, gavgavim a
ganangi.

Eghti a kantrin igharazibav sogh,
men atrivibar gavgaviba agivaghti,
me aghumsigham.

Eghti ki pura Sairus bagh men nguibabar
divazibar tiar akaba kuti,
gumazitam ua da dukuman koghti,
Sairus aven mangi, uan apaniba
dikabinam.

Egha Ikiavira Itir God kamaghin Sairus
migia ghaze:

² “Ki nin faragh mangi danganir fightizibar
amighti, da magiri voroghira ikiam.

Egh divazir gavgavim tiar akar ekiar
me brasin ingariziba akararigham.

Egh ainin igugunir ekiar me tiar
akaba gavgavim dar aningasa
atiziba da gheregham.

³ Ki dagiaba ko bizir aghuir nguibar
kamin gumazamiziba danganir
mogomebar atiziba,
inigh ni daningam.

Eghti ni kamaghin fogham, ki Ikiavira Itir
God, Israelian God,
ki ubabi nin ziam diborogha, ua bagha
nin dia.

⁴ “Nan ingangarir gumazim Jekop, an
adarazi Israelia,
me gumazamizir ki ua baghvira
misseveziba,
ki men akurvaghosa nin diazi ni
ize.

Ni guizbangira na gifozir puvati,
ezi ki nin ziam diborogha nin diagh
ziar ekiam ni ganungi.

⁵ Ki uabira, ki Ikiavira Itir God, ezi ua godin
igharazir tam itir puvati.

Ki uabira iti, ezi ua godba bar puvati.

Ni na gifozir puvati,
ezi kirara ki gavgavim ni ganidi.

⁶ Ki kamaghsua, nguazir kamin gumaza-
miziba,
me aruem anadir naghin ikia ghua
aruem ghuaghiri naghin tu,

me bar moghira fogh suam,
kirara ki Ikiavira Itir God,
ezi ua godin tam itir puvati.
Kamaghin amizi, ki bizir kabagh
ami.

⁷ Kirara, ki mikemezi, angazangarim ko
mitarmem oto.
Egha kirara gumazamizibagh amima,
me deravira iti.

Ki me gamima, me osimtizir ekiaba
batifi.

Ki Ikiavira Itir God,
kirara bizir kabagh amima da otiv-
vaghiri.

⁸ “O overiam ko ghuardiaba,
ia nan akurvazim ko dughiar aghuim,
gumazamizibagh ingi,
mati amozim nguazim giri.

O nguazim, ni mati, ni uan akam akarigh,
nan akurvazim inighti
an aghungiva arazir aghuim damighti,
a gumazamizibar navibar aven iki
gavgavigham.

Ki, Ikiavira Itir God,
ki ubabi uan gumazamizibar akur-
vaghosa bizir kabar ingarizi da
otifi.”

*Ikiavira Itir God uabira biziba bar dar
gari*

⁹ E gumazamiziba, God en ingari, e mati
pura bizir kiniba.

Kamaghin gumazir Godin atara a
migeim, a bar ongani.

Gumaka, a bar ikuvigham.

God mati gumazir nguazir minebar in-
garimin min iti.

Ezi e nguazir minebar min, biaghiregha
pura tintinibar nguazim gireghav iti.

Ia bizir kam ginighnigh.

Nguazir mam ti dikavigh mangi gu-
mazir a inigha minemin ingarizim,
kamaghin an azaraghram,
“Manmaghin ami? Ni na inigha
bizir tizimin ingari?”

Eghti nguazim ti kamaghin atar mikimam,
“Ni tizim bagha bizir ni ingarizir
kam, an suighamin agharimningin
ingarizir puvati?”

¹⁰ Eghti gumazitam ti borir bar agheghe-
vitamin gan kamagh an amebam ko
afeziamin azaraghram,
“Kar bizir tizim gua a gamizi, an oto?”

Gumazir kam, guizbangira bar gumazir on-
ganim.

Gumaka, a bar ikuvigham.

¹¹ Ikiavira Itir God, a Israelian Godin Bar Zuezim.

Egha a Godin men ingarizim, a me gamizi

me ikizir vamiran gumazamizibar
oto, a kamaghin migia ghaze,

“Ia gin otivamin biziba bagh nan azangam.

Egh arazir manam ki an gin mangi uan
boribar ganiva,

egh arazir manam ki an gin mangi uan
dafarimningin ingangarim damuam,
ia dar amusi, bar na mikiman
marki.

Bar markiam.

Kar nan bizar ki damuamibara.

¹² Kirara, ki nguazimin ingarigha,
nguazir kamin itir gumazamizibar in-
garizi, me an iti.

Ki uan gavgavimin overiamin ingarigha pin
anetizi, a iti.

Kirara, ki aruem ko iakinim ko
mikovezibagh ativagha dar gari.

¹³ Kirara Atrivim Sairus gamizi,
a nan ingangarir aghuibagh ami.

Tuavir a mangamiba, ki dar kirichti,
a nan nguibam Jerusalem uam an in-
garam.

Egh a nan gumazamiziba kalabusin ua me
firigh, me ateghti me mangam.

Gumazir a givezamiba puvatigham, a
pura ingaram.

Ki Ikiavira Itir Godin Gavgaviba
Bar Itim, ki mikemegha gifa.”

¹⁴ Ikiavira Itir God kamaghin migei,
“Kantri Isip ko Itiopian dagiaba ko biziba,
da Israelia ian biziba.

Eghiti apaniba kantri Sabean itir
gumazir ruariba kalabus datigh, ia
bagh me amadaghti me izi,
pura ian ingangarir gumazir
kinibar min ikiam.

Egh me ian guabar uan teviba apirigh kam-
aghin mikim suam,

‘Bar guizbangira, God ia ko iti.

A uabira bar guizbangira God, ezi
godin tam ua itir puvatil!”

¹⁵ Ni Israeli God, ni men Akurvazir Gu-
mazim,

egha gumazamizir igharaziba, ni uabin
me modi.

¹⁶ Asebar marvir guabar ingarir gumaziba
bar guizbangira okam nighnigh bar
aghumsigham.

¹⁷ Ezi Ikiavira Itir God, Israeliakuragha
gifa.

Egh a me damighti, me zurara der-
aghvira iki mamaghira ikiam.

Egh okam nighnighan kogh,

aghumsighan kogham.

¹⁸ Ikiavira Itir God,
anarira God.

A nguazim ko overiamin ingarizi, aning
gavgavighavira iti.
Nguazim pura ikiasi God an ingarizir
puvati.

Biziba ko gumazamiziba bar moghira
nguazimin ikiasi, an an ingari.
Egha a ghaze, “Kirara, ki Ikiavira Itir
God,

ezi ua godin tam ua itir puvati.

¹⁹ Ki saghon ghugha mitatemin modogha
uan akam akurir puvati.

Ki uan gumazamiziba, Jekopin ovavir
boriba, ki kamaghin me mikemezir
puvati,

‘Ta pura mangi gumazamiziba puvatizir
danganibar na buri.’

Kamaghin puvati.

Ki Ikiavira Itir God, ki guizin akam akuri,
ezi nan akaba da guizbangira zui.”

*Nguazimin itir gumazamiziba bar Godin
apengun ikiam*

²⁰ Ikiavira Itir God ghaze,

“Ia Kantrin Igharazibar Gumazamizir
ikiavira itir varazira, ia izi uari
akufagh!

Ia gumazamizir midorozimin aven de-
ravira ikia, ikiavira itiba,
ia bar moghira kot bagh izi!

Me uan marvir guar me pura ter otevir
kinibar ingariziba,
da inigha tintinibar dar atera izi.

Ki men gara ghaze,

Me guizbangira nighnizir aghuiba bar
puvati.

Me uarir akurvaghaha asebar dei,
ezi da gumazitamin akuraghamin gav-
gaviba puvati.

²¹ Ia gumazamiziba bar moghira izi kotin
aven uari bagh mikim.

Ia fofoghs uarira uarir azangsigh
suam,

godin manamra a fomira bizir datirighin
otivasa mikemeziba,
da datirighin guizbangirama otifi?

Kirara, ki God, ki bizir kabav kemezi, da
datirighin otifi.

Ezi ua godba puvati.

Ki Godin arazir aghuibaram amim, egha ki
ian Akurvazir Gumazim.

Ezi ua godba puvati, kirara ki God.

²² ‘Ia nguazir kamin saghon itir danganibar
gumazamiziba, ia bar na bagh izi.

Kirara ki God, ezi godin tam ua itir pu-
vati.

Kamaghin amizi, ia na bagh iziti,
ki ian akurvaghti, ia deravira ikiam.
23 Ki Ikiavira Itir God, ki uabi uan ziamin pin
akakagha mikeme,
egh ki uan akam akirigha mikemezir
bizir kam, ki a giraghan kogham.
 Nan migirigiam kamakin,
gumazamiziba bar moghira nan
guamin teviba apirigh nan ziam fam.
 Egh me akam akirigh suam,
e uari Godin apengan ikiam.
24 Egh me kamagh mikim suam,
Godra arazir aghuiimin en akurvagha
gavgavim e ganidi.
 Eighti gumazamizir an aningagheziba, bar
moghira an damazimin izi,
egh aghumsizir ekiam inigham.*
25 Eighti Israelian ovavir boriba, Ikiavira Itir
God me damuti,
me uan apaniba abiraghha ziar ekiam
inizir bizir kam bagh
bar akuegham.”

46

*Ikiavira Itir God, uabira gavgavim iti, ezi
marvir guaba, da pura nedazir kiniba*
1-2 Ikiavira Itir God kamaghin migei,
 “Ta Babilonia, ian aser kamning, Bel ko
Nebo, ia aningen ziamning fava,
egha aningen marvir guamning atera,
atingin ziamning famin dughiar eki-
abagh arui.
 Eighti aningen ziar ekiamning givaghti, ia
atingin ganti,
ating uaningen akurvaghamin gavgav-
iba puvatigham.
 Egh apaniba izi Babilonin nguibar ekiam
gasighasichti, ia donkibar aning
ikegham.
 Eighti donkiba, mevzika, da ingangarir
dafam damu, aning ater mangi
ia ko kantrin igharazimin kal-
abusin ikiam.

3 “Ia Israelin ikiavira itir varazira ia oragh,
ia Jekopin anabamin adarasi,
ian amebaba ia batezir dughiamin, ian
gumazamizir ikizir igjamin otivizir
dughiamin ikegha iza datirighin,
ki ia inigha ia atera, bar deravira
ian gari.
4 Ki ian God, ki ian ganvira iki mangi,
ia bar ghurigh dapanir arizir
ghurghuriba otivighamin dughiam
otogham.
 Ki fomira uabi ian ingara ia gamizi, ia gu-
mazamizir ikizir vamiran oto,

egh ki zurara ia ateriva, ian gan ian
akurvagham.
5 “Tinara nan min gari? Puvati.
Ki gumazir manamra ko magh gari?
Bar puvati.
 Ia nan araziba, bar tinara ko da tuisigham?
Bar puvatigham.
 Gumazitam ki amir araziba uaghan
dagh amua kagh iti, o puvati?
Bar puvati.
6 Gumazir maba marvir guabar ingarasa
gol ko silvan bar aviribar pozim
mikira,
dar osimtziba tuisisi.
 Egh me gol ko silvan bizibar ingarir fofozir
gumazim givezehti,
a me bagh marvir guabar ingaram.
 Eighti me teviba apiriva, an ziam
fam.
7 Egh me marvir guar kam uan dipizibar
afegh, aneter mangi,
danganir me anesasa dikirizimin ane-
saraghti, a mitighiv ikiam.
 Marvir guar kam uabi daru danganir
igharazimin mangan kogham.
 Kamaghin amizi, a danganir me
anetizir kamra iti.
 Egh gumazir an deibar dimdiaba ikar-
vaghan koghiva,
egh dughiar kurabar men akurvaghan
kogham.
Bar puvati.
8 “Ia gumazir arazir kurabagh amiba,
ia akar ki akurir kam, ia bar deraviram
a ginighnigh.
9 Egha ki fomiram amizir biziba, ia ua dagh
nighnigh.
 Ki uabira ki God, ezi ua godin tam ua itir
puvati.
 Ki uabira ki God, ezi ua godin tam
nan min itir puvati.
10 Bizar tam tighar otivamin dughiamin, an
otoghi manmaghin givagham,
ki bizar kamin gun migei.
 Ki bar fomira bizar otivambar gun mikeme,
ezi gin bizar kaba ki mikemezi
moghiram otifi.
 Egh ki bizar manatam damusi ifongegh, ki
puram a damuam.
 Eighti ki damuasa ifongezir bizar
kam, bizitam nan tuavim apirighan
kogham.
11 Ki aruem anadi naghin itir gumazir mam
izasa an diagha gifa,
eghti a isamin min mighegh izi ki
damuasa nighnizir bizibar amuam.

* **45:23:** Jenesis 22:16; Rom 14:11; Filipai 2:10-11; Hibru 6:13
abigha gun mikemezir puvati. **46:4:** Onger Akaba 71:18

* **45:24:** Hibrun akam deragha vezin kamin mingarim
46:9: Godin Araziba 32:7; Aisaia 41:26-27; 42:9

Ki damuasa mikemezir bizar kaba, ki mikemezir moghira an adar amuam.
Bizar ki damuasa miseveziba, ki dar amuam.*

¹² "Ia gumazir akaba barazir puvatiziba, ia nan akam baragh.
Ia ti ghaze, dughiar ki uamategh ian akuragh
ia iniasa misevezim, a saghon ikiavira iti, a?

¹³ Bar puvati. Nan akurvazim, a bar roghira izegha gifा.
Egħi ki ua mizuaman kogħam.
Israelia, ki zuamira izi ian akurvagh apanir ia abiriba,
ki bar puv me damighti, ia ua deravira ikiam.
Egh ki uaghan Saionin nguibar ekiamin akurvagħti, a deravira ikiam.
Ki uan ziar ekiam ko gavgavim
damighti,
aning Israelia ian tongin azenim
girīgħam."

47

Ikiavira Itir God ghaze, Babilon iku vigham

¹ Ikiavira Itir God kamaghin Babilonian nguibar ekiam migei,
"O Babilon, ni fomira mati atrivir amizim uan atrivir dabirabim gaperaghav iti mogħin,
ziar ekiam iti.
Ni nguibar bar aghuimin min itima, kantrin iħarazitam min idorozir gumaziba ni dikabirazir puvati,
kamaghin amizi, ni mati amizir bar igħiġi patamit itir puvatizim min, bar deravira iti.

Ezi datirighin puvati.
Nin gavgavim givagħti,
ni uan atrivir dabirabim ategħ
nguazir kinim dapiam.
Nin mikarzim fomira deragħha iti mogħin,
ua ikian kogħam.
Egh gumaziba ua nin ganti, ni deragh kurkeġħ daruan kogħam.
Bar puvati.

² Ni ingangarir amizir kinimin min īn-garam.
Ni uan dapanim avarazir nir avizim adegh, uan korotiar dirir otighin aruzim suegħti,
nin dagħiġi azenara ikiti, ni wit mirmirir dagħiġi pogħpogħam.
Egh uan inim feħġ
mavanabogħ faneba abigh mangam!

³ Gumaziba nin korotiaba suegħti,
ni bibiamra iki bar aghumis ħażi.
Ki nin arazir kuram ikarvaghxi iverzur bar kuram isi ni daningti,
gumazitam nan anogoreghan kogħam."

⁴ Israelian Godin Bar Zuezim, a en Akurvavizir Gumazim.
An ziam, Ikiavira Itir Godin Gavgaviba Bar Itim.

⁵ Ikiavira Itir God kamaghin Babilonia migei,
"Babilon, Kantrin Igharazibar Gumazamiziba ua kamaghin ni dipon kogħ suam,
Kantriba bar men atrivir amizim."
Kamaghin amizi, ni uan akam dukuagh mangi
mitarmemin daperagh nimira iki.
⁶ Ki bar puvira uan gumazamizbar atari,
egħha ki ua uan gumazamizbar min me ginighniz puvati.
Egha ki ni ataghizi, ni iza paza me gamua,
egħha ni tong men apangkuvizir pu.
Bar puvati.

Ni bar pazavira me gamua osimtizir bar dafam me ganingi.
Egha ni uaghan gumazamizir ghurib-a
agh amima me osimtizir dafam ateri.
⁷ Ni ghaze, ni atrivir amizim iki mam
aghira ikiam,
kamaghin amizi, bizar kaba ko bizar gin
ni bativamiba,
ni deragħa dagħi nighniz puvati.

⁸ "Ni dugħiār aghuim bagħavira nighniz
amizim,
ni akar kam baragh!
Ni ti ghaze, ni deravira ikiti, bizar kuratam ni batogħan kogħam.
Egha ni kamaghin uabi migħiā ghaze,
'Ki uabira ki gavgaviba bar iti, ezi tav nan min itir puvati.
Ki amizir pam ko boriba ariaghrez imin
min otogħan kogħam.
⁹ Ezi noka, arazir kamning zuamira ni bativam.
Dugħiār kamra nin pam aremegħam,
egħi ni boriba uaghan bar
moghħiram arriġħregham.
Ni ti kamaghin nighnisi, ni imzebha ko
akavxiar gavgavir aviriba iti,
ezi bizar kaba nin akuragħan kogħam.
Bar puvatigħam.
Ni bar dugħiār kuram batogħam.

¹⁰ "Ni ti kamaghin nighnisi,

* **46:11:** Gumazir kam, "aruem anadi nagħin itir gumazim," an Atrivim Sairus. (Ni Aisaia 41:2-3 in gan.) **47:1:** Aisaia 13:1-14:23; Jeremaja 50:1-51:64 **47:8:** Akar Mogomex 18:7-8

Nin arazir kuraba ni damuti, ni mitigh gavgavigham.

Egha ni kamaghin nighnisi,
Ni amir bizir kaba, gumazitam dar garir puvati.

Nin fofozir bizir guar aviribar ingariba, nin nighnizim adavizima,
ni kamaghin uabin migia ghaze,
‘Ki uabira, ki gavgavim iti, ezi tav nan min itir puvati.’

¹¹ Dughiar bar kuram ni batogham, eghti ni akavsiamin gavgavimin a gitaviraghan kogham.

Osimtizir dafam zuamira ni batogham, eghti ni an tuavim apiramin bizitam damuan kogham.

Bizir bar kurar ni nighnizi da ni bativan koghamiba,
da ni batogh bar ni gasighasigham.

¹² “Kamaghin ti dera, ni igiamra ikitia imeziba ko akavsiar gavgavibar fofoziba inigha dagh amua fozi moghin, ni pamtem dar amu ganigh.

Da ti nin akuragham.
Da ti nin apanibar amuti, me atiatigh aregham.

¹³ Fofozir gumazir aviriba nighnizim ni ganidima, nin nighnizim deravira ingarir puvati.

Egha ni mikovezibar garir akavsiabagh amir gumaziba bagh akam amada. Gumazir kaba, me overiam ko mikovezibar gara zurara iakinibar ni bagha iza, bizar ni bativamibar gun ni migei. Ezi me ti nin akuragham.

¹⁴ “Ezi puvati, me mati ogheba misigha iti, ezi avir mam gumazir kabar isi me gasighasigham.

Eghti me uarira uarir akurvaghan kogham.

Bar guizbangira, me kamaghin mikiman marki, ‘Ki mangi avir miriamin daperagh uan mikarzim fefem a daningam.’ Puvati. Avir kam bar men isigham.

¹⁵ Bar guizbangira, ni igiamra itima gumazir nighnizim ni ganiga nin akurvaziba, me bar onganigh, men tav nin akuraghan kogham.”

48

Gumazamiziba ziar ekiam Godra daning

¹ Ia Jekopin anabamin adarasi, ia gumazamizir Israelin ziam itiba, ia Judan ovavir boriba, ia oragh! Ia gavgavim uan akam daningasa,

Ikiavira Itir Godin ziam dibora akaba akiri.

Egha ia ghaze, ia Israelien Godin ziam fe. Egha ia ifara guizbangira an apengan ikiava, guizin akaba ko arazir aghuubar gin zuir puvati.

² Egha ia uarira uan ziaba fa ghaze, ia God baghvira itir nguubar ekiar kamin gumazamiziba.

Egha ia Israelien Godin akurvazim iniasi a mizua iti. An ziam, Ikiavira Itir Godin Gavgaviba Bar Itim.

³ A kamaghin ia migei, ‘Bar fomira, ki gin otivamin bizibar akam akuni.

Egha ki zuamira dagh amizi, da otifi.

⁴ Ki kamaghin bar fo, ian dapaniba mati dagiaba ko ain, ezi ia nan akabar gintizir puvati.

Kamaghin amizi, ki fomira bizir gin otivamibar akar kam akuni, egha ki zuamira dagh amizi, da otifi.

⁵ Ki kamaghin aghua, ia ti mikim suam, ian marvir guar ia temeba ko ainbar ingarizir nedazir kaba, me bizar kabagh amizi, da otifi.

Ki bar aghua, kamaghin amizi, ki fomira bizir gin otivamibar gun ia mikemegeha gifa.

⁶ “Bizar ki fomiram otivasa mikemeziba, da otivigha givazi ia dar gani. Ezi ia datirighin kamaghin mikim suam, ‘Ekiam, a guizbangira migei.’ Egh ki datirighin bizar igiar otivamibar gun ia mikimam, kar bizar mueghav itir ki fomira ia mikemezir puvatiziba, ia tighar da baraghama.

⁷ “Bizar kaba, ki datirighin dar ingari, ki fomira dar ingarizir puvati. Ia faragha zuir dughiamin, ia da baragha dagh fozir puvati.

Ki datirighin mikimti, bizar bar igiaba otivam, bizar fomiram otivizir puvatiziba.

Eghti ia kamaghin mikiman kogham, ‘E bizar kabagh fogha gifa.’ Guizbangira, ia fomira bizar kaba bar dagh fozir puvati.

⁸ Ki kamaghin fo, ki ian ingara ia gamizi, ia gumazamizir ikizir vamiran otozir dughiamin ikegha, iza datirighin, ia akaba munasa da barazir puvatizir adarasi.

Egha ki fo, ia ifavarir gumazamiziba. Kamaghin amizi, ki bizar kabar gun ia mikemezir puvatizi,

ia dagh fozir puvati.

⁹ “Ki bar ia basemegha bar ia agivasava ami.
Egha ki zurara uan ziar ekiam
ginighnigha,
ia bagha uan aningagharim
dikabiri.

Kamaghin amizi, ki ia gasighasighan
kogham.
Eighti gumazamizir igharaziba nan
ziam fam.

¹⁰ Ki ia damighti ia zueghasa nighnisi,
egha ki avimin ia tuezir puvati,
mati gumazim silvan mineziba
adangasa avimin da tue.

Ia uan arazir kuraba ataghiraghosa,
ki osimtizir guar aviriba ataghizi, da ia
batifi.*
Ki tuavir kamin ian nighniziba ko
araziba tuisisi.

¹¹ Ki uan ziar ekiam ginighnigha arazir
kamin ia gami.
Gumazamiziba nan ziam gasighasigh a
dikabin, ziar ekiam igharaz darazir
anangan ki aghua.
Bar guizbangira, me ziar ekiam
narara daningam.”

*Ikiavira Itir Godra, Sairus amisevegha a
gamima, a Babilonia dikabira*

¹² Ezi Ikiavira Itir God kamaghin migei,
“Ia Israelia, ia gumazamizir ki diaziba,
ia Jekopin anabamin adarasi, ia nan
akam baragh!

Ki uabira ki God.
Kirara, ki bar faraghavira iti,
egh ki ikivira iki mangi bar gin
dughiar abuananamin uaghan
ikiam.

¹³ Ki uan dafarinningin nguazim gamigha
gavgavim an povim ganingizi a gav-
gafi,
egha ki overiam isa an danganimin
aneti.

Egha ki overiam ko nguazimin diazir
dughiamin,
aning zuamira ivegha iza nan
damazimin tu.

¹⁴ “Ia bar moghira, ia izi uari akuvagh, nan
akam baragh!
Asetam fomira kamaghin akatam ia
mikemezir puvati,

‘Gumazir Ikiavira Itir God bar ifongezim,
Godin ingangarim damusi, a izi Ba-
bilonia ko misogham.

Ikiavira Itir Godin gavgavimin, a Ba-
bilon dikabiraghram.’
Aseba kamaghin mikemezir pu-
vati.

¹⁵ Gumazir kam izasa, ki ubi ia mikeme.
Ki ubi izasa an dia.
Ezi ki ubi a inigha iza a gamima,
a deravira ingara an ingarimin daghem
oto.

¹⁶ “Ia nan boroghira izi nan akam baragh!
Fomira iza datirighin, ki mogomer dan-
ganitamin ikia otivamin bizibar gun
migeir puvati.

Bar puvati.
Bizir kaba tighar otivamin dughiamin,
ki faragha ikia dar garima da otifi.”

Kamaghin amizi, Ikiavira Itir God, nan
Ekiam,
uan Duam na ganiga na amadazima,
ki an Duamin gavgavim sara izi.†

*Ikiavira Itir God uan gumazamiziba der-
agh me damuasa iti*
¹⁷ Ezi Ikiavira Itir God, ian Akurvazir
Gumazim, a Israelien Godin Bar
Zuezim, a kamaghin migei,
“Ki Ikiavira Itir God, ian God.

Ki zurara ian sure gamua,
arazir zuruzir ia gintigh deravira
ikiamiba ian akakasi.

¹⁸ Ia ti nan Akar Gavgaviba baraghizi, ki ian
akurazi ia datirighin deravira ikiai,
ezi ia dabirabir aghuimin ikiai, mati
fanemim dipaba zurara iziva geviv
puvati.

Egh arazir aghuim ti ian ikia gavgavigha
mamaghira ikiai,
mati ongarim, ongarir dadarimin
dipiraghira kamaghira iti.

¹⁹ Egha ian boriba otiva,
mati ongarir dadarimin gigimin min
bar avirasemeghai.
Ezi men ziaba nan damazimin
givaghan koghai.”

²⁰ Ia kantri Babilon ategh,
nguibir kamin gumazamizibar
arimangigh.

Egh ia bar akuegh pamtemin tiariba akar,
egh kamaghin akam amadaghtima
a nguazir kamin ruaghatevibar mangi,

* **48:10:** Hibrun akam deragha vezin kamin mingarim abigha a mikemezir puvati. **48:12:** Aisaia 44:6; Akar Mogomem 1:17; 22:13 **48:13:** Onger Akaba 102:25; Aisaia 40:26 [†] **48:16:** Ves 48:16in akar faraghha itim, Hibrun akam deragha an mingarim abigha an gun mikemezir puvati. Ezi an namba 2in akam, e fozir puvati, tinara ghaze, God anemada. Gumazir maba ghaze, kar Godin akam inigha izir gumazimin akamra. Ezi marazi ghaze, kar Ikiavira Itir Godin ingangarir gumazimin akam. (Ni Aisaia 42:1in gan.) Ezi marazi ghaze kar Atrivim Sairusin akam. **48:18:** Godin Araziba 32:29; Onger Akaba 81:13; 119:165 **48:20:** Akar Mogomem 18:4

"Ikiavira Itir God uamategha uan ingangarir gumazim Jekop, uam a ini."

²¹ Fomira Ikiavira Itir God uan gumazimbar akua, me inigha danganir dipaba puvatizimin ize,
ezi me dipam bangin ariaghirezir putati.
A dipam gamizima, a dagiamin oto.
A dagiam kuizi, dipam iri me anepi.

²² Ikiavira Itir God kamaghin migia ghaze,
"Gumazamizir arazir kurabagh amiba,
me dabirabir aghuim batoghan kogham."

49

Ikiavira Itir Godin ingangarir gumazim, angazangarimin min kantriba bar dar ikiam
¹ *Ia saghon itir arighatizibar gumazamiziba ko, saghon itir kantriba,*

ia nan akam baragh.

Nan amebam tighar na batamin dughiamin,

Ikiavira Itir God, na amisevegha givagha ziam na gati.

² Egha a nan akatorim gamizi, nan migirigiaiba deraviram otiva,
mati midorozir sabar bar ghumtizim,
gumazamizibar navibagh infi.

Ezi a uan agharim isa deravira na avaragha na geghuvima,
ki an aven modo.

A barir aghuir ghumtizimin min na akirigha, na isa danganir uan barir ghumtiziba arizimin na modozi,
ki an ingangarim damuasa mizua iti.

³ Egha a kamaghin na migei,
"Israel, ni nan ingangarir gumazim,
ni bangin, ki uan gavgavim ko ziar ekiam isi
gumazamiziba bar men akagham."

⁴ Ezi ki kamaghin uabira ubi migia ghaze,
"Ki bar puvira ingangaribagh ami, ezi
nan gavgaviba pura gefi.
Ezi ingangarir ki amir kabar daghetam otozir puvati.

Ezi ki pura ingangarir kabagh amir puvati,
ki Ikiavira Itir God bagha dagh ami.
Ingangarir ki amir kabar iveauzim,
nan God a isi na daningam."

⁵ Nan amebam tighar na batamin dughiamin,
Ikiavira Itir God Jekopin adarasi Israelia, a menaku ua bagh izasa, na amisefe.

Kamaghin amizi, nan God, ziar ekiam na ganiga, gavgavim na ganungi.

Ezi Ikiavira Itir God kamaghin na migei,
⁶ "Ki faragha ingangarir kam ni ganiga ghaze,
Ni Jekopin adarasi, Israelian ikiavira iti darasi,
ni gavgavim me daning ua me inigh izi.

Kar ingangarir ekiam puvati.

Ezi ki datirighin ingangarir ekiam ni daning,
egh ni damighti,
ni Kantrin Igharazibar Gumazamiziba bagh angazangarimin min ikiam.

Eghti ki Kantrin Igharazibar Gumazamiziba bar men akuragh ua me iniam."

⁷ Ikiavira Itir God, Israelian Akurvazir Gu-mazim, men Godin Bar Zuezim, a ghaze,
Gumazir kam, Kantrin Igharazibar Gumazamiziba gara ifongezir puvatizim.

Kantrin Igharazibar Gumazamiziba an gara ghaze, a bizir bar kuram.

Egha kantribar atriviba a gamizi, a men ingangarir gumazir kinimin min iti.

Egha Ikiavira Itir God datirighin kamaghin gumazir kam migei,

"Ki Ikiavira Itir God, Israelian Godin Bar Zuezim, ki uan ingangarim damuasa ni amisefe.

Egha ki uan akar dikiriziba abizir puvati.

Kamaghin amizi, atriviba nin gan, egh mitivigh nin ziam fam.

Eghti gumazir aruaba nguazim girigh fuaghiva,
ziar ekiam, ni daningam."

⁸ Egha Ikiavira Itir God kamaghin uan ingangarir gumazim migei,

"Ki uabi ua ni inigh, deragh ni damuasa dughiam amisefe.

Dughiar ki ian akurvaghaha atizir kam, an otozi, ki nin ararem baregha nin akura.

Egha ki bar deravira ni geghufi.

Egh ni bangin, ki nguazimin itir gumazamiziba ko Akar Dikirizir Gav-gavim damuam.

Egh ki Israelin nguazim damighti, a ua deragh otogham.

Eghti Israelian adarazi uamateghti, ni me bagh men nguazir datirighin pura itim tuiragh, ua me daningti, me a dapiam.

⁹Ki faragh kamaghin kalabusin itir gumaza-
mizibav kimam,
'Ia azenan izi!'

Ki kamaghin mitarmemin itir gumazamiz-
ibav kimam,
'Ia angazangarimin izi!'

"Eghti me kalabuziam ategh uamategh uan
nguazimin izam.

Egh me tuavibar mangi, damamin
dagheba ikiam,
mati sipsipba mighsiar graziba pu-
vativabar ghua, dagher aviriba
batifi.

¹⁰Gumazir men apangkuvim bar deravira
men ganam,
mati gumazir sipsipbar garim, sipsipba
inigha ogher aviriba itir danganim
ko dipar aghuiba itir danganim
bagha me inigha zui.

Kamaghin me dipam ko daghebar otevegan
han kogham,
eghti aminir fefem ko aruer dafam men
mikarzibar apongan kogham.

¹¹Ki ingarizir mighsiaba akirmigh, tuaviba
aghorti da mighsiabagh isin mangi
vongin otivam.

Ki uan tuavir ekiam damighti, a der-
aghvira otogham.

¹²Ia gan! Nan gumazamiziba nguubar bar
saghon itibar ikegh izam.

Marazi uaghan Aswanin
nguibamin amadaghan ikegh
izam."*

¹³O overiam, ni bar akongezir ighiabar
amu.

O nguazim, ni bar akuegh tiarim akar.
O ia mighsiaba, ia bar akongezir ighiabar
amu.

Ia ganigha fo, Ikiavira Itir God,
gavgavim isa uan gumazamizibagh
aningizi,
me navir amirizimin iti.

Me osimtizir aviriba ateri,
ezi datirikin Ikiavira Itir God, men
apangkuvigha deraghvira me gami.

¹⁴Ezi Saionin nguibamin gumazamiziba ka-
maghin migia ghaze,
"Ikiavira Itir God, en Ekiam,
ti e bakinighinigha akirim ragha e
gasaraghama."

¹⁵Ezi Ikiavira Itir God kamaghin men akam
ikaragha ghaze,

"Amebatam ti otezir borir iririvimin
apangkuvigh otem a danighan
kogham o?"

Amebatam ti kamaghin damuam,
ezi ko, ki ia bakinighnighan
kogham. Bar puvatigham.

¹⁶"Ki ni gin amadaghan kogham.
Ni gan! Ki nin nedazimin ingarigha
nin ziam uan dafarimningin an osira,
aneghorezi a iti.
Egha ki zuraram an gara ni
ginighnisi.

¹⁷Nin boriba zuamira uamategha izi,
ni gasighasighizir darasi, me ni ategh
bar aregham.

¹⁸Ni uan dapanim fegh pura tintinibar gan!
Nin boriba uari akuvagh ni bagh izam.
Ki Ikiavira Itir God, ki zurara ikivira ikiam,
kamaghin amizi, ki guizbangira ia
migei,
Ni, mati amizim pamin ikiasa bar
akuegha kurkazir aghuobar uabin
kurti moghin,
ni ua me inigh me bagh bar
akuegham."

¹⁹"Guizbangira, ni bar moghira ikuvigha
bar pura iti.

Ezi gin nin boriba uamategh izi bar
ni gizivaghti, ni me arighamin dan-
ganiba puvatigham.

Eghti ni gasighasighizir darasi, me bar nin
saghon ikiam.

²⁰Dughiar kamin, nin borir amebaba kal-
abusin ikia me bateziba, me kam-
aghin ni mikimam,
'Nguazir kam a bar sufi. E nguazir
asizir ekiatamin ikiasi.'

²¹Eghti ni kamaghin uabira ubi mikimam,
"Tinara borir kaba bar na ganangi?
Nan boriba ovengezi, ki ua boriba
batan kogham.

Apaniba na kalabus darighasa na inigha
ghu.

Tinara borir kaba bategha dar gari da
ghuava ekefe?

Ki fo, ki uabira iti, ezi borir kaba bar
managhira ize?"

²²Ikiavira Itir God, en Ekiam, kamaghin
Jerusalemin gumazamizibav gei,
"Ki uan inir avizim asaraghti, an ab-
banimin min ikiam,
eghti ki uan dafarim, ababanimin min
uaghan a ghufegham."

49:10: Onger Akaba 121:6; Aisaia 33:16; 35:7; Akar Mogomem 7:16-17 * **49:12:** Hibrun akam ghaze, "Sinim," ezi e fozir puvati nguubar kam managhira iti. Gumazir aviriba kamagh nighnisi, Godin akam inigha izir gumazim, an Aswan nguubar ekiamin migei, a kantri Isipin nguubar ekiar sautin amadaghan itir mam. **49:15:** Malakai 3:17; Matyu 7:11;

Eghti Kantrin Igharazibar Gumazamiziba an ganigh nin boriba uam ada inigh izam.

Me nin otariba uan evaribar arigh me inigh izam.

Me nin guiviba isi uan dipizibar afehg me inigh izam.

23 Atriviba ko atrivir amiziba uan boribar gari moghin, nin boribar ganam.

Me nin ziam fisi,
nin suemningin boroghin uan teviba apirigh, dapaniba avigh nguazim ginivigham.

Eghti ni fogh suam, ki uabira, ki Ikiavira Itir God.

Gumazamizir nighnizir gavgavim nan ikia, nan akurvazim bagha mizua itiba,

me na mizuam iki aghumsighan kogham."

24 Eghti apaniba izi misogh midorozir gumazir gavgavir tamin adarazi kalabuziam datigh an bizar aghuiba inighti,

a ti dikavigh uamategh uan adarazi ko men biziba inigham o?

Bar puvatigham.

25 Ezi Ikiavira Itir God kamaghin Jerusalem migei,

"Ki guizbangira nin adarazi ko nin bizar aghuiba, apanir gavgaviba ko atrivir kuraba dam ada iniam.

Ni misozi gumaziba, ki ni bagh men midoroziba ikarvaghan,
egh nin boribar akuragh ua me inigham.

26 Egh ki nin apanibar amuti, me uarira uariv sogh uarigh asighasigham, mati gumazim uan namakabar tuzibar amam.

Me pamtem uarira uariv sogham, mati gumazim uan namakabar ghuziba apa bar ongani.

Eghti nguazir kamin gumazamiziba bar bizar ki amizir kamin ganigh, me kamaghin fogh suam,

Ki uabira, ki Ikiavira Itir God.

Ki gumazir uamategha uan gumazamiziba isim.

Ki ian Akurvazir Gumazim.
Ki Jekopin adarazir Godin Gavgaviba Bar Itim."

50

¹ Egha Ikiavira Itir God kamaghin Israelian gumazamizibav gei:

"Jerusalemin nguibar ekiam, mati ian amebam.

Ia ti ghaze, gumazim uan amuim batuegha bar anemadazi a ghuzi moghin,

ki akirim ragha bar a gasara, a?

Egh ia mamaghin nighnighti, akinafarir poroghamiba uari ataghazrimin akam, a managh iti?

Egha ki uaghan gumazitam bizitam inizir puvatigha, uam a ikarazir puvati.

Ezi ia tizim bagha kamaghin nighnigha ghaze,
ia nan boriba, ki uan ikarvazim akirmighsi,
daghaba bagh pura ingangarir gumazir kinibar min gumazir igharazibar ingarsi, ia amadaghgam?

Kamaghin puvati.

Ian arazir kurar aviribara na gamima, ki ian aningaghegha,
akirim ragha Jerusalem gasaragha, a isa gumazir igharazibar agharim gati.

2 "Egha ki iza ia bagha rui gari, ezi manmaghin amizi gumazitam itir puvati?

Egha ki ian deir dughamin, ia tizim bagha nan dimdiam ikanvaghan aghhua?

Ia ti ghaze, ki ua ia inian gavgaviba puvati.

Ia ghaze, ki ian akurvaghan gavgiba puvati.

Ki mikimti, ongarim bar dakegham.

Ki mikimtima, faner ekiaba bar dakegh gigir kinibar otivigham.

Egha dar osiriba arimighiregh kumram.

3 Egh ki uaghan overiam damighti a bar pigham,
mati gumazim ovengezi, ana bagha azirakar korotiam aru."

Gumazamiziba Ekiamin ingangarir gumazim pazav a gami

⁴ Ikiavira Itir God, en Ekiam, nan sure gamigha,
uan akabar igharaz darazir sure damuamin fofozir aghuim na ganingi.

Ezi ki an akam inigha, gumazamizir amiga, pura itiba,
deraghvira men sure damuva gavgavim me daningam.

Egha zurara mizarazibar, a na gaghurima,
ki dikava suren gumazimin min, an migiriaba baraghasa bar ifonge.

⁵ Ikiavira Itir God, en Ekiam, uan akam baraghasa nan kuarimning kuizi,
ki an akam batoghezir puvati.

Egha ki akirim ragha a gasarazir puvati.

6 Ki pura uabi isa apanibar taghizi,
me aghorimin nan akiragharm
misogha, nan ghuamasiziba asi.

Me akar kurabar na migei,
ki men gari me nan guam giparima,
ki uan guam men modozir puvati.

7 Guizbangira, Ikiavira Itir God, nan Ekiam,
nan gara nan akurvasi,
kamaghin amizi, men akar kurar
katam na abirazir puvati.

Ki fo, ki amir ingangarir kam bagh
aghumsizim inian kogham,
kamaghin amizi, ki gavgavim uabi
ganiga uan ingangarim gami.

8 God bar nan boroghira iquia ghaze,
arazir kuratam nan itir puvati.

Eighti apanir tuivighav itir kabar tav na isi
kot datigh,
akatam na gasi na mikemeghan
kogham.
Bar puvatigham.

9 Ia gan! Ikiavira Itir God, nan Ekiam, a
ubabira nan akurvasi.

Ezi ua tina na mikim suam, ki arazir
kuram iti? Puvati.

Akaba na gasi darasi,
me mati korotiaba barareba da api, da
okozokoregha bar ikuviz i moghin,
me bar moghira ikuvigham.

10 Ia Ikiavira Itir Godin atiatia an apengen
ikia, an ingangarir gumazimin ak-
abar gintiziba,
ia atiatingan marki.

Ia angazangarim puvatigha mitarmemin
arui darasi,
ia nighnizir gavgavim Ikiavira Itir
Godin ikiva a mizuam iki.

11 Ia gan! Ia nighnizir gavgavim Ekiamin itir
puvati,
ia mati gumazamiziba tuavir
mitarmebar mangasa, uari uan
adenir avibagh aboi,
ia uan arazir kamin gin mangi, e
ganika.

Ia mangi ikiamin danganim,
Ekiam an amisevegha gif, a mizazir
bar kuram iniamin danganim.*

51

*Gumazamiziba nighnizir gavgavim
Ikiavira Itir Godin gavgavimin iki*

1-2 Ikiavira Itir God kamaghin mikeme:

"Ia arazir aghuimin gintighasa a bagha
pamten ingara, Ikiavira Itir Godin
ifongiam buria a baghavira itir
darasi,
ia nan akam baragh!

Ia uan inazir afeziam Abraham ko amebam
Sara ginighnigh.

Aning mati dagiam, ki aning abigha ia
ini.

Ki Abrahamin diazir dughiamin, a
boriba puvati.

Ezi ki deragha aning gamizima,
anigin ovavir borir bar avirim otifi.

3 "Ki Ikiavira Itir God, nguibar datirighin
ikuvigha itir kam Saionin, ki bar an
apangkufi.

Egh ki an osimitiziba, bar dar amighti da
givagham.

A datirighin mati gigir kinimin min iti,
eighthi, ki bizar avirir bar aghuibal amut
da a bativighthi,
an azeniir ki Idenin ingarizimin
min gan bar deragh gan ikiam.

Eighti bar akongezir arazim bar a gizivaghti,
an itir gumazamiziba zurara ighiar na
minabibar amu ikiam.

4 "Ia nan gumazamiziba, ia deraghvira nan
akam baragh.

Ki dabirabir aghuimin arazim bagh gu-
mazamiziba bar men sure damuam,
eighthi nan guizin arazim, angazan-
garimin min kantriba bar dar
ikiam.

5 Ki men akuragh ua me iniamin dughiam,
a roghira izegha gif.

Ki arazir aghuimin gin mangi, uan gav-
gavimra kantriba bar dar ganam.

Saghon itir araghizibar gumazamiziba,
nighnizir gavgavim nan gavgavimin
iki,
egh uarir akurvaghs, na mizuam
ikiam.

6 Ia kogh pin overiamin ganiva,
egh vin nguazimin gan!

Overiar kam, migharimin min mangigh
givagham,

eighthi nguazim, inimin min bighiregh
givagham.

Eighti gumazamiziba, itibar min pura tin-
tinibar bar arighiregham.

Ezi nan arazir gumazamizibar akur-
vagha ua me isim,
a zurara iki givaghan kogham.

7 "Ia arazir aghuimin deragha a gifogha
uan navir averiabar averiabar
suiragha gavgavizir darasi,
ia gumazir ianatarava akar kurabar ia
gamua, ia gasighasizibar atiatingan
marki.

8 Barareba inim apa bar anegivazi moghin,
me bar givagham.

- Eghti nan arazir gumazamizibar akur-vagha ua me isim, givaghan kogham. Bar puvati.
A zurara iki mamaghira ikiam."
- ⁹ O Ikiavira Itir God, ni osegh dikafigh!
Ni fomiram amizi moghin, dikavigh uan gavgavir ekiam sara izi en akuragh.
- Nirara, ni Rahap a bira, ongarimin itir kuruzez aser dafar kam, egha ni bar aneghoraghagharihizi, a bar mizumzuiaribar ire.
- ¹⁰ Egha nirara, gumazamiziba firighirigh daru mangasa ongarir konim gamizima, a misngizi tuavim oto.
- ¹¹ Kamaghira, gumazamizir Ikiavira Itir God akuraghua iniziba, me uamategh izi, Saionin Mighsiamin boroghin iziva, bar akongehtiariba akariva tuavir kamin iziva ongam.
- Egh me dabirabir bar aghuim ikiti, bar akongezir arazir kam, a men iki me gizivagh kamaghira ikiam.
Eghti miszabiba ko osimtiziba me ategh ua men ikian kogham.
- ¹² Ezi Ikiavira Itir God kamaghin uan gumazamiziba migei,
“Ki uabi, ki gavgavim ian navibagh aniga, ian osimtizibagh ami da gefi. Kamaghin amizi, ia tizim bagha gumazmizir ighazaribar atiat?
- Me gavgaviba puvati.
Gumazamiziba bar zuamira arimighiregh, mati ogheba zuamira misngi.
- ¹³ Ki Ikiavira Itir God, ia ti na bakinighinigha gifia.
Kirara, ki ian ingari.
Ki overiam an danganimram anetigha, nguazimin ingarigha, gavgavim an mingaram ganingi.
- Ezi ia tizim bagha gumazir kurar ia dikabin ia gasighasighamibar atiat?
Gumazir kaba bizitamin ia damighan kogham.
Men aningazir kuram pura givaham.
- ¹⁴ Kalabusin ikia osimtiziba aterir darasi, me mozimin aven kalabusin iki arimighireghan kogham.
Puvati.
Me zuamira kalabus ategh azenan izegh pura ikiam.
Egh me damamin dagher aviriba ikiam.
- ¹⁵ “Ki Ikiavira Itir God, ian Ekiam.
- Ki ongarim gamima, ongarim dipira iza niginir dafam gami.
Nan ziamra kara, Ikiavira Itir Godin Gavgaviba Bar Itim.
- ¹⁶ Ki uan akaba ia ganingi, eghti ia nan akaba bar deraghvira da akunam.
Egha ki bar deravira uan agharimin ia monge.
- Ki Ikiavira Itir God, ki overiam ko nguazim isa aningin danganibaram arighizi, aning bar gavgavighavira iti.
- Ezi ia Saionin gumazamiziba, ki kamaghin ia mikeme, ‘Ta nan gumazamizibara.’”
- Ekiam ua Jerusalemin aningazir puvati*
- ¹⁷ O Jerusalemia, ia dikafigh.
Ia dikavigh uamategh tugh gavgafigh. Ikiavira Itir Godin aningagharam, mati wainin kap a ia ganingi, egha a ia gamizi, ia bar anepava anegivagh, bar ongani.
- ¹⁸ Jerusalemin nguibar ekiam, nin borir tuavim nin akakagh, nin dafarimin suiragh mangamiba puvati.
Boritam nin dafarimin suiragh, ni damuti, ni deragh daruan kogham.
- ¹⁹ Ni bar osimtizir dafam ateri, ezi tina nin apangkuvigh nin navim damichti, a ua deraghram? Apaniba iza ni abigha, ni gasighasuki.
Egha me uaghan nin gumazamizir avirim, midorozir sababar me misozima, me ariaghire.
- Ezi mitiriaha azir dughiar ekiam ni bato.
Ezi ni ghaze, ki nin navir osimtizim agivsi, bizitamin nin akuraghram?
Bar puvati.
- ²⁰ Nin gumazamiziba gavgaviba puvatigha, men damaziba men siri, me tuavir miriabar pura tintinibar irav iti.
Me mati asiziba, azuaziba dar suighizi, da tintinibar ira iti.
Egh me bizitam damuan iburaghram.
- Ikiavira Itir God, ian God, uan aningagharam ko iveau kuram me gingezi, me bar ikuvigha iti.
- ²¹ Kamaghin amizi, Jerusalemia, ia oragh! Ia osimtizir bar aviriba atera, mati amizim bar puv ongananganigha iti.
Ni wainin dipam amegha organizir pu. Puvati.
Ekiam aningagharamra ni gamima, ni bar ongani.
- ²² Ezi Ikiavira Itir God, nin God, a nin Ekiam,

a gumazir kotin aven nin akurvazima ni uan apaniba dikabirim, a kamaghin migei,

[“]Ni ganigh! Nan aningagharimin aven itir itarir nin agharimin itir kam, ki anedangi, kar itarir ni an apava organigha pura tintinbar ingarizim.

Eghti ni gin ua kavin kamin wainin dipam aman kogham.

²³Eghti ki itarir kam isi
gumazir paza ni gamibar agharim datigham.

Me fomira akar gavgavim ni ganiga ghaze, ni nguazim girighiv ikiti, me ni diki, nin akiragharam gisin daru,
mati me nguazir kinim gisin arui.”

52

Ikiavira Itir God gumazamiziba inigh uamategh Jerusalemin izam

¹O Saion, ni dikavigh tugh gavgavigh!
O Jerusalem, ni God baghavira itir nguubar ekiam!

Ni kurkazir bar aghuiba uabin kurkegh
ganganir bar aghuim damuam.

Guizbangira, Ekiam gifozir puvatiziba,
me gumazir uan mikarzir mogomer iniba aghorezir puvatiziba, ko Godin
damazimin zuezir puvatiziba,
me uam nin aven izan kogham.

²O Jerusalem, noka! Ni datirighin kalabuziamin iti,
egh ni dikavigh uan mikarzimin nguhiba apisigh.

O Saion, senin nin firim gikeziba,
ni da adangigh mangi, uan atrivir
dabirabim daperagh.

³Ezi Ikiavira Itir God kamaghin migei,
“Gumazitam na givezezir puvatigha,
nan gumazamiziba inigha ghuzi, me
an ingangarir gumazamizir kinibar
otifi.

Puvati.

Kamaghin amizi, ki ua me inisi, me givezan
kogham.

Puvati. Ki pura ua me iniam.

⁴Ki Ikiavira Itir God, ian Ekiam, ki kamaghin migei,

Fomira nan gumazamiziba ghua Isipin itir
dughiamin,
me mati gumazamizir pura guighav
itibar min ghua
pura kantrin kamin iti.

Ezi gin, Asiriaba iza ingangarir gumazamizir kinibar min me inigha ghu.

Asiriaba na givezezir puvatigha pura
me inigha ghu.

⁵Ezi ki garima, Babilonia uaghan arazir
kamram ami.

Me pura nan gumazamiziba inigha
ghua kalabuziam gati,
egha nan adarazir gumazir
danipibagh amizi, me bar puviram
azi.

Ezi ki bizitam inizir puvati.

Gumazamiziba zurara na dipovava,
nan ziam gasighasisi.

⁶Kamaghin amizi, ki uabi misevezir
dughiamin, ki uabi uan gumazamiziba
ua me iniam,
eghti me deravira nan ziam gifogham.

Egh me kamaghin fogh suam, kirara, ki
Ikiavira Itir God,
ki uabira biziba bar dar gun migei.”*

⁷Godin akar aghuim inigha izir gumazamizibar darorim, a bar dera.

Me mighsiabar pin ikegha akar aghuim
inigha iza Saionin aven iza kamaghin
migei,

“Ia dabirabir aghuim ko navir amirizimin
iki!

Bizir bar aghuiba ia bativam,
God ian akurvahti ia deravira ikiam.
Eghti ia Saionin gumazamiziba, ian
God, an atrivimin ikiam.”

Eghti gumazamiziba akam inigha
izir gumazamizibar gansi bar
akuuegham.

⁸Ia oragh. Ian gumazir nguubar ekiamin
biziбар gariba,
uari uan damazibar ganti,
Ikiavira Itir God uamategh Saionin
nguibamin izam,
eghti me bar akuegh pamten dimiva,
arangiva onger akabar amu.

⁹Ia Jerusalemin nguubar apaniba
asighasighizimin gumazamiziba,
ia kamaghin fogh, Ikiavira Itir God uan
gumazamizibar osimitziba agivagha
gavgavim isa me ganingi.

A Jerusalemin nguibamin itir gumazamiziba
ua me ini.

Kamaghin amizi, ia bar akuegh pamten
dimiva onger akabar amu.

¹⁰Ikiavira Itir God uan gavgavim, kantribar
gumazamiziba an ganasa,
anezagha gifa.

Eghti u an gumazamizibar akuragha ua
me inizir gavgavir ekiam,
nguazir kamin gumazamiziba bar an
ganam.

^{52:1:} Akar Mogomer 21:2; 21:27 ^{52:5:} Rom 2:24
abigha dar gun mikemezir puvati. ^{52:7:} Onger Akaba 93:1; Aisaia 61:1; Nahum 1:15; Rom 10:15; Efesus 6:15

* ^{52:6:} Hibrun akam deragha ves 4-6-in akabar mingariba
2 Korin 6:17

^{52:11:}

11 Ia bar moghira Babilon atakigh!
Ia dikavigh zuamiram azenan izi!
Egh ia bar deraghvira uari bagh gan,
ia ua bizar Godin damazimin zuezir pu-
vatizitam uam an suighan marki.
Egha ia Ikiavira Itir Godin Dipenimin
itariba ateri darasi,
ia uari Godin damazimin zueghamin
arazimin gin mangi.
Ia bar moghira uari zuegh izi.

12 Ia fomira Isip ategha zuamiram ar-
avghuzi moghin, ia Babilon ategh
zuamira ari izan kogham. Puvati.
Ia bar aghumra daru izam.
Egha Ikiavira Itir God, a ian faragh
mangam.
Egh uaghan ian gin izam,
egh a bar deragh ian gan, ia geghuv
ianaku izam.

*Ikiavira Itir Godin ingangarir gumazim,
gumazamizibar arazir kurabar osimtiziba
ateri*

13 Ikiavira Itir God kamaghin migei,
“Ta oragh, bizar nan ingangarir gumazim
amiziba,
da bar moghira deraghviram
otivigham.

Egha gumazamiziba ziar ekiam a
daningiva,
an ziam bar a pirafam.

14 Me faragha an mikarzim ko guam
gasighasighizi,
gumazamiziba an garima, a nguazir
kamin gumazimin min garir puvati.
Gumazamiziba digavir kuram
gamua an ganan atiatingi.

15 Egha gin kantrin aviribar gumazamiziba
ko men atriviba,
me bizar fomira nighnigha ganizir pu-
vatizibar gan dagh fofoham.

Gumazamizir eghaghaniba faragha da
baraghizir puvatiziba, datirighin da
baraghram.

Kamaghin amizi, me digavir kuram
damigh, pura ganiwa uan akabar ku-
migh,
bitezit mikiman asaghamb.”

53

¹ Ezi gumazamiziba akam ikaragha ghaze,
“Tinara datirighin, e orazir akaba nighnizir
gavgavim adar iti?

Terara, Ikiavira Itir God, uan ingan-
garir gavgaviba isa men akazi,

me dar gani?
2 Guizbangira, Ekiam uan ingangarir gu-
mazim ataghizi,
a mati temer mam nguzair
misingizimin oto.
Ingangarir gumazir kam, an ganganim tong
en damazibar derazir puvati,
kamaghin amizi, a ziaba puvati.
Ezi bizar aghuitam an itir puvati, eghiti e an
ganiva a gakongam.

3 Ezi gumazamiziba akirim ragha a
gasaragha, pazavira a gamua bar a
gifongezir puvati.
Ezi mizaziba ko osimtizir aviriba a
gizifa.
Gumazamiziba an ganan aghuagha, uan
guuba monge.
Egha akirim ragha bar a gasara.
Ezi e an gara ghaze,
a pura gumazir kinim.

4 “E nighnigha ghaze,
God ti iveau kuram a ganiga, a misogha
osimtizir kabagh amizi, da a batifi.
Ezi puvati.
Ingangarir gumazir kam, e bagha en
osimtiziba ko mizaziba isa da ateri.

5 Ezi en akaba batozir arazim bagha, me an
ekianim bira.
Arazir kurar e amiba bangin, me a
dikabiragh a gasighasiki.
Egha me puv a misozima an mikarzim tin-
tinibar biaghire,
mizazir a inizir kam e gamizi, e ghuam-
aghegha ua deragha bar deravira iti.

6 Guizbangira, e bar moghira sipsipbar min
tintinibar arua,
vaghvaghya uan ifongiabar gin arui.
Ezi Ikiavira Itir God, en arazir kuraba ikar-
vaghisi pazaviram e damuan firin,
a kamaghin amizir puvati.

A uan ingangarir gumazim gamizi,
a en danganim inizi, e iniamin
mizaziba, an ada isa a ganungi.”

7 Gumaziba ingangarir gumazir kam pazav
a gami,
ezi a ubi dikabira mizazir kuram ini.
Egha mirigiriar tam gamizir puvati.
A mati sipsipin nguzim uan akam
dukuazi,
me a misueghti an aremeghasa a
inigha zui.

Egha uaghan mati sipsip me an ariziba
aghorasava amima,

52:14: Aisaia 53:2-3 **52:15:** Rom 15:21 **53:1:** Jon 12:38; Rom 10:16 **53:2:** Aisaia 11:1; 52:14 **53:3:**
Matyu 27:30-31 **53:4:** Matyu 8:17; 1 Pita 2:24 **53:5:** Rom 4:25; 1 Korin 15:3; Hibrus 5:8; 1 Pita 2:24 **53:6:**
Aisaia 53:11; Aposel 13:38-39; Rom 5:15; 5:18; 1 Pita 2:25 **53:7:** Matyu 26:62-63; Mak 15:3-5; Luk 23:9; Jon 19:9; Akar
Mogomem 5:6 **53:7:** Aposel 8:32-33 * **53:7:** Fofozir gumaziba deragha fozir puvati, tinara akar ves 7-9in itimin
mikeme. Marazi ghaze, Ikiavira Itir God mikeme. Ezi marazi ghaze, gumazamiziba mikeme. Ezi marazi ghaze, kar Godin
akam inigha izir gumazimin akam.

a bizitam migeir puvati.*
 8 Ezi me guizin arazim oteghavkinigha, puram a isa kalabus gatigha, a inigha koton ghu,
 ezi kot a migia ghaze, an aremegham.
 Ezi me a misoghezi an areme.
 Egha an adarazir tav kamaghin nighnigha fozir puvati,
 a men danganim inigha mizazir me uari iniamin an a ini,
 egha en arazir kuraba gin aman-gasa areme.†
 9 Ezi me an kuam isa gumazir arazir kurabagh amiba ko, dagiar aviriba itir gumaziba ko anefa.
 Ezi e fo, a ubabi arazir kuratam gamizir puvati,
 egha a uaghan ifavarir akatam mikemezir puvati.
 10 Ezi Ikiavira Itir God, ubabi uan ifongiamin gin ghuu
 uan ingangarir gumazir kam dikabiragh a gamizi, a mizazim isi.
 A fo, ingangarir gumazim gumazamizibar arazir kuraba gin amangisi,
 osimtiziba agivamin ofan min uan mikarzim anighti, an ikirimirim bar ruaraghti, a uan ovavir boribar ganam.
 Egh ingangarir an amim, Ikiavira Itir God ingarasu ifongezir araziba, a dar amuam.
 Egh a bizir kabar amuti, da der-aghviram otivam.
 11 Ezi osimtizir ekiar an aterezir kamin gin, a bizir bar aghuiba ganti da otivam, eghti a bar akeugham.
 Ezi Ikiavira Itir God kamaghin migei, "Nan ingangarir gumazir nan damazimin derazir kam, a deraghavira na gif.
 Egha a gumazamizir aviribar arazir kuraba ateri,
 egh arazir kamin a me damuti, me nan damazimin derazir gumazamizibar otivigham.
 12 "Kamaghin amizi, gumazamiziba an gari, a mati gumazir kuram.
 Egha a gumazamizir avirimin arazir kurabar osimtiziba atera, ubabi isa me bagha areme.‡
 Egha a gumazamizir arazir kurabagh amibar akurvaghosa God ko migei.

† 53:8: Hibrun akam deragha ves 8in akar avirir mabar mingariba abighizir puvati. 53:9: Matyu 27:57-60; 1 Pita 2:22 53:10: Onger Akaba 22:30; Jon 1:29 53:11: Aposel 13:38-39; Rom 5:15; 5:18 53:12: Aisaia 50:6; Mak 15:28; Luk 22:37; 23:34; Rom 3:25 ‡ 53:12: Akar faraghavira 53:12in itim, gumazir maba ghaze, e kamaghin a giragh, "A gumazamizir arazir kurabagh amibar danganim inigha me iniamin osimtizim an a ini." § 53:12: Ves 53:12, an akar namiba 2, gumazir maba ghaze, e kamaghin a giragh, "Kamaghin amizi, ki gumazamizir kaba isi a daningam, mati bizir a midorozim gafraghha iniziba. Egh a dagh ativagh dar ganam." 54:1: Galesia 4:27

Kamaghin amizi, ki gumazir gavgavir bar ekiaba itibar tongin, ziar ekiam a daningam.

Egh mati midorozir gumazir gavgaviba, uan apaniba dikabiragh men bizar aghuariba inigha, da tuisigha uan adarazigh aningizi moghin,

ki bizir aghuiba isi a daningam."§

54

Ikiavira Itir God bar Jerusalem gifonge

1 Ikiavira Itir God kamaghin migei, "O Jerusalem, noka! Ni mati amizir furabaghatim.

Ni boritam batezir puvati.

Ni mati amizir borim batasa an mizazim inizir puvatizim.

Ni mati amizir nin pam ni ataghizim.

Egh ni gin borir bar aviriba inighthi, nin boribar dibobonim, amizir uan pam ko itimin boribar dibobonim gafraghram.

Kamaghin amizi, ni bar akuegh dimiva ighiabar amu.

2 "Egh ni uan averpenim asamimin danganir mitaghniam a gifisagh, egh uan averpenir ekiam asaragh.

Egh ni uan averpenim bar an arokegh, egh an beniba ateghti da tong ruaragh, egh averpenim gavgavim a daningamin afughafuziba isi pamtemin nguazimin dagh afughafughti, da magiregħti, ni beniba pamtemin afughafuzir kabagh ikegh.

3 Guizbangira, nin nguazim aruegh bar ekevegh, agharir guvimin tugh mangi agharir kiriamin tugham. Eighti nin ovavir boribba Kantrin Igharazibar Gumazamiziba dikabinam.

Egh nguibar apaniba asighasighizir pura itiba, me ua da inigh, dar apiagh ikiam.

4 "O Jerusalem, ni uam aghumsighan kogham.

Ni osimiva atiatingan marki.

Gumazamiziba ua dibovir akabar ni mikiman kogham.

Ni fomira aghumsizim ikezir dughiaba ginamadaghham.

Ni fomira uabira ikia,
mati amizimin pam ovenilezi, a uabira
ikia, bar aghumsigha oseme.
Kamaghin amizi, ni dughiar faragha ghuzir
kam uam a ginighnighan kogham.

5 "Gumazir nin ingarizim, a nin pamin min
iti.
An ziam kara, Ikiavira Itir Godin Gav-
gaviba Bar Itim,
a Israeliyan Godin Bar Zuezim,
a nin Akurvazir Gumazim,
a nguaziba bar dagh ativagha dar garir
God.

6 "Guizbangira Ikiavira Itir God ghaze, ki nin
diaghti ni uam na bagh izam.
Ni mati amizir igiam uan pamin ikezi,
an pam gin anetaghizi, an navim
bigha bar oseme.
Kamaghin amizi, ki ghaze, ni ua izi.

7-8 "Ki Ikiavira Itir God, nin Akurvazir Gu-
mazim, ki ghaze,
ki dughiar bar otevimin ni ategha,
datirighin ki apangkuvir ekiam nin
iti.
Kamaghin amizi, ki ua ni inigh izam.
Ki dughiar otevimin bar puvira nin
atara, uan guam modo.
Ki datirighin nin apangkuv ni gifuegh,
zurara deraghvira ni damuam.

9 "Ki fomira Noa ko akam akira ghaze,
ki nguazim gasighasighi uam aperiam
damichti, an otivan kogham.
Kamaghira, ki guizbangira ni migia
ghaze,
ki fomira Noa ko akam akirizi moghin,
ki uam ni ko akam akira ghaze, ki nin
anininghegh, ni batueghan kogham.

10 Ki Ikiavira Itir Godin bar ia gifongezim,
ki ghaze, mighsiaba ko akiriba ti
sivaghsivagh mangi bar givagham,
eighthi nan apangkuvir arazir ian itim, a
gavgavigh iki mamaghira ikiam.
Ki fomira ia ko Akar Dikirizir Gav-
gavim, e uari inigh deragh ikiasi a
gamigha gifa.
Eighthi ki Akar Dikirizir Gavgavir
kam abighan kogham."

11-12 Ikiavira Itir God ghaze,
"O Jerusalemin nguibam, noki, gumazi-
tam nin apangkuvizir puvati,
egha osimtizir aviriba ni garigha ni
apirizi ni iri.
Eighthi ki dagiar bar aghuiba inigh ua nin
ingarichti,

ni nguibar bar aghuim otogham.
Ki dagiar aghuir ivezim bar pin koziba inigh
nguazimin dar afegh, adagh isin ni
afaghram.
Egh divazir gavgavim ni gighuigh an
ingarigh,
egh ki dagiar igharaghha gara taghtazir
aghuba inigh, divazimin tiar akabar
ingarigh,
uaghan divazimin min, dipenir bar pin
itbar ingarigham.

13 Ki Ikiavira Itir God, ki uabi nin boriba bar
men sure damuam,
eighthi me dabirabir bar aghuim ikiam.

14 Ki uan arazir aghuimin gin mangi ni
damichti, ni gavgavigham.
Eighthi gumazir ni dikabiraghamin tam
ua nin boroghin ikian kogham.
Eighthi ni bizitam uam an atiatingan
kogham.
Atiatir arazim nin saghon ikiam.

15 Eighthi gumaztaba ni ko misoghs iiziti,
ni kamaghin fogh suam, ki me
amadazir puvati.
Me uan ifongiamin iizi.
Kamaghin amizi, tina ni misoghasa iizi,
a uabi kuram iniam.

16 "Ki uabi gumazir ainin bizibar ingaribar
ingarigha, fofozim me ganungi.
Egha me avim atigha, a givima a
dafogha pamtem isima, a ain isava
avim gatizi, avim an isima a bar
puvira isi.
Ezi me ain inigha a misozima a bar-
avizima, me misoghamin bizir guar
aviribar ingari.
Egha kirara, ki uaghan midorozir gumaz-
ibar ingarizi,
me bizir kaba isa misogha kantrin
igharazibagh asighasisi.

17 Eighthi misoghamin bizir katam ni
gasighasighan kogham.
Eighthi ni mitigh gavgavigh gumazir pura
migirigiaba ni gasibar migirigiaba
ikarvagham,
eighthi men migirigiaba gavgaviba bar
puvatigham.

Ezi arazir kamra ki deravira uan ingangarir
gumazamizibar garava,
me gamizi, me uan apaniba dikabiri.
Nan arazir kam, a ivezir aghuimin min,
ki a isa uan ingangarir gumazamiz-
ibagh anidi.
Ki Ikiavira Itir God, ki mikemegha
gifa."

55

*God uan gumazamiziba deravira me
damuasa me migei*

¹ Ikiavira Itir God kamaghin migei,
“O gumazamizir dipam bagha kuariba
piriba,
ia na bagh izi dipabar ami.

Ia gumazir dagiaba puvatiziba, ia na bagh
izi, dagheba inigh dar ami.
Ia izi wainin dipaba ko oter eborim
inigh, dar iveziba puvati.

² Manmagh amizi, ia ingangarir dafam
gamua uan dagiaba isa pura bizir ian
akurvazir puvatiziba bagha da agefi,
ezi mitiriaba ian aghavira iti?

Ia kuariba arigh deravira nan akam baragh,
ki mikemezi moghin damu,
egh dagher guar aghuir avirir ki ia
ganizingiba izivagham.

Dagher kaba bar isingigh gav-
gavim ia daningam.

³ Ia nan gumazamiziba, ia izi kuariba arigh
na baragh,

ian ikirimirim deragham.

Eghti ki Atrivim Devit ganingizir apangku-
vir arazim ia daningisi,
Akar Dikirizir Gavgavim ia ko a
damigham,
eghti a gavgavigh ikivira ikiam.

⁴ Ia oragh, ki Devit gamizi,
a gumazir ekiamin otogha, Kantrin
Igharazibar Gumazamizibagh ati-
vagha men gari.

Anarira, nan gavgavim isa gu-
mazamizibar aka.

⁵ Ia fomira kantrin ighazarir maba, ia
me gifozir puvati, ezi me uaghan ia
gifozir puvati.

Eghti ia men dimam.

Ki Ikiavira Itir God, ian God, ki Israeliyan
Godin Bar Zuezim,
ki datirighin ziar ekiam isa ia
ganiningha gifa.

Kamaghin amizi, ia kantrin kabar amighti,
me zuamira ivegh ia bagh izegham.”

⁶ “Ikiavira Itir God bar ian boroghira ikia ia
mizua iti.

Kamaghin, ia datirighin a buri izi an
dimiva, a baghvira iki.

⁷ Eghti gumazamizir arazir kurabagh
amiba uan arazir kuraba ategh,
uan adar amusi nighnighan kogham.

Egh me uamategh Ikiavira Itir God, en God,
a bagh iziti,
a men apangkuvigh men arazir kuraba
gin amangam.”

⁸ Ikiavira Itir God ghaze,
“Ia gumazamiziba ian nighniziba, nan
nighnizibar min zuir puvati.
Ezi nan araziba, ian arazibar min itir
puvati.

⁹ Overiam bar nguazim gafiraghha pin mar
iti moghin,
nan araziba ko nighniziba,
da ian araziba ko nighniziba bar
dagh afira.

¹⁰ E fo, amozim overiamin ikia izaghira,
pura uamategha ghuavanadir pu-
vati.

A dipam nguazim ganiga, daghebagh
amima da azenibar aghuima,
gumazamiziba da isa dar maba
apava, maba opari.

¹¹ Ezi kamaghira, nan akam uaghan, pura
uamategh na bagh izeghan kogham.
Puvati. A ki mikemezi moghira bizibar
amuti da otivam.

Eghti ingangarir ki damuasa ifongeziba,
a adar amuti dar dagheba otivam.

¹² “Ia kalabus ategh bar akuegh mangam,
eghti ki ia inigh iziti,
ia navir amirizim ikiti, bizir ia
damuti ia atiatingamin tam, ia
damuan kogham.

Mighsiaba, ian damazibar ighiabar amu
bar akuegham,
eghti temeba bar akuegh dafaribav
sogh ighiabar amuam.

¹³ Temer kurar dikoniba itir danganim,
datirighin temer painba a bativ an
aghungam.
Eghti temer muziarir bar aghuiba
datirighin benir ataghatariba ikezi
naghin ikiam.

Egh temer aghuir kaba zurara danganir
kamin otivam, eghti bizir kam ab-
banimin min ikiam.

Eghti gumazamiziba zurazurara bizir
kamin gan,
Ikiavira Itir God amizir ingangarir
gavgavibagh nighnigham.”

Ikiavira Itir God, Jerusalemin igiamin atrivimin ikiam

56

(Sapta 56–66)

*Gumazamizir Ikiavira Itir Godin apen-
gan itiba, an Dipenim me bagha kuiaghiri*

¹ Ikiavira Itir God kamaghin migia ghaze:
“Ia nan gumazamiziba, ki ian akur-
vaghamin dughiam, a bar roghira
ize.

Gumazamiziba ganti, ki ua ia iniam.
Kamaghin amizi, nan gumazamiziba, ia
nan guizin arazibar gin mangi
arazir aghuibar amu.

²“Gumazamiziba arazir aghuibar gin man-
gasa gavgavigha,
Sabatin araziba deraviram dar gin
ghua,
egha arazir kurabagh amir puvati, me bar
akongegh.
Ki deraghvira me damuam.”

³Kantrin igharazibar gumazamizir Ikiavira
Itir Godin gumazamiziba ko itiba, me
kamaghin uarira uariv kiman marki,
“Ikiavira Itir God e ateghti, e uam an gu-
mazamiziba ko ikian kogham.” Puv-
ati.

Ezi gumazir me an mikarzir mogomemin
ovizim amisevegha givazim,
a kamaghin nighnigham kogham,
“Ki boriba puvatigh, egh ziam puvatigham.
Ki mati temer mam misigha gifा.
Puvatigham.

⁴Ikiavira Itir God kamaghin migei,
“Gumazir kamaghin amiziba, me Sabatin
arazibar gin mangi,
egh arazir ki ifongezibar gin mangi,
egh ki uan gumazamiziba ko
amizir Akar Dikirizir Gav-
gavimin akabar gin mangiti,

⁵ki men ziam itir ababanitam uan
Dipenimin aven anetigham.
Eighti gumazamiziba zuraram an gan
me ginighnigham.

Eighti men ziar ekiam, gumazir boriba itibar
ziabagh afiraghm.
Ki men ziam damighti a givaghan
kogham.”

⁶Ikiavira Itir God ghaze,
Kantrin Igharazibar Gumazamizir maba,
me Ikiavira Itir Godin gumazamiziba
ko ikiasa ifonge.

Egha na bagha ingara bar na gifuegha, nan
gin iza nan ziam fa, nan apengen ikia,
Sabatin dughiabu deravira dar gin zui.

Egha ki Akar Dikirizir Gavgavir uan gu-
mazamiziba ko amizim,
me deravira an suiraghha an gin zui.

⁷Ezi gumazamizir kaba, ki me inigh uan
Mighsiamin mavanangam.

Me nan Dipenir na ko migeimin ikiti, ki
me damutti me bar akuegham.

Me nan ofa gamir dakozim izi, asizim tu-
aghti a bar isi mighirighamin ofa ko,
ofan igharaziba na daningti,
ki da iniam.

Guizbangira, nan Dipenimin ingangarimin
mingarim kamakin,
kar Nguaziba Bar Men Gumazamiziba
na ko Migeir Dipenim.

⁸Ki Ikiavira Itir God, ian Ekiam ghaze,
Ki Israelian gumazamizir apaniba
inigha kalabus gatiziba, ki uamatagh
me inigh izam.
Egh gumazamizir ki kalabusin inigha iza
akuvalibza,
ki ua gumazamizir igharazir taba inigh
me gifuraghram.

God Israelian gumazir dapanibar atari
⁹⁻¹⁰Israeliyan gumazir dapaniba, deragħha
gumazamizibar garir puvatizi, God
akar kam gami,
“Apaniba ia datirighin izi.

Ia ruariba ko mighsiabar asiszir atiabar
min izi.

Ia izi Israeliyan gumazir dapanibagh
asighasigh.
Gumazir dapanir kaba, bizir kurar
izi kantri gasighasighambar gun gu-
mazamizibav kimamin ingangarim
iti.

Egha me deragħha uan ingangarim
għamir pu. Puvati.

Me mati gumazir damazir okaviriziba,
apaniba bagħha gara ikia bizitamin
garir puvati.

Egha me mati afiār dapurir puvatiziba,
me okimakiar gumazim ġanigh,
a dappur kogħam.

Fofozir mużiżaritam men dapanim in ir-pu-
vati.

Me dakuasavira gara, irebar igharagħha
garibar ganasa bar ifonge.

¹¹Me afiabar min dagħem bagħha bar ikufi,
egħha tong izivazir puvati.

Me mati sipsipbar garir gumazim uan
ingangarim gifozir puvati.

Me vagħvagħha uan ifongiabar gintisi.
Me uarira uarigh nighnigha bizebbug
amua uarira uarir akurvasi.

¹²Me uari akuvazir dughiamin, me vagħ-
vagħha kamaghin uariv già ghaze,
Aria, ia izi, ki wainin dipam inigh,
e anemi mangi e uan ifongiaba agħvaka.

Egh ē, gurumzaragħan uam uari akuvagh
bar an dafam damuam.”

57

*Israelia orazi puvatigha, asebar ziaba
favrira iti*

¹ Gumazamizir aghuiba ariaghbir
dughiamin,
gumazamizibar men gara men
apangkuvir puvati.

Egha me kamaghin nighnizir puvati, Ekiam
gumazamizir kaba ataghizi,
me ovea zui, me gin izamin dughiar
kurabagh itaviragham.

²Gumazamizir arazir aghuibagh amiba, me
ovengamin dughamin,
me uan mozibar akua, avughsazir bar
aghuiini ikiam,
eghti dughiar kuratam me bativan
kogham.

³Ekiam kamaghin migei,
“Ia gumazamizir arazir kurar guar
aviribagh amiba,
ia kukunir amizibar boriba,
ia gumazamizir poroghamiba uari
bakiava uari isava akuir arazim
gamir gumazamizibar boriba,
ia tuavimin amizibar boriba,
ia kagh izi.

⁴Ia gumazir akaba barazir puvatiziba ko
ifavarir gumazamizibar boriba,
ia dibovir akar kuramin tina migei?

Ia akaba ikizirigha, mizeba onga tina garisi?
Ki fo, ia arazir kurar kaba nararam ami.

⁵“Ia asebar ziaba fasa, ian inivafizibar ifon-
giamin agorogem dikavima,
ia ghua temer ekiabar apengan uan
godin ifavaribar ziaba fer dangani-
bar,
poroghamiba uari isava akuir
arazim gami.

Egha ia uan boribav sozi da ariaghirma,
ia da isa danganir zarimin dagiar eki-
abar tongin
aseba bagha ofan min da tue.

⁶Egha ia danganir kamin dagiabar gara
ghaze, ian aseba dar aven iti.
Ezi da ian godba.

Ia aseba ziabagh nighnigha,
wain inger ofa ko witin ofaba me
ganidi.

Ia arazir kabagh amua ghaze,
ki uan nighnizim giragh ian apangku-
vam?
Bar puvatigham.

⁷Ia mighsiabar ghuavanaga aseba fer dan-
ganibar ofa gamua,
poroghamiba uari isava akuir arazim
gami.

⁸Ia bar akirim ragha na gasara.
Ia uan asebar nedaziba uan dipenibar
aven tiar akabar boroghin da gui.

Ia dar ziaba fasa, tintinibar tuavir amiz-
iba ko tuavimin gumaziba isa me ko
dakuasa, uan dakozir ekiabar ingari,
egha dar misiaba adangizi, da pura
mizua iti.

Ia dakozir ekiar kabagh nighnigha bar
ifonge.

Egha ia dagiaba me ganidima, me iz-
ima,
ia men bibiamra itir mikarzibar
gara bar akonge.

Egha ia me ko dakozir ekiar kabagh isin
poroghamiba uari isav akuir arazim
gami.

⁹Ia paura ko sandan mughuriar bar
isingtizim zuim uari gaghua,
asem Melekin ziam fasa zui.

Egha ia asebar ziaba fasa, abuir gumaziba
amadima,
me aseba buria nguibar bar saghon
tibar zui.

Egha ia uaghan me amadima, me Gumaza-
mizir Oveaghuezibar Nguibamin
ghua, dar duaba buri,
eghti ia dar ziaba fisi damuam.

¹⁰Ia aseba buria ingangarir dafam uari
ganangi,
ezi ian gavgaviba gifa.

Egha ia bizir kam barazir puvatigha ghaze,
‘E pura uan gavgaviba agefii. E ti arazir
kam ateka.’

Puvati.

Ian inivafizimin ifongiar kurar kam gav-
gavigha ia getuima,
ia ghuavira iti.*

¹¹“Ia bar tinaram atiatia,
na gifara akirim ragha na gasaragh
bar na bakinighni?

Ki ti bar dughiar ruarinian ian atarizir pu-
vati, kamaghin amizi,
ia ua nan atiatir puvati.

¹²Ia ti ghaze, ia arazir aghuibaram ami.
Ia arazir ia amiba, ki da azenim
datigham.

Eghti da tong ian akuraghan kogham.
Bar puvatigham.

¹³Egh osimtzizim ia bativamin dughamin,
ia ti marvir guar ia akuvazir kabar
dimti,
me izi ian akuraghan, o?

Bar puvatigham.
Da gavgaviba puvati, aminir bar
muziarim me givaragh mangigham.

Ezi gumazamizir na bagha iza nighnizir
gavgavim nan ikia nan aven
modoghav itiba,
me nguazir kam iniam.

Me uaghan mighsiar ki ua bagha
inabazir kam inigh an ikiam.”

*God gumazamizibar arazir kuraba gin
amadagh, egh dughiar aghui me daningam*

¹⁴Ikiavira Itir God kamaghin migia ghaze,
“Nan gumazamiziba ua na bagh izi.

* 57:10: Hibrun akam deragha ves 8-10in akabar mingarim abigha mikemezir puvati.

Kamaghin amizi, ia me bagh der-
aghvira tuaviba akir,
egh tuavim apirizi biziba isi da
makun.

Puvatighi, bizir katam men suetam
mitightima
me daghiregham.

15 "Kirara, ki God, ki ziar bar pin itim ikia,
egha zurara iti.
Ezi nan ziam bar zue.

Ki bar pin ikia uan Nguibar Zuezimra iti.
Egha ki uaghan gumazamizir uari
dikabira, uan arazir kuraba
ataghiraghag navibagh iraziba,
ki me ko iti.

Egha ki gavgavim men navibagh aniga, men
ikirimirim gamima,
a ua deraghaviram oto.

16 Ki uan gumazamiziba zurara akam me
gasi men ataran kogham.
Ki men atar me damuti, men ikirimirim
ikuvigh bar givaghram,
men ikirimirim kam, ki uabi me
ganangi.

17 Me faragha bizir aviriba iniasa, arazir
kurar guar aviribagh ami,
kamaghin amizi, nan aningagharam
men ikia,
puv me gamua, egha uan guam
men modo.

Ezi me akaba barazir puvatigha,
uan ifongiabar gintisi.

18-19 "Me amir arazir kuraba, ki dar ganigha
gifa,
egh ki me gasighasighan kogham.
Puvati.

Ki men arazir kuraba adeghti, me ua
ghuamaghegham.

Egh gumazamizir osimtiziba ikiava araiba,
ki menaku tuavim men akagh me
damuti,
me osimtizir arazim ataghiragh,
na minabi bar akueghamin ighi-
abar amuam.

Ki Ikiavira Itir God, ki kamaghin migei,
Bar guizbangira, nan navir amirizim
ko dabirabir aghuim, gumazamizir
roghira itiba ko nguibar saghon itiba
baghavira iti.

Ki me damighti me ua deraghti,
ki dughiar aghuim me daningam.

20 Ezi gumazamizir arazir kurabagh amiba,
me uan arazir kuram ateghan
kogham.

Me mati ongarim zurara dipira iza,
minezir guar avirim atera iza on-
garir dadarimin da akuri."

21 Nan God kamaghin migei,
"Gumazamizir arazir kurabagh amiba,
me navir amirizim ko dabirabir
aghui batoghan kogham."

58

*Ia dagheba ataghiragh, egh uaghan
arazir kurabar amuan marki*

¹ Ikiavira Itir God kamaghin Aisaia migei,
"Ni bar pamtemin dim!

Egh aghumra diman marki!

Ni tiarir arozim akar, mati sigham arang ka-
maghin nan gumazamiziba mikim,
me nan Akar Gavgavibar gintizir pu-
vati.

Ni Jekopin ovavir boribar arazir
kurabar gun me mikim.

2 Guizbangira, me nan ifongiam
gifoghasa ifuegha, bizir ki damuasa
mikemezibar aghuazir puvatigha,
dughiabar zurara nan ziam fer araz-
ibagh ami.

Me ifara ghaze, me nan boroghira ikiasa bar
akonge.

Me ifara, arazir aghuibar deragh uari
damuasa nan azangsisi.

Bar puvati, gumazamizir kaba bar moghira
ifari.

Me guizbangira akirim ragha nan
akabagh asaraghara arazir kurabagh
ami.

³ Me kamaghin na migei,
Ikiavira Itir God, ni en gari, e dagheba
ataghiragh uari abiri,
ezi ni tizim bagha en akurvaghamin
bitezam gamir puvati?

"Ezi ki Ikiavira Itir God, ki kamaghin men
akam ikaragha ghaze,

Ia oragh!

Ia dagheba ataghiragh hamid dughiar ia
inabazimin, ia uarira uan biziagh
nighnigha,
paza uan ingangarir gumazamiz-
ibagh ami.

⁴ Ia oragh! Ia ti ghaze, ia dagheba tagh na ko
mikimam.

Ezi ian araziba guizbangira bar
igharaghaga ghu.

Ia atara misogha, dafariba apira gumazir
igharaziba me misoghavira iti.

Egh ia dagheba ataghiragh hamid
dughiamir arazir kurar kabar amuti,
ki bar ian dimdiatam bareghan
kogham.

⁵ Ia ti ghaze, ia dagheba ataghirazir araziba,
ki da misevegha dagh ifonge, a?

Ia azirakar korotiaba aghuigha uan da-
paniba avigha uaghira,

mati ighurunim aminim a givarazi, a
nguazim girighav iti,
egha ia avernim gisin akua uaghan
uari abinasa arazir maba saram
ami.

Egha ia ti ghaze, arazir kaba ti na damuti,
ki navir aghuim ian ikiam, a?
Bar puvati.

6 "Ia dagheba ataghizar arazir kamaghin
garim, ki an aghua.

Ezi nan ifongiam kamakin, ia arazir
kuraba ko gumazamizir igharaziba
dikabira paza me gamir araziba, bar
ada atakigh.

Gumazamizir kaba, mevzigh mati ia kal-
abuziabar min beniba ko senbar me
ike,

Egha mati ia bulmakauba ter ararim
men fribagh ike,
egh me damuti me ian ingangarim
damuam.

Ian arazir kam bar ikufi.

Ki ghaze, Ia arazir aghuimin me
damuva men senba aghoregh,
me ateghti me mangi."

7 God kamaghin migei,

"Arazir ki ifongezim a kamakin:

Ia dagheba isi mitiriaba azir gumaza-
mizibar aning.

Ia gumazir onganarazibar ganti, me
dakuamin dipeniba puvatighti,
ia me inigh uan dipenibar mangi.

Ia gumazimin ganti, a uan mikarzim
avamin iniba puvatighti,
ia iniba a daning.

Ia uan adarazir ganti me osimtziba initi,
ia men akurvagh.

8 "Eghti ia arazir ki ifongezir kabar amuti,
ki zuamira ian osimtziba agivagham,
mati aruemin angazangarim isir-
agha mitatem agifa.

Egh ki ian mikarzibar amuti, ia zuamira ua
deraghram.

Ki arazir aghuim gamir Ikiavira Itir
God,
ki ian faragh mangam.

Egh ki angazangarim ko gavgavim sara ian
gin iziva,
egh deraviram ian ganam.

9 Egh ia na ko migia nan deir dughiam,
ki Ikiavira Itir God, ki ian dimdiham
baraghram.

Eghti dughiar ia uarir akurvaghs i na bagh
arangamimin,
ia fogh suam, ki ia ko iti.

"Eghti ia guizbangira igharaz darazi
dikabirir arazim ko paza me gamir
arazim ategh,
dafariba me gasa, akar kuraba migeir
arazim atakigh.

10 Egh ia gumazamizibar ganti me bizibar
otevegh dagheba puvatighti, ia uari
baghvira nighnighan marki,
ia men apangkuvigh bizar me oteveziba
isi me daning.

Egh gumazamizir osimtziba ateribar gan,
men akurvagh.

Ia kamaghin damuti,

ki bar deravira ia damuam.

Nan dughiar aghuim ia batogham,
mati aruer angazangarir bar gavgavim
isiragha mitarmem agifa.

11 "Ezi ki Ikiavira Itir God, ki zurara deravira
ian gara
ia mangamin tuavim ian akakagh,
bizar ian ifongiaba agivamba ia
danningam.

Ia datirighin mati nguazir dipaba pu-
vatizim, a bar ikuvighav iti,
eghti ki ia damighti ia bar deragh
gumazamizir bar gavgavibar
otivigham.

Egh ia bar deravira ikiam, mati azenir dipar
avirim itim,
egha mati mozir dipam datir puvati.

12 Egh ia nguabar ikuviziba ua dar ingaram.
Ia dipenir ghurir fomira ikezir dan-
ganiba, ua dar dipenibar ingaram.

Eghti me kamaghin ziar kamning ia
darigham,
'Nguiabar Ekiamin Divazir Gavgavir
akuaghireziba ua Dar Ingair
Gumazamiziba' ko,
'Nguiabamin Aven Itir Tuaviba ua De-
raviram da Akiri Darasi.'

*Ia Sabatin dughiamin araziba deraviram
dar gintigh, egh bar deravira ikiam*

13 Ikiavira Itir God kamaghin migei,
"Ia Sabatin dughiamin araziba abighan
marki, kar dughiar ki ua bagha
misevezim.

Egh ia dughiar kamin uari uan bizibar
amusi nighnighan marki.

Ki Ikiavira Itir God, ia nan dughiar kam bar
a gifongegh kamaghin a ginighnigh,
kar nan dughiar bar ekiam.

Egh ia pura tintinibar mangi uan ingan-
garibar amuava,
uan migirigiar guar aviribar amuan
marki.

14 Egh ia Sabatin dughiamin arazibar
gintigh, ki Ikiavira Itir God,
ia na bagh bar akuegham.

Egh ki ia damuti, ia uan apaniba dikabiraghti,
ki ianaku mangi mighsiar bar pin itibar mavanangvira ikiam.

Egh ki fomira ian inazir afeziam Jekop ko an adarazi ganingizir nguazim ia daningti,
ia dagher bar aviriba iki, egh bizir bar aviriba iki bizitamin oteveghan kogham.”

Akar kam Ikiavira Itir Godin akatorimin ize.

59

Israelia arazir kuramin gin mangasa bar gavgafi

¹ Ia oragh! Ia kamaghin nighnighan marki, Ikiavira Itir God ian akurvaghamin gavgaviba puvati.

Egh ia kamaghin nighnighan kogham, an kuariba pirizi, e an deir dimdiaba, an ada barazir puvati.

² Ian arazir kurabaram amima, God uan guam ian modogha, ian dimdiaba barazir puvati.

Ian arazir kuraba mati, davarir konim ia ko ian God abighizi, ia an saghon iti.

³ Egha ian dafariba gumaziba misozi me ariaghirma, men ghuziba ian dafaribar pueghavira iti.

Ian dafariba arazir kurabagh ami.

Ian akaba, akar ifavarir guar aviribagh ami. Akar kurabar ian mizebar otivaghiri.

⁴ Ia deravira kotiabagh amir pu. Puvati. Ia akar ifavaribagh amua, pura gumazir igharazibagh ekua kotiam bagha zui.

Egha ian migirigiar ifavarir guar aviribagh ami, egheti me iararam oragh igharaz darazi dikabinam.

Ian nighniziba ko naviba, arazir kurabar amuamin araziba dagh gizifa, ezi ia arazir kurar guar aviribagh amima da otifi.

⁵⁻⁶ Ian nighnizir kuraba, mati kuruzir divimin aroriar.

Egheti gumazitam kuruzir divimin aroriar abigh dar amegh, an aremegham.

Egheti aroriar kabar aven kuruzir nguziba otivigham.

Kamaghira, ian nighnizir kuraba osimtzir guar aviribagh ami da otiva, gumazir igharazibar ikirmiribagh asighasasi.

E garima, boghoboriba uan dipenibar ingari, egheti apizir muzieriba mighi izi dar poghti, me dar amam.

E fo, gumazitaba boghoboribar dipeniba inigh, dar inibar ingarigh, korotiabar min dar aghuan kogham.

Ia boghoboribar min ikia igharaz darazigh ifarasa men suigha, paza me gamua men ikirmiribagh asighasasi.

Guizbangira, ian ingangarir kurar ia amiba, da ian modoghan kogham.

Puvati. Ian arazir kuraba azenim giram.

⁷ Ia zuraram arazir kuram damuasa bar ifonge.

Egha ia zurara atamra ghua gumazamizir arazir kurabagh amir puvatizibar sozi, me ariaghiri.

Ia bizir kurabara damuasa nighnisi.

Egha ia gumazamizibar ikirimirim gasighasighasava arua bizibagh ami.

⁸ Ia navir amirizimin tuavim gifozir puvatigha igharaz darazi ko deragha apiaghiri puvati.

Ian ikirimirim, guizin arazim an itir puvati, ia mati tuavir ikizirizimin zui.

Ian araziba bar derazir puvati, egheti gumazitam ian gin tuavir ia zuimin mangi, navir amirizim ko dabirabir aghuim batoghan kogham.

Gumazamiziba uan arazir kuraba aghuri

⁹ Ezgi gumazamiziba kamaghin migei: “O God, e datirighin fo, e arazir kurar kam gami, ezi bizir kam bagha ni uan guizin arazim en akazir puvati.

Ezi nin arazir aghuim, e batozir puvati.

E mati, gumazamiziba mitarmemin iti moghin iti.

Egha e dughiar aghuim e bativasa, e bar ifuegha a mizua iti, mati aruemmin angazangarim anang e gisiraghram.

Ezi puvati.

E mitarmer dafamin tongin arua, egha osimtzir igharagha garir aviriba batifi.

¹⁰ Osimtzir kaba e gamima, e mati gumazir damazir okavirizibar min tuavim buriagh arui.

Egha pura arua ghua dipenir birimin suighasava amuav avenge.

Egha e aruer arizimin arua

- mati gumazamiziba mitarmemin arua,
uan sueba isa dagiabagh asa daghiri.
E ghaze, e ti bar gavgavigha deravira iti,
puvati.
- E gumazamiziba ariaghirezi moghini iti.
¹¹ Osimtzir kaba e gamima, e bar osemegha
arai, mati afiar atiaba aroi.
E dughiabar aghumra ikiya aziavira iti,
mati kuarazir bumbaba aghumram
arai.
- E Godin guizin arazim bagha mizua iti. Bar
puvati.
- E Godin akurvazim bagh an gara iti. Ezi
a bar en saghon iti.
- ¹² “O Ikiavira Itir God, en arazir kuraba nin
damazimin bar aviraseme.
Egha da e isa kot gati.
Ezi akaba batozir arazimin osimtzizim, en
poroghavira iti.
Ezi e uari uan arazir kurar e amibagh
fo.
- ¹³ Ikiavira Itir God, en God, e arazir ku
ramin ni gamigha, akirim ragha ni
gasaragha ni barazir puvati.
E igharaz darazi dikabiragh, ak
aba barazir puvatizir arazir guar
aviribagh ami.
- E igharaz darazigh ifarasa tuavir bar
aviribagh nighnigha,
dar gun migei.
- ¹⁴ E arazir kabagh amima, en arazir kam
guizin nin arazim ko arazir aghuim
gamima,
aning en saghon iti,
kamaghin amizi, ni en akuragh,
uam e inizir puvati.
- E arazir zuruzim ko guizin migeir arazim
ataghizi, aning en itir puvati.
Egha e uari akuvir dughiabar, arazir
kamning uaghan itir puvati.
- ^{15a} Guizin arazitam en itir puvati.
Eghti gumazitam uan arazir kuraba
ategti,
igharaz darazi pazav a damusi tu
aviba buriam.”
- Ikiavira Itir God uan gumazamizibar
amuti me deravira ikiam*
- ^{15b} Ikiavira Itir God garima, gumazamiziba
guizin arazim gamir puvati,
ezi a navir aghuim men itir puvati.
- ¹⁶ A garima, gumazamiziba paza gu
mazir igharazibagh amima, men
akuraghmin gumazitam itir puvati.
Ezi a kamaghin ganigha digavir kuram
gami.
- Egha uabi uan gavgavim ko uan arazir
aghuiimin, a ua me inigha,
- me gamizi me deravira iti.
- ¹⁷ An arazir aghuir a zuraram amiba,
evarimin pizir korotiamin min
aneru.
Egha a gumazamizibar akurvaghamin
gavgavim ginighnigha, an nighnizir
kam mati a dapanir asuar gav
gavimin min aneruzi, an an dapanim
ave.
- Egha gumazir kuraba iveauzur kuram me ikar
vaghamin gavgavim, uan midorozir
korotiamin min aneru.
Egha uan aningagharir ekiam, korotiar
ruarimin min aneru.
- ¹⁸ Egh Ikiavira Itir Godin aningagharimin,
a uan apanibar arazir kuraba ikar
vagh,
puv me damigham.
Egh a uaghan gumazamizir kantrin roghira
itiba ko, saghon itir arighatizibar gu
mazamiziba,
puvira me damu iveauzur kuram me
danningam.
- ¹⁹ Ikiavira Itir God puv ingara,
mati aminim iza dipam giverazi, dipam
bar puvira ivemari moghin,
Ikiavira Itir God izam.
- Eghti nguazir kamin ruaghateviba bar dar
itir gumazamiziba, aruem anadi
naghin tuga ghua aruem uaghiri
naghin,
me Ikiavira Itir Godin ziar ekiam ko
gavgavim gifogh,
an ziamin atiating an apengan
ikiam.
- ²⁰ Ikiavira Itir God kamaghin migei,
“Ki men Akurvazir Gumazimin min Saionin
izam.
Ki Jekopin ovavir borir uan arazir
kuraba ataghiziba, ki ua bar me
iniam.”
- ²¹ Egha Ikiavira Itir God kamaghin migei,
“Ki me ko Akar Dikirizir Gavgavim gamigha
kamaghin migei,
Ki uan Duam ko uan Akaba ia
ganingizi, da ia ko iti.
Akar kaba, ia ko ikivira ikiti,
ia dar gun mikimam.
Eghti gin ian boriba ko ian ovavir boriba,
me uaghan zurara nan akam ak
nam.
Nan Akar Dikirizir Gavgavir kam zu
rara iki mamaghira ikiam.”
Ki Ikiavira Itir God, kar nan
akamara!”

59:12: Esra 9:6; Jeremaja 14:7; Hosea 5:5 **59:16:** Onger Akaba 98:1; Aisaia 63:5; Esekiel 22:30 **59:17:** Aisaia 9:7

59:19: Onger Akaba 113:3; Aisaia 11:9; 24:15; 30:28 **59:20:** Rom 11:26 **59:21:** Aisaia 11:2; 44:26; Jeremaja 31:31-34; 32:40

60

*Godin angazangarir ekiam ko gavgavim
Jerusalemin ikiam*

1 Ikiavira Itir God kamaghin migia ghaze,
“O Jerusalem, ki Ikiavira Itir God, nan gav-
gavir ekiam otogha angazangarimin
min ni gisira.

Nan ziar ekiam otogha, mati aminim
tirazi aruem anadi.

Kamaghin amizi, ni dikavigh
aruemin min isiragh.

2 Ni gan, ghuariar piziba nguazir kamin
danganiba bar da avara.

Mitater kuram, kantriba bar da modi.
Eghiti Ikiavira Itir God otoghti, an angazan-

garir gavgavim ni bagh izi,

ni gisiraghti gumazamiziba an ganam.

3 Eghiti Kantrin Igharazibar Gumazamiziba
nin angazangarir kamin ganigh, ni
bagh izam.

Eghiti atriviba uaghan nin angazan-
garir ekiar kamin ganigh,
dikavigh ni bagh izam.

4 “Ni kogh pin tintinibar ganti, nin gumaza-
miziba uari akuvagh ni bagh izam.

Nin otariba nguabar saghuiabar ikegh
me ko daru izam.

Nin guivibar ameboghefeziaba, me guribagh
afegha izi moghin,

Kantrin Igharazibar Gumazamiz-
iba nin guiviba isi uan guribar
afegh izam.

5 Eghiti ni bizir kamin ganigh, nin guam
angazangarimin min taghtaqhti,
nin navir averiam bar akuegham.

Guizbangira, kurir ekiaba, bizir aghuir
aviriba inigh ongarim abigh ni bagh
izam,

eghti ni dagiaba ko bizir aghuiba
nguazir kamin kantriba dam ada
iniam.

6 Midianin kantri ko Efan kantri, aningin
gumazamiziba, uan kamelin aviriba
inighti,
da bizir aghuir aviriba ater ni bagh
izam.

Egh uaghan Seban kantri gol ko pauran
me iter balsamin eborimin ingariz-
iba inigh ni bagh izam.

Ki Ikiavira Itir God, me tuavimin izi nan
ziar ekiam fam.

7 “Eghiti Kedaria ko Nebajotia uan sipsipba
ni bagh da inigh izam.

Eghiti ki uan gumazamizibar ganti,
me uan sipsipba inigh nan ofa
damusi nan ofa gamir dakozimin
iziti,
ki men gan bar akuegham.

Eghiti ki uan Dipenir dirim damighti,
a ziar ekiam inigh bar pin ikiam.

8 “Munar bizir ghurghurir tiziba ghuarimin
min garima, aminim ada inigha on-
garim gisin izi,
egha mati kuarazim migha uamategha
uan mikonim bagha izi?

9 Kar, Tarsisin nguabar bar saghon itimin
kuriba.

Bar guizbangira, saghon itir
arighatizibar gumazamiziba uarir
akurvaghosa na mizua iti.

Egh me nin boriba inigh uamategh ni
bagh me amangisi, kurir ekiar kaba
amangiti, me izam.

Egh gumazamizir kaba uaghan gol
ko silvan avirim isi kurir kabar da
ameghti, da izam.

Me garima, ki bar deravira ni gamizi, ni ziar
ekiam iti,

kamaghin amizi, me arazir kam gami.

Me fo, ki Ikiavira Itir God, ian God, ki Is-
raelian Godin Bar Zuezim,
egha me ziar ekiam na daningasa kam-
aghin ami.*

10 “O Jerusalem, Kantrin Igharazibar Gu-
mazamiziba izi ua nin divazir gav-
gavibar ingaram.

Eghiti men atriviba nin ingangarim
damuam.

Ki faragha ba puv nin atara ni gasighasiki.
Egha datirighin, nan navim nin itima, ki
nin apangkufi.

11 Kamaghin nin divazir gavgavibar tiar
akaba, arueba ko dimagaribar
kuighiregh ikiti,
Kantrin Igharazibar Gumazamiziba
uan dagiaba ko biziba ni bagh ada
inigh izam.

Egh me uaghan uan atriviba inigh iziti,
me nin ingangarir gumazir kinibar ot-
vam.

12 Ezi kantrin nin apengan ikia nin ingan-
garibar amuan aghuaziba,
me bar moghira ikuvigh bar givagham.

13 “Kantrin Igharazibar Gumazamiziba,
Lebanonin kantrin ruarir ekiamin
ghuavanegh,
temer painin bar ruariba ko, saipresba
ko temer ruarir igharaziba saram
okegh da inigh ni bagh izam.

Eghiti gumaziba izi temer kaba inigh,
nan Dipenimin ingarigh anesaraghti,
an ganganim bar deragham.

Dipenir kam, ki an aven ikia uan dagarimn-
ing arizir danganim.

* 60:9: Ni Aisaia 51:5in gan. 60:11: Akar Mogomem 21:25-26

Egh ki a damighti, a bar pin iki, ziar ekiam ikiam.

¹⁴ Egha fomira paza ni gamua bar ni gifongezir puvatizir darasi, men ovavir boriba uan dapaniba avigh ni bagh izi, nin apengan ikiam.

Egh me nin suemien boroghin, uan teviba apirigh, nin ziam fam.

Egh me kamaghin ni diponam,
‘Ikiavira Itir Godin Nguibar Ekiam’ ko,
‘Saion, Israelin Godin Bar Zuezimin
Nguibar Ekiam.’

¹⁵ “O Jerusalem, ni bar ikuvigha pura itima, gumazitam nin tuavibar mangi izegh gamir puvati.

Ni mati amizim, an pam an aghuaghha anetegha arav ghuizi moghin iti.

Eghiti, ki ni damighti, ni bar deragh pin ikiti, gumazamiziba ni bagh bar akuegham.

Eghiti ni zurazurara kamaghira ikiam.

¹⁶ Ni kantrin igharazibar bizir bar aghuibara initi, atriviba uan bizir aghuiba ni daningam, mati amizim otom uan borim ganidi.

Eghiti ni kamagh fogh suam, kirara ki Ikiavira Itir God.

Ki uan gumazamiziba ua me isir God, ki nin Akurvazir Gumazim, ki Jekopin ovavir boribar Godin Bar Gavgavim.

¹⁷ “Ki nin brasba inigh, da ikarvagh golba isi ni daningam.

Ki nin ainba inigh, da ikarvagh silvaba ni daningam.

Ki nin temer arariba inigh, da ikarvagh brasba ni daningam, egh nin dagiaba inigh, da ikarvagh ainba ni daningam.

Eghiti atrivitam ua nin gan, pazi ni damuan kogham.

Ki nin atrivibar amuti, me navir amirizim ko arazir aghuimin gin mangi deraghvira nin ganam.

¹⁸ Egh nguazir kamin ruaghatevir ni gariba, gumazamiziba ua tintinibar uariv soghan koghti, ni bizir asighasizir niginitam bareghan kogham.

Eghiti nin divazir gavgavimin ziam kamaghin ikiam, ‘Ekiam Gumazamizibar Akurvasi.’

Eghiti nin divazir gavgavimin tiar akar ekiamin ziam kamaghin ikiam, ‘E Ekiamin Ziam Fam.’

¹⁹ “Aruem ua ni bagh angazangarimin min ilkian kogham, eghiti dimangan, iakinim uam angazangarim ni daningen kogham.

Ki Ikiavira Itir God, ki uabi aruem ko iakinimin min, angazangarim ni daning mamaghira ikiam.

Ki nin God, ki gavgavim ko angazangarir ekiamin min ni gisiraghti, ni ganganir bar aghuarim damuam.

²⁰ Ki Ikiavira Itir God, ki zurara nin angazangarimin min ikiti, nin osimtizibar dughiam givagham.

Eghiti ni ua aruem uaghbirir arazimin ganan kogham.

Egh ni ua, iakinim uaghbirir arazimin ganan kogham.

²¹ Nin gumazamiziba bar moghira arazir aghuibara damu, egh ki me bagha misevezir nguazim me a inigh, a dapiagh zurara ikiam.

Guizbangira, nan dafarimin, ki men ingarigha me gamizi me ikizir vamiran gumazamizibar otogha, mati ki temer oviziba oparizi, da biar aviriba otifi.

Ki kamaghsua, ki kamaghin damighti, ikizir igharazibar gumazamiziba ganiva, ziar ekiam na daningam.

²² O Jerusalem, gumazir nin ikia ziam puvatizim, a gumazamizir ikizir dafamin afeziamin otogham.

Ezi ikizir muziariba, me bar avirasemegham, mati kantrin bar ekiar gavgavibar gumazamizibar min otivigham.

Ki Ikiavira Itir God, ki mikemegha misevezir dughiam, ki bizir kabar amuti, da zuamiram otivigham.”

61

Ikiavira Itir God uan gumazamiziba derivira me damuamin dughiam otogha gifa

¹ Ikiavira Itir God, akar aghuim gumazamizibav kinasa na misevegha, borem nan dapanim ging, kamaghin amizi, Ikiavira Itir God, en Ekiamin Duam, a nan iti.

Egha uaghan akam akunasa na amada, eghiti ki kamaghin me mikim suam, gumazir osimtizibar apengan itiba, men osimtiziba givagham,

ehtiti kalabusin itir gumazamiziba, me bagh kalabusin tiar akam kuighti, me kalabus ategh firighiregh mangam.

² Akamaghin akam akunasa na mikemegha na amada:

Ikiavira Itir God gumazamizibagh ifongezir dughiam, an otogha gifa.
Dughiar kamin, God iveauzir kuram isi men apanibar aningam.

Egha, a gumazamizir osemegha aziba, gavgavim men navibar aningasa na amada.

³Gumazamizir Saionin nguibamin aven iki-ava aziba,
ki bar akongezir arazim ko navir amirizim me daningti, me gavgavigham.

Egh ki averenir me uan dapanibagh atiziba adegh,
kukazir aghuiba men kurkeham.

Ki borem me daghughti,
me bar akuegh, men osimtizir ararem givagham.

Egh me ua uan gavgavim inigh, gumazim korotiar aghuim aruzi moghin,
Ikiavira Itir God bagh bar akongegh onger akar aghuibar amuam.

Egh me temer Okin, Ikiavira Itir God, uabi oparizibar min,
tuivigh iki deraghvira Ikiavira Itir Godin gin mangi an ziar ekiam fam.

⁴Ja Ikiavira Itir Godin gumazamiziba,
ia fomira ikuvizir nguibar ekiaba ua da akir,
egh bizir ikuvigha givagha azenir aviribar ikegha givaziba akiram.

⁵Kantrin Igharazibar Gumazamiziba izi ian ingangaribar amuam.
Me ian sipsipba ko biziбар ganiva, ian akunibar ingarigh dagheba oparam.

Egh me uaghan ian wainin azenibar ganam.

⁶Egh ti ia uari Ikiavira Itir Godin ofa gamir gumazibar min ikiti,
me ziar kam Godin ingangarir gumaziba ia darigham.

Egh ti Kantrin Igharazibar Gumazamiziba ia bagh bizir aviriba inigh iziti,
ia biziбар bar aviriba ikiam.

Egh ti ia biziбар avirir me ia daningamiba bagh,
bar akuegham.

⁷Ja faragha bar aghumsizir dafam inigha uan guaba monge.
Egh gin ia uari uan nguazim inigh a dapiagh biziбар bar avirim initi,
da biziбар ia faragha inizibagh aferagh.

Egh ti ia bar akongegh iki kamaghira ikiam.

⁸Ki Ikiavira Itir God kamaghin migja ghaze,
Ki guizin araziba baghvira iti.

Egha okimakiar arazim ko paza igharaz darazigh amir arazibagh ifongezir puvati.

Nan gumazamiziba osimtizir aviriba ateri, ezi datirighin ki bar guizbangira bizar aghuiba me daningam.

Egh ki me koma Akar Dikirizir Gavgavitam damichti
a iki mamaghira ikiam.

⁹Eghti nan gumazamizibar ovavir boriba, Kantrin Igharazibar Gumazamizibar tongin iki ziar ekiam ikiam.

Eghti gumazamiziba men ganigh fogh suam,
gumazamizir kaba me nan adarasi, ezi ki Ikiavira Itir God, ki uabi deravira me gami.

¹⁰Godin ingangarir gumazim ghaze:
Ki uan Ikiavira Itir God bagh bar akongegham.

Guizbangira, a nan akurazi, an arazir aghuim mati korotiar ruarim na avara,
egha mati gumazim amuimin iki-asa deraghha kurke,
egha mati amizim pamin ikiasi de-raghha kurke.

Kamaghin amizi, an navir averiamin aven itir bar akongezir arazim bar na gizifa.

¹¹Ki fo, Ikiavira Itir God, nan Ekiam, uan arazir aghuim ko uan akurvazir arazim nan akaghamb,

mati nguazim dagher oviziba an aven

ikia biaba otiva anaga azenim giri.
Eghti Kantrin Igharazibar Gumazamiziba Ekiamin arazir kamin ganigh an ziam fam.

62

Jerusalem ziar igiam ini

¹Ki Saionin nguibam bagh zurazurara Ekiam mikimvira ikiti,
a deravira a damuam.

Guizbangira, ki Jerusalemin nguibam ginighnighvira iki,
kamaghin ki uan akam dukuaghan kogham. Bar puvatigham.

Egh ki Ekiamin dimvira iki mangiti, arazir aghuimin dughiam Jerusalemin gumazamiziba batogham,
mati aruemin angazangarim mizarazimin otifi.

Egh ki Ekiamin dimvira iki mangiti, an akurvazir arazim dughiam Jerusalemin gumazamiziba batogham,
mati adenir angazangarim dimagarimin otifi.

² Eghiti Kantrin Igharazibar Gumazamiziba ganti, God Jerusalemin akurvagh suam, ni nan damazimin dera.

Eghiti atriviba ganti, God gavgavim ko ziar ekiam isi ni daningam.

Egh me ziar igiam ni darigham, kar ziar Ikiavira Itir God uabi ni daningamim.

³ Jerusalem, ni atrivimin dapanir asuar kurkazir aghuiba itimin min ikiam.

Eghiti Ikiavira Itir God, ian God, dapanir asuar aghuir kam uan dafarimningan an suiraghman.

⁴ Eghiti gumazamiziba ua kamaghin ni diponan kogh suam, “Ekiam ni ategha gifa.”

Eghiti nin nguazim gumazamiziba ua kamaghin a diponan kogham,

“Nguazir kam, gumaki, a bar ikuvigha pura iti.” Puvati.

Kamaghin amizi, me kamaghin fogham, Ikiavira Itir God navir aghuim nın ikiava, ni bagha bar akonge.

Egh me ziar igiam kamaghin ni dipon suam, “God bar a gakonge.”

Ezi nin nguazim mati amizim, an pam uam a inigha, a bagha bar akonge.

Eghiti nin nguazim me kamaghin a diponan, “An amizir pamin itimin min iti.”

⁵ Eghiti nin otariba ni inigh, ni ko deraghviria ikiam,

mati gumazir igiam amizir igiamin ikia, aning uaning ko deravira iti.

Guizbangira, nin God bar ni gakuegham, mati gumazim igiamra amuimin ikia uan amuim gakonge.

⁶ O Jerusalem, nin divazir mitiar gavgavibar pin, ki apaniba bagha garir gumaziba afe,

ehtti ganganir gumazir kaba, arueba ko dimagaribar uan akabar kumighan kogham.

Ki kamaghin me mikeme, “Ia Ikiavira Itir Godin deir gumazamiziba, ia avughsan marki.

⁷ Ia an dimvira iki mangiti, a Jerusalem damightima,

a uamategh tugh gavgavighamin dughiam otogham.

Eghiti dughiar kamin, Jerusalem nguazir kamin gumazamizibar damazimin, bar pin ikiam.”

⁸ Ikiavira Itir God akar dikirizim gami, ezi an gavgavir ekiamin, an akar dikirigha mikemezim, guizbangiram otogham.

62:11: Aisaia 40:10; Akar Mogomem 22:12 * **62:11:** Akar kam gighan tuavir ighazarir mam kamakin, “Egha a bizar aghuiba isiva uan gumazamizibar aningasa, da sara izi.”

Ikiavira Itir God kamaghin Jerusalemin migei,

“Ki uamategh apaniba atehtima me izi, nin gumazamizibar witba ko bizir me ingangarir dafam gamuava opariziba inian kogham.

Ki ua Kantrin Igharazibar Gumazamiziba atehtti, me izi nin gumazamiziba ingarizir wainin dipaba inian kogham.

Puvatigham.

⁹ Nin gumazamizibara witin anigha givaziba inigh bretbar ingarigh dar amam.

Egh me ziar ekiam Ikiavira Itir God daningam.

Eghiti nin gumazamiziba wainin ovizir andiziba inigh wainin dipabar ingaram.

Egh me da inigh nan Dipenimin divazimin aven izi, dar amiva bar akuegham.”

¹⁰ Ia datirighin Jerusalemin itir darasi, ia zuamira bar moghira nguibar ekiam atakigh.

Ia nguibam ategh azenan mangi, ia gumazamizir uamategha iziba bagh deravira tuavim akir.

Ia me bagh deravira tuaviba azeniva, tuavim apirizir dagiaba isi da makun.

Egh Kantrin Igharazibar Gumazamiziba gansi, ia inir avizir ababanim asaragh.

¹¹ Ia oragh! Ikiavira Itir God, kamaghin nguazir kamin gumazamiziba bar me mikemega ghaze:

“Ia Saionin nguibamin gumazamiziba bagh mangi kamaghin me mikim suam,

‘Ia gan, ian Akurvazir Gumazim, a izi!

A faragha midorozim gamua apanibagh afiragh,

gumazamiziba bizir aghuibar min me inizi, me a ko izi.”*

¹² Me gumazamizir kaba kamaghin me diponam,

‘God Baghvira Itir Gumazamiziba’ ko, ‘Ikiavira Itir God, ua Inizir Gumazamiziba.’

Egh me kamaghin ian nguibam diponam, ‘Nguiabar God Bar Ifongezim’ ko, ‘Nguiabar Ekiar God ua Izegha Itim.’”

63

Ekiam iveau kuram isa uan apanibagh anidi

63:1: Aisaia 34:5-17; Jeremaia 49:7-22; Esekiel 25:12-14;

35:1-15; Amos 1:11-12; Obadia 1:1-14; Malakai 1:2-5

1 Ia gan! Mar gumazir manam atrivimin
min bar deravira kurkegha Idomin
kantrin aven,
Bosran nguibam ategha azenan izi?
Mar gumazir manam uan dapanim avi-
ragha uan gavgavir ekiam sara izi?
Ezi an korotiam bar aghevezi moghin
gari.

“Kar ki Ekiamra.

Ki gumazamizibar akurvazir gavgavim
iti, egha ki kamaghin mikimasa,
nan arazir aghuimin, ki men
apaniba abiragha gifal!”

2 Nin korotiaba tizim bagha bar aghefe?
Da mati gumazim wainin dipabar in-
garasa, wainin oviziba mirmiramin
dagiar miner bar ekiamin aven
ghugha,
wainin oviziba dikabirima, wainin
dipar aghevir avirim otozi
moghin aghefe.

3 “Ki uabira, ki wainin oviziba dikabira da
mirmiri moghin, kantriba dikabiri,
ezi kantrin tamin gumazitam nan aku-
razir puvati.

Ki men atara bar men aningaghe,
egha bar pamtemin me dikarazi,
men ghuziba pura tintinibar
asavamaga, nan korotiabagh ira
dar poke.

4 Ki uan navir averiamin aven uan
gumazamizibar apaniba ikarvagh,
me gasighasighamin dughiham
ginighnighavira iti.

Ezi datirighin dughiar ki ua gumazamiziba
iniamim otogha gifa.

5 Ki garima, nan akurvaghamin gumaziba
puvati, kamaghin amizi,
ki digavir kuram gami.

Ezi nan gavgavim ko nan aningagharimra
na gammima,

ki uan gumazamizibar apaniba abira.

6 Nan aningagharir bar ekiam na gammima,
ki ikizir aviribar gumazamiziba
dikabini.

Ki puv me gamua uan aningagharim men
akazi, me a baraki,
mati me nan aningagharim itir itarimin
wainin dipam ame, egha bar onganii.

Ezi ki me misogha
men ghuziba isa nguazim gingie.”

*Gumazamiziba Ikiavira Itir Godin arazir
aghuiim ginighnisi*

7 Ki Ikiavira Itir Godin apangkuvir ekiamin
gun mikimasa.

Egh an arazir aghuim bagh an ziam
fam.

E Israelia, God en akurvaghha bizar
aghuir bar aviriba isa e ganidi.
Egha bar deravira e gamizi, e an ziam
fe.

Guizbangira, a bar e gifuegha apangkuvir
ekiam en iti.

8 E fo, Ikiavira Itir God kamaghin
mikemegha gifal,
“Gumazamizir kaba, me nan gumazamiz-
ibara.

Egh me nan akaba batogh, na gifaran
kogham.”

Kamaghin amizi, a men
osimtizibar tongin men Akur-
vazir Gumazimin oto.

9 Egha me mizaziba ko osimtiziba aterir
dughiamin,

Ekiam uaghan me ko mizaziba ko
osimtiziba ateri.

God uabi, ensel o abuir gumazimin min
otogha ua me ini.

Bar fomira an ifongiam ko apangkuvim
men ikiavira iti,

kamaghin amizi, a dughiar bar ru-
arimin me atera bar deravira men
gari.

Bizir kam bagha, a men akurvasi.

10 Guizbangira, me a barazir puvatighava,
an Duam gammima a bar oseme.

Kamaghin amizi, God uabi men
apanimin min otogha,
me ko misosi.

11 Egha me gin God fomiram amizir biz-
ibagh nighnisi.

Men nighnizim umategha Moses ko
an gumazamizibar ghua kamaghin
migei:

“Ikiavira Itir God managh iti?

A fomira uan gumazamiziba ko, men
gumazir dapaniba inigha izima,
me iza ongarim abigha vongin oto.

Ikiavira Itir God managh iti?

A fomiram uan Duam amadazi, a men
tongin iti.

12 A uan gavgavir bar ekiam isa Moses
ganigi.

Ezi an ongarim tongiram an abighizi, an
akuar pumuningin otozi, an gumaza-
miziba vongin ghue.

Ezi arazir kamin, a zurara ikiamin
ziar ekiam ini.

13 A men faragha zuima, me tuavir ongarir
bar konimin itimin aruava an gin zui.

Egha me ghua dipaba puvatizir danganimin
itir, hoziar atiabar min

pamtemin dika ghua daghirezir puvati.
 14 Ikiavira Itir Godin Duam uabi, an gumazamiziba avughsazim isa me ganingi,
 mati bulmakauba ghua danganir zarimin ikia ogheba apava, avughsa iti."

Ikiavira Itir God, ni kamaghin ifonge,
 gumazamiziba bar nin gavgavim ko ziar ekiam gifogham.
 Kamaghin amizi, ni uan gumazamizibar akua zui.

Israelia Ikiavira Itir God men akurvaghosa, me an azangssisi
 15 O Ikiavira Itir God, ni uan Nguibamin iti, nguibar kam nin gavgavim ko angazangarim a gizifa.

Egħi tħi minn iki vazimien en gan.
 Ni tizim bagħi dikavigh uan arazir e bagħavira itim ko gavgavir ekiam en akakħagan aghħua?
 Ni ti uamategħ uan apangkuvim ko ifongiarr uan navir averiāmin aven itim, en akakħagan aghħua.
 Ni ti uam e gifongezir puvatiz, o?

16 O Ikiavira Itir God, ni bar guizbangira en Afeziam.
 En inazir afeziamning, Abraham ko Jekop,
 aning ua e ko itir puvati, egha e gifozir puvati.

Ezi nirara, ni fomiram en Akurvazir Gu-mazimin ikia,
 e gegħuva deragħha en gara iza datirighin tu.

17 O Ikiavira Itir God, ni manmaghsua e gamizi,
 e tintinibar ghua nin akabar gin zuir puvati?

Egha manmaghsua, ni en naviba ko nighnizibagh amizi,
 e nin atiatia nin apengan itir puvati?
 E nin ingangarir gumazir ni ua bagħavira inabaziba,
 e nin anabamra, egha ni bagħavira iti.
 Kamaghin amizi, ni uamategħ e ko iki.

18 E nin gumazamizibara.
 Ezi Dipenir ni ua bagħavira inabazim,
 a bar dugħiġar otevimiñ en agharim
 iti.
 Ezi gin en apaniba iza nin Dipenim
 gasiġħas-i.

19 Ezi e datirighin mati gumazamizir ni fomira me gativazir puvatiziba.
 Egha mati gumazamizir ni uan ziam
 me gatizir puvatizibar minn iti.

64

1 O Ikiavira Itir God, ni overiam abigh kagh izighiri!

Ni kamaghin damuti, mighsiaba nin damazimin atiating bar puviram akongam.

2 Ni gumazim dazir suzibar avim atizi, dipam isiąghtui mogħin,
 ni uan ziar ekiam isi uan apanibar akgħam.

Egħi Kantrin Igharazibar Gumazamiziba nin damazimin atiating bar puviram akongam.

3 Ni fomira izaghira bixiż igharagħha garir e ganizir puvatizibagh amizi da otivima,
 e dar gara digavir kuram gami.

Ni izaghirir dugħiħar kamin,
 ni mighsiabagh amizi
 da nin damazimin bar puviram agoi.

4 Bar fomira iza datirighin, gumazitam uan damazimin gara uan kuarim atiġha orazi,
 godin nin min iti tam, ua itir pu.
 Bar puvati.

Ni uabira, gumazamizir nighnizir gavgavim
 nin ikia ni mizuiba,
 ni me bagħha pamtem ingara men akura.

5 Gumazir arazir aghuibara damuasa ifuegħa nin tuavim giniegħiha an
 gin zuiba,
 nirara me bativa me gifonge.

E fo, ni faragħa en ataravira itima,
 e tong uan arazir kuraba ataghixar
 puvati.

E dugħiħar bar ruarim arazir kurabar
 amuasa bar gavgavighavira iti.
 Ezi marki, ni uan gavgavir ekiam sara
 iżi uam e inigh.*

6 E nin damazimin arazir kurabagh amigha,
 bar mize.

E amir arazir kaba e ghaze, da ti derazi
 e dagħi amī,
 arazir kaba nin damazimin bar ikuvigha,
 mati inir avizir bar pugħpurizim.

En arazir kurar kabara e gamma,
 e aminim ter afarri midrixbagh ivarazi
 da ghuezi mogħin,
 e bar misiġha atam ariaghire.

7 Gumazitam nin ziam dibora ni ko migeir
 puvatigha,
 akurvazim bagħha nin borogħin zuir puvati.

E ghaze, en arazir kuraba bangin,
 ni bar uan guam en modogħa e ataghizi,

64:4: Aisaia 30:18; 40:31; 1 Korin 2:9 * **64:5:** Hibrun akam deragħha vezin kamin mingarim abigha mikkemexi puvati. **64:6:** Onger Akaba 90:5-6; Aisaia 48:1; Jeremaia 4:11-12

en arazir kuraba e gasighasighizi, e bar ikuvigha iti.

⁸ O Ikiavira Itir God, ni en Afeziām, ni mati minebar ingarir gumazim.
Ezi e mati, gumazim nuguazim isa uan dafarimningin nuguazir minebar ingari.
Ezi ni uan dafarimningin en ingari.

⁹ O Ikiavira Itir God, ni zuraram en arazir kurar e amibagh nighnigh puv en aningaghan marki.
Ni kamaghin nighnigh, e bar nin gumazamiziba, ni tong en apangkufiġ.

¹⁰ Nin nguiba ekiaba, danganir kinibar min iti,
ezi Saion, a gumazamiziba puvatizir danganimin min oto.
Guizbangira, Jerusalem bar moghira ikuvizi, gumazitam an itir puvati.

¹¹ Ezi nin Dipenir e an mangi nin ziam famim, a uaghan avim an isizi, a bar moghira ikufi.
Fomira Dipenir kam bar dipenir dirim, ezi en inazir afeziaba an ghua nin ziam fe.

Egha datirighin a ikuvizi, bizar aghuir e ifongeziba, da uaghan bar ikuvigha iti.

¹² O Ikiavira Itir God, ni bizar kabar gara, en akuragh bizitam damuasa nin navim ni dikafi, o puvati?

Ni ti kamaghsua, e osimtizir aviriba ater mangivira ikiam, o?
Ni en migirigiāba baragħha da ikarvaghan aghua, o?
Eghaze, ni ti en akuragħam.

65

God gumazir akaba barazir puvatizibagh asighasigh, uan ingangarir gumazamiziba deravira me damuam

¹ Ikiavira Itir God kamaghin migei, “Gumazamizir na bagħha azaj puvatiziba, ki men dimdiaba baragh, men akurvaghħa me Mizuha iti.

Gumazamizir na burir puvatiziba, na bagħiżza ki me Mizuha iti.

Ki fo, me bar nan saghon ikia nan ziamin nan diman aghħua.
Ezi ki kamaghin men dia ghaze, ‘Kirara kagh iti. Ki kagh iti.’

² Ki zurar dugħiabar gumazamizir nan akaba batoziba ua me iniasa me bhagħavira ikia

uan dafarim amadagħha men azangsighavira iti.

Kar gumazamizir uan arazir kurabar tuavbar gin mangasa bar ifongeziba. Me uan ifongiabar gintisi.

³ Egha me zurara nan damazim arazir na damuti, ki men aningagħegħambagh ami.

Me azeniba itir danganibar uariaku ikia aseba bagħha ofabagh amua, asebar ofa gamir brighin dakozibar ghua, pauran migharim otivim tuti, a mughuriar aghħiġi mangasa me a tue.

⁴ Egha me ghua gumazir oveaghuezbar mozibar borogħin apiaghav ikia, men migirigiāba iniasa men azangsigha iti.

Egha dimagaribar me danganir kabar ikia asebar ziaba fe.

Egha me dabar tuziba apava, asizir guar iġħaragħha garir nan damazim zuezir puvatizibar siariba api.

⁵ Egha me kamaghin iġħaraz darazi migħia ghaze,

E uari isa asebagħ aniga da bagħavira itima, dar gavgaviba en iti, kamaghin amizi, ia bar in sagħon iki. Ia en pogħan marki.’

Gumazamizir kaba amir araziba, ki bar dar aghħua.

Me na gamima, ki bar men aningagħezi, nan aningħarim migharim nan atinim otifi.

Mati avim isia bar gavgavizzi mogħin, nan aningħarir men itim givagħan kogħam.

⁶ “Ia oragh! Ia gumazamizir kuraba, ki Ikiavira Itir God, ian arazir kuraba uan akin farim min da osiri. Egh nimira ikian kogħam. Puvati.

Ki bar ia gasighasigh, ian arazir kurabar iverzimra ia ikarvagh.

⁷ Ki Ikiavira Itir God, ki kamaghin migei, ki ia damuti, ia uan arazir kurabar osimtiziba ko uan inazir afeziabar osimtiziba saram at-eram.

Ian inazir afeziaba mighsiabar ghuvvanega, asebar ziaba fer danganibar, ofan migharir mughuriar aghħiuba zuibagh ami.

Egha me mighsiabar pin ikia arazir kurar aviriba nan damazim dagħi amua, egha arazir kamin na dipova aghħumsizim na ganid.

Kamaghin amizi, ki men arazir kurar me amizibar iveauzimra me daningam."

⁸Egha Ikiavira Itir God kamaghin migei,
"Gumazitam wainin ikarizir ovizir kurar
aviriba itiba makunsi damuti,
gumazir igharazim suam,
'Ni tong orarkegh. Ki wainin ovizir aghuir
mabar garima, da an iti.
E da inigh wainin aghui tabar amigh,
dar ami bar akongegham."

Kamaghira, ki Ikiavira Itir God, ki fo,
Israelia nan ingangarir gumazamiziba,
ezi ki me baghavira ikia,
bar moghira me gasighasighan
kogham.

⁹Judan anabamin adarasi, me Jekopin
ovavir boriba, ki bar deraghvira me
damuam.
Ki me damuti, me bar gumazamizir
bar aviribar otivigh, nan mighsiabar
dapiagham.

Gumazamizir kaba, ki me amisevezi me
nguazir kamin nan ingangarir gu-
mazamizibar min iti.

Egh me nguazir kamin ikiam.
¹⁰Egħi men sipsipba ko bulmakauba
nguazir kam gizivagħam.
Da Saronin danganir zarir aruem
uaghiri nagħin tugh mangi, Akorin
danganir zarir aruem anadi nagħin
tugħti,
men sipsipba ko bulmakauba bar
avirasemegħam.

Egh grazir aviriba ikiti, me dar ami avugħi
ikiam.

Gumazamizir na gifuegħa na buria na
bagħavira itiba, ki bizir kabar me
damuam.

¹¹"Ia akiriba igha Ikiavira Itir God gasiba,
ia nan mighsiam Saionin, nan ziam fer
arazim ataki,
kamaghin amizi, ia bar dugħiar kur-
ram iniam.

Ia Gat ko Menin ziamning fasa, aning bagħ-
isar ekiabagh amua wainin dipabar
ofabagh ami.
Aser kamnun, ia ghaze,
aning ia gami ia uan apaniba
dikabira, egha ia dugħiar
agħuim isi.

¹²Ezi ki ia bagħha dugħiar igharaghha garim
amisevegħa gifa.
Ia apaniba izi, uan midorozir sababar
ia misogħti, ia arimīgħiregħam.

Ia uan teviba apirigh, avigh dapaniba
nguazim min ganti, apaniba ian firiba
aghoram.

Ia fo, ki ian deima, ia nan dimdiā
ikarazir puvati.

Ki uaghan uan akam ia mikeme, ezi ia an gin
zuir puvati.

Ia nan akaba batogħha, arazir kurar ki
bar aghuziba nan damazim din
ami.

Kamaghin amizi, dugħiar kurar
kam ībativam.

¹³Kamaghin ki, Ikiavira Itir God, ian Ekiam,
ki kamaghin migei,
Bar guizbangira, nan ingangarir gumaza-
miziba guizbangira dipaba ko dagħer
aviriba ikiam,
egħi akirim ragħha na gasi darasi, ia
mitriżamra iki, damamin dipaba ko
dagħeba puvatigħam.

Bar guizbangira, nan ingangarir gumaza-
miziba, me bar akuegħ ikiam,
egħi ta bar aghumsigħam.

¹⁴Nan ingangarir gumazamiziba, men
navi averiabba
guizbangira bar akongezir arazim me
gizvagħti,
me bar akongezir igħiabar
amuam.

Egħi ian naviba osimtziz ekiam dagħ-
izivagħti,
ian nighnibba deragh ingaran kogħti,
ia bar puviram aziv arangam.

¹⁵Egħi nan adarazi me akar kuramin
igharaz darazir aningsi, me kam-
aghien mikimam,
Ikiavira Itir God, en Ekiam, gumazir
kurar kabagh asighasighiżi mogħin,
ia gasighasigħam.

Kamaghin amizi, gumazamiziba
ian ziabagh nighnigh suam, da
bixi kuraba.

Egħi God ziar aghuir igħiam isi uan in-
gangarir gumazamizibar aningam.

¹⁶Egħi me uam osimtziz fomiram amiziba
bar da bakiñnighiġam.

Egħi ki Ikiavira Itir God, me fomiram
amizir osimtzibba u dar ganan kogh,
bar ada ginamadagh.

Ki Godin bar guizbangira bizibav migeim,
kamaghin migei:
Nguazir kamin ruaghateviba bar adar
itir gumazamiziba, deragh uari
damusi nan azangsgħi,
egħi gavgħav uan migħiġi abar aningsi,
kamaghien mikimam:

Bar guizbangira, Godin ziar bar pin
ittim, a uabira nan gara fo,
nan akam a guizbangira."

*Jerusalemin igħiġi min aven, bizibba bar
mogħira deravira ikiam*

¹⁷Ikiavira Itir God kamaghin migei,

- “Ia ganigh! Ki overiar igiam ko nguazir igiamin ingarasava ami.
- Eghzi gumazamiziba ua fomiram otivizir bizibagh nighnighan kogham.
Guizbangira, ia bar da bakinighnigham.
- 18 Ia bizir igiar ki datirighin ingarizim bagh naviba deragh zurara bar akuegh iki.
- Ia gan! Jerusalemin igiar ki ingaramin kam, a nguibar gumazamiziba bar ifuegh bar akueghamim, eghzi an gumazamiziba navir aghuimin ikiam.
- 19 Ki uaghan Jerusalem bagh bar akuegh uan gumazamiziba bagh navir aghuimin ikiam.
- Eghzi Jerusalemin igiamin aven, gumazamiziba mizazim isava arair niginibar ua puvatighi, gumazamizibar, azirakaba puvatigham.
- 20 Eghzi borir muzieriba uaghan igiabara iki ovengan kogham.
- Eghzi gumazamiziba dughiar bar ruarimin iki mangi bar ghurigham.
- Tarazi 100plan azeniba ikiti, gumazir igharaziba men ganiva mikim suam, me ti bar gumazamizir igiabara iti.
- Eghzi men tarazi 100plan azeniba agivaghan kogh aremeghti, igharaz darazi suam, Ekiam ti uabi me gamizi me ariaghire.
- 21 “Nan gumazamiziba dipenibar ingariva dar ikiam.
- Egh me wainin azeniba opariva, dar ingar dar wainin ovizibar amam.
- 22 Apaniba ua izi nan gumazamiziba batogh men dipenibar dapiaghon kogham.
- Egh men wainin azeniba inigh, wainin ingar dar aman kogham.
- Nan gumazamiziba, temer bar gavgavibar min, dughiar bar ruarimin ikiam.
- Gumazamizir ki ua bagha miseveziba, me uari ingarizir bizibar ganiva, dughiar bar ruarimin bar akuegham.
- 23 Ingangarir me amiba puram mangighan kogham. Dar dagheba otivam.
- Eghzi dughiar kuratam men boriba batoghan kogham.
- Guizbangira, kar gumazamizir ki deravira damuambar boriba.
- Ki Ikiavira Itir God, ki bar deravira me damu men gin otivamin boriba sara damuam.
- 24 Egh me ifongezir biziba bagh nan azangsighti, ki men azangsiziba ikarvagham.
- Me na ko mikimvira ikiti, ki me baregh men akurvagham.
- 25 Eghzi afiar atiaba ko sipsipin nguziba uari inigh damam.
- Eghzi laionba, bulmakaubar min oghebar amam.
- Eghzi kuruziba nguazimin minezibar amam.
- Egh da nan mighsiamin ikiva, bar moghira bar deravira uari inigh ikiva, egh pazi uarir amuan kogham.
- Ki Ikiavira Itir God, ki mikemegha gifa.”

66

Ikiavira Itir God uan apaniba dikabiragh, egh an apengan itir darazi deragh me damuam

- 1 Ikiavira Itir God kamaghin migei, “Overiam, a nan atrivir dabirabim, ezi nguazim ki uan dagarimning arizir danganim.
- Eghzi ia managh nan Dipenimin ingaram? Eghzi danganir manamra nan avugh-sazir danganimin min ikiam? Bar puvatigham.
- 2 Ki uabi, uan dafarimningin overiam ko nguazim ko biziba bar dar ingarizi, da otivigha iti.
- Nan navim kamaghin amir gumazamizibar iti:
- Gumazamizir uari abirava, uan arazir kuraba bagha osemegha, nan akam baregha nan atiatia nigha, nan apengan itiba, ki men gara bar me gifonge.
- Ki Ikiavira Itir God, ki mikemegha gifa.
- 3 “Gumazamizir maba uan ifongiar kuramin gintigha arazir kurabar amuasa bar ifonge.
- Egha me uari kamaghin nighnigha ghaze, me guizbangira nan ziam fe.
- Egha me amir ofan kaba, ki bar dar aghua.
- Ki garima, me bulmakaubav sogha na bagha ofabagh amua, merara uaghan gumazir maba isa, me misuegha uan aseba bagha ofabagh ami.
- Me na bagha sipsipin nguzibar ofabagh amua,
- me uaghan afiaba isa dav suegha, aseba bagha dar ofabagh ami.
- Me witba isa na bagha ofabagh amua,

me uaghan uan aseba bagha dabar
ghuzibar ofabagh ami.

Me na bagha pauran me iter balsamin
eborimin ingarizimin ofabagh amua,
egha uaghan asebar marvir guaba
bagha ofabagh ami.*

⁴ Eghti kirara, ki me amir arazir kam
baghvira osimtizim amiseveghti me
aneteram,
kar osimtizir me ateran bar atiatin-
gizim.

Guizbangira, ki men dei, ezi me nan
dimdiam ikarvaghan aghua.

Ki uaghan uan akam me mikiri, ezi me
an gintighan aghua.

Puvati. Me nan akaba munasi.
Egha arazir kurabara nan damazimin dagh
ami,
kar arazir kurar ki bar aghuaziba.

⁵ “Ia Ikiavira Itir Godin akam baragh an
apengan ikia, an akamin atiatia agoi
darasi,
ia akar ki datirighin ia makinamim
baragh!

Ia an gintighasa bar gavgafi,
kamaghin amizi, ian adarazi bar ia gi-
fongezir puvatigha, akirim ragha ia
gasaragha ghaze, ia men tongin ikian
kogham.

Egha me dibovir akabar ia migia, kamaghin
migei,
‘Ikiavira Itir God uan gavgavir ekiam
ko izi ia damuti, ia bar akongehti, e
ganika.’

Ezi ki kamaghin ia migei, ia men
ganti, me bar aghumsigham.†

⁶ Ia nguibar ekiamin even otivir dimdiar
ekiar munam baragh!

Egh nan Dipenimin even otivir niginir
dafar kam baragh!

Ki Ikiavira Itir God, mar nan dimdiam ko
niginimra.

Ki uan apanibar arazir kuraba ikar-
vaghha iveauzir kuram me daningasa an
gun migei.

⁷ “Nan nguibar ekiam mati, amizim borim
zuamiram a bate.

A borim batasa mizazim baraghizir pu-
vatigha, a bate.

⁸ Gumazitam fomira bizir kamin ganigha, a
baraghizir puvati!

Kantrin tam ti dughiar vamiram otozir
puvati!

Bar guizbangira, ikizir ekiamat dughiar
vamiran, zuamiram otozir puvati.
Bar puvati!

Eghti Saion borim batisi mizazim
baragh, a bar zuamiram uan boriba
bategham.

⁹ Ki Ikiavira Itir God, ian God, ki ian azai,
Ki ti amizim gamima a borim batasa
mizazim isi,
egh manmaghsua, ki an navim
apirighti, an borim otoghan kogham?
Bar puvatigham.

¹⁰ “Ia Jerusalem gifongezir darasi, ia a ko
bar akongegeh.

Ia gumazamizir a bagh azia itiba, ia
datirighin a bagh bar akongegeh.

¹¹ A datirighin deravira ikiti, ia an even
itir bizir aghuir avirim nisi bar
akuegham.

A mati amebar otem boribagh anidir
mam.

Eghti ia mati, an boriba an otem
ami bar izivagh navir amirizimin
ikiam.”

¹² Egha Ikiavira Itir God kamaghin migia
ghaze,

“Ia oragh! Ki Jerusalemin nguibar ekiam
damighti, a zurara bar deravira
ikiam.

A kantrin igharazibar bizir aghuir
aviriba iniam.

Mati faner zurara emira ivemara geviv pu-
vatizi moghin,

bizitamin otiveghan kogham.

Ia bizir kaba iniva bar akuegham,
mati borim amebamin otem apava bar
akongezi,

amebam a ifiragh aruima a bar
akonge.

Egha amebam a isa
uan apozim gatigha a gikararaima,
a bar akonge.

¹³ Ia Jerusalemin nguibar ekiamin gumaza-
miziba,

amebam deravira uan borimin gara
akar aghuimin a migeima, a navir
amirizim iti moghin,

ki bar deraghvira ian gan
navir amirizim isi ia daningti, ia der-
aghvira ikiam.

¹⁴ Ki ia gamizir bizir kam, ia an ganigh ian
naviba bar akueghti,
ian mikarziba bar gavgavichti ia de-
ravira ikiam.

Eghti gumazamiziba kamaghin fogh suam,
Ikiavira Itir God uan gavgavimin uan
ingangarir gumazamizibar akura.

Egha apanibara, a men atarima, me an
aningagharimin mizazim barasi.”

* **66:3:** Hibrun akam vezin kamin deragha gumazir kaba mikemezir puvati. Fofozir gumazir maba kamaghin nighnisi,
God ti kamaghin migei, ofan me amiba da bar an damazimin zuezir puvatizi, a bar dar aghua. † **66:5:** Hibrun akam
deragha vezin kamin mingarim abighizir puvati. **66:7:** Akar Mogomem 12:5

15 Ia gan! Ikiavira Itir God avim sara izam,
mati a uan karis daperagh aminir bar
gavgavimin min bar puv akigh izam.
Eighti an aningagharimin avivzariaaba, an
apanibar isiti,
a ivezir kuram me daning, bar me
agivagham.

16 Guizbangira, Ikiavira Itir God, avim
isi, ivezir kuram gumazamizibar
aningam.
Eighti an midorozir sabam, gumaza-
mizir bar avirimin arazir kuraba
ikarvagh
me misoghti, me arimighiregham.

17 Ikiavira Itir God kamaghin migei,
“Gumazamizir maba, asebar ziaba fasa
uari zueghamin arazibar gin ghua,
egha uan azenibar itir marvir guabar
ziaba fer danganibar ghua,
men tongin itir gumazir da-
panimin gin zui.”[‡]

Egha me dabar tuziba ko kuarziba ko bizar
igharazir nan damazimin zuezir pu-
vatiziba saram api.
Egh me bar moghira ikuvigh bar
givagham.”

*Kantriba bar men gumazamiziba,
Ikiavira Itir Godin apengan ikiam*

18 Ikiavira Itir God ghaze,
“Ki gumazamizibar nighniziba ko arazibar
ganigha fo,
kar dughiar ki gumazamiziba bar me
akuvalim.
Kantriba bar dar itir gumazamiziba ko
akar igharazibav migeir gumazamiz-
iba, me bar moghira izam.
Me izi uari akuvaghamin dughiamin,
me nan angazangarir ekiam ko gav-
gavimin ganam.”[§]

19 Eighti ki men tongin ababanitam asaragh
men akaghram.
Egh ki gumazamizir ikiavira itir
varazira amangiti,
me saghon itir arighthatizibar
gumazamizir igharaziba bagh
mangam.

Egh nan ziar ekiam ko gavgavimin
gun gumazamizir tong oraghizir
puvatizibav kimam.
Ki kantrin kaba bagh me amangiti, me
mangam,
Tarsisin kantri ko, Pulin kantri ko, Lidian
kantri,
me barir pibar asir fofozir aghuim
itir gumaziba.

Egh Tubalin kantri, ko Grikin kantri,

ko nguibar arighthatizir ongarir torir
saghon itiba, me bagh mangam.
Gumazamizir ikiavira itir varaziran ka-
banang,

kantrin kaba bagh mangegh nan
ziar ekiam ko gavgavimin gun me
mikimam.

20 Ki Ikiavira Itir God, ki ghaze, gumaza-
mizir kaba mangi,
ian namakar kantrin kabar aven itiba,
me me isi Ikiavira Itir Godin ofan min
me inigh na bagh izam.

Egh me isi hoziaba ko, karisba ko, dabirabir
akuriaba ko, donkiba ko, kamelbar
afehg,
men aku na bagh nan mighsiamin itir
nguibar ekiam Jerusalemin izam.

Israelia zurara witin oviziba ofabar min,
da isa itarir nan damazimin zuez-
ibagh arigha, da atera na bagha nan
Dipenim izi moghin,
me men aku na bagh izam.

21 Eighti ki men tarazi amisevegħi
me ofa gamir gumazibar otivti,
tarazi Livaibar adarazir otivam.”
Kar Ikiavira Itir God mikemezir akaba.

22 “Ki Ikiavira Itir God, ki kamaghin migei,
Overiar igiam ko nguazir igiar ki in-
garasava amir kamning,
anining nan damazimin iki gavgav-
igh mamaghira ikiam.

Eighti kamaghira ian ovavir boriba iki
gavgavigh mamaghira ikiti,
ian ziam zurara ikivira ikiam.

23 Eighti iakinir igiar otivamba ko Sabatin
dughiar ekiar nan ziam famiba,
nguazir kamin itir ruaghateviba bar
dar itir gumazamiziba izi nan
damazimin teviba apirigh,
bar moghira izi nan ziam fam.
Ki Ikiavira Itir God, ki mikemegħha gifa.

24 “Me nan Dipenim ategħa zuir dughiamin,
me gumazir nan akaba munasa na
barazir puvatizibar kuabar ganti,
me ireghiv ikiam.

Me ariaghiregħa givagħha pura tintinbar
nguazim gireghav iti.

Ezi apizir mużiariiba men kuaba
amivira iki mangi da givaghan
kogħam.
Eighti avir men kuabar isim uaghan
mungeħħan kogħam.

Men kuuba bar bizar kuribar min ganti,
gumazamiziba bar dar aghuagħam.”

[‡] 66:17: Hibrun akam deragħha vezin kamin mingarim abighizir puvati. [§] 66:18: Hibrun akam deragħha vezin kamin faragħa itir akam minn mingarim abigha an gun mikemezir puvati.

66:22: Aisaia 65:17; 2 Pita 3:13; Akar Mogomem

Godin Akam Inigha Izir Gumazim Jeremaian Akinafarim O Jeremaia Akar faragha zuim

Akam inigha izir gumazim Jeremaia Jerusalemin itima Babilonian Atrivim Nebukatnesar iza Judabagh asighasiki. Jeremaian akar aviriba a Judaba ko Israelia dughiar kam bagha ikiangsizir akaba me ganingi. Eghti gumazamiziba aseba ategh navibagh iraghan koghti, God me gasighasigham. Ezi me Jeremaia migeir akaba baraghan aghua. Ezi Jeremaia akar maba, Godin akar dikirizimin gun me migei, God gin Judabar apangkufigh men akuraghti, me uamategh uan nguazimin izam.

Jeremaian akinafarim akam inigha izir gumazir igharazibar akinafariba mong men ighara. A kamakin, Jeremaia uabi an eghaghanir aviriba an aven iti. Jeremaia uabi Godin akam akunasa ifongezir puvati, a pura uan ifongiam abiragha Godin ifongiamin gin ghu. A dughiar aviribar navim osemegha uabira uabin apangkufigh. Egha a uan navin osimtzizim modozir puvati. A guizbangira an gun mikemezi, an migirigiaja akinafaribar kamin iti. Jeremaia Judaba bar me gifonge, ezi God Akar Gavgaviba a ganidima, an adar gun mikimasa ifongezir puvati. Ezi gumazamiziba an akam baraghan aghuagha a gasighasighasava amima, a me bagha pamten God migei.

Jeremaian akar bar aghuir mam sapta 31:31-34in iti. Jeremaian akam kagh God uan gumazamiziba ko Akar Dikirizir Gavgavir Igiam damuamin akabar gun migei. Akar Dikirizir Gavgavir Igiar kam, me dagiam ko akinafarimra an osirighan kogham. A gumazamizibar navir averiabar ikiti, me uari an gin mangisi bar ifuegham. E Iesusin gin zuir gumazamiziba, Godin Duamin ingangarimin gara Akar Dikirizir Gavgavir Igiar kam ginighnisi.

God uan akam akunasa Jeremaian dia

(Sapta 1)

*Azenir God uan akam isa Jeremaia
ganidiba*

¹ Akinafarir kam, Jeremaia mikemezir migirigiaja an iti. Jeremaia, a Hilkian

otarim, a ofa gamir gumazir mam, a Benjaminin anabamin gumazim, egha Anatotin nguibamin iti. ² Ezi Emonin otarim Josaia, a Judan kantrin atrivimin itima, an 13plan azenibar dughiamin Ikiavira Itir God, akar kaba isa Jeremaia ganingi. ³ Ezi gin Josaiyan otarim Jehoiakim atrivimin itima, Ikiavira Itir God, ua akar aviriba isa Jeremaia ganigavira ikia ghua Josaiyan otarim Sedekaia atrivimin itir dughiamin, an namba 11plan azenimin tu. Ezi azenir kamin namba 5 iakinimin, apaniba Jerusalemin gumazamiziba inigha ghua kantrin igharazimin kalabusin me ariki.

*God, uan akam inigha izir ingangarim
damuasa Jeremaian dia*

⁴ Ki Jeremaia, Ikiavira Itir God, kamaghin na migei ghaze:

⁵ “Ki tighar nin amebamin navir averiamin aven nin ingaramin dughiam,
ki ni gifogha, ni ginabagha gifa.
Nin amebam tighar ni batamin dughiamin,
ki kantribar tongin akam inigha izir
gumazimin ingangarim damuasa ni
amisefe,
ni na baghavira ikiamin gu-
mazimin ikiasi, ki ni amisevegha
gifa.”

⁶ Ezi ki Ikiavira Itir Godin akar kam baregha, kamaghin an akam ikaragha ghaze, “Ti puvatigham. Ikiavira Itir God, nan Ekiam, ki gumazir bar igiam, egha ki akam akunamin arazibagh fozir puvati.”

⁷ Ezi Ikiavira Itir God, kamaghin na migei:

“Ni kamaghin mikiman marki suam,
ki gumazir bar igiam.
Egh ki gumazamizir manaba me bagh ni
amangam,
ni me bagh pura mangi.
Egh akar ki bar ni mikemeziba,
ni dar gun me mikim.
⁸ Ki ni ko iki egh nin akurvaghram.
Kamaghin, ni men atiatingan marki.
Ki Ikiavira Itir God, ki ni
mikemegha gifa.”

⁹ Egha Ikiavira Itir God, uan dafarim isa
nan akam gatigha, kamaghin migei:

“Ni oragh. Ki datirighin uan akaba isa nin
akam garisi,
eghti ni dar gun mikimam.

¹⁰ Ezi datirighin dughiar kamin, ki kantrin
ighazar aviribar gumazamizibav
kimamin gavgavim ni ganidi.

1:2: 2 Atriviba 22:3-23:27; 2 Eghaghaniba 34:8-35:19

Eghaghaniba 36:5-8; 36:11-21 **1:5:** Onger Akaba 139:15-16; Aisaia 49:1; 49:5 **1:6:** 1 Atriviba 3:7

Eghti ni biziba asiamin gavgavim,
ko biziba apirarighamin gavgavim,
ko bizibagh asighasighamin gavgavim,
ko biziba dikabinamin gavgavim,
ko bizibar ingaramin gavgavim,
ko biziba oparamin gavgavim,
ki bar da isa ni ganidi.”

God bizir pumuning isa Jeremaian aka

¹¹ Ezi Ikiavira Itir God gin kamaghin nan azara, “Jeremaia, ni tizimin gari?” Ezi ki a ikaragha ghaze, “Ki amonin temer aguamin gari.” ¹² Ezi Ikiavira Itir God, kamaghin na migei, “Ni deragha migei. Kamaghin, ki uabi uan akam deraviram an gari. Eghti, ki mikimamin biziba guizbangiram otivam.”*

¹³ Egha Ikiavira Itir God bizir igharazim nan akagha nan azara, “Jeremaia, ni tizimin gari?” Ezi ki a ikaragha ghaze, “Ki notin amadaghan gari minem isiaghkua ikia, en amadaghan fuaghanadagsava ami.” ¹⁴ Ezi Ikiavira Itir God kamaghin na migei, “Bibir kam a kamakin: Birz bar kurar mam notin amadaghan ikeghizi, en nguazir kamin gumazamiziba bar me gasighasigham. ¹⁵ Ni gan! Ki Ikiavira Itir God, ki datirighin ni migei, ni deraghviram oragh. Ki datirighin notin itir kantribar atrivibar diaghti, me uan midorozir gumazibba ko izam. Eghti atrivir kaba izi uan atrivir dabirabiba Jerusalemin tiar akabar boroghin dar afeham. Egh me nguubar ekiam aghuzir divazir gavgaviba akararigham. Egh me uaghan Judan nguubar ighazariba kamaghira dar amuam.

¹⁶ Nan gumazamiziba akirim ragha na gasaragha, uari bagha marvir guabar ingarigha, dar damazimin dapaniba avia da bagha ofan mughuriar aghuiba zuibagh amua dar ziaba fe. Me kamaghin amua, bar arazir kuram gami. Kamaghin, ki me isi kot datigham.

¹⁷ “Ezi Jeremaia, ni uabira uabi akirigh dikavigh mangi akar ki ni mikemeziba ni dar gun me mikim. Ni men atiatingan marki, ni atiatingti ki ni damighti, ni men damazibar bar atiatigham. ¹⁸ Jeremaia, ni orakigh. Ki datirighin ni gamizi ni nguibam avinizar divazir gavgavimin min gavgavigha, mati ainin dipenir akinir guarim, ko divazir me brasin ingarizimin min gavgafi. Eghti Judan atriviba ko, atrivimin ingangaribar faragha zuir gumazir dapaniba ko, ofa gamir gumaziba ko, nguazir kamin itir gumazamizir bar gavgaviba, me ni dikabiragh ni abiraghan kogham. ¹⁹ Ki Ikiavira Itir God, ki mikemegha gifa, Ki uabi ni ko iki nin akurvaghram. Eghti gumazir kaba nin apanimin ikiva, ni dikabiragh ni abinsi damuva avegham.”

Jeremaia Godin akam Judaba ko Jerusalemia mikiri

2

(Sapta 2-25)

Israelia datirighin

Ikiavira Itir God ataki

¹ Ikiavira Itir God na migia ghaze:

² “Ni Jerusalemia bagh mangi nan akamin gun kamagh me mikim:

Ikiavira Itir God ghaze, ia bar faraghavira nan gumazamizibar otivizir dughiamin,

ia mati amizim igiamra pamin ikia uan pam gifongezi moghin,
ia uari isa na ganigha na giueghavira iti.

Egha ia na baghavira ikia gumazamiziba puvatizir danganimin nan gin zui, kar nguazir gumazitam dagheba oparizir puvatizim.

³ Egha dughiar kamin ia Israelia, ia nan gumazamizibara ikia, mati nan azenimin itir dagher faragha aniziba.

Ezi nan dagher kabar maba isir gumazamiziba, osimitzim me batozi ki me gasighasiki. Ki Ikiavira Itir God ki mikemegha gifa.”

Israeliain inazir afeziabar arazir kuraba

⁴ Ia Jekopin ovavir boriba, ia bar Israeliain ikiziba, ia bar Ikiavira Itir Godin akam baragh.

⁵ Ikiavira Itir God kamaghin migia ghaze: “Ian inazir afeziaba arazir kurar manamin gari, ki a gamizi, me na ategha bar nan saghon ghue?

Egha marvir guar kinibar ziaba fema, da tong men akurvazir puвати.

⁶ Me na ginighnizir puвати.

Egha me bizir ki men akurvaghassava amiziba dagh nighnizir puвати.

Kirara Isipin kantrin me inigha men akua ize.

Ezi me pura danganir dipaba puvatizir ekiam abiki.

Danganir kam, pura gigir kinim an iti, egha mozir konir kuraba tintinibar an iti.

A gumazamiziba puvatizir danganim ko amoziha izir puvatizim.

Danganir kam, mitater kuram anevara.

Gumazamiziba uaghan danganir kam garuir puvatigha, uaghan an itir puвати.

* ^{1:12}: Hibrun akam, “Amon,” an akar otevir kam ko magh ghu, “Ni deragha gari.”

7 Ki ian inazir afeziaba inigha nguazir aghuir dagheba deraviram aghuir kamin me ariki.

Ezi ia an ikia dagher aghuiba ko ter ovizir aghuiba apa bar akonge.

Egha dughiar ia nan nguazimin itim, ia an ikia arazir kurar bar kuribagh ami, egha ia nguazir ki ia ganingizir kam gamizi,

a nan damazimin bizir bar mizezimin min oto.

8 Ezi nan ofa gamir gumaziba uaghan na ginighnizir puvati.

Ezi Moses Osirizir Arazibagh fozir gu-maziba, me uaghan na gifozir puvati.

Ezi ian atriviba, me akirim ragha na gasara.

Ezi ian akam inigha izir gumazamiziba me asem, Bal, an ziamin gun migei. Me bar moghira bizir kinir men akur-vaghan koghamibar ziaba fe."

Ikiavira Itir God, uan gumazamiziba isa kot gati

9 Ikiavira Itir God, kamaghin migia ghaze: "Ia amizir arazir kurar kaba bagh, ki ia isi kot datigham.

Egh ki uaghan ian boriba, ko ian ovavir borir gin otivamiba, ki me isi kot datigh me tuisigham.

10 Ia kurim inigh mangi Saiprusin Arighatizimin mangi, an aruem ghuaghri naghin iti.

Egh ia Saiprusian arazibar ganigh. Egh ia uaghan gumaziba amadaghti, me aruem anadi naghin amadaghan

Arebian nguazimin mangi, egh bar deraghvira men arazibar ganigh.

Ia ganti arazir ia amir kaba, men tarazir dar amuam ti?

Bar puvatigham.

11 Ezi kantrin igharazibar aseba, da guizbangira godba puvati.

Ezi gumazamizir kaba uan aseba ataghiragha godin igiabar gin ghua dar ziaba fer puvati.

Ki God, ki gavgavim ikia, ziar ekiam ti.

Ezi ia nan gumazamiziba, ia na ategha godin kurar ian akurvazir puvatizibar gin ghua dar ziaba fe.

12 Kamaghin amizi, Ikiavira Itir God kamaghin migia ghaze,

'O overiam, ni Israelian arazir kurar kamin ganiva digavir kuram damu.

Egh ni atiating navim ikuvigh mam-aghira iki.

13 Nan gumazamiziba arazir kurar pumuning gami.

Ki mati, dipar aghuir ikirimirir aghuim anidim me bagha fasfaghha iri.

Ezi me akirim ragha na gasara.

Me uari bagha dipabar suighasa dagiaba okora toribagh ami.

Ezi me okorezir dagiar mozir dipar kaba tintinibar bighiregħti, dipaba dar aven ikian kogham."

Israelia akirim ragha God gasaragħha, uari uarigh asghasik

14 Egha Ikiavira Itir God, ua kamaghin migia ghaze:

"Israelia, ia pura ingangarir gumazir kinibar min itir puvati, ia firiaghirezir gumazamiziba.

Ian amebaba ti ingangarir amizir kinibar ikia i batezi,

kamaghin ia ti firiaghiregħa azenan izeghan kogħai. Bar puvati.

Ia firighiregħ ikiti, manmagħsu apaniba asizibar min ian gintigħ ia misogħirarigham?

15 Apanir kaba Israelia abiragħa mati laion-bar min pamtemin me dazera tiariba akara iti.

Egha me Israelian nguazim gamizi a danganir kinir mamin min iti.

Egha ian nguibabagh apongezi da isigha, nguibar sueriarbar otifi.

16 Ia Israelian gumazamiziba, Isipin nguibar ekiar kamning, Memfis ko Tapanesin midorozir gu-maziba, me izi

ian dapanir tuaribagh isegħam.*

17 Israelia, ki Ikiavira Itir God, ian God, ki ia inigh tuavir aghuimin izasa, ezi ia aghuaghha akirim ragha na gasara.

Ia uari kamaghin amizi, osimtizir kam i bato.

18 Ia bizir aghuir manam inisi nighnigh kantri Isipin mangi, men akurvazim bagħi men azangam, mati ia Nailin Fanemmin dipam amasa?

Egh bizir aghuir manam inisi nighnigh kantri Asirian mangi, men akurvazim bagħi men azangam, mati ja Yufretisim Fanemra masa?

* 2:13: Aisaia 12:3; 65:11; Jeremaia 17:13 * 2:16: Vezin kam ti osimtizir Isipian Atrivim Neko kantri Juda ganingizir akar isin zuimin gun migei. Ni 2 Atriviba 23:33-35 in gan.

† 2:18: Judan gumazir aruuba kamaghin nighnisi, Judaba kantrin gavgavib kemegħi me men akuragh, eġi apaniba me abiragħan kogħam. Gumazir aruar maba kamaghin nighnisi, me kantri Isip ko namakabar amuam, ezi marazi kantri Asiria ko namakabar amuasa. Ezi Jeremaia kamaghin men akakaghħa, God uabi men akurvajt me deravira ikiam. Kantrin gavgavir kaba men akuragħan kogħam. God mati dipar aghuir ikirimirir aghuim anidim. (Ni ves 13 in gan.) Me tizim bagħi saghon itir kantribar fanebar mangi dipam amasa?

Arazir kam tong ian akuraghan kogham. Bar puvatigham.[†]

19 Ian arazir kuramra puv ia damigham.

Ia akirim ragha na gasara, ezi ian arazir kam bangin ia bar ikuvigham.

Ki Ikiavira Itir God, ian God, ia na ataki, egha ua nan apengan itir puvati.

Kamaghin amizi, ia deraghvira nighnigh, egh kamaghin fogham, ian arazir kaba bar kufi, egha mizaziba ia ganidi.

Ki Ikiavira Itir Godin Gavgaviba Bar Itim, ki mikemegha gifa."

Israelia, Ikiavira Itir Godin gin mangan aghua

20 Ikiavira Itir God, a ua kamaghin migia ghaze:

"Israelia, ia oragh.

Fomira ia uari nan akabar gin mangi nan apengan ikian aghuaghha, ingan garir ki ia ganingizim ategha ghaze, 'Ingangarir e damuasa ni e ganingizim, e a damuan kogham.'

Egha ia mighsiabar ghuanaga ruarir ghuribar temer ekiabar apengan, marvir guabar ziaba fe.

Ia mati, tuavimin amizimin min ghuu gumazir aviriba ko tintinibar akui moghin ami.[‡]

21 Ki nguazir kamin ia ati, mati gumazim uan azenimin wainin ikarizir aghuir mam ginabagh anekara, egheti a gin biva ovizir bar aghuiba ikiam.

Ezi manmaghin amizi ia datirighin iragha ruarimin wainin ikarizir atiamin min oto?

22 Ian mikarziba arazir miziriziba dar puegha gavgafi, Ia ti ghaze, ia osimtzizir kaba rusi sopin gavgavibagh ivedezegh, da rutti da givagham. Bar puvati.

Ian arazir mizirizir ian mikarzibar pogheziba, nan damazimin ikiavira iti.

Ki Ikiavira Itir God, ian Ekiam.

23 Ia uarir ghuangsigh kamaghin mikiman kogham, E asem Balin ziam fezir puvati.

Ia arazir kurar ia Hinomin danganir zarimin ikiava amizim ginighnigh.

Ia asizir kamelin amebar igiamin min apuriba buria ivemara danganiba bar dagh arui moghin, ia asebar ziaba fasa ivemaraghara arui.

24 Egha ia uaghan mati, donkin amebar atiamin min, an iakinir a donkin apuriba buriam otozi, an ada buria gumazamiziba putativit danganibagh arui.

A kamaghin damuti tav an ifongiar kam abiniya avegham.

Egh uaghan donkin apuriba a bativsi iburaghburaghan kogham.

Me an dughiamrama a bativam.

25 Israelia, ia asebar ziaba fisi ivemar dar gin mangan marki.

Ia kamaghin damuva, ian dagarir asuuba ti dighoraghiregti, ian kuariba bar ia misigham.

Ezi ia ghaze, En ifongiam aser kabar iti, ezi e dar gin mangivira ikiam.

E nin akam baraghan aghua."

Israelia aghumsizir ekiam iniam

26 Ikiavira Itir God, ua kamaghin migei:

"Me okimakiar gumazimin surazi an aghumsighizi moghin, kamaghira ia Israelia bar aghum-sigham.

Ian atriviba, ko gumazir dapaniba, Godin ofa gamir gumaziba, akam inigha izir gumazamiziba, ko Israeliyan gu-mazamiziba bar, ia uaghan aghumsizim iniam.

27 Ia dagiaba ko temebar dikirizir marvir guabar ziaba fa ghaze, Da en ingarigha ikirimir e ganingi. Da en afeziabar.

Egha ia akirim ragha na gasara.

Egha osimtziziba isir dughiabar, ia uarir akurvaghaha nan dei.[§]

28 Ezi marvir guar ia uari ingariziba, dar dibobonim Judan nguazimin itir nguibabar dibobonim gafira.

Kamaghin amizi, ia osimtzizir itir dughiam, ia men dimti, da ian akurvaghamin tuavitam iki, ian akurvagh. Ti puvatigham!"

[†] 2:20: Akar isin zuir kam kamakin. Israel a mati amizir mam, ezi God mati an pam. Ezi Israelia Godin ziamra fan aghua. Puvati. Me ghuu tintinibar asebar ziaba fe, mati amizim uan pam ategha ghuu gumazir igharaziba ko akui. Tuavimin amizir pura gumaziba koma akuimin akar isin zuir eghaghanim dughiar aviribar Jeremaiana akinafarimin iti, egha a uaghan Godin akam inigha izir gumazir igharazibar akinafaribar iti. Gumaziba temer ekiabar apebabba ko mighsiabagh isin asebar ziaba fasa danganibar ingari. [‡] 2:22: Jop 9:30; 14:17; Hosea 13:12 [§] 2:27: Gumazamiziba temeba ko dughiabar isa asebar marvir guabar ingari. Me ghaze, me ingarizir aser kaba ikirimir angamira itim me ganingi. ^{2:28:} Godin Araziba 32:37; Gumazir Dapaniba 10:14; Aisaia 45:20

²⁹ Ikiavira Itir God, ua kamaghin Israelia
migia ghaze:

“Ia uari nan akam batoke,
egha manmaghsua akam na gasa na
migei?

³⁰ Ian marazi ki iveauzir kuram me ganiga, me
misoghezi me ariaghire,
ezi ian aviriba ki ia gamizir bizir kamin
ganigha,
me uan arazir kuraba ataghizir pu.
Bar puvati.

Ia mati laionba asiziba zuamira dar suigha
dav sozi da ariaghiri moghin,
ia nan akam inigha izir gumaziba,
midorozir sabamin me misoghezi me
ariaghire.

³¹ Ia Israelien datirighin iti darasi,
ki Ikiavira Itir God, ki ia mikimasa.

Ia deraghvira kuariba arigh,
nan akam baragh.

Ia ti ghaze, ki bizar kuram, egha mati dan-
ganir dakightizim?
Ki mati danganir bar mitatem, a? Bar
puvati.

Egha manmaghsua ia nan gumazamiziba
ghaze,
Datirighin e uari uan ifongiabar gin
mangi tintinibar daruam.
E ua ni bagh izan kogham.

³² Egha ia ti ghaze, guivir igiaba me uan
kuktur aghuiba ategham, o pu-
vatigham?

Eghti amizir igiar pamin ikiamim,
uan kurkazir korotiar aghuiba
bakinighnigh dar aghuan
kogham, o?
Puvatigham.

Ezi ia nan gumazamiziba, fomira iza
datirighin ia na ginighnizir puvati.
Gumazitam ti, dughiar ia na
bakinighnighavira itibar dibobonim,
mengiva avegham.

³³ “Israelia, ia gumazamiziba uari isava
akuir arazim deragha a gifogha a
buriagha arui.

Ezi ian arazir kurar kaba, tuavimin
amizibar arazir kurabagh afira.
Ia kamaghin amir arazim bar a
gifo, ia ti tuavimin amizibar sure
damuam.

³⁴ Gumazir onganaraziba ian dipeniba
akarigha okimasa dar aven ghuzir
puvati.

Bar puvati.

Ezi ia pura me misoghezi me ariaghire.
Men ghuziba ian korotiabar puegha
ikiavira iti.

Ian arazir kurar kabanang bagh, ki
osimtizim ia daningam.

³⁵ Ia ti ghaze, ia osimtiziba puvati.
Egha ghaze, ki ua ian ataran kogham.

Ia uan arazir kurabar ghuangsighti,
ki ia isi kot datigh ia tuisigh, iveauzir ku-
ram ia daningam.

³⁶ Ezi ia manmaghsin amigha tuavir mamin
gin ghua anetegha
zuamira ghua tuavir igharazimin gin
zui?

Isipia tong ian akuraghan kogham, eghti ia
bar aghumsigham,
mati Asiria ian akurazir puvatizi ia
aghumsighizi mokin.

³⁷ Ki Ikiavira Itir God, gumazir ia nighnizir
gavgavim men itiba,
ki akirim ragha me gasaragha gifa.
Eghti me bizitam ian akuragh,
ia bagh bar a damighan kogham.
Kamaghin, ia uaghan Isipia ategham,
egh dughiar kamin ia aghumsigh
naviba bar osemegham.”

3

Israelia Ikiavira Itir God ategha gifa

¹ Ikiavira Itir God ua Israeliel migia ghaze:
“Gumazim uan amuim batueghti a mangi
gumazir igharazimin ikegh,
egh umategh uan par faragha ikezim
bagh izeghti,
an par faragha ikezim uam a inian
kogham.

A kamaghin damighti, kantrin kamin
nguazim nan damazimin bar
mizeham.

Israelia, ia tintinibar gumazir aviriba
isa me koma akuigha gifa.

Egha datirikin ia uamategh na
bagh izasa, a?*

² Ia kogh mighsiabar ganiva deraghvira
nighnigh.

Ia mighsiar kabanangin, ti dar tam
gisin gumaziba ko amiziba uari isava
akuir arazim gamizi moghin, asebar
ziaba fez, o?

Puvati, ia mighsiabar vaghvagh
arazir kam gami.

Ia aseba baghavira iti,
mati tuavimin amizim, tuavir miriabar
apiav ikia gumaziba bagha gari.

Egha uaghan mati Arebiabar min gumaza-
miziba puvatizir danganibar mogav
ikia

gumazibar biziba okimasa me
mizua iti.

Ia mati amizim gumaziba isa me koma
akuir arazir kuram gami moghin,

* 3:1: Godin Araziba 24:1-4; Jeremaia 2:20; Esekiel 16:26-29

3:1: Ni Jeremaia 2:20in itir akamin gan.

3:3:

uan nguazim gamizi, a nan damazimin bar mize.
 3 Ezi bizir kam bangin, ki amozimin tivazima,
 a tong ian nguazim gizezir puvati.
 Ezi ia tuavimin amizimin mirarama amua,
 akam baraghan aghuaghga, aghumsizir
 puvati.
 4 Ja datirighin na migia ghaze,
 Ikiavira Itir God, ni en afeziam,
 egha igiamra e gifongegha iza datirikin.
 5 Ja kamaghin na migia ghaze,
 ni ti zurara en aningaghi egh zurara en
 ataran kogham.
 Ia kamaghin migia, egħha uan ifongiamin gin
 ghua
 arazir kurar aviribagh amua għuavira
 iti.”

*Israelia ko Judaba, nighnizir għavġavir
 Ikiavira Itir Godin itir arazim ataki*

6 Dugħiarr kamin Josaia atrivimin itima, Ikiavira Itir God, kamaghin na migei, “Jeremaia, Israelia me nighnizir għavġavir nan itir arazim, me anetegħha għifa. Me tuavimin amizim ami mogħin, me mighsibar ghua dar għuħanġa dar itir temer ekiabar apbabar asebar ziabha fe. Ni bizir kamin ganiz, o? 7 Ki kamaghin nighnigha iti, me uan arazir kurar kabar amīgħi għivagh, gin ua na bagħiż izam. Ezi puvati, me ua izezir pu. An buaramizim Juda, amizir par ikizibagh asighasizir kam, a Israelien arazimin gani.† 8 Juda garima, Israelia nighnizir għavġavim nan itir puvatigħa, gumaziba isa dkom a kau ġixx arazim għalli. Ezi ki par ikizimin anegħiwa akiñafarim osirigha a għanġi. Ezi an buaramizim Juda arazir kamin ganigha, atiatir puvatigħa nighnizir għavġavir nan itir arazim ataki. A uaghan ghua asebar ziabha fe, mati tuavimin amizim arazir gumaziba okia me isava akuiġi għalli. 9 A ghaze, an arazir tuavimin amiziba gumaziba okia me isava akuiġi kam, a pura bizzim. Egħha a dagħiabha ko temebar marvir guabar ziabha fe. A kamaghin amua, nguazir kam gamizi, a nan damazimin bar mize. 10 Israelien buaramizim Juda, nighnizir għavġavir nan itir arazim ategħha, arazir kurabagh ami, egħha guizbangira uan navim girazir puvatigħha ua na bagħha ize. Bar puvati. A ifara navim għira. Ki Ikiavira Itir God, ki mikemegħha għifa.”

3:6: 2 Atriviba 22:1-23:30; 2 Eghħaganibba 34:1-35:27 † **3:7:** Jeremaian dugħiġi, kantri Israel notin amadħan u tir puvati. Apanha fomira a gasighasigha għifa. Akar otev kamin, God gumazamizibav kemezi, me bizir fomira Israel batvibibagh nighnigh. Kamaghin amizi, danganir kamin ziar kam “Israel,” a gumazamizir kagh notin amadħan Judan kantrin ikezibar kantrin abbanim għalli. Ezi Jeremaia akiñafarim danganir aviriba, ziar kam Israel a Jerusalemin gumazamizibav gei, egħha Judan danganir maba sara. Me uaghan Jekopin ovavir boriba, an ziar igharazim Israel. Kamaghin amizi, apaniba Israelia inighha ghua not amadħan kantrin igharazim meisa kalabus għat-tiġi, Judan kantri gumazamizibav u ziar kam Israel inighha uari uari għati.

11 Ikiavira Itir God migia għuavira ikia ghua kamaghin migei:
 “Israelia ko Judaba, aning na ataghira għha
 ghu arazir kurabagh ami.
 Egha Judabar arazir kurababar Is-
 raelian arazir kurabagh afira.
 12 Kamaghin amizi, Jeremaia, ni dikavigh
 notin amadħan mangi dimiva
 nan akamin gun kamaghin me mikim,
 Ki Ikiavira Itir God, ki ghaze, Israelia, ia
 nighnizir għavġavir nan itir arazim
 ataki,
 mati amizim uan pam ategħha par
 igharazim iti.
 Nan apangkuvir arazim a bar ekefe.
 Kamaghin ia uamategh na bagħiżi.
 Ki ua navir kuram ian iki
 zurara ian aningagħha kogħam.
 13 Ki Ikiavira Itir God, ki ghaze, Israelia, ia
 bighivira kamaghin mikim,
 E osimtizim gamiha givagħha uan
 Ikiavira Itir God, en God, akirrim
 ragħha a gasaragħha għifa.
 Egha uaghan, e nien akabar gin zuir puvati.
 E temer ekiabar apebabar ghua
 arazir kuram gamua asebar ziabha
 fe.’
 14 “Ki Ikiavira Itir God, ki kamaghin migia
 ghaze,
 Ia gumazamizir akirrim ragħha na
 gasaraziba,
 kirara ian Ekjā,
 ezi ja nan boribara.
 Ki vagħvagħ ian nguibba ko ikizibbar aven,
 ian tarazi inigh uan mighsiam
 Saionin izam.
 Kamaghin amizi, ia uamategh na
 bagħiżi.
 15 Eġhti gumazamizir zurara nan arazibara
 gin zuiba ki me amisevegħti,
 me fofozim ko nighnizir aghuim
 sara ian gan ia għegħu uan faragh
 mangam.
 16 Ki Ikiavira Itir God, ki kamaghin migia
 ghaze,
 Dugħiarr gin zamin kamin, ian
 dibobonim ian nguazimin bar
 avirasemegħam.
 Eġħiġi gumazamizib u u nan Akar Dikiriz
 Għavġavim Boksiem mikim
 kogħam.
 Egh ja Boksiar kam gin amadħan uam a
 ginighnigh kogħam.

Egh ia Akar Dikirizir Gavgavimin Boksiar
igiatam,
uan an ingarighan kogham.

¹⁷ Eghti dughiam iziti gumazamiziba kamaghin mikimam,
Jerusalem uabi, a Ikiavira Itir Godin atrivir dabirabimin min iki.

Eghti kantriba bar dar gumazamiziba izi an uari akuv,
Ikiavira Itir Godin ziar ekiam fam.

Egh me uan navir averiabar aven damuasa ifongezir arazir kuraba ko men arazir akam batoziba,
me ua dar gin mangan kogham.

¹⁸ Eghti dughiar kamin Judaba ko Israelia,
uari inigh notin amadaghan itir nguazar me itim ategh izi uari akuvagham.

Egh me izi nguazar ki ian inazir afezi-abagh aningizimin ikiti, nguazar kam men adarazir nguazimin min iki, kamaghira ikiam."

Israelia aseba atakigh

¹⁹ Ki Ikiavira God, ki ua kamaghin migei,
"Israelia, ki fomira ia damighti ia guizbangira nan boribar otivasa nighnisi.

Egha nguazar bar aghuir kam ia daningasa bar akonge.

Nguazar dirir kam, gumazamizir igharazibar nguaziba bar dagh afira.

Eghti ia an iki mamaghira ikiam.
Ki kamaghin ia ginighniga ghaze,
ia na dipon suam,

Ni en Afeziam.

Egh ia zurara nan gin izi, uamategh mangan marki.

²⁰ Ezi puvati. Ia Israelia, ia na tegha givagha, mati amizim pamin ikiava anetegha par igharazimin iti.

Ki Ikiavira Itir God, ki mikemegha gifa."

²¹ Gumazamiziba orazi, niginir dafam mighsiabagh isin otifi.

Kar Israeliyan gumazamizir arazir kurabagh amiba
puviram arava azia ikia, uarir apangkuvighasa azangsighavira iti.

Me fo, me Ikiavira Itir God, men God,
me anetegha tuavir kurar igharazimin ghue.

Kamaghin me pamtem azi.

²² Ikiavira Itir God kamaghin migei:
"Ia akirim gigha Ikiavira Itir God gasa zuir boriba,
ia uamategh a bagh izi.

Eghti a ian arazir kuraba batueghti,
ia ua ghuamaghegham."

Ezi gumazamiziba kamaghin an akam ikaragha ghaze,
"Ni en Ikiavira Itir God, en God,
kamaghin e uamategha ni bagha ize.

²³ E fo, e mighsiabar pin ikia asebar ziaba fa niginir dafam gamir arazir kam, tong bar guizbangirama en akuraghan kogham.

Ikiavira Itir God, en God,
a uabira Israelia en akuraghan.

²⁴ E aser aghumsizim itim, Bal, e an ziam fer dughiamin,
e uan sipsipba ko, bulmakauba ko, otariba ko, guiviba ko bizir aghuir en inazir afeziaba ingara iniziba, e bar ada gifa.

E uan igiabara arazir kurar kam gamuavira ikia iza datirighin tu.

²⁵ O Ikiavira Itir God, en God, e uan inazir afeziaba ko, uan mugabara ikia arazir aghumsizir kurabar ni gamua iza datirikin tu.

E nin akabar gin zuir puvati.

Kamaghin amizi, e bar aghumsigh guaba avigh nguazim mituaghram.

Egh teghti, en aghumsizir kam inimin min e avaraghti,
e a sara ikiam."

4

Israelia Ikiavira Itir God bagh izisi uan navibagh iragh

¹ Ikiavira Itir God kamaghin migei:
"Ia Israelia, ia na bagh izisi, egh na baghvira izi.

Ia pura tintinibar tuavir igharazibar mangan marki.

Bar marki, ia nighnizir gavgavim narara iki.

Egh marvir guar ki bar aghuaziba nan damazimin da batokegh.

² Egh ia gavgavim uan akabar aningsi, kamaghin mikim suam,

E Ikiavira Itir Godin zurara itimin ziamin, e guizbangira migei.

Egh dughiar kamin ia guizin akam ko, arazir aghuim ko, arazir voroghira zuimin gin mangi akar kam damuam.

Egh ia kamaghin damuti, Kantrin Igharazibar Gumazamiziba deragh uari damusi nan azangti, ki deragh me damuam, mati ki deravira ia gami mokin.

Eghti me ziar ekiam na daningam."

³ Ikiavira Itir God, kamaghin Judaba ko Jerusalemia migia ghaze:

“Ia akaba barazir puvatigha, naviba bar gavgafi.

Ia tong uan navibar amighti da amiragh,

mati nguazir ararir gavgavim me anebigha anemisarizi moghin iki.

Ian arazir kuraba ian dabirabibagh asighasisi.

Ia uan arazir kuraba adegh da maku-nigh,

mati gumazim akunimin ingarigha, an tongin aghuir ikarizir dikoniba itiba asizi, dagheba deraviram aghui.

⁴ Ia Judaba ko Jerusalemia, ia na bagha uan mikarzir mogomebar inibar ghoregha na ko akam akirizi moghin, kamaghira ia na baghvira iki uari isi na daning.

Ia kamaghin damighan koghti, nan aningagharim avir ekiamin min otogh,

ia amizir arazir kuram bagh ian isiti, gumazitam anemungueghan kogham.”

Apaniba Judaba ko misoghasa

5 Ikiavira Itir God, Judaba ko Jerusalemia akam me mikinasa kamaghin na mikeme.

An akam kamakin:

“Ia kantrin danganiba bar dar mangi sigham givi.

Egh gumazamizibar dim me mikim suam,

‘Ia izi bar moghira uari akuvagh, egh mangi divazir gavgaviba itir nguibabar aven mangi uari mongegh.’

6 Egh ia nir avizir gumazamiziba ganigh foghoghamim, ia feghti me an ganigh ari Saionin mangam.

Ki apanibagh amizi me bar pazavira ia gasighasighasa notin itir nguazim ategha izi.

Kamaghin amizi, ia sughsughan marki, ia ivemar mangi mongegh.

7 Apanir kaba uan nguibam ategha mati laion uan mogomer danganir itim ataki.

Apanir kaba nguibar aviribagh asighasigha izi.

Me izi Judan kantri bar a gasighasichti a bar ikuvighthi, gumazamiziba ua nguibar kabar ikian kogham.”

⁸ Ikiavira Itir Godin aningagharir ian itim givazir puvati, an aningagharim ikiavira iti.

Kamaghin amizi, ia azirakar korotiabar aghuigh aziva, azirakar ighiar amirizibar amu.

⁹ Ikiavira Itir God, kamaghin migia ghaze, “Dughiar kamin, atrivim uan gumazir dapaniba ko bar atiatigham.

Egħi ofa gamir gumaziba, ko akam inigha izi gumaziba, digavir kuram damigham.”

¹⁰ Ezi ki kamaghin migei: “Ame! Ikiavira Itir God, nan Ekiam, ni Judaba ko Jerusalemia gifara ghaze, Kar me deraghvira ikiamin dugħiam.

Ezi puvati, datirighin apaniba izi, uan midorozir sababar me misogħti me arimighiram.”

Apaniba aminir fefemin min izi

¹¹ Egħi apaniba izamin dugħiamin, Ikiavira Itir God kamaghin Judaba ko Jerusalemia mikim suam,

“Aminir fefem nguazir mighsiar gumazamizibar ikegħi dikavigh, nan gumazamiziba iti nagħin vang izam.

Aminir kam nimira izi arazir kuraba batogħasa puvati, mati aminim nimira iza witin ovizibar misievibagh ivavamadi mokin. Puvati.

¹² Aminir kam bar gavgavigh izi, bar me gasighasigham.

Ki uabi gumazamizibar kaba isa kot gatigha gifa, egha ki iverżi kuram me daningasava ami.

Kamaghin amizi, ki uabi mikemezi apaniba izi, mati aminir kuram izi.”

¹³ Ezi ki Jeremaia, ki Ikiavira Itir Godin akamin, kamaghin gumazamizibav gei,

“Ia gan! Apaniba ghuarier pizimin min pighatome, men midorozir gumazibar karisba, mati aminir bizibagh asighasizim pamten iza tingagħha nidi, ezi men hoziaba mati kuarazir bagabar min akizirigha bar puvira izi.

Evzika!

E datirighin bar ikuvigha gifa.

¹⁴ O Jerusalemia, ia manadizogħin uan navir averiamin aven itir nighnizir kuraba batuegham?

Ia bar uan arazir kuraba batuegh zueghti,
Ikiavira Itir God, ian akuraghram.

¹⁵ Ia gan, gumaziba Danin nguibar ekiam ko Efraimin mighsiaba ategha iza, osimtizir kamín akam akura izi.

¹⁶ Ikiavira Itir God, gumazir kabav già ghaze,
Ia Kantrin Igharazibar Gumazamizibav kemegħi,
'Apaniba Judan otivigha gifa.'

Egh ia Jerusalemia kamaghin me mikemegħi,
'Apaniba nguibar saghon itiba ategha iza,
Judan nguibaba ko misosi.

Me nguibar kaba avinigh, pamten tiariba akar,
egħi akar ekiamin gumazamizibav kimam.'

¹⁷ Ki Ikiavira Itir God, ki kamaghin migia ghaze,
Ia Jerusalemia nan akam batoke.
Kamaghin, apaniba Jerusalem avinigham, mati gumaziba dagħer azenim divazimin min an okari.

¹⁸ Ia uari osimtizir kabagh amigha, tuavir kuramin għu.
Ezi bizir kam bagħha ia bar osimtizir ekiam ini.

Ian arazir kurabara iā gamima,
ia mizazir kam isima,
ian naviba biaghire."

Jeremaia uan adarazi bar men apangkuji

¹⁹ Jeremaia kamaghin migei:
"Ki tizim bagħha mizazir dafar kurar kam isi?
Ki mizazir kurar kam isima, nan navir averiar bar na basemez,
nan digħorim bar pamten na ginivima,
ki bar mikirighasava ami.

Mizazir kam bar na abirazi nan nighnizim uaghan bar nan ikufi.
Ki midorozir gumaziba barazi,
me midorozim bagħha pamtemin sīghabagħ ivi.

Kamaghin amizi, ki uan akam dukuagh, nimira ikian kogħam.

²⁰ Ki garima, me kantrin aven itir daganiba bar dar gumazamizibha paza me gamua
me gasighasizima, biziba bar mogħira ikufi.
Ki garima, me zuamira en puri-penibagh asighasiki.

²¹ Eġhti dughiar manatamra apaniba e ategħi ua uan nguibabar mangam.

Egh me manadizogħin sīħam givia, nir avizim ghufar arazim ategħam?
Ki arazir kamra iċċa ghua bar amira!"*

²² Ezi Ikiavira Itir God, kamaghin na ikaraghha ghaze,
"Nan gumazamizibha fofozir aghuiba puватi,
egħi na gifozir puватi.
Me borbar min fofozibha puватiġha bar on-gani.
Eghha arazir kuram gamir arazim me bar a gifogħa,
arazir aghuiba amuamin arazim me bar a gifozir puватi."

Jeremaia irebamin min bizżemin għalli

²³ Ki Jeremiah ki garima, nguazim bar ikuvigha pura itima, bizar aghħidit a għis ħażżeek.

Ezi ki overiā min garbi, angazgarġitar an itir puватi.

²⁴ Ezi ki mighsiabar garima, mikimkizim adagh nuabima, dar għuuba mangiż zegħi għami.

²⁵ Ezi ki tintinibar għara gumazitamin apizir puватi.
Ezi kuaraziba mighha tintinibar bar ghue.

²⁶ Ezi ki ua garima, fomira nguazir otevir bizzibha bar deraviram aghuiba, da datirighin dipaba puватiżżejj danganir kinibar otifi.
Ezi nguibar ekjar nguazir kamin itiba bar ikufi.

Kar Ikiavira Itir Godin aningagħarim bar ekevegħha, bizar kabagh amizi da otifi.

²⁷⁻²⁸ Eghha Ikiavira Itir God, kamaghin migia ghaze,
"Ki bizar kabar amighti da otivasa uan nighnizim gamigħha gifa.
Egh ki ua uan nighnizim giragħan kogħam.

Nguazir kam, ki a damighti a mangi bar danganir kinimmin otogħam.
Egh ki bar a gasighasighan kogħam.
Eġħi bizar mingarib kam bagħ, nguazim azirakar onger akabar amuti, overiā min pighatomegħam."

²⁹ Ki Jeremaia, ki garima, midorozir gumazir maba hoziabagh apiazi, għumazir maba uan pibar suigha midorozim bagħha izi.
Ezi gumazamizibha danganir kabar itiba, me baregħha, bar mogħira uan nguibabar ataghixx għażi.

* **4:21:** Me apanibar ganti me izamin dugħiam, me nir avizim ghufegħ sīħam, eġħi gumazamizibha oreġħ ari mangi, nguibar divażi gavgħaviba itibar mongeġħam. Ni saptan kamin, ves 5 ko 6 in gan. **4:23:** Genes 1:2; Aisaia 5:25

Men marazi ara ghua ruaribar aven
monge,
ezi marazi ghua dagiar toribar
aven monge.
Ezi nguibaba bar moghira pura misevir
kinibar itima,
gumazamiziba puvati.
30 O Jerusalem, ni ikuvighamin dughiamin,
ni manmaghin damuam?
Nin gumazir fomira bar ni gifongegha
ni ko akuir kaba,
me datirighin nin aghuagha, ni
misueghti ni aremeghasava ami.
Kamaghin amizi, ni pura korotiar aghevir
aghuibar aghuan marki,
egh me golin ingarizir kurkazibar
uabin kurkian marki,
egh uan damazimning aghivan
marki.
Kurkazir kaba tong nin akuraghan
kogham.

31 Ki ararem barazi, mati amizim otasava
amir ararem.
Egha uaghan mati amizim datirighiram
otirimirir igiam gami, egha mizazir
ekiam isi.
Kar Saionin nguibar ekiamin
ararem.
A bar avighaghegha, uan aghariba kavkira,
kamaghin migei,
“E uarir apangkufi! E ikuvigha gifa.
Apaniba e misueghti arimighiram.”

5

*Jerusalem bar akirim ragha Ikiavira
Itir God gasara*

1 Ikiavira Itir God, kamaghin migia ghaze:
“Ta Jerusalemin gumazamiziba, ia uan tu-
aviba bar dar aru,
uan biziba amadir danganibar ganigh
fogh suam,
gumazamizir aghuitam iti, o pu-
vati.
Egh ia ganti, gumazamizir arazir aghuim ko
guizin arazimin gin zuitam ikiti,
ki nguibar ekiar kamin arazir kuraba
gin amadaghram.

2 Egha ia gavgavim uan migirigiabar
aningga
Ikiavira Itir Godin ziam dibora pin
arigha migei,
kar ia ifara pura migei.”

3 Ezi ki Ikiavira Itir God ikaragha ghaze:
“Ki fo, ni gumazamizir deravira guizin
arazimin gin zuiba, ni bar me gi-
fonge.
Egha ni gumazamizir kabav soghezi,
me mizazim baraghizir puvati.

Ni me akirasa me gasighasighizir bizar kam,
me an ganigha fofozim inian aghua.
Men dapaniba dagiabar min gavgafi,
ezi me uan navibagh iraghan aghua.
4 Ezi ki ghaze,
Gumazamizir kaba, pura organarazibagh
amir gumazamizibar min ikia,
egha fofoziba bar men puvati.
Egha me Ikiavira Itir God, men God,
a me damuasa ifongezir araziba, me
deravira dagh foziir puvati.
Kamaghin, me arazir organibagh
ami.
5 Kamaghin amizi, ki mangi gumazir da-
panibar gan, me ko mikimam.
Me ti Ikiavira Itir God, men God, a me
damuasa ifongezir arazibagh fo.
Ezi ki fo, gumazir dapanir kaba uaghan
Ikiavira Itir Godin akaba batuegha,
an ifongiamin gin mangan aghua.
6 Gumazamizir kaba arazir kurar aviribagh
amuwa,
egha dughiar aviribar Ikiavira Itir God,
akirim ragha a gasara.
Bizir kam bagh, men apaniba, laionin ru-
arir ghuribar itiba azenan izi
me misoghti me arimighiram.
Apanir kaba, afiar atiar danganir kinibar
itibar min izi me gasighasigham.
Apanir kaba, kaziar atiar ekiabar min
izi,
Judan nguibar ekiabar boroghin
mongegh iki ganam,
eghti gumazim o amizitam nguibam
ategh azenan iziti,
apaniba kaziar ekiar kabar min
uari fi me mikin, men mikarziba
abighirarigham.”

7 Ikiavira Itir God akar kam Jerusalemin
nguibamin itir gumazamizibav gia
ghaze,
“Bizir me ifongeziba, ki bar ada isa me
ganingi,
ezi me ua na ategha aser kabar gin zui,
mati gumazim uan amuim ategha,
tuavimin amizibar gin ghu.
Kamaghin, ki manmaghsuvira ian arazir
kuraba gin amangam?
Bar puvatigham.

8 Gumazir kabar naviba, gumazir igharaz-
ibar amuiba bagha dikafi,
mati afiar apurir gavgaviba, afiar ame-
babba bagha naviba dikafi.

9 Ki Ikiavira Itir God, ki ghaze,
Gumazamizir kaba nan ziar ekiam
gasighasisi.
Kamaghin, ki guizbangira gumazamizir
kabar arazir kuraba ikarvaghiva,
bar me gasighasigham.

¹⁰ "Ia Israeliyan apaniba,
ia mangi men wainin azenibar aruva
dagh asighasigh.

Egh bar dagh asighasighan marki.

Purama adar aghariba aghoregh.

Wainin ikarizir agharir kaba, da nan
biziba puvati.

Kamaghin amizi, ia dar aghariba
aghoregh.

¹¹ Guizbangira, Israelia ko Judabar gumaza-
miziba, me akirim ragha bar na
gasaragha gifa.

Ki Ikiavira Itir God, ki mikemegha gifa."

*Ikiavira Itir God, apaniba amangightime
Israelia gasighasigham*

¹² Israelia Ikiavira Itir God, an gin mangan
aghuaqua ifara ghaze:

"Ikiavira Itir God, arazir kuratam damighti
an e batoghan kogham.

Apaniba iziva e misoghan kogham,
eughti mitiriar ekiatam otoghan
kogham.

¹³ Guizbangira, akam inigha izir gumaziba
akar kabar e migei.

Ezi men akar kabar mingariba puvati,
da mati aminim ivai.

Ikiavira Itir God, akatam me ganingizir pu-
vati.

Kamaghin, bizir manam me a migei,
bizir kamra ua ragh maghira me
gasighasigham."

¹⁴ Gumazamizir kaba akar kamagh garir
mabav keme,

kamaghin amizi, Ikiavira Itir Godin
Gavgaviba Bar Itim, kamaghin na
migia ghaze,

"Jeremaia, migirigar ki ni ganidiba ni
darara Israelia mikim.

Migirigar nin aka torimin otivamin
kaba, da avimin min otiv mangi.

Eughti gumazamizir kaba dazibar min ikiti,
nan akam me giri, mati avim men isi
moghin, bar men isigham."

¹⁵ Ki Ikiavira Itir God, kamaghin Israelia ia
migia ghaze,

Ia Israelia, ia oragh!

Ki saghon itir nguibar mamin
midorozir gumaziba inigh iziti,
me ia ko misogham.

Me fomira uan kantrin ikia iza datirikin,
egha me gumazamizir bar gavgav-
iba.

Egh ia men akar me migeim mikiman
iburaghram.

Egh uaghan a gifoghsa damuva
avegham.

¹⁶ Men midorozir gumaziba bar moghira,
midorozir gumazir bar gavgaviba.

Egha me barir pibar asa bar fogha,
gumazamizibagh asi me ariaghiri.

¹⁷ Ia ti ghaze, ian nguibaba divazir gavgav-
iba dar iti,
eughti ia deravira dar aven ikiam.

Bar puvatigham.

Apanir kaba izi ian nguibar kabagh
asighasigham.

Egh ian azenibar itir dagheba ko
dipenibar itiba sara,
dar ami da agivagham.

Egh ian otariba ko guvibav soghirarigh,
ian sipsipa, bulmakauba, bar a dav
soghirarichti
da arighiregham.

Egh me ian wainin ikariziba, ko fighin
temebagh asighasigham.

¹⁸ Egha Ikiavira Itir God, dughiar kamin ua
kamaghin na migei,
"Apaniba dughiar kamin izi, egh Is-
raelia bar me gasighasighan kogham.

¹⁹ Eughti gumazamizir itiba kamaghin nin
azangsigham,
"Manmaghsua Ikiavira Itir God, en God,
akirim ragha e gasarazi, bizir kurar
kam e bato?"

Eughti Jeremaia, ni me mikim suam,
"Ia akirim ragha na gasara, ia uan
nguazimin ikia kantrin igharazibar
asebar apengan ikia
dar ziaba fe.

Kamaghin, ia datirighin gumazamizir
igharazibar kantrin mangi an iki,
pura men ingangarir gumazir
kinibar min iki, men ingangarim
damu
men apengan ikiam."

*Ikiavira Itir God, Akar Gavgavim gu-
mazamizibagh aningi*

²⁰ Ikiavira Itir God, kamaghin migia ghaze,
Ni akar kam isi Jekopin ovavir boriba
ko Judan nguazimin itiba me
danieligh:

²¹ Ia gumazamizir nighnizir aghuiba ko foz-
iba puvatiziba.

Ia damaziba ikia, bizibar garir puvati.
Egha ia kuariba ikia, biziba barazir
puvati.

Ia datirighin kuariba arigh
deraghvira nan akaba baragh.

²² Ikiavira Itir God kamaghin ia migia ghaze,
Ia manmaghsua nan damazimin atiati-
ava agoir puvati?

Ki ongarim dipir izi mitivasa danganimin
abaraghha gifa,
ezi ongarir dadarim an ongarim dipir
izi

tuivamin divazimin min iki mam-
aghira ikiam.

Eghiti ongarir ekiam pamten dipir izi,
egh divazir kam azovagh mangighan kogham.

23 Ezi ia gumazamiziba bar igharaghava ami.
Egha bar puvira nan akaba batogha uan nighniziba bar dar kumi.
Egha akirim ragha na gasaragha tintinibar ghue.

24 Ki Ikiavira Itir God, ian God.
Ezi ia nan apengen ikian aghua.
Egha ia kamaghin nighnizir puvati,
ki uabi azeniba oparir dughiam ko dagheba asir dughiamin, amozim amadi, a izi.
Egha ki uabi daghebagh amima da uan dughiamram otivima, ia azenibar, vaghvagh Zurara da isi.

25 Ezi ian arazir kurar kabara bizar aghuir kabar tuavim apirizi ia da isir puvati.

26 "Nan gumazamizibar tongin marasi, arazir kurabagh amir adarasi.
Me gumazamizir igharaziba arazir kurabar me damuasa mizua iti.
Mati gumazim kuarazim izi ivemin aven mangasa aneguragh a mizua iti.

27 Me ifavarir arazibagh amua gumazir igharazibar bizar aviriba puram ada isi.
Mati gumazim ivem aguragh a kuarazir aviriba inizi an akiram izifa.

Egha arazir kamin me gavgavigha ikia, dagheba ko bizar aviriba iti.

28 Egha me bar puvirama apava naviba ifiki.
Me arazir kurabar amuasava atiatir puvatigha dagh ami.
Me kotin aven guizin arazibar gin zuir puvatigha, arazir kamin borir afeziaba ariaghireziba, arazir kurabar me gami.

Ezi onganarazibagh amir gumazamiziba osimtiziba itima, me men akurvazir puvatigha, men osimtizir kaba agevir puvati.

29 "Ki Ikiavira Itir God, guizbangira migei, Ki gumazir kabar arazir kuraba bagh pazivira me damigham.
Bar guizbangira, ki gumazamizir kabanang ikarvagh ivezir kuram me daningam.

30 Guizbangira, bizar bar kurar atiatim anidim nguazir kamin oto.

31 Ki garima, akam inigha izir gumaziba, uari uan akaba akuri, egha gumazamizibagh ifari.
Ezi ofa gamir gumaziba,

gumazamizibagh ativagha akam inigha izir gumazibar akar ifavarir kabar gin zui.

Ezi nan gumazamiziba arazir kam bar a gifonge.

Ki mizazir kuram ia gaseghti ian arazir kurar kam givagham.

Eghiti dughiar kamin men tinara ian akuraghram?"

6

Apaniba izá Jerusalemia misosi

1 Ia Benjaminin anabamin adarasi, ia Jerusalem ategh ari mangi. Puvatighti, ia bar ikuvigham.

Ia Tekoan nguibamin aven sighabagh ivi mangi,

Bet Hakeremin nguibamin avim atighti an migharim mavanangam, eghiti gumazamiziba an ganigh fogh ari mangam.

Bizir kurar ia gasighasighamim notin amadaghan dikavigha, bar roghira izi.

2 Saionin nguibar ekiam, mati guivir bar dirir mam, a nguibar ekiar bar aghuim.

Ezi Ikiavira Itir God nguibar ekiar kam bar moghirama, a gasighasigh anegivagham.

3 Atriviba uan midorozir gumaziba ko Jerusalem misoghsiz izam, mati sipsipbar garir gumaziba uan sipsipba ko izam.

Me azenan nguibam ekiarugh, vaghvagh nguazir akuar nguibam boroghin itiba, uan averpenibar ingaram.

Egh midorozir gumazir kaba sipsipin okoruar dafabar min bar avirasemegham.

4 Eghiti gumazir men faragha zuiba kamaghin mikimam, "Aria, e misoghsivira gan ikiam.

E aruer arizimin dikavigh mangi me krogh, me misogham."

Egh me gin kamaghin mikimam, "Amei, e tighar midorozir bizibar akiram, aminim piri.

5 Kamaghin amizi, marki, e dimagarimin midorozim foregh, men divazir gavgavibagh asighasigham."

6 Ikiavira Itir Godin Gavgaviba Bar Itim, bar deravira nguibar ekiar kamin ave-riamin gani.

Egha kamaghin midorozir gumazibav gei,

"Nguibar ekiar kamin gumazamiziba, uan namakaba bar arazir kurabar me gamua me abiri.

- Kamaghin amizi, nguibar ekiar kam osimtizir bar ekiam iniam.
- 1a mangi temeba okegh izi divazir gavgavimin miriamin dar pozim makinigh nguazim adav kinighti, a figh uanaboghti,
ia mangi a gisin mitivigh nguibar ekiam ko misogham.
- 7 Ki orazi, arazir kuram, mati dipaba mozir pamin ikia zuraram otivavira iti moghin,
zurara Jerusalemin otifi.
- Me zurara nguibar ekiamin aven bizibagh asighasigha,
gumazamizir igharazibav sosi.
- Ki men gari, men aviriba duaba ikia
egha arimariaba iti.
- 8 O Jerusalemia, ia nan akam barakigh.
Puvatighti, ki zuamira akirim ragh ia gasaraghram.
- Egh ki ia damighti ia nguibar soriam gavaghti,
gumazamiziba puvatigham."
- Israelia akam bar a batoke*
- 9 Ki Jeremaia, Ikiavira Itir Godin Gavgaviba Bar Itim, kamaghin na migei,
"Apaniba Israelian gumazamizir vaghvazir ikiavira itiba ateghti, me ikian kogham,
me bar me gasighasigham.
- Mati gumaziba ghua wainin azenimin wainin oviziba
bar da kuarizi tam itir puvati.
- Kamaghin ti deraghram, ni faragh mangi Jerusalemin aven akam akunigh.
- Mati gumazim ghua wainin azenimin averiam getiagha arua gari,
wainin ovizir vaghvazir maba iti.
Kamaghira, gumazamizir vaghvaziba ti nin akam baregham."
- 10 Ezi ki Ikiavira Itir Godin akam ikaragha ghaze:
"Ki ikiangsizim me daning me mikimti,
tina men tongin na baregham?
Me kuarir toriba puvati.
- Men naviba gavgavizi me nin akam baraghan aghua.
Me nin akam migia ghaze, a bizir kurred, egha a gifongezir puvati.
- 11 Ezi Ikiavira Itir God, nin aningagharir ni men itir kam uaghan na gizifa.
Ezi ki an suiraghti a dughiar ruarimin nan ikian ki aghua. Ki bar amira."
- Ezi Ikiavira Itir God, kamaghin na ikaragha ghaze:
"Ni nan aningagharir kam isi, borir pura tintinibar tuavibar ikarara itiba ko,
- gumazamizir igiar uari akuva itiba me gingegh.
Egh uaghan poroghamiba ko gumazamizir bar ghuriba, uaghan me gingegh.
- 12 Ki Ikiavira Itir God, ki kantrin kamin itir gumazamiziba uan gavgavir ekiamin bar me gasighasigham.
Egh igharaz darazir amamangatighti,
me izi men dipeniba ko nguaziba ko men amuiba iniam.
- 13 Men gumazamizir ziaba puvatizibar ikegha ghua, gumazamizir ziaba itibar tuziba,
me bar moghira ifara uari baghavira nighnigha,
arazir kurar aviribagh amua dagiaba ko biziba isi.
- Ezi gumazir ofa gamiba, ko akam inigha izir gumaziba,
me uaghan arazir kurar kamin gin ghua ifavaribagh ami.
- 14 Nan gumazamiziba, duar dafaba isia iti,
ezi ofa gamir gumaziba ko akam inigha izir gumaziba men duabar gari,
da pura biziba,
egha deraghvira da akira da nozir puvati.
- Egha me akar aghuimin gumazamizibav gia ghaze,
"Biziba en derazi e deraghavira iti."
Me kamaghin migei, ezi guizbangira bizitam deragha itir puvati.
- 15 Me ti arazir kurar me amizibar aghumsighama?
Bar puvati. Me tong aghumsizir puvati.
Kamaghin, ki men igharaz darazigh asighasighizhi moghin,
ki gumazamizir kaba mizazim me daning me gasighasigham.
Ki Ikiavira Itir God, ki mikemegha gifa."
- Israelia, Ikiavira Itir Godin akamin gin mangan aghua*
- 16 Ikiavira Itir God uan gumazamizibav gia ghaze:
"Ia tuavir akamin mitigh nighnigh, ia tuavir manam mangisi ifuegh, an mangi.
Ia tuavir aghuir ian inazir afeziaba faragha ghuezim bagh gan an apigh an mangi.
- Ia tuavir kamin mangiti, bizitam osimtizim ia danigan koghti,
ian naviba purama amiraghvirigh nimira ikiam."
- Ezi Israelia a ikaragha ghaze,
"Ti puvatigham,

E tuavir mamin gin mangan
aghua."

17 Ezi Ikiavira Itir God ghaze,
"Ki ian faragh mangi ikiangsizim ia
daningamin gumaziba amisevegha
gifa.
Egha ki kamaghin ia migei,
'Osmitzim otivamin dughiamin me sigham
giviti,
ia deravira me baragh.'

Ezi me ghaze,
"Ti puvatigham.
E gumazir kabar akaba bareghan
kogham."

18 Ezi Ikiavira Itir God, nguazimin itir
kantriba bar me migia ghaze:
"Ta izi bar uari akuvagh uan damazibar gan
oraghti,
ki Israelia damuamin bizibar gun ia
mikimam.
Ia uan damazibar bizir kabar
ganam.

19 O nguazim, ni oragh!
Nan gumazamiziba na ginamadagha,
Arazir Ki Me Ganigizibar gin zuir
puvati.
Kamaghin, ki men arazir kurar kaba ikar-
vagh,
uan gumazamizir kabagh asighasigham.

20 Me ofa gamua nan ziam fasa
Seban adarazi da pauran mughuriar
aghuium zuim ko, saghon itir gumaz-
iba da borer aghuium givese.
Egha ghaze, bizir kaba nan damazimin der-
aghram.
Bar puvati.

Ki ofan me tue bar isia mighiriba ko ofan
ighazar me na bagha amiba,
ki bar adagh ifongezir puvati.
Ki da inighan kogham.

21 Ki Ikiavira Itir God ki ghaze,
Ki gumazamizir kabar amighti me
asaghpor iregham.
Egh ameboghfeziaba, ko boriba, gumaza-
miziba ko
men namakar men boroghin itiba sara
arimighiregham."

Apaniba notin amadaghan ikegha izi
22 Ikiavira Itir God kamaghin migei,
"Ia gan! Midorozir gumaziba notin
amadaghan ikegha izasava ami.
Me bar gavgavigha, bar saghon ti.
Egha me misoghasa
midorozir biziba akira iti.
23 O Saion, ni mati guivir dirim!"

Ezi apanir kaba, me apangkuviba pu-
vatizir gumaziba.

Me gumazir igharazibagh asighasighasa
bar ifonge.
Me barir piba ko barir afuziba suisi.
Me hoziabar apiagh iziti, niginir ekiam ot-
vam.
Mati ongarim gigim gira tingazi.
Egh me uari darigh mitivigh iki,
egh Babilon ko misoghsivira gan
ikiam."

24 Ezi Jerusalemia kamaghin migei:
"E apanir kam, an eghaghanim baregha
gifa.
Egha e men atiatia agharapaniba bar
en amia.
E nighnighava avenge, en ararem mati,
amizim borim batasa mizazir ekiam
isava arai.
25 Apaniba me bar gumazir kuraba, egha
danganiba bar adar iti.
Egha misoghasavira gara itima e ati-
atingi.
Kamaghin amizi, e tuaviba ko
azenibar aruan kogham."

26 Ezi Ikiavira Itir God, kamaghin migei:
"O, nan gumazamizir ki bar ifongeziba,
ia azir korotiabar aghuigh averenim
gipoghpogh.
Ia fo, apanir izi ia gasighasigham pura
kaghiram otoghi,
ia atam mangeghti me ia gasighasigham.
Kamaghin, ia puvirama aziva, azir onger
akaba bangi.
Mati poroghamimning borir bar
vamirara iti, an aremezi, aning a
bagh azia an kuarkufi."

Gumazamiziba mati silvan kuram
27 Ikiavira Itir God, kamaghin na migia
ghaze,
"Jeremaia, ki ni isa uan gumazamizibar
tongin ni ati.
Eghti ni gumazamiziba tuisigh, mati gu-
maziba silva tuava a gifofozzi moghin,
me tuva me gifofogham,
men araziba guizbangira dera, o ti
puvati."

28 Ezi ki an akam ikaragha ghaze:
"Gumazamizir kaba me akaba batogha,
akaba uarigh asa girakirangin uarira
uariv gei.
Me ifavaribagh amua men araziba bar
ikufi.
Egha men naviba ain ko brasin min bar
gavgavigha,

6:27: Jeremaia 1:18 * **6:28:** Marazi kamaghin nighnisi, ves 28in ikegha ghua ves 30, migirigiar Ikiavira Itir God
Jeremaia mikemezir kam, a ves 27in itir akam, a uam a gehgari.

arazir kurabar amuasa bar gav-gafi.*

²⁹ Nan gumazamiziba mati silvan mineziba itiba,

ni masinin avim giviti a puvira isi minezir dar itir kabar isigh da batueghan kogham.

Ingangarir gumazibba pura ingangarir kam damigham.

Kamaghira, nan gumazamiziba arazir kurabagh ami,
egh arazir kurar kaba me da ateghan kogham.

³⁰ O Ikiavira Itir God, ni akirim ragha uan gumazamizibagh asaraghya gifa.

Kamaghin amizi, me silvan kurar me otoghezibar min iti.”

7

Godin Dipenim, Judabar amuti, me Godin damazimin deraghvira ikian kogham

¹ Ki Jeremaia, Ikiavira Itir God kamaghin na migei, ² “Ni mangi Ikiavira Itir Godin Dipenim avinizir divazimin tiar akamin tugh, kamaghin mikim: Ia Judan Ikiavira Itir Godin Dipenimin ghua an ziam fe dasari, ia kuaribar arigh an akam baragh.

³ Ki Ikiavira Itir Godin Gavgaviba Bar Itim, Israelia ian God, ki ghaze, Ia uan daroriba ko arazibar kirigh deraviram otoghti, ki ia teghti ia deraghvira uan nguazimin ikiam. ⁴ Ia kamaghin migei, ‘Kar Ikiavira Itir Godin Dipenim. Kar Ikiavira Itir Godin Dipenim. Kar Ikiavira Itir Godin Dipenim.’ Egha ia kamaghin migia uarira uarigh ifari. Dipenir kam tong ian akuragh ia damuti, ia Godin damazimin deraghvira ikian kogham.*

⁵ Ian daroriba ko arazir ia datirighin amiba, ia da ategh tuavir aghuimin gin mangi. Egh arazir aghuibara uari damu iki. ⁶ Ia Kantrin Igharazibar Gumazamizir ia ko itiba, pas me damuan marki. Egh borir ameboghfeziaba ariaghireziba, ko amizir paba ariaghireziba ia paza me damuan marki. Egh ia uan nguazir kamin aven, gumazamizir osimtiziba itir puvatiziba pura me misoghti me arighiram marki. Egh ia asebar ziaba fan marki. Ian arazir kam ia gasighasigham. ⁷ Ia nan akar kaba bar dar gin mangiti, ki ia teghti ia nguazir ki fomira

ian inazir afeziabagh aningizir kam, ia aniki deravira iki mamaghira ikiam.

⁸ “Ia uarir gan. Ia akar ifavarir kaba nighnizir gavgavimin dar iti. Ada tong ian akuraghan kogham. ⁹ Ia gumazir igharazibar biziba okiava, egha gumazibav sozi da ariaghiri. Egha poroghamiba uari isava akuir arazim gamauavira iti. Egha uan akaba gavgavim dar aningasa akam akiri, egha ia guizbangira akar ifavaribagh ami. Egha ia asem Bal, a bagha ofan mughuriar aghum zuibagh ami. Egha ia aser ia faragha fozir puvatizibar ziaba fe. ¹⁰ Ia arazir kabagh amigha nan Dipenir ki uan ziam fasa inabazimin aven izegha nan ziam fa ghaze, E deraghavira iti. Ia gin nan Dipenim ategha azenan ghuegha arazir kurar ki ifongezir puvatizibagh amuvira iti. Ia ghaze, Kar ti arazir aghuim, a? ¹¹ Ia Dipenir kamin nan ziam fasa ki a ginaba. Ezi ia ghaze, kar okimakiar gumaziba modir danganim, a? Ki Ikiavira Itir God ubi guizbangira migei, arazir ia amiba, ki bar adar ganigha gifa.

¹² “Kamaghin, ia mangi Silon nguibar ki uan ziam fasa faragha inabazimin, ki amizir bizibar ganigh. Nan gumazamiziba Israelia, me arazir kuram gami, kamaghin amizi, ki nguibar kam bar a gasighasiki.†

¹³ Ezi ia uaghan arazir kurar kabagh amuvira ikia zuima, ki dughiar aviribar ia arazir kurar kaba ataghiragh navim giraghosa ia mikemezi, ia oraghagan aghua. Ki ian deima, ia nan dimdiham ikarazir puvati. ¹⁴ Ia guizbangira kamaghin nighnighan marki egh suam, nan Dipenir kam ian akuraghti, ia deravira ikiam. Ki fomira ian inazir afeziaba, me mikemezi, me nan ziam fasa kagh an ingari. Datirighin ki Silon nguibam gasighasighizi moghin, a gasighasigham. ¹⁵ Egh ia Judaba, ki Efraimin anabamin adarazi batoghezi moghin, ia batuegh ua ian ganan kogham.”‡

Israelia Ikiavira Itir Godin akam batoke

¹⁶ Egha Ikiavira Itir God, ua kamaghin na migei, “Jeremaia, ni ua gumazamizir kaba bagh nan azangsigh nan dimiva arangan marki. Ki nin azangsizitam bareghan kogham, kamaghin ni men akurvaghxi nan azangan marki. ¹⁷ Ni ubi Judan gumazamizibar garima, me uan

* ^{7:4:} Gumazamiziba ti akar Onger Akaba 132:13-14in even itim ginighnigha, egha me kamaghin nighnisi, Ikiavira Itir Godin Dipenim Jerusalem iti. Kamaghin amizi, Ikiavira Itir God zurara Jerusalem gehuvam. A bizir kuraba ateghti da Jerusalem koma an itir gumazamiziba bativan kogham.

^{7:11:} Aisaia 56:7; Matyu 21:13; Mak 11:17; Luk 19:46

^{7:12:} Onger Akaba 78:60; Jeremaia 26:6 † ^{7:12:} Josuan dughiamin, Israelia Ikiavira Itir Godin Purirpenim Silon nguibamin anesara. (Ni Josua 18:1in gan.) Ezi ofa gamir gumazim Elin dughiamin, Godin Purirpenim Silon iti. (Ni 1 Samuel 1-3in gan.) Ezi dughiar Filistiaba Israelia abirazir kamin me ti Silon nguibam gasighasiki, ezi gin nguibam pura ikiavira iti. (Ni 1 Samuel 4in gan.) ^{7:13:} 2 Eghaghaniwa 36:15; Aisaia 65:12; Jeremaia 35:17 ‡ ^{7:15:} Israelian akar kam, a fomira notin amadaghan kantri Israelin adaraziv gei. Ni Jeremaia 3:7in ganigh. ^{7:18:} Jeremaia 44:17-19

nguibabar aven arazibagh amua, egha Jerusalemin nguibamin tuavir toribar arazibagh ami. ¹⁸ Men boriba dazibagh eghuva izima, afeziaba aviba arisi, ezi amebaba bisketba tuasa plaua gami, kar aser amizir kam, Astarten me a bagha ofa gami, me a dibora ghaze, Overiamin Garir Atrivir Amizim. Egha me uaghan aser igharagha gariba bagha wain isa me bagha ofa gami. Me kamaghin amua paza na damuasava ami. ¹⁹ Ezi ki Ikiavira Itir God, ki ghaze, Me kamaghin amua paza nararam amir pu. Bar puvati. Me paza uarira uarigh amua aghumsizim uarira uarigh aningi. ²⁰ Kamaghin, ki Ikiavira Itir God, men Ekiam, ki uan aningagharim bar a isi nguibar ekiar kamin gumazamiziba, ko asiziba, ko temeba, ko dagheba, ki bar me gingegham. Nan aningagharim avir ekiamin min iriti tav anemungeghan kogham."

²¹ Egha Ikiavira Itir God kamaghin Judabav gei, "Ki Ikiavira Itir Godin Gavgaviba Bar Itim, Israelian God, ki ia mikimasa. Ia fo, ofan maba, ia asiziba inigh dav suegh, da tuegti da bar isi mighirigham, egh dar tuziba aman kogham. Ezi ofan maba, ia dar tuziba, ki amamangati, ia dar amam. Ezi ki ghaze, Mark! Ia bar ada inigh dar ami, da pura bizim. ²² Ia bizir kam ginighnigh: ian inazir afeziaba, ki Isipin me inigha izir dughiamin, me ofan tuezi bar isia mighiriziba ko ofan igharaziba, ki tam damuasa me mikemezir puvati. ²³ Ki kamaghin me mikeme, 'Ia nan Akar Gavgavir ki a migeiba baragh deraghvira dar gin mangti, ki ian Godin ikiti, ia nan gumazamizibar min ikiam. Eighti biziba bar ian deraghram.' ²⁴ Ezi ian inazir afeziaba nan akam baraghan aghua. Men naviba arazir kurabar amuasavira nighnigha, uan ifongiabar gin ghua akirim ragha na gasaraghha, uamategha bar saghon ghuavira iti. ²⁵ Ian inazir afeziaba Isip ategha izezir dughiamin iza datirighin, ki uan akam inigha izir gumaziba, me nan ingangarir gumaziba, me ian inazir afeziaba akam me danningasa ivivigha me amagavira iti. ²⁶ Ezi ian inazir afeziaba nan akam baraghan aghua. Egha akaba batogha men faragha zuir ovavibagh afiraghha arazir kurabagh ami.

²⁷ "Jeremaia, ni Israelian gumazamiziba akar kabar me mikimti, me da bareghan kogham. Ni men dimti, me nin dimdiham ikaraghan kogham. ²⁸ Eighti ni kamaghin me mikim suam, 'Kantrin kamin gumazamiziba, Ikiavira Itir God, men Godin akamin gin ghuzir puvati. Egh God ateghti a me

akirmighasa me nighnizir puvati. Egha guizin akamin gin zuir tuavir kam, me bar anetaki.'

Gumazamiziba Hinomin danganir zarimin ikia arazir kurabagh ami

²⁹ Jerusalemia, ia uan azirakar arazim akakagh uan dapanir arazibagh isegh da makunigh. Nin gumazamiziba Ikiavira Itir God gamizi, a bar aningagharir ekiam iti. Egha a gumazamizir kabar aghuaghha akirim ragha me gasara. Kamaghin, ia mighsiabar ghuavanegh azirakar ighiaba bangi.

³⁰ Ikiavira Itir God kamaghin migia ghaze, "Judaba nan damazimin arazir kurar aviribagh ami. Me marvir guar ki ifongezir puvatizir kaba isa, nan Dipenir ki uan ziam fasa inabazir kamin even da ariki. Egha kamaghin nan Dipenir gamima, a nan damazimin bar mize. ³¹ Egha me Hinomin danganir zarimin ghua ofa gamir dakozibar ingara da dibora ghaze, Tofet. Egh me uari uan otariba ko guiviba inigh ofan min avimin ada tuam. Arazir me amir kamin nighnizitam nan navir averiamin itir pu. Bar puvati. Ki kamaghin damuasa akatam me mikemezir puvati. ³² Ki Ikiavira Itir God, ki ikiangsizim me ganiga ghaze, Gin gumazamiziba ua danganir kam, Tofet o Hinomin danganir zarim a darighan kogham. Apaniba dughiar kamin Judan gumazamizir aviribav sueghti, me arimighiram. Eighti Tofetin danganim, a Judabar matmatiar danganimin min ikiti, men kuaba bar a gizivaghti, men kuaba afamin danganiba ua puvatigham. Eighti me danganir kam kamagh a diponam, Danganir Gumazibav Sozi Me Ariaghirim. ³³ Eighti gumazir kuar aviriba pura nguazimin ireghiv ikiti, kuaraziba ko asizir atiaba izi dar tuzibar amam. Eighti gumazir kuaraziba ko asizir atiaba batoghamiba puvatigham. ³⁴ Eighti gumazamiziba ua Judan nguibaba ko Jerusalemin tuavibar ikian kogham. Ki bizir kaba bar dar amighti, da otivam, eighti navir aghuimin arazim ko, agoroger arazim ko, poroghamir igiabar isar ekiaba, da bar givagham. Eighti kantrin kamin danganiba ikuvigh ikiam."

8

¹ "Ki Ikiavira Itir God, ua kamaghin migei. Dughiar kamin ian apaniba, matmatiabar mangi, Judabar atriviba ko, gumazir dapanir, ofa gamir gumaziba, akam inigha izir gumazir dapaniba, ko Jerusalemin aven itir gumazamizir igharaziba sara bar men agharibagh kuigham. ² E fo, Judaba bar aruem ko iakinim ko mikovezibagh ifonge.

Egha me bizar kaba bagha iteviba apira dar ziaba fava, da ko migia, egha uarir akurvaghaha dar azangsisi. Kamaghin amizi, dughiar gin izamim, men apaniba Judabar aghariba inigh tintinibar buiarir aviribar min nguazimin ada akunigham. Eghti, aruem, ko iakinim, ko mikoveziba, men agharibagh isiragh. Eghti men aghariba inigh da oparamin gumaziba puvatigham.³ Eghti Judan gumazamizir kurar kantrin kamin aven ikiavira itiba, ki men amangichti, me kantrin igharazibar tintinibar mangegham. Egh gumazamizir ikiavira itir varazira, me angamira ikisi nighnighan kogham, me ovengsivira ifuegham. Ki Ikiavira Itir Godin Gavgaviba Bar Itim kamaghin mikemegha gifa."

Judaba uan arazir kurabar aghumsizir puvati

⁴ Ikiavira Itir God, kamaghin gumazamizibav kimasa na migei:

"Ki Ikiavira Itir God, ki kamaghin migei. Ia fo, gumazamiziba daghira, egha me ua dikavrosi.

Egha ia fo, me tuavim ataghiraghha ghua, egha me ua tuavim in izi.

⁵ Ezzi Jerusalemin gumazamizir kaba na ategha, ua izir puvati.

Me zurara akiribagh igha na gasi.

Me ifavarir arazimin gin mangasa bar gavavigha, ua na bagh izan aghua.

⁶ Ki kuarim atigha me barazi, me deraghha guizin akatam na migeir puvati.

Egha men tav uan arazir kuraba gin amangasa migeir puvati.

Egha nan azangsigha ghaze, ki arazir kurar manamrama ami?

Me vaghvaghua uan ifongiabar girara ghua,

mati hoziaba midorozim bagha ghuuba arigha ivemara ghuavira iti.

⁷ E fo, kuarazir ekiaba ko doziba mighegh mangi ikegh, ua izamin dughiam me a gifo.

Ezi nan gumazamiziba, me bizar ki damuasa mikemebza me dar gin zuir puvati.

⁸ "Manmaghin amizima ia Judaba ghaze, 'E nighnizir aghuim ko fofozim iti. Ikiavira Itir God uan Araziba e ganingi.'

Bar guizbangira, nan Arazibagh fozir gumaziba bar adagh iragha akar ifavariba osiri.

Kamaghin amizi, ia kamaghin mikiman marki.

⁹ Ki Ikiavira Itir God, ian fofozir gumaziba nan akabar aghuaghha akirim ragha dagh asara.

Manmaghsua me ghaze, me datirighin fofoziba iti? Puvati.

Me datirighin azuazim asizimin suizi moghin, dughiar kuram men suiraghti me bar aghumsigham.

Eghti men nighniziba bar ikuvigham.

¹⁰ "Men gumazir ziaba itiba ko ziaba puvatiziba sara arazir kurar kam gami. Ezzi men ofa gamir gumaziba ko akam inigha izir gumaziba uaghan gumazamizibagh ifari.

Kamaghin, ki men azeniba ko amuiba isi azenan itir gumazir igharazibar anigam.

¹¹ Nan gumazamiziba, mati duar dafaba isia iti, ezzi ofa gamir gumaziba ko akam inigha izir gumaziba men duabar gari, da pura biziba, egha deraghvir da akira da nozir puvati.

Egha me akar aghuimin gumazamizibav gia ghaze, 'Biziba en derazi e deraghavira iti.'

Me kamaghin migei, ezzi guizbangira bizitam deragha itir puvati.

¹² "Me ti arazir kurar me amizibar aghumsighama?

Bar puvati. Me tong aghumsizir puvati.

Kamaghin, ki men igharaz darazigh asighasighizi moghin, ki gumazamizir kaba mizazim me daning, me gasighasigham.

Ki Ikiavira Itir God, ki mikemegha gifa.

¹³ "Ki Ikiavira Itir God, ki guizbangira migei, Ki bar me agivaghram.

Me mati wainin ikariziba ko fighin temeba, da ua ber puvati, ezzi dar dafariba misingi.

Ezi kamaghin ki apaniba amadaghti me izi me dikabiraghram."

¹⁴ Eghti Judaba kamaghin mikimam:

"Manmaghin amizi e puram apia?

E uari akuvagh mangi nguibar ekiar divazir gavgaviba itibar aven mongam.

Egh e nguibar kabar aven arighiram.

E arazir kuramin Ikiavira Itir God gami, a en God.

Ezi a ghaze, e ovengam.

A iveau kuram e daningam,

mati gumazir mam marasinin kurar
gumazibagh asighasizim me daningt
me aneremam.

15 E ghaze, e deravira dapiam, egha e der-
agha apiazir puvati.

Egha e ghaze, ua deraghamin dughiam
iti,
ezi apaniba iza e gamima, e bar
atiatingi.

16 Ezi apaniba notin amadaghan, Danin an-
abamin adarazir nguazimin otivigha
gifa,

ezi e hoziaba barazi me bar puv
avighagha pamtemin arai.

Ezi hoziar kaba araima, en nguazir oteviba
ivazvazima,
e bar puvirama atiati.

E fo, apaniba Jerusalemin nguibam ko an tir
gumazamiziba ko, bar
en nguazimin itir biziba bar dagh
gasighasighasa izi.”

17 Ezi Ikiavira Itir God kamaghin migei:

“Ta oragh. Ki apaniba amadaghti,
da mati kuruzir kurabar min ia bagh izi
ia giviam.

Ia me damuti me nimira iki, me ia
ateghamin tuaviba puvati.
Bar puvati.”

Ki Jeremaia ki bar uan adarazir
apangkuji

18 Ki Jeremaia, ki kamaghin migei:

“Nan apangkuvir ekiam ko navim bar os-
eme,
ezi nan nighniziba bar ikufi.

Nan osimtzim agivamin tuaviba
puvati.*

19 Mevzika, nan adarazi nguazir oteviba bar
adar ikiya egha ara kamaghin dei,
‘Ikiavira Itir God ua Saionin nguibamin
atrivimin itir puvatighama, a?

Egha a manmaghsua en akurazir
puvati?”

Ezi Ikiavira Itir God kamaghin akam
ikaraghha ghaze:

“Manmaghsua ia nan gumazamiziba
kantrin ighazaribar asebar nedaz-
ibar ingara

egha dar ziaba fe?

Ian arazir kam na gamima,

ki bar ian aningaghe.”

20 Ezi gumazamiziba kamaghin diava ara
migei:

“Aruem garir dughiam gifa,
ezi me azenibar aven itir dagheba bar
ada asigha gifa.
Ezi God ua e iniasa nighnizir pu-
vati.”

21 Ki Jeremaia, ki uan gumazamizir ki bar
ifongezibar garima,
me dighoraghire, ezi nan nighniziba
ikufi.

Ki bar osemegha aziava aravira iti.

22 Ki orasi, Gileatin nguazim ti marasinin
aghuiuba uam an iti.
Egha me ti uaghan doktan maba iti.
Ezi manmagh amizi, nan gumaza-
miziba ghuamaghezir puvati?†

9

1 Ki ghaze,
Kamaghin deraghams,
nan dapanim dipamin min ikiti,
nan damazimning mozir dipar zu-
rara anaga ivemarimin min iki.

Eghti ki arueba ko dimagaribar nan gu-
mazamizir ki bar ifongeziba,
apaniba misoghezi ariaghireziba,
me bagh aziva arangvira ikiam.

2 Kamaghin deraghams,
ki ti gumazamiziba puvatizir dangani-
tamin mangi
tuavir miriamin averpenir gumaziba daru
dakuamin tamin ingarigh,
an aven ikiam.

Nan gumazamiziba bar, Godin itir nighnizir
gavgavimin arazim anetegha,
asebar gin ghua arazir mizirizibagh
ami.

Kamaghin amizi, ki ti me ategh
mangi saghon ikiam.

3 Ikiavira Itir God na ikaraghha ghaze:

“Mati gumazim pir baribar asiva amangasa
ami moghin,
ifavarim nan gumazamizibar aka-
toribar otiv mangasava ami.

Egha men ifavarir arazim, men kantrin bar
ekefe.

Ezi nan gin zuir guizin arazim a itir
puvati.

Akar ifavarim bar ekefe.

Ezi me nighnizir gavgavim nan itir pu-
vati.”

* 8:18: Hibrun akam deragha migirigar kamin mingarim abighizir puvati. 8:22: Jeremaia 14:19 † 8:22:
Jeremaia danganir kam akar isin zuimin a migei. Judaba Gileatin Distrighin marasinba isi. (Ni Genes 37:25in gan.) Ezi
Jeremaia kamaghin fo, arimiar an gumazamiziba batozir kam, kar men arazir kurar me amiba bagha arimiar kam
me bato. Ezi doktan aghuiuba ko marasinba me damigiti me ghuamagheghan kogham.

⁴ "Ia gumazamiziba kamaghin fogh, ian namakaba ko aveghbuuba ifara,
mati ia uan inazir afeziām Jekopin min ifari.*

Kamaghin amizi, ia bar me bagh deraghvira gan,
nighnizir gavgavim men akabar ikian marki.

⁵ Gumazamiziba bar moghira uan adarazigh ifara,
egha guizin bizitam migeir puvati.

Men mizeba ifavarir arazim bar a gifozi,
me arazir kurar kam gamua ghuavira iti.

Me uarigh ifarir arazir kam, uarira uarir akakasi.

Egha me uan navibagh iraghan aghua.†

⁶ Me uarira uari abirir arazim gamua ghuavira ikia,
egha ifavarir arazibagh amuavira iti.

Me nighnizir gavgavim nan iki, nan gin mangān aghua.

Ki Ikiavira Itir God, ki kamaghin mikemegha gifa."

⁷ Kamaghin, Ikiavira Itir Godin Gavgaviba Bar Itim migia ghaze:

"Ki uan gumazamizibar araziba tuisigh, mizazim me daningiva men gan me gifofogham,
mati gumazim silva isa avimin a tua, an mineziba misiva da batozi mokin.

Ki gumazamizir kabar arazir kuraba bagh damuamin tuavitam ua itir puvati.

Bar puvati.

⁸ Men mizeba, mati barir gumazibagh asi me ariaghiriба.

Me ifavarir gumazamiziba.

Me uan namakaba akar aghuibar me migia, egha men navir averiaba, me me gasighasighasa nighnisi, mati gumazim asizimin suighasa azuazim agura.

⁹ Bar guizbangira, ki gumazamizir kabar arazir kuraba ikarvaghiva, bar me gasighasigham.

Ki Ikiavira Itir God, ki mikemegha gifa."

¹⁰ Ki Jeremaia, ki garima, Mighsiaiba ko tuziba itir danganiba, me bar adagh apongegha dagh asighasighizi gumazamiziba ua dagh aruir puvati.

Ezi bulmakaubar arareba puvatizi, kuarazibar arareba ua dar otivir puvati.

Kamaghin ki dagh nighnigha puvirama azi.

^{9:4:} Genes 27:36 * ^{9:4:} Israelian inazir afeziām Jekopin ziamin mingarim kamakin: Ifari. Ezi a guizbangira gumazir igharazibagh ifari. Ni Genes 27:36in gan. Vezin kam a nighnizir kam an aven iti. ¹⁷ ^{9:5:} Hibrun akam deragha migirigiar kamin mingarim abighizir puvati. ^{9:16:} Ofa Gami 26:33; Godin Araziba 28:64; Esekiel 5:2; 5:12

Ki da bagha osemegha azir akam bange.

¹¹ Ezi Ikiavira Itir God na migia ghaze, "Ki Jerusalem gasighasichti a irigh dagiar pozim mitigham.

Egh afiar atiabar danganimin otogham. Eghti ki Judan nguibar igharazibagh asighasichti, nguibaba pura ikiti gumazamiziba dar ikian kogham."

¹² Ezi ki Jeremaia kamaghin Ikiavira Itir God migei,

"Nguazir kam tizim bagha ikuvigha gifa, egha gumazamiziba puvatizir danganimin min iti?

Gumazir manatam Ikiavira Itir God nighnizim a danighti, a bizir kamin mingarim gumazamizibav kimam?"

¹³ Ezi Ikiavira Itir God a ikaragha ghaze:

"Bizir kamin mingarim kamakin. Gumazamizir kaba nan Arazir Ki Me Ganizingizbar gin zuir puvatigha, nan akam batuegha, tuavir ki men akazimin gin zuir puvati.

¹⁴ Men navir averiaba gavgavigha uan ifon-giamin gin ghua men inazir afeziaba men sure gamizi moghin, me aser Balbar ziaba fe.

¹⁵ Kamaghin, ki Ikiavira Itir Godin Gavgaviba Bar Itim, Israelien God, ki ghaze, ia gan, ki gumazir kabar amighti me osimtizir ekiaba iniam, mati me dagher akabav sozibar amam.

Me bar ivedir kuram iniam, mati me imeziba itir dipabar amam.

¹⁶ Ki me batuegh me amadaghti, me mangi tintinibar kantrin fomira men inazir afeziaba ko me fozir puvatizibar tongin me ko ikiam. Eghti ki apanibar amamangatighti, me men gintigh mangi dughiar ki me gasighasigham otogham."

Jerusalemia azirakar amirizibagh ami
¹⁷ Egha Ikiavira Itir Godin Gavgaviba Bar Itim, kamaghin migei:

"Bizir ia bativir kaba, ia deravira dar gan. Egh azir akabagh amir amizibar diagh! Ia amizir gumazir kuuba bagha igiar amirizibagh amua fozibar diagh me inigh iziti,

me azirakar amırizibar amu.”

- 18 Ezi gumazamiziba kamaghin migei:
“Are, me zuamira iziva e bagh azirakar ighiabar amu.
Me pamtem azi mamaghira iki mangiti,
e aziti temeriba en damazibar iziv
otiv iram.
- 19 Guizbangira, Saionin nguibar ekiamin
aven,
gumazamiziba kamaghin ara egha azirakar ighiabagh amua ghaze,
‘Ai! E bar ikufi!
Apaniba en dipenibagh asighasigha
gifa.
Ezi e uan nguazim ategham.
Kamaghin e bar aghumsiki.’”

- 20 Ezi ki ghaze:
Ia Jerusalemin amiziba,
ia kuariba arigh Ikiavira Itir Godin
akam baragh.
Ia uan guiviba azirakar ighiabar men sure
damu.
Egh vaghvagh namakaba azirakar
kamin men sure damu,
21 “Ovevem e batogha gifa.
A en dipenir gavgaviba ko danganir
mogomoebar aven izegha gifa.
Boriba ikarara tuavibar itima ovevem me
batifi.
Egha uari akuvir danganibar gumazir
igiaiba batifi.”

- 22 Ikiavira Itir God mikimasa na migia
ghaze,
“Ariaghbir gumazamiziba kuaba pura tintinibar
nguazimin ikiam,
mati afiar buariba, ko witin ikiziba
pura tintinibar irav iti.
Ezi gumazir dagh eghuvamiba puvati.”

- 23 Ikiavira Itir God ghaze:
“Fofozir gumazim uan fofozim bagh bar
akuuegh uabi fan marki.
Eighti gumazir gavgavim uan gavgavim
bagh bar akuegh uabi fan marki.
Eighti dagiaba izivazir gumazim
uan dagiaba bagh bar akuegh
uabi fan marki.

- 24 Gumazim bar akueghsi, a bizir bar
vamira bagh bar akongegham. Bizir
kamakain:
Ki Ikiavira Itir God, a na gifozir bizim
bagh bar akongegh.
Ki zurara nguazimin gumazamiziba bar
men apangkufi.
Egha ki zurara guizin arazimin gin ghua
arazir aghuibar me gami.

Ki arazir kam damuasa bar akonge.
Ki Ikiavira Itir God, ki kamaghin
mikermegha gifa.”

25 “Ikiavira Itir God ghaze,
Gumazir uan mikarzir mogomebar iniba
aghorezir kaba,
men araziba azenan paza zui, egha me
nan akamin gin zuir puvati.
Gumazir kaba, dughiam iziti ki puv
me damigham.

26 Ia nguibar kabar gumaziba,
kar Isipia, Judaba, Idomia, Amonia,
Moapia ko gumazir pura gumazamiziba
puvatizir danganimir ikia
uan dapanir dakurir arizibagh isezi
da oteveziba,
gumazamizir kaba me gumazir
God gifozir puvatiziba.
Ezi Israelia uaghan men arazibar gin zui.
Israelian gumaziba uan mikarzir
mogomer iniba aghoregha,
uan navir averiabagh irazir puvati.
Egha me mati gumazir uan mikarzir
mogomer iniba aghorezir puvatiziba.”

10

*Ikiavira Itir God an atrivim, ezi aseba
pura biziba*

¹ O Israelia, ia deraghvira Ikiavira Itir
Godin akam baragh. ² A kamaghin migia
ghaze:

“Ia kantrin igharaziba amir arazibar gin
mangan marki.
Me overiamin igharaghha garir otivir
bizibar gara bar atiatingi.

Ezi ia dar ganiya, atiatingan marki.
³ Ezi gumazir kabar arazir men aseba feba,
da guizin araziba puvati.

Me temer mam ruarin an okegha,
digiribagh amir gumazibagh
aningizi,
me temer kamin asemin marvir guam
akiri.

⁴ Egha gumaziba gol ko silvan marvir guar
kam asigha,
hama ko dikoniba inigha, a iran
aghaghha a gafu.

⁵ Ezi marvir guar kaba biziba dar puvati, da
nedazir kiniba.
Kuaraziba izi gumazibar azenibar zu
ravariba ko daghebar amisi, dar gan
atiatingasa
me dar ingarigha da ase.

Men marvir guar kaba migeir puvati.
Egha da aruir puvatizi, gumaziba da
ateragha arui.

Me ian tav gasighasighan kogham, kamaghin ia dar atiatingan marki.

Me uaghan bizar aghuitam damighti an otoghan kogham."

⁶ Ikiavira Itir God gavgavir bar ekiam iti, ezi ua godin tam nin min itir puvati.

Nin ziam gavgavir ekiam iti.

Egha ni bizar igharagha garibagh amima da nin gavgavim aka.

⁷ Ni kantriba bar dar gumazamiziba bar me gativagh men gari, ezi me bar nin atiating nin apengan iki nin ziamra fam.

Ezi nguazir kamin fofozir aghuiba itir gu-maziba ko atriviba, men tav nin min amir puvati.

⁸ Gumazir kaba bar fofoziba puvatigha bar ongani.

Marvir guar me temebar dikirigha arighizir kaba, pura biziba, da fofozir aghuir manatam me daningam? Bar puvati.

⁹ Aser marvir guar kaba, me dar kurkiasa, Tarsisin nguibamin ghua silva isa, egha ghua Ufasin nguibamin gol ini.

Egha iza gol ko silvan ingarir darazigh anidi, eghiti me uan marvir guaba avam.

Egha me inir blupla ko pighagheviba isamigha asebar marvir guar kabar kurti.

Kurkazir marvir guar kabar itiba, kar digiribagh amir fofozir gumaziba ingangarir kaba bar dagh ami.

¹⁰ Ezi Ikiavira Itir God, a guizbangira God. A Godin zurara ikia mamaghira itim, egh atrivimin iki mamaghira ikiam.

Ezi an aningagharim nguazim gamima, a ivazvasi, eghiti gumazamiziba deraghvira ikian kogham.

¹¹ "Israelia, ia kamaghin nighnizir gavgavim Godin itir puvatizir gumazamizibav kim,

'ian aseba overiam ko nguazimin ingarizir puvatizi,

da ua nguazim ategh an ikian kogham, egh overiamin apengan ikian kogham."

*Godin ziam fer ighiam
(Jeremaia 51:15-19)*

¹² Ikiavira Itir God uan gavgavimin nguazir kamin ingari.

A uan nighnizir aghuimin nguazir kamisa uan danganimra anetizi, a gav-gafi.

A uan fofozimin overiamin ingara an onegha gifa.

¹³ A tiarim akarigha migeima, overiam bar pamtemin tingazi.

Ezi ghuariar piziba nguazir otevibar migha iza, egha uari akufa.

God onimaribagh amima, da taghtazima amozim izaghiri.

Egha aminim asirafima, a a uan danganim ataghiraghha izi.

¹⁴ Ezi gumazamiziba, me bar organigha bizitam gifozir puvati.

Gumazir marvir guaba golin dar in-gariba, me bizar me ingarizir kaba bagh bar aghumsigham.

Kar guzin godba puvati.

Marvir guar kaba, da aminir datirighin en ikia angamira itir kam puvati.

¹⁵ Kar me dibovir akabav kimasa pura in-garigha arighizir bizar kiniba.

Eghti Ikiavira Itir God, me tuisighamin dughiam iziti me bar ikuvigham.

¹⁶ Ezi Ikiavira Itir God, a Jekopin ovavir boribar God, a ubi biziba bar adar ingari.

Egha bizar kabar min garir puvati. A Israelia amisevezi me an adarazira iti.

An ziamra kara:

Ikiavira Itir Godin Gavgaviba Bar Itim.

Ikiavira Itir God Judaba batuegham

¹⁷ O Jerusalemia, apaniba ia ekiarugha gifa. Ezi ia uan biziba bar ada akuvagh da inigh mangi.

¹⁸ Ikiavira Itir God, kamaghin ia migia ghaze,

"Dughiar kamin ki nguazir kamin itir gumazamiziba batueghti me mangeham.

Ki osimtzir ekiam me danighti, me mizazir ekiam baraghram."

¹⁹ Eghti Jerusalemia kamaghin mikimam:

"Maia, e ikuvigha gifa.

Osimtzir ekiam e batogha duamin min bar ekevegha misingizir puvati.

Ezi marki, osimtzir kam e batogha givazi e aneteram."

²⁰ Jerusalem ikuvigha gifa, egha pura iti, mati purirpenir mam dipirigha iri.

A mati en purirpenibar benir dar suighiziba dighoraghirezi da dipiraghiregha ire.

Ezi gumazamiziba bar Jerusalem ategha ghuegha gifa,

mati en boriba bar ariaghiregha tav ua itir puvati.

Kamaghin amizi, ua Jerusalemin ingaramin gumazitam ua itir puvati.

21 Ezi kantrin gumazir dapaniba onganigha fofoziba puvati,
egha nighnizir aghuim bagha Ikiavira
Itir Godin azangsizir puvatigha ire.
Kamaghin me deragha ingangarir aghuim
gumazir puvati,
ezi apaniba iza gumazamizibar
batoghezi me tintinibar ghuegha
kantrin igharazibar iti,
mati sipsipbar garir gumazim de-
ragha dar garir puvatizi, afiar
atiaba sipsipba batoke.

22 Ia oragh! Niginir ekiar mam notin
amadaghan oto.
Kar apanibar midorozir gumazibar
mighsizir niginir dafar kuram, me
niga akizirigha izi.
Me uan nguibam ategha Judan
nguibaba ko misoghosa izi.
Me Judan nguibaba bar ada agivaghti,
da afiar atiabar nguibamin otogham.

*Jeremaia uan gumazamizibar akur-
vaghosa Godin azara*

23 O Ikiavira Itir God, ki fo, e gumaza-
miziba uari uan daroriba gativaghan
kogham.
E mangamin tuaviba, e deragha dar
garir puvati.
24 O Ikiavira Itir God, ni uan arazir aghuimin
e akirmigh, pura en aningaghan
marki.
Ni en aningagheghti e bar moghira iku-
vigham.
25 Egh Kantrin Igharazibar Gumazamizir
ni ziam dibora a fer puvatiziba,
ni men aningaghi me gasighasigh.
Gumazamizir kaba, e Jekopin adarasi, me
en maraziv soghezi me ariaghire.
Me bar e agivagha en nguazir ko
dipeniba sara bar dagh asighasiki.
Kamaghin amizi, ni me
gasighasigh.

11

*Israelia, Ikiavira Itir Godin Akar Dikirizir
Gavgavim abiki*

¹ Ikiavira Itir God kamaghin Jeremaia
migei, ² “Ni deraghviria nan Akar Dikirizir
Gavgavim akaba baregh mangi Judaba ko
Jerusalemin gumazamizibav kemegh: ³ Ni
mangi me mikim suam, Ki Ikiavira Itir God,
Israeliian God, ki ia migia ghaze, Gumazir
manam nan Akar Dikirizir Gavgavim gin
mangan koghti, ki a damighti a bar iku-
vigham. ⁴ Ki fomira ian inazir afeziabia
Isipin me inigha iza Akar Dikirizir Gavgavir
me koma a gamizi, a gavgavigha ka-
maghira iti. Dughiar me Isip ataghizim,

danganir kam bar puv fei, mati avim men
isi, ezi ki me inigha iza kamaghin me migei,
Ia nan Akar Gavgaviba bar adar gin mangi,
egha ia nan gumazamizibar ikiti, ki ian
Godin ikiham. ⁵ Ki ian inazir afeziabia ko
Akar Dikirizir Gavgavim gamigha nguazir
aghuium isi me daningasa, kar nguazir bar
aghuir bibiba an ikia deraviram aghuim. Ia
nan Akar Gavgavim gin mangiti, ki a isi
ia daningam.” Nguazir kam ia datirighin
an iti.” Ezi ki Jeremaia Ikiavira Itir God
ikaragha ghaze, “Bar guizbangira! Bizir
kam otogham.”

⁶ Ezi Ikiavira Itir God, na migia ghaze,
“Ni nan migirigiar kaba isi Judan nguibaba
ko Jerusalemin tuavir aguabar mangi, dar
gun ivivigh me mikim: Ia datirighin nan
Akar Dikirizir Gavgavim akaba baragh,
dar gin mangi! ⁷ Ki ian inazir afezi-
aba Isipin me inigha iza datirighin, ia
ikiangsigha ivivigha ia migia ghaze, ia nan
Akar Dikirizir Gavgavim gin mangi. ⁸ Ezi
ian inazir afeziabia nan akam barazir pu-
vatigha an gin zuir pu. Puvati. Me akaba
batogha uan ifongiabara gintigha arazir
kurabara damuasavira nighnisi. Ezi Akar
Dikirizir Gavgavim mikemezi moghira, ki
ivezir kuraba me ganidi.”

⁹ Egha Ikiavira Itir God ua kamaghin na
migei, “Judaba ko Jerusalemia, nan akamin
gin mangan aghuagha, akiribagh iragh na
gasasa akam misoke. ¹⁰ Me uamategha men
ovaviba amizir arazir kurabar gin zui. Men
ovaviba fomiram amizi moghin me nan
akam baraghan aghua. Israeliian kantri
ko Judabar kantri, aning uaghara asebar
gin ghua men ziaba fe, egha Akar Dikirizir
Gavgavir ki men ovaviba ko amizim abigha
gifa. ¹¹ Kamaghin ki Ikiavira Itir God,
ki guizbangira migei, ki zuamira bar me
gasighasichti, me itavraghamin tuaviba
puvatigham. Egh me akurvazim bagh nan
dimiva arangti, ki me bareghan kogham.
¹² Eghit Judaba ko Jerusalemia, aser me
ofan mughuriar aghuim zuba anidiba
bagh mangam. Egh me aser kabar dimti, da
dughiar kurar kamin even men akuraghan
kogham.

¹³ “Judaba, ian aser ia ziaba febar
dibobonim, ian nguibar ekiabar dibobonim
ko magh ghu. Egha ia aghumsizim itir
asem Bal bagha, ofan migharir mughuriar
aghuium zuim damuusa dakozir aviribar
ingari. Ezi dakozir kabar dibobonim
da Jerusalemin nguibar ekiamin tu-
avir aguabar dibobonim ko magh ghu.
¹⁴ Jeremaia, gumazamizir kaba dughiar
kuram bativamin dughiamin, ni me bagh
na ko mikiman marki. Ni me bagh pamten
nan diman marki. Ni men akurvaghisi

nan azangsighan marki. Guizbangira, me uarir akurvaghisi nan dimti ki me bareghan kogham."

¹⁵ Ikiavira Itir God kamaghin Judabav già ghaze:

"Ia gumazamizir ki bar ifongeziba, ia arazir bar kurar aviribagh ami, kamaghin, ia nan ofa gamir Dipenimin aven mangan kogham.

Ki ian amamangatighti, ia aven mangam.

Ia uaghan uari bagha ofa damuasa asiziba na bagha da inigha iza ghaze, ofan kaba ian akurvaghti ia ikuvighan kogham. Bar puvatigham.

Ki ia gasighasighamin dughiamin, ia bar biziba puvatigh bar akongeghan kogham.*

¹⁶ Ki faragha ia dibora ghaze,

Israelia ia mati olivin temer aghuir mam bava ovizir aghuiba iti.

Eghti ki datirighin olivin temer kam avim a datighti,

avim ararimin min pamten dagarvagh, temer kam gaseghti,
a isiva aguuba bar dipirighiregh
bar givaghram.

¹⁷ Ki Ikiavira Itir Godin Gavgaviba Bar Itim, ki tememin min nguazir kamin ia akara,

egha datirighin ia gasighasighasa migei. Ki garima, ia Israelin kantri ko Judan kantrin gumazamiziba, ia ofan mughuriar aghuim zuiba isa asem Bal bagha, dagh ami.

Ezi ian arazir kurar kam na gamizi, ki bar ian aningaghe."

Gumaziba Jeremaia misueghti an aremeghaha akam misoke

¹⁸ Ki Jeremaia, ki Ikiavira Itir God ko migia ghaze:

"Ikiavira Itir God, gumazamizir maba paza na damuasa migei.

Ezi me damuasa amir bizir kam, ni an gun nan akazi, ki fo.

¹⁹ Ki faragha fozir puvati, me paza na damuasa na bagha akam misosi.

Ki mati sipsipin nguzim gumaziba a misueghti an aremeghaha an akua zui.

Ezi gumazir kaba akam misuegha ghaze, 'Aria, e datirighiram a misueghti an aremegham,

mati gumazim temem bema, me an dughiamrama an otii mokin.

E bar a kuavaremeghti, gumazamiziba uam an ginighnighan kogham.'

²⁰ O Ikiavira Itir Godin Gavgaviba Bar Itim, ni arazir aghuimin gin ghua gumazamizibar araziba tuisisi.

Ni deravira men nighniziba ko naviba tuisisi.

Ki osimtizir kam isa nin dafarim gati.

Ki fo, Ni gumazamizir kaba iveauzur kurar me daningiva bar me gasighasigham."

²¹ Ki orazi Anatotin nguibamin gumazir maba na misueghti, ki aremeghaha kamaghin na migia ghaze, "Ni Ikiavira Itir Godin ziamin uam akatam mikiman marki. Ni ua tam mikimti, e ni misueghti ni aremegham." Ezi Ikiavira Itir God, nan dimdiam baregha kamaghin na migei,

²² "Ki Ikiavira Itir Godin Gavgaviba Bar Itim, ki guizbangira migei: Ki Anatotin gumazamiziba pazivira me damighiva, iveauzur kuram me daningam. Ki me misoghsipaniba amadaghti me izi men gumazir igiabav sueghti me arimighiregham. Eghti dughiar kamin, Anatotin gumazamiziba dagheba puvatighti, men otariba ko guiviba arimighiram. ²³ Anatotin gumazamizir paza ni damuasava amiba, ki me ikuvagh me gasighasighamin dughiam, ki a ginabagha gifa. Men tarazi misveghirighan kogham. Me bar moghira ikuvigham."

12

Jeremaia osimtizim ikia Ikiavira Itir Godin azangssi

¹ O Ikiavira Itir God, ni kotiaba tuisizir arazim a bar dera,

ezi ki zurara uan osimtizim akirsi akamadarim ni ko a damuan kogham.

Ezi arazir ki fozir puvatizir maba iti, ezi guizin nin arazir kotiaba tuisizim, ki a bagh nin azangsighasa.

Manmaghiram amizi gumazamizir arazir kurabagh amiba me zurara deragha iti?

Ezi manmagh amizi, ifavaribagh amir gumaziba deraghavira ikia ghuavira iti?

² Ni me isa nguazir kam garighizi, me deraghviram otiva, mati gumazim temem akarazi, an biba nguazim giraghuez, temem aghuigha bava oviziba iti.

Me zurara nin ziam diborava, men nighniziba nin saghuiamin iti.

³ O Ikiavira Itir God, ni bar na gifogha, ki amir araziba sara fo.

Egha na tuisigha bar deravira na gifo. Ni na bagh apanir kaba batueghasa, ki ifonge.

* ^{11:15}: Hibrun akam deragha migirigiar kamin mingarim abighizir puvati.

Mati gumaziba sipsipbav sueghti da aremeghaha, da inigha zui.
 Ki nin azai, ni inabazir dughiamin, ni me misueghti me arighiregham.
⁴Gumazamizir kaba arazir kurabagh ami. Egha uaghan me ghaze, "Bizir e bativamin kaba, Jeremaia bar dar ganighan kogham."
 Kamaghin amizi, ni gumazamizibar arazir kurabar osimtiziba ikarvaghaguazim gamizi, an aghazagharizi, graziba bar misingi. Ezi asiziba ko kuaraziba tintinibar ariaghiri.
 Ezi ki nin azai, Ni dazoghin bizar kam agivaghti, nguazim ua deraghamb?

⁵Ezi Ikiavira Itir God na ikaraghha ghaze: "Jeremaia, osimtizir ni datirighin isir kam, a gin otivamin osimtizim min garir puvati.
 Ni gumaziba ko ia tuavimin ivemar, ni me gitaviraghgi damuva avegham, ni avighaghegham, egh ni manmaghin hoziaba ko ivemaram?
 Ni nimira uan kantrin aven danganir azen-tuzimra deragh iki, ni manmaghin mangi Jordanin Fanemini boroghin itir ruarir ave-riamin ikiam?
⁶Ezi nin aveghbuuba ko nin adarazi akirim ni gasaraghha, osimtizim ni darigh pazi ni damuasa akam misoke.
 Egha uari akuvaghha ni ekiarugha givagha, bar nin suighasa roghira izi.
 Kamaghin amizi, me izi akar aghuibar ni mikimi, me baraghan marki."

Ikiavira Itir God, uan gumazamiziba bar me baseme
⁷Ikiavira Itir God ghaze,
 "Israeliang gumazamizir ki ua baghavira miseveziba,

ki akirim ragha me gasaraghha gifa.
 Gumazamizir ki bar gifongezir kaba, ki datirighin apanibar amamangatighti, me me dikabiraghram.
⁸Nan gumazamizir kaba, nan apanim gamigha, na dikabinasa pamten diava arai, mati laionin mam ruarimin ikia pamten aroi.

Kamaghin, ki me gifongezir puvati.

* ^{12:4:} Gumazir maba kamaghin akar kam gira, "God bizar e amibar gari puvati." Gumazamiziba kamaghin Jeremaian mikimam, egh me ti kamaghin nighnigh suam, a men faragh ovegham. O te mi ghaze, me uari an misueghti an aremegham. Ni Jeremaia 11:18-23 in gan.

⁹Nan gumazamizir ki ua baghavira inabazibba, me mati kuarazir mam, kuarazir isaba iza anekiarughha a gasighasisi.
 Ki kantrin ighazaribar diaghti me izi nan gumazamizir ki ua baghavira inabazibbagh asighasigham, Mati gumazim asizir atiabar diaghti, me uaghan izi kuarazir kam amam.
¹⁰Kantrin Ighazaribar Gumazamizibar gumazir dapanir aviriba iza, nan wainin azenir dirim gasighasiki. Me azenir dirir kam dikezi, a danganir midiarimin min iti. Ezi gumazamiziba uam an itir puvati.
¹¹Egħti nguazir kam pura ikiti, gumazamiziba an puvatigham. A dipaba puvatizir danganimin min otogħam. Egħti nguazim ikiva azit, ki a baraghm.
 Egħti nguazir kamin itir gumaziba, ua a ginighnigh kogħam.
¹²Egħti apanir aviriba otivigh, gumazamiziba puvatizir danganir mighsiabar tuavimin izi, bzbiza bar dagħi asighasigham.
 Guizbangira, ki Ikiavira Itir God, ki apanibar amuti, me ian kantrin otevir mamin ikeġħi, mangi otevir igharazim min gumazamiziba bar me gasighasigham.
 Egħti gumazitam ua deragh ikian kogħam.
¹³Ia Israelia witin oviziba oparigh, da iniamim dughiamin, ia benir dikonibar ganti darara ikiam. Ia pura ingangarir mitiabagh amua bizar mużiżibara isi.
 Ki Ikiavira Itir God, nan aningagħarim ian ikiavira iti, kamaghin ia witin ovizir mużiżibba bangħi aghumsigham."

Ikiavira Itir God, Israeliang boroghin itir kantriba bagħha akar dikirizim gami
¹⁴Ikiavira Itir God kamaghin migei, "Ki Israeliang boroghira itir kantriba akam men iti. Me arazir kurabagh amua, egha nguazir ki uan gumazamizibagh aningizir kam pazav a għami. Ni oragh! Ki apanir kaba men nguazimra me batuegh. Judaba uaghan apanibar tongin uan nguazir ki me ganingizimra iti, egħti ki uaghan me batuegh givagh, gin ua men apangkuvigh, menaku

^{12:5:} Jeremaia 49:19; 50:44 ^{12:15:} Jeremaia 48:47; 49:6; 49:39

^{12:16:} Josua 23:7; Aisaia 49:6; Jeremaia 3:17; 16:19

men nguazibara mangam. ¹⁶ Egheti nan gumazamiziba nan ziam fer araziba, me dughiar kamin dar gan dagh fofogham. Fomira gumazir kaba nan gumazamiziba, me aser Balin ziamin guizbangira mikimasa pin arigha migei, egha nan gumazamizibar sure gami. Me datirighin uari nan ziamin pin darigh guizbangira mikim suam, Ikiavira Itir God, a zurara iki mamaghira ikiam. Me arazir kabar gin mangi, uaghanan nan gumazamizibar otivigham. ¹⁷ Egheti kantrin tamin gumazamiziba nan akam bareghan aghuaghti, ki me batuegh bar me gasighasigham. Ki Ikiavira Itir God ki mikemegha gifa.”

13

Ikiavira Itir God, inimin akar isin zuimin Jeremaia migei

¹ Ikiavira Itir God kamaghin na migia ghaze, “Ni mangi inir aghuitam givezegh, a ikegh. Egh inir kam isi dipam daghuan marki.” ² Ezi Ikiavira Itir God mikemezei moghira, ki ghua inir mam givezegha a ike. ³ Ezi Ikiavira Itir God ua kamaghin na migei, ⁴ “Inir ni iveauzha uan ivariam gikezir kam, a inigh dikavigh Peratin Fanemin mangi, egh inir kam isi dagiar torimin aven a modogh.”* ⁵ Ezi ki Ikiavira Itir God mikemezei moghin amua, inir kam Peratin Fanemin a modo. ⁶ Ezi aruer aviriba ghua givazima, Ikiavira Itir God, ua kamaghin na migei, “Ni dikavigh uamatagh Peratin Fanemin mangi, egh ki ni mikemezei ni modoziir nir kam uam a inigh.” ⁷ Ezi ki Peratin ghugha, inim modoziir danganim gutui. Egha ki inim inigha an garima, a ikuvigha givagh, ua ingangariba an puvati.

⁸ Ezi Ikiavira Itir God ua kamaghin na migei, ⁹ “Ki Ikiavira Itir God, ki kamaghin migei: Ki Judaba ko Jerusalemia uari uan ziaba feir arazim abiraghti, me inir ikuvizir kamin min ikuvighthi, men ziar ekiam givagham. ¹⁰ Gumazamizir arazir kurabagh amir kaba, me uan kuaribav konegha nan akaba baraghan aghua. Men naviba gavgavizi, me uan nighnizibar gin zui. Egha asebar gin ghua men ziaba fe. Egh gin gumazamizir kaba ikuvigham, mati inir kam ikuvigha ingangariba an puvati. ¹¹ Ki Ikiavira Itir God, ki ghaze, Ki faragha Israelin kantrin gumazamiziba ko Judan kantrin gumazamiziba bar me gamizi, me nan porogha gavgavizi moghin, mati gumazim inim isa uan ivariam gikegha, anemighirizi a gavgafi. Ki kamaghsua, me nan gumazamizibara iki, egh nan ziam fi na bagh bar akuegh ziar ekiam na daningam. Ezi me na baragh nan gin mangan aghua.”

Jerusalemia nguazir minemin min ikuvigham

¹² Ikiavira Itir God ua na migia ghaze, “Jeremaia, ni mangi kamaghin Israelia mikim suam, Ikiavira Itir God, a Israelien God, a kamaghin migia ghaze: Gumazamiziba wainin dipam isa nguazir minebagh fusfusi da ifeze.’ Egheti Jerusalemia ti oregh ni mikim suam, ‘Ni ghaze, e ti bizir kam gifozir puvati, a?’ ¹³ Egheti ni kamaghin me mikim, ‘Ikiavira Itir God kamaghin migei, Ki ubi nguazir kamin itir gumazamiziba wainin dipam men gunasava ami, egheti me bar onganigham. Devitin ikizimin atriviba ko, ofa gamir gumaziba ko, akam inigha izir gumaziba ko, Jerusalemin gumazamiziba bar, mati wainin dipam nguazir minem gizivazi moghin, wainin dipam me gizivagham. ¹⁴ Ki gumazamizir kaba bar me gasighasigham, mati gumazim nguazir mineba isa uariv sosi da biaghiri moghin. Men ameboghefezaiwa ko, boriba sara ki me ginighnigh men apangkuvighan kogham. Bikitam bar nan tuavim apirighan kogham. Ki Ikiavira Itir God, ki mikemegha gifa.”

God iveauz kuram isi Judabar aningam
¹⁵ Ia Judaba, Ikiavira Itir God, ia mikemegha gifa.

Kamaghin amizi, ia deraghvira kuaribar arigh nan akam baragh.

Egh ia ifaghati uari fan marki.

¹⁶ Ia datirighin Godin akurvazimin angazangarim bagha garavira iti. Egheti gin Ikiavira Itir God, angazangarir kam giraghti, a mitarmer bar ekiam otogham.

Guizbangira, dughiar kuram otogham, mati Ikiavira Itir God ian nguibaba mitarmem dar anighti, ia mighsiabar pin daruva asaghpor tintinibar iregham.

Kamaghin, arazir kam faragha otivamin dughiamin, ia zuamira ziar ekiam isi Ikiavira Itir God, ian God, a daning.

¹⁷ Ia Ikiavira Itir Godin gumazamiziba, ia mati an sipsipin bizim, a deravira ia gehufi.

Ia nan akam baraghan aghuaghavira ikiti, apaniba izi, ia inigh mangi,

kantrin igharazimin pura ingangarir gumazir kinibar min ia arigham.

Egheti, ki uabira modogh ikiva ian ifaghatir arazim ginighnigh, ia bagh pamtem aziti, temeriba nan damazimning gizivagh izighiram.

^{12:17:} Onger Akaba 2:8-12; Aisaia 60:12 * ^{13:4:} Ziar kam Perat, gumazir maba kamaghin a ginighnisi, a Yufretisin Fanem. ^{13:10:} Jeremaia 9:14; 11:8; 16:12

18 Ikiavira Itir God kamaghin na migia ghaze:

“Ni mangi akar kam isi atrivim uan amebam ko aningin miikim suam,

Gua gin ua kantri gativaghan kogham.

Guan atrivir dapanir asuar dirimning, pura bizar kinimnning min otogham.

Kamaghin amizi, gua atrivir dabirabimning atakigh.

19 Apaniba izi Judan sautin amadaghan itir Distrik Negev, an itir nguibaba ekiarugh dar divazibar tiar akaba asegham.

Me Judaba bar me inigha nguabar ighazarimin, pura ingangarir gumazir kinibar min me arighsi, me inigh mangegham.

Kamaghin amizi, Judan gumazit tam ua nguibabar tiar akaba kuigh mangi izegh damuan kogham.

20 “O Jerusalemin nguabar ekiam, ni kogh notin amadaghan izir midorozir gumazibar ganti, me ni bagh izam.

Gumazamizir ni bar ifuegha deragha me geghuva men gariba, me mati sipsipin dirir ni me bagha

bar akongeziba, me managh iti?†

21 Eghiti gumazir ni namakabagh amigha akurvaghiziba, me izi ni dikabiragh ni gativam.

Eghiti ni manmaghin me mikimam?

Ni amizim otasa mizazim isi moghin, ni ti mizazir bar kuram baraghamb.‡

22 Egh ni ti uan navir averiamin aven uabi uabin azangsigham, manmaghin amizi, bizar kurar kaba na batifi?

Ni kamaghin fogh, Nin arazir kuram bar ekefe.

Kamaghin amizi, gumaziba nin korotiaha suegha arazir kurabar ni gami.

23 Eghiti Itiopian kantrin gumazamiziba, men mikarzir piziba, mikarzir ghurghuribar otivam, ti puvati.

Eghiti kaziar atiam, me a dibora ghaze, lepat, a ti uan mikarzir dighdiriba itiba giraghamb, a?

Bar puvati.

Kamaghira, arazir kurar kam, nin arazimra, ezi ni aneteghan kogham.

24 O Jerusalem, ki ni arazir kurar kam bangin

aminim gumazamiziba puvatizir danganimin ikegha iza, witin afezibagh ivai da zui moghin, ki nin gumazamiziba batuegham.

25 Ki Ikiavira Itir God, ki ghaze, ni na bakinighinigha ifavarir aseba nighnizir gavgavim dar iti.

Kamaghin amizi, bizar ni bativir kaba, ki deraghavira fogha da misevegha gifa, eghiti da ni bativam.

26 Ki uabi nin korotiam fegh uanaboghti, gumazamiziba nin mikarzir mogomemini ganti, ni bar aghumsigham.

27 Ki uabi gari, ni arazir bar kurar ki ifongezir puvatizibagh ami. Ni asebar gin mangasa pamtemin ingara, mighsiaba ko danganir tuziba itibar dar ziaba fe.

Ni mati gumazim uan roroamin amuim ko dakuasa an giriabagh suaghara arui, egha mati hoziar apurim pamten hoziar amebamin gin ghuava aroi.

O Jerusalem, nin araziba bar mize, egh ni kamaghira iki mangi manadizoghin ua zuegham? Bar puvatigham.

Noka! Ni bar ikuvigham.”

14

Judan kantri amozi ba puvati

1 Dughiar kamin Judan kantri amozi ba izi puvatizima, Ikiavira Itir God, an gun migia akar kam isa Jeremaia ganangi:

2 Judan kantrin gumazamiziba bar osimtitizir ekiamin iki aza. An nguibabar aven itir gumazamiziba bar pazavira iti.

An gumazamiziba tintinibar nguazim girav ilka puviram azima, men azirakam Jerusalemin nguibamin ikegha, nan kuarim bagha ghuavanadi.

3 Men gumazir dapaniba dipaba tuasa ingangarir gumaziba amangizi, me mozir dipabar ghuegha gari mozir paba dakegha gifa.

Ezi me miner misewiba ua da inigha nguabar ekiamin ghue.

Egha me paza uari baraghha aghumsigha, osemegha uan guaba monge.

4 Amozi ba Judan kantri gizir puvatizi, nguazim bar misingi.

Kamaghin amizi, gumazir azeniba opariba, bar osemegha aghumsigha uan guaba monge.

† 13:20: Ves 20-27 in aven itir migirigia, God akam isa Jerusalemin mikiri. Egha a kamaghin akar isin zuimin migei, Jerusalem uabi mati amizir mam, egha an akar kam amizir kamra mikiri. Ezi gumazamizir nguabar kamin itiba me mati an boriba. † 13:21: Hibrun akam deragha migirigiar kamin mingarim abighizir puvati. 13:27: Aisaia 65:7; Jeremaia 5:8; Esekiel 6:13

- 5 Ezi asizir atiaba nguziba batima, da damamin graziba puvati.
Kamaghin, me uan nguziba ataghiraži, da pura iti.
- 6 Ezi donkin atiaba mighsiabar tuivav ikia, afiar atiabar min avighagha pamtemin aminim isi.
Da pamtem damamin graziba bagha ruia gari.
- Ezi graziba bar puvati, kamaghin men damaziba bar mikirvaghia iraghue.
- 7 Ezi nan gumazamiziba kamaghin na ko migia dia ghaze,
“Bar guizbangira, e akirim ragha ni gasaragha givagha, arazir kurar avirim gami.
Ezi en arazir kurar kaba e isa kotiam gati.
- Ezi Ikiavira Itir God, ni uan ziar ekiam ginighnigh, en apangkufigh.
- 8 E Israelia zurara uarir akurvaghaha nirara nighnigha ni mizua iti.
Egha osimtizibar dughiabar ni uam e isi.
- Ezi manmagh amizi, ni datirighin e gifozir puvatizi moghin iti?
Manmagh amizi, ni nguubar igharazimin gumazir guraghav itimin min izi
dimagarir vamiran e ko ikegha ghu?
- 9 Manmagh amizi, ni gumazir okam nighnizimin min, en akurvaghamin gavgaviba puvati?
Manmagh amizi, ni mati, midorozir gu-mazim uan apaniba abinamin gav-gaviba puvati?
- Ikiavira Itir God, e bar fo, ni kamaghin amir puvati.
E fo, ni en tongin itima, e nin gumaza-mizibara iti.
Kamaghin, ni e ataghiražhan marki.”
- 10 Ezi Ikiavira Itir God, gumazamizibagh nighnigha ghaze:
“Me pura tintinibar daruasa bar ifuegha, deragha uan daroribar garir pu-vatigha akirim na gasara.
Ezi ki Ikiavira Itir God, ki arazir kam bagha bar me gakongezir puvati.
- Ki datirighin men arazir kurar kabagh nighnigh, me ikaragh ivezir kuram me daningam.”
- 11 Egha Ikiavira Itir God, kamaghin na migia ghaze:

“Jeremaia, gumazamizir kaba, ki deragh me damusi,
ni me bagh nan azangsighan marki.
12 Eghti me ti na bagh dagheba ataghiražh nan akurvazim bagh na ko mikimti, ki me bareghan kogham.
Eghti me ti, ofan na bagh tueghti bar isi mighiramiba ko, witin ofan tuamiba, na daningti,
ki dagh ifuegh da inighan kogham. Puvati.
Ki apaniba amadaghti, me izi me misueghti me arimighiregham.
Egh ki me damuti, me dagheba pu-vatigh arimighiregham.
Egh ki arimariar ekiabar amuti, da me bativti me arimighiregham.”

13 Ezi ki an akam ikaraghha ghaze,
“Oio, Ikiavira Itir God, en Ekiam, ni oragh.
Nin akam inigha izir gumazir maba akar igharaghia garibar gumazamizibav gei.
Me kamaghin nin akam akura ghaze, Apaniba ia misueghti ia arimighireghan kogham.
Egh ia dagheba otevegha arimighireghan kogham.
Egh Ikiavira Itir God deraghia damichti, ia nguazir kam bar deraghvirama an ikiam.”

14 Ezi Ikiavira Itir God, kamaghin na migei:
“Akam inigha izir gumazir kaba nan ziāmin ia migia, ifavarir akabar ia migei.
Ki me amangizir puvati, egha uaghan akatam me ganingizir puvati.
Akam inigha izir gumazir kaba, me uari uan nighnizibar migei.
Me ghaze, me irebamin min garir biz-ibar gara migei.
Puvati, me ifari.
Egha bizar otivamiba me dav già, pura migei.

15 Ki Ikiavira Itir God, ki gumazir iza nan ziāmin akam akunizir kaba, ki men gun ni migia ghaze,
Ki me amangizir puvati.
Me ifara pura iza nan ziāmin ghaze,
‘Midoroziba ko dagheba puvatighamin dughiam kantrin kamin otivan kogham.’

Ezi ki ia migei,
Midoroziba ko mitiriar arazimra,
Godin akam inigha izir gumazir kabara bativ bar me kuavaremegh.

16 Eghti gumazamizir akam inigha izir gu-mazir kabar akaba baraghiziba, me midorozim ko dagheba puvatizir bizim bagh arimighiriti,

me men kuaba isi Jerusalemin nguibar ekiamin tuavir toribav kinighti,
gumazir men kuaba isi mozibar afamiba bar puvatigham.

Egħi men amuiroghboriba uaghan, arazir kamra men kuaba bativigham.

Ki garima, Jerusalemia arazir kum gami, kamaghin ki bar me gasighasigham.”

17 “Jeremaia, ni gumazamizibar apangkuvamin akamin me mikim. Ni kamagħin mikim,

‘Ki Jeremaia, ki arueba ko dimagaribar azivira ikiti,
nan damazimning temeriba dagħ izivagh mamaghira ikiam.

Nan gumazamiziba, guivir ki bar ifongeżi min, ki bar deravira men gari.

Ezi apaniba nan gumazamiziba puvira me misoagharrighi,
me bar mogħira ikufi, mati me duar dafar kuraba iti.

18 Ki nguibar ekiamin azenan ghua gari, midorozimin ariaghirezir gumazibar kuuba irav iti.

Egha nguibar ekiamin tuavibar aven arua gumazir dagheba otevezibar gari, me ariava men mikarziba ikuvigha aghariba guni.

Ki arua garima,
akam inigha izir gumaziba ko ofa gamir gumaziba purama arua bizitam gifozir puvati.”

Jeremaia amozim amangasa Godin azangsisi

19 Ezi ki kamaghin Ikiavira Itir Godin azangsisi,

“O Ikiavira Itir God, ni bar akirim ragħa Judan kantri gasara, o?”

Ni Saionin nguibar ekiamin gumazamiziba bar me gifongezir puvati, a?

Egha ni mannaghhsua, bar e gasighasighi, e ua deragħan kogħam?

E ghaze, e ti deraghvira dapiam.
Ezi puvati, e deragħha apiazir pu-

vati.
E ghaze, e ti osimtiziba ategħi, avugħsi deravira ikiam.

Ezi puvati, apaniba iza e gamima e bar atiattingi.

20 Bar guizbangira, Ikiavira Itir God, e fo, e uan inazir afeziabba ko, arazir kurar aviribagh amua,

nin damazimin e dar osimtiziba iti.

21 Ni uan ziar ekim bagħ akirim ragħ e gasan marki.

Nin Dipenim, a mati nin atrivir dabirabir aghuim,
ni a ginighnigh, apaniba ategħti me Dipenir kam paza a damuan marki.

Egh ni e ko amizir Akar Dikirizir Gav-gavir kam ginighnigh anebħiġan marki.

22 Kantrin igharazitam aser kuratam amozim damighti an arightham ti? Puvati.

O overiam uabi amozim e danigham ti? Bar puvati.

Ikiavira Itir God, en God, nirara ni bizar kamagh garibagi am da otifi.
Kamaghin amizi, e nighnizir gavgavim nin iti.”

15

Judaba bar ikuvigham

1 Egha Ikiavira Itir God, kamaghin na migei, “Jeremaia ni oragh. Moses ko Samuel nan borogħin iziwa, gumazamizir kabar akurvagħi iszi nan damazim tughha ka mikim nan azangam, egħi ki apangkuvitam men ikian kogħam. Ni gumazamizir kaba batuegħti me mangi! Nan mukuragh! Ki ua kagh men ganan aghħua. **2** Egħi me ti kamaghin azangam, ‘E managhira mangam?’ Egħi ni me mikim suam:

“Ki Ikiavira Itir God ki kamaghin migei:
Men gumazamizir ki arimariar kuramin arimighira amiseveziba,
me arimariar kuraba iniam.

Egħi gumazamizir ki midorozir sabamien ovengħasa amiseveziba,
me mangi misogħi arimighiram.

Egħi gumazamizir dagħeba otevegh arimighiran ki miseveziba,
me dagħeħba puvatighiva arimighiram.

Egħi gumazamizir mangi nguibar igharazim kalabusin ikiasi ki miseveziba,
me mangi nguibar igharazibar kalabusin ikiam.

3 “Ki Ikiavira Itir God, ki bizar gumazamiziba bar me agivamin 4plan kaba amangi: Apaniba me misogħi me arimighiregħti, aħiabba men kuaba kurvagh mangi, da digħiġi kuarazir pin mighħaqha aruiba iziġħi dar tuzibar amiti, asiszir atiaba iszi dar naba bar ada am ċi da agivagħam. **4** Egħi Kantrin Igharazibar Gumazamiziba, bizar ki Judabagh amizir kam baregh atiatigh digavir kuram damigham. Ki garima, Hesekian otarim Manase, a Judan atrivim inkia, Jerusalemin aven arazir bar kurabagh

ami. Ezi bizir ki amir kam, a Manasen arazir kuram ikarvasi."

⁵ Ikiavira Itir God kamaghin diagha ghaze:
"O Jerusalemin gumazamiziba, tina ian apangkuvigham?

Eghti tina ia bagh aziam?

Eghti tina ian kuarkuv ia gifofogham,
ia deragha iti o puvati?

Gumaziba puvati.

⁶ Ki Ikiavira Itir God, ki guizbangira migei,
ia akirim na gasaragha bar nan saghon iti.

Ezi ki uabi uan agharimin ian misogh,
ia gasighasighasava ami.

Ki dughiar aviribar ian apangkuva ghua,
datirighin ki aghua.

⁷ "Judan gumazamiziba uan arazir kurabagh irazir puvati.

Kamaghin amizi, ki Judan nguibaba vaghvagha dar gumazamiziba bar me inigha,

me givaragha me batoghezi me ghuezi moghin,
mati aminim witin afezibagh ivarazi da ghue.

Ki uan gumazamiziba bar me gasighasigha men boribav soghezi me ariaghire.

⁸ Eghti men midorozir gumazir ariaghirezibar amuir odiaribar dibobonim nan damazimin bar ghuanaabogh,
ongarir gigimin dibobonim gafiraghram.

Ki aruer arizimin apaniba amadazi, me iza, men midorozir gumazir igiabav soghezi me ariaghire.

Ezi bizir kam gumazir igiar kabar amebabagh amizi,
me digavir kuram gamigha, osimtizir ekiamin ikia bar atiatingi.

⁹ Ezi amizir borir 7pla batezim, an boriba bar arimighiregti,

amebar kamin navir averiam bar ikuvigh, mati minemim min isikuam,
eghti an kuarmizim mati asizir agharim an guraghti, an angam aremeghsí damuam.

Amebar kamin dughiar aghum, ua dughiar bar kuramin otoghti, a bar aghumsigham.

Mati an aruer arizimin itima, aruem zuamira iraghughra gifa.

Kamaghira, Judan ikiavira itir varazira, ki apaniba amangichti,
me izi me misueghti me arimighiregham.

Ki Ikiavira Itir God, ki mikemegha gifa."

Jeremaia uan osimtizimin gun God migei

¹⁰ Ki kamaghin migei:

"Ki bar uabin apangkuvigha osemegha kamaghin ubabira uabin migei,

O nan amebam, ni ti tizim baghavira na batezi ki nguazir kamin ize?

Gumazamizir nguazir kamin itiba nan akaba ikarvazima, ki akamadariba me koma adagh ami.

Ki gumazitam amamangatizi, a pura nan bizitam inizir puvati.

Ki gumazitam pura na da bizitam inizir puvati.

Ezi gumaziba bar moghira nan atara ghaze, ki ikuvgigham."

¹¹ Ezi Ikiavira Itir God, ghaze:

"Ni osiman marki. Ki nin akuraghti ni deraghvira ikiam.

Eghti ki apanibar amighti, me osimtizim ko dughiar kuramin aven ikiva,

uarir akurvaghshi ni bagh izi nin azangsigham."*

¹² Egha Ikiavira Itir God, gumazamizibav gia ghaze:

"Gumazitam ain ko bras apiramin gavgaviba puvati.

Ezi apanir notin amadaghan iziba, me bras ko ainin min bar gavgafi.

¹³ Ia nguiba kamin ikia arazir kurar bar aviribagh ami.

Eghti ki bizir kam ikarvaghamin iveauzin min, ian dagiaba ko bizir aghuiba isi,

pura apanir kabar aningam.

¹⁴ Egh ki ian apanibar amighti me ia inighti ia pura men ingangarir gumazir kinibar iki,

nguazir ia fozir puvatizimin mangam.

Nan aningaghair ian itim, ki a damighti an avim min bar puvira ian isi iki kamaghira ikiam."

¹⁵ Ezi ki Jeremaia ki kamaghin migei:

"O Ikiavira Itir God, ni biziba bar dagh fo, egha gumazir paza na gamiba, ni bar me gifo.

Kamaghin, ni gumazir nin ziam bagha dibovir osimtiziba na garizibar ganiva,

na ginighnigh nan akuragh.

Egh gumazir na gasighasizir kaba, ni iveauzir kuram me ikanagh.

Ni ti men sughsugti, me na misueghti ki aremegham.

¹⁶ O Ikiavira Itir Godin Bar Gavgaviba Itim, ni uan ziam na garizima, ki ni nan anavira.

Ezi nin akam na batogha, mati nan daghemra min iti,

mati dagher mam, gumazim, a isa
anepava gavgavim namnam ko
duam ganidi.

Ezi nin akam na gamima,
ki uan navir averiamin aven bar
akongegha nan navim dera.
17 Ki gumazir dughiar aghuiba baghavira
itiba ko apiavkia
bizibav gia atir puvati. Bar puvati.

Gumazamizir arazir kurar me amiba
bangin, aningazim na gizifa.
Kamaghin, ki uabi abiragh bar nin
apengen ikia uabira iti.

18 Manmagh amizi mizazir kam nan ikiavira
iti?
Egha manmagh amizi, me osimtizim na
ganigavira iti?

mati duaba nan mikarzimin
ikiavira ikia midir puvati?
Ki garima, ni nan akurazir puvati,
mati gumazim mozir pam bagha ghua
garima,

a dakezi a tam amezir puvati.”

19 Ezi Ikiavira Itir God kamaghin na
ikaragh ghaze:

“Ni akar kabanang ategh navim giragh ua
na bagh iziti, ki ua ni inighti,
ni ua nan ingangarim damuam.

Egh ni akar kuraba akurir arazim ategh,
akar aghuimram akunam,
egh ni nan akatorimin min iki nan
akamin gun mikimam.

Eghni gumazamiziba nin akaba baragh nin
gin mangam.

Ni men akaba baragh men gin mangam
marki.

20 Ki gumazamizir kabar damazimin ni
damichti,
ni brasin divazimin min tugh gavgav-
igham.

Ki datirighin nin akuragh, ni ko iti.
Eghni gumazamizir kaba nin apanim
damuva

ni dikabiraghan kogham.
Ki Ikiavira Itir God, ki kamaghin
mikemegha gifa.

21 Ki gumazir arazir kurabagh amiba ko
apangkuviba puvatizir gumaziba,
men agharim da ua ni inighti, me ua ni
gasighasighan kogham.”

16

*Jeremaia Godin Akar Gavgavim aku-
namin ingangarim iti*

¹ Ki Jeremaia, Ikiavira Itir God ua
kamaghin na migei, ² “Ni nguazir kamin
amizitimin ikian marki, egh ni boriba
puvatigh. ³ Ki Ikiavira Itir God, ki nguazir
kamin itir boriba ko, men amebaba ko

afeziar me batamiba, ki me bativamin
bizibar gun ni mikimasa. ⁴ Me bar
arighiregham. Tarazi arimariar kuraba
iniva arimighiram. Eghni apaniba izi taraziv
soghti me arighiram. Eghni men tarazi
dagheba puvatighiva, arimighiram. Eghni
gumazir men kuabar apangkuv aziva, me
isi mozibar afamiba puvatigham. Eghni
men kuabar pura tintinibar afiar buaribar
min nguazim giriv ikiam. Eghni kuarazir
pin mighagha aruiba ko asizir atiaba men
kuabar amam.

⁵ “Ki Ikiavira Itir God, ki ua kamaghin
migei: Ni gumazir ovevem gibua itibar
pizir isam bagh, men dipenimin mangan
marki. Gumazamizir kaba, ki ua deragh
men apangkuv me damu navir amirizim
me ko a inian aghua. Kamaghin, ni me bagh
azirakar ighiabar amuan marki. Ki Ikiavira
Itir God, ki kamaghin mikemegha gifa.

⁶ Ki ghaze, nguazir kamin gumazamizir
ziaba itiba, ko ziaba puvatiziba sarama
arighiregham. Eghni gumazir men kuaba
mozibar afamiba puvatigham. Eghni
gumazir me bagh aziva uan apangkuvim
akakagh mikarzim aghoriva, dapanir
arizim gisamiba puvatigham. ⁷ Eghni
gumazitaba gumazir aremeziba bagh
azi ikiti, gumazir me bagh dagheba ko
dipaba ater izi men navibar amuti, me
navir amirizim iki nimira ikiamiba
puvatigham. Eghni men amebaba ko
afeziaba aremeghti, gumazir izi gumazir
kabagh ibua itiba bagh dagheba ko, dipaba
ater izi me daning, me ko ikiva gavgavim
me daning me ko ikiamiba puvatigham.

⁸ “Ni gumazamizir isar ekiabagh amibar
dipenibar mangi, me ko iki dagheba ko
dipabar aman marki. ⁹ Ki, Ikiavira Itir
Godin Gavgaviba Bar Itim, Israelian God,
ki guizbangira migei, gumazamiziba ua
nguazir kamin ikian kogham. Eghni bar
akongezir arazim ko navim deragha itir
arazim ko poroghamiba uarir itir arazim, ki
bar moghira da agivagham. Eghni gumaza-
mizir datirighin itiba, uari uan damazibar
bizar kamin ganti, an otivam.

¹⁰ “Jeremaia, ni kamaghin me mikimti,
me ti kamaghin ni mikimam, ‘Manmagh
amizi, Ikiavira Itir God bizi kurar kabar
amuti da e bativasa migei? En arazir
manam ikufi? E uan God, Ikiavira Itir God,
arazir kurar manamin a gami?’ ¹¹ Eghni
ni kamaghin me mikim suam, ‘Ian inazir
afeziaba nan akam batuegha, na ategha
ghua asebar ziaba fe. Kamaghin amizi,
ki Ikiavira Itir God, ki arazir kabar ia
damuasa. ¹² Ezi ian arazir kuraba bar ian
inazir afeziaba amizir arazir kurabagh
afira. Ia vaghvaghna akam batogha, uari

uan nighnizir kurabar gin zui.¹³ Kamaghin amizi, ki nguazir kamin ia batuegħti, ia mangi, nguazir iħarazir ia ko ian inazir afeziaba fomira fozir puvatizim min ikiam. Ki ian apangkuvighan kogħam, kamaghin amizi, ia nguibar kamin arueba ko dimagaribar ia asebar ziabha fam.”

Ikiavira Itir God ua gumazamiziba inigh men nguibamra izam

¹⁴⁻¹⁵ Ki Ikiavira Itir God, ki kamaghin migia ghaze, “Ki gumazamizir kaba batuegħi, gin ua men aktu nguazir ki men inazir afeziabagh aningizim min izam. Me datirigh uan akam gavgavim a daningi miġikim suam, ‘Bar Guizbangira, Ikiavira Itir Godin zurara itim, a Isipin e inigha en akua ize, e an ziamin gun migei.’ Egh ki ua men aktu izamin dughjām, me arazir kam giragh kamaghin miġikim suam, ‘Bar guizbangira, Ikiavira Itir Godin zurara itim min ziamin, notin amadagħan itir kantri ko kantri iħarazir an e amadazi e ghua ikeziba, a ua e inigha en akua en nguazim min ize, eżi e an ziamin gun migei.”

Judaba Ikiavira Itir Godin mongiva avegh-ham

¹⁶ Ikiavira Itir God kamaghin migia ghaze, “Ki apaniba amadagħti, me iziwa Judan gumazamizbar suīgħi me iniam, mati gumazim uan ivem akunigha osir ir-aviriba ini. Eghi għin ki uam apanir iħaraziba amegħti, me mangi gumazamizir mighsiabar mongežiba, ko dagħiar toribar mongežiba, buri men suigham, mati gumazim ruarim min ħażżeek, buri dar suisi.¹⁷ Me amir biziba bar nan modożiż puvati. Da bar nan damazim min azenara iti. Me uan arazir kuraba mongiva aveghham.¹⁸ Me nguazir ki me ganingiż kam, marvir guar kurar kaba isa nan nguazim garighiżi, da nan damazim min mize. Kamaghin ki me amizir arazir kuramin iverzim giviragh, ua a ikaragh.

Gumazamiziba bar mogħira Ikiavira Itir God gifogħam

¹⁹ O Ikiavira Itir God, ni gavgavim na ganja, nan danganir mogommien min ikka, egha osimtibar dughjabar ni nan akurvasti. Nguazir kamin oteviba bar dar gumazamiziba bar, ni bagħi izi kamaghin miġikam: En inazir afeziabar aseba, da pura bizixx kini, da e għifara, en akurghan kogħam.²⁰ Gumaziba uari bagħvira godin tabar ingaram ti? Puvati. Marvir guar gumazibba ingariba, da guizbangira godha puvati.

²¹ Eżi Ikiavira Itir God kamaghin migei, “Ni oragh! Ki gumazamizir arazir kurabagh amiba dughiar vamirara men sure damigham. Dughiar kamin ki men sure damuti, me nan gavgavir ekiam gifogħam. Egh me fogħ suam, Nan ziam, Ikiavira Itir God.”

17

Ikiavira Itir God, Judabar arazir kurabu bagħha me gasighasik

¹ Ikiavira Itir God kamaghin migia ghaze, “Judaba, arazir kurar ia amiba kar ian arazir ia zurarama amiba da zurara ian ikiavira ikiam. Mati gumazim tuizim min akar otevija aghorezi mogħin, īdar uan navir averiar gavgavibar da osirigha, da isa ofa gamir dakozibar 4plan mikelbabar, bulmakaun komba aghoregħha da osiri.

² Ian gumazamiziba zurara asebar ofa gamir dakoziba ko temer Guarir aser amizim Aseran nedazim iħibqaq nighni. La marvir Guar kaba isa azenara temer ekiaba bar dar apengen da asava, maba mighsiar pin itibar ada asezi da tuvighav iti, eżi īdar ziabha fe.³ Ia mighsiar kaba ko azenan itir tuzibar ghua dar ziabha fe. Kamaghin amizi, ki ian dagħiaba ko ian bixi bar aghuiba isi apanbar aningam. La uan kantriaven arazir kurar avirim gami. Kamaghin, ian arazir kuraba bangin, ki apanir kaba ategħti, me ja ofa gamir dakoziba iniam.⁴ Ian arazir kurar ia amir kaba bangin, ki ia damighti ia nguazir ki aningiż kam ategħam. Egh ki ia damighti ia nguazir ia fozir puvatizim min pura uan apanbar inganġar gumazir kinibar otivigham. Guizbangira, nan aningagħiñ mati avir mam isia iti. La uari avir kam uam a gamizi a dikafi. Eghi ta' avir kam isi mamaghira ikiam.”

Gumazir pumuningin arazim

⁵ Ikiavira Itir God kamaghin migia ghaze, “Gumazim akirim ragħha na gasaragħa, nighniżiż gavgavim gumazir kinim min ikia ghaze, ki uan gavgavimin uabin akurvagħi deravira ikiam,

⁶ A mati temer mużiżiżi dipaba puvatizir danganim min ikiava aghħui.

Danganir kam gumaziba puvatizi, nguazim amangsizim a gizifa. Gumazir kamaghin garim, dabirbir aghuiba puvatigham.

⁷ “Eżi gumazamizir nighniżiż gavgavim nan itiba,

16:17: Onger Akaba 90:8; Luk 12:2; 1 Korin 4:5; Hibrū 4:13

Aisaia 30:1-2; 31:1-3

17:7: Onger Akaba 2:12; 34:8; 146:5; Aisaia 30:18

16:21: Onger Akaba 9:16; Aisaia 43:3; Amos 5:8

17:5:

17:8: Onger Akaba 1:3

ki bar deraghvira me damuam.
 8 Me mati temem me dipar miriamin
 anekara.
 Ezi temer kamin biba nguazim
 giraghuegha dipam isi.
 Ezi aruem garir dughiam, an atiatir puvati.
 An dafariba angamira ikiavira iti.
 Egha amoziha izir puvatizir dughiaabar, a
 nighnizir aviribagh amir puvati.
 A bar ikia mamaghira ti."

*Ikiavira Itir God, gumazamizibar araz-
 iba bar moghira da tuisisi*

9 Ikiavira Itir God, kamaghin migia ghaze,
 "Gumazamizibar navir averiaba
 arazir kurabara damuasava me
 dikafi.
 Egha men nighniziba bar kufi.
 Ezi tina arazir kamin mingarim gifogham?
 Bar puvati.
 10 Ki Ikiavira Itir God, kirara, ki gumaza-
 mizibar navir averiaba ko men
 nighniziba aven men gari.
 Egha vaghvagha gumazamizibar araz-
 iba tuisigha,
 me amir arazaraziba bar da ikar-
 vagha izezim me ganidi."

*Me arazir kurabagh amua isir dagiaba,
 da ovengam*
 11 Gumazim ifariva bizir aviriba iki,
 a mati kuarazir mam, kuarazir
 igharazimin aroriaba okemegha
 dagh isin itima da afoaghirezi,
 an adar nguziba ini.
 Ezi gumazir kamin dagiaba ko biziha,
 da gumazir kam tighar ghurighamin
 dughiam da ovengam.
 Eighti gin, gumazamiziba fogham,
 a mati gumazir onganim.

*Israelia uarir akurvaghaha Ikiavira Itir
 God mizuai*
 12 En Godin Dipenim, a mati Godin atrivimin
 dabirabir bar aghuim.
 A fomira ziar ekiam ikia, iza kamaghira
 iti.
 13 Ikiavira Itir God, e Israelia zurara
 nighnizir gavgavim nin ikia,
 ni en akurvaghaha e ni bagha mizuai iti.
 Gumazamizir akirim ragha ni gasaraziba,
 me bar aghumsigham.
 Men ziaba, gumazamiziba zuamira me
 bakinighnigham,
 mati gumazim uan ziam
 nguazimin an osirizima a
 zuamira angaraghire.

Ezi gumazir kaba ni ataki.
 Ikiavira Itir God, ni mati emimirir pam,
 dipar ikirimirim e ganidimin min iti.

*Jeremaia uabin akurvaghaha Ikiavira
 Itir Godin azangssi*

14 O Ikiavira Itir God, ni nan arimariam
 akirighti, ki bar guizbangira ghuam-
 agheka.
 Ni nan akuraghti, ki guizbangira der-
 aghvira ikiam.
 Ki ziar ekiam niraram anidi.
 15 Israelia kamaghin na dipova migia ghaze,
 "E manadizoghin ganti, Ikiavira Itir God,
 bizir kurar a damuasava mikemezir
 kabar amuti,
 da otivam?
 A datirighin guizbangira dar amuti,
 da otivti, e dar ganika!"
 16 Ikiavira Itir God, ni uan gumazamizibagh
 eghuvir ingangarir kam na ganingi,
 mati gumazir sipsipbagh eghuvim.
 Ezi ki ingangarir kam ataghizir pu-
 vati.

Ezi ni fo, ki dughiar kuram gumazamizir
 kaba bativas
 me bagha ni mikemezir puvati. Bar
 puvati.
 Ki nin damazimin mikemezir ak-
 abba, ni bar deraghvira dagh fo.
 17 Ni na damuti ki bar puviram atiatingan
 marki. Puvati.
 Ni dughiar kurabar aven, nan
 mogomer danganir aghuimin min
 iti.
 18 Egh datirighin ni paza na gamir gumaz-
 iba, aghumsizim me daningichti,
 me digavir kuram damighti,
 ki digavir kuram damigh
 aghumsighan kogham.
 Ni men arazir kuram bangin dughiar ku-
 ram damighti, a me batogh
 bar me gasighasikigh.

*Judaba Sabatin dughiamin damuamin
 ariziba*

19 Ikiavira Itir God na migia ghaze, "Ni
 mangi nguibar ekiam divazimin tiar akar
 me kamaghin diborim, Gumazamizibar
 Tiarakam, ni an boroghin tughiv iki. Kar
 Judan atrivabar nguibar ekiamin aven
 mangigh izegh gamir tiar akam. Egh ni
 gin anetegh mangi Jerusalemin tiar akar
 igharaziba uaghan bar dar boroghin tughiv
 iki. 20 Egh ni gumazamiziba kamaghin
 me mikim suam, ia Judan atriviba, ko
 Judan gumazamiziba, ko Jerusalemin
 tiar akar kamin mangigh izegh gamiba,
 ia deraghvira kuariba aragh Ikiavira Itir
 Godin akam baragh. 21 Ikiavira Itir God,
 kamaghin migia ghaze: ia deraghvira uan
 ikirimirim bagh nighnigh. Egh ia Sabatin
 dughiamin biziha ater Jerusalemin aven

mangisi, tiar akar kabar aven mangan marki.²² Egh ia uaghan Sabatin dughiamin, uan dipenibar itir biziba ater daruan marki. Egh inganganibar amuan marki. Ki ian inazir afeziabav kemezi moghin, ia Sabatin dughiam amisevegħti, a na baghvira iki.²³ Ezi ian ovaviba nan akam batuegħa, nan gin zuir puvatigha, nan suren akar aghuiba baraghha aghua.²⁴ Ki Ikiavira Itir God, ki ghaze: Ia nan akam barakigh! Ia Sabatin dughiamin biziba ater Jerusalemin aven izan marki. Ia Sabatin dughiam amisevegħti a nan dughiamra ikiti, ia an ingangaritam bar a damuan marki. Ia nan akamin gin mangi,²⁵ egh atriviba zurara Devitin ikizimmin otivam, egh me Devitin ikizimmin atrivir dabirabim dapiam. Egh atriviba uan gumazir aruaba ko, hoziabar apiagh, karisbar tuivigh Jerusalemin tiar akabar aven mangi izegh damuam. Egh dughiabar zurara gumazamiziba Jerusalemin ikiam.²⁶ Egh gumazamiziba Judan kantrin danganiba bar da ategħ, uan ofaba inigh nan Dipenimin izam. Me Judan nguibar ekiaba ko, Jerusalemin borogħin itir nguibaba ko, Benjaminin anabamin nguazim ko, mighsiar dozir aruem uaghiri nagħin itiba ko, mighsia itir danganir igharaziba ko, sautin amadagħan Negev iti nagħin, me danganir kaba bar da ategħ, Jerusalemin izam. Me izi, asizir tue bar isia mighbir ofaba ko, asizir igharazibar ofaba ko, witħba tuer ofaba ko, mugħuriar aghuim zuir ofaba ko, na minbir ofaba, me da inigh na bagħ Ikiavira Itir Godin Dipenimin izam.²⁷ Egh ia nan akamin gin mangan aghuagh, Sabatin dughiam amisevegħti a nan dughiamra ikian kogh, ia biziba inigh Sabatin dughiamin Jerusalemin tiar akabar aven mangi izegh damuti, ki tiar akar kaba avim dar atiġi ta isiam. Egh ijerusalēmin itir dipenir ekiaba bar isigham. Egh i-tav avir kam amungegħan kogħam.”

18

God mati nguazir minebar ingarir gu-mazim

¹ Ki Jeremaia, Ikiavira Itir God, na migia ghaze, ² “Ni dikavigh gumazir nguazir minebar ingarir dipenimin magħirita ki ua ni mikimam.” ³ Ikiavira Itir God, na mikemegħa givazi, ki gumazir nguazir minebar ingarir dipenimin ghua garima, a minebar ingarir wilin borogħin aperaghav ikia minemin ingara a għiġav kiri. ⁴ A garima, dughiar mabar nguazir miner u an dafarim ingarir kam, an damazim minqiegħi.

a ua miner kamin nguazir kamra inigha an suiragħha, ua an ingara uan ifongi minn ġin ghua nguazir miner igharaghha garimin ingari.

⁵ Ezi Ikiavira Itir God kamaghlin na miegi. ⁶ “Ki Ikiavira Itir God, ki akar mam Israelia ian iti. Ki ti gumazir nguazir minemin ingarizi mogħin bizzibar ħam kogħam, a? Puvati, ki uan ifongi minn ġin mangam. Mati gumazim minemin ingarasa nguazim surazi an an dafarim in iti mogħin, ia Israelia nan dafarim in iti. ⁷ Egh ki kamaghlin mikim suam, gumazamizitaba o kantrin tam, ki me abinigh me batuegħ, me gasiġħasighi me damuam. ⁸ Eghi kantrin kamin gumazamiziba navibagh iraqħti, ki uan nighnizim giragh, bizzir kurar ki me damuasa mikemezibar amuan kogħam. ⁹ Egha dughiar mabar ki kantrin maba gavgavim me daning, men akur vagħi me deravira ikċi as-saġġ. ¹⁰ Eghi me nan damazim minn aż-żarrur kurum damuti, ki uan nighnizim giragh, me damuasa mikemēzi mogħin me damuan kogħam.

¹¹ “Jeremaia, ni kamaghlin Judaba ko Jerusalemia mikim, ‘Ki Ikiavira Itir God, ki ghaze, ia oragh! Bizzir kurar ki ia damuam, ki anekirigħa gifa. Ki iveri kurram iż-żejjur is-saġġ. Kamaghlin amizi, ja vaghvagh uan aż-żarrur kurar abegħ, uan dabirabba akirigh arazir aghuibara gin mangi.’ ¹² Eghi gumazamiziba kamaghlin nin akam ikaragh, ‘Marki e aghua. Eu uan nighnizibar gin mangasa ifonge. E bar mogħira nin akam baraghha aghua, e uan navir averiar kurabar gin mangas.’”

Gumazamiziba Ikiavira Itir God gin amada

¹³ Ikiavira Itir God ua kamaghlin migia ghaze:
“Ni mangi Kantrin Igharazibar Gumazamizibar azaragh fogħ,
me tong kamaghlin oraghix, o?

Israelia amizir arazir kurar kaba,
kantrin igharazir taba uaghan,
Israeliyan min arazir kurabagh
amiz, o? Puvati.

Israel, mati nan guivir igiār ki bar
ifongeżi min iti.

Ezi an arazir bar kurar ki bar ifongeżi
puvatizim gami.

¹⁴ Lebanonon kantrin dagħi mighsia,
ti dughiar tabar ais dar amera ira
uaghiri o? Ti puvati.

Mighsia kabar dipar orangtiziba ti
dati, o?

Bar puvati.

¹⁵ Ezi nan gumazamiziba bar na ġin amada.

Egha me aseba bagha ofan migharir mughuriar aghuim zuibagh ami.
 Me kamaghin amua iregha, tuavir men afeziba fomira gin zuim ategha, datirighin tuavir aguar kurar kabar zui.
¹⁶ Kamaghin, men nguazim ikuvigha pura danganir kinimin min iti.
 Eighti Kantrin Ighazaribar Gumazamiziba danganir kamin izi an ganigh, dapaniba rongiva dibovir akabar me damuva misoribar aningiva, digavir kuram damigh bar atiatigham.
¹⁷ Eighti ki uan gumazamiziba akirim me gasaragh men akuraghan koghti, apaniba izi men agiraghti me aregham. Mati aminim aruem anadi naghin ikegha pamtemin iza tintinimin bizibagh ivaima, da zui."

Gumazamiziba Jeremaia paziva a damuasa

¹⁸ Gumazamiziba kamaghin migia ghaze, "Jeremaia guizbangira akatamin migeir puvati. Kamaghin, e Jeremaia misoghsu tuaviba buriam. E ghaze, Ofa gamir gumaziba suren akam akurir ingangarim ataghiraghan kogham. Eighti gumazir nighnizir aghuim ko fofozir aghuiba itiba, me uan nighnizim ko fofozir aghuim ateghan kogham. Eighti akam inigha izir gumaziba Godin akam e mikimvira ikiam. Kamaghin amizi, e Jeremaia baraghan kogham. E a isi kotiam darigham."

¹⁹ Ezi ki Jeremaia, ki kamaghin God ko migei, "Ikiavira Itir God, nan dimdiām barakigh. Ni nan apaniba mikemezir akam ginighnigh. ²⁰ Gumazitam arazir aghuim damuti, gumaziba ti a ikaragh arazir kuram a daningam, o? Puvati. Eighti gumazir kaba na gasighasigham, me mati gumazim mozim gutui, eighti asizim atamakuigh an magirigham. Ni, arazir ki fomira amizim ginighnigh. Ki nin boroghira iza me bagha nin azangsigha ghaze, ni uan aningagharim agivagh, gumazamizir kaba deraghvira me damu. ²¹ Ezi datirikin, ni men boribar amuti, me dagheba puvatigh arighiregham. Egh apaniba ateghti, me izi gumazitabav sueghti me arighiregh. Eighti gumazitabav arimariar kurataba ini arighiri. Eighti gumazir igiaba midorozimin arighiri. Kamaghin, men amuiba boriba ko paba puvatigham. ²² Nan apaniba nan suiragh na gasighasighasa, mati asizim mozim magirasa mozim gutui, egha mati gumazim asizim suighasa azuazim aguragha a mizua iti. Kamaghin amizi, ni zuamira gumazir kuraba ameghti me izi gumazir kaba ko misogh, me gasighasikigh, eighti me bar puviram atiatingiva, uan dipenibar

aven mongegh bar puviram arangam. ²³ Ikiavira Itir God, ni fo, me na misuehti ki aremeghasava ami. Eighti ni men arazir kuraba gin amangan marki. Men osimtiziba agivan marki. Ni men aningaghvira ikiva, men apanibar amuti, me izi nin damazimin me dikabiragh."

19

Judaba nguazir minem bighizi moghin bar ikuvigham

¹ Ikiavira Itir God kamaghin na migia ghaze, "Jeremaia, ni mangiva nguazir minebar ingarir gumazim da nguazir minetam givesegh. Egh miner kam inigh mangi gumazamizibar gumazir dapanir taba ko ofa gamir gumazibar dapanir taba inighti, me ni ko mangi. ² Egh ia mangi Jerusalemin divazimin tiar akar me kamaghin diborim, Mineba Biaghirezir Tiarakam, an boroghin mangi Hinomin Danganir Zarimin otogh. Egh ni kagh tugh nan akam akun suam,^{* 3} Ia Judan atriviba ko Jerusalemin gumazamiziba, ia Ikiavira Itir Godin akam baragh! Ki Ikiavira Itir Godin Gavgaviba Bar Itim, Israeliān God, ki guizbangira migei. Ki bizir bar kuram damichti, a danganir kamin otivam. Eighti gumazamizir bizir otivamin kamin akaba bareghamiba, me bar digavir kuram damigham. ⁴ Ki kamaghin damuamin bizimin mingarim, a kamakin, gumazamizir kaba akirim ragha na gasaragh, aseba bagha ofan migharir mughuriar aghuim zuibagh ami. Gumazamizir kaba, ko men ovaviba, ko Judan atriviba, me fomira aser kabagh fozir puvati. Ezi datirighin, me aser kabar ziaba fe, egha arazir kamin me danganir kam gamima a nan damazimin bar mize. Me uaghan pura gumazamizir arazir kurabagh amir puvatizir aviribav soghezi, me ariaghirezi men ghuziba danganir kam gire. ⁵ Egha me Jerusalemin asem Balin ziam fasa danganibar ingarigha, uari uan boriba isa ofan bar isia mighiribar min, avimin da tua asem Bal bagha ofa gami. Arazir ia amizir kam a nan arazim puvati. Ki kamaghin arazir kam damuasa me mikemezir puvati. Bar puvati. Egha uaghan arazir kamagh garir tam ki me daningasa nighnizir puvati. ⁶ Egha Ikiavira Itir God ghaze, me gin ua danganir kamin ziam, Tofet o Hinomin Danganir Zarim a darighan kogham. Puvati. Me kamaghin danganir kam diponam, Danganir Zarir Gumazir Aviribav Sozi Me Ariaghirim!

⁷ "Judaba ko Jerusalemia danganir kamin bizir aviribar amuasa nighnisi, ezi

ki men tuavim apirighti me dar amighan kogham. Egheti ki apaniba ameghti, me izi me misueghti me arimighiregham. Egheti ki kuaraziba ko asizir atiaba ameghti, da izi men kuabar amegham. ⁸ Egheti Jerusalem ikuvigham, egheti Kantrin Igharazibar Gumazamiziba danganir kamin izi, bizar kurabar ganti, da an ikiam. Egheti me, me dipov aki misoribar aning, digavir kuram damigh atiatingam. ⁹ Apaniba Jerusalemia misoghs, izi men nguubar ekiam avinigham. Egheti bizir kam an osimtzir bar ekiam Jerusalemia danichti, dagheba bar men puvatigham. Egheti gumazamiziba uari uan boribav sogh dar amiva, egh uari uan namakabav sogh me amam.[†]

¹⁰ “Jeremaia, ni akam akunti gumazamiziba ni baragh nin ganti, ni nguazir miner ni suirazim ni anemisararikigh. ¹¹ Egh kamaghin me mikim, ‘Ikiavira Itir Godin Gavgaviba Bar Itim kamaghin migia ghaze: Ki Judan kantrin gumazamiziba ko Jerusalemin gumazamiziba bar, nguazir minem amisaraghaghizhi moghin me misararigham. Egheti gumazitam uam anekirghan kogham. Egheti Tofetin danganim, Judabar matmatin min otoghti, men kuuba danganir kam bar a gizivaghram. ¹² Ki Ikiavira Itir God, ki ua kamaghin migia ghaze, ki nguubar ekiar kam ko, an itir gumazamiziba arazir kamin me damigham. Ki Tofetin danganim gamizi moghin, Jerusalemin nguubar ekiam damigham. ¹³ Ia Jerusalemin nguubar ekiamin itir dipeniba ko Judabar atrivabar dipenir siriabagh isin ghua mikoveziba bagha mughuriar aghuium zuir ofabagh amua, aseba bagha wain inger ofabagh ami. Egheti Jerusalemin itir dipenir kaba bar moghira Tofetin danganimin min otoghti, gumazamizibar kuuba dar aven iki Godin damazimin bar mizeham.”

¹⁴ Ikiavira Itir God na mikemezi moghin, ki Tofetin danganimin ghugha an akam akuri. Egha gin, ki Tofet ategha Ikiavira Itir Godin Dipenimin ghua, Dipenir miriamin uari akuvir danganimin tuga, kamaghin gumazamizibar dia me migei. ¹⁵ “Ikiavira Itir Godin Gavgaviba Bar Itim, a Israeliyan God, a kamaghin migei, ‘Ia deraviram oragh! Ia akaba batogha, nan akam baraghian aghua. Egh kamaghin bizir kurar ki ia damuasa mikemeziba, ki dar amighti, da bar ian nguubar ekiam ko an boroghin itir nguubar dozibar otivam.’”

[†] 19:9: Hibrun akam deragha migirigar kamin mingaram abighizir puvati. Gumazamiziba ti igharaz daraziv sogh me amam, akar kamaghin amizim 2 Atriviba 6:26-29in iti. O me ti igharaz darazir kuabar mikarzibar asizibar amam, mati Azirakam 2:20 ko 4:10in iti? E deravira foghan kogham.

20

Jeremaia akar gavgavimra ofa gamir gumazim Pasur ganangi

¹ Jeremaia akar kam akurir dughiamin, Imerin otarim Pasur, an ofa gamir gumazir mam. A Ikiavira Itir Godin Dipenim gehuvir gumazibar, gumazir dapanim, a ikiava orazi, Jeremaia akam akuri. ² Ezi Pasur midorozir gumazibav kemezi, me Jeremaian suiragh, a misuegħa a isa Ikiavira Itir Godin Dipenimin divazimin itir Benjaminin Tiarakar Pin Itimin ghugha, a isa kalabus gatigha, an suemming pamtem temem sara aning ike. ³ Egha amimzaraghan, Pasur kalabusin Jeremaia isa azenim gatiz, Jeremaia kamaghin a migia ghaze, “Ikiavira Itir God, ziam Pasur ni gatigha, ni diborir puvati. A ziar igharazir kam ni gatigha ni dibora ghaze: Atiāt Danganiba Bar Dar Ikiam. ⁴ Egha Ikiavira Itir God kamaghin akam nin iti, ‘Ki bizir kuram damighti a ni ko nin roroabar amighti ia bar atiatingam. Egh ni ganti apaniba midorozir sabamin nin roroabav soghti me bar arimighiram. Egh ki Judaba bar me isi Babilonin atrivimin agharim datighti, a taraziv suegħti me arimighiregħi, a tarazi me inigh mangi Babilonin pura ingangarir gumazir kinibar min me arigham. ⁵ Egheti ki apaniba ategħti me izi midorozir gavgavim Jerusalemin a damu dagħiab bar ada iniva, gumazamizibar bizir aghuiba ko Judan atrivabar dagħiab ko, biziba bar ada akumakum ħi Babilonin mangħam. ⁶ Pasur, ni oragh. Ni ko nin dipenimin itir darasi, ia bar Babilonin mangi kalabusin ikiam. Ni akar ifavaribar uan roroabav keme. Kamaghin, ni uan roroar kaba ko ia Babilonin aremeham. Egheti me nguubar ekiar kamin ia afegħam.’”

Jeremaia osemegħa, Ikiavira Itir God ko migei

⁷ O Ikiavira Itir God, ni uan ingangarim damuasa na apezeperezi,
ki nin apezeperi akar kam baraki.

Ni bar gavgavizi, nin akam bar na gafirazi,
ki pura nin apengan għu.

Ezi datirighin gumazamiziba na dipova
nan ingaravati.

⁸ Ki zurara nin akam akurima, ni na gamima
ki tiarim akara kamaghin dia migei,
“Midorozim otoghti, ia iku-
vigham!”

Ezi gumazamiziba akar kam baraghha,
zurara aghumsizim na ganiga akar
kurabar na migei.

⁹ Ki kamaghin uabira uabi mikimam,

ki ti ni gin amadagh ua nin ziamin nin
akamin gun me mikiman kogh,
egh ki kamaghin nin akam ginighnigh suam,
nin akam mati avim nan navir
averimin ikia,
nan agharibar isia iti.

Ki ua nin akam mikiman koghasava
amuava avenge.
Bar puvati.

10 Ki orazi, gumazamiziba bar nimira uarira
uariv gia ghaze,
Jeremaia, a ghaze, bizir kurar kam bar
danganibar iti,
an e damutti e atiatingam.

Kamaghin e a isi kotiam datika.

E datirighiram a isi gumazir ekiabar
damazimin kotiam darigham.

Nan namakaba kamaghsua ifonge,
bizir kurar na bativir kaba na
dikabiraghram.

Me ghaze, "E ti a gifaragh a dikabiraghiva,
an arazit kuram ikarvaghram."

11 Ezi Ikiavira Itir God, mati midorozir gu-
mazir bar gavgavir mam,
a nan akurvaghaha nan boroghin
tughav iti.

Eghti gumazir izi pazi na damuamin kaba,
bizir kuram me batoghti me
daghiregham.

Egh me bar aghumsighti,
men aghumsizir kam iki mamaghira iki
givaghan kogham.

12 O Ikiavira Itir Godin Gavgaviba Bar Itim,
ni gumazamizibar nighniziba ko navir
averiaba tuisigha dagh fo,
ezi nin kotiam a bar guizin araz-
imra gin ghua bar dera.

Ezi ki uan osimtzir kam isa nin dafarim
garisi.

Kamaghin amizi, ki ghaze, ni nan
apaniba iveauzir kuram me daningti,
ki ganika.

13 E fo, Ikiavira Itir God, gumazamizir onga-
narazibagh amiba,
a bar men akuragha gumazir kurabar
dafarim da ua me ini.

Kamaghin amizi, e Ikiavira Itir God bagh
ongiva,
an ziam fam.

14 Nan amebam na batir dughiar kam,
God a gasighasighizi deraghai.

Egha God bizir aghuitam dughiar kamin a
gamizi,
a an otozir puvatizi deraghai.

15 Ezi dughiar kamin gumazir mam akam
inigha nan afeziam bagha ghua, ka-
maghin a migei,
"Nin amuim otarim bate."

Ezi nan afeziam oregha bar akonge.
Ezi God gumazir akam inigha afeziam
bagha ghuzim paza a damuasa ki
ifonge.

16 Ikiavira Itir God, nguubar ekiabagh
asighasighizi moghin,
gumazir kam ikuvighasa ki ifonge.

Ikiavira Itir God, nguubar ekiar kabar
apangkuvizir puvati.

Ezi bar mizaraghara, gumazamiziba
apanibar ganigha bar puviram azi.

Egha aruer arizimin apaniba nguibamin
aven zegha misoghasa pamten dei.
Gumazir kam, arazir kamra, God a
gasighasighasa ki ifonge.

17 Gumazir kam, nan amebamin navir ave-
riamin na misoghezi ki aremeghai.

A kamaghin amizi, nan amebamin
navir averiam na afazi mozimin min
otoghai.

Ezi puvati. Gumaka!

18 Manmaghsua ki amebamin navimin
ikegha otogha osimtzir kamagh
garibar ikia,
egha zurara bar puviram aghumsisi?
Ki bar uabin apangkufi.

21

*Ikiavira Itir God, Atrivim Sedekaian
azangsizim baraghizir puvati*

1-2 Atrivim Sedekaia, gumazir pumuning
Jeremaia bagha aning amada. Aningin zi-
amning, Malkian otarim Pasur, ko Masean
otarim Sefanaia, an ofa gamir gumazir
mam. Aning Jeremaia migia ghaze, "Ba-
bilonin Atrivim Nebukatnesar, e ko misosi.
Ezi ni e bagh Ikiavira Itir Godin azaraghti,
an en akuraghisa e ifonge. A ti e bagh mi-
rakelin tam damigham, a fomira en adarazi
bagha amizi mokin. Eghti a mirakelin kam
Atrivim Nebukatnesar damighti anetegh
mangam." Me migeima, Ikiavira Itir God,
migirigiam isa Jeremaia ganidi.

3 Ezi Jeremaia aningin akam ikaragha
ghaze, "Gua mangi Sedekaia mikim suam,

⁴ Ikiavira Itir God, a Israelian God, ka-
maghin migia ghaze, 'Datirighin Babilonin
atrivim, Kaldiabar midorozir gumaziba ko
iza Jerusalemin divazim ekiaru. Ezi Is-
raelian midorozir gumaziba midorozir bizi-
bar suigha divazimin azenan gara Babilo-
nia ko misosi. Eghti ki ian midorozir
bizir kabagh iraghti, da nguubar ekiamin
tongira ikiti, ki kagh bar moghira da aku-
vagh pozir ekiam mikinigham. ⁵ Ki uabi bar
ian aningaghegh ian atariva uan gavgavim
sara ia misogh bar ia gasighasigham. ⁶ Egh
ki nguubar ekiam kamin aven itir gumaza-
miziba ko asizitaba arimariar kuraba me
daningti, me arimighiregham. ⁷ Ki Ikiavira

Itir God ki ua kamaghin migei. Gumazamizir avirim, arimariar kaba ko, midorozir kam ko, dagheba puvatighamin dughiam bangin arighiram. Egh gin ki Atrivim Nebukatnesar ko an midorozir gumazib a tegehti, me Atrivim Sedekaia uan gumazir ekiaba ko gumazamizir ikiavira itiba inigh mangam. Apanir kaba Israelia ia misoghti ia aremeghasa bar ifonge. Nebukatnesar kuarkuvim ko, ifongiam ko, apangkuvir arazim tong ian ikeghan kogham. Egh ian tav ategehti, a ikian kogham.”

⁸ Ezi Ikiavira Itir God ghaze, “Jeremaia, ni kamaghin gumazamizib kim suam, ‘Ta oragh! Ikiavira Itir God tuavir pumuning ian aka. Tuavir mam, an angamira itir ikirimirim zuir tuavim, ezi tuavir igharazim, an ovevemin zuir tuavim. ⁹ Eghti gumazamizir nguabar ekiar kamin aven itiba, me arimighiregham. Apaniba izi me misogham, eghti tarazi dagheba men puvatith me arimighiregham, eghti tarazi arimariar kuram me gasighasighti, me arimighiregham. Eghti gumazamizir angamira ikiasi ifongeziba, me nguabar ekiar kam ategh mangi pura uari isi, Babilonian divazimin azenan ikia misoghasa garir darazi pura uari isi me danigh, men gin mangi, angamira iki mati apaniba midorozim gafiraghura suirazir pura ingangarir gumazamizibar kinibar min ikiam. ¹⁰ Ki Ikiavira Itir God, ki guizbangira migia ghaze, Ki Jerusalemin nguabar ekiam gasighasighasa nighnigha gifa. Ki ua deraghvira a damuan aghua. Ki Babilon atrivimin amamangatighti, a nguabar ekiar kam inigh uan midorozir gumazibav kemeghti, me a daboroghi, a bar moghira isigh ikuvigh puvatigham.”

Ikiavira Itir God, Judan atrivimin adarazigh asighasigham

11-12 Ikiavira Itir God, ua ia mikimasa kamaghin na migia ghaze:

“*Ia Judan Atrivim Devitin anabamin ikizim, ia nan akam baragh!*

Ki Ikiavira Itir God, ki kamaghin ia migei, Ia zurara mizarazibar kotin gumazamiziba tuisizir arazim a deraghvira mangi.

Egh gumazim gumazir igharazitam bizi okemegh osimtzim a danighti, ia gumazir osimtzim itir kamakuragh an osimtzim akrigh.

Ia kamaghin damighan koghti, ki ian arazir kurar kam bagh, nan aningagharim avimin min bar ekevegħti, ki pazavira ia damigham.

Eghzi gumazitam anemungiva avegh ham.

¹³ O Jerusalem, ki Ikiavira Itir God, ki guizbangira ni migei.

Ni oragh! Ni bar pin mar aperaghav ikia danganir zarir vin itibar gari.

Ni mati dagħiar bar pin itim.

Ni ghaze, ‘Tina izi e misogħam?

Tinara iziwa en nguabar e aven modim in aven izam?’

Ezi puvati.

¹⁴ Ki ian arazir kurar ia amiziba ikarvagh pazavira ia damigham.

Ki avim damighti a Jerusalemin nguabar ekiamin otogħam,

mati avim ruarir arizim dinikavigha isi,

egħi avir kam atrivimin dipenimin isiti, Jerusalemin dipeniba uaghan bar mogħira isigham.

Ki Ikiavira Itir God, ki mikemegħa għifa.”

22

Jeremaia atrivim uan gumazamiziba ko, akam me mikiri

¹ Ikiavira Itir God kamaghin migei, “Jeremaia ni Judan atrivimin dipenimin magħiriva, egh akar kam akun. ² Ni kamaghin mikim: O Judan atrivim, ni Atrivim Devitin atrivir dabirabim gapiaghiri, ni Ikiavira Itir God in akam baragh. Ni uan gumazir dapaniba ko nin gumazamizir atrivimin dipenimin tiar akar kabar mangi iziegħi gamiba, ia bar mogħira akam baragh.

³ Ikiavira Itir God kamaghin migei, ia arazir aghuibara damu. Eghzi gumazitam gumazir igharazim bizi okemegħa osimtizim a ganingi, ia gumazir osimtizim itir kamakuragh an osimtizim agifagh.

Ia borġi afezzi abla ariaghireziba, ko amizir paba ovengeziba, ko Kantrin Igharazibar Gumazamizir ia ko itiba, ia pazi me damuan marki. Egh ia uaghan uan nguazir kamien aven, gumazamizir osimtizib itir puvatiziba, pura me misogħi me arighiram marki. ⁴ Egh ia nan akamin gin mangi, atriviba zurara Atrivim Devitin ikizim in otivam. Egh atriviba hoziabha ko karisbar apiagh, egh atrivimin dipenimin divazimin tiar akamin mangi zegħi damuam. Eghzi gumazir dapaniba ko gumazamiziba, me uan atrivim ko daruam. ⁵ Egh ia nan akamin gin mangi kogħi, ki Ikiavira Itir God, ki bar guizbangira uabi uan ziem dibora ghaze, dipenir kam ki a gasighasigham. ⁶ Ki Ikiavira Itir God, ki Judan atrivimin dipenim migħiġiġar kam an iti:

“O atrivimin dipenim, ki nin garima, ni bar dera,
nin ganganim bar deragha mati Distrik Gileatin ruarir ekiam,
egha mati kantri Lebanonin mighsiar ekiaba.

Egħiġi ki ni dämighted, ni pura nguazir kinimmin min ikkiam,
mati danganir misingiziba ko nguibar gumazamiziba itir puvatiziba.

7 Ki apaniba amegħti, me izi ni gasiġħasigham.

Me uan sobiaba ko midorozir biziba inigh iżi, nin dipenir akinir me sidan tembebar ingariziba okeġġi da abigh,
dar ararir kaba inigh avim mikiñigham.

8 “Egħiġi gin, kantrin igharazir aviribar gumazamiziba danganir kam daru. Egh me Jerusalem faragħha itir danganim min ganiva, kamaghin uarira uarir azangsgħam, ‘Ikiavira Itir God man-magħsua arazir kamin nguibar ekiar kam gami? ” 9 Egh me uari kamaghin uari iċkarvagħam, ‘Bizir kamin mingarim kamakin. Gumazamizir kaba, me Ikiavira Itir God, men God, me an Akar Dikirizir Gavgavim akirrim ragħha a gasara. Egha me asebar ziabfa fa dar apengħan iti.”

Gumazamiziba me Atrivim Joahas bagħaż- ażiżam

10 Ia Judaba, ian Atrivim Josaia aremegħa gifa,

Ezzi ian apangkuv a bagħiż azian marki. Ezzi Atrivim Josaian otarim Joahas e ategħha gifa.

A uamattegh uan nguibamin izegħan kogħam.

Kamaghin amizi, ia Joahas bagħ-
puv aži.”*

11 Joahas, an ziar mam Salum, a uan afeziam Josaiā danganim inigha, Judabar atrivimin oto.

Egha Joahas Jerusalem ategħha gifa. Ikiavira Itir God Joahas ginighniga kam-
aghin mikeme,

“Gumazir kam ua izegħan kogħam.

12 Apaniba a inigha nguibar igharazim min
ghu.

Ezzi a uan nguazir kamin ganighan kogħam. Puvatī.

A kantrin igharazim min are-
megħam.”

Jeremaia akam Atrivim Jehoiakim mikiri

13 Ikiavira Itir God ua kamaghin migei:

“Gumazim ua bagħha ingarizir dipenim
ginighnigha,

an arazir kurabar gin ghua dipenir kamin ingarir gumazibba paza me gami.

An akar gumazibba ingangarir kam gamua, an dipenimin ghuriar pin itibar ingarizi, a guizin arazim ategħha me givezir pu-vati.

Me pura ingari.

Gumaka Gumazir kam bar ikuvigham.

14 Gumazir kam ti kamaghin migei, ‘Ki ua bagħavira dipenir ekiāmra in-garam.

Egħiġi an ghuriamin pin danganir ekiaba ikkiam.

A dipenir kamin winduan ekiabar ingari.

Egha temer Sidan ararir aghuibar dar in-garigħa

Egha ter araribar uan dipenimin biribagh afugħafuki.

Egha penin agħevi min dipenim asingi.”

15 “O atrivim, ni sidan temer ararir aviriba iti,
egħa ti ghaze, da ni gamima ni atrivir aghuimin oto, a?

Nin afeziam, gumazir igharazibar min dagħebi ko dipaba apava bar akonge.

Egha a guizbangira arazir aghuibar gu-
mazamizibagh ami.

Ezi dabirabir aghuim iti.

16 Dugħiar onganarazibagh amir gumaza-
miziba ko, biziba puvatizir gumaza-
miziba, me kotiamin ottivima,
nin afeziam men akaba arazir
aghju imra gin ghua me tuisisi.

Ezi gumazamiziba bar mogħira
dabirabir aghuim iti.

Ki Ikiavira Itir God, ki guizbangira migei,
arazir kamaghin amizim, kar
guizbangin na gifozir gumazamiz-
ibar arazim.

17 Ezzi ni uabira uabi ginighniga,
egħha zurara bizzir igharagħha gariba ini-
asa puv a dagh ifuegħha,
ifavarir arazim gamuava bizzir
kaba isi.

Egha ni pura gumazir arazir kurabagh amir
puvatizibav sozi me ariaghiri.

Egha ni gumazamiziba dikabira paza
me gami.”

18 Ezzi bizzir kam bangin, Ikiavira Itir God
Jehoiakim ginighnisi, a Josaian otarim, Jud-
abar atrivim. Ezzi Ikiavira Itir God kamaghin
migei:

* 22:10: Ni 2 Atriviba 23:28-34 in gan. 22:11: 2 Eghħaganiba 36:1-4 22:13: Jeremaia 17:11; Maika 3:10;
Habakuk 2:9 22:18: 2 Atriviba 23:36-24:6; 2 Eghħaganiba 36:5-7

"Jehoiakim aremeghamin dughiamin,
gumazamiziba an apangkuv, egh
a bagh azian koghiva kamaghin
mikimam.

'O noki, nan aveghbuam,'
'O noki, nan amizim.'

Egh me kamaghin mikiman kogham,
'O noki, en gumazir aruan,'
ezi 'Noki, en atrivim.'

Puvati, me bar kamaghin mikemeghan
kogham.

¹⁹ Me an kuam donkin kuamin min a batoke.
Egh me an kuam amikirigh, a inigh
mangi,
Jerusalemin divazimin azenan a
makunigham."

Ikiavira Itir God Jerusalemia bagha Akar Gavgavim iti

²⁰ Ikiavira Itir God kamaghin migei:

"Jerusalem, gumazir ni me gifuegha me ko
arazir kurabagh amiba,
me bar ikuvigha gifa.

Kamaghin amizi, ni mangi,
Lebanon mighsiar ekiaba ko Basan
mighsiar ko Abarimin Mighsiamin
ghuavanabogħ,
pamtemi dimiva azi.

²¹ Ni deragħha itir dughiabar ni bizar aviriba
itima,
ki akam ni ganingi.

Ezi ni kamaghin migei, 'Ki nin akam
baraghān aghua.'
Ni zurara nan akam batosi.

Ni kamaghin amir arazir kam,
ni uan igiamra itir dughiamin a gamua
iza datirighin tu.

²² Kamaghin amizi, apaniba aminir gav-
gavimin min iziva,
niñ gumazir dapaniba inigh mangam.

Apaniba izi niñ gumazir ni ifuegha me
ko arazir kurabagh amiba inigh
mangiti,
me kantrin igharazimin kalabusin
ikiam.

Egh dughiar kamin ni uan arazir kurar ni
amiziba bagħ,
bar aghumsigham.

²³ Me faragħa Lebanonin temer sidan temer
ararir aghħu ībar nñi dipenim in garbi,
ezi ni dabirabir aghħu imi.

Ezi noka, ni mizazir ekiam iniam,
mati amizim borim batasa mizazir
ekiam isi mogħiġ,
ni bar puviram arangam.

Ikiavira Itir God Atrivim Jehoiakin migei

²⁴ "Ki Ikiavira Itir God, ki zurara ikia
mamaghira iti, ezi ni Jehoiakin, Judan

atrivim ki guizbangira ni migei. Ni
nan atrivim iżi ekiam ko gavgaviba
akakaghamin ringin min nan dafarir
guvimin ikiam, ki bar ni gifueghan
koghiva, ni batuegham.^{† 25} Egh ki ni isi ni
gasighasighamin gumazibar anigam, kar
ni atiatir gumaziba. Ki Babilonin Atrivim
Nebukatnesar uan Kaldian midorozir
gumaziba ko me migei.²⁶ Ni uan amebam
ko, ki gua inigh, gua isi kantrin iħarazim
mikinigham. Kar guizbangira guan kantrin
guan amebamning gua batezir puvatizim,
egħi gua an iki mangiva an aremegħam.²⁷
²⁷ Ia uamategħ uan nguazim min izi ifuegħ,
egħ uam an iżegħan kogħam."

²⁸ Ezi Jeremaia kamaghin migei:

"Manmagħi am? Gumazir kam Jehoiakin,
a mati nguazir miner kurar mam
bighiżi

gumazamiziba an aghuaz, o?

Manmagħsua Ikiavira Itir God an boriba
sara
nguazir me fożir puvatizim me aku-
nasa?

²⁹ O Israelian nguazim, Israelian nguazim,
Israelian nguazim,
ni Ikiavira Itir God in akam baragh!"

³⁰ Ikiavira Itir God kamaghin migei:

"Ni kamaghin gumazir kamin eghħagħanim
osirigh.

Gumazir kam, mati gumazim boriba
puvatizzi mogħin,

bizar an amiba bar deragh otivan kogħam.
Bizar kam bangin, an boritam an dan-

ganim inigh,

Devitix atrivir dabirabim daperagh,
Judan nguazim gatvaghan
kogħam."

23

*Atrivir bar aghħu im Israelia gatvaghan
men ganam*

¹ Ikiavira Itir God kamaghin migia ghaze,
"Ia gumazir dapaniba, Iavzika! Ia bar ikuv-
igham. Ia nan gumazamiziba paza me
gami. Ia sipsipbar gari gumazir kuraba,
ia men agintiġha me gasighasizma me tinti-
nibar zui." ² Kamaghin, ki Ikiavira Itir
God, Israelian God, ki bighavira gumazir
dapanir nan gumazamizibagh ativiba me
migħia ghaze, Ia nan sipsipba batogħa men
agintiżi me tintiġib arra ghue. Ia deragħa
men gara me għegħuvir puvati. Kamaghin ki
Ikiavira Itir God, ki ghaze, ia amizir arazir
kurar kam, ki deraghvira an gan egh a ikar-
vaghan. ³ Gumazamizir ki amangizi għuwa
kantrin iħarazibar itiba, ki ua men ikiavira

itir varazira aku izi me isi men divazimin aven me arigham. Eghiti me borir aviriba bativa bar avirasemegham. ⁴Ki Ikiavira Itir God, ki ghaze, Ki gumazir dapanir igiaba amisevegħi, me deraghvira gumazamizir kaba sipsipbar min me għegħu men ganam. Eghiti gumazamizibha bizitamin atiatingan kogħiha, osimtitibha puvatīgħ, egh men tav ovengħegħan kogħam.

⁵ “Ki Ikiavira Itir God, ki kamagħin migia ghaze, Dugħiam izi, ki Atrivim Devitin adarazir tongi, gumazir aghui tam amisevegħam. Eghiti a Temer Ghuzir Igħiam temer dakamin otogħha aghui mogħin ikkiam. Gumazir kam atrivimin iki, nighnizir aghu īni, ingangarim damuam. Egh guzin arazimin ġin mangi nguazir kamin gumazamizibha arazir aghu ībar me damuam. ⁶Eghiti an atrivimin ikkiamin dughħiamin, Israelin nguibamin itir darasi, me dabiriar aghu īm ko navir amirizim ikkiam. Eghti Judaba, God men akurvaġħti, me uam osimtitibha puvatīgħi derivarika ikkiam. Eghiti me Jerusalem ziar kam a darīgħ a diponam, ‘Ikiavira Itir God, A Gużiñ Arazir Aghuimin Mingarim.’

⁷⁻⁸ “Ki Ikiavira Itir God, ki kamagħin migei. Ki gumazamizir kaba batoke, eghha ki ua men aktu men nguazimra izza dugħiar mam ginaba, eghiti me deraghvira am ganid ir-riċċa. Me datirighin gavgħavim akam ganid ir-arazim kamakin: Me kamagħin migei, ‘Ikiavira Itir Godin zurara ikia mamaghira itim, a Isipin kantrin e inigha ize, e an ziam dibora guizbangira migei.’ Ezi dugħiar ki me inu ħa iżżez minn, me arazir kam giragħi, akar iħarazitam an danganim inām. Eghiti me kamagħin mikkim suam, ‘Ikiavira Itir Godin zurara ikia mamaghira itim, a kantrin notin amadagħan itim ko kantrin iħarazir e amangizibha, adar uam Israelia e inigha en akua en nguazimra ize, e an ziam diborogħha guizbangira migei.’”

Jeremaia, a Godin akam inighha izir gumazir ifavaribar gun akam akuri

⁹ Ezi Jeremaia Godin akam inighha izir gumazibagh nighnigha kamagħin migei:

“Ki Ikiavira Itir God gifo,

egħha an akar bar zueziba sara fo.

Eghha ki garima, Godin akam inighha izir gumazibha arazir kurabagh amua,

Godin akabar ġin zuir puvati.

Ezi bizix kam bangin nan nighnizim bar ikufi.

Ezi ki atiatia nan aghħariba bar puvira nisi.

Ki mati gumazim wainin dipar organir aviriba amegħa givagħha bar organi.

¹⁰ Nguibar kamin gumazamizir avirim Ikiavira Itir God ataki, eghha amiziba ko gumazibha uan paba ko amuiba ataghira, tintinbar uari isava akui.

Gumazamizibha zurara tuavir kurabar ġin zui,

egħha me uan gavgħavibha isa puv arazir kuramra aniga, gumazamizir iħarazibha paza me gami.

Kamagħin amizi, Ikiavira Itir God, uan akamin ġin ghua nguazir kam gasiġħasiki.

Ezi grazibha bar misiga għifa, ezi nguazim aži.

Ki Ikiavira Itir God, ki mikemegħha għifa.”

¹¹ “Ki Ikiavira Itir God, ki ua kamagħin migei,

Godin akam inighha izir gumazibha ko ofa gamir gumazibha uaghan Godin akaba batosi.

Eghha me nan Dipenimin aven ġingara, arazir kurabar amuasa atti ar puvati.

¹² Kamagħin amizi, tuavir me zuir kam, ki a damiġtie a bar apighsigham, eghiti mitatem bar me avaragh ham.

Eghi ki bar mighħiġvir me abinti me iregham.

Ki me gasiġħasighha dugħiam ginabagh għifa,

egħi dugħiar kamin ki bar puv me gasiġħasigham.

Ki Ikiavira Itir God, ki mikemegħha għifa.”

¹³ “Ki fomira Samarian Godin akam inighha izir gumazibar garima, me kamaghira arazir kurar ki bar aghħaużim gami.

Me asem Balin ziemin, akam akuri, eghha nan gumazamibar akua tuavir kuramin zui.*

¹⁴ Ezi ki datirighin Jerusalemin gumazir Godin akam inighha izibar għiġi, me arazir bar mizirizibagh am.

Ezi men arazir kuraba bar kurigha, Samarian akam inighha izir gumazibar arazibagh afira.

Me amuir ikiziba ko, par ikiziba abizir arazim gamu, eghha uaghan ifavarim arazim gami.

^{23:5:} Jeremaia 33:14-16 * ^{23:13:} Samaria, a not amadagħan kantri Israelin nguibar ekiam. Jeremaia amebbam a bateżiż puvatizir dugħiġi, apaniba Samarian nguibam gasiġħasiga, an gumazamizibha inighha ghua me isa pura ingangarib gumazamizir kinibar me ati. ^{23:14:} Jenesis 18:20; Esekiel 16:49

Me gumazir arazir kurabagh amiba gav-gavim me ganidi.

Kamaghin amizi, gumazitam akirim ragha arazir kabanang gasarazir puvati.

Ki Jerusalemian garima, me bar gumazamizir kuraba, mati Sodom ko Gomora.

¹⁵ “Ki Ikiavira Itir Godin Gavgaviba Bar Itim, ki Godin akam inigha izir gumazir kabagh nighnigha kamaghin migei, Jerusalemin itir akam inigha izir gumaziba, nan akaba barazir puvati, ezi arazir kam bar moghira nguazir kam bar anevara.

Kamaghin amizi, ki mizazir bar ekiam me daningam.

Ki mati marasinin misozim me ganiga, me gamima me anepi, egha mati, ki me gamima me gumazamizibagh asighasizir imezir dipam ame.”

¹⁶ Ikiavira Itir Godin Gavgaviba Bar Itim kamaghin Jerusalemia migei, “Ia Godin akam inigha izir gumaziba migeir akaba baraghan marki. Me ia gifara ghaze ia deraghvira ikiam. Me uan nighnizibar aven irebabar min garir bizibar gara ia migei. Ki akar kaba me ganidi puvati.

¹⁷ Gumazamizir nan akam baraghan aghauziba, akam inigha izir gumazir kaba kamaghin me migei, ‘Ia dabirabir aghuim ikiam.’ Egha gumazamizir akaba batogha, uan nighnizibar gin zuiba, akam inigha izir gumazir kaba, kamaghin me migei, ‘Bizir kuram, ia bativan kogham.’”

¹⁸ Ezi Jeremaia kamaghin migei:

“Godin akam inigha izir gumazir katam, bar Ikiavira Itir Godin Nguibamin ikia uari akuvir dughamin ikegha, Godin akatam ko an nighnizir aghuitam inizir puvati.

Gumazir kaba deraghavira kuarim atigha Godin akam baragha fozir puvati.

¹⁹ Ia gan!

Ikiavira Itir Godin aningagharim aminir gavgavim ko amozimin min gumazir kuraba bativam, mati aminir bar gavgavir kuram, men dapaniba dikabinam.

²⁰ Ikiavira Itir Godin aningagharim ikiwira iki mangi, bizar a damuasa nighniziba bar ada givagham.

Egh dughiar abuananamin, ia gumazamiziba bizar kaba deraghviram adagh fogham.”

²¹ Ikiavira Itir God kamaghin migei,

“Ki akam inigha izir gumazir kaba amadazir puvati.

Me uan avivizibar ghua uan akaba akuri.

Ki akatam me ganingizir puvati, ezi me akam inigha izir gumazimin min akam akuri.

²² Me ti na ko nan Nguibamin ikia uari akuvir dughamin ikegha, nan nighnizitam inigha, egha me ghua guizbangira nan abar gun nan gumazamizibav kemeghai.

Ezi akar kam gumazamizibagh amizi, me arazir kurar me amiba ategha, uamategha na bagha izeghai.

²³ “Ki Ikiavira Itir God, ki kamaghin ian azangsisi:

Ia ti ghaze, ki ti roghira kagh itir danganir kamin Godra, a? Puvati. Ki danganiba bar dar God. Ki roghira ikia, egha uaghan saghon iti.

²⁴ Eghiti gumazitam mangi igharagh modogham, eghiti ki Ikiavira Itir God, ki ti an ganighan kogham?

Puvati. Ki Ikiavira Itir God, ki bar overiam ko nguazimin iti.

Kamaghin amizi, ki gumazir kamin gari.

²⁵ “Ki akam inigha izir gumaziba nan ziamin gun migeir akar ifavariba baregha gifa. Me kamaghin migei, ‘Ki irebamin gani. Ki irebamin gani.’ ²⁶ Akam inigha izir gumazir kaba, manadizoghin navibagh iragh uan akar ifavarir gumazamizibav geirkaba ataghiraham? Bar puvatigham. ²⁷ Me uari uan irebabar gun uarira uariv gei, egha me ghaze bizar kam gumazamizibar amuti, me na gin amadaghmati, mati men inazir afeziaba fomira na gin amadagh, asem Bal bagha tevibar pira an ziam fe. ²⁸ Ki Ikiavira Itir God, ki guizbangira migei, akam inigha izir gumazitam irebar kinitamin ganigh, uan irebar kinim gehananam. Eghiti ki akam isi gumazitam danighti, a nan akar kam deraghviram anekunigh. Nan akam mati witin dagher aghuim, ezi akam inigha izir gumazir kabar akaba, da pura biziba, mati witin miseviba. ²⁹ Ki Ikiavira Itir God, ki guizbangira migei, nan akam mati avim. Egha mati haman ekiam, a dagiaba bigha dagh amima, da mineminiar kiniba iri.

³⁰ “Kamaghin amizi, ia oragh. Ki Ikiavira Itir God, ki guizbangira akam inigha izir gumazir kabar apanim gami. Me uarira

uan akaba okiava ifara ghaze, me na dama akaba ini.³¹ Bar guizbangira, ki Ikiavira Itir God, ki akam inigha izir gumazibar garima, me pura mizebav già kamaghin migia ghaze, ‘Kar Ikiavira Itir Godin akam.’ Kamaghin amizi, ki men apanim gami.³² Ian gan! Ki Ikiavira Itir God, ki garima, akam inigha izir gumazir kaba, uan ifavarir irebabar gara dar gun gumazamizibar gei. Egha me gifara ghaze, ki da isa me ganidi. Me akar ifavarir igharagha garir aviriba akuri, ezi bizir kam gumazamizibagh etuina me nan saghon iti. Ki me amadazir puvatigha, ingangarim me ganingizir puvati. Kamaghin amizi, me gumazamizibar akurvazir puvati. Bar puvati. Kamaghin amizi, ki men apanim gami. Ki Ikiavira Itir God, ki mikemegha gifa.”

*Judaba osimtzizim
Ikiavira Itir God ganangi*

³³ Ikiavira Itir God kamaghin Jeremaia mikeme, ‘Gumazamiziba o, Godin akam inigha izir gumaziba o, ofa gamir gumazitam, me ti izi kamaghin nin azangsigham, ‘Ikiavira Itir God, akar osimtzizim ittam iti, o puvati?’ Eghzi ni a ikaragh nan akar kamin gun mikim suam, ‘Ki Ikiavira Itir God, ki akam ian iti. Iarara osimtzizim na gati. Kamaghin amizi, ki ia batuegham.’[†] ³⁴ Eghzi akam inigha izir gumazitam o, ofa gamir gumazitam o, gumazir kinitam, ti kamaghin mikimam, ‘Ikiavira Itir Godin akam, bar oseme.’ Eghzi ki gumazir kam ikanvagh osimtzizim a daningiva, anadarazi sara osimtzizim me daningam.³⁵ Ian uan namakaba ko aveghbuabav geir dughiamin, ia kamaghin mikim, ‘Ikiavira Itir God, manmaghin akam ikara?’ o ‘Ikiavira Itir God, akar manam mikeme?’³⁶ Eghzi ia ua kamaghin mikiman marki, ‘Ikiavira Itir Godin akam, a bar oseme.’ Puvati. Ian akabara, osimtzizim ia ganidi. Ezi ia uari nan akam adavadafi. Ki Godin zurara ikiakamaghira itim. Ki Ikiavira Itir Godin Gavgaviba Bar Itim, ki ian God.³⁷ Eghzi gumazitam akam inigha izir gumazitam azangsighsi, a kamaghin mikim, ‘Ikiavira Itir God akar manamin ni ikara?’ o ‘Ikiavira Itir God manmaghira mikeme?’³⁸ Eghzi ia kamaghin mikimam, ‘Ikiavira Itir Godin akam bar oseme,’ ki Ikiavira Itir God, ki deraghvira ia migei. Ki akar kamin mikiman ian anogoroke, ezi ia nan akam batuegha ua migei, ‘Ikiavira Itir Godin akam bar oseme.’³⁹ Ezi guizbangira, ki ia inighia asirafagh, ia akunighti ia nan saghuiamin mangigham. Ki kamaghira ia damuva, ia

ko ian ovavibagh aningizir nguabar ekiar kam, ki uaghan a makunigham.⁴⁰ Ki ia damighti, gumazir igharaziba dibovir akaba ia gasiti, ia bar aghumsigham. Eghzi aghumsizir kam iki mamaghira ikiakam, eghzi ia a gin amadaghan kogham.”

24

Ki Jeremaia, ki fighin temebar ovizibar gani

¹ Babilonin Atrivim Nebukatnesar, Jerusalem abiragh givagha, Judaba inigha ua Babilonin ghu. A uaghan Atrivim Jehoiakimin otarim ini, otarir kamin ziar mam Jehoiakin, an ziar igharazim Jekonia. Egha a uaghan Judan gumazir ekiaba ko fofozir gumazir, bizir aghuabar ingariba ko ainin bizibar ingarir gumaziba sara inigha Jerusalem ataki. Ezi bizir kabar gin, Ikiavira Itir God bizir mam irebamin min garir bizimien aven nan aka, ezi an aven ki akirar pumuningin garima, fighin oviziba akirar kamnningin iti. Akirar kamnning, Ikiavira Itir Godin Dipenimin tiar akamin boroghin iti. ² Fighin ovizir faragha azenibar ania iti moghien, akirar mam fighin ovizir bar aghuiba an iti. Ezi akirar igharazim fighin ovizir bar kuruba an iti, ezi gumazamizibar dar aman iburaghm.³ Ezi Ikiavira Itir God kamaghin na migei, ‘Jeremaia, ni bizir tizimin gari?’ Ezi ki kamaghin a ikanvagh ghaze, ‘Ki fighin ovizibar gari. Fighin aghuiba da bar dera, ezi fighin kuraba, da bar ikufi, gumaziba dar aman iburaghm.’

⁴ Ezi Ikiavira Itir God akar mam na ganangi. Akar kam kamakin:⁵ ‘Ki Ikiavira Itir God, Israelian God, ki ghaze, Judan gumazamizir ki me batoghezi, me ghua Kaldian nguazimin ghueziba, ki men garima, me mati fighin ovizir aghuiba.⁶ Ezi ki bar deraghvira men ganiva, deraghvira me ggehuvam. Egh ua me inigh nguazir kamin izam. Ki gavgavim me daning me abinan kogham. Ki me akaragh me asian kogham.⁷ Egh ki men navir averiabar aven nighnizir aghuiba me daningti, me kamaghin fogh suam, Ki uabi, ki Ikiavira Itir God. Eghzi me ua na bagha iziva, na ko navir vamiran ikiakam. Egh nan gumazamizibar otivighti, ki men Godin ikiakam.

⁸ ‘Ki, Ikiavira Itir God, ki kamaghin migei: Ki Atrivim Sedekaia uan gumazir dapaniba ko, Jerusalemian gumazamizir uan nguazimin ikiavira itir varazira, ko gumazamizir Isipin ghueziba, ki gumazamizir kaba pazi me damigham, mati gumazim paza fighin ovizir kurar gumaziba daman

† 23:33: Me Hibrun akam aven, akar kam, “akam,” ko akar kam, “osimtzizim,” aningin arerem voroghira ghu. Akar kamin arerem, a mingarir pumuningit. Jerusalemia kamaghin a ginighnigha dibovir akabar kamaghin a dibori, “Ikiavira Itir Godin akam bar oseme.” 24:1: 2 Atriviba 24:12-16; 2 Eghaghania 36:10

iburazibagh ami. ⁹⁻¹⁰ Egh ti Kantrin Igharazibar Gumazamiziba, ki Judan amizir biziiba baregh, digavir kuram damigh, egh bar atiatigham. Guizbangira, ki apaniba ameghti me izi Judan gumazamizir ikiavira itibav suegħi me arighregham, eghzi tarazi dagħeħa puvatigħ arighiram, eghzi arimariar kuram tarazigh asighasighti me arimħighram. Ki me batuegħi me tintinibar mangegħam. Eghzi arazir kamin, ki nguazir ia ko ian ovavibagh aningizir kamin aven, ki bar ia agivagħam. Eghzi kantrin igharazir kabar gumazamiziba, ki Judaba batogħezi me dar ghueziba, me pazivira me damuva me dipovam. Egh gumazamizir kaba uan apaniabar atar akar kurabar me mikim suam, ‘Ia Judaba ikuvizi mogħin, ia ikuvigham.’

25

Atrivim Nebukatnesar Judabagh asighasigham

¹ Ikiavira Itir God Judabav kimamin akam iti, eghha akar kam isa Jeremaia ganġi. Dugħi kamin Josaiaj otarim Jehoikim, a Judabar atrivim itima, an namba 4 in azenim oto. Ezi Nebukatnesar Babilonin atrivim itima an namba 1 in azenim oto. ² Eżi Godin akam inigha iziż gumazim Jeremaia akar kam Judaba ko Jerusalemia mikri. A kamaghin me mikeme:

³ Emonin otarim Josaia, a Judabar atrivim itima, an namba 13 in azenim, ki Jeremaia Ikiavira Itir God na ganingizir akam akuravira ikiha iza namba 23 in azenim għifa. Eżi ia a baraghān aghħua. ⁴ Ikiavira Itir God, ia bagħha dugħiav aviribar uan akam inigha iziż gumaziba amadi, kar an ingangarir gumaziba. Eżi ia uan kuariba apirighha men akaba baraghān aghħua. ⁵ Godin akam inigha iziż gumazir kaba ghaze, “Ia bar vagħvagh navibagh iragh, tuavir kurar ia ġin zuu ħatakk, egh arazir kurar ia amiba ħatakk. Egh arazir kaba ategħi, Ikiavira Itir God ia ategħti, ia nguazir a ia ko ian ovavibagh aningizir nguazim deraghvira iki mamaghira ikiā. ⁶ Ia asebar ġin mangi eghħi dar ziaha fiva dar ingangaribar amuan marki. Egh ia asebar kabar marvir guabar ingariva, Ikiavira Itir God damuti, a ian aningagħan marki. Ia Ikiavira Itir Godin akam ġin mangi, a pazi ja damighan kogħham.”

⁷ Eżi Ikiavira Itir God kamaghin migei, “Ki Ikiavira Itir God, ki guizbangira migei, Nan akam inigha iziż gumazim nan akar kamin gun mikemezi, ia nan akam baraghān aghħua. Puvati. Ia asebar marvir guabar

ingara, na gamima, ki aningagħe. Eżi arazir kam bangin, ia paza uarira uarigh ami.

⁸ Kamaghin amizi, ki Ikiavira Itir Godin Gavgaviba Bar Itim, ki ghaze, ia nan akam baraghān aghħua. ⁹ Kamaghin amizi, ia oragh! Ki Ikiavira Itir God, ki notin amadaghjan itir ikizibar diaghiva, egh uħażien Babilonin Atrivim Nebukatnesar, an diaghħam, a nan ingangarir gumazim min ami. Egh ki me inighi iziti, me nguazir kam ko an borogħin itir kantriba dagh asighasigham. Eghzi me ikuvigh mamaghira ikiā. Eghzi gumazamizir igharazibha men ganigh, akirrim ragħiġ me gasi dibov akabar me mikimiva, egh digavir kuram damuva, egh puvi ram atiatingam. Eghzi nguazir kamin gumazamiziba aghħumsizim iki mamaghira ikiā. ¹⁰ Egh ki men navir aghħu minn agoroger arazim ko, bar akongeżiż arazim ko, gumaziba amuħiż ikiā minn arazim, ki bar ada givagħam. Eghzi wiċċi oviziba mirmiramin gumaziba puvatigħam, kamaghin wit mirmiramin dagħiaba ua tingagħha kogħam. Eghzi lamen angazangeriha ua danganir kamin puvatigħam. ¹¹ Eghzi nguazir kam bar ikuvigh danganir kinim otogħam. Eghzi 70 plan azenibar, nan gumazamizir kaba, Babilonin atrivim ingangarir gumaziz kinibar ikiā.

¹² “Eghzi 70 plan azenibar givagħtima, ki Babilonin atrivim ko an gumazamiziba, ki men arazir kurar me amiba ikarvagh puu me damigham. Egh Babilonin kantri gasighasigham, an ziar mam Kaldia. Eghzi Babilonin nguazim pura iki mamaghira ikiā. ¹³ Ki Babilon gasighasighha mikemex bizibba, Jeremaia bar adav keme. Ki bizix kaba bar dar amuti, da otivigham. Jeremaia osiriz akina farir kam, ki kantriba bar dagħi asighasighha mikemex akaba bar an iti. ¹⁴ Ki iverżiż kurar isi Babilon gumazamiziba, men arazir kurar me amibba bagħ me daningam. Eghzi kantrin iħbariż aviribar atrivir gavgaviba me dikabin me damuti, me pura ingangarir gumazamizir kinibar minn ingangarim damuam.”

God gumazamiziba bar me gasighasighha

¹⁵ Ikiavira Itir God, a Israelian God, a kamaghin na migei, “Jeremaia, wainin kav in ki surazir kam, kar nan aningħarhim ababnim. Ni kav in kien inighti, ki ni amadagħi, ni gumazamizir aviriba bagħ mangi, me damiġi, me wainin kav in kien kien itim ami. ¹⁶ Eghzi ki apaniba amegħti, me, me misogħiva, me gasighasigham, kamaghin me mati, me wainin dipar kabar

amegh givagh, gumazir organibar min otivigh, bar pazivira daruam."

¹⁷ Ezi ki Ikiavira Itir Godin dafarimin wainin kavin kam inigha, gumazamizir kaba bagha ghugha, me gamizima me aneme.* ¹⁸ Ki faragha ghua Jerusalem ko Judan nguibar igharaziba, ko atriviba, ko Judan gumazir dapaniba, ki me gamizi, me wainin dipar kam ame. Egha Judan atrivim ko gumazir dapaniba bar ikuvizi, nguazir kam pura nguazir kinimin oto. Ezi gumazamizir igharaziba Judan kantrin gara, akirim ragha me gasa dibovir akabar me migia, bar digavir kuram gamua, puviram atiati. Egha gumazamizir kaba akar kurabar uari uan apanibav kimasa, kamaghin me migei, "Ia Judaba ikuvizi moghin ia ikuvigham." Bizar kaba datirighin bar moghira otivigha gifa. ¹⁹ Ezi ki wainin kavin kam inigha ghua, Isipin atrivim ko, an ingangarir gumaziba ko, an gumazir dapaniba ko, an gumazamiziba ko, ²⁰ gumazamizir igharazir Isipin tongin itiba sara bar me ganingi. Egha ki ghua Usin nguazimin atriviba ko, Filistian nguazimin atriviba sara, ki bar me ganingi. Filistia nguibar kaba iti: Askelon, Gasa ko, Ekron ko Asdotin nguibamin ikiavira itir varazira. ²¹ Ezi ki wainin kavin kam inigha ghua, Idomin kantri ko, Moapin kantri ko, Amonia ko, ²² Tairin atriviba ko, Saidonin atriviba ko, ongarimin vongin itir nguibabar atriviba sara, ki bar me ganingi. ²³ Egha ki ghua Dedanin gumazamiziba ko, Teman gumazamiziba ko, Busin gumazamiziba ko, gumazamizir uan dapanir minedevir arizibar pira da oteviba, sara bar me ganingi. ²⁴ Egha ki ghua Arabian atriviba ko, gumazamiziba puvatizir danganimin itir ikizir igharagha gariba, men atrivibagh aningi. ²⁵ Egha ghua Simrin atriviba ko, Elamin kantrin atriviba ko, Midian kantrin atriviba ko, ²⁶ nguazir notin amadaghan itibar atriviba, men marazi saghon itima, marazi roghira iti, ki vaghvagh bar me ganingi. Ki nguazir kamin kantriba bar dar atriviba, ki bar me ganingi, ezi me aneme. Ezi bar abuan Babilonin atrivim abuananam ame.

²⁷ Ezi Ikiavira Itir God kamaghin na mikeme, "Jeremaia, ni akar kam gumazamizir kabav kemegh. Ki Ikiavira Itir Godin Gavgaviba Bar Itim, Israelian God, ki kamaghin migei, 'Ki apaniba amadaghti, me izi ia misogh ia gasighasigham, eighti ia wainin dipar kam ami mangivira iki wainin dipar bar aviribar amiva, ia bar onganigh, mighiva nguazim giregh ua dikavan kogham.' ²⁸ Jeremaia, me ti nin

dafarimin kavin kam inian aghuaghti, ni kamaghin me mikim, 'Ki Ikiavira Itir Godin Gavgaviba Bar Itim, ki mikeme, ia a inigh aneremi! ²⁹ Ia oragh! Ki nguazir kamin gumazamiziba bar pazivira me damigham. Ki Jerusalemin bizar kam faragh a damuam, kar nan nguibamra, ki uan ziam fasa a ginaba. Ezi ia ti ghaze, ki ia gitagham, a? Bar puvati. Ki Ikiavira Itir Godin Gavgaviba Bar Itim, ki mikeme, ki apaniba ateghti me mangi nguazir kamin gumazamiziba bar me misogham.'

³⁰ "Jeremaia, ki ni ganingizir akaba, ni bar adar gun mikemegh. Ni gumazamizir kaba kamaghin me mikemegh:

"Ikiavira Itir God uan Nguibamin overriamin ikiva,
pamtemin tiarim akarigh uan gumazamizibav kimam.

A pamtemin nguazir kamin uan gumazamizibar diaghram,
mati gumaziba wainin dipaba otivasa
wainin oviziba dika dei moghin dimam.

³¹ An dimdiar kamin niginim, bar nguazim avaragham.

Ezi dimdiar kamin mingarim kamakin. Ikiavira Itir God nguazir kamin gumazamiziba bar me tuisigham.

A kantriba bar dar gumazamiziba isi
kot darigham.

Egh ana apaniba ameghti me mangiva,
gumazamizir arazir kurabagh ambav
soghti, me arimighiram.

Ikiavira Itir God, a kamaghin mikeme.

³² "Ikiavira Itir Godin Gavgaviba Bar Itim,
kamaghin mikeme:

Ia oragh. Kantriba bar ikuvigham.

Bizar kam, faragh kantrin tamin otogham,
egh mangi bar kantribar otivam.

Ezi asighasizir kam, mati aminir ekiam bar
saghon dikavigha iva iza
nguazim bar a garui."

³³ Eighti dughiar kamin, Ikiavira Itir God gumazamizibav misoghti me arighiriti, men kuaba tintinibar nguibaba bar dar ikiam. Eighti men apangkuv aziva, men kuuba akuba, me afamin gumaziba puvatigham. Men kuaba afiar buaribar min tintinibar nguazimin iriv ikiam.

³⁴ Ia gumazamizibar gumazir dapaniba ko
me gehuva men gariba,
mati sipsipbar garir gumaziba uan sipsipbagh eghufi, ia bar puvirama azi.

* ^{25:17:} Jeremaia kamaghin migia ghaze, gumazamiziba amezir kavin dipar kamin akar isin zuim kamakin: God men arazir kuraba ikarvagh ivezim kuram me daningam. Ni Jeremaia 46-51in uaghan an gan.

Apaniba izi ia misoghti ia arimighiram
dughiam otogha gifa.

Eghti gin me gumazamizir ikiavira itiba
batuegham.

Kamaghin amizi, ia nguazim giregh a
gipoghpogh.

Ia nguazir miner aghuim irigha
biaghirezi moghin, ia iregh bar
ikuvigham.

³⁵ Sipsibagh eghuvir gumaziba,
ia ari mangi bizir kurar kam
gitaghamin mogomer danganiba
puvati.

³⁶ Ikiavira Itir God danganir men sipsipba
apir grazibagh asighasiki.

Kamaghin amizi, ia oragh!

Datirighin sipsipbagh eghuvir gu-
maziba bar puv aziava arai.

³⁷ Ikiavira Itir God bar puviriam ian
aningaghe.

Kamaghin amizi, a mati sipsipba
avughsa nimira itir danganir grazir
aghuiha itibagh asighasiki.

³⁸ Ikiavira Itir God dikavigha, laionin min
uan danganir mogomem ataki.

Ikiavira Itir God bar aningaghegha
apaniba amangizi, me iza Judabav
sosi.

Ezi men nguazim bar ikuvigha,
danganir kinim gava.

Gumazir dapaniba ko gumazamiziba Jeremaian akam batoke

26

(Sapta 26–36)

*Gumazamiziba Jeremaia misueghti an
aremehasa*

¹ Josaiyan otarim Jehoiakim, a Judan
atrivimin otivir dughiamin, Ikiavira Itir
God, kamaghin Jeremaia migei, ² “Ki
Ikiavira Itir God, ki kamaghin migei:
Ni mangi Ikiavira Itir Godin Dipenim
avinizir divaziminaven mangi, me uari
akuvir Danganimin tughiv ikiva, Judan itir
nguibabar gumazamiziba akam bar me
mikim. Kar gumazamizir nan Dipenim
aven iza nan ziam feba. Eghti akar ki
ni ganingiziba, ni me mikemegh. Ni
akatam ataghiraghan marki. ³ Egh dughiar
ni nan akaba bar ada akunam, eghti
gumazamiziba nin akam baragh, egh
navibagh iragh, egh arazir kurar me amiba
ategham. Eghti ki nighnizim giragh, bizir
kurar ki me damuasa mikemezibar amuan
kogham. ⁴ Ni akar kamin me mikemegh,
Ikiavira Itir God kamaghin ia mikimasa: Ia
nan akam baragh, ki ia ganingizir Arazibar

gin mangi. ⁵ Egh nan akam inigha izir
gumaziba, me nan ingangarir gumaziba,
me ia ganingizir akaba, ia bar dar gin
mangi. Dughiar aviribar ki akam inigha
izir gumaziba amadima, me iza akam ia
mikiri, ezi ia men akabar gin zuir puvati.
⁶ Egh ia nan akam batueghti, ki Dipenir
kam gasighasigham. Mati ki fomira uan
dipenim Silon nguibamin a gamizi mokin.
Eghti nguibar igharazibar gumazamiziba
gin uan apaniba akar kurabar me mikimsi,
me kamaghin me mikimam, “Ia Jerusalemia
ikuvizi moghin ia ikuvigham.”⁷

⁷⁻⁸ Ezi Jeremaia dikavigha Ikiavira Itir
Godin Dipenimin ghugha, Ikiavira Itir God
a mikemezir akar kaba bar dar gun gu-
mazamiziba bar me mikeme. Ezi ofa gamir
gumaziba ko, akam inigha izir gumaziba
ko, gumazamiziba bar akam baraki. Ezi
Jeremaia mikemegha givazima, ofa gamir
gumaziba ko, akam inigha izir gumaziba
ko, gumazamiziba bar an suigha ghaze, “Na
aremegh. ⁹ Manmaghsua ni Ikiavira Itir
Godin ziamin, akar kurar kam akuri? Ni
kamaghin mikiman marki, Dipenir kam Silo
ikuvizi moghin a ikuvigham. Egh ni ka-
maghin mikiman marki, nguibar kam ikuvigham,
eghti gumazamiziba uam an ikian
kogham.” Ezi Ikiavira Itir Godin Dipenim
avinizir divaziminaven itir gumazamiziba,
me bar iza Jeremaia ekiaru.

¹⁰ Ezi dughiar kamin Judan gumazir
dapaniba atrivimin dipenimin ikia, egha
bizir kabar akaba barasi. Egha me
dikavigha ghuavanaga, Ikiavira Itir Godin
Dipenim avinizir tiar akamin otifi. Egha me
uan dabirabibagh apia. Men dabirabibaga
Ikiavira Itir Godin Dipenimin avinizir
divaziminaven mangamin tiar akam
boroghin iti, tiar akar me kamaghin
diborim, Tiarakar Igiam. ¹¹ Ezi ofa gamir
gumaziba ko, akam inigha izir gumaziba
ko, gumazir dapaniba ko, gumazamiziba
bar moghira me migei, “Gumazir kam
kamaghin mikeme, nguibar ekiar kam
ikuvigham. Ia uari an akar kam baraki.
Kamaghin amizi, bizir kam bangin, an
aremegham.”

¹² Ezi gumazir dapaniba ko, gumazamiziba
bar moghira, Jeremaia kamaghin
men akaba ikara, “Ikiavira Itir God uabi na
amadazi, ki akam inigha izir gumazimin
akar ia oraghizir kam, an gun mikeme.
A uabi ghaze, Dipenir kam ko nguibar
ekiar kam ikuvigham. ¹³ Eghti datirighin
ia uan dororiba ko arazibar kirigh. Egh
ia Ikiavira Itir God, en Godin akamin gin
mangi. Egh ia kamaghin damichti, Ikiavira
Itir God uan nighnizim giraghiva, bizir a

ia gasighasighasa mikemezibar amighan kogham. ¹⁴ Ezi ko, ki ian agharimin iti. Ia bitizen na damusi, egh ia a ginighnigh suam, ian arazir kam deragh voroghira mangiti, ia a damu. ¹⁵ Ezi ki kamaghsua, ia deraghavira kamaghin fogh. Bar guizbangira, Ikiavira Itir God uabi na amadazi, ki iza akar ki ia mikemezir kabav gei. Eghia ia na misueghti ki aremegham, ia kamaghin fogh, ia gumazir arazir kuratam gamizir puvatizim puram a misueghti an aremeghti, ia an osimtizim iniam. Eghia osimtizir kam a ngubar ekiar kamin ikiva, uaghan bar moghira ngubar kamin gumazamiziba sara ikiam.

¹⁶ Jeremaia mikemegha givazima, gumazir dapaniba ko gumazamiziba bar moghira dikavigha ofa gamir gumazibav ko, akam inigha izir gumazibav gia ghaze, "Gumazir kam, Ikiavira Itir God, en God, an ziamin akam akuri. An osimtiziba puvati, kamaghin amizi, e a misueghti ana aremegham kogham."

¹⁷ Ezi Judan gumazir aruar maba dikavigha kamaghin uari akuvagha itir gumazamizibav gei, ¹⁸ "Fomira, Hesekia Judan atrivimin itir dughiamin, Moresetin nguibamin itir Godin akam inigha izir gumazim Maika, akam Judabav kira ghaze, 'Ikiavira Itir Godin Gavgaviba Bar Itim ghaze, Jerusalemin biziiba bar ikuvigham, egh minezir pozimin otogham. Egh Saion nguazir kinimin min ikiti, gumazamiziba an dagher azenibar ingaram. Eghia Ikiavira Itir Godin Dipenim iti naghin mighsiar kam, ruarim a batogham.' ¹⁹ Maika kamaghin migei, Hesekia ko Judaba bar moghira ti a misoghezi an areme, a? Bar puvati. Hesekia Ikiavira Itir Godin apengan ikia, egha uan gumazamiziba bagha an azangsisi. Ezi Ikiavira Itir God nighnizim giragha, bizi kurar a me damuasa mikemezibagh amizir puvati. Ezi erara, arazir e Jeremaia damuasa mikemezim, an osimtizir ekiam inigh izi e datigham!"

²⁰ (Ezi gin gumazir mam, an ziam Uria, a Godin akam inigha izir gumazir mam, a Ikiavira Itir Godin ziamin akam akuri. Uria a Semaian otarim, egha Kiriat Jearimin nguibamin gumazim. A Jeremaia mikemezi moghin, Jerusalemin nguabar ekiam ko Judan nguazir ikuvighasa a mikeme. ²¹ Ezi Atrivim Jehoiakim uan gumazir dapaniba ko, midorozir gumazibav ko, me Urian akar kam baraki. Egha atrivim a misoghasa amima, Uria atiatigha ara Isipin ghu. ²² Egha Atrivim Jehoiakim, Akborin otarim Elnatan amadazi a gumazir maba ko me Isipin ghu. ²³ Me ghua Uria inigha atrivim bagha ize. Ezi atrivim gumazibav kemezi

me midorozir sababar a misoghezi an aremezi, me an kuam isa gumazir kinibar matmatiam mikini.)

²⁴ Ezi gumaziba iza Jeremaia misueghti an aremeghasa amima, Safanin otarim Ahikam Jeremaian akurazi, me paza a gamizir puvati.

27

Kantriba bar, Atrivim Nebukatnesarin apengan ikiam

¹ Josaijan otarim Sedekaia, Judan atrivimin itir dughiamin, Ikiavira Itir God kamaghin Jeremaia mikeme, ² "Ni ter ararir ruarir taba inigh, benir ruarir dar afamiba inigh, mati gumazim ingangarim damuasa bizi kamning isa bulmakaun tuem garizi moghin, da isi uan tuem datigh. ³ Egh ni tuebagh arizir ter araribar ingarigh, vaghvagh Idomin atrivim ko, Moapin atrivim ko, Amonin atrivim ko, Tairin atrivim ko, Saidonin atrivim, me bagh ada amadagh. Ni fo, atrivir kabar gumazir dapaniba, en atrivim Sedekaia ko mikimasa Jerusalemin ize. Kamaghin amizi, ni tuebagh arizir ter ararir kaba isi me daningigh, eghia me da inigh uan atriviba bagh mangi. ⁴ Ni kamaghin men atrivibav mikimsi gumazir kabav kemegh: Ki Ikiavira Itir Godin Gavgaviba Bar Itim, Israelien God, ki kamaghin akam ian atrivibar iti: ⁵ Ki uabi uan gavgavir ekiamin nguazir kamin ingari, egha ki uaghan gumazamiziba ko, asizibar ingarizi da nguazir kamin iti. Ki uabi uan ifongiamin gin ghua, nguaziba abigha gumazamizibagh anidi. ⁶ Ki datirighin ian kantriba isa, Babilonin Atrivim Nebukatnesar ganidi, a nan ingangarir gumazim. Egha uaghan ki asizir atiaba isa bar a ganingi, eghia gin me an apengan ikiam. ⁷ Kantriba bar an apengan iki, egha uaghan an otarim ko, an igiav otarir gin otivamim sara men apengan ikiam. Me Babilonin apengan iki mangi, ki Babilon gasighasighamin dughiar ki misvezimtin tugham. Dughiar kamin, kantrin aviriba ko atrivir gavgaviba Babilonin dikabiragh, me damutti me pura men ingangarir gumazir kinibar otivigham.

⁸ "Egh kantrin igharaz tamin gumazamiziba Atrivim Nebukatnesar ateghti, a me gativagh men ganan aghuagharn, mati gumazim ingangarim damuasa ter ararim isa bulmakaubar tuebagh ariki, eghia ki kantrin kam paziva a damigham. Egh ki Ikiavira Itir God, ki apaniba amadaghti me izi me misogham. Eghia me dagheba otevegh arimariar kuraba iniam. Eghia arazir kabar, ki Atrivim Nebukatnesar ateghti, a kantrin kamin gumazamiziba

bar me agivagham. ⁹ Kamaghin amizi, ia atriviba, ian akam inigha izir gumaziba ko, ian kukunir gumaziba ko, ian irebabar mingaribar gun migeiba ko, ian imezibagh amir gumaziba ko, ian akavsiabagh amir gumaziba, ia kuaribar arigh me baraghan marki. Gumazir kaba ghaze, ia Babilonin atrivimin apengan ikan kogham. ¹⁰ Me ia gifari. Ia men akaba nighnizir gavgavim dar ikiti, ki ia batueghti ia uan nguaziba ategh saghon mangegham. Egh ia bar ikuvigham. ¹¹ Eghti kantrin tamin gumazamiziba Babilonin atrivim ateghti, a me gativagh men ganam, kar mati bulmakau pura ubi isa gumazimin taghizi a ter ararim isa an tuem gatigha, egha ingarasa a getui. Eghti ki gumazamizir kaba ateghti, me deraghvira uan nguazimin ikiva, uari bagh dagher azenibar ingaram. Ki Ikiavira Itir God, ki mikemega gifa.”

¹² Ezi ki Jeremaia, ki akar kamra Judan Atrivim Sedekaia ganingi. Ki kamaghin a mikeme, “Ia Judaba, ia uan tueba isi Nebukatnesarin ter araribar apengan ada amangigh, aneteghti a uan gumazamiziba ko, me ia gativagh ian ganam. Ia kamaghin damu, ia deraghvira ikiam. ¹³ Ikiavira Itir God mikemega gifa: Ni uan gumazamiziba ko Babilonin apengan ikan aghuaghti, apaniba ian taraziv sueghti me arimighiregham, egheti tarazi dagheba puvatigh arimighiregham, egheti tarazi arimariar kuram inigh arimighiregham. Ni uan gumazamiziba ko, onganigh akaba batoghti, bizir kaba ia gasighasigham. ¹⁴ Ia fo, akam inigha izir ifavarir gumaziba ghaze, ia Babilonin atrivimin apengan ikan kogham. Puvati, me pura ia gifari. Ia men akaba baraghan marki. ¹⁵ Ki Ikiavira Itir God, ki guizbangira migei, ki me amadazir puvati. Me nan ziamin akar ifavarim akuri. Ia men akaba nighnizir gavgavim dar ikiti, ki ia batueghti, ia uan nguibam ategh bar ikuvigham. Ezi akam inigha izir ifavarir gumazir akaba ia mikiriba, me uaghan bar ikuvigham.”

¹⁶ Ki ofa gamir gumaziba ko, gumazamiziba bar me bagha kamaghin akam akura ghaze, “Ki Ikiavira Itir God, ki guizbangira migei, ia akam inigha izir gumazir ifavarir kabar akaba baraghan marki. Me ghaze, ‘Me kiran oveghangin Ikiavira Itir Godin Dipenimin aven ingangarim damuamin bizir Babilonin itiba, me bar ada inigh ua Jerusalemin izam.’ Godin akam inigha izir gumazir ifavarir kaba pura ia gifari. ¹⁷ Ia men akam baraghan marki. Ia Babilonin atrivimin apengan iki, deraghvira ikiam. Puvatightima, nguibar kaba ikuvigham. ¹⁸ Gumazir kaba, me guizbangira akam

inigha izir gumaziba, egh me guizbangira Ikiavira Itir God, dama akam inigh izisi, Ikiavira Itir Godin Gavgaviba Bar Itimin azaraghti, an apaniba ateghti me Ikiavira Itir Godin Dipenimin aven ingangarim damuamin biziba, ko atrivimin dipenimin itir bizir aghuiba ko, Jerusalemin danganir igharaziba bar moghira, dar itir bizir naba inigh Babilonin mangan kogham.

¹⁹⁻²¹ “Atrivim Nebukatnesar Jerusalemin izegha, Judan Atrivim Jehoiakin ini, a Jehoiakimin otarim. Egha uaghan Juda ko Jerusalemin gumazir dapaniba ini. Egha men akua kalabus bagha Babilonin ghu. Egha a bizir aghuir maba ataghizi da Jerusalemin iti. A brasin dipenir akiniba ko, tengin ekiar me brasin ingarizim ko, me brasin ingarizir bizir me tengin doziba isin afamiba, me bizir kaba inizir puvati. Egha uaghan ingarizir bizir aghuir nan Dipenimin itir maba ko, atrivimin dipenimin itiba ko, bizir ighazarir Jerusalemin itir maba inizir puvati. Ezi ki God, ki Ikiavira Itir Godin Gavgaviba Bar Itim, Israeliyan God, ki kamaghin ia migei, ²² ‘Apaniba bizir kaba bar ada inigh Babilonin mangam. Egheti bizir kaba Babilonin iki mangi dughiar ki inabazimin, ki uam adagh inirigham. Egheti dughiar kamin ki ua me inighti, me ua Jerusalemin ikiam.’”

28

Hanania gumazamizibagh ifari

¹ Azenir kamin, Sedekaia Judan atrivim igiamra an otogha atrivimin ikia zuima an namba 4in azenim. Egha azenir kamin namba 5in iakinimin, Gibeonin nguibamin gumazir mam, a Godin akam inigha izir gumazim Hanania, Asurin otarim, a iza Ikiavira Itir Godin Dipenimin aven iza ofa gamir gumaziba ko gumazamiziba bar moghira, men damazimin akar mam Jeremaia ganidi. A kamaghin migei, ² “Ikiavira Itir Godin Gavgaviba Bar Itim, a Israeliyan God, a kamaghin mikeme, ‘Babilonin atrivim ia gativagh, mati gumazim ter ararim isa bulmakaun tuem gatigha a gatifa. Ezi ki ter ararir ian tuebagh atiziba, ki dar pirigha gifa, ezi da ua ia gativagh ian ganan kogham.’ ³ Azenir pumuning ikivira ikiti, ki ua Ikiavira Itir Godin Dipenimin aven ingangarim damuamin bizir kaba bar ada inigham, kar bizir Nebukatnesar inigha Babilonin ghuziba, ezi ki ua da inigh Jerusalemin izam. ⁴ Egh ki uaghan Judan Atrivim Jehoiakin, a Jehoiakimin otarim, a inigh egh Babilonin kalabusin itir marazi sara ua men aku Judan nguazimin izam. Guizbangira, ki

Babilonin atrivim ian tuebagh arighizir ter arariba, ki kaba apirigham. Ki Ikiavira Itir God, ki mikemegha gifa.”

⁵ Ezi Godin akam inigha izir gumazim Jeremaia datirighin dikavigha ofa gamir gumazib ko, gumazamizir Ikiavira Itir Godin Dipenimin boroghin tuvighav itibar damazimin, Godin akam inigha izir gumazim Hanania akam ikarvasi. ⁶ Jeremaia kamaghin migei, “Bar guizbangira, Ikiavira Itir God, ni mikemezi moghin damuasa ki ifonge. Ikiavira Itir God nin akam inigha izir gumazimin akar kabar amuti, da guizbangiram otivigham. Egh a uan Dipenimin biziba uam ada iniam. Egh Babilonin itir gumazamizir kaba, a ua me inigh Jerusalemin izam. ⁷ Ezi datirighin gumazamiziba ko ia bar moghira oraghti, ki akar igharazim mikimasa. ⁸ Bar fomira iza datirikin, Godin akam inigha izir gumaziba en faragha otifi. Me kamaghin migia ghaze, Midorozir ekiaba ko, mitiriar ekiaba ko, arimariar kuraba, da kantrin aviriba bativ, uaghan nguibar ekiabar otivam. ⁹ Egh ti akam inigha izir gumazibar tav kamaghin mikim suam, Gumazamiziba dabirabir aghuim ikiam, e foghan kogham, akar kam a guizbangira, o puvati. Egh ti gin, akam guizbangiram otoghi, e datirighin fogham, Bar guizbangira, Ikiavira Itir God akar kam isa, akam inigha izir gumazim ganingigha anemadazi a ize.”

¹⁰ Jeremaia akar kam mikemegha givazi, Hanania ter ararim Jeremaia uabi uan tuem gatizir kam ini. Egha Hanania ter ararir kam bar anepiraghari. ¹¹ Egha a gumazamizibar damazimin tughha ghaze, “Ikiavira Itir God kamaghin mikeme. Ezi arazir kamra, ki ter ararir Nebukatnesar tintinibar kantribar gumazamizibar tuebagh ariziba apirarigham. Azenir pumuning givaghan koghtima, ki kamaghin damigham.” Jeremaia akar kam baregha ghu.

¹² Godin akam inigha izir gumazim Hanania, a Godin akam inigha izir gumazim Jeremaian firimin itir ter ararir kam apiriaghati, ezi dughiar maba givazima, gin Ikiavira Itir God kamaghin Jeremaia migia ghaze, ¹³ “Ni mangi akar kamin gun Hanania mikemegh. Me tememin ingarir ter ararir kam ni anepirigha gifa. Ezi ni ainin igiatamin ingarigh, egh ter ararir ni dipirizir kamin danganim datigh. ¹⁴ Ki Ikiavira Itir Godin Gavgaviba Bar Itim, Israelian God, ki kamaghin mikeme: Ki uabi ainin me ingarizim inigha Kantrin Igharazibar Gumazamiziba bar moghira men tuebagh ariki, ezi me pura Babilonin Atrivim Nebukatnesarin ingangarir gu-

mazamizibar iti. Egha ki asizir atiaba sara a ganingizi, da uaghan an apengan iti.” ¹⁵ Jeremaia akar kam mikemegha givatha, ua kamaghin Hanania migei, “Hanania, ni oragh. Ikiavira Itir God ni amadazi ni izezir puvati. Ezi ni gumazamizibagh ifarazi, me nin akar ifavariba nighnizir gavgavim dar iti. ¹⁶ Kamaghin amizi, Ikiavira Itir God kamaghin migei: Nin akaba gumazamizibagh ekuizi, me nan akaba barazir puvati. Kamaghin, ki nguazir kamin ni agivagham. Ni azenir kamnaghiram aremegham.”

¹⁷ Ezi azenir kamra an namba 7 in iakinim ikiavira itima, Godin akam inigha izir gumazim Hanania aremegha gifa.

29

Jeremaia Judan Babilonin itiba bagha akinafarim osiri

¹ Jeremaia Jerusalemin ikiava, akinafarim osirigha gumazamizir kaba bagha anemada: Gumazir dapanir ikiavira itiba ko, ofa gamir gumaziba ko, Godin akam inigha izir gumaziba ko, Judan gumazamizir Babilonin itiba. Gumazamizir kaba bar moghira, Atrivim Nebukatnesar faragha Jerusalemin me inigha, Babilonin kalabus darighasa men akua ghue.

² Babilonia faragha iza Jerusalemin izegha, Atrivim Jehoiakin ko gumazamizir avirim inigha men akua Babilonin ghuegħha gifa, ezi gin Jeremaia akinafarir kam osiri. Me atrivim ko an amebam, ko atrivimin dipenimin ingarir gumazir ekiaba ko, Judaba ko Jerusalemian gumazir dapaniba ko, fofozir gumazir bizar aghuħbar ingariba ko, ainin biziżżeq ingarir gumaziba, me bar mogħira ghue. ³ Dugħiar kamin Judabar Atrivim Sedekia, a Safanin otarim Elasa ko, Hilkian otarim Gemaria, aning amadazi aning Babilonian Atrivim Nebukatnesar bagha zui. Ezi Jeremaia Judan Babilonin itiba bagha akinafarir kam isa aning ganingizi aning a inigha zui. Akinafarir kam kamaghin mikeme, ⁴ “Ki Ikiavira Itir Godin Gavgaviba Bar Itim, Israelian God, ki kamaghin mikeme. Ia Judaba, ia oragh. Ki Jerusalemin ia batuegħha ia amadazi ia Babilonin ghue. ⁵ Egh ia uari bagħ dipenibar ingariva, dagħer azeniba opariva, azenir kabar dagħebha ini. ⁶ Egh ia gumazibha amuħbar ikva boriba bati. Egh ti ġid uarbiha ġid amuħbar ikva uarbi, uari bagħ boriba bati. Egh ia ikizir avirir ekiam ikiam. Ia uari uari damuti, ian dibobonim magiran marki. ⁷ Ki ian akua nguibar ekiar ia datirighin itir kamin għu. Egh ti ġngħiġ ekiar kam bagħ pamten ingar deragh a damuti an amiraghirih

deraghvira ikiam. Eghiti ia a bagh Ikiavira Itir God ko mikimti, a nguibar ekiar kam deraghviram a damuam. Guizbangira, nguibar kam amiraghvirigh deraghvira ikiam, ia uaghan amiraghvirigh deraghvira ikiam.⁸ Ki Ikiavira Itir Godin Gavgaviba Bar Itim, Israelien God, ki guizbangira ia migei, ia akam inigha izir ifavarir gumaziba ko kukunir gumaziba, ia me ateghti me ia gifaran marki. Egha ia garir irebar aghuiba, gumazir dar mingariba abigha ia migeiba, ia me baraghan marki.⁹ Akam inigha izir gumaziba nan ziamin gun migeir akar kaba, da pura ifavarir akaba. Ki Ikiavira Itir God, ki guizbangira migei, Ki akatam me ganingizir puvati.

¹⁰“Ki Ikiavira Itir God, ki kamaghin migei: Akar kamin mingarim a kamakin. Babilon ia gativagh ian ganasa, ki 70plan azeniabagh inaba. Eghiti azenir kaba givaghtima Babilon ikuvigham. Eghiti dughiar kamin ki ia ginirigh, ua ian aku Jerusalemin izam, kar ki uan akar dikirizimin gin mangiva a damuam.¹¹ Ki Ikiavira Itir God, ki bizar ian akurvaghs ian damuamiba, ki adagh nighnigha dagh fogha gifa. Ki deraghvira ia damutti ia navir amirizim ko, dabirabir aghuim ikiasi ki ifonge. Ki pazi ia damuan aghua. Ia bizar ki damuamin kabagh nighnigh, dughiar kam mizuam ikiti, an otogham.¹² Egh dughiar kamin ia nan boroghin iziva, egh nan dimiva, egh na ko mikimti, ki ian dimdiam baragh. ¹³Eghiti dughiar kamin ia uan ifongiaba ko navir averiabar na buri nan gansi bar pamtemin ingaram. Ia kamaghin damu nan apigh nan boroghira izam.¹⁴ Ki Ikiavira Itir God, ki guizbangira migei, ki ia ateghti ia nan boroghira izam. Eghiti ki ua ia damutti ia deraghvira ikiam. Eghiti ki kantriba ko danganir ki ia batoghezi ia ghueziba, ki me da bar moghira ia akuvagh ia iniam. Egh ki ua ian aku danganir ia fomira ikezimin mangam.

¹⁵“Ia tighaze, ia Babilonin itir dughamin, Ikiavira Itir God, uan akam inigha izir gumaziba, ia ganingi.*¹⁶ Ezi Ikiavira Itir God, atrivir datirighin Judan kantri gativagha Devitin atrivir dabirabim gaperaghav itir kam ginighnigha, egha ian akar gumazir ia ko kalabusin ikezir puvatizibagh nighnigha, kamaghin migei:¹⁷ Ki Ikiavira Itir Godin Gavgaviba Bar Itim, ki ghaze, ki apaniba amadaghti me izi gumazamizir Judan ikiavira itir daraziv sogham. Eghiti ki me damutti me dagheba puvatigh, arimariar kuram iniam. Me bar fighin kurabar min

otivigham, eghiti gumazamiziba dar aman iburagh. ¹⁸Egh ki kamaghira damuvira mangi midorozir ekiaba ko, dagheba puvatighamin dughiba ko arimariar kurabar amuti, da me bativira ikiam. Eghiti Kantrin Igharazibar Gumazamiziba bizir kurar ki Judaba me damuasa mikemezibar akam baregh, bar digavir kuram damiagh atiatingam. Egh ki Judaba batueghti me tintinibar mangegham. Eghiti kantrin igharazir kabar gumazamiziba pazi me damuva, dibovir akabar me mikimam. Egh gumazamizir kaba uari uan apaniba akar kurabar me mikimsiva, kamaghin me mikimam, ‘Ta Judaba ikuviz i moghin, ia ikuvigham.’¹⁹ Ki Ikiavira Itir God, ki ghaze, me nan akam batoghezi, kamaghin ki bizar kabar me damuam. Ki dughiar aviribar uan akam inigha izir gumaziba amadi, me nan ingangarir gumaziba. Ezi me ia bagha izima, ia men akaba baraghan aghua. Ki Ikiavira Itir God, ki kamaghin mikemegh gifa.

²⁰“Ia gumazamizir ki Jerusalemin bar ia batuegha, ia amadazi ia Babilonin ghueziba, ia Ikiavira Itir Godin akam deraghviram abaragh.²¹ Ki Ikiavira Itir Godin Gavgaviba Bar Itim, Israelien God, ki akam inigha izir gumazir ifavarir pumuning ginighnisi. Kar, Kolaian otarim, Ahap ko, Masean otarim, Sedekaia. Egha ki kamaghin migei, Aning nan ziam gifara akam akuri. Kamaghin amizi, ki aning isi Babilonin Atrivim Nebukatnesarin agharim datigham. Eghiti a kamaghin mikimam, me ian damazibar aning misueghti aning aremegham.²² Ezi ia Judan Babilonin itiba, ia namakatam akar kuramin a mikimamin dughamin, ia kamaghin mikimam, ‘Tkiavira Itir God ni gasighasigham, mati a Sedekaia ko Ahap gamizi, Babilonin atrivim avimin aning gaponge.’²³ Aning Israelien tongin bar arazir kuram gami, egha aning namakabar amuiba koma akuava, nan ziam gifara akam akuri. Ki akar kam me ganingizir puvati. Kirara, ki aning gara aning gifogha givagha aningin gun migei. Kamaghin amizi, ki aning gasighasigham. Ki Ikiavira Itir God, ki kamaghin mikemegha gifa.”

Jeremaia akar gavgavim isa Semaia ganingi

²⁴ Ikiavira Itir God kamaghin mikeme, “Jeremaia, ni Nehelamin nguibamin gumazim Semaia akar kam a mikemegh.²⁵ Ki Ikiavira Itir Godin Gavgaviba Bar Itim,

29:10: 2 Eghaghaniba 36:21; Jeremaia 25:11; Daniel 9:2

Onger Akaba 50:15; 145:19; Jeremaia 33:3

29:13: Godin Araziba 4:29; 1 Eghaghaniba 22:19; 2 Eghaghaniba 6:37;

Jeremaia 24:7

29:14: Aisaia 43:5-6; Jeremaia 16:15; 23:8; 30:3

29:11: Aisaia 40:9-11; Jeremaia 30:9-10; 30:18-22 **29:12:**

Jeremaia 24:7

29:15: Ikiavira Itir God ua akam inigha izir gumazibar gumazir pumuningin, a ves 20-23in aven gun migei.

Israeli God, ki kamaghin mikeme, Semai, ni uan nighnizimin gin ghua, Masean otarim Sefanaia, a ofa gamir gumazir mam, a ko ofa gamir gumazir igharaziba bar, ko gumazamizir Jerusalemin itiba bar moghira, ni uan ziamin akiナfarim osirgha me bagha anemada. Nin akiナfarim kamaghin mikeme: ²⁶ Sefanaia, Ikiavira Itir God ni amisefe, eghti ni ofa gamir gumazimin iki, ni Jehoiadan danganim inigh, Ikiavira Itir Godin Dipenimin ganam. Eghti gumazitam ifaragh onganigh akam inigha izir gumazimin min akam akunti, kar nin ingangarir ni damuamim: Ni a isi kalabus datigh, an sueba ko dafariba ikegh, ainin an firim dafagh. ²⁷ Egha ni manmaghsua Anatotin nguibamin gumazim Jeremaia akiran aghua? Kar gumazir ian tongin akam inigha izir gumazimin min akam akurir gumazim. ²⁸ E Babilonin kagh itir gumazamiziba, an e bagha akam amadagha ghaze, 'a dughiar ruarimin kalabusin ikiem. Kamaghin amizi, ia uari bagh dipenibar ingariva, azenibar dagheba opariva, azenir kabar dagheba ini.'

²⁹ Ofa gamir gumazim Sefanaia, Semaian akiナfarim inigha Jeremaia bagha ghugha, a bagha akiナfarir kam dibori. ³⁰ An a diponegħa givazima, Ikiavira Itir God kamaghin akam isa Jeremaia ganingi, ³¹ "Jeremaia, ni akam isi bar Judan Babilonin kalabusin itir adarazi bagħ anemadagh, kamaghin me mikim suam: Ikiavira Itir God, Nehelamin nguibamin gumazim Semaia ginighnigha ghaze, ki ia bagha Semaia amadazir puvati. Ezi an akam inigha izir gumazimin min akamin gun ia mikeme, egha ia gamizima, ia akar ifavarir kam nighnizir gavgvim an iti. ³² Ki Ikiavira Itir God, ki guizbangira migei, Nehelamin nguibamin gumazim Semaia, gumazamizibagh etuima me nan akaba batosi. Kamaghin amizi, ki a ko an adarazi puv me damigham. Egh bizir aghuir ki uan gumazamiziba bagħ damutti da otti vagħiġi, an adarazir gumazitam, bizir kabar gansi ikegħan kogħam. Ki Ikiavira Itir God, ki mikemegħha gifa."

30

*Ikiavira Itir God uan gumazamiziba der-
agh me damuasa akam akiri*

¹ Ikiavira Itir God kamaghin akam Jeremaia ganiga ghaze, ² "Ki Ikiavira Itir God, Israeli God, ki kamaghin mikeme: Ni akiナfaritam inigh, egh ki ni ganingizir akaba bar ada osirigh. ³ Ki Ikiavira Itir God, nan gumazamiziba Israelia ko Judaba, me ua deraghvira ikiwas, ki me bagħha dugħiām

amisevegha gifa. Ki ua men aktu nguazir ki men ovavibagh aningizimin izam, eghti a ua men nguazimra otogħam."

⁴ Ikiavira Itir God Israelia ko Judabagh nighnigha ghaze:

⁵ "Ki Ikiavira Itir God, ki kamaghin mikeme: Eorazima, gumazamiziba navir amirizimin itir puvatigħha,
bar atiata digavir kuram gamua bar
puviram azi.

⁶ Manmagħin ami?

Gumaziba ti boriba bati, a? Pu-
vatigħam.

Ezi manmagħsua, ki gumazibar garima,
me vagħvagħha dafariba isa uan nav-
ibagh ariki,
mati amizim borim batasa mizazir
ekiam isi mogħin arai.

Manmagħsua, men guaba igharaghha
otivigha gari,
mati gumazim bar puviram attiati.

⁷ Iavzika! Dugħiars bar kurar mam
otivasa ami.

Egha dugħiars kam bar dugħiars kurar
maba bar adagh afira.

Nan gumazamiziba, Israelia, me dugħiars
kamini osimtizir bar ekiam iniam.
Eghti ki ua me iniam."

⁸ "Egh dugħiars kamini apaniba Israelien
tuebagħi atiżżej ter ararir kaba ki da apirigh,
men kalabuziām agivagħam. Eghti me ua
pura igharaz darazir ingangarir gumazir
kinbar min ikian kogħam. Puvati. Ki
Ikiavira Itir Godin Gavgħiha Bar Itim, ki
kamaghin mikeme. ⁹ Ki Ikiavira Itir God,
men God, me nan apengen ikiam. Eghti
ki me bagħ Atrivim Deviñ ovavir boribar
tav amisevegħti, a me gatvagħ men ganam.
Eghti me an apengen ikiam."

¹⁰ Ikiavira Itir God kamaghin migei:

"Ia Israelia, ia Jekopin ovavir boriba, ia nan
ingangarir gumazamiziba,
ia atiatiġiwa digavir kuram damuan
marki.

Bar guizbangira, ia kantrin sagħon itir
kamini kalabusin iti.

Eghti ki ua ia inighti,

ia ua uan nguazimra izegħi, deraghvira
dapiqħam.

Eghti tarazi ua ia damutti ia atiatiġan
kogħam.

¹¹ Ki Ikiavira Itir God, ki ia ko iki ian akur-
vagħam.

Ki ia batogħezi, ia ghua kantrin
igharazibar tongin itiba,
ki bar me agivagħam.

Egh ki ia agivagħan kogħam.

Guizbangira, ki puv ia damigham,

ki arazir voroghira itim
ginighnigha ia akiri.”

¹² Ikiavira Itir God ua kamaghin migei:

“Ia Israelia, me puv ia misoke,
eghti ian misazim ikivira ikiti, ian duar
ekiaba akumighan kogham.

¹³ Ki ian akurvaghs, ia bagh na ko
mikimamin gumaziba puvati.

Egha uaghan ian mikarziba akirighti,
da ua deraghamin marasinsba pu-
vati.

¹⁴ Ia arazir kurar aviribagh amigha
osimtizir ekiam iti.

Kamaghin amizi, ki ia gasighasiki,
mati gumazim uan apanimin
apangkuvir puvatigha, a
gasighasiki.

Kamaghin amizi, iavzika, gumazir fomira
ian namakabagh amiziba, me ia gin
amadaghha gifa,
egha me ua ia ginighnizir puvati.

¹⁵ Ia uan duar kaba bagh azirakar aviribar
amuuan marki.

Duar kaba akumighan kogham.

Ia arazir kurar aviribagh ami, egha
osimtizir ekiam iti.

Kamaghin ki arazir kamin ia gami.

¹⁶ Guizbangira, ia gasighasizir adarasi, me
uari ikuvigham.

Ian apaniba mangi saghon itir
nguibabar kalabusin ikiam.

Gumazir paza ia gamigha ian biziba oke-
meziba,
apaniba pazi me damuva, men biziba
okimam.

¹⁷ Ian apaniba kamaghin migei:

“Saion mati bizir kinim, egha bar ikufi.

Ezi gumazitam an apangkuvir puvati.

Ki uabi ian mikarzibar amighti, da ua der-
aghams,

egh ian duabar amighti, da misigham.”

Ki Ikiavira Itir God, ki kamaghin
mikemegha gifa.”

¹⁸ Ikiavira Itir God kamaghin migei:

“Ki Jekopin adarazir apangkuvigh, egh men
akuraghams.

Eghti me uari bagh dipenibar ingar, egh
deraghvira ua uan nguazimin ikiam.

Egh Jerusalem fomira ikezi moghin, me
uam an ingaram.

Egh atrivimin dipenim me an dangan-
imra an ingaram.

¹⁹ Eghti Israelia na minabir ighiabar
amuam.

Egh me ighiabar amuva, egh bar
akongegham.

Eghti ki me damighti me bar avirasemegham,
egh me ua varazira ikian kogham.

Eghti ki gumazamizir igharazibar amighti,
me men ziaba dikabiraghan kogham,
me ziar ekiam me daningam.

²⁰ Israelia fomira gavgavizi moghin ikiam.
Eghti ki men akuraghti me deraghvira
uan nguazim dapiaghams.

Eghti gumazir pazi me damuamiba,
ki puv me damigham.

²¹ Eghti men gumazitam uabi men gumazir
dapanir ekiamin otogh, me gativagh
men ganam.

Ki uabi gumazir kamin aku uabin
boroghira izam.

Guizbangira, gumaziba uan ifongiabar gin
ghua nan boroghira izir puvati.
Ki Ikiavira Itir God, ki kamaghin
mikemegha gifa.

²² Eghti ia Israelia, ia nan gumazamiz-
ibaram otoghti,
ki ian Godin ikiam.”

²³ Ia gan! Ikiavira Itir Godin aningagharim
gumazir kuraba bativasava ami,
mati aminir gavgavim ko amozir ekiam
me bato,
egha mati aminir ighuagha aruim
men dapaniba abini.

²⁴ Ikiavira Itir Godin aningagharim iki
mangivira ikiti,
bizir a damuasa nighniziba, a bar
moghira dar amu da givaghams.

Eghti ia dughiar abuananamin,
bizir kabagh fogham.

31

*Israelia uamategh izi deraghvira uan
nguibamin ikiam*

¹ Ikiavira Itir God kamaghin migei:

“Dughiar ki inabazimin, ki Israelian ikiziba
bar men Godin ikiam,
eghti me nan gumazamizibaram
otogham.

² Ki Ikiavira Itir God, ki kamaghin migei:
Apaniba Israelia misozima, men ikiavira
itir varazira apanibagh itagha
ara ghua gumazamiziba puvatizir dan-
ganimin iti.

Ezi ki me gifuegha, arazir aghuilar me
gamima,

me guua avughsazir danganimin
ghue.”*

³ Ikiavira Itir God, danganir saghuiamin
ikegha, e bagha izegha kamaghin
migei,

“Ta Israelia, ki ia damighti ia na gifuegh nan
boroghira izasa,

kamaghin ki zurara ia gifonge, ezi
nan ifongiamin arazir kam iki mam-
aghira ikiham.

Guizbangira, nan apangkuvim ian
itima, ki ia baghvira iti.

⁴ Ta Israelia, ia mati nan guivir igiar ki bar
ifongezim,
ki ia damighti ia ua kantrin gavgavimin
ikiam.

Egh ia akuegh, mati amizir igiaba bubab
sogha,
egha ighiam gizir marazi ko akueghiva
ighavamang iki.

⁵ Egh ia uam uari, uari bagh Samarian
mighsiabar wainin azenir igiabar in-
gar.

Egh ia wainin azenir kaba oparizir
darasi,
ia uari uan wainin ikarizir kabar
oviziba iniva bar akuegham.

⁶ Eighti dughiar kamin, Efraim min an-
abamin adarazir gumazir eghuvir
mighsiabar itiba,
me kamaghin dimam,

Ta bar moghira dikavigh izi, e Saionin
Mighsiamin mavanangam.

E Ikiavira Itir God bagh mangam, en
God.”

⁷ Egha Ikiavira Itir God ua kamaghin migei,
“Ta, Jekopin adarazi bagh bar akongegh
ighiabar amu,
gumazamizir kaba gumazir igharaz-
ibagh afira.

Ia pamtem, ziar ekiam na daningamin ighi-
abar amu, egh kamaghin mikim,
‘Ikiavira Itir God, ni uan gumazamiziba
ua me inigh,

kar Israeliian ikiavira itir varazira.’

⁸ Bar guizbangira, ki notin amadaghan itir
nguubar kam ko nguazir oteviba bar
uan gumazamiziba inigh,
ua men aku izam.

Damazir kuraba itir gumaziba, ko suer
kuraba itir gumaziba ko, amizir

navir adaseba ko, amizir boriba
batasava amiba,
me uaghan izam.

Eighti gumazamizir avirim ua-
mategħi nguubar kamin izam.

⁹ Ki menaku izamin dughiamin, me
uan arazir kurar me amiziba gin
amangisi,

na ko mikim azi, na ko tuavimin izam.
Ki me inigh men faragh mangi dipar aghium

itir danganimin otogħi,
menaku tuavir aghuħbar mangiti, me
iregħan kogħam.

Guizbangira, ki Israeliian afeziamin
min itima, Efraim nan otarir
ivariamin min iti.

¹⁰ “Ta Kantrin Igharazibar Gumazamiziba,
ia deraghvira kuaribar arīgh nan
akam baragh, ki Ikiavira Itir God.

Egh ia nan akar kamin gun bar
gumazamizir ongarimin vongin
sagħon arighthażiżbar itibav kin.

Ia kamaghin me mikim,
Ikiavira Itir God Israelia batogheżi me tin-
tinibar ghue,
ezi a ua me inigh izam.

Egh a ua deraghvira men ganam,
mati gumazim uan sipsipbar gara me
geghufi.”

¹¹ Ki Ikiavira Itir God, ki apanir gavgavibar
aghārimin,
ua Jekopin gumazamiziba, inigham.

¹² Eighti me iżi Saionin Mighsiamin tugh bar
akuegh,
egħi bar pamtemin araghaci dim ighi-
abar amuam.

Egh biziż bar aghuir Ikiavira Itir
God me ganingiziba bagħ bar
akuegham.

Egh me wit ko, wain ko, olivin boreba
ko, sipsipa ko, bulmakaun ki me
ganingiziba,
me da bagħ bar akuegham.

Egh me bar deraghviram otivigham,
mati dagħer azenim dipamin otevezir
puvati.

Egh me ua pazi ikian kogħam.

¹³ Eighti dugħiars kamin guivir igiaba bar
akuegh kumatizibagh ighiam,
egħiġi gumazir igiaba ko, gumazir
ghuriba uaghan bar akuegh kumatizibagh ighiam.

* **31:2:** Ves 1 ikeghha guua 22in aven itir akaba, da Israeliian gumazamizibar gun migei, me fomira notin amadaghan Judan kantrin Israeliān kantrin ike. Gumazamizir kaba arazir kurabayha amma, God apaniba tagħiżi me me inighha guua uan kantri ike, me kamaghin a dibbi, “Kantri kam notin amadaghan iti.” Ni ves 8in gan. Me dugħiars ruarim kantrin kamin ike, egħi datiरiġiñ God ua me inigh Israeliān kantri nguħbar mam. Ni ves Sin gan. Efraim anabamin adarasi, a Israeliān ikizir dafam. Ezi God Efraim ziem dibor iħiġi, a Israeliān notin amadaghan iti darazi bar mogħira me dibori. Ni ves 6 ko 9 ko 18 ko 20 in gan. **31:3:** Godin Araziba 4:37; Onger Akaba 25:6; Jeremaia 24:6 **31:8:** Godin Araziba 30:4; Aisaia 42:16; Esekiel 34:16; Maika 4:6

Ki men azir akaba agivagh, me damut̄i men naviba bar deraghām.

Ki men navibar itir osimtizibar amuti, da amiragh ikiti, me bar akuegham.

¹⁴ Ki gumazamizibar amuti, me ofan aviriba inigh na bagh izam.

Egħi kamaghira, ofa gamir gumaziba dagħer aghuir aviriba ikiam.

Egħi kie bixiż bar aghuiba uan gumazamizibar aningti, me bizitamin oteveghan kogħam.

Ki Ikiavira Itir God, ki mikemegħa gifia.

Ikiavira Itir God Israeliyan apangkufi

¹⁵ Ikiavira Itir God kamaghin migei:

“Me Raman nguibamin tiarir mam barasi, azir akam ko tuat̄em.

Reselin boriba ua itir puvati.

Kamaghira, u an ovengexiż boriba bagħha azi.

A navir amirizim inian aghħua.†

¹⁶ Ezzi kie Ikiavira Itir God, ki ghaze,

Resel, ni uam azian marki.

Ni uan damazimin teriba adisigh.

Nin azir akam pura zuir puvati.

Nin boriba apanibar kantri ategħ u ni bagħiż izam.

¹⁷ Ki Ikiavira Itir God ki kamaghin migei:

ni bizir otivamin kam ginighnigh.

Nin boriba uamategħ uan nguibamin izamim minn dugħiem ni a mizuam.

¹⁸ “Ki Efraimin adarazir azir akam baregha gifia.

Me azia kamaghin migei:

Ikiavira Itir God, ni e akirasa, mizazim e ganingi,

mati gumazim bulmakaun igħiż orazir puvat̄iġha akaba batozim misosi.

Ikiavira Itir God, nirara en God,

kamaghin ni ua e ategħti, e uamategħ ni bagħiż izam.

¹⁹ E ni ategħi givagħha, datirighin e ua uan nighnibbagħ iragħha gifia.

Egħi e uan osimtizim gifożir dugħiġi, e osemegħa bar aghumsiki, egħi dapaniha avingi.

Faragħa en adarazi gumazamizir īgiabar min ike, egħi me arazir kurar aviribagh ami.

Egħi datirighin e uan arazir kuraba, bar dar aghumsiki.

²⁰ Ki Ikiavira Itir God, ki mikeme:

Ki bar Efraim gifonge, a nan otarim.

Ki zurara an ziamin dia, egha puv a ginighnisi.

Dugħiar mabar ki an atari.

Ezzi guizbangira ki a ginighnigh an apangkuvuqham.

²¹ “Ia Israelia, ia uan nguibam ategħa ghuzir tuavir kam, ia deragh a ginighnigh, egh ia ua izi, ababanir taba uari bagħ ada asegh.

Ia Israelia, ia mati nan guivir igiar ki bar ifongoosejim, ia datirighin uamategħ uan nguibabar izi.

²² Ia mati nan guivim, egha ia akirim na gasara.

Ia manadżogħin navir pumuning itir arazim ategħam, egh ua na bagħiż izam?

Ki Ikiavira Itir God, ki arazir igiam atizi a nguazir kamin oto.

Arazir kam kamakin:

Mati amizim ua uan pam gifuegħa, an ikiasi a azangħi.‡

Ikiavira Itir Godin gumazamiziba dabirabir aghuim ikiam

²³ Ikiavira Itir Godin Gavgaviba Bar Itim, Israeliyan God, a kamaghin mikeme:

“Ki gin Judan nguazim damighti, a deraghvir aikiam.

Egħi Judaba uan nguazim ko nguibar ekiabar aikiam.

Egh me fomira mikemezi mogħin ua mikim suam,

‘Ni Ikiavira Itir Godin mighsiam, Ikiavira Itir God nin ikia, bar arazir aghuibagh ami!

Ikiavira Itir God bar deraghvir ni damu!§

²⁴ Gumazir azenibar ingariba ko, gumazir sipsipbagħ eghuva, egha dar gariba sara uaghan, me Judan nguaziba ko nguibar ekiabar aikiam.

²⁵ Egħi gumazitam amiragh damaziba an siram, ki gavgavir igiam a daningam.

Egħi gumazitam amiragh damaziba an siram, ki gavgavir igiam a daningam.”

²⁶ Ezzi ki osegha dikavigha tintinibar gari, egha ghaze, ki deragħha akui. \$

31:15: Jenešes 35:16-19; Matju 2:18 **† 31:15:** Resel a Jekopin amuim, ezi Israelia kamaghin nighnisi, a men inagħamir amebam. Me fo, Reselin kuam afażiż moxim Raman nguibamin iti. Kamaghin amizi, gumazamizir kaba kamaghin migei, Resel Raman nguibamin ikia uan ovavir borid oveagħuezibagh nighnigha azjavira ikia iti. **‡ 31:22:** Hibrun akam deragħa migriġiġi kamin mingarim abighiżżejjur puvati. **§ 31:26:** Akar kamin mingarim deragħha otozir puvati, tina akar kam akuni. A ti Jeremaia, o ti gumazir iġħarazim? E fogħan kogħam.

27 "Ki Ikiavira Itir God, ki ghaze, Ki dughiar mam amisefe, egh ki gu-mazamiziba ko asizibar amighti, da Judaba ko Israelien nguazimin otiv bar avirasemegham. Mati gumazim dagher azenimin ingarigha, dagher aviribagh amizi da otif. 28 Ki fomira da asiasi dar gara, da abigha, egha dagh asighasigha paza dagh ami. Egha datirighin, ki dar ganiva, dar ingariva da oparti da deraghvira ikiam. Ki Ikiavira Itir God, ki kamaghin mikeme. 29 Eghti dughiar kamin gumazamiziba ua kamaghin akar isin zur' kamin mikiman kogham: Afeziaba ko amebaba wainin ovizir angamtiziba api. Ez i wainin ovizir kaba isingtiziba puvatigha boribar akabav sozi men atariba me giri. 30 Puvati. Dughiar kamin, gumazitam arazir kuratam damigham, a ubi aremegham. Mati gumazim wainin ovizir anizir puvatiziba amezi, da an akam misozi an atariba a giri."

31 Egha Ikiavira Itir God migia ghua kamaghin migia ghaze, "Dughiam a iziti, ki Israelia ko Judaba, me ko Akar Dikirizir Gavgavir Igiam damuam. 32 Ki Ikiavira Itir God, ki ghaze, Akar Dikirizir Gavgavir Igiam, ki fomira men ovavir afeziaba ko amizir Akar Dikirizir Gavgavim, an an min mangan kogham. Fomira itir dughiam, ki uan dafarimin men suigha me inigha Isipin kantri ategha azenan ize, egha ki men pamin min itima me nan amuimin min iti. Egha me Akar Dikirizir Gavgavir Ghurir kam abiki. 33 Ki Ikiavira Itir God, ki kamaghin ia migei, Gin izamin dughiam otoghti, ki Israel ko Akar Dikirizir Gavgavim damichti, a kamaghin mangam: Ki uan araziba men nighnizibar arigh, egh da isiva men navir averiabar da osiram. Egh ki men Godin ikitima me nan gumazamizibar ikiam. 34 Ki Ikiavira Itir God, ki guizbangira migei, dughiar kamin gu-mazamiziba vaghvagh uan namakaba ko uan adarazir sure damuan kogh suam, 'Ta Ikiavira Itir God gifogh.' Puvati. Me bar moghira na gifogham, gumazamizir kiniba ko ziaba itir gumazamiziba. Eghti ki men arazir kuraba gin amadaghiva ua dagh nighnighan kogham."

35 Ikiavira Itir God angazangarim aningasa aruemin ingari,
egha a iakinim ko mikoveziba dimagaribar angazangarim aningasa
dar ingarigha, dar danganibar da ariki.

31:28: Jeremaia 1:10; 44:27; Daniel 9:14 **31:29:** Esekiel 18:2 **31:30:** Godin Araziba 24:16; Aisaia 3:11; Esekiel 18:4; 18:20 **31:31:** Matyu 26:28; Mak 14:24; Luk 22:20; 1 Korin 11:25; 2 Korin 3:6 **31:32:** Hibrus 8:8-12 **31:33:** Jeremaia 24:7; 32:40; Hibrus 10:16 **31:34:** Aisaia 11:9; Maika 7:18; Habakuk 2:14; 1 Tesalonika 4:9; Hibrus 10:17

Egha an ongarim fezi, ongarir ekiaba dikava pamtemin dipiraghira tingazi. An ziam kamakin, Ikiavira Itir Godin Gavgaviba Bar Itim.

A kamaghin mikeme:

36 "Ki Ikiavira Itir God, ki guizbangira migei, Israelien adarasi, me zurara iki mamaghira ikiam,
mati aruem ko iakinim ko mikoveziba.

Eghti aruem ko iakinim ko mikoveziba, me uan ingangarir ki me ganingizim damuan kogham, eghti dughiar kamra Israelien adarazi givagham.

37 Ki Ikiavira Itir God, ki ghaze, Gumazitam ti overiamin danganibar abaniba bar da inigh, egh gumazir kam ti nguazimin dikinim magirigh, nguazimin oteviba bar dar ganigh deraghvira dagh foghti, eghti dughiar kamra ki Israelien gu-mazamiziba akirim ragh bar me gasaraghiva, men arazir kurar me amiziba ikarvagham.
Ki Ikiavira Itir God, ki mikemegha gifa."

38 Ikiavira Itir God ua kamaghin migei, "Ki dughiar mam amisefe, eghti me ua Jerusalemin ingaram, nan nguubar ekiar kam. Jerusalemin divazir notin amadaghan ghuzimin ababanim, an Hananelin Tauan ikegh mangi divazimin Mikebamin Tiar Akamin tugham. 39 Eghti an mitaghniam mangi Garepin mighsiar dozimin, aruem ghuaghiri naghin tugham, egh ua ragh mangi Goan nguibamin tugham. 40 Egh nguibamin mitaghniamin mangi sautin amadaghan mangi Kidronin danganir zarimin miriam gighuigham. Nguibamin mitaghniamin aven nguazir kam, matmatiam ko danganir avereniba akurim iti. Eghti aruem anadi naghin nguazir zarimin ruaghatevibar itir danganir kaba, bar moghira uaghan nguubar kamin mitaghniamin aven ikiam. Eghti mitaghniam aruem anadi naghin mangi Hozziaba Zuir Tiar Akamin tugham. Eghti nguazir nguubar ekiar kamin aven itiba, kar bar nan nguibabara, ki Ikiavira Itir God. Eghti apaniba izi nguubar kam gasighasigh, uam an biziba akararighan kogham. Puvatigham. Nguubar kam a deraghvira iki mamaghira ikiam."

32

Jeremaia nguazir otevir mam givese

¹ Ezi namba 10in azenimin Sedekaia Judan atrivimin itir dughiamin, Ikiavira Itir God akam isa Jeremaia ganingi. Kar Atrivim Nebukatnesar Babilonin atrivimin iti a namba 18in azenim.

² Ezi dughiar kamin Babilonin atrivimin midorozir gumaziba, Jerusalemin nguibamin divazim azui, ezi Godin akam inigha izir gumazim Jeremaia Judan atrivimin dipenimin boroghin itir danganimin kalabusin aven iti.

³⁻⁵ Jeremaia faragha kamaghin Godin akam inigha izir gumazimin min akam akuri, "Ikiavira Itir God kamaghin mikerne: Bar guizbangira, ki Babilonin atrivim ateghti a nguabar ekiar kam iniam. Eghit Sedekaia Babilonian arimangaghin kogham, kar Kaldiaba. Puvati. Ki Ikiavira Itir God, ki Babilonin atrivim ateghti an an suiraghram, eghit Sedekaia, Nebukatnesarin guamin tugh, gua uaghara uaningen gan, egh ni an azangsiziba deraghviram ada ikarvaghram. Nebukatnesar Sedekaia inigh Babilonin mangichti, a nguabar ekiar kamin iki mangi dughiar ki uam a ginighnighamimin tugham. Kamaghin amizi, ia Babilonia misoghsit damuva, ia me dikabiraghan kogham. Ki Ikiavira Itir God, ki mikemegha gifa." Ezi Atrivim Sedekaia akar kam baregha, kamaghin Jeremaian atara ghaze, "Tinara ni mikemezi, ni Godin akam inigha izir gumazimin min akar kam akuri?" Egha Sedekaia maghira Jeremaia inigha kalabus gati.

⁶ Kar Jeremaian akamra. Ki Jeremaia, ki kalabusin itir dughiamin, Ikiavira Itir God kamaghin na mikeme:

⁷ "Ni oragh. Nin aveghbuam, Hanamel, a nin afeziar dozim Salumin otarim, a ni bagh izam. Egh a nguazir Anatotin itim givesi nin azangam. Ni fo, ni an aveghbuar bar an boroghira itim, ezi ni nguazir kam givezamin faragh mangamin gumazim."^{*}

⁸ Ezi Hanamel gin iza danganir midorozir gumaziba iti naghin kalabusin nan gani, Ikiavira Itir God mikemezi mokin. Ezi Hanamel kamaghin na mikeme, "Ni Anatotin nan nguazim givesegh, a Benjaminin anabamin nguazibar nguazir otevir mam. Ni fo, ni nan aveghbuar roghira itim, ni nguazir kamin faragh mangi a givezamin gumazim. Ni ua bagh a givezeqhti, nguazir kam nin nguazimra ikiam." Egha Hanamel uabi mikemegha givazi, ki fo, kar Ikiavira Itir Godin akamra, eghit ki Ikiavira Itir God ifongezi moghira damuam.

⁹⁻¹⁰ Egha ki nguazir kam givese. Ki nguazim givezasa akam akirigha an osirigha, gumazir mabar damazibar, uan ababanim a gati. Egha ki nguazir otevin imivezim bagha 200 silvan dagiaba menegheha, da isa Hanamel ganingi.

¹¹ Egha ki nguazim givezasa akar dikirizir akinafarir pumuning osiri, ezi akinafarir kamning bizar ga damuasa akam akirizir akaba aningin iti. Ezi akinafarir mam ki a dukua, ezi igharazim ki a dukuazir puvati. ¹² Egha ki akinafarir otevir kamning inigha Baruk ganingi, a Nerian otarim, egha Masean igiavotarim. Ezi gumazir aviriba nan garima, ki nguazim givezasa bizir kabagh ami. Nan aveghbuam Hanamel ko, gumazir akinafarimin men ziaba osiriziba, ko Judan gumazir danganir kamin aperaghav itiba, me bar moghira bizir kabar garima, ki dagh ami. ¹³ Gumazir kaba garavira itima, ki kamaghin Baruk migei, ¹⁴ "Ikiavira Itir Godin Gavgaviba Bar Itim, Israelian God, a kamaghin migei, 'Baruk, ni akar dikirizimin akinafarir kamning inigh, dukuazir puvatizim ko dukuazim. Egh aning isi nguazir minetam darugh, eghit aning deraghviru dughiar ruarinim ikiam."

¹⁵ Guizbangira, arazir kamin mingarim kamakin: Ikiavira Itir Godin Gavgaviba Bar itim, Israelian God, a ghaze, Gin gumazamiziba ua dipeniba ko, nguaziba ko, wainin azeniba nguabar kamin a dagh iveauzam.

Jeremaia Ikiavira Itir God ko migei

¹⁶ Nerian otarim Baruk, akar dikirizir gavgavim itir akinafarim inigha givazi, ki kamaghin Ikiavira Itir God ko migei, ¹⁷ "O Ikiavira Itir God, nan Ekiam, nin gavgavir ekiamin, ni overiam ko nguazim ingari. Ni bizitam damusi iburaghan kogham. ¹⁸ Ni zurara tausenin gumazamizir aviribar apangkuji. Eghit gumazitam arazir kuratam damigham, ni iveauzir kuram a daningiva, uaghan an boriba ko an arazir kuraba ikarvaghram. God ni bar gavgafi, ezi nin gavgavim bar en gavgavim gafira. Ezi nin ziam kamakin: Ikiavira Itir Godin Gavgaviba Bar itim. ¹⁹ Ni bizir aghuubar amuasa nighnisi. Ni gavgavim ikia, egha ni ingangarir ekiabagh ami. Ni gumazamiziba amir biziba ni bar adar gari. Egha ni vaghvaghya gumazamiziba amir araziba tuisigha, arazir me amibar iveauzimra ikarvagh me ganidi.

²⁰ "Ni fomira Isipin kantrin mirakelin ekiabagh ami. Egha ni Israelia ko gumazamizir igharaziba bar, men tongin arazir kamagh garibagh amuavira iti. Kamaghin amizi, gumazamiziba bar ziar ekiam ni ganidi. ²¹ Nin gavgavir ekiamin, ni mirakel bagh

^{*} 32:1: 2 Atriviba 25:1-7 32:7: Ofa Gami 25:25in itir akamin gan. 32:17: Jenesis 18:14; 2 Atriviba 19:15; Luk 1:37 32:19: Jop 34:21; Onger Akaba 33:13; Aisaia 28:29

amua, egha bizir ekiar igharaghha garir aviribagh ami, egh Isipia damuti me bar atiatigham. Ezi arazir kamin ni uan gumazamiziba Israelia, ua Isipin me inigha azenan ize.²² Egha ni men ovaviba ko akam akiriz moghin, ni nguazir kam me ganingi. Nguazir kam bar dera, ezi dagheba an ikia bar deraghviram aghui.²³ Me nguazir kam inigha an ikia, egha nin akaba ko Arazir Ni Me Ganingiziba, me dar gin zuir puvati. Me nin akam batuegha nin Arazibar ikiavkini. Kamaghin amizi, ni bizar kurar kabagh amizi, da me batifi.

²⁴ “Ni gan. Datinrighin Babilonia me misoghasava amua, Jerusalem ekiarughha gifa. Me nguubar ekiamin divazim boroghira mitivigh misoghasa nguazim akuvagha divazim boroghira dar pozir ekiabav kini, egha nguibam iniasa. Apanir kaba me misozima, me dagheba puvatigha, arimariar kuraba me batifi. Kamaghin Kaldiaba Jerusalem iniam. Bizir ni mikemeziba, da otivigha gifa, ezi ni datirighin dar gari.²⁵ Bar guizbangira, Ikiavira Itir God, nan Ekiam, ni uabi nguazir kam givezasa kamaghin na mikeme, ‘Ni gumazamiziba inigh iziti, me uan ziaba akinafarir dikirizir kamin ada osiram.’ Ezi Kaldiaba me nguubar ekiar kam iniasava ami.”

²⁶ Ezi Ikiavira Itir God kamaghin Jeremaia migei,²⁷ “Ni gan! Ki uabi ki Ikiavira Itir God, ki nguazir kamin gumazamiziba bar moghira men God. Ki biritam damuan iburaghan kogham.²⁸ Kamaghin amizi, ki Babilon Atrivim Nebukatnesar ko Kaldia-bar midorozir gumaziba, ki me ateghti me nguubar ekiam iniam. Ki Ikiavira Itir God, ki kamaghin mikeme.²⁹ Me izi nguubar ekiar kam daboroghti a isigham. Eghit avir kam dipeniba bar dar isigham, dipenir kaba gumazamiziba faragha dagh isin ghuavanaga, ofan migharir mughuriar aghuim zuiba aser Bal bagha dagh amua, wainin ofaba aser igharaziba bagha da inge. Ezi gumazamiziba amir arazir kaba na gamima ki bar aningaghe.

³⁰ “Israelia ko Judaba, me igiamra ikia iza datirikin, me nan damazimin arazir kurabaram ami. Ki Ikiavira Itir God, ki guizbangira migei, Me arazir kurar kamin na gamima, ki aningaghe.³¹ Me Jerusalemin ingarir dughamian ikegha iza datirikin, Jerusalemia na gamima ki bar aningaghe. Kamaghin amizi, ki nguubar ekiar kam uam an ganan aghuaghha a gasighasighasa.³² Israelia ko Judaba na

damuti ki bar men aningaghivira ikiasi, me arazir kurar igharaghha garibagh amuavira iti. Gumazamizir kiniba ko, atriviba ko, gumazir dapaniba ko, ofa gamir gumaziba ko, akam inigha izir gumaziba ko, Judan gumazamiziba ko, Jerusalemin itir gumazamiziba, me bar moghira arazir kurabagh ami.³³ Me akirim ragha na gasaraghha, nan boroghin izir puvati. Ki dughiar avirabar men arazir kuraba bagha men sure gami, ezi me nan akam baraghan aghua, egha dar gin zuir puvati.³⁴ Ki uan ziam fasa inabazir dipenir kam, me asebar marvir guuba aven da asezi, da bar kuri. Egha arazir kamin me dipenim gamima, a nan damazimin bar mize.³⁵ Egha me Hinomin danganir zarimin asem Balin ziam fasa danganim akiri. Egha me uari uan boriba isi asem Molekin ofa damuasa. Ki kamaghin damuasa me mikemezir puvati. Ezi ki uaghan arazir kam me daningasa nighnizir pu. Bar puvati. Me arazir bar kurar kurizir kam damuan ki ifongezir puvati. Me kamaghiram amua Judabar naviba fezi, me arazir kurar kamin osimtizim iti.”

Ikiavira Itir God uan gumazamiziba deragh me damuam

³⁶ Ikiavira Itir God, a Israelien God, a kamaghin migei, “Gumazamiziba kamaghin migei, ‘Apaniba e misozima, e dagheba puvatizi, arimariar kuram e gasighasisi. Eghit arazir kamin Ikiavira Itir God, Babilon atrivim ateghti a en nguubar ekiar kam iniam.’ Ezi ki nguubar ekiar kam ginighnigha, egha akar igharazim iti.³⁷ Bar guizbangira, ki aningaghheha atara gumazamiziba batoghezi me ghuezir kantriba, ki kantrin kaba da ua me iniam. Egh men aku ua nguazir kamin izeghti, me deraghvira ikiam.³⁸ Egh me nan gumazamizibar ikiti, ki men Godin ikiam.³⁹ Ki men navir averiabar aven navir vamira me danighti, me tuavir vamiran gin mangam. Egh me zurara nan atiating nan apengan ikiam, ki me ko men boriba sara deraghvira me damuam.⁴⁰ Egh ki me ko Akar Dikirizir Gavgavir Igiam damuam. Eghit Akar Dikirizir Gavgavir kam iki mamaghira ikiam. Ki kamaghin akam akirigh suam, Ki deragh me damuamin arazim ateghan kogham. Egh ki nighnizir aghuim me daningam, eghit me nan atiating nan apengan ikiam, egh me ua na ateghan kogham.⁴¹ Egh ki uaghan uan navir averiamin aven nighnizir vamira ikiam, kar ki me gakuegh deraghvira me

32:27: Diboboniba 16:22; Jeremaia 32:17

32:28: 2 Atriviba 25:1-11; 2 Eghaghaniba 36:17-21

32:33: Jeremaia

2:27; 7:13; 7:24

32:34: 2 Atriviba 23:10; Jeremaia 7:30-31; 19:1-6

32:35: Ofa Gami 18:21; 2 Atriviba 23:10;

Jeremaia 7:31

32:37: Godin Araziba 30:3; Jeremaia 23:6; Esekiel 37:21

32:38: Jeremaia 30:22; 31:33

Aisaia 55:3; Jeremaia 31:31-33

32:40:

damuam, egh me ateghti me deraghvira nguazir kamin ikiam.

⁴² “Ki Ikiavira Itir God, ki ua kamaghin migei, Ki faragha bizir kurar mabagh amizi da otiva, me gasighasiki. Ezi, kamaghira, ki me bagh akam akirizi moghira, ki datirighin bizir aghuir avirim damuti da me bativti, me dabirabir aghuim ikiam, ⁴³ Gumazamiziba ghaze, Ikiavira Itir God nguazir kam isa Kaldiaba ganingi. Kamaghin amizi, nguazir kam a ikuvigha gifa, ezi gumazamiziba ko asiziba an itir puvati.’ Ezi kirara, ki ghaze, gin Judaba ua uan nguazim dapiagh, egh me nguazim uam a givezegh anemangam.

⁴⁴ “Gumazamiziba nguazim givesi akar dikirizibar akinafariba da osiram. Egh men damazibar gumazamizir maba me akar dikirizim damuva, uan ababanibar arighiva akinafarir kabar kumam. Da nguazir otevir kaba: Benjaminin anabamin nguaziba ko, Jerusalemin boroghin itir danganiba ko, Judan nguibar ekiar igharaziba ko, mighsiar dozir aruem uaghiri naghin itiba ko, mighsiaba itir danganir igharaziba ko, sautin amadaghan Negevin danganim sara. Egh ti dughiar kamin, ki Judan kantri damichti, a ua deraghvira ikiam. Ki Ikiavira Itir God, ki mikemegha gifa.”

33

Ikiavira Itir God uan akar dikirizim damuti a guizbangira otogham

¹ Jeremaia, atrivimin divazimin aven itir midorozir gumazibar danganimin kalabusin ikiavira itima, Ikiavira Itir God akar igharazim a ganiga ghaze, ² “Ki Ikiavira Itir God, ki bizitam damusi a ginighnighiva, ki bizir kam damichti an otogham. Ki Ikiavira Itir God, kar nan ziamra. Ezi ki kamaghin migei: ³ Ni nan dimti, ki nin dimdiam ikaraghram. Egh bizir ekiar modogha itir ni fozir puvatiziba, ki dar gun ni mikimam.

⁴ “Ki Ikiavira Itir God, Israelien God, ki Jerusalemin dipeniba ko, Judan atrivimin dipenibagh nighni. Apaniba iza Jerusalem avenirha, an divazim boroghira mitivigh misoghasa nguazim akuvagha, divazim boroghira dar pozir ekiabav kini, egha nguibar ekiam ini-asava ami. Ezi Jerusalemia uari uan dipeniba apirigha, divazim gavgavim a daningasa dagiaba ko, ter ararir oteviba inigha ghua divazimin boroghira da ariki. ⁵ Egha me dikavigha Kaldiabav soghasava ami. Ezi ki Jerusalemian arazir kuraba bagha atarovira ikia, bar puviram me aningaghegha, men akuraghan aghua.

Kamaghin, apaniba me misoghi me arighiram, egheti men kuaba men nguibar ekiamin dipenibagh izivagham.

⁶ “Egheti ki gin nguibar ekiar kamin akuraghram, egheti nguibam ko an gumazamiziba ua deragh otivigham. Egheti ki dughiar bar aghuim me danichti, me deragh dapiaghi, apaniba me misoghan kogham. ⁷ Ki dughiar kamin Judaba ko Israelia damichti me ua deraghvira ikiam. Egh me damichti me uan gumazamizir fomira ikeziba, ikezi moghin gavgavigh ikiam. ⁸ Me na batuegha, arazir kuraram gami. Ezi ki men arazir kuraba ginamadaghram, egh men arazir kurabar osimtizim agivagh me damichti, me nan damazimin zuegham. ⁹ Egheti nguazir kamin gumazamiziba bar bizir avir aghuir ki Jerusalemia gamizibar ganigham. Egh gumazamizir kaba bar akuegh navir amirizim nan ikiva, ziar ekiam na daningam. Egh gumazamizir kaba Jerusalemian dabirabir aghuimin ganiva, bizir aghuir ki Jerusalem ganingizibar ganiva, atiating nighiva akong digavir kuram damigham.”

¹⁰ Egha gin Ikiavira Itir God kamaghin migei, “Datirighin gumazamiziba ghaze, ‘Nguibar ekiar kam ikuvigha gifa, ezi gumazamiziba ko asiziba an tir puvati.’ Judan nguibaba ko Jerusalemin tuaviba pura iti, ezi gumazamiziba ko asiziba dagh aruir puvati.’ Ezi ki Ikiavira Itir God, ki ghaze: Gumazamiziba gin ua nguibar ekiar kamin ikiam. ¹¹ Egh me navir aghuimin ikiva, bar akuegh poroghamiba uarir ikiamin isabar amuam. Egh gumazamiziba na minabir ofaba inigh Ikiavira Itir Godin Dipenimin izam. Egh me ofaba inigh izi, kamaghin ighiaba bangam:

Ikiavira Itir Godin Gavgaviba Bar Itim bar deravira e gami.

A zurara bar en apangku. Kamaghin, e a minamam.

“Dughiar kamin, ki Ikiavira Itir God, ki nguazir kam damichti a fomira ikezi moghin ua deraviram otogham.

¹² “Ki Ikiavira Itir Godin Gavgaviba Bar Itim, ki kamaghin mikeme: Datirighin nguazir kam ko an itir nguibaba ikuvigha iti, ezi gumazamiziba ko asiziba dar itir puvati. Ezi gin, gumazamiziba ua nguibar kabar ikiam. Egheti grazir aghuiba dar aghungam, egheti sipsipbagh eghuvir gumaziba kantrin kamin nguazir oteviba bar, ua uan ingangarim damuam. Me graziba itir danganir aghuiba sipsipbar aku mangiti me aghuvsam. ¹³ Egh me uan

sipsipba mengam. Ingangarir kam, me uan mighsiar dozir aruem uaghiri naghin itiba ko, mighsiaba itir danganir ighazariba ko, Negevin sautin amadaghan iti naghin ko, Benjaminin anabamin nguazim ko, Jerusalemin boroghin itir nguibaba ko, Judan nguibar ekiaba bar, me ingangarir kam damuam. Ki Ikiavira Itir God, ki kamaghin mikeme.”

¹⁴ Egha Ikiavira Itir God ghaze: Dughiar ki misevezim iziti, ki faragha Israelia ko Judaba, me ko dikirizir akam, a guizbangiram otivam. ¹⁵ Ki dughiar kamin, Devitin adarazir aven gumazir bar aghuitam a damighti an otogham, mati Temer Ghuzir Igiam temer aguamin otogham. Gumazir kam atrivimin iki arazir aghuimin gin mangi, guizin arazimin nguazir kamin itir gumazamizibagh ativagh men ganam. ¹⁶ Eghitidughiar kamin Jerusalemin nguibar ekiamin itir darasi, me dabirabir aghuim ko navir amirizimin ikiam. Eghit Judaba, God men akurvaghti, me uam osimtiziba puvatigh deravira ikiam. Eghit me Jerusalem ziar kam a darigh a diponam, “Ikiavira Itir God, A Guizin Arazir Aghuimin Mingarim.” ¹⁷ Ki Ikiavira Itir God, ki kamaghin migei: Devitin ikizimin, Israelia zurara atrivabar otiv ikiam. ¹⁸ Eghit uaghan Livain anabamin ikiziba, me ofa gamir gumazibar ikiam, egh me zurara nan damazimin na bagh ofan igharaghha garibar amuam, kar ofan bar isia mighriziba ko, witin ofaba ko, ofan igharaziba.

¹⁹ Ikiavira Itir God kamaghin Jeremaia mikeme, ²⁰ “Ki Ikiavira Itir God, ki guizbangira migei: Ki aruem ko, dimagarim ko, akam akirigha gifa, eghit aning zurara dughiar ki aning bagha inabazimin otivam. Ezi gumazitam nan akar dikirizir gavgavir kam giraghan kogham. ²¹ Ezi kamaghira, gumazitam nan Akar Gavgavir ki Devit ko dikirizir kam abighan kogham, Devit nam ingangarir gumazim. Akar Dikirizir Gavgavir kam kamaghin ghaze, Devitin ikizimin, atriviba zurara otivira ikiam. Ezi uaghan, ki Livain anabamin ofa gamir gumaziba ko, Akar Dikirizir Gavgavim gamua ghaze, Livain ofa gamir gumaziba, me zurara nan ingangarir gumazibar ikiam. Eghit gumazitam Akar Dikirizir Gavgavir kam abighan kogham. ²² Gumaziba mikoveziba ko, ongarimin gigiba mengiva avegham. Eghit kamaghira ki uan ingangarir gumazim Devit ko, nan ingangarir gumaziba, Livaiba, me damighti, men ovavir boriba bar avirasemeghti, gumazamiziba me mengan iburaghram.”

²³ Ikiavira Itir God kamaghin Jeremaian

migei, ²⁴ “Gumazamiziba ghaze: ‘Fomira Ikiavira Itir God Israelia ko Judaba me amisevezi, me a baghavira ikizir pumuningin iti. Ezi datirighin an akirim ragha me gasaragha gifa.’ Gumazamizir kaba akar kamagh garibav gia, egha me nan gumazamizibagh ifongezir puvatigha, ghaze, men ganganimin, nan gumazamizibar kantri ovegha gifa.” ²⁵ Ezi ki Ikiavira Itir God, ki guizbangira migei: Ki aruem ko, dimagarim ko Akar Gavgavim akirigha, overiam ko nguazim bagha bizar ki damuasa mikemeziba bar da ariki, ²⁶ ezi bar guizbangira, ki Jekopin ovavir boriba ko nan ingangarir gumazim Devitin ikizim, akirim ragh me gasaraghan kogham. Puvati. Ki Abraham ko, Aisak ko, Jekopin ovavir boriba gativsi, Devitin ovavir boribar tongin atrivabar amuti me otivam. Guizbangira, ki kuarkuvim men iki me damuti, me ua deraghvira ikiam.”

34

Ikiavira Itir God, migirigiam Atrivim Sedekaian iti

¹ Babilonin Atrivim Nebukatnesar uan midorozir gumaziba ko, iza Jerusalemia ko, Judan nguibar ekiaba ko misozir dughiamin, Ikiavira Itir God akam isa Jeremaia ganigi. Nebukatnesarin apengan itir kantriba bar dar ikizibar midorozir gumaziba, me bar Nebukatnesarin gin ghua Jerusalem misosi. Dughiar kam, Ikiavira Itir God kamaghin Jeremaia migei, ² “Ki Ikiavira Itir God, ki Israelian God, ki ghaze, ni Judan Atrivim Sedekaia bagh mangigh kamaghin a mikemegh: Ki Ikiavira Itir God, ki nguibar ekiar kam isi Babilonin atrivim danningam, eghit an a daboroghi a isigham. ³ Sedekaia, ni an arimangan marki. Puvati. Ni ikiti me nin suiragh ni inigh a bagh mangam. Ni an guamin tugh, egh gua uaghara uaningin gan, egh ni an azangsiziba deraghviram ada ikarvagh. Eghit me nin aku Babilonin mangam. ⁴ O Judan Atrivim Sedekaia, ki Ikiavira Itir God, ki akar ighazarir kam nin iti. Ni deraghvira nan akar kam barakigh: Me ni misueghti ni aremeghan kogham. ⁵ Puvati. Ni deraghvira iki mangi, egh aremegham. Eghit ni aremeghamin dughiamin, me paurnur mughuriar aghuim itim uegh, ziar ekiam ni danningam, mati me nin Judan atrivabar itir ovaviba bagha amizi mokin. Egh me azi mikim suam, ‘O noki, en gumazir aruam.’ Ki Ikiavira Itir God, ki akam akirigha egha mikemezi moghin bizar kam otivam.”

⁶ Atrivim Sedekaia Jerusalemin itima, ezi Godin akam inigha izir gumazim Jeremaia ghua akar kaba bar a mikeme. ⁷ Ezi dughiar kamin, Babilonin atrivimin midorozir gumaziba Jerusalemia ko, Lakisin nguibam ko, Asekan nguibam ko misosi. Apaniba faragha Judan nguibar divazir gavgaviba itir maba bar ada ini, ezi nguibar 3plan kabara ikiavira iti.

Judaba ingangarir gumazir kiniba paza me gami

⁸ Atrivim Sedekaia ko Jerusalemin gumazamiziba ko, akar gavgavim akirigha ghaze, Men ingangarir gumazamizir kiniba, me me damighti me firighiregham. Ezi dughiar kamin, Ikiavira Itir God akam isa Jeremaia ganingi. ⁹ Me kamaghin akam misoke. Israeliyan gumazitam o amizitam, namakar tamin ingangarir gumazir kinimin ikiti, a gativazir gumazim aneteghti a firighirigh iki. Kamaghira, Judaba namakabar suiraghti me men ingangarir gumazamizir kinibar ikiian kogham. ¹⁰ Gumazir dapanir aviriba ko gumazamizir avirir maba akar dikirizir gavgavir kam gifonge, egha me bar akam misuegha ghaze, me pura men ingarir gumazamizir kinibar suighan kogham. Me akam misuegha gifa, egha me ingangarir gumaziba ko, ingangarir amiziba ataghizi me firaghire. ¹¹ Egha me gin nighnizim giragha, egha gumazir kaba ko amizir kaba inigha, me gamizima me ua ingangarir gumazamizir kinibar otifi.

¹² Kamaghin, Ikiavira Itir God akam isa Jeremaia ganinginha ghaze, ¹³ "Ki Ikiavira Itir God, Israeliyan God, ki ian ovaviba ko Akar Dikirizir Gavgavim gami. Me Isipin ingangarir gumazamizir kinibar itima, ki kalabuziar danganimin me inigha azenan ize. Egha gin ki me ko Akar Gavgavim akiri. Akar Dikirizir Gavgavir kam kamaghin migei: ¹⁴ 'Ia zurara azenir namba 7in vaghvagh, uan ingangarir gumazamizir kinibar amuti me firighiregham. Ian namakaba me ian uari amangiti, ia me inighti me ian ingangarir gumazamizir kinibar otivigh, ian ingangaribar amuam. Egh me ingar mangivira iki 6plan azeniba givaghram. Eghti azenir an girara irimra, ia me ateghti me pura mangi.' Ian ovaviba akar kam gifo, egha me nan akam barazir puvatigha, an gin zuir puvati.

¹⁵ "Ia faragha akar kam bar an gin zuir puvati. Egha bar boghimra, ia navibagh iragha guizin araziba nan damazimin dagh ami. Ia vaghvagh namakar ingangarir

gumazamizir kinibar mikimi, me ian ingangarir gumaziba ko ingangarir amizibar ikian marki. Egh uaghan ia nan Dipenimin tuvigh, Akar Dikirizir Gavgavim nan damazimin a damuva mikim suam, ia uan namakaba ateghti, me pura mangi. ¹⁶ Egha datirighin ia ua nighnizibagh iragh, gumazamizir ia me ataghizi me uan ifongiamin pura ghueziba, ia ua me inigha, me gamizi me ua ian ingangarir gumazamizir kinibar otifi. Ezi arazir kamin ia nan ziar ekiam dikabira.

¹⁷ "Ezi bizir kam bagha, ki Ikiavira Itir God, ki kamaghin mikeme: Ia nan akamin gin zuir puvati, egha ia aveghbuar kaba ko namakaba, ia ategh mangasa, ia me mikemezir puvati. Egh ia oragh. Ki Ikiavira Itir God, ki kamaghin mikeme: ki ia ateghti ia uari pura mangam. Guizbangira, ia pura mangi aremegham. Apaniba ian taraziv sueghti ia arimighiregham, egha tarazi arimiar kuraba iniva arighiram, egha tarazi dagheba puvatigh arighiram. Ezi Kantrin Igharazibar Gumazamiziba bizar ki ia gamizibar akam baregh, atiating digavir kuram damigham. ¹⁸ Ian ovaviba fomira nan damazimin Akar Dikirizir Gavgavir kam gamua, akam akiramin arazimin gin ghua, bulmakaun nguzim misuegha, akuar pumuningin anebiki. Egha ia bulmakaun akuar kamningin tizimningin arui. Ezi gin ian gumazamizir aviriba Akar Dikirizir Gavgavir kam abiki. Kamaghin amizi, ki ia damighti ia bulmakaun nguzir ian ovaviba misoghezir kamin miraram otogham. ¹⁹ Gumazamizir bulmakaun akuamningin tizimin aruiziba, me akar dikirizim abichti, ki kamaghin bar moghira me damuam. Kar Judaba ko, Jerusalemin gumazir dapaniba ko, atrivimin gumazir dapanir ekiaba ko, ofa gamir gumaziba ko, gumazamizir igharaziba bar. ²⁰ Ki me isi apanibar dafarim datighti, apaniba me misueghti me arimighiregham, egha kuaraziba ko asiziba izi men kuubar amam. ²¹ Egh uaghan, ki Atrivim Sedekaia uan gumazir aruaba ko me isi apanir me misoghi me arimighiris damuamin kabar dafarim datigham. Kar Babilonin atrivimin midorozir gumaziba. Guizbangira, Babilonia ia ategha ghue.* ²² Egha ikiavira Itir God, ki mikemeghti, me ua izi Jerusalem ko misogh egh nguibar ekiar kam intiam. Egh men nguibar ekiaba, avimin dar aponegham. Egha iki Judan nguibaba bar dagh asighasigham, egha ikiar kiniba ikiti, gumazamiziba dar puvatigham."

34:14: Ua Me In 21:2; Godin Araziba 15:12 * **34:21:** Jeremaian akinafarimin itir akaba, bibiza otivizir dughiamin gin deravira zuir puvati. Jeremaia saptan kamin aven akunizir akaba, da bizir otivizibar eghaghanim, Jeremaia 37:5 ko 37:11in iti.

35

*Rekapia deravira uan ovavibar akabar
gin zui*

¹ Josaiyan otarim Jehoiakim, Judan atrivimin itir dughiamin, Ikiavira Itir God kamaghin Jeremaia migei, ² “Ni mangi Rekapin adarazir gumazamizibar ganiva, egh me ko mikimiva menaku nan Ikiavira Itir Godin Dipenimin aven itir danganir mam bagh izi. Egh ni wain isi me danighti me aneremam.” ³ Ikiavira Itir God mikemegha givazi, ki ghua Rekapian mav ini, an ziam Jasania. A Jeremaian otarim, egha Habasinian igiavotarim. Ki an aveghbuuba ko, an otariba ko, Rekapin adarazir gumazir igharaziba bar me inigha, ⁴ men akua Ikiavira Itir Godin Dipenimin ghu. Egha ki men akua Ikdalian otarim Hananin adarazir danganimin ghu. Hanan a Godin akamin gin zuir gumazir mam. Danganir kam, a Ikiavira Itir Godin Dipenimin gumazir ekiabar danganimin boroghin iti. Egha a Masean danganim gisin iti, a Salumin otarim. Masea, a Ikiavira Itir Godin Dipenimin gumazir ekiar faragha itim, egha a Dipenibar Tiar Akabar gari gumazim.

⁵ Ezi ki wainin miner izivirizim ko kavin dipaba apiba inigha Rekapin adarazi ganiga, kamaghin me migei, “Aria, ia dami.”

⁶ Ezi me kamaghin akam ikaragha ghaze, “Noki, e wainin dipam aman kogham. En ovavim Jonadap, Rekapin otarim, a ikiangsizir mam e ganiga, e ko en ovavir boriba wainin dipabar aman en anogoroke. Bizar kam bangin, e wainin dipaba apir puvati. ⁷ Jonadap uaghan e migia ghaze: Ia dipenibar ingaran marki, egh azeniba oparan marki, egh wainin azenibar ingaran kogh, uaghan wainin azenitam ikian marki. Puvati. E zurara averpenibar ikiam. Egh akar kabar gin mangam, egh e zuamiram oveghan kogham. E dughiar ruarimin nguazir kamin ikiam. ⁸ En ovavim, Rekapin otarim Jonadap, e ganingizir akar kaba e zurara bar dar gin zui. E uan amuiba ko boriba sara wainin dipaba apir puvati. ⁹ E dipenibar ingarir puvatigha, egha e wainin azeniba ko azenir igharaziba puvati. ¹⁰ E purirpenibar iti, ezi arazir kamin, e Jonadap e ganingizir akaba bar adar gin zui. ¹¹ Ezi dughiar Babilonin Atrivim Nebukatnesar iza nguibar ekiar kam ko misozima, e Kaldia ko Sirian midorozir gumazibar atiatingi, egha e Jerusalemin ikiasi akam misoke. Kamaghin amizi, e datirighin Jerusalemin ikiavira iti.”

¹² Me mikemegha givazima, ezi Ikiavira Itir God kamaghin Jeremaia migei, ¹³ “Ki

Ikiavira Itir Godin Gavgaviba Bar Itim, Israelian God, ki kamaghin mikeme: Ni mangi Judaba ko Jerusalemia kamaghin me mikim suam, Ki Ikiavira Itir God, ia nan akamin gin mangamin arazimin, ki ian sure damuasa. ¹⁴ Fomira Rekapin otarim Jonadap, uan adaraziv gia ghaze, me wainin dipabar aman kogham. Ezi fomira ikegha iza datirighin tugha zui, Rekapia uan ovavimin akaba deraviram dar gin ghua, egha wainin dipaba apir puvati. Ezi ki dughiar aviribar akaba ia ganidi, ezi ia nan akam barazir puvati. ¹⁵ Nan akam inigha izir gumaziba, ki dughiar aviribar me amadima, me ia bagha izi, me nan ingangarir gumaziba. Me kamaghin migia ghaze: Ia vaghvagh uan nighnizibagh ira uan arazir kuraba ategh, uan araziba akirigh. Egh ia asebar gin mangiva, dar ziaba fan marki. Ia nan akar kamin gin mangiva, nguazir ki ian ovaviba ko ia ganingizir kam, deraghviram an ikiam. Nan akam inigha izir gumaziba akar kamin gun ia mikeme, ezi ia nan akam barazir puvatigha, an gin zuir puvati. ¹⁶ Rekapin otarim, Jonadapin adarasi, deravira uan ovavimin akabar gin zui. Ezi ia gumazamiziba nan akamin gin zuir puvati. ¹⁷ Kamaghin, ki Ikiavira Itir Godin Gavgaviba Bar Itim, Israelian God, ki kamaghin mikeme: Ia Judaba ko Jerusalemia, ia oragh! Ki fomira akam ia mikini, ezi ia kuariba arigha akar kam barazir puvati. Ki ian diazi, ia nan dimdiham ikarazir puvati. Bizar kam bangin, ki damuasa mikemezi moghin, ki bizar kuraba bar adar amuti da ia bativam.” ¹⁸ Egha gin, Jeremaia kamaghin Rekapia migei, “Ikiavira Itir Godin Gavgaviba Bar Itim, a Israelian God, a ghaze: Ia uan ovavim Jonadapin akaba baragha, egh an akaba bar dar gin ghua, a damuasa ia mikemezir biziba ia bar adagh ami. ¹⁹ Kamaghin amizi, ki Ikiavira Itir Godin Gavgaviba Bar itim, Israelian God, ki ian migei, ia Rekapin otarim Jonadapin adarasi, ian ovavir boriba zurara nan ingangarim damuamin gumazamizibar ikiam.”

36

*Jeremaia, Godin akam gumazamiziba
bagh a diponasa Baruk migei*

¹ Ezi azenir namba 4, Josaiyan otarim Jehoiakim, Judan atrivimin itir dughiamin, Ikiavira Itir God akam isa Jeremaia ganiga ghaze, ² “Ni akingafarir tam inigh bizar Israel ko, Juda ko, kantrin igharazibar ottivamin akaba bar ada osirigh. Ni akar kaba bar ada osirigh, ki Atrivim Josaiyan dughiamin faragha ni ganingizir akabar ikegh izi, datirighin otoziba sara, ni bar

ada osirigh.³ Eghti Judaba bizir kurar ki me damuamibar akar kaba baregh, uan nighnizibagh ira uan arazir kuraba ateghti, ki men arazir kuraba ko osimtiziba gin amadagham."

⁴ Ezi Jeremaia dikavigha Nerian otarim, Barukin diazi, a ize. Ezi Jeremaia akar Ikiavira Itir God a ganingiziba bar dar gun a mikeme, ezi Baruk akar kaba akinafarir mamin bar ada osiri. ⁵ Ezi gin Jeremaia kamaghin Baruk migei, "Ki uabi ki Ikiavira Itir Godin Dipenimin aven mangighan kogham."^{*} ⁶ Kamaghin amizi, ki osirasa ni mikemezir akinafarir kam, ni a iniasi ki ifonge. Ni dagheba ataghizariz dughiar ekiatam bagh Ikiavira Itir Godin Dipenimin aven mangiva, Godin akar kaba Judan nguhibabar gumazamiziba bagh adar pon. Dughiar kamin me bar moghira uari akuvagh, Ikiavira Itir Godin Dipenimin aven ikiva, uaghan akar kam baraghram.⁷ Ikiavira Itir God atara bar gumazamizir kaba bar men aningaghe, egha bizir kuratamin me damuasa migei. Eghti gumazamiziba ti uan arazir kurar me amiba ategh, Ikiavira Itir God ko mikimti, a men dimdiam baraghram."

⁸⁻⁹ Ezi namba 5in azenimin, an namba 9in iakinimin, Jehoiakim Judan atrivimin itir dughamian, gumazamiziba uarir akurvaghosa, Ikiavira Itir Godin azangsighasa, dagheba ataghiraghosa dughiar mam amisefe. Ezi Jerusalemin itir gumazamiziba ko Judan nguhibabar gumazamiziba bar iza Ikiavira Itir Godin Dipenimin uari akufa. Ezi dughiar kamin Baruk bizar Jeremaia a mikemeziba bar adagh ami. A Ikiavira Itir Godin akaba itir akinafarim inigha, Ikiavira Itir Godin Dipenimin ghu.¹⁰ Egha a Ikiavira Itir Godin Dipenimin divazimin aven tughav ikia, Jeremaian akar akinafarir kamin itiba bar ada dipone, ezi gumazamiziba bar da baraki. Baruk danganir mamin tiar akamin tughav ikia akinafarir kam dibori. Danganir kam, a Safanin otarim Gemarian danganim. A fomira Safanin atrivimin akinafarira osirir gumazimin iti. Danganir kam, a danganir me uari akuvimin pin ikia, egha Ikiavira Itir Godin Dipenimin tiar akamin boroghira iti. Me ziam, Tiarakar Igiam a garisi.

Baruk atrivimin gumazir dapaniba bagha akinafarim dibori

¹¹ Mikaia, a Gemarian otarim, egha Safanin igiavotarim. A Ikiavira Itir Godin Dipenimin ikia, Baruk barazima, a Ikiavira Itir Godin Akar Akinafarir kamin itiba dibori. ¹² Egha an atrivimin dipenimin

iragh. Egha atrivimin akinafariba osirir ingangarir gumazimin danganimin aven ghua garima, gumazir dapanir aviriba apiaghav iti. Gumazir dapanir kabar ziabar kara: Akinafariba osirir ingangarir gumazim Elisama ko, Semaia otarim Delaia, ko Akborin otarim Elnatan, ko Safanin otarim Gemaria, ko Hananian otarim Sedekaia. Ezi gumazir ekiar maba uaghan iti.¹³ Baruk gumazamiziba bagha diponezir akar akaba, Mikaiia faragha da baregha, bar dar gun gumazir dapanir kaba me geghani.

¹⁴ Gumazir dapanir kaba, me Mikaian akam baregha, Baruk iniasa gumazir mam amada. Gumazir kamin ziam, Jehudi, a Netanian otarim, egha Selemian igiavotarim, ezi Selemia, a Kusin otarim. Ezi Jehudi ghua kamaghin Baruk migei, "Ni akinafarir gumazamiziba bagha diponezir kam inigh, egh ni izi." Ezi Baruk akinafarir kam inigha, gumazir dapaniba bagha ize.¹⁵ An otoga givazima, gumazir dapaniba a migei, "Ni daperagh egh akinafarir kam diponti e a baraghram." Ezi Baruk akinafarir kam me bagha a dibori.¹⁶ Me akinafarir kamin akaba bar ada baraghha, atatiqha digavir kulum gami, egha uarira uarir gari. Egha me kamaghin Baruk migei, "Bar guizbangira, e mangi bizar kabar gun atrivim mikemeka."¹⁷ Egha me kamaghin Barukin azara, "Ni e mikemegh. Ni manmaghsua akar kaba osiri? Jeremaia ti migeima ni da osiri, a?"¹⁸ Ezi Baruk me ikaraghha ghaze, "Bar guizbangira. Jeremaia akar kaba bar na ganingi, ezi ki finfinim inigha, an akaba akinafarir kamin bar ada osiri."¹⁹ Ezi gumazir dapaniba kamaghin Baruk migei, "Ni mangi Jeremaia inigh gua mangi modogh. Ni gumazitam ateghti a gua modir danganim gifoghan marki."

Gumazir mam atrivim bagha akinafarim dibori

²⁰ Ezi gumazir dapaniba Barukin dafarimin da akinafarim inigha, a isa Elisaman danganimin aneti, an atrivimin akinafarira osirir gumazim. Egha me dikavigha atrivimin ganasa uari akuvir danganimin ghugha, bizar otivizir kabar gun a migei.²¹ Atrivim akar kaba baregha, akinafarir kam iniasa Jehudi amada. Ezi Jehudi ghua Elisaman danganimin akinafarim inigha atrivim bagha ize. Egha an atriviba ko gumazir ekiar atrivimin boroghira tuivigha itiba, me bagha a dibori.²² Kar bizar namba 9in iakinimin otiviziba, kar orangtizimin dughiam. Dughiar kam, atrivim uan dipenir a zurara orangtizimin

* **36:5:** E fozir puvati, manmaghsun amizi Jeremaia Ikiavira Itir Godin Dipenimin mangan aghua. A ti kamaghin nighnisi: an aven mangiti me paži a damigham o, an aven mangan atiatingiz o, a ti arimariar tam iti o, gumazir aruuba ti aven mangan an anogoroke.

dughiamin itimin ikiava, avimin boroghira aperaghav ikia, uan mikarzim fefem a ganidi. ²³ Ezi Jehudi akinafarim dibora iti, egha osizirir mabar ponegha givazima, atrivim afuar dozir mam inigha, Jehudi diponezir akar otevir akinafarimin itir kam atugha a isa avim mikini. Jehudi akinafarim dibora ghuvavira itima, atrivim kamaghira amuavira ghua, akinafarir otevir maba bar da tue. ²⁴ Atrivim uan gumazir dapaniba ko me bar akar kaba baraki. Egha me tong atiatia digavir kuram gamizir puvatigha, uan arazir kurabagh nighnigha, egha osemegha uan korotiaba abighizir puvati. ²⁵ Ezi Elnatan ko, Delaia ko, Gemaria, me atrivim akinafarim tuan me bar aghuaghha gavgavigha a gakaghori. Ezi atrivim men akam baraghan aghua. ²⁶ Egha atrivim uan otarim Jeramel ko, Asrielin otarim Seraia, ko Apdelin otarim Selemia, akar gavgavimra me ganiga ghaze, Ia mangi Godin akam inigha izir gumazim Jeremaia ko akinafariba osirir gumazim Baruk, aningin suiragh. Ezi Ikiavira Itir God aning modozi, me aningin apizir puvati.

Ikiavira Itir God akinafarir igharazim osirasa Jeremaia migei

²⁷ Atrivim, Baruk osirizir akinafarir kam tuazi a isizi, an gin, Ikiavira Itir God kamaghin Jeremaia migei, ²⁸ “Ni akinafarir igharazim inigh, Atrivim Jehoiakim tuazi isizir akinafarir kamin itir akabar mirarama ada osirigh. ²⁹ Egh ni uaghan, atrivim bagh kamaghin akam osir suam:

“Ki Ikiavira Itir God, ki kamaghin migei, Atrivim Jehoiakim, ni akinafarir kam tuaghha kamaghin mikeme, ‘Tizim bagha Jeremaia akar kam osirigha ghaze, Babilonin atrivim izi nguazir kam gasighasigh, gumazamiziba ko asiziba bar me misuehti, me arighiregham?’ ³⁰ Kamaghin amizi, ki Ikiavira Itir God, ki Atrivim Jehoiakim ginighnigha kamaghin migei, an adarazir gumazitam atrivimin otogh, Devitin atrivir dabirabim daperaghan kogham. Eghiti Jehoiakim aremeghamin dughiam, me an kuam isi nguazimin anekunighti, aruem a dapongti, dimagarimin ghuariam a giram. ³¹ Eghiti ki an arazir kuraba ikarvaghisi, a ko, an boriba ko, an ingangarir gumazir ekiaba sara bar pazivira me damigham. Egh ki damuasa mikemezi moghin, ki bizar kurabar amuti da Jerusalemia ko Judaba bativam. Ki

† **36:32:** Fofozir gumazir avirba kamaghin nighnisi, akinafarir igiar kamin itir akaba, da datirighin Godin Akam Inigha Izir Gumazim Jeremaian Akinafarir kam, an akar faragha zuir akabar aven iti, e da dibori. Egha e fozir puvati, migirigiar kaba me managh ada osiri, egha me ti managh ikegha uam ada osira ghu. **37:1:** 2 Atriviba 24:17; 2 Eghaghaniba 36:10

akar kam me ganingizi, me a baraghan aghua.”

³² Ezi Jeremaia akinafarir igiam inigha, egha akinafariba osirir gumazim Nerian otarim, Baruk ganangi. Egha Atrivim Jehoiakim tuazi akar akinafarir kabar itiba, Jeremaia bar adar gun mikeme. Egha uaghan kamaghira ghuzir akar igiar maba sara mikeme. Ezi Baruk akar kaba bar da isa akinafarir igiamin ada osiri.†

Jeremaia mikemezi moghin, God bar pazavira Juda ko Jerusalem gami

37

(*Sapta 37:1-40:6*)

Ikiavira Itir God akam Sedekaian iti

¹ Babilonin Atrivim Nebukatnesar, faragha Josaian otarim, Sedekaia amisevezi, a Judan atrivimin oto. An Atrivim Jehoiakinin danganim ini. Jehoiakin, an ziar mam Konia, egha a Jehoiakim otarim. ² Dughiar kamin, Jeremaia Ikiavira Itir God, a ganidir akabav gei, ezi Sedekaia uan gumazir dapaniba ko gumazamiziba ko me bar moghira deragha kuariba arigha, akar kam barazir puvati.

³ Egha dughiar mamin, Sedekaia, Slemian otarim Jehukal ko, ofa gamir gumazim Sefanaia, a Masean otarim, aning amadazi, aning Godin akam inigha izir gumazim Jeremaia bagha ghua kamaghin a migei, “Atrivim ghaze, Ni e bagh Ikiavira Itir God, en God, a ko mikim.” ⁴ Dughiar kamin Jeremaia tighar kalabusin mangam. A zurara gumazamizibar tongin uan ifongiamin mangi izegh gami. ⁵ Ezi uaghan dughiar kamin, Kaldiabar midorozir gumazir Jerusalem misoghasava amiba orazima, Isipin atrivimin midorozir gumaziba, Isip ategha Jerusalemin izi. Kamaghin, Kaldiaba Jerusalem ataki.

⁶ Ezi Ikiavira Itir God akam isa uan akam inigha izir gumazim Jeremaia ganingi, ezi an akam isa Jehukal ko Sefanaia mikiri. Ikiavira Itir Godin akam kamakin, ⁷ “Ki Ikiavira Itir God, Israelian God, ki kamaghin migei: Judan atrivim nan azangsigh na gifoghasa gua amada, egh fogh suam, ki ian akuraghram, ti puvatigham? Eghiti ni kamaghin atrivim mikim, Isipin midorozir gumaziba ian akurvaghisa Isip ategha izi. Ezi me izi ia batoghan kogham. Puvati. Me tuavimin uamategh ua uan kantrin mangam. ⁸ Eghiti Babilonia uamategh izi

Jerusalemia misoghiva, nguabar ekiar kam iniam. Egh me nguibam daboroghti a isigham. ⁹ Kamaghin amizi, ki Ikiavira Itir God, ki guizbangira Akar Gavgavimin ia migei, ia uarira uarigh ifar suam, ‘Kaldiaba uamategh Jerusalemin izeghan kogham.’ Akar kamaghin garim, a guizin akam puvati. Me ua izam. ¹⁰ Ia ti Kaldiaba me misogha, men midorozir gumazir aviriba bar me abirazi deraghai. Men midorozir gumazir ikiwira ikiamin varazira ti duar ekiar aviriba ko midorozimin osimtiziba iki uan averpeniбар ikegh, me guizbangira ua dikavigh izi nguabar kam daboroghti a isigham.”

Me Jeremaia isa kalabus gati

¹¹ Kaldiabar midorozir gumaziba orazi, Isipin atrivimin midorozir gumaziba Jerusalem bagha izi. Ezi Kaldiaba Jerusalem ategha ghue. ¹² Ezi dughiar kamin Jeremaia Jerusalem ategha Benjaminin anabamin nguazimin mangasa, egh uan namakabar tongin men nguazir otevir mam iniasi. ¹³ A ghua Jerusalemin divazimin tiar akar kamin oto, me kamaghin a dibori, Benjaminin Tiarakam. Ezi midorozir gumazibar gumazir dapanir mam, tiar akar kamin tughu gumazamizibagh eghuva, men gari me mangi izegh gami. Gumazir dapanir kamin ziam, a Iriya, a Selemian otarim, egha Hananian igiavotarim. Ezi Iriya Jeremaijan suiragha ghaze, “Ki fo, ni ari mangi Kaldiaba ko ikiasava ami.” ¹⁴ Ezi Jeremaia kamaghin an akam ikaragha ghaze, “Ni ifari. Ki Kaldiaba bagha zuir puvati.” Ezi Iriya nighnizir gavgavimin Jeremaian akabar itir puvati. Kamaghin, a Jeremaijan suiragha a inigha, gumazir dapaniba bagha ghu. ¹⁵ Gumazir dapaniba Iriyan akam baregha, puvira Jeremaijan atari. Egha bebenimin a misuegha a isa atrivimin akinsafariba osirir gumazim Jonatanin dipenimin kalabus gati. Me faragha Jonatanin dipenim kalabusin min a gami. ¹⁶ Dipenir kam, an kalabuziar danganim nguazimin aven iti. Me Jeremaia danganir kamin a kalabus gati, ezi a dughiar ruarin iti.

¹⁷ Ezi gin, Sedekaia Jeremaijan aku atrivimin dipenimin izasa me mikeme. Ezi Sedekaia amizir bizar kam, gumazir igharaziba a gifozir puvati. Ezi aning uaningra ikia egha Sedekaia kamaghin Jeremaijan azara, “Ikiavira Itir God akatam ni ganigi, o puvati?”

Ezi Jeremaija ghaze, “Are, Ikiavira Itir God akar mam na ganangi. Akar kam a kamaikan. Me ni isi Babilonin atrivim dafarim darigham.”

¹⁸ Egha Jeremaija kamaghin Sedekaian azara, “Ki arazir kurar manamin ni gami, o

nin gumazir dapanitam, o nin gumazamizibagh amizi, ia na isa kalabus gati? ¹⁹ Nin akam inigha izir gumazir maba kamaghin akam akunigha ghaze, ‘Babilonin atrivim iyi ni ko kantrin kamin misoghan kogham.’ Egha datirighin akam inigha izir gumazir kaba managh iti. ²⁰ Ezi uaghan, ga uaning, gumazir ekiam, ki bizar mam bagh nin azangsighasa. Ni nan apangkuvigh, ua na amadaghti, ki akinsafariba osirir gumazim Jonatanin dipenimin mangan marki. Puvatightima, ki an dipenimin iki mangiva aremegham.” ²¹ Jeremaia mikemegeha givazima, Atrivim Sedekaia migeima, me Jeremaia isa atrivimin divazimin aven midorozir gumazibar danganir mamin, Jeremaia isa kalabus gati. Egha atrivim me mikemezi, me dughiaha bar bretba tuer dipenimin, bretba vaghvaghda isa iza Jeremaia ganidi. Me arazir kam gamuavira ikia, ghua nguabar ekiamin bretba bar givazir dughiam otozi, me ua kamaghin amir puvati. Dughiar kabar, Jeremaia kamaghira midorozir gumazibar danganimin kalabusin ikiavira iti.

38

Me Jeremaia isa mozir mam gati

¹⁻³ Jeremaia kamaghin akam gumazamizibav mikiri, “Ikiavira Itir God ghaze: Gu-mazamizir nguabar ekiar kamin itiba, me arighiram. Apaniba taraziv sueghti me arimighiregham, tarazi dagheba puvatigh arighiram, tarazi arimariar kuram pazi me damighti me arimighiregham. Kamaghin amizi, me angamira ikisi, me nguabar ekiam ategh Babilonin midorozir gumaziba bagh mangi. Egh me Babilonia ateghti me men suiraghti, me arimighireghan kogham. Ikiavira Itir God uaghan kamaghin migei, ‘Ki Babilonin atrivimin midorozir gumaziba ateghti me nguabar ekiar kam iniam.’”

Ezi atrivimin gumazir dapanir maba, Jeremaijan akar kam baraki. Men ziabar kara: Matan otarim Sefatia ko, Pasurin otarim Gedalia ko, Selemian otarim Jehukal ko, Malkian otarim Pasur.

⁴ Ezi gumazir dapanir kaba ghua kamaghin atrivim migei, “Gumazir kam Jeremaia, a migeir akaba, nguabar ekiar kamin ikiavira itir midorozir gumaziba ko, gumazamizibar navir averiaba ko, nighniziba ko gavgavim dikabiri. Gumazir kam, men akuraghti me deragh ikian aghua. Puvati. A me ikuvighasa a ifonge. Kamaghin amizi, ni a misuegha, an aremegh.” ⁵ Ezi Atrivim Sedekaia kamaghin men akam ikaragha ghaze, “A ian dafarimin iti. Ki ian anogoreghan kogham.” ⁶ Ezi gumazir kaba Jeremaija inigha mozir dipar mamin ghu. Egha me

benimin an agharimning ikegha, aghumra anetaghirazima a mozimin uaghira, mozir kamin dikinimin tu. Mozir kam a dipatam an itir puvati. Nguazir beghneazimra an iti. Ezi Jeremaia mozir dikinimin tuzi an suemning nguazir beghneazir kam giraghu. Kar atrivimin otarim Malkian mozim, a midorozir gumazibar danganimin ikia atrivimin dipenim aviniz divazimin aven iti.

7 Ebetmelek a Itiopian kantrin gumazir mam, an atrivimin dipenimin gumazir dapanir mam, a kamaghin akam baraki, me Jeremaia isa mozir kam gati. Ezi dughiar kamin, atrivim Benjaminin Tiakamin boroqhir aperaghav ikia, gumazamizibar kotiam barasi. 8 Ezi Ebetmelek atrivimin dipenim ategha, atrivim bagha ghua, kamaghin a migia ghaze, 9 “Ga uaning, gumazir aruam, gumazir kaba arazir bar kuramin, akam inigha izir gumazim Jeremaia gami. Me a isa mozir mam mikini. Eghti a mozir kamin ikiva, dagheba puvatigh aremegham. Ni fo, dagheba nguubar ekiar kamin bar puvati.” 10 Ezi atrivim akar kam baregha, kamaghin Itiopian gumazim Ebetmelek migei, “Ni mangi, na ko itir gumazibar tongin gumazir 30pla inigh, egh ia mangi mozir kamin Jeremaia gekuwing anang. Eghti an aremeghan kogham.” 11 Ezi Ebetmelek gumazir kaba inigha atrivimin dagiaba itir dipenimin apengen itir danganir mamin ghu. Egha me inir ghuriba inigha Jeremaia itir mozir kamin ghu. Egha Ebetmelek inir ghurir kaba isa benir gavgavim gikegha, Jeremaia bagha da kunizi da ghuaghiri. 12 Egha a kamaghin Jeremaia migei, “Inir kaba uan reziamning datigh, egh benir gavgavim inigh izi dagh isin uabi gikegh. Eghti e ni gekuamin dughiamin, benim ni aghoran kogham.” Ezi Jeremaia Ebetmelek mikemezi moghiram ami. 13 Ezi me Jeremaia gekuizi a mozimin anabo. Egha me ua Jeremaia isa midorozir gumazibar danganim gatizi a ikiavira iti.

Sedekaia ua Jeremaia ko migei

14 Ezi gin, Atrivim Sedekaia gumaziba amangizi, me Godin akam inigha izir gumazim Jeremaia iniasa ghue, egha me an akua iza Ikiavira Itir Godin Dipenir tiar akar namba 3in atrivim bato. Aning uaningra ikiava, atrivim kamaghin Jeremaia migei, “Ki bizitam bagh nin azangasa. Eghti ni deraghviram a ikaragh. Ni akam nan mongan marki.”

15 Ezi Jeremaia kamaghin an akam ikaragha ghaze, “Ki akamin gun ni mikemeghti, bar guizbangira, ni na misueghti ki aremegham. Ki ti nighnizir

aghuium ni daningti, ni nan akam baraghan kogham.”

16 Ezi Atrivim Sedekaia akar dikirizir mam Jeremaia bagha a gamigha ghaze, “Bar guizbangira, Ikiavira Itir Godin bar pin itim, a Godin ikirimirir angamira itim isa gumazamizibagh anidim, ki an ziamin ni migei, ki ni misueghti ni aremeghan kogham. Egh ki ni isi gumazir ni gasighasighamibar dafarim datighan kogham. Bar puvatigham.”

17 Ezi Jeremaia kamaghin Sedekaia migei, “Ikiavira Itir Godin Gavgaviba Bar Itum, Israelian God, a ghaze, Ni midorozim ategh, egh Babilonin atrivimin gumazir dapaniba ateghti me ni inigh, ni misueghti ni aremeghan koghti, me nguubar kam daboroghti a isighan kogham. Eghni amuiroghboriba ko ia deraghvira ikiam. 18 Egh ni Babilonia ateghti me ni inighan kogham, eghni ki me ateghti me nguubar kam inigham, egh me a daboroghti a isigham. Eghni uabi men arimangighan kogham.”

19 Ezi Sedekaia kamaghin Jeremaia migei, “Ki Judan ara ghua Babilonia ko itir darazir marazir atiatingi. Kamaghin Babilonia ti na isi Judan kabar dafarim datighti, me pavizirna da migham.”

20 Ezi Jeremaia ghaze, “Me ni isi Judabar dafarim datighan kogham. Puvati. Ni Ikiavira Itir God nan akam garugha ni ganingizir akaba bar adar gin mangi, egh ni deraghvira ikiti, me ni misueghti ni aremeghan kogham. 21 Egh ni Babilonia ateghti me ni inighan koghti, bizir kurataba ni bativigham. Ikiavira Itir God irebamin min garir bizir mamin aven, bizir kam nan aka. 22 Ezi irebar kamin ki Babilonian garima, me amizir nin dipenimin ikiavira itiba, me inigha men akua Babilonin atrivimin gumazir dapaniba bagha ghue. Ezi ki amizir kaba barazi me kamaghin migei:

“O Atrivim Sedekaia, ni namakabar akam baraki,
me ni gifaraghha ni dikabira.
Datirighin dughiar kuram ni bato,
mati nin dagarimning nguazir beghneazim giraghu.
Ezi namakaba anetaki.”

23 “Ki irebar kamin gani, egha ki fo, bar guizbangira, Babilonia nin amuiroghboriba iniam. Ezi ni uaghan men ariv avegham. Puvati. Babilonin atrivim nin suiraghram. Egha ni akam batoghezir arazim bangin, Babilonia nguubar ekiar kam daboroghti a isigham.”

24 Ezi Sedekaia kamaghin Jeremaian akam ikaragha ghaze, “Ni, ga uan akamin gun gumazir igharazitam mikiman marki.

Ni mikemeghiva, aremegham. ²⁵ Gumazir dapaniba kamaghin oregh suam, ga uaning mikeme, egh me ti izi kamaghin nin azangsigham, 'Ni manmaghin atrivim mikeme? Ezi atrivim akar manam ni mikeme? Ni e mikemegh. Ni akar kam mongan marki. Puvatighti, e ni misuegħti ni aremegham.' Me akar kamagh garitam ni mikemegħi, ²⁶ ni kamaghin men akam ikaragh, 'Puvati. Ki atrivim ko migia, egha an azangħi, a ua na amadagħi ki Jonatanin dipenimin kalabusin ikiā kogħam. Puvatighti, ki dipenir kamin iki mangi aremegħam.'

²⁷ Egha gin gumazir dapanir kaba bar Jeremaia bagħha izegħha, an azangħi. Ezi ana atrivim a mikemezi mogħin, kamaghin men akaba ikara. Ezi gumazitam atrivim ko Jeremaian akatam baraghżiż puvati. Kamaghin amizi, gumazir dapaniba ua an azangħiġi iburaghha, Jeremaia ategħha għu. ²⁸ Ezi Jeremaia midorozir gumazibar danganimin ikiavira ikiā għu, apaniba Jerusaleм inizir dugħiamin tu.

39

Babilonia me Jerusalem ini (Jeremaia 52:1-11)

¹ Egha namba 9in azenimin Sedekaia atrivimin ikia għu, namba 10in iakinimin otogħha għu an namba 10in iakinir kamin aruemin oto. Ezi Babilonin Atrivim Nebukatnesar uan midorozir gumaziba bar me inighha iza, Jerusalemin nguibar ekiam korogħa a iniasa mīsosi. ² Me misogħa ikiavira itima iakinir 6pla għifa, ezi Sedekaia atrivimin itir azenir namba 11 otozi, azenir kamin namba 4in iakinim oto, egha an namba 9in dugħiamin, me divażiñ vuer mam akarighha, Jerusalemin aven ghue. ³ Egha dugħiar kam, Babilonin atrivimin gumazir dapaniba bar nguibar ekiamin aven ghue. Gumazir dapanibar ziabar kara: Nergal Sareser ko, Samgar Nebo ko, gumazir ekiar faragħa zuim Sarsek im-kon, midorozir gumazibar dapanim Nergal Sareser. Me għu nguibar ekiamin divażi kamin Arighan Itir Tiarakamini ghuegħha, nguibar ekiam gativaghha a gapiagħha iti.* ⁴ Judan Atrivim Sedekaia uan midorozir gumaziba ko me bar mogħira garima, Babilonia izima, me are. Me dimagħarim suebar għuava atrivimin dagħer azenimin otivighha għu, danganir divażi pumuning uanq isasuiragħha itir tiar akar kamin għu, nguibar ekiamin otivighha għu. Egha me Jordanin Fanemini danganir zarimin għu, tuavimin zui. ⁵ Ezi Babilonin midorozir gumaziba men

agħiżi, me għu Jerikon nguibal ekiamin borogħin itir danganir zarimin oto, me Sedekaian suira. Egha me a inigha Atrivim Nebukatnesar bagħha għu. Ezi dugħiar kamin Atrivim Nebukatnesar Riplan nguibamin iti, Hamat innguazim aven itir nguibam. Ezi Nebukatnesar uan kotin aven Sedekaian gara ghaze, Sedekaia uanarazir kurar an amizim inivezim iniam.

⁶ Ezi Babilonian atrivim Riplan nguibamin ikka Sedekaian otariba inigha, Sedekaian damazim bar me misuagħariki. Egha a uaghan Judan gumazir dapaniba me misuagħariki.

⁷ Egha atrivim mikemezi, me Sedekaian damazimning asi, egha an suemning ko dafarimning senin ada ikegħha, a inigha Babilonin għu.

⁸ Ezi Kaldiabar midorozir gumaziba Jerusalemin ikka atrivimi dipenim ko gumazamizbar dipenibagh apongezi da isi. Egha Jerusaleм avinizir divażiha bar da akaraghħariki. ⁹ Ezi Nebusaradan, a Babilonin gumazir dapanibar faragħa zuim, a Jerusalemin iti, a Jerusalemin gumazamizir ikiavira itiba bar me inighha, men akua kalabus bagħha Babilonin għu. Egha uaghan Judan faragħha Jerusaleм ategħha ara għu, an gara a ko ikezbar akua, me inigha Babilonin kalabus bagħha għu. ¹⁰ Egha Nebusaradan, gumazamizir onganarazibagh amir maba ataghħi, merara Judan nguazim ikiavira iti. Gumazamizir kaba nguaziba ko bizibba puvati. Ezi a dugħiar kamin wainin azeniba ko, azenir iħbari sara me għaniġi.

Atrivim mikemezi, Jeremaia kalabus ataki

¹¹ Atrivim Nebukatnesar Jeremaia ġiniegħi, egha Jerusalemin Nebusaradan bagħha anemada, Babilonin gumazir dapanibar faragħa zuim. Nebukatnesar akam kamakin, ¹² "Ni mangi Jeremaia inih deraghviram an gan. Ni pażi a damuan marki. Ni an ifongiā minn ġin mangiva, bixiż manam ana damuasa nin azaj, ni a damu." ¹³ Ezi Babilonin gumazir dapanibar faragħa zuim Nebusaradan, a ko an gumazir ekiar an apengen ikiā faragħa iti, Nebusaradan ko Nergal Sareser, aning ko Babilonin gumazir ekiar iħbari sara, me bar dikavighha, ¹⁴ gumaziba amangizi, me midorozir gumaziba itir danganimin għu Jeremaia in. Egha me Jeremaia isa, Gedalian dafarim gati. Gedalia, a Ahikamin otarim, egha Safanin iġiavotarim. Me, Jeremaia inih an dipenimin mangħa Gedalia migei. Kamaghin, Jeremaia ua uan nguibamin

^{38:28:} Esekiel 33:21 * ^{39:3:} Gumazir dapanir kabar ziabu ko men ingħarriha me deragħha da abighiżiż puvati.

ghua uan namakaba ko Judan nguazimin ikiavira iti.

Ikiavira Itir God akam Ebetmelek ganingi

¹⁵Jeremaia faragha midorozir gumazibar danganimin ikiavira itima, Ikiavira Itir God kamaghin akam isa a ganiga ghaze, ¹⁶“Ni Itiopian gumazim Ebetmelek bagh mangi, kamaghin a mikim suam: Ikiavira Itir Godin Gavgaviba Bar Itim, a Israelian God, a kamaghin mikeme, Ki fomira nguibaekiar kam gasighasighasa, ezi datirighin nan akamin daghem otogham. Ki nguibaekiar kam deraghvira a damuan kogham. Ezi ni ubi bizar ki damuasa mikemezibar ganam. ¹⁷Ki Ikiavira Itir God, ki mikemes, Ki bizar kam damuamin dughiam, ki nin akuraghti, me ni isi gumazir ni atiatibar dafaribar atighan kogham. ¹⁸Ki deraghvira nin akurvagh nin ganam, eghiti me ni misueghti ni aremeghan kogham. Ni nighnizir gavgavim nan iti, kamaghin ni aremeghan kogham. Ki Ikiavira Itir God, ki mikemegha gifa.”

40

Nebusaradan Jeremaia ko migei

¹ Nebusaradan Jeremaia ataghizi a firiaghriinha zuir dughiamin, Ikiavira Itir God akam isa Jeremaia ganingi. Babilonia Jeremaia ko, Judaba ko, Jerusalemia inigha senbar me ike, egh men aki kalabus bagh Babilonin mangam. Egha me Raman nguibamin otivir dughiamin, gumazir dapanir faragha zuim Nebusaradan, Jeremaian garima a me ko iti, ezi a anetaghizi a firiaghriinha ghu. ²Ezi dughiar kamin Nebusaradan kamaghin Jeremaia migei, “Ikiavira Itir God, nin God, bizar kurar kantrin kamin otivamimin gun mikeme. ³Egha datirighin Ikiavira Itir God mikemezei moghin bizar kabagh amima da otifi, ia Israelia Ikiavira Itir Godin akaba batuegha, an damazimin arazir kuram gami. Ezi bizar mingarir kam bagha, bizar kaba ia batifi. ⁴Ni oragh. Datirighin ki senin nin dafarimning ikezir kam firi, ezi ni datirighin firighirigh iki. Egh ni na ko Babilonin izisi, kamaghin ni izi, eghiti ki deraghvira nin ganam. Ni aghuagh marki, a dera ni iki. Ezi kantrin kamin danganir manaba ni dar mangasa ifonge, ni pura mangi.”

⁵ Jeremaia akar kam baregha, Nebusaradan ataghizir puvati. Kamaghin amizi, Nebusaradan Jeremaia migia ghua ghaze, “Puvatighti, ni Gedalia bagh mangi, an Ahikamin otarim, egha Safanin igiavotarim. Babilonin atrivim Judan nguibabagh ativagh dar ganasa anemisefe. A gumazamizir maba ko kagh ikiti, ni a

ko iki. Ni aghuaghiva, managh mangasa ifonge, ni mangi.” Egha Nebusaradan bizar aghuir mam ko dagher maba sara Jeremaia ganigha anetaghizi, a ghu. ⁶Ezi Jeremaia ghua Gedalia bagha nguibam Mispan ghu. Jeremaia a gumazamizir Judan nguazimin ikiavira itibar tongin me ko iti.

Me Jeremaian akua Isipin zui
(*Sapta 40:7-45:5*)

Gedalia Judan gavmanin gumazir faragha zuim iti
(*2 Atriviba 25:22-24*)

⁷ Judan midorozir gumazir maba uan gumazir dapaniba ko, me kantrin danganir mabar ikiavira iti. Me kamaghin akam baraki, Babilonin atrivim, Gedalia Judan nguazimin, gavmanin gumazir dapanir faragha zuim ikiasi anemisefe. Ezi a onganarazibagh amir gumazamiziba ko borir Babilonia inigha Babilonin kalabusin ghuezir puvatizir kabar ganamin ingangarim iti. ⁸Ezi gumazir dapanir kaba uan midorozir gumaziba inigha, me Gedalian ganasa Mispan ghu. Gumazir dapanir kabar ziabar kara: Netanian otarim Ismael ko, Kareaan otarimning Johanan ko Jonatan, ko Tanhumetin otarim Seraia ko, Netofan nguibamin gumazim Efain otariba ko, Makan nguazimin gumazim Jesania. ⁹Ezi Gedalia me ko akam akira ghaze, “Bar guizbangira, ia Babilonia men apenggan ikiva, men atiatingan marki. Puvati. Ia nguazir kamin ikiva, Babilonin atrivimin apenggan iki deraghvira ikiam. ¹⁰Ki ubi, ki Mispan kagh ikiam. Babilonia izi en ganamin dughiam, ki Judaba e uan abuir gumazimin ikiam. Iarara, ia uamategh nguibaekiar ia inizir kabar mangi, wainin ikarizir oviziba ko ovizir ighazariz aghuiba inigh, wain ko borebar ingar, egh gin izamin dughiam bagh ada isi minebar arigh.”

¹¹ Ezi dughiar kamin Judan marazi Moap ko, Amon ko, Idom ko kantrin ighazaribar iti. Me kamaghin akam baraki, Babilonin atrivim gumazamizir varazira ataghizi me Judan nguazimin itima, ezi atrivim me gativagh men ganasa, Gedalia amisefe, a Ahikamin otarim, egha Safanin igiavotarim. ¹²Ezi Judan gumazamizir apaniba me batoghezi me ghuezir nguibaekiar, me da ategha uamategha Judan nguazimin ize. Egha me Gedalian ganasa Mispan ghu. Egha gin, wainin ikarizir oviziba ko, ovizir ighazariz aghuiba azenibar da isava, me wainin aviriba ko dagher aghuiba iti.

Ismael Gedalia misoghezi an areme
(*2 Atriviba 25:25-26*)

¹³ Ezi dughiar mamin, Karean otarim Johanan ko, Judan midorozir gumazibar, gumazir dapaniba, me kantrin danganir mabar ikegha Gedalia bagha Mispan ize.
¹⁴ Egha me kamaghin a migei, "Amonin kantrin Atrivim Balis, ni misuegħti ni aremegħasa, Netanian otarim Ismael amadazi, a ize. Ni bizar kam għif, o puvati?" Ezi Gedalia men akam nighnizir gavgavim an itir puvati. ¹⁵ Ezi Johanan ko Gedalia uaningra itir dughiamin, Johanan nimira kamaghin Gedalian migei, "Ga uaning. Ni na ategħi ki mangi Ismael misuegħti ana aremeka. Gumazitam bizar kam gifogħan kogħam. Ni anetegħti a ni misuegħti, ni aremegħti, Judan datirighin iza ni akuvagħha itiba, me tintinibar mangeħhem. Eghi en gumazamizir ikiavira itir varazira, e bar ikuvigham." ¹⁶ Ezi Ahikamin otarim Gedalia kamaghin Karean otarim Johanan akam ikaraghha ghaze, "Ni arazir kam damuan marki. Ki fo, ni Ismaelin gun migei akar kam, a guzin akam puvati. Ni ifari."

41

¹⁻² Ismael a Netanian otarim, egha a Elisa man igiavotarim, egha a Judan atrivimin ikizir mam. An atrivimin gumazir dapanir faragħa zuir mamin ike. Babilonin atrivim Judan gavmanin faragħa zuir gumazimini ikiasi Gedalia amisefe, ezi azenir kamin, an namba 7 in iakinim otozi, Ismael 10plan gumaziba inigha, Gedalian ganasa Mispan ize. Egha me Gedalia ko apiagħha apir dughiamin, Ismael 10plan gumaziba ko me dikavigha, uan midorozir sababa inigha Gedalia misogħezi an areme. ³ Ezi Ismael uaghan Judan Gedalia ko Mispan itiba sara misuegħa, Kaldiabar midorozir gumazir dughiar kamir Mispan itiba sara misogħezi, me ariaghire.

⁴ Ezi amimzaragħan, gumaziba fozir puvati, Gedalia aremegħa għifa, ⁵ ezi Sekemin nguibam ko, Silon nguibam ko, Samarian nguibamin gumazir 80pla arua iza Mispan boroghira iżi. Me wit ko pauran mugħuriar aghjuu zuim inigha, Ikiavira Itir Godin Dipenim bagħha Jerusalemin mangi ofa damuasa zui. Gumazir kaba uan għumasiżibagh isava, uan korotiaba abigha, tintinibar uan mikarzibar ghora uan apangkuvim ko osimtizim akakaghħasa. ⁶ Dughiar kam, Netanian otarim Ismael men għalli, me izima, a Mispa ategħha, me gifara aziava me bagħha tuavimin zui. A ghaze, an azirakam ti gumazibar amuti, me suam, a me ko apangkuvir kam iti. Egha a ghua me batogħha kamaghin me migei, "Ia iżi, Ahikamin otarim Gedalia, ia an ganasa ai ifonge." ⁷ Me nguibar

ekiamin aven ghuezi, Ismael uan adarazi ko me gumazir avirir kabav suegħa, men kuuba akunizi me mozir dipar ekiar mam giraghue. ⁸ Ezi gumazir kabar tongin itir 10plan gumaziba kamaghin migei, "Ni en misuegħti e aremegħan marki. E tuzim din dagħer bar aviriba mongeži da iti, witba ko, balibba ko, olivin boreba ko, haniba. E da ni daningam." Ezi Ismael men akam baregħha, 10plan gumazir kabav sogħezi me ariaghirez puvati.

⁹ Mozir dipar kam, Judan Atrivim Asa, fomira ghaze, Israelian Atrivim Basa iżi Mispan misogħiva, nguibar ekiam avinighti, Mispan gumazamiziba dipam ġoteveghan kogħam. A Mispan gumazamiziba dipam ġoteveghan aghuwa an a għikui. Mozir dipar kamra, datirighin Ismaelin adarazi me Gedalia misogħezi an aremezir dughiamin, me gumazir kuar kaba inigha mozir kam għażi, mozir kam izifa.

¹⁰ Ezi gin, Ismael Mispan itir gumazamizir iħbariżza inigha, Mispa ategħha, men akua Amonin kantrin zui. Babilonin midorozir gumazibar dapanim Nebusaradan, a faragħa gumazamizir kaba, Mispan nguibamin me ataghżi me itima, a men ganasa Gedalia amisefe. Ezi Judan atrivimin guiviba uaghan men tongin iti.

¹¹ Ezi Karean otarim Johanan, ko Judan midorozir gumazibar dapanir maba, me Netanian otarim Ismael amizir arazir kuraba bar da baraki. ¹² Kamaghin amizi, me dikavighha uan midorozir gumaziba inigha, Ismael misogħħasa an gintiġha zui. Me an dintiġha ghua Gibeonin nguibamin itir dipar akarer ekiamin borogħiram a bato. ¹³ Ezi Ismael Mispan inigha a ko izezir gumazamiziba, me Karean otarim Johanan ko gumazir dapanir mabar ganigha, bar akon. ¹⁴ Egha me bar Ismael ategħha, ivemara Karean otarim Johanan bagħha ghue. ¹⁵ Ezi Johanan adarazi Ismaelin suighħa amima, a uan gumazir 8pla ko, me ar ghua Amonin kantrin ghue.

¹⁶ Ezi Karean otarim Johanan, ko gumazir dapanir an gin zuiba, me Ismaelin dafarim minn ada ua Mispan gumazamiziba ini. Midorozir gumazir iħbariżza ko, men amurogħbori, ko atrivimin ingangar gumaziba, me ikizir kamin tongin iti. Gumazamizir kabara, Netanian otarim Ismael faragħa Gedalia misuegħha givagħha, egha kalabuziabar min bar me inigha Mispa ategħha Gibeonin għu. Ezi datirighin me bar Gibeon ategħha ghue. ¹⁷⁻¹⁸ Johanan men aktu Isipin mangasava ami. Ezi me fo, Ismael Gedalia misogħezi an areme, gumazir kam Babilonin atrivim Judan nguazim gatvagh an ganasa anemisefe. Egha me atia-

tia nighnisi, Kaldiaba ti men otivizir biziba baregham, egh izi me gasighasigham. Kamaghin amizi, me Isipin mangasa ifonge. Egha me Betlehemin nguibamin boroghira, Gerut Kimhamin nguibamin otivigha iti.

42

Gumazamiziba Ikiavira Itir God ko mikimasa Jeremaian azangsizi

¹ Egha gin, Karen otarim Johanan ko, Hosaian otarim Jesania ko, midorozir gumazir maba ko, gumazamiziba bar, kar gumazir aruaba ko gumazir kiniba, me bar dikavigha, ² Godin akam inigha izir gumazim Jeremaia bagha ghue. Egha me kamaghin a migei, "E uari, ni Ikiavira Itir God, nin God, ni a ko mikim, egh an azaraghti, a en gumazamizir ikiavira itir varazira an en akuraghram. E fomira avirasem, ezi datirighin ni garima, e bar ikizir muziariba iti. ³ E kamaghsua, Ikiavira Itir God, nin God, tuavir manamin e mangam, ko bizar tizir e damuamim, an e mikemegh." ⁴ Ezi Godin akam inigha izir gumazim Jeremaia kamaghin migei, "A dera. Ki ian akamin amamangati. Ezi ia nan azarazi moghin, ki Ikiavira Itir God, ian God, a ko mikimam. Eighti Ikiavira Itir God akar manamin na ikaraghti, ki an gun ia mikimam. Ki akatam ian modoghan kogham."

⁵ Ezi gumazamiziba kamaghin Jeremaia migei, "Bar guizbangira, Ikiavira Itir God, nin God, e an akaba bar adar gin mangam. Ikiavira Itir God guizin araziba ko, voroghira zuir araziba zurara adagh ami. Eighti e an akar, an e bagha ni ganingizibar gin mangan koghi, a uan kotin aven e tuisigham. ⁶ Ikiavira Itir God e bagha en azangsiziba ikarvaghya ni ganidir akar kaba, da pazi e damuam o, da deragh e damuam, e pura dar gin mangam. Bar guizbangira, e Ikiavira Itir Godin akabar gin mangam, an en God, ezi e deraghvira ikiam."

Ikiavira Itir God Jeremaian azangsizim ikara

⁷ Ezi Jeremaia Ikiavira Itir God ko migeima, 10plan dughiabar gin, an akam a ganingi. ⁸ Ezi Jeremaia dikavigha, Karen otarim Johanan ko midorozir gumazibar dapanir a ko itiba ko, gumazamiziba bar, kar gumazir aruaba ko gumazir kiniba, a men diazi me a bagha ize. ⁹ Ezi a kamaghin me migei, "Ia Ikiavira Itir God ko mikimasa nan azangsiki. Ezi Ikiavira Itir God, Israelian God, kamaghin migei: ¹⁰ Ia Judan nguazimin kagh ikiti, ki gavgavim ia daningigh, egh ia dikabiraghan kogham. Guizbangira, bizir kurar ki ia gamizir kam, a na gamima ki bar oseme. Kamaghin ki

ia akaragh, ua ia asighan kogham. ¹¹ Ia Babilonin atrivimin atati, ezi ki Ikiavira Itir God, ki guizbangira migei, Ki ia ko iti. Egh ki ian akuragh an dafarimin ua ia inigham. Kamaghin, ia uam an atiatingan marki. ¹² Ki ian apangkuvigh, egh a damuti, a uaghan ian apangkuvigham. Egh ia ateghti, ia uamatgeh uan nguazimin mangam. Ki Ikiavira Itir God, ki mikemegha gifia.

¹³ "Ezi ia nan akaba batoghan marki, ki Ikiavira Itir God, ian God. Egh ia kamaghin mikiman marki, 'E Judan nguzimin ikian aghua. ¹⁴ Puvati. E Isipin mangam. E Isipra ikiti, apaniba e misueghan kogham. Eighti gumazamiziba misoghs i sighthabagh iviva, en diman kogham. Eighti e daghebar teveghan kogham. E pura Isipin ikiam.' ¹⁵ O Judan ikiavira itir varazira, ia oragh! Ia akar kamaghin amizim mikemeghti, ki Ikiavira Itir God, ki akam ian ikiam. Ki Ikiavira Itir Godin Gavgaviba Bar Itim, Israelian God, ki ia migei, Ia ti gavgavigh mangi Isipin ikiti, ¹⁶ bizar ia atiabba, da Isipin ia bativam. Apaniba ia misoghti ia arighiram, egh ia dagheba puvatigh arighiram. ¹⁷ Gumazamizir otuegh gavgavigh, mangi Isipin ikiamiba, me bar arighiregham. Apaniba taraziv sueghti me arighiram, eighti tarazi dagheba puvatigh arimighiregham, eighti tarazi arimiar kuram iniva arimighiram. Ki bizar kurar kabar amuti, da me bativti, men adarazi bar givaghti, men ikiavira itir varazira, ua ikian kogham.

¹⁸ "Ki Ikiavira Itir Godin Gavgaviba Bar Itim, Israelian God, ki guizbangira migei: Ki faragha puvira Jerusalemian aningagha, bar pazavira me gasighasiki. Eighti kamaghira, ia Isipin mangichti, ki bar puvira ian aningaghegh, bar pazivira ia gasighasigham. Eighti Kantrin Igharazibar Gumazamiziba, bizar ki ia gamiziba bareghiva, atiating, digavir kuram damigham. Egh me pazi ia damuva, egh dibovir akabar ia mikimam. Egh me uari akar kurabar uan apaniba mikimsi, me kamaghin mikimam, Ia Judah ikuvizi moghin, ia ikuvigham." Egh ia ua uan nguazir kamin ganighan kogham."

¹⁹ Jeremaia Ikiavira Itir Godin akam akunigha givagha, kamaghin migei, "O ia Judan gumazamizir ikiavira itir varazira, ia oragh! Ikiavira Itir God, Isipin mangan ian antogoregha mikeme. Ezi ia akar ikiangsizir ki datirighin ia ganingizir kam deraghviram a ginighnigh. ²⁰ Ia, Ikiavira Itir God, ian God, a ko mikimasa nan azangsigha, kamaghin migei, 'Jeremaia, ni mangi Ikiavira Itir God, en God, ni a ko mikim, egh an azaraghti, an akam e

daningigh. Egheti akar manam a ni danighti, ni e mikemeghti, e an gin mangam.' Ezi ia datirighin arazir igharazim damuasava ami. Ian arazir kam, a bar derazir puvati. A ia damuti, ia ikuvigham.²¹ Ikiavira Itir God, ian God, a ia daningasa na ganingizir akam, ki datirighin ia ganingi. Ezi ia akar kamin gin zuir puvati.²² Kamaghin, ia deraghvira fogh, danganir ia mangi ikiasi amir kam, apaniba ian taraziv sueghti me arimighiregham, egheti tarazi dagheba puvatigh arimighiregham, egheti tarazi arimariar kuram iniva arimighiregham."

43

Me Jeremaia inigha, gumazamizir ikiavira itir varazira sara Isipin ghue

¹ Akar Ikiavira Itir God, men God, gumazamizibav kimasa Jeremaia mikemeziba, Jeremaia dar gun gumazamizibav kemegha givazima,² Hosaiyan otarim Asaria, ko Kareaan otarim Johanan, ko gumazir akaba batozir maba, me kamaghin Jeremaia migei, "Ni ifari. Ikiavira Itir God, en God, e mangi Isipin ikiasi en anogorogha, e mikimasa ni amadazir puvati. Bar puvati.³ Kar Nerian otarim Baruk, anarira e dikabinasa nin nighnizimin fe. Ni Kalidiaba e inigh e misueghti e aremeghasa, o en aku kalabus bagh Babilonin mangasa ni ifonge."⁴ Egha me akar kam mikemezi, ezi Kareaan otarim Johanan ko gumazir dapanir maba, ko gumazamiziba bar moghira Ikiavira Itir Godin akam batogha, Judan nguazimin iktian aghua.⁵⁻⁶ Kareaan otarim Johanan uan gumazir dapaniba ko, me dikavigha, Judan gumazamizir ikiavira itir varazira, bar moghira me inigha zui. Gumazir kaba, ko amiziba ko boriba, apaniba fomira me batoghezi me kantrin igharazibar ghueziba, me fomira uamategħha Judan nguazimin ize. Ezi datirighin Johanan uaghan, Judan atrivimin guiviba ko gumazamizir igharaziba ini. Kar Nebusaradan, Babilonin midorozir gumazibar gumazir faragħa zuim, me gativagh men ganasa Gedalia amisefe. Ezi datirighin Johanan ko gumazir dapaniba, Judan gumazamizir kaba ko, Godin akam inigha izir gumazim Jeremaia ko Nerian otarim Baruk, bar me inigha zui.⁷ Egha me men akua bar Isipin għu. Egha arazir kamin me Ikiavira Itir Godin akam batoke. Egha me ghua nguibam Tapanesin otifi, kar Isipin kantrin nguibar mam.

⁸ Me Tapanesin itima, Ikiavira Itir God kamaghin Jeremaia mikeme,⁹ "Ni mangi dagħiġ ekiar taba inigh mangi Isipin atrivimin dipenir nguibar kamin itimini tiar

akamin apengan, nguazim gikuigh an aven dar afegħ. Judan marazi nguibar kamin iti, me nin ganti, ni a damu.^{*}¹⁰ Egh Judan kaba kamaghin me mikemegħ: Ikiavira Itir Godin Gavgaviba Bar Itim, Israelian God, a kamaghin mikeme: Ki Ikiavira Itir God, ki uan ingangarir gumazim Babilonin Atrivin Nebukatnesarin diaghram. Eghti a danganir kamin izam. Egh dagħiġ ki mozim gikuigha dafezir kabagh isin, u atrir dabirabim afaghham. Egh a uaghan uan purirpenim asaragh, nguazir otevir dagħiar kaba itir kam avaragħam.¹¹ A iżi Isipin kantri gasighasigham. Ki gumazir maba me arimariar kuram inigh arghirasa me amisefe, egheti dugħiar kamin me arimariar kuram iniam. Ezi gumazir maba me mangi kantrin igharazim in kalabusin ikiasi, ki me amisefe, egheti dugħiar kamin me kalabusin mangam. Ezi ki gumazir maba me mangi misogħi arghirasa, me amisefe, egheti dugħiar kamin me mangi misogħi arghiram.¹² Egh ki Isipin asebar ziaba fer dipenibar apongegħam. Dipenir kaba, da Isipin asebar marvir guaba dar iti. Egheti Nebukatnesar marvir guar katabar apongħiva, taba inigh uan kantrin mangam. Egh a Isipin kantrin bibiha bar ada batuegħam, mati sipsipbagħ eghuvir gumazim, uan korotiamin piba batosi. A Isipha bar me gefiragħam. Egh a kantrin kam ategħi deraghvira mangam.¹³ A Isipin ikiamin dugħiamin, a dagħiar dipenir akinir ruarir dipenir kamin itiba apirigham, gumazamiziba zurara dipenimin ghua, aruemin ziam fe, mati men asem. Egh a bar Isipian asebar ziaba fer dipeniba, bar dar apongħti da isigham."

44

Ikiavira Itir God akam isa Judan Isipin itibagh anidi

¹ Ikiavira Itir God akam isa Judan Isipin itir daraziv kinasa Jeremaia ganingi. Me Mikdolin nguibam ko Tapanesin nguibam ko, Memfis innguibam ko, Isipin sautin amadaghien itiba. Ezi Jeremaia kamaghin me migei,² "Ikiavira Itir Godin Gavgaviba Bar Itim, a Israelian God, a kamaghin migei: Ki Ikiavira Itir God, ki Jerusalem ko Judan nguibar ekiabagh amizir bizar kuraba, ia bar a dar gani. Ia gan, da datirighin bar ikuvigha iti. Ezi gumazamiziba uam adar itir puvati.³ Judan kaba me arazir kurar aviribagh ami, ezi bizar kam na gamima ki men aningagħe. Me asebar ziabha fe, egha ofan migharrir mughuriar aghjuu mzuiba me ganidi. Me fomira aser kabagh fożir puvati.

* 43:5-6: 2 Atriviba 25:26 * 43:9: Hibrun akam deragħha migħiġiġar kamin mingarim abighiżżejj puvati.

Ezi ia Judan kagh itiba, ko ian inazir afez-aba uaghan, ia bar moghira aser kabagh fozir puvati. Kamaghin amizi, ki Judan gumazamizibagh asighasiki. ⁴ Ki faragha dughiar aviribar uan ingangarir gumaziba amangi, me Godin akam inigha izir gumaziba, me Judaba ia bagha ize. Egha me kamaghin nan akam akura ia gakaghori, ‘Ia arazir kurir ki aghuazir kabar amuan marki.’ ⁵ Ezi Judan kaba kuariba arigha akar kam barazir puvati, egha an gin zuir puvati. Me uan arazir kuram ataghizir puvati, egha me asebar ofa gamir arazim ataghizir puvati. ⁶ Kamaghin amizi, ki bar men aningaghegha, Judan nguibaba ko Jerusalemin tuaviba bar pazavira dagh amua dagh asighasiki. Ezi me ikuvigha kaghira iti.

⁷ “Ki Ikiavira Itir Godin Gavgaviba Bar itim, Israelien God, ki datirighin kamaghin migei: ‘Ia manmaghsua uarira uari gasighasighasava ami?’ ‘Ia arazir kam damuti, ian Judabar tongin itir gumaziba ko amiziba ko boriba, bar moghira ikuvigham. Egh ian ikiavira itir varazira ua ikian kogham. ⁸ Ia datirighin Isipin ikia, egha ia uan dafaribar asebar marvir guabar ingara, ofan migharir mughuriar aghuim zuiba, aser igharaghha garibagh anidi. Ezi ian arazir kam na gamima, ki bar puviram aningaghe. Eghti kamaghin ia ikuvigham. Eghti Kantrin Igharazibar Gumazamiziba bar ia dipova, akar asuir kurabar ia mikimam. Egh me uan apaniba akar kurabar me mikimsi, me kamaghin mikimam, ‘Ia Judaba ikuvizi moghin ia ikuvigham.’ ⁹ Ian inazir afeziabka ko atriviba, ko atrivibar amuiba, arazir kuram gami. Egha ia uaghan uan amuiba ko arazir kuram gami. Ia bar moghira arazir kam Judan nguibaba ko Jerusalemin tuavibar arazir kam gami. Ia ti bizir kurar kaba ginamadagha gifa, a? ¹⁰ Fomira ikegha iza datirighin, ia arazir kurar kaba aghumsizir puvati. Egha ia nan atiatia nan apengen itir puvatigha, nan Araziba ko arazir ki ifongeziba, ki da isa ia ko ian ovavibagh aningi, ia dar gin zuir puvati.

¹¹ “Kamaghin ki Ikiavira Itir Godin Gavgaviba Bar Itim, Israelien God, ki mikeme: Ia Judaba, ki ia gasighasighasa nighnigha gifa. Ezi ian tav ikian kogham. ¹² Ia Judan ikiavira itir varazira, ia izi Isipin ikiasi gavgafi. Iarara, ki bar ia gevegham. Egh ia Isipin ikiamin dughiamin, ia arighiram. Apaniba izi ian taraziv soghti ia arighiram, ian tarazi dagheba puvatighiva arighiram, gumazir aruuba ko gumazir kiniba sara. Eghti Kantrin Igharazibar Gumazamiziba bizir ki ia gamizir kaba baregh, me atiating, digavir bar kuram damigham. Egh me ia dipov, ia gasighasigh akar kurar asuiba ia

mikimam. Egh me uari akar kurabar uan apanibav mikimsi, me kamaghin mikimam, ‘Ia Judaba ikuvizi moghin ia ikuvigham.’ ¹³ Ia Isipin itir darasi, ki Jerusalemin amizir arazir kamra, ki ia damigham. Apaniba taraziv suegħti me arighiregham, eghzi tarazi dagheba puvatigh arighiram, eghzi tarazi arimariaj kuram iniva arighiram. ¹⁴ Ia Judan datirighin Isipin ikiavira itir varazira, ia Judan nguazimin mangasa bar ifonge. Ezi ian tav asighasizir kam gitgħażżeen kogħam, egh uamategħ uan nguazimin mangiżha kogħam. Ia bar mogħira ikuvigham. Eghzi gumazir bar vagħvazibara uamategħ ari mangi uan nguazimin mangam.”

¹⁵ Dughiar kamin, Judan avirir ekiam iza uari akuvagħha itima, Jeremaia akar kam akuri. Judan Isipin sautin amadgħan itiba, me uaghan iti. Gumaziba bar uari akuvagħha ikia, kamaghin fo, men amuiba ofan mugħuriar aghuim zuiba aseba bagħha dagħ am. Egha gumazir kaba uan amuiba ko kamaghin Jeremaijan akam ikaraghha ghaze, ¹⁶ “Ni Ikiavira Itir Godin ziamin akaba e mikiri. Ezi e akar kam bareghan kogħam. Puvati. E aghħua. ¹⁷ E bizir e damausa akam akiriziba, e dan amuam. E ofan mugħuriar aghuim zuiba, aser amizir kam bagħ dar amuam, me kamaghin a dibor Overiamin Kwin. Egh e wainin ofaba a gingam. Mati e fomira, en ovaviba ko atriviba, ko en gumazir dapaniba, e bar mogħira Overiamin Kwin bagħha ofan kabagh amizi mogħin dagh am. E ofan kaba Judan nguibaba ko Jerusalemin tuavibar dagħ am. E dagħ amir dughiabar, e dagħher aviriba ikia deraghavira iti, ezi bizir kuratam e batozir puvati. ¹⁸ E fomira ikegha iza datirighin Overiamin Kwin bagħħava wainin ofaba ko, ofan igharazir avirir amir kaba ategħha, e biziba bar puvati. Apaniba iza en marazi misogħezi me arīghire, ezi marazi dagħeħha puvatigha ariaghire.” ¹⁹ Ezi amiziba ua kamaghin migei, “E guizbangira, Overiamin Kwin bagħha ofan kabagh amua, bisketba tua dagħ amima da an nedazim min otifi. Egha e wainin ofaba a ginge. Ezi ni ti ghaze, en paba ti arazir kamin aghħua, a? Puvati, me arazir kaba bar dagħ fogħa, da bagħha bar akonge.”

²⁰ Jeremaia akar kam baregha, egha gumaziba ko amiziba virara, kamaghin men akam ikaraghha ghaze, ²¹ “Fomira ia ko, ian ovaviba, ko atriviba, ko gumazir dapaniba, ko gumazamizir igharazibar bar, ia Judan nguibaba ko Jerusalemin tuavibar ikia, aseba bagħha ofan migharir mugħuriar aghuim zuibagh am. Ezi ia ti ghaze, Ikiavira Itir God, ti ian arazir kabagh nighnizir puvati, a? Puvati. A deraghviram dagħ fogħa dagħ nighnisi.

²² Ia arazir bar kuribagh ami, ezi gin Ikiavira Itir God ian arazir kurar kam bar a giporpore. Bizar kam bangin, a ian nguazim gamizi, a ikuvigha nguazir kinimin oto. Ezi gumazitam an itir puvatigha iza datirighin tu. Kamaghin amizi, Kantrin Igharazibar Gumazamiziba akar kurabar uan apanibav kimasa kamaghin migei, 'Ia Juda ikuvizi moghin, ia ikuvigham.' ²³ Ia aseba bagha ofan migharir mughuriar aghuim zuibagh amua, egha arazir kuraba, Ikiavira Itir Godin damazimin dagh ami. Egha ia an Araziba ko an arazir a ifongeziba batuegha, an akabar gin zuir puvati. Kamaghin amizi, dughiar kurar ia batozim ikiavira iti.'

²⁴ Egha Jeremaia uam akar maba bar Judabav keme. An akam amizibagh asa, kamaghin migei, 'Ia bar Judan Isipin itiba, deragh kuaribar arigh, Ikiavira Itir Godin akam baragh.' ²⁵ Ikiavira Itir Godin Gav-gaviba Bar Itim, Israelian God, a ghaze: Ia uan amuiba ko, uan akar dikirizimun bizibar amuti da otivasa. Ia kamaghin akam akirigha mikeme, 'E ofan migharir mughuriar aghuim zuim tuegh, Overiamin Kwin bagh wainin ofaba ingasa akam akiri. Ezi bar guizbangira, e akar dikirizir kam damutti an otivam.' Aria, ia bizar ia damuasa akam akiriziba, ia mangi dar amuti da otiv.

²⁶ 'Ia Judan Isipin iti darizi bar, ia deraghvira kuariba arigh Ikiavira Itir Godin akam baragh. Ikiavira Itir God kamaghin migei: Ki uan ziar ekiam bagha pin arigha guizbangira migei: Ia Judan tav Isipin kantrin ikivira ikiva, akar dikirizir tam uan ziamin a damighan kogham. Ia ua kamaghin mikemeghan kogham, 'Bar guizbangira, Ikiavira Itir Godin pin ikiavira itimin ziam, e uan akam gavgavim a ganiga migei.' Bar puvati. ²⁷ Ki Ikiavira Itir God, ki guizbangira migei, Ki deraghvira ia damuan kogham. Puvati. Ki paza ia damuasa ian gari. Ia Judan Isipin iti darizi, ki apaniba amadaghti, me izi ian taraziv soghirarigham. Eghit tarazi dagheba puvatigh arimighiregham. Egh ia bar gevegham. ²⁸ Ian vaghvazibara midorozimin ikuvighan koghiva, Isip ategh ua Judan nguazimin mangam. Ia Judan ikiavira ikia iza Isipin ikezir varazira, ia dughiar kamin deraghvira fogham, timan akam bar gavgafi, nam akam, o ian akam?

²⁹ 'Ki Ikiavira Itir God, ki guizbangira migei, Ki ian akakaghisi bizitam kamaghin a damigham. Ia kantrin kamin ikiamin

dughiamin, ki ia gasighasigham. Ia bizar kamin ganigh, egh ia fogham, nan akam pura mangighan kogham. Puvati. ³⁰ Bizar ki ia damuamim a kamakin, Isipin Atrivim Hofra, ki a isi apanir a misuegħi ana aremegħammin dafarim darigham. Arazir kamra, ki faragħa Judan Atrivim Sedeka għami. Babilonin Atrivim Nebukatnesar Sedekaian apanim għami, egha a misuegħi an aremegħħasa, ki a isa Nebukatnesar ganingi.*

45

Jeremaia Ikiavira Itir Godin akam isa Baruk ganidi

¹ Namba 4in azenim, Josaian otarim Jehoiakim, Judan atrivim itin dughiamin, Godin akam inigha izir gumazim Jeremaia akam isa Nerian otarim Baruk għanġi. Jeremaia Ikiavira Itir God a ganingizir akaba, bar adar gun mikeme. Ezi Baruk akinafarir mamin ada osiri. Egha aning ingangarir kam gamir dughiamin, Jeremaia kamaghin Baruk mikeme, ²⁻⁴ "Baruk, ni oragh. Ni kamaghin mikeme, 'Aio! Ki osimtizir aviriba ko mizazir aviriba iti, ezi Ikiavira Itir God ua nan osimtizibagh isivagħha għu. Ki ikiavira ikia, ghua bar iporpore. Nan osimtiziba da gevix puvati. Da kamaghira itima, ki bar amiragħha avugħsaziba puvati.' Ezi Baruk, ni oragh. Ikiavira Itir God, Israelian God, ni mikimasa kamaghin na mikeme, 'Ki Ikiavira Itir God, ki guizbangira migei. Ki datirighin bizir ki ingariziba abisi. Ezi ki oparizir biziba, ki da asiam. Bizir ki bighiwa asiamin kaba, da bar nguazir kamin gumazamiziba bar me bativam. ⁵ Ezi manmagħin amizi, bizir aghubara ni bativasa ni ifonge? Ni nigrimiz kam atakīgħi. Guizbangira, ki Ikiavira Itir God, ki nguazir kamin gumazamiziba bar pazavira me damigham. Egh ki nni akuragħam, eghi ni danganir manamin mangam, me ni misuegħi ni aremegħan kogħam."

Ikiavira Itir God kantrin maba migħrigiem dar iti*

46

(Sapta 46–51)

Isipia midorozimin ire

¹ Ikiavira Itir God, kantrin maba bagħha akam ikia, egha akar kam isa Jeremaia ganingi.

44:22: Jeremaia 25:11; 25:18; 25:38 **44:30:** 2 Atriviba 25:1-7 * **44:30:** Jeremaian eghħaganim, a sapta 44in għifa. Dugħiā kamin, Jeremaia Isipin kantrin ikia eghha għurigha għifa. Ezi fofozir gumaziba ghaze Jeremaia Isipin kantrin ikia ghua areme. **45:1:** 2 Atriviba 24:1; 2 Eghħaganiba 36:5-7; Daniel 1:1-2 **45:2-4:** Jeremaia 1:10 * **46::** Jeremaia Jerusalemin Godin akam akurri dugħiā minn, God dugħiā mabar kantrin iħbari tintinbar itiba bagħha akaba is a għandi. Akar kaba me bar ada isafuragħha Godin Akam Inigha Izir Gumazim Jeremaia Akinafarim aven bar abuun ada ariki.

² Akar mam, Isipia bagha ghu. Akar kam, a Isipin atrivim Nekon midorozir gumaziba bagha ghu. Midorozir gumazir kaba Yufretisin Fanemin boroghin, Karkemisin nguibamin otifi. Ezi namba 4in azenimin, Josaina otarim Jehoiakim, Judan atrivimin itima, Babilon Atrivim Nebukatnesar uan midorozir gumaziba ko, iza Isipia misogha me dikabira. Dughiar kamin, Ikiavira Itir God Babilonia ginighnigha akar kam isa Isipia ganiga ghaze:

³ Ia Isipia, ia oraba inigh,
mangi misoghsı uari arigh gan iki.

⁴ Ja hoziabar kir.
Eghı ia midorozir gumazir hoziabagh
apiaghira misoziba,
ia uan hoziabar apiagh.

Ia uan midorozir dapanirasuabar aghuigh,
tuivigh misoghsı gan iki.
Ia uan afuziba akiriva, egh ia vaghvagh
uan midorozir korotiabar aghuigh.

⁵ Ezi datirighin manmaghin ami?
Ki Ikiavira Itir God, ki Isipian garima,
me bar puviram atiatigha ara ua-
mategħa ize.

Apaniba men midorozir gumazir gavgav-
iba dikabira, ezi Isipia midorozim
ategha zuamira ua ize.
Me atiatir biziba da tintinibar iti.

Kamaghin me ua ikigha
girakirangin garir puvati.

⁶ Egha gumazir puv ivemariba ko misozir
gumazir gavgaviba,
me apanibar ariv avegham. Puvati.

Me notin amadaghan ikia,
tintinibar onganigha Yufretisin
Fanemin boroghira ire.

⁷ "Ikizir manaba, Isipin kantrin itir Nailin
Fanemin min ekefe?

Me gavvaghha, mati faner ekiam ape-
riar gavgavim an otogha zui.

⁸ Kar Isipin adarazira.
Me Nailin Fanemin min ekevegha
otivigha, mati faner ekiam aperiam
an oto.

Isipin gumazamiziba kamaghin mikeme:
'Ki bar ekevegh otogh nguazimin dan-
ganiba bar ada avaraghham.

Egh ki nguibabagh asighasighiva,
dar itir gumazamiziba saram
asighasigham.

⁹ Ja nan hoziaba, ia ivemar mangi.
Ia nan karisba, ia bar puvira ivemar.
Ia nan midorozir gumazir gavgaviba, ia
Itiopia ko Libian Kantrining, ia an-
gingin midorozir gumaziba,
ia oraba suizir gumaziba, ia Lidian
Kantrin pibar asir gumaziba,

ia bar moghira mangi misoghi.'

¹⁰ "Isipia kamaghin mikemegha gifa.
Ezi midorozir kam, kar Godin Gavgav-
iba Bar Itimin bizim.

A en Ekiam.

Egha dughiar kamin a uan apaniba
ivezir kuram me ikarvasi.

Midorozim bar gavgavizi, gumaziba pura
tintinibar ariaghiri.

Mati midorozir sabam mitiriam puv an
azima,
a gumazibar mikarziba ko ghuziba
apava, bar izifa.

Ikiavira Itir Godin Gavgaviba Bar Itim,
gumazamizir kabav soghezi me
ariaghire.

Egha mati, a uabi notin amadaghan,
Yufretisin Fanemin boroghin ofa
gami."

¹¹ Ikiavira Itir God kamaghin migei,
"Kantri Isip, ni mati guivir igiar mam duaba
nin mikarzimin otifi.

Ni Gileatin mangihsing danganir kamin
marasinin aghuba buri.

Egh ni marasinin igharagħha gariba bagħ,
bar puvira ingar da inighan kogħam.
Marasinin tam nin duabar amuti, da
akumighan kogħam.

¹² Nin midorozir gumaziba tintinibar are,
egħha me uarira uarigh iverzegħha, uari
inigha ire.

Ni midorozim iriġha bar aghumsiki,
ezi kantrin igharaziba nin aghumsiz
akam baraki.

Nin ararem bar nguazir kamin
danganiba bar adagh izifa."

Atrivim Nebukatnesar iza Isipia misosi

¹³ Babilonin Atrivim Nebukatnesar iza
Isipin kantri ko misogħamin dughiamin,
Ikiavira Itir God akar mam isa uan akam
inigha izir gumazim Jeremaia ganingi.
Akar kam kamakin:

¹⁴ "Ia Mikdol ko Memfis, ko Tapanes ko,
Isipin itir nguibar maba sara akam
akun.

Egh kamaghin me mikim, 'Apaniba
otivigh puv ia misogħiħarārigh,
egħi ian kantrin aven bizir
aviribagh asighasigham.

Kamaghin amizi, ia Isipia, uan midorozir
biziba akirigh
tuivigh misoghsı iki.

¹⁵ Manmagħsua Apis, an aser ia bulmakaun
apurir ingarizim,
an arav għu, egha tuga gavgavizir pu-
vati?

An mingarim kamakin,

Ikiavira Itir God uabi anekunizi a iraghu.

¹⁶ Ezi Ikiavira Itir God, Isipian avirim gamizi, ia tintinibar ire.

Ezi Kantrin Igharazibar Gumazamiziba uariv già ghaze:

Aria, e ti Isip ategh uamatagh uan gumazmiza bagh mangam.

Apaniba kantrin kam gasighasisi, kamaghin amizi, e uamatagh uan nguibamra mangam.'

¹⁷ Ia ziar igiam kamaghin Isipin atrivim daningigh,

Gumazim Puram Akam Arava Tintinibar Ifaghata Uan Dughiamin Atam Ghuzi A Gifa."

¹⁸ Ezi atrivimin ziar bar guizbangiram atrivimin itim, a Ikiavira Itir Godin Gavgaviba Bar Itim.

A kamaghin mikeme,

"Ki zurara angamira iti, ki guizbangira migei:

Gumazitam izam.

Eghti an gavgavim bar gumazir igharazibar gavgavim gafiraghram,

mati Taborin Mighsiam bar ruaragh, mighsiar mabagh afira.

Egha mati Karmelin Mighsiam ongarir dadarimin ikia,

bar pin mar iti.

¹⁹ Ia Isipia, ia mangi kantrin igharazibar kalabusin ikiam,

kamaghin amizi, ia uan biziбар kir.

Apaniba Memfis gasighasigham,

eghti nguibar kam pura ikiam, eghti

gumazamiziba ua an ikian kogham."

²⁰ Ikiavira Itir God kamaghin migei, "Isipin kantri, mati bulmakaun amebar igiar bar dirim.

Ezi difuar bar kurar mam notin amadaghan ikegha iza a givi.

²¹ Ezi igharaz darazir gumaziba, Isipia uan midorozir gumazibar ikiasi

me givese.

Egha Isipia bar deraghavira men gari, ezi me bar deraghavira iti, mati bulmakaun mikarzim saram aghungiziba.

Egha apaniba otivizir dughiamin, gumazir kaba midorozim ategha are.

Ezi Isipin midorozir gumaziba uaghan kamaghin ami.

Ezi midorozim aven, dughiar bar kuram me batozi, me bar ikufi.

Kamaghin amizi, me midorozim bagha tuivigha gavgavizir puvati.

Ezi dughiar kamin me arazir kurar me amiziba bagha

ivezir kuram isi.

²² "Apaniba bizir ekiamin arua izima, Isipia bar atiatigha nimira kuruzimin min uari amikiri'vegha are, egha me niginir tam gamizir puvati.

Apaniba sobiabar me misoghasa izi, mati gumazim sobiam suiragh temeba okasa izi.[†]

²³ Isipia me aviraseme, egha me bar gavgavigha, mati ruarir ekiamin temeba bar uari anighafiri, ezi gumaziba aven mangan asaghasaki.

Ezi apanbar midorozir gumazibar dibobonim bar ghuavanabo, egha odezibar dibobonim gafira, eghti gumazitam men dibobonim mengan iburaghram.

Kamaghin amizi, ki Ikiavira Itir God, ki ghaze,

apaniba bar Isipia agivaghram, mati gumaziba ruarir ekiamin temeba bar ada oke.

²⁴ Ki Isipia isa notin amadaghan itir gumazibar dafarim gatizi, me bar aghumsiki."

²⁵ Ikiavira Itir Godin Gavgaviba Bar Itim, Israelian God, kamaghin migei, "Ia oragh. Tebesin nguibamin asem Emon, ko Isipin atrivim ko, men aser igharaziba ko, Isipin kantrin aven itir biziба bar ko, an atrivim ko, gavmanin gumazir dapaniba ko, gumazamizir nighnizir gavgavim uan atrivimin itiba, me bar moghira, ki iveauz kuram isi me daningam. ²⁶ Atrivim Nebukatnesar uan gumazir dapaniba ko Isipia misueghti me arighireghasa. Ki Isipia isi Babilonian dafarim darigham. Eghti gin, gumazamiziba fomira Isipin apiaghia ikezi moghin, gumazamiziba ua Isipin nguazimin ikiam. Ki Ikiavira Itir God, ki mikemegha gifa."

Ikiavira Itir God ua uan gumazamiziba iniam

²⁷ Ikiavira Itir God kamaghin mikeme:

"Ia Israelia, ia Jekopin ovavir boriba, ia nan ingangarir gumazamiziba, ia atiatingiva digavir kuram damuan marki.

Bar guizbangira, ia kantrin saghon itir kamin kalabusin iti.

Eghti ki ua ia inighti, ia ua uan nguazimra izegh, deraghvira dapiaghram.

[†] **46:22:** Hibrun akam deraghha migirigiar kamin mingarim abighizir puvati. **46:27:** Aisaia 41:13-14; 44:2 **46:27:**

Egh̄ti tarazi ua ia damut̄i ia atiatingan kogham.

²⁸ Ki Ikiavira Itir God, ki kamaghin migei: Ki ia ko iki ian akurvaghram.

Kamaghin amizi, Ia Israelia, ia nan adarasi, ia nan ingangarir gumazamiziba, ia atiatingan marki.

Ki ia batoghezi, ia ghua kantrin igharazibar tongin iti.

Egh̄ti ki kantrin kaba bar me agevegham.

Egh̄ki ia agivaghan kogham.

Guizbangira, ki puv ia damigham, ki arazir voroghira itim ginighnigha ia akiri.”

47

Ikiavira Itir God akam Filistian adarazir iti

¹ Ikiavira Itir God akam Filistian kantrin adarazir iti. Dughiar kamin Isipian atrivim tighar Gasa misogham, kar Filistian nguabar ekiar mam. Ezi God akam isa an akam inigha izir gumazim Jeremaia ganingi. ² Ikiavira Itir God kamaghin mikeme:

“Ta gan!

Apaniba notin ikia uari akuvasava ami, mati notin amadaghan itir dipaba bar ekefe.

Egha da bar puvira ivemara, dar aperiaba bar gavgafi.

Apaniba nguazir kamavaraghram, mati aperiam nguazim ko an itir biziba bar ada avegham.

A nguibaba ko dar itir gumazamiziba saram avaraghram.

Kamaghin nguabar kabar gumazamiziba bar atiatingiva, pamtemin dimiva, bar puviram arangam.

³ Egh̄ti hoziaba ivemar iziti, dar suer puziba puvira nguazim misogh tingaghiti, me da baraghram.

Egh̄ti me karisbar niginim baraghti da puvira ivemarti, dar wilba pamtemin tingaghram.

Egh̄ti gumazamiziba bar puviram atiatingiva, aregham.

Egh̄ti amebogħfeziaba organigh uan boribagh nighnighan koghiva, me mizuamighan kogham.

⁴ “Filistiaba gasighasighamin dughiam a izegħha gifa.

Ki men tuavim apirigham, egh̄ti me ua Tair ko Saidonin akuraghan kogham.

Fomira Filistian ovaviba Kritin Arighatizim ategħha iza Filistian nguabar ekiabar iti.

Ezi datirighin, ki Ikiavira Itir God, ki nguabar ekiamin itir Filistian varazira gasighasighasava ami.

⁵ Gasaba, men naviba bar oseme, ezi me uan dapanir ariziba apiri.

Ezi Askelonin nguibam bar ikufi.

Ia danganir zarir kamin ikiavira itir varazira, ian apangkuvim manadizogħin givagħti,

ia tintinbar uan inivafiziba aghorir arazim ategħam?

⁶ Ia kamaghin dia ghaze, ‘O Ikiavira Itir Godin midorozir sabam, ni manadizogħin e gasighasizir ingangarir kam ategħam?

O midorozir sabam, ni uamategħ uan asuamin aven magiri.

Ni ingangarir kam ategħ avugħsi.’

⁷ Ezi ki Ikiavira Itir God, ki ingangarir kam isa uan midorozir sabam ganingi.

Ki Askelonia ko ongarir dadarim in itir gumazamizir igharazibar sara misogħasa midorozir sabar kam amada.

Kamaghin, a nimira iki avugħsan kogham.”

48

Moapin kantri ikuvigham

¹ Ikiavira Itir Godin Gavgaviba Bar Itim, Israelian God, a Moapin kantri ginighnigha kamaghin mikeme:

“Iavzika, Nguibar ekiam Nebon gumazamiziba.

Apaniba Nebo bar a gasighasigham. Me Kiriataim dikabiraghram, a nguibar divazir gavgavim itim.

Me a gasighasigham. Egh̄ti nguibar kamin gumazamiziba bar aghumsigham.

² Moapin ziar ekiam a iraghugha gifa. Apaniba Hesbonin nguibamin otifi, egha me Moapia gasighasighamin arazimin akam misosi.

Me kamaghin migei, ‘Aria, e mangi gumazamizir kaba bar me agivaka, egh̄ti Moapin kantri ua ikian kogham.’

Ia Matmenia, apaniba bar ia gasighasighti, ia matmatin mangam.

³ “Ia dimdiar ararer ekiar Horonaimin nguibamin otozim baragh.

Me kamaghin dei:

- Biziba bar ikufi.
- ⁴ Moap ikuvigham,
eghti men boribar ararem bar ekevegham.
- ⁵ Moapia, me aregham.
Me bar puv arava, Luhitin tuavimin ghuavanaga, Horonaimin nguibamin ghuaghiri.
Ezi men ararem ghuavira ikiava bar ekefe.
- ⁶ Me kamaghin migei: Ia zuamiram aregh.
Puvatighti ia ikuvigham.
Ia asizir atiabar min mangi gumazamiziba puvatizir danganimin mongegeh.*
- ⁷ "Moap, ni ingarizir biziba ko, dagiaba bagha pamtemin nighnigha ghaze:
Bizir kaba nin akuraghti ni deraghvira ikiam.
Ezi nin nighnizir kam derazir puvati.
- Kamaghin amizi, nin apaniba midorozimin ni dikabiraghram.
Egh me nin aser kam Kemos inigh mangi kantrin igharazimin kalabus datigham.
Egh me uaghan Kemosin ofa gamir gumaziba ko, an ingangarir gu-mazibar dapaniba sara iniam.
- ⁸ Apaniba izi nguibaba bar dagh asighasigham,
eghti nguibatam deragh ikian kogham.
Ki Ikiavira Itir God, ki mikemezi moghin, me danganir zariba ko, danganir mighsiabar itibagh asighasigham.
- ⁹ "Moap, ki amangsizim nin nguazim datigham.
Eghti nin nguibaba bar ikuvigh pura ikiam.
Eghti gumazitaba dar ikeghan kogham."†
- ¹⁰ Gumazamiziba Ikiavira Itir God me ganingizir ingangarim damuan aghuaghti, a me gasighasigham. Egh a gumazir igharaziba midorozir sabamin me misueghti me arimighiris gumazitam mikemeghti, gumazim a damighan koghti, Ikiavira Itir God a gasighasigham.
- Moapin nguibaba bar ikuvigham*
- ¹¹ Ikiavira Itir God kamaghin migei:
- "Moapin kantri fomira igiamra ikegha izi datirighin dughiar kamin tu, apanitam izi a gasighasighizir puvati,
- egha gumazamiziba inigha ghua kantrin igharazimin me isa kalabus gatizir puvati.
- Moap mati wainin aghuim, gumaziba an ingarigha, anetaghizi a iti.
Me dipar misievir tabar a Ruizir puvati.
Ezi an isingtizim kamaghira ikia, egħa an mugħuriem dera.
- ¹² Ezi ki Ikiavira Itir God, ki guizbangira migei:
Ki dughiar mam amisefe, ezi dughiar kamin ki gumazitaba amadagħi me izi Moapia gasighasigham, mati gumaziba iza wainin kam nguazir kamin a ingegħa, wain ruir mineba abiaghħariki.
- ¹³ Egħi dughiar kamin Israelia asem Betel bangin aghumsighiżi mogħin, Moapia asem Kemos bangin bar aghumsigham.
Me ghaze, aser kam, a men akuragħam.
- ¹⁴ Ia Moapia, manmagħsua ghaze, ia midorozir gumazir gavgvaviba, egħha ia bar midorozibar misogħa fo?
- ¹⁵ "Atrivir kam, an ziam, Ikiavira Itir Godin Gavgvaviba Bar itim, a kamaghin migei:
Apaniba izi Moap gasighasigh, an nguibaba iniam.
Me Moapin gumazir igħiġi diribav soġħiħarīgham.
- ¹⁶ Moap ikuvighamin dughiam a roghira izegħha għifa.
Asighasizir kam a bar zuamiram otogħam.
- ¹⁷ Ia Moapian boroghira itir darazi ko, gu-mazir an ziar ekiam gifoziba, ia an apangkuvigh kamaghin azi mikim,
'Iavzika, ian nguibar kamin ziar ekiam ko gavgvavim a iriġha għifa.'
- ¹⁸ "Gumazir Moap gasighasighamin ingan-garim itim,
a ia batogh ian divazir gavgvibagh asighasigham.
- Kamaghin amizi, ia Dibonin nguibar ekiamin gumazamiziba, ia mati atrivimin guivir dirim uan ziam fe,
egħi uan ziar ekiaba gin amadagh, gumazir kinibar min nguazir midiarim dapiagħi.
- ¹⁹ Ia Aroerin nguibar ekiamin gumazamiziba,

* **48:6:** Hibrun akam deragħha migħiġiġar kamin mingarim abighiżżejj puvati. **48:7:** Diboboniba 21:29; Aisaia 46:1-2;
Jeremaia 43:12; 49:3 † **48:9:** Hibrun akam deragħha migħiġiġar kamin mingarim abighiżżejj puvati.

ia mangi tuavir miriamin tuivigh ganti,
gumazamiziba me ari izam.

Egħi ta men azaragh,
‘Biszir tizim otozi ia ari?’

20 Egħi ta me kamagħin akam ikaraghām,
‘Moapin kantri a ikuvigha gifa,
egħha datirighiex a bar aghumsiki.

Kamagħin amizi, ia apangkuv, bar
pamtemni ażi.

Ia Arnonin Fanemin mangiva, kam-
aghin gumazamizibav kemegħ,
Moap ikuvigha gifa.’

21 “Mighsiabar pin danganir voroghira
itibar nguibal ekiaba, me uan iverzur kuram
isi. Nguibal ekiar kaba kara: Holon, Jasa,
Mefat,²² ko Dibon, Nebo, ko Bet Diplataim,
23 ko Kiriataim, ko Betgamul, ko Betmeon,
24 Keriot ko Bosra. Moapin nguibal ekiar
roghira itiba ko, sagħon itiba, me bar
moghira iverzur kuram ini.²⁵ Apaniba
Moapin gavgavim dikabira. Ezi Moap uabin
akuraghha bizzitam gamizir puvati. Ki
Ikiavira Itir God, ki mikemegħa gifa.”

Ikiavira Itir God Moap dikabiragh

26 Ikiavira Itir God kamagħin migei:

“Moap na batoke, kamagħin amizi, apaniba
a dikabinasa ki ifonge.

Egh a damighti a mati gumazim dipar
onganim amezi mogħin otogħam.

A uan mimizibagh isin daku, egh tintinibar
pophpogħam,

egħiġi gumazamiziba an ingariva akam.

27 Moap, ni fomira akar asuħbar Israelia
migħi,

men ingarav ake. Manmagħin ami?

Ni ti ghaze, Israelia okimakiar gumazim
min iti, ezi ni men ziam dikabira,
egħha zurara me gegħara dapaniba roi,
a?

28 “Ia Moapia, ia uan nguibaba ategħi mangi
dagiabar tongiżi mongegħi.

Ia kuaraziba danganir kurabagh isin
mikonibar ingari mogħin damu.

29 “E bar Moapian akaba batozir arazim
gifo.

A uabi uan ziam fe, egha puv ifaghata,
egħha ghaze, a bar dera.

30 Ki Ikiavira Itir God, ki an akaba batozir
arazim gifo.

A ifaghata puram akam arai,
ezi an amir biziба, tam otivir pu-
vati.

31 Kamagħin amizi, ki Moapia bar mogħira
me bagħiżiż akabar amuam.

Ki Kirheresin gumazamizibar
apangkuvam.

32 Jaserin nguibam ikuvixiżi dugħi min, ki
ażi.

Egħi Sipman nguibam, ni ikuvighti, ki
ni bagħiżiżi ikiām.

Sipma, ni wainin azeniba, da bar
avirasemegħa ghua,
Amangsizim Itir Dipar Akaremin
miriamin tugaħha ghua, Jaserin dipar
akaremin tu.

Apaniba izi wainin ikarizir ovizir aghuiba,
ko nin temer taba saram asighasigham.

33 Moapian nguazim dagħer avirbagħ
amima da otifi,
ezi gumazamiziba da isa bar akonge.

Egħi, agoroger arazir kam ko akazim, da
bar givagħam.

Ki a me damighti, me ua wainin oviziba
dika da mirmirir miner ekiabar aven,
wain damuan kogħam.

Egh me bar akongiva dimiva arang wainin
oviziba dikabinan kogħam.
Guizbangira, me dimiva araghħasi, egh
me agoroger araghħasizbar amuan
kogħam.

34 “Moapia bar puviram arangiva,
Hesbonin nguibamin ikegħi mangi,
Elealen nguibal ekiām ko notin
amadagħan, Jahasin nguibamin
tugħam.

Egh Soarin nguibamin ikegħi mangi Horon-
aimin nguibam ko sautn amadagħan
Eklat Selisian nguibamin tugħam.

Guizbangira, men kantrin nguibaba
bar ikuvighaq.

Egħi Nimrimin Fanem uaghan bar
dakegham.

35 Ki Ikiavira Itir God, ki guizbangira migei,
Moapian adarazir ghua mighsiabar
pin itir danganibar ghua, ofan
mugħuriar aghuim zuiba ko ofan
iħarazir maba sara uan aseba bagħha
dagh amiba,

ki bar me agivagħam.

36 Guizbangira, Moapia inizir bizir aghuiba,
da bar ovegham.

Kamagħin amizi, Kirheresin
nguibamin gumazamizibar ko
Moapia bar mogħira,
ki uan navimin aven bar men
apangku.

Ki mati gumazim apangkuvir ekiam ikia,
egħha marvīm givja azirakar onger ak-
abagh amua iti.

37 “Moapia bar uan dapanir ariziba
ko għuamasizibha apir bar adar
apangkuvigham.

Egh me tintinibar uan dafaribar
ghoriva, apangkuvir korotiabar
aġħuigham.

38 Ki Ikiavira Itir God, ki Moapin kantri
gasighasigham,

- mati nguazir miner ingangariba puvatiziba, gumazim ada abiaghariki.
Kamaghin amizi, Moapin kantri ararer bar ekiam otogham.
- Eghti me pin dipenibar azuaribar ikiam, o danganir me iviriabagh amua uari akuva itibar ikiva, bar puviriam aziām.
- ³⁹ Bar guizbangira, Moap bar bighiregham, eghti gumazamiziba bar puv arangam. Moap, a aghumsizir gumazimin min otoghiva, uan guam modogham.
- Moapin boroghira itir kantribar gumazamiziba bizar kamin ganti, a Moapin otivti, me bar atiatigh dibovir akar Moapin mikimam.”
- Moap asighasizir kam gitagħan kogħam*
- ⁴⁰ Ikiavira Itir God kamaghin migei:
- “Ia gan, Apaniba Moap gasighasighasa bar puvira izi, mati kuarazir isam asizim iniasa, uan avizimning onegħha tuigha iragħu.
- ⁴¹ Apaniba nguibaba iniva, egh danganir misozir gavgaviba sara iniam. Egħi dugħiħar kamin, Moapian midorozir gumaziba atiatigh, okam nighnigham, mati amiziba boriba batasa Mizizim isi.
- ⁴² Ki Ikiavira Itir God, Moapia uari fa na batoke. Kamaghin amizi, Moap bar ikuvigham. Gin kantri Moap ua iķian kogħam.
- ⁴³ Ki Ikiavira Itir God, ki guizbangira migei, atiatim gumazamizibagh anidir bizibba ko, mozir ekiaba ko azuaziba, da Moapian gumazamizibagh asighasighasa me Mizu iti.
- ⁴⁴ Egħi gumazitam atiatim gumazamizibagh anidir bizibar, ari mangam, a mozir ekiam magiram. Egh a mozim ategħi anangħva otogħti, ivem an suiraghom.
- Ki Ikiavira Itir God, ki guizbangira migei: Ki Moapia gasighasighasa dugħiħar kam amisef, ezi ki me gasighasighasava ami.
- ⁴⁵ “Moapian gumazamiziba apanibar ati tħixha, ari mangi Hesbonin nguibamin mon-gasa. Ezi Puvati.
- Mati Hesbonin nguibam fomira Atrivim Sihonin dugħiħam isizzi mogħin, me an garima a ua isia iti.
- Kamaghin amizi, me nguibamin aven mangegħan kogħam. Me bixitam damuamin gavgaviba puvati.
- Avir kam kantrin kamin biziba bar adagh apongezi da isi. Kantrin kamin mitaghħiġi minn boroghien iti darasi, ko kantri kamin aven itir mighsiabar pin iti darasi, midorozim bagħha bar ikuvigha puv misozir gumazir kaba, me bar mogħira isigham.
- ⁴⁶ “Ia Moapia, iavzika. Ia asem Kemosin gumazamiziba, ia ovegħa għifa. Apaniba ian otariba ko guivibar suigh, me inigh mangi, kantrin iħarrax imin me isi kalabus darigham.
- ⁴⁷ “Egħi dugħiħar abuananam, ki Moapian dabirabim damighti a ua deragħam. Ki Ikiavira Itir God, ki mikemegħa għifa.”
- Ikiavira Itir God, Moapia kot darighħa mikemexiż akar kaba, da datirigħiñ għifa.
- ## 49
- Ikiavira Itir God*
Amonia gasighasigham
- ¹ Ikiavira Itir God, akam Amonian gumazamizibar iti. A kamaghin mikeme:
- “Manmagħin ami? Israelia ti otariba puvati, me uan afez-abar nguaziba iniam, a? Ezi men tarazi ti uan nguazir kabar iti, o?
- Manmagħsua aser Milkomin ziam fer adarasi, Gatin anabam minn adarazir nguazim ini?
- Manmagħsua Amonia ghua Israelian nguibabar iti?
- ² Ki Ikiavira Itir God, ki mikeme: Bar guizbangira ki dugħiħar mam amisef, egħi dugħiħar kamin ki apaniba ameġħti me izi, Raban nguibam misogħam, kar Amōnīn kantrin nguibar ekiām. Me nguibar kam gasighasigham, egħi a pura mineżiż akuvazibar minn ikiam. Egħi apaniba nguibar ekiamin boroghira itir nguibabar apongħam. Egħi, Israelia gin ua Amonia inizir nguazir kam iniam.
- Ki Ikiavira Itir God, kar nan akam.

3 "Ain nguibar ekiam ikuvigha gifā,
kamagh amizi, Hesbonin nguibar
ekiamin gumazamiziba, ia
pamtemin azi.
Ia Rabān gumazamiziba, ia uaghan
azi.

Apaniba izi asem Milkom a inigh,
mangi kantrin igharazimin kalabus
datigham,
egh an ofa gamir gumaziba ko Amo-
nian gumazir dapaniba sara iniam.
Kamaghin amizi, ia azirakar korotiar
pizibar aghuigh, apangkuvir onger
akaba bangi.
Egh ari mangi uan dagher azenibar
mongegeh.

4 "O Amon, ni fo, nñ danganir zariba bar
derā,
ezi ni zurara uabi fa, dagher danganir
kamin otiviba bagha migia, egha bar
akonge.

Ni akaba batozir guiyimin min iti, ni man-
maghsua akar kabav gei?
Ni uan dagiaba ko bizibagh nighnigha,
ghaze,
"Tina izi na misogham?"

5 Ia oragh. Ki Ikiavira Itir Godin Gavgaviba
Bar itim, ki ian Ekiām,
ki guizbangira migei, ki nin boroghin
itir darazi bar me feghti,
me izi ni damuti, ni bar atiatigham.

Eghiti me ia batuegħti,
ia ari tintinibar danganibar
mangehem.
Eghiti ua ia gegħuv ia akuvamin gu-
maziba puvatigham.

6 "Eghiti gin izamin dugħiam,
ki ua ian dabirabim damuti, a ua der-
agħam.
Ki Ikiavira Itir God, ki mikemegħa
gifa."

Ikiavira Itir God Idomia gasighasigham
7 Ikiavira Itir Godin Gavgaviba Bar Itim, Ido-
mian gumazamiziba akam men iti.
A kamaghin migei:

"Manmagħin ami?
Temanin Distrighin gumazamiziba ti
nighnizir aghuiba ko fofoziba puvati,
a?

Ezi fofozir gumaziba ti akar aghuibav geir
arazim ataki, a?

Men nighnizir aghuim ko fofozim
ovegħha gifa, a?

8 Dugħiār ki arazir kurar ia amiziba bagħ-
ivezir kuramin ia ikarvagħamim, ki
anemisevegħha gifa.

Egh ki dugħiār bar kuram damighti, a
Idomia bativam.

Ia Ison ovavir boriba, ia bar ikuvigham.
Kamaghin, ia Dedanin gumazamiziba,
ia nguibam ategħ ari mangi der-
aghvira mongeħġi.

9 "Gumaziba iza wainin ikarizir ovizir
andiziba isir dugħiamin,
me ti bar ada isir puvati.
Me maba ataghixi.

Okimakiar gumaziba dimagaribar izir
dugħiamin,
me ti bizir me ifongezibara isi.

10 Eghiti ki ua Ison ovavir boribagh
asighasighamin dugħiamin,
ki ian biziba bar adagh asighasigham.

Ki ian mogomer danganiba bar adagh
asighasighti,
ia ua mongan kogħam.

Ian boriba ko, ian namakaba ko, ian
boroghira itir darasi,
ia bar mogħira ikuvigham.
Egh Idomian adarazi bar geveg-
ham.

11 Ia Idomia, ia uan boriba bagħ nighnighan
marki.

Ian afeziaba arīghiregħti, ki uabi ian
boribar ganam.

Eghiti ian amuiba uari, uari isi nan
dafarim darīgham."

12 Ikiavira Itir God kamaghin migei, "Ki
gumazamizir avirim iverim kuram me
daningam. Osimtizir ekiāba puvatizir
darasi, ki uaghan me gasighasigham. Ezi
Idom, ni ghaze ki ni gitagħam, a? Bar
puvati. Ki ni gitagħan kogħam. Ki uaghan
ni gasighasigham. 13 Ki Ikiavira Itir God,
ki guizbangira uabi uan ziamin pin arīgha,
kamaghin migia ghaze, ki Bosran nguibam
bar pazaviram a gasighasigham, eghiti a
danganir kinimin otogħam. Eghti igharaz
darazir gumazamiziba bizir ki Bosran
amizir kaba baregh, me atiatiġiva, digavir
kuram damigham. Egh me dipov akar
asuibal Bosran mikkimam. Ezi gumazamizir
kaba uari akar kurabar uan apanibav
kimmien dugħiamin, me kamaghin
mikkimam, 'Ta Bosra ikuvizi mogħin ia
ikuvigham.' Ki Idomian nguibabara
bar dagħ asighasigham, eghiti da ikuvigh
mamaghira ikiam."

14 Ki Jeremaia, Ikiavira Itir God kamaghin
na migei:

"Ki gumazir mam amadazi
a ghua akam kantriba bar dar gumaza-
mizibav kinighha ghaze:

Ia bar uari akuvagh dikavigh mangi Idomia misoghi.
Ia me misoghsı uari akirighasi iki.”

¹⁵ Ikiavira Itir God kamaghın Idomin kantri migei:
“Idom, ni oragh.

Ki ian gavgaviba abighti, kantrin igharazibar gavgaviba ian gavgavibagh afigragham.
Eighti gumazamiziba bar ian aghuagh dibovir akabar ia mikim egh akirim ragh ia gasaraghama.

¹⁶ Ni ifaghata ghaze, ni kantrin igharazibagh amima me puviram atiati.
Egha ni ti ghaze, ni bar dera.
Puvati, ni ubi fer nighnizimra ni gifari.

Dagiar gavgavir ekiaba ian nguubar ekiam, divazimin min avinizima, ia mighsiamin bar pin mar iti.

Ni uan nguibam kuarazir isaba uan mikonibar ingarir danganibar an ingari.
Eighti ki ni gekuighthi ni izighiram.
Ki Ikiavira Itir God, kar nan akam.”

¹⁷ Ikiavira Itir God kamaghın mikeme:
“Idomia ikuvigham,
eghti Kantrin Igharazibar Gumazamiziba Idomin nguazimin izi,
bizar kurabar ganti, da an ikiam.
Eighti me, me dipov aki misoribar aning, digavir kuram damigh atiatingam.

¹⁸ Ki fomira Sodomian nguibam ko Gomoran nguibam ko, nguibar aningin boroghira itiba saram asighasiki.
Ezi da nguibar kinibar otifi.

Ki Ikiavira Itir God, ki mikeme:
Bizir kamra Idomin otogham,
eghti gumazitam an ikeghan kogham.

¹⁹ Ki zuamira Idomian nguazimin me batuegham,
mati laionba sipsipbagh ami mokin.
Laion Jordanin Fanemin boroghin itir ruarir pizimin ikegha otogha ghua, sipsipba graziba apa itir danganir aghuimin men gintiki.

Ezi ki gumazitam amisevegħti, a nguazir kam gativagh an ganam.

Ki kamaghın damuamin dugħiġamin, gumazir manam na ko ga akamin unanġi misogħam?

Ezi tina nan min gavgavir kam iti?
Eighti gumazir sipsipbar garir manam na ko apanim damuam?
Bar puvatigham.

²⁰ “Ki gumazamiziba ko boriba uaghan bar me batuegham, mati laion sipsipba bar me misuegha, egha men kuaba amikrvagħha zui.
Eighti Idomin kantri uabi, ki damuamin bizim bagħ digavir kumram damigham.
Kamaghın amizi, ia deraghvira kuaribar arigh oragh, egh bizir Ikiavira Itir God Temanin nguibar ekiam ko Idomin kantri sara damuasa nighniziba baragh.

²¹ Idomin kantri iriġħamin dugħiġamin, mikimkizim nguazimin otogħti niginir ekiam otogħam.
Eighti Idomian ararem otogħi ekeveġħ mangi, Ongarir Aghevimin tugħam.

²² Ia gan! Apaniba Bosran nguibam gasighasighasa puvira izi, mati isam mighegħa pin għuuvan-abogħha, tuqqa izaghira asizim iniasa aviziba one.

Eighti dugħiħar kamin, Idomin midorozir gumaziba attiġġok am nighnigham, mati amiziba boriba batasa mizaziba barasi.”

Ikiavira Itir God, Damaskus iveau kura ram a daningam

²³ Ikiavira Itir God akam Damaskusin nguibar ekiamin gumazamizibar iti. A kamaghın migei:

“Hamat ko Arpatin nguibar ekiamningin gumazamiziba, me bativamin bizir kuraba me da baregha, digavir kuram gami.

Me attiata, nirizir agorogem sara ikia deragħha apiazir puvati.
Me mati ongarir ekiam dipiraghira puv ingara amiraghiriġha itir puvati.*

²⁴ Damaskusin gumazamiziba ua gavgaviba puvati.
Me mati amizir mam arasa attiāt a gamma an aran ibura.
Me mizazir ekiam ko osimtizim iti, mati amizim borim batasa mizazim isi.

²⁵ “Ngiubbar ekiar kam ziar ekiam itima, ki bar a gifonge.
Ezi ki datirigħin ikiangsizim ia ganidi:
Ia nguibar kamin itir gumazamiziba ari mangi.
Apaniba otivigha izi.
Ia ikian mark!

²⁶ Ki Ikiavira Itir Godin Gavgaviba Bar Itim, ki guizbangira migei:

^{49:18:} Jenesis 19:24-25 ^{49:23:} Aisaia 17:1-3; Amos 1:3-5; Sekaraia 9:1 * ^{49:23:} Hibrun akam deragħha migirrigiār kamin mingarim abighiżżejjur puvati.

Dughiar kamin apaniba Damaskusin
gumazir igiabav sueghti,
me arighiriva, tintinibar uari aku-
vir danganibar iriv ikiam.
Eghiti apaniba bar moghira Damaskusin
midorozir gumazibav sueghti,
me arighiregham.
27 Ki Damaskusin nguibam avinizir divazim
avim a datighti,
avir kam uaghan Atrivim Benhadatin
dipenir gavgavim uaghan an
isigham."

*Ikiavira Itir God Kedar ko Hasor, iveauz
kuram aning daningam*

28 Ikiavira Itir God, Kedarin ikizim ko
Hasorin nguazimin aven itir distrighbar
adarazi akam men iti. Babilonin Atrivim
Nebukatnesar me misogha me dikabiragh
gifa. God datirighin kamaghin Kedarian
apanibav gei:

"Ta dikavigh mangi Kedarian misogh.
Ia aruem anadi naghin itir gumaza-
mizir kaba bar me agifagh.
29 Egh men purirpeniba ko sipsipba ko,
purirpenibar iniba ko, men bizar maba
saram ater mangi.
Egh uaghan men kamelba inigh
mangi.

Egh kamaghin men dim:
Bizir ia damutti ia atiatingamim, a bar
danganibar iti."

30 Ikiavira Itir God, kamaghin Hasorin gu-
mazamizibav migei,
"Babilonin Atrivim Nebukatnesar, a ia
gasighasighasa nighnigha gifa.
Kamaghin amizi, ia ivemar saghon
mangegeh, deraghvira mongegeh."

31 Ikiavira Itir God kamaghin Babilonia
migei:
"Ia dikavigh mangi,
gumazamizir deraghavira ikia
bitezat bagha nighnizir pu-
vatizibav sogh.

Men nguibam divaziba puvati.
Kantrin gavgavir tam men boroghin
itir puvati.
Me uarira iti.

32 Ia men kamelba ko men bulmakauba ko
sipsipba inigh.
Gumazir pura gumazamiziba puvatizir
danganimin ikia, egha uan dapanir
dakurir arizibagh isiba,
ki me batueghti me tintinibar
mangegeham.

Ki Ikiavira Itir God, ki apaniba ia damighti,
ia tintinibar danganiba bar dar
otivighthi,

Hasor bar dughiar kuram
batogham.

33 Eghiti Hasor afiar atiabar danganimin min
otogham,
egh a ikuvigh mamaghira ikiam.
Eghiti nguibar kam pura ikiam.
Gumazamiziba ua an puvatigham."

*Ikiavira Itir God, Elamin kantri
gasighasigham*

34 Ikiavira Itir God, akam Elamin kantrin
gumazamizibar iti. Ezi Sedekaia Judan
atrivimin otozir dughiamra, God akar kam
maghira a isa uan akam inigha izir gu-
mazim Jeremaia ganingi:

35 Ikiavira Itir Godin Gavgaviba Bar itim,
a kamaghin migei:
"Barir pim, a mati Elamin kantrin agharim,
ezi me apaniba dikabinasa bar gavgafi.
Eghiti ki men barir piba
apirarigham.

36 Ki nguazir kamin danganiba bar apani-
bar afeghti,
me tintinibar izi Elamia misogham,
mati aminir gavgaviba iza me
gasighasiki.

Ezi ki me batueghti,
me tintinibar danganiba bar dar
mangi,
eghiti Elamin gumazamiziba tin-
tinibar kantriba vaghvagh dar
ikiam.

37 Apaniba izi Elamia misoghti me
arighiramin dughiam,
ki me damighti me foghiva, bar
puviram atiatigham.

Ki Ikiavira Itir God, ki uan aningagharim
akakghisi,
bizar bar kuram damighti, an Elam
batogham.

Egh ki midorozir gumazibar amighti,
me, me misogh men agintigh mangiti,
me bar arighireghamin dughiamin
tugham.

38 Ki Ikiavira Itir God, ki uan atrivim
dabirabim Elam datigh, me gati-
vaghram.

Egh ki men atrivim ko an gumazir da-
paniba sara misoghirarigham.

39 "Egh dughiar abuananamin, ki Elamian
dabirabim akirighti,
a ua deragh otogham.
Ki Ikiavira Itir God, ki mikemegha
gifa."

50

*Ikiavira Itir God akam kantri Babilonin
iti*

¹ Babilonin nguabar ekiar Kaldian nguazim itim, Ikiavira Itir God akam an gumazamizibar iti. An akar kam isa uan akam inigha izir gumazim Jeremaia ganangi. Ezi Jeremaia kamaghin akar kam akuri:

² "Ni Kantrin Igharazibar Gumazamiziba bagh mangi, akam me mikin.
Ni nir avizim fegh ghuuangan,
eighthi gumazamiziba an ganigh, izi
akam baragh.

Egh akam mongan marki.

Ni mangi kamaghin me mikemegh,
'Apaniba Babilonin nguibam inigha gifa.
Babilonin aser kam, Bel, a bar aghumsiki.
Ezi asem Marduk digavir kuram gami.
Ezi Babilonin asebar marvir guaba bar aghumsiki,
ezi dar nedazir kuriba digavir kurram gami."*

³ Gumazamiziba not ategh izi Babilonia misogham.

Egh apanir kaba bar Babilonin nguibam gasighasigham,
eighthi a pura danganir kinimin otogham,
eighthi gumazamiziba an ikian kogham.

Gumazamiziba ko asiziba bar anetegh aregham.

Israelia uamategh uan nguazim in mangam

⁴ Ikiavira Itir God kamaghin mikeme:
"Bizir kaba otivamin dughiamin,
Israeliyan gumazamiziba ko Judaba uari akuvagh ua uan nguazim in zam.
Me iziva navibagh iragh aziva, uamategh na baghvira izam.

Ki Ikiavira Itir God, men God.

⁵ Me Saionin Mighsiamin mangisi,
tuavir an mangamim bagha azangssi.
Me kamaghin mikim suam,
'Aria, e mangi Ikiavira Itir God ko Akar Dikirizir Gavgavim damika,
egh an gumazamizibar ikiam.'

Eighthi Akar Dikirizir Gavgavir kam iki mamaghira ikiam.
Eighthi gumazitam a ginamadaghan kogham.

⁶ "Nan gumazamiziba sipsipbar min ovegha iti.

Me geghuvir gumaziba me gamima me tuavir aghuim ataki,

* **50:2:** Aser kaba angamira itir ikirimirim puvati, ezi gumazir kaba akar isin zuimin migia ghaze, da aghumsigha digavir kuram gami. **50:6:** Aisaia 53:6; 1 Pita 2:25
49:17

egha tintinibar mighsiamin arui.
Me tintinibar mighsiamin arua,
egha uan avughsir danganir divazim itim gin amada.

⁷ Ezi gumazir maba men gara me misosi.
Ezi men apanir kaba kamaghin migei:
'Gumazamizir kaba, uari arazir kuramin Ikiavira Itir God gami.
Ikiavira Itir God, danganir aghuimin min iti, me an mangi deraghvira ikiam.

Men ovaviba nighnizir gavgavim an ikia, a men akuraghsha me a mizua iti.
Ezi Ikiavira Itir Godin kam, me anetegha arazir kuram gami.
Kamaghin ami, e me gasighasigh egh, osimtiziba puvatigham."

⁸ Ikiavira Itir God kamaghin mikeme:
"Ia Israelia ko Judaba, ia Babilon ategh ari mangi.

Mati memen apurim memen mabar faragha zui moghin,
ia kalabuziar gumazamizibar faragh mangi.

⁹ Ki notin gumazamizir gavgavizir aviriba feghiva, Babilonin misoghs men aku izam.

Me tuivigh uarir akuigh, egh Babilonia ko misogh me dikabiraghram.

Apanir kaba barir pibar asa bar fo, egha me asavamadir dughiamin, me ni gitaghan kogham.

Kamaghin, ia Babilon atakigh.

¹⁰ Eighthi me Babilonin bizir aghuiba iniam.
Gumazir vaghvaziba bizir aviriba iniva, egh uan ifongiaba agivagham.
Ki Ikiavira Itir God, ki mikemegha gifa."

Babilon bar moghira ikuvigham

¹¹ Ikiavira Itir God kamaghin mikeme:
"Ia Babilonia, ia nan kantri gasighasiki, egha nan gumazamizibar biziba ini.
Mati bulmakaun nguzim raizin miseviba dikabira uabi fa uabi ekura, egha bar akongezi moghin, ia bar akongegh.

Egha ia hoziar apuribar min tiariba akara bar akonge.

¹² Ezi ian kantri Babilon bar aghumsigham, eighthi an ziar ekiam bar moghira irigham.

Eighthi a bar kantrin kuramin min ikiva, kantrin igharazibar tongin ziaba puvatigham.

Egh a danganir misingizim ko danganir kinimin min ikiam.

¹³ Ki Ikiavira Itir God, ki puvira ian aningazi,

ki ia damuti ian kantri bar moghira
ikuvigham,
eighthi gumazamiziba an ikian
kogham.

Ezi gumazir igharaziba danganir kamin
mangamin dughamin,
me Babilonia ia bativizir bizar kurabar
ganiva,
dibovir akabar ia damuva misoribar
anivinga,
digavir kuram damigh bar ati-
atigham."

¹⁴ Ikiavira Itir God kamaghin Babilonin
apanibav keme:

"Ja barir pibar asavamadir darasi, ia Ba-
bilonin nguibam ekiarugh, egh tuiv-
igh misogh.

Ia uan barir afuzibar bar a gasegh!
Ia tam ataghiraghan marki.

Babilonia me arazir kuramin Ikiavira Itir
God gami,
kamaghin amizi, ia nguibar kam bar a
gasighasikigh.

¹⁵ Ja an divazir gavgaviba ko an tauaba
apirarighti da daighireghti,
a ua misoghan iburagh, ia teghti ia a
inigh,
dughiar kamin ia danganiba bar,
adar dimiva tiariba akar.

Egh a faragha igharaz darazigh
asighasighizi moghin,
ia datirighin bar a gasighasikigh.

Ki Ikiavira Itir God, ki iveauz kuram a
daning, a gasighasighava ami,
kamaghin amizi, ia bar puv a damigh.

¹⁶ Ja bar Babilonia agifagh,
eighthi gumazir dagheba oparitam
ko, gumazir dagheba iniamiba
puvatigham.

Eighthi kantrin igharazir Babilonin itiba,
ia Babilonia gasighasizir gumaziba, me
ian atiatingam.

Egh me zuamira Babilon ategh uamategh
uan kantribar mangegh,
uari uan gumazamizibara me ko
ikiam."

*Israelia ua deravira uan nguazim dapi-
agham*

¹⁷ Ikiavira Itir God kamaghin mikeme:
"Israelia mati sipsipin mam,
ezi nguibar maba mati laionba, me a
gasighasighasa an agintisi.

Asirian atrivim faragha an suiragha aneme.
Egha gin Babilonin Atrivim Nebukatne-
sar an aghariba ame.

¹⁸ Kamaghin amizi, ki Ikiavira Itir Godin
Gavgaviba Bar Itim, Israelien God, ki
mikeme.

Kifomira Asirian atrivim gasighasighizi
moghin,
ki Babilonin atrivim ko an kantri
gasighasigham.

¹⁹ Ki Israelia inigh, sipsipbar min men aku
ua men danganimin izam,
eighthi me Karmelin Mighsiam ko,
Basanin Distrik ko, Efraim
Mighsiam ko, Gileatin Distrighin, dar
grazibar amam.
Me puvira dar ami mangi naviba
bar izevegham.

²⁰ Ezi ki Ikiavira Itir God, ki kamaghin migei:
Dughiar kamin ki Israelia ko Judan ikiavira
itir varazira,
kar ki taghizi deravira itiba,
ki men arazir kuraba gin
amadaghgam.

Eighthi arazir kuratam ko osimtzir tam men
ikian kogham.
Eighthi gumazitam akatam me gasisi
damuva avegham."

*Ikiavira Itir God bar pazivira Babilonia
damigham*

²¹ Ikiavira Itir God kamaghin Babilonian
apanibav gei:
"Ia mangi Babilonia misogh.
Ia Merataimin nguazimin gumazamiz-
iba ko, Pekotin nguazimin itir adarazi
ko misogh.

Egh puv me misuegh men bizibagh
asighasigh.

Ia nan akaba bar adar gin mangi.
²² Midoroziimin nignim, Babilonian
nguazimin aven otogh bar ekeveg-
ham,
eighthi kantrin kam bar ikuvigham.

²³ Babilon mati haman mam, tintinibar
nguazir kamin kantriba bar da
misaraghariki.
Ezi datirighin ia Babilonin apaniba,
kantrin kam apirigh, a gasighasikigh,
datirighin haman kam bar
misaraghiregham.

Eighthi Kantrin Igharazibar Gumazamiziba
an ganigh,
bar digavir kuram damigh, bar
moghiram atiatigham."

²⁴ Ikiavira Itir God kamaghin mikeme:
"Babilon, ki nin suighasa azuazir mam ati,
ezi ni a gifozir puvati, a managh iti.

Ki Ikiavira Itir God, ni nan apanim gami,
kamaghin amizi, azuazir kam nin
suiraghram."

²⁵ Ikiavira Itir God Babilonin aningaghe,
egha uan midorozi biziba aven itir
dipenimin tiar akam kuigha,

- midorozir biziba inigha azenan ize.
- Ikiavira Itir Godin Gavgaviba Bar Itim, an Ekiam, a ingangarir ekiar mam uaiti, a Babilonin kantri damuasa.
- ²⁶ Ia apanir saghon danganiba bar adar itiba, ia bar izi Babilonia misogh.
Ia dagheba arizir dipeniba bar adagh asighasikigh.
- Egh Babilonin biziba bar ada inigh, tintinibar dar pozibav kinigh, mati gumaziba raiziaba aghora dar pozibav kini.
Ia bizitam ko gumazitam ateghti a ikian marki.
- ²⁷ Mati gumaziba bulmakaubav sozi moghin, ia Babilonin midorozir gumazir gavgaviba bar me misoghirarikigh.
- Ikiavira Itir God me gasighasighamin dughiam an otivasa, kamaghin amizi, me bar moghira ikuvigham.
- ²⁸ Ia bar oragh!
Israelia ko Judan marasi, me Babilon ategha ara uamatetgha Saionin izi.
Me kamaghin mikimasa izi,
“Ikiavira Itir God, en God, a iveau kuram isa gumazir an Dipenim gasighasiziba ikarvasti.”
- ²⁹ Ikiavira Itir God kamaghin Babilonin apanibav keme:
“Babilon bar puvira ifaghata na batoke, ki Israelian Godin Bar Zuezim.
Kamaghin amizi, ia gumazir barir pibar asa foziba, ia izi Babilon misogh.
- Ia Babilon korogh deragh anevinigh.
Egh ia Babilonin tav ateghti an ari man gan marki.
- Me igharaz darazigh asighasighizi moghin, ia pazi me damuva, bar me gasighasikigh.
- ³⁰ Ki Ikiavira Itir God, ki guizbangira migei, Dughiar kamin ia apaniba, Babilonian gumazir igiabav soghirarigham, egh ti me danganir uari akuvibar tintinibar iriv ikiam.
Egh ia Babilonin midorozir gumazibav soghti me arighiram.
- ³¹ “Babilon, ni oragh! Ni ifaghata uabi fer gumazimin min ami.
Ki Ikiavira Itir Godin Gavgaviba Bar Itim, ki nin Ekiam, ki guizbangira migei, Ki nin apanim gami.
- Ki ni gasighasighamin dughiam otogha gifia, ki iveau kuram ni daningam.
- ³² Babilon, ni kantrin akaba batozim, ni irigh bar ikuvighti, gumazir ua ni gifueghamiba puvatigham.
- Ki avim nin nguibabar ateghti, egh ti avir kam nin biziba bar dar isigham.”
- ³³ Ikiavira Itir Godin Gavgaviba Bar Itim, a kamaghin mikeme:
“Apaniba faragha Israelia ko Judaba bar me abira.
Egha apaniba me isa kalabus gati, egh me ateghti me mangan me aghua.”
- ³⁴ Ezi men Akurvazir Gumazim, a gavgavir ekiam iti, ezi an ziam kara, Ikiavira Itir Godin Gavgaviba Bar Itim.
- A men akuragh men apaniba abiragh. Egh a dabirabir aghuim isi nguazir kamin gumazamiziba bar me daningam.
- Egħti Babilonia puvatigham.
A me damighti me pazivira ikiam.
- ³⁵ Ikiavira Itir God kamaghin migei:
“Babilonin kantri ikuvigham.
Egħti Babilonin gumazamiziba ko gumazir dapaniba ko, fofozir gumaziba sara ikuvigham.
- ³⁶ Babilonin akam inigha izir gumazir ifavariba ikuvigh, gumazir organibar min otivigham. Babilonin midorozir gumaziba ikuvigham, egh me bar ati atigham.
- ³⁷ Babilonin hoziaba ko karisba bar ikuvigham.
Egħti kantrin igharazibar midorozir gumazir Babilonin akurvaziba, me bar ikuvigham.
Me amizibar min otivigh gavgaviba puvatigham.
- Babilonian bizir bar aghuiba ikuvigham. Apaniba izi bizir kaba inigh, ada ater mangeegħam.
- ³⁸ Asebar marvir guuba da nguibar kam gizifa.
Ezi Babilonia aser kabar gin ghua, dar atiatia gumazir organibar min otifi. Kamaghin amizi, aruem dughiar ruarin Babilonian gan me inigh mangiti, men faneba ko dagħuriba bar misigham.
- ³⁹ Egħti kamaghira, gin izamin dughiabar gumazitam ua Babilonin ikian kogħam.

- Eghti kaziar atiaba ko afiar atiaba ko poneba, darara ikiām.
- ⁴⁰ Ki fomira Sodomin nguibam ko Gomoran nguibam ko, nguibar aningin boroghira itiba saram asighasiki. Ezi da nguibar kinibar otifi.
- Ki Ikiavira Itir God, ki mikeme: Bizir kamra Idomin otogham, egheti gumazitam an ikeghan kogham.
- ⁴¹ "Ia gan! Midorozir gumaziba notin amadaghan ikegha izasava ami. Me bar gavgavigha atrivir aviriba ikia, egha bar saghon ti. Egha me misoghasa midorozir biziiba akira iti.
- ⁴² O Babilon, ni mati guivir dirim. Ezi apanir kaba, me apangkuviba putvatzir gumaziba. Me gumazir igharazibagh asighasighasa bar ifonge. Me barir piba ko barir afuziba suisi. Me hoziabar apiagh iziti, niginir ekiam otivam. Mati ongarim gigim gira tingazi. Egh me uari daragh mitivigh iki, egh Babilon ko misoghsivira ikiām. O Babilon, ni mati guivir dirim.
- ⁴³ Babilonin atrivim apanir kabar eghaghanim baraghiti me iziti, an atatiqgh egh agharanpaniba bar an amiraghama. An atatiqgh nighnighiva avegh, egh an ararem mati, amizim borim batasa mizazir ekiam isava arai.
- ⁴⁴ "Mati laionba sipsipbagh ami moghin, ki zuamira Babilonia men nguazimra me batuegham. Laion Jordanin Fanemin boroghin itir ruarir pizimin ikegha, otogha ghua sipsipba graziba apa itir danganir aghuimin men agintisi. Ezi ki gumazitam amisevegħti, a nguazir kam gativagh an ganam. Ki kamaghin damuamin dughiamin, gumazir manam na ko ga akamīn uaning misogħam?
- Ezi tina nan min gavgavir kam iti? Egheti gumazir sipsipbar garir manam na ko apanim damuam? Bar puvatigham.
- ⁴⁵ Ia deraghvir aħkaribar arigh, bizir ki Babilonin kantri damuasa nighniziba baragh! Ki uaghan gumazamiziba ko boriba sara bar me batuegham,
- mati laion sipsipba, bar me misuegha, dar kuaba amikirvagħha zui. Ezi Babilonin kantri uabi, ki damuamin bizim bagħ digavir kumram damigham.
- ⁴⁶ Apaniba Babilon iniamin dughiamin, mikimkizim nguazimin otogħi niginir ekiam otogħam. Egheti Babilonian ararem otogh ekevegh mangi, Kantrin Igharazibar Gumazamiziba bar a baraghama."

51

Ikiavira Itir God

Babilonin apanim gami

- ¹ Ikiavira Itir God kamaghin mikeme: "Ki tarazir nighniziba feghti me bizir aviribagh asighasigham, egh me mati aminir gavgavim min izi, Babilonin kantri ko an itir gumazamiziba sara misogħam.
- ² Ki gumazitaba amegħti me izi aminim raizabar misevibagh ivarazi da ghuezi mogħin Babilonia giveragħam. Me aminim min an nguazimin a giveragh an biziba bar da batuegham. Me a gasighasighamin dugħiam, me tintinibar danganibar bar otivigh iżi a gasighasigham.
- ³ Ia Babilonin apaniba, ki kamaghin ia migei, Ia zuamira Babilonin midorozir gumazibav soġħ. Me tighar uan midorozir korotiabar aghuwa, egha tighar uan pibar afam, ia Babilonin gumazir igiaba ko midorozir gumaziba bar me gasirarikkigħ. Ja men tav ategħti a ikian marki. Bar markiam. Ia bar mogħira me agifagh.
- ⁴ Ia uan barir afuzibar Babilonia gasiti, me arighiri kuuba tintinibar Babilonin kantrin tuavibar iregham."
- ⁵ Israelia ko Judaba faragħa uan nguazimin itir dugħiamin, me Israelien Godin Bar Zuezim min damazimin arazir kurar aviribagh ami. Ezi Ikiavira Itir Godin Gavgaviba Bar Itim, an akirim ragħha me gasarazir puvati, eghha me ataghizi me mati amizir paba ovengħezibar min pura itir puvati.

⁶ Ia Israelia ko Judaba, ia arimangeh deraghvira ikiam.

Puvatighti, ia Babilonian tongin iki, men osimtizim bangin me ko ikuvigham.

Datirighin Ikiavira Itir God, Babilonin arazir kuraba bagh iveauzir kuram a daningamin dughiam.

Kamaghin amizi, ia zuamira Babilon ategh mangi.

⁷ Ikiavira Itir God fomira nguazir kamin kantriba, iveauzir kuram isi bar adar aningasa, ezi Babilonin kantri an ingangarir kam gami.

Babilon golin kavin mamin min Ikiavira Itir Godin dafarimin iti.

Egha kantrin igharazibagh amima, me kavin kamin wain ame.

Egha me datirighin tintinibar ongani.

⁸ Eghiti Babilon uabi zuamira irigh ikuvigham.

Kamaghin amizi, ia a bagh aziva an apangkuv.

Ia mangi a bagh marasinba inigh, an duubar aghuwaiti da akumigham.

Eghiti a ti ua deragham.

⁹ Eghiti Israelia ko Judaba an aven iki kamaghin mikimam,

“E kalabuziar gumazamiziba pura Babilon damuti, a ua deraghasa, ezi a ua deragha otozir puvati.”

Egh me gin kamaghin mikimam,

“Marki. E fo, Babilonin osimtizim a bar ekefe, egha overiamin pin ghuavanabo.

Eghiti Ikiavira Itir God bar pazivira Babilon damuam.

Kamaghin, e Babilon ategh uamategh vaghvagh uan nguibabar mangam.

¹⁰ Ikiavira Itir God Babilon gasighasiki, ezi arazir kamin a en gumazamizibar arazir aghuiba azenim gati.

Aria, e Saionin mangiva, Ikiavira Itir God, en God amizir bizibar gun mikimam.”

¹¹ Ia Babilonin apaniba, ia midorozim bagh mangisi

uan afuziba aminiva, oraba ini.

Ikiavira Itir God ghaze, Babilonia an Dipenim gasighasiki, ezi a iveauzir kuramin me ikarvaghosa.

Egh a Midian atrivibar nighniziba feghti, me Babilonia misogham.

A tuavir kamra, bar Babilon gasighasigham.

¹² Ia apaniba, ia nir avizir ababanim ghufeghti, midorozir gumaziba mighvira misogh, Babilonin nguibar ekiamin divazim akarika.

Ia midorozir gumaziba arichti, me nguibar ekiam bagh arav iki, egh uan ingangarim deragh a damu.

Ia midorozir gumazibav kemeghtti me mangi mongegh,

Babilonia misoghsyi damu iki. Ikiavira Itir God, Babilonin gumazamizibagh asighasighasa mikemegha gifa, egha datirighin a bizir kam damuasa.

¹³ O Babilon, ni dipar aviriba ko bizir aghuir bar aviriba nin nguibamin iti. Ezi ni ikuvamin dughiam a roghira izegha gifa.

Nin ikirimirim mati tretin mam, me datirighin aneghorasava ami.

¹⁴ Ikiavira Itir Godin Gavgaviba Bar Itim, a guizbangira uan ziamin pin arigha mikeme.

A kamaghin mikeme:

“O Babilon, ki apanibar gumazir okoruar avirim inigh iziti, me ni misogh, ni dikabiragh.

Me nin nguzazim gizivagham, mati odezir okoruam.

Egh me ni gafragh ni abinamin dughiamin, me bar akuegh pamtemin dimam.”

*Godin ziam fer ighiam
(Jeremaia 10:12-15)*

¹⁵ Ikiavira Itir God uan gavgavimin nguazir kamin ingari.

A uan nighnizir aghuimin nguazir kam isa uan danganimra anetizi, a gavgafi.

A uan fofozimin overiamin ingara an onegha gifa.

¹⁶ A tiarim akarigha migeima, overiam bar pamtemin tingazi.

Ezi ghuiarier piziba nguazir otevibar migha iza, egha uari akufa.

God onimaribagh amima, da taghtazima amozim izaghiri.

Egha aminim asirafima, a uan danganim ataghiraghha izi.

¹⁷ Ezi gumazamiziba, me bar organigha bizitam gifozir puvati.

Gumazir marvir guaba golin dar ingariba,

me bizir me ingarizir kaba bagh bar aghumsigham.

Kar guizin godba puvati.

Marvir guar kaba, da aminir datirighin en iksa angamira itir kam puvati.

18 Kar me dibovir akabav kimasa pura in-
garigha arighizir bizir kiniba.

Eghzi Ikiavira Itir God, me tuisighamin
dughiam iziti, me bar ikuvigham.

19 Ezzi Ikiavira Itir God, a Jekopin ovavir
boribar God, a uabi biziba bar dar
ingari.

Egha bizir kabar min garir puvati.

A Israelia amisevezi me an
adarazira iti.

An ziamra kara:

Ikiavira Itir Godin Gavgaviba Bar Itim.

Babilon mati Ikiavira Itir Godin ifanim

20 Ikiavira Itir God kamaghin migei:

“Babilon, ni mati ki misoghsa in-
izir bizir mam, ni nan ifanim min
iti.

Ki ni inigha, kantrin aviriba
misaraghariha,
egha nguubar gavgavir aviribagh
asighasiki.*

21 Ki ni inigha midorozir hoziaba,
ko gumazir hoziabagh apiaziba
amisaraghariki.

Ki ni inigha, midorozimin karisba ko,
gumazir karisbar suiziba saram
asighasiki.

22 Ki ni inigha, bar gumaziba ko amiziba
amisaraghariki.

Egha gumazir igiaba ko gumazir
ghuriba, ki bar me amisaraghariki.

Egha gumazir igiaba ko amizir
igiaba, ki bar me amisaraghariki.

23 Ki ni inigha sipsipba ko me gegrhuva men
garir gumaziba sara misaraghariki.

Ki ni inigha bulmakaun ainba
mikirvaghya nguaziba abiziba ko, dar
ghuaviba sara misaraghariki.

Egha ki ni inigha gavmanin gu-
maziba ko, gumazir dapaniba
amisaraghariki.

24 “Egha ki Ikiavira Itir God, ki mikeme,
Babilonian arazir kurar me Saionin
amiziba bar, ki ada ikarvagh ivezir
kuram me daningam.

Eghzi ia Israelia ko Judaba, ia bizar
ki damuamin kabar ganam.

25 “Babilon, ni oragh. Nin gavgavim bar
ekevegha mati mighsiar ekiam,
egha nguazir kamin danganiba bar
adagh asighasiki.

Ezzi bar guizbangira, ki Ikiavira Itir God, ki
ni anpanim gami,

ki uan gavgavim itir dafarimningin nin
suiragh, ni isi davarir konimin ni aku-
nighti,

ni poghpogh magiri nguazimin otoghti,
avim bar ni agivaghgam.

26 Eghzi gumazitam dipenimin mikebamin
asisi, nin aven dagiatam inighan
kogham.

Gumazitam uan dipenimin ingarsi,
dipenim aterir dagiatam, nin aven
a inighan kogham. Puvati.

Ni bar ikuvigh kamaghira ikiam.
Ki Ikiavira Itir God, ki mikemegha gifa.”

Apaniba izi Babilonia misogham

27 Ia kantrin aviribar tongin akaba amang,
egh nguaziba bar dar gumazamizibar
tongin sigham givi,
eghti me Babilonia misoghsı biziba
akir.

Ia Araratba ko, Miniba ko, Askenasba, men
diaghti me izi.

Egh midorozim bagh gumazir ekiar
tam amisefegh.

Midorozir gumaziba uan hoiabar apiagh,
egh odezir okoruamin min izam.

28 Egh uaghan Midian atriviba ko, gumazir
dapaniba ko, gumazamizir Midian
gavman gativagha an gariba, ia men
diagh.

Ia kantrin aviribar gativibar gumaz-
ibar amuti,
me bar izi Babilon misoghsı biziba
akir.

29 Ikiavira Itir God Babilon gasighasighasa
mikemegha gifa,
egh a damichti a danganir kinimin
otogham,
eghti gumazitam ua an ikian
kogham.

Eghzi Ikiavira Itir God ingangarir kam
damuamin dughiamin,
mikimkizir dafam nguazim bativira
ikiam,

mati gumazim mizazir bar kuram
isima mikarzim a gasi.

30 Babilonian midorozir gumaziba
midorozim ategh, midorozir dipenir
gavgavim aven ikiam.

Egh me amizibar min ikiva, gavgaviba
puvatigham.

Apaniba Babilonian dipenibar apongiva,
egh nguibabar divazibar tiar akaba
akaram.

31 Gumazir akaba inigha izir aviriba, i-
vermar mangi ivivigh Babilonian atrivim
mikimam,

Abuir gumazir kaba izi a mikim suam,
Apaniba nin nguibabar ekiamin dan-
ganiba bar ada inigha gifa.

* 51:20: Fofozir gumazir aviriba kamaghin nighnisi, ves 20in ikegha ghua ves 23, akar kaba Babilonian gun migei. Ni Jeremaia 50:23in an gan. Ezzi gumazir maba kamaghin nighnisi, a gumazamizir igharazibar gun migei.

³² Apaniba dipabagh iregh vongin mangamin tuaviba inigh, tintinibar dakarabar itir ighurunibar apuegham.

Eghti Babilonin midorozir gumaziba bar puviram atiatigh, egh tintinibar onganigham.

³³ Ikiavira Itir Godin Gavgaviba Bar Itim, Israeliyan God, a kamaghin mikeme: “Babilon, a guvir dirimin min iti.

Eghti mati gumaziba raizin daghem ini-asa a dikabiri moghin, apaniba a dikabinigham.

Ezi ingangarir kam damuamin dugham, a roghira izegha gifa.”

³⁴⁻³⁵ Ezi Jerusalemin nguiba ekiam kamaghin migei:

“Babilonin Atrivim Nebukatnesar puvira na misoke, mati a na apava bar na agifa.

A mati aser mam bar na tuavareme.

Egha nan bizir aghuiba uan navim gazuima a izifa.

Ezi ki mati itarir mam, an amegha givazi, dagher nataba an itir puvati.

Egha gin a bar na disi.

Babilonia bar nan mikarzim gasighasiki, ezi nan ghuzim ire.

Kamaghin amizi, me osimtizim iti, ezi Ikiavira Itir God men osimtizir kam ikarvaghram.”

Ikiavira Itir God, iveau kuram isi Is-raelian apanibar aningam

³⁶ Ezi Ikiavira Itir God kamaghin migei: “Jerusalem, ni oragh!

Bar guizbangira, ki nin akuragh Babilo-nia ni gamizir osimtizim ikaraghram.

Ki Babilonian faneba ko dipavsiziba bar dar amighti, da dakegham.

³⁷ Ki Babilon gasighasichti, an dagiar pozibara ikiam.

Eghti an afiar atiabar danganimin otoghti, gumazamiziba an puvatigham.

Eghti gumazir igharaziba ian ganigh, akirim ragh ia gasi, dibovir akabar ia mikimiva,

bar digavir kuram damigh puviram atiatingam.

³⁸ Eghti Babilonia laionbar min tiariba akar dimdiar kuram damuam.

Me laionin nguziba asizibar amasa puvira aroi moghin damuam.

³⁹ Ezi ki Ikiavira Itir God, ki guizbangira migei:

Men naviba arazir kurabar amusi dikavamin dugham, ki isar ekiatam me bagh a damighti, me dipar organir aviribar amiva, bar ikuvigham.

Egh me gin dakuv organigh, egh ua dikavighan kogham.

⁴⁰ Mati gumaziba sipsipin nguziba ko, sipsipin apuriba ko, memen apuribagh ami moghin, ki menaku danganir me misoghti me arimighiramimin mangam.”

⁴¹ Ikiavira Itir God kamaghin mikeme: “Ia bar gan! Nguazir kamin gumazamiziba bar ziar ekiam isa Babilonia ganidi, ezi apaniba izi a misogh, a iniam.

Kantrin Igharazibar Gumazamiziba an ganigh, digavir kuram damigham.

⁴² Apaniba Babilonia avaraghram, mati ongarim dipiraghira iza bar gigim avara.

⁴³ An nguibaekiaba bar ikuvigham. Eghti kantrin kam danganir dakightizir kinimin min ikiam.

Eghti gumazamiziba an ikian koghiva, a daruan kogham.

⁴⁴ Ki mizazim Bel gasegham, a Babilonin asem.

Ki a damighti bizir a tuavaremeziba, uam a dar migham.

Eghti Kantrin Igharazibar Gumazamiziba uam an izan kogham.

Eghti Babilonia divazir ekiam bar akarighiraham.†

⁴⁵ “Ia nan gumazamiziba, ia Babilon ategh aregh.

Ia vaghvagh aregh deraghvira ikiam.

Ki Ikiavira Itir God, ki puv Babilonian aningaghe.

Kamaghin, ki ti ia ko me saram asighasigham.

Kamaghin, ia zuamira ari mangegh.

⁴⁶ Ia tintinibar akar nguazir kamin otiviba baragh, ian naviba digavir kuram damuti ia atiatingan marki.

Ia orazima, azenir mamin akar mam oto, ezi azenir igharazimin akar igharazim oto.

Me midorozir ekiaba otivir akabav gei, ezi atrivir mam atrivir igharazim misosi.

⁴⁷ Ki dughiar mam amisefe, egh dughiar kamin,

† **51:44:** Babilonia kantrin igharazibar bizir aghuir aviriba inigha ghua ofabar min da isava uan asebagh aningam. Ni ves 34-35in an gan. Aser kam mati bizir aghuir kaba tuavareme, eghti datirighin Ikiavira Itir God a damighti a uam adar mighti, gumazir igharaziba ua uan biziba iniam.

- ki Babilonin nguibamin asebar marvir
guabagh asighasigham.
- Eghti Babilonin nguibam bar aghum-
sigham.
- Eghti apaniba izi Babilonin gumazir
aviribav soghirarighti,
men kuaba tintinibar Babilonin
nguazim giregh ikiam.
- ⁴⁸ Ki Ikiavira Itir God, ki ghaze,
Bizir aviribagh asighasizir gumazir
maba,
me not ategha Babilonia
misoghasa izi.
- Kamaghin, overiam ko nguazim, ko aningin
itir biziiba,
da Babilon iramin dughiamin bar
akongegham.
- ⁴⁹ Babilonin arazir kamra,
Israelia gamizi moghira, a ikuvigham.
Ezi kantrin aviriba Babilonin
agharimin ariaghire."
- ⁵⁰ Eghti ia Israelia, Babilonia ia
gasighasighizir puvatizir darasi, ia
zuamira Babilon ategh ari mangegh.
Guizbangira, ia uan nguibamin saghon
iki,
egh ia Ikiavira Itir God ginighnigh.
Egh ia Jerusalem bakinighnighan
marki.
- ⁵¹ Egha datirighin ia kamaghin migei:
"E bar aghumsiki.
- Kantrin Igharazibar Gumazamiziba
Ikiavira Itir Godin Dipenimin
anogoroghezir danganimin aven
ghue.
Egha me akar kurabar e mikeme.
Kamaghin amizi, e bar aghumsiki."
- ⁵² Ikiavira Itir God kamaghin mikeme:
"Ki dughiar mam amisefe, ezi dughiar
kamin, ki Babilonian kantrin asebar
marvir guabagh asighasigham.
Egh Babilon danganiba bar, gumazir
aviriba midorozimin mizaziba iniva,
puram arangam.
- ⁵³ Eghti Babilon ti overiamin ghuanabogh,
egh misoghamin danganir gav-
gavimin ingarighti,
ki gumaziba amehti, me izi a
gasighasigham.
Ki Ikiavira Itir God, ki mikemegha
gifa."
- ⁵⁴ Ararer ekiam Babilonin otogham.
Apaniba bar pazivira Babilonin kantri
gasighasigham.
Eghti niginir ekiam otogham.
- ⁵⁵ Eghti apanir aviriba izi Babilonia misogh,
niginir ekiam damuam,
- mati ongarimin niginim.
Ikiavira Itir God bar pazivira Babilon
gasighasighasa,
egha an akar arozim dukumasava ami.
- ⁵⁶ Gumazir bizibagh asighasiziba, me izi Ba-
bilon misogh me dikabiraghram.
Egh me Babilonin midorozir gumaziba
kalabus darigh,
men piba apirarigham.
- Ikiavira Itir God, a Godin guizbangin ivez-
iba ikaravazim.
Egh guizbangira a Babilonian arazir
kuraba bagh ivezim me daningam.
- ⁵⁷ Atrivir kam, an ziam, Ikiavira Itir
Godin Gavgaviba Bar Itim, kamaghin
mikeme:
"Ki Babilonin gumazir dapanibar
amighti, me wainin dipabar
ameghiva organigham.
Kar fofozir gumaziba ko, gumazir ekiaba
ko, gavmanba ko, midorozir gumaz-
iba.
Me daku organigh, ua dikavighan
kogham.
- ⁵⁸ Ki Ikiavira Itir Godin Gavgaviba Bar Itim,
ki ghaze:
Apaniba Babilonin kantrin ekiam avinizir
divazir gavgavim tintinibar an
akararighti,
an divazir otevitam ikian marki.
Egh an tiar akar ekiabar
apongegham.
- Bizir kam kamakin. Kantriba bar dar gu-
mazamiziba pura ingari.
Eghti bizir me ingariziba, da bar
isigham."
- Jeremaia Babilonia bagha akam amada*
- ⁵⁹ Ezi namba 4in azenimin Sedekaia
Judan atrivimin itir dughiamin, Jeremaia
akar mam Babilonin anemada. Ezi dughiar
kamin, Atrivim Sedekaia Babilonin man-
gasava amima, Seraia a ko mangasa. Seraia
a Nerian otarim, egha Masean igiavotarim.
An atrivimin ingangarin gumazim. Jere-
maia akar kam isa a ganingi. ⁶⁰ Jeremaia
bizir kurar bar Babilonin otivamiba bagha
akam akinafarimin an osiri, kar akar
Ikiavira Itir God a ganingiziba. ⁶¹ Ezi
Jeremaia kamaghin Seraia migei, "Ni mangi
Babilonin otoghamin dughiam, ni akar
kaba bar adar ponegh. ⁶² Egh ni kamaghin
God ko mikim, 'O Ikiavira Itir God, ni
nguibar kam gasighasighasa mikemegha
gifa, eghti gumazitam ko asizitam an ikian
kogham. Eghti dughiarbar zurara danganir
kam pura ikiam.' ⁶³ Seraia, ni akinafarir
kam diponegh God ko mikemegh, dagiatam
akinafarir kamin a righiva anekunighti,

a Yufretisin Fanemin magirigh. ⁶⁴ Egh ni kamaghin Ikiavira Itir Godin akam akun, 'Ki Ikiavira Itir God, ki bar Babilon gasighasigham. Babilon akinafarir kamin min magiram, egh uam otoghan kogham."

Jeremaian akam iza kagh tu.

Apaniba Jerusalem gasighasizir eghaghanim

52

(*Sapta 52*)

*Babilonia Jerusalemia misogha men
nguibar ekiamini*

(2 Atriviba 24:18–25:7; Jeremaia 39:1–10)

¹ Sedekaia 21plan azeniba ikia, Judan atrivimin oto. Egha 11plan azenibar Jerusalemin atrivimin ike. An amebam, Hamutal, a Jeremaian igharazimin guivim, a Lipnan nguibar ekiamin gumazir mam.

² Sedekaia, Jehoiakimin arazibar gin ghua, egha Ikiavira Itir Godin damazimin arazir kurabagh ami.

³ Judaba ko Jerusalemian arazir kuraba Ikiavira Itir God gamizi, a bar men aningaghe. Egha Ikiavira Itir God gumazimir kaba bar me batoghezi, me an guamin saghon ghue.

Ezi gin Sedekaia, Babilonin atrivim, a gativagh an ganan a bar aghua, egha uam anapengen itir puvati.

⁴ Egha namba 9in azenimin Sedekaia atrivimin ikia ghua, namba 10in iakinimin otogha ghua namba 10in iakinir kamin aruemin oto. Ezi Babilonin Atrivim Nebukatnesar uan midorozir gumaziba bar dar akua iza Jerusalem avinigha, nguibam iniasa misosi. Me Jerusalem korogha, ghua temeba okegha iza nguibar ekiamin divazir gavgavimin boroghira dar pozim mikini. Egh me nguazim adav kinighti, da figh ghuavanaboghti, me mangi dagh isin mitivigh nguibar ekiam ko misogham. ⁵ Me azenir vamira ko akuamin Jerusalem avinigha iti. Ezi Sedekaia 11plan azenibar atrivimin iti, ⁶ ezi an namba 4in iakinimin otogha ghua, namba 9in aruem otozi, men dagheba bar gif. Kamaghin amizi, Jerusalemin gumazamiziba mitiriam bar puv men azi. ⁷ Dughiar kamin Babilonia divazimin vuer mam akarigha Jerusalemin aven ghue. Ezi Atrivim Sedekaia Jerusalemin midorozir gumaziba koma are. Me dimagaramin suebar ghuava atrivimin dagher azenimin otivigha ghua, danganir divazir pumuning uaning isasuiragha itir tiar akar kamin ghua, Jerusalemin

nguibar ekiamin otivigha ghue. Egha me Jordanin Fanemin danganir zarimin ghuaghbir tuavimin zui. ⁸ Ezi Babilonin midorozir gumaziba Atrivim Sedekaian agiraghya ghua Jerikon nguibar ekiamin boroghin itir danganir zarimin a bato. Ezi Sedekaian midorozir gumaziba anetegha, ari tintinibar ghue.

⁹ Ezi Babilonin Sedekaian suiragh a inigha Babilonin atrivim bagha ghu. Ezi dughiar kamin Atrivim Nebukatnesar Riplan nguibamin iti, an Hamatin nguazimin aven itir nguibam. Ezi Nebukatnesar uan kotin aven Sedekaian gara egha ghaze, Sedekaia uan arazir kurar an amizimin iveau iniam. ¹⁰ Ezi Babilonian atrivim Riplan nguibamin ikia Sedekaian otariba inigha, Sedekaian damazimin bar me misuaghari. Egha a uaghan Judan gumazir dapaniba me misuaghari. ¹¹ Egha atrivim mikemezi, me Sedekaian damazimning asi, egha an suemning ko dafarimning senin ada ikegha, a inigha Babilonin ghu. Egha a isa kalabus gatizi a ikia ghua areme.

*Babilonia Jerusalem gasighasiki
(2 Atriviba 25:8-17)*

¹² Nebukatnesar Babilonin atrivimin itima, ezi an namba 19in azenim otogha ghua an namba 5in iakinimin, an namba 10in dughiam oto. Ezi dughiar kamin, Nebusaradan, an atrivimin garin midorozir gumazibar gumazir dapanir faragha zuim, a dikavigha Babilonin atrivim ingangarim gativagh an ganasa Jerusalemin ize.

¹³ Egha a Ikiavira Itir Godin Dipenim ko Judan atrivimin dipenim ko, Jerusalemin gumazir aruabar dipeniba sara, a bar dagh aponge. Babilonian dipeniba bar, a vaghvaghya dagh aponge. ¹⁴ Babilonian midorozir gumazir Nebusaradanin gin zuiba, me bar moghira Jerusalem avinizir divazim gasighasigha bar anekaraghari. ¹⁵ Nebusaradan gumazamizir Jerusalemin ikiavira itiba inigha ghua, Babilonin kalabus gati. Men marasi, organarazibagh amir gumazamiziba. Egha a uaghan Judan faragha Jerusalem ategha ara ghua an gara, a ko ikezibar akua, me inigha Babilonin kalabus bagha ghue. Egha fofozir gumazir bizir igharaghya garir aviriba akiribar akua, Babilonin kalabuziabar min me inigha ghue. ¹⁶ Egha Nebusaradan, gumazamizir organarazibagh amir marazi ataghizi, merara Judan nguazimin ikiavira iti. Egha a me migia ghaze, ia wainin azeniba ko, azenir igharazibar gan iki.

¹⁷ Egha Babilonia ghua Ikiavira Itir Godin Dipenimin ghuegha, brasin guarir

akiniba ko, tengin doziba pin da afasa brasin ingarizir osazariba apiraghari. Egha me uaghan tengin dipar ekiar me brasin ingarizim abiki. Israelia fomira kamaghin a dibori, "Ongarim." Egha me brasin kaba bar da inigha Babilonin ghue.¹⁸ Babilonia uaghan averenim iniamin itariba ko, savolin muziariba ko, lamba munger biziiba ko, itarir ofan ghuzibar arighamiba ko, pauran mughuriar aghuim zuiba tuer itariba ko, Judaba Ikiavira Itir Godin Dipenimin aven, ingarasra amizir brasin biziiba sara me da ini.¹⁹ Egha Nebusaradan uaghan biziir gumazibar gol ko silvan ingariziba ini, kar itarir muziariba ko, itarir avim ateriba ko, ofan ghuzibar arizir itarir ekiaba ko, mineba ko, lamin aghoriba ko, itarir pauran mughuriar aghuim zuir tuezir itariba ko, wainin ofabar arighamin itarir ekiaba sara ini.

²⁰ Atrivim Solomon fomira bras inigha guarir akinir kamning ko, tengin ekiar me kamaghin diborim "Ongarim," adar ingari. Egha uaghan a bras inigha bulmakaun 12plan nedaziba tengin ekiar kamin apengen itimin ingara, egha wilkarin itarir ekiar dagh isin darighamibar ingari. Ezi Solomon mikemezi, me bizir kaba isa Ikiavira Itir Godin Dipenimin ada ariki. Ezi brasin kabar osimtzim bar ekefe, eghiti gumazitam dar osimtzim gifofoghsı, da isi skel tam darighan iburaghama.²¹⁻²² Gumazibar fomira ababanir vamiran brasin guarir akinir kamningin ingari. Aningin ruarimning 8 mitan tu, ezi aningin arozmimning 5 mita ko 30 sentimitan tu. Me dipenir akinir pumuning paip brasin ekiamningin min aningin ingari, ezi bras mitemegha an mitiam, 7 sentimita ko akuamin tu. Egha guarir akinimning dapanimning, me brasin aningin ingari, ezi dipenir akinir kamning mong ekefe. Ezi dapanir pin ghuavanadim 2 mita ko 20 sentimitan tu. Ezi me bras inigha iver nuzimin min anesingi, mati temer pomigranetin oviziba. Me pomigranetin kaba tintinibar iver nuzimin min da ike. Egha me guarir akinir kamningin dapanimning gighuigha, aning asingi.²³ Guarir akinimning vaghvagh 100plan pomigranetin oviziba aningin dapanimning iti. Egha 96plan pomigranetba aningin 4plan miriaba iti.

*Judaba ghua Babilonin kalabusin iti
(2 Atriviba 25:18-21)*

²⁴ Nebusaradan, Babilonian gumazir dapanir faragha zuir kam, an ofan gamir gumazibar dapanim Seraia, ko Seraian apengen itir gumazim Sefanaia, ko Godin Dipenimin tiar akamin garir gumazir 3plan

igharaziba sara ini.²⁵ Egha Jerusalemin, gumazir dapanir Jerusalemin midorozir gumazibar garim ini. Egha nighniziba Judan atrivim ganidir gumazir 7pla ini. Egha a Judan midorozir gumazibar gumazir dapanibar akinafariba osirir gumazim ini, kar gumazir gumaziba isima, me midorozir gumazibar otivim. Egha a 60plan gumazamizibar garima me Jerusalemin ikiavira iti, ezi a uaghan me ini.²⁶ Egha Nebusaradan gumazamizir kaba bar me inigha Babilonin atrivim bagha Riplan nguibamin ghu.²⁷ Kar Hamatin nguazim. Ezi atrivim mikemezi, me gumazir kabav soghezi me ariaghire.

Babilonia kamaghin amigha, me gin Judan igharaziba inigha ghua Babilonin kalabus gati.²⁸ Nebukatnesar inigha ghua kalabus gatizir gumazamizibar dibobonim, a kamakin: Namba 7in azenimin an atrivimin itir dughiam, a Judan 3,023plan gumazamiziba ini.²⁹ Egha a namba 18in azenimin atrivimin itir dughiam, a 832plan Jerusalemin gumazamiziba ini.³⁰ Ezi a namba 23in azenimin atrivimin itir dughiam, gumazir dapanir faragha zuim, Nebusaradan, Judan gumazamizir 745pla inigha kalabus gati. Me bar moghira men dibobonim, 4,600plan gumazamiziba.

*Babilonin atrivim, a kalabusin Atrivim Jehoiakin firı
(2 Atriviba 25:27-30)*

³¹ Judan Atrivim Jehoiakin, Babilonin 37plan azenibar kalabusin itima, Evil Merodak, Babilonin atrivimin oto. Egha azenir kamin aven an namba 12in iakinim otogha ghua, namba 25in aruemir otozi, Evil Merodak Jehoiakinin apangkuvigha, kalabusin anegifa.³² Evil Merodak arazir aghuimin a gamua, ziar ekiam ko dabirabir aghuim a ganingi, ezi an dabirabir kam atrivir igharazir Jehoiakin ko Babilonin kalabusin ikezibar dabirabim gafira.³³ Kamaghin amizi, Jehoiakin ua kalabuziar korotiaba azuir puvati. Egha a zurara dughiabar Babilonin atrivim ko apiaf ikia apa ghua, Jehoiakin aremezir dughiam tu.³⁴ Babilonin atrivim mikemezi, me dughiabar dagiaba isa Jehoiakin ganidi, eghiti a deraghvira ikiam. Me kamaghiram amua ghua, Jehoiakin aremezir dughiam tu.

Gumazamiziba Jerusalem

Bagha Aziava Arai

O

Azir Akam

Akar faragha zuim

Babilonia Jerusalem gasighasizir dughiamin, gumazamiziba bar uan nguibar ekiar aghuimin apangkufi, ezi Godin akam inigha izir gumazim, Jeremaiya akinafarir kam osiri. Fomira Jerusalemin nguibar ekiam ko Godin Dipenir an aven itim, aning mati God Israelian adarazi ko itir nedazim aka. Ezi Jerusalem ikuvizir dughiamin, Israelian nighnizir gavgavim mong irizi, men nighniziba derazir puvati. Kamaghin amizi, me an kuarkuvigha zurarama azi.

Akinafarir kamin saptaba vaghvagha mati ighiar maba, gumazamiziba Jerusalemin apangkuva a bagha azir onger akabagh ami. Judan adarazi me dughiar ekiabar, osimtzir me batozir kam ginighnigha ighiar kabagh ami.

Israelian arazir me akar kam osirizim, me kamaghin Inglisin a dibori, "Poetry." A Hibrun akamin mong igharaghha amizir arazir mam, men akam alfabetin 22plan letaba iti. Me dughiar mabar akam osirasa 22plan akuabar ana osiri, egha me an osirir dughiam, me letaba uan akamin alfabet osiri moghin vaghvagha da osira iraghу. Ezi gumazir maba Hibrun akamin akar maba igha da osirir dughiamin, me men arazir kamin gin ghua an osirir puvati. Ezi e fo, Aruamin akam osiramin 21 letaba iti, a bar Hibrun akamin letabar dibobonim ko magh ghu. Kamaghin amizi, Aruamin akamin akinafarir kam (Azir Akam), e Hibrun akamin arazimin gin ghua a gira, ni e an osirizir arazir kamin ganam, a manmaghinh zui. Ni bar deravira akinafarir kamin gan, ni ganti Sapta 1, 2, 4, ko 5, ni ganti vezin kaba vaghvagha alfabet letabar gin zui. Namba 1 leta ves 1, kar leta A. Ezi ves 2, namba 1 leta, a leta B, da bar kamaghira ghua, vezin abuananamin namba 1 leta, a leta Z. Hibrun akam 22plan letaba iti, ezi Aruamin akam 21plan letaba iti, egha uaghan Aruamin akam letan kam i, akaba osirir dughiam a faragha itir puvati, a letari mabar tizibar iti. Kamaghin amizi, e dughiar mabar vezin pumuningdin da isafufusi. Akinafarir kamin Aruamin akamin sapta 3, 66pla vesba iti. Kamaghin amizi, e Hibrun akamin gin ghua, akuar faragha zuim, a ves 1-6, kar Leta A.

Egha ves 7-9, kar leta B. Egha 10-12, kar leta D, ghua akuar abuananamin, ves 64-66, kar leta Z. E kamaghira an osira 3pla ves isafufuki. Hibrun akamin, kamaghin amizir osizirir arazim, an akinafarir kamra itir pu. Puvati, a uaghan Onger Akaba 9, 10 ko 25 ko 34 ko 37 ko 111 ko 112 ko 119 ko 145, ko Dabiribir Aghuim sapta 31 a uaghan iti.

*Jerusalem osimtzir ekiam iti**

¹ Aio! Jerusalem, gumaka! A fomira gu-mazamizir avirim iti,
ezi gumaka, a datirighin bar puvati.
A fomira kantrin igharazibar tongin ziar ekiam iti,
ezi datirighin an osimtzir dafam iti,
mati amizim, an pam areme.
A fomira, mati atrivimin amuimin ikia,
egha nguibaba bar dagh atifa,
ezi datirighin apaniba bar an abirazima
a mati ingangarir amizir kinimin min iti. Gumaki!

² Bar fomira nguibar igharaziba an namakar aghuubar ike,
egha datirighin nguibatam osimtzir kamin aven an akuragha gavgavim a ganidir puvati.
An namakar kaba a gifaraghha
datirighin an apanibar otifi.
Kamaghin amizi, Jerusalemin datirighin dimagaribar puvirama azima,
an temeriba ira mamaghira iti.

³ Datirighin apaniba bar pazavira Judabagh amuava,
me inigha ghua kantrin igharazimin
me isava kalabus gati.
Me pura ingangarir gumazamizir
kinibar min me gamima me iti.

Apaniba an agintizima, ana aran iburazi me
an suirazi a iti.
Judaba datirighin kantrin igharazibar
tongin ikiava, deragh daperagh
avughsamin danganir aghuiba
puvati.
Bar puvati.

⁴ Ezi tuavir ekiar Saionin nguibar ekiamin zuim pura ikiava azia iti,
gumazamiziba uam a garui puvati.
Me Godin ziam famin isar ekiaba bagha
uari akuvamin dughiaba bagha a
garuir puvati.
Kamaghin amizi, Saionin zuir tuaviba
pura ikiava azia iti.
Nguiabar ekiamin itiar akaba pura iti.

Ezi ofa gamir gumaziba bar puviram
aziava naviba bar oseme,
mati gumazim mizazim basarsi.

* 1:: Sapta 1-5 Aruamin letaba Hibrun akamin poetrin arazim gin ghua an osiri, vesba bar moghira alfabetin letaba gin zuir osizirim iti.

Ezi Saionin amizir igiaba bar osimtzizir ekiam barasi.

Ezi Saionin nguibar ekiam uabi bar pazavira uabi barasi.

⁵ Faragha Jerusalemin apaniba a gatifa.

Egha apanir kaba nimira apiaghav ikia an apangkuvir puvati.

Me kamaghin fo,
Jerusalemia osimtzitam me danighan kogham.

Me fo, Jerusalemia bar arazir kurar aviribagh ami,
kamaghin amizima Ikiavira Itir God mizazir ekiar kam me ganingi.

Ezi an apaniba Jerusalemin boriba inigha ghua,
bar saghon me isava kalabus gati.

⁶ Guizbangira datirighin Saionin ziar ekiam irigha gifa,

mati atrivimin guivim uan diriba sue.

An gumazir dapaniba mitiriam men azima,
men gavgaviba bar gifa,
mati asizir dian atiaba mitiriam men azima, me grazibar amasa da buriava avenge.

Egha me bar amiaghha gavgaviba puvati.

Apaniba men agintizima, men agharanipa bar men amirazi,
me apanibar aran ibura.

⁷ Ghuezir dughiabar bizir aghuir faragha Jerusalemin ikezir kabang, da datirighin bar ikuvigha itima,

gumazamiziba anetegha tintinibar ghue.

Egha me datirighin bizir aghuir a fomira ikeziba bagha nighnisi.

Dughiar Jerusalemin apaniba an gumazamiziba isimin, igharaz darazi an akurazir puvati.

Egha apanir kaba an garima, a bar pazavira iri,
ezi me bar a dipova puvirama an ingaravati.

⁸⁻⁹ Igharazi darazi fomira Jerusalemin ziam fe.

Ezi an gumazamiziba bar arazir kurabagh ami,
egha bar mizegha, mati bizir kurir mamin min mughuasi.

Kamaghin amizi, igharaz darazi datirighin an garima a bibiamra itima,
me aghumsizir ekiam a ganidi.

Egha me bar an aghua.

Ezi Jerusalem mizazir dafam isava,
egha aghumsigha pamtem aziava uan guam modo.

Fomira an arazir kuraba bar azenimra iti,
mati amizimin korotiam bar mize.

Ezi a kamaghin nighnizir puvati, a ikuvigham.

Kamaghin amizi, a datirighin ikuvizzi,
gumazitam datirighin bar an apangkuvizir puvati.

Ezi a kamaghin migei,
“O Ikiavira Itir God, ni nan osimtzizir kamin gan.

Apaniba bar na abiragha gifa, ezi ki bar ikuifi.”

¹⁰ Kamaghin amizi, nok! Jerusalem, nin bizar bar aghuariba,
apaniba bar ada okeme.

Ikiavira Itir God faragha Akar Gavgavim aniga ghaze,
Kantrin Igharazibar Gumazamizir kaba, me Godin Dipenimin aven mangen kogham.

Kar Godin gumazamiziba uari akuvamin danganim.

Ezi men midorozir gumaziba datirighin aven izezi,
Jerusalemia bizar kurar kamin garima an oto.

¹¹ Mitiriam Jerusalemian gumazamizibar azima,
me bar pamten dagheba bagha rui.

Egha bar puvirama azi.
Me bar uan bizar aghuibara dagiaba bagha da amagava,
daghebagh izezava apava mong deragha iti.

Ezi Jerusalem kamaghin migei,
“O Ikiavira Itir God, ni kagh gan.
Me bar pazavira na gami.

¹² “Nan gumazamiziba fomira kamaghin mizazitam inizir puvati,
ezi marazi ghaze, kar pura bizim.

Jerusalem, gumazamizir an boroghin tuavimin aruubar dia ghaze,
Ia kagh gan, ki bar mizazir dafam ateri.
Ikiavira Itir God nan aningaghegha mizazir dafam na ganingi.”

¹³ “Nguiabar kam, ki Jerusalem, Ikiavira Itir God avim amadazima a izaghirava,
nan agharibar isiava nan gavgavim gamizi ki amira.

A iver mam gamigha pamten nan suira.
Egha na akunizima ki ghua akiribar moghin iri.

Egha na taghizima,
ki zurara bar pazavira uabi baraghada damaziba nan siri.

¹⁴ “Osimtzizir kaba, Ekiam bar da isafuragha da ikeghava nan firim gike.

Nan arazir kurabar osimtizir kaba bar ose-megha
nan gavgaviba bar ada gif.

Ezi Ekiam na isava apanibar agharim gatizi,
ki me ko misoghan kogham.

¹⁵ "Puvatigham.

Ekiam bar nan midorozir gumazir gavgaviba akirim ragha me gasara.

An apanibar midorozir gumazibar diazima,
me izava na ko misoghava nan gumazir igiaba bar pazavira me gami.

Ekiam Judan kantrin gumazamiziba bar
me dikava me righiriki,
mati gumazim wainin oviziba
mirmiramin dagiar miner bar
ekiamin, wainin oviziba dikava da
righiriki.

¹⁶ "Righirighizir bizir kam na gamizima nan
temeriba iri.

Ezi na ko osimtizir kamin ikiva gavgavim na daningamin gumaziba ua
puvati.

Apaniba bar na abiraghia givazi
nan boriba bar pazavira iti."

¹⁷ Saion uabin akurvaghosa uan agharim
amadima,

tav gavgavim a ganidir puvati.

Ezi Ikiavira Itir God an namakabar diazima,
me an apanibar otivigha tintiniabar
moghin izava a ko missosi.

Me an garima, a mati bizir mizirizir
mam.

¹⁸ Tuighsizir arazim, Ikiavira Itir God uabi
na tuisiki.

Ki Jerusalem, ki kamaghin migei, ki
uabi Ikiavira Itir Godin akaba batok,
kamaghin amizi, arazir na batozir
kam, a dera.

Ezi ia Kantrin Igharazibar Gumazamiziba,
ia deravira nan akar kam baragh.

Ia gari, ki mizazir ekiar kam isi.

Apaniba nan gumazir igiaba ko amizir
igiaba inigha ghua
nguubar bar saghon itimin me isava kalabus gati.

¹⁹ Ua tav nan akuraghan kogham.

Ki uabin akurvaghosa uan namakabar
dei.

Ezi puvati, me na gifara nan
apanim gami.

Nan ofa gamir gumaziba ko gumazir
dapaniba, mitiriam bar puvira men azima,

me damiva deragh ikiamin dagheba
buria, bar ingangarir dafam gami.

Ezi dagheba puvatizima
gumazir kaba bar moghira ariaghire.

²⁰ Vanginan kagh nan gan, O Ikiavira Itir
God!

Ki bar osimtizir dafam ikiava bar
pazavira iti.

Ki ubi ni baraghizir puvatigha nin akaba
bar da batoke,

kamagh amizi nan nighniziba bar ikufi.

Apainba nan tuavibar nan gumazamizibav
soghezi me ariaghire.

Ezi dipenibar itir gumazamiziba
uaghan ariaghire.

²¹⁻²² Zurara igharaz darazi nan mizazir
kamin azir akam barasi.

Egha tav tong gavgavim na ganidir pu
vati.

Nan apaniba uaghan ni na ganingizir
osimtizir kam baraki.

Egha me bizar ni na gamizir kam bagha
bar akonge.

Ni fomira fofozim na daningasava dughiar
kam ginaba,

ezi datirighin dughiar kam oto.

Ezi ki kamaghsua, ni na gamizi
moghira nan apanibar amigh.

Zurara ki mizazim isava arai.

Ni nan arazir kurabagh nighnigha
ivezir kuram na ganangi.

Ezi datirighin, ni nan arazir kurabagh
nighnigha, bar pazavira na gamizi
moghira,

ni dagh nighnigh nan apaniba kam
aghira men araziba ikaragh.

Ki mati amizim mizazim isava arai moghin
arai,

ezu nan navim bar ikuvigha, mati
amizim arimariar bar ekiam iti.

2

*Ikiavira Itir God bar pazavira Jerusalem
gami*

¹ Amel! Saionin nguabar ekiar aghuir kam,
noka!

Ekiam nin aningagheha mamaghira
iti,

ezu an aningagharim mati overiar
pizim nguazim avarazi mitatem
oto.

Fomira kantri Israelin, Jerusalemin nguabar
ekiam, an ganganim bar deragha an
ziam bar pin iti,
ezu datirighin Ekiam anekunigha
anebirazima, nguabar ekiar kam bar
ikuvigha iti.

Ezi Ekiam Jerusalem gasighasizir dughiam,
a uan Dipenir nguabar ekiamin itim
ginighnizir pu.

Puvati. A nguabar ekiam bar a
gasighasiki.

² Bar guizbangira, Ekiam Jekopin ovavir
boribar apangkuvizir puvatigha,

- bar men dipenibagh asighasiki.
A bar men aningaghegha
men nguabar ekiar gavgavir aghuarir
Judan kantrin aven itiba,
a tintinibar bar ada apiraghari.
- A kantri ko an itir gumazir dapaniba sara a
bar me abirazima
me bar aghumsiki.
- ³ Datirighin Ekiam bar aningaghegha Is-
raelian gavgavim gasighasighizi me
bar amira.
Ezi apaniba Israelia misoghasa izima a
men akurazir puvati. Bar puvati.
- A bar Jekopin ovavir borir kabar nguazim
gasighasiki,
mati avir bar ekiam isia biziba bar ada
agifa.
- ⁴ Egha a Saionin nguabar ekiamin apanim
gamigha,
an itir gumazamiziba, uan barir pimin
me gasasa men akuighav iti.
- A uabi uan gavgavimin Jerusalemin gu-
mazamizir e bar ifongeziba,
a bar me misuaghari.
- An aningagharim
mati avir fefem Jerusalemin nguabar
ekiamin isi.
- ⁵ Faragha Ekiam Israeliyan apanim gamigha
men kantri bar a gasighasiki.
A men nguabar ekiar gavgavibagh
asighasigha
egha uaghan men atrivibar dipenir
diriba tintinibar da apiraghari.
- Egha Judan adarasi, an osimtzir ekiaba me
ganidima me naviba bar osemegha
azia mamaghira iti.
- ⁶ Gumazim uan azenimin itir averpenim
apiriaghatisi moghin,
Ikiavira Itir God uan Dipenir me
a bagha ghua an ziam fem a
gasighasiki.
Egha arazir kamin, Ekiam,
me an ziam fer isar ekiabar dughiaba
ko, Sabatin dughiaba sara a bar da
gifa.
- Kamaghira, Jerusalemin itir gumazamiziba
ua isar ekiaba ko Sabatin dughiabar an
ziam fer puvati.
- Ekiam bar atriviba ko ofa gamir gumazibar
atingaghegha,
men ingangaribar me agifa.
- ⁷ Ghua tintinibar Godin Dipenimin
aven itir apanir kaba,
Ekiam uan Dipenim ko ofa gamir
dakozim isa men taki.
Egha apaniba ataghizi,
me Jerusalem ko an itir atrivibar
dipenir gavgaviba ini.
- Egha me an Dipenimin ikia niginir ekiam
gami,
mati Israelia fomira an Dipenimin
ikia isar ekiabagh amua an ziam fe
mokin.
- Kamaghira, Ekiam uabi,
bar uan ofa gamir dakozim ko an
Dipenim,
a bar akirim ragha aning
gasaraghaga gifa.
- ⁸ Ikiavira Itir God Saionin nguabar ekiar
aghuiinin divazir gavgavim akarasa
nighnisi.
A bar deravira an divazimin gara ane-
savsuisi,
egha mati dipenimin ababanim damuasa
benim inigha an ababanim gamigha
givagha,
bar a gasighasiki.
- A ingangarir kam damuasa iburaghburazir
puvati.
A bar divazir gavgavim akara a
gasighasiki, ezi da bar ikuvigha gifa.
Divazir kaba mati gumazamiziba
bar ikuvigha azia mamaghira iti.
- ⁹ Kar divazimin itiar akaba, God tintinibar
da akarizi, da vazim gireghav iti.
Egha itiar akaba asir tiar iguguniba an
ada apiraghari.
- Ezi da mizumzuiaribar otifi.
Egha da nguazimin irezima nguazir
mineziba ada avara.
- Ezi apaniba men atriviba ko gumazir da-
paniba inigha
kantrin igharazibar ghua kalabus
gariki.
- Ezi ofa gamir gumaziba ua deravira Godin
Akar Gavgaviba gumazamizibagh
eghari puvati.
Ezi Godin akam inigha izir gumaziba
ua irebabar min garir bizibar garir
puvatigha,
ua Ikiavira Itir God da migirigjaba
isir puvati.
- ¹⁰ Merara, Saionin gumazir aruaba, me
pura nguazim gapiaghav ikia
akabar kumigha nimira iti.
- Me osemegha nguazir mineziba uan da-
panibagh aghuigha
azir akar korotiar piziba aghui.
- Ezi Jerusalemin amizir igiaba bar ose-
megha
dapaniba avigha pura nguazimin gari.
- ¹¹ Nan navim bar osemezi,
ki bizir bar kurar Jerusalemin otiviz-
ibagh nighnigha azia,
kamaghira ikia ghua nan damaz-
imning na gami.

Ki uan gumazamizibar gari, me bar ikuvigha organarazibagh amua itima,
ki bar pazavira uabi basari.

Ki garima, borir iririviba ko borir igiaba
pura nguibar ekiamin tintinibar tu-
avir arizibar ariaghira irav iti,
kamaghin amizi, nan dighorim bar biki.

¹² Nguibar kamin itir borir kaba,
mitiriam ko dipam bagha mikirvagha
arava uan amebabar gari.

Me ghaze, Mamo, dagheba,
dagheba, mitiriam en azi.

Me pura tuavir arizibar ariaghira irav iti,
mati midorozir gumaziba midorozimin
aven ariaghira irav iti.

Ezi men amebaba men suigha itima
me men dafaribar ariaghire.

¹³ O, nan guivim Jerusalem, ki bar nin
apangkuifi.

Osimtzir ni inizir kam, nguibar eki-
atam a inizir puvati.

Ezi ki manmaghin garir migirigia tam
damuva
gavgavim nin navim daningam?

Nin osimtzizim, mati ni duar ekiam ati,
egha ongarimin min bar kone.

Ezi tinara ua ni damighti ni ua
ghuamaghegham?

¹⁴ Pura ni gifarir gumazir Godin akam
inigha iziba, me ni gifara ghaze,
me irebamin min garir bizibar gani.

Puvati, me bar ni gifara.

Me nin akuraghti ni deragh ikiasi,
nin arazir kurabar gun ni mikemezir
puvati.

Me Godin akamin gun migeir ingangarimin
abazim gami,
ezi men akaba ni gamizi, ni bar navim
girazir puvati.

¹⁵ Raghiraghha uan dapaniba roava ni
dipovava, atiniba muno kura iparov
amaga sighsirir akabar uariv gei
darasi,

kar Jerusalemin gumazamizir
nguibar ekiar kam garuiba, me nin
gari.

Egha me ifara digavir kuram gamua
dafariba nin akakagha arui.

Egha me kamaghin ni migia ghaze,
“Kar ti nguibar ekiar bar aghuir me
migiava ghufer kamnang, a?
Nguazir kamin itir gumazamiziba bar, me ti
bar a gifonge, a?
Ti bar puvati!”

¹⁶ Saghuiaba ko roghira itir nin apaniba bar,

nin aghuaghha akar bar kurabar ni
migia ni gasighasighasa.

Egha atariba kuskugha
iriviba tagharigha nin ingaravaka kam-
aghin migei,

“Bar guizbangira e Jerusalem gasighasigha
gifa.

Dughiar e migia Mizua itir kam a
datirighin otogha gifa.”

¹⁷ Tiziba Ikiavira Itir God fomira damuasa
nighnighizi moghin
a datirighin a gami.

A fomira kamaghin migia ghaze,
Israelia an akam batueghti, a bar me
gasighasigham.

O Jerusalem, a datirighin nin apangkuvir
puvati.

A nin apanibagh amizi me bar gavgav-
igha ni abiraghha gifa.

Ezi ni ikuvizi bizim bangin me bar akonge.
A me gamizi me gavgavir bar ekiam iti.

¹⁸ Uarir akurvaghisi uan navir averiabar
Ekiamin dimiva an azangsigh.
O Saion, noka!

Nin divazir mitiar gavgaviba uaghan,
arueba ko dimagaribar puviram
aziam,
eghti nin teriba iri mamaghira iki,
mati aperiam otogha ivemari.

Ni avughsan marki,
ni azi mamaghira iki.

¹⁹ Virara dafarimning feghiva,
dimagaribar dughiar aviribar Ekiamin
dim.

Ni pamtemin a ko mikimiva
an damazimin uan navir averiamin
aven itir osimtzizim ko nighnizimin
gun an mikim.

Nin boriba mitiriam bangin ariaghira
tintinibar nin tuavibagh irav iti.

Kamaghin amizi, Ikiavira Itir God nin
boribar apangkuvighisi,
ni uabin gun a mikim.

²⁰⁻²² Zurara Jerusalemia kamaghin migei,
“O Ikiavira Itir God, ni bizir kurar ni uan
adarazi gamizir kamin gan.

Amizir bar uan boribagh ifongeziba,
me datirighin uan boribar kuaba api.

Ezi apaniba nin Dipenimin aven ghuegha,
ofa gamir gumaziba ko nin akam inigha
izir gumazibav soghezi me ariaghire.

Apaniba uaghan nan amizir igiaba ko nan
gumazir igiaba afuzibar bar me
ginivizi,
me ariaghire.

O Ikiavira Itir God, ni bar nan gumazamizir kabar aningaghe,
egha ni tong men apangkuvir puvati.
Bar puvati.
Ni bar me misoghezi me ariaghire.
Zurara, ni bar nan aningaghegha tintinibar apanibar diazi,
me izava bar pazavira na gami.
Apanir bar aviriba ize, mati gumazamizir bar avirim isar ekiam gamir dughiamin otivi moghin,
otivigha dughiar kamin uari akufa.
Egha apaniba nan gumazamiziba bar me misoghezi me ariaghire,
ezi tav ua itir puvati.
Ki bar uan gumazamizibagh ifongegha deravira me gegrufi.
Ezi nan apaniba izava bar me agifa.”

3

Ki navim giragha, Ikiavira Itir God nan osimtiziba agivas, a mizuai

1-6* Aio! Ikiavira Itir God nan aningaghegha fofozim na ganangi,
ezi ki bar osimtizir ekiam ateri.
A na gamima ki bar tuavir mitatemin zui.
Ki bar angazangaritam itir puvatigha puram arui.
A dughiarbar zurara mizaziba nararam anidi.
A gumazir igharaziba kamaghin arazitam me gamizir puvati.
A na misogha, nan aghariba apiragharihizi, nan inivafizim bar amiraghha gavgaviba puvati.
An osimtizir igharaghha gariba na ganingizi da na okarigha mizazim na gasi mati ki kalabusin iti.
A na gamizi ki bar mitater ekiamin aven iti, mati gumazamiziba fomira ariaghiregha iti.

7-9 Bar guizbangira, a bar na okarizi, ki azenim giran ibura.
Mati me senin osimtizibar na ikezi ki kalabuziamin iti.
Ki zurara uabin akurvaghaha Ekiamin dei.
Ezi a tong bar kuarim atigha nan dimdiam barazir puvati.
Ezi ki mangasava amir danganiba, ana da piri.
Mati me dagiar dafaba nan tuavim apiri.

10-12 Datirighin Ekiam na gasighasighasa,

a mati asizir atiam asizir tam misuegh anemasava a bagha modogha gara iti.
Ekiam na gamizi ki uan tuavim ataghizi a na gasighasiki, mati asizir atiam asizir mamin agiraghha ghua a misuegha, a kurugha ghua bar an aneghoragh sue, ezi ki datirighin bar ikufi.
Ekiam uan barir pim dafagha na gasasa nan akuighav iti.
13-15 Egha a uan barir afuzibar nan navim gase, ezi an barir afuziba nan navim okoregha nan ovizimning miti.
Ezi nan gumazamiziba bar datirighin na dipovava dughiaha bar nan ingarov ati.
A bar osimtizir kurar aviriba na ganingizi ki bar izifa.
Mati gumazim na gaghora dipar pupvira misozim na ganingizi, ki a tuavarem.
16-18 Faragha a bar pazavira na gami.
A mati nan guam isava nguazim gasezi dagiaba nan atariba apiraghariki.
Egha a mati ki bar aghumsigha atatigha guagha uaghira averenimin modo.
Ki uam navir amirizim ko agaroger arazimin itir puvati.
Egha dabirabir aghuimin arazim gin amada.
Kamaghin amizi, ki ghaze, Ikiavira Itir God bizitam na daningen kogham, eghti ki dughiar ruarinin nguazir kamin ikeghan kogham.
19-21 Ganganihki uabin gara uabi ginighnizim, mati ki pura guraghav ikiava arui.
Egha ki uan osimtizir ekiabagh nighnisi.
Ezi bizir kam mizazir ekiam na ganingi, mati ki marasinin kuram ame.
Ki dughiarbar zurara bizir kabagh nighnigha, nan navim bar oseme.
Egha ki bizir igharazim ginighnisi, ezi bizir kam na gamima ki gavgavigha Ikiavira Itir God mizua iti, a nan akuragham.
Bizir kam a kamakin.
22-24 Ghuariaba zurara mizarazibar iri moghira,

* 3:1-6: Akinafarir kamin danganir mabar Jerusalem uabi akam akuri. Ezi saptan kamin, puvati. Gumazir akam akurir kam, a Israelian gumazim, ana osimtizir a bativiziba ko osimtizir Israelian igharaz darazi bativizibar gun mikimasa.
3:13-15: Jop 30:9; Onger Akaba 69:12; Jeremaija 20:7 3:22-24: Ua Me Ini 34:6; Onger Akaba 119:57; Jeremaija 10:16; Sefanaia 3:5

Ikiavira Itir God, nin apangkuvir arazir kam, zurara e ko iti.
 Ikiavira Itir God zurara en apangkuva, uan navim isa bar e ganigavira iti.
 Ezi an arazir kam a givaghan kogham.
 Kamaghin amizi, e fo, e bar ikuvizir puvati.
 Ezi an apangkuvir kam, dughiabar zurara otivavira iti.
 O God, nin arazir kam, a bar deragha mamaghira iti.
 Ki ghaze, ki bizir igharazibagh nighnighan kogham.
 Bar guizbangira, Ikiavira Itir God uabira, a nan Akurvazim.
 Ezi a nan akuraghaha ki gavgavigha a mizua iti.

25-27 Ia gumazamizir Ikiavira Itir God buria, egħa uarir akuraghaha a mizua itiba, a deraghavira ita gami.
 Kamaghin ti deragħam, gumazamiziba nimira ikiva
 Ikiavira Itir God mizuamt, a ua me iniam.
 Egh uaghan kamaghin ti dera, gumazamiziba uan igiabara osimtiziba ater, egh nimira iki.

28-30 Kamaghin amizi, Ekiam osimtizitam gumazitam daningighti, gumazir kam danganitamin mangi uabira nimira iki.
 Gumazitam uabi abiragh nimira iki ganti, Ekiam ua an akuragħam.
 Eighti gumaziba a misoghiva dibovir akaba ko adarir kurabar a damuti, a pura uabi isiva men teghti, me mar a damu.

31-33 Marki, Ekiam zurara akirim ragħ e gasan kogħam.
 A osimtiziba isava gumazamizibagh anigava, egħa a gin ua men apangkufi.
 Guizbangira, a Godin puvira gumazamizibar apangkuvim.
 A uaghan mizaziba ko osimtiziba me daningasa ifongeżiż puvati.

34-36 Ni ge! Ekiam bar arazir kurar kabar aghħua:
 Arazir gumaziba pazava kalabuziar gu-mazibagh amua me dikabiriba, ko arazir gumaziba kotiamin gumazibagh ifara me dikabiriba,

3:25-27: Onger Akaba 33:18; Aisaia 30:18; Maika 7:7

Akaba 78:38; 94:14; 106:43-45; Esekiel 33:11; Hosea 11:8; Hibru 12:10; Hibrun akamin kamaghin migei, "God amamangatighan kogħi, gumazitam bixitam damighti ana otogħan kogħam." † 3:37-39: Gumazir maba, vezin kamin kamaghin migei, Hibrun akam ghaze, "Gumazim arazir kuram damighti, God iverżiż kuram a daningighti, a imoman marki." 3:40-42: Onger Akaba 119:59; 139:23; 2 Korin 13:5 3:43-45: Onger Akaba 97:2; Azir Akam 2:1; Sekaraia 7:13

ko Godin Bar Pin Itimin damazimin, gu-mazir maba guizin arazibar amuan men anogorosi.

Guizin arazir kaba, kar God damuasava e mikemezir araziba.

37-39 Nguazimin gumazir manamra mikemegħti, biziba otivam? Ua gumaziba puvati, Ekiam ubira nighnigh mikemegħti, biziba otivam.†

Godin Bar Pin Itim migeima, bizir aghuiba ko bizir kuraba otifi.

Eighti gumazitam tizim bagħ, uan arazir kuram bangin iverżiż kurar a inizim bagħ imomam?‡

40-42 Oraghiva arazir aghuiba amuva, e bar deravira uan araziba ko uan daroriba tuisigham.

Egh e uan arazir kurāba ategħiva uamatiegħi Ikiavira Itir God bagħ izam. Egh e Godin Uan Nguibamin Itim ko mikimxi, e pura aghariba fan kogħam.

E bar guizbangira uan navbar God ko mikimiva kamaghin mikimam,

"E ni barazi puvatiga arazir kuram gami, ezi ni en arazir kuraba gin amadazir puvati."

43-45 Puvati. Ni en agiraghha en misoghezi e ariaghire.

Nin aningagħarim e avara, egħa ni bar en apangkuvir puvati.

Ni en aningagħeqha uan kuarimning migoro.

Mati ni overiamin itir ghuardiar bar pizir mitiamin uabi avarazi, en migħriġiaba mavanang ni batvan ibura.

Ni bar e abirazima, igharaz darazi ghaze e bar mizegħa, mati pura dagħariba adiżiż bizim.

46-48 Rogħira itir apaniba bar, en aghuagħha akar bar kurabar e migia e gasighasighħa.

Ezi bizir otti kaba bar e gamizima, e mati mozim giraghuezi mogħin attiġha iti.

E bar ikuvigha iti.

Ki uan gumazamizibar garima, me bar on-ganir arazibagh amua itima,

3:28-30: Aisaia 50:6; Matu 5:39 3:31-33: Onger

† 3:37-39: Gumazir maba ghaze, vezin kam, Hibrun akamin kamaghin migei, "God amamangatighan kogħi, gumazitam bixitam damighti ana otogħan kogħam."

ki me bagha azia teriba ira,
mati faner ekiam ivemari moghin,
ivemara kamaghira iti.

49-51 Saghon mar ikegha izi, ki uan azir
akam agivaghan kogham.
Kamaghin amizi, nan temeriba iri kam-
aghira ikiam.

Ki azi kamaghira iki mangi, Ikiavira Itir
Godin Uan Nguibamin Itim beragh
vanganan deraghvira nan ganiva na
ginighnigham.

Ki uan ngulbar ekiamin itir amizir igiabar
garima,
me bar dughiar kuram isima, nan
navim bar oseme.

52-54 Tav tong bizar mingarir tam nan itir
puvati.
Me pura nan apanim gamua na buria
na misueghti ki aremeghaha.
Egha mati gumazim kuarazimin
agintizi moghin nan agintisi.

Egha mati me angamira na fegha mozim
mikini,
egh dagiaba na mikinighti ki are-
meghaha.

Ezi mati dipar dafam na avarazi,
ki ghaze, ki aremegham.

55-57 Uan kuarimning dukuman marki! O
Ikiavira Itir God, ga uaning!
Ni nan azir akam baragh,

ki mati gumazim mozir bar
konimin iti moghin ikia nin
ziamin dei.

Egha bar pazavira ikiava uabin akur-
vaghsha nin dei.

O Ekiam!

Ki kamaghin nin dei, ezi ni nan dimdiar kam
baraki.

Ki nin deir dughiamin, ni nan boroghin
izava kamaghin na migei,
“Ni atiatingan marki.”

58-63 Vezir bar kuram, ki a ini. O Ekiam, ni
nan akuragh apaniba abira.
Ni ua na inizi ki deragha iti.

O Ikiavira Itir God, ni jasin min nan garima,
gumazir kaba arazir kurar aviribar
na gami.

Ga uaning! Ni tong nan akuragh arazir
aghuiabar na damu.

Ekiam, ni fo, me nan apanim gamua na
dipova kamaghira iti.

Me arazir kurabar na damuasa
nighnigha migirigiar kurabar na
gami.

Me zurara dughiabar sighsizir akaba ko
imobir akabar na gamua,

egha na misoghsha na bagha tuaviba
buria akabav sosi.

Ni ganam, me managh dapiaghiv ikiam, o
me dikavigh managh mangam,
me dughiabar zurara na dighora
dibovir onger akabagh ami.

64-66 Zuamira! O Ikiavira Itir God, ni men
arazir kabagh nighnighiva,
me ikaragh arazir kabara ua me
daniel.

Ni osimtzir kurabar men navibar aning,
organium men nighnizibar aningigh.
Ni ivezir kuram men daningiva bar me
gasighasikigh.

Ni men aningaghegh asizibar min men
agintigh bar me misogh me agifagh,
eghti men tav tong Ikiavira Itir Godin
overiamin apengan itir nguazir kam
uam an ikan bar marki.

4

*Jerusalemian apaniba me misozir
dughiamin Jerusalemia bar dughiar kuram
ini*

1-2 Aio! Saionin gumazamiziba, mevzika,
me bar ikuvigha iti.

Me fomira mati golin dagiar bar pin kozimin
min taghtaghha bar dera.

Ezi me datirighin bar mighovegha, ua
dagiar bar pin kozimin min taghtazir
puvati.

Fomira Ekiamin gumazamizir kaba mati,
Godin Dipenimin itir dagiar bar pin
kozir bar aghuibar min iti.

Me datirighin bar tegha, mati dagiaba
misaraghira tintinibar nguubar
ekiamin tuavibagh ire.

Gumazamizir igiar kaba datirighin ua ziaba
puvati.

Me datirighin mati nguazir miner
ghurir, gumaziba ingarizibar min
gari.

3 Boribara, nan gumazamiziba deravira
uan boribar garir puvati.

E gari, afiar atiar amebaba oteba uan
nguzibagh arisi.

E fo, afiar atiaba derazir puvati.

Ezi nan gumazamiziba afiar atiabar
min arazir aghuim gamir pu. Puvati.

Me mati, ponebar min danganir
dakirtizimin arazir kurabagh amua
iti.

Me deragha uan boribagh amir pu. Pu-
vati.

Me bar akirim ragha me gasara.

4 Daghem bagha pura tintinibar aruava, gu-
mazamizibar azangsizir boriba,

tav daghetam me ganingizir puvati.
 Ezi borir aghegheviba otem bagha
 kuariba men piri.

⁵ Ezi fomira dagher bar aghuir aviriba iti
 darasi,
 me datirighin dagheba puvatigha
 daghem bangin ariaghiri.
 Ezi men kuaba pura nguibar
 ekiamin tuavibar irav iti.

Me fomira bar bizar aviriba ikia dar kurka
 iti.

Me datirighin bar biziha puvatigha on-
 ganarazibagh amua ikia,
 egha bizar kuraba makurir dan-
 ganibar damasa dagheba buri.

⁶ Faraghavira, Ekiam Sodom gasighasizir
 dughiamin, a bar zuamira a
 gasighasiki.

Ezi nan adarazi Jerusalemia,
 men arazir kuraba bar Sodomin
 gumazamizibar arazir kurabagh
 afira.

Kamaghin amizima, Ekiam bar pazavira
 Jerusalemia gami.

Ezi apaniba bar pazavira Jerusalemia
 gamizi moghin,
 pazavira Sodomia gamizir puvati.

⁷ Gumazir dapaniba fomira bar deravira
 ikia men mikarziba bar dera.

Me bar gumazir gavgaviba,
 mikarziba bar zuegha dafogha,
 mati dagiar pin kozibar min tagh-
 tasi.

⁸ Ghuezir dughiabar men mikarziba
 bar dera,
 ezi datirighin men mikarziba
 pighatomegha bar ikuvigha mighofe.

Egha me tuavibar aruir dughiabar, gu-
 mazamiziba deragha men gara me
 gifozir puvati.

Me bar aghariba gunigha men
 mikarziba bar misingi.

⁹ Ia gumazir faragha midorozimin aven
 oveaghuezibagh fo,
 me bar dera, me angavsgighin faragha
 ovegha ghue.

Ezi gin ariaghirezir darazi dughiar ru-
 arimin daghem bagha amua,
 mitiriar misazir ekiaba isa ghua, bar
 aghariba guigha gin ariaghire.

¹⁰ Kar borir ariaghiribar kuaba, mevzika.
 Men amebaba fomira bar uan boribar
 apangkufi.

Ezi boriba ariaghirezi,

amebabu uari uan boribar kuaba
 avigha da api.

Apaniba iza nan gumazamizibav sozir
 dughiamin,
 arazir kam oto.

¹¹ Maia! Ikiavira Itir God bar Saionin
 aningaghe,
 egħa uan aningagħarim a ginge.

A Saionin nguibar ekiam avimin a gaborozi,
 a bar isi.

¹² Nighniz atriviba ko nguibar iħarazibar
 gumazamizibar itim,
 me ghaze,
 apaniba ti Jerusalem abiragh
 an tiar akaba akarigh, nguibar
 ekiamin aven mangeghan
 kogħam.

¹³ Nguibar ekiamin itir ofa gamir gu-
 maziba ko, akam inigha izir gumaz-
 iba uari arazir kuram gamua,
 Jerusalemin gumazamizir aghuibav
 sogħezi, me ariaghire.

Kamaghin amizi, God apaniba ataghizima,
 me bar Jerusalem gasighasiki.

¹⁴ Ofa gamir gumaziba ko akam inigha izir
 gumaziba, gumazamizir ariaghirezir
 kabar ghuziba men korotiabar
 puegħa,
 bar Godin damazimin mize.

Ezi me bar osimtizir dafam iti.

Kamaghin amizi, ofa gamir gumaziba ko
 akam inigha izir gumaziba,
 datirighin onganigha pura tintinbar
 tuavibagh arui.

Ezi gumazamiziba men borogħin
 mangan aghħua.

¹⁵ Pamtemin, gumazamiziba kamaghin
 men dia ghaze,
 "Ia e gitagh.

Ia Godin damazimin mize,
 ia en borogħin ikian marki.
 Ia kamatigh, en kantrin ikian
 marki."

Kamaghin amizi, ofa gamir gumaziba ko
 akam inigha izir gumaziba,
 ara ghua tintinbar kantrin iħarazibar
 aghunabbar min guav iti.

Ezi Kantrin Iħarazibar Gumaza-
 miziba uaghan me batogħa
 ghaze, ia bar e gitagh.

¹⁶ Rogħiġi kagh me ikian kogħam, Ikiavira
 Itir God uabi me amadazima,
 me tintinbar mar ghuezi, a ua me
 ginighniz puvati.

Guizbangira, ofa gamir gumaziba ko gu-mazir dapaniba,
ua gumazamizibar damazimin ua zi-abu puvati.

¹⁷ Saghon mar, e pura gumazir izi uamategh en akurvaghambiba bagha gara iti.
E pura tuavir akabar gara ghua damaziba e gami.

Egha e pura gara me mizua itima, me tong izir puvati.
Kantrin igharazitam tong en akuraghan kogham.

¹⁸ Tuaviba bar, apaniba e gasighasighasa en daroribar aravima, e ua daruan atiatingi.

E bar givamin dughiam roghira ize.
Me en dughiaba dibori, en dughiar abuananam izegha gifa.

¹⁹ Uaghan e ara zuima, en apaniba en agintisi.
Me bar zuamira ivegha izava e ekiaru, mati kuarazir bagam overiamin ikegha izaghira asizimin suighasa.

Me mighsiabar en agintigha zui.
Men marazi danganir dakirtizimin, e bagha mongegha gara ikia en suiki.

²⁰ Vaghvagh kamaghin fogh, atrivir Ikiavira Itir God inabazir kam, a en ganti e an apengan ikiva, en dabirabim deraghti e kantrin igharazibar min deravira ikiam.
A uaghan e ko ikia e gehguva en akurvaghha, en gara itir gumazim.
Ezi puvati. Me uan mozir azuazimin an suira.

²¹⁻²² Zuamira! Idomin gumazamizir Usin nguazimin itiba, ia datirighin dibovir akabar amu bar akongegh suam, Saionin nguibar ekiam datirighin bar ikufi.

Ia ganti, Ekiamin aningagharim mati wainin dipar organimin kap, an a sisiva Saionin gumazamizibar aningti me anemam.

A uaghan a sis ia daningam, eghiti ia uaghan organigh puvira mizebav kimam.
Mati ia uan mikarzibar korotiaba suegh bar aghumsigham.

Zurara, ia Saionin gumazamiziba, ia arazir kurabagh ami.
Ezi datirighin Ekiam ian arazir kuraba ikarvaghha mizazim ia gasegha gifa.

Kamaghin amizi, kalabuziar ian gumazamiziba ikezim, datirighin gifa, eghiti ia deraghvira ikiam.

Ezi Idom, Ekiam nin arazir kuraba aghurigh azenim datigh, mizazim ni daningichti ni fogham, kar nin arazir kurabar iveauzim.

5

Jerusalemia uarir apangkuvighasa Ikiavira Itir Godin azai

¹ Aio! Ikiavira Itir God, bizir e bativiziba ni adagh nighnigh, en apangkufigh.

Ni kagh en gan.
E bar pazavira ikia
egha gumazamizir igharazibar damazimin bar aghumsiki.

² Bar guizbangira, en nguazim kantrin igharazimin gumazamizibar dafarimin iti.
Ezi me en dipenibar iti.

³ Dughiar e itir kam,
e mati afeziaba puvatigha borir asaghazazibar min iti.
Egha e bar pura iti,
mati amizir odiarir paba ariaghireziba.

⁴ E fomira daziba ko dipaba pura da isi, ezi datirighin e dagiar ekiabar iveauza, daziba ko dipaba isi.

⁵ Faragha iza datirighin, apaniba bar e abiragha mamaghira itima, e bar amira.
Me tong e ataghizima, e avughsir puvati.*

⁶ Gatirighin e dagheba puvatigha, Isipia ko Asiriabar apengan ikia men azangsizima, me dagheba amadima e dagh ivesi.†

⁷ Ghuezir inazir afeziar kaba arazir kuram gamigha, oveaghue.
Ezi e datirighin men osimtzimin iveauzir kuram isi.

⁸ Ia Babilonian ingangarir gumazir kiniba e gativaghha en gari, ezi gumazir me dama e iniamba puvati.

⁹ Kar gumazir e gasighasighamiba tintinibar en kantrin iti.
E dagheba burir dughiarbar,

* 5:5: Hibrun akamin me kagh deragha akam abighizir puvati. † 5:6: Gumazir maba ghaze, vezin kam, Hibrun akamin kamaghin migei, "E fomira Isipia ko Asiria en akurvaghisa me ko akam akiri."

okimakiar gumazir kaba, e misoghti e
arimighiras
me en tuaviba asia iti.

¹⁰ Mitriar avir mizazir igharaziba en azi.
Ezi en mikarziba fei, mati avim isi.

¹¹ Nan apaniba en amuiba ko guivir igiar
Saion ko Judan nguibar ekiamin
itiba,
pura men suighava arazir kurabar me
gami.

¹² Nguibar kamin gumazir dapaniba,
apaniba me inigha benibar men
firiba dafegha me gui.
Egha en gumazir aruaba, me arazir
aghuitamin me gamir puvati.

¹³ Otarir igiaba me puvira me abirima
me pura witin oviziba mirmira,
dazir ikizir osimtzir bar dafaba at-
eragha arui.

¹⁴ Puvati. Gumazir aseba datirighin ua
nguibar ekiamin tiar akamin apia
titir puvati.
Ezi gumazir igiaba ua marvibagh ivia
dibiaribav sozi puvati.

¹⁵ Roghira roghira, en agoroger en navibar
itiba gifa.
Eighiabagh amir arazir kam e ataghizi,
e datirighin azir akamrama amua iti.

¹⁶ Saion, en ziar ekiam iraghugha gifa.
E uari arazir kuram gamigha,
arazir kurar kam bangin,
e datirighin bar tegha gifa.
Evzika!

¹⁷⁻¹⁸ Tina en akuraghram, e ghaze Saionin
Mighsiam bar ikuvigha givagha,
afiar atiabar nguibamin min oto.
Ezi e a bagha arei moghin uari baragha
aziaviria itima,
en damaziba e gami.

¹⁹ Uaghan ni, Ikiavira Itir God,
ni Atrivir ikia mamaghira itim.
En ovavir boriba uaghan zurara nin apen-
gan iki,
mamaghira ikiam.

²⁰ Vanginan kagh en gan,
ni tizim bagha zurara e bakinighinigha
akirim ragha e gasara?

²¹⁻²² Zurara ni ko ikiamin arazim,
ni ua e damut e an gin mangam.

O Ikiavira Itir God, ni akirim ragha bar e
gasaragha bar en aningaghe.
Ni ti bar e gin amadaghiam, o?

E ua ni bagh izasa.
E ghaze, ni faragha deragha e
gamizima, e deragha ikezi moghin,
ni kamaghira ua e damu.

Godin Akam Inigha Izir Gumazim Esekielin Akinafarim O Esekiel Akar faragha zuim

Esekiel, a Godin ofa gamir gumazir mam, a uaghan akam inigha izir gumazim. A gumazamizir apaniba inigha ghua Babilonin kalabus gatiziba, a men tongin ikia, bizir gin otivambar gun gumazamizir bizar pumuning virara me migei. Gumazamizir maba Esekiel ko Babilonin iti, ezi gumazamizir maba Jerusalemra iti.

Akinafarimin aven danganir mabar Esekiel, Ikiavira Itir God pazavira Judabar amuamin ikiangsizir Akar Gavgavibar me migei. Egha danganir mabar a ghaze, God gumazir Judabagh asighasighiziba, men araziba tuisigh osimtzir ekiam me daningam. Egha akar otevir igharazibar, Esekiel kamaghin migia ghaze, God gumazamizibar amighti me navir amirizimin ikiam. A ghaze, God dughiar aghuim damighti a gin otivam. Eighti Isrelia ua uan kantri damighti a ua tughit, me ua God bagh Dipenir igiamin ingaram.

Ezi Judan gumazamizir Babilonin itiba, me nighnizir aviribagh ami. Me ua Godin nguibar ekiamin itir puvatigha, Godin Dipenimin saghon iti. Kamaghin amizi, me fozir puvati, God me ko ikiavira iti, o ti puvati? Ezi Esekiel Godin akabar me migia, men nighnizibar amighti da gavgavichti me kamaghin fogham, God me ko ikiavira iti. Egha arazir aghuibar amuasa vaghvaghya gumazamizibar naviba fer akabar me migei.

Dughiar aviribar God irebabar min garir biziбар migirigiabar Esekiel migei. Ezi Esekiel bizi a garir kabagh eghari. An migirigiар kabar mingariba dughiar mabar azenara iti e daghi fogha da baraghassa ifonge. Ezi migirigiар mabar mingariba mongezi, e deragh dar mingaribagh fo-foghass divaghdivasi.

God akam inigha izir ingangarim Esekiel ganingi

(Sapta 1-3)

Esekiel Godin atrivir dabirabimin gari

¹ Ki Esekiel, ki Judabar tongin Babilon Kantrin aven Kebarin Fanemin boroghin iti. Babilonia faragha e inigha iza kalabus gatizi, e danganir kamin iti. Ezi

azenir namba 30, an iakinir namba 4, egha an aruer namba 5, ki irebamin min garir bizimin garima, overiam kuiaghiri, ki Godin gari. ² Babilonia atrivim Jehoiakin Jerusalemin a inigha Babilon kantrin ghuzi, azenir 5pla givazi, gin, bizi kaba otifi. ³ Ki Esekiel, Godin ofa gamir gumazim Busin otarim. Ki kantri Babilonin Kebarin Faner miriamin ikia, Ikiavira Itir God barazi, a na migeima an gavgavim iza na avara.

⁴ Ezi ki kogha, notin amadaghan pin garima, Ame! Aminir ekiam miturir ekiar mitiam sara iza. Ezi onimariiba miturir mitiar kamin aven taghtazima, an angazangarim avimin min bariba sigha ghuavira iti. Ezi avir kamin tongin bizi mam brasin min angazangarigha taghtasi. ⁵ Ezi miturir mitiar ekiar kamin tongin ki gari, bizi angamira itir 4pla iti. Dar namnaba, gumazim min namnamin min gari. ⁶ Egha da vaghvaghya 4plan guaba ikiava 4plan aviziba iti. ⁷ Dar sueba gumazamizibar suebar min minaghire, ezi dar dagarir oniba mati bulmakaun dagarir beraba. Dar dagariba ko dagarir beraba, mati me bras dagh aghuizi, da taghtasi. ⁸ Ezi dar namnabar miriar 4pla vaghvaghya aviziba iti. Egha 4plan avizibar apengan da vaghvaghya gumazamizibar dafaribar min dafariba iti. Ezi dar aviziba ko guaba kamaghin iti. ⁹ Ezi bizi angamira itir 4plan kaba, vaghvaghya uan aviziba kuizi dar avizir suiaba uarir suigha, mati boksiam 4plan ruaghateviba iti. Egha da zuir dughiabar, da kamaghira ikia uari inigha zui, egha namnaba ighaghira tintinibar zuir puvati.

¹⁰ Egha bizi angamira itir 4plan kaba, da vaghvaghya 4plan guaba iti. Gumazir guam faragha iti, ezi laionin guam agharir guyimin itima, bulmakaun guam agharir kiriamin iti, ezi kuarazir bagamin guam, girakirangin iti. ¹¹ Bizi angamira itir kaba uan aviziba kuizima dar avizir suiaba uarigh infi, ezi dar avizir igharaziba, me dar uan namnaba ave. ¹² Ezi bizi angamira itir kaba vaghvaghya Godin Duamin gin bighatighavira zui. Egha uan namnaba ighaghira tintinibar zuir puvati.

¹³ Ki bizi angamira itibar tongin gari, mati adenir avim isia, bizi angamira itir kabar tongin ghua ua iza. Ezi avimin angazangarim bar gavgavigha onimarin min taghtagha tintinibar zui. ¹⁴ Ezi bizi angamira itir kaba, mati onimarin taghtasi, ezi da mangi zegh gami.

¹⁵ Ki bizi angamira itir kabar gari, da vaghvaghya dar boroghin, wilin mam nguazim gisirara iti. Egha da vaghvaghya wilin vamira vamira iti. ¹⁶ Ezi wilin kaba

magh gari, da vaghvaghag iangurir pin kozibar min taghtasi. Egha uaghan da vaghvaghag dar aven wilin ighazariz mam ua vaghvaghag wilin kabar aven dagh ighuvaghag iti. ¹⁷ Ezi wilin kaba managh mangisi pura bighiratig mangi ua ighighiran kogham. ¹⁸ Wilin kabar rimba ekevezi dar tuiriviba pin iti, ezi ganamini damaziba bar wilin kaba noegha iti. Ezi ki dar gara bar atiatingi. ¹⁹ Bizar angamira itir kaba sivaghsvagh mangiti, wilin kaba uaghan mangam. Eghzi bizar kaba nguazim ategh pin ghuavanangti, wilin kaba uaghan ghuavanangam. ²⁰ Godin Duam managh zui, ezi bizar angamira itir kaba uaghan zuima, wilin kaba uaghan da ko zui. Bizar angamira itir kabar duam, wilin kabagh apazagha iti, kamaghin amizi, da bar uari inigha virara zui. ²¹ Bizar angamira itir kabar duam wilbagh apazagha iti. Kamaghin amizi, bizar angamira itir kaba mangiti wilba uaghan mangam. Eghzi da tuivighthi, wilba tuivigham. Eghzi bizar angamira itir kaba nguazim ategh ghuavanangti, wilba nguazim ategh ghuavanangam.

²² Ezi ki bizar angamira itir kabar dapanibagh isin gari, bizar mam mati itarir bar dafam fuaghav iti. Egha a glaslin aghuir mamin min bizar angamira itir kabar dapanibagh isin onegha taghtasi. ²³ Bizar angamira itir kaba itarir dafamin min garir bizar kamin apengan ikia, uan aviziba kua uarir amangizi, dar suiaba uarir suis. Ezi dar avizir ighazarit purnung vaghvaghag dar namnava ave. ²⁴ Egha da migha zuima, ki dar avizibar niginim barazima, mati ongarim dipira tingazi, egha mati midorozir gumazir okuruar gavgavir mam misoghasa zui, egha mati Godin Gavgaviba Bar Itimin tiarim, ararimin min dagarvasi. Egha da mighegha ghua tuivigha, uan avizibar kumi. ²⁵ Ki orazima, gumazimin tiarim, bizar angamira itir kabar dapanibagh isin itir itarir ekiar fuaghav itimin ikegha izi. Ezi bizar angamira itir kaba tuivigha uan avizibar kumi.

²⁶ Ezi itarir ekiar kam gisin mati atrivir dabirabir me dagiar bar gavgavir bluplan ingarizim, ezi atrivir dabirabim gisin, mati gumazim a gaperaghav iti. ²⁷ Ezi ki gu-mazir kamin gari, an ivariamin ikegha uanadi, a brasin min angazangarigha taghtasi. Ezi an angazangarim avimin min bar ekefe. Egha an ivariamin ikegha uaghiri, ki gari, mati avim isia bar ekevegha bar an okari. ²⁸ Ezi angazangarir kam, ekianimin min overiamin ikia dirir aghuiba an iti.

Angazangarir ki gari kam, kar Ikiavira Itir Godin angazangarir gavgavim a izi.

Ezi ki an ganigha, irigha uan guam isa nguazim gatigha orazima, migirigiam kamaghin na bagha izi.

2

God, akam inigha izir gumazimin ingangarim damuasa Esekiel amisefe

¹ Ezi tiarir kam kamaghin na migia ghaze, “O nguazir kamin gumazim, ni dikavigh tughti, ki ni mikimasa.” ² God na migiavira itima, an Duam na bagha iza nan aven ghua, na fezi ki dikavigha tu. Egha ki God barazima, a ua kamaghin na migia ghaze. ³ “O nguazir kamin gumazim, ki datirighin Israelia bagha ni amadi. Me gu-mazamizir akaba barazir puvatiziba, me nan akam batoke. Me uan inazir afeziabar min akaba batogha, akiribagh igha na gasi, mati men inazir afeziuba fomira amizi mokin. ⁴ Men naviba gavgavizi me nan akam barazir puvati. Ezi ki ni amadaghti, ni me bagh mangi kamaghin me mikim suam, ‘Kar Ikiavira Itir Godin Ekiam, ia bagha akar kam amada.’ ⁵ Eghzi e pura ganam, gumazamizir kaba ti nin akam baregham, o an aghuaghram. Bar guizbangira, kar gu-mazamizir akaba barazir puvatiziba. Egh me kamaghin fogham, Godin akam inigha izir gumazir mam me ko iti.

⁶ “Ezi nguazir kamin gumazim, ni men migirigiar me ni gamibar atiatingan marki. Me nin akaba dikabiragh ni abinam, mati ni benir ataghataribar torimin iti moghin ikiam. Egh uaghan mati ni tuighakabagh isin aperaghav iti. Eghzi ni gavgafigh. Me akaba batozir adarasi. Kamaghin amizi, ni men akabar atiatingan marki. ⁷ Ni fo, kar akaba batozir adarasi. Me ni baraghram, o ti puvatigham, ni pura nan akabar me mikim mangivira iki.

⁸ “Nguazir kamin gumazim, nirara, akar ki ni migeiba, ni deragh da baragh. Egh gu-mazamizir akaba batozir kabar min akaba batoghan marki. Ni uan akam akarigh bizar ki ni daningamim ami.”

⁹ Ezi ki garima, Ame! Dafarir mam miniaghvirigha na bagha izi, ezi akinafarir righizim an iti. ¹⁰ Ezi God akinafarir righizir kam nan damazimin an onezi, ki garima, tuater arareba ko, azirakar ighiaba ko, gu-mazamiziba osimitziba itir akaba, me da osirizi, da vong ko vong sara iti.

3

¹ Ezi God kamaghin na migei, “O nguazir kamin gumazim, ni akinafarir righizir

kam amegh givagh, egh mangi Israeliyan adaraziv kim.² Ezi ki uan akam akarizima, an akinafarir righizir kam amasa a isa nan akam garu. ³ Egha a kamaghin na migei, "Nguazir kamin gumazim, ni akinafarir righizir kam amiti, nin navim bar izifagh." Ezi ki anepima, a nan akamin ikia, hanin min isingi.

⁴ Ezi God kamaghin na migia ghaze, "O nguazir kamin gumazim, ni Israeliyan adarazi bagh mangiva, ki ni mikemezir akabar me mikim. ⁵ Ki Kantrin Igharazibar Gumazamizir akar igharazibav geiba bagha ni amadir puvati. Ki Israeliyan adarazi baghavira ni amadi. ⁶ Ki Kantrin Igharazibar Gumazamizir avirir, uan akabav kimti ni foghan koghamiba bagha ni amadir puvati. Ezi kamaghin ti deragham, ki kantrin igharazir kaba bagh ni amadaghti, me nin akaba baragh dar gin mangam. ⁷ Israeliyan adarasi, me oraghian aghuaghram. Me bar moghira akaba barazir puvatigha naviba bar gavgafi. Kamaghin amizi, men tav tong bar ni migeir akatam bareghan kogham.

⁸ "Ni oragh! Men nighniziba gavgavizi moghin, ki nin nighnizim damichti a gavgavigham. Ezi men naviba gavgavizi moghin, ki datirighin nin navim damichti a men damazibar gavgavigham. ⁹ Ki nin nighnizim damichti ni daimonin dagiamin min gavgavigham. Eghit ni men ganganibar ganiva digavir kuram damu men atiatingan marki. Me bar akaba batozir adarasi."

¹⁰ Egha God ua kamagh na migia ghaze, "Nguazir kamin gumazim, ni deraviram migirigar ki ni mikimamin kaba uan kuarir torimningda baregh, da isi uan navim datigh dagh nighnighvira iki. ¹¹ Nin gu-mazamiziba iza Babilonin kalabusin iti, ni me bagh mangi me mikim suam, Ikiavira Itir Godin Ekiam, ia mikimasa na mikemezi biziba ki ia migei. Eghit me uari, me ni baraghom, o puvatigham."

¹² Ezi Godin Duam na fezi, Ikiavira Itir Godin angazangarir gavgavim uan danganimin ikegha izima, ki uabin girakirangin niginir dafam barasi. ¹³ Ezi niginir dafar izir kam, kar 4plan angamira itir bizir kaba uan aviziba kuizi dar avizir suiaba uarir suigha uanaga izaghiri, ki dar niginim barasi. Ezi wilin kaba dar boroghin ikia uaghan niginir ekiam gami, mati mikimkizir ekiam izi. ¹⁴ Ezi Godin Duam na fegha na inigha zuima, ki paza uabi baraghha atara nan navim bar oseme. Ezi Ikiavira Itir Godin gavgavim na avara. ¹⁵ Ezi ki iza Israeliyan kalabusin itir nguibam, Telabipin oto. Nguibar kam Kebarin Fanemin miriamin iti. Ki danganir kamin ikia, 7plan aruebar

bizitam damuamin gavgaviba puvatigha, puram aperaghav ikia bizir ganizir kabagh hignigha bar osemega iti.

*Ikiavira Itir God, Israelia gehhuv
men ganasa Esekiel amisefe
(Esekiel 33:1-9)*

¹⁶ Ezi 7plan arueba givazima, Ikiavira Itir God ua kamaghin na migei, ¹⁷ "Nguazir kamin gumazim, ki Israeliyan gehhuv men ganasa ni amisefe. Egh ki me mikimsi akatam mikemezti, ni oregh, ikiangsizim me daning me mikim. ¹⁸ Eghit gumazitam arazir kurabar amighti, ki aremeghsa a mikimam, eghit ni ikiangsizir akamin a mikim suam, a navim giragh uan arazir kuraba ategh, angamira ikiam. Ni a mikemezti, a uan arazir kurabagh iraghan kogh, ovegham. Ni a mikemeghan koghti, an arazir kuraba ikivira ikiti an oveghti, an ovevemin osimtizim nin ikiam. ¹⁹ Egh ni ubi, ni arazir kurabagh amir gumazir kam mikemezti an arazir kuraba ataghiraghan aghuagh aremegham. A ubi uan arazir kuraba bangin aremegham. Eghit ni an ovevemin osimtizim ateran kogham. Egh arazir kamin, ni ubi uan ikirimirimin akuragh, ovengan kogham.

²⁰ "Eghit gumazir aghuitam uan arazir aghuim ategh arazir kuram damichti, ki an tuavim apirighti, an aremegham. Ni dughiar kamin ikiangsizir akam a mikemeghan koghti, a ubi uan arazir kuraba bangin aremegham. A faragha amizir arazir aghuiba, ki dagh nighnighan kogham. Puvati. An aremegham. Eghit an ovevemin osimtizim nin ikiam. ²¹ Eghit ni gumazir aghuitam arazir kurabar anogorogh ikiangsizir akamin a mikemezti, a nin akam baregh arazir kurabar amuan koghiva, aremegham kogham. Eghit arazir kamin, ni ubi uan ikirimirimin akuragh ovengan kogham."

*God Esekiel gamizi,
an mizem osemezi, a mikiman asa*

²² Ki danganir kamra ikiavira itima, Ikiavira Itir Godin gavgavim na bagha iza na avara. Ezi ki orazima, a kamaghin na migei, "Ni dikavigh danganir zarimin magiriti, ki munagh ni ko mikimam." ²³ Ezi ki dikavigha danganir zarimin zuima, Ikiavira Itir Godin angazangarir gavgavim munagh tughav iti. A mati ki faragha Kebarin Fanemin miriamin ikia ganizir angazangarir gavgavimin mirara gari. Ezi ki uan teviming apirigha guam isa nguazim gati. ²⁴ Ezi Godin Duam nan aven iza na gamizi ki dikavigha tu. Egha na ko migia ghaze, "Ni mangiva uan dipenimin aven mangi uan tiar akam

asaragh. ²⁵ Nguazir kamin gumazim, ni oragh! Me benir gavgavibar ni ikeghti, ni ua gumazamizibar tongin daruan kogham. ²⁶ Eghiti ki nin mizem damighti, an anang nin akar averiam apirighti, ni mikiman asagham. Eghiti ni uam akaba batozir ikizir kam, ni me akirsi me mikiman kogham. ²⁷ Eghiti gin ni nan akam gumazamizibav kinsi ifongegehti, ki nin mizem damighti, ni ua mikimam. Egh ni me mikim suam, ‘Kar Ikiavira Itir Godin Ekiam, ia mikimasa mikemezir akaba.’ Eghiti tarazi ni baragh si ifuegham, a dera, me mar ni baragh. Eghiti tarazi oraghan aghuaghram, marki, me mar aghuagh. E fo, me gumazamizir akaba batoziba.”

Esekiel akam akura ghaze, Jerusalem ikuvigham

4

(Sapta 4-24)

Apaniba Jerusalem gasighasigham

¹ Egha God ua kamaghin migei, “O nguazir kamin gumazim, ni mangi brighin tam inigh nguazim datigh, egh Jerusalemin nguibar ekiamin nedazim brighin kam osirizi moghin an aghoregh. ² Egh brighin kamin boroghin, ni mati midorozir gumaziba nguibar ekiar mam avinigh a misogh a iniamin arazibar ababaniba, ni bar dar arikigh. Egh daghurimin ababanim damighti a nguibar ekiar kam bar anevinigh, egh nguazibagh kuva nguibar ekiar kamin divazim boroghin dar pozibav kinigh. Eghiti da danganir aghuir midorozir gumaziba isin ghuvanang tuiv iki misoghamibar min ikiam. Egh midorozir gumaziba iki misoghamin averpeniba nguibar ekiamin boroghin dar ababaniba arikigh. Egh nguibar ekiamin divazim ginivti an akarighiri, me temer bar ekiaba inigh da isi akuriabar arigh, egh dagh afughafuzir ababanibar moghin, ni bar moghira dar ababanim nguazim in dar amu. ³ Egh ni dar ababaniba arigh givagh, ainin itaritam inigh anekirigh a isi ni uabi ko nguibar ekiamin tongin anesaragh, egh ni uan guam nguibar ekiam mituagh, egh nguibar ekiar kam bagh misogh a iniamin ababanim damu. Eghiti Israelien gumazamizibar bizir kamin gan fogham, gin midorozir gumazitaba izi Jerusalemin nguibar ekiam gasighasigham.”

⁴⁻⁵ “Ni kamaghin damigh givagh, egh ragh uan agharir kiriam moghin mitogh, 390plan dughiabbar irighiv iki arazir kurar Israelia amizibar osimtizibar ivezir kuram ateram. Ki 390plan dughiaba ni ganingi, ezi dughiar kaba Israelien ikizim osimtizir me

ini ikiamim, a 390plan azenibar dibobonim ko magh ghu. Kamaghin amizi, ni bar dughiar ruarir kamin me amizir arazir kurabar osimtizim iniam. ⁶ Ni kamaghin damigh givagh, namba 2in dughiamin ua mitogh. Egh ni uan agharir guvum moghin mitogh egh irighiv iki, egh Judan gumazamizibar amizir arazir kurabar osimtizim iverzir kuram ateram. Ki 40plan dughiaba ni ganingi, ezi dughiar kaba Judabar ikizim osimtizir me ini ikiamin azenibar dibobonim ko magh ghu.

⁷ “Ni irighiv ikiva, apaniba Jerusalem ini-asava amir ababanir nedazir itibar gan. Egh ni mati midorozim damuasava ami moghin damu, egh nan akam isi kamaghin pamtem an gun mikim, ‘Nguiabar ekiar kam ikuvigham.’ ⁸ Ni orakigh, ki benir gavgavimin ni ikeghti ni uabi gighivkinisi damuva avegham. Ni kamaghira iki mangi, dughiar ki ni ganingizir kaba, da mangi bar givagh.

⁹ “Ni datirighin, witin igharagha gari taba ko, balin taba ko, nguezir igharagha garir taba inighiva bar moghira da isi itarir ekiatam datigh, dagh asegh da veregh ua bagh bretin tabar ingarigh da tuegh. Ni 390plan dughiar kabar uan agharir kiriamin ofizibar irighivra ikiva darara dami iki. ¹⁰ Egh dagher aruer vamiran ni damamin osimtizim, 200pla gremra tu, a tong ua sivazir puvati. ¹¹ Egh uaghan dipar ni aruer vamira damamim a 1 litara tugh, a tong uam afiraghan marki. ¹² Egh ni bret tusi gumazir buariba inigh dar arikigh. Buariba misingighti, ni da inigh dar avim atigh bretba tu. Ni gumazamizibar damazimin bizir kabar amuti, me ni amir bizar kabar ganam.”

¹³ Ikiavira Itir God ua kamaghin migia ghaze, “Arazir ni amir kaba, kar Israelia damuamin arazibar ababaniba. Ki gin apanibar amamangatighti, me mangi Israelia ko misoghiva me inigh kantrin igharazimin mangigham. Eghiti me kantrin igharazimin iki dagher nan damazimin zuezir puvatizibar amam.”

¹⁴ Ezi ki an akam ikaragha ghaze, O Ikiavira Itir Godin Ekiam, “Ni orakigh! Ki kamaghin damighan kogham. Bar puvati. Ki uan igiamin ikegha iza datirighin, nin damazimin mizezir puvati. Egha asizir atiaba misozir asiziba ko, uari ariaghbir asizibar tuziba, ki uan akamin tam amezir puvati. Egha dagher nin damazimin zuezir puvatiziba, ki uan akamin tam amezir puvati.”

¹⁵ Ezi a nan akam ikaragha ghaze, “Mamaghin, ki nin amamangarisi, ni gumazir

buariba ategh egh bulmakaun buaribara inigh avim atigh bretba tu."

¹⁶ Egha a ua kamaghin na migei, "O nguazir kamin gumazim, ni oragh! Ki Jerusalemin daghebar amighti da bar otevegham. Eighti gumazamiziba atiatim sara, aruer vamirara men tughatighamin damamin daghebara iksam. Eighti gumazamizibar dipabar daghem, ki anetughti, me arueba vaghvagh dughiar vamiran dipam ami bar osemegham. ¹⁷ Eighti dagheba ko dipaba bar men oteveghti, me osimtizir ekiamin iki uarira uarir ganam. Me gumazamizir arazir kurabagh amiba, kamaghin amizi, ki iveauz kuram me daning men dagheba ko dipabar amighti, da bar oteveghti, me bar aghariba gunigham."

5

Esekiel uan dapanir arizim gise

¹ God ua kamaghin migia ghaze, "O nguazir kamin gumazim, ni mangi midorozir sabar bar ghumtzizir tam inigh resan min an suiragh uan ghuamasizim ko dapanir ariziba bar adagh isegh. Egh arizir kaba bar da isi skel datigh dar osimtizim gifogh, egh 3plan pozibar da tuiragh da arikigh. ² Egh 390plan aruebar gin iveauz kurar kam givaghti ni dikafigh. Eighti arazir kam kamaghin Israelian akaghram, apaniba Jerusalem inigha gifa. Ni dikavigh uan arizir pozir faragha itim inigh, Jerusalemin akazir ababanim gamir brighin kam gisin datigh, a daborgotti a isi. Egh arizir pozir namba 2 inigh, brighin kamin miriam daruva da akun, uan midorozir sababin tintinibar ada aghor mangi. Egh arizir pozir namba 3 inigh da akunighti, aminim da ater tintinibar mangi. Eighti ki uan midorozir sabam inigh arizir kabar gintigh mangam. ³ Egh ni arizir vabara ateghti da ikiti, ni da inigh uan azenan itir korotiamin miriam gitorogh da isamigh. ⁴ Egh arizibar tongin, ni ua taba inigh avim mikinighti da isi. Eighti dar avim isi mangi Israelian ikizim girigh, bar moghira men isigham."

⁵ Egha Ikiavira Itir Godin Ekiam, kamaghin na migei, "Ni Jerusalemin nguubar ekiamin gan, ki a isa kantrin igharazibar nguubar tongiram aneti. Ezi me bar an okarigha iti. ⁶ Ezi Jerusalemia, bizir ki damuasa me mikemezibar ko arazir ki ifongezibar gin zuir puvatigha, me amir arazir kuraba, Kantrin Igharazibar Gu-mazamiziba amir arazir kuraba bar dagh afira. Me bar akirim ragha bizir ki damuasa me mikemezibagh asaragh, nan arazir ki ifongezibar gin zuir puvati. ⁷ Bizar kam bangin, ki Ikiavira Itir Godin Ekiam,

ki kamaghin migei: Jerusalemia, ia oragh! Ia arazir ki ifongezibar batuegha bizir ki damuasa ia mikemezibar gin zuir puvatigha, kantrin ian boroghin itiba men arazibagh am. Ezi arazir kurar ia amiba, kantrin igharaziba amir bizir ki damuasa mikemezibar arazir kuraba bar dagh afira. ⁸ Bizar kam bangin, ki Ikiavira Itir Godin Ekiam, ki ghaze, nan agorogetam tong ian itir pu. Bar puvati. Ki ian apanimin min iti. Egh kantrin igharazibar damazibar, ki ian araziba tuisighti gumazamiziba bar ian ganam. ⁹ Ia arazir ki ifongezir puvatizir bar aviribagh amigha gifa. Ezi ki iveauz kuram, ia daningiva arazir fomira amizir puvatizir kaba, datirighin ia damuam. Egh ki ua gin kamaghin ia damigan kogham. ¹⁰ Eighti arazir kurar ia amizibar iveauz kuram, ia ameboghfeziaba uan boribav soghiva dar tuzibar amiti, boriba uan ameboghfeziabav sogh men tuzibar amam. Ki pazivira ia damuam, eighti ariaghirezir puvatizir darasi, ki me aghamsighti me tintinimin nguazir kamin danganir igharazibar mangeham.

¹¹ "Ki Ikiavira Itir Godin Ekiam, ki zurara ikia uan ziamin guizbangira migei. Ia arazir kurar ki ifongezir puvatizir aviriba, nan Dipeniminaven aven dagh amizi nan Dipenimin nan damazimin bar mize. Eighti ki ian apangkuv ian asughasughan kogham. Ia mati gumazim uan dapanir arizim bar a gise. Kamaghira, ki guizbangira bar ia gasighasigham. ¹² Ki ia isi 3plan okoruabar ia arigham. Eighti namba 1in okoruam, mitriar ekiam ian aghiti arimariaba ia damuti ia nguubar ekiamin aven arighiregham. Eighti namba 2in okoruam, apaniba izi nguubar ekiamin azenan midorozir sababar me misoghti me arighiregham. Eighti namba 3in okoruam, ki me aghamsigh tintinimin me amangighti me nguazimin danganiba bar dar mangehti, ki apanibar amaman-gatighti me uan midorozir sababa inigh men agintigh mangi me misoghirarigham.

¹³ "Egh ki kamaghin damighti nan adarir ekiam ko aningagharim givagham. Bizir kaba otivti, la nan akam ginighnigh fogham, ki Ikiavira Itir God, ki asetamin amaman-gatighti, a nan danganim inighan kogham. ¹⁴ Ki ia gasighasichti, kantrin igharazir ian boroghin itibar gumazamiziba izi ian gan kamaghin mikimam, 'Mevzika! Me bar moghira ikufi. Ikiavira Itir God, men arazir kuraba ikarvaghha me gasighasiki.'

¹⁵ "Ki Ikiavira Itir God, ki kamaghin migia ghaze, nan aningagharim ia bagha bar nan ekefe, ezi ki bar pazavira ia damu ia gasighasigham. Eighti arazir kam kantrin

ighazariz ian boroghin itibar gumazamibir damazimin ikiangsizir arazimin min otogham. Eghti me ian ganigh atiatigh nighnizir aviribar amuam. Egh me dibovir akabar ia mikinti ia bar aghumsigham.
16 Egh ki ian dagher damamibar amighti,* da bar oteveghti, mitiria abu puv ian agham. Eghti mitiriar aghazarikam, mati me baribar ia gasima, ia mizazir ekiaba isi moghin uari baraghram. 17 Egh ki mitiriar aghazar ekiam ia bagh anemadagh, asizir atiabar amamangatighti, da ian boribav soghirarigham. Egh ki arimarian bar kurabar amaman-
gatighti da ia bagh izam. Egh ki apaniba amadaghti, me izi bar ia misoghirarigh ia agivahgam. Ki Ikiavira Itir God, ki mikemegha gifa."

6

Ikiavira Itir God gumazamizir asebar gin zuibar atari

¹ Ikiavira Itir God kamaghin na migia ghaze, ² "O nguazir kamin gumazim, ni Israelin kantrin mighsiabar amadaghan ganiva nan akamin gun dav kim, ³ egh suam, ia Israelin kantrin mighsiaba ia Ikiavira Itir Godin Ekiamin akam baragh. Ikiavira Itir Godin Ekiam, uan akam isa ia mighsiar ekiaba ko mighsiar doziba, ko daghurir ekiaba, ko danganir zariba, ia ganidi! A ghaze: Ki apanibar amamangatighti me izi, gumazamiziba asebar ziaba fer danganir pin itiba bar dagh asighasigham. ⁴⁻⁵ Egh apaniba, ian ofa gamir dakoziba, ko ian ofan migharir mughuriar aghuim zuim gamibar dakoziba bar da apirarigham. Egh ki apanibar amuti, me Israelin gumazamiziba bar me misoghirarigh, men kuaba ian marvir guabar damazibar da akunighti, da ireghiv ikiam. Egh ti apanibar amamangatighti, me men aghariba ian ofa gamir dakozir kabar miriabar tintinibar da aghamsighti da ireghiv ikiam. ⁶ Egh apaniba, Israelin nguubar ekiaba bar dagh asighasighti da ikuvigham. Egh ti men mighsiabar pin itir danganir ia asebar ziaba feba ko, men ofa gamir dakoziba ikuvigh pura ikiam. Egh ti ian asebar marvir guaba me bar dagh asighasigham. Egh mughuriar aghuim zuir ofa gamir dakoziba bar da akararighti, Israelia amir arazir kurar kaba bar moghira givagham. ⁷ Egh ti apaniba Israelin kantrin averiam bar a daru, egh gumazamizibav soghirarigham, egh ti ariaghirezir puvatigha angamira itiba ganigh kamaghin fogh suam, ki Ikiavira Itir God.

8 "Ki tarazi ateghti, me ikivira ikiam. Egh ti tarazi midorozimin tintinibar aregh mangi kantrin igharazibar ikiam. 9 Me saghon itir kantrin igharazir kabar kalabusin iki, na ginighnigh kamaghin fogh suam, me uan navir averiabar aver akirim ragha na gasara, ezi arazir kam bar na abira. Me uan damazir kurabar aseba bagha pamtem garava, bar dagh ifonge, ezi arazir kam na gamima, ki bar me baseme. Me fo, me arazir kurar ki ifongezir puvatizir aviribagh ami. Egh ti me uan arazir kurar mizirizir amiziba bagh bar aghumsigham. 10 Egh me kamaghin fogh suam, Kirara ki Ikiavira Itir God. Egh me fogham, Akar Gavgavir ki amizim, a purama akar kinim puvati."

¹ 11 Ikiavira Itir Godin Ekiam kamaghin migei, "Ia uan dafaribav sogh, pamtemin dagaribar nguazim dikiva, osemez i moghin kamagh mikim, 'Mevzika! Israelin ikizim, me arazir kurar ki ifongezir puvatizir aviribagh ami.' Kamaghin amizi, apaniba iziva men tarazi, bar me misoghirarigham. Eghzi men tarazi, mitriaba ko arimariabia me damuti, me arighiregham. ¹² Men tarazi saghon iki arimariabia bangin arimighiram. Eghzi tarazi roghira ikiti apaniba izi me misoghti me arimighiram. Eghzi angamira ikiavira iti darasi, mitriar ekiam men aghiti me arimighiregham. Kamaghira, ki men aningaghegh bar ivezir kuram me daningam. ¹³ Eghzi apaniba, Israelian gumazamizibar marvir guabar ofa gamir dakoziba, ko mighsiabar pin itir danganir asebar ziaba feba, ko temer ekiabar apebabka, ko me aseba bagha ofan mighiar mughuriar aghuium gamir danganibar Israelian tabav soghirarighti, men kuaba pura tintinibar ireghiv ikiam. Eghzi dughiar kamin, Israelia arazir kamin gan fogh suam, kirara ki Ikiavira Itir God. ¹⁴ Ki uan agharim men nguazimin anemadaghti a bar moghira ikuvigham. Ki notin amadaghan Diplan nguibamin ikegh mangi gumazamiziba puvatizir danganir sautin itimin otogh, men nguaziba bar dar amighti, da gumazamiziba puvatizir danganibar min ikiam. Ki men nguibatam ategehti a ikian kogham. Da danganir kinibar min ikiam. Eghzi gumazamiziba deravira na gifogh suam, ki uabi ki Ikiavira Itir God."

7

God Israelia agivam

¹ Ikiavira Itir God kamagh na migei: ² O nguazir kamin gumazim, ki Ikiavira Itir

* **5:16:** Hibrun akam deragha migirigar kamin mingarim abighizir puvati. **5:17:** Akar Mogomem 6:8 **6:8:** Aisaia 6:13; Jeremaia 30:11; 44:14; 44:28; Esekiel 7:16 **6:10:** Jeremaia 5:12-14; Esekiel 6:7

Godin Ekiam, ki kamaghin Israelin nguazibar itir gumazamizibav già ghaze:

Kar dughiar abuananam!

Dughiar abuananam a nguazir oteviba bar dar otivasava ami.

³Ia Israelia, ian dughiar abuananam otogha gifa.

Egh ti datirighin uan aningagharim ia bagh anemadagh, ia amizir araziba tuisigham.

Egh arazir kurar ki ifongezir puvatizir aviriba ikarvagh iveauzir kuram ia daningam.

⁴Ki ian gan egh ian kuarkuvighan kogham. Ia arazir kurar ki ifongezir puvatizir aviribagh ami.

Arazir kaba bangin, ki iveauzir kuram isi ia daningam.

Egh ti bizar kamin ganigh fogh suam, ki Ikiavira Itir God.

⁵ Ikiavira Itir Godin Ekiam kamaghin migia ghaze:

Ia gan! Bizar kurar ia gasighasighamin kaba, uari tivaghtivagh izivira iki bar moghira ia agivagham.

⁶Ia gan! Ian dughiar abuananam datirighin roghira izegha gifa, egha ia agivasava ami.

⁷O Israelin nguazimin itir gumazamiziba, ia bar moghira, ian dughiam roghira izegha gifa.

Egh ti ia ua mighsiabar uari akuv bar akueghan kogham.

Ia datirighin atiatim sara uari akuv akong ikiam.

⁸Ki ian arazir kurar ia amizir kaba bagh ia tuisigh,

zuamira ian arazir kurar aviribar ki ifongezir puvatizir kaba ikarvagh iveauzir kuram ia daning,

egh uan aningagharim ia gingegehti, ia osimtzir ekiaba iniam.

⁹Ki ian gan egh ian kuarkuvighan kogham. Ia arazir kurar ki ifongezir puvatizir aviribagh ami.

Arazir kaba bangin, ki iveauzir kuram isi ia daningam.

Egh ti bizar kamin ganigh, fogh suam, ki Ikiavira Itir God, ki bizar kurar kaba amada.

¹⁰Egha Ikiavira Itir God ua kamaghin na migei:

Ia gan! Dughiam otogha gifa!
Ezi asighasizir ekiam otivasa.

Israelia zurara uan namakabar ikuvava, arazir aghuibar me gamir puvati.

Me zurara uari pirafir arazim gami.

¹¹ Men arazir kurar kaba ghuavira ikia datirighin ekevegha gifa.

Kamaghin amizi, ki men bizar aghuir aviriba bar dagh asighasigham.

Egh men ziam abiraghti, me uam arazir kurabar amuan kogham.*

¹² Osimtzim otivamin dughiam a roghira izegha gifa.

Egh ti dughiar kamin gumazamiziba bizibagh ivesi akongan marki.

Egh ti gumazamizibiziba amangasa amiba naviba osiman marki.

Dughiar kamin ki gumazamiziba bar me gasighasigham.

¹³ Egh ti gumazitam uan biziba amangiti tav adagh ivesi ifuegh, aning dughiar kamin angamira ikivira iki,

ua uan biziba amang dagh ivezamin arazim damuan kogham.

Gumazamiziba bar moghira arazir kuram gami, kamaghin men tav ikan kogham,

me bar moghira givagham.

Nan akam a gavgafi, egh a guizbangiram otivam.

¹⁴ Nan aningagharim gumazamizir kaba bar men iti.

Kamaghin amizi, me midorozim damusi sigham givi biziba akiriva, men gumazitam midorozim bagh mangan kogham.

God iveauzir kuram Israelia ganidi

¹⁵ Ikiavira Itir God ua kamaghin migei:

Apaniba Jerusalem anekiarugha gifa.

Egh ti gumazamizir nguubar ekiamin azenan itiba, apaniba me misoghti me arimighiram.

Egh ti gumazamizir nguubar ekiamin aven itiba,

dagheba men oteveghti, arimariar igharaghha garir aviriba me damuti, me arimighiram.

¹⁶ Egh ti midorozimin ariaghirezir puvatizir darasi, me ari mighsiabar mangam.

Egh uan arazir kurar me amizibagh nighnigh naviba bar osemegh puvirama aziam.

Egh ti men azirakam,

* 7:11: Hibrun akam ves 10 ko 11 deragha aningen mingarim abighizir puvati.

mati danganir zaribar itir kuarazibar
ararebar min mangam.

¹⁷Egħi men aghariba men amiragh gavgav-
iba puvatighti,
men teviba me ġinuighnuigham.

¹⁸Egħi me azirkar korotiabar aghuigh,
puvirama atiating akongiva,
bar aghumsigh,
u an dapanir ariziba bar dagħi seghħi da-
panir tuziba ikiam.

¹⁹Me faragħa silva ko gol mighiha aning
gagoima,
aning me gamizi, me arazir kurar
aviribagh ami.

Egha me fo, Ikiavira Itir God, uan
aniningagħarim men akaghħamin
dugħiġi min,

men gol ko silva men akuraghan
kogħam.

Guizbangira, men gol ko silva, men mitriar
aghazar ekiar kam agivaghan
kogħam.

Kamaghin amizi, me pura uan gol ko
silva isi bizar kurabar min, tintinibar
tuavir toribar da akunti,
da Godin damazimin bizar
mizirizbar min otogħam.

²⁰Me gol ko silva itir dugħiġi min, me ku-
rukazir bar aghuibar ingara uarir
kuruka,
egħi da bagħha bar akongegħha
da isa aser aviribar marvir guabar
ingari.

Marvir guar kaba ki dagħi ifongeżiżi pu-
vatighha, bar a dar aghħua.

Kamaghin amizi, ki bizar kabar amighti
da men damazibar bar bizar
mizirizbar otivigham.

²¹Egha Ikiavira Itir God ua kamaghin migia
ghaze:

Ki gumazir kurar azenan itibar amaman-
gatighti me uan kantri ategħi izi,
Israeliān bizar kaba bar ada okemegħ
mangi,
egħi dar arazir kurar bar aviribar
amuam.

²²Egh ki men amamangatighti me nan
Dipenir aghuimin aven mangi
a damighti, a nan damazimin
mizeħġam.
Egħi ki men anogoregħan kogħam.
Bar puvati.

²³Israelin nguazimin itir danganiba bar,
gumazamiziba arazir kurar aviribar
uari gamua,

egħa men nguibar ekiamin aven me
uan avirim misozi me ariaghira
ghuavira iti.

Kamaghin amizi, datirighin sen-
bar ingarigh me ikirarigham
dugħiġi oto.†

²⁴Ki kantrin bar kurar iħgarazibar gumaz-
ibar amamngatighti
me izi Israelien dipenibar me batogħti,
me ari mangiti, me men dipeniba
injam.

Egh Israelia asebar ziaba fer danganiba me
bar ada akararigham.

Egħi men gumazir gavgavir uan ziaba
feba, atiātigħi,
ua uari pirafan kogħam.

²⁵Egħi dugħiġi bar kuram Israelia bagħ-
iziti,
me dabirabir aghuim ko navir
amirizzi min ikisi bar damuva aveg-
ham.

Bar puvatigham.

²⁶Egħi osmitiżiż ekiaba uari tivagħi vagħ-
me bagħiżam,
egħi bizar kurar otivir aviribar akaba
uari tivagħi vagħ-
me bagħiżi,
me da baragh ham.

Egh bar atiatingħiha nan nighnizibagħ-
fogħi,
akam inighha iziż gumazibar
azangsighti,
ki akaba me daningan kogħam.

Egħi ofa gamiżi gumaziba men sur
damu min akaba puvatighti,
men gumazir dapaniba me
danning min nighnizir aghuiba
puvatigham.

²⁷Egħi men atrivim min navim bar a base-
megħti,
an nighnizibha bar an ikuvigham.

Egħi nguazir kamin gumazamiziba
atiātigħiha akongam.

Ki men arazir kurar me amiziba bar da
bagħiżiżi kurar me danningam.
Me faragħa gumazir iħgarazibha isa kot
gatightiha me tuisiżi mogħin,
ki datirighin arazir kurar me amiz-
iba bagħiżi.

Egħi me kamaghin fogħ suam,
ki Ikiavira Itir God.

8

*Israelia arazir kuraba
Godin Dipenim min aven dagħi amī*

¹ E kantri Babilonin kalabusin itir
dugħiġi min, azenir namba 6in, an iakin
namba 6in, an aruer namba 5 otozi, ki
uān dipenim min aperaghav itima, Judan
gumazir dapanibha iżza na ko epiaghav iti. E

† 7:23: Hibrūn akam deragħa migiġi kamin mingarim abighiżi puvati. 7:26: Godin Araziba 32:23; Jeremaia
4:20; Azir Akam 2:9 8:2: Esekiel 1:27

apiaghav itima, Ikiavira Itir Godin Duam na bagha iza na avara.² Ezi ki kogha pin gara irebamin min garir bizimin garima, bizir mam mati, gumazimin nedazim avimin min isi. Ezi gumazir kamin mikarzim ko, ivariamin ikegha uaghiri, ki an gari, a mati avim isi. Ezi an ivariamin ikegha ghuanaganaga ki ariam, a isia bar pupira taghtas.

³ Ezi ki garima, gumazir kam mati, uan dafarim aneminegha nan dapanir arizimin suira. Ezi irebamin min garir bizir kamin aven, Godin Duam na ghufegha nguazim ko overiamin tizimin ghua na inigha Jerusalemin ghua Godin Dipenimin otogha ghua, notin amadaghan itir divazimin tiar akamin tu. Danganir kamin, Israelia faragha aser mamin marvir guam atizi a iti. Ezi God bizir kam bagha bar aningaghe.

⁴ O Israelia, ki e uan Godin angazangarir gavgavimin gari. Ki faragha Kebarin Faner miriamin ikia ganizir angazangarim.

⁵ Ezi a kamagh na migei, "O nguazir kamin gumazim, ni kogh notin amadaghan gan." Ezi ki garima, aser mamin marvir guam tiar akamin boroghira ofa gamir dakozimin boroghin asaraghav iti. Ezi God bizir kurar kam bagha bar aningaghe.

⁶ Egha a kamagh na migei, "O nguazir kamin gumazim, ni Israelin ikizimin arazir kurar me amibar gari? Me amir arazir kaba, ki bar dar aghua. Da bar ikuvigha, nan Dipenimin na batosi, egha na gamima ki bar men saghon iti. Ni gin me damuamin arazir bar kurar ki bar ifongezir puvatizibar ganam, da ni datirighin garir arazir kurar kabagh afiragh."

⁷ Egha a nan akua ghua divazir Godin Dipenimin avinizimin aven zuir tiar akamin otozi, ki garima, torir mam divazimin iti.

⁸ Egha God kamaghna na migei, "Nguazir kamin gumazim, ni divazimin torir kam akarigh a damighti an arokegh." Ezi ki divazimin torim asigha garima, tiar akar mam iti.

⁹ Ezi a kamagh na migei, "Ni aven mangiva arazir bar kurar mizirizir ki ifongezir puvatizir me amibar ganigh."

¹⁰ Ezi ki aven ghua garima, God ifongezir puvatizir asizir mizirizibar nedaziba ko kuruziba, danganir kamin divaziba bar a dagh izifa. Israelin ikizim fer marvir guaba uaghan iti.¹¹ Ezi ki garima, Israeliun gumazir dapanir 70pla danganir kamin aven iti, ezi Safanir otarin Jasania, a uaghan me ko iti. Me bar moghira vaghvaghia itiarir pauran mughuriar aghuium zuibar suighav itima, mighariba dar dikava ghuavanadi.

¹² Ezi Ikiavira Itir God, kamaghna na migei, "Nguazir kamin gumazim, Ni gan! Israeliun gumazir dapaniba mitarmemin

mueghav ikia arazir kurar kabagh ami. Me vaghvaghia uan marvir guaba bagha ofa gamir dakoziba iti. Me ghaze, Ikiavira Itir God ti men garir puvati. Ikiavira Itir God ti akirim ragha nguazir kam gasara."

¹³ Egha Ikiavira Itir God, ua kamaghna na migei, "Ni men ganti, me arazir kurar ekiar ki ifongezir puvatizir aviribar amu mangivira ikiam. Ezi arazir kurar me amir kaba, me faragha amizir arazir kurabagh afira."

¹⁴ Egha a na inigha ghua Ikiavira Itir Godin Dipenimin divazir notin amadaghan itir tiar akamin otogha na migia ghaze, "Ni gan! Amizir munaba ghaze, men asem Tamus areme, ezi me an apangkuva a bagha azia iti."

¹⁵ Egha a ua kamaghna na migei, "Nguazir kamin gumazim, ni bizir kamin ganiz, o? Ni arazir bar kurar mabar ganigha gifa, ni datirighin ua arazir bar kurar ki aghuazir igharaghha garibar ganam, da arazir ni faragha ganigha givaziba bar dagh afira."

¹⁶ Egha a ua nan akua ghua Ikiavira Itir Godin Dipenim avinizir divazimin bar aven ghua an Dipenimin tiar akamin boroghin oto. Ezi ki garima, Dipenimin tiar akam ko ofa gamir dakozimin tizimin 25plan gumazibar iti. Me akiriba ighegha Ikiavira Itir Godin Dipenim gasaraghua guuba aruem anadi naghin gara tevibar pirigha avighav iti.

¹⁷ Egha a ua kamaghna migei, "O nguazir kamin gumazim, ni bizir kamin ganiz, o? Judan ikizim, arazir bar kurar ki aghuazibagh amuava, Israelin nguazim bar an gumazamizir igharaziba bar men apanim gami. Men arazir kurar kamin, me ghaze, ki ti pura bizim, egha na dipova arazir bar mizirizibar na gami. Ezi ni oragh! Me amir arazir kurar kaba na gamizi ki bar men aningaghe. ¹⁸ Kamaghna amizi, ki bar pazivira me damigham. Egh uan aningagharam anegivaham. Ki tong men apangkuv men asughasughan kogham. Me pamtem nan dimiva arangam, ehti ki bar me bareghan kogham."

9

God iveau kuram isa Jerusalem ganidi

¹ God na mikemegha givagha, tiarim akarigha pamtem dia migei, "Ia, gumazir nguibar ekiamin itir gumazamizibav soghi me arighiramiba, ia vaghvagh midorozir sababar suigh kagh izi."² Ezi ki gari, gumazir 6pla divazimin notin amadaghan itir itiar akamin boroghin ikegha izi. Me bar vaghvaghya gumazibav soghamin midorozir sababar suiki. Ezi gumazir igharazir mam me ko izi. A korotiar

ghurghurir bar aghuir mam aruzi, osizirir biziba itir mitarir muziarim an oghiriamin mitem gitoroghav iti. Me bar izegha ofa gamir brasin dakozimin miriamin boroghin mitifi.

³ Ezi Israelien Godin angazangarir gavgavir ekiam, enselin bar gavgavim a gisin ikia avughsegha, anetegha uanaga Godin Dipenimin tiar akamin boroghin zui. Ezi Ikiavira Itir God, gumazir korotiar ghurghurir bar aghuim aruzir kamin dia,
⁴ egha kamaghin a migei, "Ni dikavigh Jerusalemin nguabar ekiam bar an averiam daruva gumazamizir men namakaba amir arazir kurar God aghuazibar osemegha itiba, ni me bativ, men guaba osizirir ababanim me darigh."

⁵ Ezi ki orazi God kamaghin gumazibav soghamin midorozir sababar suighizir gu-mazir 6plan kabav gei, "Ia dikavigh an gin mangi nguabar ekiamin aven gumazamizibav soghti, me arimighireg. Egh men tavin apangkuvigh aneteghti an angamira ikian marki.
⁶ Ia gumazir dapanir akirim ragha Godin Dipenim gasaraziba faragh me misoghiraragh, egh mangi gumazir ghuriba, ko guviba ko otarir igiaba, ko amiziba ko boriba, bar me misoghirarikigh. Egh osizirir ababanim guabar itir gumazamiziba, ia me misueghti me arimighiran marki." Ezi me dikavigha ghua gumazir dapanibav soghezi me ariaghire.

⁷ Egha God kamaghin 6plan gumazir kabav gei, "Ia nan dipenim avinizir divazimin aven iti darazi bar me misoghirarichti men kuuba nan Dipenim gizifagh. Eghit bizar kam bangin nan Dipenim nan damazimin bar mizegham. Aria! Ia dikavigh mangi." Ezi me nguabar ekiamin danganiba bar dagh arua ghua gumazamiziba bar me misuagharsi.

⁸ Me gumazamizibav sogharizir dughiamin, ki uabira ikia Godin Dipenimin aven iti. Egha ki nguazim girigha fuagh, uan guam nguazim mituaghha diava ara ghaze, "O Ikiavira Itir Godin Ekiam, ni uan aningagharim isi Jerusalemia gingamin dughiamin, ni Israelien ikiavira itir varazira bar me gasighasigham, o?"

⁹ Ezi a na ikaragha ghaze, "Israeliin ikizim ko Judan ikizim arazir kurar bar avirim gami, ezi osintzir bar ekiam iti. Nguazir kamin, arazir gumaziba uariv soghava ariaghirm bar ekefe. Ezi nguabar ekiar kamin gumazamiziba uarir ikizirizir arazim bar izifa. Me ghaze, Ikiavira Itir God ti nguazir kam akirim ragha a gasara. Egha en garir puvati.
¹⁰ Ezi ki men ganiva

tong men apangkuv men asughasughan kogham. Ki arazir me igharaz darazigh amizibara, uam da ikarvagh dar me damuam."

¹¹ Ikiavira Itir God mikemegha givazi, ki garima, gumazir korotiar ghurghurir bar aghuim aruzim, osizirir biziba itir mitarir muziarim an oghiriamin mitem gitoroghav iti, a uamategħha iza kamaghin Ikiavira Itir God migei, "Ni na mikemezi mogħin ki amigha gifa."

10

Godin angazangarir ekiam an Dipenim ataki

¹ Ki garima, bizar mam mati itarir bar dafam, enselin bar gavgavir kabar dapani-bagh isin pin iti.* Ezi itarir bar dafar kam gisin, bizar mam mati atrivir dabirabim me dagħar bluplan aghuim an ingarizi a iti. ² Ezi Ikiavira Itir God, gumazir inir ghurghurir aghuim aruzim migia ghaze, "Ni mangi ganigh, 4plan wilba, da enselin bar gavgavir kabar apengen iti. Ni wilbar tongin mangiva dafarim amadagh, avivkiataba inighha nguabar ekiam gisin tintinbar da kavamadagh." Ezi ki garima, a zui.

³ Ezi a Dipenimin aven zuima, enselin bar gavgavir kaba, Dipenimin aven sautin amadaghan tuivighav iti. Dugħiarr kamin, ghuariam Dipenim avinizir divazir averiam, bar a koro. ⁴ Ezi Ikiavira Itir Godin angazangarir bar gavgavim, enselin bar gavgavir kaba ategħa pin għuava, Godin Dipenimin tiar akamin borogħin tu. Ezi ghuariam ghua Godin Dipenim bar a koro. Ezi Godin angazangarir bar ekiam Dipenim avinizir divazim gisirazi a tagħtas. ⁵ Ezi enselin bar gavgavir kabar avizibha tingażi niginim, me divazir ekiar azenan ittim aven uaghan da baraghm. Dar avizibar niginim, mati Gavgaviba Bar Itir Godin tiarim.

⁶ God gumazir korotiar ghurghurir aghuim aruzim migia ghaze, Ni enselin bar gavgavir kaba borogħin mangi, wilbar tongin avivkiataba inigh. Ezi an aven ghua wilin mamin borogħin miti. ⁷ Ezi enselin bar gavgavir kabar mav uan dafarim amadaghha avir men tongin ittim, avivkiar mam inighha a isava gumazir korotiar ghurghurir aghuim aruzim min dafarim gatizi, ana inigha zui.

⁸ Ki garima, enselin bar gavgavir kaba, mati gumazibar dafaribar min dafariba ikia, dafariba vaghvagħha dar avizibar apengen iti.

* **9:4:** Akar Mogomem 7:3; 9:4; 14:1 **10:1:** Esekiel 1:26; Akar Mogomem 4:2 **10:1:** Enselin bar gavgavir kaba, bizar 4plan angamira itir kabar mīrara gari. Esekiel sapta 1, a irebamin min garib bizim, a gun dav gei. **10:2:** Akar Mogomem 8:5 **10:9:** Esekiel 1:15-21

⁹ Ki ua garima, 4plan wilba vaghvaghya enselin bar gavgavir kabar boroghin iti. Wilin kaba mati dagiar iangurir pin kozibar min taghtasi. ¹⁰ Ezi wilin 4plan kabar ganganiba da magh gari, egha da vaghvaghya dar aven wilin ighazarizir vamira vaghvaghya dar tongira iti. ¹¹ Wilin kaba managh mangisi pura bighiratigh mangi ua ighighiran kogham. Wilin faragha itim guam danganir manam misuegh mangiti, wilin ighazariba uaghan an girara mangi pura bighiratigh mangam. ¹² Enselin bar gavgavir kabar namnaba, ko men akiraghariiba ko, dafariba ko, aviziba ko, men wilin 4pla, ganamin damaziba bar dagh izifa. ¹³ Ezi ki orazi, tiarir mam wilin kaba ziam me garigha ghaze, "Wilin Ivemariba."

¹⁴ Enselin bar gavgavir kaba vaghvaghya 4plan guuba iti. Enselin bar gavgavimin guam faragha iti, ezi gumazimin guam agharir guvimin itima, laionin guam agharir kiriamin iti, ezi kuarazir bagamin guam girakirangin iti.

¹⁵ Enselin bar gavgavir kaba, da bizir angamira itir 4plan kabar min magh gari, ki faragha Kebarin Fanemin ikia irebamin min garir bizimin aven dar gani. Egha datirighin ua irebamin min garir bizir kamin ua men gari. Ezi me dikavigha mighegha ghuavanadi. ¹⁶⁻¹⁷ Enselin bar gavgavir kaba mangiti, wilin kaba dar miriamin iki uaghan mangam. Eighti enselin bar gavgavir kaba uan aviziba kuigh mighegha ghuavananti, wilin kaba uaghan nguazim ategh bighiratigh ghuavanangam. Enselin bar gavgavir kabar duam wilbagh apazagha iti. Kamaghin amizi, enselin bar gavgavir kaba tuivighti, wilba tuivigham. Eighti enselin gavgavir kaba nguazim ategh ghuavanangti, wilba nguazim ategh ghuavanangam.

¹⁸ Ezi Ikiavira Itir Godin angazangarir gavgavim Godin Dipenimin tiar akam ategha ghua enselin bar gavgavir kabagh isin iti. ¹⁹ Ezi ki garima enselin bar gavgavir kaba uan aviziba kuigha mighegha nguazim ataghira ghuaniadi, ezi wilin kaba dar miriabik ika uaghan ghuaniadi. Da ghua Ikiavira Itir Godin Dipenim avinizir divazir aruem anadi naghin itir tiar akamin tuifi. Ezi Israelien Ikiavira Itir Godin angazangarir gavgavim me gisin iti.

²⁰ Ezi ki fo, enselin bar gavgavir kaba, kar bizir 4plan angamira itir kabara, ki faragha Kebarin Faner miriamin boroghin dar garima, da Israelien Godin gavgavimin apengen iti.

²¹ Enselin bar gavgavir kaba vaghvaghya 4plan guuba ko 4plan aviziba iti. Egha

men avizibar apengan me vaghvaghya guazibar dafaribar min, dafariba iti. ²² Ki faragha Kebarin Faner miriamin ikia 4plan angamira itir bizibar guabar ganizi moghin, ki datirighin ua dar guabar gari. Enselin bar gavgavir kabar guaba danganir manamin mituagh mangisi pura bighiratigh mangam. Me uan namnaba gighaghira tintinibar zuir puvati.

11

Israelia ikuvigham

¹ Bizar kabar gin, Godin Duam na ghufehga na inigha ghua, Godin Dipenim avinizir divazir aruem anadi naghin itir tiar akamin na ati. Ezi ki itiar akamin boroghin 25pla gumazibar gari me iti. Ezi ki men tongin Asurin otarim Jasania ko Benaiyan otarim Pelatian garima, aning iti. Aning gumazamizibar faragha zuir gumazir dapanimning.

² Ezi God kamaghin na migia ghaze, "O nguazir kamin gumazim, gumazir kaba nighnizir kuraba ikia, arazir kurum damuamin tuavim buri. Egha uan nighnizir kurar kaba Jerusalemin gumazamiziba me ganidi. ³ Me ghaze, 'E datirighin dipenibar ingaramin dughiam puvati. E dera. En nguibar ekiam mati isaghapir minem, ezi esizir tuzibar min an aven iti.' ⁴ Kamaghin amizi, nguazir kamin gumazim, ni akam inigha izir gumazimin min, bizir gin otivamibar gun akam me gasi me mikim."

⁵ Ezi Ikiavira Itir Godin Duam nan aven izegha akar kam na migia ghaze, "O Israelin ikizim, kar nin nighnizim. Ezi nin nighnizimin averiam, ki bar moghirama a gifo. ⁶ Ia nguibar ekiar kamin averiamin gumazamizir aviribav sozi me ariaghirezima, men kuaba nguibar ekiamin tuaviba bar adagh ifefe.

⁷ "Kamaghin amizi, ki Ikiavira Itir Godin Ekiam, ki kamaghin ia migia ghaze, Jerusalemin nguibar ekiar kam mati isaghapir minem, ezi ariaghiregha ireghav itir kuar kaba esizir tuzibar min an aven iti. Kamaghin ti puvatigham, ki Jerusalemin nguibar ekiamin ia batueghti ia mangi azenan ikiam. ⁸ Ki Ikiavira Itir Godin Ekiam, ki kamaghin migei, Ki fo ia midorozir sababar atiatia iti. Ki gumazir midorozir sababar soziba amangichti, me ia misoghsizam. ⁹ Ki nguibar ekiamin aven ia inigh Kantrin Ighazaribar Gumazamizibar dafaribar arigham. Egh arazir kamin, ki ian arazir kuraba ikarvagh ivezir kuram ia daningam. ¹⁰ Ki ian arazir kuraba ikarvagh ivezir kuram ia daningti, apaniba Israelien kantrin mitaghniyamra, midorozir

sababar ia misoghti ia arimighiram. Eighti arazir kamin ia kamaghin fogh suam, ki Ikiavira Itir God. ¹¹ Nguibar ekiar kam a nin isagħapir minemin min ikian kogħam. Egh ia minemin min asizir tuziba an averiamin ikian kogħam. Ki ian arazir kuraba ikarvagh Israelin kantrin mitaghħiam, bar pazavira ia damigham. ¹² Eighti ia kamaghin fogħam, ki Ikiavira Itir God, ia arazir ki ifongeżibar gin zuir puvatigħa bizar ki damuasa ia mikemeziba abisi. Egha kantrin iħarazir ian borogħin itibar gin guhua men arazibagh ami.”

¹³ Ki Godin akamin me migiavira itima, Benaijan otarim Pelatia iriġha magħirama areme. Ezi ki tevimmung apirigha guam nguazim girigha pamten kamaghin dia migei, “O Ikiavira Itir Godin Ekiam, man-maghin ami? Ni ti Israelien gumazamizir ikiavira itir varazira ni bar me kuvarimasa o?”

God Israelien kalabusin itir darazi bagħha amizir akar dikirizim

¹⁴ Ezi Ikiavira Itir God kamagh na migei: ¹⁵ “O nguazir kamin gumazim, ni ko nin aveghbuuba, niñ namakba, ni ko kalabusin itiba, me Israelien ikizim, ia bar mogħira, Jerusalemin itir gumazamiziba ia ġiniegħiha ghaze, ‘Ikiavira Itir God, me batogħezi me guhua bar nguibar sagħuiamin itimini iti. ‘Guizbangira, a nguazir kamisa e ganingizi, a guizbangira en nguazimra.’ ¹⁶ Eighti ni uan namakar Babilonin kalabusin itiba kamaghin me mikim suam, ‘Ki Ikiavira Itir Godin Ekiam, kirara ki ia aghamsigha ia amangizi, ia tintinibar kantrin saghon itibar ghue. Ia datirighin iki nan ziam famin dipeniba puvati. Eighti ki dughiar ovezzin danganir ia guhua itir manaba ki uabi ia ko ikiti, ia nan ziam fivira ikiam.”

¹⁷ “Kamaghin amizi, ki Ikiavira Itir Godin Ekiam, ki kamaghin migia ghaze: Kantrin iħarazir ki faragħa ia amangizi ia guhua itir kabar, ki ua ia inih izi ja akuvagh, Israelien nguazim isi uua ia daningam. ¹⁸ Egh me uamategħ Israelien nguazimien izeġiha asebar marvir guar ki bar aghuaziba, bar da batokeġħ. ¹⁹ Eighti ki me damut, me navir vamriġan ikiam. Ki duar igjam isi men navir averiabar atiġham. Faragħa men navir averiaba dagħiabar min bar gav-gafi. Eighti ki men navir averiabar amuti, da amiragh hamiregħ na gifuegħ na bagħvira ikiam. ²⁰ Egh me arazir ki ifongeżibar guizbangira dar suiraghha, deravira bizir ki damuasa me mikemezibar gin mangam. Egh me nan gumazamizibar min ikiti, ki

men Godin ikiam. ²¹ Egh gumazamizir asebar marvir guar ki bar aghuazibar ziaba feba, ki me amir arazir kaba ikarvagh iverzur kuram me daningam. Ki Ikiavira Itir Godin Ekiam, ki mikemegħa gifa.”

*Godin angazangerir gavgavim
Jerusalem ataki*

²² Egha gin, enselin bar gavgavir kaba uan aviziba kuigha mighexhasava amua, wilin kaba dar miriabar ikka uaghan u-nangasa. Dugħiarr kamin, Israelien Godin angazangerir gavgavim me gisìn iti. ²³ Ezi Ikiavira Itir Godin angazangerir gavgavim nguibar ekiam ategħha għuanaga aruem anadi nagħin itir mighsiam gisìn iti. ²⁴ Ezi Godin Duam irebamin min garir bizim aven na feħga uamategħha na inigha Israelien kalabużiaba itir nagħin kantri Babilonin ize. Ezi irebamin min garir bizir kam gifa. ²⁵ Ezi ki Ikiavira Itir God nan akazir bizibba bar dar gun kalabusin itir gu-mazamizibav gei.

12

Esekiel gumazim kalabusin zuir abanġġi għalli

¹ Ezi Ikiavira Itir God kamaghin na migei, ² “O nguazir kamin gumazim, ikizir ni datirighin men tongin itir kam, me akaba batozir darasi. Me damaziba ikia gari puvati. Egha me kuariba ikia bizibba barazir puvati. Me akaba batogħha orazir puvatizir ikizim.

³ “Kamaghin amizi, nguazir kamin gumazim, ni datirighin uan bizibba imiġi, mati gumazim kalabus bagħha nguibar sagħuiamin itimini mangas. Egh aminim tighar pirsit damuti, ni mangi me bar nin ganigh. Ki kamaghin ifonge, me ni amir bizir kamin mingarim deragh a gifogħ. Me gumazamizir akaba batoziba, egh me ti an mingarim deragh a gifogħan kogħam.

⁴ Aruem pazagħar torim iċkivira ikiti me nin ganvira ikiti, ni kalabus bagħ mangi uan bizibba ini. Egh aruem magħiristi, me ganvira ikiti ni ifar mati kalabusin mangas am i mogħin mangi. ⁵ Me ganvira ikiti ni divażżeen toritam asīgħ, uan bizibba ater torir kamin aven mangi vongin otogh. ⁶ Egh me ganvira ikiti ni uan bizibba dipizim datiġi mitarmem mangi. Ni mangi uan guam avaragh, egh fogħan kogħam, ni nguazir manamin zui. Ni amir arazir kam, abanbir arazim Israelien ikizimini akaghham.”

⁷ Ikiavira Itir God na mikemez i mogħin ki am. Aruer kamin ki gumazim kalabużiām bagħ mangas am i mogħin am. Egha aminim pirima, ki uan dafarim i divażżeen

11:19: Onger Akaba 51:10; Jeremaia 31:33; 32:39; Sekkaraia 7:12

105:45; Jeremaia 24:7; Esekiel 14:11

13:13-14; Mak 8:18; Jon 9:39-41

11:19: Esekiel 36:26-28

11:20: Onger Akaba

12:2: Aisaia 1:23; 6:9-10; Jeremaia 5:21; Matyu

torim gamigha azenan ghu. Me bar garima ki biziba uan dipizim gatigha mitarmemin zui.

⁸ Ezi amimzaraghan, Ikiavira Itir God kamaghin na migei, ⁹ “Nguazir kamin gumazim, Israelian akaba batoziba kamaghin nin azaragharn, ni tizim gami? ¹⁰ Eghti ni me mikim suam, Ki Ikiavira Itir Godin Ekiam, ki me migia ghaze, kar atrivir Jerusalem gativagha an garim, ko Israelin ikizir Jerusalemin munagh itibar migirigiam.* ¹¹ Ni me mikim suam, bizir ni amizir kam, a Jerusalemia bativamin bizimin ababanim. Eghti apaniba kalabuziabar min me inigh mangi, kantrin igharazimin me isi kalabus darigham. ¹² Atrivir men tongin itim, uan biziba dipizim datigh mangi uan dafarimin divazimin toritam damigh, uan biziba ater torir kamin aven mangi vongin otoghiva mitarmemin mangam. A mangi uan guam avaragh uan damazimningin nguazimin ganan kogham. ¹³ Eghti ki uan ivem aguraghti an an suiragharn. Egh a inigh Babilonin nguubar ekiamin mangigham, kar Kaldiabar nguazim. Eghti a nguazir kamin ganighan kogham.† Egh a nguazir kamin iki mangi aremegham. ¹⁴ An dipenimin itir darasi, ki bar me kavkinigham, eghti an ingangaribagh amir gumaziba ko an midorozir gumaziba, ki me damighti me tintinibar mangegham, eghti gumaziba me misoghs me buriam.”

¹⁵ “Ki me aghamsighti me tintinibar kantrin igharazibar mangegham. Eghti me kamaghin fogh suam, kirara ki Ikiavira Itir God. ¹⁶ Ki men varazira ateghti me iki, midorozim ko, dagheba otevir dughiam ko, arimariar kurabar arimighireghan kogham. Egh kantrin igharazibar tongin iki, me amizir arazir kurar ki bar aghauzuba me uari dar gun mikimam. Eghti me fogh suam, kirara ki Ikiavira Itir God.”

Esekiel nighava agoi

¹⁷ Ikiavira Itir God kamaghin na migei, ¹⁸ “O nguazir kamin gumazim, ni nighvira uan daghem ami, egh atiating akongiva dipam ami. ¹⁹ Egh ni nguazir kamin itir gumazamiziba bar moghira me mikim suam, kar Ikiavira Itir Godin Ekiamin akam, a Jerusalemin gumazamizir Israelin nguazimin itiba bagha izi. Nguazir kamin itir darasi, me dughiaba bar uan namakaba pazavira me gamua arazir kurar aviribagh ami. Bizir kam bangin, apaniba izi men biziba bar da avigh mangegham. Kamaghin

amizi, me atiatingvira daghebar amiva, atiatingvira dipabar ami. ²⁰ Nguibar ekiar datirighin gumazamiziba izivaziba ikuvigham. Eghti kantri pura danganir kinimin min ikiam. Eghti Israelia kamaghin fogh suam, Kirara, ki Ikiavira Itir God.”

Dughiar ovezimin akam inigha izir gumazimin migirigiam guizbangiram otivam

²¹ Ikiavira Itir God ua na migia ghaze,²² “O nguazir kamin gumazim, bizir tizim bagha Israelian gumazamiziba zurara akar otevir kam gami? Me ghaze, ‘Akam inigha izir gumaziba bizir gin izamibav gia ghaze, da otivam. Ezi azenir aviriba iza zui, irebabar min garir bizir kabar aven otivir akaba guizbangira otivir puvatigha pura zui.’ Ezi ki Israelian aghuzir akar kamin aghua. ²³ Ni datirighin me mikim suam, Ki Ikiavira Itir Godin Ekiam kamaghin mikimasa. Aghuzir akar me zurara migeir kam ki datirighin anegivagham. Me Israelin kantrin aven uam a mikiman kogham. Ni kamagh me mikim suam, ‘Dughiam otogha gifa. Eghti irebamin min garir bizibar akaba, da vagh-vagh guizbangira otivam!’

²⁴ “Ezi datirighin, akam inigha izir gumazir maba Israelin gumazamizibar tongin ikia irebamin min garir bizibar gara, akar ifavariba ko apezeperir akavsibar gun me migei. Eghti ki Israelin ikizimin aven bar arazir kam agivagham. ²⁵ Ki Ikiavira Itir God, ki ubi Israelia me ko mikimam. Eghti bizir ki mikemeziba, da zuamiram otivam. Ia akaba batozir ikizim, ia oragh! Ia aremeghan kogh ikivira ikiti, ki mikemezi moghinh damuam. Ki Ikiavira Itir Godin Ekiam, ki kamaghin mikeme.”

²⁶ Ikiavira Itir God ua kamagh na migei,

²⁷ “Nguazir kamin gumazim, Israelin ikizim ghaze, ‘Esekiel, irebamin min garir bizibar gara, egha gin otivamin bizibar migirigia bar gun migei. Ezi bizir a migeir kaba datirighin otivan kogham. Puvati, da bar gin otivam.’ ²⁸ Eghti ni me mikim suam, Ki Ikiavira Itir Godin Ekiam me ikaragha ghaze, Ki sughsughan kogham. Bizir ki mikemeziba, da datirighin otivam. Ki Ikiavira Itir Godin Ekiam, ki kamaghin mikemega gifa!”

13

God, akam inigha izir gumazir ifavaribar atari

¹ Ikiavira Itir God kamaghin na migei,² “O nguazir kamin gumazim, ni mangi Israelin akam inigha izir gumazibav kim. Men

* **12:10:** Hibrun akam deragha migirigiar kamin mingarin abighizir puvati. **12:13:** 2 Atriviba 25:7; Jeremaia

^{52:11} † **12:13:** Dughiar kabar gin, Babilonia, Atrivim Sedekaian suiragha egha a inigha a isi kalabus darighasa Babilonin ghu. Me a gamizi, an damazimning okafi. Ezi arazir kamin akar isn zuir kam a guizbangira oto. Egha a bar uan damazimningin Babilonin nguazimin ganizir puvati, egha a nguazir kamin areme. Ni eghaghanir kam, 2 Atriviba 25:7 ko Jeremaia 52:11, an gan.

marazi uan nighnizibar gin ghua, gin otivamin biziбар gun migei. Ni pamtemin men atar me mikim. Ni kamaghin me mikim, 'Ia Ikiavira Itir Godin akam barakigh.'

³ "Ikiavira Itir Godin Ekiam kamaghin migei: Akam inigha izir gumazir organir kaba, Mevezika! Me bar ikuvigham! Me irebabar min garir biziбар garir puvati. Me uari uan navir averiabar aven itir biziбар gin ghua, uan nighnizibar dav gei. ⁴ O Israelian gumazamiziba, ian akam inigha izir gumaziba, mati afiar atiaba nguibar ekiar ikuvizir mam puram a garui. ⁵ Me nguibar ekiam avinizir divazir akaraghirezir danganibar gara ua dar ingarir puvati. Kamaghin amizi, Ikiavira Itir God Izamin Dughiar Ekiamin midorozim otoghi, ia Israelia tuivigh gavgavighan kogh apanibav soghan iburagham. ⁶ Akam inigha izir gumazir ifavarir kaba, me irebabar min garir biziбар aven itir biziбар, da biziř ifavarriba. Me gin otivamin biziбар migirigibav gei, ezi da guizbangira puvati. Me ghaze, me Ikiavira Itir Godin akabav gei. Ezi puvati, Ikiavira Itir God me amadazir puvati. Egha me ti manmaghin nighnigha ghaze, men migirigibar dagheba otivam? Bar puvatigham.

⁷ "Ki ia mikimasa, ia irebamin min amizir biziř ia gariba, da guizbangira puvati. Ezi gin otivamin biziř ia migeiba, da akar ifavariba. Ia ghaze, kar Ikiavira Itir Godin migirigibba. Ezi puvati. Ki akatam ia mikemezir puvati! ⁸ Kamaghin amizi, ki Ikiavira Itir Godin Ekiam, kamaghin me migia ghaze, ian migirigibar guizbangira puvati. Ezi ia irebamin min garir biziбар, da gumazamizibagh ifari. Kamaghin amizi, ki ia ko itir puvatigha, navim ia bagha bar ikufi. ⁹ Ia akam inigha izir gumazir ifavariba irebamin min garir biziбар gara akar ifavaribagh amua, egha gin otivamin biziřa deraghavira gumazamizibagh eghari puvati. Kamaghin amizi, ki pazivira ia damigham. Nan gumazamiziba uari akuvagh ikiti, ia men tongin ikeghan kogham. Egha ian ziaba uaghan Israelin ikizimin osirizir ziabar aven ikan kogham. Egha iua Israelin nguazimin izeghan kogham. Egha ian kamaghin fogh suam, kirara ki Ikiavira Itir Godin Ekiam.

¹⁰ "Ia akam inigha izir gumazir ifavariba, ia ifara nan gumazamizibav gia ghaze, men dabirabim bar dera. Ezi guizbangira men dabirabim bar derazir puvati! Nan gumazamizibar dabirabim mati, gumazim divazim ingarizi a guizbangira deragha gavgavizir puvati. Ezi ia akam inigha izir gumazir ifavariba izava, divazir kurar kam penin ghurghurim a gaghui.

Ezi datirighin divazir kamin azenan itir ganganim bar dera. Ezi puvati. A guizbangira irigh ikuvigham. ¹¹ Ni mangi gumazir penin ghurghurimin aghuizir gumazir kabav kim suam, men divazim akarighirigham. Ki amozir izi mamaghira ikiamim amadagham. Egha amozir ofizir ekiar dagiabar min gariba a gisin iram, egha aminir gavgavim a givangam. ¹² Egha divazim irightima, me bar ian azangsigham, 'Divazir kam bar gavgavizir puvati! Ian penin ghurghurim tong divazimin akurazir puvati. Ia e gifari.'

¹³ "Ezi datirighin, ki Ikiavira Itir Godin Ekiam kamaghin migia ghaze, nan aningagharimin, ki amozir izi mamaghira ikiamim, ko amozir ofizir ekiar dagiabar min gariba, ko aminir gavgavim amadaghti, da divazir kam gasighasigham. ¹⁴ Divazir ia penin ghurghurimin aghuizir kam, ki anekaragh, an divazir mingarimin aven itir dagiabar aghamsighti da pura tintinibar ikiam. A degeghirigh bar ia misoghirarigham. Egha ia bar fogh suam, kirara, ki Ikiavira Itir God.

¹⁵ "Kamaghira, divazir kam ko gumazir divazim penin ghurghurim aghuizir kaba, me nan aningagharimin gavgavim baraghram. Egha ki ia mikim suam, divazim a itir puvati, kamaghira, te penin ghurghurim a gaghui, me uaghan ikan kogham. ¹⁶ Akam inigha izir gumazir ifavarir manaba, irebabar min garir biziбар gara, Jerusalem migia ghaze, an dabirabim bar dera, ezi guizbangira an dabirabim bar derazir puvati. Kamaghin amizi, ki adagh asighasiki. Ki Ikiavira Itir Godin Ekiam, ki kamaghin mikemega gifa."

God amizir imezibagh amibar atari

¹⁷ Ikiavira Itir God kamaghin migei, "O nguazir kamin gumazim, ni Israelian amizir imezibagh amibar atar, me zurara gin otivamim biziбар gun migeir kabav gei. Akar me migeir kaba me uan nighnizibar dagh ami. Ni nan akam inigh mangi me mikim. ¹⁸ Ni me mikim suam: Ikiavira Itir Godin Ekiam kamaghin ia migia ghaze, 'Iavzika! Ia amizir kuraba, ia gifa! Ia akavsiar kuraba bagha daveriabar ingara da isava gumazamizibar agharibagh azui. Egha akavsiar amuamin iniba isamigha da isa men dapaniba ave. Gumazamizir oteviba ko ruariba, ia kamaghira bar moghira me gami. Egha me biziř kaba uari darigh gavgavim inigh gumazamizir igharazibagh ativaghasa. Ia amizir kaba uarira uarigh nighnigha, gumazamizir maba paza me gamua marazi deragha me gami. Ia ghaze, arazir ia amir kam ti dera?

Bar puvati. ¹⁹ Ia nan gumazamizibagh ifara ghaze, ia ziar ekiam na ganidi. Ezi puvati, ia nan ziam abiravira iti. Ia akuzir arazim gamua gumazamizir mabav sozi me ariaghiri, egha marazir akurvasi. Gumazir ki ovengan ifongezir puvatiziba, ia me misozi me ariaghiri, egha ki ovengasa ifongezir gumazamiziba ia deragha me gami. Ezi gumazamiziba ian arazir kam bagha bar ifongegha bretin oteviba ko balin muziaribar ia givezima, ia arazir kurar kabagh ami.

²⁰ “Ki Ikiavira Itir Godin Ekiam, ki kamaghin migia ghaze, Ia oragh! Ia akavsiar kuraba bagha daveriabar ingara da isava gumazamizibagh ativaghaha men agharibagh azui. Mati gumazim ruarimin kuaraziba buri moghin ia gumazamizibagh ami. Ezi ki daveriar kaba bar dagh ifongezir puvati. Ia agharibagh aghuazir daveriar kaba, ki bar da aghoregħti, ia uam akavsiabar amuan kogham. Eghzi gumazamizir ia ativazir kaba ua ian apengan ikian kogham. ²¹ Egh ki uaghan akavsiabar amuamin inir ia gumazamizibar dapaniba aveziba adegham, eghzi nan gumazamizibar firighiregh ua ian apengan ikian kogham. Eghzi ia kamaghin mikim suam, kirara, ki Ikiavira Itir God.

²² “Ia akar ifavarir bar aviribagh amua, gumazamizir aghuibar nighnizibagh asighasiki. Ezi ki uabi me gamizi, me osemezir puvati. Ia gumazamizir arazir kurabagh amibav già, gavgavim me ganidima me uan navibagh ighasa nighnizir puvati, kamaghin amizi, me zurara itir ikirimrim inighan kogham. ²³ Kamaghin amizi, ia ua irebabar min garir bizar ifavaribar ganan kogham. Eghzi gin otivamin bizibar apezzeperir akar ia amiba, da bar givagħam. Eghzi ki uan gumazamizibar akuragh ua ia da me inighti, ia ua me gativagh men ganan kogham. Eghzi ia kamaghin fogħ suam, kirara ki Ikiavira Itir God.”

14

Gumazamiziba asebar ziaba fan, God aghħua

¹ Dughiar mam Israelian gumazir dapanir maba, Ikiavira Itir Godin ifongiam gifofogħasa nan azangsighasa izi. ² Ezi Ikiavira Itir God na migia ghaze, ³ “O nguazir kamin gumazim, gumazir kaba uan naviba isa asebagħ aningizi, arazir kam bangin men arazir kuraba ghua bar ekefe. Me bar uan asebagħ ifongegħha da ataghiraghan aghħua. Me datirighin pura iza nighnizibha bagħha nan azangħi. Eghzi

ki guizbangira men azangsizim ikarvaghan aghħua.”

⁴ Datirighin ni me mikim suam, ki Ikiavira Itir Godin Ekiam kamaghin migei, Israelin ikizimin tongin gumazitam uan navim isi asebar anigam, eghzi arazir kam bangin an arazir kuraba mangi bar ekevegħti, a uan aseba bar dagħ ifongeġħ da ataghiraghan aghħuagh, a pura izi nighnizibha bagħ Godin akam inigha izir gumazim azangsigham, eghzi ki Ikiavira Itir God, nan ikarvazim kamakin, ki fo, a ziar ekċiaba aser aviribagh anidi. ⁵ Aser kaba Israelin ikizim gamizi, me akirim ragħha na gasara. Ezi nan ifongiam kamakin, ki ua men navir averiaba iniasi aghħnisi, eghzi me na bagħvira ikiam.

⁶ “Ezi datirighin, ni Israelin ikizimin mikim suam, ki Ikiavira Itir Godin Ekiam kamaghin migei, ia navibagh iragh, uan aseba akirim ragħ dagħ asaragh, arazir kurar ki bar aghħuaziba da atakīgħi.

⁷ “Eghzi Israelin ikizimin gumaziba o amiziba, o Kantrin Igharazibar Gu-mazamizir uan kantri ategħha iza Israelia ko itiba, akirim ragħ na gasaragh uan navim isi asebar anigam, eghzi arazir kam bangin men arazir kuraba mangi bar ekevegħti, me uan aseba bar dagħ ifongeġħ da ataghiraghan aghħuagh, egh ġe pura izi nighnizibha bagħha nan akam inigha izir gumazim azangsigham, eghzi ki Ikiavira Itir God, ki uabi men ikarvazim me daningam. ⁸ Ki men apanim damu, egh uan gumazamizibar tongin me batuegħam. Eghzi ia Israelia bżżejjek ki me gamuzi kamin ganigh, egh kamaghin mikim suam, Ikiavira Itir God, gumazamizir akirim iragħha a gasiba, arazir kamin me gami. Eghzi ia kamaghin fogħ suam, kirara ki Ikiavira Itir God.

⁹ “Eghzi gumazir kamagh garitam izi nan akam inigha izir gumazitam apezzeper a damut, an akatam a danigham, bżżejjek kamin mingarim mati, ki Ikiavira Itir God, ki uabi nan akam inigha izir gumazim gifarajha an akar kam a ganingi. Kamaghin amizi, ki iveri kuram a daningiwa Israelian gumazamizibar tongin a batuegħam. ¹⁰ Eghzi nan akam inigha izir gumazim ko, gumazir nan ifongiam gifofogħasa għuava an azarazim, aning uaghara iveri kurar magħ garim injam. ¹¹ Ki kamaghin damiġħ, Israelin ikizimin tuavim apirighti me uam akirim ragħ na gasan kogħam. Eghzi arazir kurabar amuan kogħi nan damazim minn mizegħan kogħam. Eghzi me nan gumazamizibara ikiti, ki men Godin ikiam. Ki Ikiavira Itir Godin Ekiam, ki kamaghin mikemegħha għifa.”

God vaghvagha gumazamizibar arazir kurabar gari

¹² Ikiavira Itir God kamaghin na migei,
¹³ "Nguazimin gumazim, kantrin tamin
 gumazamiziba arazir kuram damighiva
 nighnizir gavgavim nan ikiam koghti, ki
 uan gavgavim men akagh men daghebar
 amighti da mangi bar otevegham. Ki
 mitiriam azir dughiam me bagh ane-
 madaghti, gumazamiziba ko asiziba virara
 daghem bangin arighiram. ¹⁴ Gumazir
 3plan aghuir kaba, Noa, Daniel ko Jop,
 me kantrin kamin ikiae,* ki 3plan gumazir
 kabagh nighnigh egh gumazamizir arazir
 kurabagh amibar apangkuvighan kogham.
 Puvati. Ki gumazir 3plan kabara me ateghti
 me deragh ikiam. Eghiti, gumazamizir
 igharaziba arimighiregham. Ki Ikiavira Itir
 Godin Ekiam, ki kamaghin mikeme.

¹⁵ "Ki maghsuegh, asizir atiaba amadaghti
 da izi gumazamizibav soghirarigham, egh
 nguazim damighti atiatim bar anevaraghti,
 gumazitam a daruan kogham. ¹⁶ Ezi
 gumazir 3plan aghuir kaba, Noa, Daniel
 ko Jop, me kantrin kamin ikiavira ikiae,
 ki Ikiavira Itir Godin Ekiam, ki angamira
 itir God, ki uan ziamin kamaghin migei,
 ki 3plan gumazir kabara nighnigh men
 otariba ko guivibar apangkuvighan
 kogham. Puvati. Ki gumazir 3plan kabara
 me ateghti me deraghvira ikiam. Eghiti,
 gumazamizir igharaziba arimighiregham.
 Eghit nguazim ruarin kinimin otogham.

¹⁷ "Egh ki maghsuegh, midorozir sababar
 suighizi apaniba kantrin kam bagh me
 amadaghti, me izi gumazamiziba ko asiziba
 uaghan bar me kuavaremegham. ¹⁸ Ezi
 gumazir aghuir 3plan kaba kantrin kamin
 ikiavira ikiae, ki Ikiavira Itir Godin Ekiam, ki
 angamira itir God, ki uan ziamin kamaghin
 migei, ki 3plan gumazir kabara nighnigh,
 men otariba ko guivibar apangkuvighan
 kogham. Puvati. Ki gumazir 3plan kabara
 me ateghti me deragh ikiam. Eghiti, gumaza-
 misir igharaziba arimighiregham.

¹⁹ "Egh ki maghsuegh, arimariar kuratam
 amadaghti a bar atamra kantrin kam
 gimirighti, ki uan aningagharimin gumaza-
 misiba ko asizibav soghirarigham. ²⁰ Ezi
 gumazir 3plan kaba, Noa, Daniel ko Jop,
 kagh ikiae. Ki Ikiavira Itir Godin Ekiam, ki
 angamira itir God, ki uan ziamin kamaghin
 migei, ki 3plan gumazir kabagh nighnigh
 men otariba ko guivibar apangkuvighan
 kogham. Puvati. Ki gumazir 3plan kabara
 me ateghti me deragh ikiam. Eghiti,
 gumazamizir igharaziba arimighiregham.

* **14:14:** Noan eghaghanimin akaba, Bar Faraghaviram Otvizir Bizibar Eghaghanimin Akinafarim, sapta 6in ikegha
 ghua sapta 9in tu. Ezi Jopin eghaghanimin akaba da Jopin Akinafarimra iti. Ezi Danielin eghaghanimin akaba da Danielin
 Akinafarimra iti. **14:21:** Akar Mogomem 6:8

²¹ "Ki Ikiavira Itir Godin Ekiam ki ka-
 maghin migei, ki uan iveaukurar 4plan
 kaba isi Jerusalemin da amangam, kar
 midoroziba, ko mitiriam azir dughiam, ko
 asizir atiaba, ko arimariar kuram. Eghiti
 da gumazamiziba ko asiziba uaghara me
 misoghirarigham. ²² Eghiti varazira ikitira
 ikiam, kar Israelian otariba ko guiviba. Ki
 gin men aku azenan izam, eghiti me ia bagh
 iziti, ia me amir arazibar gan. Men araziba
 bar ikufi. Eghiti ni uan navir averiamin
 fogh suam, iveaukurar ki Jerusalem bagha
 amadazim, a voroghira ghu. ²³ Eghiti a kam-
 aghin fogham, ki amizir biziiba da mingarir
 aghuba itima, ki dagh ami. Ni men arazir
 kurabara ganigha fo, ki me ikarvaghamin
 arazim bagh navir amirizim inigham. Ki
 Ikiavira Itir Godin Ekiam, ki kamaghin
 mikemegha gifa."

15

Wainin ikarizimin akar isin zuim

¹ Ikiavira Itir God kamaghin na migei:

² "O nguazir kamin gumazim,
 ni manmaghin nighnisi, wainin
 ikarizim, a ti derazir puvati.
 Wainin ikarizimin agharim, ruarir arizimin
 temebar agharibar tongin man-
 maghin deragh aghung,
 dagh afiraghram?

Ti puvati.

³ Ni a isi bizitamin ingarigham, o?
 Egh ni wainin ikarizir otevitam inigh,
 biziiba guamin akezibar ingarigham,
 o?

Ti puvatigham.

⁴ An avim damuamin bizim a bar dera.
 An ruaghatevimmung isighti an arizim
 ganadam tong isighti, ni a isi an
 bizitamin ingarigham, o?

Ti puvatigham.

⁵ Avim tighar an isiam, inganganriba an pu-
 vati.

Ezi datirighin avim tong an isighti,
 a guizbangira inganganriba bar an
 puvatigham."

⁶ Egha Ikiavira Itir Godin Ekiam ka-
 maghin migei, "Kamaghira, mati wainin
 ikarizir ruarir arizimin temebar tongin
 itim, a derazir puvati. Kamaghin, ki
 dazimin min anemisevezima, me a gaborozi
 a isi. Kamaghira, ki Jerusalemin itir gu-
 mazamiziba inigh pazavira me damigham,
 me mati avim arighamin daziba. ⁷ Ki
 men apanim damuva iveaukurar me
 daningam. Me ti avim gitaviraghxi damuva

avegh bar isigham. Ki pazavira me damightima, me fogh suam, kirara, ki Ikiavira Itir God. ⁸ Me nighnizir gavgavim nan itir puvati. Kamaghin amizi, ki nguazir kam damighti a danganir kinimin min ikiam. Ki Ikiavira Itir Godin Ekiam kamaghin mikemegha gifa.”

16

Jerusalem mati amizim uan pam ataki

¹ Ikiavira Itir God ua na migia ghaze, ² “O nguazir kamin gumazim, ni akam Jerusalemia gasi me mikim suam, me bar arazir kurar ki bar aghuazibagh ami. ³ Ni Jerusaleml mikim suam: Ikiavira Itir Godin Ekiam kamaghin migia ghaze, Jerusalem, ni amizir mamin min iti. Nin afeziam kome amebam gumazamizir arazir kurabagh amibar tongin ikegha ize. Nin afeziam Amorian adarazir gumazim. Ezi nin amebam Hitian adarazir amizim. Ezi nin amebam Kenanin nguazimin ni bate. ⁴ Amebam ni batezima, tav nin overapanir sazim atugha ni ruezir puvati. Me amangsizim ni gaghuzir puvati, egha inir avizibar ni nomkezir puvati. ⁵ Tav bar nin apangkuvigha bizir katam ni gamizir puvati. Amebam ni batezir dughiamin, tav ni gifongezir puvati. Me pura ni isa danganir arozir kinimin ni akunizi, ni pura irighav iti.

⁶ “Ezi ki arua iza nin garima, ni uan ghuzim gipohposi. Ghuzim ni avara, ezi ki ni ateghti ni aremeghan aghua. Egha ki ghaze, ‘Ni angamira ikiam. ⁷ Egh aghung ghuavanang, mati akimarir bar aghuim azenimin iti.’ Kamaghira, ni aghua gavgavigha ruaraghha amizir igiamin oto. Nin otemning otozi, nin mikarzim ariziba otivigha gifa. Ezi ni bibiamra ikiavira iti.

⁸ “Ki ua iza nin garima, ni gumazimin ikiamin dughiam otogha gifa. Ezi ki uan azenan azuir korotiam inigha an onegha ni mikarzim avara. Egha ki nin ikiasa ni ko Akar Dikirizir Gavgavim gami, ezi ni konanamra. Ki Ikiavira Itir Godin Ekiam kamaghin mikemegha gifa.

⁹ “Egha ki dipam inigha nin mikarzim ruava, nin ghuzim adiza olivin mughuriar aghuim zuir borem nin mikarzim gaghui. ¹⁰ Egha ki korotiar bar aghuir me tretin digirir bar aghuiba isamizim ni garu. Egha dagarir asuar bar aghuiba ni ganigha, inir bar aghuim ni dapanim gike. Egha azenan azuir korotiar bar aghuim ni garu. ¹¹ Egha ki kurkazir bizir aghuiba ni ganingi. Ki daveriaba nin agharimning gaghui gha, senin aghuim isa ni firimin da. ¹² Egha ni uan atinim daghuasa ki ring ni ganingi. Egha ni uan kuarimning daghuasa ringning ni ganingi. Egha ki dapanir asuar bar dirim isa

nin dapanim garu. ¹³ Ezi ni uabin kurkamin silva ko golin bar avirim iti. Egha ni zurara, korotiar aghuir me tretin digirir aghuiba isamizir aghuiba azui. Ki bretin me plauan bar aghuimin ingarizim ko hani ko olivin borem isa ni ganingizi ni da api. Nin gan-ganiba bar deraviram oto. Ezi ni atrivir amizimin oto. ¹⁴ Nin ganganiba deraviram otozi, Kantrin Igharazibar Gumazamizir avirim, nin eghaghanim gifo. Ki uabi ni asingizi ni ganganir bar aghuim gamua taghtasi. Ki Ikiavira Itir Godin Ekiam, ki kamaghin mikeme.

¹⁵ “Ezi ni nighnizir gavgavim uabin ikia ghaze, ni amizir bar dirim, egha tuavimin amizimin min oto. Ni uan ganganir aghuim bangin, gumazir aviriba mangigh zegh gamima, ni me gekua me koma akui. Ezi ni ganganir aghuim, gumaziba bar men bizir aghuimin min oto. ¹⁶ Ni uan korotiar maba isa asebar ziaba fer danganiba asingi. Ni danganir kabar tuavimin amizimin min amua pura uabi isava gumazibagh anidi. Nin arazir kurar kam, a bar ikufi. ¹⁷ Ni gol ko silvan ni uan mikarzim kurkiasa ki ni ganingiziba da inigha gumazibar nedazibar ingari. Egha nedazir kaba ko poroghamiba uari bakiava akuir arazim gami. ¹⁸ Ki ni ganingizir korotiar aghuir me tretin digirir bar aghuiba isamiziba, ni da isa nedazir kabagh aghui. Egha ki ni ganingizir olivin boreba ko paauran mughuriar aghuim itiba, ni da isa nedazir kaba bagha mughuriar aghuim zuir ofabagh ami. ¹⁹ Ki dagher bar aghuiba ni ganingi, mati plauan bar aghuim ko olivin boreba, ko haniba, ezi ni aser kabar naviba iniasava me baghavira nighnigha, ofan min dar men ofa gami. Bar guizbangira, ni arazir kabar dagh ami, ki Ikiavira Itir Godin Ekiam, ki kamaghin migei.

²⁰ “Ni na bagha otezir otariba ko guiviba, ni me misuegha asizibar min me isa marvir guaba damasa ofabagh ami. Ni fo, nin arazir tuavibar amiziba amir arazir kam, a derazir puvati. Ezi ni ti ghaze, ni amir arazir kuram ti pura bizim, ezi ni arazir kurar avirim damu mangivira ikiasa. ²¹ Ni kamaghin ifuegha, ni nan boribav suegha me isa marvir guaba bagha ofabagh ami. ²² Ni uan arazir kurar ki bar aghuaziba ko, nin arazir ni tuavimin amizimin min amibar gin ghua, tong uan aghirimra ikezir dughiam ginighnizir puvati. Dughiar kamin ni bibiamra ikiava uan ghuzim gipohposi.”

Jerusalem, tuavimin amizimin min oto

²³ Ikiavira Itir Godin Ekiam ua kamaghin migia ghaze, ‘Iavzika! Ia bar moghira ikuvigham. Iavzika! ²⁴ Ia tuaviba bar, dar gu-

* **16:16:** Hibrun akam deragha migirigiar kamin mingarin abighizir puvati.

mazamiziba uari akuvir danganibar ghua asebar ziaba fer arazim ko tuavimin amizibar arazim, aning damuasa danganibar ingari.²⁵ Ni ghaze, ni bar amizir ganganir bar aghuim gamim, egha gumaziba tuavibar izima, ni me gekua uan mikarzim isa pura gumazir kinibagh anidi. Egha nin arazir tuavimin amiziba amir arazir kam, ekiva ghuavira iti.²⁶ Ezi Isipian nin boroghin itir darasi, kar gumazir mikarziba puvira dikaviba, ni men amamangatizi, me iza ni ko misiabagh akui. Ezi nin arazir tuavibar amiziba amir arazim ekiva ghuavira ikia na gamima, nan navim ikuvizi: ki nin atari.

²⁷ “Ni oragh! Ki uan aningagharim ni gin gegha uan gavgavimin pazavira ni gamigha, ni ganingizir bizi, ki ua ni dama da ini. Ki ni isava Filistiabar agharim gatizi me uan ifongiabar gin ghua pazavira ni gami. Me bar nin arazir kurar mizirizir kabar aghuagha dar aghumsisi.

²⁸ “Gumazir ighazariz kaba iza ni ko akua nin ifongiam agivazir puvati. Kamaghin amizi, ni Asirian gumazibar gin ghua mati tuavimin amizim tintinimin gumaziba bagha ruiagha arui. Me ni koma akuima, ni arazir kam bagha bar ikuvighavira iti.²⁹ Egha ni uaghan Babilonian, dagiaba bagha ingarir gumaziba, ni men gin arua mati tuavimin amizimin min, ni me koma akui. Me ni koma akuima, ni arazir kam bagha bar ikuvighavira iti.

³⁰ “Ki Ikiavira Itir Godin Ekiam, ki kamaghin migel, Ni uan ifongiamin gin ghua, aghumsizir puvatigha tuavimin amizimin min ami. Mati, ni navir averiamin aven, arimiarlar ekiam an iti.³¹ Tuaviba bar, gumaziba uari akuvir danganibar ni asebar marvir guabar ziaba fasa danganibar ingarava tintinimin gumaziba koma akuir arazim gami. Egha ni tuavimin amizir ighazaribar min amir pu. Bar puvati. Me dagiaba iniasa arazir kam gami. Ezi ni arazir kam gamua dagiaba inian aghua. Ni uan ifongiam agivasa pura me koma akui.

³² “Ni mati amuir uan pam ataghizarim. Egha gumazir ni fozir puvatiziba ko, poroghamiba uari bakeir arazim me koma a gami.³³ Tuavimin amiziba bar, dagiaba isi. Ezi ni puvati. Ni bizi aghuiba isa gumazir ni ifongeza bar me ganidi. Egha tuavir kamin ni me apezepera me getuima, me tintinibar ikia iza ni ko dakuasava ami.³⁴ Ni tuavimin amizir ighazaribar min amir puvati. Tav kamaghin tuavir amizimin min otivasa ni migia ni gaghonezir puvati. Ni dagiaba isir puvati. Ni dagiaba isa me givesi! Guizbangira, ni bar amizir igharaghav amim.”

Godin aningagharim Jerusalem gis in iti

³⁵ Ikiavira Itir God ua kamaghin migel: “O Jerusalem. Ni tuavimin amizim, ni nan akam barakigh! Ki Ikiavira Itir God.

³⁶ Ikiavira Itir Godin Ekiam kamaghin migel: Ni uan ifongiar ekiamin gin ghua uan korotiaba suegha bibiamra ikia, tuavir amizimin min uabi isava gumazir ni ifongeza pura uabi me ganidi. Egha ni uan marvir guar ki bar aghuaziba baghavira ikia, uan boribav sogha da isa asebar ofa gami.³⁷ Nin arazir kaba bangin, ni gifongezir gumaziba, ki bar me akuvagham. Gumazir ni ifongeza, ko ni aghuaziba sara, ki men aku iziti, me bar ni okarigh tuvighthi, ki nin korotiaba sueghti, me bar nin ganti, ni bibiabara ikiam.

³⁸ Nin arazir poroghamiba uari bakeir arazim ko gumazibav soaghazir arazim bangin, ki ivedzir kuram ni daningam. Egh gumazibar ghuziba irezir bizi kurar kam ikarvagh, uan aningagharim akagh pazavira ni damighti, ni ovengam.³⁹ Ki ni isi gumazir kabar agharim datighti, me nin danganir ni gumaziba koma akua, egha asebar ziaba feba, me bar da akararigh dagh asighasigham. Me nin korotiaba ko kurkazir aghuiba bar da inigh mangi ni atehtti ni bibiabara ikiam.

⁴⁰ “Gumazir kaba gumazir ighazaribar diaghti, me izi dagiabar ni ginivigh, uan midorozir sababar ni aghorarigh bar ni nguemsirigham.⁴¹ Egh gumazir kaba nin dipenibar apongiva amizir aviribar damazimin ivedzir kuram ni daningam. Tuavir kamin, ki nin arazir tuavimin amizimin arazir kam agivagham. Egh ki uaghan ni damighti, gumazir ni gifongeza, ni ua pura bizi aghuiba isi me daningiva me apezeper me gekuan kogham.⁴² Eghti nan aningagharim givaghti ki amiraghram. Egh navim ua ni bagh ikuvan kogham. Egh ki navir amirizim iki, ua nin ataran kogham.

⁴³ “Ni aghirimra itima, ki bar deravira ni gami, ezi ni bizi arazir kurar kabagh ami. Ni guizbangira arazir kurar avirir ki aghuazibagh ami. Egha ni manmaghsua, tuavimin amizimin arazir kam gami. Kamaghin amizi, ki nin arazir kurar kaba ikarvagh egh ivedzir kurram ni daningam. Ki Ikiavira Itir Godin Ekiam, ki kamaghin mikemegha gifa.”

Guivim uan amebamin araziba in i

⁴⁴ Ikiavira Itir God ua kamaghin migia ghaze, “O Jerusalem, gin gumazamiziba nin gan aghuzir akar otevir kamin ni mikimam, ‘Guivim uan amebamin araziba bar ada in.’⁴⁵ Guizbangira, nin araziba bar

nin amebam ko nin avenemebabar arazibar mirara ghu. Me uan paba ko boribagh ifongezir puvati. Nin amebam Hitian amizim, ezi nin afeziam Amorian gumazim.

⁴⁶ "Nguibar ekiam Samaria, a notin amadaghan iti, a mati nin avenemebam. Ezi nguibar ekiam Sodom, a fomira sautin amadaghan ike, a mati nin afumim. Ezi nguibar dozir an boroghin itiba, da mati an guiviba. ⁴⁷ Amizir kamning faragha arazir bar kurar ki bar aghuazibagh ami. Ezi ni aningen dagarir noziba dikiva aningen min arazir mizirizibar amuasava ami. Ezi dughiar otevimin nin arazir bar kurar ni amiba bar aning amir arazir kurabagh afira.

⁴⁸ "Ki Ikiavira Itir Godin Ekiam, ki zurara angamira ikia mamaghira iti, ki uan ziamin bar guizbangira ia migei: Nin afumim Sodom ko nguibar dozir an boroghin itiba, me ni ko nin nguibar dozir nin boroghin itibar mirara, arazir bar kurar katabagh amizir puvati.

⁴⁹ "Ni oragh. Nin afumim Sodom uan guiviba ko, me gavgavigha uari fava, dagher avirim ikia navir amirizimin ikia nimira iti. Ezi men osintzim kamakin, me onganarazibagh amir gumazamizibar akurvaghan aghua. ⁵⁰ Me ifaghata uari fava, egha nan damazimin ki aghuazir arazir kurabagh ami. Kamaghin amizi, ki men arazir kurabar ganigha me batote.

⁵¹ "Samarian arazir kuraba avirasemezir puvatizi, dar dibobonim mong nin arazir kurabar dibobonimin apengan iti. Nin arazir kuraba an arazir kurabagh afiraghba bar mize. Ia 3plan amiziba, ki ian arazir kurabar gari, nin arazir kurbara bar ikufi. Ezi amizir igharazimning arazir kuraba, ki dar gari, da mati pura biziba. ⁵² Kamaghin amizi, ni datirighin uan arazir mizirizibar aghumsizim iniam. Ki ian gara bar ian araziba tuisigha ghaze, nin arazir kuraba bar ikuvizi ki bar dar aghua. Ezi amizir igharazimning, nan damazimin amizir aghuimmingin min oto. Bizir kam bangin, ni datirighin uan aghumsizir ekiam iniva navim bar ikuvigham."

*God deravira Sodom ko Samaria
damuan*

⁵³ Ikiavira Itir God ua kamaghin migei, "O Jerusalem, datirighin Sodom ko, Samaria uan guiviba ko, me bar ikuvighavira iti. Eghti ki me damighti, men dabirabim ua deragham. Ki garima, ni aningen tongin ikia bar ikuvighavira iti. Eghti ki uaghan ni damighti, nin dabirabim ua deragham. ⁵⁴ Ni uan arazir kuraba bangin uabin aghumsigham. Eghti amizir igharazimning, nin

aghumsizimin gan, fogh suam, aning deravira zui. ⁵⁵ Eghti amizir igharazimning ki aningen akuraghram, Sodom uan guiviba ko, Samaria uan guiviba ko, men dabirabim mati me faragha ikezi moghin ua deragham. Eghti ki uaghan ni ko nin guivibar akuraghti ian dabirabim mati ia faragha iti moghin ua deragham. ⁵⁶ Dughiar ki tighar ni gasighasighammin, ni gavgavigha ifaghata uabi fa, egha Sodom dipova ghaze, Sodom bar ikufi. ⁵⁷ Ezi nin arazir kurar ni faragha amiziba datirighin azenim gire. Ezi gumazamizir igharazir nin boroghin itiba, me ni gifongezir puvati. Nin dibovir arazim a ua iza nirara iti. Ezi Idom ko, an boroghin itir darizi ko, Filistia ko, an boroghin itir dariasi, me bar ni dipova nin aghua. ⁵⁸ Ni datirighin uan arazir mizirizibar ko, arazir kurar avirir ki aghuaziba bagh iveauzir kuraba iniam. Ki Ikiavira Itir God, ki kamaghin mikeme."

Godin Akar Dikirizir Gavgavir Igiam zu-rara iki mamaghira ikiam

⁵⁹ Ikiavira Itir Godin Ekiam ua kamaghin migia ghaze: "Ni fomira na ko Akar Dikirizir Gavgavim gamigha akam akirigha ghaze, ni an gin mangam. Egha ni uan akar dikirizimin aghuaghga Akar Dikirizir Gavgavim abiki. Kamaghin amizi, ki nin arazir kurar kamra, a ikarvaghan. ⁶⁰ Ezi kirara, ki dughiar ni uan igiamra itimin, ki ni ko Akar Dikirizir Gavgavim gami, egh gin ki a ginighnighvira ikiam. Ki ni ko Akar Dikirizir Gavgavim damuasa, egha Akar Dikirizir Gavgavir kam zurara iki mamaghira ikiam. ⁶¹ Nin avenemebam ko nin afumim gin ua ni bagh izeghti, ki aning ateghti, aning nin guivimning min ikiam. Arazir kam, a nan Akar Dikirizir Gavgavir ki ni ko amizimin aven itir puvati. Ki uan ifongihamin gin mangi a damuam. Eghti dughiar kamin, ni amizir arazir kuraba, ni dagh nighnigh aghumsigham. ⁶² Ki uan Akar Dikirizir Gavgavir Igiam, ni ko a damuam. Eghti ni fogh suam, kirara, ki Ikiavira Itir God. ⁶³ Ni amizir arazir kuraba, ki bar ada gin amadaghan, egha ni dagh nighnigh bar aghumsigh mikiman akabagh asagham. Ki Ikiavira Itir Godin Ekiam, ki kamaghin mikemegha gifa."

17

Ikiavira Itir God kuarazir bagamning ko wainin ikarizimin akar isin zuim migei

¹ Ikiavira Itir God kamaghin na migei: ² "O nguazir kamin gumazim, ki kamagh-sua, ni akar isin zuitam Israelia mikim, eghaghanir otevir kamin aven, mingarir

mam modoghav iti. ³ Ni kamaghin Israelia mikim suam:

[“]Ki Ikiavira Itir Godin Ekiam, ki kamaghin migia ghaze:

Bar maburan kuarazir bagar mam iti,
an aviziba bar ekevegha ariziba bar
ruarigha dirir aghuiba ikia
ganganir bar aghuim gami.

A mighhega Lebanonin Mighsiabar ghua
temer sidan mamin ghuam apiri.

⁴Egha an suiam apirigha a inigha mighhega
ghua dagiaba bagha ingangaribagh
amir nguazir mamin ghugha,
a isa biziwa amaga dagh iveauzir gu-
mazamizibar nguibaekiamin
anekaza.

⁵Egha a dikavigha mighhega
Israelin nguazimin ghua wainin
ikarizir mamin biam asigha,
azener mamin nguazir bar
aghuiamin an opari.

Nguazir kam, a dipar miriamin ikia bar
dera,
eghti gin wainin ikarizir kam an iki
aghung
mangi bar ekevegham.

⁶Ezi wainin ikarizimin biar kam aghua
vazimra aghariba asava wainin
ikarizimram oto.

An aghariba aghua iragha kuarazir bagam
iti naghin gari,
ezi an biba diza bar vin mar uaghiri.
Ezi wainin ikarizimin aghariba ko
an dafariba bar aviraseme.

⁷“Ezi kuarazir bagar ekiar igharazir mam
uaghan iti.

An aviziba bar ekevegha arizir aviriba
iti.

Ezi wainin ikarizir kam nguazir a itir kamin
aghua,
egha a uan biba ko agharibagh iragha
kuarazir bagar kam itir dan-
ganimin da amangi.

Wainin ikarizim nighnisi,
kuarazir bagar igharazim tir nguazim
ti dipar aghuim a daningam.

⁸Ezi nguazir wainin ikarizir kam faragha
iti,

a guizbangira nguazir bar aghuim.

A dipar bar aviriba ikiava, ikarizim damuti,
an aghung dafariba muriva,
biva oviziba ikiva bar deraghama.

⁹“Kamaghin amizi, ki Ikiavira Itir Godin
Ekiam kamaghin nin azai,
Wainin kam deravira ikiva aghungam?
Ti puvatigham.

Kuarazir bagar faragha izim ti izi
biba sarama anesigh an oviziba adegh,

an aghariba apirigh da ateghti da
misingigham.

Gavgaviba puvatizir gumazim o gumazir
kinir puningra,

me ti wainin ikarizir kam asighirafaghah.
¹⁰Ni oragh! Me wainin ikarizir kam nguazir
aghuiamin an opari.

Eghi a deraghira ikiva aghungam, o?
Ti puvatigham.

Aruem anadi naghin ikezir aminim izi a
givangti, a imuigham.

A danganir a faragha aghuimra, iki bar
misigham.”

Akar isin zuimin mingarim

¹¹Ikiavira Itir God ua kamaghin na
migei, ¹²“Ni mangi Israelin ikiariz akaba
batozimin azaragh, me ti akar isin zuir
kamin mingarim gifos, ti puvati? Akar
isin zuir kamin mingarim kamaghin ghu.

Babilonian atrivim, Jerusalemin izegha
atrivim ko an gumazir dapaniba ua bagha
me inigha Babilonin ghu. ¹³Babilonin
atrivim, Judan kantrin ikiavira ikiava,
Judan kantrin atrivimin adarazir mav
inigha a ko akar dikirizir gavgavim gami. A
ghaze, gumazir kam, a Judan kantrin atrivir
igiam otogham. Egha ghaze, atrivir igiam
an apengara ikiasa. Egha a Judan kantri
ateghasa amua gumazir ziaba itiba, a me
inigha kalabusin ghu. ¹⁴Babilonin atrivim
ghaze, atrivir igiam akar dikirizir gavgavir
kamin gin mangen aghuagh, a uan kantri
damutti a ua gavgavigh dikavigh Babilon
misoghsii damuam, eghti Babilonin atrivim
ua izi bar Judan kantri gasighasigham.

¹⁵Ezi Judan atrivir igiar kam Babilonin
atrivimin akam batuegha, Isipin atrivim
bagha akam amadaghha ghaze, a hoziaba
ko midorozir gumazir aviritaba amadaghti
me an akurvaghisi izam. Ni manmaghin
nighnisi, atrivir igiar kam deravira ikiam,
o? Puvatigham. A Babilonin atrivimin
akar dikirizir gavgavim abiki. Kamaghin
amizi, Babilonin atrivim izi pazaviram a
damigham.

¹⁶“Ki Ikiavira Itir Godin Ekiam, ki
zurara angamira ikia mamaghira iti, ki uan
ziamin guizbangira kamaghin migei: Judan
atrivim mangi Babilonin kantrin kalabusin
iki mangi aremegham. Bizir kamin
mingarim kamakin, Babilonin atrivim
anemisevezi, an atrivir igiam iti. Eghi
a Babilonin atrivim ko akar dikirizir gav-
gavim gamua ghaze, an an apengen ikiva
biziwa amuam. Eghi a ubi akar dikirizir
gavgavimin aghuagh a nebiki. ¹⁷Eghi
Babilonia izi, Jerusalemin nguibaekiam
ekiarugh nguazim giku divazim boroghin
dar pozibav mikingham. Egh me nguazir
pozir kabagh isin tuivigh iki midorozim

18

Gumazamiziba bar God vaghvaghha men arazibar gari

¹ Ikiavira Itir God kamaghin na migia ghaze, ² “Ia manmaghsua zurara Israeliang uazim ginighnigha aghuzir akar kamin a migei?

“Afeziaba ko amebaba wainin ovizir angamtiziba api.
Ezi wainin ovizir kaba isingtiziba puvatigha
boribar akabav sozi men atariba me giri.”

³ “Ki Ikiavira Itir Godin Ekiam, ki zurara angamira ikiya mamaghira iti, ki uan ziamin bar guizbangira ia migei, Israelia ia uarira uarir tongin aghuzir akar kam mikiman kogham! ⁴ Ia oragh! Gumazamiziba bar men ikirimirim, nan bizim, afeziab ko amebab min ikirimirim ko borimin ikirimirim, nan bizim. Egha gumazir arazir kuram gamizim, anarira aremegham.

⁵ “Gumazitam ti bar deragh, arazir kuraba an puvatighti, gumazir kam deraghvira ikiam. ⁶ Gumazir kam, mighsiabar pin itir aseba famin danganibar zuir puvatigha me bagha ofa gamua dar dagheba apir puvatigha, Israeliin asebar marvir guabar ziaba fer puvati, egha gumazir igharazibar amuiba koma akuir puvati, egha uaghan amizir uan iakinibav sozim koma akuir puvati. ⁷ Egha a igharaz darazi abira arazir kurabar me gamir puvati. Egha gumazir igharazibar biziha okeir puvati. Egha a uan namakamin amamangatizi, a pura ada dagiar kaba ini, ezi namakam ua da ikarvaghmin ababanimin min a uan biziba isa a ganingi. Egha gin namakar kam iza uan dagiar kaba ikarvaghaha, ezi gumazir aghuir kam ua namakamin bizim a ganidi. Egha gumazir aghuir kam, mitriaba azir darasi, a dagheba isa me ganidi. Egha korotiaba puvatizir darasi, a korotiaba isa me ganidi. ⁸ Egha an namakam an dagiaba pura da inigha ua da ikarvaghaha, an dagiar an aningizim gisin ua dagiaba isir puvati. Egha gumazamiziba kotiaba bagha izi, a guzin arazimin gin ghua men kotiaba tuisisi. Egha an arazir kurabar amuan aghua. ⁹ Gumazir kamaghin amim, an arazir ki ifongeziba ko bizi ki damuasa ia mikemeziba baraghderavira dar gin ghua dagh ami. Gumazir kam, nan damazimin dera, kamaghin amizi, an angamira iki mamaghira ikiam. Ki Ikiavira Itir Godin Ekiam, ki kamaghin mikeme.

damuam. Me kamagh nighnigha ghaze, gumazir avirim arighiregham. Eghiti Isipin atrivimin midorozir gumazir avirir bar gavgavim, midorozimin dughiamin izi men akuraghan kogham. ¹⁸ Ia oragh! Judan atrivir igiam, akar dikirizir gavgavimin aghuaghga anebiki. Egha a bizir kaba bar dagh ami. A datirighin arimangighan kogham.

¹⁹ “Ki Ikiavira Itir Godin Ekiam, ki zurara angamira ikiya mamaghira iti, ki uan ziamin guizbangira kamaghin migei: Ki atrivir kam ikaragh pazavira a damigham. A guizbangira nan ziamin akar dikirizir gavgavim gami, egha anebiki. ²⁰ Ki an suiraghram, mati gumazir asizibar suizir iven onegha a mikinizi an an suira. Ki a inigh Babilonin mangi munagh an arazir akirim ragha na gasarazim tuisigh, egh ivezir kuram a daningam. ²¹ An midorozir gumazir gavgavir aghuiba, me bar arighiregham. Eghiti midorozir gumazir ikiavira itir varazira, me tintinimin suaraghiraham, mati aminim iza ivaima biziba tintinibar ghue. Eghiti ia kamaghin fogh suam, ki Ikiavira Itir God, ki mikemegha gifa.”

God Israeliang akuraghaha akam akiri

²²⁻²³ Egha Ikiavira Itir Godin Ekiam kamaghin migei:

“Ki ubai, ki sidan temer ruarim an aguar muzierbar bar pin ititam atugham.

Egh a inigh mangi Israeliin mighsiar ighazariz bar dagh afirazimin an anekaraghram.

Eghiti temer kam aghuigh ekevegh aguar ruariba iki biva, oviziba ikiam.

Egh a sidan temer bar dirimin otogh, sidan temer mabagh afiraghram.

Eghiti kuarazir guar aviriba izi an aguabar dapighiri aruemin uari apazam.

Egh me an aguar kabar mikonibar ingaram.

²⁴ Eghiti nguazir kamin itir temeba, me bar kamaghin fogh suam, ki Ikiavira Itir God.

Ki temer ruariba otima, da uaghiri, egha temer igiabagh amima, da aghua ghuavanadi.

Ki temer dafarir angamtizibagh amima, da midii.

Egha temer dafarir midiaribagh amima, dar dafariba angamira iti.

Ki Ikiavira Itir God, ki mikemegha gifa, egh ki mikemezzi moghin, ki biziba bar dar amuam.”

10 "Egheti gumazir kam otaritam ikiti, otarir kam gumazibav soghti me arimighiram, kar otarimin osimtzizimra. 11 An afeziham arazir kabagh amir puvati, otarim uabira arazir kabagh ami. A mighsiabar pin itir aseba famin danganibar ghua da bagha ofa gamir dagheba api. Egha gumazir igharazibar amuba koma akui. Egha dagher me aser marvir guaba bagha ofa gamiziba apava gumazir igharazibar amiba ko arazir kurar ki aghauzibagh ami. 12 Egha a gumazamizir onganaraziba abira arazir kurabar me gami. Egha gumazir igharazibar biziba okei. Egheti namakatam an dagiar a iniziba ikarvaghisi iziti, gumazir kurar kam ua namakamin ababanir bizim a danighan kogham, a pura ua bagha a ini. Egha marvir guabar ziaba fe. Egha arazir kurar ki aghauzir igharazibagh ami. 13 Egh an namakam an dagiaba inigh, ua da ikarvaghisi, an dagiar an aningizim gisin, a ua dagiar igharaziba isi. Gumazir kam ti angamira ikiam ti? Puvatigham. A ikian kogham. An arazir kurar ki aghauzir kabagh ami, kamaghin amizi, an ovengam. A uabi ua osimtzizim bangin ovengam.

14 "Egheti gumazir kurar kamin otarim, uaghan otaritam ikiti, otarir kam uan afeziham ganti, an arazir kurabar amuam. Egheti a uan afeziham min arazir kurabar amuan aghuaghram. 15 Egh otarir kam, mighsiabar pin itir aseba famin danganibar mangan kogh, da bagh ofabar amu, dar daghebar aman kogham. Egh gumazir igharazibar amuba ko dakuun kogham. 16 Egh a igharaz darazi arazir kurabar me damuan aghuaghram. Egh gumazir igharazibar biziba okiman aghuaghram. Egh a uan namakamin amamangatizi, a pura ada dagiar taba inigh, egheti namakam ua da ikarvaghmin ababanim inian aghuaghram. Egh gumazir aghuir kam, mitiriaba azir darasi, a dagheba isi me daningam. Egh korotiaba puvatizir darasi, a korotiaba isi me daningam. 17 Egh an namakam an dagiaba pura da inigh, egh ua da ikarvaghisi, an dagiar an aningizim gisin ababanim inighan kogham. Egh an arazir kurabar amuan aghuaghram. A bizar ki damuasa ia mikemeziba ko arazir ki ifongeza baragh deravira dar gin mangi dar amuam. Otarir kam, uan afeziham arazir kurabar osimtzibisa inigh, da bangin aremeghan kogham. Puvatigham. An angamira ikiam. 18 An afeziham bar arazir igharaghya garibagh ami. A ifara biziba okiava zurara arazir kurabar igharaz darazigh ami. Kamaghin amizi, a uabi ua arazir kurar an amizibagh ipurigh

aremegham.

19 "Ezi ia kamaghin azai, 'Tizim bagha, otarim afeziham arazir kurabar ivedir kuram inian kogham?' Ezi ian azangsizim ikarvazim kamakin. An otarim nan arazir aghuiba ko arazir ki ifongeza bar suiragha deravira dar gin zui, kamaghin amizi, an aremegham kogh deravira ikiam. 20 Gumazim an arazir kuram gami, anariram aremegham. Otarim afeziham arazir kurabar ivedir kuram inian kogham. Egheti afeziham, otarimin arazir kurabar ivedir kuram inian kogham. Gumazir arazir aghuim gamizim, an an ivedir aghuim iniam. Egheti gumazir arazir kurabagh amim, a da bangin ivedir kuram iniam.

21 "Gumazir arazir kurabagh amitam arazir kuraba ategh arazir ki ifongeza bar suiragha arazir aghuiba amuam, an aremegham kogham, an angamira ikiam. 22 A datirighin arazir aghuiba am. Egha a faragha amizir arazir kuraba ki da gin amada, egh ua dagh nighnighan kogham. Kamaghin amizi, an angamira ikiam. 23 Ki Ikiavira Itir Godin Ekiam, ki kamaghin ia migei. Gumazir arazir kurabagh amiba ariaghiri, ki bizar kam bagha bar akongezir pu. Puvati. Ki kamaghsua, me navibagh iragh angamira ikiasa ki ifonge.

24 "Egheti gumazir aghuitam arazir aghuiba ategh, arazir miziriziba ko arazir kurar ki aghauzibar amu, egh an angamira ikian kogham. A faragha amizir arazir aghuitam, ki tam ginirighan kogham. An akirim ragha na gasara, kamaghin amizi, a uan arazir kuraba bangin ovengam.

25 "O Israelin ikizim, ia zurara kamaghin migei, 'Ekiam amir arazir kaba, da derazir puvati.' Israelia, ia deravira nan akam baragh. Ia ghaze, nan araziba ti ikufi. Bar puvati. Larara ian arazibara bar ikufi! 26 Gumazir aghuitam, arazir aghuim ategh arazir kuram damigh an osimtzizim ikiam. Egh a uan osimtziz kam bagh an ovengam. 27 Egheti gumazir kuratam, arazir kuram ategh arazir aghuim damu, an aremegham kogham. A deraghvira ikiam. 28 An arazir kurar amizir kam gifogha givagha, anetegha arazir aghuimin gin zui. Bizar kam bangin, an aremegham kogham. An angamira iki deraghvira ikiam. 29 Ezi ia Israelin ikizim, ia ghaze, Ekiam amir araziba, derazir puvati. Ezi puvati. Ian arazibara bar ikufi.

30 "Ki Ikiavira Itir Godin Ekiam, ki kamaghin ia migia ghaze, O Israelin ikizim gumazamiziba, ki vaghvagh bar ian araziba tuisigham. Kamaghin amizi, ia navibagh

iragh, ia amir arazir kuraba ategh, akirim ragh dagh asaragh. Egh ti ian arazir kuraba ia gasighasighan kogham. ³¹ Arazir kurar ia amiba, ia bar ada atakigh. Egh nighnizir igiam ko navir igiam inigh. O Israelin ikizim, ia manmaghsuava ovengasava ami? ³² Ki Ikiavira Itir Godin Ekiam ki kamaghin migei: Ian tav aremeghan ki bar aghua. Kamaghin amizi, ia uan arazir kuraba akirim ragh dagh asaragh, egh ia angamira ikiam."

19

Esekiel azirakar ighiam bange

¹ Ikiavira Itir God Israelian atrivir pumuning bagha azirakar ighiar kam bangasa na mikeme:

² Nin amebam bar laionin amebar aghuim. Alaionin apurir ekiabar tongin ikia uan nguzibar akuaghapi.

A uan nguzibar gara dagh eghuvima, da aghuava ekefe.

³ A uan nguzir mam deragha a gehuva an garima, an aghuigha bar dera.

An asiziba burir arazimin an akakasi, ezi gin a gumazamizibav sogha me api.

⁴ Kantrin Igharazibar Gumazamiziba, bar laionin kamin eghaghanim baregha, a bagha azuazimin min mozim gikuizi laion iza mozir kam giraghу.

Ezi me akezim an koviamin guraghа anemkirigha

Isipin kantrin ghu.

⁵ Amebam a bagha dughiar ruarinin a mizua itima, a izezir puvati.

Ezi a tagha ua nguzir igharazir mam inizi an an danganim ini, ezi an an gara a gehuvima,

a bar mikarzim saram aghungigha, laionin igiar aghuimin oto.

⁶ A bar ekevegha givagha laionin igharaziba koma arui.

A uaghan asiziba buri dav sogh, egh dar amamin arazimin fofoziba ini.

Egha uaghan gumazamizibav sogha me api.

⁷ A men dipenir gavgaviba akaraghарigha, men nguibar ekiabagh asighasisi.

A tiarim akara dazerima, nguazir kamin gumazamiziba bar puvirama atiati.

⁸ Kantriba ko provinsin an boroghin itiba bar dar gumaziba, a misoghasa tintinibar uan nguibabar iza uari akufa.

Egha me mozimin aven laionbar suzir iveba onegha an suira.

⁹ Me akezimin an guragha a inigha boksiar mam garugha a inigha Babilonin atrivim bagha ghu. Egha a isa kalabus gati.

A uam ari mangi Israelin mighsiabar manggan kogham. Ehti gumazamiziba uam an dazezerir tiarim baraghan kogham.

¹⁰ Nin amebam mati wainin ikarizir me dipar miriamin dikarazim. Egha a dipar aviriba iti, kamaghin amizi, an agharir aviriba ikia puvira be.*

¹¹ Wainin ikarizir kamin aghariba bar gav-gafi, ezi me da isa dar atrivibar asadivibar ingari.

Wainin ikarazir kam aghua agharir aviriba ko dafarir bar aviriba ikia, bar ruaraghа overiamin suighasava ami. Ezi gumazamiziba bar saghon mar ikia an gari, a bar ruaraghа aghariba ko dafarir aviriba iti.

¹² Ezi gumazir an aningagheziba биба saram anesigha a isa nguazim mikini. Ezi aminir bar puvira ivaim aruem anadi naghin ikegha iza an ovizibagh ivarazi, da kuaraghiregha misingi.

Ezi an agharir gavgavim misingizi, me a gaborozi a isi.

¹³ Me datirighin a inigha dipaba puvatizir danganim ghua, nguazir dakhtizimin anekara.

¹⁴ Ezi avim ikarizir kamin agharir gavgavim otogha vaghvaghа an aghariba ko ovizibar isizi,

a ua agharir gavgaviba puvati. Egh da ua atrivimin asadivimin min otoghan kogham. Kar azirakar ighiar dughiar aviribar ongezim.

20

Israelia Godin gintizir puvati

¹ E Babilonin kalabusin min itima, azenir namba 7in, an iakinir namba 5, an aruer namba 10 otozi, Israelian gumazir dapaniba na bagha iza, Ikiavira Itir Godin ifongiam gifofoghsa nan damazimin apiaghav iti. ² Ezi Ikiavira Itir God kamaghin na migei, ³ "O nguazir kamin gumazim, ni nan akamin gun gumazir dapanir kabav kim suam, ki Ikiavira Itir Godin Ekiam kamaghin ia migei. Ja manmaghsua nan ifongiam gifofoghsa

* 19:10: Hibrun akam deragha migirigiar kamin mingarim abighizir puvati.

nan azangsighasa izi? Ki Ikiavira Itir Godin Ekiam, ki zurara angamira ikiia mamaghira iti, ki uan ziamin bar guizbangira ia migei, ia pura ize. Ki bizitamin ian azangsizitam ikaraghan kogham. Bar puvatigham.

⁴ "O nguazir kamin gumazim, ni men arazir kurar me amiziba bagh akam me gasi me tuisigham. Ni me isi azenara me atigh me tuisigh. Ni men inazir afeziaba amizir arazir bar kurar ki aghuazibar gun me mikim. ⁵ Ki Ikiavira Itir Godin Ekiam mikemezi moghin, ni me mikim. Ki Israelia ginabazir dughiamin, ki Jekopin ikizimin ovavir boriba ko Akar Gavgavim akirigha ubabi isa men aka. Dughiar kamin, me Isipin nguazimin itima, ki uabin gun me migia ghaze, ki Ikiavira Itir God, ki ian God. ⁶ Dughiar kamin ki akar dikirizim gamua ghaze, ki Isipin nguazimin me inigh nguazir ki me bagha inabazimin mangam. Nguazir kam bar deragha, nguazir otevir maba bar dagh afira. Nguazir kam bar derazi dagheba an ikiia, bar deraghaviram aghui. ⁷ Ezi ki kamaghin me migei, ia bar moghira vaghvagh Isipian marvir guar mizirizir ia bar ifongeziba makunigh. Ki Ikiavira Itir God, ian God, ki me mikeme, bizar ia damut ia nan damazimin zueghan koghamiba, ia dar ziaba fan marki. ⁸ Ezi me akaba batogha, oraghan aghua. Men tav uan marvir guar mizirizir me bar ifongezitam a makunizir puvati. Egha me Isipian aseba ataghizarir puvati. Me Isipin itima, ki ghaze, ki ti uan aningagharim me gingegeh mizazir kuram me daningam. ⁹ Ezi puvati, ki kamagh amizir puvati. Ki kamaghin damighiva, ubabi uan ziam abiri moghin damuam. Dughiar kamin, Israelia Kantrin Igharazibar Gumazamizibar tongin itima, ki men damazibar ubabi isa Israeliyan akatha Akar Dikirizir Gavgavim Israelia koma a gamigha ghaze, ki Isipin kantrin aven me inigh azenan mangam. Kamaghin amizi, dughiar kamin ki uan ziar ekiam bangin, mizazir kuram Israelia ganingizir puvati.

¹⁰ "Egha ki me inigha Isip ategha gumazamiziba puvatizir danganimin ize. ¹¹ Ki uan arazir ki ifongeziba, ki da isa me ganiga, bizar ki damuasa me mikemeziba, men sure gami. Men tina Akar Gavgaviba baragh dar gintisi, me deravira ikiam. ¹² Egha ki Sabatin dughiam isa me ganiga, na ko men tongin ababanimin min aneti. Me dughiar kamin avughisia kamaghin fogham, ki Ikiavira Itir God, ki me gamima me nan damazimin zue. ¹³ Egha Israeliin ikizim gumazamiziba puvatizir danganimin ikiia na barazir puvati. Me arazir ki ifongeziba abigha bizar ki damuasa me mikemeziba, me dar

aghuaghaghakiribagh ighheha na gasara. Kar Akar Gavgaviba, men tina dar gintigh, egh deraghvira ikiam. Me bar moghira Sabatin arazimin gin zuir puvatigha anebiraghaghaz, a pura dughiar kinim. Me gumazamiziba puvatizir danganimin itima, ki ghaze, ki ti uan aningagharim me gingegeh mizazir kuram me daningam. ¹⁴ Ezi puvati, ki kamaghin amizir puvati. Kantrin Igharazibar Gumazamizibar nan garima, ki Israelia Isipin kantrin aven me inigha azenan ize. Kamaghin amizi, dughiar kamin ki uan ziar ekiam bangin, mizazir kuram Israelia ganingizir puvati. ¹⁵ Egha ki gumazamiziba puvatizir danganimin akar dikirizim gamua me migia ghaze, ki me inigh nguazir ki me bagha inabazimin mangan kogham. Nguazir kam bar deragha, nguazir otevir maba bar dagh afira. Nguazir kam bar derazi, dagheba an ikiia bar deraghaviram aghui. ¹⁶ Me bizar ki damuasa me mikemeziba abigha arazir ki ifongeziba, me dar aghuaghaghakiribagh ighheha na gasara. Me bar moghira Sabatin arazimin gin zuir puvatigha anebiraghaghaz, a pura dughiar kinim. Egha me uan navir averiabar aven asebar ziaba fasa. Kamaghin amizi, nguazir ki me ganingizim, ki me inigh an mangan aghua.

¹⁷ "Egha ki men apangkuvigha, gumazamiziba puvatizir danganimin me gasighasizir puvati. ¹⁸ Ki men boriba gumazamiziba puvatizir danganimin me migia ghaze, ia uan ameboghfeziaba amizir araziba, ia dar suighan marki. Ia bizar me damuasa ia mikemeziba gintighan marki. Egh men asebar ziaba fi uari damu nan damazimin mizeghan marki. ¹⁹ Ki Ikiavira Itir God, ian God. Ia nan arazir ki ifongezibar gin mangi, egh bizar ki damuasa ia mikemeziba baragh dar amu. ²⁰ Ia nan Sabatin dughiam damighti, a nan damazimin zuegh iki. Eghiti a na ko ian tongin ababanimin min ikiam. Eghiti ia kamaghin nighnigh suam, ki Ikiavira Itir God, ian God.

²¹ "Ezi dughiar kamin otivizir borir kaba, gumazamiziba puvatizir danganimin ikiia na barazir puvati. Me arazir ki ifongeziba abigha arazir ki damuasa me mikemeziba me dar aghuaghaghakiribagh ighheha na gasara. Kar Akar Gavgavir men tina dar gintigh, egh deragh ikiamiba. Me bar moghira Sabatin arazimin gin zuir puvatigha anebiraghaghaz, a pura dughiar kinim. Me gumazamiziba puvatizir danganimin itima, ki ghaze, ki ti uan aningagharim me gingegeh mizazir kuram me daningam. ²² Ezi puvati, ki kamaghin amizir puvati. Kantrin

Igharazibar Gumazamiziba nan garima, ki Israelia Isipin kantrin aven me inigha azenan ize. Kamaghin amizi, dughiar kamin ki uan ziar ekiam bangin, mizazir kuram Israelia ganingizir puvati.²³ Me gumazamiziba puvatizir danganimin itima, ki Akar Gavgovir mam me ganiga ghaze, ki me aghamsighti, me tintinibar kantrin igharazibar mangegham.²⁴ Me bizir ki damuasa me mikemeziba abigha arazir ki ifongeziba me dar aghuaghha akiribagh ighhega na gasara. Me bar moghira Sabatin arazimin gin zuir puvatigha anebiraghha ghaze, a pura dughiar kinim. Egha me uan inazir afeziabar asebar ziaba fasa zurara da bagha gari. Kamaghin amizi, nguazir ki me ganingizim, ki me inigh an mangan aghua. Kamaghin amizi, ki ghaze, ki me aghamsighti, me tintinibar kantrin igharazibar mangegham.

²⁵ “Ki uaghan arazir ki ifongezir igharazir maba ko, bizir ki damuasa mikemeziba me ganingi.²⁶ Ki men amamangatizi, me uari uan aseba bagha ofabagh amua nan damazimin bar mize. Egha ki men amamangatizi me uan otarir ivariaba isa aseba bagha me misogha ofabagh ami. Nan nighnizim kamakin, me ti arazir kurar kabar amuva, bar digivar kuram damigh uan arazir kaba bar da ategham. Egh me fogh suam, kirara ki Ikiavira Itir God.”

*God Israelia damighti,
me nguazir kamin araziba ategham*

²⁷ Ez ikiavira Itir God ua kamaghin migei, “O nguazir kamin gumazim, ki Israelia migeir akaba, ni me mikim. Ki Ikiavira Itir Godin Ekiam, ki kamaghin ia migei, Ian inazir afeziaba, arazir igharazir mam gamigha, nan ziam abiraghha akirim ragha na gasara.²⁸ Nguazir ki me bagha inabazir kam, ki me inigha nguazir kamin ize. Ezi gin me temer ekiaba ko mighsiabar gara kamaghin nighnisi, kar danganir aghuir asebar ziaba famiba. Egha me zurara danganir kabar ofabar amuasa iza, asiziba inigha ghua dar ofa gamua dar mughuriar aghuim isa aseba bagha pin da amadi. Egha me wainba inigha iza dagh ingegeha aseba bagha ofa gami. Me kamaghin amuava na gamima, ki bar men aningaghe.²⁹ Egha ki men azangsisi, ‘Ia manmaghsua ghua mighsiar kabar ghuavanaga asebar ofa gami?’ Kamaghin amizi, Israelia, fomira iza datirighin danganir ofa gamir kaba kamaghin dar bori, ‘Pin Itir Danganiba.’

³⁰ “Kamaghin amizi, ni mangi Israelin ikizim mikim suam, ki Ikiavira Itir Godin Ekiam, ki kamaghin migei, ia manmaghsua uan inazir afeziabar arazir kurabar gin zu? Ia me amizir arazir kurar ki aghuazir

kabagh amuava men asebar gin ghua nan damazimin mize.³¹ Ia tuavimin amizimin min aser ki bar aghuaziba bagha ofa gamuavira ikia, uan boribav sogha me isa da bagha ofabagh ami. Bar fomira iza datirighin, ia arazir kam gamua, nan damazimin bar mize. Egha ia Israelia bar torg aghumsizir puvatigha, na bagha izava nan ifongiam gifofogħħasa nan azangħi. Ki Ikiavira Itir Godin Ekiam, ki zurara angamira ikia mamaghira iti, ki uan ziamin bar guizbangira ia migei, ki ian amamangatighan kogħti, ia nan ifongiam bagħ azangsgħan kogħam.

³² “Ia kamaghin nighnigha ghaze, ia Kantrin Igharazibar Gumazamizibar min ikiva men min temeba ko dagħiabar ziaba fasa. Eghzi ki ti ian amamangatighi ia kamaghin otogħam. Bar puvatigham.

³³ Ki Ikiavira Itir Godin Ekiam, ki zurara angamira ikia mamaghira iti, ki uan ziamin bar guizbangira ia migei, ki uan gavgvimin uan agharim ian amadagh uan aningħgarhim isi ia gingam, egh ian atrivimin ikiam.³⁴ Ia tintinimin kantrin igharazibar kalabusin itima, eżi ki datirighin ia itir kantrin kabar ia inigh iżi danganir vamiran ia akuvagħam. Egh ki datirighin uan gavgvimin, uan agharim ian amadagh uan aningħgarhim isi ia gingegħ uan gavgvim ian akagħti, ia a gifogħam.³⁵ Ki ia inighħiva, Kantrin Igharazibar Gumazamiziba Puvatizir Danganimin mangħiħiva, egh ki munagh ikiva ian damazibar ian arazir kurabu bagħ ia tuisigham.³⁶ Ki arazir kamra, ian inazir afeziaba Isipin kantrin borogħin gumazamiziba puvatizir danganimin itir dugħiemin, ki men arazir kurabu tuisiki. Eghzi kamaghira, ki gin uaghan ia tuisigham. Ki Ikiavira Itir Godin Ekiam, ki kamaghin mikeme.

³⁷ “Ki datirighin danganir kamin mati, sipsipbagħ eghuvir gumazim uan sipsipbagħ eghuva asadivim suirazi sipsipba an apenġan iti an ada medu mogħin, ki ia gativagh ia damit, ia nan Akar Dikirizir Gavgovim baraghm. Eghzi ki bar deraghvir vagħvagħ ian araziba bagħ ia tuisigham.³⁸ Ian tongin itir akaba batogħa arazir kurabagh amir gumazamiziba, ki me batuegħti, me ua ian tongin ikian kogħam. Me datirighin kantrin igharazibar nguazibar ikia kal-abuziemin iti, eghzi ki dar me inigh azenan izam. Eghzi me ua Israelin nguazimin aven mangan kogħam. Eghzi ia kamagh fogħ suam, ki Ikiavira Itir God.

³⁹ “Ki Ikiavira Itir Godin Ekiam, ki datirikin kamaghin migei, O Israelin ikizim, ia ti na baraghān aghuagh, egh ia vagħvagħ

datirighin pura iki mangi, uan ifongiabar gin mangi uan asebar ziaba fi. Egh ia asebar ofa damuti, ian ofan arazir kam ua nan ziar zuruzim abinan kogham.

⁴⁰ “Ki Ikiavira Itir Godin Ekiam, ki kamaghin migei, kotiar kam givaghtima, ia nan gumazamiziba bar uamategh Israelin nguazimin mangi nan mighsiar ruarir bar pin ghuavanabozir kamin mangi nan ziam fam, egh ti bar ia gakuuegham. Ia uan ofaba ko, ian bizar ia ifongegha faragha atiziba ko, ian bizar bar aghuir na baghavira itiba, ia na bagh ada inigh izi na daniingti ki bar akuegham. ⁴¹ Ia tintinimin kantrin igharazibar ghuuegha dar aven itiba, ki ia inigh azenan izi, egh ki mughuriar aghuim zuir ofaba bagha bar akongezi moghin, ki ia bagh navim deragh bar akuegham. Egh ti Kantrin Igharazibar Gumazamiziba, bizar ki ia gamir kabar ganigh kamaghin fogh suam, nan araziba bar zue. ⁴² Ki ia inigh Israelin nguazimin izam, kar nguazir ki ian inazir afeziabar aningasa akar dikirizim gamizim. Egh ti dughiar kamin, ia kamaghin fogh suam, ki Ikiavira Itir God. ⁴³ Egh ti ia uan arazir kurar ia amiziba ko, arazir ia uari uari gamua nan damazimin zuezir puvatizibagh inirigham. Ia amizir arazir mizirizir kaba bangin, ia bar uarir ikuragh suam, e bar ikufi. ⁴⁴ O Israelin ikizim, ki uan ziar aghuim bangin deragha ia gami. Ki ian arazir kurabar iveauzir kuram isa ia ganingizir puvati. Egh ti kamaghin fogh suam, ki Ikiavira Itir God.

“Ki Ikiavira Itir Godin Ekiam, ki mikemegha gifa.”

Avin sautin amadaghan otogham

⁴⁵ Ikiavira Itir God na migia ghaze, ⁴⁶ “O nguazir kamin gumazim, ni sautin amadaghan ganiva pazavira sautin mikimiva, Negevin danganimin itir gumazamiziba puvatizir danganir arozinim atariva akam a gasi. ⁴⁷ Ni Negevin danganim mikim suam, ni Ikiavira Itir Godin akam baragh! Ki Ikiavira Itir Godin Ekiam, ki kamaghin ni migei, ki avitam atighti, a nin aven itir temer angamtiziba ko misingiziba bar, a dar isigham. Egh ti bixitam avir ekiam amungeghan kogham. A sautin amadaghan ikegh mangi notin amadaghan otogham. Egh ti gumazamiziba bar, men mikarziba an mizariabbar fefem bar men isigham. ⁴⁸ Egh ti gumazamiziba bar ganigh fogh suam, ki Ikiavira Itir God, ki avir kam ati, egh ti gumazitam anemungeghan kogham.”

⁴⁹ Ikiavira Itir God mikemegha givazima, ki kamaghin an akam ikaragha ghaze, “O Ikiavira Itir Godin Ekiam, ki manmaghira akar kam akunam. Gumazamiziba zurara

ki migeir akar isin zuir kaba baraghha ghua na giporpore.”

21

God uan midorozir sabamin Jerusalemia misoghirarigham

¹ Ikiavira Itir God ua kamaghin na migei, ² “O nguazir kamin gumazim, ni munagh Jerusalemin ganiva kamaghin Israelin nguazimin itir gumazamiziba akam me gasi me mikim suam, me arazir kurabagh amir ikizim. Gumazamiziba asebar ziaba fer danganiba, ki uaghan dagh ifongezir puvati. ³ Ni nan Akar Gavgavim isi kamaghin Israelin nguazimin itir gumazamizibav kim suam, ki Ikiavira Itir God ghaze, ki ian apanim damuva, uan midorozir sabamin bar ia misoghirarigham, ian gumazamizir aghuiba ko kuraba sara. ⁴ Guizbangira, ki ian gumazamizir aghuiba ko kuraba uaghara me misoghsi sautin amadaghan ikegh uan midorozir sabamin me misogh mangi notin amadaghan tugham. ⁵ Egh ti gumazamiziba bar moghira fogh suam, ki Ikiavira Itir God ubi uan midorozir sabam an misevimin anesigha gifa, egh ki uam a isi anerugham kogham. Puvati. Ki bar puvira ia damigham.”

⁶ Egha Ikiavira Itir God ua kamaghin migei, “Onguazir kamin gumazim, ni mangi gumazamizir kabar kuabatighin azenen tugh tiarim akar arang, mati nin dighorim bighasava ami. ⁷ Egh ti me ti nin azaraghram, ni tizim bagha tiarim akarava arai? Egh ti ni kamaghin me mikim suam, ia bativamin bizimin migirigiam izegha gifa. Dughiar kurar kam, izi otoghti, atiatim ian navibagh izivaghti, ian agharapaniba ian amiraghti ia gavgaviba puvatighti, ian sueba inighiva akongam. Ia deraghviram oragh, dughiar kuram otivasav ami. Ki Ikiavira Itir Godin Ekiam kamaghin mikeme.”

⁸ Egha Ikiavira Itir God ua kamaghin na migei, ⁹ “O nguazir kamin gumazim, ni gin izamin bizimin gun gumazamizibav kim suam:

“Ekiam kamaghin migei:

Midorozir sabar mam iti,

midorozir sabar kam me aneminezi a bar ghumigha iti.

Me uaghan borem a gaghuizi a bar zuegha taghtasi.

¹⁰ Me misoghasavira aneminezi a iti.

Me uaghan borem a gaghuizi a zuegha onimarim min taghtasi.

Ezi ia nan gumazamiziba, ia ti ghaze, ia deravira iki bar akuegh ikiam?

Bar puvati.

Ki migirigiar gavgaviba ia gamua mizazim ia gasima,
ia tong nan akam barazi puvatigha

da batoke.

11 Midorozir sabar kam, me datirighira borem a gaghuiži a bar zuegha iti.

A ingangarim damuasa me anekiri.

Me aneminegha borem a gaghuižha a isa gumazir gumazibav soghti me arimighirammin dafarim garisi.

12 O nguazir kamin gumazim, ni pamtemin tiarim akar puv azi.

Midorozir sabar kam, me a inigh nan gumazamizibav sogham.

Egh uaghan Israelian gumazir dapanibav sogham.

Eghti me bar arighiram.

Aia! Nin navir averiam bar bighti, ni uan evarim misoghiva azi.

13 "Ki datirighin uan gumazamiziba osimtizim me danigh men ganigham, me navibagh iragħan kogħti, bizir kaba me bativam. Ki Ikiavira Itir Godin Ekiam, ki mikemegħa gifa.

14 "Nguazir kamin gumazim, ni datirighin, gin izamin bizim mikim uan dafaribav sogh.

Eghti midorozir sabam okivira iki mangi gumazamizir aviriba okiti me arimighiregham.

Kar midorozir sabar kuar aviriba kurim.

15 Midorozir sabar kam, nan gumazamizibagh amima,

me gavgaviba puvatīgha dagħiри.

Midorozir sabar kam, onimarim min taqtagħha nguibar ekiamin tiar akam ġiġi ikka

kuuba akunasavira gara iti.

16 O midorozir sabam, ni agharir guvimin amadagħan dugħor kuniva, agharir kiriāmin dugħor kun.

Ni midorozir sabar għumtizim!

Ni mannaghin uabi ighavkirir dugħiabar, ni danganiba bar gumazamizibav sogħi.

17 Ki uaghan uan dafaribav sogħi mam-aghira iki mangi,

nan aningħagħarim għiavham.

Ki Ikiavira Itir God, ki mikemegħa gifa."

Babylonian atrivim izi Jerusalem misogħam

18 Ikiavira Itir God kamaghin na migei,

19-20 "O nguazir kamin gumazim, Babylonian atrivim uan midorozir sabam suiragh izamin tuavir pumuning amisefe. Tuavir kamengħu uaghara kantrin vamriż ikegħi izam. Ni tuavir akar kamnigħiż bixxistam osirigh anesaragh. Eghti atrivim izi an ganigh fogħam, tuavir mam Amoñian nguibar ekiam Raban zui. Tuavir akar iħbariż, a kantri Judan nguibar

ekiam Jerusalemin zui. 21 Eghti Babilonin atrivim iziva tuavir akamnigħiż ni osirigha asarazir bizżejjem miriāmin mitigham. Egh a tuavir manamra mangi fofogħsi, faragh uan barir pibar midorozir akavsiabar amu, uan afuzir mizebagħ ivivamang dagh inobagh inobagħam. Egh a uan afuzitam Raban akagh, egh tam Jerusalemin akak-ħġam. Eghti atrivim afuzir vamira iniam. A uaghan asebar azangħiġi, ofa gamizir asizir dighorim ġaniwa anesavsu ħiġi. 22 Ezi afuzir atrivim uan agharir guvimin surrazim, barir pimmin afuzim Jerusalemin akaghxi, a fogħ me mikim suam, me mangi Jerusalemin midorozim damuam. Egh me Jerusalemin itiar akabar aven mangi, me temer bar ekiaba inigh da isi akuriabar arigh, dagh afugħafugħam. Egh midorozir gumaziba tiariba akariva, temer bar ekiar kaba inigh mangi nguibar ekiamin itiar akabar akaram. Egh Jerusalem konsi, nguazibagh kuva nguibar ekiar kamin divażiġim borogħin dar pozibav kinam. Eghti da danganir aghuir midorozir gumaziba isin għuavanang tuivigh iki misogħambar min ikam.

23 "Jerusalemin gumazamiziba kamaghin nighnigh suam, bizar kam a guizbangira pu-vari. Me fo, me fomira Babilonien atrivim ko akar dikirizibagh amua ghaze, me an apengen ikkam. Kamaghin amizi, me ghaze, midorozitam me bativan kogħam. Ezi pu-vari. Babilonien atrivim, men arazir kuraba bangin akam me gasi, men suigh me isi kalabus darigham.

24 "Kamaghin amizi, ki Ikiavira Itir Godin Ekiam, ki Israelia ian mikimasa, ian arazir kuraba aghha ghua bar ekefe. Ki ian arazir kurar kaba gin amadagħan kogħam. Ia arazir kurar kaba azenara dagh ami, ezi gumazamiziba ian arazir kurabagh fo. Osimtizir ekiam ian iti. Kamaghin amizi, ki ja isi ian apanibar agharim darigham.

25 "Ni Israelin atrivim,
ni nan akaba batogħha arazir kurabaram amir gumazim,
ki nin arazir kuraba ikarvagħamin dugħiħam,
a izegħha gifa.

26 Ki Ikiavira Itir Godin Ekiam, ki kamaghin migei,
ni uan atrivir dapanir asuam ko inir ni dapanim ikezim suegh.

Biziba kamaghira ikiān kogħam, da iħġiġi reġħ.

Ki onganarazibagh amir gumazamizibar amighti, me gavgaviba ikam!
Eghti ziaba itir adarasi, ki me abiragħam!

27 Asighasigham, asighasigham!

Guizbangira, ki nguabar ekiam gasighasighti a bar ikuvigham.

Asighasizir arazir katam fomira nguazimin otozi, gumazitam an ganizir puvati.

Nguibar kam pura iki mangi gumazir ki inabazimin dughiamin otogham.

Egħi k-inguibar ekiam isiva an dafarim darigham."

God pazavira Amonia damuam

²⁸ Ikiavira Itir Godin Ekiam ua kamaghin migei, "O nguazir kamin gumazim, ni gin otivamin bizimin gun Amonian mikim. Gu-mazir kaba akar kurabar Israelia migia akaba me gasi. Eghти ni me mikim suam:

"Midorozir sabar mam, me an misevimin anesizi a gumazibagh asighasighasava ami.

Me gumazamiziba misogħirarighasa borem a għażiex a zuegħha onimarim min tagħtasi.

²⁹ Ia Amonia irebamin min garir bixi ifavarriba ia dar gari, egha gin otivamin bixi ia migeiba, da guizbangira puvati.

Ia ghaze, ia uari midorozir sabar kamin suiragh, egh gumazir nan akaba batogħha arazir kurabagh amibav soġħirarigham.

Ezzi irebar kam, guizbangira puvati.

Bar guizbangira, ian arazir kuraba ikar-vagħamin dughiam izegħi għifa, eżi ia a damiġħan kogħam.

³⁰ "Ia midorozir sabar kam isi uam an misevim darugh!

Ian amebam ia batezir nguazim, a ian nguibamra, ki ian arazir kuraba isi azenim datiġi ta' tuisigham.

³¹ Ki uan aningagħarim ia gingeħi ia gasighasigham, mati avir mizariaba mighi ia bagħ mangam.

Egh ki ia isi bar puvira aningazir gumazibar agharibar arigham, kar bixibagh asighasizir fofozim itir gu-maziba.

³² Avim ia gasighasigham, egħi ian ghuziba ian nguazimra iram. Eghти tav ua ia giniegħi kogħam.

Ki Ikiavira Itir God, ki kamaghin mikemegħha għifa."

22

Jerusalemia arazir kurar aviribagh ami

21:28: Jeremaja 49:1-6; Esekiel 25:1-7; Amos 1:3-15; Sefanaia 2:8-11 **22:7:** Ua Me Ini 20:12; 22:21-22; Godin Araziba 5:16; 24:17 **22:8:** Ofa Gami 19:30; 26:2 **22:10:** Ofa Gami 18:7-20 **22:12:** Ua Me Ini 22:25; 23:8; Ofa Gami 25:36-37; Godin Araziba 16:19; 23:19

¹ Ikiavira Itir God kamaghin na migei, ² "O nguazir kamin gumazim, Jerusalemin nguibar ekiamin gumazamiziba, gumazamizir avirimin misogħezi me ariaghire. Kamaghin amizi, ni me isi kiotiam datiġi me tuisigham, o? Ni bighivira me amir arazir mizrizi k-aghħauzibar gun me mikemegħti, me fogħam. ³ Egh ni nguibar ekiar kam mikim suam, ki Ikiavira Itir Godin Ekiam ki ghaze, ia Jerusalemia uari uan gumazamizir avirim misuagharriki. Egha ia uari bagħha marvir guabar ingara dar ziaba fava, egha ia uari kamaghin amigha nan damazimin mize. Kamaghin amizi, ki ia gasighasigham dughiam roghira ize. ⁴ Ia gumazamizibar ghuzibagh amizi, da ire, egha marvir guabar ingarigha nan damazimin mize, eżi arazir kurar kabar osimtitim ian iti. Kamaghin amizi, ian dughiam izegħi għifa! Arazir kam bangin, ki kantrin igharazibar bar men amaman-gatigtid, me ian aghumsizim ganiva ia dipov ian ingaravakam. ⁵ Kantrin ian borogħin itiba ko kantrin saghon mar itiba ian gara fo, ia arazir bar kurabagh amir gumazamiziba. Kamaghin amizi, me ian ingaravati.

⁶ "Ja oragh! Ian tongin itir Israelian gumazir dapaniba bar uari uan gavgaviba fava igharaz daraziv suagħarisi. ⁷ Ian aven itir gumazitam tong derivira u amebogħ-feziabar akaba baragħha men apengen itir puvati. Kantrin igharazibar gumazamizir ian tongin itiba ia me abiri. Egha ian tongin itir amizir odiarir paba ovengħeza, ko amebogħfeziabar ariaghireżi boriba, iā men bixiba isa pazavira me għami. ⁸ Ia ghaze, nan ziam fer bixiba, da pura bixiba. Egha ia Sabatin arazim ġin zuur puvatiga anebiragħha ghaze, a pura dughiar kinim.

⁹ "Ian gumazamizir maba, akar ifavaribar igharaz darazigh amua me misogħirarighasava ami. Eżi ian marasi, asebar ofa gamir dagħeba api. Eżi marasi, zurara uan inivafizir agorogebar arazim ġin ghua aghumsizir arazibagh ami. ¹⁰ Eżi ian marasi, uan afeziabar amuiba koma akui. Eżi marasi, amizir uan iakinibav sozir dughiabar me ko arazir kurabar amuasa me għakħi. ¹¹ Eżi marasi poroġħamiba uari bakeir arazim ġami. Eżi igharazibba uan otaribar amuiba koma akui. Eżi marasi, uan afeziabar guiviba koma akui. ¹² Eżi ian gumazamizir maba, iż-żeżeja ġuwa igharaz daraziv suagħarisi. Eżi marasi, uan namakabar dagħiabha pura da inigha ua da ikarvagħi an dagħiars an aningizim għis in. Eżi marasi,

uan namakar gumazibagh ifara me gami me atiatima, me me da dagiaba isa bizir aviriba iti. Ia bar na gin amadagha na ginighnizir puvati. Ki Ikiavira Itir Godin Ekiam, ki kamaghin mikeme.

¹³ “Ia gan! Ia okimakiabagh ami darasi, ko igharaz daraziv suaghariżi darasi, ki ian aningaghe, kamaghin amizi, ki iveau kuram ia daning uan daffaribav sogham. ¹⁴ Dughiar ki pazavira ia damuamin kamin, ia uan navir averiabar aven osimtzir kam ateriva puvira atiatingam. Ki Ikiavira Itir God, ki mikemezi mogħin, ki damuam. ¹⁵ Ki ian gumazamiziba inigh tintinimin kantrin igharazibar me aghamsigham, eghix arazir kuruba duttugħ mangi għivgħam. ¹⁶ Eghix kantrin igharaziba ian ganiva ian aghuagh mikkim suam, ia pura bizir kinim. Eghix ia uari fogħ suam, ki Ikiavira Itir God.”

Godin aningagħarim mati avir ekiam

¹⁷ Ikiavira Itir God kamaghin na migei, ¹⁸ “O nguazir kamin gumazim, Israelin ikizim, ki bar men amira. Me mati gumaziba silva iniasiada dagiaba avir ekiamin minnemin aven da tuema, da amera egha emira dar mużiarir kurar ingangariba puvatiziba iri. Eżi me da isa da makuni. ¹⁹ Kamaghin amizi, ki Ikiavira Itir Godin Ekiam, ki kamaghin ia migei, ia nan ikiangsizir akam deravira a baragh. Ia silvabar min amir puвати, ia mati dar mużiarir kurar ingangariba puvatizir kaba. Kamaghin amizi, ki bar mogħira ia akuvagh ia inigh mangi Jerusalemin nguibar torimra mizazim ia gasam. ²⁰ Nan adarim ko aningagħarim mati avir ekiam. Gumaziba silva iniasiada avir ekiamin dagiaba minnemin da tue mogħin, ki ia tuam. Me dagiaba akuvaghha avim givima a pamten isima, dagiaba amera dipamir min emira iri mogħin, ki ia akuvagh ian atar ian aningagħam. ²¹ Ki ia inigh ia akuvagh mizazim ia gaseħħam. Guizbangira ki bar ian aningaghe. Kamaghin amizi, nan aningagħarim avir ekiamin min bar ian isigham. Eghix ia amereħhem. ²² Eghix mati silva minnemin aven avir ekiamin isia ameri mogħin, ia datirgħin nan gavvgavim ganiva deravira na gifogħ suam, ki Ikiavira Itir God, ki uabi uan aningagħarim ia gingeħha mizazim ia gase.”

Israelin gumazir dapaniba arazir kurabayha ami

²³ Ikiavira Itir God ua kamaghin na migei. ²⁴ “O nguazir kamin gumazim, ni Israelia mikkim suam, me arazir kurar aviribagh amizi, men nguazim nan damazim min bar mize. Kamaghin amizi, ki bar men aningagħe, eghix mizazim me gasiġi amozim

amadagħan kogħam. ²⁵ Gumazir dapanir ian tongin itiba mati, laionba asizim misuegħa an kuam min miriam dazera an tuziba asiagharriga da api. Me gumazamizibar dagiaba ko men bizir aghuiba isi. Eghix uan namakabav sogħezi me ariaghire. Men arazir kamin, amur avirib papa puvatiga odiaribar iti. ²⁶ Men ofa gamir gumaziba, nan Akar Gavvgavibar gin zuir puvatiga da abiki. Eghix ghaze, nan ziam fer biziba, da pura biziba. Eghix me fozir puвати, bizir tizim bar zue, eżi bizir manam nan damazim min pura bizim. Eghix nan damazim zuezix biziba ko bizir mizirzibar gun gumazamizibar sure gamir puвати. Me bar mogħira Sabatin arazim min gin zuir puвати. Eghix me uarir uan tongin nan ziam abiraghha ghaze, nan ziar ekiam a pura bizir kinim.

²⁷ “Ia gumazir aruaba, mati afiż atiaba asizim misuegħa uarir tongin an kuam getuima, a dighoraghire. Me bizir avirib ikiasa gumazibav suagharriga, eghix ifara pura men biziba isi. ²⁸ Akam inigha iziż gumazir ifavariba, me gumazibar arazir kurar kaba mogħa mati gumaziba pirim, peniñ għurghurim a għażi. Eghix irebmin min garir bizir ifavaribar garava, gin otivamin bizir ifavaribar gei. Guizbangira, ki Ikiavira Itir God, ki akatam me mikemezir puвати. Eżi me ifara ghaze, me Ikiavira Itir Godin Ekiamin akam migei. ²⁹ Nguazir kamin itir gumazamiziba, uan namakabagh ifara biziba okei. Eghix zurar arazir kurabar onganarazibagh amir gumazamizibagh amua pazavira me gami. Eghix Kantrin Igharazibar Gumazamizibar men tongin itiba abira men biziba okei, eghix me guizin arazim ategħha kotiamin aven men tuavim apiri.

³⁰ “Ki gumazir men tongin itir kamaghin garitam, a bagħha ruia an apizir puвати. Tinara nguazir kamin gumazamiziba bagħnan damazim tughħiha, nguibar ekiam avinizir divażiż akaraghireziba akiram. Eghix ki nguibar kam gasighasighan kogħam. Ki kamaghin damuamin gumazit min apizir puвати. ³¹ Kamaghin amizi, men arazir kurar me amiziba bangin, ki uan aningagħarim avim min a isa me gingeħha me gasighasiki. Ki Ikiavira Itir Godin Ekiam, ki kamaghin mikeme.”

23

*Amizir pumuning,
tuavim min amizim min arazibagh ami*

¹ Ikiavira Itir God kamaghin na migei. ² “O nguazir kamin gumazim, guivir pumuning iti. Amebar vamira aning bate. ³ Guivir kamnning uan igħamra

ikia Isipin kantrin ikia, deravira itir arazim ategha tuavibar amizimin arazimin gin ghua pura tintinimin gumaziba ko ikarara uan mikarzimning isa me ganidi.⁴ Avenemebam, an ziam Ohola, a Samarian nguibar ekiamin ababanim gami. Ezi an afumimin ziam Oholiba, a Jerusalemin nguibar ekiamin ababanim gami. Ki uaghara aningin iti, ezi aning nan boriba bati.

⁵ “Ohola, a nan amuimra, egha a pura tintinimin gumaziba koma akuir arazir kam bagha bar ikuvigha, Asirian midorozir gumaziba, a bar me gifongegha zurara me bagha an mikarzim dikava me baghavira iti. ⁶ Asirian midorozir gumazir kaba, me gumazir aruar ziaba itiba, ko midorozir gumazir dapaniba, egha me korotiar bar aghuir bluplaba azui. Midorozir gumazir igiar kaba hozibagh isin apiav ikia misosi. Ohola gumazir igiar kabar marvir guaba sara gari me an damazimin bar derazi, an navim me bagha dikavizi, a me ko arazir kuram gami. ⁷ An Asirian kantrin faragha zuir gumazir igiaba, men tuavir amizimin min otozi, an agoroger kam a gamima, me a ko arazir mizrizibagh ami. Egha an Asirian marvir guabar ziaba bar da fava, egha uan arazir kam bangin a mize. ⁸ A uan igiamra Isipin ikia tuavimin amizimin arazir kam, a gamuavira iti. Dughiar kamin, gumaziba a koma akua a ko ikararaima, a uan mikarzim isa me ganiga ghuavira iti. ⁹ Kamaghin amizi, ki a isa, Asirian gumazir a bar ifongegha, me baghavira itibar agharim gati. ¹⁰ Ezi me an korotiam suezima, a bibiabara iti. Egha me midorozir sabamin Ohola misoghezi ana aremezi, me an guiviba ko otariba bar me ini. Ezi amizir tintinibar itiba, Ohola batozir arazir kamin eghaghanim baregha sighsirir akabar nimira, kamaghin uariv gei, ‘A uan arazir kurabar iveauini.’

¹¹ “An afumim Oholiba garima, arazir kam Ohola batozi, a bizar kam ginighnizi pu. Bar puvati. An arazir pura tintinibar gumaziba koma akuir kam gamuavira iti, an arazir kuraba bar Ohola amizir arazir kurabagh afira. ¹² A uaghan Asirian gumazir dapaniba ko, ziaba itiba ko, midorozir gumazibar midorozir korotiar aghuibia azuiba ko, gumazir hozibagh isin apiav ikia misoziba, a me baghavira ikia bar me gifonge. Gumazir kaba bar, me gumazir igiar bar diriba. ¹³ Ki kamaghin an arazir kamin garima, a bar ikuvigha, uan avenemebamin mirara ghu. Aningin araziba bar mize.

¹⁴ “Oholiba arazir kurar kabagh amua ghuavira iti. A Babilonian gumazir aruabar nedazibar gari, me birimin penin aghevimin men nedazibar ingarigha da

aghefe. ¹⁵ Egha dar ivariabar letiabar da amighini, egha iniba isa uan dapanibagh ikezi dar otevir muzieriba guighav iti. Oholiba Babilonian gumazir aruar kabar nedazibar gari da bar an damazimin derazi, ¹⁶ an navim dikavizi, a maghira Babilonian gumazir kaba bagha akam amadaghha ghaze, Kaldian kantrin gumaziba iziva a ko dakuam. ¹⁷ Ezi Babilonia izava a ko poroghamiba uari koma akuava amir arazir kurabagh ami. Men agorogem me gami me an gin ghua arazir kurar igharazibar a gamizi a bar mize, ezi a men aghuaghha akirim ragha bar me gasara. ¹⁸ Oholiba bibiamra ikia azenara arazir kurabagh ami, ezi gumaziba bar a gif, an amizir bar kuram. Ezi ki an avenemebamin aghuazi moghin, ki an aghuaghha akirim ragha a gasara. ¹⁹ Ezi a tintinimin gumaziba koma akuir arazir kam gami an ekiva ghuavanagavira iti, mati a faragha Isipin igiamra ikia tuavimin amizimin arazir kam gami. ²⁰ An navim arazir kurar kam bagha puv a dikafi. Guizbangira, gumazir kabar mikarzir mogomeba bar ekevegħha mati donkin aminasiziba, ezi a da baka. Men aminasizibar dipaba mati hozibar aminasizibar dipaba.

²¹ “Oholiba, ni Isipin guivir igiamra ikiava amizir arazir kaba bagha bar ifonge. Dughiar kamin gumaziba nin otemming gikararava ni koma akui.”

God Oholiba gasighasigham

²² Ezi Ikiavira Itir God ua kamaghin migei, “O Oholiba, ki Ikiavira Itir Godin Ekiām, ki fo, ni ifongezir gumaziba, ni bar men aghuaghram. Egħti ki me damighti me adarim nin iki, egh tintinibar ikegh iżi pazi ni damu ni gasighasigham. ²³ Ki Babilonia ko Kaldian gumaziba bar, ko Pekotia ko, Soaba ko, Koaba ko, Asirian gumaziba bar, me akuvagh me inigh izam. Me gumazir igiar diriba, ko gumazir ziaba itiba, ko gumazir dapaniba ko, midorozir gumaziba, me bar hozibagh isin dapiagħti ki me inigh izam. ²⁴ Me midorozir gumazir avirir ekiām ko karisba ko bixiba ateri dakoziba sara notin amadaghjan ja misogħi isam. Me orar ekiāba ko orar doziba ko midorozir dapanir asuwa inigh uarir pigh iżi bar ni ekiarugham. Ki ni isi men agharim datighti, me uan arazibar gin mangi bizar me ni damuasa mikemezibar gintiġi iveauini kuram ni daningam. ²⁵ Ki nin atinim ko kuarimning atugħi, egh nin ikivira ikiamin adarasi, me midorozir sabamin me misogħirarham. Bar guizbangira, me ni da nin otariba ko guivibar suigħi,

gumazamizitaba ikivira ikiti me angamira me dapongti me isiam. ²⁶ Me nin korotiaba bar da surarigh nin bisba ko ringin diriba inigham. ²⁷ Ni tuavimin amizimin araziba ko arazir mizirizir ni fomira Isipin nguazimin ikia iza datirighin amiziba, ki bar ada agivaghram. Eghti ni uam asebar ziaba fan kogh, egh ua Isipia ginighnighan kogham.”

²⁸ Ikiavira Itir Godin Ekiam kamaghin migei, “Ni gan! Ki ni isi gumazir ni ifongezir puvatizibar agharim datighti, me izi pazi ni damigham. ²⁹ Gumazir kaba, bar nin aghua, kamaghin amizi, me nin bizar ni ingara iniziba bar da inighiva, ni ateghti, ni bibiamra ikiam. Mati ni fomira arazir mizirizibagh amua tuavimin amizimin min bibiamra ike. ³⁰ Ni kantrin igharazibar arua men asebar ziaba fava tuavimin amizimin min amua, uabi uabi gamigha nan damazimin mize. Kamaghin amizi, ki ni damuti, ni osimtizir kaba iniam. ³¹ Ni uan avenemebam min diarir nozibar gin zui. Kamaghin amizi, ki a ganingizir iveau kurar kavin izivazir kam, ki a isi ni daningichti ni anemam. ³² Ki Ikiavira Itir Godin Ekiam, ki kamaghin migia ghaze:

“Ki bar pazavira ni damigham,
 ki paza nin avenemebam, gamizi
 moghin pazi ni damigham.
Ki ni damighti ni iveau kuram iniam, mati
 iveuzur kuram itir kavin bar izivazir
 mam ni aneremam.
 Eghti gumazamiziba bar nin gan ni
 dipov nin ingaravakam.
³³ Kavin kam, mati ki nin avenemebam
 Samaria, ganingizir kap.
 Ni anemegh organigh bar osemegh ati-
 atigham.
³⁴ Ni wainin kam ami bar an agivaghram,
 egh kavin kam abigh an akuar
 misaraghirezibar amisi damuam.
Egh an akuar misaraghireziba isi uan
 otemning abighirarigham.
 Ki Ikiavira Itir Godin Ekiam, ki kam-
 aghin mikemegha gifa.”

³⁵ Ikiavira Itir Godin Ekiam kamaghin migei, “Ni na gin amadagha akirim na gasara. Kamaghin amizi, ni uan inivafizir agorogem ko tuavimin amizimin arazim bagh mizazim iniam.”

God amizir kurar kamning gasighasigham

³⁶ Ikiavira Itir God kamaghin na migei, “O nguazir kamin gumazim, ni Ohola ko Oholiba akam aning gasi aning tuisigh, aning amizir arazir kurar ki aghauzibar gun aning mikim. ³⁷ Aning amizir poroghamiba uari bakeir arazim gamimning, egha gumazibav sozi me ariaghiri. Aning uaghan poroghamiba

uari bakeir arazim, uan marvir guaba ko dagh ami. Aning na bagha boriba bate, egha me misuegha me isa aseba bagha ofa gami. ³⁸ Aning arazir kamnangram amizir puvati. Aning nan dipenim gamizi a bar mize. Aning bar moghira Sabatin arazim gin zuir puvatigha anebiraghha ghaze, a pura dughiar kinim. ³⁹ Aning uan boribav suaghariha da isa asebar ofa gamizir dughiar kamra, ua nan Dipenimin ghugha a gamizi a nan damazimin bar mize. Aning nan Dipenimin arazir bar mizirizibagh ami.”

⁴⁰ “Aning zurara saghuiamin itir gumazibar bagha akaba amadima me izi. Ezi aning ghua ruava uan damaziba aghiva bisin aghuibar uaningin kurti. ⁴¹ Egha dabirabir bar aghuim gapera, ezi aningin guamningin, me bizar aghuiba dakozimin da avara. Bizar aghuir me avezir kabar tongin, nan migharir mughuriar aghuim zum koma olivin borer ki me ganingizim uaghan iti. ⁴² Ezi aning orazi, gumazir avirim niginim oto. Gumazir igharaghha garir aviriba izi. Me marasi, wainin dipaba apa organizir gumazir kuraba, me gumazamiziba puvatizir danganimin ikegha ize. Ezi amizir kamning, daveriaba uan agharibar aghuigha atrivir dapanir asuar bar aghuimng uan dapanimning garu. ⁴³ Ezi ki uabi uabi migia ghaze, Amizir kamning ti poroghamiba uari bakeir arazim gamua bar amiraghama. Ezi puvati, gumazir kaba ghua aning ko arazir mizirizibagh amuavira iti. ⁴⁴ Me zurara amizir kamning bagha ghua tuavimin amizimin arazim min aning gami. Ohola ko Oholiba, kar amizir arazir mizirizibagh amimning. ⁴⁵ Aning arazir kurar poroghamiba uari bakeir arazim ko igharaz daraziv soaghazir arazim gami. Kamaghin amizi, jasin arazir aghuibagh amiba, kiotamin aven aningin arazir kaba bagh aning ikuvighsi aningin mikimam. Me fo, aning arazir kurar kabagh amima aningin dafariba ghuziba dar iti.”

⁴⁶ “Ki Ikiavira Itir Godin Ekiam, ki kamaghin migei: Ki midorozir gumazir okoruatamin aku iziti, me pazavira aning damuti aning atiatighti me aningin biziba okemegham. ⁴⁷ Me dagiabar aning giniv, midorozir sababar aning okiva, aningin boribav soghirarigh, aningin dipenibar apongegham. ⁴⁸ Eghti nguazir kamin aven, ki arazir mizirizir kam batuegham. Eghti amiziba arazir kamin ganigh fogham, me aningin min arazir mizirizir kabar amuan kogham. ⁴⁹ Gumazamizir kaba, guan arazir miziriziba ko asebar ziaba fer arazir kurar kaba bangin gua ikaragh, mizazim gua daningam. Eghti gua kamaghin fogh suam, ki Ikiavira Itir Godin Ekiam.”

24

Jerusalem mati miner mam

1 E namba 9in azenimin Babilonin kalabuzin itima, an namba 10in iakinimin, an namba 10in aruem otozi,* Ikiavira Itir God kamagh na migei. 2 “O nguazir kamin gumazim, ni datirighin aruer kamin dughiam osirigh. Datirighin, dughiar kamra, Babilonian atrivim ghua, Jerusalem ekiarughasava ami. 3 Ni ikizir akaba batozir kam, ki me bagha ni ganidir akar isin zuir kam isi, me mikemegh:

“Ki Ikiavira Itir Godin Ekiam, ki kamaghin me migei,
ni minem isi avim dafagh,
egh dipam a gingegehti a izifagh.

4-5 Egh sipsipbar tongin, sipsipin bar aghuir mikarzim sara ititam inigh a misuegh aneghoregh, an gurir tuzir bar aghuim ko an sueba, ko an agharir aghuiba inigh minem daghuigh.

Egh agharir igharaziba isi asizibar apengan da amangih,
egh asizir aghariba ko tuziba avikigh.

6 “Ki Ikiavira Itir Godin Ekiam, ki kamaghin migei,
Gumaka! Jerusalemin nguibar ekiar kam, a bar ikuvigham.

A gumazamizir aviribav suaghari. A mati miner mam, an averiam bizar miziriziba an iti,
me tong a rueghan kogham.

Ni asizir tuzir kaba ko aghariba vaghvagh da inigh azenim darigh,
eghti tam ua minemin aven ikian marki.

Guizbangira, Jerusalemia bar ikuvigham.

7 Guizbangira, men arazir kuram azenimra iti.

Me mati, gumazim, misoghezi an aremezi, an ghuزم dagiam gire. Gumazir kamin ghuzim nguazim girezi nguazir mineziba anevaragha a modozir puvati.

A dagiar azenan itim gisin ire. Kamaghira, me azenara gumazamizibar damazimin kamaghin amima, me bar men gari.

8 Kirara, ki ghuzim gamizi a dagiar azenan itim gisin ikia mamaghira itima, ki an gari.

Eghti me modoghan kogham. Kamaghin amizi, ki men arazir kuram ginighnigh, puviram atariva a ikarvaghram.

9 “Ki Ikiavira Itir God, ki kamaghin migei, Gumaka! Jerusalemin nguibar ekiar kam, a bar ikuvigham.

A gumazamizir aviribav suaghari. Ki ubi dzibar pozim mikinam.

10 Ni dazin aviriba inigh izi!

Egh avim atigh a givi!

Egh asizir amangsizim ko iriziba sara da vereghti, da isi. Eghti asizir tuziba isi mangiti dipam dakeghti, asizir aghariba bar isigh mighirigh.

11 Ni datirighin minevsevim isi avivkiabagh isin anefaqhti, a isi mangi bar aghefegh.

Miner kam, a bar mize, eghti minem inir mineziba isi mangi bar givaghti, minem ua bar zueham.

12 Ezi ki fo, avim miner kamin minezibar isi da agivaghan kogham.

Nan ingangarim pura ghu, ezi ki bar amira.

13 O Jerusalem, miner kamin itir mineziba, da nin arazir mizirizibar ababanim gami.

Ki zueghasa ni gamima, ni mizegvira iti.

Ni zueghan kogh iki mangi dughiran aningaghan givaghamimin tugham.

14 Ki Ikiavira Itir God kamaghin mikeme, ki ia gasighasighamin dughiam izi.

Ki a damu, egh ian arazir kuraba ateghan kogham.

Egh ian apangkuvighan kogham. Ki ia amizir arazir kuraba tuisigh, da bagh iveau kuram ia daningam.

Ki Ikiavira Itir Godin Ekiam, ki kamaghin mikemegha gifa.”

Godin akam inigha izir gumazim Esekiel, an amuim areme

15 Ikiavira Itir God kamaghin na migei.

16 “O nguazir kamin gumazim, ki fo ni uan amuim bar faraghvirama anerigha bar a gifonge. Ki zuamira ni dam amizir kam inighti ni pura ikiam. Eghti ni a bagh azian kogh temeriba iran marki. 17 Eghti tav ni ararem baraghian marki. Ni nimira iki uan navir averiamin aven osemegh. Ni zurara ami moghin uan inim isi uan dapanim gikehiva uan dagarir asuabar aghuigh, egh gumazim aremezi me a bagh aziava amir araziba, ni dar amuan marki. Ni uan guam avan marki. Egh ni azia itir darazi ni daningamin daghebar aman marki.”

18 Dughiar kamin, bar mizaraghara ki gumazamiziba ko migia iti. Ezi guaratighin

* **24:1:** Kar e azeniba vaghvaghda diborir diboboniba. Ezi kar azenir vamiran iakiniba dar dughiar dibobonim a 588. Dibobonir kam a Kraisin otirivimin faragha iti. **24:2:** Atriviba 25:1; Jeremaija 52:4

nan amuim areme. Ezi amimzaraghan ki Ikiavira Itir God na mikemezi moghin ami.
¹⁹ Ezi gumazamiziba kamaghin nan azai, "Ni manmaghsua kamaghin ami? Ni bizir kamin mingarin gun e mikim."

²⁰ Ezi ki kamaghin me migei, "Ikiavira Itir God na migia ghaze: ²¹ Ni Israelin ikizimin mangi akar kam me mikim. Ki Ikiavira Itir Godin Ekiam, ki kamaghin migei: Ia nan Dipenim bagha bar akongegha ghaze, a bar deragha gavgafi. Ia Dipenir kam bar faraghvirama anerigha bar a gifonge. Ia uan navir averiabar aven, zurara a baghavira iti. Ia bizir kam gifogh, ki a gasighasighti a bizir kinimin min otogham. Eighti ian borir Jerusalemin ikiavira itiba, me midorozimin aven arimighiregham. ²² Eighti dughiar kamin, ia ki amizi moghin damu. Egh uan akaba avan marki. Egh ia, azia itir dariazi ia dandingamin daghebar aman marki. ²³ Ia zurara ami moghin, iniba isi uan dapaniba ikeghiva dagarir asuabar aghuigh. Egh ia aziva arangan marki. Ia uan arazir kurabagh nighnigh aghariba guigh, uari uan navir averiabar aven osemegh azi. ²⁴ Esekiel ia bagha ababanim gami, ezi ia an amizi moghira damu. Bizir kaba otoghamin dughiamin ia fogh suam, kirara, ki Ikiavira Itir Godin Ekiam."

²⁵ Ikiavira Itir God ua migia ghaze, "O nguazir kamin gumazim, nan Dipenim men tongin itima me an gavgavim ko dirimin gara, ziar ekiam isa naviba bar akonge, egha me bar faraghvirama anerigha zurara bar a gifonge. Me uan navir averiabar aven, zurara a baghavira iti. Eighti ki me da a batuegham. Egh uaghan men boriba me dama da inigham. ²⁶ Ki kamaghin damuamin dughiamin, tav dughiar kurar kamin Jerusalemin misveghirigh ni bagh izi ni mikimam. ²⁷ Eighti dughiar kamra, ni ua biziav kimam. Eighti ni gumazir kam ko mikim, egh ua nimira ikian kogham. Arazir kamin, ni mati ababanimin min ikiva fofozim gumazamizibar aningam, eighti me fogh suam, ki Ikiavira Itir Godin Ekiam."

Esekiel akam akura ghaze, kantrin igharaziba ikuvigham

25

(Sapta 25-32)

God Amonia gasighasigham

¹ Ikiavira Itir God kamaghin na migei, ² "O nguazir kamin gumazim, ni Amonian nguazimin gan akam me gasi me

mikim suam, me ikuvigham. ³ Ni kamaghin me mikim: O Amonia, ia Ikiavira Itir Godin Ekiam migeir migirigjaba, deragh da baragh. Ikiavira Itir Godin Ekiam kamaghin migia ghaze, Ia nan Dipenimin garima, a ikuvigha ikia bizir kinimin oto. Ezi Israelin nguazim, apaniba izegha a gasighasiki. Ezi apanir igharaziba Judan ikizim inigha kalabuzaibar min me inigha kantrin saghuiamin itimin ghua me isa kalabus gati. Ezi ia men gara men ingaravaka ghaze, 'A dera!' ⁴ Kamaghin amizi, ki aruem anadi naghin itir gumazibar amamangatighti, me izi ia abinigh ian nguazim inigham. Egh me ian kantrin aven, ian tongin uari bagh uan averpenibar ingariva dar ikiam. Egh ia damamin azenibar itir dagheba ko ian bulmakaun oter eboriba, me dar amam. ⁵ Ki Raban nguubar ekiam gasighasigh a damichti, a kamelbar arighamin danganimin otoghti, da iki grazibar amam. Eighti ki Amonin nguazim damichti a sipsipbar arighamin danganimin otoghti, da an aven iki avughsam. Eighti ia kamaghin na gifogh suam, ki Ikiavira Itir God.

⁶ "Ki Ikiavira Itir Godin Ekiam, ki kamaghin migei: Ia Israelin nguazim bar an aghuagna, uan dafaribav sogha bar akeugha uari fa uari akuri. ⁷ Kamaghin amizi, ia oragh! Ki uan gavgavim itir agharim amadagh, ia isi Kantrin Igharazibar Gumazamizibar agharim datighti, me bar ia gasighasigh ia kuavaremeghti, ia ua kantrin tamin min ikian kogham. Eighti ia kamaghin na gifogh suam, ki Ikiavira Itir God."

God ghaze, Moapin kantri ikuvigham

⁸ Ikiavira Itir Godin Ekiam kamaghin migia ghaze, "Ia Moapia ko Seiria ghaze, Ia gan! Judan ikizim, me mati kantrin igharazibar mirara iti. ⁹ Kamaghin amizi, ki apanibar amamangatighti, me izi Moapin kantrin mitaghniamin borognit irnguubar ekiar gavgavibagh asighasigham. Egh me men nguubar ekiar dirir kaba, Bet Jesimot, Balmeon, ko Kiriataim, bar dagh asighasigham. ¹⁰ Eighti apaniba aruem anadi naghin ikegh iziti, ki Moapia ko Amonia isi apanibar agharim datighti, me me abinigh men nguazim inigham. Eighti Kantrin Igharazibar Gumazamiziba uam Amonian kantri ginighnighan kogham. ¹¹ Guizbangira, Ki Moapia amizir araziba tuisigh, iveauzur kuram me dandingam. Eighti me kamaghin fogh suam, ki Ikiavira Itir God."

25:1: Jeremaia 49:1-6; Esekiel 21:28-32; Amos 1:13-15; Sefanaia 2:8-11 **25:8:** Aisaia 15:1-16:14; Aisaia 25:10-12;

Jeremaia 48:1-47; Amos 2:1-3; Sefanaia 2:8-11

25:12: Aisaia 34:5-17; 63:1-6; Jeremaia 49:7-22; Esekiel 35:1-15; Amos

1:11-12; Obadia 1:1-14; Malakai 1:2-5

God ghaze, Idomin kantri ikuvigham

¹² Ikiavira Itir Godin Ekiam kamaghin migei, "Idomia ikarvazir arazim gamua, egha bar arazir kurabar Judan ikizim gamizi, arazir kurar kam bar ekefe. Me osimtzir ekiam uari gati." ¹³ Kamaghin amizi, ki Ikiavira Itir Godin Ekiam, ki kamaghin migia ghaze: Ki datirighin uan agharir gavgavim isi Idomin kantrin amadagh, a gasighasigham. Egh Temanin nguibamin ikegh midorozir sabamin gumazamiziba ko asizibav soghirarigh mangi Dedanin nguibamin tugham. Eighti Idomin kantri pura ikiam. ¹⁴ Ki Idomian arazir kuraba ikarvaghram. Kamaghin amizi, ki uan gumazamiziba, Israelia, me amadaghti me mangi me misogham. Eighti Idomia nan adarim ko aningaghlar ekiar kam iniam. Egh Idomia uari nan ikarvaghmin arazim gifogham. Ki Ikiavira Itir Godin Ekiam, ki kamaghin mikemegha gif'a."

God ghaze, Filistiaba ikuvigham

¹⁵ Ikiavira Itir Godin Ekiam kamaghin migei, "Filistiaba fomira ikegha iza datirighin, me uan navir averiabar aven Judabar apanim gamua, apangkuvir arazim men puvatigha ikarvazir arazim me gamua, arazir kurabar me gamua me gasighasigha ghuavira iti." ¹⁶ Kamaghin amizi, ki Ikiavira Itir Godin Ekiam, ki kamaghin migei: Ia oragh! Ki uan agharir gavgavim amadagh Filistiaba bar me abiraghram. Men ziar mam Keretia, kar ongarir dadarimin ikiavira itir darasi, ki bar me gasighasigham. ¹⁷ Ki adarir ekiam men iti. Ki me amizir arazir kuraba ikarvagh, pazavira me damu me gasighasigh me akuatigham. Eighti me nan mizazim inigh, egh me kamagh fogh suam, ki Ikiavira Itir God."

26*God ghaze, Tair ikuvigham*

¹ E kalabusin itima, namba 11in azenim, an iakinir mamin aruer faragha zuim otozi.* Ikiavira Itir God kamaghin na migei, ² "O nguazir kamin gumazim, Tairin nguibar ekiamin gumazamiziba bar akuegha tiariba akara kamaghin migei:

"Bar dera, Jerusalemin nguibar ekiam, a ikuvigha gif'a,
ez i Kantrin Igharazibar Gumazamiziba ua an mangi
dagiar inganganibar amuan kogham.

Me datirighin e baghvira izi dagiar ingangan-garim damut'i e bizir bar aviriba ikiam.

³ "Kamaghin amizi, datirighin, ki Ikiavira Itir Godin Ekiam ghaze:

"O Tairia, ia oragh, ki ian apanim.

Ki kantrin aviribar gumazibar aku ia misoghsiz izam,
eeghti me ongarim dikava izi moghinhiz izam.

⁴ Me ian nguibar ekiam avinizir divaziba akararigham.

Eighti ki bar dar tauaba avigh da makunigham.

Egh ki nguibar kamin nguaziba bar dar aning da adeghti, dagiar kinimra ikiwira ikiam.

⁵ Egh dagiar kam ongarimin tongin ikiti, osiriba isir gumaziba, uan iveba a gisn da onegh aruemin dar arigham.

Ki Ikiavira Itir Godin Ekiam, ki kamaghin mikeme,

Kantrin Igharazibar Gumazamiziba izi ia inigh pazavira ia damuam.

⁶ Me uan midorozir sababar ian kantrin aven itir nguibar dozibar gumazamizibav soghirarigham.

Eighti Tairia kamaghin fogh suam, ki Ikiavira Itir God.

⁷ "Ki Ikiavira Itir Godin Ekiam ki kamaghin migei: Babilonin kantri gativir atrivir bar gavgavim Nebukatnesar, ki anaku iziti, a Tairia ia ko misogham. A notin amadaghan ikegh izi, uan hoziabako, karisba ko, hoziabagh isin dapiamin gumaziba ko, midorozir gumazir bar avirim sara izam.

⁸ "A izi, nin kantrin aven itir nguibar dozibar gumazamiziba, midorozimin aven me misoghti me arighiregham.

Apaniba izi nguibar ekiam ekiarughnguazim giku divazim boroghin da pozibav kinigham.

Egh me nguazir pozir kabagh isin tuivigh iki midorozim damuam, egh uari mongsbirir gavgavibar amuam.

⁹ Egh me temer bar ekiaba inigh mangi nguibar ekiamin divaziba akararigh, egh uan sobiar bar gavgavibar divazimin tauuba akurarigham.

¹⁰ An hoziabako bar avirasemegh ivemar izi nguazim dikit,

25:15: Aisaia 14:29-31; Jeremaia 47:1-7; Joel 3:4-8; Amos 1:6-8; Sefanaia 2:4-7; Sekaraia 9:5-7 **26:1:** Aisaia 23:1-18; Joel 3:4-8; Amos 1:9-10; Sekaraia 9:1-4; Matyu 11:21-22; Luk 10:13-14 * **26:1:** Hibrun akam iakinibar dibobonim itir puvati.

- nguazir mineziba dikav bar ia avaraghram.
- Egheti men midorozir gumazir hoziabagh apiazipa ko, dar wilba, ko dar karisba, pamtem ivemar izi, nguibar ekiamin tiar akabar mangigh zegh damuam.
- Egheti hoziar kaba niginir bar ekiam damutti ian divaziba vazvaghram.
- 11 Men midorozir gumazibar hoziaba, ian tuavir dozibar akizirigh izi ia dikabiraghram.
- Egheti apaniba midorozir sababar ian gumazamizibav soghirarigham.
- Egheti ian dagiar dipenir akinir gavgavir ekiaba magiri nguazim giregham.
- 12 Ian apaniba ian dagiaba okimiva, ia dagiaba bagha amadir biziba tinnimin da iniam.
- Me ian divaziba akurarighthi da iriti, me ian dipenir bar aghuiba akararigh bar adagh asighasigham.
- Egh me ian dagiaba ko temeba ko nguaziba isi ongarimin da makunigham.
- 13 Egheti ki ian onger akaba ko, gitabav sozir arazim bar ada agivagham.
- 14 Ki ian nguibam damighti, dagiar kinimra an ikivira ikiam.
- Egheti dagiar kamin, osiriba isir gumaziba, uan iveba a gisin da onegh da aruem darigham.
- Ki Ikiavira Itir Godin Ekiam, ki kamaghin mikeme, gumazitam ua ian nguibar ekiamin ingarighan kogham.
- ¹⁵ “Ki Ikiavira Itir Godin Ekiam, ki Tairin nguibar ekiamin gumazamiziba kamaghin me migei: Ian nguibar ekiam akaraghiregh irthi, gumazamizir ongarir miriamin itiba, me nguibam akaraghirezir niginim baragh, egh gumazamiziba mizazir ekiam isir niginim baragh, uarir tongin gumazamizibav sozi me ariaghbirir niginim baragh, digavir kuram damugh akongam.
- ¹⁶ Kantrin ongarir miriamin itibar atriviba, uan atrivir dabirabiba ategh, uan atrivir korotiaba ko tretin diribar isamizir korotiar azenan azuiba suegh, pura nguazim dapiagh atiatingiva inighiva akong mamaghira ikiam, egheti men nirizir agorogem givaghan koghan.
- ¹⁷ Me ni bagh azirakar ighiar kam damuam:
- “Ziar ekiam itir nguibar ekiam, ni bar ikufi!
- Gumazamizir nguibar ekiar kamin itiba, fomira ongarimin ize,
- Egha kurir aviriba ikia ongarim bar a gativagha, ongarimin ingangarir kaba me faragha dagh ami.
- Egha ongarir dadaribar boroghin nguibabar itir darazigh amizi, me atiatia okam nighnigha digavir kram gami.
- Ezi datirighin ni ua ongarimin itir puvati. Noki!
- ¹⁸ Datirighin dughiar kamra, ni irigha gifa.
- Ezi ongarimin boroghin itir darasi, inighava agoi, ezi arighatizibar gumazamiziba atiatia, pazava otozir arazir kamin aguaghfa.

¹⁹ “Ki Ikiavira Itir Godin Ekiam, ki kamaghin migei: O Tair, ki ni damighti ni pura ikiam, mati nguibar ekiar akaraghirezimin min, nin gumazamiziba puvatigham. Ki ongarir konir gavgavimin ni avaraghram.

²⁰ Ki nin amadaghti, ni Oveaghuezbar Nguibamin magiri gumazamizir bar fomira ikeziba ko ikiam. Ki ni damighti, ni nguazimin apengan magiri nguibar ekiar ki asighasighiziba ko zurara ikiam. Bizar kam bangin, gumazitam ua nin danganimin ikian kogham. Egheti ni ua nguazir kamin nguibar aghuitamin min otogham kogham.

²¹ Ki ni gasighasigh ni damighti, ni mati bizar kuramin min otogh gumazamizibar amuti me atiatingam. Gumazamiziba ni buriva, nin apigan kogham. Ki Ikiavira Itir Godin Ekiam, ki kamaghin mikemegha gifa.”

27

Tairin nguibar ekiam ikuvizi, Esekiel a bagha azi

¹ Ikiavira Itir God kamagh na migei. ² “O nguazir kamin gumazim, Tairin nguibar ekiam ikuvigham, kamaghin amizi, ni a bagh azirakar ighiam bangi. ³ Nguibar ekiar kam, ongarir dadarimin boroghin ikiva, gumazamizir ongarir miriabar itiba ko dagiaba bagha bizibagh iveauza da amadir ingangaribagh ami. Ni a mikim suam, Ikiavira Itir Godin Ekiam kamaghin migei:

“O Tair, ni ubi uan ganganir bar dirim migia a pirafi.

⁴ Nin ingarizir gumaziba, kurir dirimin min nin ingari, ezi ongarir torim, a nin nguibar mitaghniamin min iti.

5 Me Hermonin Mighsiamin ghua painin temer aghuiba inigha kurir kamin ingari.

Me Lebanonin ruarinmin ghua

sidan temer aghuim inigha,
kurimin tughav itir guarir
akinim asara.

6 Egha me Basanin nguazimin ghua temer okin aghuiba inigha an pulbar ingari.

Egha Saiprusin Arighatizimin ghua temer aghuiba inigha, kurimin ghuriamin ingari.

Egha elefanin atariba inigha an
ghuriam asingi.

7 Egha me Isipin kantrin ghua inir bar aghuir mam inigha kurimin duir inimin ingari.

Inir kam me digirir bar aghuiba tretin da isami.

Eghti kurim saghon mar iziti,
gumazamiziba bar deragh an
ganam.

Egha me Saiprusin Arighatizimin ghua bluplan nir aghuiba ko, inir pighaghevир maba inigha kurimin da gui.

Eghti kurimin ingangarir gumazib
da apengan dapiv ikiam.

8 Me Saidonin nguibar ekiam ko Arvatin
nguibar ekiamin ghua,
pul damuamin gumaziba ini.

9 O Tair, nin ingangarir gumazir fofoziba
itiba,
me nin kurimin suizir gumaziba.

Gebalin nguibamin gumazir aruaba, me
kurimin ingarir fofozir gumaziba,
me ni ko arua, kurimin toriba apirir
ingangarim gami.

Tairin nguibar ekiam, kurir kam a nin aban
ganam.

ezi nin fofoziba itir gumaziba, kurimin
suizir gumazibar min ami.

Kantrin igharazibar kuriba bar ni bagha
ize, egha dar ingarir gumaziba,
nin nguibar ekiamin aven ghua
nin biziba amadir dipenibar,
dagiaiba bagha ingangarir
bizibagh ami.

10 Persian kantri ko Lidia ko Libia, men
marasi, nin midorozir gumaziba.

Me uan oraba ko dapanir asuaba nin
divazibar da gui.

Gumazir kaba nin akuragha
misoghezi, ni ziar ekiam ini.

11 Arvatin nguibamin midorozir gumaziba
nin divazir gavgavir mitiabagh isin,
tuivav ikia apaniba bagha gari.

Ezi Gamatin midorozir gumaziba nin
tauan ruaribagh isin ikia,

apaniba bagha gara iti.
Gumazir kaba uan oraba nin divazibar da
guigha ni gamima,
nin ganganim bar dera.

12 "Ni kantri Spen ko biziagh iveza da
amadir dagiar ingangarim gami.
Ezi me ni da bizi bar aviriba iniasa,
silva ko ain ko bizi ighazarir maba
sara isa iveau min ni ganidi.

13 Ni kantri Grik ko, kantri Tubal ko, kantri
Mesek ko biziagh iveza da amadir
dagiar ingangarim gamua,
dar ikarvazim bagh ingangarir gu
mazir kiniha ko bizi bar avirir me brasin
ingariba isi.

14 Ni Togarman nguibar ekiamin gumaza
miziba ko dagiaba bagha ingangarib
agh ami.

Egha uan biziba uari ikarvagh uari
ganiga,
me dama ingangarim damuamin
hoziaba, ko hoziar mangi
misoghamiba ko donkiba isi.

15 Dedanin gumazamiziba ni ko ikarvazir
arazim gami,
ezi ongarimin miriabar itir gumaza
miziba, ni ko ikarvazir arazim
gamua,
elefanin atariba ko ebonin temer
piziba ni ganiga ni da biziagh
ivesi.

16 Sirian gumazamiziba, ni ko biziba uari
ikarvashi.

Me dagiar bluplan iveau bar pin koz
iba ko, inir pighaghevир aghuiba ko,
inir me tretin diribar isamiziba ko,
ongarimin dagiar bar aghuir pin
koziba, ni ganiga,
nin bizi me ifongezibagh ivesi.

17 Juda ko Israelia ni ko biziba uari ikarvashi.
Me Minitin nguazimin itir azenibar
aghuir wit ko, hani ko, olivin borem
ko, marasin ko, bizi igharaziba ni
ganiga,

nin bizi me ifongezibagh ivesi.*

18 Ezi Damaskusin gumazamiziba ni ko
dagiaba bagha ingangarim gamua,
egha wainin dipar me Helbonin
nguibar ekiamin iniziba ko,
sipsipbar arizir me Saharin dan
ganimin iniziba, isa ni ganidi.

19 Wedanin adarazi ko Grikba ko Usalian
adarazi† dagiaba bagha ingangarim
ni koma a gami.

Egha me ain ko, borer me temer
igharaghha garir mamin ingarizim ko,
ighurunir mughuriar aghuim zuiba,
me da isa,

* 27:17: Hibrun akam deragha migirigar kamin mingarim abighizir puvati. † 27:19: Hibrun akam deragha migirigar kamin mingarim abighizir puvati.

- bizir avirir me ni da iniamibagh
ivezasa bizir kaba inigha ize.
- ²⁰ Ezi Dedanin gumazamiziba hoziabar sa-
telin apengan arizir nir mitiaba isa,
nin biziiba bagha, ni ko ikarvazir
arazim gami.
- ²¹ Ezi Arebian gumazamiziba ko kantri
Kedarin gumazir dapaniba, ni ko
dagiaba bagha ingara,
uan sipsipin nguziba ko sipsipin
apuriba ko memeba,
nin biziiba bagha, da isa ni ko ikar-
vazir arazim gami.
- ²² Ezi kantri Seba ko Raman nguubar
ekiamin dagiaba bagh ingangarib-
agh amir gumaziba, ni ko ikarvazir
arazim gami.
Me uan gol ko pauran mughuriar
aghuium zuiba ko, izezim bar pin kozi
dagiaba isa,
ni ganigha, ni da biziabag izezasa.
- ²³ Ezi Haranin nguubar ekiam ko, Kane ko
Idenin gumaziba, ko kantri Seba ko,
Asur ko Kilmatin kantri, men gu-
mazir dagiaba bagha ingangaribagh
amiba,
ni ko ikarvazir arazim gami.
- ²⁴ Me ikarvazir arazim gamua, korotiar bar
aghuiuba ko, korotiar pighagheviba
ko, korotiar me tretin diribar isamiz-
iba ko,
blanketin mitiar me ghuriabar
ghuaribar, nedazir aghuariba itiba,
me da righa benibar da ikegha ni bagha
da inigha ize.
Me biziir kaba ni daningigh, biziir ni
da iniamibagh, izezam.
- ²⁵ Ezi kurir bar ekiaba, nin biziir avirir
kaba, kantrin igharaziba bagha da
ateragharui.
Ni uabi, mati kurir bar ekiar mam, on-
garir torimin biziir bar avirim ateri.
- ²⁶ “Ezi nin pul gamir gumaziba ni inigha
ongarir torimin zuima,
aruem anadi naghin aminim iza ni gi-
varazi,
ni bar saghon mar ghua uabi
gasighasiki.
- ²⁷ Ezi nin dagiaba ko, dagiaba bagha amadir
biziir aghuiuba ko, kurkazir biziiba
ko, kurimin suirazir gumaziba ko,
nin ingangarir gumaziba ko, nin
kurimin ingarir gumaziba ko, nin
biziiba amadir gumaziba ko, nin
midorozir gumaziba ko, kurimin
aruir gumaziba,
me bar kurimin itima, kurim iku-
vizima, me bar ongarir torimin
ovenge.
- ²⁸ Ezi kurimin suizir gumaziba, pamtem
tuavara deima men tuater ararem
otozi,
gumazamizir ongarir dadarimin itiba a
baraghha nighava agoi.
- ²⁹ “Ezi kurir igharaziba, ongarim ategha
dadarimin ghue.
Ezi kuribar suizir gumaziba, ko gu-
mazir pul gamiba,
kuribar faghafiaghha nguazimin tu-
ifi.
- ³⁰ Egha me bar puvira ni bagh aziava arai.
Egha me uan osimtizim akakagha,
nguazir mineziba isa uan dapani-
bav kira averenim gipoghposi.
- ³¹ Me ni bagha uan dapanir arizibar suigha
da asiaghariqha,
azirakar korotiar bibiziba aghui.
Me ni bagha arava men navir ave-
riaba bar ikufi.
- ³² Me ni bagha azirakar ighiam gamua
ghaze,
‘O Tair, nguubar ekiar igharazitam ni
ikuvizi moghin garir puvati.
Tair datirighin ongarir torimin
aven nimura iti.’
- ³³ Ni dagiaba bagha ongarir torimin azenan
amadir biziiba, da kantriba bar dar
ifongiaba agifa.
Atriviba, nin biziir ni amadiba bangin,
biziiba bar izifa.
- ³⁴ Datirighin ni ikuvigha ongarir torir
konimin aven iraghu.
Nin biziiba ko gumazir nin ingariba,
me bar ni ko ongarim giraghuegha
givagha puvati.
- ³⁵ Ongarir dadarimin itir gumazamiziba
bar, nin biarim baregha digavir ku-
ram gami.
Men atriviba uaghan agoava atiati,
ezi atiatiem me gami men guaba
igharaghaga gari.
- ³⁶ Ni bar ikuvigha gifia, egh ua ikian kogham.
Ezi nguazir kamin dagiaba bagha in-
garir gumazamiziba bar, akongiva
atiating ghuariba su suam,
nguubar kam batozir bizim,
uaghan ti e batogham.”

28

God ghaze, Tairin atrivim ikuvigham

¹ Ikiavira Itir Godin Ekiam kamaghin na
migei, ² “O nguazir kamin gumazim, ni
Tairin atrivim mikim suam:

“Ki Ikiavira Itir Godin Ekiam kamaghin a
migei:
Ni puvira uabi fa, uabi migia ghaze,
ni godin mam.

Ni ghaze, ni godin mamin min atrivir
dabirabim gaperaghav iti,
ezi ongarim ni ekiaru.

Ni ghaze, nin nighnizim godin mamin
nighnizim ko magh ghu.

Ezi puvati! Ni pura nguazir kamin gu-
mazir kinim!

Ni god puvati.

³ Ni ghaze, nin fofozim bar ekevegha,
Danielin fofozim gafira,
eghti bizitam nin modoghan kogham.

⁴ Nin fofozim ko inganganibar amuamin fo-
fozim ni gamima,
nin gol ko silva bar aviraseme.

⁵ Ni fofozir bar aghuir dagiar inganganibagh
amiba ikia,
egha dagiar aviriba uam ada isi.

Egha uan dagiar avirir kaba bagha uabi fa,
uan navir averiamin aven puvira
ifaghati.

⁶ “Ezi datirighin, ki Ikiavira Itir Godin
Ekiam, ki kamaghin ni migei:
Ni ghaze, ni godin mamiin min fofozim
iti.

⁷ Kamaghin amizima, ki apanir bar kurabar
aku ni gasighasighsi izam.

Eghti ni fofozir ekiamin amodoghin
amua inizir bizar aghuiba ko ziar
ekiam ni ganidir bizar diriba,
me bar adagh asighasigham.

⁸ Me bar ni gasighasigh ongarir torimra ni
misueghti ni aremegh,

Gumazamizir Oveaghuezibar
Nguibamin magiram.

⁹ Me izi ni misoghamin dughiamin, ni ti
kamaghin me mikim suam, ki godin
mam.

Ni misoghamin adarazi iziti, ni men
guamin gumazir kinimin otogh are-
megh uam angamira ikiian kogham.

Dughiar kamin ni fogh suam, ni
pura nguazir kamin gumazir
kinim! Ni god puvati.

¹⁰ Apanir azenan izezir kaba ni misueghti,
nin ovevem bar ikuvigh,
egh mati gumazir mizirizir kinimin min
otogham.

Ki Ikiavira Itir Godin Ekiam, Akar
Gavgavir kam anigha gifa.”

¹¹ Ikiavira Itir God ua kamaghin na migei:

¹² “O nguazir kamin gumazim, ni mangi
Tairin atrivim bagh azirakam damu, a
mikim suam:

“Ki Ikiavira Itir Godin Ekiam kamaghin ni
migei:

Ni faragha gumazamiziba bar me gaf-
ragha gumazir aghuimin oto.

Ezi nin fofozim bar ekevegha ni
gamizi nin ganganiba bar dera.

¹³ Ni mati Idenin azenimin iti, kar Godin
azenir aghuim.

Egha ni dagiar guar avirir igharagha
garir bar pin koziba uabin kurti.

Me golin diriba inigha dagiabar
suizir golin kurkazibar ingari.

Dagiay kabar kara, rubi, topas, daimon,
beril, kanilian, jaspa, sapaia, emeral
koma ganet.

Ni nguazimin otozir dughiamin, ki ni
bagha dagiar kaba bar dar ingari.

¹⁴ Ki kagh enselin bar gavgavim, isa ni
geghuvatas aneti.

Ni nan mighsiamin ikia dagiar aghuir
taghtazir kabagh isin arui.

¹⁵ Ki nin ingarizi, ni otozir dughiamin, nin
araziba bar dera.

Egha iza datirikin, ni arazir kurabagh
amua nan damazimin osimtizim iti.

¹⁶ Ni zurara bizibagh iveza da amadi.

Ezi bizir kam ni gamima, ni aka-
madariba ko arazir kurabagh ami.

Ezi ki uan Mighsiamin, bizir mizirizir
kinimin min ni batosi.

Ezi enselin bar gavgavir ki ni gegehu-
vasava atizim dikavigha,
dagiar aghuir taghtazir kabar
tongin ni inigha da ategha mar
ghu.

¹⁷ Ni ganganir bar aghuim gamua, uabi uabi
fe.

Egha fofozir aghuim ikia ghaze,
fofozir kam ziar ekiam ko gav-
gavim ni daningam.

Kamaghin amizi, ki ni kavkinizi ni nguazim
giri.

Ki ni isi azenara atrivir igharazibar
damazim datighti, me nin iririm der-
agh an ganam.

¹⁸ “Ni bizibagh iveza da amaga, arazir kurar
aviribagh amua,

nan ziam fer danganibagh amizi, da
bar mize.

Kamaghin amizi, ki nin nguibar ekiam avim
a gatizi,

a isia ghua nguazir kinim oto.

Ezi gumazamizir nin gariba, ni
men damazimin averenimin oto.

¹⁹ Ezi ni bar ikuvigha gifa.

Egh ua nguazir kamin ikiian kogham.

Gumazamiziba bar moghira, ni batotiz
arazir kamin biarim baregha,
puvira aguava atiatia digavir kuram
gami.”

*God ghaze, Saidonin
nguibar ekiam ikuvigham*

²⁰ Ikiavira Itir God kamaghin na migei: ²¹ “O nguazir kamin gumazim, ni Saidonin nguibar ekiamin ganiva, a ikuvighsi a mikim:

²² “Ki Ikiavira Itir Godin Ekiam, ki kamaghin ia migei.

O Saidonia, ki ian apanim gami.

Ki ian tongin uan gavgavim ian akagham, eghzi gumazamiziba nan ziar ekiam fam.

Ki ian arazir kuraba tuisigh iveauzir kuram ia daningam.

Egh uan ziar bar zuezim ian akagham.

Eghzi ia kamaghin fogh suam, ki Ikiavira Itir God.

²³ Ki arimariar kuraba ia bagh da amangam.

Egh apanibar amangichti me bar tintinimin izi ia ekiarugh, egh ian gumazamizibav soghiraghram.

Egh ghuzim damighti, a ian tuavibar emiram.

Eghzi ia kamaghin fogh suam, ki Ikiavira Itir God.”

God deraghvira Israelia damuam

²⁴ “Ki Ikiavira Itir God, ki kamaghin migei: Israelin ikizimin boroghin itir kantrin igharaziba, men apanim gamua dibovir akar kurabar me migei, mati benir atariba ko dikoniba gumazimini mikarzim mitifi. Egh me gin uam arazir kam damuan kogham. Eghzi dughiar kamin, Israelia deragh na gifogh suam, ki Ikiavira Itir Godin Ekiam.

²⁵ “Ki Ikiavira Itir Godin Ekiam, ki kamaghin migei, ki Israelin ikizir ki aghamsigha tintinibar kantrin igharazibar amangizibar tongin ua me inigh, me akuvagh me inigh izam. Eghzi kantriba bar Israelian ganti, ki uan zuezir arazim isi men akagham. Eghzi Israelin gumazamiziba ua uan nguazimra ikiam. Kar nguazir ki uan ingangarir gumazim Jekop ganingizim. ²⁶ Me nguazir kamin deravira iki, egh dipenibar ingariva wainin azeniba oparam. Men boroghin itir gumazamizir men apanim gamua dibovir akar kurabar me migeiba, ki iveauzir kuram me daningam. Eghzi Israelia, deravira ikiam. Eghzi me kamaghin fogh suam, ki Ikiavira Itir God, men God.”

29

God ghaze, Isipin kantri ikuvigham

¹ Ekalabuziabar min itima, azenir namba 10in, an iakinir namba 10in, an namba 12in aruemin, Ikiavira Itir God kamaghin na migei: ² “O nguazir kamin gumazim, ni Isipin atrivimin ganiva, a ko Isipia bar

ikuvighsi a mikim. ³ Ni kamaghin a mikim suam:

“Ki Ikiavira Itir Godin Ekiam, ki kamaghin Isipin atrivimin migia ghaze,

Ki nin apanim gami.

Ni mati, goar bar dafar Isipin dipabar itim.

Ni ghaze, Nailin Fanem, ni ua bagha an ingarizi a nin bimizra.

⁴ Ki akezir taba isi nin aghozimningin guraghiva, osirir dipamin itibar amighti, da nin naziabar puegham.

Egh ni ko osirir nin naziabar pueghav itiba saram ekuigh, azenim mikanigham.

⁵ Ki ni ko osirir kaba isi dipaba puvatizir nguazim mikanigham.

Eghzi nin kuam, me nguazim gikuigh anefaghan kogham, a pura nguazim girighiv ikiam.

Ki daghemin min a isi kuaraziba ko asizir atiabar aningichti, da nin kuam amam.

⁶ Eghzi Isipin gumazamiziba bar fogh suam, ki Ikiavira Itir God.

Ni fo, Israelia akurvazim bagha Isipia ian garci.

Israelia ghaze, ni mati, men asadivir aghorir gavgavim.

Ezi puvati.

⁷ Me daruasa nin suirazi, ni dipirigha, men dipizibagh amizi da mizazir kuram ini.

Me nin suirazi, ni mati ighurunir kinimin min dipirizi, men sueba amirazi, me ira uan ogaba amiki.

⁸ “Ezi datirighin, ki Ikiavira Itir Godin Ekiam, ki kamaghin migei: Ia oragh! Ki apaniba inighti me midorozir sababa inigh iziva ia ekiarugh nin gumazamiziba ko asiziba bar me misoghiraghram. ⁹ Eghzi Isipin kantri, a ikuvigh nguazir kinir biziba puvatizimin min ikiam. Eghzi ia kamagh fogh suam, ki Ikiavira Itir God.

“Atrivim, ni ghaze, Nailin Fanem, ni ua bagha an ingarizi a nin bimizra.

¹⁰ Kamaghin amizi, ki ni ko nin Nailin Fanem apanim damuam. Ki Isipin nguazim bar a damighti a nguazir kinimin ikiam. Ki notin amadaghan Mikdolin nguibar ekiamin ikegh mangi sautin amadaghan Aswanin nguibar ekiamin mangi Itiopian nguazir mitaghniamin tugham. ¹¹ Eghzi 40plan azenibar, gumazitam o asizitam an ikiva, a daruan kogham.

¹² Ki Kantri Isip gasighasighti, a bar ikuvigh nguazir kamin kantrin ikuviziba, bar

dagh afiraghram. Eghti 40plan azenibar, Isipin nguabar ekiaba bar ikuvigh, nguubar ekiar igharazir ikuvizibagh afiraghram. Ki Isipia damichti, me mati nguaziba puvatizi moghin mangi Kantrin Igharazibar Gumazamizibar tongin ikiam.

¹³ “Ki Ikiavira Itir Godin Ekiam ki kamaghin migei: 40plan azeniba givaghti, Isipian aghamsigha tintinibar kantrin igharazibar itiba, ki ua me inigh izam.

¹⁴ Egh me ateghti me Isipin kantrin sautin amadaghram ikiam, kar guzin men ovavibar danganimra. Me kagh ikiti, men kantri gavgaviba puvatigham.¹⁵ Eghti men kantri pura bizir kinimin min otogham. Eghti me uam kantrin igharazibagh ativan kogham. Ki me damichti me ziaba puvatigh, fomira kantrin igharazibagh ativazi moghin gavgaviba puvatigham.

¹⁶ Eghti Israelin ikizim uam akurvazim bagh Isipian azangsgihan kogham. Isip ikuvizir eghaghanim Israelia damuti, me fogh suam, me arazir kuram gami. Egh Israelia ua kamaghin fogh suam, Ki Ikiavira Itir Godin Ekiam.”

Atrivim Nebukatnesar Isip abiraghram

¹⁷ E kalabusin itima, azenir namba 27in, an iakinir faraghavira itimin, an aruer faraga zuimin Ikiavira Itir God na migia ghaze, ¹⁸ “O nguazir kamin gumazim, Babilonin Atrivim Nebukatnesar uan midorozir gumaziba ko iza Tairin nguabar ekiam misoghavira iti. A uan midorozir gumazibagh amizi, me misoghamin bizar osimtzibar ateri. Egha bizir kam bangin men dapanariziba asiaghirezi men dipizir iniba bar dizaghire. Ezi atrivim ko an midorozir gumaziba pura mizaziba inigha, uari bagha Tairian bizitam inizir puvati.

¹⁹ Ezi datirikin, ki Ikiavira Itir Godin Ekiam kamaghin migei: Ki Isipin nguazim isi Atrivim Nebukatnesar daningam. Eghti a Isip gasighasigh, an dagiaba ko bizar aghuiba bar da isi uan midorozir gumaziba uan iveauimin min da inigh mangigham.

²⁰ Ki an ingangaribar iveauimin min Isipin nguazim isi a daningam. Guizbangira, an midorozir gumaziba na bagha ingari. Ki Ikiavira Itir Godin Ekiam, ki kamaghin mikeme.

²¹ “Bizar kam otoghamin dughiamin, ki Israelin ikizim damichti me ua gavgavigham. Eghti Esekiel, ki nin amamangatighti ni men tongin mikimi, me bar ni baragharm. Egh me kamaghin bar fogh suam, ki Ikiavira Itir God.”

30

Ikiavira Itir God Isip gasighasigham

¹ Ikiavira Itir God ua kamaghin na migei,

² “O nguazir kamin gumazim, ni nan akaba inigh dar gun mikim:

“Ki Ikiavira Itir Godin Ekiam, ki kamaghin migei:

Iavzika!

Dughiar kuram a izi.

³ Ikiavira Itir God Izamin Dughiar Ekiam, a roghira ize.

Kar dughiar God gumazamizibagh asighasighamim.

Dughiar kamin, overiamin ghuariar ekiaba otivighti,

God kantribar araziba tuisigh, iveauzin kuram me daningam.

⁴ Dughiar kamin apaniba izi Isipia misogham.

Eghti Itiopiaba osimtzir ekiam iniam.

Eghti Isipin gumazamizir avirim arighiram.

Apaniba bar a gasighasigh anekararigti a ikuvigh ikiti,

me an itir bizir aghuiba bar da inigh mangehem.

⁵ “Midorozimin aven,

Itiopian gumazamiziba ko,

Putin gumazamiziba ko,

Lidian gumazamiziba ko,

Libian gumazamiziba ko,

nan gumazamiziba

uaghan arimighiregham.

⁶ “Ki Ikiavira Itir God ki kamaghin migei:

Gumazir manaba Isipian akurvagh me bagha misosi, me bar arimighiregham.

Egh notin amadaghan Mikdolin nguibamin ikegh mangi,

Sautin amadaghan Aswanin nguibamin tugham.

Eghti Isipin midorozir gumazir gavgavir ikia uari feba, me bar arimighiregham.

Ki Ikiavira Itir Godin Ekiam, ki kamaghin mikeme.

⁷ Isipin nguazim bar ikuvighiva, kantrin igharazibar nguazir ikuviziba bar dagh afiraghram.

Eghti an nguabar ekiaba bar akarighiregh iki,

kantrin igharazibar nguabar ekiar ikuviziba bar dagh afiraghram.

⁸ Ki avim Isip datighti a isiti,

gumazir an akuragha a bagha misoziba arighiregham.

Eghti Isipia kamaghin fogh suam, ki Ikiavira Itir God.

⁹ “Dughiar kamin, Itiopiaba deraviram apigha ghaze,

bizir kuratam me bativan kogham.
 Eghti Isip ikuvightima, ki gumazitaba
 amadaghti
 me kuriba inigh mangi Itiopiabav kim
 suam,
 Isip bar ikuvigha gifa.

Eghti Itiopiabav bar atiatigh digavir kuram
 damigham.
 Ia ikiangsizir akam baragh!
 Dughiar kurar kam, bar roghira
 izi!

¹⁰ “Ki Ikiavira Itir Godin Ekiam, ki kamaghin
 migei:
 Ki Babilonian Atrivim Nebukatnesar
 amamangatighti,
 a Isipin gumazamizir aviriba
 agivaghram.

¹¹ A uan midorozir gumazir bar kuraba
 ko iziva Isipin nguazim bar a
 gasighasigham.
 Me izi uan midorozir sababar Isipia
 misoghirarighti,
 Isipin nguazim gumazir kuaba bar
 a gizivaghram.

¹² Ki Nailin Fanem damighti a dakegham.
 Egh Isip isi gumazir arazir bar
 kurabagh amibar dafarim datigham.
 Egh ki azenan izezir gumazamizibar ama-
 mangatighti,
 me izi nguazim ko a gisin itir biziba bar
 dagh asighasigham.
 Ki Ikiavira Itir God, ki kamaghin
 mikeme.

¹³ “Ki Ikiavira Itir Godin Ekiam, ki kamaghin
 migei:

Ki Isipin kantrin nguibar ekiam Memfis,
 an marvir guaba ko aseba bar adagh
 asighasigham.
 Eghti tam ua Isipin atrivimin ikian
 kogham.
 Egh ki gumazamiziba bar me
 damighti me bar atiatigham.

¹⁴ Ki Isipin sautin amadaghan itir nguibar
 ekiam Patros damighti, biziba bar an
 puvatigham.
 Egh notin amadaghan nguibar ekiam
 Soan, avim a datighti a isigham.
 Egh ki nguibar ekiam Tebes, an
 gumazamiziba tuisigh iveauz kur-
 ram a daningam.

¹⁵ Pelusiumin nguibar ekiam, a Isipin
 nguibar ekiar bar gavgavim,
 ki uan aningagharim a gingegeh a
 damighti,
 an gumazamiziba osimtziba ini
 maburan mizaziba ateram.
 Egh Tebesin nguibar ekiam,
 ki an gumazamizir avirim bar me
 gasighasigham.

¹⁶ Ki Isip avim a datigham.
 Eghti nguibar ekiam Pelusium, mabu-
 ran osimtziba ko mizaziba iniam.
 Eghti apaniba Tebesin nguibar ekiam
 divaziba akararigham.

Eghti Memfisin nguibar ekiam,
 apaniba dughiarbar zuraram an
 izivira ikiti,
 an nguibar ekiam aperiam a
 batogham.

¹⁷ Eghti Heliopolisin nguibar ekiam, ko
 Bubastisin nguibar ekiam, an-
 ingin gumazir igiaba midorozimin
 arighiregham,
 eghti aningin gumazamizir igharaziba,
 apaniba me inigh mangi
 kantrin igharazimin me kalabuzi-
 abar min me arigham.

¹⁸ Isipia faragha uan gavgaviba bagha bar
 akongegha uari fe.
 Eghti ki bar Isipin gavgaviba
 abiraghram.
 Eghti mitarmer kuram,
 Tapanesin nguibar ekiam avaraghram.
 Overiamin ghuariar pizir tam Isip
 avaraghti,
 apaniba an gumazamiziba bar me
 inigh kalabuziab bar min me arigham.

¹⁹ Ki Isipian arazir kuraba tuisigh iveauz kur-
 ram isi me daningighti,
 me fogh suam, ki Ikiavira Itir God.”

Isipin atrivimin gavgavim gifa

²⁰ E kalabuziab bar min itima, namba
 11in azenimin, an faragha zuir iakinimin,
 namba 7in aruemin, Ikiavira Itir God
 kamaghin na migei, ²¹ “O nguazir kamin
 gumazim, ki Isipin atrivimin gavgavim
 abira, mati ki an agharim misogha anepiri.
 Ezi tav an agharim noghezir puvati, eghti
 a ua deragh gavgavighti, a ua midorozir
 sabamin suigham. ²² Datinighin, ki Ikiavira
 Itir Godin Ekiam, ki kamaghin migei:
 Ia oragh! Ki Isipin atrivimin apanim
 gami. Egh ki an agharimning uaghara
 aning misogh aning apirigham. Eghti an
 agharir aghuim ko agharir dipiriaghizim
 suirazir midorozir sabam ateghti a irigham.

²³ Egh ki Isipia batuegh me agham-
 sighti, me tintinbar kantrin igharazibar
 mangegham. ²⁴ Eghti ki Babilonian
 atrivimin agharimning damighti aning
 gavgavigham. Ki uan midorozir sabam
 an dafarim datigham. Ki Isipin atrivimin
 agharimning apirighti, a mizazir bar ekiam
 iniam. Egh Babilonin atrivimin damazimin
 mati gumazim aremeghasava amua bar
 puvira tuava arai. ²⁵ Guizbangira, ki Isipin
 atrivim damighti a gavgaviba puvatigham.
 Egh ki Babilonian atrivim damighti a
 gavgavigham. Ki uan midorozir sabam isi

a danighti, a Isipian akaghti me bar fogh suam, ki Ikiavira Itir God. ²⁶ Egh ki Isipia batuegh me aghamsighti, me tintinibar kantrin igharazibar mangegham. Eighti me kamaghin fogh suam, ki Ikiavira Itir God.”

31

God ghaze, Isipian atrivim mati temer sida

¹ E kalabuzibar min itima, azenir namba 11in, an iakinir namba 3in, an aruer bar faraghavira zuimin, Ikiavira Itir God kamaghin na migei; ² “O nguazir kamin gumazim, ni Isipian atrivim ko an gumazamizir aviriba me mikim suam:

“Ia Isipia gavgavir bar ekiam iti.

Bizir manamra, ia an min gavgafi?

³ Ia Asirian kantri ginighnigh, a fomira tughabar gavgavigha iti, mati Lebanonon kantrin itir temer sida ruaraghha tughav ikia, aguar diriba ikia dughuazir aghuim isa ruarim ganidi.

Egha bar ruaraghha ghanaga overiamin ghuardabar suiraghha iti.

⁴ Dipar aviriba nguazimin aven ikia temer kam gamizi an aghua ruara.

Ezi dipar emimirir mam nguazimin aven ikia, dipam temer sida ganidima an aghua bar ekefe.

Ezi dipar isin emirim ivemara ghua temer kamin povim boroghin ghua, uaghan ruarimin itir temer igharazir tintinibar itiba bar dar zui.

⁵ Dipar emimirir surara itir kam bangin, temer kam deraghaviram aghua bar ruaraghha ruarimin temer igharaziba bar dagh afira.

Ezi an aguaba aghua bar ekevegha ruari.

⁶ Ezi kuarazir guar igharaghha garir avirim an aguabar mikonibagh ami.

Ezi asizir atiaba iza an apebamin ot.

Ezi kantrin gavgavibar gumazamiziba, temer gavgavir kamin dughuazimin apengan avughsa iti.

⁷ Temer kam, aguar bar ruariba ikiava, an ruarimin ganganim bar dera.

Ezi an biba nguazimin aven bar iraghuezi a dipar aviriba isi.

⁸ Godin azenim Idenin aven, temer sidan tam a ko magh garir puvati.

An ganganim bar dera.

Ezi temer guar igharaziba, an min aguar ruariba itir puvati.

⁹ Ki Ikiavira Itir God, ki temer kam gamizi,

an ganganim bar deragha aguar bar aviriba iti.

Ezi Idenin azenimin itir temeba, da an gara an min otivasa.

¹⁰ “Ezi datirighin, ki Ikiavira Itir Godin Ekiam, ki kamaghin migei: Temer kam bar ruaraghha ghuariabar suiraghha, ubabi fa ghaze, bizir titizat na batogham?

¹¹ Kamaghin amizi, ki an aghuaghha, a isa kantrin igharazibar atrivimin agharim gati. Ezi atrivir kam temer kamin arazir kuram bangin ivezir kuram a ganangi. Ezi ki ubabi a makunigha gifa. ¹² Kantrin kurar igharazibar adarazi iza, an okegha anetaghizi, a irighav iti. Ezi an aguaba tintinibar mighsiba ko danganir zaribar ire. Kantrin igharazibar gumazamizir an aguabar dughuazibar apengan itiba, anetegha igharaghha ghue. ¹³ Eighti kuaraziba izi temer irizir kam gisins dipiam, ehti asizir atiaba izi an aguabagh isin daruam. ¹⁴ Kamaghin amizi, datirighin ikegh mangiva temer deravira dipam isava aghuir ruaribagh amiba, ua puvatigham. Temeba bar arighiram, mati gumazamiziba ariaghira ghua Oveaghuezibar Nguibamin iti.

¹⁵ “Ki Ikiavira Itir Godin Ekiam, ki kamaghin migei: Temer kam, Oveaghuezibar Nguibamin ghuzir dughiamin, ki nguazimin apengan itir dipabagh amizi, da azir akam gamua bar anevara. Ki dipabar anogoroghezi, da uam emirir puvati. Ki mitarmem gamizi, a Lebanonon Mighsiba avarazi, da temer kam bagha azi. Ezi ki ruarir ekiam temeba bar dagh amizi, da misingi. ¹⁶ Ki temer kam, mozim magiramin temer igharaziba sara, da isi Oveaghuezibar Nguibamin me akunamin dughiamin, dar iririm tingagharam, kantriba bar a bareghiva akongam. Eighti Idenin azenimin temeba ko Lebanonon temer bar aghuibka ko, temer igharazir deravira dipam isiba, me an iririm baregh bar akongegham. ¹⁷ Gumazamizir an dughuazimin apengan ikeziba, kar kantrin an akuraghiziba, me a ko Oveaghuezibar Nguibamin mangi apaniba faragha midorozir sabamin misoghezir gumaziba ko ikiam.

¹⁸ “Isipin atrivim, ni ko nin gumazamizir avirim, ia mati temer kam, nguazir kamin ikia bar ruaraghha gavgafi. Ezi Idenin azenimin aven temetam nin min ruaraghha gavgavizir puvati. Ezi datirighin, me ni okegħti ni iri, mati Idenin ikez temeba bar ariaghire. Ni Oveaghuezibar Nguibamin mangi, God gifozir puvatiziba ko midorozimin aven ariaghirezir daraziko

ikiam. Arazir kaba, da Isipin atrivim ko an gumazamizir avirim bativam. Ki Ikiavira Itir Godin Ekiam, ki mikemegha gifa."

32

Isipin atrivim ikuvigham

¹ E kalabuziabar min itima, namba 12in azenim otozi, an iakinir namba 12in, an aruer faragha zuimin, Ikiavira Itir God kamaghin na migei: ² "O nguazir kamin gumazim, ni Isipin atrivim bagh azirakar ighiar kam bangiva a mikim suam:

"Atrivim, ni ubabi migia ghaze,
ni mati laionin mam kantribar tongin
iti.

Ezi puvati, ni goar ekiar mamin min ongarim abighava arui.

Ni fanebagh aruima nin dagariba dipaba ditima da kovakova ned.

³ Ki Ikiavira Itir Godin Ekiam ki kamaghin migei:

Ki ikizir igharazibar gumazamizir aviriba inigh izi me akuvagh men damazimin,
ki uan iver ekiam ni mikinigh ni gekuigh azenim mikinigham.

⁴ Egh ki ni isi nguazimin azenara ni akunigham.

Eghti kuarazir pin mighagha aruiba ko nguazir kamin asizir atiaba izi,
ni ami bar izevegham.

⁵ Ki nin asizir nataba mighsiabav kinigh,
egh nin asizir nar ikuviba isi,
danganir zaribav kinighti, danganir zariba bar izevegham.

⁶ Ki nin ghuzim ingegetti, a danganiba bar dar emir mangam.

Egh fanebagh izevegh mighsiaba avegham.

⁷ Ki ni gasighasighamin dughiamin,
ki overiam avaragh mikovezibar angazangariba amungegham.

Egh overiamin ghuardabar amighti da aruer angazangarim apazaghti a isiraghan kogham.

Eghti iakinim uaghan isiraghan kogham.

⁸ Guizbangira, ki overiamin angazangariba bar ada mungegham.

Eghti nin kantri bar mitarmegham. Ki Ikiavira Itir Godin Ekiam, ki kamaghin mikeme.

⁹ "Ki ia amadaghti ia kantrin ia fozir putativibar mangi
dar aven kalabuziabar min ikiam.

Eghti ikizir igharazibar gumazamizir avirim,

ki ni gasighasighizir biarir kam baregh bar atiatigham.

¹⁰ Ki ni gamizir bizir kam, Kantrin Igharazibar Gumazamizibar amighti, me digavir kuram damigham.

Men atriviba ian biarim baregh ati atigham.

Ki uan midorozir sabamin ni gasighasichti, atriviba ko men gumazamiziba bizir kamin ganigh,
puvira atiatingiva nighiva akongam.

Egh me vaghvagh uarigh nighnigh kamaghin mikim suam,
God ti arazir kamra uaghan e damigham.

¹¹ "Ki Ikiavira Itir Godin Ekiam, ki Isipin atrivim migia ghaze:
Babilonin atrivim uan midorozir sabamin ni misoghsizam.

¹² Ki kantrin kurar kabar midorozir gu-mazir bar gavgaviba amangichti,
me izi uan midorozir sababar nin gumazamizir avirim bar me misoghirarigham.

Egh me bizir aghuir, ia Isipia da bagha uan ziaba fa bar akongeziba,
me bar dagh asighasigham.

¹³ Eghti nin bulmakaun dipar aviriba itir danganibar ikiava apiba,
ki bar adav soghirarigham.

Eghti bulmakauba ko gumazamiziba ua iki dipaba dikan kogham.

Egh dar amutid da nengan kogham.

¹⁴ Ki ian dipabar amighti da dikirigh,
olivin boremin min amiraghvir emir mangam.

Ki Ikiavira Itir Godin Ekiam ki mikemes.

¹⁵ Ki Isipin nguazim gasighasichti a ikuvigh nguazir kinimin min ikiam.

Egh ki uaghan gumazamiziba ko bizir an aven itibagh asighasigham.
Eghti me kamaghin fogh suam, ki Ikiavira Itir God.

¹⁶ Eghti kantrin igharazibar amiziba, Isipin kantri ko an itir gumazamizir avirim bagh azirakar ighiar kam bangam.

Ki Ikiavira Itir Godin Ekiam, Ki mikemegha gifa."

Gumazamizir Oveaghuezibar Nguibamin itiba

¹⁷ E kalabuziabar min itima, azenir namba 12in, an akinir faragha zuimin, aruer namba 15in, Ikiavira Itir God, kamaghin na migei:

¹⁸ "O nguazir kamin gumazim,

ni Isipin gumazamizir avirir kam bagh azi.
 Egh ni me amadaghti,
 me mangi kantrin gavgavir igharazibar
 gumazamiziba ko, Gumazamizir
 Oveaghuezibar Nguibamin magiri.

¹⁹ Ni kamaghin Isipian mikim suam,
 ia ghaze, ia ti bar deragha gumazamizir
 igharazibagh afira? Bar puvati.

Ia magiri gumazir Oveaghuezibar
 Nguibamin,
 God gifozir puvatizir gumazamiziba,
 me ko ikiva avughsa.

²⁰ “Isipia gumazamizir midorozir
 sabamin ariaghirezibar tongin, me
 arimighiram. Ki me isa apanibar dafarim
 gati, ezi me Isipin gumazamizir avirim
 misoghasava ami. ²¹ Eghit Oveaghuezibar
 Nguibamin aven, gumazir faragha
 midorozimin ziar ekiaba ikeziba, Isipia ko
 Isipin akuraghya misoghezir darazi mikim
 suam: kar Gumazir God gifozir puvatiziba,
 me midorozir sabamin ariaghiregha
 izaghira Oveaghuezibar Nguibam gireghav
 iti.

²² “Asiran kantri uaghan Nguibar kamin
 iti, ezi an midorozir gumazibar moziba
 uaghan iti. Apaniba midorozimin aven
 bar moghira me misuaghari. ²³ Ezi
 men kuaba afir moziba, Oveaghuezibar
 Nguibamin saghuiamin itir danganim
 iti. Ezi Asiran kantrin mozim ubi, an
 midorozir gumazibar moziba an okarizi, a
 men torimin iti. Asiria faragha angamira
 itir dughiamin, me gumazamizibagh amizi,
 me puvirama aguava atiati.

²⁴⁻²⁵ “Kantri Elam, ko an midorozir
 gumaziba bar moghira midorozimin
 ariaghire. Ezi an midorozir gumazibar
 moziba bar an mozim okarizi, a tongira
 iti. Elamia God gifozir puvatigha, me
 angamira ikiavira ikia gumazamizir avirim
 gamizi, me aguava atiati. Me datirighin
 uaghira Oveaghuezibar Nguibamin ikia,
 gumazir aremezibar tongin ireghav ikia
 bar aghumsiki.

²⁶ “Kantri Mesek ko kantri Tubal, ko
 aningin midorozir gumazir avirim uaghan
 danganir kamin iti. Ezi aningin midorozir
 gumazibar moziba bar aningin mozimning
 okarizi, aning tongira iti. Kantrin kammingin
 gumaziba God gifozir puvatigha,
 midorozimin aven bar ariaghire. Aning
 angamira ikiavira itir dughiamin, aning
 kantrin avirabar gumazamizibagh amizi
 me aguava atiati. ²⁷ Me nguibar kamningin
 midorozir gumazir kaba, mozibagh arigha
 gumazir onganarazibagh amibar min pura
 me afi. Me fomira midorozir gumaziba
 mozibagh arizir arazibar gin ghua me
 afir puvati. Me men arazir kurar me

fomiram amizibar gin ghua, men midorozir
 sababa men dapanibar aghonegha, men
 oraba men agharibagh isin ariki, ezi me
 Gumazamizir Oveaghuezibar Nguibamin
 ghuaghiri. Mesek ko Tubal angamira itir
 dughiamin, aning gumazamizir bar avirim
 atiatim me ganingi. Kamaghin amizi,
 aningin arazir kurabar osimitizim aningin
 ikiavira itima aning areme.

²⁸ “Eghti kantri Isip uaghan iku-
 vigh mangi, apaniba midorozimin
 misuagharihizir gumazibar tongin ikiam.
 Gumazir kaba, me God gifozir puvati.

²⁹ “Ezi kantri Idom uaghan Oveaghuezibar
 Nguibamin iti. A uan atriviba ko
 gumazir dapaniba ko iti. Fomira Idoma
 midorozir gumazir bar gavgavibar min
 ike. Egha datirighin, me ariaghiregha ghua
 apaniba midorozimin misoagharihizib
 gumaziba ko iti. Gumazir kaba God gifozir
 puvati.

³⁰ “Ezi notin amadaghan itir atriviba
 uaghan bar danganir kamin iti. Ezi Saidonia
 me ko iti. Idoma fomira bar gavgavigha
 gumazamizir aviriba atiatim me ganidi.
 Egha datirighin me ariaghiregha, ghua
 gumazir igharazir apaniba midorozimin aven
 misoagharihiziba ko iti. Gumazamizir
 kaba God gifozir puvati. Egha me gumazamizir
 faragha Oveaghuezibar Nguibamin itiba ko,
 virara ivezir kurar magh garim
 inigha, men min bar aghumsiki.

³¹ “Isipin atrivim, danganir kamin izegh
 gantima, gumazir igharazir aremeziba
 danganir kamin ikiam. Eghti a navim
 deragham, egh uan midorozir gumazir
 avirir ovengeziba bagh bar aghumsighan
 kogham. Kar an midorozir gumazir
 apaniba misogheziba. Ki Ikiavira Itir Godin
 Ekiam, ki kamaghin mikeme. ³² Ki ubi
 Isipin atrivim gamizi, a uan midorozir
 gumaziba ko gumazamizir avirim atiatim
 me ganingi. Ezi datirighin, apaniba
 midorozimin an midorozir gumazir avirim
 misoghirarichti, me mangi Oveaghuezibar
 Nguibamin iki apaniba midorozimin
 misuagharihizir gumazibar tongin ikiam.
 Gumazir kaba me God gifozir puvati. Ki
 Ikiavira Itir Godin Ekiam, ki kamaghin
 mikemegha gifa.”

God Israelia damighti me ua deraghvira ikiasa, Esekiel akam akuri

33

(Sapta 33-37)

God Israelia gehhuv men ganamin gu-
 mazimin min ikiasa, Esekiel amisefe
 (Esekiel 3:16-21)

¹ Ikiavira Itir God na migia ghaze:
² “O nguazir kamin gumazim, ni uan

gumazamizibav kim suam: Ki apaniba amadaghti, me kantrin tamin mangiti, kantrin kamin gumazamiziba ti uan tav amiseveghti, a men nguazir mitaghniam geghuv an ganamin gumazimin otogham.³ A ganti, apaniba iziti, a gumazamiziba fofohsisigham giviam.⁴ Egheti gumazitam sighthamin ikiangsizir ararem bareghiva, ari mangi uabi mongan aghuaghti, apaniba iziva a misueghti an aremegham. Egheti an ovevemin osimtizim, a uabi a iniam.⁵ Egheti gumazir kam sighthamin ikiangsizim baregh aran aghuaghti, apaniba mar a misueghti an aremegh, kar an osimtizimin an areme. Guizbangira, a ti oregha ara ghua modogha, ti osimtizim batoghan koghai.⁶ Egheti eghuvir gumazitam apanibar ganti me iziti, a ikiangsizim damu sightham giveraghan koghti, apaniba izi gumazibav soghti me arighiregham. Egheti gumazamizir uan arazir kuraba akirizir puvatigha ariaghire, kar men osimtizim puvati. Kar eghuvir gumazir kamin osimtizim, a ikiangsizim me ganingizir puvati.

⁷ "Kamaghin amizi, nguazir kamin gumazim, ki Israelin ikizim geghuvasa ni amisefe. Ikiangsizir akar ki ni daningamiba, ni oragh me mikim.⁸ Ki gumazitamin ganti an arazir kuratam damut, ki suam, an aremegham. Egheti ni ikiangsizim a daning a mikim suam, a uan navim giragh arazir kurar kaba atakigh. Ni a mikiman aghuaghti, an arazir kuraba kamaghira ikiti an aremegham. Egheti nan damazimin, an osimtizimin ghuzim nin dafarimin ikiam.⁹ Egheti ni ikiangsizir akam arazir kuram gamir gumazizim mikemeeghti, a uan arazir kuraba ataghiraghan aghuaghti, an arazir kurar kam an iki a gasighasichti an aremegham. Egheti ni bizir kamin osimtizim puvatigham, egh ni ovengen kogham."

Ikiavira Itir God, arazir kurabagh amir gumazamiziba aremeghan an aghua

¹⁰ Ikiavira Itir God ua na migia ghaze, "O nguazir kamin gumazim, ni nan akamin gun Israelin ikizim mikim suam: Ia ghaze, e akiriba God gasaragha arazir kurar aviribagh amigha bar oseme, egha da bagha aghariba guni. E manmaghin angamira ikiam? ¹¹ Ni me mikim suam, ki Ikiavira Itir Godin Ekiam, ki zurara angamira ikia mamaghira ikia, egha ki uan ziamin bar guizbangira ia migei: Arazir kurabagh amir gumazamiziba ariaghirma, nan navim derazir puvati. Ki kamaghsua, me arazir kuraba ategh angamira ikiasa ki ifonge. O Israelin ikizim, ia oragh! Arazir kurar ia

amiba, ia da atakigh, egh ua na bagh izi. Ia tizim bagha ovengasa?

¹² "Ezi datirighin, nguazir kamin gumazim, ni Israelia mikim suam, gumazir aghuim arazir kuram gami, an arazir aghuir a faragha amiziba an akuraghan kogham. Egheti arazir kurabagh amir gumazim uan arazir kuraba ategehi, ki a gasighasighan kogham. Egheti gumazir aghuitam arazir kurabar amuam, egh an arazir aghuir a faragha amizibagh nighnigh, da bangin nan damazimin deraghviria ikian kogham. Bar puvati.¹³ Ki gumazir aghuibav gia ghaze, me deraghvira ikiam. Egheti gumazitam nighnigh suam, an arazir aghuir an amiziba an akuraghti a deravira ikiam, egh arazir aghuibava ategeh arazir kurabar amuam, eghet ki an arazir aghuir a fomirama amizibagh nighnighan kogham. Bar puvati. A datirighin uan arazir kurbara bangin an aremegham.¹⁴ Egh ki gumazir kuraba me mikim suam, ia aremegham. Egheti gumazir arazir kuram gamim, an akirim ragh uan arazir kurabagh asaragh, egh arazir aghuibar amuam,¹⁵ an aremeghan kogham. Egh a uan namakam da ikarvaghamin ababanimin min inizir bizi, a uam a daningam. Egh an okemezir biziha a ua dar aningam. Egh an arazir ki ifongezir ikirimirir aghuim anidibar gintigh aremeghan kogham, an angamira ikiam.¹⁶ An arazir aghuibar gintighti, kamaghin ki an arazir kuraba gin amadaghti an angamira ikiam.

¹⁷ "Ezi nin gumazamiziba ghaze, arazir Ekiam amizib kam derazir puvati. Bar puvati. Men arazir me amibara derazir puvati.¹⁸ Egheti arazir aghuibagh amir gumazim, uan arazir aghuibava ategeh arazir kurabar amu, egh da bangin ovegham.¹⁹ Egheti arazir kurabagh amir gumazim arazir kuraba ategh arazir aghuibar amu, egh da bangin angamira ikiam.²⁰ Ezi Israelin ikizim, ia ghaze, arazir Ekiam amir kam a derazir puvati. Ki gin ia amir arazibara, da bagh vaghvagh ia tuisigham."

Jerusalemin nguubar ekiam ikufi

²¹ E kalabuziabar min itima, azenir namba 12 otozi, an iakinir namba 10in aven, an aruer namba 5in, Jerusalemin ikezir gumazir mam ara na bagha iza na migia ghaze, "Jerusalemin nguubar ekiam, apaniba a inigha bar a gasighasiki."²² Gumazir kam tighar izamin guaratzizir faragha zuimin, Ikiavira Itir Godin gavagvim, aminimin min nan mikarzimin izi. Ezi gumazir kam amimzaraghan

mizaragharam oto. Ezi dughiar kamra, Ikiavira Itir God ua mikimamin gavgavim na ganingi.*

*Gumazamizir kantri Israel ikiavira itiba,
me arazir kurabagh ami*

²³ Ikiavira Itir God kamaghin na migei, ²⁴ O nguazir kamin gumazim, Israelin nguazimin itir danganir ikuvizibar ikiavira itir gumazamiziba ghaze, Abraham a gumazir vamira, ezi nguazir kam bar moghira an anam. Ezi e bar avirasemegha ghaze, ti guizbangira, God nguazir kam e ganingi. ²⁵ Kamaghin amizi, ni me mikim suam: Ki Ikiavira Itir Godin Ekiam, kamaghin migia ghaze: Ia ghuziba itir asiziba apavira iti. Egha ia asebar ziaba fava gumazamiziba sozi me ariaghiri. Ia tizimsua ghaze, nguazir kam a ian nguazim? ²⁶ Ia zurara midorozibagh ami da otifi. Egha ia arazir kurar ki aghuazibagh ami. Ia bar moghira poroghamiba uari bakeir arazibagh ami. Egha manmaghsua ia ghaze nguazir kam a iananam? Bar puvati, ia a inighan kogham.

²⁷ “Ni me mikim suam: Ki Ikiavira Itir Godin Ekiam, ki zurara angamira ikia mamaghira iti, ki uan ziamin bar guizbangira ia migei: Danganir ikuvizibar ikiavira itir gumazamiziba, apaniba izi me misoghitarigham. Ezi nguubabar azenan itir gumazamiziba, ki asizir atiabar amuti, da izi me misogh me amam. Eghti mogomer danganiba ko dagiar toribar mogra iti darasi, arimariar kuraba me damuti me arighiram. ²⁸ Ki nguazir kam damighti a ikuvighti gumazamiziba ko biziba an puvatigham. Egh ki me damighti, me uari fava amir ifaghatir arazim, a bar givagham. Eghti Israelin mighsiaba bar ruaribagh avagh, mitemeghti me dar aruan aghuazham. ²⁹ Gumazamizir arazir kurar ki aghuazibagh amiba, ki pazavira me damighti, nguazim ikuvighti gumazamiziba ko biziba an puvatigham. Eghti me kamaghin ganigh fogh suam, ki Ikiavira Itir God.”

*Gumazamiziba Godin akam inigha izir
gumazimin migirigjabar gintizir puvati*

³⁰ Ikiavira Itir God kamaghin migei, “Nguazir kamin gumazim, nin gumazamiziba nguubar ekiamin divazimin boroghin ikia, uan dipenibar tiar akabar uari akuba ikia ni ginighnigha, kamaghin uariq giae ghaze, ‘Ia izi. E mangi Ikiavira Itir God datirighin e mikimamin akaba baragh.”

³¹ “Nan gumazamiziba ni mikimamin migirigjaba baraghosa, nin damazimin uari akuvaghha apiaghav ti. Egha arazir ni

damuasa me migeiba, me dagh amir puvati. Me gumazamiziba uari isava akuava amir arazibagh amua, egha dagiaba iniasavira nighnigha iti. ³² Ni kamaghin fogh, me nin akaba barazima, da mati gumazim amizim gifuegha uan gita misogha, uan tiarir aghuimin ighiar aghuibagh ami. Ezi me pura da baragh, dar gin mangan aghua. ³³ Eghti gin, nin migirigjaba guizbangin otivti, me kamaghin fogh suam, Godin akam inigha izir gumazir mam men tongin iti.”

34

God, Israelian gumazir dapanibar araziba tuisisi

¹ Ikiavira Itir God kamaghin na migia ghaze, ² “O nguazir kamin gumazim, ni Israelian gumazir dapanibar atar ikuvighsi me mikim suam: Ki Ikiavira Itir Godin Ekiam, ki kamaghin ia migei: Iavzika! Ia iveauzur kuram iniam. Israelia mati sipsipin bizzim, ezi ia mati sipsipbagh eghuvir gumazib. Ia uarira uarir akgahap. Egha ia uan sipsipbar akuaghapir puvati. ³ Ia sipsipin aghuir mikarziba sara itibav sogha da apava, dar arizibar ingarizir korotiabar uarir kurti. Egha ia dar akgahapir puvati. ⁴ Ia sipsipin gavgaviba puvatiziba, deraghha men garir puvati. Egha arimariaba itiba, ia men arimariaba ahevima, me ua ghumazir puvati. Egha duuba itiba, ia men duuba nozir puvati. Egha tintinibar zuiba, ia ua me isa izir puvati. Egha ovengeziba, ia me burir pu. Puvati. Ia uan gavgavimin dagh ativaghbar pazavira dagh ami. ⁵ Nan sipsipbagh eghuvir gumaziba puvati, kamaghin amizi, da pura tintinibar zui, ezi asizir atiaba dav sogha da api. ⁶ Nan sipsipba tintinibar arua mighsiabar ghuavanadi. Egha pura tintinibar nguazir kamin danganiba bar dar zui. Ezi tav me bagha gara me burir puvati.

⁷ “Kamaghin amizi, datirighin ia sipsipbagh eghuvir gumaziba, ia Ikiavira Itir Godin migirigjam baragh: ⁸ Ki Ikiavira Itir Godin Ekiam, ki zurara angamira ikia mamaghira iti, ki uan ziamin bar guizbangira ia migei: Sipsipbagh eghuvir gumaziba puvati. Kamaghin amizi, asizir atiaba dav sogha da api. Nan sipsipbagh eghuvir gumazib tong nan sipsipba burir puvati. Me deraghhasa uarira uarir akgahap, egha sipsipbar akuaghapir puvati. ⁹ Kamaghin amizi, ia sipsipbagh eghuvir gumaziba, ia Ikiavira Itir Godin akam deragh a baragh: ¹⁰ Ki Ikiavira Itir Godin Ekiam, ki kamaghin migia ghaze, ki ian apanim gami. Ki uan sipsipba ian dafariba dam ua da inigham,

* **33:22:** Ni Esekiel 24:25-27in gan. **33:33:** 1 Samuel 3:20; Esekiel 2:5 **34:5:** Diboboniba 27:17; 1 Atriviba 22:17; 2 Eghaghaniba 18:16; Aisaia 56:9; Jeremaia 12:9; Matyu 9:36; Mak 6:34

egh ia ateghti ia ua sipsipbagh eghuvir gumarib min ikian kogham. Egh ia ua uarira uarir akuraman kogham. Ki uan sipsipba ian akatoriba da ua da inighti, ia uam damamin sipsipba puvatigham."

Ikiavira Itir God, a uabi sipsipbagh eghuvir gumazir aghuim

¹¹ Egha Ikiavira Itir Godin Ekiam, kamaghin migei, "la oragh. Ki uabi uan sipsipba buriva ua me inigh izi deraghvira men ganam. ¹² Nan sipsipba tintinibar ghuegha, mitarmer ekiamen aven iti. Ezi ki gumazir dagh eghuvimin min da akumakum da inigh izam. ¹³ Ki kantrin igharazibar mangi ua da inigh Israelin kantrin izam, kar dar nguazimra. Egheti da mighsiaba ko faneba ko gumazibar itir danganibar boroghin iki, grazibar ami deraghvira ikiam. ¹⁴Egh da Israelin mighsiabar ikiva grazir aghuiba amam. Da nguazir aghuimin iki avughsi deraghvira ikiam. ¹⁵ Ki Ikiavira Itir Godin Ekiam, ki ghaze, ki uabi uan sipsipbagh eghuv dar ganam. Egh ki uabi men aktu aghuvsazir danganir aghuimin mangam. ¹⁶ Egheti nan sipsipin taba oveghti, ki mangi da buri da bativ ua da inigh izam. Egh sipsipin tintinibar ghueziba, ki ua dar aktu izam. Egheti taba ikuvigh duuba ikiti, ki dar duuba akir da nogham. Egheti taba arimariaba ikiti, ki da akirighti da ua ghuamaghegham. Egh sipsipin mikarziba sara itiba ko sipsipin gavgaviba, ki dagh asighasigham. Guizbangira, ki guizin arazim damu, egh sipsipbagh eghuv dar ganam. ¹⁷ Ki Ikiavira Itir Godin Ekiam, ki kamaghin migei: Ki vaghvagh ian araziba tuisigham, egh ki sipsipba vongin dar arigh, memeba vongin dar arigham.

¹⁸ "Ian marazi grazir aghuiba apava, naviba izefi, egha grazir ikiavira itiba, ia pura da dika da mirmiri. Ia dipar dikiriaiba amegha givagha, gin ia da dikabira dagh amima, da ned. ¹⁹ Ezi nan sipsipin igharaziba, grazir ia dika mirmiriziba apava, dipar ia dikabiri negariba api. Ian arazir kam, a bar ikufi.

²⁰ "Ezi datirighin, ki Ikiavira Itir Godin Ekiam, kamaghin ia migei: Ia oragh! Ki vaghvagh ian araziba tuisigh ta tuiraghram. Egh ia sipsipin gavgavir mikarziba sara itiba ki vongin ia arigh, egh vongin sipsipin gavgaviba puvatizibar arigham. ²¹ Ia sipsipin gavgaviba itiba, ia zurara sipsipin gavgaviba puvatiziba uan komba ko, uan dapaniba ko, uan namnabar da munamadima, da tintinibar zui. ²² Kamaghin

amizi, ki uan sipsipba ia da da inighti, ia ua pazavira dar amuan kogham. Ki vaghvagh uan sipsipba tuisighiva sipsipin aghuiba vongin dar arigh, egh sipsipin kuraba vongin dar arigham.

²³ "Ki uan ingangarir gumazim Devit, an ikizimin gumazitam amiseveghti, a sipsipbagh eghuvir gumazimin ikiam. Egh a derivira dar ganam. ²⁴ Egheti ki Ikiavira Itir God, ki men Godin ikiam. Egheti atrivitam, mati nan ingangarir gumazim Devitin min me gativagh men ganam. Ki Ikiavira Itir God, ki kamaghin mikeme. ²⁵ Me navir amirizimin iki deragh dapiagh ikisi, ki me ko Akar Dikirizir Gavgvavim damuam. Me misoghirarighamin asizir atiaba, ki bar ada givagham, egheti da ua men nguazimin ikian kogham. Guizbangira, nan sipsipba derivira ikiva ruarir ekiabar dakuam.

²⁶ "Ki derivira uan gumazamiziba ko nguazir nan mighsiam avinizar amuam. Egh amozir dughiamin, ki amozir avirivar amuti da nguazim giri a damighti a bar deragham. ²⁷ Egheti men azenibar itir temeba oviziba ikiam. Egheti azenibar dagheba otivam. Ki kantrin apanir nan gumazamiziba isa kalabuziab min me atizim, ki kantrin kamin dafarimin ua me inigh izam. Egheti me bar moghira uan nguazibar derivira dapiagh ikiam. Egh dughiar kamin me fogh suam, ki Ikiavira Itir God. ²⁸ Egheti Kantrin Igharazibar Gumazamiziba ua me abinan kogham. Egheti asizir atiaba ua me misoghirarigh me aman kogham. Me derivira ikiti, tav ua me damutti me atiatingan kogham.

²⁹ "Ki men nguazim damuti, dagheba bar deraviram an aghungam. Egheti mitiriaba gumazamizibar azir arazim, a givagham. Egheti kantrin igharaziba ua me dipovan kogham. ³⁰ Egheti Israelia bar moghira fogh suam, ki Ikiavira Itir God men God, egha me ko iti. Ezi me nan gumazamiziba, me Israelin ikizim. Ki Ikiavira Itir Godin Ekiam, ki kamaghin migei.

³¹ "Ia nan gumazamiziba, ia nan sipsipbar min ikia, nan nguazimra iti. Ezi ki daghebar ian aktuaghapa, ia geghuva, egha ian Godin iti. Ki Ikiavira Itir Godin Ekiam, ki mikemegha gifa."

35

God Idomia gasighasigham

¹ Ikiavira Itir God kamaghin na migia ghaze, ² "O nguazir kamin gumazim, ni Seirin Mighsiamin ganiva, Idomin kantri

34:12: Aisaia 40:11; Esekiel 30:3; Joel 2:2

34:13: Aisaia 65:9-10; Jeremaia 23:3; Esekiel 28:25

34:14: Onger

Akaba 23:2; Jeremaia 33:12

34:16: Maika 4:6; Matyu 18:12-14; Mak 2:17; Luk 5:32

34:23: Akar Mogomem 7:17

34:24: Esekiel 37:24

34:25: Aisaia 11:6-9; Jeremaia 23:6; Hosea 2:18

34:30: Esekiel 34:24; 37:27

Onger Akaba 100:3; Jon 10:11

35:1: Aisaia 34:5-17; 63:1-6; Jeremaia 49:7-22; Esekiel 25:12-14; Amos 1:11-12; Obadia 1:1-14; Malakai 1:2-5

ikuvighsi akam a gasiva a mikim. ³ Egh gumazamizibav kim suam:

“Ki Ikiavira Itir Godin Ekiam ghaze:

Ni oragh! Seirin Mighsiam, ki nin apanim gami.

Ki uan agharim nin nguazimin amadagh ni damighti ni ikuvighti,
gumazamiziba ko biziba nin putatighti,

ni pura ikiam.

⁴ Ki nin nguabar ekiabar amighti da ikuvighti,
gumazamiziba ko biziba dar putatighti, da pura ikiam.

Egh ti ia kamaghin fogh suam, ki Ikiavira Itir God.

⁵ “Ia Idomia fomira Israelian apanim gami, egha ki iveauzur kuram me ganidir dughiamin, apaniba iza me misozima, ia apanibar akuraghia Israelia misoghezi me ariaghire. ⁶ Kamaghin amizi, Ki Ikiavira Itir Godin Ekiar angamira itim, ki guizbangira ghaze, apaniba ian agintigh ia misoghtima ia arimighiram. Ia fomira gumazamizibav sozi me ariaghiri arazimin atiatingizir puvati, kamaghin amizi, datirighin apaniba ia misuehti ia arimighiram. ⁷ Ki Seirin Mighsiam damighti, a danganir kinimin otoghti, gumazamiziba ko biziba bar an putatigham. Egha gumazamizir an mangigh zegh gamiba, ki bar me kuavaremeghti, me ua ikian kogham. ⁸ Ki nin gumazamizibar kuabar amuti, da mighsibar pura tintinbar iriv ikiam, egh uaghan danganir zariba ko daghurir dakeziba bar, men kuaba dagh izevegham. ⁹ Ki nin nguazim ko nguabar ekiabar amighti, da pura ikiti, gumazamiziba ko biziba ua dar aven ikian kogha kamaghira ikiam. Egha ia fogh suam, ki Ikiavira Itir God.

¹⁰ “Ia kamaghin migia ghaze, Juda ko Israelin kantrin nguazimning, ian nguazimning, egh ti ia aning gativagham. Ezti puvati, ki Ikiavira Itir God, ki men God, ki nguazir kamningin iti. ¹¹ Kamaghin amizi, Ki Ikiavira Itir Godin Ekiar angamira itim, ki uan ziamin guizbangira migei, ki ian arazir kuraba ikarvagh. Ia Israelian aghuaghha men attara navir kuram men ikia pazavira me gami. Kamaghin amizi, ki arazir kurar kabara ikarvagh, dar iveauzur kuram isi ia daningam. Ki tuavir kamin uabi isi Israelia akakaghti, me nan arazir ki ia gasighasighammin ganiva, deravira na gifogham. ¹² Egha ia Idomia kamaghin deravira fogh suam, ki Ikiavira God, ki orazima, ia Israelian mighsibar dipova akar kurabar kamaghin dav keme, ‘Israelian mighsibar ikuvigha bar gifa. Egha e datirighin kantrin kam inigh a gativagham.’

¹³ Ia Idomia puv ifaghata uari fa akar kurabar na migei. Ki ian migirigiar kaba baregha gifa. ¹⁴ Ki Ikiavira Itir Godin Ekiam, ki kamaghin migei: Ki bar moghira ia gasighasichti, Kantrin Igharazibar Gumazamiziba kamaghin ganigh bar akongegham. ¹⁵ Nan gumazamiziba, Israelin ikizim, ikuvigha itir dughiamin ia bar akonge. Kamaghira, ia Idomia, ki datirighin me batotizir osimtizimin mirara bar moghira ia gasighasigham. Egha Seirin Mighsiam ko ian kantrin danganiba, da danganir bar ikuvizibar min otogham. Egha Israelia kamaghin fogh suam, kirara, ki Ikiavira Itir God.”

36

God deravira Israelia damuam

¹ Ikiavira Itir God kamaghin na migei: O nguazir kamin gumazim, ni Israelin mighsibar kamaghin me mikim: “O Israelian mighsibar, ia Ikiavira Itir Godin migirigiam baragh. ² Ki Ikiavira Itir Godin Ekiam, ki kamaghin migei: Nin apaniba akam ni gasi suam, ‘Bar dera! Mighsiar ekiar kaba datirighin e dar ghuaviba ikegham!’

³ “Kamaghin amizi, ni ikuvighsi dav kim. Ki Ikiavira Itir Godin Ekiam, kamaghin migei: Israelin boroghin itir kantriba iza, ia ekiarugha ia abinigha, ia gasighasigha ia imigha kantrin igharazibagh anangi. Ezti Kantrin Igharazibar Gumazamiziba ia dipova akar kurabar ia gasa ia migei. ⁴ Kamaghin amizi, O Israelin mighsibar, ki Ikiavira Itir Godin Ekiam kamaghin ia mikimasa. Ia mighsibar ko, daghuriba ko, danganir zariba ko, danganir asighasighiziba ko nguabar ekiar akaraghiregha biziba bar puvatiziba, kantrin igharazir Israelin boroghin itiba, ian biziba okiava ia dipova akar kurabar ia migei.

⁵ “Ki Ikiavira Itir Godin Ekiam, ki kamaghin ia migei: Ki aningagharir ekiam avimin min, kantri Idom ko kantrin igharazibar ikia, pamtem ia migei. Ia zurara navir averiar kuraba ikia bar akongegha ghaze, ki pura bizim, egha nan nguazim ini. Egha nguazir kamin aven itir tuziba ko ruaribagh ifongegha uari bagh an biziba okemegha, dar ghuaviba ikiangi.

⁶ “Kamaghin amizi, ni Israelin nguazim ginighnigh a mikim suam: Ia mighsibar ko daghuriba ko danganir zariba, Ikiavira Itir Godin Ekiam, kamaghin ia migei: Kantrin igharaziba ia dipova akar kurabar ia migei, kamaghin amizi, ki uan aningagharir ekiam sara kamaghin ia mikimasava ami. ⁷ Ki Ikiavira Itir Godin Ekiam akam akirigha guizbangira migia ghaze, Israelin boroghin

itir kantriba, me uaghan igharaz darazi dipov akar kurabar me mikimam.

⁸ “Eighti Israelin mighsiaba, ia gisin temeba ua muriva Israelin ikizim bagh uam oviziba ituam. Me bar kiran oveghangin uamategh uan nguibabar izam. ⁹ O mighsiaba, ki ia baghavira iti. Kamaghin amizi, ki deraghvira ian ganti, Israelia ian dagher azenibar ingaram. ¹⁰ Ki Israelin ikizim bar moghira me damighti, me bar avirasemegh ian ikiam. Eighti me ua nguibar ekiaba ko danganir men apaniba asighasighizibar ingaram. ¹¹ Ki ian itir gumazamiziba ko asiziba bar dar amighti, dar dibobonim mavanangam. Ian dibobonim bar ghuavanaboghi, gumazamiziba bar avirasemegham. Ki ia damighti, gumazamiziba ian danganir mikebabba bar dar ikiam, mati ia fomira ikezi moghin ikiam. Eighti ian dabirabim bar deragham, egh ia fomira ikezi dabirabim bar a gafiragham. Eighti ia kamaghin fogh suam, ki Ikiavira Itir God. ¹² Egh Israelia, nan gumazamiziba, ki menaku mangiti me ia dapiagh, deravira ikiam. Egh me ian ghuaviba ikegham. Eighti ia men nguazibar min ikiam. Egh ia ua men boribagh asighsighan kogham.

¹³ “Ki Ikiavira Itir Godin Ekiam, ki kamaghin migei: Gumazamizir maba ghaze, ‘En nguazir kam, a gumazamiziba api, egha a guizbangira en boribagh asighasisi.’ ¹⁴ Ezi datirighin ikegh mangam, ia ua gumazamizibar aman kogham, egh ia uan boribagh asighsighan kogham. Ki Ikiavira Itir Godin Ekiam, ki kamaghin mikeme. ¹⁵ Eighti kantrin igharaziba, Israelin mighsiaba dipova akar kurabar ua ia mikeman kogham. Ia mighsiaba datirighin, ua men aghumsizir akaba baraghian kogham. Egh ia ua uan kantrin gumazamizibar amuti, me arazir kurum bangin irigan kogham. Ki Ikiavira Itir Godin Ekiam, ki kamaghin mikeme.”

*God Israelia gamizi,
me gumazamizir igiabar oto*

¹⁶ Egha Ikiavira Itir God uan akam isa na ganiga ghaze, ¹⁷ “Nguazir kamin gumazim, Israelin ikizim uan nguazimin itir dugham, me arazir bar mizirizibagh amua, nguazir kam gasighasiki. Me mati, amizim uan iakinir ariñmariabagh amua nan damazimin mize. ¹⁸ Me gumazir avirim misoghezi me ariaghire. Egha me marvir guabar ziaba fe, egha uan nguazim gamizima, a nan damazimin bar mize. Kamaghin amizi, ki uan aningagharam me gingegha, iveau kurum isa bar me ganingi. ¹⁹ Ki men arazir kurar me amizir

kaba tuisigha da ikarvagha me batoghezi, me tintinibar kantrin igharazibar ghue. ²⁰ Me tintinibar ghuezi, Kantrin Igharazibar Gumazamiziba men garima, me nan ziar bar zuezim gasighasigha ghaze, a pura ziar kinim. Ezi Kantrin Igharazibar Gumazamiziba ghaze, ‘Kar Ikiavira Itir Godin adaras. A me gamizi, me an nguazim ategha gifa.’ ²¹ Ezi ki fo, Israelia ghuezir danganiba bar, kantrin kabar gumazamizibar tongin nan ziar bar zuezim dipovava a gasighasigha ghaze, a pura ziar kinim. Ezi ki uan ziam bagha oseme.

²² “Kamaghin amizi, ni akar kam Israelin ikizim daningigh: Ki Ikiavira Itir Godin Ekiam, ki kamaghin ia migia ghaze: Ia kantribar gumazamizir igharazibar tongin itima, me ian gara nan ziar bar zuezim dipova a gasighasigha ghaze, a pura ziar kinim. Bizar gavgavir ki damuamin kaba, ia Israelin ikizim, ki ia ginighnigha dagh amir pu. Bar puvati. Ki uan ziar ekiam baghavira nighnigha dar amuasa. ²³ Ki uabi Ikiavira Itir Godin Ekiam, ki kamaghin ia migei, ia Israelia, ia Kantrin Igharazibar Gumazamizibar tongin, nan ziar ekiam gasighasigha ghaze, a pura ziar kinim. Eighti ki Kantrin Igharazibar Gumazamizibar amighti, me ganigh fogh suam, ki uabi Ikiavira Itir God, ezi nan arazir ki ia gamiba, da bar moghira zue. Eighti me ziar ekiam na daningam.

²⁴ “Bizar ki ia damuamin kam a kamakin, ki kantrin ia datirighin itibar, bar ia inigh izi ua ian nguazimra ia arigham. ²⁵ Egh dipar dikiriam inigh, ian dapanibagh isin a kavamang ian arazir kuraba batuegħti, ia nan damazimin bar zuegham. Egh ian arazir kurar ja marvir guaba fem bagħ, ia ruegħti ia zuegham. ²⁶ Egh ki ian navir averiabar amighti da ua igiabar otivigham. Egh duar igiam ia datigham. Ian naviba faragħa dagħiabar min gavgħafi. Ki datirighin ian navir kuraba batuegħ nighnizir igiam isi ian navir averiabar arigham. ²⁷ Egh ki uan duam isi ia daningam, eighti ian navir averiabar ikiam. Egh ia fiti, ia deraghvira arazir ki ifongeżiba ko bizar ki damuasa ia mikemezibar gin mangam. ²⁸ Egh ia nguazir ki fomira ian inazir afezziabagh aningizir kamin ikiam. Egh ia nan gumazamizibarom otogħti, ki ian Godin ikiam.

²⁹ “Ki ian akuragh ia damuti, ia ua nan damazimin arazir mizirizibar amuan kogham. Ki ian dagħer azenibar amighti, da dagħer aviriba ikiam. Eighti dagħeħba otevir dugħiaba ua ia bativan kogham. ³⁰ Ki ian temer bebar amighti, da ovizir bar aviriba iki bar avirasemegħam. Eighti dagħeħba otevir dugħiaba ua ia bativan kogham.

Eghit ia Kantrin Igharazibar Gumazamizibar damazimin uam aghumsighan kogham. ³¹ Egh ia uan arazir kurar ia amiziba ko arazir mizirizir ki aghuazibagh nighnigham. Egh arazir kurar kaba bangin, ia uari dar aghuaghiva bar aghumsigham.

³² “O Israelin ikizim, ia kamaghin fogh, ki ian akurvaghosa arazir kabagh amir pu. Puvati, ki uan ziar ekiam gninghiga dagh ami. Ki kamaghsua, ki arazir kabar amuti, ia uan arazir kurabagh nighnigh bar ose-megh aghumsigham. Ki Ikiavira Itir Godin Ekiam, ki kamaghin mikeme.”

³³ “Ki Ikiavira Itir Godin Ekiam, ki kamaghin migei: Ki ian arazir kuraba batuegħi ta' zueghamin dughia min, ki ia ategħi ta' ua uan nguivar ekiabar ikiva, ua danganir ian apaniba asighasighiżbar ingaram. ³⁴ Gumazamiziba faragħa ian nguazir ikuvizibagh arua dar garima, da pura ikia bar mitemegħha ruarir ekiabar min gari. Eghit ki dar amighti, ia ua dar ingariva oparam. ³⁵ Eghit me bar suam, manmagħi amizi, nguazir kam faragħha pura ikia ruarir ekiar mitiġġin min gari, egha datirighin, a deraviram oto, mati Idenin azenim. Manmagħi amizi, nguivar ekiar me akara asighasighiżbar ikuviziba, Israelia datirighin ua dar ingarigha, vaghvagħha da avinīgha divażir gavgvabar ingari. Ezi gumazamizir bar avirim vaghvagħha uam adar aven iti. ³⁶ Eghit kantrin ian borogħin ikiavira itiba fogħ suam, ki Ikiavira Itir God, ki uabi nguivar ekiar ikuviziba, ki ua dar ingari. Egha nguazir pura itiba, kirara uam ada opari. Ki Ikiavira Itir God, ki kamaghin damuasa Akar Gavgavim gami. Guizbāngira, ki dar amuam.

³⁷ “Ki Ikiavira Itir Godin Ekiam, ki kamaghin migei: Ki Israelin ikizim ua men amamangatighti, me uarir akurvagħi u nan azangsigham. Eghit ki me damighti, men gumazamiziba sipsipin okoruar mamin min, bar avirasemegħam. ³⁸ Me Jerusalemin ofa damuasa inigha iziż sipsipbar min, me bar avirasemegħam. Eghit Israelia ua ingaramin nguivar ekiar kabagh iż-żivagħam. Eghit me kamaghin fogħ suam, ki Ikiavira Itir God.”

37

Esekiel gumazamizibar agharir avirim in gari

¹ Ikiavira Itir Godin gavgavim nan izezi, an Duam na inigha ghua danganir zarir mamin na ati. Danganir kam, gumazamizibar agharir aviriba an iti. ² Egha a na inigha, ga ghua danganir zarir kam garua, agharir pozir bar avirimin garima, agharir

kaba bar misigha ireghav iti. ³ Ezi a kamaghin nan azara, “Nguazir kamin gumazim, ni manmagħin nighnisi, agharir kaba, da ua gumazamizibar min otivigh angamira ikiam, o puvatigħam?”

Ezi ki a migia ghaze, “O Ikiavira Itir Godin Ekiam, ni uabira fo, ki fozir puvati.”

⁴ Ezi a kamaghin na migei, “Ni nan akar kam agharir kabav kim suam: Ia agharir midiariba, ki Ikiavira Itir God, ia nan akam baragh. ⁵ Ki Ikiavira Itir Godin Ekiam, ki kamaghin agharir kabav gei: Ki aminim ia daningam, eghit ia ua gumazamizibar min otivigh angamira ikiam. ⁶ Ki agiriba ko tuziba ia dariegħ, egh mikarzir inimin ian agiriba ko tuzir kaba aveghħam. Egh ki ia damighti ta' gumazamizibar min otivighti, ki aminim ia danighti ta' angamira ikiam. Eghit ia deraghvira fogħ suam, ki uabi ki Ikiavira Itir God.”

⁷ Ezi ki a mikemezi mogħiñ amua, akam akuravira ikla orażima, Maia! Niginir dafar kuram oto. Ki oraghavira itima, aghariba tingazi. Egha ki garima, aghariba u- matiegħha uan danganibar ghua uariv tifi.

⁸ Egha gin ki agiriba ko tuzibar garima, da uam agharibar poke, ezi dar mikarziba otivighha da avara. Ezi me gumazamizibar min otifi, ezi aminim men aven ghuzir puvati.

⁹ Ezi Ikiavira Itir God kamaghin na migei, “Nguazir kamin gumazim, ni kamaghin aminim mikim suam: Ki Ikiavira Itir Godin Ekiam, ki Akar Gavgavim aminim ganiga ghaze: Ni nguazir kamin otevir 4pla bar dar ikeġi izi mikarzir kinir kabar aven mangi, me uamategħiż angamira ikiam.” ¹⁰ Ezi ki an akar kam akurima, aminim mikarzir kuar kabar aven zuima, me angamira itir ikirrimiż inigha, bar mogħira tuifi. Me gumazamizir bar avirim oto. Ezi men dibonim bar għuavanabo.

¹¹ Ezi a kamaghin na migei, “Nguazir kamin gumazim, Israelin ikizim, mati agharir misingiżibar min aremezi mogħiñ iti. Egha me zurara ghaze: En aghariba misigha għifa. E uaqid għiex. ¹² Kamaghin amizi, ni nan akam me mikinasa ki ifonge, egh kamaghin me mikim suam: O nan gumazamiziba, ki Ikiavira Itir Godin Ekiam, ki ian gumazir kuuba afezir mozibagh kuigh, ia inigh azenan izeġi, egh ia inigh ua Israelien nguazim min mangam, kar ian nguazim. ¹³ O nan gumazamiziba, dughiar ki ian mozibagh kuigh ia feħġamim, ia deraghvira fogħ suam, ki uabi ki Ikiavira Itir God. ¹⁴ Egh ki uan Duam ja danighti, ia angamira ikiam. Eghit ki ua ian aktu ian nguazimra mangam,

eghti ia an iki deraghvira ikiam. Egheti ki kamaghin damuamin dughiamin, ia deraghvira fogh suam, ki Ikiavira Itir God, ki kamaghin damuasa Akar Gavgavim gami. Guizbangira, ki dar amuam."

Israelia kantrin vamiran otogham

¹⁵ Ikiavira Itir God ua na migia ghaze, ¹⁶ "O nguazir kamin gumazim, ni ter araritam inigh akar kamin an osirigh: 'Kar Judan adarazi ko Israeliyan ighazariz me ko itiba, men ter ararim.' Egh ni ter ararir ighazaritam inigh akar kamin an osirigh, 'Kar Josepin adarasi, me Efraimin anabamin gumazamiziba ko Israeliyan me ko iti adarazir ter ararim.'

¹⁷ "Egh ni ter ararir kamningin ruaghettuvining uaghara uan dafarimin aningin suiragh, egh aning isafuraghti, aning ter ararir vamiran min iki. ¹⁸ Eghni nin gumazamiziba nin azaraghram, bizir kamin mingarim manmakin? ¹⁹ Eghni ni kamaghin mikim: Ki Ikiavira Itir Godin Ekiam, ki kamaghin migei: Ia gan! Ter ararir kam, a Josepin adarazir ababanim gami, me Efraimin anabamin gumazamizir Israelia ko itiba, men ter ararim, ki a inigh, Judabar ter ararim sara isafuragham. Egh aning damighti aning nan dafarimin ter ararir vamiran min ikiam.

²⁰ "Ni uan dafarimin osizirim itir ter ararimning uaghara aningin suiraghti, gumazamiziba aningin ganam. ²¹ Eghni ni me mikim suam: Ki Ikiavira Itir Godin Ekiam, ki kamaghin migei: Israelia ghua kantrin ighazaribar tongin itibar aven, ki me akuvagh, me inigh ua men nguazimin izam. ²² Ki me damighti me kantrin vamiran otogh uan nguazimin ikiam. Eghni Israelin mighsiabar pin, atrivir vamirara me gativagh men ganam, eghni me bighan kogh ua kantrin pumuningin ikian kogham. ²³ Me ua aseba ko bizir ki aghuazibar ziaba fan kogh, nan damazimin mizeghan kogham. Egh arazir kurabar amuan kogham. Ki men akuragh arazir kurar me amibar me firighti, me ua varigh asighasighan kogham. Ki me damighti me nan damazimin zuegham. Dughiar kamin, me nan gumazamizibar ikiti, ki men Godin ikiam. ²⁴ Eghni nan ingangarir gumazim Devit, an ikizimin tongin gumazitam men atrivimin ikiam. Me bar uari inigh atrivir vamiran apengen ikiti, a ubaira me gehguvam, mati sipsipba gehguvir gumazim deravira uan sipsipbagh eghufi. Dughiar kamin, me deraghvira arazir ki ifongezibar ko bizir ki damuasa me mikemezibar gin mangam. ²⁵ Me nguazir ki uan ingangarir gumazim Jekop

ganingizimin aven ikiam. Kar nguazir men inazir afeziaba ikezim. Me uan boriba ko men gin otitamin ovavir boriba, me zurara nguazir kamin iki mamaghira ikiam. Nan ingangarir gumazim, Atrivim Devit, an ikizimin gumazitam me gativagh men gan mamaghira ikiam. ²⁶ Ki me ko Akar Dikirizir Gavgavim damighti a iki mamaghira ikiam. Me Akar Dikirizir Gavgavimin gin mangi navin amirizim ko dabirabir aghuium ikiam. Eghni ki deravira me damuam. Ki me damighti, me ekiva bar avirasemegham. Eghni uan Dipenim men tongin anetighti, a iki mamaghira ikiam. ²⁷ Nan Dipenim men tongin ikiti, ki men Godin ikiti, me nan gumazamizibar ikiam. ²⁸ Nan Dipenim zurara men tongin ikiam, eghni kantriba bar kamaghin fogh suam, ki Ikiavira Itir God, ki Israelia ginaba, eghni me na baghvira ikiam."

Atrivim Gokin Eghaghanim

38

(*Sapta 38-39*)

Ikiavira Itir God, migirigiam Atrivim Gokin iti

¹ Ikiavira Itir God kamagh na migia ghaze, ² "O nguazir kamin gumazim, ni Atrivim Gok mikim. Gok, a Magokin nguazimin gumazim. A Mesekin kantri ko Tubalin kantri, aningin atrivir faragha zuim. Ni ikuvighsi a mikim. ³ Ni kamaghin a mikim suam: Ki Ikiavira Itir Godin Ekiam, ki kamaghin ni migei: O Gok, ni Mesekin kantri ko Tubalin kantri, aningin atrivir faragha zuim. Ki nin apanim gami. ⁴ Ki ni damighti ni ighighiregham, eghni ni ko nin midorozir gumaziba bar, ki akezibar ian aghozibar aghuigh, ia gekuigh ia inigh mangigham. Nin hoziba, ko hozibagh isin apiaghiri gumaziba, ko midorozir gumazir uan midorozir biziba ateriba, ko midorozir gumazir oraba ko midorozir sabar itir bar avirim, ki bar ia gekuigh ia inigh mangam. ⁵ Ezi Persian kantri ko Itiopian kantri ko Libian kantrin midorozir gumaziba bar ia ko iti. Eghni me bar oraba ko midorozimin dapanir asuuba iti. ⁶ Ezi kantri Gomerin midorozir gumaziba ko, kantri Bet Togarman notin amadaghan itir midorozir gumaziba, me uaghan ia ko iti. Ezi ikizir ighazariz aviriba uaghan ia ko iti. ⁷ Atrivim Gok, ni midorozim bagh biziba akir. Eghni midorozir gumazir ni ativaziba, me uari akuvagh uaghan midorozim bagh uari akir. Eghni ni deraghvira me gehguv. ⁸ Ni dughiar ruarimin mizuam mangiti, gin dughiar abuananamin ki nin diaghni amadaghti, ni kantri Israel bagh mangam.

Kantrin kam bar fomira midorozimin aven ikuvigha dughiar ruarinim gumazamiziba puvatizir danganimin min iti. Ezi ki an gumazamiziba kantrin igharazibar tongin me akuvagha me inigha uamategha men nguazimin izezi, me datirighin navir amirizimin uan nguazir mighsiabar iti. Gin izamin dughiam otoghti, ni mangi kantrin kam misogham. ⁹ Ni uan midorozir gumaziba ko, kantrin igharazibar midorozir gumaziba, ia nguazir kamin gumazamizir kabav soghs mangam. Ia amozir ekiam ko ghuardian mitarmegha izi moghin, men nguazim avaraghram.

¹⁰ “Ki Ikiavira Itir Godin Ekiam, ki kamaghin Gok migei: Dughiar kam otoghti, nighnizir taba ni bativti ni arazir kuratabar amusi nighnigh, dar amuamin tuaviba buriam. ¹¹ Ni suam: Kantrin kamin gumazamiziba navir amirizimin ikiava deravira iti. Men nguubar ekiaba bar, divazir gavgavir da aviniziba ko tiar akar gavgaviba puvati. Kamaghin amizi, ki pura aven mangi me korogham. ¹² Men nguubar ekiaba faragha ikuvizi, me kantrin igharazibar ikegha uari akuvagha uan nguazimin ize. Egha me datirighin, bulmakauba ko biziba ikiava nguazir kamin kantribar tongira iti. Eghiti ni mangi me gasighasigh men biziba okemegh da inigh mangi. ¹³ Eghiti kantri Seba ko kantri Dedanin gumazamiziba, ko kantri Spenin dagiaba bagha ingarir darazi ko, an midorozir gumazir ighiaba bar, me izi kamaghin ni mikimam: Ni ti biziba okimasa ize. Ni ti uan midorozir gumazir aviriba akuvagha ize, egh me korogh men bizibagh asighasigh men silva ko gol ater, men bulmakauba ko men bizir aghuir aviriba inigh mangasa.

¹⁴ “Nguazir kamin gumazim, ni nan akam an gun Atrivim Gok mikim suam, ‘Ki Ikiavira Itir Godin Ekiam, ki kamaghin migei: Ni ganti, nan gumazamiziba Israelia deravira dapiagh ikiam. Eghiti ni dughiar kamra dikavigh me bagh mangi. ¹⁵ Ni saghon notin amadaghan ikegh, uan midorozir gumazir gavgavir aviribar daffam inigh Israelia misoghsiz izam. Midorozir gumazir aviribar kaba, me kantrin igharazir aviribar tongin ikegh ize, egh me bar hoziabar apiagh ni ko izam. ¹⁶ Ni nan gumazamiziba Israelian apanim damusi izam, mati amozir ekiamin ghuardian pizim me avara. Dughiar abuananam otoghti, ki ni isi uan nguazim misoghsiz ni amadaghram. O Gok, ki kamaghinsua, ni damighamin arazir kamin, ki uabi isi Kantrin Igharazibar Gumazamizibar akaghram, eghiti me na gifogh suam, ki Godin bar zuezim. ¹⁷ Ki Ikiavira Itir Godin Ekiam, ki kamaghin migei: Fomira

nan ingangarir gumaziba, kar nan akam inigha izir gumaziba, ki me mikemezi, me ikiangsizir akaba Israelia ganiga ghaze: Ki gin izamin dughiatamin apaniba amadaghti me Israelia gasighasigham. Ezi Gok, ni apanir kam, ezi dughiar kam izi.”

God pazavira Atrivim Gok damuam

¹⁸ “Ki Ikiavira Itir Godin Ekiam, ki kamaghin migei: Atrivim Gok Israelin nguazim misoghamin dughiamin, nan aningagharim puvira dikavigham. ¹⁹ Ki atariva navir kuram iki, nan aningagharim avimin min na dikavti, ki kamaghin mikim suam: Ki mikimkizir ekiam amadaghti, a Israelin nguazimin otogh a ginobaghnobaghram. ²⁰ Ongarimin itir osiriba, ko overiamin itir kuaraziba, ko nguazimin itir asizir ekiaba ko doziba, ko gumazamizir nguazir kamin itiba, da bar nan damazimin puvira akongiva atiatingam. Mighsiaba iriti danganir kuraba bighiram, eghiti nguubar ekiaba avinizir divaziba akarighiram. ²¹ Ki Ikiavira Itir Godin Ekiam, ki kamaghin migei: Ki midorozir ekiam damighti, a nan mighsiabar tongin Atrivim Gok gasighasigham. Eghiti an midorozir gumaziba uan midorozir sababar uari uariv soghirarigham. ²² Ki Atrivim Gokin araziba tuisigh pazavira a damighti arimariar kuraba a giram. Eghiti midorozimin aven an midorozir gumazir ovengezibar ghuziba emir ivemaram. Eghiti ki amozir dafar kuraba, ko amozir ofizir ekiar dagiabar min gariba, ko avim, ko salfan dagiar avir bar puvira isim amadaghti, da a ko an midorozir gumaziba, ko gumazamizir an akurazibagh isin iram. ²³ Arazir kamin, ki uabi isi Kantrin Igharazibar Gumazamizibar akaghti me fogham, ki Godin bar zuezim, egha ki ziar ekiam iti. Eghiti me fogh suam, ki Ikiavira Itir God.”

39

Ikiavira Itir God Atrivim Gok abira

¹ “O nguazir kamin gurnazim, ni nan akamin gun Atrivim Gok mikim: Ki Ikiavira Itir Godin Ekiam, ki kamaghin migei: O Gok, ni Mesekin kantri ko Tubalin kantri, anging atrivir faragha zuim, ni oragh! Ki nin apanim gami. ² Ki ni giraghti ni bar saghon mar notin amadaghan ikegh ize, Israelin mighsiabar otoghiva Israelia misoghsiz izam. ³ Eghiti ki nin agharir kiriamin suirazir barir pim ko, nin agharir guvimin itir baribav suegħti da iregham. ⁴ Eghiti Gok, ni uan midorozir gumaziba ko nin akurazir darasi, ia Israelin mighsiabar arighregham. Eghiti ian kuuba, kuarazir guar aviriba, ko asizir atiaba dar amam. ⁵ Ia arimighiregh azenara nguazim gireghiv ikiam. Ki Ikiavira Itir Godin Ekiam, ki kamaghin mikeme.

⁶ “Ki Magokin nguazim ko ongarir dadaribar deravira apiaghav itir gumazamiziba avim me datigham. Egheti me bar moghira fogh suam, ki Ikiavira Itir God.

⁷ “Ki kamaghin damightima, nan gumazamiziba Israelia, nan ziar bar zuezim gifogham. Ki ua uan ziar bar zuezim damighti, me uam aghumsizim na daningan kogh, egh kamaghin mikiman kogham, a pura bizim. Egheti Kantrin Igharazibar Gumazamiziba kamaghin fogh suam, ki Ikiavira Itir God, Israeliian Godin bar zuezim.

⁸ “Ki Ikiavira Itir Godin Ekiam, ki ghaze: Dughiar ki mikemezim, a kiran ovehangin otogham. Bar guizbangira, dughiar kam zuamiram otoghti, ki bizir kabar amuam. ⁹ Gumazamizir Israeliin nguubar ekiabar aven itiba, me uan nguibaba ategh mangi midorozir bizir apaniba pura taghizi itiba iniam. Kar men oraba ko, barir piba ko, barir afuziba ko, afuzir ruariba ko, midorozir ifaniba. Me dazibar min dar avibar arigh mangi 7plan azenibar tugham. ¹⁰ Egh me ua 7plan azenir kabar ua rurriba ko, tuzibar dazibar kuan kogham. Me avibar arighsi midorozir bizir kabar ikiziba ater mangi dar avibar arigham. Gummazir men biziba okemeziba, Israeliia kamaghira, me ikaragh men biziba okemegham. Apanir men bizibagh asighasighiziba, Israeliia uaghan me ikaragh men bizibagh asighasigham. Ki Ikiavira Itir Godin Ekiam, ki kamaghin mikeme.”

Gokin midorozir gumaziba afamin nguazim

¹¹ Ikiavira Itir God kamaghin migei, “Bizir kaba bar otivighthima, ki Israeliin nguazimin Gok afisi nguazim a danigham. Danganir kam, Amangsizim Itir Dipar Akaremin aruem anadi naghin danganir zarimin ikiam, egh gumazamizir mangih izegh gamibar tuavim apirigham. Me gin Gok uan midorozir gumaziba ko, danganir zarir kamin bar me afam. Egh me ziar kam a darigham, ‘Gokin Midorozir Gumazibar Danganir Zarim.’ ¹² Israeliin ikizim, 7plan iakinibar gumazir kuuba afir ingangarim damu mangi givaghti, nguazim ua deragh zuegham. ¹³ Israeliin nguazimin itir gumazamiziba bar, gumazir kuar kabar afamin ingangarim damuam. Dughiar kamin, ki uan ziar ekiam ko gavgavim men akaghti me nan ziam fam. Egh me uaghan, uan kuabar afamin ingangarir kam bangin ziar ekiam iniam. Ki Ikiavira Itir Godin Ekiam, ki kamaghin mikeme. ¹⁴ Me gumaziba amisevegħti, me mangi nguazim daru gumazir kuar nguazimin ikiavira itiba buri, da isi mozibar afam. Me kamaghin

damighti, nguazim ua zuegham. Me 7plan iakinibar kamaghin kuuba buriamin ingangarim damuam. ¹⁵ Me Israelian nguazimin averiam zurara mavanabogħin izighiġiġi damuva agharitabar apigh, egh ifevim damiġi ababanim min dar borogħin anesaragħam. Egheti gumazir kuuba afiba izi, agharir kaba inigh mangi Gokin Midorozir Gumazibar Danganir Zarimin dar afam. ¹⁶ Egheti nguibar ekiar tam danganir kamin borogħin ikiam. Egheti me ziar kam a darigham, ‘Midorozir Gumazir Bizir Ekiam.’ Me kamaghin ingangarir kam damighti nguazim ua deragh zuegham.

¹⁷ “Ki Ikiavira Itir Godin Ekiam, ki kamaghin migia ghaze: O nguazir kamin guzmanim, ki kamagħsua, ni kuarazir guar aviriba ko, asizir atiar tintinibar itiba bar dar diaqhti, me izi uari akuvagh ofan ki me bagħi damuamin kam ami. Kar Israeliin mighsiabar isar bar ekiam. Da iziwa gumazir kuar kabar tuzibar amiva dar ghuziż dozam. ¹⁸ Ia iziwa midorozir gumazir bar gavgavir kabar tuziba amiva, men ghuziba dozam, mati me Basanin Distrighin itir sipsipba ko, membeba ko, bulmakaun mikkarziba sara itiba ofan min ada ap. ¹⁹ Ki ofa damuasa ami mogħin gumazir kabav soġħirarighti, kuaraziba ko asiziba izi dar tuzibar amiva naviba bar izevgham, egh men ghuzibar ami mangi mati, me dipar organiba apava ongani. ²⁰ Me izi nan dagħer dakozimin hoziaba ko, daghapiaghir gumaziba ko, midorozir gumazibar tuzibar ami mangi bar izevgham. Ki Ikiavira Itir Godin Ekiam, ki kamaghin mikeme.”

Ikiavira Itir God, ua Israelia inigham

²¹ Ikiavira Itir God ua migia ghaze, “Ki gumazamizbar arazir kuraba ikarvagh iveau kuram me daningam. Egheti Kantrin Igharazibar Gumazamiziba dughiar kamin nan gavgavir ekiamin ganigh fogħam, egh ziar ekiam na daningam. ²² Egh dughiar kamin ikegħi mangi dughiaba bar, Israeliin ikizim kamaghin deragh fogħam, Ki Ikiavira Itir God, ki men God. ²³ Egheti Kantrin Igharazibar Gumazamiziba, ki Israeliin ikizim gamizir bizir mingarim gifogħam. Dughiar kamin Israelia nan akam batuegħa arazir kurabagh ami. Kamaghin amizi, me kantrin igharazimin kalabuzaibar min ghue. Ezi ki akirrim ragħha me gasaragħha me ataghixima, apaniba me abira midorozibar me misogħariki. ²⁴ Me arazir mizirizir bar kurabagh ami. Ezi ki akirrim ragħha me gasarazi, me uan arazir kurar kabar iveau inni.

²⁵ “Ki Ikiavira Itir Godin Ekiam, ki kamaghin migei: Jekopin ovavir borir kantrin igharazibar kalabuziabar min itiba, ki datirighin men apangkuvigh ua me inigh, men ikizim damighti me ua deragham. Egh ki uan ziar zuruzim deragh an ganti, gumazitam anebiraghian kogham. ²⁶ Israelia ua deraghvira uan nguazimin ikiti, gumazitam ua me damuti, me atiatingan kogham. Egha me faragha akirim ragha na gasaragha amizir arazir kurabagh nighnigh, aghumsizir ekiam iniam. ²⁷ Ki apanibar kantribar tongin ua uan gumazamiziba inigh izam. Eighti Kantrin Igharazibar Gumazamiziba, ki Israelia gamizir bizir kamin ganigh fogh suam, nan araziba bar zuegha dera. ²⁸ Eighti Israelia ki me gamizir bizibagh nighnigham. Ki me amadazi me ghua kantrin igharazibar kalabusin min itima, ki ua me akuvaga me inigha men nguazimin ize. Ki men tav ateeghi, a kantrin kabar aven ikivira ikian kogham. Eighti me kamaghin fogham, ki Ikiavira Itir God, men God. ²⁹ Ki uan Duam isi Israelin ikizim gingegeham, egh uam akirim ragh me gasaraghan kogham. Ki Ikiavira Itir Godin Ekiam, ki kamaghin mikeme.”

God, gin kantri Israelin otivamin bizir aghuibar Esekielin akakasi

40

(*Sapta 40–48*)

Ikiavira Itir God Esekiel inigha Jerusalemin ghu

¹ Ekalabuziabar min itima, azenir namba 25 otozi, an iakinir faragha zuimin, an dughiar namba 10in, Ikiavira Itir Godin gavgavim na avara. Kar apaniba Jerusalemin nguibir ekiam inigha givazi, an azenir namba 14in gin otozi dughiam. Dughiar kamra Ikiavira Itir God uan Duamin aven na inigha Jerusalemin ghu. ² Ezi ki irebamin min garir bizimin garima, God na isa Israelin nguazimin ghua mighsiar mamin bar pin na ati. Ezi ki garima bizir mam sautin amadaghan mighsiar kamin ikia, mati nguibar ekiamin min gari. ³ A na inigha bar roghira ghuzi, ki garima gumazir mam brasin min taghtasi. A divazimin tiar akar mamin miriamin tughav ikia bizibar abarir aghorim ko, bizibar abarir benim, uan dafarimin aningen suisraghav iti.

⁴ Egha gumazir kam kamaghin na migia ghaze, “Nguazir kamin gumazim, ni gan! Deraghvira kuarim atigh! Akar ki ni migeiba baragh! God bizir kam bagha ni inigha ize, kamaghin amizi, ni deraghvira

bizir ki nin akakghamibar gan. Egh ni gin mangi bizir kabar gun Israelien ikizim mikemegh.”

Esekiel aruem anadi naghin itir divazimin tiar akamin gani

⁵ Ki ganizir bizir kam, a Godin Dipenim, ezi divazir mam anevini. Gumazir kam uan biziabar abarir aghorim inigha divazimin abari. Aghorir kamin ruarim 3 mitan tu. Ezi divazir kamin tuirivimin ababanim a 3 mitan tu, ezi a mitemezir ababanim 3 mitan tu. ⁶ Egha a tiar akar aruem anadi naghin itimin ghu. A dagiar adirizar itariba dika ghuanaga aven zuir danganimin tiar akamin gara an abari. Ezi aven zuir tuavimin ruarimin ababanim 3 mitan tu. ⁷ An aven ghua garima, gumazir divazimin garibar danganir mizuariba vong ko vongin sara iti. Egha dar aroziba ko ruariba bar moghira, 3 mita, 3 mitan tu. Ezi danganir kaba abighizir birim, an arozim ababanim, 2 mita ko akuamin tu. Danganir kabagh itagh sivagh mangi, aven zuir tuavim iti, an tiar akam Godin Dipenim avinizir divazimin aven amadaghan gari. Gumazir kam danganir muziarir bar aven zuimin ruarimin abari, ezi an ababanim 3 mitan tu. ⁸⁻⁹ Ezi an aven zuir tuavim kamin azuarir dozimin abarima, an arozim ababanim 4 mitan tu. Azuarir dozimin miriamningin birmning vong ko vongin ikia, aningin arozim 3 mitan tu. Azuarir dozimin vongin, tiar akar Godin Dipenim avinizir divazimin aven amadaghan gari. Gumazir kam ghua tiar akar kamin miriamin vong ko vongin itir guarir akinimningin arozimningin abarima, aningin ababanim uaghara 1 mitan tu.

¹⁰ Gumazir divazimin garibar danganir muziarir 6pla, da aven zuir tuavim miriamningin iti. Ezi danganir kabar ababaniba vaghvaghya magh ghu. 3pla vongin itima, 3pla vongin iti. Ezi guarir akinir dar tongira itibar ababaniba, uaghan uaghara ghu. ¹¹ Egha gumazir kam gin umategħha ghua tiar akar aven mangamimin abari. Ezi tiar akamin arozim ubi 6 mita ko akuamin tu. Eighti me tiām kuamin dughiamin, an arozim ababanim 5 mitan tu. ¹² Ezi divazimin garir gumazibar danganir muziariba, da birir oteviba iti. Dar tuiriviba 50 sentimita, ezi dar aroziba uaghan 50 sentimita. Ezi danganir kabar ruariba ko aroziba uaghara magh ghuegħa, 3 mitan tu. ¹³ Gumazir kam, divazimin garir gumazibar danganir mamin aven girakirangin ikegħha, an abaraghha ghua vongin itir danganir mamin akirangin

tu. Ababanir kam 12 mita ko akuamin tu. Ababanir kam, a dipenir siriamin, otevir mamin ikegha ghua vongin otevir mamin tuzimin ababanim, an mirara ghu. ¹⁴ Egha gumazir kam gin ghua azuarir dozimin abari. An tuirivim 10 mitan iti. Ezi tiar akar vongin azuarir dozimin itim, an miriamning Guarir akinir pumuning iti, egha a bar ghua Godin Dipenim avinizir divazimin aven ghua, uari akuvir danganim oto.* ¹⁵ Ezi Dipenim avinizir divazimin azenan itir tiar akamin ikegha, bar aven ghua azuarir dozimin vongin otozimin ruarim, 25 mitan tu. ¹⁶ Ghuriar kaba bar moghira, winduan doziba iti. Ezi gumazir divazimin garibar danganibar biriba, da bar winduuba iti. Egha dar Guarir akiniba, misizibar min garir temem detin nedaziba iti.

Esekiel, divazimin aven danganir ekiar uari akuvimin gari

¹⁷ Egha gumazir kam na inigha ga danganir kaba ategha, Godin Dipenim avinizir divazimin aven ghua 30plan danganir muzierir igharazibar garima, da divazir ekiar kamin pueghav iti. Me fomira dagiar aviriba isa nguazim gatigha daruamin danganimin ingari. Daruamin danganir kam, danganir muzierir kabar guamin ikia divazir ekiar kamin averiam bar an avini. ¹⁸ Egha daruamin danganir kam bar ghua Dipenim avinizir divazir tiar akaba itibar tu. Daruamin danganir kamin ruarimin ababanim, tiar akabar arozinababina ko magh ghue. Ezi uari akuvir danganir ekiar kam vazimin itima, Godin Dipenim pin iti. ¹⁹ Danganir uari akuvir ekiar kam, bar moghira divazir namba 2 anevini. Divazir namba 2in kam, Godin Dipenim an aven iti. Divazir namba 2in kamin aven, uari akuvir danganir igharazim ikia, egha a mong pin iti. Ezi namba 2in divazir kamin aruem anadi naghin, tiar akar mam iti. Ezi gumazir kam nguazir divazir kamningin tizimin itimin abari. An azenan itir divazir ekiamin tiar akamin ikegha ghua, aven itir divazir namba 2in tiar kamin tu. Ezi nguazir kamin ababanim, 50 mitan tu.

Esekiel notin amadaghan itir tiar akamin gari

²⁰ Ezi gumazir kam divazir ekiar notin amadaghan itir tiar akamin abanasa zui. Egha tiar akamin ruarim ko arozimin abari. ²¹⁻²² Ezi notin amadaghan itir tiar akam, an danganir muzierir 6pla iti, 3pla vongin itima 3pla vongin iti. Tiar akar kam ko, an danganir muzieriba ko, biriba ko, azuarir dozim ko, winduan doziba ko,

temer aghuubar nedaziba, dar ababaniba aruem anadi naghin itir tiar akamin danganiba ko magh ghue. Tiar akamin danganibar arozimin ababanim 12 mita ko akuamin tu. Ezi an ruarimin ababanim, 25 mitan tu. Ezi tiar akar kamin adiriziari diki mavanangamim, ighuvir 7pla iti, eghit me da diki pin mavanang an azuarir dozimin aven mangam. ²³ Ezi notin amadaghan itir divazir ekiamin tiar akam, an vongin, namba 2in divazimin tiar akar mam iti. Aning aruem anadi naghin itir tiar akamning ko magh ghu. Ezi gumazir kam tiar akar kamningin tizimningin itir nguazimin abari. An azenan itir divazir ekiamin tiar akamin ikegha ghua aven itir divazir namba 2in tiar kamin tu. Ezi nguazir kamin ababanim, 50 mitan tu.

Esekiel sautin amadaghan itir tiar akamin gari

²⁴⁻²⁶ Ezi gumazir kam na inigha sautin amadaghan ghu, egha ga ghua divazir ekiamin tiar akamin oto. Egha tiar akar kamin danganiba ko Guarir akiniba ko azuarir dozim, dar ruarim ko arozimin abari. Ezi tiar akar kamin aven itir danganiba ko azuarir dozim, da winduan doziba ikia, da tiar akar igharazimning itir biziba ko bar moghira magh ghue. Ezi danganir kamin ruarimin ababanim, 25 mitan tu, ezi an arozim 12 mita ko akuamin tu. Ezi tiar akar kamin adiriziari diki mavanangamim, ighuvir 7pla iti, eghit me da diki pin mavanang an azuarir dozimin aven mangam. Egha adiriziamin boroghin itir Guarir akinimning, vong ko vongin itima, aning misizimin min garir detin temer nedaziba iti. ²⁷ Ezi sautin amadaghan, namba 2in divazim, uaghan tiar akar mam iti. Gumazir kam ghua nguazir divazimningin tiar akar kamningin tizimin itimin abari, mati a faragha aruem anadi naghin ababanim gamizi mokin. Nguazir kamin ababanim uaghan 50 mitan tu.

Esekiel namba 2in divazimin tiar akabar gari

²⁸ Ezi gumazir kam na inigha ga namba 2in divazimin tiar akamin aven ghua, danganir me uari akuvir igharazir Godin Dipenim guamin itimin oto. Ezi gumazir kam sautin amadaghan itir tiar akamin danganibar abarima, an ababaniba, tiar akar igharazibar ababaniba ko uaghara ghu. ²⁹ An danganir muzieriba, ko an Guarir akiniba, ko azuarir dozim, da danganir igharazir a faragha abaraziba ko magh ghu. Danganir kam ko an azuarir dozim, uaghan winduan dozir aviriba iti. Ezi an

* **40:14:** Me Hibrun akam kagh deragha a mingarim abighizir puvati.

ruarimin ababanim, 25 mitan tu, ezi an arozinmin ababanim, 12 mita ko akuamin tu. ³⁰ Danganir kam, azuarir ekiaba an vong ko vong sara iti. Azuarir kabar ruarim 12 mita ko akuamin tu, ezi dar aroziba 2 mita ko akuamin tu.[†] ³¹ Azuarir kaba, me azenan uari akuvir danganir ekiam guam amisuegha iti. Ezi azuarir dozimin guarir akinimning, misizimin min garir detin temer nedazir aghuiba iti. Ezi an adiriziam, ighuvir 8pla iti.

³²⁻³⁴ Ezi gumazir kam na inigha ga aruem anadi naghin itir tiar akamin aven ghua, me uari akuvir danganir igharazir mamin oto. Egha aven mangamin tiar akamin danganibar abarima, an ababaniba tiar akar igharaziba ko magh ghu. An danganir muzieriba, ko an guarir akiniba, ko azuarir dozim, da danganir igharazir a faragha abaraziba ko magh ghu. Danganir kam ko an azuarir dozim, da uaghan winduan dozir aviriba iti. Ezi an ruarimin ababanim, 25 mitan tu, ezi an arozinmin ababanim, 12 mita ko akuamin tu. An azuarim, me azenan uari akuvir danganir ekiamin guam misuegha iti. Ezi azuarir dozimin guarir akinimning, misizimin min garir detin temer nedazir aghuiba iti. Ezi an adiriziam, ighuvir 8pla iti.

³⁵⁻³⁷ Ezi gumazir kam na inigha ga ghua notin amadaghan itir namba 2in divazimin tiar akamin oto. Egha aven mangamin tiar akamin danganibar abarima, an ababaniba tiar akar igharaziba ko magh ghu. An danganir muzieriba, ko an guarir akiniba ko, azuarir dozim, da danganir igharazir a faragha abaraziba ko magh ghu. Danganir kam ko an azuarir dozim, da uaghan winduan dozir aviriba iti. Ezi an ruarimin ababanim, 25 mitan tu, ezi an arozinmin ababanim, 12 mita ko akuamin tu. An azuarir dozim, an azenan uari akuvir danganir ekiamin guam misuegha iti. Ezi azuarir dozimin guarir akinimning, misizimin min garir detin temer nedazir aghuiba iti. Ezi an adiriziam, ighuvir 8pla iti.

Esekiel danganir me ofabar amuaminin gari

³⁸ Ezi divazir namba 2in notin amadaghan itir tiar akamin azuarimin boroghin, danganir mam uaghan iti. Danganir kamin tiar akam, azuarimin boroghin iti. Me ofan bar isia mighiriba bagh asiziba inighizi, danganir kamin aven da ruam. ³⁹ Tiar akar kamin boroghin itir azuarir kam, an aven, 4plan dakoziba iti, pumuning vongin itima, pumuning

vongin iti. Ezi me ofa damuamin asiziba isa dagh arigha dav sosi. Ofan kabanang, ofan avim bar isia mighiriziba, ko arazir kuraba gin amangamin ofaba, ko osimtiziba agivamin ofaba. ⁴⁰ Ezi notin amadaghan itir tiar akamin boroghin itir azuarir kam, an azenan, 4plan dakozir igharaziba ua iti. Da azuarir kamin ghuavanadir adiriziamin boroghin iti. Dakozir pumuning vongin itima, pumuning vongin iti. ⁴¹ Ezi datirighin ofa damuamin asizibav soghamin dakozir 8pla iti. 4plan dakoziba, azuarimin azenan itima, 4plan dakoziba, azuarimin aven iti. ⁴² Ezi dakozir 4plan igharaziba, ua iti, me dagiabar adar ingari. Dakozir kabar turivibar ababanim 50 sentimita, ezi dar ruariba ko arozibar ababanim 75 sentimitan tu. Me dakozir kabagh isin, afuuba ko bizir igharaziba arisi, kar asizibav sogh, ofan bar isi mighirambar amuamin biziba. ⁴³ Ezi asiziba aguamin akeziba, me azuarir kamin aven itir biribar da du. Akezir kabar ruaribar ababaniba, 7 sentimita ko akuamin tu. Ezi me ofa damuamin asizir tuziba dakozir kabar da arisi.

Esekiel ofa gamir gumazibar ghuriabar gari

⁴⁴ Ezi gumazir kam na inigha namba 2in divazimin aven ghua, uari akuvir danganimin aven otogha garima, God bagha ighiabagh amir gumazibar danganimning iti. Danganir mam, notin itir tiar akamin boroghin ikia guam sautin misoke. Ezi danganir igharazim, sautin amadaghan itir tiar akamin boroghin ikia, guam notin misoke. ⁴⁵ Ezi gumazir kam kamaghin na migei, "Danganir guam sautin misoghezim, kar ofa gamir gumazir Godin Dipenimin ingangaribar garibar danganim." ⁴⁶ Ezi danganir guam notin misoghezim, kar ofa gamir gumazir ofan dakozibar ingangaribagh amiba, men danganim. Me Livain anabamin ovavir boribar aven otivigha Sadokin ovavir boribar adarazira. Merara, Ikiavira Itir Godin boroghin mangi an ingangarim damuam."

Aning Godin Dipenimin oto

⁴⁷ Ezi gumazir kam Godin Dipenimin uari akuvir danganimin abarima, an ruarim 50 mita, ezi an arozin uaghan 50 mita, egha aning uaghara ghu. Ezi ofa gamir dakozim, Godin Dipenimin faragha iti.

⁴⁸ Ezi gumazir kam ua na inigha ghua Godin Dipenimin otogha an azuarir mam nan aka. Egha an tiar akamin boroghin itir guarir akinir vong ko vongin itimningin

[†] **40:30:** Hibrun akam vezin kam deragha an mingarim abighizir puvati. [‡] **40:48:** Akar ababanir kammingin itim ua datirighin Hibrun akamin itir puvati. Akar kam fomira ikia iza datirighin a itir puvati. Akar kam ikiavira itir dughiamin, gumazir maba Grikin akamin a gira, ezi akar kam akinafarir me Grikin akamin an osirizimin iti.

abari, aningin ababanim uaghara ghugha, 2 mita ko akuamin tu. Ezi Godin Dipenimin tiar akamin arozimin ababanim,[‡] 7 mitan tu. Ezi birir otevir tiar akamin miriamningin itimning, aning uaghara ghugha 1 mita ko akuamin tu.

⁴⁹ Ezi azuarir kamin ruarinmin ababanim 10 mitan tu. Ezi an arozimin ababanim 5 mita ko akuamin tu. Egha adiriziam, danganir me uari akuvimin ikegha azuarir kamin anabo. Ezi guarir akinir dafar pumuning azuarir kamin tiar akamin miriamningin mitighav iti.

41

¹ Ezi gumazir kam na inigha Godin Dipenimin aven ghu. Ga garima, Anogoroghezir Danganim iti. Egha a tiar akamin boroghin itir guarir akinimning vong ko vong itimin abarima, aningin arozim 3 mitan tu. ² Ezi a tiar akamin arozimin abarima, an ababanim 5 mitan tu. Ezi tiar akamin miriamningin birir otevir vong ko vongin itimning virara voroghira ghu. Aningin arozimin ababanim 2 mita ko akuamin tu. Egha gumazir kam Anogoroghezir Danganir kamin abarima, an ruarinmin ababanim, 20 mita, ezi an arozimin ababanim 10 mitan tu.

³ Egha a bar aven ghua Danganir Bar Anogoroghezimin oto. Egha a tiar akamin boroghin itir guarir akinir vong ko vong itimningin abarima, aningin arozimning, 1 mitan tu. Ezi tiar akamin arozimin ababanim, 3 mitan tu. Ezi tiar akamin miriamningin birir otevir vong ko vongin itimning virara voroghira ghu. Aningin arozimningin ababanim 3 mita ko akuumin tu.* ⁴ Egha a Danganir Bar Anogoroghezir kamin abarima, an ruarin ko arozim, aning uaghara ghua 10 mitan tu. Egha a kamaghin na migei, "Danganir kam, a Danganir Bar Anogoroghezim."

Esekiel Godin Dipenimin poghezir ghuriabar gari

⁵ Ezi gumazir kam Godin Dipenimin birir mitiamin abari, ezi an ababanim 3 mitan tu. Godin Dipenim azenan danganir muziarir aviriba anevinigha iti. Egha danganir kabar arozimin ababanim, 2 mitan tu. ⁶ Danganir muziarir kaba, da uari gisin ikia ghuava anaga 3plan ghuriaba iti, ezi 3plan ghuriar kaba, vaghvagh 30plan danganir muziarir kaba iti. Me dar ingarir dughiamin, me dipenir akiniba asegha akoriba dagh isin da arigha 3plan ghuriar danganir muziariba itiba, pin dar ingari. Eighti dar oteviba izi Godin Dipenimin birim

biraghan kogham. ⁷ Danganir muziarir Godin Dipenimin avinizir kaba, dar ghuriar dar itiba kamaghin iti: Danganir vanginan itiba, dar arozim 2 mitan tu. Ezi dar pin danganir muziarir ghuriar namba 2in itiba, dar ababaniba mong ekevegha dar apengan itir danganibar ababanibagh afira. Ezi dar pin danganir muziarir ghuriar namba 3in itiba, dar ababaniba mong ekevegha dar apengan itir danganibar ababanibagh afira. Ezi adiriziak mam, ghuriar vanginan itimin ikegha pin ghua namba 2in ghuriamin ghua bar pin namba 3in ghuriamin oto.[†]

⁸ Ki gari, Godin Dipenim ghuriar vazimin itim biragha azenan ghuzir daruamin tuavim, a ghuriar kabar apengan dar mingarimin min ikia, Dipenir miriaba bar da avini, egha a ghuriar pin itibar mingariba gavgaviba dagh anidi. Mingarir kam, nguazimin ikegha pin ghua daruamin tuavimin tu, an tuirivimin ababanim 3 mitan tu. ⁹ Danganir muziarir kabar azenan itir divazimin mitiamin ababanim, a 3 mita ko akuamin tu. Ezi vanginan itir nguazir pura itim, a Godin Dipenim avinizir danganir mizuaribar ikegha ghua. ¹⁰ Godin Dipenim avinizir dipenir ighazarir mabar oto. Danganir aruirkam, Dipenim bar anevinigha gumaziba daruamin tuavimin min iti, ezi an arozimin ababanim 10 mitan tu. ¹¹ Ezi danganir mizuarir kabar aven mangamin tiar akar pumuning iti, egha aningin azenan aruirkatavim guam a misuegha iti. Egha tiar akar mam a Godin Dipenimin sautin amadaghan itima, mam notin amadaghan iti. Ezi ki ua garima, pin itir tuavim, kar danganir muziariba avinizir tuavim, an arozimin ababanim, 2 mita ko akuamin tu.

Godin Dipenimin ababanim

¹² Godin Dipenimin akirangin aruem uaghiri naghin, dipenir ekiar mam iti. Egha Godin Dipenim avinizir nguazir pura itim, guam a misuegha iti. Dipenir kamin arozimin ababanim, a 35 mitan tu, ezi an ruarin 45 mitan tu. Dipenir kamin birir azenan ghuzim, an mitiamin ababanim a 2 mita ko akuumin tu.

¹³ Egha gumazim Godin Dipenimin ruarinmin abarima, a 50 mitan tu. Egha a gin nguazir Godin Dipenim avinizim ko aruem uaghiri naghin itir dipenibar abari. A Godin Dipenimin tiamin mikebamin ikegha an abara ghua dipenir ighazarir kamin girakirangin oto. Ezi an ababanim 50 mitan tu. ¹⁴ Egha a Godin Dipenimin guam ko nguazir kinir vong sara itimin

* ^{41:3:} Hibrun akam deragha migirigar kamin mingarim abighizir purati. Ezi akar kam, datirighin itir Grighin akamin gin zui. † ^{41:7:} Hibrun akam deragha migirigar kamin mingarim abighizir purati.

ruaribar abari, dar ababanim bar moghira uaghan 50 mitan tu.

^{15a} Egha a ghua, Godin Dipenimin akirangin itir dipenimin abari, dipenir kam Godin Dipenim avinizir nguazir kinim guam a misuegha iti. A dipenir kam ko an dipenir ruarir vuem ko vuemin itimning, dar ruaribar abarima, dar ababanim uaghan 50 mitan tu.

Esekiel Godin Dipenimin aven an biribar digiribar gari

^{15b-16} Godin Dipenimin aven zuir danganim, ko an azuarir faragha itimin birim ko Anogoroghezir Danganimin birim, ko winduan ruariba ko, 3plan birir tiar akamin boroghin itiba, me temer arariba isa, ghuriamin ikegha ghua winduabar otogha, birir kabar pogha da ariki. Egha uaghan temer arariba winduaba aven dagh ase.

¹⁷ Me Godin Dipenimin Anogoroghezir Danganim ko, Bar Anogoroghezir Danganimin biriba ko, tiar akam gisin danganir pin itimin biriba ko, Dipenimin aven zuir danganimin biriba nedazibar digiribar gin ghua da aghore.[‡] ¹⁸ Digirir kam kamakin: temer aghuir mamin nedazim iti, ezi an gin enselin bar gavgavir mamin nedazim iti, ezi an gin detin tememin nedazim iti, egha ghua dar nedaziba kamaghira uari aghoravkira ghua, danganir kam bar a ini. Enselin bar gavgavir kaba vaghvaghia guar pumuning iti. ¹⁹ Mam gumazir guam iti, ezi igharazim laionin guam iti. Egha aningin guamning detin tememin gari, detin temer roghira itir vong ko vongin itimningin gari. Digirir kamaghira gariba, bar Dipenimin biribagh izifa. ²⁰ Egha da vanganin itir ghuriamin ikegha uanaga tiar akabagh afiraghha isin tu. ^{21a} Anogoroghezir Danganimin guarir akinimning, 4plan miriaba iti. Egha aningin magh gari.

*Esekiel ofa gamir dakozimin gari,
a Ikiavira Itir Godin boroghin iti*

^{21b-22} Bar Anogoroghezir Danganimin aven mangamin tiar akamin boroghin, bizar mam iti, a ofa gamir dakozir mamin min gari. Ofa gamir dakozir kam, me temer araribar an ingari. An tuirivimin ababanim, 1 mita ko akuamin tu, ezi an arozimin ababanim, 1 mitan tu, ezi an ruarim 1 mitan tu. An mikebaba, ko an dikinim,[§] ko an miriaba, me temer araribar dar ingari. Ezi gumazir kam kamaghin na miegi, "Ofa gamir dakozir kam, a zurara Ikiavira Itir Godin damazimin tughav iti."

Godin Dipenimin tiar akaba

²³⁻²⁴ Danganir Anogoroghezimin aven zuir tiar akam, tiar pumuning iti. Tiar kamning vaghvaghia akuar pumuning iti, ezi me hinsbar da isav suiki. Pumuning vongin itima, pumuning vongin iti. Da kuamin dughiam, da sivagh sivagh mangi uarigh puegham. Ezi kamaghira Danganir Bar Anogoroghezim uaghan tiar pumuning iti.

²⁵ Ezi me Anogoroghezir Danganimin tiamningin, detin temeba ko enselin bar gavgavibar nedazibar ghore, mati nedazir me Dipenimin aven itir biribar ghore. Ezi tiar akar azuarimin aven mangamimningin azenan, me temer araribar dipenir ivem, tiar akam gisin an ingari. ²⁶ Ezi aven mangamin azuarimin birimningin, vong ko vong, winduan ruariba ko detin temeba nedaziba iti. Ezi Dipenimin miriaba avinizir danganir muziariba, dar biriba uaghan nedazir kabanang dar iti.

42

Ofa gamir gumazibar dipenir pumuning

¹ Egha gumazir kam na inigha azenan itir danganir me uari akuvimin aven otogha, Godin Dipenimin notin amadaghan dipenir ruarir mamin gari. Dipenir kam, daruamin nguazir kinir Godin Dipenim avinizir vongin iti, egha an mikebar mam Godin Dipenimin girakirangin itir dipenir ekiam mong an boroghira iti. ² Dipenir kamin ruarim, 50 mitan tu, ezi an arozim, 25 mitan tu.

³ Dipenir kamin kuebam daruamin nguazir kinir Godin Dipenim avinizim bira, egha azenan itir danganir me uari akuvir ekiamong guam a misuegh iti. Me ghuriar 3pla dipenir kamin dar ingara ghuanabo.

⁴ Dipenir kamningin tizimin, daru aven mangamin tuavim iti. An arozimin ababanim, 5 mitan tu. Ezi an aven zuir danganim notin amadaghan iti, an arozim, 50 sentimitan tu. ⁵ Dipenir kamningin namba 3in ghuriamin danganir muziariba, da namba 2in ghuriyam ko namba 1in itir ghuriamin danganir muziariba mong dar sufi. Me namba 3in ghuriamin ingarir dughiam, me mong anesuvagha an ingarizi, an danganir muziariba sufi. ⁶ Dipenir kamningin ghuriyam me dipenir akinibagh isin da arighizir puvati, mati me uari akuvir danganimin boroghin itir dipenir igharazibar ingari. Puvati. Namba 1in ghuriyam, a nguazim gaperagha namba 2in ghuriyam ko namba 3in ghuriyam gavgavim

[‡] 41:17: Hibrun akam deragha migirigar kamin mingarim abighizir puvati. [§] 41:21b-22: Hibrun akam, akar kam, "an dikinim," a guizbangira ghaze, "an ruarim." Fomira itir gumazir maba akinafarir kamin akam gira, egha ghaze, akar kam ghaze, "an dikinim." ^{42:3:} Esekiel 40:17; 41:10

aning ganidi. Kamaghin amizi, pin itir ghuriamin danganir muziariba mong sufi.

⁷⁻⁸ Dipenir namba 2in ruarinim abanim, a 25 mitan tu. Ezi dipenir ruarir faragha itimin ruarinim ababanim, a 50 mitan tu. Dipenir ruarir faragha itim, me an guamin vongin divazir mamin ingari, ezi an ruarin, mati dipenir ruarir namba 2in ruarinim min ikia, 25 mitan tu. Divazir kam, a danganir uari akuvamin azenan itimin miriamin iti. ⁹⁻¹⁰ Divazir kam, ko dipenir ruarir faragha itir kam, aningin tizimin daruamin tuavim iti. Gumazitam dipenir kamin aven mangisi, azenan ikia uari akuvir danganim ategh divazim mimkebamin boroghin aven izi, aruem anadi naghin ikegh mangi, daruamin tuavir kamin aven mangam.*

Ezi dipenir igharazir pumuning, aning uaghan Godin Dipenimin vongin, danganir uari akuvimin boroghin sautin amadaghan iti.[†] Egha daruamin nguazir kinir Godin Dipenim avinizimin vongin iti. Egha aningin mikebamning Godin Dipenimin girakirangin itir dipenir ekiam mong an boroghiri iti.

¹¹ Dipenir kamningin ababaniba, dar aroziba ko ruariba ko tiar akaba, da bar moghira notin amadaghan itir dipenimningin ababaniba ko magh ghu. Ezi dipenir kamningin tizimin, daruamin tuavir aven mangamim, aningin tiamningin iti. ¹² Gumazitam sautin itir dipenimningin aven mangisi, divazim mimkebamin boroghin aven izi, aruem anadi naghin ikegh izi, daruamin tuavir kamin aven izam. Tuavir kam, a notin amadaghan itir tuavimin mirara gari.

¹³ Ezi gumazir kam kamaghin na migei, "Notin itir dipenir kamning ko sautin itir dipenir kamning, Godin Dipenim avinizir nguazir kinimin vongin ikia, egha uaghan Godin danganibara, egha bar zue. Ofa gamir gumazir Ikiavira Itir Godin boroghin zuiba, me dar aven ikia ofan bar zueziba api. Ki dipenir kabagh amizi da zue. Kamaghin amizi, ofa gamir gumaziba ofan bar zueziba kagh dar arigham. Kar witba tuamin ofaba, ko arazir kuraba gin amangamin ofaba, ko osimtiziba agivamin ofaba. ¹⁴ Ofa gamir gumaziba Godin Dipenimin aven ikegh, me azenan uari akuvir danganim mangisi, me korotiar zueziba suegh dipenir kabar danganir mizuarir kabar aven dar arigham. Korotiar zuezir kaba me Ikiavira Itir Godin ingangarim damuasa da azui. Egh korotiar

igharaziba aghuigh azenan itir danganir gumazamiziba uari akuvimin mangam."

Gumazir kam divazir ekiar Godin Dipenim avinizimin abari

¹⁵ Gumazir kam Godin Dipenimin aven tir danganibar abaraghya givagha, na inigha ga ghua aruem anadi naghin itir tiar akamin azenan otogha, a Godin Dipenimin avinizir divazir ekiamin abari. ¹⁶ A bizibar abarib aghorim inigha aruem anadi naghin divazim ababanim gamima, a 250 mitan tu. ¹⁷⁻¹⁹ Egha a ghua notin amadaghan ko, sautin amadaghan ko, aruem uaghiri naghin divazir kamin abarima, dar ababanibar ruariba vaghvaghya 250 mitan tu. ²⁰ Godin Dipenim avinizir divazir kam, a 4plan miriaba iti, ezi dar ababaniba bar 250 mitan tu. Divazir kam, Godin bizir zueziba, ko nguazir kamin gumazamizibar bizir kiniba, tongira da abigha iti.

43

Ikiavira Itir God, uamategha uan Dipenimin ize

¹ Gumazir kam na inigha divazir tiar akar aruem anadi naghin garimin amadaghan ghu. ² Ezi ki garima, Israelian Godin angazangarir ekiam ko gavgavim aruem anadi naghin ikegha izi. Ezi angazangarir ekiam ko gavgavim izir dughiamin, ki niginir ekiam barazima, a mati ongarir ekiba dipira tingazi. Ezi Godin angazangarim nguazim gamima a bar dafogha taghtasi. ³ Irebamin min garir bizir kam mati ki faragha irebamin min garir bizzimningin min ghu. Irebamin min garir bizir mamin aven, God Jerusalem gasighasighasa ami. Ezi irebamin min garir bizir igharazim, ki Kebarin Fanemin miriamin ikia an gani. Irebar ki datirikin garir kam, aning ko magh ghu. Kamaghin amizi, ki uabi fegha nguazim makinigha guam nguazim gati.

⁴ Ikiavira Itir Godin angazangarir ekiam ko gavgavim iza aruem anadi naghin amadaghan tiar akamin aven iza Godin Dipenimin aven ghu.

⁵ Ezi Ikiavira Itir Godin Duam na fegha na inigha bar aven itir danganir me uari akuvimin ghu. Ezi ki kagh garima, Ikiavira Itir Godin angazangarir ekiam Godin Dipenim gizifa. ⁶ Ezi gumazir kam nan boroghin tughav ikiavira iti, ezi ki orazima, gumazir mamin tiarim Godin Dipenimin aven ikia na migei. ⁷ A kamaghin na migei, "O nguazir kamin gumazim, dipenir kam kar nan atrivir dabirabimin danganim. Egha

* **42:9-10:** Akar ves 3in ikegha ghua 10in tuziba, Hibrun akam deragha migirigiar kabar mingarim abighizir puvati.

† **42:9-10:** Hibrun akar datirighin itim, ghaze, "aruem anadi naghin." Fomira itir gumazir maba akinafarir kam akabagh iragheda osiri, egha me ghaze, akar kam, sautin amadaghan itir naghin migei. **43:2:** Esekiel 10:3-4; 10:18-19; 11:22-23; Akar Mogomem 1:15

a uaghan nan dagarir onimning ikiamin danganim. Ki Israelin ikizim zurara men tongin kagh ikiva, me gativagh men gan iki mamaghira ikiam. Israelin ikizim ko men atriviba, me faragha nan ziar bar zuezim gasighasigha ghaze, a pura ziar kinim. Egh gin izamin dughiamin, me ua kamaghin damuan kogham. Me faragha asebar ziaba fa arazir bar kurabagh amua mati amizim tuavir amizibar arazibar gin zui. Egh gin me ua kamaghin damuan kogham. Eighti men atriviba faragha uan dipeniba nan Dipenimin boroghin dar ingari. Ezi men dipenir tiar akaba nan Dipenimin tiar akam boroghira iti. Ezi divazir vamira me dipeniba ko na dipenim abigha iti. Ezi me arazir bar kurar ki aghuaziba me dagh ami. Ezi bizir kamin, me nan ziar zuruzim gamizi, a nan damazimin bar mize. Bizir kam bangin, ki bar men aningaghhega me gasighasaki. ⁹ Me datirighin ua asebar ziaba fan marki, mati tuavir amizimin arazir an amiba. Egh me uan atriviba kuaba nan saghon da arikigh. Me kamaghin damighti, ki zurara men tongin iki mamaghira ikiam.”

¹⁰ Egha Ikiavira Itir God ua kamaghin na migei, “O nguazir kamin gumazim, ni Dipenimin ganganir gin ikiamimin gun Israelin ikizim mikim me geghan. Eighti me uan arazir kurar me amiziba bagh aghumsigham. ¹¹ Me uan arazir kurar me amizibar aghumsigh givaghti, ni Godin Dipenimin digiriba ko ganganimin gun me mikim. An ababaniba, ko tiar akar aver ghua azenan iziba ko, an averiamin itir biziba ko, an aven ingaramin araziba ko, an bizir ki damuasa mikemeziba, ni bizir kaba men damazibar bar ada osirighti, me bar nan akabar gan dar gin mangi dar amu.

¹² “Kar Godin Dipenimin Akar Gavgavim: Mighsiar orazir Godin Dipenim aperaghav itim, an danganiba bar anevinigha itir danganiba, da bar moghira zuegh na baghvira ikiam. Guizbangira, kar Godin Dipenimin Akar Gavgavim.”

Ofa gamir dakozimin ababaniba

¹³ Ikiavira Itir God ua kamaghin migei, “Kar ofa gamir dakozimin ababanim. Ofa gamir dakozir kamin mingarimin povir nguazim gaperaghav itim, an tuirivimin ababanim, 50 sentimitan tu. Ezi an povimin miriamin ikegha aven zuir danganimin arozim, an ababanim, 50 sentimitan tu. Divazir dozir mam, an mingarir povir kamin miriaba azenan isin ikia bar anevini, ezi an tuirivimin ababanim, 25 sentimitan tu. ¹⁴⁻¹⁵ Ofa gamir dakozir kam a 3plan

miteba iti. An povim gis in aperaghav itir miter namba 1, an tuirivimin ababanim 1 mitan tu. Ezi miter kamin miriamin ikegha aven zuir danganimin arozim, an ababanim, 50 sentimitan tu. Ezi miter kam gis in itir namba 2in mitem, an tuirivimin ababanim, a 2 mitan tu. Ezi miter kamin miriamin ikegha aven zuir danganimin arozim, an ababanim, 50 sentimitan tu. Ezi miter kam gis in itir namba 3in mitem, an tuirivimin ababanim 2 mitan tu. Miter bar pin itir kam, kar ofaba tuer danganim. Ezi ofaba tuer danganim, bulmakaun kombar min garir biziba, an mikebar 4pla gaseghav iti.

¹⁶ “Ofa gamir dakozimin ofaba tuer danganir kamin siriām, an ruarimning ko, arozimning ababaniba uaghara ghuegha 6 mitan tu. ¹⁷ Ofaba tuer danganir kam, an apengen itir miter namba 2, an ruarimning ko arozimning ababaniba magh ghugha 7 mitan tu. Ezi miter namba 2in miriamin ikegha aven zuir danganimin arozim, an ababanim, 50 sentimitan tu. Ezi divazir dozir mam, a miter kamin miriaba azenan isin ikia bar anevini, ezi an tuirivimin ababanim, a 50 sentimitan tu. Ezi adiriziār mam, ofa gamir dakozim gasaraghav ikia, guam aruem anadi naghin misuegha iti.”

Ofa gamir dakozim, me a īsa God ganidi

¹⁸ Ikiavira Itir God, kamaghin na migia ghaze, “Nguazir kamin gumazim, ki Ikiavira Itir Godin Ekiam, ki kamaghin migei: Kar bizir ki damuasa mikemeziba, me ofa gamir dakozim gis in asiziba tue da mighir ofabar amuva, ofan bar isi mighiramim damuamin asizir ghuziba, a gis in da kavamangsi, ofa gamir dakozim ingarigh givaghti, dughiar kamra, ni arazir kabar gin mangi dar amu. ¹⁹ Ni bulmakaun apuritam inigh Livain anabamin ofa gamir gumaziba, me Sadokin ovavir boribar maba, me daningigh. Merara izi nan boroghin nan ingangarim damuam. Egh ofa gamir gumazir kaba bulmakaun apuritam misuegh gumazamizibar arazir kuraba gin amangamin ofa damu. Ki Ikiavira Itir Godin Ekiam, ki Akar Gavgavir kam gami. ²⁰ Egh ni bulmakaun kamin ghuzitaba inighiva ofa gamir dakozimin, mikebabar kom in 4plan kabar aghuigh. Egh gumazamizibar arazir kuraba gin amangisi ofa gamir dakozir namba 2in mitemin mikebabar aghuva, an divazir dozir bar anevinizim a daghuigh. Ni kamaghin damighti, ofa gamir dakozim nan damazimin zueghiva, na baghvira itir bizimin min ikiam. ²¹ Ia bulmakaun apurim

inigh, Godin Dipenim avinizir divazimin aven itir danganir God inabazimra mangi, arazir kuraba gin amangamin ofan min, a misuegh an ofa damu. Danganir kam, a Anogoroghezir Danganimin azenan iti.²² Egh amimzaraghan, ia memen apurir duaba puvatizitam inigh, egh arazir kuraba gin amangamin ofan min ofa damu. Eghiti ofan kam ofa gamir dakoziim damighti, a zuegham. Mati ia faragha bulmakaun apurimin ghuzim gamizi mokin.²³ Ia kamaghin ofa gamir dakoziim damighti a zuegh givaghti, la bulmakaun apurir duaba puvatizitam inighiva, sipsipin okoruamin tongin sipsipin apurir duaba puvatizitam inigh,²⁴ Ikiavira Itir Godin damazimin izi. Eghiti ofa gamir gumaziba amangsizim isi aning gisuagh suegh, ofan bar isia mighrizim min, aning isi Ikiavira Itir God bagh ofa damu.²⁵ Ia 7plan areubar, ia vaghvagh aruer vamiran memen tam inigh izi arazir kuraba gin amangamin ofan min a misuegh ofa damu. Egh uaghan bulmakaun apuritam ko sipsipin okoruamin tongin sipsipin apuritam inigh izi. Eghiti asizir kaba, duatam dar mikarzibar ikan marki.²⁶ Ofa gamir gumaziba aruer 7plan ofa gamir dakoziim damighti a zueghisi, ofan kabar amuam. Me kamaghin ofa gamir dakoziim damighti, a nan bizimra an min ikiam.²⁷ Eghiti 7plan aruer kaba givaghti, namba 8in aruem inikegh mangi, ofa gamir gumaziba, Israelia ia bagh ofa damuam. Me ofan tue bar isia mighriziba ko, gumazamiziba God ko navir vamiran ikiam ofabar amuam. Me kamaghin damighti, ki ofan kaba bagh bar akongehg da iniam. Ki Ikiavira Itir Godin Ekiam, ki kamaghin mikemegha gifa.”

44

Aruem anadi naghin itir tiam dukuaghav iti

¹ Ezi gumazir kam na inigha, ga ua Godin Dipenimin aruem anadi naghin amadaghan itir divazimin ghua ki gari, an tiam dukuaghavira iti.² Ezi Ikiavira Itir God na migia ghaze, “Tiar kam dukuaghvira iki kuighirighan kogham. Gumazitam an aven mangan kogham. Ki Ikiavira Itir God, Israeliel God, kirara ki an aven ize. Kamaghin amizi, a kuighirighan kogh kamaghira ikiam.³ Atrivimin otarimra, Ikiavira Itir Godin damazimin daghebar amisi tiar akamin aven izi Dipenimin aven dapiam. A tiar akamin aven iziva, Dipenimin aven mangamin azuarimin aven izam, egh gin a mangisi a kamaghira tuavir kamra azenan mangam.”

Godin gumazamizibara, Godin Dipenimin aven mangam

⁴ Egha gumazir kam na inigha ga notin amadaghan itir tiar akamin aven ghua, Godin Dipenimin tiamin oto. Ezi ki garima, Ikiavira Itir Godin angazangarir ekiam, Ikiavira Itir Godin Dipenim bar a gizifa. Kamaghin amizi, ki degiaghirigha uan guamnguazim gati.⁵ Ezi Ikiavira Itir God kamagh na migei, “O nguazar kamin gumazim, ni deravira ganigh. Bizir ni garava orazir kaba, ni deravira dagh nighnigh. Ki bizir Ikiavira Itir Godin Dipenimin aven damuamiba ko Akar Gavgaviba ni mikimasa. Eghiti ni deravira fogham, tinara Godin Dipenimin aven mangih uam azenan izam, eghiti tina puvatigham.

⁶ “Ni Israelin ikizir akaba batozir kamin mikim suam: Ki Ikiavira Itir Godin Ekiam, ki kamaghin migei: O Israelin ikizim, ia amir arazir kurar ki bar aghuaziba, Ia da atakigh!⁷ Ia na bagha ofabagh amua asizir aghuiba ko, oviba ko, ghuziba na ganidir dughiabar, ia Kantrin Igharazibar Gumazamizibar amamangatizi me nan Dipenimin aven ize. Me uan mikarzir mogomebar iniba aghorezir puvati, egha uan navir ave-riabar aven nighnizir gavgavim nan itir puvati. Me nan Dipenimin aven ize, ezi tuavir kamin ia nan Dipenim gamizi, a nan damazimin mize. Ia arazir kurar ki bar aghuazir aviribagh ami. Kamaghin amizi, ia nan Akar Dikirizir Gavgavim abiki.⁸ Ia nan bizir bar zuruziba deravira dar garir puvati. Egha ia Kantrin Igharazibar Gumazamizibar arizima, me ian danganim inigha nan Dipenimin ingangarir kabagh ami.

⁹ “Ki Ikiavira Itir Godin Ekiam, ki kamaghin ia migei: Kantrin Igharazibar Gumazamizir Israelin ikizimin tongin ititam, a uan mikarzir mogomemin inim atughan kogh, egh uan navir averiamin aven nighnizir gavgavim nan ikan kogh, gumazir kam, nan Dipenimin aven izan kogham. Bar puvatigham.”

Livaiba ofa damuamin ingangarim damuan kogham

¹⁰ Ikiavira Itir God na migia ghaze, “Israelin ikizim akirim na gasaragha bar nan saghon zuima, Livaib anabamin adarazi uaghan, nan aghuaghha asebar ziaba fa nan saghon ghu. Kamaghin amizi, ki men arazir kuraba ikarvagh pazavira me damigham.¹¹ Ki kamaghisa, me nan Dipenimin aven ingangaribar amuam, egh nan Dipenimin tiar akaba deraghvira dar ganam. Egh gumazamizibar akurvagh, ofan bar isia mighiriba, ko ofan igharaziba bagh asizibav soghiva, ofabar amuva

gumazamizibar damazimin tuiv, me bagh Godin ingangarim damuan. ¹² Ezi puvati, me ua Israelin ikizimin faragha ghua, asebar ziaba fe, egha me gamizi me asaghpora ira arazir kuramin aven zui. Kamaghin amizi, ki Ikiavira Itir Godin Ekiam, ki akar dikirizim gamua guizbangira kamaghin me migei, ki men arazir kuraba ikarvagh pazavira me damigham. ¹³ Egheti me nan boroghin izi ofa gamir gumazibar iki nan ingangarim damuan kogham. Me nan damazimin ofan zueziba ko anogoroghezir biziitamin boroghin mangan kogham. Me uan arazir kurabagh nighnigh bar aghumsigham. Egh arazir kurar ki bar aghuazir me amiziba bagh, iveauz kuram iniam. ¹⁴ Egheti ki me amisevegti, me nan Dipenimin ganiva an aven damuamin ingangariba bar dar amuam."

Ofa gamir gumazibar ingangariba

¹⁵ "Ki Ikiavira Itir Godin Ekiam, ki kamaghin migia ghaze: Ofa gamir gumazir Livain anabarnin itiba, me Sadokin ovavir boriba, dughiar Israelin ikizim akirim ragha na gasarazimin, merara nan Dipenimin aven itir biziba deravira dar garava, nan ingangarim bagha gavgafi. Kamaghin amizi, merara nan ingangarim damusi nan boroghin izi, na bagh ofabar amusi asizibar oviba ko ghuziba isi ofabar min na daniengam. ¹⁶ Merara nan Dipenimin aven izam. Merara nan ingangarim damusi nan dakozim boroghira izam. Merara nan bizibar ganam.

¹⁷ "Ofa gamir gumazibar, namba 2in divazir nan Dipenim avinizimin tiar akamin aven mangi uari akuvir danganimin otivsi, me ofa gamir gumazibar korotiar me inir ghurghuribar ingarizibar aghuigh. Me nan Dipenimin boroghin uari akuvir danganir kamin aven iki, nan ingangarim damuamin dughiamin, me sipsipin arizibar ingarizir korotiabar aghuigh. ¹⁸ Me inir ghurghurir avizir ruarir taba dapanir asuabar min uan dapanibagh ighuigh. Egh trausiziart oteviba isi uan korotiar ruaribar apengen dar aghuigh. Egh doriba men aghan koghs me inir ruariba ikiva, miter gavgavibar uan ivariaba amighinan marki. ¹⁹ Me azenan ikia uari akuvir danganimin gumazamizibar bagh mangisi, me Godin Dipenimin aven ingangarim damuasa aghuzir korotiaba suegh danganir muziarir zuezibar dar arikigh. Egh me korotiar igharazitabar aghuigh azenan mangi. Puvatightima, gumazamizir kiniba men korotiar bar zuegha anogoroghezibar suigh, egh me

arimighiregham. Kamaghin amizi, me korotiar igharazitabar aghuigh azenan mangam.

²⁰ "Ofa gamir gumaziba uan dapanir ariziba apir, bar adagh isiti da dapanir tuziba ikian marki. Egh me uan dapanir ariziba ateghti da mangi ruarighan marki. ²¹ Ofa gamir gumaziba, aven ikia uari akuvir danganimin aven mangisi, wainin tam aman marki. ²² Ofa gamir gumazitam, amizir pam taghizir tamin ikian marki. A Israelin ikizimin amizir igiar gumazitam koma akuizir puvatizitamin ikiti deragham. Egh a uaghan ofa gamir gumazir aremezimin amuir odiarimin ikiti deragham. A gumazir kinir ovengezitam amuir odiarimin ikian marki.

²³ "Ofa gamir gumaziba, bizir na baghavira itiba ko nguazir kamin bizir kiniba, nan gumazamizibar sure damu. Egh bizir manam, nan damazimin zue, ezi bizim manam nan damazimin mize, ni dar men sure damuam. ²⁴ Akam adaritam otoghi, ofa gamir gumaziba nan Akar Gavgavibagh isin tugh men adarim tuisigh. Me isar ekiabar Arazibar suigh, dagh nighnigh dar gin mangi, arazir ki ifongezibar amuva, egh Sabatin dughiamin arazimin gin mangiti, a na baghvira itir dughiamin min ikiam.

²⁵ "Ofa gamir gumazitam, ovengezir gumazir kuamin boroghin mangi an suiragh, nan damazimin mizeghan marki. Egh an tavira, mati an afeziam o amebam, o an borir tam, o an aveghbuatam, o an amizir patamin itir puvatizim aremeghti, a men kuabar suigh dar afegh, egh a nan damazimin mizegham. ²⁶ Egh gin a ua nan damazimin zueghamin arazibar gin mangi ua nan damazimin zuegh givaghiva, gin a 7plan aruer igharazibar ua pura iki mizuamam. ²⁷ Aruer kaba givaghti, a gin Godin Dipenim avinigha uari akuvir danganimin mangi, ua bagh arazir kuram gin amangamin ofa damu. Egh a kamaghin, ua Godin Dipenimin Anogoroghezir Danganimin aven mangi ua ingaram. Ki Ikiavira Itir Godin Ekiam, ki kamaghin mikemega gifa.

²⁸ "Ofa gamir gumaziba, Israelin nguazimin aven nguazitam inian kogham. Me nan ingangarir kam imi, a mati men bizir aghuir ki me ganingizim. Kirara, ki bizir aghuir me inigh zurazurara suiragh ikiamin kam. ²⁹ Ofa gamir gumaziba, me wit tuamin ofa, ko arazir kuraba gin amangamin ofa ko, osimtiziba agivamin

44:17: Ua Me Ini 28:39-43; Ofa Gami 16:4

44:19: Ofa Gami 16:23; Esekiel 42:13-14

44:20: Ofa Gami 21:5

44:21: Ofa Gami 10:9

44:22: Ofa Gami 21:7; 21:13-14

44:23: Ofa Gami 10:10

44:25: Ofa Gami 21:1-4

44:28: Diboboniba 18:20

44:29: Diboboniba 18:8-19

ofaba, dagher kaba kar ofa gamir gumazibar dagheba. Egh Israelin nguazimin aven, bizir gumazamiziba na bagha arighizi da na baghvira itiba bar, ofa gamir gumaziba da iniam.³⁰ Gumazamiziba faragha anizir dagheba asighiva, dar tongin dagher bar aghuir faraghavira itiba inigh ofa gamir gumazibar aningam. Egh bizar ighazarir gumazamiziba isa nan ingangarin bagha anidiba, ofa gamir gumaziba uaghan da iniam. Gumazamiziba dughiabar zurara bretba tuva, faraghivira tuamin bretha, me ofan min da isi ofa gamir gumazibar aningigh. Egh gumazamiziba kamaghin damuti, nan bizar aghuiba men dipeniba ko ikizibagh izivaghram.

³¹ “Ofa gamir gumaziba, kuarazim o, asizir uabi aremezir tam aman marki. Egh asizir ighazarim misuegha atizir asizim uaghan, me aneman marki.”

45

Israelia Ikiavira Itir God bagh nguazir tam ginabagh

¹ Ikiavira Itir God ua na migia ghaze, “Ia uamategh uan kantrin mangegh, Israelia uan nguazim abigh, uan ikiziba vaghvaghha me daningiva, ki Ikiavira Itir God, na bagh nguazir ekiatam atigh. Eghzi an ruarim, 12 kilomita ko akuamin tugham, eghzi an arozim 10 kilomitan tugham.* Eghzi danganir kam bar moghira zueghiva na baghvira ikiam. ² Nguazir kamin aven, ia Godin Dipenimin ingarsi danganitam ginabagh. Nguazir kamin 4plan miriabbar ababaniba bar moghira 250 mitan tugham. Egh ia ua nguazir otevir ighazaritam amiseveghti, a Godin Dipenim ikiamin nguazir otevir kam avinighti, an arozim 25 mitan tughti, a pura ikiam. ³⁻⁵ Eghzi ia nan nguazir ekiar kam, akuar pumuningin anebighti, akuar pumuning aning ababanir vamiran iki. Nguazir kamningin ababanimin ruarinng uaghara 12 kilomita ko akuamin tugh, eghzi aningin arozim, 5 kilomitan tugh. Nguazir kamningin tam, ki ofa gamir gumaziba bagh a ginabagh, kar nguazir nan Dipenim itir kam. Ofa gamir gumazir nan Dipenimin aven ingangaribar amuasa nan boroghin iziba, me nguazir ki me bagha inabazir kamin uari bagh dipenibar ingaram. Ezi nguazir kam a danganir bar zuruzim, egha naan bizimra, nan Dipenim uaghan danganir kamin aven ikiam. Eghzi ki uan nguazir kamin otevir ighazarim isi Livain adarazir aningam. Livaiba nan

Dipenimin ingangarir ighazaribagh ami. Egh me nguazir kamin uan nguibar ekiabar ingaram.†

⁶ “Danganir zuruzir kamin miriam, danganir ighazarir mam an boroghin ikiam. An ruarinng ababanim, 12 kilomita ko akuamin tughit an arozim ababanim, 2 kilomita ko akuamin tugham. Nguazir kam a Israelin gumazamiziba bar men nguazim, eghzi me an uan nguibar ekiam ingaram.”

God atrivim bagha nguazim ginaba

⁷ Ikiavira Itir God ua kamaghin migei, “Ia nguazir otevir pumuning atrivim bagh aning ginabagh. Nguazir otevir faragha zum, an aruem anadi naghin amadaghan nan nguazimin miriam ko nguazir ian nguibar ekiam itimin miriam ikiegħ, mangi aruem anadi naghin amadaghan Israelin kantrin nguazibar mitaghniāmin tugh. Eghzi namba 2in nguazir otevimi, aruem uaghiri naghin amadaghan nan nguazim ko nguibar ekiam itir nguazimin miriam ikiegħ, mangi aruem uaghiri naghin Israelin kantrin nguazir mitaghniāmin tugh. Kamaghin amizi, nan nguazim ko nguibar ekiam itir nguazim, ko atrivimin nguazir otevimiġġ, da Israelin kantrin danganir kam bar a iniam. Nguazir kam, aruem anadi naghin itir mitaghniāmin ikiegħ, mangi aruem uaghiri naghin itir mitaghniāmin tugham. Eghzi nguazir kamin ekiāmin ababanim, Israelian anababa vaghvaghha għuaviba ikiangizir nguazibar ababaniba ko magħ mangiħ. ⁸ Israelin nguazimin aven, atrivim ua baghvira nguazim ikiam. Eghzi gin atriviba, nan gumazamiziba abin ua men nguaziba inian kogħam, mati atriviba faragħa amizi mokin. Atriviba gin Israelin ikizim anababa, vaghvagh men nguaziba me daningam.

⁹ “Ki Ikiavira Itir Godin Ekiam, ki kamaghin migei: Ia Israelian atriviba, ia bar dugħiarr ruarinng arazir kurabagh ami! Ia kuaba kurir arazim ko ighazar darazi abirir arazim atakigħ. Bizzir manam dera ia damu. Ia uamategh nan gumazamiziba, men nguazim me dama a inisi, me batogħan marki. Ki Ikiavira Itir Godin Ekiam, ki kamaghin ħa migei.”

Ia guizin arazimin gintiġħ bizibar ababanibar amu

¹⁰ Ia bar guizin arazimin gintiġħ, bizibar osimtizibba ko ababanibar amu. ¹¹ Efa, a bizir midiariba tuisigh dar osimtizim ganamin bizim. Ezi bat, a bizir dipamin

^{44:31:} Ofa Gami 22:8 * ^{45:1:} Hibrun akar datirighin itim, akar kam kamaghin migei, “5plan kilomita.” Ezi gumazir fomira itir maba, akar kam Grighin akamin kamaghin a gira, “10plan kilomita.” † ^{45:3-5:} Hibrun akar datirighin itim, akar kam kamakin, “20plan danganiba.” Egha gumazir fomira itir maba, akar kam Grighin akamin a gira, “Men nguibar ekiam.” ^{45:10:} Ofa Gami 19:36

itibar ababanim damuamin bizim. Aningin bizibar abarir ababaniba uaghara magh ghu. Kamaghin amizi, efan 10pla, a homan vamira ko magh ghu. Ezi batin 10pla, homan vamira, o korin vamira ko magh ghu. Bizar guar aviriba bar, me homan ababanimin gin ghua, dar osimtiziba ko ababanibar adagh ami.[‡] ¹² Bizar osimtiziba ababanim kamakin: 20plan gera, sekelin vamira. Ezi 60plan sekel, minan vamira.^S

¹³ “Ia Israelia dagher biziba ofan min da inigha na bagha izi, ia kamaghin dar ababanibar amu. Ia witin 60plan efa iki, egh dar tongin efan vamira isi ofa damu. Egh balin 60plan efa iki, dar tongin efan vamira isi ofa damu. ¹⁴ Egh ia uan temer olivin borer 100plan batba iki, ia dar tongin batin vamiran isi ofa damu. ¹⁵ Egh sipsipin Israelin nguazimin dadaba apir 200pla iki, ia dar tongin sipsipin vamira isi ofa damu. Ia bizar kaba inigh izi, wit tuamin ofaba, ko ofan bar isia mighiriba, ko na ko navir vamira ikiamin ofaba, ia dar amu. Ia ofan kabar amutima, ki ian arazir kuraba gin amadaghram. Ki Ikiavira Itir Godin Ekiam, ki kamaghin mikeme.

¹⁶ “Kantrin kamin gumazamiziba bar, bizar kaba inigh Israelian atrivim bagh mangiva ofabar amuam. ¹⁷ Kar atrivimin ingangarir a damuamim: ofan bar isia mighiriba, ko wit tuamin ofaba, ko wain ko olivin borem inger ofaba ko, dughiar ekiabar isaba ko, iakinir igiabar dabirabiba ko, Sabatin dughiaha ko, Israelin ikizimin dughiar ekiar ighazarir God inabaziba. Atrivim, Israelin ikizimin arazir kuraba agivsi, ofan kabar amuam. Ofan kabanang: arazir kuraba gin amadir ofaba ko, wit tuamin ofaba ko, ofan isia bar mighiriba ko, God gumazamiziba ko navir vamiran ikiamin ofaba.”

Godin ziam famin dughiar ekiaba

¹⁸ “Ki Ikiavira Itir Godin Ekiam, ki kamaghin migei: Azeniba vaghvagha dar iakinir faragha itimin, an aruer farazimin, ia Godin Dipenim damighti a zueghsi, bulmakaun apurir igiar duuba puvatizitam inigh an ofa damu. ¹⁹ Eghti ofa gamir gumazim arazir kuraba gin amangamin ofan kamin ghuzitaba inigh, Godin Dipenimin guarir akinir tiar akamin boroghin itibar aghuva, ofa gamir dakozir namba 2in mitemin mikebar 4pla daghuva, aven itir danganir me uari akuvimin tiar akabar boroghin itir guarir akinibar aghu. ²⁰ Iakinir kamin,

an namba 7in aruemin, tina deraghvira fozir puvatigha atamakuigha arazir kurar manam gami, ia a bagh ofan kabar amu. Egh tuavir kamin, ia Godin Dipenim damuti a zuegham.

²¹ “Iakinir faragha zuimin, an namba 14in aruemin, ia God Israelia Gitazir Dughiam bagh Isar Ekiam damu. Egh aruer 7plan, ia yis puvatizir bret amam.

²² Isar ekiamin dughiar faragha zuimin, atrivim uan arazir kuraba ko kantrin kamin itir gumazamiziba arazir kuraba gin amangisi, arazir kuram gin amangamin ofa damus bulmakaun apurir igiatam isi ofa gamir gumazibar anighti, me an ofa damu. ²³ Isar kamin arueba vaghvagh, atrivim Ikiavira Itir God bagh ofan bar isia mighiribar amusi, gumazamiziba inigha izir bulmakaun apurir igiar 7pla, ko 7plan sipsipin apurir duuba puvatiziba isi ofabar amu. Egh 7plan dughiar kabar vaghvagh a uaghan memen apurim isi arazir kuraba gin amangamin ofabar amuam.

²⁴ “Egh atrivim bulmakaun apurir kaba ko sipsipin apurir kaba iniva vaghvagh 14 kilogrem wit ko 3 lita olivin borem sara inigh izi. Eghti ofa gamir gumaziba, bulmakauba ko sipsipin kaba isi ofa damuva, wit ko olivin borem sara ofa damuam.

²⁵ “Eghti iakinir namba 7in, an aruer namba 15in, Averpenibar Ikiamin Dughiar Ekiam ko Dagher Abuananaba Asiamin Dughiam otogh mangi 7plan aruebar tugham. Eghti atrivim 7plan aruer kabar vaghvagh da inigh izi ofa gamir gumazibar aningam. Ofan kaba, arazir kuraba gin amangamin ofaba ko, avimin bar isia mighirir ofaba ko, wit tuamin ofaba ko, olivin boremin ofaba. Asizir kaba ko, witba ko, olivin borebar dibobonim, da God Israelia Gitazir Dughiamin ofabar dibobonim ko magh ghu.”

46

God, atrivim damuamin ofabav gei

¹ “Ki Ikiavira Itir Godin Ekiam, ki kamaghin migei: Aven itir danganir me uari akuvimin tiar akar aruem anadi naghin itim, wighba vaghvagh, dar 6plan ingangarir aruebar, tiam dukuagh iki mamaghira iki. Egh Sabatin dughiam ko iakinir igiamin isar ekiamin dughiamin, tiam kuighirigham. ² Godin ziam famin dughiam otoghti, atrivim azenan itir me uari akuvir danganimin ikegh, izi azuarir dozir aven mangamin mangi namba

^{‡ 45:11:} Ababanir kamning, homa ko kor, aningen ababanim 175 litan ghu. Ezi ababanir kamning efa ko bat, aningen ababanim, 17 lita ko akuamin tu. ^{S 45:12:} Sekelin osimtizim, 11 gremiñ tu, ezi minan osimtizim, 648 gremiñ tu. Hibrun akam vezin kamin aven, “60plan sekel,” a migeir puvati. Agħażże, “20plan sekel, ko 25plan sekel, ko 15plan sekel.”

Ezi kar 60plan sekel. ^{45:21:} Ua Me Ini 12:1-20; Diboboniba 28:16-25 ^{45:25:} Ofa Gami 23:33-36; Diboboniba 29:12-38

2in divazimin aven otogh, an tiar akamin guarir akinimin boroghin tughiv ikiem. A ganti, ofa gamir gumaziba izi, an ofan bar isi mighiramim ko, gumazamiziba God ko navir vamiran ikiem ofabar amigh givaghti, atrivim tiar akamin boroghira ikiva tevimapirigh, dapanim aviragh, Godin ziam fam. Egh gin uamategh azenan mangam. Eghti me tiar akam asaraghan kogh iki mangi guaratzimin tugham. ³ Sabatin dughiaba ko iakinir igiabar isaba bar, kantrin kamin gumazamiziba uaghan tiar akar kamin azenan Ikiavira Itir Godin damazimin iki, an ziam fi teviba apirigh dapaniba avigham.

⁴ “Sabatin dughiaba bar, atrivim izi Ikiavira Itir God bagh ofan bar isia mighiribar amus, 6plan sipsipin nguzir duaba puvatiziba ko sipsipin apurir duaba puvatizir tam inigh izi. ⁵ A sipsipin apurir kam iniva 14 kilogram wit sara inigh izam. A sipsipin nguziba iniva, a uan ifongiamin gin mangi witin aviritaba sara inigh izam. A witin avirir kaba bagh olivin borer da ko voroghira mangamiba inigh izi. Dar ababanim kamakin: a 14 kilogram wit iniva, a 3 litan olivin borem sara inigh izi.

⁶ “Egh atrivim iakinir igiamin isam bagh, a bulmakaun apurir igiatam ko 6plan sipsipin igiaba, ko sipsipin apurir ekiar vamira, duaba dan mikarzibar puvatiziba, ana da inigh izam. ⁷ A bulmakaun apurir kam iniva 14 kilogram wit sara inigh izi. A sipsipin apurir kam iniva 14 kilogram plaua sara inigh izi. A sipsipin igiaba iniva, a uan ifongiamin gin mangi witin aviritaba sara inigh izi. Egh witin avirir kaba bagh olivin borer da ko voroghira mangamiba inigh izi. Dar ababanim kamakin: a 14 kilogram wit iniva, a 3plan litan olivin borem sara inigh izi. ⁸ Atrivim nan ziam fisi, an azenan itir me uari akuvir danganimin ikegh, izi azuarir dozir aven mangamimin mangi namba 2in divazimin tiar akamin aven otogham. Egh a nan izam fegh givagh ua mangisi, a izezi moghin ua mangi azenan itir me uari akuvir danganimin otogham.

⁹ “Isar ekiabar dughiabar, kantrin kamin gumazamiziba Ikiavira Itir Godin ziam fisi izi, tina notin amadaghan itir tiar akamin aven izegh, a uamategh mangisi, a sautin amadaghan itir tiar akamin azenan mangi. Eghti tina sautin amadaghan itir tiar akamin aven izegh, a uamategh azenan mangisi notin itir tiar akamin azenan mangi. Tav aven izezir tiar akam moghin uam azenan mangan kogham, a vongin itir tiar akamin otogh azenan mangi. ¹⁰ Gumazamiziba aven izisi, atrivim uaghan me ko aven izam. Eghti me azenan

mangisi, atrivim uaghan me ko azenan mangam. ¹¹ Isar ekiabar dughiaba ko ofa gamir dughiar ekiabar, gumazitam ofa damusi a bulmakaun apurir tam iniva, 14 kilogram wit sara inigh izi. A sipsipin apurir ekiar tam iniva, 14 kilogram plaua sara inigh izi. A sipsipin igiataba iniva, a uan ifongiamin gin mangi witin aviritaba sara inigh izi. Egh witin avirir kaba bagh olivin borer da ko voroghira mangamiba inigh izi. Dar ababanim kamakin: a 14 kilogram wit iniva, 3plan litan olivin borem sara inigh izi.

¹² “Atrivim ubi, Ikiavira Itir God bagha, uan ifongiamin gin mangamin ofa a daningam, kar ofan bar isia mighirim ko, God ko navir vamiran ikiem ofabar, a da isi a uan ifongiamin gin mangamin ofabar min, da inigh izi. Dughiar kamin, me a bagh namba 2in divazimin aruem anadi naghin itir tiar akam kughti, an aven mangigham. Egh a uan ofan bar isia mighirim ko, God ko navir vamiran ikiem ofabar amuam, mati a zurara Sabatin dughiabar ofa gami moghira, an ofabar amuam. Egh a uam azenan mangiti, me tiam dukuagh.”

God, me dughiabar vaghvagh ofan damuamibar gei

¹³ Ikiavira Itir God ua kamaghin migei, “Mizarazibar zurara, ia sipsipin igiar azenir vamira ikia duaba puvatizitam inigh izi, Ikiavira Itir God bagh ofan bar isia mighirim min ofa damu. Ofan kamaghin amizim, ia dughiabar zurara a damu. ¹⁴ Egh uaghan mizarazibar zurara, ia ofan bar isia mighiramim damusi asizim iniva, witin aghuir kilogremin pumuning ko olivin borer litan tam sara inigh izi aning veregh. Kar wit tuamin ofa. Arazir mizarazibar Ikiavira Itir God bagh ofa damuamin kam, a iki mamaghira ikiam. ¹⁵ Ia kamaghira sipsipin igiam ko wit ko olivin borem inigh izi, mizarazibar zurazurara Ikiavira Itir God bagh ofan bar isia mighiribar amu mamaghira iki.”

Atrivimin nguazim

¹⁶ “Ki Ikiavira Itir Godin Ekiam, ki kamaghin migei: Atrivim nguazir otevir tam isi, bizir aghuimin min uan otarim danigham, eghti nguazir kam, an an ghuavim ikegham. Nguazir kam zurara an otarimin adarazir nguazimra. ¹⁷ Eghti atrivim uan nguazir otevir mam isi, uan ingangarir gumazir mam danighti, azenir namba 50 otoghti, a nguazir inizir kam uam atrivim daningam. 50plan azenibar zurara, Judaba ua biza iba ikarvaghmin arazir kam damuam. Dughiar kam otoghti, nguazir kam uam

atrivimin nguazim gavagham. Kar an biz-imra, ezi a uan otariba ko uan ovavir boriba, me zurara an ghuavim ikegham.

18 "Eighti atrivim gumazamizibar nguazitam me dama a inian kogham. A nguazir manam isi uan otaritam daningisi, a uan nguazimra isi a daningam. Eighti nguazir kam an otarimin bizimra. A gumazamiziba abiniva men nguaziba me dama da inian kogham. Kamaghin amizi, nan gumazamiziba uan nguazibar iki deraghvira dapiagham. Me aghamsigh tintinibar nguazir igharazibar mangan kogham."

Ezekiel Godin Dipenimin ofa tuer danganibar gari

19 Gumazir kam na inigha, namba 2in divazimin tiar akamin aven ghua, daruamin nguazir kinir Godin Dipenim avinizimin otogha notin itir dipenimin oto. Dipenir kamin danganir doziba, da Godin danganibara, egha da bar zue. Dar aven, ofa gamir gumazir Ikiavira Itir Godin boroghin zuiba dar iti. Ezi gumazir kam aruem uaghiri naghin itir danganim nan aka. 20 Egha kamaghin na migei, "Danganir kamin aven, ofa gamir gumaziba, osimtiziba agivamin ofabko arazir kuraba gin amangamin ofabar asizir tuziba inigh izi da avigham. Egh me uaghan wit tuamin ofabka inigh izi danganir kamra da tuam. Ofa gamir gumaziba bizir zuezi taba inigh, azenan gumaziba uari akuvir danganimin mangan kogham. Puvatightima, gumazir kiniba bizir bar zuegha anogoroghezir kabar suighiva me ovengam. Kamaghin amizi, bizir zuezir kaba bar men saghon ikiam."

21 Egha gumazir kam na inigha azenan ghua, me uari akuvir danganimin otogha an mikebar 4pla nan akakasi. Ki garima, an mikebar 4pla vaghvaghya ua danganir muziarir maba iti. 22 Danganir muziarir kaba, dar ababaniba magh ghu. Dar rubaribar ababanim, 20 mitan tu, ezi dar arozibar ababanim, 15 mitan tu. 23 Da vaghvaghya birir dagiabar ingarizir mam iti. Ezi avim arighamin danganim dar birebar poroghav iti. 24 Ezi gumazir kam kamaghin na migei, "Kar ofan dagheba tuamin danganim. Godin Dipenimin ingangarir gumaziba, gumazamiziba ofa damuasa inigha izir asiziba inigh, me kagh adar tuziba avigham."

fo, Godin Dipenim aruem anadi naghin gari. Dughiar kamin, ki garima, Ame! Dipam tiar akar aruem anadi naghin itimin apengan otogha emira ghuaghiri. Ezi sautin amadaghan itir tiar akam uaghan dipam an otogha sautin amadaghan itir ofa gamir dakozimin boroghin emira ghuaghira, ofa gamir dakozim gita.² Ezi a na imigha ghua tiar akar notin amadaghan itimin azenan ghugha, ga divazir ekiar Godin Dipenim avinizimin azenan ghu. Egha ga arua divazimin miriamin azenan ghua tiar akar aruem anadi naghin itimin oto. Egha ki dipamin garima, a sautin amadaghan itir divazimin tiar akamin apengan otogha emira zui.

³ Ezi gumazir kam uan ababanir benim inigha dipamin miriamin ghua an ruarimin abari, a aruem anadi naghin ghuaghira 500 mitan tu. Ezi a na migia ghaze: Ga dipam girigh mangam. Ezi ki an gin ghua dipam girigha vongin zuima, dipam nan duiamningin tu. ⁴ Ezi a ua dipamin miriamin sivagha ghua an abarima, a 500 mitan tu. Ezi a nan akua dipam girigha vongin zuima, dipam nan itevimningin tu. Ezi a ua dipamin miriamin sivagha an abarima, a 500 mitan tu. Ezi a ua nan akua dipam girigha vongin zuima, dipam nan ivariamin tu. ⁵ Ezi a ua dipamin miriamin sivagha an abarima, a 500 mitan tu. Dipam kagh faner ekiamin otogha bar kone. Ezi ki an aven daru vongin mangan ibura. Gumazir uabi afozofogh damuan fozitam, a ti tong an aven mangam. Kar faner ekiar gumazitam vongin mangan koghamim. ⁶ Ezi gumazir kam kamaghin na meigei, "O nguazir kamin gumazim, ni ti bizir kaba deravira dar gar!" Egha gumazir kam ua na inigha faner dadarimin miriamin ghu.

7 Ki kagh otozir dughiamin, ki garima temer bar avirim, faner miriamningin uaghara bar izivagha iti. 8 Ezi a kamaghin na migei, "Dipar aruem anadi naghin ikegha ivemarin, a Jordanin Fanenmin ghua Araban danganir zarimin ghuaghiri, egha bar ghua Amangsizim Itir Dipamin tu. E fo, ongarin kam, amangsizim bar a gizifa. Eighti faner kam a damut, a dipar aghuimin otogh amangsizim puvatigham. 9 Eighti faner kam zuir danganiba, asizir igharaghha gariba izi an boroghin ikiam. Eighti osiribar aviriba an ikiam. Guizbangira, faner kam Amangsizim Itir Dipam damut a deragham. Egh faner kam ivemara ghuaghbir naghin, biziba bar angamira ikiam. 10 Eighti osiriba isir gumaziba, Amangsizim Itir Dipamin miriamin boroghin tughiv iki, Engedig dipam emirava otivi naghin ikegh, bar mangi Eneklamin dipam emirava otivi

47

*Dipam Godin Dipenimin ikegha emira
ghuaghiri*

¹ Egha Esekiel ghaze, gumazir kam ua na inigha Godin Dipenimin tiar akamin ize. E

naghin tugh, osiriba buriam. Egh me danganir kamin uan iveba aruem da onegh da kirkiram. Eghti Mediterenianin Ongarir Ekiamin itir osirir guar aviriba iti moghin, da kagh ikiam. ¹¹ Eghti danganir kamin boroghin itir dipar muziarir beghe-neazim izivaziba, dar dipaba deraghviram otivan kogham. Puvatigham, amangsizim dagh iżivagħam. ¹² Ezi Godin Dipenimin otozir faner kamin miriamningin, temer iħaragħha garir aghuiba otiv bivira ikiam. Temer kabar dafariba da misingan kogham. Temer kaba, dipar iza Godin Dipenimin otozimin borogħin iti, kamagħin amizi, da iakinibar zurara bivira ikiam. Eghti gumazamiziba temer kabar ovizibar amiva, dar dafariba iniva uan duuba ko arimariaba akiram.”

Kantri Israelin nguazir mitaghniaba

¹³⁻¹⁴ Ikiavira Itir Godin Ekiam kamagħin migei, “Ki bar fomira akar dikirizim ian inazir afeziaba bagħha a gamua ghaze, ki Israelin nguazir kam iši ia danighti, a zurara ian nguazimra ikiam. Kamagħin amizi, ian nguazir kam deraghvira a tuisigh bar uari romegħ Israelian anabar 12plu bagħ anebigh me daning. Anababa bar, da vagħvagh nguazir otevir tam iniam, eghti Josepin anabam, a nguazir otevir pumuning iniam. Nguazir kamin mitaghniabar, kara.

¹⁵⁻¹⁶ “Nguazir kamin mitaghniám, a Notin amadagħan Mediterenianin Ongarir Ekiamin miriamin ikegħi, mangi aruem anadi nagħin mangi nguibar ekiam Hetlonin otogh mangi, nguibar ekiam Hamatin mangamin tuavir akar ekiamin otogh mangi, nguibar ekiam Sedatin mangi, Berota ko Sibraimin nguibar ekiammingin otogħam. Sibraim, a nguibar ekiam Damaskus ko nguibar ekiam Hamat, aningin mitaghniamin tizimmin iti. Eghti ian mitaghniám bar mangi nguibar ekiam Tikonin tugham. Tikon, a Hauranin Distrighin mitaghniamin iti. ¹⁷ Kamagħin amizi, Israelin nguazim minn mitaghniar notin itim, a Mediterenianin Ongarir Ekiamin ikegħi, bar vongin mangi aruem anadi nagħin amadagħan mangi, nguibar ekiam Enonin otogħam. Nguibar kam, Damaskusin nguazim ko Hamatin nguazim minn mitaghniamin iti. Kar Israelin nguazir notin amadagħan itir mitaghniám.

¹⁸ “Eghti aruem anadi nagħin nguazir mitaghniám, a nguibar ekiam Damaskus ko Hauran Distrighin tizimmin ikegħi mangi, Jordanin Fanemin magiri sautin amadagħan mangi, Gileatin Distrik ko Israelin nguazim minn tizim abighiwa bar sautin mangi, Amangsizim Itir Dipamin

tugham. Kar Israelin nguazir aruem anadi nagħin amadagħan itir mitaghniám.

¹⁹ “Eghti sautin itir nguazir mitaghniám, a nguibar ekiam Tamarin ikegħi mangi, aruem uaghiri nagħin amadagħan bar mangi, dipam itir danganim, Kades Meriban otogħam. Egh mangi Isipin nguazir mitaghniám itir fanem magi, Mediterenianin Ongarir Ekiamin otogħam. Kar Israelin nguazir sautin amadagħan itir mitaghniám.

²⁰ “Eghti aruem għuaghiri nagħin itir nguazir mitaghniám, a Mediterenianin Ongarir Ekiam. A sautin ikegħi ongarimin dadarim mangi, bar notin amadagħan mangi nguibar ekiam Hamatin otogħam. Kar Israelin nguazir aruem għuaghiri nagħin amadagħan itir mitaghniám.

²¹ “Ia arazir kamin gin mangi nguazir kam, uari bagħ uan anababa ko, anebigh vagħvagh uari daningam. ²² Nguazir kam, a zurara ia ko ian ovavir boribar bizzimra min ikiam. Kantrin īħarazibar gumazamizibar ian tongin itiba, ko tina ian tongin ikia boriba isi, ia nguazir kam abigha uari ganidir dugħi, ia uaghan nguazir asizitaba me bagħ da abigh me daningiġi. Me mati bar Israelian gumazamizibar min, ia arazir aghuibar me damu. Eghti me uaghan Israelian anababar tongin, nguazir oteviba ia ko da inighti, da zurara me ko men ovavir boribar nguazibara ikiam. ²³ Kantrin īħarazibar gumazamizibar iza ia ko ian gumazamizibar tongin apiaż-iba, me uaghan uari bagħ danganir me itibar nguazir otevitaba iniam. Ki Ikiavira Itir Godin Ekiam, ki kamagħin mikemegħha għifa.”

48

Me notin itir nguazim abigha Israelian anababa vagħvaghha me ganidi

¹ Ikiavira Itir God ua kamagħin migei, ‘Israelian anababar ziabar kara:

“Kantri Israelin nguazir mitaghniar notin itim, a Mediterenianin Ongarir Ekiamin miriamin ikegħi mangi, aruem anadi nagħin mangi nguibar ekiam Hetlonin otogħam, kar nguibar ekiam Hamatin zuur tuavir akam. Egh an mitaghniám mangi nguibar ekiam Enonin otogh mangi, nguibar ekiamming Damaskus ko Hamatin mitaghniamin tugham. Eghti Danin anababiñ adarasi, notin amadagħan itir nguazir kamin, nguazir otevir kam iniam. Men nguazim minn mitaghniám, kantrin kamin aruem anadi nagħin itir mitaghniám ikegħi, ua iżi aruem uaghiri nagħin amadagħan mangi, Mediterenianin Ongarir Ekiamin tugham.

2-7 "Ezi Aserin anabamin nguazim Danin anabamin nguazir otevimin akuighav iti. Ezi Naptalin anabamin nguazim, Aserin anabamin nguazir otevimin akuighav iti. Ezi Manasen anabamin nguazim, Naptalin anabamin nguazir otevimin akuighav iti. Ezi Efraimin anabamin nguazim, Manasen anabamin nguazir otevimin akuighav iti. Ezi Rubenin anabamin nguazim, Efraimin anabamin nguazir otevimin akuighav iti. Ezi Judan anabamin nguazim, Rubenin anabamin nguazir otevimin akuighav iti. Nguazir mitaghniar kaba bar aruem anadi naghin ikegha, ghua aruem uaghiri naghin tu."

God ghaze, Israelin kantrin tongira, nguazir ekiar mam ikiam
(Esekiel 45:1-8)

8 Ikiavira Itir God ua kamaghin migei, "Judan anabamin nguazimin mitaghniamin, sautin amadaghan nguazir otevir ekiar mam ikiam. Ia an ingangarir bar igharazim bagh anebigh igharaghvira anetigh. An arozimin ababanim, 12 kilomita ko akuamin tugham, kar arozin notin ikegh mangi sautin otoghamim. Eghti nguazir otevir kam, aruem anadi naghin ikegh mangi aruem uaghiri naghin Mediterenianin Ongarir Ekiamin otogham, an ruarinmin ababanim mati Israelin anababar nguazibar ruarinmin ababanim. Eghti Godin Dipenim nguazir otevir kamin tongira ikiam.

9-10 "Nguazir kamin tongira, ia nguazir otevir tam isi Ikiavira Itir God bagh anetigh. An mitaghniar notin itim ko mitaghniar sautin itim, aningin ababanimning uaghara mangi, 12 kilomita ko akuamin tugham. Eghti an mitaghniar aruem anadi naghin itim ko mitaghniar aruem ghuaghiri naghin itim, aningin ababanimning uaghara mangi, 5 kilomitan tugham. Nguazir otevir kam, a ofa gamir gumazibar nguazima. Eghti Ikiavira Itir Godin Dipenim, nguazir otevir kamin tongira ikiam. 11 Nguazir kam bar zuegh na baghvira iki. Egh ofa gamir gumazibar tongin, Sadokin ovavir boriba, me na baghvira ikiamin gumaziba, a men nguazimra. Sadokin ovavir boriba, dughiar Israelin ikizim akirim ragha na gasarazimin, merara nan Dipenimin aven itir biziba deravira dar garava nan ingangarim bagha gavgafi. Mati Livain anabamin adarazir marazi amizi moghin, me amizir puvati. Kamaghin amizi, na baghvira ikiamin nguazir kam, ia me baghvira anetigh. 12 Kamaghin amizima, ki nguazir otevir kam isi me danielgam. A bar moghira anogoregh, bar zuezhir nguazimin ikiam. Nguazir kamin mitaghniam, a Livain

anabamin nguazir mitaghniam ko poroghiv ikiam.

13 "Eghti Livain anabamin adarasi, men nguazim, ofa gamir gumazir kabar nguazimin miriamin mitaghniam ko poroghiv ikiam. Eghti an ruarinmin ababanim, 12 kilomita ko akuamin tugham, eghti an arozimin ababanim, 5 kilomitan tugham. 14 Nguazir me bigha Ikiavira Itir God baghvira ikiamim, a nguazir bar aghuir nguazir igharaziba bar dagh afiraghram. Eghti ofa gamir gumaziba an akua tam isi dagiaba bagh anemangan kogham. Me bizar igharaziba bagh a ikarvaghan kogham. Me gumazir igharazitamin amamangatighti, an a inian kogham. Bar guizbangira, a Ikiavira Itir Godin nguazimra, egh bar anogoregham.

15 "Nguazir zuruzir kamin akuigha itir danganir igharazim, a pura nguazir kinim. An ruarinmin ababanim, 12 kilomita ko akuamin tughit, an arozimin ababanim, 2 kilomita ko akuamin tugham. Nguazir kamin, nguibar ekiar mam an tongin iki, eghti nguibar ekiamin gumazamiziba, an uan dipenibar ingaram. Eghti an danganir maba pura ikiam. 16 Eghti nguibar ekiar kam avinizir devazimin miriar 4pla, dar ababaniba uaghara mangi, 2,250 mitan tugham. 17 Nguibar ekiam avinizir nguazir azenan itim, a pura ikiam. Eghti an arozimin ababanim, 125 mitan tugham. 18 Men nguibar ekiam, gumazamizibar nguazimin tongin an ingarigh givaghti, nguibar ekiam nguazim abighti nguazir otevir pumuning otogh, vong ko vong iki pura ikiam. Nguazir otevir tam, aruem anadi naghin ikiti, nguazir otevir igharazim aruem ghuaghiri naghin ikiam. Eghti aningin ruarinminning ababanimning uaghara 5 kilomitan tugham. Nguazir otevir kamning, gumazamizir nguibar ekiamin aven ingar ikiti, aningin ingariva opar aningin daghebar amam. 19 Israelin gumazamiziba nguibar ekiar kamin aven ikia ingariba, me nguazir kamning azenibar ingariva oparam.

20 "Eghti nguazir ekiar otevir kam, an aven, nguazir me God bagh datighamim ko ofa gamir gumazibar nguazim, ko Livain anabamin adarazir nguazim, ko gumazamizir nguibar ekiamin itibar nguazim, da bar nguazir ekiar kamin ikiam. Eghti an ruarinminning ko arozimminning ababaniba, uaghara mangi 12 kilomita ko akuamin tugham.

21-22 "Nguazir na baghvira ikiamin kam, ko gumazamiziba itir nguibar ekiamin nguazir kam, aning nguazir bar ekiamin tongira iti. Eghti ki nguazir bar ekiam isi, ingangarir igharazim bagh anetigham. Nguazir an vong ko vongin itimning, aning

atrivimin nguazimningra. Nguazir otevir mam, na baghvira ikiamin nguazimin ikegh mangi aruem anadi naghin Jordanin Fanemin tugham. Eghti nguazir otevir igharazim, na baghvira ikiamin nguazimin ikegh mangi aruem ghuaghiri naghin Mediterenianin Ongarir Ekiamin tugham. Eghti nguazir otevir nan Dipenim an torimin ikiamim, ko gumazamizibar nguazir men nguabar ekiam ikiamim ko Livaibar nguazim, da bar atrivimin nguazimin torimra ikiam. Egh mangi notin amadaghan Judan anabamin nguazir mitaghniamin otogham. Egh mangi sautin amadaghan, Benjaminin anabamin nguazir mitaghniamin tugham.”

Anabar igharazibar nguazir oteviba

23-27 Ikiavira Itir God ua kamagħin migei, “Israelin anabar igharazibar nguaziba, ia me bagħ nguazir otevir kaba isi me daningam:

“Nguazir me bigha God bagħ datighammin mitaghniām, sautin amadaghan itir nguazim, a Benjaminin anabamin adarazir nguazir otevim. Men nguazimin mitaghniām, kantrin kamin aruem anadi nagħin itir mitaghniām ikegh, ua izi aruem uaghiri nagħin amadaghan mangi, Mediterenianin Ongarir Ekiamin tugham.

“Ezi Simeonin anabamin nguazim, a Benjaminin nguazir otevimin akuighav iti. Ezi Isakarin anabamin nguazim, a Simeonin nguazir otevimin akuighav iti. Ezi Sebulunin anabamin nguazim, a Isakarin nguazir otevimin akuighav iti. Ezi Gatin anabamin nguazim, a Sebulunin nguazir otevimin akuighav iti. Nguazir mitaghniar kaba bar aruem anadi nagħin ikegħha ghua, aruem uaghiri nagħin tu.

28 “Nguazir me bigh Gatin anabamin adarazi daningamim, kantrin kamin sautin itir nguazir mitaghniām iti. A nguabar ekiam Tamarin ikegh mangi aruem uaghiri nagħin amadaghan bar mangi dipaba itir danganim, Kades Meriban otogham. Egh mangi Isipin nguazir mitaghniām itir fanemien magħri bar mangi Mediterenianin Ongarir Ekiamin otogham. Kar Israelin kantrin sautin amadaghan itir mitaghniām. 29 Ia arazir kamin gin mangi nguazim abigh Israelin anababar aningighti, me dar iki uari bagħ da iniam. Ki Ikiavira Itir Godin Ekiam, ki kamagħin mikemegħha gifा.”

God Jerusalemin tiar akabar gun migei

30-34 Ikiavira Itir God ua kamagħin migei, “Gin otivamin nguabar ekiam avinamin divazim, an azenan mangamin tiar akar 12pla iki. Eghti divazir kamin 4plan miriaba

vaghvagh dar ababaniba, uaghara mangi, 2,250 mitan tugham. Egh divazimin miriar 4plan kaba vaghvagh, 3plan tiar akaba iki. Tiar akaba, Israelin anababar ziabar vaghvagh dar iki. Tiar akar notin amadaghan ikiambar ziabar kara: Ruben, Juda, ko Livai. Ezi tiar akar aruem anadi nagħin ikiambar ziabar kara: Josep, Benjamin, ko Dan. Ezi tiar akar sautin ikiambar ziabar kara: Simeon, Isakar, ko Sebulun. Ezi tiar akar aruem uaghiri nagħin ikiambar ziabar kara: Gat, Aser, ko Naptali.³⁵ Kamagħin amizi, nguabar ekiam avinizar divazimin 4plan miriaba, dar ababanim bar mogħira 9,000 mitan tugham. Eghti dugħiarr kamin ikegh mangi zurazurara iki-amin dugħiamin, me nguabar ekiar kamin ziam dipon suam, ‘Ikiavira Itir God Kagħ Iti.’”

Godin Akam Inigha Izir Gumazim Danielin Akinafarim O Daniel Akar faragha zuim

Godin Akam Inigha Izir Gumazim Danielin Akinafarim a 6plan eghaghaniiba ko 4plan irebabar akaba an iti. Me akinafarim kam Judaba osimtiziba sara itir dughiamin an osiri, ezi akinafarim kam men nighnizir gavgaviba gavgavim me daningasa. Kar men akurvaghti me kamaghin fogh suam, God gumazamizir bar deragha an pozibar akurvasi. Eighti gin God men osimtiziba givagh dabirabir aghuim me daningam.

Danielin akinafarim, akuar pumuning iti.

1. Sapta 1-6. Kar Daniel ko an namakabar eghaghaniba. Dughiar aviribar apaniba pazi me damuasa, ezi kamaghin me pamten nighnizir gavgavim Godin ikia egha arazir aghuibagh ami, ezi apaniba me damuamin bizim me ibura.

2. Sapta 7-12. Kar Daniel ganizir irebaba. Dughiar kamin, God gifozir puvatizir gumazamizibar kantriba bar gavgavigha iti. Eighti me ti Godin gumazamiziba bar me agivagham. Ezi irebar kaba kamaghin men akakasi, God uan gumazamizibar akuragh, egh kantrin kabar gavgaviba agivagham. Eighti gin Godin gumazamiziba bar deraghvira ikiam.

Daniel uan namakaba ko men eghaghanim

(Sapta 1-6)

Judan gumazir igiar maba atrivimin dipenimin iti

¹ Fomira Jehoiakim Judabar atrivimin itima, azenir pumuning ko mikezim givazima, Babilonin kantrin Atrivim Nebukatnesar, a izi Jerusalemin nguubar ekiam ko misoghasa, egha an midorozir gumaziba nguibam bar an ekiaru. ² Ezi Ekiam Nebukatnesar amamangatzima, an Atrivim Jehoiakim inigha Judan gumazamizir avirim inigha Godin Dipenimin kavin aghuiba ko itariba ini. Egha da inigha Babilonin kantrin ghua uan asebar dipenimin ghu. Egha bizir aghuir kaba

isa dipenir kamin aven itir danganir mogomemini da ati.

³ Ezi Atrivim Nebukatnesar Judabar tongin gumazir igiar maba iniasi, uan dipenimin ingarir gumazibar faragha zuir gumazim, Aspenas migei. A ghaze, ni Atrivim Jehoiakim anabamra ganiva gumazir igiabara iniva egh uaghan gumazir ekiabar adarazir otaritaba sara inigh. ⁴ Egh a kamaghin garir gumazir igiabara iniam: me guar aghuiba ikiva, namnar aghuiba ikiva, egh tav mikarzir tam ikuvighan kogh, egh fofozir aviriba ikiva, suren aghuibar amuva, uaghan zuamira fofozim inigham. Eighti me atrivimin dipenimin ingaramin fofozim ikiam. Egh Aspenas uabi men sure damuti me Babilonin akam osiriva egh a diponam. ⁵ Egha atrivim uaghan kamaghin migei, dughiaba bar dagher me apiba ko wainin dipar me apiba, me atrivimin dipenimin itir gumazibar min dar amam. Egh me azenir pumuning ko mikezim sure damighiva gin me atrivimin ingangarir gumazibar otivam.

⁶ Men tongin misevezir gumazibar ziabar kara: Daniel, ko Hanania, ko Misael, ko Asaria, me bar Judan anabamin gumazir igiabara. ⁷ Egha Aspenas ziar igiabara me gariki. Daniel a Beltesasar a gati, egha Hanania a Satrak a gati, egha Misael a Mesak a gati, egha Asaria an Abetnego a gati.

⁸ Ezi Daniel dagheba ko wainin dipaba ko bizar me atrivimin dipenimin isa me ganidiba, ana dar aman aghua. A pamten kamaghin nighnisi, a dagheba ko wainin dipam amegh, Godin damazimin mizeham.* Kamaghin amizi, a uabin akurvaghaha Aspenas in azangsisi, eighti me dagher igharazitam a daningam. ⁹ Ezi God Aspenas gamima a Danielin apangkuvigha an akurvaghaha. ¹⁰ Egha Aspenas kamaghin Daniel migei, “Ki uan ekiamati atiatingi. Ki fo, a ia bagha dagheba ko dipaba amisevegha gifa. Eighti ia mikarziba suegh aghariba guigh, egh ia, ia ko izezir gumazibar min ganan koghtima, a na misueghti ki aremegham.”

¹¹ Aspenas faragha Daniel, Hanania, Misael, ko Asaria, men ganasa gumazir mam amisefe. Ezi Daniel ghua gumazir men garim kamaghin a migei, ¹² “Ni kamaghin e damu ganigh, ni azenibar oparir dagheba ko dipamra, da e daning mangi 10plan dughiar kabar tugh. ¹³ Egh 10plan dughiar kabar gin, ni gumazir igiar

1:1: 2 Atriviba 24:1; 2 Eghaghaniba 36:5-7 **1:2:** 2 Atriviba 20:17-18; 24:10-16; 2 Eghaghaniba 36:10; Aisaia 29:7-8

1:8: Esekiel 4:13; Hosea 9:3 * **1:8:** Danielin nighnizimin mingarim, a deragha bigha migeir puvati. Guizbangira, Babilonia bizar guar avirir God Israelian anogorogheziba me dapi. Ezi Israelian Araziba, wainin dipabar amasa men tivazir puvati. Babilonia ti dagheba uan aseba ofabar min dagh anidi, ezi bizar kabar Daniel daman aghua. O a ti ghaze, an atrivim dagher aghuiba iniam, egh arazir kamin an atrivim kamaghin an akagha ghaze, a bar atrivim aningizir akabar gin mangam. **1:9:** Jenesis 39:21

atrivimin dagheba apibar ganiva, egh ni en gan. Egh ni fogham, en mikarziba men mukarzibar min deraviram oto, o puvati? Egh ni gin bizir tizimin e damusi, ni puram e damu.”¹⁴ Ezi gumazir men garim, a Danielin akamin gin ghua Daniel mikemezi moghin ami.

¹⁵ Ezi 10plan dughiabar gin, men gananim bar deragha, men mikarziba saram aghua gavgavigha, gumazir igiar atrivimin dipenimin amezibagh afira. ¹⁶ Ezi gumazir men garim, an atrivimin dipenimin dagheba ko wainin dipaba isa zurara munagh da arisi. Egha azenibar oparir daghebara me ganigavira iti.

¹⁷ Ezi 4plan gumazir igiar kaba, God biziha bar dar amuamin fofozim ko, akinsafaribar gara dagh fozir fofozir aghuim, ko nighnizir aghuim me ganingi. Egha God Daniel fofozim a ganingizima, a irebaba ko irebamin min garir biziha mingaribar gun mikimamin fofozim ti.

¹⁸ Ezi Judan gumazir igiar kaba bar, me azenir pumuning ko mikezimin sure agifa, dughiar Atrivim Nebukatnesar inabazim. Ezi Aspenas me inigha atrivim bagha ghu. ¹⁹ Ezi atrivim me ko migiava kamaghin gari, Daniel, Hanania, Misael, ko Asaria, men fofozim gumazir igiar mabar fofozibagh afira. Kamaghin amizi, a me inizima me an ingangaribar gumazibar otifi.²⁰ Egha atrivim bizi aviribar men azangsigha, me ko migiava gari, men fofozim Babilonin fofozir gumazibar fofoziba, bar moghira me gafira. Atrivimin irebar mingaribagh fogha dar gun migeir gumaziba ko, kukunir gumaziba bar, me Judan gumazir 4plan kabagh aferaghan kogham. Bar puvati.

²¹ Egha Daniel dughiar ruarinim atrivimin ingangarim gami. Egha a ingara ikiavira itima, Sairus Babilonin atrivimin oto.

2

Nebukatnesarin irebam

¹ Nebukatnesar azenir pumuning uan kantrin garava an atrivimin iti. Egha dimagarir mam, a irebamin gani. Ezi irebar kam a gamima a bar osemegha akuava avenge. ² Kamaghin amizi, irebar mingaribagh fogha dar gun migeir gumaziba ko, kukunir gumaziba ko, imezibagh amir gumaziba ko, akavsiar ifavaribagh amir gumaziba, me bagha akam amada. Eighti me izi an irebamin mingarimin gun mikimam. Egha me iza atrivimin guamin tuivizi,³ a kamaghin me migei, “Ki irebamin gamizi, irebar kam na gamima nan navim

bar oseme. Kamaghin amizi, ki irebamin mingarimin gifoghasa.”

⁴ Egha me kamaghin Aramin akamin atrivimin akam ikaragha ghaze, “Atrivim,* ni bar deraghvira iki mamaghira iki. E ghaze, ni faragh uan irebamin e mikemezhti, e an mingarimin gun ni mikimam.”

⁵ Ezi atrivim kamaghin gumazir kabav gia ghaze, “Ki guizbangira ia migei, ia bizir ki irebamin ganizibar gun na mikemeghan kogh, egh uaghan an mingarimin gun mikemeghan koghti, ki midorozir gumazibav kemeghti, me ian sueba ko aghariba asichti, ia aremegham. Egh me ian dipenibagh asighasighiva, dar amuti da bar ikuvigham.”⁶ Egh ia virara irebam ko an mingarimin sara na mikemeghti, ki bizi avirim ia daning, egh ia damutia ziar ekiam iniam. Kamaghin datirighin, ia irebam ko an mingarimin gun na mikim.”

⁷ Egha me uam atrivim migei, “Ni irebar kamin gun e mikemeghti, e an mingarimin gun ni mikimam.”

⁸ Ezi atrivim kamaghin migei, “Ki ian ifavaribagh fogha gifa. Ia dugniar ruarin mizuamas, kamaghin ia ghaze, ki akam otavkiri. Ezi bar puvati. ⁹ Guizbangira, ia bizir ki irebamin ganizibar gun na mikemeghan koghiva, ia bar osimtizir magh gariba iniam. Ki fo, ia bar navir vamira inigha ghaze, ia na gifar mangiti ki uan nighnizim otevkinigham. Kamaghin, ia irebar kamin gun na mikim, eighti ki fogham, ia uaghan an mingarimin sara na mikemegh.”

¹⁰ Ezi fofozir gumazir kaba atrivimin akam baregha, kamaghin a ikanragha ghaze, “Atrivim, nguazir kamin gumazitam bizi ni damuasa e mikemezim damighan kogham. Bar puvati. Atrivim, atrivir gavgavir ekiatam, uan irebar mingaribagh fogha dar gun migeir gumazitam, ko kukunir gumazitam, ko akavsiar ifavaribagh amir gumazitam, an azangsizir katamin a gamizir puvati.”¹¹ Atrivim, bizi ni en azangsiziba, e dav kiman ibura. Ezi gumazitam dar amighan kogham. Aseba dar amuam. Egha aser kaba da gumaziba ko itir puvati.”

¹² Ezi atrivim akar kam baregha bar puviram atari. Kamaghin amizi, a midorozir gumaziba bagha akam amadagha ghaze, me Babilonin fofozir gumaziba bar me misueghtima me aremegham.¹³ Ezi midorozir gumaziba ghua, Daniel uan namakaba ko me misueghti me aremeghsa me buriagha arui.

^{1:20:} 1 Atriviba 10:1 * 2:4: Akar kagh ikegha ghua Daniel 7:28in tuziba, me Hibrun akamin dar osirizir puvati. Me Aramin akamin an osiri. ^{2:11:} Genes 41:39; Aisaia 57:15; Daniel 5:11

God irebamin mingarim Danielin aka

¹⁴ Ezi atrivimin midorozir gumazibar garir gumazim Ariok, dikavigha Babilonin fofozir gumazibav sueghti me aremeghasa zui. Ezi Daniel a mikimasa deravira nighnigha, ¹⁵ kamaghin Ariokin azara, "Manmaghsua, atrivim fofozir gumazibav sueghti me aremeghasa migirigar gavgavir kam gami?" Ezi Ariok bizir otivizir kabar gun a migei.

¹⁶ Ezi Daniel fofozir gumaziba aremeghan aghuagha, zuamira ghua atrivimin migia ghaze, "Ni tong dughiam na danighti ki irebamin mingarimin gun mikimam."

¹⁷ Ezi atrivim akar kam amamangatizi, Daniel uamategha uan dipenimin ghugha uan namakaba, Hanania, Misael, ko Asaria, bizir otiviziba bar dar gun me mikeme. ¹⁸ Egha apangkuvim bagha Godin Uan Nguibamin Itim ko mikimasa me migei. Egha uaghan irebar mogomemin itim bagh azangsighti, an an mingarim en akaghram. Egha Babilonin fofozir gumazir igharaziba ko aremeghan kogham. ¹⁹ Ezi dimagarir kamra God, atrivimin irebamin mingarim Danielin aka. Ezi Daniel Godin Uan Nguibamin Itimin ziam fa, ²⁰ egha kamaghin migei:

"God, ki nin ziam fi mamaghira ikiam.
Guizbangira, fofoziba ko gavgaviba bar nina.

²¹ Ni amozim ko aruemin dughiam gatifa, egha ni uabi gumazibagh inabi, da atrivibar ofifi,

egha ni men ingangaribar me a gefi.

Egha fofozir aghuiba ko nighnizir aghuiba gumazibagh anidi.

²² Egha God ni bizir aven modoghav itir me fozir puvatiziba men akakasi.

Ezi zurara angazangarim nin iti, ezi ni mitatemin itir biziba, ni dagh fogha gifa.

²³ Nan ovavibar God, ni fofozim ko gavgavim na ganingi

egha ni nan dimdiham baraki, egha bizir e nin azangsighizir kam, en aka.

Egha ni atrivimin irebamin mingarim, en aka.

Ki bizir kam bagha ni minabagha, bar nin ziam fe."

Daniel irebamin mingarimin gun atrivim migei

²⁴ Egha Daniel Ariok bagha ghu, gumazir kam atrivim Babilonin fofozir gumazibav sueghti me aremeghasa anemisefe. Ezi

Daniel kamaghin a migei, "Ni fofozir gumazibav sueghti me aremeghan marki. Ni na inigh atrivim bagh mangi, egha ki irebamin a geghaniva irebamin mingarimin gun a mikimam."

²⁵ Ezi zuamira Ariok Daniel inigha atrivim bagha ghugha, kamaghin atrivim migei, "Ki Judan adarazir mav inigha izi, me fomira kalabuziar gumazir mamin min an kantrin a inigha kagh ize. Ezi a irebamin mingarimin gun ni mikimam."

²⁶ Ezi Daniel, an ziar mam Beltesasar, atrivim kamaghin an azara, "Ni nan irebam ko an mingarim mikimamin fofozim iti?"

²⁷ Ezi Daniel kamaghin atrivim migei, "Atrivim, fofozir gumazitam, ko kukanir gumazitam, ko imezibagh amir gumazitam, ko akuzibagh amir gumazitam, me bar modoghav tir bizir kamin mingarim abighiva avegham. ²⁸ Ezi Godin Uan Nguibamin Itim, a iti, a bizir mogomebar mingariba azenim garisi. Atrivim, God bizir gin otivamibar nin akaghaha irebar kam ni ganingi. Ezi ki datirighin irebar ni uan dakoziimin akua ganizimin, gun ni mikimam.

²⁹ "Atrivim, ni akuima God irebamin bizir gin otivamiba nin aka. Ezi Godin kam, a bizir mogomeba azenim garisi. Egha bizir gin otivamiba nin aka. ³⁰ Egha Godin kam bizir modoghav itim nan aka. Kirara fofozir ekiam ikia egha fofozir gumazir igharazibagh afirazir pu. Puvati. God bizir kam nan aka, egha ni uan irebamin mingarim ko nighnizibagh gifogham.

³¹ "Atrivim, ni irebamin garima marvir guar dafam iti. Ezi bizir kam a gavgavigha bar puvira taghtasi. Ezi ni an ganigha bar atiatingi. ³² Me golin puvira taghtazimin an dapanimin ingari. Egha an evarim ko agharimning, me silvan aningin ingari, egha an ivariam me brasin dar ingari. ³³ Egha an suemning me ainin aningin ingarigha, an dagarimningin vin, me uaghara ain ko nguazim veregha aningin ingari. ³⁴ Ezi dughiar ni marvir guar kam garavira itimin, dagiam a ubi mighsiham kuiaghiri, gumazitam a poghezir puvati. A ubi izaghira marvir guar kam misogha an dagarir me nguazim ko ainin ingarizimning misoke. Ezi aning bar misaraghire. ³⁵ Ezi ainba, ko nguazim, ko bras, ko silva, ko gol, da bar biaghiregha mati raizin miseviba, ni da isa da makuri. Ezi aminim dagh ivavamadi, ezi minezir taba ua itir puvati. Ezi dagiar marvir guar kam misoghezim, an aghua mighsiar ekiamin otoghava nguazir kam bar anevara.

³⁶ "Kar irebar ni ganizim. Ezi datirighin ki irebamin mingarimin gun ni mikimam. ³⁷ Atrivim, ni faraghavira ikia, egha atrivir maba bar dagh afira. Ezi Godin Uan Nguibamin Itim, a nin amamangatizi ni atrivimin iti. Ezi a gavgavim ni ganiga egha ziar ekiam ni ganungi. ³⁸ Egha ni gamima, gumazamiziba bar, ko asiziba, ko kuaraziba bar, ni me gatifa. Ezi ni dapanir me golin ingarizimin min iti.

³⁹ "Eghti atrivir mam nin gin otivam, egh a nin min gavgavighan kogham. Egh gin atrivir mkezim otoghiva, nguazir oteviba bar dagh ativagham. Ezi atrivir kam mati bras. ⁴⁰ Eghti ua gin namba 4in atrivim otivam. An ainin min gavgavigham. E fo, ain biziav sozima da bigha minemniaba iri. Ezi kamaghira atrivir kam kantrin fomira ikezibar gavgaviba bar dagh afigragh ada givagham. ⁴¹ Ezi ni irebamin kamaghin gari, bizir kamin dagarimning ko dagarir puziba, me ain ko nguazim uaning veregha dar ingari. Ezi bizir kamin mingarim kamakin. Gumazamizir atrivir kam ativaziba, me uarira uari abigh, men tarazi gavgavigh ikitvira ikiam. Ain ko nguazim virara dagarir pumuningin iti, a kamaghin nin aka, dar gavgavim ainin min gavgavigh egh bar gavgavighan kogham. ⁴² Ezi dagarir puzir me ain ko nguazim ingarizim, a kamakin, kantrin otevir mam ainin min gavgavigham. Eghti an otevir mam nguazim min gavgavighan kogham. ⁴³ Ezi me, nguazim ko ain aning veregha marvir guar kamin dagarimin ingari. Ezi bizir kamin mingarim kamakin. Atrivim gumazamizir biaghireziba, ua me akuvasa nighnisi. Eghti me atrivir igharazibar guivar iki, egh me deragh uari ko poroghan kogham.[†] Kamaghira ain deragha nguazim ko pozir puvati.

⁴⁴ "Ezi dughiar atrivir kaba ikiavira itimin, Godin Uan Nguibamin Itim, a Dughiar a Gumazamizibagh Ativaghamin Tam a damighti, an otivam. Eghti a iki maghira ikiam. Eghti atrivir maba da God Gumazamizibagh Ativaghamin Dughiar Kam dikabiraghan kogham. Eghti God Gumazamizibagh Ativaghamin Dughiam, an atrivir igharazibagh asighasigham. Eghti an atrivir dughiar kam a iki maghira ikitvira ikiam. ⁴⁵ Ni dagiamin gari, a ubi mighsiamin pura kuiaghiri, gumazitam a poghezir puvati. Dagiar kam ira, marvir guar me ain ko bras ko nguazim ko silva ko golin ingarizim a misoghezi, a bar misaraghire. Dagiar kam, a God gumazamizibagh ativaghamin dughiamin ababanim.

"Godin ziar ekiam itim, a bizir gin otivamiba nin aka. Guizbangira, bizir ni irebamin ganiziba, da ki ni mikemezi moghiram otivam."

Atrivim ziar ekiam Daniel ganingi

⁴⁶ Atrivim Nebukatnesar Danielin akam baregha, egha Danielin boroghira tevimning apirigha irigha uan guam isa nguazim gatigha ghaze, me Danielin ofa damu borer mughuriar aghuim zuim tuva an ziam fi. ⁴⁷ Ezi atrivim kamaghin Daniel migei, "Ni irebar modozir kamin gun mikemegeha gifa. Kamaghin amizi, ki kamaghin fo, nin God a godin igharazibagh afira. Ana atriviba bar dar ekiam, egha bizir mogomeba azenim garisi."

⁴⁸ Ezi atrivim Babilonin provinsin gavmanin dapanimin ikiasi Daniel amisefe. Egh a gumazir nighnizir aghuiba atrivim ganidabar gumazir dapanimin iti. Ezi atrivim uaghan Daniel bizir avirir aghuiba a ganungi. Ezi Daniel ziar ekiam iti. ⁴⁹ Egha Daniel Babilonin provins gatifa. Egha a ingangaribar ganasa nighnighava, Satrak ko Mesak ko Abetnego, me amisivasa atrivimin azangsisi. Ezi atrivim an azangsizir kamin amamangatizi, me dar gari. Egha Daniel ubi atrivimin dipenimin iti.

3

Nebukatnesar marvir guamin tevimning apirigh a ziam fasa gumazamizibagh gei

¹ Atrivim Nebukatnesar migeima me gol inigha marvir guar mamin ingari. Ezi marvir guar kamin ruarim a 27 mitan tuzi, an baravim 3 mitan tu. Ezi me marvir guar kam isa Babilonin provinsin Duran nguazir zarimin aneti. ² Ezi me anetigha givazima, atrivim uan gavman gumazir dapaniba bar me migia ghaze, me izi uari akufagh. Eghti gavmanin faragha zuir gumaziba ko, gumazir dapaniba ko, gumazir ekiar faragh zuiba ko, nguibamin gavmanin garir gumaziba ko, dagiabar garir gumaziba ko, jasba ko, nguibabar gavmanin gumaziba me izi uari akufagh. Me izi, marvir guar Atrivim Nebukatnesar asarazir kam bagh, dughiar faragha zuimin an ziam fis i zam. ³ Ezi gavmanin gumazir ekiar kaba iza bar marvir guam itir naghin dughiar namba wanin an ziam fasa bar uari akufa.

⁴ Egha gavmanin gumazir akam akurir mam pamten kamaghin diagha migei, "Ia nguibaba bar dar gumazamiziba, kantriba bar dar gumazamiziba, nguibabar akaba bar ia bar atrivimin akam baragh! ⁵ Ia sighaba ko mariviba ko gitaba ko buuba ko ighiar igharaziba baraghti da arangam.

[†] 2:43: Aramin akam deragha akar otevir kamin mingarim abighizir puvati.

2:48: Daniel 2:6; 4:9; 5:11

Egh ia ighiar kam baragh, uan teviba pirigh avigh marvir guar Atrivim Nebukatnesar asarazir kamin ziam fi. ⁶ Eghti gumazitam tevimming apirigh aviragh, marvir guamin ziam fan koghti, e zuamira a inigh danganir ekiar avir bar pamten isimin aven anekunigham.”

⁷ Kamaghin me ighiam baragh, nguibaba bar dar gumazamiziba ko kantriba bar dar gumazamiziba ko nguibabar akaba bar, maghira teviba apirigha aviragh marvir guar Atrivim Nebukatnesar asarazir kamin ziam fe.

Me Judan gumazir 3plan gun mikeme

⁸ Ezi dughiar kamin Babilonin gumazir maba iza Judan gumazamizibar ziabagh asighasighasa men gun atrivim mikeme. ⁹ Egha me kamaghin Atrivim Nebukatnesarin migei, “Gumazir ekiam, ni iki maghira ikiam! ¹⁰ Atrivim, ni gumazamiziba bar kamaghin me migia ghaze, me sighaba ko mariviba ko gitaba ko buaba ko ighiar igharaziba baraghiva, gumazamiziba bar teviba apirigh avigh, golin marvir guar ni ingarigha asarazir kamin ziam fam. ¹¹ Eghti gumazitam tevimming apirigh aviragh marvir guamin ziam fan koghti, ni zuamira a inigh danganir ekiar avir bar pamten isimin aven anekunigham. ¹² Ezi Judan gumazir pumuning ko mikezir kaba, Satrak, Mesak, ko Abetnego, kar ni Babilonin provins gativagh an ganasa me amisefe, ezi me nin akam batooke. Egha me nin asebar ziaba fer puvati, egha uaghan teviba apirigha aviragh marvir guar ni asarazir kamin ziam fer puvati.”

¹³ Ezi Atrivim Nebukatnesar akar kam baregha bar puviram atara egha ghaze, ia 3plan gumazir kaba inigh na bagh izi. ¹⁴ Me izegha givazima a kamaghin men azai, “Satrak ko Mesak ko Abetnego, me ghaze ia nan aseba ko godin marvir guar ki asarazir kam ia uaghan teviba apira aviragh a nizam fer puvati. Guizbangira, o? ¹⁵ Ezi datirighin, ia sighaba ko mariviba ko gitaba ko buaba ko ighiar igharaziba baraghiva, teviba pirighiva avigh marvir guar kamin ziam fi. Ia kamaghin damuan koghti, ki datirighira gumazibav kemeghti me ia isi danganir ekiar avir bar pamten isimin aven ia kunigham. Eghti godin manam ian akuragh nan gavgavim da ua ia inigham?”

¹⁶ Ezi Satrak, Mesak ko Abetnego atrivim ikara, “Atrivim Nebukatnesar, bizar ni e damuasa ifongezir kam, e akaba an puvati. ¹⁷ E guizin Godin ziam fe. Ni mikemezi moghin e damigh, eghit en Godin gavgavim itim, an en akuraghti, nin gavgavim ko danganir ekiar avir bar pamten isim, e a gitagham. God en akuragh. ¹⁸ Eghti an

en akuragh koghti, ni bizar kam gifogh, e nin asebar ziaba fan koghiva, egh uaghan teviba pirighiva aviragh golin marvir guar ni asarazir kamin ziam fan kogham.”

Me Satrak, Mesak ko Abetnego isava avim mikini

¹⁹ Nebukatnesar akar kam baregha egha bar Satrak, Mesak ko Abetnego men aningaghegha, an damazimning bar aghefe. Egha a uan ingangarir gumazibav kemeghti me avim atighti a puvira isiam. Avim faragha kamaghin isizir puvati.

²⁰ Egha a uan midorozir gumazir gavgavibav gia ghaze, me Satrak, Mesak ko Abetnego, ikegh me isiva danganir ekiar avir bar pamten isimin me kunigh. ²¹ Kamaghin, me 3pla uaghara men korotiar ruariba ko siotba ko dapanirasuuba sara me ikeghava, me isa danganir ekiar avir bar pamten isimin, me akuni. ²² Dughiar kam atrivim faragha migeima me avim gamima a bar pamtemen isia mizariaba zui. Kamaghin, midorozir gumazir me inigha avir danganir ekiamin ghueziba, avir mizariaba bar men isizi me ariaghire. ²³ Ezi Satrak, Mesak ko Abetnego, me avimin torim giraghue. Ezi me ikezir beniba kamaghira iti.

²⁴ Ezi Atrivim Nebukatnesar men ganigha digavir kuram gamigha zuamira dikavigha tu. Egha kamaghin gumazir nighnizir aghuiba a ganidibar azara, “E 3plan gumazir ikegha me isa avim mikini, o puvati?” Ezi me a ikara, “Are, atrivim, e manmaghiram ami.”

²⁵ Ezi a ghaze, “Manmaghin amizi ki 4plan gumazibar garima me avimin torimin arui? Egha benir e me ikeziba, ua men namnabar itir puvati. Egha avim uaghan men isir puvati. Ezi namba 4in gumazim asebar borimin min gari.”

Avim 3plan gumazibar isizir puvati

²⁶ Ezi Nebukatnesar danganir ekiar avir bar pamten isimin tiar akamin boroghira ghugha kamaghin dei, “Satrak! Mesak! Abetnego! Ia Godin Bar Pin Itimin ingangarir gumaziba! Ia azenan izi!” Ezi me avim ategha azenan ize. ²⁷ Ezi gavmanin faragha zuir gumaziba ko, gumazir dapaniba ko, gumazir aruar faragh zuiba ko, gumazir nighnizir aghuiba atrivim ganidiba, me iza Judan gumazir 3plan kabar ganasa uari akufa. Me gara fo, me isizir puvati. Egha avim men dapanir ariziba ko korotiar isizir puvati, egha me mikarzitam isigha mughazir puvati, egha avir mughuriar tam zuir puvati.

²⁸ Ezi atrivim kamaghin migei, “E bar Satrak, Mesak, ko Abetnego, men Godin ziam fam. God uan ensel amadazi a

3plan gumazir an ziam fa egha nighnizir gavgavim an itibar akura. Me nan akam batuegha ovengan atiatingizir puvati. Egha godin igharazitam tevimning apirigha an ziam feir puvati. Me uan Godin ziamra fe.²⁹ Ezi ki fo, Satrak, Mesak ko Abetnego, men God men akurazi moghin, godin igharaz tam uan gumazamizibar akuraghan kogham. Kamaghin amizi, ki migirigiar kam damuasa, ia gumazamiziba bar Godin kam a dipova, akar kuratamin a mikiman kogham. Egh nguibaba bar dar gumazamiziba ko kantriba bar dar gumazamiziba ko nguibabar akaba bar, me arazir kam damuti, ki midorozir gumazibav kemeghti me men sueba ko aghariba asighti, me aremegham. Egh me men dipeniba akararigh bar dagh asighasigham."

³⁰ Ezi atrivim mikemegha givagha, egha Satrak, Mesak ko Abetnego ingangarir igiam Babilonin provinsin me ganingi, ingangarir kam ingangarir me faragha amizim gafira.

4

Nebukatnesarin namba 2in irebam, a temer ekiamin gani

¹ Atrivim Nebukatnesar nguazimin nguibaba bar dar gumazamiziba ko kantriba bar dar gumazamiziba ko nguibabar akaba bar, me bagha akam amada. An akam kamakin:

Ia bar deraghvira iki!

² Datinighin ki arazaraziba ko mirakelin bar ekiaba, Godin Bar Pin Itim na bagha dagh amizibar gun ia mikimasa.

³ God arazarazir bar ekiabar en aka!
Egha bar gavgavigha mirakel bagh ami!

God iki mamaghira ikiam;
an atrivimin dughiaba zurara ikvira ikiam.

⁴ Ki Nebukatnesar, nimira uan dipenimin aperaghav ikia uan ingan-
garibar garima, da bar deragh oto. Egha
ki bizir avirim ikia, egha bar aukuegha
iti. ⁵ Ezi dimagarir mamin ki irebamin
ganigha bar puviram atiatingi. Ki
irebamin aven ganizir biziba na gamizi ki
digavir kuram gami. ⁶ Egha ki Babilonin
fofotiz gumazibah bagha akam amada,
eghti me izi irebamin mingarimin gun na
mikimam. ⁷ Ezi irebar mingaribah fogha
dar gun migeir gumaziba ko, kukunir
gumaziba ko, imezibagh amir gumaziba
ko, akavsiabagh amir gumaziba, me bar
ize. Ki irebamin gun me migeima, me

irebamin mingarimin gun na mikiman
ibura. ⁸ Ezi gin Daniel izi. (An ziar mam
Beltesasar, ziar kam nan asemin ziam.
Guizbangira, aser bar gavgavibar duaba
nighnizim Daniel ganingi.) Ezi ki uan
irebamin gun a migei. Ki kamaghin a
migei:

⁹ "Beltesasar, fofozir gumazibar gu-
mazir dapanim, ki fo, aser bar gavgavibar
duaba, nighnizim ni ganingizi, ezi bizitam
nin pin kogh, nin modoghan kogham. Ezi
ni datirighin nan irebam baragh, egh an
mingarimin gun na mikim."

¹⁰ "Ki uan dakozim girighav ikia ire-
bamin garima, temer bar dafam nguazim
bar moghira an tongira tughav iti.¹¹ Egha
an aghua bar ekiva ghuanaga overiamin
suira, nguazimin itir gumazamiziba
bar an gari. ¹² Ezi temer kam dafarir
bar aghuiba iti, egha ovizir aviriba iti,
nguazimin itir gumazamiziba bar dar
amegh izivagh. Ezi kuaraziba an
aguabar mikonibagh amima, nguazimin
asizir atiaba iza an apengan avughsı,
egha da bar an oviziba api.

¹³ "Ki uan dakozim girighav ikia
irebamin garavira itima enselin mam
Godin Nguibamin ikegha izaghiri, an
enselin maba ko me bizibar garir enselba.¹⁴ Egha pamtemin dia ghaze: Ni temem
okeghti a irigh. Egh an aguuba aghoregh,
an dafariba aghor da makunigh, an
oviziba tintinibar da kunigh. Egh asizir
an apebamin itiba batokegh, egh kuarazir
an aguabar itiba batokegh. ¹⁵ Egh
temer dakam biba saram aneteeghti a
nguazimin grazibar tongin iki, eghti
ainin kuakar ekiatam ko bras inigh
an povim gighuigh. Egh gumazir kam
ateeghti amariba dimagaribar a giram.
Eghti an asizibar min dadabar ami
ikiam. ¹⁶ Egh gumazir kam, a 7plan
azeniбар gumazamiziba nighnizi moghin
nighnigh kogham, ana asizibar min
nighnigh ikiam. ¹⁷ Ezi bizibar garir
enselba bizir kaba otivasa me mikeme,
eghti angamira itir gumazamiziba bar
kamaghin fogham, Godin Bar Pin Itim
bar gumazamizibah ativagh men gari.
Egha uabi uan ifongiamin gin ghua,
gumazir ziar ekiaba itiba ko gumazir
kiniba, atrivimin ikiasi me amisevima
me otifi."

¹⁸ Egha ki ua kamaghin Daniel migei, ki
uan irebam ni mikemegha gifa. Nan fo-
fotiz gumazibah irebamin mingarimin gun
na mikiman ibura. Kamaghin amizi, Belte-
sasar, ni datirighin an mingarimin gun na
mikimam. Ki fo, aser bar gavgavibar duaba
nighnizim ni ganingi, kamaghin nirara na
mikimam.

Daniel irebamin mingarimin gun migei

¹⁹ Ez̄i Daniel irebamin mingarim gifogha gifa, kamaghin amizima a bar osemegha digavir kuram gamigha, atrivimin mikiman atiati.* Ezi atrivim kamaghin a migei, "Beltesasar, irebar kam ko an mingarim ni damuti ni osimiva atiatingan marki."

Ezi Beltesasar a ikara, "Atrivim, ki irebar kam mikemezir biziiba ni bativan ki ifongezir puvati. Da nin apanibara otivasa ki ifonge. ²⁰ Ni temer ekiar mamin gani, a bar ruaraghha ghuanganaga overiamin suira, ezi nguazir kamin gumazamiziba bar an gari. ²¹ A dafarir bar aghuiba ko ovizir aviriba iti, nguazimin itir gumazamiziba bar dar amegh izivagham. Ezi asizir atiaba an apengen avughs, ezi kuaraziba an aguabar mikonibar ingari.

²² "Atrivim, nirara temer kam, ruaraghha bar gavgafi. Ezi nin gavgavim bar ekevegha pin ti, ezi nin gavgavim nguazimin itir gumazamiziba bar dar gari.

²³ "Ezi ni garima, enselin mam Godin Nguibamin ikegha izaghira ghaze, 'Ni temer kam okegh a gasighasikigh, egh an dakam ateghti a nguazimin iki. Egh ainin kokam ko bras inigh an povim gihuigh. Eghit ghuariar dipaba dimangan gumazir kam giram, egh anetegehti a 7plan azenibar asizir atiaba ko ikiam.'

²⁴ "Atrivim, irebar kamin mingarim kamakin, kar Godin Bar Pin Itim mikemezir biziim, ni bativam. ²⁵ Ni gumazamiziba nguibam ategh, mangiva asizir atiaba ko ikiam. Ni bulmakaubar min dadabar ami, egh puram azenan dakuam. Eghit dimagarimin ghuariar dipaba 7plan azenibar ni giram. Ni kamaghira iki, mangi kamaghin fogham, Godin Bar Pin Itim bar gumazamizibagh atifa. Ezi a uabi uan ifongiamin, gumaziba misevima me atrivibar otifi. ²⁶ Ni ensel barazi, a temer dakam ateghti a nguazimin aven ikiasi mikeme. Biziir kamin mingarim kamakin, ni bar kamaghin fogh mikim, God Uabira Nguazimin Biziiba Bar Dagh Atifa. Ni fogha gifa, egha gin ni uam atrivimin otivam. ²⁷ Kamaghin amizi, atrivim, ni datirighin ki ni mikimamin akamin gin mangam:[†] Ni arazir kurabar amuan koghiva, arazir aghuibr amu, egh gumazamizir onganarazibar apangkuf. Ni kamaghin damuva, egh ni ti deraghvira ikiti, biziir ni amiba bar deraviram otivam."

²⁸ Ezi Daniel mikemezi moghira, biziir kaba bar Atrivim Nebukatnesar batifi.

²⁹ Ez̄i 12plan iakiniba givazi, atrivim dughiar mamin uan dipenir Babilonin itimin azuarim garui. ³⁰ Egha kamaghin migei, "Ia gan, Babilon a nguibar bar ekiam egha bar dera. Nan gavgavim ki uabi an ingari, ki nguibar kam gamizi an otogha, uan gavgavim ko ziar ekiam isi gumazamizibar akakaghasa."

³¹ A migiavira ikiava egha orazima, tiarir mam Godin Nguibamin ikegha izi. Tiarir kam kamaghin migei, "Atrivim Nebukatnesar, ni nan akam barakigh. Kantrin ni ativazir kam, ki datirighin ni dam a inigham.

³² Eghit ki ni batuegħi n̫i ua gumazamiziba ko ikian kogħam. Ni mangi asizir atiaba ko ikiam. Egh ni 7plan azenibar, bulmakaubar min dadabar amam. Ni kamaghira iki mangi dughiar ni fogħ suam, Godin Bar Pin Itim bar gumazamizibagh atifa. A uabi uan ifongiamin, gumazibagh amima me atrivibar otifi."

³³ Ez̄i biziż ensel mikemeziba, da zuamira Nebukatnesar batifi. Me gumazamizibar tongin a batogħezi, a bulmakaubar min dadaba api. Egha dimagarimin għuariar dipaba an namnam giri. Egha an dapanir arizim bar ruaraghha taragiars arizibar min gari. Egha an dafarir puziba bar ruaraghha mati kuarazir puzibar min gari.

Nebukatnesar Godin ziam fe

³⁴ Gir 7plan azenibar givazi, ki Nebukatnesar, ki kogħa Godin n̄guibamin gara, egha nan nighniziba ua dera. Egha ki Godin Bar Pin Itim bagħha bar akonge. A Godin ikia mamaghira itim, kamaghin, ki an ziam fam. Egha ki kamaghin migei:

God atrivimin iki mamaghira ikiam.

Eghit an atrivir kam dughiabar ikivira ikiam.

³⁵ A gari, nguazimin itir gumazamiziba mati pura biziba.

An Nguibamin itir enselba ko nguazimin itir gumazamiziba an apengen iti, a bar me gatifa.

Egh a biziż tam damusi an a damuam, eghit gumazitam an anogoreghan kogħam.

Guizbangira, gumazitam kamaghin an azangsighan kogħam,

Ni biziż tizim gami. Bar puvati.

³⁶ Ez̄i ki migirigar kam gamir dughiamin, nan nighnizim u dera, ezi ki ua uan ziar ekiam ini. Egha datirighin ki kantrin faragħa ativazim, ki uam a gativagh an ganamin gavgavim ini. Ezi gumazir

* ^{4:19}: Akar kam, 4:19in ikegha ghua 4:33in tu, kar akar otevir mam Atrivim Nebukatnesar gumazamizibagħa anemada. (Ni Daniel 4:1in ganikh.) Egha kagh atrivim biziir a bativibagh eghanizir puvati. † ^{4:27}: Gumazir maba ghaze, vezin kam, a dughiar Nebukatnesar uam atrivimin otivam a migeir puvati. Me ghaze, Daniel kamaghin mikeme, atrivim arazir aghuibr amuti, biziir kurar kaba a bativan kogħam.

nighnizir aghuiba na ganidiba, ko nan gumazir ekiaba, me ua iza na ko iti. Ezi ki uam atrivimin ikia, egha ziar bar ekiam iti, a ziar ekiar ki faragha inizim gafira.

³⁷ Egha datirighin ki Nebukatnesar, ki Atrivir Uan Nguibamin Itim bagha bar akonge, egha an ziam fa ziar ekiam a ganidi. Ki fo, bizir ana amiba bar voroghira ikia bar dera. Egha a gumazir uan ziaba feba da dikabiri.

5

Atrivim Belsasar in isar ekiam

¹ Ezi datirighin Belsasar atrivir igiamin otogha, dimagarir mamin a isar ekiar mam gamua, egha uan gumazir ekiar tausen plan diazi me isar kamin izegha, a ko wainin dipam api. ² Egha me wainin dipam apavira itima, Belsasar, gol kapba ko silvan kapba inigh izasa uan ingangarir gumazibav migei. Kavin kaba, an afeziam Nebukatnesar Jerusalemin nguibamin itir Godin Dipenimin ghugha da inigha Babilonin nguibamin ize. Atrivim ghaze, a uan gumazir ekiaba ko uan amuiba ko an amuir doziba ko, me bar kavin kabar wainin dipabar amam. ³ Kamaghin amizi, ingangarir gumaziba golin kapba inigha ize. Ezi gumazamiziba bar kavin kabar wainin dipaba api. ⁴ Egha me wainin dipaba apa ikiava, aser me gol, ko silva, ko bras, ko ain, ko temem, ko dagiamin, ingarizir marvir guabar ziaba fe.

⁵ Me kamaghin amima, gumazimin dafarim zuamira birimin otogha birim gisin osiri. Danganir kamin lam isia an angazangarim bar ekefe, ezi atrivim bar deraghavira dafarir kamin garima, an osiri. ⁶ Egha a bar atiatigha, an atiatir guam asaragha, an gavgavim givazi, an soroghafariba a ginisi.

⁷ Ezi a kukanir gumaziba, ko imezibagh amir gumaziba, ko akavsiar ifavaribagh amir gumaziba, tav a bagh me inigh izasa a pamten dei. Me izegha givazima, atrivim kamaghin me migei, "Gumazitam akar kam diponegh an mingarimin gun na mikemezhti, ki atrivimin korotiar aghevim a danighti aneghuam. Egh ki golin sen an firimin daghti, a ziar ekiam iniam. Eghki a damighti a namba 3in gavmanin gumazimin ikiam."

⁸ Ezi fofozir gumaziba aven izegha givazi, atrivim akar kam bar me mikemez, men tav akar kam diponan ibura. Egha men tav akar kamin mingarimin gun atrivim mikemezir puvati. ⁹ Kamaghin amizi, Atrivim Belsasar bar atiatingi. Egha an atiatir guam asaragha an gavgavim givazima, an soroghafariba a ginisi. Ezi an gumazir ekiaba nighnighava avenge, kamaghin amizi, me bositam damuan ibura.

¹⁰ Dughiar kam atrivimin amebam niginir kam baraki, niginir atrivim uan gumazir ekiaba ko me amizim. Egha a isar ekiam itir danganimin aven ghugha ghaze, "Atrivim, ni deraghvira iki mamaghira iki. Ni bizir kam ateghti an osimtizim ni daningan marki. ¹¹ Ni oragh, gumazir mam nin kantrin iti, ezi aser bar gavgavibar duuba nighnizim a ganingi. Ezi dughiar nin afeziam atrivimin itimin, nin afeziam gumazir kamin garima, a fofozir ekiaba ko nighnizir aghuiba iti. Egha an fofozim bar ekevegha aser gavgavibar fofozimin min ghu. Ezi nin afeziam Atrivim Nebukatnesar, gumazir kam isa, irebabar mingaribar gun migeir gumaziba ko, kukunir gumaziba, ko imezibagh amir gumaziba, ko akavsiar ifavaribagh amir gumaziba, bar men gumazir dapanimin ikiasi anemisefe. Nin afeziam kamaghin amzi. ¹² A fo, gumazir kam bar fofozir aghuiba ko nighnizir aghuiba iti, egha irebabar mingariba ko akar isin zuiba, ko bizir mogomebar mingaribar gun migei. Kamaghin amizi, ni Daniel bagh akam amadagh. Atrivim Nebukatnesar ziam Beltesasar a gati. Ni a mikemezhti a izi akar birimin itimin mingarimin gun ni mikimam."

Daniel akar dipenir birimin itimin mingarimin gun migei

¹³ Egha me Daniel inigha aven ghuzima, an atrivimin boroghin tughav iti. Ezi atrivim kamaghin a migei, "Ni Daniel, ni ti Judan gumazir mam? Ni ti Judan adarazir mav, fomira nan afeziam, Atrivim Nebukatnesar, ni inigha ize? ¹⁴ Ki kamaghin oraki, aser bar gavgavibar duuba nighnizim ni ganingi, ezi ni fofozir ekiaba ko nighnizir aghuiba iti. ¹⁵ Ki fofozir gumaziba ko kukunir gumazibar dia, eghki me izi akar birimin itim diponiva, an mingarim gun na mikimasa. Ezi puvati, me mikiman ibura. ¹⁶ Ezi ki kamaghin oraki, ni bizir mogomeba ko akar isin zuibar gun migei. Egh ni osizirir kam diponiva an mingarim gun na mikemezhti, ki atrivimin korotiar aghevim ni da arugh, egh gol sen nin firimin datigti ni ziar ekiam iniam. Eghki ni nan gavmanin gumazir namba 3in otogham."

¹⁷ Ezi Daniel an akam ikaragha ghaze, "Marki, ki ni da bizir aghuitam inighan kogham. Ni ifueghiva, gumazir ighazariz tam daningigh. Ezi Atrivim, ki datirighin osizirir kam diponiva an mingarimin gun ni mikimam.

¹⁸ "Ni oragh. Godin Bar Pin Itim, a nin afeziam Nebukatnesar gamizi, a bar atrivir ekiamin otogha bar gavgafi, egha ziar ekiam ikia bar pin ti. ¹⁹ A gavgavir bar ekiam iti, kamaghin amizi, nguibaba bar

dar gumazamiziba ko, kantriba bar dar gumazamiziba ko, nguibabar akaba bar, me an atatiqha egha nisi. Egha a gumazitam misuehti an aremeghsı an aremegham. Egha a gumazitam ateghti a ikisi, a ikiam. Egha a kamaghın ami, a gumazitamin ziam fisi, a fam. Egha a gumazitam dikabiragh a gasighasighı, ana damuam. ²⁰ Egha a uan ziam fava, akaba batogha, arazir igharazibagh amima, Godin Ikiavira Itim, atrivimin ikian a batoke, ezi an ziar ekiam iraghuzi, a uan danganim ataki. ²¹ Ezi Godin Ikiavira Itim gumazamizibar nguibamin a batoke, ezi an nighnizim, gumaziba nighnizi moghin nighnizir puvati, an asizibar min nighnisi. Egha a ghua donkiba ko ikia, bulmakaubar min dadaba apava, puram azenan akui. Ezi dimagarimin ghuarlar dipaba a giri. Ezi a kamaghın amua ghua gin a kamaghın fo, Godin Bar Pin Itim gumazamiziba bar me gativagha men gari. Egha a ubi uan ifongiamin gumaziba misevima me atrivbar otifi.

²² “Ni Nebukatnesarin otarim, ni bizir kabagh fogha gifa. Egha ni ubi dikabirazir puvati. ²³ Ni ubi uan ziam fasa nighnigha, Ekiar Uan Nguibamin Itim, ni nan ziam dikabira. Egha uan ingangarir gumazibav kemezi me kavin nin afeziam Godin Dipenimin iniziba inigha ize. Egha ni uan gumazir ekiaba ko uan amuiba ko nin amuir doziba ko, ia bar kavin kabar wainin dipaba api. Egha ia marvir guar me gol ko, silva ko, bras ko, ain ko, temeba ko, dagıamın ingarizibar ziaba fe. Ezi marvir guar kaba me garir puvatigha migirigjaba barazir puvatigha bizitam gifozir puvati. God ubaira nin ikirimirim ko ni amir bizibar bar dar gara dagh atifa. Ezi ni an ziam fer puvati. ²⁴ Kamaghın amizi, God dafarir kam amadazi an akar kaba osiri. ²⁵ Akar kam kamakin:

‘Dipon, dipon, tuisigh, abikigh.’

²⁶ “Akar kamin mingarim, ‘Dipon,’ a kamakin,
God ni atrivimin ikiamin dughiaba dipensi.

Datirighin nin dughiar abuananam.

²⁷ Ezi akar kamin mingarim, ‘Tuisigh,’ a kamakin,
God nin araziba tuisigha gifa, ezi an ababaniı kamaghın nin aka,
ni arazir aghuibagh amir puvati.

²⁸ Ezi akar kamin mingarim, ‘Abikigh,’ a kamakin,
God nin kantri abighizi, an cuer mam Midian kantrin ghu,

ezi an cuer mam Persian kantrin ghu.”*

²⁹ Ezi Atrivim Belsasar zuamira uan ingangarir gumazibav geima, me korotiar aghevim Daniel garugha egha golin sen an firimin da. Egha Daniel gamizi a Belsasarın gavmanın namba 3in gumazir dananır ekiamin oto.

³⁰ Ezi dimagarir kamra, Midian kantrin gumaziba iza Babilonin Atrivim Belsasarın misoghezi ana areme. ³¹ Ezi Darius, a Midian gumazim, a 62plan azeniba ikiava, datirighin Babilonin atrivimin oto, egha kantrin kam gativagha an gari.

6

Me Daniel akunizi a laionba itir mozmigraghu

¹ Dughiar kam Darius atrivimin otogha givagha, egha 120plan gavmanın faragha zuir gumaziba amisevehti me kantrin aven tir nguibabagh ativagh dar ganam.

² Ezi atrivim, Daniel ko gumazir igharazir pumuning a me amisevezi, me gavmanın faragha zuir gumazir kabagh ativagh, atrivimin ingangaribar ganam. Egha atrivimin ingangaribar tongin bizitam ovengan kogham. ³ Ezi atrivim, Danielin ingangarimin garima a bar dera, egha gavmanın faragha zuir gumaziba ko a ko ingarir gumazimning a men ingangaribagh afira. Kamaghın amizi, atrivimin nighnizim a Daniel amisevehti a kantrin gumazir dapanimin ikiam. ⁴ Ezi gavmanın faragha zuir gumazir kaba ko, Daniel ko ingangarir vamıram amimning, me nighnizir kam gifongezir puvati. Egha me Danielin ingangarimin aven gari, a bizitam paziva a damighti, me a kot darigham. Me garima, Daniel a gumazir bar aghuim, egha an ingangarim bar dera. A ifarir puvatigha arazir kuratam gamizi puvati, kamaghın amizi, me an arazir kuratamin apizir puvati. ⁵ Egha me uarira uariv gei, “E Danielin ingangarimin aven arazir kuratam batoghan kogh egh, a kot darighiva avegham. Egh arazir a uan Godin gin ghua amıbar ganıva, tuavitam batoghiva a kot darigham.”

⁶ Egha me atrivimin ganasa ghugha kamaghın a migei, “Atrivim Darius, ni deraghvira iki mamaghıra ikiam! ⁷ Ezi e bar, nin gumazir ekiar nin kantri gativamiba, e gavmanın gumazir dapaniba, ko gavmanın faragha zuir gumaziba, ko distrighin faragha zuir gumaziba, e bar, ni akar bar gavgavítam damuasa, e akam akirigha gifa. En ifongiam kamakin, ni gumazamiziba

5:22: 2 Eghaghaniba 33:23; 36:12
5:28: Aramın akamın, akar kam “Abikigh,” a Persian kantrin ziamın mirara ghu.

* 5:28: Aramın akamın, akar kam “Abikigh,” a Persian kantrin ziamın mirara ghu.

bar me mikim, eghti 30plan dughiaba me bizitam bagh ase tam o gumazitam ko mikiman marki. Me nirara ni ko mikim. Eghti gumazitam akar gavgavir kam batueghti, ni anekunighti a laionba itir mozimin magiri.”⁸ Ezi atrivim, ni gumazibav kemeghti me akar gavgavir kam akinafarimin an osirighti, ni uan ziam osirighti an akar gavgavir kam a damuti a gavgavigham. Eghti gumazamiziba bar an gin mangam. Akar kam e Midia ko Persia, a en akar gavgavim, an e bagh iki mamaghira ikiam. Gumazitam anebighan kogham.”⁹ Ezi Atrivim Darius gumazibav geima me akar kam osirizi, a uan ziam akinafarir kamin an osiri.

¹⁰ Egha Daniel atrivimin akam baregha fo, Atrivim uan ziam osiri. Egha zurarama ami moghin, a dikavigha uan dipenimin ghu. Egha a bar ghuriamin pin itir danganimin ghuga, winduan Jerusalemin amadaghan itimin bar an boroghira tevimming apirigha, God ko migia egha an ziam fe. A dughiar vamira, 3plan dughiabar God ko migei. ¹¹ Ezi Danielin apaniba bar moghira uari inigha, an dipenimin ghua an garima, a uan God ko migei. ¹² Egha me uamategha atrivim bagha ghugha kamaghin a migei, “Atrivim, guizbangira ni ghaze, gumazamiziba 30plan dughiabar nirara mikimam. Egh me asetam o gumazitam ko mikiman kogham. Gumazitam akar gavgavir kam batueghti, ni anekunighti a laionba itir mozimin agiram.”

Ezi atrivim ghaze, “Are. Akar gavgavir kam tugha bar gavgafi, kar Midia ko Persian akar gavgavim, a ikitvira ikiam.”

¹³ Egha me atrivim migei, “Daniel, gumazir kam Judan adarazir mav, me fomira kalabuziar gumazir mamin min an kantrin a inigha kagh ize, a nin akaba batogha, ni atizir akar gavgavimin gin zuir puvati. A zurara 3plan dughiar vamiran, dughiar 3plan dughiabar dughiar vamiran uan God ko migei.”¹⁴ Ezi atrivim akar kam baregha an navim bar oseme, egha Danielin akurvaghaha tuaviba buria ghuavira itima aminim piri.

¹⁵ Ezi Danielin apaniba uamategha atrivim bagha izegha kamaghin pamten a migei, “Atrivim, ni e Midia ko Persian arazim gif. A kamakin, atrivim akar gavgavitam damighti, akar gavgavir kam iki mamaghira ikiam.”

¹⁶ Ezi atrivim gumazibav geima, me Daniel inigha laionbar mozimin anekunizi a iraghu. Ezi a kamaghin Daniel migei, “Nin Godin ni nighnizir gavgavim an iki egha zurara teviba apira an ziam fer kam, a nin akuragh.”

¹⁷ Ezi me Daniel akunigha givagha, dagiar ekiar mam inigha mozir akam apiri. Egha atrivim uan gumazir dapaniba ko, me uan ringin dafaribagh aghuizir ababaniba isa dagiar kam gati. Egha bizitam Daniel damuan gumazamizibar angoroke. ¹⁸ Egha gin atrivim uamategha an dipenimin ghu. Egha dimagarir kamin daghetam amezir puvatigha, gumazamizibar diazi me iza a koma aperazir puvati. Egha uaghan akuava avenge. Bar puvati.

¹⁹ Ezi aminim tirazima bar mizaraghara atrivim dikavigha zuamira ghua mozimin ghu. ²⁰ Ana otogha givagha, bar osemegha kamaghin dei, “Daniel, ni Godin Ikia Mamaghira Itimin ingangarir gumazim! Nin Godin ni nighnizir gavgavim an iki zuvara teviba apira an ziam fer kam, a nin akuragh laionbar akabar kuazi, da ni amezi o puvati?”

²¹ Ezi Daniel mozimin aven ikia kamaghin a ikaraghha ghaze, “Atrivim, ni deraghvira iki mamaghira iki! ²² God uan ensel amadazi a iza laionbar akabar kuazi da na gasighasighizir puvati. A fo ki deraghvira ikia, egha arazir kuratam ni gamizir puvati. Kamaghin, a nan akura.”

²³ Ezi atrivim bar akuegha laionbar mozimin Daniel gekuigh azenim darighasa gumazibav gei. Me mozimin a gekuigha azenim gatigha givagha, an garima, Daniel guizbangira nighnizir gavgavim Ikiavira Itir Godin iti, kamaghin amizi, laionba duatam a gatizir puvati.

²⁴ Ezi atrivim migeima me gumazir Daniel isa kot gatizir kaba ko, men amuiba ko boriba inigha laionbar mozim mikini. Ezi me tighar nguazim giram, laionba pirara men suigha men mikarziba aghoragsua men aghariba orovoregha me tuvareme.

²⁵ Ezi Atrivim Darius, nguazir kamin itir nguibaba bar dar gumazamiziba ko kantriba bar dar gumazamiziba ko nguibabar akaba bar me bagha akinafarim osira ghaze:

“Ia bar navir amirizimin iki!

²⁶ Ki kamaghin ia migei, ia nan kantrin gumazamizir ki ativaziba,
ia ziar ekiam Danielin God daning,
egh Godin kamin atiating an apergan iki.

“Kar Godin Ikia Mamaghira Itim,
egh an atrivimin iki mamaghira ikiam.

An Dughiar an Atrivimin Ikiamim
ko an gavgavim givaghan kogham.

²⁷ A gumazamizibar akurvaghaha ua me isi;
an arazaraziba ko mirakelba overiam ko nguazimin dagh ami.

Bar guizbangira, a Danielin akurazi laionba a gasighasighizir puvati."

²⁸ Ezı Darius atrivimin ikia ghua gin Persian Atrivim Sairus uaghan atrivimin itima, Daniel dughiar ruarimin gumazir dapanimin iti. Egha uaghan gumazir bar ekiamin iti.

Daniel uan irebabagh eghari

7

(Sapta 7-12)

Daniel 4plan asizibar irebamin gani

¹ Dughiar Belsasar Babilonin kantrin atrivim itima, an azenir farazimin, ki Daniel, ki dimagarir mamin dakozim girighav ikia irebamin min bizimin gani. Egha ki irebar kamin eghaghanim akinafarir mamin an osiri.

² Kar bizar ki dimagarimin irebamin ganiziba. Aminim danganiba bar dar iza ongarim gamima a dikafi, egha dipira tintinibar zui. ³ Ezı 4plan asizir dafar vaghvaghia igharagha gariba, ongarim ategha azenanizi.

⁴ Ezı farazim laionin min gara, avizimning ikia taragliar ekiamin min gari. Ki garavira itima me an avizimning asigha an suemning asarazi a gumazim min tughav iti. Ezı me gumazibar nıgnızım a ganingi.

⁵ Ezı ki garima naba 2in asizim, a bean mirara gara uan suemningin tu. Egha an asizir mamin iviraghlar 3pla uan akamin da isaghvira, ezi tiarlar mam a migia ghaze, "Aria, ni asizir tuzir aviribar ami!"

⁶ Egha ki garavira itima asizir atiar kaziamin min gari, ezi me a dibora ghaze lepat, an oto. An akiraghlar 4pla an iti. Da kuarazir avizibar min gara, dapanir 4pla iti. Egha me bizibagh ativagh dar ganamin gavgavim a ganingi.

⁷ Egha ki garavira itima, namba 4in asizir bar dafam oto. An guam bar igharagha gari, egha gavgavir ekiamit. Ezı ki bar puviram an atiatingi. An ainin atari bar ekiaba ikiava, biziba bar da apava da orovorogha dagh asighasisi. Egha gin minezir ireziba dikava da misaragharsi. Asizir kam 10plan komba an dapaninin iti. Kamaghin amizi, a 3plan asizir faragha otivizibar min garir puvati.

⁸ Egha ki mighigha 10plan kom kabar gara, komin dozir mamin garima a mabar tongin oto. Ezı komin igiar kam 3plan komin faragha itiba asi. Ezı komin igiar kam

gumazimin damazimning ko akam iti. Egha bar akongegeha, uabi uan ziam fe.

Daniel irebamin garima, Fomira Fomira Itir Gumazim iti

⁹ Ezı ki irebamin garima me atrivir dabirabiba inigha iza dar afi. Ezı Fomira Fomira Itir Gumazir mam iza atrivir dabirabir mam gaperaghav iti. Egha an korotiaba ghuariamin min bar ghurghurizi, an dapanir ariziba sipsipin arizibar min bar ghurghuri. Ezı atrivir dabirabir kam, wilba iti, egha dabirabim ko an wilba, avir mızarıaba dar ikiava anekiarughha anevara.* ¹⁰ Ezı avivzariaba dabirabimin otivaghira bar ekevegha dipamın min buigha izaghira tintinibar zui. Ezı tausen tausenin gumazamiziba Gumazir Kam bagha ingari, ezı milionin gumazamiziba an damazimin tuvighav iti. Egha marazi kotiabari amusa akinafariba tui.

¹¹ Ezı ki garavira ikia orazima, namba 4in asizimin komin dozir kam uabi uan ziam favira iti. Egha ki garima me namba 4in asizir kam misuegha an kuam inigha ghua avim mikinizi a bar isi. ¹² Ezı 3plan asizir ikiavira itir kaba, me dar gavgaviba agifa, eghti da ua bizibagh ativagh dar ganan kogham. Egha me zuamira dav soghezi da ariaghirezir puvati. Me da ataghizima da dughiar bar otevimin ike.

¹³ Ezı nan irebar ki dimagarimin ganizir kam, ki gumazir mam, a Gumazamizibar Otarimin min ki an gani. A ghuariamin tongin ikegha nan boroghın izi. Ezı me a inigha ghua Fomira Fomira Itir Gumazir Kam ganingi.† ¹⁴ Ezı Fomira Fomira Itir Gumazir Kam uabi a gamizi an atrivimin otozi, a gavgavim ko ziär ekiam a ganingi. Eghti ana atrivimin ikili, an gavgavim magnaghira ikiam. Eghti an atrivir ingangarim givaghan kogham. Eghti nguibaba bar dar gumazamiziba, ko kantriba bar dar gumazamiziba ko nguibabar akaba bar, me bar an apengan iki a bagh ingaram.

Irebar kamin mingarim

¹⁵ Ezı ki Daniel, ki bizar kaba irebamin dar ganigha digavir kuram gamigha nıgnızım avırıbagh ami. ¹⁶ Egha ki gumazir kabar mav bagha ghu, an atrivir dabirabimin boroghıra tughav iti, ezı ki uan irebamin gun mikimasa an azangsisi. Ezı an an mingarimin gun na migei. ¹⁷ A ghaze, "Asizir 4plan ekiar kaba, da kantrin gavgavir 4plan ababanim, da nguazir kamin

7:3: Akar Mogomem 13:1; 17:8

7:4: Akar Mogomem 13:2

7:7: Akar Mogomem 12:3; 13:1

7:8: Akar

Mogomem 13:5-6 **7:9:** Akar Mogomem 1:14; 20:4 * **7:10:** Akar Mogomem 5:11; 20:12 **7:11:** Matyu 24:30; 26:64; Mak 13:26; 14:62; Luk 21:27;

a Godin gun migei. **7:12:** Akar Mogomem 1:7; 1:13; 14:14 † **7:13:** Aramın akamin ziär kam, "Gumazamizibar Otarim," Iesus uabi dibori mokin.

7:14: Akar Mogomem 11:15 **7:15:** Akar Mogomem 22:5

otivam.¹⁸ Eghti gin Godin Bar Pin Itimin gu-mazamiziba, me gavgavim inighiva, biziba bar dagh ativagh, iki mamaghira ikiam."

¹⁹ Ezi ki akar kam baregha givagha, namba 4in asizir kam bar a gifoghasa. A mabar min garir puvati, ezi ki bar ana atiatingi. A bizar aviriba uan brasin dagarir puzibar da isa, da apava ainin ataribar da orovorogha dagh asighasisi. Egha gin minezir ireziba dikava da misaragharsi. ²⁰ Ezi ki uaghan, 10plan komin an dapanimin itiba ko komin dozir gin otozim, ki dagh foghasa. Egha komin dozir kam a 3plan komin faragha itiba asizi da ire. Ezi a damazimning ikia, akam ikia, egha akam arava uabi uan ziam fe. Egha ki komin dozir kamin gara, ki bar atiatingi. Ki komba bar dar atiatingava, egha dozir kam ki bar an atiatingi. ²¹⁻²² Ezi irebar kam ki an garima, komin kam Godin gumazamiziba ko misoga ikia, me dikabira ghuavti Fomira Fomira Itir Gumazim oto. Egha a komin kam isa kotiam gatigha kamaghin migei, Godin Bar Pin Itimin gumazamiziba, me kotiam aven komin kam gafira. Ezi dughiham otozima Godin gumazamiziba, me biziba bar dagh ativamin gavgavim ini.‡

²³ Ezi gumazir ki azarazir kam, a kamaghin na mikeme, "Irebbar kamin mingarim kamakin, namba 4in asizir kam, a namba 4in kantrin ababanim gami. Egh a kantrin igharazibar min ganan kogham. A kantrin igharaziba bar dagh asighasigh da dikabiragh egh da givagham." ²⁴ Ezi 10plan komin kaba, da 10plan atrivibar ababanim, me kantrin kamin otivam. Eghti gin atrivir igharazitam otogham, egh an atrivir faragha itibar min ganan kogham. An atrivir 3pla batuegham. ²⁵ Eghti an akar kurabar Godin Bar Pin Itim mikimiva, egh an gumazamiziba dikabinam. Egh me Arazir God Me Ganingiziba ko, dughiar ekiar Godin ziam feba, da batoghsyi damuam. Egh an azenir pumuning ko mikezim ko akuamin Godin gumazamizibagh ativagh men ganam.§

²⁶ "Eghti an dughiar kam givaghti, Godin kotiam otivam, eghti ana atrivir kamin gavgavim agiva, egh bar a gasighasigham. ²⁷ Egh Godin Bar Pin Itim, a nguazimin atriviba bar dar gavgaviba isi uan gumazamizibar aningam. Eghti me atrivibar iki mam-

aghira ikiam. Eghti kantriba bar Godin gu-mazamizibar apengan ikiva, egh ingariva men akaba baraghram."

²⁸ Kar irebar ki ganizimin eghaghanim, a kamaghira tu. Ezi ki Daniel, ki bar atiatingi, egha atiatir guam asara, egha ki bizar kaba puviram a dagh nighnisi.**

8

Daniel irebamin sipsipin mam ko memen mamin gari

¹ Ezi 3plan azeniba Belsasar atrivimin itima, ki bizar igharazir mam irebamin min an gani. ² Ki irebamin uabin garima, ki zuamira ghua Elamin provinsin oto. Egha Susan nguubar ekiamin tughav iti. Ulain Fanemin boroghin. ³ Egha ki garima sipsipin apurir mam fanemin boroghin tughav iti. Egha komin pumuning iti. Ezi an komning ruara, ezi komin mam farazimin gin otogha bar ruara. ⁴ Ezi ki sipsipin apurir kamin garima, ana aviragha ivegha ghua aruem uaghiri naghin, ko not ko sautin ghu. Eghti asizitam an tivaghan kogham. Eghti tav an gavgavimin arimangighan kogham. A biziha uan ifongiamin dagh amua egha bar gavgavigha uan ziam fe.

⁵ Ezi ki bizar kamin mingarim nighnizir aviribar a gamuavira ikia, egha memen apurir mamin garima, an aruem ghuaghiri danganim ategha izi. A bar puvira ivemara an sueba nguazim ditir puvati. Ezi komin bar ekiar vamira an damazimningin tizimin tughav iti. ⁶ Ezi komin pumuning itir sipsipin Fanemin boroghira tughav itir ki ganizim, memen kam an ganigha puv ivegha atarovira sipsipin kam bagha ghu. ⁷ Egha ki an garima a sipsip misosi. Ezi memen kam bar aningaghega, gavgavim uabinakuigha ivegha ghua, sipsipin apurim uabi a gasegha an komning apiriaghasti. Sipsipin apurim a munasan gavgaviba puvati, ezi meme anekunizi a nguazim giraghuzi, ana dikabini. Ezi sipsipin kamin akurvaghamin biziham itir puvati. ⁸ Egha memen kam bar puvira ifaghata, uan gavgavim akakasi. Egha an gavgavim bar ekevezir dughiamin, an komin ekiam dipiri. Ezi an danganimin 4plan komin igharaziba otifi. Egha da bar ekefe. Ezi komin 4plan kaba nguazimin 4plan ruaghateviba bar dar gari.

7:21-22: Akar Mogomen 13:7; Akar Mogomen 20:4 abighizir puvati. Gumazir maba ghaze, akar kam kamakin, "Gumazim ghaze, Godin Bar Pin Itimin gumazamiziba me gumazir igharazibagh afira." Ezi gumazir maba ghaze, akar kam kamakin, "Gumazir Godin Bar Pin Itimin gumazamiziba gavgavim me ganidim, a kotiam gatifa." ^{7:24:} Akar Mogomen 17:12

^{7:21-22:} Akar kam, Aramim akam, deragha an mingarim abighizir puvati. Marazi ghaze, an azenir pumuning ko mikezim ko akuam migei. Ezi marazi ghaze, akar kam, a guizbangira, akar mogomen, egha an osimtizim kam givagham inighiva. ^{7:25:} Akar Mogomen 12:14; 13:5-6

§ 7:25: Aramim akam deragha vezin kamin mingarim abighizir puvati. Marazi ghaze, an azenir pumuning ko mikezim ko akuam migei. Ezi marazi ghaze, akar kam, a guizbangira, akar mogomen, egha an osimtizim kam givagham inighiva. ^{7:27:} Akar Mogomen 20:4; 22:5 ^{**} ^{7:28:} Aramim akam kagh gifa. Me akar sapta 8in ikegha ghua 12in tuziba, Hibrun akamin an osiri.

⁹Ezi komin dozir igiar mam, 4plan komin kabar mam gisin aghui. Egha komin igiar kamin gavgavim bar ekefeha ghuavira ikia gumazamizir sautin amadaghan itiba ko, aruem anadi naghin itiba ko, God uan gumazamizibagh aningizir nguazir aghuir kamin me dikabira. ¹⁰Ezi komin kam bar gavgavigha mikovezibav sosi. Mikoveziba Godin Nguibamin itir midorozir enselbar min misosi. Ezi komin kam mikovezir maba kunizi da nguazim giraghue, ezi a me dikabini. ¹¹Egha komin kam uaghan Godin Nguibamin midorozir gumazibar atrivim dikabinasa. An atrivim bagha zurara ofa gamir arazim agivagha, Godin Dipenim gasighasigha a gamima a bar mize. ¹²Gumazamiziba arazir kurabagh ami, kamaghin komin kam gavgavim inigha Godin Nguibamin midorozir gumazibar me dikabinasa, egh dughiabar zurara ofa gamir arazim agivasa.* Ezi Godin akaba bar guizbangira, ezi komin kam Godin guizin akam gasighasiki. Ezi gumazamiziba uam an gin zuir puvati. Ezi biziba bar komin kam dar amuasa, a pura dagh ami.

¹³Egha ki enselin mam barazima a migeima enselin ighazarir mam kamaghin an azai, "Bizir kurar e irebamin garir kaba, da dazoghin givagham? Gumazamiziba dazoghin ua Godin ofa damuam. God bar aghuaazir bizim an Dipenim iti, kamaghin a uan Dipenim ataki, egh ti dughiar manamin arazir kurar kam givagham? Egh ti dughiar manamin komin kamin gavgavim givagham? Egh ti a ua Godin Dipenim gasighasighan koghiva, Godin Nguibamin midorozir gumazibar uan suemningin me dikabinan kogham?"

¹⁴Ezi ki orazima enselin ighazarim a ikaragha, kamaghin migei, "Fomira me mizaraziba ko guaratizibar ofa God ganidi. Egh ti bizir kurar kam itir dughiamin, me 2,300plan ofaba God daningen kogham.† Dughiar kam givaghti, me Godin Dipenim akiriva, ua Godin ofa damuam."

¹⁵Ezi ki Daniel, ki irebar kamin garavira ikia, egha ki an mingarim gifoghosa puvira nighnisi. Egha ki garima gumazir mam zuamira nan boroghin tughav iti.‡

Ensel Gebriel irebamin mingarimin gun migei

¹⁶Ezi ki gumazir mamin tiarim barazi a Ulain Fanemin ikia dia egha kamaghin migei, "Ensel Gebriel, ni bizir Daniel ganizir kamin mingarimin gun mikim."

^{8:10:} Akar Mogomem 12:4

* ^{8:12:} Hibrun akam deragha vezin kamin mingarim abighizir puvati.

Hibrun akam, dibobonir kam iti, 2,300in arueba. Me vaghvagh arueba mengti, da 2,300plan arueba. Egh me zurara mizaraziba ko guaratizibar ofa gamir dughiaba mengti, da 1,150plan aruebar tugham.

† ^{8:14:}

Gumazir kam, ensel Gebrielra.

(Ni ves 16 ko 17in gan.) Ezi Daniel ghaze, a gumazir mamin min an gani.

^{8:16:} Luk 1:19; 1:26

¹⁷Ezi Gebriel iza nan boroghin tuzi, ki bar atiatigha, nguazim girigha fuaghav iti. Ezi Gebriel kamaghin na migei, "Ni pura nguazimin gumazim, ezi ki kamaghsua, ni irebar kamin mingarim gifogh. Irebar kam, nguazim givaghamin bizibar migirigiam an ti."

¹⁸A migiavira itima, nan damaziba nan sirizi, ki ira mitogha akuava organi. Ezi a nan suiragha na fezi ki tu.

¹⁹Ezi a migei, "Ki Godin aningagharim givaghamim dughiamin, ni mikimasa. Kar God inabazir dughiar abuananam. Bizir kaba ni irebamin ganizi moghin otivam.

²⁰"Sipsipin apurir komin pumuning itir ni ganizim, a kantri Midia ko kantri Persian ababanim. ²¹Ezi memen apurir ni ganizim, a kantri Grikin ababanim. Egha an damazimningin tongin tughav tir komin ekiar kam, a kantri Grikin faragha itir atrivim ababanim. ²²Ezi ni ganizir komin ekiar dipirizir kam, 4pla komin maba an danganim otifi. Bizir kamin mingarim kamakin. Kantri Grik bigh kantrin igiar 4pla ikiam. Egh me gavgaviba puvatigham, mati fomira kantri bighizir puvatizi mokin.

²³"Ezi kantrin kabar gavgavim gevир dughiamin, gumazamizibar arazir kuraba bar pavaz otoghi, dughiar kamra, atrivir tam otogham. A bar gumazir kuram. Egh an akaba batoghiva, navim gavgavigh ifavaribar amuam. ²⁴An otogh gavgavigh ikiam, ezi kar guizbangira an gavgavim puvati. Egh ti a bizir avirim gasighasighiva, biziba bar dar amusi nighnigh, a pura dar amuam. A gumazir gavgaviba itibagh asighasigh, egh Godin gumazamizibagh asighasigham. ²⁵Egh a gumazamizibagh ifaramin fofozir aghuim ikiva, egh an ifavarir arazir kamin an afiragh bar pin ikiam. Egh a uan navir averiamin nighnigh suam a bar ekefe. Egh ti gumazamiziba suam me deravira iti. Puvati, a zuamira dikavighiva men aviribagh asighasigham. Egh a dikavigh Atrivir Atriviba Bar Dagh Afirazir Kam misoghsu damuam. Egh ti dughiar kamin gumazitam a gasighasighan kogham, a uabi kurum iniam."

²⁶Ki guaratiziba ko mizarazibar ofabagh amir arazim, ki an irebar mingarimin gun ni mikeme. Ezi bizir ni ganiziba da otivam. Egh bizir kaba zuamiram otivighan kogham, kamaghin ni irebar kamin akar mogomer kamin gun gumazamizibav kiman marki.

²⁷Ezi ki akar kam baregha givagha, bar oseme, egha dughiar mabar ki arei. Ezi

arimariam givazima, ki dikavigha ua ingangarir Atrivim Belsasar na ganingizim bagha ghu. Egha ki irebar kam puv a ginighnigha, nighnizir aviribagh amua deragha an mingarim gifozir puvati.

9

Daniel Israelia bagha God ko migei

¹ Darius, Serksisin otarim, a kantri Midian gumazim, egha a kantri Babilonin atrivimin iti. ² An azenir farazim, ana atrivimin itima, ki Daniel, ki Godin a kinafariba gara da dibori. Egha, Godin akam inigha izir gumazim Jeremaia, Ikiavira Itir God a ganingizir akam, ki a ginighnisi. A ghaze, Jerusalem 70plan azenibar ikuvighvira ikiam. ³ Ezi ki Ikiavira Itir God ko migei, Ekiam. Osimitzim nan navimin itima, ki daghetam apir puvatigha, azir akamin korotiaba aghuigha, averenim isa uan mikarzim gaghui. Ki kamaghin ikia, egha pamtem God ko migei.

⁴ Ezi ki Israeliyan gumazamizibar arazir kurabar gun uan Ikiavira Itir Godin gavgavim migei. Ki kamaghin migei, "O Godin Ekiam, ni gavgavir ekiam iti, ezi e nin ziam fe. Egha ni zurara e koma amizir Akar Dikirizir Gavgavimin girara zui. Egha ni zurara gumazamizir ni gifuegha, nin akamin gin zuiba, ni bar men apangkuфи.

⁵ "E gumazamizir derazir puvatiziba. E arazir kuram gami, egha nin gin zuir tuavim ataki. Enin akam batuegha, Akar Gavgaviba ko, bizir ni damuasa e mikemeziba e dagh amir puvati. ⁶ Nin akam inigha izir gumaziba, me nin ingangarir gumaziba, e men akam barazir puvati. Me nin ziamin, akam en atrivibav kira, en gumazir dapanibav kira, egha en ovaviba ko en kantrin itir gumazamiziba bar me mikini.

⁷ "Ekiam, ni arazir aghuibagh amima, ezi en arazir kuraba aghumsizir ekiam e ganingi. Ezi kar bar guizbangira, e Judan nguibamin iti, o e Jerusalemin iti, o Israeliyan gumazamizir kantrin roghira itiba ko saghon itiba bar. Guizbangira, e nin akam batoghezi, kamaghin ni e amadazi e tintinibar ghue, ezi aghumsizir kam en mikarzibar ikiavira iti.

⁸ "O Ikiavira Itir God, e ko, en atriviba ko en gumazir dapaniba ko en ovaviba, arazir kuraba ni gamigha aghumsizir ekiam e ganingi. ⁹ E nin akaba batosi, ezi ni Ekiam en God, en apangkuvigha en arazir kuraba gin amadi. ¹⁰ En Ikiavira Itir Godin Gavgavim, e nin akam barazir puvati. Akar Gavgavir kam, nin akam inigha izir gumaziba ni e mikimasa me mikeme, ezi e an gin zuir puvati. ¹¹ Ezi e Israelia bar nin Akar Gavgaviba abigha, nin akam

barazir puvati. Egha akirim ragha nin akam gasara. E arazir kuram ni gami. Kamaghin amizi, ni en arazir kuraba tuisigha gifa. Egha Akar Gavgavir kam ni Moses ganingizi an an osiri. Ni iveauzir kuram gumazamizir akirim ragha nin akam gasaraziba me daningam. Ni iveauzir kurar kam e gingegha gifa. ¹² Egha ni en gumazir dapaniba ko e damuasa mikemezzi moghin, ni bizir kam gami. Egha ni Jerusalem puv a gamigha, bar pazaviram a gasighasiki. Jerusalem gasighasizir arazir kam, a nguaizin itir nguubar igharazibagh asighasizir arazim bar a gafira. ¹³ Ezi ni Moses osirizir akabar even mikemezzi moghin e osimitziba isi. Ezi datirighin e uaghan arazir kuram gamir arazimi ataghizir puvati, egha ni Ikiavira Itir God, en God, ni e gakongasa e bizitam gamizir puvati. Egha e nin guizin akam barazir puvati. ¹⁴ Ezi Ikiavira Itir God, ni en arazir kuraba ikarvaghosa iti. Ezi datirighin ni a gamigha gifa. Guizbangira, Ikiavira Itir God, en God, ni arazir aghuibaram ami. Ezi e nin akam barazir puvati.

¹⁵ "O Ekiam, en God, ni uan gavgavim akaghava uan gumazamiziba Isipin kalabusin me inigha ize. Ezi datirighin Kantrin Igharazibar Gumazamiziba, ingangarir ni amizir kamin gavgavim ginighnighavira iti. Egha me ziar ekiam ni ganidi. Bar guizbangira, e arazir kurar avirim gamigha nin akam batoke. ¹⁶ O Ekiam, ni en arazir kuraba ko en ovavibar arazir kurabar ganigha, egha puv e gamigha, Jerusalemin nguubar ekiam gasighasiki. Ezi Jerusalem boroghira itir kantribar gumazamiziba, me bar dibovir akabar Jerusalem migiava, e nin gumazamiziba sara migei. E kamaghsua, ni uam Jerusalemin ataran marki. Bar guizbangira, kar nin nguibam a nin mighsiam gisin ti. Ni fomira an ingangarir aghuir avirim e bagha dagh ami, ezi ni ua kamaghin e bagh damuasa e ifonge.

¹⁷ "O en God, nan dimdiám ko azangsizim barakigh. Ki kamaghsua, ni uan ziar ekiam ginighnigh, ua uan Dipenir me asighasighizir kam akirigh, eghti me bar fogh suam, ni Ekiam. ¹⁸ O nan God, en ararem baregh, en gan. Ni osimitzir kamin gari an en ti, ezi osimitzim nin nguubar ekiamin ti. E gumazir aghuibar min nin azangsighan kogham. E fo nin apangkuvim iti, kamaghin e nin azangsisi. ¹⁹ O Ekiam, en dimdiám baragh! O Ekiam en arazir kuraba gin amadagh! O Ekiam, e baragh egh en akuragh! Jerusalem nguibar kam ko an gumazamiziba sara, e nin adarazira. Kamaghin amizi, ni suighsuighan marki. O nan God, ni uan ziar ekiam ginighnigh egh zuamira en akuragh!"

Ensel Gebriel, Jeremaian akamin mingarimin gun migei

²⁰ Ki Daniel, ki God ko migiavira iti, egha uan arazir kuraba ko Israelia, me nan gumazamiziba, men arazir kuraba sara, ki dar gun migei. Egha Ikiavira Itir God, nan God ki an azangsisi, eghiti a uan Dipenim ua mighsiar kam gisín an ingarighti a tugham. ²¹ Ezi ki God ko migiavira itima, enselin kam Gebriel, ki uan irebar farazimin an gani, ezi a datirighin mighegha izaghira danganir ki itimin ize. Ezi dughiar kam, bar guaratizimin ofa gamir dughiam. ²² Egha a iza kamaghin na migei, "Daniel, ki nin nighnizim akirasa ize. Eghiti ni fofozir aghuir aviriba ikiam. ²³ Daniel, ni God ko migeir dughiar kamra, a nin azangsizim ikaraghha gifa. God bar ni gifonge, kamaghin amizi, ki a nin azangsizim ikarvazir akam inigha ni daningasa izi. Ezi ni datirighin deraghviram oraghti ki akar ni diponezir kamin mingarimin gun ni mikimam.

²⁴ "Ni 70plan dughiabar, 7plan azeniba akuvagh kamaghira damu mangi 490in azenibar otogham.* Kar dughiar God inabazim, a nin gumazamiziba ko nin nguibam Jerusalem, a uamategh men arazir kuraba akirigh da avegham. A gumazamizibar arazir kuraba bar ada agivaghti, me arazir aghuim damu mamaghira ikiam. Eghiti Godin Dipenim uam a baghvira ikiam.[†] Eghiti a bizir kabar amuti, akam inigha izir gumazibar akaba ko irebaba guizbangiram otivam.

²⁵ "Ni oreghiva, kamaghin fogh: Dughiar Jerusalem uam an ingaramin migirigiam otogh mangi 49plan azeniba givaghtima, gumazir God en akurvaghaha misvezim, an otogham. Eghiti me ua Jerusalemin ingariva, nguibar ekiamin aven tuavibar ingariva, afemozir ekiam gekuughti a nguibar ekiamin divazir gavgavim gighuigham.

9:21: Luk 1:19; 1:26 *** 9:24:** Daniel 9:24in, akar namba 1. Godin akam inigha izir gumazim Jeremaiaghaze, Israelin kantri ikuvigh iki mangiti 70plan azeniba givagham. Ezi vezin kamin, ensel Gebriel kamaghin migei, "70plan azenir kaba," da guizbangira 70plan azeniba puvati, da 70plan wikba. Gumazir aviriba ghaze, akar kam, "wikba." Hibrun akamin mingarim kamakin 7plan azeniba. Kamaghin amizi, 70plan wikba, kar 70plan azeniba, ezi ni 7plan azeniba inigh 70plan dughiabar da akgvaghti, da bar moghira 490plan azenibar otogham. Ezi marazi ghaze, puvati, Hibrun akam wilkbara migei. Ezi gumazir maba ghaze, a pura biziñ gin otivambar akar isnin zuibav gei, egha dughiar tamín abananim gamizir puvati. **† 9:24:** Daniel 9:24in akar namba 2, gumazir maba ghaze, e kamaghin akar kam giraghama, "A danganir anogoroghezir tam ua baghvira an amisevegham." Eghiti arazir kamin, "God uabi gumazitam amisevegham, a gumazir bar zuegha arazir aghuibagh amim." **‡ 9:25:** Gumazir maba ghaze, e kamaghin akar kam giraghama, "E kamaghin oregh fogham, me ua Jerusalemin ingaramin migirigiam otoghti, 7plan dughiabar, 7plan azeniba akuvaghamin dughiam ko 62plan dughiabar, 7plan azeniba akuvaghamin dughiam givaghti, God misveghamin gumazir ekiar kam otogham. Dughiar kamin, me ua Jerusalemin ingariva, nguibar ekiamin aven tuavibar ingariva, egha ua afemozir ekiam gekuughti a nguibar ekiamin divazir gavgavim gighuigham. Eghiti azenir kaba, osimtiziba ifir azenibar min ikiam." **S 9:26:** Hibrun akam deraghá vezin kamin mingarim abighizir puvati. **9:27:** Hibrun akam deraghá vezin kamin mingarim abighizir puvati. Daniel 11:31; 12:11; Matyu 24:15; Mak 13:14 ***** 9:27:** Hibrun akam ves 27in akar avirim deraghá a migeir puvati. Kamaghin amizi, gumazir maba akar kam gira arazir igharazibar an osiri. *** 10:1:** Hibrun akam deraghá vezin kamin mingarim abighizir puvati. **10:5:** Akar Mogomem 1:13-15; 2:18; 19:12

Eghiti Jerusalem 434plan azenibar kamaghira ikiam, eghiti azenir kaba, kar osimtiziba ikiam azeniba.[‡] ²⁶ Egh 434plan azeniba givaghti, me gumazir God en akurvaghaha misvezim misuegħti an aremegħam. Eghiti an bizitam ikian kogħam.[§] Eghiti atrivir gavgavir mamin midorozir gumazir bżżeż ekiam iziwa Jerusalem ko Godin Dipenim gasighasigham. Eghiti dugħiħar abuananamin, mati aperiam faner ekiamin otogħha, biziha ater a zui. Eghiti midorozir ekiam iki mangiti, God mikemezi mogħin, dugħiħar abuananam otogħam. ²⁷ Eghiti atrivir kam gumazamizir avirim ko akar dikirizir gavgavim damuam, eghiti me akam baraghha. Eghiti akar dikirizir gavgavir kam 7plan azenibar ikiam. Egh mangi azenir 3pla ko akuamin givagħti, an arazir Godin ofa gamim agħivagh. Eghiti me bizir kurar God bar aghuazim isi Godin Dipenim gisín anetigham, kamaghin a uan Dipenim ategħam. Eghiti gumazir biziħbagħ asħiegħasim dipenir kamin iki mangi, God a gasighasighasa inabazir dugħiħam otogħam."**

10

Daniel Taigrisin Fanemin miriamin iki-ava irebamin għani

¹ Ezzi Sairus 3plan azenibar kantri Persian atrivim itima, God akam aghurigha Daniel ganingi. Danielin ziar mam Beltesasar. Ezi akar kam bar guizbangira, egha mong bar pin kozi, an osemeħha ghaze, a manmagħin a gifogħam?* Ezi God irebamin an gun migei.

² Ezi dugħiħar kabar ki, Daniel, ki 3plan wilkbar oseme. ³ Egha dagħer isingtizitam ameżi puvatiga, asizitam ko wainin dipatam nan aktorim giraghuzir puvati. Egha boretam uabi għażu egha uan

dapanir arizim akirizir pu, bar puvati, ezi wighin pumuning ko mizezim gifa.

⁴Ezi ki iakinir faragha zuimin, an dughiar namba 24in, Taigrisin Faner ekiamin miriamin tughav iti. ⁵Egha uan guam fegha garima, gumazir mam korotiar bar ghurghurim arugha, letiar golin aghuimin ingarizim ike. ⁶Egha an mikarzim dagiar angazangarim itimin min taghtasi. Ezi an guam mati onimarin taghtasi. Ezi an damazimning avimin min dafogha isi. Ezi an aghariba ko sueba da brasin min ghurghurizi, an tiarim mati gumazir aviriba migei.

⁷Ezi ki, Daniel, ki uabira irebar kamin gani. Ezi na ko itir darasi, me bizitamin ganizir puvatigha men mikarziba pura me dikafi. Ezi me atiatiava ara ghua monge. ⁸Ezi ki bar uabira ikia digavir kuram gamir irebar kamin gani. Egha ki ua gavgaviba puvatizi, nan guam ovever guam asaraghba bar ikufi. ⁹Egha ki an tiarim baregha, egha nguazim girigha ukauva organigha, un guam nguazim tua.

¹⁰Ezi gumazir mam uan dafarimin nan suira. Egha na ghufezi ki uan dafarimning ko tevir akirimningin tu. Egha ki nuighuiga irasa amauvira iti.

¹¹Ezi ensel kamaghin na migei, "Daniel, God ni gifonge. Egha ni dikavigh bar deraghvira na baraghti, ki bizir ni mikimamim ni mikimam. God uabi na amadazi ki ize." Egha a mikemegha givazima ki dikafi, egha tugha aguavira iti.

¹²Ezi a ua kamaghin migei, "Daniel, ni atiatingan marki. Dughiar farazimra ni ubi dikabiragha egha an fofozim iniasava ami. Ezi dughiar kamra, God nin dimdiam baraki. Egha datirighin na amadazi, ki nin azangsizim bangin ize. ¹³Ki zuamira izasa, ezi puvati. Aser kurar Persian nguubar ekiam gativazim, 21plan dughabar nan tivazi ki ike. Ezi ki uabira Persian atriviba ko itima gumazir nan akurvaghambiba puvati. Kamaghin amizi, enselbar faragha zuir enselin mam, an ziam Maikel, a nan akuraghaza ize.[†] ¹⁴Ezi ki bizir gin nin guazimiziba bativamim mikimti ni foghasa ize. Ni irebamin min ganizir bizir kam, a bizir gin izamibar eghaghanim nin aka."

¹⁵Egha a kamaghin migeima, ki uan guam nguazim mituagha migirigia na puvati.

¹⁶Ezi ensel kam nguazimina gumazamiziba en min gari, egha uan dafarim isa nan akam gati. Ezi ki akam akarigha kamaghin a migei, "Ekiam, ki irebar kamin ganigha bar atiatigha, puvira nigha gavgaviba gifa. ¹⁷Kamaghin amizi, ki migirigiar

manamat ni mikimam? Ki mati ingangarir gumazir uan gumazir ekiamin damazimin tughav itim. Egha ki gavgaviba puvatigha avighazi."

¹⁸Ezi enselin kam ua nan suirazi, ki ua gavgafi. ¹⁹Egha a kamaghin na migei, "God bar ni gifonge, ezi ni navir amirizimin ikiva, atiatingan marki. Ni tugh gavgafigh." Egha a mikemegha givazima, ki bar gavgavigha egha kamaghin a migei, "Gumazir ekiam, ni gavgavim na ganigha gifa, kamaghin, ni datirighin bizir kabar gun na mikim."

²⁰⁻²¹Ezi a kamaghin na migei, "Ni fo, ki tizim bagha ni bagha ize? Ki Guizin Akar Akinafarimin aven osirizir, akar mabar gun deraghvira ni mikimasa ize. Egh ki dughiar ruuarimin ikeghan kogham. Ki zuamira uamatagh mangiva, aser kurar Persian kantrin garim ko misogham. Eghit midorozir kam givaghti, Grighin kantrin garir aser kuram otogham. Tav nan akurazir puvati. Ensel Maikel, a Israelia ian gari, egha a uabira nan akura."

11

¹Ezi, azenir faragha zuimin Midian kantrin gumazim Darius Babilonin kantrin atrivimin itima, ki ensel Maikelin akura.

Isip ko Sirian atrivimning uaning misosi

²Ezi enselin kam ua kamaghin na migei, "Daniel, ni oragh. Bizir ki ni mikimamin kaba, da bar guizbangiram otivam. Eghit atrivir 3pla otogħiva Persian kantri gativagh an ganam. Eghit gin atrivitam uam otogħam. Egh namba 4in atrivir kam dagħar aviriba ko bizir aviriba ikiva, kantri Persian atrivir maba bar dagh afriġħam. Eghit an gavgavim bar ekevegħti, a bizir avirim ikiam, egh a kantriba bar dar amuti men naviba bar ikuvighti me kantri Grik ko misogħi damuam. ³Eghit gin atrivir gavgavim otogh, egh kantrin aviriba ko gumazamizir aviribagh ativagħam. Egh bizir manam ana damusi, ana damuam. ⁴Eghit an gavgavim ikivira ikiti, an kantri bigh, 4plan kantribar otivighti, an boribara kantrin kabagh ativagh dar ganan kogħam. Puvati. Gumazir iħarraxiżza dagh ativagħam, eghit dar gavgavim atrivir kamin gavgavim min gavgavighan kogħam.

⁵ “Eghți dughiar kamin, Isipin atrivim,* gavgavim ikiam. Eghți an gumazir dapanir mam kantrin igharazimin atrivimin ikiam. Egh an gavgavim bar ekevegħti, a Isipin atrivimin gavgavim gafiragħam. Eghți kantri a ganamin kam, a bar ekevegħ kantrin igharazibagh afiragħam. ⁶ Eghți azenir mabar gin Isipin atrivim uan borir guivim amadagħti a mangi Sirian kantrin atrivimin amuimin ikiam. Arazir kam kantrining damighti aning uanġi inigh deraghvir ikiam. Eghți amizir kamin gavgavim dughiar ruarimin ikegħan kogħti, an pam ġen gavgavim givagħam. Eghți me amizir kam ko, an borim ko, a ko ghueżiż darazi ko, an pam, me me misuegħti me aremhegħam.†

⁷ “Eghți gin amizir kamin anabatam Isipin atrivimin otogħam. Egh atrivir kam Sirian atrivimin midorozir gumaziba ko misogh, egh nguibar ekiamin divazir gavgavim aven mangi, misogħiva me kuavaremegħam. ⁸ Egh a men asebar marvir guaba, ko men aseba bagħavira itir bizar aghuir me silva ko golin ingariziba, ko bizar aghuir igharaziba sara, inigh Isipin mangam. Eghți bizar kabar gin azenir tabar midoroziba puvatigham. ⁹ Eghți gin Sirian atrivim Isipin mangi egh Isip ko misogħam. Egh midorozim ategħ, ua uan kantrin mangam.

¹⁰ “Sirian atrivimin otariba, midorozir gumazir aviriba inigh me akuvagh midorozim bagħ ikiam. Eghți atrivimin otaritam, midorozir gumazir kaba inigh zuamira mangi aperiāmin min men nguibba avaragħam. Egh me nguibar divazir gavgavim itim ko misogħam, kar nguibar Isipin atrivim ativazim.

¹¹ “Eghți Isipin atrivim adarir ekiam iki mangi Sirian atrivim ko misogh, egh an midorozir gumazir avirim dikabiragh kal-abus datigham. ¹² Egh a midorozir kam dikabiragh, egh kamaghin a bar akuegħ uan ziam farn. A tausenplan midorozir gumazir avirim misuegħti me arghiregħam, eghți an gavgavim dughiar ruarimin ikian kogħam.

¹³ “Egh Sirian atrivim uamategħ uan kantri bagħ mangiva midorozir gumazir avirim akuvagħti, men dibobonim fomira misogħeżiż midorozir gumazibar dibobonim gafiragħam. Eghți azenir gin

izamim, a uamategħ izi midorozir gumazir gavgavir avirim inigh mangi Isipin atrivim ko misogħam. Egh me dagħer aviriba ko bizar aviriba sara inigh mangam.

¹⁴ “Eghți dughiar kamin gumazir avirim Isipin atrivimin apanim inik. Ezi Daniel nin adarazir marasi, me aningħagħar arazim iki, irebamin ganigh, bizar kam bagħ dikavigh misogħi damuam. Egh me Isip ko misogħ, egh me iregham.

¹⁵ Eghți Sirian atrivim uan midorozir gumaziba ko, me izi nguibar gavgavir mam divazim min anerugħ nguibam inisi misogħ, egh a dikabiragħam. Eghți Isipin midorozir gumaziba ua misogħan kogħam. Eghți men midorozir gumazir gavgavir aghħiġa, uagħan misogħamin gavgaviba puvatigham. ¹⁶ Eghți, Sirian atrivim uan ifongiāmin biziżżek me damuam. Eghți gumazitam an anogoregħan kogħam. Egh a nguażiż aghuir God uan gumazitibagh aningiż kien inigh, egh nguażiż kam gasiġħasigham gavgavim an dafarim inikiam.

¹⁷ “Egh gin Sirian atrivim uam uan midorozir gumaziba bar me inigh, Isipin kantri ko misogħi mangi nighnigham. Egh kantrining uanġi inigh deragh ikiasi, a uan guivim amadagħti a mangi Isipin atrivimin amuimin ikiam. A ghaze, tuavir kamin a Isipin nguibam dikabiragħam. Eghți an nighniz kien gużiż otogħan kogħti, a biziżżek inighan kogħam.‡ ¹⁸ Eghți gin a mangi nguibar ḥorġi miriāmin itiba ko misogħ, egh nguibar aviriba dikabiragħam. Eghți kantri igharazimin gumazir dapanim, a Sirian atrivim uabi fer arazir kuram dikabiragh, egh an arazir kurar kamra ikaragh, bar a dikabiragħam.

¹⁹ Eghți Sirian atrivim uamategħ uan nguibamin mangi, nguibar ekiamin divazim inikiam. Egh a iriġ bar givagħti, me uam an ganighan kogħam.

²⁰ “Eghți atrivir igharazitam an danganim inigh, kantrin an ativaziba bizar aghħiuba ua bagħ da inisi nighnigh, egh gumazitam amadagħti, a nguibar bar aghuir kamin mangi me abin men dagħiha injam.§ Egh atrivir kam midorozim in aremhegħ kogħam. Egh uagħan gumazitam an atar a misuegħti an aremhegħ kogħam. Eghți

* **11:5:** Hibrun akam me deragħha kantrin kamning, Isip ko Siria, aningen ziamming deragħha aning diborir puvati. Me ghaze, “Notin amadaghan itir kantri,” eghha “Sautin amadaghan itir kantri.” Ezi sapta 11in vezin aviriba, e dar gara ghaze, “Notin amadaghan itir kantri,” a guizbengira Sirian kantri migei. Ezi “Sautin amadaghan itir kantri,” a Isipin kantri migei. Ezi sapta 11in vezin abuنانام, marazi ghaze, akar kam ua Isip ko Siria migei puvati. Me ghaze, a kantrin igharazibav gei.

† **11:6:** Hibrun akam deragħha vezin kamin mingarim abighiżżek puvati. Marazi ghaze, vezin kam an amizir kamin borom migei, eghha an afeżżam migei puvati. ‡ **11:17:** Hibrun akam deragħha vezin kamin mingarim abighiżżek puvati.

§ **11:20:** Hibrun akam deragħha vezin kamin mingarim abighiżżek puvati. Gumazir maba ghaze, “nguibar bar aghuir kam,” a Jerusalemin nguibar ekiam migei. Ezi marazi ghaze, a Godin Dipenir Jerusalemin itim migei.

atrivir kam bar dughiar otevimin ikegh ovengam."

Sirian kantrin itir atrivir kuram

²¹ Ezi ensel ghua kamaghin Daniel migei, "Egheti gin atrivir tam Sirian kantrin otogh, egh an araziba bar ikuvigham. Gumazir kam, Sirian gumazamizibar ifongiamin atrivimin otogham kogham, a uan nighnizimin atrivimin otogham. Egh a zuamira otogh akar asuibav kimiva akar ifavaribar amu, egh Sirian atrivimin ikiam. ²² Egheti midorozir gumazir avirim a misoghsiz iziti, a me dikabiragh bar me a gevegham. Egh uaghan, a Godin Ofa Gamir Gumazibar Dapanir Ekiam dikabiraghram. ^{**} ²³ An kantri suvizi, egheti a kantrin taba ko, akar dikirizir gavgavir ifavarir tabar amigham, egh mikim suam a me ko deraghvira ikiam. Egh a zuamira kantrin a misoghsa nighnizir puvatiziba ko misogham. Egheti arazir kamin an gavgavim bar ekevegham. ²⁴ Egheti kantrin maba navir amirizimin iki misoghsiz nighnighan koghti, a zuamira dikavigh pura me ko misogham. Ezi kantrin kaba, kar kantrin dagiar aviriba itiba. Egh a bizir aghuir a misogha iniziba, a uan roroaba ko da tuiragh me da iniam. Kar an ovaviba fomiram amizir puvatizir arazim. Egh a nguibar divazir gavgaviba itiba inisi, ua misoghsiz nighnigh, egh a men tarazi iniam. Egh a bizir kaba dughiar bar otevimira dar amuam.

²⁵ "Egh atrivir kam Isipin atrivimin atiatighan kogham. Egh, a midorozir gumazir avir ekiam akuvagh Isip ko misogham. Egheti Isipin atrivim midorozir gumazir gavgavir taba ua bagh da inigh, egh uaghan Sirian atrivim ko misogham. Egheti gumazitaba Isipin atrivim gifariva a damuti a bar foghan kogh, egh kamaghin, a irigham. ²⁶ Isipin atrivimin gumazir dapanibara pazavira a damigham. Egheti Sirian midorozir gumazir a midorozir gumazibav sueghti me bar arighiregham. ²⁷ Egh gin atrivir kamning uaning inigh daperagh damam. Egh aningin nighniziba bar ikuvichti, aning akam gitiva, akar ifavarir aviribar uaning mikimam. Egh bizir aning damuasa ifongeziba, aning dar amighan kogham. God bizir kabar amuasa inabazim dughiam a tighar otivam. ²⁸ Egh Sirian atrivim, bizir a midorozimin iniziba, bar da inigh izam, egh a ua uan nguibamin mangam. Egh gumazamiziba Godin ziam fer arazim gasighasighsi nighnizir tam

damuam. Ezi bizir a damuasa ifongeziba, a pura dar amuam. Egh gin a uamategh uan nguibamin mangam.

²⁹ "Egheti dughiar God inabazimin, Sirian atrivim Isipin mangighiva ua Isip ko misogham, egh a dughiar kamin a faragha me misogha me abinizi moghin, ua kamaghin damighan kogham. ³⁰ Egheti Romin gumazamiziba kuribar iziva a misogham, egheti a bar atiatigham. Egh a bar puv atariva uamategh mangi, gumazamizir Godin ziam fer arazim gasighasighsi damuam. Egh a gumazamizir akirim ragha God gasaraziba men migiriabba ko nighnizibar gin mangam.

³¹ "Eghati an midorozir gumaziba otivigh Godin Dipenim damuti a Godin damazimin mizegham. Egh me Israelian tivaghti, me zurara ofa gamir arazim damuan kogham, egh bizir bar kuratam Godin Dipenim a damighti a tugham, kamaghin a uan Dipenim ategham. ^{††} ³² Egh atrivim gumazamizir akirim ragha God gasaraziba, akar bar isingtizir aghuibar me mikimtima, me an gin mangam. Egheti gumazir Godin apengen itiba, me tuivigh gavgavigh an akaba batogham.

³³ "Egheti Israelin gumazir dapanir fofozir aghuibaa itiba, me gumazamizibar akurvagh nighnizir aghuibaa me daningam. Egheti men tarazi, apaniba midorozir sababar me misoghti me arimighiram, egh tarazi me me daponti me arimighiram. Egh me gumazir dapanir tabar bizitaba okimiva me isi kalabus darigham. Egh me arazir kam dughiar ruarin a damighan kogham. ³⁴ Egheti dughiar me Godin gumazir dapanibav soghti me arimighiram, gumazitaba men akurvaghram. Egheti men aviriba uari uarir akurvaghzi nighnighiva, men akurvaghram. ³⁵ Egheti apaniba gumazir dapanir tabav soghti me arighiram. Egheti men osmitizir kam gavgavim gumazamizir mabar aningam. Me arazir aghuibar amuva, Godin damazimin bar zuuegham. Egheti arazir kam givaghan kogham. A kamaghira iki mangi God inabazir dughiar abuananamin tugham.

³⁶ "Egheti Sirian atrivir kam uan ifongiamin bizibar amuam. Egh a ubi uan ziam fiva kamaghin mikim suam, ki aseba bar dagh afira. Egh an akar dibovibav kimiva, Godin Bar Pin Itimin ziam dikabinam. A kamaghira damu mangivira iki mangiti Godin aningagharimin dughiam otogham. Guizbangira, God uan nighnizimin gin mangi, biziba bar dar

**** 11:22:** Gumazir maba ghaze, akar kam ofa gamir gumazibar dapanim migeir puvati. Me ghaze, gumazir dapanir igharazim atrivim ko akam akiri. **11:31:** Daniel 12:11; Matyu 24:15; Mak 13:14 **†† 11:31:** Akar kam, "bizir bar kuratam," an akar bar faraghavira itim, a Daniel 9:27in iti. **11:32:** Daniel 11:21; 11:34; Maika 5:7-9; Sekaraia 10:3-6

amuam. ³⁷ Eghü atrivir kam uan ovavibar aseba bar men aghuaghiva, uaghan amiziba gin zuir asemin aghuaghram. Egha, a uabi migia ghaze, ki uabira faraghavira ikia dagh afira, egh kamaghin, a bar aseba akirim ragh dagh asaraghram.^{‡‡} ³⁸ Egh an aser vamira ziar ekiam a daningam. Aser kam, a nguibar ekiar divaziba itibar gar. Eghü atrivir kamin ovaviba aser kamin ziham fomiram a feir puvati. Eghü atrivim gol ko silva ko dagiar bar aghuiba, ko bizar aghuir maba sara aser kam bagh dar aningam. ³⁹ Eghü a nguibar divazir gavgaviba itibav soghsı mangi, egh a uabin akurvaghı men aser kamin azangsigham. Egh a gumazir a gifongeziba, a men atrivimin iki, egh a ziar ekiam me daning, egh a me damutı me gumazir dapanibar otivti, a nguaziba bizar aghuiba min me daningam, egh akurvazir me a gamizim ikarvaghram.

⁴⁰ “Eghü dughiar abuananam roghira iziti, Isipin atrivim izi a ko aning uaning misogham. Eghü Sirian atrivim karisba ko hozıoba ko kuriba inigh, zuamira mangi Isipin atrivim ko pamtem misogham. Egh kantrin aviriba aperiar dafamin min otogh me arigham. ⁴¹ Eghü midorozir gumazir kaba izi God uan gumazamizibagh aningizir nguazir aghuir kamin otogham. Egh me tausen tauseun gumazamizibav soghirarigham. Egh midorozir gumazir kaba kantri Idom ko Moap ko kantri Amonin nguazir otevir ekiam inighan kogham. ⁴² Eghü atrivir kam nguazibar avirim dikabiragh, egh uaghan Isip ateghti a deraghvira ikian kogham. Puvati. ⁴³ Egh a Isipin iveauzir ekiaba itir bizar aghuir maba ko gol ko silvan avirim inigham. Egh kantri Libia ko Itiopia dikabiraghti, aning an apengan ikiam. ⁴⁴ Eghü gin gumaziba aruem anadi naghin ko notin ikegh iziva akar tam a mikemeghti, akar kam a damighti a digavir kuram damigh bar aningaghegħam. Egh a navim bar an ikuvighti, a pamtem misogh gumazamizir avirim kuavaremegħam. ⁴⁵ Egh a ua bagħ averpenir ekiaba, nguazir otevir mamin dar ingaram, nguazir kam a Mediterenianin Ongarir Ekiamin miriam ko Godin Dipenim itir mighsiam tizimmin iti. Mighsiar kam bar zuegħha bar deragħa tagħtasi, kar Godin mighsiam. Eghü atrivir kam bar givagħam, eghü tav an akuragħan

kogham.”

12

Dughiar abuananam

¹ Ezi enselin korotiar ghurghurim aruzim, kamaghin migei, “Dughiar kam otivam, enselin bar ekiam Maikel, kar Israelin gumazamizibar garir ensel, an otogħam. Eghü dughiar kamin osimtizir bar ekiam otivam. Egha fomira osimtizir kamaghin garitam nguazir kamin nguibatamin otozir puvati. Ezi dughiar osimtizir kam otivamim, Israelian gumazamizir men ziaba Godin akinafarimin aven itiba God ua me iniam. ² Eghü God gumazamizir avirirovgeziba ua me fiti me ua dikavam. Men marazi zurara itir ikirimir aghuim iniam. Eghü men tarazi bar aghumsighiva kamaghira ikivira ikiam. ³ Eghü gumazir fofozir aghuiba ko nighnizir aghuiba itiba, me mikoveziba isi mogħin isi tagħtagħam. Eghü gumazir gumazamizir avirim arazir aghuiba gin mangas men sure gamiba, me zurara mikovezibar min isi tagħtagħ mamaghira ikiam. ⁴ Ezi datirigħin a na migia ghaze, ‘Ni Daniel, ni akaba itir akinafarir kam dukuagh, egh kendel gris a datighti, an akaba modloġh ikiam. Egh akinafarir kam dukuagh mamaghira iki mangi dughiar abuananam otogħam. Eghü gumazamizir avirim pamtem akar kamin mingarim gifogħsi damuva avegham.”*

Dipar miriamin itir enselningin irebām

⁵ Ezi ki Daniel, ki gin garima, gumazir pumuning fanemni miriamningin tughav iti. Mam vongin itima, ezi mam vongin iti. ⁶ Ezi aningen mav, enselin korotiar ghurghurim arugħa mong fanemni pin itim kamaghin an azangsigha ghaze, “Dughiar manħra bizar me ganiva atiatingamiba givagħam?”

⁷ Ezi enselin korotiar ghurghurim aruzim, a uan agharim minn viraram aning ghufegħha Godin Nguibamin akui. Egha kamaghin migei, “Ki Godin Mamaghira Itimin ziamin, bar guizbangira migei. Bizar ni ganiva atiatingamiba, azenir pumuning ko mikezim ko akuamin mangiva givagħam. Eghü me Godin gumazamizibar gavgavim dikabiragħi, eghü me bar ikuvigha, dughiar kamra bizar kaba uaghan givagħam.”†

^{‡‡} **11:37:** Hibrun akam deragħha vezin kamin mingarim abighiżżejj puvati. **12:1:** Matu 24:21; Mak 13:19; Akar Mogommex 7:14; 12:7 **12:2:** Aisaia 26:19; Matu 25:46; Jon 5:29 **12:3:** Daniel 11:33-35; Matu 13:43; 1 Korin 15:41-42; Jems 5:20 **12:4:** Akar Mogommex 22:10 **12:4:** Amos 8:12 vezin kamin itir akamin mirra għu. Ezi Hibrun akam deragħha akar kamin mingarim abighiżżejj puvati. Gumazir avirim ghaze an mingarim kamaghin għu, “Gumazamizir avirim danganibba bar dar aruan, egh bizar guar aviribar fofozir aviriba iniam.” **12:7:** Akar Mogommex 10:5; 12:14 [†] **12:7:** Hibrun akam deragħha vezin kamin mingarim abighiżżejj puvati. Gumazir maba ghaze, a azenir pumuning ko mikezim ko akuamin migei. Ezi gumazir maba ghaze, akar kam, a guizbangira akar mogommex, egha osimtizir kam givagħam din dughħam deragħha a migej puvati.

Enselningin irebamin mingarim

⁸ Ezi a migeima, ki a baregha, akamin mingarim gifozir puvati. Egha ki kamaghin an azai, “Gumazir ekiam, bizir kaba manmaghin givagham?”

⁹ Ezi a kamaghin nan akam ikaragha ghaze, “Daniel, ni mangi. Guizbangira, akinafarim ni a dukuagha gifra. Eighti akar kamin mingarim modogh mamaghira iki mangi dughiar abuananam otogham.

¹⁰ Eighti bizir kaba otiv gumazamizibar amuti me arazir aghuibar amuam. Egh me Godin damazimin zuegham. Egh gumazamizir fofozir aghuiba ko nighnizir aghuiba itir kaba, merara bizir kamin mingarim gifogham. Eighti gumazamizir kuraba me bizir kamin mingarim gifogham kogham. Egh me arazir kurar avirim damuam.

¹¹ “Eighti gin apaniba Israelian tivaghti me zurara ofa gamir arazim damuan kogham. Eighti bizir bar kuratam me Godin Dipenimin aven anesaraghti, kamaghin a uan Dipenim ategham, kar God bar aghuazir bizim. Dughiar kam iki mangi, 1,290plan dughiaba givaghtima, bizir kurar kam givagham. ¹² Eighti gumazamizir God bagha tulvigha gavgavigha itiba, a mizuam mangiti 1,335plan dughiaba givaghti, me bar akuegh ikiam.

¹³ “Eighti ni, Daniel, ni datirighin tugh gavgavigh mangiti dughiar abuananam otogham. Eighti ni aremegham, egh ni gin ua dikavigham, egh dughiar abuananamin God ni bagha inabazir biziba, ni da iniam.”

Godin Akam Inigha Izir Gumazim Hosean Akinafarim O Hosea Akar faragha zuim

Godin Akam Inigha Izir Gumazim Hosean Akinafarim, a 12plan Godin akam inigha izir gumazibar akinafarir otevibar faragha zuir akinafarim. Godin akam inigha izir gumazibar akinafarir igharazibar, akam inigha izir gumazim Aisaia ko, akam inigha izir gumazim Jeremaia ko, akam inigha izir gumazim Esekiel, men akinafariba, kar akinafarir bar ruariba. Kamaghin amizi, akinafarir otevir 12plan kaba, me kamaghin da dibora ghaze, akam inigha izir gumazibar akinafarir otevir 12pla.

Dughiar kantri Asiria iza Israelin kantri bar a gasighasighasava amimin, Hosea notin amadaghan Israelin nguazimin ikia, Godin akabar gun migei. Kar, osimtizir ekiamin dughiam, ezi dughiar kamin Israelia bar deraghavira ikezir puvati.

Akar Hosea gun mikemezir mam, an otevir pumuning iti. An otevir mam, a gumazamiziba uan arazir kuraba akirasa Akar Gavgavimin me migei. Me God ategha asebar marvir guabar gin zui. Ezi an akar otevir igharazim, a bar guizbangira Godin apangkuvim ko gumazamizibagh ifongezir arazimin gun migei. A uaghan, Godin arazir an arazir kuraba gin amadim ko, gumazir arazir kurabam gamizim uam a inizir akabar gun migei.

Hosean ikirimirimin araziba, Godin arazir kamin ababanimin min oto. Hosean amuim ghua arua poroghamiba uari bakeir arazibagh ami, Arazir kamra, Israelia uari God ategha tintinibar asebar marvir guabar gin zui. Ezi gin Hosea ua uan amuim ini, ezi bizir kam a God uan gumazamizibar apangkuva ua me inizir ababanimin min iti. God bar uan gumazamizibagh ifonge, egh a me ateghan kogham.

Hosea uan amuim ko an boribar egaghani

(*Sapta 1-3*)

¹ Akar kaba, Ikiavira Itir God, Hosea ganidi, a Berin otarim. Dughiar kamin aven, Usia atrivimin ike, ezi an gin Jotam atrivimin ikezi, an gin Ahas atrivimin ike, ezi an gin Hesekia, me bar kantri Judan atrivibar itima, Jehoasin otarim Jeroboam, a kantri Israelin atrivimin iti.

1:1: 2 Atriviba 14:23-29; 15:1-7; 15:32-38; 16:1-20; 18:1-20; 21; 2 Eghaghani 26:1-23; 27:1-8; 28:1-27; 29:1-32; 33
1:4: 2 Atriviba 10:11 **1:7:** 2 Atriviba 19:35; Sekaraia 4:6 **1:10:** Genes 32:12; Hosea 2:23; Jon 1:12; Rom 9:26; 1 Pita 2:10; 1 Jon 3:1

Hosean amuim boribabati

² Ikiavira Itir God Israelia mikimasa, Hosean dughiar bar faragha zuimin, akam isa a ganiga kamaghin a migei, "Nan gumazamiziba ua na gifongezir puvati, egha asebar ziaba fe, mati tuavimin amizir tintinimin gumaziba koma akuim. Ni kamaghin men akakaghram, ni mangi tuavir amizitam inigh an ikiti, a poroghamiba tintinibar uari bakeir arazim damuvira ikiam. Egha an boriba, tuavimin amizim oteghamin boribar min ikiam."

³ Ezi Hosea ghua Diplaimin guivim Gomer inigha an ti. Ezi gin Gomer navim asegha otarim bate.

⁴ Ezi Ikiavira Itir God kamaghin a migei, "Ni otarim, ziar kam, 'Jesril,' a datigh. Ni fo, Israeli an atrivibar inazir afeziam Jehu, a faragha atrivibar nguibam Jesrilin ikia, atrivir pumuning misoghezi aning areme. Kamaghin amizi, kiran oveg-hangin, ki an arazir kuram ikarvagh Israelian atrivir datirighin itim ivezir kuram a daningam. Egh ki Jehun ikizimin aven gumazitam ateghti, tav uam Israeli an atrivimin ikian kogham. Kar ziam Jesrilin mingarim. Gumazamiziba otarir kamin ziam baraghiva Jehu amizir arazir kuram ginighnigham." ⁵ Egh dughiar kamin, ki Israeli midorozir gumazibar gavgavim Jesrilin danganir zarinim a gasighasigham."

⁶ Ezi gin Hosean amuim Gomer ua navim asegha borir guivim bate. Ezi Ikiavira Itir God kamaghin Hosea migei, "Ni ziam, 'Loruama,' a datigh. Ziar kamin mingarimra kara, ki ua Israelia me gifongeghan kogham, men arazir kuraba gin amadaghan kogham." ⁷ Ki Judan gumazamiziba, bar me gifongeghavira iti. Ki Ikiavira Itir God, men God, ki uan gavgavimin men akurvaghram. Ki midorozir sabam ko, barir pim inigh me bagh misogh men akuraghan kogham. Ki men akurvaghri midorozir gumaziba ko hoziba amadaghan kogham. Puvati, ki tuavir igharazim iti."

⁸ Ezi gin Hosean guivim, Loruama, otom ataghizi, Gomer ua navim asegha otarir igharazim bate. ⁹ Ezi Ikiavira Itir God Hosea migia ghaze, "Ni ziar kam a datigh, 'Loami.' Ziar kamin mingarimra kara, ia Israelia, ia nan gumazamiziba puvati. Egha ki ian Godin ikian kogham."

Israeli an atrivibar itima

¹⁰ Israelia ua bar avirasemegham, mati ongarir dadarimin gigim, egha me me mengan iburaghram.

Datirighin God kamaghin me migei, "Ia nan gumazamiziba puvati."

Egh gin dughiatam iziti, a kamaghin me mikim suam,

"Ia Godin Zurazurara Angamira Itimin boriba."

¹¹ Eghti ikizir kamning, Juda ko Israel ua uaning akuvagh, kantrin vamiran otogham.

Me gumazir men faragh mangamin vamira amiseveghti, men kantri, ua kantrin bar gavgavimin otogham, eghti me damauamin biziba, da bar deraviram otivam.

Me mati God ingarizir azenimin min otogham, mati Jesrilin azenir aghuim.*

Bar guizbangira, God ingangarir kam damauamin dughiam, a bar dughiar ekiam.

2

¹ Datirighin, ia Israelia, uan adarazigh nighnigh, ziar kamning me darigh, "Ia Godin Gumazamizibara," ko "God Bar Ia Gifonge."

Israelia God ataki, mati Gomer Hosea ataki

² Ezi God akar isin zuim uan gumazamizibagh amua ghaze:

"O nan boriba, ian amebam ua nan amuimin min itir puvati, ezi ki uam an pamim min itir puvati.

Ia pamten, a mikim a gakaghonti, a uan arazir tintinimin gumaziba ko akuim atakigh.

A ua tuavimin amizimin arazim damuan marki.

³ An arazir kam ateghan koghti, ki an korotiaba sueghti, a bibiamra iki bar aghumsigham.

Ki a damighti, a nguazir bar kuramin min otogham.

Nguazir kam, bar misingizi temeba ko bizza an aghuir puvati, egha dipar apiba an puvati.

Arazir kamin ki a gasighasigham.

⁴ An boriba, me tuavimin amizim otezir boribar min iti.

Kamaghin amizi, ki an boribar apangkuvan kogham.

⁵ Men amebar kam uan pam ategha, tintinibar gumazir igharaziba ko akua navim asegha aghumsiziba puvati, egha kamaghin migei,

'Ki gumazir ki ifongezibar gin mangam.'

Me dipaba ko, dagheba ko, koroziaba ko, olivin borem ko, wainin dipaba ko, bizir maba sara na ganidi.'

⁶ "Kamaghin amizi, ki temer dikoniba itiba inigh an tuavim apirigham.

Ki divazimin min an tuavim avinigham, eghti a gumazir kaba bagh mangan kogham.

⁷ A ifongezir gumazibar gin ivegh mangi, egh me batoghan kogham.

A me burisi mangiva, egh men apaghan kogham.

Egh a kamaghin mikimam, 'Ki faragha deraghavira iti, ezi datirighin puvati.

Kamaghin amizi, ki ti uamategh uan par faragha ikezim bagh mangam.'

⁸ "A kamaghin foghan aghua, ki uabi dagheba ko, wainin dipam ko, olivin borem ko, silva ko, gol ko, bizir maba sara bar a ganingi.

Ezi puvati, a bizir bar aghuir kaba inigha ghua asem Balin ziam fe.

⁹ Kamaghin amizi, dagheba asiamin dughiam otoghti, ki dagheba ko wainin a ganingiziba, ki ua da inigham.

Egh korotiaba ko bizir aghuir a ganingiziba, ki ua da inigham.

¹⁰ Egh a ifongezir gumazibar damazimin, ki an korotiaba suegham.

Eghti gumazitam nan dafarimin uam a inighan kogham.

¹¹ Dughiar ekiar a bar akongeziba, ki bar da agivagham.

Dughiar ekiar kaba kamakin.

Kar, dughiar ekiar zurara azeniba bar dar otiviba, ko, iakinir igiaba, ko, Sabatin dughiaba, ko, Godin ziam fer dughiar igharaziba sara.

¹² Ki an wainin ikariziba ko fighin temeba ki bar dagh asighasigham.

A ghaze, a gifongezir gumaziba temer kaba isa an ivezimin min a ganingi.

Eghti asizir atiaba izi wainin azeniba ko fighin temebagh asighasigham.

Eghti wain ko fighin azenir kaba ruarir kinibar otivigham.

¹³ A dughiar ruarimin na ginamada, egha ghua migharir mughuriar aghuim zuir ofaba isa asem Bal bagha ofabagh ami.

Egha kurkazir aghuaribagh amua gumazir a ifongezibar gin arui.

Kamaghin amizi, ki ivezir kuram a danigham.

Ki Ikiavira Itir God, ki kamaghin migei."

* ^{1:11:} Akar kam ghaze, God ingarizir azenim, Hibrun akamin me a dibora ghaze, Jesril. Borir 3plan ziaba, faragha bizir kurabar ababanim gami. Ezi datirighin ziar 3plan kaba bizir aghuibar ababanim gami.

Ikiavira Itir God uan gumazamiziba bar me gifonge

¹⁴ Egha Ikiavira Itir God uam akar isin zuimin kamaghin migei:

“Ki akar aghuimin amizir kam mikimiva,
egh uam a gekuigh gumazamiziba pu-
vativir danganimin mangigham.
Egh an asughasugh anepezeperiva, kam-
aghin a mikimam,
‘Ki bar ni gifonge.’

¹⁵ Egh ki wainin azeniba isi ua a daningam.
Egh danganir zarir kam me kamaghin a
dibori, ‘Osintizibar Danganir Zarim,’
ki a giragham,
eighthi a bizar aghuir gin izamiba
bagh mizuamamin danganimin
otogham.

Eighthi nan amuimin danganir kamin aven iki
nan akamin gin mangam,
mati a fomira igiamra itir dughiamin,
Isip ategha izava amizi mokin.”

¹⁶ Egha Ikiavira Itir God kamaghin Is-
raelia migei:

“Ia dughiar kamin, nan amuimin min iki ka-
maghin na dipon suam, ‘Ni nan pam.’
Egh ia ua kamaghin na ginighnighan
kogh suam,
‘Ni aser kam Bal, ni nan Ekiam.’
Puvati.

¹⁷ Ki ia ateghti,
ia amizir kamin min uam asem Balin
ziam diponan kogham.
Bar puvatigham.

¹⁸ “Dughiar kamin, ki asizir atiaba ko,
kuruziba ko, kuaraziba koma akar
dikirizir gavgavim damigham.

Eighthi da nan gumazamizibagh
asighasighan kogham.

Egh midorozim gamir biziba, mati
barir piba ko, afuziba, ki bar ada
apirarigham.

Eighthi nan gumazamiziba navir
amirizimin iki nguazir kamin ikiam,
egh uam atiatingan kogham.

¹⁹ “Israel, ki ni damighti ni nan amuimin
min otogham,
egh ni kamaghira iki mamaghira ikiam.

Ki arazir aghuim ko guizin arazimin ni
damuam, egh ni ateghan kogham.

Egh ni gifuegh mamaghira ikiam,
egh nin apangkuvira ikiam.

²⁰ Ki uan akar dikirizimin gintigham,

eighthi ni nan amuimin min iki mam-
aghira ikiam.

Egh ni fogh suam,
kirara, ki nin Ikiavira Itir God.

²¹⁻²² Ki Ikiavira Itir God,
ki dughiar kamin uan gumazamiziba
Israeliang azangsiziba baragham.

Egh amozim amadaghti, a nguazim gizam.
Eighthi men azenibar dagheba ko,
wainba ko, olivin temer me borem
isiba,
biva avirasemegham, mati Jesrilin
azenir aghuim.*

²³ Egh ki uan gumazamiziba nguazir kamin
me arichti,

me aghung azenir aghuir ki in-
garizimin min ikiam.

Ki faragha kamaghin uan gumazamizibav
gia ghaze,
‘Ki Ia Gifongezir Puvati.’

Egh gin ki bar me gifuegham.
Ki faragha kamaghin me migei,
‘Ia Nan Gumazamiziba Puvati.’

Egh gin ki kamaghin me mikim suam,
‘Ia nan gumazamizibara.’

Eighthi me kamaghin nan akam ikaraghram,
‘Ni en God.’”

3

Hosea ko an amuir kuram

¹ Egha Ikiavira Itir God ua kamaghin na
migei, “Ni ua mangi uan amuimin gifongegh.
Ni faragha uan amuimin gifonge, ezi a ghua
poroghamiba uari bakeir arazim gami. Ni
bar a gifongegh, mati ki uan gumazamiziba
Israelia bar me gifonge. Guizbangira, me
na ategha aseba bagha ghue, egha wainin
ovizir me apuzibiza isa asebar ofa gami.
Me kamaghin amizi, ki Ikiavira Itir God me
gifueghavira iti.”

² Kamaghin amizi, ki dikavigha ghua
150 kina ko, 6plan balin beghiaba uan
amuim uam a givese. ³ Egha ki kamaghin
a migei, “Guizbangira, ni nan amuimra,
ezi datirighin ki ni ko dakuighan kogham.
Ni faragh dughiar ruarin pura ikegh,
dughiar kamin, ni tuavimin amizimin min
ikian marki. Ki ni baghvira mizuamam.”

⁴ Kamaghira, Israelia dughiar ruarin
tong pura ikegham. Egh me atriviba ko
gumazir dapaniba puvatigham. Me aseba
bagh ofabar amuan kogham. Egh dagiar
guariba, ko nedazir me dar gara bizar gin
otivamibagh fofoziba, ko marvir guaba, me
bar da ategham. ⁵ Dughiar kam givaghti,
Israelia uamategh Ikiavira Itir God, men

^{2:15:} Josua 7:24-26 * ^{2:21-22:} Vezin kamin, Godin akam inigha izir gumazim Israelia migei, egha a ziam, “Jesril,”

Israelia garisi. God bizar kurar a Israelia gamizim giragha, ua deragha me gami. Kamaghin amizi, ves 21-23in aven, God Hosean borir 3plan ziabagh ira. Ni uaghan Hosea 1:1lin gan. ^{2:23:} Jeremaia 31:27; Sekaraia 13:9; Rom 9:25; 1 Pita

2:10 ^{3:5:} Jeremaia 31:9; 50:4-5; Esekiel 34:24

God bagh izi, akongiva atiatingvira an zi-amra fam. Egh me Atrivim Devitin ovavir borir mamin gin mangam. Egh me Ikiavira Itir Godin akamin apengan ikiti, gin izamin dughiamin a bizir aghuariba me daningam.

Hosea Godin aningagharamin gun Israelia migei

4

(*Sapta 4-13*)

Ikiavira Itir God migirigiam isa Israelia gasi

¹ Kantrin kamin itir gumazamiziba, Ikiavira Itir God mati kotin aven kamaghin migirigiam me gasi:

“O Israelia, ia Ikiavira Itir Godin akam baragh!”

A kamaghin ia migei,

Kantrin kamin gumazamiziba guizin arazibar gin zuir puvati.

Egha gumazamizir igharazibagh ifongezir puvati.

Me kamaghin nighnizir puvati, ki men God.

² Me akar kurabar gumazamizibav gei.

Me uarigh ifarava, gumazamizibav sozi me ariaghiri, egha igharazibar biziha okiava, egha poroghamiba uari bakeir arazim gami.

Me arazir kurar avirim saram ami, egha gumazamizibav suagharriga ghuavira iti.

Ezi arazir kam bar ekevegha ghuavira iti.

³ Kamaghin amizi, nguazir kam osimtizim ikia misigham.

Ezi nguazimin itir gumazamiziba, ko an itir biziha bar, kar asiziba ko, kuaraziba, ko, osiriba, da bar arimighiregham.”

Ikiavira Itir God akam ofa gamir gumazibaghi asasi

⁴Egha Ikiavira Itir God mati kotin aven ua kamaghin migei:

“Gumazitam akam gumazamizibagh asan kogham. Markiam.

Ia ofa gamir gumaziba, arazir kurar kamin mingarim a ian iti.

Ezi gumazamiziba migirigiam ian iti.

⁵ Ia zurara ingangarim gamua, deraghavira ingarir puvatigha asaghporavira iti.

Ezi Godin akam inigha izir gumaziba uaghan kamaghiram ami.

Kamaghin amizi, ki Israel gasighasigham,

a mati ian amebam.

⁶ Nan gumazamiziba nan akamin gin zuir puvati.

Kamaghin amizi, me ikuvigham.

Ia ofa gamir gumaziba uaghan, nan gin zuir puvati, egha nan fofozim batuegha gifa.

Kamaghin amizi, ki ia batuegham.

Egh ian otariba ateghti, me nan ofa gamir gumazibar ikian kogham.

⁷ “Ia ofa gamir gumaziba bar aviraseme, egha kamaghin ia arazir kurar avirim gami.

Ia datirighin ziar ekiaba iti.

Eghti ki ia abiraghti, ia bar aghum-sigham.

⁸ Nan gumazamizibar arazir kuraba mati ian daghem.

Kamaghin amizi, me arazir kurabar amuvira ikiasa ia bar ifonge.

⁹ Ki pazi gumazamizibar amighti, me ikuvigham.

Eghti ia ofa gamir gumaziba, men mirara ikuvigham.

Ki ian arazir kurar ia amiziba ikar-vagh pazi ia damuam.

¹⁰ Ia akirim ragha Ikiavira Itir God gasaraghra pura asebar gin zui.

Kamaghin amizi, ia dagher aghuubar amiva, egh izivaghan kogham.

Ia borir aviriba inisi, asebar ziaba fiva, poroghamiba uari bakeir arazim damuva, egh ia boriba puvatigh kamaghira ikiam.”

Ikiavira Itir God gumazamizir asebar zi-abafebar aningaghe

¹¹ Egha Ikiavira Itir God kamaghin migei:

“Wainin dipaba apir arazim ko, tuavir amiziba ko, akuir araziba, nan gumazamizibar nighnizibagh amizi, me organigha, deraghavira nighnizir puvati.

¹² Egha me akar mogomeba azenim darighasa, pura ter otevibar ingarizir marvir guabar azangssi.

Me ghaze, ter otevir kaba, bizi me foghosa ifongezibar gun me mikimam.

Me na ategha gifa, egha asebar gin zui, mati amizir mam tintinimin gumaziba koma akui.

¹³ Me mighsiabar orazibar ghuavanaga ofabagh ami.

Pin itir temer kabar apengan
dughuazir orangtizim iti.
Kamaghin amizi, me temer ekiabar apen-
gan ikia ofan migharir mughuriar
aghuim zuibagh ami.
Kamaghin amizi, ian guiviba tuavimin
amizibar min tintinimin gumaziba
koma akui.
Ezi ian otaribar amuiba
poroghamiba uari bakeir arazim
gami.

¹⁴ “Ia uari uaghan asebar ziaba fer
dipenibar itir, tuavimin amizibar gin
arui.
Egha ia me ko ikiava me ko asebar ofa
gami.
Ezi kamaghin ki ian guiviba ko, ian otaribar
amuibar arazir kuraba ikaraghan
kogham.
Egha ki bighavira kamaghin ia migei,
 Ia gumazamizir nighnizir
 aghuariba puvatiziba, ia iku-
 vigham.”

¹⁵ “Ia Israelien gumazamiziba mati amizim
tintinimin gumaziba koma akui,
egha ia na ategha gifa.
Ia deraghvira ganigh, ia Judan gumaza-
mizibar amamangatighti,
 me ian min arazir kamra damiigh
 uaghan osimtizim ikiam.
Ia Gilgal ko, Betelin mangi ofabar amuan
marki.
Ia aningin mangiti, aning uaghan
nguibar kuramningin min otogham.
Eghia nguibar kamningin iki, ki Ikiavira Itir
Godin Zurara Itimin akakagh
 nan ziamin akar dikirizibar amuan
marki.

¹⁶ Israelien dapaniba bar gavgafi, mati bul-
makaun amebar igiar akaba batoz-
iba.
Me ghaze, Ikiavira Itir God me geghu-
vam,
 mati sipsipbagh eghuvir gumazim
 uan sipsipin nguzibagh eghufi.
Ki garima, me puv akaba batosi,
eghti ki manmaghin me geghuvam?
 Ti puvatigham!

¹⁷ Efraimia bar uari isa asebagh anigha dar
gin zui.
Marki, ia me ateghti me mar uan ifon-
giabar gin mangi.

¹⁸ Men gumazir aruaba aghumsizir arazim
bar a gifonge.
Kamaghin amizi, me wainin aviriba
apava ongani,

egha gin me poroghamiba uari
bakeir arazim tintinimin a
gami.*

¹⁹ Ia oragh! Ki aminir gavgavim bizibagh
ivai da zui moghin,
 ki me inigh mangiti me ikuvigham.
Eighti me ofan asebagh amizibagh nighnigh,
bar aghumsigham.”

5

¹⁻² “O ofa gamir gumaziba, ia akar kam
baragh.
Ia Israelia, deravira kuaribar arigh nan
akam baragh.
Ia atrivimin adarasi, ia oragh.
Ia kotin aven tugti, ki deravira ian
osimtiziba tuisigham.
Ki fo, ia ofa gamir gumaziba azuazimin min
gumazamizibagh ifarava me gekua,
 Mispan nguibam ko Taborin
 Mighsiamin asebar ziaba fe.
Kamaghin amizi, ia gumazamizir aviriba
nighnizibar suirazi,
 me okam nighnisi.
Ia mati asizir atiabar suizir mozibar min iti.
 Kamaghin amizi, ki iveauzir kuram isi bar
 ia daningam.

³ Ia Efraimia ko Israelia, ki ian arazibagh fo.
 Ia manmaghin nan modogham?
Ia nan gin zuir puvati, egha ia bar nan
damazimin mize,
 mati amizir tintinimin gumaziba koma
akui.”

*Israelia ua Ikiavira Itir God bativan
kogham*

⁴ Israelia uan God ategha asebar ziaba
fema,
 men arazir kam tuavir amizimin araz-
ibar min iti.
Arazir kam me gativagha, pamten men
nighniziba ikiagharsi,
eghti me uamategh uan God bagh
izeghan kogham.

⁵ Israelien arazir uari fem, a me isa kot gati.
 Israelia ko Efraimian arazir kuramra
 me gamima me asaghporaghire.
 Ezi Judaba uaghan me ko ire.

⁶ Ikiavira Itir God me ategha gifa.
 Kamaghin amizi, me sipsipba ko bul-
 makauba inigha a bagha iza, an ofa
 damuasava ami.
 Mevzika, me uam a batoghan
 kogham.

⁷ Bar guizbangira, me Ikiavira Itir God
ategha gifa,
 mati amizim uan pam ataki, egha tin-
 tinimin gumaziba koma akua men
 boriba bate.

* **4:18:** Hibrun akam deragha vezin kamin mingarim abighizir puvati. **5:6:** Aisaia 1:15; Jeremaia 14:12; Esekiel 8:6; Maika 6:6-7

Ezi men boriba kamaghin fozir puvati, Go-dra guizin men afeziam.

Kiran oveghangin iakinir igiamin dughiamin, apaniba izi, me gasighasigh men nguazim saram asighasigham.

Judaba ko Israelia uariv sosi

⁸Ja Gibeon gumaziba, ko Raman gumaziba, ko Betelin gumaziba ko Benjaminin anabamin gumaziba, ia bar sighthabagh ivi.

La pamten dimiva ivemar mangi midorozim damu.

⁹Dughiar kamra ia Efraimia bar ikuvigham. Ki ia migei, guizbangira, bizir kam ki mikemezi moghin, a Israelin anababar tongin otogham.

¹⁰Ikiavira Itir God kamaghin migei:

“Ia oragh. Judan gumazir dapaniba, mati gumaziba gumazir igharazimin nguazir otevim okimasa nguazir mitaghniabagh sivaghsiasi.

Ki men arazir kurar kam bangin men aningaghegh me gasighasigham, mati aperiam otogha bizibagh asighasisi.

¹¹Efraimia u atrivimin akar gavgavimin gin ghua marvir guar kinibar ziaba fe.

Kamaghin amizi, ki kotin aven me tuisigh izevir kuram me daningiva me dikabinam.

¹²Kamaghira, ki Efraimia ko Judaba virara me gasighasigham, mati apizir bizibagh asighasizim.

¹³“Efraimia uarir gara fo, me puv arei.

Ezi Judaba uari uan duar ekiabar gari. Egha me dikavigha kantri Asirian ghua uarir akurvaghaha atrivir ekiam gak-aghora an azangsisi.

Ezi Asirian atrivim men arimariabagh amima, me ghuamazir puvati.

A men duabagh amima, da ua aguir puvati.

¹⁴Ki datirighin bar gavgavigh laionin gavgavimin min otogh

Efraimia ko Judabav sogham.

Ki uabi tintinimin me abighirarigh me kurvagh mangiti, gumazitam men akuraghan kogham.

¹⁵“Ki uan gumazamiziba ategh uamategh uan nguibamin mangam.

Eghti me uarira iki uan arazir kurabar izevir kuram imi mangiti, mizazir kam givaghamin dughiam otogham.

Me uan arazir kurabar ikarvazim bagh izevir kuram ko mizazim iniam, egh gin me uamategh na bagh izi na buriam.

Me pazi uari baregh, egh gin me ua na baghvira izam.”

6

Gumazamiziba guizin navim girazir puvatighaghaze, me ti ua Ikiavira Itir God bagh mangam

¹Ezi gumazamiziba kamaghin migei:

“Aria, e uamategh Ikiavira Itir God bagh mangam.

An e abiaghargha gifa, egh a ti e damut, e ua deraviram otogham.

An e misoghezi duaba e batifi, egh a duar kaba ua da ikegham.

²Dughiar pumuning o pumuning ko mikezim mangi givaghti, an e damuti e ghuamaghegham.

A ti uam e fegti, e an damazimin deravira ikiam.

³E Ikiavira Itir God gifoghs, bar puvira ingaram.

E fo, mizarazibar, aruem zuraram anadi.

E fo, aruem garir dughiaba givaghti, amozir dughiabar, amoziha nguazim giri. Kamaghira, e fo, Ikiavira Itir God iziva deravira e damuam.”

Ikiavira Itir God gumazamizibar migirigiaha ikarvashi

⁴Ezi Ikiavira Itir God men akam ikaraghha ghaze:

“Ia Israelia ko Judaba, ki manmaghin ia damuam?

Ia na gifongezir arazim, a zuamira gifa. Mati mizarazimin ghuariam a zuamirama asigha ghuavanabogha puvati.

Egha uaghan mati ghuariar dipam dadabagh irezi, aruem anadi da zuamira misigha gifa.

⁵Kamaghin amizi, ki uan akam akunasa, akam inigha izir gumaziba amangi.

Eghti me akam ia mikinti, akar kaba ian arazir kuraba tuisigh osimtizir ekiam ia daningam.

Bizir ia damuasa ki ifongezim, ia a baregha a gifogha gifa.

Bizir kam, azenimra ikia kamaghin iti:

5:15: Onger Akaba 50:15; Aisaia 64:7-9; Jeremaia 2:27; 3:13-14 **6:1:** Godin Araziba 32:39; 1 Samuel 2:6; Jeremaia 30:17 **6:3:** 2 Samuel 23:4; Onger Akaba 72:6 **6:6:** 1 Samuel 15:22; Jeremaia 22:16; Maika 6:8; Matyu 9:13; 12:7; Jon 17:3

6 Guizbangira, Ki apangkuvir arazim gifonge,

ki ofan kinibagh ifongezir puvati.

Ia zurara ofan bar isia mighiribagh ami, ezi ki dar aghua.

Ki bizir kam bagha bar ifonge, a kamakin,

ia deraghvira na gifogh nan akamin gin mangi.

7 "Gumazamizir kaba, bar faraghavira otozir gumazim Adamin min ikia,
Akar Dikirizir Gavgavir ki me ko amizim abiki.*

Me zuamira akirim ragha na gasara.

8 Arazir kurabagh amir gumazamiziba ko gumazibav sozi me ariaghbirir gumazamiziba,

me Gileatin nguivar ekiam gizifa.

9 Ofa gamir gumazibar okoruuba mati okimakiar gumaziba tuavir miriabar uari akuva,
moga gumazibagh asighasigha, men biziiba okei.

Egha tuavir Sekemin nguivar ekiamin zuimin,

me gumazamizir Godin ziam fasa zuibav sozi, me ariaghiri.

Me gumazir bar kuraba.

10 Ki arazir bar kurar mamin garima, a Israelin otifi.

Nan gumazamiziba asebar ziaba fava egha nan damazimin bar mize.

Efraimian arazir kam mati, gumazir ghua tuavir amiziba ko akuim.

11 "O Judaba, ia uakan, ki ia amizir araziba bagh ian aningaghamin dughiamin ginabaghia gifa,
eghti ia iveauzir kuram iniam, mati gumazim uan azenimin dagheba asi.

Egh gin, ki uan gumazamizibar amuti,
me ua deraghvira ikiam."

7

1 "Ki Israelia damutie me ua deraghosa ifonge. Ezi puvati.

Ki Efraimian arazir kurabar garima, da azenara otifi.

Ki Samarian nguivar ekiamin gumazamizibar bizir kurar me amibar gari.

Me uari uarigh ifara dipeniba akara biziiba okei.

Ezi men okoruar kurar maba

nguivar ekiamin tuavibar gumazamizibar biziba pura da isi.

2 Ki men arazir kuraba gin amadaghan kogham. Puvatigham.

Ezi me bizir kam ginighnizir puvati.

Men arazir kuram me avara,
ezi ki zurara men arazir kurar kamra gari."

Me arazir kuram damuasa akam akiri

³ Egha Ikiavira Itir God kamaghin migei:

"Gumazamizir maba tintinimin arazir kurabar amuasa akam akiri,
egha atrivim ko an gumazir dapaniba apezepera me gifari.

4 Me bar poroghamiba tintinibar uari bakia uari koma akuir gumazamiziba.

Men navir averiaba arazir kam bagha isi, mati bret tuamin danganimin min iti.

Bretha tuer gumazim avim atizi a isi, egh aneteghti a ikiti bret buigham.

Bret buigh givaghti, an avim giveraghti a dafogh isi bar ekevegham.

Men arazim a kamaghin zui.

5 Atrivim isar ekiam gamir dughiamin, a uan gumazir dapaniba ko,
me wainin dipar bar aviriba ame.

Egha me bar organigha arazir organibagh amua,

dibovir gumaziba ko arazir kuram damuamin akam misosi.

6 Men nighnizir me bizir kuram damuasa amim,

mati bret tuer danganimin min fei.

Ezi dimagarimin gumazir danganir kamin bretha tuem, an akui,

egha me mati avivkiabar min isi, ezi migharimram otifi.

Egha mizarazimin da bar puvira isi.*

7 "Me bret tuamin danganimin min puvira aningaghegha,
gumazir dapaniba ko atriviba vagh-vaghha me misoghezi me ariaghire.

Men arazir kurar kam men kantrin aven itima,

ezi gumazitam nan dia na ko migeir puvati."

Israelia ghaze, kantrin igharaziba men akurvaghgam

⁸ Egha Ikiavira Itir God kamaghin migei:

* 6:7: Hibrun akam deragha vezin kamin mingarim abighizir puvati. 7:2: Onger Akaba 9:16; 90:8; Jeremaja 17:1

* 7:6: Akar kam, gumazir maba amizir biziibagh eghari. Ezi e datirighin fozir puvati, bizir manamra dughiar kamin oto. Vezin kamin aven, "gumazir danganir kamin bretba tuem," a gumazir kabar gumazir dapanimin akar isin zuim gami.

7:7: Onger Akaba 14:4; Aisaia 9:13; Hosea 7:16; Sefanaia 1:6

“Efraimia Kantrin Igharazibar Gumazamiziba ko porogha men arazibar gin zui,

mati amizim bretin ingarasa plaua ko olivin borem isa da verevere.

Kamaghin amizi, men araziba derazir puvati,

mati bret deragha isizir puvati.

⁹ Israelia kantrin igharaziba ko pozir arazir kam, a men gavgavim abiraghia gifa, ezi me bizir kam gifozir puvati.

Me mati gumazir ghurir apanim, ua gavgaviba puvati, egha me uaghan bizir kam gifozir puvati.

¹⁰ Israeliian arazir akaba batozim me isa kot gati.

Ezi me navim girazir puvati, egha Ikiavira Itir God, men God, me uam a bagha izir puvati.

Bizir kurar aviriba me batozi, me God baghavira ikian aghua.

¹¹ Efraimia, mati kuarazir onganir mam, egha tintinimin uari akuri.

Faragha me akurvazim bagha Isipin azara, egha gin me akurvazim bagha uaghan ivemara Asiriaba bagha ghue.

¹² Egh dughiar me mighi mangamimin, ki uan iver ekiam pin aneguragh men suigham.

Me arazir kuram damusi uari akuvti, ki zuamira iveauzir kuram me daningam.

¹³ “Mevzik! Me bar ikuvigham.

Me na ategha gifa, egha nan akam batosi.

Kamaghin amizi, ki me gasighasigham. Ki faragha men akurvaghadasava amima, me nan mogna na gifari.

¹⁴ Me ifara na ko migei, egha gumazir na gifozir puvatizbar min uan misiabar irav ikia puv arai.

Me dagheba ko wainin dipaba iniasa uan asebar deir dughiabar; me tintinimin uan mikarzibar ghor, mati na gifozir puvatizir gumazamiziba.

Me akirim na gasa puvira nan akaba batosi.†

¹⁵ Guizbangira, kirara men akurazi, me ekevegħha gavgafi.

Egha me arazir kuramin na damuasa akam akiri.

¹⁶ Osintizibar dughiabar, me uarir akur vagħħasa na bagħiżi pu.

Puvati, me aser gavgaviba puvatiziba bagħavira zui.

Me paza zuir tuavir kam, a mati barir pir kuram.

Men gumazir dapaniba uari fa ghaze, me gavgavim ikia uari uan apaniba midorozimin me abinigham.

Ezi puvati. Me midorozimin aven arimīghiregham, eghi Isipia puvira men ingaravakam.”

8

Israelia asebar ziaba fema, God me isa kot gati

¹ Egha Ikiavira Itir God kamaghin migei:

“Ia midorozim damusi sightham givi. Apaniba atamra iżi nan Dipenim misogħasava ami, mati kuarazir isam asizim iniasa zuamira mighegħa nguazimin izaghiri.

Guizbangira, nan gumazamiziba Akar Dikirizir Gavgavir ki me ko amizim abiki, egha nan akam batoke.

² Israelia nan dia ghaze, ‘Ni en God, e ni gifol’!

³ Ezi puvati, me arazir aghuim ataki. Kamaghin amizi, apaniba men agintigħam.

⁴ “Nan gumazamiziba gumazir dapaniba amisevima, ki men amamgarizir puvati.

Me uan silva ko golba isa uari bagħha marvir guaab ingari. Kamaghin amizi, ki gumazamizir kabagh asighasigham.

⁵ O Samariabba, ki ian golin bulmakaun marvir guar kam bar an aghua. Kamaghin, ki bar ian aningagħe.

Ki kamaghin ifonge, me uan arazir kurar kam zuamiram anetakigh. Ezi ti puvatigham.

⁶ Israeliān ingangarir gumazir mam marvir guar kamin ingari. Bixiżi kam, a God puvati, a pura nedazir kinim.

Bar guizbangira, ki bulmakaun kam abighirarighti, a pura mineżiż kinim otogħam.

⁷ Men arazir kuram, mati pura aminir mużiari, eghi arazir kurar kamra, gumazamizibagh asighasigham, mati aminir ekiam iza gumazamizibagh asighassisi.

Egha mati witin azenir dagheba misiev puvatizim,

^{7:9:} Aisaia 1:7; Hosea 4:6 ^{7:10:} Hosea 5:4-5; 7:7; 7:14
abighiżżejj luuza. ^{8:7:} Aghuzir Akaba 22:8; Hosea 7:9; 10:12-13

† ^{7:14:} Hibrun akam, deragħha akar kamin mingarim

ezi bretbar ingaramin witba puvati.
Eghti witin kurar kam dagher bar
muziariba miseveghti,
kantrin igharazimin gumazamizibara
izi dar amam.

⁸ Israelia ua derazir puvati.

Me kantrin igharazibar miraram oto.
Datinighin me mati nguazir minem biki,
egh me ua nan ingangarim damuan
kogham.

⁹ Me donkin atiabar min puvira akaba
batosi,
egha uan ifongiabar gin zui.

Egha uarir akurvaghaha Asiriaba bagha
ghua men azangsisi.
Egha me uarir akurvaghaha kantrin
igharazibar atrivibagh iveza me
apezeperi.

¹⁰ Ezi datirighin ki bar me akuvagh
pazi me damuam.

Dughiar ovezimin, Asirian atrivim bar me
abinigh,
egh osimtizir ekiar bar kuram me
darigham.

Egha me uarir akurvaghaha
kogham.

¹¹ "Efraimia arazir kuraba gin amadir ofa
damuasa,
ofa gamir dakozir aviribar ingari.

Ezi ofan kaba derazir puvati.
Kamaghin amizi, me arazir kurar
avirim gamuavira iti.

¹² Ki men sure damuasa uan arazir aviriba
osiri.

Ezi me arazir kabar garima, da mati
ikizir igharazibar arazir igharagha
gariba.

Egha me dar gin zuir puvati.

¹³ Me ofan aviribagh amua ofa gamir
asizibar tuziba api.

Ezi ikiavira Itir God, ki ofan kabagh
ifongezir puvati.

Kamaghin amizi, ki datirighin men arazir
kurabagh inirigh,
ivezir kuram isi me daningam.

Ki me amadaghti, me mangi
ua Isipin kantrin otogh kalabuziabar
min ikiam.

¹⁴ "Israelia ghaze, atriviba ti men akur-
vaghamin gavgaviba itima,
me atrivibar dipenibar ingari.

Bar guizbangira, ki God, ki gumazamizibar
ingari.

Ezi me bizir kam gin amada.

Judaba uaghan osimtizir kamra iti,
me divazir gavgaviba itir nguibar eki-
abar ingari.

Egha ghaze, me deravira ikiam.

Ezi puvati, ki avim amadaghti,

a izi nguibar ekiar kaba ko atriv-
ibar dipenibar isigham."

9

God iveau kuram Israelia daningam

¹ O Israelia, ia God gifozir puvatizir gumaza-
mizibar min ikia,
isar ekiaba ko nan ziam fer dughiabar
bar akongezir arazim gami.

Ia arazir kam atakigh.

Ia akirim ragha uan God gasaraghha gifa,
egha an gin zuir puvati.

Ia danganiba bar, asem Balin ziam fe,
mati tuavimin amizim tintinimin gu-
maziba koma akui.

Egha ghaze, Balian azenibagh amima,
dagher aviriba otifi, mati tuavimin
amizimin iveau.

² Ezi kirán oveghangin ia dagheba,
ko wainin dipaba puvatigham.

³ Egh ia Efraimia, ia uam Ikiavira Itir Godin
nguazimin ikian kogham.

Eghia ian tarazi uamategh mangi Isipin
kalabuziabar min ikiam.

Eghia ian tarazi uaghan Asirian kantrin
mangi kalabuziabar min ikiam.
Ia kantrin kamningin iki dagher God
anogoroghezibar amam.

⁴ Ia ikizir igharazibar kantrin ikiamin
dughiamin,
ia asiziba ko wainin dipaba ofan min
Ikiavira Itir God daningan kogham.

Ian dagheba ia damighti, ia Godin
damazimin mizeham,
mati dagher me gumazir kuamin azia,
egha apim,
ezi dagher kam me gamizi, me
mize.

Dagher kaba, ia pura naviba izivsi da iniam.
Ia dagher nar katam inigh

Ikiavira Itir Godin Dipenimin
mangi an ofa damighan kogham.

⁵ Eghia ikiavira Itir Godin ziam famin
dughiar ekiam iziti,
ia manmaghin damuam?

Ia ofa damuamin tuaviba bar pu-
vatigham.

⁶ Ia oragh! Gin osimtizir ekiam otoghi,
ia tintinibar ari mangeham.

Eghia Isipia izi ia batogh ia inigh mangiti,
ia Isipin kantrin otivigh kalabuziabar
min ikiam.

Eghia iki mangi arighireghti, me uan
nguibar ekiam Memfisin ian kuabar
afeham.

Ia uamategh uan nguibamin izeghan
kogham.

Puvatigham.

Eghia ian silvan dagiaba ko dipeniba ko ian
bizir aghuiba pura ikiti,

ruarim aghung bar da avaraghām.

⁷ God pazi ia damuamin dughiam otogha gifa.

Eghit ia uan arazir kurar amizibar ivezir kuram iniam.

Arazir kam otoghamin dughiamin, ia Israelia fogham,
kar dughiar God ia ikarvaghāmin.

Ia kamaghin na migei,

"Akam inigha izir gumazir kam ongani.
Gumazir Godin Duam itir kam, a
nighnizir aghuiba puvati."

Ia gumazamiziba, ian arazir kuram bar
ekefe,
kamaghin amizi, ia bar na gifongezir
puvati.

⁸ God ubi Akar Gavgavim uan gumazamizibar aningasa,
akam inigha izir gumazimin min na
amada.

Ezi danganir ki aruiba bar, ia nan
suighasava ami,
mati gumazim kuaraziba guasa ivem
adui.

Egha Godin Dipenimin uaghan nan
apanim gami.

⁹ Ia arazir kuram gamuavira iti,
mati ian inazir afeziaba fomira Gibean
nguiba ekiamin amizi mokin.

Kamaghin amizi, God ian arazir kurabagh
nighnigh,

ia ikarvagh ivezir kuram ia daningam.*

*Israeliā arazir kuraba ko dar ivezir ku-
ram*

¹⁰ Egha Ikiavira Itir God kamaghin migei:

"Ki faraghavira ian apizir dughiamin, ia bar
derā,

mati wainin ikarizim nguazir
midiarimin otogha deraghavira be.

Ezi ian inazir afeziaba, mati temer
fikin ovizir faraghaviram aniba.

Egha gin me Peorin Mighsiamin otivigha,
egha faraghavira asem Balin ziam fava
aghumsizir araziba baghavira iti.

Me bar aser kam gifonge, egha an
mirara bar ikufi.

¹¹ Efraimian gavgavim mangi givagham,
mati kuarazim mighegha ghu.

Eghit men amiziba naviba asang
boriba batan kogham.

¹² Tarazi boriba batiti,
ki me misueghti, me arimighiregham.

Ki tav ateghti a ikan kogham.

Ki gumazamiziba ateghamin dughiamin,
bizar kuraba tintinimin me bativam.
Mevzika!"

¹³ Egha Hosea kamaghin migei:

"O Ikiavira Itir God, Efraimia faragha, mati
Tairin nguiba ekiamin min bar de-
ravira iti.

Ezi ki garima, apaniba izava Tair
gasighasiki.

Eghit arazir kam uaghan Efraimian otivam.
Apaniba izi men boribav soghti me
arimighiram.

¹⁴ O Ikiavira Itir God, ni ti ivezir manam me
danningam?

Ni men amizibar amuti me naviba
asangan kogham.

Ni amizir borir iririviba itiba men oter
eboribar amighti da misingigh,
eghti me oteba boribar aningen
kogham."

¹⁵ Egha Ikiavira Itir God ua kamaghin
migei:

"Efraimia fomira Gilgalin ikia egha
faraghavira arazir kurar kabagh ami.
Ezi dughiar kamra, ki uaghan men
ningagha men atari.

Gumazamiziba arazir kurar avirim
gamima,
men gumazir dapaniba uaghan nan ak-
aba batosi.

Kamaghin amizi, ki uan dipenimin me bat-
uegham.

Egh ua me gifueghan kogham.

¹⁶ Efraimia boriba batan kogham,
mati temem an biba misigha gifa, egh
ua ban kogham.

Eghit tarazi boriba batiti, ki borir me bar
ifongezir kabav soghti,
me arimighiregham."

*Hosea ghaze, God pazavira Efraimia
damuam*

¹⁷ Gumazamizir kaba nan Godin akaba
batogha an akamin gin zuir puvati.

Kamaghin amizi, an akirim ragh uan
gumazamizibagh asaraghām.

Eghit me kantrin igharazibar tongin
pura guighav itir gumazamizibar min
ikiam.

10

¹ Israelia bizir avirim ikia, mati wainin
ikarizir aghuim puvira be.

Men bizir aghuiba bar avirasemegha
iti.

Kamaghin amizi, me asem bagha ofa gamir
dakoziba ko dagiar guarir akinir
avirabar ingara,

egha bar deravira dagiar guarir akinir
kabar kurti.

² Me ifarir gumazamiziba.

Kamaghin amizi, me uan osimtizibar
ivezir kuram iniam.

Ikiavira Itir God men ofa gamir dakoziba,
ko dagiar guarir akiniba apirarigham.

³ Kiran ovehangin, Israelia kamaghin
mikimam,

“E Ikiavira Itir Godin akamin gin zuir pu-
vati,
kamaghin amizi, Ikiavira Itir God en
atrivim batoke.

Egh e atrivim ikiti,
a manmaghin en akurvaghram?
Ti puvatigham.

⁴ Atriviba en akurvaghaha pura migirigiar
kinibagh ami.

Me puram akar gavgaviba akira,
egha kantrin igharazibar atriviba
ko puram akabav sosi.”

Israelia arazir aghuim ategha, arazir ku-
ram gamuavira iti.

Ezi arazir kurar kam, mati imezim
itir ogher kurar gumazamizibagh
asighasizim.

⁵ Golin bulmakaun nedazir Betelin itir kam,
Samarian nguibar ekiamin itir gu-
mazamiziba, me a bagh akongiva
arangam.

Guizbangira, apaniba an kurkaziba
adegham.

Kamaghin amizi, ofa gamir gumaziba
ko an gumazamiziba bar,
me an apangkuv egh aziam.

⁶ Eghiti Asiriaba golin bulmakaun nedazir
kam inigh mangi,
mati me takis gavman ganidi moghin,
me uan atrivir ekiam daningam.

Israelia fofozir gumazibar akabar gin zui,
ezi fofozir gumazibar akaba dagheba
puvati.

Kamaghin amizi, apaniba Israelia abiraghti,
me bar aghumsigham.

⁷ Israeliyan atrivim, apaniba a inigh
mangigham,
mati dazir suzim, aperiam a inigha
ghu.

⁸ Asebar ziaba fer danganiba, da
mighsiabar pin iti,
ezi Israelia kagh men ziaba fa arazir
kurabagh ami.

Eghiti God danganir kabagh asighasigham,
eghti ogheba ko benir dikoniba aghung
ofa gamir danganir kaba avegham.

Eghiti gumazamiziba apanibar mongsi,
kamaghin mighsiabav kimam,
“Ia e gisin iriva e mongegeh.”

Ikiavira Itir God ghaze, Israel ikuvigham

⁹ Ezi Ikiavira Itir God kamaghin migei:

“Fomira Israelia Gibean nguibar ekiamin
ikia arazir kuramin na gami,
egha arazir kurar kam ataghizir puvati.

Kamaghin amizi, apaniba izi gumazamizir
kurar kabav sogh,
egh mangi Gibean tugham.*

¹⁰ Kamaghira, ki gumazamizir arazir
kurabagh amir kabav soghsa akam
misuegha gifa.

Egh ki pazavira me damigham.
Me arazir kurar avirim gami.

Kamaghin amizi, ki kantrin igharazibar
amuti,
me izi uari akuvagh me misogham,
egh me inigh ingangarir gumaza-
mizir kinibar min me ikirarigh
me inigh mangam.

¹¹ “Fomira Efraim mati bulmakaun amebar
igiar mam,
a rais dikabinasa deravira sure gami,
eghti gumazamiziba raizin
daghem iniam.

Egha a ingangarir kam bar a gifonge.
Ingangarim faragha bar an dera, ezi
datirighin ki a damighti,
an ingangarim bar osemegham.

Datirighin ki Israel ko Juda damighti, aning
bulmakaun min,
gumazim temem an firim gikeghti,
a nguazim abizir bizim gekuam.

A ingangarir dafam damuva, bizir kam
gekuti,
temem an firim aghoram.

¹² Ki kamaghin Israelia ko Judabav gei,
‘Ia arazir kurar kam ategh, arazir aghuibar
amu, egh guizbangira nan ziam fi,
mati gumazim azenir igiamin nguazim
abigha dagheba oparma,
da deraviram aghua dagher
aviriba bati.

Datirighin ia ua Ikiavira Itir God bagh izi.
Ia ua na bagh iziti, ki bar deravira ia
damuam.’

¹³ Ezi ia kamaghin amir pu.
Puvati, ia mati gumazim azenimin in-
gari,
ezi ian azenibar, ia arazir kuram ko
ifavarir arazim opari.

Kamaghin amizi, ian azeniba, dagher
kuraba dar aghui,
ezi ia da api.

“Ia ti ghaze, ian midorozir gumazir avirim
ian akuraghram.

Ia ghaze, ia deravira ikiamin tuavim
gifogha gifa.
Ezi puvati.

14 Kamaghin amizi, ian apaniba izi ia misogham,
egh ian nguabar ekiar divazir gavgav-
iba itibagh asighasigham.
Osimtzir kam, mati Atrivim Salman
fomiram amizir arazim,
a Betarbelin nguabar ekiam ko misogha
bar a gasighasiki.
An adarazi men boriba ko amiziba isa
nguazimin me apizima,
me tintinibar ariaghiri.
15 Ia Betelia, ia arazir kurar avirim gami,
kamaghin amizi, bizar kurar kamaghira
garitam ia bativam.
Aruem anangti, me Israelien atrivim
misuehti,
an aremehgam."

11

Gumazamiziba Godin akaba batosi, ezi a me gifueghavira iti

¹ Egha Ikiavira Itir God ua kamaghin migei:

"Israel borir aghirimin min itima, ki bar a gifonge.

Ezi nan borir kam Isipin kantrin itima,
ki an diazima an azenan ize.

² Ezi dughiar aviribar gin, nan akam inigha
izir gumaziba nan gin mangasa Israelielian gumazamizir kabar dei.

Ezi akam inigha izir gumaziba
men deima, me dughiabar zurara
akiribagh igha me gasi.

Nan gumazamiziba asem Bal bagha
ofabagh ami.

Me mughuriar aghuim zuir ofaba mar-
vir guaba bagha dagh ami.

³ Ki ubi, ki Efraimia gehgha me afi, mati
borim daruasa, afeziam a gehgha
anefi.

Egha ki uaghan uan agharimningin
men suigha me ateri.

Ki deraghavira men gari, ezi me kamaghin
fozir puвати,

kirara ki me gamizi, me ghuamaghe.

⁴ Ki bar me gifongegha men apangku-
vigha deraghha me gamua men asug-
hasugha,
me inigha uabi da izegha, men osimtzir
me ateriba adangi.

Egha ki aviraghha men akurvaghha
dagheba me ganidi.

⁵ "Ezi me ua na bagh izan aghua.

Kamaghin amizi, me ua Isipin mangi,
o Asiriaba me gativagh men
ganam.

6 Midorozir ekiam otoghti, apaniba nguabar
ekiam avinizir divazimin tiar akar
ekiam akarigh,
ivemar nguabar ekiamin aven mangi
me ko misogham.

Nan gumazamiziba uan ifongiamin gin zui,
kamaghin amizi, midorozir kam me
agivagham.

⁷ Me zurara akirim na gasi,
kamaghin iveauzir kurar ki me
danielam, me a gitaghan kogham.

Me uarir akurvaghsi asebar dimam.
Egħi aser kinir kaba men akuraghan
kogham.

⁸ "O Efraimia, ki ia ategħan kogħam, egh ian
ari mangiħan kogħam.

Egh ki bar ia kuavaremegħan kogħam,
mati ki Atma ko Seboimin nguabar
ekimming bar mogħira aning
kuavareme.

Ki bar ia gifonge,
kamaghin amizi, ki bar ia gasighasighan
kogħam.

⁹ Nan aningagħarim ian ti.
Egħi ki pażi ia damuan kogħam.

Egh ki ua ia gasighasighan kogħam.

Nan araziba gumazamizbar arazibar min
zuir puвати.

Ki Godin Bar Zuezim, ezi nan araziba
bar deragħa bar zue, egħa ki ia ko iti.
Ki atar iżi bar ia gasighasighan
kogħam.

¹⁰ "Ki uan gumazamizbar apaniba atiatim
me danieli, pamtemin dimam,
mati laion tiarim akara dazeri.

Egħi nan gumazamiziba atiating akongiva,
aruem għuaghbir danganim ategħ
zuamra iżi nan gin mangam.

¹¹ Me puviram atiating nighiva akong
zuamra Isip ko Asiria ategħiż zam,
mati kuaraziba migha zui.

Egħi ki men aktu uamategħ men nguabar
me itimiz izam.
Ki Ikiavira Itir God, ki mikemegħha għifa."

Israelia ko Judaba Ikiavira Itir God ataki

¹² Ikiavira Itir God ua kamaghin migei:

"Efraimian gumazamiziba bar dugħiars
aviribar na gifari.

Ki Godin Bar Zuezim, ki zurara uan
akar dikirizmin gin zui.

Ezi Judaba nan apengen ikia gav-
għafi."*

12

¹ Bizir Efraimia arueba ko dimagaribar amiba, da bar moghira ikuvigha meraam asighasisi.

Ifavarir arazim ko midorozir arazim men tongin bar ekefe.

Me kantri Asiria ko ingarasa akam akiri.

Egha me olivin borebar dagiar ingangarim gamua da isa Isipin da amadi, ezi Isipia dagh ivesi.

² Ikiavira Itir God Judaba tuisighamin migirigiam iti.

Egha Israelia amizir arazir kuram ikarvagh ivedzir kuram me dandingam.

³ Men inazir afeziam, Jekop, a uan aveghbuam ko, aning uan amebamin navir averiamin ikia, uaning misosi.

Gin Jekop ekevegha givagha God ko misosi.

⁴ Dughiar kamin, a Godin ensel ko misogha a gafira.

Egha Jekop uabin apangkuvasa puvira Godin ingarava ara, an azangssi.

Dughiar igharazimin, God Betelin nguibamin Jekop bato, egha a ko migei.*

⁵ Jekop ko migeir Godin kam, a Ikiavira Itir Godin Gavgaviba Bar Itim.

E kamaghin an ziam diponam, Ikiavira Itir God.

⁶ Kamaghin amizi, ia nighnizir gavgavim uan Godin ikiva uam a bagh izi.

Egh ia apangkuvir arazim ko guizin arazimin gin mangi.

Egh a ian akurvaghisi ia a mizuam.

Israelian arazir kurabar osimtizim bar ekefe

⁷ Ikiavira Itir God kamaghin migei:

"Efraimia, Kenanian gumazir dagiaba bagha ingaribar min dagiar ingangaribagh amua, egha arazir aghuim sara dagh amir puvati."

Me gumazir iza men bizibagh ivedzibagh ifarasa bar ifonge.

Me amadir biziba, me guizin ivedzibar mirara da amadir puvati.

⁸ Egha me kamaghin migei:

'E dagiaba itir gumazibar otivigha gifa.

E bizar aviriba iti.

Eghti gumazitam kamaghin mikiman kogham,

e okimakiar arazim gamua dagiar gu-
mazibar otifi.

E arazir kuratam gamizir puvati.'

⁹ Ezi ki Ikiavira Itir God, ki ian ifavarim gifogha gifa.

Ki fomira kantri Isipin ia inigha ian akua azenan ize.

Egh ki ia damut, ia uan dipenir aghuiba ategh ua purirpenibar dakuam, mati ki ia ko gumazamiziba puvatizir danganimin itima, ia amizi mokin.

¹⁰ "Ki uan akam inigha izir gumaziba ko migei,
egha irebamin min garir bizar aviribar me mikeme.

Egha akam inigha izir gumazibar aka-
toribar, ki akar isin zuibar Israelia migei.

¹¹ Ezi me orazir puvati.
Me Gilgalin nguibar ekiamin arazir ku-
rar aviribagh ami.

Kamaghin amizi, me guizbangira
bizar kinibar min otogham.

Me Gilgalin nguibar ekiamin ikia bul-
makaun apuriba isa uan ofa gamir dakozir kurabar ofabagh ami.

Eghti ki ofa gamir dakozir kaba apirighti,
da dagiar pozir kinibar min azenara ikiam."

¹² Bar fomira en inazir afeziam Jekop, ara Mesopotemian kantrin ghu.

Egha an amizimin ikiasa, gumazir
igharazimin sipsipbagh eghufi.

Egha tuavir kamin a gumazir
kamin guivim givese.

¹³ Israelia Isipin itir dughiamin, Ikiavira Itir God uan akam inigha izir gumazir mam amada, ezi a me inigha Isip ataki.

Egha akam inigha izir gumazir kam deravira me ggehufi.

¹⁴ Guizbangira, Efraimia arazir kurar avirim gamima, men Ekiam men aningaghe.

Kamaghin amizi, me osimtizir kam bangin arighiram.

Me Ekiam ziam dikabiri, kamaghin amizi, a pazi me damigham.

13

God Israelia gasighasigham

¹ Fomira Efraimin anabamin adarazi migeima, anabar igharazibar gumazamiziba ati-
atiav agoi, egha orasi.

^{12:3:} Jenesis 25:26 ^{12:3:} Jenesis 32:24-26 ^{12:4:} Jenesis 28:10-22 * ^{12:4:} Jekop, a Israelian inazir afeziam, ezi an gin otivamin ovavir boriba, me uan inazir afeziam ko itima God a ko migei. Ezi me ghaze, God "e ko migei." ^{12:9:} Ofa Gami 23:42-43 ^{12:12:} Jenesis 29:1-20 ^{12:13:} Ua Me Ini 12:50-51

Efraimia uari Israeliyan anababar tongin uan ziam fe.
 Egha Efraimin adarazi ua asem Balin ziam fava arazir kamin arazir kuram gamigha gifa.
 Kamaghin amizi, me arighiregham.
² Egha datirighin me arazir kuram gamua ghuavira iti.
 Me uari bagha marvir guaba silvan dar ingara egha dar ziaba fe.
 Gumazir maba uari dagh nighnigha, egha uan dafaribar dar ingari.
 Egh nedazir kaba bagh ofa damuasa gumaziba amisefe.
 Me bulmakauna nedazir kabar tori.
 Amei! Kar gumazamizir anabar bar kuraba.
³ Kamaghin amizi, gumazamizir kaba mizarazimin ghuariamin min pura givagham.
 Me dimagarimin ghuariamin min iti, egheti aruem anangti, ghuariam zuamira misingigham.
 Me raizin misevibar min aminim dagh ivangti, da pura tintinibar mangam.
 Egh me avir migharimin min pin ghuavanang pura givagham.

⁴ Ikiavira Itir God ua kamaghin migei:
 "Ki Ikiavira Itir God, ian God, ki Isipin ia inigha ian akua azenan ize.
 Ki uabira, ki ian God.
 Ua godin igharaziba puvati.
 Kirara ki ian Akurvazir Gumazimra!
⁵ Ia gumazamiziba puvatizir danganimin itima,
 ki deravira ia gehufi.
 Danganir kam, aminir fefem itima,
 dipaba an puvati.
⁶ Ezi gin ia nguazir aghuimin otogha dagher aviriba ikia, egha biziba bar iti.
 Ia bizir kaba inigha givagha egha ifaghata uari fa ghaze,
 ia uari uan gavgavibar da ini.
 Egha kamaghin ia na ginamada.
⁷ Kamaghin amizi, ki ian tuavibar mongiva ia mizuamam,
 mati laion ko kaziar atiar igharaziba ami moghin,
 ia misoghti ia arimighiram.
⁸ Ki uabi fegh ia mikinigh, egh ian evariba abigham,
 mati bean amebam, an nguzim ovengesi an a bagh atari.
 Egh ki ia abighirarigh egh zuamira ia tuiqham,

mati laion ko asizir atiar igharaziba ami mokin.
⁹ "O Israeliyan gumazamiziba, ki uabira ian Akurvazir Gumazim.
 Ezi ia aghua, kamaghin ia ikuvigham.
 Iavzika!
¹⁰ Ia atrivim ko gumazir dapaniba uari daningasa nan azara.
 Eghti me manmaghinian akurvaghram?
 Me bar ian akuraghan kogham.*
¹¹ Ezi ki aningaghegha atriviba ia ganingi.
 Ezi datirighin ki bar puvira ian aningagha,
 ian atriviba batuegha gifa.
¹² "Ki Efraimian arazir kuraba bar,
 uan akinifarimin aven da osirigha givagha,
 deravira da atizi da iti.
¹³ Israelia deravira ikian firin, me onganigha egha aghua.
 Men arazir kam, mati borim amebamin navimin itima,
 amebam a batasava amima, an azenan otivan aghua.
¹⁴ Ki ti Gumazamizir Oveaghuezibar Nguibamin gavgavim da ua me inigham, a? Puvatigham.
 O ovevem, ni gumazamiziba dikabirir gavgavim managh iti?
 O ovevem, ni gumazamiziba mizazim me ganidir gavgavim managh iti?
 Apangkuvir arazim ti nan damazimin modogham.†
¹⁵ "Efraimia bar avirasemegha Israeliyan anabar igharazibagh afira.
 Ezi ki aruem anadi naghin aminir fefem amadaghham,
 eghti a men mozir dipabar amuti da dakegham.
 Egh men bizir aghuiba bar da inigh mangigham.
¹⁶ Samariaba bar nan akaba barazir puvati, kamaghin amizi, me iveauzir kuram iniam.
 Apaniba izi me misoghti me arimighiram.
 Egh borir doziba isi nguazimin me apisti, me uaghan arimighiram.
 Egh amizir navir adasebar naviba abigham."

Israelia uan arazir kuraba ategh, uam Ikiavira Itir God bagh izam

^{13:4:} Ua Me Ini 20:3; 2 Atriviba 18:35; Aisaia 45:21-22

* ^{13:10:} Hibrun akam deragha vezin kamin mingarim abighizir puvati. ^{13:11:} 1 Samuel 10:17-24; 15:26 † ^{13:14:} Hibrun akam deragha vezin kamin mingarim abighizir puvati. Gumazir maba ghaze, Vezin kamin nighnizim kamaghin migei, God Israelia pazi me damigh egh me amadaghti me Gumazamizir Oveaghuezibar Nguibamin mangam.

13:5: Godin Araziba 8:11-17

13:10: 1 Samuel 8:5-6

14

(Septa 14)

*Israelia ua Ikiavira Itir God bagh izasa,
Hosea me migei*

¹ O Israelia, ian arazir kuraba ia gamizi, ia asaghpora ire.

Kamaghin amizi, ia uamategh Ikiavira Itir God, ian God bagh izi.

² Ia uamategh Ikiavira Itir God bagh izi, ofan min kamaghin a ko mikim:

“O God, ni bar moghira en arazir kuraba gin amadagh, egh e ni dandingamin bizir aghuiba inigh.

Datirighin e bulmakaun apuriba misogh nin ofa damuan kogham.

Puvatigham. Arazir aghuir e fomira damuasa ni ko akam akiriziba, e dar amuam.*

³ Asiriaba en akuraghan kogham. Eghti midorozir hoziaba en akuraghan kogham.

E uan dafaribar marvir guabar ingari, egh gin e kamaghin ua dav mikiman kogh suam,

‘Kar en aseba.’

E fo, e mati asaghazazir borir e geyhuvamin amebaba ko afeziaba puvati, ezi nirara, zurara en apangkufi.”

Ikiavira Itir God ghaze, Israelia deravira dapiam

⁴ Ikiavira Itir God kamaghin migei:

“Ki gumazamizir na ataghizir kaba ua me iniam.

Ki uan navir averiamin bar me gifuegh, uam men ataran kogham.

⁵ Ki Israelia deravira me damuam, mati amozim danganir misingizim gizi.

Ki me damuti, me akimarir aghuiba ko Lebanonin temer ekiabar min otivam.

Temer kababibba bar nguazir averiamin ghuaghiri.

⁶ Me deraghvira otogham, mati tememin ghuzir igiaba otifi.

Men ganganim bar deraghram, mati olivin temer dirimin min bar dera.

Eghti gumazamiziba bar me bagh bar akuegham,

mati me kantri Lebanonin temer sidabar mughuriar aghuariba bagha agoi.

⁷ Me ua izi na ko ikiti, ki me geyhuvam, mati me nan orangtizir dughuazimin apengen iti.

Eghti men azeniba dagher aviriba ikiam.

Egh borir aviriba batam,

* **14:2:** Hibrun akam deragha vezin kamın mingarim abighizir puvati. **14:9:** Aghuzir Akaba 10:29; Daniel 12:10; Jon 8:47; 2 Korin 2:16; 1 Pita 2:7-8

mati wainin azenimin itir wainin
ikariziba deraghvira oviziba batı.

Egh me ziar ekiaba ikiam,
mati Lebanonin kantrin wainin dipar
bar aghuir faraghvira itim.

⁸ “O Efraimia, ia ua marvir guabar ziaba fan kogham.

Ki uabira, ian azangsiziba baraghram.

Eghti ia nan apengan ikiam,
mati gumazim aruemin dughiamin,
temer ekiamin dughuazimin apengan aperaghvati.

Ia isir bizir aghuiba bar, kirara dar mingarim.”

Akar abuananam

⁹ Gumazir nighnizir aghuarim itiba,
me akinafarir kamın aven tir
migrigriaba, me dar fofozir aghuim iniam.

Ezi ki kamaghsua, me akar kam ginighnigh,
egh an gin mangam.

Ikiavira Itir Godin Araziba bar dera, ezi
gumazamizir aghuariba dar gin zui.

Ezi gumazamizir arazir kurabagh amiba,
me dar gin zuir puvati.

Kamaghin amizi, me asaghpora iri.

Godin Akam Inigha Izir Gumazim Joelin Akinafarim

O
Joel

Akar faragha zuim

Akinafarir kam, Godin akam inigha izir gumazim Joel mikemezir migirigiaiba an iti, ezi a Godin akam inigha izir gumazim gun mikemezir puvati, a gumazir manmaghin amizimra. Kantri Persia gavgavigha itir dughiamin a ti ike, kar dughiar Isrealian gumazamiziba Babilon ategha ua Judan nguazimin izezim.

Dughiar bar kurar mam kantrin otozi, Joel an gari. Aruer ekiam isiraghha biziba bar dagh amizi, da bar misingizi, odezir bizir ekiam uaghan otogha, dagheba ko bizibagh asighasighasava ami. Joel bizir kamin garima, a mati, gumazamizir Godin apanim damuasava amiba, ikiangsizir akar mam me bagha izi. Me arazir kurabar amu mangiti, Ikiavira Itir Godin Kotiar Ekiamin Dughiam otoghti, a gumazamizir kurabagh asighasigh, gumazamizir an ifongiamin gin zuiba deravira me damuam.

Joel gumazamizibav gia ghaze, me uan navibagh iraghti, God men apangkuvigham. Akam inigha izir gumazim Joelin akabar aven, akar dikirizir ekiar mam iti, akar kam a Joel 2:28-32in iti. A ghaze, God uan Duam amadaghti, a gumazamiziba bagh izam, gumazamizir aseba ko igiaba uaghara. God uan Duam Iesusin suren gumazamiziba bagha anemadazir dughiamin gin, Pita kamaghin migia ghaze, Bizar kam, a Godin akam inigha izir gumazim Joelin akam gamizima a guizbangiram oto. Ni Aposel 2:1-42in gan.

Odeziba Judan kantri gasighasigha, ua gumazamiziba inigha God bagha izi

(Sapta 1:1-2:17)

Gumazamizibar dagheba ko biziba bar ikuvizi, me azi

¹ Kar Ikiavira Itir Godin akam, a Petuelin otarim Joel bagha ize.

² Ja gumazamizir aruaba, ia oragh.

Ja Judan nguazimin itir gumazamiziba bar, kuariba arikigh.

Ki datirighin otivir biziba bagh ian azangsighasa.

Fomira bizir kamaghin garitam

ti ian dughiam ko ian inazir afezi-
abar dughiamin otoz, o puvati?

³ Ia bizir kamin gun uan boribav kim.
Eghti ian boriba uan boribav kimti,
men boriba gin otivamin adaraziv
kim.

⁴ Odezir guar igharaghha garir 4pla otivigha,
bizir nguazimin aghuibar dafariba
bar ada gifa.

Faragha zuir odeziba da kun odeziba,
da bizir dafarir maba api.

Ezi dar girara, odezir bizir avirir mighaghha
aruiba,
iza bizir maba api.

Ezi dar girara, odezir febabu uari fa kura iza
bizir dafarir maba api.

Ezi dar girara, odezir akiraba, kar odezir
bar ekiar bizibagh asighasiziba,
da izir dughiamin bizitam itir puvati,
da bar da agifa.

⁵ Ia gan, odezir kaba bar ian wainin
ovizibagh asighasiki.

Kamaghin amizi, ia gumazir mighigha
wainin dipam apava onganiziba,
ia osegh dikavigh azi!

Ia gumazamizir wainin dipaba apiba,
ia uaghan uan wainin dipar isingtiziba
bagh azi.

⁶ Odezir bizir ekiam, mati midorozir gu-
mazir bizir ekiam en kantri bar a
noke.

Da bar gavgavigha bar aviraseme, ezi e
da diponan ibura.

Ezi dar atariba bar ghumi, mati laionin
atariba.

Egha mati laionin amebam uan atarir
afuzibar asizibav sogha da aghor-
agharsi.

⁷ Da en wainin ikarizibagh asighasigha,
en fighin temeba apima da midia
dipiraghire.

Da temer iniba bar da amezi,
dar aguaba ghurghurigha misigha iti.

⁸ Ia gumazamiziba, ia azi,
mati guivir igiam gumazir igiamin iki-
asa a ginabazi an areme,
ezi a uan pam bagha puv azia,
azirakar korotiar piziba aghui.

⁹ Ikiavira Itir Godin Dipenimin aven,
ofa damuamin dagheba ko wainin
dipaba puvati.

Ofa gamir gumaziba, me Ikiavira Itir
Godin ofa damuamin biziba puvati.
Kamaghin amizi, me azi.

¹⁰ Azeniba pura ikia dagheba puvati.
Azenimin itir dagheba bar ikufi,
kamaghin amizi, nguazim pura
ikia misingi.

Ezi wainin oviziba bar misigha gifa.

Ezi olivin borer igiam givasava ami.

¹¹ Witba ko, baliba ko, dagheba ko, bizir maba sara bar ikufi.

Kamaghin amizi, ia gumazir azenimin ingariba ko, gumazir wainin azenimin ingariba, ia naviba osemegh azi.

¹² Wainin ikariziba ko fighin temeba bar misingi.

Ezi temer igharazir ovizir aghuiba itiba, da uaghan misingi.

Kamaghin amizima, gumazamizibar arazir bar akongezim, a bar gifa.

¹³ E uan Godin Dipenimin ofa damuamin dagheba ko wainba puvati.

Kamaghin amizi, ia ofa gamir gumazir ofa gamir dakozimin ingangarim gamiba, ia azirakar korotiar piziba aghuigh egh azi.

Ia dimagarimin azirakar korotiar piziba aghuigh,

Godin Dipenimin aven mangegh iki mangiti aminim tiragh.

¹⁴ Ia gumazamiziba bar me mikemeghti, me dagheba atakigh.

Egh Judan nguazimin itir gumazamiziba bar men diaghti, me izi Ikiavira Itir God, ian Godin Dipenimin uari akuvagh, an dimiva arang.

¹⁵ Bar guizbangira, dughiar kuram kiran ovehangin otivam,

kar Ikiavira Itir God Izamin Dughiar Ekiam.

Kar Godin Gavgaviba Bar Itim, uan gavavimin iveauzir kuram gumazamizibar aningamin dughiam.

Evzika!

E uarira uarir apangkufi, dughiar kam, a bar moghira ikuvigham.

¹⁶ En dagheba en damazimin bar ikuvigha gifa, e manmaghira damuam?

E uan Godin Dipenimin mangi, bar akuegh ighiabar amuan kogham.

¹⁷ Nguazimin aven dipaba puvati, ezi dagher oviziba nguazimin aven ariaghire,

ezi dagheba otivir puvati.

Kamaghin amizi, ruar dipenir dagheba ariziba,

da pura ikia ikufi.

¹⁸ Graziba puvatizi, bulmakaun okoruuba mitiriam puvirya men azi, kamaghin amizi, me arai,

egha dar okoruuba pura tintinibar aruava ongani.

Ezi sipsipin okoruuba uaghan mitiriam men azi,

ezi me aghariba gunigha bar amira.

¹⁹ Temeba ko graziba bar misingi, mati avivzariam dar isi.

Kamaghin amizi, O Ikiavira Itir God, ki pamten ni ko migia nin dei.

²⁰ Faneba ko, daghuriba ko, dipar atuiba bar misingigha gifa,

ezi graziba mati avim bar adar isi.

Kamaghin amizi, asizir atiaba uaghan nin dei.

2

Odeziba mati Ikiavira Itir Godin Kotiar Ekiamin Dughiamin ikiangsizir akam

¹ Ikiavira Itir God Izamin Dughiar Ekiam, a bar roghira izi.

Kamaghin amizi, Saionin nguibam, a Godin mighsiamra, ia a gisin iki, sighabagh iviva dibiaribar tong.

Eighti Judan nguazimin itir gumazamiziba bar nighiva akong.

² Ikiavira Itir Godin Dughiar Ekiar kam, a bar mitarmegham, eighti ghuarier pizir aviriba overiam apazaghram.

Odezar bizar ekiam, mati midorozir gumazibar bizar bar ekiam, zuamira mighsiabar otifi, mati aminim tiasava amua bar mitarmangi.

Bizir kamaghin garitam fomiram otozir putatigha iza datirighin, egh bizar kamaghin garitam gin uam otivan kogham.

³ Da mati, avim dadabar isi moghin dagheba ko, graziba, ko, bizar igharaziba sara bar ada agifa.

Danganir da tighar mangamiba, da bar deragha,

mati Idenin Azenim.

Ezi danganir me ter afariba ko, graziba amegha givaziba, da mati danganir misingizim.

Da bizitam ataghizi, a itir puvati. Bar puvati.

Da biziba bar ada gifa.

⁴ Odezar kaba, mati midorozir hoziabar min, ivemara izi.

⁵ Da mighsiar orazibar uari akura ghuvanadir dughiamin, dar niginim mati, karisba dagtabagh isin ghua tingazi,

egha mati tuzim isia mizariaba
dikava tingazi.

Egha mati midorozir gumazir bizir bar
ekiam,
midorozim damuasava ami.

⁶ Da roghira izir dughiamin,
gumazamiziba bar atiatigha, men
guaba ighhega igharaghaga gari,
egha me bar dukome.

⁷ Odezir kaba, midorozir gumazibar min
ivemara izi.
Egha nguabar ekiamin divazir gav-
gavimin bira ghuavanadi.

Egha mati midorozir gumaziba bizimin
voroghira zui.
Egha me ragha tuavir igharazitam
zuir puvati.
Me vaghvaghya uan bizim
ataghizarir puvati.

⁸ Me ghua gumazir igharazitarbar tuaviba
apirir puvati.
Me vaghvaghya bigha ghuavira iti.

Me ghua men afuziba ko barir pibar atiatir
puvati,
eghti bizitam men tivaghan kogham.

⁹ Me ivemara nguabar ekiabar zui.
Me divazir gavgavibar ghuavanaga
ghuaghira nguabar ekiabar aven zui.

Egha dipenibar biribar ghuavanaga
winduabar aven ghuaghiri,
mati okimakiar gumaziba.

¹⁰ Me zuima nguazim mati mikimkizim a
ginobazi a ivazvusi,
ezi overiam mati God a ginobazi a nidi.

Ezi aruem ko iakinim mitarmangizi,
mikoveziba ua isir puvati.

¹¹ Ikiavira Itir God uan midorozir gumaziba
Akar Gavgavim me ganidi,
ezi an migirigjaba mati ararim dagar-
vusi.

An midorozir gumaziba bar aviraseme,
eghti gumazitam me diponiva ave-
ham.

Ikiavira Itir God Izamin Dughiar Ekiam, gu-
mazamiziba amuti,
me bar atiatigham.

Eghti tinara dughiar kamin aven mangi iku-
vighan kogh, deravira ikiam?
Ti puvatigham.

*God navibagh ighasa gumazamizibar
dei*

¹² Egha Ikiavira Itir God kamaghin migei,
“Guizbangira, bizir kurar kaba bar otivam,
eghti ia datirighira uan navibagh iragh
ua na bagh izi.

Egh dagheba ategh uan navir ave-
riaba sara azi ua na bagh izi.

¹³ Ia pura uan korotiaba abighiva azir
arazim damuan marki.
Ian navir averiaba aven bighiregh, ian
ararem akaghamb.

Ia fo, Ikiavira Itir God gumazamiziba bar
me gifongegha bar men kuarkufi.
Egha zuamirama atarir pu. Puvati.
An apangkuvim bar moghira men ekefe.
Egha a zurara uan nighnizim gighasa
ifongeghavira ikia,
egha gumazamizibar arazir
kuraba ikarvazir puvati.
Kamaghin amizi, ia ua Ikiavira Itir God,
ian God bagh izi.

¹⁴ Ia ua Ikiavira Itir God, ian God, ia a bagh
iziti,
a ti uan nighnizim giragh, deraghvira
ia damuam, egh dagher aviriba ia
danningam.
Eighti ia a bagh ofa damuamin
dagheba ko wainba ikiam.

¹⁵⁻¹⁶ Ia Saionin Mighsiamin iki sigham givi.
Egh uari akuvagh dagheba ateghamin
dughiamin ginabagham.

Egh gumazamiziba bar me akuvagh, me
mikimti,
me nan ziam fisi, uan bizir kuraba ko
arazir kuraba ategh,
nan damazimin bar zuegh.

Men gumazamizir ghuriba ko, borir ekiaba
ko otem apir borir iririviba, me bar
moghira,
ni me inigh izi.
Poroghamir igiaba, me uan
dipeniba ategh uaghan izi.

¹⁷ Nan ofa gamir gumaziba, me nan ingan-
garir gumaziba, ni me mikenehtgi,
me Godin Dipenimin azuarim ko, ofa
gamir dakozimin tongin tugh
aziva arang kamaghin mikim,
O Ikiavira Itir God, e nin gumazamizibara.
Ni uan gumazamizibar apangkufi.
Puvatighti, kantriba bar, akirim ragh e
gasaragh
dibovir akabar e mikimam.

E nin azai, ni Kantrin Igharazibar Gumaza-
miziba ateghan koghti,
me e dipova kamaghin mikiman
kogham, Ian God managh iti?”

**God uamategh uan
gumazamiziba deravira me
damuam**

(Sapta 2:18-3:21)

*Ikiavira Itir God daghebagh amizi da
uam otifi*

¹⁸ Ezi gin, Ikiavira Itir God, bar puvira uan
nguazim ginighnigha,
uan gumazamizibar apangkufi.

¹⁹ Egha Ikiavira Itir God uan gumazamiziba
ikaraghha kamaghin me migei:

“Ia gan! Datinighin ki dagheba ko wain
dipaba, ko olivin borem ia danighti,
ian dagheba avirasmegham.

Egħi Kantrin Igharazibar Gumazamiziba,
dibovir akabar ia damuan kogħam.

²⁰ Egħi ki notin amadgħan itir odeziba
batuegħti, da ian saħġon mangam.

Da danganir misiġiżur gumazamiziba
itir puvatizmin mangam.

Dar okoruar faragħa zuim, ki da batuegħti,
da Amangszim Itir Dipar Akaremin
magħiġi.

Egħi dar okoruar iħarazim, ki da bat-
uegħti,
da Mediterenianin Ongarir Ekiamin
magħiġi.

Dar kuaba kurigh mugħuriar bar aninganir
kuram otivam.

Bar guizbangira, ki arazir gavgvir bar
ekiam damuam.

²¹ “Ki Ikiavira Itir God, ki arazir bar gavgvir
ekiaba ni bagħha dagħi am.

Kamaghin amizi, O nan nguazim, ni
atiatingan marki.

Ni bar akongegħ navim deragh.

²² Graziba uam gumazamiziba puvatizir
danganibar otifi.

Ezi temeba ua be.

Ezi filkin temeba ko wainin
ikariziba dagħer aviriba iti.

Kamaghin amizi, ia asizir atiaba, ia ati-
atingan marki!

²³ “Ia nan damazim deraghosa,
ki ian akurvaghha amozir aviriba ia
ganidi.

Amozir dugħiabar iakinir faragħa zuiba, ki
amoziba ia ganiga,

egħha uaghan amozir dugħiabar għin iżi
iakinib, ki amoziba ia ganidi.

Kamaghin amizi, ia Saionin gumazamiziba,
ia bar akongegħ.

Ki Ikiavira Itir God, ian God,
ki ian akurvaghha amozir biziba,
ia da bagħ bar akongegħ.

²⁴ Witin iniba kua dar dagħeħa isir dan-
ganiba, bar izevegham.

Egħi wain ditir danganiba ko olivin
oviziba mirmir danganiba,
wainin dipaba ko, olivin boreba
bar dagħ iżi vagħi fasfaghħam.

²⁵ Ki ubi, midorozir gumazibar min,
odezir okoruar kaba ia bagħha da
amangi.

Maba, odezir bixiżi avirir mighħagħaruiba,

maba, odezir febabha,
maba, odezir bar ekiar bizibagh
asighasiziba,
maba, da kuno dezir biziba aghoriba,
da bar izegħha ian dagħeħa ame.

Kamaghin amizi, ki ua da ikaragh der-
aghvira ia damuam.

²⁶ Ia dagħer aviribar ami, egh bar izeveg-
ham.

Ki digavir kuram gamir arazir aghuir
aviriba ia bagħha dagħi am.

Egħi ikizir iħarazibar gumazamiziba, me
nan gumazamizibar amuti,
me uam aghumsighan kogħam.

Egħi kamaghin, ia Ikiavira Itir
God, ian God, ia an ziam fam.

²⁷ Kamaghin amizi, ia Israelia, ia fogħ suam,
Ki ian tongin iti.

Ki Ikiavira Itir God, ian God, ezi
godin iħarazitam nan minn itir
puvati.

Egħi ikizir iħarazibar gumazamiziba, me
ia damuti,
ia uam aghumsighan kogħam.”

*God uan Duam isi gumazamiziba bar me
daningam*

²⁸ Ikiavira Itir God kamaghin migia ghaze:
“Dugħiar gin izamim
ki uan Duam gumazamiziba bar me
gingegħam.

Egħi ian otariba ko guviba Godin
akam inīgha iziż gumazibar minn
mikimtima,

ian gumazir ghuriba irebabar gantima,
ian gumazir igiāba irebabar minn
amizir bizibar ganam.

²⁹ Egh dughiar kabar ki uaghan uan Duam
isi,

uan ingangarir gumazibar ko ingan-
garib amizibagh ingegħam.”

*Ikiavira Itir Godin Kotiar Ekiamin
Dugħiġi amarazza*

³⁰ Egha Ikiavira Itir God, ua kamaghin
migei:

“Ki pin overiāmin digavir kuram gamir
araziba akakagh,
uaghan nguazim minn digavir kuram
gamir arazibar amuam.

Egħi għużi kom, avim kom, mighhar
pizir ekiaba otivam.

³¹ Egħi aruem mitarmegħti,
iakinim ghuzi minn otogħam.

Bizir kaba faragh otivighti,
giex Ikiavira Itir God Izamin Dugħiar
Ekiam otogħam.

Dugħiar ekiar kam otogħti, gu-
mazamiziba bar atiatiqħam.

^{2.25:} Joel 1:4 ^{2.27:} Aisaia 45:5; Esekiel 37:26-28; 39:22; 39:28; Joel 3:17 ^{2.28:} Sekaraia 12:10; Jon 7:39 ^{2.28:}

Aposel 2:17-21 ^{2.30:} Matyu 24:29; Mak 13:24; Luk 21:11; 21:25 ^{2.31:} Aisaia 13:9-10; Malakai 4:5; Matyu 24:29;

Mak 13:24-25; Luk 21:25; Akar Mogomem 6:12-13 ^{2.32:} Aisaia 11:11; 11:16; Obadja 1:17; Maika 4:7; Rom 9:27; 10:13;

11:26

32 Egheti dughiar kamin, Ikiavira Itir Godin ziamin diaghamin adarasi, a men akurvaghgam.

Egheti Ikiavira Itir God mikemezi moghin, gumazamizir Saionin Mighsiam ko Jerusalemin nguibamin itiba, men tarazi oveghan kogham.

Gumazamizir Ikiavira Itir God ua bagha inabaziba, me men tongin iki deraghvira ikiam."

3

God kantriba bar dar gumazamiziba akuvagh kotiam damuam

¹ Egha Ikiavira Itir God ghaze: "Ia oragh! Gin izamin dughiamin, ki Jerusalem ko Judan gumazamizibar amighti, me ua deragh otivigham.

² Egheti ki kantriba bar dar gumazamiziba bar me inigh izi, danganir zarir mamin otogham. Me danganir zarir kam kamaghin a dibori, God Gumazamiziba Tuisisi.

Ki kagh me akuvagh, arazir me nan gumazamizibagh amiziba bagh akam me gasam.

Gumazamizir kaba, me nan gu-mazamizir ki ua bagha inabazibara.

Kantrin kabar gumazamiziba, nan nguazim inigha anebigha uarigh aningi, egha Israelia inigha tintinimin kantrin igharazibar ghue.

³ Egha me nan gumazamiziba bagha satu gikarara uari uari amisevegha gari, terara vaghvagh me iniam.

Egha me Israeliyan otariba amaga, dar ikar-vazimin, uari bagha tuavimin amiziba isi.

Egha me Israeliyan guivir doziba amaga, uari bagha dagiaba isa wainin dipabagh ivesi.

⁴ "Ia Tair ko, Saidonin nguibamningin adarazi ko, Filistian kantrin danganiba bar; ia manmaghin na damuasa?

Ia ti ghaze, Ki arazir kuram gamizi, ia na ikarvaghsha a?

Ia kamaghin nighnighti, ki zuamira ian arazir kuram ikaraghram.

⁵ Ki fo, ia nan gol ko, silvan biziba ko, bizar aghuir iveziba bar pin kozir aviriba sara,

inigha ghua uan asebar ziaba fer dipenibar da ariki.

⁶ Ia Tair ko, Saidon ko, Filistiaba, ia Jerusalem ko, Judan danganir igharazibar gumazamiziba inigha, bar saghon ghua me amada,

ezzi Grikba me givezezi, me pura men ingangarir gumazibar ko ingangarir amizir kinibar otifi.

⁷ Ezz datirighin ki ua me inighti, me ua danganir ia me amangiziba ategham.

Egheti ia me gamizir arazimra, ki a ikarvagh ia damuam.

⁸ Ki Judabar amamangatighti, me ian otariba ko guivibagh iveauzam. Egh me inigh Sabean kantrin ikizir saghon itimin me amadaghram.

Ki Ikiavira Itir God, ki mikemegha gifa."

⁹ Egha God akar kam Kantrin Igharazibar Gumazamizibar tongin mangi a mikimasa Joel mikeme,

"Ia God ko midorozim damusi biziba akir iki, egh midorozir gumazibar bar men diaghti,

me izi uari akuvagh, egh misoghs mangam.

¹⁰ Ia uan nguazibagh tuir ainbav soghti, da midorozir sababar min otifigh.

Egh uan sabar ikizirizir azenibar ingaribav soghti, da afuzibar min otifigh.

Egheti gumazir gavgaviba putativiba, uaghan midorozir gumazibar otivam.

¹¹ Ia kantrin roghira itibar gumazamiziba, ia bar moghira zuamira izi, danganir zarir kamin uari akufagh."

O Ikiavira Itir God, ni uan midorozir gu-mazir gavgaviba amadaghti, me izi apanir kaba ko misogh.

¹² Ezz God kamaghin migei: "Kantribar gumazamiziba bar, dikavigh danganir zarir kamin izi.

Me danganir zarir kam kamaghin a dibori, God Gumazamiziba Tuisisi.

Ki danganir kam daperagh, Israelin boroghin itir kantribar gu-mazamiziba bar men arazir kuraba tuisigham.

¹³ Ikizir kaba, me bar gumazamizir kuraba!

Kamaghin amizi, ia sabar ikiziriziba inigh me aghor, mati daghem anigha gifa.

Egh pamten me dikabin, mati gumazim
wainin oviziba dikabiri danganimin
da dit.

Ezi wainin dipaba bar izivaghha fasfasi.
Eighti, gumazamizir kaba kamaghira
bar ikuvigham."

¹⁴ Gumazamizir bar avirim, bar
avirasemgh kotiam bagh danganir
zarir kamin uari akuvaghram.

Ikiavira Itir God Izamin Dughiar
Ekiam,
bar dughiar ovezimin danganir
zarir kamin otivam.

Danganir zarir kamin ziar igharazim,
God Ivezir Kuram Gumazamizibar
Aningasa Mikeme.

¹⁵ Eighti aruem ko iakinim mitarmeghti,
mikoveziba ua isian kogham.

*God uan gumazamiziba bar deravira me
damuam*

¹⁶ Ikiavira Itir God, Jerusalemin aven
Saionin Mighsiamin pamtemin
deima,
an dimdiam mati ararim dagarvasi, ezi
overiam ko nguazim nisi.

Ezi God uan gumazamizibagh eghufi, eighti
me ikuvighan kogham.
A Israeliyan mogomer danganimin min
iti.

¹⁷ A kamaghin migei,
"Dughiar kamin ia Israelia fogham, kirara ki
Ikiavira Itir God, ian God.

Saion, nan mighsiamra, ki danganir
kamin iti.
Ki Jerusaleml damighti, a nan nguibar eki-
amra ikiam,
eghti azenan itir darazi uam an aven
mangan kogham.

¹⁸ Dughiar kamin, wainin azenir aviriba
otivigh mighsiaba avegham,
eghti mighsiar muziariba bar, bul-
makaun aviriba dar ikiam.

Eighti gin Judan nguazimin itir daghurir
dakeziba, dipar aviriba zurara dagh
izivagh ivemaram.

Eighti dipatam Ikiavira Itir Godin
Dipenimin ikegh azenan izi,
emir ivemar Akasin Temeba Itir
Danganir Zarimin mangam.

¹⁹ Isipin kantri ko Idomin kantri, aningin
midorozir gumaziba iza,
Judaba ko misogha, pura gumazamizir
osimtzibza puvatiziba,
me misoghezi me ariaghire.

Kamaghin amizi, Isipin nguazim danganir
midiarimin min otogham,
eghti Idomin nguazim danganir
kinimin min otoghti,

gumazitam uam an ikian kogham.
²⁰⁻²¹ Eighti gumazir, gumazamizir kabav
soghezi me ariaghireziba,
ki men arazir kurar kamra ua me ikar-
vagham.

Osimtzimi itir gumazir kaba,
ki men tav ateghti a ikian kogham.

Eighti nan gumazamizir Jerusalem ko Judan
danganir igharazibar itiba,
me zurara iki mamaghira ikiam.

Eighti ki Ikiavira Itir God, ki Saionin
Mighsiamin ikiam."

Godin Akam Inigha Izir Gumazim Amosin Akinafarim O Amos Akar faragha zuim

Akam inigha izir gumazim Amos, a gu-mazir akam inigha izir ighazariz Godin Akinafarimin aven itir akinafaribar itiba, a ti men faragha oto. Amos a Judan kantrin aven itir nguabar dozir mamin gumazim, egha faragha sipsipbagh eghuva dar garir gumazim. Ezi God uan gumazamizir Israelin kantrin aven notin amadaghan itiba bagha, uan akam me mikinasa anemisefe. Dughiar kamin, Israelia deravira iki, egha osimtzir ekiataba bativizir puvati.

Ezi Israelia ghaze, me deravira iti, ezi Amos me migia ghaze, Me Godin damazimin derazir puvati. Gumazamizir organarazibagh amua men tongin itiba me deragha men gara me gamir puvati. Egha uan namakaba arazir aghuaribar me gamir puvati. Ezi Amos akar bar gavgavim men nighniziba ko araziba akirasa me ganingi. A ghaze, me uan navibagh iraghan koghti God bar ivedir kuram me daningam. Ezi Israelien gumazir ekiaba kamaghin a baregha, uam anemadaghti a Judan kantrin mangasa migei.

Ezi Amos gumazamizibav gia ghaze, Me kamaghin nighnighan marki suam, God me amir araziba mighigha dagh nighnizir pu. Bar puvati. Men nighnizir kaba kamaghin men akagha ghaze, Me bar Godin saghon iti. Me bar deravira kamaghin fogh suam, God a men Ikiavira Itir God, egha biziba bar dar amuamin gavgavim iti. Egha a uaghan ivedir kuram me daningamin gavgavim iti.

Israelia osimtzir dafam itima, Amos Godin akam me mikiri

(Sapta 1:1-5:3)

God akam isa Amos ganingi

¹ Ki Amos, ki Tekoan nguabar ekiamin gumazim, egha ki sipsipbar garir gumazim. Ki irebamin min garin bizimin garima, God akar kam na ganingi. Dughiar kamin, Usia Judan kantrin atrivimin itima, Joasin otarim Jeroboam, Israelin kantrin atrivimin iti. Ki bizar kam irebamin min an

ganigha givazi, azenir pumuning givazima, mikimkizim oto.

Ikiavira Itir God ivedir kuram isi gu-mazamizibar aningamin gavgavim iti
(Amos 5:8-9; 9:5-6)

² Amos kamaghin migei:

“Ikiavira Itir God, Jerusalemin nguabar ekiamin Saionin Mighsiamin iti.

Egha an azenan iza pamtemin dia dagarvusi.

Ezi grazir aghuariba ko, Karmelin Mighsiamin orazimin itir terafariba bar misingi.”

Ikiavira Itir God, Sirian kantrin gumaza-mizibar araziba tuisisi

³ Amos kamaghin migei:

“Ia oragh! Ikiavira Itir God Akar Gavgavir kam ia ganiga ghaze,
Sirian kantrin aven itir nguabar ekiam Damaskus,
an gumazamiziba arazir kurabagh amua ghuavira iti.

Me Gileatin Distrighin itir gumazamiziba bar
me dikabiragh me abini.

Kamaghin amizi, nan aningagharam guizbangira me bagha bar ekefe,
ezi ki ivedir kuram me daningam.

⁴ Kamaghin amizi, ki avim isi Atrivim Hasaelin dipenim mikinighti,
avim Atrivim Benhadatin nguabar ekiar gavgaviba bar dar isigham.

Nguabar kaba, divazir bar gavgaviba da avinizi da gavgavigha iti.

⁵ Ki nguabar ekiar kam Damaskus, an ainin tiar akabar divazir gavgaviba bar ada akararigham.

Egh ki Avenin Danganir Zarimin itir gumazamiziba batuegh,
uaghan Beteden kantrin atrivim batuegham.*

Eghti kantri Sirian itir gumazamiziba mangi

aruem anadi naghin itir nguazim Kirin,
aven kalabusin min ikiam.

Ki Ikiavira Itir God, ki kamaghin mikeme!”

God Gasan nguabar ekiamin gumazamizibar araziba tuisisi

⁶ “Ia oragh! Ikiavira Itir God Akar Gavgavir kam ia ganiga ghaze,
Filistian kantrin aven itir nguabar ekiam Gasa,

^{1:1}: 2 Atriviba 14:23-29; 15:1-7; 2 Eghaghaniba 26:1-23

^{1:5}: 1:3: Aisaia 17:1-3; Jeremaia 49:23-27; Sekaraia 9:1

Avenir Danganir Zarim ko Beteden kantri, aning Damaskusin nguabar ekiamin boroghin iti. Egha Hibrun akam, ziar kam Avenir Danganir Zarim akar kamin mirara ghu, “Arazir Kurabar Danganir Zarim.” Ezi ziam Beteden an akar kamin min iti, “Bar Akongezir Nguibam.” Egha ziar kamning, gumazamizir God asighasighambar araziba akakasi. ^{1:6}: Aisaia 14:29-31; Jeremaia 47:1-7; Esekiel 25:15-17; Joel 3:4-8; Sefanaia 2:4-7; Sekaraia 9:5-7

an gumazamiziba arazir kurabagh
amua ghuavira iti.

Me ikizir mabar gumazamiziba inigha
ghua Idomin kantrin kalabusin min me
ati.

Kamaghin amizi, nan aningagharim
guizbangira me bagha bar ekefe,
ezi ki iveauzir kuram me daningam.

⁷ Kamaghin amizi, ki avim isi
Gasan nguibar ekiamin itir divazim
mikinighti,
avim an dipenir gavgaviba bar dar
isigham.

⁸ Egh ki Asdotin nguibamin itir gumazamiz-
iba bar me batuegh,
uaghan Askelonin atrivim batuegham.
Egh uan gavgavimin Ekronin nguibar
ekiam gasighsigh,
Filistian ikiavira itir varazira, ki me
misueghti, me arimighiregham.
Ki Ikiavira Itir Godin Ekiam, ki ka-
maghin mikeme!"

*God Tairin nguibar ekiamin gumazamiz-
bar araziba tuisisi*

⁹ "Ia oragh! Ikiavira Itir God Akar Gavgavir
kam ia ganiga ghaze,
Tairin nguibar ekiamin gumazamiziba,
arazir kurabagh amua ghuavira iti.
Me ikizir mabar gumazamiziba bar me
isa Idomin kantrin me amadazi,
Idomia me isa kalabusin min me
ati.

Me fomira ikizir kaba ko deragh dapiasa
akam akiri,
ezi puvati, me datirighin uan akar
dikirizim abiki.

Kamaghin amizi, nan aningagharim
guizbangira me bagha bar ekefe,
ezi ki iveauzir kuram me daningam.

¹⁰ Ki avim isi Tairin divazim mikinighiva,
an aven itir dipenir gavgaviba bar dar
apongegham."

*God Idomin kantrin gumazamizibar
araziba tuisisi*

¹¹ "Ia oragh! Ikiavira Itir God Akar Gavgavir
kam ia ganiga ghaze,
Idomin kantrin aven itir darasi,
arazir kurabagh amua ghuavira iti.
Me uan adarazira Israelia, men agintigha,
men marazi[†] midorozir sababar me
misozi me ariaghirma,
me tong men apangkuvir pu.
Bar puvati.
Men aningagharir arazir kam men
tongin ikiavira iti.

Kamaghin amizi, nan aningagharim
guizbangira me bagha bar ekefe,
ezi ki iveauzir kuram me daningam.

¹² Kamaghin amizi, ki Temanin Distrighin
avim akunighti a magiram.
Eghti ki Bosran nguibar ekiamin
itir dipenir gavgavibar apongi da
isiam."

*God Amonin kantrin gumazamizibar
araziba tuisisi*

¹³ "Ia oragh! Ikiavira Itir God Akar Gavgavir
kam ia ganiga ghaze,
Amonian kantrin gumazamiziba, arazir
kurabagh amua ghuavira iti.

Me ua nguazitaba iniasi misosi,
egha Gileatin Distrighin itir amizir
naviba adaiba, me men naviba
abizi da biaghiri.

Kamaghin amizi, nan aningagharim
guizbangira me bagha bar ekefe,
ezi ki iveauzir kuram me daningam.

¹⁴ Kamaghin amizi, ki avim isi Raban
nguibar ekiamin divazibav kinighti,
men dipenir ekiaba bar isigham.

Eghti midorozir gumaziba misoghiva
pamtemin dagarvagh dimam,
eghti midorozim bar gavgavigham,
mati aminir ekiam dughiar kuramin
oto.

¹⁵ Eghti Amonin atrivim uan midorozir gu-
maziba ko me mangi
kantrin ighazarizmin kalabusin min
ikiam.

Ki Ikiavira Itir God, ki kamaghin
mikeme!"

2

*Ikiavira Itir God, Moapin kantrin gu-
mazibar araziba tuisisi*

¹ "Ia oragh!
Ikiavira Itir God Akar Gavgavir kam ia
ganiga ghaze,
Moapia arazir kurabagh amua ghuavira iti.
Me Idomin kantrin atrivim inigha a
misoghezi an areme.

Ezi me gin uam an aghariba inigha avimin
da tuezi
da isigha arinimin min oto.
Kamaghin amizi, nan aningagharim
guizbangira Moapia bagha bar ekefe,
ezi ki iveauzir kuram me daningam.

² Kamaghin amizi, ki avim isi Moapin
kantrin anekunighti,
Keriotin nguibamin dipenir gavgaviba
bar isigham.

Eghti midorozir bar ekiam otoghti,

^{1:9:} Aisaia 23:1-18; Esekiel 26:1-28;19; Joel 3:4-8; Sekaraia 9:1-4; Matyu 11:21-22; Luk 10:13-14 ^{1:11:} Aisaia 34:5-17;
63:1-6; Jeremaia 49:7-22; Esekiel 25:12-14; 35:1-15; Obadia 1:1-14; Malakai 1:2-5 ^{† 1:11:} Israelia, me Jekopin ovavir
boriba, ezi Idomia me Jekopin avebam Ison ovavir boriba. Ni Jenesis 36:1-8in ganigh. ^{1:13:} Jeremaja 49:1-6; Esekiel
21:28-32; 25:1-7; Sefanaia 2:8-11 ^{2:1:} Aisaia 15:1-16:14; Aisaia 25:10-12; Jeremaja 48:1-47; Esekiel 25:8-11; Sefanaia
2:8-11

midorozir gumaziba pamten dimiva
sighabagh iviam.

Eghiti Moapia midorozir kamin
tongin arimighiregham.

³ Eghiti ki Moapin atrivim ko an ingangarir
gumaziba bar me misuehti,
me arimighiregham.

Ki Ikiavira Itir God, ki kamaghin
mikeme!"

Ikiavira Itir God, Judabar araziba tuisisi

⁴ "Ia oragh!

Ikiavira Itir God Akar Gavgavir kam ia
ganiga ghaze,

Judaba arazir kurabagh amua ghuavira iti.
Me nan Araziba batogha, arazir ki
ifongezibar gin zuir puvati.

Egha me uan inazir afeziaba faragha gin
ghuezir aser ifavariba,
uaghan dar gin zui.

Kamaghin amizi, nan aningagharam
guizbangira me bagha bar ekefe,
eghti ki iveauzir kuram me daningam.

⁵ Kamaghin amizi, ki avim isi Judan
nguibabav kinighti,
Jerusalem dipenir gavgaviba bar
isigham."

Ikiavira Itir God, Israelian araziba tuisisi

⁶ "Ia oragh!

Ikiavira Itir God Akar Gavgavir kam ia
ganiga ghaze,

Israelia arazir kurabagh amua ghuavira iti.
Israelia uan namakabar amaman-

gatizi,
me pura men biziba inigha, ua da
ikarvaghan iburaghburaki.

Ezi Israelia pura uan bizar namakabagh
aningizibagh nighnigha,
gumazir kaba biziba amadi moghin me

amadi, ezi gumazir ekiaba me giveze.
Ezi me pura gumazir ekiar kabar
ingangarir gumazir kinibar
ikiam.

Ezi Israelia gumazir ekiar kaba da dagiaba
inigha,
gumazir pura men bizar me da inizibar
biziba ikarvashi.

Gumazir men biziba pura da iniziba,
mevezika, me osimtzibar puvati,
ezi bizar me Israelia da pura iniziba dar
ivezim ekevezir puvati.

Dar iveauzim dibobonim, dagarir asuamning
givezamin dagiabar ko magh
ghue.

Egha Israelia tong men apangkuvir pu-

vati.

Kamaghin amizi, nan aningagharam
guizbangira me bagha bar ekefe.

Eghiti ki iveauzir kuram me daningam.

⁷ Me gumazir gavgaviba puvatiziba
dikabira,
onganarazibagh amir gumazamiziba
batosi.

Egha afeziar maba uan otariba ko me
amizir vamira ko akua arazir
kurabar a gami.

Me kamaghin amua nan ziar aghuim
gasighasiki.

⁸ Danganir me Godin ziam feba,
me pura namakaba da inizir iniba
ghuara dagh isin akui.

Inir kaba kamaghin akagha ghaze,
gumazir pura dagiaba inizir kaba, me
ua da ikarvaghram.

Egha me inir kaba ua me ganidir
puvati.*

Egha me uan namakar men biziba iniziba
isa kot garigha
wainin dipabagh iveauzasa me da
dagiaba isi.

Egha me Godin Dipenimin aven
wainin dipar kaba api.

⁹ "Israelia nan gumazamiziba, ki ia bangin
Amoria gasighasiki.

Gumazir kaba temer sidabar min ruar-
igha, egha okin temebar min gavgafi.
Ezi Amoria ki bar moghira me
gasighasiki.

¹⁰ Ki Isipin nguazimin aven ia inigha azenan
ize.

Egha ia inigha Amorian nguazimin ia
arighasa,

40plan azenibar gumazamiziba pu-
vatizir danganimin
ki ian faragha ghuia ian akua ize.

¹¹⁻¹² Ki ian otarir maba, akam inigha izir
gumazibar min me amisefe.

Ezi me nan akam akunan aghuaghga
men anogoroke.

Egha ki ian gumazir igiar maba, Nasan gu-
mazibar min otivigh nan ingangarim
damuasa me amisefe.†

Ezi ia me gakaghonezi me wainin
dipaba ame.

Israelia ia fo, kar bar guizbangira!

Ki Ikiavira Itir God, ki mikemegha gifa!

¹³ "Ia oragh!
Ki datirighin ia dikabiraghti ia
magiregham.

Osimtzizir ia iniamim
mati gumazim bizar osimtzizim ateri an
akiragharam a gami moghin,
ia mizazir ekiam baraghram.

* 2:8: Ni Ua Me In 22:26-27 in itir Arazibar gan. 2:9: Godin Araziba 3:8-11 † 2:11-12: Gumazir ziar kam, "Nasa," itiba, me uari uari isa God ganiga egha wainin dipaba ko dipar organibar anogoroke, egha uaghan arazir ighazariz mabagh ami. Ni Diboboniba 6:1-8 in gan.

¹⁴ Gumazir puvira ivemariba, me ari mangi mongan iburaghram.

Gumazir gavgaviba, me ua gavgaviba puvatigham.

Midorozir gumaziba deragh ikisi uarir akurvaghsı damuva avegham.

¹⁵ Gumazir barir pibar misoziba, me tuvigh gavgavigh misoghiva avegham.

Gumazir puvira ivemariba, me deragh ikisi uarir akurvaghsı ivemaran iburaghram.

Eghti gumazir hoziabagh apiagha misoziba me uaghan ari mangan iburaghram.

Men apaniba me misoghti me bar moghiram arimighiregham.

¹⁶ Dughiar kamin, midorozir gumazir atiatar puvatigha misoziba, me bar moghira uan midorozir biziba ategh puram ari mangeham.

Ki Ikiavira Itir God, ki kamaghin mikemegha gifat!

3

¹ O Israelin gumazamiziba, ia oragh! Ikiavira Itir God Isipin kantrin aven ia inigha azenan ize, ia bar moghira deragh an akar a ia gasim baragh. ²A kamaghin migei:

“Ikizir aviriba nguazir kamin iti.

Ezi ki men tongin iarara inabazi, ia nan gumazamizibara iti, ezi ki bar deravira ia gehhufi.

Kamaghin amizi, ki ian ganti, ia arazir kurabar amuti,

ki bar ada ikarvagh iveauzir kuram isi ia daningam.”

God akam aningichti, akam inigha izir gumazim anekunam

³ Gumazir pumuning uaning ko darusi, faragh akam akirighan kogh, mamaghin uaning inigh daruam?

Puvatigham.

⁴ Laion asizitam ruarin a inighan kogh, manmaghsu dazeram?

Eghti laionin igiam dagiar torimin iki asizitam ameghan kogh, manmaghsu dimiva arangam? Puvatigham.

⁵ Eghti ivetam, asizir otevir kuarazibagh ifaramim an ikian koghti, kuaraziba manmaghin puram an aven mangam?

Eghti asizitam azuazimin aven mangigham koghti, azuazim manmaghsu pura irigham. Bar puvatigham.

⁶ Eghti midorozim nguibatamin aven otivsi, gumazamiziba fofoghsı me sigham giviam.

Ezi ia manmaghin nighnisi, gumazamiziba atiatingam, o?

Ezi kamaghira, nguibar ekiatam asighasizim a batogham.

Ezi ia manmaghin nighnisi, Ikiavira Itir God ti asighasizir kam amadaz, o?

⁷ Bar guizbangira, Ikiavira Itir Godin Ekiam damuasava amir biziba, a faragh uan ingangarir gumazibav kemegham,

kar an akam inigha izir gumaziba, egh gin a mikemezi moghira dar amuam.

⁸ Gumazim laion baraghti, a pamten dazerti, a ti atiatingam, o?

Eghti Ikiavira Itir Godin Ekiam uan akam gumazitam danighti, an anekunan kogham o?

Puvati, an an gun mikimam.

Amos ghaze, Samarian nguibam ikuvigham

⁹ *Ia mangi, gumazir Asdotin nguibar ekiamin dipenir gavgavibar itiba, ko Isipin kantrin dipenir gavgavibar itiba,*

men diagh, akar kamin gun me mikemegh,

“Ia bar mangi Samarian mighsiabar uari akuvagh iki, egh Samarian gumazamizibar gan, me bar organigha atiatim uarira uarigh anidi.

Egh men igharaz darazi dikabirir arazir kurar me amiba ia dar ganigh.”

¹⁰ Ikiavira Itir God kamaghin migei, “Samarian gumazamiziba okimakiar

arazim ko midorozir arazim gamua, pura bizar aviriba isa ghua uan dipenir gavgavibagh arizi, da bar izefe.

Me guizbangin arazir aghuilar amuan fofoziba bar puvati.”

¹¹ Ezi Ikiavira Itir Godin Ekiam kamaghin migia ghaze,

“Apanitaba izi men kantri ekiarugh an aven daru,

egh men nguibar ekiamin divazir gavgavibar akarigh, men bizar aghuir men dipenir gavgavibar itiba iniam.”

¹² Egha Ikiavira Itir God ua kamaghin migei, “Laion sipsipin tam misuegh anemeghti,

sipsipbagh eghuvir gumazim uam a inisi,

mangi ganti, an midiarir muziaribara ikiam,

mati an suer agharimning ko kuarir nam.

Egheti arazir kamra, God Samarian itir gumarazimizibar amuam.

Samaria, a Israelin kantrin aven itir nguibar ekiam.

Gumazamizir kaba deragha apiaghā bar akongegha iti, me datirighin bar ikuvigham.

Men tongin itir ikizir bar muziarim deragh ikivira ikiam,
mati nguibar ekiamin itir bizi
ahuiba bar ikuvizi,
dakozir suemin otevimira irigh maghira ikiam.”

¹³ Ikiavira Itir Godin Ekiam, a Godin Gavaviba Bar Itim, a kamaghin migei:

“Ni deragh kuarimning atigh oregh,
Jekopin ovavir boriba ikiangsizir akar
kam me daningigh:

¹⁴ Dughiar ki Israelian arazir kuraba ikarvaghaim,
ki Betelin nguibar ekiamin ofa gamir
dakozibagh asighasigh,
egh ofa gamir dakozimin mikebabar itir
bulmakaun kombar min garir biziba,
ki bar da apirarighti da nguazim
giregham.”

¹⁵ Egh ki dipenir aghuir gumaziba dughiar
orangtiziba bagha ingarizibagh
asighasigh,
dipenir aghuir me aruem garir
dughiamin avughsı ikiamibagh
asighasigham.

Egh dipenir me elefanin ataribar kurkeziba,
ki bar da apirarighti da minezir
kinibar otivigham.

Eghiti dipenir ekiaba bar moghira ikuvigham.

Ki Ikiavira Itir God, ki kamaghin
mikemegha gifa!”

4

¹ Ia Samarian amiziba, ia akar kam
baragh:

Ia mati bulmakaun aghuibar min grazir
avirim apava ian mikarziba bar dera.
Gumazamizir gavgaviba puvatiziba,
ia bar pazavira me gami.

Eghia ia osimtiziba isa onganarazibagh amir
gumazamizibagh aniga,
tong men apangkuvir puvati.

Eghia ia uaghan uan pabar dia
uari bagh wainin dipaba inigh izasa me
migia ghaze,

“Ia wainin dipar aviriba inigh iziti,

e dar ami onganam.”

² Ikiavira Itir Godin Ekiam, a Godin bar
zuezim,

a uan ziar zuruzim akagha, akam
akirigha givaghā ghaze,
“Bar guizbangira, dughiatam iziti,
apaniba akezimin ian guigh ia
mikirivagh mangegham.

Ia bar moghira,
mati gumazim dipamin akezimin
osiribar guava azenan izi moghin,
me akezibar ian guigh danganir
igharazimin mangam.

³ Apaniba ia inigh nguibar ekiamin divazim
akaraghirezi naghin
mangi azenan otogham,
egh ia isi Harmonin danganir bizi
kuraba akurimin, ia akunighti, ia
magiregham.*

Ki Ikiavira Itir God, ki kamaghin
mikemegha gifa.”

*God iveau kuram Israelia ganingizi, me
uan navibagh irazir puvati*

⁴ Ikiavira Itir God, a God, a kamaghin
migia ghaze:

“Ia Israelia, ia dikavigh mangi
Betelin nguibar ekiamin arazir kurabar
amuva nan akam batogh.

Egh ia Gilgalin nguibar ekiamin mangi
akirim ragh na gasi mamaghira iki.

Ia mizarabizur zurara ofa damusi asiziba
inigh izi.

Egh dughiar mikezimin, ia uan azeni
bar dagheba ko, biziba tuiragh pozir
10pla mikinigh,
egh ia pozitam isi na daningam.

Ki Ikiavira Itir God, ki kamaghin
mikeme.

⁵ Aria, ia pura mangi na minabagsi,
bretin ia tueziba inigh, na bagh ofa
damu.

Egh ia uan ifongiamin gin mangi bizi
aviriba inigh izi nan ofa damuva,
tuavir kamin gumazamizibar
damazimin uarira uan ziaba fi.

Ki fo, ia Israelia, ia arazir kabar amuasa bar
ifonge.

Ki Ikiavira Itir Godin Ekiam, ki kam
aghin mikeme.”

⁶ “Kirara, ki mitiriar ekiam gamizi, a ian
nguibaba bar da batozi,
dagheba puvati.

Ezi ia tong uan navibagh irazir pu.
Bar puvati.

^{3:14:} 2 Atriviba 23:15 * ^{3:14:} Israelia bulmakaun kombar min bizibagh ingara egha da isa uan ofabagh amir
dakozibar mikebabagh arisi. Ni Ua Me Ini 27:2in gan. * ^{4:3:} Hibrun akam vezin kam deragha migeir puvati. Egha
uaghan, e fozir puvati, Harmonin nguibam a bar managhira iti, egha a nguibar manmaghira gara iti.

Ki Ikiavira Itir God, ki kamaghin mikeme.”

7 “Dughiar kamin, ian azenibar dagheba tighar aghungamin iakinir 3pla ikiavira iti,
ezi ki amozimin anogoroke.

Ki amozim gamizi, a nguibar mabar ize,
egha nguibar mabar puvati.

Ki amozim gamizi, an azenir mabagh ize,
ezi azenir maba amoziba puvatigha bar misingi.

8 Ezi nguibar mabar gumazamiziba dipam
bagha aremeghasava amua,
nguibar igharazibar ghua dipam burigha arui.

Ezi dipam bar men oteveghavira iti.

Ki bizar kabagh amizi, ia tong uan navibagh iraghaha nighnizir pu.

Bar puvati.

Ki Ikiavira Itir God, ki kamaghin mikeme.”

9 “Ki aminir bar puvira feir mam ko,
arimariar kurar mam amadazi,
aning iza ian azenibagh asighasiki.

Ezi odeziba iza ian dagher azeniba ko,
wainin azeniba ko, fighin temeba ko,
olivin temeba,
da apa bar ada agifa.

Ki bizar kabagh ami, ezi ia tong uan navibagh iraghaha nighnizir pu.

Bar puvati.

Ki Ikiavira Itir God, ki kamaghin mikeme.”

10 “Ki faragha Isipia bagha arimariar mam amadazi moghin,
ki datirighin ian marazigh asighasighasa arimariar mam ia bagh anemada.

Midorozir dughiamin, ki apanibar amamangatizi,
me ian gumazir igiabav soghezi me ariaghire.

Ki ian apanibar amamangatizi, me ian hoziaba okeme.

Gumazir ariaghirezibar kuaba, ki dagh amizi,
dar mughuriar kuraba ian fetoribar aven zui.

Ki bizar kabagh amizi, ia tong uan navibagh iraghaha nighnizir pu.

Bar puvati.

Ki Ikiavira Itir God, ki kamaghin mikeme.”

11-12 “Ian marasi, ki Sodom ko Gomoran
nguibamning gasighasighizi moghin,
ki me gasighasiki.

Ezi ia ikiavira iti darasi, mati dazir otevimi
avim gasaraghav ikia isima,
gumazir mam a gekuizima, a isizir pu-
vati.

Ki bizar kabagh amizi, ia tong uan navibagh iraghaha nighnizir pu.

Bar puvati.

Kamaghin amizi, Israelia, ki
mizazim ia gasam.

Ki kamaghin damighti,
ia fogh uan Godin kotiamin tuivsi uari
akirmigh ikiam.

Ki Ikiavira Itir God, ki mikemegha gifa.”

*Ikiavira Itir God, biziba bar dar
amuamin gavgaviba iti
(Amos 5:8-9; 9:5-6)*

13 Ia oragh!

Godin mighsiabar ingarizim, an
aminibagh amima,
da otiva ivai.

Egha a uan nighniziba isa
gumazamizibar akakazima, me dagh
fo.

Anarira aminbiririm damighti
an angazangarim otoghamin gavgavim
iti.

A mighsiabagh isin arua
nguazir kamin danganiba bar dagh ati-
vatha dar gari.

An ziam, Ikiavira Itir God,
a Godin Gavgaviba Bar Itim.

5

*Amos azirakar ighiaba Israelia bagha da
bange*

1 O Israelia, ia oragh! Ia mati gumazim
aremezi moghin iti. Kamaghin amizi, ki
azirakar ighiar mam ia bagh a bangiti, ia a
baraghiam. ² Azirakar kam kamaghin ghu:

“Kantri Israel mati amizir igiar kam,
a irigha givagha, ua dikavan kogham.

A datirighin uan nguazim girighav iti,
ezi an akurvagh, uam a famin gumaz-
iba puvati.”

3 Ikiavira Itir Godin Ekiam, a kamaghin
migei:

“Israelin kantrin aven an nguibar mam
1,000plan midorozir gumaziba
midorozim bagha me amadazi,
100plan midorozir gumazibara ua-
mategha ize.

Ezi nguibar igharazir mam 100plan
midorozir gumaziba amadazi,
midorozir gumazir 10plara uamategha
ize.”

Ikiavira Itir Godin biziba bar dagh ativazim, a Israeliian araziba akirasa

(Sapta 5:4-15)

*Israelia ua navibagh iragh God bagh izi,
egh ikirimirir angamira itim iniam*

⁴Egha Ikiavira Itir God, kamaghin Israelia migei:

“Ia ua izi na baghvira iki,
egh dabirabir aghuiba iniam.

⁵Egh Ia Berseban nguibamin mangi
nan ziam fan marki.

Ia Betelin nguibamin mangi, tong na burian
marki,
Betelin nguibam bar moghira iku-
vigham.

Ia Gilgalin nguibamin mangi nan ziam fan
marki,

Gilgalin gumazamiziba mangi kantrin
igharazimin kalabuziabar min
ikiam.

⁶“Ia uamategh izi Ikiavira Itir God baghvira
iki,
egh dabirabir aghuim iniam.

Puvatightima, a ian atariva avir mizariamin
min isi izighiri,
ia Josepin ovavir boriba bar ian
isigham.

Avir kamra Betelin nguibam bar an
isigham.

Eghti avir mizariar isir kam
amungamin gumaziba puvatigham.”

*Gumazir arazir kurabagh amiba me bar
ikuvigham*

⁷Iavzika, ia gumazir kotiabagh ifariba ko
gumazir arazir aghuiba dikabiriba, ia bar
ikuvigham!

*Ikiavira Itir God, biziba bar dar
ingaramin gavgavim ikia, egha uaghan
ivezir kuram gumazamizibar aningamin
gavgavim iti*

(Amos 1:2; 4:13; 9:5-6)

⁸⁻⁹God mikovezir kamning Guezam ko, Iav-
ibamin ingarigha,

egha uaghan mikovezir pin ikia
angazangarim anidiba sara ingari.

A mitarmer bar piżim girazi, angazangarim
oto.

Egha angazangarim girazi mitatem oto.
Egha ongarimin deima, a izima,
an a isa nguazim ginge.

A gumazir gavgaviba ko men dipenir gav-
gaviba sarama asighasisi.

God bar bizir kabagh ami,
ezi an ziam, Ikiavira Itir God.

*Amos Israelia amir arazibar gun me
migei*

¹⁰Gumazir aghuiba, kotiamin otiva
guizbangira migia,
egha gumazir arazir kurabagh amibar
atari,

ezi ia gumazir aghuir kabar aghua.

¹¹Ia organarazibagh amir gumazamiziba
dikabira

men biziba pura dagh ekuava, men
dagheba okei.

Ia dagiar gavgavibar dipenir aghuibar in-
gari,
egh ia dipenir katamin ikeghan
kogham.

Ia wainin azenir aghuiba opari,
egh ia azenir kabar wainin dipatabar
ameghan kogham.

¹²Ia amir arazir kuraba, ki bar dagh fo.
Ki fo ia osimtizir bar aviribagh ami.

Ia gumazamizir aghuiba paza me gami.
Gumazir kuraba ia apezepera mog
dagħiaba ia ganidima, ia dagħiaba isa,
gumazir organarazibagh amibar,
kotiabar me gifara me abiri.

¹³Gumazamiziba arazir kurar kabar
amuam,
egħi ta' gumazamizir fofozir aghuiba
itiba,
ia akabar kumigh bizitamin me
mikiman marki.
Bar guizbangira, kar arazir kuraba
otivir dugħiħamra.

*Ia arazir aghuimin girara mangiti, God ia
ko ikiam*

¹⁴Ia arazir aghuibara damu, arazir kurabar
amuam marki.

Egh kamaghin, ia ikirimirir angamira
itim inigh,
ian ikirimirim deragħam.

Ia kamaghin migia ghaze,
Ikiavira Itir God,
a Godin Gavgaviba Bar Itim, a ia ko
iti.

Ezi ia arazir aghuir kabar amuti,
God guizbangira ia ko ikiam.

¹⁵Ia arazir kuraba ategħ,
arazir aghuibara ifongegħ dar gin
mangi.

Ia kotiamin tugh guizbangira
mikim.

Ia kamaghin damuti,
Ikiavira Itir God, a Godin Gavgaviba
Bar Itim,
ia Josepin ovavir borir ikiavira itir
varazira, a ti ian apangkuvam.

**Ikiavira Itir God iveau
kuram Israelia danigam**

(*Sapta 5:16-9:15*)

Israelia uan arazir kurabagh nighnigh aziam

16-17 *Ia arazir kurar kabagh ami, kamaghin nan Ikiavira Itir Godin Ekiam, a Godin Gavgaviba Bar Itim, a kamaghin migia ghaze:*

“*Ki ian tongin izi iveau kuram isi bar ia daningam.*

*Egħi ta nguibar ekiamin aven itir tuaviba ko biziba amadir danganibar pamten ażi suam,
‘Evzika! Evzika!*

Egħti ta gumazir azenibar ingaribar diagħti, me uaghan aziam.

Egħti gumazamizir gumazir aremezib bagħha azia fożiba,

me uaghan izi ian akuragh aziam.

Egħti gumazamizir wainin azenimin aven itiba,

me uaghan izi ian akuragh azirakabar amuam.

Ki Ikiavira Itir God, ki mikemegħa gifa.”

Godin ziam fer arazibara, Israeliān akuraghan kogħam

18 *Ia bar mogħira kamaghin ifonge, Ikiavira Itir God Izamin Dugħiar Ekiam,* a bar zuamriġama otogħam.*

Iavzika!

Ia bixiż aghħiur manamra dugħiar kamin an ganti an otivam?

Ia ti ghaze, dugħiar kamin aminim ti ian tiragħam.

Bar puvati.

Aminir birim a iki kamaghira ikkiam.

19 *Dugħiar kam kamaghin otivam, mati gumazim laionin ara ghua bea battozi,*

bea a misuegħa anerne.

Dugħiar kam uaghan kamaghin otogħam, mati gumazir mam uan dipenim aven ghua dipenir birim minn irra, kuruzim birim minn ikiava a givi.

20 *Ikiavira Itir God Izamin Dugħiar Ekiamin, aminim bar mittegħhem.*

Egħti angazangarim an ikian kogħam. Bar puvatigham.

21 *Ikiavira Itir God kamaghin migia ghaze, “Ia isar ekiabar dugħiaba, ki bar dar aghħua, Guizbangira, ki bar dagħi ifongeżiżi puvati.*

Ia nan ziam fer dugħiar ekiaba, da nan atinim minn kurigha mughasi.

22 *Ian ofan bar isia mighiriziba ko, ofa damuasa inigha iziż witba, ki bar tam inighan kogħam.*

Ia bulmakaun aghħiur mikkarziba sara itiba, inighi zi gumazamizib na ko navir vamiran ikiasava amir ofabar amuti, ki ofan kabar ganighan kogħam.

Bar puvatigham.

23 *Ia ua ighabar amuan marki.*

Ia ua gitaba ko buabav soħħan marki, da nan kuarir torimin pura niginir kinim gami.

Ezzi ki da baraghha aghħua.

24 *Ki kamaghin ifonge, ia guizin arazibara damu,*

egħti arazir aghħiuba zurara iki mati faner ekiar mam zurara, emira ivemara uaghira datir puvati.

25 “O Israelia,

ki 40plan azenibar ian akua, gumazamizib puvatizir danganim iż-za, ofan kamagh garitam ua bagħ a damuasa ian azarazir puvati.

26-27 *Ezzi ia datirigħin na ategħa*

għiavha uari bagħ aser pumuningin marvir guamningin ingari.

Marvir guar mam, ia atrivim iż-żiam Sakut a gatiga,

marvir guar iħbarazim, ia mikovezim iż-żiam Kaiwan a gati.†

Kamaghin amizi, ki Damaskusin vongin amadagħan itir kantrin mamin kal-abusin minn ikisi ia amadagħti, ia ti marvir guar kamnning inigh aning sara mangam.

Ki Ikiavira Itir God, ki kamaghin migei.

Nan ziamra kara, Godin Gavgaviba Bar Itim.”

6

Israeliān gavgavimra men akurvagħti, me deravira ikian kogħam

1 *Egħha God ghaze:*

Iavzika, ia Saionin nguibamin gumazamizib deravira itiba, ko ia Samarian nguibamin itir gumazamizib, Iavzika, ia kamaghin nighnigha ghaze, bixxatam e gasiġħas iġħiġ kogħam. Iavzika!

Ia Israeliin kantrin faragħha zuir gumazir dapaniba, ia ghaze, e ziar ekiaba ikia, egħha kantrin iħbarazibar bar me gafira.

Ezzi gumazamizib akurvazim bagħha ja bagħha izi.

Iavzika, ia bar mogħira ikuvigham!

* 5:18: Ni Joel 1:15-2:11 in gan. 5:21: Aisaia 1:11-14 kam deragħha migeir puvati.

5:25: Aposel 7:42-43 † 5:26-27: Hibrun akam vezin

2 Ia mangi Kalnen nguibar ekiamin ganighiva,
egh gin mangi Hamatin nguibar bar ekiamin ganighiva,
egh ua mangi Filistian kantrin
aven itin nguibam Getin ganigh,
kar kantrin gavgaviba.
Ia men gan nighnigh, ian gavgaviba men
gavgavibagh afirazir puvati.
Men nguaziba ti, guan nguazim gafirazir puvati.*
3 Ia ghaze, dughiar kurar kam ti ia bativan kogham.
Iavzika, ia uari, ian arazir kurar ia amiba,
dughiar kurar kam inigha bar roghira ize.
4 Ia gumazir dagiar aviriba ikia, dakozir bar aghuibagh irav ikia, bulmakau ko, sipsipin asizir aghuiba apiba,
Iavzika, ia uari bagh deravira gan.
Dughiar kuram ia batogham!
5 Ia Devit ami moghin, ighiar igiaba osira, da bangasa gitabav sosi.
6 Ia itarir ekiaba itir wainin dipaba apa mamaghira ikia, egha tong avughsir puvati.
Egha ia borer bar aghuiba isa uan mikarzibagh azui.
Egha ia Josepin ovavir boriba ikuvighamin
bizar kam,
ia an kuarakuva a ginighnizir puvati.
7 Kamaghin amizi, iarara faragh mangi
kantrin igharazitam kalabusin min
ikiam.
Egh ua isar ekiabar amuan kogham.
8 Ikiavira Itir Godin Ekiam, a Godin Gavgaviba Bar Itim,
a uan ziamin Akar Gavgavim akira
ghaze,
Jekopin ovavir boriba uari fava amir arazir
kam,
ki bar an aghua.
Egha uaghan men nguibar ekiamin aven
itir dipenir gavgaviba, ki bar dagh ifongezir puvati.
Kamaghin amizi, ki nguibar kam ko
bizar bar an aven itiba isi
apanibar dafaribar arigham.

9 Eghia 10plan gumazamizibara dipenir tamin aven iki,

me bar moghiram arimighiregham.
10 Gumazitam aremeghti, an ikizimin tav izi
an kuam inigh mangi a tusi,
dipenimin aven izi, egh dipenimin aven
modogha itir gumazir kamin diagh a
mikim suam,
“Gumazir igharaziba uaghan aven
ikiavira iti, o puvati?”
Eghia gumazir modozi kam kamaghin a
ikaragh suam, “Puvati.”
Eghia gumazir kuam iniamim, a kamaghin a ikaraghram,
“Ni aghumra iki. Egh Ikiavira Itir
Godin ziam diponan marki.”†
11 Ia oragh! Ikiavira Itir God mikimi,
dipenir ekiaba ko, doziba sara
bar dipirighiri akuar muziaribar
otivigham.
12 Ia ti ghaze,
hoziaba dagiar ekiabagh isin ivemaram?
Eghia ia ghaze,
gumazim bulmakau inigh mangi,
ti dagiabagh isin mangi nguazim
abigham?
Ti Puvatigham.
Arazir kaba da bar guizbangira puvatigham.
Ia guizin arazibagh irazi, da ghua imezimin
min oto.
Egha ia arazir aghuim girazi, a ghua
bizar kuramin min oto.
13 Ia midorozim gamua Lodebarin nguibam
ini,‡
eghaizar kam bagha bar akongegha
uari fa iti.
Eghia uaghan ghaze,
Ia uan gavgavim Karnaimin nguibam
ini.
14 Ezi Ikiavira Itir God,
a Godin Bar Gavgaviba Itim kamaghin
migei,
“Israelia, ki kantrin igharazibar midorozir
gumazitaba amadaghti,
me izi ia ko misogham.
Egh me notin amadaghan itir nguibam
Hamatin ikegh ia gasighasigh,
mangi sautin amadaghan Arabian
Fanemin tugham.”

* 6:2: Hibrun akam deragha vezin kam migeir puvati. Israelia gumazamizir ariaghirezibar kuaba tuer arazimin gin zuir puvati. E fo, midorozir ekiabar dughiar, arimiar kuraba otifi, ezi fofozir gumazir maba ghaze, me ti gumazir kuaba dughiar kamin da tue. Ezi fofozir gumazir maba ghaze, Israelia ghaze, Ikiavira Itir God ubi asighasizir kam me bagha an akua ize, kamaghin amizi, dughiar kabanangin me ti Ikiavira Itir Godin ziam a diponan atiati. Me an ziam diponti a ti puvira me ginighnigh bar me gasighasigham.

† 6:10: Hibrun akam vezin kam deragha migeir puvati. Israelia gumazamizibara dipenir tamin aven iki, a godin bar gavgaviba itim kamaghin migei, “Israelia, ki kantrin igharazibar midorozir gumazitaba amadaghti, me izi ia ko misogham.” Ezi ziam Karnaim akar kamin mirara ghu, “Bar gavgafi.” Dughiar kamin, Israelia nguibaba misogha me abini, ezi akam inigha izir gumazim gumazamizibara nighniziba fasa egha nguibar kamningran ziamning diboro.

7

*Amos irebamin min garir bizimin aven
odezibar gari*

¹ Ikiavira Itir Godin Ekiam, a irebamin min garir bizi mam nan aka. Ame! Ki Ikiavira Itir Godin garima, an odezir okoruuar bar dafamin ingarizi da otifi. Dughiar kamin atrivimin ingangarir gumaziba an nguazimin grazibagh ighizgha gifa. Ezi grazir kabar dafarir igaiba uam otivir dughiamra, odezir kaba otifi. ² Ki garima, odeziba nguazir kamin graziba ko biziiba bar da apa ada agifa. Ezi ki kamaghin migei:

“O Ikiavira Itir Godin Ekiam, ga uaning, ki
nin azai,
ni Jekopin ovavir boribar arazir kuraba
gin amadagh.

Men ikizim avirasemezir puvatizi,
me uarira uarir akurvaghamin gavgav-
iba puvati.

Ni men arazir kuraba ikarvaghisi damuti,
me ua manmagħiha damuam?”

³ Kamaghin amizi, Ikiavira Itir God uan
nighnizim giragħa kamaghin migei,
“Bizir ni garir kam, an otogħan
kogħam.”

*Amos irebamin min garir bizimin aven
avimin gari*

⁴ Ikiavira Itir Godin Ekiam ua irebamin min garir bizimin aven biziż iħarazim nan aka. Ki irebamin min garir bizimin gari, Ikiavira Itir Godin Ekiam, iveau kuram uan gumazamizbar aningasa avim gamizi a iz-
għiri. Ezi ġin avir kam ongarir ekiar bar konimin isigha, ġin nguazimin isia għuavira iti. ⁵ Ezi ki kamaghin migei:

“O Ikiavira Itir Godin Ekiam, ga uaning, ki
nin azai,
ni Jekopin ovavir boribagh nighnigh,
biziż kam damuan marki.

Men ikizim avirasemezir puvatizi,
me uarira uarir akurvaghamin gavgav-
iba puvati.

Ni men arazir kuraba ikarvaghisi damuti,
me manmagħiha uarir akurvaghām, me
gavgvibha puvati?”

⁶ Kamaghin amizi, Ikiavira Itir Godin Ekiam,
uan nighnizim giragħa kamaghin migei,
“Bizir ni garir kam, a uaghan otogħan
kogħam.”

*Amos irebamin min garir bizimin aven
ainin muziarir guraghav itim min gari*

⁷ Ekiam, biziż iħarazir mam irebamin min garir bizimin aven nan aka. Ki Ekiamin garima, a dipenir mamin divażir mirriam min boroghira tughav iti. Gumazir dipenir

kamin ingariziba, me ainin muziarir guraghav itim min suiraghha dipenir kamin biribar abaraghha fo, an biriba pura voroġħira tuivighav iti. Ki gari Ekiam benir kamin suiraghav iti.* ⁸ Egha a kamaghin nan azara, “Amos, ni biziż tizim min gari?”

Ezi ki kamaghin migei, “Ki ainin muziarir benim min guraghav itim min gari.”

Ezi a kamaghin na migei:

“Ni oragh!

Ki ainin benir muziarir guraghav
itim min suiraghha,

Israeliyan gumazamizbar aban
men arazibar ganiva da
tuisighasa.

Ki men gari,
me mati dipenir divażibar min
vorogħira tuivighav itir puvati.

Ki men arazir kuraba ua da ikarvaghħa,
egħi k u uan nighnizim giragħan
kogħam.

⁹ Israelien nguibar kaba, kar Aisakin ovavir
boribar
danganir pin itir me asebar ziabha feba,
da bar ikuvigham.
Guizbangira, ki dikavigh atrivim
Jeroboamin adarazi bar me
agivagħam.”

Amos of a gamir gumazim Amasian atari

¹⁰ Dughiar kamin, Amasia, a Betelin nguibamin itir ofa gamir gumazir mam. A Israelien atrivim Jeroboam bagħha akam amaga kamaghin migia ghaze, “Israelien gumazamiziba nin apanimim ikiasi Amos men navibagh inifi. Ni purama an ganti a ikiti, an migirigħi kaba kantrin kam bar a gasiħasigham.” ¹¹ Amos kamaghin migei:

“Jeroboam midorozir ekiatamin mangi
aremegħti,

Israelia uan kantri ategħi mangi,
kantrin sagħuia min itim kal-
abusin min ikiam.”

¹² Ezi Amasia għuwa kamaghin Amosin migia ghaze, “O ifavarir gumazim, ni Betel ategħi ari uamategħi Judan nguazimin mangi. Ni mangi Judaba akam me mikimti, me iveau ni daning. ¹³ Ni akam inīha iziż għu għad-dan u kagh Betelin nguibamin en mikim marki. Guizbangira, atrivim nguibar kamin Godin zjām fe. Godin Dipenir kaghħi itim, a Israelia bar men dipenim.”

¹⁴ Ezi Amos kamaghin Amasian akam ikaragħha ghaze, “Ki akam inīha iziż għu għad-dan u kagh Betelin nguibamin amir puvati. Egha uan iveau bagħha azangsiz ir-puvati. Ki pura sipsipbar gara dagħi eghuvir gumazir

* 7:7: Hibrun akam vezin kam deragħha a migei puvati.

kinim, egha fighin temebar garir ingangarim gami.¹⁵ Ki uan ingangaribagh amua itima, Ikiavira Itir God na inigha kamaghin na migei, ‘Ni mangi nan gumazamiziba Israelia, nan akamin me mikim.’ Kamaghin amizi, ki izi.¹⁶ Ni datirighin, Ikiavira Itir Godin akam baragh. God adarim Israelian ti, ezi ni Godin akam inigha izir gumazimin akaba, Israelia mikiman nan anogoroke.¹⁷ Amasia, ni akar kam na gasi. Ezi datirighin, Ikiavira Itir God kamaghin akam nin iti.

“Nin amuim, nguabar ekiar kamin aven tuavimin amizimin min gumaziba isi me ko dakuam,
eghti apaniba izi misogh nin boribav sueghti me arimighiregham.

Egh me nin nguazim inigh anebighiragh gumazir igharazibar aningam.
Egh apaniba ni inigh, gumazamizir God gifozir puvatizibar kantrin mangichti,
ni kantrin kamin aremegham.

Eghti apaniba Israelia inigh mangi kantrin saghuiamin itir igharazir kamin,
me isi kalabuziamin min me arigham.”

8

Amos irebamin min garir bizimin akramin gari, dagher aghuir anigha givazir abuananaba an iti

¹ Ki irebamin min garir bizimin gari, Ikiavira Itir Godin Ekiam, dagher aghuir anigha givazir abuananaba itir akiram nan aka. ² Egha a nan azara, “Amos, ni bizir tizimin gari?”

Ezi ki a ikaragha ghaze, “Ki dagher aghuir anigha givazir abuananabar gari, da akirar mam gizivagha iti.”

Ezi Ikiavira Itir God, ua kamaghin na migei:

“Dughiar abuananam otogha gifa, kar dughiar ki iveau kuram isi
uan gumazamiziba Israelia daningamim,
mati gumazamiziba dagher aghuir
anigha givazir abuananaba asim
mugham otogha gifa.

Egh ki ua uan nighnizim giraghan kogham.
Ki bar me gasighasigham.

³ Dughiar kamin, gumazamizir atrivimin dipenimin itiba,
me uam ighiabar amuan kogham.
Me azivira ikiam.

Eghti gumazamizir ariaghirezibar kuaba,
tintinibar danganibar iriv ikiam.
Me gumazir kuaba azenan da akunti,
gumaziba mikiman iburaghram.

Ki Ikiavira Itir Godin Ekiam, ki ka-
maghin mikeme.”

Israelin kantri ikuſi

⁴ Ezi Ikiavira Itir God ghaze,
Israelia, ia oragh. Ia Israelia, ia gumaza-
mizir biziba oteveziba dikabira,
egha gumazamizir organarazir ian
kantrin itiba

ia me gasighassis.

⁵ Ia kamaghin uariv gia ghaze,
Godin ziam fer isar ekiar kaba zuamira
givaghti,
e uan daghetaba inigh mangi dagiaba
bagh da amangam.

Dughiar manamra Sabat givagham?
Eghti e uan dagheba inigh da amadir
danganimin mangi
dar iveziba pin dar arigham.

Egh ababanir ifavaribar amu,
egh skel guva me gifarti, me bizir
kabagh ivedzam.

⁶ E witin kurabar dagiaba pin dar arigham, egh
dar dagiar ekiaba iniam.
E gumazir organarazim inighti,
an e da inizir biziba, dagiar
muizarimin da ikarvaghram.

Eghti dagiar kam pura dagarir asuamning
givezamin dagiamin ababanimin
min ikiam.

Egh e an suiragh anemadaghti,
a gumazir igharazimin ingangarir
gumazir kinimin min otogham.

Eghti gumazir igharazir kam, dagiaba isi,
organarazir gumazir kam danighti,
a uan osimtzir kam ikarvaghsi dagiaba
e daningam.

⁷ Ikiavira Itir God, a Jekopin ovavir boribar
God,
an akam akirigha ghaze,

Ia Israelia, ia amir arazir kurar
kaba, ki da bakinighnighan
kogham.

⁸ Kamaghin amizi, ki nguazim damighti,
mikimkizim a ginobaghti,
nguazir kamin itir gumazamiziba atiat-
ingiva arangam.

Eghti nguazir kamin danganiba bar
akongam.

Mati Isipin kantrin itir Nailin Fanemin,
aperiam otogha buigha ua mikirizi
moghin,
nguazir kam bar buigh ghuvan-
abogħi ua izighiram.

⁹ Dughiar kam otoghti, ki aruem
damightima, ana aruer arizimin
mitategham.

Aminir birim aruer arizimin, nguazir
kamin itir gumazamiziba batogħam.
Ki Ikiavira Itir Godin Ekiam, ki ka-
magħin mikeme.

¹⁰ Ia isar ekiabagh amua bar akongezir
dughiaba, ki dagħi iragħti,

da mati gumazim ovengezi, ia an aghuimazimin iti moghin ikiam.

Ki ian onger akabagh iraghti,
da azir onger akabar min otivigham.

Ki ia damut i a azirakar korotiabar aghuihi,
egh uan osimtizim akakaghs, bar
moghira uan dapanir arizibagh
isegham.

Ki ia damut i a mati poroghamimning borir
vamirara itima, an areme,
ezi aning a bagha osemezi moghin, ia
azi bar osemegham.

Dughiar kurar kamin osimtizim,
mati ia dagher misozim amezi a ia
misozim moghin,
a mangivira iki mangi givagham.

¹¹ Ikiavira Itir Godin Ekiam, ua kamaghin
migia ghaze:

“Ki mitiriar ekiam damighti a ian kantrin
otivam.

Eghti gumazamiziba mitiriam bar
puvira men agham,
eghti me daghem bagh mitiriam
men aghan kogham. Puvati.

Kuarim puvira men piram,
eghti me dipam bagh kuarim men piran
kogham. Puvati.

Me Ikiavira Itir Godin akam baraghsi
mitiriam men agham.
Ki Ikiavira Itir Godin Ekiam, ki ka-
maghin mikeme.

¹² Gumazamizir kaba bar, Ikiavira Itir
Godin akam baraghsi ifueghiva,
a inisi ongarir vuemin ikegh vuemin
mangi,
aruem anadi naghin ikegh aruem uaghiri
naghin mangi.
Godin akam bagh mangigh zegh damu
a buriva a batoghan kogham.

¹³ “Dughiar kamin amizir igiar diriba ko gu-
mazir igaiba, nan akam inisi damu,
damaziba men sirighthi me iregham,
mati gumazamiziba dipam bagha
ariaghire.

¹⁴ Ezi gumazamizir maba Samarian asebar
ziabar gavgavim uan akabagh aniga,
kamaghin migei, ‘E aser Danin nguubar
ekiamin itimin ziamin, e guizbangira
migei.’

Egha ‘E aser Berseban nguubar
ekiamin itimin ziamin, e
guizbangira migei.’

Kamaghin amizi, gumazamizir kaba
guizbangira osimtiziba iki
arighiregham,
egh ua dikavan kogham.”

Ikiavira Itir God Israelian araziba tuisisi

¹ Ki Ekiamin garima, a uan Dipenim
avinizir divazimin aven itir ofa gamir
dakozimin boroghin tughav iti. Egha
kamaghin migei:

“Ia nan Dipenimin guarir akinir ruaribar
dapanibav soghti,
dipenimin azuarimin danganiba bar
ivazvagh.

Eghti Dipenir akinir guariba dipirighiri,
gumazamizibar dapanibav soghti me
arimighiram.*

Eghti ariaghirezir puvatiziba ikivira ikiti, ki
apanibar amamangatighti me izi me
misoghti, me arimighiregham.

Men tarazi aregh deraghvira ikian
kogham.
Bar puvatigham.

² “Egh me nan ari mangisi, uari bagh mozi-
ibagh ku magiri

Gumazamizir Oveaghuezibar
Nguibamin ikiam,
eghti ki uaghan magiri men suigham.

Me pin overiamin ghuavanaboghti,
ki uamategh me gekuigh izighiram.

³ Me Karmelin Mighsiamin orazimin mangi
uari mongeghti,
ki me buri men apigham.

Me magiri ongarimin dikinimin mongeghti,
ki ongarimin itir kuruzir aser dafam
mikemeghti,
a me misuegh me amegham.

⁴ Apaniba me inigh saghon mangi kalabusin
min me atighti,
ki apanibav kemeghti, me me misueghti
me arighiregham.

Ki men akurvaghan aghua,
ki bar moghira me gasighasighasa.”

*Ikiavira Itir God, biziba bar dar
amuamin gavgavim iti
(Amos 1:2; 4:13; 5:8-9)*

⁵ Ikiavira Itir Godin Bar Gavgaviba Itim, a en
Ekiam,

a uan dafarimin nguazimin suirazi,
mikimkizim a ginobaghnobasi.

Eghti nguazimin itir gumazamiz-
iba, men naviba osemeghti me
arangam.

Eghti nguazir kamin danganiba bar
akongam.

Mati Isipin kantrin itir Nailin Fanemin
aperiam otogha buigha ua mikirizi
moghin,

nguazir kam bar buigh ghuau-
aboghi izighiram.

* **9:1:** Hibrin akam vezin kam deragha a migeir puvati. **9:2:** Onger Akaba 139:8; Jeremaija 51:53; Obadia 1:4

9:3: Jop 34:22; Onger Akaba 139:9-12; Aisaia 27:1; Jeremaija 16:16

6 Ikiavira Itir God, uan Dipenim uan Nguibar bar pin itimin an ingarigha, egha overiam gamizi, a bar pin ikia nguazim avara,
mati dipenimin siriam anevara.

Egha an ongarimin diazi, a dikavigha izima, ana isa nguazim gisin a inge.
God uabira bizir kabagh ami, ezi an ziam kamakin, Ikiavira Itir God.

God gumazamiziba me geghuva deravira men gari

7 Ikiavira Itir God kamaghin migia ghaze:

“O Israelia, ki Itiopian gumazamiziba deragha men gari moghin,
ki uaghan deragha ian gari.

Ki Kritin nguibamin Filistiaba inigha ize,
egha kantri Kirin, ki Sirian gumazamiziba inigha ize,
egha kamaghira, ki Isipin kantrin ia inigha ize.

8 Ki Ikiavira Itir Godin Ekiam, ki gara fo,
arazir kuram bar ia gizifa.

Egha ki uan damazimin bar deravira
Israelia, ian arazibar gari.

Kamaghin amizi, ki bar ia gasighasigh ia agivaghram.

Eghti Jekopin ovavir boribar tongin
ikiavira itir varazira, ki me
gasighasighan kogham, me ikivira
ikiam.

Ki Ikiavira Itir God, ki kamaghin
mikeme.

9 “Ia oragh! Ki pura mikimtima, Israelia
nighiva akongam,
mati gumazim rais misogha, da
amisivasa dagh ivazvasi.

Eghti Israeliyan gumazamizir kuraba raizin
afezibar min,
kantrin igharazibar tongin nguazim
giregham.

10 Gumazir arazir kurabagh amir kaba ka-
maghin migei,
‘God bizitamin e damigh e
gasighasighan kogham.’

Puvatigham. Ki apanibar amamangatighti,
me me misueghti me arimighiregham.”

*God kantri Israel damighti a ua der-
agham*

11 Ikiavira Itir God kamaghin migia ghaze,
“Dughiatam otoghti, ki Atrivim Devitin
ikizimin aven atrivitam damighti, a
tugham.

Dipenir kam ki gin uam anekirigh, an
divaziba ua da aseghti,
dipenir kam fomira ikezi moghin
ua ganam.

12 Eghti Israelia Idomin kantrin nguazir
ikiavira itiba bar ada inigh,
egh kantrin ighazariz ki ua bagha in-
abaziba uaghan da iniam.
Kar Ikiavira Itir God, bizar kabar
amuti da otivasa migei.”

13 Egha Ikiavira Itir God kamaghin migia
ghaze,
“Dughiatam otoghti, nguazim bar deraghti
dagheba zuamiram aghuigh bar
avirasemegham.

Eghti, gumazir dagheba opariba ko
dagheba isibar inganganiram uari
tivaghtivagham.

Eghti wainin ikariziba zuamirama aghuigh
ovizir bar aviriba ikiam,
eghti gumazir wainin dipabar ingariba,
da agvisi damuva avegham.

Eghti gumazamiziba wainin dipar isingtizir
bar aviribar ikiam,
mati dipabar mighsiabbar izevegha ive-
mará uaghiri.

14 Ki uan gumazamiziba Israelia inigh,
uamategh men nguibamin mangam.

Eghti me uan nguibar ekiar ikuviziba
akirigh, ua dar apiam.

Eghti me ua wainin ikariziba opar
wainin dipabar amiva dar amam.
Egh me uam azenibar ingar dar
dagheba iniva dar amam.

15 Ki uan gumazamizibar amamangatighti,
me nguazir ki me ganingizir kam de-
ragh a dapiagh ikiam.

Eghti gumazitam uam me batueghan
kogham.

Ki Ikiavira Itir God, ian God, ki
mikemegha gifa.”

Godin Akam Inigha Izir Gumazim Obadian Akinafarim O Obadia Akar faragha zuim

Godin akam inigha izir gumazim Obadia dughiar Babilonia iza Jerusalem gasighasighizimin gin uan akamin gun migei. Fomira Idomia Israelian apanim gami, egha dughiar Babilonia iza Jerusalemia gasighasighizimin, Idomia bar akonge, egha Babilonian akuraghha paza Israelia gami. Kamaghin amizi, Obadia kamaghin Godin otivir akabar gun migia ghaze, God bar pazivira Idomia damigham. Kantri Idom ko, kantrin igharaziba Israelian apanim gamiziba, me bar ovegham.

Idomian gumazamiziba arazir kuram gamizima, God men arazir kuram ikara

Idomian arazir kurambangin, God iveauzir kuram me daningam

¹ Ikiavira Itir Godin Ekiam akar kaba isa Obadia ganungi, God arazitam Idomia damuamin akaba.

Ikiavira Itir God akam inigha izir gumazir mam amadazima, a kantriba bar adar ghu.

Ezi e an akam baregha gifra.

A kamaghin migia ghaze,
“Ia uarira uarir ariragh, egh dikavigh e mangi Idomia misogham.”

² Ezi Ekiam kamaghin Idomia migei:

“Ki ian gavgaviba abighti,
kantrin igharazibar gavgaviba ian gavgavibagh afiraghm.

Eghti gumazamiziba bar ian aghuagh dibovir akabar ia mikim,
egh akirim ragh ia gasaraghram.

³ Ia uari fer nighnizimra ia gifari.

Dagiar gavgavir ekiaba ian nguibar ekiam, divazimin min anevinizima,
ia mighsiamin bar pin mar iti.

Ezi ia kamaghin migia ghaze,
“Tina e gekuighi izighiramin gavgavim iti?

Bar puvati.’

⁴ Ezi ki God, ki ia migei,

‘Ia kuarazir isabar min migha bar pin guavanaga,

1:1: Aisaia 34:5-17; 63:1-6; Jeremaia 49:7-22; Esekiel 25:12-14; 35:1-15; Amos 1:11-12; Malakai 1:2-5 **1:3:** 2 Atriviba 14:7; Aisaia 14:13-15; Akar Mogomem 18:^{*} **1:10:** Jekop ko Iso afeziar vamira iti. Ezi Israel ko Juda kar Jekopin ovavir boriba. Ezi Idomia, kar Ison ovavir boriba.

egha uan dipeniba bar pin mikovezibar tongin dar ingari,
ezi ki ia gekuighthi ia bar izighiregham.”

⁵ Egha Ekiam ghaze:

“Okimakiar gumaziba dimagaribar iza,
egha bizir ifongeziba isa
egha bizir me ifongezir puvatiziba ataghirasi.

Ezi gumaziba wainin azenimin iza wainin oviziba isa,

egha igharaziba ataghirazi da iti.

Ezi ia, ian apaniba guizbangira bar ia agivagham.

⁶ Ezi ia Idomia, ia Ison ovaviba,

apaniba guizbangira ian bizir aghuir mongeghav itiba okemegh,
bar ada inigh mangigham.

⁷ Eghti kantrin ia ko uari isa bizibagh amiba,
me ia gifaram.

Me ia batuegtima, ia uan kantrin ategh mangam.

Eghti kantrin deragha ia ko apiai
itiba, me midorozim ia ko a
damuva ia abinam.

Eghti ian namakar aghuir ia koma apiba,
me itarim giragh asizibar suizir

azuazimin min ia bagh aneguraghti a
ian suiraghram,

eghti me suam, ‘Idomian fofozim
managh iti.’”

⁸ Ezi Ikiavira Itir God ua ghaze:

“Ki ian gasighasighamin dughiam, ki
Idomian fofozir gumazibagh
asighasigham,
egh mighsiabar pin itir Ison ovavibar
fofotir aghuiba itir gumaziba,
ki me da bar da batuegham.

⁹ Ia Temanin nguibamin gumazir midorozir
fofozim itiba, ia bar atiatigham.

Eghti mighsiabar pin itir Ison ovaviba,
ki bar me misuehti me
arimighiregham.”

*Idomian arazir kuramin, me osimtzir
bar dafam ini*

¹⁰ Ikiavira Itir God ua kamaghin migei:

“Ia Idomia, ia uan aveghbuuba, me Jekopin
ovavir boriba,*
ia me misoghezi me ariaghire.

Kamaghin amizi, ki bar ia gasighasigh ian
ziabar amighti,
da magiregħti ia aghumsigham.

¹¹ Dughiar kamin Judan apaniba
Jerusalemin divazimin tiar akaba
akari,

egha Judabar dagħaba ko bizir aghuiba okmegħa,
uan nguibamin arazim min iċkara da tuisigha uari ganid.
Ezi ia pura tuivighav ikia, egha Judabar akurazir puvati.
Kamagħin amizi, ia uaghan okimakiar gumazir kabar min iti.
12-14 Egha arazir avirir ia Judabagh amiz-iba da derazir puvati, kar ian avegh-buuba.
Me osimtizim isir dugħiamin, ia bar akuegħa naviba ian dera.
Me osimtizim isir dugħiamin, ia me dipova me abiri.
Me osimtizim isir dugħiamin, nan gumazamiziba bar ikuvizima, ia men nguibar ekiabar aven ghua men osimtizir kaba bagħha bar akuegħa, men bixiż aghħariba ini.
Me osimtizim isir dugħiamin, Ia tuavir akbar tuivighav ikia Judaba bagħha gari, me ariti ia men suigh me isi men apanibar aningam.
Arazir ia amir kaba, da bar derazir puvati.”

God bizitam gumazamizibar amighti me fogħam
15 Ikiavira Itir God ua kamagħin migei:
“Ikiavira Itir God Izamin Dughiar Ekiam, a roghira izegħha gifa.
Kar dughiar ki kantriba bar men gu-mazamizibar araziba tuisighamim.
Ia Idomia amizir arazir kuraba, ki dar ia damuam.
Osimtizir ia iniamim, kar arazir kurar ia amizibar ivezim.”

16 Egha Ikiavira Itir God Judan gumazamizibav gei:
“Ia nan Dipenimin itir mighsiamin ikia, misożiż dipam ame.
Kamagħira, ki kantriba bar men gu-mazamizibha fofozim me daningam, mati ki dipar misożiż me ganingi.
Egħi me bar mogħira me agivagħam.”

Israelia midorozim damu apaniba abiragħam
17 Egha Ikiavira Itir God ua kamagħin migia ghaze:
“Gumazamizir Saionin Mighsiamin itiba, me ikuvighan kogħam,
egħi Saionin Mighsiam Nan Nguibamin min zueġħ ikiam.
Egħi Jekopin ovavir boriba, ki me ganingizir nguazir kam, me uam a iniam.

18 Egh Jekopin ovavir boriba, me avimin min otivigham.
Guizbangira, Josepin ovavir boriba, me avir mizariam min otivigham, egh Ison ovavir boriba avim dadam girigħa an isi mogħin men isigham.
Egħi Ison ovavir boritam ua ikian kogħam.
Ki Ikiavira Itir God, ki mikemegħha gifa.”
19 Ikiavira Itir God Israel migia ghaze:
“Gumazamizir Negevin Distrighin aven itir nguibabar itiba, me Ison ovavir boribar mighsiaba inigh dar ikiam.
Egħi ian gumazamizir mighsiar mużiżaribar itiba, me Filistian nguaziba iniam.
Egħi Israelin iħaraz darazi Efraimin nguazim ko Samaria nguazim iniam, egħi Benjaminin adarazi Jordanin Fanem girigh, vongin aruem anadi nagħin Gileatin danganim iniam.
20 Israelin notin itir midorozir gumaziba, me faragħa kantrin iħarazim kalaibusin ikezima, men kalabuziam givazima me ua ize.
Gumazir kaba mangi Fonisian nguazim inigh, mangi notin amadagħan Sarefatin nguibamin tugham.
Ezi Jerusalemin itir midorozir gumazir kalaibusin ikegħha uamategħa izeziba, me Sarefatin nguibamin ikia, Negevin Distrighin aven itir nguibaba iniam.
21 Egħi midorozim gamua apaniba abiniziba, me Saionin Mighsiamin ghuvvanang.
Kamagħin amizi, me Ison ovavir boribar mighsiabagh ativagh dar ganam.

Egħi ki Ikiavira Itir God, ki ubbi atrivim inikiam.”

Godin Akam Inigha Izir Gumazim Jonan Eghaghanim O Jona Akar faragha zuim

Godin Akam Inigha Izir Gumazim Jonan Eghaghanim, a Godin akam inigha izir gumazir igharazibar eghaghanibar min garir puvati. Akinafarir kam, Jona amizir bizibara gun migei. Egha uaghan, Jona amizir arazir maba mong derazir puvati.

God Niniven nguabar ekiamin gumazamizir God gifozir puvatiziba bagh akam akunasa Jona mikeme. Ezi Jona aghuaghha, faragha Godin ari mangasa. Ezi God uam a inigha ize, egha dughiar kamin Jona Niniven ghugha Godin akam otivizir akabar gun me migei. Egha a gari, me navibagh irazi, a kamaghin fo God me gasighasighan kogham, ezi an navim ikuvigha iti. Kamaghin amizi, God Jona arazir apangkuvim bagha bar deraghavira an sure gami.

Judan gumazamizir maba kamaghin nighnisi, God merara ifonge, egha gumazamizir igharaz darazigh ifongezir puvati. Akinafarir kam deraghvira kamaghin e mikimasa, God nguazimin gumazamiziba bar moghira me gifonge. Ezi ingangarir God Israelia ganingizir mam, a kamakin, me gumazamizir igharazibar aku a bagh izam.

Jona ari mangasa amima God uam a inigha ize

(Sapta 1-2)

Jona Godin dimdiamin ari

¹ Dughiar mam Ekiam akam isa Amitain otarim Jona ganiga ghaze, ² "Niniven nguabar bar ekiam, an arazir kuram nan damazimin otogha gifa. Kamaghin amizi, ni datirighira mangi, akam akuniva a gasiva a mikim." ³ Ezi puvati Jona Ikiavira Itir Godin ari, nguabar ekiam Tarsisin mangasa nighnisi. Egha Jopan nguabar ekiamin uaghira kuriba itir danganimin gari, ezi Tarsisin mangamin kurir mam iti. Ezi a uan kurir iveauzim akirigha givagha kurimin ingarir gumaziba ko kurimin biragha Ekiamin arava Tarsisin zui.

⁴Ezi Ekiam aminir bar dafam amadazima an ongarim gis in ivai, ezi osimtzir dafam

ongarim batozima kurim bighirighasava ami. ⁵ Ezi kurimin suighava an ingarir gumaziba atiatia aguava, vaghvaghakurvazim bagha uan asebar diava arai.* Egha me kurim mighivghighasa, kurimin itir bizir maba isa ongarimin ada akuri. Dughiar kamnaghin, Jona kurimin dikinim giragh, egha akuava ongani.

⁶ Ezi kurimin suizir gumazir ekiam a bagha ghuava a migia ghaze, "Ni manmaghsuava akui? Ni osegh dikavigh uan asemin dim! Eghti aser kam ti en apangkuvigh en akuraghti e ovengan kogham."

⁷ Ezi kurimin ingarir gumaziba uariv gia ghaze, "Ia izi e arazitam damigh fogham, tinara amizima osimtzir kam e bato." Egha me foghosa uan nguibamin arazir mam gi karara zuima Jonan ziam oto.

⁸ Ezi me an azara, "Ni, osimtzir e batitiv kaba inigha izir gumazim, ni dar gun e mikemegh. Ni tizim kagh a gami? Ni ten gumazim, egha managhira ikegha izi? Ni nguabar manam ko, ikizir manamra gumazim?"

⁹ Ezi a men akam ikaragha ghaze, "Ki Hibruijan gumazir mam, egha ki Godin ziam fer gumazim. A Godin uan Nguibamin itim, an ongarim ko nguazimin ingari."

¹⁰ Ezi Jona me geghanizi me kamaghin fo, a Ikiavira Itir Godin ari. Ezi me bar atiatigha aguava an azara, "Ni manmaghiram ami?"

¹¹ Dughiar kamnaghira ongarim bar moghira ikuva zui. Ezi me an azara, "E manmaghira ni damightima, ongarim e bagh amiragh magiram?"

¹² Ezi a ghaze, "Nan suiragh na isi ongarit oriman na akunigh, egha ongarim amiragh magiram. Ki fo, na bangin aminim ko ongarim osimtzir ekiam ia ganingi." ¹³ Ezi puvati, kurimin ingarir gumaziba kurim inigha azenan nguazimin mangasava pul gami. Datirighin ongarim bua bar ekevegha ghuuanabogha, faragha ingarizi moghin bar a gafira. Kamaghin me ghuava avenge.

¹⁴ Egha me Ikiavira Itir God diava arai, "O Jonan Ekiam, e nin dei! E gumazir kam ongarim mikinighti, ni an ovevem ikaraghti e ovengan kogham. Ni gumazir osimtzibah puvatizir kamin ovevem e gasan marki. O Ikiavira Itir God, ni ubi ifongezi bizir kaba otifi, ni ubi dar amu." ¹⁵ Egha me Jona inigha anekunizi, a iraghuzi, ongarim mighigha ingarir kam maghira amiragh uaghiri. ¹⁶ Bizir kamin kurimin ingarir gumaziba bar Ikiavira Itir Godin atiatigha, gin an ofa gamua akam akirigha, an ziam fe. ¹⁷ Ezi Ikiavira Itir God osirir dasar mam

1:1: 2 Atriviba 14:25

1:3: Josua 19:46; 2 Eghaghaniba 2:16; Onger Akaba 139:7-10; Jona 4:2; Apostel 9:36

1:4:

Onger Akaba 107:25

1:5: Apostel 27:18-19; 27:38

* **1:5:** Kurimin ingarir gumazibar aseba, mati en marvir guaba

ko asizir nedaziba ko aser avirir maba uakan.

1:6: Onger Akaba 107:28

1:7: Josua 7:14-16; 1 Samuel 10:20-21;

Aposel 1:26

1:17: Matyu 12:40

amadazi, a iza Jona tuizi, an an navir averiam giraghu. Jona osirim kamin navir averiam aruer 3pla ko dimagarir 3plan an aven iti.

2

Jona osirimin aven ikia egha God ko migei

¹ Egha Jona osirimin navimin aven ikia uan Ikiavira Itir God ko migei.

² A ghaze, "O Ikiavira Itir God, ki osimtizim ikia nin dei,

ezi ni nan akuragh, nan dimdiam barakigh.

Ki Gumazamizir Oveaghuezibar Nguibar kuramin ikia, nin diava arai.

Ezi ni nan ararem baraki.

³ Ni na akunizi ki ongarir dikanim giraghu.

Ki guizbangira bar ongarir dikanimin iti.

Ezi ongarim bar na avara.

Ongarim na gisin dipiraghira zui.

⁴ Ki kamaghin migia ghaze,

'Ni na batoghezi, ki ni ko ikian kogham.
Ki ti ua nin Dipenimin ganan kogham.'

⁵ Ki ongarimin aven iraghu, egha ki avighazi.

Ezi ongarim bar na avara.

Ongarimin aghuir tevseviba
bar nan dapanim agiragiri.

⁶ Ki ongarimin itir mighsaba bar dar apenggan iraghu.

Danganir kurar kam bar nan suiragh
bar na ikiagharki.

Ezi Ikiavira Itir God, ni nan God, ni uam na ini.

Ezi ki danganir kuram ategha angamira ni ko iti.

⁷ Ekiam, ki ovengamin moghin uabi ginighnigha,
egha ni ginighnisi.

Ki ni ko migeir migirigar kam nin Dipenir
ekiar zuezimin ni batozi,
ni na baraki.

⁸ Gumazir maba gavgaviba puvatizir marvir guabar ziaba fe.

Gumazir kaba arazir nin gin zuim ataki.

⁹ Ezi ki uabi, ighiam bangiva nin ziam fiva
asizitam misuegh ofa isi ni daningasa.

Bizir ki ni ko akam akirigha givaziba, ki dar amuam.

O Ikiavira Itir God, ni uabira en akurvazima,
e angamira ni ko iti."

¹⁰ Ezi Ikiavira Itir God osirim mikemezima, a ghua dadarimin Jonan mik.

Jona Godin akam Niniven anekuri

3

(Sapta 3-4)

Jona Niniven zui

¹ Ezi Ikiavira Itir God, uam akam Jona ganiga ghaze, ² "Ni dikavigh, Niniven nguibar bar ekiamin mangi. Akar ki ni ganidim, ni a isi gumazamizir nguibar kamin itiba, an gun me mikim."

³ Ezi Jona Ikiavira Itir Godin akam baregha, dikavigha Niniven zui. Ninive a nguibar bar ekiam. Ni nguibar kam fagh vongin otivsi, aruer 3plan anebigh mangam. ⁴ Ezi Jona dikavigha nguibar ekiar kamin averiamin ghuava, aruer vamiran darorim gamua, kamaghin pamtemin gumazamizibar dia ghaze, "40plan dughiaba givaghtima, Ninive bar moghira ikuvigham."

⁵ Ezi Niniven gumazamiziba Godin akar kam nighnizir gavgavim an ikia, egha kamaghin migia ghaze, "E dagheba ategham. E bar moghira, gumazir dapaniba ko gumazir kiniba uaghara, e azir korotiabar aghuigh, egh uan azirakar kam akaghti, God fogh suam, e guizbangira navibagh iraghha gifa." Egha me mikemezi moghin, ami. ⁶ Ezi migirigar kam Niniven atrivim batozi, an oregha uan Atrivir dabirabim ataki. Egha a uan atrivimin korotiar aghuiba suegha, ada arigha azirakar korotiaba aghui, egha averenim gisin aperaghav iti, egha kamaghin ubi Godin akatha ghaze, a uan navim gira.

⁷ Egha atrivim Niniven gumazamiziba bar me bagha akaba amangi. Egha kamaghin migei, "Kar ki, uan gumazir dapaniba ko en akam. Ia bar moghira dagheba atakigh. Ia gumazamiziba, ko, uan bulmakauba ko, sipsipba ko, ia dipatam ko, daghetam aman bar marki. ⁸ Ia bar moghira azirakar korotiabar aghuigh, egh uan bulmakauba ko sipsipba azirakar korotiaba uaghan me gikegh. Egh ia mighighvira God ko mikim, egh ia amir arazir bar kuraba ko pura uariv sogha ariaghbirir arazim, ia bar moghira da atakigh. ⁹ E kamaghin damigtima, God ti ua uan nighnizim giragh, egh uam ataran koghti, e ovengen kogham." ¹⁰ Egha me uan arazir kuraba ataki, ezi God me amizir arazir kamin gani. Egha uan nighnizim giragha, bizir kurar a Niniven gumazamizibar amuasa mikemezim, an a gamizir puvati.

4

God apangkuvim iti, ezi Jona Godin atari

¹Jona, Ikiavira Itir God, Niniven gumazamizibar apangkuvizir arazir kamin ose-megha, navim an ikufi. ²Egha a kamaghin Ikiavira Itir God ko migia ghaze, “Ekiam, ni nan akam barakigh. Ki tighar nguibam ataghiraghamin dughiamin, ki fo, arazir ni amizir kam ni a damuam. Kamaghin amizi, ki ari mangasa, egha ara Tarsisin zui. Ki fo, ni gumazamiziba bar me gifongegeha, bar men apangkufl. Egha ni zuamirama atarir pu. Puvati. Nin apangkuvim bar moghiram en ekefe. Egha ni zurara uan nighnizim gighasa ifongegehavira ikia, egha gumazamizibar arazir kuraba ikarvazir puvati. ³Aria, Ikiavira Itir God, ni ikirimirir ki datirighin itim agifagh. Ki oveghti, kamaghin deragham. Ki oveghan koghti, kamaghin ti deraghan kogham.”

⁴Ezi Ikiavira Itir God an akam kamaghin a ikaragha ghaze, “Jona, adarir arazir ni amir kam a deras, o? Bar puvati!”

⁵Ezi Jona nguibar ekiam ategha ghua aruem anadi naghin apera. Egha a purirpenir mamin ingarigha an aven aperaghav iti. Egh an an iki nguibar ekiam ganasa, bizir tizimram a bativam. ⁶Ezi Ikiavira Itir Godin Gavgavim, kamaghin Jona ginighnisi, aruem an mikarzim dapongan koghtima a deravira ikiam. Kamaghin, a ruarimin ikarizir mam gamizima an aghua, Jonan purirpenimin ava Jona avara. Ezi Jona ikarizir kam bagha bar akonge. ⁷Ezi aminim tirazi amimzaraghan mizaraghara, God apizir kurar mam amadazima, a ikarizir kam bagha izegha anemezi, ikarizim misingi. ⁸Ezi gin aruem anadima, God aminir bar puvira feim amadazima, an aruem anadi naghin izi. Ezi aruem Jonan dapanim gaboi, an damaziba an sirima a irasava ami.

Ezi Jona kamaghin nighnigha God migei, “Ki aremeka. Ki aremeghti, kamaghin deragham. Ki aremeghan koghti, kamaghin deraghan kogham.”

⁹Ezi God kamaghin Jona migei, “Ikarizir kam misigha givazima, ni atari. Nin adarim ti arazir aghuim, o? Bar puvati.”

Kamaghin amizi, Jona bar God base-megha ghaze, “Guizbangira, nan adarim arazir aghuim. Nan adarim bar ekefe, a na damighti, ki aremeghti deraghan.”

¹⁰Ezi Ekiam kamaghin a migei, “Ikarizir kam dimagarir vamiran aghuava ekefe, egha dimagarir igharazimin a misingi. Ni tong an ingarizir puvati, egha ni a gamizi an ekevezir puvati. Egha bar bizir muziarir kam, ni an apangkufl. ¹¹Ki uaghan apangkuvir ekiam Niniven nguibar bar

ekiamin iti. An aven, arazir kuratam gamizir puvatizir borir aviriba iti, men dibobonim 120 tausen gafira. Egha uaghan bulmakaun bar aviriba iti.”

Godin Akam Inigha Izir Gumazim Maikan Akinafarim O Maika Akar faragha zuim

Godin akam inigha izir gumazim Maika, Godin akam inigha izir gumazim Aisaian dughiamin, a uaghan Godin akam akuri. Ezi Aisaia Jerusalemian gumazim, egha an akam isa gumazir aruabav kiri. Akam inigha izir gumazim Maika, a Judan nguibar dozir mam Moresetin ize. A kamaghin gumazamizibav gei, me akirim God gasaragha arazir aghuiba ataki, kamaghin amizi, a mizazim me gasam.

Maika inigha izezir akar mabar tongin, akar dikiririz aghuir maba uaghan iti. A ghaze, God gin bar deraghvira uan gumazamizibar amuam. A Devitin ikizimin gumazitam amiseveghtima, an arazir aghuibar gin mangi me gativagham.

Maikan akar otevir mam, akam inigha izir gumazir aviriba mikemezir akabar mingaribar mirara ghu. Akar kam kamakin, "Ikiavira Itir God arazir aghuibar e mikemegha gifra, egheti e arazir aghuir a ifongezir kabara damu: E guizin arazibara damuam, egh igharaz darazir apangkuvir arazim gifongegh, egh e uari abin uan Godin apengan iki, anarira gin mangam." Akar kam, Maika 6:8in iti.

God ivedzir kuram isi uan gumazamizibar aningam

(Sapta 1-2)

¹ Fomira Atrivim Jotam ko, Atrivim Ahas ko, Atrivim Hesekia me vaghvaghia Judan gumazamizibagh ativagha men atrivibar ikezir dughiabar, Ikiavira Itir God migirigar kam isa Maika ganingi, Maika a Moresetin nguibamin gumazir mam. Ikiavira Itir God Samarian nguibar ekiam ko, Jerusalemin nguibar ekiamin otivamin bizar gun Maika migei.

*God jasin min izi mizazim Samaria ko
Jerusalem daningam*

² Ja kantriba bar dar gumazamiziba, ia deraghvira akar kam baragh!

Ia nguazimin itir gumazamiziba, ia deraghvira kuariba arigh Ikiavira Itir Godin akam baragh!

Ikiavira Itir God, ian Ekiam, a ia isa kot gatigha gifra.

Ezi ia deraviram oragh.

Ekiam uan Dipenimin ikia migirigar kam gami.

³ Ia gan! Ikiavira Itir God uan Nguibar Aghuim ategh izasa.

A izighiri mighsiabagh isin daruam.

⁴ Eghti mighsiaba an suemningin apengan dipabar min otivigham,

mati kendel isia amera izaghira dipamini min emiri.

Mighsiar kaba, iri danganir zaribar otivigham,

eghti dagiaba poghpogh izighiri,
mati dipam mighsiabar ikegha ivemara izaghiri.

⁵ Israelia, me Godin akam batuegha arazir kuram gami,

kamaghin amizi, bizir kaba bar me bativam.

Israelia akam batozir arazir kam, kar ten osimtizim?

Samariaba, kar ian osimtizim.

Ezi Judaba asebar ziaba feir arazir kam, kar ten osimtizim?

Jerusalemia, kar ian osimtizim.*

⁶ Kamaghin amizi, Ikiavira Itir God ghaze, "Ki Samarian nguibar ekiam gasighasigh, an mizumzuiariba azenan dar pozim mikingham."

Eghti a wainin biar igiaba oparamin danganimin min otogham.

Ki an dipeniba bar da apirarighti, da dagiar muzieribar otivigh ikiam.

Eghti dagiar muzierir kaba iri poghpogh danganir zarimin magiri, dipenibar danganir faragha ikeziba avaraghan kogham.

⁷ Eghti ki asebar marvir guaba abighirarigh, da isi avimin da kunigham.

Eghti marvir guar kaba bizir mizumzuiaribar pozim mikingham.

Samariaba akirim ragha God gasaragha aser kabar ziaba fe, mati amizim uan pam ategha gumazir igharaziba ko tintinibar akui.

Bizir kam bangin, igharaz darazi izi Samariaba abinigh, bizir me arazir kuram gamua iniziba, me me da, bar ada inigham.

Bizir kaba me da inigh kantrin igharazibar mangegh da isi uan asebar aningam."

⁸ Ezi Maika kamaghin migei:

"Bizir kaba otivam, eghti nan navim bighti ki aziam.

^{1:1:} 2 Atriviba 15:32-38; 16:1-20; 18:1-20:21; 2 Eghaghaniba 27:1-7; 28:1-27; 29:1-32:33 * ^{1:5:} Samarian nguibar ekiam, a kantri Israelin nguibar ekiar mam. Ezi Jerusalemin nguibar ekiam, a kantri Judan nguibar ekiar mam.

Ki uan osimtizir kam akakaghsı dagarir
asubar aghuan kogham,
ki pura inir kurar bibiziba ikiam.
Egh ki afiar atiabar min arongam.
Egh ki ponemin min arangam.
9 Eghti Samarian gumazamizibar
osimtizim,
mati midir puvatizir duaba.
Eghiti Judaba, uaghan kamaghira
mizazim iniam.
Jerusalem, kar nan gumazamizibar
nguibam,
a mizazim iniamin dughiam uaghan
bar roghira izi.”
Apaniba Jerusalemin boroghira ize
10 Getin nguibamin itir gumazamiziba, me
en apaniba, ezi ia kamaghin me
mikiman marki,
God e gasighasiki,
me ian ganti, ia azenara azian
marki.
Ia Bet Leafran adarasi, ian naviba ose-
meghti ia azi,
nguazim gipoghpogh, an mineziba uan
mikarzibar aghu.†
11 Ia Safirin nguibamin gumazamiziba, ia
bibiabara ikiva aghumsigh,
kalabuziar gumazamizibar min
kantrin ighazarimin mangi.
Ia Sananin nguibamin gumazamizibar ati-
atigh, nguibam ategh
azenan izan kogham.
Ia oraghti, Beteselin nguibamin adarazi
arangti ia fogh,
mongamin danganitam kagh itir pu-
vati.‡
12 Ikiavira Itir God Jerusalem gasighasighamin
dughiam bar roghira ize,
kamaghin amizi, Marotin nguibamin
adarazir naviba bar osemegha,
uarir akurvaghsha gumazamiziba
bagha pura mizua iti.
13 Ia Lakisin nguibamin adarasi, ia Israeliyan
arazir kurabar gin ghua,
Jerusalemia gamizi, me arazir kuram
gami.
Kamaghin amizi, ia karisba inigh
hoziar bar puvira ivemaribagh ikegh
aregh.
14 Ia Judaba, ia Moreset Getin nguibamin
apangkufigh.

Ia ganti, igharaz darazi a inighti, a ua
ian nguibam gavaghan kogham.
Eghti Aksipin nguibamin adarasi,
Israeliyan atrivibar akuraghan kogham.
15 Ezi ia Maresan nguibamin adarasi,
Ikiavira Itir God,
ia isi ian apanibar dafarim datighti,
me ian nguibam inigham.
Eghti Israeliyan gumazir dapaniba ari
mangi,
Adulamin dagiar toribar aven
muegham.
16 Egh apanir kaba ian borir ia bar ifongezi-
iba inigh mangeham.
Kamaghin amizi, ia me bagh nighnigh
azi,
egh uan dapanir arizibagh isegh
dapanir tuziba ikiam.

2

*Gumazir arazir kurabar gumazir onga-
narazibagh amiba, God me gasighasigham*
1 Ia gumazir dimagaribar akui puvatigha,
arazir kurabar amuasa nighnigha
itiba,
aminim tirazi arazir kurar kam
damuamin tuavim otozi, ia
zuamirama a gami.
Ia kamaghin amir gumazamiziba
iavzika!
Ia bar ikuvigham.
2 Ia gumazamizibar azenibar gara dagh
ifuegha purama da isi darasi.
Egha ia men dipenibar gara dagh
aguava pura da isi.
Ia ifavaribagh amuva,
gumazamizibar nguaziba ko, biziba ko,
dipenibar okei darasi.
3 Kamaghin amizi, Ikiavira Itir God kam-
aghin migia ghaze,
“Ia oragh! Ki ia gasighasighasa nighnisi,
eghti ia ari mangamin tuaviba pu-
vatigham.
Dughiar kurar kam ia batoghti ia ganigh
fogham,
egh ia ua gin, uan ziaba fisı kamaghin
damuan kogham.
4 Ia bativamin bizir kaba otivti,
gumazamiziba ia geghan akam ia gasi
ia mikimam.

† 1:10: Bet Leafran nguibar ekiam ko nguibar igharaziba ko nguazir ves 10-15in itiba, da Jerusalemin nguibar ekiamin boroghin iti. Apaniba Jerusalemin misoghsı mangi nguazir kam ko nguibar kamin otogh mangam. Gumazir maba ghaze, akam inigha izir gumazim Maika ti akar kam, pura ikarerar dibovir akabar a gamua ziar kam a gati. Hibrun akamin ziar kam, Bet Leafra mong kamaghin ghu, “Nguazir menemeniar dipenim.” Kamaghin amizi, akam inigha izir gumazim kamagh me migia ghaze, me nguazir minemeniam uan mikarzibar aghuam. Ziar kam Sanan (a ves 11in iti) a mong ziar kamin min ghu “Anetaki.” Ezi akam inigha izir gumazim men migia ghaze, me uan nguibar kam ategham. Akam inigha izir gumazim uaghan ziar ighazarir maba kamaghira ikarerar dibovir akabar da gei. Ezi Hibrun akam danganir maba me deragha dar mingariba abighizir puvati. ‡ 1:11: Hibrun akamin me akamin mingarim kagh deragha anebighizir puvati.

Egh me kamaghin azirakar ighiar amirizibar amuam:
 'E bar moghira bar ikufi.

Ikiavira Itir God, en nguazim inigha en apanir igharazibagh aningi.
 Gumazir kaba e inigha ghua
 nguazir igharazimin e isa kalabus gati.
 Maia! A datirighin manmaghin
 en nguazir, e da inizim ikarvagh e
 damuam?"*

⁵ Kamaghin amizi, ia Ikiavira Itir Godin gumazamiziba, ia gin ua izi uari akuvagh,
 nguazim abigh uari daningisi, a bagh satu gikarangamin dughiam,
 ia gumazir arazir kurabagh amiba, ian ovavir boriba nguazir otevir katam inighan kogham.

⁶ Ezi gumazamiziba kamaghin na migia ghaze,
 "Ni kamaghin garir akabar gun e mikiman marki.
 E nin akaba baraghan aghua.
 God e gasighasighan koghti, e aghumsighan kogham."

⁷ Ia Jekopin ovavir boriba, ia ghaze,
 Ikiavira Itir Godin apangkuvim ia ko ikivira ikiam, a?
 Egh bizi kuratamin ia damighan kogham, a? Puvati.

Ikiavira Itir God ghaze, gumazir nan damazimin arazir aghuibagh amiba, ki nimira me migei.

⁸ Ikiavira Itir God kamaghin gumazir kabav gia ghaze, nan gumazamiziba, ia apanibar min me gami.

Men marazi midorozim gamigha uamategha uan dipenibar izegha ghaze, e deragha uamategha izegha avughs.

Ezipuvati, ia ghua me azenan azuir korotiaba men akiraghbaribar da adangi.†

⁹ Egha ia nan gumazamizibar tongin itir amizir odiariba, ia men dipenir me ifongeziba bagha me batosi.

Egha ki men boriba, gin me daningamin bizi aghuib, ia men tuavim apirigha da okemegha gifa.

¹⁰ Ia gumazir arazir kurabagh amua nan damazimin zuezir puvatiziba, ia kagh deravira ikiamin danganir aghuib puvatigham.
 Ki bar pazavira ia gasighasigham.
 Kamaghin amizi, ia dikavigh mangi.

¹¹ Egh ti akam akurir gumazitam ti gumazir kurar kaba bagh izi, wainin dipar organiba ko dipar organir igharazibar akar ifavaribar mikim suam,
 "Ki guizin kamaghin migei, ia wain ko dipar organir aviriba ikiam," gumazir kurar kaba, ti gumazir akam inigha izir kam bar a gifuegham.

Ikiavira Itir God uamategh uan gumazamiziba iniam

¹² Ikiavira Itir God ua kamaghin Jekopin ovavir boribav gia ghaze,
 "Ki uamategh Israelien gumazamizir itir varazira ua me akuvaghah.
 Egh mati gumazim sipsipba inigha iza divazimin aven me akuvihin, ki ua me akuvaghah.

Egh ti me kalabusin dipenibar tiar akabar uari akuvam.

Egh ti gumazamiziba ua ian nguazim bar a gizivaghah, mati sipsipin avirim grazir aghuir aviribar tongin ikia ada api."

¹³ Ikiavira Itir God uan gumazamiziba kalabusin me firigh, me inigh azenimin izam.

Egh ti me kalabuziar divazibar tiar akabar azenan iziti, men Attrivim a Ikiavira Itir God, a ubi men faragh mangam.

God gumazamizibar araziba akir, deragh me damuam

3

(Sapta 3-5)

Maika Israelien gumazir dapanibar atari

¹ Ki ghaze:
 "Ia oragh, ia Jekopin ovavir boribar gumazir dapaniba, ia Israelien gumazir aruuba, ia arazir aghuibagh nighnigh da bagh ingar.

² Ia arazir aghuir kamin aghuaghia arazir kuram bagha bar ifonge.
 Ian arazir kaba mati, ia nan gumazamizir angamira itibar iniba aghora da misi.

* 2:4: Hibrun akamin me akamin mingarim kagh deragha anebighizir puvati. † 2:8: Hibrun akamin me akamin mingarim kagh deragha anebighizir puvati.

Egha men agharibar itir tuziba
aghora da misefi.

³ Ian arazir kaba mati ia nan gumazamizibar iniba misa men aghariba
apiraghargha
dagh asegha, men tuziba aghoragh sua
da api.

Ia mati, me minem daghuasa asisir tuzir
agharibar itiba aghoragh suegha
da minem gaghui.

⁴ Eghiti dughiatam gin iziti, ia akurvazim
bagh Ikiavira Itir Godin arangti,
ia bareghan kogham.

Ia arazir kurabagh ami, kamaghin amizi, a
ian azangsiziba bareghan kogham,
mati a uan guam ian modo."

⁵ Godin akam inigha izir gumazir maba,
deragha nan gumazamizibagh amir
puvati.

Eghiti tav dagheba me daningti, me a ko
akaba akir suam,
a dughiar aghuibal ikiam.
Puvati, kar me a gifari.

Eghiti gumazamiziba dagheba me danighan
kogham, eghiti me akar atiatibav kim
ifar suam,
men apaniba izi me gasighasigham.

Ezi Ikiavira Itir God, akam inigha izir gu-
mazir kabav già ghaze,

⁶ "Ia nan gumazamizibagh ifari,
kamaghin amizi, ki ian anogoreghti,
ia ua irebamin min gari bizibar
ganan kogham,
egh dar mingariba abighan kogh,
egh ia gin otivamin bizibagh
foghan kogh, dav kiman
kogham.

Ia aruem iraghugha givagha aminim pirizi
moghin,
ian dughiaba givagham."

⁷ Eghiti akam inigha izir gumazir gin otivamin
bizibar gara dav geir kaba,
me aghumsigh naviba men ikuvigham.

Men arazir kurar kam bangin, God men
azangsiziba baraghan kogh,
bizar me ganamin kabar amuti,
da otivan kogham.

⁸ Ezi ko, Ikiavira Itir Godin Duam gavgavim
na ganingi,
egha guizir arazim damuasa nighnizim
isa na ganingi.

Egha Israeliyan arazir kuraba bar dar gun
me mikimasa gavgavim na ganingi.
Eghiti ki Jekopin ovavir boribar arazir
akaba batozimin gun me mikimam.

⁹ Ia Jekopin ovavir boribar gumazir
dapaniba deragh na baragh,
ia guizir arazibar aghua.

Ia Israeliyan gumazir aruaba, ia arazir
aghuiabagh irazi,
da ghua arazir kurabar min otifi.

¹⁰ Ia uari bagha Saionin nguibamin dipenir
aghuir aviriba ingarasa,
gumazamizibav sozi me ariaghiri.

Ia guizir arazim aghuaghha, onganaraz-
ibagh amir gumazamizibah abiraghha
men ghuzim ingegha
ghaze, kar Ikiavira Itir Godin nguibam
Jerusalem,
e anesarazi a tugha gavgafi.

¹¹ Ezi Jerusalemin gumazir dapaniba
kotin dughiamin, gumazamizibar
amamangatizi,
me modogha dagiaba me givezegha me
gakaghorma,
me paza kotiaba tuisisi.

Ezi ofa gamir gumaziba, gumazibar ama-
mangatighti me dagiaba me daningti,
me Godin Akar Gavgavibar mingariba
abigh me mikimam.

Ezi akam inigha izir gumaziba uaghan
ghaze, me dagiaba inighiva,
akar mogomebar mingariba deragh da
abigham.

Jerusalemin gumazir ekiar kaba bar, me
kamaghin amua ghaze,
"Ikiavira Itir God e ko iti. Ezi biritam e
gasighasighan kogham."

¹² Kamaghin amizi, ia gumazir dapaniba ko
ofa gamir gumaziba ko akam inigha
izir gumaziba,
ia amizir osimtizir kaba bangin, God
Jerusalem gasighasigham.

Eghiti Jerusalemin biziba bar ikuvigham,
egh minezir pozimin otogham.

Eghiti Saion nguazir kinimin min ikiti,
gumaziba an dagher azenibar in-
garam.

Eghiti Ikiavira Itir Godin Dipenim iti naghin
mighsiar kam,
ruarim a batogham.

4

*Ikiavira Itir God uan gumazamiziba bar
men atrivimin ikiam*

(Aisaia 2:1-4)

¹ Gin otivamin dughia tamin,
mighsiar Ikiavira Itir Godin Dipenim
tughav itim,
ziar bar ekiam iniam.

Egh a pin mar iki mighsiar igharaziba bar
dagh afiraghram.

Eghiti Kantrin Igharazibar Gumazamiz-
iba bar izi an uari akuvagh ikiam.

² Kantrin aviribar gumazamiziba izi suam,
"Ia izi, e Saionin Mighsiamin mavanangam,
a Ikiavira Itir Godin mighsiam.

Kar Jekopin Godin Dipenim.
E mangiti a uan arazir a ifongezibar en sure
damuan.

Egh a uabi misevezir tuavim, e an gin
mangam."

E fo, Moses Osirizir Araziba, Saionin
Mighsiamin ikegh mangiti
gumazamiziba a iniam.

Guizbangira, Jerusalemin nguibam, kar
danganir Ikiavira Itir God uan akam
isi, uan gumazamizibar aningamim,
eghti me azenan mangi an akam aku-
nam.

³ Eghiti Ikiavira Itir God, jasin min iki
kantriba bar dar gumazamizibar
araziba tuisigh,
men osimtiziba deragh da akirti,
me uari inigh deragh ikiam.

Egh me uan midorozir sababa inigh dav
soghti,
da baravigh nguazibagh tuir ainbar
min otivigham.

Egh me uan afuzibav soghti,
da ikizirigh sabar azenibar ingaribagh
ami moghin, otivigham.

Egh danganiba bar dar itir gumazamiziba,
uam uariv soghan kogh ikiva,
ua midorozir arazibar sure damuan
kogham.

⁴ Kar Ikiavira Itir Godin Gavgaviba Bar Itim
akam akirigha ghaze,
gumazamiziba vaghvagh deraghvira
uari uan wainin ikariziba ko fighin
temebar boroghin dapiam.

Egh me deragh ikiti,
tav ua izi atiatim me daningan kogham.

⁵ Kantrin Igharazibar Gumazamiziba uan
asebar ziaba fi, men akabar gin
mangam.

Eghiti e Israelia, Ikiavira Itir God, en
God, e zuraram an ziam fi mam-
aghira ikiam.

Israelia uamategh uan nguibamin izam
⁶ Ikiavira Itir God kamaghin migia ghaze,
“Gin otivamin dughamin, gumazamizir ki
faragha ivezir kuram me ganiga, kal-
abuziar gumazamizibar min kantrin
igharazimin amadaziba ko, suer ku-
rar daruan iburaziba,
ki ua me akuvam.

⁷ Ezi gumazamizir ikiavira itir varazira, me
uan nguibamin saghon ikia,
egha daruan iburaghburaki, me
gumazamizir suer kurar pazava
aruiba.

Ezi datirighin itir varazira ki ua me
damichti, me kantrin bar gav-
gavimin min otogham.

Eghiti datirighin ikegh mangi, ki Ikiavira
Itir God, ki Saionin Mighsiamin iki,

men atrivimin iki, me gativagh ma-
maghira ikiam.”

⁸ Ezi ni Jerusalem, God nin ikia uan gumaza-
mizibar gari,
mati sipsipbar gari gumazim uan sip-
sipbar garir dipenir divazimin aven
iti.

Ni faragha me geghuvi moghin,
ni bar ekevegh uan kantrin nguibaba
bar da gativagh, dagh eghuvam.

⁹ Jerusalem, ni manmaghsua pamten arai?
Ni tizim bagha amizim borim batasa
mizazim isi moghin uabi barasi?

Ni ti atriviba puvati, a?
Ezi nin fofozir gumaziba ti ariaghire, a?

¹⁰ Ia Jerusalemia, ia dimiva arang,
mati amizim borim batasa mizazim
baragh,
uabi gighavkiravira iti.

Ia datirighin nguibam ategh graziba itir
danganimin mangi.

Eghiti me ia inigh Babilonin mangam.
Eghiti gin Ikiavira Itir God, ian
apaniba da ua ia inigham.

¹¹ Ezi kantrin aviriba ia gasighasigha uari
akuфа.

Egha me ghaze,
“Aria, e Jerusalemin nguibar ekiam bar a
gasighasigh,
an ganti a bar ikuvigh ikiam.”

¹² Egha kantrin kabar gumazamiziba
Ikiavira Itir Godin nighnizim gifozir
puvati, a manmaghin nighnisi.

Me kamaghin fozir puvati, a me aku-
vagh me gasighasigham.

Mati gumazim witba akuvagh da
mirmirighti,
da witin daghebar min otivigham.

¹³ Egha Ikiavira Itir God ghaze,
“Jerusalemia, ia dikavigh
mangi uan apanibagh asighasigh.

Ki ia damichti, ia gavgavigh ikiam,
mati bulmakaun mam ainin komba ko,
brasim sueba ikia bar gavgafi.
Kamaghin amizi, ia kantrin aviriba diki me
abinigham.

Egh apaniba faragha ia misogha inizir
biziba,
ia uam ada inigh na daningam,
ki nguazir kam bar a gativazir
Ikiavira Itir God.”

5

¹ Ia Jerusalemia, ian midorozir gumaziba
uari akuvagh,
arang uan mikarziba aghor.
Apaniba ia ekiarughga gifa.

Me Israelian gumazir dapanim misogh
aghumsizim a daningasa,
mati apanim aghorim inigha gu-
mazimin koviam misoke.

*God akam akira ghaze, gumazir dapani-
tam Betlehemin nguibamin ottivam*

² Ikiavira Itir God ghaze,
“O Betlehem, ni Efratan Distrighin itir
nguibam,
ni Judan anababar nguibabar tongin, ni
nguibar bar dozim,
ezi nin aven gumazitam na bagh
gumazir dapanimin otogh
Israelia gativagh men ganam.
Ezi bar fomira, an ovavir bar faraghavira
itim, an otogha ike,
ezi an adarazi datirighin ikia ghuavira
iti.”

³ Kamaghin amizi, Ikiavira Itir God uan
adarazi ateghi,
me uan apanibar dafaribar ikivira iki
mangiti,
amizir God inabazim, an otarim
bategham.

Eghti dughiar kamin Israelian kantrin
igharazibar ikeziba, uamategh izi
uan adarazi ko uam uari akuvagham.

⁴ Eghti gumazir dapanir kam otogh,
uabi uan gumazamiziba Ikiavira Itir
Godin gavgavimin men ganam,
mati sipsipbagh eghuvir gumazim
deravira uan sipsipbagh eghufi.
Guizbangira, a Ikiavira Itir God, an God,
an an ziar ekiamin me gativagham.

Eghti gumazamizir kantrin igharazibar
itiba an gavgavim gifogham.

Eghti an gumazamiziba deragh ikiam.

⁵ Eghti a navir amirizim ko, dabirabir
aghuium isi uan gumazamizibar
aningam.

Eghti Asirian midorozir gumaziba
izi, en nguibar ekiar gavgavibar
divaziba akarti,

e uan midorozir gumazir faragha zuir gav-
gaviba amiseveghti,
me mangi me ko misogham.

⁶ Me Asirian kantri ko misog me abinigh,
men kantri iniam, an ziam Nimrot,* me
me dama a inigham.

Eghti arazir kamin, gumazir dapanir kam,
Asirian e gasighasighasa iziba,
a men dafarimin en akuragh, uam e
inigham.

⁷ Eghti Jekopin ovavir boribar ikiavira itir
varazira,
me kantrin igharazir aviribar gumaza-
mizibar tongin iki,

men akurvaghamin gumazibar
min ikiam.

Mati dimagaribar grazibagh irir ghuariaba,
ko, temebagh izir amozaiba,
Ikiavira Itir God da amadagha dagh
amizi, da deraghaviram otifi.

Bizir kaba me Godin gavgavimra dar
amuam,
men gavgaviba puvati.

⁸ Eghti Jekopin ovavir boribar ikiavira itir
varazira,

me kantrin igharazir aviribar gumaza-
mizibar tongin iki,
mati laion ruarimin itir asiziba ko,
sipsipin divazimin aven itibar
amasga gari.

A sipsipbar tongin mangi, uabi fi sipsipav-
kin me givi me aghoram.

Eghti gumazir men akurvaghambira pu-
vatigham.

⁹ Eghti tuavir kamin Israelia uan apaniba
abinigh bar me agivagham.

¹⁰ Ikiavira Itir God, kamaghin Israelia migia
ghaze:

“Gin ottivamin dughiamin, ki midorozir biz-
ibagh asighasigham.

Egh ian hoziabagh asighasigh ian
karisba apirarigham.

¹¹ Egh ki ian nguibar ekiaba ko dar divazir
gavgaviba bar ada akarighti,
ia uam adar mongiva avegham.

¹² Egh ki ian meziba ko akavsiaba batuegh,
ian kukunir gumaziba agivaghti, me ua
ikian kogham.

¹³ Egh ki ian marvir guaba ko, asebar nedaz-
iba bar da batuegham.

Ia uari uan dafaribar ingarizir bizibar
ziaba fan marki.

¹⁴ Egh ki temer guarir aser amizim Aseran
nedazim itiba apirarigh,
ian nguibamin bar da batuegham.

Egh ian nguibar ekiaba bar adagh
asighasigham.

¹⁵ Ki arazir kam bagha nan navim bar ose-
megha atari.

Egh kantribar gumazamizir nan akaba
batozir arazir kam, ki a ikarvagham.”

**God Israeliyan arazir kurar
me amiziba bagh me tuisigh,
gin me damighti me an
gumazamizibar ottigham**

6

(Sapta 6-7)

Ikiavira Itir God Israelia isa kot gati

¹ Ia oragh!

Ikiavira Itir God Israelia isa kot gati.

^{5:2:} Matyu 2:6; Luk 2:4; Jon 7:42 * ^{5:6:} Nimrot, a gumazir Niniven nguibar ekiamin ingarizim, an Asiriabar
nguibar ekiam. Kamaghin amizi, kantri Asiria, me ziar kam a garisi “kantri Nimrot.” Ni Jenesis sapta 10:8-12in gan.

- O Israelia, ia dikavigh izi kotiamin, ia uan osimtizimin gun mikim.
Egħi mighsiaba jasin min iki, ia baragh ian akaba tuisigham.
- ² Egħi ia mighsiaba ko, dagħiar bar gavgavir nguazim apengen ikia, an suirazi a gavgavigha ikkia mamaghira itiba, ia Ikiavira Itir Godin kotiam baragh.
- Egħi Ikiavira Itir God, kotin aven uan gumazamiziba ko uari adoghodoghivha, egh an akam me gasam.
- ³ Ikiavira Itir God kamaghlin migei, “O nan gumazamiziba, ki arazir kurar man-amra ia gami? Ki ian azai, ki bizir tizim gamigha osimtizim ia ganingi? Ia na mikim!
- ⁴ Guizbangira, kirara dugħiars ia Isipin kal-abusin itimmin ia inigha azenan ize. Ki tuavim ian akaghħasa, Moses ko, Aron ko, Miriam, me amadazi, me ian faragħha ghua ia inigha ize.
- ⁵ O nan gumazamiziba, ja Moapian Atrivim Balak faragħha ia gamizir arazir kurram ginighnigh. Beorin otarim Balam, ja Balak mikemexiż akam ginighnigh.
- Egha ia Sitimin nguibam ategħha ghua Gilgalin zuir dugħiamin, ki amizir bizir ekiabagh nighnigh. Ia bizix kabagh nighnigh fogħ suam, ki ian akurvagħasava bizir aghħiubagh ami.”*
- Ikiavira Itir God, arazir a ifongezibar amuasa gumazamizibav gei*
- ⁶ Ikiavira Itir God, a Godin Bar Pin Itim, ki an damażim in izi tevimmnej apirigh an ziam fisi, bizir tizimra inigh izam?
- Ki ti bulmakaun igħiar mikarziba sara itir aghħiuba inigh iżi, a daningi ofan bar isia mighirizim min bar da tuegħti da isi mighirigham, a?
- ⁷ Ki ti sipsipin apurir 1,000pla o, 10,000plan olivin borer mineba inigh izam, egħi Ikiavira Itir God bizir kaba bagħ bar akuegħam, o?
- Ki ti uan arazir kuramen iverzem bagħ uan otarir ivariem ofa damusi a misuegħi an aremegħam, o? Bar puvatigħam.
- ⁸ Ia nguazir kamin itir gumazamiziba, Ikiavira Itir God arazir aghħiubar ia mikermegħha gifa, egħi iż-żebbu arazir aghħiur a ifongezib kabara dar amu:
- Ia guizin arazibara damuam, egh iħbarar darazir apangkuvir arazim gifongegħ, egh iż-żebbu uari abin uan Godin apengen iki, anarira ġin mangam.
- ⁹ Ia fofozir aghħiūm gifuegħiva, Ikiavira Itir Godin atiating an apengen ilkiem.
- Ia oragh! Ikiavira Itir God Jerusalemin nguibar ekiamin diqha ghaze, “O nguazir kamin itir gumazamizir iza nguibar kamin uari akuviba, ia or-agh!†
- ¹⁰ Ia gumazir arazir kurabagh amiba, ia bizix aghħiuba uan dipenibar aven da mongezi da ikiavira iti, ezi bizix ia itir kaba, kar ia arazir kuram gamu inizir biziba.
- Ia uan biziba gumazir iħbarar bagħha da amadir dugħiām, ia ifara deragħha dar osimtiziba tuisigha dar iż-vezibbar abarir puvati. Ki arazir kurar kam bar an aghħua.
- ¹¹ Ki garima, ian gumazir maba iħbarar darazigh ifara men bizix amadiba, deragħha dar osimtizibar iverzibha me ganid puvati. Ki men arazir kuraba ġin amadir puvati. Ki aghħua.‡
- ¹² Ezi nguibar ekiamin itir gumazir dagħi aviriha itiba, me onganarazibagh amir gumazamizibagh ifara men biziba pura dagh ekua, egha paza me gami. Ngiubbar ekiar kamin gumazamiziba, me bar ifavarir gumazamizibara.
- ¹³ Kamaghlin amizi, ian arazir kurar kaba bangin, ki ja gasiġħas iġħam.
- ¹⁴ Ia dagħebar am, izi vagħan kogħam, egħi mitiriabiha ian aghħiġira ikkien. Eghha iż-żebiba inigh dipenim minn ada akuvam, egħi da deravira iķian kogħam. Egħi iż-żebiż manaba iti, ki apaniba amadagħi, me izi ja misogħi dagh asiġħas iġħam.
- ¹⁵ Ia azeniba opariva, dar dagħetam inighan kogħam.

^{6:4:} Ua Me Ini 4:10-16; 12:50-51; 15:20 ^{6:5:} Diboboniba 22:2-24:25; Josua 3:1-4:19 * ^{6:5:} Veżin kam ghaze, Ikiavira Itir God digavir kuram gamir arazir aghħiur aviriġbagħ am. Israelia Sitimin nguibam ategħha iziż-żebbi, a Jordanin Fanem gamiċi a dakezi me nguazir dakritiżim giregħa vongin Gilgalin ghue. ^{6:8:} Godin Araziba 10:12; 1 Samuel 15:22; Aisaia 1:17; Hosea 6:6 † ^{6:9:} Hibrun akamini me akamini mingarim kagh deragħha anebiġħiżiż puvati. ^{6:15:} Godin Araziba 28:30; 28:38-40; Amos 5:11; Sefanja 1:13

Egh ia olivin oviziba dikabin da mirmir,
egh olivin borer tam uan mikarzim
daghuighan kogham.
Egh ia wainin oviziba dikabin da mirmir,
egh wainin dipatam ameghan kogham.
¹⁶ Atrivim Omri ko an otarim, Atrivim Ahap,
ia aningin arazir kurabar gin ghuezir
gumazamiziba,
aning faragha amizir araziba, ia
datirighin aningin gin ghua dagh ami,
kamaghin amizi, ki ia gasighasichti,
Kantrin Igharazibar Gumazamiziba,
akirim ragh ia gasi dibovir akabar ia
mikimam.
Eighti ia nan gumazamizir nguabar ekiar
kamin itiba
bar moghiram aghumsigham."

7

Israelia arazir kurabagh ami

¹ Maia! Ki uabin apangkuфи.

Ki ti ovengam.

Gumazamiziba mitiriaba men azi moghin,
mitiriam nan azi, ezi ki temer ovizitam
amasa da bagha tememin garima, da
puvati.

Temer fighin oviziba ko, wainin
oviziba, me bar ada inigha gifa.*

² Gumazir aghuitam nan kantrin aven itir
puvati.

Gumazitam guizbangira Godin gin zuir
puvati.

Bar puvati.

Dughiabar zurara gumazamiziba uarira
uarir apanibagh amua uarigh
asighasighasa uari bagha tuaviba
buri,
mati gumazim asizibav soghasa,
azuazim agura.

³ Gumazamizir bar arazir kurabagh fogha
dagh amiba,

me zuraram arazir kurabagh ami.

Gavmanin ingarir gumaziba ko, jasba
kotin dughiamin, me gumazamizibar
azangsizima,
me moga dagiabar me giveza me gak-
aghorma,
me paza kotiaba barasi.

Gumazir ziar ekiaba itiba pura uan ifon-
giabar jasbav geima,
jasba guizin arazim ategha pura gu-
mazir kurar kabar ifongiabar gin
zui.†

⁴ Ezi gumazir igharaziba ghaze me deragha
arazir aghuibagh ami,
ezi God men gari,

me ikuvigha mati grazir
ataghatariba ko, benir dikoniba
itiba.

Dughiam otogha gifa, ezi God uan gumaza-
mizibagh asighasighasa,
mati an akam inigha izir gumazim
mikemezi mokin.

God kamaghin damuti,
an gumazamiziba okam nighnigh on-
ganigh tintinibar nighnigham.

⁵⁻⁶ Eighti dughiar kamin otariba dibovir ak-
abar uan afeziabav kimti,
guiviba uan amebabar akaba
batogham.

Eighti paba itir amiziba, uan ivozir amebaba
ko akabar uari adogham.

Gumazamizibar anababa uari, men
apanim ikiva, men ikuvigham.

Kamaghin amizi, ni uan namakam ko ro-
roamin akaba, nighnizir gavgavim
dar ikian marki.

Egh ni uaghan uan amuim o uan
pam mikimsi deraghvira nighnigh a
mikim.

⁷ Ezi ki ubi, nighnizir gavgavim Ikiavira Itir
Godin iki a mizuamam.

Eighti a ki a ko migeir azir akaba baregh,
izi nan akuragh na inighti, ki der-
aghvira ikiam.

Ikiavira Itir God ua uan gumazamiziba
ini

⁸ Eighti en apaniba aghumsizir akabar e
damuan kogham.

E guizbangira iregha gifa, egh e ua
dikavigh tuivigham.

E datirighin aminirbirimin iti,
eghti Ikiavira Itir God uam angazan-
garim e daningam.

⁹ E datirighin Ikiavira Itir Godin damazimin
arazir kuram gami.

Eighti Ikiavira Itir God bar dughiar ote-
vimra uan aningaharim akagh, e
gasighasigham.

Egh a gin ua en akuragh guizin arazimin gin
mangiva,
pazavira e gamir darazir arazir kuraba
ikarvaghram.

Egh a mitatemin e inigh angazangarimin e
atighti,

e angamira iki an ganti, an en apanibar
dafaribar uam e iniam.

¹⁰ Apaniba faragha kamaghin e migia ghaze,
“Ikiavira Itir God, ian God managh iti?”

Egh me gin ganti Ikiavira Itir God en
akuraghti,
me bar aghumsigham.

^{6:16:} 1 Atriviba 16:23-24; 21:25-26 * ^{7:1:} E fozir puvati tinara akar kam akuni. Gumazir maba ghaze kar akam
inigha izezir gumazim Maika, an akamra. Ezi gumazir maba ghaze, akam inigha izir gumazim, a Jerusalem o Samarian
nguibamningin amizimin akar isin zuim migei. Ezi akar kam amizir kam akam akuni. † ^{7:3:} Hibrun akamin me
akamin mingarim kagh deragha anebighizir puvati. ^{7:5-6:} Matyu 10:35-36; Luk 12:53 ^{7:7:} Aisaia 8:17

E ganti Ikiavira Itir God me dikiti,
 mati gumazamiziba tuavimin
 beghneazim diti moghin, a me
 dikabinigham.

¹¹ Ia Jerusalemin gumazamiziba, ia gin
 nguibar ekiamin divaziba uam adar
 ingaramin.
 Egh nguazimin mitaghniabagh
 isivaghti da mangi ekevegham.

¹² Dughiar kamin nin gumazamizir kantrin
 ighazaribar kalabusin itiba, me ua-
 mategh tintinibar izam.

Tarazi Yufretisin Fanemin amadaghan
 ikegh izam,
 eighti tarazi aruem anadi naghin kantri
 Asirian ikegh izam,
 eighti tarazi sautin amadaghan kantri
 Isip ategh izam.

Israelia bar moghira kantrin saghon
 itibar mighsiaba ko, ongarir
 dadarimin itibar ikegh izam.

¹³ Ezi kantrin kabar gumazamiziba bar
 arazir kurabagh ami.
 Kamaghin amizi, da danganir bar
 kurabar min ikiam.

*Ikiavira Itir God, ni Israeliyan apangku-
 figħi*

¹⁴ O Ikiavira Itir God, ni gumazamizir ua
 bagha misveziba, ni me eghuvir gu-
 mazimin min iki,
 mati sipsipbagħi eghuvir gumazim de-
 ravira uan sipsipbagħi eghufi.

Me ruarir arizibar mighsiabar ikia, nguazir
 aghuiba puvati.

Ezi azenibar ingaramin nguazir
 aghuiba vin iti.

Me faragħa amizi moghin, ni men amaman-
 gatighti,
 me mangi Basan Distrik ko Gileatin Dis-
 trighin nguazir aghuibar azenibar
 ingaram,
 mati sipsipba grazir aghuiba itir
 nguazim garua grazir aviriba
 api.

¹⁵ Ikiavira Itir God akam ikaragħha ghaze:
 "Ki faragħa Isipin ia imiġi azenan izasa
 digavir kuram gamir araziba,
 ki datirigħin uam ada ian akagħam.

¹⁶ Eighti kantrin ighazarir gavgaviba itiba,
 me datirigħin nan gavgavimin
 ganighiha digavir kurum damiġ
 aghumsigham.
 Egh me atiatigħ uan kuariba ko,
 akabar kumigham.

¹⁷ Egh me fogħ suam, me gavgaviba bar
 puvati,
 mati kuruziba uan navibar nguazim
 davaram.

Egh akongiva atiatigħ uan danganir
 mogomeba ategħ,

Ikiavira Itir God bagħi zam, a en God."

¹⁸ O Ikiavira Itir God, ua godin igharazitam
 nin min itir puvati.

Nin gumazamizir ikiavira itir varazira,
 ni men arazir kuraba gin amadi.
 Nin adariba dugħiar ruaribar itir puvati.
 Ni zurara en apangkuvigha, arazir
 aghuibar e damuasa bar akonge.

¹⁹ Ni uam en apangkufiġi.
 Egh uan suemin biziba dika da abiri
 mogħin,
 en arazir kuraba diki da abinigh,
 da akunighti da ongarir konim bar an
 aven magirigh.

²⁰ Egh ni uan akaba bar dar gin mangiva,
 zurara Israelia en apangkufiġi.
 E Abraham ko Jekopin ovavir boriba, e
 nin gumazamizibara.

Ni fomira en inazir afeziaba koma akar
 dikirizim gamua ghaze,
 ni en apangkuvigham,
 egh ni uan akar dikirizir kam damuti,
 a guizbangiram otogħam.

**Godin Akam Inigha Izir
Gumazim
Nahumin Akinafarim
O
Nahum
Akar faragha zuim**

Godin akam inigha izir gumazim Nahum, e deraviram an ikirimirim gifozir puvati. Niniven nguubar ekiam a ikuvigha gifa, kamaghin amizi, akinafarir an osirizir kam, kar an migirigar bar akongeziba.

Ninive, a kantri Asirian nguubar ekiam. Asiria a kantrin bar gavgavir mam, ezi an midorozir gumazibza kantrin ighazarir aviribar gumazamizibav sogha me abini. Kantrin kamra notin amadaghan Israeliyan kantri gasighasiki. Egha an gumazamizibza inigha ghuezi, me danganir ighazaribar iti.

Kamaghin amizi, Israelia orazi apaniba Niniven nguubar ekiam gasighasighizi, me bar akonge. Godin akam inigha izir gumazim Nahum kamaghin migei, me akaba batogha arazir kurar avirim gami. Kamaghin amizi, God men arazir kuraba ikarvaghya uabi bizir kam gamizi, a Ninive bato.

**Ikiavira Itir God Niniven
nguubar ekiam gasighasiki**

(Sapta 1-3)

Ikiavira Itir God Niniven nguubar ekiam aningazi

¹ Godin akam inigha izir gumazim Nahum, a irebam min garir bizir mamin garima, God akar kam a ganingizi, an akinafarir kam osiri. Akar kam, a Niniven nguubar ekiamin akam. Godin akam inigha izir gumazim Nahum, an nguubam Elkos.

² Ikiavira Itir God uabira God, a gumazamiziba ateghti, me asebar ziaba fan kogham.

An akam batozir gumazamiziba, a mizazim me ganidi.

Ikiavira Itir God, a uan apanibar aningagha, men arazir kuraba ikarvaghya ivedir kurram me ganidi.

³ Ikiavira Itir God a zuamiram atarir puvati. A Godin Gavgavir Ekiaba Itim, egha a zurara arazir kurabagh amir gumazamiziba mizazim me gasi.

Ikiavira Itir God, danganir manamin mangiti, aminir ekiam ko amozim otivam,

1:1: Aisaia 10:5-34; 14:24-27; Sefanaia 2:13-15

1:2: Ua Me Ini 20:5; Godin Araziba 32:35; 32:41; Onger Akaba 94:1

1:3: Ua Me Ini 34:6-7; Onger Akaba 104:3; Aisaia 29:6; Amos 1:14

Hibrum akamin me kagh akam deragha anebighizir puvati.

eghti ghuardiaba mati an dagarimning
nguazim ditima,
nguazim mineziba mizi.

⁴ An ongarim dagarvagh an atarti, ongarim dakegham.

Egha uaghan fanebagh ami da dati.

Egh a suam, biziba ikuvigham,
eghti azeniba ko, grazir aghuariba
misingigh arimighireham.

Basanin nguazir aghuimin itir azeniba ko,
Karmelin Mighsiamin itir temeba
ko, Lebanonin kantrin itir akimariba,
da bar midiava ariaghiri.

⁵ God uan gavgavim akazi, mighsiaba agoa
nigha,
dipabar min otifi.

^A uan gavgavim akazi, mikimkizim
nguazim ginobagha a gamima a nisi,
ezi gumazamiziba uaghan agoa nisi.

⁶ An aningazir dughiam, tina deravira iki
ikuvighan kogham.
Bar puvatigham.

A gumazamizibar aningagha, an damaz-
imning mati avim isiava aghefe,
An aningagharam, dagiaba misaragharsi.

⁷ Ikiavira Itir God, an arazir aghuubar e
gami.

Osintizibar dughiabar a uan gumaza-
mizibar mogomer danganimin min
ikia,
egha gumazamizir a bagha zuiba, a
men akurvasi.

⁸ An aperiar ekiamin min, Niniven nguubar
ekiam bar a gasighasigham.

Egha gumazir an akam batoziba, a me
misozi me ariaghiri.

⁹ Ia apaniba, ia arazir manam Ikiavira Itir
God damuasava a migei?

Ia ganigh, a bar ia kuavaremegham.
Guizbangira, apanitam dughiar
pumuning akirim ragh a
gasaraghan kogham.

¹⁰ Ia mati gumazim dipar onganim amegha
bar ongani,
eghti a bar ia agivagham,

mati avim benir dikoniba ko,
grazir bar misingizibar isi.*

¹¹ Ia Niniven adarasi, ian mav nighnizir
kuram iti,
egha a pazi Ikiavira Itir God damuasa
akam akiri.

¹² Ezi Ikiavira Itir God uan gumazamiziba
Israelia, a kamaghin me migei,
“Asiriaiba me bar avirasemegha gumazir
gavgaviba iti,

* **1:10:**

ezi ki me gasighasighti, me bar givaghām.
Nan gumazamiziba, ki osimtizir ekiam ia gati,
egħi ki ua kamaghin damuan kogħam.
Bar puvatigħam.
13 Asiriaba faragħa ia gativagħha ike,
ezi datirighin ki men gavgavim abiraghām,
egħti me ua ia gativagh, ian ganan kogħam.
Egħti ia ua men kalabusin aven ikian kogħam."

14 Egha Ikiavira Itir God Akar Gavgavim in kamaghin Asiriabav gei,
“Ian ovavir boriba uam otivan kogħam.
Ian dipenir asebar ziabha feba,
ki dar aven marvir guaba bar dagħ asighasigham.
Egh me ian kuuba afamin moziba, ki ia bagħ dar akiram.
Ia gumazamizir kinibha, kamaghin amizi, ia ua ikian kogħam.”

15 Ia gan, gumazir mam mighsiamin itir tu-avimin izi,
egħha akar aghju im inigha izi.
Kamaghin amizi, ia Judan gumazamiziba,
ia izi
uari akuvagh Ikiavira Itir Godin ziam fisi isam damuam.
Egh bizir ia God daningasa akam akirigha givaziba,
ia da isi a daning.
Egħti gumazamizir kuraba ua ian nguazim inian kogħam.
Guizbangira, God me gasighasigha għifa.

2

1-2 Apaniba faragħa Israelia gasighasigha, men bixiba bar da inigha ghue.
Ezi datirighin Ikiavira Itir God, Israelin ziar ekiam damuti,
a faragħa ikez mogħin uam otivam.
0 Niniven adarasi, apaniba datirighin ia misosi.
Ia gasighasigham min gumazim izegħha għifa.
Ia midorozir gumaziba arighti me ian nguibar ekiamin okarigham.
Ia bar deravira tuavibar gan.
Ia misogħsi tuivigh gavgavigh gan.
Ninive ikuvigham
3 Ian apaniba orar agħevibar suigha, midorozir korotiar agħevib aghu ġiha,
ia misogħsa izi.

Me misogħasa ivemara izima, men karisba tagħtasi,
mati avim isi.
Ezi men afuzir ruarir me painin temebar ingariziba,
da misogħasa amua dar koniba igħha izi.
4 Men karisba bar pamten ivemara nguibar ekiamin aven izi,
egħha gumazamiziba uari akuvir danganibar me dar mangi izegħi gami.
Me adenir avibar min isia,
tintinibar ghua mati onimarim tagħtasi.
5 Men faragħha zuir gumazim, midorozir gu-mazir dapanibar diazi,
me ivemara asagħpora irasava amua divażim bagħha zui.
Me zuamira ivemara ghua averpenimin aven zui,
me averpenimin apengan, divażim ginivit, anekaramin temer otevir mam iti.
6 Me temer otevir kam, tiar akar fanemin borogħin itim ginivima,
tiar akam akariaghiri.
Ezi dipam bar puvira ivemara, atrivim din penmin aven izima, aperiar ekiam otozi,
gumazamizir atrivim din penmin itiba bar ati tingħi.
7 Apaniba Asirian atrivim gamizi, a tughav itima, me an amuimin korotiaba suegħha,
a inigha kalabusin għu.
Ezi an ingangarir amizibar naviba bar iku-viżi me aziava,
bar an apangkuvigha uan evaribav sosi.
8 Dugħiarr bar ruarimin Niniven nguibar ekiam nimira iti, mati dipar akarem.
Ezi datirighin an gumazamiziba ara nguibar ekiam ategħha azenan zui,
mati dipam apirizir divażim akariaghiri, dipam puvira ivemari.
Men marazi pamten dia ghaze,
“Ia mitifigh, ia mitifigh. Ia ari mangan marki.”
Ezi tav mitiġha uamattegħha zuir puvati. Bar puvati.
9 An apaniba kamaghin uan adaraziv gei,
“Aria, ia men gol ko silvaba okmegħ bar da inigh.
Bizir aghuir bar aviriba, men nguibar ekiam għiżfa.”
10 Ninive bar ikuvigha, pura danganir kiniż
gumazamiziba puvatizim min iti.

- Gumazamiziba nguabar ekiam ategha tintinibar are.
- Me puviram aguava bar atiatigha, men sueroghofariba nisi.
Men gavgaviba bar givazima, men naviba me gighaghirma,
men damaziba atiaghiregha guaba bar ghuardi.
- ¹¹⁻¹² Nguabar ekiar kam faragha bar gavgafi, mati laionba itir danganim, ezi datirighin puvati.
- Ninive fomira mati laionin igiaba ikia apir danganim, ezi laionin apuriba ko, amebaba ko, men nguziba an moga deravira itima, apaniba me misozir puvati.
- Laionin apurim asizibav sogh da nguemsirighti, amebam ko, nguziba deravira damam.
- Egha asizir naba isa dipenim garizima a izifa.
- Ezi datirighin laionin dipenim a managh iti? A ikuvigha gifa.
- ¹³ Ikiavira Itir Godin Gavgaviba Bar Itim kamaghin Ninivebav gei, "Kirara ian apanim." Ki ian karisba dapongti da bar isigham. Eghiti ian midorozir gumaziba, laionin igiabar min midorozimin aven arimighireham.
- Eghiti bizir ia igharaz darazi da iniziba, ki bar uam ada inigham. Eghiti Kantrin Igharazibar Gumazamiziba ua ian abuir gumaziba baraghan kogham."
- 3**
- ¹ O Ninive! Men gumazamiziba puvira ifara gumazamizibav sozi me ariaghiri. Egha bizir avirim okemegha, nguabar ekiam garizima a bar izifa. Kamaghin amizi, God gumazamizir kaba bar me gasighasigham. Mevzik!
- ² Ia oragh, benir hoziabbar akiriba ifozorozim ikia tingazi, ezi hoziabbar sueba ko, karisin wilba tuavimin tingazi. Ezi karisba tuavimin dagiabagh isin ghua nidi.
- ³ Midorozir gumaziba hoziabagh apiaghav ivemara izi, ezi men midorozir sababa glasin min taghtasi. Egha gumazir avirim misozima, men kuaba tintinibar uarigh isin irav iti, ezi ni da diponan iburaghm. Ezi gumazamiziba aruava gumazir kuaba dika, me gasaghporaghiri.
- ⁴ O Ninive, ni mati tuavimin amizim, kalmaghin amizi, God ivedir kuram ni ganidi. Nin ganganim bar derazi, ni kantrin igharazibagh etui, mati tuavimin amizim akavsiako, imezibagh amua gumazibagh etui.
- Kantrin Igharazibar Gumazamiziba nibaghha tuavimin amizim min ni ko, arazir kurabagh ami. Egha me nin kalabuziar gumazamizibar min iti.
- ⁵ Ezi Ikiavira Itir Godin Gavgaviba Bar Itim kamaghin migei, "O Ninive, ki ni gasighasigham. Ni tuavimin amizim min itima, ki datirighin nin korotiaba suegħti ni bibiamra ikiam.
- Ni korotiaba puvatighti, Kantrin Igharazibar Gumazamiziba nin ganti, ni bar aghumsigham.
- ⁶ Ki pazi ni damuva, bizir mugħuriar kurabazuibar ni avaragħam. Eghiti Kantrin Igharazibar Gumazamiziba nin ganiva bar atiatigham.
- ⁷ Me nin ganiva nin ari miriabar mangam. Me kamaghin mikim suam, "Ia gan. Ninive ikuvigha gifa. Gumazitam an apangkuvighan kogħam. Migirigiar aghuaritam a damuva an akurvaghha min gumaziba puvati."
- ⁸ O Ninive, ni ti ghaze, nin gavgavim Tebes gafira, a? Kar Isipin nguabar ekiar mam. A uaghan Nailin Faner Ekiamin boroghin iti, ezi Nail mati an divazim.
- ⁹ Ia ti fo, Tebes, kantri Isip ko, kantri Itiopian ruaghatevir mam gativagħha aningin gari. Ezi kantrin tam an gavgavim abirazir puvati.
- Ezi kantri Put ko, kantri Libia a ko, porogħa midorozibagh ami.
- ¹⁰ Ezi a pura bizim, apaniba Tebesia gafirragħa, kalabusin ingangarim bagħha me inigha ghue. Me men boriba, tuavir akar uari bativibar me misozi me ariaghiri. Egha Tebesin gumazir aruuba me senbar me ikegħa vagħvagħha me inigha ghue, ezi me men ingangarir gumazir kinibar min īngari.

- 11 Ia Niniveba, ia uaghan Tebesbar min otivam.
 Ia dipar organibar ami gumazir onganibar min otivam.
- Ian nighniziba organichti ia daighiram, egh apanibar atiating ari mangi mongsi dangania buriam.
- 12 Eghti apaniba ian nguubar ekiam inisi pamten ingaran kogham. Puvatigham.
 Ian nguubar ekiar gavgaviba mati fighin temer oviziba faragha anigha gifa.
- Eghti apaniba zuamiram a inigham, mati gumazim temer figh ginobazi, an oviziba ira gumazimin akatorimra iragh.
- 13 Ian midorozir gumaziba mati amiziba, kamaghin amizi, me apanibav sogh, me batueghan kogham.
 Ian nguubar ekiamin tiar akar ekiar, gavgaviba apazir igugunir gavgaviba, avim dar isigham.
- Eghti nguubar ekiamin tiar akam bar kuighirighti, apaniba puram an aven izegham.
- 14 Niniven gumazamiziba, apaniba ian nguubar ekiam korogham, kamaghin amizi, ia dipaba tuigh, da inigh nguubar ekiamin aven izi.
 Egh ia nguazir aghevin inigh a dikiti an amereghti, ia brighthbar ingarir boksiabar arigh.
- Egh brighthba inigh mangi gavgavim isi nguubar ekiamin divazim daning.
- 15 Ia dar amuti da uaghan bar ian akuraghan kogham.
 Avim izi ia ko ian nguubar ekiamin isiti, ia isigh arighiregh bar givagham, mati odeziba bar dagheba agifa.
 Ia faragha odezibar min bar aviraseme.
- 16 Egha ian gumazir dagiar ingangaribagh amiba
 bar avirasemega, overiamin mikovezibar dibobonim gafira.
 Ezi datirighin me bar ghuegha gifa, mati odeziba zuravariba amegha givagha, uan aviziba kuigha mighegha ghue.
- 17 Ian gumazir dapaniba mati odezir okoruam, orangtizimin dughiam, da divazibagh isin iti.
 Ezi aruem anadima da migha ghue.
 Ezi gumazamiziba fozir puvati, da managh ghue?
- 18 O Asirian atrivim, ni oragh.
 Nin gumazir dapaniba ko, gumazir ziaba itiba,
- me ariaghirezi men kuaba ireghav iti.
 Ezi apaniba nin gumazamizibagh amizi, me tintinibar mighsiabar ghue.
 Ezi ua men akuva, me inigh nguibamin izamin gumaziba puvati.
- 19 Ni mati gumazir duar ogorim iti.
 Ezi nin duam damighti an akumamin marasimba puvati.
 Nin duam akumighan kogham.
 Bar puvati.
 Ni fomira paza gumazir aviribagh ami, ezi gumazitam arazir bar kurar ni me gamitam ari mangighan kogham.
 Kamaghin amizi, gumazamiziba nin osimtizim bareghiva, dafaribav sogh bar akuegham.

Godin Akam Inigha Izir Gumazim Habakukin Akinafarim O Habakuk Akar faragha zuim

Babilonin kantri bar gavgavigha itir dughamin, Godin akam inigha izir gumazim Habakuk, Godin akam akuri. Egha a garima, Babilonian araziba bar ikufi. Me pura misogha, igharaz darazigh asighasisi, ezi bizar kam Habakuk gamima, a nighnizir aviribagh ami. A kamaghin Godin azangssi, "Ki fo, ni guizin arazibagh ami, egh ni arazir kurabagh amir gumazamizbar araziba tuisigh, iveauzur kuram me daning. Gumazamizir kurar kaba, gumazamizir mong derazibagh asighasizima, ni puram aperaghav ikia gari. Ni bar tizim bagha kamaghin ami?" Ni Habakuk 1:13:in ganigh.

Azangsizir kam bar fomira ikia, iza datirighin tu. Ezi Godin ikarvazim uaghan ikiavira iti. A kamaghin migia ghaze, a ubi biziiba bar dar afeziam, ezi an ifongiam ko, dughiar a ubi misevezimin, a biziiba bar da akirmigham. Ezi gumazamizir Godin Akar Gavgavibar gin zuiba, me nighnizir gavgavim Godin iti, egh me zurara ikiavira ikiam.

Habakukin akar mam uaghan kamaghin migia ghaze, God gumazamizir kurabagh asighashigam. Egh akinafarir kam agivsi, Godin ziam famin ighiar mam iti, egheti anaven Habakuk ubi uan nighnizir gavgavim akakagham.

Habakuk uan navir osimtizibar gun migeima, Ikiavira Itir God an akam ikarvasi

(Sapta 1--2)

¹ Kar Godin akam inigha izir gumazim Habakuk, a irebamin min garir bizimin aven akar kam baraki.

*Habakuk gumazir kurabar arazibar gun
Ikiavira Itir God migei*

² O Ikiavira Itir God, dughiar bar ruarin ki nin diava ara iti.

Ezi ni dazoghin nan dimdiam baregh, en akuragham,
eghti bizar bar kurar e bativiba, e
gasighashigam kogham?

³ Ki osimtizir bar aviribar gari da gumazimiba batifi.

Ni manmaghsua osimtizir kaba ataghizi, da otifi?

Manmaghin amizi ni bizar kurar kabar garima,
da gumazamiziba bativima, ni bizar gamir puvati?

Ki danganiba bar a dar gari,
gumazir kuraba, gumazamiziba ko,
men bizar saram asighasisi.

Ezi gumazamiziba atara pura tintinibar misosi.

⁴ Gumazamiziba Moses Osirizir Arazibar
gintizir puvatigha ghaze,
nin Arazir kaba pura biziiba.

Ezi jasba zurara kotin aven nin
guizin Arazibar gin zuir puvati.

Gumazamizir arazir kurabagh amiba, me
gumazir arazir aghuibagh amiziba
dikabira,
egha zurara nin guizin araziba
adavadafi.

*Ikiavira Itir God akar mam uan gumaza-
mizibagh aningi*

⁵ Ezi Ikiavira Itir God kamaghin uan gu-
mazamizibav migei,
"Ia bar deraghvira kantrin igharazimin gu-
mazamizibar gan!"

Maia! Ia nguazir kamin itir dughamin,
ki bar bizar igharagh garim ian
tongin a damigham.

Egheti ia bizar kam bareghamin dughamin,
ia ti nighnizir gavgavim an ikian
kogham!

Kamaghin amizi, ia bar digavir kuram
damigham!

⁶ Ia oragh! Ki Babilonia damighti
me gumazamizir bar gavgavibar
otivigham.

Gumazamizir kaba, me gumazamizir
bar kuraba, me uaghan misozir gu-
mazamiziba.

Egha me datirighin pura tintinibar
kantribar ghua, gumazamizir
igharazibar dipeniba isa,
me dikabiri.

⁷ Me gumazamizibagh amima, me bar ati-
atigha puvira nisi.

Gumazir kurar kaba, me guizin arazir
tamin gintizir puvati.

Me uari fa, uan ifongiabar gintisi.

⁸ Men hoziaba bar puvira ivemari,
egha me asizir atiar ruarin ikia
puvira ivemaribagh afira.

Egha hoziar kaba bar puvira misosi, ezi me
misozir arazim,
afiar atiabar midorozir arazim gafira.

Hoziar kaba uari fa, uari akuri, ezi
misoghamin gumaziba, me hoziar
kabagh apiaghha,
nguubar bar saghon itibar ikegha,
midorozim foreghasa izi.

Me bar puviram akigh izam, mati kuarazir isam nguazim gisin uan asizimin apigha
a misuegh anemasa, pura tuigha iraghu.

⁹ Men midorozir gumaziba, kantrin me inabazimra mangasa nighnisi.
Me izima, gumazamiziba me baregha, puvin atiatia nisi.

Egha me bar apangkuviba puvatigha puvin
kantri gasighasigh,
gumazamiziba inigh mangi kalabuziam datighti me pura ingaram.
Kalabuziar gumazir me inizir kabar dibobonim bar avirasemegha
mati ongarir gigim.

¹⁰ Me atriviba ko, nguibar ekiabar gumazir dapanibar ingaravaka,
dibovibar me gami.

Egha me nguibar ekiamin garima, a divazir gavgavim iti,
ezi me puvin ingaravati.

Egha me divazir miriamin nguazir pozim mikinigh, egh an mavanang divazimin uari akunigh,
nguibar ekiamin aven mangi an biziba bar ada inigham.

¹¹ Me midorozim zuamiram anegivagh, ivesha zuamira danganir igharazimin ghue,
mati aminim va iza zui.

Gumazir kaba, me godin tamin gintizir putati.

Me uari fa uan ifongiam ko, gav-
gavimin gintisi,
egha me bar osimtzir dafam iti."

Habakuk atara uamategha Ikiavira Itir God migei

¹² O Ikiavira Itir God, ni fomira ikia iza datirighin, ni ikiavira iti.

Nan God, ni nan Godin Bar Zuezim.
Ni zurara iki mangi aremeghan kogham.

O Ikiavira Itir God, ni mati dagiar bar gav-
gavim, ezi e nin girakirangin uari modi.

E fo, ni en arazir kuraba ikarvagh, puvin
e damuasa,
Ni Babilonia amisevegha gavgavim
me ganingi.

¹³ Babilonia me gumazamizir ifariba, egha
me arazir kurar aviribagh ami.

Ezi bar manmaghiram amizi, ni me
ataghizi, me nin ingangarim gami?

Ki fo, ni bar moghira zue, egha ni gu-
mazir arazir kurabagh amibar araz-
iba tuisigh,
egh men arazir kuraba bagh, ivesir ku-
ram me ikarvaghram.

Ezi gumazamizir kurab kaba, me gumaza-
mizir mong derazibagh asighasisi.

Ezi ni puram aperaghav ikia men gari.
Ni bar tizim bagha kamaghin ami?

¹⁴ Ni gumazamizibagh amizi, me ongarimin
itir osiribar min iti.

Ni me gamizi, me sibar davaragh
aruibar min ikia,
men ganamin gumazir dapaniba
puvati?

¹⁵ Ezi Babilonia gumazamiziba isa kal-
abuziam garisi,

mati amiziba ivebar osiriba isi.
O mati, gumaziba akezibar
osiribar dui.

Egha Babilonia me isa kalabuziam gatigha
givagha,
bar akuegha diava arai.

¹⁶ Egha arazir kamra, me dagher aviriba ko,
bizar aghuir avirim
uari bagha da akumakua,
dar pozim mikiri.

Egha me uan asebar ziaba fava, бизир
mughuriar aghuiba zuiba tuava,
mughuriar aghuiba me ganiga, me
bagha ofabagh ami.

¹⁷ Babilonia uan apanibar apangkuvir pu-
vati.

Eghti ni me ateghti,
me zurara kamaghira kantrin
igharazibav misogh me
gasighashgam, o?

2

Ikiavira Itir God Habakukin akam ikara

¹ Ki uan osimtzimin gun Ikiavira Itir God
mikernegha gifia,
egha a na daningamin migirigiam
mizua iti,
eghti ki uam an migirigiam ikar-
vaghram.

Mati midorozir gumaziba nguibam avinizar
divazir mitiar gavgavim pin ghuan-
vanega,
tuivigha apaniba bagha gara iti
moghin,
ki a bagha gara mizua iti.

² Ezi Ikiavira Itir God, kamaghin nan akam
ikaraghha ghaze,

"Ki uan akam, ni irebam min bizimin gari
moghin,
ki a isi nin akaghram.

Eghti ni akar kam deravira dagiatamin an
osirigh,

eghti gumazir a diponamim der-
aghviram an gan zuamira a diponam.

³ Bizir kam otivamim dughiam, a tighar
maghin izi guizin otivam.

Kamaghin amizi, bizir ki nin akaghamin kaba, ni da osirighti da iki.
 Bizir ki nin akakaghambiba, da bar guizbangira kiran ovehangin otivigham.
 Ni ti ghaze, da zuamira otoghan kogham, puvati, ni pura mizuam iki, bizir kam bar aghumra iziva otogham.

⁴Akar kam kamakin,
 'Gumazamizir kurar uan navir averiabar aven, uarira uari fa akaba batoziba, me iregham.
 Ezi gumazamizir Godin Akar Gavgavibar gin zuiba, me nighnizir gavgavim Godin iki, me zurara ikivira ikiam.'

Gumazir arazir kurabagh amiba, me bar ikuvigham

⁵Gumazir bizir aviriba iniasa naviba isiba, men arazir kam, zurara me gifari.
 Gumazir uari fa akaba barazir putativiba, me deragh dapiagh dughiar ruramin ikian kogham.

Me zurara kantrin avirim dikabin, me inigh me gativaghosa.
 Kamaghira, me zurara bizir bar aviriba iniasa ifonge,
 Mati ovevem ko Gumazamizir Oveaghuezibar Nguibam zurara gumazamizir aviriba iniasa, egha izevir puvati.*

⁶Eghti gumazamizir men apengan itiba, me dibovir akabar men garir gumazibav kimam.
 Me kamaghin me mikim suam, 'Iavzika!
 Ia gumazir igharaz darazir biziba okeiba, ia bar ikuvigham.

Ia manadizoghin arazir gumaziba pura ian biziba inizi, ia men avighti
 me zuamira uam ada ikarvaghamin arazir kam ataghiragh?'*

⁷Ia gumazir igharaz darazi abiniziba, ia uari gumazir munamin bizim inigh, egh uam a ikarvaghamin osimtizir ekiaba ikiam.

Eghti igharaz darazi zuamira ia bagh izi, ia mikim suam,
 arazir gumazir munamin bizim inigha uam a ikarvaghamin, ia zuamiram a ikaragh.

Guizbangira, apaniba izi ian bizibagh eku, da ater mangam.

⁸Ia kantrin avirir igharazibar gumazamizibar biziba, ia bar da okeme.

Egha ia men gumazamizir bar avirim misoghezi me ariaghirezi, ia men nguibar ekiabagh asighasiki.

Egha men gumazamizir varazira ataghizi me ikiavira iti.
 Egh me gin, igharaz darazi gamizi moghira, me dikavigh arazir kamra ia damuan.

⁹'Iavzika! Ia gumazir igharaz darazir bizir aviriba iniziba, ia bar ikuvigham.
 Ia bizir kaba isa uan adaraziram aningi.

Egha ian biziba deravira ikiasa, ia da bagha dipenir bar gavgavibar ingari, egha ia ghaze, arazir kamin osimtizim izi ia gitaviragh. Puvatigham.

¹⁰Ian arazir kurabara, ian adarazir ziam dikabiragh aghumsizim me ganingi.
 Ia kantrin avirim gasighasiki, kamaghin amizi, iarara bar ikuvigham.

¹¹Eghti dagiar ia dipenibar biriba gavgavim dagh anidiba, da uaghan ian dimiva arangiva akaba ia gasam.
 Eghti ian dipenir afiaba uaghan ian akam ikaragh migirigiar kamram damuan.

¹²'Iavzika! Ia uan nguibar ekiam damighti, a tugh gavgavighosa, ia gumazamizir avirim misoghezi me ariaghire.

Egha ia uan nguibar ekiam damighti, a mitigh gavgavighosa nighnigha, arazir kurar aviribagh ami.
 Kamaghin amizi, ia bar ikuvigham.

¹³Ia kantriba dikabiragh, men gumazamiziba isa kalabuziam gariki, ezi me bar ingangarir dafamin ian biziibagh ami.

Eghti avim bizir kaba bar dar isighti, ingangarir me amizir kabar dagheba puvatigham.
 Guizbangira, Ikiavira Itir Godin Gavgaviba Bar Itim, bizir kam damightima an otogham.

¹⁴Eghti nguazimin itir gumazamiziba bar deraghvira Ikiavira Itir God gifogham.
 Eghti fofozir kam, nguazimin oteviba bar dagh izivagham, mati ongarim bar ghua uan danganimra tu.

^{2:4:} Rom 1:17; Galesia 3:11; Hibru 10:38 * ^{2:5:} Hibrun akam deragha vezin kamin mingarim abighizir puvati.
^{2:14:} Onger Akaba 22:27; Aisaia 11:9; Sekaraia 14:8-9 ^{2:15:} Jenesis 9:22; Hosea 7:5

15 "Iavzika! Ia gumazir igharaz darazir
atara bar pazavira me gamiba,
ia bar ikuvigham.
Ian aningagharam mati wainin
kap.

Egha ia paza me gami,
mati gumazim uan namakam wainin
dipar aviriba a ganingizi,
an ada amegha, bar onganigha inim
firiaghiri,

a bibiamra ikia bar aghumsiki.

16 Kamaghira Ikiavira Itir God ian ziar
ekiam abiraghtima, ia bar aghum-
sigham.

A iveauzir kuram ia daningam, mati a
uabi ia gamima,
ia uari wainin dipar aviriba apa
bar organi.

Egh gumaziba ian ganti ia bibiabara ikiti,
ian ziar ekiam degeghirighti, ia bar
aghumsigham.

17 Ia Lebanonin ruarir pizimin itir temer
bar aviriba oke,
kamaghin amizi, God arazir ia amizir
kamra, ua ia damuam.

Ia mati ruarin min itir asizir atiaba, asizir bar
avirim misuagharki,
ezi datirighin ia uari ikuvigham.

Ia gumazamizir bar avirim misozi me
ariaghire,
egha ia nguazir kam ko, nguibar eki-
aba ko, dar aven itir adarazi bar me
gasighasiki,
kamaghin amizi, bizir kaba otiv-
vam.[†]

18-19 "Iavzika! Ia gumazir kamaghin ter
oteviba ko, dagiabav migeiba,
'Ia daguim ategh dikafigh,'
ia bar ikuvigham.

Ia ti ghaze, bizir kam dikavigh bizitam ian
akaghah.

Bar puvatigham.

Marvir guar kaba manmaghin ian
akuraghah?

Me ian akuraghan kogham.

Marvir guar kaba, kar bizir gumaz-
iba uari gol ko, temer otevibar
ingariziba.

Kamaghin amizi, bizir kaba guizin akatam
akarigh ia mikemeghan kogham.

Da pura ia gifari,
ezi ia bar ikuvigham.

Gumazim ubi marvir guar kam akirigha
ghaze, bizir kam a nan akuraghah.

Bar puvatigham.

Marvir guar kam, bar akam
akarigh bizitam mikemeghan
kogham.

Egħi ta silva ko, golin bar deraghviram an
kurkeħħam, arazir kam a pura bizzim.
Guizbangira, an angamira itir puvati,
egħi a bar bizitam ia bagħi a
damighan kogħam.

20 "Ezi Ikiavira Itir Godra, uan Dipenir Bar
Zuezir uan Nguibamin itimin iti.
Egħi ta nguazir kamin itir gumazamiz-
iba bar mogħira izi,
an damazim tuivigh, uan akabar
kumigh nimira ikiam."

Habakuk God ko migei

3

(Sapta 3)

*Godin akam inigha izir gumazim, Is-
raelian akurvaghha Godin azangsi*

1 Kar Godin akam inigha izir gumazim
Habakuk, God ko migeir akaba, ezi da
onger akar kamini min zui. Gumazamiziba
onger akar kabar amuva, me azir akamini
arazim gin mangi, ighiabar amu. Egħi gu-
mazir onger akabar faragħa zuuim gumaz-
ibav mikimti, me gitabav misogħam.*

2 O Ikiavira Itir God,
ni uan gavgvimin amizir bizibar ak-
aba,
ki da baraki.

O Ikiavira Itir God,
ki nin ingangaribar akaba baregha,
digavir kuram gami.

Ni fomiram amizir bizir bar ekiaba,
ni datirighin en dughiamin,
ni ua dar amuasa ki ifonġe.

Egħi datirighin itir dughiamin gumazamiz-
iba,
uaghān nin arazibagh fogħam.
Guizbangira, nin adarim en iti,
ni Godin apangkuvim.

Ezi ki nin azangsi,
ni en apangkuvigh en akuragh.

3 God Idomin nguazim ategħa uamategħa
izi.

Godin Bar Zuezim, a Paranin
Mighsiamin dikavigha izi.
(Ighiam gamua an sujam
atugħha avuġħsegħha ua
ighiam gami.)

An gavgvim ko, ziar ekiam ko, an angaż-
garim otogħha,
overiāmin danganiba, bar da avara.

Ezi nguazir kamin itir gumazamiziba bar
an angażgarir ekiamin garima,
arazir an ziam fem, bar me gizifa.

† 2:17: Hibrun akam deragħha vezin kamin mingarim abighiżżejj puvati. 2:20: Sekaraia 2:13 * 3:1: Hibrun
akam deragħha vezin kamin mingarim abighiżżejj puvati. 3:2: Jop 42:5-6; Onger Akaba 44:1; 119:120; Jeremaja 10:7

⁴ An gavgavir ekiamin angazangarim, dan-ganiba bar dagh isira.
 Egha angazangarir kam, an dafarimin ikegha onimarinim min taghtagha tintinibar zui.
 An dafarimra, an gavgavim moga itir danganim.

⁵ An arimariar igharagha garir aviriba amadazi,
 da an faragha ghue.
 Eighti arimariar bar ekiar gumazamizibar amut me arimighiramiba,
 da an gin izam.

⁶ A ghua tuzi dughiamin, nguazim bar moghira ivazvasi.
 Egha a ghua kantribar gumazamizibar garir dughiamin,
 me atiatiava agoa puvira nisi.
 Egha a fomira itir mighsiar ekiar bar gavgavibagh amizi, da pura dipira uaghiri.
 Egha a mighsiar muziarir a fomira isin aruizibagh amizi,
 da isivagha uaghiri.†

⁷ Ki Kusanin kantrin gumazamizibar garima, men averpeniba bar moghira ikuvizi
 me bar atiatingi.
 Ezi Midianian purirpeniba, pura tintinibar irezi
 me puvira atiatia nisi.

⁸ O Ikiavira Itir God, ni aminir ekiam amadazima,
 a iza faneba ko, ongarim gamizima,
 da dikavigha puvira ingari.
 Ni ti men atara kamaghin ami, o?
 Ni dikavigh izi uan gumazamizibar akuragh men apaniba abinamin dughiar kamin, amozimin ghuarier ekiaba mati, nin midorozir hoziaba ko karisba.

⁹⁻¹⁰ Ni uan pim asigha a dafagha, anekirigha gifa.
 Ni barir aviriba isa bariba azuir mitarir misevim gaghui.
 (Ighiam gamua an suiam atugha avughsegha ua ighiam gami.)
 Egha mighsiaba nin garir dughiar, me nisi.
 Ni amozir ekiaba akuri da nguazim gira anebisi,
 ezi faner ekiabar dipaba emira izi.
 Ezi aperiar ekiaba dar otiva izaghiri.
 Ezi dipar nguazimin aven itiba uaghan tingagha,

buav anaga overiamin suisi.
¹¹ Nin bariba akizirigha zuir dughiamin, dar angazangarim bar ekefe.
 Nin afuzim akigha zuir dughiamin, an onimarinim min taghtasi.
 Ezi aruem ko, iakinim dar gara, voroghira mitighav iti.
¹² Ni adarir ekiam kantriba bar dar ikia, egha ni nguazim gisin arua, nguibaba bar da dikabini.

¹³ Ni tizim bagha arazir kabagh ami? Guizbangira, ni uan gumazamiziba ko, atrivir ni misvezimin akurvaghaha ifonge, egha ni arazir kabagh ami.
 Egha ni gumazir kurabar gumazir dapanim misuegha, bar an adarazi gasighasiki, mati gumazim dipenir siriamin ikegha anekaraghlarigha, bar izaghira an dipenir akinibar tu.
 (Ighiam gamua an suiam atugha avughsegha ua ighiam gami.)

¹⁴ Apaniba en agiraghti e pura tintinibar ari mangasa,
 me aminir bar dafamin min izi.
 Apaniba e dikabinasa bar akuegha, mati gumaziba pazi gumazir biziba pu-vatizibar amuasa izima, gumazir biziba puvatiziba mon-gegha iti.
 Ezi puvati, ni apanibar midorozir gumazibar dapanimin barir afuziba inigha dar anariram ase.

¹⁵ Ni uan hoziabagh aperazi, da ongarim dika anebigha zui.
 Ezi bizir kam ongarim gamima a dikava nigarpiri.

¹⁶ Ki bizir kaba bar da baregha agoi.
 Ki atiatia agoima, nan akam uaghan nisi.
 Nan agharanipa amiraghmaregha berir amirazimin min oto.
 Ezi nan suemning nan amirazi, ki ua gavgaviba puvati.
 Ki fo, God izi apanir e gasighasighizir kaba puv me damigham.
 Ezi ki dughiar kam Mizua iti.
 Kamaghin amizi, ki pura uabin asuga nimira iti.‡

¹⁷⁻¹⁸ Eighti fighin temeba ban koghti, wainin ikariziba, wainin oviziba dar ituan koghti, olivin temeba, oviziba dar ituan koghti, azenimin dagheba puvatighti, sipsipba bar arimighiregti,

† 3:6: Hibrun akam deragha vezin kamin mingarim abighizir puvati. ‡ 3:16: Hibrun akam deragha vezin kamin mingarim abighizir puvati. 3:17-18: Jop 13:15; Aisaia 41:16

bulmakaubar dipenim pura ikiti,
eghti kirara Ikiavira Itir God bagh bar
akongegham.

Ki fo, God, a uamategh na iniam.
Kamaghin amizi, osimtzizir kaba otivamin
dughiamin,
ki bar akuegh navir amirizimin ikiam.

19 Ikiavira Itir God, a nan Ekiam, a gavgavim

na ganidi.

A nan suemning gamizi, aning gavgavim
igha, mati asizir dian sueba,
Egha a na gamima, ki deravira
mighsiabagh isin arui.

(Gumazir onger akar kabar faragha zuim,
gumazibav geima,
me gitabav sosi.)

Godin Akam Inigha Izir Gumazim Sefanaian Akinafarim O Sefanaia Akar faragha zuim

Dughiar atrivim Josaia Judabar arazir kuraba akirizimin, Sefanaia gin iza Ikiavira Itir God a ganingizir akabav gei. (Ni 2 Atriviba, sampa 22 ko, 23in gan.) Sefanaia ghaze, Judan adarazi arazir kurar me Godin ziam fava amiba ataghiraghram. Puvatigntima, God me bagh osimtzir ekiam amadaghti a izam.

Sefanaia uaghan migia ghaze, kantrin igharazir Judabar apanim gamiba, God uaghan me gasighasigham. Eghiti Jerusalem uaghan ikuvigham. Eghiti gumazamizir navibagh iraghia arazir aghuibagh amiba, me deraghvira ikiam. Eghiti gin Jerusalem ua deragh otoghti, gumazamizir Godin damazimin deraziba an aven ikiam.

Ikiavira Itir God Izamin Dughiam Otogham

(Sapta 1-3)

Ikiavira Itir God Izamin Dughiam otoghti, a gumazamiziba isi kot darigham

¹Emonin otarim Josaia, a Judan atrivimin itima, Ikiavira Itir God akar kam Sefanaia ganangi. Sefanaia Atrivim Hesekian anabamin oto. Kusi, a Sefanaian afeziem, ezi Kusin afeziem Gedalia, ezi Gedalian afeziem Amaria, ezi Hesekia Amarian afeziem.

²Ikiavira Itir God kamaghin Sefanaia migei:

“Ki nguazir kamin itir biziba bar ada avigha da makunizi moghin, dagh asighasigham,

³ kar gumazamiziba bar moghira, ko asiziba, ko kuarazir overiamin mighaghia aruiba, ko osirir ongarimin aruiba.

Bizir kaba gumazamizibagh amima, me arazir kurabagh ami,

ki bar ada agivaghram.

Eghiti tam ua ikian kogham.

Ki Ikiavira Itir God, ki mikemegha gifa.

⁴ “Judan gumazamiziba ko Jerusalemin gumazamiziba bar moghira, ki mizazim me gasegham.

1:1: 2 Atriviba 22:1-23:30; 2 Eghaghaniba 34:1-35:27
1:7: 1:7: Vezin kamin akar isin zuim, a kamaghin migia ghaze, bizar God damuasa mikemeziba, da mati gumaziba God bagh ofa damuasa amizir bizibar dughiam. Me asizibav sogha ofabagh ami. Egha me gumazir igharazibar deima me iza me ko uari akuvava asizir ofan kaba api. Ezi e deragha fozir puvati, akar isin zuim, gumazir igharazir kaba, me taia. Gumazir maba ghaze, kar God diazir gumazir izi Judabagh asighasighamiba.

Asem Balin ziam fer arazimin bizar ikiavira itir vaghvaziba, ko an ofa gamir gu-maziba,

ki bar me gasighasigham,
eghti gumazamiziba ua me
ginighnighan kogham.

⁵ Gumazamizir uan dipenibar isiriabar
ghuavanaga, aruem ko, iakinim ko,
mikovezibar ziaba feba,
ki me gasighasigham.

Gumazamizir avirim nan ziam fa kamaghin
migei,

E Ikiavira Itir Godin ziamin pin an
akakaghia ghaze, Bar guizbangira, e
an gin zui.”

Ezi puvati, me uaghan asem Molekin ziam
fa ghaze,

‘E asem Molekin ziamin pin akakaghia
ghaze, Bar guizbangira, e asem
Molekin gin zui.’

Kamaghin amizi, ki me
gasighasigham.

⁶ Gumazamiziba akirim na gasa, ua nan gin
zuir puvati,
egha tuavim uarir akakaghaha na
bagha iza, nan azangsizir puvati.
Ki uaghan gumazamizir kabagh
asighasigham.”

⁷ Ikiavira Itir God Izamin Dughiar Ekiam a
roghira izegha gifa.

Kamaghin amizi, ia an boroghin izi
nimira iki.

Ikiavira Itir God uan gumazamiziba me
misoghasava ami,
mati gumaziba ofa damuasa asizibav
sosi.

Egha gumazir igharazibar diazi me iza
garima,
a uan damazimin zuezir arazim
damuasa me migei.*

⁸ Ikiavira Itir God ghaze,
Dughiar ki uan gumazamizibav
soghamim,

ki atrivimin gumazir dapaniba ko,
atrivimin otariba ko, kantrin
igharazibar arazibagh amir gumaza-
miziba,
ki me gasighasigham.

⁹ Dughiar kamin, gumazamizir asebar zi-
aba fa,
uan gumazir ekiamin dipenim damut-
i izivasa,

me okiava gumazibav sozi me
ariaghiri,
gumazir kaba, ki me gasighasigham.

1:7: 1:7: Vezin kamin akar isin zuim, a kamaghin migia ghaze, bizar God damuasa mikemeziba, da mati gumaziba God bagh ofa damuasa amizir bizibar dughiam. Me asizibav sogha ofabagh ami. Egha me gumazir igharazibar deima me iza me ko uari akuvava asizir ofan kaba api. Ezi e deragha fozir puvati, akar isin zuim, gumazir igharazir kaba, me taia. Gumazir maba ghaze, kar God diazir gumazir izi Judabagh asighasighamiba.

10 Ikiavira Itir God ghaze,
 Dughiar kamin ia oraghti ararem Osir
 Tiar Akar Jerusalemin itimin ikegh
 otivam,
 eghti azirakam Jerusalemin ru-
 aghatevir igiamin ikegh otivam.
 Egh ia oraghti, mighsiabagh isin dipeniba
 iri,
 pamten tingagham.

11 Ia ganti, ian gumazir dagiar inganganrib-
 agh amiba,
 me bar arimighiregham.

Kamaghin amizi, ia nguibar ekiamin dan-
 ganir zarimin iki, bizir kaba baragh
 aziam.

12 Dughiar kamin, ki lamba inigh
 Jerusalemin averiam buriam.
 Gumazir nan arazibagh ifongezir pu-
 vatiziba, me ghaze me uari bizia bar
 dar amuam.

Me ghaze God pura iti.
 A gumazir aghuibar akurvazir pu-
 vatigha,
 gumazir kurabar araziba ikarvazir
 puvati.

Egh ti gumazir kabagh asighasigham.
 13 Gumazir kaba, gumazir ighazariba
 izi men bizia okemegh, men
 dipenibagh asighasigham.
 Me dipenir igiabar ingarigh, dar ikian
 kogham.

Egh wainin azenir me opariba,
 me dar wainin dipabar aman kogham.

14 Ikiavira Itir God Izamin Dughiar Ekiam, a
 roghira ize,
 egh a bar zuamiram otogham.

Ikiavira Itir God Izamin Dughiar Ekiam, a
 gumazamizibar amut,
 me bar osemegham.

Dughiar kamin, midorozir gumazir gavgav-
 iba,
 me uaghan atiating pamten arangam.

15 Dughiar kamin, Ikiavira Itir Godin
 aningagharim azenim giram,
 egh ti gumazamiziba osimtizir ekiamin
 aven iki men naviba bar ikuvigham,
 egh ti bizia tintinimin ikuvam.

Egh ti ghueriaba aruem avaraghti,
 mitater pigha duar dafam otogham.

16 Dughiar kamin midorozir sightham arangti,
 midorozir gumaziba izi,
 ngubar ekiar divazir gavgaviba itiba
 ko dipenir gavgavir ganganir gumaz-
 iba itiba,
 me dav sogh pamten mikim,
 dimiva arangam.

17 Ikiavira Itir God kamaghin migei,
 Gumazamiziba arazir kurabar na
 gami,
 kamaghin amizi, ki bizir kurar avirim
 damuti da me bativam,
 egh ti me damazir okavirizibar
 min punpun, daruamin tuaviba
 buriam.

Egh ti men ghuziba dipamin min iriti me
 arimighiram.
 Egh ti men kuaba nguazim gisin
 kurighiri mati afiar buariba.

18 Dughiar kamin, Ikiavira Itir God uan
 aningagharim akaghram,
 egh ti men gol ko silva tong bar men
 akuraghan kogham.
 Bar puvatigham.

An aningagharim, avimin min otogh
 nguazimin ruaghateviba
 bar dar isigham.

A zuamiram otogh, nguazimin gumazamiz-
 iba
 bar me agivagham.

2

Gumazamiziba navibagh iragh

¹ Ia kantrin kamin gumazamiziba,
 ia uan arazir kurabar aghumsizir pu-
 vati.

Ia deravira arazir kam ginighnigh,
 egh a bagh aghumsigh.

² Puvatighti, Ikiavira Itir God uan
 aningagharim akaghti,
 ia ikuvigham mati akimariba midii.

Puvatighti, Ikiavira Itir God ian ataram,
 egh ti an adarim avimin min ian isiam.

³ Ia gumazamizir uari abira, Ikiavira Itir
 Godin apengan itiba,
 ia a bagh izi a baghvira iki.
 Egh uari abinigh Godin damazimin
 arazir aghuibar amu.

Ia kamaghin damuti, Ikiavira Itir God uan
 aningagharim amadaghti
 a izi arazir kuraba ikarvaghamin
 dughiam,
 ia ti an aven modogh deraghvira
 ikiam.

Judan kantrin boroghin itir kantriba
Ikiavira Itir God me gasighasigham

⁴ Ikiavira Itir God Filistian kantri
 gasighasighti,
 gumazitam Gazan nguibar ekiamin
 ikian kogham.

Egh ti Askelonin nguibar ekiam
 uaghan gumaziba puvatigham.

1:13: Godin Araziba 28:30; 28:38-40; Amos 5:11; Maika 6:15

Jeremaia 9:22 **2:3:** Aisaia 1:17; Amos 5:6; 5:14-15

3:4-8; Amos 1:6-8; Sekaraia 9:5-7

1:17: Godin Araziba 28:29; Onger Akaba 83:10;

Jeremaia 47:1-7; Esekiel 25:15-17; Joel

Asdotin itir gumazamiziba, apaniba
dughiar vamiran me batuegham,
egh me uaghan Ekronin itir gumaza-
miziba batuegham.

⁵ O Filistian ongarir dadarimin itiba, ia iku-
vigham.

Ikiavira Itir God ia isa kot gatigha gifa.
A ia gasighasighti, ian tav ikian
kogham.

⁶ Ian nguazir ongarir miriamin itim, grazir
kinim a batogham.

Danganir kamin sipsipbagh eghuvir
gumazib,
ia uari bagha dipenir doziba ko
sipsipba ikiamin divazibar in-
garam.

⁷ Ez̄i Judan ikizimin ikiavira itir varazira,
me ian nguazim iniam.

Eghti men sipsipba danganir kamin itir
grazibar amiti,
Judaba Askelonin nguibamin itir
dipenibar dakuam.

Eghti Ikiavira Itir God, a men God,
a me ko iki me damuti
me deravira ikiam.

⁸ Ikiavira Itir Godin Gavgaviba Bar Itim ka-
maghin migei,

"Ki Moapin kantri ko, Amonin kantri baraz-
ima,
aning nan gumazamiziba dipova akar
kurabar me migia uari fe.

Me pamten migia ghaze,
me Israelia abinigh men nguazim
inigham.

⁹ Ki Ikiavira Itir Godin Gavgaviba Bar Itim,
Israeliun God,

ki zurara angamira ikia, guizbangira
migia Akar Gavgavir kam gami,

Moapia ko, Amonia me ikuvigham,
mati Sodom ko, Gomora ikuvizi moghin
me ikuvigham.

Eghti ikarizir ataghatariba otivigh men
nguazim bar anevegham.

Eghti amangsizim itir moziba nguibar
kamin otoghti
a bar ikuvigh kamaghira ikiam.

Eghti nan adarazir ikiavira itir varazira,
me, me misogh pura men biziba iniva,
men nguaziba iniam."

¹⁰ Moapia ko, Amonia uari fava akaba
batosi,

egha Ikiavira Itir Godin Gavgaviba Bar
Itimin gumazamiziba,
me dibovir akar kurabar me migei.
Kamaghin amizi, God me ikaragh
pazavira me damuam.

¹¹ Ikiavira Itir God me damuti,
me puviram atiatingam.
Kantriba bar, a men asebar amuti
da pura bizar kinibar min otivam.

Eghti gumazamizir ongarimin miriamin
itiba ko, gumazamizir ongarir
arighatizimin itiba,
me uan nguibabara ikiva
uan teviba apir dapaniba avighiva
an ziam fam.

¹² O Itiopian gumazamiziba, ia uaghan
Ikiavira Itir God midorozimin aven ia
misoghti
ia arimighiram.

¹³ Ikiavira Itir God uan gavgavimin Asirian
gumazamizibagh asighasigham,
kantrin kam a notin amadaghan iti.
Egh a men nguibar ekiam Ninive
gasighasigham.

Eghti nguibar ekiar kam dipaba pu-
vatizir danganimin min otogham,
eghti gumazamiziba ua an ikian
kogham.

¹⁴ Bulmakauba ko, sipsipba ko, memeba ko,
asizir atiabara izi a dakuam.

Apaniba dipenibar itir ter arariba isi
tintinimin da kunigham.
Kamaghin amizi, dipenir kaba bar
ikuvigham.

Eghti dimagarimin kuarazir biariba ko,
mighiaba ko, dariaba
da pura izi dipenir kabar ikiva
dar dipenir akiniba ko, tiar ak-
aba ko, winduubar dapiagh ikiva
arangam.

¹⁵ Niniven adarazi nighnigha ghaze, me
gavgavir ekiam iti,
me ikuvighan kogham, kamaghin
amizi, me bar akonge.

Egha me ghaze, men nguibar ekiam a
uabira kantrin igharazibar nguibar
ekiba, bar dagh afira.

Ezi bar puvati.
Bizir kurar kaba Ninive bato.

Ezi nguibam ikuvigha kamaghira ikia,
asizir atiabar danganim gava.

Gumazir an boroghin zuiba me atiatiava
dapaniba roava bar an aghua.

3

*Ikiavira Itir God Jerusalemian arazir
kuraba gin amada*

¹ O Jerusalem, ni ikuvigham.
Nin gumazamizibar araziba, Ikiavira
Itir Godin damazimin bar mizegha,
kurigha bar ikufi.

Me an akaba batogha uan adarazira, paza me gami.
² Me Ikiavira Itir Godin akam barazir puvati,
 egha Ikiavira Itir God men araziba akiran me aghua.
 Egha nighnizir gavgavim an ikan aghua,
 egha uarir akurvaghaha an azangsizir puvati.
³ Men gumazir dapaniba mati laionba,
 mitriam men azima
 me pamten arava aroi.
 Ezi men gumazir kotaiba tuisiziba, mati
 afiar atiaba mitriam puv men azi,
 ezi me asiziba apava,
 gurumzaraghan bagha agharitam atizir puvati.
⁴ Godin akam inigha izir gumaziba deraghavira uan ingangarim gamir puvati,
 egha ifaghata gumazamizibagh asighasighasa pura me gifari.
 Ofa gamir gumaziba, me bizar anogorogheziba paza dagh ami,
 egha uarira uarir akurvaghaha Godin Akar Gavgaviba otavkiri.
⁵ Ezi Ikiavira Itir God Jerusalemin ikiavira iti.
 A guizin arazir aghuibaram ami, egha arazir derazir puvatiziba ana dagh amir puvati.
 Mizarazibar zurara, a guizin uan arazimin gin ghua,
 bar deragha kotaibagh amua, gumazamizibar araziba tuisisi.
 Egha ingangarir kam ataghizarir puvati.
 Ezi gumazir kurar nguibal ekiar kamin itiba,
 me guizin arazimin gin zuir puvati,
 egha aghumsizir puvati.
 Bar puvati.
⁶ Ikiavira Itir God kamaghin migia ghaze,
 "Ki kantrin maba bar me agifa, egha men nguibal ekiabagh asighasiki.
 Ezi dar nguibal ekiar divazir gavgaviba itiba ko, dipenir ruarir ganganir gumaziba itiba,
 da ikuvigha iti.
 Gumazitaba nguibal ekiabar itir puvati,
 kamaghin amizi, gumazamiziba ua nguibal ekiabar aven itir tuavibagh aruir puvati.
⁷ Ki ghaze gumazamiziba nan arazir kabar gan, nan apengan ikiam,
 egh me nan amamangatighti ki men arazir kuraba akiram.

Egh ki deraghvira men sure gamizir biziba,
 me deragh dagh nighnighti,
 ki me gasighasighan kogham.
 Ezi me nan suren akaba barazir pu.
 Puvati.
 Me zuamira ua dikavigha arazir kurabagh ami."
⁸ Ikiavira Itir God kamaghin an gin zuir gumazamizibav gei,
 "Ki men atara kamaghin uan nighnizim akirigha gifa,
 ki kantriba bar dar gumazamiziba inigh izi me akuvagh,
 men arazir kuraba ikarvaghah.
 Eghti nan aningagharam avimin min nguazir kamin danganiba bar dagh asighasigham.
 Kamaghin amizi, ia nighnizir aviribar amuan marki.
 Ja Dughiar ki kantriba bar dar gumazamiziba isi kot darighamim bagh pura mizuam iki.
⁹ "Dughiar kamin, ki kantriba bar dar gumazamiziba migeir migirigia bagh iraghti,
 da ua igiabar otivigham.
 Eghti me migeir migirigia bagh zuegh bar deraghah.
 Egh me ua aseba ko, mikiman kogham,
 me narara mikimam.
 Egh me navir vamira iki, nan ingangarim damuam.
¹⁰ Nan gumazamizibar marazi tintinimin kantrin igharazibar ghue,
 ezi marazi kantri Itiopian iti,
 me ofaba inigh na bagh izam.
¹¹ "Nan gumazamiziba,
 ia guizbangira nan akam batoke.
 Eghti ki bizar kabar amuti da otivamin dughiamin,
 ian tongin itir gumazir uari fa akaba batoziba,
 ki bar me batuegham.
 Eghti ia Jerusalemin ikiam, kar nan mighsiam,
 egh ia ifaghati ua nan akaba batoghan kogham.
 Kamaghin amizi, ia uamategh Jerusalemin izeghiva,
 ni ua uan arazir kurabagh nighnigh aghumsighan marki.
¹² Eghti gumazamizitaba, ki me ateghti me Jerusalemin nguibamin ikiam.
 Me bizar aviriba puvatigh guizbangira uari dikabiraghah.
 Egh na bagh izi uarir akurvaghisi nan azangsigham.

¹³ Israeliian ikiavira itir varazira, men dibobonim bar sufi.

Me arazir kurabar amuan koghiva,
akar ifavaribar amuan kogham.

Me guizin akabar amu, egh ifaran kogham.

Me deraghvira dapiagh avughsam,
eghti bizitam me damuti me ati-
atingan kogham."

Bar akongeghamin onger akar mam

¹⁴ O Israeliian gumazamiziba, ia pamten
dimiva ighiabar amu!

O gumazamizir Jerusalemin
nguibamin itiba,
ian navir averiaba deraghti ia bar
akuegh mamaghira iki!

¹⁵ Ikiavira Itir God, ia gasighasighasa
mikemezir akar kam,
a anegivagha ian apanibar agirazi me
are.

Ikiavira Itir God, a Israeliian atrivim,
a ian tongin iti.

Kamaghin amizi, ia bizitamin ati-
atingan marki.

¹⁶ O Jerusalem, Dughiam iziti me ni mikim
suam,

ia Saionin gumazamiziba, ia puram
akongiva bizitamin atiatingan marki.

¹⁷ Ikiavira Itir God, a ian God, a ia ko iti.

An gavgavim ian akurazi, ia
midorozimin uan apaniba abira.

A ia bagha bar akongegh ighiabar amuam.

Mati gumazamiziba uari akuva Godin
ziam fa onger akabagh ami moghin,
a ia bangin pamtem ongam.

Guizbangira a bar ia gifonge, ia kamaghin
nighnizir kam damuti,
a migrigiabagh asagham.

¹⁸ Ikiavira Itir God ua kamaghin migei,

"Ki faragha puv ia gamizi, ia nan saghon iti.

Ia fo, ia nan ziam fe puvati,
ezi bizir kam ia gamima ia bar
aghumsiki.

Ezi ki datirighin ua ia inigh izasa.*

¹⁹ Dughiar kamra, apanir ia abiragha paza
ia gamiziba,

ki me gasighasigham.

Ia Israeliian tintinibar kantrin igharazibar
itiba,

ia mati sipsipba tintinibar ghuez, ian
sueba ikufi.

Ki ia inigh ua ian nguibamin izam.

Ia datirighin igharaz darazir damazimin
bar aghumsiki,

ezi ki ian aghumsizim agivagh ziar
ekiam ia daningam.

Eghti nguazimin danganiba bar,
dar gumazamiziba ian ziaba fam.

²⁰ Dughiar kamin, ia itir danganiba bar,

ki ia inigh uamategh ian nguibamin
izam.

Egh ziar ekiam ia danighti,
nguazimin gumazamiziba bar ian ziam
fam.

Egh Dughiar kamin, ki ian ingangaribar
amuti da bar deragh otivam,
eghti ian dabirabim deragham.

Ki Ikiavira Itir God, ki mikemegha
gifa."

* 3:15: Aisaia 54:14 3:17: Godin Araziba 30:9; Aisaia 62:5; Jeremaia 32:41 * 3:18: Hibrun akam me kagh
deragha akamin mingarim abighizir puvati.

Godin Akam Inigha Izir Gumazim Hagain Akinafarim O Hagai Akar faragha zuim

Judaba, kantri Babilonin kalabus ategha ua Jerusalemin izezi, Hagai Ikiavira Itir God, a ganingizir akar kamin gun me migei. Me azenir mabar Jerusalemin ikia, zuamira Ikiavira Itir Godin Dipenimin ingarizir puvati. Ezi Hagai ko, Godin akam inigha izir gumazim Sekaraia, aning Serubabel, ko Josuan, nighniziba fasa akabar aningen migei. Aning Judabar gumazir dapanimming. Eghiti aning Godin Dipenim uam an ingarsi Judabar gumazamizibav kemegh, uaghan Godin ziam fer arazimin arazir kuraba akiram.

Hagai kamaghin migia ghaze, Judaba ingangarir kam damuam, a men akuraghti, me uari ko ingarir arazir kam bar deraghah. Eghiti Godin akar dikiriziba, an akam inigha izezir gumaziba mikemezi moghin, da guizbangirama otivam. Eghiti God bar deragh uan gumazamizibar amuti, me dughiar bar aghuarimra ikiam.

God uan Dipenimin ingarasa gumazamizibav gei

(Sapta 1:1-2:9)

God ua uan Dipenimin ingarasa gumazamizibar avisi

¹ Dughiar kamin Darius, Persian kantrin atrivir ekiamin itima, an namba 2in azenim. Ezi an iakinir namba 6in, an aruer faragha zuimin aven, Ikiavira Itir God migirigiam isa, uan akam inigha izir gumazim Hagai ganungi. Eghiti an akar kam isi Judabar gumazir dapanim Serubabel daningam, a Sealtielin otarim. Egh uaghan akar kam isi Jehosadakin otarim Josua, a Judabar ofa gamir gumazibar dapanim daningam.* ² Egha Hagai kamaghin aning migia ghaze, “Ikiavira Itir Godin Gavgaviba Bar Itim kamaghin migei, ‘Gumazamizir kaba ghaze,’ Godin Dipenimin ingaramim dughiam tighar maghin otivam.” ””

³ Ezi Ikiavira Itir God, gumazamizibav kimasa migirigiaisa ua Hagai ganungi.

⁴ A ghaze, “Nan gumazamiziba, ia manmaghsua uari bagha dipenir bar aghuibar ingara dar itima, nan dipenim ikuvigha iti?

⁵ Ikiavira Itir Godin Gavgaviba Bar Itim, datirighin ghaze, ia bizar kurar ia bativir

kabar gara nighnisi o puvati? ⁶ Ia dagher aviriba oparigha, dar dagher aviriba isir puvati. Ia apava izevir puvati. Ia dipaba apava, kuariba ian piravira iti. Ia korotiaba ikia da aghuava, arugharughvira ikiam. Gumazir dagiaba bagha ingara da isiba, da zuamira gefi, mati ia da isa dagiavtarir toriba itibagh azui. ⁷ Ki Ikiavira Itir Godin Gavgaviba Bar Itim, ki kamaghin ia migei, ia bizar kurar ia bativir kabar gara nighnisi, o puvati? ⁸ Ikiavira Itir Godin Gavgaviba Bar Itim ghaze, Ia mighsiabar mavanang temeba okegh izighiri nan Dipenim uam an ingarigh. Eghiti nan navir averiam deragh bar akongegham. Egh ia an aven nan ziam fiti, ki uan angazangarim ko, gavgavim saram otogh, ziar bar ekiam iniam.

⁹ “Ikiavira Itir Godin Gavgaviba Bar Itim ghaze, Ia nan Dipenim ataghizi a ikuvigha itima, ia uari uan dipenibar ingarigha arui. Kamaghin amizi, ia uan azenibar dagher ekiataba inisi damuva avegham. Ia dagher muzierir kaba inigh aghegh, ki dagh iveraghti da zuamira gevegham. ¹⁰ Ian arazir kaba bangin, ghuardiaba irir puvatizima dagheba ian azenibar otivir puvati. ¹¹ Ki ubi amozimin anogoroke. Egha ki aruer ekiam gamizi, a nguazim koma, mighsiaba ko, ian witin azeniba, ian wainin azeniba, ian olivin temeba, nguazimin otivava aghuir zuravariba, ian asiziba, gumazamiziba ko, me oparir dagher guar aviriba, a bar dagh apongezi da misingi.”

Gumazamiziba Godin akam baregha an gin zui

¹² Dughiar kamin, Judabar gumazir dapanim Serubabel, a Sealtielin otarim ko, Josua Jehosadakin otarim, a ofa gamir gumazibar dapanim ko, Judan gumazamizir ua izegha aning ko itir vabara, me Ikiavira Itir God, men God, an migirigiaaba baraki. Egha me an akam inigha izir gumazim Hagain migirigiaaba baregha Ikiavira Itir Godin atiatingi. Me fo, Ikiavira Itir God, anemadazima a izi. ¹³ Ezi Hagai, an akam inigha izir gumazim, a kamaghin Ikiavira Itir Godin akamin gun gumazamizibav gei, “Ikiavira Itir God ghaze, ‘Ki ia koma akam akira ghaze, ki zurara ia ko ikiam.’”

¹⁴ Ezi Ikiavira Itir God, Judabar gumazir dapanim Serubabel, a Sealtielin otarim ko, Josua a Jehosadakin otarim, a ofa gamir gumazibar dapanim ko, Judan gumazamizir aning ko itir vabara, men nighniziba ua da fema, me iza ua Ikiavira Itir Godin Gavgaviba Bar Itim, a men God, me an Dipenim ingari. ¹⁵ Darius atrivimin itir dughiamin, an azenir pumuningin namba 6 iakinimin

* **1:1:** Esra 4:24-5:2; Esra 6:14 * **1:1:** Azenir kam 520, an azenir fomira Kraisin dughiamin ikezim, an dughiam Ogas 29. **1:6:** Godin Araziba 28:38-40; Hosea 8:7; Hagai 2:16

dughiar namba 24in, me ingangarir kam foregha a gami.[†]

2

Godin Dipenir igiam bar deragh

¹ Darius atrivimin itir azenir namba 2in, an iakinir namba 7in, dughiar namba 21in, Ikiavira Itir God uam akam isa, akam inigha izir gumazim Hagai ganingi.* ² God Hagai migia ghaze, “Ni mangi Judabar gumazir dapanim Serubabel Sealtilien otarim ko, Josua Jehosadakin otarim, a ofa gamir gumazibar dapanim ko, Judan ikiavira itir varazira, kamaghin me mikim suam, ³ ‘Fomira nan Dipenim ganganim bar dera, ezi ian tarazi ti an ganigha ḡinighnighavira ikiam? Datirighin ia an gari, a kamaghira garavira iti o, a pura bizir kinimin min iti?’ ⁴ Ikiavira Itir God ghaze, O Serubabel, ni tugh gavgafigh. O Josua, Jehosadakin otarim, ni ofa gamir gumazibar dapanim, ni tugh gavgafigh. Ia nguazir kamin itir gumazamiziba, ia tuivigh gavgafigh. Guizbangira, ki Ikiavira Itir Godin Gavgaviba Bar Itim ghaze, ki ia ko iti, kamaghin amizi, ia dikavigh ua ingangarim damu. ⁵ Ia fomira Isip ategha azenan izasava amima, ki ia ko Akar Gavgavim akira ghaze, ki ia ko zurara ikiam. Guizbangira nan Duam ian tongin ikiavira iti. Kamaghin amizi, ia atiatingan marki.

⁶ “Kar Ikiavira Itir Godin Gavgaviba Bar Itim kamaghin migei. Dughiar otevimin, ki ua overiam ko, nguazim ko, ongarim ko, nguazir midiarim itir biziabagħ nobagh-nobagħam. ⁷ Ikiavira Itir Godin Gavgaviba Bar Itim ghaze, Ki kantrin iħarazibagh nubaġħi me akong, uan biziż aghuir iverzir bar pın koziba inigh kagh izi, nan Dipenim ganganir aghuim damuam. ⁸ Ikiavira Itir Godin Gavgaviba Bar Itim ghaze, Kantriba bar dar itir silvaba ko golba, da bar nan biziiba. ⁹ Ikiavira Itir Godin Gavgaviba Bar Itim ghaze, Nan Dipenir igiar kam an ganganim ko, ziar ekiām bar deragh, nan Dipenir għurim gafiraham. Eghi ki biziż aviriba gumazamizibar aningti, me navir amirizim ko, dabirabir aghuim ikiam. Ki Ikiavira Itir Godin gavgaviba Bar Itim, ki mikmegħa għifa.”

God deragh gumazamiziba ko, gumazir dapanim Serubabel, damuam

(*Sapta 2:10-23*)

*Arazir miziriziba gumazamizibar
ofabagh asighasisi*

¹⁰ Darius atrivimin itir dughiamin, an azenir namba 2in, iakinir namba 9in, an dughiar 24in, Ikiavira Itir Godin Gavgaviba Bar Itim, migirigiar mam ua Hagai ganingi.[†]

¹¹ Ikiavira Itir Godin Gavgaviba Bar Itim kamaghin migei, “Ni nan azangsizir kamin mingarim gifogħfogħi, ofa bagħ amir guażibar azaragh, Moses Osirizir Arazibha mannaghin migei. ¹² Gumazitam, God ganingizir ofa gamir asiszir tuzitam inigh, uan korotiamin aven anerugh mangiti, an korotiar otevitam bretin tam o, dagħer isamiziba o, wain o, olivin borem o, dagħer guar igharagħa garitam uaghan a serieg mangi, dagħer kam God bagħvira iki bar anogoregħam o puvatigham?” Ezi Hagai ghua ofa gamir gumazibar azarazi me kamaghin migei, “Mamaghin puvatigham.”‡

¹³ Ezi Hagai ua men azara, “Gumazitam uan dafarim isi gumazir kuatam gis in datiġi, ġin dagħebar surragħti, dagħer kaba Godin damazimin mizeġħam, o puvatigham?” Ezi ofa gamir gumazibar ghaze, “Are, da mizeġħam.”

¹⁴ Ezi Hagai kamaghin migei, “Ikiavira Itir God ghaze, ‘Gumazamizir kaba ko, men kantrin me amir biziba nan damazimin kamaghira ghue. Men nighniziba ko, me amir araziba mize. Kamaghira ofan me ofa gamir dakozim amiba, da bar mogħira nan damazimin mize.’”

*God uan gumazamiziba deragh me
damuasa akam akiri*

¹⁵ Kamaghin amizi, Ikiavira Itir God ghaze, “Ia tħiġar nan dipenim inqaram dughiem, faragħa ia bativizir biziiba ia dagh nighnigh. ¹⁶ Dughiar kamin biziż maba ia batifi. Ia dagħer pozir mam aghuwa ghua ghaze, ia 4plan dagħevtarbar aghuġiham. Ezi puvati, ia dagħevtarar pumuningram aghu. Ia ghaze, ia ti wainiñ tengi ekiamin mangi, 10plan mineba tuġħiġ. Ezi puvati, ia miner 4plar tui. ¹⁷ Ikiavira Itir God ghaze, Ki aminir gavgavir fefeim itim ko, arimariar kurar mam ko, ais in amozir kuram amadazi, da izaqħirava ian dagħer ia oparizibagh asighasiki. Ia biziż kabar gara navibagh iħiġsa nighnizir puvati. ¹⁸ Datirighin namba 9in iakinim, an 24in dughiem ia nan Dipenim ingarasa, dagħiar ekiaba isa Dipenim apengen iki, gavgavim a daningasa da ariki. Kamaghin amizi,

† **1:15:** Azenir kam 520, an azenir fomira Kraisin dughiamin ikezim, an dughiem Septemba 21. * **2:1:** Dughiar kam, a Oktoba 17. **2:3:** Esra 3:12; Sekaraia 4:10 **2:5:** Ua Me Ini 29:45-46 **2:6:** Joel 3:16; Hagai 2:21; Hibru 12:26 **2:7:** Aisaia 60:4-9; Daniel 2:44 **2:8:** 1 Eghħagħaniba 29:14-16 † **2:10:** Azenir kam 520, an azenir fomira Kraisin dughiamin otozir dughiem, an dughiem Disemba 18. ‡ **2:12:** Ni Ofa Gami 6:25-27 in ganigh. **2:13:** Diboboniba 19:11-22 **2:16:** Hagai 1:6; 1:10-11; Sekaraia 8:10-12

datirighin ia bizir aghuir ki damuamibar ganam.¹⁹ Guizbangira, ian dagher dipenir ekiar dagheba ariziba, datirighin witba dar puvati. Eghzi ian wainin ikariziba ko, fighin temeba ko, pomigranetin temeba ko, olivin temeba, da tighar bam. Datirighin ikegh mangi, ki bar deraghvira ia damuam.”

Ikiavira Itir God, ziar ekiam isi Serubabel daningam

²⁰ Dughiar kamra, iakinir kamran an dughiar 24in Ikiavira Itir God, a uam Hagai migei,²¹ “Ni Judabar gumazir dapanim Serubabel, kamaghin a mikim, ‘Ki overiam ko, nguazimin itir biziha ua dagh inobagh inobaghasava ami.²² Ki kantrin ighazariba ko, atrivbar gavgaviba agivagham, egh karisba ighirarighti, dar karisbar suizir gumaziba da sara daighiregham. Eghzi hoziaha arimighiregħti, men midorozir gumaziba dikavigh kaghira uan roroabav soħġ bar me agevegham.²³ Ikiavira Itir Godin Gavgaviba Bar Itim ghaze, O Serubabel, nan ingangarir gumazim, Sealtilin otarim, dughiar kam otogħti, ki ni inighti ni guizbangira nan ziamin gumazamizibagh ativagh men ganam. Ki nirara amisefe, eżi ni mati nan atrivmin ziar ekiam ko, gavgaviba akagħamin ringin nan dafarimin itimin min ikia, gumazamiziba gegħuvamin gavgavim iti. Ki Ikiavira Itir Godin Gavgaviba Bar Itim nan migriġiaba kamaghira tu.’”

Godin Akam Inigha Izir Gumazim Sekaraian Akinafarim O Sekaraia Akar faragha zuim

Godin akam inigha izir gumazim Sekaraia, an Hagai ko ingarir gumazir mam. A uaghan nighnizir gavgavim Judabar ikia ghaze, Me uamategh Godin Dipenimin ingarigh, arazir aghuubar amuamin gumazamizibar iki. Sekaraia uaghan Godin Akamin gun migia ghaze, God dughiar aghuim damighti a me bativam.

Sapta 1--8, an akam inigha izir gumazim akam an iti, a Esekiel ko Danielin akenafarir akar e gariba, mong a dar mirara ghu. Sekaraia iredabar min garir biziбар gari, ezi an akaba, akar isin zuir aviriba iti.

Sapta 9--14, a bizi gin otivamibar gun migei, kar dughiar God ikiziba bar dar itir gumazamizibar araziba tuisighiva, egh uaghan God gumazitam amadaghtima a izi an ingangarim damuam. Akenafarir kamak akar maba akam inigha izir gumazim min mati Iesus amizir biziбар mabar mirara ghu.

Sekaraia iredabar min garir biziбар gari

(Sapta 1--6)

Ikiavira Itir God ghaze, an gumazamiziba a bagh uamategham

¹ Darius Persian kantrin atrivim itima, azenir mam givazima, an namba 2in azenimin, namba 8in iakinim, Ikiavira Itir God, migirigiar kam isava Sekaraia ganingi. Sekaraia Berekian otarim, ezi Berekia Idon otarim.

² A kamaghin migia ghaze: Ki Ikiavira Itir God, ki fomira puvira ian inazir afezibar atari. ³ Kamaghin amizi, Ikiavira Itir Godin Gavgaviba Bar Itim ia mikimasa na migei: Ikiavira Itir Godin Gavgaviba Bar Itim ghaze, ia na bagh ua iziti, ki ua ia bagh izam, kar Ikiavira Itir Godin Gavgaviba Bar Itim migirigia. ⁴ Ia uan inazir afezibar min damu ikan marki. Fomira Godin akam inigha izir gumaziba nan akam me mikira ghaze, Ikiavira Itir Godin Gavgaviba Bar itim ghaze, ia pazavira itir arazir kuraba ataghiragh. Ezi me na barazi puvatigha, nan gin izir puvati. Kar Ikiavira Itir Godin migirigiam. ⁵ Ian ovaviba ko, Godin

akam inigha izir gumaziba, me datirighin itir puvati, me bar ariaghire. ⁶ Nan akam inigha izir gumaziba, kar nan ingangarir gumaziba, me nan akaba ko, arazir ki ifongeziba isa ian ovavibagh aningizi, me me baraghan aghuaghga osintizibar aven zui. Egha gin me navibagh iraghogha fogha ghaze, Ikiavira Itir Godin Gavgaviba Bar Itim, fomira mikemezi moghin, en arazir kurar kaba bangin ivedir kuram e ganingi.

*Akam inigha izir gumazim irebamin min
garir bizimin, hozziabar gari*

⁷ Darius atrivimin itima, an namba 2 azenimin, egha an namba 11in iakinim, kar Sebatin iakinim, an dughiar 24, Ikiavira Itir God migirigiar mam irebamin min garir bizim na ganingi. Ki Sekaraia, ki Godin akam inigha izir gumazir mam, ki Berekian otarim, ezi Berekia a Idon otarim.* ⁸ Ki dimangan irebamin min garir biziбар mamin garima, Ikiavira Itir Godin enselin mam, hozziabar aghevim gaperagha izi. A iza danganir zarir mamin tevsevibar tongin tughav itima, an akirangin hozziabar agheviba ko, baghiraviba dukumiziba koma, ghurghuriba tuivighav iti. Ezi enselin maba hozziabar kabagh apiaghav iti. ⁹ Ezi ki azara, “Nan gumazir ekiam, biziбар kabar mingarim, manmakin?” Ezi enselin na migeim, na ikanaghha ghaze, “Ki dar mingarim ni akaghama.” ¹⁰ Ezi enselin faragha zuim, a tevsevibar tongin tughav ikia na migia ghaze, “Ikiavira Itir God uan enselin kaba amadazi, me ghua nguazir oteviba bar dar gari.”

¹¹ Ezi enselin ighazariba, enselin faragha ghua tevsevibar tongin tughav itim kamaghin a migei, “E nguazim bar a garua garima, nguazim min gumazamiziba bar moghira osintizibar puvatigha deraviram apia.” ¹² Ezi Ikiavira Itir Godin enselin faraghavira zuim kamaghin migei, “O Ikiavira Itir Godin Gavgaviba Bar Itim, ni 70plan azenibar Jerusalem ko, Judan nguibar ekiaba bagha atara navim bar nin ikuvi. Ni bar dughiar manamra ua men apangkuvigham?”

¹³ Ezi Ikiavira Itir God, apangkuvir akaba ko, gavgavim anidir migirigia enselin na migei kam ganidi. ¹⁴ Ezi enselin kam, Ikiavira Itir Godin Gavgaviba Bar Itim akam akunasa na migei: Ki ifongiar bar ekiam ko, apangkuvir nighnizim Jerusalem bagha iti, an ziar mam Saion, a nan nguibar ekiam. ¹⁵ Ki fomira uan gumazamiziba mong men atara, egha Kantron Ighazaribar Gumazamizibav mikemezi, me iza mizazim me gase. Me izava

1:1: Esra 4:24-5:1; Esra 6:14 **1:3:** Jeremaia 25:5; Maikai 7:19; Malakai 3:7; Luk 15:20; Jems 4:8 * **1:7:** Azenir kam 519, a Krais tighar otivamin dughiamin fomira otozir dughiam, ezi an dughiam, 15 Februari. **1:8:** Akar Mogomem 6:2-4

amiraghavira me gasighasighizir puvati. Me, me gasighasighamin mitaghniham gafiraghha bar me gasighasiki. Ezi kantrin igharaziba datirighin osimtiziba puvatigha deraghavira iti. Ezi ki osimtizir ekiam men iti.¹⁶ Kamaghin amizi, Ikiavira Itir God ghaze, Ki ua Jerusalemin uan apangkuvun men akaghosa izegha gifa. Ikiavira Itir Godin Gavgaviba Bar Itim ghaze, Me nan Dipenimin ingarighti, a ua Jerusalemin tugham. Mati gumazim dipenimin ingarasa benibar an ababaniba asi moghin, me Jerusalemin nguubar ekiam, an ababaniba asi, egh bar aneghuigham.

¹⁷ Ezi ensel uaghan kamaghin akam akunasa na migia ghaze, "Ikiavira Itir Godin Gavgaviba Bar Itim ghaze, An nguubar ekiaba bizir aghuir aviriba dagh izivagham. Eghia gumazamiziba deraghvira ikiam. Ikiavira Itir God, gavgavim ua Saion daniting, a ua tugh gavgavigham. Egh ua baghvira uam Jerusalem ginabagham."

Sekaraia irebamin min garir bizimin aven bulmakaun kombar gani

¹⁸ Ki irebamin min garir bizimin aven, bulmakaun komin 4plan gari. ¹⁹ Egha ki enselin na ko migeimin azara, "Kar manmaghin amizir biziba?" Ezi a kamaghin na ikara, "Komin kaba, dar mingarim kamakin, da Judaba ko, Israelia ko, Jerusalemin gumazamiziba gasighasigha me aghamsighizir kantriba."

²⁰ Egha Ikiavira Itir God, 4plan ingangarir gumaziba nan akazima, me vaghvaghha haman ainbav sozibar suiki. ²¹ Ezi ki an azara, "Gumazir kaba tizim damuasa izi?" Ezi a kamaghin na ikara, "Kantrin pazavira Judan nguazim gamua an gumazamiziba aghamsighiziba, ingangarir gumazir kaba izi, me damutti me atiatingti me bar men gavgaviba dikabiraghram."

2

Sekaraia ingangaribagh amir benir abanim, irebamin min garir bizimin aven an gari

¹ Ki kogha irebamin min bizir mamin garima, gumazir mam ababanibagh amir benir mamin suira. ² Ezi ki an azara, "Ni managh zui?" Ezi a kamaghin na ikara, "Ki Jerusalemin ababanim damuva, an arozim ko, an ekiam gifoghosa zui."

³ Ezi ki garima, enselin faragha na migeim zuima enselin igharazim iza a batogha, ⁴ kamaghin a migei, "Ni ivegh mangi gumazir igiar munam mikim suam, 'Gumazamiziba ko, asizir aviriba bar avirasemegham, kamaghin amizima, me

Jerusalemin divazibar biribar ingaran iburaghram. ⁵ Eghti ki Ikiavira Itir God, ki uabi deragh an ganam, mati ki birir avimin min an divazim aghuigham. Egh ki an aven iki, an angazangarim ko gavgavimin min ikiam."

God Judabar diazima me uamategha uan nguazimra ize

⁶⁻⁷ Ikiavira Itir God uan gumazamiziba kamaghin me migei, "Ia izi! Ia izi! Ki fomira tintinbar ia aghamsighizi, ia nguazir kamin danganiba bar dar ghue. Ezi datirighin, ia kalabusin itiba, ia Babilonin nguubar ekiam ategh ari ua Saionin izi. Ia dikavigh zuamira izi!"

⁸ Ikiavira Itir Godin Gavgaviba Bar Itim, uan ziar ekiam bangin gavgavim na ganiga, kantrin pazavira an gumazamizibagh amiba, a me mikimasa na amadaghha ghaze, "Tina paza me gami, a paza nan bizir bar pin kozim gami." ⁹ Ki uabi iveauz kuram me daningasava ami, eghia gumazamizir me abirazi men ingangarir gumazir kinibar ikeziba, me dikavighiva, uan apaniba pazavira me damuva me da men biziha iniam." Bizir kam otoghtima, me bar fogh suam, Ikiavira Itir Godin Gavgaviba Bar Itim, na amada.

¹⁰ Egha Ikiavira Itir God ua ghaze, "Ia Saionin nguibamin gumazamiziba, ia mati nan guivir ki ifongezim, ia araghasiswa bar akongezir ighiabar amu. Bar guizbangira, ki uabi izi ian tongin ikiam. ¹¹ Dughiar ekiar ki ian akurazi kamin, kantrin avirabar gumazamiziba Ikiavira Itir God bagh izi, an gumazamizibar ikiam. Guizbangira, ki izi ia ko ikiva ian tongin ikiam." Bizir kam otoghti, ia fogh suam, Ikiavira Itir Godin Gavgaviba Bar Itim, a uabi na amadazi ki ia bagha ize. ¹² Eghia Judaba, Ikiavira Itir Godin kantrin kamra iki, egh me an damazimin bar faraghivira ikiam. Eghia a bar Jerusalem gifueghiva, ua bagh anemisevegham. A Jerusalem gifongezi moghin, nguubar ekiatam gifueghan kogham.

¹³ O gumazamiziba, ia pura ikiva oragh! Ikiavira Itir God dikavigha uan Nguibam ategha e bagha izasava ami. Kamaghin amizi, e bar moghira uan akabar kumigh nimira ikiva a mizuamam.

3

Sekaraia irebamin min garir bizimin aven ofa gamir gumazibar dapanim gani

¹ Egha ki irebamin min garir bizir mamin aven garima, Ikiavira Itir God ofa gamir gumazibar dapanim Josua, nan aka. Josua

Ikiavira Itir Godin enselin boroghin tughav iti. Ezi Josuan agharir guvimin amadaghan, Satan tughav ikia, a isi kotiam darighasava ami. ² Ezi Ikiavira Itir God kamaghin Satan migei, “Satan, ki Ikiavira Itir God, nin atara ghaze, ni akatam mikiman kogham! Ki Ikiavira Itir Godin Jerusalem gifongezim, ki ni migia ghaze, ni nimira iki. Gumazir kam Josua, ki uam a ini, a mati gumazim aviradiar avim isim inigha anemunge.”

³ Ki garima, Josuan korotiam bar pughpurizima a enselin boroghin tughav iti.

⁴ Ezi enselin kam, enselin an faragha tuivighav itibav gia ghaze, “Ia korotiar pughpurir an aghuiziba suegh.” Egha a Josua migia ghaze, “Ni oragh. Ki nin arazir kuramin osimtizim ko, korotiar pughpurir kaba suegha gifa. Ki datirighin korotiar igiaba ni daningam.” ⁵ Ki kamaghin migei,

“Kamaghin ti deragham, me inir zuruzitam inigh Josuan dapanim gighuigh a ikegh.” Ezi ki mikemezi moghin, me ami. Ikiavira Itir Godin ensel an boroghin itima, enselin ighazariba korotiar igiaba Josua gazui.

⁶ Ezi gin Ikiavira Itir Godin ensel kamaghin Josua migei, ⁷ “Ikiavira Itir Godin Gavgaviba Bar Itim ghaze, ni nan Akar Gavgavibar gin mangiva, ingangarir ki ni daningamiba ni bar dar amuti, ki ni ateghti ni nan Dipenim ko, bizir nan ziam feba ni dar ganam. Egh ki ni ateghti, ni enselba ami moghin, nan boroghin izam. ⁸ Ofabagh amir gumazibar dapanim Josua, ni oragh. Ezi ia ofa gamir gumazir igharaziba, ia uaghan oragh. Ia mati bizir aghuir gin otvamibar ababanir gumaziba. Ia oragh. Ki uan ingangarir gumazim amadaghti a izam, an ziam Temer Ghuzir Igiam. ⁹ Ki Ikiavira Itir Godin Gavgaviba Bar Itim, ki dagiar aghuir mam inigha Josuan boroghin aneti. Dagiar kam, a 7plan damaziba iti. Eighti dagiar kam gisin, ki akatam osirigham. Egh ki dughiar vamiran, nguazir kamin arazir kurabar osimtizim gin amangam. ¹⁰ Ki Ikiavira Itir Godin Gavgaviba Bar Itim, ki ghaze, dughiar kam otoghtima, ia vaghvagh uan namakaba inigh izi ia ko ikiam. Eighti me ia ko wainin azenibar daperagh fighin temebar apengan iki, avughsi deraghvira ikiam.”

4

Sekaraia irebamin min garir bizimin, golin ingarizir lamen aghorimin gari

¹ Ezi Enselin faraghavira na ko migeim, a uamategha na bagha iza, mati gumazim akuima me a gaghuri moghin, a na gaghuri.

² Egha a kamaghin nan azara, “Ni tizimin

gari?” Ezi ki ghaze, “Ki garima, me golin ingarizir aghorim ko, borem arighamin itarir ekiam, an pin iti. Ezi golin itarir ekiar kamin 7plan lamin aghoriba a gaseghav ti. Ezi 7plan lamin kaba, da vaghvaghborer itarir ekiamin itim gekuasa 7pla wikba iti. ³ Ezi olivin temer pumuning itima, lamin aghorir kam aningin tizimning tughav iti, mam vongin itima mam vongin ti.”

⁴ Ki kamaghin ganigha enselin azara, “Nan gumazir ekiam, bizir kabar mingarim manmakin?” ⁵ Ezi enselin na ko migeim nan azara, “Ni fos ti puvati?” Ezi ki kamaghin a ikaragha ghaze, “Gumazir ekiam, ki fozir puvati.”

God Serubabel bagha akam akiri

⁶ Ezi ensel Ikiavira Itir Godin akam, gavmanin gumazir dapanim Serubabel daningasa, kamaghin na migei, “Kar, Ikiavira Itir Godin Gavgaviba Bar Itim akam: Ni ingangarim damusi, ni uan midorozir gumazibar gavgavim ko, ni uan gavgavim amodoghin bizar amuam marki. Bar marki. Nan Duamin gavgavim ni ko ikiti, ni gavgavir kamin amodoghin ingangaribar amuam. ⁷ Eghti bizir ekiaba mati mighsiaba ni tuavim apirti, ki bar da batueghti da voroghira ikiam. Eighti ni ua nan Dipenimin ingaram, egh ni dagiar abuananan nan dipenim datighti, gumazamiziba tiariba akar suam, ‘Dipenir kam a bar dera. God deraghvira a damul’”

⁸ Egha Ikiavira Itir God ua migirigar mam na ganiga ghaze, ⁹ “Serubabel uan darfirminningin nan Dipenimin ingarasa dananim akirigha gifa. Egh a ubi an ingar anegivagham. Nan Dipenim givaghamin dughiamin, nan gumazamiziba fogh suam, ki Ikiavira Itir Godin Gavgaviba Bar Itim, ki ubi ni amadazi ni me bagha ghu. ¹⁰ Me ingangarimin garima a zuamira dikavigha zuir puvati, ezi men naviba bar oseme. Egh me Serubabelin gantima, an ain itir ikarizimin suiragh nan dipenimin ingaram. Me fo, ikarizir kam, dipenir ingangariba voroghira zuir ababanim. Eighti me ganigh fogh suam, dipenir ingangarim deraghvira zui, eghti me bar akongegham.”

Ensel Sekaraia irebamin ganizir lamba ko, olivin temer pumuningin mingarimin, gun a migei

Ensel ua kamaghin na migei, “Lamin 7plan kaba da Ikiavira Itir Godin damazibar ababanimin min iti. A zurara nguazir kamin oteviba bar dar gari.”

¹¹ Ezi ki an azara, “Olivin temer pumuning, lamin aghorimin agharir guvimir ko, agharir kiriimin tughav itimningin

mingarim manmaghin ghu?” ¹² Egha ki uam an azara, “Kar olivin aguar manmaghin amizimning, aningin boroghin golin borem, golin itamningin torimin aven iuemara ghuaghiri?”

¹³ Ezi a kamaghin nan azara, “Ni ti fozir puvati, a?” Ezi ki ghaze, “Puvati, nan guazariz ekiam.” ¹⁴ Ezi ensel kamaghin na migia ghaze, “Olivin aguar kamning, aning gumazir pumuningin ababanim gami. Ekiam, a nguazir kamin oteviba bar dar gari, egha uan ingangarin damuasa aning amisevegha, borem isa aningin dapanimning ginge.”

5

Sekaraia irebamin min garir bizimin garima, akinafarir irighizir mam mighegha zui

¹ Ki ua kogha gara irebamin min bizar mamin garima, akinafarir irighizir mam mighegha zui. ² Ezi ensel na migia ghaze, “Ni bizar tizimin gari?” Ezi ki ghaze, “Ki garima akinafarir irighizir mam mighegha zui. Ezi an ruarim 10 mitan tu, ezi an arozim 5 mitan tu.”

³ Egha a kamaghin na migei, “Akinafarir kam ghaze, dughiar kuram otogh mangi nguazir kamin itir gumazamiziba bar me avaragham. Ezi akinafarir kamin osizirir mam ghaze, gumazir okeiba, God kantrin kamin me batuegham. Ezi akinafarir kamin osizirir ighazarir mam ghaze, te ifavaribagh amua pura pin akakgha ghaze guizbangira, a uaghan me batuegham.” ⁴ Ikiavira Itir Godin Gavgaviba Bar Itim ghaze, “Ki akar kam amadazima, a zui, ehti a mangi okeir gumaziba ko, gumazir ifavaribagh amua pura nan ziam diboriba, a men dipenibar aven mangam. Egh akinafarir kam men dipenir akiniba ko, dagiaba bar da agivaghti, gumazir kaba bar ikuvigham.”

Sekaraia irebamin min garir bizimin garima, amizir mam akiramin aven iti

⁵ Ezi ensel uam otoga, na migia ghaze, “Ni gan. Bizir ighazarir mam ua izi.” ⁶ Ezi ki an azara, “Bizir tizim?” Ezi a ghaze, “Kar akirar mam. Egha akirar kam a mati, kantrin kamin itir gumazamiziba bizar kurar me ifongezibar ababanimin min* iti.”

⁷ Akirar kamin asuam, me ainin an ingari. Ezi ki garima an asuam kuiaghiri, an aven amizir mam aperaghav iti. ⁸ Ezi ensel ghaze, “Amizir kam, an arazir kuraba bar dar nedazimin min iti.” A mikemegha

givagha uam amizim abiragha, akiramin asuam dukua. ⁹ Ezi ki kogha pin gara amizir pumuningin garima, aning aviziba ikia na bagha izima, aminim iva aningin avizibar akurvazi, aning mighegha nan amadaghan izi. Aningin avizibar ganganiba ekevegha, mati kuarazir bagamin aviziba. Ezi aning akirar kam inigha pin mighegha nguazim ko, overiamin tizimning zui.

¹⁰ Ki amizir kamningin ganigha kamaghin enselin azara, “Kaning akirar kam inigha managh zui?” ¹¹ Ezi ensel kamaghin na ikara, “Aning akirar kam inigh Babilonin mangiva, a bagh an ziam famin dipenir ekiatamin ingaram. Aning dipenimin ingarigh givaghiva, akirar kam an averiam datigham. Eghti Babilonian gumazamiziba me dipenir kamin an ziam fam.”

6

Sekaraia irebamin min garir bizimin garima, 4plan karisba iti

¹ Ki gin ua kogha irebamin min bizar mamin garima, karisin 4pla iti, me brasin mighsiar pumuningin tizimin iza, azenan oto. ² Karisin faragha izim, hoziar agheviba a kurvasi. Ezi an gin izir karis, hoziar piziba a kurvasi. ³ Ezi aningin girara izir karis, hoziar ghurghuriba a kurvasi. Ezi bar dar gin izir karis, baghiraviba dukumizir hoziabu a kurvasi. Ezi hoziar kaba gavgaviba dar iti. ⁴ Egha ki kamaghin enselin azara, “Nan gumazir ekiam, karisin 4plan kabar mingariba manmaghin ghu?”

⁵ Ezi a kamaghin na ikaragha ghaze, “Karisin 4plan kaba, da 4plan amirin overiamin pin itibar ababanim gami. Da datirighira nguazir kamin oteviba bar dar garir Ekiamin damazimin ikegha, anetegha izi.” ⁶ Hoziar piziba mikirvazir karis, a notin amadaghan itir kantrin zui. Ezi hoziar ghurghuriba mikirvazir karis, a kantrin aruem ghuaghiri naghin itimin zui. Ezi baghiraviba dukumizir hoziabu mikirvazir karis, a sautin amadaghan itir kantrin zui.*

⁷ Hoziar aghuir kaba, azenan otivigha, zuamira kantribar mangi da getiasava ami. Ezi ensel ghaze, “A dera, ia mangi.” Ezi me ghue. ⁸ Ezi ensel pamtemin nan diagha ghaze, “Hoziar notin amadaghan itir kantribar ghueziba, me navir amirizim isa Ikiavira Itir Godin Duam ganangi.”

God Sekaraia migei, An atrivibar dapanir asuam isi Josuan dapanim daghuam

⁹ Ezi Ikiavira Itir God akar kam na ganiga ghaze, ¹⁰ “Ni datirighin Sefanaian

* 5:6: Hibrun akam deragha akar kamin mingarim abighizir puvati. 6:2: Akar Mogomem 6:4-5 6:3: Akar

Mogomem 6:2 6:5: Akar Mogomem 7:1 * 6:6: Hibrun akam deragha akar kamin mingarim abighizir puvati. Gumazir maba kamaghin nighnisi, e akar kam giraka, “An aruem uaghiri naghin uaghiri,” mati, “a ghua hoziar pizibar gintisi.” Gumazir avirim kamaghin nighnisi, “kantrin notin amadaghan itir kam,” a kantri Babilonian ababanim gami.

otarim Josaian dipenimin mangi otogh, gumazir 3plan kaba, Heldai, Tobia ko, Jedaia, me dama silvaba ko, golba inigh. Me Babilonin kalabus ategha Jerusalemin iza datirighram oto. ¹¹ Egh ni me da silvaba ko, golba inigh, dar atrivir dapanirasuamin ingarigh. Egh a inigh mangi ofa gamir gumazibar dapanim Josuan dapanim darugh, a Jehosadakin otarim. ¹² Egh ni kamaghin an mikim, Ikiavira Itir Godin Gavgaviba Bar Itim ghaze, ‘Gumazir mam, me kamaghin a dibori, Temer Ghuzir Igiam. Eghti an aghunigh aguar ekiam gavagh bar deraghviram otogham. Egh a gin Ikiavira Itir Godin ziam fer Dipenimin ingaram. ¹³ Guizbangira, a uabi Ikiavira Itir Godin Dipenimin ingaram. Eghti gumazamiziba atrivimin min ziar ekiam a daningam. Egh a uan atrivir dabirabim daperagh gumazamizibagh ativagh men ganam. Eghti ofa gamir gumazitam an atrivir dabirabim boroghin tughiv iki, aning uaning inigh ingariva, uaghara navir amirizimin fofozim aningin tongin ikiam.[†] ¹⁴ Eghti atrivimin dapanirasuam, Ikiavira Itir Godin Dipenimin even ikiam. Eghti gumazamiziba atrivimin dapanir asuar kamin ganiva God ginighnigham. Eghti gumazir kaba, Heldai, Tobia, Jedaia, ko, Sefanaian otarim Josaia, atrivimin dapanirasuamin ganamin ingangarim, men dafaribar ikiam.’

¹⁵ “Eghti gumazamizir saghuiamin itiba iziva, men akuragh Ikiavira Itir Godin Dipenimin ingaram. Eghti ia kamaghin foghsuam, Ikiavira Itir Godin Gavgaviba Bar Itim ia bagha na amada. Ia bar deravira Ikiavira Itir Godin Akar Gavgaviba baragh dar gin mangi, eghti bizar kaba otivigham.”

God osimtzibar itir dugham agivagh, bar akongezir arazim damighthima an otogham

7

(Sapta 7--8)

Ikiavira Itir God ghaze, ia dagheba ataghizarir ifavarir arazim damuan marki

¹ Darius atrivimin itir dugham, an namba 4in azenimin, an iakinir namba 9, me Kislot a garisi, an aruer namba 4in, Ikiavira Itir God akar mam na ganangi.*

² Dughiar kamin Betelin nguibamin gumazamiziba, Sareser ko, Regemelek ko, men adarazi amangizi, me Ikiavira Itir Godin Gavgaviba Bar Itimin Dipenimin ghue. Me deragh uari damuasa, ghua Ikiavira Itir God ko migei. ³ Egha me kamaghin ofa gamir gumaziba ko, Godin akam inigha izir gumaziba men azangsighasa, “Azenir aviriba givazima, Ikiavira Itir Godin Gavgaviba Bar Itimin Dipenim ikuvigha iti. Ezi e a bagha bar osemehta aziavira iti, egha e zurara namba 5in iakinibar dagheba ataghiras. E ti zurara kamaghin damuam, o?”

⁴ Ezi Ikiavira Itir Godin Gavgaviba Bar Itim kamaghin na migei,⁵ “Ni kantrin kamin gumazamiziba ko, an ofa gamir gumaziba kamaghin me mikim, ‘Guizbangira, 70plan azeniba dar namba 5in iakiniba ko, namba 7in iakiniba ia dagheba ataghiragh azia aghuimazimin iti. Ezi ia nan ziam fasa arazir kam gamizir pu. Bar puvati. ⁶ Egha ia apir dughiabar, ia pura uan navibar amuti da izivaghaha ia api.”

⁷ Fomira Ikiavira Itir God uan akar kam, uaghan gumazamizibav kinasa akam inigha izir gumazibagh aningi. Dughiar kamin, Jerusalem deravira itima bizir aghuir aviriba a gizifa. Dughiar kamin, Jerusalem ko, nguibar ekiar an boroghin itiba ko, sautin amadaghan itiba ko, mighsiar dozir aruem ghuaghiri naghin itiba, gumazamizir aviriba bar dagh izifa.

*Ikiavira Itir God, Judaba kalabusin ikezir
bizimin mingarimin gun Sekaraia migei*

⁸ Ezi Ikiavira Itir God, akar mam ua Sekaraia ganiga ghaze, ⁹ “Bar fomira, ki Ikiavira Itir Godin Gavgaviba Bar Itim, akar kam uan gumazamizibagh aniga ghaze, ia arazir aghuibara damu gumazamizibar araziba akir. Egh ia uan adarazir apangkuv men akurvagh. ¹⁰ Ia pazivira amizir paba ariaghirezibar amuan marki. Egh borir afeziba ariaghireziba ko, gumazamizir saghuiamin iza ia ko itiba ko, gumazamizir biziwa puvatiziba, ia paži me damuan marki. Egh ia uaghan uan adarazi gasighasighan marki.

¹¹ “Ezi gumazamiziba akaba baraghan aghuaghia uan kuaribav konegha, uan nighnizibar kumi. ¹² Guizbangira, me uan dapanibagh amizi da dagiabar min gavgafi. Me nan akam baraghan aghua, ki Ikiavira Itir Godin Gavgaviba Bar Itim. Nan Duam akar kam me bagha a isa nan akam

^{6:12:} Jeremaia 23:5; 33:15; Sekaraia 3:8 [†] ^{6:13:} Hibrun akam deragha migirigiar kamin mingarim abighizir puvati. Gumazir maba kamaghin nighnigha ghaze, a kamaghin migei, “A nan dipenimin ingarigh egh, an atrivim ko ofa gamir gumazimin min iki egh uan gumazamizibagh ativagh men ganam. Eghti an atrivim ko ofa gamir ingangarir an amir kam bar deraviram otogham.” * ^{7:1:} Azenir kam 518, an azenir fomira Kraisin dugham, ezi an aruem Disemba 7. ^{7:9:} Ua Me Ini 22:21-22; Ofa Gami 19:17-18; 25:35; Godin Araziba 10:17-19; 15:11; Jeremaia 7:5-6; 22:3

inigha izir gumazibagh aningi. Ezi me akar kamin gin zuir puvati, ezi ki puvira men atari.¹³ Me nan akaba barazir puvatizir bizim bangin, ki men azangsiziba barazi puvati. Ki Ikiavira Itir Godin Gavgaviba Bar Itim kamaghin, ki mikemegha gifa.¹⁴ Bar guizbangira, ki me batoghezi, me ghua Kantrin Igharazibar Gumazamizibar tongin, pura guighav iti, mati aminir ekiam bizibagh ivara. Ezi men nguazir aghuir kam, danganir kuramin min otozi, gumazitam uam a garuir puvati.”

8

*Ikiavira Itir God, ua deragh Jerusalem
damuasa akam akiri*

¹ Ikiavira Itir Godin Gavgaviba Bar Itim akar kam Sekaraia ganingi. ² Ikiavira Itir Godin Gavgaviba Bar Itim ghaze, “Ki bar Saionin nguibamin gumazamizibagh ifonge. Kamaghin amizi, ki men akurvaghosa. Ki bar me gifonge, men apaniba bagha navim isia bar ikufi. ³ Ki uamategh izi Saionin nguibamin aven ikiam, an ziar mam Jerusalem, a bar guizbangira nan nguibar ekiamra. Jerusalem, a ki Ikiavira Itir Godin Gavgaviba Bar Itimin mighsiam, eghiti me kamaghin a dipon suam, Godin Mighsiar Anogoroghezim. Eghiti ikizir igharazibar gumazamiziba Jerusalemin gumazamizibar gan suam, ‘Guizbangira, Jerusalemin deraghavira Ekiamin gin zui.’ ⁴ Ki Ikiavira Itir Godin Gavgaviba Bar Itim, ki ghaze, Midoroziba ko, osimtiziba Jerusalemin otivan kogham. Eghiti gumazamiziba iki bar ghurigh asadivir aghoribar suigh an tuavibar daruam. Egh me nguibar ekiamin uari akuvir danganiba bar, me pura tintinibar dapiagh avughsam.⁵ Eghiti borir doziba nguibar ekiamin uari akuvir danganibagh izivagh ikararang ikiam.

⁶ “Ki Ikiavira Itir Godin Gavgaviba Bar Itim, ki ghaze, gumazamizir kabar varazira, me kamaghin nighnisi, ki mikemezir bizaiba ti otivan kogham. Ezi ki Ikiavira Itir Godin Gavgaviba Bar Itim kamaghin nighnizir pu. Puvati. Ki biziba bar dar amuamin gavgavim iti, ki dar amusi dar amuam.”⁷⁻⁸ Egha Ikiavira Itir Godin Gavgaviba Bar Itim ghaze, “Ki uan gumazamizir kantrin aruem anadi naghin itiba ko, kantrin aruem uaghiri naghin itiba, ki men akurvaghosa amu. Ki me inigh ua Jerusalemin iziti me an ikiam. Eghiti me nan gumazamizibar ikiti, ki men Godin ikiam, egh guizin araziba ko arazir aghuibar me damuam.”

⁹ Egha Ikiavira Itir Godin Gavgaviba Bar Itim ghaze, “Ia uan aghariba gavgavim dar aning, nan Dipenimin ingar. Godin akam inigha izir gumaziba, me fomira Ikiavira Itir Godin Gavgaviba Bar Itimin Dipenimin ingangarim forir dughiamin ikitia Godin akamin gun migei. Ezi ia datirighin men akatoribar otivizir akabara ia ua dagh nighnigh.¹⁰ Akam inigha izir gumaziba tighar izi akar kam akunamin dughiamin, bar faraghavira, ingangarir gumaziba ko ingangarir asizibagh izezamin dagiaba puvati. Ezi apaniba dughiaabar pura tintinibar arua osimtizibagh amima, gumazamiziba avughsaziba puvati. Ezi ki me gamima, namakaba uarira uariv sosi, ezi men dabirabim derazir puvati. ¹¹ Ezi Ikiavira Itir Godin Gavgaviba Bar Itim ghaze, Ki fomiram amizir arazim, ki datirighin itir varazira damigan kogham.¹² Ki me ateghti, me navir amirizim ko, dabirabir aghuim ikitia uan azemiba oparam. Eghiti amozi ekiar aviriba izitima men wainin ikariziba bitima, men dagheba deraviram otivam. Nan gumazamizibar ikiavira itir varazira, ki me bagh bizar aghuir kabar amuuam.¹³ Ia Judaba ko Israelia, ia uagharam oragh. Fomira Kantrin Igharazibar Gumazamiziba ian garima, ian araziba ikuvizima me uan apanibav migia ghaze, ‘E kamaghsua, Judaba ko, Israelia ikuvizzi moghin, ia uaghan ikuvigham.’ Ezi datirighin, ia Judaba ko, Israelia, ki ua ia inigh deraghvira ia damuam. Eghiti Kantrin Igharazibar Gumazamiziba ian gan, uan akar gumazibav mikim suam, ‘E kamaghsua, ia Judaba ko, Israelia bar deravira iti moghin, ia bar deravira ikiam.’ Kamaghin amizi, ia atiatingan marki! Ia tuivigh gavgavigh iki!”

¹⁴ Ezi Ikiavira Itir Godin Gavgaviba Bar Itim kamaghin migei, “Fomira ian inazir afeziaba na gamizima, ki me basemegha me gasighasighasava ami. Egha ki uan nighnizim girazir puvati. Ki Ikiavira Itir Godin Gavgaviba Bar Itim, ki men aningagheghe me gasighasiki.¹⁵ Egha ki datirighin ghaze, Ki ua deragh Jerusalemia ko, Judabar amuasava ami. Kamaghin amizima ia atiatingan marki.¹⁶ Egh ia arazir kabar amu: Ia bar moghirama guizin akabar gumazamizir igharazibav kim. Egh ia kotiamin deragh guizin akam akirighti, migirigiba bar givagham.¹⁷ Ia arazir kurabar gumazamizir igharazibar amusi nighnighan marki. Ia kotiamin mitivigh, akar ifavaribar amuan marki. Ki ifavarir arazim ko, kotiam oteghavkirir arazim ko, uarir atara uariv sozir araziba, ki bar dar aghua.”

¹⁸ Egha Ikiavira Itir Godin Gavgaviba Bar Itim migirigar ighazarir mam ua Sekaraia ganingi. ¹⁹ Ikiavira Itir Godin Gavgaviba Bar Itim kamaghin migei, “Ia iakinir namba 4, ko 5, ko 7, ko 10in, ia dar aruer maba ia osimtizir ia bativiba dagh nighnigha dagheba ataghirasi. Ezi osimtizibar dughiar kaba, da Judaba bar akongeghamin dughiar ekiaba. Kamaghin amizi, ia guizin akaba ko, gumazamizir ighazariba ko, deraghvira dapiaghamin araziba bar dagh ifongegh, dar amu.”

²⁰ Egha Ikiavira Itir Godin Gavgaviba Bar Itim ua kamaghin migei, “Gin nguabar ekiar aviribar gumazamiziba ua Jerusalemin izam. ²¹ Eghti nguabar ekiar mamin gumazamiziba kamaghin nguabar ekiar ighazarimin gumazamizibav kim suam, ‘E Jerusalemin mangiva Ikiavira Itir Godin Gavgaviba Bar Itimin ziam fiva deragh uari damusi, an azangam. Ia e ko izi.’ ²² Ezi ikizir ighazarir aviriba ko, kantrin gavgavir aviribar gumazamiziba, me Jerusalemin iziva Ikiavira Itir Godin Gavgaviba Bar Itimin ziam fiva, deragh uari damusi an azangsigham. ²³ Ki Ikiavira Itir Godin Gavgaviba Bar Itim, ki ua kamaghin migei, Dughiar kamin saghon itir nguibabar gumazamizir 10pla iziva Judan gumazitamin korotiar otevitamin suiragh a mikim suam, ‘E kamaghin oraki, God ia ko iti. Kamaghin amizi, e uaghan ia ko ikizir vamiran ikiasa ifonge.’”

Ikiavira Itir God uan gumazamizibar akuraghs, bizar igharaghha garibar amighti da otivam

9

(Sapta 9-14)

God Kantrin Igharazibar Gumazamiziba, iveau kuram me daningam

¹ Ikiavira Itir God kamaghin uan akam na ganiga ghaze, Ikiavira Itir God, Distrik Hadranko, Damaskusin nguabar ekiam daperagh avughsikiam. Guizbangira, a uan damazimming Israelian anababar gari moghin, a kantriba bar dar gumazamizibar gari. ² Egha uaghan a Hamat, a nguabar ekiar Distrik Hadrakin boroghin itim, ko, Tairin nguibam ko, Saidonin nguibamin gari. Tair ko Saidonin gumaziba

ti ghaze, me fofozir aghuir aviriba iti. Ezi Ikiavira Itir God guizbangira uaghan men gari. ³ Tair, a nguabar ekiar gavgavimin oto. Ezi an gumazamiziba uari bagha divazir mitiar bar gavgavimin ingarigha uan nguabar ekiam avini. Me uaghan uari bagha silvan aviriba gegrhu, da nguazir minezibar min iti. Ezi me golin bar aviriba itima, da men damazibar pura bizar kinbar min iti. ⁴ Ezi puvati, Ekiam men bizir aghuiba bar da batuegham. A Tairin biziba ko, an divazir mitiar bar gavgaviba, a bar da isi ongarim da kunigham. Eghti apaniba izi men nguabar ekiam daborogh bar a gasigasigham.

⁵ Eghti Askelonin nguabar ekiamin gumazamiziba bizir kamin ganigh bar atiatigham. Me uaghan kuram iniam, eghti men nguibam, gumazamiziba gin an ikiian kogham. Eghti Gasaba uaghan bizir kamin ganti, osimtizir ekiam me batogham, mati amizim borim batamin mizazim a bato. Eghti men atrivim aremegham. Eghti Ekronba uaghan bizir kamin ganiva osimtizir ekiar kam iniam, mati amizim borim batasa mizazim isi. Me kamaghin nighnsi, Tairba ti men akuragham. Ezi puvati, me bar ikuvigham. ⁶ Eghti gumazir pura tighin itir ighazariba izi Asdotin nguabar ekiamin ikiiam. Ikiavira Itir God kamaghin migei, “Filistian kaba, me gumazir uari fa akaba batoziba, ki bar me dikabiragham. ⁷ Eghti Filistian ikiavira itir varazira, me nan gumazamizibar min otivigh Judan anababar tongin ikiiam. Jebusia* fomiram amizi moghin, Ekronba datirighin nan gumazamizibar ikiiam. Kamaghin amizima, me ghuziba itir asizir tuzibar aman koghiva, uaghan Judaba ataghizir dagheba, me dar aman kogham.[†]

⁸ “Ki uan gumazamizibar garima me mizazir ekiam ini. Kamaghin amizi, ki uan kantri gegrhu, midorozir gumaziba atehtima, me nguazir kamin izeghan kogham. Ki uan apaniba atehtim me ua nan gumazamiziba abiniva arazir kurabar me damuan kogham.”

Guizin atrivim izam

⁹ Ia Saionin nguabar ekiamin itir gumazamiziba, ia bar akongegh!

Ia Jerusalemin itir gumazamiziba, ia bar tiariba akar pamtemin dim.

Ia gan, ian atrivim mara ia bagha izi!

9:1: Isaia 17:1-3; Jeremaia 49:23-27; Amos 1:3-5

Matyu 11:21-22; Luk 10:13-14

9:5: Isaia 14:29-31; Jeremaia 47:1-7; Esekiel 25:15-17; Joel 3:4-8; Amos 1:6-8; Sefanaia 2:4-7

9:7: Jebusia, me Jerusalemin nguibamin nguazir ghueba. Devit gin taun Jerusalem iniam, Jebusia Israelia ko iti. Ni Josua 15:63in gan.

9:7: Judaba asizim isamsi faragh bar deravrama an ghuzim rueghiva gin a isamigh aneremam. Ezi Filistiaba arazir kam gamir puvatigha, Moses osirizi moghin me Godin damazimin mize. (Ni vezin kabar gan: Jenesis 9:4; Ofa Gami 3:17 ko 7:26-27; Godin Araziba 12:16 ko 15:23.) Ikiavira Itir God kagh kamaghin migia ghaze, me asizim ghuziba sara ikiti me aneman a men angoroke.

9:9: Matyu 21:5; Jon 12:15

- A ziar ekiam ikiava midorozim gamuava uan apaniba abiri.
Egha a ubi uan ziam fer puvati.
- A gumazir kinir ziaba puvatizir mamin min donkin mam gaperaghia izi.
Kar donkin amebamin nguzir asem.
- ¹⁰ Ikiavira Itir God ghaze,
Ki karisba ko, midorozibagh amir hoziaba batueghti, da ua Israelin tongin ikian kogham.
Egh ki men bariba bar da apirarigham.
- Ian atrivim, kantrin ekiaba bar dar amighti, da midorozir arazim ategh deraghvira dapiagh, navir amirizimin ikiam.
A nguazir otevibar gumazamiziba bar me gativagh men ganam.
- Nguazir kaba, da ongarir ekiamin ikegh mangi ongarir saghon mar itibar tugham.
Egh Yufretisin Faner ekiamin ikegh vongin amadaghan mangi bar saghon mar tugham.
- Ikiavira Itir God ua uan gumazamizibar dabirabim akiri*
- ¹¹ Ikiavira Itir God ua kamaghin migei, "Ki Akar Dikirizir Gavgavir mam Judaba ia ko a gami.
Ian inazir afeziaba ofabar amuasa asizibav sozima dar ghuziba ire.
Ezi ghuzir kam gavgavim en Akar Dikirizir Gavgavim a ganingi.
- Kamaghin amizi, ki ia teghtima ia kantrin igharazimin kalabus ategham.
Kalabuziar kam bar ikufi,
mati me ia isa mozir ekiamin ia arighizi ia damamin dipaba puvati.
- ¹² Ia kamaghin fo, ki ian akuraghaha ifonge.
Kamaghin amizi, ia uamategh uan ngeubamin izi deravira ikiam.
Ia osimtizir Bar ekiam ateri, ezi ki ia migia ghaze, ki arazir aghuirbar ia damuam.
Eighti arazir aghuir kam bar osimtizir kam gafiraghram.
- ¹³ Judaba, ki uan barir pimin min men suiragh, egh Efraimin adarasi, ki uan barir afuzibar min men suiraghram.
Eighti Saionin gumaziba me mati midorozir sabam, eighti ki Grikba ko misogham.
- ¹⁴ "Ikiavira Itir God uan gumazamizibagh isin azenaram otogh barir pimin asam.
Eighti an afuziba onimarin min taghthag zuamira mangam.
- Eghti Ikiavira Itir Godin Ekiam sigham givigh,
sautin amadaghan ikegh, pamtem sueba akun daru, aminir bar gavgavim ko, amozim sara izam.
- ¹⁵ Ikiavira Itir Godin Gavgaviba Bar Itim, oramin min deravira uan gumazamizibagh eghuvam, eghiti me katapelbar uan apanibav sogh bar me abiraghram.
- Me midorozimin aven, me mati gumaziba dipar organiba amegha tiariba akara uan apanibav suaghari.
- Men ghuziba, mati me ofabar amuasa asizir ghuzir itarim inigha, ofa gamir dakozim ginge.
- ¹⁶ "Dughiar kamin, Ikiavira Itir God men God uan gumazamiziba iniam, mati laion sipsipbagh asighasighasava amima, sipsipbagh eghuvir gumazim uam me iniam.
- Eighti me bar deraghviram an nguazimin ikiam,
mati atrivimin dapanir asuamin itir dagiar ivezir bar pin kozibar min tagthaghram.
- ¹⁷ Nguazir kam bar deraghti, me deravira ikiam.
Eighti gumazamizir igiaba, me dagher aviriba ko, wainin aviribar amiva aghungti,
men ganganiba bar deraghram."

10

*God uan gumazamiziba ua me iniasi
akam akiri*

- ¹ Dagheba aghungamin dughamin, ia amozim bagh Ikiavira Itir Godin azangsigh.
Ikiavira Itir God overiar pizim ko, ghuarium akuvima, amozim izi, ezi dagheba ko, biziba aghui.
- ² Gumazamiziba, me gin otivamin bizibagh foghasa, aseba ko kukunir gumazibar azangsisi.
Ezi me ifavarir akabar me gami.
Gumazir maba irebabar mingaribar gun migei, me uaghan ia gifari.
Me ghaze ia navir amirizim iniam, ezi puvati, ian navir osimtizim ikivira ikiam.
- Gumazamiziba mati sipsipba tintiniba arua ovegha gifia.
Me geghuvir gumaziba puvatizi, kamaghin amizi me osimtiziba ateri.
- ³ Ezi Ikiavira Itir God kamaghin migei,

“Kantrin Igharazibar Gumazamizibar gu-
mazir dapanir nan gumazamiziba
gativaziba,
nan navim men atara me bagha nan isi.

Ki iveau kuram me daningam.

Judan gumazamiziba, me nan gumazamiz-
ibara.

Ki Ikiavira Itir Godin Gavgaviba Bar
Itim, ki deraghvira men ganam,
mati sipsipbagh eghuvir gumazim
uan sipsipbar gari.

Egh ki Judan anababa bar dar amuti,
me midorozir hoziar bar gavgavimin
min ikiam.

⁴ Egh ti Judan anababar tongin, gumazir da-
panir gavgavir maba otivam,
egh me mati dipenim aterir dagiaba ko,
dipenim aterir guariba ko,

midorozir barir pibar min ikiam.

⁵ Me midorozir gumazir gavgavibar min
uari inigh, uan apaniba abinti,
mati midorozir gumaziba nguubar
ekiamin zuir tuavimin uan apaniba,
nguazar begheazibar me dikabiri.

Ki Ikiavira Itir God me ko ikiam.

Kamaghin amizi, me bar pamtemin
misogh mangi,
hoziabagh apiazir midorozir gumaz-
ibav sogh me abinigham.

⁶ “Ki Judan gumazamizibar amighti, me bar
gavgavigham.

Egh ki Israeliyan gumazamiziba ua me
iniam.

Ki men apangkufi,
kamaghin amizi, ki bar me inigh ua-
mategħ men nguazimra izam.

Egh ti deravira ikiam, mati ki
me batoghezir puvati.

Ki Ikiavira Itir God, ki men God,
kamaghin amizi, ki men migirigiar me
na migeiba ki da baraghām.

⁷ Israeliyan gumazamiziba me midorozir gu-
mazir gavgavibar min otivigh
bar akuegham,
me mati gumaziba wainin dipaba
ame.

Egh ti men ovavir boriba gin otivigh,
ki Ikiavira Itir God, me gamizir bizar
aghuir kabagh nighnigh
bar akuegham.

⁸ “Ki uan gumazamiziba bar men dimiva,
me akumakum me inigh izam.

Ki ua me inigh me damuti,
me fomira ikezi moghin bar
avirasemegham.

⁹ Ki guizbangira me batuegha me
aghamsiki,
ezzi me pura tintinibar kantrin igharaz-
ibar iti.

Egh me nguabar sagħuiabar ikiva,

me na ginighnighvira ikiam.

Ikizir kaba uan boriba ko, me ikivira ikiva,
bar mogħira uari akuvagh, uamategħ
uan nguazimra izam.

¹⁰ Nan gumazamizibar Isip ko, Asirian kantrin
itiba,

ki ua me inigh izitima,

me uan nguazimra dapiaghgam.

Ki nguazimin mitaghniā gisivagħtima,
me Gileatin Distrik ko, Lebanonin
nguazim sara iniam.

Egh ti gumazamiziba nguazir kam
bar a gizivagħam.

¹¹ Ki me inighti me uamategħ uan
nguibamin izam,
egħi Isipia ko, Asiriaba ongarir
ekiamin min men tuavim apirighti,
ki me abinigham.

Kamaghira, ki Isipian gavgavim agivagh,
egħi uaghan Nailin Fanem damighti a
misigham.

Egh ti Asirian gavgavim uaghan
givagħam.

¹² Ki uan gumazamizibar amighti me gav-
gavigham.

Egh ti me nan apengen iki nan ziam fiva,
nan akabar gin mangam.

Ki Ikiavira Itir God, ki mikemegħa
gifa.”

11

Atrivir kuraba mati temer kuraba

¹ O Lebanonin gumazamiziba, avim ian
temer sidabar isigham,
kamaghin amizi, ia tuavim apiran
marki,
ia uan tiar akaba kuigh.

² Sidan temeba iregha gifa, temer kaba ziar
ekiaba iti,
da ikuvigha gifa.

Kamaghin amizi, painin temeba ia
azi.

Me ruarir arizimin temeba okeħha gifa,
kamaghin amizi, ia Basanin itir okin
temeba ia azi.

³ Atrivbar gavgaviba ko, men ziar ekiaba
gifa,
kamaghin amizi, men naviba bar ose-
mezi, me azi.

Ia oragh, atriviba pamtemin arava azi.

Me mati laionba Jordanin Faner
miriā min moga itir ruarir ekiam, me
an temer ekiaba okawa,
a gasighasighiżi da aroi.

*God, uan gumazamizibar garir gumazir
dapanir guar pumuningin migei*

⁴ Egha Ikiavira Itir God, nan God kamaghin
na migei,

“Ni sipsipbagħ eghuvir gumazim min
damu.”

Sipsipin kaba dar ghuaviba dav sogh
dar amasa.
 5 Sipsipin kabar ghuaviba dav sogha ghaze,
‘E ti arazir kuram gamir puvati.’
 Me sipsipbagh sogha, dar tuziba dagiaba
bagha da amagava, dagiaba isa
ghaze,
‘E dagiār gumazibar otivigha gifa.
Kamaghin amizi e Ikiavira Itir
Godin ziam fam.’
 Ezi sipsipbagh eghuvir gumaziba me
uaghan, sipsipbar apangkuvir pu-
vati.”
 6 Ikiavira Itir God kamaghin migei,
“Ki nguazimin gumazamizibar apangku-
vighan kogham.
Ki uabi vaghvagh me isi men atriviba
ko, men adarazir agharibar arigham.
 Eighti me pazavira me damuam, mati
sipsipin ghuaviba uari pazavira me
gami.
Atriviba ko, men adarazi pazavira me
damuti, ki men akuraghan kogham.”
 7 Ezi ki gumazir bizibagh iveza da
amadiba bagha, sipsipbagh eghuvir
gumazimin min oto.
Kar sipsipin me misuegh damasava
amiba.
 Ezi sipsipbagh eghuvir gumaziba suizir
aghorir pumuning ini.
Aghorir mam, ki ziam Apangkuvim a
gatigha,
igharazim, ki Navir Vamira a gati.
 Ki aghorir kamningin suiraghā,
sipsipin okoruar kamin gari.*
 8 Egha ki, sipsipbagh eghuvir gumazir 3plan
atara men aghua.
Ezi me uaghan na gifongezir puvati.
Ezi iakinir vamiran aven ki me ba-
toke.
 9 Egha ki kamaghin sipsipin okoruar kam
migei,
“Ki ua ia gehuvir gumazimin ikian
kogham,
eighthi me aremeghs tina ginabaghti, an
aremegh.
 Eighti me tina gasighasighasa nighnisi, me a
gasighasigh.
Eighti te miseveaghirigha iti, me uari
uan invafizibar ami!”
 10 Ki gumazamizir kaba koma amizir
Akar Dikirizir Gavgavim aghorasava
amua,
aghorir ki ziam Apangkuvim a gatizim,
ki a inigha anepiri.
 11 Kamaghin amizima, Akar Dikirizir Gav-
gavir kam dughiar kamra gifa.

Ezi bizir ki amizibar aven, gumazir biz-
ibagh iveza da amadiba nan ganigha
fo,
kar Ikiavira Itir God me migei.
 12 Ezi ki kamaghin me migei,
“Ia nan iveauzim na daningisi, ia na daning.
Puvatighti marki, ia uari.”
Ezi me 30plan silvan dagiaba isa na
ganini.
 13 Gumaziba ghaze, ki ingangarir gumazir
kuram.
Egha me iveauzir bar muziarim na
ganini.
 Ezi Ikiavira Itir God kamaghin na migia
ghaze,
“Ni dagiaba isiva Godin Dipenimin dagiaba
arizir danganim datigh.”
Ezi ki 30pla silvan dagiaba inigha
Godin Dipenimin dagiaba arizir
danganimin da ati.
 14 Egha ki gin, aghorir namba 2 apiri,
aghorir kam ki ziam Navir Vamira a
garisi.
 Ezi arazir kam kamaghin men akagha
ghaze,
Judaba ko Israelia, uari abigha
ikizir pumuningin oto.
 15 Ikiavira Itir God ua kamaghin na migei,
“Ni ua sipsipbagh eghuvir gumazimin iki,
egh dughiar kamin ni sipsipbagh eghu-
vir gumazir kuramin min damu.
 16 Guizbangira, ki uan gumazamizibar
ganasa gumazir mam ati,
me mati sipsipin okoruar mam.
 Ezi gumazir kam sipsipbar tongin dar iku-
vizibar akravazir puvati,
egha a uaghan sipsipin ovengeziba
tong da buria dar deir puvati.
 A uaghan dar duaba nozir puvati, egha de-
ravira itiba, a dagheba dagh anidir
puvati.
 Bar puvati.
 A mikarziba sara itiba, a uabi dar tuziba
apava
dar duiaba ko, puziba sara bar da
asigha da ame.
 17 O sipsipbagh eghuvir gumazir bar kurar
pura sipsipba kavkirim,
an apaniba izi an agharim ko damazir
aghair guvimin itim misogh
an gavgaviba bar da agivaghām.
 Eighti an agharim an amiraghtima,
an damazir aghair guvimin itim bar
an okavigham.”

12

God gin ua Jerusalem iniam

¹ Kar migirigiar Ikiavira Itir God Israelia
bagha aningizim. Ikiavira Itir God overiam

* 11:7: Hibrun akam deragha akar kamin mingarim abighizir puvati. 11:12: Matyu 26:15 11:12: Matyu
27:9-10

ko, nguazimin ingarigha, gumazamizibar ingarigha, ikirimirir angamira itim me ganingi. A kamaghin migei,² “Ki Jerusalem damighti a wain itir kavin min otogham. Eighti kantrin ighazariz an boroghin ikia, a gasighasighasava amiba, me mati gumazir wainin kavin kam amegeha organiziba. Me midorozim bagh Jerusalemin nguubar ekiamin mangiva, me Judan nguubar dozir ighazariba bar da sara ekiarugham.³ Dughiar kam otogh givaghti, ki Jerusalem damightima a dagiar bar osimtzizim min otogham. Eighti kantriba bar a ko misoghs uari akuvagh, me uari ikuvigham, mati gumazim dagiar osimtzizir kam fava mizazim isi.”⁴ Ki Ikiavira Itir God, ki dughiar kamin apanibar hoziabar amighti, da bar atiatigham, eighti dagh isin apiazir gumaziba bar onganigham. Ki Judabagh eghuva, men apanibar hoziabar amighti dar damaziba bar okavigham.⁵ Eighti Judan gumazir dapaniba bizar kamin ganigh, uarira uariv kim suam, ‘God, a Ikiavira Itir Godin Gavgaviba Bar Itim, a gavgavim uan gumazamizir Jerusalemin itibagh aningi.’^{*}

“Dughiar kamin ki Judan gumazir dapanibar amighti, me mati tuzim dafogha isi moghin, o mati witin azenir bar misingizim dafogha isia mizariaba zui. Eighti kantrin men boroghin itiba da bar givagham. Eighti Jerusalemin nguubar ekiamra, a itir danganima ikivira ikiam.

“Ki Ikiavira Itir God, ki Judan midorozir gumazibar amighti, me faraghivira apaniba abinigh ziar ekiam iniam. Eighti Devit uan ovavir boriba ko, Jerusalemin gumazamiziba, men ziar ekiam, Judan gumazamizibar ziar ekiam gafaghan kogham.”⁸ Dughiar kamin ki Ikiavira Itir God, ki Jerusalemin gumazamiziba geghuvam, mati gumazim oramin uabi modi. Ki gavgavim me daningti, gumazir midorozibar gavgavizir puvatiziba, me Atrivim Devitin min gavgavigham. Eighti Devitin ovavir borir gin otivambiba, me, men gumazir dapanibar ikiam, eighti me mati Ikiavira Itir Godin ensel o God uabi, egh me, me geghuvam.⁹ Eighti dughiar kamin, kantrin ighazariz Jerusalemin ko misoghava amiba, ki bar dagh asighasigham.”

Gumazir afuzimin ruazir aremezim, me

* **12:5:** Hibrun akam deragha akar kamin mingarim abighizir puvati. **12:10:** Jeremaia 31:9; Akar Mogomem 1:7

† **12:10:** Hibrun akam deragha akar kamin mingarim abighizir puvati. Ekiam faragha kamaghin migia ghaze, Israelia Godra rua, egha a gin akam giragha kamaghin migia ghaze, me gumazir ighazariz birazi, an areme. Fofozir gumazir maba kamaghin nighnigha ghaze, God uabi me bagh amadazir gumazim me a misoghezi an areme. Fofozir gumazir maba kamaghin nighnisi, faragha migirigiar ighazarim iti, ezi me gin mong akam pazav an osiri. Jon 19:37 ko Akar Mogomem 1:7 migirigiar otevir kamning, Kraisan otozir bizimin ababanim. † **12:11:** Fofozir gumazir aviriba kamaghin nighnisi, Hadatrimon, an aser mamin ziam. Gumazamizir an ziam feba, me nighnizir gavgavim an ikia ghaze, an azenibar zurara dar dughiar vamiran aremegham, eighti me a bagh puviram aziam. Egha gin, me ghaze, a uam angamira iti. **13:1:** Onger Akaba 51:2; 51:7; Aisaia 1:16-18; Esekiel 36:25; Jon 1:29 **13:3:** Godin Araziba 18:20

gin an aghuimazimin ikiam

10 Ezi Ikiavira Itir God ua ghaze, “Ki Devitin ovaviba ko, Jerusalemin nguibamin itir gumazamizir ighazariba, ki me damuti, me uan navir averiabar aven apangkuvir arazim ko, God ko migeir arazimin gin mangam. Egh gumazir me afuzimin ruazim, me an ganigh a bagh bar puv aziam. Mati gumazim otarir ivariamra itima, an aremezi, an a bagha puviram azi moghin, me bar osemegh puviram aziam.”[†]

11 Dughiar kamin Jerusalemin nguibamin azirakar bar ekiam an aven otogham. Mati, me fomira Megidon danganir zarimin ikia, asem Hadatrimon bagha bar puviram azi moghin, men azirakam an mirara mangam.[‡] 12-14 Ikiziba bar, me vaghvagh an aghuimazimin ikiva aziam. Devitin ikizimin adarazi uari baghvira ikiti, Natanin ikizimin adarazi uari baghvira ikiti, Livain ikizimin adarazi uari baghvira ikiti, Simein adarazir ikizim uari baghvira ikiti, eighti ikizir ighazariba bar moghiram aziam. Ikiziba bar vaghvagh uari akuvagh, eighti men gumaziba uari baghvira ikiva azitima, men amiziba uari baghvira ikiva aziam.

13

1 “Dughiar kam otoghti ki mozir dipam damighti an anang otogh iram. Devitin ovaviba ko, Jerusalemin nguibamin itir gumazamizir ighazariba, me godin ifavaribar ziaba fava, arazir mizirizir aviribagh ami. Eighti dipar kam men arazir kuraba ruam.”

Akam inigha izir gumazir ifariba givagham

2 Ikiavira Itir Godin Gavgaviba Bar Itim ua kamaghin migei, “Ki dughiar kamin godin ifavarir marvir guaba nguazir kamin da batuegham, eighti gumazitam uam a dagh nighnighan kogham. Egh uaghan akam inigha izir ifavarir gumaziba ko, duar miziriziba, ki nguazir kamin da batuegham.

3 Eighti akam inigha izir gumazitam, Godin akamin min ifavarir akabav kimti, an amebam ko, afeziam uaning kamagh a mikim suam, ‘Ni uan akar ifavarimun gun migei. Kar Ikiavira Itir Godin akam puvati. Kamaghin amizi, ni aremegham.’ Gumazir

[‡] **12:11:** Fofozir gumazir aviriba kamaghin nighnisi, Hadatrimon, an aser mamin ziam. Gumazamizir an ziam feba, me nighnizir gavgavim an ikia ghaze, an azenibar zurara dar dughiar vamiran aremegham, eighti me a bagh puviram aziam. Egha gin, me ghaze, a uam angamira iti.

kam akar ifavarir kam mikimti, an amebam ko, an afeziām afuzimin a biraghtima, an aremegham. ⁴ Dughiar kamin, akam inigha izir gumazir ifavariba, men tav uan irebabar min garir biziā bagh aghumsigh, bar akongeghan kogham. Me Godin akam inigha izir gumazibar korotiatam aghuan kogham. Egh Godin akam inigha izir gumazibar arazitam gumazamiziba gifarisi, a damighan kogham. Puvatigham. ⁵ A kamaghin mikim suam, ‘Ki Godin akam inigha izir gumazim puvati. Ki azenibar ingarir gumazim. Ki gumazir igharazimin pura ingangarir gumazir kinim.’* ⁶ Eghti gumazitam kamaghin an azaraghām, ‘Kar manmaghin amizir duar kurim nin evarimin iti?’ Eghti a ifar suam, ‘Ki uan namakamin dipenimin a ini.’†

God sipsipbagh eghuvir gumazim migei

⁷ Ezi Ikiavira Itir Godin Gavgavim Bar Itim kamaghin migei, “O nan midorozir sabam, dikavigh na bagh uan namakam, a sipsipbar garir gumazim, a misueghtima, sipsipba tintinimin aregham. Kamaghira, mati gumazim sipsipin nguzibav sosi moghin, ki uan gumazamizibav sogham. ⁸ Egh ki kantrin kamin gumazamiziba me tuiraghi, me 3plan ikizibar otogham. Eghti ki ikizir pumuning misueghti aning aremegham. Eghti ikizir abuananam ikiam. ⁹ Eghti ikizir itir kam, a nan damazimin zueghsi, ki a damu ganigham, mati me silvaba ko, golin mineziba batueghasa, avimin da tuema da isi. Eghti me na ko mikimti, ki men migrigiāba baraghām. Egh ki kamaghin me mikim suam, ‘Ta nan gumazamiziba.’ Eghti me kamaghin na mikimam, ‘Ni Ikiavira Itir God ni en God.’”

14

Apaniba izi Jerusalemia ko misogham

¹ Eghti Ikiavira Itir Godin kotiar ekiamin dughiam izam. Eghti dughiar kamin apaniba izi Jerusalemin dagiāba ko biziā iniam. Me ian damazibar biziā aghuir kaba tuiragh uari daningam. ² Eghti Ikiavira Itir God ubi kantrin igharazibar midorozir gumaziba bar da inighti, me izi Jerusalemin misogham. Me Jerusalemia abinigh biziā dipenimin itiba bar ada inigham. Egh arazir otuaribar amizibar amuam. Egh gumazamizir kabar nar mam inigh mangiti, me kantrin igharazibar

kalabusin ikiam. Eghti men akuar mam Jerusalemin ateghan kogham, me an ikivira ikiam. ³ Eghti Ikiavira Itir God zurara midorozibagh ami moghin, a dikavigh mangi kantrin kabav sogham. ⁴ Midorozim otivar dughiar kamin, Ikiavira Itir God dikavigh, Jerusalemin boroghin Olivin Mighsiam gisin tughiv ikiam. Olivin Mighsiam a Jerusalemin aruem anadi naghin iti. Eghti Olivin Mighsiam tongira bighiva, akuar pumuning otoghti, mighsiar akua tam mangi sautin amadaghan otoghti, an akuar vuem notin amadaghan ikiam. Eghti aningin tizimningin danganir zarir ekiam ikiam. ⁵ Danganir zarir kam, a bar mangi, Asalin nguibamin otogham. Eghti ia ari danganir zarir kamin mangi vongin otogham. Fomira Usia Judan atrivimin itima, mikimkizir ekiam otozi ian ovaviba arezi moghin, ia zuamiram aregham. Eghti dughiar kamin, Ikiavira Itir God, nan God, uan enselba bar ada inigh ia bagh izam. ⁶ Eghti angazangarim aruem in dughiamra otivan kogham. Puvati.* ⁷ Aminim pirir dughiamin, angazangarim isi mamaghira ikiam. Eghti arueba ko, dimagaribar dughiba givagham, da uam otivan kogham. Ikiavira Itir God uabira, biziā otivamin kabar dughiam gifo.

⁸ Dughiar kamin, dipar aghuir ikirimir aghuuar anidim Jerusalemin ikegh ivemar mangam, eghti an tam Amangsizim Itir Dipar Akaremin mangitima, an tam Mediterenianin Ongarir Ekiamin mangam. Dipar kam dughiar bar ivemar mamaghira ikiam, an amoziāba ko, aruebar dughiamin ivemar mamaghira ikiam. A bar dakeghan kogham. ⁹ Eghti Ikiavira Itir God nguazir kamin kantriba bar dagh ativagh dar Atrivimin ikiam. Eghti a bar uabira, gumazamiziba bar moghira ziar vamira a darigh, an ziam fam.

¹⁰ Eghti nguazir Jerusalemin boroghin itim, a voroghira itir danganir zarimin otogham, a notin amadaghan Geban nguibar ekiamin ikegh, mangi sautin amadaghan Rimonin nguibar ekiamin otogham. Jerusalemin nguibar ekiamra mighsiatam gisin ikiam. Eghti Jerusalem avinamin divazir bar mitiar gavgavim, a fomira ikezi moghira, a kamaghira ikiam. Jerusalemin divazim, a Benjaminin Tiar Akamin ikegh mangi, Mikebamin Tiar Akamin otogham, danganir kam tiar akar

* **13:5:** Hibrun akam deragha akar kamin mingarim abighizir puvati. [†] **13:6:** Akam inigha izir gumazir maba, me afuam inigha pura tintinibar uan mikarzim aghorir arazimin gintisi. (Ni 1 Atriviba 18:28 in ganigh.) Egha gumaziba an evarimin afuam dighoribar ababanibar ganigha me fo, kar akam akurir gumazim. Ezi a me gifara ghaze, puvati. **13:7:** Matyu 26:31; Mak 14:27 **14:4:** Esekiel 47:1-10; Maika 1:3-4; Habukuk 3:6; Sekaraia 4:7; 14:8 **14:6:** Hibrun akam deragha akar kamin mingarim abighizir puvati. **14:7:** Aisaia 60:19; Matyu 24:36; Akar Mogomem 21:23; 22:5 **14:8:** Esekiel 47:1; Joel 3:18; Jon 7:38; Akar Mogomem 22:1 **14:9:** Aisaia 2:2-4; 45:21-24; Sekaraia 9:9; 14:16-17

mam fomira iti. Egh ababanir mitaghniar Hananelin Tauan ikegh mangamim, a mangi me atrivim bagha wainin ingarir danganimin otogham.¹¹ Eighti Jerusalemin itir gumazamiziba danganir kamin deravira ikiam, eghiti bizitam ua me gasighasighan kogham.

¹² Kantrin Jerusalem ko misoziba, Ikiavira Itir God arimariar bar kuram me bagh anemangam. Arimariar kam kamakin, gumazamiziba angamira ikiti, men mikarziba ko damaziba ko mizeba bar kurighti, dar kuriba pura iram.¹³ Dughiar kamin Ikiavira Itir God me damighti, me atiatingiva onganigham. Egh me uarir boroghin itir darazir suighiva, uariv soghiva arighiram.¹⁴ Eighti Judan gumaziba Jerusalemin akurvaghisi misogham, eghiti an gumazamiziba ikuvighan kogham. Egh me kantrin igharaziba bar, me da, men gol ko silva ko korotiar avirir aghuiba inigham.¹⁵ Eighti men apanibar averpeniba itir danganimin, arimariar kurar kamra men hoziaba ko kamelba ko donkiba ko asizir guar igharaziba bativam.

Kantriba bar men gumazamiziba Godin ziam fam

¹⁶ Judaba uan apaniba abiraghti, men apanir mikeaghiziba, me azenibar zurara Jerusalemin iziva Atrivimin ziam fam, a Ikiavira Itir Godin Gavgaviba Bar Itim. Egh me Averpenibar Ikiamin Dughiar Ekiamin aven ikiam.¹⁷ Eighti Kantrin Igharazibar Gumazamizitaba, atrivim Ikiavira Itir Godin Gavgaviba Bar Itim, me an ziam fan aghuaghti, amozim men nguazim gizan kogham.¹⁸ Eighti Isipia, Averpenibar Ikiamin Dughiar Ekiamin aven iki, Ikiavira Itir Godin izam fan aghuaghtima, faragha isamín mangan aghuaazir darazi inizir arimariar kurar kamra, Isipia uaghan a iniam.¹⁹ Isipia ko Kantrin Igharazibar Gumazamiziba, me uaghan Averpenibar Ikiamin Dughiar Ekiamin mangi Ikiavira Itir Godin ziam fan aghuaghiva, me uaghara uan arazir kuraba bagh ivezir kurar magh garim iniam.

²⁰ Dughiar kamin, me kamaghin nighnigham, bizar kaba, da Ikiavira Itir Godin bizar zuezibara. Hozibar firibagh ikezir belon muziariba, da uaghan osizirim kamaghin dar ikiam, “Bizar kaba, da bar Ikiavira Itir Godin damazimin bizar zueziba.” Eighti Ikiavira Itir Godin Dipenimin itir miner kiniba, da Ikiavira Itir Godin damazimin guizin zuezir bizibar otivam, mati itarir ekiar me ofa damuasa asizir ghuziba isa ofa gamir dakozim gingem.²¹ Eighti Jerusalemia ko, Judabar dipeniba

bar dar itir miner kiniba, da uaghan Ikiavira Itir Godin Gavgaviba Bar Itim damazimin zuezir bizibar ikiam. Eighti gin gumazamiziba ofabar amusi, pura miner kaba inigh dar ofabar amuamin asizir tuziba avigham. Dughiar kamin, Ikiavira Itir Godin Gavgaviba Bar Itim Dipenimin bizibagh iveza, da amadir gumaziba ua ikian kogham.

Godin Akam Inigha Izir Gumazim Malakain Akinafarim O Malakai Akar faragha zuim

Godin akaba inigha ziar gumazim Malakai, a Godin akam inigha izir gumazir igharazibar gin, a uan akam akuri. Dughiar kamin Judaba Jerusalemin Godin Dipenimin ingarigha gifa. Godin Dipenim givazi, Malakai garima, Godin ziam fer arazir maba ko, ofabagh amir arazir maba mong derazir puvati. Kamaghin amizi, a ofa gamir gumaziba ko, gumazamiziba gavgavim men nighnizibar aningasa akam akuri, eghit me deraghvira Godin damazim arazir aghuibar gin mangam.

Malakai Godin Akar Dikirizir Gavgavibagh nighnigha akar aviribav gei. An Akar Dikirizir Gavgavir kamin apengan ikiasi Judabav gei. Gumaziba deraghvira uan amuibar porogh iki, egh me arazir aghuibar amuamin gumazamizibar otivam.

Malakai arazir kuraba ko, navim graghamin arazimin gun migei. Egha a uaghan Ikiavira Itir Godin dughiar otivamin gun migei, eghit Ikiavira Itir God gumazamiziba bar men araziba tuisigham.

Malakain akar abuananam migia ghaze, Elaija izeghti an gin, God amizir akar dikirizimin gin mangiva bizar aghuir aviribar amuam. Akar aghuir kam, a Godin akam inigha izir gumazibar akinafariba agifa, egha en nighnizibagh ekuigha, God uan gumazamiziba ko, damuamin Akar Dikirizir Gavgavir Igiam bagha zui. Ezi akar aghuir kamin mingarim, ensel Gebriel ofa gamir gumazim Sekaraa migia ghaze, a Gumazamiziba Ruer Gumazim Jonin afeziamin otogham. Ensel ghaze, Jon Godin akam inigha izir gumazim Malakain akabar amighti da guizbangira otivam. Ni Luk 1:15-17in gan.

E Ikiavira Itir Godin apengen iki, egh bizir e amiba bagh ziar ekiam a daningam

(Sapta 1-4)

God bar Israelia gifonge

¹ Ikiavira Itir God, Israelia mikimasa akar kam isa Malakai ganini. ² Ikiavira Itir God kamaghin migei, "Ki bar fomira ia gifueghavira iti." Ezi ia ghaze, "Ni manmaghiram e gifonge?"

Ezi Ikiavira Itir God ghaze, "Ia oragh, fomira Jekop ko Iso, aning aveghbuamning, ezi ki Jekop gifuegha, Ison aghua. ³ Iso uan ovavir boriba ko, me Idomia me garisi, ezi ki me gifongezir puvati. Kamaghin amizi, ki Ison danganir mighsiam gasighasigha gifa, egha an nguazim gamizima, an afiar atiabar nguibam oto."

⁴ Eghit Idomia kamaghin mikim suam, "En nguibar ekiaba ikuvigha gifa, ezi e uam adar ingaram," eghit Ikiavira Itir Godin Gavgaviba Bar Itim men akam ikaragh mikim suam, "Ia uam adar ingarti, ki da apirarighti da ua bar ikuvigham. Eghit gumazamizir igharaziba, me Idomia ia mikim suam, 'Me gumazamizir kuraba,' egha 'Me gumazamizir, Ikiavira Itir God zuraram atariba.'" ⁵ Ia Israeliyan gumazamiziba, ia uan damazibar bizir kamin ganam. Eghia kamagh mikim suam, "Ikiavira Itir God, gavgavir ekiam ikia, Israelia iararam akurvazir puvati, a uaghan kantrin igharazibar ingangarir gavgavibagh ami."

Ikiavira Itir God ofa gamir gumazibar atari

⁶ Egha Ikiavira Itir Godin Gavgaviba Bar Itim kamaghin ofa gamir gumazibav gia ghaze, "Boriba uan afeziabar apengan ikia men ziaba fe, ezi ingangarir gumaziba uan gumazir dapanibar apengan ikia men akabar gin zui. Kamaghin amizi, ia oragh. Ki ian afeziam. Ia manmagħin amigha nan apengan itir puvati? Ki ian gumazir dapanim. Ia manmagħira amigha nan akabar gin zuir puvati? Ia nan aghuaghha akirrim ragħha na għasi. Egha ia kamaghin na migia ghaze, 'E manmagħira nin aghuaghha akirrim ragħha ni għasi?' ⁷ Ia oragħti, ki ian arazir kuramin gun ia mikimam. Ia nan ofabagh amir dakozimin asizir kuraba inigha iza ofaba tue. Egha ia gin kamaghin nan azangħi, 'E manmagħira nin ziam gasighasiki?' Ki datirighin ia mikimam. Ia ghaze, nan ofa gamir dakozim ti pura bizim, ia kamaghin amua nan ziam gasighasiki. ⁸ Ia ofa gamua, asizir damazir okavirizir mam inigha na bagħha an ofa gami, ia ghaze, ian arazir kam ti deras, o? Egha ia asizir arimriabba itiba ko, agharir dibribba, ia da issa na bagħha ofa damuasa da inigha izi, ia amir arazir kam a deras, o? Ia asizir kamagh garitam isi uan gavmanin faragħa zuir gumazir dapanim danighti, a ti ia amizir arazir kam gifuegham, o? Egha a bizar kam ikarvagh bizir bar aghuitam ia daningam, o? Ti bar puvatigham! Ki Ikiavira Itir God Gavgaviba Bar Itim, ki kamaghin ia mikeme!"*

1:2: Genes 25:21-26 **1:2:** Rom 9:13 **1:2:** Aisaia 34:5-17; 63:1-6; Jeremaja 49:7-22; Esekiel 25:12-14; 35:1-15;

Amos 1:11-12; Obadja 1:1-14 * **1:8:** Ni Godin Araziba 15:21in itir akam ġanigh.

⁹ Aria, ia ofa gamir gumaziba, ia God deragh e damusi an azangsigh. Egheti a bar ian azangsizim bareghan koghti, tinara osimtzir kam ateram? Osimtzir kam iarara aneteram. Ikiavira Itir Godin Gavgaviba Bar Itim, kamaghin ia migei.

¹⁰ Ezi Ikiavira Itir Godin Gavgaviba Bar Itim ghaze, "Kamaghin ti deraghama, gumazitam nan Dipenimin tiar akaba asegham, egheti gumazitam aven mangi ofan mingariba puvatizir kabar amusi ofa gamir dakozimin avim arighan kogham. Ki ian arazir kabagh ifongezir puvati. Egh ofan ia na bagha inigha iziba, ki da inian kogham.

¹¹ "Ki Ikiavira Itir Godin Gavgaviba Bar Itim, ki ghaze, gumazamizir aruem anadi naghin itiba ko, aruem uaghiri naghin itir kantriba, me bar moghira ziar ekiam na ganidi. Nguibaba bar dar gumazamiziba mughuriar aghuim zuir ofaba ko, ofan ighazarir guar aviriba sara na danningam. Gumazamizir kaba me bar moghira ziar ekiam na ganidi. ¹² Ezi ia nan ofa gamir dakozim migia ghaze, a pura bizim, egha dagher kurar ia aghuzhiba, ia da isa ofan min na ganidi. Ia kamaghin amua nan ziam fer puvati.[†] ¹³ Ia kamaghin migia ghaze, 'Oio, e ofa damuamin arazim a bar e baseme.' Ezi ian arazir kam kamaghin akagha ghaze, ia Ikiavira Itir Godin Gavgaviba Bar Itimin ziar ekiam, a ganidir puvati. Ia asizir atiaba misoghezir asiziba isa, dar ofabagh ami. Ia uaghan asizir arimariaba itiba ko, agharir dibiriba isa na bagha izi. Egha ia ghaze, Ki Ikiavira Itir God, ki ti ia amir ofan kabagh ifuegham, a? Ti bar puvatigham! ¹⁴ Ian tina, na ko ofa damuasa akam akirigha inabazir asizir mikarziba sara itir aghuiba ategha, asizir kurar miziriziba inigha Ikiavira Itir God, bagha izi. Ia ifavarir arazir kam bangin ia iveriz kuram iniam. Ki Ikiavira Itir Godin Gavgaviba Bar Itim. Ki atrivibar Ekiam, ezi kantribar gumazamiziba bar nan atiatia nan ziamra fe. Kamaghin amizi, ki bizar kam bagh ia gasighasigham."

2

¹ Egha Ikiavira Itir God kamaghin migei, "O, ofa gamir gumaziba, ki Akar Gavgavir mam ia mikimasa. ² Ia na bagh inganganibar amusi, ia guizbangira nan ziar ekiam famin inganganibar amu. Ia nan akaba batogh da baraghan koghti, ki Ikiavira Itir Godin Gavgaviba Bar Itim, ki kamaghin migei, ia bar ikuvigham. Egh bizar aghuir ia uarir akurvaghosa isiba, ki dagh

asighasigham. Ia ghaze, ki ti pura migei, egha nan akaba batosi. Kamaghin, ki ia gasighasigha gifa. ³ Ia oragh, ia bangin ki ian ovavir boriba iveriz kuram me daningam. Egh ia ofa gamir asizibar buariba isi ian guabar aghuigham. Egh ia batuegħi, ia mangi me asizibar buariba akuri nagħin ikkiam. ⁴ Ki kamaghin damighti, ia ganigh fogħ suam, ki ubi Akar Gavgavir kam isa ia ganingi. Ia ofa gamir gumaziba, ia Livain ovavir boriba, Akar Dikirizir Gavgavir ki ian adarazi ko amizir kam, ia anebighan marki. Ki Ikiavira Itir Godin Gavgaviba Bar Itim, ki mikemegħa gifa.

⁵ "Nan Akar Dikirizir Gavgavir kam, ki me ko akam akirigha ghaze, ofa gamir gumaziba me dugħiarr ruarin ħażiġ ħażiġ ikiti, ki dabirabir aghuim me daningam. Ki kamaghin me damightima, me nan ziam fam. Me faragħa nan apengen ikka, nan ziam fes. ⁶ Me guizin arazibar gumazamizibar sure gami. Egha arazir kuratam men sure gamizir puvati. Ezi men ikirrimir na ko bar dera. Egha me uari arazir aghuibaram amua gumazamizir ighazarir aviribar akurvazima, me arazir kuraba ataghħiras. ⁷ Kar ofa gamir gumazibar ingangarim, me gumazamizibar sure damuti, me guizbangira na gifogħam. Ofa gamir gumaziba, me Ikiavira Itir Godin Gavgaviba Bar Itim akam akurir gumaziba.

⁸ "Ki Ikiavira Itir Godin Gavgaviba Bar Itim, ki kamaghin ia migia ghaze, Ia ofa gamir gumaziba, ia datirighin guizin nan tuvum ataki. Ia suren ifavaribar gumazamizibagh amizi, me iregha arazir kurar mabagh amigha gifa. Bar guizbangira, ia Livain adarasi, ki ia ko amizir Akar Dikirizir Gavgavim, ia anebigha gifa. ⁹ Ia nan akabar gin zuir puvati. Egha gumazamizibar sure damuasa akar magħ garibar men sure gamir puvati. Ia marazi akar isingtibar me migia egha marazir atari. Kamaghin, ki Israelia damighti me akiriba ia gasegħ ian aghuagh."

Israelia God ataki

¹⁰ E bar mogħira afezjar vamira iti. Ezi Ikiavira Itir Godin vamira an e gamizi e otifi. Egha manmagħsuavira, e uari uan namakaba ko, dikirizir akaba abiaghħarisi? Egha manmagħsuavira, e Ikiavira Itir God, en ovaviba ko Dikirizir Akar Gavgavim an gin zuir puvati? Arazir kam, bar ikufi!

¹¹ Fomira Israelia ko Judaba, me Godin akam ġin mangasa akar mam akiri. Ezi puvati, me anebigha uam arazir bar kurar mam gami. Arazir kurar kam me kantrin aven nguibabar bar a gamua, egha

1:10: Aisaia 1:11; Jeremaia 6:20; Amos 5:21

† 1:12: Hibrun akam deragħa akar kamin mingarim abighizir puvati.

2:4: Diboboniba 3:11-13

2:5: Diboboniba 25:12

2:6: Godin Araziba 33:10; Jeremaia 23:22; Jems 5:20

uaghan Jerusalemin a gami. Men gumazir maba, asebar ziaba fer adarazir amiziba isa dar iti. Ezi men arazir kam, Ikiavira Itir Godin Dipenir a bar ifongezim gamizi, a bar an damazimin mize. ¹² Ki kamaghhsua, Ikiavira Itir God gumazir kamagh amiba bar me agivaghti, me ko men ikiziba sara ua Israeliyan gumazamizibar tongin ikian kogham. Kamaghin amizi, men tav ua Ikiavira Itir Godin Gavgaviba Bar Itim bagh ofaba inigh mangan kogham.

¹³ Ezi ki bizir kurar ighazariz ia amir mamin gun ua ia mikimam. Ofan ia Ikiavira Itir God bagha inigha zuiba a ua da isir puvati. Kamaghin amizima, ia pamtemin aziava araima, ian temeriba Ikiavira Itir Godin ofa gamir dakozim giri. ¹⁴ Ezi ia kamaghin Godin azangsisi, “Manmagh amizi, ni en ofaba isir puvati?” Bizir kamin mingarim kamakin, Ikiavira Itir God fo, ni fomira uan mugamra iksia, amuimin ikiasha Godin damazimin akar dikirizir gavgavim gamigha ghaze, ni amizir kam ateghvan kogham. Amizim, kar nin roroam. Ezi puvati, ni akar dikirizir kam abigha gifa. ¹⁵ Gua poroghamimning, God gua gamizi, gua mikarzir vamira ko, nighnizir vamira iti. God tizim bagha arazir kam gami? A kamaghhsua, E boriba batiti, me guizbangira Godin adarazir ikiam. Egh ia bizir kam bagh deraghvira gan, ia uan amuir inigha itir kaba ko akar dikirizir gavgavir kaba, ia da abighan marki.* ¹⁶ God, a Israeliyan Ikiavira Itir Godin Gavgaviba Bar Itim kamaghin migia ghaze, “Ki poroghamiba uari ataghazariz arazir kam, bar an aghua. Ni uan amuimin pazavira a damuan, nin arazir kam, mati ni inim isa gua uaning avarazir moghin, nin aghumsizir arazir kuram gua avara, egha mati gua poroghamimning uaning abisi. La poroghamiba, bar deravira uan ikirimirim ggehuv, ifavarir arazibar uari damuan marki.”†

Ikiavira Itir God izamin dughiam roghira izi

¹⁷ Ia migirigiar guar aviribagh amizima, Ikiavira Itir God ian migirigiar kaba bar dar amira. Ia kamaghin azangsisi, “E migirigiar manabagh amizi, Ikiavira Itir God en amira?” Ia kamaghin migei, “Ikiavira Itir God gumazir arazir kurabagh amibav già ghaze, Me dera, ezi a me gifonge.” Egha ia tintinibar kamaghin migel, “Gumazamiziba ghaze, God arazir aghuibaram amua gumazamizibar araziba akiri. Ezi e an garima, a guzin arazir katam gamizir

* **2:15:** Hibrun akam deragha akar kamin mingarim abighizir puvati. **3:1:** Matyu 11:10; Mak 1:2; Luk 1:76; 7:27
Matyu 3:10-12; 1 Korin 3:13-15; Akar Mogomem 6:17

puvati.” Kamaghin amizi, a ian migirigiar kaba bar dar aghua.

3

¹ Ezi Ikiavira Itir Godin Gavgaviba Bar Itim, a kamaghin akam ikaraghha ghaze, “Ia oragh! Ki uan abuir gumazim amadaghtima, a faragh mangiva na bagh tuavim akiram. Ia ghaze, ia datirighin Ekiam bagha gara iti. Egha a zuamira izi uan Dipenimin ikiam. Abuir gumazir ia bar ifongezim izi, Akar Dikirizir Gavgavir kamin gun ia mikimam. Ki Ikiavira Itir Godin Gavgaviba Bar Itim, ki ghaze, An darorim izi.” ² Egha dughiar a izamin kam, tinara an kotiamin aven guizbangira mikimam? Egha an azenaram otogh izamin dughiar kam, tinara tugh an ganam? Bar puvatigham. Guizbangira, a mati, avim bar puvira isia golin isigha bizir kuraba bar da adangizi moghin, a izam. Egh mati, sopin gavgavir inir mizirizim rutti a bar zueghamimin min ganam. ³ Avim golin isima a golrama otivi moghin, a gumazamizibar araziba tuisigham. Kamaghira Ikiavira Itir Godin ingangarir gumazim, Livain adarazir arazir kuraba batuegh, egh Ikiavira Itir God bagh ofan aghuiba inigh izam. ⁴ Egha gin Jerusalemia ko, Judaba mati me faragha amizi moghin, Ikiavira Itir God bagh ofan a ifongeziba uam ada inigh izam. Egha a da bagh bar akuegham.

⁵ Egha Ikiavira Itir Godin Gavgaviba Bar Itim ghaze, “Ki izi ian araziba tuisigham. Ki bar zuamira kotin aven gumazamizir kabar arazir kurabar gun me mikimam. Gumazamizir kabar kara: imezibagh amir gumazamiziba ko, kukunir gumaziba ko, gumazamizir poroghamibagh asighasiziba ko, gumazamizir kotin akabagh ifariba ko, gumazir dapanir deragha uan ingangarir gumaziba iveauzir puvatiziba ko, gumazir amizir odiaribagh ifara pura men biziba isiba ko, gumazamizir afeziaba ariaghirezir boribar biziba isiba ko, gumazamizir Kantrin Igharazibar. Gumazamizir men tongin itibar akurvazir puvatiziba. Gumazamizir arazir kaba bar dagh amiba me nan apengan itir puvati.”

Bizir akuatam God darningamin arazimin akam

⁶ Egha Ikiavira Itir God ua ghaze, “Kirara ki Ikiavira Itir God, ki uan nighnizim giraghan kogham. Kamaghin amizi, ia Jekopin ovavir boriba bar givazir puvati. ⁷ Ian ovaviba fomiram amizi moghin, ia ami. Ia nan arazir ki ifongeziba akirim

† **2:16:** Hibrun akam deragha akar kamin mingarim abighizir puvati. **3:2:** Aisaia 33:14; Joel 2:11; Sekaraia 13:9;

ragha dagh gasaragha dar gin zuir puvati. Ia uan arazir kuraba ategh ua na bagh iziti, ki uan aningagharam ategh ua ia iniam. Ki Ikiavira Itir Godin Gavgaviba Bar Itim, ki mikemegha gifa. Ia kamaghin migei, ‘E bizar tizim damighiva, ua ni bagh izam?’⁸ Ezi ki ia migia ghaze, Ia nan biziba okei. Egha ia ti ghaze, arazir ia amir kam a dera, a?⁹ Bar puvati. Egha ia arazir kam ataghizar puvati. Egha ia gin ua kamaghin nan azangsisi, ‘Ni manmaghsua ghaze e nin biziba okei?’ Ki kamaghin ia mikimam, Nan Akar Gavgavim ghaze, ia ingara isir biziba, ia bar da tauraghti pozir 10plan otoghti, ia pozitam isi na daningam. Kar nan bizimra.¹⁰ Guizbangira, ki pamtem kamaghin ia migei, Ia bar moghira nan biziba okemes. Kamaghin amizima, ia bar kuram iniam.¹¹ Ia uan biziba 10plan pozibar arigh egh dar pozir tam inigh izi nan dipenim datigh. Egha ian ingangarir gumaziba, dagher aviriba ikiam. Ia kamaghin damighti, ki Ikiavira Itir Godin Gavgaviba Bar Itim, ki uan Nguibamin tier akaba kuigh, uan bizir aghuiba isi amozimin min da ingegham, egha ia bizir aghuir avirim iki egh ua bizitamin oteveghan kogham. Ia tuavir kamin gin mangi damu ganigh, egh fogh suam, nan akam a bar guizbangira.¹² Ki Ikiavira Itir Godin Gavgaviba Bar Itim, ki ghaze, ‘Ia kamaghin damighti, ki apizibar tivaghti, da ian azenibar itir bizibagh asighasighan kogham. Egha ian wainin aghariba bar puvira biti dar oviziba iki mangi anizir dughiamin otogham.’¹³ Egha kantrin ighazariba ian ganigh suam, Israelian nguzim bar derazi, me deraghavira a gapiagha bar akonge. Ki Ikiavira Itir Godin Gavgaviba Bar Itim, nan akam kamaghira tu.’”

God ivedzir aghuim isi gumazamizir aghuibar aningam

¹³ Egha Ikiavira Itir God ghaze, “Ia bar akar kurar aviribar pamten na migei. Egha ia nan azangsigha ghaze, ‘E akar kurar manabara ni mikeme?’¹⁴ Ia uarira uariv gia ghaze, ‘E Godin ziam fe, ezi a en akurazir puvati. Ezi e tizim bagh an ziam fam? Egha Ikiavira Itir Godin Gavgaviba Bar Itim min damazimin, e uan arazir kuraba bagha osemeha aziava dar gun a mikeme, ezi a bizar aghuitamin e gamizir puvati. Ezi e manmaghsua pura uan arazir kurabar gun a mikeme?’¹⁵ E gumazir uari fa akaba batozibar gari, me bar akuegha deraghavira iti. Ezi gumazir arazir kurabagh amiba, me bizar aghuir aviriba iti. Ezi gumazir arazir

kuraba Godin akakaghaha dagh amiba, me ghaze, God ti me gasighasigham, ti puvatigham? Ezi God me gasighasighizir pu. Bar puvati.’”

¹⁶ Ezi gin gumazamizir Ikiavira Itir Godin atatiava an apengan itiba uarira uariv gei, ezi Ikiavira Itir God men mirigriam barasi. Egha Ikiavira Itir God mikemezi, enselba an Nguibamin ikia akinafarir righizir mam isa Godin damazimin an gumazamizir kabar ziaba osiri. Kar gumazamizir Ikiavira Itir Godin atatiava an apengan ikiava, zurazurara an ziam feba. Akinafarir righizir kam, kar otivizir biziba gin dagh nighnighamin akinafarim.¹⁷ Ezi Ikiavira Itir Godin Gavgaviba Bar Itim ghaze, ‘Gumazamizir kaba, me nan adarazira ikiam. Egha dughiar ki inabazir kam otoghti, gumazamizir kaba guizbangira na baghvira ikiam. Egha ian apangkuvim men iki manmaghira ikiam, mati borim afeziamin ingangarim gamizima, afeziamin an apangkuvi.¹⁸ Egha dughiar kamin, ia gumazamizir arazir aghuibagh amiba ko arazir kurabagh amiba, ki me gamir arazim, ia an ganam. Arazir aghuibagh amir gumazim, a nan akamin gin zui. Ezi arazir kurabagh amir gumazim, a nan akam batosi.”

4

Ikiavira Itir Godin Dughiar Ekiam Oti-vam

¹ Ikiavira Itir Godin Gavgaviba Bar Itim ghaze, “Ia deragh oragh. Dughiatam iziti, gumazamizir akaba batogha uan ziaba fava arazir kurabagh amiba, avir ekiam tuzibar isi moghin, otogh bar men isi, me bar gevegham. Egha temer aguatagan, o ter bitam ikian kogham.² Egha dughiar kamin, ia gumazamizir nan ziam fa nan atiatia nan apengan itiba, ia bagh aminim tiraghti, aruuen anang ia gisiragh, ian arazir aghuiba akakaghram. Mati aruem ia gisiragh gara gefem ian mikarzibagh anidi moghin, a ia damutu ian arimariuba givaghti ia ghuanaghegham. Egha ian bulmakaun nguziba bar akuegha uari akura divazim ategha ivemara azenan zui moghin, ia bar akuegh mangi.³ Ki Ikiavira Itir Godin Gavgaviba Bar itim ghaze, bizar kabar amuamin dughiamin, ia gumazir kurar kaba ia tuzir siribar min me dikabin me abinigham.

⁴ Ki Sainain Mighsiamin, uan ingarir gumazim Moses ganingizir arazir ki ifongeziba ko, bizar ki damuasa ia mikemeziba,

3:10: Ofa Gami 27:30; Diboboniba 18:21-24; Godin Araziba 12:6; 14:22-29; 2 Atriviba 7:2; 1 Eghaghaniba 26:20; 2 Eghaghaniba 31:10; Nehemia 10:38; 13:12 **3:17:** Godin Araziba 7:6; Onger Akaba 103:13; Taitus 2:14; 1 Pita 2:9

4:2: Malakai 3:16; Luk 1:78; Efesus 5:14; 2 Pita 1:19; Akar Mogomem 2:28 **4:5:** Matyu 11:14; 17:10-13; Mak 9:11-13; Luk 1:17; Jon 1:21

ia da bakinighnighan marki. Israelian gu-mazamiziba bar akar kabar gin mangasa, ki da isa ia ganingi.

5 “Nan Dughiar kam, a Dughiar Bar Elkiam, ki an gumazamizibar amighti me bar atiatigham. Dughiar kam a tighar otivam, ki faraghivira Elajja amadaghtima an akam akurir gumazimin min ia bagh izam. 6 Egh an afeziaba ko, men boribar navibar amighti, me navir vamiran otogh ikiam. Kamaghin amizi, ki nguazir kamin izi gumazamiziba bar me gasighasigan kogham.”

Matyu Osirizir Akar Aghuim O Matyu Akar faragha zuim

Matyu Osirizir Akar Aghuim, a 4plan akinafaribar tongin faragha zui. Egha akinafarir 4plan kaba, da Iesusin Akar Aghuim migia, egha dughiar Iesus nguazimin ikiava amir bizar otivizibagh eghari.

Matyun akinafarim, a Maria Iesus batezir dughiamin otivizir biziagh egharava, egha ghua dughiar me Iesus misoghezi an aremezimin tu. Egha a ua mozimin dikavigha, uan adarazi ategha Godin Nguibamin ghuvanab.

Ezi bizar ekiar mam Matyu anekakaghosa, a kamakin, Iesus bizar God fomira dikirizir akamin dagh amigha gifa. Me Akar Dikirizir Gavgavir Ghurimin da osirizi, da iti. God akam akirigha ghaze, a Israelia ua me inisi gumazitam amadaghti a izam. Ezi akinafarir kam kamaghin en aka, Iesus a gumazir kamra. Egha Matyun akinafarir otevir aviravirin mabar, akaba kamaghin e migia ghaze, bizar Iesus amiziba, da bar migirigar Godin akam nigha izir gumaziba fomira mikemezir akabar miraram otivigha gifa. Ni vezin kabar gan: Matyu 1:22-23, 2:4-6, 2:14-15, 2:23, 4:13-16, 8:16-17, 12:15-21, 13:34-35, 21:2-5, 21:16, 26:24, 26:31, 26:54, 27:6-10in gan.

Ezi bizar ekiar ighazarir mam, Matyun akinafarim a migei, a God Bizibagh Ativamin Dughiamin migei. God kamaghin ifonge, Iesusin ingangarimin God bar gumazamizibar atrivimin ikiasi, eghiti gumazamiziba bar an ifongiamin gin mangam.

Matyun akinafarimin aven, Iesus mikemezir akar ruarir 5pla, da iti. Faragha zuim, a sapta 5, 6 ko, 7in iti, kar akar Iesus mighsiar mam gisin ikia, mikemeziba. Akar kam a guizbangira God gumazamizibar arazibar en aka. Ezi namba 2in akar ruarim, a sapta 10in iti. Kar akar Iesus uan suren gumazibagh aningizim. Dughiar kam, me mangiva Iesusin akam gumazamizir ighazaribav kimasa, ezi Iesus me mangi damuamin bizibav gei.

1:1: Sto 22:18, 1 Sto 17:11

1:1: Genes 22:18; 1 Eghaghaniba 17:11

*** 1:2:** Juda uan aveghbuuba ko, me Israelin

anabar 12plan inaziba.

1:3: Sto 38:29-30, Rut 4:18-22

1:3: Genes 38:29-30; Rut 4:18-22

1:6: 2 Sml 12:24

1:6: 2 Samuel 12:24

† 1:6: Amizir ziar kagh otiviziba, Israeliyan amiziba puvati. Me Israeliyan gumazibar iti. Tamar

ko Rahap aning Kenanin amizim, Rut, a Moapin amizim. Batsabe Solomonin amebam, a uabira Israeliyan amizim. A faragha Urian ike, Uria Hititin gumazim.

1:7: 1 Sto 3:10-16

1:7: 1 Eghaghaniba 3:10-16

1:11: 2 Kin 24:14-15,

1 Sto 3:15, 2 Sto 36:10, Jer 27:20

1:11: 2 Atriviba 24:14-15; 1 Eghaghaniba 3:15; 2 Eghaghaniba 36:10; Jeremaia 27:20

1:12: Esr 3:2

1:12: Esra 3:2

Ezi namba 3in akar ruarim, a sapta 13in iti, Iesus God Bizibagh Ativamin Dughiamin akar isin zuibar gumazamizibav gei. Ezi namba 4in akar ruarim, a sapta 18in iti, Iesus gumazamizir guizbangira an suren gumazibar itir arazibar gun migei. Egha namba 5in akar ruarim, a sapta 24 ko 25in iti, Iesus Dughiar Abuananamin bizibar gun migei.

Akinafarir kam uabi, gumazir akinafarim osirizimin gun mikemezir puvati. Akinafarir kam kamaghin ziar kam ini, Matyu Osirizir Akar Aghuim. Guizbangira, me ti dagiaba isir gumazim Matyu, a ginighnisi. (Ni Matyu 9:9-13in gan.)

Iesus nguazir kamin oto

(Sapta 1:1-4:16)

*Iesusin inaziba ko ovavibar ziaba
(Luk 3:23-38)*

¹ Kar Krais Iesusin inaziba ko ovavibar eghaghanim. Iesus a Devitin ovavim. Ezi Devit Abrahamin ovavim.

² Abraham Aisakin afeziam. Ezi Aisak, Jekopin afeziam. Ezi Jekop Juda ko an aveghbuubar afeziam.* ³ Ezi Juda, Peres ko Seran afeziam. Aningin amebam Tamar. Ezi Peres Hesronin afeziam, Ezi Hesron, Ramin afeziam. ⁴ Ezi Ram Aminadapin afeziam, Ezi Aminadap Nasonin afeziam, ezi Nason Salmonin afeziam. ⁵ Ezi Salmon Boasin afeziam. An amebam Rahap. Ezi Boas Obetin afeziam, an amebam Rut. Ezi Obet Jesin afeziam, Ezi Jesi Atrivim Devitin afeziem.

⁶ Ezi Devit Solomonin afeziam, an amebam Urian amuim.† ⁷ Ezi Solomon Rehoboamin afeziam. Ezi Rehoboam Abiyan afeziam, Ezi Abiya Asan afeziam. ⁸ Ezi Asa Jehosafat afeziam. Ezi Jehosafat Jehoram afeziam. Ezi Jehoram Usian afeziam. ⁹ Ezi Usia Jotamin afeziam. Ezi Jotam Ahasin afeziam. Ezi Ahas Hesekian afeziem. ¹⁰ Ezi Hesekia Manasen afeziem. Ezi Manase Emonin afeziem. Ezi Emon Josaian afeziem. ¹¹ Ezi Josaia Jehoiakin ko an aveghbuuar mabar afeziem. Dughiar kamin Israelia ghua kalabuziar gumazamizibar min Babilonin nguibar ekiamin ghue.

¹² Ezi me Babilonin kalabusin ghuezia, gin Jehoiakin Sealtilin afeziem. Ezi Sealtil Serubabelin afeziem. ¹³ Ezi Serubabel Abiutin afeziem. Ezi Abiut Eliakimin

***** **1:2:** Juda uan aveghbuuba ko, me Israelin

1:6: 2 Sml 12:24

1:3: Genes 38:29-30; Rut 4:18-22

1:7: 1 Eghaghaniba 3:10-16

1:11: 2 Kin 24:14-15,

1:12: Esr 3:2

1:12: Esra 3:2

afeziam. Ezi Eliakim Asorin afeziam. 14 Ezi Asor Sadokin afeziam. Ezi Sadok Akimin afeziam. Ezi Akim Eliutin afeziam. 15 Ezi Eliut Eleasarin afeziam. Ezi Eleasar Matanin afeziam. Ezi Matan Jekopin afeziam. 16 Ezi Jekop Josepin afeziam, a Marian pam.

Ezi Maria Jesus bate, ezi me ziar kam Krais a gati. A Gumazir God Uam E Iniasa Misevezim.

17 Kamaghin amizi, Abrahamin dughiamin ikegha ghua Atrivim Devitin dughiamin tu, 14plan ovaviba otifi. Ezi Devitin dughiamin ikegha ghua dughiar Israelia Babilonin nguubar ekiamin kalabuзиар min ikezim, 14plan ovaviba otifi. Ezi dughiar me kalabuзиар min ikezimin ikegha ghua God Uam E Iniasa Misevezir Gumazim, Kraisin dughiamin tuzim, uaghan 14plan ovaviba otifi.

Maria Krais Jesus bate, a God Uam E Iniasa Misevezir Gumazim

(Luk 2:1-7)

18 Krais Jesus otozir eghaghanimra kara, a God Uam E Iniasa Misevezir Gumazim. An amebam Maria, me Josepin ikiasi a ginaba. Egha aning tighar uaning inigh ikiasava amima, Maria navim asangi. Godin Duamra borim a gati. 19 Ezi Josep Godin damazim derazir gumazim an averara Maria ataghaghaha nighnisi. An azenan Maria aghumsizim a daningan aghua. 20 Egha a kamaghin nighnigha itima Ekiamin enselin mam irebamin kamaghin a migei, "Josep, ni Devitin ovavim, ni atiatingan marki. Ni Maria inigh an iki. A navim asangizir borim, a Godin Duam da ize." 21 An otarim bateghtima, eghiti a uan gumazamizibar arazir kuraba гин amadagh men akurvaghram. Kamaghin ni ziam Jesus a datigh."‡

22 Arazir kaba kamaghin otiva, egha Godin akam inigha izir gumazir mamin migirigiamin miraram otifi. 23 A kamaghin mikeme:

"Amizir gumazitam ko akuijir puvatizim navim asegh, otaritam bategham.

Eghiti me ziar kam Emanuel a darigham, ziar kamin mingarim kara, 'God e ko iti.'

1:18: Lu 1:27, 1:35 **1:18:** Luk 1:27; 1:35 **1:19:** Lo 24:1
4:12, 13:23, 13:38 **1:21:** Luk 1:31; 2:21; Apostel 4:12; 13:23; 13:38
Atrivim Herot Judian Distrik ko Judian boroghin itir distrighbar gari. Herot Atrivimin ikia, uaghan Romiin Atrivir Ekiam Sisarin apemin iti. **2:2:** Num 24:17 **2:2:** Diboboniba 24:17
† **2:9:** Betlehem a Jerusalemin saghon itir puvati. Aning tizim 8 kilomitan iti.
2:11: Onger Akaba 72:10; Aisaia 60:6

24 Ezi Josep daguraguimin dikavigha, Ekiamin ensel irebamin aven a mikemezi moghin, ghua Maria inigha an iti. 25 A poroghamiba uari isava akuir arazitam Maria gamizir puvatigha, ghua dughiar an otarim batezim. Ezi a ziam Jesus isa a gati.

2

Saghon itir fofozir gumaziba Jesus bagha ize

1 Maria Distrik Judian aven itir nguibam Betlehemin Jesus bate. Dughiar kamin Herot, Atrivimin iti. Amebam Jesus batezima fofozir gumazir maba aruem anadi naghin ikegha Jerusalemin ize.* 2 Egha me kamaghin azai, "Borir Judabar Atrivimin ikiamim, amebam a batezi a managh iti? E an gun migeir mikovezim aruem anadi naghin an ganigha an ziam fasa ize." 3 Ezi Herot akar kam baregha an dighorim a bira. Ezi Jerusalemin itir darasi uaghan kamaghin ami. 4 Egha Herot ofa gamir gumazibar ekiaba ko Judan Arazibagh fofozir gumazibar diagha me akuvagha kamaghin men azai, "God Uam E Iniasa Misevezir Gumazim, an amebam managh a batam?" 5 Ezi me ghaze, "Judian Distrighin aven itir nguibam Betlehemin, an amebam a batam. E bizir kam kamaghin a gifio, Godin akam inigha izir gumazim osizirim kamaghin iti:

6 "Ni Betlehem, ni Judan nguazimin aven iti.

Ni Judabar nguibar ekiabar tongin uaghan ziam iti,

nin aven gumazitam na bagh gu-
mazir dapanimin otogh
Israelia gativagh men ganam."

7 Ezi Herot averara aruem anadi naghin izezir gumazibar diagha mikovezim otozir dughiam bagha men azai. A me faraghvira mikovezim apizir dughiam gifogha, 8 egha me isa Betlehemin me amadaghha kamaghin me migei, "Ia mangi borim bativiis deraghvira rui. Ia a batoghiva ua na bagh migirigiam amadagh. Eghiti ki uaghan mangi, an ziam fam."

9 Me Herot baregha zuima mikovezir me faraghia aruem anadi naghin ganizim, men faraghia ghua borim itir danganim batogha

1:19: Godin Araziba 24:1 **1:21:** Lu 1:31, 2:21, Ap

† **1:21:** Ziam Jesus Hibrun akamin migirigiar kam

ko magh ghu, "Ekiam, a gumazamizibar ua me iniamin gumazim." Ziam Jesus Grighin akam. Me Hibrun akamin ziam,

"Josua," Jesus garisi. **1:23:** Aisaia 7:14 **1:23:** Aisaia 7:14

1:25: Lu 2:7, 2:21 **1:25:** Luk 2:7; 2:21 * **2:1:**

Atrivim Herot Judian Distrik ko Judian boroghin itir distrighbar gari. Herot Atrivimin ikia, uaghan Romiin Atrivir Ekiam Sisarin apemin iti. **2:6:** Mai 5:2, Jo 7:42 **2:6:** Maika 5:2; Jon 7:42

† **2:9:** Betlehem a Jerusalemin saghon itir puvati. Aning tizim 8 kilomitan iti.

2:11: Sng 72:10, Ais 60:6, Mt 12:46

a gisirara iti.[†] ¹⁰ Me mikovezimin ganigha bar akonge.

¹¹ Egha me dipenimin aven ghua borim uan amebam Maria ko, aning bato. Me tevibar pirigha avigha ghuaghira borimin ziam fe. Egha me uan mitariba kuigha bizir aghuir a bagha inigha izezibar an ekarim gami. Me gol ko mughuriar aghuium itir borem ko avir migharir mughuriar aghuium gamim da isava a ganungi.

¹² Ezi God irebamin me batogha Herot bagh ua mangan me anogoroke. Ezi me tuavir igharazimin uamategha uan nguibamin ghue.

Josep ko Maria borim inigha Isipin zui

¹³ Fofozir gumaziba ghuezima Ekiamin enselin mam irebamin Josep batogha a migia ghaze, "Ni dikavigh borim iniva an amebam sara inighiva ia ari Isipin mangi. Herot borim bagh ruiva amisueghti an aremeghasa. Kamaghin amizi, ia mangi maghira iki mangiti, dughiar ki ua ni mikimamim." ¹⁴ Ezima Josep dikavigha borim isa an amebam inigha me dimagarir kamra Isipin ghue. ¹⁵ Egha Josep Isipin ikia ghua, dughiar Herot ovengezim. Arazir kabanagh otiva Ekiamin akam inigha izir gumazir mamin akatorimin mikemezez migirigabar min otifi. A kamaghin mikeme, "Nan Otarim Isipin kantrin itima, ki an diazima an azenan ize."

Atrivim Herot mikemezima, me borir aviribav soghezima da ariaghire

¹⁶ Ezi Herot garima, fofozir gumazir aruem anadi naghin izeziba a gifara. Ezi Herot bar puv atara uan midorozir gumaziba amadagha, migirigiar gavgavim me ganiga, me amadima me ghua, Betlehem koma an boroghin itir nguibaba bar dar ghua otarir azenir pumuning ko an apengan itiba, me misozima me ariaghire. Kar ana aruem anadi naghin izezir fofozir gumazibar migirigiamin gin ghua kamaghin ami. ¹⁷ Arazir kabanagh otiva Godin akam inigha izir gumazim Jeremaia mikemezi moghin, otifi. A ghaze:

¹⁸ "Me Raman nguibamin tiarir mam barasi, azirakam ko tuatem.

-
- 2:15:** Hos 11:1 **2:15:** Hosea 11:1 **2:18:** Stt 35:19, Jer 31:15 **2:18:** Jenesis 35:19; Jeremaija 31:15 **2:20:** Kis 4:19 **2:20:** Ua Me Ini 4:19 [‡] **2:22:** Atrivim Herot ovengezima Romin gavman a garir kantri abigha an otaribagh aningi. Ezi Arkelaus atrivimin ikia Distrik Galili ko Distrik Judian gari. A 10plan azenibar atrivimin ike. **2:23:** Ais 11:1, 53:2, Mk 1:24, Lu 2:39, Jo 1:45 **2:23:** Mak 1:24; Luk 2:39; Jon 1:45 **3:1:** Mk 1:4, 1:15, Lu 3:2-3, Jo 1:28 **3:1:** Mak 1:4; 1:15; Luk 3:2-3; Jon 1:28 **3:2:** Mt 4:17, Mk 1:15 **3:2:** Matyu 4:17; Mak 1:15 * **3:2:** Ziar kamming, "Kingdom Bilong God," ko "Kingdom Bilong Heven," aning God Bizibagh Ativamin Dughiam migei. Ezi kagh Matyu osirizi Akar Aghuiumin aven e ghaze, "God Bizibagh Ativamin Dughiam." **3:3:** Ais 40:3, Mk 1:3, Lu 1:76, Jo 1:23 **3:3:** Aisaya 40:3; Mak 1:3; Luk 1:76; Jon 1:23 **3:4:** 1 Smu 14:25-26, Sek 13:4, Mk 1:6 **3:4:** 1 Samuel 14:25-26; Sekaraia 13:4; Mak 1:6 [†] **3:4:** Jon apir dagheba ko an azuir korotiaba an akakagha ghaze, a Godin akam inigha izezir gumazim Elaijan min iti. Ni akar 2 Atriviba 1:8in itimun gan. **3:7:** Mt 12:34, 23:33, Lu 3:7, Ro 5:9, 1 Te 1:10 **3:7:** Matyu 12:34; 23:33; Luk 3:7; Rom 5:9; 1 Tesalonika 1:10

Reselin boriba ua itir puvati.
Kamaghira a uan ovengezir boriba bagha azi.
A navir amirizim inian aghua."

Josep uan amuim ko Iesus inigha uamategha uan nguibamin ize

¹⁹ Herot ovengezima, Josep Isipin itima, Ekiamin ensel irebamin Josep bato. ²⁰ Egha kamaghin a migei, "Borim misoghasa amir darazi me ovegne. Kamaghin amizi, ni dikavigh borim koma an amebam inigh ua Israelin mangi." ²¹ Ezi a dikavigha borim isa an amebam inigha me ua Israelin ghue.

²² Egha an orazima, Arkelaus uan afeziam Herotin danganim inigha Judian Atrivimin iti. Ezi Josep Judian Distrighin mangan atiatingi. Egha God da irebamin migirigiam inigha Galilin Distrighin ghu.[‡] ²³ A ghua Galilin Distrighin nguibar mam, Nasaretin apera. Bizir kaba otiva Godin akam inigha izir gumazim mikemezez moghin otifi, a ghaze, "Me Nasaretian Gumazim, a darigham."

3

*Jon, Gumazamiziba Ruer Gumazim, akam akuri
(Mak 1:2-8; Luk 3:1-18; Jon 1:19-28)*

¹ Dughiar kamnaghin Gumazamiziba Ruer Gumazim Jon izava, Judian gumazamiziba puvatizir danganimin ikia akam akuri. ² Egha ghaze, "God Bizibagh Ativamin Dughiam, a roghira ize. Kamaghin amizi, ia navibagh iragh."

³ Godin akam inigha izir gumazim Aisaia fomira Jonin gun migia ghaze, "Gumazir tiarir mam gumazamiziba puvatizir danganimin dia ghaze, 'Ia Ekiam bagh tuaviba azeniven, dar kir.'"

⁴ Jon an asizim kamelin arizibar ingarizir iniba ikegha asizir inim uan ivariam ike. A inir kaba ikeghava odeziba ko ruarimin haniba api.[†] ⁵ Ezi gumazamiziba, me Jerusalemin nguibar ekiam ko Judian Distrik ko Jordanin danganimin ikegha, bar a bagha izava, ⁶ uan arazir kurabar gun migeima a Jordanin Fanemien me rue.

7 Egha a garima, Farisiba ko Sadyusibar avirim, a gumazamiziba ruer danganimin izi. Ezi a kamaghin me migei, "Ia kuruze diriv anababa, tina ia mikemezi, ia Godin aningaghlar gin izamimin ari mangasa?" 8 Ia navim girazir arazibar amu. 9 Egh la pura uarigh nighnigh suam 'E Abrahamin ovaviba.' Ki ia migei, God dagiar kabara amighti da Abrahamin ovavibar min otivighamin gavgavim iti. 10 Sobiam datirighin temer povibar iti, egheti temer dagher ovizir aghuiba itir puvatiziba, God bar da okeghiva da isiva avim minkinam.

11 "Ia navibagh irazir arazim akakaghaha ki dipamin ia rue. Ezi nan gin izir gumazim, an gavgavim nan gavgavim gafira. Ezi ki an dagarir asuabar ateramin gavgaviba puvati. Gumazir kam Godin Duam ko avimin ia ruam. 12 A witba mishevir savol an agharimin iti, egheti a uan witba misiva dar daghebar arighiva, witba mishevir dipenimin witin misheviba aviva, egh dar misheviba avir munger puvatizimin da akuntima, da isiam."

*Jon Jesus rue
(Mak 1:9-11; Luk 3:21-22)*

13 Ezi dughiar kamin Godin Galilin Distrik ategha Jon a ruasa, Jordanin Fanemin zui. 14 Ezi Jon an anogorogha ghaze, "Ni manmaghsua, ubi ruasa na bagha izi? Ni na rutu, kamaghin deraghmi!"

15 Ezi Jesus an migirigiam ikaragha a migia ghaze, "Marki. Ni datirighin ki ni migei moghin ni damu. Ga arazir kamin, God ifongezer arazibar gintithi, da otivam." Ezi Jon an migirigiamin min ghu.

16 Ezi Jesus ruegha givagha zuamira dipamin anagava oto. Ezi overiam kuiaghiri a garima, Godin Duam bumbamin min mighegha izaghira a gisin apera. 17 Ezi tiarir mam Godin Nguibamin ikia dia ghaze, "Kar nan Otarim, ki bar a gifonge. Ki a bagha bar akonge."

4

*Satan Jesus gifarasa a gakaghori
(Mak 1:12-13; Luk 4:1-13)*

3:9: Jo 8:33, Ap 13:26, Ro 2:28-29, 4:1, 4:11-12, 4:16

3:9: Jon 8:33; Apostel 13:26; Rom 2:28-29; 4:1; 4:11-12; 4:16

3:10: Mt 7:19, Lu 13:6-9, Jo 15:6

3:10: Matyu 7:19; Luk 13:6-9; Jon 15:6

3:11: Aisaia 4:4; Malakai 3:2; Jon 1:26-27; 1:33; Apostel 1:5; 2:3-4; 1 Korin 12:13

3:11: Aisaia 4:4; Malakai 3:2; Jon 1:26-27; 1:33; Apostel 1:5; 2:3-4; 1 Korin 12:13

3:12: Malakai 3:3; 4:1; Matyu 13:30

3:12: Ais 11:2, Mk 1:10, Lu 3:22, Jo 1:32-33

3:12: Ais 11:2, Mk 1:10, Lu 3:22, Jo 1:32-33

3:13: Stt 22:2, Sng 2:7, Ais 42:1, Mt 12:18, 17:5, Mk 1:11, Lu 9:35, Jo 12:28, 2

3:13: Stt 22:2, Sng 2:7, Ais 42:1, Mt 12:18, 17:5, Mk 1:11; Luk 9:35; Jon 12:28; 2 Pita 1:17

4:1: Mk 1:12-13, Lu 4:1-13, Hi 2:18, 4:15

4:1: Mak 1:12-13; Luk 4:1-13; Hibru 2:18; 4:15

4:2: Ua Me Ini 34:28; 1 Atriviba 19:8

4:2: Kis 34:28, 1 Kin 19:8

4:3: Jo 6:30-31

4:3: Jon 6:30-31

4:4: Onger Akaba 91:11-12; Jon 7:3-4

4:4: Lo 8:3

4:5: Onger Akaba 91:11-12; Jon 7:3-4

4:5: Lo 6:16

4:6: Sng 91:11-12, Jo 7:3-4

4:6: Onger Akaba 91:11-12; Jon 7:3-4

4:7: Hi 6:14-15

4:7: Godin Araziba 6:16

4:8: Lo 6:13, 10:20, Jos 24:14

4:8: Godin Araziba 6:13; 10:20; Josua 24:14

4:9: Hi 6:14-15

4:9: Hi 6:1, 1:14

4:10: Luk 4:1-13, Hi 2:18, 4:15

4:10: Luk 4:1-13; Hibru 2:18; 4:15

4:11: Hibru 1:6; 1:14

4:11: Hibru 1:6; 1:14

4:12: Mt 14:3, Mk 1:14, 6:17, Lu 3:19-20, Jo 4:43

4:12: Matyu 14:3; Mak 1:14; 6:17; Luk

3:19-20; Jon 4:43

3:19-20; Jon 4:43

4:13: Jo 2:12

4:13: Jon 2:12

1 Dughiar kamin Godin Duam Jesus inigha ghua Satan a gifarasa gumazamiziba puvatizir danganimin ghu. 2 Ezi Jesus 40plan arueba ko dimagaribar daghetam inizir puvati. Ezi mitiriam an azi. 3 Ezi gumazir ifavaribagh amim Satan iza a batogha kamaghin a migei, "Ni guizbangira Godin Otarim, ni dagiar kaba akar gavgavim dav kemeghti da bretin rubuzibar min otifigh."

4 Ezi Jesus Satan ikaragha ghaze, "Godin Akinafarim kamaghin migei, 'Gumazamiziba daghebara damiva dar gavgavim inikian kogham. Puvati. Me God migeir migirigia bar dar gin mangiva me ikirimirir aghuim iniam.'"

5 Ezi Satan Jesus inigha Jerusalemin ghugha a isa Godin Dipenim pin mar anefa. 6 Egha kamaghin a migei, "Ni oragh, Godin Akinafarim kamaghin migei, 'A ni bagh uan enselba akar gavgavim me mikintima me deraghvira nin ganam. Egh ue an dafaribar ni fuehti, ni uan dagarim dagiatamin aneseghan kogham!' Kamaghin amizi, ni guizbangira Godin Otarim, ni kagh iki ubi ekunigh."

7 Ezi Jesus an akam ikaragha ghaze, "Godin Akinafarim uaghan kamaghin migia ghaze, 'Ni uan Ekiam Godin Araziba tuisigh a gifoghs i an gavgavim bagh azangan marki.'"

8 Ezi Satan ua Jesus inigha ghua mighsiar bar pin itir mamin ghuavanabogha nguazir kamin kantriba bar, ko dar bizir aghuiba an akakaghha ghaze, 9 "Ni tevimming apirigh nan ziam sefti, bizir kaba ki bar da ni daningam."

10 Ezi Jesus a migia ghaze, "Satan ni na gitagh! Godin Akinafarim kamaghin migei, 'Ni uan Ekiam God, ni an apengara iki an ziamra fam.'"

11 Ezi Satan Jesus ataghizima, Godin enselba an garava an akurvasi.

Iesus Galilin Distrighin ingari

(Mak 1:14-15; Luk 4:14-15)

12 Jesus orazima me Jon, Gumazamiziba Ruer Gumazim a isa kalabus gati, ezi a uamattegha Galilin Distrighin ghu. 13

Egha a Nasaretin nguibam ategha ghua Kaperneamin nguibamin iti. Nguibar kam, Galilin Dipar Akaremin dadarimin Sebulun ko Naptalipnguazir asizimin iti.*¹⁴ Arazir kabanagh otiva fomira Godin akam inigha izir gumazim Aisaia mikemezi moghin otifi. A ghaze,¹⁵ “Ia gumazamizir Sebulunin nguazim ko Naptalipnguazim itiba, nguazir kam a tuavir ongarimin zuimin boroghira itir danganim ko Jordanin Fanemin dadarir vongin itir danganim, a Galilin Distrighin nguazim. Danganir kam Kantrin Igharazibar Gumazamizir aviriba uaghan an aven iti.¹⁶ Gumazamizir arazir kurabar mitatemin aven aruiba, me datirighin angazangarir ekiamin gari. Me danganir mitatemin apiaghav ikiaya aremeghasava ami, ezi datirighin aminim tirazi angazangarim me gisira.”

Iesus Akar Aghuim akuri

(Sapta 4:17–9:34)

*Iesus suren gumazir 4plan diazi,
me an gin zui*

(Mak 1:16-20; Luk 5:1-11)

¹⁷ Dughiar kamin Iesus ingangarim foregha akam akura gumazamizibav gia ghaze, “God Bizibagh Ativamin Dughiam a roghira ize. Kamaghin amizi, ia navibagh iragh!”

¹⁸ Ezi Iesus Galilin Dipar Akaremin dadarimin ghua gari aveghbuar mamning iti. Saimon, me “Pita,” a garisi. A uan dozim Andru ko, aning iver ekiaba dipamin da kuri. Aning osiriba isa dagiaba bagha da amadir gumazimning.¹⁹ Ezi Iesus aning migia ghaze, “Gua nan gin izitima ki guan akakaghtima, gua osiriba isi moghin gumazamiziba iniam.”²⁰ Ezi aning an akam baraghavira, uan iveba ategha an gin zui.

²¹ Ezi Iesus mong sivagha ghua aveghbuar mamningin api. Jems, a Sebedin otarim, a uan dozim Jon ko iti. Aning uan afeziem Sebedi ko me botin mamin iti. Men iveba dighoraghirezi, me dar toribar kiri.

* **4:13:** Israelin inazir pumuning Sebulun Ko Naptalipnguibam Rom gavmanin apengen itir dughiamin, kantri Israel a Romin Provinsin dughiamin aning Galilin Distrighin aven iti. **4:15:** Aisaia 9:1-2 **4:16:** Ais 42:7, Lu 2:32 **4:16:** Aisaia 42:7; Luk 2:32 **4:17:** Mt 3:2, 10:7, Mk 1:14-15 **4:17:** Matyu 3:2; 10:7; Mak 1:14-15 **4:19:** Mt 13:47, Lu 5:1-11 **4:19:** Matyu 13:47; Luk 5:1-11 **4:20:** Matyu 19:27; Mak 10:28; Luk 18:28 **4:20:** Matyu 19:27; Mak 10:28; Luk 18:28 **4:23:** Mt 9:35, Mk 1:39, Lu 4:15, 4:44, Ap 10:38 **4:23:** Matyu 9:35; Mak 1:39; Luk 4:15; 4:44; Aposel 10:38 **4:24:** Mk 6:55

4:24: Mak 6:55 **4:24:** Judan Nguibam Rom gavmanin apengen itir dughiamin, kantri Israel a Romin Provinsin ekiama Sirian aven iti. **4:25:** Mk 3:7-8 **4:25:** Mak 3:7-8 **5:1:** Judabar arazim, men tisaba apiava akam akuri. (Ni Matyu 13:2 ko 24:3 ko Luk 4:20 in gan.) **5:2:** Matyu 4:23-25 ko 9:35 ghaze, Jesus ingangarir pumuning gami. A faragha gumazamizibar sure gamigha gin men arimariaba batosi. Kamaghin e Matyu sapta 5in ikegha ghua sapta 7in tu Iesus, God Bizibagh Ativamin akabar men sure gami. Egha gin Matyu sapta 8 ko 9 e gari, Iesus men arimariaba batosi. Matyun Osirizir Akar Aghuimin aven Iesus migirigiar bar ruarir 5pla akuni, sapta 5-7in itir migirigiar ruarim a 5plan kabar faragha otifi, ezi 4pla ikiavira iti. Akar sapta 5-7in itiba a mighsiar mamin ikiya da akuni. **5:3:** Sng 51:17, Ais 57:15, Lu 6:20 **5:3:** Onger Akaba 51:17; Aisaia 57:15; Luk 6:20 **5:4:** Ais 61:2, Lu 6:121, MAA 7:17 **5:4:** Aisaia 61:2; Luk 6:21; Akar Mogomem 7:17 **5:5:** Sng 37:11, Ais 29:19 **5:5:** Onger Akaba 37:11; Aisaia 29:19

Ezi Iesus aning diazima,²² aning maghira uan afeziem ko bot ategha Iesusin gin zui.

*Iesus akam akura arimariabar kiri
(Luk 6:17-19)*

²³ Jesus Galilin Distrik bar a garua me God ko migeir dipenibar aven men sure gami. Egha a God Bizibagh Ativamin Dughiamin akam me migia men arimariaba ko osimtizir men namnabar itiba bar da gefi.²⁴ Ezi an biarim Sirian Provinis bar an ghu. Ezi gumazamizir arimariaba itiba, me bar me isa a bagha izi. Gumazir aria mizazir kuraba baraziba, ko duar kuraba apazaziba, ko gu-mazir arimariar inirizibagh amiba, ko gu-mazir agharapaniba ariaghireziba, me bar me inigha a bagha izi. Ezi Iesus men arimariaba bar da gifa.[†]²⁵ Ezi gumazamizir bizir dafam, me a koma arui. Galilin Distrighin itir darazi ko Distrik Dekapolisin itir darazi ko Jerusalem ko Judian Distrik, ko Jordanin vongin itir danganimin itir darasi, me an gin arui.

5

Iesus mighsiamin akam akuri

¹ Iesus gari avirir ekiam an gin izima, a mighsiar mamin ghuanabogha apera. Ezi an suren gumaziba a bagha izi.*

*Iesus gumazamizibar sure gami
(Luk 6:20-23)*

² Ezi Iesus kamaghin uan suren gumazibar sure gamua ghaze:[†]

³ “Ia Godin damazimin ia fo, ia an bizibagh asa,
ia God Bizibagh Ativamin Dughiamin aven mangam.
Kamaghin ian naviba deragh.

⁴ Ia datirighin azia itir gumazamiziba,
ia bar akuegham.
Kamaghin ian naviba deragh.

⁵ Ia gumazamizir uari abira aghumra itiba,
God nguazim bar ia daningam.

- Kamaghin ian naviba deragh.
- 6** Ia gumazamizir arazir aghuiba baghvira ikia egha mati gumazim mitiriam an aza, egha mati gumazim kuarim an piri,
God ian mitiriam a givagham.
- Kamaghin ian naviba deragh.
- 7** Ia gumazamizir igharaz darazir apangkuviba,
God ian apangkuvam.
- Kamaghin ian naviba deragh.
- 8** Ia gumazamizir navir averiaba zueziba, ia Godin ganam.
- Kamaghin ian naviba deragh.
- 9** Ia gumazamizir adariba ko midoroziba a geviba, me 'Godin Boriba,' ia darigham.
- Kamaghin ian naviba deragh.
- 10** Ia gumazamizir arazir aghuibagh amiba, ezi me arazir kam bagha osimtiziba ko mizaziba ia ganidi,
God Bizibagh Ativamin Dughiam, a iana.
- Kamaghin ian naviba deragh.
- 11** Me ian gari ia na ko iti, ezi bizar kam bangin me paza ia gamua osimtiziba ko mizaziba ia ganidi, egha migirigiar ifavarir aviriba ia gasi, kamaghin ian naviba deragh.
- 12** Ivezir bar ekiam ia mizua Godin Nguibamin iti.
Godin akam inigha izir gumazir ian faragha ghueziba, me uaghan kamaghira osimtiziba ko mizaziba me ganangi.
Kamaghin ia naviba deragh bar akongehg."

*Ia amangsizim ko angazangarimin min iti
(Mak 9:50; Luk 14:34-35)*

13 Egha Jesus ua me migia ghaze, "Ia nguazir kamin itir gumazamiziba bar me bagha, amangsizim min iti. Ia fo, amangsizim uan isingtizim ateghti, ia manmaghin a damighti a ua singigham? Amangsizir kamaghin otiviba ingangariba puvati. Me a isi nguazimin anekunigh

- 5:6:** Ais 55:1-2, 65:13 **5:6:** Aisaia 55:1-2; 65:13 **5:7:** Mt 6:14, Mk 11:25, Hi 6:10, Je 2:13 **5:7:** Jems 2:13 **5:8:** Sng 15:2, 24:3-4, 51:10, 73:1, 1 Ko 13:12, Hi 12:14, 1 Jo 3:2-3 **5:8:** Onger Akaba 15:2; 24:3-4; 51:10; 73:1; 1 Korin 13:12; Hibrus 12:14; 1 Jon 3:2-3 **5:9:** Mt 5:45, Lu 6:35, Ro 14:19 **5:9:** Matyu 5:45; Luk 6:35; Rom 14:19 **5:10:** 2 Ko 4:17, 2 Ti 2:12, Hi 12:4, 1 Pi 3:14 **5:10:** 2 Korin 4:17; 2 Timoti 2:12; Hibrus 12:4; 1 Pita 3:14 **5:11:** Lu 6:22, Je 1:2, 1 Pi 4:14 **5:11:** Luk 6:22; Jems 1:2; 1 Pita 4:14 **5:12:** 2 Sto 36:16, Lu 6:23, Ap 5:41, 7:52, 1 Te 2:15, Hi 11:32-38, Je 5:10, 1 Pi 4:13 **5:12:** 2 Eghaghaniba 36:16; Luk 6:23; Aposel 5:41; 7:52; 1 Tesalonika 2:15; Hibrus 11:32-38; Jems 5:10; 1 Pita 4:13 **5:13:** Mt 9:50, Lu 14:34-35 **5:13:** Mak 9:50; Luk 14:34-35 **5:14:** Snd 4:18, Jo 8:12, 9:5, Fl 2:15 **5:14:** Aghuzir Akaba 4:18; Jon 18:12, 9:5; Filipai 2:15 **5:15:** Mk 4:21, Lu 8:16, 11:33 **5:15:** Mak 4:21; Luk 8:16; 11:33 **5:16:** Jo 15:8, 1 Ko 14:25, Ef 5:8-9, 1 Pi 2:12 **5:16:** Jon 15:8; 1 Korin 14:25; Efesus 5:8-9; 1 Pita 2:12 **5:17:** Mt 3:15, 9:13, 10:34-35, Ro 3:31, 10:4, Ga 3:24 **5:17:** Rom 3:31; 10:4; Galesia 3:24 **5:18:** Lu 16:17, 21:33 **5:18:** Luk 16:17; 21:33 **5:19:** Je 2:10 **5:19:** Jems 2:10 **5:20:** Ro 9:31, 10:3 **5:20:** Rom 9:31; 10:3 **5:21:** Kis 20:13, 21:12, Wkp 24:17, Lo 5:17 **5:21:** Ua Me Ini 20:13; 21:12; Ofa Gami 24:17; Godin Araziba 5:17 **5:22:** Je 1:19, 1 Jo 3:15 **5:22:** Jems 1:19; 1 Jon 3:15

a dikabinam. **14** Ia mati nguazir kamin angazangarim. Ia kamagh nighnigh! Nguibar ekiatam mighsiamin iki modoghan kogham. **15** Egha gumazitam lamen tam gaborogha a isa minetamin aven anetizir puvati. An a isi dakozim dafaghtima, an angazangarim gumazamizir dipenimin itiba bar me gisiragham. **16** Nin angazangarim kamaghira isiraghtima, gumazamiziba bar an ganam. Egh me ian arazir aghuir kabar ganiva ian Afeziar uan Nguibamin itim, me an ziam fam."

Moses Osirizir Arazibar akaba

17 Egha Jesus ua migia ghaze, "Ia kamaghin nighnighan marki, egh suam, ki Moses Osirizir Arazibar ko Godin akam inigha izir gumazibar akaba batoghasa ize. Puvati. Ki izi dar amuti dar dagheba guizin otivam. **18** Ki bar guizbangira ia migei, Moses Osirizir Arazibar akar muzieritam givaghan kogh, mangi nguazim ko overiam givaghamin dughiam otogham. Dar osizirir otevir muzieriba ko ababanir me osiriziba, da kamaghira iki mangi bizar otivamba bar otivigham. **19** Kamaghin amizi, gumazir manam Moses Osirizir Arazitam kuragh suam, a pura bizim, egh kamaghira igharaz darazir sure damuam, gumazir kamaghin amim, God Bizibagh Ativamin Dughiamin an ziam bar gin ikiam. Egithma gumazir manam Moses Osirizir Arazibar gin mangiva egh kamaghira ua igharaz darazir men sure damutti me an min arazir kabar gin mangiti, gumazir kamaghin amizim, God Bizibagh Ativamin Dughiam, a ziar bar ekiam iniam. **20** Kamaghin amizi, ki ia migei, ia Godin ifongiamin ginttighan koghiva, ian arazir aghuiba Judan Arazibagh fozir gumaziba ko Farisibar arazir aghuibagh afiraghan koghti, ia God Bizibagh Ativamin Dughiamin aven mangian kogham."

Iesus akabar kirir arazim migei (Luk 12:57-59)

21 Egha Jesus ua kamaghin migei, "Ia migirigiar ian ovaviba iniziba, ia da baregha givagha dagh fo, ia tav

misueghtima an aremeghan marki. Ian tav gumazitam misueghtima an aremegham, a kotiamin otivam. ²² Ezi ki kamaghin ia migei, gumazir manam uan aveghbuamin atari, a kotiamin mangam. Egh gumazitam migirigiar kurabar uan aveghbuam mikim suam, a Kotiar Ekiamin otivam. Egh gumazitam gumazir mamin atar suam, a gumazir organim, a helin avir ekiamin mangam.

²³ “Egh ni ofa damusi ofa gamir dakozimin mangi, egh ni nighnigham, ni uan aveghbuam ko migirigiar osimtizim iti, ²⁴ egh ni uan ofaba ofa gamir dakozimin dar atigh. Egh uamategh mangi aveghbuam ko migirigiar kirigh. Gua dar kirigh, egh ni datirighin mangi uan ofa isi God daning.

²⁵ “Egħi nin apanim ni inigh kotiamin mangiti, ni a ko osimtizir kam akirs tuavimin a mikim mangi. Puvatightima, a ni inigh jaslin damazimin mangam. Egħi jas ni inigh polis in agharim datightima, polis ni inigh kalabuziám datigham. ²⁶ Ezi ki guizbangira ni migei, ni azenim giran kogħam, iki mangi ni iverzim bar anekirghamin dugħi min ġin, azenim giram.”

Iesu porogħamiba uari bakeir arazibav gei

²⁷ Egha Iesu ua kamaghin migei, “Ia kamaghin oraki, me fomira ghaze, ia porogħamiba uari bakeir arazim, damuan marki. ²⁸ Ezi ki kamaghin ia migei, ni gumazitam ni amizir mamin gara paza a ginighni, ni porogħamiba uari bakeir arazim uan navir averiamin aven, a ko a gamiha gifa.

²⁹ “Egħi nin damazir guvimin itim ni damuti, ni arazir kurum damighti, ni anes-sieħa a makunigh. Kamaghin deragħham, ni uan mikarzitam atuġħi, egh arazir kuratam damiġħan kogħam. Puvatightima, me nin mikarzim bar a isiva helin anekun ħam. ³⁰ Egħi nin dafarir guvim ni damuti ni arazir kuratam damighti, ni anetugħi a makunigh. Kamaghin dera, nin mikarzitam dutuġħi deragħham, egh ni arazir kuratam damuan kogħam. Puvatightima, me nin mikarzim bar a isi helin anekun ħam.”

Iesu ghaze, gumaziba uan amuiba ataghira għażżeen kogħam

(Matyu 19:9; Mak 10:11-12; Luk 16:18)

³¹ Egha Iesu ua migia ghaze, “Me fomira kamaghin migei, ‘Gumazir manam uan amuim ataghira għi, an a bagħ a kinafarim osirigh egh anetegħam.’ ³² Ezi ki kamaghin ia migei, Gumazir manam uan amuim garima, a gumazir iħgarazitam ko akuiżi puvatizi a puram anetaki, gumazir kam uan amuim gamima a porogħamiba uari bakeir arazim gami. Egħi amizir kam gumazir iħgarazitam ikkien, a porogħamiba uari bakeir arazim gami. Egħi gumazitam amizir pam ataghizim min ikkiva, egh gumazir kam uaghlan porogħamiba uari bakeir arazim gami.”

Iesu ghaze, ia bizibav kim egh guizbangira daridh Godin Nguibamin akakħha marki

³³ Egha Iesu ua kamaghin migei, “Migirigiar mam ian ovaviba a inizi ia a baraki, a kara, ‘Ta ifarva Godin Nguibamin akakħha mikim marki. Ia Ekiamin damazimin migej akammin mirra mangi, arazir kam deragh a damu.’ ³⁴ Ezi ki ia migei, uan migirigia bav għażiex ġiġi u aningsi, bixiż katamin akakħha mikim marki. Bar markiām. Ia Godin Nguibamin akakħha egh mikim suam, ‘Bar guizbangira,’ ia kamaghin damuan marki. Bar markiām. Kar Godin Atrivir Dabirabim. ³⁵ Ia uan migirigia bav għażiex ġiġi u aningsi, nguazir kam dipponan marki. God nguazimin uan suemming arisi. Egh ia uan migirigia bav għażiex ġiġi u aningsi, Jerusalem dipponan marki. Jerusalem Atrivir Ekiamin nguibar ekiam. ³⁶ Egh ia uan migirigia bav għażiex ġiġi u aningsi uan dapanbar akakħha marki. Ia fo, ian tav uan dapanir arizitam damuti a pigham, o għurghur iż-żejt kogħam. ³⁷ Ia pura kamaghin mikim, ‘Guizbangira,’ o ‘Puvati.’ A kamaghin dera. Ezi migirigiar iħgarazir isafuraziba, da Satanin otivaghixi migirigia.

*Iesu ghaze, ia arazir kurabu ikarvagħha marki
(Luk 6:29-30)*

- 5:23:** Mt 8:4, 23:19, Mk 11:25 **5:23:** Matyu 8:4; 23:19; Mak 11:25 **5:24:** Mt 18:15-20, 1 Ti 2:8, 1 Pi 3:8 **5:24:**
Matyu 18:15-20; 1 Timoti 2:8; 1 Pita 3:8 **5:25:** Mt 6:14-15, 18:34-35 **5:25:** Matyu 6:14-15; 18:34-35 **5:27:** Kis
20:14, Lo 5:18 **5:27:** Ua Me Ini 20:14; Godin Araziba 5:18 **5:28:** 2 Sml 11:2, Snd 6:25, 2 Pi 2:14 **5:28:** 2 Samuel
11:2; Aghuziż Akaba 6:25; 2 Pita 2:14 **5:29:** Mt 18:9, Mk 9:47, 1 Ko 9:27, Kl 3:5 **5:29:** Matyu 18:9; Mak 9:47; 1 Korin
9:27; Kolosi 3:5 **5:30:** Mt 18:8, Mk 9:43 **5:30:** Matyu 18:8; Mak 9:43 **5:31:** Lo 24:1-4, Jer 3:1, Mt 19:7, Mk 10:4
5:31: Godin Araziba 24:1-4; Jeremaja 3:1; Matyu 19:7; Mak 10:4 **5:32:** Mt 19:9, Mk 10:11-12, Lu 16:18, Ro 7:3, 1 Ko
7:10-11 **5:32:** Matyu 19:9; Mak 10:11-12; Luk 16:18; Rom 7:3; 1 Korin 7:10-11 **5:33:** Kis 20:7, Wkp 19:12, Nam 30:2,
Lo 23:21 **5:33:** Ua Me Ini 20:7; Ofa Gami 19:12; Diboboniba 30:2; Godin Araziba 23:21 **5:34:** Ais 66:1, Mt 23:22,
Ap 7:49; Je 5:12 **5:34:** Aisa 66:1; Matyu 23:22; Aposel 7:49; Jems 5:12 **5:35:** Sng 48:2; Ais 66:1 **5:35:** Onger
Akaba 48:2; Aisa 66:1 **5:37:** Kl 4:6, Je 5:12 **5:37:** Kolosi 4:6; Jems 5:12 **5:38:** Kis 21:24, Wkp 24:20, Lo 19:21
5:38: Ua Me Ini 21:24; Ofa Gami 24:20; Godin Araziba 19:21

6

*Iesus igharazibar akurvazir arazim
migei*

³⁸ Egha Iesus ua kamaghin migei, "Ia oraki, me fomira ghaze, Tav igharaz tavin damazim a gasighasichti, me uaghan an damazim gasighasigham. Eghti tav tavin ataritam asichti, me uaghan an ataritam asigham." ³⁹ Ezi ki kamaghin ia migei, gumazim arazir kuratam ia damightima, ia a ikarvaghan marki. Egh gumazitam ian koviatam apezeghti, ia koviar vuem sara a daningigh. ⁴⁰ Eghti tav ian korotiar azenan azuim bagh ia isi kotiam datighti, ia uaghan uan aven azuir korotiam saram a daningigh. ⁴¹ Eghti tav uan biziba iniasa ni bagha gavgava ghaze, ni an biziba ater an aku tuavir asizitamin mangam, eghti ni an aku tuavir asizir ruarir pumuningin mangi. ⁴² Eghti tav biziba bagh ian azangsichti, ia a daningigh. Eghti gumazitam pura ia da biziba iniasa ian azai, ia akirim ragh a gasan marki."

*Jesus ghaze, ia uan apanibagh ifongegeh
(Luk 6:27-28; 6:32-36)*

⁴³ Egha Iesus ua kamaghin migei, "Ia kamaghin oraki, me fomira kamaghin migei, 'Ia uan namakabagh ifongegeh, egh pazi uan apanibar amu.'[†] ⁴⁴ Ezi ki kamagh ia migei, ia uan apanibagh ifongegeh, egh me bagh Godin azangti, God gumazir osimitziba ko minazibah ia ganidibar apangkuvam. ⁴⁵ Arazir kam kamaghin ian akaghah, ia guizbangira uan Afeziar uan Nguibamin itimin boribara. Guizbangira, an aruem gamima, a gumazir kuraba ko aghuiba bar me gisisi. Egha an amozim gamima, a gumazir aghuiba ko gumazir arazir kurabagh amiba sara me gizi. ⁴⁶ Eghti ia gumazir ia gifongezibara ifueghiva ia ivedir aghuir manatam iniam? Puvati. Gumazir dagiaba isiba uaghan arazir kabagh ami. ⁴⁷ Egh ia dugniam isi uan adarazir aning, egh ian arazir manam igharaz darazir arazim gafiraghram? Gumazir God gifozir puvatiziba ti uaghan ia amir arazibagh ami! ⁴⁸ Kamaghin amizi, ia uan Afeziar uan Nguibamin itim, an arazir aghuibagh ami moghin, ia uaghan arazir aghuibar amu."

^{5:39:} Wkp 19:18; Ais 50:6; Lu 6:29; Jo 18:22-23; Ro 12:17-19; 1 Ko 6:7; 1 Pi 3:9 ^{5:39:} Ofa Gami 19:18; Aisaiia 50:6; Luk 6:29; Jon 18:22-23; Rom 12:17-19; 1 Korin 6:7; 1 Pita 3:9 ^{5:40:} 1 Ko 6:7 ^{5:40:} 1 Korin 6:7 ^{5:42:} Lo 15:8-10; Lu 6:30; 6:35 ^{5:42:} Godin Araziba 15:8-10; Luk 6:30; 6:35 ^{5:43:} Ongar Akaba 41:10 ^{5:43:} Migirigiar uan namakabara ifongeghamib, a Ofa Gami 19:18 in iti. Ezi akar uan apanibagh ifongeghan koghamim itir danganin e a gifozir puvati. Ni Godin Araziba 7:2, ko 20:16, ko Ongar Akaba 139:21-22 in gan.

^{5:44:} Kis 23:4-5; Lu 23:34; Ap 7:60; Ro 12:14; 12:20; 1 Ko 4:12-13; 1 Pi 2:23 ^{5:44:} Ua Me Ini 23:4-5; Luk 23:34; Apostol 7:60; Rom 12:14; 12:20; 1 Korin 4:12-13; 1 Pita 2:23 ^{5:45:} Jop 25:3; Ef 5:1 ^{5:45:} Jop 25:3; Efesus 5:1 ^{5:48:} Wkp 11:44; 19:2; Lo 18:13; Lu 6:36; Kl 1:28; 1 Pi 1:15-16 ^{5:48:} Ofa Gami 11:44; 19:2; Godin Araziba 18:13; Luk 6:36; Kolosi 1:28; 1 Pita 1:15-16 ^{6:1:} Mt 6:5; 6:16; 23:5 ^{6:1:} Matyu 6:5; 6:16; 23:5 ^{6:3:} Mt 25:37-40 ^{6:4:} Mt 6:6; 6:18 ^{6:4:} Matyu 6:6; 6:18 ^{6:5:} Mt 23:5; Mk 11:25; Lu 18:10-14 ^{6:5:} Matyu 23:5; Mak 11:25; Luk 18:10-14 ^{6:6:} 2 Kin 4:33; Mt 6:4; 6:18 ^{6:6:} 2 Atriviba 4:33; Matyu 6:4; 6:18 ^{6:7:} 1 Kin 18:26-29; Ais 1:15 ^{6:7:} 1 Atriviba 18:26-29; Aisaiia 1:15 ^{6:8:} Mt 6:32 ^{6:8:} Matyu 6:32 ^{6:9:} Lu 11:2-4 ^{6:9:} Luk 11:2-4

² "Egh ia bizitam isi gumazir asaghazat tam daningsiva, tav amadaghtima a mangi ian arazir aghuir kamin, gun mikiman marki, egh mati gumazir maba me God ko migeir dipeniba ko tuavibar tuiva odava ami mokin. Ia men min damuan marki. Kamagh amir darasi, me gumazamizibar damazibar uan araziba akakaghtima, me men ziaba fasa. Ki guizbangira ia migei, me uan ivedizim inigha gifa. ³ Ia asaghazatitamin akurvaghshi, ian agharir guvim arazir kam damutii, agharir kiriam arazir kam gifoghan kogham. ⁴ Eghti ian akurvazir arazir kam averara ikiti, ian Afeziar bizir mogomebar garim, ian arazir aghuim ikaraghram."

*Iesus God ko migeir arazibagh eghari
(Luk 11:2-4)*

⁵ Egha Iesus ua kamaghin migei, "Ia God ko mikimsi, gumazir ifavariba ami moghin damuan marki. Me God ko migeir dipeniba ko tuavir ekiabar akabar tuiva, God ko mikimasa bar akonge. Me odava, egha ghaze, gumazamizir aviriba nan ganigh nam ziam fam. Ki guizbangira ia migei, me uan ivedizim inigha gifa. ⁶ Eghti ia God ko mikimsi, uan dipenir averiamin mangi tiam asaragh, egh modogh ia uan Afeziarn ko mikim. Kamaghin, ian Afeziar bizir mogomebar garim, a ian ivedizim ia daningam.

⁷ "Ia God ko mikimsi migirigiar kinir aviribar amuva, God gifozir puvatizir darazi ami moghin damuan marki. Me ghaze, me migirigiar aviribar amuam, eghti kamaghin God me baraghram. ⁸ Me ami moghin, ia damuan marki. Guizbangira, ia puvatizir biziba, ia da bagh tighar uan Afeziarn azangsighamim dughiamin, an adagh fogha gifa.

9 "Kamaghin amizi, ia kamaghin God ko mikim:

"En Afeziar uan Nguibamin itim, nin ziam bar zue,
ezi arazir kuraba an saghon iti.

10 Eghiti Dughiar Ni Bizibagh Ativamim,
a izi.

Eghiti nin Nguibamin itir darazi nin ifongiamin
gin zui moghin,
e uaghannguazir kamin nin ifongiamin
gin mangam.

11 E datirighin damamin dagheba,
ni datirighin da isi e daning.

12 Egh me e gamir arazir kuraba e da gin
amadi moghin,
ni en arazir kuraba gin amang.

13 Egh e ateghti,
e osimtizibar aven ikiti
bitezit am navim biraghti,
e arazir kuratam damuan
kogham.

Ni arazir kurabar gavgavim da e inigh.*

14 "Guizbangira, ia gumazamiziba ia
gamir arazir kuraba gin amangiti, ian
Afeziar uan Nguibamin itim, ian arazir
kuraba gin amangam. 15 Ia men arazir
kuraba gin amangan koghti, ian Afeziar
uaghan ian arazir kuraba gin amangan
kogham."

Jesus dagheba ataghizar arazibav gei

16 Egha Jesus ua me migia ghaze, "Ia
dagheba ataghizar dughamin ia gumazir
ifavaribar min uan guabagh ekuun marki.
Gumazir ifavaribar dagheba ataghizar
dughamin, gumaziba men ganasa, me
uan guaba ruer puvatigha pughpurighav
arui. Me odava arazir kabagh ami. Ki
guizbangira ia migei, me uan ivezim
inigha gifa. 17 Eghiti ia dagheba ataghizar
dughamin, ia borem uari aghiva uan guaba
ru, 18 eghiti gumazamiziba ia dagheba
ataghizar arazir kam gifoghan kogham.
Eghiti ian Afeziar danganir mogomemim
itim, anarira ian ganigh fogham. Egh gin

ian Afeziar bizir mogomebar garim, a ian
ivezim ia daningam."

Iesus biziba akumakuir arazibav gei (Luk 12:33-34)

19 Egha Jesus ua me migia ghaze, "Ia
nguazimin ikia uari bagh bizir aghuiba akumak
dar pozibav kinam marki. Nguazir
kamin, barereba ko omebara dar amiti,
da maziva akughiregham. Eghiti okimakiar
gumaziba biriba akar da okimam. 20 Ia
Godin Nguibamin uari bagh bizir aghuiba
pozibav kin. Godin Nguibamin barereba ko
omebara bizibar aman koghti, da mazigh,
akughiran kogham. Eghiti okimakiar gu
mazitam biritam akarigh da okemeghan
kogham. 21 Nin bizir aghuiba itir dan
ganim, nin navir averiamin itir ifongiam, a
uaghan danganir kamra ikiam."

Damazim a namnamin angazangarim (Luk 11:34-36)

22 Egha Jesus ua me migia ghaze, "Damaz
iba, da lamin min namnamin angazang
garimin min iti. Damazim derazi, nin
namnam angazangarim bar a gizivaghti,
ni arazir aghuubar amuam. 23 Eghiti nin
damaziba ikuvigham, nin namnam bar
mitarmeghtima, ni arazir kurabar amuam.
Eghiti nin angazangarim mitarmegham,
mitarmer kam bar pirigham."

Ingangarir gumazitam, gumazir ekiar pumuning bagh ingaran kogham (Luk 16:13)

24 Egha Jesus ua me migia ghaze, "Inga
garir gumazitam o amizitam, gumazir ekiar
pumuning bagh ingaran kogham. A tavin
aghuagh, tav gifuegham. O, a tav baghvira
iki, tav akirim a gasaraghram. Ia God ko
dagiaiba bagh uaghara ingaran marki."

Ia pamten biziba bagh dighorim isiva dagh nighnighan marki (Luk 12:22-31)

25 Egha Jesus ua me migia ghaze, "Ka
maghin amizi, ki ia migei, ia pamten uan
ikirimirim ginighnighiva, kamaghin azan
gan marki, e dagher manatamra damam, o

6:10: Sng 103:19-21, Mt 7:21, 26:39, 26:42, Lu 11:2, 22:42, Ap 21:14

26:42; Luk 11:2; 22:42; Aposel 21:14

6:12: Mt 6:14-15, 18:21-35

6:10: Onger Akaba 103:19-21; Matyu 7:21; 26:39;

29:11-13, Mt 26:41, Lu 22:40, 22:46, Jo 17:15, 1 Ko 10:13, 2 Te 3:3, 2 Ti 4:18, Je 1:13, 2 Pi 2:9

6:13: Matyu 6:14-15; 18:21-35

22:40; 22:46; Jon 17:15; 1 Korin 10:13; 2 Tesalonika 3:3; 2 Timoti 4:18; Jems 1:13; 2 Pita 2:9

6:13: Matyu 26:41; Luk

maba migirigiar kam "arazir kuraba," a ghaze "Gumazir arazir kurabagh amim," a Satranra. Fofozir gumazir maba ghaze,

* 6:13: Fofozir gumazir

migirigiar otevir mam uaghan vezin kamin ikiam. Migirigiar kam kamakin: "Atrivir arazim koma, gavgavim koma, ziar

ekim bar ni nanabara, egh zurazurara ikiam."

6:14: Ef 4:32, Kl 3:13

6:14: Efesus 4:32; Kolosi 3:13

Mak 11:25-26 6:15: Mt 18:35, Je 2:13 6:15: Matyu 18:35; Jems 2:13

6:12: Matyu 6:14-15; 18:21-35

6:16: Ais 58:5-9

6:13: Matyu 26:41; Luk

6:18: Mt 6:4-6 6:18: Matyu 6:4-6 6:19: 1 Ti 6:17, Hi 13:5, Je 5:2-3

6:13: Fofozir gumazir

6:20: Mt 19:21, Lu 12:33-34, 18:22, Kl 3:1-2, 1 Ti 6:19, 1 Pi 1:4

6:19: 1 Timoti 6:17; Hibrui 13:5; Jems 5:2-3

Timoti 6:19; 1 Pita 1:4 6:21: Lu 12:34 6:21: Luk 12:34

6:20: Matyu 19:21; Luk 12:33-34; 18:22; Kolosi 3:1-2; 1

Lu 16:13, Ga 1:10, 1 Ti 6:17, Je 4:4, 1 Jo 2:15

6:21: Luk 16:13; Galesia 1:10; 1 Timoti 6:17; Jems 4:4; 1 Jon 2:15

Sng 55:22, Fl 4:6, 1 Ti 6:6-8, Hi 13:5, 1 Pi 5:7

6:25: Onger Akaba 55:22; Filipai 4:6; 1 Timoti 6:6-8; Hibrui 13:5; 1 Pita 5:7

e dipar manatamra damam? Egh ia pamten uan inivafigibagh nighnigh mikiman marki, e inir manatam uan mikarziba avam? Gu-mazimin ikirimirim ti daghebagh afira, ezi gumazimin mikarzim ti inibagh afira.²⁶ Ia kuarazibar gari, da dagheba oparir puvatigha da pozibagh aghua da isa dagher dipenibar amadir puvati. Ian Afeziar uan Nguibamin itim, dagheba dagh anidi. Ezi ian ikirimirim ti kuarazibar ikirimirim gafirazir puvati?²⁷ Egh ian tav deraghvira ikisi nighnigh kamaghin a ti uan ikirimirim damuti a tong ruaraghram? Bar puvati.

²⁸ “Ia tizimsua, pamten korotiabagh nighnisi? Ia akimirir aghuaribagh nighnigh. Da manmaghin otifi? Da ingangarir ekiatam gamir puvati. Egha da korotiatam isamizir puvati.²⁹ Ezi ki ia migei, fomira Atrivim Solomon bizar bar aviriba ikia an azuir adiariba bar dera, egha an korotiatam akimirir kabar min otozir puvati.³⁰ E fo, graziba pura biziba, da iti, gurumin gumazitam dar akoreghiva da isiva avitam mikanigham. Grazir kinir kabanagh God adiariba me gazui. Ia bizar kam gifogh, God uaghan adiariba ia daningam. Ia gumazamizir nighnizir gavgavir muziarim itiba!³¹ Kamaghin, ia pamten nighnigh mikiman marki, ‘E dagher manatam ramegham? O, dipar manatam amam? O, e inir manatam ikegham?’³² Gumazir God gifozir puvatiziba pamten bizar kabagh nighnisi. Ezi ian Afeziar uan Nguibamin itim fo, ia bizar puvatizir kaba, ia da iniam.³³ Ezi bizar ia bar faragh damuamimra kara: Ia God Biziabag Ativamin Dughiam baghvira nighnigh, egh God ifongezir arazir aghuibar amuti, a bizar kaba ko maba sara bar ia daningam.

³⁴ “Kamaghin amizi, ia pamten gurumzaraghan bagh dighorim isiva nighnigan marki. Gurum izamin dughiam, a mar uan bizibara nighnigh. Dughiar manamin otivir osimtiziba, da anarira iki. Aruer manamin otivamin biziba, mar an biziba.”

7

Ia munen araziba tuisighan marki

6:26: Jop 38:41; Sng 147:9; Mt 10:29-31; Lu 12:6-7, 12:24

12:6-7; 12:24

6:29: 1 Kin 10:4-7; 2 Sto 9:3-6

6:29: 1 Atriviba 10:4-7; 2 Eghaghaniba 9:3-6

Matyu 6:8

6:33: 1 Kin 3:13-14; Sng 37:4, 37:25; Ro 14:17

14:17

6:34: Kis 16:4, 16:19; Mt 6:11

6:34: Ua Me In 16:4; 16:19; Matyu 6:11

4:11-12

7:1: Luk 6:37; Rom 2:1; 1 Korin 4:3-5; Jems 4:11-12

7:3;

Luk 6:41-42

7:6: Mt 10:14

16:16, 16:23-24; Je 1:5; 1 Jo 3:22

7:7: Jeremaia 29:13-14; Mak 11:24; Luk 11:9-10; Jon 14:13-14; 15:7; 15:16; 16:23-24;

Jems 1:5; 1 Jon 3:22

7:8: Snd 8:17; Jer 29:12-13; Lu 11:10; Je 1:5; 1 Jo 3:22-23; 5:14-15

Jeremaia 29:12-13; Luk 11:10; Jems 1:5; 1 Jon 3:22-23; 5:14-15

7:9: Lu 11:11

1:17

7:10: Luk 11:13; Jems 1:17

7:12: Mt 22:39-40; Lu 6:31; Ro 13:8-10; Ga 5:14; 1 Ti 1:5

Luk 6:31; Rom 13:8-10; Galesia 5:14; 1 Timoti 1:5

egh suam, men araziba ikufi

(Luk 6:37-38; 6:41-42)

¹ Egha Jesus ua kamaghin migei, “God ia tuisigh ian ikuraghan koghs, kamaghin ia munen araziba tuisighan marki, egh suam men araziba ikufi. ² Ia me tuisigha men ikurakurasa moghs, God kamaghira ia tuisigham. Egh ia men gara me ginighnizi moghs, God ia ginighnigham. ³ Tizim bagha, minezir bar muziarim nin aveghbuamin damazimin itima, ni ti an gara egha temer ararir ekiar nin damazimin itim garir puvati? ⁴ Ter ararir ekiam nin damazimin ikiti, ni manmaghin uan aveghbuam mikim suam, ‘Aveghbuam, ki ni damazimin itir minezim batuegham?’ ⁵ Ni bar ifari! Ni faraghivira ter ararin nin damazimin itim asigh, egh deragh ganiva minezir nin aveghbuamin damazimin itim asigh.

⁶ “Ia God baghavira itir biziba inigh, afabar aningen marki. Guizbangira, da ua raghirish ia givigham. Egh ia uan manmarni ikarizir aghuibas isi dabav kinan marki. Da pura da dikabinigham.”

God bizar aghuibas isi, gumazir a ko migeibar aningam

(Luk 11:9-13)

⁷ Egha Jesus ua me migia ghaze, “Ia God ko mikim, egh biziba bagh an azang, eghti a da isi ia daningam. Egh ia biziba bagh ruiva, ia da bativam. Egh ia tiam gafughafughi, God ia bagh tiam kuigham. ⁸ Gumazir Godin azaiba, me biziba isi. Ezi gumazir biziba bagha ruim, da batifi. Ezi gumazir itiam gafughafuzim, God a bagh tiam kuigham. ⁹ Ezi ia afeziaba, ian boritam bretba baghi an azangsighti, ia ti dagiatam a daningam? Puvati.¹⁰ Eghti boritam osiriba bagh uan afeziarn azangti, a ti kuruzitam a daningam? Bar puvati.

¹¹ “Ia afeziar arazir kurabagh amiba, ia zurara bizir bar aghuibas uan boribagh anidi. Ia deraghvira kamaghin fogh, guizbangira ian Afeziar uan Nguibamin itim bar akueghvira bizar aghuibas isi gumazamizir a ko migeibar aningam.

¹² “Kamaghin amizi, ia arazir aghuir igharaz darazi ia damuasa ia ifongeziba, ia

6:26: Jop 38:41; Onger Akaba 147:9; Matyu 10:29-31; Luk

6:32: Mt 6:8

6:32:

6:33: 1 Atriviba 3:13-14; Onger Akaba 37:4; 37:25; Rom

7:1: Lu 6:37; Ro 2:1; 1 Ko 4:3-5; Je

4:11-12

7:2: Mk 4:24

7:2: Mak 4:24

7:3: Lu 6:41-42

7:7: Jer 29:13-14; Mk 11:24; Lu 11:9-10; Jo 14:13-14; 15:7;

15:16; 16:23-24; Je 1:5; 1 Jo 3:22

7:8: Aghuzir Akaba 8:17;

Jeremaia 29:12-13; Luk 11:10; Jems 1:5; 1 Jon 3:22-23; 5:14-15

7:9: Lu 11:11

7:9: Luk 11:11

7:11: Lu 11:13

7:12: Matyu 22:39-40;

arazir kabara me damu. Migirigiar kaba, Moses Osirizir Araziba ko Godin akam inigha izir gumazibar osiziriba, dagh isin tu.”

*Tiar akar asuvazim ko aroghezim
(Luk 13:24)*

¹³ Egha Jesus ua me migia ghaze, “Ia tiar akar asuvazimin aven mangi. Tiar akar aroghezim nguabar ikuvtizimin zui. Ezi nguabar kamin zuir tuavim an aruegha bar ekefe. Ezi gumazamizir avirim an zui. ¹⁴ Ezi nguabar aghuimin zuir tiar akam bar asufa, egha tuavir an zuim bar piri. Ezi gumazamizir vaghvaziba tuavir kam batogha an zui. Kamaghin amizi, ia tiar akar asuvazimin aven mangi.”

*Ia akar ifavarim akurir gumaziba bagh deravira gan
(Luk 6:43-44; 13:25-27)*

¹⁵ Egha Jesus ua me migia ghaze, “Ia akar ifavarim akurir gumazamiziba bagh deravira gan. Me ia gifarsi migirigiar aghuibar amuam. Egha me guizbangira ia gasighasighasa izi. Me guizbangira afaier atiabar min ikia, egha me ifara en damazibar sipsipbar min sipsipbar ariziba aghui. ¹⁶ Ia men arazibar gan me gifogh, egh suam, me akar ifavarim akurir gumazamiziba. Gumaziba ter ataghataritamn wainin ovizitam kuarizir puvati. Egha me ti fighin ovizitam kuarasa ghua, dikonir ataghatarimin, da isi? Bar puvati. ¹⁷ Ezi kamaghira temer aghuiba ovizir aghuiba bat, ezi temer kuraba ovizir kuraba bat. ¹⁸ Egha temer aghuitam ovizir kuratam bateghan kogham. Egha temer kuratam ovizir aghuitam bateghan kogham. ¹⁹ Temer ovizir aghuiba batir puvatiziba, me da oka da isa avim mikiri. ²⁰ Kamaghin amizi, ia men arazibar gan fogham, me akar ifavarim akurir gumazamiziba, o me akar aghuim akurir gumazamiziba.

²¹ “Ia kamaghin nighnighan marki, gumazamizir ‘Ekiam, Ekiam’ na gariziba, me bar moghira God Bizibagh Ativamin

7:13: Lu 13:24; Jo 10:7-9 **7:13:** Luk 13:24; Jon 10:7-9
Mt 24:4, 24:24, Mk 13:22, Lu 6:26, Ap 20:29, 2 Pi 2:1, 1 Jo 4:1
6:26; Aposel 20:29; 2 Pita 2:1; 1 Jon 4:1 **7:16:** Mt 7:20, 12:33, Lu 6:43-44, Ga 5:19-22, Je 3:12 **7:16:** Matyu 7:20; 12:33;
Luk 6:43-44; Galesia 5:19-22; Jems 3:12 **7:17:** Jer 11:19 **7:17:** Jeremaja 11:19 **7:18:** Lu 6:43 **7:18:** Luk 6:43
7:19: Mt 3:10, Lu 3:9, Jo 15:2, 15:6 **7:19:** Matyu 3:10; Luk 3:9; Jon 15:2; 15:6 **7:20:** Mt 12:33 **7:20:** Matyu
12:33 **7:21:** Hos 8:2, Mt 21:31, Lu 6:46, Ap 19:13, Ro 2:13, Je 1:22, 1:25 **7:21:** Hosea 8:2; Matyu 21:31; Luk 6:46;
Aposel 19:13; Rom 2:13; Jems 1:22; 1:25 **7:22:** 1 Korin 13:2 **7:23:** Sng 6:8, Mt 10:33, 13:41-42,
25:12, 25:41, Lu 13:25-27, 2 Ti 2:19 **7:23:** Onger Akaba 6:8; Matyu 10:33; 13:41-42; 25:12; 25:41; Luk 13:25-27; 2 Timoti
2:19 **7:24:** Lu 6:47-48 **7:24:** Luk 6:47-48 **7:28:** Mak 1:22; Luk 4:32 **7:29:** Jo 7:46 **7:29:** Jon 7:46

* **8:1:** Ni Akar Matyu 5:2in itimin gan. **8:2:** Mt 9:18, Mk 1:40-44, Lu 5:12-14, Ap 10:25 **8:2:** Mak 1:40-44; Luk
5:12-14 † **8:2:** Moses osirizir akaba migia ghaze, gumazim o amizir lepan arimariam itim, a Godin damazimin mize.
An arimariam givaghtima a ua mangi ubi isiva, ofa gamir gumazibar akagh, egha me an ganti an arimariam givagham,
egha me a mikim suam, a Godin damazimin zuegha ua dera. Ni Ofa Gami sapta 13 ko 14in gan.

Dughiamin aven ikiam. Puvati. Gu-mazamizir nan Afeziamin ifongiamin gin zuiba, merara God Bizibagh Ativamin Dughiamin aven ikiam. ²² Godin Kotin Dughiamin, gumazamizir avirim kamaghin mikimam, ‘Ekiam, Ekiam, e nin ziamin Godin akam akuri. Egha nin ziamin duar kuraba batogha, nin ziamin mirakelin bar aviribagh ami.’ ²³ Egha ki Dughiar kamin bighivira me mikim suam, ‘Ki tong ia gifozir puvati. Ia gumazamizir arazir kurabagh amiba, ia na gitagh!’”

*Dipenimin ingangarir arazir pumuning
(Luk 6:47-49)*

²⁴ Egha Jesus ua me migia ghaze, “Gumazir nan akam baratha an gin zuim, a mati gumazir mam fofozir aghuim ikia, egha uan dipenim ingara gavgavim a daningasa dagiam gisin an ingari. ²⁵ Ezi amoziim izima, aperiam otozima, aminir ekiam dikavigha dipenir kam givava a munamadi. Ezi dipenir kam dipiraghbirizir puvati. Dipenir kam me dagiam gisin an ingari. Kamaghin amizi, a irizir puvati. ²⁶ Ezi gumazir nan migirigia baratha dar gin zui puvatizim, a mati gumazir organimin min gigimin uan dipenim okore. ²⁷ Ezi amoziim izima aperiam otozima, aminir ekiam dipenir kam pamtem a givai. Bizar kaba dipenir kam gunabagh a munamadima, a iri. A guizbangira bar pazavira iri.”

²⁸ Jesus migirigiar kabav kemegha givazima, gumazamizir avirir ekiam digavir kuram gami. ²⁹ Me fo, Jesus Judan Arazibagh fozir gumaziba ami moghin migeir puvati. A gavgavim itir gumazimin min men sure gami.

8

*Iesus lepa itir gumazim gamizi,
a ua dera*

(Mak 1:40-44; Luk 5:12-14)

¹ Egha Jesus mighsiam ategha ghuaghirma avirir ekiam an gin zui.* ² Ezi gumazir

7:14: Ap 14:22 **7:14:** Aposel 14:22 **7:15:** Ese 22:27,
7:15: Esekiel 22:27; Matyu 24:4; 24:24; Mak 13:22; Luk
6:26; Aposel 20:29; 2 Pita 2:1; 1 Jon 4:1 **7:16:** Matyu 7:20; 12:33;
7:17: Jeremaja 11:19 **7:18:** Lu 6:43 **7:18:** Luk 6:43
7:19: Mt 3:10, Lu 3:9; Jon 15:2; 15:6 **7:20:** Mt 12:33 **7:20:** Matyu
12:33 **7:21:** Hos 8:2, Mt 21:31, Luk 6:46, Ap 19:13, Ro 2:13, Je 1:22, 1:25 **7:21:** Hosea 8:2; Matyu 21:31; Luk 6:46;
Aposel 19:13; Rom 2:13; Jems 1:22; 1:25 **7:22:** 1 Korin 13:2 **7:23:** Sng 6:8, Mt 10:33, 13:41-42,
25:12, 25:41, Lu 13:25-27, 2 Ti 2:19 **7:23:** Onger Akaba 6:8; Matyu 10:33; 13:41-42; 25:12; 25:41; Luk 13:25-27; 2 Timoti
2:19 **7:24:** Lu 6:47-48 **7:24:** Luk 6:47-48 **7:28:** Mak 1:22; Luk 4:32 **7:29:** Jo 7:46 **7:29:** Jon 7:46

* **8:1:** Ni Akar Matyu 5:2in itimin gan. **8:2:** Mt 9:18, Mk 1:40-44, Lu 5:12-14, Ap 10:25 **8:2:** Mak 1:40-44; Luk
5:12-14 † **8:2:** Moses osirizir akaba migia ghaze, gumazim o amizir lepan arimariam itim, a Godin damazimin mize.
An arimariam givaghtima a ua mangi ubi isiva, ofa gamir gumazibar akagh, egha me an ganti an arimariam givagham,
egha me a mikim suam, a Godin damazimin zuegha ua dera. Ni Ofa Gami sapta 13 ko 14in gan.

lepa itir mam, Iesus bagha iza uan tevimming apirigha a migia ghaze, "Ekiam, ni fueghiva na damighti, ki Godin damazimin zuegh ua deraka."[†]

³ Ezi Iesus uan agharim isa gumazir kam gatigha ghaze, "Ki ifonge. Nin mikarzim zuegh, egh ua deragh." A kamaghin migiavira itima, gumazir kamin lepan arimariam zuamira anetaghizima gumazim ua dera.[‡]

⁴ Ezi Iesus a migia ghaze, "Ni oragh, ni batozir bizir kamin gun mikiman marki. Ni mangi uan mikarzim isi ofa gamir gumazimin akagh, egh Moses fomira e mikemezi moghin, ni ua bagh Godin ofa damu. Eghti gumazamiziba fogh suam, nin arimariam gifa."

Jesus midorozir gumazimin ingangarir gumazimin arimariam a gifa
(Luk 7:1-10)

⁵ Egha Iesus ghua nguibar ekiam Kaperneamen aven ghu. Ezi 100plan midorozir gumazibar garir gumazir dapanim iza, Iesus gaghora ghaze,⁶ "Ekiam, nan ingangarir gumazim ariava muna dipenimin iti. An sorogħafariba bar amira, ezi a mizazir kuram baras."

⁷ Ezi Iesus ghaze, "Ki mangi a damighti, a ua deragħam."

⁸ Ezi midorozir gumazir dapanim Iesusin akam ikaragħa a migia ghaze, "Ekiam, ki gumazir aghuir manam, ni nan dipenimin aven izam?" Marki. Ni pura mikimtima, nan ingangarir gumazim deragħam. ⁹ Ki uabi midorozir gumazir mabar apengen iti, egha uabi mabar garima, me nan apengan iti. Egh ki me mikim suam, 'Ia mangi,' eghit me mangam. O, ki me mikim suam, 'Ia iżi.' Egh ti me izam. Egh ki uan ingangarir gumazir mam mikim suam, ni ingangarir kam damu, eghit an a damuam. Egha ki fo, ni mikimti, nan ingangarir gumazim ua deragħam."

¹⁰ Ezi Iesus migirigħar kam baregha, digavir kuram gami. Egha ragħa a ko izi gumazamizibav ġia ghaze, "Ki bar guizbangira ia migei, ki Israelin aven kamaghin nighnizir gavgavim itir gumazitam ganizir puvati.

¹¹ "Ki ia migei, gumazamizir aviriba uan nguibar aruem anadi nagħin itiba ko aruem

ghuaghiri nagħin itiba ategħi iza, Abraham ko Aisak ko Jekop dukuagh, God Bizibagh Ativamin Dugħiāmin aven dakozim min daperagh damam. ¹² Eghi God faragh uan Nguibamin ikiasi missevezir darasi, God me batuegħ me isiva danganir mitatem me akunigham. Eghi me tuangħiva arangħiwa tarriba kuskugh danganir kamin ikiam."

¹³ Egha Iesus 100plan midorozir gumazibar garir gumazir dapanim min migia ghaze, "Ni mangi. Bizzir ni nighnizir gavgavim itim, a ni bagħ otogħam." Dugħiar kamra, gumazir kamin ingangarir gumazim ua dera.

Iesus Pitan ivozir amizim gamizi, a ua dera
(Mak 1:29-31; Luk 4:38-39)

¹⁴ Ezi Iesus ghua Pitan dipenimin aven ghua garima, Pitan asamimin mikarzim an fejma, an aria dakozim girighav iti.

¹⁵ Ezi Iesus an dafarimin suirazima, an arimariam magħiġram anetaghizima, a dikavigha Iesus bagħha isai.

Jesus gumazamizir avirim gamizi, me għuamagħe
(Mak 1:32-34; Luk 4:40-41)

¹⁶ Ezi aruem gevima, me gumazamizir avirir duar kuraba apazaziba inigha, Iesus bagħha iza. Ezi Iesus duar kurar kabav ġia me batozima, me an akamin gumazamizib ataghħiras. Ezi Iesus arimariaba itir gumazamizib bar men arimariaba agħfa. ¹⁷ Godin akam inigha izezir gumazim Aisaia ghaze, "A ubi, e bagħha en osmitiziba ko mizaziba issa da ateri, ezi da għue." Iesus Aisaian akam damighti, an otivasa, arazir kabagh ammi.

Iesus uabin gin mangamin arazibav gei
(Luk 9:57-60)

¹⁸ Egha Iesus garima, avirir ekiam anekufa. Ezi a uan suren gumazibav ġia ghaze, "E dipar kam abigh an vongin mangam."

¹⁹ Ezi Judan Arazibagh fożir gumazir mam iza, kamaghin Iesus migei, "Tisa, ni danganir manamin mangam, ki uaghan ni ko mangam."

²⁰ Ezi Iesus a migia ghaze, "Afiar atiaba nguazir toribar itima, kuaraziba mikonibar iti, ezi. Gumazamizibar Otarim, dakuamin danganiba puvati."

[†] **8:3:** Judabar akar mam ghaze, gumazim lepan arimariam ikiti ni an suiragh, ni uaghan Godin damazimin mize. Ezi Iesus uan dafarim isava gumazir lepa itir kam għi, egha Godin damazimin mizezir puvati. A gumazimin arimariam a gifa, ezi gumazim ua dera. **8:4:** Wkp 14:1-32, Mt 9:30, Mk 5:43, 7:36, Lu 5:14, 17:14 **8:4:** Ofa Gami 14:1-32; Matyu 9:30; Mak 5:43; 7:36; Luk 5:14; 17:14 **8:5:** Jo 4:47 **8:5:** Jon 4:47 **8:10:** Mt 15:28 **8:10:** Matyu 15:28 **8:11:** Sng 107:3, Lu 13:29 **8:11:** Onger Akaba 107:3; Luk 13:29 **8:12:** Mt 13:42, 21:43, 22:13, 25:30, Lu 13:28, 2 Pi 2:17, Ju 13 **8:12:** Matyu 13:42; 21:43; 22:13; 25:30; Luk 13:28 **8:14:** Mk 1:29-34, Lu 4:38-41, 1 Ko 9:5 **8:14:** Mak 1:29-34; Luk 4:38-41; 1 Korin 9:5 **8:16:** Mk 1:32; Luk 4:40-41 **8:16:** Mak 1:32; Luk 4:40-41 **8:17:** Ais 53:4, 1 Pi 2:24 **8:17:** Aisa 53:4; 1 Pita 2:24 **8:19:** Lu 9:57-58 **8:19:** Luk 9:57-58 **8:20:** 2 Ko 8:9 **8:20:** 2 Korin 8:9 **8:21:** 1 Kin 19:20, Lu 9:59-60, Jo 5:25 **8:21:** 1 Atriviba 19:20; Luk 9:59-60

21 Ezi gumazir mam, a uaghan Iesusin suren gumazim, a kamaghin Jesus migei, “Ekiam, ni faragh nan amamangatighti, ki mangi uan afeziam mozim dafaka.”

22 Ezi Jesus a migia ghaze, “Marki. Ni nan gin izi, gumazir ovengeziba uari uan gumazir kuabar afi.”

*Iesus migeima, aminir ekiam gifā
(Mak 4:36-41; Luk 8:22-25)*

23 Ezi Jesus botin anaboz, an suren gumaziba an gin zui. **24** Me ghua ongarimin torimin aminir bar ekiam dikava ongarim gamima, a dipira kurim avasava ami. Ezi Jesus akuavira iti. **25** Ezi an suren gumaziba a gaghuraghha a migei, “Ekiam, ni en akuragh, e arimighiregham!”

26 Ezi a kamaghin me migei, “Ia nighnizir gavgavim bar sufi. Ia tizim bagha atiati?” Egha a dikavigha aminim ko ongarim migirigar gavgavim aning ganingizi, aminim givazi, dipam uam amiraghiri.

27 Ezi an suren gumaziba nighnizir aviribagh amua ghaze, “Kar gumazir manmaghin amizim? A migeima, aminim ko dipavsizim an akam barsil”

*Iesus gumazir pumuningin
duar kuraba batoke*

(Mak 5:1-17; Luk 8:26-37)

28 Ezi Jesus ghua Galilin Dipar Akaremin vongin oto. Kar Gadaran nguazir asizim. A iza duar kuraba apazazir gumazir pumuning bato. Aning matmatiamin tongin ikegha izi. Egha aning bar ikuvizima, gumazamiziba aningin atiatigha tuavir kam garuir puvati. **29** Ezi aning pamten dia ghaze, “Ni Godin Otarim, ni manmaghin ga damuasa? Dughiam tighari, ni kagh izi ga gasighasighasa?” **30** Ezi dar bizir ekiar mam mong saghon apa iti.

31 Ezi duar kurar kaba pamten Jesus gakhora ghaze, “Ni e batuegħsi, kamaghin ni e ategħti, e mangi dar okoruar munamin aven mangam.”

32 Ezi Jesus duar kurar kabav dia ghaze, “Ia mangi.” Ezi duar kuraba gumazir kamming ategħha ghua dabar aven ghue. Ezi dar bizir ekiar kam puv ara ghua davvar kurar mamin għuaghira dipam apa bar ariaghire. **33** Ezi gumazir dabar gariba dar ganigha ara ghua, nguibar ekiamin otivigha bizir kabar gun gumazamizibagh eghar. Me uaghan gumazir duar kuraba apazazir pumuning

bativizir bizebagħ eghar. **34** Kamaghin amizi, nguibar ekiar kamin itir gumazamiziba Jesus bagħha izi. Me iza an gara a gakaghra ghaze, a men nguazim ategħ danganir iħarazitam mangi.

9

*Iesus gumazir sorogħafariba amirazim
akirizi, a ua dera*

(Mak 2:1-12; Luk 5:17-26)

1 Ezi Jesus ua bot inigha uamategħa ongarir dadarir vongin ittimin ghua uan nguibamin oto. **2** Ezi me sorogħafariba amirazir gumazir mam inigha a bagħha izi. Gumazir kam akuriamin iti. Ezi Jesus gumazir kabar nighnizir gavgavimin ganigha kamaghin arimiar gumazir kam migei, “Nan borim, nin navim bar amiragh iki. Ki nin arazir kuraba gin amada.”

3 Ezi Judan Arazibagh fożir gumazir maba Iesusin migirigar kam baregha kamaghin uariv già ghaze, “Gumazir kam Godin daganim inigha kamaghin migei.”

4 Ezi Jesus men nighnizibagh fogħa għiavha kamaghin me migei, “Ia tizim bagħha nighnizir kurar kaba uan navir averiabu dagħi ammi? **5** Ki akar manam mikimam? Pura gumazir kinitam kamaghin a mikim suam, ki nin arazir kuraba gin amada. Egh uaghan gumazir kinitam kamaghin a mikim kogħam, ni dikavigh uan akuriam inigh mangi, egh ua deragh. **6** Ki arazir kam damightima, ia ganigh fogħam, Gumazamizbar Otarim a nguazir kamin arazir kuraba gin amangamin gavgavim iti.”

Egha a kamaghin gumazir sorogħafariba amirazim migei, “Ki ni migei, ni dikavigh uan akuriam inigh dipenim mangi.” **7** Ezi gumazir kam dikavigha uan dipenim ġu.

8 Ezima gumazamiziba arazir kamin ganigha digavir kurar gamigha Godin ziam fava kamaghin migei, “Godra gavgavir kam isa gumazamizibagh anidi.”

*Iesus Matyun diazi, an an gin zui
(Mak 2:13-17; Luk 5:27-32)*

9 Ezi Jesus danganir kam ategħha ghua garima, gumazir mam dagiaba isir dipenim aperagħav iti. An ziam Matyu. Ezi Jesus a migia ghaze, “Ni nan gin izi.” Ezi Matyu dikavigha an gin zui.

10 Ezi Jesus an dipenim ikiava apima, gumazir dagiaba isiba ko gumazir arazir

8:24: Sng 4:8 **8:24:** Onger Akaba 4:8 **8:26:** Sng 65:7, 89:9, 107:29, Mt 14:31, 16:8 **8:26:** Onger Akaba 65:7; 89:9; 107:29; Matyu 14:31; 16:8 **8:28:** Mk 5:1-2, Lu 8:26-27 **8:28:** Mak 5:1-2; Luk 8:26-27 **8:29:** Mk 1:24, Lu 4:34, 4:41 **8:29:** Mak 1:24; Luk 4:34; 4:41 **9:2:** Mt 8:10, Mk 2:3-5, Lu 5:18-20 **9:2:** Mak 2:3-5; Luk 5:18-20 **9:4:** Sng 94:11, Mt 12:25, Lu 6:8, 9:47, Jo 2:25 **9:4:** Onger Akaba 94:11; Matyu 12:25; Luk 6:8; 9:47; Jon 2:25 **9:5:** Mk 2:5, 2:9, Lu 5:20, 7:48 **9:5:** Mak 2:5; 2:9; Luk 5:20; 7:48 **9:6:** Jo 5:8, 17:2 **9:6:** Jon 5:8; 17:2 **9:10:** Luk 15:1-2 **9:10:** Matyu osirava migirigar kam abizir puvati. Me ti tinan dipenim apni? Aviril ekiām ghaze, ti Matyun dipenim. (Mak 2:15) Marazi ghaze, Iesusin dipenim. **9:11:** Matyu 11:19; Mak 2:16; Luk 5:30; 19:7

kurabagh amir aviriba, me iza Iesus ko an suren gumaziba koma api.*¹¹ Ezi Farisiba kamaghin gara Jesusin suren gumazibar azai, "Ian Tisa, a tizim bagha dagiaba isir gumaziba ko arazir kurabagh amir gumaziba koma api?"†

¹² Ezi Iesus migirigiar kam baregha kamaghin me migei, "Arimariaba puvatizir gumazamiziba, dokta bagha zuir puvati. Gumazamizir arimariaba itibara, me dokta bagha zui." ¹³ Ia mangi, Godin Akinafarimin itir osizirim da fofozim inigh. Ki apangkuvir arazim gifonge, ki ofan kinibagh ifongezir puvati."

Egha Iesus ua me migia ghaze, "Ki Godin damazimin derazir gumazamiziba bagha izezir puvati. Ki gumazamizir arazir kurabagh amibar dimasa izel!"

*Iesus dagheba ataghizar arazim migei
(Mak 2:18-22; Luk 5:33-39)*

¹⁴ Ezi Gumazamiziba Ruer Gumazim Jonin suren gumaziba iza, kamaghin Jesusin azai, "Kar manmaghin amizir arazim? E ko Farisiba, e God ko mikimasa dagheba ataghizarima, nin suren gumaziba dagheba ataghizarir puvati?"

¹⁵ Ezi Iesus men akam ikaraghha ghaze, "Gumazir amuimin ikiamim, a ia ko ikiti, ia a bagha izezir gumazibav kimti, me ti amughamugh, dagheba ataghiraghan kogham? Puvati. Me dagheba ataghizarir dughiam iti. Gin dughiam izitima gumazir amuimin ikiamim, me me dama a inigh mangitima, dughiar kabar me dagheba ataghiraghan.

¹⁶ "Gumazitam inir avizir igiatam inigha korotiar ghurimin porogha a isamizir puvati. A kamaghin damighiva egh a rutima, inir avizir igiam ekonegh korotiar ghurim gekuigh, anebightima an torim guizbangira bar ekevegham." ¹⁷ Eghit gumazitam wainin igiam inigh, a isiva asizir inir misevir ghuritam guruighan kogham. A kamaghin damightima, wainin dipam gin buva anangiva asizir inir ghurir kam abighti, wainin dipam nguazim giregham. Eghit

† 9:11: Farisiba bar akar gavgavir aviribagh amigha dar gin zui. Egha ghaze, gumazir manam men migirigiar bar egha izezir, egha arazir kuram gami, kamaghin me Godin damazimin mize. Egh gumazir igharazitam gumazir kam ko ikegham, a uaghan Godin damazimin mize. Farisiba uaghan ghaze, gumazir Romin gavman bagha dagiaba isiba, me zurara Romin itir darazi ko iti, kamaghin me Godin damazimin mize. 9:12: Mak 2:17; Luk 5:31 9:13: Hos 6:6, Mt 12:7, Mk 2:17, Lu 5:32, 1 Ti 1:15 9:13: Hosea 6:6; Matyu 12:7; Mak 2:17; Luk 5:32; 1 Timoti 1:15 9:14: Luk 18:12

9:15: Jon 3:29 † 9:17: Judaba asizir memebav soghava dar iniba isava dar dipav kivizibagh ami, egh me da inigh wainin dipabar aghuam. Wainin oviziba, me igiamra da mirmirighiva, da isiva wainin misevibar aghuam, egh aneteghti a dughiatabar ikegham. Egh wain, onganim itir dipam otogham. Wain memen inir kamin aven iku buv mangi, egh memen inir ghurim abigham. Me wainin misevir bar igiam a guritech, wain deravira iki, egh inir igiam abigham kogham.

9:18: Mk 5:22, Lu 8:41-42 9:18: Mak 5:22; Luk 8:41-42 9:20: Mk 5:25, Lu 8:43 9:20: Mak 5:25; Luk 8:43 9:21: Mt 14:36 9:21: Matyu 14:36 9:24: Jo 11:11 9:24: Jon 11:11 9:27: Mt 15:22, 20:29-34

9:27: Matyu 15:22; 20:29-34 § 9:27: Judaba ghaze, Gumazir God ua Gumazamiziba Iniasa Misevizim, Atrivim Devitin ikizimin otivam. Gumazir damazir okavirizir kamning nighnizir gavgavim Iesus iki ghaze, Israelia gumazir kamra mizuai. Kamaghin aning dia ghaze, "Devitin Otarim."

wain ko asizir inim virara ikuvigham. Kamaghin me wainin igiam isi asizir inir igiabaram guruigh, eghit aning virara deraghvirikiam."‡

*Iesus guivir aremezim gamizi, a ua dikafi. Egha uaghan amizir mamin arimariam agifa
(Mak 5:22-43; Luk 8:41-56)*

¹⁸ Ezi Iesus Jonin suren gumaziba ko migiavira itima, gumazir dapanir mam iza Jesusin boroghin tevimming apirigha kamaghin a migei, "Nan guivim datirighirama areme, ezi ni izi uan dafarim a datightima a ua dikavigham." ¹⁹ Ezi Iesus dikavigha an gin zuima, an suren gumaziba a ko zui.

²⁰ Ezi amizir 12plan azenibar ghuzim batir arimariam itir mam, me ko zui. Amizir kam Jesusin girakirangin iza an korotiar avizimin suira. ²¹ A kamaghin nighnigha ghaze, "Ki ti an korotiar avizimin suiraghti, nan arimariam ti givagham."

²² Ezi Iesus ragha an gara a migia ghaze, "Nan guivim, ni navim bar amiragh iki. Ni nighnizir gavgavim nan iti. Kamaghin, ni nighnizir gavgavim ni gamizi ni dera." Dughiar kamra, amizir kamin arimariam gifa.

²³ Ezi Iesus ghua gumazir dapanir kamin dipenimin otogha gari, amiziba ko gumaziba azia iti. Gumazir maba sighabagh ivima, gumazamiziba azia niginir ekiam gami. ²⁴ Ezi Iesus me batogha me migia ghaze, "Ia dikavigh mangi. Guivim aremezir puvati. An auki." A kamaghin migeima, me a dipofi. ²⁵ A me batoghezi, me azenan ghuezima, Iesus aven ghua guivimin dafarim suirazima, a dikafi. ²⁶ Ezi Iesus amizir bizir kamin eghaghanihnguibaba bar dar ghu.

Iesus gumazir damazir okavirizir pumuning, ko gumazir migeir puvatizir mam, me gamizi, me ua dera

²⁷ Ezi Iesus danganir kam ategha zuima, gumazir damazir okavirizir pumuning an

gin iza kamaghin an dei, "O Devitin Otarim, ni gan apangkufigh."⁸

²⁸ A ghua dipenimin aven ghuzima, gu-mazir kamning a bagha izima, a kamaghin aningin azai, "Gua bizir ki damuamin kam, gua nighnizir gavgavim an iti, o puvati?"

Ezi aning ghaze, "Are, Ekiam ga nighnizir gavgavim an iti."

²⁹ Ezi Iesus uan dafarim isa aningin damazibagh atigha kamaghin migei, "Gua nighnizir gavgavim iti. Kamaghin, gua ua gan."

³⁰ Ezi aningin damaziba kuiaghirezi, aning ua gari. Ezi Iesus aningin angorogha aning migia ghaze, "Gua tong biziñ gua batozir kam tavín mikiman marki."³¹ Ezi puvati. Aning ghua Iesus amizir arazir aghuir kamin gun bar distrighin kamin itir gumazamizibav keme.

³² Gumazir kamning Jesus ategha zuima, gumazamiziba migeir puvatizir gumazir mam inigha, Jesus bagha izi. Gumazir kam, duar kuraba a gapasa.³³ Ezi Iesus an duar kuraba batoghezima, gumazir kam ua migei. Ezi gumazamiziba digavir kuram gamua ghaze, "Fomira, kantri Israelin aven, biziñ kamagh garitam otozir puvati."

³⁴ Ezi Farisiba ghaze, "A duar kurabar gu-mazir dapanimin gavgavimin duar kuraba batosi."

Jesus ingangarim isa uan suren gumazibagh anidi

(Sapta 9:35–10:42)

Jesus gumazamizibar apangkufti

³⁵ Ezi gin, Iesus nguibar ekiaba ko nguibar doziba bar dagh arua, me uan God ko migeir dipenibar aven ghua, gu-mazamizibar sure gami. A God Bizibagh Ativamin Dughiamin akam me migia men arimariaba ko osimtzir men namnabar itiba bar da gefi.³⁶ A gumazamizir avirir dafamin garima, men nighniziba tintinibar itima, me osimtzibar aven arua, mati sispibar min ami, me ghuaividibar puvatigha asaghazazibar min puram arui. Kamaghin amizi, a bar men apangkufti.³⁷ Egha a uan suren gumazibav già ghaze, "Dagher bar avirim anigha givagha azenimin iti. Ezi ingangarir gumazamizir da iniamin aviriba

puvati.³⁸ Kamaghin amizi, ia azenir kamin ghuvavimin azangsighti, a ingangarir gu-mazamiziba amangitima, me an azenimin mangi, dagheba iniam."

10

12plan suren gumazibar ziaba (Mak 3:13-19; Luk 6:12-16)

¹ Egha gin, Iesus uan suren gumazir 12plan diazima, me a bagha izezima, a duar kuraba batoghamin gavgavim ko gumazamiziba itir arimariaba akiramin gavgavim sara me ganingi.

² Aposelin 12plan ziabar kara: Men faragha zuim, Saimon, an ziar mam Pita, ko an dozim Andru. Jems, ko Sebedin otarim, ko an dozim Jon, ³ Filip, Bartolomyu, Tomas, Matyu, a gumazir dagiaba isim, ko Jems, an Alfiusin otarim, ko Tadius, ⁴ ko Saimon, a marazi ko me Selotin ikizimin iti, koma Judas Iskariot, gumazir Iesus isava, apanibagh aningizim.

Jesus ingangarim isa, 12plan aposelbagh anidi (Mak 6:7-13; Luk 9:1-5)

⁵ Ezi Iesus gumazir 12plan kaba amaga akar kam me ganiga ghaze, "Ia Kantrin Igharazibar Gumazamiziba bagh mangan marki. Egh Samarian nguibar ekiabar man-gan marki.⁶ Ia Israelin ikizimin itir sipsipin ovengeziba bagh mangi.⁷ Ia mangi, akam akun suam, 'God Biziibagh Ativamin Dughiam a roghira izegha gifa.'⁸ Ia mangi gumazamizibar arimariaba agiva, egh gu-mazamizir aremeziba me damut me ua dikav, egh lepa itir gumazamizibar amuti me ua zuegh, egh duar kurar gumazamizibagh apazaziba da batogh. Biziñ ia inizim ia purama a ini, ia a givezezir puvati. Kamaghira ia pura a isi gumazamizibar aning. Ia a bagh ivezitam inian kogham.

⁹ "Ia golin tam o silvan dagiatam o kap-an dagiatam inigh mangan marki.¹⁰ Ia daruamin dughiaabar, ia biamitaritam inian marki. Egh ia siotiar pumuning, o dagarir asuatam o fidizitam inigh mangan kogham. Bar puvati. Guizbangira, ingangarir gu-mazamiziba damamin dagheba, me da isi me daning.

- | | | | | | |
|---|---|--|--|--|--|
| 9:29: Mt 8:13 | 9:29: Matyu 8:13 | 9:30: Mt 8:4 | 9:30: Matyu 8:4 | 9:32: Mt 12:22 | 9:32: Matyu 12:22 |
| 9:33: Mk 2:12 | 9:33: Mak 2:12 | 9:34: Mt 10:25, 12:24, Mk 3:22, Lu 11:15 | 9:34: Matyu 10:25; 12:24; Mak 3:22; Luk 11:15 | 9:34: Matyu 10:25; | 9:36: Nam 27:17, 1 |
| Kin 22:17, 2 Sto 18:16, Ese 34:5, Sek 10:2, Mt 14:14, Mk 6:34 | 9:35: Mt 4:23, Mk 1:39, Lu 4:44 | 9:35: Matyu 4:23; Mak 1:39; Luk 4:44 | 9:36: Diboboniba 27:17; 1 Atriviba 22:17; 2 Eghaghaniba 18:16; Esekiel 34:5; Sekaraia 10:2; Matyu 14:14; Mak 6:34 | 9:36: Diboboniba 27:17; 1 Atriviba 22:17; 2 Eghaghaniba 18:16; Esekiel 34:5; Sekaraia 10:2; Matyu 14:14; Mak 6:34 | 9:37: Luk 6:34, Jo 4:35 |
| 10:1: Mt 9:35, Mk 3:13-15, 6:7, Lu 9:1 | 10:1: Matyu 9:35; Mak 3:13-15; 6:7; Luk 9:1 | 10:1: Matyu 9:35; Mak 3:13-15; 6:7; Luk 9:1 | 10:5: Ap 13:46 | 10:5: Ap 13:46 | 10:5: Ap 13:46 |
| Aposel 13:46 | * 10:5: Kar Iesusin migirigiar ruarir mam, Namba 2. Akar sapta 10:5-42in itiba, da suren gumazib Godin akam akun durutima arazir me bativamibav gei. | 10:6: Jer 50:6, Mt 15:24 | 10:6: Jer 50:6, Mt 15:24 | 10:6: Jeremaiia 50:6; Matyu 15:24 | 10:6: Jeremaiia 50:6; Matyu 15:24 |
| 10:7: Mt 3:2, 4:17, Lu 10:9-11 | 10:7: Matyu 3:2; 4:17; Luk 10:9-11 | 10:7: Matyu 3:2; 4:17; Luk 10:9-11 | 10:7: Luk 10:4-12 | 10:8: Ap 20:33 | 10:9: |
| Lu 10:4 | 10:9: Luk 10:4 | 10:10: Nam 18:31, Lu 10:7, 1 Ko 9:14, 1 Ti 5:18 | 10:10: Diboboniba 18:31; Luk 10:7; 1 Korin 9:14; 1 Timoti 5:18 | | |

11 “Egh ia nguibar ekiatamin mangam, o nguibar dozitamin mangisi, ia deraghviram azangsigh fogh, gumazir manam an arazir aghuibagh amua egha bar dera. Egh ia gumazir kam ko iki mangi dughiar ia nguibar kam ataghiraghram. 12 Egh dipenir ia even zuim, ia kamaghin an aven itir daraziv kim, ‘God deragh ia damuam.’ 13 Egh gumazamizir dipenir kamin itiba, ia gifueghiva ia inighti, ia me ko iki, egh ia Godin azaraghti, ian navir amirizim me ko iki. Me ian aghuaghti, ia uan navir amirizir kam me da uam a inigh. 14 Egh gumazitam ia inigh uan dipenimin mangan aghuagh, egh ian akam baraghan koghti, ia dipenir kam o nguibar kam ataghiraghram dughiam, ia uan dagaribar itir mineziba apisigh.† 15 Ki guizbangira ia migei, Godin Kotin Dughiamin, osimtizim gumazamizir nguibar kamin itiba iniamim, an osimtizir Sodom ko Gomora inizim gafiraghram.”

*Osimtizir aviriba otivam
(Mak 13:9-13; Luk 21:12-17)*

16 Egha Iesus ua kamaghin migei, “Ia oragh, ki sipsipbar min ia isava afiar atiabar tongin ia amadi. Eghti ia kuruzibar araziba iniva deravira bizibagh nighnigh egh gin dar amu. Egh ia kuarazir bunbabar arazibar amu, kamaghin ia arazir kuratam damusi nighnighan marki. 17 Ia deraghvira uari bagh gan. Me ian suiragh, uan kaunselbar damazibar ia isi kotiam darighiva, egh me uan God ko migeir dipenibar ia fozorogham. 18 Egh me nan ziam bangin, ia iniva gavmanba ko atrivibar damazibar mangam. Eghti ia Akar Aghuimin gun gumazir ekiar kabav kim. Egh ia uaghan Kantrin Igharazibar Gumazamiziba, me mikim. 19 Me ia inigh kotiam mangitima ia atiating kamaghin nighnighan marki, ‘E migirigiar manatam damuam? O, e manmaghin men akaba ikarvaghram?’ Puvati. God ubi dughiar kamin ia mikimamin akaba ia daningam. 20 Ia uari mikiman kogham, puvati. Ian Afeziamin Duamra, ian akatoribar aghu mikimam.

21 “Aveghbuuba uarira uari isi apanibar aningti me me misoghi me arimighiram. Eghti afeziaba uan boriba uaghan kaghira me damuam. Boriba uan ameboghfeziabar akaba batoghiva ovengamin arazibar me damuti, me arimighiram. 22 Eghti gumazamiziba bar nan ziam bangin ian aghuaghgam. Eghti gumazamizir gavgavigh iki mangi dughiar abuananamin otoghamiba, God men akurvaghram. 23 Egh gumazamiziba nguibar ekiar mamin pazi ia damuti, ia ari nguibar ekiar igharazimin mangi. Ki guizbangira ia migei, ia Israelin nguibar ekiar kabar uan damuamin ingangariba, da givaghan koghti Gumazamizibar Otarim uamattegham.

24 “Suren gumazitam o amizitam uan tisa gafirazir puvati, ezi ingangarir gumazim o amizim uan gumazir ekiam gafiraghram kogham. 25 Eghti suren gumazim uan tisan min otoghiva, egh deraghram. Egh ingangarir gumazim uan ekiamin min otoghiva, a uaghan deraghram. Me ziar kam Belsebul isa dipenimin ghuavim gati, ezi e kamaghin fo, me uaghan bar ziar kuraba da isiva an adarazir arigham.”‡

*Gumazamiziba Godrama atiatingam
(Luk 12:2-7)*

26 Egha Iesus ua kamaghin migei, “Gumazamiziba pazi ia damuti, ia men atiatingan marki. Moegha itir biziba, da azenim giregham. Akar aven itiba, gumazamiziba dagh fogham. 27 Ki mitatemin ia mikemezir akaba, ia aruer angazangarimin dav kim. Egh sighsirir akar ia oraghiziba, ia mangi dipenir nogoribar tuiv dar gun gumazamizibav kim. 28 Ia gumazir namnar kinibav sozibar atiatingan marki. Me ian duabav sueghan kogham. Puvati. Ia Godram atiating. A namnam ko duam uaghara aning isiva helin avimin aning gasighasighamin gavgavim iti.

29 “Ia fo, gumazamiziba kuarazir dozir pumuning wan toian virara aning givezegham. Ezi ian Afeziham deraghvira kuarazir kabar gari. Ian Afeziham ifueghan koghtima, kuarazir katam nguazim giran

- 10:12:** Lu 10:5-6 **10:12:** Luk 10:5-6 **10:14:** Ap 18:6 **10:14:** Aposel 18:6 **10:14:** Suren gumazib
arazir kam damutima, nguibar ekiamin itir gumazamiziba gan fogh suam, me arazir kuram gami. Ni Mak 6:11 ko Aposel 13:51in gan. **10:15:** Stt 19:24-28; Mt 11:24, Ju 7 **10:15:** Jenesis 19:24-28; Matyu 11:24; Jut 1:7 **10:16:** Lu 10:3,
Jo 10:12, Ap 20:29, Ro 16:19, 1 Ko 14:20, Ef 5:15 **10:16:** Luk 10:3; Jon 10:12; Aposel 20:29; Rom 16:19; 1 Korin 14:20;
Efesus 5:15 **10:17:** Mt 24:9 **10:17:** Matyu 24:9 **10:17:** Mak 13:9-11; Luk 12:11-12; 21:12-15 **10:18:** Ap
25:23, 27:24 **10:18:** Aposel 25:23; 27:24 **10:20:** Jo 14:26, 1 Ko 2:4 **10:20:** Jon 14:26; 1 Korin 2:4 **10:21:** Mai
7:6, Mt 10:35, 13:12, Lu 21:16 **10:21:** Maika 7:6; Matyu 10:35; Luk 21:16 **10:22:** Mt 24:9, 24:13, Mk 13:13, Lu 21:17,
Jo 15:18-21 **10:22:** Matyu 24:9; 24:13; Mak 13:13; Luk 21:17; Jon 15:18-21 **10:23:** Mt 16:28 **10:23:** Matyu 16:28
10:24: Lu 6:40, Jo 13:16, 15:20 **10:24:** Luk 6:40; Jon 13:16; 15:20 **10:25:** Mt 9:34, Mk 3:22, Lu 11:15 **10:25:**
Matyu 9:34; Mak 3:22; Luk 11:15 † **10:25:** Ziam Belsebul, a Satanian ziar mam. Ni Matyu 12:22-28in gan. **10:26:**
Mk 4:22, Lu 8:17 **10:26:** Mak 4:22; Luk 8:17 **10:28:** Ais 8:12-13, Lu 12:4, Je 4:12, 1 Pi 3:14 **10:28:** Aisaia
8:12-13; Luk 12:4; Jems 4:12; 1 Pita 3:14 **10:30:** Lu 21:18, Ap 27:34 **10:30:** Luk 21:18; Aposel 27:34 **10:31:** Mt
6:26, 12:12 **10:31:** Matyu 6:26; 12:12

kogham. ³⁰ Egha God uaghan ian dapanir ariziba menge, egha a bar deraghavira ia gifo. ³¹ Kamaghin amizima, ia atiatingan marki. Ia kuarazir dozir kabar min itir puvati. Ia Godin damazimin bar ekevegha dagh afira.”

*E Jesusin adarazir ikiva
aghumsighan kogham
(Luk 12:8-9)*

³² Ezi Iesus ua kamaghin migei, “Gumazimir manam gumazamizibar damazimin ghaze, a nan anavira, eghti ki uaghan uan Afeziar uan Nguibamin itimin damazimin mikim suam, gumazir kam a nan anav. ³³ Eghti tina gumazamizibar damazimin mikim suam, a nan adarazir mav puvati, eghti ki uaghan uan Afeziar uan Nguibamin itimin damazimin mikim suam, gumazir kam nan anav puvati.”

*Ia Iesus bar a gifuegh, faragh anetigh
(Luk 12:51-53; 14:26-27)*

³⁴ Egha Iesus ua kamaghin migei, “Ia ti ghaze, ki navir vamiran arazim inigha, nguazir kamin ize. Ia kamaghin nighnighan marki. Ki adariba ko midoroziba agivasa izezir pu. Puvati, ki midorozir sabam inigha ize. ³⁵ Ki bizar kam bagha ize, ki gumazim damut, a uan afeziamin apanimin ikiam. Eghti guivim uan amebamin apanimin ikiam. Eghti paba itir amiziba, uan ivozir amebaba ko akabar uari adogham. ³⁶ Gumazamizibar anababa uari, men apanimin ikiva, men ikuvigham.

³⁷ “Tina uan afeziam ko amebam bar aning gifongegha, faragh aning arigha, egha na isa gin arisi, a guizbangira nan namakam puvati. Tina uan otarim o guivim bar aning gifongegha, faragh aning arigha, egha na isa gin arisi, a nan namakam puvati. ³⁸ Eghti tina uan ter ighuvir an ovengamim gisaghpuhha nan gin zuir puvati, a nan namakam puvati. ³⁹ Eghti gumazamizir manam uan ikirimirim suiraghs iughnighti, an ikirimirim givaghram. Eghti gumazamizir manam na bagh uan ikirimirim ateghiva, a uan ikirimirim iniam.”

-
- 10:32:** Lu 12:8, Ro 10:9-10, MAA 3:5 **10:32:** Luk 12:8; Rom 10:9-10; Akar Mogomem 3:5 **10:33:** Mk 8:38, Lu 9:26, 2 Ti 2:12 **10:33:** Mak 8:38; Luk 9:26; 2 Timoti 2:12 **10:34:** Luk 12:49-53 **10:34:** Luk 12:49-53 **10:35:** Maika 7:6 **10:36:** Sng 41:9, 55:13 **10:36:** Onger Akaba 41:9; 55:13 **10:37:** Lo 33:9, Lu 14:26 **10:37:** Godin Araziba 33:9; Luk 14:26 **10:38:** Mt 16:24, Mk 8:34, Lu 9:23, 17:33, Jo 12:25 **10:38:** Matyu 16:24; Mak 8:34; Luk 9:23 **§ 10:38:** Romin gavman, nguibar gumazir igharaziba ko pura ingangaribar gumazir arazir kurabagh amiziba, me me isava ter ighuvibar me dui. Me faragh uan ter ighuvim gisaghpuh mangi danganir me misvezim otogham. Iesus akar isin zuir kamin uan suren gumazibar gi ghaze, tina guizbangira an suren gumazimin otivsi uaghan ovengamin nighnizim iki. **10:39:** Mt 16:25; Mk 8:35, Lu 9:24, 17:33, Jo 12:25 **10:39:** Matyu 16:25; Mak 8:35; Luk 9:24 **10:40:** Mk 9:37, Lu 9:48, 10:16; Jo 13:20 **10:40:** Mak 9:37; Luk 9:48; 10:16; Jon 13:20 **10:41:** 1 Kin 17:10, 2 Kin 4:8 **10:41:** 1 Atriviba 17:10; 2 Atriviba 4:8 **10:42:** Mt 18:5-6, 25:40, Mk 9:41, Hi 6:10 **10:42:** Matyu 18:5-6; 25:40; Mak 9:41; Hibrui 6:10 **11:2:** Mt 14:3 **11:2:** Matyu 14:3 **11:3:** Mal 3:1 **11:3:** Malakai 3:1

*Gumazamizir manam Kraisin adarazi
deragha me gami,
me uan ivezir aghuim iniam
(Mak 9:41)*

⁴⁰ Egha Iesus ua kamaghin migei, “Gumazamizir manam ia inigha arazir aghuibar ia gami, a na inigha arazir aghuibar na gami. Gumazamizir na iniziba, me Godin na amadazi ki izezim ini. ⁴¹ Eghti gumazitam o amizitam suam, ki Godin akam inigha izir gumazitam an akurvaghaha, egha Godin akam inigha izir gumazir kamin akua uan dipenimin ghua an akurvaghaha deragha a gami, God gumazir kam, bizar aghuir an akam inigha izir gumaziba isiba, God da isiva a daningam. Eghti gumazitam suam, ki gumazir aghuitamin akurvaghaha, egha gumazir aghuir mam inigha uan dipenimin ghua deraghavira an akurvaki, God gumazir kam uaghan, bizar aghuir gumazir aghuibla isiba, God da isiva a daningam. ⁴² Eghti tav suam, ki Iesusin suren gumazitam an akurvaghshi, egha pura dipar orangtizim isiva suren gumazamizir ziaba puvatizir katam danigham, bar guizbangira ki ia migei, God ivezir aghuim a daningam.”

Iesus bar tinara

11

(Sapta 11:1-16:20)

*Gumazamiziba Ruer Gumazim Jon, uan
suren gumaziba amadazi me Iesus bagha
ghue*

(Luk 7:18-35)

¹ Egha Iesus akar kaba uan 12plan suren gumazibagh aniga, egha danganir kam ategha nguibar igharazibar ghua men sure gamua Godin akam me mikiri.

² Jon kalabusin ikia kamaghin God Ua Gumazamiziba Iniasa Misevezir Gu-mazimin ingangariba baregha uan suren gumaziba a bagha me amada. ³ Egha ghaze, ia mangi kamaghin Iesusin azang, “Ti nirara, gumazir God faragha amangasa mikemezim? O, e ti ua gumazir igharazitam mizuamam?”

⁴ Ezi Iesus men azangsiziba ikaraghha ghaze, "Ia mangi, bizir ia garava orazibar gun Jon mikim suam: ⁵ Gumazamizir damazir okaviriziba ua gari, ezi gumazamizir suer amiriziba uam arui. Ezi gumazamizir lepa itiba ua zuegha dera, ezi gumazamizir kuarir orazir puvatiziba uam orasi. Ezi ovengezir gumazamiziba ua dikavima, ezi gumazamizir onganarazibagh amiba Akar Aghuim barasi.* ⁶ Gumazamizir nan ganigha nighnizir gavgavim nan itiba, men nighnizir gavgavim ikivira iki, eighti men navir averiaba deraghti me bar akuegham!"

⁷ Ezi Jonin suren gumaziba anetegha ghuezima, Iesus an gun gumazamizibav gei, "Ia gumazamiziba puvatizir danganimir ghua tizimin ganasa ghue? Ia ti ighurunir aminim ivaimin ganasa ghue? Puvati. ⁸ Ia tizimra ganasa ghue? Ia ti gumazir korotiar aghuiba aghuzitamin ganasa ghue? Puvati. Gumazir korotiar aghuiba azuiba, atrivibar dipenibar iti. ⁹ Ezi ia tizimin ganasa ghue? Ia Godin akam inigha izir gumazitamin ganasa ghue? Bar guizbangira! Ki ia migei, Godin akam inigha izir gumazir kam, a Godin akam inigha izir gumazir igharaziba, bar me gafira. ¹⁰ Gumazir kam baghavira Godin Akinafarim migia ghaze, 'Ta oragh. Ki uan abuir gumazim amadaghtima, a faragh mangiva ni bagh tuavim akiram.' ¹¹ Ki guizbangira ia migei, Gumazamiziba Ruer Gumazim Jon, nguazimin itir gumazamiziba bar me gafira, ezi tina borimin min God Bizibagh Ativamin Dughiamin aven iti, a bar Jon gafira.

¹² "Gumazamiziba Ruer Gumazim Jonin dughiamin ikegha iza datirighin, gumazir kuraba God Bizibagh Ativamin Dughiam iniasi puv ingara misosi. Egha me midorozir arazir anabar igharazibagh amua, egha osimtizir aviriba a ganidi.[†] ¹³ Godin akam inigha izir gumazibar osiziriba ko Moses Osirizir Araziba, da Godin akam akura iza Jon otozir dughiamin tu. ¹⁴ Kamaghin amizi, ia dar akam baraghisi ifuegh, a baragh, 'Godin akam inigha izir gumazim Elaija izam,' kar a Jon baghavira migei. ¹⁵ Tina kuarimning iti, an

oragh.

¹⁶ "Egħi kiekk datirighin itir gumazamizibar arazibar gun mikkimsiva akar isin zuir manam mikimam? Me boribar min gara bixiba amadir danganibar apiav ikia uarir dei:

¹⁷ "E ja bagħha marvibagh ivima, ia ħiġan aghħua.

Ezi e ongerakar amirizibagh amima, ia azir puvati.'

¹⁸ Datirighin itir gumazamiziba, borir kabar min ami. Jon izava pamten apir putatīghaw wainin dipaba apir puvatizima, me ghaze, 'Duar kuraba a gapasa.' ¹⁹ Ezi Gumazamizibar Otarim izava dagħeħa ko wainin dipaba api. Ezi me ghaze, 'Ta gan, a gumazir puv dagħem ko wainin dipam apim. Egha a dagħiaba isir gumazamiziba ko gumazamizir arazir kurabagh amiba, a men roroabagh amua me ko iti.' Me kamaghin migejha, gumazamiziba men gara fo, Godin fofozim a guizbangira bizim."

*Navibagh irazir puvatizir gumazamiziba, me bar ikuvigham
(Luk 10:13-15)*

²⁰ Iesus nguibar ekiar mabar mirakelin aviribagh amizi me uan navibagh irazir puvati. Ezi Iesus dugħiħar kamin nguibar kabar gumazamizibar atara ghaze,²¹ "Ia Korasini nguibamin itir gumazamiziba, Iavzika! Ia kuram iniam. Ia Betsaidan nguibamin itir adarasi, Iavzika! Ia bar ikuvigham. Gumazitam Tairin nguibam ko Saidonin nguibamin ghua, mirakelin ki amiziba men tongin dagħi amigħi, Tair ko Saidonit itir darazi ti fomira navibagh iragħha, egha azir adiariba aghuiga, averenim gapiava a guruava, egha uan arazir kamin uari akakħha ghaze, me uan arazir kuraba ataki. ²² Ezi ki ia migei, Godin Kotin Dughiamin, osimtizir ia iniamim, an osimtizir Tair ko Saidon iniamim gafiragħam. ²³ Ezi ja Kaperneamin nguibamin itir darasi, ia ghaze, ia uari feġħ Godin Nguibamin ikkiam, a? Bar puvati, God ia akunighti ia Gumazamizir Oveaghuezibar Nguibamin magiram. Ezi gumazitam ti Sodomin nguibamin ghua mirakelin ki ian tongin amizibagh amizi, kamaghin Sodom

* **11:5:** Godin akam inigha izeżiż gumazim Aisaia fomira ghaze, God uan adarazi Israelian akurvaghhami dughiam, arazir kaba otivam. Ni Aisaia 35:1-7 ko 61:1-4-in gan. **11:6:** Mt 13:57, 26:31 **11:6:** Matyu 13:57; 26:31 **11:7:**

Mt 3:5 **11:7:** Matyu 3:5 **11:9:** Lu 1:76 **11:9:** Luk 1:76 **11:10:** Mal 3:1, Mk 1:2, Jo 3:28 **11:10:** Malakai

3:1; Mak 1:2; Jon 3:28 **11:12:** Luk 16:16 [†] **11:12:** Grighiñ akam kien migħiġiġar kam me deragħha anebiġi hizir puvati.

Marazi nighnigha ghaze, Iesus ghaze, gumazitaba otivigh Romin gavman ko misogħ me batuegħ eghħiva God Bizibagh Ativamin Dughiam damiġħtima, a nguazimin ikkiam. **11:14:** Mal 4:5, Mt 17:10-13, Mk 9:11-13 **11:14:** Malakai

4:5; Matyu 17:10-13; Mak 9:11-13 **11:18:** Mt 3:4 **11:18:** Matyu 3:4 **11:19:** Mt 9:10-14, Lu 7:35 **11:19:**

Matyu 9:10-14; Luk 7:35 **11:21:** Aisaia 23:1-18; Esekiel 26:1-28:26; Joel 3:4-8; Amos 1:9-10; Jona 3:6; Sekaria 9:2-4

11:23: Stt 19:24-28, Ais 14:13-15 **11:23:** Jenesi 19:24-28; Aisaia 14:13-15 **11:24:** Mt 10:15, Lu 10:12 **11:24:**

Matyu 10:15; Luk 10:12

ti ikiavira ikiia. ²⁴ Ezi ki ia migei, Godin Kotin Dughiamin, osimtizir ia iniamim, an osimtizir Sodom inizim gafiraghram."

*Ia na bagh iziya aghuvsazim iniam
(Luk 10:21-22)*

²⁵ Egha dughiar kamin Jesus kamaghin migei, "Afeziam, ni nguazim ko overiam gativazir Ekiam! Ni fofozim ko nighnizir aghuiba itir gumazamiziba bizir kaba men modo, egha boribar min itir gumazamizibar aka. Kamaghin ki ni minabi. ²⁶ Guizbangira Afeziam, ni uan ifongiamin kamaghin ami."

²⁷ Egha Jesus ua kamaghin migei, "Nan Afeziam biziba bar da isa nan dafarim gati. Ezi gumazitam Otarim gifozir puvati. Afeziam uabira a gifo. Egha tav Afeziam gifozir puvati. Otarim uabira, ko gumazir Otarim ifuegha Afeziam isa men akaziba, merara Afeziam gifo. ²⁸ Ia, gumazamizir ingangarir ekiabagh amua osimtizir aviriba ateriba, ia bar moghira na bagh izi. Eighti ki aghuvsazim ia daningam. ²⁹ Ia na da fofozim iniva nan migirigabar apengan iki, egh mati temer ruarir me bulmakauningin tuemning gatizima aning uanining inigha ingangarim gami moghin, ia nan apengan iki. Ia na gifo, ki uan navir averiamin aven uabi dikabiragh, egha gumazamizibar asughasusi. Egh ki ia damutia aghuvsazim iniam. ³⁰ Ter ruarir ki ian tuebagh arizim, ia a gumuan, ezi bizir ki aterim an osemezir puvati."

12

*Farisiba Sabatin dughiam bagha
Jesus adoghodosi
(Mak 2:23-28; Luk 6:1-5)*

¹ Egha Jesus Sabatin dughiar mamin uan suren gumaziba ko, raizin min garir dagher mam wit, an azenir ekiamin torimin zui. Ezi an suren gumaziba mitiriam men azima, me witin ovizir maba isa da api. ² Ezi Farisiba men ganigha kamaghin Jesus migei, "Ni gan, arazir nin suren gumaziba amiba, en Judan Araziba ghaze, me Sabatin dughiamin dar amuan kogham."*

- 11:25:** 1 Ko 1:26-29 **11:25:** 1 Korin 1:26-29 **11:27:** Mt 28:18, Jo 1:18, 3:35, 10:15, 17:2, Fl 2:9 **11:27:** Matyu 28:18; Jon 1:18; 3:35; 10:15; 17:2; Filipai 2:9 **11:28:** Jer 31:25 **11:28:** Jeremaia 31:25 **11:29:** Jer 6:16, Sek 9:9, Jo 13:15, Fl 2:5, 1 Jo 2:6 **11:29:** Jeremaia 6:16; Sekarbar 9:9; Jon 13:15; Filipai 2:5; 1 Jon 2:6 **11:30:** 1 Jo 5:3 **11:30:** 1 Jon 5:3 **11:30:** 1 Godin Araziba 23:25; Mak 2:23-28; Luk 6:1-5 **12:1:** Godin Araziba 23:25; Mak 2:23-28; Luk 6:1-5 **12:2:** Kis 20:10, Mt 12:10, Lu 13:14, Jo 5:10, 7:23 **12:2:** Ua Me Ini 20:10; Matyu 12:10; Luk 13:14; Jon 5:10; 7:23 * **12:2:** Moses Osirizir Araziba, Sabatin ingangaribar amusa Judabar anogorosi. Me Sabatin damuan koghamin ingangarir mam, a dagher andiziba iniamin ingangarim. Ni, Ua Me Ini 34:21 in gan. Farisiba ghaze, Iesusin suren gumaziba arazir kamin gin zuir puvati. **12:3:** 1 Samuel 21:1-6 **12:4:** Wkp 24:9 **12:4:** Ofa Gami 24:9 **12:5:** Nam 28:9-10 **12:5:** Matyu 28:9-10 **12:6:** Mt 12:41-42, Lu 11:31-32 **12:6:** Matyu 12:41-42; Luk 11:31-32 **12:7:** Hos 6:6, Mt 9:13 **12:7:** Hosea 6:6; Matyu 9:13 **12:10:** Lu 14:3 **12:10:** Luk 14:3 **12:11:** Kis 23:4-5, Lo 22:4, Lu 14:5 **12:11:** Hosea 6:6, Mt 9:13 **12:12:** Diboboniba 28:9-10 **12:12:** Ua Me Ini 23:4-5; Godin Araziba 22:4; Luk 14:5 **12:14:** Mt 26:4, 27:1, Mk 3:6, Lu 6:11, Jo 7:1, 7:19, 11:53 **12:14:** Matyu 26:4; 27:1; Mak 3:6; Luk 6:11; Jon 7:1; 7:19; 11:53

migeir dipenim ategha uari akuvagha Iesus misoghasa tuaviba buri.†

Iesus a guizbangira Godin ingangarir gumazim

¹⁵ Farisiba Iesus misoghasa tuaviba burima, a men arazir kam gifoghava nguibar ekiar kam ategha ghu. Ezi gumazamizir aviriba an gin zuuma, a men arimariaba bar dar kirima, me ua dera. ¹⁶ Ezi a men anogorogha ghaze, me an gun gumazir igharazibav kiman marki. ¹⁷ A Godin akam inigha izir gumazim Aisaian migirigiam damuti, an otivasa, egha kimaghin ami. Aisaia kimaghin mikeme:

¹⁸ “Kar nan ingangarir gumazim, ki uabi anemisefe,

egha ki bar a gifuegha, a bagha bar akonge.

Ki uan Duam a datighti, a Kantrin Igharazibar Gumazamizibav kim suam, dughiar ki men araziba tuisighamim otivam.

¹⁹ Gumazir kam mikimamin dughiamin, a pamten akam akarigh mikiman kogham.

Me tuavibar an tiarim baraghan kogham.

²⁰ Ighurunim gavgaviba puvatigha dipirasava amim, a bar anepirighan kogham, egh lamin pamtem isir puvatizim, a anemungeghan kogham.

Egh a kamaghira, gavgaviba puvatizir gumazamizibar asusgasugh deravira me damuam.

A kamaghira damu mangi, guzin arazim damighti, a iki gavgavigham.

²¹ Eghti Kantrin Igharazibar Gumazamiziba nighnizir gavgavim an ikivauarir akurvaghshi a mizuam ikiam.”

Me ghaze, Jesus Belsebulin gavgavimin ingari

(Mak 3:20-30; Luk 11:14-23; 12:10)

²² Dughiar kamin me duar kuram apazazir gumazir mam inigha Iesus bagha ize. Gumazir kam migeir puvatigha uaghan

† **12:14:** Farisiba ghaze, arimariaba a gevир arazim uaghan ingangarir mam, egha Sabatin arazir kaba uaghan dar anogoroke. Ezi Farisiba gari, Iesus Sabatin arimariaba agefi, kimaghin me a basemegha a misoghasa tuaviba buri. Ni Luk 13:14 ko Jon 5:16-18 in gan. **12:15:** Mk 3:7-10 **12:15:** Mak 3:7-10 **12:16:** Mt 8:4, Mk 3:12 **12:16:** Matyu 8:4; Mak 3:12 **12:18:** Aisaia 42:1-4; Matyu 3:17; 17:5 **12:22:** Mt 9:32-33 **12:22:** Matyu 9:32-33 **12:23:** Ni akar Matyu 9:27 in itimin gan. **12:24:** Mt 9:34, 10:25; Mk 3:22; Lu 11:15 **12:24:** Matyu 9:34; 10:25; Mak 3:22; Luk 11:15

§ **12:24:** Belsebul uaghan Satanin ziar mam. **12:25:** Mt 9:4; Jo 2:25, MAA 2:23 **12:25:** Matyu 9:4; Jon 2:25; Akar Mogomem 2:23 **12:28:** Dan 2:44; 7:14, Lu 1:33, 17:20-21, Ap 10:38, 1 Jo 3:8 **12:28:** Daniel 2:44; 7:14; Luk 1:33; 17:20-21; Aposel 10:38; 1 Jon 3:8 **12:29:** Ais 49:24; Lu 11:21-23, 1 Jo 4:4 **12:29:** Aisaia 49:24; Luk 11:21-23; 1 Jon 4:4 **12:30:** Mk 9:40; Lu 9:50, 11:23 **12:30:** Mak 9:40; Luk 9:50; 11:23 **12:31:** Mk 3:28-29, Lu 12:10, Ap 7:51, 1 Ti 1:13; Hi 6:4-6, 10:26, 1 Jo 5:16 **12:31:** Mak 3:28-29; Luk 12:10; Aposel 7:51; 1 Timoti 1:13; Hibru 6:4-6; 10:26; 1 Jon 5:16 **12:32:** Mt 11:19, Lu 12:10, Jo 7:12, 7:52, 1 Ti 1:13 **12:32:** Matyu 11:19; Luk 12:10; Jon 7:12; 7:52; 1 Timoti 1:13

garir puvati. Ezi Iesus gumazir kam a gamizi a deragha ua migia egha uaghan gari. ²³ Ezi gumazamiziba digavir kuram gamigha migia ghaze, “Gumazir kam ti Devitin otarim, a?”‡

²⁴ Ezi Farisiba migirigiar kam baregha ghaze, “Gumazir kam, duar kurabar gumazir dapanim Belsebul, gavgavim a ganingizi, a gavgavir kamin duar kuraba batosi.”§

²⁵ Ezi Iesus men nighnizibagh fogha egha kimaghin me migei, “Kantrin tamin gumazamiziba uari tuiragh uarira uariv soghti, men dabirabim ikuvigham. Eghti dipenir vamiran itir darazi o nguibar vamiran itir darazi uari tuiragh uarira uariv soghti, men dabirabim ikuvigham.

²⁶ Ezi kamaghira e fo, Satan uan adarazi ko uari abigh uariv sogh, egh me manmaghinhough gavgavigh bizibar ganamin gavgavim ikiam? Bar puvatigham. ²⁷ Ia ghaze, ki Belsebul da gavgavim isa duar kuraba batosi. Ezi kamaghin, tinara ian adarazir akurvazima, me duar kuraba batosi? Ian adarazi amir araziba, darara ian akatha ghaze, ia paza na migei. ²⁸ Eghti ki Godin Duamin gavgavimin duar kuraba batoghi, ia kamaghin fogh suam, God Bizibagh Ativamin Dughiam ia batogha gifa.

²⁹ “Eghti gumazir manatam mangi pura gumazir gavgavitamin dipenimin aven mangiva an biziba okemegham? Puvatigham. A faraghivira benibar gumazir gavgavir kam ikegham. A kamaghin a damigh gumazir kamin dipenimin aven mangi, an biziba okemegham.

³⁰ “Tina nan namakam puvati, a nan apanim. Ezi gumazim nan akuraghha gumazamiziba akumakuir puvati, gumazir kam men tintizima me tintinibar zui.

³¹ “Kamaghin amizi, ki ia migei, gumazamiziba amir arazir kuraba ko me Godin ziam gasighasizir akaba, God bar da gin amadaghham. Eghti gumazitam Godin Duamin ziam gasighasichti, God an arazir kurar kam gin amadaghhan kogham.

³² Eghti gumazitam akar kuratam Gu-mazamizibar Otarim mikemeghti, God an

arazir kurar kam gin amadaghgam. Eighti gumazitam Godin Duam akar kuratam a mikemeghtima, God dughiar kam ko gin izamin dughiamin, an arazir kurar kam gin amadaghan kogham. An arazir kurar kam an ikivíra ikiam.”

*Temer kuraba ovizir kuraba batí
(Luk 6:43-45)*

³³ Egha Iesus ua kamagħin migei, “Temer aghuim ikitima, an ovizir aghuiba uaghan ikiam. Egh temer kuram ikitima, an ovizir kuraba uaghan ikiam.” ³⁴ Ia gumazir kuraba, ia kuruzir kurabar min iti! Egh manmagħi migirigiar aghuitam mikemegħam? Puvati. Ian navir averriabagh izivazir nighnizibar mara ian akatoribar otifi. ³⁵ Gumazir aghuim, an navir averiamin aven nighnizir aghuiba a gizifa, egha amara arazir aghuibagh ami. Gumazir kuram, an navir averiamin aven nighnizir kuraba a gizifa, egha a mara arazir kurabagh ami. ³⁶ Ezi ki ia migei, Godin Kotin Dughiamin, a pura men migirigiar nighnizibar puvatiziba bagħ vagħvagh men azangsgħiva, me tuisigham. ³⁷ God gin nin migirigia bagħi nighnighiwa, ni tuisigham, eighti nin migirigia barra ni damuti, God gumazir aghuim o gumazir kuram ni darigham.”

*Me mirakelin tam damuasa Iesusin azai
(Mak 8:11-12; Luk 11:29-32)*

³⁸ Ezi Judan Arazibagh fozir gumazir maba ko Farisin maba kamagħin Iesus migei, “Tisa, ni mirakelin arazitam damighti, e an ganigh fogħ suu, ni guizbangira Godin ingangarim gami.”

³⁹ Ezi Iesus me ikaragħha ghaze, “Gumazamizir dughiar kamin itiba, me bar gumazamizir kuraba! Egha me guizbangira God bagħhvira itir puvati. Me zurara mirakelin tamin ganasa. Me tamin ganighan kogħam. Puvati. God mirakelin arazir vamira men akaghham. Godin akam inigha izir gumazim Jona batozir mirakelin kamra, me an ganam. ⁴⁰ E fo, Jona arueba ko dimagarir pumunin ko mikelzim osirir ekiar mamin navir averiamin ike. Ezi kamaghira Gumazamizibar Otarim aruer 3pla ko dimagarir 3plan nguazimin aven

ikiam.”⁴¹ ⁴¹ Eighti Godin Kotin Dughiamin, Niniven gumazamizibha dikavigh ian arazir kurabar gun mikkimam. Ia fo, Niniven adarazi Jona akunizir akam baregha navibagh ira. Ezi gumazir datirighin ian tongin itir mam, a bar Jona gafra! ⁴² Fomira Seban Atrivir Amizim nguazir kamin saghon ikegħa Solomonin fotofzir aghuim akaba baraghħasa ize. Ezi gumazir mam bar Solomon gafiragħha ian tongin iti. Kamagħin amizi, Gumazamizibha Godin Kotiamin Tuivamin Dughiamin, Seban Atrivir Amizim tugh datirighin itir gumazamizibar arazir kurabar gun mikkimam.”

*Duar kuram uamategħha ize
(Luk 11:24-26)*

⁴³ Egha Iesus ua kamagħin migei, “Duar kuram gumazir mam ategħha dipaba puvatizir danganibar arua ikiamin danganibha buri, egha a tam batozir puvatigha, ⁴⁴ egha uabi migia ghaze, ‘Ki uamategħ faragħa ikezir dipenimin mangam.’ Egha a uamategħa ghua garima, me dipenim avizi, a bar zuezima an itir biziba bar deragħa ikia egha pura iti. ⁴⁵ Egh duar kurar kam mangi, 7plan duar kurar a gafiragħha arazir kurabagh amiba, men aku izam. Egh me mangi, dipenir kamin ikiam. Gumazir kam faragħa paza ike, egh a datirighin bar pazavira ikiam, eighti an dabirabim a faragħa ikezir dabirabim bar a gafiragħ bar ikuvigham. Arazir kamagħiram amim, gumazamizir kurar datirighin itiba uaghan me bativam, eighti me bar pazavira ikiam. Eighti men dabirabim, faragħa ikezir dabirabim bar a gafiragħ bar ikuvigham.”

*Terara Iesusin amebam ko doziba
(Mak 3:31-35; Luk 8:19-21)*

⁴⁶ Iesus gumazamizir aviribav giavira itima, an amebam ko doziba iza dipenimin azenan ikia a ko mikkimasa. ⁴⁷ Ezi gumazir mam a migia ghaze, “Ni gan, nin amebam ko doziba azenan tuivighav ikia ni ko mikkimasa.”††

⁴⁸ Ezi Iesus gumazir kam ikaragħha ghaze, “Tina nan amebam? Te nan doziba?”

12:33: Mt 7:16-20; Lu 6:44 **12:33:** Matyu 7:16-20; Luk 6:44 **12:34:** Mt 3:7, 15:18, 23:22, Lu 3:7, 6:45 **12:34:** Matyu 3:7; 15:18; Luk 3:7; 6:45 **12:38:** Mt 16:1; Mk 8:11, Lu 11:16; Jo 6:30, 1 Ko 1:22 **12:38:** Matyu 16:1; Mak 8:11; Luk 11:16; Jon 6:30; 1 Korin 1:22 **12:39:** Mt 16:4, Mk 8:12, Lu 11:29-32 **12:39:** Matyu 16:4; Mak 8:12; Luk 11:29-32

** **12:40:** Ni Jona 1:17 in gan. Godin akam inigha izir gumazim Jona, uaghan Jonan gun migia ghaze, a ghua ngħiġar ekien Niniven ghua akam akurima gumazamizibha a bareghha u navibagh ira. **12:41:** Jna 3:5 **12:41:** Jona 3:5

12:42: 1 Kin 10:1-10, 2 Sto 9:1-12, Mt 12:6 **12:42:** 1 Atrivuba 10:1-10; 2 Eghagħanibha 9:1-12; Matyu 12:6 **12:43:** Jop 1:7, Lu 11:24, 1 Pi 5:8 **12:43:** Jop 1:7; Luk 11:24; 1 Pita 5:8 **12:45:** Hi 6:4, 2 Pi 2:20-22 **12:45:** Hibrū 6:4; 2 Pita 2:20-22 **12:46:** Mt 13:55, Mk 3:31, Jo 2:12, Ap 1:14 **12:46:** Matyu 13:55; Mak 3:31; Jon 2:12; Aposel 1:14

†† **12:47:** Fożor gumazir maba, vezin kamin akabav già ghaze, Matyu uabi da osirizir puvati. Gumazir iħarraxim akar kaba Mak 3:32 koma Luk 8:20 mirara mangasa, gin da osiri. **12:50:** Jo 15:14; Ro 8:29, Ga 5:6, 6:15, Kl 3:11, Hi 2:11

12:50: Jon 15:14; Rom 8:29; Galesia 5:6; 6:15; Kolosi 3:11; Hibrū 2:11

⁴⁹ Egha uan suren gumazamizibar ak-
agha ghaze, "Ia gan! Nan amebam ko doz-
ibar kara. ⁵⁰ Gumazamizir nan Afeziar
uan Nguibamin itim ifongezir arazibar gin
zuiba, me nan doziba ko nan amiziba ko
nan amebam."

13

*Iesus witin oviziba
akurir akar isin zuim migei*

(Mak 9:14; Luk 8:4-8)

¹ Aruer kamra Iesus dipenim ategha
azenan ghu. Egha ghua dipar dadarimin
aperaghav iti. ² Ezi gumazamizir aviriba
a bagha ize, egha men avirim bar ekefe.
Kamaghin a kurir mamin biraghava apera.
Ezima gumazamiziba dipar dadarimin
tuivighav iti. ³ Ezi Iesus akar isin zuir
aviribar me migei. Egha kamaghin migei,
"Ia oragh. Gumazir mam witin oviziba
inigha ghua uan azenimin da akuragh
arui." ⁴ An ada akurima witin ovizir
maba tuavimin irezima, kuaraziba iza
da ame. ⁵ Ezi maba dagiabagh isin
itir nguazir evarim gire. Nguazir kam
mitemezir puvati, ezi witin oviziba zuamira
afuangi. ⁶ Ezi dar biba bar nguazimin aven
iraghuezir puvati, ezi aruem anaga dagh
isirazi, da isia misingi. ⁷ Ezi witin ovizir
maba benir dikoniba itir nguazim giregha,
benibar tongin afuangizi, benir dikoniba
aghauva da ikiagharki. Ezi dar oviziba
misevezir puvati. ⁸ Ezi witin ovizir maba
nguazir aghuim giregha dagheba misefi.
Maba 100plan oviziba misesvima, maba
60plan oviziba misesvima, maba 30plan
oviziba misefi. ⁹ Tina kuarimning iti, an
oragh."

*Iesus nighnizir manam ikia, akar isin
zuibara migei*

(Mak 4:10-12; Luk 8:9-10)

¹⁰ Ezi Iesusin suren gumaziba gin iza ka-
maghin an azai, "Ni tizim bagha akar isin
zuibara gumazamizibav gei?"

¹¹ Ezi a me ikaragha ghaze, "God fo-
fozim ia ganingizi, ia God Bizibagh Ati-
vamin Dughiamin akar mogomebagh fo.
Ezi a fofozir kam me ganingizir puvati.
¹² Gumazitam o amizitam Godin akabagh
foghti, God uan akabar fofozir igharaziba
a daningam, eghiti a Godin akar aviribagh
fogham. Eghiti Godin akabagh foghan
aghauazir tav, an fofozir muziarim God
a dam a inigham. ¹³ Men damaziba

gara, egha me bizitamin gari puvati. Egha
me oragha, me bizitamin mingarim bar
anebighizir puvati. Ki bizir kamin tugha
akar isin zuibar me migei. ¹⁴⁻¹⁵ Godin akam
inigha izir gumazim Aisaian migirigiaba gu-
mazamizir kaba bagha guizbangiram otifi.
A kamaghin mikeme:

"Gumazamizir kaba uan navir averiabar
kua,
ezi men kuariba oraghan aghua,
ezi men damaziba okafi.

Me kamaghin amima, God ghaze, marki,
men damaziba bizitamin ganighai,
men kuariba oreghai.

Ezi men naviba kuiaghirezi me
migirigiabagh foghava egha nav-
ibagh iragha na bagha izima,
ki ua me inigha me gamizima me der-
aghai.

Me kamaghin damuan aghua,
kamaghin me zuraram oraghiva,
egh deragh bizitamin mingarim
gifoghan kogham.

Me zurara ganiva,
egh deragh bizitamin ganighan
kogham."

¹⁶ "Ezi ia, ian damaziba bizibar gari, ezi
ian kuariba akam barasi. Kamaghin ia
bar akongegh! ¹⁷ Ki guizbangira ia migei,
fomira Godin akam inigha izir gumazir
aviriba ko gumazamizir aghuir aviriba, me
ia datirighin garir bizibar ganamin ifon-
giar bar ekiam ikia, me dar ganizir puvati.
Egha ia datirighin orazir akar kaba, me da
baraghan ifongiar bar ekiam ikia, me tam
baraghizir puvati."

Witin akar isin zuimin mingarim

(Mak 4:13-20; Luk 8:11-15)

¹⁸ Ezi Iesus ua kamaghin migei, "Ia
datirighin oragh, gumazim witin oviziba
akunizir akar isin zuimin mingarima kara.

¹⁹ Gumazamizir God Bizibagh Ativamin
Dughiamin akam baragha anebizir pu-
vatiziba, me witin ovizir tuavim girezibar
min ami. Me Godin akam barazima,
Satan zuamira izava me oraghizir akaba
me dama, da ini. ²⁰ Ezi witin ovizir
dagiabagh isin itir nguazim gireziba,
da gumazamiziba Godin akam baragha
zuamira nighnizir gavgavim an ikia bar
akonge. ²¹ Ezi men biba puvati, egha
dughiar bar otevimira iti. Eghiti gumazitaba
izi Godin akam bagh pazi me damuva

13:2: Lu 5:1-3 **13:2:** Luk 5:1-3 * **13:3:** Kar Iesusin migirigiär ruarir Namba 3, a Matyun osiziribar aven iti.
Akar kaba, da 12:3-52in iti. Ezi God Bizibagh Ativamin Dughiamin, migirigiär aviriba dar iti. **13:12:** Mt 25:29, Mk 4:25,
Lu 8:18, 19:26 **13:12:** Matyu 25:29; Mak 4:25; Luk 8:18; 19:26 **13:13:** Lo 29:4 **13:13:** Godin Araziba 29:4
13:14-15: Ais 6:9-10 **13:14-15:** Aisa 6:9-10; Mak 4:12; Jon 12:40; Aposel 28:26-27; Hibru 5:11 **13:16:** Luk
10:23-24 **13:17:** Jo 8:56; Hi 11:13, 1 Pi 1:10-12 **13:17:** Jon 8:56; Hibru 11:13; 1 Pita 1:10-12 **13:22:** Mt 6:19-34,
Lu 12:16-21, 1 Ti 6:9-10, 6:17 **13:22:** Matyu 6:19-34; Luk 12:16-21; 1 Timoti 6:9-10; 6:17

osimtiziba me darightima, me zuamira God ategham.²² Ezi witin ovizir benir dikonibar tongin ireziba, kar gumazamiziba Godin akam baraghava, egha uaghan nguazir kamin osimtizibagh nighnigha, uaghan dagiar aviriba iniasa nighnisi. Ezi bizir kaba Godin akaba ikiaghaghizima da misevir puvati.²³ Ezi witin ovizir nguaizir aghuim gireziba, kar gumazamizir Godin akam baragha deragha anebigha a gifoziba. Gumazamizir kaba mati witin oviziba misiva, maba 100plan oviziba misefi, ezi maba 60plan oviziba misefi, ezi maba 30plan oviziba misefi."

Ogher kuraba azenimin otivizir akar isin zuim

²⁴ Egha Jesus uam akar isin zuir mamin kamaghin me migei, "God Bizibagh Ativamin Dughiam mati gumazir mam witin ovizir aghuiba uan azenimin da akuni. ²⁵ Ezi gumazamiziba akuima gumazir witin oviziba akunizimin apanim iza ogher kuramin oviziba isa witbar tongin da akunigha ghu. ²⁶ Ezi witba gin aghuigha misivasava amima, me gari ogher kurar kam uaghan iti. ²⁷ Ezi azenir kamin ghuavimin ingangarir gumaziba ghua a migia ghaze, 'Gumazir ekiam, e ghaze ni witin ovizir aghuiba uan azenim mikini. Manmagh amizima, ogher kurar kam uaghan otif?'

²⁸ "Ezi a me migia ghaze, 'Nan apanir mam arazir kam gami.'

"Ezi an ingangarir gumaziba an azai, 'Ni ifueghtima, e mangi ogher kam suegham?'

²⁹ "Ezi a ghaze, 'Marki. Ia ogher kuraba asighsuya, uaghan witba asiam. Kamaghin da asian marki. ³⁰ Ia da ateghtima da mar witba ko aghung, mangi dagheba iniamin dughiamin otogh. Eghiti ki ingangarir kam damuamin gumaziba kamagh me mikimam: Ia ogher kurar kam faragh anesiva a dapongsiva an ikizibar amu. Eghiva ia witba iniva da akuvagh da isiva nan dagher dipenim darigham.'

*Mastetin ovizimin akar isin zuim
(Mak 4:30-32; Luk 13:18-19)*

³¹ Egha Jesus akar isin zuir ighazarir mamin me migia ghaze, "God Bizibagh Ativamin Dughiam mati zuravarir me mastet arizimin ovizimin min ami. Gumazir mam mastetin ovizim inigha ghua uan azenimin anekuni. ³² Mastetin ovizim dagher ighazaribar ovizibar min ekevezir puvati. A bar sufi. Egha an aghuir dughiamin an azenimin itir zuravarir

mabagh afiraghram. A tememin min aghungigham, eghitma kuaraziba iziva an aguabar mikonibar ingaram."

*Yisin akar isin zuim
(Luk 13:20-21)*

³³ Egha Jesus akar isin zuir ighazarir mam kamaghin me migei, "God Bizibagh Ativamin Dughiam, a yisin min ami. Amizir mam yisin muziarir mam inigha, plauan dramin ekiamin itim inigha, aning verevere. Ezi plauan kam gin bar bui."

*Iesus Godin akam
akar isin zuibara anekuri
(Mak 4:33-34)*

³⁴ Jesus gumazamizibav geir migirigaba, an akar isin zuibara da akuri. Egha a migirigatam abigha me mikemezir puvati, an akar isin zuibara me migei. ³⁵ Fomira Godin akam inigha izir gumazim kamaghin migia ghaze, "Ki akar isin zuibara ia mikimam. Bizir maba, nguaizir kam ototzir dughiamin da muega iza datirighin tu, ezi ki bizir kabar eghaghanim damuasa." Jesus akar kam damuti an otivasa, kamaghin an akar isin zuir kabagh ami.

Ogher kurabar akar isin zuimin mingarim

³⁶ Egha Jesus gumazamiziba ategha ghua dipenimin aven ghu. Ezi an suren gumaziba an gin iza ghaze, "Ni ogher kurabar akar isin zuimin mingarimin gun e mikimam, o?"

³⁷ Ezi Jesus me ikaragha kamaghin migia ghaze, "Gumazir witin ovizir aghuiba akunizim, a Gumazamizibar Otarim. ³⁸ Azenim, kar nguaizir kam. Witin ovizir aghuiba, kar gumazamizir God Bizibagh Ativamin Dughiamin aven ikiamiba. Ogher kurabar, kar Satanin gumazamiziba. ³⁹ Apanir ogher kuram akunizim, a Satan. Dagheba iniamin dughiam, kar nguaizir kam givamin dughiam. Ezi enselba, me dagheba iniamin ingangarir gumaziba. ⁴⁰ Egha mati gumaziba ogher kuraba akuba dagh aboi, kamaghira enselba nguaizir kam givamin dughiamin, me kamaghin damuam. ⁴¹ Gumazamizibar Otarim uan enselba amadaghti, me God Bizibagh Ativamin Dughiamin aven itir gumazamiziba, men tongin itir gumazir arazir kurabagh amiba go gumazir nighnizir gavgavibagh asighasiziba, enselba bar me batuegham. ⁴² Egh me me isiva, avir ekiam me kunigham. Eghiti me avir kamin ikiva arangiva atariba kuskugham. ⁴³ Eghiti dughiar kamin gumazamizir aghuiba uan Afeziam Bizibagh Ativamin Nguibamin

13:30: Mt 3:12 **13:30:** Matyu 3:12 **13:35:** Sng 78:2

1 Korin 3:9 **13:40:** Mt 7:16; Jo 15:6 **13:40:** Matyu 7:16; Jon 15:6 **13:41:** Mt 24:31, 25:31-46, Mk 13:27 **13:41:**

Matyu 24:31; 25:31-46; Mak 13:27 **13:42:** Mt 8:12 **13:42:** Matyu 8:12 **13:43:** Dan 12:3, 1 Ko 15:42, 15:53, 15:58

13:43: Daniel 12:3; 1 Korin 15:42; 15:53; 15:58

13:35: Onger Akaba 78:2 **13:38:** 1 Ko 3:9 **13:38:**

aven iki, aruemin min sigham. Tina kuarimning iti, an oragh."

Bizir iveauz bar pin kozimin akar isin zuim

⁴⁴ Egha Jesus ua kamaghin migei, "God Bizibagh Ativamin Dughiam mati, me bizar iveauz bar pin kozim isava azenimin nguazimin aven a modo. Ezi gumazir mam a bato, egha uam anevara. Egha bar akuegha, ghua uan biziba bar da amaga, dagiaba inigha ghua, azenir kam iti nguazim givese."

Manmaniar iveauz bar pin kozimin akar isin zuim

⁴⁵ Ezi Jesus ua kamaghin migei, "God Bizibagh Ativamin Dughiam mati, dagiar ingangarim gamir gumazir mam. Gu-mazir kam manmaniar bar aghuiba bagha ruiagha arui. ⁴⁶ Egha ghua manmaniar bar aghuir iveauz bar pin kozir mam bato. Egha ghua uan biziba bar dagiaba bagha da amada. Egha ghua manmaniar bar aghuir kam givese."

Ivemin akar isin zuim

⁴⁷ Egha Jesus ua kamaghin migei, "Akar isin zuir mam kamakin. God Bizibagh Ativamin Dughiam mati, me ivem akunizi a dipar averiamin ghuaghira, osirir guar aviriba, dar kome. ⁴⁸ Ezi ivem izivazima, me a gekuigha dipar dadarim gati. Egha me apiaghah osirir aghuiba misiva da isava itaribav kiri. Egha osirir kuraba me da makuri. ⁴⁹ Nguazir kam givamin dughiam kamaghira. Enselba iziva gumazir kuraba, gumazir aghuiba tongin me amisivam. ⁵⁰ Egh me isiva, avir ekiamin me akunam. Eghti me avir ekiar kamin iki, arangiva atariba kuskugham."

⁵¹ Egha Jesus uan suren gumazibar azai, "Ia ti akar kamin mingarim gifo?"

Ezi me ghaze, "Are."

⁵² Ezi a kamaghin me migei, "Kamaghin amizi, gumazir manam Judan Arazibagh fozir gumazimin ikia, egha gin God Bizibagh Ativamin Dughiamin akabar mingariba a dagh fo, egha a mati dipenir mamin ghuvamin min ami. A uan dipenimin aven ghua bizir igiaba ko ghuriba bar da isava azenim garisi."

13:44: Ais 55:1; Mt 19:29; Lu 14:33; Fl 3:7-8; MAA 3:18
Mogomem 3:18 **13:46:** Snd 2:4; 3:14-15; 8:10; 8:19

22:9-10 **13:47:** Matyu 22:9-10 **13:49:** Mt 25:32

Matyu 13:42; Luk 13:28 **13:53:** Mt 7:28 **13:53:**

13:54: Matyu 2:23; Mak 6:1; Luk 4:16; 4:22; Jon 7:15

6:3-4, Lu 4:24; Jo 4:44 **13:57:** Matyu 11:6; Mak 6:3-4; Luk 4:24; Jon 4:44

* **14:1-2:** Herotin kamin ziar mam Antipas. A Galilin Distrighin gari. An afeziam atrivimin itima, Maria Jesus bate. Ni Matyu 2in gan.

14:3-4: Wkp 18:16; 20:21, Mt 11:2; Lu 3:19-20

14:3-4: Ofa Gami 18:16; 20:21; Matyu 11:2; Luk 3:19-20

14:5: Mt 21:26, Lu 20:6 **14:5:** Matyu 21:26; Luk 20:6

Nasaretin itir darazi Iesusin aghuagha, akiribagh ighhegha a gasara
(Mak 6:1-6; Luk 4:16-30)

⁵³ Jesus akar kaba akunigha givagha danganir kam ategha, ⁵⁴ uan nguibamin ghu. A ghua men God ko migeir dipenimin aven ghugha, Godin akamin gumazamizibar sure gami. Ezi me an akam baraghha digavir kuram gami. Egha ghaze, "Gumazir kam managh fofozir kam ini? Egha a mirakelba manmaghin dagh ami?" ⁵⁵ E a gifo, a dipenibar ingarir gumazimin otarim, ezi Maria an amebam. Ezi Jems ko Josep ko Saimon ko Judas, me an doziba. ⁵⁶ An buaramiziba bar kagh e ko iti. Kamaghin a manmaghin bizir kabar amuti, da otivam." ⁵⁷ Me kamagh migia navir averiaba Jesusin ikufi. Ezi Jesus me migia ghaze, "Godin akam inigha izir gumazim, nguibar igharazibar ziar ekiam otifi. Egha a uan nguibam ko uan dipenimin aven, a ziabu puvati." ⁵⁸ Me nighnizir gavgavim an itir puvati, kamaghin amizi, a nguibar kamin mirakelin aviribagh amizir puvati.

14

Herot ghaze, Jesus ti Jon, Gumazamiziba Ruer Gumazim

(Mak 6:14-29; Luk 3:19-20; 9:7-9)

¹⁻² Dughiar kamin Galilin Distrighin Atrivim Herot, a Jesus amizir araziba baregha, kamaghin uan ingangarir gumazibav gei, "Gumazir kam ti, Gumazamiziba Ruer Gumazim Jon, an aremegha ua dikafi. Kamaghin a mirakelbar amuamin gavgavim iti."*

³⁻⁴ Herot fo, a faragha uan dozimin Filipin amuim Herodias inigha an iti. Ezi Jon bizir kam bagha Herot migiavira ikia ghaze, "Ni arazir kuram gamua uan dozimin amuim inigha an iti." Ezi Herot bizir kam bagha Jonin suiraghha a ikegha a isava kalabus gati. ⁵ Egha a misuegħti an aremegħasa nighnisi. Egha a gumazamizibar atiatingi. A fo, me ghaze, Jon Godin akam inigha izir gumazim.

⁶ Ezi aruer mamin gumazir mabaiza Herotin gara, an amebam a batezir dughijah għinġiġha, a koma apa iti. Ezi Herodias in guvix men guamin iġħiġi għiżi. Ezi Herot bar an ħiġi bagħha bar akonge.

13:44: Aisaia 55:1; Matyu 19:29; Luk 14:33; Filipai 3:7-8; Akar

13:46: Aghuziż Akaba 2:4; 3:14-15; 8:10; 8:19 **13:47:** Mt

13:49: Matyu 25:32 **13:50:** Mt 13:42; Lu 13:28 **13:50:**

Matyu 7:28 **13:54:** Mt 2:23, Mk 6:1, Lu 4:16; 4:22, Jo 7:15

13:55: Jo 6:42 **13:55:** Jon 6:42 **13:57:** Mt 11:6, Mk

6:3-4, Lu 4:24; Jo 4:44 **13:58:** Mk 6:5-6 **13:58:** Mak 6:5-6

⁷ Egha Herot dafarim overiamin akuigha kamaghin a migei, "Bar guizbangira, ni bizir manam gifongegh nan azaraghti, ki bizir kam ni danigham."

⁸ Ezi Herodias nighniziba uan guivim ganingi, ezi guivim ghua kamaghin Herot migei, "Ni Jon, Gumazamiziba Ruer Gu-mazimin dapanim isi itaritam dafagh a inigh izi na daningigh."

⁹ Atrivim akar kam baregha bar oseme. Egha a fo, a uabi gumazir a ko itibar damazimin akar gavgavim gamigha, kamaghin, an aghumsizim inian aghua. Egha a midorozir gumazibza akar gavgavim me ganingizima me guivim mikemezi moghin ami. ¹⁰ A gumazir mam amadazima, a ghua kalabusin midorozir gumazibav kemezi, me Jonin firim atu. ¹¹ Egha Jonin dapanim itarir mam dafaghha, guivim bagha a inigha iza a ganingi. Ezi an a inigha ghua uan amebam ganingi. ¹² Ezi Jonin suren gumazibza iza an kuam inigha ghua anefa. Me anefaga givagha ghua Jesus mikeme.

*Iesus dagheba isa
5,000 gumazibagh aningi
(Mak 6:31-44; Luk 9:10-17; Jon 6:1-13)*

¹³ Ezi Jesus kamaghin oraki, me Jonin firim atuzima an areme. Ezi a nguubar kam ategha kurim inigha uan suren gumazibza ko, gumazamiziba puvatizir danganir mamin ghu. Ezi gumazamizir avirim orazima, a danganir kamin ghu. Ezi me nguubar ekiam ategha, a buria uan suebar zui. ¹⁴ Ezi Jesus ghua dipar dadarimin otogha garima, gumazamizir bar aviriba iti. Ezi a men apangkuva men gumazamizibar arimariaba akira da gefi.

¹⁵ Aruem gevima, Iesusin suren gumazibza iza kamaghin a migei, "Kar gumazamiziba puvatizir danganim, ezi aminim pirasava ami. Kamaghin amizi, ni gumazamiziba amangiti, me mangi nguibabar uari bagh daghebagh iveau."

¹⁶ Ezi Jesus uan suren gumazibza kamaghin me migei, "Me tizim bagh mangam? Ia uari daghetaba me daning."

¹⁷ Ezi me ghaze, "E bar bretin rubuzir 5pla ko osirir pumuningra iti."

¹⁸ Ezi a ghaze, "Ia bretba ko osirimning inigh izi."

¹⁹ Egha Jesus gumazamizibav geima, me grazim gapia. Ezi a 5plan bretba ko osirir

pumuning inigha kogha overiamin gara Afeziam minabi. Egha bretba bigha uan suren gumazibagh aningi. Ezi an suren gumazibza da isava gumazamizibagh anidi. ²⁰ Ezi gumazamizir kaba bar amegha, naviba bar izefe. Ezi dagher naba itima, me da akuvagha 12plan akirabagh aghui. ²¹ Gumazir amezibar dibobonim 5,000in tu. Me amiziba ko boriba diponezir puvati.

*Iesus dipam gisin tugha zui
(Mak 6:45-52; Jon 6:16-21)*

²² Ezi Jesus uan suren gumazibza amaga me migia ghaze, me faragh bot inigh dipamin vongin mangi. A uabi iki gumazamiziba amangam. ²³ A gumazamiziba amadagh, egha uabira ikia God ko mikimasa mighsiamin ghuavanabo. Ezi aminim pirizima, Jesus uabira iti. ²⁴ Ezi bot dadarimin saghon ghuzima, aminim botin guamin dikvigha me givaima ongarim men bot misosi. ²⁵ Ezi aminim tiasava amima, Jesus dipam gisin arua uan suren gumazibza bagha zui. ²⁶ Me garima, Jesus dipam gisin izima, me bar puv atiatiava agoa ghaze, kar ti duam. Egha atiatiava arai. ²⁷ Ezi Jesus zuamira me migia ghaze, "Ia gavgafigh, kar kirara. Ia atiatingan marki!"

²⁸ Ezi Pita an akam ikaragha kamaghin migei, "Ekiam, guizbangira nirara, ni na mikemeghi, ki dipam gisin ni bagh mangam."

²⁹ Ezi Jesus ghaze, "Ni izi."

Ezi Pita bot ategha dipam gisin Jesus bagha zui. ³⁰ A ghua aminir gavgavim gari, a bar ekevezima an atiatiava dipamin aven ghuaghiri. Egha dei, "Ekiam, ni nan akuragh!"

³¹ Ezi Jesus zuamira uan agharim amadagh Pitan suira. Egha kamaghin Pitan migei, "Nin nighnizir gavgavim suf. Ni tizim bagha okam nighnisi?" ³² Egha aning me gatin botin ghuavanabo, ezi aminim pura gifa.

³³ Ezi botin itir gumazibza Iesusin ziam fa ghaze, "Bar guizbangira, ni Godin Otarim!"

*Iesus Genesaretian arimariar gumazamizir aviribar arimariaba agifa
(Mak 6:53-56)*

³⁴ Egha Jesus uan suren gumazibza ko dipamin vongin ghughha, ghua Genesaretin nguibamin otifi. ³⁵ Ezi kagh itir

† **14:8:** Herodias uan guivim ko, aning deraghvira foghasa, Jon guizbangira areme, kamaghin amizi, aning ghaze, ni an dapanim isiva itarim datigh a inigh izi ga daningigh.

Mak 6:27; Luk 9:9 **14:14:** Mt 9:36, Mk 6:34 **14:14:** Matyu 9:36; Mak 6:34 ‡ **14:17:** Judaba ingarir bretba ekevezir puvati. Da en skonbar min gari. Ezi bretin 5pla, gumazir pumuningra damam.

14:19: Matyu 15:35-39; Mak 8:6-10 **14:20:** 2 Kin 4:44, Mk 6:42-43, Lu 9:17, Jo 6:11-13 **14:20:** Matyu 17:12; Mak 6:42-43; Luk 9:17; Jon 6:11-13 **14:23:** Lu 6:12, 9:28 **14:23:** Luk 6:12; 9:28 **14:26:** Lu 24:37 **14:26:** Luk 24:37; Luk 24:37 **14:29:** Jo 21:7 **14:29:** Jon 21:7 **14:31:** Mt 8:26 **14:31:** Matyu 8:26 **14:33:** Sng 2:7, Mk 4:39, Lu 4:41, Jo 6:69, Ap 8:37, Ro 1:4 **14:33:** Onger Akaba 2:7; Mak 4:39; Luk 4:41; Jon 6:69; Rom 1:4

darazi Iesusin gara a gifo. Egha akam amadazi, a nguibar roghira itibar ghuzi, me arimariaba itir darazi bar me inigha Jesus bagha ize.³⁶ Egha me a gakaghora ghaze, a men asughtima, arimariaba itiba an korotiar avizibar suigham. Ezi gumazamizir an korotiamin suiziba, men arimariaba gifa.

15

Godin Araziba Judan ovavibar arazibagh afra
(Mak 7:1-13)

¹ Dughiar kamin Farisin maba ko Judan Arazibagh fozir gumazir maba Jerusalem ategha Jesus bagha ize. Egha me kamagh an azai,² “Manmagh amizi, nin suren gumaziba en ovaviba aningzir arazibar gin zuir puvati? Egha me damasa uan dafariba ruer puvati.”^{*}

³ Ezi Jesus men akam ikaragha kamaghin me migei, “Manmagh amigha ia Godin Arazibar gin zuir puvati, egha uan arazibar gin zui?⁴ E fo, God ghaze, ‘Ia uan afeziaba ko amebabar akaba baragh men apengen iki.’ Egha ghaze, ‘Gumazitam akar kuratam uan afeziham ko amebam mikemeghti, ia gumazir kam misueghti, an aremegh.’⁵ Ezi ia kamaghin migei, ‘Gumazitam uan amebam ko afeziham akurvaghshi dagiaba atigha, egha ua gin aningen akuraghan aghuaghua, kamaghin aning migei, ‘Ki guan akuraghsha atizir dagiaba, gua marki. Ki da isi God daningam.’⁶ A kamaghin mikimiva, amebam ko afeziham ginighnigh deragh aningen akurvaghan kogham.⁶ Ia kamaghin amua, ian arazir kabar, ia Godin Araziba ategha, uan ovavibar araziba faraghavira darisi. Egha Godin akam gamima, a mati pura bizim.

⁷ “Ia uarira uarigh gifarir gumazibara! Godin akam inigha izezir gumazim Aisaia guizbangira ian arazibar gun kamaghin migei,⁸ ‘Gumazamizir kaba, me uan akatoribar nan ziam fe, egha men naviba ko nighniziba bar saghon iti.⁹ Me gumazibar akabar uari sure gamua uari gifara egha ghaze, kar Godin akam. Kamaghin amizi, me nan ziam guizbangira a fer puvati.’”

*Iesus Godin damazimin
mizezir bizibav gei*
(Mak 7:14-23)

¹⁰ Egha Jesus gumazamizibar diazima me a bagha izima a kamaghin me migei, “Ia oragh, egh deragh nighnigh!¹¹ Bizir gumazamizibar akatoribar ikegha ghuaghiriba, da me gamima, me Godin damazimin mizezir puvati. Bizir navibar ikia akatoribar otiviba, da gumazamizibagh amima, me Godin damazimin mize.”

¹² Ezi gin an suren gumaziba iza kamaghin a migia ghaze, “Ni ti kamaghin fo, Farisiba ni mikemezir migirigiam baregha men muriaba bar ikufi?”

¹³ Ezi Jesus me ikaragha ghaze, “Nan afeziar uan Nguibamin itim, an azenim iti. Egha bizir a dikezir puvatiziba, a biba sara da asiam.¹⁴ Ia gumazir kabagh nighnighan marki. Me damazir okaviriziba, egha me tuavim isava gumazir ighazarimin akakasi. Eghia gumazir damazir okavirizim tuavim isava gumazir okavirizir mamin akakagh, egh aning virara mangi mozimin magirigham.”

¹⁵ Ezi Pita Jesusin azai, “Ni gumazamizibav kemezir akar isin zuimin mingarim e bagh anebighti, e a gifogham?”

¹⁶ Ezi Jesus ghaze, “Manmagh ami, ia ti uaghan gumazir ighazaribar mirara fozir puvatighavira iti.¹⁷ Ia ti kamaghin fozir puvati, bizir akatorimin aven zuiba ghua navimin zuima, muriam da batozima, ezi gumazim dagh avi.¹⁸ Ezi bizir akatoribar otiviba da nighnizimin ikegha ize. Egha da gumazamizibagh amima, me Godin damazimin mize.¹⁹ Ki gumazamizibar nighnizibar otivir bizir kabav gei, nighnizir kuraba, ko gumazibav soaghazir araziba, ko gumazamiziba tintinibar uari isava akuir araziba, ko poroghamiba uari bakeir araziba, ko okimakiar araziba, ko kotiabar gumazamizibagh ifarir araziba, ko gumazamizibar ziabagh asighasizir araziba.²⁰ Arazir kaba gumazamizibagh amima, me Godin damazimin mize. Gumazamiziba dafariba ruer puvatigha api, arazir kam me gamima me Godin damazimin mizezir puvati.”

14:36: Mt 9:20-21, Mk 5:27-28, Lu 8:44

14:36: Matyu 9:20-21; Mak 5:27-28; Luk 8:44

15:2: Mk 7:5, Lu 11:38

15:2: Mak 7:5; Luk 11:38 * **15:2:** Suren gumazibar dafariba bar mizezir puvatizi me api. Puvati. Judaba Godin damazimin mizan atiatingi, egha bizir mizirizitam suighan aghua. Kamaghin amigha me ghaze, me faragh uan dafariba ruegh, Godin damazimin zuegh, egh daghebar amam.

Ua Me Ini 20:12; 21:17; Ofa Gam 20:9; Godin Araziba 5:16

15:4: Kis 20:12, 21:17, Wkp 20:9, Lo 5:16 **15:4:**

29:13 **15:9:** Kl 2:18-22, Ta 1:14 **15:9:** Kolos 2:18-22; Taitus 1:14

15:11: Mt 12:34, Ap 10:15, Ro 14:14, 14:17, 1 Ti

4:4, Ta 1:15 **15:11:** Matyu 12:34; Apostol 10:15; Rom 14:14; 14:17; 1 Timoti 4:4; Taitus 1:15

15:13: Jo 15:2, 1 Ko 3:7

15:13: Jon 15:2; 1 Korin 3:7 **15:14:** Ais 9:16, Mal 2:8, Mt 23:16, Lu 6:39, Ro 2:19

15:14: Aisaia 9:16; Malakai 2:8;

Matyu 23:16; Luk 6:39; Rom 2:19 **15:18:** Mt 12:34, Je 3:6

15:18: Matyu 12:34; Jems 3:6 **15:19:** Stt 8:21, Snd

6:14, Jer 17:9, Mt 12:34, Mk 7:21 **15:19:** Jenesis 8:21; Aghuzir Akaba 6:14; Jeremaiia 17:9; Matyu 12:34; Mak 7:21

*Kenanian amizim nighnizir gavgavim
Iesusin iti
(Mak 7:24-30)*

²¹ Ezi Iesus nguibar kam ategha ghua nguibar ekiamning Taia ko Saidonin nguazimin ghu. ²² Ezi Kenanian amizir mam danganir kamin ikegha iza kamaghin dei, “Ekiam, ni Devitin Otarim, ni nan apangkugh! Duar kuram nan guivim gapazaghha gasighasisi.”

²³ Ezi Iesus migirigiatamin a ikarazir puvati. Ezi an suren gumaziba a bagha iza a migia ghaze, “Amizir kam diaghdiagha en gin izi. Ni anemadaghti a mangi.”

²⁴ Ezi Iesus kamaghin me ikaraghha ghaze, “God Israeliun akurvaghhasavira na amada. Me sipsipba gumazir dar ganamiba puvatizit moghin iti.”

²⁵ Ezi amizir kam Iesusin boroghira iza, tevimming apirigha aviraghha uan guam nguazim gatigha a migia ghaze, “Ekiam, ni nan akuragh.”

²⁶ Ezi Iesus a ikaraghha ghaze, “Kar arazir kuram, gumazimin boribar dagheba inigh afiabav kinam.”†

²⁷ Ezi amizim ghaze, “Ekiam, ni guizbangira migei. Ezi afiar doziba uaghan uan ghuavimin dakozimin apengen irezir dagher muzemziariba api.”

²⁸ Ezi Iesus akar kam baregha kamagh amizim migei, “Amizim, nin nighnizir gavgavim bar ekefe. Bizir ni bativasa ni ifongezim, a mar ni batif.” Ezi dughiar kamra an guivim ua dera.

*Iesus arimariaba itir gumazamizir
aviribar arimariaba agifa*

²⁹ Ezi Iesus nguibar kam ategha Galilin Dipar Akaremin dadarimin zui. Egha ghua mighsiar mamin anabogha apera. Ezi avirir ekiam a bagha izi. ³⁰ Egha suer kuraba ko, damazir okaviriziba ko, soroghafarir ikiziriziba ko, migeir puvatiziba ko, arimariar igharaziba uaghan, me da inigha iza Iesusin dagarimningin boroghin me ariki. Ezi a bar men arimariaba batozima, me ua dera. ³¹ Ezi gumazamiziba garima, migeir puvatiziba migei, soroghafarir ikiziriziba ua dera, suer kuraba uam arui, damazir okaviriziba ua gari, ezi me nighnizir aviribagh ami. Egha me Israeliun Godin ziam fe.

- 15:24:** Mt 10:5-6, Ap 3:25-26, Ro 15:8 **15:24:** Matyu 10:5-6; Apostol 3:25-26; Rom 15:8 **† 15:26:** Jesus amizir kam dikabinasava amir puvati. A kamaghin ifonge, a faraghavira Godin Akar Aghuim isi Israeliun adarazir aningichti, gin igharaziba oraghara. Kamaghin Iesus akar isin zur kam gamua ghaze, Israelia boribar min itima, igharaz darazi afiabar min iti. Da afiar atiaba puvati, en afiar e ko dipenibar akuiba. Ezi Iesus amizir kamin nighnizir gavgavim ganigha an akura. **15:28:** Mt 8:10, 8:13 **15:28:** Matyu 8:10; 8:13 **15:31:** Mk 7:37 **15:31:** Mak 7:37 **15:32:** Mt 14:14 **15:32:** Matyu 14:14 **16:1:** Mt 12:38, Lu 11:16, 1 Ko 1:22 **16:1:** Matyu 12:38; Luk 11:16; 1 Korin 1:22 *** 16:3:** Fofozir gumazir aviriba ghaze, ves 2 ko ves 3in itir migirigjaba, gumazir igharazir mam gin da osiri. Egha ghaze, Matyu da osirizir puvati. **16:4:** Mt 12:39, Lu 11:29 **16:4:** Matyu 12:39; Luk 11:29

*Iesus dagheba
4,000plan gumazibagh aningi
(Mak 8:1-10)*

³² Ezi Iesus uan suren gumazibar diazi, me izima a kamaghin me migei, “Gumazamizir kaba, me na ko aruer pumuning ko mikezimin ikia, egha dagheba puvatizha mitriam men azi, kamaghin ki men apangkufi. Mitriam men aghiti, ki me amangan aghua. Me mangi damaziba men isirti, me tuavimin dagh iram.”

³³ Ezi an suren gumaziba a migei, “Kar gumazamiziba puvatizir danganim. E managh bretin aviriba inigh avirir ekiar kam daningam?”

³⁴ Ezi Iesus men azai, “Ia manmagh bretha iti?”

Ezi me ghaze, “E 7plan bretin rubuziba ko osirir dozir vaghvaziba iti.”

³⁵ Ezi Iesus gumazamizibav geima, me nuguazim gapia. ³⁶ Ezi a 7plan bretin rubuziba ko osiriba inigha God minabagha da biagh suegha da tuiraghha uan suren gumazibagh aningi. Ezi suren gumaziba da isava gumazamizibagh anidi. ³⁷ Ezi me bar apa izifa. Ezi dagher naba itima, me da isa 7plan akirabagh aghui. ³⁸ Gumazir ameziba, men dibobonim 4,000in tu. Me amiziba ko boriba diponezir puvati. ³⁹ Ezi Iesus me amadazi, me zuima a bot inigha Magadan nuguazim ghu.

16

*Me Iesus migia ghaze,
a mirakelin tam damuan*

(Mak 8:11-13; Luk 12:54-56)

¹ Ezi Farisiba ko Sadyusiba Iesus basamasa a bagha izi. Me iza ghaze, a mirakelin arazitam damighti, me an ganigh kamaghin fogham, a guizbangira Godin ingangarim gami. ² Ezi a kamaghin men migirigjaba ikaraghha ghaze, “Ia guaratizibar ghaze, overiam aghevezi, gurumin dughiam deragham.” ³ Egha mizarazibar ia ghaze, ghuariam korogha pizima, aruem aghevezi, ia ghaze, amoziom datirighin izitima, dughiam deraghan kogham. Guizbangira, ia overiam otivir biziba deravira dagh fo. Egha ia dughiar kamin otivir arazibar gara da abizir puvati.* ⁴ Gumazamizir dughiar kamin itiba, me bar gumazamizir kuraba! Egha

^{*} **15:26:** Jesus amizir

- Fofozir gumazir aviriba ghaze, ves 2 ko ves 3in itir migirigjaba, gumazir igharazir mam gin da osiri. Egha ghaze, Matyu da osirizir puvati. **16:4:** Matyu 12:39; Luk 11:29

me guizbangira God baghavira itir puvati. Me zurara mirakelin tamin ganasa. Me tamin ganighan kogham. Puvati. God mirakelin arazir vamira men akagham. Godin akam inigha izir gumazim Jona batozir mirakelin kamra, me an ganam.” Egha Iesus me ategha ghu.

*Farisiba ko Sadyusibar
yisin akar isin zuim
(Mak 8:14-21)*

⁵Egha Iesus uan suren gumaziba ko ghua dipamin vongin otifi, egha gin gari, me bretin tam inian okinighniki. ⁶Ezi Iesus kamaghin me migei, “la deragh uari bagh gan. La Farisiba ko Sadyusibar yis bagh deravira gan.”

⁷Ezi an suren gumaziba maghira uarira uariv già ghaze, “E ti bretin tam inigha izezir puvatizi, a kamaghin yisin bizimin e migei.”

⁸Ezi Iesus me migeir migirigabagh fo, egha me migia ghaze, “Ia gumazir nighnizir gavgavir muziariba itiba! Ia tizim bagha uarira uariv già ghaze, e bretba puvati? ⁹Ia ti fozir puvati? Ia ti okinighniki, ki bretin 5pla inigha gumazir 5,000pla dagheba me ganingi. Me amezi, ia akiraba manmaghin dagh aghui, ia dagh nighnighavira iti, o puvati? ¹⁰Egha ia ti fo, ki bretin 7pla inigha gumazir 4,000pla dagheba me ganingi. Ezi gin men dagher naba itima, ia akiraba manmaghin dagh aghui? ¹¹Ia manmaghin amigha bizir kam gifozir puvati, ki bretbagh nighnigha ia migeir puvati? Ki ghaze, ia Farisiba ko Sadyusibar yis bagh deragh uari bagh gan.” ¹²Ezi me akar kam baregha fo, Iesus bret bagha amir yisin migeir puvati. Me fo, a Farisiba ko Sadyusiba sure gamir akabagh nighnigha ghaze, ia akar kaba bagh deravira uari bagh gan.

*Pita Jesusin gun migei
(Mak 8:27-30; Luk 9:18-21)*

¹³Ezi Iesus ghua Sisaria Filipain nguibamin boroghin itir danganimin ghu, egha dughiar kamin uan suren gumazibar azai, “Gumazamiziba manmaghin migei, Gumazamizibar Otarim a tina?”

¹⁴Ezi me ghaze, “Marazi ghaze, ni Jon Gu-mazamiziba Ruer Gumazim, marazi ghaze ni Elaija, marazi ghaze ni Jeremaia, o ni ti Godin akam inigha izir gumazir mam.”

16:6: Lu 12:1 **16:6:** Luk 12:1 **16:9:** Mt 14:17-21

Matyu 15:34-38 **16:14:** Mt 14:1-2, Mk 6:14-15, Lu 9:7-8

Jo 6:68-69, Ap 8:37, Hi 1:2, 1:5, 1 Jo 4:15 **16:16:** Jon 6:68-69; Hibru 1:2; 1:5; 1 Jon 4:15

Ga 1:15-16, Ef 2:8 **16:17:** Matyu 17:5; 1 Korin 2:10; Galesia 1:15-16; Efesus 2:8

16:18: Jon 1:42; Efesus 2:20; Akar Mogomem 21:14

kara, Dagiam. **16:19:** Mt 18:18, Jo 20:23 **16:19:** Matyu 18:18; Jon 20:23

Mt 10:38, Lu 14:27, Ap 14:22, 2 Ti 3:12 **16:24:** Matyu 10:38; Luk 14:27; Aposel 14:22; 2 Timoti 3:12

Lu 17:33, Jo 12:25 **16:25:** Matyu 10:39; Luk 17:33; Jon 12:25

¹⁵Ezi Iesus men azai, “Ezi ia uari, ia manmaghin na diponam? Ki tina?”

¹⁶Ezi Saimon Pita a ikaragha ghaze, “Ni Krais, God Ua E Iniasa Misevezir Gumazim. Ni Godin Zurara Ikiavira Itimin Otarim.”

¹⁷Ezi Iesus a ikaragha kamaghin a migia ghaze, “Saimon, Jonin otarim, nguazimin gumazitam migirigiar kam nin akazir pu. Puvati. Nan Afeziar uan Nguibamin itimra, nin aka. Kamaghin ni bar akongegh. ¹⁸Ezi ki ni migei, ni Pita. Egh dagiar kam gisin ki uan siosin ingaram, egheti Ovevemin Gavgavim an suiragh anepirighiva a gasighasighan kogham.[†] ¹⁹Egheti ki God Bizibagh Ativamin Dughiamin kiba isiva nin dafarimin datigham. Eghit bizir manam ni nguazimin a ikeghti, God uan Nguibamin uaghan a ikegham. Egheti ni nguazimin bizir manam a firighti, God uan Nguibamin uaghan kamaghiram a firigham. ²⁰Egha Iesus pamten uan suren gumazibar angorogha ghaze, me tong an gun tav mikim suam, a Gumazir God Uam E Iniasa Misevezim.”

Iesus ovengasa, egha uan suren gumazibav già ghaze, me uaghan an amir arazibar amuam

(Sapta 16:21-20:34)

*Iesus ghaze, an ovegh ua dikavam
(Mak 8:31-9:1; Luk 9:22-27)*

²¹Ezi dughiar kamin ikegha ghua, Iesus uan suren gumaziba bighavira me migia ghaze, a Jerusalemin mangam, egheti gumazir aruaba, ko ofa gamir gumazir ekiaba, ko Judan Arazibagh fozir gumaziba, a men dafarimin bar mizazir ekiaba ko osimtzibina iniam. Egheti me an aghuaghiva a misueghtima an aremegham. Egh dughiar mikezimin a ua dikavigham. ²²Ezi Pita akar kam baregha Iesus inigha miriamin ghua kamaghin an atara a migia ghaze, “Bar puvatigham. Arazir kaba ni bativan kogham.”

²³Ezi Iesus raghirigha kamaghin Pita migei, “Satan, ni na gitagh mangi! Ni nguazimin bizibagh nighnigha, egha Godin bizibagh nighnizir puvati, kamaghin ni nan tuavim apiri.”

²⁴Egha Iesus kamaghin uan suren gumazibav gei, “Gumazitam, o amitzitam nan gin izisi, a ifongezir biziba gin amadagh

16:9: Matyu 14:17-21 **16:10:** Mt 15:34-38 **16:10:**

16:14: Matyu 14:1-2; Mak 6:14-15; Luk 9:7-8 **16:16:**

16:17: Mt 17:5, 1 Ko 2:10, 16:18: Jo 1:42, Ef 2:20, MAA 21:14

16:18: Grighin akamin aven, ziar kam Pita, am mingarimra

kara, Dagiam. **16:19:** Mt 18:18, Jo 20:23 **16:19:** Matyu 18:18; Jon 20:23

16:20: Matyu 17:9; Mak 9:9 **16:24:**

Mt 10:38, Lu 14:27, Ap 14:22, 2 Ti 3:12 **16:25:** Matyu 10:39, Luk 17:33; Jon 12:25

uan ter ighuvim gisaghpuh nan gin izi.
²⁵ Gumazamizir manam uan ikirimirimin suighasa nighnisi, an ikirimirim givagham. Eghzi gumazamizir manam na bagh uan ikirimirim ateghiva, uan ikirimirim iniam.

²⁶ Gumazitam o amizitam nguazimin itir biziiba bar da inigh, a gin oveghti, bizir kaba manmaghin an akuragham? Bar puvati. A izezir manam uan duam bagh anereningam? Bar puvati. ²⁷ Guizbangira, Gumazamizibar Otarim uan enselba ko, uan Afeziamin angazangarir ekiam sara izam. Egh dughiar kamin izezim isi guazamiziba vaghvagh men araziba bagh me daningam. ²⁸ Ki guizbangira ia migei, ia kagh tuivighav itir darasi, ian tarazi oveghan kogham. Ia ikivira iki gantima, Gumazamizibar Otarim, Atrivir Ekiamin min otogh ua izam.”

17

*Iesusin mikarzim igharaghha oto
(Mak 9:2-13; Luk 9:28-36)*

¹ Ezi 6plan arueba givazima, Iesus Pita ko Jems uan dozim Jon, ko a me inigha, me mighsiai ekiam mamin ghuavanabogha, uarira kagh iti. ² Egha me garavira itima, Iesusin mikarzim igharaghav oto. Ezi an guam mati aruem a gisira, ezi an korotiaba ghurghurigha angazangarir mamin min sira. ³ Ezi Moses ko Elaija otogha Iesus ko migei. ⁴ Ezi Pita kamaghin gara, egha Iesus migia ghaze, “Ekiam, bar deraghha e kagh iti! Ni ifueghtima, ki purirpenir pumuning ko mikezimin ingaram. Ni bagh tam, Moses bagh tam, egh Elaija bagh tam.”

⁵ Pita migiavira itima, ghuariam angazangarimin min isiragh me avara. Ezi ghuariar kamin even me tiarir mam barazima a kamaghin migei, “Kar nan Otarir ki bar ifongezim. Ia anariram oragh!”

⁶ Me kamaghin oragh, bar puv atiatigha tevibar pirigha uan guuba nguazimin akuigha ireghav iti. ⁷ Ezi Iesus me bagha iza men suigha kamaghin me migei, “Ia dikafigh, egh atiatingan marki.” ⁸ Ezi me dikavigha ua tavin garir puvati, Iesus uabira iti.

16:26: Sng 49:7-8, Mt 4:8-9

16:26: Onger Akaba 49:7-8; Matyu 4:8-9

16:27: Sng 62:12, Snd 24:12, Sek 14:5, Mt

25:31, 26:64, Mk 8:38, Lu 9:26, Ro 2:6, 1 Pi 1:17, MAA 22:12

16:27: Onger Akaba 62:12; Aghuzir Akaba 24:12; Sekarai

14:5; Matyu 25:31; 26:64; Mak 8:38; Luk 9:26; Rom 2:6; 1 Pita 1:17; Akar Mogomem 22:12

16:28: Mk 9:1, Lu 9:27

16:28: Mak 9:1; Luk 9:27

17:1: 2 Pita 1:17-18

17:5: Stt 22:2, Lo 18:15, Sng 2:7, Ais 42:1, Mt 3:17, 12:18, Mk

1:11, Lu 3:22

17:5: Jenesis 22:2; Godin Araziba 18:15; Onger Akaba 2:7; Aisaia 42:1; Matyu 3:17; 12:18; Mak 1:11; Luk

3:22

17:9: Matyu 8:4; 9:30; 12:16, 16:20

17:9: Matyu 8:4; 9:30; 12:16; 16:20

17:10: Mal 4:5

17:10: Malakai

4:5

17:12: Mt 11:14

17:13: Lu 1:17

17:13: Luk 1:17

17:17: Lo 32:5, 32:20, Jo

14:9

17:17: Godin Araziba 32:5; 32:20; Jon 14:9

17:19: Mt 10:1

17:19: Matyu 10:1

17:20-21: Mt 21:21, Mk

11:23, Lu 17:6, 1 Ko 12:9, 13:2

17:20-21: Matyu 21:21; Mak 11:23; Luk 17:6; 1 Korin 12:9; 13:2

*

17:20-21: Fofozir

guazim maha nighnigha ghaze, migirigar mam uaghan vezin kamin iti. A kamakin: “Duar kurar kaba batozir arazir vamira. E dagheba ataghiragh egh uaghan God ko mikimam. Bar tuavir kamra e duar kuraba batogham, ua tuaviba puvati.”

⁹ Egha me mighsiam ategha ghuaghira a me migia ghaze, “Ia irebamir min ganizir bizim, bar an gun tav mikiman marki. Egh iki mangi Gumazamizibar Otarim ovegh ua dikavigham.”

¹⁰ Egha me an azai, “Manmaghsua Ju-dan Arazibagh fozir gumaziba ghaze, Elaija faragh izegh, God Ua e Imiasa Misevezir Gumazim gin izam?”

¹¹ Ezi a me ikaraghha ghaze, “Guizbangira Elaija faragh izeghiva bizibar akiram.” ¹² Ezi ki ia migei, Elaija izegha gifa. Ezi guazamiziba a gifozir puvati, egha uan nighnizibar gin ghua arazir kurabar a gami. Egh me kamaghira Gumazamizibar Otarim arazir kurabar a damut, a mizazir kuram iniam.” ¹³ Jesus kamaghira migeima me fo, a Guazamiziba Ruer Gumazim Jon, an gun migei.

*Iesus otarir mam da duar kuram batoke
(Mak 9:14-29; Luk 9:37-42)*

¹⁴ Ezi Iesus uan suren guazim pumuning ko mikezim inigha ghua guazamizir avirim bato. Ezi guazim mam iza Iesusin boroghin tevimming apirigha egha ghaze, ¹⁵ “Ekiam, ni nan otarim apangkufigh. An dapanim abanganizi, a bar pazavira iti. Egha dughiar aviriba an aviba ko dipabar guaghiri.” ¹⁶ Ki ia inigha nin suren guazim maha bagha izezima me anekiran ibura.”

¹⁷ Ezi Iesus an akam ikaraghha kamaghira migei, “Oio, ki bar amira, ia dughiar kamin itir guazamiziba, ian nighnizir gavgaviba puvati, ian araziba ko nighniziba bar derazir puvati. Dughiabar manmaghin, ki ia ko iki ian osimtiziba ateram? Ni uan otarim inigh kagh izi.” ¹⁸ Ezi Iesus duar kuram batoghezi, duar kuram otarim ataghizima, an arimariam maghira gifa.

¹⁹ Ezi Iesusin suren guazibara gin iza kamaghira an azai, “Manmagh amizi, e duar kuram otarim batoghava avenge?”

²⁰⁻²¹ Ezi a me migia ghaze, “Ia nighnizir gavgavim bar suffi, ezi ia a batoghan ibura. Ki guizbangira ia migei, ian nighnizir gavgavim zuravarim mastetin ovizitir min ikiva, ia mighsiai kam mikim suam, ni sivagh munagh mangi, eghzi a mangam. Ia

nighnizir gavgavim iki, ia guizbangira biza
iba bar dar amuam.”*

*Iesus ua ghaze, an ovegh dikavam
(Mak 9:30-32; Luk 9:43-45)*

²² Ezi Iesus uan suren gumaziba ko ghua Galilin Distrighin uari akuvagha kamaghin me migei, “Me Gumazamizibar Otarim isi gumazibar agharim datigham. ²³ Egh ti me a misueghti an aremeghiva, egh dughiar mikezimin a ua dikavigham.” Ezi an suren gumaziba akar kam baregha, naviba bar oseme.

Iesus Godin Dipenimin iveauzim aningi

²⁴ Ezi Iesus gin uan suren gumaziba ko ghua nguibrar ekiam Kaperneamin otivigha itima, Godin Dipenimin takis isir gumaziba, Pita bagha iza kamaghin an azai, “Ian tisa ti uaghan Godin Dipenimin takis anidi, o?”

²⁵ Ezi Pita ghaze, “Are.”

Egha dipenimin aven zuima, Iesus maghira an azai, “Saimon, ni manmaghin nighnisi? Nguazir kamin atriviba takis-in aviriba isa, egha me te da, takisba isi? Me uan adarazi da takisba isi, o me Kantrin Igharazibar Gumazamizibar da takisba isi?”

²⁶ Ezi Pita ghaze, “Me gumazir ighazariba da takisba isi.” Ezi Iesus a migia ghaze, “Kamaghin amizima, men adarazi uari takisbar aningen kogham. ²⁷ Egh ti me en ataran koghsiva, ni dipamir mangi akezim akun. Egh osirir ni faraghivira guraghaim, a inigh an akam akarigh, egh dagiatamin gantima a ikiam. Egh ni dagiar kam inigh, egh ga uaning bagh a isi me daningi.”

18

*God Bizibagh Ativamin Dughiamin, tina
ziar ekiam iniam*

(Mak 9:33-37; Luk 9:46-48)

¹ Dughiar kamin Iesusin suren gumaziba iza kamaghin an azai, “Tina God Bizibagh Ativamin Dughiamin ziar ekiam iniam?”*

² Ezi Iesus borir mamin dia, ezi a izima a men tongin anesara. ³ Egha a kamaghin me migei, “Ki guizbangira ia migei, ia uari

giragh borir dozir kabar min otoghan kogh, ia God Bizibagh Ativamin Dughiamin aven ikian kogham. ⁴ Gumazir ubi dikabiragh, porir dozir kamin min itim, gumazir kam God Bizibagh Ativamin Dughiamin ziar ekiam ikiam. ⁵ Egh gumazitam o amizitam na ginighnigh egh borir dozir kamagh gartam inigh an akuragham, kamaghin a na inigha nan akurvasi.”

*Nighnizir gavgavibagh asighasizir
bizar kuraba*

(Mak 9:42-48; Luk 17:1-2)

⁶ Ezi Iesus ua kamaghin migei, “Tina nighnizir gavgavim nan itir borir katam damichti an arazir kuratam damichti, a helin mangiva, iveauzim bar kuram iniam. Kamaghin dera, me dagiar ekiam an firim dafaghiva ongarir konim mikinighti an aremegham.

⁷ “Ki ghaze, gumazamizir nguazimin ikiava igharabdarazigh amima me arazir kurabagh amiba, mevzik! Me kuram iniam! Arazir kurabah guizbangira otifi, ezi arazir kurabagh amima da otivir gumazamiziba, ki ghaze, lavzika! Ia kuram iniam!

⁸ “Egh ti nin dafarim o suem ni damuti, ni arazir kuratam damighiva, anetugh a makunigh. Kamaghin dera, ni dafarir vamira ko cuer vamira ikiva zurara itir ikirimirir aghuimin aven mangam. Ni dafarir pumuning o cuer pumuning ikiti me ni isiva avir munger puvatizim mikinigham. ⁹ Egh nin damazim ni damuti ni arazir kuratam damichti, ni anesigh a makunigh. Kamaghin dera, ni damazir vamira iki, egh uaghan zurara itir ikirimirir aghuimin aven mangam. Ni damazir pumuning ikitima me ni isiva helin avim mikinigham.

¹⁰⁻¹¹ “Ia deragh uari bagh gan! Ia borir dozir kabar tongin tav ginighnigh kamaghin mikiman marki, a pura bizim.† Puvati. Ki ia migei, men enselba zurara nan Afeziar uan Nguibamin itimin damazimin iti.”‡

*Sipsipin ovezgezin akar isin zuim
(Luk 15:3-7)*

17:22: Mt 16:21 **17:22:** Matyu 16:21 **17:24:** Kis 30:13, 38:26 **17:24:** Ua Me In 30:13; 38:26 **18:1:** Lu 22:24 **18:1:** Luk 22:24 **18:1:** Matyu osizirabar aven, Jesusin migirigiar ruarabar dibobonim 5pla. Kar namba 4. Ezi abuananam ikiavira iti. Migirigiar 18:3-35in aven itiba, da arazir Iesusin gin mangamin gumazamiziba deragh uari damuamibar gei. **18:3:** Mt 19:14; Mk 10:15; Lu 18:17 **18:3:** Matyu 19:14; Mak 10:15; Luk 18:17 **18:4:** Mt 20:27, 23:11 **18:4:** Matyu 20:27; 23:11 **18:5:** Mt 10:40-42, Lu 9:48, 10:16, Jo 13:20 **18:5:** Matyu 10:40-42; Luk 9:48; 10:16; Jo 13:20 **18:6:** Matyu 17:27; Luk 17:1-2; 1 Korin 8:12 **18:7:** Lu 17:1, 1 Kor 11:19, 1 Ti 4:1 **18:7:** Luk 17:1; 1 Timoti 4:1 **18:8:** Mt 5:30, Mk 9:43 **18:8:** Matyu 5:30; Mak 9:43 **18:9:** Mt 5:29, 17:27, Mk 9:47 **18:9:** Matyu 5:29; Mak 9:47 **18:10-11:** Stt 48:16, Sng 34:7, Lu 19:10, Jo 3:17, 12:47, Hi 1:14 **18:10-11:** Jenesis 48:16; Onger Akaba 34:7; Luk 19:10; Jon 3:17; 12:47; Hibrui 1:14 **18:10-11:** Akar faraghivira itimin, Grighin akam ghaze, “borir dozir kaba.” Akar otevir kam uaghan, ves 6 ko ves 14in iti. Akar kam Matyu 10:42, uaghan an iti, egha ghaze, “Suren gumazir ziaba puvatiziba.” Iesus ti boribara migeir puvati, a uaghan uan suren gumazir ighazaribar gei. **†** **18:10-11:** Akar abuananamin, fofozir gumazir maba ghaze, migirigiar otevir mam uaghan vezin kamin iti. Akar kam ghaze, “E fo, Gumazamizibar Otarim gumazamizir tuavim ataghiziba iniasa ize.”

apangkuvan aghua?" ³⁴ Egha atrivim atarava gumazir kam isa, mizazim a gasamin gumazibar dafarim gati. Eighti a kaghira iki mangi, a biziba bar da ikarvaghamin dughiamin tugham.

³⁵ "Eighti ia uan aveghbuabar arazir kurar me ia gamiba, ia guizbangira uan navir averiabar aven, da gin amangan koghtima, nan Afeziar uan Nguibamin itim uaghan kamaghira ia damuam."

19

*Iesus poroghamiba uari
ataghizar arazibav gei*
(Mak 10:1-12; Luk 16:18)

¹ Iesus migirigar kaba agivagha, Galilin Distrik ategha, Judian Distrighin ghua Jordanin Fanemin vongin ghu. ² Ezi gumazamizir avirim an gin zui, ezi a danganir kamin men arimariaba agifa. ³ Ezi Farisin maba Iesus basamasa iz a kamaghin an azai, "Ni manmaghin nighnisi? Gumazim uan ifongiamin gin ghua uan amuim puram anetaghirahsni damuti, Judan Araziba ti an amangatigham, o ti puvatigham?"

⁴ Ezi Iesus me ikaraghha kamaghin men azai, "Ia ti Godin migirigiba itir Akinafarinim ganizir puvati? Akar kam ghaze, 'God bar faraghavira nguazar kam ko biziba bar dar ingara, gumazamizibar ingarigha me gamizi, men marazi gumazibar min otivizi, marazi amizibar min otifi.'

⁵ Ezi God ghaze, 'Kamaghin amizi, gumazim uan ameboghiya ategh mangi, a uan amuim ko aning uanngin porogham. Egh aning inivafizir vamiram otogham.' ⁶ God kamaghin mikemezima, aning ua gumazir pumuning puvati. Aning inivafizir vamira ikiam. Kamaghin amizi, God bizar pumuning isafuraghti, gumazitam aning abighan kogham."

⁷ Ezi Farisiba kamaghin a migei, "Manmaghin amizi, Moses osira ghaze, gumazim amuim ataghiraghisa, a bagh akinafarin osirigh a daningigh, egh amuim batuegthima a mangi?"

⁸ Ezi Iesus kamaghin me migia ghaze, "Ia naviba gavgafi. Kamaghin amizi, Moses ian amamangatizima, ia uan amuiba ataghirasi. Faraghavira arazir kam puvati.

⁹ Ezi ki kamaghin ia migei, gumazitam amuim, a gumazir igharaziba tintinibar me

isava akuir arazitam damighan koghtima, an a batuegh egh amizir igharazitam inigh an ikiam, gumazir kam poroghamiba uari bakeir arazim gami."

¹⁰ Ezi Iesusin suren gumaziba akar kam baregha kamaghin Jesus migei, "Arazir kabanagh poroghamibar tongin ikitima, gumaziba amuibir ikian kogham."

¹¹ Ezi Iesus kamaghin me migei, "Gumazamiziba bar akar kam inian kogham. Puvati, God gavgavir kam isava gumazir vabaram aningi. Kamaghin me amuibir ikian kogham. ¹² Guizbangira, marazi amebaba me batima, men inivafiziba ikufi. Marazi, me me aghori, eighti me boriba inian kogham. Marazi God Bizibagh Ativamin Dughiam ginighnigha amuiba ko pabar ikian aghua. Tina akar kam inisiva a mar a ini."

*Iesus ghaze, Ia boriba ateghti,
me na bagh izi*

(Mak 10:13-16; Luk 18:15-17)

¹³ Ezi dughiar kamin gumazamiziba borir doziba inigha Jesus bagha izi. Eighti a uan dafarimning me gisin darigh me bagh God ko mikimasa me izima, an suren gumaziba men atara men anogorosi. ¹⁴ Ezi Iesus kamaghin me migei, "Ni tina God Bizibagh Ativamin Dughiam aven ikisi, borir dozir kabar min iki. Kamaghin amizi, ia borir doziba ateghti, me na bagh izi, egh men anogoroghan marki."

¹⁵ Egha Iesus dafarimning vaghvagha me gisin arigha, danganir kam ategha ghu.

*Gumazir igiar bizir aviriba itim izi Iesus
ko migei*

(Mak 10:17-31; Luk 18:18-30)

¹⁶ Ezi gumazir mam izi kamagh Iesusin azai, "Tisa, ki manmaghin damigh zurara itir ikirimirir aghuarim iniam?"

¹⁷ Ezi Iesus kamaghin a migia ghaze, "Ni tizim bagha arazir aghuiba bagha nan azai? Gumazir vamira, a dera. Egh ni zurara itir ikirimirir aghuim inisi, Godin akabar gin mangi."

¹⁸ Ezi gumazir kam kamaghin Iesusin aza ghaze, "Ni Godin Akar Gavgavir manabav gei?"

Ezi Iesus ghaze, "Ia gumazitam misueghti an aremeghan marki, ia poroghamiba uari bakeir arazim damuan marki, ia okiman marki, egh ia pura gumazamizibagh ifariva,

18:35: Mt 6:12-15, Mk 11:25-26, Ef 4:32, Kl 3:13, Je 2:13

Jems 2:13 **19:3:** Mt 16:1 **19:3:** Matyu 16:1 **19:4:** Stt 1:27, 5:2, Mal 2:15

2:15 **19:5:** Stt 2:24, 1 Ko 6:16, 7:2, Ef 5:21, 5:31 **19:5:** Jenesis 2:24; 1 Korin 6:16; 7:2; Efesus 5:21; 5:31

24:1-4, Mt 5:31 **19:7:** Godin Araziba 24:1-4; Matyu 5:31

Matyu 5:32; Mak 10:11; Luk 16:18; 1 Korin 7:10-11

19:10: 1 Korin 7:1-2; 7:7-9; 7:17 **19:12:** 1 Ko 7:32-34, 9:5, 9:15

19:12: 1 Korin 7:32-34; 9:5 **19:14:** Matyu 18:2-3 **19:16:** Mk 10:17, Lu 10:25, 18:18

Mak 10:17; Luk 10:25; 18:18 **19:17:** Wkp 18:5, Lu 10:28

Lo 5:17-20 **19:18:** Ua Me Ini 20:13-16; Godin Araziba 5:17-20

18:35: Matyu 6:12-15; Mak 11:25-26; Efesus 4:32; Kolosi 3:13;

19:4: Jenesis 1:27; 5:2; Malakai

2:15 **19:5:** Stt 2:24; 1 Korin 6:16; 7:2; Efesus 5:21; 5:31

19:7: Lo

19:9: Mt 5:32, Mk 10:11, Lu 16:18, 1 Ko 7:10-11

19:12: 1 Ko 7:32-34, 9:5, 9:15

me isi kotiam darighan marki,¹⁹ egh ia uan amebaba ko afeziabar apengan iki me baragh, egh ia uarigh ifongezi moghin gu-mazamizir ighazaribagh ifongegh.”

²⁰Ezi gumazir igiar kam kamaghin Jesus migei, “Akar kabanagh, ki bar dar gin zui. Ki ua tizim damau?”

²¹Ezi Jesus kamaghin a migia ghaze, “Ni bar deragh otivan ifueghiva, mangi uan biziba bar da amadagh. Egh dar dagiaba inigh egh da isi gumazamizir biziba puvatizibar aningigh. Ni kamaghin damighti, bizir bar aghuiba ni bagh Godin Nguibamin ikiam. Egh ni nan gin izi.”

²²Gumazir igiar kam, a bizir bar aviriba ikia, kamaghin oregha navim bar an ose-mezi, a ghu.

²³Ezi Jesus kamaghin uan suren gu-mazibav gei, “Bar guizbangira ki ia migei, gumazamizir bizir bar aviriba itiba, God Bizibagh Ativamin Dughiamin aven man-gan iburaghram. ²⁴Egha ki ua ia migei, kamelin tam iniba isair dikonir torimin aven mangisi ingangarir dafam damigh aven mangam. Egha gumazamizir biziba avirasemeziba, me God Bizibagh Ati-vamin Dughiamin mangisi guizbangira bar iburaghram!”

²⁵Ezi an suren gumaziba akar kam baregha digavir kuram gamigha ghaze, “Kamaghin damighti, tinara zurara itir ikirimir aghuir kam iniam?”

²⁶Ezi Jesus damazim meraram asaraghha ghaze, “Bizir kaba gumazimin bar ose-megham. Bizir kaba Godin osemezir puvati. A biziba bar dagh ami.”

²⁷A kamaghin mikemezi, Pita an akam ikaraghha ghaze, “Ni ge, e uan biziba bar da ategha, nin gin ize. E titizam iniam?”

²⁸Ezi Jesus kamaghin me migei, “Ki guizbangira ia migei, God nguazim ko ove-riar igiam akiramin dughiamin Gumaza-mizibar Otarim ziar bar ekiam iniam, egh atrivir dabirabim daperaghram. Egha ia nan gin aruizir darasi, ia uaghan 12plan atrivir dabirabibar apiagh Israelian an-abar 12plan ganam. ²⁹Egha tina nan ziam bagh nighnigh, uan dipeniba, aveg-hbuuba, buaramiziba, afeziäm, amebam, boriba ko nguaziba, ateghti, God gumazir kam iveauzir bar aghuim a danningam. Ivezir

kam, a nguazir kamin itir bizir kaba bar dagh afiraghram. Egha a uaghan zurara itir ikirimir aghuimin aven ikiam.³⁰ Egha dughiar kamin faragha itir gumaza-mizir aviriba, me gin ikitima, datirighin gin itir gumazamizir aviriba, me gin faragh mangam.”

20

Wainin azenimin ingarir gumazibar akar isin zuim

¹Egha Jesus ua kamaghin migia ghaze, “Ki gumazamiziba faragh ikiisa migeir nighnizim ki kamaghin a mikimasa. God Bizibagh Ativamin Dughiam mati, gumazir mam wainin azenir ekiam iti. Egha a mizarazimra ghua wainin azenimin ingarasa ingangarir gumazir maba ini.

²Ezi gumazir kaba a ko akam akiri, egha wan kina wan kina aruer vamira iniasa ifonge, ezi gumazir ekiam me amadazi me an wainin azenimin ingarasa ghue. ³Ezi gumazir ekiar kam 9 klok kamaghin ghua biziba amadir danganimin gumazir mabar gari, me iti. ⁴Ezi a kamaghin me migei, ‘Ia uaghan mangi nan wainin azenimin ingar, egha ki ian ingangarimin mirara ia givezam.’ ⁵Ezi me ingarasa ghue. Ezi gumazir ekiar kam 12 klok ko 3 kloghin ghua arazir kamram amua ua gumazir maba ini.

⁶“Egha 5 klok ko kamaghin ghua ua gu-mazir mabar gari, me pura tuivighav iti. Ezi a kamaghin men azai, ‘Ia manmaghin amigha aruer kamin pura iti.’

“Ezi me a migia ghaze, ⁷‘Tav ingangari-tam e ganingizir puvati.’

“Ezi gumazir ekiam me migia ghaze, ‘Ia uaghan mangi nan wainin azenimin ingar.’

⁸“Ezi aruem givazima gumazir ekiam uan ingangarir gumazibar garir gumazim kamaghin a migia ghaze, ‘Ni ingangarir gu-mazibar diagh men iveauzir me daning. Egh ni gumazir bar gin iveauzibar ikegh iveauzir me daning, mangi faraghia iveauzibar gifagh.’

⁹Ezi gumazir 5 kloghin iveauzibar iza wan kina, wan kina isi. ¹⁰Ezi gin gumazir faraghvira ingariba iza nighnigha ghaze, me ti dagiar ekiatam iniam. Puvati, me uaghan wan kina wan kina ini.

19:19: Kis 20:12; Wkp 19:18, Lo 5:16, Ro 13:9, Ga 5:14, Je 2:8
5:16; Rom 13:9; Galesia 5:14; Jems 2:8

19:21: Mt 6:20, Lu 12:33, Ap 2:45, 4:34-37, 1 Ti 6:18-19

19:21: Matyu 6:20;

Luk 12:33; Aposel 2:45; 4:34-37; 1 Timoti 6:18-19

19:23: Mt 13:22, Mk 10:24, 1 Ti 6:9-10

19:23: Matyu 13:22; Mak

10:24; 1 Timoti 6:9-10

19:26: Stt 18:14, Jop 42:2, Jer 32:17, Sek 8:6, Lu 18:27

19:26: Genes 18:14; Jop 42:2; Jeremae

32:17; Sekaraia 8:6; Luk 18:27

19:27: Mt 10:28, Lu 5:11, 18:28

19:27: Mak 10:28; Luk 5:11; 18:28

20:21, 25:31, Lu 22:30, 1 Ko 6:2-3, MAA 2:26, 3:21

19:28: Matyu 20:21; 25:31; Luk 22:30; 1 Korin 6:2-3; Akar Mogomem

19:28: Mt 20:21; 25:31; Luk 22:30; 1 Korin 6:2-3; Akar Mogomem

2:26; 3:21

19:29: Mt 10:29-30, Lu 18:29-30, Hi 10:34

19:29: Mak 10:29-30; Luk 18:29-30; Hibru 10:34

Mt 20:16, Mk 10:31, Lu 13:30

19:30: Matyu 20:16; Mak 10:31; Luk 13:30

20:1: Mt 21:33

20:1: Matyu 21:33

20:8: Wkp 19:13, Lo 24:15

20:8: Ofa Gami 19:13; Godin Araziba 24:15

11 "Egha me dagiar me inizibar gara wainin azenimin ghuavimin atara kamaghin a migia ghaze, 12 'Gumazir kaba bar gin izegha auan vamiran ingari, ezi e mizaraghara izegha ingangarir ekiam gamima, aruem e gaponge. Ezi ni iveau vamira bar e ganing."

13 "Ezi azenimin ghuavim akar kam baregha kamaghin men mav migei, 'Namakam, ki arazir kuratam ia gamizir puvati. Ia ti faragha, ia wan kina iniasa akam akiri? 14 Ni uan iveau inigh mangi. Ki kamaghin ifonge, ki dagiaba gumazir gin izezim givezir moghira ni givesi. 15 Kar nan bizzimra. Ki ti uan dagiaba uan ifongiamin dar aningen kogham? Egha ki arazir bar aghuim gumazir kabagh amizima ni tizim bagha navir averiamin na baseme?"

16 Egha Jesus ghaze, "Kamaghira gumazir gin izeziba faragh ikiam, egha faragha itiba me gin mangam."

Iesus uan ovever dughiam, dughiar mikezimin uam a migei

(Mak 10:32-34; Luk 18:31-33)

17 Egha Jesus uan suren gumazir 12pla ko Jerusalemin zui. Egha me ghua a me inigha danganir miriar mamin ghua me uarira ikiava, egha kamaghin a me migia ghaze, 18 "Ia oragh, E nguilar ekiam Jerusalemin ghuavanadi. Egha gumazitam Gumazamizibar Otarim isiva, Judan Arazibagh fozir gumaziba koma ofa gamir gumazir ekiabar aningam. Egha me a isi kotiam datighiva, egh a misueghti an aremeghsiva me akabar kiram, egh me kamaghin a mikim suam, Ni aremegham. 19 Egh me a inigh Kantrin Igharazibar Gumazamizibar dafaribar arighti, gumazir kaba a dipovam, egh a ifozoroghiva a isi ter ighuvim a gafugti an aremegham. Egha aruer mikezim givaghti, a ua dikavigham."

*Jems ko Jom
gumazir ekiamningin otivasa*

(Mak 10:35-45)

20 Ezi Sebedin amuim uan otarimning ko Jesus bagha izi. Me izava aningin amebam itevimning apirigha, ua bagha bizitam damuasa an azai. 21 Ezi Jesus an azara, "Ni tizim baka?"

Ezi a ghaze, "Ni kamaghin na bagh damu, ni Atrivir Ekiamin otogh, egh nan otarimning ateghti, tav nin agharir guvim daperaghti, tav nin agharir kiriam daperaghi."

20:16: Mt 19:30, Mk 10:31, Lu 13:30

20:16: Matyu 19:30; Mak 10:31; Luk 13:30

20:18: Mt 16:21, 17:22-23

20:18: Matyu 16:21; 17:22-23

20:21: Mt 19:28, Luk 22:30

20:22: Mt 26:39,

26:42, Mk 14:36, Jo 18:11

20:22: Matyu 26:39; 26:42; Mak 14:36; Jon 18:11

20:23: Mt 25:34, Ap 12:2, Ro 8:17, 2 Ko

1:7, MAA 1:9

20:23: Matyu 25:34; Aposel 12:2; Rom 8:17; 2 Korin 1:7; Akar Mogomem 1:9

20:25: Luk 22:25-26

20:26: Mt 10:43, Lu 9:48

20:26: Mak 10:43; Luk 9:48

20:26: Matyu 23:11; Mak 9:35; Luk 22:26

22:27, Jo 13:14, Fl 2:7, 1 Ti 2:6, Ta 2:14, 1 Pi 1:19

20:28: Luk 22:27; Jon 13:14; Filipai 2:7; 1 Timoti 2:6; Taitus 2:14; 1

Pita 1:19

20:30: Matyu 9:27; 15:22

20:30: Matyu 9:27; 15:22

22 Ezi Jesus akam baregha kamaghin a ikaragha ghaze, "Ni azangsizir bizar kam, ni an mingarim gifozir puvati, egha ni a bagha nan azai."

Egha aningin azara, "Gua ti ki ateramin osimtizim, uaghan an ateramin gavgavim iti?"

Ezi aning ghaze, "Are, ga gavgavim iti."

23 Ezi Jesus kamaghin aning migia ghaze, "Guizbangira, gua ki ateramin osimtizim, gua a iniam. Egha ki tav amisevegħi a nan kiriam ko guvimin dapiamin bizim, a nan bizim puvati. Ezi danganir kabanang, nan Afeziam dar apiasa gumazir maba amisevegħi, me bagħha dar kirigha għiġi."

24 Ezi suren gumazir 10pla akar kam baregha aningin atari. 25 Ezima Jesus men diazi, me izima a ghaze, "Ia fo, Kantrin Igharazibar Gumazamizibar atrivba pamten me gamima, me bar men apengen iti. Ezi men gumazir dapaniba uan akaba baraghħa puvira me abiraghbirasi. 26 Egha arazir kaba ian tongin iķian kogħam. Gumazir manam ian tongin ekiamin ikisi, a ingangarir gumazim min iki. 27 Egha gumazir manam ian faragh mangi, a bar ian ingangarir gumazir kinimin min iki. 28 Ezi kamaghira Gumazamizibar Otarim iza, gumazamizibar amuti me a bagħ īngarasa, a izezir pu. Puvati, a me bagħ īngarasa ize. Egha a gumazamizibar aviriba bagħ āremegħ ua me givezegħ me iniasa ize."

Iesus gumazir damazir kurar pumuning gamizi, aning gari

(Mak 10:46-52; Luk 18:35-43)

29 Egha Jesus uan suren gumaziba ko Jerikon nguilar ekiam ategħha zui. Ezi avirik ekiam an gin zui. 30 Ezi gumazir damazir kurar pumuning tuavir apinim aperagħiha iti. Egha aning orazima Jesus tuavir kamin izima, aning pamten kamaghin dei, "Ni Devitin Otarim, ni gan apangku-figh."

31 Ezi gumazamizibar aning barazi, aning deima, me pamten aningin anogorogħa ghaze, gua uan akamning dukuagh. Me kamaghin aning migejma, aning tiarim akarava dia ghaze, "Ekiam, ni Devitin Otarim, ni gan apangku-figh."

32 Kamaghin amizi, Jesus tugħha aningin dia ghaze, "Ki tizim gua bagħha a damuasa, gua ifonge?"

³³ Ezi aning a ikaraghha ghaze, "Ekiam, ni gan damaziba kughti, ga ua ganasa." ³⁴ Ezi Iesus aningin apangkuvigha egha dafarim aningin damazibagh atizi, aningin damaziba maghira ua derazi, aning ua gari. Egha maghira Iesusin gin zui.

Iesus Jerusalemin otogha gumazamizibar sure gami

21

(Sapta 21–25)

*Iesus atrivimin min Jerusalemin aven zui
(Mak 11:1-11; Luk 19:28-40; Jon 12:12-19)*

¹ Egha Iesus uan suren gumaziba ko me Jerusalemin boroghin izava Olivin Mighsiamin iza Betfagen nguibamin oto. Egha Iesus uan suren gumazir pumuning amaga, ² kamaghin aning migei, "Gua nguibar munagh itimin mangi, egh gua gantima, donkin mam me a ikezima a uan nguzir asem ko iti. Aningin benim firigh na bagh aning inigh kagh izi. ³ Eighti gumazitam guan azangtima, gua a mikim suam, 'Ekiam ingangarim aningin iti.' Eighti gumazir kam zuamira puram aning ateghti, aning izam."

⁴ Godin akam inigha izir gumazim Aisaia faragha mikemezir akaba otivasa, bizar kaba otifi. Akar kam kamakin, ⁵ "Ni akar kam isiva Saionin nguibar ekiamin itir gumazamizibav kemegh. Ia gan, ian atrivimra mara, ia bagha izi! A gumazir kinir ziaba puvatizir mamin min donkin mam gaperagha izi, kar donkin amebamin nguzir asem."

⁶ Ezi Iesusin suren gumazimning ghua a mikemezi moghin ami. ⁷ Egha aning donkin amebam nguzir asem sara aning inigha iza, egha uan korotiar azenan azuiba suegha donkiningin akirimung gisin atizi, Iesus korotiar kabagh isin apera. ⁸ Ezi gumazamizir aviriba uan korotiar azenimin azuiba suegha tuavim mughara zui. Ezi marazi temer aguaba oka da isa tuavir torim garisi. ⁹ Ezi gumazamizir faragha zuiba ko Iesusin gin iziba, uan tiariba akara ghaze, "Hosana! Ia Devitin Otarimin ziam fi! Gumazir, Ekiamin ziam ko gavgavimin izim, God deragh a damu! Hosana! Ia Nguibar bar pin itimin itir Godin ziam fi!"

¹⁰ Ezi Iesus Jerusalemin aven ghuza, an itir gumazamiziba digavir kuram gamigha

tintinibar uarir azai, ¹¹ "Kar gumazir manam?"

Ezi Iesusin gin izezir darazi ghaze, "Kar Iesus, a Godin akam inigha izir gumazim. A Galilin Distrighin aven itir nguibam Nasaretian gumazim."

Iesus Godin Dipenim avinizir divazimin aven biziba amadir gumazamiziba, me batosi

(Mak 11:15-19; Luk 19:45-48; Jon 2:13-22)

¹² Ezi Iesus ghua Godin Dipenim avinizir divazimin aven gumazamizibar garima, me biziba amadi, ezi a me batosi. Egha gumazamizir dagiaba uarir ikanvazibar dakoziba, ko kuarazir bumbaba amadir gumazamizibar dabirabiba, da fava egha da ighavkiri.* ¹³ Egha kamaghin me migei, "Godin Akinafarimin aven, osizir kamaghin iti, 'Nan Dipenim, God ko migeir Dipenimra. Ezi ia a gamizi, an okimakiar gumazibar mogomer danganimin min oto!'"

¹⁴ Egha a Godin Dipenimin aven itima, damazir okaviriziba ko suer amiriziba a bagha izima, a men arimariaba gefi. ¹⁵ Ezi ofa gamir gumazir ekiaba koma Judan Arazibagh fozir gumaziba izava an amir arazir ivinbabar gari. Egha me orasi, boriba Godin Dipenim avinizir divazimin aven ikia dia ghaze, "Hosana! Devitin Otarimin ziam fi."

Kamaghin amizi, me bizir kaba bagha atari. ¹⁶ Egha kamaghin Iesusin azai, "Ni boriba migeir akaba barasi, o?"

Ezi Iesus me ikanaghha ghaze, "Are, ia ti Godin Akinafarimin ganizir puvati? A ghaze, 'Ni borir bar iririviba ko otom apavira itibagh amima, me deravira nin ziam fe.'"

¹⁷ Egha a me ategha ghua Jerusalemin nguibam ategha Betanin nguibamin ghu, egha kagh akui.

*Iesus temer figh mikemezi, a misingi
(Mak 11:12-14; 11:20-24)*

¹⁸ Egha mizaraghara Iesus dikavigha ua Jerusalemin zuima, mitiriam an azi, ¹⁹ ezi a tuavir apinimin temer fighin mamin garima, a iti. Ezi a roghir ghua garima, fighin oviziba puvati. A pura dafarir kiniba iti. Ezi Iesus temer kam migia ghaze, "Ni ua ban kogham. Bar puvatigham." Ezi temem maghira misingi.

21:3: Mt 26:18 **21:3:** Matyu 26:18 **21:5:** Ais 62:11, Sek 9:9, Jo 12:15 **21:5:** Aisaia 62:11; Sekaraia 9:9; Jon 12:15 **21:8:** 2 Kin 9:13 **21:8:** 2 Atriviba 9:13 **21:9:** Sng 118:25-26, Mt 23:39 **21:9:** Onger Akaba 118:25-26;

Matyu 23:39 **21:11:** Mt 21:46 **21:11:** Matyu 21:46 * **21:12:** Gumazamiziba Godin Dipenim avinizir divazimin aven iki bizibagh iveau, ofa gamir dagiabar dagh iveau. Me Rom ko Grighir dagiabar iveau kogham. Kuaraziba ko bizir me kagh iveau, da Godin ofa gamir biziba.

21:13: Ais 56:7, Jer 7:11, Mk 11:17, Lu 19:46 **21:13:** Aisaia 56:7; Jeremaia 7:11; Mak 11:17; Luk 19:46 **21:14:** 2 Sml 5:8, Ais 35:5-6 **21:14:** Aisaia 35:5-6 **21:16:** 2 Sng 8:2

21:16: Onger Akaba 8:2 **21:19:** Lu 13:6 **21:19:** Luk 13:6

²⁰ Ezi an suren gumaziba bizir kamin ganigha digavir kuram gamigha, ghaze, “Temer figh manmaghin amigha zuamira misingi?”

²¹ Ezi Jesus kamaghin me ikaragha ghaze, “Ki guizbangira ia migei, ia nighnizir gavgavim ikiva, okam nighnighan kogh, egh ki fighin temem gamizir arazim, ia uaghan a damuamin gavgavim ikiham. Egha anarira puvati, ia uaghan mighsiar kam mikim suam, ‘Ni dikavigh mangi, uabi isi ongarim minkinigh.’ Eghti a ia mikemezi moghin otivam. ²² Egh ia nighnizir gavgavim ikiva God ko mikimiva, egh biziha bagh Godin azangsih, egh ia da iniam.”

Judan gumazir dapaniba Iesusin gavgavim bagha an azai

(Mak 11:27-33; Luk 20:1-8)

²³ Egha Jesus ghua Jerusalemin otogha Godin Dipenim avinizir divazimin aven gumazamiziba Godin akam men sure gami. Ezi ofa gamir gumazir ekiaba ko Judabar gumazir aruaba iza kamaghin an azai, “Ni gavgavir manamin amodoghin bizar kabagh ami? Ezi tina gavgavir kam ni ganingi?”

²⁴ Ezi Jesus me ikaragha ghaze, “Ki uaghan azangsizir mam ia damuasa. Ia deraghviram a ikaraghti, ki ia mikimam, ki gavgavir manamin amodoghin bizar kabagh ami. ²⁵ Ki Jon bagha ian azai, tina gavgavim Jon ganingizi a gumazamiziba rue? A ti Godin Nguibamin gavgavir kam ini, o a ti gumazamiziba dama a ini?”

Ezi me uarira uarivgia ghaze, “E suam, ‘An rurim Godin ize,’ egha a ua kamaghin en azaraghram, ‘Ta manmaghin amigha nighnizir gavgavim Jonin ikian aghua?’ ²⁶ Egha e suam, ‘Jonin rurim gumazamizibar ize,’ kamaghin e gumazamizibar atiatingi. E fo, me bar Jonin migia ghaze, a Godin akam inigha izir gumazir mam.”

²⁷ Kamaghin amizi, me Jesus migia ghaze, “E fozir puvati.”

Ezi Jesus kamaghin me migia ghaze, “Kamaghira, ki uan gavgavim inizir tuavimin gun ia mikemeghan kogham.”

Iesus gumazir mamin otarimning akar isin zuim migei

²⁸ Egha Jesus uam ofa gamir gumazir ekiaba ko gumazir dapaniba kamaghin me migei, “Ia manmaghin nighnisi? Gumazir

mam otarir pumuning iti. Egha a ghua kamaghin otarir ekiam migei, ‘Otarim, ni datirighin mangi, wainin azenimin aven ingar.’ ²⁹ Ezi otarim ghaze, ‘Ki aghua.’ Egha ua gin, nighnizim giragha ghua ingari. ³⁰ Ezi afeziam ghua otarir dozim kamaghira an azara. Ezi otarim ghaze, ‘Ki mangi ingaram.’ Egha ghuzir puvati. ³¹ Ezi ia manmaghin nighnisi, otarir kam寧ing manamra afeziamin akam baregha an gin zui?”

Ezi me Jesus migia ghaze, “Otarir ekiam.”

Ezi Jesus kamaghin me migei, “Ki guizbangira ia migei, gumazir dagiaba isiba ko amizir arazir kurabagh amiba, me ia gafragha faragha God Bizibagh Ativamin Dughiamin aven zui. ³² Guizbangira, Jon otogha arazir aghuimin tuavim ian aka, ezi ia nighnizir gavgavim an akamin ikian aghua. Ezi dagiaba isir gumaziba ko amizir arazir kurabagh amiba, me nighnizir gavgaviba an iti. Ia bizar kamin ganigha uan nighnizibagh irazir puvati, egha nighnizir gavgavim Jonin akamin itir puvati.”

Wainin azenimin garir gumazir kurabar akar isin zuim

(Mak 12:1-12; Luk 20:9-19)

³³ Egha Jesus gumazir dapaniba ua kamaghin me migei, “Ia akar isin zuir ighazarir kam baragh. Gumazir mam wainin azenimin ingarigha, an divazim aghui. Egha wainin oviziba mirmiramin itarim gikuigha azenir dipenimin ingari, egha ingangarir gumaziba an iki azenimin ganam. Egha azenir kam isa gumazir mabar agharim gatigha ghaze, me gin wainin dipataba uam a ikaraghram. Egha dikavigha nguibar saghon itimin ghu.† ³⁴ Ezi wainin oviziba kuaramin dughiam roghira izezima, gumazir kam uan ingangarir gumazir maba amadazima, me wainin ovizi taba iniasa ghue. ³⁵

Ezi azenimin garir gumaziba ingangarir gumazir kaba inigha, mam misuegha, ighazarir mam me a misoghezima an areme, egha dagiabar ighazarir mam ginifi. ³⁶ Ezi azenimin ghuavim gin ua ingangarir gumazir ighazariba amangi. Me aviraseme, egha men dibobonim faragha izezibagh afira. Ezi wainin azenimin garir gumazir

^{21:21:} Mt 17:20; Lu 17:6; Jo 14:12; 1 Ko 13:2; Je 1:6

^{21:21:} Matyu 17:20; Luk 17:6; Jon 14:12; 1 Korin 13:2; Jems 1:6

^{21:22:} Mt 7:7-11; 18:19; Mk 11:24; Lu 11:9; Jo 14:13-14; Je 5:16; 1 Jo 3:22

^{21:22:} Matyu 7:7-11; 18:19; Mak 11:24; Luk 11:9; Jon 14:13-14; Jems 5:16; 1 Jon 3:22

^{21:23:} Jo 2:18

^{21:23:} Jon 2:18

^{21:26:} Matyu 14:5; 21:46; Mak 6:20; Luk 20:6

^{21:26:} Mt 14:5; 21:46; Mk 6:20; Lu 20:6

^{7:50} ^{21:32:} Lu 3:12; 7:29-30

^{21:32:} Luk 3:12; 7:29-30

^{21:32:} Luk 3:12; 7:29-30

^{21:33:} Matyu 25:14

^{21:33:} Matyu 25:14

^{21:33:} Matyu 25:14

^{21:35:} Matyu 22:6

^{21:35:} Mt 22:6

kaba kamaghira uam azenimin ghuavimin ingangarir gumazibagh ami.

³⁷ “Kamaghin amizi, azenimin ghuavim abuan uan otarim amada. Afeziām ghaze, ‘Me nan otarim akam baregh deragh a damuam.’

³⁸ “Puvati, gumazir kaba otarim gari, a izima, me uarira uariv gei, ‘Gumazir kam iziva uan afeziamin biziba bar da inigham. Aria. E a misueghti, an aremekha. Egh e uari bagh wainin azenim iniam.’ ³⁹ Kamaghin, me magħira an suigha, wainin azenimin azenan anekunigha, otarim misoghezi an areme.

⁴⁰ “Egħi wainin azenimin għuavim iżi manmagħin gumazir kabar amuam? Ia manmagħin nighnisi?”

⁴¹ Ezi me a migia ghaze, “A gumazir kurar kaba puv me misueghti me arim ġihiregħam. Egħi an azenim isiva gumazir iħarazibar anigam, egħi wainin oviziba iniam minn dugħi minn me a bagħ pozim dagħu ħiġha a daningam.”

⁴² Ezi Jesus kamaghin men azai, “Ia Godin Akina farim aven itir osizir kaba ganis, o puvati? Osizir kaba kamaghin migei:

“Kar dipenir akinir ingangarir gumaziba aghħuazim,
a datir ħiġi dipenim aterir guarim
gava.

Ekiām uabi arazir kam gamizima an oto.
Ezi e an garima, a bar dera.”

⁴³ “Kamaghin amizi, ki ia migei, God Bizibagħ Ativamin Dugħiām, God ia dama a inīħi a isiva, gumazamizir dugħiār kamin aven iċċi arazir aghħu ībar amuambil aningam. ⁴⁴ Egħi gumazir manam dagħiār kam għis in iriġħiwa, an aghariba misar ġihiregħam. Egħi dagħiār kam gumazitam għis in iriġħiwa, bar anem isarar iġħam.”[‡]

⁴⁵ Ofa gamir gumazir ekiāba ko Farisiba akar isin zuir kam baregha fo, Jesus akam isa, me gasara. ⁴⁶ Kamaghin amizi, me an suighasava amua, eghha gumazamizir aviribar atiatiengi. Me fo, gumazamiziba Jesusin migia ghaze, a Godin akam inīħi iziż gumazir mam.

21:38: Mt 27:18 **21:38:** Matyu 27:18 **21:39:** Hi 13:12 **21:39:** Hibru 13:12 **21:42:** Sng 118:22-23, Ais 28:16, Mk 12:10, Ap 4:11, Ro 9:33, Ef 2:20, 1 Pi 2:6-8 **21:42:** Onger Akaba 118:22-23; Aisaia 28:16; Mak 12:10; Aposel 4:11; Rom 9:33; Efesus 2:20; 1 Pita 2:6-8 **21:44:** Ais 8:14-15, 60:12, Dan 2:44-45, Sek 12:3, 1 Pi 2:8 **21:44:** Aisaia 8:14-15; 60:12; Daniel 2:44-45; Sekaraija 12:3; 1 Pita 2:8 [†] **21:44:** Baiblin fotofizir gumazir maba ghaze, akar ves 44 in aven itiba, Matyu da osiriz puvati, ti gumazir iħarazim gin da osiri. Ni Luk 20:18 in gan. **21:46:** Mt 21:11, 21:26, Lu 7:16, Jo 7:40 **21:46:** Matyu 21:11; 21:26; Luk 7:16; Jon 7:40 **22:4:** Mt 21:36 **22:6:** Mt 21:35 **22:6:** Matyu 21:35 **22:8:** Mt 10:11-13, Ap 13:46 **22:11:** 2 Ko 5:3, Ef 4:24, MAA 3:4, 19:8 **22:11:** 2 Korin 5:3; Akar Mogomem 3:4; 19:8

22

*Porogħamibar isar ekiamin
akar isin zuim
(Luk 14:16-24)*

¹ Ezi Jesus uam akar isin zuir mamin gumazir dapanibagh amua kamaghin me migei, ² “God Bizibagh Ativamin Dugħiām mati, atriv mamin otarim amu minn ikkiasava amma, an a bagħi isar ekiam gami. ³ Isar dugħiām tħiġi otivam, a faragħavha isam bagħi izasa gumazamizibha bagħha akam amada. Ezi isamin dugħiām otozima, a għiġamizir gumazamizibha izasa uan ingangarir gumazibha amada. Ezi puvati, gumazamizir a għiġamizibha, me izan aghħu. ⁴ Ezi uan ingangarir gumazir maba amaga, kamaghin me migei, ‘Ia mangi, gumazir ki għiġamizibha kamagh me mikim, ‘Ia oragh. Ki dagħeba tuegħha givagħha, uan bulmakaun apuribav suegħha, eghha uaghan uan asizir ekiabav soke. Ezi isamin bizibba bar għifa. Ia porogħamibar isar ekiamin iżi.”

⁵ “Ezi ingangarir gumazibha ghua akar kamin gumazibav gei. Ezi me oragħan aghħu aħħiġa tintinibar zui. Mav uan azenimin zui, ezi mav uan dagħiar ingangarim bagħha zui. ⁶ Ezi marazi atriv minn ingangarir gumazibar suigha, puv me misoghezi me ariaghire.

⁷ “Kamaghin amizi, atriv puv atari, eghha uan midorozir gumazibha amada. Ezi me ghua an ingangarir gumazibav soġħeżiż gumazibha, me misogħa bar me agħiġi, men ngħiżbar ekiām għaborozi a isi.

⁸ “Eghha atriv uan ingangarir gumazibav gei, ‘Porogħamibar isamin dagħheba isigha għifa. Ezi gumazir ki għiġamizibha, me gumazir kuraba, kamaghin me isamin iċċien kogħam. ⁹ Kamaghin amizi, ‘Ia mangi tuavr ekiāba bar dar mangi, eghha gumazir manaba ia me bativigh, eghha a men di-aghqi, me porogħamibar isar kamin iżi.’ ¹⁰ A kamaghin mikemexima, an ingangarir gumazibha tuaviba bar dar għuwa gumazamizibha bar me akufa, gumazamizir aghħiġi, kura bħarr sara. Ezi me iza damasa porogħamibar isar dipenim għapip a bar iżifha.

¹¹ “Ezi gumazamizibha apiażi, atriv men ganasa aven zui. Eghha a ghua gumazir mamin garima, a porogħamibar isamin azużiż adiaritam aruziż puvati. ¹² Ezi atrivim

an azara, 'Namakam, manmaghin amizi, ni adiarir aghuitam aruzir puvatigha, puram aven ize?' Ezi gumazim mikiman asa.

¹³ "Kamaghin amizi, atrivim ingangarib gumazibav gia ghaze, 'Ia an soroghaferiba ikegh, a isiva azenan mitatemin anekunigh. Danganir mitater kamin me puvira tuavara atariba kuskusi.'

¹⁴ "Ia oragh. God gumazamizir aviribar dei, egha varazira, a me amisevima, me aven zui."

Gumazamiziba dagiaba Atrivim Sisar daningam, o markiam?

(Mak 12:13-17; Luk 20:20-26)

¹⁵ Ezi Farisiba ghua akabav suegha Jesusin suighasa tuaviba buri. Egha me ghaze, a pazi bizitam mikemeghti, me an migirigiam baghaviram an suigham. ¹⁶ Egha me uan suren gumazir maba ko Herotin gin zuir marazi amadazi, me Jesus bagha ghua kamaghin a migei, "Tisa, e fo ni guizbangira bizibav geir gumazim. Ni Godin Arazibar gumazamizibar sure gamua guizbangira me migei. Ni tavin nighnizim gin zuir puvati. Akar vamira ni gumazamizir ziaba itiba, ko gumazamizir kiniba uaghara, me migei. ¹⁷ Kamaghin, ni deragh e mikim. Judan Araziba manmaghin migei? E dagiaba isiva Atrivim Sisar daningtima, arazir kam Godin damazim dera, o puvati? Ni manmaghin nighnisi?"

¹⁸ Ezi Jesus men nighnizir kurar kam gifo, egha kamaghin me migei, "Ia gumazir ifavaribagh amiba, ia tizim bagha na gifarasava ami? ¹⁹ Ia gavman ganidir dagiatam nan akagh." Ezi me dagiar mam inigha iza a ganingi.

²⁰ Ezi Jesus kamaghin men azai, "Karin nedazim ko tinan ziam?"

²¹ Ezi me ghaze, "Mar Sisarin nedazim ko an ziam."

Ezi a me migia ghaze, "Kamaghira, ia Sisarin biziba isi Sisar daning, egh Godin biziba isi, God daning."

²² Ezi me migirigiar kam baregha digavir kuram gamigha, anetegha ghue.

Sadyusiba gumazir aremegha ua dikavizibar arazim bagha Jesusin azai
(Mak 12:18-27; Luk 20:27-40)

²³ Ezi aruer kamra, Sadyusiba Jesus bagha ize. Sadyusiba ghaze, gumazir aremeziba ua dikavir puvati. Egha me kamaghin Iesusin azai, ²⁴ "Tisa, Moses kamaghin mikeme, Gumazir manatam boriba puvatigh aremeghti, an aveghbuatam an amuim inigh an ikiti, amizir kam boriba batiti, an aveghbuamin ikizim kuavaremeghan kogham. ²⁵ Ezi fomira aveghbuar 7pla, en tongin ike. Men avebam amuimin ikiava boritam inizir puvati, egha areme. Kamaghin amizi, an dozir mam an amuim inigh an iti. ²⁶ Ezi an dozir kam uaghan boritam inizir puvatigha areme. Ezi anining dozir mikezim ko an gin iziba kamaghiram ami. ²⁷ Egha me bar ariaghire, ezi abuan amizir kam uaghan areme. ²⁸ Kamaghin ni e mikim, gumazamiziba ua dikavamin dughiamin, amizir kam tinan amuimra? Ni nighnigh, me bar an ike!"

²⁹ Ezi Jesus me ikarvagha kamaghin me migei, "Ia Godin Akinafarimin itir akam gifozir puvati, egha ia uaghan Godin gavgavim gifozir puvati. Kamaghin, ia paza migei. ³⁰ Gumazamizir aremeziba ua dikavamin dughiamin, paba amuiba ikian kogham, uaghan me amuiba isi pabar arighan kogham. Me enselbar min Godin Nguibamin ikiam.

³¹ "Ezi ki ua dikavamin dughiam baghian azangasa. Ia ti God ia mikemezir akar kamin ganiz, o puvati? A ghaze, ³² 'Ki Abraham ko Aisak ko Jekopin God.' God gumazir ariaghirezibar God puvati, a gumazir angamira itibar God."

³³ Ezi gumazamiziba an akar kam baregha digavir kuram gami.

Godin Akar Gavgavir faraghavira itim
(Mak 12:28-31; Luk 10:25-28)

³⁴ Farisiba orazi, Jesusin migirigia Sadyusibagh amizima, me mikiman ibura. Ezi me uari akuvagha a bagha izi. ³⁵ Me ko izir gumazir mam, a Judan Arazibagh fozir gumazim. Egha a Jesus basamasaka kamaghin an azai, ³⁶ "Tisa, Godin Akar Gavgavir manamra maba bar dagh afira egha faraghavira iti?"

³⁷ Ezi Jesus kamaghin a migia ghaze, "Ia bar uan navir averiaba ko uan duaba ko uan nighniziba ko uan gavgaviba sara bar a gifongegeh. ³⁸ Kar Akar Gavgavir

- 22:13:** Mt 8:12, 25:30, Lu 13:28 **22:13:** Matyu 8:12; 25:30; Luk 13:28 **22:14:** Mt 20:16, 2 Pi 1:10, MAA 17:14
22:14: 2 Pita 1:10; Akar Mogomem 17:14 **22:15:** Mk 3:6 **22:15:** Mak 3:6 **22:16:** Mk 3:6, 8:15, 12:13
22:16: Mak 3:6; 8:15; 12:13 **22:21:** Stt 1:27, Ro 13:7 **22:21:** Rom 13:7 **22:23:** Ap 23:8 **22:23:** Aposel 23:8
22:24: Lo 25:5 **22:24:** Godin Araziba 25:5 **22:29:** Jo 20:9 **22:29:** Jon 20:9 **22:30:** 1 Jo 3:2 **22:30:**
1 Jon 3:2 **22:32:** Kis 3:6, Mt 8:11, Mk 12:26, Lu 20:37, Ap 7:32 **22:32:** Ua Me Ini 3:6; Matyu 8:11; Mak 12:26; Luk 20:37; Aposel 7:32 **22:33:** Mt 7:28 **22:33:** Matyu 7:28 **22:37:** Lo 6:5, 10:12, Lu 10:27 **22:37:** Godin Araziba 6:5; 10:12; Luk 10:27 **22:39:** Wkp 19:18, Mk 12:31, Ro 13:9, Ga 5:14 **22:39:** Ofa Gami 19:18; Mak 12:31; Rom 13:9; Galesia 5:14 **22:40:** Mt 7:12, Ro 13:10, Ga 5:14, 1 Ti 1:5 **22:40:** Matyu 7:12; Rom 13:10; Galesia 5:14; 1 Timoti 1:5

bar ekiam, egha Akar Gavgavir igharazibar faraghavira iti.³⁹ Ezi an girara irim. A kamakin: ni uabira ubi gifongezi moghin, gumazamizir igharazibagh ifongegh.⁴⁰ Moses Osirizir Araziba ko Godin akam inigha izir gumazibar akaba, da bar arazir kamnning gisín tu.”

*Iesus God Uam E Iniasa Misevezir Gumazim bagha Farisibar azai
(Mak 12:35-37; Luk 20:41-44)*

⁴¹ Farisiba uari akuvagha ikiav itima, Iesus men azara,⁴² “Ia God Ua Gumazamiziba Iniasa Misevezir Gumazim, manmaghin a ginighnisi? A tinan otarim?”

Ezi me an migia ghaze, “A Devitin Ovavim.”

⁴³ Ezi Iesus kamaghin men azai, “Manmaghin amizi, Godin Duam nighnizim Devit ganingizi, a gumazir kam, ‘Ekiam,’ a gati, egha kamaghin migia ghaze:

⁴⁴ “‘Ekiam, nan Ekiam migia ghaze,
“Ni nan agharir guvimin daperagh iki mangiti,
ki nin apaniba dikabiragh me isi nin darfaram datighti,
me nin dagarimning apengan ikiam.”

⁴⁵ “Ezi ia nighnigh, Devit uabi gumazir kamin migia ghaze, a nan Ekiam. Ezi manmaghin, gumazir kam ua Devitin Ovavimin min iti?”

⁴⁶ Ezi men tav bar Iesus ikarvaghan buraghburaki. Egha me aruer kamin ikegha ghua ua gin biritam bagha an azangan atiati.

23

Farisiba ko Judan Arazibagh fozir gumaziba arazir kurabagh ami

(Mak 12:38-39; Luk 11:43; 11:46; 20:45-46)

¹ Ezi Iesus gin gumazamizir aviriba ko an suren gumazibagh eghari. ² Egha kamaghin migei, “Judan Arazibagh fozir gumaziba ko Farisiba, me Mosesin danganim inigha Moses Osirizir Araziba ia geeghari.

- | | | | |
|---|---|---|---|
| 22:42: Jo 7:42 | 22:42: Jon 7:42 | 22:43: Sng 110:1, Mt 26:64 | 22:44: Sng 110:1, Ap 2:34, 1 Ko 15:25, Hi 1:13 |
| 22:44: Onger Akaba 110:1; Matyu 26:64; Aposel 2:34; 1 Korin 15:25; Hibru 1:13 | | | 22:46: Mk 12:34, Lu 14:6, 20:40 |
| 22:46: Mak 12:34; Luk 14:6; 20:40 | 23:3: Malakai 2:7-8 | 23:3: Malakai 2:7-8 | 23:5: Mt 6:1 |
| [*] 23:5: God ko migeir daveriaba, kar Judába akinafarir dozibar Godin akar maba osiri, egha da isa mitarir nguzir mabagh aghui. Egha da isava uan agharir kiriabagh aghui, egha maba isa uan guabagh afe. Ni Ua Me Iní 13:9 ko 13:16 ko Godin Araziba 6:8 ko 11:18, dar gan. Judába uaghan Akinafarim Diboboniba 15:37-41 in garava sazir oteviba uan korotiabagh iti. Iesus Judan Arazibagh fozir gumaziba ko Farisiba me migia già ghaze, me daveriab ekiab aghuigha, egha sazir ruariba azui, egha uari akakaghha ghaze, e guizbangira Godin akabar gin zui. Kar me uarir ganasa odava arazir kabagh ami. | 23:6: Mt 6:5, Mk 12:38-39, Lu 11:43, 14:7 | 23:6: Matyu 6:5; Mak 12:38-39; Luk 11:43; 14:7 | 23:11: Mt 20:26-27, Mk 9:35, 10:43-44, Lu 22:26 |
| Mt 20:26-27, Mk 9:35, 10:43-44, Lu 22:26 | 23:11: Matyu 20:26-27; Mak 9:35; 10:43-44; Luk 22:26 | | 23:12: Jop 22:29; Aghuzir Akaba 15:33; 29:23; Esekiel 21:26; |
| Snd 15:33, 29:23, Ese 21:26, Lu 14:11, 18:14, Je 4:6, 1 Pi 5:5 | 23:12: Jop 22:29; Aghuzir Akaba 15:33; 29:23; Esekiel 21:26; | | Luk 14:11; 18:14; Jems 4:6; 1 Pita 5:5 |
| Luk 14:11; 18:14; Jems 4:6; 1 Pita 5:5 | 23:13-14: Lu 11:52 | 23:13-14: Luk 11:52 | |

mangan aghua. Ezi gumazamiziba aven mangasava amima ia men tuaviba apiri.[†]

15 “Ia Judan Arazibagh fozir gumaziba ko Farisiba, Iavzika! Ia bar ikuvigham! Ia ifavaribagh amir gumaziba! Ia ongariba ko nguazir igharaziba bar dar ghua, suren gumazir vamira iniasa ruiaghia arui. Egheti ia gumazitam batogh Judan Arazibar a gegganti, a ian nighnizibar gin mangi, egh a bar ian mirara uaghan helin mangam. Ia a damighti, a bar ia gafiragh arazir kurabar amuam.

16 “Ia damazir okaviriziba, egha ia gumazir igharaziba tuavim men akakaghaha! Iavzika, ia bar ikuvigham! Ia kamaghin gumazamizibar sure gamua ghaze, ‘Gumazir manam guizin mikimsiva, Godin Dipenimin akakagh mikimti, an araziba pura bizim. Egh gumazir kam guizin mikimsi, golin Godin Dipenimin aven itibar akakagh mikimti, kar a guizbangira migei, egh a mikemezir arazimin gin mangi, a damu.’ **17** Ia gumazir organir damazir okaviriziba, tizim Godin damazimin ekefe? Ti gol, o ti Godin Dipenim? Ia fo, golin kam Godin Dipenimin aven iti, egha tuavir kamin golin kam Godin bizimin oto.

18 Egha ia uaghan kamaghin men sure gamua ghaze, ‘Gumazitam uan migirigiaba gavgavim dar aningsi, ofa gamir dakozimin akakaghti, an migirigiaba pura biziba. Egh gumazim ofa gamir dakozimin itir ofabar akakagh mikimti, kar a guizbangira migei, egh a mikemezir migirigiabar gin mangi.’ **19** Ia damazir okaviriziba, bizar manam Godin damazimin ekefe, ti ofa gamir dakozimin itir ofaba, o ofa gamir dakozim uabi? Ia fo, ofaba ofa gamir dakozimin iti, egha tuavir kamin ofan kam Godin bizimin oto. **20** Eghit gumazim uan migirigiaba gavgavim dar aningsi, ofa gamir dakozimin akakagh mikimti, an migirigiaba ofa gamir dakozim ko ofa gamir dakozimin itir ofaba uaghara aningen akaksi. **21** Egh gumazim uan migirigiaba gavgavim dar aningsi Godin Dipenimin akakagh mikimti, an migirigiaba Godin Dipenimin aven itim, virara aningen akaksi. **22** Eghit gumazitam uan migirigiaba gavgavim dar aningsi, Godin Nguibamin akakagh mikimti, an migirigiaba Godin atrivir dabirabim, ko Godin uan atrivir dabirabim gaperazim, uaghara aningen akaksi.

23:13-14: Fofozir gumazir maba ghaze, akar kamnagh uaghan kagh ikiam. A kamakin, “Ia Judan Arazibagh fozir gumaziba ko Farisiba, Iavzika. Ia gumazir mizer pumuning itiba, ia amizir paba ovengezibagh ifara men dipenibar okia, oda migirigiar bar ruariba God ko dagh ami. Kotiamin Dughiamin ia bar ikuvigham.” Ni Mak 12:40in gan. **23:16:** Mt 5:33-34, 15:14 **23:16:** Matyu 5:33-34; 15:14 **23:22:** Ais 66:1; Mt 5:34 **23:22:** Aisaia 66:1; Matyu 5:34 **23:23:** Wkp 27:30, Hos 6:6; Mai 6:8, Lu 11:42 **23:23:** Ofa Gami 27:30; Hosea 6:6; Maika 6:8; Luk 11:42 **23:25:** Mk 7:4 **23:25:** Mak 7:4 **23:27:** Lu 11:44; Ap 23:3 **23:27:** Luk 11:44; Aposel 23:3 **23:28:** Lu 16:15 **23:28:** Luk 16:15 **23:31:** Ap 7:52 **23:31:** Aposel 7:52

23 “Ia Judan Arazibagh fozir gumaziba ko Farisiba, Iavzika, ia bar ikuvigham! Ia ifavaribagh amir gumaziba! Ia isingtizim daghebagh anidir zuravarir 10plan pozibar da arigha, egha dar pozir vamira God ganidi. Egha Moses Osirizir Arazibar aven itir arazir ekiaba ataghirasi. Ia, Godin guizin arazim, ko apangkuvir arazim, ko nighnizir gavgavim Godin itir arazim, ia da gin amadi. Ia faragh arazir ekiar kabar gin mangi dar amu, egh uaghan arazir dozir ia amiba sara, uaghan dar amu. **24** Ia damazir okaviriziba, egha gumazir igharaziba tuavim men akakaghaha! Ia mati, gumazim sibaba diparsizimin itima, a bar deravira gara da isa da makuri. Ezi asizir ekiam kamel, a diparsizimin aven itima, an an garir puvatigha, a tui.

25 “Ia Judan Arazibagh fozir gumaziba ko Farisiba, Iavzika! Ia bar ikuvigham! Ia ifavaribagh amir gumaziba! Ia bar deraghvira kapba ko itaribar azeniba rue, ezi dar aven itir dagher kaba bar izifa. Ia, okimakiar araziba ko uarira uarigh nighnizir arazibar tuavimin, dagher kaba ini. **26** Ia Farisiba, ian damaziba okafi! Ia faraghvira kapbar averiaba ruegh, eghit dar otighinaba uaghan zuegham.

27 “Ia Judan Arazibagh fozir gumaziba ko Farisiba, Iavzika! Ia bar ikuvigham. Ia ifavaribagh amir gumaziba! Ia mati, me matmatiam penin ghurghurim a gaghui, ezi matmatiamin ganganim azenan bar dera. Ezi an aven gumazir kuabar aghariba ko bizar kuriba bar izifa. **28** Ia uaghan kamaghin iti. Me azenan ian gara ghaze, ia gumazir aghuiba. Ezi ifavarir araziba ko arazir bar kuraba, guizbangira ian navir averiabagh izifa.”

29 Egha Jesus ua kamaghin migei, “Ia Judan Arazibagh fozir gumaziba ko Farisiba, Iavzika! Ia bar ikuvigham! Ia ifavaribagh amir gumaziba! Ia, fomira itir Godin akam inigha izir gumaziba, men moziba deraghvira dar kirmigha, egha gumazir arazir aghuibagh amizibar moziba deraghvira dar adiaribagh ami. **30** Egha kamagh uariv gei, ‘E ti uan inazibar dughiamin ikia, egha ti men akuraghia Godin akam inigha izir gumazibav soghezir puvatighai.’ **31** Ia kamagh migia uari akakaghia ghaze, ‘E Godin akam inigha izir gumazibav soghezir gumazibar boriba!’ **32** Aria, mangi, ia uan

[†] **23:13-14:** Fofozir gumazir maba ghaze, akar kamnagh uaghan kagh ikiam. A kamakin, “Ia Judan Arazibagh fozir gumaziba ko Farisiba, Iavzika. Ia gumazir mizer pumuning itiba, ia amizir paba ovengezibagh ifara men dipenibar okia, oda migirigiar bar ruariba God ko dagh ami. Kotiamin Dughiamin ia bar ikuvigham.” Ni Mak 12:40in gan. **23:16:** Mt 5:33-34, 15:14 **23:16:** Matyu 5:33-34; 15:14 **23:22:** Ais 66:1; Mt 5:34 **23:22:** Aisaia 66:1; Matyu 5:34 **23:23:** Wkp 27:30, Hos 6:6; Mai 6:8, Lu 11:42 **23:23:** Ofa Gami 27:30; Hosea 6:6; Maika 6:8; Luk 11:42 **23:25:** Mk 7:4 **23:25:** Mak 7:4 **23:27:** Lu 11:44; Ap 23:3 **23:27:** Luk 11:44; Aposel 23:3 **23:28:** Lu 16:15 **23:28:** Luk 16:15 **23:31:** Ap 7:52 **23:31:** Aposel 7:52

16:15 **23:31:** Ap 7:52 **23:31:** Aposel 7:52

inaziba amua taghizir arazir kuraba, bar da gifagh!

³³ “Ia kuruziba! Ia dabirizir anababa! God uan kotin aven ian araziba tuisighiva, ia isi helin avir ekiamin ia amangam! Ia man tuavitamin mangi, helin avim gitagham? Bar puvatigham!

³⁴ “Kamaghin amizi, ia oragh, ki ia bagha Godin akam inigha izir gumaziba, ko gumazir nighnizir aghuiba itiba, ko Godin Arazibagh fozir gumaziba, me amangam. Egh ti ia men taraziv soghti me arimighiram, egh tarazi isi ter ighuvibar me afughafugham, egh tarazi ian God ko migeir dipenibar aven benibar me fozorogham. Egh ia uan nguibar ekiabar me batogh men gintighti, me ari nguibar igharazibar mangam. ³⁵ Egh ti arazir aghuibagh amir gumazamiziba bar, me misoghezir gumazibar ivezir kuram, ia a iniam. Gumazir aghuibav sozir arazir kam, gumazir aghuim Abelin dughiamin ikegha, iza Berekian otarim Sekaraian dughiamintu. Gumazir kam, ia Godin Dipenim ko ofa gamir dakozim tizimin ia a misoghezi an areme, ezi jarara ivezir kuram uan arazir kuram bagh a iniam. ³⁶ Ki guizbangira ia migei, arazir kurar kabar ivezir kuram, a datirighin itir gumazamiziba me bativam.”

*Jesus Jerusalemin apangkufti
(Luk 13:34-35; 19:41-44)*

³⁷ Egha Jesus ua kamaghin migei, “Oio, ia Jerusalemin adarasi, ki ian apangkufti! Ia Godin akam inigha izir gumazibav sozi me ariaghiri, egha God ia bagha amadir gumaziba, ia dagiaba isa, me ginivi, me ariaghiri. Dughiar aviribar ki ian boriba akuv me mughasa, mati tuarir amebam uan avizimingen nguziba avarazi moghin, ki ia damuua ifonge. Egh ti na bagh izan aghua. ³⁸ Ia oragh! Ian nguibam, God anetaki, ezi a nguibar soriam gava. ³⁹ Ki guizbangira ia migei, ia ua nan ganan kogh, kamaghira iki mangi dughiar ia suam, ‘Gumazir, Ekiamin ziam ko gavgavimin izim, God deragh a damu!’”

- 23:33:** Mt 3:7, 12:34, Lu 3:7 **23:33:** Matyu 3:7; 12:34; Luk 3:7 **23:34:** Mt 10:23, 1 Te 2:15 **23:34:** Matyu 10:23;
1 Tesalonika 2:15 **23:35:** Stt 4:8, 2 Sto 24:20-21, Hi 11:4 **23:35:** Jenesis 4:8; 2 Eghaghaniba 24:20-21; Hibrui 11:4
23:37: 2 Sto 24:21, Sng 17:8, 91:4, Ap 7:59, 1 Te 2:15 **23:37:** 2 Eghaghaniba 24:21; Onger Akaba 17:8, 91:4; Apostel 7:59; 1 Tesalonika 2:15 **23:38:** 1 Kin 9:7-8; Jer 12:7, 22:5 **23:38:** 1 Atriviba 9:7-8; Jeremaia 12:7; 22:5 **23:39:** Sng 118:26, Mt 21:9 **23:39:** Onger Akaba 118:26; Matyu 21:9 **24:2:** Jer 26:18, Mai 3:12, Lu 19:44 **24:2:** Jeremaja 26:18; Maika 3:12; Luk 19:44 **24:2:** Kar Matyu osirizir Iesusin migirigiar ruarir abuananam. (4pla faraghha gifa.)
Akar kaba, da 24:2-25:46in iti. Da nguaizim givamini dughiamin arazibar gun migei. **24:3:** Mt 24:27, 24:37-39, Mk 13:3, 1 Te 5:1 **24:3:** Matyu 24:27; 24:37-39; Mak 13:3-4; 1 Tesalonika 5:1 **24:5:** Jer 14:14, 23:21, 23:25, Mt 24:23-24,
Jo 5:43, Ap 5:36-37, 1 Jo 2:18 **24:5:** Jeremaja 14:14; 23:21; 23:25; Matyu 24:23-24; Jon 5:43; Apostel 5:36-37; 1 Jon 2:18
24:7: 2 Sto 15:6, Ais 19:2, Hag 2:22, Sek 14:13, Ap 11:28 **24:7:** 2 Eghaghaniba 15:6; Aisaiia 19:2; Hagai 2:22; Sekaraia 14:13; Apostel 11:28 **24:9:** Mt 10:22, Mk 13:9, Lu 21:12, Jo 15:18-20, Ap 4:2-3, MAA2:10, 2:13 **24:9:** Matyu 10:22;
Mak 13:9; Luk 21:12; Jon 15:18-20; Apostel 4:2-3; Akar Mogomem 2:10; 2:13 **24:10:** Mt 11:6, 13:57, 2 Ti 1:15 **24:10:**
Matyu 11:6; 13:57; 2 Timoti 1:15

24

*Iesus ghaze, Godin Dipenim akarighirigham
(Mak 13:1-2; Luk 21:5-6)*

¹ Egha Jesus Godin Dipenimin miriam ategha azenan zuima, an suren gumaziba a bagha izi. Egha me Godin Dipenim an akakasi. ² Ezi an akar kamin me migei, “Ia Dipenimin itir bizir aghuir kabar gar? Ki guizbangira ia migei, dagiar kaba, gumaziba bar da puegħti da bar mogħira dagħ iregham. Egh ti tam tam gis in ikeghan kogħam.”*

*Iesus ghaze, osimtizir aviriba
gin otivam*

(Mak 13:3-13; Luk 21:7-19)

³ Egha Jesus ghua Olivin Mighsiamin aperaghav itima, an suren gumaziba uarira iza kamaghin an azai, “Ni e mikim, bizir kaba dughiar manamin otivam? Araxi manamnagh faragh otogħi, e fogħ suam, ‘Ni ua izam,’ egh ti nguazir kam uaghan givam?”

⁴ Ezi Jesus me ikaragħha kamaghin me migei, “Ia uari bagħi deraghvira gan, gumazitam iżi ia gifaran marki. ⁵ Kamaghin amizi, gumazir bar aviriba iżi, nan ziam isiva uari gasi suam, ‘Kirara, ki Gumazir God Gumazamiziba Ua Me Iniħħa Misevezim.’ Egh me gumazamizir aviribagh ifaram. ⁶ Egh ti roghira itir midorozir ekiabar niginiba baragh, egh sagħon itir midorozir ekiabar akaba baragh. Egh ia digavir kuram damuan marki. Araxi kaba otivam, egh ti nguazir kam givamini dughħam tighar izam. ⁷ Kantrin mamin itir darazi dikavigh kantrin igharazim itir darazi ko misogħam. Egh ti atrivir mamin adarazi dikavigh atrivir igharazim adarazi ko misogħam. Dangani mabar dagħeba bar puvaratightima, gumazamiziba mitħiramra ikiam. Egh ti mikimkiziba uaghan otivam. ⁸ Osimtizir kaba mati, amizim otasa faragħavira mizazim barazi mokin.

⁹ “Dughiar kamin me ian suighiva osimtiziba ia darighiva ia misogħti, ia arimighiram. Egh ti gumazamiziba bar

nan ziam bangin ian aghuaghram. ¹⁰ Egh dughiar kamin gumazamizir aviriba, me uan nighnizir gavgavir nan itim ategham. Egh pazi uarira uarir amuva, uari isi apanibar agharim darigham. ¹¹ Egh ti akar ifavarim akurir gumazir aviriba otivigh, gumazamizir aviribagh ifaram. ¹² Egh ti arazir kuraba bar izvaghti, kamaghin gumazamiziba uarigh ifongezir arazim ategham. ¹³ Egh ti tina arazir kabar tongin gavgavigh iki, mangi dughiar nguazir kam givaghram otoghi, God uam a iniam. ¹⁴ Egh ti God Biziagh Ativamin Dughamin Akar Aghuir kam, me a inigh a isiva nguazimin itir ikiziba bar dar gumazamiziba bar me mikintima, me a baraghram. Egh tma gin nguazir kam givamin dughiam otivam.”

*Iesus ghaze, bizir bar kuram otogham
(Mak 13:14-23; Luk 21:20-24)*

¹⁵ Egh Iesus migia ghua kamaghin migei, “Ia gantima, bizir bar kurar God ifongezir puvatizim, Godin Dipenimin aven ikiam. A ikiti, God uan Dipenim ategham. Fomira Godin akam inigha izir gumazim Daniel bizar kamin gun mikeme. (Gumazir osizirir kamin garim, a deraghvira nighnigh egh a gifogh.) ¹⁶ Dughiar kamin Judian Distrighin itir gumazamiziba ari mighsiabar ghuavanangam. ¹⁷ Egh tav dipenimin pin itir avughsazir danganim ikegh, nguazimin magiri, egh uam aven mangi uan bizitam inisi nighnighan marki. ¹⁸ Egh gumazir manam azenir ekiamin ikegh, egh uamategh dipenimin mangi uan azenan azuir korotiam inian marki. ¹⁹ Naviba adair amiziba ko boriba oteba apir amebaba, mevzika; dughiar izamin kaba bar men ikuvigham! ²⁰ Ia amozimin dughiam ko Sabatin dughiatamin aran aghuaghiva, uari bagh God ko mikim. ²¹ Dughiar izamin kaba, da osimtizir ekiabar dughiaha. God nguazim ko overiamin ingarizir dughiamin iza datirikin, egh ua kamaghin dughiatam otoghan kogham. ²² Ekiam uan gumazamizir misevezibagh nighnigha, dughiar kurar kamin dughiar maba aghorezi, da mong otefe. A ti dar

aghorezir puvatizi, gumazamiziba bar ariaghireghai.

²³ “Dughiar izamimin, tav ia mikim suam, ‘Ia gan, Kraisra kara! A God Ua E Iniasa Misevezir Gumazimra,’ o, ‘Ia gan, Kraisra munal’ ia an akam baraghan marki. ²⁴ Gumazitaba iziva ia gifar suam, ‘Kirara, God Gumazamiziba Ua me Iniasa Misevezir Gumazim,’ o ‘Ki Godin akam inigha izir gumazir mam,’ egh me mirakelin bar ekiaba koma digavir kuram gamir arazibar amuti da otivam. Me kamaghin ifonge, me gumazamiziba bar me gifaraghti, me onganigham. Egh me gavgavim iki, uaghan God ua bagha misevezir gumazamiziba, me uaghan me gifaras. Kamaghin me mirakelin kabar amuam. Egh dughiataba me me gifarisi damuva avegham. ²⁵ Ia oragh! Bizar ki faragha ia mikemeziba, da otivam.

²⁶ “Kamaghin amizi, me ia mikim suam, ‘Ia gan. A muna gumazamiziba puvatizir danganim iti,’ egh ti mangan marki. Egh me suam, ‘Ia gan. A kara, dipenir kamin aven modoghav iti,’ ia men akam baraghan marki. ²⁷ Ia fo, onimarim tagtagha, an angazangarim aruem anadi naghin ikegha nguazim bar anevaragha ghua aruem ghuaghiri naghin tu. Egh Gumazamizibar Otarim ua izamin arazim, uaghan kamaghiram otivti, nguazimin itir darazi bar an ganam.

²⁸ “Gumazir kuaba iti naghin, taragiaba uari akuvaghram. Kamaghira, Gumazamizibar Otarim izitim, gumazamiziba bar an ganam.”

Iesus ghaze, Gumazamizibar Otarim gin izam

(Mak 13:24-27; Luk 21:25-28)

²⁹ Egh Iesus ua kamaghin migei, “Osimtizir ekiar kaba otivigh givaghti:

“Aruem mitategham,
eghti iakinim isiraghan kogham,
eghti mikoveziba overiamin asighiram,
overiamin itir bizir gavgaviba bar
uarira uari sivaghsivagh,
uan danganiba ataghiraghram.”

24:11: Mt 7:15, 24:5, 24:24, Ap 20:29, 1 Ti 4:1, 2 Pi 2:1, 1 Jo 4:1

4:1; 2 Pita 2:1; 1 Jon 4:1

24:13: Mt 10:22, Mk 13:13, Hi 3:6, 3:14

24:14: Mt 9:35, 10:18, 28:19, Ro 10:18, Kl 1:6, 1:23

24:15: Dan 9:27, 11:31, 12:11

24:15: Daniel 9:27; 11:31; 12:11

24:16: Dan 9:27, 11:31, 12:11

24:16: Luk 9:27; 11:31; 12:11

24:17: Luk 17:31

24:17: Luk 17:31

24:18: Luk 17:23; 21:8

24:18: Luk 17:23; 21:8

24:19: Luk 17:23; 21:8

24:19: Luk 17:23; 21:8

24:20: Luk 17:23; 21:8

24:20: Luk 17:23; 21:8

24:21: Luk 17:23; 21:8

24:21: Luk 17:23; 21:8

24:22: Luk 17:23; 21:8

24:22: Luk 17:23; 21:8

24:23: Luk 17:23; 21:8

24:23: Luk 17:23; 21:8

24:24: Luk 17:23; 21:8

24:24: Luk 17:23; 21:8

24:25: Luk 17:23; 21:8

24:25: Luk 17:23; 21:8

24:26: Luk 17:23; 21:8

24:26: Luk 17:23; 21:8

24:27: Luk 17:23; 21:8

24:27: Luk 17:23; 21:8

24:28: Luk 17:23; 21:8

24:28: Luk 17:23; 21:8

24:29: Luk 17:23; 21:8

24:29: Luk 17:23; 21:8

24:30: Luk 17:23; 21:8

24:30: Luk 17:23; 21:8

24:11: Matyu 7:15; 24:5; 24:24; Aposel 20:29; 1 Timoti

4:1; 2 Pita 2:1; 1 Jon 4:1

24:13: Matyu 10:22; Mak 13:13; Hibru 3:6; 3:14

24:14: Matyu 9:35; 10:18; 28:19; Rom 10:18; Kolosi 1:6; 1:23

24:15: Daniel 9:27; 11:31; 12:11

24:16: Luk 17:31

24:16: Luk 17:31

24:17: Luk 17:23; 21:8

24:17: Luk 17:23; 21:8

24:18: Luk 17:23; 21:8

24:18: Luk 17:23; 21:8

24:19: Luk 17:23; 21:8

24:19: Luk 17:23; 21:8

24:20: Luk 17:23; 21:8

24:20: Luk 17:23; 21:8

24:21: Luk 17:23; 21:8

24:21: Luk 17:23; 21:8

24:22: Luk 17:23; 21:8

24:22: Luk 17:23; 21:8

24:23: Luk 17:23; 21:8

24:23: Luk 17:23; 21:8

24:24: Luk 17:23; 21:8

24:24: Luk 17:23; 21:8

24:25: Luk 17:23; 21:8

24:25: Luk 17:23; 21:8

24:26: Luk 17:23; 21:8

24:26: Luk 17:23; 21:8

24:27: Luk 17:23; 21:8

24:27: Luk 17:23; 21:8

24:28: Luk 17:23; 21:8

24:28: Luk 17:23; 21:8

24:29: Luk 17:23; 21:8

24:29: Luk 17:23; 21:8

24:30: Luk 17:23; 21:8

24:30: Luk 17:23; 21:8

30 "Eghti, Gumazamizibar Otarim Izamin Dughiam, an arazarazim overiamin otivtima, nguazimin itir nguibaba bar aziam. Dughiar kamin gumazamiziba ganti, Gumazamizibar Otarim ghuardabagh isin iki, uan gavgavir ekiam koma angazangarir ekiam sara izam. 31 Eghti sigham bar pamten arangti, a uan enselba ameghti, me nguazim ko overiamin danganiba bar dar mangi, a ua bagha misevezir gumazamiziba akuvam, egh enselba nguazimin oteviba bar, me akuvagh, menaku a bagh izam."

*Jesus ghaze, ia temer fighin gan fogh
(Mak 13:28-31; Luk 21:29-33)*

32 Egha Jesus ua kamaghin migei, "Temer fighin aguaba ua diz murti, ia fogh suam, amozimin dughiam roghira ize. Ia temer fighin gan nighnizim intiam. 33 Kamaghira ia bizar kabar ganti da otivti, ia fogh suam, Gumazamizibar Otarim a ua izamin dughiam roghira ize. A tiar akamin tughav iti. 34 Ki guizbangira ia migei dughiar kamin itir gumazamizir kaba ikivira ikiti bizar kaba bar otivam. 35 Overiam ko nguazim givagham, eghit nan migirigia givaghan kogham."

Jesus ghaze, a ua izamin dughiam, tav a gifozir puvati

(Mak 13:32-37; Luk 17:26-30; 17:34-36)

36 Egha Jesus ua kamaghin migei, "Bizir ki ia migeir kaba otivamin dughiam, tav a gifozir puvati. Enselin Godin Nguibamin itiba ko Godin Otarim uaghan fozir puvati. Afeziam bar uabira fo. 37 Ezi bizar Noan dughiamin otiviziba, da uaghan Gumazamizibar Otarim Izamin Dughiamin otivam. 38 Dipar ekiar nguazim bar anevarazim tighar izamin dughiamin, gumazamiziba dagheba ko dipaba apa, uarir ikiak mamaghira iti. Me kamaghin amua ikiav itima, Noa kurimin aven ghu. 39 Me bizar me bativamin tam gifozir puvati, egha pura ikiav itima, aperiar ekiam otogha bar me avaragha me avigha ghue. Gumazamizibar Otarim izamin dughiam, uaghan kamaghiram otivam. 40 Gumazir pumuning azenimin ikiti, God tav inighiva tav ategham. 41 Amizir pumuning bretbar amusi plaua mirmir ikiti, God tav inighiva tav ategham.

42 "Kamaghin amizi, ia deragh gan iki. Ian Ekiam izamin dughiam, ia a gifozir puvati. 43 Ia arazir kam ginighnigh. Gumazir manam, okimakiar gumaziba dimagarimin izava an dipenim akarasava amima, a men dughiam gifogha, men arafa. Egha me ataghizi me an dipenim akarizir puvati. 44 Kamaghira, ia uaghan aravagh iki gan. Guizbangira, dughiar ia Gumazamizibar Otarim mizuaman koghamim, a dughiar kamram otogham."

*Ingangularir gumazir aghuim ko ingangularir gumazir kuramin akar isin zuim
(Luk 12:42-46)*

45 Egha Jesus ua kamaghin migei, "Ingangularir gumazir manamra nighnizir aghuiba ikiak derivira uan ingangularir gami? An gumazir ekiam a damutti, a ingangularir gumazir igharazibar ganam. Egh dughiar an gumazir ekiam ifongezimin, a dagheba isi ingangularir gumazibar aningam. 46 Ingangularir gumazir kam ingara itima, an gumazir ekiam izava a batogha an ingangularir kamin garima, gumazir kamin navir averiam bar an dera. 47 Ezi ki guizbangira ia migei, ingangularir gumazir kamin ekiam a damightima, an an ingangularir gumazir mabar ekiam ikiwa an biziwa bar dar ganam. 48 Eghit ingangularir gumazir kam guizbangira ikuvigh, egh a ubi kamaghin nighnigham, 'Nan ekiam zuamira izeghan kogham.' 49 Egha uaghan a ko ingarir daraziv sogh, wainin dipabar ami gumazir dipar organiba apiba ko ikiam. 50 Eghit an ekiam, dughiar an ingangularir gumazim a bagha garir puvatizimin, an otogham. A dughiar a fozir puvatizimin uamategham. 51 Ingangularir gumazir kamin gumazir ekiam bar pazav, a damigh, iveau bar kuram a daningam. Egh a isiva ifavaribagh amir gumazibar tongin anetigham. Eghit a danganir kamin ikiwa, arang atariba kuskugh mamaghira ikiam."

25

Iesus 10plan guivir igiabar akar isin zuim migei

1 Egha Jesus ua kamaghin migei, "God Bizibagh Ativamin Dughiam mati, guivir igiar 10plan eghaghanimin min mangam.

24:31: Ais 27:13, Mt 13:41, 1 Ko 15:52, 1 Te 4:16

24:31: Aisaia 27:13; Matyu 13:41; 1 Korin 15:52; 1 Tesalonika 4:16

24:33: Je 5:9

24:34: Mt 16:28; 23:36, Mk 13:30, Lu 21:32

24:34: Matyu 16:28; 23:36; Mak 13:30; Luk 21:32

24:35: Sng 102:26, Ais 40:8, Mt 5:18, Mk 13:31, Lu 21:33, Hi 1:11

24:35: Aisaia 40:8; Matyu 5:18; Mak 13:31; Luk

21:33 24:36: Sek 14:7, Ap 1:7, 1 Te 5:1-2

24:36: Sekara 14:7; Apostol 1:7; 1 Tesalonika 5:1-2

24:37: Stt 6:5-8

24:37: Jenesis 6:5-8

24:38: Stt 6:3-5, Lu 17:26, 1 Pi 3:20

24:38: Luk 17:26; 1 Pita 3:20

24:39: Stt 7:6-24, 2 Pi

3:6 24:39: Jenesis 7:6-24; 2 Pita 3:6

24:42: Mt 25:13, Mk 13:33, Lu 21:36

24:42: Matyu 25:13; Mak 13:33; Luk

21:36 24:43: 1 Te 5:2, 2 Pi 3:10, MAA 3:3, 16:15

24:43: 1 Tesalonika 5:2; 2 Pita 3:10; Akar Mogomem 3:3; 16:15

24:43: Luk 12:39-40

24:44: Matyu 25:13; 1 Tesalonika 5:6

24:46: MAA 16:15

24:46: Akar Mogomem 16:15

24:47: Mt 25:21-23

24:47: Matyu 25:21-23

24:51: Mt 8:12, 25:30

Matyu 8:12; 25:30

25:1: Lu 12:35, MAA 19:7

25:1: Luk 12:35; Akar Mogomem 19:7

Gumazir mam igiamra amuimin ikiasi izi. Ezi guivir igiar maba uan lamba inigha tuavimin an apuasa zui.² Men 5pla, nighnizir aghuiba itima, 5pla nighnizir aghuiba puvati.³ Egha 5plan nighnizir aghuiba itir puvatiziba, uan lamba isa, egha da bagha boretaba inizir puvati.⁴ Ezi guivir igiar nighnizir aghuiba itiba, uan lamba isa, egha uaghan borem itir misevir maba sara, ini.⁵ Ezi gumazir amuimin ikiamim zuamira izezir puvati, ezi guivir kaba pariam men azima, me akui.

⁶ “Ezi dimagarir arizimin gumazir mam dia ghaze, ‘Gumazir amuimin ikiamim, a roghira izi. Ia izi, e mangi, tuavimin a batogh a ko izam.’⁷ Ezi guivir igiar kaba dikavigha uan lambar kiri.

⁸ “Ezi guivir nighnizir aghuiba puvatiziba, nighnizir aghuim itibar aza ghaze, ‘En lamba mungasava ami. Kamaghin amizi, ia boretaba e daningigh.’

⁹ “Ezi nighnizir aghuim itir guiviba, me ikaragha kamaghin migei, ‘Puvatigham! Borem bar en tughatighan kogham. Ia mangi, boreba amadir danganitamn uari bagh tabagh ivesegh.’¹⁰ Ezi guivir nighnizir aghuiba puvatizir kaba ghuezima, gumazir amuimin ikiamim oto. Ezi guivir boreba itiba, a ko isar ekiam bagha dipenimin aven ghue. Ezi gumaziba tiam asara.

¹¹ “Ezi gin guivir ghueziba uamategha iza kamaghin migei, ‘Ekiam! Ekiam, ni izi e bagh tiam kuigh.’

¹² “Ezi a me ikaragha kamaghin migei, ‘Ki guizbangira ia migei, ki ia gifozir puvati.’”

¹³ Egha Jesus ghaze, “Kamaghira, ia deraghavira gan. Ian Ekiam, aruem ko dughiar ia fozir puvatizimin, an otogham.”

*Ingangarir gumazibar dagiaba inizimin, akar isin zuim
(Luk 19:11-27)*

¹⁴ Egha Jesus ua kamaghin migei, “God Biziagh Ativamin Dughiam mati, gumazir mam nguibar saghon itimin mangasava ami mokin. Gumazir kam uan ingangarir gumazibar diazi me izima, a uan biziba isi, me danightima, me a bagh dar ganam.¹⁵ A gumazibar araziba ko gavgavibar gara, dagiaba tuiraghda da isa me ganangi. A mav 5,000 kina a ganiga, mav 2,000 kina a ganiga, mav 1,000 kina a ganangi. A kamaghin amigha ghu.¹⁶ A ghuzima, gumazir 5,000 kina inizim maghira an ingara, 5,000 kinan mam a dagh isin uam a

ini.¹⁷ Ezi gumazir 2,000 kina inizim kamaghira amua, uaghan 2,000 kinan mam dagh isin uam a ini.¹⁸ Ezi gumazir 1,000 kina inizim ghua mozim okoregha uan gumazir ekiamin dagiaba isa mozim gatigha da modo.

¹⁹ “Ezi gumazir ekiam dughiar ruarin saghon ikegha uamategha ize. Egha uan ingangarir gumazibar ingangaribagh foghosa men dei.²⁰ Ezi gumazir 5,000 kina inizim, 5,000 kinan mam a dibagha, a inigha iza kamaghin migei, ‘Ekiam, ni 5,000 kina na ganingi. Ni ge, ki dagiār ingangarim gamua, 5,000 kinan mam dagh isin uam a ini.’

²¹ “Ezi an ekiam kamaghin a migei, ‘Ni ingangarir gumazir aghuim, ni ingangarir aghuim gami. Ni bizir doziba deravira dar gari. Kamaghin amizima, ni ingangarir ekabar ganasa, ki ifonge. Ni izi uan ekiamin isamin aven iki, egh a ko bar akuegham.’

²² “Ezi gumazir 2,000 kina inizim iza kamaghin migei, ‘Ekiam, ni 2,000 kina na ganingi. Ni ge, ki dagiār ingangarim gamua, 2,000 kinan mam dagh isin uam a ini.’

²³ Ezi an ekiam kamaghin a migei, ‘Ni ingangarir gumazir aghuim, ni ingangarir aghuim gami. Ni bizir doziba deravira dar gari. Kamaghin amizi, ni ingangarir ekabar ganasa, ki ifonge. Ni izi, uan ekiamin isamin aven iki, egh a ko bar akuegham.’

²⁴ “Ezi gumazir 1,000 kina inizim uaghan iza kamaghin migei, ‘Ekiam, ki fo, ni gumazir apangkuviba puvatizim. Ni gumazir igharaziba oparir azeniba, ni uaghan daghebagh tui. Egha gumazir igharazim dagher oviziba akurima, ni uaghan pura dar aghafi.²⁵ Kamaghin amizi, ki atiatingi, egha nin 1,000 kina inigha ghua nguazir mozim gatigha egha da modo. Nin dagiabar kara.’

²⁶ “Ezi an ekiam a ikaragha kamaghin a migei, ‘Ni ingangarir gumazir kuram! Ni gumazir amirazim. Ni na gifoi, ki gumazir igharaziba oparir azenibar daghebagh tui. Egha uaghan gumazir igharazim dagher oviziba akurima, ki uaghan pura dar aghavam.²⁷ Ezi ni tizim bagha nan dagiaba isa, dagiār dipenim gatizir puvati? Eghit ki ua iziva, uan dagiaba iniva dagiār igharazitaba dagh isin da iniam.²⁸ Kamaghin amizi, ia a da 1,000 kina inigh, a isiva 10,000 kina itir gumazim daningigh.²⁹ Gumazitam o amizitam Godin akabagh foghti, God uan akabar fofozir igharaziba a daningam, eghit a Godin akar

* **25:3:** Israelin adarazi olivin borem isava, uan lambagh ruava dagh aboi, me en min karasin lambagh aboir puvati.

25:11: Luk 13:25 **25:12:** Mt 7:23 **25:12:** Matyu 7:23 **25:13:** Mt 24:42-44, 1 Te 5:6, 1 Pi 5:8 **25:13:** Matyu

24:42-44; 1 Tesalonika 5:6; 1 Pita 5:8 **25:14:** Mk 13:34 **25:14:** Mak 13:34 **25:15:** Ro 12:6 **25:15:** Rom 12:6

25:21: Mt 24:45-47, Lu 12:44, 16:10, 2 Ti 2:12, Hi 12:2, 1 Pi 1:8 **25:21:** Matyu 24:45-47; Luk 12:44; 16:10; 2 Timoti 2:12

25:29: Mt 13:12, Mk 4:25, Lu 8:18, Jo 15:2 **25:29:** Matyu 13:12; Mak 4:25; Luk 8:18; Jon 15:2 **25:30:** Mt 8:12, 22:13,

Lu 13:28 **25:30:** Matyu 8:12; 22:13; Luk 13:28

aviribagh fogham. Eghṭi Godin akabagh foghan aghuazir tav, an fofozir muziarim God a dam a inigham.³⁰ Ezi ingangarir gumazir bar kurar kam, ia a isi, azenan itir danganir mitatemin anekunigh. Danganir kamin me pupvira tuangiva arang, atariba kuskugh ikiām.”

Gumazamizibar Otarim, gumazamizibar me isi uan kotiamin aven men araziba tuisigham

³¹ Egha Jesus ua kamaghin migei, "Gumazamizibar Otarim, Atrivimin min otogh uamategh uan enselba bar me ko iziva, egh uan atrivir dabirabim daperagham. ³² Eghiti nguazinim itir gumazamiziba bar iziva an guamin uari akuvagham. Eghiti a me tuiragh, egh bizir pumuning damuam, mati sipsipbar garir gumazim sipsipba isava, bizir mamin me amaga, memeba bizir mamin me amadi. ³³ A sipsipba isi agharir guvimin da amang, egh memeba isi agharir kirihamin amangam. ³⁴ Egh Atrivim kamaghin agharir guvimin itir gumazamizibav kimam, 'Ta izi, nan Afeziäm deragh ia damuasa ifonge! Ia iziva, danganir Afeziäm fomira ia bagha inabazim inigh, a nguażir kam otozir dugħiġiān i a bagħha danganir kam akiri. ³⁵ Ki faragħa mitriġnan nan azima, ia dagħeba na ganingi, ezi kuariġġan nan pirima, ia dipam na ganingi, ezi ki nguibar igharazim min itima, ia na inimha uan dipenimini għu, ³⁶ ezi ki bibiġiġna itima, ia korotiaba na ganingi, ezi ki areima, ia nan akurvasi, ezi ki kalabusin itima ia iżza nan gari. Kamaghin amizi, ia aven izi.'

37 "Eghti gumazamizir aghuiba kamaghin a ikaragham, 'Ekiam, dughiar manamra, mitiriam nin azima, e dagheba ni ganingi? Ezi dughiar manamra, kuarim nin pirma, e dipam ni ganingi? 38 Ezi dughiar manamra, ni nguibar igharazimin gumazimin min itima, e ni inigha uan dipenibar ghue? Ezi dughiar manam, ni bibiamra itima, e krotiabiha ni ganingi? 39 Ezi dughiar manam, ni areima, e nin akura, o ni kalabusin itima, e ghua nin gani?"

⁴⁰ "Egħi Atrivim me ikaragh kamagħin me mikimam, 'Ki guizbangira ia migei,

arazir ia nan gumazamizir kinibagh amiziba, ia dar na gami.'

41 "Egh Atrivim uan agharir kiriamin itir darazi kamaghin me mikimam, 'Ia na gitagh! Ia Godin aningaghаримин aven itir darazi! Ia mangi, avir munger puvatizimin mangi. Avir kam, me Satan uan enselba ko me bagha anetizima a iti. 42 Ki faragha mitiriam nan azima, ia daghetam na ganingizir puvati, ezi kuarim nan pirima, ia dipatam na ganingizir puvati. 43 Egha ki nguubar igharazimin gumazimin min itima, ia na inigha uan dipenibar ghuzir puvati, ezi ki bibiamra itima, ia korotiatam na ganingizir puvati, ezi ki areima, ia nan akurazir puvati, ezi ki kalabusin itima, ia ghua nan ganizir puvati. Kamaghin amizi, ia na gitagh!"

44 "Eghti me kamaghin a mikimam, 'Ekiam, e dughiar manam nin gari, mitiriam nin aghe, o kuarim nin piri, o ni nguibar igharazimin gamuzimin min ike, o ni bibiamra ike, o ni arei, o ni kalabusin ikezi, e deravira ni gamizir puvati?"

45 "Eghiti a me ikaragh kamagħin me mikimam, 'Ki guizbangira ia migei, arazir ia gumazamizir kinibagh amizir puvatiziba, ia uaghan arazir kabar na gamizir puvati.' 46 Eghiti gumazamizir kamagħin amiziba mangi, iveau kuram iniam, kar mizazir givan kogħamim. Eghiti gumazamizir aghuiba mangi, ikirrimiżi aghuir zu-rara itim iniam."

Iesus mizazim inigha aremegha ua dikafi

26

(*Sapta* 26–28)

*Gumazir dapaniba Jesus misueghti an
aremeghasa migirigabar kiri*

(Mak 14:1-2; Luk 22:1-2; Jon 11:45-53)

25:31: Sek 14:5; Mt 16:27, 19:28; Ap 1:11, 1 Te 4:16, 2 Te 1:7; MAA 1:7, 20:11-13 **25:31:** Matyu 16:27; 19:28; Apostol 1:11; 1 Tesalonika 4:16; 2 Tesalonika 1:7; Akar Mogomem 1:7; 20:11-13 **25:32:** Ese 20:38, 34:17; Ro 14:10, 2 Ko 5:10, MAA 20:12 **25:32:** Esekiel 20:38; 34:17; Rom 14:10; 2 Korin 5:10; Akar Mogomem 20:12 **25:34:** 1 Ko 6:9, 15:50, Ga 5:21; Hi 4:3; 1 Pi 1:20 **25:34:** 1 Korin 6:9; 15:50; Galesia 5:21; Hibru 4:3; 1 Pita 1:20 **25:35:** Ais 58:7; Ese 18:7, 18:16; Hi 13:2; Je 1:27 **25:35:** Aisaia 58:7; Esekiel 18:7; 18:16; Hibru 13:2; Jems 1:27 **25:36:** 2 Ti 1:16; J 2:15-16
25:36: 2 Timoti 1:16; Jems 2:15-16 **25:40:** Snd 19:17; Mt 10:42; 18:5; Mk 9:41; Hi 6:10; MAA 22:12 **25:40:** Aghuzir Akaba 19:17; Matyu 10:42; 18:5; Mak 9:41; Hibru 6:10; Akar Mogomem 22:12 **25:41:** Mt 7:23; Mk 9:48; Lu 16:24; MAA 12:9, 20:10 **25:41:** Matyu 7:23; Mak 9:48; Luk 16:24; Akar Mogomem 12:9; 20:10 **25:45:** Sek 2:8, Ap 9:5 **25:45:** Sekaraia 2:8; Apostol 9:5 **25:46:** Dan 12:2; Jo 5:29; Ro 2:7 **25:46:** Daniel 12:2; Jon 5:29; Rom 2:7 **26:2:** Kis 12:1-27, Mt 20:18; Mk 14:1; Lu 22:1; Jo 13:1 **26:2:** Ua Me Ini 12:1-27; Matyu 20:18; Mak 14:1; Luk 22:1; Jon 13:1

³ Dughiar kamin, ofa gamir gumazir ekiaba koma Judabar gumazir aruuba ghua, ofa gamir gumazibar dapanimin dipenimin uari akufa. Gumazir kamin ziam Kaias. ⁴ Egha me arazir mogometamin Iesusin suiragh a misuegħti an aremegħasa tuaviba buria, akabav sosi. ⁵ Egha me kamagħin uariv gei, “E isar ekiamin dughiamin an suighan kogħam. E damuti, gumazamizir isamin itiba men naviba osemegħ, egh midorozir dafatam damigham.”

*Amizir mam borem isa
Iesusin dapanim ginge
(Mak 14:3-9; Jon 12:1-8)*

⁶ Ezi Iesus ghua Betanin nguibamin aven Saimonin dipenimin iti, Saimon faragħa lepan arimariam an mikkarzim gami. ⁷ Dughiar kamin Iesus dagħer dakozimin aperaghav itima, amizir mam, borer mugħuriar aghjuu zuir mam, inighha izi. Borer aghuir kamin missevim, me dagħar ziam alabastan an ingari. Ezi borer kamin iverzim bar pin ko. Ezi amizir kam borer kam isava, Iesusin dapanim ginge. ⁸ Ezi an suren gumaziba kamagħin an gara, navir averiaba ikufi. Egha me ghaze, “Tizim bagħha kav borer mugħuriar aghjuu zuim pażava a għami? ⁹ E ti anemadħa dagħiarr ekkiatam inighha asagħasazibagh anighaj.”

¹⁰ Ezi Iesus men migriġiabagh fogħa kamagħin me migei, “Ia tizim bagħha osimtizim amizir kam garisi? Anetak ħi! An arazir aghjuu na għalli. ¹¹ Asagħasaziba zu-rara ia ko ikkiam. Kirara, ia ko zurara ikian kogħam. ¹² Amizir kam nan namn-nam możim bagħ anekirasa, borer aghuir kam na ginge. ¹³ Ki guizbangira ia migei, me ngħażiż kamin danganir manabar Godin Akar Aghjuu akuniva, amizir kam amizir arazim uaghan a mikimiva a ginighnighvira ikkiam.”

*Judas Iesus isiva gumazir ekiabar agharim darighħasa akam akiri
(Mak 14:10-11; Luk 22:3-6)*

¹⁴ Dughiar kamin Judas Iskariot, a 12 plan suren gumazir mam, a ofa gamir gumazir ekiaba bagħha għu. ¹⁵ Egha kamagħin men azai, “Ki Iesus isiva ian dafaribar atiġi, ia tizim na daningam?” Ezi me 30 plan silvan dagħiarr maha mengegħha, da isa a ganingi.* ¹⁶ Ezi dughiar kamin ikegħha ghua, Judas,

26:7: Lu 7:37-38 **26:7:** Luk 7:37-38 **26:11:** Lo 15:11, Jo 12:8, 14:19, 17:11 **26:11:** Godin Araziba 15:11; Jon 12:8; 14:19; 17:11 **26:14:** Jo 11:57 **26:14:** Jon 11:57 * **26:15:** Matyu 27:3 **26:15:** Dagħiarr 30 silvan kaba ti datiṛiġi en dagħiabar dibboni, ti mannakin? Da avirasem, egha gumazim iaken ir-5pla o 6-plant ingarizzi iż-żejjix minn ottagħam. Ni Matyu 27:9-10 in gan. **26:17:** Kis 12:6, 12:14-20, Mk 14:12, Lu 22:7-9 **26:17:** Ua Me Ini 12:6; 12:14-20; Mak 14:12; Luk 22:7-9 **26:18:** Mt 21:3 **26:18:** Matyu 21:3 **26:23:** Sng 41:9, Lu 22:21, Jo 13:18 **26:23:** Onger Akaba 41:9; Luk 22:21; Jon 13:18 **26:24:** Ais 53, Dan 9:26, Mk 9:12, Jo 17:12 **26:24:** Aisaia 53:1-12; Daniel 9:26; Mak 9:12; Jon 17:12 **26:26:** Mt 14:19, 1 Ko 10:16 **26:26:** 1 Korin 10:16

Iesusin suiragh men dafaribar arighħasa tuaviba buri.

*Iesus uan suren gumaziba ko api
(Mak 14:12-21; Luk 22:7-14; 22:21-23;
Jon 13:21-30)*

¹⁷ Ezi Yis Puvatizir Bretin Isam Damuamin Dugħiam, an faragħha zuir dugħiam otozi, Iesusin suren gumaziba iza kamagħin a migei, “Ni danganir manamin God Israelia Gitazir Dugħiamin isam amisi ifongeġhti, e an mangi bizibbar kiram?”

¹⁸ Ezi a kamagħin me migei, “Ia nguigar ekiamin aven mangi, egh gumazir kam bagħ magħi kamagħin a mikim, ‘Tisa ghaze, nan dugħiam roghira izegħha għifa. Ezi ki uan suren gumaziba ko, God Israelia Gitazir Dugħiamin isam, e nin dipenimin dagħbar amam.” ¹⁹ Ezi suren gumaziba Iesus mikemezi mogħin ghua God Israelia Gitazir Dugħiam bagħha dagħeba ko bizibbar kiri.

²⁰ Ezi guaratīgh Iesus uan aposebla ko me dagħer dakozimin minn apiaghav iti. ²¹ Me apava a kamagħin me migei, “Ki guizbangira ia migei, ian tav na isi gumazir nan apanim gambar agharim darigham.”

²² Ezi an suren gumaziba akar kam baregħha, naviba bar oseme. Egha me bar vagħvagħha kamagħin an azangħi, “Ekiam, kirara markiama?”

²³ Ezi a kamagħin me ikaraghha ghaze, “Gumazir na isiva apanibar agharim darigham, a uaghan na ko ga uan dafarimminn isa itarir vamira garugħha uam aning asi.” ²⁴ Gumazamizibar Otarim, Godin Akinafarim mikemezi mogħin, an aremegħam. Eġi gumazir Gumazamizibar Otarim isava apanibar agharim gatizim, għumaka! A bar ikuvigham! Amebam a bateżiż puvatizzi deragħi!”

²⁵ Ezi gumazir Iesus isiva apanibar agharim darigham, a Judas, a kamagħin an azai, “Ekiam, ni ti na migia ma?”

Ezi Iesus ghaze, “Nirara, ni migei mogħiha!”

Iesus bret ko wain uan suren gumazibagh anidi

(Mak 14:22-26; Luk 22:15-20; 1 Korin 11:23-25)

²⁶ Iesus uan suren gumaziba ko apava, a bretin mam inighha God minabagħha anebiġħa, a isa uan suren gumazibagh

aniga kamaghin me migei, "Kar nan inivafizim. Ia a inigh aneremi."

²⁷ Egha a wain apir kavin mam inigha God minabagh, a isa me ganiga kamaghin migei, "Ia bar wainin dipar kam ami." ²⁸ Kar nan ghuzim, an Akar Dikirizir Gavgavim, a gavgavim a ganidi. A, gumazamizir aviribar arazir kuraba gin amangasa, nan ghuzim me bagha ire. ²⁹ Ki guizbangia ia migei, ki ua wainin ovizimin dipatam rameghan kogh, kamaghira iki mangi Dughiar Afeziam Bizibagh Ativamimin otogham. Eghit dughiar kam, ki ia ko wainin dipar igiam amam."

³⁰ Egha me Godin ziam fer ighiar mam gamigha, dikavigha Olivin Mighsiamin ghue.

Iesus ghaze, Pita akirim ragh a gasaragh

(Mak 14:27-31; Luk 22:31-34; Jon 13:36-38)

³¹ Egha Iesus kamaghin uan suren gumazibav gia ghaze, "Ia dimagarir kamin na bativamin arazibar ganiva ian nighnizir gavgavir nan itim givaghtima, ia na ategh aregham. Egh Godin Akinafarim mikemezi moghin otivam:

"Ki sipsipbar garir gumazim misueghtima, sipsipba tintinimin aregham."

³² "Ki aremegh ua dikavigh ian faragh Galilin Distrighin mangam."

³³ Ezi Pita an akam ikaragh kamaghin a migia ghaze, "Me ti bar, ni bativamin arazibar ganiva, ni ataghiragharam, eghit kirara ni ateghan kogham."

³⁴ Ezi Iesus kamaghin a migei, "Ki guizbangira ni migei, datirighin dimagarir kamin ni ubi dughiar pumuning ko mikezimin, ni suam, 'Ki a gifozir puvati,' eghit tuarim gin akam."

³⁵ Ezi Pita a migei, "Ki ni ko ovengsiva ovengam, ki bar mamaghin mikemeghan kogham. Bar puvatigham!" Ezi suren gumaziba bar kamaghiram a migei.

*Iesus Getsemanin Azenimin
God ko migei*

(Mak 14:32-42; Luk 22:39-46)

³⁶ Egha Iesus uan suren gumaziba ko danganir ziam Getsemanin ghue. Egha a kamaghin me migei, "Ia kagh dapiaghiv ikiti, ki

munagh mangi God ko mikimam." ³⁷ Egha a Pita ko Sebedin otarimning inigha, me ghue. Ezi an navim bar a basemezi, a bar paza uabi barasi.

³⁸ Egha a kamaghin me migei, "Nan navir averiam, osimtizim a itaragh ghuaghiri. Ezi karemehasava ami. Ia kagh iki, egh na ko gan."

³⁹ Egha a mong isivagh ghuagh, uan guam moghin nguazim girigha kamaghin God ko migei, "Nan Afeziam ni ifueghiva, ni na da osimtizir kam inigh. Ni nan ifongiamin gin mangan marki. Puvati, ni uan ifongiamra gin mangi."

⁴⁰ Egha a dikavigha uamategha uan suren gumazir pumuning ko mikezim bagha ghuagh garima me akui. Ezi a kamaghin Pitam azai, "Mammaghin ami? Ia ti na ko dughiar otevimin gan ikian kogham o?" ⁴¹ Ia na bagh deravira gan, egh God ko mikim, eghit osimtizitam ia damuti, ia ireghan kogham. Ki fo, ian navir averiaba ifonge, ezi inivafiziba gavgaviba dar puvati. Kamaghin pariam ian azi."

⁴² Egha a uamategha ghuu kamaghin Afeziam ko migei, "Nan Afeziam, osimtizir kam na gitaghan koghti, ki anetertima, kamaghin ni uan ifongiamin gin mangi."

⁴³ Egha a uamategha suren gumaziba bagha iza gari, me akuavira iti. Pariam puv men azi. ⁴⁴ Ezi a me ategha dughiar mikezimin ghuu, faragh Afeziam ko mikemezi moghin uam a ko migei. ⁴⁵ Egha a gin iza suren gumaziba kamaghin me migei, "Ia avughsava akuavira iti? Arazir kam atakigh! Dughiam oto. Ia gan, Gumazamizibar Otarim me a isiva gumazir arazir kurabagh amibar dafarim darighasa. ⁴⁶ Ia dikafigh! E mangam! Ia gan. Gumazir na isiva apanibar aningamim, a muna izi!"

*Judas Iesus isava
an apanibar agharim gati*

(Mak 14:43-50; Luk 22:47-53; Jon 18:3-12)

⁴⁷ Jesus kamaghin migiavira itima, Judas oto, a 12plan suren gumazibar mav. Maburan avirim a ko midorozir sababa ko asianiba inigha Iesus bagha izi. Ofa gamir gumazir ekiaba ko Judabar gumazir aruaba, me me amangizi, me izi. ⁴⁸ Gumazir Iesus isi men dafaribar arighasava amim faragha

26:28: Kis 24:8, Jer 31:31-34, Sek 9:11, Ro 5:15, 1 Ko 10:16, Hi 9:22

26:28: Ua Me In 24:8; Jeremaja 31:31-34; Sekaraia

9:11; Rom 5:15; 1 Korin 10:16; Hibru 9:22

26:29: Mak 14:25; Luk 22:18; Aposel

10:41

26:30: Lu 22:39, Jo 18:1

26:30: Luk 22:39; Jon 18:1

26:31: Matyu 28:7; 28:16; Mak 14:28

26:31: Sekaraia 13:7; Jo 16:32

Jon 16:32

26:32: Mt 26:69-75

26:32: Mt 28:7, 28:16, Mk 14:28

26:34: Mt 26:69-75

Matyu 26:69-75

26:38: Jo 12:27

26:35: Mt 26:56

26:38: Jon 12:27

6:10, 20:22, Jo 6:38, Hi 5:7-8

26:39: Matyu 6:10; 20:22; Jon 6:38; Hibru 5:7-8

26:40: Matyu 6:13; Efesus 6:18; Hibru 2:14; 4:15

26:41: Matyu 6:13; Efesus 6:18; Hibru 2:14; 4:15

26:42: Matyu 6:13; Efesus 6:18; Hibru 2:14; 4:15

26:43: Matyu 6:13; Efesus 6:18; Hibru 2:14; 4:15

26:44: 2 Ko 12:8

26:44: 2 Korin 12:8

26:45: Jon 12:27; 13:1

26:45: Jo 12:27, 13:1

26:46: Jo 14:31

26:46: Jon 14:31

ghaze, "Ki arazir kam ian akaghram. Gu-mazir ki toramim, anarira Iesus. Ia an suiragh."

⁴⁹ Egha a Iesus bagha ghuavira ikia ghaze, "Tisa, dimagarir aghuim." Egha an tote.

⁵⁰ Ezi Iesus kamaghin a migia ghaze, "Namakam, ni damuasa izezir bizim, ni zuamiram a damu." Ezi gumaziba izava Iesusin agharibagh iregha, pamtem an suiki.[†] ⁵¹ Ezi gumazir Iesus ko itir mam, uan midorozir sabam asigha, ofa gamir gumazibar dapanimin ingangarir gumazimin kuarim atu, ezi an kuarim dutuaghiri.

⁵² Ezi Iesus kamaghin a migia ghaze, "Ni ua uan sabam isi an misevim darugh. Gumazir sababar igharazibav soziba, me sababaram arighiram." ⁵³ Ni ti kamaghin fozir puvati? Ki ifueghiva uan Afeziamin azaraghti, a midorozir enselin aviriba amadaghram, men dibobonim 12plan midorozir gumazir okoruar bar ekiabagh afiraghram. Ezi me iza nan akuraghai. ⁵⁴ Ki kamaghin damighti, Godin Akinafarim mikemezir migirigia ba otivan kogham. Godin Akinafarim na battivamin bizar kabav keme."

⁵⁵ Egha Iesus maghirama gumazir an suighasa izeziba kamaghin me migia ghaze, "Ki okimakiar gumazim puvati. Ia tizim bagha nan suighasa midorozir sababa koma asianiba suigha izi? Ki zurara ia ko ikia, Godin Dipenim avinizir divazimin aven gumazamizibar sure gami. Ezi ia nan suighan aghua. ⁵⁶ Godin Akinafarimin Osizirim mikemezi moghira ia kamaghin na gami."

Ezi Iesusin suren gumaziba bar aneteghava are.

Me Iesus isa kot gati

(Mak 14:53-65; Luk 22:54-55; 22:63-71; Jon 18:13-14; 18:19-24)

⁵⁷ Ezi gumazir Iesusin suighiziba a inigha, ofa gamir gumazibar dapanim, Kaifasin dipenimin ghue. Ezi Judan Arazibagh fozir gumaziba ko Judabar gumazir aruuba iza uari akuvagha iti. ⁵⁸ Ezi Pita mong tizim a gatigha Iesusin gin ghua bar ghua, ofa gamir gumazibar dapanimin dipenim

avinizir divazimin aven ghu. Egha Godin Dipenimin garir polisha ko aperaghav iti. Egha a me Iesus gamir arazibar ganasa.

⁵⁹ Dughiar kamin, ofa gamir gumazir ekiaba koma Judan kotin aven gumaziba bar, akar ifavaribar Iesus gasasa tuaviba buri. Me nighnigha ghaze, me an arazir kuramat batogh amisuegti an aremegham. ⁶⁰ Egha me tam batozir puvati. Ezi gumazir aviriba iza akar ifavariba isa Iesus gasi. Ezi gin gumazir pumuning iza, ⁶¹ kotin aven migia ghaze, "Gumazir kam kamaghin migei, 'Ki Godin Dipenim akarigh, egh aruer pumuning ko mikezimin uam an ingarigham.'"

⁶² Ezi ofa gamir gumazibar dapanim tuga kamaghin Iesusin azai, "Ni akatam ikarvaghan aghua? Me ni gasir akar kam, a guizbangira, o?" ⁶³ Ezi Iesus nimira ikia migirigiatam gamir puvati. Ezi ofa gamir gumazibar dapanim a migia ghaze, "Ki akar gavgavim ni ganidi, ni Godin zurara itimin ziamakakagh, egh guizbangira e mikim. Ni ti, God Uam E Iniasa Misevezir Gumazim, ni ti Godin Otarimra, o puvati?"

⁶⁴ Ezi Iesus kamaghin a migia ghaze, "Are, ni mikemezi moghira. Ki guizbangira ia migei, ia gin ganti, Gumazamizibar Otarim gavgavim itir Godin agharir guvim daperagh overiamin ghuariabagh isin izam."

⁶⁵ Ezi ofa gamir gumazibar dapanim uan korotiam abigha kamaghin migei, "A Godin ziam gasighasisi! E tizim bagh uam akar akurvaziba buriam? Markiam! Ia datirighin uari a barasi, a mirigiriar kurabar Godin ziam gasighasisi!" ⁶⁶ Ezi ia manmaghin a ginighnisi, e arazir mantamin a damuam?"

Ezi me a ikaragha ghaze, "An arazir kuram gami, kamaghin an ovengam."

⁶⁷ Egha me Iesusin guam giparava a misogha, marazi dafariba onegha a misosi.

⁶⁸ Egha ghaze, "Ni, God Uam E Iniasa Misevezir Gumazim! Ni Godin akam inigha izir gumazibar arazitam damuva, egh e mikim, 'Kar gumazir manam ni misosi?'"

Pita ghaze, a Iesus gifozir puvati
(Mak 14:66-72; Luk 22:56-62; Jon 18:15-18; 18:25-27)

† **26:50:** Mirigiriar otevir kam Grighin akam deragha anebighizir puvati. Gumazir maba akar kam giragha ghaze, Iesus kamaghin migei, "Namakam, ni biziitam bagha izi?" **26:51:** Jo 18:26 **26:51:** Jon 18:26 **26:52:** Stt 9:6, MAA 13:10 **26:52:** Jenesis 9:6; Akar Mogomem 13:10 **26:53:** 2 Kin 6:17, Dan 7:10 **26:53:** 2 Atriviba 6:17; Daniel 7:10 **26:54:** Ais 53:7, Mt 26:56, Mk 14:49 **26:54:** Aisaia 53:7; Matyu 26:56; Mak 14:49 **26:55:** Lu 19:47, 21:37 **26:55:** Luk 19:47; 21:37 **26:56:** Mt 26:31 **26:56:** Matyu 26:31 **26:60:** Lo 19:15, Sng 27:12, Mk 14:55, Ap 6:13 **26:60:** Godin Arazibah 19:15; Onger Akaba 27:12; Mak 14:55; Aposel 6:13 **26:61:** Mt 27:40, Jo 2:19 **26:61:** Matyu 27:40; Jon 2:19 **26:63:** Aisaia 53:7; Matyu 27:12 **26:64:** Sng 110:1, Dan 7:13, Mt 24:30, Lu 21:27, Ap 7:55, 1 Te 4:16, MAA 1:7 **26:64:** Onger Akaba 110:1; Daniel 7:13; Matyu 24:30; Luk 21:27; Aposel 7:55; 1 Tesalonika 4:16; Akar Mogomem 1:7 **26:65:** Mt 9:3, Mk 14:63, Jo 10:33, Ap 14:14 **26:65:** Mak 14:63; Aposel 14:14 **26:65:** Ofa Gami 24:16 **26:66:** Jo 19:7 **26:66:** Jon 19:7 **26:67:** Ais 50:6, 53:5, Mt 27:30, Jo 19:3 **26:67:** Aisaia 50:6; 53:5; Matyu 27:30; Jon 19:3

⁶⁹ Ezi Pita dipenimin divazimin aven an miriamin aperaghav iti. Ezi ingangarir guivir mam an boroghira iza ghaze, “Ni uaghan Galilin gumazim Jesus ko ike.”

⁷⁰ Ezi Pita uabin ghuara, ezi me bar an garima, a ghaze, “Ni migeir akar kam, ki a gifozir puvati.” ⁷¹ Egha gin ghua dipenimin divazimin itir tar akar ekiamin ghua tughav iti. Ezi ingangarir guivir ighazariz mam iza an ganigha, gumazamizir an boroghin itiba kamaghin me migia ghaze, “Gumazir kam, a Nasaretin gumazim Jesus ko ike.” ⁷² Ezi Pita ua uabin ghuaraghha ghaze, “Bar guizbangira, ki Godin damazimin ia migei, ki gumazir kam gifozir puvati.” ⁷³ Ezi gin gumazir roghira tuivighav itiba iza kamaghin Pita migei, “Bar guizbangira, ni men mavira, ni men mirara migei.” ⁷⁴ Ezi Pita ua bagha pamtem migia ghaze, Ki guizbangira migei, ki ifaraghtima God na gasighasigham. Egha migia ghaze, “Bar guizbangira ki Godin damazimin ia migei, ki gumazir kam gifozir puvati. Ki ifartima, God na gasighasigh.” A kamaghin mikemegha givazi, tuarim maghiram ake.

⁷⁵ Ezi Pita Jesus mikemezir migirigiam giniri, “Tuarim tighar akegham, ehti ni faraghivre dughiar pumuning ko mikezim, na mikim suam, ni na gifozir puvati.” Egha Pita azenimin ghua bar puvirama azi.

27

*Me Jesus inigha Pailat bagha zui
(Mak 15:1; Luk 23:1-2; Jon 18:28-32)*

¹ Ezi aminim dutuzima ofa gamir gumazir ekiaba ko Judabar gumazir aruaba Jesus misuegħti an aremegħasa akabar kiri. ² Egha me gin senbar a ike, egha a inigha ghua Romin gavmanin gumazir ekiam Pailatin agharim gati.*

*Judas ovevem
(Aposel 1:18-19)*

³ Ezi Judas, gumazir Jesus isava apanibar agharim gatizim, a garima me paza Jesus gamuava a isa kotiam garigha ghaze, an aremegħam. Ezi Judas gara ghaze, ki uabi arazir kuram gami. Egha uan nighnizibagh ira. Egha dagħar silvan 30plan ofa gamir gumazir ekiaba ko Judabar gumazir aruaba a ganingiziba inigha ua me daningasa

zui. ⁴ Egha ua kamaghin migei, “Ki Godin damazimin arazir kuram gami. Gumazir ki ian dafaribagh atizim, arazir kuratam gamizir puvati. Ezi ia purama a misuegħti an aremegħam.”

Ezi me an akam ikaragħha kamaghin migei, “Kar en bizim puvati. Nin bizimra.”

⁵ Ezi Judas dagħar silvan kaba isa Godin Dipenim avinizir divazimin aven da kunighha ghua uabi guragħha areme.

⁶ Ezi ofa gamir gumazir ekiaba, dagħar silvan kaba inigha ghaze, “Dagħar kaba, gumazir ghuzi minn iż-żejjix. E fo, Moses Osirizir Araxiba ghaze, e da isi ofa gamir dagħiaba sara dar arīghan kogħam.” ⁷ Egha me akam misuegħha dagħar kaba inigha ghua Minebar Ingangarir Gumazim Nguzi giveves. Me ghaze, nguazir otevir kam, gumazir saghon izezbar afamien mat-taġġid otogħam. ⁸ Kamaghin amizi, nguazir otevir kam, me ziarr kam “Għużiż Nguzi,” a gati. Ezi me dugħiħar kamin ikegħa iza, datir ġiġi, nguazir kam me ziarr kamra a garigha iti.[†]

⁹ Kamaghin amizi, Godin akam inigha iziř gumazim Jeremaia mikemezir akaba guizin otifi. A kamaghin migia ghaze, “Me 30plan silvan dagħiaba in, kar Israelia gumazir kam giveżza sata atiżżejj iż-żejjix. ¹⁰ Egha Ekiam na mikemezi mogħira, me dagħar kabar Minebar Ingħarir Gumazim Nguzi giveves.”

*Pailat Jesusin azai,
Ni Judabar atrivim, o?*

(Mak 15:2-5; Luk 23:3-5; Jon 18:33-38)

¹¹ Ezi Jesus ghua gavmanin gumazir ekiam Pailatin damazimin tuzima Pailat kamaghin an azai, “Ni Judabar atrivim, o?”

Ezi Jesus ghaze, “Are, ni mikemezi mogħira.” ¹² Ezi ofa gamir gumazir ekiaba komi Judabar gumazir aruaba akar aviriba issa Jesus gasi. Ezi a men akatam ikarvazir puvati.

¹³ Kamaghin amizi, Pailat ua kamaghin an azai, “Me ni gasir akar avirir kaba, ni da barazi, o?” ¹⁴ Ezi Jesus Pailatin akatam ikarvazir puvati, ezi Pailat nighnizir aviribagh ami.

^{26:74:} Mk 14:71 ^{26:74:} Mak 14:71 ^{26:75:} Mt 26:34, Mk 14:30, Lu 22:61-62, Jo 13:38 ^{26:75:} Matyu 26:34; Mak 14:30; Luk 22:61-62; Jon 13:38 ^{27:1:} Lu 22:66 ^{27:1:} Luk 22:66 * ^{27:2:} Pailat Romin gumazim. Romin gavman Judan atrivimin anet. Judaba uari Jesusin misuegħan kogħam. Romin gavmanra gumazibav sogħiġġa da arim ġiġi. Kamaghin Judaba Jesus inighha Pailat bagħha għu. Ni Jon 18:31 in gan. ^{27:3:} Mt 26:14-15 ^{27:3:} Matyu 26:14-15

^{27:5:} 2 Sml 17:23 ^{† 27:8:} Migirgiar otevir kam “me dughiar kamin ikegħa iza, datir ġiġi, nguazir kam me ziarr kamra a garigha iti,” an en dughiem migeir puvati. A Matyu akar kaba osirizir dughiem migei. ^{27:9:} Jeremaia 32:6-15; Sekaraia 11:12-13 ^{27:11:} Mk 15:2, Lu 23:3, Jo 18:33, 18:37, 1 Ti 6:13 ^{27:11:} Mak 15:2; Luk 23:3; Jon 18:33; 18:37; 1 Timoti 6:13 ^{27:12:} Aisa 53:7; Matyu 26:63; Jon 19:9 ^{27:12:} Aisa 53:7; Matyu 26:63; Jon 19:9 ^{27:14:} Jo 19:9

*Pailat Jesus isi ter ighuvimin
a gafughasa migei
(Mak 15:6-15; Luk 23:13-25; Jon 18:38-19:16)*

¹⁵ Azeniba bar, Romin gavmanin gumazir ekiam arazir kam gami, a isar ekiar kamin dughiamin, a kalabusin itir gumazitam ateghti, an azenimin mangam. Kalabusin itir gumazir gumazamiziba ifongezir manam, Pailat a isi me bagh anemangam. ¹⁶ Ezi dughiar kamin gumazir arazir kurabar ziam itir mam, a kalabusin iti. An ziam Barabas. ¹⁷ Ezi gumazamizir aviriba iza uari akufa, ezi Pailat kamaghin men azai, “Ia tina gifonge, eghiti ki ia bagh anetaghiraghram. Ki Barabas ataghiraghram, o Jesus, me a dibora ghaze, ‘Gumazir God Uam E Iniasa Misevezim,’ ki anetaghiraghram?” ¹⁸ Pailat fo, me Jesus amir biziba bagha naviba ikuvava, a inigha kotiamin ize, egha kamaghin men azai.

¹⁹ Egha Pailat uaghan kotiabagh amir dabirabimin aperaghav itima, an amuim a bagha akam amaga ghaze, “Ki dimangan irebamin arazir kuraba puvatizir gumazir kamin gani, egha bar oseme. Kamaghin, ni arazitamin a damuan marki.”

²⁰ Ezi ofa gamir gumazir ekiaba koma Judabar gumazir aruaba, gumazamizir avirimin navibagh iniva ghaze, me Pailatin azangti, a Barabas ategh, egh Jesus misuegħi, an aremegħam. ²¹ Ezi gavmanin gumazir ekiam ua men aza ghaze, “Ia gumazir manam gifonge, eghiti ki anetaghiraghram?”

Ezi gumazamiziba dia ghaze, “E Barabas gafonge.”

²² Ezi Pailat men azai, “Egħi, Jesus me a dibora ghaze, ‘God Ua E Iniasa Misevezir Gumazim,’ ki manmagħin a damuam?”

Ezi me bar dia ghaze, “A isi ter ighuvimin a gafugħ!”

²³ Ezi Pailat kamaghin men azara, “Manmagħi su? An arazir kurar manam gami?”

Ezi me bar pamten dia ghaze, “A isi ter ighuvim gafugħ!”

²⁴ Ezi Pailat datirighin fo, me an akatam bareghan kogħam. Egha a gari, midorozir ekiam otivasava ami. Egha dipam inigha men damazibar uan dafariba rua ghaze, “Gumazir kamin ovevem, a nan osimtizim puватi. Kar ian bizimra.”

27:18: Jo 11:47-48, 12:19 **27:18:** Jon 11:47-48; 12:19
Mt 27:4 **27:24:** Godin Araziba 21:6-9; Matyu 27:4 **27:25:** Jos 2:19, 2 Sml 1:16, Mt 23:35, Ap 5:28 **27:25:** Josua 2:19; 2 Samuel 1:16; Matyu 23:35; Aposel 5:28 **27:28:** Lu 23:11 **27:28:** Luk 23:11 **27:29:** Sng 69:19, Ais 53:3
27:29: Onger Akaba 69:19; Aisaia 53:3 [†] **27:29:** Midorozir gumaziba Jesus dipovasa atrivim min an adiarim gami. Dughiar kamin, atriviba kamaghin adiaribagh ami, me korotiar agħeviha aghuava atrivbar dapanir asuaba azui. Egha me atrivbar dabirabibagh apia uaghan uan difiżibar suisi. **27:30:** Ais 50:6, Mt 26:67 **27:30:** Aisaia 50:6;
Matyu 26:67 **27:31:** Ais 53:7 **27:31:** Aisaia 53:7 **27:34:** Sng 69:21, Mt 27:48 **27:34:** Onger Akaba 69:21;
Matyu 27:48 **27:35:** Sng 22:18 **27:35:** Onger Akaba 22:18 **27:38:** Ais 53:12 **27:38:** Aisaia 53:12

²⁵ Ezi gumazamiziba a ikarvagħha ghaze, “An ovevemin osimtizim mar en iki, egh en boribar iki.”

²⁶ Kamaghin amizi, Pailat me bagħha Barabas ataki. Egha midorozir gumazibav geima, me benibar Jesus ifozoroke. Egha gin a isa midorozir gumazibar agharim gati, eghiti me a isi ter ighuvim gafugħam.

*Midorozir gumaziba Jesus dipofi
(Mak 15:16-20; Jon 19:2-3)*

²⁷ Ezi gavmanin gumazir ekiamin midorozir gumaziba Jesus inigha, gavmanin dipenek ekiamin miriamin aven ghuzi, midorozir gumazibar uari akuvazi, Jesus men tongin tughav iti. ²⁸ Egha me an korotiaba suegħa, korotiar agħeviħ ruarir mam isa a garu. ²⁹ Egha me dikoniba itir beniba inigha atrivim min dapanir asuamin min an ingarigha, an dapanim garu. Egha fidizir mam isawa an agharir guvime gatiz, an an suira. Ezi me tevibar apira a dipova ghaze, “Judabar Atrivim, nirara atrivir ekiam!”[‡] ³⁰ Egha me a giparava a suirazir fidizim inigha an dapanim misosi. ³¹ Me arazir kabar a gamu a dipovegħa givagħha, korotiar me a għażiż uva, uam ananaba a għażiż. Egha a isi ter ighuvim a gafughafugħha an akua zui.

*Me Jesus isa ter ighuvim gafu
(Mak 15:21-32; Luk 23:26-43; Jon 19:17-27)*

³² Ezi midorozir gumaziba Jesus inigha, nguibar ekiam ategħha ghua, Sairinian nguibamin gumazir mam bato. An ziam Saimon. Egha me a gakaghorrīma, a Jesus in ter ighuvim gisaghpu. ³³ Egha me ghua danganir mamin otifi, an ziam Golgota. (Danganir kamin ziamin mingarim kamar, Dapanir Agharir Danganim.) ³⁴ Ezi me danganir kamin Jesus damasa me dipar aningenar mam wain sara a veregha, mam inigha Jesus ganidi. Ezi a mużiaram ram amegħa puran anetaki. ³⁵ Ezi midorozir gumaziba Jesus isa ter ighuvim min a għafu. Egha an korotiaba tuiragh uari daningasa satu għikarrarai. ³⁶ Egha danganir kamin apiaghha anesavusui. ³⁷ Me an dapanim gisìn, an kotim gamizir migirigħiġ minn osiri. Men osirizir akam ghaze, “Kar Iesu, a Judabar Atrivim.”

³⁸ Me gumazir okiava midorozibagh amizir pumuning, Jesusin boroghin uaghan aning agura. Me mav isa Jesusin agharir guvimin itir ter ighuvim gafu, egha mav isa agharir kiriamin itir ter ighuvim gafu. ³⁹ Ezi gumazamiziba mangi izegħi gamma Jesus dipova, uan dapaniba roa ghaze, ⁴⁰ “Ni, gumazir Godin Dipenim akarigh aruer pumuning ko mikelzim uam an ingarasa mikemezim! Ni uabi uabin akuragh! Egh ni guizbangira Godin Otarim, ni ter ighuvim ategħi izighiri.”

⁴¹ Ezi kamaghira ofa gamir gumazir ekiaba ko Judan Arazibagh fożir gumaziba ko Judabar gumazir aruaba izava a dipova ghaze, ⁴² “A gumazir iħgarazibar akurvasti, egha uabi uabin akurvagħan ibura. A Israelian Atrivim, kamaghin a ter ighuvim ategħi izighiri, eghi e nighthażżeq gavgavim an ikam. ⁴³ A nighthażżeq gavgavim Godin ikia, egha ghaze, ki Godin Otarim. Eghi God guizbangira ifongiem an ikka, datirighi an akuragħti, e ganikal!” ⁴⁴ Ezi kamaghira okimakiar gumazir Jesusin borogħin ter ighuvimmingin guraghav itimning, uaghan akar kabar a dipova a migei.

*Iesu areme
(Mak 15:33-41; Luk 23:44-49; Jon 19:28-30)*

⁴⁵ Ezi aruem iza pazagħar torim gatima, mitatem nguazim minn itir nguibaba bar da avaragħha ghua, dugħiham 3 kloġiha guaratizim tu. ⁴⁶ Egha dugħiham 3 kloġiha borogħira izima, Jesus pamten kamaghin dei, “Eli, Eli, lama sabaktani?” Akar kamin mingarim kamakin, “Nan God, nan God, ni tizim bagħha na ataki?”

⁴⁷ Ezi roghira tuivighav itir darazi akar kam baregħa ghaze, “Gumazir kam ti Elaijan dei.”

⁴⁸ Egha men mav zuamira iverġa ghua dipamin suizir bizir mam inigha wainin afangtizim isava a gati. Ezi wain a gizvazima, an a isa aghorir mam gati. Egha aneremasa a isa Jesusin amadi. ⁴⁹ Ezi marazi migia ghaze, “Ia teħġ, e ganika, Elaija ti iziva an akuragħam, o puватi.”

⁵⁰ Ezi Jesus ua pamtem diagħha uan duam suegħa areme.

⁵¹ Ezi dugħiħar kamra, Godin Dipenim minn guraghav itir inir ekiām pin ikegħa tongira bigha, għuaghira vin otogħha akuar pumuning iri. Ezi mikimkizim otozima,

dagħiġi ekiaba biaghire. ⁵² Ezi matmatiaba kuaghixima, Godin gumazamizir avirir ariaghireziba ua dikavighha, ⁵³ egha uan moziba ataki. Eghi gin Jesus dikavightima, me nguibar ekiām Jerusalemin aven mangam. Eghi avirir ekiām men ganam. ⁵⁴ Ezi 100plan midorozir gumazibar garir gumazir dapanir mam, uan midorozir gumazibba ko, me garima mikimkizim otozima, arazir kaba ottivima, me bar puviram atiati. Egha me kamaghin migei, “Bar guizbangira, gumazir kam Godin Otarimra.” ⁵⁵ Amizir aviriba uaghan izegħha iti. Me Galilin Distrik ategħha Iesusin askurvaghha an ġin ize. Amizir kaba mong saħġon tuivighav ikka għiġi. ⁵⁶ Men tongin, Makdalan nguibamin amizim Maria, ko Jems ko Josepin amebam Maria, ko Sebedin otarimmingin amebam.

*Me Jesusin kuam isa, dagħiġi torim gati
(Mak 15:42-47; Luk 23:50-55; Jon 19:38-42)*

⁵⁷ Ezi aminim pirasava amima, Aritmatean nguibar ekiāmin gumazir mam izi. An ziam Josep, a dagħiġi aviriba itir gumazim. ⁵⁸ A uaghan Iesusin suren gumazir mam. Egha Pailat bagħha ghua Iesusin kuam iniasa an azai. Ezi Pailat midorozir gumazibav kemezi, me Iesusin kuam isa Josep għanġi.

⁵⁹ Ezi Josep a inigha inir ghurghurir aghuir mamin a riki. ⁶⁰ Egha an kuam inigha ghua, a isa ua bagħha okorezir mozir igħiġi għadha. Egha Josep dagħiġi ekiār mam pogħpuegħha ghua mozim minn akam gasaragħha, anepiri. A kamaghin amīgħa għu.

⁶¹ Ezi Maria, Makdalan nguibamin amizim, koma Marian iħgarazibar mam, aning mozim borogħin aperagħav ikka, an gara iti.

Midorozir gumaziba mozim minn għara iti

⁶² Ezi Sabat bagħha bizbar kirir dugħiham għifa, ezi an ġin iżi dugħiħam ofa gamir gumazir ekiaba ko Farisiba Pailat bagħha ghue. ⁶³ Me ghuegħha kamaghin a migei, “Gumazir ekiām, e gumazir ifavarir kam ikia mikemexiżi migiġiġiār mam giniri. A ghaze, ‘Aruer pumuning ko mikelzim għiavġhtu kiu u dikavam.’” ⁶⁴ Kamaghin amizi, ni mikerneġħti, me mozim aruer pumuning ko mikelzim deragh anepi rigħ.

27:39: Sng 22:7, 109:25 **27:39:** Onger Akaba 22:7; 109:25 **27:40:** Mt 26:61, Jo 2:19 **27:40:** Matyu 26:61; Jon 2:19 **27:42:** Jo 11:50 **27:43:** Sng 22:8 **27:43:** Onger Akaba 22:8 **27:46:** Sng 22:1, Hi 5:7 **27:46:** Onger Akaba 22:1 **27:48:** Sng 69:21 **27:48:** Onger Akaba 69:21 **27:51:** Kis 26:31-33; Mk 15:38; Luk 23:45; Hbr 6:19; 10:19-20 **27:55:** Luk 8:2-3 **27:56:** Mt 20:20 **27:56:** Matyu 20:20 **27:58:** Lo 21:22-23 **27:58:** Godin Araziba 21:22-23 **27:60:** Ais 53:9 **27:60:** Aisaia 53:9 **27:62:** Kar Sabat in-dugħiħamra. **27:63:** Mt 12:40, 16:21, 17:23, 20:19, Mk 8:31, 9:31, 10:33-34, Lu 9:22, 18:31-33, Jo 2:19-21 **27:63:** Matyu 12:40; 16:21; 17:23; 20:19; Mak 8:31; 9:31; 10:33-34; Luk 9:22; 18:31-33; Jon 2:19-21

Puvatightima, an suren gumaziba an kuam okemegh, egh gumazamizibav kim suam, a ua dikafi. Eghti an ifavarir akar kam, a faragha amizir ifavarir akam gafiraghram."

⁶⁵ Ezi Pailat kamaghin me migei, "Ia mangi, midorozir gumaziba inigh me mukemeghi, me mozimin gan iki. Egh ia mangi, mozim apirasa ifongezi moghin, ia damuva, egh bar anepirigh." ⁶⁶ Ezi me ghua mozim apiri. Egha ifevimin min bizar mam mozir akam gighufa, egh me fogham, gumazitam dagiam giraghan kogham. Egha midorozir gumaziba arighizima, me mozimin gara iti.

28

Iesus ua dikafi

(Mak 16:1-10; Luk 24:1-10; Jon 20:1-18)

¹ Ezi Sabatin dughiam givazima, Sanden bar mizaraghara aruem anadima, Mak-dalan amizim Maria, ko Marian igharazim uamategħha mozimin ganasa izi.*

² Ezi mikimkizir ekiam magħiram oto. Ezi Godin enselin mam Godin Nguibam ategħha izaghira, dagħar Iesusin mozir akamim ittim pogħpuegħa, mong mozir apinim ġħuha, dagħiġi gaperaghav iti. ³ Enselin ganganim, mati onimarim tagħtażi mogħin għari, ezi an korotiaba bar ghurghuri. ⁴ Ezi midorozir gumaziba an atiatia, inigha egha aremexi mogħin iti.

⁵ Ezi ensel kamaghin amizir kamning migei, "Gua atiatingan marki. Ki fo, gua me ter iħġuvin gafuzir gumazim Jesus bagħha gara izi. ⁶ A kagh itir puvati. A faragħa mukemezi mogħin a ua dikavigha gifa. Gua izi, a kagh iriġħav ikezir danganim min gan.

⁷ "Egh gua zuamira mangi, an suren gumazibav kim suam, a ua dikavigha givagħha mozimin itir puvati. Ia oragh. A ia bativasa faragħa Galilin Distrighin zui. Ia mangi, munagh an ganam. Ki bizar kamin gun gua mukimasa ize."

⁸ Ezi amizimming puv atiatiava, egha uaghan bar akonge. Egha zuamira mozim ategħha, iverġha Iesusin suren gumazibav kinmasa zui.

⁹ Ezi Iesus tuavim magħira aning bato, egha ghaze, "Mizarazir aghuim." Ezi aning an borogħin ghua, an dagarimningin suiragħha an ziam fe.

¹⁰ Ezi Iesus kamaghin aning migia ghaze, "Gua mangi, nan

aveghbuabav kim suam, me Galilin Distrighin mangi egh munagh nan ganam."

Midorozir gumaziba mikemezir akam

¹¹ Amizimning Iesusin suren gumaziba bagħha zuima, midorozir gumazir mozimin gara ikeziba Jerusalemin ghuegħha, otivizir araziba bar dar gun ofa gamir gumazir ekiabav keme. ¹² Ezi ofa gamir gumazir ekiab, Judabar gumazir aruuba inigha akar mam akiri. Egha dagħar avirbar midorozir gumazibagh iverzegħa, ¹³ egha me migia ghaze, "Ia kamaghin mikim suam, eakuima, an suren gumaziba dimagarim min izava an kuam okemegħa ghue. ¹⁴ Eghti gavmanin gumazir ekiam akar kam baregħtima, e uari a ko migirigam akiram, eghi ia osimtibha puvatigham." ¹⁵ Ezi midorozir gumaziba dagħar kaba inigha, gumazir ekla ba mikemezi mogħin ami. Ezi akar kam ghua Judabar tongin bar ekefegħha iza dughiar kamin, Judaba kamaghira migiavira iti.

Iesusin suren gumaziba damuamin ingangarim, Iesus an gun me migei

(Mak 16:14-18; Luk 24:36-49; Jon 20:19-23)

¹⁶ Ezi Iesusin suren gumazir 11pla Galilin Distrighin ghua, mighsiar a me bativasa mikemezim oto. ¹⁷ Egha me Iesusin garava an ziam fe, egha men marazi okam nighnisi. ¹⁸ Ezi Iesus men borogħira iza kamaghin me migei, "God nguazim ko overiām gativamin gavvaviba bar na ganangi. ¹⁹ Kamaghin amizi, ia nguazim min itir nguibaba bar dar mangi, ikiziba bar dar gumazamiziba, me damut, me nan suren gumazamizbar otiv. Eghti ia Afeziamin ziam ko, Otarimin ziam, ko Godin Duamin ziamin me ru. ²⁰ Egh ki ia mikemezir migirigħiaba, ia bar da isiva men sura damu, eghi me dar gin mangi. Ia deravira fogħ, ki ja ko ikivira iki mangi, nguazir kamin dughiem givagħam."

27:65: Dan 6:17 **27:65:** Daniel 6:17 **27:66:** Dan 6:17 **27:66:** Daniel 6:17 *** 28:1:** Wikbar dughiar faragh zuuim, a Sandera. **28:3:** Dan 10:6, Mt 17:2, Ap 1:10 **28:3:** Daniel 10:6; Matyu 17:2; Aposel 1:10 **28:6:** Mt 12:40, 16:21 **28:6:** Matyu 12:40; 16:21 **28:7:** Mt 26:32 **28:7:** Matyu 26:32 **28:7:** Matyu 26:32 **28:10:** Hi 2:11 **28:13:** Mt 27:64 **28:13:** Matyu 27:64 **28:16:** Mt 26:32, 28:7-10, Mk 14:28 **28:16:** Matyu 26:32; 28:7-10; Mak 14:28 **28:18:** Dan 7:13-14, Mt 11:27, Jo 3:35, 13:3, Ap 2:36, 1 Ko 15:27, Ef 1:20-22, Hi 1:2, MAA 17:14 **28:18:** Daniel 7:13-14; Matyu 11:27; Jon 3:35; 13:3; Aposel 2:36; 1 Korin 15:27; Efesus 1:20-22; Hibru 1:2; Akar Mogomem 17:14 **28:19:** Mk 16:15-16, Ap 1:8 **28:19:** Mak 16:15-16; Aposel 1:8 **28:20:** Mt 18:20, Jo 14:23 **28:20:** Matyu 18:20; Jon 14:23

Mak Osirizir Akar Aghuim O Mak Akar faragha zuim

Mak Osirizir Akar Aghuimin akinafarim, an akar faragha itim kamaghin migei, "Kyar Godin Otarim Krais Iesusin Akar Aghuimin mingarim." Akinafarir kam e an gari, Jesus a gumazir ingangarir aviribar amuuni gavgavim ko ziam itim. Ezi dughiar a gu-mazamizibar sure gamiziba, ko dughiar a duar kuraba batogheziba, ko dughiar a gu-mazamizibar arazir kuraba gin amadaziba, e akinafarir kamin aven eghaghanir kabar gara kamaghin fo, a gavgvir ekiam ko ziar ekiam iti. Jesus a kamaghin uabi dibora ghaze, "Gumazamizibar Otarim." Egha a kamaghin migei, "A gumazamizir aviriba bagh ovegh ua me givezegh me iniasa ize." (Ni Mak 10:45in gan.)

Mak Iesusin ingangarir aviribagh eghani. Egha a Jesus gumazamizibar sure gamizir akar aviribagh eghanizir puvati. Mak faragha Gumazamiziba Ruer Gumazim Jonin ingangarim, ko Iesusin rurim, ko Satan Jesus gifarasa a gakaghori eghaghanimin gun migei. Ezi gin e Iesusin garima, a gumazir osimtizir aviriba ateribar apangku, egha men sure gami. Ezi faragha suren gumaziba Jesus amir biziбар mingaribagh foziр puvati. Egha me nimira nimira gin dagh fofosi.

E uaghan Iesusin apanibar gari, me osimtizir aviriba a garisi. Ezi Mak Osirizir Akar Aghuimin akar abuananaba, a Jesus aremegha ua dikavizir eghaghanim geghari.

Iesus, God Bizibagh Ativamin Dughiamin gun gumazamizibav kimasa ize

(Sapta 1:1-3:6)

*Jon, Gumazamiziba Ruer Gumazim,
faragha izava Iesusin akam akuri*
(Matyu 3:1-12; Luk 3:1-9; 3:15-17; Jon 1:19-28)

¹ Kar Godin Otarim Krais Iesusin Akar Aghuimin.

² God fomira uan akam isa, an akam inigha izir gumazim Aisaia ganungi. Ezi

an an osirizima, an akinafarimin iti. Akar kamra kara:

"Ia oragh! Ki uan abuir gumazim amadaghtima, a faragh mangi ni bagh tuavim akiram.
³ Gumazir tiarir mam gumazamiziba pu-vatizir danganimin dia ghaze, 'Ia Ekiam bagh tuaviba azeniva, dar kir.'"

⁴ Kamaghin amizima, Gumazamiziba Ruer Gumazim Jon izava gumazamiziba pu-vatizir danganimin ikiava gumazamiziba rua kamaghin akam akuri, "Ia navibagh iraghti, ki ia rueghti, God ian arazir kuraba gin amadaghgam." ⁵ An akar kabav geima Judian Distrighin itir nguibaba koma Jerusalemin nguabar ekiamin itir gumazamiziba, me bar iza uan arazir kurabar gun migeima, a Jordanin Fanemin me rue.

⁶ Jon, Gumazamiziba Ruer Gumazim, an asizim kamelin arizibar ingarizir iniba ikegha asizir inim uan ivariam gike. A inir kaba ikeghava odeziba ko ruarinin haniba api.* ⁷ Ezi an akam kamaghin migei, "Nan gin izamin gumazim an gav-gavim guizbangira nan gavgvim gafira. Ki an min garir puvati. Ki uaghan aviraghiva an dagarir asuabar beniba firan gavgviba puvati. ⁸ Ki dipamin ia rue, eghiti a gin Godin Duamin ia ruam."

*Iesus ruezima gin Satan a gifarasa
a gakaghori*

(Matyu 3:13-17; 4:1-11; Luk 3:21-22; 4:1-13)

⁹ Dughiar kam Iesus Galilin Distrighin itir nguibam, Nasaret, ategha Jon bagha izezim, a Jordanin Fanemin a rue. ¹⁰ Jesus dipamin aven ikegha azenan otivavira ikia garima overiam kuiaghiri Godin Duam bunbamin min mighegha a bagha izaghiri.

¹¹ Ezi tiarir mam Godin Nguibamin ikiava kamaghin dei, "Ni nan Otarim. Ki guizbangira ni gifuegha ni bagha bar akonge."

¹² Ezi Godin Duam anemadazima a gumazamiziba puvatizir danganimin ghu.

¹³ A ghugha, 40plan dughiarbar danganir kamin itima, Satan a gifarasa a gakaghori. A ruarinin itir asiziba ko ikia dar torimin itima, Godin enselba an garava an akurvasi.

1:2: Ais 40:3; Mal 3:1; Mt 11:10; Lu 7:27 **1:2:** Aisaia 40:3; Malakai 3:1; Matyu 11:10; Luk 7:27 **1:3:** Ais 40:3; Mt 3:3; Lu 3:4; Jo 1:15; 1:23 **1:3:** Aisaia 40:3; Matyu 3:3; Luk 3:4; Jon 1:15; 1:23 **1:4:** Ap 13:24; 19:4 **1:4:** Aposel 13:24; 19:4 **1:6:** Wkp 11:22; 2 Kin 1:8; Mt 11:8 **1:6:** Ofa Gami 11:22; 2 Atriviba 1:8; Matyu 11:8 **1:6:** Ni kamel ko hanibar mingaribagh foghs, akinafarir kamin akirangin itir Akar Mingaribar gan. **1:7:** Ap 13:25 **1:7:** Aposel 13:25 **1:8:** Ais 44:3; Jol 2:28; Ap 2:4; 10:45; 1 Ko 12:13 **1:8:** Aisaia 44:3; Joel 2:28; Aposel 2:4; 10:45; 1 Korin 12:13 **1:11:** Stt 22:2; Sng 2:7; Ais 42:1; Mt 3:17; 12:18; Mk 9:7; Lu 3:22 **1:11:** Jenesis 22:2; Onger Akaba 2:7; Aisaia 42:1; Matyu 3:17; 12:18; Mak 9:7; Luk 3:22 **1:13:** Sng 91:11-13 **1:13:** Onger Akaba 91:11-13

*Iesus faragha zuir suren gumazibar dei
(Matyu 4:12-17; Luk 4:14-15; Matyu 4:18-22; Luk 5:1-11)*

¹⁴ Ezi me Jon, Gumazamiziba Ruer Gumazim, inigha kalabus gatizima, Iesus gin Galilin Distrighin ghughia Godin Akar Aghuimin akuri. ¹⁵ A kamaghin migei, "Dughiam otogha gifia. God Bizibagh Ativamin Dughiam roghira ize. Ia navibagh iragh nighnizir gavgavim Godin Akar Aghuimin iki."

¹⁶ Dughiar mam Iesus Galilin Dipar Akaremin dadarimin ghua Saimon uan dozim Andru ko aningen garima, aning osiriba baghava uan iver ekiaba akuri. Aning osiriba isa dagiaba bagha da amadir gumazimning. ¹⁷ Ezi Iesus kamaghin aning migei, "Gua nan gin iziti ki guan akakaghtima, gua osiriba isi moghin gumazamiziba iniam." ¹⁸ Ezi aning an akam baraghavira uan iveda ategha an gin zui. ¹⁹ Ezi a mong sivagha ghua, Sebedin otarim Jems uan dozim Jon ko aningen garima aning uan botin ikiava uan iver ekiabar kiri. ²⁰ An aningen garavira aningen diazima, aning maghira uan afeziam Sebedi koma an ingangarir gumazibar ataghizi me uan botin itima aning Iesusin gin zui.

*Iesus duar kurar mam batoghezi
a gumazim ategha azenan ize
(Luk 4:31-37)*

²¹ Ezi Iesus ko an gin zuir darazi Kaperneamin ghue. Me zuezi Sabat otozima, a God ko migeir dipenimin aven ghughia, dipenir kamin aven itir gumazamizibar sure gami. ²² A men sure gamima gumazamiziba bar an akam baregha digavir kuram gami. An migirigiar kaba mati gavgavim itir gumazimini migirigiaba. An migirigiaiba Judan Arazibagh fozir gumazibar migirigiajar min zuir puvati. Ezi gumazamiziba digavir kuram gami.[†] ²³ A kamaghin me migiavira itima gumazir duar kuram apazazir mam God ko migeir dipenimin aven izegha dei. ²⁴ A dia kamaghin migei, "Ni manmaghin e damuasa, Nasaretin gumazim Iesus? Ni e gasighasighnasa ize? Ki ni gifio, ni God amadazir gumazim, ni Godin damazimin zuezir gumazim."

²⁵ Ezi Iesus akar gavgavimin kamaghin a migei, "Ni nimira iki, egh gumazir kam

ategh azenan izegh." ²⁶ Ezi duar kurar kam Iesus baregha gumazir kam gunabagha araviram azenan ize.

²⁷ Ezi gumazamiziba bar bizar kamin ganigha guizbangira digavir kuram gamigha uarira uarir azangsisi, "Kar manmaghin amizir bizim? A suren arazir igiam e gami. A gavgavim itir akabav gei. A uaghan akar gavgavimin duar kurabav geima da an akam barasi." ²⁸ An amizir bizar egahghanim zuamira Galilin Distrik bar a garui.

*Iesus gumazamizir aviribar akuragha
me gamizi me ghuamaghe*

(Matyu 8:14-17; Luk 4:38-41)

²⁹ Ezi Iesus gumazir maba ko God ko migeir dipenim ategha Saimon ko Andrun dipenimin zuima, Jems ko Jon me ko zui.

³⁰ Me ghua garima Saimonin asamim aria mikarzim fiava dakozim girighay itima gumazir maba an gun Iesus migei.

³¹ Me a mikemezima, an a bagha ghuava an dafarimin suiragha a ghufe. Ezi an arimariam anetaghizima a dikavigha dagheba me ganidi.

*Iesus gumazamizir aviribagħ amizi,
me ua dera*

(Matyu 8:16-17; Luk 4:40-41)

³² Guaratizir kamra, aminim pirizima me gumazamizir arimariar kuraba koma gumazamizir aviribar duar kuraba apazaziba bar me inigha Iesus bagha izi. ³³ Nguibar kamin itir gumazamiziba bar izava dipenir kamin tiar akamin uari akufa. ³⁴ Ezi Iesus arimariar guar aviriba itir gumazamizir aviriba men arimariabagh amizi, me ghuamaghe. A duar kurar aviriba saram otoghezima da gumazamiziba ategha azenan ize. Duar kuraba a gifio, a Godin Otarim. Ezi kamaghin a ghaze, ia kamaghin mikiman marki suam, Ki Godin Otarim. Egha a men anogoroke.

*Iesus gumazamiziba puvatizir dan
ganimin God ko migei*

(Luk 4:42-44)

³⁵ Egha amimzaraghan aminim tighar itima, Iesus dikavigha dipenim ategha ghuava gumazamiziba puvatizir danganimin ghughia God ko migei. ³⁶ A ghuzi Saimon uan roroaba ko a buriaghurui. ³⁷ Me ghua an apigha kamaghin a migei, "Gumazamiziba bar ni buri."

[†] **1:22:** Ni Judan Arazibagh fozir gumazibar mingarim gifogħi, akiñafarir kamin akirangit itir Akar Mingaribar gan.

1:24: Mk 5:7 **1:24:** Mak 5:7 **1:26:** Mk 9:26 **1:26:** Mak 9:26 **1:28:** Mt 4:24 **1:28:** Matyu 4:24 **1:34:** Mk 3:11-12, Lu 4:41 **1:34:** Mak 3:11-12; Luk 4:41 **1:35:** Mt 14:23, Mk 6:46, Lu 4:42 **1:35:** Matyu 14:23; Mak 6:46; Luk 4:42 **1:39:** Mt 4:23, 9:35

³⁸Ezi Iesus men akam ikaraghakamaghin migei, “E nguibar ighazariz roghira kagh itibar mangam. Ki munagh uaghan Godin akam akunam. Ki bizir kam bagha ize.” ³⁹A kamaghin mikemegha, Galilin Distrighin danganiba bar dagh aruava God ko migeir dipenibar aven Godin akam akurava gumazamizibagh apazazir duar kuraba batosi.

Iesus lepa itir gumazir mam gamizima, a ua dera

(Matyu 8:1-4; Luk 5:12-16)

⁴⁰Ezi gumazir lepa itir mam Jesus bagha izava, an guamin aviragha tevimming apirigha puvira a gaghori, “Ni fueghiva na damighti, ki Godin damazimin zuegh ua deraka.”[†] ⁴¹Ezi Iesus kamaghin oregha, guizbangira bar an apangku. Egha uan agharim isa gumazir kam gatigha ghaze, “Ki ifonge. Nin mikarzim zuegh, ua deragh.” ⁴²Iesus kamaghin migiavira itima, lepan arimariam zuamira gumazir kam ataghizi an mikarzim ua dera.

⁴³Ezi Iesus gumazir kam amaga akar gavavimin kamaghin a migei, ⁴⁴“Ni oragh, ni batozir bizir kam ni an gun mikiman marki. Ni mangi uan mikarzim isi ofa gamir gumazimin akagh, egh Moses fomira e mikemezi moghin, ni ua bagh Godin ofa damu. Eghit gumazamiziba fogh suam, nin arimariam gifa.” ⁴⁵Ezi gumazir kam Iesus a mikemezi moghin damuan aghuaghia, bizir kamin gun bar me migei. Kamaghin amizi, maburan avirim Iesus akuvazima, a nguibar ekiatamin aven azenaram aruir puvati. A uabira itir danganimin itima, gumazamiziba a bagha tintinibar izavira iti.

2

Iesus gumazir sorogħafariba amirazir mam gamizima a ua dera

(Matyu 9:1-8; Luk 5:17-26)

¹Ezi dugħiar maba givazima, Iesus uamategħa Kaperneamin għu. A ghua dipenimin itima gumazamizir aviriba a uamategħa izeżiż akam baraki. ²Me akar kam baregħa izeżiżma dipenim bar izivazi an tiar akam sara izifa. Ezi Iesus Godin akam me mikiri. ³An akam akurima, gumazir maba sorogħafariba amirazir gumazir mam inighha a bagħha izi. Gumazir pumuning ko pumuning akuriamin a gisaghpuġħa izi. ⁴Me iz-

^{1:39:} Matyu 4:23; 9:35 ^{† 1:40:} Lepan arimariar fomira Baibelin dugħiā minn ikezim īghara. Ezi datirighiñ itir lepan arimariam iħarragħav ami. Fomira ikezim pura mikarzir għurghurim gumazir nammabar otifi. Egha uaghan bizir iħarragħi sara posi. ^{1:44:} Ofa Gami 14:1-32; Mak 3:12; 7:36; Luk 5:14 ^{* 2:4:} Judabar dipeniba boksiabar min għarri. Dar inqoribha puvatigħha, egha pin barafi. Ezi dar miriabbar azenan adidiba iti. Dar dipenir akiňba puvati. Me pura nguazim għisim dar ingari. ^{2:5:} Lu 7:48 ^{2:5:} Luk 7:48 ^{2:7:} Jop 14:4, Ais 43:25, 1 Jo 1:9 ^{2:7:} Jop 14:4; Aisaia 43:25; 1 Jon 1:9 ^{2:12:} Mt 9:33 ^{2:12:} Matyu 9:33 ^{2:14:} Jo 1:43 ^{2:14:} Jon 1:43 ^{† 2:14:} Matyun ziar iħarragħiż kara, Livai.

garima dipenimin tiar akam bar izifa, kamaghin amizi, me Iesus bagħi mangan ibura. Egha me gumazir kam inighha dipenir siriamin għuavanabogħa dipenir siriamin torim gamigha beniba akuriar dafeħha anemadżiżma a Iesus bagħa għuaghiri.* ⁵ Ezi Iesus gumazir kabar nighnizir gavgavimin ganigha kamaghin sorogħafariba amirazir gumazim migei, “Nan borim, ki nin arazir kuraba gin amada.”

⁶ Iesus kamaghin a migeima, Judan Arazibagh fożir gumaziba apiaghav ikiava uarira uan navir averiabar kamaghin migei, ⁷ “Gumazir kam tizim bagħa kamaghin migei? A Godin danganim iniasava ami! Gumazir kinitam gu-mazir iħarrasitam arazir kuraba gin amadhan kogħam. God uabira.” ⁸ Me kamaghin nighnizima, Iesus zuamira uan navir averiamin men nighnizibagh fogħa kamaghin me migei, “Ia manmagħsua uan navir averiabar aven kamaghin nighni? ⁹ Ki akar manam mikim? Pura gumazir kinitam kamaghin mikim suam, ki nin arazir kuraba gin amada. Egh uaghan gumazir kinitam kamaghin mikim kogħam, ni dikavigh uan akuriar inigh mangi, egh ua deragh. ¹⁰ Ki arazir kam damightima, ia ganigh fogħam, Gumazamizibar Otarim a nguazir kamin arazir kuraba gin amangamin gavgavim iti.”

Egha kamaghin gumazir sorogħafariba amirazim migei, ¹¹“Ki ni migei, ni dikavigh uan akuriar inigh dipenimin mangi.” ¹² Egha a migiavira itima me gari gumazir kam dikavigha uan akuriar inigha azenan għu.

Gumazamiziba bar an ganigha digavir kurum gamiġha Godin ziam fa kamaghin migei, “E faragħa bizir katam ganizir pu-vati!”

Iesus uabin gin mangasa Livain dei

(Matyu 9:9-13; Luk 5:27-32)

¹³Ezi Iesus ua Galilin Dipar Akaremin miriamin għuaghiri. A għuaghrima, gumazamizir aviriba izava uari akuvazi, a men sure gami. ¹⁴A men sure gamua dipar miriamin ghua Alfiusin otarim Livain garima, a gavman daningamin dagħiaba isir dipenimin aperagħav iti. Iesus an għara,

kamaghin a migei, "Ni nan gin izi." Ezi Livai a baregha, dikavigha an gin zui.[†]

¹⁵ Egha gin Iesus Livain dipenimin ikiava uan suren gumaziba koma api. Ezi dagiaba isir gumazir aviriba ko arazir kurabagh amir gumazir aviriba, me uaghan me koma api. Gumazir kamaghin amir aviriba, me uaghan Iesusin gin arui. ¹⁶ Me apavira itima, Judan Arazibagh fozir gumazir maba, me uaghan Farisiba, me an ganigha, an suren gumazibar azangssi, "A manmaghsua dagiaba isir gumaziba ko arazir kurabagh amir gumaziba koma api?"[‡]

¹⁷ Ezi Iesus men azangsizim baregha kamaghin me migei, "Arimariaba puvatizir gumazamiziba, dokta bagha zuir puvati. Gumazamizir arimariaba itibara, me dokta bagha zui. Ki Godin damazimin derazir gumazamiziba bagha izezir puvati. Ki gumazamizir arazir kurabagh amibar dimasa ize!"

Me God ko mikimasa dagheba atagharazir arazim bagha Iesusin azangsisi

(Matyu 9:14-17; Luk 5:33-39)

¹⁸ Ezi dughiar mam Jonin suren gumaziba ko Farisin suren gumaziba, me God ko mikimasa dagheba ataghirusi. Ezi Iesusin suren gumaziba dughiar kamin apima gumazir maba Iesus bagha izava kamaghin an azangssi, "Kar manmaghsua amizir arazim, Jonin suren gumaziba ko Farisibar suren gumaziba, me datirighin God ko mikimasa dagheba ataghirusima, nin suren gumaziba God ko mikimasa dagheba ataghirusir puvati?"

¹⁹ Ezi Iesus men akam ikaraghha ghaze, "Gumazir amuimin ikiamim, a ia ko ikiti, ia a bagha izezir gumazibav kimti me dagheba ategham, o puvati? Puvatigham. A me ko ikiti me dagheba ataghiraghan kogham. ²⁰ Me dagheba ataghirusir dughiar iti. Gin dughiam izitima gumazir amuimin ikiamim, me me dam a inigh mangitima, dughiar kabar me dagheba ataghiraghan.

²¹ "Gumazitam inir avizir igiatam inigha korotiar ghuurimin poroqua a isamizir puvati. A kamaghin damighiva egh a ruti, inir avizir igiam ekonegh korotiar ghuurim gekuugh, anebightima an torim guizbangira bar ekevegham. ²² Egha gumazitam wainin

2:16: Mt 11:19, Lu 15:1-2 **2:16:** Matyu 11:19; Luk 15:1-2
azazibar gin zuir puvatiziba me kamaghin ginighnisi, me Godin damazimin derazir puvati. Me kamaghin amuava Romin gumaziba ko arazir kurabagh ami.

23:25 § **2:23:** Ni witin mingarim gifoghs, akinafarir kamin akirangin itir Akar Mingaribar gan. **2:24:** Lo 23:25
2:24: Godin Araziba 23:25 **2:25:** 1 Samuel 21:6 **2:26:** Wkp 24:9 **2:26:** Ofa Gami 24:9 **2:27:** Lo 5:14
2:27: Godin Araziba 5:14 **2:28:** Mt 12:8 **2:28:** Matyu 12:8 ** **2:28:** Ni Gumazamizibar Otariman mingarim gifoghs, akinafarir kamin akirangin itir Akar Mingaribar gan.

igiam inigh, a isiva asizir inir misevir għuritam guruighan kogħam. A kamaghin damighti, wainin dipam gin buva anangiva asizir inir għurir kam abighti, wainin dipam nguazim giregham. Eghi wain ko asizir inim vīrara ikuvigham. A kamaghin damuan kogħam. A wainin igiam inigh asizir inir misevir igħamra ruigham."

Iesus Sabatin Ekiam

(Matyu 12:1-8; Luk 6:1-5)

²³ Egha Iesus Sabatin dugħiars mamin, raizin min garir dagħer mam wit, an an azenir ekiamin torim in zui. Ezi an suren gumaziba a ko għuava witin oviziba isi. ²⁴ Me zuima Farisin maba men ganigha kamaghin Iesus migei, "Ni gan. Me manmaghsua arazir kam gamuava Sabatin arazim in gin zuir puvati?"

²⁵ Ezi Iesus me ikaraghha kamaghin migei, "Devit amizir bizim, me an osirizima a iti, ezi ia ti an ganiz, o puvati? A uan adarazi ko mitiriam men azima a bizir kam gami. ²⁶ Devit Godin Purirpenimin aven ghua me ofa damuasa atizir bretin rubuziba inigha uan adarazi ko me da ame. An da apava, uaghan maba isa uan gumazibagh aningizima, me uaghan da ame. Dugħiars kam Abiatar, ofa gamir gumazibar dapanim itima, Devit bretin kaba ame. Judabar arazir kam iti. Bretin kaba ofa gamir gumazibaram ada api, gumazamizir kiniba puvati. Ezi Devit, a gumazir kinim, egha a bretin kaba ame."

²⁷ Egha Iesus migia ghua kamaghin me migei, "God gumazamizibar akurvaghha Sabat ati. A Sabat bagħha gumazamizibatizir puvati. ²⁸ Ezi Gumazamizibar Otarim a Sabatin dugħiāmin Ekiam."**

3

Iesus Sabatin dugħiāmin gumazir darfim ekonezir mam gamizima a ua dera

(Matyu 12:9-14; Luk 6:6-11)

¹⁻² Egha dugħiars igharazir mam Iesus God ko migeir dipenimin ghua garima, dafarim ekonezir gumazir mam, gumazamizir aviribar tontin dipenir kamin aven iti. A itima gumazir maba uaghan iti. Me, Iesus bixitam damighti, me akam agasasa bar deraviram an gari. Me kamaghhsua an gari. A Sabatin gumazir kamin akuraghgam,

[†] **2:16:** Farisibar arazir aviriba iti. Gumazamizibar men azazibar gin zuir puvatiziba me kamaghin ginighnisi, me Godin damazimin derazir puvati. Farisiba Kamaghin dagħiaba isir gumazibagh nighni, me Romin gavman bagħha dagħiaba isi. Kamaghin amizi, me uaghan Godin damazimin derazir puvati. Me kamaghin amuava Romin gumaziba ko arazir kurabagh ami.

2:23: Lo 23:25 **2:23:** Godin Araziba 23:25

2:24: Lo 23:25 **2:24:** Godin Araziba 23:25 **2:25:** 1 Samuel 21:6 **2:26:** Wkp 24:9 **2:26:** Ofa Gami 24:9 **2:27:** Lo 5:14

2:27: Ni Gumazamizibar Otariman mingarim gifoghs, akinafarir kamin akirangin itir Akar Mingaribar gan.

o? ³ Me bizar kam bagha an garavira itima, Iesus kamaghin dafarim ekonezir gumazim migei, “Ni dikavigh izi bar en guamin tugh.”

⁴ Gumazim dikavigha tuzima, Iesus kamaghin men azara, “Arazir manam Sabatin arazim abiki? E arazir aghuim damuam, o arazir kuram damuam, o gumazimin akuragham, o gumazim gasighasigham?” A kamaghin men azarazima, me bar nimira iti.

⁵ An damazimning bar gumazamizibagh aruava, navimin aven men atari. A men garima, men naviba gavgavigha apangkuvir nighniziba men puvati. Kamaghin a bar osemegha gumazim kamaghin a migei, “Ni uan dafarim onegh.” Ezi gumazir kam uan dafarim onezima, an dafarim ua dera. ⁶ Ezi Farisiba kamaghin ganigha dipenim ategha azenan ghuegha Herotin gumaziba ko ikia Iesus misoghasa akabar kiri.

Iesus uan gavgavim men akazima an adarazi nighnizir gavgavim an itir puvati

(Sapta 3:7-6:6)

*Gumazamizir aviriba Iesusin gin zui
(Luk 6:17-19)*

⁷ Ezi Iesus uan suren gumaziba ko Galilin Dipar Akaremin ghuaghiri. A ghuaghirma gumazamizir aviriba Galilin Distrighin ikegha an gin ghuaghiri. ⁸ Gumazamizir aviriba Judian Distrik ko, Jerusalemin nguibam ko, Idumean Distrik ko, Jordanin Fanemim vongin itir danganiba ko, Tair ko Saidonin nguibammingin ikegha Iesus bagha ghuaghiri. Gumazamizir avirir kaba, me an amizir bizibar akam baregha a bagha ghuaghiri. ⁹⁻¹⁰ Me iraghuezima, Iesus gumazamizir aviribar akurazima, men arimariabia gif. Arimariabia itir gumazamizir aviriba uan arimariabia agivasa Iesusin boroghin uari akuvatha, Iesusin suighasa uari munamadi. Kamaghin amizi, Iesus uan suren gumazibav gia ghaze, “Ia botin tam inigh izi puram anetighti a iki. Eghit gumazamiziba bar na akuvaghtima ki botin ghuavanangam.” ¹¹ Iesus me migeima, duar kuraba apazazir gumazir maba iza, Iesusin gara duar kuraba zuamira me gamima me Iesusin guamin daighira kamaghin dia migei, “Ni Godin Otarim.”

- | | | | | | |
|---|----------------------------------|---|--|--|---------------------------------------|
| 3:4: Luk 14:3 | 3:4: Luk 14:3 | 3:5: Jo 11:33 | 3:5: Jon 11:33 | 3:6: Mt 22:15-16 | 3:6: Matyu 22:15-16 |
| 3:8: Mt 4:25 | 3:8: Matyu 4:25 | 3:9-10: Mk 4:1, Lu 5:1-3 | 3:9-10: Matyu 9:21; 14:36; Mak 4:1; Mai 5:29; 6:56; | 3:11: Mak 1:23-24; Luk 4:41 | 3:12: Mt 8:4, 12:16, Mk 1:34 |
| Luk 5:1-3; Luk 7:21 | 3:11: Mk 1:23-24, Lu 4:41 | 3:11: Jon 1:42 | 3:16: Jon 1:42 | 3:17: Lu 9:54 | 3:17: Luk 9:54 |
| 3:12: Matyu 8:4; 12:16; Mak 1:34 | 3:16: Jo 1:42 | 3:16: Jon 7:5; 10:20 | 3:21: Jon 7:5; 10:20 | 3:22: Mt 9:34, 10:25 | 3:22: Matyu 4:10; Luk 11:17-22 |
| Mk 6:31 | 3:20: Mak 6:31 | 3:21: Jo 7:5, 10:20 | 3:21: Jon 7:5; 10:20 | 3:23: Mt 4:10, Lu 11:17-22 | 3:23: Matyu 4:10; Luk 11:17-22 |
| 9:34; 10:25 | * | 3:22: Satanin ziar mamra kara, Belsebul. | 3:23: Aisaia 49:24; Matyu 12:29 | 3:27: Aisaia 49:24; Matyu 12:29 | |

¹² Me kamaghin migeima, a men anogorogha ghaze, me an gun gumazir igharazibav kiman marki.

*Iesus 12plan aposelba me amisefe
(Matyu 10:1-4; Luk 6:12-16)*

¹³ Egha Iesus dipar miriamin ikegha dikavigha mighsiamin ghuavanabogha uan ifongezir gumazibar diazima, me a bagha zui. ¹⁴ Me zuima a gumazir 12pla misevegha ziar kam, aposelba, me gati. Eghit me a ko ikiti, a gin me amangiti me mangi Godin Akar Aghuim akunam.

¹⁵ Egh a uan gavgavim me daningtima me uaghan duar kuraba batogham. ¹⁶ A misevezir gumazir 12plan ziabar kara. Saimon (Iesus gin ziar kam, Pita, a gati),

¹⁷ Sebedin otarimning Jems ko Jon (A ziar kam aning gati, Boanerges. Ziar kamin mingarim kamaghin ghu, atara pamtem migeir gumazinning), ¹⁸ Andru ko Filip, Bartolomyu, Matyu, Tomas, Alfiusin otarim Jems, Tadius, Saimon (a Selotbar gumazir mam), ¹⁹ ko Judas Iskariot, gumazir Iesus isava, apanibagh aningizim.

*Me kamaghin migei,
“Iesus Belsebulin gavgavim ingari.”*

(Matyu 12:24-32; Luk 11:14-23; 12:10)

²⁰ Egha Iesus uamategha dipenimin aven ghugha itima gumazamizir aviriba izava anekufa. Me bar anekufa, kamaghin amizi, a uan suren gumaziba ko daghebar aman ibura. Me damamin dughiaba puvati. ²¹ Ezi gumazamizir maba kamaghin migei, “An organi.” Ezi Iesusin adarazi akar kam baregha, a inigh mangasa izi.

²² Ezi Judan Arazibagh fozir gumazir maba Jerusalemin ikegha izaghira kamaghin migei, “Belsebul a gapasa. A duar kurabar gumazir dapanimin gavgavim duar kuraba batosis.”*

²³ Ezi Iesus me migeir akam baregha, egha kamaghin gumazamizibar diagha akar isin zuir mabar me migei, “Satan manmaghinh uabira uabi batuegham?

²⁴ Kantrin tamin gumazamiziba uari tuiragh uarira uariv soghti, kantrin kam ikian kogham. ²⁵ Eghit dipenir vamiran itir darazi uari abigh uarira uariv sogh dipenir kamin itir darazi ikian kogham.

²⁶ Kamaghira Satan uan adarazi ko uari abigh uariv sogh, egh me manmaghinh tugh gavgavigh bizibar ganamin gavgavim ikiam? Bar puvatigham.

²⁷ "Eghti gumazir manatam puram aven mangi gumazir gavgavitamin dipenim akarighiva an biziba okemegham? Puvatigham. A faraghivira benibar gumazir gavgavir kam ikegham. A kamaghin a damigh, egh gumazir kamin dipenimin aven mangi, an biziba okemegham.

²⁸ "Ki guizbangira ia migei, gumazmizbar arazir kuraba ko me Godin ziam gasighasizir akaba, God da gin amangamin tuavim iti. ²⁹ Eghti gumazitam Godin Duamin ziam gasighasightima God an arazir kurar kam, a gin amadaghan kogham. Egh gumazir kam aremeghti, arazir kurar kam an ikivira ikiam."

³⁰ Me faragha kamaghin a migia ghaze, "Duar kurar mam a gapasa." A bizir kam bagha, akar kabar me migei.[†]

*Iesusin amebam ko an doziba
(Matyu 12:46-50; Luk 8:19-21)*

³¹ Ezi Iesusin amebam ko doziba izava, a itir dipenimin tiar akamin tughava gumazir mam amadazima a Jesus mikimasa aven zui. ³² Ezi gumazamizir aviriba a koma apiaghav ikia kamaghin a migei, "Ni oragh, ni amebam ko doziba ni bagha izeghava azenan iti."

³³ Me a mikemezima a kamaghin men azara, "Tina nan amebam? Te nan doziba?"

³⁴ A kamaghin men azaraghha, egha an okarigha apiaghav itir gumazamizbar gara, kamaghin me migei, "Ia gan! Nan amebam ko dozibara kara. ³⁵ Gumazamizir God ifongezir arazibar gin zuiba, me nan doziba ko nan amiziba ko nan amebam."

4

Iesus akar isin zuimin kamaghin migei, "Gumazir mam witin oviziba inigha azenimin da akuraghbaru."

(Matyu 13:1-23; Luk 8:4-15)

¹ Dughiar ighazarir mam Jesus ua dipar miriamin ikiava, gumazamizir mabar sure gami. Me an akaba baraghaha anekuvagha guizbangira bar aviraseme. Ezi a botin mamin biragha dipam gisin aperaghav iti. Gumazamizir kaba an boroghin dadarimin apiaghav iti. ² An akar isin zuir avirabar men sure gamuava, kamaghin me migei, ³ "Ia oragh. Gumazir mam raizin min garir daghem wit, ana da inigha ghua azenimin da akuraghbaru. ⁴ An ada akurima witin ovizir maba tuavimin irezima, kuaraziba iza da ame. ⁵ Ezi

^{3:28:} Matyu 12:31-32; Luk 12:10; 1 Jon 5:16 ^{† 3:30:} Iesus Godin Duamin gavgavimin ingari. Ezi me ghaze, a Satanin gavgavimin ingari. Me kamaghin Godin Duamin ziam gasighasisi. ^{3:31:} Mk 6:3; Jo 2:12; Ap 1:14 ^{3:31:} Mak 6:3; Jon 2:12; Aposel 1:14 ^{4:1:} Mk 3:7-9; Lu 5:1-3 ^{4:1:} Mak 3:7-9; Luk 5:1-3 ^{4:2:} Mt 13:34; Mk 4:33-34 ^{4:2:} Matyu 13:8; Luk 8:8; Jon 15:5; Kolosi 1:6 ^{4:12:} Aisaia 6:9-10; Jon 12:40; Aposel 28:26-27 ^{*} ^{4:12:} Iesus Godin gin mangasa gumazamizbar anogorozir puvati. Marazi uari Godin gin mangan aghua.

maba dagiabagh isin itir nguazir evarim gire. Nguazir kam mitemezir puvati, ezi witin oviziba zuamira afuangi. ⁶ Ezi dar biba bar nguazimin aven iraghuezir putatizi, aruem anaga dagh isirazi, da isia misingi. ⁷ Ezi witin ovizir maba benir dikoniba itir nguazim giregha, benibar tongin afuangizi, benir dikoniba aghuava da ikiaghariki. Ezi dar oviziba misevezir puvati. ⁸ Ezi witin ovizir maba nguazir aghuim giregha aghuava dagheba misefi. Egha maba 30plan oviziba misevima maba 60plan oviziba misefe. Ezi maba 100plan oviziba misefe."

⁹ Iesus migia ghua kamaghin me migei, "Tina kuarimning iti, an oragh."

*Iesus manmaghsuavira
akar isin zuibagh ami*

(Matyu 13:10-17; Luk 8:9-10)

¹⁰ Ezi gumazamizir aviriba bar ghuezi, Iesus uabira itima, an 12plan gumaziba ko an boroghin itir gumazamiziba, me an akar isin zuimin mingarim bagha an azara. ¹¹ Me an azarazima a kamaghin me migei, "God fofozim ia ganingizima, ia God Bizibagh Ativamin Dughiamin akar mogomebagh fo. Egha ki azenan itir gumazamiziba pura akar isin zuibar me migei. ¹² Kamaghin amizima:

"Me zurara ganiva,
egh deragh bizitamin ganighan kogham.

Me uaghan zurara oraghiva,
egh me deragh bizitamin mingarim gifoghan kogham.

Me amauva akar mingarim gifogha,
uan navibagh irazi,
God men arazir kuraba gin amadaghai."^{*}

*Witin akar isin zuimin mingarim
(Matyu 13:18-23; Luk 8:11-15)*

¹³ An akar kam ua kamaghin me migei, "Ia witin akar isin zuir kamin mingarim gifoz, o puvati? Ia manmaghin akar isin zuir ighazarir tabagh fogham? ¹⁴ Akar isin zuimin aven itir gumazir kam, a mati gumazir Godin akam akuraghbaruim. ¹⁵ Gumazamizir maba tuavim girezir witin ovizibar min ami. Me Godin akaba baraghizi, Satan zuamira iza me oraghizir Godin akaba, me dama ada ini. ¹⁶ Gumazamizir maba dagiabagh itir nguazim girezir witin ovizibar min ami.

Me Godin akaba baregha da bagha bar akonge. ¹⁷ Egha men biba iraghuezir puvatigha, uaghan dughiar ruarinmin ikezir puvati. Me itima osimtiziba ko Godin gin zuir gumazamizibagh asighasizir araziba izima, me pura God ataki. ¹⁸ Gumazamizir maba benir dikoniba itir nguazim girezir witin ovizibar min ami. Me Godin akaba baraki. ¹⁹ Me da baregha uaghan nguazir kamin biziba bagha nighnigha, dagiar aviriba iniasa ifavarir nighnizibagh amua, nguazir kamin bizir aviribar garava da bagha agoi. Bizir kabar nighnizibagh izava Godin akaba ikiaghargihizi da misevir puvati. ²⁰ Ezi gumazamizir maba nguazir aghuim girezir witin ovizibar min ami. Me Godin akaba baregha dar suiraghda dar gin zui. Gumazamizir kaba mati witin oviziba misiva, maba 30plan oviziba misevima, maba 60plan oviziba misevima maba 100plan oviziba misefe.”

*Lamin danganimra aneguragh
(Luk 8:16-18)*

²¹ Egha Jesus kamaghin me migei, “Iantina lam gaborogha a inigha itarir ekiamin anevara? O an a inigha dakozimin apengen aneti? Puvati! Ia lam daborogh a inigh azenan an danganimram aneguragh. ²² Kamaghira mogomer biziba da gin azenan otivigham. Eighti bizir amigha aveziba da uaghan gin azenan otivigham. ²³ Tina kuarimning iti, an oragh.”[†]

²⁴⁻²⁵ Egha a ua kamaghin migei, “Ia de-raghvira akar kam baragh. Gumazitam o amizitam Godin akabagh foghti, God uan akabar fofozir igharaziba a daningam, eighti a Godin akar aviribagh fogham. Eighti Godin akabagh foghan aghuazir gumazim o amizim, an fofozir muziarim God a dam a inigham.”

Dagher ovizir afuarazibar akar isin zuim

²⁶ Egha Jesus migia ghua kamaghin me migei, “God Bizibagh Ativamin Dughiamin arazim a kamakin. Gumazir mam dagher oviziba inigha nguazimin da akuri. ²⁷ Gumazir kam da kunigha, dimagaribar akuava, aruebar dikavigha arui. An aruima dagher ovizir kaba da afuegha aghui. Dagher ovizir kaba manmaghin afuegha aghui? Gumazir kam fozir puvati. ²⁸ Ezi nguazimra dagher ovizir kabagh amizima

da aghua misefe. Da faragha afuegha aghua ghua aghariba otivigha, ada ghua akimariba otivigha misefe. ²⁹ Da misevegha dagheba itima, gumazir kam sabam inigha dar akori. A fo, dagheba iti, ezi da akoramin dughiam oto.”

*Mastetin ovizimin akar isin zuim
(Matyu 13:31-32; Luk 13:18-19)*

³⁰ Egha a ua kamaghin migei, “E manmaghin God Bizibagh Ativamin Dughiamin arazim mikimam? O, e akar isin zuir manamin an mingarimin gun mikimam?”

³¹ A mastetin ovizimin min gari. Mastetin zuravarir oviziba bar sufi. Temer igharazibar oviziba bar a gafiragh ekefe.[‡]

³² Gumazir mam anekunizima a gin aghua bar ekevegha azenimin itir zuravariba bar dagh afiragh bar ekefe. An ekevegha an aguar ekiaba uari tuirazima kuaraziba izava an aguabar dughuazimin aven ikia mikonibar ingari.”

*Iesus akar isin zuibara akam akuri
(Matyu 13:34-35)*

³³ Egha Jesus men nighnizibaza tuzinaghira, an akar isin zuir aviribar Godin akabar me migei. ³⁴ An akabar gumazamizibav giava zurara akar isin zuibar me migei. Egha a uan suren gumaziba ko me uarir ikiava a bizibar mingariba abigha me migei.

*Iesus aminir ekiam ko dipavszizim batoghezi aning pura nimira irighav iti
(Matyu 8:23-27; Luk 8:22-25)*

³⁵ Aruer kamin aminin pirasava amima Iesus kamaghin uan suren gumazibav gia ghaze, “E dipar kam abigh an vongin mangam.” ³⁶ A kamaghin me migeima gumazamiziba dadarimin ikiavira iti, ezi me Iesus aperaghav itir botin ghuavanabogha pul gamua vongin zui. Botin igharazir maba uaghan me ko vongin zui. ³⁷ Iesus uan suren gumaziba ko zuima, Maia! Aminir ekiam dikafi. Ezi dipavszibza izava bot gafirazi dipam botin aven ghuaghira, bot gizivazi, an atam dipamin aven magirasava ami.

³⁸ Bot magirasava amima, Iesus botin kamin girakirangin dapanir aghoghonir mam uan dapanimin aghorogha akui. Ezi an suren gumaziba a gaghuraghka kamaghin a migei, “Tisa, e gifa! Ni e bagha nighnisi, o puvati?”

4:18: Mt 26:31 **4:18:** Matyu 13:26 **4:19:** Mt 19:23-24, 1 Ti 6:9, 6:17 **4:19:** Matyu 19:23-24; 1 Timoti 6:9;
6:17 **4:21:** Mt 5:15, Lu 11:33 **4:21:** Matyu 5:15; Luk 11:33 **4:22:** Mt 10:26, Lu 12:2 **4:22:** Matyu

10:26; Luk 12:2 [†] **4:23:** Iesus akar isin zuibar gumazamizibar sure gami. A kamaghin foghasa, me guizbangira God gifongez ti puvati. Gumazir God gifongeziba, akar isin zuiba baregha, dagh nighnighava gin dar mingaribar gara dagh fo. Ezi gumazir God gifongezir puvatiziba, nighnigha ghaze, akar isin zuiba, eghaghanir organiba. Kamaghin me akar isin zuiba, dagh nighnizir puvatigha, dar mingaribar garir puvati. **4:24-25:** Matyu 7:2; Matyu 13:12; 25:29; Luk 6:38; Luk 19:26 **4:27:** Je 5:7 **4:27:** Jems 5:7 **4:29:** Jol 3:13, MAA 14:15-18 **4:29:** Joel 3:13; Akar Mogomem 14:15-18 [‡] **4:31:** Ni mastetin mingarim gifoghsa, akinafarir kamin akirangin itir Akar Mingaribar gan.

³⁹ Ezi Iesus dikavigha akar gavgavim aminim ganiga, egha kamaghin ongarim migei, “Gua amiragh, nimira iki!” A migeima, aminim amirazi, dipam pura nimira irighav iti.

⁴⁰ Ezi Iesus kamaghin uan suren gumazibav gei, “La tizim bagha puv atiati? Ia nighnizir gavgavim oteveghavira iti?”

⁴¹ Ezi me bar atiatigha kamaghin uarira uariv gei, “Kar gumazir manmaghin amizim? A migeima, aminim ko dipavsizim an akam barasi!”

5

*Iesus Gerasan gumazir mamin duar kuraba batoghezima da anetaki
(Matyu 8:28-34; Luk 8:26-39)*

¹ Ezi Iesus uan suren gumaziba ko dipam abigha vongin Gerasan danganimin oto. ² Me otivigha, Iesus bot ategha dadarimin anadima gumazir duar kuram apazazir mam, a matmatiamin tongin ikegha Iesus bativasa izi. ³⁻⁴ A matmatiamin ikiava a gakui. Me dughiar aviriba senbar an agharimning ikiava, ankavba an suemning gazui. Ezi a zurara senin kabar suigha da aghora egha an suemning ikezir ankavbav sogha da aghoragharsi. Kamaghin amizi, gumazitam gumazir kamin suiragh a ikiva avegham. Me uaghan senbar a ikeghti da an suiraghan kogham. Egh gumazitam gavgivh a ikeghan kogham. ⁵ A dimagariba ko aruebar matmatiam ko mighsiabar purama arua pamtem arava dagiabar uabi uan mikarzim aghori.

⁶ A saghon ikia Iesusin ganigha ivegha a bagha izava an guamin uan tevimming apiri. ⁷⁻⁸ Ezi Iesus kamaghin duar kuram migei, “Ni duar kuram, ni gumazir kam ategh azenan izi.”

Iesus kamaghin a migeima, gumazir kam pamtem ara kamaghin migei, “Ni manmaghin na damuasa, Iesus, Godin Bar Pin Itimin Otarim. Ki Godin damazimin pamten nin azangssi, ni arazir kuratam na damuam marki!”

⁹ A kamaghin migeima Iesus kamaghin a migei, “Ni uan ziam diborogh.”

Ezi duar kurar kam a ikaragha kamaghin a migei, “E bar aviraseme, kamaghin nan ziam Aviriba.”

¹⁰ A Iesus danganir igharazitam me amangan aghuaghha Iesus vivigha a gakaghori.

¹¹ Dughiar kam, men boroghira itir mighsiar miriamin dar aviriba ikiava api.

¹² Ezi duar kurar kaba kamaghin Iesus migiava a gakaghori, “Ni e mikemegh e

amadaghti e mangi dar okoruar munam gapazaka.” ¹³ Ezi a men amamangatizi duar kurar kaba gumazir kam ategha azenan izegha ghua dabagh apasa. Dar avirir kaba, dar dibobonim 2,000in boroghin ghu. Ezi daba puv ivemara ghua davarir kuram giraghuegha dipamin aven ghuegha dipam apava ariaghire.

¹⁴ Ezi dabar garir gumaziba daba batoghezir bizimin ganigha ghua nguabar ekiamin ghua danganir kamin itir nguabar dozibar ghua bizir otozir kamin gun migei. Ezi gumazamiziba bizir kamin ganasa dikavigha izi. ¹⁵ Me iza Iesusin boroghin duar kuraba apazazir gumazimin garima, an nighnizim ua derazi, a korotiaba aghuigha aperaghav iti. Me an ganigha atiati. ¹⁶ Ezi otozir bizir kamin ganizir gumazamiziba, me duar kuraba apazazir gumazim batozir bizir kabar gumazir igharazibav gei. Me dar gun migia uaghan daba batozir bizimin gun migei. ¹⁷ Egha gumazamizir kaba bizir kam baregha iza an gara a gakaghora ghaze, a men nguazim ategh danganir igharazitam mangi.

¹⁸ Ezi Iesus danganir kam ategh mangasa botin birima duar kuraba apazazir gumazim Iesus ko mangasa pamtem a gaghori. ¹⁹ Ezi Iesus an anogoregha kamaghin a migei, “Ni uamategh uan adarazi bagh dipenimin mangiva Ekiam nin akuragha ni gamizir bizibar gun me mikimiva, a uaghan bar nin apangkuvizir bizimin gun me mikim.” ²⁰ Ezi gumazir kam a baregha ghua Iesus an akurazir bizimin gun Dekapolisin Distirghin itir nguibabar ghua bar me migei. Gumazamizir kaba a baregha digavir kuram gami.

*Iesus aremezir guivir mam ko, arimariar amizir mam gamizi
aning ua dera*

(Matyu 9:18-26; Luk 8:40-56)

²¹ Ezi Iesus bot inigha uamategha dipamin vongin ize. A izegha dipar dadarimin itima, gumazamizir aviriba izava anekufa. ²²⁻²³ Ezi God ko migeir dipenimin bizibar garir gumazir mam, an ziam Jairus, a iza Iesusin gara an guamin uabi ekunigha an dagarimningin boroghin irigha kamaghin puviram a gaghori, “Nan guivim aremeghasa an dighorimra isi. Ni iziva uan dafarim a datighti an arimariam givagh ua ikiam.” ²⁴ Ezi Iesus a ko zui.

A zuima gumazamizir avirim bar anekuvaghha an gin zui. ²⁵ Me zuima men tongin amizir 12plan azenibar ghuzim batir arimariam itir mam uaghan me ko zui. Amizir kam ghuzim batir arimariam an

itima 12plan azeniba gifa. ²⁶ A fomira arimariam agivasa doktaba bagha zuima, me an arimariam a givazir puvati. Ezi a mizazir kuram isi. A uan arimariam agivasa pura uan dagiabar me givezima an dagiaba bar gifa. Bizir kaba an arimariamin akurazir puvati. An ekiva guhuavira iti.

²⁷⁻²⁸ A Jesus amir bibabar akam baregha, kamaghin nighnisi, “Ki puram an azenan itir korotiamra suiragh nan arimariam givagham.” A kamaghin nighnigha egha damuasa. Amizir kam gumazamizir aviribar gin izava me munamaga iza Iesusin korotiar avizimin suira. ²⁹ Amizim Iesusin korotiamin suizir dughiamra, an ghuzir arimariam pura dutugha ghu. A uabi baregha fo, an mikarzim ua dera.

³⁰ A kamaghin amimra, Jesus zuamira uabi baregha God gumazamizibar arimariaba givaghosa a ganingizir gavavim, an mikarzim ataghizi a fo, nan gavavim ingari. Egha a ragha gumazamizibar garava men azara, “Tina nan korotiamin suira?”

³¹ Ezi an suren gumaziba a ikaragha kamaghin a migei, “Ni garima, gumazamizir aviriba ni akufa. Ezi ni tizim bagha kamaghin azai, ‘Tina nan korotiamin suira?’”

³² Me kamaghin Jesus migiavira itima, Jesus an korotiamin suirazir gumazim o amizim gifoghosa raghirigha garagharui. ³³ A ruiavira itima, amizir kam a batozir bizim gifogha iza Iesusin guamin degiaghirigha, atiatia nigha guizbangira a batozir bizimin gun migei. ³⁴ Ezi Jesus kamaghin a migei, “Nan guivim, ni navim bar amiragh iki. Ni nighnizir gavgavim nan iti. Kamaghin, nin nighnizir gavgavim ni gamizi ni dera. Ni navir amirizim sara mangi, eghiti nin arimariar kam ua ni damuan kogham.”

³⁵ Jesus amizir kam migiavira itima gumazir maba God ko migeir dipenimin bizibar garir gumazim, Jairusin dipenimin ikegha iza kamaghin Jairus migei, “Nin guivim areme. Ni osimtizim Tisa daningan marki.”

³⁶ Me kamaghin migeima Jesus me baregha kamaghin Jairus migei, “Ni atiatingan marki. Ni pura nighnizir gavgavim nan iki.”

³⁷ An gin aruir gumazamiziba a ko mangasa amima a men anogoregha, Pita, ko Jems uan dozim Jon ko, a merara inigha me zui. ³⁸ Me guua Jairusin dipenimin otivigha

Iesus gumazamiziba barazima, me bar azia niginir dafam gami.

³⁹ Ezi a me bagha aven guua kamaghin me migei, “Ia tizim bagha azia niginir dafam gami? Borir kam aremezir puvati. An akui.”

⁴⁰ A kamaghin me migeima, me a dipova an ingarava kava uariv gei, “E fo, a guizbangiram areme.” Gumazamiziba kamaghin migeima, a bar me batuegha guivimin afeziam ko amebam inigha an suren gumazir pumuning ko mikezim, merara a ko zui. A me inigha me guivimin kuam itir danganimin aven ghue. ⁴¹ Me ghuegha a guivimin dafarimin suiraghha kamaghin a migei, “Talita kum!” (Akar kamin mingarim kamaghin iti, “Guivir dozim, ki ni migei, ni dikafighi”) ⁴² An a migeimrama, guivim dikavigha tughava arui. (An azenir 12pla.) A dikavigha tugha aruima, me kamaghin guizbangira digavir kuram gami. ⁴³ Ezi an akar gavgavim guizbangira me migia ghaze, ia bizir kamin gun gumazir igharazitam mikimam marki. A kamaghin me migiava daghetam a daningasa me migei.

6

*Iesusin nguibamin itir darazi
an aghuaghha akirim a gasara
(Matyu 13:53-58; Luk 4:16-30)*

¹ Egha Jesus danganir kam ategha uan nguibamin guhuavanadima an suren gumaziba a ko zui. ² Ezi, Sabatin dughiam otozi a God ko migeir dipenimin aven guua, gumazamizibar sure gami. Gumazamizir aviriba an akaba baregha digavir kuram gami.

Me digavir kuram gamigha kamaghin azai, “Gumazir kam managh akar kaba ini? A managh nighnizir aghuir kaba ini? A uaghan managh mirakelbagh amir gavgavir kam ini? ³ E fo, kar pura dipenibar ingarir gumazim. A Marian otarim, egha a Jems ko Josep, Judas, ko Saimon, a men avebam. An buaramiziba e ko iti.” Kamaghin amizi, me dibovir akabar a migiava navibar aven an atari.

⁴ Ezi Jesus kamaghin me migei, “Godin akam inigha izir gumazim, a nguibar igharazibar zuima, me an ziam fe. Ezi an nguibamin an adarasi, me an ziam fer puvati.” ⁵ Kamaghin amizi, a nguibar kamin mirakelin aviribagh amizir puvati. A pura dafarim arimariar gumazir vabaram

5:27-28: Matyu 14:36 **5:30:** Lu 5:17, 6:19, 8:46 **5:30:** Luk 5:17; 6:19; 8:46 **5:34:** Mk 10:52, Lu 7:50, 17:19, Ap 14:9 **5:34:** Mak 10:52; Luk 7:50; 17:19; Aposel 14:9 **5:40:** Mt 9:25, Lu 8:54, Jo 11:11 **5:40:** Matyu 9:25; Luk 8:54; Jo 11:11 **5:41:** Lu 7:14 **5:41:** Luk 7:14 **5:43:** Mk 1:44, 7:36, Lu 8:55 **5:43:** Mak 1:44; 7:36; Luk 8:55 **6:2:** Jo 7:15 **6:2:** Jon 7:15 **6:3:** Jo 6:42 **6:3:** Jon 6:42 **6:4:** Mt 13:57, Lu 4:24, Jo 4:44 **6:4:** Matyu 13:57; Luk 4:24; Jon 4:44 **6:6:** Ais 59:16, Mt 9:35, Lu 13:22 **6:6:** Matyu 9:35; Luk 13:22

arighizima, men arimariaba gifa. ⁶ Ezi me nighnizir gavgavim an itir puvatizima, a kamaghin digavir kuram gami.

Iesus uan gavgavim suren gumazibar akazi, me deragha a gifozir pu

(*Sapta 6:6-8:21*)

*Iesus uan 12plan aposelba ingangarim
me ganigha me amada*

(*Matyu 10:5-15; Luk 9:1-6*)

Egha Iesus nguibabagh arua gumazibar sure gami. ⁷ Iesus men sure gamua, egha 12plan aposelbar diazi, me a bagha izezi, a me ukuvagha, me migia me amada. Gumazir pumuning uanung inigha zui, ezi gumazir pumuning uanung inigha zui. A kamaghin amua uaghan duar kuraba batoghamin gavgavim me ganigha me amada.

⁸⁻⁹ A migirigiar kam me gamuava me amada, "Ia mangi, bizitaba uari bagh da inian marki. Ia bretin tam ko mitaritam inian marki. Ia dagiatam suighan marki. Ia uan dagarin asuuba aghuva, ua siotin tam inian marki. Ia uan aghorir asadivibara suigh mangi. ¹⁰ Ia kamaghin damigh, dipenir ia aven zuir manam, ia dipenir kamra iki, mangi dughiar ia nguibar kam ataghiraghramim. ¹¹ Ia kamaghin damu mangi nguibatamin mangichti, me ian aghuagh ia inigh uan dipenibar mangighan kogh, egh uaghan ia migeir akaba baraghan koghtima, ia kamaghin damu. Ia nguibar kam ategh mangisi uan dagarin mineziba apezegh, nguibar kam ategh mangi. Ia kamaghin damichti, me ganigh fogham, me arazir aghuagh ia gamizir puvati."*

¹² A kamaghin me mikemegha me amadazi me nguibabar ghua Godin akam akura ghaze, Ia uan navibagh iragh. ¹³ Me kamaghin me migiava, egha uaghan gumazir aviribar duar kuraba batogha arimariar gumazir aviriba boremin men dapanibagh inga me gamima, me ua dera.

*Herot Jon, Gumazamiziba Ruer Gu-
mazimin, firim atu*

(*Matyu 14:1-12; Luk 3:19-20; 9:7-9*)

¹⁴ Iesus bizar aviribagh amizi an ziam otogha ekevez, gumazir aviriba a gifo. Ezi danganir kamin Atrivim Herot, a baraki. Men marazi kamaghin migei, "Jon Gu-mazamiziba Ruer Gumazim aremegha ua dikafi. Kamaghin a mirakelbar amuamin gavgavim iti."

¹⁵ Ezi men marazi kamaghin migei, "A Elaija."

Ezi marazi kamaghin migei, "Kar Godin akam inigha izir gumazir mam, a mati fomira ikezir Godin akam inigha izir gu-mazibar min ami."

¹⁶ Me akar kabav geima, Herot da baregha a fo, a fomira Jonin firim atu. Kamaghin amizi a kamaghin migei, "Ki fomira mikemezi, me Gumazamiziba Ruer Gumazim Jonin firim atu, ezi a ua dikafi."

¹⁷⁻²⁰ Herot kamaghin amigha a fo, a fomira uan dozim Filipin amuim Herodias ini. Ezi Jon zurara kamaghin a migei, "Herot, ni arazir kuram gamuava uan dozim da an amuim ini." Jon kamaghin migeima, Herodias a bagha guizbangira navim isia, egha Jonin misueghti an aremeghasa a bagha puvira Herot migei. Ezi Herot Herodias ifongezi moghin damuan aghuagh, uan gumazir mabav kemezi me Jonin suiragh a inigha kalabus gati. Herot fo, Jon Godin damazimin zuegha derazir gumazimra. Kamaghin amizi, Herot an atiatia, a inigha deragha an gari. Herot uaghan Jon migeir akaba baraghia nighnizir aviribagh amua, ana akaba baraghosa ifonge.

²¹ Ezi Herodias datirighin Jonin misueghti an aremeghasa tuavim bato. Herotin amebam a batezir dughiam otozi, a dughiar kam ginighnigha isar ekiam gami. Ezi Herodias Jon misoghamin dughiam datirighin oto. Herot isar kam gamuava, uan ingangaribar gari gumazir ekiaba, ko uan midorozir gu-mazibar gari gumazir ekiaba, ko Galilin itir gumazir ekiaba, a men diazima me a ko damasa ize. ²² Me izegha isam apima Herodiasin guivim izava me apir danganimin ghugha men guamin ighiam gizi. A ighiam gizima, Herot ko ikia apir gumaziba an ighiamin ganigha guizbangira bar a gifongegha a bagha bar akonge.

Me bar akuegha, Herot kamaghin guivir igiam migei, "Ni bizir manam gifongegh nan azaragh. Egti ki bizir kam ni danigham."

²³ A kamaghin a mikemegha, akar dikirizir gavgavim kamaghin a migei, "Ki guizbangira ni migei, ni bizitam gifongegh, na mikim. Ni ki garib bizibagh ifongeghiva, na mikim. Ki tongira da bighiva, taba ni danigham."

6:7: Lu10:1 **6:7:** Luk 10:1 **6:8-9:** Matyu 10:9-10

13:51 * **6:11:** Judabar arazim kara, ni me baraghan koghtima, me nin sagh, uan dagarin asuuba mineziba apizighiva ni ategh igharagh mangam. Ezi en arazim kamakin, ki ni mikimti ni na baraghan koghti, ki apem apirigh uan tuavim gighuvagh, egh suam, ki nin sagham. **6:13:** Je 5:14 **6:13:** Jems 5:14 **6:14:** Matyu 16:14; Mak 8:28; Luk 9:19

6:17-20: Ofa Gami 18:16; 20:21; Matyu 14:4; Luk 3:19-20

6:8-9: Luk 10:4-11 **6:11:** Ap 13:51 **6:11:** Aposel

6:23: Est 5:3, 5:6, 7:2 **6:23:** Esta 5:3; 5:6; 7:2

²⁴ Guivir igiar kam akar kam baregha, azenan izegha ghua kamaghin uan amebam migei, "Amebam, ki bizir tizim bagh an azaraghram?"

Ezi an amebam kamaghin a migei, "Jon, Gumazamiziba Ruer Gumazimin dapanim."

²⁵ Ezi guivir kam akar kam baregha, zuamira uamategħa aven ghugħha kamaghin Herot migei, "Ni datirighira Jon, Gumazamiziba Ruer Gumazimin, dapanim itaritam datīgħi na daningħi."

²⁶ Ezi Herot a baregha, an navim bar oseme. A faragħha akar dikirriz gavgavim migeima a ko apir gumazibha a baraki. Kamaghin amizi, an an azangszism puegħan kogħam. ²⁷ Egha Herot a baraghavira, akar gavgavim uan midorozir gumazim mikemegħa anemadazi a ghua kalabusin aven iragħugħha Jonin firim atu. ²⁸ A Jonin firim atuġha an dapanim inigha itarir mam gatiga a inigha izava guivir kam ganingizi anenigha ghua uan amebam ganingi. ²⁹ Ezi Jonin suren gumazibha an ovevem baregha izava an kuam inigha ghua a mozim gati.

*Iesu dagheba
5,000 in gumazibagh anidi*
(Matyu 14:13-21; Luk 9:10-17; Jon 6:1-13)

³⁰ Ezi Iesusin aposelba ua izegħha an borogħin uari akufa. Egha me aruava amizir bżibba ko akar me gumazibar sure gamizibar gun Jesus gegħari. ³¹ Dugħiar kam gumazamizir aviriba me bagħha mangiż iżegħi gammira, me damaminid dughiaba puvati. Ezi Iesus kamaghin me migei, "Ia uarira na ko mangiva gumazamiziba puvatizir danganim min mangiva avuġħsam."

³² A kamaghin me migia, egha me uarira bot inigha gumazamiziba puvatizir danganir mamin zui. ³³ Me zuima, gumazamizir aviriba men ganigħha me għifo. Ezi nguibabar itir gumazamizibar bar men faraghavira iverġa ghua me zuir danganim min otifi. ³⁴ Ezi Iesus ghua dipar dadarim min otogħi garima, gumazamizir bar aviriba iti. A men gari, me mati sipsipbar min amua, għuaviba puvatigħha asagħasazibar min puram arui. Kamaghin amizi, a bar men apangkufi. Egha a bizixx aviribar men sure gami.[†]

- 6:26:** Mt 14:9 **6:26:** Matyu 14:9 **6:30:** Lu 10:9-10, 10:17 **6:30:** Luk 10:9-10; 10:17 **6:31:** Mk 3:20 **6:31:** Mk 3:20
6:32: Mak 3:20 **6:34:** Nam 27:17, 1 Kin 22:17, 2 Sto 18:16, Ese 34:5, Mt 9:36 **6:34:** Diboboniba 27:17; 1 Atriviba 22:17;
2 Eghħagħaniba 18:16; Esekiel 34:5; Matyu 9:36 **† 6:34:** Ni sipsipin mingarim gifogħsi, akina farir kamin akirangit itir Akar Mingaribar gan. **6:35:** Mt 14:15, Mk 8:1-9, Lu 9:12 **6:35:** Matyu 14:15; Mak 8:1-9; Luk 9:12 **6:37:** Nam 11:13, 11:22, 2 Kin 4:43, Mt 14:16, Lu 9:13, Jo 6:7 **6:37:** Diboboniba 11:13, 11:22; 2 Atriviba 4:43; Matyu 14:16; Luk 9:13; Jon 6:7 **† 6:37:** Grighi akam kamaghin migia ghaze, gumazim bretha kamaghin ivesiva, an 8plan iakinbar ingarigham. **6:41:** Mk 7:34 **6:46:** Mk 1:35, Lu 5:16, 6:12, 9:28 **6:46:** Mak 1:35; Luk 5:16; 6:12; 9:28 **6:49-50:** Matyu 14:26; Luk 24:37; Jon 6:19

³⁵ A migiavira itima, aminim pirizi an suren gumazibha a bagħha iza kamaghin a migei, "Kar gumazamiziba puvatizir danganim, ezi aminim piri. ³⁶ Ni gumazamiziba amadagħti, me mangi danganir kamin itir nġuibaba ko roghira itir nġuibar dozibar mangiva me damisi uari bagħi dagħebagh ives."

³⁷ Ezi a me ikaragħha kamaghin migei, "Ia uari dagħetabha me daning."

Ezi me kamaghin a migei, "Dagħiar e me bagħi bretbagħ iveau, a 200 kinan tu. E da inigh, mangi, me bagħi bretbagħ iveau, me daningħa, ni ifonge?"[‡]

³⁸ Ezi Iesus men azara, "Ia manmagħira bretha iti? Ia mangi ganigh."

A mikemezi, me ghua ganigha kamaghin a migei, "E bar bretin rubuziż 5pla ko osir pumuningra iti."

³⁹ Ezi Iesus me mikemezi me gumazamizibav gei, me uari uari tuiragħha grazim gapija. ⁴⁰ Ezi me uari tuiragħha okoruabar apiaghiri. Ezi okoruar maba 50plan gumazamiziba iti, ezi okoruar maba 100plan gumazamiziba iti. ⁴¹ Me apiaghav itima, Iesus bretin 5pla inigha, osir pumuning inigha, pin overiām għara God minnabha bretha abiaghħariki. Egha uan suren gumazibav geima, me da isa, gumazamizibagh anidi. A uaghan osir minn għara, me da isa, me ganid. ⁴² Ezi gumazamizir kaba bar amegħha, naviba bar izefe. ⁴³ Men naviba bar izevezima Iesusin suren gumazibha, dagħer nar me ataghix-ħiba inigha, akirar 12pla għagħiż, da bar izifa. ⁴⁴ Dagħeba amezir gumazibara, men dibobonim 5,000 in tu.

*Iesu dipam gis in tugħha zui
(Matyu 14:22-36; Jon 6:16-21)*

⁴⁵ Gumazamiziba amegħha givazima, Iesus kamaghin uan suren gumazibar ariragħha ghaze, Ia botin binighiwa faragh Betsaidan nġuibamin vongin mangi. Ki uabira iki gumazamiziba amadagħti me uan nġuibabar mangam. ⁴⁶ A me amadazi me ghuezi, a God ko mikimasa mighxi minn ġuavanab.

⁴⁷ Dugħiar kam aminim pirima, men bot dipam tontin itima, Iesus uabira dadarim min iti. ⁴⁸ A ikiava uan suren gumazibar garima, aminir gavgavim izava men bot givai. Me pul gamu ingangar dafam

gamuava aminim ko uari adosi. Egha aminim tiasava amima, Jesus dipam gisín arua me bagha izi. A mangi me gitagh mangasa.⁴⁹⁻⁵⁰ Ezi me an gari, a dipam gisín arua izima, me kamaghin nighnisi, “Kar ti duatam.”

Me nighnizir kam gamua, bar an ganigha puv atiatiava arai. Me araima, a zuamíra kamaghin me migei, “Ia gavgafiq, kar kirara. Ia atiatingan marki!”⁵¹⁻⁵² A kamaghin me migiava, me gatin botin aven ghuzi, aminim pura dutuga ghu. Ezi Jesus 5,000plan gumaziba bretba me ganingizi me damezi, me bizar kabar ganigha, tong bar fozir puvati. Men nighniziba otefe. Egha me bizar kabagh nighnigh guizbangira digavir kuram gami.[§]

*Jesus Genesaretin
arimariar ovavibar agifa
(Matyu 14:34-36)*

⁵³ Egha Jesus uan suren gumaziba ko dipamin vongin ghughha, ghua Genesaretin nguibamin otivigha, bot ike. ⁵⁴ Me botin ikegha dadarimin anadima, gumazamiziba Jesusin garavira a gifio. ⁵⁵ Me a gifogha, egha gumazamiziba Jesus itir danganim baregha, iveauha danganir kam garua uan arimariar gumazamiziba inigha me akuri-abagh arigha Jesus bagha izi. ⁵⁶ Jesus nguibar ekiaba ko nguibar doziba ko ruarin nguibabar zui. A zuir nguibar kaba me arazir kamram ami, me arimariar gumazamiziba inigha iza nguibamin tongin da arigha, egha a gakaghora ghaze, a men asughtima, arimariaba itiba an korotiar avizibar suigham. Ezi gumazamizir an krotiamin suiziba, men arimariaba gefi.

7

*Godin Araziba
Juden ovavibar arazibagh afira
(Matyu 15:1-9)*

¹Ezi Farisin gumazir maba ko Judan Arazibagh fozir gumazir maba, me Jerusalemin ikegha, izaghira, Jesus bagha izava anekufa. ² Me iza ikia garima, Jesusin suren gumazir maba men ovavibar arazibar gin ghua dafariba rua dagheba apir puvati. Me pura dagheba api. ³ Farisin kaba ko Judan gumazamiziba bar, me uan ovavibar arazibar suighavira ikia, dafariba ruava api. Me pura daghebar aman kogham. ⁴ Me uaghan maketin inigha izir dagheba, me

dar aman kogham. Me faragh da ruegh egh dar amam. Me uaghan uan ovavibar arazir avirir maba sara suighavira iti. Me pura dagheba isamigh dar ameghan kogham. Me faragh uan mineba ko itariba ko apir dakoziba, rueghiva egh me dagheba isamam.

⁵ Kamaghin amizi, Farisiba ko Judan Arazibagh fozir gumaziba, me Jesusin azara, “Manmaghin amizi nin suren gumaziba en ovavibar arazibar gin mangi dafariba ruan aghuagha, pura dagheba api?”

⁶ Ezi Jesus me ikaragha kamaghin migei, “Ia uarira uarigh ifarir gumazibara. Godin akam inigha izir gumazim Aisaia, a guizbangira ia amir arazibar gun migia kamaghin osiri:

“Gumazamizir kaba, me uan akatoribar nan ziam fe,
egha men naviba ko nighniziba bar saghon iti.

⁷ Me gumazibar akabar uari sure gamua uari gifara egha ghaze, kar Godin akam.

Kamaghin amizi, me nan ziam guizbangira a fer puvati.’

⁸ “Ia kamaghin amua, Godin akaba, ategha, uan ovavibar arazibar suiraghha gavgafi.”

⁹ A migia ghua kamaghin me migei, “Ia ghaze, ia arazir aghuim gamua Godin akaba ategha uan arazibar gin zui. Ian arazir kaba bar ikufi. ¹⁰ Moses fomira kamaghin mikeme, ‘Ia uan afeziabka ko amebabar akaba baragh men apengan iki, egh gumazitam akar kuratam uan afeziatko amebam mikemeghti, ia gumazir kam misuehti, an aremegh.’ ¹¹ Ezi ia kamaghin migei, ‘Gumazitam uan amebam ko afeziatko akurvaghaha dagiaba atigha, egha ua gin aningin akuraghan aghuagha, kamaghin aning migei, “Guan akuraghan atizir dagiaba, gua marki. Ki da isi God daningam.”’ ¹² Ia kamaghin migeima, gumazir kam bizitam uan amebam ko afeziatko akurvazir puvati. ¹³ Ia kamaghin amua, uan ovaviba da inizir arazibar gin ghua, da gumazir igharibagh anidi. Ian arazir kabar, ia Godin Araziba ategha, uan ovavibar araziba faragha da arisi. Egha Godin akam gamima a mati pura bizim. Ia amir bizar avirir maba uaghan iti.”

6:51-52: Mak 4:39; Mak 8:17 **§ 6:51-52:** Dughiar kamin Jesus bret gumazamizibagh anigava, uan gavgavim men akakasi, me kamaghin ganigha suam, a bizar bar avirir igharaghha garibar amuamin gavgavim iti. Ezima an suren gumaziba bizar kabar garava a dagh fozir puvati. Kamaghin me Jesusin garima a dipam gisín aruava aminim gamizima an amirazima me ganighava digavir kuram gami. **6:56:** Mt 9:20, 14:36, Ap 19:12 **6:56:** Matyu 9:20; 14:36; Apostol 19:12 **7:2:** Lu 11:38 **7:2:** Luk 11:38 **7:3:** Mk 7:5, 7:8, Jo 2:6, Ga 1:14 **7:3:** Mak 7:5; 7:8; Jon 2:6; Galesia 1:14 **7:4:** Mt 23:25 **7:4:** Matyu 23:25 **7:6:** Aisaia 29:13; Matyu 15:8-9 **7:10:** Kis 20:12, 21:17, Wkp 20:9, Lo 5:16, Mt 15:4 **7:10:** Ua Me Ini 20:12; 21:17; Ofa Gami 20:9; Godin Araziba 5:16; Matyu 15:4

*Godin damazimin mizezir biziba,
Jesus dav gei
(Matyu 15:10-20)*

¹⁴ Egha Jesus ua uabin boroghin itir gumazamizibar diazima, me a bagha izima, a kamaghin me migei, “Ia bar na baragh, nan akar kaba deraghvira dagh fogh. ¹⁵⁻¹⁶ Bizitam azenan ikegh gumazimin navimin aven magiri an navir averiam damighti, a Godin damazimin mizezhan kogham. Puvati, gumazimin navimin aven ikegha azenan izezir biziba, an navir averiam damighti, a Godin damazimin mizezham.”*

¹⁷ Jesus akar kaba gumazamizir aviribav kemegha, me ategha ghua dipenimin aven ghuzima, an suren gumaziba akar isin zuimin mingarim bagha an azara. ¹⁸⁻¹⁹ Ezi Jesus kamaghin me migei, “Eee! Ia organi? Ia uaghan akar kam deravira a gifozir puvati? Ia bizar kam gif? Daghetam guizbangira gumazimin navir averiamin magirigh ikeghan kogham. Bizar akatorimin aven zuiba ghua navimin zuima, muriam da batozima, gumazim dagh avi. Kamaghin gumazim apir bizitam azenan ikegh an akam ko muriamin magirigh, an muriam damighti a Godin damazimin mizezhan kogham.” (Jesus akar gavgavim kamaghin migia ghaze, dagheba bar Godin damazimin bar zue. Ezi e dar amam.)

²⁰ A migia ghua kamaghin me migei, “Gumazimin navimin aven ikegha azenan izezir biziba, an arazir kuraba, a gamima, an navim Godin damazimin mize. ²¹ Gumazimin navimin aven ikegha azenan izezir arazibar kara, nighnizir kuraba, gumazamiziba tintinibar uari koma akui, biziba okei, gumazamizibav sozi da ariaghiri, ²² poroghamiba uari bakei, mighighavira bizibagh ifonge, gumazamizir igharazibagh asighasighasa nighnisi, ifavariba, aghumsiziba puvatizir arazir kuraba, bizim bagha navim ikufi, gumazir igharazimin ziam gasighasisi, uabira ubi fe, arazir organiba, ²³ arazir kurar kaba bar navimin aven ikegha azenan iza, gumazim gamima a Godin damazimin mize.”

*Fonisian amizim nighnizir gavgavim Jesusin iti
(Matyu 15:21-28)*

7:15-16: Ap 10:14-15 **7:15-16:** Aposel 10:14-15 * **7:15-16:** Bizar apiba azenan ikegha ghuaghira gumazimin muriar averiam gamima a Godin damazimin mizezir puvati. Ezi bizar kurar navimin aven ikegha azenan iziba a gamima an navir averiam mize. **7:20:** Mt 15:8, Mk 7:23 **7:20:** Matyu 15:18; Mak 7:23 **7:31:** Mt 15:29-31 **7:31:** Matyu 15:29-31 **7:32:** Mt 9:32, Lu 11:14 **7:32:** Matyu 9:32; Luk 11:14 **7:33:** Mk 5:23, 8:23, Lu 4:40, 13:13, Jo 9:6 **7:33:** Mak 5:23; 8:23; Luk 4:40; 13:13; Jon 9:6 **7:34:** Mk 6:41, Jo 11:33, 11:38, 11:41, 17:1 **7:34:** Jon 11:33; 11:38; 17:1 **7:35:** Ais 35:5-6, Mt 11:5 **7:35:** Aisaia 35:5-6; Matyu 11:5 **7:36:** Mk 1:43-45 **7:36:** Mak 1:43-45 **7:37:** Ais 35:5 **7:37:** Aisaia 35:5

²⁴ Egha Jesus Genesaret ategha Tairin nguibar ekiamin danganimin ghu. A gumazamiziba a gifoghan an aghuagha, mogomebar ghua dipenir mamin aven ghugha egha modozir puvati. Me bar fo, a dipenimin aven iti. ²⁵ Adipenir kamin itima, guivir duar kuram apazazimin amebam, a Jesus izezir darorim baregha, zuamira a bagha izava an dagarimningin boroghin uan tevimning apiri. ²⁶ Amizir kam, an amebam Fonisian Distrighin a bate. A Sirian danganir ekiamin aven itir distrik. Egha a Grighin akam migei. A duar kurar an guivim gapazazim batoghosa Jesus migiava a gakaghori.

²⁷ Ezi Jesus kamaghin a migei, “E faragh boribar dagheba me daningti, me damam. Arazir kuram, ki boribar dagheba inigh afiabav kinam.”

²⁸ Ezi amizim kamaghin Jesus migei, “Gumazir Ekiam, Ki fo, afiar doziba uaghan boribar dakozimin apengan irezir dagher muzuemziariba api.”

²⁹ Ezi Jesus kamaghin a migei, “Nin migirigiam dera. Kamaghin ni uamategh uan dipenimin mangi. Duar kurar kam nin guivim ategha azenan ize.”

³⁰ Ezi an uamategha uan dipenimin ghua garima, an guivim uan dakozim girighav iti. Ezi an an ganigha fo, duar kurar kam anetegha azenan ghu.

Iesus gumazir kuarir organir mamin akurazima a dera

³¹ Egha Jesus dikavigha Tairin danganim ategha, ghua Saidonin danganimin otogha ghua, Dekapolisin Distrighin otogha ghua, Galilin Dipar Akaremin dadarim giragh.

³² A ghuzima, gumazir maba gumazir kuarir organir mam inigha Jesus bagha izi. Gumazir kam uaghan mizem osemegha deravira migeir puvati. Me izegha dafarim a darighasa Jesus gakaghori.

³³ Ezi Jesus gumazir kam inigha gumazir aviriba ategha aning uanringa miriamin ghugha, egha a uan akakazir dafarimning gumazimin kuarimning gatigha aning asigha, egha iparigha, an mizemin suira. ³⁴ Egha Jesus pin overiamin garava, gumazir kam bagha navim bigha ara kamaghin migei, “Efata!” (Akar kamin mingarim kamaghin ghu, “Kuighirigh!”) ³⁵ Jesus kamaghin migiavira itima, an kuarimning kuaghiri. Ezi an mizem mighivghiki, ezi a deravira bizibav gei.

³⁶ Ezi Jesus akar gavgavimin bizar kamin gun mikiman men anogoroke. A men anogoroghezi me ua puviram bizar kamin gun migiavira iti. ³⁷ Me akar kam migeima, gumazamizir kaba a baregha guizbangira digavir kuram gamigha kamaghin migei, "Gumazir kam an amir biza da bar dera. A kuarir onganibagh amima, me uam orasi. Egha, mizer osimtizibagh amima, me ua deravira biziav gei."

8

Iesus 4,000in gumaziba dagheba me ganidi (Matyu 15:32-39)

¹ Dughiar kamin, gumazamizir avir igharaziba iza uari akufa. Me damamin dagheba puvati. Kamaghin amizi, Iesus uan suren gumazibar diazi me a bagha izima a kamaghin me migei, ² "Gumazamizir kaba, me na ko aruer pumuning ko mizeimin ikia, egha dagheba puvatigha mitriam men azi, kamaghin ki men apangku. ³ Men marazi saghon ikegha ize. Kamaghin amizi, ki me amadaghti, me mitriabia sara, uan nguibabar mangiva damaziba men isirtima me iram."

⁴ Ezi an suren gumaziba kamaghin an akam ikaragha ghaze, "Kar gumazamiziba puvatizir danganim. Ezi e managh bretba inigh gumazamizir kabar aningam?"

⁵ Me kamaghin migeima Iesus kamaghin men azara, "Ia manmagh bretba iti?"

Me a ikaragha kamaghin migei, "7pla."

⁶ Ezi Iesus nguazimin dapiasa gumazibav kemezi me apia. Ezi a 7plan bretin rubuzibav inigha God minabagha egha da biagharia, gumazamizibar aningasa uan suren gumazibagh aningizi, me me ganidi.

⁷ Me uaghan osirir muziarir maba iti. Ezi a uaghan da bagha God minabagha da me daningasa uan suren gumazibav gei. ⁸ Gumazamizir aviriba me amegha bar izifa. Ezi gin, an suren gumaziba dagher nar me taghiziba inigha 7pla akirabagh aghuizi, da izefe. ⁹ Dughiar kamin itir gumazamizibar dibobonim 4,000in boroghin ghu. Me amegha givazi, a me amadazi, me uan nguibabar ghue. ¹⁰ Me zuima, a uan suren gumaziba ko botin binigha, Dalmanutan danganimin ghue.

Me mirakelbar amuasa Iesus migei (Matyu 16:1-4)

¹¹ Ezi Farisiba izegha ifavarir azangsizibar Iesus gami. Eighti God gavgavim a danighti, a mirakelin arazitam

damighti, me ganigh fogh suam, God guizbangira anemada. ¹² Ezi a men azangsizir ifavaribar amiraghia ghuariaba suegha, kamaghin me migei, "Ia datirighin itir gumazamizir kaba tizim bagha mirakelin arazim bagha nan azangsisi? Ki guizbangira ia migei, God mirakelin arazitam ian akaghan kogham." ¹³ Egha a me ategha uamatetgha botin biraghha, dipamin vongin ghu.

Farisiba ko Herotin yisin akar isin zuim (Matyu 16:5-12)

¹⁴ Egha me ghuava Iesusin suren gumaziba bretba bakinighiniga ize. Me bretin vamira inizima a me ko botin iti. ¹⁵ Ezi Iesus akar gavgavimin kamaghin me migei, "Ia deragh uari bagh gan! Ia deravira Farisibar yis ko Herotin yis bagh deravira gan."

¹⁶ Iesus me mikemezi, me kamaghin uarira uariv gei, "E ti bretin tam inigha izezir puvatizi, a kamaghin yisin bizimin e migei."

¹⁷ Me uarira uariv geima, Iesus men migirigbagh fogha kamaghin men azara, "Ia tizim bagha ghaze, e bret tam inigha izezir puvati? Eee, ia ki amir biziab garava, fozir puvati. Ia tighar deraghvira dagh fogham? Ian nighniziba bar otefe.

¹⁸ Ia damaziba ikia, garir puvati? Ia kuariba ikia, orazir puvati? Ia biziab kabagh nighnizir puvati? ¹⁹ Ia, ki bretin 5pla biaghariaha ia ganingizi, ia 5,000in gumazibagh aningizima, me da apa izivagh, ataghizir naba, ia manmaghin akirabagh aghui?"

Ezi me kamaghin a ikaragha ghaze, "E 12pla akirabagh aghui."

²⁰ Ezi a ua kamaghin me migei, "Ezi ki bretin 7pla biaghariaha ia ganingizi, ia gumazir 4,000pla dagheba me ganingizi, me da apa izivazi dar naba, ia manmaghin akirabagh aghui?"

Ezi me kamaghin a ikaragha ghaze, "E 7pla akirabagh aghui."

²¹ Me kamaghin a migeima, a kamaghin me migei, "Eee, ia tighar biziab fogham."

Iesus uan suren gumazibar sure gami (Sapta 8:22-10:52)

Iesus Betsaidan gumazir damazir kurar mamin akurazi, an damazimming ua dera

²² Egha me Betsaidan ghuezima, gumazir maba gumazir damazir kurar mam inigha, Iesus bagha izi. Me izegha dafarim a

8:2: Mt 15:32-39, Mk 6:34-44 **8:2:** Matyu 15:32-39; Mak 6:34-44 **8:11:** Mt 12:38, Lu 11:16, Jo 6:30 **8:11:** Matyu 12:38; Luk 11:16; Jon 6:30 **8:12:** Mt 12:39, Lu 11:29 **8:12:** Matyu 12:39; Luk 11:29 **8:15:** Lu 12:1 **8:15:**

Luk 12:1 * **8:15:** Ni yisin mingarim gifoghs, akinafarir kamín akirangin itir Akar Mingaribar gan. **8:17:** Mk 6:52

8:17: Mak 6:52 **8:18:** Jer 5:21, Ese 12:2, Mk 4:12, Ap 28:26 **8:18:** Jeremaja 5:21; Esekiel 12:2; Mak 4:12; Apostol 28:26

darighasa Iesus gakaghori. 23 Ezi Iesus gumazir damazir kuramin agharimin suiragha, a inigha nguibam ategha azenan ghu. Aning azenan ghugha, Iesus gumazimin damazimning giparigha uan dafarimning a gisin atigha kamaghin an aza, "Ni biziitamin gari?"

24 Ezi gumazir kam kogha gara kamaghin migei, "Are, ki garima, gumazamiziba tembar min garav arui." 25 Ezi Iesus ua uan dafarimning an damazimning suirazi, guazimin damazimning kuiaghizrima, a ua deragha bizibar gari.

26 Ezi Iesus anemaga kamaghin a migei, "Ni ua nguibar kamin aven mangan marki. Ni uan dipenimin mangi."

*Pita Iesusin gun migei
(Matyu 16:13-20; Luk 9:18-21)*

27 Egha Iesus uan suren gumaziba ko dikavigha Sisaria Filipain nguibar ekiamin boroghin itir nguibar dozibar zui. Me ghuava a tuavimin men azara, "Gumazamiziba tina na garisi?"

28 Ezi me a ikaragha kamaghin a migei, "Marazi ghaze, ni Jon, Gumazamiziba Ruer Gumazim. Ezi marazi ghaze, ni Godin akam inigha izir gumazim Elaja. Ezi marazi ghaze, ni fomira ikezir Godin akam inigha izir gumazir mam."

29 Ezi Iesus kamaghin men azara, "Ezi ia? Ia tina na garisi?"

Ezi Pita kamaghin a ikaragha ghaze, "Ni Krais, God Uam e Iniasa Misevezir Guazim."

30 Ezi Iesus akar gavgavimin kamaghin me migei, "Ia nan gun gumazitam mikiman marki suam, ki tina."

*Iesus uan ovevem ko
ua dikayamin migirigiam gami
(Matyu 16:21-28; Luk 9:22-27)*

31 Egha Iesus men sure gamua kamaghin migei, "Gumazamizibar Otarim bar mizazir ekiaba koma osimtiziba iniam. Egha Judabar gumazir aruaba, koma ofa gamir guazir ekiaba, koma Judan Arazibagh fozir gumaziba, me an aghuaghiva a misuegħi an aremegħam. Egh dughiar pumuning ko mikezim givagħti u a u dikaġiham."

32 Iesus kamaghin uan ovevem aghurigha me migejima, Pita a inigha miriamin ghua kamaghin an atara a migia ghaze, "Ni mamaghin mikiman marki."

- 8:28:** Mk 6:14-15, Lu 9:7-8 **8:28:** Mak 6:14-15; Luk 9:7-8 **8:29:** Mt 16:16, Mk 9:9, Jo 6:68-69, 11:27 **8:29:** Matyu 16:16; Mak 9:9; Jon 6:68-69; 11:27 **8:31:** Mt 17:22 **8:31:** Matyu 17:22 **8:31:** Matyu 17:22 **8:34:** Matyu 10:38-39; Luk 14:27 **8:35:** Lu 17:33, Jo 12:25 **8:35:** Luk 17:33; Jon 12:25 **8:38:** Mt 10:33, Lu 9:26, Ro 1:16, 2 Ti 1:8 **8:38:** Matyu 10:33; Luk 9:26; Rom 1:16; 2 Tim 1:8 **9:1:** Mt 16:28, 24:30, 24:34, Mk 13:30, Lu 9:27, 22:18 **9:1:** Matyu 16:28; 24:30; 24:34; Mak 13:30; Luk 9:27 **9:2:** 2 Pita 1:17-18 **9:3:** Dan 7:9 **9:3:** Daniel 7:9 *** 9:4:** Moses ko Elaja bar fomiram ovengzejima, Iesus bogħimra nguazir kamin ize. **9:7:** Lo 18:15, Mt 3:17, Mk 1:11, Lu 3:22, Ap 3:22 **9:7:** Godin Araziba 18:15; Matyu 3:17; Mak 1:11; Luk 3:22; Aposel 3:22

bagh tam, Moses bagh tam, egh Elaija bagh tam.”

⁷ Ezi ghuariam otogha me avarazi, tiarir mam ghuariamin tongin otogha kamaghin migei, “Kar nan Otarir ki bar ifongezim. Ia anariram oragh!”

⁸ Ezi zuamira me gara ua gumazitamin garir puvati. Jesus uabira me ko iti.

⁹ Egha me uamatetgha mighsiamin izaghira Jesus bizar otozir me ganizimun gun gumazitam mikiman bar men anogoroke. Kamaghira iki mangi Gumazamizibar Otarim aremegh ua dikavigham. ¹⁰ Me ganizir bizar kam merara iti, ezi me aremegh ua dikavigham minigirigar mingarim bagha uarira uariv gei.

¹¹ Egha me an azara, “Manmaghsua Judan Arazibagh fozir gumaziba ghaze, Elaija faragh izeghti, God Ua e Iniasa Misevezir Gumazim gin izam?”

¹² Ezi Jesus kamaghin men azangsizim ikara, “Guizbangira Elaija faragh izeghiva bizibar kiram. Ezi tizim bagha fomira Godin Akinafarimin osizirim kamaghin iti, ‘Gumazamizibar Otarim osintizir aviribar even mangiti me akirim a gasaragharn?’ ¹³ Ezi ki ia migei, Elaija izegha gifra. Ezi gumazamiziba akinafarimin osizirir an gun mikemezimin mirara, me uan arazir me ifongezibar a gami.”†

Iesus otarir duar kuram apazazim gamizima a ua dera

(Matyu 17:14-23; Luk 9:37-45)

¹⁴ Egha me iza suren gumazir ighazariba bativigha garima, gumazamizir avirim me akuvazi Judan Arazibagh fozir gumaziba me ko uarivgia uari adosi. ¹⁵ Me uari adozima gumazamiziba Jesusin garavira digavir kuram gamighe dughiham a daningasa ivermara zui. ¹⁶ Ezi a kamaghin men azara, “Ia tizim bagha me ko ia uari adosi?”

¹⁷ Ezi gumazir mam gumazamizir avirimin torimin ikia kamaghin migei, “Tisa, ki uan otarim inigha ni bagha ize, duar kuram a gapazizima, a migeir puvati.

¹⁸ Dughiar aviribar duar kurar kam a gamua anekurima, a daghira pupuviba an akam misevima an atariba uariv tivima a mikirvasi. Ki duar kuram batoghaha nin suren gumazibar azangsizima me a batoghezir puvati.”

¹⁹ Ezi Jesus kamaghin migei, “Oio! Ki bar amira, datirighin itir gumazamiziba nighnizir gavgaviba puvati. Ki fomira ia ko itima, ia dazoghin bizitam gifogham? Dughiabar manmaghin, ki ia ko iki egha ian osimtiziba ateram? Otarim inigh na bagh iti.”

²⁰ Ezi me otarim inigha Jesus bagha ize. Ezi duar kuram Jesusin apigha, maghira otarim gamima a nigha nguazim girigha, poghpogha pupuviba an akam mifesi. ²¹ Ezi Jesus otarimin afeziamin azara, “A man dughiamin duar kuram a gapasa?”

Ezi afeziam kamaghin migei, “An aghirimra itima an a gapasa.” ²² An a damighti an aremeghasa dughiar aviribar anekurima an aviba ko dipabar ghuaghiri. Ni bizar kabar amuva, en apangkuvigh en akurvagh.”

²³ Ezi Jesus kamaghin migei, “Ni ubi! Ni nighnizir gavgavim ikiti biziba bar deraghah.”

²⁴ Ezi otarimin afeziam zuamira kamaghin diagha migei, “Ki nighnizir gavgavim ikiava, an otefe. Ezi ni nan akuragh!”

²⁵ Egha Jesus garima gumazamiziba ivermara men boroghin zuima a duar kuram batogha kamaghin a migei, “Ni duar kurar gumazamizibagh ami me orazi puvatizim ko migeir puvatizim, ki ni migei, azenan izi egh uam even mangen marki!”

²⁶ Ezi duar kam aregha pamtemin a gunabagha azenan ize. Ezi otarim gumazir kuamin min gari, ezi me bar kamaghin migei, “An areme.” ²⁷ Ezi Jesus an agharimin suiragh a ghufezi a dikavigha tu.

²⁸ Egha Jesus dipenimin even ghuzima an suren gumaziba mogomemin kamaghin an azara, “Manmagh amizi, e duar kurar kam batoghava avenge?”

²⁹ Ezi a kamaghin me ikaragh a ghaze, “Duar kurar kamaghin amiba God ko migeir arazimin gavgavim azenan izi.”

*Namba 2in dughiam Jesus ghaze,
an aremegh ua dikavigham*

(Matyu 17:22-23; Luk 9:43-45)

³⁰⁻³¹ Egha me danganir kam ategha Galilin Distrighin otogha zui. Me ghuava Jesus uan suren gumazibar sure gami. Bizar kamin Jesus me iti naghin gumazitam foghan an aghua. Me ghua, a kamaghin me migei, “Me Gumazamizibar Otarim isiva

9:9: Mt 12:16, Mk 8:30 9:9: Matyu 12:16; Mak 8:30

9:11: Mal 4:5, Mt 11:14 9:11: Malakai 4:5; Matyu 11:14

9:12: Sng 22:1-18, Ais 53:3, Dan 9:26, Mal 4:5, Lu 23:11, Fl 2:7

9:12: Aisaia 53:3; Daniel 9:26; Malakai 4:5; Luk 23:11;

Filipai 2:7 9:13: Mt 11:14, 17:12, Lu 1:17 9:13: Matyu 11:14; 17:12; Luk 1:17

9:13: Dughiar kamin Jesus

Elaija izamín bizim migei, egha guizbangira Jon, Gumazamizibar Ruer Gumazim migei. Ni fogksi, Matyu 17:12in gan. Jon

izava Jesus izasava a bagha tuavibar akira faraghha ize.

9:23: Mt 17:20, 21:21, Mk 11:23, Lu 17:6, Jo 11:40 9:23:

Matyu 17:20; 21:21; Mak 11:23; Luk 17:6; Jon 11:40

9:24: Lu 17:5 9:24: Luk 17:5 9:26: Mk 1:26 9:26:

Mak 1:26 9:30-31: Mak 8:31; 10:32-34; Jon 7:1

gumazibar dafarim darigham. Egheti me a misuehti an ovegham. Egheti dughiar pumuning ko mikezim givaghti a ua dikavigham.”³² Ezi me migirigiar a mikemezim gifozir puvati, egha a bagha an azangisghan atiatingi.

Tinarama Ekiam

(Matyu 18:1-5; Luk 9:46-48)

³³ Egha me Kaperneamin izegha dipenimin aven ikia Jesus men azara, “Ia tuavimin tizim migia uari ados?”³⁴ Me tuavimin uarira uari adoghoghoda ghaze, tina men dapanimin ikiam. Kamaghin me nimira iti.

³⁵ Ezi Jesus aperaghav ikiava suren gumazir 12plan diagha kamaghin me migei, “Tina faragh ikisi, a bar gin kegh gumazamiziba bar men ingarir gumazimin otogh.”

³⁶ Egha a borir dozim inigha me uan tongin anesarazi a tughav iti. Egha a uan agharimningin a muigha kamaghin me migei,³⁷ “Gumazitam o amizitam na ginighnigh egh borir dozir kamagh garitam inigh an akuraghram, kamaghin a na inigha nan akurvasi. Egha ni tina nan akurvasi, ni na gamir puvati. Ni uaghan gumazir na amadazim gami.”

*Tina en apanim gami puvati a en anav
(Luk 9:49-50)*

³⁸ Ezi Jon kamaghin a migei, “Tisa, e garima gumazir mam nin ziamin duar kuraba batosi. E fo, a en mav puvati, ezi e an anogoroke.”

³⁹ Ezi Jesus kamaghin migei, “Ia an anogoroghan marki. Gumazitam nan ziamin mirakel damigh, egh dughiar igharazimin akar kurabar na damighan kogham.⁴⁰ Tina en apanim gami puvati a en anav.⁴¹ Ki guizbangira ia migei, ia Gumazir God Uam E Iniasa Misevezimin adarasi. Kamaghin tina nan ziamin dipatam ia daningam, God ivezir aghuim a daningam.”

*Arazir kuraba
nighnizir gavgavim gasighasisi
(Matyu 18:6-9; Luk 17:1-2)*

⁴² Jesus ua kamaghin migei, “Tina nighnizir gavgavim nan itir borir katam damighti an arazir kuratam damighti, a helin mangiva, ivezir bar kuram iniam.

- | | | | | |
|---|---|------------------------------------|-----------------------------|---|
| 9:32: Lu 9:45, 18:34 | 9:32: Luk 9:45; 18:34 | 9:34: Lu 22:24 | 9:34: Luk 22:24 | 9:35: Mt 20:26-27, 23:11, |
| Mk 10:43-44, Lu 22:26 | 9:35: Matyu 20:26-27; 23:11; Mak 10:43-44; Luk 22:26 | 9:37: Mt 10:40, Lu 10:16, Jo 13:20 | 9:38: Nam 11:27-29, Lu 9:49 | 9:38: Diboboniba 11:27-29; Luk 9:49 |
| 9:37: Matyu 10:40; Luk 10:16; Jon 13:20 | 9:38: Matyu 12:30; Luk 11:23 | 9:40: Matyu 12:30; Luk 11:23 | 9:41: Mt 10:42 | 9:41: Mt 10:42 |
| 9:39: 1 Ko 12:3 | 9:39: 1 Korin 12:3 | 9:40: Mt 12:30, Lu 11:23 | 9:47: Mt 5:29 | 9:47: Matyu 5:29 |
| 9:41: Matyu 10:42 | 9:43-44: Mt 5:30 | 9:43-44: Matyu 5:30 | 9:48: | 9:48: |
| Ais 66:24 | 9:48: Aisaia 66:24 | 9:49: Ese 43:24 | 9:49: Ese 43:24 | 9:50: Mt 5:13, Lu 14:34-35, Ro 12:18, |
| Ef 4:29, Kl 4:6, Hi 12:14 | 9:50: Matyu 5:13; Luk 14:34-35; Rom 12:18; Efesus 4:29; Kolosi 4:6; Hibru 12:14 | | | † 9:50: Ves 49 ko 50in migirigiar aviriba aningen aven iti. Ezima Grighin akam deragha dar akar mingarim abighizir puvati. Ezi migirigiar kam fofozir gumaziba uaghan nighnizir vamiram an itir puvati. |

manmaghin nighnisi? Gumazim uan ifongiamin gin ghua uan amuim puram anetaghiraghshi damuti, Judan Araziba ti an amamangatigham, o ti puvatigham?"

³ A men azangsizim ikaragha kamaghin men azara, "Moses arazir manam damuasa ia mikeme?"

⁴ Ezi me kamaghin migei, "Moses, gu-mazitam amuim ateghsı poroghamimning unaning ataghıraghamın akindafarir avizim osirigh amizim amadaghsha, e mikeme."

⁵ Ezi Jesus kamaghin me ikaragha ghaze, "Ian naviba gavgafi. Kamaghin amizi, Moses ia bagha arazir kam osiri. ⁶ God bar faraghavira nguazir kam ko biziba bar dar ingara, gumazamizibar ingarigha me gamizi, men marazi gumazibar min otivizi, marazi amizibar min otifi. ⁷ Kamaghin amizi, gumazim uan ameboghfeziaba ategh mangi, a uan amuim ko aning uaninging porogham. ⁸ Egh aning inivafizir vamiram otogham. Aning ua gu-mazir pumuning puvati. Aning inivafizir vamira ikiam. ⁹ Kamaghin amizi God bizar pumuning isafuraghti, gumazitam aning abighan kogham."

¹⁰ Egha me uamategha dipenimin aven ghua, Jesusin suren gumaziba bizar kam bagha an azara. ¹¹ A me ikaragha kamaghin migei, "Gumazitam uan amuim ategh amizir igharazimin ikiva, gumazir kam uan amuim gasighasigha poroghamiba uari bakia uari isava akuir arazim gami. ¹² Eghti amizitam uan pam ategh gumazir igharazimin ikiva, amizir kam poroghamiba uari bakia uari isava akuir arazim gami."

*Jesus ghaze, me boriba ateghti
me a bagh izam*
(Matyu 19:13-15; Luk 18:15-17)

¹³ Ezi gumazamiziba borir doziba inigha Jesus bagha izi. Eghti a uan dafarimning me gisin dariğhasa me izima, an suren gumaziba men atara men anogorosi. ¹⁴ Me men atarima, Jesus men ganigha navim an ikuvizima, a kamaghin me migei, "Ni tina God Bizibagh Ativamin Dughiamin aven ikisi, borir dozir kabar min iki. Kamaghin amizi, ia borir doziba ateghti, me na bagh izi. Men anogoroghan marki. ¹⁵ Ki guizbangira ia migei, gumazitam borir dozir kabar min God Bizibagh Ativamin Dughiam inighan koghiva, an aven mangan bar iburaghram."

10:4: Lo 24:1-4, Mt 5:31 **10:4:** Godin Araziba 24:1-4; Matyu 5:31 **10:6:** Stt 1:27, 5:2 **10:6:** Jenesis 1:27; 5:2
10:7: 1 Ko 6:16, Ef 5:31 **10:7:** 1 Korin 6:16; Efesus 5:31 **10:7:** Jenesis 2:24 **10:11:** Matyu 5:32; 1 Korin
7:10-11 **10:14:** 1 Ko 14:20, 1 Pi 2:2 **10:14:** 1 Pita 2:2 **10:15:** Mt 18:3 **10:15:** Matyu 18:3 **10:19:** Kis
20:12-16, Lo 5:16-20, 24:14, Je 5:4 **10:19:** Ua Me Ini 20:12-16; Godin Araziba 5:16-20; 24:14; Jems 5:4 **10:21:** Mt
6:19-20, 10:38, Mk 8:34, Lu 12:33 **10:21:** Matyu 6:19-20; 10:38; Mak 8:34; Luk 12:33 **10:23:** Mt 19:23, Mk 4:19, Lu
18:24, 1 Ti 6:17 **10:23:** Matyu 19:23; Mak 4:19; Luk 18:24; 1 Timoti 6:17 * **10:25:** Ni kamelin mingarim gifoghsı,
akinafarir kamin akirangin itir Akar Mingaribar gan.

¹⁶ A kamaghin me mikemegha, boriba vaghvagha me isa me musi. Egha dafarim vaghvagha me gisin arighava, God arazir aghuim me damuasa God migei.

*Bizir aviriba itir gumazim
(Matyu 19:16-30; Luk 18:18-30)*

¹⁷ Egha Jesus dikavigha zuima, gumazir mam ivegha izava, uan tevimming apirigha Jesusin guamin kamaghin a migei, "Tisan Aghuim, ki manmaghin damigh zurara itir ikirimirir aghuarim iniam?"

¹⁸ Ezi Jesus an akam ikaragha ghaze, "Ni manmaghsua gumazir aghuim na garisi? Gumazir aghuitam itir puvati. God uabira gumazir aghuim. ¹⁹ Ni God Moses ganigizir arazim gifo, 'Ni gu-mazim misuegħti an aremehan marki, ni poroghamiba uari bakeir arazim damuam marki, ni gumazamizir igharazibar biziba okiman marki, ni bizibagh ifaran marki, ni ua bagh biziba inisi gumazamizibagh ifaran marki, ni uan afeziam ko amebamin apengen iki aningen akaba baragh.'"

²⁰ Ezi an a ikaragha kamaghin migei, "Tisa, ki fomiram aghirimra ikiava arazir kabagh amua iza datirighin ikia kat."*

²¹ Ezi Jesus gumazir kamin garava, a gifongegħha kamaghin a migei, "Ni bizar vamira tighar a damuam. Bizar ni itiba par da amadagh dagħiaba inighiva, gumazamizir biziba puvatizibar aningħiġ. Egh ni Godin Nguibamin bizar aghuariba iniam. Egh ni nan gin izi." ²² Ezi gumazir kam akar kam baregha, an guam misingi. A fo, a guizbangira bizar aviriba itir gumazim. Kamaghin, an navim bar osemezi a għu.

²³ Ezi Jesusin damaziba uan suren gu-mazibagh aruava, kamaghin me migei, "Gumazamizir bizar bar aviriba itiba, me God Bizibagh Ativamin Dughiamin mangisi bar iburaghm!"

²⁴ An suren gumaziba an akar kaba baregha, digavir kuram gamizi, Jesus ua kamaghin me migei, "Boriba, gumazim God Bizibagh Ativamin Dughiamin aven mangisi, a guizbangira bar iburaghburegħam. ²⁵ Kamelin tam iniba isair dikonir torimien aven mangisi ingangarir dafam damiġġ aven mangam. Eghti gumazamizir biziba avirasemeziba, me God Bizibagh Ativamin Dughiamin aven mangisi guizbangira bar iburaghram!"*

26 A me migeima, me guizbangira digavir kuram gamigha nighnizir aviribagh amua uarira uariv gei, "Kamaghin damighti, tinara zurara itir ikirimirir aghuir kam iniam?" **27** Ezi Jesus men gara kamaghin me migei, "Bizir kaba bar gumazamizibar osemegham. Bizir kaba Godin osemezir puvati. A biziba bar dagh ami."

28 Ezi Pita kamaghin a migei, "Ni ge, e uan biziiba bar da ategha, nin gin ize."

29 Ezi Jesus kamaghin me migei, "Ki guizbangira ia migei, gumazitam nan Akar Aghuim ko na bagh, uan dipenim, o uan aveghbuuba, buaramiziba, o uan afeziam, amebam, ko boriba, o uan nguaziba ategh, **30** egh gumazir kam datirighin nguazir kamin, God guizbangira bizar a faragha itiba bar dagh afiragh a daningam. A dipenir aviriba, aveghbuuba, buaramiziba, amebaba, borir aviriba, ko azenir aviriba a daningam. Eghti Godin gin zuir gumazamizibagh asighasizir araziba a uaghan dar aven ikiam. Eghti dughiar gin izamim zurara itir ikirimirir aghuarim an a daningam. **31** Datirighin dughiar kamin faragha itir gumazamizir aviriba, me gin ikitima, datirighin gin itir gumazamizir aviriba, me gin faragh mangam."

*Iesus uan ovevem,
dughiar mikezimin uam a migei
(Matyu 20:17-19; Luk 18:31-34)*

32 Egha me Jerusalemin ghuavanaga Iesus farazima, an suren gumaziba an gin ghua nighnizir aviribagh amima, me ko zuir gumazamiziba atiati. Ezi Jesus ua uan 12plan suren gumaziba inigha me miriamin ghuegha, a bizar a bativambar gun me migei, **33** A kamaghin me migei, "Ia oragh. E nguabar ekiam Jerusalemin ghuavanadi. Eghti gumazitam Gumazamizibar Otarim isiva, Judan Arazibagh fozir gumaziba ko ofa gamir gumazir ekiabar aningam. Eghti me a isi kot datagh, egh a misuegħti an aremegħsiva akabar akiram, egh me kamaghin a mikim suam, An aremegħam. Egh me a misuegħti an aremegħsiva, a inigh Kantrin Igharazibar Gumazamizibar dafaribar arigham. **34** Eghti Kantrin Igharazibar Gumazamiziba, me dibovir akabar a mikim, a gipariva, a fozorogħiha, a misuegħti an aremegħam. An aremegħti, dugħiars pumuning ko mikezim givagħiha u ua dikavigham."

10:27: Jer 32:17, Lu 1:37 **10:27:** Jeremaja 32:17; Luk 1:37 **10:30:** 2 Sto 25:9, Lu 18:30 **10:30:** 2 Eghħagħaniba 25:9; Luk 18:30 **10:31:** Mt 20:16, Lu 13:30 **10:31:** Matyu 20:16; Luk 13:30 **10:32:** Mk 8:31, 9:31 **10:32:** Mak 8:31; 9:31 **10:38:** Mk 14:36; Luk 12:50 **10:38:** Mak 14:36; Luk 12:50 **10:39:** Ap 12:2, MAA 1:9 **10:39:** Aposel 12:2; Akar Mogomem 1:9 **10:42:** Luk 22:25-26 **10:43:** Lu 9:48 **10:43:** Luk 9:48 **10:43:** Matyu 23:11; Mak 9:35; Luk 22:26 **10:45:** Jo 13:14; Fl 2:7, 1 Ti 2:5-6 **10:45:** Jon 13:14; Filipai 2:7; 1 Timoti 2:5-6 **10:47:** Mt 9:27, 15:22 **10:47:** Matyu 9:27; 15:22

*Jems ko Jon ziar ekiamning
iniasa ifonge
(Matyu 20:20-28)*

35 Ezi Sebedin otarimning, Jems ko Jon, Jesus bagħha iza kamaghin migei, "Tisa, ga bizar mam bagħha ifonge. Ni ga bagħha a damuasa ga nin azai."

36 Ezi Jesus kamaghin aningin azara, "Ki manmagħin guan akurvaghām?"

37 Aning a ikaragħa kamaghin migei, "Ni atrivir ekiamin otogh egh ga damighti gan tav nin agharir guvim daperagħti, tav nin agharir kiriam daperagħam."

38 Ezi Jesus kamaghin migei, "Gua azangqsizir bizar kam, gua an mingarim gifozir puvatigħha a bagħha nan azai. Gua ti ki ateramin osimtizim, ughan an ateramin gavgvavim iti? O osimtizir dipar ki ruamim gua ughan a guruam?"

39 Ezi aning kamaghin a ikaragħa ghaze, "Are, ga gavgvavim iti."

Ezi Jesus kamaghin aning migei, "Guizbangira, gua ki ateramin osimtizim, gua a iniam, egh osimtizir dipar ki ruamim gua a guruam. **40** Egha gua nan agharir guvim ko kiriam dapiasa azangħi, kar nan bixim puvati. Danganir kaba Godin biximra. A danganir kabar dapiamin gumazamizibagh fogħa, me bagħha danganir kabagh ami."

41 Ezi Jems ko Jon bizar kamin Iesus migeima, 10plan suren gumazir igharaziba a baregha, bizar kam bagħha Jems ko Jonin atari. **42** Ezi Jesus men diagħa, me akuvagħha kamaghin me migei, "Ia fo, Kantrin Igharazibar atriviba uan gumazamiziba pamten me gammima, me bar men apengan iti. Ezi men gumazir dapaniba uan akaba baraghħa puvira me abiraghħbirasi. **43** Eghti arazir kaba ian tongin ikian kogħam. Gumazir manam ian tongin ekiamin iki, a ingangarir gumazim min iki. **44** Eghti gumazir manam ian faragh mangisi, a bar ian ingangarir gumazir kinim min iki. **45** Ezi kamaghira Gumazamizibar Otarim iza, gumazamizibar amuti me a bagħ īngarasa, a izezir pu. Puvati, a me bagħ īngarasa ize. A gumazamizir aviriba bagħ ovegħ ua me givezeġħ me iniasa ize."

*Iesus gumazir damazir kurar mam
gamia a dera
(Matyu 20:29-34; Luk 18:35-43)*

46 Egha Iesus uan suren gumaziba ko Jerikon izegħha, gumazamizir avirim sara Jerikon nguħbar ekiam ataghħirasi. Ezi

gumazir damazir kurar mam, an ziam Bartimeus (Timeusin otarim), a tuavir mūriamīn aperaghav ikia biziba bagha inge.
⁴⁷ Egha an orazima Nasaretin gumazim Jesus uaghan iza zuima a dia ghaze, “Jesus Devitin Otarim, nan apangkufigh!”

⁴⁸ Ezi gumazamizir aviriba diman an anogoregha nimira ikiasava a migei. Ezi a pamtem diavira iti, “Devitin Otarim, ni nan apangkufigh!”

⁴⁹ Ezi Jesus tughā kamaghin migei, “An diagh.”

Ezi me gumazir damazir kuramin diagħha ghaze, “Ni uabin gavgvagh, egh dikafigh! Jesus nin dei.” ⁵⁰ Ezi a uan korotiar azenan azuim suegha anekunigha zuamira dikavigha Jesus bagha iżże.

⁵¹ Ezi Jesus an azara, “Ki tizim ni bagha a damuasa, ni ifonge?”

Ezi gumazir damazir kuram kamaghin migei, “Tisa, ki ganasa ifonge.”

⁵² Ezi Jesus kamaghin a migei, “Mangi. Ni nighnizir gavgvam Godin itima, a ni gamizi ni ua dera.” Ezi zuamira a ua gari. Egha a Jesusin gin tuavimin zui.

Iesu Mizazim inigha aremegħa ua dikafi

11

(Sapta 11–16)

*Iesu atrivimin min Jerusalemin zui
(Matyu 21:1-11; Luk 19:28-40; Jon 12:12-19)*

¹ Egha Jesus uan suren gumaziba ko Jerusalemin borogħin izava Betfage ko Betani borogħin Olivin Mighsiamin oto. Egha Jesus uan suren gumazir pumuning amaga,
² kamaghin aning migei, “Gua nguibar munagh ittimi mangi għantna, donkin igħar mam me a ikezja, a iti. Gumazitam dugħi-atamin a gaperaghha arużiż puvati. Gua an benim firighiva a inigh kagh iżi.” ³ Eghi tħalli guan azang suam, ‘Gua tizim bagħha donki firi?’ eghi gua a mikim suam, ‘Ekiam ingarim an iti. A uam anem mangam.’”

⁴ Ezi aning ghua gari donki me dipenir tiar akamini azenan tuavimin a ike. Ezi aning a fırma,
⁵ gumazir maba tuivighav ikia aningin azara, “Gua tizim bagħha donkin benim firi?” ⁶ Ezi Jesus mikemezi mogħin aning men akam ikara. Ezi gumazamiziba aning amam mangatizima aning donki inigha zui. ⁷ Egha aning donki inigha Jesus bagħha iziegħa uan korotiar azenan azuiba suegha donki għis in da għuħaniz, Jesus a għis apera.

10:52: Mt 9:22; Mk 5:34 **10:52:** Matyu 9:22; Mak 5:34
akirġiñ itir Akar Mingaribar gan.

11:13: Mak 11:20 [†] **11:13:** Ni fighin mingarim gifogħsi, akinafarir kamin akirġiñ itir Akar Mingaribar gan.

11:14: Lu 13:6 **11:14:** Luk 13:6 **11:17:** Ais 56:7, Jer 7:11 **11:17:** Aisaia 56:7; Jeremaia 7:11

⁸ Ezi gumazamizir aviriba uan korotiar azenan azuiba suegha tuavimin da ghuardi. Ezi marazi ruarimin tev seviba aghoregha da arisi. ⁹ Egha faragħa zuiba ko gin zuiba me diava ara kamaghin migei:

“Hosana!

Ia Godin ziam fi!

Gumazir, Ekamin ziam ko gavgvimin izim,

God deragh a damu!”

¹⁰ “En ovavim Devit fomira en atrivimin ikez mogħin
gumazir kam en atrivimin ikiasi izi.
Egħi God deravira a damu.

Hosana!

Biziba bar dar pin itir Godin ziam fi!”

¹¹ Ezi Jesus Jerusalemin aven ghugha Godin Dipenir miriamin għu. A ghugħa bizi bar gara da asavussej. Ezi aruem givazi, a uan suren gumaziba ko me Betaniñ għue.

*Iesu temer figh bar an angoroke
(Matyu 21:18-19)*

¹² Amimzaragħan Jesus uan suren gumaziba ko ua Betani ataqħi rragħha, Jesus mitriam an azi. ¹³ A saghon garima temer fighin mam dafaribara iti. Ezi a roghira mangi fogħasa a dagħeba iti, o puvati. Kar fighin temeba bamin dughiam puvati. Ezi kamaghin a ghua ovizitamin apizir puvati, dafarir kinibaram an iti. ¹⁴ Egha a kamaghin temem migei, “Tav ġin nin ovizitat rameghan kogħam.” An a mikemezi, an suren gumaziba oraki.

*Iesu Godin Dipenir miriamin ghua
gumazir asiziba amadiba batosi
(Matyu 21:12-17; Luk 19:45-48; Jon 2:13-22)*

¹⁵ Egha Jesus uan suren gumaziba ko Jerusalemin otivigha, Jesus Godin Dipenim avinixiż divażiż min aven għuava gumazamizir asizir ofa gamibagh iverziba ko, asizir ofa gamiba amadiba, me batosi. Egha dagħiaba uari ikarvazir gumazamizbar dakożiba ko kuarazir bunbaba amadibar dabiribba fa, egha da ighagħaristi. ¹⁶ Egha a tav bixiż amaditam inih Godin Dipenim avinixiż divażiż min aven iżi mangan an angoroke. ¹⁷ Egha a men sure gamuva kamaghin me migei, “Migirigħar kam Godin Akinafarimin osizirimiñ iti, o puvati?

“Nan Dipenimin ingangarim mingarim kamakin,

* **11:2:** Ni donkin mingarim gifogħsi, akinafarir kamin akirġiñ itir Akar Mingaribar gan.

11:9: Ongar Akaba 118:25-26

11:13: Mk 11:20

kar Nguaziba Bar Men Gumazamiziba
God ko Migeir Dipenim.'

"Ezi ia a gamizi, an okimakiar gumazibar
mogomer danganimin min oto!"

¹⁸ Gumazamizir avirim bar an suren
migirigia baregha digavir kuram gami.
Ezi kamaghin ofa gamir gumazir ekiaba ko
Judan Arazipagh fozir gumaziba Jesusin ati-
atigha, a misuehti an aremeghaha maghira
tuaviba buri. ¹⁹ Ezi aruem gevima lesus uan
suren gumaziba ko me Jerusalemin nguibar
ekiam ategha azenan zui.

Temer fighin misingizim
(Matyu 21:20-22)

²⁰ Egha mizaraghara Jesus uan suren
gumaziba ko ghua garima temer figh, biba
sara misingi. ²¹ Ezi Pita nirigha Jesus migei,
"Tisa ni gan, temer fighin ni asighasighasa
mikemezim, a misingi!"

²² Ezi Jesus an migirigiam ikaragha kam-
aghin me migei, "Nighnizir gavgavim Godin
iki. ²³ Ki guizbangira ia migei, tina mighsiar
kam mikim suam, 'Mangi uabi fegh on-
garim makinigh,' egh uan navir averiamin
igharagh nighnighan kogh, nighnizir gav-
gavim a mikemezir bizimin iki suam, 'An
otivam,' eghiti bizir kam a bagh otogham.
²⁴ Kamaghin amizi, ki ia migel, ia nighnizir
gavgavim iki God ko mikimiva, egh biziba
bagh Godin azangsigh, da iniam. ²⁵⁻²⁶ Egh
ni tugh God ko mikim egh osimtizim tinan
iti, ni an arazir kuram gin amadagh, eghiti
kamaghin nin Afeziar Ekiar uan nguibamin
itim, nin arazir kuraba gin amadaghama."‡

Judan gumazir dapaniba
Jesusin gavgavim bagha azara
(Matyu 21:23-27; Luk 20:1-8)

²⁷ Egha Jesus uan suren gumaziba ko ua-
mategħha Jerusalemin otogħa, Jesus Godin
Dipenim avinizir divazimin aven aruima,
ofa gamir gumazir ekiaba ko, Judan Arazi-
bagħ fozir gumaziba ko, Judabar gumazir
aruaba a bagħha ize. ²⁸ Egha me kam-
aghin Jesusin azara, "Ni gavgavir manan
amodogħin bizir kabagh am? Egha tina
bizir kabar amuasa gavgavim ni ganingi?"

²⁹ Ezi Jesus me ikaragħa ghaze, "Ki
azangsizir mam ia damuasa, ia na
mikemegħti, ki bizir kabaghha amir gav-
gavimin gun ia mikimam. ³⁰ Jonin rurim,

kar Godin bizim, o gumazamizibar bizim?
Na mikemegħ?"

³¹ Ezi meuarira uariv kemegħha ghaze,
"E suam, 'An rurim Godin ize,' eghти a
kamaghin uam en azaraghha, 'Ia man-
magħin amigha nighnizir gavgavim Jonin
ikian aghħua?" ³² Eghти e suam, 'An rurim
gumazamizibar ize.' (Gumazamiziba bar
moghira fo, Jon a guizbangira Godin akam
inigha izir gumazim, kamaghin me gu-
mazamizibar atiatingi.)

³³ Egha me Jesusin azangsizim ikaragħa
kamaghin migei, "E fozir puvati." Ezi
Jesus kamaghin me migei, "Kamaghira,
ki uan gavgavim inizir tuavimin gun ia
mikemegħan kogħam."

12

*Wainin azenimin garir gumazir kurabar
akar isin zuim*

(Matyu 21:33-46; Luk 20:9-19)

¹ Ezi Jesus akar isin zuibar Judan
gumazir dapanibav gei, "Gumazir mam
wainin azenim oparigha an divazim aghħui.
Egha wainin oviziba mirmiramin itarim
gikuigha, pin iki wainin azenimin ganamin
dipenimin ingari. Egha a wainin azenim
isa wainin azenimin ganamin gumazir
mabagh aningi. (Eghти me gin wain taba
uam a ikaraghha.) Egha sagħon iħaraghha
ghu." ² Ezi wainin oviziba kuaramin
dugħiġi otozi, wainin azenir għuavim
ingħandar gumazir mam amadazi a wainin
ovizitaba inħħasa wainin azenimin garir
gumaziba bagħha għu. ³ Ezi me an suiragħa,
a misueħha anemadazi a dafarir kinibar
uamategħha għu. ⁴ Ezi azenir għuavim,
ingħandar gumazir īħarazim amadazi, me
a misogħa an dapanim abigha aghħumsizir
arazibar a gami. ⁵ Ezi u aua mikelzim amada,
ezi ingħandar gumazir kam, me uaghan
a misogħezi an areme. Ezi a ingħandar
gumazir avirir īħarazir maba amangi, ezi
maba me pura me misoke, egha maba me
me misogħezi me ariaghire.

⁶ "Ezi an otarir kamran a bar ifongeżi
abuananam itima an anemangħsa. A bar
men gin anemaga kamaghin migħia ghaze,
'Me nan otarim akam baregh deragh a
damuam.' Egha anemadazi a għu. ⁷ Ezi
wainin azenimin garir gumaziba kamaghin

11:18: Mk 14:1 **11:18:** Mak 14:1 **11:20:** Mk 11:14 **11:20:** Mak 11:14 **11:23:** Mt 17:20, Lu 17:6, 1 Ko
13:2 **11:23:** Matyu 17:20; Luk 17:6; 1 Korin 13:2 **11:24:** Mt 7:7, Lu 11:9, Jo 14:13, Je 1:5-6 **11:24:** Matyu
7:7; Luk 11:9; Jon 14:13; Jems 1:5-6 **11:25-26:** Mt 5:23, 6:14-15, Kl 3:13 **11:25-26:** Matyu 5:23; 6:14-15; Kolosi 3:13
† **11:25-26:** Fofozir gumazir maba kamaghin nighnisi, migirigiar otevir mami uaghan vezin kamin aven iti. Migirigiar
kamra kara, "Eghia gumazamizir īħaraziba, ian gamizir arazir kuraba gin amadaghān kogħti, ian Afeziar uan nguibamin
itim a uaghan ian arazir kuraba gin amadaghān kogħam." * **11:32:** Mt 14:5, Mk 6:20 **11:32:** Matyu 14:5; Mak 6:20
12:1: Ais 5:1-2 **12:1:** Aisaia 5:1-2 **12:1:** Ni wainin mingarim gifogħsi, akina farid kamin akirgħin itir Akar
Mingaribar gan. **12:6:** Mt 3:17 **12:6:** Matyu 3:17 **12:8:** Hi 13:12 **12:8:** Hibrū 13:12

uariv gei, ‘Kar gin wainin azenir kam ini-amin otarim. Aria, e uari inigh a misuegheti an aremek. Egh wainin azenir kam, e an ghuaviba ikegham.’⁸ Egha me an suiragh a misoghezi an areme. Ezi me a isava wainin azenimin azenan anekuni.

⁹ “Ezi wainin azenimin ghuavim bar manmaghira damu? A izi wainin azenimin garir gumazir kabav soghtima me arimighiram. Egh wainin azenim isiva igharaz darazir aningam.”¹⁰⁻¹¹ Ia Godin Akinafarimin osizirir kamin ganiz, o puvati?

“Kar dipenir akinir ingangarir gumaziba aghauazim,
a datirighin dipenim aterir guarim gava.

Kar Ekiam arazir kam gami,
ezi an en ganganimin bar dera.”

¹² Ezi me fo an akar isin zuim me gasara, ezi kamaghin me an suiragh a iniasa tuaviba buri. Egha me an suighasa gumazamizbar atiatigha, anetegha ghue.

Gumazamiziba dagiaba Sisar daningam, o puvatigham?

(Matyu 22:15-22; Luk 20:20-26)

¹³ Egha gin Judan gumazir dapaniba Farisin maba ko Herotin gin zuir marazi amadazi, me Jesusin migirigiar otevitamin suighasa ize.¹⁴ Me izegha kamaghin migei, “Tisa, e fo ni guizbangira bizibav geir gumazim. Ni Godin Arazibar gumazamizbar sure gamua guizbangira me migei. Ni tavin nighnizimin gin zuir puvati. Akar vamira ni gumazamizir ziaba itiba, ko gumazamizir kiniba uaghara, me migei. Ni e mikim, Judan Araziba manmaghini migei? E dagiaba isiva Atrivim Sisar daningtma, arazir kam Godin damazimin dera, o puvati?”

¹⁵ Ezi Jesus men ifavarim gifogha kamaghin men azara, “Ia tizim bagha na gifari? Dagiata na bagh a inigh iziti ki an ganika.”

¹⁶ Ezi me dagiam a bagha a inigha izezi a men azara, “Tinan nedazim ko ziamra kara?”

Ezi me kamaghin Jesus ikara, “Sisarin nedazim.”

¹⁷ Ezi Jesus kamaghin me migei, “Kamaghira, ia Sisarin biziba isi Sisar daning, egh Godin biziba isi, God daning.” Ezi me an ikaravazimin digavir kuram gami.

Sadyusiba gumazim aremegh ua dikavamin bizim bagha Iesusin azangsisi

(Matyu 22:23-33; Luk 20:27-40)

¹⁸ Ezi Sadyusiba, kamaghin nighnisi, gumazim aremegh ua dikavighan kogham. Egha me azangsizir mam sara Jesus bagha ize.[†] ¹⁹ Me izegha kamaghin an azara, “Tisa, Moses fomira kamaghin e bagha osiri, gumazim ovegh uan amuir ategh egh boriba puvatighti, an aveghbuam an amuir odiarimin ikiva a bagh boriba iniam.”²⁰⁻²¹ Ezi dughiar mamin 7plan aveghbuuba iti. Avebam amuimin ikia boriba puvatigha aremez, ua avebamra irim an ikia boriba puvatigha uaghan areme. Ezi mikezim kamaghiram ami.²² Ezi 7plan aveghbuar kaba bar me an ikia, boritaba inizir puvatigha ariaghire. Ezi abuan, amizim uaghan areme.²³ Aveghbuar 7pla an ike. Egh kamaghin gumazamiziba ua dikavamin dughiamin, amizir kam tinan amuimra?”

²⁴ Ezi Jesus kamaghin me ikaragha ghaze, “Ia Godin Akinafarimin itir akam gifozir puvatigha, uaghan Godin gavgavim gifozir puvati. Kamaghin, ia paza migei.”²⁵ Ariaghireziba dikavamin dughiam paba amuibaikian kogham, uaghan me amuiba isi pabar arighan kogham. Me enselbar min Godin Ngulibamin ikiam.

²⁶ “Ezi ariaghireziba ua dikavizir bizim bagha, ia Mosesin Akinafarimin even temer isizimin eghaghanim ia an ganiz, o puvati? Eghaghanir kamin, God kamaghin Moses mikeme, ‘Ki Abraham, ko Aisak ko Jekopin God.’²⁷ God gumazamizbar ariaghirezibar God puvati, a gumazamizir angamira itibar God. Ia bar paza nighnigha migei.”

Godin Akar Gavgavir faragha zuim
(Matyu 22:34-40; Luk 10:25-28)

²⁸ Ezi Judan Arazibagh fozir gumazir mam izima Sadyusiba Jesus ko uari adozima, a me barasi. An orazima Jesus ikanavazir aghuim me ganingizima, a Jesusin azara, “Godin Akar Gavgavir manamra maba bar dagh afira egha faraghavira iti?”

²⁹⁻³⁰ Ezi Jesus a ikanagha ghaze, “Akar Gavgavir bar ekiamra kara: ‘Israelia, ia deraviram oragh. Ekiam, a bar uabira ian God. Eghiti ia bar uan navir averiaba ko uan duaba ko uan nighniziba ko uan gavgaviba sara bar a gifongegeh.’³¹ Ezi Akar Gavgavir anarira irimra kara, ‘Ni uabira ubi

12:10-11: Sng 118:22-23

12:10-11: Onger Akaba 118:22-23

12:13: Mk 3:6

12:13: Mak 3:6

12:17: Ro 13:7

12:17: Rom 13:7

12:18: Ap 23:8

12:18: Aposel 23:8

12:19: Lo 25:5

12:19: Godin Araziba 25:5

12:25: 1 Ko 15:42, 15:49,

15:52

12:25: 1 Korin 15:42; 15:49; 15:52

12:26: Kis 3:2, 3:6

12:26: Ua Me Ini 3:2; 3:6

12:29-30: Lo 6:4-5

12:29-30: Godin Araziba 6:4-5

12:31: Wkp 19:18, Ga 5:14, Je 2:8

12:31: Ofa Gami 19:18; Galesia 5:14; Jems 2:8

† 12:18: Ni Sadyusibar mingarim gifoghs, akinafarir

gifongezi moghin, ni gumazamizir igharazibagh ifongegeh.' Ua arazitam, arazir kamningin min ekevegha aning gafirazir puvati."

³² Ezi gumazir kam kamaghin Jesus ikara, "Ni guizbangira migia ghaze, God uabira, tav ua itir puvati." ³³ Euan navir averiam ko, uan nighnizim ko uan gavgavimin Ekiam gifongegeh, egh ubai gifongezi moghin, gumazamizir igharazibagh ifongegeh. E arazir kamningin gin mangiti, arazir kamning ofan me bar avimin tueba ko ofa damuamin biziha bar dagh afiraghram."

³⁴ Jesus orazima a deravira mikemezi, Jesus a migei, "Ni God biziba bar dagh ativagh dar ganamin dughiamin saghon itir puvati." Egha datirighin tav ua azangsizitam Iesusin azangan atiatingi.

*Jesus, God Uam E Iniasa Misevezir Gumazim bagha gumazamizibar azangsisi
(Matyu 22:41-46; Luk 20:41-44)*

³⁵ Egha Jesus Godin Dipenir miriamin gumazamizibar sure gamua, men azara, "Manmagh amizi Judan Arazibagh fozir gumaziba kamaghin migia ghaze, Krais, God Uam E Iniasa Misevezir Gumazim, a Devitin Ovavim?" ³⁶ Devit uabi, Godin Duam nighnizir kam a ganingizi, a kamaghin mikeme:

"Ekiam, nan Ekiam migia ghaze,
"Ni nan agharir guvimin daperagh iki mangiti,
ki nin apaniba dikabiragh me isi nin dafarim datighti,
me nin dagarimningin apengan ikiam."

³⁷ "Egha Devit uabi 'Ekiam' gumazir kam gati. Ezi manmaghın amizi a ua Devitin Ovavim?" Ezi gumazamizir aviriba an migirigieba baregha bar akonge.

*Judan Arazibagh fozir gumaziba
arazir kurabagh ami
(Matyu 23:1-36; Luk 11:37-54; 20:45-47)*

³⁸ Ezi Jesus gumazamizibar sure gamua kamaghin migei, "Ia Judan Arazibagh fozir gumaziba bagh ganigh. Me korotiar ruaribar aghuigh daruti gumazamiziba maketin danganibar ziar ekiaba me daningasa, me bar ifonge." ³⁹ Egh God ko migeir dipenibar aven dabirabir aghuarriba iniva, egh isar ekiabar dughiabar, me danganir ziaba itiba iniasa bar ifonge. ⁴⁰ Me amuir odiaribagh ifarava men dipeniba okia, ghaze e dera. Egha gumazamiziba men ziaba fasa, me God ko migia migirigieba ruaribagh ami. Kamaghin amir

gumaziba, men iveau kuram gumazamizir arazir kurabagh amibar iveau bar a gafiraghram."

*Amuir odiarimin ofa
(Luk 21:1-4)*

⁴¹ Egha Jesus ghua dagiaba arizir danganimin boroghin aperaghav ikia gumazamizir aviribar garima me uan dagiaba isa Godin Dipenimin dagiaba arizir danganimin a da arisi. Gumazamizir dagiar aviriba itiba dagiar aviriba arisi. ⁴² Ezi biziba puvatizir amuir odiarir mam iza dagiar muzierir pumuning ati, ezi aning dagiar rubuzir muzierir vamiran min ghu.

⁴³ Ezi Jesus uan suren gumazibar diagha kamaghin me migei, "Ki guizbangira ia migei, biziba puvatizir amuir odiarir kam dagiar muzierir pumuning dagiaba arizir danganim gati, ezi an dagiar pumuning gumazir igharaziba arighizir dagiabagh afira. ⁴⁴ Me uan dagiar aviribar amodoghin dagiar muzieriba aningi. Ezi a uan dabirabir onganarazimin mirara dagiar muzierir abuananam ati."

13

*Iesus ghaze, Godin Dipenim
gin ikuvigham
(Matyu 24:1-2; Luk 21:5-6)*

¹ Egha Jesus Godin Dipenim ategha azenan zuima, an suren gumazir mam a migei, "Tisa! Ni gan, kar dagiar bar ekiaba, me dar Godin Dipenimin ingarizima, an ganganim bar dera! Godin Dipenim koma dipenir dozir an miriamin itiba, da bar dipenir diriba!"

² Ezi Jesus kamaghin a ikaragha ghaze, "Ni dipenir dafar kabanangin gari? Da bar ikuvigham. Egh dagiar kaba, gumaziba bar da pueghti da bar moghira dagh iregham. Eighti tam tam gisin ikeghan kogham."

*Iesus ghaze, osimtzizir aviriba
gin otivam
(Matyu 24:3-14; Luk 21:7-19)*

³ Egha Jesus Olivin Mighsiam gisin, Godin Dipenim guam a misuegha aperaghav itima, Pita, Jems, Jon ko Andru me uarira ikiava an azara, ⁴ "E mikemegh, dipeniba ikuvighamin bizi, a manadizoghin otivam? Eighti arazir manam faragh otoghtima, e fogh suam bizi kaba otivamin dughiam roghira ize?"

⁵ Ezi Jesus kamaghin me migei, "Ia uari bagh deraghvira gan, gumazitam izi ia gifaran marki. ⁶ Gumazir aviriba nan

ziamin izi, suam, 'Ki Krais, God ua e ini-asä misevezir gumazim,' egh gumazamizir aviribagh ifaram.

⁷ "Eghti ia roghira itir midorozir ekiabar niginiba baragh, egh saghon itir midorozir ekiabar akaba baraghram. Egh ia digavir kuram damuan marki. Arazir kaba otivam, eghti nguazir kam givamin dughiam tighar izam. ⁸ Kantrin mamin itir darazi dikavigh kantrin igharazimin itir darazi ko misogham. Eghti atrivir mamin adarazi dikavigh atrivir igharazimin adarazi ko misogham. Danganir mabar dagheba bar puvaratightima, gumazamiziba mitiriamra ikiem. Eghti mikimkiziba uaghan otivam. Osimtizir kaba faragh otivigham, eghti nguazir kam givamin dughiam tighari. Osimtizir kaba mati, amizim otasa faraghavira mizazim barazi mokin.

⁹ "Ia deravira uarira uari bagh gan. Gu-mazitaba ia isi nguibabar garir gumazibar aningam. Egh me God ko migeir dipenibar ia misogham. Egh ia na bangin atriviba ko gavmanin gumazir ekiabar damazibar tuiv, egh ki amizir biziba ia dar gun me mikimam. ¹⁰ Eghti Godin Akar Aghuim, gu-mazamiziba faragh mangi ikiziba bar dar gumazamiziba dav kinigh. ¹¹ Eghti gumazamizitaba dughiar tamin ian suigh ia inigh kotin mangiti, ia mikimsi nighnigh osiman marki. God migirigiar manam kotin aven ia danighti, ia mikim. Kar ia uari migeir puvati, Godin Duam migei.

¹² "Aveghbuuba uarira uari isi apanibar aningti me me misoghi me arimighiram. Eghti afeziaba uan boriba uaghan kamaghira me damuam. Boriba uan ame-bohfeziabar akaba batoghiva ovengamin arazibar me damuti, me arimighiram. ¹³ Eghti gumazamiziba bar nan ziam bangin ian aghuaghram. Eghti gumazamizir gav-gavigh iki mangi dughiar abuananamin otoghamiba, God men akurvaghram."

*Iesus ghaze, bizir bar kuram otivam
(Matyu 24:15-28; Luk 21:20-24)*

¹⁴ Egha Iesus ua kamaghin migei, "Ia gantima, bizir bar kurar God ifongezir puvatizim, Godin Dipenimin aven ikiem. Kar a ikiem koghamin danganim. A ikiti, God uan Dipenim ategham. (Ni tina osizirir kamin ganigh, deravira nighnighiva a gifogh.) God bar aghuazir bizir kam, dughiar kamin

otoghti, Judian Distrighin itir gumazamiziba ari mighsiabar ghuavanangam. ¹⁵ Tav dipenimin pin itir avughsazir danganimin ikeghiva dipenimin aven mangi uan biziitam inian marki. ¹⁶ Tav azenir ekiamin ikeghiva uamategh dipenimin mangi uan azenan azuir korotiam inian marki. ¹⁷ Naviba adair amiziba ko horiba oteba apir amebaba, mevziika; dughiar izamin kaba bar men ikuvigham! ¹⁸⁻¹⁹ Dughiar izamin kaba, da osimtizir ekiabar dughiaba. God nguazim ko overiamin ingarizir dughiamin iza datirikin, egh ua kamaghin dughiatam otoghan kogham. Ezi kamaghin, ia amozimin dughiamin aran aghuaghiva, uari bagh God ko mikim. ²⁰ Ekiam uan gumazamizir misevezibagh nighnigha, dughiar kurar kamin dughiar maba aghorezi da mong otefe. A ti da aghorezir puvatizi gumazamiziba bar ariaghireghai.

²¹ "Dughiar izamimin, tav ia mikim suam, Ia gan, Kraisra kara! A God Ua E Iniasa Misevezir Gumazimra," o, 'Ia gan, Kraisra munal' ia an akam baraghan marki. ²² Gumazitaba izi ia gifar suam, 'Kirara, God Gumazamiziba Ua Me Iniasa Misevezir Gu-mazim,' o 'ki Godin akam inigha izir gu-mazir mam,' egh me mirakelin bar ekiaba ko digavir kuram gamir arazibar amuti da otivam. Me kamaghin ifonge, me gumazamiziba bar me gifaraghti, me onganigham. Egh me gavgavim iki, uaghan God ua bagha misevezir gumazamiziba, uaghan me gifarasa. Kamaghin me mirakelin kabar amuam. Egh dughiataba me me gifarisi damuva avegham. ²³ Ki gin otivamin biziba bar dar gun ia mikeme. Kamaghin ia deravira uari bagh gan."

*Iesus ghaze, gin
Gumazamizibar Otarim izam
(Matyu 24:29-31; Luk 21:25-28)*

²⁴ Egha Iesus ua kamaghin migei, "Osimtizir ekiar kabar dughiam givaghti, gin izamin dughiamin bizir kaba otivam.

¹⁴ "Aruem mitategham,
eghti iakinim isiraghan kogham;
²⁵ eghti mikoveziba overiamin asighiram,
eghti overiamin itir bizir gavgaviba bar
uarira uari sivaghsvagh,
uan danganiba ataghiraghram."

- 13:8:** 2 Sto 15:6; Ais 19:2; Mt 24:8 **13:8:** 2 Eghaghaniba 15:6; Aisaia 19:2; Matyu 24:8 **13:9:** MAA 2:10 **13:9:** MAA 2:10
Akar Mogomem 2:10 **13:9:** Matyu 10:17-20; Luk 12:11-12 **13:12:** Mt 10:21 **13:12:** Matyu 10:21 **13:13:**
Dan 9:27, 11:31, 12:12; Mt 10:22; Jo 15:21 **13:13:** Matyu 10:22; Jon 15:21 **13:14:** Dan 9:27, 11:31, 12:11 **13:14:**
Daniel 9:27; 11:31; 12:11 **13:15:** Luk 17:31 **13:17:** Lu 23:29 **13:17:** Luk 23:29 **13:18-19:** Daniel 12:1;
Joel 2:2; Akar Mogomem 7:14 **13:22:** Lo 13:1-3, MAA 13:13 **13:22:** Godin Araziba 13:1-3; Akar Mogomem 13:13
13:24: Ais 13:10; Ese 32:7; Jol 2:10, 2:31, 3:15, MAA 6:12, 8:12 **13:24:** Aisaia 13:10; Esekiel 32:7; Joel 2:10; 2:31; 3:15;
Akar Mogomem 6:12; 8:12 **13:25:** Ais 34:4; Jol 2:10, MAA 6:13 **13:25:** Aisaia 34:4; Joel 2:10; Akar Mogomem 6:13
13:26: Dan 7:13, Ap 1:11, 1 Te 4:16, MAA 1:7 **13:26:** Daniel 7:13; Aposel 1:11; 1 Tesalonika 4:16; Akar Mogomem 1:7

²⁶ "Dughiar kamin gumazamiziba ganti Gumazamizibar Otarim gavgavir ekiam ko angazangarir ekiam sara ghuiariamin tongin izam. ²⁷ Egh a uan enselba amadaghti me mangi nguazim ko ove-riamin danganiba bar ko nguazimin oteviba bar dar mangiva God misevezir gumazamiziba menaku a bagh izam."

*Iesus ghaze, ia temer fighin gan fogh
(Matyu 24:32-35; Luk 21:29-33)*

²⁸ Egha Iesus ua kamaghin migei, "Temer fighin aguaba ua diz murti, ia fogh suam, amozimin dughiam roghira ize. Ia temer fighin gan nighnizim iniam. ²⁹ Kamaghira ia bizar kabar ganti da otivti, ia fogh suam, Gu-mazamizibar Otarim a ua izamin dughiam roghira ize. A tiar akamin tughav iti. ³⁰ Ki guizbangira ia migei, dughiar kamin itir gu-mazamizir kaba ikivira ikiti bizar kaba bar otivam. ³¹ Overiam ko nguazim givagham, eghti nan migirigia bavagham kogham."

*Iesus ghaze, a ua izamin dughiam
tav a gifozir puvati
(Matyu 24:36-44)*

³² Egha Iesus ua kamaghin migei, "Bizar ki ia migeir kaba otivamin dughiam, tav a gifozir puvati. Enselin Godin Nguibamin itiba ko Godin Otarim uaghan fozir puvati. Afeziat bar uabira fo.

³³ "Ia deravira uari bagh ganiva mizuam iki, dughiar izamim, ia a gifozir puvati. ³⁴ Dughiar kam mati gumazim igharagha zui. A uan dipenim ategha ghua uan dipenim isa uan ingangarir gumazibar dafarim garigha dipenimin ingangariba me rome. A tiar akamin itir gumazim migia ghaze, ni de-ravira gan.

³⁵ "Dipenimin ghuavim izamin dughiam ia a gifozir puvati, a bogarangra izam, o dimagarir arizimin izam, o tuariba akiti a izam, o aminim tiraghti a izam, o? Kamaghin ia deravira gan. ³⁶ Puvatightima, a zuamiram otogh ian ganti, ia dakuvira ikiam. ³⁷ Ki ia migeir bizar kaba, ki gumaza-miziba bar me migei, 'Ia deravira gan!'

14

Gumazir dapaniba Iesus misueghti an aremeghaha migirigia bar kiri

(Matyu 26:1-5; Luk 22:1-2; Jon 11:45-53)

¹ Dughiar kam, God Isaelia Gitazir Dughiam, ko Yis Puvatizir Bretin Isam Damuamin Dughiam, dughiar pumuningra ikiavira itima, ofa gamir gumazir ekiaba,

ko Judan Arazibagh fozir gumaziba, arazir mogometamin Iesusin suiragh a misueghti an aremeghaha tuaviba buri.* ² Egha me kamaghin uariv gei, "E isamin dughiamin an suighan kogham. E damuti isamin itir gumazamiziba midorozir ekiatam damigham."

*Amizir mam mughuriar aghuim zuir borem Iesusin dapanim ginge
(Matyu 26:6-13; Jon 12:1-8)*

³ Egha Iesus Betanin nguibamin ikiava, Saimonin dipenimin aven dagher dakoziimin apava aperaghav iti. (Saimon faragh lepan arimariam an mikarzim gami.) Iesus apava aperaghav itima, amizir mam mughuriar aghuim zuir borer mam inigha izi. Borer kam alabastan ingarizir misevimin aven iti. Boremzin ziam nat, an iveauz bar pin ko. Amizir kam borer kam inigha Iesus bagha izegha borev sevimi abigha borem Iesusin dapanim ginge. ⁴ Ezi uaghan itir darasi, men naviba isia kamaghin uariv giavira iti, "Kav tizim bagha borer mughuriar aghuim zuim pazava a gami? ⁵ A ti anemadagha dagiarr aviriba inighai. An iveauz azienir vamiran iveauz gafira. Egha an dagiaba organarazibagh amibar akuraghdam." Egha me puv an atari, egha an anogorosi.

⁶ Ezi Iesus kamaghin me migei, "Ia tizim bagha osintizim a garisi? An arazir aghuim na gami. Ia anetakigh! ⁷ Onganarazibagh amiba zurara ia ko ikiam. Ia dughiar manam men akurvaghs, men akurvagh. Ki zurara ia ko ikian kogham. ⁸ Ki aremeghti a damuamin bizim, a datirighin na gami. A faragh mughuriar aghuim zuir borem nan mikarzim daghughti me gin na mozim darigham. ⁹ Ki guizbangira ia migei, me nguazir kamin danganir manabar Godin Akar Aghuim akuniva egh amizir kam amizir arazim uaghan a mikimiva a ginighnighvira ikiam."

Judas Iskariot Iesus inigh ofa gamir gu-mazir ekiabar dafarim darighasa akar gav-gavim akiri

(Matyu 26:14-16; Luk 22:3-6)

¹⁰ Ezi Judas Iskariot 12plan aposelin mam, a Iesus isi ofa gamir gumazir ekiabar dafarim darighasa me bagha ghu. ¹¹ Ezi Faris-iba an akar kam baregha bar akonge, egha dagiaba a daningasa akam akiri. Ezi Judas, Iesusin suiragh men dafaribar arighasa tuaviba buri.

13:27: Mt 13:41 **13:27:** Matyu 13:41 **13:32:** Mt 24:36 **13:32:** Matyu 24:36 **13:34:** Mt 25:14, Lu 12:36-38

13:34: Matyu 25:14; Luk 12:36-38 **13:35:** Lu 12:38 **13:35:** Luk 12:38 **14:1:** Kis 12:1-27, Mk 11:18 **14:1:** Ua

Me In 12:1-27; Mak 11:18 **14:1:** Ni Isaelia Gitazir Dughiam koma Yis Puvatizir Bretin Isam Damuamin Dughiamin mingariba gifoghs, ni akitafarir kamin akirangin itir Akar Mingaribar gan. **14:3:** Lu 7:37-38 **14:3:** Luk 7:37-38

14:7: Lo 15:11 **14:7:** Godin Araziba 15:11 **14:8:** Jo 19:40 **14:8:** Jon 19:40

*Iesus uan suren gumaziba koma api
(Matyu 26:17-25; Luk 22:7-14; 22:21-23;
Jon 13:21-30)*

¹² Yis Puvatizir Bretin Isam Damuamin Dughiabar faragha zuir aruemin, Judan gumazamiziba arazir kam iti. Me faragh God Israelia Gitazir Dughiam ginighnigh sipsipin igiam inigh God danighiva an ofa damuam. Ezi Iesusin suren gumaziba an azara, “Ni danganir manamin God Israelia Gitazir Dughiamin isam amisi ifueghti, e an mangi biziba akiram?”

¹³ Ezi a uan suren gumazir pumuning amaga kamaghin aning migei, “Gua nguubar ekiamin mangiti gumazitam dipar minem ater izi gua batoghti, gua an gin mangi. ¹⁴ Dipenir an aven zuim gua an mangiva an ghuavim mikim suam, Tisa kamaghin migei, ‘Nan danganir ki uan suren gumaziba ko God Israelia Gitazir Dughiamin isam amamim a mana?’ ¹⁵ Egha a pin dipenir aven itir danganir ekiam ian akagharam. Danganir kam biziba bar ikia e baghavira mizuai. Egha ia danganir kam e uari bagh biziba bar adar kirigh.’” ¹⁶ Ezi an suren gumazimning me ategha nguubar ekiamin aver ghua garima biziba an migirigiamin mirara ghuzi, aning maghira God Israelia Gitazir Dughiam bagha dagheba ko bizibar kiri.

¹⁷ Ezi guaratighin Jesus uan 12plan suren gumaziba ko otifi. ¹⁸ Egha dagher dakozimin apiaghav ikia apava, Jesus kamaghin me migei, “Ki guizbangira ia migei, ian tav na isi gumazir nan apanim gamibar agharim darigham, a uaghan na ko ikiava api.”

¹⁹ Me an akam baregha, naviba bar oseme. Egha me bar vaghvaghha an azangsigha kamaghin migei, “Ki ti markiam?”

²⁰ Ezi a me ikaragha kamaghin me migei, “Gumazir na ko bret isa itarir vamiram aghua, uam a isim, a gumazir na isiva apanibar agharim darigham, a ian 12plan mavira. ²¹ Godin Akinafarim mikemezi moghin, gumazamizibar Otarim aremegham. Egha gumazir Gumazamizibar Otarim isava apanibar agharim gatizim, gumaka! A bar ikuvigham! Amebam a batezir puvatizi, deraghai!”

*Iesus bret ko wain
uan suren gumazibagh aningi
(Matyu 26:26-30; Luk 22:15-20; 1 Korin
11:23-25)*

²² Egha Jesus uan suren gumaziba ko apa ikiava, a bretin mam inigha God minabagha anebigha, a isa uan suren gumazibagh aniga kamaghin me migei, “Kar nan inivafizim. Ia a inigh aneremi.” ²³ Egha a wain apir kap inigha God minabagha me ganingizi, me vaghvaghhauarir guri.

²⁴ Me wain apima a kamaghin me migei, “Kar nan ghuzim, an Akar Dikirizir Gavgavim, gavgavim a ganidi. A gumazamizir aviriba bagha ire. ²⁵ Ki guizbangira ia migei, Ki uam wainin ovizimin dipatam rameghan kogham, kamaghira iki mangi Dughiar God Bizibagh Ativamimin otogham. Egha dughiar kamin, ki wainin dipar igiam amam.”

²⁶ Egha me Godin ziam fer ighiar mam gamigha dikavigha Olivin Mighsiamin ghue.

*Iesus ghaze, Pita gin mikim suam,
a Iesus gifozir puvati
(Matyu 26:31-35; Luk 22:31-34; Jon
13:36-38)*

²⁷ Egha Jesus kamaghin uan suren gumazibav gei, “Godin Akinafarim osizirim kamaghin iti:

“Ki sipsipbar garir gumazim misueghti
sipsipba tintinimin aregham.”

“Kamaghin amizi, ian nighnizir gavgavir nan itim givaghtima, ia bar na ategh aregham. ²⁸ Ki ia migei, ki aremegh ua dikavigh ian faragh Galilin Distrighin mangam.”

²⁹ Ezi Pita kamaghin migei, “Me ti bar, ni ataghiragh aram, egha ian faragh kogham.”

³⁰ Ezi Jesus kamaghin a migei, “Ki guizbangira ni migei, datirighin dimagarir kamin ni ubi dughiar pumuning ko mikezimin suam, ‘Ki a gifozir puvati,’ egha tuarin gin akazir pumuning damuam.”

³¹ Ezi Pita akar gavgavimra amua ghaze, “Ki ni ko ovengsiva ovengam, ki bar kamaghin mikemeghan kogham. Bar puvatigham!” Ezi suren gumaziba bar kamaghiram a migei.

*Iesus Getsemanin azenimin
God ko migei
(Matyu 26:36-46; Luk 22:39-46)*

³² Egha Jesus uan suren gumaziba ko Getsemanin ghuegha, a kamaghin me migei, “Ia kagh dapiaghiv ikiti ki God ko mikimam.” ³³ Egha a Pita, Jems ko Jon

inigha ghu. Egha a bar osemegha, bar paza uabi barasi.³⁴ Egha kamaghin me migei, “Nan navir averiam, osimtzizim a itaragha ghuaghiri. Ezi ki aremeghasava ami. Ia kagh ikiva, deravira gan.”

³⁵ Egha a mong isivaghha ghughha, uan guam moghin nguazim girigha kamaghin God ko migia ghaze, tuavir igharazitam ikiti God dughiar kurar kam na dam a inigh. ³⁶ A kamaghin God ko migei, “O Ame, nan afeziam, bizitam bar nin osemezir puvati. Kamaghin osimtzizir kam, ni na dam a inigh. Ni nan ifongiamin gin mangan marki. Puvati, ni uam ifongiamra gin mangi.”

³⁷ Egha a dikavigha uamategha uan suren gumazir pumuning ko mikezim bagha ghu gari me akui. Ezi a kamaghin Pitan azai, “Saimon, ni akui? Ni tong dughiar otevimin angamira ikeghan kogham? ³⁸ Ia na bagh deravira gan, egh God ko mikimti, osimtzitam ia damutti ia ireghan kogham. Ki fo, ian navir averiaba ifonge, ezi iniavifiza gavgaviba dar puvati. Kamaghin pariam ian azi.”

³⁹ Egha a uamategha ghua faragha God ko mikemezi moghin uam a ko migei. ⁴⁰ Egha a uamategha suren gumaziba bagha iza gari, me akuavira iti. Pariam puv men azi. Ezi a me gaghurazi, me a mikimamin akabagh asa.

⁴¹ Ezi a dughiar mikezimin ghua God ko mikemegha uamategha iza me migei, “Ia avughsavaakuavira iti? Arazir kam atakigh! Dughiam oto. Ia gan. Gumazmizibar Otarim me a isiva gumazir arazir kurabagh amibar dafarim darighasa. ⁴² Ia dikavigh, e mangam. Ia gan. Gumazir na isiva apanibar aningamra muna izi!”

*Judas Jesus isava
apanibar dafarim gati*
(Matyu 26:47-56; Luk 22:47-53; Jon 18:3-12)

⁴³ Egha Jesus Pita, Jems ko Jon migiavira itima, Judas oto, a 12plan suren gumazibar mav. Maburan avirim a ko midorozir sababa ko asianiba inigha Jesus bagha izi. Ofa gamir gumazir ekiaba ko Judan Arazibagh fozir gumaziba ko Judabar gumazir aruaba, me me amangizi, me izi. ⁴⁴ Gumazir Jesus isi men dafaribar arighasava amim faragha ghaze, “Ki arazir kam ian akaghram. Gumazir ki toramim, kar Iesusra. Ia an suiragh, deraghvira an ganiwa, egh a inigh mangi.”

⁴⁵ Ezi Judas Jesus bagha ghuavira ikia kamaghin migei, “Tisa!” Egha an tore. ⁴⁶ Ezi

gumaziba izava Iesusin agharibagh iregha, pamtem an suiki.

⁴⁷ Ezi Iesusin boroghin itir gumazir mam uan midorozir sabam asigha, ofa gamir gumazibar dapanimin ingangarir gumazimin kuarim atuzi, an kuarim dutuaghiri. ⁴⁸ Ezi Iesus kamaghin me migei, “Ki okimakiar gumazim puvati. Ia tizim bagha nan suighasa midorozir sababa koma asianiba suigha izi? ⁴⁹ Ki zurara ia ko ikia, Godin Dipenim avinizir divazimin aven gumazamizibar sure gami. Ezi ia nan suighan aghua. Ezi Godin Akinafarimin osizirim mikemezir moghira ia kamaghin na gami.” ⁵⁰ Ezima Iesusin suren gumaziba bar aneteghava are.

Gumazir igiar mam arav ghu

⁵¹ Ezi gumazir igiar mam bizitam aruzir puvatigha, inir ghurghurir azenan itimra ikegha Iesusin gin zui. Ezi Iesusin apaniba an suirazima,⁵² a uan azenan itir inir ghurghurim ategha bibiamrama arav ghu.

Iesus Judan kotin aven iti

(Matyu 26:57-68; Luk 22:54-55; 22:63-71; Jon 18:13-14; 18:19-24)

⁵³ Ezi Iesusin apaniba a inigha ofa gamir gumazibar dapanim bagha ghu. Ezi ofa gamir gumazir ekiaba ko Judabar gumazir aruaba, ko Judan Arazibagh fozir gumaziba, me bar iza uari akufa. ⁵⁴ Ezi Pita mong tizim a gatigha Iesusin gin ghua bar ghua ofa gamir gumazibar dapanimin dipenimin divazimin aven ghu. Egha kagh ganganir gumaziba ko apiaghav ikia avimin fi.

⁵⁵ Ezi ofa gamir gumazir ekiaba ko, Judan kotin aven itir gumaziba bar, me Iesusin misueghti an aremeghasa akar men akurvaziba buria, tam batozir puvati.

⁵⁶ Gumazir aviriba ifavarir migirigia bar Iesus gami, ezi men migirigia bar voroghira zuir puvati. ⁵⁷ Ezi marazi dikavigha ifavarir akar kamin a migei, ⁵⁸ “E orazi, a ghaze, ‘Ki Godin Dipenir gumaziba ingarizim apirigh, egh dughiar pumuning ko mikezimin, igharazitam ingarigham. Godin Dipenir ki ingaramim, gumaziba uan dafaribar ingarizir puvatizimin ingarigham.’” ⁵⁹ Ezi migirigiar kaba uaghan guizbangira voroghira zuir puvati.

⁶⁰ Ezima ofa gamir gumazibar dapanim dikavigha men tongin tugha egha Iesusin azara, “Ni akatam ikarvaghan aghua? Me ni gasir akar kam, a guizbangira, o?” ⁶¹ Ezi Iesus nimira ikia men migirigiatam ikarazir puvati.

14:36: Mk 10:38, Jo 6:38, Ro 8:15, Ga 4:6, Hi 5:7

14:36: Mak 10:38; Jon 6:38; Rom 8:15; Hibrui 5:7

14:38: Lu 11:4,

Ro 7:23, Ga 5:17

14:38: Luk 11:4; Rom 7:23; Galesia 5:17

14:49: Ais 53:7, Lu 19:47, 22:37, Jo 18:20

14:49:

Aisia 53:7; Luk 19:47; 22:37; Jon 18:20

14:50: Sng 88:8

14:58: Jo 2:19

14:58: Jon 2:19

Mk 15:5, Lu 23:9

14:61: Aisia 53:7; Mak 15:5; Luk 23:9

Ezi ofa gamir gumazibar dapanim uam an azara, "Ni Krais, God Uam E Iniasa Misevezir Gumazim? Ni gumazamiziba ziam fer Godin Otarim?"

⁶² Ezi Iesus kamaghin a migei, "Ki an Otarimra. Ia ganti, Gumazamizibar Otarim gavgavim itir Godin agharir guvim daperagh overiamin ghua sara izam."

⁶³ Ezi ofa gamir gumazibar dapanim uan korotiaba abigha azara, "E tizim bagh ua akar akurvaziba buriam?" Markiam!

⁶⁴ Ia uari a barasi, a migirigar kurabar Godin ziam gasighasisi. Ezi ia manmaghinh nighnisi?" Ezi me bar akam a gasa ghaze, an aremegham.

⁶⁵ Egha marazi a gipari. Egha me an damaziba avaragha, uan agharibar a misogha kamaghin migei, "Ni mikim. Tinara ni misosi?" Ezi ganganir gumaziba inigha a misoghavira iti.

*Pita ghaze, a Iesus gifozir puvati
(Matyu 26:69-75; Luk 22:56-62; Jon 18:15-18; 18:25-27)*

⁶⁶ Dughiar kamra Pita dipenimin divaziminaven vanginan itima, ofa gamir gumazibar dapanimin ingangarir guivir mam izi. ⁶⁷ Egha Pitan garima an avimin fiima, a dikiraviram an gara, kamaghin migei, "Ni uaghan Nasaretin gumazir kam, Jesus ko ike."

⁶⁸ Ezi Pita uabin ghuaragha ghaze, "Ki ni migeir bizar mam gifozir puvati." Egha divazimin tiar akar ekiamin otivasa azenan ghu. Ezi tuarim ati.

⁶⁹ Ezi ingangarir guivir kam kagh an apigha tuivighav itir gumazamiziba ua me migei, "Muna men mav." ⁷⁰ Ezi a ua uabin tira.

Ezi mong gin, an boroghin tuivighav itir darazi Pita migei, "Ni Galilin gumazim, kamaghin guizbangira ni men mavira."

⁷¹ Ezi a pamtem migia ghaze, Ki guizbangira migei, ki ifsarahtima God na gasighasigham. Egha kamaghin me migei, "Ki gumazir ia migeir kam gifozir puvati."

⁷² A kamaghin migiavira itima tuarim uam akegham."

Ezi Pita Iesus a mikemezir migirigiam giniri, "Ni faragh dughiar pumuning ko mikezimin suam, ki Iesus gifozir puvati, eghti tuarim gin dughiar pumuningin akegham." Egha Pita nighnighava avegha bar puvirama aza.

1282

15
*Me Iesus inigha Pailat bagha ghu
(Matyu 27:1-2; 27:11-14; Luk 23:1-5; Jon 18:28-38)*

¹ Egha bar mizaraghara, ofa gamir gumazir ekiaba, ko Judabar gumazir aruaba, ko Judan Arazibagh fozir gumaziba, ko Judan kotin aven itir gumazir igharaziba sara, me nighnizir mam bato. Egha me Iesusin dafariba ikegha an akua ghua Pailat ganingi. ² Ezi Pailat an azai, "Ni Judabar atrivim, o?"

Ezi Iesus ghaze, "Are, ni mikemezei moghira." ³ Ezi ofa gamir gumazir ekiaba bizar aviribar a migiava, a gasi.

⁴ Ezi Pailat uam an azara, "Ni migirigar kaba ikarvaghram, o puvati? Ni orasi, me bizar aviriba ni migia ni gashi." ⁵ Ezi Iesus bar migeir puvatizima, Pailat digavir kuram gami.

*Pailat ter ighuvimin Iesus aguasa migei
(Matyu 27:15-26; Luk 23:13-25; Jon 18:38-19:16)*

⁶ Ezi Pailat amir arazim kamakin, azeniba bar isar ekiar kamin dughiam, me Pailat mikinti a kalabusin itir gumazir me ifongezim, ateghti, a mangam. ⁷ Gumazir mam, an ziam Barabas, a gumazir gavman ko misoziba me ko kalabusin iti. Me bizar kam bagha kalabusin iti. Me gavman ko uariv sogha gumazir mabav soghezi me ariaghire. ⁸ Ezi gumazamiziba Pailat iti naghin ghuavanabogha kalabusin itir gumazir me ifongezim ategħħesa Pailatin zażangsis. Kar arazir Pailat zurara amim. ⁹ Ezi Pailat men azara, "Ki Judabar Atrivim ategħi ia bagħi anemangasa, ia ifonge?" ¹⁰ Pailat fo, ofa gamir gumazir ekiaba Iesus amir biziha bagħha naviba ikuvava, a isa Pailatin dafarim gati. ¹¹ Ezi ofa gamir gumazir ekiaba migirigar navibagh iniviba gumazamizibagh anidi. Eghni me Pailat mikemegħi Iesusin anogoregħ, Barabas ategħti a me bagħi izam.

¹² Ezi Pailat azara, "Gumazir ia Judabar atrivim arizim, ki manmagħin a damuam?" ¹³ Ezi gumazamiziba pamtem dia kamaghin migei, "A isi ter ighuvimin a gafugħi!" ¹⁴ Ezi Pailat men azara, "Manmagħi su? An arazir kurar manam gami?"

Ezi me bar pamtem dia migei, "A isi ter ighuvimin a gafugħi!" ¹⁵ A me damut men naviba deraghħasa, Pailat Barabas ataki. Egha midorozir gumazibav gejma, me benibar Iesus ifozoroke. Egha gin a isa midorozir gumazibar agharim gati, eghni me a isi ter ighuvimin a gafugħam.

*Midorozir gumaziba Jesus dipofi
(Matyu 27:27-31; Jon 19:2-3)*

¹⁶ Egha midorozir gumaziba Jesus inigha gavmanin dipenir ekiamin miriamin aven ghuaghira midorozir gumaziba bar men diazi me iza uari akufa. ¹⁷ Egha me korotiar aghevir ruarim a garugha dikoniba itir beniba inigha atrivimin dapanir asuamin min an ingarigha, an dapanim garu. ¹⁸ Egha me maghira an diava a migei, “Judabar Atrivim, nirara atrivir ekiam!” ¹⁹ Egha me aghorim an dapanim misogha, egha uaghan a giparavira iti. Egha me ifara uan teviba apirigha ira mati me guizbangira an ziam fe moghin ami. ²⁰ Me arazir kabar a gamua a dipovegħa givagħa, a da korotiar me a gaghuzibba suegħa, ananaba a gaghui. Egha me a isa ter ighuvimin a gafughasa an akua zui.

*Midorozir gumaziba Jesus isa
ter ighuvimin aneguragħha a gafu
(Matyu 27:32-44; Luk 23:26-43; Jon
19:17-27)*

²¹ Ezi Sairinin gumazir mam Saimon, a Aleksander ko Rufusin afeziam, a nguibar iħbarazim ikegħa Jerusalemin aven zui. Ezi midorozir gumaziba Jesus guamin ter ighuvimin aterasa an suirazi, an aneteri.

²² Egha me ghua danganir mamin ziam Golgota, me an otifi. (Danganir kamin ziamin mingarim kamakin, Dapanir Agharir Danganim.) ²³ Egha me wain ko mizaziba a gevix dipam veregha Jesus ganidima an an aghħu. ²⁴⁻²⁵ Ezi aruem anaboz, me a isa ter ighuvimin aneguragħha a gafu. Ezi midorozir gumaziba an korotiabi tuiragh uari daningasa satu gikararai. Tina faragh otogh, korotiar manam iniam. ²⁶ Egha me an gun migeir akar kam osiri, “A Judabar atrivim.” Me ghaze, a bixiż kam bagħha kotin tughava areme. ²⁷⁻²⁸ Me gumazir okia midorozibagh amizir pumuning, Iesušin borogħin uaghan aning agura. Me mav isa Iesušin agharir guvimin itir ter ighuvimin a gafu, egha mav isa agharir kiriamin itir ter ighuvimin gafu.

²⁹ Ezi iza zui darazi dibovibar a migiava uan dapaniba roa ghaze, “Ore! Ni, gumazir Godin Dipenim akarīgh aruer pumuning ko mizezim uam an ingarasa mikememz, ³⁰ datirighiñ ni uabi uabin akuragh, ter ighuvim ategħiż izighi!”

³¹ Ofa gamir gumazir ekiaba ko Judan Arazibagh fozir gumaziba uaghan kamaghiram a dipova uariv gei. Me kamagħin

migia ghaze, “A iħaraz darazir akurvaghha uabira uabin akurvaghan asa! ³² Gumazir kam, ghaze, ki God Ua Gumazamiziba Iniasa Misevezir Gumazim ko Israelian Atrivim, a ter ighuvim ategħiż izighi ritter, e an ganigh nighnizir gavgavim an ikiam.” Gumazir okimakiar an borogħin guraghav itimming uaghan migirrigar kurar aviriba puviram a migiavira.

*Iesusin ovevem
(Matyu 27:45-56; Luk 23:44-49; Jon
19:28-30)*

³³ Aruem iza pazagħar torim itima mitatem nguazimin itir nguibaba bar da avaragħha, ghua dugħiham 3 kloġiñ guaratizim tu. ³⁴ Egha dugħiham 3 kloġiñ itima Iesuš tiarir ekiamin pamtem kamagħin dei, “Eloj, Eloj, lama sabaktan?” Akar kamin mingarim kamakin, Nan God, nan God ni tizim bagħha na ataki?

³⁵ Ezi roghira tuvīghav itir darazi akar kam baregha ghaze, “Ia oragh, a Elaijan dei.” ³⁶ Ezi gumazir mam ivectioni ghua dipam suizir bizim isa wainin afantizim garugħa a isa aghorir mam gatiga, Jesus damasa an an amadi. Egha a ghaze, “Ia tegħi, e ganika, Elaija ti iziwa an akuragh, o puvati.” ³⁷ Ezi Iesuš pamtem diagħha duam sue.

³⁸ Ezi Godin Dipenimin itir inir ekiar guraghav itim pīn ikegħa tongira bigha guħiġira vin otogħa akuar pumuning iri. ³⁹ Ezi midorozir gumazir 100plan garir gumazir dapanir mam, Iesušin borogħin tughav īkia orazi a pamtem diagħha aremezir arazir kamin ganigha ghaze, “Bar guizbangira, gumazir kam Godin Otarimra!”

⁴⁰ Ezi amizir maba mong saghon tuvīghav ikla gari. Men tongin Makdalan nguibamin amizim Maria, ko Jemsin igjam ko Josepin amebam Maria, ko Salome. ⁴¹ Amizir kaba Galilin Distrighin ikegħa Iesušin akurvaghha an ġin arui. Amizir avirir maba sara Iesuš ko Jerusalemin an-abogha uaghan iti.

*Me Iesušin kuam isa dagħiar torim gati
(Matyu 27:57-61; Luk 23:50-55; Jon
19:38-42)*

⁴²⁻⁴³ Datirighiñ Sabat bagħha bizibar kirkir dugħiham. (Egħiż guaratizim Sabat otogħam.) Ezi kamagħin aruem gevima, Arimatean gumazim Josep, Judabar kotin aven itir gumazir aghuir me bar fozim. A uabi uaghan God Bizibbagħ Ativamin

- | | | | | |
|------------------------|---|--|--------------------------------|-------------------------|
| 15:21: Ro 16:13 | 15:21: Jon 19:17; Rom 16:13 | 15:24-25: Onger Akaba 22:18 | 15:27-28: Ais 53:12 | 15:27-28: |
| Aisaia 53:12 | 15:29: Sng 22:7, 109:25, Mk 14:58, Jo 2:19 | | | |
| 15:33: Amo 8:9 | 15:33: Amos 8:9 | 15:34: Sng 22:1 | 15:34: Onger Akaba 22:1 | 15:36: Sng 69:21 |
| Onger Akaba 69:21 | 15:38: Kis 26:31-33 | 15:38: Ua Me Ini 26:31-33; 2 Eghħaganiba 3:14; Hibrū 6:19 | | 15:40: |
| Luk 8:2-3 | 15:42-43: Lu 2:25, 2:38 | 15:42-43: Luk 2:25 | | |

Dughiam bagha mizuai. An atiatir puvatigha Jesusin kuam iniasa ghua Pailatin azai. ⁴⁴ Ezi Pailat orazi, Jesus aremegha givazi, a digavir kuram gami. Egha a midorozir gumazir 100plan garir gumazir dapanim bagha akam amadazi a izima an an azara, "Jesus guizbangira aremez, o?" ⁴⁵ Ezi an an migirigim baregha a fo, Jesus guizbangiram areme. Ezi a Jesusin kuam iniasa Josepin amamangati. ⁴⁶⁻⁴⁷ Ezi Josep inir ghurghurir aghuir mam givezegha iza Jesusin kuam adangi. Egha a righa ghua dagiar torir me dutuzimin ghugha aneti. Ezi Makdalan amizim Maria ko Josepin amebam Maria, aning gari, Josep Jesusin kuam isa dagiar torimin aven anetigha, dagiar ekiar mam poghpuegha iza an akam dukua.

16

Iesus ua dikafi

(Matyu 28:1-8; Luk 24:1-12; Jon 20:1-10)

¹ Ezi Sabatin dughiam givazima, Makdalan amizim Maria, Jemsin amebam Maria, ko Salome mangi Jesusin kuam daghuasa borer mughuriar aghuaribagh ivese. ²⁻³ Egha 7plan dughiabar faragha zuir dughiamin mizaraghara, aruem anadima me dagiar torir matmatiamin ghua uarira uariv gei, "Tina dagiar torimin akam gasarazir dagiam puegħam?" ⁴ Me ghua garima dagiar ekiar kam, me a poghpuegha għu. ⁵ Ezi me dagiar torir akamin aven ghua garima gumazir iġiā mam korotiar ghurghur ruarim arugħa aghħarir guvimin amadaghan aperaghav iti. Ezi me an ganigha bar aguaghfa.

⁶ Ezi a kamaghin migei, "Ia akongan marki. Ia Nasaretin gumazim Jesus bagħha gari. A ter ighuvimin aremegħha ua dikafi! A kagh itir puvati. Ia kagh a iriġħav ikezir danganimin gan. ⁷ Egh ia mangi, Pita ko an suren gumazir igharazib kemegħ, 'A ian faragh Galilin Distrighin mangam. A mikemezi mogħiha ja munagh a bativam.'"

⁸ Ezi me digavir kuram gamiġha aguava azenan ghuegħa puv are. Me atiatigha, kamaghin taraziv kemezir puvati.

Makdalan amizim Maria Jesusin gani

(Matyu 28:9-10; Jon 20:11-18)

⁹ Jesus 7plan dughiabar faragħa zuir dughiamin mizaraghara ua dikavigha Makdalan amizim Maria faragħa uabi isava an aka. Amiżi kammaghira Jesus faragħa duar

kurar 7pla an itiba batoke. ¹⁰ Ezi gumazamizir Jesus ko aruava ikeziba, me a bagħha bar osemegħha puvazia itima, Maria ghugħa Jesusin gun me migei. ¹¹ Ezi me orazi, Jesus ua dikavigha uabi isa Makdalan Marian akazi, an an gani. Me kamaghin oregha nighnizir gavgavim amizir kamin akabar itir puvati.

*Suren gumazir pumuning tuavimin Jesusin gani
(Luk 24:13-35)*

¹² Egha dughiar kamnaghira gin Jesus gumazir iħarraxim min otozi, suren gumazir pumuning nguibal ekiamin azenan zuima an aning bato. ¹³ Ezi aning uamategħa iza bizir kamin gun maraziv kenni, me uaghan nighnizir gavgavim aningen akabar itir puvati.

*Iesus me damuamin ingangarim
gun uan suren gumazibav gei
(Matyu 28:16-20; Luk 24:36-49; Jon 20:19-23)*

¹⁴ Egha gin 11plan suren gumaziba apima Jesus uabi isa men aka. Egha a, me nighnizir gavgavim puvatizir bizim ko, me navir gavgavim ikia a ua dikavizi migirigiam marazi an ganigha migeima me nighnizir gavgavim migirigiar kamin itir puvati, ezi bizir kaba bagħha Jesus me migia men atari. ¹⁵ Egha a kamaghin me migei, "Ia mangi nguazir kam bar a daruva nguazir kamin itir gumazamiziba bar Akar Aghuim me mikim. ¹⁶ Eġi tħin nighnizir gavgavim nan iki, egh ruegħti, God an akurragħi, a zurara God ko iklam. Eġi tħin nighnizir gavgavim nan itir puvati, a Godin kotin iki iverżi kuram iniam. ¹⁷⁻¹⁸ Eġi tħin nighnizir gavgavim nan itiba, mirakelin arażi kaba uaghan me bativam: me nan ziamin duar kuraba batogħiva, me nguibabar akar fofiz puvatizibav kimiva, egh kuruziba uan dafaribar dar suigham. Egh me imbez dipar ariaghirtam ramegħti a tħong men navibagh asħihsa għogħim. Egh me uan dafariba isi arimariar gumazamizibar arighti men arimariaba givam."

*God Jesus inigha
uan Nguibamin għuavanab
(Luk 24:50-53; Aposel 1:9-11)*

¹⁹ Egha Ekiam Jesus bizir kaba me mikemegħha givazi God a inigha uan Nguibamin għuavanab. Ezi a Godin aghħarir guvimin amadaghan aperaghav

16:7: Mt 26:32, Mk 14:28 **16:7:** Matyu 26:32; Mak 14:28

16:10: Luk 24:10

16:14: 1 Ko 15:5

16:14: 1 Korin 15:5

16:9: Lu 8:2

16:9: Luk 8:2

16:10: Lu 24:10

28:19: Aposel 1:8; Kolosi 1:23

16:16: Jo 3:18, 3:36, 12:48, Ap 2:38, Ro 10:9, 1 Pi 3:21

16:17-18: Luk 10:19; Aposel 2:4; 5:16; 8:7; 10:46; 28:3-9; 1 Korin 12:10; 12:28; Jems

5:14-15

16:16: Jon 3:18; 3:36; 12:48;

16:15: Matyu

16:19: Sng 110:1, Ap 1:2-3, 1:9-11, 2:33-34, 7:55

16:19: Onger Akaba 110:1; Aposel 1:2-3; 1:9-11; 2:33-34;

7:55

16:20: Ap 5:12, 14:3, 1 Ko 2:4-5, Hi 2:3-4

16:20: Aposel 5:12; 14:3; 1 Korin 2:4-5; Hibru 2:3-4

iti. 20 Ezi suren gumaziba nguazir kamin
danganiba bar dar ghuava akam akuri. Ezi
Ekiam me ko ingara uan akam gavgavim
a ganiga mirakelin araziba sara akakasi,
kamaghin gumazamiziba fo, akar kam a
guizbangira.*

* **16:20:** Fofozir gumazir aviriba Sapta 16, ves 9in ikegha ghua 20in tuzir akabav gia ghaze, Mak uabi an osirizir pu,
gumazir mam gin an osiri.

Luk Osirizir Akar Aghuim O Luk

Akar faragha zuim

Luk Osirizir Akar Aghuimin akinafarinmin aven, e Iesusin garima, a Israelian gumazamiziba ua me inigha, egha Kantrin Igharazibar Gumazamiziba, uaghan me ini. Jesus faragha uan ingangarim damuasa, kamaghin gumazamizibav migei, "God Akar Aghuim onganarazibagh amir gumazamizibav kinasa na misevegha, borem nan dapanim ginge, kamaghin amizi, Ekiamin Duam nan iti." (Ni Luk 4:18in gan.) Ezi bar guizbangira, akinafarin kamin Luk Jesus gehghara ghaze, a gumazamizir osimtizir aviriba ateribar apangkuvigha deravira me gami.

Bizir Jesus amiba, da an adazarigh amima, me bar a gakonge. Dughiar Maria a batezimin, gumazamiziba bar akonge. (Ni Luk 1:42-48 ko 2:10in gan.) Egha ghua akinafarin givazi naghin tuzi, Jesus Godin Nguibamin ghuavanabozima, gumazamiziba bar akuegha mamaghira iti. (Ni Luk 24:52in gan.)

Iesusin ikirimirimin bizir aviriba, Luk unabira dagh eghari. Bizir kaba, da akinafarin igharazitamit itir puvati. Luk unabira, Jesus nguazimin izezir bizir avirir otivizibagh eghari. Luk unabira, a Iesusin akar isin zuir kam gehhari, a kamakin: Gumazir mam osimtizim tuavimin a bato, ezi Samarian gumazim an akura. Ezi akar isin zuir igharazim, Luk a gehhari, otarim afeziam ategha ghua tintinibar aruigha gin umategha ize. Egha Luk Iesusin akar isin zuir mabanang uaghan dagh eghari. Egha Luk unabira, bizir Sakius batozim gehhari, kar gumazir dagiaba isim.

Bizir maba Luk akar aviriba dar iti, dar kara: God ko mikimvira ikiamin arazim, ko Godin Duamin ingangarim, ko God gumazamizibar arazir kuraba gin amadir arazim. Egha Luk uaghan amiziba ingarizir bizibar akar aviriba da iti.

Lukin akaba, da akinafarin kamra itir puvati. Luk uaghan akinafarin igharazim osiri, e a dibora ghaze, Aposelbar Ingangaribar Akinafarin. E fo, Jesus Godin Nguibamin ghuavanabogha givazima, Aposelba bizir aviribagh ami. Ezi

akinafarin kamin aven, Luk aposelba amizir bizibar eghaghanim osiri.

Luk osirizir akar faragha zuim

(*Sapta 1:1-4*)

¹⁻⁴ Gumazir aruam, Tiofilus, ni fo, gumazamizir aviriba God en tongin amizir bizibar ganigha, dar gun osirasava ami. E uari uan damazibar ganizir gumazamizibar akam baraki. Me faragha Godin akamin ingangarir gumazamizibar otivigha, an akam akuri. Kamaghin amizi, ki uaghan akar kam osirigh ni bagh anemangasa. Egha ki deraghavira dar mingaribagh foghosa ingara ghua dagh foghava, ni bagha bar deravirama da osiri. Ni dar gan fogh suam, bizir ni oraghizir kaba da guizin biziba.

Jon Gumazamiziba Ruer Gumazimin amebam a batezir dughiam ko Maria Jesus batezir dughiam migirigiam

(*Sapta 1:5-2:52*)

Ensel Sekaraian migia ghaze, Jon otogham

⁵ Dughiar kamin Herot Judian atrivimin itima, Godin ofa gamir gumazir mamin ziam Sekaraia, an Abiyan adazarir gumazir mam. Ezi an amuim Elisabet, a Aronin ovavim. ⁶ Aning bar deraghavira Godin Akar Gavgaviba ko bizir a damuasa e mikemeziba, aning dar gin zui. Ezi God aningin garima, aning an damazimin bar dera. ⁷ Elisabet furabar iti, kamaghin amizi aning boriba puvatigha, dughiar ruarim pura ikia ghua bar ghuri.

⁸ Ezi dughiar mamin ofa gamir gumaziba ingarima, Sekaraia uaghan ofa gamir gumazimin min Godin damazimin ingari.

⁹ Ezi me Godin Dipenimin ofa gamir gumazibar arazibar gintigha, gumazim amisivasa me dagiaba akuri. Ezi God Sekaraia amisefe. Eighti Sekaraia Godin Dipenimin aven mangi migharir mughuriar aghuim zuim dapongam. ^{* 10} Ezi migharir mughuriar aghuim zuim dapongamin dughiam otozima, gumazamizir Godin ziam feba, Godin Dipenimin miriamin uari akuvagha God ko migei.

¹¹ Ezi Ekiamin Ensel a batogha, pauran mughuriar aghuim tuamin ofa gamir

1:1-4: Jon 15:27; Aposel 1:1; 11:4; 15:28; Hibrui 2:3; 1 Pita 5:1; 1 Jon 1:1 **1:5:** 1 Sto 24:10 **1:6:** Stt 17:1, 1 Kin 9:4, Ap 23:1, Fl 3:6 **1:6:** Jenesis 17:1; 1 Atriviba 9:4; Aposel 23:1; Filipai 3:6 **1:8:** 1 Sto 24:19, 2 Sto 8:14, 31:2 **1:8:** 1 Eghaghaniba 24:19; 2 Eghaghaniba 8:14; 31:2 **1:9:** Kis 30:7-8, 1 Sml 2:28, 2 Sto 29:11

1:9: Ua Me Ini 30:7-8; 1 Samuel 2:28; 2 Eghaghaniba 29:11 ***** **1:9:** Kar men arazim, God gumazim uan ingangarim bagh anemisivasa, me ikararer kam gami. Ikararer kam a Satan ikararer biziba iniasa ikararemin amir puvati. **1:10:** Wkp 16:17, MAA 8:3-4 **1:10:** Ofa Gami 16:17; Akar Mogomem 8:3-4

dakozimin agharir guvimin amadaghan tughav iti. ¹² Ezi Sekaraia an apigha digavir kuram gamigha bar atiatingi. ¹³ Ezi ensel kamaghin a migei, “Sekaraia, ni atiatingan marki, ni God ko mikemezir migirigiam, God a baraki. Ezi nin amuim Elisabet ni bagh otarim bategham. Eghit ni ziar kam, Jon a datigh. ¹⁴⁻¹⁵ Egh ni bar akuegh navir amirizimin iki. Eghit a Godin damazimin ziar ekiam iniam, kamaghin amizi gumazamizir aviriba an otoghamin dughiamin bar akuegham. Eghit a wain ko dipar organibar aman kogham. A uan amebamin navir averiamin aven ikivira ikiti, Godin Duam bar a gizivaghram. ¹⁶ Egh a uam Israelin gumazamizir aviriba inigh, men Ekiam God bagh mangam. ¹⁷ Eghit Elaijan itir Godin Duam ko gavgavir kamra Jonin ikiti, a Ekiamin faragh mangiva, afeziabar amuti me ua uan boribagh ifueghiva, akiriba ragha God gasaraziba ua me damuti, me ua nighnizir aghuhibar gumazamizibar amuva, egh gumazamizibav kimtima me uari akirighasi, egh Ekiam bagh mizuam ikiam.”

¹⁸ Ezi Sekaraia enselin azara, “Ki ghurizi, nan amuim uaghan ghurigha gifra. Kamaghin amizi, ki manmaghin guizbangira bizar kam gifogham?”

¹⁹ Ezi ensel an akam ikaragha ghaze, “Ki Gebriel, Ki Godin damazimin tughav iti. God uabi na amadazima, ki akar aghuir kamin ni mikimasa ize. ²⁰ Ni nan akaba baregha nighnizir gavgavim dar itir puvati. Bizar kam bangin ni mikiman kogh mammaghira ikiti, bizar kaba otivamin dughiam otogham.”

²¹ Ensel Sekaraia migeima, gumazamiziba azenan iktia Sekaraia mizua ghuav amiragha pura nighnisi, manmaghin amizima, a dughiar ruarinin Godin Dipenimin aveniriti? ²² Ezi an azenan otogha, me mikiman asahasaki. Ezi me fo, a ti Godin Dipenimin aven irebamin min biritamin gani. Egha an akamin me migeir puvatigha dafaribara me migei.

²³ Ezi an ingangarir dughiam givazima, a uan nguibamin ghu. ²⁴ Dughiar maba ghuva givazima, an amuim Elisabet navim

ada 5plan iakinibar uabi modo. ²⁵ Egha a kamaghin migei, “Ekiam na bagha bizar kam gami. A nan apangkuvigha nan aghumsizim gumazamizibar damazimin anedangi.”

Ensel Maria bagha akam inigha zui

²⁶ Elisabetin navir adasem 6plan iakinimin otozima, God ensel Gebril Nasaretin anemada, kar Galilin Distrighin aven itir nguibar ekiam. ²⁷ Ezi ensel ghua, guvir igiar gumazatim koma akuijir puvatizim bato, an ziam Maria, me gumazim Josepin ikiasi a ginaba. Josep, an Atrivim Devitin ovavimra. ²⁸ Ensel a bagha ghua kamaghin a migei, “Dughiar aghuarim Maria. Ekiam ni gifongegha deravira ni gamua egha ni ko iti.”

²⁹ Ezi Maria an akam baregha digavir kuram gamigha pura nighnisi, “Kar akar manmaghin amizim?”

³⁰ Ezi ensel kamaghin a migja ghaze, “Maria, ni atiatingan marki, God bar ni gifuegha ni ko iti. ³¹ Ni oragh, ni navim asegh otarim bateghiva, ziar kam Jesus, a datigh.

³² A ziar ekiam ikiti, me suam, kar Godin Bar Pin Itimin otarim. Eghit God a damichti, a uan ovavim, Atrivim Devitin min ikiam. ³³ Eghit a Jekopin adarazir atrivimin ikivira ikitam. Eghit a Bibizbagh Ativamin Dughiar kam givaghan kogham.”

³⁴ Ezi Maria kamaghin enselin azara, “Ki guvir igiar patamin itir puvatizim. Ezi bizar kam manmaghin na batogham?”

³⁵ Ezi ensel an akam ikaragha kamaghin migei, “Godin Duam ni bagh izeghti Godin Bar Pin Itimin gavgavim ni avaraghram. Eghit borim Godin damazimin zueghti me Godin Otarim a darigham. ³⁶⁻³⁷ Bitezat Godin aven kozir puvati. Nin anabam Elisabet, a ghuri, egha a uaghan navim adai. Me ghaze, a navim asangan kogham, ezi an navir adasem datirighin iakinir 6plan tu.”

³⁸ Ezi Maria kamaghin ensel ikara, “Ki Godin ingangarir amizim. Ni mikemezir moghira God bizarbar na damu.” Ezi ensel anetegha ghu.

Maria Elisabetin ganasa zui

- | | |
|---|---|
| 1:12: Het 6:22; Dan 10:8; Lu 1:29; Ap 10:4 | 1:12: Gumazir Dapaniba 6:22; Daniel 10:8; Luk 1:29; Aposel 10:4 |
| 1:14-15: Diboboniba 6:3; Gumazir Dapaniba 13:4; Jeremaja 1:5; Galesia 1:15 | 1:16: Mal 4:5-6 1:16: Malakai |
| 4:5-6 1:17: Mal 3:1; 4:5-6; Mt 11:14; 17:11-13; Mk 9:12 | 1:17: Malakai 3:1; 4:5-6; Matyu 11:14; 17:11-13; Mak 9:12 |
| 1:18: Stt 18:11 1:18: Jenesis 18:11 1:19: Dan 8:16; 9:21; Mt 18:10; Hi 1:14 | 1:19: Daniel 8:16; 9:21; Matyu 18:10; Hibru 1:14 1:20: Esekiel 3:26; 24:27; Luk 1:45 1:21: 1 Sto 9:25 1:23: 1:25: Stt 30:23; Aisaia 4:1; 54:1; 54:4 |
| 1:25: Eghaghaniiba 9:25 1:25: Stt 30:23; Aisaia 4:1; 54:1; 54:4 | 1:25: Jenesis 30:23; Aisaia 4:1; 54:1; 54:4 1:27: Mt 1:18; Lu 2:5 1:27: Matyu 1:18; Luk 2:5 1:28: Het 6:12; Dan 9:23; 10:19 |
| 10:19 1:31: Ais 7:14; Mt 1:21; Lu 2:21 1:31: Aisaia 7:14; Matyu 1:21; Luk 2:21 | 1:28: Gumazir Dapaniba 6:12; Daniel 9:23; 1:32: 2 Samuel 7:12-16; Aisaia 9:7 1:33: Dan 2:44; 7:14; 7:27; Mai 4:7; Jo 12:34; Hi 1:8 1:33: Dan 32:11; Jer 23:5; Mk 5:7 1:32: 2 Samuel 7:12-16; Aisaia 9:7 1:33: Dan 2:44; 7:14; 7:27; Maika 4:7; Jon 12:34; Hibru 1:8 1:35: Mt 1:20; 14:33; Jo 1:34; Ap 8:37 1:35: Matyu 1:20; 14:33; Jon 1:34 1:36-37: Jenesis 18:14; Jeremaja 32:17; Sekaraia 8:6; Matyu 19:26; Rom 4:21 |

³⁹ Ezi dughiar kamin Maria uan biziba akirighava, zuamira nguibar ekiar Judian Distrighin mighsiamin itimin ghu. ⁴⁰ Egha a Sekaraia dipenimin aven ghugha dughiam Elisabet ganingi. ⁴¹ Ezi Elisabet Marian tiirim barazima, an borim an navimin aven aguaghfa, ezi Godin Duam Elisabet gizifa. ⁴² Ezi a pamtemin tiirim akarigha kamaghin migei, “Ni amizibagh afirazi God bar bizir aghuim ni gami. Egh a uaghan bizir aghuim borir ni oteghamim gami. ⁴³ Ezi God tizim bagha deravira na gami, ezi nan Ekiamin amebam na bagh izi? ⁴⁴ Ni dughiam na ganidima, ki ni barazir dughiamra, borir nan navir averiamin itim bar akuegha aguaghfa. ⁴⁵ Ni nighnizir gavgavim Godin iti, ezi Ekiam ni mikemezi moghin bizibar ni gami. Kamaghin amizi ni bar akongeh.”

Marian ighiam

⁴⁶⁻⁴⁹ Ezi Maria kamaghin migei:

“Ki pura Ekiamin ingangarir amizim, kamaghin amizima a na giniri. Kamaghin amizi nan navim Ekiamin ziam fe. Ezi nan duam God bagha bar akonge, a nan akurvazim. God a bar gavgavigha bizir bar ekiabar na gami. Ezi an ziam bar zuegha dera. Kamaghin amizi, datirighin tugh mangi gumazamiziba na mikim suam, God deravira ni gami. ⁵⁰ God gumazamizir an atiatiava an apenggan itibar apangkuifi. A kamaghira datirighin itir gumazamizibar amu, egh gin izamin gumazamizibar amu mamaghira ikiam. ⁵¹ A uan dafarimin bizir bar gavgavibagh ami. Gumazamizir uarira uan ziaba feba, a men agirazi me are. ⁵² God atrivibar gavgavim dikabiragha gumazamizir kiniba fe. ⁵³ A bizir aghuiba isava mitiriaba azibagh anigha,

1:41: Lu 1:15 **1:41:** Luk 1:15 **1:42:** Lo 28:4, Het 5:24
1:45: Lu 1:20 **1:45:** Luk 1:20 **1:46-49:** 1 Samuel 2:1-10; Onger Akaba 34:2-3; 71:19; 111:9; 126:2-3; Habakuk 3:18 **1:46-49:** 1 Samuel 1:11; Onger Akaba 138:6; Malakai 3:12; Luk 1:25; 11:27 **1:50:** Kis 20:6, Sng 103:13-18
1:50: Ua Me In 20:6; Onger Akaba 103:13-18 **1:51:** 2 Sml 22:28, Sng 33:10, 98:1, Ais 40:10, 1 Pi 5:5 **1:51:** 2 Samuel 22:28; Onger Akaba 98:1; Aisaia 40:10; 1 Pita 5:5
Samuel 2:6; Jop 5:11; 12:19; Onger Akaba 147:6 **1:53:** 1 Sml 2:5, Sng 34:10, 107:9 **1:53:** 1 Samuel 2:5; Onger Akaba 34:10; 107:9 **1:54-55:** Stt 17:7, 17:19, 18:18, 22:17, Sng 98:3, 132:11, Ais 41:8, Mai 7:20, Ro 11:28, Ga 3:16
Jenesis 17:7; 17:19; 18:18; 22:17; Onger Akaba 98:3; 132:11; Aisaia 41:8; Maika 7:20; Rom 11:28; Galesia 3:16 **1:59:** Stt 17:12, Wkp 12:3, Lu 2:21 **1:59:** Jenesis 17:12; Ofa Gami 12:3; Luk 2:21 **1:60:** Lu 1:13 **1:60:** Luk 1:13 **1:66:** Stt 39:2, Sng 80:17, Ap 11:21 **1:66:** Jenesis 39:2; Onger Akaba 80:17; Aposel 11:21 **1:67:** Jol 2:28 **1:67:** Joel 2:28 **1:68:** Sng 41:13, 72:18, 106:48, Lu 7:16 **1:68:** Onger Akaba 41:13; 72:18; 106:48; Luk 7:16 **1:69:** Sng 18:2
1:69: Onger Akaba 18:2

biziba bar izivaziba amangizima me pura ghue.

⁵⁴⁻⁵⁵ A uan ingangarir gumazim Israelin akura.

Egha en ovavibagh amizir Akar Gav-gavim ginighnighavira iti.

Egha Abrahamin apangkuvigha, gin otivamin gumazamizibar apangku-vigh mamaghira ikiam.”

⁵⁶ Maria iakinir pumuning ko mikezimin Elisabet ko ikegha gin uamategh uan nguibamin ghu.

Elisabet Jon batezir dughiam

⁵⁷ Elisabet otamin dughiam otozima, an otarim bate. ⁵⁸ An boroghira itir darazi ko an anababa kamaghin oraki, Ekiam an apangkuvigha bizir aghuimin a gamizi, me a ko bar akonge. ⁵⁹ Ezi an 7plan arueba givazima, me borimin mikarzir mogomemin inim aghorasa izi. Egha me an afeziamin ziam Sekaraia a darighasa. ⁶⁰ Ezi an amebam kamaghin me migei, “Puvati! E Jon a darigham.”

⁶¹ Ezi me kamaghin a migei, “Nin anabatam ziar katam itir puvati.” ⁶² Egha me dafarimra an afeziamin azangsisi, a ziar manatam uan otarim darigham.

⁶³ Ezi Sekaraia an ziam osirasa biziba bagha dafaribara men azangsisi. Egha kamaghin osiri, “An ziam Jon.” Ezi me kamaghin ganigha bar aguaghfa. ⁶⁴ Ezi an akam zuamira kuiaghirkizima an mizem firiaghirkizi, a maghira migiava Godin ziam fe. ⁶⁵ Ezi an boroghin itir darazi kamaghin ganigha, bar atiatingi. Ezi Judian Distrighin itir nguibar mighsabar itibar gumazamiziba bizir otivizir kaba baregha dar gunuariv gei.

⁶⁶ Ekiamin gavgavim borir kam ko iti. Ezi me bar moghira bizir kam baregha, a ginighnigha a bagha azangsisi, “Borir kam bar manmaghiram otogham?”

Sekaraian ighiam

⁶⁷ Ezi an afeziem Sekaraia Godin Duam a gizivazima, a Godin nighnizimin gun migei:

⁶⁸ “Ekiam iza uan gumazamiziba ua me ini,

- kamaghin amizi, e an ziam fe,
a Israelian God.
- 69** God en akurvaghaha
uan ingangarir gumazim Devitin
adarazir aven gumazir bar gavgavim
amisefe.
- 70** Godin akam inigha izir gumaziba
bizar kamin gun fomira kamaghin me
mikeme.
- 71** An en apaniba ko en atara pazav e
gamibar dafaribar e iniasa ize.
- 72** Egh apangkuvim en ovavibar akak-
aghiva,
uan Akar Dikirizir Gavgavim
ginirigham,
⁷³ Akar Gavgavir en ovavim Abra-
ham ganingizim.
- 74** Egh en apanibar dafaribar uam e inigh,
en amamangatighti,
e an ingarsi atiatingan kogham.
- 75** Egh an damazimin arazir aghuir a
ifongezibar gin mangiti,
a ifongezir arazir aghuir kaba en ikiam.
- 76** Ezi ni nan borim, ni faragh mangi Ekiam
bagh tuavim akir.
Kamaghin amizi, me Godin Bar Pin
Itimin akam inigha izir gumazim ni
darigham.
- 77-78** Godin apangkuvim e ko itima,
a uan gumazamiziba ua me iniamin
fofozim me ganiga,
men arazir kuraba gin amadi.
- Aruemin angazangarim Godin Nguibamin
ikegh
e bagh izighiram.
- 79** Egh angazangarim mitarmemin ikiava
aremeghasava amibagh feghiva,
egh navir amirizimin tuavim en suebar
akaghram.
- 80** Ezi Jon gin aghua gavgavizi, an duam
uaghan aghua gavgafi. A ghua Judian gu-
mazamiziba puvatizir danganimin ikegha,
gin Israelin gumazamizibar damazimin
azenan oto.

2

Maria Jesus bate
(Matyu 1:18-25)

¹ Ezi dughiar kam Sisar Ogastus akar
gavgavim amadagha ghaze, "Rom garir
nguibabar gumazamiziba bar mangi uan
ziaba osir." ² Dughiar kam Kwirinius, a
Sirian gumazir dapanimin itima, ziaba
osir dughiar faragha zuir kam oto.*
³ Ezi gumazamiziba uan ziaba osirasa
uan nguibabara zui. ⁴ Ezi Josep uaghan
Devitin anabar mam. Kamaghin amizi
a Galilin Distrighin itir nguibam Nasaret
ategha, Judian Distrighin itir nguibam
Betlehemin zui, kar Devitin nguibam. ⁵
A mangiva uan amuir inabazim Maria
ko aning uan ziamning osirasa. Dughiar
kam Maria borimin navim adai. ⁶ Egha
aning ghua Betlehemin itima, Maria borim
batamin dughiam oto. ⁷ Ezi a uan otar
ivariam bate. Egha inir avizibar borim
nomke. Dughiar kam dipenir akuim
izifa. Kamaghin amizi, aning borim isava
bulmakauba apir danganimin aneti.

*Enselba akam inigha sipsipbar garir gu-
maziba bagha zui*

⁸ Ezi sipsipbar garir gumazir maba
nguibamin azenan ikiava, dimagaribar
uan sipsipbar gara dagh eghufi. ⁹ Ezi
Ekiamin enselin mam pura me batozi,
Ekiamin angazangarim me gisirazi, me
bar atiatingi. ¹⁰ Ezi ensel kamaghin me
migei, "Ia atiatingan marki. Ia oragh!
Ki akar aghuim inigha ia bagha izi.
Akar aghuir kam, gumazamiziba bar
me damighti, me bar akongegham. ¹¹
Datirighin Devitin nguibamin Akurvazir
Gumazim ia bagha oto. A God Ua
Gumazamiziba Iniasa Misevezir Gumazim,
a en Ekiam. ¹² Ia mangi kamaghin ganigh
fogham, ia gantima me inir avizibar borim
nomkeghiva bulmakauba apir danganim
datightima a irighiv ikiam."

- 1:70:** Jer 23:5-6, Dan 9:24, Ap 3:21, Ro 1:2 **1:70:** Jeremaja 23:5-6; Daniel 9:24; Aposel 3:21; Rom 1:2 **1:71:** Sng 106:10 **1:71:** Onger Akaba 106:10 **1:72:** Stt 17:1, 17:7, Wkp 26:42, Sng 105:8-9, 106:45 **1:72:** Jenesis 17:1;
17:7; Ofa Gami 26:42; Onger Akaba 105:8-9; 106:45 **1:73:** Stt 22:16-17, Mai 7:20 **1:73:** Jenesis 22:16-17; Maika 7:20
1:4 **1:74:** Ro 6:18, 6:22, Hi 9:14 **1:74:** Rom 6:18; 6:22; Hibru 9:14 **1:75:** Ef 4:24, 2 Ti 1:9, Ta 2:12-14, 1 Pi 1:15, 2 Pi
1:4 **1:75:** Efesus 4:24; 2 Timoti 1:9; Taitus 2:12-14; 1 Pita 1:15; 2 Pita 1:4 **1:76:** Ais 40:3, Mal 3:1, 4:5, Mt 3:3, 11:10
1:76: Aisaia 40:3; Malakai 3:1; 4:5; Matyu 3:3; 11:10 **1:77-78:** Jer 31:34, Ais 60:1-2, Mk 1:4, Lu 3:3 **1:77-78:** Aisaia
60:1-2; Jeremaja 31:34; Mak 1:4; Luk 3:3 **1:79:** Ais 9:2, 49:9, 58:8, Mt 4:16, Ap 26:18 **1:79:** Aisaia 9:2; 49:9; 58:8;
Matyu 4:16; Aposel 26:18 **1:80:** Mt 3:1, 11:7, Lu 2:40 **1:80:** Matyu 3:1; 11:7; Luk 2:40 * **2:2:** Dughiar kam,
Romin gavman Israelian nguibaba bar dagh ativingha dar gari. Israelin nguibar ekiam, a Provinc Sirian aven iti. Romin
gavmanin gumaziba, me men garir atriviba dibora ghaze, "Sisar." **2:5:** Lu 1:27 **2:5:** Luk 1:27 **2:7:** Mt 1:25
2:7: Matyu 1:25 **2:10:** Stt 12:3, Mt 28:19, Mk 1:15, Lu 24:47, Kl 1:23 **2:10:** Jenesis 12:3; Matyu 28:19; Mak 1:15;
Luk 24:47; Kolosi 1:23 **2:11:** Ais 9:6, Mt 1:16, 1:21, Ap 2:36, Fl 2:11 **2:11:** Aisaia 9:6; Matyu 1:16; 1:21; Aposel 2:36;
Filipai 2:11 **2:13:** Sng 103:20, Dan 7:10, Hi 1:14, MAA 5:11 **2:13:** Onger Akaba 103:20; Hibru 1:14; Akar Mogomem
5:11 **2:14:** Ais 57:19, Lu 19:38, Ro 5:1, Ef 2:17, Kl 1:20 **2:14:** Aisaia 57:19; Luk 19:38; Rom 5:1; Efesus 2:17; Kolosi
1:20

13 Ezi maghira, Godin Nguibamin enselin avirir bar dafam otogha enselin kam ko me Godin ziam fa kamaghin migei:

14 “Ia Bizibar Pin Itir Godin ziam fi.
Eghti nguazimin itir gumazamizir God ifongeziba,
me navir amirizimin iki.”

Sipsipbar garir gumaziba Iesusin ganasa zui

15 Ezi enselba sipsipbar garir gumaziba ategha Godin Nguibamin ghuezima, sipsipbar garir gumaziba uarira uariv gei, “Aria, e Betlehemin mangiva Ekiam e mikemezir bizar otozimin ganika.” **16** Egha me zuamira ghua Josep ko Marian api, egha borimin garima a bulmakauba apir dan-ganim girighav iti. **17** Egha sipsipbar garir gumaziba borimin ganigha, ensel borimin gun me mikemezir akabar gun gumazamizir igharazibav gei. **18** Ezi gumazamiziba sipsipbar garir gumazibar eghaghanim baregha digavir kuram gami. **19** Ezi Maria bizar kaba uan navir averiam gatigha, dagh nighnighavira iti. **20** Ezi sipsipbar garir gumaziba uamatenge. Ensel me mikemezi me oraghizi moghin bizibar gari da otifi. Kamaghin amizi me bar akuegha Godin ziam fa zui.

Godin ensel me mikemezi moghin, me ziam Iesus a gati

21 Ezi 7plan arueba givazima an mikarzir mogomemin inim aghoramin dughiam otozi me ziam Iesus a gati. Maria tighar navim asangam, ensel faragha a gatizir ziam.

Simeon ko Ana Godin Dipenimin Iesusin gari

22 Ezi Moses Osirizir Arazibar min amebam Godin damazimin zueghamin dughiam otozima, Maria ko Josep borim inigha Ekiam daningasa Jerusalemin zui. **23** Ekiam Moses ganingizir arazibar osizirim iti, otarir ivariabla me da isi ua Ekiam daningam. **24** Ezi aning Ekiamin arazir osiriziba mikemezi moghin, aning ofa damuasa, kuarazir bunbar igiar pumuning o osirvar igiar pumuning inigha izi.

25 Ezi Jerusalemin aven gumazir mam, an ziam Simeon, a Godin damazimin deragha

God baghavira iti. A Israelin gumazamizibar osimtziba agivamin dughiam bagha mizuai iti. Ezi Godin Duam a ko iti. **26** Godin Duam bizar kam azenarama an akagha gifa, a faragh Ekiamin Krais (Gumazir God Ua Gumazamiziba Iniasa Misevezim), an an ganighiva, gin aremegham.† **27** Kamaghin amizi Godin Duam nighnizim a ganingizi a Godin Dipenir avizimin zui. Ezi Josep ko Maria Iesus inigha aven iza Ekiamin arazir osirizim mikemezi moghin, a damuasa. **28** Ezi Simeon Iesus inigha uan dafarimn-ningin a ifiraghha Godin ziam fa kamaghin migei:

29-32 “Ekiam, ki nin ingangarir gumazim.
Eghti nin akurvazimin angazangarim,
ni Kantrin Igharazibar Gumazamiziba
me daningam.

Egh ziari ekiam Israelia daningam;
me nin gumazamiziba.

Ni gumazamizibar damazibar me bagha
akurvazir bizar kam gami.
Ezi ni en akuragh ua e iniamin bizar
kam,
ki uan damazimin an ganigha gifa.
Kamaghin amizi, ni fomira mikemezi
moghin
ni na atehti ki mangi,
navir amirizimin ikiam.”

33 Ezi borimin amebam ko afeziam, Simeon an gun mikemezir migirigiaba baregha nighnizir aviribagh ami. **34** Ezi Simeon ghaze, God bizar aghuiba ia bagh dar amu, egha Simeon kamaghin an amebam Maria migei, “Borir kam God a ginaba, eghti Israelin aviriba God bagh tugh gavgavigham. Egha aviriba iregham. Eghti gumazamiziba bizar an amibar ganiva akar kurabar dav kimam. **35** Eghti gumazir aviribar nighnizir navimin aven itiba azenim giram. Eghti osimtzir ekiatam uaghan nin navir averimin otivam, mati afuzim nih dighorim miti.”

36 Ezi Godin akam inigha izir amizir mam iti, an ziam Ana, a Panuelin guivim, egha Aserin anabam. A faragha pamin ikia, aningin 7plan azenibar ike, ezi an pam aremezima, a datirighin bar ghuri. **37** Egha a 84plan azenibar odiarimin iti. A

- | | | | | |
|---|--|--|---|---------------------------------|
| 2:16: Lu 2:10-12 | 2:16: Luk 2:10-12 | 2:19: Lu 1:66, 2:51 | 2:19: Luk 1:66; 2:51 | 2:21: Wkp 12:3, Mt 1:21, |
| 1:25, Lu 1:31, 1:59 | 2:21: Ofa Gami 12:3; Matyu 1:21; 1:25; Luk 1:31; 1:59 | 2:22: Ofa Gami 12:1-8 | 2:23: Kis 13:2, | 13:12-15, Nam 3:13, 8:17 |
| 2:23: Ua Me Ini 13:2; 13:12-15; Diboboniba 3:13; 8:17 | 2:25: Ais 40:1, 49:13, Mk 15:43, | 2:26: Sng 89:48, Hi 11:5 | 2:26: Hibru 11:5 | † 2:26: |
| Lu 2:38 | 2:25: Aisaias 40:1; 49:13; Mak 15:43; Luk 2:38 | 2:26: Sng 89:48, Hi 11:5 | 2:26: Hibru 11:5 | † 2:26: |
| Kraisia mingarimra kara, God Ua E Iniasa Misevezir Gumazim. | 2:29-32: Jenesis 46:30; Aisaias 9:2; 42:6; 49:6; 52:10; | 2:34: Ais 8:14; Hosea 14:9; Matyu 21:42; Aposel 28:22; Rom 9:32-33; 1 Korin 1:23; | 2:35: Ongar Akaba 42:10; Jon 19:25 | 2:37: Ap 26:7, 1 Ti 5:5 |
| 60:1-3; Matyu 4:16; Luk 3:6; Aposel 13:47; 28:28; Filipai 1:23; Taitus 2:11 | 2:34: Aisaias 8:14; Hosea 14:9; Matyu 21:42; Aposel 28:22; Rom 9:32-33; 1 Korin 1:23; | 2:35: Ongar Akaba 42:10; Jon 19:25 | 2:37: Ap 26:7, 1 Ti 5:5 | 2:37: |
| Ro 9:32-33, 1 Ko 1:23, 1 Pi 2:7-8 | 2:34: Aisaias 8:14; Hosea 14:9; Matyu 21:42; Aposel 28:22; Rom 9:32-33; 1 Korin 1:23; | 2:35: Ongar Akaba 42:10; Jon 19:25 | 2:37: Ap 26:7, 1 Ti 5:5 | 2:37: |
| 1 Pita 2:7-8 | 2:35: Sng 42:10, Jo 19:25 | 2:35: Ongar Akaba 42:10; Jon 19:25 | 2:37: Ap 26:7, 1 Ti 5:5 | 2:37: |
| Aposel 26:7; 1 Timoti 5:5 | 2:38: Ais 52:9, Mk 15:43, Lu 2:25, 24:21 | 2:38: Aisaias 52:9; Mak 15:43; Luk 2:25; 24:21 | | |

Godin Dipenim ataghizarir puvati, egha dimagariba ko aruebar, a Godin ziam fa, dagheba ataghiragha God ko migei.³⁸ Egha dughiar kamra a uaghan iza men miriamin tu. A biziba bagha God minabi. Egha borir kamin gun gumazamizir aviribav gei, me God ua Jerusalemin itir gumazamiziba ini-min dughiam bagha mizuai.

Josep uamategha Nasaretin zui

³⁹ Josep ko Maria biziwa bar Ekiamin arazir osirizim mikemezi moghin dagh amigha givagha, uamategha Galilin Distrighin aven itir nguibam Nasaretin ghu. ⁴⁰ Ezi borim aghuiga gavgafi. Ezi fofozir aghuiba bar a gizvazi, God arazir aghuibar a gami.

Iesus otarir igiamra ikiava, Godin Dipenimin ghu

⁴¹ Azeniba zurara Iesusin amebam ko afeziam, God Israelia Gitazir Dughiamin Isam bagha Jerusalemin zui. ⁴² Ezi Iesus azenir 12pla ikia, arazim mirara me isam bagha zui. ⁴³ Isam givazima, an gin, an amebam ko afeziam uamategha nguibam zuima, aningin otarim Iesus Jerusalemla itima aning a gifozir puvati. ⁴⁴ Aning ghaze, a ti uan namakaba ko izi. Egha aruer kamin ghuavira iti. Egha aning maghira uan namakaba koma anababar tongin a bagha rui. ⁴⁵ Egha aning an apizir puvatigha, a buriasa uamategha Jerusalemin zui. ⁴⁶ Dughiar mikezimin gin, aning Godin Dipenir avizimin an api. A tisabar torimin aperaghav ikia, me baragha azangsizbar me gami. ⁴⁷ Gumazir kaba bar an fofozim ko akar ikarvazir kaba baraghä digavir kuram gami. ⁴⁸ Ezi an amebam ko afeziam an apigha, digavir kuram gami. Egha an amebam kamaghin a migei, "Nan otarim, ni tizim bagha arazir kurar kamin ga gami? Ga ni bagha bar osemegha ni buri."

⁴⁹ Ezi a kamaghin aningin azara, "Gua tizim bagha na buri? Gua ti fozir puvati, ki uan Afeziamin Dipenimin aven ikiam?" ⁵⁰ Ezi a migeir biziimin mingarim, aning a gifozir puvati. ⁵¹ Egha a aningin akam baregha aning ko Nasaretin uaghiri. Ezi an amebam biziir kaba baregha dagh nighnighavira iti. ⁵² Ezi Iesus fofozir aghuim ko mikarzim sarama aghui. Ezi an araziba God ko gumazamizibagh amima, me a gifonge.

- | | | | | |
|---|--|--------------------------|--|-------------------------------|
| 2:39: Mt 2:23 | 2:39: Matyu 2:23 | 2:40: Luk 1:80, 2:52 | 2:40: Luk 1:80; 2:52 | 2:41: Kis 12:1-27, 23:14-17, |
| 34:23, Lo 16:1-8 | 2:41: Ua Me Ini 12:1-27; 23:14-17; 34:23; Godin Araziba 16:1-8 | 2:49: Jo 2:16 | 2:49: Jon 2:16 | |
| 2:50: Lu 9:45, 18:34 | 2:50: Luk 9:45; 18:34 | 2:51: Luk 2:19 | 2:51: Luk 2:19 | 2:52: 1 Sml 2:26, Snd 3:4, Lu |
| 1:80 | 2:52: 1 Samuel 2:26; Aghuzir Akaba 3:4; Luk 1:80 | 3:2: Lu 1:80 | 3:2: Luk 1:80 | 3:3: Ap 13:24, 19:4 |
| 3:3: Apostel 13:24; 19:4 | 3:4: Aisaia 40:3-5 | 3:6: Sng 98:2, Ais 52:10 | 3:6: Onger Akaba 98:2; Aisaia 52:10 | |
| 3:7: Mt 12:34, 23:33 | 3:7: Matyu 12:34; 23:33 | 3:8: Jo 8:33, 8:39 | 3:8: Jon 8:33; 8:39 | 3:9: Mt 7:19 |
| Matyu 7:19 | 3:10: Ap 2:37 | 3:10: Apostel 2:37 | 3:11: Lu 11:41, 2 Ko 8:14, Je 2:15-16, 1 Jo 3:17 | 3:11: Luk |
| 11:41; 2 Korin 8:14; Jems 2:15-16; 1 Jon 3:17 | | | | |

Jon Iesus bagha tuavim akiri

3

(*Sapta 3:1-4:13*)

*Jon, Gumazamiziba Ruer Gumazim, a faragha izava Iesusin akam akuri
(Matyu 3:1-12; Mak 1:2-8; Jon 1:19-28)*

¹ Dughiar kamin, Sisar Taiberius 15plan azenibar Romin atrivimin iti. Ezi Pontius Pailat Judian Distrighin gavmanin gumazir dapanimin iti, ezi Herot Galilin Distrighin gavmanin gumazir dapanimin iti. Ezi an aveghbuam Filip Iturian Distrik ko Trakonitisin Distrighin gavmanin gumazir dapanimin iti, ezi Lisanias Abilenen Distrighin gavmanin gumazir dapanimin iti.

² Ezi Anas ko Kaifas Godin ofa gamir gumazibar dapanimningin iti. Dughiar kamin, Jon, a Sekaraian otarim, a gumazamiziba puvatizir danganimin itima, God uan migirigiam a ganingi. ³ Ezi Jon Jordanin Fanemin dipar miriamin aruava akam akura kamaghin migei, "Ia uan navibagh iraghiva rueghti, God ian arazir kuraba gin amadaghgam." ⁴ Godin akam inigha izir gumazim Aisaian akenafarimin itir migirigiar osirizibar mirara ghu, a kamaghin migei:

"Gumazir tiarir mam gumazamiziba puvatizir danganimin dia ghaze,
Ia Ekiam bagh tuaviba azeniva, dar kir.

⁵ Danganir zariba apemiva,
mighsiaba ko akiribagh kuti da magiri.
Egh tuavir ikiziriziba,
ia dar ingarighthi,
da voroghira mineghirigh.

Egh tuavir kuraba,
ia deraghviria da akir.

⁶ Eghti nguazir kamin gumazamiziba bar Godin Akurvazimin ganam."

⁷ Ezi Jon gumazamizir bizir ruasa a bagha izibav gei, "Ia kuruzir divir anababa! Tina ia mikemezi ia Godin aningaghlarin gin izamimin ari mangasa?" ⁸ Ia navim girazir arazibar amu. Egh ia pura Abrahamin ovavibar uari arigh mikiman marki. Ki ia migei, God dagiar kabar amighti da Abrahami ovavibar min otivighamin gavgavim iti. ⁹ Sobiam datirighin temer povibar iti,

eghti temer dagher ovizir aghuiba itir puvatiziba, God bar da okeghiva da isiva avim mukinam.”

¹⁰ Ezi gumazamiziba Jonin azara, “Ezi e manmaghira damuam?” ¹¹ Ezi Jon me ikaragha ghaze, “Gumazir korotiar aven azuir pumuning itim, a tam isi gumazir puvatizim daningigh. Ezi dagheba itiba uaghan kamaghira damu.”

¹² Ezi gavmanin dagiaba isir gumaziba uaghan ruasa ize. Egha me azangsigha ghaze, “Tisa, e manmaghira damuam?”

¹³ Ezi a kamaghin me migei, “Gumazamizibar dagiabagh isin ua dagiataba inian marki.”

¹⁴ Ezi midorozir gumazir maba Jonin azara, “Ezi eia, e manmaghira damuam?”

Ezi a me ikaragha ghaze, “Gumazamizibar dagiaba okimsiva, akar ifavaribar me gasan marki. Ia uan ingangarimin iveauzimra initi deragham.”

¹⁵ Gumazamiziba bizir kabar gara men navir averiaba me ginivima me pura nighnigha ghaze, Jon ti God Ua Gumazamiziba Iniasa Misevezir Gumazim?

¹⁶ Ezi Jon bar men nighniziba ikaragha ghaze, “Ki dipamin ia rue. Ezi gumazir mam gin izam, an gavgavim bar nan gavgavim gafira. An dagarir asuabar beniba ki da firan gavgaviba puvati. A Godin Duam ko avimin ia ruam. ¹⁷ Witba mishev savol an dafarimin iti, eghti a uan witba misiva dar daghebar arighiva, witba mishev dipenimin witin miseviba aviva, dar miseviba avir munger puvatizimin da akuntima, da isiam.” ¹⁸ Jon migirigar avirir maba sara me migia men navibagh inifi. Egha Akar Aghuim me mikiri.

Herot Jon kalabus gati

¹⁹ Dughiar kamin Herot gavmanin gumazir dapanimin ti. Egha a uan aveghbuam Filipin amuim Herodias koma akui, egha arazir kurar maba saram ami. Kamaghin amizi Jon Herodias bagha Herotin guam gatigha a mikeme. ²⁰ Herot uan arazir kurar maba ko kam sara isin atigha, Jon kalabus gatighava an tiām asara.

Jon Jesus rue

(Matyu 3:13-17; Mak 1:9-11)

²¹ Jon gumazamiziba ruer dughiamin, Jon uaghan Jesus rue. Ezi Jesus uan afeziām God ko migeima, overiam kuiaghiri, ²²

Godin Duam bunbamin min mighegha izaghiri. Ezi tiarir mam overiam otogha kamaghin migei, “Ni nan Otarim. Ki guizbangira ni gifueghava ni bagha bar akonge.”

Iesusin inaziba ko ovaviba (Matyu 1:1-17)

²³ Dughiar kamin Iesus uabi 30plan azeniāta iti. Egha a uan ingangarim maghiram a gami. Gumazamiziba ghaze, Iesus Josepin otarimra. Ezi Josep, a Helin otarim. ²⁴ Ezi Heli, a Matatian otarim. Ezi Matat, a Livain otarim. Ezi Livai, a Melkin otarim. Ezi Melki, a Janain otarim. Ezi Janai, a Josepin otarim. ²⁵ Ezi Josep, a Matatiasin otarim. Ezi Matatias, a Amosin otarim. Ezi Amos, a Nahumin otarim. Ezi Nahum, a Eslin otarim. Ezi Esli, a Nagain otarim. ²⁶ Ezi Nagai, Matin otarim. Ezi Mat, a Matatiasin otarim. Ezi Matatias, a Seminin otarim. Ezi Semin, a Josekin otarim. Ezi Josek, a Jodan otarim. ²⁷ Ezi Joda, a Joananin otarim. Ezi Joanan, a Resean otarim. Ezi Resea, a Serubabelin otarim. Ezi Serubabel, a Sealtielin otarim. Ezi Sealtiel, a Nerin otarim. ²⁸ Ezi Neri, a Melkin otarim. Ezi Melki, a Adin otarim. Ezi Adi, a Kosamin otarim. Ezi Kosam, a Elmadamin otarim. Ezi Elmadam, a Erin otarim. ²⁹ Ezi Er, a Josuan otarim. Ezi Josua, a Elieserin otarim. Ezi Elieser, a Jorimin otarim. Ezi Jorim, a Matatian otarim. Ezi Matat, a Livain otarim. ³⁰ Ezi Livai, a Simeonin otarim. Ezi Simeon, a Judan otarim. Ezi Juda, a Josepin otarim. Ezi Josep, a Jonamin otarim. Ezi Jonam, a Eliakimin otarim. ³¹ Ezi Eliakim, a Melean otarim. Ezi Melea, a Menan otarim. Ezi Mena, a Matatan otarim. Ezi Matata, a Natanin otarim. Ezi Natan, a Devitin otarim. ³² Ezi Devit, a Jesin otarim. Ezi Jesi, a Obetin otarim. Ezi Obet, a Boasin otarim. Ezi Boas, a Salmonin otarim. Ezi Salmon, a Nasonin otarim. ³³ Ezi Nason, a Aminadapin otarim. Ezi Aminadap, a Atminin otarim. Ezi Atmin, a Arnin otarim. Ezi Arni, a Hesronin otarim. Ezi Hesron, a Peresin otarim. Ezi Peres, a Judan otarim. ³⁴ Ezi Juda, a Jekopin otarim. Ezi Jekop, a Aisakin otarim. Ezi Aisak, a Abrahamin otarim. Ezi Abraham, a Teran otarim. Ezi Tera, a Nahorin otarim. ³⁵ Ezi Nahor, a Serukin otarim. Ezi Seruk, a Reun otarim. Ezi Reu, a Pelekin otarim. Ezi

3:12: Mt 21:32; Lu 7:29 **3:12:** Matyu 21:32; Luk 7:29

Gami 19:11 **3:16:** Mt 3:11, Ap 13:25 **3:16:** Matyu 3:11; Aposel 13:25

4:12; Matyu 13:30 **3:19:** Matyu 14:3-4; Mak 6:17-18

17:5; Mk 1:11, Lu 9:35, Jo 1:32 **3:22:** Jenesis 22:2; Onger Akaba 2:7; Aisaia 42:1; Matyu 3:17; 17:5; Mak 1:11; Luk 9:35;

Jon 1:32 **3:23:** Lu 4:22, Jo 6:42 **3:23:** Luk 4:22; Jon 6:42

3:17-19; Esra 3:2 **3:31:** 2 Sml 5:14 **3:31:** 2 Samuel 5:14

1 Samuel 16:1-13 **3:33:** Stt 29:35 **3:33:** Jenesis 29:35

3:14: Kis 23:1, Wkp 19:11 **3:14:** Ua Me Ini 23:1; Ofa

3:17: Mai 4:12, Mt 13:30 **3:17:** Maika

3:21: Jo 1:32 **3:22:** Stt 22:2, Sng 2:7, Ais 42:1, Mt 3:17,

3:27: 1 Sto 3:17-19, Esr 3:2 **3:27:** 1 Eghaghaniba

3:32: Rut 4:17-22, 1 Sml 16:1-13 **3:32:** Rut 4:17-22;

3:36: Stt 11:10-26 **3:36:** Jenesis 11:10-26

Pelek, a Eberin otarim. Ezi Eber, a Selan otarim.³⁶ Ezi Sela, a Kainanin otarim. Ezi Kainan, Arpaksatin otarim. Ezi Arpaksat, a Siemen otarim. Ezi Siem, a Noan otarim. Ezi Noa, a Lamekin otarim.³⁷ Ezi Lamek, a Metuselan otarim. Ezi Metusela, a Enokin otarim. Ezi Enok, a Jaretin otarim. Ezi Jaret, a Mahalalelin otarim. Ezi Mahalalel, a Kenanin otarim.³⁸ Ezi Kenan, a Enosin otarim. Ezi Enos, a Setin otarim. Ezi Set, a Adamin otarim. Ezi Adam, a Godin otarim.

4

*Satan Jesus gifarasa a gakaghori
(Matyu 4:1-11; Mak 1:12-13)*

¹ Godin Duam bar Iesus gizivazima, a Jordanian Fanem ategha uamategha Galilin Distrighin zui. Ezi Godin Duam a inigha gumazamiziba puvatiriz danganimin ghu.² Danganir kamin Iesus 40plan arueba ko dimagaribar itima, Satan bizibar a gifari. Iesus dughiar kabar daghetam amezir puvati. Ezi dughiar kaba givazima mitiriam an azi.

³ Ezi Satan kamaghin a migei, “Ni guizbangira Godin Otarim, ni dagiar kaba a kar gavgavim dav kemeghti, da bretin rubuzibar min otogh.”

⁴ Ezi Iesus Satan ikaragha ghaze, “Godin Akinafarim kamaghin migei, ‘Gumazamiziba daghebara damiva, dar gavgavimin ikian kogham.’”

⁵ Ezi Satan ua Iesus inigha danganir bar pin itimin ghuavanabogha, zuamira nguazir kamin kantriba bar an aka.⁶ Egha Satan kamaghin Iesus migei, “Bizir kaba bar nan dafarimin iti, kamaghin amizi, ki tina daningisi fueghiva, a daningam. Ki nguabar kabar ganamin gavgavim ko, dar bizar aghuiba ni daningam.”⁷ Kamaghin amizi ni tevimming apirigh nan ziam feughtima, ki bizar kabar da ni daningam.”

⁸ Ezi Iesus kamaghin an akam ikara ghaze, “Godin Akinafarim kamaghin migei, ‘Ni uan Ekiam God, ni an apengara iki an ziamra fam.’”

⁹ Ezi Satan Iesus inigha Jerusalemin ghugha a isa Godin Dipenim pin mar anefa.¹⁰⁻¹¹ Egha kamaghin a migei, “Godin Akinafarim kamaghin migei, ‘A ni bagh uan enselba akar gavgavim me mikimtima me deraghvira nin ganam. Egh me uan dafaribar ni fueghti, ni uan dagarim dagiatam gaseghan kogham!’ Kamaghin

amizi, ni guizbangira Godin Otarim, ni kaghiki ubi ekunigh.”

¹² Ezi Iesus an akam ikaragha ghaze, “Godin Akinafarim kamaghin migei, ‘Ni uan Ekiam Godin Araziba tuisigh a gifoghsii an gavgavim bagh azangzan marki.’”

¹³ Ezi Satan ifavarir kaba bar Iesus gamigha givagha anetaki. A Iesus ategha ghuwa dughiar igharazim bagha mizuai.

Iesus Galilin Distrighin ghua Godin Duamin gavgavimin ingangarim gami

(Sapta 4:14-9:50)

Iesus Galilin ghughava maghira uan ingangarim gami

(Matyu 4:12-17; Mak 1:14-15)

¹⁴ Iesus Godin Duamin gavgavimin a uamategha Galilin Distrighin ghu. Ezi an akam bar moghira nguibabar ghu.¹⁵ Egha a God ko migeir dipenibar men sure gamima, me bar an ziam fe.

*Nasaretin itir gumazamiziba
Iesusin aghua*

(Matyu 13:53-58; Mak 6:1-6)

¹⁶ Ezi Iesus ikiava aghungizi naghin Nasaretin ghu. Egha Sabatin dughiamin a God ko migeir dipenimin aven ghu, kar arazir a zuraram amim. A tugha Godin Akinafarim diponasaya ami.¹⁷ Ezi me Godin akam inigha izir gumazim Aisaian akinafarir righizim a ganingi. Ezi Iesus akinafarir righizir kam onegha, migirigar kamin api:

¹⁸⁻¹⁹ “God Akar Aghuim organarazibagh amir gumazamizibav kinasa na misevegha,
borem nan dapanim ginge,
kamaghin amizi, Ekiamin Duam nan iti.

Egha uaghan akam akunasa na amada,
eghti ki kamaghin me mikim suam,
gumazir damazir kuraba ua ua ganam.

Eghti kalabusin itir gumazamiziba ko gummazir osimtizibar apengan itiba,
ki me bagh kalabusin tiar akam kuighti,
me kalabus ategh firighiregh mangam.

Ki kamaghin me mikimam,
Ekiam gumazamizibagh ifongezir
dughiam,
an otogha gifa.”

3:38: Stt 4:25-5:32 **3:38:** Jenesis 4:25-5:32 **4:2:** Kis 34:28, 1 Kin 19:8 **4:2:** Ua Me Ini 34:28; 1 Atriviba 19:8
4:4: Lo 8:3 **4:4:** Godin Araziba 8:3 **4:6:** Mt 28:18, Jo 12:31, 14:30, MAA 13:2, 13:7 **4:6:** Matyu 28:18; Jon 12:31; 14:30; Akar Mogomem 13:2; 13:7 **4:8:** Lo 6:13-14, 10:20
Akaba 91:11-12 **4:12:** Lo 6:16, 1 Ko 10:9 **4:12:** Godin Araziba 6:16; 1 Korin 10:9 **4:13:** Hi 2:18, 4:15 **4:13:** Hibrus 2:18; 4:15 **4:16:** Mt 2:23, Mk 6:1, Ap 13:14, 17:2 **4:16:** Matyu 2:23; Mak 6:1; Apostol 13:14; 17:2 **4:17:** Ais 61:1-2 **4:18-19:** Ais 61:1-2 **4:18-19:** Aisaia 61:1-2

²⁰ Ezi Iesus akinafarim uam a righa, a isava ingangarir gumazim ganigha apera. Ezi me bar moghira God ko migeir dipenimin aven pamtemin an gari. ²¹ Ezi a kamaghin me migei, “Datarighin Godin migirigar ia oraghizim, a guizbangiram otto!”

²² Ezi me an akabagh ifongeghava nighnizir aviribar akar aghuir a mukemezibagh ami, egha me kamaghin azara, “Kar ti Josepin otarimra o?”

²³ Ezi Iesus kamaghin me migei, “Ia ti akar isin zuir kam na mikimam, ‘Dokta, ni uabi uan mikarzim akirigh!’ Egh e oraghizir bizar ni Kaperneamin amiziba, ni kagh uaghan uan nguibamin dar amu.”*

²⁴ Egha a migia ghuavira ikiava kamaghin migei, “Ki guizbangira ia migei, Godin akam inigha izir gumaziba, men adarazi me baraghan aghua. ²⁵ Ki guizbangira ia migei, Elaijan dughiamin, amuir odiarir bar avirim Israelin iti. Ezi amoziim izir puvatigha ghua azenin pumuning ko mikezim ko azenir akuamin oto. Ezi dagheba bar puvatizir dughiam bar nguibabar oto. ²⁶ Ezi God Israelin amizitam bagha Elaija amadazir puvati. A Saidonin danganir aven itir nguibar mam, Sarefetin itir amuir odiarir baghvira anemada. ²⁷ Ezi Godin akam inigha izir gumazim Elisan dughiamin, lepan arimariam itir gumazir avirim Israelin ti. Ezi God men tav gamizima a zuegha derazir puvati. Ezi Namanra, God a gamizima a zuegha dera, a Sirian gumazir mam.”

²⁸ Ezi gumazamizir God ko migeir dipenimin aven itiba bar bizar kam baregha men naviba Iesus bagha men isi. ²⁹ Egha me dikavigha, Iesus batoghezima a nguibam ategha azenan ghuzima, me a inigha nguibar ekiam itir mighsiar avarir konimin anekunasa zui. ³⁰ Ezi a men tongin ghua munagh otogha ghu.

*Iesus duar kuram gumazir mam
dam a batoke
(Mak 1:21-28)*

³¹ Iesus Galilin Distrighin aven itir nguibam, Kaperneamin ghuaghiri. Egha Sabatin dughiamin, a gumazamizibar sure

4:22: Sng 45:2, Mt 13:54, Mk 6:2, Lu 3:23, Jo 6:42 **4:22:** Matyu 13:54; Mak 6:2; Luk 3:23; Jon 6:42 **4:23:** Mt 4:13,
Jo 2:12 **4:23:** Matyu 4:13; Jon 2:12 * **4:23:** Dokta uabi uan mikarzim akiramin akar mingarim, a kamaghin ghu. Gumazim ingangaritam damusi, a deravira gumazamizibar damazimin a damighti, me nighnizir gavgavim an akamin ikiam. Luk 4:18-19in aven, Iesus God a ganingizir ingangarir ekiabav gei. Kamaghin, Iesus ghaze, gumazamiziba kamaghin nighnigham, me an ganti a faragh mirkelbar amighti, me an akam nighnizir gavgavim an ikiam. **4:24:** Jo 4:44 **4:24:** Jon 4:44 **4:25:** 1 Kin 17:1, 17:7, 1 Kin 18:1 **4:25:** 1 Atriviba 17:1; 17:7; 18:1 **4:26:** 1 Kin 17:8-16
4:26: 1 Atriviba 17:8-16 **4:27:** 2 Kin 5:1-14 **4:27:** 2 Atriviba 5:1-14 **4:30:** Jo 8:59, 10:39 **4:30:** Jon 8:59;
10:39 **4:31:** Mt 4:13, Mk 1:21, Lu 4:23 **4:31:** Matyu 4:13; Mak 1:21; Luk 4:23 **4:32:** Mt 7:28-29, Jo 7:46, Ta 2:15
4:32: Matyu 7:28-29; Jon 7:46; Taitus 2:15 **4:33:** Mt 8:29, Mk 1:23, Lu 8:28 **4:33:** Matyu 8:29; Mak 1:23; Luk 8:28
4:34: Lu 1:35, 4:41, Jo 6:69 **4:34:** Luk 1:35; 4:41; Jon 6:69 **4:41:** Mt 8:29, Mk 1:25, 1:34, 3:11-12 **4:41:** Matyu 8:29; Mak 1:25; 1:34; 3:11-12 **4:43:** Luk 8:1

gami. ³² Ezi an akaba gavgavim dar itima, me an suren migirigia baragha digavir kuram gami.

³³ Ezi duar kuram apazazir gumazir mam, a God ko migeir dipenimin aven ikia, pamtemin dia kamaghin migei, ³⁴ “Iesus, Nasaretin gumazim, ni manmaghira e damuasa ize? Ni e gasighasighasa izi? Ki ni gifo, ni Godin damazimin zuezir gumazim!”

³⁵ Ezi Iesus an atara a migia ghaze, “Ni nimira iki! Egh gumazir kam ategh azenan izi!” Ezi duar kurar kam men damazibar gumazim akunigha azenimin iza gumazim gasighasighizir puvati.

³⁶ Ezi me bar aguaghfagha uarira uariv gei, “Eei, kar migirigar manam? An akar gavgavim duar kuraba batoghezima da azenan izi.” ³⁷ Ezi an amizir bizar kaba, dar migirigiam bar nguibabar ghu.

Iesus Pitan asamim akirizima a ghuamaghe

(Matyu 8:14-15; Mak 1:29-31)

³⁸ Egha Iesus God ko migeir dipenim ategha Saimonin dipenimin ghu. Ezi Saimonin asamim ariava mikarzim puvira feima, me an akurvaghisa Iesusin azai. ³⁹ Ezi Iesus amizimin min tugha aviraghya akar gavgavim an arimariam batoghezima, arimariam ghu. Ezi amizim zuamira dikavighava me bagha daghebagh amuava me ganidi.

*Iesus gumazamizir aviribagh amizi,
me ua dera*

(Matyu 8:16-17; Mak 1:32-34)

⁴⁰ Ezi aruem ghuaghirima, gumazamiziba me gumazir arimariar igharagha garir aviriba inigha Iesus bagha ize. Ezi a vaghaghya uan dafariba me gisir arizima me ghuamazi. ⁴¹ Egha uaghan duar kurabagh ami da gumazamiziba ataghiragha azenan iza kamaghin dei, “Ni Godin Otarim!” Duar kuraba fo, kar God Gumazamiziba Ua Me Iniasa Misevezir Gumazim. Kamaghin amizi Iesus mikiman dar anogoroke.

*Iesus nguibar igharazibagh arui
(Mak 1:35-39)*

⁴² Aminim tirazima, Iesus gumazamiziba puvatizir danganimin ghu. Ezi gumazamiziba a buria ghua a batogha, an angorogha ghaze, a me ategh mangan kogham. ⁴³ Ezi a kamaghin me migei, “God Akar Aghuim akunasa na amada. Kamaghin amizi ki nguibar igharaziba uaghan dar mangi God Bizibagh Ativamin Dughiamin Akar Aghuim akunam.” ⁴⁴ Egha a Judian Distrighin God ko migeir dipenibar akam akura ghuavira iti.

5

*Iesus faragha diazir suren gumaziba
(Matyu 4:18-22; Mak 1:16-20)*

¹ Dughiar mamin Iesus Genesaretin dipar akarer miriamin tughav itima, gumazamiziba anekuvagha Godin akam barasi.* ² Ezi a dipar miriamin garima, osiriba isir gu-mazibar botin pumuning pura iti. Aningin ghuaviba uan iver ekiaba rue. ³ Ezi Iesus botin mamin ghuavanabo, kar Saimonin bot. Egha an azaraghha ghaze, ni tong a gisivaghtima a dipar miriam atakigh. Ezi a bot gaperaghav ikia gumazamizibar sure gami.

⁴ Jesus mikemegeha givagha Saimon migei, “Ni bot gisivagh dipar konimin mangiva iver ekiaba osiriba bagh da akunigh.”

⁵ Ezi Saimon an akam ikaraghha ghaze, “Ekiam, e dimagarir kamin ingara ghua bar osiritam inizir puvati. Ezi ni migeima kamaghin ki iver ekiaba akunam.”

⁶ Egha me Iesus mikemeze moghin amigha, osirir bar aviriba inizima men iver ekiaba maghira akarasanva ami. ⁷ Ezi me uan namakar botin igharazimin itiba me gikarizima me iza men akura, egha me iza botin pumuning uaghara aning gaghuijima aning bar izivagha osemegha maghira dipamin ghuaghiri.

⁸⁻¹⁰ Ezi Saimon Pita ko a ko iti darasi, me osirir me inizir kabar ganigha digavir kuram gami. Saimonin roroamning Jems ko Jon, Sebedin otarimning. Aning Saimon ko ingarir gumazimning, aning uaghan digavir kuram gami. Kamaghin amizi Saimon kamaghin ganigha, tevimming apirigha Iesusin suemningin boroghin iri. Egha ghaze, “Ekiam, ki gumazir arazir kurabagh amim! Kamaghin amizi ni na ategh mangi.”

Ezi Iesus kamaghin Saimon migei, “Ni ati-atingan marki, datirighin ikegh mangi, ni

gumazamiziba iniam.” ¹¹ Ezi me uan botba mikirvegha, dipar dadarimin ghuavanega, biziba bar da ategha Iesusin gin zui.

*Gumazir lepan arimariam itim
(Matyu 8:1-4; Mak 1:40-45)*

¹² Iesus nguibar ekiar mamin itima, gumazir mam lepan arimariam bar anegirizima, a izava oto. Egha a Iesusin apigha ira uan guam nguazim mituaghha kamaghin a migei, “Ekiam, ni fueghiva na damighti, ki Godin damazimin zuegh ua deraka.”†

¹³ Ezi Iesus uan agharim isa gumazir kam gatigha ghaze, “Ki ifonge. Nin mikarzim zuegh, ua deragh.” Ezima lepan arimariam zuamira anetaki.

¹⁴ Egha Iesus akar gavgavim a ganiga ghaze, “Ni tav mikiman marki. Egh mangi, uabi Godin ofa gamir gumazimin akagh, egh Moses mikemeze moghin, ni uabi zueghsi ofa damu. Egh ti gumazamiziba fogh suam, nin arimariam gifa.”

¹⁵ Ezi Iesus amizir bizir kabar eghaghanim bar mar ghu. Kamaghin amizi gumazamizir avirim a baraghiva men arimariaba ua deraghosa izi. ¹⁶ Ezi Iesus zurara me ataghiraghha ghua, gumazamiziba itir puvatizir danganimin ikia God ko migei.

*Iesus gumazir soroghafariba amirazim gamizima a dera
(Matyu 9:1-8; Mak 2:1-12)*

¹⁷ Dughiar mamin Iesus gumazamizibar sure gamima, Farisiba ko Judan Arazibagh fozir gumaziba, me Galilin Distrik ko Judian Distrighin itir nguibaba bar, ko Jerusalemin nguibamin ikegha iza apaghav iti. Ezi Ekiamin gavgavim uaghan iti, kamaghin Iesus men arimariabar amuti da deraghah.

¹⁸ Ezi gumazir maba soroghafariba amirazir gumazir mam inigha akuriam gatigha a inigh dipeniminaven mangi Iesusin guamin anerighasa. ¹⁹ Ezi gumazamiziba bar aviraseme. Ezi meaven mangi iburagha dipenir siriamin ghuavanabogha dipenir siriamin torim gamigha benibar an akuriam dafagha, nimira anetaghirazima a ghuaghira gumazamizir okoruamin tongin Iesusin guamin aneti.

²⁰ Ezi Iesus gumazir kabar nighnizir gavgavim ganigha kamaghin migei, “Namakan, ki nin arazir kuraba gin amada.”

²¹ Ezi Farisiba ko Judan Arazibagh fozir gumaziba maghira uan navir averiabar

* **5:1:** Matyu 13:1-2; Mak 3:9-10; 4:1 ** **5:1:** Ziam “Genesaret,” a Galilin Dipar Akaremin ziar mam. **5:5:** Jo 21:3 **5:5:** Jon 21:3 **5:6:** Jo 21:6 **5:6:** Jon 21:6 **5:8-10:** 2 Samuel 6:9; 1 Atroviba 17:18; Matyu 4:19 **5:11:** Mt 4:20; 19:27, Mk 1:18, Lu 18:28 **5:11:** Matyu 4:20; 19:27; Mak 1:18; Luk 18:28 † **5:12:** Ni akar Matyu 8:2 in itimin gan. **5:14:** Wkp 14:1-32 **5:14:** Ofa Gami 14:1-32 **5:16:** Mt 14:23, Mk 1:35, 6:46 **5:16:** Matyu 14:23; Mak 1:35; 6:46 **5:20:** Lu 7:48 **5:20:** Luk 7:48 **5:21:** Sng 32:5, Ais 43:25, Lu 7:49

aven nighnisi, "Kar gumazir manam Godin danganim iniasa migirigiar kam gami? Gu-mazir kinitam arazir kuraba gin amangam, o puvati? God uabira."

²² Ezi Jesus men nighnizibagh fogha men azara, "Ia tizim bagha bizir kaba uan navir averiabar aven dagh nighnisi?" ²³ Ki akar manam mikimam? Pura gumazir kinitam kamaghin mikim suam, ki nin arazir kuraba gin amada. Egh uaghan gu-mazir kinitam kamaghin mikiman kogham, ni dikavigh mangi ua deragh. ²⁴ Ki arazir kam damightima, ia ganigh fogham, Gumazamizibar Otarim a nguazir kamin arazir kuraba gin amangamin gavgavim iti."

Egha kamaghin gumazir sorogha-fariba amirazim migei, "Ki ni migei, ni dikavigh uan akuriam inigh dipenimin mangi." ²⁵ Ezi a zuamira men damazibar dikavigha, iraghav ikezir akuriam inigha uan nguibamin ghuua Godin ziam fe.

²⁶ Ezi me bar digavir kuram gamigha Godin ziam fe. Egha agorogem me gizivazi me kamaghin migei, "E datirighin bizir bar igharagha garibar gari."

*Jesus uabin gin mangasa Livain dei
(Matyu 9:9-13; Mak 2:13-17)*

²⁷ Bizir kabar gin Jesus ghua garima, gav-manin dagiaba isir gumazir mam, an ziam Livai, a uan dagiaba isir dipenim gaper-aghab iti. Ezi Jesus kamaghin a migei, "Nan gin izi."[‡] ²⁸ Ezi Livai dikavigha, biziba bar itegeha an gin zui.

²⁹ Egha Livai isar ekiam Jesus bagha uan dipenimin aneru. Ezi dagiaba isir gumazir avirim ko gumazir maba sara iza me koma api. ³⁰ Ezi Farisiba ko Judan Arazibagh fozir gumazibar adarasi, me migirigiar mabar Jesusin suren gumazibagh ami, "Ia tizim bagha dagiaba isir gumaziba ko arazir kurabagh amir gumaziba koma api?"[§]

³¹ Ezi Jesus men akam ikaragha ghaze, "Arimariaba puvatizir gumazamiziba, me dokta bagha zuir puvati. Gumazamizir arimariaba itibara dokta bagha zui." ³² Ki Godin damazimin derazir gumazamiziba bagha izezir puvati. Ki, gumazamizir arazir kurabagh amiba navibagh iraghosa, ki ize."

Dagheba ataghizar arazimin azangsizim

(Matyu 9:14-17; Mak 2:18-22)

³³ Ezi me kamaghin a migei, "Jonin suren gumaziba, me zurara God ko mikimasa

dagheba ataghiasi. Ezi Farisin suren gu-maziba uakan. Ezi ninanaba apa mam-aghiha iti."

³⁴ Ezi Jesus men akam ikaragha ghaze, "Gumazir amuimin ikiamim, a ia ko ikiti, ia a bagha izezir gumazibav kimti me dagheba ategham, o puvatigham? Putatigham." ³⁵ Gin dughiam izitima gumazir amuimin ikiamim, me me dama a inigh mangitima, dughiar kabar me dagheba ataghiraghram."

³⁶ Egha Jesus akar isin zuir kamin me geghari, "Gumazitam korotiar ghurim torim an ikiti, a korotiar igiatam abigh, inir avizir kam isi, korotiar ghurim dukuagh a isaman marki. A kamaghin damighti, korotiar igiar kam arizigham. Egh uaghan inir avizir igiar korotiar ghurim dukuaghha isamizim, korotiar ghurimin min ganan kogham. ³⁷ Egha gumazitam wainin igiam inigh, a isiva asizir inir misevir ghuritam guruughan kogham. A kamaghin damighti, wainin dipam gin buva anangiva asizir inir ghurir kam abighti, wainin dipam nguazim giregham. Egha wain ko asizir inim virara ikuvigham. ³⁸ A kamaghin damuan kogham. A wainin igiam, wainin misevir igiam gurigh."** ³⁹ Egh gumazim wainin ghurim amegh, igiam gifueghan kogham. Egh a kamaghin mikim suam, "Ghurim a dera."

6

*Jesus uabi Sabatin Ekiam
(Matyu 12:1-8; Mak 2:23-28)*

¹ Sabatin mam, Jesus uan suren gumaziba ko raizin min garir dagher mam wit, me an kuriabagh aruava, an suren gumaziba witin oviziba isa uan dafaribar dar iniba misiva da api. ² Ezi Farisin maba kamaghin migei, "Ia manmaghsua arazir kam gamua Sabatin arazimin gin zuir puvati?"*

³ Ezi Jesus me ikaragha ghaze, "Ia ti Devit fomira amizir arazimin eghaghanimin ganizir puvati? Devit dughiar kamin uan adarazi ko mitiriam men azi," ⁴ ezi Devit Godin Purirpenimin aven ghua me ofa damuasa atizir bretin rubuziba inigha uan adarazi ko me da ame. E fo, me bretin kabar aman kogham."

⁵ Egha Jesus kamaghin me migei, "Gu-mazamizibar Otarim a Sabatin dughiamin Ekiam."

5:24: Jo 5:8 5:24: Jon 5:8 ‡ 5:27: Ziar kam Livai, ti Matyu ziar igharazir mam. Ni Matyu 9:9in gan. 5:30: Lu 15:1-2 5:30: Luk 15:1-2 § 5:30: Ni Matyu 9:11in itir akamin gan. 5:32: 1 Ti 1:15 5:32: 1 Timoti 1:15
5:33: Mt 9:14, Mk 2:18 5:33: Matyu 9:14; Mak 2:18 5:34: Jo 3:29 5:34: Jon 3:29 ** 5:38: Ni Matyu 9:17in itir akamin gan. 6:1: Lo 23:25 6:1: Godin Araziba 23:25 6:2: Kis 20:10, Jo 5:10 6:2: Ua Me Ini
20:10; Jon 5:10 * 6:2: Ni Matyu 12:2in itir akamin gan. 6:3: 1 Samuel 21:1-6 6:4: Wkp 24:5-9 6:4: Ofa
Gami 24:5-9

*Iesus Sabatin dughiamin dafarir ekonezir gumazim gamizi a ua dera
(Matyu 12:9-15; Mak 3:1-6)*

⁶ Sabatin dughiar igharazim Jesus God ko migeir dipenimin aven ghugha men sure gami, ezi gumazir mam men tongin iti. An dafarir guvum ekonegha an areme. ⁷ Farisin maba ko Judan Arazibagh fozir gumaziba an arazitamin apigh, akam a gasasa bar deravira an gari. Me kamagh-sua, a Sabatin arimariaba batogham, o? ⁸ Kamaghin amizi Jesus men nighnizibagh fogha dafarim ekonezir gumazim migel, “Ni dikavigh men damazibar tugti me bar nin ganika.” Ezi a dikavigha tughav iti.

⁹ Ezi Jesus me migia ghaze, “Ki ian azai, arazin manam Sabatin dera? E arazir aghuim damuam, o arazir kuram damuam, o gumazimin akuragham, o e a gasighasigham?”

¹⁰ Egha a bar men ganigha gumazim migel, “Ni uan dafarim onegh.” Ezi a uan dafarim onezima an dafarim bar moghira ua dera. ¹¹ Ezi me bizar kam bangin atara, egha uarira uariv gia ghaze, e arazir manatam Jesus damuam.

*Iesus 12pla aposelba misefe
(Matyu 10:1-4; Mak 3:13-19)*

¹² Dughiar kamin Jesus God ko mikimasa mighsiamin ghuavanabogha, God ko migeima aminim a bangin tira. ¹³ Aminim tirazima, a uabin gin aruir gumazibar diazi me izezi, a 12pla amisevegha maghira ziam aposelba me gati: ¹⁴ Saimon (Jesus Pita a gati) ko an dozim Andru, Jems, Jon, Filip, Bartolomyu, ¹⁵ Matyu, Tomas, Jems Alfiusin otarim, Saimon, a Selotbar gumazir mam, ¹⁶ Judas Jemsin otarim, ko Judas Iskariot, gumazir gin Jesus isa apanibagh aningizim.

*Iesus arimariaba batosi
(Matyu 4:24-25; Mak 3:7-12)*

¹⁷⁻¹⁸ Egha Jesus uan suren gumaziba ko ghuaghira danganir zarimin tu. An gin aruir gumazamizir avirim iti. Ezi maburan avirir Jerusalem ko Tair ko Saidonin Ongarir dadarim, ko Judian aven itiba bar, Jesus baraghiva men arimariaba ghuamaghaha me ize. Ezi gumazamizir duar kuraba asighasighiziba, ua dera. ¹⁹ Ezi gavavim Jesus ategha azenan ghua gumazamizibah amima me ghuamazi, kamaghin

amizi, me bar moghira Jesusin mikarzimin suighasa.

*Iesus ghaze, onganarazibagh amiba
me bar akongegh
(Matyu 5:1-12)*

²⁰ Ezi Jesus kogha uan gumazir an gin arubar gara kamaghin migei:

“Ia biziba puvatiziba, ia God Bizibagh Ati-vamin Dughiamin aven iti, kamaghin ian naviba deragh.

²¹ Ia datirighin mitiriam aziba, ia gin izivagham, kamaghin ian naviba deragh.

Ia datirighin azi darasi, ia gin akam, kamaghin ian naviba deragh.

²² Me ian ganti ia Gumazamizibar Otarimin gin mangitima, men naviba ia bagh bar ikuvigham. Egh me ia batoghiva pazi ia damuva ian ziabagh asighasigham.

Bizir kaba ia bativti ian naviba deragh.

²³ Men afeziuba fomira kamaghira Godin akam inigha izir gumazibagh amizi moghin, me ia gami.

Ia uaghan iveauz ekiam Godin Nguibamin a iniam.

Kamaghin amizi dughiar kam otoghti, ia bar akongeghiva agorogem sara pin uari akun.

²⁴ Ia bizar aviriba itiba, ia datirighin navir aghuim inigha gifa, kamaghin ia ikuvigham.

²⁵ Ia dagher aviriba itiba, ia gin mitiriam ian agham, kamaghin ia ikuvigham.

Ia datirighin atti darasi, ia gin arangiva temeribagh ruam, kamaghin ia ikuvigham.

²⁶ Gumazamiziba migirigiar aghuibar ia damuti, ia bar ikuvigham.

Fomira men inaziba akam inigha izir gumazir ifariba migirigiar aghuibia me gami.

Kamaghira, gumazamiziba me bar migirigiar aghuibia ia damuti, ia bar ikuvigham.”

*Arazir apanibagh ifongeziba
(Matyu 5:38-48)*

- | | | | | | |
|---|--|--|----------------------------|---|---|
| 6:7: Lu 14:1 | 6:7: Luk 14:1 | 6:8: Lu 5:22, 9:47 | 6:8: Luk 5:22, 9:47 | 6:12: Mt 14:23 | 6:12: Matyu 14:23 |
| 6:13: Mt 10:3-4, Mk 3:13-19, Jo 6:70 | | 6:13: Matyu 10:3-4; Mak 3:13-19; Jon 6:70 | | 6:20: Mt 5:3, 11:5, Je 2:5 | 6:20: Matyu 5:3, 11:5, Je 2:5 |
| Matyu 5:3; 11:5; Jems 2:5 | 6:21: Sng 126:5-6, Ais 55:1, 61:3, MAA 7:16-17 | | | 6:21: Onger Akaba 126:5-6; Aisaia 55:1; 61:3; Akar Mogomem 7:16-17 | 6:22: Matyu 5:11; Jon 15:19; 16:2; 1 |
| Pita 2:19; 4:14 | 6:22: Mt 5:11, Jo 15:19, 16:2, 1 Pi 2:19, 4:14 | | | 6:22: Matyu 5:11; Jon 15:19; 16:2; 1 | |
| Aposel 5:41; 7:52; Kolosi 1:24; Jems 1:2 | 6:24: Amo 6:1, Mt 6:2, 6:5, Je 5:1 | | | 6:23: 2 Eghaghaniha 36:16; Matyu 5:12; | |
| 6:25: Snd 14:13, Ais 65:13, Je 5:1-6 | 6:25: Aghuzir Akaba 14:13; Aisaia 65:13; Jems 5:1-6 | | | 6:24: Amos 6:1; Matyu 6:2; 6:5; Jems 5:1 | |
| 6:26: Jon 15:19; 1 Jon 4:5 | 6:27: Kis 23:4, Snd 25:21, Mt 5:44, Ro 12:20 | | | 6:26: Jo 15:19, 1 Jo 4:5 | |
| 25:21; Matyu 5:44; Rom 12:20 | | | | 6:27: Ua Me Ini 23:4; Aghuzir Akaba | |

²⁷ Iesus ua kamaghin migei, "Ia na barazi darasi, ki kamaghin ia migei, ia uan apanibagh ifongegeh, egh ia gifongezir puvatiziba, ia arazir aghuubar me damu,²⁸ egh migirigiar kurabar ia gamir darasi, ia migirigiar aghuubar me damu, egh paza ia gamir darasi, ia me bagh afeziam ko mikim.²⁹ Eghiti tav ian koviatam apezehti, ia koviar vuem sara a daningigh. Eghiti tav ian korotiar azenan azuim inighti, ni uaghan aven itir korotiam sara an takigh.³⁰ Egh tav biziba bagh ian azangsighti, ia a daningigh. Egh te ian biziba ini, ia ua da bagh mikimiva me dama da inian marki.³¹ Ia arazir aghuir me ia damuamin ia ifongeziba, ia arazir kabara me damu.

³² "Egh ia gumazir ia gifongezibara ifueghiva ia iveau manatam iniam? Puvati. Arazir kurabagh amiba uaghan kamaghiram ami. Me, me gifongezir daraziragh ifonge.³³ Ia deraghvira deragha ia gamir darazigh ami, kamaghin amizi ia arazir aghuir manam gami? Gumazamizir arazir kurabagh amiba uaghan kamaghiram ami.³⁴ Ia pura uan biziba me daning, egh nighnigh suam, me ti da ikarvaghram, egh ia manmaghin arazir aghuitam damigham? Gumazamizir arazir kurabagh amiba me uaghan ghaze, ki gumazir kurar ighazarim uan biziba a daningt, a gin ua da ikarvaghram.³⁵ Ia uan apanibagh ifuegh deravira me damu, biziba pura me daningiva, uamategh da ikarvaziba inisi nighnighan marki. God arazir aghuiba gumazir arazir kurabagh amiba ko gumazir a minabir puvatizibagh ami. Kamaghin amizi, gin ian iveau bar ekevehti, ia Godin Bar Pin Itimin boribar min ikiam.³⁶ Afeziamin apangkuvimin mirara, ia apangkuvim iki."

Igharaz darazir araziba tuisighan marki

(Matyu 7:1-5)

³⁷ Iesus ua kamaghin migei, "God ia tuisigh ian ikuraghan koghs, ia munen araziba tuisighan marki, egh suam men araziba ikufi. Ivezir kuram aningen marki, eghiti God ivezir kuram ia danighan kogham. Ia men arazir kuraba gin amadaghti, God ian arazir kuraba gin amadaghram.³⁸ Ia bizibar aningt, God ia daningam. Nin minem bar deravira

izivaghtima, a biziba isi mikebabar amangiva, dagh asavkon, eghiti da iri magiri ian apozibar inibagh iram. God bizir iziviriziba, ia ganidi moghin ia igharaz darazir aning."

³⁹ Iesus uaghan akar isin zuir mam sara me mikeme, "Gumazir damazir kuram damazir kurar ighazaritam suiragh mangam, o?⁴⁰ Aning virara mozimin magirigham.⁴¹ Suren gumazim, uan tisa gafirazir puvati. Ezi suren gumazir bar deravira uan sure agivazim, a uan tisan mirara ghu.⁴² Tizim bagha, minezir bar muziarim nin aveghbuamin damazimin itima, ni an gara egha temer ararir ekiar nin damazimin itimin garir puvati?⁴³ Ter ararir ekiam nin damazimin ikiti, ni manmaghin uan aveghbuam mikim suam, 'Aveghbuam, ki nin damazimin itir minezim batuegham?' Ni bar ifari! Ni faraghivira ter ararir nin damazimin itim asigh, egh deragh ganiva minezir nin aveghbuamin damazimin itim asigh."

Temem ko an ovizim (Matyu 7:16-20; 12:33-35)

⁴³ Egha Iesus ua kamaghin migei, "Temer aghuitam ovizir kuratam batezir puvati, kamaghira temer kuratam ovizir aghuitam batezir puvati.⁴⁴ Gumazamiziba temer ovizibar gara fogha ghaze, temer aghuim o temer kuram. Me fighin oviziba temer ataghatarimin da kuari puvati. Egha me wainin oviziba temer ataghatarin muziarir kuramin da isir puvati.⁴⁵ Gumazimin navir averiamin ikezir biziba, an akatorim dav gei. Kamaghin amizi gumazir aghuim bizir aghuiba an navir averiamin ikegha otivaghiri. Ezi gumazir kuram bizir kuraba an navir averiamin ikegha otivaghiri."

Dipenimin ingarir gumazir dikiriam ko onganim

(Matyu 7:24-27)

⁴⁶ Iesus ua kamaghin migei, "Ia tizim bagha 'Ekiam' na garisi, egha ki migeir biziba ia dagh amir puvati?⁴⁷ Tina na bagha iza nan migirigaba baragha dagh ami, ki an araziba ian akaghram.⁴⁸ A mati gumazim dipenimin ingara, an okora bar vin ghuaghira dagiam gisin ter

6:28: Lu 23:34, Ap 7:60 **6:28:** Luk 23:34; Aposel 7:60

6:30: Lo 15:7-10, Srd 21:26, Mt 5:42 **6:30:** Godin Araziba 15:7-10; Aghuzir Akaba 21:26; Matyu 5:42

7:12 **6:31:** Matyu 7:12 **6:32:** Mt 5:46 **6:32:** Matyu 5:46

Wkp 25:35-36, Sng 37:26, Mt 5:45 **6:35:** Ofa Gami 25:35-36; Onger Akaba 37:26; Matyu 5:45

6:37: Matyu 6:14; 7:1 **6:38:** Snd 19:17, Mt 7:2, Mk 4:24, Je 2:13

Jems 2:13 **6:39:** Mt 15:14 **6:39:** Matyu 15:14

6:40: Mt 10:24-25, Jo 13:16, 15:20

Jon 13:16; 15:20 **6:41:** Mt 7:3 **6:41:** Matyu 7:3

6:43: Mt 7:16-17 **6:43:** Matyu 7:16-17

6:44: Matyu 12:33 **6:45:** Mt 12:34 **6:45:** Matyu 12:34

6:46: Mal 1:6, Mt 7:21, 25:11, Lu 13:25

Malakai 1:6; Matyu 7:21; 25:11; Luk 13:25

6:29: Mt 5:39, 1 Ko 6:7 **6:29:** Matyu 5:39; 1 Korin 6:7

6:31: Mt 5:42 **6:31:** Mt 5:42

6:34: Mt 5:42 **6:34:** Matyu 5:42

6:35: Mt 5:42

6:37: Mt 6:14; 7:1

6:40: Matyu 10:24-25; Jo 13:16, 15:20

6:40: Matyu 10:24-25

6:44: Mt 12:33

6:45: Mt 12:34

6:46: Mal 1:6, Mt 7:21, 25:11, Lu 13:25

6:46: Matyu 7:24

akiniba kuni. Dipenir kam me bar deraviram an ingari. Kamaghin amizima aperriamin dugham, dipam dipenir kamin aven ghuzima a nuighnuizir puvati. ⁴⁹ Ezi gumazir nan migirigia ba baragha dar gin zui puvatizim, a mati gumazim uan dipenim nguazir kinim ko bizitam gis in an ingarizir puvati. Eghit dughiar aperiam otoghamim dipenir kam biraghtima, a irigh bar ikuvigham."

7

Midorozir gumazir dapanimin nighnizir gavgavim

(Matyu 8:5-13)

¹ Iesus bizir kabar gumazamizibav kemegha givagha, Kaperneamin aven zui. ² Ezi 100plan midorozir gumazibar garir gumazir dapanir mam iti. An ingangarir gumazir a bar ifongezim, ariava aremeghasava ami. ³ Ezi midorozir gumazir dapanir kam Iesus amizir biziba baregha, Judabar gumazir aruar maba Iesus bagha me amangi. ⁴⁻⁵ Ezi me Iesus bagha izegha a gaghora kamaghin a migei, "Gumazir kam en gumazamiziba bar me gifonge. Egha e bagha God ko migeir dipenimin ingari. Kamaghin amizi gumazir kam akurvazim baghava ami, ni an akuragh." ⁶ Ezi Iesus tagha me ko zui. A ghua dipenimin boroghin otozi, midorozir gumazir dapanim uan namakaba amangizi me kamaghin a migei, "Ekiam, ki gumazir aghuir manam, ni nan dipenimin aven izam? Ni nan dipenimin aven izan marki. Ni pazi ubi damuan marki. ⁷⁻⁸ Kamaghin amizi ki ubi ni bagh migirigiam inigh izan kogham. Ki ubi midorozir gumazir mabar apengan iti, egha ubi mabar garima, me nan apengan iti. Egh ki me mikim suam, 'Ia mangi,' eghit me mangam. O, ki me mikim suam, 'Ia izi.' Eghit me izam. Egh ki uan ingangarir gumazitam mikim suam, ni ingangarir kam damu, eghit an a damuam. Egha ki fo, ni mikinti, nan ingangarir gumazim ua deragham." ⁹ Ezi Iesus kamaghin oregha, digavir kuram gamigha, raghirigha gumazamizir a gin zuibav gei, "Ki ia migei, ki Israelin aven kamaghin nighnizir gavgavim itir gumazitamin ganizir puvati." ¹⁰ Ezi gumazir amadaziba uamategha dipenimin ghua ingangarir gumazimin garima a dera.

Amuir odiarimin otarim ua dikafi

¹¹ Egha gin Iesus nguabar ziam Nainin zui. Ezi an suren gumaziba ko gumazir avirim an gin zui. ¹² Egha a nguibar kamin tiar akar ekiar kamin boroghin ghua garima, gumazir maba gumazir kuam gisaghpuhga nguabar ekiamin ikegha azenan izi. Gumazir aremezir kamnagh, an amizir pam aremezimin otarir vamira. Ezi nguibar ekiar kamin itir gumazir avirim amuir odiarir kam ko iti. ¹³ Ezi Iesus an gara bar an apangkuvigha kamaghin a migei, "Ni arangan marki." ¹⁴ Egha Iesus roghira ghua gumaziba isaghpuhav itir boksiamin suira. Ezi a gisaghpuhav itir gumaziba voroghira mitivighav iti. Ezi a kamaghin gumazir igiamin migei, "Gumazir igiam, ki ni migei, ni dikafigh." ¹⁵ Ezi gumazir aremezim dikavigha maghira migeima, Iesus uam a isa an amebam ganingi. ¹⁶ Ezi me kamaghin ganigha bar digavir kuram gamigha, Godin ziam fa ghaze, "Godin akam inigha izir gumazir ekiar mam en tongin oto." Egha me ghaze, "God uan gumazamizibar akurvaghaha ize." ¹⁷ Ezi Iesus amizir bizir kamin eghaghanim bar Judian Distrik ko an boroghin itir nguibaba sara ghu.

Gumazamiziba Ruer Gumazim Jon, a Iesus bagha azangsisi

(Matyu 11:2-19)

¹⁸ Ezi Jon, Gumazamiziba Ruer Gumazim, an suren gumaziba, bizir kabar gun bar a mikeme. Ezi a uan suren gumazir pumuningin diagha, ¹⁹ Ekiam Iesusin azangsighasa aning amada, "Ti nirara, gumazir God faragha amangasa mikemezim? O, e ti ua gumazir igharazitam mizuamam?" ²⁰ Ezi gumazimizing Iesus bagha izegha, kamaghin a migei, "Jon, Gumazamiziba Ruer Gumazim nin azangsighasa ga amada, 'Ti nirara, gumazir God faragha amangasa mikemezim?' O, e ti ua gumazir igharazitam mizuamam?" ²¹ Ezi dughiar kamnaghira Iesus gumazamizir arimariuba itiba gamuavira itima, me ghuamazi. Egha duar kuraba batogha gumazir damazir kurar aviribagh amima, me ua gari. ²² Kamaghin amizi, Iesus Jonin suren gumazimningin akam ikaraghha ghaze, "Gua uamategh mangi bizar gua ganigha oraghizibar gun Jon mikemegh, 'Gumazamizir damazir okaviriziba ua gari, ezi gumazamizir suer amiriziba uam arui. Ezi gumazamizir lepa itiba ua zuegha dera, ezi gumazamizir kuarir orazir puvatiziba uam orasi. Ezi ovengezir gumazamiziba ua

7:13: Lu 8:52 **7:13:** Luk 8:52 **7:14:** Lu 8:54, Jo 11:43, Ap 9:40, Ro 4:17 **7:14:** Luk 8:54; Jon 11:43; Aposel 9:40; Rom 4:17 **7:15:** 1 Kin 17:23, 2 Kin 4:36 **7:15:** 1 Atriviba 17:23; 2 Atriviba 4:36 **7:16:** Lu 1:68, 19:44, 24:19, Jo 4:19 **7:16:** Luk 1:68; 19:44; 24:19; Jon 4:19 **7:19:** Onger Akaba 40:7; Malakai 3:1; Matyu 11:3; Akar Mogomem 1:8 **7:22:** Ais 35:5-6, 61:1, Mt 11:4-5, Lu 4:18 **7:22:** Ais 35:5-6; 61:1; Matyu 11:4-5; Luk 4:18 *** 7:22:** Ni Matyu 11:5in itir akamin gan. **7:23:** Ais 61:1, Lu 4:18 **7:23:** Ais 61:1; Luk 4:18

dikavima, gumazamizir onganarazibagh amiba Akar Aghuim barasi.*²³ Gumazir nan ganigha nighnizir gavgavim nan itiba, men nighnizir gavgavim ikivira iki, eghni men navir averiaba deraghti me bar akuegham!*

²⁴ Ezi Jonin suren gumazimning umamategha ghuzima, Jesus maghira Jonin gun gumazamizibav gia ghaze, “Ia tizimin ganasa gumazamiziba puvatizir danganimin ghue? Ia ti ighurunir aminim ivaimin ganasa ghue? Puvati. ²⁵ Ia tizimra ganasa ghue? Ia ti gumazir korotiar aghuiba aghuizitamin ganasa ghue? Puvati. Gumazir korotiar aghuiba azuiba atrivbar dipenibar iti. ²⁶ Ezi ia tizimin ganasa ghue? Ia Godin akam inigha izir gumazitomin ganasa ghue? Bar guizbangira! Ki ia migei, Godin akam inigha izir gumazir kam, a Godin akam inigha izir gumazir igharaziba, bar me gafira. ²⁷ Gumazir kam baghavira, Godin Akinafarim migia ghaze, ‘Ia oragh. Ki uan abuir gumazim amadaghtima, a faragh mangiva ni bagh tuavim akiram.’ ²⁸ Ki ia migei, Jon nguazimin itir gumazamiziba bar me gafira, ezi tina borimin min God Bizibagh Ativamin Dughiamin aven iti, a bar Jon gafira.” ²⁹ (Jon gumazamizir aviriba ruava, egha maghira dagiaba isir gumaziba sara rue. Kamaghin amizi me Jesusin akam baregha fo, Godin arazim a bar guizbangira. ³⁰ Ezi Farisin ko Judan Arazibagh fozir gumaziba, me Jonin rurim inizir puvati. Kamaghin amizi me akirim ragha God men akazir tuavir aghuim gasara.)

³¹ Jesus ua kamaghin migei, “Ki gumazamizir datirighin itibar arazibav kimsi akar isin zuir manam mikimam? Me manmaghira gari? ³² Me boribar min gara biziha amadir danganibar apiai ikia uarir dei:

“E ia bagha marvibagh ivima,
ia ighian aghua.
Ezi e ongerakar amirizibagh amima,
ia azir puvati.”

³³ “Ezi Jon, Gumazamiziba Ruer Gumazim iza dagheba ko wainin dipaba apir puvatizi, ia ghaze, ‘Duar kuraba a gapasa.’ ³⁴ Ezi Gumazamizibar Otarim izava dagheba ko wainin dipaba api. Ezi ia ghaze, ‘Ia gan, a gumazir puv daghem ko wainin dipam apim. Egha a dagiaba isir gumaziba ko gumazir arazir kurabagh amiba, a men roroabagh amua me ko iti.’ ³⁵ Ezi gumazamizir Godin

fofozim iniziba, me gara fo, Godin fofozim a guizbangira bizim.”

*Amizir arazir kurabagh amir mam
Jesusin dagarimning rue*

³⁶ Ezi Farisin gumazir mam uabi ko damasava Jesus bagha mikeme. Kamaghin amizi an a ko daperagh damasa an dipenimin ghu. ³⁷ Ezi amizir arazir kurabagh amua nguibar kamin itim orazi, Jesus Farisin dipenimin ikiava api. Ezi amizir kam borer mughuriar aghuim zuim itir alabastan ingarizir misevim inigha izi. ³⁸ Egha a Jesusin girakirangin an dagarimning boroghin tughav ikia azima, an teriba Jesusin dagarimning giri. Ezi a uan dapanir arizimin an dagarimning adizava, an dagarimningin tora borem an dagarimning ginge. ³⁹ Ezi Farisin an diazim bizar kamin ganigha uabira uabi migei, “Gumazir kam guizbangira Godin akam inigha izir gumazim a fogh suam, kar amizir manam an suisi, kar amizir arazir kurabagh amim.”

⁴⁰ Ezi Jesus an akam ikaragha ghaze, “Saimon ki ni mikimamin bizar mam iti.”

Ezi Saimon ghaze, “Tisa, ni na mikemegh.”

⁴¹ Ezi Jesus kamaghin a migei, “Gumazir pumuning gumazir mam da dagiaba pura da ini, egha aning gin a da ikarvaghan. Ezi mav a da 500in dagiaba ini, ezi mav a da 50plan dagiaba ini. ⁴² Ezi aning uaghara an dagiaba ikarvaghan ibura. Ezi a aning ikarvaghanin dagiar kaba gin amada. Ezi ni nighnigh, aningin tina gumazir kam bar a gifuegħam?”

⁴³ Ezi Saimon an akam ikaragha ghaze, “Ki kamaghin nighnisi, gumazir dagiar aviriba inigha ua da ikarvaghan iburazim.”

Ezi Jesus kamaghin a migei, “Ni deragħha migei.”

⁴⁴ Egha a ragħha amizimin gara kamaghin Saimon migei, “Ni amizir kamin gari? Ki nin dipenimin izezima, ni nan dagarimning ruusa dipatam na ganingizir puvati. Ezi amizim uan temeribar nan dagarimining ruegha, uan dapanir arizimin da disi. ⁴⁵ Ezi ni nan torezir puvati. Ezi amizir kam dugħiars ki aven izezim a nan dagarimningin tora mamaghira ikia iza datirikin. ⁴⁶ Ezi ni borem nan dapanim gingezir puvati. Ezi amizir kam a borer mughuriar aghuim inigha nan dagarimning ginge. ⁴⁷ A bar na gifonge, kamaghin amizi, God an arazir kurar aviriba bar da gin amada. Ki ia migei, tina God an arazir kurar muziarim

gin amadaghti, kamaghin a God gifongezir arazir muziarim ikiam."

48 Ezi Jesus kamaghin amizimin migei, "Nin arazir kuraba, ki da gin amada."

49 Ezi gumazir a ko ikiava apiba kamaghin oregha, maghira uarira uariv gei, "Kar gumazir manam uaghan arazir kuraba gin amadi?"

50 Ezi Jesus kamaghin amizim migei, "Nin nighnizir gavgavim nin akura, kamaghin amizi ni navir amirizimin mangi."

8

Amizir maba Iesusin gin arui

¹ Bizar kabar gin, Jesus, nguibar ekiaba ko nguibar dozibagh arui, egha God Bizibagh Ativamin Dughiamin akam akuri. Ezi an suren gumazir 12pla uaghan an gin arui. ² Ezi amizir maba uaghan, me fomira Jesus men arimariaba ko duar kuraba batoke: Maria, me Makdalau nguibamin amizim a garisi, Jesus fomira a gamizima, 7plan duar kuraba anetegha azenimin ize, ³ Joana ko Susana ko amizir avirir igharaziba uaghan a koma arui. (Joana, a Kusan amuim, a Herotin dipenir averiamin garir gumazir dapanim.) Amizir kaba uan bizibar Jesus ko an suren gumazibar akurvasi.

Witin oviziba akurir akar isin zuim (Matyu 13:1-9; Mak 4:1-9)

⁴ Gumazamizir avirim uan nguibaba ategha Jesus bagha iza uari akuvazima, an akar isin zuir kamin me migei: ⁵ "Azenibar ingarir gumazir mam ghuava raizin min garir daghem wit, an oviziba inigha uan azenimin da akuri. An ada akura zuima, maba tuavim gira ghuzuma gumazamiziba da dike. Ezi kuarazir pin itiba izaghira bar da ame. ⁶ Ezi maba dagiaba itir danganibagh iregha afuangi. Ezi dipaba nguazimin puvati, kamaghin amizi, witin kaba ua misingigha ariaghire. ⁷ Ezi witin ovizir mabanang benir ataghataribar torim gire, egha benir ataghatariba sara aghuimda da ikiaghariki. ⁸ Ezi mabanang nguazir aghuim giregha, aghua dagher bar aviriba iti, kamaghin amizi da vaghvaghya 100pla bar misevegha iti."

An akar isin zuir kam me mikemegha, a pamtem kamaghin me migei, "Tina kuarimning iti, an oragh."

*Iesus manmaghsua
akar isin zuibagh ami*

(Matyu 13:10-17; Mak 4:10-12)

⁹ Ezi Iesusin suren gumaziba akar isin zuir kamin mingarim baghava an azara.

¹⁰ Ezi a me migia ghaze, "God fofozim ia ganingizima, ia God Bizibagh Ativamin Dughiamin akar mogomebagh fo. Ezi igharaz darazi ki akar isin zuibara me migei, egheti me zurara ganiva, egh deragh bizitamin ganighan kogham. Egh uaghan zurara oraghiva, egh me deragh bizitamin mingarim gifoghan kogham."

Witin akar isin zuimin mingarim

(Matyu 13:18-23; Mak 4:13-20)

¹¹ Iesus ua kamaghin migei, "Kar akar isin zuir kamin mingarim. Witin ovizim a Godin akam.

¹² Ezi witin ovizir tuavim gireziba mati gumazamizir Godin akam baraghiziba, me a baraghizi Satan iza men navir averiabab Godin akam batoke, egheti me nighnizir gavgavim Godin ikian koghti God ua me inighan kogham. ¹³ Ezi dagiaba itir danganibagh irezir witin oviziba mati, gumazamizir akam baregha bar akongeziba, ezi men biba nguazim giraghuezir puvati. Me dughiar otevimin nighnizir gavgavim Godin iti, ezi osimtizibar dughiam me God ataki. ¹⁴ Ezi witin ovizir benir ataghataribar tongin ireziba mati gumazamizir akam baraghizibar min iti. Me deraghia tuavim zuima inivafizibar agoroger osimtiziba, ko dagiar nighnizir osimtiziba, koma nguazir kamin bizir ganganir agorogem me isima, me dar aven ikia egha misevir puvati. ¹⁵ Ezi witin ovizir nguazir aghuim gireziba mati, gumazamizir Akar Aghuim baraghiziba, me a inigha uan navir averiabagh atigha dar suiragha gavgavigha ikia, dagher aghuiba otifi."

*Gumazitam lam gaborogha minemin
aven anevarazir puvati*

(Mak 4:21-25)

¹⁶ Egha Jesus ua kamaghin migei, "Gumazitam lam gaborogha minemin aven a modogha a isa dakozimin apengan anefazir puvati. An inigh dakozim gisins anefagham, egheti tina aven iziva angazangarimin ganam. ¹⁷ Kamaghira mogomer biziba da gin azenan otivigham. Egheti bizir amigha aveziba da uaghan gin azenan otivigham. ¹⁸ Kamaghin amizi ia deraghvira akar kam baragh. Gumazitam o

7:48: Mt 9:2, Mk 2:5, Lu 5:20-21

7:48: Matyu 9:2; Mak 2:5; Luk 5:20-21

7:49: Mt 9:3, Mk 2:7

7:49: Matyu 9:3;

Mak 2:7

7:50: Mt 9:22, Mk 5:34, 10:52, Lu 8:48, 17:19, 18:42

7:50: Matyu 9:22; Mak 5:34; 10:52; Luk 8:48; 17:19;

7:50: Matyu 9:22; Mak 5:34; 10:52; Luk 8:48; 17:19;

18:42

8:1: Lu 4:43

8:1: Luk 4:43

8:1: Luk 4:43

8:5: Mt 13:3, Mk 4:3

8:5: Matyu 13:3; Mak 4:3

8:10: Ais 6:9-10, Mk 4:12

8:10: Ais 6:9-10; Mak 4:12

8:10: Ais 6:9-10; Mak 4:12

8:11: Hi 4:12, 1 Pi 1:23

8:11: Hibru 4:12; 1 Pita 1:23

8:16: Mt 5:15, Lu 11:33

8:16: Matyu 5:15; Luk 11:33

8:16: Matyu 5:15; Luk 11:33

8:17: Mt 10:26, Lu 12:2

8:17: Matyu 10:26; Luk 12:2

8:18: Mt 13:12, 25:29, Luk 19:26

8:18: Matyu 13:12, 25:29, Luk 19:26

8:18: Matyu 13:12, 25:29, Luk 19:26

amizitam Godin akabagh foghti, God uan akabar fofozir igharaziba a daningam, eghti a Godin akar aviribagh fogham. Eghti Godin akabagh foghan aghuazir gumazim o amizim, an fofozir muziarim God a dam a inigham."

Tinara a Iesusin amebam ko doziba?
(Matyu 12:46-50; Mak 3:31-35)

¹⁹ Ezi Iesusin amebam ko doziba an ganasa izi. Ezi gumazamiziba bar anekufa, kamaghin amizi, me an boroghira mangan ibura. ²⁰ Ezi may Iesus migia ghaze, "Nin amebam ko doziba muna azenan tuivighav ikia nin ganasa."

²¹ Ezi Iesus an akam ikaragha ghaze, "Tina Godin akam baragha an gin zui, me nan amebam ko doziba."

Iesus migeima aminir ekiam areme
(Matyu 8:23-27; Mak 4:35-41)

²² Dughiar mamin, Iesus uan suren gumazibav gia ghaze, "E dipar kam abigh vongin mangam." Egha me botin ghuavanega vongin zui. ²³ Me ghuava, Iesus pariam an azima an akui. Ezi aminir ekiam amozim sara dipamin oto, ezi dipam men bot bar a gizifa. Kamaghin amizi me osimtzir ekiamin aven iti.

²⁴ Ezi suren gumaziba ghuava a gaghuragha a migia ghaze, "Gumazir Ekiam, ni dikafigh! E ovengam!" Ezi a dikavigha aminim ko dipar puvira ingarim akar gavgavimin aning migei. Ezima aminim ko dipam aremehga amiragha iti.

²⁵ Ezi a kamaghin uan suren gumazibar azara, "Ian nighnizir gavgavim managh iti?"

Ezi me atiatia, nighnizir aviribagh amuava, uarira uarir azangssi, "Kar gumazir manmaghin amizim? A migeima, aminim ko dipam an akam barasi!"

*Iesus gumazir mamin
duar kuraba batoke*
(Matyu 8:28-34; Mak 5:1-20)

²⁶ Iesus uan suren gumaziba ko botin ghuava Gerasan Distrighin otifi, a Galilin Dipar Akaremin vongin iti. ²⁷ Egha Iesus bot ategha azenan izima, nguibar ekiar kamin iti gumazir duar kuraba apazazim a bato. A fomira iniba itir puvatigha dipenibar aven itir puvati, a gumazir ovengezibar dagiar mozir toribar aven iti. ²⁸⁻²⁹ Egha duar kurar kam dughiar aviribar an suigha anekurima a daghiri. Egha uaghan an dafariba ko sueba me senbar da ike, ezi an garir gumazir an boroghira ikiava an gari, ezi duar kurar kam a gamima a uan

senba aghorava, ara ghua gumazamiziba puvatizir danganimin iti. Ezi Iesus duar kuram batogha ghaze, ni gumazim ategh azenan izi. Ezi a Iesusin apigha, arava Iesusin dagaribar apengan irigha pamtem dia migei, "Ni tizim na damuasa, Iesus, Godin Bar Pin Itimin Otarim? Ki nin azangssi ni arazir kuratam na damuam marki!"

³⁰ Ezi Iesus an azara, "Nin ziam tina?"

Duar kurar aviriba an aven iti. Kamaghin amizi, a kamaghin migei, "Aviriba."

³¹ Ezi duar kuraba kamaghin Iesus gaghoravira iti, "Ni e batuegh e amadaghurma e torir mingariba puvatizir kamin mangan marki."

³² Dughiar kamin, dar bizir ekiar maba mighsiar miriamin roghira ikiava api. Ezi duar kuraba Iesus gakaghora ghaze, "Ni en amamangatighti e mangi dar munabar aven mangeka." Ezi a men amamangatizi me zui. ³³ Ezi duar kuraba gumazim ategha azenan iza dabar aven ghue. Ezi dar bizir kam ara ghua davarir kuram giraghuegha dipam amehga ariaghire. ³⁴ Ezi dabar garir gumaziba garima bizir kaba otivizi, me ara ghua nguibar ekiamin bizir kabar gun migeima, nguibar azenan roghira itiba saram orasi. ³⁵ Ezi gumazamiziba ganasa izi, bizir tizimram oto? Egha me Iesus bagha iza ghuama, gumazir duar kuraba ategha azenan izezim, a Iesusin dagarimin min aperaghav iti. A korotiaba aghuizi an nighnizim ua dera. Kamaghin amizi me atiatingi. ³⁶ Ezi ikia bizir kamin ganizir darazi gumazamizibagh eghara ghaze, Iesus duar kuraba apazazir gumazim gamizi a ua dera.

³⁷ Ezi gumazamizir Gerasan Distrighin itiba puvira atiatia, egha Iesusin azangssi, "Ni e ategh danganir igharazitam mangi." Ezi a botin ghuavanabogha uamategha ghu.

³⁸ Ezi duar kuraba ataghizir gumazir kam Iesusin azangsigha uaghan an gin mangasa, ezi Iesus anemadagh, a migia ghaze, ³⁹ "Ni uamategh an nguibam mangi, egh God ni gamizir biziba bar me mikim." Ezi gumazim uamategha ghua nguibam garuava Iesus a gamizir biziba bar dar gun migei.

Iesus aremezir guivir mam gamizi a ua dikafi, egha amizir an korotiamin suirazim gamizima a ua dera

(Matyu 9:18-26; Mak 5:21-43)

⁴⁰ Iesus uamategha Galilin Dipar Akaremin vongin izezima, gumazamiziba a izi me bativasa me a bagha oragha a mizua iti. ⁴¹⁻⁴² Ezi gumazir mam, an ziam Jairus, a God ko migeir dipenimin gumazir

dapanim. An guivir vamira an azenir 12plan boroghira ghugha, aremeghasava ami. Kamaghin amizi a iza Iesusin dagarimningin boroghin iri. Egha uan dipenimin mangasa Jesus gakaghori. Ezi Jesus ghuavira itima maburan avirim bar an okarigha kaghira uari dikabiri.*
 43 Ezi amizir 12plan azenibar ghuzim batir arimariam itir mam, gumazitam an akuraghti a deraghan kogham. 44 A Iesusin gin izava an korotiar avizimin suirazi, an ghuzir arimariam zuamira dutugha ghu.

45 Ezi Jesus azara, "Tina nan suira?"

Ezi me bar uair tiragha, ezi Pita ghaze, "Gumazir Ekiam, gumazamiziba bar ni akuvagha ni adughadusi."

46 Ezi Jesus ghaze, "Ki kamaghin fo, gumazim nan suirazima gavgavim na ategha azenan ghu."

47 Ezima amizim uabira uabin gara fo, a modoghan kogham. Egha atiatim sara iza Iesusin guamin degiaghirgha, gumazamizibar damazibar migia ghaze, nan arimariam givaghsha, ki Iesusin korotiamin suira, ezi nan arimariam zuamira gifa. 48 Ezi Jesus a migia ghaze, "Nan guivim, ni navim bar amiragh iki. Ni nighnizir gavgavim nan iti. Kamaghin amizi, nin nighnizir gavgavim ni gamizima ni dera. Ni navir amirizim sara mangi."

49 Jesus migiavira itima, gumazir mam God ko migeir dipenimin garir gumazir dapanim Jairusin dipenimin ikegha, Jairus bagha izi. Egha kamaghin Jairus migei, "Nin guivim areme. Ezi ni ua ingangarim tisa daningan marki."

50 Ezi Jesus kamaghin oregha, Jairus migia ghaze, "Ni atiatingan marki. Pura nighnizir gavgavim iki, egha nin guivim ua deragham." 51 Egha a Jairusin dipenimin otogha, ua tavin amamangatightima an an gin aven mangan an aghua, egha a Pita, ko Jon, ko Jems ko guivimin amebam koma afeziam, a merara inigha dipenimin aven ghue. 52 Dughiar kamin gumazamiziba bar, me uan evaribav sogha azia iti.

Ezi Jesus me migia ghaze, "Azir akam atakigh. Guivim aremezir puvati. An akui."

53 Me fo, guivim areme, kamaghin amizi me an ingaravati. 54 Ezi Jesus guivimin dafarimin suiragha a migia ghaze, "Nan

borim, ni dikafigh!" 55 Ezi an duam uamategha izezima, a zuamira dikavigha tu.

Ezi Jesus me migia ghaze, "Ia daghetam a daningigh." 56 Ezi an amebam ko afeziam bar aguaghfa. Ezi a kamaghin migia aning abira, gua otozir bizir kamin gun gumazitam mikiman marki.

9

*Iesus 12pla gumaziba amangi
(Matyu 10:5-15; Mak 6:7-13)*

1 Jesus uan suren gumazir 12plan diaizima, me a bagha izezi, a duar kuraba batoghamin gavgavim ko gumazamiziba itir arimariaba akiramin gavgavim sara me ganingi. 2 Egha me amaga ghaze, ia God Bizibagh Ativamin Dughiamin akam akun, egh gumazamizibar arimariaba akirmighti me ua deragham. 3 Egha a kamaghin me migei, "Ia mangisiva bizitam inian marki, mitariba, dagheba, dagiaba, ko siotin ia gin daghuamin tam inian marki.

4 Ia kamaghin damigh, dipenir ia aven zuir manam, ia dipenir kamra iki, mangi dughiar ia nguibar kam ataghiraghaim.

5 Egha gumazamiziba ia gifueghan koghti, dughiar ia men nguibam ataghiraghaim, ia uan dagaribar mineziba apisigh, egha me fogh suam, arazir me amizir kam, a derazir puvati.* 6 Ezi Jesusin suren gumaziba nguibabar ghuava, Akar Aghuim akura egha arimariar gumazamizibagh amima me ghuamazi.

*Herot foghosa, Iesus a tinara
(Matyu 14:1-2; Mak 6:14-16)*

7-8 Ezi Herot, gaymanin dapanim, a bizir Iesus amiba baraghizima da ghuavira iti. A fo, marazi ghaze, Jon aremegha ua dikafi, ezi marazi ghaze, Elaija oto, ezi marazi ghaze, Godin akam inigha izir gumazir mam fomira ikegha aremegha ua dikafi. Kamaghin amizima, Herot bar nighnizir aviribagh ami. 9 Egha Herot kamaghin migei, "Ki Jonin firim atu. Ezi tina bizir kabagh amima me dar gun migei?" Egha a Iesusin ganasa.

*Iesus dagheba 5,000in gumazibagh anidi
(Matyu 14:13-21; Mak 6:30-44; Jon 6:1-13)*

* 8:41-42: An guivir vamira, a 12plan azenibar boroghira ghu, kamaghin amizi, e ghaze, an azenir 12plan boroghira ghu. 8:44: Mt 9:20, Mk 5:28 8:44: Matyu 9:20; Mak 5:28 8:46: Mk 5:30, Lu 6:19 8:46: Mak 5:30; Luk 6:19

8:48: Lu 7:50 8:48: Luk 7:50 8:52: Lu 7:13, Jo 11:11-13 8:52: Luk 7:13; Jon 11:11-13 8:54: Lu 7:14, Jo 11:43 8:54: Luk 7:14; Jon 11:43 8:56: Mk 7:36, Lu 5:14 8:56: Mak 7:36; Luk 5:14 9:1: Mt 10:1, Mk 3:13-15 9:1: Matyu 10:1; Mak 3:13-15 9:3: Luk 10:4-11 9:4: Mt 10:11, Mk 6:10 9:4: Matyu 10:11; Mak 6:10 9:5: Mt 10:14, Mk 6:11, Ap 13:51 9:5: Matyu 10:14; Mak 6:11; Aposel 13:51 9:5: Judabar arazim kara, ni me baraghon koghtima, me nin sagh, uan dagarir asuba mineziba apizighiva ni ategh igharagh mangam. Ezi en arazim kamakin, ki ni mikimti ni na baraghon koghti, ki apem apirigh uan tuavim gighuvagh, suam, ki nin sagham. 9:6: Mk 6:12 9:6: Mak 6:12 9:7-8: Mt 16:14, Mk 8:28, Lu 9:19 9:7-8: Matyu 16:14; Mak 8:28; Luk 9:19 9:9: Luk 23:8

¹⁰ Ezi Iesusin aposelba uamategha izegha, bizar me amizibar gun a migei. Ezi a me inigha me uarira nguiba mam an ziam Bet-saidan ghue. ¹¹ Ezi gumazir bizar avirim a gifoghava an gin zui. Ezi Iesus me gifuegha, God Bizibagh Ativamin Dughiamin gun me migiava, gumazamizibar arimariaba akiri. ¹² Bar guaratizim ijesusin 12plan aposelba a bagha izegha kamaghin a migei, “E gumazamiziba puvatizir danganimin iti. Ni gumazamiziba amadaghti, me danganir kamin itir nguibaba ko nguiba roghira itibar mangiva, uari bagh dagheba ko dakuamin danganiba buri.”

¹³ Ezi Iesus men akam ikaragha ghaze, “Ia uari daghetaba me daning.”

Ezi me kamaghin migei, “E bar bretin rubuzir 5pla ko osirir pumuningra iti. Egh e mangi gumazir avirir kaba bagh dagher tabagh iveseghan koghti, dagheba bar otevegham.” ¹⁴ (Dughiar kam gumazibar dibobonim, 5,000 boroghin ghu.)

Ezi Iesus kamaghin uan suren gumazibav gei, “Ia me mikimti me 5pla ten, 5pla tenin okoruubar dapighiri.” ¹⁵ Ezi suren gumaziba kamaghiram amizima, gumazamizibar bar apia. ¹⁶ Ezi Iesus bretin rubuzir 5pla ko osirir pumuning inigha kogha overiamin gara Afeziar Ekiam minabagha, bretba ko osirriming apirigha gumazamizibar aningasa uan suren gumazibagh aningizi me me ganidi. ¹⁷ Ezi gumazamizir kaba bar amegha, naviba bar izifa. Ezi Iesusin suren gumaziba, dagher nar me ataghiziba, me da inigha 12plan akirabagh aghuizima da bar izefe.

*Pita Iesusin gun migia ghaze, a tina
(Matyu 16:13-19; Mak 8:27-29)*

¹⁸ Dughiar mamin Iesus uabira Afeziam ko migeima, an suren gumaziba a ko itima, a men azara, “Gumazamiziba tina na garisi?”

¹⁹ Ezi me kamaghin an akam ikaragha ghaze, “Marazi ghaze, ni Jon, Gumazamiziba Ruer Gumazim, ezi marazi ghaze, ni Elaija, ezi marazi ghaze, Godin akam inigha izir gumazir fomira itir mam aremegha ua dikafi.”

²⁰ Ezi Iesus men azara, “Ezi ia? Ia uari ghaze ki tina?”

- 9:12:** Mt 14:15; Mk 6:35-36; Jo 6:5 **9:12:** Matyu 14:15; Mak 6:35-36; Jon 6:5 **9:18:** Mt 16:13; Mk 8:27 **9:18:**
Matyu 16:13; Mak 8:27 **9:19:** Mt 14:1-2; Mk 6:14-15; Lu 9:7-8 **9:19:** Matyu 14:1-2; Mak 6:14-15; Luk 9:7-8 **9:20:**
Mt 16:15-16; Mk 8:29; Jo 6:68-69 **9:20:** Matyu 16:15-16; Mak 8:29; Jon 6:68-69 **9:22:** Mt 16:21, 17:22; Mk 8:31; 9:31,
Lu 9:44; 18:32-33 **9:22:** Matyu 16:21; 17:22; Mak 8:31; 9:31; Luk 9:44; 18:32-33 **9:23:** Mt 10:38, 16:24; Mk 8:34; Lu
14:27 **9:23:** Matyu 10:38; 16:24; Mak 8:34; Luk 14:27 **9:24:** Mt 10:39; Lu 17:33; Jo 12:25 **9:24:** Matyu 10:39;
Luk 17:33; Jon 12:25 **9:25:** Mt 16:26; Mk 8:36 **9:25:** Matyu 16:26; Mak 8:36 **9:26:** Mt 10:33; Mk 8:38; Lu 12:9,
2 Ti 2:12 **9:26:** Matyu 10:33; Mak 8:38; Luk 12:9; 2 Timoti 2:12 **9:28:** 2 Pita 1:17-18 **9:31:** Mt 17:3; 17:9; Mk
9:4; 9:9; Lu 9:22; 13:33 **9:31:** Matyu 17:3; 17:9; Mak 9:4; 9:9; Luk 9:22; 13:33 **9:32:** Mt 17:2-3; Mk 9:2-4; Jo 1:14; 2
Pi 1:16-18 **9:32:** Matyu 17:2-3; Mak 9:2-4; Jon 1:14; 2 Pita 1:16-18

Ezi Pita an akam ikaragha ghaze, “Ni Godin izezir Krais, God Uam E Iniasa Misevezir Gumazim.”

*Iesus ghaze, an aremegh
ua dikavigham*

(Matyu 16:20-28; Mak 8:30-9:1)

²¹ Iesus migirigiar gavgavim uan suren gumazibagh aniga ghaze, ia nan gun tavin mikiman marki. ²² Egha a kamaghin migei, “Gumazamizibar Otarim bar mizazir ekiaba ko osimtiziba iniam. Eghit Judabar gumazir aruuba koma ofa gamir gumazir ekiaba, ko Judan Arazibagh fozir gumaziba, me an aghuaghiva a misuegħi an aremegħam. Egh dugħiar mīkezim a ua dikavigham.”

²³ Egha a bar mogħira me migia ghaze, “Gumazitam o amizitam nan gin izisi, a ifongeżiż biziba gin amadagh uan ter ighuvim zurara a gisaghpuġħ nan gin izi. ²⁴ Gumazamizir manam uan ikirimirim suiragsi nighnighti, an ikirimirim givagħam. Eghit gumazamizir manam na bagħ uan ikirimirim ategħiva, uan ikirimirim iniam. ²⁵ Gumazim o amizim nguazim in tir biziba bar da inigh, a gin ovegħi, bizar kaba manmagħin an akuragħam? Bar puvati. ²⁶ Tina nan ziam ko nan Akar Aghuimin gun mikiman aghumsighti, gin Gumazamizibar Otarim uan afeziāmin borogħin ikegħiha Godin damazim inuezir enselba ko Godin angazgarim sara iziġi rivva, uaghan men aghumsigham. ²⁷ Ki guizbangira ia migei, ia kagh tuivighav itir darasi, ian tarazi ovegħan kogħam. Ia ikivira iki gantima, God Bizibagh Ativamin Dughiam otogħam.”

*Iesusin mikarzim iħaragħha gari
(Matyu 17:1-13; Mak 9:2-13)*

²⁸ Iesus bizar kabav kemezi, 8plan dughħiaba givazima, a gin Pita, ko Jon, ko Jems inigha me God ko mikimasa mighsiar ekiar mamin għuavanabo. ²⁹ Egha a God ko migeima, an guamin ganganim ragħha iħaragħha oto. Ezi an korotiba bar ġurġiġiha onimarim min taqħbi. ³⁰ Gumazir pumuning, Moses ko Elaija, ³¹ aning Afeziar Ekiamin angazgarim in aven ikik, egha Iesus ko uariv gei. Me Iesus nguazir kam ataghiragħam koma bizar a

Jerusalemin damuamin bizibav gei.³² Pita uan namakamning ko pariam men azima me akui, me osegha Iesusin angazangarir gavgavimin ganigha uaghan gumazir pumuningin gari, aning a ko tughav iti.[†]
³³ Ezi gumazimning an ataghirazima Pita kamaghin Iesus migei, "Tisa, bar deragh e kagh iti! E purirpenir pumuning ko mikezimin ingaram. Ni bagh tam, Moses bagh tam, egh Elaija bagh tam." (Pita akar kam migia, egha uabi migirigar a mikemezir kam gifozir puvati.)

³⁴ A migiavira itima, ghuarier mam otogha me avara, ezi me ghuariamin aven ghua bar atiatingi. ³⁵ Ezi tiarir mam ghuariamin tongin otogha kamaghin migia ghaze, "Kar nan Otarim, ki a ginaba. Ja anariram oragh!" ³⁶ Tiarir kam mikemegha givazima, me Iesusin garima a uabira iti. Ezi Iesusin suren gumaziba bizir me ganizimin gun gumazitam mikemezir puvati.

Otarir mam, duar kuram a gapazazima Iesus a batoke

(Matyu 17:14-23; Mak 9:14-32)

³⁷ Egha me amimzaraghan mighsiam ategha izaghirma, gumazamizir avirim iza tuavimin a bato. ³⁸ Ezi gumazir mam men torimin ikia dei, "Tisa, ki ni gagakhori, nan otarir bar vamira iti, kamaghin amizi ni an ganigh. ³⁹ Duar kuram an aven ikia a gamima a zuamira ara dei. Egha anekurima a nguazim gira puv nisi. Ezima pupuviba an akamin otifi. Duar kurar kam dughiar mabar an ikia bar pazava a gamuava, anetaghirazir puvati. ⁴⁰ Ki a batoghasa nin suren gumazibagh aghori. Ezi me a damuan ibura."

⁴¹ Ezi Jesus kamaghin me ikaragha ghaze, "Oio, ki bar amira, ia dughiar kamin itir gumazamiziba, ia nighnizir gavgaviba puvati, ian araziba ko nighniziba bar derazir puvati. Dughiabar manmaghin, ki ia ko iki egh ian osimtiziba ateram? Ni uan otarim inigh kagh izi." ⁴² Ezi otarim izavira itima, duar kuram an ekunizima a nguazim girigha uam aguaua egha puv nisi. Ezi Jesus duar kuram batoghezima, a borim ataghizi a dera. Ezi Jesus a inigha uam an afeziat ganangi. ⁴³ Ezi gumazamiziba bar Godin gavgavimin ganigha digavir kuram gami.

Me bar puv Iesus amizir bizibagh nighnizima, a uan suren gumazibav gei,
⁴⁴ "Ia deraghvira na baraghti, ki bilitam ia mikimasa. Me Gumazamizibar Otarim isi gumazir kurabar dafarim darigham."⁴⁵ Ezi me migirigar kamin mingarim gifozir puvati. A men modo, kamaghin amizi me a gifozir puvatigha an azangishan atiatingi.

*Tina ziar ekiam iniam
(Matyu 18:1-5; Mak 9:33-37)*

⁴⁶ Ezi Iesusin suren gumaziba uarira uari adoghodogha ghaze, tina men dapanimin ikiam. ⁴⁷ Me migeima, Iesus men nighnizibagh fogha borim inizi, borim an min tughav iti. ⁴⁸ Egha a kamaghin me migei, "Gumazitam o amizitam na ginhnigh egh borir dozir kamagh garitam inigh an akuraghram, kamaghin a na inigha nan akurvasi. Egha tina nan akurvasi, a nan Afeziar na amadazimin akurvasi. Kamaghin amizi, tina ian tongin ziam puvati, a ziar ekiam iniam."

*Tina ian apanim gamir puvati, a ian anav
(Mak 9:38-40)*

⁴⁹ Ezi Jon Iesus migei, "Tisa, e garima gumazir mam nin ziamin duar kuraba batosi. E fo, a en mav puvati, ezi e an anogoroke."

⁵⁰ Ezi Jesus kamaghin migei, "Tina ian apanim gamir puvati, a ian anav. Eghiti, ia an anogorohan marki."

Iesus uan suren gumaziba ko Jerusalemin zui

(Sapta 9:51-19:28)

Samarian gumazamiziba Iesus men nguibamin izan me an aghua

⁵¹ God Jesus inigh uan Nguibamin ghuvanangamin dughiam roghira izezima, Iesus Jerusalemin mangasa nighnizim gamigha iti. ⁵² Egha uan migirigar gumazir maba amangizima, me akam inigha faragha ghue. Me Samarian nguibar mamin a bagha bizibar akirasa ghue. ⁵³ Ezi gumazamizir nguibar kamin itiba fo, Iesus Jerusalemin zui, kamaghin amizima me Iesus inian aghua.[‡] ⁵⁴ Ezi suren gumazimning, Jems ko Jon bizar kabar ganigha an azara, "Ekiam, ni ifueghtima e Godin Nguibamin itir avim bagh diaghtima

[†] 9:32: Bizir otozir kam ti dimagarimin oto. 9:35: Ais 42:1, Mt 3:17, 12:18, 17:5, Mk 1:11, 9:7, Lu 3:22 9:35: Aisaia 42:1; Matyu 3:17, 12:18, 17:5; Mak 1:11, 9:7; Luk 3:22 9:44: Mt 16:21, 17:22, Mk 8:31, 9:31, Lu 9:22, 18:32-33 9:44: Matyu 16:21; 17:22; Mak 8:31; 9:31; Luk 9:22; 18:32-33 9:45: Mk 9:32, Lu 2:50, 18:34 9:45: Mak 9:32; Luk 2:50; 18:34 9:46: Lu 22:24 9:46: Luk 22:24 9:48: Mt 10:40, 23:11-12, Mk 9:37, Lu 10:16, Jo 12:44, 13:20 9:48: Matyu 10:40; 23:11-12; Mak 9:37; Luk 10:16; Jon 12:44; 13:20 9:49: Nam 11:28, Mk 9:38 9:49: Diboboniba 11:28; Mak 9:38 9:50: Mt 12:30, Lu 11:23 9:50: Matyu 12:30; Luk 11:23 9:51: Mk 10:32, 16:19 9:51: Mak 10:32; 16:19 16:19 9:53: Jo 4:9 9:53: Jon 4:9 [†] 9:53: Samarian gumazamiziba, me Gerasen Mighsiam uari akuva God bagha ofa gamua Godin ziam fe. Ezi Judaba Jerusalemin nguibamin ghuava ofa gamua Godin ziam fe. Ni Jon 4:20 in gan. Samarian gumazamiziba ghaze, Judaba deravira Ekiam ziam fer arazimin gin zuir puvati. Kamaghin, me dughiar kam Iesusin akurvaghan aghua. 9:54: 2 Kin 1:9-16 9:54: 2 Atriviba 1:9-16

a izighiriva gumazamizibar isigham.”⁵⁵ Ezi Jesus raghava aningin atari.⁵⁶ Egha me nguibar igharazimin ghue.

*Iesusin gin mangamin iveauzim
(Matyu 8:19-22)*

⁵⁷ Jesus uan suren gumaziba ko tuavimin zuima, gumazir mam Jesus migei, “Ni danganir manamin mangam, ki uaghan ni ko mangam.”

⁵⁸ Ezi Jesus a migia ghaze, “Afiar atiaba nguazir toribar itima, kuaraziba mikonibar iti, ezi. Gumazamizibar Otarim dakuamin danganiba puvati.”

⁵⁹ Egha Jesus gumazir igharazim migei, “Nan gin izi.”

Ezi gumazim an akam ikaragha ghaze, “Ekiam, ni faragh nan amamangatighti, ki mangi uan afeziām mozim dafaka.”

⁶⁰ Ezi Jesus kamaghin a migei, “Marki. Gu-mazir ovengēziba uari uan gumazir kuuba afi. Ni mangiā God Bizibagh Ativamin Dughiamin akam akunam.”

⁶¹ Ezi gumazir mam ua Jesus migia ghaze, “Ekiam, ki nin gin mangam. Ni faragh nan amamangatighti, ki mangi uan adarazir ganika.”

⁶² Ezi Jesus a ikaragha ghaze, “Tav itazim kuazagh egh raghīrīgh gin ganam, a God Bizibagh Ativamin Dughiamin aven ingaran kogham.”

10

Iesus 72plan gumaziba amangizi me ghua an ingangarim gami

¹ Egha bizir kabar gin Ekiam 72plan gumazir igharaziba misevegha pumuning pumuning faragh nguibar ekiaba ko danganir a mangasa nighnizibar me amadi.*

² Egha a kamaghin me migei, “Dagher bar avirim anigha givaghā azenimin iti. Ezi ingangarir gumazamizir da iniamin aviriba puvati. Kamaghin amizi, ia azenir kamin ghuvamiri azangsighti, a ingangarir gumazamizibar amangiti, me an azenimin mangi dagheba iniam.³ Ia mangi! Ki sipsipin nguziba afiar atiabar torimin iti moghin ia amadazi ia zui.⁴ Egh dagiaba azuir mitarim ko beghiam ko dagarir asuaba inian marki. Egha gumazitam

tuavimin ia batoghiva dughiam ia daningti, ia a ikaraghan marki.

⁵ “Egh ia dipenitamin aven mangi egh faragh kamaghin mikim suam, navir amirizim ia ko iti.⁶ Eghti gumazir navir amirizim kagh ikiti, ia navir amirizim an iki. Puvatighti, ian navir amirizim ua ia bagh izegham.⁷ Guizbangira, ingangarir gumazamizibar uan iveauzim isi. Kamaghin amizi ia dipenir kamin aven iki, dagheba ko dipar tizir me ia ganidiba, ia dar ami. Egh dipenir mamin ikegh mamin mangan marki.

⁸ “Egh ia nguibar ekiamin aven mangightima, me ia inigh tizim ia daningti, ia puram anemi.⁹ Egh ia arimariabu itir darazir amighti me ghuamaghegti, ia kamaghin me mikim, God Bizibagh Ativamin Dughiam roghira ize.¹⁰⁻¹¹ Egh ia nguibar ekiamin aven mangitima, me ia inigh koghtima, ia tuavir dozibar aven mangi mikim suam, ‘Ia nguibar ekiamin nguaziba en dagaribar poghezi, e da disi, eghit ia kamaghin ganigh fogh suam, ia amizir arazir kam, a derazir puvati. Egh ia fogh suam, God Bizibagh Ativamin Dughiam roghira ize.’¹² Ezi ki ia migei, Godin Kotin Dughiamin, osimtizir nguibar kam iniamim, an osimtizir Sodom inizim gafiraghām.”

*Gumazamizir navim girazir puvatiziba bar ikuvigham
(Matyu 11:20-24)*

¹³ Egha Jesus ua kamaghin uan 72plan gumazibav gei, “Ia Korasinin nguibamin itir gumazamiziba, iavzika! Ia kuram iniam. Ia Betsaidan nguibamin itir adarasi, iavzika! Ia bar ikuvigham. Gumazitam Tairin nguibam ko Saidonin nguibamin ghua, mirakelin ki amiziba men tongin dagh amighai, Tair ko Saidonin itir darazi ti fomira navibagh iraghā, azir adiariba aghuigha, averenim gapiava a gurua, egha uan arazir kamin uari akakaghā ghaze, me uan arazir kuraba ataki.¹⁴ Godin Kotin Dughiamin, osimtizir ia iniamim, an osimtizir Tair ko Saidon iniamim gafiraghām.¹⁵ Ezi ia Kaperneamin nguibamin itir darasi, ia ghaze, ia uari fegh Godin Nguibamin ikiam, a? Bar puvati, God ia

- 9:61:** 1 Kin 19:20 **9:61:** 1 Atriviba 19:20 **10:1:** Mt 10:1; Mk 6:7 **10:1:** Matyu 10:1; Mak 6:7 * **10:1:** Fofozir gumazir aviriba kamaghin nighnisi, gumazir Jesus amadazibar dibobonim, a 72 puvati. Me ghaze, men dibobonim 70ra. Egha namba 70, a Luk 10:1in ikiti, egha Luk 10:17 uaghan, namba 70 an iki. **10:2:** Mt 9:37-38, Jo 4:35, 2 Te 3:1 **10:2:** Matyu 9:37-38; Jon 4:35; 2 Tesalonika 3:1 **10:3:** Mt 10:16 **10:3:** Matyu 10:16 **10:4:** 2 Kin 4:29 **10:4:** 2 Atriviba 4:29 **10:4:** Matyu 10:7-14; Mak 6:8-11; Luk 9:3-5 **10:7:** Mt 10:10-11, 1 Ko 9:14, 10:27, 1 Ti 5:18 **10:7:** Matyu 10:10-11; 1 Korin 9:14; 10:27; 1 Timoti 5:18 **10:8:** 1 Ko 10:27 **10:8:** 1 Korin 10:27 **10:10-11:** Ap 13:51 **10:10-11:** Matyu 10:14; Luk 9:5; Apostol 13:51; 18:6 **10:12:** Stt 19:24-28, Mt 10:15, 11:24 **10:12:** Jenesis 19:24-28; Matyu 10:15; 11:24 **10:13:** Ais 23:1-18, Ese 26:1-28:26, Jo 3:4-8, Amo 1:9-10, Mt 11:21-23, Sek 9:2-4 **10:13:** Aisaia 23:1-18; Esekiel 26:1-28:26; Joel 3:4-8; Amos 1:9-10; Sekaraia 9:2-4; Matyu 11:21-23 **10:15:** Ais 14:13-15 **10:15:** Aisaia 14:13-15

akunighti ia Gumazamizir Oveaghuezibar Nguibamin magiram.

16 “Tina ia barasi a uaghan na barasi, tina ia barazir puvati a uaghan na barazir puvati. Egha tina na barazir puvati, a nan Afeziar na amadazim uaghan a barazir puvati.”

72plan gumaziba uamatenge

17 Ezi 72plan gumaziba ua iza bar akuegha kamaghin migei, “Ekiam, e nin ziam diborima duar kuraba en akabar mirara zui.”

18 Ezi a me migia ghaze, “Ki Satanin garima a ira onimariimin min Godin Nguibamin tagha gifa. **19** Ezi ki gavgavim ia ganigha gifa, egheti ia kuruziba ko tuighakabagh isin daruva da dikiva, egh uan apanibar gavgavim a givagh. Egheti me bizar kuratam ia damuan iburaghham. **20** Egheti duar kuraba ian akam mirara ghuzir bizim bagh akongan marki. God uan Nguibamin ian ziaba osirizir bizim baghiva ia akong.”

Iesus bar akuegha uan Afeziam minabi (Matyu 11:25-27; 13:16-17)

21 Ezi dughiar kamra, Godin Duam Iesus gamima a bar akongegha kamaghin migei, “Afeziam, ni nguazim ko overiam gativazir Ekiam! Ni fofozim ko nighnizir aghuiba itir gumazamiziba bizar kaba men modo, egha boribar min itir gumazamizibar aka. Kamaghin amizi ki ni minaba. Guizbangira Afeziam, ni uan ifongiamin kamaghin ami.”

22 Egha Iesus ua kamaghin migei, “Nan Afeziam biziba bar da isa nan dafarim gati. Ezi gumazitam Otarim gifozir puvati. Afeziam uabira a gifo. Egha tav Afeziam gifozir puvati. Otarim uabira, ko gumazir Otarim ifuegha Afeziam isa men akaziba, merara Afeziam gifo.” **23-24** Egha a ragha uan suren gumazibar gara kamaghin me migei, “Ki guizbangira ia migei, fomira Godin akam inigha izir gumazir aviriba ko gumazamizir aghuir aviriba, me ia datirighin garir bizibar ganamin ifongiar bar ekiam ikia, me dar ganizir puvati. Egha ia datirighin orazir akar kaba, me da baraghian ifongiar bar ekiam ikia, me tam baraghizir puvati. Ezi ia, ian damaziba bizibar gari, kamaghin amizi ia bar akongegh!”

- 10:16:** Mt 10:40, Mk 9:37, Lu 9:48, Jo 5:23, 13:20 **10:16:** Matyu 10:40; Mak 9:37; Luk 9:48; Jon 5:23; 13:20 **10:18:**
Jo 12:31; 16:11; MAA 9:1; 12:8-9 **10:18:** Jon 12:31; 16:11; Akar Mogomem 9:1; 12:8-9 **10:19:** Sng 91:13, Mk 16:18,
Ap 28:5 **10:19:** Onger Akaba 91:13; Mak 16:18; Aposel 28:5 **10:20:** Kis 32:32, Ais 4:3; Dan 12:1, Mt 7:22; Fl 4:3,
Hi 12:23; MAA 3:5; 21:27 **10:20:** Ua Me Ini 32:32; Aisaia 4:3; Daniel 12:1; Matyu 7:22; Filipai 4:3; Hibru 12:23; Akar
Mogomem 3:5; 21:27 **10:22:** Mt 28:18; Jo 1:18; 3:35, 10:15; 17:2 **10:22:** Matyu 28:18; Jon 1:18; 3:35; 10:15; 17:2
10:23-24: Matyu 13:16-17; 1 Pita 1:10 **10:25:** Mt 19:16, Lu 18:18 **10:25:** Matyu 19:16; Luk 18:18 **10:25:**
Matyu 22:35-40; Mak 12:28-34 **10:27:** Wkp 19:18; Lo 6:5 **10:27:** Ofa Gami 19:18; Godin Arazipa 6:5 **10:28:**
Wkp 18:5; Neh 9:29; Ese 20:11-13, Ro 10:5; Ga 3:12 **10:28:** Ofa Gami 18:5; Nehemia 9:29; Esekiel 20:11-13; Rom 10:5;
Galesia 3:12 **10:29:** Lu 16:15 **10:29:** Luk 16:15 **10:33:** Jo 4:9 **10:33:** Jon 4:9 **10:33:** 2 Eghaghaniha
28:15

Samarian gumazim Judan mavin akurazir eghaghanim, Iesus a gami

25 Ezi dughiar mamin, Judan Arazipagh fozir gumazir mam dikavigha Jesus gifarasa purama an azara, “Tisa, ki manmaghin damighiva zurazurara itir ikirimir aghuarim iniam?”

26 Ezi Iesus a ikaragha ghaze, “Akar Gavgavir manam Moses Osirizir Arazipar akamin aven iti? Ni manmaghin an gari?”

27 Ezi an a ikaragha ghaze, “Ni uan Ekiam, a nin God, ni bar uan navir averiam ko uan duam ko uan nighnizim ko uan gavgavim sara bar a gifongegh. Egh uaghan, ni uabira uabi gifongezi moghin, uan namakabagh ifongegh.”

28 Ezi Iesus an akam ikaragha ghaze, “Ni bar deragha migei. Ni mamaghira damigh zurara itir ikirimir aghuarim iniam.”

29 Ezi a gumazamizibar damazimin deraghasa, kamaghin a Iesusin azara, “Ezi tina namakaba?”

30 Ezi Iesus an akam ikaragha ghaze, “Gumazim Jerusalem ateghava Jerikon uaghira, egha gumazir kuraba batozima, me an korotiaba suegha, pupviram a misueghava are, egha anetaghizima a mikirigha irighav iti. **31** Ezi ofa gamir gumazim tuavir kamra uaghira egha an gara a gitagha zui.

32 “Kamaghira Livain gumazim uaghan iza danganir kamnaghira an gara a gitagha zui.

33 “Ezima Samarian gumazir mam iza danganir gumazir kam itimra izava, an apaghava bar an apangkufi. **34** Egha a bagha ghua wain ko borem an duuba ruegha da nomke. Egha a gumazim isa uan donki gisin anefagha, a inigha ghua daguir dipenir mamin aven ghugha, deraviram a gami. **35** Egha amimzaraghan a dagiar pumuning dipenir ghuvam ganigha ghaze, ‘Ni deragh an gan, egheti dughiar ki uamategh izamim, ki izi bizar tizir ni uam a gamiziba, ki da ikaragham.’

36 “Ezi ni manmaghin nighnisi, gumazir pumuning ko mikezir kabar manam gumazir kuraba misoghezir gumazimin namakam?”

³⁷ Ezi Judan Arazibagh fozir gumazim a ikaragha ghaze, "Gumazir an apangkuvizim."

Ezi Jesus a migia ghaze, "Ni mangiva kamaghira damu."

Jesus Maria ko Martan dipenimin iti

³⁸ Jesus uan suren gumaziba ko tuavimin ghua nguibamin oto. Ezi amizir mam, an ziam Marta, a Jesus inigha uan dipenimin ghu. ³⁹ Ezi an afumimin ziam Maria. A Jesusin dagarimin boroghira aperaghav ikiava a barazima a migei. ⁴⁰ Ezi Marta ingangarir avirim an nighnizimin izi, ezi an osimtizim sara dagher me damamibagh ami. Egha a Jesus bagha iza an azara, "Ekiam, nan afumim na ataghizima ki uabira ingangaribagh ami, ezi ni na ginighnisi, o? A mikemeghtima a nan akuragh!"

⁴¹ Ezi Ekiam a ikaragha ghaze, "Marta, Marta, ni bizir aviribagh nighnigha da bagha muriam ni dighori. ⁴² Ni bizir vamira bagh nighnigh. Maria a bizir aghuimra misefe. Ezi bizir kam, gumazitam a dama a inighan kogham."

11

Jesus God ko migeir arazibar men sure gami (Matyu 6:9-15; 7:7-11)

¹ Jesus danganir mamin ikia God ko mikemegha givazima, an suren gumazir mam a migia ghaze, "Ekiam, ni God ko migeir arazibar en sure damu, mati Jon uan suren gumazibar sure gamizi mokin."

² Ezi Jesus kamaghin me migei, "Ia God ko mikimamin dughiamin, ia kamaghin mikim:

"En Afeziam, nin ziam bar zue, ezi arazir kuraba an saghon iti.

Dughiar Ni Bizibagh Ativamim, a izi.

³ E datirighin damamin dagheba, ni datirighin da isi e daning.

⁴ Egh me e gamir arazir kuraba e da gin amadi moghin, ni en arazir kuraba gin amang.

Egh e ateghti,

e osimtizibar aven ikiti
bitezam en navim biraghti,
e arazir kuramatam damuan
kogham."

⁵⁻⁶ Ezi Jesus kamaghin uan suren gumazibav gei, "Ian tongin gumazitam namakatam ikiva, egha dimagarir arizimin a bagh mangiva kamaghin a mikimam, 'Namakam, ni daghetaba nan akuragh. Nan akar gumazim tuavimin iza na batozi, ki a daningamin dagheba puvati.'

⁷ "Eighti, gumazir dipenimin aven itim kamaghin an akam ikaraghram, 'Ni ingangarim na daningen marki. Ki tar akam asaraghha gifa, egha uan boriba koma akui. Kamaghin ki dikavighiva bizitam ni daningen kogham.' ⁸ Ezi ki ia migei, dipenir ghuavim dikavighiva uan namakam puvatizir biziba bar a daningam. A bizir kaba uan namakam daningen ifongezir puvati, egha an a ganingi. An namakam a dimvira ikian an aghuaghha, dikavigha iza bizir a bar ifongeziba a ganingi."

⁹ Egha Jesus ua kamaghin migei, "Ia God ko mikim, egh biziba bagh an azangti, a da isi ia daningam. Egh ia biziba bagh ruiva, ia da bativam. Egh ia tiam gafughafughti, God ia bagh tiam kuigham. ¹⁰ Gumazir Godin azaiba, me biziba isi. Ezi gumazir biziba bagha ruim da batifi. Eighti gumazir itiam gafughafuzim, God a bagh tiam kuigham.

¹¹ "Ian boritam uan afeziam, osiriba bagh an azangsightima, a ti kuruzitam a danigham? Bar puvati. ¹² Egh borim tuarir aroriam bagh uan afeziamin azangsightima, a ti tuighakam a danigham, o? ¹³ Ia afeziar arazir kurabagh amiba, egha ia zurara bizir bar aghuiba uan boribagh anidi. Ia deraghvira kamaghin fogh, guizbangira ian Afeziar uan Nguibamin itim bar akueghvira uan Duam isi gumazir a ko migeibar aningam."

Me ghaze, Jesus duar kuram ko ingari (Matyu 12:22-30; Mak 3:20-27)

¹⁴ Egha Jesus duar kurar gumazim gamima a migeir puvatizim batoke. Ezi duar kuram anetaghizi, gumazir migeir puvatizim datirighin migei. Ezi gumazamiziba digavir kuram gami. ¹⁵ Ezi marazi ghaze, "A Belsebulin gavgavimin duar kuraba batosi, a duar kurabar gumazir dapanim..."*

¹⁶ Ezi marazi Jesus basamasa ghaze, "Ni Godin gavgavimin mirakelin arazitam damichti, an overiamin ikegh izighiriti, e an ganigh fogham."

10:38: Jon 11:1 **10:39:** Jo 12:2-3 **10:39:** Jon 12:2-3

Matyu 6:33 **11:1:** Lu 5:33 **11:1:** Luk 5:33 **11:2:** Matyu 6:9-13 **11:8:** Lu 18:1, 18:5 **11:8:** Luk 18:1;

18:5 **11:9:** Mt 7:7, Mk 11:24, Jo 15:7, 1 Jo 3:22 **11:9:** Matyu 7:7; Mak 11:24; Jon 15:7; 1 Jon 3:22 **11:11:** Mt 7:9-10

11:11: Matyu 7:9-10 **11:15:** Mt 9:34, 10:25, 12:24 **11:15:** Matyu 9:34; 10:25; 12:24 *** 11:15:** Satanin ziar

mamra kara, Belsebul. **11:16:** Mt 12:38, 16:1, Mk 8:11 **11:16:** Matyu 12:38; 16:1; Mak 8:11 **11:17:** Mt 12:25,

Mk 3:24, Jo 2:25 **11:17:** Matyu 12:25; Mak 3:24; Jon 2:25

¹⁷ Ezi Jesus men nighnizibagh fogha, kamaghin me migei, "Kantrin tamin gumazamiziba uari tuiragh uarira uariv soghti, men dabirabim ikuvigham. Eighti dipenir vamiran itir darazi uariv sogh, egh uari abigh egh men dabirabim ikuvigham.¹⁸ Ia ghaze, ki ti Satanin gavgavimin duar kuraba batosi. Kamaghin amizi, ki ian azai, Satan uan adarazi ko uari abigh uariv sogh, egh me manmaghin tugh gavgavigh bizibar ganamin gavgavim ikiam? Bar puvatigham.¹⁹ Ia ghaze, ki Belsebul da gavgavim isa duar kuraba batosi. Ezi tinara ian adarazir akurvazima, me duar kuraba batosi? Ian adarazir amir araziba, darara ian akagha ghaze, ia paza na migei.²⁰ Eighti ki Godin Duamin gavgavimin duar kuraba batoghti, ia kamaghin fogh suam, God Bizibagh Ativamin Dughiam ia batogha gifa.²¹ Gumazir gavgavitam midorozir biziiba bar da inigh, egh uan dipenim bagh ganti an biziiba bar deraghviria ikiam.²² Eighti gumazitam bar gavgavigh a ko misogh, anebiragh, an midorozir bizi a gamima a gavgavim ikia misoziba inigh mangi, da tuiragh da isi gumazir igharazibar aningam.²³ Tina nan namakam puvati, a nan apanim. Ezi gumazim nan akuraghia gumazamiziba akmakuir puvati, gumazir kam men gintizima me tintinibar zui."

*Duar kuram uamategha ize
(Matyu 12:43-45)*

²⁴ Jesus ua kamaghin migei, "Duar kuram gumazir mam ategha dipaba puvatizir danganibar arua ikiamin danganiba buri, egha a tam batozir puvatigha, egha ubi migia ghaze, 'Ki uamategh faragha ikezir dipenim mangam.' Egha a uamategha ghua garima, me dipenim avizi, a bar zuezima an itir biziiba bar deragha iti.²⁵ Egha a uamategha ghua garima, me dipenim avizi, a bar zuezima an itir biziiba bar deragha iti.²⁶ Egh duar kurar kam mangi, 7plan duar kurar a gafiraghia arazir kurabagh amiba, menaku izam. Egh me mangi, dipenir kamin ikiam. Gumazir kam faragha paza ike, egh a datirighin bar pazavira ikiam, eighti an dabirabim, dabirabir a faragha ikezim bar a gafiragh bar ikuvigham."

Gumazir manaba bar akuegham?

²⁷ Ezi Jesus bizir kabav giavira itima, amizir mam gumazamizibar tongin ikia kamaghin dia migei, "Amizir ni bategha oteba ni ganingizim, a bar akongeh."

²⁸ Ezi Jesus a ikaraghia ghaze, "Te nan Afeziamin akam baraghia an gin zui, me bar akongeh."

*Mirakelin azangsizim
(Matyu 12:38-42; Mak 8:12)*

²⁹ Ezi gumazamiziba otiva izavira itima, Jesus kamaghin me migei, "Datinrighin itir gumazamiziba bar ikufi. Me mirakelin arazir ki damighti me ganigh foghamim bagha azangssi. Eighti ki arazitam men akakaghs me danighan kogham. God Jona gamizir arazimin min, me arazir kamin ganam.³⁰ Fomira Jona batozir arazim Niniven nguivar ekiamin gumazamizibar aka. Kamaghira, Gumazamizibar Otarim datirighin itir gumazamiziba arazitam men akaghram.³¹ Fomira Seban Atrivir Amizim nguazar kamin saghon ikegha Solomonin fofozir aghuimin akaba baraghosa ize. Ezi gumazir mam bar Solomon gafiraghia ian tongin iti. Kamaghin amizi, Gumazamiziba Godin Kotiamin Tuivamin Dughiamin, Seban Atrivir Amizim tugh datirighin itir gumazamizibar arazir kurabar gun mikimam.

³² Eighti Godin Kotin Dughiamin, Niniven gumazamiziba dikavigh ian arazir kurabar gun mikimam. Ia fo, Niniven adarazi Jona akunizir akam baregha navibagh ira. Ezi Gumazir datirighin ian tongin itir mam, a bar Jona gafira!"

*Nin damazimning mikarzimin angazangarim
(Matyu 5:15; 6:22-23)*

³³ Egha Jesus ua kamaghin migei, "Gumazitam lam gaborogha danganir mogometamin a modozir puvati, o a inigha itarir ekiamin aven amadazir pu. Puvati, an a isi an danganimram anefaghram. Eighti tina aven izi, an angazangarimin ganam.

³⁴ Damaziba, da lamin min namnamin angazangarimin min iti. Damazim derazi, angazangarim bar nin namnam gizivaghram. Eighti nin damazim ikuvighti, mitatem nin namnam, avaraghram.[†]

³⁵ Kamaghin amizi, ni ua bagh deravira gan, puvatighti, angazangarir nin itim,

-
- 11:20:** Kis 8:19 **11:20:** Ua Me In 8:19 **11:22:** Kl 2:15 **11:22:** Kolosi 2:15 **11:23:** Mt 12:30, Mkk 9:40, Lu 9:50 **11:23:** Matyu 12:30; Mak 9:40; Luk 9:50 **11:24:** Mt 12:43 **11:24:** Matyu 12:43 **11:26:** Matyu 12:45; Jon 5:14; Hibru 6:4; 2 Pita 2:20 **11:27:** Lu 1:28, 1:42, 1:48 **11:27:** Matyu 7:21; Luk 8:15; 8:21; Jems 1:25 **11:29:** Luk 1:28; 1:42; 1:48 **11:28:** Matyu 7:21; Luk 8:15; 8:21; Jems 1:25 **11:30:** Jona 1:17; 2:10; 3:4 **11:30:** Jona 1:17; 2:10; 3:4 **11:31:** Mt 16:4, Mk 8:12 **11:29:** Matyu 16:4; Mak 8:12 **11:30:** Jna 1:17; 2:10, 3:4 **11:32:** Jna 3:5 **11:32:** Jona 3:5 **11:33:** 1 Kin 10:1-10, 2 Sto 9:1-12 **11:31:** 1 Atriviba 10:1-10; 2 Eghaghaniba 9:1-12 **11:32:** Jna 3:5 **11:32:** Jona 3:5 **11:33:** Mt 5:15, Mk 4:21, Luk 8:16 **11:33:** Matyu 5:15; Mak 4:21; Luk 8:16 **11:34:** Mt 6:22 **11:34:** Matyu 6:22
- † **11:34:** Israelia kamaghin nighnisi, nin damazimning angazangarim puvatighti, me suam ni akurvazir puvati.

mitarmem an epazagham.³⁶ Kamaghin amizi, angazangarim bar nin mikarzim gizivaghti, mitarmem tong an epazaghan koghti, nin mikarzim bar angazangarimin ikiam, mati lamen angazangarim ni gisirazi mokin."

Farisiba ko Judan Arazibagh fozir gu-maziba, arazir kurabagh ami
(Matyu 23:1-36; Mak 12:38-40; Luk 20:45-47)

³⁷ Jesus mikemegha givazima, Farisin mam Jesus ko damasa an gighamizi, Jesus an dipenimün aven ghugha dagher dakozim gapera. ³⁸ Ezi Farisin kam garima, Jesus ruezir puvatigha a koma api. Ezi a kamaghin ganigha aguaghfa.

³⁹ Ezi Ekiam kamaghin a migei, "Ia Farisiba, Ia bar deraghavira kapba ko itaribar azeniba rue, ezi ian navir averiabar aven bar ikuvigha mize. Ia okimakiam koma arazir kurabagh ami. ⁴⁰ Ia bar gumazir organiba! God azenan ingarizir biziiba, a uaghan aven dar ingari? ⁴¹ Eghit ia biziit aritaribar averiabar itiba isiva gumazir organarazibar aning, eghit ian biziiba bar zuegham.

42 "Ia Farisiba, ia ghaze, ia isingtizim daghebagh anidir zuravarir 10plan pozibar da arigha, egha pozir vamira God ganidi. Egha ia Godin guizin arazim ko a gifongezir arazim ataghirası. Ia faragh arazir ekiar kabar gin mangi dar amu, egh uaghan arazir dozir ia amiba sara, uaghan dar amu. Kamaghin amizi, iavzika, ia bar ikuvigham!

43 "Ia zurara God ko migeir dinipabar
aven dabirabir aghuariba iniasa bar ifonge.
Egha uaghan maketen danganiba me dughibia
ia a daningasa, ia bar ifonge. Kamaghin
amizi, iavzika, ia bar ikuvigham.

44 "Ia mati matmatiar me gan foghan koghamibar min iti. Ezi gumazamiziba dagh fozir puvatigha dagh isin arui. Egha Godin damazimin zuezir puvati. Kamaghin amizi, iavzika, ia bar ikuvigham!"

45 Ezi Judan Arazibagh fozir gumazir mam a ikaragha ghaze, "Tisa, ni bizir kabav gia, uaghan e gasighasisi."

46 Ezi Jesus a ikaragha ghaze, "Ia Judan Arazibagh fozir gumaziba, ia osimtiziba gumazamizibagh arizima me da ateran ibura. Ezi ia uari uan daafar puzitiman men akuragha bizitam aterir puvati. Kamaghin

amizi, iavzika, ia bar ikuvigham! ⁴⁷ Ian inazir afeziaba Godin akam inigha izir gumazibav soghezima me ariaghire. Ezi ia me bagha dagiar mozir aghuiba okoregha men aghariba mozibagh ariki. Kamaghin amizi, iavzika, ia bar ikuvigham! ⁴⁸ Ia arazir kam gumazamizibar akakaghha ghaze, ian inazir afeziaba amir arazir kam dera. Ezi me Godin akam inigha izir gumazibav soghezima me ariaghire, ezi ia me bagha mozibagh amizi,

49 "Bizir kam bagha, Godin fofozir aghuim kamaghin migei, 'Ki me baghan akam inigha izir gumaziba koma aposelba amangam, eghti men tarazi, me me misoghtima, me arighiram. Eghti ighazariba, me arazir kurabar me damuam!' 50 Fomira nguazir kam otozir dughiam, Godin akam inigha izir gumaziba, me me misoghezi me ariahire, ezi arazir kam iza datirighin tu. Kamaghin amizima ia datirighin iti darazi men ivezim iniam. 51 Ezi modorozir arazir kam, an Abelin dughiamin ikegha iza Sekaraian dughiamin tu. Gumazir kam, Sekaraia, me ofa gamir dakozim ko Godin Dipenimin tizimin a misoghezima an areme. Ezi ki ia migei, arazir kurar kabar ivezim gumazir datirighin itiba bativam.

52 "Ia Judan Arazipbagh fozir gumaziba,
ia Godin fofozimin tiar akamin kiba inigha
ghue. Ia uari aven ghuezir puvatigha,
aven mangamin gumazamizibar tiar akam
apiri."

⁵³Egha Iesus danganir kam ataghirazima, Judan Arazibagh fozir gumaziba ko Faris-iba, me akar kurabar a migei. Egha azangsizir aviribar a gami. ⁵⁴Egha me angari, a bizitam paziva a mikemeghtima, me an suigham.

12

*Farisibar arazir ifavariba bagh gan
(Matyu 10:26-27)*

¹ Ezi dughiar kamin gumazamizir bar avirim uari akuvaghav ikia uari dikabiri. Ezi Jesus maghira uan suren gumaziba faragha dav gia ghaze, "Ia uari bagh gan. Farisiba mati, yis bretin aven ghugha a gamizima a bar buizi moghin ian aven mangi ia gasighasigham. Kamaghira ifavarir araziba uaghan bar

11:37: Lu 7:36, 14:1 **11:37:** Luk 7:36; 14:1 **11:38:** Mt 15:2; Mk 7:3 **11:38:** Matyu 15:2; Mak 7:3 **11:39:** Mt 23:25; Mk 7:4; Ta 1:15 **11:39:** Matyu 23:25; Mak 7:4; Taitus 1:15 **11:41:** Ais 58:7; Dan 4:27 **11:41:** Aisaia 58:7; Daniel 4:27 **11:42:** Wkp 27:30; Mt 23:23 **11:42:** Ofa Gami 27:30; Matyu 23:23 **11:43:** Mt 23:6-7; Mk 12:38-39
11:43: Matyu 23:6-7; Mak 12:38-39 **11:44:** Sng 5:9; Mt 23:27 **11:44:** Onger Akaba 5:9; Matyu 23:27 **11:46:** Mt 23:4 **11:46:** Matyu 23:4 **11:47:** Mt 23:29-31 **11:47:** Matyu 23:29-31 **11:51:** Stt 4:8, 2 Sto 24:20-21
11:51: Jenesis 4:8; 2 Eghaghaniha 24:20-21 **11:52:** Mt 23:13 **11:52:** Matyu 23:13 **11:54:** Lu 20:20 **11:54:** Luk 20:20 **12:1:** Mt 16:6; 16:12; Mak 8:15 **12:1:** Matyu 16:6; 16:12; Mak 8:15 **12:2:** Mt 10:26; Mk 4:22; Lu 8:17
12:2: Matyu 10:26; Mak 4:22; Luk 8:17

ia gasighasigham. ² Moegha itir bizia, da azenim giregham. Akar aven itiba, gumazamiziba dagh fogham. ³ Ezi bizir ia mitatemin mikemeziba, me aruer angazangarimin da baraghram. Ezi bizir tizir ia sighsirir akabar uan kuaribagh arigha dipenir averiabar uariv kemeziba, me mangi dipenir nogoribar tuiv dar gun mikimam.”

*Gumazim Godram atiating
(Matyu 10:28-31)*

⁴ Jesus ua kamaghin migei, “Nan namakaba, ki ia migei, ia gumazir namnar kinibav sozibar atiatingan marki. Me gin ua bizitam damighan kogham. ⁵ Ezi, ia tinarama atiatingam, ki ian akagham. Ia Godin atiating, a ian namnam gasighasigha, gin ia inigh helin avim mikinamin gavgavim iti. Ezi ki guizbangira ia migei, ia Godin atiating. ⁶ Ia fo, gumazamiziba kuarazir dozir 5pla wan toian vaghvagh dagh iveauzegham. Ezi God dar tam bakinighnighan kogham. ⁷ God uaghan ian dapanir ariziba menge, egha a bar deraghavira ia gifo. Kamaghin amizima, ia atiatingan marki. Ia kuarazir dozir kabar min itir puvati. Ia Godin damazimin bar ekevegha dagh afira.”

*EJesusin ziamin aghumsighan kogham
(Matyu 10:32-33; 12:32; 10:19-20)*

⁸ Jesus ua kamaghin migei, “Ki ia migei, Gumazir manam gumazamizibar damazimin ghaze, a nan anam, eghzi Gumazamizibar Otarim uaghan Godin enselbar damazibar mikim suam, gumazir kam a nan anam. ⁹ Eghzi tina gumazamizibar damazimin mikim suam, a nan adarazir mav puvati, eghzi ki uaghan Godin enselbar damazibar mikim suam, gumazir kam nan anav puvati. ¹⁰ Eghzi gumazitam akar kuratam Gumazamizibar Otarim mikemeghti, God an arazir kurar kam gin amadaghram. Eghzi gumazitam akar kuratam Godin Duam mikemeghtima, God an arazir kurar kam gin amadaghram kogham. ¹¹ Me ia inigh God ko migeir dipenibar mangam. Eghzi gavmanin gumazir ekiaba ko gumazir ziaba itibar damazibar mangitima, ia atiatingan marki. Egh suam, ki manmaghin ua bagh ganam, o manmaghin mikimam? ¹² Dughiar kamra, Godin Duam ni mikemeghtima ni me mikimam.”

- 12:4:** Ais 51:7; Jer 1:8, Mt 10:28, Jo 15:14-15 **12:4:** Aisaia 51:7; Jeremaia 1:8; Matyu 10:28; Jon 15:14-15 **12:5:** Hi 10:35 **12:7:** Lu 12:24, 21:18, Ap 27:34 **12:7:** Luk 12:24; 21:18 **12:8:** Lu 15:10 **12:8:** Luk 15:10 **12:9:** Mk 8:38, Lu 9:26, 2 Ti 2:12, 1 Jo 2:23 **12:9:** Mak 8:38; Luk 9:26; 2 Timoti 2:12; 1 Jon 2:23 **12:10:** Mt 12:31-32, Mk 3:28-29, 1 Jo 5:16 **12:10:** Matyu 12:31-32; Mak 3:28-29; 1 Jon 5:16 **12:11:** Matyu 10:19-20; Mak 13:11; Luk 21:14-15 **12:15:** 1 Ti 6:7-10 **12:15:** 1 Timoti 6:7-10 **12:19:** Sav 11:9, 1 Ko 15:32, Je 5:5 **12:19:** Fofozir Gumazim 11:9; 1 Korin 15:32; Jems 5:5 **12:20:** Sng 39:6, 52:7, Jer 17:11, Je 4:14 **12:20:** Onger Akaba 39:6; 52:7; Jeremaia 17:11; Jems 4:14 **12:21:** Mt 6:19-20, 1 Ti 6:18-19, Je 2:5 **12:21:** Matyu 6:19-20; 1 Timoti 6:18-19; Jems 2:5 **12:24:** Jop 38:41, Sng 147:9, Lu 12:7 **12:24:** Jop 38:41; Onger Akaba 147:9; Luk 12:7

Gumazir dagiaba bar avirasemezir onganimin akar isin zuim

¹³ Ezi gumazir mam gumazamizibar torimin ikia kamaghin Iesus migei, “Tisa, nan aveghbuam mikemeghtima, a gan afeziam ga bagha taghizir bizitaba na bagh taba tuiragh.”

¹⁴ Ezi Jesus a ikaraghha ghaze, “Tinara guan osimtizibar kir guan biziba tuiraghaha na misefe?” ¹⁵ Egha a kamaghin me migei, “Ia uari bagh ganigh. Biziba bar dagh ifongezir arazir kaba bagh, uari bagh ganigh! Gumazimin dabirabim a bizir avirir a itir kaba saram otozir puvati.”

¹⁶ Egha an akar isin zuir kamin me migei, “Gumazir dagiaba bar avirasemezir mam iti. Egha uan nguazimin dagher aghuir aviriba isi.” ¹⁷ Egha a kamaghin ubi ginighnisi, ‘Ki manmaghin damuam? Ki uan daghebar arighamin danganiba puvati.’

¹⁸ ‘Egha a ghaze, ‘Ki kamaghin damuam. Ki uan dagher dipeniba kuarighiva, dipenir ekiabara ingarigham. Egh dipenir ekiaba, ki uan maziaba ko dagheba ko biziba bar dar arigham.’ ¹⁹ Egh ki ubira ubi mikimam, “Ni dughiar aviriba bagha ua bagha bizir aghuir avirim ariki. Egh ni damiva, wainin dipabar amiva, egh dughiar aghuarim iniva, egh bar akuegh ikiam.”

²⁰ ‘Ezi God a migia ghaze, ‘Ni gumazir onganim. Dimagarir kamra ki nin ikirimirim inighti, ni aremegham. Eghzi ni ua bagha arighizir biziba, tina da iniam?’

²¹ ‘Kamaghira, tina ua bagh biziba puv dar pozim mikiniva, egh a Godin damazimin onganarazibar amuam, eghzi bizir kam a bativam.’

*Nighnizir aviribar amuan marki
(Matyu 6:25-34)*

²² Egha Jesus kamaghin uan suren gumazibav gei, “Kamaghin amizi, ki ia migei, ia pamten uan ikirimirim ginighnighiva, kamaghin azangan marki, e dagher manatamra damam? Egh ia pamten uan inivafizibagh nighnigh mikiman marki, e inir manatam uan mikarziba avam?”

²³ Gumazimin ikirimirim ti daghebagh afira, ezi gumazimin mikarzim ti inibagh afira. ²⁴ Ia kuarazibar gan. Da dagheba opari puvatigha dagh eghuvir puvati, da dagheba arizir dipeniba puvati. Ezi God dagheba dagh anidi! Ezi ian ikirimirim bar

kuarazibagh afira. ²⁵ Egh ian tav deraghvira ikisi nighnigh, kamaghin a ti uan ikirimirim damuti a tong ruaraghram? Bar puvati. ²⁶ Ni bizir muziarir kam damuan iburagh, ni tizim bagha biziba bar a dagh nighnigha nighnizir aviribagh ami?

²⁷ “Ia akimiar aghuaribagh nighnigh. Da manmaghin otifi? Da ingangarir ekitatam gamir puvati. Egha da korotiatam isamizir puvati. Ezi ki ia migei, fomira Atrivim Solomon bizir bar aviriba ikia an azuir adiariba bar dera, egha an korotiatam akimiar kabar min otozir puvati. ²⁸ E fo, graziba pura biziba, da iti, gurumin gu-mazitam da akoreghiva da inigh avitam minkinigham. Grazir kinir kaba, God adiariba dagh azui. Ia bizar kam gifogh, God uaghan adiariba ia daningam. Ia gumazamizir nighnizir gavgavir muziarim itiba! ²⁹ Ian nighnizim dagheba ko dipabara ikian marki. Egh ia pamtem dagh nighnighan marki. ³⁰ Nguazir kamin gumazamiziba pamten bizar kabagh nighnisi. Ezi ian Afeziom fo, ia da iniam. ³¹ Ezi bizar ia bar faragh damuamimra kara: Ia faragh God atighti, a ian Atrivimin ikiti, ia an gin mangiti, a bizar kaba ia daningam.”

*Bizar aghuiba akumakuir arazim
(Matyu 6:19-21)*

³² Egha Jesus ua kamaghin migei, “Ia sipsipin bizar muziarim, ian Afeziom ia damighti, ia Atrivimin otivasa a bar akonge. Kamaghin ia atiatingan marki. ³³ Ia uan biziba amangiva dagiaba inigh, egh gumazamizir onganarazibar aning. Egh uari bagh dagiaba azuir mitariba inigh dar arightima da dighoran kogham. Ian bizar aghuir Godin Nguibamin itiba, da givaghan kogham. Godin nguibamin okimakiar gumaziba roghira izan kogham, eghit barareba dagh asighasihan kogham. ³⁴ Nin bizar aghuiba itir danganim, nin navir averiamin itir ifongiam uaghan danganir kamra ikiam.”

*Dakuan marki, ia uari bagh gan
(Matyu 24:42-44)*

³⁵ Egha Jesus ua kamaghin migei, “Ia ingaramin korotiabar aghuighiva otivamin bizim bagh ganiva uan lamba ateghtima da isi mamaghira iki. ³⁶ Egh mati gumazim uan gumazir aruamin amuir ikizir isam bagha ghugha uamateghizasa, me a mizuai.

Eghit a uamategh izi tiam gafughafughti, me zuamiram a bagh tiam kuigham. ³⁷ Ingirir gumazir kabar gumazir aruam uamategh izi men ganti, me a mizua gari. Kamaghin me bar akuegham. Ki guizbangira ia migei, a dagheba me daningisi uabin kurukegham. Egh me mikemeghti, me dakozim diapiaghti a izi dagheba me daningam. ³⁸ Egh men gumazir aruam dimagarir arizim, o aminin titi a uamategh izi men ganti me a bagh gan mizuam ikiti, kamaghin me bar akuegham. ³⁹ Ia arazir kam ginighnigh. Gumazir manam, okimakiar gumaziba dimagarimin izava an dipenim akarasava amima, a men dugham gifogha, men arafa. Egha me ataghizi me an dipenim akarizir puvati. ⁴⁰ Kamaghira, ia uaghan aravagh iki gan. Guizbangira, dughiar ia Gumazamizibar Otarim mizuaman koghamim, a dughiar kamram otogham.”

*Ingangarir gumazir aghuim ko kuramin
akar isin zuim
(Matyu 24:45-51)*

⁴¹ Ezi Pita Iesusin azara, “Ekiam, ni akar isin zuir kamin erara migei, o e bar moghira?”

⁴² Ezi Ekiam an akam ikaratha ghaze, ‘Ingangarir gumazir manamra nighnizir aghuiba ikia deravira uan ingangarim gami? An gumazir ekiam a damuti, a ingangarir gumazir ighazaribar ganam. Egh dughiar an gumazir ekiam ifongezimin, a dagheba isi ingangarir gumazibar aningam. ⁴³ Ingangarir gumazir kam ingara itima, an gumazir ekiam iza a batogha an ingangarir kamin garima, gumazir kamin navir averiam bar an dera. ⁴⁴ Ezi ki guizbangira ia migei, ingangarir gumazir kamin gumazir aruam a damightima, an an ingangarir gumazir mabar ekiamin ikiva an biziba bar dar ganam. ⁴⁵ Egh ingangarir gumazibar dapanim uabira ubi kamaghin nighnigham, ‘Nan gumazir ekiam zuamira izeghan kogham.’ Egh a dikavigh ingangarir gumaziba ko ingangarir amizibav soghiva, damiva, wainin dipabari amiva dapanim onganigham. ⁴⁶ Eghit an gumazir ekiam, dughiar an ingangarir gumazim a bagha garir puvatizimin, an otogham. A dughiar a fozir puvatizimin uamategham. Eghit an gumazir ekiam bar anerghoraraghiva

- 12:27:** 1 Kin 10:4-8, 2 Sto 9:3-6 **12:27:** 1 Atriviba 10:4-8; 2 Eghaghaniba 9:3-6 **12:31:** Mt 6:33 **12:31:** Matyu 6:33 **12:32:** Mt 25:34; Luk 22:29; Akar Mogomen 1:6 **12:33:** Mt 19:21, Lu 18:22, Ap 2:45, 4:34 **12:33:** Matyu 19:21; Luk 18:22; Aposel 2:45; 4:34 **12:35:** Kis 12:11, Mt 25:1-13, Ef 6:14, 1 Pi 1:13 **12:35:** Matyu 25:1-13; 1 Pita 1:13 **12:36:** Mk 13:34-36, 1 Pi 1:13 **12:36:** Mak 13:34-36; 1 Pita 1:13 **12:37:** Jo 13:4 **12:37:** Jon 13:4 **12:39:** 1 Te 5:2, 2 Pi 3:10 **12:39:** 1 Tesalonika 5:2; 2 Pita 3:10 **12:39:** Matyu 24:43-44 **12:40:** Mk 13:33, 1 Te 5:6, 2 Pi 3:12 **12:40:** Mak 13:33; 1 Tesalonika 5:6; 2 Pita 3:12 **12:44:** Mt 25:21-23 **12:44:** Matyu 25:21-23 **12:47:** Lo 25:2, Ap 17:30, Je 4:17 **12:47:** Godin Araziba 25:2; Aposel 17:30; Jems 4:17

a inighiva gumazir God gifozir puvatiziba ko anetigham.

⁴⁷ “Ingangarir gumazibar dapanim fo, an gumazir ekiam bizir tizim damuasava a mikeme, ezi an a gamizir puvati. Egh ti an gumazir ekiam dughiar aviribar a ifozoregham. ⁴⁸ Egh ti ingangarir gumazim an gumazir ekiam ifongezir arazibagh fozir puvatighiva, egh a ubi misoghamin arazibar amuti, an gumazir ekiam dughiar aviribar a ifozoreghan kogham. Tina bar bizir aviriba ini, a ua bizir aviriba God daningam. Ezi tina God bizir aviriba an dafarim gariki, God uam a dam aviriba inisisva an azangsigham.”

*Iesus gumazamiziba abighasa ize
(Matyu 10:34-36)*

⁴⁹ Egha Iesus ua kamaghin migei, “Ki nguazim avim a darighasa izi. Ezi avim datirighira isiska ki ifonge. ⁵⁰ Ki tighar rurir mam iniam. A mati dipam gumazim avarazi moghin, osimtziba na bativam. Ezi ki a inizir puvati. Kamaghin amizi ki bar osemegh mangi dughiar kam otogham! ⁵¹ Ni ti ghaze, ki navir vamiran arazim inigha, nuguair kamin ize? Puvati, ki ta migei, ki gumazamiziba abighasa ize. ⁵² Datinighin tugh mangi 5plan amuiroghboriba dipenir tamin iki uari tuiragham, 3pla pumuningin apanimin ikiam, egh ti, pumuning 3plan apanimin ikiam. ⁵³ Me uari tuiragham, afeziam uan otarimin apanimin ikiam, egh ti otarim uan afeziamin apanimin ikiam. Egh ti guivim uan amebamian apanimin ikiti, amebam uan guivim apanimin ikiam. Egh ti paba itir amiziba, uan ivozir amebaba ko akabar uari adoghti, otarimin amebam uan otarimin amuimin apanimin ikiam.”

*Iesus dughiar otivamibar gun migei
(Matyu 16:2-3)*

⁵⁴ Egha Iesus gumazamizir aviribav gei, “Ia ganti, ghuardam aruem magiram amadaghdam anangtima, ia zuamira suam, ‘Amozim izam,’ egh ti a izam. ⁵⁵ Egh Sainain aminim vangti, ia suam, aruem gan bar puvira isiam. Egh ti an otogham. ⁵⁶ Ia ifavarir gumazamiziba! Ia guizbangira, overiamin otivir biziha deravira dagh fo. Egha ia dughiar kamin otivir arazibar gara da abizir puvati.”

*Ni gumazir ni isi kot daraghaha migeim
ko akabar kirigh
(Matyu 5:25-26)*

⁵⁷ Iesus ua kamaghin migei, “Ezi ia uari uriar azangsighan aghua, bizir tizim a dera.

⁵⁸ Egh nin apanim ni inigh mejistretbar damazimin mangitima, ni a ko osimtzir kam akirsi tuavimin a mikim ganigh. Puvatightima, a ni inigh jasin damazimin mangam. Egh ti jas ni inigh polisin dafarim datigghi polis ni isi kalabuziam datigham. ⁵⁹ Ki guizbangira ni migei, ni azenim giran kogham, egh iki mangi ni iveau bar anekirighamin dughiamin gin, azenim giram.”

13

*Gumazamiziba navibagh iraghan kogh
arimighiregham*

¹ Egha dughiar kamin gumazir maba ikia Galilin gumazibar gun Iesus migei, ezi Pailatin midorozir gumaziba me misoghezima men ghuziba God bagha tuer asizibar ghuziba sara verevere. ² Egh Iesus men akam ikaraghha ghaze, “Galilin gumazir kaba kamaghin ariaghire. Kamaghin amizima ia ghaze men arazir kuraba Galilin gumazir igharaziba bar men arazir kurabagh afira? ³ Egha ki guizbangira ia migei, bar puvati! Ia navibagh iraghan koghiva, ia uaghan bar arimighiregham.

⁴ Egh ia uaghan bizir kam ginighnigh, 18plan gumazir Siloamin dagiar dipenir dipirigha me misoghezima me ariaghire. Egh ia ghaze, men arazir kuraba bar Jerusalem itir gumazamiziba men arazir kurabagh afira? ⁵ Egha ki guizbangira ia migei, bar puvati. Ia navibagh iraghan koghiva, ia uaghan bar arimighiregham.”

Temer ber puvatizimin akar isin zuim

⁶ Jesus akar isin zuir kamin me migei, “Gumazir mam temer figh uan wainin azenimin anekara, egha a ghua oviziba bagha an gara tamin apizir puvati. ⁷ Egha a wainin azenimin garir gumazim kamaghin a migei, ‘Ki 3plan azenibar arua izava, fighin oviziba bagha garava avenge, da bar puvati. An okegh! Manmaghsua a puram aghui?’

⁸ “Egha ingangarir gumazim kamaghin a migei, ‘Ekiam, aneteghtima, an azenir tam uam an ikitima, ki nguaziba an povim darightima a dagher aghuiba iniam. ⁹ An azenir munamin beghti, deragham. Puvatightima, ni na mikemeghtima ki an okegham.’”

*Iesus amizir akirir kuram akirizi, a ua
dera*

12:48: Wkp 5:17, 1 Ti 1:13

12:48: Ofa Gami 5:17; 1 Timoti 1:13

12:50: Mt 20:22, 26:38, Mk 10:38-39, Jo 12:27

12:50: Matyu 20:22; 26:38; Mak 10:38-39; Jon 12:27

12:51: Mt 10:34

12:51: Matyu 10:34

12:53: Mai 7:6

12:53: Maika 7:6

12:58: Snd 25:8, Mt 5:25

12:58:

12:58: Aghuzir Akaba 25:8; Matyu 5:25

13:2: Jo 9:2-3

13:2:

Jon 9:2-3

13:3: Sng 7:12

13:3:

13:6: Ais 5:2, Mt 21:19

13:6: Aisaia 5:2; Matyu 21:19

13:7: Lu 3:9

13:7: Luk 3:9

13:8: 2 Pi 3:9, 3:15

13:8: 2 Pita 3:9; 3:15

¹⁰ Egha Iesus Sabatin dughiamin God ko migeir dipenir mamin aven gumazamizibar sure gami. ¹¹ Ezi amizir mam 18plan azenibar duar kuram an akiragharam gamizi an aviraghavira ikiava bar uabi aminava avenge.

¹² Ezi Iesus an apigha an diazi an ada zuima, a kamaghin a migei, "Amizim, nin arimariam ni ataki." ¹³ Egha uan darfamning a gisin atizima, a zuamira ubabi aminegha tuga, Godin ziam fe.

¹⁴ Iesus Sabatin dughiamin amizim akirizima a dera, ezi bizar kam bagha God ko migeir dipenimin garir gumazim atara kamaghin gumazamizibar gei, "Ingangarir dughiar 6pla iti, ia dughiar kabar izitima, a ian arimariaba akiram. Egh ia Sabatin dughiamin izan marki."

¹⁵ Ezi Ekiam an akam ikaragha ghaze, "Ia uarira vari gifarir gumaziba! Ian tav Sabatin dughiamin uan bulmakau o donki firigha e inigha ghuadipatam a ganidir puvati? ¹⁶ Kamaghin amizi, amizir kam an Abrahamin ovavim, Satan 18plan azenir kabar a ike. Kamaghin amizima ki Sabatin dughiamin a firighti a deraghram."

¹⁷ A kamaghin mikemezima, an apaniba bar moghira aghumsiki. Ezi gumazamiziba an amizir bizar aghuubar gara bar akonge.

*Mastetin ovizir akar isin zuim
(Matyu 13:31-32; Mak 4:30-32)*

¹⁸ Egha Iesus gumazamizibar azara, "God Biziagh Ativamin Dughiam manmaghin gari? Ezi ki akar isin zuir manamin a mikimam? ¹⁹ A mastetin ovizim mingari. Ezi gumazim a inigha uan azenimin an ekarazima, an aghua ghuava temem gava. Ezi kuaraziba an aguabar mikonibagh ami."

*Yisin akar isin zuim
(Matyu 13:33)*

²⁰ Egha Iesus ua gumazamizibar azara, "Ki bizar manatamin God Biziagh Ativamin Dughiamin akar isin zuim mikimam? ²¹ A yisin min ami. Amizir mam yisin muziarir mam inigha, plauan dramin ekiamin itim inigha, aning verevere. Ezi plauan kam gin bar bui."

*Tiar akar asuvirizim
(Matyu 7:13-14; 7:21-23)*

²² Egha Iesus Jerusalemin ghuava nguibar ekiaba ko doziba bar dar itir gumazamizibar sure gamua zui. ²³ Ezi mav

an azara, "Ekiam, God gumazamizir vabara ua me iniam, o?"

²⁴ Ezi a kamaghin me migei, "Ki ia migei, gumazamizir aviriba tiar akar asuvazimin aven mangiva avegham. Kamaghin amizima ia gavgavigh tiar akar asuvirizir kamin dirighiva aven mangi. ²⁵ Eghti dipenimin ghuavim dikavigh tiam asaraghram. Eghti ia azenan ikiva tiam misogh dimiva avegh suam, 'Ekiam, e bagh tiam kuigh.' Eghti a kamaghin ian akam ikaraghram, 'Ki ia gifozir puvati. Ia managh izava otifi?"

²⁶ "Eghti ia kamaghin mikimam, 'E ni ko dagheba ko dipaba ame. Ezi ni tuavibar en sure gami.'

²⁷ "Eghti a kamaghin ian akam ikaraghram, 'Ki ia gifozir puvati. Ia managh izava otifi. Na gitagh, ia arazir kurabagh amiba!'

²⁸ "Egh ia Abraham ko Aisak ko Jekop ko Godin akam inigha izir gumaziba, me God Biziagh Ativamin Dughiamin aven ikitimta ia men gan ikiam. Egh ia azenan ikiva bizar kam bagh tuangiva arang atariba kuskugh danganir kamin ikiam. ²⁹ Egh gumazamizir aviriba nguazimin mikebaba bar dar ikegh iziva God Biziagh Ativamin Dughiamin isam bagh uan danganiba iniam. ³⁰ Ia oragh, gumazir gin izeziba faragh ikiam, eghti faragha itiba me gin mangam."

*Iesus Jerusalemin apangkuji
(Matyu 23:37-39)*

³¹ Ezi dughiar kamra Farisin maba Iesus bagha iza kamaghin a migei, "Herot ni misoghasa. Kamaghin amizi ni nguibar kam ategh igharagh mangi."

³² Ezi Iesus kamaghin men akam ikaragha ghaze, "Ia mangi afiar attiar mam mikemegh, 'Ni oragh, ki datirighin ko gurumzaraghan duar kuraba batoghiva, gumazamizibar arimariaba akiram. Egh ki zuerimin uan ingangarim agivam.' ³³ Ezi ki ia migei, Godin akam inigha izir gumazitam Jerusalemin azenan aremeghan kogham. Ezi ki datirighin ko gurumzaraghan ko zuerimin mangivira ikiam."

³⁴ Egha Iesus ua kamaghin migei, "Oio, ia Jerusalemin adarasi, ki ian apangkuji! Ia Godin akam inigha izir gumazibav sozi me ariaghiri, egha God ia bagha amadir gumaziba, ia dagiaba isa me ginivi me

- 13:13:** Mk 16:18; Ap 9:17 **13:13:** Mak 16:18; Aposel 9:17
Jo 5:16 **13:14:** Ua Me Ini 20:9-10; Godin Araziba 5:13-14; Matyu 12:10; Mak 3:2; Luk 6:7; Jon 5:16 **13:15:** Lu 14:5
13:15: Luk 14:5 **13:16:** Lu 19:9 **13:16:** Luk 19:9
7:13; Rom 9:31; Filipai 3:12 **13:25:** Sng 32:6; Ais 55:6; Mt 7:23; 25:10-12, Lu 6:46 **13:27:** Onger Akaba 6:8; Matyu 7:23; 25:41 **13:27:** Onger Akaba 6:8; Matyu 7:23; 25:41 **13:28:** Matyu 8:11-12 **13:29:** Sng 107:3, Lu 14:15
13:29: Onger Akaba 107:3; Luk 14:15 **13:30:** Mt 19:30, 20:16, Mk 10:31 **13:30:** Matyu 19:30; 20:16; Mak 10:31
13:34: Mt 23:37 **13:34:** Matyu 23:37

- 13:14:** Kis 20:9-10, Lo 5:13-14, Mt 12:10, Mk 3:2, Lu 6:7,
13:14: Matyu 12:10; Mak 3:2; Luk 6:7; Jon 5:16 **13:15:** Lu 14:5
13:24: Mt 7:13; Jo 7:34; Ro 9:31; Fl 3:12 **13:24:** Matyu 7:13; Rom 9:31; Fl 3:12
13:25: Aisaia 55:6; Matyu 7:23; 25:41 **13:28:** Matyu 8:11-12 **13:29:** Sng 107:3, Lu 14:15
13:30: Matyu 19:30; 20:16; Mak 10:31

ariaghiri. Dughiar aviribar ki ian boriba akuv me mughasa, mati tuarir amebam uan avizimingin nguziba avarazi moghin, ki ia damuasa ifonge. Ezi ia na bagh izan aghua.³⁵ Ia oragh! Ian nguibam, God anetaki, ezi a nguibar soriām gava. Ki guizbangira ia migei, ia ua nan ganan kogh, kamaghira iki mangi dughiar ia suam, ‘Gumazir, Ekiāmin ziam ko gavgavimīn izim, God deragh a damu!’

14

Iesus mikarzim buizir gumazim gamizi a ua dera

¹ Sabatin dughiar mam Iesus ghua Farisibar gumazir ekiāmin dipenimin api. Ezi dughiar kam gumazamiziba bar deraviram an gari. ²Ezi an guamin gumazir mikarzim buizir mam iti. ³Ezi Iesus Farisiba ko Judan Arazibagh fozir gumazibar azara, “Moses Osirizir Araziba, da Sabatin gumazamizibar arimariaba ghuamaghosa amaman-gatiz, o puvati?” ⁴Ezi me nimira itima a gumazimin suiragha a gamizima a dera. Egha anemadazi a ghu.

⁵ Egha a men azara, “Ian tavin otaritam o bulmakaun tam Sabatin dughiamin mozirpamin magirightima, ia ti mangi uam a gekuigham, o?” ⁶Ezi me mikimamin akabagh asa.

Iesus ghaze, ia uarira uari fan marki

⁷ Dughiar kam Iesus gari, gumazir gighamiziba me dabirabir danganir ekiāria dagher dakozimin da isi. Ezi Iesus akar isin zuir kamin me migei, ⁸“Gumazitam amuir ikizimin isam bagh diaghti, ni mangi dabirabir danganir ekiāri faragha itim dapian marki. Me, gumazir ziar ekiāri niam ziam gafrizim, a bagha a ginaba. ⁹Egha, isar ghuavim virara guan diazim izi kamaghin ni mikimam, ‘Ni uan misiam gumazir kam daningigh.’ Egha ni bar aghumsighiva, danganir bar gin itim inigham. ¹⁰Kamaghin amizi dughiar me ni diazim, ni danganir apengan itim inigh, egha isar ghuavim izi suam, ‘Roroam, ni danganir aghuir pin itim mangi.’ Egha ni ziar aghuarim ni ko itir darazir tongin a iniam.¹¹ Gumazamiziba uan ziaba feba, God me abinam. Egha gumazamizir uari abiriba, God me feghti me ziar ekiam iniam.”

*Godin ikarvazim,
o gumazibar ikarvazim?*

¹² Egha Iesus ua isar ghuavim migei, “Ni isam damuva, uan roroaba ko aveghbuuba, o anababa, o nin namakar biziba bar avirasemeziba, ni men diman marki. Ni men diaghti, me uamategh nin diaghti, ni kamaghin uan ikarvazim uamategh a inigham. ¹³Ezi ni isam damuamin dughiam, ni onganarazibagh amiba, sorogħafariba ikuviziba, suer kurar aruir puvatiziba, ko damazir kurabar diagh. ¹⁴Egha God arazir aghuimin ni damuam. Gumazir kaba nin dagheba ikaraghon kogham. Kamaghin amizi, ni uan ikarvazim dughiar gumazir Godin damazimin deraziba ua dikavamimin a iniam.”

*Isar ekiamin akar isin zuim
(Matyu 22:1-10)*

¹⁵ Egha Iesus ko dakozimin itir gumazibar mav Iesusin akaba baregha, kamaghin Iesus migei, “Gumazir God Bizibagh Attivamin Dughiamin isar ekiam amamim, a bar akongegħam.”

¹⁶ Ezi Iesus kamaghin a ikaraghha ghaze, “Dughiar mam gumazir mam isar ekiam bagħha biziba akirava gumazamizir avirimin dia. ¹⁷ Isam azuir dughiamin, isar għuavim a għighamiziba bagħha uan ingangar gumazim me mikimasa anemaga ghaze, ‘E biziba bar ada akirigha gifa, kamaghin amizi ia izi.’

¹⁸“Ezi me bar mogħira mangan aghuaghha uan dimdiām avaghboava migirigar ifavaribagh ami. Egha men mav faragħa kamaghin migei, ‘Ki datirighha nguazim givev, egh mangiwa an ganasa. Noka, ki izan kogħam.’ ¹⁹Ezi īgharazim ghaze, ‘Ki 10plan bulmakaubagh ivese, egha ki da ingangarim gatigħha dar ganasa zui. Noka, ki izan kogħam. Ga uanġi, ni nan gun isar għuavim mikemegħ.’ ²⁰Ezi gumazir mikiexim kamaghira a migei, ‘Ki amuim ini, kamaghin amizi, ki izan kogħam.’

²¹“Ezi ingangarir gumazim uamategha izava akar kabar gun uan ekiam mikem. Ezi isar għuavim atara kamaghin migei, ‘Ni zuamira azenan mangiwa nguibar ekiamin itir tuavir ekiāba ko afeqtiabar mangiwa onganarazibagh amiba, ko sorogħafariba

13:35: Sng 118:26; Ais 1:7; Jer 22:5; Mai 3:12; Mt 21:9; Mk 11:9-10; Jø 12:13 **13:35:** Onger Akaba 118:26; Aisaija 1:7; Jeremaia 22:5; Maika 3:12; Matyu 21:9; Mak 11:9-10; Jon 12:13

14:1: Lu 11:37 **14:1:** Luk 11:37 **14:3:** Mt 12:10, Araziba 22:4; Matyu 12:11; Luk 13:15 **14:5:** Ua Me Ini 23:5; Godin

14:6: Mt 22:46 **14:6:** Matyu 22:46 **14:7:** Mt 23:6 **14:7:** Matyu 23:6

14:8: Aghuzir Akaba 25:6-7 **14:11:** Snd 29:23; Mt 23:12; Lu 18:14; Je 4:6, 1 Pi 5:5 **14:11:** Aghuzir Akaba 29:23;

Matyu 23:12; Luk 18:14; Jems 4:6; 1 Pita 5:5 **14:13:** Lo 14:29; Neh 8:10-12 **14:13:** Godin Araziba 14:29; Nehemia

8:10-12 **14:14:** Jo 5:29 **14:14:** Jon 5:29 **14:15:** Lu 13:29; MAA 19:9 **14:15:** Luk 13:29; Akar Mogomem 19:9

14:17: Snd 9:2, 9:5 **14:17:** Aghuzir Akaba 9:2; 9:5 **14:20:** 1 Ko 7:33 **14:20:** 1 Korin 7:33

ikuviziba, ko damazir kuraba, ko suer kurrar aruir puvatiziba, me inigh izi.’²² Ezi ingangarir gumazim kamaghin a migei, ‘Ekiam, ni mikemezi moghin ki amigha gifa, ezi danganir maba ikiavira iti.’²³ Ezi isar ghuavim uan ingangarir gumazim kamaghin a migei, ‘Ni mangi tuavir ekiaba ko tuavir dozibar itiba bar me mikimti, me izi, eghit nan dipenim izivaka.’²⁴ Ezi, ki ni migei, gumazir ki faragha diaziba men tav isar kamin daghetam ameghan kogham.’

*Ia faragh deravira nighnighiva
Jesusin gin mangi
(Matyu 10:37-38)*

²⁵ Ezi gumazamizir bizir dafam Jesus koma arui. Ezi a ragha men gara kamaghin migei,²⁶ “Tina na bagh iziva, egha uan afeziam ko amebam, o amuim ko boriba, o aveghbuaba, o amezamebabba ko buaramiziba bar men aghuaghiva, egha uaghan uan ikirimirim ateghan koghiva, egh nan suren gumazim o amizimin otoghan kogham.”²⁷ Egh tina uan ter ighuvir an ovengamim a gupugh, egh nan gin izan koghiva, nan suren gumazim o amizimin otoghan kogham.*

²⁸ “Ian tina dipenir ekiamin ingarasa, a ti faragh daperagh nighnighiva, egh suam, ki dagiaba manmaghira dipenir kam agivagham? ”²⁹⁻³⁰ Egh ian tina dipenir ekiamin ingarsi, a faragh daperagh nighnigh suam, ‘Ki dagiaba manmaghira dipenir kam a givagham?’ Puvatightima, a ghuriamra damighiva, egh anegivaghan koghtima, me bar an ganiva dibovir migirigriabar a damu, suam, ‘Gumazir kam dipenimin ingara bar anegivazir puvati.’

³¹ “O, ki kamaghin mikim suam, atrivir mam atrivir igharazim ko midorozir ekiam damusa. A ti faragh daperagh uabira uabin azangsigh suam, ‘Ki ti 10 tausenin midorozir gumaziba ko mangi, na bagha izir atrivimin 20 tausenin midorozir gumazibagh afiraghram, o puvatigham?’³² A misoghan iburaghiva, egh atrivim saghuiamra ikitima, an abuir gumaziba mangi suam, midorozim marki.³³ Ezi kamaghira, ian tina bizir a itiba bar moghira a da ateghan koghiva, egh nan suren gumazim o amizimin otoghan kogham.”

*Amangsizir kuramin akar isin zuim
(Matyu 5:13; Mak 9:50)*

- 14:24:** Mt 21:43; 22:8, Ap 13:46 **14:24:** Matyu 21:43; 22:8; Aposel 13:46 **14:26:** Lo 33:9; Mt 10:37, Lu 18:29; Jo 12:25, MAA 12:11 **14:26:** Godin Araziba 33:9; Matyu 10:37; Luk 18:29; Jon 12:25; Akar Mogomem 12:11 **14:27:** Mt 10:38; 16:24; Mk 8:34; Lu 9:23; 2 Ti 3:12 **14:27:** Matyu 10:38; 16:24; Mak 8:34; Luk 9:23; 2 Timoti 3:12 * **14:27:** Ni akar Matyu 10:38in itimian gan. **14:33:** Fl 3:7-8 **14:33:** Filipai 3:7-8 **14:34:** Mt 5:12, Mk 9:50 **14:34:** Matyu 5:13; Mak 9:50 **15:1:** Luk 5:29-30 **15:2:** Ap 11:3; Ga 2:12 **15:2:** Aposel 11:3; Galesia 2:12 **15:4:** Ese 34:11, 34:16; Mt 18:12, Lu 19:10 **15:4:** Esekiel 34:11; 34:16; Matyu 18:12; Luk 19:10 **15:5-6:** 1 Pita 2:10; 2:25
- 15:7:** Lu 5:32 **15:7:** Luk 5:32

³⁴ Egha Jesus ua kamaghin migei, “Amangsizim a dera, egh a uan isingtizim ateghti, ia manmaghinh a damighti a ua singigham?”³⁵ An obarir nguazim ko bulmakaubar buariba uaghan dar akuraghan kogham. Kamaghin amizi, me a makuni. Tina kuarimning iti, an oragh.”

15

*Sipsipin ovengezimin akar isin zuim
(Matyu 18:12-14)*

¹ Ezi arazir kurabagh amir gumaziba ko dagiaba isir gumaziba, me Jesus baraghosa anekuvagha iti. ² Ezi Farisiba ko Judan Arazibagh fofozir gumaziba an atara a migia ghaze, “Gumazir kam gumazir arazir kurabagh amiba ko migia me koma api.”

³ Ezi Jesus akar isin zuir kamin me migei, ⁴ “Ian tav 100pla sipsipba ikiti tam oveghtima, a 99pla ateghti da puram azenan iki damiti, eghit a mangi ovengezim buri mangi, an apighira givagham, o? ⁵⁻⁶ Egh an an apighira bar akuegh a isi uan dipizim datigh a gisaghpuhg ngun mangam. Egh a uan namakaba ko an boroghin itir darazir diagh me akuvagh, egh kamaghin mikimam, ‘Ki uan sipsipin ovengezim uam an api! Ia izi. E a givarvaram.’ ⁷ Ki ia migei, kamaghira enselba gumazir kuram bagha agoir agorogem bar 99plan derazir gumazamizir kabagh afiraghram. Gumazir kuram a navim gira. Ezi 99pla gumazamiziba me ghaze me dera egha navibagh irazir puvati.”

Dagiar ovengezimin akar isin zuim

⁸ Egha Jesus ua kamaghin migei, “Amizitam 10pla wan kina ikiti, tam oveghtima, a manmaghinh damuam? A lam daborogh, egh dipenim aviva a buri mangi, an apighira givagham.”⁹ Egh an apigh, uan namakaba ko an boroghin itir darazir diagh me akuvagh kamaghin me mikimam, ‘Ki uan ovengezir wan kina batogha gifa. Ia na ko e a givarvaram.’

¹⁰ Egha Jesus ua kamaghin migei, “Ki ia migei, gumazir arazir kurabagh amitam navim giraghti, ia nguaziminh a givarvara akongezi moghin Godin enselba Godin Nguibamin a givarvaram.”

Afeziar otarir pumuning itimin akar isin zuim

¹¹ Egha Jesus ua kamaghin migei, “Gumazir mam otarir pumuning iti.”¹² Ezi

dozim kamaghin uan afeziām migia a gaghora ghaze, 'Afeziām, ni ga bagh biziba tuiragh nananaba na daningigh.' Ezi aningin afeziām uan biziba aning bagha da tuira.

¹³ "Ezi dughiar otevimin gin, otarir dozim uan biziba akuvagha da inigha saghon itir nguibar mamin ghu. Egha nguibar kamin ikiava pura tintinimin arazir kurabagh amima, an dagiaba bar gifia. ¹⁴ Ezi an dagiaba bar givazima, nguibar a itir kam dagheba puvatizir dughiam oto. Ezi a ua biziāt itir puvati. ¹⁵ Kamaghin amizi, a ghua nguibar kamin itir gumazir mamin ingarasa a bato. Ezi a anemadazi a ghua an dabar gara dar akuaghapi. ¹⁶ Ezi gumazitam daghetam a ganingizir puvati. Kamaghin amizi, a dabar gari da nguezibar miseviba api. Ezi a uaghan tabar amasa bar ifonge.

¹⁷ "Ezi datirighin nighnizir aghuarim an izima, a kamaghin migei, 'Nan afeziāmin ingangarir gumazamiziba dagher aviriba iti. Ezi ki kagh iki mitiriam bangin aremegham. ¹⁸ Ki ti uamategh uan afeziām bagh mangi kamaghin a mikimam, 'Afeziām, ki arazir kuramīn God ko ni gami. ¹⁹ Ki datirighin gumazir aghuim puvati. Eghti ni borim na darighan marki. Ni na ategħi ki pura nien ingangarir gumazim min ikiam.' ²⁰ Egha a dikavigha uan afeziām bagha zui.

"A sagħon izavira itima, an afeziām an apigha bar an apangku. Egha an a bagħa i'vegħha ghua uan dafarimningin a muigha an tori.

²¹ "Ezi an otarim kamaghin a migei, 'Ki arazir kuram God ko ni gami. Ki ua gumazir aghuim puvati, ni borim na darighan marki.'

²² "Ezi an afeziām kamaghin uan ingangarir gumazibav gei, 'La zuamira! Korotiar bar aghuir ruarim inigh iziva a darugh. Egh ring an dafarim darugh, dagarir asuaba a dagħiġi! ²³⁻²⁴ Nan borim aremegħa ua angamira iti. An ovvengeżi e uam an api. Kamaghin amizi, ia mangi bulmakaun nguzir mikarzim sara itim a inigh iziva a misuegħ e anemiva a givarvar. Egha me a givarvara isam gami.

²⁵ "Ezi dughiar kamin otarir ekiam azeni-bar ikegħa iżi. A dipenimin borogħin iza orazi, me ongava ighiham gizi. ²⁶ Ezi a uan afeziām ingangarir gumazir mamin di-agħha an azara, 'Marazi tizim gami?'

²⁷ "Ezi a an akam ikaraghha ghaze, 'Nan dozim uamategħha ize. An aremezir puvatigħha deravira ikia uamateng. Kam-

aghin amizi, nin afeziām a bagħha bulmakaun nguzir mikarzim sara itim misoke.'

²⁸ "Ezi an otarir ekiam atara dipenimin aven mangan aghħua. Ezi an afeziām azenan ghua aven mangasa a gakaghorravira iti.

²⁹ Ezi a kamaghin uan afeziāmin akam ikaraghha ghaze, 'Ni gan! Ki azenir kabar ki pura ingangarir gumazir kinimin min ikia pura nin ingara, nin akaba batozir puvati. Ezi ni bar dughiatamin ki uan namakaba ko iki bar akueghha ni memen nguzitam na ganingizir puvati. ³⁰ Ezi nin otarir kam arazir kurabagh amua amiziba ko iki uan dagiaba agivagħha izezi, ni bulmakaun nguzir mikarzim sara itim a bagħha a misoke!'

³¹ "Ezi afeziām kamaghin a migei, 'Nan otarim, ni zurara na ko iti. Ezi nan biziba da nin biziba. ³² Nin dozim aremegħa ua dikafi. Egha an ovvengeżi e uam an api. Kamaghin amizi, e a bagħi isam gamua ivarvar.'

16

Gumazir fofozir aghuim ikiava nighnizir aghħaribagh amim min akar isin zuim

¹ Egha Jesus kamaghin uan suren gumazibav gei, "Dughiar mamin dagiaba bar avirasemexir gumazir mam, an ingangarir gumazibar dapanim iti. Ezi an ingangarir gumazibar a migia ghaze, 'Nin gumazir dapanim nin dagiaba pura da makuri.' ² Ezi an diazi an aven ghuzima an an azangħi, 'Ni bizir tizim gami ki ni baraki? Ni uan ingangarimin aven ni amizir bizibar gun migeir akina farim na daningigh. Ezi bizir kam bagħi ni ua gumazir dapanim min ikian kogħam.'

³ "Ezi gumazibar dapanim uabira uabi migei, 'Nan gumazir ekiam, nan ingangarimin na givazima, ki manmagħin damuam? Egha ki nguazim gikuamin gav-għażiex, biziba bagħi azangsighan aghumsiki. ⁴ Ezi ki fo, ki manmagħin damuam, nan gumazir ekiam ingangarimin na givagħtima, gumazamiziba na mikimtiha ki men dipenibar mangam.'

⁵ "A fo, gumazamiziba maba pura gumazir ekiamin biziba ini, me tighar an biziba ua da ikarvagħam. Ezi a gumazamizir kaba vagħvagħha men deima me aven zui. Ezi a faragħa zuimin azara, 'Ni manmagħin nan gumazir ekiam da biziba ini?' ⁶ Ezi a kamaghin migia ghaze, 'Ki 800pla dram wel ini.' Ezi gumazir dapanim kamaghin a migia ghaze, 'Ni uan akina farim inigh zuamira daperagh 400 osirigh.' ⁷ Egha a ua mavin azara, 'Ni manmagħin nan gumazir ekiam

da biziba ini?" Ezi a ghaze, '100 bek plaua.' Ezi a kamaghin a migei, 'Ni uan akinafarim inighiva 80 osirigh.'

⁸ "Nguazir kamin gumazamiziba me amir ingangariba me bar dagh fo. Egha angazangarimin itir gumazamiziba bar me gafira. Ezi kamaghin gumazir ekiam gu-mazir dapanim amizir arazim gifogha, gu-mazir dapanir kurar kamin ziam fe. A gu-mazir nighnizir aghuim itimin arazim gami.

⁹ "Ki ia migei, ia nguazir kamin dagiar kuram, gumazamizibar akurvagh me ko namakabar amu. Eghti dughiar da givamim otoghi, God ni inighti ni mangi iki mam-aghira ikiamin nguibamin mangam.

¹⁰ "Egh tina bizir doziba deraghavira dar gari, a uaghan bizir ekiaba deraghavira dar ganam. Egha tina deraghavira bizir dozibar garir puvati, a uaghan bizir ekiaba deraghavira dar ganan kogham. ¹¹ Egh ia nguazir kamin dagiar kuram deragh an ganan koghtima, tina guizbangin biziba ia daningti ia dar ganam? ¹² Egh ia gumazir igharazimin biziba deraghavira dar ganan koghtima, tina ian biziba ia daningam?

¹³ "Ingangarir gumazitam o amizitam, gumazir ekiar pumuning bagh ingaran kogham. A tavin aghuagh, tav gifuegham. O, a tav baghvira iki, tav akirim a gasaraghram. La God ko dagiaba bagh uaghara ingaran kogham."

*Farisin dagiaba bagha bar ifongeziba
(Matyu 5:31-32; 19:9; Mak 10:11-12)*

¹⁴ Farisin dagiaba bagha bar ikuviziba bizir kaba baregha Iesusin garav minbabu sighsiravira iti. ¹⁵ Ezi a kamaghin me migei, "Ia gumazamizibar damazibar bizibagh amua ghaze ia dera. Ezi God ian nighnizibagh fo. Ezi bizir gumazamiziba gari men damazibar bar deraziba, da Godin damazimin bar ikufi."

¹⁶ Egha Jesus ua kamaghin migei, "Moses Osirizir Araziba ko Godin akam inigha izir gumazibra akam akura mamaghira iki, ghua Jonin dughiamin tu. Ezi dughiar kamin, Jon God Bizibagh Ativamin Dughiamin Akar Aghuim akuri. Ezi gumazamiziba bar moghira dughiar kamin aven mangasa uari ghasagħasagħha uari munakuri. ¹⁷ Nguazim ko overiam givagħam. Eghti God Osirizir Arazibar akar otevitam, misevghir ħiġi kogħam.

16:8: Jo 12:36, Ef 5:8, 1 Te 5:5 **16:8:** Jon 12:36; Efesus 5:8; 1 Tesalonika 5:5 **16:9:** Dan 4:27, Mt 6:19-20, Lu 14:14, 1 Ti 6:17-19 **16:9:** Daniel 4:27; Matyu 6:19-20; Luk 14:14; 1 Timoti 6:17-19 **16:10:** Mt 25:21, Lu 19:17-26 **16:10:** Matyu 25:21; Luk 19:17-26 **16:13:** Mt 6:24 **16:13:** Matyu 6:24 **16:14:** Mt 23:14 **16:15:** 1 Sml 16:7, Sng 7:9, Snd 6:16-17, Mt 23:28, Lu 10:29, 18:9-14 **16:15:** 1 Samuel 16:7; Onger Akaba 7:9; Aghuzir Akaba 6:16-17; Matyu 23:28; Luk 10:29; 18:9-14 **16:16:** Mt 4:17, 11:12-13, Lu 7:29 **16:16:** Matyu 4:17; 11:12-13; Luk 7:29 **16:17:** Sng 10:26-27, Ais 40:8, Mt 5:18, 1 Pi 1:25 **16:17:** Onger Akaba 10:26-27; Aisaia 40:8; Matyu 5:18; 1 Pita 1:25 **16:18:** Matyu 5:32, Mk 10:11, 1 Ko 7:10-11 **16:18:** Matyu 5:32; Mak 10:11; 1 Korin 7:10-11 **16:20:** Matyu 15:27 **16:24:** Ais 66:24, Sek 14:12, Mk 9:44 **16:24:** Aisaia 66:24; Sekaraia 14:12; Mak 9:43 **16:25:** Jop 21:13, Lu 6:24 **16:25:** Jop 21:13; Luk 6:24

Iesus porogħamiba uari ataghħirazir arazim migei

(Matyu 5:31-32; 19:9; Mak 10:11-12)

¹⁸ "Ezi ni gumazir manam uan amuim ategħa amizir igharazimin iki mati, ni amizir munamin mikarzim okeme. Ezi ni gumazir manam ni amizir me ikegħa tagħiżim iti, ni uaghan amizim minikarzim okeme."

Gumazir dagiaba avirasemezim ko Lasarus

¹⁹ Iesus ua kamaghin migei, "Dugħiar mamin, gumazir dagiaba avirasemezir mam iti. Egha a korotiar bar aghuir agħevim arugħa dagher aghuiba ikia zurax isabagh amua da apa mamaghira iti. ²⁰ Ezi an tiar akamin, gumazir puv biziba bagħha azangsizir mam, duuba bar a givizavista a iriġħav iti, an ziam Lasarus. ²¹ Egha a gumazir dagiaba avirasemezir kamin dagħer otevir dakozim apengen suaghiriba, a dar amasa gara iti. Ezi afiaba uaghan izava an duuba ozisi.

²² "Ezi gumazir puv biziba bagħha azangsizim aremegħamin dughiem otozima, an areme. Ezi enselba a inigha ghua Abrahamin min aneti. Ezi gumazir dagiaba avirasemezir uaghan aremezi me anefa. ²³ Ezi a Gumazamizir Oveaghuezibar Nguibamin ikia mizazir kuram isi. Egha a kogħa pin garava Abrahamin garima, a bar saħġon itima Lasarus an min iti. ²⁴ Egha an Abrahamin dei, 'Afeziam Abraham, nan apangku figh. Ki mizazim isava avimini iti. Ezi ni bizir kam bagħħ Lasarus amadagħtima, a uan dafarir puzid dipam darugh nan mizem orangiġ."

²⁵ "Ezi Abraham an dimdiām ikaragħha ghaze, 'Otarim, ni bizir kam uam a ginirigh, ni angamira itir dughiem min, ni bizir aghuiba iti. Ezi Lasarus bizir kuraba iti. Ezi a datirighin kagh deraghavira itima ni mizazir kuram isi. ²⁶ Ezi ua bizir mam, ga no en tizimmin, ruzir konim e abiki. Ezi te kagh ikegħi ni bagħħ mangi iburagħam, o tina mangi ikegħi kagh iżi iburagħam.'

²⁷⁻²⁸ "Ezi dagiaba avirasemezir gumazim Abrahamin akam pamtemin a ikaragħha ghaze, 'Ki aveghħbuar 5pla iti. Kamaghin amizi, Afeziam, ki pamtemin nin azangħi, Lasarus amadagħtima a nan afeziamin dipenimin mangi. Egh me mikemegħti, me

ki itir nguibar mizaziba isir kamin izan marki.'

²⁹ "Ezi Abraham an akam ikaraghaghaze, 'Moses ko Godin akam inigha izir gumazibar osiziriba iti. Egheti me men akaba baragh.'

³⁰ "Ezi a kamaghin Abraham migei, 'Puvati, Afeziam. Gumazir ovezgezitam ua dikavigh me bagh mangitima, me navibagh iragham.'

³¹ "Ezi Abraham kamaghin a migei, 'Me Moses ko Godin akam inigha izir gumazibar akaba baraghan koghtima, tav aremegh ua dikavigh izi me mikintima, me uaghan nighnizir gavgavim an akabar ikian kogham.'

17

Arazir kuraba, nighnizir gavgavim gasighasisi

(Matyu 18:6-7; 18:21-22; Mak 9:42)

¹ Jesus kamaghin uan suren gumazibav gei, "Gumazir nguazimin ikiava igharaz darazigh amima me arazir kurabagh amiba, mevzik! Me kuram iniam! Arazir kuraba guizbangira otifi, ezi arazir kurabagh amima da otivir gumazim, ki ghaze, Noka! Ni kuram iniam! ² A ikiva borir katam arazir kuratam an akaghram, kamaghin ia a inighiva dagiam an firim ikeghiva a isi ongarim mikinighthi, an aremeghti deraghram. ³ Kamaghin amizi ia deravira uari bagh gan.

"Egh nin aveghbuam arazir kuratam damighthima, ni pamtem a mikim suam, ni da atakigh. Egh a navim giraghtima, ni an arazir kuraba gin amada. ⁴ Egh a 7plan dughiabar arazir kurabar ni damighiva, egh a 7plan dughiabar uamategh ni bagh izi kamaghin mikimam, 'Ki navim gira,' egheti ni an arazir kuraba gin amadagh."

Iesus nighnizir gavgavim arazim migei

⁵ Ezi aposelba kamaghin Iesus migei, "Ni en nighnizir gavgavim damighthi an ekefegh!"

⁶ Ezi a kamaghin me migei, "Ian nighnizir gavgavim suvigh zuravarim mastetin ovizitamin min ikitima, ia temer kam mikim

suam, 'Ni ubabi asigh egh biba sara mangiva ongarimin ubabi ekaragh,' egheti a ian akam baragh."

Iesus ingangarir gumazimin arazim migei

⁷ Egha Jesus ua kamaghin migei, "Ian tav ingangarir gumazitam an azenimin ingari o sipsipbar gari. Ingangarir gumazim azeni-bar ikegh izitima, egheti a suam, ni izi daperagh dami? Puvati. Ia kamaghin migeir puvati. ⁸ Gumazir dapanim kamaghin mikimam, ni na bagh dagheba isamigh uan inim kegh da tuigh faragh na danighti ki dar amam, egheti ni gin dami. ⁹ A ingangarir gumazim amizir bizir kaba bagha a minabagham, o puvatigham? Puvati. ¹⁰ Ezi ia uaghan God damuasa ia mikemezir biziba ia bar dagh ami, egh a suam, E pura ingangarir gumazir kuraba, ingangarir Ekiam e ganingiziba e pura dagh ami."

Iesus 10plan gumazir lepa itiba akirizi meua dera

¹¹ Jesus Jerusalemin ghuava, Samaria ko Galilin Distrighin tizimin zui. ¹² Egha a nguibar mamin aven zuima, 10pla lepa itir gumaziba a bato. Me mong saghon tuivighav ikia, ¹³ tiarim akara an dei, "Iesus, Gumazir Ekiam, en apangkufigh."

¹⁴ Ezi a men apigha kamaghin me migei, "Ia mangiva, uari isiva Godin ofa gamir gumazibar akagh." Ezi me me bagha ghua tuavir arizimin men mikarziba zuegha dera.

¹⁵ Ezi men mav, uabin garima an arimariam givazima a uamategha izava pamtemin Godin dia egha an ziam fe. ¹⁶ Egha Iesusin suemningin boroghin nguazim girigha fuagh, Iesus a gamizir bizim bagha a minaba. A Samarian gumazimra.

¹⁷ Ezi Iesus kamaghin azara, "Ezi ki ti 10plan gumazir kaba akiris, o puvati? Ezi 9pla managh iti?" ¹⁸ Ezi Judan gumazitam ua iza, Godin ziam fe, o puvati? Gumazir saghuiamin izezim uabira izava Godin ziam fe."

¹⁹ Egha Iesus kamaghin a migei, "Ni dikavigh mangi. Nin nighnizir gavgavim ni gamizi, ni dera."

16:29: Ais 8:20; Jo 5:39; 5:45, Ap 15:21 **16:29:** Aisaia 8:20; Jon 5:39; 5:45; Apostel 15:21 **16:31:** Jo 11:44-48, 12:10-11 **16:31:** Jon 11:44-48; 12:10-11 **17:1:** Mt 18:6-7, Mk 9:42, 1 Ko 11:19 **17:1:** Matyu 18:6-7; Mak 9:42 **17:3:** Wkp 19:17, Snd 17:10, Mt 18:15, Je 5:19 **17:3:** Ofa Gami 19:17; Aghuzir Akaba 17:10; Matyu 18:15; Jems 5:19 **17:5:** Mk 9:24 **17:5:** Mak 9:24 **17:6:** Mt 17:20, 21:21, Mk 9:23, 11:23 **17:6:** Matyu 17:20; 21:21; Mak 9:23; 11:23

* **17:6:** Mastetin ovizim, a bar sufi. **17:8:** Lu 12:37 **17:8:** Luk 12:37 **17:10:** Mt 25:30, Ro 3:12, 1 Ko 9:16-17, Fm 11 **17:10:** Matyu 25:30; Rom 3:12; 1 Korin 9:16-17; Filemon 1:11 **17:11:** Lu 9:51-52, 13:22, Jo 4:4 **17:11:** Luk 9:51-52; 13:22; Jon 4:4 **17:12:** Wkp 13:46 **17:12:** Ofa Gami 13:46 **17:12:** Lepan arimariar fomira Baibelin dughiamin ikezem ighara. Ezi datirighin itir lepan arimariam a igharaghav ami. Fomira ikezem, pura mikarzir ghurghurim gumazir namnabar otifi. Egha uaghan bizir igharaghiba sara pos. **17:13:** Wkp 13:45-46 **17:13:** Ofa Gami 13:45-46; 14:1-32, Matyu 8:4; Luk 5:14 **17:14:** Ofa Gami 13:2; 14:1-32; Matyu 8:4; Luk 5:14 **17:19:** Mt 9:22, Mk 5:34, Lu 7:50 **17:19:** Matyu 9:22; Mak 5:34; Luk 7:50 **17:20:** Jo 3:3, 18:36 **17:20:** Jon 3:3; 18:36

*God Bizibagh Ativamin Dughiam izam
(Matyu 24:23-28; 24:37-41)*

20 Dughiar mamin Farisin gumaziba Iesusin azara, “God Bizibagh Ativamin Dughiam manadizoghin izam?”

Ezi Jesus men akam ikaragha ghaze, “Ia oragh, God Bizibagh Ativamin Dughiam arazaraziba ia uan damazibar dar ganighan kogham.” **21** Eghiti gumazitam kamaghin mikiman kogham, ‘A kara,’ o ‘A muna.’ Ezi God Bizibagh Ativamin Dughiam, a ian navir averiamin aven iti.”[‡]

22 Egha Jesus uan suren gumazibav gei, “Dughiam izitima, ia Gumazamizibar Otarim izamin dughiam bagh gansi damuva avegham.” **23-24** Gumazamizibra ia mikimam, ‘Ara muna!’ o ‘Ara kara?’ Ezi ia fo, Gumazamizibar Otarim izamin dughiam an onimarin min tagthagham. Eughtima an angazangarim bar overiamin ruaghatevimiring uagharam aningin tagham. Eghiti ia ivemar men akaba gin mangan marki. **25** A faragh bizar aviriba bagh mizazim inigham. Eghiti datirighin dughiar kamin itir gumazamiziba an aghuaghgam.

26 “Ezi bizar Noan dughiamin otiviziba, da uaghan Gumazamizibar Otarim izamin dughiamin otivam. **27** Gumazamizibra dagheba ko dipaba apava, uarir ikiava mamaghira ikiya ghua, Noa uan kurimin ghuvanabozir dughiamin, aperiam iza bar me kuavareme.

28 “Ezi Lotin dughiamin kamaghira, gumazamiziba dagheba ko dipaba apava, dagiaba bagha biziba amagava, dagh iveauzava, dagheba oparava dipenibar ingari. **29** Ezi Lot Sodom ataghizir dughiamin, avim ko dagiar isiba amozimin min overiamin ikegha sua izaghira bar moghira me kuavareme.

30 “Gumazamizibar Otarim azenara izighiramin dughiamin, biziba uaghan kamaghiram otivam. **31** Eghiti dughiar kamin ni tina uan dipenimin pin itir avughsazir danganimin ikeghiva, egha un biziba ataghizi da aven iti, ni da bagh

magiri da inian marki. Kamaghira, tina azenibar iti, a bizitam bagh nguibamin mangan marki. **32** Ni Lotin amuim ginighigh! **33** Gumazamizir manam na bagh uan ikirimirim ateghiva, uan ikirimirim iniam. **34** Ki ia migel, dimagarir kamin taning uaning inigh misiar vamira dakuti, God tav inighiva tav ategham. **35-36** Eghiti amizir pumuning uaning inigh maziaba righirightima, God tav inighiva tav ategham.”[§]

37 Ezi me an azara, “Ekiam managhira?”

Ezi a men akam ikaragha ghaze, “Gumazir kuuba managh iti naghin, taragiaba uari akuvaghram.”

18

Zurara God ko miegeir arazimin akar isin zuim

1 Egha Jesus akar isin zuir mamin uan suren gumazibav gei, egh men akaghti, me zurara God ko mikim mamaghira ikiam. Egh amirvaghan kogham. **2** Egha a kamaghira me migei, “Nguibar ekiar mamin aven jasin mam iti, a Godin atiatir puvati. Egha gumazamizibagh nighnizir puvati. **3** Ezi amuir odiarir mam uaghan nguibar ekiar kamin iti. Ezi gumazir mam pazava a gamua osimtziba a garisi. Ezi a jas bagha zurara izava a migei, ‘Ni kotiamin nan akuragh.’

4 “Ezi dughiar avirir maba a bizitam gamizir puvati. Egha abuan a ubira uabi migei, ‘Ki Godin atiatir puvati. Egha ki gumazamizibagh nighnizir puvati. **5** Ezi amuir odiarir kam dughiar aviribar na bagha izi. Ki bar amira. Kamaghira amizi, ki ua bagh zuamira an osimtzizim akirghan, eghiti a ua izi na damutima ki bar amiraghan kogham!”

6 Egha Jesus ua migia ghaze, “Ia jasin kuramin migirigiam baragh. **7** God inabazir gumazamiziba, me dimagariba ko aruebar a bagha araima, a men osimtziba bagh izi da akiram, o puvatigham? A me ataghiraghti me pura mangam? Bar puvati. **8** Ki ia migei, a men osimtzibar

17:21: Mk 13:21, Lu 17:23, Ro 14:17 **17:21:** Mak 13:21; Luk 17:23; Rom 14:17 **‡ 17:21:** Gumazir maba kamaghira akar otevir kam giraghha ghaze, “Ia oragh. God Bizibagh Ativamin Dughiam, ian aven iti.” **17:22:** Mt 9:15, Jo 17:12

17:22: Jon 17:12 **17:23-24:** Matyu 24:23-27; Mak 13:21; Luk 17:21; 21:8 **17:25:** Mk 8:31, 9:31, Lu 9:22 **17:25:**

Mak 8:31; 9:31; Luk 9:22 **17:26:** Stt 6:5-8, 7:1-24, Mt 24:37 **17:26:** Genes 6:5-8; 7:1-24; Matyu 24:37 **17:27:** Stt

7:6-24 **17:27:** Genes 7:6-24 **17:28:** Genes 18:20-19:25 **17:29:** 2 Te 1:7 **17:30:** 2 Tesalonika 1:7 **17:31:**

Stt 19:17, 19:26, Mt 24:17-18, Mk 13:15-16 **17:31:** Genes 19:17; 19:26; Matyu 24:17-18; Mak 13:15-16 **17:32:** Stt

19:26 **17:32:** Genes 19:26 **17:33:** Mt 10:39, 16:25, Mk 8:35, Lu 9:24, Jo 12:25 **17:33:** Matyu 10:39; 16:25; Mak

8:35; Luk 9:24; Jon 12:25 **17:34:** Mt 24:40-41; 1 Tesalonika 4:17 **§ 17:35-36:**

Baibelin fofozir gumazir maba ghaze akar otevir mam uaghan kagh iti. Akar otevir kam kamakin, “Gumazir pumuning azenimin ikiti, God anining tav inigh egha tav ategham.” Ni deragh foghsil, Matyu 24:40in gan. **17:37:** Jop 39:30, Mt

24:28 **17:37:** Jop 39:30; Matyu 24:28 **18:1:** Ro 12:12, Ef 6:18, Kl 4:2, 1 Te 5:17 **18:1:** Rom 12:12; Efesus 6:18;

Kolosi 4:2; 1 Tesalonika 5:17 **18:5:** Lu 11:7-8 **18:5:** Luk 11:7-8 **18:7:** MAA 6:10 **18:7:** Akar Mogomem

6:10 **18:8:** Hi 10:37, 2 Pi 3:8-9 **18:8:** Hibru 10:37; 2 Pita 3:8-9

ganiva, zuamira men akuraghram. Kamaghin amizima, Gumazamizibar Otarim uamateghamin dughiamin, a ganti, nguazimin itir gumazamiziba nighnizir gavgavim an ikiam, o puvatigham?"

Gumazir pumuning God ko migeir akar isin zuim

⁹ Gumazamizir mabara uarira uan ziaba fa, egha igharaz daraziv gia ghaze, me derazir puvati. Ezi Iesus kamaghin amir gumazamiziba bagha akar isin zuir kam gami, ¹⁰ "Gumazir pumuning God ko mikimasa Godin Dipenimin ghu, aningen mav Farisi, ezi mav dagiaba isir gumazim. ¹¹ Ezi Farisin gumazim tuga ua bagha kamaghin God migei, 'Ki ni minaba, ki gumazir mabar min amir puvati. Me biziba okiava, arazir kurabaghamuua egha amizir paba itiba okia me koma akui. Egha ki uaghan dagiaba isir gumazir kamin min amir puvati. ¹² Ki wighin vamiran dughiar pumuningin ni ko mikimasa dagheba ataghirasi. Egha bizir ki isiba, ki 10plan pozibar da arigha, dar pozir vamira uaghan ni ganidi.' ¹³ Ezi dagiaba isir gumazim mong munamaghin tu. Egha a kogha overiamini gari puvatigha uan evarim misogha kamaghin migei, 'Ki gumazir kuram, God ni nan apangkufiagh!' ¹⁴ Kamaghin amizi ki guizbangira ia migei, gumazir dagiaba isir kam, a Godin damazimin dera, egha dipenimin ghu. Ezi igharazim puvati. Gumazamizir uan ziaba feba, God me abinam. Eighti gumazamizir uari abiriba, God me feghti me ziar ekiaba iniam."

*Iesus ghaze, borir doziba na bagh izi
(Matyu 19:13-15; Mak 10:13-16)*

¹⁵ Ezi Iesus dafarimning borir dozibar arighasa, gumazamiziba me inigha izi. Ezi an suren gumaziba kamaghin ganigha men atara men anogorosi. ¹⁶ Ezi Iesus borir dozibar diazi me a bagha zuima, a kamaghin me migei, "Tina God Bizibagh Ativamin Dughiamin aven ikisi, a borir dozir kabar min iki. Kamaghin amizi, ia borir doziba attegti me na bagh izi, egh men anogoroghan marki. ¹⁷ Ki guizbangira ia migei, gumazitam borir dozir kabar

min God Bizibagh Ativamin Dughiamin inighan koghiva, egh an aven mangan bar iburaghram."

Gumazir dapanir biziba avirasemezem, Iesus ko migei

(Matyu 19:16-30; Mak 10:17-31)

¹⁸ Ezi Judabar gumazir dapanir mam Iesusin azara, "Tisan Aghuim, ki manmaghin damigh zurara itir ikirimirir aghuarim iniam?"

¹⁹ Ezi Iesus an akam ikaragha ghaze, "Ni manmaghsua gumazir aghuim na garisi? Gumazir aghuitam itir puvati. God uabira gumazir aghuim. ²⁰ Ni God Moses ganingizir arazim gifio, 'Ni gumazim misueghti an aremeghan marki, ni poroghamiba uari bakeir arazim damuam marki, ni gumazamizir igharazimin biziba okiman marki, ni bizibagh ifaran marki, ni ua bagh biziba inisi gumazamizibagh ifaran marki, ni uan afeziam ko amebamin apengen iki aningen akaba baragh.'

²¹ Ezi a kamaghin Iesus migei, "Ki fomiram aghirimra ikia, arazir kabagh amua iza datirighin ikia kat."

²² Ezi Iesus kamaghin oregha a ikaragha ghaze, "Ni bizir vamira ni tighar a damuam. Bizir ni itiba bar, ni da amangighiva dagiabi inigh, egh gumazamizir biziba puvatizibar aningigh. Egh ni Godin Nguibamin bizir aghuariba iniam. Egh nan gin izi." ²³ Gumazir kam, biziba bar aviriba iti, kamaghin amizima, a Iesusin akam baregha bar oseme.

²⁴ Ezi Iesus an gara egha a migia ghaze, "Gumazamizir bizir bar aviriba itiba, me God Bizibagh Ativamin Dughiamin mangisi bar iburaghram! ²⁵ Kamelin tam iniba isair dikonir torimin aven mangisi ingangarir dafam damigh aven mangam. Eighti gumazamizir biziba avirasemeziba, me God Bizibagh Ativamin Dughiamin mangisi guizbangira bar iburaghram!"

²⁶ Ezi marazi kamaghin oregha an azara, "Kamaghin damichtima, tinara zurara itir ikirimirir aghuir kam iniam?"

²⁷ Ezi Iesus kamaghin me ikaragha ghaze, "Bizir kaba gumazimin bar osemegham.

-
- 18:9:** Lu 10:29, 16:15 **18:9:** Luk 10:29; 16:15 **18:11:** Sng 135:2, Ais 1:15, 58:2, Lu 16:15, MAA 3:17 **18:11:** Onger Akaba 135:2; Aisaia 1:15; 58:2; Luk 16:15; Akar Mogomem 3:17 **18:12:** Stt 14:20, Ais 58:2-3, Mt 23:23 **18:12:** Jenesis 14:20; Aisaia 58:2-3; Matyu 23:23 **18:13:** Sng 51:1 **18:13:** Onger Akaba 51:1 **18:14:** Jop 22:29, Mt 23:12, Lu 14:11, Je 4:6, 1 Pi 5:5-6 **18:14:** Jop 22:29; Matyu 23:12; Luk 14:11; Jems 4:6; 1 Pita 5:5-6 **18:15:** Mt 19:13, Mk 10:13 **18:15:** Matyu 19:13; Mak 10:13 **18:16:** Mt 19:14, Mk 10:14, 1 Ko 14:20, 1 Pi 2:2 **18:16:** Matyu 19:14; Mak 10:14; 1 Korin 14:20; 1 Pita 2:2 **18:17:** Mt 18:3, Mk 10:15 **18:17:** Matyu 18:3; Mak 10:15 **18:18:** Mt 19:16, Mk 10:17, Lu 10:25 **18:18:** Matyu 19:16; Mak 10:17; Luk 10:25 **18:20:** Kis 20:12-16, Lo 5:16-20, Ro 13:9, Ef 6:2, Kl 3:20 **18:20:** Ua Me Ini 20:12-16; Godin Araziba 5:16-20; Rom 13:9; Efesus 6:2; Kolosi 3:20 **18:22:** Mt 6:19-20, 19:21, 1 Ti 6:19 **18:22:** Matyu 6:19-20; 19:21; 1 Timoti 6:19 **18:24:** Mt 19:23, Mk 10:23, Snd 11:28 **18:24:** Aghuzir Akaba 11:28; Matyu 19:23; Mak 10:23 **18:27:** Jer 32:17, Sek 8:6, Mt 19:26, Mk 14:36 **18:27:** Jeremaija 32:17; Sekaraia 8:6; Matyu 19:26; Mak 14:36 **18:28:** Mt 4:19-20, 19:27, Mk 10:28 **18:28:** Matyu 4:19-20; 19:27; Mak 10:28

Bizir kaba Godin osemezir puvati. A biziba bar dagh ami.”

²⁸ Ezi Pita kamaghin a migei, “Ni ge, e uan biziba bar da ategha, nin gin ize.”

²⁹ Ezi Jesus kamaghin me migei, “Ki guizbangira ia migel, gumazitam God Bizibagh Ativamin Dughiam bagha uan dipenim, o uan amuim, o aveghbuuba, o amebogheziaba, o boriba ataki, ³⁰ egh datirighin itir dughiar kamin, God bizar avirir me faragha inizir bizibagh afiragh me daningam. Egh dughiar gin otivamim me zurara itir ikirimirir aghuarim iniam.”

Dughiar mikezim Jesus ua migia ghaze, an aremegh ua dikavigham

(Matyu 20:17-19; Mak 10:32-34)

³¹ Egha Jesus 12plan suren gumazibar inigha me uarira ikiava, a kamaghin me migei, “Ia oragh! E nguabar ekiam Jerusalemin ghuavanadi. Eghit Godin akam inigha izir gumaziba, Gumazamizibar Otarimin gun mikemezir osizirir biziba bar, guizbangira otogham. ³² Eghit me a isi Kantrin Igharazibar Gumazamizibar dafaribar arigham. Eghit me a dipova a mikimam. Egh aghumsizir arazibar a damuam. Egh a gipariva, a ifozoregh a misueghti an aremegham. ³³ Eghit dughiar mikeyzimin a ua dikavigham.” ³⁴ Ezi an suren gumaziba bizir katam gifozir puvati, a bizar tizim migei. Dar mingariba men monge, ezi me bar fozir puvati.

Jesus gumazir damazir kuram gamizi a gari

(Matyu 20:29-34; Mak 10:46-52)

³⁵ Jesus Jerikon boroghira izima, gumazir damazir kurar mam tuavir miriamin aperaghav ikia biziba bagha azangssi. ³⁶ Egha an orazima gumazamizir avirim iza zuima, a men azara, kar tizim. ³⁷ Ezi me a migia ghaze, “Nasaretin gumazim Jesus iza zui.”

³⁸ Ezi a dia migei, “Jesus, Devitin Otarim, ni nan apangkufigh!” ³⁹ Ezi gumazir faragha zuiba me an atara a migia ghaze, ni nimira iki.

Ezi a bar pamtem dia migei, “Devitin Otarim, ni nan apangkufigh!”

⁴⁰ Ezi Jesus tugha akar gavgavim gumazibav gia ghaze, “Ia gumazir munam inigh na bagh izi.”

Ezi a roghira izima, Jesus an azara, ⁴¹ “Ki tizim ni bagh a damuasa, ni ifonge?”

Ezi an a ikaragha ghaze, “Ekiam, ki ganasa ifonge.”

⁴² Ezi Jesus a migia ghaze, “Ni gan. Nin nighnizir gavgavim nin akurazi ni dera.”

⁴³ Ezi a zuamira gari. Egha Jesusin gin ghua Godin ziam fe. Ezi gumazamiziba an ganigha, uaghan Godin ziam fe.

19

Iesus Sakiusin dipenimin ghu

¹ Jesus Jerikon nguabar ekiam abigha zui.

² Ezi gumazir mam nguabar kamin iti, an ziam Sakius. A dagiaba isir gumazibar gu-

mazir dapanim, a dagiaba bar aviraseme.

³ A Jesusin ganasa, a manmaghira garir guma-

mazim. Sakius bar gumazir otevim, egha gumazamizir avirim tongin iti. Kamaghin amizi a Jesusin garir puvati. ⁴ A fo, Jesus tu-

avir kamra izam. Kamaghin amizi, a ivesha faragha ghua, Jesusin ganasa temer fighin ghuavanabo.

⁵ Ezi Jesus danganir kamin oto. Egha kogha temer kam gisin gara, kamaghin Sakius migei, “Sakius ni zuamira izighiri. Datirighin ki nin dipenimin ikiam.” ⁶ Ezi a zuamira izaghirigha bar akonge. Egha Jesus inigha uan dipenimin zui.

⁷ Ezi gumazamiziba bar an ganigha, ka-

maghin migia ngavamadi, “A ghua gumazir kuramipenimin iti.”

⁸ Me dipenimin ikia, Sakius tugha, kamaghin Ekiam migei, “Ekiam, Ni oragh! Datirighin ki uan biziba bar da tuiraghram. Egh ki taba isi gumazir biziba puvatizibar aningam. Egh ki gumazitam gifaragh an bizitam okemeghiva, ki datirighin uamategh bizir pumuning ko pumuning a danielangam.”

⁹ Ezi Jesus kamaghin a migei, “Gu-

mazir kam a uaghan Abrahamin ovavim. Kamaghin amizi, datirighin God dipenir kamin gumazamizibar bar men akura.

¹⁰ Gumazamizibar Otarim, gumazamizir ovengeziba bagha ruiava men akur-

vaghaha ize.”

Dagiaba inizir ingangarir gumazir

10plan akar isn zuim

(Matyu 25:14-30)

18:29: Lo 33:9, Mt 19:29, Mk 10:29-30 **18:29:** Godin Araziba 33:9; Matyu 19:29; Mak 10:29-30 **18:30:** Mt 19:29, Mk 10:30 **18:30:** Matyu 19:29; Mak 10:30 **18:31:** Sng 22, Ais 53, Mt 16:21, Mk 10:32, Lu 24:44 **18:31:** Onger Akaba 22:1-31; Aisaia 53:1-12; Matyu 16:21; Mak 10:32; Luk 24:44

18:32: Matyu 27:2; Luk 9:22; 9:44; 23:1; Jon 18:28; Aposel 3:13

Mak 9:32; Luk 9:45; Jon 10:6; 12:16 **18:38:** Mt 15:22 **18:38:** Matyu 15:22

18:32: Mt 27:2, Lu 9:22; 9:44; 23:1, Jo 18:28, Ap 3:13

Luk 7:50; 17:19 **19:7:** Mt 9:11, Lu 5:30, 15:2 **19:7:** Matyu 9:11; Luk 5:30; 15:2

19:8: Ua Me In 22:1; Diboboniba 5:6-7; 1 Samuel 12:3; 2 Samuel 12:6

12:3, 2 Sml 12:6 **19:9:** Luk 13:16; Aposel 16:31; Rom 4:11-13; Galesia 3:7

19:10: Luk 13:16; Aposel 16:31; Rom 4:11-13; Galesia 3:7 **19:10:** Mt 10:6, 18:11, Lu 15:4; Jo 3:17, 1 Ti

1:15 **19:10:** Matyu 10:6; Luk 15:4; Jon 3:17; 1 Timoti 1:15 **19:11:** Mt 25:14-30, Ap 1:6

Aposel 1:6 **19:11:** Matyu 25:14-30;

¹¹ Gumazamiziba ikia Iesus barazima, a migei. A Jerusalemin boroghin itima, me ghaze, datirighira God Bizibagh Ativamin Dughiam otogham. Kamaghin amizi, an akar isin zuir mam me migei.¹² A kamaghin me migei, "Gumazir aruar mam nguubar saghuiamin mangasa, egheti me a damighti an atrivimin ikiam. A gin uamategh uan nguubamin izegh men ganam."¹³ A mangasa uan ingangarir gumazir 10plan diagha, 20 kina, 20 kina bar moghira me rome. Egha kamaghin me migei, 'Ta dagiar kaba inighiva uari bagh dagiar ingangaribar amu ikiti, ki uamategham.'

¹⁴ "An apengen itir gumaziba me bar navir kuram an iti. Kamaghin amizi, me akam inigha zuir gumaziba amadazima me nguubar gumazir aruan ghuzimin ghu. Me kamaghin migei, 'Gumazir kam en atrivimin otivan e aghua.'¹⁵ Ezi gumazir igharaziba gumazir aruar kam gamizi an atrivimin otogha, gin uamatenge. A uamategha izegha kamaghin me migei, 'Gumazir ki fomira dagiaba aningiziba, men diagh. Ki foghasa me manmaghlin nan dagiabagh isin dagiaba ini.'

¹⁶ "Ezi gumazir faragha zuim iza kamaghin migei, 'Ekiam, ki nin 20 kinan kamin dagiar ingangarim gamighava, a gisin 200 kina ini.'¹⁷ Ezi atrivim kamaghin a migei, 'Ni nan ingangarir gumazir aghuum, ni ingangarir bar aghuum gami. Ni bar deraghvira bizir muziarim gami, kamaghin ki datirighin bizir ekiam ni danightima, ni nguubar ekiar 10plan ganam.'

¹⁸ "Ezi ingangarir gumazir igharazim iza kamaghin migei, 'Ekiam, ki nin 20 kinan kamin dagiar ingangarim gamigha datirighin a gisin 100 kina ini.'¹⁹ Ezi atrivim a migei, 'Ki ni atichti ni nguubar ekiar 5plan ganam.'

²⁰ "Ezi ingangarir gumazir mikezim iza kamaghin migei, 'Ekiam nin 20 kina ikia kati. Ki inir avizimin a nomkezima, a kati.²¹ Ki ni gifio, ni gumazir apangkuviba puvatizim. Gumazir igharaziba amir biziba, ni pura da isi. Egha dagher me opariziba, ni uaghan pura da isi. Kamaghin amizi ki nin atiati.'

²² "Ezi atrivim kamaghin ingangarir gumazim migei, 'Ni ingangarir gumazir kurram! Nin akamra ki ni tuisigham. Ni kamaghin na ginighnisi, ki ti gumazir apangkuviba puvatizim. Egha ki gumazir igharaziba amir biziba, ki ti pura da isi. Egha

dagher me opariba, ki ti uaghan pura da isi?'²³ Manmaghlin amizi, ni nan dagiaba isa, dagiar dipenim gatizir puvati, egheti ki uamategh iziva da iniva dagiataba dagh isin ua da iniam?"²⁴ Egha a kamaghin an boroghin tuivighav itir gumazibav gei, 'Ta ada 20 kina inighiva gumazir 200 kina itim daningigh.'²⁵ Me kamaghin a migei, 'Ekiam, a 200 kina inigha gifia.'

²⁶ "Ezi a ghaze, 'Ki ia migei! Gumazim o amizim Godin akabagh foghti, God uan akabar fofozir igharaziba ia daningam, egheti a Godin akar aviribagh fogham. Egheti Godin akabagh foghan aghuazir tav, an fofozir muziarim God a dam a inigham.²⁷ Nan apaniba, ki men atrivimin ikian me aghua, ia me inigh kagh iziva, nan damazimin me misueghti me arimighiregh."

²⁸ Iesus akar isin zuim gamigha givagha, uan darorim gamua tuavir Jerusalemin zuimin ghuavanadi.

Jesus Jerusalemin otogha Godin Dipenimin gumaziba ko amizibar sure gami

(Sapta 19:29-21:38)

*Iesus atrivimin min
Jerusalemin aven zui*

(Matyu 21:1-11; Mak 11:1-11; Jon 12:12-19)

²⁹ Iesus Betfage ko Betanin boroghin oto, nguubar kamning Olivin Mighsiam gisin iti. Egha uan suren gumazir pumuning amaga,³⁰ kamaghin aning migei, "Gua nguubar munagh itimin mangi. Gua nguubar kamin mangi gantima donkin igiar mam me a ikezima, a iti. Gumazitam dughiatamin a gaperagha aruizir puvati. Gua an benim firighiva donki inigh kagh izi."³¹ Egheti kamaghin guan azaraghnam, "Gua tizim bagha donkin kam firi?" egheti gua a mikim suam, 'Ekiam ingangarim an iti.'

³² Egha Iesus aning amadazi aning ghua garima, biziba bar moghira Iesus mikemezi moghin iti.³³ Ezi aning donkin benim firira, an ghuaviba aningin azara, "Gua tizim bagha donkin benim firi?"

³⁴ Ezi aning kamaghin me migei, "Ekiam ingangarim an iti."

³⁵ Egha aning donki inigha Iesus bagha izi. Egha aning uan azenan azuir korotiar ruariba donki gisin da ghuani. Egha aning Iesusin akurazima a donki gisin apera.³⁶ A donki gaperagha zuima, gumazamiziba uan korotiar ruariba suava

tuavimin da mighuari.³⁷ A iza danganir tuavir Olivin Mighsiamin ghuaghirimin boroghin izima, an gin aruir darazi, me God amizir mirakelbar ganighava da bagha bar akongegeha pamtem Godin ziam fe.³⁸ Me araghasa kamaghin migei, "Gumazir Ekiamin ziam ko gavgavimin izim, God deragh a damu! Navir amirizim Godin Nguibamin iti. Nguibar bar pin itimin itir Godin ziam fi!"

³⁹ Ez! Farisin marazi gumazamizir kabar tongin ikia, kamaghin Jesus migei, "Tisa, ni uan suren gumazibav kimtima, me nimira iki! Me kamaghin mikiman marki!"

⁴⁰ Ezi a kamaghin me migei, "Ki ia migei, me nimira ikiti dagiaba uari araghhasam!"

Iesus Jerusalem bagha azi

⁴¹ Jesus Jerusalemin boroghira iza,
egha an gara a bagha azi. ⁴² Egha a
kamaghin migei, "Jerusalem, ki kamaghsua,
ni amua datirighin navir amirizimin
bibizagh foghai. Kamaghin amizi, da
datirighin nin modo. ⁴³ Dughiam iziti, nin
apaniba izi nguibam avinizir divazimin
boroghin nguazir pozir ekiabav kiniva ni
ekiarughti, ni arimangighan kogham. ⁴⁴
Ni Jerusalem, me nin borir nin aven itiba
sarama asighasigham. Ni Godin dughiar
nin akuraghsha izezim, ni a gifozir puvati.
Bizir kam bagh me dipenimin ingarizir
dagiatam, ateghti, tam tam gisin ikeghan
kogham."

*Ivezir gumazamiziba ko biziba amadir
gumazamiziba Jesus Godin Dipenimin me
batosi*

(*Matyu* 21:12-17; *Mak* 11:15-19; *Jon* 2:13-22)

⁴⁵ Egha a Godin Dipenim avinizir divazimin aven ghua, biziba amadir gumaziba batosi. ⁴⁶ Egha kamaghin me migei, "Godin Akinafarimin aven, osizirum kamaghin iti, 'Nan Dipenim, God ko migeir Dipenimra. Ezi ia a gamizi, an okimakiar gumazibar mogomer danganimin min oto.'

⁴⁷ A zurara Godin Dipenimin aven men
sure gami. Ezi ofa gamir gumazir ekiaba
ko Judan Arazibagh fozir gumaziba ko gu-
mazir dapaniba, me a misueghti an are-
meghasa. ⁴⁸ Ezi gumazamiziba a baraghasa

bar ifongegha, bar an boroghin iti. Kamaghin amizi, an apaniba a misoghan ibura.

20

Me Iesusin gavgavim bagha an azara
(Matyu 21:23-27; Mak 11:27-33)

¹ Dughiar mamin Iesus Godin Dipenir avizimin aven ikia, gumazamizibar sure gamuava Akar Aghuim akuri. Ezi ofa gamir gumazir ekiaba, ko Judan Arazibagh fozir gumaziba, ko Judabar gumazir aruaba, meiza anekufa. ² Egha me kamaghin a migei, "E mikemegh, ni gavgavir manamin bizir kabagh ami? Tina gavgavir kam niganing?"

³⁻⁴ Ezi Iesus kamaghin men akam ikaraghha ghaze, "Ki uaghan azangsizitama ia damuasa. Ia na mikim, Jonin rurim, a Godin ize o gumazamizibar ize?"

⁵ Ezi me uarira uariv gei, "E suam, 'An rurim Godin ize,' ehti, a kamaghin mikim suam, 'Ta mammaghin amigha ia nighnizir gavgavim Jonin ikian aghua?" ⁶ Egh e suam, 'An rurim gumazamizibar ize,' ehti gumazamiziba dagiabbar e ginivighti, e arigheregham. Me kamaghin fo Jon a Godin akam inigha izir gumazim."

⁷ Egha me Jesus ikaragħha ghaze, “E fozir puvati, Joni n-rurim manmagħin ize.”

⁸ Ezi Iesus kamaghin me migei, “Kamaghira, ki uan gavgavim inizir tuavimin gun ia mikemeghan kogham.”

Wainin azenir gumazibar

akar isin zuim

(Matyu 21:33-46; Mak 12:1-12)

⁹ Egha Jesus migia ghua ua akar isin zuir kamin gumazamizibav gei, "Gumazir mam wainin azenim oparigha, egha azenimin garir gumazir mabar dafarim garigha ghaze, me gin a givezam. Egha a ghua dughiar ruarimin saghon iti. ¹⁰ Egha wainin oviziba kuarir dughiamin, a ingangarir gumazir mam amadagha ghaze, me wainin ovizir taba a daningam. Ezi azenimin garir gumaziba a misuegha anemadazima, a dafarir kinibar uamatenge. ¹¹ Ezi a ingangarir gumazir ighazarim amada, ezi me uaghan a misuegha aghumsizir arazibar a gamigha, anemadaza a dafaribara uamatenge. ¹² Ezi a ua

19:38: Sng 118:26, Lu 2:14, 13:35, Ef 2:14 **19:38:** Onger Akaba 118:26; Luk 2:14; 13:35; Efesus 2:14 **19:40:** Hab
2:11 **19:40:** Habakuk 2:11 **19:41:** Jo 11:35 **19:41:** Jon 11:35 **19:42:** Ais 6:9-10, Mt 13:14, Ro 11:8 **19:42:**
Aisaia 6:9-10; Matyu 13:14; Rom 11:8 **19:43:** Ais 29:3-4, Jer 6:3, 6:6, Lu 21:20 **19:43:** Aisaia 29:3-4; Jeremaija 6:3;
6:6; Luk 21:20 **19:44:** Dan 9:24, Mai 3:12, Mt 24:2, Mk 13:2, Lu 1:68, 21:6 **19:44:** Daniel 9:24; Maika 3:12; Matyu
24:2; Mak 13:2; Luk 1:68; 21:6 **19:45:** Mt 21:12, Mk 11:11, 11:15, Jo 2:14-15 **19:45:** Matyu 21:12; Mak 11:11; 11:15;
Jon 2:14-15 **19:46:** Ais 56:7, Jer 7:11 **19:46:** Aisaia 56:7; Jeremaija 7:11 **19:47:** Lu 21:37, 22:53, Jo 7:19, 8:37,
18:20 **19:47:** Luk 21:37; 22:53; Jon 7:19; 8:37; 18:20 **19:48:** Mt 21:46, Mk 14:1-2, Lu 20:19 **19:48:** Matyu 21:46;
Mak 14:1-2; Luk 20:19 **20:2:** Ap 4:7, 7:27 **20:2:** Aposel 4:7; 7:27 **20:6:** Mt 14:5; 21:26, Lu 7:29 **20:6:** Matyu
14:5; 21:26; Luk 7:29 **20:9:** Ais 5:1 **20:9:** Aisaia 5:1 **20:10:** 2 Sto 36:15-16 **20:10:** 2 Eghaghaniha 36:15-16

mikezim amadazi, me bar puv a misuegha a isa azenim mikini.

¹³ “Ezi wainin azenir ghuavim uabira uabi migei, ‘Ki manmaghin damuam? Ki uan otarir ifongezim amangam. Eghti me ti a baregh deragh a damuam.’ ¹⁴ Ezi wainin azenimin garir gumaziba otarir kamin ganigha, kamaghin uarivgia ghaze, ‘Kar otarir gin azenir kam iniamim. E a misuegħi an aremegħti, e uari bagħ wainin azenir kam iniam.’ ¹⁵ Egha me a isa azenim mikiniha a misoghezima an areme.”

Egha Jesus ua kamaghin gumazamizibav gei, “Wainin azenir ghuavim manmagħira azenimin garir gumazir kabar amuam? ¹⁶ A iziva azenimin garir gumazir kabav soġħi, me arimħighram. Eghti a wainin azenim inih gumazir iħarazibar amigħi.”

Ezi gumazamiziba bizir kam baregha migia ghaze, “Bar puvatigham!”

¹⁷ Ezi Jesus merara gara, egha men azara, “Ezi Godin Akinafarimin migirigiar otevir kam, an mingarim mammakim?

“Kar dipenir akiñ ingangarir gumaziba aghuazim,
a datirgħiñ dipenim aterir guarim gava?”

¹⁸ “Ni tina temer guarir kam gisín iriġħiva dipirigh iriġħam, eghzi a tina gisín iriġħtimha gumazir kam bar misarighiregħam.”

¹⁹ Ezi Judan Arazibagh fozir gumazibba, ko ofa gamir gumazir ekiaba, me bar kaghira Jesusin suighasa tuaviba buri. Me fo, an akar isin zuir kam me gasara, ezi me an suighan gumazamizibar atiati.

*Dagiaba Sisar ganidi
(Matyu 22:15-22; Mak 12:13-17)*

²⁰ Egha me bar deravira a bagħha gara, egha mogħiġi garir gumaziba amadazi, me ifara mati me gużiñ migei. Me kamagħsua, me Jesusin migirigiar otevitamin suiraghiva, eghi a ixi Romi gavmanin gumazir ekiam danigham. ²¹ Ezi mogħiġi garir gumazir kaba an azangħi, “Tisa, e fo ni guizbangira bizibav geir gumazim. Ni Godin Arazibar gumazamizibar sure gamuava guizbangira me migei. Ni tavil nighnizim minn ġin zuir puvati. Akar vamira ni gumazamizir ziaba itiba, ko gumazamizir kinibha uaghara, me migei. ²² Ni e mikim, Judan Araziba manmagħin migei? E dagiaba isiva Atrivim Sisar daningħiha,

arazir kam Godin damazim dera, o puvati?”

²³⁻²⁴ Ezi a men nighnizir ifavaribagh fogħa kamaghin me migei, “Dagħiatam nan akagh. Tinan nedazim ko ziam an iti?”

²⁵ Ezi me kamaghin migei, “Sisarin ziam koma nedazim an iti.”

Ezi a me migei, “Kamaghira, ia Sisarin bizibba isi Sisar daning, egh Godin bizibba isi God daning.” ²⁶ Ezi me gumazamizibar tongin, a mikemexi migirigħiaba bagħha an suighan ibura. Egha me pura an migirigħiabagh nighnigha nimira iti.

*Aremezir gumazamiziba ua dikavigham
(Matyu 22:23-33; Mak 12:18-27)*

²⁷ Sadyusin maba azangsizir mam sara Jesus bagħha ize. (Me kamaghin nighnisi, aremezizba ua dikavan kogħam.) ²⁸ Egha me kamaghin Jesus migei, “Tisa, Moses e bagħha akinafarim osira ghaze, gumazitamni avegħbuam amuimin ikva boriba puvatigh aremegħti, anarira irir avegħbuam an amuir odiarim inkva a bagħi boriba iniam. ²⁹ Ezi 7plan avegħbuuba iti. Egha men mav faragħha amuimin ikia boriba puvatigha areme. ³⁰⁻³¹ Ezi anarira irrim an ikia kamaghira, ezi mikezim kamaghira għu. Kamaghira, 7plan avegħbuabar ariaghiregħha boriba puvati. ³² Ezi amizir kam gin uaghan areme. ³³ Fomira me bar amizir kamin ike. Kamaghin amizi gumazamiziba ua dikavamin dugħiāmin, amizir kam tinan amuimra?”

³⁴ Ezi Jesus men akam ikaragħha ghaze, “Dugħiā kamin itir gumazamiziba, me poroħhamibagh ami. ³⁵ Eghzi ġin gumazamizir God inabaziba, me uaghan dugħiār izammi ko ua dikavamin dugħiāmin, me poroħhamibar amuuan kogħam. ³⁶ God me damiġħtima, me ua dikavigham. Me ua dikavighti e fogħ suam me Godin boribara, egh me enselbar minn ikkiam. Kamaghin amizi me uam arimħighien kogħiha, eghi poroħħamibar amuuan kogħam. ³⁷ Ezi Moses uabi temer avimin eghħagħanimi aven in aka, aremezibha ua dikavam. A kamaghin migei, ‘Ekiam, Ni Abraham ko Aisak ko Jekopin God.’ ³⁸ Kamaghin e fo, God gumazir ariaghirezibar God puvati, a gumazir angamira itibar God. Ezi an damazim minn boriba bar angamira iti.”

³⁹ Ezi Judan Arazibagh fozir gumazir maba kamaghin migei, “Mar migirigiar

20:17: Sng 118:22, Mt 21:42

20:17: Onger Akaba 118:22; Matyu 21:42

20:18: Ais 8:14-15, Dan 2:34-35, Mt 21:44

20:18: Aisaia 8:14-15; Daniel 2:34-35; Matyu 21:44

20:19: Mt 21:46, Mk 14:1-2, Lu 19:47-48

20:19: Matyu 21:46;

Mak 14:1-2; Luk 19:47-48

20:20: Lu 11:54

20:20: Luk 11:54

22:21; Mak 12:17

20:27: Mt 22:21, Mk 12:18, Ap 23:8

20:25: Mt 22:2, Mk 12:17

25:5

20:28: Godin Arazibba 25:5

20:27: Matyu 22:23; Mak 12:18; Apostel 23:8

15:42; 15:49; 15:52; 1 Jon 3:1-2

20:36: Ro 8:23, 1 Ko 15:42, 15:49, 15:52, 1 Jo 3:1-2

20:36: Rom 8:23; 1 Korin

6:10-11; 14:8-9

20:37: Kis 3:6

20:37: Ua Me Ini 3:6

20:38: Ro 6:10-11, 14:8-9

20:38: Rom

aghuium, Tisa.”⁴⁰ Egha me uam an azangan atiati.

Iesus a tina?

(Matyu 22:41-46; Mak 12:35-37)

⁴¹ Ezi Iesus kamaghin gumazamizibav gei, “Manmaghin amizi gumazamiziba ghaze, God Uam E Iniasa Misevezir Gumazim Krais, a Devitin ovavim?”⁴² Ezi Devit uabi Onger Akabar Akinafarimin aven kamaghin mikeme:

“Ekiam, nan Ekiam migia ghaze,
“Ni nan agharir guvimin daperagh iki mangiti,”⁴³
43 ki nin apaniba dikabiragh me isi nin da farim datighti,
me nin dagarimningin apengan ikiam.”

44 “Egha Devit ‘Ekiam’ a gati. Manmaghin amizi, a Devitin Ovavim?”

Judan Arazibagh fozir gumaziba arazir kurabagh ami
(Matyu 23:1-36; Mak 12:38-40; Luk 11:37-54)

⁴⁵ Ezi gumazamiziba orazima a kamaghin uan suren gumazibav gei, ⁴⁶ “Ia Judan Arazibagh fozir gumaziba bagh gan. Me uari fava korotiar ruarir kaba aghuraruasa ifonge. Ezi gumazamiziba maketin danganibar men ziaba fasa me bar akonge. Egha God ko migeir dipenibar aven dabirir aghuarriba iniva, egha isar ekiabar dughiabar me danganir ziaba itiba iniasa bar ifonge. ⁴⁷ Me amuir odiaribagh ifara, men dipeniba okia ghaze e dera. Egha gumazamiziba men ziaba fasa, me God ko migia migirigiar ruaribagh ami. Kamaghin amir gumaziba, men iveau kuram gumazamizir arazir kurabagh amibar iveau bar a gafiraghama.”

21

Amuir odiarim dagiamning God ganungi
(Mak 12:41-44)

¹ Iesus kogha garima, dagiaba itir gumazamiziba uan dagiaba isa Godin Dipenimin dagiaba arizir danganim garisi. ²Ezi a garima biziqa puvatizir amuir odiarir mam uaghan uan dagiab muziarimning ati. ³ Ezi Iesus kamaghin migei, “Ki guizbangira ia migei, biziqa puvatizir amuir odiarir kam dagiab muziarir pumuning dagiaba arizir danganim gati,

ezi an dagiab pumuning gumazamizir ighazariba arighizir dagiabagh afira. ⁴ Me uan dagiab aviribar amodoghin dagiab muziariba aningi. Ezi a uan dabirir abuananamning ati.”

Iesus ghaze, Godin Dipenim ikuvigham
(Matyu 24:1-2; Mak 13:1-2)

⁵ Ezi an suren gumazir maba Godin Dipenimin garava kamaghin migei, “Me dagiab bar aghuibal an ingarighava, Afeziar Ekiam daningamin bizir aghuir maba an kuruke.” ⁶ Ezi Iesus kamaghin me migei, “Ia datirighin garir bizir kabanagh, dughiam izitima dagiab kaba, gumaziba bar da pueghti da bar moghira dagh iregham. Eighti tam tam gisin ikeghan kogham.”

Iesus ghaze, osimtiziba gin otivam
(Matyu 24:3-14; Mak 13:3-13)

⁷ Ezi me an azara, “Tisa, bizir kaba manadizoghi otivam? Arazir manam faragh otoghi, e fogh suam, dughiar kam roghira ize?”⁸ Ezi Iesus kamaghin migia ghaze, “Ia uari bagh deraghvira gan, ia men ifavariba baraghan marki. Gumazir aviriba nan ziamin izi suam, ‘Kar kirara!’ Eighti tarazi suam, ‘Dughiam roghira ize!’ Eighti ia men gin mangan marki. ⁹ Egha inogoviba ko adoghodozir midorozir akaba baraghiva, atiatingan marki. Bizir kabanagh faragh otivigham, eighti nguazir kam givamin dughiam datirighira otoghan kogham.”

¹⁰ Egha a kamaghin me migei, “Kantrin mamin itir darazi dikavigh kantrin ighazarimin itir darazi ko misogham. Eighti atrivir mamin adarazi dikavigh atrivir ighazarimin adarazi ko misogham. ¹¹ Eighti danganir maba mikimkizir gavgaviba, ko dagheba otevir dughiaba koma arimariar gavgaviba otivti, atiatingamin biziba ko overiamin pin arazarazir ekiaba otivam.

¹² “Bizir kaba gin otivam, me faragh ian suiraghiva arazir kurabar ia damuam. Me ia kotiam darighsi ia inighiva God ko migeir dipeniba koma kalabuziabar aven mangam. Eighti ia nan gin zuir gumazamiziba me bizir kam bangin ia inighiva atriviba ko gavmanin gumazir ekiabar damazimin mangam. ¹³ Eighti kar dughiar aghuir ia nan akam me mikinamim. ¹⁴ Eighti ia deraghvira nighnigh. Ia faragh me mikimsi akabagh nighnighan marki. ¹⁵ Eighti ki nighnizir aghuiba ko migirigiar aghuiba

- 20:42:** Onger Akaba 11:1 * **20:42:** Ekiam Iesus, God ko biziqa bar dar ganam. **20:46:** Mt 23:5, Lu 11:43
20:46: Matyu 23:5; Luk 11:43 **21:1:** Mk 12:41 **21:1:** Mak 12:41 **21:3:** 2 Ko 8:12 **21:3:** 2 Korin 8:12
21:6: Mt 24:2, Mk 13:2, Lu 19:44 **21:6:** Matyu 24:2; Mak 13:2; Luk 19:44 **21:8:** Mt 24:4-5, Mk 13:5-6, Ef 5:6, 2 Te 2:3 **21:8:** Matyu 24:4-5; Mak 13:5-6; Efesus 5:6; 2 Tesalonika 2:3 **21:10:** Matyu 24:6-7; Mak 13:7-8 **21:12:** Mt 24:9, Mk 13:9 **21:12:** Matyu 24:9; Mak 13:9 **21:14:** Mt 10:19, Mk 13:11 **21:14:** Matyu 10:19; Mak 13:11
21:14: Luk 12:11-12 **21:15:** Ap 6:10 **21:15:** Aposel 6:10

ia daningtima, ia migirigiar aghuibara damut, ian apanitam ian akaba batoghiva ia adoghan kogham.

16 “Eghti ian ameboghfeziaba, ko aveghbuuba, ko anababa, ko namakaba, merara ia inighiva gumazir kurabar dafaribar atighti, me ian taraziv soghti ia arimighiregham. **17** Eghti gumazamiziba bar nan ziam bangin ian aghuaghram. **18** Egh me bar tong arazitam ia damuan kogham. Kamaghin ian dapanarizitam asighiran kogham. **19** Ia tugh gavgavighvira ikiva, dabirabir bar aghum iniam.”

*Iesus ghaze Jerusalem ikuvigham
(Matyu 24:15-21; Mak 13:14-19)*

20 Iesus ua kamaghin migei, “Ni Jerusalemin nguibamin ganti midorozir gumaziba izi a kontima, ni fogh suam, a gasighasighamin dughiam roghira ize. **21** Egh gumazir Judian itiba ari mighsiabar mangiti, Jerusalemin nguibamin itiba azenan mangitima, Jerusalemin azenan itir gumazamiziba uam an aven mangan markiam. **22** Kar osimtzibar dughiam, God da isi Israelia daningiva, men arazir kuraba ikarvaghram. A fomira osirizi moghni otogham. **23** Naviba adair amiziba ko boriba oteba apir amebaba, mevzik; dughiar izamin kaba bar men ikuvigham! Eghti God gumazir kabar atartima, osimtzizir ekiam nguazir kam bativam. **24** Eghti midorozir gumaziba misozir sababar tarazigh inivti me arighiriti, me tarazi suighiva, me amangitima me nguubar Israelin azenan itibar mangam. Eghti Kantrin Igharazibar Gumazamiziba bar paziva Jerusalem damu mangi dughiar me Jerusalemin ganamin dughiam givagham.”

*Gumazamizibar Otarim gin izam
(Matyu 24:29-31; Mak 13:24-27)*

25 Egha Iesus ua kamaghin migei, “Eghti arazaraziba aruem ko iakinim ko mikoveziba bativam. Eghti ongarim dipir tingaghivira ikitima, nguazimin gumazamiziba bar atatiagh okam nighnigham.

26 Eighti overiamin biziba bar nigham, kamaghin amizi gumazamiziba atiatingiva damaziba men isirtima, me daighiriva otivamin biziba bagh mizuamiva nighnigham.

27 Egh me dughiar kamin Gumazamizibar Otarimin ganti, a ghuariamin tongin gavgavir ekiam ko angazangarin ekiam sara izam. **28** Eighti bizir kabanagh otivighiritima ia dikavigh, uan dapaniba fegh gan! God ua ia iniamin dughiam roghira ize!”

*Temer fighin akar isin zuim
(Matyu 24:32-35; Mak 13:28-31)*

29 Egha Iesus kamaghin akar isin zuimin me migei, “Ia temer fighin ganiva temer maba sara gan. **30** Temebar dafariba asighiriti ia fogh suam, aruem ganamin dughiam roghira ize. **31** Kamaghira, ia bizir kabar gan fogh suam, God Bizibagh Ativamin Dughiam roghira ize.

32 “Ki guizbangira ia migei, dughiar kamin itir gumazamizir kaba ikivira ikiti bizir kaba bar otivam. **33** Overiam ko nguazim givagham, eghni nan migirigia givaghan kogham.”

Iesusin suren gumaziba uari bagh deraghvira gan

34 Egha Iesus ua kamaghin migei, “Ia uari bagh ganigh! Isaba ko, dipar onganiba ko nguazir kamin biziba, ia puv dagh nighnighi, da ia dikabinti, dughiar otivamin kam puram otoghiva, asizibar suizir azuazimin min ian suigham. **35** Dughiar kam, nguibaba ko nguazir kamin gumazamiziba bar me bativam. **36** Ia zurara uari bagh gan Afeziem ko mikimvira ikiti, a gavgavim ia daningtima ia bizir otivamin kabagh itaviraghram. Egh ia Gumazamizibar Otarimin damazimin tuivam.”

37 Dugiabbar zurara, Iesus Godin Dipenimin aven men sure gamuava, guaratizibar Oliven Mighsiamin ghuava dimagaribar an iti. **38** Ezi gumazamiziba bar Iesus baraghaha, mizarazibar Godin Dipenimin arui.

- 21:16:** Mai 7:6, Mt 10:21-22, Mk 13:12, Ap 7:59, 12:2 **21:16:** Maika 7:6; Matyu 10:21-22; Mak 13:12; Apostel 7:59; 12:2
21:17: Matyu 10:22 **21:18:** Matyu 10:30; Luk 12:7 **21:19:** Matyu 10:22; 24:13; Hibru 10:36 **21:20:** Mt 24:15, Mk 13:14 **21:20:** Matyu 24:15; Mak 13:14 **21:21:** Lo 32:35, Jer 5:29, 46:10, Dan 9:26-27, Hos 9:7 **21:22:** Godin Araziaba 32:35; Jeremaia 5:29; 46:10; Daniel 9:26-27; Hosea 9:7 **21:22:** Mat 24:19, Mk 13:17, 1 Ko 7:26 **21:23:** Matyu 24:19; Mak 13:17; 1 Korin 7:26 **21:24:** Esr 9:7; Onger Akaba 79:1; Aisaia 63:18; Akar Mogomem 11:2 **21:24:** Esr 9:7; Sng 79:1, Ais 63:18, Ro 11:25, MAA 11:2 **21:25:** Sng 46:2-3, 65:7-8, Ais 13:10, Ese 32:7, Jol 2:31, Mt 24:29, 2 Pi 3:10-12, MAA 6:12-13 **21:25:** Onger Akaba 46:2-3, 65:7-8; Aisaia 13:10; Esekiel 32:7; Joel 2:31; Matyu 24:29; 2 Pita 3:10-12; Akar Mogomem 6:12-13 **21:27:** Dan 7:13, Mt 24:30, 26:64, MAA 1:7, 14:14 **21:27:** Daniel 7:13; Matyu 24:30, 26:64; Akar Mogomem 1:7, 14:14 **21:28:** Ro 8:19, 8:23, 13:11 **21:28:** Rom 8:19; 8:23; 13:11 **21:33:** Sng 102:26-27, Ais 40:8, Lu 16:17, 1 Pi 1:25 **21:33:** Onger Akaba 102:26-27; Aisaia 40:8; Luk 16:17; 1 Pi 1:25 **21:34:** Matyu 24:48-50; Mk 4:19, Lu 17:27, Ro 13:13, 1 Te 5:3, 5:6, 1 Pi 4:7 **21:34:** Matyu 24:48-50; Mak 4:19; Luk 17:27; Rom 13:13; 1 Tesalonika 5:3; 5:6; 1 Pita 4:7 **21:35:** 1 Te 5:2, 2 Pi 3:10, MAA 3:3, 16:15 **21:35:** 1 Tesalonika 5:2; 2 Pita 3:10; Akar Mogomem 3:3; 16:15 **21:36:** Mt 24:42, Mk 13:33, Lu 18:1, Ef 6:13, MAA 6:17 **21:36:** Matyu 24:42; Mak 13:33; Luk 18:1; Efesus 6:13; Akar Mogomem 6:17 **21:37:** Lu 19:47 **21:37:** Luk 19:47

Iesus mizazim inigha aremegha ua dikafi

22

(Sapta 22-24)

*Judas Iesus is a gumazir kurabar dafaribagh ati
(Matyu 26:1-5; 26:14-16; Mak 14:1-2;
14:10-11; Jon 11:45-53)*

¹ Datinighin Yis Puvatizir Bretin Isam Damuamin Dughiam roghira izi. An ziam, God Israelia Gitazir Dughiam. ² Ezi ofa gamir gumazir ekiaba, ko Judan Arazibagh fozir gumaziba, me gumazamizibar atiati, kamaghin amizi me Jesus misoghasa tuaviba buri. ³⁻⁴ Jesusin 12plan suren gumazir mam Judas, an ziär mam Iskariot. Satan an navir averiamin ghu. Ezi a Jesus isava Godin Dipenimin garir gumazir ekiaba, ko ofa gamir gumazir ekiabar dafaribar arighasa ghua me koma migirigia bagh ami. ⁵ Ezi me an migirigiam gifuegha iveauzim a daningasa akabar kiri. ⁶ Ezi Judas iveauzim inian ifuegha Jesusin suiragh men dafaribar arighasa tuaviba buri. A ghaze, Jesus uabira ikiti, an an suiragh men dafarim darigham.

*Suren gumazimning daghebar kiri
(Matyu 26:17-25; Mak 14:12-21; Jon 13:21-30)*

⁷ Yis Puvatizir Bretin Isam Damuamin Dughiam datinighin oto. Ezi dughiar kamin me God Israelia Gitazir Dughiam isam bagha sipsipin nguzim misuegh anemi ikiva, a ginighnighasa.* ⁸ Ezi Jesus Jon ko Pita amadagħha kamaghin aning migia ghaze, “Gua mangiva, e God Israelia Gitazir Dughiam isam amamin daghebar kiri.”

⁹ Ezi aning an azara, “Ga managh a bagħ danganim akiram?”

¹⁰ Ezi a kamaghin aning migei, “Gua nġuibaek iekiamin aven mangi, gumazitam münner dipam ater izi gua batogħtima, gua an gin a zuir dipenimin mangi. ¹¹ Egh dipenimin għuavim mikim suam, ‘Tisa ka-maghin migia ghaze, “Nan danganir ki

uan suren gumaziba ko God Israelia Gitazir Dughiam isam amamim mana?”¹² Eghti a ghuriamin aven danganir bar ekiatam guan akaghdm, dakożiba ko dapiagh damamin dabirabiba ko biziba bar ikiti, gua magħ bizibar kiri.”

¹³ Ezi aning ghua garima, biziba bar Jesus mikemezi mogħirama otifi. Ezi aning God Israelia Gitazir Dughiam bagħha dagħeba ko bizibar kiri.

*Iesus bret ko wain uan aposelbagħ anidi
(Matyu 26:26-30; Mak 14:22-26; 1 Korin 11:23-25)*

¹⁴ Ezi damamin dughiam otozi, Jesus uan aposelba ko me dagħer dakozim min ap-aghav iti. ¹⁵⁻¹⁶ Egha a kamaghin me migei, “Ki guizbangha ia migei, ki ua God Israelia Gitazir Dughiam isam minn dagħer katam amegħan kogh, kamaghira iki mangi, God Bizibagh Attivamin Dughiam otogħam. Kamaghin amizima, ki ia ko isar kam amasa bar ifonge. Egh ki gin mizazim iniam.”

¹⁷⁻¹⁸ Egha Jesus wain apir kap inigha Ekiam minabagħha kamaghin migei, “Ki ia migei, ki uam wainin ovizim din par katam aman kogh, kamaghira ikiti God Bizibagh Attivamin Dughiam otogħam. Kamaghin amizima, ia a inigh ia uari daning.”

¹⁹ Egha a bret inigha, Ekiam minabagħha anebigha me ganiga kamaghin me migei, “Kar nan inivafizim, ki ia bagħha anenagi. Ia anemi na ginighnī.”

²⁰ Me amegħa givazima, arazir kamra a wain apir kap inigha kamaghin migei, “Kavix aven itir wainin kam, an Akar Dikirizir Gavgavir Igħiam, ki uan ghuzim minn a gamizima, a ia bagħha iri.”²¹ Eghti ia gan, gumazir na inighha gumazir kurabar dafarim darigham, a kara na ko dakozim gaperaghav iti.²² Eghti Gumazamibar Otarim tuavir Afeziam faragħa a bagħ atizim ġin mangam. Ezi gumazir a inigha gumazir kurabar dafarim għażiex, għidher kien u kien iku u iku vighaqib.

²³ Ezi me akar kam baregħa uarira uarir azangħi, “Tina bizir kam damuam?”

Iesusin aposelba uari adogħha migei, tina faragħam?

- | | | | |
|--|--|---|--|
| 22:1: Kis 12:1-27 | 22:1: Ua Me Ini 12:1-27 | 22:2: Sng 2:2, Lu 20:19, Ap 4:27 | 22:2: Onger Akaba 2:2; Luk 20:19; Aposel 4:27 |
| 22:3-4: Matyu 26:14; Mak 14:10; Luk 4:13; Jon 13:2; 13:27 | | 22:5: Sekraia 11:12 | 22:5: Sekraia 11:12 |
| 22:7: Kis 12:1-27 | 22:7: Ua Me Ini 12:1-27 | 22:7: Ni, God Israelia Gitazir Dughiam koma Yis Puvatizir Bretin Isam Damuamin Dughiam mingariba gifogħsi, ni akirangi itir Akar Mingaribar gan. | 22:13: Lu 19:32 |
| Luk 19:32 | 22:15-16: Luk 13:29; 14:15; Aposel 10:41; Akar Mogomem 19:9 | 22:19: Mt 26:26, Mk 14:22, Lu 24:30, 1 Ko 11:24 | 22:13: Lu 19:32 |
| 22:19: Matyu 26:26; Mak 14:22; Luk 24:30; 1 Korin 11:24 | 22:20: Fofozir gumazir mabsu kamaghin nighnisi, vezin kamin itir akaba, Luk ubabi da osirizir puvati. Gumazir iħgarazim ġin a da osiri. | 22:20: Jer 31:31-34, 1 Ko 10:16 | 22:20: Onger Akaba 41:9; Matyu 26:21-23, Mk 14:18; Jo 13:21-22, 13:26 |
| Jeremaja 31:31-34; 1 Korin 10:16 | 22:20: Fofozir gumazir mabsu kamaghin nighnisi, vezin kamin itir akaba, Luk ubabi da osirizir puvati. Gumazir iħgarazim ġin a da osiri. | 22:21: Sng 41:9, Mt 26:21-23, Mk 14:18; Jo 13:21-22, 13:26 | 22:22: Mt 26:24, Ap 2:23, 4:28 |
| 22:21: Onger Akaba 41:9; Matyu 26:21-23; Mak 14:18; Jon 13:21-22, 13:26 | 22:22: Mt 26:24, Ap 2:23, 4:28 | 22:23: Matyu 26:22; Jon 13:22; 13:25 | 22:24: Matyu 18:1, Mk 9:34; Luk 9:46 |
| Matyu 26:24; Aposel 2:23; 4:28 | 22:23: Matyu 26:22; Jon 13:22; 13:25 | 22:25: Mt 20:25-27 | 22:25: Mak 10:42-45 |
| Matyu 18:1, Mk 9:34; Luk 9:46 | 22:24: Matyu 18:1; Mak 9:34; Luk 9:46 | 22:25: Mt 20:25-27 | 22:25: Mak 10:42-45 |
| 22:25: Matyu 20:25-27; Mak 10:42-44 | | | |

²⁴ Egha aposelba uari adogha ghaze, tinara en faragham? ²⁵ Ezi Jesus kamaghin me migei, "Kantrin Ighazariz Gumaazamizibar atriviba, me uan gavgaviba ko ziaba fava, arazir kurabar gumazamizibagh amua kamaghin migei 'E gumaazamizibar akurvasi.' ²⁶ Ia kamaghin damuan marki. Gumazir ian torimin ikia ian faragha zuim, a ubi apengan ikiva, borimin min uabi arigh. Ezi gumazir ian faragha zuim, ian ingangarir gumazimin min iki. ²⁷ Tinara ekefe, gumazir pura dagher dakozimin aperaghav itim o gumaazir dagheba anidim? Gumazir pura dagher dakozimin aperaghav itim. Ezi ki ian torimin ikia mati ian ingangarir gumaazim.

²⁸ "Ki osimtziba aterima ia na ko iti. ²⁹ Kamaghira, nan afeziam Atrivimin min na atizima, ki uaghan atrivibar min ia arighasa. ³⁰ Eghit nan atrivir dughiamin aven ia na ko atrivimin dabirabir aghuaribar apiaghiva Israelian anabar 12plan ganam."

Jesus kamaghin migia ghaze, Pita akirim ragh a gasaragham

(Matyu 26:31-35; Mak 14:27-31; Jon 13:36-38)

³¹ Egha Jesus kamaghin migei, "Saimon, Saimon, Satan nin nighnizir gavgavim tuisigh a gifoghasa Godin azara. ³² Ezi ki ni bagha Afeziar Ekiam ko mikemegha gifa, nin nighnizir gavgavim irighan kogham. Egh ni uamategha na bagh izi, egh gavgavim uan aveghbuabar aning." ³³ Ezi Pita kamaghin a migia ghaze, "Ekiam, ki ni ko kalabusin mangam o aremeghasa ifuegha iti."

³⁴ Ezi Jesus kamaghin Pitam akam ikaragha ghaze, "Ki ni migei, ni datirighin dughiar pumuning ko mizezimin mikim suam, ni na gifozir puvati, eghit tuarim maghirama akam."

Jesus ghaze, suren gumaziba uan dagiar mitariba ko ruagha aruir mitariba ko midorozir sababa ini

³⁵ Egha Jesus men azara, "Ki dughiar kamin ia amadagha bizir kataba sara ia

amadazir puvati, dagiaba azuir mitariba ko ruagha aruir mitariba koma dagarir asuaba. Ezi ia bizitamin otevez, o puvati?"

Ezi me kamaghin migia ghaze, "Puvati."

³⁶ Ezi a kamaghin me migei, "Egiti datirighin, gumaziba dagiaba itir mitarir muziariba iki da inigh, egh gumaziba ruagha aruir mitariba iki, uaghan da inigh. Egiti gumazir midorozir sababa puvatiziba, ia uan initam amadaghiva tam givesegh. ³⁷ Guizbangira Godin Akinafarim ghaze, 'Gumazamiziba an gari, a mati gumazir kuram.' Ki ia migei, bizir kaba na bativam. Are, Afeziar Ekiamin Akinafarim osirizi moghin biziha na bativavira iti."

³⁸ Ezi me kamaghin a migei, "Ekiam, ni gan. E midorozir sabar pumuning kati."

Ezi a kamaghin me migei, "A gifa."

*Iesus Olivin Mighsiamin God ko migei
(Matyu 26:36-46; Mak 14:32-42)*

³⁹ Egha Jesus nguabar ekiam, Jerusalem ategha, Olivin Mighsiam bagha zui. A zurrara ami mokin. Ezi an suren gumaziba an gin zui. ⁴⁰ Me danganir kamin otivigha a kamaghin me migei, "Ia uari bagh God ko mikim. Egiti osimtzir ekiar kam ia damuti, ia ireghan kogham."

⁴¹ Egha a me ategha, mati gumazim dagiam akunizir tizimin ababanimin min, mong saghon ghughha, tevimming apirigha kamaghin God ko migei, ⁴² "Afeziam, ni ifueghava na da osimtzir kam inigh. Egh ni nan Ifongiamin gin mangan marki. Ni uan ifongiamin gin mangi."

⁴³ Ezi ensel mam Godin Nguibamin ikegha iza gavgavim a ganidi. ⁴⁴ Ezi Jesus nighnigha bar oseme, egha a pamtem Afeziam ko migei. Ezi an doriba otivaghira mati ghuzim nguazim giri. ⁴⁵ An Afeziam ko mikemegha, dikavighava uamategha uan suren gumaziba bagha zui. Egha a men garima, me bar osemegha akuavira iti. ⁴⁶ Ezi a kamaghin me migei, "Ia tizim bagha akui? Ia dikavighiva Afeziam ko mikim. Egiti osimtzir ekiam ia damuti, ia ireghan kogham."

- 22:26:** Mt 23:11, Mk 9:35, Lu 9:48, 1 Pi 5:3 **22:26:** Matyu 23:11; Mak 9:35; Luk 9:48; 1 Pita 5:3 **22:27:** Mt 20:28, Lu 12:37, Jo 13:12-15, Fl 2:7 **22:27:** Matyu 20:28; Luk 12:37; Jon 13:12-15; Filipai 2:7 **22:28:** 2 Ko 1:7, 2 Ti 2:12, Hi 4:15 **22:28:** 2 Korin 1:7; 2 Timoti 2:12; Hibru 4:15 **22:29:** Lu 12:32 **22:29:** Luk 12:32 **22:30:** Sng 49:14, Mt 19:28, 1 Ko 6:2, MAA 3:21 **22:30:** Onger Akaba 49:14; Matyu 19:28; 1 Korin 6:2; Akar Mogomem 3:21 **22:31:** Amo 9:9, 2 Ko 2:11, 1 Pi 5:8 **22:31:** Amos 9:9; 2 Korin 2:11; 1 Pita 5:8 **22:32:** Sng 51:13, Jo 17:9-11, 17:15, 17:20, 21:15-17 **22:32:** Onger Akaba 51:13; Jon 17:9-11; 17:15, 17:20; 21:15-17 **22:33:** Lu 22:54 **22:33:** Luk 22:54 **22:34:** Mt 26:34, Mk 14:30, Jo 13:38 **22:34:** Matyu 26:34; Mak 14:30; Jon 13:38 **22:35:** Mt 10:9-10, Mk 6:8-9, Lu 9:3, 10:4 **22:35:** Matyu 10:9-10; Mai 6:8-9; Luk 9:3; 10:4 **22:36:** Lu 22:49 **22:36:** Luk 22:49 **22:37:** Ais 53:12, Mk 15:28, Lu 22:52 **22:37:** Aisaia 53:12; Luk 22:52 **22:39:** Lu 21:37, Jo 18:1 **22:39:** Luk 21:37; Jon 18:1 **22:40:** Mt 6:13, 26:41, Mk 14:38, Lu 22:46 **22:40:** Matyu 6:13; 26:41; Mak 14:38; Luk 22:46 **22:42:** Mt 6:10, Jo 5:30, 6:38 **22:42:** Matyu 6:10; Jon 5:30; 6:38 **22:44:** Jo 12:27, Hi 5:7 **22:44:** Jon 12:27; Hibru 5:7 **22:44:** Fofozir gumazir maba kamaghin nighnisi, vezin kamin itir akaba, Luk uabi da osirizir puvati. Gumazir ighazarim gin a da osiri.

Judas Jesus isava, gumazir kurabar da-farim gati

(*Matyu 26:47-56; Mak 14:43-50; Jon 18:3-11*)

⁴⁷ Egha Jesus migiavira itima maburan gumazir bizim oto. An 12plan suren gumazir mam Judas, a men faragha iza tuavim men aka. A Jesusin boroghira izegha an torasava ami. ⁴⁸ Ezi Jesus kamaghin an azara, “Judas, kar ni Gu-mazamizibar Otarimin torehiva, a inigh gumazir kurabar dafarim darighasa?”

⁴⁹ Ezi suren gumaziba Jesus ko ikia garima arazim otivasava amima, me kamaghin migei, “Ekiam, e uan midorozir sababar me misogham o?” ⁵⁰ Ezi men mav midorozir sabam inigha, ofa gamir gu-mazibar ekiamin ingangarir gumazir mam misogha, bar an kuarim anetuzi a iri.

⁵¹ Ezi Jesus kamaghin migei, “Arazir kam atakig!” Egha Jesus an kuarimin suirazi, a ua dera.

⁵² Ezi ofa gamir gumazibar ekiaba, ko Godin Dipenimin garir gumazir ekiaba, ko Judabar gumazir aruuba, me iza Iesusin suighasava amima, a kamaghin me migei, “Ta midorozir sababa ko asianiba inigha iza mati, ia okimakiar gumazim o midorozir gumazim buri? ⁵³ Ki zurara ia ko Godin Dipenimin aven itima, ia dafarim na garizir puvati. Ezi datirighin ian dughiam. Datirighin mitarmemin gavgavim oto.”

Pita ghaze, a Jesus gifozir puvati

(*Matyu 26:57-58; 26:69-75; Mak 14:53-54; 14:66-72; Jon 18:12-18; 18:25-27*)

⁵⁴ Ezi Iesusin apaniba an suigha a inigha ofa gamir gumazibar dapanimin dipenimin zui. Ezi Pita men gin ghua mong girara iti. ⁵⁵ Ezi me dipenimin divazimin aven avim atigha apiaghav itima, Pita uaghan me koma aperaghav iti. ⁵⁶ Ezi ingangarir guivir mam avir angazangarimin an garima, a me koma aperaghav iti, ezi a mighigha an garava kamaghin a migei, “Gumazir kam a ko ike.”

⁵⁷ Ezi Pita kamaghin migia ghaze, “Puvati! Amizim, ki a gifozir puvati.”

⁵⁸ A mong ikezima, mav ua gin iza an apigha kamaghin a migia ghaze, “Ni uaghan men mav.”

Ezi Pita kamaghin migei, “Ai! Ki an suren gumazim puvati!”

⁵⁹ Dughiam mong ghugha givazima, gumazir igharazim izava pamtem ghaze, “Guizbangira kav, a Galilin gumazimra.

Kamaghin e guizbangira fo, a uaghan a ko ike.”

⁶⁰ Ezi Pita kamaghin migia ghaze, “Aiee! Ni tizim migei? Ki bar fozir puvati!” Egha a migiavira itima, tuarim ake.

⁶¹ Ezi Ekiam raghirigha mighigha Pitaganrima, a mikemezir akabagh iniri, “Ni datirighin dughiar pumuning ko miķezimin mikim suam, Ni na gifozir puvati, eghiti tuarim maghirama akegham.” ⁶² Egha Pita inirighava, azenan ghugha bar puvirama azi.

Me Jesus misoghava a dipofi

(*Matyu 26:67-68; Mak 14:65*)

⁶³ Ezi gumazir Iesusin suighiziba dibovir akabar a migiava a misosi. ⁶⁴ Egha me inir avizimin an damazimning ikegha kamaghin a migei, “Godin akam inigha izir gumazim, ni e mikim! Tina ni misoke?”

⁶⁵ Egha me akar kurar avirir maba saram a mikeme.

Iesus gumazir apanibar damazimin tughav iti

(*Matyu 26:59-66; Mak 14:55-64; Jon 18:19-24*)

⁶⁶ Ezi aminim tirazima, Judan kotin aven itir gumazir aruuba (ofa gamir gumazir ekiaba, ko Judan Arazibagh fozir gumaziba) me bar iza uari akuvaghav itima, me Jesus inigha men damazimin zui. ⁶⁷ Ezi me kamaghin migei, “Ni e mikim, kar ni Krais, God Uam E Iniasa Misevezir Gumazim, o ti puvati?”

Ezi a kamaghin me migia ghaze, “Ki ia mikemeghtima, ia nighnizir gavgavim nan ikian kogham. ⁶⁸ Eghiti ki ian azaraghima, ia na mikemeghan kogham. ⁶⁹ Eghiti datirighin ko gin izamin dughiaba, Gumazamizibar Otarim gavgaviba bar itir Godin agharir guvimin daperaghiv ikiam.”

⁷⁰ Ezi me bar an azara, “Kar ni Godin Otarim?”

Ezi a me migia ghaze, “Ia guizbangira migei, ki an Otarimra.”

⁷¹ Egha me kamaghin migia ghaze, “E tizim bagh uamatagh gumaziba inighti me gumazir kamin arazibar gun e mikimam? A ubi bizir kam mikemezima, e an akatorim baregha gifa.”

23

Me Iesus inigha Pailatin damazimin zuima a mitighav iti

(Matyu 27:1-2; 27:11-14; Mak 15:1-5; Jon 18:28-38)

¹Egha gumazir bizim bar dikavigha Iesus inigha Pailat bagha zui. ²Egha me dikavigha a gifara, kamaghin a migia ghaze, “E gumazir kamin garima an gavmanin ikura. Egha a dagiaba Sisar daningan bar en anogoregha, kamaghin migia ghaze, a uabi atrivim ko God Uam E Iniasa Misevezir Gumazim, Krais.”

³Ezi Pailat Iesusin azai, “Ni Judabar atrivim, o?”

Ezi Iesus ghaze, “Are, ni mikemezi moghira.”

⁴Ezi Pailat kamaghin ofa gamir gumazir ekiaba koma gumazamizibav gia ghaze, “Ki gumazir kamin arazir kuratamin apizir puvati.”

⁵Ezi me bar gavgavigha kamaghin migia ghaze, “A Galilin Distrighin ikegha nguibabagh aruava men sure gamua men navibagh inivava da fe. Egha datirighin a Judian Provinzin izegha kagh otogha kamaghin amuavira iti.”

Me Iesus inighava Herotin damazimin zui

⁶Ezi Pailat migirigiar kam baregha kamaghin men azara, “Kar Galilin gumazim?”

⁷Iesus, Herot garir Provinzin ikezima, Pailat kamaghin fogha anemadazi, a Herot bagha ghu. Dughiar kamin Herot uaghan Jerusalemin iti. ⁸Herot fomira Iesusin ganasa ifuegha, an ganizir puvatigha dughiar kamin an an ganigha, bar akonge. Egha Iesusin akaba baregha an mirakelin tamin ganasa.

⁹Egha Herot azangsizir aviravirabar Jesus gammima, a bar an azangsizitam ikarazir puvati. ¹⁰Ezi ofa gamir gumazir ekiaba, ko Judan Araziabagh fozir gumaziba, me roghira tuivighaw ikia an atara akaba pamtem a gasi. ¹¹Ezi Herot uan midorozir gumaziba ko an atarava dibovir akar kurabar a migei. Egha me atrivimin inir aghuir mam inigha a gikegha, uam anemadazi, a Pailat bagha zui. ¹²Fomira Herot Pailatin apanim, egha dughiar kamin, aning roroamning.

- | | | |
|--|--|---|
| 23:2: Mt 17:27, Lu 20:25, Jo 19:12, Ap 17:7 | 23:2: Matyu 17:27; Luk 20:25; Jon 19:12; Aposel 17:7 | 23:3: Mt 27:11, 1 Ti 6:13 23:3: Matyu 27:11; 1 Timoti 6:13 23:4: 1 Pi 2:22 23:4: 1 Pi 2:22 23:4: 1 Pi 2:22 23:7: Lu 3:1 23:7: Luk 3:1 23:7: Luk 3:1 |
| 3:1 23:8: Mt 14:1, Mk 6:14, Lu 9:9 23:8: Matyu 14:1; Mak 6:14; Luk 9:9 23:11: Ais 53:3 23:11: Ais 53:3 | 23:8: Matyu 14:1; Mak 6:14; Luk 9:9 23:11: Ais 53:3 23:11: Ais 53:3 | 23:12: Ap 4:27 23:12: Aposel 4:27 23:16-17: Mt 27:15, Jo 18:39 23:16-17: Matyu 27:15; Jon 18:39 |
| * 23:16-17: Fofozir gumazir maba migia ghaze, akar ighazarir mam uaghan vezin kam iti. A kamakin, “Me arazir kam iti, me azeniba bar, Isar Ekiamin Dughiar kamin itima, Pailat kalabusin gumazir mam ataghizi a me bagha zui.” Ni Mak 15:6:in gan. | | |

Me Iesus isi temem gafughasa, Pailat migei

(Matyu 27:15-26; Mak 15:6-15; Jon 18:38-19:16)

¹³Ezi Pailat, ofa gamir gumazir ekiaba ko gumazir aruuba ko gumazamiziba, men deima me bar uari akuvagha iti. ¹⁴Ezi a kamaghin migei, “Ia gumazir kam inigha na bagha ize. Egha ia kamaghin migei, ‘A gumazamizibav geima me gavmanin ikura.’ Ezi ki ian damazimin arazir kabanaagh bagha an azangsiki. Ia oragh! Ki gumazir kamin arazitam batozir puvati. Ia purama a gifari. ¹⁵Ezi Herot uaghan nighnizir kam ikia, gumazir kam e bagha uam anemada. Ia oragh! An arazir kuratam damighiva, an ovengam. Gumazir kam arazir kuratam gamizir puvati, an ovengan kogham. ¹⁶⁻¹⁷Kamaghin amizi, ki pura a fozoregh, an ateghti a mangam.”*

¹⁸Ezi gumazamiziba bar moghira tuai, “Gumazir mamin misokegh! Egh Barabas ateghti an e bagh izi!” ¹⁹(Barabas a fomira Romin gavmanin ikuragha Jerusalemin nguibamin aven midorozim fore. Ezi gumazir maba ariaghire. Ezi me a isa kalabus gati.) ²⁰Ezi Pailat Iesus ateghti a mangasa ua me migei.

²¹Ezi me kamaghin tuai, “A isi ter ighuvimin a gafugh! E a isi ter ighuvimin a gafugh!”

²²Ezi dughiar mikeyzim a kamaghin migei, “Manmagh su? An arazir kurar manam gami? Ki an arazir kuratamin apizir puvati. An arazir kuratam damighiva an ovengam. Gumazir kam arazir kuratam gamizir puvati. Ki puram a fozoreghiva aneteghti, a mangam.”

²³Ezi me bar moghira gavgavigha dei, “Iesus isiva ter ighuvimin a gafugh!” Ezi men dimdiaba bar Pailatin akam gafira. ²⁴Ezi Pailat men akamin gin ghugha, Iesus migia ghaze, an ovengam.

²⁵Gumazamiziba me Pailatin deima a Barabas ataki. Gumazir kam a gavman ikuragha midorozim forezima, gumazir maba ariaghire. Ezi me a isa kalabus gati. Ezi Pailat gumazamizibar nighnizimin gin ghuava, Iesus isa midorozir gumazibar dafarim gati.

Me Iesus isa ter ighuvimin a gafu
(Matyu 27:32-44; Mak 15:21-32; Jon 19:17-27)

²⁶ Ezi midorozir gumaziba Jesus inigha zuima, Sairinin gumazir mam an ziam Simon, a Jerusalemin mangasa iza me gitavirazima, me an suira. Egha me ter ighuvim an dipizim gatigha a migeima, a Iesusin gin zui.

²⁷ Ezi gumazir avirim an gin ghua, amiziba a bagha aziava azirakar ighiar amirizibagh ami. ²⁸ Ezi Jesus raghirigha kamaghin me migia ghaze, “Ia Jerusalemin amiziba, ia na bagh arangan marki. Ia uari ko uan boriba bagh arang! ²⁹ Gin dughiatam otoghtima, me kamaghin mikim suam, ‘Amizir furabaghatiba ko amizir tighar boriba batamiba ko, amizir oteba boribagh aningizir puvatiziba, me bar akuegham.’

³⁰ “Egh me dughiar kamin kamaghin mighsiabav kimam,
“Ia e gisin irighiva, e mongegh!”

³¹ “Me datirighin arazir kamin temer angamtizim damighiva arazir manatamin temer midiarim damuam?”

³² Ezi midorozir gumaziba gumazir kurar pumuning Jesus ko aning misueghtima, me aremeghasa aning inigha izi. ³³ Egha me ghua danganir mamin oto, an ziam Dapanir Agharim. Egha me danganir kam Jesus isa ter ighuvimin anegura. Me uaghan gumazir kuramning agurazima, mam an agharir guvimin itima, mam an agharir kiriamin iti. ³⁴ Ezi Jesus kamaghin migei, “Afeziam, me amir bizeba, me dagh fozir puvati. Ni men arazir kuraba gin amadagh.” Ezi midorozir gumaziba Iesusin korotiaba iniasa satu gikararai.

³⁵ Ezi gumazamiziba an gara tuivighav itima, gumazir dapaniba uaghan an gara minbabu sighsirava kamaghin a migei, “A gumazir mabar akurvakis. Egha guizbangira God Uam E Iniasa Misevezir Gumazim, gumazir God inabazim, a ubi uabin akuragh.”

³⁶⁻³⁷ Ezi midorozir gumaziba iza uaghan a dipovava, egha wainin dipar misozim a ganiga kamaghin a migei, “Ni guizbangira Judabar atrivir gumazim, ni uabi uabin akuragh!”

23:26: Mt 27:32, Mk 15:21 **23:26:** Matyu 27:32; Mak 15:21 **23:29:** Mt 24:19, Lu 21:23 **23:29:** Matyu 24:19; Luk 21:23 **23:30:** Ais 2:19, Hos 10:8, MAA 6:16 **23:30:** Aisaia 2:19; Hosea 10:8; Akar Mogomem 6:16 **23:31:** Jer 25:29, Ese 20:47, 1 Pi 4:17 **23:31:** Jeremaia 25:29; Esekiel 20:47; 1 Pita 4:17 **23:33:** Mt 27:33, Mk 15:22, Jo 19:17-18
23:33: Matyu 27:33; Mak 15:22; Jon 19:17-18 **23:34:** Sng 22:18, Ais 53:12, Mt 5:44, Ap 3:17, 7:60 **23:34:** Onger Akaba 22:18; Aisaia 53:12; Matyu 5:44; Aposel 3:17; 7:60 **23:35:** Sng 22:7, Sek 12:10, Mt 27:39, Mk 15:29 **23:35:** Onger Akaba 22:7; Matyu 27:39; Mak 15:29 **23:36-37:** Onger Akaba 69:21 **23:42:** Mt 16:27-28 **23:42:** Matyu 16:27-28, Luk 23:44-45: Ua Me Ini 26:31-33; 36:35; Amos 8:9 **23:46:** Sng 31:5, Ap 7:59 **23:46:** Onger Akaba 31:5; Aposel 7:59 **23:48:** Lu 18:13 **23:48:** Luk 18:13 **23:49:** Sng 38:11, Lu 8:2-3 **23:49:** Onger Akaba 38:11; Luk 8:2-3 **23:50-51:** Luk 2:25; 2:38

³⁸ Egha midorozir gumaziba osizirir mam Iesusin dapanim gisin anegura. An osiziriba kamaghin migei, “Gumazir kam Judabar Atrivim.”

³⁹ Ezi gumazir kurar mam ter ighuvimin guraghav ikia, atara kamaghin Jesus migei, “Ni guizbangira God Uam E Iniasa Misevezir Gumazim, ni uabin akurvaghiva ga sarama akuragh!”

⁴⁰ Ezi gumazir kurar igharazim atarava kamaghin migei, “Ni ovengasava amuava, Godin atiati, o puvati? ⁴¹ Me deragha ga gami, ga uan arazir kurabagh ipuri. Ezi gumazir kam arazir kuratam gamizir puvati.”

⁴² Egha gumazir kam kamaghin Jesus migei, “Jesus, ni gin atrivimin ikiamin dughiam, ni na ginirigh.”

⁴³ Ezi Jesus kamaghin a migei, “Ki guizbangira ni migei, ni datirighin na ko Godin Nguibar Aghuarimin ikiam.”

Iesus areme

(Matyu 27:45-56; Mak 15:33-41; Jon 19:28-30)

⁴⁴⁻⁴⁵ Ezi aruem dughiar kamin garir puvati. Kamaghin amizi, mitatem 12 kloghin nguziam bar anevaragha ghua 3 kloghin tu. Ezi Godin Dipenimin itir inir ekiam tongira biki.

⁴⁶ Ezi Jesus pamtem kamaghin dei, “Afeziam, ki uan duam nin dafarim garisi.” A kamaghin mikemegha, uan duam sue.

⁴⁷ Ezi midorozir gumazibar gumazir dapanim kamaghin ganighava Godin ziam fe. Egha kamaghin migei, “Guizbangira, kar gumazir aghuim, a bizitam pazava a gamizir puvati.” ⁴⁸ Ezi gumazamizir iza itiba bizir kabanangin gari da otivima, me azia, uan afarizibav sogha, uan dipenibar zui.

⁴⁹ Ezi Jesus gifozir gumaziba, ko amizir an gin Galilin Distrighin izeziba, me mong saghon tuivigha ikia, bizir kabar gari da otifi.

Me Jesusin kuam dagiar torim garisi

(Matyu 27:57-61; Mak 15:42-47; Jon 19:38-42)

⁵⁰⁻⁵¹ Ezi gumazir mam, an ziam Josep, a Judian Provinzin ngeubam Arimateean ikegha ize. A gumazir aghuim, a Godin damazimin arazir aghuibagh amir gumazim, egha a Judan kotin aven itir

gumazir aruabar gumazir mam. Egha a men nighniziba ko arazibar gin mangan aghua. A God Bizibagh Ativamin Dughiam baghavira mizua iti.⁵² Egha Josep Iesusin kuam iniasa ghua Pailatin azarazima, Pailat an amamangati.⁵³ Ezi a Iesusin kuam ter ighuvimin anedegha, inir ghurghurimin a righa, in inigha ghua dagiar toriz me fomira gumazir kuatam atizir puvatizim gati.⁵⁴ Kar dughian bizibar kirim, ezi Sabatin dughiam roghira ize.

⁵⁵ Ezi amizir Iesusin gin Galilin Distrighin izeziba, me Josepin gin ghua dagiar torimin gari. Egha me uaghan garima, Josep manmaghin Iesusin kuam ati.⁵⁶ Egha me ganigha givaghava, uamategha uan dipenibar ghua bizir mughuriaba itiba ko boreba isa da arisi. Egha Godin osizirim mikemezi moghin, me Sabatin dughiamin avughsu.

24

Iesus ua dikafi

(Matyu 28:1-10; Mak 16:1-8; Jon 20:1-10)

¹ Ezi Sanden bar mizaraghara, amiziba borer mughuriar aghuir me arighiziba, inigha dagiar torimin zui.* ² Egha me gari, torim avarazir dagiam, me a puegha ghu. ³ Egha me aven ghua Iesusin kuam bagha garava avenge. ⁴ Egha me kamagħin ganigha nighnizir aviribagh amua tuivighav itima, gumazir pumuning zuamira aningin korotiaba onimarimin min tagħtagħha men min tughav iti. ⁵ Ezi amiziba bar atiatigha avigha nguazimin gari, ezi gumazimnng kamagħin me migei, “Ia tizim bagħha gumazir angamira itim, gumazir ovengżebiर danganimin a buri? ⁶ A kagh itir puvati; a ua dikafi! A ia ko Galilin ikka mikemezir bizim, ia a ginighnigh,⁷ ‘Gumazamizibar Otarim, me a isi gumazir arazir kurabagh amibar dafarim datighti, me a isi ter ighuvimin a guragħam. Eġhti a dughiar mikelzimin ua dikavigham.’⁸ Ezi a mikemezir akaba, me dagh iniri.

⁹ Egha me mozim ategħa uamateghha ghua bizir kabar gun Iesusin suren gumazir 11plan migiava igharaz darazi sara mikeme.¹⁰ Amizir bizir kabar gun Iesusin

11plan aposelba ko igharaz daraziv kemeziba. Makdalan nguibamin amizim Maria, ko Joana, ko Maria a Jemsin amebam, ko amizir igharazir maba uaghan me ko ikia bizar kabar gun aposelbav gei.¹¹ Ezi me amizibav già ghaze, me ti organighama, kamagħin amizi me nighnizir gavgvim men akabar itir puvati.¹² Pita kamagħin oregha dikavigha ivectione mozim ġu. Egha an aviragħa, mozim aven gara bixitħam apizir puvatigħha inir ghurghuribara gari da ireghav iti. Egha a uamateghha ghua nighnizir aviribagh amua ghaze, kar manmagħin amizir bizzim.†

Gumazir pumuning Emeusin tuavimin Iesus bato

(Mak 16:12-13)

¹³ Ezi dughiar kamra gumazir pumuning Emeusin nguibamin zui, Emeusin nguibamin ikegħa Jerusalemin zuir tuavimin ruarim, a 11 kilometra.¹⁴ Ezi aning bizar otivizir kabar gun uaniningra uaning migei.¹⁵ Egha aning bizar kabav già uanining azangsizima, Iesus ubi otogħa aning ko me zui.¹⁶ Ezi aning an garava, deragħha a gifozir puvati.

¹⁷ Ezi an aningin azara, “Gua tizibar uanining migia tuavimin zui?”

Ezi aning tugaħha an garava bar osemeħha aziasav ami.¹⁸ Ezi aningin mav, an ziam Kliopas, an azara, “Jerusalemin izezir gumazamizibar bar bizir kam gifo. Ezi ni ti uabira dughiar givazibar Jerusalemin bizir kabagh fożżei puvati?”

¹⁹ Ezi Iesus aningin azara, “Bizar tizib?”

Ezi aning a ikaragħha ghaze, “Ga Nasaretin Iesus bativizir bixibav gei. A Godin akam inigha izir gumazir mam, ezi an akaba ko ingangeriba God ko gumazamizibar damazim bar gavgħi.²⁰ Ezi en ofa gamir gumazir ekiaba ko en gumazir aruaba a isa gavmanin dafarim gatizi, me a misoghezi an arem, ezi me ter ighuvimin anegura.²¹ Ezi e faragħa nighnizir gavgvim kamagħin an iti, a God Ua Israelia Iniāsa Misevezir Gumazim.

“Ezi migirgiar mam ua iti, bizar kaba otivigha givazzi, ezi datirighi an aremezir dughiar mikelzim oto.²²⁻²³ Ezi datirighi en amizir maba mizaraghara mozim

^{23:55:} Lu 23:49 ^{23:55:} Luk 23:49 ^{23:56:} Kis 20:10, Lo 5:14 ^{23:56:} Ua Me Ini 20:10; Godin Araziba 5:14

* ^{24:1:} Wikbar faraghavira zuir aruem, a Sandera. ^{24:4:} Ap 1:10 ^{24:4:} Aposel 1:10 ^{24:5:} Lu 2:9 ^{24:5:}

Luk 2:9 ^{24:6:} Matyu 16:21; 17:22-23; 20:18-19; Mak 8:31; 9:31; 10:33-34; Luk 9:22; 18:31-33 ^{24:9:} Mk 16:10

^{24:9:} Mak 16:10 ^{24:10:} Lu 8:3 ^{24:10:} Luk 8:3 ^{24:11:} Mk 16:11, Lu 24:25 ^{24:11:} Mak 16:11; Luk 24:25

† ^{24:12:} Fofozir gumazir maba kamagħin nighnigha ghaze, vezin kamin akaba, Luk uabi da osirizir puvati. Gumazir igharazir mam gin da osiri. ^{24:15:} Mt 18:20, Lu 24:36 ^{24:15:} Matyu 18:20; Luk 24:36 ^{24:16:} Jo 20:14, 21:4

^{24:16:} Jon 20:14; 21:4 ^{24:18:} Jo 19:25 ^{24:18:} Jon 19:25 ^{24:19:} Mt 21:11, Jo 6:14, Ap 2:22 ^{24:19:} Matyu 21:11; Jon 6:14; Aposel 2:22 ^{24:20:} Luk 23:1; Aposel 13:27-28 ^{24:20:} Luk 23:1; Aposel 13:27-28 ^{24:21:} Lu 1:68, 2:38, 19:11, Ap 1:6 ^{24:21:} Luk 1:68; 2:38; 19:11; Aposel 1:6 ^{24:22-23:} Matyu 28:8; Mak 16:10; Luk 24:1-11; Jon 20:18

ghuegha an kuamin apizir puvati. Egha me iza e mikemezi, e bar aguaghfa. Me ghaze, e irebamin min enselbar garima, me kamaghin e migia ghaze, a ua dikafi. ²⁴ Ezi en marazi mozimin ghuegha amiziba mikemezi moghin bizibar gari da iti, ezi me an apizir puvati.”

²⁵ Ezi Jesus kamaghin aning migei, “Gua gumazir onganimng! Gua Godin akam inigha izir gumazimin akaba nighnizir gavgavim ko navim zuamirama dar itir puvati. ²⁶ Ezi gua ti fozir puvati? God Ua Gumazamiziba Iniasa Misevezir Gumazim, faragh mizaziba inigh egh gin Godin damazimin ziar ekiam iniam.” ²⁷ Egha Jesus aning gehhari. A faragha Moses osirizir akabav gia, ghua, Godin akam inigha izir gumazibar akaba bar aning migei. A Godin Akinafarimin itir akar an gun mikemeziba, dar mingariba bar aningin sure gami.

²⁸ Egha me nguubar me ikihamimin boroghira ghuava, Jesus aning bada ghuavira itima, ²⁹ aning a migia ghaze, “Aruem bar givazima aminim piri. Ni ga ko dakuam.” Ezi a ghuava aning koma akui. ³⁰ Egha Jesus damasa aning koma aperaghav ikia, bret inigha Afeziar Ekiam minabagh, bret abigha aning ganidi.

³¹ Ezi aning datirighin an gara a gifofozima, a pura puvati. ³² Ezi aning maghira uanning migei, “A tuavimin ga batogha Godin Akinafarimin akabar ga migeima, gan navimming dikafi.”

³³ Egha aning dikavigha zuamira umategha Jerusalemin ghuwa garima, Jesusin 11pla suren gumaziba, me marazi ko uari akuvagha iti. ³⁴ Egha me kamaghin aning migei, “Bar guizbangira! Jesus aremegha dikavigha ghuwa Saimon batol!” ³⁵ Ezi aning maghira tuavimin otivizir bizibar gun me migia ghaze, a bret abighizima ga an ganighava a gifo.

Jesus uan suren gumaziba bato

(Matyu 28:16-20; Mak 16:14-18; Jon 20:19-23)

- 24:24:** Jo 20:3-10 **24:24:** Jon 20:3-10 **24:26:** Lu 9:22, 24:44, Ap 17:3, 1 Pi 1:11 **24:26:** Luk 9:22; 24:44; Aposel 17:3; 1 Pita 1:11 **24:27:** Stt 3:15, Nam 21:9, Lo 18:15, Sng 22:1-21, Ais 7:14, 7:53, Dan 9:24, Mal 3:1, Jo 13:31, Ap 3:13
24:27: Genes 3:15; Diboboniba 21:9; Godin Araziba 18:15; Onger Akaba 22:1-21; Aisaia 7:14; 53:7; Daniel 9:24; Malakai 3:1 **24:30:** Mt 14:19, Lu 22:19 **24:30:** Matyu 14:19; Luk 22:19 **24:34:** 1 Ko 15:4-5 **24:34:** 1 Korin 15:4-5
24:36: 1 Ko 15:5 **24:36:** 1 Korin 15:5 **† 24:36:** Fofozir gumazir maba ghaze, vezin kamin migirigiar otevir abuananam, Luk ubabi an osirizir puvati. Gumazir ighazariz mam gin da osiri. **24:40:** Fofozir gumazir maba ghaze, vezin kamin itir akaba, Luk ubabi da osirizir puvati. Gumazir ighazariz mam gin da osiri. **24:41:** Jo 21:5 **24:41:** Jon 21:5 **24:44:** Mt 16:21, 20:18, Mk 8:31, Lu 9:22 **24:44:** Matyu 16:21; 20:18; Mak 8:31; Luk 9:22 **24:45:** Lu 24:27, Ap 16:14 **24:45:** Luk 24:27; Aposel 16:14 **24:46:** Sng 22, Ais 50:6, 52:14-53:12, Hos 6:2, Lu 24:26, Ap 17:3 **24:46:** Onger Akaba 22:1-31; Aisaia 50:6; 52:14-53:12; Hosea 6:2; Luk 24:26; Aposel 17:3 **24:47:** Ais 49:6, 49:22, Jer 31:34, Mai 4:2, Mal 1:11, Mt 28:19, 1 Ti 3:16 **24:47:** Aisaia 49:6; 49:22; Jeremaija 31:34; Maika 4:2; Malakai 1:11; Matyu 28:19; 1 Timoti 3:16 **24:48:** Jo 15:27, Ap 1:8, 1:22, 2:32 **24:48:** Jon 15:27; Aposel 1:8; 1:22; 2:32 **24:49:** Ais 44:3, Jol 2:28, Jo 14:16, 14:26, 15:26, 16:7, Ap 1:4 **24:49:** Aisaia 44:3; Joel 2:28; Jon 14:16; 14:26; 15:26; 16:7; Aposel 1:4

ia nguibar ekiamin iki. Egh mamaghira iki mangi dughiar God ko itir gavgavim izighiritima, ia a iniam."

*God Jesus inigha uamategha
uan Nguibamin ghuavanabo*

(Mak 16:19-20; Aposel 1:9-12)

⁵⁰ Egha Jesus uan suren gumaziba inigha ghuava Betanin boroghin itir danganimin tu. Egha a uan agharim ghufegha arazir aghuim me damuasava Godin azai. ⁵¹ An arazir aghuim me damuasa Godin azavira itima, God a inigha uan Nguibamin ghuavanadi. ⁵² Ezi me an ziam fa bar akuegha uamategha Jerusalemin zui. ⁵³ Egha me Godin Dipenimin aven ikiava an ziam fa mamaghira iti.

Jon Osirizir Akar Aghuim O Jon

Akar faragha zuim

Jon Osirizir Akar Aghuimin akinafarim, a kamaghin migia ghaze, Iesus a "Godin Akam ubi gumazimin min oto. God anemadazima an en tongin iti." Jon kamaghin ifonge, gumazamiziba bar nighnizir gavgavim Godin Otarim Iesusin ikiam. Egh me kamaghin fogh suam, Iesus a Gumazir God Uam E Iniasa Misevezim. Jon kamaghin fo, gumazamizir nighnizir gavgavim Iesusin itiba, me ikirimirir aghuarir zurara itim iniam. Kamaghin an akinafarir kam osiri. (Ni Jon 20:31in gan.)

Jon faragha e mikeme, Akar fomira God ko itir kam, kar Iesusra. Egha gin Jon Iesusin mirakelbar eghaghanibar gun migei. Egheti e dar gan fogh suam, Iesus a Gumazir God Uam E Iniasa Misevezim, a Godin Otarim. Jon uaghan Iesus amizir mirakelbar akar mingaribar e mikeme. Ezi e gumazamizir mabar gari, me nighnizir gavgavim Iesusin ikiava an gin zui. Ezi marazi nighnizir gavgavim an ikian aghua.

Akar sapta 13–17in itiba, Iesusin apaniba dimagarimin an suirazimin dughiamin otivizir araziba, Jon a dagh eghari. Dimagarir kam, Iesus uan suren gumaziba ko ikia migirigiar aghuir aviriba me ganingi. Ezi gin apaniba Iesusin suiragha a kot gatigha, a isa ter ighuvimin a gafu. Akar abuananam, Iesus mozimin ua dikavizi, an suren gumaziba an gani.

Bizir e dughiar aviribar Jonin akinafarimin garir mam, a kamakin, Iesus nguazimin itir gumazamizibar dabirabimin biziбар gara da isa akar isin zuimin dav gei. Ezi aminimin akam, ko dipamin akam, ko bretin akam, ko angazangarimin akam, ko wainin ikanizimin akam, ko sipsipbar garir gumazimin akam, dipenimin tiar akamin akam, bizir kaba Jonin akinafarimin aven iti.

1:1: Snd 8:22, 8:30, Jo 17:5, Fl 2:6, Kl 1:17, 1 Jo 1:1-2, MAA 1:2, 19:13

2:6; Kolosi 1:17; 1 Jon 1:1-2; Akar Mogomem 1:2; 19:13

Kl 1:16-17, Hi 1:2 **1:3:** Jon 1:10; 1 Korin 8:6; Efesus 3:9; Kolosi 1:16-17; Hibru 1:2

1:4: Jon 5:26; 8:12; 9:5; 1 Jon 5:11 **1:5:** Jo 3:19 **1:5:** Jon 3:19

1:6: Matyu 3:1; Mak 1:4; Luk 1:13-17; 1:76; 3:1-2; Jon 1:33

Jon 1:20 **1:9:** Ais 49:6, Jo 1:4; 8:12, 1 Jo 2:8

11:3 **1:10:** Jon 1:3; 17:25; Hibru 1:2; 11:3

1:12: Ro 8:15, Ga 3:26, 2 Pi 1:4, 1 Jo 3:1 **1:12:** Rom 8:15; Galesia 3:26; 2 Pita 1:4; 1 Jon 3:1

1 Pi 1:23 **1:13:** Jon 3:3-6; Jems 1:18; 1 Pita 1:23

Fl 2:7, Kl 1:19, 1 Ti 3:16, Hi 2:11-16

1:14: Aisaia 60:1-2; Matyu 1:16; 1:20; Luk 9:32; Jon 2:11; Rom 1:3-4; Galesia 4:4;

Filipai 2:7; Kolosi 1:19; 1 Timoti 3:16; Hibru 2:11-16

1:15: Mt 3:11, Lu 3:16, Jo 1:27-32, 8:58; Kl 1:17

3:11; Luk 3:16; Jon 1:27-32; 8:58; Kolosi 1:17

Akam gumazimin min otogha iza gumazamizibar tongin iti

(Sapta 1)

Akar Ikirimirir Zurara Itim Anidim, a gumazimin min oto

¹ Bar fomira fomira, biziba bar tighar otivamin dughiam, Akam iti. Akar kam God ko iti, egha a ubi God. ² Bar fomira fomira Akam God ko iti.

³ Ezi Akar kamin, God biziba bar dar ingarizima, da otifi. Ezi bizitam tuavir igharazitamin otozir puvati. Akam ubi bizibagh amizima, da otifi. ⁴ Egha Akar kamra, a zurara itir ikirimirir aghuarimin mingarim. Ezi ikirimirir aghuarir kam, a uaghan gumazamiziba angazangarim me ganidi. ⁵ Ezi angazangarir kam a mitatem isima, mitatem anevaraghava anemungezir puvati.

⁶ Ezi God gumazir mam amada, an ziam Jon. ⁷ An akam akunasa ize. An angazangarir kamin akamin gun mikintima, gumazamiziba bar moghira a baraghiva nighnizir gavgavim an ikiam. A ingangarir kam darmusa ize. ⁸ Egha Jon ubi angazangarir kam puvati. An angazangarir kamin akamin gun mikimasa ize. ⁹ Ezi angazangarir kam guizbangin angazangarim. Egha nguazir kamin izegha gumazamiziba bar angazangarim me ganidi.

¹⁰ Akam nguazir kamin iti. An gavgavimin, God nguazir kamin ingari, ezi nguazimin itir gumazamiziba a gifozir puvati. ¹¹ A uan nguibamra ghuzima an anababa an aghuaghha a inizir puvati. ¹² Ezi gumazamizir maba a ini, egha nighnizir gavgavim an ziamin iti. Kamaghin amizi, a me gamizima me Godin boribar min otifi. ¹³ Me amebaba ko afeziabar ghuzibar otifi, o mikaribar ifongiamin, o gumazimin ifongiamin Godin boribar otivizir pu. Bar puvati. God ubi me gamizima me an boribar otifi.

¹⁴ Akam ubi gumazimin min oto. A bar Godin Otarir vamira, ezi God a gamizi a Godin gavgavim ko angazangarim ini. Ezi

1:1: Aghuzir Akaba 8:22; 8:30; Jon 17:5; Filipai

1:2: Stt 1:1 **1:2:** Genes 1:1 **1:3:** Jo 1:10, 1 Ko 8:6, Ef 3:9,

1:4: Jo 5:26; 8:12, 9:5; 1 Jon 5:11 **1:5:** Mt 3:1, Mk 1:4, Lu 1:13-17, 1:76, 3:1-2, Jo 1:33

1:6: Ap 19:4 **1:7:** Aposel 19:4 **1:8:** Jo 1:20 **1:8:**

1:9: Aisaia 49:6; Jon 1:4; 8:12; 1 Jon 2:8

1:10: Luk 19:14; Aposel 3:26; 13:46

1:11: Luk 19:14; Aposel 3:26, 13:46

1:12: Rom 8:15; Galesia 3:26; 2 Pita 1:4; 1 Jon 3:1

1:13: Jo 3:3-6, Je 1:18,

1 Pi 1:23 **1:14:** Ais 60:1-2, Mt 1:16, 1:20, Lu 9:32, Jo 2:11, Ro 1:3-4, Ga 4:4,

Fl 2:7, Kl 1:19, 1 Ti 3:16, Hi 2:11-16

1:14: Aisaia 60:1-2; Matyu 1:16; 1:20; Luk 9:32; Jon 2:11; Rom 1:3-4; Galesia 4:4;

Filipai 2:7; Kolosi 1:19; 1 Timoti 3:16; Hibru 2:11-16

1:15: Mt 3:11, Lu 3:16, Jo 1:27-32, 8:58; Kl 1:17

God anemadazima an en tongin iti. Ezi e an gavgavim ko angazangarimin gani. Ezi apangkuvim ko guizin akam bar a gizifa.

¹⁵ Ezi Jon gumazir kamin gun me migei. Egha pamten dia ghaze, "A gumazir kam, ki faragha an gun ia mikemegha gifa. Ki kamaghin migei, 'Gumazir nan gin izim, a bar fomira iti, ezi nan amebam gin na bate. Kamaghin amizi, an gavgavim bar nan gavgavim gafira.'"¹⁶ Ezi apangkuvim bar a gizifa, ezi a uan apangkuvimin a dughiar aviribar bar deravira e gami.¹⁷ Guizbangira, Moses Osirizir Araziba, God e bagha da isa Moses ganingizi, Moses e ganingi. Ezi God, Krais Jesusin aven apangkuvim ko guizbangin arazim en aka.¹⁸ Gumazitam bar Godin ganizir puvati. Ezi kar Godin Otarir vamira, a ubi God, egha a bar Godin boroghira iti. A uabira God en aka.

*Jon Gumazamiziba Ruer Gumazim,
an akam akuri*

(Matyu 3:1-12; Mak 1:7-8; Luk 3:15-17)

¹⁹ Ezi Judan gumazir aruaba, me ofa gamir gumazir maba ko Livain gumazir maba amadazi, me Jerusalem ategha Jon bagha iza kamaghin an azara, "Ni tinara?"

²⁰ Ezi Jon bighavira migia akam modir puvati. A kamaghin migei, "Ki God Ua Gumazamiziba Iniasa Misevezir Gumazim puvati."

²¹ Ezi me an azara, "Ni tinara? Ni ti Elaija, o?"

Ezi a kamaghin migei, "Puvati."

Ezi me kamaghin a migei, "Ni ti Godin akam inigha izir gumazir kamra, e ni mizuai."

Ezi a men akam ikaragha ghaze, "Puvati."

²² Kamaghin amizima, me uam an azara, "Ni bar tinara? E ikarvazir aghuitam inigh mangiva gumazir e amadazibav kimam. Ni manmaghira ubi migei?"

²³ Ezi Jon kamaghin migei:

Ki gumazir kamin tiarim,

1:16: Jo 3:34, Ef 1:6-8, Kl 1:19, 2:9-10

1:16: Jon 3:34; Efesus 1:6-8; Kolosi 1:19; 2:9-10

1:17: Kis 34:28, lo 4:44; Jo

8:32; Ro 3:24; 6:14, 10:4

1:17: Ua Me Ini 34:28; Godin Araziba 4:4; Jon 8:32; Rom 3:24; 6:14; 10:4

1:18: Kis 33:20;

Mt 11:27, Lu 10:22; Jo 6:46, 1 Ti 1:17; 6:16, 1 Jo 4:9, 4:12, 4:20

1:18: Ua Me Ini 33:20; Matyu 11:27; Luk 10:22; Jon 6:46; 1

1:19: Timoti 1:17; 6:16; 1 Jon 4:9; 4:12; 4:20

1:19: Jo 5:33

1:19: Jon 5:33

1:20: Luk 3:15-16; Lo 3:28, Ap 13:25

1:20: Luk 3:15-16; Lo 3:28, Ap 13:25

1:21: Grighin akamin, God Ua Gumazamiziba Iniasa Misevezir Gumazim, me a dibora ghaze, "Krais." **1:21:** Lo 18:15-18, Mal 4:5, Mt 11:14, 17:10-13, Jo 6:14, 7:40

1:21: Godin Araziba 18:15-18;

Malakai 4:5; Matyu 11:14; 17:10-13; Jon 6:14; 7:40

1:23: Ais 40:3; Mt 3:3, Mk 1:3, Lu 3:4

1:23: Aisaia 40:3; Matyu

3:3; Mak 1:3; Luk 3:4

1:25: Mt 21:25, Jo 1:33

1:25: Matyu 21:25; Jon 1:33

1:27: Jon 1:15; 1:30; Aposel 13:25; 19:4

1:28: Mt 3:6, Jo 10:40

1:28: Matyu 3:6; Jon 10:40

Korin 15:3; 1 Pita 1:19

1:30: Jo 1:15, 1:27

1:32: Mt 3:16, Mk 1:10, Lu 3:22

3:16; Mak 1:10; Luk 3:22

1:33: Mt 3:11; Lu 3:2-3, Ap 1:5, 2:4, 19:6

1:33: Matyu 3:11; Luk 3:2-3; Aposel 1:5; 2:4; 19:6

1:34: Mt 3:17, 17:5, 27:54

1:34: Matyu 3:17; 17:5; 27:54

ki gumazamiziba puvatizir dan ganimin ikia egha kamaghin dia migei,

'Ia Ekiam baghiva tuaviba azeniva, dar kir.'

(Kar akar Godin akam inigha izir gumazim Aisaia famira osirizim.)

²⁴ Gumazir kaba, Farisiba me amangizi me ize. ²⁵ Egha me kamaghin Jonin azara, "Ni Gumazir God Ua Gumazamiziba Iniasa Misevezim puvatigh, egh ni Elaija puvatigh, ni Godin akam inigha izir gumazir kam puvati, egha ni tizimsua gumazamiziba rue?"

²⁶ Ezi Jon kamaghin men akam ikaragha ghaze, "Ki dipamin me rue. Ezi gumazir mam ian tongin iti, ia a gifozir puvati."²⁷ A gumazir kam, a nan gin izi. Ki an dagarir asuabar beniba firan ibura."²⁸ Jon Beitanin nguibamin ikia akar kam me mikeme, nguibar kam Jordanin Fanemin vongin iti. Danganir kamin Jon gumazamiziba rue.

Iesus a Godin Sipsipin Nguzim

²⁹ Ezi amimzaraghan Jon Iesusin garima an a bagha izi. Ezi Jon kamaghin migei, "Ia munagh gan! Munar Godin Sipsipin Nguzim. A nguazimin itir gumazamizibar arazir kuraba gin amadi!"³⁰ A gumazir kam, ki fomira kamaghin an gun mikeme, 'Gumazir nan gin izim, a bar fomira iti, ezi nan amebam gin na bate. Kamaghin amizi, an gavgavim bar nan gavgavim gafira.'³¹ Ki uabi a gifozir puvati, a tina. Ki gumazir kam aghurightima, Israelin gumazamiziba a gifoghasa, kamaghin ki iza dipamin guamazamiziba rue."

³² Egha Jon ua kamaghin an gun migei, "Ki garima Godin Duam kuarazir bunbamin min Godin Nguibam ategha mighegha iza ghira gumazir kam gisin iti."³³ Ki uabi a gifozir puvati. God dipamin gumazamiziba ruasa na amadazi ki ize. A faragha kamaghin na mikeme, 'Ni gantima, Godin Duam izighirighiva, gumazitam gisin ikiam, a gumazir kamra, a Godin Duamin gumazamiziba ruam.'³⁴ Ki uabi bizir kamin ganigha

egha an gun kamaghin ia migei, gumazir kamra, a Godin Otarim.”

4plan gumaziba Iesusin suren gumazibar otifi

³⁵ Egha amimzaraghan Jon uan suren gumazir mamning ko ua danganir kamin tuivighav iti. ³⁶ Egha a garima Iesus a gitavirazima, Jon aning migei, “Gua gan! Kar Godin Sipsipin Nguzim!” ³⁷ Ezi suren gumazir kamning a barazima a kamaghin akar kam mikemezima, aning ghua Iesusin gin zui.

³⁸ Ezi Iesus ikigha gara aningen azara, “Gua tizim buri?”

Ezi aning an azara, “Rabi, ni dipenir manamin iti?” (Ziar kam “Rabi,” an mingarim kamakin, “Tisa.”)

³⁹ Ezi Iesus kamaghin aning migei, “Gua izi ganigh.” Ezi aning ghua dipenir a itimin gari. Dughiam, 4 kloghin guaratizim. Ezi dughiar kamin aning a ko iti.

⁴⁰ Egha Andru, a Iesusin gin zuir gumazir kamningin mav. A Saimon Pitan aveghbuam. ⁴¹ Egha Andru Iesus ategha maghira ghua uan aveghbuam Saimon batogha, kamaghin a migei, “E Mesaian gani.” (Ziar kam “Mesaia,” a kamakin, “Gumazir God Ua E Iniasa Misevezim.”)

⁴² Egha Andru Saimon inigha Iesus bagha ghu. Ezi Iesus an gara kamaghin a migei, “Ni Saimon, Jonin Otarim. Egheti me gin ziam ‘Sifas’ ni darigh ni diponam.” (Ziar kam “Sifas,” a ziar kam “Pitan,” mirara ghu. An mingarim kamakin, “Dagiam.”)†

Iesus Filip ko Natanielin dia

⁴³ Egha amimzaraghan, Iesus Galilin Distrighin mangasa. Egha a ghua Filip batogha, kamaghin a migei, “Ni nan gin izi!” ⁴⁴ (Filip a Betsaidan nguibamin gumazir mam. Andru ko Pitan nguibam, Betsaida.)

⁴⁵ Ezi Filip ghua Nataniel batogha kamaghin a migei, “E gumazir kamin ganigha gifa, Moses fomira Judan Arazibar Akinafarim osira gumazir kamin gun osiri. Ezi Godin akam inigha izir gumaziba uaghan gumazir kamin gun osiri. A Nasaretin nguibamin gumazim Iesus, a Josepin otarim.”

- 1:36:** Jo 1:29 **1:36:** Jon 1:29 **1:40:** Mt 4:18-20 **1:40:** Matyu 4:18-20 **1:41:** 1 Sml 2:10, Sng 2:2, Jo 4:25
1:41: 1 Samuel 2:10; Onger Akaba 2:2; Jon 4:25 **1:42:** Mt 16:18, Mk 3:16 **1:42:** Matyu 16:18; Mak 3:16 **1:42:** Matyu 16:18; Mak 3:16 **1:42:** Mt 8:22, Mk 2:14 **1:43:** Matyu 8:22; Mak 2:14 **1:43:** Matyu 8:22; Mak 2:14 **1:44:** Stt 3:15, 49:10, Lo 18:18, Ais 7:14, 9:6, Jer 23:5, Ese 34:23, Sek 6:12, Mt 2:23 **1:45:** Jenesis 3:15; 49:10; Godin Arazibar 18:18; Aisia 7:14; 9:6; Jeremaia 23:5; Esekiel 34:23; Sekaria 6:12; Matyu 2:23 **1:46:** Jo 7:41, 7:52 **1:46:** Jon 7:41; 7:52 **1:47:** Sng 32:2, Jo 8:39, Ro 2:28, 9:6 **1:47:** Onger Akaba 3:22; Jon 8:39; Rom 2:28; 9:6 **1:49:** Matyu 14:33; 16:16; 27:42; Mak 3:11; Jon 12:13 **1:51:** Stt 28:12; Mt 4:11, Lu 2:9, 2:13 **1:51:** Jenesis 28:12; Matyu 4:11; Luk 2:9; 2:13 **2:1:** Iesus amizir mirakelin aviribar akaba, da Jonin akinafarimin even iti. Arazir kabar, an akaghha ghaze, a guizbangira Godra. Ni vezin kabar gan: Luk 2:11, 2:18-19, 2:23, 3:2, 4:54, 6:2, 6:14, 6:26, 9:16, 11:45, 12:18, ko 12:37. **2:4:** Mt 12:48, Jo 7:6, 7:30, 8:20 **2:4:** Matyu 12:48; Jon 7:6; 7:30; 8:20

⁴⁶ Ezi Nataniel kamaghin an azara, “Akurvazir bizir aghuitam Nasaretin nguibamin otivam? Ti puvatigham!”

Ezi Filip kamaghin a migei, “Ni izi ganigh.”

⁴⁷ Ezi Iesus garima Nataniel a bagha izi. Ezi a kamaghin migei, “Ia ganigh. Gumazir izir kam, a guizbangira Israelin gumazim. Ezi ifavarir akatam ko ifavarir arazir tam an itir puvati.”

⁴⁸ Ezi Nataniel kamaghin Iesusin azara, “Ni manmaghın na gif?” Ezi Iesus kamaghin an akam ikaragha ghaze, “Filip tighar nin dimamin dughiamin, ni temer fighin povimin itima, ki nin gani.”

⁴⁹ Ezi Nataniel akar kam baregha kamaghin a ikaragha ghaze, “Tisa, ni Godin Otarim! Ni Israelien Attrivim!”

⁵⁰ Ezi Iesus kamaghin a migei, “Ki kamaghin ni migei, ni temer fighin povimin itima, ki nin gani. Ezi bizir muzierir kamin, ni nighnizir gavgavim nan iti. Ni gin bizir ekiabar ganti da bizir kam bar a gafiraghram.”

⁵¹ Egha Iesus ua kamaghin me migei, “Ki guizbangira ia migei, ia gin Godin Nguibamin ganti a kuighirighti, ia Godin enselbar ganti da Gumazamizibar Otarim bagh ghuavanang, ua izighiram.”

**Iesus uan gavgavir bar ekiam
akakagha mirakelin
arazibagh ami**

2

(*Sapta 2-4*)

Iesus dipam girazima a wainin dipamin oto

¹ Dughiar pumuning givazima, gumazir mam Kanan nguibamin ikia amizimin ikiasia, ezi amuimin ikiamin isam oto. Kanan nguibam a Galilin Distrighin aven iti. Dughiar kam Iesusin amebam uaghan iti.* ² Ezi me uaghan Iesus uan suren gumaziba ko men diazima me uaghan amuimin ikiamin isar kamin ghuegha iti.

³ Ezi wainin dipam givazima, Iesusin amebam kamaghin a migei, “Me ua wainin dipaba puvati.”

†

*

*

*

*

⁴ Ezi Iesus kamaghin a migei, "Amebam, kar nin bizim, nan bizim puvati. Nan dughiam a tighar izam."

⁵ Ezi an amebam ingangarir gumazibav gei, "A bizitam damusi ia mikimti, ia a damu."

⁶ Ezi dipenir kamin 6plan dagiar miner ekiaba iti, da ekevegha egha vaghvaghha 100 litan dipaba dar iti. Judaba uan rurir arazibar gin ghua dipar kabagh rue.

⁷ Ezi Iesus kamaghin ingangarir gumazibav gei, "Ia miner kabar dipaba tuigh." Ezi me da tuizima da bar izevegha akabagh imara.

⁸ Ezi a kamaghin me migei, "Ia datirighin miner dozitam inigh dipatam tuighiva a inigh gumazir isamin faragha zuim bagh mangi." Ezi ingangarir gumaziba maba inigha zui. ⁹ Ezi dipar kam wainin dipamin otogha gifa, ezi gumazir isamin faragha zuim anepava a barasi, egha a foizir puvati, me managh wainin dipar kam ini. Ezi ingangarir gumazir dipam tuiziba, merara fo.

Kamaghin amizi, isamin faragha zuir gumazim a gumazir amuimin ikiasava amim, an diagha, ¹⁰ kamaghin a migei, "Gumazamiziba bar wainin dipar aghuim faragha me ganidi. Ezi gumazamiziba wainin avirim amegha givazima, me gin wainin dipar mong afangizim anidi. Ezi no, ni wainin dipar aghuimin anogoregha, egha datirighira ni a inigha izil!"

¹¹ Kar mirakelin arazir Iesus faragh ham amizim. A Galilin Distrighin aven itir nguibam Kanan, mirakelin arazir kam gami. Ezi mirakelin kamin, Iesus bar uan gavgavir ekiam aka. Ezi an suren gumaziba an ganigha egha nighnizir gavgavim an iti.

¹² Ezi bizar kabar gin, Jesus uan amebam ko aveghbuuba ko an suren gumaziba, me Kanan ategha Kaperneamin nguibamin ghuaghiri. Egha me dughiar mabar nguibar kamin iti.

*Iesus Godin Dipenimin aven dagiaba bagha ingarir gumazamiziba batosi
(Matyu 21:12-13; Mak 11:15-17; Luk 19:45-46)*

¹³ Ezi God Israelia Gitazir Dughiamin Isam otivasa roghira izima, bizar kam bagha, Iesus Jerusalemin nguibar ekiamin ghu. ¹⁴ Egha a Godin Dipenim avinizir divazimin aven ghua bizibar garima, gumazamiziba dagiaba iniasi bulmakauba ko

sipsipba ko kuaraziba amadi. Ezi a garima dagiaba uari ikarvazir gumazamiziba apiaghav iti. ¹⁵ Ezi Iesus beniba inigha bizimin min a da ike. Egha a gumazamiziba ko men sipsipba ko bulmakauba bar me batoke, ezi me Godin Dipenimin avizim ategha zui. Ezi a dagiaba uari ikarvazir gumazamizibar dakoziba akuri da ira dagiaba akizirigha tintinibar zui. ¹⁶ Ezi a kamaghin gumazir dagiaba bagha kuaraziba amadiba pamten me migei, "Ia kuaraziba inigh mangi! Ia nan Afeziamin Dipenim biziba amadir danganimin min a damuun marki."

¹⁷ Ezi an suren gumaziba an amizir arazir kamin ganigha, egha me Godin Akinafarimin itir akar mam giniri. Akar kam a kamakin, "Nan navir averiam bar nin Dipenim gifuegha egha a baghavira iti."

¹⁸ Ezi Judan gumazir aruuba Iesus amizir arazir kamin ganigha, kamaghin an azara, "Ni mirakelin arazir manam damigh en akgagh suam, ni gavgavim ikia datirighin arazir kam gami?"

¹⁹ Ezi Iesus kamaghin men akam ikaragha ghaze, "Ia Godin Dipenir kam apirighti, eghiti ki dughiar pumuning ko mikezimin uam an ingarighthima a tugham."

²⁰ Ezi Judabu kamaghin migei, "Me 46plan azenibar Godin Dipenir kamin ingari. Eghiti ti dughiar pumuning ko mikezimin a ingarighthi a tugham, o?"

²¹ Ezi Iesus migeir Godin Dipenir kam, an mikarzimra. ²² Ezi God gin mozimin a gamizima a ua dikafi, ezi an suren gumaziba ua akar a formira mikemezir kam giniri. Egha akar Godin Akinafarimin itim ko akar Iesus mikemezir kam nighnizir gavgavim dar iti.

Iesus gumazamizibar araziba bar dagħ fo

²³ Ezi Iesus, God Israelia Gitazir Dughiamin Isam Jerusalemin itima, gumazamizir avirim mirakelin arazarazir Iesus amizibar gani. Kamaghin amizima me nighnizir gavgavim an iti. ²⁴ Ezi Iesus, a bar men araziba ko nighnizibagh fo. Kamaghin, a nighnizir gavgavim men itir puvati. ²⁵ A ubi gumazamizibar navir averiabar aven itir nighnizibagh fogha gifa. A fofozitam otevezir puvati, gumazitam gumazamizibar arazibar gun a mikiman kogham.

2:6: Mk 7:3-4 **2:6:** Mak 7:3-4 **2:11:** Lu 9:32, Jo 1:14, 4:54, 11:40 **2:11:** Luk 9:32; Jon 1:14; 4:54; 11:40 **2:12:** Mt 4:13 **2:12:** Matyu 4:13 **2:13:** Kis 12:1-27, Jo 6:4, 11:55 **2:13:** Ua Me Ini 12:1-27; Jon 6:4; 11:55 **2:16:** Lu 2:49 **2:16:** Luk 2:49 **2:17:** Sng 69:9 **2:17:** Onger Akaba 69:9 **2:18:** Mt 12:38, 21:23, Jo 6:30 **2:18:** Matyu 12:38; 21:23; Jon 6:30 **2:19:** Mt 26:61, 27:40; Mak 14:58; Ap 6:14 **2:19:** Matyu 26:61; 27:40; Mak 14:58; 15:29; Aposel 6:14 **2:21:** 2 Ko 6:16, Kl 2:9, 2 Pi 1:14 **2:21:** 2 Korin 6:16; Kolosi 2:9 **2:22:** Lu 24:6-8, Jo 12:16, 14:26 **2:22:** Luk 24:6-8; Jon 12:16; 14:26 **2:23:** Jo 2:11, 7:31 **2:23:** Jon 2:11; 7:31 **2:25:** Mt 9:4, Mk 2:8, Jo 6:64, Ap 1:24, MAA 2:23 **2:25:** Matyu 9:4; Mak 2:8; Jon 6:64; Aposel 1:24; Akar Mogomem 2:23

3

Iesus Nikodemus ko migei

¹ Gumazir mam iti, an ziam Nikodemus, a Farisin mam, egha a Judabar gumazir aruar mam. ² Dimagarir mam gumazir kam Jesus bagha izegha kamaghin a migei, "Tisa, e fo, God tisan min ni amadazima ni ize. E fo, God gumazitam ko ikian koghtima, gumazir kam mirakelin ni amir kaba, a tam damuva avegham."

³ Ezi Iesus kamaghin an akam ikaragha ghaze, "Ki bar guizbangira ni migei. Gumazitam ua gumazir igiamin otoghan koghiva, a God Bizibagh Ativamin Dughiamin aven ikian kogham."

⁴ Ezi Nikodemus an azara, "Gumazim ghurigh givagh manmaghin ua igiam gavagh? A ti uamategh uan amebamin navir averiamin mangiti an amebam uam a bategham?"

⁵ Ezi Iesus kamaghin a ikaragha ghaze, "Ki guizbangira ni migei, gumazitam dipam ko Godin Duamin ua gumazir igiamin otoghan kogh, egha a God Bizibagh Ativamin Dughiamin aven ikian kogham. ⁶ Nguazir kamin itir amiziba boriba batima, borir igiaba otifi. Ezi Godin Duam gumazimin duam gamima, a gumazir igiamin oto. ⁷ Ni akar ki ni mikemezimin digavir kuram damuan marki, 'Ta ua igiabar otifig.' ⁸ Aminim a uan ifongiamin gintigha egha pura tintinibar vua zui. Ni an niginim barasi, egha ni fozir puvati, a managh iza egha ua managh zui. Kamaghira, Godin Duam gumazamiziba bar me gamima me igiabar otifi."

⁹ Ezi Nikodemus kamaghin an azara, "Bizir ni migeir kam, a manmaghin otogham?"

¹⁰ Ezi Iesus kamaghin an akam ikaragha ghaze, "Manmaghin ami? Ni Israelian tongin itir tisan ekiam, egha ni ti bizir kabagh fozir puvati, o? ¹¹ Ki guizbangira ni migei, e fozir bizim e a migei. Egha e bizir e ganizimin gun migei. Ezi ia, e mikemezir akam akirim ragha a gasara. ¹² Ki nguazir kamin bizibar ia mikeme, ezi ia nighnizir gavgavim dar itir puvati. Egheti kamaghin

ki Godin Nguibamin bizibar ia mikimti, ia manmaghin nighnizir gavgavim dar ikiam? ¹³ Gumazir igharazitam Godin Nguibamin ghuavanabozir pu. Puvati. Gumazamizibar Otarim uabira Godin Nguibam ategha izaghiri.

¹⁴ "Fomira Moses gumazamiziba putatir danganimin ikia kuruzimin nedazir aghorimin itim a ghuife, egheti kamaghira me Gumazamizibar Otarim ghufam. ¹⁵ God kamaghhsua, gumazir nighnizir gavgavim Gu-mazamizibar Otarimin itiba, me bar zurara itir ikirimirir aghuarim iniam. Bizar kam bagh me Gumazamizibar Otarim ghufam.

¹⁶ "God Otarir bar vamira iti. Egha God nguazimin itir gumazamiziba, bar me gifonge. A kamaghhsua, gumazamiziba bar nighnizir gavgavim an Otarimin ikiva ovengan kogh, zurara itir ikirimirir aghuarim iniam. Bizar kam bagha an Otarir bar vamiran kam me ganingi. ¹⁷ God uan Otarim nguazimin gumazamizibar jasin min me tuisighasa anemadazir puvati. A men akurvaghosa anemada. ¹⁸ Gumazim nighnizir gavgavim Otarimin iti, a kotiaba puvati. Ezi gumazim nighnizir gavgavim an ikian aghua, a kotin ikia bar ovegha gifa. A nighnizir gavgavim Godin Otarir vamiran kamin itir puvati, kamaghin amizi, an ovegha gifa. ¹⁹ Ezi Godin kotiamin mingarimin arazim kamakin, Godin angazangarim nguazimin izegha gifa. Ezi gumazamiziba, me amir araziba bar ikufi, kamaghin amizi, me mitatem bagha bar ifonge, me angazangarimin aghua. ²⁰ Gumazamizir arazir kurabagh amiba bar, angazangarimin apaniba. Men arazir kuraba azenim giran me aghua, kamaghin amizi, me angazangarimin izir puvati. ²¹ Ezi gumazir guizbangin arazim gamim, a Godin angazangarimin izi. A kamaghin ifonge, Godin angazangarim deravira kamaghin gumazamizir igharazibar akaghram, a Godin gavgavimin uan ingangarim gami. Ezi kamaghin gumazir kam Godin angazangarimin aven izi."

Jon Gumazamiziba Ruer Gumazim, deraghavira bighatigha ghaze, Iesus a tina

-
- 3:1:** Jo 7:50, 19:39 **3:1:** Jon 7:50; 19:39 **3:2:** Mt 22:16, Jo 9:16, 9:33, Ap 2:22, 10:38 **3:2:** Matyu 22:16; Jon 9:16, 9:33; Apostol 2:22; 10:38 **3:3:** Mt 18:3, Ga 6:15, Ta 3:5, Je 1:18, 1 Pi 1:23, 1 Jo 3:9 **3:3:** Matyu 18:3; Galesia 6:15; Taitus 3:5; Jems 1:18; 1 Pita 1:23; 1 Jon 3:9 **3:5:** Ese 36:25-27, Mk 16:16, Ap 2:38, Ta 3:5 **3:5:** Esekiel 36:25-27; Mak 16:16; Apostol 2:38; Taitus 3:5 **3:6:** Sng 51:5, Jo 1:13 **3:6:** Onger Akaba 51:5; Jon 1:13 **3:8:** Sav 11:5, 1 Ko 2:11 **3:8:** Fofozir Gumazim 11:5; 1 Korin 2:11 **3:11:** Mt 11:27, Jo 3:32, 7:16, 8:26 **3:11:** Matyu 11:27; Jon 3:32; 7:16; 8:26 **3:12:** Lu 22:67 **3:12:** Luk 22:67 **3:13:** Snd 30:4, Jo 3:6, 6:33, 6:38, Ap 2:34, Ro 10:6, 1 Ko 15:47, Ef 4:9-10 **3:13:** Aghuzir Akaba 30:4; Jon 3:6; 6:33; 6:38; Apostol 2:34; Rom 10:6; 1 Korin 15:47; Efesus 4:9-10 **3:14:** Nam 21:9, Jo 8:28, 12:32 **3:14:** Diboboniba 21:9; Jon 8:28; 12:32 **3:15:** Jo 3:36, 6:47, 20:31 **3:15:** Jon 3:36; 6:47; 20:31 **3:16:** Jon 3:36; 10:28; Rom 5:8; 8:32; 1 Jon 4:9-10 **3:16:** Jon 3:36; 10:28; Rom 5:8; 8:32; 1 Jon 4:9-10 **3:17:** Lu 19:10, Jo 5:22, 5:45, 12:47; Ap 17:31, 1 Jo 4:14 **3:17:** Luk 19:10; Jon 5:22; 5:45; 12:47; Apostol 17:31; 1 Jon 4:14 **3:18:** Jo 3:36, 5:24, 6:40, 6:47, 20:31 **3:18:** Jon 3:36; 5:24; 6:40; 6:47; 20:31 **3:19:** Jo 1:4-5, 1:8-12, 8:12 **3:19:** Jon 1:4-5; 1:8-12; 8:12 **3:20:** Jop 24:13-17, Ef 5:11-13 **3:20:** Jop 24:13-17; Efesus 5:11-13 **3:22:** Jo 4:1-2 **3:22:** Jon 4:1-2

²² Ezi bizir kabar gin Jesus uan suren gumaziba ko me Judian Distrighin zui. A me ko danganir kamin ikia gumazamiziba rue. ²³ Jon, Salimin nguibamin boroghin itir nguibam Ainonin ikia gumazamiziba rue. Danganir kam dipar aviriba iti, ezi gumazamizir avirim rurim iniasa izi. ²⁴ (Dughiar kamin, Herot tighar Jon isi kalabus darigham.)

²⁵ Ezi akavdorozir mam Jonin suren gumaziba ko Judan gumazir mamin tongin oto. Me uari adogha ghaze, e rurir arazir manamin gin mangi, Godin damazim zuegham? ²⁶ Egha suren gumaziba Jon bagha ghuegha kamaghin a migei, "Tisa, gumazir kam fomira ni ko Jordanin Fanemin vongin ike, ezi ni an gun mikeme, gumazir kam datirighin gumazamiziba ruema, gumazamiziba bar a bagha zui."

²⁷ Ezi Jon kamaghin me ikaraghha ghaze, "Godin uan Nguibamin itim, biziitam gumazim danighan koghti, an a inighan kogham. ²⁸ Ki fomira akar kam ia mikeme, ezi ia uari a baraki, 'Ki God Ua E Iniasa Misevezir Gumazim puvati. God na amadazima ki an faragha ize.' ²⁹ Gumazitam amizitamin ikiiam, eghit amizir kam a gumazir kamin amuum. Ezi gumazir kamin namakam, a tugha gumazir amuumin itimin akam baraghasa bar akonge. Ezi kamaghira agorogem nan navir averiam bar a gizifa. ³⁰ An ziam bar ekevegh mamaghira ikiti, nan ziam bar magirigh.

³¹ "Gumazir Godin Nguibamin pin ikegha izezim, a bar bizibagh isin iti. Ezi nguaizar kamin gumazim, a nguaizar kamin bizibagh amua egha nguaizar kamin bizibav gei. Ezi gumazir Godin Nguibamin izezim a biziiba bar dagh isin iti. ³² A bizir a ganiziba ko oraghizibar gun migei. Ezi gumazitam a mikemezir akar katam inigha nighnizir gavgavim an itir puvati. ³³ Ezi gumazim an akam inigha nighnizir gavgavim an ikia, egha tuavir kamin kamaghin men aka, God a guizin akam migei. ³⁴ Gumazir God amadazir kam, God uan Duam isa bar a ganangi. Kamaghin amizi, a Godin akam akuri.

3:24: Mt 4:12; 14:3, Mk 6:17, Lu 3:19-20 **3:24:** Matyu 4:12; 14:3; Mak 6:17; Luk 3:19-20 **3:26:** Jo 1:26-34 **3:26:** Jon 1:26-34 **3:27:** Jo 19:11; 1 Ko 4:7; Hi 5:4; Je 1:17 **3:27:** Jon 19:11; 1 Korin 4:7; Hibru 5:4; Jems 1:17 **3:28:** Mal 3:1; Mt 11:10; Mk 1:2; Lu 1:17; Jo 1:20; 1:23; 1:27 **3:28:** Malakai 3:1; Matyu 11:10; Mak 1:2; Luk 1:17; Jon 1:20; 1:23; 1:27
3:29: Mt 9:15 **3:29:** Matyu 9:15 **3:31:** Mt 28:18, Jo 8:23, Ro 9:5, 1 Ko 15:47, Ef 1:21, Fl 2:9, 1 Jo 4:5-6 **3:31:** Matyu 28:18; Jon 8:23; Rom 9:5; 1 Korin 15:47; Efesus 1:21; Filipai 2:9; 1 Jon 4:5-6 **3:32:** Jo 3:11; 8:26, 15:15 **3:32:** Jon 3:11; 8:26; 15:15 **3:32:** Ro 3:4; 1 Jo 5:10 **3:33:** Rom 3:4; 1 Jon 5:10 **3:34:** Ais 42:1, Jo 1:16; 7:16 **3:34:** Aisaia 42:1; Jon 1:16; 7:16 **3:35:** Mt 11:27; Luk 10:22; Jon 5:20; 10:17; Hibru 2:8 **3:36:** Lu 3:7; Jo 1:12; 3:16-18; 6:47; Ro 1:17; 1 Jo 5:10-12 **3:36:** Luk 3:7; Jon 1:12; 3:16-18; 6:47; Rom 1:17; 1 Jon 5:10-12 **4:1:** Jon 3:22; 3:26 **4:5:** Stt 33:19; Jos 24:32 **4:5:** Jenesis 33:19; Josua 24:32 **4:9:** 2 Kin 17:24; Esr 4:1-5; 9:1-10:44; Neh 4:1-2; Lu 9:52-53; Ap 10:28 **4:9:** 2 Atriviba 17:24; Esra 4:1-5; 9:1-10:44; Nehemia 4:1-2; Luk 9:52-53; Aposel 10:28 **4:10:** Ais 12:3; Jer 2:13; Sek 13:1; 14:8; Jo 4:26 **4:10:** Aisaia 12:3; Jeremaja 2:13; Sekaraia 13:1; 14:8; Jon 4:26

¹¹ Ezi amizim a migei ghaze, "Gumazir ekiam, ni mineba pu. Mozir dipar kam bar kone. Egheti dipar ikirimirir zurara itim anidim, ni managh a inigham? ¹² En ovavim Jekop mozir dipar kam e ganingi. Egha u ubi uan boriba ko bulmakauba ko an asiziba, me bar mozir dipar kam ame. Ezi ni ghaze, ni ti Jekop gafiraz, o?"

¹³ Ezi Iesus kamaghin an akam ikaragha ghaze, "Gumazamiziba bar dipar kam amegh, men kuariba ua men piram. ¹⁴ Egheti gumazim o amizir ki daningamin dipar kam amegham, an kuarim dughiatamin uam an piran kogham. Puvati. Dipar ki daningamin kam, a dipam nguazir averiamin ikiava otiv i moghin, an navir averiamin otivam. Egh dipar ikirimirir zurara itim anidir kam otiv mamaghira ikiva, zurara itir ikirimirir aghuarim a daningam."

¹⁵ Ezi amizim kamaghin Iesus migei, "Gumazir ekiam, dipar kam na daningigh. Egheti nan kuarim gin ua nan piran koghti ki ua kagh izi dipam tuan kogham."

¹⁶ Ezi Iesus kamaghin a migei, "Ni mangi uan pamin diagh, egh gua kagh izi."

¹⁷ Ezi amizim kamaghin a ikaragha ghaze, "Ki paba puvati."

Ezi Iesus a migia ghaze, "Are, ni deragha migei, ni paba puvati. ¹⁸ Guizbangira, ni faragha 5pla paba iti. Ezi gumazir ni datirighin itim, a guizbangira nin pam puvati. Nin akar kam a bar guizbangira."

¹⁹ Ezi amizim a migei, "Gumazir Ekiam, ki datirighin fo, ni Godin akam inigha izir gumazir mam. ²⁰ En ovaviba me mighsiar kamin uari akuvava, Godin ziam fe. Ezi ia Judaba ghaze, danganir gumazamiziba mangiva Godin ziam fam, a Jerusalemin iti."*

²¹ Ezi Iesus kamaghin a migei, "Amizim, ni nighnizir gavgavim nan iki. Dughiatam otoghtima ia mighsiar kamin Afeziamin ziam fan kogh, egh uaghan Jerusalemin nguibamin an ziam fan kogham. ²² Ia Samariabia, ia fozir puvatizir God, ia an ziam fe. Ezi e Judaba e fozir God, e

an ziam fe. E fo, Godin gumazamizibar akurvazir ingangarim, a faragh Judabar agharimin ikegh egh gin gumazamizir ighazariba bagh mangam. ²³ Ezi dughiar otivamim, an otogha gifia, ezi gumazamiziba bar guizbangira Afeziamin ziam fasa, me an Duamin gavgavim ko guizbangin arazimin an ziam fam. Ezi Afeziamin, gumazamizir kamaghin amiba, me an ziam fasa a bar ifonge. ²⁴ God, a Duam. Ezi gumazir an ziam feba, me Godin Duamin gavgavim ko guizbangin arazimin an ziam fe."†

²⁵ Ezi amizim kamaghin Iesus migei, "Ki fo, Meseaia a izam. A God Ua E Iniasa Misevezir Gumazim. A izamin dughiam, a biziiba bar e mikimam."

²⁶ Ezi Iesus kamaghin a migei, "Kar kirara, datirighin ni ko migei."

²⁷ Iesus kamaghin a migeima, dughiar kamin an suren gumaziba uamategha izi. Egha me an garima an amizir kam ko uaning migeima, me okam nighnisi. Egha tav kamaghin amizimin azarazir puvati, "Ni tizim iniasa?"

Egha tav Iesusin azarazir puvati, "Ni tizimsua amizir kam ko migei?"

²⁸ Ezi amizir kam uan minem ategha, uamategha nguibamin ghu. Egha a kamaghin gumazamizibav gei, ²⁹ "Ia izi gumazir kamin ganigh. Ki fomira amizir araziba, a bar dar na mikeme. Ka ti gumazir kamra, God Ua E Iniasa Misevezir Gumazim?" ³⁰ Egha me nguibam ategha, Iesus bagha izi.

³¹ Ezi dughiar kamin, Iesusin suren gumaziba a gagkhorha kamaghin a migei, "Tisa, ni dami."

³² Ezi a kamaghin me migei, "Dagher ki damamim, ia a gifozir puvati."

³³ Ezi an suren gumaziba uarira kamaghin uariv gei, "Gumazitam ti a bagha dagheba inigha izi a ganingi?"

³⁴ Ezi Iesus kamaghin me migei, "Nan daghemra kara, ki Godin ifongiamin gin zui, a gumazir na amadazi ki izezim. Ezi a na ganingizir ingangarim, ki anegivaghram. ³⁵ Ia kamaghin migei, '4plan iakiniba givaghti,

- 4:11:** Jo 7:37-38, MAA 21:6 **4:11:** Jon 7:37-38; Akar Mogomem 21:6 **4:12:** Jo 8:53 **4:12:** Jon 8:53 **4:14:** Jo 6:35, 6:58, 7:38 **4:14:** Jon 6:35; 6:58; 7:38 **4:19:** Lu 7:16, Jo 6:14, 7:40, 9:17, 1 Ko 14:24-25 **4:19:** Luk 7:16; Jon 6:14; 7:40; 9:17; 1 Korin 14:24-25 **4:20:** Lo 12:5, 12:11-14, 1 Kin 9:3, Sng 122:1-5 **4:20:** Godin Araziba 12:5; 12:11-14; 1 Atriviba 9:3; Onger Akaba 122:1-5 * **4:20:** Mighsiar amizir kam an gun migeim, a Gerazimin Mighsiam, a Samarian Distrighan iti. Samarian gumazamiziba mighsiar kamra guhua Godin ziam fe. Ni deragh foghs, Luk 9:53in vezin itir akamin gan. **4:21:** Mal 1:11, 1 Ti 2:8 **4:21:** Malakai 1:11; 1 Timoti 2:8 **4:22:** 2 Kin 17:29-41, Ais 2:3, Lu 24:47, Ro 9:4-5 **4:22:** 2 Atriviba 17:29-41; Aisia 2:3; Luk 24:47; Rom 9:4-5 **4:23:** Jo 1:17, Fl 3:3 **4:23:** Jon 1:17; Filipai 3:3 **4:24:** Ro 12:1; 2 Korin 3:17; Filipai 3:3 **4:24:** Gumazir maba akar kam "Godin Duamin gavgavimin," me a giragha ghaze, "me uari uan duabar gavgavimin." **4:25:** Jo 1:41; 4:25: Jon 1:41 **4:26:** Mt 26:63-64, Mk 14:61-62, Jo 9:37 **4:26:** Matyu 26:63-64; Mak 14:61-62; Jon 9:37 **4:34:** Jo 6:38, 17:4, 19:30 **4:34:** Jon 6:38; 17:4; 19:30 **4:35:** Mt 9:37, Lu 10:2, MAA 14:15 **4:35:** Matyu 9:37; Luk 10:2; Akar Mogomem 14:15 **4:36:** Sng 126:5-6, Dan 12:3 **4:36:** Onger Akaba 126:5-6; Daniel 12:3

e dar gin azeniba aghoram.' Ezi ki ia migei, ia tintinibar ganiva egh deravira azenibar gan. Dagheba aghuigha gifa, ezi azeniba aghoramin dughiam otogha gifa! ³⁶ Gumazir dagheba isim, a datirighin uan ivezim isi, egha zurara itir ikirimir aghuarim bagha dagheba akufi. Kamaghin amizi, gumazir dagheba oparim ko gumazir dagheba isim aning virara bar akeuegam. ³⁷ Akar kam a guizbangira, 'Gumazir mam azenim opari, ezi gumazir igharazim an dagheba isi.' ³⁸ Ki, ia faragha ingarizir puvatizir azenimin dagheba iniasa, ki ia amada. Gumazir igharaziba azenir kamin ingari, ezi ia ghua me uan gavgavim oparizir dagheba isi.'

³⁹ Amizir kam faragha ghaze, "Gumazir kam, ki fomira amizir araziba, a bar dar na mikeme." Ezi nguabar kamin itir Samarian gumazamizir aviriba, me amizimin akar kam baregha, nighnizir gavgavim Iesusin iti. ⁴⁰ Egha Samariaba a bagha ize, egha me uarir gan ikiasha a gakaghovarira iti. Ezi a dughiar pumuningin me ko iti. ⁴¹ Ezi gumazamizir igharazir avirir maba, me uaghan Iesusin akam baregha nighnizir gavgavim an iti.

⁴² Egha me kamaghin amizim migei, "E nin akamra baregha nighnizir gavgavim gumazir kamin itir pu. Puvati. E uari an akam baraki, egha e fo, gumazir kamma, a guizbangira nguazir kamin itir gumazamizibar Akurvazir Gumazim. Kamaghin e nighnizir gavgavim an iti."

Iesus atrivimin ingangarir gumazimin borim gamizima, ua dera

⁴³ Ezi Iesus dughiar pumuningin Samarian adarazi ko ikegha givagha, nguabar kam ategha Galilin Distrighin ghu. ⁴⁴ Jesus ubi migirigiar kam gami, "Godin akam inigha izir gumazim, a uan nguibamra ziaba puvati." ⁴⁵ Galilin Distrighin itir gumazamiziba, me uaghan Israel bagh Itazir Dughiamin Isam bagha Jerusalemin nguibamin ghue, ezi Iesus dughiar kamin mirakelin aviribagh amizima me dar gani. Kamaghin amizi, Jesus datirighin uamategha ghua Galilin Distrighin otozi, Galilin gumazamiziba bar akeuega a ini.

⁴⁶ Ezi Iesus ua Kanan nguibamin ghu, a Galilin Distrighin aven itir nguibam. A faragha nguabar kamin dipam girazima a

wainin dipamin oto. Ezi dughiar kamin atrivimin ingangarir gumazir mam, a Kanan nguibamin iti. Ezi an otarim aria, Kaperneamin nguibamin iti. ⁴⁷ Ezi gumazir kam kamaghin oraki, Jesus Judian Distrik ategha uamategha Galilin Distrighin ize. Ezima a Jesus bagha ghua a gakaghora ghaze, "Ni Kaperneamin nguibamin magiri, nan otarim damighti, a ua deraka. Nan otarim bar ovengasava ami."

⁴⁸ Ezi Iesus kamaghin a migei, "Ia mirekkelba ko digavir kuram gamir arazibar ganon koghiva, ia nighnizir gavgavim nan ikan kogham."

⁴⁹ Ezi ingangarir gumazir kam kamaghin a migei, "Gumazir Ekiam, ni zuamira izighiri. Puvatightima, nan otarim aremegham."

⁵⁰ Ezi Iesus a migia ghaze, "Ni mangi, nin otarim angamira ikiam." Ezi gumazir kam nighnizir gavgavim Iesusin akamin ikia, egha ghu.

⁵¹ Egha gumazir kam tuavimin ghuavira itima, an ingangarir gumaziba iza tuavimin a bato, egha me kamaghin a migei, "Nin otarim an angamira iti!"

⁵² Ezi a men azara, dughiar manamra borim mong dera. Ezi me ghaze, "Boghinaron 1 kloghin aruer arizimin, an arimariam givazi mikarzim orangi."

⁵³ Ezi afeziam fo, boghinaron dughiar kamran Iesus a mikeme, "Nin otarim an angamira ikiam." Kamaghin amizi, a nighnizir gavgavim Iesusin itima, an adarazi uaghan nighnizir gavgavim iti. ⁵⁴ Kar dughiar namba 2, Jesus Judian Distrik ategha ua iza Galilin Distrighin ikiava mirakelin mam uam a gami.

Iesus uan ingangarim gamua egha Sabatin dughiabar gumazamizibar sure gami

5

(Sapta 5-10)

Iesus Betesdan mozir dipamin gumazir mam gamizi a ua dera

¹ Dughiar maba givazi, Judabar isar ekiam otozi, Jesus isam bagha Jerusalemin nguabar ekiamin ghu.* ² Ezi Jerusalemin mozir dipar ekiar mam iti, ezi Hibrun akam me Betesda, a garisi. A Sipsipba Aven

4:42: Jo 17:8; 1 Jo 4:14 **4:42:** Jon 17:8; 1 Jon 4:14 **4:43:** Jo 4:40 **4:43:** Jon 4:40 **4:44:** Mt 13:57, Mk 6:4, Lu 4:24 **4:44:** Matyu 13:57; Mak 6:4; Luk 4:24 **4:45:** Jo 2:23 **4:45:** Jon 2:23 **4:46:** Jo 2:1-11 **4:46:** Jon 2:1-11 **4:47:** Mt 8:5-6, Lu 7:1-10 **4:47:** Matyu 8:5-6; Luk 7:1-10 **4:48:** Jo 2:18, 20:29, 1 Ko 1:22 **4:48:** Jon 2:18; 20:29; 1 Korin 1:22 **4:50:** Mt 8:13, Mk 7:29 **4:50:** Matyu 8:13; Mak 7:29 **4:53:** Ap 16:14-15, 16:31 **4:53:** Aposel 16:14-15; 16:31 **4:54:** Jo 2:11, 2:23 **4:54:** Jon 2:11; 2:23 **5:1:** Jonin akinafarimin aven itir saptan 5, 6, 7, 8, 9, ko 10, Iesus Sabatin dughiaba ko Judabar Isar Ekiamin dughiabar, ingangarir aviribar akaba iti. Ni Luk 5:1, 5:9, 6:4, 7:2, ko 10:22 in gan. Fofozir gumazir aviriba kamaghin nighnisi, Jon kamaghin en akaghaha, Iesus a Judabar Dughiar Ekiaba, a uabi dar mingarim. Ni Luk 2:13 ko 2:23 ko 11:55 in gan.

Zuir Tiar Akar Ekiamin boroghira iti. Ezi mozir dipar kamin miriam azuarir 5pla iti.[†]
³⁻⁴ Ezi azuarir kaba arimariar gumazamizir avirim dar iti, damazir okaviriziba ko suer kuraba, ko soroghafariba amiraziba.[‡]

⁵ Gumazir mam an azuarir mamin iti, an suemning bar amirazima a 38plan azeni-bar arimariar kam iti. ⁶ Ezi Jesus gumazir kamin garima a irighav iti, ezi a fo, a fomiram aria iti. Ezi Jesus an azara, “Ni ua deraghosa ifonge”

⁷ Ezi arimariar gumazim kamaghin Iesusin akam ikaragha ghaze, “Gumazir ekiam, ki akurvazir gumaziba puvati. Dipam sirvamadir dughiamin, gumazitam na inigha ghua mozir dipamin averiam gatizir puvati. Ki uabi mangasa ifonge, ezi gumazamizir igharaziba na gafigha faragha ghughirhi.”

⁸ Ezi Jesus kamaghin a migei, “Ni dikavigh uan akuriam inigh, daru mangi.” ⁹ Ezi gumazir kamin suemning zuamira ua dera. Ezi a uan daguivsiaba inigha zui.

Ezi aruer kamin kar Sabatin dughiam,¹⁰ ezi Judaba gumazir kamin ganigha kamaghin a migei, “Datirighin Sabatin dughiam. Moses Osirizir Araziba ghaze, ni Sabatin dughiamin uan daguivsiaba ater daruan kogham.”

¹¹ Ezi a kamaghin men akam ikaragha ghaze, “Gumazir na gamizi ki derazim, a kamaghin na migei, ‘Ni dikavighiva uan daguivsiaba inigh, daru mangi.’”

¹² Ezi me an azara, “Gumazir manamra ni migia ghaze, ‘Ni dikavighiva uan daguivsiaba inigh, daru mangi.’” ¹³ Ezi gumazir ua derazir kam a fozir puvati, tinara a mikeme. Dughiar kam gumazamizir avirim nguibar kamin iti, ezi Jesus men tongin suiaghirigha ghu. Kamaghin amizi, gumazir kam fozir puvati, tina an akura.

¹⁴ Ezi gin Jesus Godin Dipenim avinizir divazimin aven ghua an garima a iti. Ezi Jesus a migei, “Ni oragh. Ni datirighin ua dera. Ni uam arazir kuratam damuan

marki. Ni oraghan koghti, osimtizir bar ekiatam ni batogham.”

¹⁵ Ezi gumazir kam ghua kamaghin Judabav gei, “Gumazir na gamizi ki derazim, a Iesusra.” ¹⁶ Iesus Sabatin dughiamin bizir kabagh ami, bizir kam bagha Judaba osimtiziba Jesus garigha ghaze, an en apanim.

¹⁷ Ezi Jesus kamaghin men akam ikaragha ghaze, “Nan Afeziām a zurara ingara iza datirikin. Ezi ki uaghan ki ingari.”

¹⁸ Ezi Judaba me akar kam baregha me fo, Iesus Sabatin dughiamin Arazimin gin zuir puvati, egha a uaghan ghaze, God guizbangira nan Afeziāmra. Akar kamin, a uabi uabi gamigha egha Godin min oto. Kamaghin amizi, Judaba Jesus misuegħti an aremegħħasa me bar ifonge.

Godin Otarim a ingangarim damuamin gavgavim itti

¹⁹ Ezi Jesus Judabar akam ikaragha ghaze, “Ki guizbangira ia migei, Otarim bizzit uan nighnizim a damighan kogham. Puvati. An Afeziām gar, an amir biziba darara a dagh ami. Egha bizir Afeziām amiba, Otarim uaghan dagh ami.

²⁰ Afeziām bar Otarim gifonge, egha bizir a uabi amiba, a bar ada isa uan Otarim a. Afeziām kamagħsua, a ia damuti ia digavir kuram damuam, kamaghin a ingangarir ekiar igharaziba sara uaghan uan Otarim a kagħam, da ingangarir an amigha givazibagh afiragħam. ²¹ Afeziām gumazir ariaghirezibagh amima me ua dikavima an angamira itir ikirrimir me ganid. Ezi kamaghira Otarim uaghan gumazir a miseveziba angamira itir ikirrimir me ganid. ²² Afeziām kotin gumazitam ariaghirezibagh tuisizir puvati. Egha gumazamizbar araziba tuisighamin ingangarim, an a isa Otarim ganingi. ²³ Afeziām kamagħsua, gumazamiziba bar Afeziām ziam fe mogħin, me Otarim ziam fam, kamaghin a gumazamiziba tuisighamin ingangarim isa Otarim ganingi. Gumazim Otarim ziam fer puvati, an

[†] **5:2:** Dughiar kam Jerusalem nguibamin divazir bar ekiam iti. Ezi tiar akar aviriba an iti. Ezi tiar akar kabar mam, an ziam Sipsipba Aven Zuir Tiar Akam. Betesdan mozir dipar ekiam, a tiar akar kam boroghira iti. [‡] **5:3-4:** Fofozir gumazir maba ghaze, akar igharazir mam uaghan vezin kam iti. Akar kam kamakin: “Me dipar kam siravamangasa, me a mizu. Dughiar maba Ekiamin enselin mam għuaghiriga dipam gammia a siravamadi. Dipam siravamangigha għivza, gumazir arimariar manam itim, a dipam aven magħirigh, egh ua deragħam.” **5:8:** Mt 9:6 **5:8:** Matu 9:6 **5:10:** Ua Me In 20:10; Nehemia 13:19; Jeremaja 17:21; Matu 12:2; Mak 2:24; Luk 13:14; Jon 9:14 **5:14:** Jo 8:11 **5:14:** Jon 8:11 **5:16:** Mt 12:14

5:16: Matu 12:14 **5:17:** Jo 9:4, 14:10 **5:17:** Jon 9:4; 14:10 **5:18:** Mt 26:4, Jo 7:1, 7:19, 7:30, 10:30, 10:33, Fl 2:6 **5:18:** Matu 26:4; Jon 7:1; 7:19; 7:30; 10:30; 10:33; Filipai 2:6 **5:19:** Jo 5:30, 8:28-29, 12:49, 14:10 **5:19:** Jon 5:30; 1 Sm 2:6, 2 Kin 5:7, Lu 7:14, 8:54; Jo 11:25, 11:43, Ro 4:17; Ef 2:5 **5:21:** Godin Araziba 32:39; 1 Samuel 2:6; 2 Atriviba 5:7; Luk 7:14; 8:54; Jon 11:25; 11:43; Rom 4:17; Efesus 2:5 **5:22:** Mt 11:27, Jo 3:17, 5:27, 9:39, Ap 10:42, 17:31, 1 Pe 4:5 **5:22:** Matu 11:27; Jon 3:17; 5:27; 9:39; Aposel 10:42; 17:31; 1 Pita 4:5 **5:23:** Fl 2:10-11, 1 Jo 2:23 **5:23:** Filipai 2:10-11; 1 Jon 2:23

Afeziar Otarim amadazimin ziam fer puvati.

²⁴ “Ki guizbangira ia migei, gumazim nan akam baragha, egha nighnizir gavgavim Afeziar na amadazimin ikiava, egha a zurara itir ikirimir aghuarim iti. A kotiaba puvati. An ovevem ategha, datirighin an angamira iti.

²⁵ “Ki guizbangira ia migei, dughiar otivamim, a datirighin otogha gifa. Ezi gumazamizir ariaghireziba me Godin Otarimin akam baraghram. Gumazamizir a baraghiziba, me angamira ikiam.

²⁶ Afeziam, a ubi ikirimir zurara itim aningamin gavgavim iti. Kamaghira a uan Otarim gamizi, a uaghan ikirimir zurara itim aningamin gavgavim iti. ²⁷

A Gumazamizibar Otarim, kamaghin amizi Afeziam gumazamizibar araziba tuisighamin gavgavim a ganingi. ²⁸ Ia nan akar kam inigh egh digavir kuram damuan marki. Dughiam otivasava amima gumazamizir ariaghireziba, me bar Otarimin akam baraghram. ²⁹ Egh me bar moziba ategh azenimin izam. Gumazamizir arazir aghuibagh amiziba, me ua dikavigh egh zurara angamira ikiam. Eghit gumazamizir arazir kurabagh amiziba, me ua dikavighiva kotiamin ikiam, eghit ki kamaghin me mikimam, me bar helin mangiva iveau kuram iniam.”

Marazi uaghan ghaze, Jesus a tina

³⁰ Egha Jesus ua kamaghin migei, “Ki ubi uan nighnizimin gin mangi bizitam damihan kogham. Ki akar Afeziam da inizibar gin ghua, egha gumazamizibar araziba tuisisi. Ki ubi uan ifongiamin gin zuir puvati. Ki Afeziamin ifongiamin gin zuima, a na amadazima ki ize. Kamaghin amizi, ki gumazamizibar araziba deravira da tuisisi, ezi nan kotiam a bar guizbangira ghua egha bar dera.

³¹ “Eghit ki ubi ua bagh uan ingangariba ko arazibar gun mikimtima, gumazamiziba

nighnizir gavgavim ki migeir akar kabar ikian marki. ³² Ezi ighazaritav a iti, egha a uaghan nan araziba ko nan ingangaribar gun migei. Ezi ki fo, a nan gun migeir akaba guizbangira. ^{**}

³³ “Iarara fomira gumazir maba amangizi me Jon bagha ghuezi a nan gun mikeme, ezi an akam guizbangira. ³⁴ Ki ubi, ki gavgavim gumazitamik akam daningasa nighnizir puvati. Ki God ian akurvaghosa, ki ifonge. Kamaghin amizi, ki Jonin akamin gun ia migei. ³⁵ Jon a lamin min iki ia isia angazangarim gumazamizibagh anidi. Ezi dughiar otevimin ia an akam iniasa ifonge, ezi Jonin angazangarim ia gisiraghia ga gaminia ia bar akonge.

³⁶ “Ezi nan gun migeir akar mam iti, a Jonin akam gafira, akar kam datirighin nan gun ia migei. Afeziam, ki ingangarir kam damuva anegivasa, a na ganingi. Ezi ingangarir ki amir kaba, da bar deraghavira nan gun gumazamizibav gei, Afeziam na amadazi ki ize. ³⁷ Ezi Afeziar na amadazi ki izezim, a ubi nan gun migei. Ezi ia tong an akam barazir puvati. Egha ia dughiatam an guamin ganizir puvati. Bar puvati. ³⁸ Ia Afeziam amadazir gumazir kamin akam nighnizir gavgavim an itir puvati. Ian arazir kaba ian gun migei, Afeziamin akam uaghan ian navir averiabar itir puvati. ^{††}

³⁹ “Ia ghaze, akar Godin Akinafarimin itim, a zurara itir ikirimir aghuarim ia ganidi. Kamaghin amizima ia akar Godin Akinafarimin itibar gara da tuisisi. Ezi Godin Akinafarimin uaghan nan gun migei! ⁴⁰ Ezi ia na bagh izi zurara itir ikirimir aghuarim inian aghua.

⁴¹ “Ki gumazamiziba da ziar ekiam iniasi, migirigar kabagh amir puvati.

⁴² Ki ia gifio. Ian navir averiabar, ia guizbangira God gifongezir puvati. ^{‡‡} ⁴³ Ki uan Afeziamin ziamin ize, ezi ia nan akam baraghian aghua. Eghit gumazitam uabi uan ziamin izeghti, ia an akam zuamiram

5:24: Jo 3:15-18, 6:40; 8:51, 1 Jo 3:14 **5:24:** Jon 3:15-18; 6:40; 8:51; 1 Jon 3:14 **5:25:** Jo 5:28, Ef 2:1, 2:5-6, Kl 2:13

5:25: Jon 5:28; Efesus 2:1; 2:5-6; Kolosi 2:13 **5:27:** Dan 7:13-14, 7:22, Jo 5:22, Ap 10:42, 17:31 **5:27:** Daniel 7:13-14; 7:22; Jon 5:22; Aposel 10:42; 17:31 **5:29:** Ais 26:19, Dan 12:2, Mt 16:27; Jo 6:40; Aposel 24:15; 1 Korin 15:52; 1 Tesalonika 4:16 **5:30:** Mt 26:39, Jo 4:34, 5:19, 6:38 **5:30:** Matyu 26:39; Jon 4:34; 5:19; 6:38 **5:31:** Jo 8:13-14, MAA 3:14 **5:31:** Jon 8:13-14;

Akar Mogomem 3:14 **§ 5:31:** Ni Godin Araziba 19:15in gan. **5:32:** Mt 3:17, Jo 5:36-37, 8:18, 1 Jo 5:6-9 **5:32:** Matyu 3:17; Jon 5:36-37; 8:18; 1 Jon 5:6-9 **5:32:** Jesus “ighazaritav,” migia, a uan Afeziam God migei. **5:33:**

Jon 1:19-34; 3:27-30; Efesus 2:8; Taitus 3:5 **5:35:** Mt 13:20-21, Mk 6:20, 2 Pi 1:19 **5:35:** Matyu 13:20-21; Mak 6:20;

2 Pita 1:19 **5:36:** Jo 3:2, 10:25, 10:38, 14:11, 1 Jo 5:9 **5:36:** Jon 3:2; 10:25; 10:38; 14:11; 1 Jon 5:9 **5:37:** Mt 3:17, 17:5, Mk 1:11, Lu 3:22, Jo 5:32, 6:27, 8:18, 1 Ti 1:17, 1 Jo 4:12 **5:37:** Matyu 3:17; 17:5; Mak 1:11; Luk 3:22; Jon 5:32; 6:27;

8:18; 1 Timoti 1:17; 1 Jon 4:12 **†† 5:38:** Gumazir Afeziam amadazir kam, a Jesus ubi. **5:39:** Lo 18:15-18, Lu 16:29,

24:27, 24:44; Jo 5:46, Ap 13:27, 17:11, 2 Ti 3:15, 1 Pi 1:10-11 **5:39:** Godin Araziba 18:15-18; Luk 16:29; 24:27, 24:44; Jon 5:46; Aposel 13:27; 17:11; 2 Timoti 3:15; 1 Pita 1:10-11 **5:40:** Jo 1:11, 3:19 **5:40:** Jon 1:11; 3:19 **5:41:** Jo 5:34,

1 Te 2:6 **5:41:** Jon 5:34; 1 Tesalonika 2:6 **‡‡ 5:42:** Gumazir maba akar kam giraghia ghaze, “Godin apangkuvim ian navibar itir puvati.” **5:43:** Mt 24:5, 24:24 **5:43:** Matyu 24:5; 24:24 **5:44:** Jo 12:43, Ro 2:29 **5:44:** Jon 12:43; Rom 2:29

a baregham. ⁴⁴ Ia uan adarazira me da ziar ekiaba isi. Ezi God uabira ziar ekiam anidima, ia a inian aghua. Ia arazir kabar amu, egh ia manmaghin nighnizir gavgavim nan ikiam? Bar puvatigham!

⁴⁵ "Ia kamaghin nighnighan marki, ki Afeziamin damazimir akam ia gasam. Puvati. Gumazir akam ia gasamim, a Moses ubi, a gumazir kam ia ghaze, a ian akuraghram. ⁴⁶ Ezi akar Moses osiriziba, da nan gun migei. Kamaghin, ia nighnizir gavgavim Mosesin akabar ikiva, egh ia uaghan nighnizir gavgavim nan akabar ikiam. Kamaghin amizi, ia guizbangira nighnizir gavgavim Mosesin akaba ko nan akabar itir puvati. ⁴⁷ Ezi kamaghin, ia nighnizir gavgavim Moses osirizir akabar itir puvati, egh ia manmaghin nighnizir gavgavim na akabar ikiam?"

6

Iesus dagheba isa 5,000plan gumazibagh anidi

(Matyu 14:13-21; Mak 6:30-44; Luk 9:10-17)

¹ Ezi bizir kabar gin Jesus Galilin Dipar Akaremin dadarir vuemin ghu, dipar kamin ziar mam Taiberias. ² Gumazamizir avirim faraghavira an garima a mirakelin arazir aviribar arimariar gumazamizibagh amizi me ua dera. Kamaghin amizi, me datirighin an gin zui. ³ Ezi Jesus mighsiamin ghuavan-abogha, uan suren gumaziba ko aperaghav iti. ⁴ Ezi dughiar kamin God Israelia Gitazir Dughiamin Isam ottivasa roghira izi. ⁵ Ezi Jesus kogha garima, gumazamizir avirir ekiam a bagha izi. Ezi a kamaghin Filipin azara, "E managh gumazamizir kaba bagh daghebagh ivezegh me daningam?" ⁶ (Ezi Jesus Filipin nighnizir gavgavim, gavgavim a daningasava, akar kam puram a gami. Jesus ubi bizir a damuamim gif.)

⁷ Ezi Filip a ikaragha ghaze, "E 200 kina inigh bret givezezghi, da bar gumazamizibar tughatighan kogham, me vaghvagh bretin akuar muziariba ini dar amam."

⁸ Ezi Iesusin suren gumazibar mav, an ziam Andru, a Saimon Pitam aveghbuam, a kamaghin migei, ⁹ "Otarir mam a kagh iti, a bretin me balin daghemin ingarizir 5pla, ko osirir pumuningra iti. Ezi gumazamizir avirir ekiam iti. Kamaghin bretin kam ko osirir kamning, da manmaghin en akuraghram?"

- 5:45:** Lo 31:26-27, Ro 2:12 **5:45:** Godin Araziba 31:26-27; Rom 2:12 **5:46:** Stt 3:15, Lo 18:15-18, Jo 1:45, Ap 3:22, 26:22 **5:46:** Genesis 3:15; Godin Araziba 18:15-18; Jon 1:45; Apostel 3:22; 26:22 **5:47:** Lu 16:31 **5:47:** Luk 16:31
6:4: Jo 2:13 **6:4:** Jon 2:13 **6:5:** Mt 14:14, Mk 6:34, Lu 9:12 **6:5:** Matyu 14:14; Mak 6:34; Luk 9:12 **6:9:** 2 Kin 4:43 **6:9:** 2 Atriviba 4:43 **6:14:** Stt 49:10, Lo 18:15-18, Mt 11:3, Jo 1:21, 2:11, 4:19, 4:25, 5:46 **6:14:** Genesis 49:10; Godin Araziba 18:15-18; Matyu 11:3; Jon 1:21; 2:11; 4:19; 4:25; 5:46 **6:15:** Mt 14:23, Jo 18:36 **6:15:** Matyu 14:23; Jon 18:36 **6:23:** Jon 6:11

¹⁰ Ezi Iesus kamaghin migei, "Ia gumazamizibav kimtimi me dapiagh." (Grazir avirim danganir kamin iti.) Ezi gumazamiziba apia. Egha men tongin, 5,000in gumaziba iti. ¹¹ Me apiaghav itima, Iesus bretin kaba inigha God minabagha gumazamizibagh anidi. A uaghan osirir pumuning kamaghira aning gami. A me ganidima, me uan ifongiabar amegha tughati.

¹² Me amegha naviba bar izivazima Iesus kamaghin uan suren gumazibav gei, "Ia dagher nar ikiavira itiba bar da akumakumigh. Taba pura ikiian marki." ¹³ Gumazamiziba, 5plan bretin me balin daghem ingariziba amegha givazima, bretin naba iti. Ezi suren gumaziba bretin nar muziarir itiba akumakumigha 12plan akirabagh aghuizi da izifa.

¹⁴ Ezi gumazamiziba mirakelin arazir Jesus amizir kamin ganigha, kamaghin migei, "Bar guizbangira, kar Godin akam inigha izir gumazim, God nguazir kamin anemangasa mikeme!" ¹⁵ Ezi Iesus akar kam baregha fo, me iziva an suiragh a damighti, a men atrivimin ikiam. Kamaghin amizi, a danganir kam ategha uabira uamategha mighsiamin ghu.

Iesus Galilin Dipar Akarem gisin arua zui (Matyu 14:22-33; Mak 6:45-52)

¹⁶ Ezi guaratizir kamin Iesusin suren gumaziba dipamin ghuaghiri. ¹⁷ Egha me botin mam inigha dipam abigha Kaperneamin nguibam bagha zui. Iesus tighar me bativam, ezi aminim pirigha gif. ¹⁸ Ezi aminir dafam otogha, ongarim givaima an ekiabar dikafi. ¹⁹ Ezi me 5 o 6 kilomitan pul gamua ghua garima, Iesus dipam gisin arua botin boroghin izi. Ezi me bar atiatingi. ²⁰ Ezi Iesus kamaghin me migei "Kar kirara izi. Ia atiatingan marki." ²¹ Ezi me a inigh botin aven izasa bar ifonge, ezi bot bar zuamira danganir me zuimin oto.

Gumazamiziba Iesus buri

²² Amimzaraghan, gumazamizir dipamin vongin ikiavira ikeziba, me fo, botin vamira boghinaron ike, ezi Iesus uan suren gumaziba ko botin kamin ghuzir puvati. Suren gumazibara botin kamin ghue. ²³ Ezi Taiberiasin botin maba, danganir kam, Ekiam Iesus, God minabagha bret gumazir aviribagh aningizi me amezim. ²⁴ Ezi gumazamiziba kamaghin ganigha fo, Iesus itir puvatizima,

an suren gumaziba uaghan itir puvati. Kamaghin amizi, me botin kabar ghuavanega, Iesus buriasa Kaperneamin nguibamin zui.

Iesus, a dagher ikirimirir zurara itim anidim

²⁵ Ezi gumazamiziba dipamin vongin Iesus batogha givagha, kamaghin a migei, "Tisa, ni manadizoghin kagh ize?"

²⁶ Ezi Iesus men akam ikaratha ghaze, "Bar guizbangira ki ia migei, ia mirakelin arazarazir ia ganiziba dagh nighnigha iza na buri, o?" Puvati. Ki ghaze, ia dagher ki ia ganingizir kam amegha ian naviba bar izefe, ezi bizir kam bagha ia na buri. ²⁷ Ia dagher kuraghribi bagh ingar da inian marki. Ia dagher zurara ikia mamaghira itim bagh ingariva a inigh, kar dagher zurara itir ikirimirir aghuarim anidim. Afeziam God kamaghin ian aka, Gumazamizibar Otarim, a uabin torogha gavgavim a ganangi. Kamaghin amizi, dagher kam, Gumazamizibar Otarim ia daningam."

²⁸ Ezi me an azara, "E manmaghin damighiva egh e Godin ingangarim damuam?"

²⁹ Ezi Iesus kamaghin men akam ikaratha ghaze, "Godin ingangarim kamakin. Ia gumazir God amadazir kam, ia nighnizir gavgavim an iki."

³⁰ Ezi me kamaghin an azara, "Ni mirakelin arazir manam damighti e an ganighiva, nighnizir gavgavim nin ikiam? Ni tizim damigham? ³¹ En ovaviba dagher mam an ziam mana, me gumazamiziba puvatizir danganimin ikia aneme. Godin Akinafarimin itir akam mikemezi moghin, 'A Godin Nguibamin manan daghem me ganingizima me aneme.'

³² Ezi Iesus kamaghin me migei, "Ki guizbangira ia migei, Moses Godin Nguibamin daghem ia ganingizir pu. Puvati. Kar nan Afeziam Uan Nguibamin itir guizin daghem ia ganangi. ³³ Dagher God e ganingizir kam, a Godin Nguibam ategha izaghiri, a nguazir kamin itir gumazamizibagh amima me ikirimirir aghuarim iti."

³⁴ Ezi me an azara, "Ekiam, ni dagher kam zurara e daningvira iki."

³⁵ Ezi Iesus kamaghin me migei, "Ki uabi, dagher ikirimirir zurara itim anidim. Gumazir na bagha izim, mitiriam uam an aghan kogham. Ezi gumazir nighnizir gavgavim nan itim, kuarim uam an piran kogham. ³⁶ Ki ia mikeme, ia nan ganigha gifa, egha ia nighnizir gavgavim itir puvati. ³⁷ Ezi gumazamizir Afeziam na ganingiziba, me bar na bagh izam. Egh gumazir na bagh izamim, ki a batueghan kogham. ³⁸ Ki uan ifongiamin gin mangasa Godin Nguibam ategha izaghirizir puvati. Ki Afeziar na amadazimin ifongiamin gin mangasa ki izaghiri. ³⁹ Ezi Afeziar na amadazimin ifongiam, a kamakin, ki gumazamizir a na ganingizitam ateghan kogham. Puvati. Ki Godin Kotin Dughiamin me damighti me bar ua dikavigham.

⁴⁰ Nan Afeziamin ifongiam kamakin, gumazamizibar otarim ganighiva egh nighnizir gavgavim an ikiva, me zurar itir ikirimirir aghuarim iniam. Eghni Godin Kotin Dughiam otoghti ki me damighti me ua dikavigham."

⁴¹ Ezi Judaba akar kam baraki, "Ki uabi ki dagher kam, Godin Nguibam ategha izaghiri," egha me an atarava a gimobi.

⁴² Me ghaze, "Gumazir kam a Iesus, Josepin otarim. E an afeziam ko amebam gifo. Ezi manmaghsua a ghaze, 'Ki Godin Nguibam ategha, egha izaghiri?'

⁴³ Ezi Iesus kamaghin men akam ikaratha ghaze, "Ia atara egha uarigh imobir arazir kam atakigh. ⁴⁴ Gumaizitam uabi uan ifongiamin na bagh izeghan kogham. Puvati. Afeziar na amadazimin, an nighnizim feghiva a inigh na bagh izam. Eghni Godin Kotin Dughiam ki mozimin a damighti a ua dikavighiva angamira ikiam. ⁴⁵ Akar kam kamaghin Godin akam inigha izir gumazibar Akinafarimin iti, 'God bar gumazamizibar sure damuam.' Ezi kamaghin gumazamizibar Afeziamin akam baregha, Afeziam da fofozim isa na bagha izi.

⁴⁶ "Gumazitam Afeziamin ganizir puvati. Gumazir Afeziam ko ikegha izezir kam, a uabira Afeziamin gani. ⁴⁷ Ki guizbangira

-
- 6:26:** Jo 6:11-12 **6:26:** Jon 6:11-12 **6:27:** Mt 3:17, Lu 3:22, Jo 1:33, 4:14, 6:48-58, Ap 2:22, 2 Pi 1:17 **6:27:** Matyu 3:17; Luk 3:22; Jon 1:33; 4:14; 6:48-58; Aposel 2:22; 2 Pita 1:17 **6:29:** 1 Jo 3:23 **6:29:** 1 Jon 3:23 **6:30:** Ua Me Ini 16:4; 16:15; Diboboniba 11:7-9; Nehemia 9:15; Onger Akaba 78:24; Matyu 12:38; 16:1; Mak 8:11; Jon 2:18; 1 Korin 1:22; 10:3 **6:34:** Jo 4:14-15, 6:48-58, 7:37 **6:34:** Jon 4:14-15, 6:48-58; 7:37 **6:35:** Jo 4:14, 6:48-58 **6:35:** Jon 4:14; 6:48-58; 7:37 **6:36:** Jo 6:26, 6:64, 20:29 **6:36:** Jon 6:26; 6:64; 20:29 **6:37:** Mt 11:28, Jo 10:28-29, 17:6-8, 2 Ti 2:19, 1 Jo 2:19 **6:37:** Matyu 11:28; Jon 10:28-29; 17:6-8; 2 Timoti 2:19; 1 Jon 2:19 **6:38:** Mt 26:39, Jo 4:34, 5:30 **6:38:** Matyu 26:39; Jon 4:34; 5:30 **6:39:** Jo 10:28-29; 17:12; 18:9 **6:39:** Jon 10:28-29; 17:12; 18:9 **6:40:** Jo 3:15, 6:27, 6:47, 6:54, 11:24 **6:40:** Jon 3:15; 6:27; 6:47; 6:54; 11:24 **6:42:** Mt 13:55, Mk 6:3, Lu 4:22 **6:42:** Matyu 13:55; Mak 6:3; Luk 4:22 **6:44:** Jo 6:65 **6:44:** Jon 6:65 **6:45:** Ais 54:13, Jer 31:34, Mai 4:2, Hi 8:10 **6:45:** Aisia 54:13; Jeremaia 31:34; Maika 4:2; Hibrus 8:10 **6:46:** Mt 11:27, Lu 10:22, Jo 1:18 **6:46:** Matyu 11:27; Luk 10:22; Jon 1:18 **6:47:** Jo 3:15-18, 3:36, 6:40 **6:47:** Jon 3:15-18; 3:36; 6:40 **6:48:** Jo 6:31-35, 6:58 **6:48:** Jon 6:31-35; 6:58

ia migei, gumazir nighnizir gavgavim nan itim, a zurara itir ikirimirir aghuarim iti.
48 Ki uabi, ki dagher ikirimirir zurara itim anidim. **49** Ian ovavir kaba me, dagher ziam mana, me gumazamiziba puvatizir danganimin ikia aneme, egha ariaghire.
50 Ezi dagher kam Godin Nguibam ategha izaghiri, gumazamiziba anemiva, egh me aremeghan kogham. **51** Ki uabi dagher kam, ikirimirir zurara itim anidim, Godin Nguibam ategha izaghiri. Eghit gumazitam dagher kam ameghiva, a zurara itir ikirimirir aghuarim iniam. Dagher ki a daningamim, a nan inivafizim. Ki kamghsua, nuguazmin gumazamiziba me angamira ikiam, kamaghin ki me bagh uan inivafizim anenigham."

52 Ezi Judaba akar kam baregha egha uari tongin uarir atara ghaze, "Gumazir kam manmaghin uan inivafizim e danighti e anemam?"

53 Ezi Jesus kamaghin me migei, "Ki guizbangira ia migei, ia Gumazamizibar Otarimin inivafizim ameghan koghiva, egh an ghuzim ameghan koghiva, egh ia angamira itir ikirimirrim ian ikian kogham.
54-55 Nan inivafizim a guizin daghem, ezi nan ghuzim a guizin apir bizim. Kamaghin amizi, gumazim nan inivafizim apava egha nan ghuzim api, a zurara itir ikirimirir aghuarim iti. Eghit Godin Kotin Dughiamin ki a damighti a ua mozimin dikavigham.
56 Ezi gumazim nan inivafizim apava egha nan ghuzim api, a nan poroghav iti, ezi ki an poroghav iti. **57** Afeziar ikirimirir angamira itim anidim, a na amadazima ki ize, ezi ki Afeziamin gavgavimin angamira iti. Ezi kamaghira gumazim nan inivafizim api, a nan gavgavimin ikirimirir angamira itim iniam. **58** Dagher kamra, a Godin Nguibam ategha izaghiri. Egha dagher kam, a dagher ian ovaviba fomiram anemegha gin ariaghirezimin min garir pu. Puvati. Gumazir dagher kam apim, a zurara itir ikirimirir aghuarim iniam." **59** Jesus Kaperneamin nuguibamin itir God ko migeir dipenimin aven ikia, egha gumazamizibar sure gamua akar kamin me mikeme.

Iesusin akaba, da zurara itir ikirimirir aghuarim anidi

60 Ezi suren gumaziba Jesusin akar kam baregha, men avirim kamaghin migia ghaze, "Akar kam e gamima e nighnizir aviribagh ami. Tina akar kam baraghram?"

- | | | | |
|--|---|---|--|
| 6:51: Jo 3:13; Hi 10:5, 10:10 | 6:51: Jon 3:13; Hibru 10:5; 10:10 | 6:53: Mt 26:26-28 | 6:53: Matyu 26:26-28 |
| 6:54-55: Jon 4:14; 6:27; 6:40; 6:63 | 6:56: 1 Jo 3:24; 4:15-16 | 6:56: 1 Jon 3:24; 4:15-16 | 6:57: Jo 15:4-5, 1 Jo 3:24 |
| 6:57: Jon 15:4-5; 1 Jon 3:24 | 6:62: Mk 16:19; Jon 3:13; Ap 19:11; Ef 4:8 | 6:62: Mak 16:19; Jon 3:13; Apostol 1:9-11; | |
| Efesus 4:8 | 6:63: 2 Korin 3:6 | 6:64: Jo 6:36; 13:11 | 6:64: Jon 6:36; 13:11 |
| 6:65: Jon 6:44-45 | 6:68: Matyu 16:16; Mak 8:29; Luk 9:20 | 6:69: Mt 14:33; Mk 1:24; Jo 1:49 | 6:69: Matyu 14:33; Mk 1:24; Jo 1:49 |
| 14:33; Mak 1:24; Jon 1:49 | 7:1: Jo 5:18 | 7:1: Jon 5:18 | 7:2: Wkp 23:24; Lo 16:13 |
| Araziba 16:13 | | | 7:2: Ofa Gami 23:34; Godin |

61 Ezi Jesus uan navir averiamin aven kamaghin fo, an suren gumaziba puvira akar a mikemezim migia imobi.

Ezi a men azara, "Akar kam ti ian nighnizir gavgaviba gasighasisi, o? **62** Egh ia Gumazamizibar Otarimin ganighti, a nguubar a fomira ikezimin ua ghuavanaboghti, ia manmaghin nighnigham?" **63** Godin Duam uabi, angamira itir ikirimirrim gumazamizibagh anidi. Gumazimin gavgavim tong ian akuraghan kogham. Akar ki ia mikemezir kaba, da Godin Duamin biziim, da angamira itir ikirimirrim ia ganidi. **64** Ezi gumazir ian tongin itir maba, me nighnizir gavgaviba nan itir puvati." (Jesus fomira iza datirighin, a nighnizir gavgavim itir puvatizir gumazamizibagh fo. Egha a gumazir a isi apanibar dafarim darighamin kam gifo.)

65 Egha Jesus ua me migei, "Me nighnizir gavgavim nan itir puvati, ezi biziim kam bagha, ki ia mikeme, 'Afeziam gavgavim gumazitam danighan koghti, kamaghin gumazir kam na bagh izeghan kogham.'"

66 Jesus akar kamin gun mikemegha givazima, an suren gumazir avirim anetegha ua ghue, egha uam a ko aruir puvati. **67** Ezi Jesus kamaghin 12plan suren gumazibar azara, "Ezi ia? Ia ti uaghan na ategh mangasa?"

68 Ezi Saimon Pita an akam ikaragha ghaze, "Ekiam, e tina bagh mangam? Nin akabara, da zurara itir ikirimirir aghuarim anidi. **69** Ezi e nighnizir gavgavim ikavia, egha deravira kamaghin fo, ni gumazir Godin damazimin bar zuegha arazir kuraba nin puvatizim, God ua bagha ni ginaba."

70 Ezi Jesus kamaghin men akam ikaragha ghaze, "Mammaghin ami? Ki uabi ia 12plan suren gumaziba misefe. Ezi ian tongin itir mav, a duar kuram." **71** A Judasin migei, a Saimon Iskariotin otarim, a 12plan suren gumazibar mav. Jesus fo, Judas gin a isi apanibar dafarim datighti me a misuegħti, an aremegħam.

7

Judabar Averpenibar Aven Ikiamin Isar Ekiam otozi, Jesus an ganasa zui

1 Dughiar maba givazima, Jesus Galilin Distrighin aven arui. A fo, Judaba a misuegħtima an aremegħasa a bagħha mizuai. Kamaghin amizima, a ua Judian Distrighin mangan aghħua. **2** Ezi Judabar

Averpenibar Ikiamin Dughiar Ekiam otivasa roghira izi. ³ Ezi an doziba kamaghin a migia ghaze, “Ni danganir kam ateghiva Judian Distrighin mangi. Egh ti nin suren gumazitam gumazamiziba bar a gifoghs, a modogh ingangarim damuan kogham. Ni bizar kabar amuava, kamaghin ni ubi isi gumazamiziba bar men akagham.” ⁵ (An doziba uaghan nighnizir gavgavim an itir puvati, egha akar kam mikeme.)

⁶ Ezi Iesus kamaghin men akam ikaragha ghaze, “Nan dughiam a tighar izam. Ezi dughiaba bar, ian dughiar aghuiba. ⁷ Ezi nguazir kamin itir gumazamiziba me ian apanim damuan kogham. Ezi ki men arazir kurar me amibar gun migei. Kamaghin amizi, me nan apanim gami. ⁸ Ia uarira isamin dughiar kam bagh Jerusalemin mangi. Nan dughiam tighar izam, kamaghin amizi, ki isam bagh mangihan kogham.” ⁹ A kamaghin me mikemega, Galilin Distrighin ikiavira iti.

¹⁰ Ezi an doziba ghuegha givazima, Iesus uaghan men gin zui. An azenara zuir puvati, a mogomebar zui, ezi gumazamiziba a gifozir puvati.

¹¹ Ezi isar ekiamin dughiamin, Judabar gumazir ekiaba a bagha garaghrua migei, “Gumazir kam managh iti?”

¹² Ezi gumazamiziba uarir tongin a bagha sighsirir akabar uariv gei. Marazi ghaze, “A gumazir bar aghuim.”

Ezi marazi ghaze, “Puvati, a gumazamizibagh ifari.” ¹³ Egha me Judabar gumazir ekiabar atiati. Kamaghin amizi, tav an araziba azenara dav geir puvati.

¹⁴ Ezi isamin dughiar kamin tongin, Iesus Godin Dipenim avinizir divazim aven ghugha gumazamizibar sure gami.

¹⁵ Judaba an akar kam barasi, egha me nighnizir aviribagh amua kamaghin migei,

7:5: Mt 13:55; Mk 3:21; Ap 1:14 **7:5:** Matyu 13:55; Mak 3:21; Apostel 1:14 **7:6:** Jo 2:4, 7:8, 7:30, 8:20 **7:6:** Jon 2:4; 7:8; 7:30; 8:20 **7:7:** Jo 3:19, 15:18-19 **7:7:** Jon 3:19; 15:18-19 **7:11:** Jo 11:56 **7:11:** Jon 11:56 **7:12:** Mt 21:46; Lu 7:16; Jo 10:19 **7:12:** Matyu 21:46; Luk 7:16; Jon 10:19 **7:13:** Jo 9:22, 12:42, 19:38, 20:19 **7:13:** Jon 9:22; 12:42; 19:38; 20:19 **7:15:** Mt 13:54; Lu 2:47 **7:15:** Matyu 13:54; Luk 2:47 **7:16:** Jo 3:11, 8:28, 12:49, 14:10 **7:16:** Jon 3:11; 8:28; 12:49; 14:10 **7:17:** Jo 8:43 **7:17:** Jon 8:43 **7:18:** Jo 5:41, 5:44, 8:50 **7:18:** Jon 5:41; 5:44; 8:50 **7:19:** Kis 24:3; Lo 33:4; Mt 12:14; Mk 3:6; Ap 7:38; 7:53; Ro 2:21-24 **7:19:** Ua Me Ini 24:3; Godin Araziba 33:4; Matyu 12:14; Mak 3:6; Apostel 7:38; 7:53; Rom 2:21-24 **7:20:** Jo 8:48; 8:52, 10:20 **7:20:** Jon 8:48; 8:52; 10:20 * **7:21:** Iesus faraghia Betesdan mozin dipamim boroghin ikia mirakelin kam gamigha, egha datirighia a migei. Ni Jon 5:1-18 ko, Ua Me Ini 31:14-15 in gan. **7:22:** Stt 17:9-13; Wkp 12:3 **7:22:** Jenesis 17:9-13; Ofa Gami 12:3 **7:23:** Jo 5:8-10, 5:16 **7:23:** Jon 5:8-10; 5:16 [†] **7:23:** Moses Osirizir Araziba kamaghin migei, amizitam otaritam batezimrama, me an girara dughiabar bora, egha dughiar namba 8in me otarimin mikarzir mogomemin inim aghori. Ni Ofa Gami 12:3 in gan. Iesusin dughiamin, me Sabatin dughiamin ingangaribar angoroke. Eghit otaritam mikarzir mogomemin inim aghorin dughiam Sabatin dughiamtin otogham, me ingangarir kam damuam. Me ghaze, mikarzir mogomemin inim aghorir arazim uaghan ingangarir mam, egha me guizbangira ingangarir kam Sabatin dughiam uaghan a gami. **7:24:** Wkp 19:15; Lo 1:16-17; Ais 11:3-4; Jo 8:15; Je 2:1 **7:24:** Ofa Gami 19:15; Godin Araziba 1:16-17; Aisaia 11:3-4; Jon 8:15; Jems 2:1 **7:25:** Jo 5:18 **7:25:** Jon 5:18

“Manmagh amizi gumazir kam fofozir kabi iti? A suren ghuzir puvati.”

¹⁶ Ezi Iesus kamaghin men akam ikaragha ghaze, “Ki ia ganingizir akar kam, kar nan akam puvati, kar Godin akam, a na amadazima ki ize. ¹⁷ Ezi gumazitam Godin akam bar an gin mangasa ifonge, an akar ki mikemezir kamin mingarim bar a gifogham. Egh a fogham, akar kam Godin ize, o a pura nan nighnizim ize. ¹⁸ Gumazir pura uan nighnizim migeim, a ubi uan ziam fasa ifonge. Ezi gumazim a gumazir anemadazimin ziam fasa ifonge, gumazir kam a guizin akabara migei, egha a bizitam gifarir puvati.

¹⁹ “Fomira Moses Godin Araziba osirigha ia ganingi. Ezi gumazitam ian tongin ikia Moses Osirizir Arazibar gin zuir puvati. Ia tizim bagh na misueghti ki aremegham?”

²⁰ Ezi gumazamiziba kamaghin an akam ikaragha ghaze, “Ti duar kuratam ni gapasa! Gumazir manamra ni misueghti na aremegham?”

²¹ Ezi Iesus kamaghin men akam ikaragha ghaze, “Ki mirakelin ingangarir vamira a gami, ezi ia bar nighnizir aviribagh ami.” ²² Ezi ia nighnigh, Moses mikarzir mogomebar iniba aghorir arazim ia ganingi, ezi ia Sabatin dughiabar uaghan otaribar mikarzir mogomebar inibar ghor. (Guizbangira, Moses ubi arazir kam atizir puvati. Arazir kam ian ovavibar oto.) ²³ Ia Moses Osirizir Araziba deragh a dar gin mangisi, egh ia Sabatin dughiamin otaribar mikarzir mogomebar inibar ghoram. Ezi ki gumazir mam Sabatin dughiamin a gamizima a ua bar dera, ezi manmaghsua ia nan aningaghe?† ²⁴ Ia pura damazir kinibar bizibar ganiva, da tuisighan marki. Ia guizin arazim in araziba deravira da tuisigh.”

Gumazamiziba foghasa, Iesus a tinara

²⁵ Ezi Jerusalemin gumazamizir maba, me Jesus amizir bizibar ganighin kamaghin migei, "Manmaghin ami? Kar gumazir kamra, en gumazir ekiaba a misueghtima an aremeghasa, me ifonge." ²⁶ A kara, an azena migei, ezi me migirigiatam a gamir puvati. Me ti fo, a gumazir kam, God Ua E Iniasa Misevezir Gumazim? ²⁷ Ezi e gumazir kamın nguibam gifo. Eghı God Ua E Iniasa Misevezir Gumazim otoghti, gumazitam an nguibam gifoghan kogham."

²⁸ Ezi Jesus Godin Dipenimin ikia egha akam gumazamizibav kiri. Egha a kamaghın dei, "Ia ghaze, ia bar na gifo, egha ia ti nan nguibar ki izezim gifo, o? Ki uabiyan ifongiamın izezir puvati. Afeziar na amadazim, an akam bar guizbangira. Ezi ia a gifozir puvati. ²⁹ Ezi ki a gifo. Ki a ko itima, a na amadazi ki ize."

³⁰ Me akar kam baregha a isi kalabus darighasa. Ezi an dughiam tighari, kamaghın amizi, gumazitam an suirazir puvati. ³¹ Gumazamizir avırıım nighnizir gavgavim an ikia, egha me kamaghın migei, "Gumazir God Uam E Iniasa Misevezim otogħiha, a mirakelin aviribar amuti da mirakelin gumazir kam amibagh afiraghom ti?"

Me Godin Dipenimin garir polisba aman-
gizi me Jesus kalabus darighasa izi

³² Ezi Farisiba gumazamiziba barazima, me sighsirir akabar Jesus amizir bizibav gei. Kamaghın amizi, me ko, Godin ofa gamir gumazir dapaniba, me polisin gumaziba amadazi me Jesusin suighasa izi.

³³ Ezi Jesus kamaghın me migei, "Dughiar bar ovezimin ki ia ko ikeġħi, egh ki uamategħ Afeziar na amadazim bagħ mangam. ³⁴ Egh iħbari kien iż-żebha, nan apigan kogħam. Egh nguibar ki mangi ikiġi, ia an mangighan kogħam."

³⁵ Ezi Judaba uarir tongi uarira uariv ja ġażże, "A managh mangiġti, e an ganighan kogħam? A ti en gumazamizir kantri Grighin itiba bagħ mangiġħam, egh Grighin gumazamizibar suru damuam, o?

³⁶ A manmagħin nighnigha kamaghin migia

ghaze, 'Ia na buriva, egh ia nan apigan kogħam.' Egha ghaze, 'Ia nguibar ki ikiġi amim ia an mangighan kogħam.' Ezi akar kamin mingarim manmakin?"

Iesu, dipar ikirimirir zurara itim anidim gun migei

³⁷ Ezi isar ekiamin dughiar abuananam, a dughiar bar ekiam. Ezi dughiar kamin Jesus tugħha egha pamtem diġha kamaghin migei, "Gumazitam o amizitam kuarim an pirti, a na bagħ iżi egh dipam amam. ³⁸ Akar Godin Akinafarim min itim kamaghin migei, 'Gumazir nighnizir gavgavim nan itim, a dipar ikirimirir zurara itim anidim, an navir averiām gizivagh, fasfagh iram.'[†]

³⁹ Jesus Godin Duam ginighnha migei, gumazir nighnizir gavgavim an itiba, me a iniam. Dughiar kamin Jesus tighar ziar ekiam iniam, ezi kamakin Godin Duam tighar izam.

Gumazamiziba uari abiki

⁴⁰ Ezi gumazamizir maba akar a mikemeziba baregha, kamaghin migei, "Bar guizbangira, gumazir kam a Godin akam inigha iżiż gumazim, God nguazim min anemangas mikeme."

⁴¹ Ezi marazi ghaze, "A Gumazir God Uam E Iniasa Misevezim."

Ezi marazi ghaze, "Puvati, Gumazir God Uam E Iniasa Misevezir kam, a Galilin Distrighin otogħiġi kogħam. Puvati. ⁴² Godin Akinafarim kamaghin mikeme, Gumazir God Uam E Iniasa Misevezir kam Atrivim Devitin anabamin otogħam, eghi an amebam Betlehemin nguibamin a bategħam, nguibar kam Atrivim Devit fomira an ike." ⁴³ Kamaghin amizi, gumazamiziba nighnizir aviriba Jesusin ikia, egha uarira uari abiki. ⁴⁴ Marazi a isi kalabus darigha ifonge, ezi gumazitam an suirazir puvati.

Judabar gumazir dapaniba nighnizir gavgavim Jesusin iķian aghħua

7:27: Mt 13:55; Mk 6:3; Lu 4:22; Jo 7:41; 9:29 **7:27:** Matyu 13:55; Mak 6:3; Luk 4:22; Jon 7:41; 9:29 **7:28:** Mt 11:27, Jo 5:32; 5:43; 8:14; 8:26; 8:55 **7:28:** Matyu 11:27; Jon 10:15 **7:29:** Matyu 11:27; Jon 10:15 **7:30:** Mk 11:18; Lu 19:47; Jo 7:44; 8:20; 8:27; 13:1 **7:31:** Jo 2:23; 8:30; 10:42; 11:45; 12:11; 12:42 **7:31:** Jon 2:23; 8:30; 10:42; 11:45; 12:11; 12:42 **7:33:** Jo 13:33; 16:16 **7:33:** Jon 13:33; 16:16 **7:34:** Hos 5:6; Jo 8:21; 13:33; 13:36; 17:24 **7:34:** Hosea 5:6; Jon 8:21; 13:33; 13:36; 17:24 **7:35:** Wkp 23:36; Ais 55:1; Jo 4:10; 4:14; 6:35; MAA 22:17 **7:37:** Ofa Gami 23:36; Aisaia 55:1; Jon 4:10; 4:14; 6:35; Akar Mogomem 22:17 **7:38:** Ais 12:3; 58:11; Ese 47:1; Sek 14:8 **7:38:** Ais 12:3; 58:11; Ese 47:1; Sek 14:8 **7:38:** Godin Akinafarim aven, akar otevīr mam, akar Jesus vezin kamin mikemezi mogħin, akar kam ko, aning magħi ghuzi puvati. Ni Aisaia 44:3 ko Aghuzir Akaba 18:4 in gan. **7:39:** Ais 44:3; Jol 2:28; Jo 12:16; 16:7, 20:22; Ap 2:4; 2:17; 2:33 **7:40:** Lo 18:15-18, Jo 1:21; 2:11; 6:14 **7:41:** Jo 1:46; 4:29 **7:41:** Jon 1:46; 4:29 **7:42:** 2 Sml 7:12; Sng 89:3-4; 132:11; Jer 23:5; Mai 5:2; Mt 2:5-6; Lu 2:4 **7:42:** 2 Samuel 7:12; Onger Akaba 89:3-4; 132:11; Jeremaia 23:5; Maika 5:2; Matyu 2:5-6; Luk 2:4 **7:43:** Jo 9:16 **7:43:** Jon 9:16 **7:44:** Jo 7:30 **7:44:** Jon 7:30

⁴⁵ Ezi Godin Dipenimin garir polisba uamategha Godin ofa gamir gumazir dapaniba ko Farisiba bagha ghu. Ezi me kamaghin men azara, "Manmaghin amizi, ia Jesusin akua izir puvati?"

⁴⁶ Ezi polisin gumaziba kamaghin men akam ikaragha ghaze, "Gumazitam faragha gumazir kam mikemezi moghin migeir puvati."

⁴⁷ Ezi Farisiba kamaghin men akam ikaragha ghaze, "A ti uaghan ia gifara? ⁴⁸ E gumazir dapaniba ko Farisiba, ia ti en tongin gumazitam garima a nighnizir gavgavim an iti, o? Bar puvati. ⁴⁹ Nighnizir gavgavim an itir darasi, kar Moses Osirizir Arazibagh fozir puvatizir gumazamiziba. God ghaze, me ovengam."

⁵⁰ Nikodemus, a faragha Jesus bagha ghuzir gumazim, a Farisibar mav, a kamaghin me migei, ⁵¹ "En Arazir Moses Osirizibba ti ghaze, e pura gumazitam kotin aven a mikim suam, ni aremegham? Puvati. E faragh an akam baregham, egh an amizir bizim deravira a gifogham."

⁵² Ezi me kamaghin an akam ikaragha ghaze, "Ni ti uaghan Galilin gumazitam, o? Ni Godin Akinafarimin itir akaba ni bar deravira dar gan, egh ni uaghan kamaghin fogham, Godin akam inigha izir gumazitam Galilin Distrighin otoghan kogham."

Me amizir arazir kuram gamizim inigha Jesus bagha izi

⁵³ Ezi gumazamiziba bar uan dipenibar ghue.

8

¹ Ezi Jesus Olivin Mighsiamin ghu.

² Ezi aminim tirazi, bar mizaraghara a ua Godin Dipenim aviniriz divazimin aven ghu. Ezi gumazamiziba bar a bagha izi. Ezi an aperaghav ikia men sure gami. ³ Ezi Judan Arazibagh fozir gumaziba ko Farisiba me pam itir amizir mamin, garima a gumazir ighazariz mam ko akuizi me an akua ghua a gamizima, a gumazamiziba damazimin tughav iti. ⁴ Egha me kamaghin Jesus migei, "Tisa, pam itir amizir kam, a gumazir ighazarizm ko akuizi, me an gani. ⁵ Ezi Moses Osirizir Araziba kamaghin migei, e dagiaba fiva kamaghin amir amizim mikintima an aremegham.

7:46: Mt 7:29; Mk 1:22

7:46: Matyu 7:29; Mak 1:22

7:50: Jon 3:1-2

7:51: Lo 1:16-17, 19:15

7:51: Godin Araziba 1:16-17; 19:15

7:41-42

8:1: Lu 21:37

8:1: Luk 21:37

22:22-24

8:6: Mt 22:15

8:6: Matyu 22:15

22:22

8:9: Matyu 22:22

8:11: Jo 3:17; 5:14

8:13: Jo 5:31

8:13: Jon 5:31

8:14: Jo 5:31-32; 7:28-29; 9:29

12:47

8:15: Jon 7:24; 12:47

8:16: Jo 5:30; 8:29

Ezi ni manmaghin mikimam." ⁶ Me ghaze, an akatam mikemehti, me akar kam bagh akam a gasam. Egha me a gifarasa migirigar kam gami. Ezi Jesus aviraghha uan dafar puzimin nguazim osiri.

⁷ Ezi me an azangsighavira iti, ezi Jesus tugha kamaghin me migei, "Gumazir manam ian tongin arazir kuratam gamizir puvati, a faragh dagiam amizir kam mikingh." ⁸ Egha a uam aviraghha nguazim osiri. ⁹ Me akar kam baregha, me bar vaghvaghha danganir kam ataghiraghha zui. Gumazir ghuriba me faraghha zui, ezi marazi men gin zui. Ezi Jesus uabiram aviraghavira iti, ezi amizim an damazimin tughav iti.

¹⁰ Ezi Jesus dikavigha tugha kamaghin amizimin azai, "Amizim, gumazir kaba managh ghue? Gumazir akam ni gasamiba ti puvati?"

¹¹ Ezi amizim kamaghin migei, "Ekiam, ua gumaziba puvati."

Ezi Jesus a migei, "Ki uaghan akam ni gasir puvati. Ni mangi, egh gin uam arazir kuratam damuan marki."*

Jesus, a gumazir angazangarim nguazim itir gumazamizibagh anidim

¹² Egha Jesus ua gumazamizibagh gia ghaze, "Ki ubi, ki gumazir angazangarim nguazir kamin itir gumazamizibagh anidim. Gumazim nan gin izi, a mitatemin daruan kogham. Puvati. An angazangarir gumazamizibagh amima me angamira itim, an aven ikiam."

¹³ Farisiba akar kam baregha kamaghin Jesus migei, "Ni ubi uan ingangariba ko arazibar gun migei. Kamaghin amizi, gumazamiziba nin akar ni mikemezim nighnizir gavgavim an iki. Ia nan Ngubam gifozir puvati. Egha danganir ki gin mangamim, ia uaghan a gifozir puvati.

¹⁴ Ezi Jesus men akam kamaghin a ikaragha ghaze, "Guizbangira, ki ubi uan arazibar gun migei. Ezi nguubar ki dikavigha izezim, ki a gifo, egha danganir ki uamategh mangamim, ki a gifo. Kamaghin amizi, gumazamiziba nan akam nighnizir gavgavim an iki. Ia nan Ngubam gifozir puvati. Egha danganir ki gin mangamim, ia uaghan a gifozir puvati.

¹⁵ Ia nguazir kamin arazibar gin ghua, gumazamizibar inivafizibar gara me tuisisi.

7:48: Jo 12:42

7:48: Jon 12:42

7:50: Jo 3:1-2

7:52: Jon 3:1-2

7:52: Jo 7:41-42

7:52: Jon

8:5: Wkp 20:10, Lo 22:22-24

8:5: Ofa Gami 20:10; Godin Araziba

8:9: Mt

8:7: Lo 17:7, Ro 2:1

8:7: Godin Araziba 17:7; Rom 2:1

8:9: Mt

8:11: Jon 3:17; 5:14

8:11: Fofozir gumazir maba kamaghin nighnisi, Jon 7:53-8:11, Jon ubabi an osirizir puvati. Gumazir ighazarizm gin an osiri. Ni Jon 8:13 ko Godin Araziba 19:15 in gan.

8:12: Aisa 49:6; Matyu 5:14; Jon 1:4-9; 3:19; 9:5; 12:46

8:12: Aisa 49:6; Matyu 5:14; Jon 1:4-9; 3:19; 9:5; 12:46

8:12: Aisa 49:6; Matyu 5:14; Jon 1:4-9; 3:19; 9:5; 12:46

8:15: Jon 7:24; 12:47

8:16: Jo 5:30; 8:29

8:16: Jon 5:30; 8:29

8:15: Jon 7:24,

Ki gumazitamin araziba tuisizir puvati.¹⁶ Egh ki gumazamizibar araziba tuisighti, gumazamiziba nan akar ki mikemezim nighnizir gavgavim an ikiam. Ki uabira a tuisizir puvati. Afeziar na amadazim, a na ko ingari, ezi kamaghin nan tuisizir arazim bar guizbangira.¹⁷ Ian Arazir Moses Osiribaka, akam kamaghin iti, gumazir pumuning akar otevir vamira mikimam, eghit aningin akam a guizbangira.¹⁸ Ki uabi ki uan araziba ko ingangaribar gun migei, ezi Afeziar na amadazim, a uaghan nan ingangariba ko arazibar gun migei.”

¹⁹ Ezi Farisiba kamaghin an azara, “Nin Afeziar ni migeir kam, a managh iti?”

Ezi Iesus kamaghin me ikaragha ghaze, “Ia guizbangira na gifozir puvati. Egha ia nan Afeziam gifozir puvati. Ia na gifoghiva egh uaghan nan Afeziam gifogham.”²⁰ Jesus Godin Dipenimin ikia dagiaba arizir danganimin boroghira gumazamizibar sure gami. Ezi an dughiam tighar otivam, kamaghin amizi, gumazitam an suirazir puvati.

Iesus ghaze, ki mangamin danganim gumazamiziba an mangan kogham

²¹ Egha Iesus ua gumazamizibar gia ghaze, “Ki zui. Ia na buriva nan apighan kogham. Ian arazir kuraba ikivira ikiti ia ovengam. Egh ki mangamin danganim, ia an mangighan kogham.”

²² Ezi Judan gumazir aruaba akar kam baregha me uarira kamaghin uariv gei, “Manmaghsua a ghaze, ‘Ia danganir ki zuimin mangan kogham?’ A ti uabira ubi misueghiva aremegham?”

²³ Ezi Iesus kamaghin me migei, “Ia nguazimin vin itir darasi. Ezi ko, ki pin iti tav. Ia nguazir kamin adarasi. Ezi ki nguazir kamin gumazim puvati.²⁴ Kamaghin amizi, ki ia mikemezha gifa, ian arazir kuraba ikivira ikiham, eghiti ia aremegham. Ia kamaghin nighnizir gavgavim nan ikian kogh egh mikim suam, Ki Uabi Ki Kamaghin Iti, eghiti ian arazir kuraba ikivira ikiti ia arimighiram.”[†]

²⁵ Ezi me kamaghin an azara, “Ni tina?”

- 8:17:** Lo 17:6, 19:15; Mt 18:16, 2 Ko 13:1; Hi 10:28 **8:17:** Godin Araziba 17:6; 19:15; Matyu 18:16; 2 Korin 13:1; Hibrus 10:28 **8:18:** 1 Jo 5:9 **8:18:** 1 Jon 5:9 **8:19:** Jo 8:55, 14:7, 16:3 **8:19:** Jon 8:55, 14:7; 16:3 **8:20:** Jo 7:30
8:20: Jon 7:30 **8:21:** Jo 7:34-36, 8:24, 13:33 **8:21:** Jon 7:34-36; 8:24; 13:33 **8:22:** Jo 7:35 **8:22:** Jon 7:35
8:23: Jo 3:31 **8:23:** Jon 3:31 **8:24:** Ia Me In 3:14; God Moses ko uanngan migia, egha a ubi uan ziam dibora ghaze, “Ki Uabi Ki Kamaghin Iti.” Ezi Iesus uaghan kamaghira ubi dibori. Ezi gumazamiziba a migeir akar kam deragha a gifozir puvati. Ni Jon 8:28 ko 8:58 ko 13:19 in gan. **8:26:** Jo 7:28, 12:49 **8:26:** Jon 7:28; 12:49 **8:28:** Jo 3:11, 3:14, 5:19, 5:30, 12:32, Ro 1:4 **8:28:** Jon 3:11; 3:14; 5:19; 5:30; 12:32; Rom 1:4 **8:29:** Jo 8:16, 16:32 **8:29:** Jon 8:16, 16:32 **8:30:** Jo 7:31 **8:30:** Jon 7:31 **8:32:** Ro 6:14, 6:18, 6:22, 8:2; Je 1:25 **8:32:** Rom 6:14; 6:18; 6:22; 8:2; Jems 1:25 **8:33:** Mt 3:9, Lu 3:8 **8:33:** Matyu 3:9; Luk 3:8 **8:34:** Ro 6:16, 6:20, 2 Pe 2:19 **8:34:** Rom 6:16; 6:20; 2 Pita 2:19 **8:36:** Ro 8:2, Ga 5:1 **8:36:** Rom 8:2; Galesia 5:1 **8:37:** Jo 5:38, 7:19, 8:40 **8:37:** Jon 5:38; 7:19; 8:40 **8:38:** Jo 3:32; 5:19; 5:30 **8:38:** Jon 3:32; 5:19; 5:30 **8:38:** Fofozir gumazir maba ghaze, e akar kam ti kamaghin a giraghama, “Ia bizir ian Afeziam mikemezibara, ia dar amu.”

akazir akaba, ki dar gun migei. Ezi ia uan afeziam da inizir araziba, ia dagh ami.”⁴¹

³⁹ Ezi Judaba Iesusin akam baregha a ikaragha ghaze, “Abraham, en afeziam.”

Ezi Iesus kamaghin me migia ghaze, “Ia guizin Abrahamin boriba kamaghin, ia an mirara arazir an amizibar amuam. ⁴⁰ Guizin akar God nan sure gamiziba, ki dar gun ia migei. Ezi ia datirighin na misoghasa. Kar Abrahamin arazim puvati! ⁴¹ Ia uan afeziamin arazim gami.”

Ezi me kamaghin a migei, “En amebaba pura ikia e batezir pu. Puvati. E afeziar vamira iti, a God.”

⁴² Ezi Iesus kamaghin me migei, “Ki God ko ikegha ize. Ki ubi uan ifongiamin izezir pu. Puvati. God na amadazi ki ize. Kamaghin God guizbangira ian Afeziamra, eghti ia na gifueham. ⁴³ Ezi manmaghin amizi ia deravira nan akam gifoziр puvati? Ia nan akam baraghan aghua, egha bizir kam bangin ia deravira nan akam gifoziр puvati. ⁴⁴ Ia uan afeziam Satanin boriba. Egha ia uan afeziamin ifongiamin gin mangasa bar gavgafi. A fomira ikia gumazamizibav sozima me ariaghiri. Ezi guizbangin arazim an itir puvati, kamaghin amizi, a guizbangin arazibar gin zuir puvati. An akar ifavaribagh ami, kar an akrama. An akar ifavaribagh amir gumazim, egha guizbangira akar ifavarib afeziam. ⁴⁵ Ezi ko, ki guizin akam akuri, ezi ia nan akam nighnizir gavgavim an itir puvati. ⁴⁶ Ia ghaze, ki ti arazir kuram gami? Ia kamaghin nighnighiva, nan arazir kuram azenim datigh. Ezi ki guizin akam akuri, ezi ia manmaghsua nighnizir gavgavim nan akabar itir puvati? ⁴⁷ Godin boriba Godin akaba bar da barasi. Ezi ia Godin boriba puvati, kamaghin amizi, ia an akaba barazir puvati.”

Iesus ghaze, ki fomira iti, ezi Abraham gin oto

⁴⁸ Ezi Judaba an akam ikaragha ghaze, “E ghaze, ni Samarian gumazir mam, ezi duar kuram ni gapasa. Ezi e nin azai, bizir kam ti guizbangira, o?”

⁴⁹ Ezi Iesus kamaghin men akam ikaragha ghaze, “Duar kuram na gapazazir pu. Puvati. Ki uan Afeziamin ziamra fe, ezi ia

nan ziam dikabiri. ⁵⁰ Ki ubi uan ziam fer puvati. Ezi gumazir mam nan ziam fasa iti, egha a jas. ⁵¹ Ki guizbangira ia migei, gu-mazir nan akamin gin zuim, an aremeghan kogham. Bar puvati.”

⁵² Ezi Judaba kamaghin Iesus migei, “E datirighin fo, duar kuram ni gapasa. Abraham aremehga gifa, ezi Godin akam inigha izir gumaziba uaghan ariaghiregha gifa. Ezi ni ghaze, gumazir nan akamin gin zuim, an aremeghan kogham? ⁵³ Ni manmaghin nighnigha kamaghin migei? En ovavim Abraham aremehga gifa! Ni ti Abraham gafiraz, o? Ezi Godin akam inigha izir gumaziba uaghan ariaghire. Ezi ni manmaghin uabin gun mikimam, ni bar tinara?”

⁵⁴ Ezi Iesus kamaghin men akam ikaragha ghaze, “Ki ubi uan ziam fiti, nan ziam pura bizim. Ezi nan Afeziam, a nan ziam fe. Ezi ia kamaghin migei, a ian God. ⁵⁵ Ia a gifoziр puvati. Ezi ki a gifo. Egh ki suam, ‘Ki a gifoziр puvati,’ kamaghin, ki ian min ifavarir gumazimin otogham. Ki a gifogha givagha, egha deravira an akamin gin zui.

⁵⁶ “Ia afeziam Abraham, a nan dughiar ki izamimin ganasa, a bar akonge. Ezi an an ganigha givagha, egha an navim bar dera.”

⁵⁷ Ezi Judaba akar kam baregha egha kamaghin Iesus migei, “Ni tighar 50plan azeniba ikiam. Egha ni ti Abrahamin ganis, o?”

⁵⁸ Ezi Iesus kamaghin me ikaragha ghaze, “Ki guizbangira ia migei, Abraham tighar otivam, Ki Fomira Iti.”[§] ⁵⁹ Ezi me a ginivasa dagiaba isi. Ezi Iesus ubi modogha egha Godin Dipenimin miriam ategha azenan ghu.

9

Gumazir damazir okavirizimin eghaghanim

¹ Egha Iesus ghuavigha gumazir damazir okavizir mamin api. An damazimining okavizi amebam a bate. ² Ezi Iesusin suren gumaziba an azara, “Tisa, tina arazir kuram gami, gumazir kam o an amebam ko afeziam, ezi an damazimning okavizi amebam a bate?”

- | | | | |
|--|--|--|---|
| 8:39: Mt 3:9; Ro 2:28; Ga 3:7, 3:29 | 8:39: Matyu 3:9; Rom 2:28; Galesia 3:7; 3:29 | 8:40: Jo 8:26, 8:37 | 8:40: Jon 8:26; 8:37 |
| 8:26; 8:37 | 8:41: Lo 32:6, Ais 63:16, 64:8 | 8:41: Godin Araziba 32:6; Aisaia 63:16; 64:8 | 8:42: Jo 16:28, 1 Jo 5:1 |
| 8:42: Jon 16:28; 1 Jon 5:1 | 8:43: Jo 7:17, Ro 8:7 | 8:43: Jon 7:17; Rom 8:7 | 8:44: Mt 13:38, 1 Jo 3:8; Ju 6 |
| Matyu 13:38; 1 Jon 3:8; Jut 1:6 | 8:46: 2 Ko 5:21, 1 Pi 2:22, 1 Jo 3:5 | 8:46: 2 Korin 5:21; 1 Pita 2:22; 1 Jon 3:5 | 8:47: Ml 3:21-22, Jo 7:20 |
| Jo 10:26-27, 18:37, 1 Jo 4:6 | 8:47: Jon 10:26-27; 18:37; 1 Jon 4:6 | 8:48: Ml 3:21-22, Jo 7:20 | 8:48: Mak 3:21-22; |
| Jon 7:20 | 8:50: Jo 5:41, 7:18 | 8:50: Jo 5:41; 7:18 | 8:51: Jon 5:24, 6:40, 6:47, 11:26 |
| 11:26 | 8:52: Sek 1:5, Hi 11:13 | 8:52: Sekaraia 1:5; Hibru 11:13 | 8:52: Jo 4:12 |
| 7:28-29 | 8:55: Jon 7:28-29 | 8:56: Lu 10:24; Hibru 11:13 | 8:53: Jon 4:12 |
| 1:17, MAA 1:8 | 8:58: Aisaia 43:13; Jon 1:1; Kolosi 1:17; Akar Mogomem 1:8 | 8:56: Luk 10:24; Hibru 11:13 | 8:55: Jo 1:1, Kl |
| 8:59: Jo 10:31 | 8:59: Jon 10:31 | 8:58: Ais 43:13, Jo 1:1, Kl | 8:58: Ni akar Jon 8:24in itimin gan. |
| 13:2-4 | 9:3: Jo 11:4 | 9:3: Jon 11:4 | 9:2: Ua Me Ini 20:5; Esekiel 18:20; Luk |

³ Ezi Iesus kamaghin men akam ikaragha ghaze, "Gumazir kam arazir kuram gamizir puvati, ezi an amebam ko afeziam uaghan arazir kuratam gamizir puvati. God kamaghsua, bizir gumazir kamin otozim, gu-mazamiziba an ganigh fogham, Godin ingangarim azenim giri. Kamaghsua an damaziba okavizi amebam a bate." ⁴ Ezi datirighin aruem ikiavira itima, e gu-mazir na amadazi ki izezim an ingangarim damuam. Aminim pirasa roghira izi, ezi gumazamiziba ingangaritam damighan kogham. ⁵ Dughiar ki nguazir kamin itim, ki gumazir angazangarim nguazimin itir gumazamizibagh anidim."

⁶ Iesus kamaghin mikemegha nguazim giparigha nguazim sara uan ipazariba veregha, gumazimin damazimning gaghui. ⁷ Egha Iesus kamaghin a migei, "Ni mangiva Siloamin mozir dipam guruegh." (Ziar kam Siloam, an mingarim kamaghin ghu, "Amada.") Ezi gumazir damazir okavirizim ghua rue. Egha uamattegha izi, biziba bar deravira dar gari.

⁸ Gumazir kam faragha dagiaba uabi daningasa gumazamizibagh inge, ezi gu-mazamizir aviriba an gani. Datirighin men marazi ko an boroghin itir darasi, me ghaze, "Gumazir kamra, a faragha apiav ikia dagiaba bagha gumazamizibagh inge?"

⁹ Ezi marazi ghaze, "Are, gumazir kamra."

Ezi marazi ghaze, "Puvati. A gumazir kamin mirara gara, a gumazir igharazim."

Ezi gumazir kam uabi ghaze, "Karkirara."

¹⁰ Ezi me an azara, "Manmaghin amizima-ni damazimning dera?"

¹¹ Ezi a kamaghin men akam ikaragha ghaze, "Gumazir kam an ziam Iesus, a nguazim giparigha uan ipazarim sara veregha nan damazimning gati. Egha na migei, 'Ni Siloamin mozir dipamin mangigh egh ruegh.' Ezi ki ghua ruezima nan damazimning dera, ezi ki deravira bizibar gari."

¹² Ezi me an azara, "Gumazir kam man-agh iti?" Ezi a kamaghin migei, "Ki fozir puvati."

¹³ Egha me gumazir faragha damaziba okavizir kam inigha Farisiba bagha zui. ¹⁴ Ezi dughiar Iesus nguazir beghneazimin ingarigha gumazimin damazimning gamizi a garim, kar Sabatin dughiam. ¹⁵ Kamaghin amizi, Farisiba uam an azai, "Nin damazimning, manmaghin amigha dera?"

Ezi a kamaghin me migei, "A nguazir beghneazim isa nan damazimning gaghui, ki ghua ruegha datirighin deravira bizibar gari."

¹⁶ Ezi Farisin maba ghaze, "Gumazir kam a Sabatin dughiamin arazibar gin zuir puvati. Kamaghin e fo, God gumazir kam amadazir puvati."

Ezi marazi ghaze, "Manmagh amizi gu-mazir arazir kuram itim mirakelin kabar amigham." Egha me uari abiki.

¹⁷ Egha Farisiba ua faragha gumazir damaziba okavizir kamin azangsisi, "Ni ghaze, gumazir kam nin damazimning akiri, ezi ni manmaghin nighnisi, a gumazir manmaghira garim?"

Ezi gumazir kam men akam ikaragha ghaze, "A Godin akam inigha izir gumazir mam."

¹⁸ Bar guizbangira, faragha gumazir kamin damazimning okafi, egha datirighin an damazimning kuiaghiri. Ezi Judan gumazir aruuba nighnizir gavgavim bizir kamin ikian aghua. Egha kamaghin me gumazir kamin amebam ko afeziamin diagha ghaze, gua izi. ¹⁹ Ezi aning izima me kamaghin aningin azai, "Ka ti guan borimra, o? Guah għażiex amebam a batezir dughiamin, an damazimning okavigha iti, Ezi manmagh amizi a datirighin gari?"

²⁰ Ezi an amebam ko afeziam kamaghin men akam ikaragha ghaze, "Ga fo, kar gan borim. Ezi dughiar amebam a batezim, an damazimning okavigha iti, ga uaghan a gifa. ²¹ Ezi datirighin an damazimning manmagħin kuiaghiri, ga uaghan fozir puvati. Ezi tina an damazimning kui, ga uaghan fozir puvati. Ia an azaragh. An asegha gifa. A uabi ua bagħ mikimam." ²² An amebam ko afeziam Judabar atiatigha, egha kamaghin migrigiġar kam gami.

Me fo, Judaba faragħa kamaghin akam misoke, gumazitam kamaghin mikim suam, "Iesus a Gumazir God Uam E Iniasa Misevezim," eghi me an anogoregħi a ua God ko migeir dipenimin aven ikian kogħam.

²³ Kamaghin amizi, gumazir kamin amebam ko afeziam ghaze, "An asegha gifa. Ia an azangsigh."

²⁴ Egha gin me ua gumazir faragħa damazimning okavizimin diagħa a migħi ghaze, "Ni Godin damazim min guizin akam mikimxi egh akar dikirizim damiġħ. E fo,

gumazir ni migeir kam, an arazir kurabagh amir gumazim.”

²⁵ Ezi a kamaghin men akam ikaragha ghaze, “An arazir kurabagh amir gumazim o puvati, ki kamaghin fozir puvati. Egha bizar vamira, ki a gifo, ki faragha damazimning okafi, egha datirighin nan damazimning kuiaghiri.”

²⁶ Ezi me uam an azara, “A manmaghin ni gami? A manmaghin nin damazimning akiri?”

²⁷ Ezi a kamaghin men akam ikaragha ghaze, “Ki ia mikemegha gifa, ezi ia oraghan aghua. Ia manmaghsua dughiar aviribar oraghasha? Ia ti uaghan an suren gumazibar otivasa, o?”

²⁸ Ezi Farisiba dibovibar kamaghin gumazir kam migei, “Nirara an suren gumazim. E Mosesin suren gumaziba. ²⁹ E kamaghin fo, God akam Moses ganingi. Ezi gumazir kam, e fozir puvati, a nguubar manamin gumazim.”

³⁰ Ezi gumazir faragha damazimning okavizir kam, a kamaghin men akam ikaragha ghaze, “Ia akar bar igharazim migeima, ki digavir kuram gami! Gumazir nan damazimning akirizir kam, ia ghaze ia a gifoziр puvati, a nguubar manamin gumazim. ³¹ E fo, God gumazir arazir kurabagh amiba barazir puvati. Gumazitam Godin ziam fiva egh an ifongiaman gin mangiti, egha God a baraghama. ³² Bar fomira iza datirikin, e eghaghanir katam baraghizir puvati, gumazitam damazimning okavizi amebam a batezi, gin gumazir mam an damazimning akiri. ³³ God gumazir kam amadaghan koghti, a bitezitam damighan kogham.”

³⁴ Farisiba me akar kam baregha kamaghin an akam ikaragha ghaze, “Manmagh ami? Arazir kuram bar ni avara, dughiar nin amebam ni batezimin ikegha iza datirighin, ezi ni ti en sure damuasa, o?” Egha me a batoghezima an azenan ghu.

Gumazir nighnizir gavgavim itir puvatibza, me mati men damaziba okafi

³⁵ Jesus orazima me gumazir kam batoke, ezi a ghua a buri. Egha a batogha kamaghin a migei, “Ni Gumazamizibar Otarim nighnizir gavgavim an iti, o puvati?”

³⁶ Ezi a kamaghin an akam ikaragha ghaze, “Gumazir Ekiam, Gumazamizibar

Otarir kam a tina? Ki nighnizir gavgavim an ikisi, kamaghin ni na mikim, a tina.”

³⁷ Ezi Jesus a migia ghaze, “Ni an ganigha gifa. A gumazir datirighin ni ko migeim.”

³⁸ Ezi gumazir kam kamaghin migei, “Ekiam, ki nighnizir gavgavim iti.” Egha Jesusin guamin tevimming apirigha an ziam fe.

³⁹ Ezi Jesus ghaze, “Ki gumazamizibar araziba tuvisighasa ki ize. Ki kamaghisa, gumazir damazir okaviriziba me ganam, egha gumazir gariba, men damaziba okavigham. Bizar kam bagha, ki nguazar kamin ize.”

⁴⁰ Farisiba maba Jesusin boroghira ikia akar kam baraki. Egha me an azara, “Ni ghaze, e ti uaghan damaziba okafi, o?”

⁴¹ Ezi Jesus kamaghin me migei, “Ian damaziba okavizi, ia arazir kurabar osimtiziba puvatighai. Egha ia ghaze, ‘En damaziba gari.’ Kamaghin amizi ian arazir kurabar osimtizim ikiavira iti.”

10

Iesus, a sipsipbagh eghuvir gumazir aghum

¹ Egha Jesus ua kamaghin migei, “Ki bar guizbangira ia migei, gumazir sipsipbar divazimin tiar akamin aven zuir puvatigha, tuavir igharazimin divazimin ikiavkingha aven ghu, a mati okimakiar gumazim, egha gumazir igharazibar biziba okei. ² Ezi gumazir tiar akamin aven zuim, a sipsipbagh eghuvir gumazim. ³ Tiar akamin garir gumazim a gumazir kam bagha tiam kui. Ezi sipsipba an tiarim barasi. Ezi a ubi uan sipsipbar ziaba vaghvagha dar diava, egha men akua azenan zui. ⁴ A uan sipsipbar akua azenan ghugha, egha ubi men faragha zui. Ezi sipsipba an tiarim baraghha an gin zui. ⁵ Me gumazir igharazibar gin zuir puvati. Me gumazir igharazibar tiaribagh fozir puvati. Kamaghin amizi, gumazir igharazim men dimti, sipsipba an aregham.” ⁶ Jesus akar isin zuimin me mikeme, ezi me akar kamin manigarmi gifoziр puvati.

⁷ Kamaghin amizi, Jesus ua kamaghin me migei, “Ki bar guizbangira ia migei, ki ubi, ki sipsipba aven zuir tiar akam. ⁸ Gumazir nan faragha izeziba, me bar okimakiar gumaziba egha gumazamizibar biziba isir gumaziba. Ezi sipsipba me barazir puvati. ⁹

9:29: Jo 8:14 **9:29:** Jon 8:14 **9:31:** Jop 35:12, Sng 34:15, 66:18, Snd 15:29, Ais 1:15, Jer 11:11, Mai 3:4, Sek 7:13

9:31: Jop 35:12; Onger Akaba 34:15; 66:18; Aghuzir Akaba 15:29; Aisaia 1:15; Jeremaia 11:11; Maika 3:4; Sekaraia 7:13

9:33: Jo 9:16 **9:33:** Jon 9:16 **9:34:** Sng 51:5, Jo 9:2 **9:34:** Onger Akaba 51:5; Jon 9:2 **9:35:** Mt 14:33, 16:16,

Mk 1:1, 1 Jo 5:13 **9:35:** Matyu 14:33; 16:16; Mak 1:1; 1 Jon 5:13 **9:37:** Jo 4:26 **9:37:** Jon 4:26 **9:39:** Mt

13:11-15, Jo 3:17, 5:22, 8:15-16, 12:47 **9:39:** Matyu 13:11-15; Jon 3:17; 5:22; 8:15-16; 12:47 **9:40:** Mt 15:14, 23:26,

Ro 2:19 **9:40:** Matyu 15:14; 23:26; Rom 2:19 **9:41:** Jo 15:22-24 **9:41:** Jon 15:22-24 **10:4:** Jo 10:27 **10:4:**

Jon 10:27 **10:6:** Jo 16:25 **10:6:** Jon 16:25 **10:8:** Jer 23:1-2, Ese 34:2-3 **10:8:** Jeremaia 23:1-2; Esekiel 34:2-3

10:9: Sng 118:20, Jo 14:6, Ef 2:18 **10:9:** Onger Akaba 118:20; Jon 14:6; Efesus 2:18

Ki uabi ki tiar akam. Ezi gumazitam na bagh izi divazimin aven mangichti, God an akurvaghram. Eghit an aven mangighiva egh azenan izam, egh daruva dagheba iniam.

¹⁰ “Okimakiar gumazim, a sipsipba okimiva me misoghtima me arimighiram, egh me gasighasighasa izi. A bizir iigarazitam damuasa izir puvati. Ezi ko, ki ia angamira itir ikirimirin iniasa, ki ize, eghit ikirimirir aghuarim guizbangira ia gizivaghram.

¹¹ “Ki uabi ki sipsipbagh eghuvir gu-mazir aghuim. Sipsipbagh eghuvir gu-mazir aghuim, a uan sipsipbar akurvaghni me bagh aremegham. ¹² Ezi gumazir dagiar ingangarimra amim, a guizbangira sipsipbagh eghuvir gumazim puvati, a sipsipbar ghuavim puvati. Egh a sipsipbar ganti afiar atiatam iziti, a sipsipbar ategh arimangigham. Eghit afiar atiam sipsipbar amisi dar agintighti, da tintinibar mangeham. ¹³ Gumazir kam uan iveauz iniasavira ingara iti. A guizbangira sipsipbagh nighnizir puvati. Kamaghin, a sipsipba ategh arimangigham.

¹⁴⁻¹⁵ “Ki uabi ki sipsipbagh eghuvir gu-mazir aghuim. Afeziam na gifozima, ki Afeziam gifoz i moghira ki uan sipsipbagh fo, ezi nan sipsipba na gifo. Ezi ki sipsipbar akurvaghni, me bagh aremegham. ¹⁶ Ki sipsipin maba uaghan iti, da divazir kamin sipsipba puvati. Ezi ki sipsipin kaba uaghan menaku izam, eghit me nan tiarim baraghram. Eghiva me bar sipsipin okoruar vamira ikiti, sipsipbagh eghuvir gumazir vamira bar me ggehuvam.

¹⁷ “Ki kamaghsua, ki ua dikavigh angamira ikiam, kamaghin ki aremeghasa ifonge. Kamaghin amizi, Afeziam bar na gifonge. ¹⁸ Gumazitam na misueghti ki aremeghan kogham. Puvati. Ki uabi nan ifongiamin ki aremegham. Ki oveghamin gavgavim ikia, egha uaghan ua dikavamin gavgavim iti. Nan Afeziam kamaghin damuasa na mikeme.”

¹⁹ Judaba akar kam baregha ua uari turragha okoruar pumuning iti. ²⁰ Egha gu-

mazir aviriba ghaze, “Duar kuram a gapasa, ezi an ongani. Manmaghsua ia an akam barasi?”

²¹ Ezi marazi ghaze, “Akar kam, a duar kuram gapazazir gumazimin akam puvati. Eghit duar kuram manmaghin gumazir damazim okavizim akirigham?”

Judaba me Iesusin apanimin iti

²² Ezi dughiar kamin, isar ekiamin dughiam Jerusalemin oto. Kar dughiar me fomira Godin Dipenim ginighnigha ghaze, Dipenir kam a God baghvira itir Dipenim. Ezi datirighin me dughiar kam ginighnishi. An orangtizimin dughiamin oto. ²³ Ezi Jesus Godin Dipenimin ikia Solomonin Azuarimin aven arui. ²⁴ Ezi Judaba iza an okarigha kamaghin an azara, “Dughiar manamra ni deravira e mikimam, ni bar tinara? Ni gumazir kamra, God Uam E Iniasa Misevezir Gumazim, egh ni deravira e mikim.”

²⁵ Ezi Jesus kamaghin men akam ikaraghha ghaze, “Ki ia mikemegha gifa, ezi ia nighnizir gavgavim nan ikian aghua. Ki ingangariba bar uan Afeziamin ziamin dagh ami, ezi ingangarir kaba nan gun migia ian akakasi, ki tinara. ²⁶ Egha ia nan sipsipba puvati, kamaghin amizima i nighnizir gavgavim nan itir puvati. ²⁷ Nan sipsipba nan tiarim barasi, ezi ki me gifoz, me nan gin izi. ²⁸ Ki zurara itir ikirimirir aghuarim me ganidi, eghit me ovengan kogham. Bar puvati. Eghit gumazitam nan dafarimin me batueghan kogham. ²⁹ Nan Afeziam me isa na ganingi. Egha an gavgavim bar ekevegha, bizir iigarazibar gavgaviba, bar dagh afira. Kamaghin amizi, gumazitam an dafarimin me batueghan kogham. ³⁰ Ezi ki uan Afeziam ko, ga gumazir vamiran min iti.”

³¹ Judaba akar kam baregha me ua a ginivasa dagiaba isi. ³² Ezi Jesus kamaghin me migei, “Nan Afeziam na mikemezi, ki ingangarir aghuir aviribagh amizi, ia dar gani. Egha, ia ingangarir kabar manamra ginighnigha egha dagiabar na ginivasa?”

10:11: Sng 23:1; Ais 40:11; Ese 34:11-23; Jo 15:13; Hi 13:20; 1 Pi 2:25; MAA 7:17

Ezekiel 34:11-23; Jon 15:13; Hibrui 13:20; 1 Pita 2:25; Akar Mogomem 7:17

Sekaraia 11:16-17; Aposel 20:29

10:14-15: Matyu 11:27; Luk 10:22; Jon 10:27; Jon 15:13; 2 Timoti 2:19; 1 Jon 3:16

10:16: Ais 56:8; Ese 34:23, 37:22-24; Jn 11:52; Ef 2:14; 1 Pi 2:25

Efesus 2:14; 1 Pita 2:25

10:17: Ais 53:7-8; 53:12; Fl 2:8-9; Hi 2:9

10:18: Jo 2:19; 5:26; 6:38; 14:31; 19:11; Ap 2:24; 2:32

10:19: Jo 7:43

10:19: Jon 7:43

Jo 9:6-7; 9:32-33

10:20: Jo 7:20; 8:48; 8:52

Luk 22:67

10:20: Jon 7:20; 8:48; 8:52

10:21: Onger Akaba 94:9; 146:8, 10:14

10:21: Sng 94:9; 146:8, 10:14

10:22: Jon 14:28; 17:2; 17:6

10:22: Jon 17:11; 17:22

10:23: Aposel 3:11; 5:12

10:23: Aposel 3:11; 5:12

10:24: Ap 3:11; 5:12

10:24: Ap 3:11; 5:12

10:25: Jon 3:2; 4:26; 5:36; 10:38

10:25: Jon 3:2; 4:26; 5:36; 10:38

10:26: Jo 6:64; 8:45-47; 1 Jo 4:6

10:26: Jon 6:64; 8:45-47; 1 Jon 4:6

10:27: Jo 8:47; 10:3-4; 10:14

10:27: Jo 8:47; 10:3-4; 10:14

10:28: Jo 3:16; 6:37-39; 17:11-12; 18:9

10:28: Jon 3:16; 6:37-39; 17:11-12; 18:9

10:29: Jon 14:28; 17:2; 17:6

10:29: Jon 17:11; 17:22

10:30: Jo 17:11; 17:22

10:30: Jon 17:11; 17:22

10:31: Jon 8:59

10:31: Jon 8:59

10:32: Wkp 24:16; Mt 26:65; Jo 5:18

10:32: Ofa Gami 24:16; Matyu 26:65; Jon 5:18

³³ Ezi Judaba kamaghin an akam ikaragha ghaze, “E ingangarir aghuitam ginighnigha dagiaba fi ni mikinasa, puvati. Ni Godin danganim iniasa, kamaghin amizi, e dagiaba ni mikinasa. Ni pura gumazir kinim, egha ni kamaghin migia ghaze, ni ubi ni God.”

³⁴ Ezi Iesus kamaghin men akam ikaragha ghaze, “Ian Arazir Moses Osirizimin aven, akar kam iti, ‘God ghaze, ‘Iarara godba.’” ³⁵ Fomira God akar kamin gun gumazamizibav keme, egha me migia ghaze, me godba. Ezi e fo, Godin Akinafarimin itir akam zurara ikiva, egh ragh igharagh otoghan kogham. ³⁶ Ezi ko, Afeziam uabi na misefe, egha na amadazima ki nguazimin ize. Egha ki ghaze, ‘Ki Godin Otarim,’ ezi manmaghsua ia ghaze, ‘Ni Godin danganim iniasa?’

³⁷ “Ki uan Afeziam ingangarim damuan koghti, ia nighnizir gavgavim nan akamin ikian marki. ³⁸ Ezi ki an ingangarim gami. Ezi ia nighnizir gavgavim nan akamin ikian aghuaghiva, ia nighnizir gavgavim nan ingangarir ki amizibar iki. Egh ia deravira fofoziba ko nighniziba kamaghin da ini, Afeziam nan aven iti, ezi ki Afeziam aven iti.”

³⁹ Egha me uam an suighasava amima, a men tongin suiaghirigha ghu.

⁴⁰ Egha Iesus uamategha ghua Jordanin Fanem abigha vongin ghu. Egha ghua danganir Jon fomira gumazamiziba ruezimin oto, egha a danganir kamin iti. ⁴¹ Ezi gumazamizir aviriba a bagha iza kamaghin a migei, “Guizbangira, Jon gavgavim uan akam daningasa mirakelin arazitam gamizir puvati. Jon gumazir kamin gun mikemezir akaba, da bar guizbangira.” ⁴² Iesus danganir kamin itir dughiamin, gumazamizir avirim nighnizir gavgavim an iti.

Jesus Judian Distrik ko Jerusalemin nguibamin ghuzima, gumazir aruaba a misuehti an aremeghasa

11

(Sapta 11–12)

Lasarus aremegha gifa

¹ Gumazir mam Lasarus, an arei. A Betanin nguibamin gumazim. Betanin

- | | | | | |
|-----------------------------|---|-----------------------|--|---------------------------------|
| 10:34: Sng 82:6 | 10:34: Onger Akaba 82:6 | 10:35: Mt 5:18 | 10:35: Matyu 5:18 | 10:36: Jo 3:17, 5:17-18, |
| 6:27, 9:35-37 | 10:36: Jon 3:17; 5:17-18; 6:27; 9:35-37 | | | |
| 4:30, Jo 8:59 | 10:39: Luk 4:30; Jon 8:59 | 10:40: Jo 1:28 | 10:40: Jon 1:28 | 10:39: Lu |
| 11:1: Lu 10:38-39 | 11:1: Luk 10:38-39 | * | 11:1: Maria ko Marta, aning Lasarusin amizimning. | 11:2: Mt 26:7, |
| Mk 14:3, Jo 12:3 | 11:2: Matyu 26:7; Mak 14:3; Jon 12:3 | | 11:3: Jo 11:36 | 11:3: Jon 11:36 |
| 11:4: Jon 9:3; 11:40 | 11:8: Jo 8:59 | 11:8: Jon 8:59 | 11:4: Jo 9:3, 11:40 | 11:4: Jo 9:4-5 |
| 2:11 | 11:10: Jon 12:35; 1 Jon 2:11 | 11:11: Mt 9:24 | 11:9: Jo 9:4-5 | 11:9: Jon 9:4-5 |
| 14:31 | | | 11:10: Jo 12:35, 1 Jo | 11:10: Jo 12:35, 1 Jo |
| | | | 11:11: Matyu 9:24 | 11:11: Matyu 9:24 |
| | | | 11:16: Mk 14:31 | 11:16: Mak |

¹⁶ Jesus mikemegha givazima, Tomas an ziari mam Fufuzim, a kamaghin suren gu-mazir igharazibav gei, “E uaghan uan Tisa ko mangiva, a ko ovengam.”

Jesus ghaze, Ki ubi, ki gumazir gumaza-mizibagh anima me ua dikavim, egha ki ubi, ki gumazir ikirimirir zurara itim anidim

¹⁷ Ezi Jesus uan suren gumaziba ko ghuava Betanin nguibamin boroghin zui, egha kamaghin oraki, Lasarus 4plan aruebar mozimin ike. ¹⁸ Betanin nguibam a Jerusalemin boroghin iti, tuavimin ruarim a 3 kilomitan tu. ¹⁹ Ezi Judian gumazamizir aviriba izi Marta ko Marian gara iti. Aningin dozimin ovevem bagha, me aningin akurvaghamin migirigiar tabav kimi aningin navimning deraghsha, me ize. ²⁰ Ezi Marta orazima, Jesus izima, a Maria ataghizi a dipenimin itima a ghua tuavimin Jesus bato.

²¹ Egha Marta kamaghin Jesus migei, “Ekiam, ni kagh ikezi, nan dozim aremeghan koghai! ²² Ezi ki uaghan fo, ni datirighin bizitam bagh Godin azaraghti a ni danigham.”

²³ Ezi Jesus a migei, “Nin dozim ua dikavigham.”

²⁴ Ezi Marta a migei, “Ki fo, a nguazim givaghamin dughiamin dikavigham, dughiar gumazamiziba bar dikavamim.”

²⁵ Ezi Jesus kamaghin a migei, “Ki ubi, ki gumazir gumazamizibagh amima me ua dikavim, egha ki ubi, ki gumazir ikirimirir zurara itim anidim. Gumazitam, nighnizir gavgavim nan ikiva aremegh, an angamira ikivira ikiam. ²⁶ Ezi gumazamiziba bar angamira ikia egha nighnizir gavgavim nan iti, me aremeghan kogham. Puvati. Me angamira iki mamaghira ikiam. Ni nighnizir gavgavim akar kabar iti, o puvati?”

²⁷ Ezi Marta kamaghin Jesus migei, “Are, Ekiam! Ki nighnizir gavgavim ikia fo, ni Godin Otarim. Ni gumazir kam God nguazimin ni amangasa mikeme, Gumazir God Uam E Iniasa Misevezim.”

Jesus Lasarusin apangkuvigha azi

²⁸ Marta kamaghin mikemegha, ghua uan afumim Marian dia. Egha nimira Marian kuarim gatigha kamaghin a migei, “Tisa ize, egha ni bagha azai.” ²⁹ Ezi Maria kamaghin oregha, zuamira dikavigha Jesus bagha ghu. ³⁰ (Jesus tighar nguibamin otivam. A danganir Marta faragh a batozi

naghira iti.) ³¹ Ezi Judaba Marian apangku-vigha a ko dipenimin iti, egha an garima, a zuamira dikavigha azenan ghu. Ezi me an gin zui. Me ghaze, a ti azasia mozimin zui.

³² Ezi Maria ghua Jesus itir danganir kamin otogha Jesus bato. Egha a Jesusin suemningin boroghira tevimming apirigha, kamaghin a migei, “Ekiam, ni ti kagh ikezi, nan dozim aremeghan koghai.”

³³ Ezi Jesus Marian garima, an azi. Egha a Judan Marian gin izezibar garima, me uaghan azi. Ezi a bar men apangkuvigha uaghan aziasava ami. ³⁴ Egha a kamaghin men azara, “Ia managh anefa?”

Ezi me kamaghin a migei, “Ekiam, ni izi ganigh.”

³⁵ Ezi Jesus azia teriba iri. ³⁶ Ezi Judaba an ganigha kamaghin uariv gei, “Ia munagh gan. A gumazir kam bar a gifonge.”

³⁷ Ezi marazi ghaze, “A gumazir damaziba okaviziba akirizima, me ua gari. Egha a gumazir kamin akurazi, an aremeghan koghai. A ti manmaghsua an akuraghan aghau?”

Iesus Lasarus gamizima, a ua dikafi

³⁸ Ezi Jesus ua bar osemegha, ghua mozimin oto. Mozir kam a dagiar mozim, me mighsiamin an ingari. Ezi dagiar ekiar mam an tiar akam avara. ³⁹ Ezi Jesus ghaze, “Ia dagiam puegh munagh amadagh.”

Ezi gumazir aremezimin amizim Marta, a kamaghin Jesus migei, “Ekiam, an kuam 4plan aruebar mozimin ike. An kuamin mughuriar kuram otivam.”

⁴⁰ Ezi Jesus kamaghin a migei, “Ki faragha ni mikemegha gifa, ni nighnizir gavgavim ikiva, egh ni Godin gavgavir ekiamin ganam.”

⁴¹ Egha me dagiam puegha munagh amadazi, Jesus kogha overiamin gara kamaghin migei, “Afeziam, ni na barasi, kamaghin amizi ki ni minaba. ⁴² Ki fo, ni zurara na barasi. Ezi ki gumazir kagh tuivighav itibagh nighnigha, kamaghin ifonge, me kamaghin fogh suam, ni na amadazi ki ize. Kamaghin ki akar kam gami.”

⁴³ Jesus mikemegha givagha, a pamtem dia ghaze, “Lasarus, ni azenan izi.” ⁴⁴ Ezi Lasarus ua dikavigha azenan ize. An sueba ko aghariba ko guam, me inimin da nomke.

Ezi Jesus kamaghin me migei, “Ia inim adegh, egh anetegti, a daru.”

*Gumazir dapaniba Iesus misueghti
an aremeghaha akam misoke*

(Matyu 26:1-5; Mak 14:1-2; Luk 22:1-2)

⁴⁵ Ezi Judan gumazamizir iza Maria ko itiba, men avirim Iesus amizir bizir kamin ganigha kamaghin nighnizir gavgavim an iti. ⁴⁶ Ezi men marazi Farisiba bagha ghuegha bizir Iesus amizir kamin gun me migei.

⁴⁷ Kamaghin amizi, ofa gamir gumazir ekiaba ko Farisiba, me Judan kotin aven itir gumaziba bar men diagha me akuvagha kamaghin me migei, "E manmaghin damuam? Gumazir kam mirakelin avirim gami!" ⁴⁸ E aneteghti an arazir kam damuvira ikiti, kamaghin gumazamiziba bar nighnizir gavgavim an ikiam. Eghit Romin gumazir ekiaba iziva en Godin Dipenim ko en adarazi saram asighasigham."

⁴⁹ Ezi men tongin gumazir mam, an ziam Kaifas, an azendir kamin ofa gamir gumazibar dapanim. A kamaghin me migei, "Ia fofoziba bar puvati. ⁵⁰ Ia ti arazitam gifozir puvati, a ian akurvaghram. Kamaghin a dera, gumazir vamira gumazamizibar danganim inigh egh aremegham. Puvatightima, en adarazi bar ovegham."

⁵¹ Kaifas uabi uan nighnizimin akar kam mikemezir puvati. A azendir kamin ofa gamir gumazibar dapanimin iti. Egha an arazir Godin akam inigha izimin mirara migia ghaze, Iesus a Judabar akurvaghri aremegham. ⁵² Ezi Iesus Judabar akurvaghsvira aremeghan kogham. Puvati. A Godin borir tintinibar itiba bagh aremegh me akuvaghti me vamiran otogham. ⁵³ Ezi dughiar kamin ikegha ghua, gumazir aruuba Iesus misueghtima an aremeghaha tuaviba buria egha akabar kiri.

⁵⁴ Kamaghin amizi, Iesus Judabar tongin uabi azendir gatigha aruir puvati. Egha a nguibar kam ategha ghua, gumazamiziba puvatizir danganim boroghin itir nguibar mamin iti. Nguibar kam, an ziam Efraim. A uan suren gumaziba ko, me nguibar kamin iti.

⁵⁵ Ezi God Israelia Gitazir Dughiamin isar ekiam roghira ize. Kamaghin tintinimin nguibabar gumazamiziba, Godin damazimin uari zuasa Jerusalemin ghue. ⁵⁶ Egha me Iesus bagha ruiavira iti. Me Godin

Dipenim avinizar divazimin aven tuivighav ikia, egha meuarir tongin kamaghin uarir azangsisi, "Ia manmaghin nighnisi? A ti izi isar ekiamin dughiamin ganam, o puvatigham?" ⁵⁷ Ezi gumazir aruaba ko Farisiba me gumazamizibav kemegha gifa, gumazitam danganir Iesus itim gifogh, egh me mikemegh. Eghit me an suiragh kalabus darighasa.

12

*Maria mughuriar aghuim zuir borem
Iesusin dagarimning ginge*

(Matyu 26:6-13; Mak 14:3-9)

¹ Ezi 6plan dughiaba ikiavira itima, God Israelia Gitazir Dughiamin isar ekiam otivas. Ezi dughiar kamin Iesus Betanin nguibamin ghu. Betani a Lasarusin nguibam, a gumazir Iesus mozimin a gamizima ua dikavizim. ² Ezi me nguibar kamin Iesusin ziam fasa dagheba isai. Ezi Marta dagheba tui. Ezi Lasarus, a gumazir Iesus ko dakozimin apiaghav ikia apibar mav. ³ Ezi Maria, mughuriar aghuim zuir borer iveauz bar pin kozim inigha iza Iesusin dagarimning ginge, egha uan dapanir arizimin an dagarimning adisi. Ezi borer kamin mughuriar aghuim dipenim bar a koro. ⁴ Ezi an suren gumazir mam, Judas Iskariot, a gumazir gin Iesus isa apanibar agharim gatizim, a kamaghin migei, ⁵ "Manmaghsua kav borer kam 300 silvan dagiaba bagh anemangan aghua, eghit e an dagiaba inighiva gumazamizir onganarazibar aningam?" ⁶ Judas onganarazir gumazamizibagh nighnizir puvati, egha a kamaghin migei. Puvati. An okimakiar gumazim. Iesusin adarazir dagiabar mitarim an gara iti, ezi a dughiar mabar da okei.

⁷ Ezi Iesus akar kam baregha kamaghin me migei, "Amizir kam atakigh! Eghit bizir an amizir kamin nighnizim ikivira iki mangi dughiar ki aremeghti me na mozim datigham." ⁸ Gumazir onganaraziba ia ko ikivira ikiam. Ezi ki ia ko zurara ikivira ikian kogham."

*Ofa gamir gumazir ekiaba Lasarus
misuehti an aremeghaha, akam misosi*

⁹ Ezi Judan avirir ekiam oregha me fo, Iesus Betanin nguibamin iti. Ezi me a bagha

11:45: Jo 4:48, 7:31	11:45: Jon 4:48; 7:31	11:46: Lu 16:31	11:46: Luk 16:31	11:50: Jo 18:14	11:50: Luk 7:37-38;
Jon 18:14	11:51: Stt 50:20	11:51: Jenesis 50:20	11:52: Ais 49:6, Jo 10:16, 17:21, Ef 2:14-17, 1 Jo 2:2	11:52:	
Aisaia 49:6; Jon 10:16; 17:21; Efesus 2:14-17; 1 Jon 2:2			11:53: Jo 5:18	11:53: Jon 5:18	11:54: 2 Sto 13:19, Jo
4:1-4, 7:1	11:54: 2 Eghaghaniba 13:19; Jon 4:1-4; 7:1		11:55: 2 Sto 30:17, Jo 2:13, 5:1, 6:4, Ap 21:26	11:55: 2	
Eghaghaniba 30:17; Jon 2:13; 5:1, 6:4; Apostol 21:26		11:56: Jo 7:11	11:56: Jon 7:11	12:1: Jo 11:1, 11:43	12:1:
Jon 11:1; 11:43	12:2: Lu 10:40	12:2: Luk 10:40		12:3: Lu 7:37-38, 10:38-39, Jo 11:2	12:3: Luk 7:37-38;
10:38-39; Jon 11:2	12:4: Jo 18:3	12:4: Jon 18:3	12:5: Mt 19:21	12:5: Matyu 19:21	12:6: Jo 13:29
12:6: Jon 13:29	12:7: Jo 19:40	12:7: Jon 19:40	12:8: Lo 15:11, Mt 26:11, Mk 14:7	12:8: Godin Araiziba	
15:11; Matyu 26:11; Mak 14:7	12:9: Jo 11:43-44	12:9: Jon 11:43-44			

izi. Me Iesusin ganasavira izir puvati. Me fo, Jesus faragha Lasarus mozimin a gamizima a ua dikafi. Ezi me uaghan Lasarusin ganasa.¹⁰ Kamaghin amizi, ofa gamir gu-mazir ekiaba uaghan Lasarus misueghti an aremeghasa akam misosi.¹¹ Me fo, Ju-dan aviriba Iesus Lasarus gamizir bizim ginighnisi, egha me ofa gamir gumazir eki-aba ategha akirim ragha me gasara, egha nighnizir gavgavim Iesusin iti. Kamaghin amizi, me uaghan Lasarus misoghasava ami.

*Iesus atrivimin min
Jerusalemin aven zui
(Matyu 21:1-11; Mak 11:1-11; Luk 19:28-40)*

¹² Ezi gumazamizir aviriba God Israelia Gitazir Dughiamin isar ekiamin ganasa iza Jerusalemin iti. Boghinaronra Iesus Lasarusin dipenimin ame. Ezi datirighin gu-mazamiziba kamaghin oraki, Iesus roghira iza Jerusalemin otivasa.¹³ Ezi me uan dafaribar okavir aghubar suigha ghua tu-avimin Iesus batogha me kamaghin dei:

“Hosana!
Ia Godin ziam fi!
Gumazir Ekiamin ziam ko gavgavim izim,
God deragh a damu!
A Israeliian Atrivim!”

¹⁴ Ezi Iesus donkin mam inigha a gaper-
agha zui, mati Godin Akinafarim mikemezi moghin:

¹⁵ “Ia Saionin nguabar ekiamin itir gumaza-
miziba, ia atiatingan marki.
Ia gan, ian atrivimra mara, ia bagha izi!
A donkin nguzim gaperagha izi.”

¹⁶ Dughiar kamin an suren gumaziba akar kabar mingaribagh fozir puvati. Egha gin God ziar ekiam isa Iesus ganigha givazima, me akar Godin Akinafarimin itim ginirigha me fo, a Iesusra migei. Egha me ua bizir gumazamiziba Iesus gamizim ginighnisi.

¹⁷ Lasarus aremegha mozimin itir dughiam, gumazamizir avirim Iesus ko ikia egha Iesusin garima, a Lasarus mozimin an diagha a gamizima a ua dikafi. Ezi datirighin gumazamizir kaba, Iesus amizir bizir kamin gun migiavira iti.¹⁸ Ezi

gumazamiziba orazi a mirakelin kam gamizi, me a bagha ghua tuavimin a bato.¹⁹ Ezi Farisiba ganigha, me uarir tongin kamaghin uariv gei, “Ta an gan! Bizir e damuamin kam, a datirighin otoghan kogham. Gumazamiziba bar an gin zui.”

Grighin marazi Iesusin ganasa

²⁰ Ezi dughiar kamin, gumazamiziba isar ekiamin Godin ziam fasa Jerusalemin ghuanaboo, ezi men tongin, Grighin marazi uaghan iti.²¹ Egha Grighin gumazir kaba Filip bagha ize. (Filip a Betsaidan nguibamin gumazim, a Galilin Distrighin iti.) Egha me kamaghin a migei, “Gumazir ekiam, e Iesusin ganasa ifonge.”²² Ezi Filip ghua Andru mikemegha aning uaghara ghua Iesus migei.

²³ Ezi Iesus kamaghin aningen akam ikaragha ghaze, “Dughiar Gumazamizibar Otarim ziar ekiam iniamim, an otogha gifa.²⁴ Ki guizbangira ia migei, witin ovizitam nguazim girigh egh aremeghan koghiva, a uabira ikiam. An aremegh, uam aghungiva witin ovizir aviriba misivam.²⁵ Gumazamizir uabira uan ikirimirim gifongeziba, me aremegham. Ezi gumazamizir nguazir kamin ikia ubi uan ikirimirim aghuaziba, me angamira itir ikirimirim suiragh mangi zurara ikivira ikiam.²⁶ Ezi gumazir nan ingangarim damuasa ifongeziba, me nan gin izi. Egh nguubar ki itim, nan ingangarir gumazamiziba uaghan na ko ikiam. Eghti gumazamizir nan ingangarim gamiba, Afeziatm ziar ekiam me daningam.”

Iesus uan ovezem migei

²⁷ Ezi Iesus ua kamaghin migei, “Datirighin nan navim bar osemegha nighnizir aviriba iti. Eghti ki manmagh mikimam, ‘Afeziatm, datirighin na bativamin bizir kam, ni a batokegh?’ Ezi puvati. Ki kamaghin mikiman kogham. Osimtizir dughiar kamin otivim a mar otiv. Bizir kam bagha ki ize.²⁸ Afeziatm ni uan ziam damut, an ekefegh!”

Iesus mikemegha givazima, tiarir mam Godin Nguibamin izaghira ghaze, “Ki uan ziam gamizima an ekevegha gifa, egha ki ua kamaghin damuam.”

-
- 12:11:** Jo 11:45, 12:18 **12:11:** Jon 11:45; 12:18 **12:13:** Sng 118:25-26, Mt 27:42, Jo 1:49 **12:13:** Onger Akaba 118:25-26; Matyu 27:42; Jon 1:49 **12:15:** Sek 9:9 **12:15:** Sekaraia 9:9 **12:16:** Lu 18:34, Jo 2:22, 7:39, 14:26
12:16: Luk 18:34; Jon 2:22; 7:39; 14:26 **12:17:** Jo 11:43-44 **12:17:** Jon 11:43-44 **12:19:** Jo 11:48 **12:19:** Jon 11:48
 Jon 11:48 **12:21:** Lu 19:3, 23:8; Jo 1:44 **12:21:** Luk 19:3; 23:8; Jon 1:44 **12:23:** Jo 13:31-32, 17:1 **12:23:**
 Jon 13:31-32; 17:1 **12:24:** 1 Ko 15:36 **12:24:** 1 Korin 15:36 **12:25:** Mt 10:39, 16:25, Mk 8:35, Lu 9:24, 17:33
12:25: Matyu 10:39; 16:25; Mak 8:35; Luk 9:24; 17:33 **12:26:** Jo 14:3, 17:24, 1 Te 4:17 **12:26:** Jon 14:3; 17:24;
 1 Tesalonika 4:17 **12:27:** Sng 6:3, 42:5, Mt 26:38, Lu 12:50, 22:53; Jo 18:37 **12:27:** Onger Akaba 6:3; 42:5; Matyu 26:38; Luk 12:50; 22:53; Jon 18:37 **12:28:** Mt 3:17 **12:28:** Matyu 3:17 **12:29:** Ap 23:9 **12:29:** Aposel 23:9

29 Ezi gumazamizir roghira tughav itiba,
me tiarir kam baraki, egha me kamaghin
migei, "Ararim dagara!"

Ezi marazi ghaze, "Enselin mam a migei!"

30 Ezi Iesus kamaghin akam ikaragha
ghaze, "Akar ia datirighin oraghazir kam,
a nan akurvaghaha izezir puvati. A ian
akurvaghaha ize. **31** Datinighin God nguazir
kamin gumazamizibar araziba tuisigham.
Egh nguazir kam gativazir gumazir da-
panim Satan a batuegham. **32** Datinighin
ki nguazimin iti, ezi gin me ter ighuvimin
na guragham, eghia dughiar kamin ki gu-
mazamiziba bar me damuti me na bagh
izam."* **33** (Jesus migirigiar kam gamua a
uan ovengamimin arazimin gun migei.)

34 Ezi gumazamiziba kamaghin an akam
ikaragha ghaze, "E kamaghin Moses Os-
ririzir Arazibar akam baraki, God Uam E
Iniasa Misevezir Gumazim otogh, egh iki
mamaghira ikiam. Egha manmaghsua ni
ghaze, 'Me Gumazamizibar Otarim fegh ter
ighuvimin aneguragham?' Gumazamizibar
Otarir kam, a bar tinara?"

35 Ezi Iesus kamaghin me migei, "Dughiar
ovezimin angazangarim ian tongin ikiam.
Datinighin angazangarim ian ikiavira iti,
ezi ia angazangarimin aven daru. Puvatighti,
mitatem ia avaragham. E fo, gu-
mazim mitatem arui, a foizir puvati, a
managh zui. **36** Angazangarim datirighin ia
ko ikiavira iti, eghia nighnizir gavgavim
angazangarimin iki. Kamaghin ia angazan-
garimin gumazamizibar min otivigham."

Judan gumazir avirim nighnizir gavgavim Iesusin itir puvati

Jesus gumazamiziba ko mikemegha
givagha, me ategha ghua men modo. **37** Me
an garima a mirakelin avirim gami. Ezi me
nighnizir gavgavim an itir puvati. **38** God
kamaghisua, an akam inigha izir gumazim
Aisaian akam guizbangira otogham. Aisaia
kamaghin mikeme:

"Ekiam, tina en akam nighnizir gavgavim
an iti?

-
- 12:30:** Jo 11:42 **12:30:** Jon 11:42 **12:31:** Mt 12:29, Lu 10:18, Jo 9:39, 14:30, 16:11, Ap 26:18, Ef 2:2 **12:31:**
Matyu 12:29; Luk 10:18; Jon 9:39; 14:30; 16:11; Aposel 26:18; Efesus 2:2 **12:32:** Jo 3:14, 8:28, Ro 5:18, Hi 2:9 **12:32:**
Jon 3:14; 8:28; Rom 5:18; Hibru 2:9 **12:32:** Jesus ghaze, "Gumaziba na fegh ter ighuvimin na aguraghram." Tuavir
kamra, God a feghti an Nguibamin mangi, egh bar pin ikiam. Ni Filipai 2:9-11 in gan. **12:33:** Jo 18:32 **12:33:** Jon
18:32 **12:34:** Sng 89:4, 89:36, 110:4, Ais 9:9, 53:8, Ese 37:25, Dan 2:44, 7:14, Mai 4:7 **12:34:** Onger Akaba 89:4; 89:36;
110:4; Aisaia 9:7; 53:8; Esekiel 37:25; Daniel 2:44; 7:14; Maika 4:7 **12:35:** Jer 13:16, Jo 1:9, 7:33, 8:12, 11:10, Ef 5:8, 1 Jo
2:10-11 **12:35:** Jeremaja 13:16; Jon 1:9; 7:33; 8:12; 11:10; Efesus 5:8; 1 Jon 2:10-11 **12:36:** Ef 5:8 **12:36:** Efesus
5:8 **12:37:** Jo 2:11 **12:37:** Jon 2:11 **12:38:** Ais 53:1; Ro 10:16 **12:38:** Aisaia 53:1; Rom 10:16 **12:40:** Ais
6:9-10, Mt 13:15 **12:40:** Aisaia 6:9-10; Matyu 13:15 **12:41:** Ais 6:1 **12:41:** Aisaia 6:1 **12:42:** Jo 7:48, 9:22
12:42: Jon 7:48; 9:22 **12:43:** Jo 5:44 **12:43:** Jon 5:44 **12:44:** Mt 10:40, Mk 9:37, 1 Pi 1:21 **12:44:** Matyu
10:40; Mak 9:37 **12:45:** Jo 14:9 **12:45:** Jon 14:9 **12:46:** Jo 3:19, 8:12, 9:5, 9:39, 12:35 **12:46:** Jon 3:19; 8:12;
9:5; 9:39; 12:35 **12:47:** Jo 3:17; 5:45; 8:15; 8:26 **12:47:** Jon 3:17; 5:45; 8:15; 8:26 **12:48:** Lo 18:19, Mk 16:16, Lu
10:16, Hi 4:12 **12:48:** Godin Araziba 18:19; Mak 16:16; Luk 10:16; Hibru 4:12

Terara, Ekiam, uan ingangarir gavgav-
iba isa men akazi,
me dar gani?"

39 Me nighnizir gavgavim itir puvatizir
bizimin mingarim, Aisaia uaghan akar
ighazarizir mamin an osiri. A kamaghin
migei:

40 "God kamaghsua, me bizitamin ganan
koghiva,
egh me naviba akamin mingarim
gifoghan kogham.

Egh me navibagh iragh ua na bagh iziti,
ki me damichti me ua deraghan
kogham.

Kamaghin God men damazibagh amizi da
okafi,
ezi me gari puvati.

Egha men nighnizibagh amizi
me ongani."

41 Aisaia Iesusin angazangarim ko
gavgavim ganigha, kamaghin an an
gurara migei. **42** Guizbangira, gumazir
dapanir avirim uaghan nighnizir gavgavim
Iesusin iti. Egha me Farisibar atiatigha,
uan nighnizir gavgavim gun migeir
puvati. Me atiatigha ghaze, Farisiba men
anogoreghti me ua God ko migeir dipenimin
aven ikian kogham. **43** Gumazamiziba men
ziaba fasa me bar ifonge, egha God men
ziaba fasa me ifongezir puvati.

*Akar Iesus mikemezim, a gumazamiz-
ibar araziba tuisigham*

44 Ezi Iesus kamaghin diagha ghaze,
"Gumazir nighnizir gavgavim nan itim, a
nighnizir gavgavim narara itir puvati. A
nighnizir gavgavim Afeziar na amadazi ki
izezim uaghan an iti. **45** Ezi gumazir
nan garim, a uaghan Afeziar na amadazi
ki izezimin gari. **46** Ki kamaghsua, gu-
mazir nighnizir gavgavim nan itiba, me bar
mitatem ikian kogham. Bizar kam bagha
ki angazangarimin min nguazir kamin ize.

47 "Gumazitam nan akam baregha nan
gin zuir puvati, ki jasin min a tuisighan

kogham. Ki nguazimin gumazamizibar jasin ikiasa izezir puvati. Ki men akurvaghosa ize. ⁴⁸ Ezi gumazim akirim na gasara egha nan akam inizir puvati, a kот iti, eghit jas a tuisigham. Akar ki mikemezim, a nguazim givaghamin dughiamin an araziba tuisigham. ⁴⁹ Ki uabi uan nighnizimin migeir puvati. Afeziam na amadazi ki ize. A uabi akaba bar na mikeme, ezi ki dar gun migei. ⁵⁰ Ezi ki fo, Afeziam akam gumazamizibar amuti, me zurara itir ikirimimir aghuarim iniam. Kamaghin amizi, akar ki mikemezir kaba bar, Afeziam na mikemezi moghin ki dar gun migei.”

Iesus kamaghin suren gumazibavgia ghaze, a me ategh ua Afeziam bagh mangam

13

(Sapta 13-17)

Iesus uan suren gumazibar dagariba rue

¹ Dughiar kam, God Israelia Gitazir Dughiam a gurumzaraghan otivam. Ezi Iesus fo, a mangamin dughiam otozi, a nguazir kam ategh uan Afeziam bagh mangasava ami. A uan gumazamizir nguazir kamin itiba a fomira bar me gifonge, egha me gifueghavira ikia ghua an areme. ² Ezi guaratizir kamin me apa iti. Satan faragha nighnizir Iesus isi apanibar dafarim darighamim isa Judasin navim gatigha gifa. Judas, a Saimon Iskariotin otarim. ³ Iesus kamaghin fo, Afeziam biziбар amuamin gavgavim bar a isa a ganingi. A uaghan kamaghin fo, God anemadazi a ize, egh a ua God bagh mangam. ⁴ Kamaghin amizi, Iesus dagher dakozim ategha dikavigha uan korotiar ruarim suegha, taulin mam inigha uan ivariam gike. ⁵ Egha dipam itarir mam gingegha maghira uan suren gumazibar dagariba ruegha, taulin uan ivariam amighirizimin men dagariba adisi. ⁶ Egha a Saimon Pita bagha izezi Pita an azara, “Ekiam, ni ti nan dagariba ruam, o?”

- 12:49:** Lo 18:18; Jo 8:38, 14:10 **12:49:** Godin Araziba 18:18; Jon 8:38; 14:10 **12:50:** Jo 8:26-28 **12:50:** Jon 8:26-28 **13:1:** Mt 26:2, Jo 7:30, 12:23, 15:13, 17:1, 17:11; Fl 2:8, 1 Jo 3:16 **13:1:** Matyu 26:2; Jon 7:30; 12:23; 15:13; 17:1; 17:11; Filipai 2:8; 1 Jon 3:16 **13:2:** Lu 22:3; Jo 13:27 **13:2:** Luk 22:3; Jon 13:27 **13:3:** Mt 28:18, Jo 3:35, 16:28; Ap 2:36, 1 Ko 15:27; Hi 2:8 **13:3:** Matyu 28:18; Jon 3:35; 16:28; Aposel 2:36; 1 Korin 15:27; Hibru 2:8 **13:4:** Luk 22:27, Fl 2:7-8 **13:4:** Luk 22:27; Filipai 2:7-8 **13:6:** Mt 3:14 **13:6:** Matyu 3:14 **13:8:** 1 Ko 6:11; Ef 5:26, Ta 3:5, Hi 10:22 **13:8:** 1 Korin 6:11; Efesus 5:26; Taitus 3:5; Hibru 10:22 **13:10:** Jo 6:64, 6:70-71, 15:3 **13:10:** Jon 6:64; 6:70-71; 15:3 **13:12:** Luk 22:27 **13:13:** Mt 23:8-10, Lu 6:46; 1 Ko 8:6, 12:3; Fl 2:11 **13:13:** Matyu 23:8-10; Luk 6:46; 1 Korin 8:6; 12:3; Filipai 2:11 **13:14:** Mt 20:28, Lu 22:27, Ro 12:10, Ga 6:1-2, 1 Pi 5:5 **13:14:** Matyu 20:28; Luk 22:27; Rom 12:10; Galesia 6:1-2; 1 Pita 5:5 **13:15:** Mt 11:29, Fl 2:5, Kl 3:13, 1 Pi 2:21, 1 Jo 2:6 **13:15:** Matyu 11:29; Filipai 2:5; Kolosi 3:13; 1 Pita 2:21; 1 Jon 2:6 **13:16:** Mt 10:24, Lu 6:40, Jo 15:20 **13:16:** Matyu 10:24; Luk 6:40; Jon 15:20 **13:17:** Mt 7:24; Je 1:25 **13:17:** Matyu 7:24; Jems 1:25 **13:18:** Sng 41:9 **13:18:** Onger Akaba 41:9 **13:19:** Jo 14:29, 16:4 **13:19:** Jon 14:29; 16:4

⁷ Ezi Iesus kamaghin an akam ikaragha ghaze, “Bizir ki datirighin amim, ni a gifozir puvati, ni gin a gifogham.”

⁸ Ezi Pita a migia ghaze, “Ni nan dagariba ruan marki. Bar marki!”

Ezi Iesus kamaghin an akam ikaragha ghaze, “Ki nin dagariba rueghan koghti, ni na ko ikian kogham.”

⁹ Ezi Saimon Pita a migia ghaze, “Ekiam, mamaghin ni nan dagaribara ruan marki. Ni nan dagariba ko dafariba ko dapanim sara, bar da ruegh!”

¹⁰ Ezi Iesus kamaghin a migei, “Gumazir ruegha givazim, zuegha gifa, a ua ruan marki. A pura dagaribara ruegh bar zuegham. Ezi ia bar moghira zuegha givagha iti. Ezi ian gumazir vamira, a zuezir puvati.” ¹¹ (Iesus gumazir a isi apanibar dafaribar arighamim, an a gifogha gifa. Egha kamaghin migei, “la bar moghira zuezi, ian vavira zuezir puvati.”)

¹² Iesus men dagariba ruegha givagha, uan korotiar ruarin uam anerugha, ghua uan danganim gapera. Egha kamaghin men azai, “Ki ia bagha amizir bizir kamin mingarim, ia a gifoz, o? ¹³ Ja ‘Tisa’ na garigha ‘Ekiam’ na garisi. Guizbangira, ki Tisa egha ki ian Ekiam. Egha bar deragha ia kamaghin migei. ¹⁴ Ki, ian Ekiam ko ian Tisa, egha ki ian dagariba rues. Ezi ia uaghan uarira uarir dagariba ruegh. ¹⁵ Ki arazim ian aka, ezi ia uaghan arazir ki datirighin ia gamizir kamra damu. ¹⁶ Ki guizbangira ia migei, ingangarir gumazamizir kinitam uan ekiam gafirazir puvati. Ezi akam inigha izir gumazim o amizim, a gumazir anemadazir a ghuzim gafirazir puvati. ¹⁷ Ezi datirighin ia arazir ki amizir kamin mingarim gifogha gifa, kamaghin ia deraghvira an gin mangiva, egh ia bar akuegham.

¹⁸ “Ki bar ia migeir puvati. Ki gumazir ki ua bagha misevezibagh fo. Egha ki kamaghin fo, akar Godin Akinafarimin itim, a guizbangiram otivam. Akar kam kamakin ‘Gumazir na ko dagheba apim, nan apanimin oto.’ ¹⁹ Bizir kam tighar otivam, ezi ki datirighin ia mikemegha gifa. Eghiti

kamaghin a gin otoghamin dughiam, ia kamaghin nighnizir gavgavim iki fogh, Ki Uabi Ki Kamaghin Iti.*²⁰ Ki guizbangira ia migei, gumazir manam ingangarir gumazir ki amadazim inigha deravira a gami, gumazir kam na inigha deravira na gami. Gumazamizir na iniziba, me Godin na amadazi ki izezim ini.”

*Judas Jesus isi
apanibar dafaribar arigham*
(Matyu 26:20-25; Mak 14:17-21; Luk 22:21-23)

²¹ Jesus bizar kabav kemegha givagha, an navim bar a baseme. Egha a bighavira kamaghin migei, “Ki guizbangira ia migei, ian tav na isiva gumazir nan apanim gamibar agharim darigham.”

²² A kamaghin mikemezi, an suren gumaziba vaghvaghia uari uarir gari. Me fozir puvati, Jesus tina migei.²³ Egha suren gumazibar mav, gumazir Jesus bar ifongezim, a bar Iesusin boroghira iti.²⁴ Ezi Saimon Pita benim akuigha a migei, “Ni an azaragh, a tina migei?”

²⁵ Ezi suren gumazir kam uan daparim isa Iesusin afarizim boroghiram atigha, kamaghin an azara, “Ekiam, ni tina migei?”

²⁶ Ezi Jesus kamaghin an akam ikaragha ghaze, “Ki dagher otevir kam inigh itarim darugh uam a inigh, egh gumazitam daningam. A gumazir kamra, ki a migei.” Egha a dagher otevir isa itarim garugha uam a inigha Judas ganingi, a Saimon Iskariotin otarim.²⁷ Ezi Judas dagher kam inigha givazi, dughiar kamra Satan an navir averiamin aven ghua a gapasa. Ezi Jesus kamaghin a migei, “Bizir ni damuasa ifongezim, ni zuamira a damigh!”²⁸ Gumazir dakozimin apiaaghav itiba, me bar akar Jesus Judas mikemezir kam baregha, me akamin mingarim gifozir puvati.²⁹ Judas dagiabar mitarimin gari. Ezi marazi ghaze, Iesus ti isar ekiam bagha biziagh iveauza a mikeme, o a mangi biziqa gumazir onganarazibar aningam.³⁰ Ezi Judas dagher otevir kam inigha givagha, zuamira azenan ghu. Ezi amimin bar piri.

* **13:19:** Ni akar Jon 8:24 in itimin gan. **13:20:** Mt 10:40, 25:40, Mk 9:37, Lu 9:48, 10:16 **13:20:** Matyu 10:40; 25:40; Mak 9:37; Luk 9:48; 10:16 **13:21:** Mt 26:21, Mk 14:18, Lu 22:21, Jo 12:27, Ap 1:17, 1 Jo 2:19 **13:21:** Matyu 26:21; Mak 14:18; Luk 22:21; Jon 12:27; Aposel 1:17; 1 Jon 2:19 **13:22:** Jo 19:26, 20:2, 21:7, 21:20, 21:24 **13:23:** Jon 19:26; 20:2, 21:7, 21:20; 21:24 **13:27:** Luk 22:3; Jon 6:70; 13:2 **13:29:** Jo 12:6 **13:29:** Jon 12:6 **13:30:** Jon 12:23, 14:13; 1 Pi 4:11 **13:31:** Jon 12:23; 14:13; 1 Pita 4:11 **13:32:** Jo 17:5 **13:32:** Jon 17:5 **13:33:** Jo 7:34 **13:33:** Jon 7:34 **13:34:** Wkp 19:18; Jo 15:12, 15:17, 1 Pi 1:22, 1 Jo 2:7-8, 3:23, 4:21, 2 Jo 5 **13:34:** Ofa Gami 19:18; Jon 15:12, 15:17; 1 Pita 1:22; 1 Jon 2:7-8; 3:23; 4:21; 2 Jon 1:5 **13:35:** 1 Jo 2:5, 4:20 **13:35:** 1 Jon 2:5; 4:20 **13:37:** Mt 26:33-35, Mk 14:29-31, Lu 22:33-34 **13:37:** Matyu 26:33-35; Mak 14:29-31; Luk 22:33-34 **14:1:** Jo 14:27, 16:33 **14:1:** Jon 14:27; 16:33 **14:2:** Jo 13:33, 13:36 **14:2:** Jon 13:33; 13:36 **14:3:** Jo 12:26, 17:24, Ap 1:11, 1 Te 4:17 **14:3:** Jon 12:26; 17:24; Aposel 1:11; 1 Tesalonika 4:17

Iesus Akar Gavgavir Igiam suren gumazibagh anidi

³¹ Judas azenan ghugha givazima, ezi Iesus kamaghin migei, “Datarighin Gumazamizibar Otarimin ziar ekiam azenan oto. God uan Otarim isa gumazamizibar akazi Otarim me damut me fogham, God ziar bar ekiam iti.³² God uan ziar ekiam pirafi, uan Otarim isi gumazamizibar akgaghti me fogham, Gumazamizibar Otarim ziar ekiam iti. Egh God zuamira a pirafagh ziar ekiam a daningam.³³ Nan boriba, dughiar otevimira ki ia ko ikiam. Eighti ia na buriam. Ki Judabav kemezi moghin, akar kamra ki ua ia migei, ia danganir ki mangamim, ia an mangen kogham.³⁴ Ezi datirighin ki Akar Gavgavir Igiam ia ganidi, a kamakin, ia uari uarigh ifongegh. Ki bar ia gifonge, ezi kamaghira ia uari uarigh ifongegh.³⁵ Ia uari uarigh ifongeghti, gumazamiziba bar arazir kamin ganigh fogh suam, ia nan suren gumaziba.”

*Iesus ghaze, Pita akirim ragh
a gasaragh*

(Matyu 26:31-35; Mak 14:27-31; Luk 22:31-34)

³⁶ Ezi Saimon Pita kamaghin Iesusin azara, “Ekiam, ni managh mangam?”

Ezi Jesus kamaghin an akam ikaragha ghaze, “Ngiubar ki mangamim, ni datirighin nan gin an mangighan kogham. Ni gin nan gin izam.”

³⁷ Ezi Pita an azara, “Ekiam, manmagh amizima ki datirighin nin gin mangighan kogham? Ki ni bagh aremeghasa ifonge.”

³⁸ Ezi Jesus kamaghin an akam ikaragha ghaze, “Ni ghaze, ni ti na bagh aremegham? Ki guizbangira ni migei, tuarim tighar akam, eighti ni dughiar pumuning ko mikezimin kamaghin mikim suam, ni na gifozir puvati.”

14

Iesus, an Afeziarn bagha zuir tuavim

¹ Ezi Jesus ua kamaghin uan suren gumazibav gei, “Ia nighnizir aviribar amuva osiman marki. Ia nighnizir gavgavim Godin iki, egh uaghan nighnizir gavgavim nan iki.² Nan Afeziarn dipenimin danganir

aviriba iti, ezi ki mangiva ia bagh dangani-bar kiram. Bizar kam guizbangira puvatizi, ki ia mikemeghan koghai.³ Ki mangi ia bagh danganim akirigh, ua izi ia inigh mangiti ia na ko ikiam. Egh nguibar ki ikiam, ia uaghan na ko an ikiam.⁴ Ezi nguibar ki zuim, ia an tuavim gifogha gifa."

⁵ Ezi Tomas a migia ghaze, "Ekiam, e fozir pu, ni managh zui, kamaghin e manmaghin tuavir ni zuim gifogham?"

⁶ Ezi Jesus kamaghin a migei, "Ki uabi ki tuavim, egha ki guizin akamin mingarim, egha ki ikirimirir aghuimin mingarim. Ezi gumazitam tuavir ighazarimin Afeziam bagh mangighan kogham. Puvati. Kirara ki Afeziam bagha zuir tuavim.⁷ Eighti ia na gifoghiva, egh uaghan nan Afeziam gifogham. Ezi datirighin ikegha zui, ia nan Afeziam gifogham, an gari."

⁸ Ezi Filip ghaze, "Ekiam, ni Afeziam en akagh, eighti e uan damazibar an ganigh, ua nin azangan kogham."

⁹ Ezi Jesus kamaghin a migei, "Filip, dughiar ruarinim ki ia ko iti, ezi ia ti na gifozir puvati? Gumazim nan gari, an Afeziamin gari. Ezi manmaghsua ni ghaze, 'Ni Afeziam en akagh?'¹⁰ Filip, ni ti kamaghin nighnizir gavgavim itir puvati, ki Afeziamin aven itima, Afeziam nan aven iti? Akar ki ia migeiba, ki uan nighnizimin dav geir puvati. Afeziar nan aven itim, a uabi uan ingangarim gami.¹¹ Ia nighnizir gavgavim akar kamin iki, ki Afeziamin aven iti, ezi Afeziam nan aven iti. Puvatighti, ia nan ingangarir ki amibagh nighnighti, ingangarir kaba ian nighnizir gavgavibar amuti da gavgavigham.¹² Ki bar guizbangira ia migei, gumazir nighnizir gavgavim nan itim, a uaghan ki amir ingangarir kabar amuam. Ki uan Afeziam bagh mangam, kamaghin amizi, ingangarir ekiar gumazir kam damuamiba, da ingangarir ki amibagh afiragh. ¹³ Ki kamaghhsua, Afeziam ziar ekiam uan Otarimin ingangarimin a iniam. Kamaghin, ia nan ziamin biziwa bagh azangsighti, ki dar amuam.¹⁴ Ia

nan ziamin bizitam bagh nan azaraghti, ki a damuam."

Iesus ghaze, a Godin Duam amadaghti a izam

¹⁵ Egha Jesus ua kamaghin migei, "Ia bar na gifueghiva, egh ia deravira nan akaba baragh dar gin mangam.¹⁶ Eighti ki Afeziamin azangsighti, a gavgavim ia daningamin Akurvazir mam ia bagh anemangam. Eighti a ia ko iki mamaghira ikiam.¹⁷ Ezi Akurvazir kam a Godin Duam, a guizin akabav geir Duam. Ezi nguazir kamin gumazamiziba me an ganighan koghiva, egh a gifoghan kogham, kamaghin me a inighan kogham. Ezi iarara, a ia ko iti, egh a ian navir averiabar aven ikiam. Kamaghin ia a gifo.

¹⁸ "Ki ia ateghti, ia mati borir ame-bohfeziaba puvatizibar min urira ikan kogham. Puvati. Ki ua ia bagh izam.¹⁹ Dughiar ovezimin nguazimin gumazamiziba ua nan ganan kogham. Eighti ia nan ganam. Ki angamira iti, eighti kamaghin ia uaghan angamira ikiam.²⁰ Dughiar kamin ia kamaghin fogham, ki uan Afeziamin aven iti moghin, ia nan aven iti, ezi ki ian aven iti.²¹ Ezi tina nan Akar Gavgaviba baragh dar gin zui, gumazir kam a bar na gifonge. Egha gumazir na gifongezim, nan Afeziam a gifuegham. Eighti ki uaghan a gifuegham, egh ki uabi isiva an akagh."

²² Iesus kamaghin mikemezi, Judasin ighazarim (a Judas Iskariot puvati) a kamaghin Jesusin azara, "Ekiam, manmagh su ni uabi isiva en akaghosa, egha ni uabi isiva nguazimin gumazamizibar akaghan aghua?"

²³ Ezi Jesus kamaghin an akam ikaragha ghaze, "Gumazitam na gifueghiva, deraghvira nan akamin gin mangam. Eighti nan Afeziam bar gumazir kam gifuegham. Eighti ga iziva a ko iki mamaghira ikiam.²⁴ Gumazir na gifongezir puvatizim, a deravira nan akabar gin zuir puvati. Ezi akar ia oraghizir kam, kar nan akam puvati. Kar Afeziar na amadazimin akam.

14:6: Jo 1:4, 1:17; 8:19, 8:32, 10:9, 11:25; Ro 5:1-2; Hi 9:8, 10:20

Hibrus 9:8; 10:20

14:7: Jo 8:19

14:7: Jon 8:19

14:9: Jo 12:45; Kl 1:15, Hi 1:3

14:9: Jon 12:45; Kolosi 1:15;

Hibrus 1:3

14:10: Jo 7:16, 8:28, 10:38, 12:49, 14:24, 17:21-23

14:11: Jon 5:36, 10:38; 14:20

14:11: Jon 5:36; 10:38; 14:20

14:9: Jo 12:45; Kl 1:15, Hi 1:3

14:9: Jon 12:45; Kolosi 1:15;

Matyu 21:21; Mak 16:16-20; Luk 10:17

14:13: Mt 7:7, Lu 11:9, Jo 15:7, 15:16, Je 1:5, 1 Jo 3:22

14:13: Mt 7:7, Lu 11:9, Jo 15:7, 15:16, Je 1:5, 1 Jo 3:22

14:13: Mt 7:7, Lu 11:9, Jo 15:7, 15:16, Je 1:5, 1 Jo 3:22

14:13: Matyu 7:7;

Luk 11:9; Jon 15:7; 15:16; Jems 1:5; 1 Jon 3:22

14:15: Jo 14:21-23, 15:10, 15:14, 1 Jo 5:3

14:15: Jo 14:21-23, 15:10, 15:14, 1 Jo 5:3

14:15: Jo 14:21-23, 15:10, 15:14, 1 Jo 5:3

14:15: Jon 14:21-23; 15:10, 15:14, 1 Jo 5:3

14:15: Jon 14:21-23; 15:10, 15:14, 1 Jo 5:3

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

14:16: Jo 14:26, 15:26, 16:7, Rom 8:15; 8:26

15:14; 1 Jon 5:3

14:16: Jo 14:26, 15:26, 16:7, Ro 8:15, 8:26

14:16: Jo 14:26, 15:26, 16:7, Rom 8:15; 8:26

25 "Dughiar ki ia ko ikiavira itim, ki bizir kabar gun ia mikeme. 26 Ezi Gavgavim ia Daningamin Akurvazir Gumazim, a Godin Duam. Ezi nan ziamin, Afeziam anemadaghti a izam. A biziba bar ian sure damuam. Eghia akar ki ia mikemeziba, a ian sure damuti ia uam a dagh nighnigham.

27 "Ki ia ataghiraghaha, egha ki navir amirizim ia ganidi. Ezi nan navir amirizir ki ia ganidim, a nguazimin gumazamiziba anidi moghin puvati. Kamaghin amizima, ia nighnizir aviribar amuva egh osiman marki, egh atiatingan marki. 28 Ezi ia akar ki ia ganingizir kam baregha gifa, 'Ki ia ategha zui, egh ki ua ia bagh izam.' Egh ia bar na gifuehti, akar kam ia damuti ia bar akuegham. Afeziamin gavgavim bar ekevegha nan gavgavim gafira, kamaghin, ki uan Afeziam bagha zui. 29 Ki kamaghsua, bizar kam gin otoghi, ia an ganigh nighnizir gavgavim nan iki. Kamaghin ki datirighin bizar kam tighar otivamin dughiamin, ki an gun ia migei.

30 "Nguazir kam gativazir gumazir dapanim, a na gativamin gavgaviba puvati. Egha a datirighin izi. Kamaghin amizi, ki ua migrigiar aviriba ia mikiman kogham. 31 Ki kamaghsua, nguazimin gumazamiziba kamaghin fogh, ki bar Afeziam gifonge, ezi bizar Afeziam na mikemezibara ki dagh ami. Ia dikavigh danganir kam ategh, e mangam."

15

Iesus a guizbangira wainin ikarizimin min iti

1 Ezi Iesus ua kamaghin migei, "Ki ubi ki guizbangira wainin ikarizimin min iti. Ezi nan Afeziam a wainin azenimin ghuavim. 2 Ezi nan agharir ber puvatiziba, Afeziam vaghavagħha dar ghora da makuri. Egha agharir oviziba itiba, Afeziam vaghavagħha a dar ghora da otefi. A ghaze, da zuegh iki, egh gin biva ovizir aviriba ikiam, kamaghin an adar għori. 3 Ia zuegha gifa. Akar kam

ki ia ganidi, a ia gamima ia zue. 4 Ia nan porogh, eghia ki ian porogħam. Ezi wainin ikarizimin agharim, a ikarizimin porogħan kogħiha, egh a ban kogħam. Kamaghira, ia nan porogħan kogħiha, ia uaghan ban kogħam.

5 "Ki ubi ki wainin ikarizim, ezi ia wainin agharriba. Ezi gumazim nan porozi ezi ki an poro, a zurar bava ovizir aviriba iti. Ezi ia na ategħi, ia bizitam damghan kogħam.

6 Eghia gumazitam nan porogħan kogħiha, egh a mati wainin ikarizimin agharim me a makunizi a misiġi. Egha me agharir kabaakuva da isava avim mikira egha dagħ aboi.

7 "Ia nan poroġħ ikīti, nan akam ian aven ikiam, eghia ia uan ifongiamin bizitam bagħ azangam, eghia bizibba ia mikemezi mogħin otivam. 8 Eghia biva ovizir aviriba iki, egh kamaghin ia nan suren gumazibar min ikiam. Eghia tuavir kamin nan Afeziam ziar ekiam iniam.

9 "Afeziam bar na gifonge, ezi arazir kamra ki ja gifonge. Eghia ia nan poroġħti ki ja gifuegħ mamaghira ikiam. 10 Ki uan Afeziamin Akar Gavgavibar gin zui, egha an porozi a na gifongezi mogħin, ia uaghan nan Akar Gavgavibar gin mangiwa nan poroġħti, ki ja gifuegħ mamaghira ikiam.

11 "Nan navir agorogem ian ikiasi ki ifonge. Ezi agoroger kam bar ian navir averiabagh izi vagħam. Kamaghin amizi, ki akar kabar ia mikeme. 12 Ki ja mikemez Akar Gavgavimra kara: ki bar ja gifongezi mogħin, arazir kamra ia uari uarigh ifongegħ. 13 Gumazitam uan namakar aghuim gifuegħ a bagħ aremegħam, ezi an arazir uarira uari ifongeżi, a gumazamizir igharazibagh ifongeżiż araziba bar dagħi affira. 14 Ezi ki ja mikemezi mogħin ia ami, egha ia nan namakar aghuipa bar iti. 15 E fo, ingangarir gumazim bizar an gumazir ekiam amiba, an adagh fożi puvati. Kamaghin amizi, ki ua 'ingangarir gumaziba' ia diborit puvati. Akaba bar ki uan Afeziam da, da baregha ki ja mikemegħha gifa. Kamaghin amizi, ki 'namakar aghuipa' ia garisi.

14:26: Lu 24:49; Jo 14:16, 15:26, 16:13, 1 Jo 2:20, 2:27

14:26: Luk 24:49; Jon 14:16; 15:26; 16:13; 1 Jon 2:20; 2:27

14:27: Jo 14:1, 16:33, Fl 4:7, Kl 3:15

14:27: Jon 14:1; 16:33; Filipai 4:7; Kolosi 3:15

14:28: Lu 24:51; Jo 14:3, 14:12,

14:18, 16:28, 20:17, Fl 2:6

14:28: Luk 24:51; Jon 14:3; 14:12; 14:18; 16:28; 20:17; Filipai 2:6

14:29: Jo 13:19, 16:4

14:29: Jon 13:19; 16:4

14:30: Jo 12:31, 16:11, Ef 2:2

14:30: Jon 12:31; 16:11; Efesus 2:2

14:31: Mt 26:46,

Jo 10:18, 12:49, Ph 2:8, Hi 5:8

14:31: Matyu 26:46; Jon 10:18; 12:49; Filipai 2:8; Hibru 5:8

15:2: Mt 3:10, 15:13

15:2: Matyu 3:10; 15:13

15:3: Jo 13:10, 17:17, Ef 5:26, 1 Pi 1:22

15:3: Jon 13:10; 17:17; Efesus 5:26; 1 Pita 1:22

15:4: Jo 6:56, Kl 1:23, 1 Jo 2:6

15:4: Jon 6:56; Kolosi 1:23; 1 Jon 2:6

15:5: Hos 14:8, Jo 15:16, 2 Ko 3:5, Fl 1:11, 4:13

15:5: Hos 14:8, Jo 15:16, 2 Ko 3:5, Fl 1:11, 4:13

15:5: Hosea 14:8; Jon 15:16; 2 Korin 3:5; Filipai 1:11; 4:13

15:6: Filipai 1:11; 4:13

15:6: Mt 3:10, 7:19, 13:42

15:6: Matyu 3:10; 7:19

13:42 15:7: Mt 7:7; Jo 14:13-14, 15:16, 16:23

15:7: Matyu 7:7; Jon 14:13-14; 15:16; 16:23

15:7: Matyu 7:7; Jon 14:13-14; 15:16; 16:23

15:7: Matyu 13:42; 15:16; Jo 8:31,

Fl 1:11 15:8: Matyu 5:16; Jon 8:31; Filipai 1:11

15:8: Matyu 5:16; Jon 8:31; Filipai 1:11

15:10: Jo 14:15, 14:21-23, 1 Jo 2:5

15:10: Jon 14:15; 14:21-23;

1 Jon 2:5 15:11: Jo 16:24, 17:13, 1 Jo 1:4

15:11: Jon 16:24; 17:13; 1 Jon 1:4

15:11: Jon 16:24; 17:13; 1 Jon 1:4

15:12: Jon 13:34, 15:17, 1 Te 4:9, 1

Pi 4:8, 1 Jo 3:11, 3:23, 4:21, 2 Jo 5

15:12: Jon 13:34; 15:17; 1 Tesalonika 4:9; 1 Pita 4:8; 1 Jon 3:11; 3:23; 4:21; 2 Jon 1:5

15:12: Jon 13:34; 15:17; 1 Tesalonika 4:9; 1 Pita 4:8; 1 Jon 3:11; 3:23; 4:21; 2 Jon 1:5

15:13: Matyu 12:50; Jon 14:15; 14:23

15:13: Jo 10:11, Ro 5:7-8, Ef 5:2, 1 Jo 3:16

15:13: Jon 10:11; Rom 5:7-8; Efesus 5:2; 1 Jon 3:16

15:13: Jon 10:11; Rom 5:7-8; Efesus 5:2; 1 Jon 3:16

15:14: Mt 12:50; Jon 17:26, Ap 20:27

14:15, 14:23 15:14: Matyu 12:50; Jon 14:15; 14:23

15:14: Matyu 12:50; Jon 14:15; 14:23

15:15: Jo 17:26, Ap 20:27

15:15: Jon 17:26; Aposel 20:27

16 “Ia uari ko ikiasi na misevezir pu. Puvati. Ia nan adarazir ikiasi ki ia misefe. Egha ki ingangarim ia ganidi, ia mangi biva dagher aviriba iki, eghti ian dagheba ikivira ikiam. Kamaghin ia bizitam uari daningis nan ziamin Afeziamin azaraghti, a ia daningam.¹⁷ Kar nan Akar Gavgavim, ki ia ganidi: Ia uari uarigh ifongegeh.”

Nguazimin gumazamiziba suren gumazibar apanim damuam

18 Jesus ua kamaghin migei, “Nguazimin gumazamiziba ian apanim damuti, ia okinighnighan marki, me faragha uaghan nan apanimin ike.¹⁹ Ia nguazir kamin gumazamizibar min ikiti, nguazimin gumazamiziba uan adarazigh ifongezi moghin, ia gifongegham. Ezi ia nguazir kamin gumazamiziba puvati. Ki ia misevegha gifa, ezi ia nguazir kamin araziba ataki. Kamaghin amizi, nguazimin gumazamiziba ian aghuagha ian apanim gami.²⁰ Ia akar ki ia mikemeziba deraghvira da ginighnigh, ingangarir gumaziba uan gumazir ekiam gafirazir puvati. Kamaghira me paza na gamizi moghin, me uaghan pazi ia damuam. Egh me ti nan akam bareghai, me uaghan ian akam baraghram.²¹ Egha me Afeziam gifozir puvati, a na amadazi ki izes. Ezi ia nan adarasi, kamaghin, me arazir kurar kaba bar dar ia damuam.²² Ezi ki tizeghan kogha akam me ganingizir puvatizi, ezi ia arazir kurabar osimtiziba puvatighai. Ezi datirighin me uan arazir kurabar mongan tuaviba puvati.²³ Gumazir nan aghuagha nan apanim gamim, a uaghan nan Afeziamin aghuagha an apanim gami.²⁴ Ki men tongin ikia mirakelbagh ami, da gumazir igharazitam faragha amizir puvatizir ingangariba. Ezi ki men tongin mirakelin kabagh amizir puvatizi, me arazir kurabar osimtiziba puvatighai. Ezi datirighin me mirakelin ki amizibar ganigha gifa, egha me na ko Afeziam sara, gan aghuagha gan apanim gami.²⁵ Osizirir

mam, Judan Arazibar aven iti, a kamaghin migei, ‘Gumazamiziba pura nan apanim gami.’ Ezi akar kam guizbangira otivasa, kamaghin me nan apanim gami.

26 “Godin Duar Gavgavim ia Daningamim, an Afeziam ko iti. A guizbangira migeir Duam, an Afeziam ko ikegh izam. A iziva deravira nan araziba ko ingangaribar gun mikimam.²⁷ Ki faragh ingangarim gamima, ia na ko ikia iza datirighin. Kamaghin, ia uaghan nan gun mikimam.

16

1 “Ezi ki kamaghsua, ia uan nighnizir gavgavim ataghiraghan marki, kamaghin amizi, ki bizir kamin ia mikeme. **2** Me ian anogoreghti ia ua God ko migeir dipenibar aven ikian kogham. Egha gin dughiam iziti, gumaziba ia misoghti ia arimighiram, egh me suam, me Godin ingangarir aghuim gami.³ Me Afeziam gifozir puvatigha, uaghan na gifozir puvati. Kamaghin me arazir kabar amuam.⁴ Ki kamaghsua, gumaziba gin arazir kabar ia damuti, egha ia akar ki ia mikemezir kam ginighnigham. Kamaghin amizi, bizir otivamin kaba, ki datirighin dar gun ia mikemegha gifa.”

Iesus Godin Duamin ingangarim migei

Egha Jesus kamaghin migei, “Ki faragha uabi ia ko iti, kamaghin ki bizir kabar gun ia mikemezir puvati.⁵ Egha datirighin Afeziar na amadazi ki izezim, ki a bagha zui. Ezi ian tav nan azarazir puvati, ‘Ni managh zui?’⁶ Ki akar kamin ia mikemezi, ian naviba datirighin bar oseme.⁷ Ezi ki guizbangira ia migei, ki ian akurvaghaha ia ategha zui. Ki fo, ki mangighan koghti, Godin Duar Gavgavim ia Daningamim, a ia bagh izeghan kogham. Ki mangighi ya bagh anemangam.⁸ Egha a iziva nguazir kamin gumazamizibar amuti me arazir kuramin mingarim ko arazir aghuimin mingarim ko Godin kotiamin mingarim gifogham.⁹ Arazir kuramin mingarim, a kamakin, me

15:16: Mt 28:19, Mk 16:15; Jo 6:70, 14:13, 1 Jo 4:10, 4:19

4:19 15:17: Jo 13:34 **15:17:** Jon 13:34 **15:18:** Mt 10:22, 1 Jo 3:1, 3:13

15:19: Jo 17:14, 1 Jo 4:5 **15:19:** Jon 17:14; 1 Jon 4:5

3:7; Matyu 10:24; Luk 6:40; Jon 13:16 **15:21:** Mt 5:11, 10:22, 24:9, Mk 13:13; Jo 16:3

Mak 13:13; Jon 16:3 **15:22:** Jo 9:41; Ro 1:20, Je 4:17

1 Jo 2:23 **15:23:** Luk 10:16; 1 Jon 2:23

15:24: Jo 3:2, 7:31, 9:32, 9:41, 14:11

14:11 **15:25:** Sng 35:19, 69:4

15:25: Onger Akaba 35:19, 69:4

14:11; 1 Jo 5:6 **15:26:** Luk 24:49; Jon 14:26; 16:7; 16:13; Aposel 2:33; 1 Jon 5:6

5:1, 2 Pi 1:16 **15:27:** Luk 1:2; 24:48; Aposel 1:8; 1:21-22; 1 Pita 5:1; 2 Pita 1:16

Matyu 11:6; 24:10; 26:31 **16:2:** Mt 24:9; Luk 6:22; Jon 9:22;

Aposel 8:1; 26:9-11 **16:3:** Jo 15:21; Rom 10:2; 1 Korin 2:8; 1 Timoti 1:13

16:4: Jo 13:19, 14:29 **16:4:** Jon 13:19; 14:29

16:5: Jo 7:33, 13:3, 13:36, 14:28, 16:10, 16:16

13:3; 13:36; 14:28; 16:10; 16:16 **16:6:** Jo 14:1, 16:22

16:6: Jon 14:1; 16:22

16:7: Jo 14:16, 14:26; 15:26; Aposel 2:33; Efesus 4:8

16:9: Jo 3:18, 15:22, Ap 2:22-37

16:10: Jo 3:14, 5:32, Ap 2:32, 5:31, Ro 4:25

15:16: Matyu 28:19; Mak 16:15; Jon 6:70; 14:13; 1 Jon 4:10;

15:18: Matyu 10:22; 1 Jon 3:1; 3:13

15:20: Ese 3:7; Mt 10:24; Lu 6:40; Jo 13:16 **15:20:** Esekiel

15:22: Jon 9:41; Rom 1:20; Jems 4:17 **15:23:** Lu 10:16,

15:24: Jon 3:2; 7:31; 9:32; 9:41; 14:11 **15:24:** Jon 3:2; 7:31; 9:32; 9:41;

15:26: Luk 24:49; Jo 14:26, 16:7, 16:13; Ap 2:33,

15:27: Luk 1:2, 24:48; Ap 1:8, 1:21-22; 1 Pi

16:1: Mt 11:6, 24:10, 26:31 **16:2:** Matyu 24:9; Luk 6:22; Jon 9:22;

16:3: Jon 15:21; Rom 10:2; 1 Korin 2:8; 1 Timoti 1:13

16:4: Jo 13:19, 14:29 **16:4:** Jon 13:19; 14:29

16:5: Jo 7:33, 13:3, 13:36, 14:28, 16:10, 16:16

13:3; 13:36; 14:28; 16:10; 16:16 **16:6:** Jo 14:1, 16:22

16:6: Jon 14:1; 16:22

16:7: Jo 14:16, 14:26, 15:26, Ap 2:33,

Efesus 4:8 **16:9:** Jo 3:18, 15:22, Ap 2:22-37

16:9: Jon 3:18;

15:22; Aposel 2:22-37

nighnizir gavgavim nan itir puvati. ¹⁰ Arazir aghuimin mingarim, a kamakin, ki Afeziām bagh mangichti, ia ua nan ganighan kogham.* ¹¹ Godin kotiamin mingarim, a kamakin, nguazir kam gativazir gumazir dapanim, God kotiamin aven a tuisigha givagha ghaze, a ivedzir kuram inigh aremegham.

¹² “Ki ia mikimamin akar aviriba iti, ezi datirighin ian nighniziba bar izifa, ehti ia bar da bareghan kogham.” ¹³ Ezi Godin Duam, a guizin akam migeir Duam, a iziva, ian nighnizibar amuti ia guizin akaba bar dagh fogham. A uabi uan nighnizimin akatam mikemeghan kogham. Puvati. Akar an oraghizim, akar kamra an angun mikimam. Egh a bizar gin otivambar gun ia mikimam. ¹⁴ A nan akam inighiva an gun ia mikimam. Egh arazir kamin a nan ziar ekiam ko nan gavgavim, ian akagham. ¹⁵ Afeziāmin biziba da bar nan biziiba. Kamaghin amizi, ki kamaghin ia mikeme, an Duam nan akam inighiva an gun ia mikimam.”

Bar akongezir arazim, a navir osimtizimin danganim inigham

¹⁶ Egha Jesus ua kamaghin migei, “Dughiar bar ovezimin ia ua nan ganighan kogham. Egh dughiar bar otevimin gin ia ua nan ganam.” ¹⁷ Ezi suren gumazir maba uarira uarir tongin uariv gel, “Akar a migeir kamin mingarim manmaghin ghu? A ghaze, ‘Dughiar bar ovezimin ia nan ganighan kogham. Egha uaghan ghaze, dughiar otevimin gin ia ua nan ganam.’ Egha uaghan ghaze, ‘Bizir kamin mingarim, a kamakin, ki Afeziām bagha zui.’”

¹⁸ Egha me migia ghuavira iti, “Dughiar ovezir a mikemezir kam, a bizir tizim? E akar a mikemezir kamin mingarim gifozir puvati.”

¹⁹ Ezi Jesus fo, me an azangsighasa, ezi a me migia ghaze, “Ia ti tintinibar akar ki mikemezir kamin mingarim bagha azangsisi? Ki kamaghin migei, ‘Dughiar ovezimin ia nan ganighan kogham. Egh gin dughiar otevimin ia uan nan ganam.’ Ia ti bizir kam bagha azai, o? ²⁰ Ki bar

guizbangira ia migei, ia puviram aziva arangam. Ehti nguazimin gumazamiziba bar akuegham. Ian naviba osemegham. Ehti ian navir osimtizir kam raghirighti, navir agarogem otogham.²¹ Amizim borim batasavaamuava, a fo, a mizazim iniamin dugham otogha gifa. Kamaghin an oseme. Egha an tegha givagha, a ua mizazir kam ginighnizir puvati. An borim nguazimin otogha gifa, kamaghin amizi, a bar akonge. ²² Ezi kamaghira, ia datirighin naviba oseme. Ehti ki ua ian ganti, ian naviba bar akuegham. Ehti tav ian agaroger kam batueghan kogham.²³ Ehti dughiar kamin ia ua bizitam bagh nan azaraghan kogham. Ki guizbangira ia migei, ia bizitam bagh nan ziamin Afeziāmin azaraghti, a ia daningam. ²⁴ Ia fomira ikegha iza datirighin, ia nan ziamin bizitam iniasa azarazir puvati. Ia azangsigh biziba iniam, ehti agarogem bar ian navibagh izivagham.”

Iesus nguazir kamin gavgavim dikabirazi a iraghу

²⁵ Egha Jesus ua kamaghin migei, “Ki akar isin zuimin akar kabar ia gami. Ki gin ua akar isin zuitam ia mikemeghan kogham. Puvati. Ki bighivira ia mikimiva, egh Afeziāmin gun ia mikimam.” ²⁶ Ia dughiar kamin nan ziamin azangsigham. Ki kamaghin migeir puvati, ki ia bagh Afeziāmin ko mikimam. Puvati.²⁷ Afeziām a uabi ia gifonge. Ia a gifongegha ia nighnizir gavgavim nan ikia egha fo, ki Afeziām ko ikegha ize. Kamaghin a ia gifonge.²⁸ Guizbangira, ki fomira Afeziām ko ikegha nguazimin ize. Egh datirighin ki ua nguazim ategh uam Afeziām bagh mangam.”

²⁹ Ezi an suren gumaziba kamaghin migei, “Are, ni datirighin bighavira migei, egh akar isin zuibav geir puvati.” ³⁰ Ezi e datirighin fo, ni biziba bar dagh fo. Gumazitam bizitam bagh nin azangasa nighnisi, ni an nighnizim gifogha gifa. Ni an azangsizim bagha mizuai puvati. Kamaghin amizi, e nighnizir gavgavim ikia ghaze, ni God ko ikegha ize.”

³¹ Ezi Jesus kamaghin men akam ikaraghā ghaze, “Ia datirighin nighnizir gavgavim

16:10: Jon 3:14; Aposel 2:32; 5:31; Rom 4:25

* **16:10:** Nguazir kamin gumazamiziba Jesus isa kot gatigha ghaze, an arazir kuram gami, egh an ovengam. Ezi God Jesus gamizi a ua dikavizi anenigha ghuzi, an a ko iti. Arazir kamra, God gumazamizibar akaghā ghaze, Jesus arazir aghuimram ami.

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

16:11: Jon 12:31; Aposel 26:18; Efesos 2:2; Kolosi 2:15; Hibru 2:14

16:12: Mk 4:33, 1 Ko 3:1-2, Hi 5:12

16:12: 16:12

iti, o? ³² Ia oragh. Dughiam a roghira izi, egha a izegha gifa, eghti me vaghvagh ian agintighti ia tintinibar uan nguhibabar mangam. Egh ia na ateghti ki uabira ikiam. Ezi Afeziām na ko iti, kamaghin ki bar uabira ikeghan kogham. ³³ Ia nan poroghiv ikiva egh ia navir amirizim ikiasa ki ifonge. Kamaghsua ki akar kam ia mikeme. Eghia tia nguazir kamin ikti, osimitziba ia bativam. Eghia tia naviba gavgavigh iki! Ki nguazir kamin gavgavim dikabiraghā anegifa!"

17

Iesus suren gumaziba bagha God ko migei

¹ Egha Iesus suren gumazibav kemegha givagha, kogha overiamin gara, kamaghin migei, "Afeziām, dughiam izegha gifa. Eghia nin Otarim ziar ekiam ni daningisi, kamaghin ni datirighin ziar ekiam uan Otarim daningigh. ² Kamaghin ami, ni gavgavim a ganigha gifa. Ni kamaghin ifonge, a ikirimirir aghuim gumazamizir ni a ganingiziba, bar me daningam. Kar zurara itir ikirimirir aghuarim, a kamakin: Gumazamizir ikirimirir aghuarir kam iniziba, me ni gifo, ni uabira ni guizbangin God. Egha me Krais Iesus gifo, ni anemadazi a ize.

⁴ "Ki nin ziar ekiam ko gavgavim nguazir kamin gumazamizibar akatha gifa. Egha ki, ingangarir ki damuasa ni na ganingizir kam, ki a gamigha gifa. ⁵ Afeziām, fomira nguazim tighar otivam, ki ni ko ikia nan ziam ekefe. Ezi datirighin ni uan damazimin, ni ua ziar ekiam na daningasa, ki ifonge.

⁶ "Ki nin ziar ekiam isa nguazir kamin gumazir ni na ganingizibar aka. Me nin gumazamiziba, ezi ni me na ganigha gifa. Ezi me deravira nin akam baraghā an gin zui. ⁷ Egha me datirighin fo, bizar ni na ganingiziba, da bar nin ize. ⁸ Ezi akar ni na ganingiziba, ki bar da isa me ganingi. Ezi me

da ini, egha me guizbangira kamaghin fo, ki fomira ni ko ikegha, egha ki ize. Egha me nighnizir gavgavim ikia kamaghin fo, ni na amadazi ki ize.

⁹ "Ki me bagha ni ko migei. Ki bar nguazimin gumazamiziba bagha ni ko migeir pu. Ki fo, gumazamizir ni na ganingizir kaba, me nin adarasi. Kamaghin amizi, ki me bagha ni ko migei. ¹⁰ Ezi nan gumazamiziba, me nin adarasi. Ezi nin gumazamiziba, me nan adarasi. Ezi gumazamiziba nan gumazamizir kabar gar, me nan ziar ekiam gifo.

¹¹ "Ki datirighin ni bagh izam, egh ki ua nguazimin ikian kogham. Ezi me nguazimin ikiavira iti. Ezi Afeziām, ni bar zue ezi tav nin min itir puvati! Ki kamaghsua, me uari inigh navir vamira iki, mati ni na ko, ga uaning inigha iti mokin. Bizar kam bagha, ni uan ziamin gavgavim deravira men gan. Kar ziar ni na ganingizim. ¹² Ezi dughiar ki me ko itiba, ki nin ziamin gavgavim men gar. Kar ziar ni na ganingizim. Ki bar deravira men garima men tav ovengezir puvati. Ezi gumazir ovengamim, a uabiram ovengam. Ki kamaghsua, nin Akinafarimin itir akam guizbangira otivam, kamaghin gumazir kam ovengam.

¹³ "Ki datirighin ni bagha izi. Ki kamaghin ifonge, nan agorogem men navibagh izivagh ikiam. Kamaghin, dughiar ki nguazimin itim, ki akar kabav keme.

¹⁴ "Nin akam, ki me ganigha gifa. Ki nguazir kamin gumazim puvati. Ezi kamaghira, nan gumazamiziba me nguazir kamin gumazamiziba puvati. Kamaghin amizima, nguazir kamin gumazamiziba men aghuaghā men apanim gami. ¹⁵ Ki, ni nguazir kamin me inigh azenan mangasa nin azangsizir pu. Puvati. Ki, ni men ganasa, ki nin azai, eghia Gumazir Kuram pazi me damuan kogham. ¹⁶ Ki ubi ki nguazir kamin gumazim puvati. Ezi kamaghira, me nguazir kamin gumazamiziba puvati. ¹⁷ Ezi nin akam a bar guizbangira, ezi ni uan akam damutti a men navir averiabar

16:33: Jo 14:27; Ro 5:1, 8:37; Ef 2:14, 2 Ti 3:12, 1 Jo 4:4, 5:4

1 Jon 4:4; 5:4 **17:1:** Jo 11:41, 12:23, 13:32 **17:1:** Jon 11:41; 12:23; 13:32

17:2: Dan 7:14, Mt 11:27, Jo 6:37; 1 Ko

15:25-27; Fl 2:10, Hi 2:8 **17:2:** Daniel 7:14; Matyu 11:27; Jon 6:37; 1 Korin 15:25-27; Filipai 2:10; Hibru 2:8

17:3:

Ais 53:11; Jo 5:36-37; 1 Ko 8:4; 1 Te 1:9; 1 Jo 5:20

17:3: Aisaia 53:11; Jon 5:36-37; 1 Korin 8:4; 1 Tesalonika 1:9; 1 Jon 5:20

17:4: Jo 4:34, 13:31, 14:13, 14:31, 15:10

17:4: Jon 4:34; 13:31; 14:13; 14:31

17:5: Jo 1:1-2, 17:24, Fl 2:6, Kl 1:15-17,

Hi 1:3, 1:10 **17:5:** Jon 1:1-2, 17:24; Filipai 2:6; Kolosi 1:15-17; Hibru 1:3; 1:10

17:6: Sng 22:22; Jo 6:37-39, 10:29

16:27; 16:30 **17:9:** Jo 6:37, 6:44, 1 Jo 5:19

17:9: Jon 6:37; 6:44; 1 Jon 5:19

17:8: Jon 8:28; 12:49; 14:10, 16:27, 16:30

17:6: Onger Akaba 22:22; Jon 6:37-39, 10:29

17:8: Jo 8:28, 12:49, 14:10, 16:27, 16:30

17:8: Jon 8:28; 12:49; 14:10;

16:27; 16:30 **17:9:** Jo 6:37, 6:44, 1 Jo 5:19

17:9: Jon 6:37; 6:44; 1 Jon 5:19

17:9: Jon 6:37; 6:44; 1 Jon 5:19

17:11: Jo 10:30; 13:1, 17:21; 1 Pi 1:5; Ju 1

17:11: Jon 10:30; 13:1; 17:21; 1 Pita 1:5; Ju 1:1

17:10: Jo 16:15 **17:10:** Jo 16:15

6:39, 13:18, 18:9, Ap 1:20, Hi 2:13, 1 Jo 2:19

17:12: Onger Akaba 41:9; 109:8; Jon 6:39; 13:18; 18:9; Aposel 1:20; Hibru

17:12: Sng 41:9, 109:8; Jo 16:15; 17:12

2:13; 1 Jon 2:19 **17:13:** Jo 15:11

17:13: Jon 15:11

17:13: Jon 15:11

17:14: Jo 8:23, 15:18-19, 17:16, 1 Jo 3:13

17:14: Jo 8:23, 15:18-19, 17:16, 1 Jo 3:13

17:14: Jon 8:23;

15:18-19; 17:16; 1 Jon 3:13

17:15: Mt 6:13, Ga 1:4, 2 Te 3:3, 1 Jo 5:18

17:15: Matyu 6:13; Galesia 1:4; 2 Tesalonika

3:3; 1 Jon 5:18

17:17: Sng 119:142, Ap 15:9, Ef 5:26, 1 Pi 1:22

17:17: Onger Akaba 119:142

ingarasa, ki ifonge. Egheti ni me damut me uari isi ni daningam.¹⁸ Ni fomira na amadazi ezi ki izegha nguazir kamin gumazamizibar tongin iti. Ezi kamaghira ni gumazir na ganingiziba, ki me amadagha ghaze, me nguazir kamin gumazamizibar tongin ikiam.¹⁹ Ki kamaghin ifonge, me bar guizbangira uari isi ni daningam. Bizar kam bagha ki men akurvaghosa, ki bar uabi isa ni ganingi.

²⁰ Ki gumazir kabara bagha God ko migeir puvati. Ki, gumazamizir men akam baragh nighnizir gavgavim nan ikiamiba, ki uaghan me bagha God ko migei.²¹ Egha gumazir kaba bar navir vamira ikiisa ki ifonge. Afeziam, ni nan aven itima ki nin aven iti, ezi kamaghira me gan aven ikiisa ki ifonge. Egheti nguazimin gumazamiziba nighnizir gavgavim iki egh fogh suam, ni na amadazi ki ize. Kamaghin ki ghaze, me bar navir vamira iki.²² Ki ghaze, ni na ko, ga navir vamira iti moghin, kamaghira me navir vamira ikiam. Bizar kam bagha, ziar ekia na ganingizim, ki ziar ekia kamra isa me ganingi.²³ Ki kamaghsua, nguazimin gumazamiziba fogh suam, ni na amadazi ki ize. Egh fogh suam, ni na gifongezi moghira ni nan adarazigh ifonge. Kamaghin ki men aven iti, ezi ni nan aven iti, ezi arazir kamin me guizbangira navir vamira ikiisa ki ifonge.

²⁴ “Afeziam, gumazamizir ni na ganingiziba, me na ko nguibar ki itimin ikiisa ki ifonge. Me nan angazangarir ekiam ko nan gavgavim na gana ki ifonge. Dughiar nguazim tighar otivam, ni na gifonge, egha ni angazangarir kam ko gavgavim na ganingi.

²⁵ “Ni Arazir Aghuibaram Amir Afeziam, nguazimin gumazamiziba ni gifozir puvati. Ezi ki ni gifa. Ezi nan adarasi, me fo, ni na amadazi ki ize.²⁶ Ki kamaghin ifonge, me igharaz darazigh ifongezir arazim inigham, mati ni na gifongezi mokin. Egheti ki uaghan men aven ikiam. Kamaghin ki ni isa men aka, egh ki kamaghin damu mamaghira ikiam.”

Iesus mizazim inigha aremegha ua dikafi

- | | | | |
|---|--|--|---|
| 17:18: Jo 20:21 | 17:18: Jon 20:21 | 17:19: 1 Ko 1:2, 1:30, 1 Te 4:7, Hi 10:10 | 17:19: 1 Korin 1:2; 1:30; 1 Tesalonika 4:7; Hibr 10:10 |
| 17:21: 17:21: 17:21: 17:21: | 17:21: 17:21: 17:21: 17:21: | 17:21: 17:21: 17:21: 17:21: | 17:21: 17:21: 17:21: 17:21: |
| 17:22: 17:22: 17:22: 17:22: | 17:22: 17:22: 17:22: 17:22: | 17:22: 17:22: 17:22: 17:22: | 17:22: 17:22: 17:22: 17:22: |
| 17:23: Kolosi 3:14 | 17:24: Jo 12:26, 17:5, 1 Te 4:17 | 17:24: Jon 12:26; 17:5; 1 Tesalonika 4:17 | 17:23: Kl 3:14 |
| 15:21, 16:3, 16:27 | 17:25: Jon 8:55; 15:21; 16:3; 16:27 | 17:26: Jo 15:9, 15:15, 17:6 | 17:25: Jo 8:55, |
| 18:1: 2 Sm 15:23; Mt 26:36, Mk 14:32, Lu 22:39 | 18:1: 2 Samuel 15:23; Matyu 26:36; Mak 14:32; Luk 22:39 | 18:10: Matyu 26:51; Mak 14:47; Luk 22:38; 22:49-50 | 18:2: Matyu 26:47; Mak 14:43; Luk 22:47, Jo 7:45, Ap 1:16 |
| Lu 21:37, 22:39 | 18:2: Luk 21:37; 22:39 | 18:3: Mt 26:47, Mk 14:43; Luk 22:47, Jo 7:45, Ap 1:16 | 18:3: Matyu 26:47; Mak 14:43; Luk 22:47, Jo 7:45, Ap 1:16 |
| 26:47; Mak 14:43; Luk 22:47; Jon 7:45; Aposel 1:16 | 18:9: Jo 17:12 | 18:9: Jon 17:12 | 18:10: Mt 26:51, Mk 14:47, Luk 22:42, 26:42, Mk 14:36, Luk 22:42 |
| Lu 22:38, 22:49-50 | 18:10: Matyu 26:51; Mak 14:47; Luk 22:38; 22:49-50 | 18:11: Mt 20:22, 26:39, 26:42, Mk 14:36, Luk 22:42 | |

18 (Sapta 18–20)

*Judas Iesus isa apanibar agharim gati
(Matyu 26:47-56; Mak 14:43-50; Luk 22:47-53)*

¹ Ezi Iesus kamaghin God ko mikemehga givagha, egha uan suren gumaziba ko me ghua Kidronin Zarim girigha vongin ghue. Ezi dipar kamin vongin azenir mam iti, ezi Iesus uan suren gumaziba ko me azenir kamin aven ghue.² Dughiar aviribar Iesus uan suren gumaziba azenir kamin me batifi. Kamaghin Judas, a Iesus isi gumazir apanibar agharim darighamim, a uaghan azenir kam gifa.³ Egha a Romin midorozir gumaziba ko, ofa gamir gumazir ekiaba ko Farisiba amadazir polisin maba inigha me danganir kamin ghue. Egha me adenir aviba ko lamba ko midorozir biziba sara suigha zui.⁴ Ezi Iesus bizir a bativamiba a bar dagh fo. Egha a sivagha men boroghira ghua kamaghin men azara, “Ia tina buri?”

⁵ Ezi me kamaghin an akam ikaraghha ghaze, “E Nasaretin gumazim Iesus buriosa izi.”

Ezi Iesus me migia ghaze, “Kar kirara.” Dughiar kam Judas, a gumazir Iesus isa me ganidim, a me ko tughav iti.

⁶ Me Iesus barazi a kamaghin migei, “Kar kirara,” ezi me ua ekuigha ghua nguazim gire.

⁷ Ezi Iesus ua men azara, “Ia tina buri?”

Ezi me ghaze, “Nasaretin gumazim Iesus.”⁸ Ezi Iesus kamaghin men akam ikaraghha ghaze, “Ki ia mikemehga gifa, kar kirara. Kamaghin ia na buriva, gumazir kaba ateghi me mangi.”

⁹ A kamaghsua an akar fomira mikemezim, an daghem otogham, “Ezi gumazir ni na ganingiziba, men tav ovengezir puvati.” Kamaghin an arazir kam gami.

¹⁰ Ezi Saimon Pita midorozir sabar mam inigha ize, egha uan sabam a mikirigha ofa gamir gumazibar dapanimin ingangarir gumazim misogha, an kuarir guvimin itim atuzi, a iri. Ingangarir gumazir kamin ziam, Malkus.¹¹ Ezi Iesus Pita migei, “Ni

sabam inigh ua an nodozim darugh. Manmagh ami? Ni ghaze, ki ti Afeziām na ganingizir osimtizir kam inian kogham, o?"

Me Jesus inigha Anas bagha zui

¹² Ezi Romin midorozir gumaziba ko men gumazir ekiam, ko Judan polisin gumaziba, me Iesusin suighava benimin a ike. ¹³ Egha faraghava a inigha Anas bagha ghu. Anas a Kaiafasin ivozir afeziām. Kaiafas a azenir kamin ofa gamir gumazibar dapanim. ¹⁴ Egha Kaiafas, Judaba kamaghin me mikemezir gumazim, "Kamaghin a dera, gumazir vamira gumazamizibar danganim inigh aremegham."

Pita ghaze, a Jesus gifozir puvati
(Matyu 26:69-70; Mak 14:66-68; Luk 22:55-57)

¹⁵ Ezi Saimon Pita ko suren gumazir igharazir mam, aning Iesusin gin zui. Ofa gamir gumazibar dapanim, a suren gumazir kam gifō, kamaghin amizi, a Iesusin gin ghua ofa gamir gumazibar dapanim dinenimin divazim aven ghu. ¹⁶ Ezi Pita azenan ikia tiar akamin boroghira tughav iti. Ezi suren gumazir igharazim, a ghua amizir tiar akamin garim mikemegha, Pita inigha aven zui. ¹⁷ Ezi amizir tiar akamin garim a kamaghin Pitan azara, "Ni ti uaghanan gumazir kamin suren gumazim?"

Ezi Pita ghaze, "Puvati. Ki an suren gumazim puvati." ¹⁸ Ezi danganim bar orangi. Kamaghin amizi, ingangarir gumaziba ko polisin gumaziba me avir mam ati. Egha me avimin fiava an min tuivighav iti. Ezi Pita uaghan me ko tughav ikia egha avimin fia iti.

Ofa gamir gumazibar dapanim
Iesusin kotim gami
(Matyu 26:59-66; Mak 14:55-64; Luk 22:66-71)

¹⁹ Ezi dughiar kamin ofa gamir gumazibar dapanim, a Iesusin suren gumaziba ko akar a men sure gamizim bagha, a Iesusin azangssi. ²⁰ Ezi Iesus kamaghin an akam ikaragha ghaze, "Ki gumazamiziba azenara me mikeme. Egha ki zurara God ko migeir dipeniba ko Godin Dipenimin aven gumazamizibar sure gami. Kar danganir Judaba bar uari akuviba. Ki modogha akatam

18:13: Mt 26:57, Lu 3:2

18:13: Matyu 26:57; Luk 3:2

26:58; Mk 14:54, Lu 22:54, Jo 20:3, 21:20, Ap 3:1

18:15: Matyu 26:58; Mak 14:54; Luk 22:54; Jon 20:3; 21:20; Aposel 3:1

18:16: Mt 26:69, Mk 14:66, Lu 22:54

18:16: Matyu 26:69; Mak 14:66; Luk 22:54

7:26-28

18:20: Matyu 26:55; Luk 4:15; Jon 7:14; 7:26-28

18:20: Matyu 26:55; Luk 4:15; Jon 7:14; 7:26-28

18:25: Mt 26:69-71, Mk 14:69, Lu 22:58

18:25: Matyu 26:69-71; Mak 14:69; Luk 22:58

18:26: Jon 18:10

18:27: Mt 26:74, Mk 14:72, Lu 22:60, Jo 13:38

13:38

18:28: Mt 27:2, Mk 15:1, Lu 23:1, Ap 3:13, 10:28

*

18:28: Matyu 27:2; Mak 15:1; Luk 23:1; Aposel 3:13; 10:28

mikemezir puvati. ²¹ Ezi manmagh amizi ni nan azangssi? Ni gumazamizir akar kam baraghizibar azangsigh. Me ki mikemezir akam gifō."

²² Iesus kamaghin migeima ezi polisin gumazir mam tughav ikia, egha an an guam a misuegha kamaghin migei, "Ni kamaghin ofa gamir gumazibar dapanimin akam ikaragha ghaze, kar ti arazir aghuim, o?"

²³ Ezi Iesus kamaghin an akam ikaragha ghaze, "Ki akar kuratam mikemehtti, ni deravira akar ki mikemezimin gun mikim. Egħi ki migirigiar aghuim damighti, ezi ni tizim bagħha na apese?" ²⁴ Ezi Anas Iesus isa ofa gamir gumazibar dapanim Kaiafas bagħha anemada. Egha me Iesus ikezir benim firfir puvati.

Pita ua ghaze, a Jesus gifozir puvati
(Matyu 26:71-75; Mak 14:69-72; Luk 22:58-62)

²⁵ Saimon Pita tughav ikia egha avimin fii. Ezi me kamaghin an azara, "Ni ti uaghan an suren gumazir mam?"

Ezi a kamaghin migei, "Puvati. Ki an suren gumazim puvati." ²⁶ Ezi ofa gamir gumazibar dapanimin ingangarir gumazir mam iti, a Pita kuarim atuzir gumazim min adarazir mav.

A ghaze, "Ki ti nin gani, ni Iesus ko azenimin aven ikes?"

²⁷ Ezi Pita ua kamaghin migei, "Puvati." Ezi dughiar kamra tuarim ake.

Me Jesus inigha Pailat bagha zui
(Matyu 27:1-2; 27:11-14; Mak 15:1-5; Luk 23:1-5)

²⁸ Egha Judaba Iesus inigha Kaiafasin dinenim ategħa an akua gavmanin dapani ekiamin dipenimin zui. Ka bar mizaraghara. Egha me ghaze, "E Godin damazimin mizeġħiha, egh e God Israelia Gitazir Dugħiġiñ isar ekiamin asizim amegħi kogħam." Kamaghin amizi, me uari gavman dapanir ekiamin dipenimin aven ghuzir puvati.*

²⁹ Me azenan iti, ezi Pailat me bagħha izegħha kamaghin men azara, "Ia akar manam gumazir kam gasarazi, a koton iti?"

18:14: Jo 11:49-50

18:14: Jon 11:49-50

18:15: Mt

26:58; Mk 14:54, Lu 22:54, Jo 20:3, 21:20, Ap 3:1

Matyu 26:58; Mak 14:54; Luk 22:54; Jon 20:3; 21:20; Aposel 3:1

18:16: Mt 26:69, Mk 14:66, Lu 22:54

18:16: Matyu 26:69; Mak 14:66; Luk 22:54

7:26-28

18:20: Matyu 26:55; Luk 4:15; Jon 7:14; 7:26-28

18:20: Matyu 26:55; Luk 4:15; Jon 7:14; 7:26-28

18:25: Mt 26:69-71, Mk 14:69, Lu 22:58

18:25: Matyu 26:69-71; Mak 14:69; Luk 22:58

18:26: Jon 18:10

18:27: Mt 26:74, Mk 14:72, Lu 22:60, Jo 13:38

13:38

18:28: Mt 27:2, Mk 15:1, Lu 23:1, Ap 3:13, 10:28

*

18:28: Matyu 27:2; Mak 15:1; Luk 23:1; Aposel 3:13; 10:28

³⁰ Ezi me kamaghin an akam ikaragha ghaze, "An arazir kuram gamir puvatizi, e ni bagha a inigha izeghan koghai."

³¹ Ezi Pailat kamaghin me migei, "Kamaghin, ia a inigh mangiva uan Arazibagh isin a tuisigh."

Ezi Judaba kamaghin an akam ikaragha ghaze, "E gumazitam puram a misueghti an aremeghan kogham."† ³² (Jesus fomira uan ovengamin arazim migei. A kamaghsua, an akar kam guizbangira otivam, ezi kamaghin Pailat ko Judaba kamaghin uariv gei, ezi bizar kam oto.)

³³ Ezi Pailat uamategha gavmanin dipenimin aven ghua, Jesusin diazima a izi. Ezi a kamaghin an azara, "Ni Judabar Atrivim, o?"

³⁴ Ezi Jesus kamaghin an akam ikaragha ghaze, "Ni ubi nighnigha akar kam gami, o gumazir igharazitam nan gun ni mikeme?"

³⁵ Ezi Pailat kamaghin an akam ikaragha ghaze, "Manmaghin ami? Ni ghaze, ki ti Judabar mav o? Nin adarazi ko ofa gamir gumazir ekiaba, me nin akua na bagha ize. Ni bizar tizim gami?"

³⁶ Ezi Jesus kamaghin an akam ikaragha ghaze, "Ki nguazir kamin atrivim puvati. Ki nguazir kamin atrivimin ikiiai, kamaghin nan ingangarir gumaziba na bagha misoghai, egha tav na isa Judabar agharim gatighan koghai. Ezi ki nguazir kamin atrivibar min ingarir puvati."

³⁷ Ezi Pailat an azara, "Ezi ni guizbangira atrivir mam, o?"

Ezi Jesus kamaghin an akam ikaragha ghaze, "Atrivimin migirigiar kam, kar nin akamra. Amebam na batezi ki nguazir kamin ingangarir vamira damuasa ize. Ingangarir kam kamakin: ki guizin akam akunam. Ezi gumazamizir guizin akamin gin mangamiba, me nan akam barasi."

³⁸ Ezi Pailat an azara, "Guizin akam, a bar bizar tizimra?"

*Pailat ter ighuvimin
Jesus gafughasa migei
(Matyu 27:15-31; Mak 15:6-20; Luk 23:13-25)*

18:31: Jo 19:6-7, Ap 18:15 **18:31:** Jon 19:6-7; Aposel 18:15
me amamangatizi, Judaba uari uan kotin aven bizitarab akiram. Egha me Judabar kotaibar kamaghin anogoroke, me

gumazitam bagh mikimi, an aremeghan markiam. Arazir gumazim ter ighuvim gafuzi an aremeghamim, kar Rombar arazimra. **18:32:** Mt 20:19, Jo 3:14, 12:32-33 **18:32:** Matyu 20:19; Jon 3:14; 12:32-33 **18:33:** Mt 27:11 **18:33:**

Matyu 27:11 **18:35:** Jo 1:11 **18:35:** Jon 1:11 **18:36:** Dan 2:44, 7:14, 1 Ti 6:13 **18:36:** Daniel 2:44; 7:14; 1

Timoti 6:13 **18:37:** Jo 8:47, 1 Ti 6:13, 1 Jo 3:19, 4:6 **18:37:** Jon 8:47; 1 Timoti 6:13; 1 Jon 3:19, 4:6 **18:38:** Mt

27:24, Lu 23:4 **18:38:** Matyu 27:24; Luk 23:4 **18:39:** Mt 27:15, Mk 15:6, Lu 23:17 **18:39:** Matyu 27:15; Mak

15:6; Luk 23:17 **18:40:** Lu 23:19, Ap 3:14 **18:40:** Luk 23:19; Aposel 3:14 **† 18:40:** Fofozir gumazir aviriba kamaghin nighnisi, Barabas, a gumazir Judan nguazim bagha Romtin gavman ko misozi mav.

19:1: Mt 20:19, Mk 15:15; Luk 18:33 **19:2:** Lu 23:11 **19:2:** Luk 23:11 **19:3:** Jo 18:22

19:3: Jon 18:22 **19:4:** Jo 18:38, 19:6 **19:4:** Jon 18:38; 19:6 **19:6:** Jo 18:31, Ap 3:13 **19:6:** Jon 18:31;

Aposel 3:13 **19:7:** Wkp 24:16, Mt 26:65, Jo 5:18 **19:7:** Ofa Gami 24:16; Matyu 26:65; Jon 5:18

Mt 26:62-63, 27:12-14, Lu 23:9 **19:9:** Aisaia 53:7; Matyu 26:62-63; 27:12-14; Luk 23:9

Pailat mikemegha givagha ua Judaba bagha azenan ghu. Egha kamaghin me migei, "Ki an arazir kuratam batozir puvati.

³⁹ Egha, arazir ki gin zuir kam, ia a gifo. Azeniba bar, God Israelia Gitazir Dughiabar, ki ian arazimin gin ghua gumazir vamira kalabusin a isa azenim garisi. Ia ifueghti ki Judabar atrivir kam firigh ia bagh anemangam, o?"

⁴⁰ Ezi me kamaghin dia ghaze, "Mam puvati! Ni Barabasra firigh!" (Barabas, a gumazir okeim egha uaghan misosi.)‡

19

¹ Ezi Pailat me mikemezi me Jesus inigha a ifozorosi. ² Ezi midorozir gumazibav dikoniba itir beniba inigha atrivimin dapanirasuamin min an ingarigha, an dapanim garu. Egha me korotiar aghevrim a garu. ³ Egha me an boroghira izegha a migei, "Judabar Atrivim, nirara atrivir ekiam!" Egha me kamaghin migiava an guam apezavira iti.

⁴ Ezi Pailat ua azenan ghugha kamaghin gumazamizibav gei, "Ia oragh. Ki a inigh ia bagh azenan izam, eghiti ia fogham, ki an arazir kuratamin apizir puvati."

⁵ Ezi Jesus azenan zui. Ezi dapanir asuar me benir dikoniba itimin ingarizim, an an dapanimin ikiavira iti. Ezi korotiar aghevrim a garu, a uaghan an ikiavira iti. Ezi Pailat me migei, "Ia gan, gumazir kam a kara."

⁶ Ezi ofa gamir gumazir ekiaba ko polisin gumaziba an ganigha kamaghin dei, "A isi ter ighuvimin a gafugh! A isi ter ighuvimin a gafugh!"

Ezi Pailat kamaghin me migei, "Ia uari inighiva egh ter ighuvimin a gafugh. Ki ubi, ki an arazir kuratamin apizir puvati."

⁷ Ezi Judaba kamaghin an akam ikaragha ghaze, "A ubi ghaze 'Ki Godin Otarim.' Ezi en Arazibar Osizirir mam iti, ezi arazir kam kamaghin migei, gumazir kamaghin migeim, an aremegham."

⁸ Ezi Pailat akar kam baregha bar attingi. ⁹ Egha a ua ghua gavmanin dipenimin aven ghugha, kamaghin Jesusin

† 18:31: Romin gavman Judabar Nguazim gatifa. Egha me Judabar kotaibar kamaghin anogoroke, me

gumazitam bagh mikimi, an aremeghan markiam. Arazir gumazim ter ighuvim gafuzi an aremeghamim, kar Rombar arazimra. **18:32:** Matyu 20:19; Jon 3:14; 12:32-33 **18:33:** Mt 27:11 **18:33:**

Matyu 27:11 **18:35:** Jo 1:11 **18:35:** Jon 1:11 **18:36:** Dan 2:44, 7:14, 1 Ti 6:13 **18:36:** Daniel 2:44; 7:14; 1

Timoti 6:13 **18:37:** Jo 8:47, 1 Ti 6:13, 1 Jo 3:19, 4:6 **18:37:** Jon 8:47; 1 Timoti 6:13; 1 Jon 3:19, 4:6 **18:38:** Mt

27:24, Lu 23:4 **18:38:** Matyu 27:24; Luk 23:4 **18:39:** Mt 27:15, Mk 15:6, Lu 23:17 **18:39:** Matyu 27:15; Mak

15:6; Luk 23:17 **18:40:** Lu 23:19, Ap 3:14 **18:40:** Luk 23:19; Aposel 3:14 **† 18:40:** Fofozir gumazir aviriba kamaghin nighnisi, Barabas, a gumazir Judan nguazim bagha Romtin gavman ko misozi mav.

19:1: Mt 20:19, Mk 15:15; Luk 18:33 **19:2:** Lu 23:11 **19:2:** Luk 23:11 **19:3:** Jo 18:22

19:3: Jon 18:22 **19:4:** Jo 18:38, 19:6 **19:4:** Jon 18:38; 19:6 **19:6:** Jo 18:31, Ap 3:13 **19:6:** Jon 18:31;

Aposel 3:13 **19:7:** Wkp 24:16, Mt 26:65, Jo 5:18 **19:7:** Ofa Gami 24:16; Matyu 26:65; Jon 5:18

Mt 26:62-63, 27:12-14, Lu 23:9 **19:9:** Aisaia 53:7; Matyu 26:62-63; 27:12-14; Luk 23:9

azai, "Ni nguibar manamin ikegha ize?" Ezi Jesus an akar kam ikarazir puvati.

¹⁰ Ezi Pailat a migei, "Manmaghin amizi ni nan akam ikarvaghan aghua? Ki ni firighamin gavgavim iti, egha uaghan ni isi ter ighuvim gafughamin gavgavim iti. Ezi ni ti bizir kam ifozir puvati?"

¹¹ Ezi Jesus kamaghin an akam ikaragha ghaze, "Godin pin itim, a gavgavim ni ganingizir puvatizi, ni na dikabinamin gavgaviba puvatighai. Ezi gumazir na isa nin agharim gatizim, an arazir kuramin osimtizim, a nin arazir kuramin osimtizim, bar a gafira."

¹² Pailat akar kam baregha Jesus ateghti a mangasa tuaviba buri. Ezi Judaba kamaghin dei, "Ni gumazir kam ateghti a mangiti, ni Sisarin namakam puvati. Guizbangira, gumazim uabira uabi migia ghaze, an atrivim, a Sisarin apanim."

¹³ Pailat akar kam baregha, Iesusin akua azenan ghu. Egha a jasin dabiribam gaperaghav iti, danganir kam, me "Dagiar Azuarim," a garisi. (Hibrum akam me ghaze, "Gabata.")

¹⁴ Ezi dughiar kam a dughiar me God Israelia Gitazir Dughiamin isam bagh daghebar amu bizibar kiramim. Kar aruer arizim. Ezi Pailat Judabav gei, "Ia ganigh! Ian Atrivim kara."

¹⁵ Ezi me kamaghin dei, "A batokegh! A batuegħti a mangi! A isi ter ighuvimin a gafugh!"

Ezi Pailat men azara, "Ia ifonge, ki ian Atrivim isi ter ighuvimin a gafugham?"

Ezi ofa gamir gumazir ekiaba kamaghin an akam ikaragha ghaze, "E atrivir igharaziba puvati. Sisar bar uabira!" ¹⁶ Kamaghin amizi, Pailat Jesus isa, me ter ighuvimin a gafughasa, a men agharim gati.

*Me Jesus isa ter ighuvimin a gafu
(Matyu 27:32-44; Mak 15:21-32; Luk 23:26-43)*

Ezi me Jesus inigha zui. ¹⁷ Ezi a uabi uan ter ighuvim gupugha, nguibar ekiam ategħa danganir mamin zui, an ziam "Dapanir Agharir Danganim." (Hibrum akam me ghaze, "Golgota.") ¹⁸ Ezi danganir kamin me a isa ter ighuvimin anegura. Egha me gumazir igharazir pumuning a ko, aning agura, mam vongin itima, mam vongin iti. Ezi Jesus anningin torimin iti.

- 19:11:** Lu 22:53, Jo 7:30, 10:18, Ap 2:23, Ro 13:1 **19:11:** Luk 22:53; Jon 7:30; 10:18; Aposel 2:23; Rom 13:1 **19:12:**
Lu 23:2; Ap 17:7 **19:12:** Luk 23:2; Aposel 17:7 **19:14:** Mt 27:62 **19:14:** Matyu 27:62 **19:16:** Mt 27:26, 27:31,
Mk 15:15; Lu 23:24 **19:16:** Matyu 27:26; 27:31; Mak 15:15; Luk 23:24 **19:17:** Mt 27:31-33, Mk 15:21-22, Lu 23:26,
23:33 **19:17:** Matyu 27:31-33; Mak 15:21-22; Luk 23:26; 23:33 **19:19:** Mt 27:37, Mk 15:26, Lu 23:38 **19:19:**
Matyu 27:37; Mak 15:26; Luk 23:38 **19:23:** Mt 27:35, Mk 15:24, Lu 23:34 **19:23:** Matyu 27:35; Mak 15:24; Luk
23:34 **19:24:** Sng 22:18 **19:24:** Onger Akaba 22:18 **19:25:** Mt 27:55-56, Mk 15:40, Lu 23:49, 24:18 **19:25:**
Matyu 27:55-56; Mak 15:40; Luk 23:49; 24:18 **19:26:** Jo 2:4, 13:23, 21:7, 21:20 **19:26:** Jon 2:4; 13:23; 21:7; 21:20
19:28: Sng 22:15, 69:21 **19:28:** Onger Akaba 22:15; 69:21

Iesus areme
(*Matyu 27:45-56; Mak 15:33-41; Luk 23:44-49*)

²⁸ Ezi Iesus fo, an ingangariba datirighin bar gifa. Egha a kamaghin migei, “Nan kuarim nan piri.” Godin Akinafarimin itir akar mam guizbangira otivasa, kamaghin an akar kam gami. ²⁹ Ezi miner mam wainin afangtizim an ikia roghira iti. Ezi me dipamin suizir bizim inigha wainin dipam garu. Ezi wain a gizivazima, me a isa hisopin aghorim gikegha a isa Jesusin akam darighasa an amadi. ³⁰ Ezi Iesus wainin kam amegha givagha, kamaghin migei, “A datirighin gifa.” Egha a dapanim aviraghua uan duam sue.

Midorozir gumazir mam Jesusin ivim bira

³¹ Kar dughiar me Sabat bagha bizibar kirim. Sabatin dughiar kam, a dughiar bar ekiam. Kamaghin amizi, Judaba gumazir kuaba dughiar kamin ter ighuvibar ikian me aghua. Egha me kamaghin Palatin azangsigha ghaze, a men amamangatighti me ter ighuvibar itir gumazibar suer agharibav sogh da apirighti, me zuamiram aremeghti me men kuaba adegh izighiram. ³² Ezi midorozir gumaziba ghua gumazir Jesus ko guraghav itir mamin suer agharimning misogha aning apirigha, egha ghua gumazir igharazim uaghan an suer agharimning misogha aning apiri. ³³ Egha me iza Jesusin garima an aremegha gifa. Kamaghin amizima me an suer agharimning apirizir puvati. ³⁴ Ezi midorozir gumazir mam afuzim inigha Jesusin ivim bira. Ezi ghuzim ko dipam zuamira ire. ³⁵ (Ki, Jon, ki gumazir bizir kamin ganizim, ki kamaghin ifonge, ia bizir kam gifoghira nighnizir gavgavim an ikiam. Kamaghin ki an gun ia migei. Akar ki gun migeir kam, a guizbangira. Ki uabi fo, ki guizbangira migei.) ³⁶ Godin Akinafarimin itir akar mam, a kamakin, “Me an agharitam apirighan kogham.” God kamaghsua, akar kam guizbangiram otogham, ezi kamaghin bizir kam oto.

³⁷ Ezi akar ighazarir mam Godin Akinafarimin iti, a kamakin, “Gumazir me afuzimin ruazim, me an ganam.”

19:29: Mt 27:48 **19:29:** Matyu 27:48 **19:30:** Jo 17:4 **19:30:** Jon 17:4 **19:31:** Lo 21:22-23, Mk 15:42, Jo 19:42 **19:31:** Godin Araziba 21:22-23; Mak 15:42; Jon 19:42 **19:32:** Godin Araziba 21:22-23; Mak 15:42; Jon 19:42 **19:33:** Jon 21:24 **19:35:** Jon 21:24 **19:36:** Kis 12:46, Nam 9:12, Sng 34:20 **19:37:** Sng 22:16-17, Sek 12:10, MAA 1:7 **19:38:** Mt 27:57, Mk 15:42, Lu 23:50, Jo 7:13, 9:22 **19:39:** Jo 3:1-2, 7:50 **19:39:** Jon 3:1-2; 7:50 **19:40:** Ap 5:6 **19:40:** Aposel 5:6 **19:42:** Ais 53:9, Jo 19:31 **19:42:** Aisaia 53:9; Jon 19:31 **20:1:** Mt 28:1, Mk 16:1, Lu 24:1 **20:1:** Matyu 28:1; Mak 16:1; Luk 24:1
* **20:1:** Wikbar faraghavira zuir aruem, a Sandera. **20:2:** Jo 13:23, 19:26, 21:7, 21:20, 21:24 **20:2:** Jon 13:23; 19:26; 21:7; 21:20; 21:24 **20:5:** Jo 19:40 **20:5:** Jon 19:40

Me Jesusin kuam isa
mozir igiar mam gati
(*Matyu 27:57-61; Mak 15:42-47; Luk 23:50-56*)

³⁸ Ezi gin Arimatean nguibamin gumazim Josep ghua Jesusin kuam iniasa Pailatin azangsi. Josep a Jesusin suren gumazir mam, egha a Judabar atiatigha, uan nighnizir gavgavim modo. Ezi Pailat an amamangatizi, a ghua Jesusin kuam ini. ³⁹ Ezi Nikodemus, gumazir faragha dimagarimin Jesusin ganizim, a uaghan ize. Egha borer mughuriar aghuir maba inigha ize, me temer pumuningin borem inigha aning veregha, borer kam gami. Ezi borer kamin ositmizim 30 kilogremin ghu. ⁴⁰ Ezi Josep ko Nikodemus aning Jesusin kuam inigha borer kam an kuam gagħui. Egha inir aghuimin an mikarzim nomke, Judaba uan gumazir oveaghuezibagh ami mokin. ⁴¹ Ezi midorozir gumaziba Jesus ter ighuvimir anegurazir danganir kamin boroghira, azenir mam iti. Egha azenir kamin mozir igiar mam iti, me dagħar mozir kamin, faragħa gumazitam iku tam afafiz puvati. ⁴² Kar dughiar Judaba Sabatin dughiam bagħi bizibar kiramim, ezi mozir kam, a Jesus aremezir danganim min boroghira iti. Kamaghin amizi, aning Jesusin kuam inigha ghua mozir kamin aneti.

20

Iesus ua dikafi

(*Matyu 28:1-8; Mak 16:1-8; Luk 24:1-12*)

¹ Ezi Sanden bar mizaraghara, aminim mitateghavira iti, ezi Makdalān nguibamin amizim Maria, a mozim min għu. Egha a garima mozim min tiar akam gasarazir dagħiam ua itir puvati.* ² Ezi a, Saimon Pita ko suren gumazir igharazir Jesus bar ifongeżem bagħha iweħġa ghua kamaghin aning migei, “Me Ekiamin kuam mozim min a inigha għu, ezi e fożir puvati, me managh aneti.”

³ Ezi Pita ko suren gumazir igharazir kam, aning nguibam ategħha mozim min zui.

⁴ Aning virarla iweħġa ghua, suren gumazir igharazir kam Pita gafrir, faragħa mozim min oto. ⁵ Egha an aviraghha mozim min

aven inir aghuir me Iesusin kuam avarazir kabar gara, egha aven ghuzir puvati.

⁶ Ezi Saimon Pita an gin ghua, mozimin averiamin ghu. Egha a inir aghuir kabar garima da iti. ⁷ Egha a inir ighazariz mamin garima a uaghan iti, kar inir me Iesusin dapanimin ikezim. Inir kam a inir ighazariba ko itir puvati. Saimon ghaze, me ti a righa igharaghaga aneti. ⁸ Ezi suren gumazir ighazariz faragha mozimin otozim, a uaghan aven ghu. Egha a bizir kabar ganigha nighnizir gavgavim iti. ⁹ (Guizbangira, Godin Akinafarimin itir akam ghaze, Jesus mozimin ua dikavigham. Ezi dughiar kamin aning akar kam tighar deraghvira a gifogham.) ¹⁰ Egha suren gumazimning uamategha dipenimin ghu.

Makdalan nguibamin amizim Maria Iesusin gani

(Matyu 28:9-10; Mak 16:9-11)

¹¹ Ezi Maria mozimin azenen tugavikia azi. Egha aziavira ikia aviraghha mozimin averiamin gari. ¹² Egha a enselin pumuningin garima, aning korotiar ghurghurimning aru. Egha aning danganir Iesusin kuam faragha ikezimin aperaghav iti. Egha mam an dapanim ikezir naghin aperazi, mam an suemung ikezir naghin apera. ¹³ Egha aning kamaghin Marian azai, "Amizim, ni manmaghsuava azi?"

Ezi a kamaghin aning migei, "Me nan Ekiamin kuam inigha ghu, ezi ki fozir puvati, me managh aneti." ¹⁴ A kamaghin mikemegha, ragha garima, Jesus tugav iti. Ezi Maria fozir puvati, kar Jesus.

¹⁵ Ezi Jesus kamaghin an azara, "Amizim, ni manmaghsuava azi? Ni tina buri?"

Ezi Maria ghaze, kar ti azenimin garir gumazim, egha a kamaghin Jesus migei, "Gumazir aruan, ni an kuam inigh mangighiva, egh danganir ni an atizimin gun na mikemegh. Eghiti ki mangiva a niiam."

¹⁶ Ezi Jesus kamaghin a migei, "Maria!"

Ezi Maria ragha kamaghin Hibrun akamin a migei, "Rabonai." Akar kamin mingarim a kamakin, "Tisa."

¹⁷ Ezi Jesus kamaghin a migei, "Ki tighar uan Afeziat bagh mavanangam, kamaghin ni nan suiraghiv ikian marki. Ni nan aveghbuuba bagh mangiva kamaghin me mikim,

ki e uan Afeziat bagha uamategha ghuvanadi. A nan God, ko uaghan ian God."

¹⁸ Ezi Makdalan Maria ghua suren gumaziba kamaghin me migei, "Ki Ekiamin ganigha gifa." Egha an akar Jesus a mikemezimin gun me migei.

Suren gumaziba Iesusin gani
(Matyu 28:16-20; Mak 16:14-18; Luk 24:36-49)

¹⁹ Sanden guaratizimin aminim pirigha givazi, suren gumaziba Judabar atiatigha dipenir me itim, me pamten an tiar akaba ase. Ezi Jesus iza pura suren gumazibar tongin tugha, kamaghin me migei, "Ian naviba amiragh iki." ²⁰ A kamaghin migia, uan duar torir dafarimning itimning ko duar ivir vuemin itim, men aka. Ezi suren gumaziba Ekiamin ganigha me bar akonge.

²¹ Ezi Jesus ua me migei, "Ian naviba amiragh iki. Afeziat na amadazi ezi ki ize. Ezi kamaghira ki ia amadima ia zui."

²² A kamaghin migia, egha uan aminim men a giveraghha, men amada, egha kamaghin me migei, "Ia Godin Duam uan navir averiabar a inigh." ²³ Egh ia gumazibar arazir kuraba gin amadaghram, eghiti God uaghan men arazir kuraba gin amadaghti, da puvatigham. Eghiti ia men arazir kuraba gin amadaghan koghti, men arazir kuraba ikivira ikiam."

Tomas Iesusin gani

²⁴ Dughiar Jesus uan suren gumaziba batozim, men 12plan suren gumazibar mav, a me ko itir puvati. Kar Tomas, an ziar mam Fufuzim. ²⁵ Ezi suren gumazir ighazariba kamaghin Tomas migei, "E Ekiamin ganigha gifa."

Ezi Tomas kamaghin me migei, "Ki an duar torir me an dafarimning gafuzim-tingin ganighan koghiva, egh ki uan dafar puzim an duar torimning datighan kogh, egh uan dafarim an ivir vuemin itir duam datighan koghiva, ki nighnizir gavgavim ikian kogham. Bar puvatigham."

²⁶ Ezi 7plan dughiaba givazima, suren gumaziba ua dipenimin aven iti, ezi Tomas me ko aven iti. Me tiar akaba bar pamten da asegha gifa. Ezi Jesus iza men tongin tugav iti. Egha me migei, "Ian naviba amiragh iki."

²⁷ Egha a kamaghin Tomas migei, "Ni uan dafar puzim kagh suisragh, egh nan dafarimning ganigh. Egh ni uan agharim

- 20:7:** Jo 11:44 **20:7:** Jon 11:44 **20:9:** Sng 16:10, Ap 2:25-31, 13:34-35 **20:9:** Onger Akaba 16:10; Apostol 2:25-31; 13:34-35 **20:11:** Mt 28:9, Mk 16:9, Lu 24:16, 24:31, Jo 21:4 **20:14:** Mt 28:9, Mk 16:9, Lu 24:16, 24:31, Jo 21:4 **20:14:**
Matyu 28:9; Mak 16:9; Luk 24:16; 24:31; Jon 21:4 **20:17:** Sng 22:22, Mt 28:10, Ro 8:29, Ef 1:17, Hi 2:11-12 **20:17:**
Onger Akaba 22:22; Matyu 28:10; Rom 8:29; Efesus 1:17; Hibru 2:11-12 **20:19:** Mk 16:14, Lu 24:36, Jo 19:38, 1 Ko 15:5
20:19: Mak 16:14; Luk 24:36; Jon 19:38; 1 Korin 15:5 **20:20:** Jo 16:22, 19:34, 1 Jo 1:1 **20:20:** Jon 16:22; 19:34;
1 Jon 1:1 **20:21:** Mt 28:18-19, Jo 17:18, 2 Ti 2:2, Hi 3:1 **20:21:** Matyu 28:18-19; Jon 17:18; 2 Timoti 2:2; Hibru 3:1
20:23: Mt 16:19, 18:18 **20:23:** Matyu 16:19; 18:18 **20:24:** Jo 11:16, 14:5, 21:2 **20:24:** Jon 11:16; 14:5; 21:2
20:27: 1 Jo 1:1 **20:27:** 1 Jon 1:1

amadagh uan dafarim nan ivir vuemin itir duam datigh. Ni nighnizir pumuning ikan marki. Ni nighnizir gavgavim nan iki.”

²⁸ Ezi Tomas kamaghin an akam ikaragha ghaze, “Ni nan Ekiam. Ni nan God.”

²⁹ Ezi Jesus kamaghin a migei, “Ni nan ganigha givagha, nighnizir gavgavim nan iti, a? Gumazir nan ganizir puvatiziba, egha nighnizir gavgavim nan iti, gumazir kaba bar akonge.”

Akinafarir kamin mingarim

³⁰ Jesus mirakelin avirir maba uaghan suren gumazibar damazimin dagh ami. Ezi ki bar Akinafarir kamin da osirizir puvati. ³¹ Ezi akar ki osirizir kam, ki kamaghsua, ia nighnizir gavgavim Iesusin ikilasa, ki an osiri. A Gumazir God Uam E Iniasa Misevezim, a Godin Otarim. Eighti ia nighnizir gavgavim an ikiva, egha ia an ziham surara itir ikirimirin aghuarim iniam. Ki kamaghsua, akinafarir kam an osiri.

Jesus ua uabi isa uan suren gumazibar aka

21

(Sapta 21)

7plan suren gumaziba Iesusin gani

¹ Dughiar maba givazima, Jesus Galilin Dipar Akaremin boroghin, uabi isa ua uan suren gumazibar aka. Galilin Dipar Akaremin ziar mam Taiberiasin dipam. Bizi kam kamaghin oto. ² Dughiar kam Saimon Pita ko Tomas (an ziar mam Fufuzim) ko Nataniel (an nguibam, Kanan nguibar Galilin Distrighin aven itim) ko Sebedin otarir pumuning, ko Iesusin suren gumazir ighazariz pumuning, me bar uari inigha iti. ³ Egha Saimon Pita kamaghin me migei, “Ki osiriba burisi mangam.”

Ezi me ghaze, “E ni ko mangam.” Egha me dikavigha botin mamin ghuavanabogha me zui. Ezi dimagarir kamin me osirir taba inizir puvati. ⁴ Ezi bar mizaraghara, aruem ovirima, me gumazir mamin garima a dipam dadarimin tughav iti. Ezi suren gumaziba kamaghin fozir pu, kar Jesus.

⁵ Ezi Jesus kamaghin men azara, “Otariba, ia osiritaba iniz, o?”

- | | | | | |
|---|---|---|---|--|
| 20:29: 2 Ko 5:7, 1 Pi 1:8 | 20:29: 2 Korin 5:7; 1 Pita 1:8 | 20:30: Jo 21:25 | 20:30: Jon 21:25 | 20:31: Lu 1:4; Jo 3:15-16, 5:24, Ro 1:17, 1 Pi 1:8-9, 1 Jo 5:13 |
| 21:2: Mt 4:21, Jo 1:45-51, 20:24 | 21:2: Matyu 4:21; Jon 1:45-51; 20:24 | 21:3: Luk 24:41 | 21:3: Lu 5:5 | 21:3: Luk 5:5 |
| Jo 20:14 | 21:4: Jon 20:14 | 21:5: Lu 24:41 | 21:6: Lu 5:4-7 | 21:6: Luk 5:4-7 |
| Mt 14:29, Jo 13:23, 20:2 | 21:7: Matyu 14:29; Jon 13:23; 20:2 | 21:7: Luk 24:41 | 21:11: Lu 5:6 | 21:11: Luk 5:6 |
| Ap 10:41 | 21:13: Jon 6:11; Aposel 10:41 | 21:14: Jo 20:19, 20:26 | 21:14: Jon 20:19; 20:26 | 21:15: Mt 26:33, Jo 1:42 |
| 21:15: Matyu 26:33; Jon 1:42 | * | 21:15: Gumazir maba Iesusin akar kam kamagh a giragha ghaze, “Ni ti bar na gifuegha, egha bizi ighazaribagh ifongezir puvati?” Kamaghira gumazir maba uaghan Pitan akar kam giragha ghaze, “Ekiam, guizbangira, ni fo, ki nin roroam.” | 21:16: Ap 20:28, Hi 13:20, 1 Pi 2:25 | 21:16: Aposel 20:28; Hibru 13:20; 1 Pita 2:25 |

¹⁶ Ezi Jesus uam an azara, “Saimon, Jonin otarim, ni ti na gifonge?”

Ezi Pita a ikara, “Are, Ekiam, ni fo, ki ni gifonge.”

Ezi Jesus a migei, “Ni nan gumazamiziba sipsipbar min men akurvagh deraghvira men gan.”[†]

¹⁷ Egha dughiar mikezimin uam an azara, “Saimon, Jonin otarim, ni ti na gifonge?”

Ezi Pita Jesus basem, a dughiar mikezim uam an azaraghha ghaze, ni ti na gifonge? Ezi a kamaghin Jesus migei, “Ekiam, ni bar biziagh fo. Ni fo, ki ni gifonge.”

Ezi Jesus kamaghin a migei, “Ni nan gumazamiziba sipsipbar min men akurvagh deraghvira men gan.”[‡] ¹⁸ Ki guizbangira ni migei, ni formira igiamra ikia, ni uabi letiam uan ivariam ikegha danganir ni mangasa ifongezibagh arui. Egha ni ghurighamin dughiam, ni uan agharimning fehti, gumariz igharazim ni gikegh ni inigh danganir ni mangasa ifongezir puvatizimin mangam.”

¹⁹ (Jesus migirigar kam migia kamaghin Pitana, a tuavir manamin aremegh ziar ekiam God daningam.) Egha a kamaghin Pita migei, “Ni nan gin izi.”

Suren gumazir Jesus bar ifongezir kamin akam

²⁰ Ezi Pita ragha suren gumazir Jesus bar ifongezir kamin garima, an aningin gin izi. Suren gumaziba faragha Jesus koma apava, gumazir kam uan dapanim isa Iesusin afarizim boroghira anetigha, kamaghin an azai, Ekiam, tina ni isi apanibar agharim darigham? ²¹ Ezi Pita an ganigha kamaghin Jesus azara, “Ekiam, gumazir kam, bizir tizim a batogham?”

²² Ezi Jesus kamaghin an akam ikaraghha ghaze, “Ki ifuegħti a iċċivira iki mangi dughiar ki uamategh izamim otogħam, kar nin bizim puvati. Ni nan gin izi.”

²³ Kamaghin amizi, akar kam tintini-bar arui, ezi gumazamiziba kamaghin nighnigha ghaze, “Suren gumazir kam an aremegħan kogħam.”

Ezi Jesus guizbangira kamaghin mikemezzi puvati, an aremegħan kogħam. Puvati. A ghaze, “Ki ifuegħti a iċċivira iki mangi dughiar ki uamategh izamim otogħam, kar nin bizim puvati.” ²⁴ Kar suren gumazir kamra, a datirighin bizir kabar gun mikemegħha, an akar kaba osiri.

[†] **21:16:** Gumazir maba Pitana akar kam kamaghin a giragħha ghaze, “Ekiam, guizbangira, ni fo, ki nin roroam.” **21:17:** Jo 13:38, 16:30 **21:17:** Jon 13:38; 16:30 [‡] **21:17:** Gumazir maba Iesuśin akar kam kamagh a giragħha ghaze, “Ni nan roroam?” Egha Pitana akar kam giragħha ghaze, “Ni fo, ki nin roroam.” **21:18:** Jo 13:36, Ap 12:3-4 **21:18:** Jon 13:36; Apostel 12:3-4 **21:19:** Mt 16:24-25, Mk 1:17, Jo 13:36, 2 Pi 1:14 **21:19:** Matyu 16:24-25; Mak 1:17; Jon 13:36; 2 Pita 1:14 **21:20:** Jo 13:23-25, 20:2 **21:20:** Jon 13:23-25; 20:2 **21:22:** Mt 16:27-28, 25:31, 1 Ko 4:5, MAA 22:7, 22:20 **21:22:** Matyu 16:27-28; 25:31; 1 Korin 4:5; Akar Mogomem 22:7; 22:20 **21:24:** Jo 19:35, 3 Jo 12 **21:24:** Jon 19:35; 3 Jon 1:12 **21:25:** Jo 20:30 **21:25:** Jon 20:30

Aposelbar Ingangariba O Aposel Akar faragha zuim

Akinafarin kam, Aposelbar Ingangariba, Lukra an osiri. Luk faragha, akinafarin igharazim osiri, a Luk Osirizir Akar Aghuim. Egha datirighin Aposelbar Ingangariba osiri.

E akinafarin kam garima, Godin Duam aposelba tuavim men akazi, me Jesusin Akar Aghuim “Jerusalemin nguubar ekiamin aven ko, Judian danganiba bar moghira ko, Samarian Distrik ko, nguaazir kamin danganiba bar,” an gun me migei. (Ni sapta 1:8in gan.)

Aposelbar akinafarim kamaghin migia ghaze, Jesusin sios Judabar tongin dikavigha egha gin ghua bar ekevegha tintinibar ghua nguaazimin otevir mabar ghu. Luk uaghan kamaghin en akaghosa, Kraisin ingangarim ko gumazamizir an gin zuibar dabirabim, da God fomira Israelin gumazamiziba bagha dikirizir akam bar a ko voroghira ghu.

Ezi bizar ekiar mam Aposelbar akinafarim a migei, a Godin Duamin ingangarim. Pentikosin dughiamin Godin Duam faragha Jesusin suren gumazamizibar ize. Egha gin Godin Duam nighniziba me ganiga, egha gavgavim me ganidi.

Ezi akinafarin kam e uaghan aposelbar akar ruarir aviribar gari. Dughiar aviriba aposelba Jesusin Akar Aghuim gumazamizir igharazibav kinasa. Ezi e garima gumazamizir avirim Akar Aghuir kamin gin zui, ezi sios otogha gavgafi.

Aposelbar akinafarim, an aposelin aviribar eghaghaniba an iti. Egha akar bar aviriba, Pita ko Pol amizir biziav gei. Pita a suren gumazir mam, a uaghan Jesus ko arui. Ezi Pol faragha Jesusin gin aruzir puvati. A Jesusin siosin gumazamiziba dikabinasa pamtemin ingari. Ezi Jesus Polin diazi, a Jesus baghavira itir gumazimin min otogha guizbangira an ingangarim pamtem a gami.

1:1-2: Mak 16:19; Luk 1:1-4; 24:49-51 * **1:1-2:** Luk, a akinafarin kam Aposelbar Ingangariba, an osiri. A faragha zuir akinafarim an osirizi, a Luk Osirizir Akar Aghuim.

1:3: Matyu 28:17; Mak 16:12; Luk 24:36-49; Aposel 10:41; 1 Korin 15:5-7 **1:3:** Mt 28:17, Mk 16:12, Lu 24:36-49, Ap 10:41, 1 Ko 15:5-7

1:4: Matyu 28:17; Mak 16:12; Luk 24:36-49; Aposel 10:41; 1 Korin 15:5-7 **1:4:** Lu 24:49; Jo 14:16-17, Ap 2:33 **1:4:** Luk 24:49; Jon 14:16-17; Aposel 2:33 **1:5:** Mt 3:11, Mk 1:8, Lu 3:16, Jo 1:33, Ap 11:16 **1:5:** Matyu 3:11; Mak 1:8;

1:6: Jon 1:33; Aposel 11:16 **1:6:** Ais 1:26, Dan 7:17, Amo 9:11, Mt 24:3; Lu 24:21 **1:6:** Aisaia 1:26; Amos 9:11;

Matyu 24:3; Luk 24:21 **1:6:** Fomira Israelin gumazir maba uari atrivimin ikia an nguaazimin gari. Egha Jesusin dughiamin Israelia Romin apengen iti. Ezi Jesus dughiar kamin otogha aruima, gumazir aviriba kamaghin nighnisi, a Romin gavman batueghiva ubabi Israeliyan ganam. Eghit gin Israel Kantrin igharaziba dar ganiva egh dar apengen ikian kogham.

1:7: Mt 24:36, Mk 13:32, 1 Te 5:1 **1:7:** Matyu 24:36; Mak 13:32; 1 Tesalonika 5:1 **1:8:** Matyu 28:19; Mak 16:15; Luk 24:47-48; Jon 15:27; Aposel 2:32; 3:15; 5:32

Ezi akinafarin kamin otevir maba, Luk bizar Pol bativizibagh eghanasa, ghaze, “Eia,” e dagh ami. Fofozir gumazir avirim ghaze, Luk uabi ti Pol ko dughiar mabar arui, kamaghin amizi, a ghaze, “Eia.”

Aposelba Jerusalemin aven Jesusin Akar Aghuim akuri

(Sapta 1:1-8:3)

Iesus akar dikirizimin ghaze, a Godin Duam amangam

1-2 Tiofilus, ki akinafarin kam ni bagha an osiri. Nan akinafarin faragha zuim, ki Jesus amizir biziba ko, a gumazamizibar sure gamiziba bar, ada osiri. Dughiar kamin Jesus dikavigha uan ingangarim gamua mamaghira ikia, ghua a Godin Nguibamin ghuavanabozir dughiamin tuzir biziba, ki da osiri. A tighar Godin Nguibamin mangasa, aposelba misevegha Godin Duamin gavgavimin ingangarir akabar me migei.*³ A faragha mizaziba inigha aremegha ua dikafi. Egha a tighar Godin Nguibamin mangasava amua uabi isaan aposelbar aka. Egha a bizar aviribar men akazi, me bar fo, a ua dikavigha iti. Ezi 40plan dughiaba, dughiar kamin aven dughiar aviriba a ubi men akakaghava God Biziagh Ativamin Dughiamin gun me migei.⁴ Dughiar mamin a me ko ikia, apava migirigar gavgavir kam me ganangi, “Ia Jerusalemin nguubar ekiam ategh mangan marki. Bizar aghuarir nan Afeziam ia daningasa akam akirizim a izam. Ki an gun ia mikemezi, ia a baraki. Ia a bagh iki.⁵ Jon dipamin gumazamiziba rue, ezi gurumra ia Godin Duamin ruegham.”

6 Ezi me uari akuvazir dughiamin, me an azara, “Ekiam, ni dughiar kam atrivim Israel danightima, a ua Israelin nguaazimin ganam, o?”†

7 Ezi Jesus kamaghin me migei, “Biziiba otivamin dughiaba, nan afeziam uabi uan gavgavimin da ati. Ezi ia tizim bagh dughiar an atizir kam gifoghosa. Kar ian biziim puvati.⁶ Godin Duam izighiri ia gizivaghti, ia an gavgavim iniam. Eghit bizar ia ganigha foziba, ia Jerusalemin nguubar ekiamin aven ko, Judian danganiba bar a gami.

moghira ko, Samarian Distrik ko, nguazir kamin danganiba bar, me geghanam.”

*Iesus Godin Nguibamin zui
(Mak 16:19-20; Luk 24:50-53)*

⁹ Ezi Iesus kamaghin mikemegha givazi, an aposelba garavira itima God anesiarafafizma a Godin Nguibamin ghuvanabo. Ezi ghuariam me gari naghin a modo.

¹⁰ A ghuvanadima me kogha overiamin garavira itima, gumazimning korotiar ghurghurimning arugha bemira men min tu. ¹¹ Egha aning kamaghin me migei, “Galilin gumaziba, ia tizim bagha kagh tuvighav ikia pin overiamin gari? Gumazir kam Iesus, God a inizi a ia ategha uan Nguibamin ghu. Ia an ganizi a Godin Nguibamin ghuzi moghin, kamaghira a umategham.”

*Me Judasin ingangarir danganim bagha
Matias amisefe*

¹² Egha Jesusin aposelba Olivin Mighsiam ategha ua Jerusalemin zui. Olivin Mighsiar kam Jerusalemin boroghira ikia an ruarim 1 kilomitan mirara ghu. ¹³ Egha me otivigha, ghuriar pin itir me zurara itimin ghuvanabo. Men ziabar kara:

Pita, Jon, Jems ko Andru, Filip ko Tomas, Bartolomyu ko Matyu, Jems, Alfiusin otarim, ko Saimon a Selotbar gu-mazir mam, ko Judas, a Jemsin otarim.

¹⁴ Egha me zurara navir vamira ikia uari inigha God ko migei. Ezi amizir maba ko, Jesusin amebam Maria ko Iesusin doziba uakan.

¹⁵ Dughiar kabar aven Pita nighnizir gav-gavim Jesusin itir darazir tongin tu. (Men avirimini dibobonim 120.) ¹⁶ Egha kamaghin migei, “Nan adarasi, Godin Duam fomira Devit gamizi, an akar mam mikeme. Ezi akar kam Godin Akinafarimin aven iti. Akar kam a Judasin migei. Judas, a gumazir Jesus isa gumazir an suirazibar akazim. Akar kam datirighin Devit mikemezi moghira otogha gif. ¹⁷ Judas

1:9: Mk 16:19, Lu 24:50-51, Jo 6:62, 20:17 **1:9:** Mak 16:19; Luk 24:50-51; Jon 6:62; 20:17 **1:10:** Mt 28:3, Mk 16:5, Lu 24:4, Jo 20:12, Ap 10:3, 10:30 **1:10:** Matyu 28:3; Mak 16:5; Luk 24:4; Jon 20:12; Aposel 10:3; 10:30 **1:11:** Mt 24:30, 26:64, Lu 21:27, Jo 14:3, 1 Te 1:10, 4:16, MAA 1:7 **1:11:** Matyu 24:30; 26:64; Luk 21:27; Jon 14:3; 1 Tesalonika 1:10; 4:16; Akar Mogomem 1:7 **1:12:** Lu 24:50 **1:13:** Mt 10:2-4, Mk 3:16-19, Lu 6:14-16 **1:13:** Matyu 10:2-4; Mak 3:16-19; Luk 6:14-16 **1:14:** Mt 13:55, Lu 23:49, 23:55, 24:10, Jo 6:42, 7:5 **1:14:** Matyu 13:55; Luk 23:49; 23:55; 24:10; Jon 6:42; 7:5 **1:16:** Sng 41:9 **1:16:** Onger Akaba 41:9 **1:17:** Mt 10:4, Lu 6:16, Ap 1:25 **1:17:** Matyu 10:4; Luk 6:16; Aposel 1:25 **1:18:** Matyu 26:15; 2 Pita 2:15 **1:18:** Matyu 27:3-8 **1:20:** Sng 69:25, 109:8 **1:20:** Onger Akaba 69:25; 109:8 **1:22:** Mt 3:16, Mk 1:9, 16:19, Lu 3:21, 24:51, Jo 15:27, Ap 4:33 **1:22:** Matyu 3:16; Mak 1:9; 16:19; Luk 3:21; 24:51; Jon 15:27; Aposel 4:33 **1:24-25:** 1 Samuel 16:7; Jeremaja 11:20; Jon 2:25; Akar Mogomem 2:23 **2:1:** Lo 16:9-11, Ap 1:14 **2:1:** Godin Araziba 16:9-11; Aposel 1:14 *** 2:1:** Pentikosin Dughiar Ekiam, an ziar igharazimra kara: Obaribar Aghavir Dughiar Ekiam. **2:2:** Ap 4:31 **2:2:** Aposel 4:31 **2:3:** Mt 3:11 **2:3:** Matyu 3:11

fomira en gumazir mamra, egha uaghan ingangarir e amir kam gami.”

¹⁸ (Ivezir Judas uan arazir kuramin inizim, a nguazir mam givese. Egha nguazir kamin a ubi ekunigha aremegha an mikarzim afoaraghiri, ezi an muriaba bar azemim gire. ¹⁹ Kamaghin amizi, Jerusalemin itir darazi bar moghira bizir kam baregha, nguazir kam uan akamin ziar kam a gati, Akeldama. An mingarim kamakin, “Ghuzimin Nguazim.”)

²⁰ Egha Pita ua kamaghin migia ghaze, “Godin Akinafarimin itir Onger Akabar aven osizir kam iti, ‘An danganim pura iki, tav an danganim inian marki.’

“Egha a uaghan ghaze, ‘A gumazir dapanim, egheti igharaz tav an danganim ini.’

²¹ “Kamaghin amizi, e gumazir zurara e ko ikia uaghan Ekiam Iesus ko aruizir gu-mazitam amisivam. ²² Dughiar Jon gu-mazamiziba ruezim ko Jesus faragha ingangarim igiamra a gamir dughiam ikegha, ghua dughier God Jesus inizi an e ategha ghuvanabozir dughiamin tu. E dughiar kaba bar e ko ikezir gumazitam amisivam. Gumazir kam Jesusin garima, a ua dikafi. An e ko migirigiar kamin gun akam akunam.”

²³ Egha me gumazir pumuningin ziamming diboro, Josep, an ziar mam Barsabas (an ziar igharazir mam Jastus) ko Matias. ²⁴⁻²⁵ Egha me God ko migei, “Ekiam, gumazamizibar navir averiaba, ni bar dagh fo. Ni en akagh, ni aningin tav amisevehti, an aposelin ingangarim bagh Judasin danganim iniam. Ingangarir kam Judas anetegha uan danganir ikiamimin ghu.” ²⁶ Egha me dagiaba aningin ziamming osirigha torim gatigha aning givazzvi. Ezi dagiar Matiasin ziam isin itim faragha azenim giri. Ezi me Matias isa, uaghan 11plan aposelbar tongin aneti.

2

Godin Duam izaghiri

¹ Ezi Pentikosin Dughiar Ekiam otozima, nighnizir gavgavim Jesusin itir darasi, me bar moghira uari akuvagha danganir

vamiran iti.*² Ezi zuamira niginir mam Godin Nguibamin ikegha izaghira mati aminir gavgavim izi. Egha dipenir me apia ghav itim bar a gizivagha anevara.³ Egha me garima bizir mam mati avir mizariba ba biaghira vaghvagha men dapanir siriabagh apiaghiri.⁴ Ezi Godin Duam bar moghira me gizivagha, gavgavim me ganiga me gamima, me nguibar igharazibar akabav gei.

⁵ Ezi Judan gumazamizir Godin apengan itir maba, me nguazimin itir kantriba bar dar ikegha izegha datirighin Jerusalemin iti.⁶ Egha me niginir kam baregha iza bar uari akuvaghava, vaghvagha orazima gumazamiziba men nguibabar akabav gei. Kamaghin amizi, me digavir kuram gamua okam nighnisi.⁷ Egha me digavir kuram gamigha azangsisi, "Gumazamizir migeir kaba, me bar Galilin gumazamizibara!"⁸ Ezi manmaghin amizi, e vaghvagha me barazi me en nguibabar akabav gei?⁹ En marazi Partian kantri ko Midian kantri ko Elamin kantribar ize. Ezi marazi Mesopotemian Distrighin ize. Ezi marazi Judian Distrik ko Kapadosian Provins ko, Pontusin Provins ko, Esian Provinsin ize.¹⁰ Ezi marazi Frigian Distrik ko Pamfilian Provinsin ize. Ezi marazi Isipin kantri, ko Libian Distrighin aven itir nguibar ekiam Sairin boroghin ikegha ize. Ezi marazi Judan gumazir Romin nguibamin ikegha izeziba. Marazi Judaba, ezi marazi Kantrin Igharazibar Gumazamiziba, me Judan Arazibagh amua dar gin ghua, egha me uaghan, mati en marasi.¹¹ Ezi en marazi Kritin Arighatizim ko Arabian Distrighin gumazamiziba, e vaghvagha me barazima me en nguibabar akabar God amizir bizar ekiabar gun migei!"

¹² Ezi Judan gumazamiziba digavir kuram gamigha pura okam nighnigha uarir azangsisi, "Kar bizar tizim?"

¹³ Ezi Judan gumazamizir maba dibovir akabav gia ghaze, "Me wainin dipar aviriba amegha ongani."

Pita akam akuri

¹⁴ Ezi Pita 11plan aposelba ko tughav ikia, egha pamtem kamaghin gumazamizibav gei, "Ia Judaba ko Jerusalemin itir gumazamiziba, ia bar deraghvira na baragh. Ki bizar otozir kamin gun ia mikemeghti, ia a

gifogham.¹⁵ Gumazamizir kaba wainin dipamin organizir puvati. Ia fo, kar 9 kloghin mizarazimra.¹⁶ Bizar otozir kam, kar Godin akam inigha izir gumazim Joel fomira mikemezi moghin:

¹⁷ "God kamaghin migia ghaze,
Dughiar gin izambar ki uan Duam gu-

mazamiziba bar me gingegham.
Eghti ian otariba ko guiviba Godin akam inigha izir gumazamizibar min mikimtima,

ian gumazir igiaba irebabar min biz-
ibar ganti,
ian gumazir ghuriba irebabar
ganam.

¹⁸ Dughiar kabar ki uaghan uan Duam isi,
uan ingangarir gumaziba ko ingan-
garir amizibagh ingegham,
eghti me Godin akam inigha izir
gumazamizibar akabav kimam.

¹⁹ Eghti ki pin overiamin digavir kuram
gamir araziba akakagh,
egh nguazimin mirakelin arazibar
amuam.
Eghti ghuzim ko avim ko miturir
dafam otogham.

²⁰ Eghti aruem mitarmeghti, iakinim
ghuzimin min otogham.
Bizir kaba faragh otivighti,
gin Ekiam Izamin Dughiam
otogham.
Dughiar kamin Ekiam uan gavgavim ko
angazangarim sara izam.

²¹ Eghti Ekiamin ziamin dimamin adarasi,
a men akurvaghama."

²² "Israelin gumazamiziba, ia migirigar
kam baragh. Nasaretin Jesus, God ia bagha
anemadaghga gavgavim a ganingizi, a ian
tongin ingangarir gavgavir ekiaba ko mi-
rakelin gavgavibagh amizi, da otivizi ia dar
ganigha uari fo."²³ God uan ifongiamin
gin ghua ia bagha fomira nighnizir mam
gamigha, uan Otarim isa ian agharim gati.
Ezi ia gumazir kurabar agharimin, a isa
ter ighuvimin a gafuzi, an areme.²⁴
Ovevem bar Jesusin suiraghan kogham. Ka-
maghin, God a gamizi a dikavigha ovevemin
gavgavim ataki.²⁵ Devitin Onger Akabar
Akinafarim kamaghin mikeme:

2:4: Mk 16:17; Ap 1:5; 4:31; 10:44-46; 1 Ko 12:10; 13:1

2:4: Mak 16:17; Aposel 1:5; 4:31; 10:44-46; 1 Korin 12:10; 13:1

2:7: Ap 1:11 **2:7:** Aposel 1:11 **2:9:** 2 Ti 1:15 **2:9:** 2 Timoti 1:15

2:4: Mak 16:17; Aposel 1:5; 4:31; 10:44-46; 1 Korin 12:10; 13:1

† 2:15: Judaba dughiar kamin mizaraghara dipar onganiba apir puvati. Kamaghin Pita akar kam me migei. **2:17:**
Joel 2:28-32; Sekaraia 12:10; Jon 7:38; Aposel 10:45; 21:9 **2:21:** Ro 10:13 **2:21:** Rom 10:13 **2:22:** Jo 3:2; 14:10-11;
Hi 2:4 **2:22:** Jon 3:2; 14:10-11; Hibru 2:4 **2:23:** Mt 27:35; Mk 15:24; Lu 23:33; Jo 19:18; Ap 4:28; 1 Pi 1:20 **2:23:**
Matyu 27:35; Mak 15:24; Luk 23:33; Jon 19:18; Aposel 4:28; 1 Pita 1:20 **2:24:** Mat 28:5-6; Mk 16:6; Lu 24:5; Aposel 3:15; 4:10;
10:40; 13:30-31; 17:31; 1 Ko 15:15 **2:24:** Matyu 28:5-6; Mak 16:6; Luk 24:5; Aposel 3:15; 4:10; 10:40; 13:30-31; 17:31; 1
Korin 15:15 **2:25:** Onger Akaba 16:8-11

“Ki Ekiamin garima a zurara bar nan boroghira iti.

A bar roghira ikia gavgavim na ganidi.
Kamaghin amizi, ki atiatiava agoir puvati.

26-27 Ni na ateghti,
ki Gumazamizir Oveaghuezibar Nguibamin ikian kogham.

Ni ua bagha inabazir gumazim aneteghtima,
an inivafizim kurighan kogham.

Kamaghin nan navir averiam bar akonge.
Ezi ki migirigiar aghuibagh ami.

God na damuamin bizir aghuibah,
ki da bagha mizuai.

28 Ikirimirir aghuarim iniamin tuavim,
ni nan akagha gifa.

Ni na ateghti ki ni ko ikiam,
egh ni na damutti,
ki bar akuegham.”

29 “Nan adarasi, ki guizbangira ia migei, en ovavim Devit aremezi me anefa. Ezi an dagiar mozim datirighin e ko ikia katii.

30 Devit a Godin akam inigha izir gumazir mam, egha a fo, God migirigiar gavgavim a ganiga ghaze, ‘Nin atrivir danganimin ki nin ovavitam afagharn.’³¹ God gin damuamin bizim, Devit a gifo, a Gumazir God Uam E Iniasa Misevezir, Krais, an aremegh ua dikavamin bizim migei. Egha ghaze, God aneteghtima a Gumazamizir Oveaghuezibar Nguibamin ikian kogham. Egha an inivafizim kurighan kogham.³²

Ezi gumazir kam Jesus, God a gamizi a ua dikafi. Ezi e uari uan damazibar an ganigha, an gun migei.³³ Ezi Jesus ghuhanaboga uan Afeziām Godin agharir guvum gaperaghav ikia a da gavgavim isi. Ezi an Afeziām a mikemezi moghin uan Duam Jesus ganingi. Ezi datirighin ia oragha garir bizir kaba, Jesus ubi dagh ami.³⁴ Devit Jesusin min Godin Nguibamin ghuzir puvati. Egha a kamaghin migei:

“Ekiam kamaghin nan Ekiam migia ghaze,

2:26-27: Aposel 13:35 **2:29:** 1 Kin 2:10, Lu 1:32, 1:69, Ap 13:36, 2 Ti 2:8 **2:29:** 1 Attriviba 2:10; Aposel 13:36; 2 Timoti 2:8 **2:30:** 2 Sml 7:12-13, Sng 89:3-4, 132:11 **2:30:** 2 Samuel 7:12-13; Onger Akaba 89:3-4; 132:11 **2:31:**

Sng 16:10, Ap 13:35 **2:31:** Onger Akaba 16:10; Aposel 13:35

God Uam E Iniasa Misevezir Gumazim. **2:32:** Ap 1:8, 2:24 **2:32:** Ap 1:8; 2:24 **2:33:** Jo 14:26, Ap 1:4, 5:31,

7:55-56, 10:45, Ef 4:8, Hi 10:12 **2:33:** Jon 14:26; Aposel 1:4; 5:31; 7:55-56; 10:45; Hibru 10:12 **2:34:** Onger Akaba

110:1 **2:36:** Ap 5:30-31 **2:36:** Aposel 5:30-31 **2:37:** Sek 12:10, Lu 3:10-12, Ap 9:6, 16:30 **2:37:** Sekaraia

12:10; Luk 3:10-12; Aposel 9:6; 16:30 **2:38:** Lu 24:47, Ap 3:19 **2:38:** Luk 24:47; Aposel 3:19 **2:39:** Ais 57:19, Jol

2:28, Ap 10:45, 14:27, Ef 2:13, 2:17 **2:39:** Aisaia 57:19; Joel 2:28; Aposel 10:45; 14:27; Efesus 2:13; 2:17 **2:40:** Lo 32:5,

Fl 2:15 **2:40:** Godin Araziba 32:5; Filipai 2:15 **2:41:** Ap 2:47, 4:4, 5:14 **2:41:** Aposel 2:47; 4:4; 5:14 **2:42:**

Ap 20:7 **2:42:** Aposel 20:7 **2:42:** Fofozir gumazir aviriba kamaghin nighnisi, Faragha zuir Kraisin adarazi uari akuba egha uari koma api. Me amegha givagha, me Jesusin inivafizim ko ghuzim ginighnigha bret ko wainin dipam api.

2:43: Mk 16:17, Ap 4:33, 5:11-12 **2:43:** Mak 16:17; Aposel 4:33; 5:11-12 **2:44:** Ap 4:32-35, 5:12, 6:8 **2:44:**

Aposel 4:32-35; 5:12; 6:8 **2:46:** Lu 24:53; Ap 1:14; 20:7 **2:46:** Luk 24:53; Aposel 1:14; 20:7

“Ni nan agharir guvimin daperagh iki mangiti,

35 ki nin apaniba dikabiragh me isi nin darfam datighti,
me nin dagarimningin apengan ikiam.”

36 “Kamaghin amizi, Israelia ia bar bizir kam gifo, ia misuegha ter ighuvimin gurazir Jesusin kam, God datirighin a gamizi an Ekiamin oto, a Krais, God Uam E Iniasa Misevezir Gumazim.”

Gumazamizir aviriba uan naviba iragħa rue

37 Gumazamiziba Pitan akaba barazima, da men navibagh kuizi, me kamaghin Pita ko aposelin igharazibav gei, “En aveghbuuba, e manmagħin damuam?”

38 Ezi Pita kamaghin me migei, “Ia bar navibagh iragh Krais Jesusin ziamin ruegħti, a ian arazir kuraba gin amangiti, God uan Duam ia daningam. ³⁹ God fomira akam akirigha ghaze, a uan Duam isi, ia ko, ian boriba ko, ian sagħon itir darazi bar, a uan Duam ia daningam. God, en Ekiam, gumazamizir a diaziba, a uan Duam me daningam.”

40 Egha Pita migirigiar aviribar me gamua akar gavgavir maba sara me mikeme, “Ia uari uarir akuragh, eġi God dugħiār kamin gumazamizir kurar kabagh asighasigh uaghan ia gasighasighan kogħam.” ⁴¹ Ezi gumazamizir aviriba an akam baregha a gifuegħa, egha rue. Ezi dugħiār kamin God ua 3,000plan gumazamizir maba ua me inizi, me Kraisin adarazir aven iżże.

Godin gumazamizibar ikirimirir

42 Kraisin adarazi me aposelbar migirigħiaba baraghha, bizibar uarir akurvagħha, uari isava apava, God ko mikimasa bar ifonge. ⁴³ Ezi aposelba digavir kuram gamir arazir aviriba ko mirakelin aviribagh ami. Kamaghin gumazamizir aviriba digavir kuram gami. ⁴⁴ Egha nighnizir gavgavim Jesusin itir darasi, navir vamira

[†] **2:31:** Grighin akam me ghaze, “Krais,” an mingarim

2:32: Apol 1:8; 2:24 **2:33:** Jo 14:26, Ap 1:4, 5:31,

2:34: Onger Akaba

110:1 **2:37:** Sek 12:10, Lu 3:10-12, Ap 9:6, 16:30 **2:37:** Sekaraia

12:10; Luk 3:10-12; Aposel 9:6; 16:30 **2:38:** Lu 24:47; Aposel 3:19 **2:39:** Ais 57:19, Jol

2:28, Ap 10:45, 14:27, Ef 2:13, 2:17 **2:39:** Aisaia 57:19; Joel 2:28; Aposel 10:45; 14:27; Efesus 2:13; 2:17 **2:40:** Lo 32:5,

Fl 2:15 **2:40:** Godin Araziba 32:5; Filipai 2:15 **2:41:** Ap 2:47, 4:4, 5:14 **2:41:** Aposel 2:47; 4:4; 5:14 **2:42:**

Ap 20:7 **2:42:** Aposel 20:7 **2:42:** Fofozir gumazir aviriba kamaghin nighnisi, Faragħa zuir Kraisin adarazi uari akuba egha uari koma api. Me amegħha givagħha, me Jesusin inivafizim ko ghuzim ginighnigha bret ko wainin dipam api.

2:43: Mk 16:17, Ap 4:33, 5:11-12 **2:43:** Mak 16:17; Aposel 4:33; 5:11-12 **2:44:** Ap 4:32-35, 5:12, 6:8 **2:44:**

Aposel 4:32-35; 5:12; 6:8 **2:46:** Lu 24:53; Ap 1:14; 20:7 **2:46:** Luk 24:53; Aposel 1:14; 20:7

ikiava, bizir me itiba, me uarir akurvassi.
⁴⁵ Egha me uan nguaziba ko biziba amaga dar dagiaba isava, dagheba otevezibar akurvassi. ⁴⁶ Dughiabar zurara, me Godin Dipenir avizimin uari akufi. Egha dipeniba roa vaghvaghya dagh arua, uari isava apava, bar akongebla, men naviba bar dera. ⁴⁷ Egha me Godin ziam fema, gumazamizir igharaziba me bagha bar akongebla. Ezi Ekiam dughiabar zurara gumazamiziba akurvaghavira iti. Kamaghin amizi, men dibobonim dughiabar ghuavanagavira iti.

3

Gumazir suer kurar mam ua dera

¹ Aruer mam, aruem 3 kloghin tu, kar Judaba God ko migeir dughiam. Dughiar kamra Pita ko Jon Godin Dipenimin zui.
² Ezi gumazir navimin averara suemning ikuvizir mam iti. Ezi gumaziba anetera ghua Godin Dipenimin tiar akar mamin anerisi, an ziam, Tiar Akar Bar Dirim. A kagh ikiava dagiaba bagha gumazamizir Godin Dipenimin aven zuibagh ginge. ³Ezi a gari Pita ko Jon Godin Dipenimin aven mangasa izima a dagiaba bagha aning ginge.
⁴ Ezi Pita bar anarira gari, ezi Jon uakan. Egha Pita ghaze, “Ni kagh gan ganigh!” ⁵Ezi gumazim bizitam iniasa nighnigha, aningra gari.

⁶ Ezi Pita kamaghin migei, “Ki dagiaba puvati, bizir ki itim, ki ni daningasa. Nasaretin gumazim Krais Jesus, an ziamin, ni dikavigh daru!” ⁷Egha Pita an dafarir guvimin suiraghha a fe. Ezi an duianiviba ko dagariba zuamira gavgafi. ⁸Ezi a dikavigha uabi ekunigha maghiram arui. Egha a Pita ko Jon sara Godin Dipenir avizibar aven aruava, pin uabi ekura, Godin ziam fe. ⁹Ezi gumazamiziba bar an gari an arua Godin ziam fema, ¹⁰me an ganigha a gifogha ghaze, gumazir kamra Godin Dipenimin tiar akar ziam, Tiar Akar Bar Dirimin apiaf ikia, dagiaba bagha gumazamizibagh inge. Egha me digavir kuram gamigha pura nighnisi, manmaghin amizir bizim kav bato.

Pita Godin Dipenimin aven akam akuri

2:47: Ap 2:41; 4:33; 5:14; 6:7; 11:21; 11:24; Ro 14:18 **2:47:** Aposel 2:41; 4:33; 5:14; 6:7; 11:21; 11:24; Rom 14:18 **3:1:**
 Sng 55:17; Ap 2:46; 10:3; 10:9; 10:30 **3:1:** Aposel 2:42; 10:9; 10:30 **3:2:** Jo 9:1; Ap 14:8 **3:2:** Jon 9:1; Aposel
 14:8 **3:4:** Ap 14:9 **3:4:** Aposel 14:9 **3:6:** Ap 3:16; 4:10; 16:18 **3:6:** Aposel 3:16; 4:10 **3:8:** Ais 35:6; Jo
 5:14; Ap 14:10 **3:8:** Aisaia 35:6; Jon 5:14; Aposel 14:10 **3:9:** Ap 4:16; 4:21 **3:9:** Aposel 4:16; 4:21 **3:13:**
 Kis 3:6; 3:15; Mt 22:32; Lu 23:13-25; Ap 2:23; 7:32 **3:13:** Ua Me Ini 3:6; 3:15; Matyu 22:32; Luk 23:13-25; Aposel 2:23;
 7:32 **3:14:** Mt 27:15-23; Mk 15:6-14; Lu 23:13-23; Jo 19:12-15 **3:14:** Matyu 27:15-23; Mak 15:6-14; Luk 23:13-23;
 Jon 19:12-15 **3:15:** Ap 1:8; 2:24; 2:32; 2:36; 4:10 **3:15:** Aposel 1:8; 2:24; 2:32; 2:36; 4:10 **3:16:** Mt 9:22; Ap 4:10,
 14:9 **3:16:** Matyu 9:22; Aposel 4:10; 14:9 **3:17:** Lu 23:34; Jo 16:3; 1 Ko 2:8; 1 Ti 1:13 **3:17:** Luk 23:34; Jon 16:3;
 1 Korin 2:8; 1 Timoti 1:13 **3:18:** Ais 50:6; 53:5; Lu 24:27; 24:44; Ap 26:22; 1 Pi 1:10-11 **3:18:** Aisaia 50:6; 53:5; Luk
 24:27; 24:44; Aposel 26:22; 1 Pita 1:10-11 **3:19-20:** Aposel 2:38

Tjesus datirighin Godin Nguibam iki, mangi dughiar God bizibar amuti da bar igiabar otivam.' Eghit God mikemezi moghin, biziba bar otivam. ²² Ezi akar dikirizir kam God fomira Moses mikemezi, a kamaghin migei, 'Ekiam ian God, a nan min ia bagh akam inigha izir gumazitam, ian tongin gumazitamra misevegham. Bizar a migeiba, ia da baragh dar amu. ²³ A barazir puvatiziba God me gasighasigham. Eghit me ua Godin adarazi ko ikian kogham.* ²⁴ Godin akam inigha izir gumaziba bar, Samuelin tuga izi, me bar migia dughiar kabar gun mikeme.

²⁵ "God fomira uan akam inigha izir gumaziba Akar Gavgavim me ganangi, ezi ia men boriba min iki, eghit Akar Gavgavir kabanang uaghan iana. God fomira Akar Dikirizir Gavgavim ian ovaviba ko a gamizi, ia men boribar min iti, ezi Akar Dikirizir Gavgavir kam, a uaghan iana. God kamaghin Abraham mikeme, 'Ki kamaghin damuam, nin ovavibar borimin tuavimin, ki nguazir kamin itir ngeubaba bar deravira me damuam.' ²⁶ God kamaghin ifonge, ia vaghvagh uan arazir kuraba ateghti, a deravira ia damuam. Bizar kam bagha a uan ingangarir gumazim amisevegha ia bagha faragha anemada."

4

Pita ko Jon Judan kotin iti

¹ Pita ko Jon gumazamizibav giavira itima, ofa gamir gumaziba ko Godin Dipenimin garir gumazibar gumazir dapanim ko Sadyusiba, me izava aning bato.* ² Egha me fo, Pita ko Jon Jesus aremegha ua dikavizir bizar kamin gun gumazamizibav gei. Kamaghin amizi, gumazir dapanibar naviba aning bagha bar ikufi. ³ Egha me Pita ko Jonin agharimning suiraghya aning kot darighasava amima, aminim piri. Kamaghin amizi, me aning sel gatizi aning ikia ghua amimzaraghan. ⁴ Ezi gumazamizir aviriba akar kam baregha

nighnizir gavgavimin an iti. Egha Kraisin adarazir dibobonim bar ekevegha ghua 5,000in boroghin tu.

Me Pita ko Jon kot gati

⁵ Egha amimzaraghan Judan gumazir ekiaba ko Judabar gumazir aruaba ko Judan Arazibagh fozir gumaziba, me Jerusalemin uari akuvagha iti.† ⁶ Anas, ofa gamir gumazibar dapanim, a uaghan iti, ezi Kaifas ko Jon ko Aleksanda ko ofa gamir gumazibar dapanimin adarazir gumazir igharaziba, me uaghan iti. ⁷ Egha me mikemezi, gumaziba Pita ko Jon inigha men damazibar izevi, me maghiram aningin azangsisi, "Gua gavgavir manam inigha, tinan ziamin gua bizir kabagh ami?"

⁸ Ezi Godin Duam Pita gizivazima, a kamaghin me migei, "Ia Judan gumazir ekiaba ko Judabar gumazir aruaba! ⁹ Ia ti gumazir suer kurar ga akurazir kam bagha ganazsigh, egha ti uaghan foghaha, gumazir kam a manmaghin dera. ¹⁰ Eghit ia ko Israelin itir darasi, ia bar moghira bizar kam gifogh! Kar Nasaretin gumazim Krais Iesusin ziamin, gumazir ian damazibar tughav itir kam ua dera. Gumazir kam a Jesus, ia a inigha ter ighuvim gafuzi, an aremezi God a gamizi a ua dikafi.‡ ¹¹ Ezi Iesus:

"Kar dipenir akinir ingangarir gumaziba aghuazim,
a datirighin dipenim aterir guarim gava."

¹² "Nguazir kamin gumazitam en akuraghan kogham, bar puvati. Iesusin ziamra e akurvazir aghuim iniam. A uabira, en Akurvazir Gumazim."

¹³ Egha me Pita ko Jonin garima aning bar gavgavighav atiatir puvatigha me migeima, me aningin ganighava fo, aning sure gamizir puvati. Aning pura gumazir kinimning. Egha me aningin gara digavir kuram gamigha ghaze, gumazir kamning

3:22: Lo 18:15-19, Ap 7:37 **3:22:** Godin Araziba 18:15-19; Aposel 7:37 **3:23:** Wkp 23:29 **3:23:** Ofa Gami 23:29

* **3:23:** Akar kam, akam inigha izir gumazir God amadazim, a Godin Araziba 18:15, 16, 17, 18, 19in iti. Pita kamaghin migia ghaze, Iesus, a ubi akam inigha izir gumazim. **3:23:** Stt 12:3, 18:18, 22:18, Ro 9:4, 9:8, Ga 3:8, 3:26 **3:25:** **3:26:** Mt 10:5; Lu 24:47, Ap 13:32-33, 13:46 **3:26:** Matyu 10:5; Luk 24:47; Aposel 13:32-33; 13:46 **4:1:** Lu 22:4, 22:52 **4:1:** Luk 22:4; 22:52 * **4:1:** Godin Dipenimin garir gumazibar ekiam, a ofa gamir gumazir mam. A Livain gumaziba, a me gativaghya men garima, me Godin Dipenimin miriamin ingara bizibar gara polismaning ingangarin gami. **4:2:** Mt 22:23, Ap 23:8 **4:2:** Matyu 22:23; Aposel 23:8 **4:2:** Matyu 22:23; Aposel 23:8

23:8 4:4: Ap 2:41 **4:4:** Aposel 2:41 † **4:5:** Gumazir okoruar pumuning ko mukezim, me uari akufa. Egha me Judabar Kaunselbar min iti. Egha men ingangarim kamakin, me Judabar dabirabim gativaghya egha men gari. **4:7:** Mt 21:23, Ap 7:27 **4:7:** Matyu 21:23; Aposel 7:27 **4:8:** Mt 10:19-20 **4:8:** Matyu 10:19-20 **4:10:** Ap 2:24, 3:6, 3:13-16 **4:10:** Aposel 2:24; 3:6, 3:13-16 † **4:10:** Gumazir okoruar kam, Judabar Kaunselba, merara Pailat (Romün gavman faragha zuir gumazim) migia ghaze, a Jesus müsuegħi an ovengegħi. Ni Luk 22:66-23:5in gan. Egha Jesus ovengegħa givazi, me gumazamiziba nighnizir gavgavimin an ikian me aghua. **4:11:** Sng 118:22, Ais 28:16, Mt 21:42 **4:11:** Onger Akaba 118:22; Aisaia 28:16; Matyu 21:42 **4:12:** Mt 1:21, Ap 10:43 **4:12:** Matyu 1:21; Aposel 10:43

Iesus koma arui. ¹⁴ Egha me gumazir faragha suer ikuvizimin gari, a Jon ko Pita, ko tughav itima, me bizitam mikiman asa.

¹⁵ Kamaghin amizi, me akar gavgavimra aning ganingizima, aning Judan kotin dipenim ategha zuima, me aning bagha akam misosi. ¹⁶ Egha me uarir azangsi, “E manmaghin gumazir kamning damuam? Jerusalemin itir gumazamiziba, fo, aning mirakelin bar ekiam gami. Egh e kamaghin mikiman kogham, bizar kam guizbangira otozir puvati. ¹⁷ E kamaghin aghua, gumazamizir igharaziba bizar kam baraghan kogham. Egh e akar bar gavgavimra aning danighti, aning ua Iesusin ziamin gun bar tav mikiman kogham.”

¹⁸ Egha me ua aningen diazima aning aven ghuzi, me akar gavgavim aning migia ghaze, gua uamategh Iesusin ziamin gun mikimiva gumazitar bar sure damuan bar marki.

¹⁹⁻²⁰ Ezi Pita ko Jon men akam ikaragha migei, “Ga uauning ganighava oraghizir bizar bar ghuangsighan kogham, ga dar gun mikimvira ikiam. Ia uari nighnigh, arazir manam Godin damazimin dera, ga Godin akam baraghan, o ga ian akam baraghan?”

²¹⁻²² Gumazir Pita ko Jon Godin gavgavim amizir derazim, a 40plan azenibagh afira. Gumazamiziba uari bizar kabar gari da otivizi, kamaghin me Godin ziam fe. Kamaghin amizi, gumazir dapaniba iveaukuram aning daningasa pura nighnisi, me manmaghin aning damuam. Egha me atiatir migirigiaba ko migirigiar gavgavir maba uam aning gamigha aning amadazi aning zui.

Nighnizir gavgavim Iesusin itir darazi God ko migei

²³ Ezi Judan kotin aven itir gumaziba Pita ko Jon ataghizima aning azenim girigha uamategha uan adarazi bagha ghu. Egha aning ofa gamir gumazir ekiaba ko Judabar gumazir aruaba aning mikemezir akabar gun uan adarazi bar me mikeme. ²⁴ Ezi me kamaghin oregha uari akuvagha God ko migei. Me kamaghin migei, “En Ekiar en garim, ni overiam ko nguazimin ingarigha, ongarim sara ingari, egha dar itir biziiba sara, bar dar ingari. ²⁵ Fomira nin Duam

akar mam en ovavim Devit, a nin inganganir gumazim, ni akar kam a ganingi. Ezi Devit kamaghin mikeme:

“*Ezi Kantrin Igharazibar Gumazamiziba tizim bagha atari?*

Egha me tizim bagha arazir kurabar amuasava akabav sosi?

²⁶ Ezi nguazir kamin itir atriviba me misoghasava ami.

Ezi gumazir ekiaba uari inigha Ekiam misoghasa.

Egha uaghan God Uam E Iniasi Misevezir Gumazim misoghasa.”

²⁷ “Bar guizbangira, Herot ko Pontius Pilat, Israelin gumaziba, ko Kantrin Igharazibar Gumazamiziba sara, me Jerusalemin nguibamin uari akuvagha arazir kurabar Godin ingangarin gumazir zuezim, Jesus damuasava akabav sosi. A gumazir ni fomira uan ingangarin bagha inabazim. ²⁸ Ni fomiram otivasa mikemezir biziiba, me nin gavgavim ko nin nighnizim gin ghua dagh ami. ²⁹ Ezi Ekiam, ni atiatir akar me e ganingizibagh nighnigh. Egh ni en akuraghtima e tugh gavgavighatiatingan kogh nin akam akunam. ³⁰ Egh ni uan dafarim arimiar gumazamizibar arichti me ghuamagham. Egh ni mirakelba ko digavir kuram gamir arazibar amuti da Iesusin ziamin otivam, a nin ingangarin gumazir bar zuezim.”

³¹ Egha me Afeziam ko mikemegha givazima, danganir me itim ivazvazima, Godin Duam bar moghira me gizivazi, me atiatir puvatigha Godin akam akuri.

Nighnizir gavgavim Iesusin itir darazi uan biziiba uarir akurvasi

³² Egha nighnizir gavgavim Iesusin itir darasi, me bar navir vamira ko nighnizir vamira iti. Men tav uabira uan bizitam gamir puvati, me uari inighava biziiba bar moghira dagh ami. ³³ Egha aposelba Godin gavgavir ekiamin amodoghin, Ekiam Iesus aremegha ua dikavizir bizar kamin gun gumazamizibav gei. Ezi Godin apangkuvir ekiamra me ko iti. ³⁴⁻³⁵ Ezi kamaghin, men tav bizitamin otevezir puvati. Ezi gumazamizir nguaziba ko dipeniba itiba, me da amaga dar dagiaba inigha iza aposelbagh anidima, me da isava gumazamizir biziiba puvatizibar akurvasi.

4:16: Jo 11:47; Ap 3:9-10 **4:16:** Jon 11:47; Aposel 3:9-10

Aposel 5:29

4:19-20: Aposel 1:8; 22:15; 1 Jon 1:1-3

Nehemia 9:6;

Onger Akaba 146:6

Ap 3:13

4:25: Onger Akaba 2:1-2

Aposel 2:23; 3:18

4:27: Matyu 27:1-2; Mak 15:1; Luk 23:1; 23:7-11; Jon 18:28-29;

4:29; 16:26

4:31: Aposel 2:4; 4:29; 16:26

Aposel 13:11; 1 Pita 3:8

4:32: Ap 2:44-45; 2 Ko 13:11; 1 Pi 3:8

11:22-26; 13:2-3

4:33: Ap 1:8; 1:22; 2:45-47

11:22-26; 13:2-3

4:33: Aposel 1:8; 1:22; 2:45-47

11:22-26; 13:2-3

4:36: Aposel 11:22-26; 13:2-3

4:18: Ap 5:28; 5:40 **4:18:** Aposel 5:28; 5:40 **4:19-20:**

Kis 20:11; Neh 9:6; Sng 146:6

4:24: Ua Me In 20:11;

4:27: Mt 27:1-2; Mk 15:1; Lu 23:1; 23:7-11; Jo 18:28-29;

4:28: Ap 2:23; 3:18

4:29: Aposel 9:27; 13:46; 19:8; Efesus 6:19

4:31: Ap 2:4,

4:32: Aposel 2:44-45; 2 Korin

13:11; 1 Pita 3:8

4:34-35: Aposel 2:45

4:36: Ap

³⁶ Gumazir mam Josep, a Livain gumarim kamaghin ghu, gumazamizibar akurvaghha gavgavim me ganidir gumazim. Barnabas, a Saiprusin Arighatizimin gumazim. ³⁷ A uan nguazir mam amadagha, an dagiaba inigha aposelbagh aningi.

5

Ananaias ko Safaira God gifari

¹ Gumazir mam Ananaias, an amuim Safaira, aning uaghara fuegha uan nguazir mam amadagha an iveauzim ini. ² Egha aning uaghara bar fogha, Ananaias dagiar maba ua bagha dar suira. Egha naba inigha aposelbagh ifaraghha me ganingi.

³ Ezi Pita kamaghin Ananaias migei, “Ni manmaghsua, Satan ataghizima a nin navim gizivazi, ni Godin Duam gifari? Egha nguazir iveauzim dagiar maba ni ua bagha dar suira? ⁴ Kar nin nguazim, ni ubi ifuegha anemada. An iveauzim dagiaba uaghan nin dagiabar. Ni manmaghin nighnigha uan dagiar kabar e gifari? Ni gumazamizibagħ ifari puvati, ni God gifari.”

⁵ Ezi Ananaias kamaghin oregha degiaghirigha maghiram areme. Ezi gumazamizibar bizar kam baregha atiatir ekiam me ini. ⁶ Ezi gumazir igiaba izava an kuam nomkegħha a inigha azenan għuava a mozim gati.

⁷ Ezi auan pumuning ko mikezim givazi, an amuim fożi puvatigha aven iżi. ⁸ Ezi Pita an azara, “Ni na mikkim, kar nguazir iveauzim, ni Ananaias ko gua a ini?”

Ezi a kamaghin migia ghaze, “Are, bar an iveauzim.”

⁹ Ezi Pita kamaghin a migei, “Gua manmaghsua virara fuegha Godin Duam gifari? Ni gan! Gumazir nin pam mozim għażiż, me tiar akamin iti. Egh me uaghan nin kuam inigh azenan mangam.”

¹⁰ Pita migiavira itima, Safaira maghiram an suemningin iriġħava areme. Ezi gumazir igiaba aven iza garima an aremezi me a inigha azenan ghugħha an pamin mozim miriamin anefha. ¹¹ Ezi atiatir ekiam Krais in adarazi bar me batozi, gumazir bizar kaba baraghiziba bar uaghan bar atiatingi.

Mirakelin aviraviriba otifi

- | | | | | |
|---|---------------------------------------|---|--|--------------|
| 5:2: Ap 4:34-37 | 5:2: Aposel 4:34-37 | 5:3: Lo 23:21, Lu 22:3, Jo 13:2 | 5:3: Godin Araziba 23:21 | 5:12: |
| Ap 2:43, 4:32, 14:3, Ro 15:19, 2 Ko 12:12 | | 5:12: Aposel 2:43; 14:3; Rom 15:19; 2 Korin 12:12 | 5:14: Ap 2:41, 21:20 | * |
| 5:14: Aposel 2:41; 21:20 | 5:15: Mt 9:21, 14:36, Ap 19:12 | 5:15: Matu 9:21; 14:36; Aposel 19:12 | 5:15: | 5:15: |
| Gumazamizir kaba nighnizir gavgavim kamaghin iti, aruem Pita gisiragli an nedazim arimariar gumazamizibagħ isin ikti, me ua deragħam. | 5:16: Mk 6:56, Ap 19:11-12 | 5:16: Mak 6:56; Aposel 19:11-12 | 5:17: Ap 4:1-2, 4:6 | |
| 5:17: Aposel 4:1-2; 4:6 | 5:19: Ap 12:7-10, 16:26 | 5:19: Aposel 12:7-10; 16:26 | † 5:24: Grighi akam, vezin kamin deragħha bigha mikemezir puvati. Gumazir maba akar kam giraghha ghaze, “Me nighnigha egha ghaze, bizar tizim datirigħiñ otogħam?” | |

²⁴ Ezi me ghua bizir kamin gun mikemezi, Godin Dipenimin garir gumazibar dapanim ko ofa gamir gumazir ekiaba pura nighnisi, bizir tizitam uam otogham?[†]

²⁵ Ezi gumazir mam iza ghaze, "Ia oragh! Gumazir ia kalabus gatiziba Godin Dipenir miriamin tughav ikia gumazamizibar sure gami." ²⁶ Kamaghin amizi, Godin Dipenimin garir gumazibar gumazir dapanim, uan gumazir a ko ingariba ko ghua aposelba inigha izi. Me kamaghin atiati, gumazamiziba dagiabar me ginivigham, egha me pura nimira me inigha izi.

Aposelba Judan kotin aven itir gumaziba akam me mikiman atiatir puvati

²⁷ Ezi Godin Dipenimin garir gumaziba, me aposelba inigha izegha me migeima, me Judan kotin aven itir gumazibar damazimin tuifi. Ezi ofa gamir gumazibar dapanim me kotin Itir bizim bagha men azangsisi.

²⁸ Ezi ofa gamir gumazibar dapanim kamaghin me migei, "E akar gavgavim ia ganiga ghaze, ia Iesusin ziamin gumazamizibar sure damuan marki! Ezi ia orazir puvatigha men sure gamima ian suren migirigiaiba Jerusalem bar a garui. Egha ia ghaze, e Iesus misoghezi an areme."

²⁹ Ezi Pita aposelin igharaziba ko, me kamaghin me migei, "E God baraghram, e gumazamiziba baraghan kogham. ³⁰ Iarara Iesusin misuegha ter ighuvimin anegurazima an areme. Ezi en ovavibar God Iesus fezi a ua dikafi. ³¹ Ezi God a isa uan agharir guvimin anetizi, an Atrivimin Otarim ko Gumazamizibar Akurvaghamin Gumazimin ikiam. Egha Israelia damutim me navibagh iraghti, God men arazir kuraba gin amangam. ³² E God amizir bizir kaba uan damazibar dar ganigha dar gun migei. Ezi Godin Duam uaghan bizir kabar gun migei. God baraghha an gin zui adarasi, a uan Duam me ganingi."

Gamalielin fofozim

³³ Judan kotin aven itir gumaziba kamaghin aposelbar akam baregha, men naviba me bagha bar ikufi. Egha me misuegħi me aremegħħasa nighnisi. ³⁴ Ezi Farisin gumazir mam Gamaliel, Judan Arazibar sure gamizir gumazir me bar

ifongezim. A Judan kotin aven tugħa ghaze, aposelba tong azenan ikegħi.[‡] ³⁵ Egha a migirigiar kabagh ami, "Israelin gumaziba, ia arazitam gumazir kabar amusi deravira nighnigh. ³⁶ Boghimra Teudas otogħa kamaghin uabi migia ghaze, ki gumazir dapanir mam, ezi 400in boroghira għuzi gumaziba an gin ghue. Ezi gavman a misoghezi, an areme. Ezi an gin zuir darazi bar uari aghamsiki. Ezi me amizir bizir kam dagħeba puvati. ³⁷ Ezi an gin, gavman gumazamiziba diborir dughiam, Galilin gumazir mam Judas oto. Egha, a gumazir bizir mamin faragħa għuava me gavman ko misosi. A uaghan aremezi an gin zuir darasi, me uari aghamsiki. ³⁸ Kamaghin amizi, ki datir ġiñi kamaghin ia mikimasa. Ia bixitamin gumazir kabar amuan mark! Me ategħti me mar mangi! Ia pura gan, men ingangarim gumazitam għis ħażi, degeghir ħażi. ³⁹ Egh me Godin tughħiż bizim damuti, ia men anogorogħan kogħam. Ia fogħ suam, ja God ko misosi."

⁴⁰ Ezi me Gamalielin nighnizim ġin ghugħa aposelbar diazi, me aven ghuezi me pura me fozoro. Egha Iesusin ziamin bizibav kiman men anogoregħha me ataghizi me ghue.

⁴¹ Egha me ghaze, God e bagħha bar akongegħha en amamangatizi, e Iesusin ziamin osimtibba ini. Egha kamaghin me Judan kotin aven itir gumaziba ataghiraġħa bar akonge. ⁴² Egha dughiaba zurara me Godin Dipenimin miriaba ko dipenibar Akar Aghuim gumazamiziba sure gamuavira iti. Egha akam me mukira ghaze, Iesus a Krais, God Uam E Iniasa Misevezir Gumazim.

6

Me 7pla gumazir maba aposelbar akurvaghha me amisefe

¹ Dugħiars kabar Iesusin suren gumazamizibar dibobonim bar għuavanadi. Ezi suren gumazamizir maba Grighin akam migei, ezi marazi Aramin akam migei. Ezi Grighba ghaze, "Dugħiars aviriba ja zurara gumazamizir dagħeba puvatizbar akurvasti, egha ia en amuir odiaribar akurvazir puvati." Bizir kam bagħha me uarir atari.*

- 5:26:** Mt 14:5; 21:26 **5:26:** Matyu 14:5; 21:26 **5:28:** Mt 27:25, Ap 2:23; 2:36, 4:18, 7:52 **5:28:** Matyu 27:25;
Aposel 2:23; 2:36; 4:18; 7:52 **5:29:** Ap 4:19 **5:29:** Aposel 4:19 **5:30:** Ap 3:15; 10:39, 13:29, Ga 3:13, 1 Pi 2:24
5:30: Aposel 3:15; 10:39; 13:29; Galesia 3:13; 1 Pita 2:24 **5:31:** Ap 2:33-34, 3:15, Ef 1:20; Fl 2:9, Hi 2:10, 12:2 **5:31:** Ap 2:33-34; 3:15; Ef 1:20; Fl 2:9, Hi 2:10, 12:2
Aposel 2:33-34; 3:15; Efesus 1:20; Filipai 2:9; Hibru 2:10; 12:2 **5:32:** Jo 15:26-27, Ap 1:8, 2:4, 10:44 **5:32:** Jon 15:26-27;
Aposel 1:8; 2:4; 10:44 **5:33:** Ap 2:37, 7:54 **5:33:** Aposel 7:54 **5:34:** Dugħiars Pol tighar Krais in adarazir mavin otivam, gumazir kam Gamaliel an sure gami. Ni akar Aposel 22:3in ittimin gan. **5:36:** Ap 21:38 **5:36:** Aposel 21:38
5:37: Lu 2:1-2 **5:38:** Ais 8:10; Mt 15:13 **5:39:** Lu 21:15, Ap 7:51, 9:5; 1 Ko 1:25 **5:39:** Luk 21:15; Aposel 7:51;
9:5; 1 Korin 1:25 **5:40:** Ap 4:18 **5:40:** Aposel 4:18 **5:41:** Mt 5:10-12, 1 Pi 4:13 **5:41:** Matyu 5:10-12; 1 Pita 4:13 **5:42:** Ap 9:22, 17:3 **5:42:** Aposel 9:22; 17:3 **6:1:** Ap 2:41; 4:35; 5:14, 9:29 **6:1:** Aposel 2:41; 4:35; 5:14;
9:29 * **6:1:** Aramin akam, a Judia ko Galilin Distriġħin gumazibar akam. A Hibrun akam min għu.

² Ezi aposelin 12pla, suren gumazamiziba bar men diazi me iza uari akuvazima, me kamaghin me migei, “E Godin akam akurir ingangarim ateghiva dagher ingangarim damuam, kamaghin derazir puvati.³ Kamaghin amizi, en adarasi, ia uarir tongin 7plan gumaziba misefegh. Men araziba gumazamizibar damazibar bar deragh, Godin Duam me gizivaghti, me uaghan fofozir aghuarim iki. Eghti e me isi ingangarir kam datighti, me an ganam.⁴ Eghti e uari ingangarir kamning damuam, e God ko mikimiva, Godin Akar Aghuim gumazamizibar sure damuam.”

⁵ Ezi gumazamiziba akar kam baregha bar a gifonge. Egha me Stiven amisefe, a gumazir bar nighnizir gavgavim itim, ezi Godin Duam bar a gizifa. Egha me uaghan Filip, ko Prokorus, ko Nikanor, ko Timon, Parmenas, ko Nikolas me amisefe. Nikolas an Antioghin gumazim, a Judan gumazim puvati, a faragh Judan Arazibagh amuava dar gin zui. Egha datirighin Kraisin gin zui.⁶ Ezi me gumazir kaba inigha aposelbar damazimin ghuzi, me dafariba men dapanibagh isin arigha me bagha God ko migei.

⁷ Ezi Godin akam bar moghira ekevegha bar nguibabar ghue. Ezi Jerusalemin itir suren gumazamizibar dibobonim zuamiram ekefe. Ezi ofa gamir gumazir avirim Godin akam baregha nighnizir gavgavim an ikia uaghan an gin zui.

Judan gumaziba Stivenin suira

⁸ Ezi God guizbangira Stivenin akuragha, apangkuvim ko gavgavim a ganingizima, a digavir kuram gamir araziba ko mirakelin araziba gumazamizibar tongin dagh amima da otifi.⁹ Ezi marazi dikavigha Stiven ko me migirigiar uari adosi. Me Judan God ko migeir dipenir mamin gumaziba, dipenir kamin ziam, Friman. Me Sairinin nguibamin gumaziba, ko Aleksandrian nguibamin gumaziba, ko Silisian Provins ko Esian Provinsin gumaziba. Me Stiven ko uari adosi.¹⁰ Ezi Godin Duam fofozir aghuim isa Stiven ganingi. Kamaghin amizi, Judan gumaziba an akaba ko mikiman ibura.

¹¹ Ezi me moga, gumazir mabagh ifara me abira ghaze, ia kamaghin mikim, “E

orazima Stiven migirigiar kurabar Moses ko God gami.”

¹² Ezi me arazir kamin gumazamiziba, ko men gumazir aruaba ko Judan Arazibagh fozir gumazibar navibagh inivima da dikafi. Ezi me Stiven bagha ghugha an suiragh a inigha Judan kotin aven itir gumazibar damazimin ghue.

¹³ Egha me migirigiar ifavarir tabar a damuasa gumazir maba ini. Gumazir kaba kamaghin migei, “Gumazir kam zuvara akar kurabar Godin Dipenim ko Judan Arazibagh asi.¹⁴ E orazima a kamaghin migei, ‘Gumazir kam Nasaretin gumazim, Iesus, a Godin Dipenir kam apirigh a gasighasigh, egh arazir Moses fomira e ganingiziba otivkiningham.’”

¹⁵ Ezi Judan kotin aven itir gumaziba bar moghira apiaghav ikia dikiravira Stivenin garima, an guam enselin guamin min gara taghtasi.

7

Stiven Judan kotin damazimin akam akuri

¹ Ezi ofa gamir gumazibar dapanim Stivenin azara, “Me ni gasir akar kaba, da guizbangira, o puvati?”

² Ezi Stiven me ikaragha ghaze, “Nan aveghbuuba ko nan afeziaba, ia na baragh! En ovavim Abraham, a tighar Haranin mangam, a Mesopotemian kantrin ikiavira itima angazangarim itir God, a bato.³ Egha a migia ghaze, ‘Ni uan nguazim ko uan adarazi ategh nguazir ki nin akaghamimin mangi.’

⁴ “Ezi Abraham Kaldian nguazim ategha Haranin nguazimin ikiasia zui. Ezi an afeziamin ovevemin gin God nguazir ia datirighin itir kamin anemada.⁵ God tong nguazir otevitam atugha a uan adarazi ko, me ganingizir puvati. God a ko akam akira ghaze, a ko an ovavir gin izamiba nguazir kamin ikiam. Ezi dughiar kamin Abraham ubi boriba puvati.⁶ Egha God kamaghin Abrahamin migei, ‘Nin ovavir boriba mangi kantrin ighazarimin ikiam. Egh pura men ingangarir gumazamizibar min ikiam. Eghti kantrin kamin gumazamiziba 400plan azenibar pazi me damuam.⁷ Eghti ki osimtzir ekiam isi paza me damuamin

6:3: Lo 1:13; Ap 1:21, 16:2; 1 Ti 3:7 **6:3:** Godin Araziba 1:13; Aposel 16:2; 1 Timoti 3:7 **6:5:** Ap 8:5 **6:5:** Aposel 8:5 **6:6:** Ap 13:3, 14:23 **6:6:** Aposel 13:3; 14:23 **6:7:** Jo 12:42; Ap 2:41, 12:24, 16:5; Kl 1:6 **6:7:** Jon 12:42; Aposel 2:41; 12:24; 16:5; Kolosi 1:6 **6:8:** Ap 2:43 **6:8:** Aposel 2:43 **6:9:** 2 Ti 1:15 **6:9:** 2 Timoti 1:15 **6:9:** Frimanin gumazir kaba, me fomira pura ingangarim gamir gumazir kiniba. Egha datirighin me gumazitamin apengen ikia ingarir puvati. **6:10:** Ais 54:17; Lu 21:15; Ap 5:39 **6:10:** Aisaia 54:17; Luk 21:15; Aposel 5:39 **6:11:** Mt 26:59-61 **6:11:** Matyu 26:59-61 **6:13:** Jer 26:11 **6:13:** Jeremaia 26:11 **7:2:** Stt 11:31 **7:2:** Jenesis 11:31 **7:2:** Jenesis 12:1 **7:4:** Stt 11:31, 12:4 **7:4:** Jenesis 11:31; 12:4 **7:5:** Stt 12:7, 13:15, 15:3, 15:18, 17:8, 26:3, 48:4; Godin Araziba 2:5 **7:6:** Stt 15:16; Kis 12:40; Ga 3:17 **7:6:** Jenesis 15:16; Ua Me Ini 12:40; Galesia 3:17 **7:6:** Jenesis 15:13-14 **7:7:** Kis 3:12 **7:7:** Ua Me Ini 3:12

gumazir kabar aningam. Eghit gin me kantrin kam ategh azenan izegh, danganir kamin nan ziam fam.’⁸ God mikarzir mogomebar iniba aghoramin Akar Dikirizir Gavgavim Abraham koma a gami. Ezi Abraham, Aisakin afeziamin oto, egha amebam a batezi, 8plan dughiabar gin Abraham Aisakin mikarzir mogomemin imim atu. Egha gin Aisak Jekopin afeziamin oto. Ezi Jekop en inazir afeziar 12plan afeziat.

⁹⁻¹⁰ “Ezi en inazir afeziaba navir ave-riabar Josepin ikuvigha Isipin nguibamin ingarir gumazir kinimin ikiasi anemada. Ezi God a ko ikia an osimtiziba agivagha an akura. God fofozir bar aghuiba Josep ganingizi, an arazir aghuarim akakasi, ezi Isipian atrivim bar a gifongegeha, a gamizi a Isipin gumazir dapanimin oto. Egha an dipenimin biziwa sara gari.

¹¹ “Ezi gin dagheba otevezir dughiam Isipin nguibaba ko Kenanin nguaziba bar me batifi. Ezi gumazamiziba osimtizir ekiam isi. En inazir afeziaba uaghan dagheba puvati. ¹² Ezi Jekop orazima dagheba Isipin itima, a uan otariba, en inazir afeziaba, a me amangizi me darorir farazim gamua zui. ¹³ Ezi me darorir namba 2in ua zuima, Josep uan aveghbuabagh eghar ghaze, ‘Ki Josep.’ Ezi gin atrivim uaghan Josepin adarazigh fo. ¹⁴ Egha bizir kamin gin, Josep uan afeziat Jekop ko an 75plan gumazamiziba bar moghira a bagh izasa, a me bagha akam amada. ¹⁵ Ezi Jekop Isipin nguibamin iraghuga, a en inazir afeziaba ko me kagh ariaghire. ¹⁶ Ezi me men kuuba inigha uamategha Sekemin nguibamin ua izegha me dagiar torir mozim gariki, kar Abraham fomira Sekemin nguibamin Hamorin otariba da iveauzir mozim.

¹⁷ “Ezi God Abraham ko dikirizir Akar Gavgavim guizbangira otivasa roghira izima, en gumazamizir Isipin itiba bar aviraseme. ¹⁸ Ezi gin atrivir igiār mam Isipin kantrin atrivimin oto. Atrivir kam Josep gifozir puvati. ¹⁹ Egha an en gumazamizibagh ifara arazir kurabar en inazir afeziabagh ami. Eghit me uan borir iririviba puram azenan me akunti, me ariaghirusa a me gakaghori.

- 7:8:** Stt 17:10-14, 21:2-4, 25:26, 29:31-35:18 **7:8:** Jenesis 17:10-14; 21:2-4; 25:26; 29:31-35:18 **7:9-10:** Jenesis 37:11; 37:28; 39:2; 39:21; 41:37-41 **7:11:** Stt 41:54, 42:1-2 **7:11:** Jenesis 41:54; 42:1-2 **7:12:** Stt 42:1-5 **7:12:** Jenesis 45:9-10; 45:17-18; 46:27 **7:14:** Jenesis 45:17-18; 46:27 **7:15:** Stt 46:1-7; 49:33 **7:15:** Jenesis 46:1-7; 49:33 **7:16:** Stt 23:3-16, 33:19, 50:7-13, Jos 24:52 **7:16:** Jenesis 23:3-16; 33:19; 50:7-13; Josua 24:32 **7:17:** Stt 15:5, Sng 105:24-25, Ap 7:5-7 **7:17:** Jenesis 15:5; Onger Akaba 105:24-25; Aposel 7:5-7 **7:17:** Ua Me Ini 1:7-8 **7:19:** Kis 1:10-22 **7:19:** Ua Me Ini 1:10-22
7:20: Kis 2:2, Hi 11:23 **7:20:** Ua Me Ini 2:2; Hibrui 11:23 **7:21:** Kis 2:3-10 **7:21:** Ua Me Ini 2:3-10 **7:23:** Ua Me Ini 2:11-15 **7:29:** Kis 2:21-22, 18:3-4 **7:29:** Ua Me Ini 2:21-22; 18:3-4 **7:30:** Ua Me Ini 3:1-10 **7:33:** Jos 5:15 **7:33:** Josua 5:15 **7:35:** Kis 2:14, 14:11-12, Nam 20:16 **7:35:** Ua Me Ini 2:14

men osimtiziba givasa izaghiri. Ni izi, ki ua Isipin ni amangam.'

³⁵ "Mosesin kamra Israelia an aghuaghha ghaze, 'Tina ni amisevezi ni en gumazir dapanim ko jasin ikiava en gari?' Ezi kar anarira, gumazir God uabi men gumazir dapanimin iki, ua me iniasava amadazim. E fo, God Moses bagha ensel mam amadazi ensel temer isimin aven otozi Moses an gara God amadazir akam ini. ³⁶ Ezi a me inigha Isip ateghasava egha mirakelin aviribagh ami. A Isipin ko Ongarir Aghevimin, dagh ami. Egha gumaziba puvatizir danganimin a 40plan azenibar dagh ami.

³⁷ "Mosesin kamra, a Israelia migia ghaze, 'God ian tongin akam inigha izir gumazitam nan min anemisevegham.' ³⁸ Ezi Israelia gumazamiziba puvatizir danganimin uari akuvaghha itima a me ko iti, a Sainaian mighsiamin ghuavanabozı ensel a mikeme. Ezi an akar angamira itir ikirimirim e daningasa, a ini.

³⁹ "Ezi en inazir afeziaba Mosesin akaba baraghan aghua. Egha me an migirigiba batosi. Egha men navir averiabar aven me uamategh Isipin mangasa. ⁴⁰ Egha me kamaghin Aron migei, 'E foziр puvati, gumazir e inigha Isipin azenan izezim Moses, bizar tizim a bato. Kamaghin amizi, ni e bagh marvir guabar ingarighti da en faragh mangam.' ⁴¹ Dughiar kamin me bulmakaun nguzimin mirarama marvir guamin ingari. Egha uan dafaribar ingarizir bizim bagha ofabagh gamua, ighiabagh amua bar akonge. ⁴² Ezi God akirim ragha me gasaragha, me ataghizi me overiamin mikovezibar ziaba fe. Akam inigha izir gumazibar akinafarimin akam an mirara ghu:

"*Ia Israeliin gumaziba,*

- 7:36:** Kis 7:3, 12:41, 14:21, 16:1, 16:35, Nam 14:33, Sng 105:27 **7:36:** Ua Me Ini 7:3; 12:41; 14:21; 16:1; 16:35; Diboboniba 14:33; Onger Akaba 105:27 **7:37:** Lo 8:15, 8:18, Mt 17:5, Ap 3:22 **7:37:** Godin Araziba 18:15; 18:18; Matyu 17:5; Aposel 3:22 **7:38:** Kis 19:1-20:17, Lo 5:1-33, Ais 63:9, Ap 7:53, Ro 3:2, Ga 3:19, Hi 2:2 **7:38:** Ua Me Ini 19:1-20:17; Godin Araziba 5:1-33; Aisaia 63:9; Aposel 7:53; Rom 3:2; Galesia 3:19; Hibru 2:2 **7:39:** Nam 14:3 **7:39:** Diboboniba 14:3 **7:40:** Kis 32:1, 32:23 **7:40:** Ua Me Ini 32:1; 32:23 **7:41:** Kis 32:2-6, Lo 9:16, Sng 106:19 **7:41:** Ua Me Ini 32:2-6; Godin Araziba 9:16; Onger Akaba 106:19 **7:42:** Sng 81:12, Jer 19:13, Ese 20:25, 20:39, 2 Te 2:11 **7:42:** Onger Akaba 81:12; Jeremaja 19:13; Esekiel 20:24; 20:39; 2 Tesalonika 2:11 *** 7:43:** Molek, a gumazir igharazibar asem, Judaba puvati. Ezi Refan a mikovezir mamin ziam, me Godin min an ziam fe. Migirigiar Stiven amir kamnagh, a Godin akam inigha izir gumazim, Amosin akinafarimin iti. (Amos 5:25-27) Amos kamaghin mikeme, Israelia faragha guizin Godin ziam fer puvati. Me Godin akaba batogha egha gumazir igharazibar godbar ziaba fe. Ezi azenir aviribar gin God Israeliian gari me akirim a gasara. Ezi God amamangatizi Babilonba izava Israelia misogha mi inigha ghua Babilonin me kalabus gati. (Ni 2 Atriviba 24:10-16in gan.) **7:44:** Kis 25:9, 25:40, 26:30, Hi 8:5 **7:44:** Ua Me Ini 25:9; 25:40; 26:30; Hibru 8:5 **7:45:** Jos 3:14-17, 18:1, 23:9, Neh 9:24, Sng 44:2, Ap 13:19 **7:45:** Josua 3:14-17; 18:1; 23:9; Nehemia 9:24; Onger Akaba 44:2; Aposel 13:19 **7:46:** 1 Sml 16:1, 2 Sml 7:1-16, 1 Kin 8:19, 1 Sto 17:1-14, Sng 89:19, 132:1-5 **7:46:** 1 Samuel 16:1; 2 Samuel 7:1-16; 1 Atriviba 8:19; 1 Eghaghaniba 17:1-14; Onger Akaba 89:19; 132:1-5 **7:47:** 1 Kin 6:1-38, 8:20, 1 Sto 17:12, 2 Sto 3:1-17 **7:47:** 1 Atriviba 6:1-38; 8:20; 1 Eghaghaniba 17:12; 2 Eghaghaniba 3:1-17 **7:48:** 1 Kin 8:27, 2 Sto 2:6, 6:18 **7:48:** 1 Atriviba 8:27; 2 Eghaghaniba 2:6; 6:18 **7:49:** Mt 5:34-35, 23:22 **7:49:** Matyu 5:34-35; 23:22 **7:49:** Aisaia 66:1-2

mar ia 40plan azenibar gumazamiziba puvatizir danganimin iki
nan ofa gami?

Bar puvati.

⁴³ Ia asem Molekin marvir guamin averpenim aneteri,
egha ia uaghan asem Refanın mikovezir nedazim ateragha arui.

Kar asemning,
ia aningen arazibar gin mangasa
aningen ingari.

Kamaghin amizi, ki ian nguazimin ia batuegh,
ia amadaghti ia mangi
Babilonin nguazimin vongin
ikiam.*

⁴⁴ "En inazir afeziaba gumazamiziba puvatizir danganimin itima, Godin Purirpenim me ko iti. Dipenir kamin aven me fo, God me ko iti. God Moses mikemegeha an akazi moghira, a Israelia mikemezi me an ingari. ⁴⁵ Ezi en inazir afeziaba Purirpenim inigha, anetera Josuan gin zui. Me ghua nguigar igharazimin nguazim, God men damazibar me batoghezi, me a ini. Purirpenir kam me ko ikiavira itima Devitin dughiam oto. ⁴⁶ Ezi Devit Godin damazimin derazi God deraviram a gami. Egha a kamaghin Godin azara, 'Ki Jekopin God bagh Dipenimin ingaram, o?' Ezi God ghaze, 'Puvati.' ⁴⁷ Ezi gin Solomon a bagha Dipenimin ingari.

⁴⁸ "Ezi Godin Bar Pin Itim dipenir gumaziba ingaribar itir puvati. Godin akam inigha izir gumazim kamaghin mikeme:

⁴⁹ "God kamaghin migei:
Overiam, a nan atrivir dabirabim,
ezi nguazim ki uan dagarimning arizir
danganim.

Eghti ia managh nan Dipenimin ingaram?

Eghti danganir manamra nan
avughisizir danganim ikiam?
Bar puvatigham.

⁵⁰ Ki ubi, uan dafarimningin
overiam ko nguazim ko biziba bar dar
ingari.'

⁵¹ Egha Stiven ua kamaghin Judan kotin
gumazibav gei, "Ia bar orazir puvatizir
darasi! Ian naviba ko nighniziba mati,
God gifoizir puvatizir gumazamiziba! Ia
uan inazir afeziabar mirarama amil! Ia
uaghan Godin Duam zurara batosi! ⁵²
Ian inazir afeziaba Godin akam inigha izir
gumaziba, osimtiziba bar me gariki. Ezi
me fomira Godin damazimin derazir gu-
mazimin izirimin gun migeima, ian inazir
afeziaba me misozi me ariaghire. Ezi
datirighin ia inigha gumazir kurabar da-
feribagh atigha, a misoghezi an areme. ⁵³ Ia
enselbar dafaribar Moses Osirizir Araziba
inigha, dar gin zuir puvati."

Me dagiabar Stiven ginivizima an areme

⁵⁴ Ezi me kamaghin oregha, men
navir averiaba a bagha bar ikuvigha uan
ataribagh ivi. ⁵⁵ Ezi Godin Duam Stiven
gizivazima, a kogha Godin Nguibamin
Godin angazangarir gavgavimin gari, ezi
Jesus Godin agharir guvimin tughav iti.
⁵⁶ Ezi a kamaghin migei, "Ia Gan! Ki
Godin Nguibamin gari, a kuiaghizima
Gumazamizibar Otarim Godin agharir
guvimin tughav iti."

⁵⁷ Ezi me kamaghin oregha pamtem diava
ara, egha dafaribar uan kuaribab konegha,
ivemara a bagha zui. ⁵⁸ Egha me a
kurugha nguibar ekiamin azenan ghugha,
maghirama dagiabar a ginifi. Egha akam
a gasir darazi uan azenan azuir korotiaba
suegha gumazir igiam, an ziam Solin da-
garimningin a da arisi.†

⁵⁹ Egha me dagiabar a ginivavira itima,
Stiven kamaghin God ko migei, "Ekiam
Jesus, nan duam inigh."

⁶⁰ Egha a uan tevimmung apirigha irigha
pamtem dei, "Ekiam, ni men arazir kurar
kam ginighnighan marki, a gin amadagh." A
kamaghin mikemegha areme.

- 7:51:** Kis 32:9; Wkp 26:41; Lo 10:16; Ais 48:4; 63:10; Jer 6:10; 9:26 **7:51:** Ua Me Ini 32:9; Ofa Gami 26:41; Godin Araziba 10:16; Aisaia 48:4; 63:10; Jeremaia 6:10; 9:26 **7:52:** 2 Sto 36:16; Mt 21:35; 23:31; 1 Te 2:15 **7:52:** 2 Eghaghaniba 36:16; Matyu 21:35; 23:31; 1 Tesalonika 2:15 **7:53:** Kis 20:1; Ap 7:38; Ga 3:19; Hi 2:2 **7:53:** Ua Me Ini 20:1-17; Aposel 7:38; Galesia 3:19; Hibru 2:2 **7:54:** Ap 5:33 **7:54:** Aposel 5:33 **7:55:** Mt 22:44; Ap 2:33-34; 5:31; 6:5 **7:55:** Ua Me Ini 32:9; Ofa Gami 26:41; Godin Araziba 10:16; Aisaia 48:4; 63:10; Jeremaia 6:10; 9:26 **7:56:** Ese 1:1; Dan 7:13; Mt 3:16; Ap 10:11; Kl 3:1 **7:56:** Esekiel 1:1; Daniel 7:13; Matyu 3:16; Aposel 10:11; Kolosi 3:1 **7:58:** Lo 13:9; Lu 4:29; Ap 6:13-14; 22:20; Hi 13:12 **7:58:** Godin Araziba 13:9; Luk 4:29; Aposel 6:13-14; 22:20; Hibru 13:12 **† 7:58:** Moses Osirizir Araziba ghaze, gumazitam arazir kuram damighti, me a inigh nguibamia azenan mangi dagiaba isi a ginivighthi, a aremegham. Ni Ofa Gami 24:13-16, ko Diboboniba 15:35in gan. **7:59:** Sng 31:5; Lu 23:46 **7:59:** Onger Akaba 31:5; Luk 23:46 **7:60:** Mt 5:44; Lu 23:34, Ap 9:40; 21:5 **7:60:** Matyu 5:44; Luk 23:34; Aposel 9:40 **8:1:** Ap 7:58; 8:4; 11:19; 22:20 **8:1:** Ap 7:58; 8:4; 11:19; 22:20 **8:1:** Aposel 7:58; 8:4; 11:19; 22:20 **8:3:** Aposel 9:1; 9:13; 9:21; 22:4-5; 26:9-11; 1 Korin 15:9; 1 Timoti 1:13 **8:4:** Mt 10:23; Ap 6:5; 11:19 **8:4:** Matyu 10:23; Aposel 11:19 **8:7:** Mt 10:1; Mk 16:17 **8:7:** Matyu 10:1; Mak 16:17

8

¹ Ezi Sol uaghan ikia bizir kamin ganigha
ghaze, a dera.

Sol Kraisin adarazi pazavira me gami

Me Stiven misoghezi dughiamin gin, me
Jerusalemin itir Kraisin adaraziv sogha,
arazir kurabar me gami. Kamaghin
amizi, Kraisin adarazi bar ara Judian
Distrik ko Samarian Distrighin ghue. Ezi
aposelbarba Jerusalemin iti. ² Ezi gumazir
God baghvira itiba, me Stiven kuam
isa mozim gatigha a bagha pupvirama azi.
³ Ezi Sol Kraisin adarazigh asighasighavira
ikia, egha vaghvagha men dipenibar ghua
gumazamiziba isa, me kurvagha ghua
kalabus garisi.

Aposelba Akar Aghuim Judian Distrik ko Samarian Distrighin anekuraghbarui (Sapta 8:4-12:25)

*Filip Samarian Distrighin
Akar Aghuim akuri*

⁴ Ezi gumazamizir areziba, me Akar
Aghuim nguibar me itibar anekuri. ⁵ Ezi
Filip Samarian Distrighin avenir itir nguibar
mamin ghua, God Uam E Iniasa Misevezir
Gumazim, Kraisin akam akuri. ⁶ Ezi gu-
mazamizir okoruuba an akaba baragha,
uan damazibar an amir mirakelbar gara,
kuariba arigha bar deraghavira a barasi.
⁷ Me Filipin garima a duar kurar gumaza-
mizibagh apazaziba batozima, da pamtem
diava arava me ataghiraghya azenan izi. Ezi
gumazamizir agharir amiriziba ko cuer kur-
rar aviriba, uaghan ua dera. ⁸ Kamaghin
amizi, nguibar kamin gumazamiziba bar
akongke.

Kukunir gumazim Saimonin eghaghanim

⁹ Gumazir mam an ziam Saimon, a
fomira Samarian nguibamin ikia mirakelin
ifavarir kurabagh amima, Samarian
gumazamiziba an ganigha nighnizir
aviribagh ami. A kamaghin migei, "Ki
gumazir ekiam."

¹⁰ Ezi gumazir ekiaba ko gumazamizir
kiniba, me Saimonin akam baraghosa

ifonge. Egha me kamaghin migei, "Kar aser gavgavim, an ziam Gavgavir Bar Ekiam, a Saimonin iti." ¹¹ A dughiar aviribar mirakelin ifavarir kurabagh ami da otivi me dar garava, nighnizir aviribagh ami. Bizar kam bagha, me an akam baraghaha ifongegha an gin arui. ¹² Egha datirighin Filip, a God Bizibagh Ativir Arazimin Akar Aghuim ko Krais Iesusin ziam sara kuri. Kamaghin amizi, gumazamiziba nighnizir gavgavim Filipin akamin ikiava, me rue. ¹³ Ezi Saimon uaghan nighnizir gavgavim ikia egha rue. Egha Saimon Filipin gin arua garima, Filip arazarazir ekiaba ko mirakelbagh amima da otifi, ezi a digavir kuram gami.

¹⁴ Ezi Jerusalemin itir aposelba orazima, Samarian gumazamiziba Godin akam inigha gif, kamaghin amizi, me Pita ko Jon amadazi aning me bagha ghu. ¹⁵⁻¹⁶ Samarian gumazamiziba, me Ekiam Jesusin ziamin ruegha Godin Duam inizir puvati. Kamaghin amizi, Pita ko Jon ghua otogha, me Godin Duam iniasa me bagha God ko migei. ¹⁷ Aning God ko mikemegha, uan dafariba me gisin arizima me Godin Duam isi.

¹⁸ Ezi Saimon gari, aposelning uan dafariba me gisin arizima me Godin Duam isi. Ezima a dagiaba inigha aning ganiga, kamaghin migei, ¹⁹ "Gua gavgavir kam uaghan na daningigh. Eghiti ki uan dafarim tav gisin datighti, a uaghan Godin Duam iniam."

²⁰ Ezi Pita kamaghin Saimon migei, "Ni ghaze, ni dagiaba ga daningigh, egh tuavir kamin God aningizir bizar aghuim givezam. Bar puvati! Bizar kam bagh ni uan dagiaba sara helin mangam. ²¹ Nin navir averiam Godin damazimin derazir puvati. Kamaghin amizi, ni Godin ingangarimin aven ikian kogham. ²²⁻²³ Ki nin garima, ni navim ikufi, egha uaghan arazir kuraba nin ike. Kamaghin amizi, ni navim giragh arazir kuraba ateghiva, Ekiam ko mikim. Eghiti a ti nighnizir kurar nin navir averiamin itiba gin amadagham."

²⁴ Ezi Saimon an akam ikaragha ghaze, "Gua na bagh Ekiam ko mikimtim, bizar gua mikemeziba na batvan kogham."

²⁵ Ezi Pita ko Jon Ekiam aningen akurvaghizir bizarib gun migiava, an akam akuri. Egha aning uamategha Jerusalemin ghua, Akar Aghuim Samarian Distrighin nguibar aviribar anekura zui.

Filip Akar Aghuimin

Itiopian gumazim migei

²⁶ Ekiamin ensel kamaghin Filipin migei, "Ni Sautin zuir tuavimin mangi, tuavir kam Jerusalem ategha ghuaghira Gazan nguibamin oto. Tuavir kam gumazamiziba puvatir danganimin iti." ²⁷⁻²⁸ Ezi Filip maghira dikavigha zui, a tuavir arizimin Itiopian gumazir mam bato. A gumazir dapanim, a Itiopian Atrivir Amizim Kandasin dagiabar garir gumazim. Gumazir kam Jerusalemin ghugha Godin ziam fegha uamategha izi. Egha a karis gaperagh, Godin akam inigha izir gumazim, Aisaian akinafarimin gari.

²⁹ Ezi Godin Duam Filip migei, "Ni mangiva karisin munamin boroghin iki."

³⁰ Ezi Filip ivegha karisin boroghin ghugha Itiopian gumazim barazima, a Godin akam inigha izir gumazim Aisaian akinafarimin gari. Ezi Filip an azara, "Ni garir akinafarir mam ni a gifozi, o puvati?"

³¹ Ezi Itiopian gumazim a ikaragha ghaze, "Ki manmaghinh fogham? Tav na gegharaghti, ki fogham."

Egha a Filip migia ghaze, "Ni izivanang na ko daperagh."

³²⁻³³ Itiopian gumazim Godin Akinafarimin itir akar kabar gari:

"A mati sipsipin nguzim uan akam dukuazi, me a misueghti an aremeghasa a inigha zui.

Egha uaghan mati sipsip me an ariziba aghorasava amima, a bizitam migeir puvati.

Kamaghira gumazir kam, me a misoghasava amima, a pura nimira ikia bizitam migeir puvati.

Ezi me guizin arazim oteghavkinigha purna a isa

kalabus gatigha, a inigha kotin ghu, ezi kot a migia ghaze, an aremegham.

Kamaghin amizi, a boriba puvati, ezi tina an gun me gehanam?

Me an ikirimirim agivazi, a ua nguazimin itir puvati."

³⁴ Egha Itiopian gumazim Filipin azara, "Ga uaning, ni na mikemegh, Godin akam inigha izir gumazim, a tinan gun migei? A uabin gun migei, o a gumazir igharazimin migei?" ³⁵ Ezi Filip dikavigha Godin Akinafarimin aven akar kamra an

8:15-16: Matyu 28:19; Aposel 2:38; 10:48; 19:2

8:17: Ap 6:6, 19:6, Hi 6:2

8:17: Aposel 6:6; 19:6; Hibr 6:2

8:20: Mt 10:8, Ap 2:38, 10:45

8:20: Matyu 10:8; Aposel 2:38; 10:45

8:21: Sng 78:37

8:21: Onger Akaba 78:37

8:22-23: Daniel 4:27; 2 Timoti 2:25; Hibr 12:15

8:24: Kis 8:8, Nam 21:7, 1 Kin 13:6, Je 5:16

8:24: Ua Me In

8:8; Diboboniba 21:7; 1 Atriviba 13:6; Jems 5:16

8:27-28: Aisaia 56:3-7; Sefanaia 3:10; Jon 12:20

8:31: Jo 16:13

8:31: Jon 16:13

8:32-33: Ais 53:7-8

8:32-33: Aisaia 53:7-8

8:35: Lu 24:27, Ap 18:28

Aposel 18:28

8:35: Luk 24:27;

mingarimin migia ghua, egha Iesusin Akar Aghuimin gun a migei.

³⁶⁻³⁷ Me tuavimin ghua, dipar mam bato. Egha Itiopian gumazim kamaghin migei, "Ni gan, dipam kara. Ki datirighira ruasa, bizar tizitam ua nan suigham?"* ³⁸ Egha Itiopian gumazim karisin suizir gumazim migeima, a karis gamizima a tu. Ezi Filip ko Itiopian gumazim dipamin ghuaghirigha, Filip a rue.³⁹ Aning dipamin ikegha azenan izezi, Ekiamin Duam zuamira Filip inigha ghu. Ezi Itiopian gumazim ua Filipin garir puvati, egha tuavimin ghuava bar akonge.⁴⁰ Ezi Filip gari, a Azotusin nguibamin oto. Egha ghua, nguibaba bar dar Akar Aghuim akura ghua Sisarian oto.

9

Sol navim gira
(Aposel 22:4-16; 26:9-18)

¹⁻² Dughiar kamin Sol Iesusin suren gumazamizibagh asighasigh, me misoghti me arighirasa, migirigar gavgavim gamauvira iti. Kamaghin amizi, an ofa gamir gumazibar dapanim bagha ghua kamaghin an azai, "Ni Damaskusin itir God ko migeir dipenibar garir gumazir dapaniba bagh akindafariba osir suam, 'Gumazitam o amizitam, Iesusin Tuavimin gin mangiti, Sol an apigh, an suiragh mangiva kalabuziar gumazimin min a ikirarighiva, a inigh Jerusalemin mangam."

³ Egha Sol Damaskusin nguibamin boroghin zuima overiamin angazangarir gavgavim a gisira. ⁴ Ezi a nguazim girigha orazima, tiarir mam kamaghin a migei, "Sol, Sol, ni tizim bagha na gasighasisi?"

⁵ Ezi Sol azara, "Ekiam, ni tina?"

Ezi a kamaghin a migei, "Ki Jesus, ni na gasighasisi. ⁶ Ni dikavigh nguibar ekiamin mangi. Egh arazir ni manmaghin damuamim, gumazitam tighar ni mikimam."

⁷ Ezi gumazir Sol ko zuiba, me pura gumazimin migirigar kinim baragha gumazitam garir puvati. Kamaghin amizi, me migirigiaha puvatigha pura iti. ⁸ Ezi Sol dikavigha, uan damazimning kuigha, ua bizitam garir puvati, an damazimning

mitarmangi. Ezi a koma aruir gumaziba an agharimningin suiragh a inigha me Damaskusin zui. ⁹ A Damaskusin itima an damatzimning dughiar pumuning ko mikezimin ikuvighavira itima, a daghetam ko dipatam amezir puvati.

¹⁰ Dughiar kamin Damaskusin aven Iesusin suren gumazir mam iti, an ziam Ananaias. Ezi Ekiam irebamin min garir bizimin aven an diaghha ghaze, "Ananaias!"

Ezi Ananaias a ikara ghaze, "Ekiam, ki kati."

¹¹ Ezi Ekiam a migia ghaze, "Gumazir mam, an ziam Sol, a Tarsusin gumazim. A na ko migia iti. Kamaghin amizi, ni dikavigh, tuavir kamin mangi, an ziam Voroghira Zui. Ni Judasin dipenimin mangi Sol bagh azaragh.¹² Sol irebamin min garir bizimin garima, gumazimin ziam Ananaias, a iza an damazimning deraghosa uan darfirinning a gisin ati."

¹³ Ezi Ananaias a ikaraghha ghaze, "Ekiam, ki orazima, gumazir aviriba kamaghin gumazir kamin gun migei, me ghaze, a nin gumazir Jerusalemin aven itiba paza me gami.¹⁴ Ezi ofa gamir gumazir ekiaba akar gavgavim an amamangatizi a ize. Egh te nin ziam fa ni ko migei, a men suighiva me kalabus darigham."

¹⁵ Ezi Ekiam kamaghin Ananaias migei, "Ni mangi! Gumazir kam, mar ki inabazir ingangarir gumazim. A nan ziam ater Kantrin Igharazibar Gumazamiziba ko men atriviba ko Israelin gumazamiziba bagh mangam.¹⁶ Egh ti a nan ziamin inihamizibaka osimtzibaka, ki dar an akaghama."

¹⁷ Ezi Ananaias ghua dipenimin aven ghu. Egha uan darfirinning Sol gisin atigha kamaghin migei, "Nan aveghbuam Sol, ni kagh izima Ekiam Jesus tuavimin ni bato. Ezi datirighin ni ua ganti, Godin Duam ni gizivaghosa, a na amadazi ki ize."¹⁸ Ezi zuamira, osirir naziamin min garir bizim, Solin damazimningin ikegha kuiaghirigha iri. Ezi a datirighin ua gari. Ezi a dikavizima me Iesusin ziamin a rue.¹⁹ Sol dagher maba amegha gin ua uan gavgavim ini. Egha

8:36-37: Ap 10:47 **8:36-37:** Aposel 10:47 * **8:36-37:** Fofozir gumazir maba kamaghin nighnisi, akar otevir ighazarir manu uaghan kagh iti. Filip kamaghin migei, "Ni guizbangira uan navimin aven nighnizir gavgavim ikiti, ki ni ruam." Ezi Itiopian gumazim kamaghin migei, "Ki nighnizir gavgavim Krais Jesusin iti, a Godin Otarim." **8:39:** 1 Kin 18:12, 2 Ki 2:16, Ese 3:12-14 **8:39:** 1 Atriviba 18:12, 2 Atriviba 2:16; Esekiel 3:12-14 **8:40:** Ap 21:8 **8:40:** Aposel 21:8 **9:1-2:** Aposel 8:3; Galesia 1:13; 1 Timoti 1:13 **9:3:** Ap 22:6, 26:12, 1 Ko 15:8 **9:3:** Aposel 22:6; 26:12; 1 Korin 15:8 **9:4:** Mt 25:40 **9:5:** Ap 5:39, 1 Ko 15:8 **9:5:** Aposel 5:39; 1 Korin 15:8 **9:7:** Ap 22:9, 26:12; 1 Korin 9:7 **9:10:** Ap 22:12 **9:10:** Aposel 22:12 **9:11:** Ap 16:9, 21:39, 22:3 **9:11:** Aposel 9:1-2; 9:21; 22:16; 1 Korin 1:2; 2 Timoti 2:22 **9:15:** Ap 25:13, 25:22, 26:17, 27:24; Ro 1:5, 1 Ko 15:10, Ga 2:7-8, 1 Ti 2:7 **9:15:** Aposel 25:13; 25:22; 26:17; 27:24; Rom 1:5; 1 Korin 15:10; Galesia 2:7-8; 1 Timoti 2:7 **9:16:** Ap 20:23, 21:11, 2 Ko 11:23-28 **9:16:** Aposel 20:23; 21:11; 2 Korin 11:23-28 **9:17:** Ap 13:52, 22:12-13 **9:17:** Aposel 13:52; 22:12-13

a Iesusin suren gumazamiziba ko mong dughiar mabar Damaskusin ike.

Sol Damaskusin Akar Aghuim akuri

²⁰ Egha Sol Iesusin suren gumazamiziba ko Damaskusin ikia maghira God ko migeir dipenibar akam akura ghaze, Iesus a Godin Otarim. ²¹ Ezi Solin migirigiam baraghizir darasi, me digavir kuram gamighava azai, "Kar ti gumazir kamra, a Jerusalemin ikia, Iesusin ziamin deir gumazamizibar suigha me gasighasisi? Egh a ti me inigh mangi kalabusin gumazamizibar min me ikirarigh ofa gamir gumazir ekiabar dafarim darighasa, egha a kaghize?" ²² Ezi Sol akurir akar kabar gavgavim bar ghuanaboz, a migirigiam bar deravirama anebighizi, Judan gumazamizir Damaskusin itiba fo, Iesus a Krais, a Gumazir God Uam E Iniasa Misevezim.

*Judaba Solin apanimin itima
an arav ghu*

²³ Dughiar aviriba ghua givazima, Judaba Sol misueghti an aremeghasa tuaviba buri. ²⁴ Me a misoghasava amua, a bagha arueba ko dimagaribar zurazurara nguibar ekiamin tiar akabar gari, ezi Sol men nighnizir kurar kam gifo. ²⁵ Ezi an gin aruir gumaziba, me dimagarimin a mikemezi an akirar ekiam gaperazima, me dagiar divazir torir mamin anetaghizima a ghuaghira nguibar ekiamin divazimin azenan iri.

Sol Jerusalemin iti

²⁶ Sol gin Jerusalemin izegha, a uaghan Iesusin suren gumazibar aven mangasava ami. Ezi me nighnizir gavgavim kamaghin an itir puvati, a Iesusin suren gumazim, egha me bar an atiatingi. ²⁷ Ezi Barnabas a inigha an gun apostelbay kimasa zui. Egha kamaghin me migei, Sol tuavimin ghua Ekiamin gani. Ezi Ekiam a mikemezi, a Damaskusin tavin atiatingizir puvatigha, Iesusin ziamin akam akuri. ²⁸ Ezi Sol Jerusalemin deravira me koma aruava me ko ikia, egha atiatir puvatigha Iesusin ziamin akam akura ghuavira iti. ²⁹ Egha a Judan Grighin akam migeir gumazibar ko me uariv gia uari adosi, ezi me a misueghti an aremeghasa tuaviba buri. ³⁰ Ezi Kraisin adarazi kamaghin oregha, a inigha Sisarian nguibamin ghuaghira, egha a isa Tarsusin nguibamin anemada.*

³¹ Ezi Judian Distrik ko Galilin Distrik ko Samarian Distrighin aven itir Kraisin adarasi, dughiar kamin navir amirizimin ikia deravira itima, Godin Duam gavgavim me ganidi. Ezi Kraisin adarazir dibobonim ghuavanadi. Gumazamiziba Godin atiatiava an apengen iti.

Pita Ainias gamizima a ua dera

³² Ezi Pita nguibaba bar dagh aruigha, egha Lidan nguibamin itir Godin gumazamizibar ganasa zui. ³³ Egha a nguibar kamin gumazir mam bato, an ziam Ainias. An soroghafariba an amirazima, a 8plan azenibar misiamra iti. ³⁴ Ezi Pita kamaghin a migei, "Ainias, Krais Iesus ni gamizi, ni dera. Ni dikavigh uan akuriapirigh." Ezi Ainias zuamira dikafi. ³⁵ Ezi Lidan nguibam ko Saronin danganir voroghira irighav itimin itir gumazamiziba, an ganigha uan navibagh iragha Iesus bagha ize.

Pita Tabita gamizima a ua dikafi

³⁶ Ezi Jopan nguibamin suren amizir mam iti, an ziam Tabita, Grighin akamin an ziam Dorkas, a zurarama arazir aghuibagh amuava gumazir organarazibar akurvasi. ³⁷ Ezi dughiar mamin arimariam a inizima an areme. Ezi me an kuam ruegha a isava ghuriar pin itimin aneti. ³⁸ Jopan nguibam, a Lidan nguibamin boroghira iti, ezi suren gumaziba kamaghin oraki, Pita Lidan nguibamin itima, me a mikimasa gumazir pumuning amadazima aning zui. Aning ghua a migia ghaze, "E uari, ni zuamira datirighira ga ko izi!"

³⁹ Ezi Pita aning ko ghua otogha, maghira ghuriar pin itimin ghuavanabo. Ezi amizir odiarir pura itiba, an miriamin tuivighav ikia azia, Dorkas angamira ikia me bagha ingarizir korotiaba ko korotiar azenan azuiba an akakasi.

⁴⁰ Ezi Pita gumazamiziba bar me amangizi me azenan ghue. Ezi a uan tevimming apirigha God ko migei. Egha raghirigha amizir aremezim gara ghaze, "Tabita, ni dikafigh." Ezi Tabita uan damazimning kuigha Pitam apigha, dikavigha apera. ⁴¹ Ezi Pita an akuraghha a fezi a dikavigha tu. Egha Pita nighnizir gavgavim God baghavira itir gumazamiziba ko amizir odiaribar diagha Tabita men aka, ezi me gari an angamira iti.

9:21: Ap 8:3; Ga 1:13, 1:23 **9:21:** Aposel 8:3; Galesia 1:13; 1:23 **9:22:** Ap 17:3, 18:5, 18:28 **9:22:** Aposel 17:3; 18:5; 18:28 **9:23:** Ap 23:12, 25:3; 2 Korin 11:23 **9:23:** Aposel 23:12; 25:3; 2 Korin 11:23 **9:23:** 2 Korin 11:32-33

9:26: Ap 22:17; Ga 1:17-19 **9:26:** Aposel 22:17; Galesia 1:17-19 **9:27:** Ap 4:36, 9:4, 9:20-22, 1 Kor 9:1, 15:8 **9:27:** Aposel 4:36; 9:4; 9:20-22; 1 Korin 9:1; 15:8

Aposel 4:36; 9:4; 9:20-22; 1 Korin 9:1; 15:8 **9:29:** Ap 6:1, 9:23, 11:20, 2 Kor 11:26 **9:29:** Aposel 6:1; 9:23; 11:20; 2

Korin 11:26 **9:30:** Ga 1:21 **9:30:** Galesia 1:21 * **9:30:** Ezi gin Barnabas Sol inigh Antioghin mangasa, egha ghua Tarsusin nguibamin a buri. Ni Aposel 11:25in gan.

9:34: Ap 3:6, 3:16, 4:10 **9:34:** Aposel 3:6; 3:16; 4:10

9:35: 1 Sto 5:16, Ap 11:21 **9:35:** 1 Eghaghania 5:16; Aposel 11:21 **9:36:** 1 Ti 2:10, Ta 3:8 **9:36:** 1 Timoti 2:10; Taitus 3:8

9:40: Mt 9:25, Mk 5:40-41, Jo 11:43, Ap 7:60 **9:40:** Matyu 9:25; Mak 5:40-41; Jon 11:43; Aposel 7:60

⁴² Ezi Jopan itir gumazamiziba bizir kamin eghaghanim baregha men aviriba nighnizir gavgavim Ekiamin iti. ⁴³ Ezi Pita dughiar mabar Jopan itir gumazir asizir inibar bizibar ingarir mam, an ziam Saimon, a ko ike.

10

Ensel Kornilius bagha izeghava akam a ganidi

¹ Gumazir mam Sisarian nguibamin iti, an ziam Kornilius. A Romin midorozir gumazir 100plan garir gumazir dapanim. A uaghan men mav, me Italin Kantrin Midorozir Gumaziba. ² Kornilius, a God ifongezir arazibagh amir gumazim, a uan adarako ko me Godin apengan iti. Egha a uaghan Judan gumazamizir organarazibar akurvagh, zurara God ko migei. ³ Dughiar mamin 3 kloghin guaratizimin Kornilius bar deravira garima Godin ensel irebamin min bizimin aven iza kamaghin a migei, "Kornilius!"

⁴ Ezi Kornilius atiatia dikiraviram an gara, kamaghin an azara, "Ekiam, bizir tizim?"

Ezi ensel an azangsizim ikaragha ghaze, "God nin migirigjaba baragha, ingangarir ni gumazamizir organarazibagh amiba, God dagh ifuegha dagh nighnisi. ⁵ Ni datirighin gumazitaba amadaghti, me Jopan mangi gumazir kam an ziam Saimon, me uaghan Pita a garisi, me a batogh a inigh izi. ⁶ An asizir inibar bizibar ingarir gumazim Saimon ko iti. An dipenim ongarir miriamin iti."

⁷ Egha enselin Kornilius mikemezim anetegha ghuzima, a uan ingangarir gumazimning koma midorozir gumazir bar God gifongezim uaghan a ko itimin diazima me a bagha izi. ⁸ Ezi a bizir otivizir kabar gun bar me mikemegha, me amadazi me Jopan ghue.

Pita irebamin min bizimin gari

⁹ Ezi amimzaraghan aruer arizimin Kornilius amadazir gumaziba ghua Jopan nguibar ekiamin boroghin otivima, dughiar kamra Pita dipenimin avughsir danganimin ghuavanabogha God ko migei. ¹⁰ Ezi mitiriam Pita azima, a daghetam amasa, ezi me daghebagh amuavira itima, a irebamin min bizir mamin gari. ¹¹ Egha a pin garima overiam kuiaghiri, bizir mam inir ekiamin min gari. Bizir kam, me an

ruaghatevir 4plan suirazima, a nguazimin izaghiri. ¹² Egha inir kamin aven, asiziba bar an iti, asizir soroghafariba ikia aruiba, ko nguazim davaranagh aruir asiziba, ko pin itir kuaraziba sara an iti. ¹³ Ezi tiarir mam kamaghin a migei, "Pita, ni dikavigh dav suegh dar ami."

¹⁴ Ezi Pita kamaghin a ikaragha ghaze "Ekiam bar puvatigham! Ki fomiram Godin damazimin bizir mizirizitam amezir puvati."

¹⁵ Ezi tiarim uam a migia ghaze, "Bizir God amizir zueziba, ni uam mizirizibar dar arighan marki."

¹⁶ Ezi bizir kamnagh dughiar pumuning ko mikezimin Pita bato. Ezi inir ekiar kam zuamira uamategha overiamin ghuavanabo.

¹⁷ Pita irebamin min ganizir bizir kamin mingarim ginighnighavira itima, Kornilius amadazir gumaziba otifi. Egha me Saimonin dipenim bagha azangsisi, an dipenim managh iti. Egha me datirighin izava an tiar akamin otifi. ¹⁸ Egha me diava azangsisi, "Saimon, an ziar mam Pita, a kagh iti o puvati?"

¹⁹ Pita irebamin min ganizir bizim ginighnighavira itima, Godin Duam kamaghin a migei, "Saimon, gumazir pumuning ko mikezim ni buriaghbari. ²⁰ Ki me amadazi me ni bagha izi. Kamaghin amizi, ni me ko mangisi nighnizir aviribar amuan marki. Ni dikavigh vanginan magiri."

²¹ Ezi Pita vanginan iraghugha me migei, "Kar kirara, ia na buri. Ia tizim bagha izi?"

²² Ezi gumaziba an akam ikaragha ghaze, "Kornilius 100plan midorozir gumazibar garir gumazir dapanim, a ni bagha e amadazi e ize. A Godin damazimin deragha an apengan itir gumazim. Judan gumazamiziba bar a gifongegha an ziam fe. Ezi Godin enselin mam a migia ghaze, ni Pita bagh akam amadaghti a nin dipenimin izegh migirigjatabar amuti ni da baragh." ²³ Egha Pita me migeima, me dipenimin aven ghu. Me akuwiga amimzaraghan, Jopan nguibamin nighnizir gavgavim Iesusin itir gumazir maba uaghan me ko Sisarian zui.

Pita Korniliusin dipenimin ghu

²⁴ Me ghua tuavimin akuigha, ua dikavigha ghua Sisarian oto. Ezi Kornilius me Mizua iti. A uan roroaba ko uan adarazi

9:43: Ap 10:6

9:43: Aposel 10:6

10:1: Mt 8:5; Ap 27:1-3

10:1: Matyu 8:5; Aposel 27:1-3

10:2: Ap 8:2,

10:22, 10:35, 22:12

10:2: Aposel 8:2; 10:22; 10:35; 22:12

10:3: Ap 3:1, 10:30, 11:13

10:3: Aposel 10:30; 11:13

10:6: Ap 9:43

10:6: Aposel 9:43

10:9: Ap 11:5

10:9: Aposel 11:5

10:11: Ap 11:5-17

10:11: Aposel

11:5-17

10:14: Wkp 11:1-47, Lo 14:3, 14:7, Ese 4:14

10:14: Ofa Gami 11:1-47; Godin Araziha 14:3; 14:7; Esekiel

10:15: Matyu 15:11; Mak 7:15; 7:19; Aposel

4:14

10:15: Mt 15:11, Mk 7:15, 7:19, Ap 10:28, Ro 14:14-20, 1 Ko 10:25

10:19: Ap 11:12, 13:2

10:19: Aposel 11:12; 13:2

10:22: Ap 10:1-2, 22:12

10:22: Aposel 10:1-2; 22:12

10:23: Ap 10:45, 11:12

10:23: Aposel 10:45; 11:12

10:26: Ap 14:13-15, MAA

19:10

10:26: Aposel 14:13-15; Akar Mogomem 19:10

diagha, me akuvagha me ko iti. ²⁵ Pita dipenimin aven zuima, Kornilius a batogha, an suemningin irigha an ziam fe. ²⁶ Ezi Pita an suiraghha a fegha ghaze, “Ni dikavigh tuugh. Ki pura gumazir kinim.”

²⁷ Pita a migiavira dipenimin aven ghua garima, gumazamizir aviriba uari akuvagha iti. ²⁸ Ezi Pita kamaghin me migei, “Ia bar fo, e Judaba en arazim. E Kantrin Igharazibar Gumazamizibar boroghin mangan kogh me ko ikian kogham. Ezi God kamaghin na migia ghaze, ki Godin damazimin gumazitam mizirizim a darighan kogham.” ²⁹ Ia na bagha akam amadazi, ki ize, ki aghuazir puvati. Egha kian azangsisi, ia tizim bagha na bagha akam amada?”

³⁰ Ezi Kornilius kamaghin an akam ikaragha ghaze, “Dughiar pumuning ko pumuning givazima, ki 3 kloghin guaratizimin uan dipenimin aven ikia God ko migei. Ezi gumazir mam korotiar ghurghurim arugha bemira nan guamin mitighav iti.” ³¹ Egha ghaze, ‘Kornilius, God nin migirigiam baraki, egha arazir ni gumazamizir onganarazibagh amiba, an adagh nighnisi.’ ³² Egheti Saimon, an ziar mam Pita, ni a bagh gumazitam amadaghtima, a Jopan mangiva a inigh izi. A Saimon asizir inibar bibizar ingarir gumazimipenimin dipenimin akuima, anan gara iti. Dipenir kam ongarir miriamin iti.’ ³³ Kamaghin amizi, ki ni bagha zuamiram akam amada. Ezi ni deragha izi. E datirighin bar iza Godin damazimin iti. God ni mikemezir akaba, ni dav kimtima e bar da baraghama.”

Pita Korniliusin dipenimin Godin akam akuri

³⁴ Ezi Pita kamaghin Korniliusin dipenimin aven itir daraziv gei, “Bar guizbangira, ki datirighin fos. God gumazamizir vabara ifuegha merara garir puvati, a bar gumazamizibagh ifonge.” ³⁵ Nguibaba bar dar itir gumazamizir an

apengan ikia, arazir aghuibagh amiba, a me gifonge. ³⁶ Kar God Israelin gumazamizibagha amadazir akam. A kamaghin migei, Krais Iesus a bar moghira en Ekiam. Egha an e gamima, e God ko navir amirizimin iti. ³⁷ Ia uari fo, bizir manaba kantri Israelin nguibaba bar da batifi. Bizir kaba Distrik Galilin dikafi. Da, Jon gumazamizibra ruasa akam akuraghruuigha givazima, da gin otifi. ³⁸ Ia fo, God Nasaretin gumazim Iesus, uan Duam ko gavgavim a ganingi. Egha God a ko itima, ezi a nguibabagh arua gumazamizibar akurvashi. Egha Satānin apengan itir gumazamizibagh ami me ua dera.

³⁹ “E uari uan damazibar an garima, an en nguibar Judan aven itiba ko Jerusalemin nguibamin bizir aviribagh ami. Ezi me a misuegha ter ighuvimin anegurazima an areme. ⁴⁰ Ezi dughiar pumuning ko mikezim givazima God a gamizi a ua dikafi. Ezi God a isava gumazamizibar aka.” ⁴¹ Egha a Judaba bar me bativizir Puvati. E gumazir God miseveziba, erara an gari. An aremegha ua dikavizir dughiamin gin, an e ko ikiava dagheba ko dipaba ame. ⁴² Jesus uan akamin gun gumazamizibav kimasava e mikeme. A ghaze, e kamaghin me mikim suam, God gumazir kam, Jesus anemisevezima, anarira en kotiaba baraghama, oveaghueziba ko angamira itiba sara. ⁴³ Godin akam inigha izir gumaziba bar, me Iesusin guizin akar kam akuni. Egha ghaze, gumazitam nighnizir gavgavim Iesusin ziamin ikiti, God Iesusin ziamin an arazir kuraba gin amangam.”

Kantrin Igharazibar Gumazamizibar Godin Duam isti

⁴⁴ Pita akam akuravira iti, gumazamiziba a baragha itima, Godin Duam bar me gisin izaghiri. ⁴⁵⁻⁴⁶ Judan gumazir nighnizir gavgavim itiba, Pita ko ize. Egha me orazima me nguibar igharazibar akabar Godin ziam fe. Kamaghin amizi, me digavir kumram gamigha kamaghin migei, “Ia munagh

- 10:28:** Jo 4:9; Ap 15:8-9; Ga 2:12-14; Ef 3:6 **10:28:** Jon 4:9; Aposel 15:8-9; Galesia 2:12-14; Efesus 3:6 **10:30:** Ap 1:10, 3:1 **10:30:** Aposel 1:10; 3:1 * **10:30:** Gumazir kam, a Godin enselin mam. **10:31:** Dan 10:12, Hi 6:10 **10:31:** Daniel 10:12; Hibru 6:10 **10:34:** Lo 10:17, 1 Sm 16:7; Ro 2:11, Ga 2:6; Ef 6:9, Kl 3:25, 1 Pi 1:17 **10:34:** Godin Araziba 10:17; 1 Samuel 16:7; Rom 2:11; Galesia 2:6; Efesus 6:9; Kolosi 3:25; 1 Pita 1:17 **10:35:** Jo 9:31, Ro 2:13, 1 Ko 12:13, Ga 3:28; Ef 3:6 **10:35:** Jon 9:31; Rom 2:13; 1 Korin 12:13; Galesia 3:28; Efesus 3:6 **10:36:** Sng 107:20; Ais 52:7, 57:19; Mt 28:18; Ro 10:12; MAA 17:14 **10:36:** Onger Akaba 107:20; Aisaia 52:7; 57:19; Matyu 28:18; Rom 10:12; Akar Mogomem 17:14 **10:37:** Mt 4:12-17; Lu 4:14 **10:37:** Matyu 4:12-17; Luk 4:14 **10:38:** Mt 3:16; Lu 4:17-20, Jo 3:2; Hi 1:9 **10:38:** Matyu 3:16; Luk 4:17-20; Jon 3:2; Hibru 1:9 **10:39:** Ap 2:32, 5:30 **10:39:** Aposel 2:32; 5:30 **10:40:** Ap 2:24; 1 Korin 15:4-7 **10:40:** Aposel 2:24; 1 Korin 15:4-7 **10:41:** Lu 24:42-43; Jo 14:17-24, 15:27; Ap 1:8, 13:31 **10:41:** Luk 24:42-43; Jon 14:17-24; 15:27; Aposel 1:8; 13:31 **10:42:** Mt 28:19-20; Ap 17:31; Ro 14:9-10, 2 Ko 5:10; 2 Ti 4:1; 1 Pi 4:5 **10:42:** Matyu 28:19-20; Aposel 17:31; Rom 14:9-10; 2 Korin 5:10; 2 Timoti 4:1; 1 Pita 4:5 **10:43:** Ais 33:24; 53:5-6, 53:11; Jer 31:34; Dan 9:24; Mai 7:18; Sek 13:1; Ro 10:11; Ga 3:22 **10:43:** Aisaia 53:5-6; 53:11; Jeremaja 31:34; Maika 7:18; Sekaraia 13:1; Rom 10:11; Galesia 3:22 **10:44:** Ap 4:31; 8:15-16, 11:15, 15:8 **10:44:** Aposel 4:31; 8:15-16; 11:15; 15:8 **10:45-46:** Ap 2:4; 10:23, 11:18, 19:6; Ga 3:14 **10:45-46:** Aposel 2:4; 10:23; 11:18; 19:6; Galesia 3:14

gan! God uan Duam bizar aghuarimin min Kantrin Igharazibar Gumazamiziba uaghan me ganingi."

⁴⁷ Ezi Pita kamaghin me migia ghaze, "Gumazamizir kaba, me en min Godin Duam inis. Ezi tina, e dipamin me ruan en anogorosi?"

⁴⁸ Egha Pita kamaghin gumazir kabav gei, "Na Kras Iesusin ziamin me ruegh." Ezi me ruegha givagha, uari ko dughiar tabar ikiasi Pita migei.

11

Pita Jerusalemin ghugha bizir otivizibar gun migei

¹ Ezi aposelba ko Judian nguibabar aven itir darasi, me kamaghin oraki, Kantrin Igharazibar Gumazamiziba uaghan Godin akam ini. ²⁻³ Ezi Pita uamategha Jerusalemin ghuavanabo. Ezi gumazir uan mikarzir mogomebar iniba aghoregha nighnizir gavgavim Jesusin itiba, me Pitam atara ghaze, "Ni arazir manam gamua, egha ghua gumazir uan mikarzir mogomebar iniba aghorezir puvatizibar dipenibar me koma api."

⁴ Ezi Pita maghira bizir a batoziba, bar deravira dar gun me migei, ⁵ "Ki Jopan nguibar ekiamin ikia God ko migei. Egha irebamin min biziim garima, biziim mati inir avizir dafam, me an ruaghatevir 4plan suirazima, an overiam ategha izaghira ki iti naghin asara. ⁶ Ezi ki an aven garima, asizir soroghafariba ikia nguazimin itiba, ko asizir atiar maba, ko nguazimin davaraghha aruiv asiziba, ko pin itir kuaraziba iti. ⁷ Ezi ki orazi, tiarir mam kamaghin na migei, 'Pita, dikavigh, asizitam misuegh anemi.'

⁸ "Ezi ki kamaghin i karagha ghaze, 'Ekiam! Bar puvatigham! Nan akam Godin damazimin bizir mizirizir katam bar anemezir puvati.'

⁹ "Ezi tiarim ua kamaghin Godin Nguibamin migei, 'Bizir God amizir zueziba, ni uam mizirizibar dar arighan marki.' ¹⁰ Ezi bizir kam dughiar pumuning ko mikezimin amigha, ua ekuigha overiamin ghuavanabo.

¹¹ "Ezi dughiar kamra gumazir pumuning ko mikezim, na bagha Sisarian nguibamin iza dipenir ki itimin oto. ¹² Ezi Godin Duam na migia ghaze, ni me ko mangisi nighnizir

aviribar amuan marki. Ezi 6plan aveghbuuba uaghan na ko zui. Egha e gumazir na bagha akam amadazimin dipenimin aven ghue. ¹³ Ezi an e migia ghaze, enselin mam an dipenimin aven a batogha ghaze, ni gunazitaba amangichti, me Jopan nguibamin mangi, Saimon, an ziar mam Pita, a batogh. ¹⁴ Egha a Godin akam inigh izi, ni mikimti, tuavir kamin ni ko nin dipenimin itir gunazamiziba bar, Ekiam uaghan ua me iniam.

¹⁵ "Ezi ki migiavira itima, Godin Duam magnira me gisn izaghiri, mati bar faraghavira an e gisn izaghiri mokin. ¹⁶ Ezi ki Ekiam mikemezir migirigiam giniri, 'Jon dipamin ia rue, egha ki Godin Duamin ia ruam.' ¹⁷ E fo, e faragha nighnizir gavgavim Ekiam Krais Iesusin itima, Godra uan Duam bizir aghuimin min e ganingi. Egha kamaghira datirighin God Kantrin Igharazibar Gumazamiziba uaghan uan Duam, bizir aghuim min me ganingi. Kamaghin amizi, ki tina, ki God me ko ingaramin ingangarimin anogoregham?"

¹⁸ Ezi nighnizir gavgavim Jesusin itir gunazamiziba kamaghin oregha, uam ataramin nighniziba puvatigha, Ekiamin ziam fa ghaze, "A dera, God uaghan Kantrin Igharazibar Gumazamizibar amamangatighti, me uaghan navibagh iragh egh ikirimirir zurara itim iniam."

Antioghin itir gumazamiziba nighnizir gavgavim Jesusin iti

¹⁹ Me Stivenin misoghezi an aremezir dughiamin, me arazir kuram uaghan nighnizir gavgavim Jesusin itir igharazibagh amizi, me tintinibar ara ghua, Fonisian Distrik ko Saiprusin Arighatizim ko Antioghin nguibar ekiamin ghua, Godin akam Judan gumazamizibar gei. ²⁰ Ezi men marazi uaghan Saiprusin Arighatizim ko Sairinin nguibar ekiamin ikegha ize, egha Antioghin ghuegha Ekiam Iesusin Akar Aghuimin gun Grighin gumazamizibar gei. ²¹ Ezi Ekiamin gavgavim me ko iti. Ezi gumazamizir bar avirim nighnizir gavgavim Ekiamin ikia egha uan navibagh iraghha Ekiam bagha ize.

²² Ezi Jerusalemin itir Kraisin adarazi bizir kamin eghaghanim baregha, Barnabas amadazima an Antioghin ghu. ²³ Egha an otogha gari, God men apangkuvigha, men akurvaghha arazir aghuubar me gamizi

- 10:47:** Ap 8:36; 11:17, 15:8-9, Ro 10:12 **10:47:** Aposel 8:36; 11:17; 15:8-9; Rom 10:12 **10:48:** Ap 2:38 **10:48:** Aposel 2:38 **11:2-3:** Aposel 10:28; Galesia 2:12 **11:5:** Ap 10:9-48 **11:5:** Aposel 10:9-48 **11:12:** Jo 16:13, Ap 10:19, 10:23, 10:45 **11:12:** Aposel 10:19; 10:23; 10:45 **11:14:** Ap 16:31 **11:14:** Aposel 16:31 **11:15:** Ap 2:4 **11:15:** Aposel 2:4 **11:16:** Jol 2:28, Mt 3:11, Jo 1:26, 1:33, Ap 1:5 **11:16:** Joel 2:28; Matyu 3:11; Jon 1:26; 1:33; Aposel 1:5 **11:17:** Ap 10:47, 15:8-9 **11:17:** Aposel 10:47; 15:8-9 **11:18:** Ap 13:48, 14:27, Ro 10:12-13, 15:9, 15:16 **11:18:** Aposel 13:48; 14:27; Rom 10:12-13; 15:9; 15:16 **11:19:** Ap 8:1-4 **11:19:** Aposel 8:1-4 **11:21:** Ap 2:41 **11:21:** Aposel 2:41 **11:22:** Ap 4:36 **11:22:** Aposel 4:36 **11:23:** Ap 13:43 **11:23:** Aposel 13:43

Barnabas bar akonge. Egha me uan navir averiabar aven guizbangira Ekiam ko iki-amin migirigjabar me migei.²⁴ A bar gumazir aghuim, Godin Duam a gizvazi Godin nighnizir gavgavim an iti. Ezi gumazamizir bar avirim Ekiam bagha ize.

²⁵⁻²⁶ Ezi Barnabas Sol buriasa Tarsusin zui. Egha an apigha, a inigha Antioghin ize. Egha azenir vamira Barnabas ko Sol uaning inigha Kraisin adarazi ko uari akufa. Egha gumazamizir bar aviribar sure gami. Ezi suren gumaziba Antiokin, faragħa ziar kam, Kraisin gin zuir darasi, me a ini.

²⁷ Ezi dughiar kamin, Godin akam inigha izir gumazir maba Jerusalemin ikegha Antioghin izaghiri. ²⁸ Ezi men mav, an ziam Agabus, a dikavigha Godin Duamin gavvgavimin kamaghin migei, Romin nguaziba bar dagheba otevegam. (Sisar Klodius, atrivim min itir dughiamin bizar kam oto.) ²⁹ Ezi suren gumaziba akam misuegha, vaghvagh uan dabirabin min dagiaba daningħi, Judian itir darazir akurvaghaha dagiaba amangasa. ³⁰ Me kamaghin amigha, uan dagiaba isa, Barnabas ko Sol ganingizi, aning ghua Kraisin adarazir gumazir dapanibagh aningi.

12

Herot Jems misogyni an aremezi, a Pita kalabus gati

¹ Dughiar kamin Atrivim Herot Kraisin adarazir marazir suigha me gasighasighasa.* ² Egha a migeima, me Jonin aveghbuam Jems midorozir sabamin a misogyni, an areme. ³ Ezi Herot garima, an amizir arazir kam, Judaba a gifonge, kamaghin amizi, a uaghan Pitan suirragħa a isa kalabus gati. Herot Yis Puvatizir Bretin Isamin Dughiamin bizar kam gami. ⁴ A Pitan suirragħa a isa kalabus gati. Egha a isa midorozir gumazir 4plan okoruabar agharim gati. Ezi me dugħiha isa vaghvaghha an gari. Egha 4plan okoruar kaba, me dar vaghvaghha 4plan gumaziba inizima me an gari. Herot, God Israelia Gitazir Dughiamin Isar Ekiar kam givagħi, a Pita isi gumazamizir aviribar damazimin a kot darighħasa. ⁵ Ezi Pita kalabusin

11:24: Ap 2:41; 5:14, 6:5, 11:21 **11:24:** Aposel 2:41; 5:14; 11:21 **11:25-26:** Aposel 9:30 **11:27:** Ap 13:1, 15:32, 21:9, 1 Ko 12:28, Ef 4:11 **11:27:** Aposel 13:1; 15:32; 21:9; 1 Korin 12:28; Efesus 4:11 **11:28:** Ap 21:10 **11:28:** Aposel 21:10 **11:29:** Ro 15:26; 1 Ko 16:1; 2 Ko 9:1 **11:29:** Rom 15:26; 1 Korin 16:1; 2 Korin 9:1 **11:30:** Ap 12:25

11:30: Aposel 12:25 *** 12:1:** Atrivir kam Herot, a Maria Iesus batezir dugħiamin itir Atrivir kam Herotin ovavir borin. Egha a Atrivim Agripan afeziam. **12:2:** Mt 4:21; 20:23 **12:2:** Matu 4:21; 20:23 **12:3:** Ap 4:3 **12:3:** Ap 4:3 **12:4:** Kis 12:1-27 **12:4:** Ua Me Ini 12:1-27 **12:5:** Je 5:16 **12:5:** Jems 5:16 **12:6:** Ap 5:23 **12:6:** Aposel 5:23 **12:9:** Ap 10:3, 10:17, 11:5 **12:9:** Aposel 10:3; 10:17; 11:5 **12:10:** Sng 34:7, Dan 3:28, 6:22, Ap 5:19, Hi 1:14, 2 Pi 2:9 **12:10:** Onger Akaba 34:7; Daniel 6:22; Aposel 5:19; Hibru 1:14; 2 Pita 2:9 **12:12:** Ap 4:23, 12:5, 12:25, 15:37 **12:12:** Aposel 4:23; 12:5; 15:37

dipenimin aven itima Kraisin adarazi uan navir averiabar a bagħha puvira God ko migiavira iti.

Ensel kalabuziar dipenimin Pita inigha azenim gati

⁶ Egha Herot Pita inigh kot bagħħ mangħa dugħiār mam diboro. Ezi dimagarir kamin, aminn tighar tiam, me senin pumuningin a ikeżi a midorozir gumazir pumuningin tongin akui. Ezi midorozir gumazir iħarazir maba kalabuziar dipenimin a bagħha gara tiar akamini iti. ⁷ Ezi zuamira Ekiamin ensel otozi, an angazangarim kalabuziar dipenimin aven sira. Egha ensel Pitān ivim amisuegħa a gaghuragħa kamaghin a migei, “Ni zuamira dikafgh!” Ezi senin an agharimning gikezimning firiaghirigha nguazim giri.

⁸ Ezi ensel a migia ghaze, “Ni korotiam arughiva dagarir asuabar aghuġi.”

Ezi Pita kamaghin amigha givazzi ensel a migei, “Ni uan korotiar ruarim arugh nan gin iżi.” ⁹ Ezi Pita kalabuziar dipenim ategħha, enselin gin azenan għu. A bixi kabagh fożżepp puvatizzi, ensel dagh amima, da guizbangi ram otifi. Pitan nighnizim ghaze, a irebamin min bizimmin gari. ¹⁰ Aning għuava, kalabusin dipenimin garir gumazir pumuning gitagħha, ghua kalabusin zuir ainin tiar akar ngħiabar ekiamin zuimin oto. Aning an otozi, tiam uabi kuiaghixizima, aning azenan ghua tuavir māmkin zui. Aning mong sagħon ghua, ensel zuamira Pita ategħha għu.

¹¹ Ezi Pitan nighnizim ua izima, a kamaghin migei, “Ki datirigħin guizbangira fo, Ekiam uan ensel amadazima a ize. Egha a Herotin agharim da nan akura, egha Judaba na damuusa nighnizir bixi kuraba sara nan akura.”

¹² Pita bixi kabagh fogħha, Jonin amebam Marian dipenimin għu. Jonin ziar mam Mak. Ezi gumazamizir avirim uari akuvagħha dipenir kamin ikia God ko migei.

¹³ Ezi Pita azenan ikia divazimin tiar akar azenan itim gafugħafuzima, ingangarir amizim min ziam Roda, a bagħha tiam kuasa iżi. ¹⁴ Egha a Pitan tiarim baregha, bar akuegħha, tiam kuizir puvatigħha uamategħha ivegħha aven ghua, kamaghin

11:24: Ap 2:41, 5:14, 6:5, 11:21 **11:24:** Aposel 2:41; 5:14; 11:21 **11:25-26:** Aposel 9:30 **11:27:** Ap 13:1, 15:32, 21:9, 1 Ko 12:28, Ef 4:11 **11:27:** Aposel 13:1; 15:32; 21:9; 1 Korin 12:28; Efesus 4:11 **11:28:** Ap 21:10 **11:28:** Aposel 21:10 **11:29:** Ro 15:26; 1 Ko 16:1; 2 Ko 9:1 **11:29:** Rom 15:26; 1 Korin 16:1; 2 Korin 9:1 **11:30:** Ap 12:25

11:30: Aposel 12:25 *** 12:1:** Atrivir kam Herot, a Maria Iesus batezir dugħiamin itir Atrivir kam Herotin ovavir borin. Egha a Atrivim Agripan afeziam. **12:2:** Mt 4:21; 20:23 **12:2:** Matu 4:21; 20:23 **12:3:** Ap 4:3 **12:3:** Ap 4:3 **12:4:** Kis 12:1-27 **12:4:** Ua Me Ini 12:1-27 **12:5:** Je 5:16 **12:5:** Jems 5:16 **12:6:** Ap 5:23 **12:6:** Aposel 5:23 **12:9:** Ap 10:3, 10:17, 11:5 **12:9:** Aposel 10:3; 10:17; 11:5 **12:10:** Sng 34:7, Dan 3:28, 6:22, Ap 5:19, Hi 1:14, 2 Pi 2:9 **12:10:** Onger Akaba 34:7; Daniel 6:22; Aposel 5:19; Hibru 1:14; 2 Pita 2:9 **12:12:** Ap 4:23, 12:5, 12:25, 15:37 **12:12:** Aposel 4:23; 12:5; 15:37

gumazamizibav già ghaze, "Pita muna iza tiar akamin itil"

¹⁵ Ezi me kamaghin a migei, "Ni organis ti."

Ezi a bar gavgavigha kamaghin migei, "Puvati. Guizbangira a iti."

Ezi me a migia ghaze, "Ni ti an enselin gani."

¹⁶ Ezi Pita ti am gafughafuzima, me iza ti am kuigha an apigha, digavir kuram gami.

¹⁷ Ezi Pita uan dafarinim me aminivazima, me aghumra iti. Ezi an Ekiam kalabuziar dipenimin aven a inigha azenan anetizir arazibagh eghari. Egha a kamaghin migei, "Ia bizir kabar gun Jems ko aveghbuuba sara mikemegh." Egha Pita me ategha danganir igharazimin ghu.[‡]

¹⁸ Egha aminim tirazima, midorozir gumaziba Pita bagh garava avenge. Egha bar digavir kuram gamigha uarira uarir azangsigha ghaze, "Pita managh ghu?"¹⁹ Pita itir puvatizi, Herot a gumazibav kemezi me Pita buriasa ghue. Egha me tong bar an apizir puvati. Kamaghin amizi midorozir gumazir a Pitam ganasa arighiziba, Herot me isa kot gatigha ghaze, me arimighiram. Egha Herot gin Judian danganim ategha, Sisarian nguibar ekiamin ikiasi uaghiri.

Herotin ovevem

²⁰ Egha Herot adarim Tair ko Saidonian gumazamizibar iti. Me Herot garir nguibar ekiamin uan dagheba isi. Kamaghin amizi, me datirighin uari akuvagha izi an ganasa. Me faragha Blastus ko uariv kemezi a me ko navir amirizim inis. Blastus, an Atrivim Herot akur danganimin garir gumazim. Egha gin, me Herotin ganasa zui, Herot men apangkuvigh adarir kam me kom anegivagham.

²¹ Herot dughiar atizimin, a uan atrivir korotiaba aghuigha, uan atrivimin dabirabim gaperagha gumazamizibav gei.²² Ezi me pamtem dia ghaze, "Kar gumazim migeir puvati. Kar godin mam migei."²³ Herot Godin ziam fer puvati, kamaghin amizi, Ekiamin ensel maghira a misoghezi

12:15: Mt 18:10; Ap 26:24

12:15: Matyu 18:10; Aposel 26:24

nighnizir gavgavim iti, enselin maba gumazamizibar ganamin ingangariba iti.

Egha me ghaze, Pitan ensel markiama.

12:17: Ap 13:16, 19:33, 21:40 [‡] **12:17:** Jemsin kam a Jesusin dozim. Ni Galesian 1:19 in gan. Jems Jerusalemin siosin itir gumazir dapanimin oto.

12:18: Ap 5:22-24

12:18: Aposel 5:22-24 **12:20:** 1 Kin 5:9-11, Ese 27:17 **12:20:**

1 Atrivim 5:9-11; Esekiel 27:17

12:23: 1 Sml 25:38, 2 Sml 24:17, Sng 115:1, Dan 5:20

12:23: 1 Samuel 25:38; 2

Samuel 24:17; Onger Akaba 115:1; Daniel 5:20

12:24: Ais 55:11, Ap 6:7, 19:20, Kl 1:6

12:24: Aisaia 55:11; Aposel

6:7, 19:20; Kolosi 1:6

12:25: Ap 11:29-30, 12:12, 13:5, 13:13, 15:37

12:25: Aposel 11:29-30; 13:5; 13:13; 15:37

13:1: Ap 11:27

13:1: Aposel 11:27

13:1: Ziar kam Niger, an mingarim kamaghin ghu, "pizim." Gumazir

maba ghaze, Simeon Niger, a Afrikan gumazim.

13:2: Ap 9:15, Ro 10:15, Ga 1:15, Ef 3:7-8, 1 Ti 2:7, Hi 5:4

13:2: 13:2: Ap 9:15, Ro 10:15, Ga 1:15, Ef 3:7-8, 1 Ti 2:7, Hi 5:4 **13:2:**

Aposel 9:15; Rom 10:15; Galesia 1:15; Efesus 3:7-8; 1 Timoti 2:7; Hibru 5:4

13:3: Ap 6:6

13:3: Aposel 6:6 **13:3:** Aposel 6:6

Ap 15:39

13:4: Aposel 15:39

13:4: Aposel 12:12; 12:25; 13:13; 13:46; 15:37

15:37

13:5: Aposel 12:12; 12:25; 13:13; 13:46;

15:37

a iri. Ezi apiziba angamira anepa zuima, an areme.

²⁴ Ezi Godin akam nguibaba bar dar ghua bar ekevegha ghuavira iti.

²⁵ Ezi Barnabas ko Sol uan ingangarim Jerusalemin anegivagha, uamattegha Antioch ghu. Jon, an ziar mam Mak, aning a inigha a sara ghu.

Pol kantrin aviribar ghua Iesusin Akar Aghuim akuri

13

(Sapta 13:1--21:14)

God kantrin igharazibar Akar Aghuim akunasa Barnabas ko Sol amisefe

¹ Antioghin itir Kraisin adarasi, men marazi Godin akam inigha izir gumaziba ko tisaba. Men ziabar kara: Barnabas, ko Simeon (an ziar mam Niger) ko Sairinin gumazim Lusius, ko Manain (a Atrivim Herot roroam, a Herot koma aghungi) ko Sol.* ² Ezi dughiar mamin Kraisin adarasi, me Godin apengan ikia uari isa God ganiga, God ko mikimasa dagheba ta. Ezi Godin Duam kamaghin me migei, "Ki Barnabas ko Sol uan ingangarim bagha aningin dia. Ia ingangarir kam bagh aning amiseveghti, aning nan ingangarim bagh mangi." ³ Kamaghin amizi, me God ko mikimasa dagheba tagha, God ko migei. Egha uan dafariba Barnabas ko Sol gisın atigha, aning amadazi aning zui.

Barnabas ko Sol Saiprusin Arighatizimin Akar Aghuim akuri

⁴ Ezi Godin Duam Barnabas ko Sol amadazi, aning Selusian nguibar ekiamin ghugha, ua kurim inigha Saiprusin Arighatizimin ghu. ⁵ Egha me Salamisin otivigha Judaba God ko migeir dipenibar, Godin akam akuri. Jon Mak aning ko ghua aningin akura.

⁶ Me Saiprusin nguibar arighatizim bar a garua ghua, Pafosin nguibar ekiamin oto. Egha me Judan kukunir gumazir mam bato. A Godin akam inigha izir ifavarir gumazim, an ziam Bar-Iesus. ⁷ A gavmanin gumazir dapanim Sergius Paulus ko

12:15: Dughiar kam Judan aviriba kamaghin

nighnizir gavgavim iti, enselin maba gumazamizibar ganamin ingangariba iti.

Egha me ghaze, Pitan ensel markiama.

12:17: Jemsin kam a Jesusin dozim. Ni Galesian 1:19 in gan. Jems Jerusalemin siosin itir gumazir dapanimin oto.

12:18: Aposel 5:22-24 **12:20:** 1 Kin 5:9-11, Ese 27:17 **12:20:**

1 Atrivim 5:9-11; Esekiel 27:17

12:23: 1 Sml 25:38, 2 Sml 24:17, Sng 115:1, Dan 5:20

12:23: 1 Samuel 25:38; 2

Samuel 24:17; Onger Akaba 115:1; Daniel 5:20

12:24: Ais 55:11, Ap 6:7, 19:20, Kl 1:6

12:24: Aisaia 55:11; Aposel

6:7, 19:20; Kolosi 1:6

12:25: Ap 11:29-30, 12:12, 13:5, 13:13, 15:37

12:25: Aposel 11:29-30; 13:5; 13:13; 15:37

13:1: Ap 11:27

13:1: Aposel 11:27

13:1: Ziar kam Niger, an mingarim kamaghin ghu, "pizim." Gumazir

maba ghaze, Simeon Niger, a Afrikan gumazim.

13:2: Ap 9:15, Ro 10:15, Ga 1:15, Ef 3:7-8, 1 Ti 2:7, Hi 5:4

13:2: 13:2: Ap 9:15, Ro 10:15, Ga 1:15, Ef 3:7-8, 1 Ti 2:7, Hi 5:4 **13:2:**

Aposel 9:15; Rom 10:15; Galesia 1:15; Efesus 3:7-8; 1 Timoti 2:7; Hibru 5:4

13:3: Ap 6:6

13:3: Aposel 6:6

Ap 15:39

13:4: Aposel 15:39

13:4: Aposel 12:12; 12:25; 13:13; 13:46; 15:37

15:37

iti. Sergius Paulus, a gumazir nighnizir aghuiba ko fofozir aghuiba itim. A Godin akam baraghaha, egha kamaghin a Pol ko Barnabasin diazi aning ize. ⁸ Kukunir gumazir kam, me Grighin akamin ziar kam Elimas a gati, an mingarim kukanir gumazin. Elimas, a gavmanin gumazim Sergius Paulus, nighnizir gavgavim Iesusin ikian an aghua. Elimas, Barnabas ko Solin ingangarim paziva a damuasa. ⁹ Ezi Sol, an ziar mam Pol, Godin Duam a gizivazima, a dikiravira Elimasin gara kamaghin migei, ¹⁰ “Ni Satanin borim. Ni arazir aghuaribar apanimin iti. Ifavarir araziba ko arazir kuraba bar ni gizifa. Egha ni tizim baghavira Ekiamin arazir aghuibagh asighasisi? Ni ti arazir kuraba ataghiraghan aghua? ¹¹ Datirighin Ekiam nin apanim damu uan gavgavimin nin damazimning okavigham. Eighti ni aruer angazangarimin ganan kogh dughiatabar ikegham.”

Ezi zuamira ghuiarim an damazimning korozi aminim an piri. Ezi a tavin agharimin suighasa pura ruia asaghinifi. ¹² Ezi gavmanin gumazir dapanim, Ekiamin akam baregha digavir kuram gami. A bizar otivizir kabar ganigha, kamaghin a nighnizir gavgavim Ekiamin iti.

Barnabas ko Pol Antioghin aven Iesusin akam akuri

¹³ Ezi Pol ko gumazir a koma aruiba, me Pafosin kurim inigha ghua Pergan nguibamin otifi. A Pamfilian Provinzin aven iti. Ezi Jon Mak kagh me ategha uamategha Jerusalemin ghu. ¹⁴ Ezi me Pergan nguibamin dikavigha ghua Antioghin nguibamin otifi, a Pisidian Distrighin aven iti. Egha, Judaba avughsa Godin ziam fer dughiamin, me God ko migeir dipenimin aven ghuegha apiaghav iti. ¹⁵ Ezi God ko migeir dipenimin garir gumazir dapanir ekiaiba, me Moses Osirizir Araziba ko Godin akam inigha izir gumazibar akaba dar bora me migei. Me dar ponegha givagha, Pol ko Barnabas bagha akam amaga ghaze,

“Aveghbuuba, ia akurvazir migirigiatam gumazir kabav kimsi, ia me mikim.”

¹⁶ Ezi Pol dikavigha, uan dafarimin me aminiva, kamaghin me migei, “Ia Israelin gumazamiziba ko, Kantrin Igharazibar Gumazamizir Godin atiatia uari isa God ganidiba, ia na baragh! ¹⁷ Fomira Israelin gumazamizibar God en ovaviba amisevezima, kamaghin me angumazamizibara. Egha gin me uan nguibam ategha ghua Isipin kantrin ghue. Egha dughiar kamin God me gamima men dibobonim bar pin ghua, me bar aviraseme. Ezima gin God uan gavgavimin Isipin me inigha azenim gati. ¹⁸ Egha a 40plan azenibar gumazamiziba puvatizir danganim me ko ikia, men osimtiziba atera men akurvasi. ¹⁹ Egha Kenanin nguaziba, God 7plan gumazamizir bizim gasighasigha, men nguaziba isa uan gumazamizibagh aningi. Ezi me dar ghuaviba ikiangi. ²⁰ Bizar kaba 450 azenimin aven otifi.

“Egha bizar kabar gin God Israelian ganasa gumazir dapaniba amisiva, mamaghira ikia ghua, Godin akam inigha izir gumazim Samuelin dughiamin tu.

²¹ “Dughiar kamin Israelia atrivim bagha Godin azangsisi. Ezi a Sol me ganingi, a Kisim otarim, egha Benjaminin adarazir gumazim, a 40plan azenibar men gari. ²² Ezi God Sol agivagha, Devit amisezevi an an danganim inigha atrivimin oto. Ezi a Devitin gun me migei, ‘Ki Devitin gani, Jesin otarim, gumazir ki bar ifongezim, bizar ki ifongeziba a bar dar amuam.’

²³ “God fomira akam akirizi moghin, God gumazir mam amadazi a Israeliin ize. A Jesus, Devitin ovavir mam, a en Akurvazir Gumazim.

²⁴ “Iesus tigar izamin dughiamin, Jon faragha izava navibagh iraghamin akam ko rurumin akamin Israeliin gumazamizibav gei. ²⁵ Jonin ingangarir dughiam givasava amima, a kamaghin me migei, ‘Ia ghaze, ki tina? Ki gumazir ia mizua itim puvati. A nan

13:8: 2 Ti 3:8 **13:8:** 2 Timoti 3:8 [†] **13:9:** Ziar kam Sol, a Hibrun akamin otivir ziar mam. Ezi ziar kam Pol, a Grighin akam otivir ziam. Gumazir maba ghaze, Sol Grighin akamin migeir darazir tongin ingara, egha kamaghin dughiar kamin a ziar kam Pol ubai garisi. **13:10:** Mt 13:38; Jo 8:44; 1 Jo 3:8 **13:10:** Matyu 13:38; Jon 8:44; 1 Jon 3:8 **13:11:** Kis 9:3, 1 Sml 5:6, Ap 9:8 **13:11:** Ua Me Ini 9:3; 1 Samuel 5:6; Aposel 9:8 **13:13:** Ap 13:5, 15:38 **13:13:** Aposel 13:5;

15:38 [†] **13:14:** A Sabatin dughiam. **13:15:** Lu 4:16, Ap 13:27, 15:21, Hi 13:22 **13:15:** Luk 4:16; Aposel 13:27; 15:21; Hibru 13:22 **13:16:** Ap 12:17 **13:17:** Kis 1:7, 6:6, 12:5, Lo 7:6-7, Sng 105:23-24 **13:17:** Ua Me Ini 1:7; 6:6; Godin Araziba 7:6-7; Onger Akaba 105:23-24 **13:18:** Kis 16:35, Nam 14:34, Lo 1:31, Sng 95:10, Ap 7:36 **13:19:** Lo 7:1, Jos 14:1, Sng 78:55 **13:19:** Godin Araziba 7:1; Josua 14:1; Onger Akaba 78:55 **13:20:** Het 2:16, 1 Sml 3:20 **13:20:** Gumazir Dapaniba 2:16; 1 Samuel 3:20 **13:21:** 1 Sml 8:5, 8:19, 10:1, 10:21 **13:21:** 1 Samuel 8:5; 8:19; 10:1; 10:21 **13:22:** 1 Sml 13:14, 15:23-26, 16:12-13, 2 Sml 2:4, Sng 89:20, Hos 13:11 **13:22:** 1 Samuel 13:14; 15:23-26; 16:12-13; 2 Samuel 2:4; Onger Akaba 89:20; Hosea 13:11 **13:23:** 2 Sml 7:12-16, Sng 132:11, Ais 11:1, Lu 1:32, 1:69, Ro 11:26 **13:23:** 2 Samuel 7:12-16; Onger Akaba 132:11; Aisaia 11:1; Luk 1:32; 1:69; Rom 11:26 **13:24:** Mt 3:1-2, Mk 1:4, Lu 3:3, Ro 11:26

13:24: Matyu 3:1-2; Mak 1:4; Luk 3:3; Rom 11:26 **13:25:** Mt 3:11, Mk 1:7, Lu 3:16, Jo 1:20-27 **13:25:** Matyu 3:11; Mak 1:7; Luk 3:16; Jon 1:20-27

gin izi. Ki an dagarir asuabar beniba firan derazir puvati. Ki gumazir kinim.'

²⁶ "Aveghbuaba, ia Abrahamin igiaba, ko ia God gifuegha an apengan itir Kantrin Igharazibar Gumazamiziba, e bagha, God uam e iniasa migirigar kam amadazi a ize. ²⁷ Jerusalemin gumazamiziba ko gumazir ekiaba, me kamaghin fozir puvati, Iesus en Akurvazir Gumazim. Egha me zurrara Sabatin dughiamin Godin akam inigha izir gumazimin akaba dibora, egha deragha dagh fozir puvati. Egha ghaze gumazir kam aremegham. Kamaghin amizi, Godin akam inigha izir gumazimin akaba guizbangira otos. ²⁸ Egha me a misuegħti an aremegħan migirigar otevir aghħuitam batozir puvati. Ezi me pamtem kamaghin Pailat migei, ni midorozir gumazibav kemegħti me a misuegħti an aremegħan. ²⁹ Godin akam inigha izir gumazibba fomira mikemezi mogħin me ami. Egha me ter iħuvim anedheha a inigha dagħi torim gati. ³⁰ Ezi God a gamizi a ua dikafi. ³¹ A ko Galilin Distrighin ikira Jerusalemin zuir gumazamiziba, me dugħiar aviribar an gani. Ezi datirighin gumazir uari an ganizir kaba, me an gun Judan gumazamizibav gei.

³² "E Akar Aghjuu kamaghin ia migei. God fomira en ovaviba bagħha akam akira ghaze, a gumazir uam e iniamim amadaghħam. ³³ Datirighin, a Iesus gamizi a matmatin ua dikafi. E men boriba, kamaghin amizi, an e bagħha uan akar dikirizir kam gamizi a guizbangiram oto. Ongħi Akabar Akinafarim sapta 2, kamaghin a migei:

"Ni nan otarim,
ezi datirighin ki nin afeziamin oto."

³⁴ "E fo, God a gamizima a ua matmatin dikafi. Ezi a ua matmatin mangi kurighan kogħam. God bizir kamin kamaghin mikeme:

"Ki guizbangira deraghvira ia damuva,
bizir aghħuiba ia daningam,
ki fomira akar dikirizibar Atrivim Devit mikemezi mogħin,

ki bizir aghħuiba ia daningam.

Ezi bizir kam ki mikemezi mogħin guizbangiram otivam."

³⁵ "Ezi akar iħarazir mam uaghan Godin Akinafarim minn iti. A kamaghin migei:

"Ni uan ingangarim bagħha misevezir gu-mazim ategejtma,
a matmatin iki kurighan kogħam."

³⁶ "E fo, dugħiar kamin Devit nguazim inkia, a Godin nighnzimin gin zui. Egha a gin aremezi, me an kuam inigha ghua an ovaviba afi nagħin anefazi, an kuam kuri. ³⁷⁻³⁸ Ezi gumazir God amizi a ua matmatin dikavizir kamnang, an kuam kurizir puvati. Nan adarasi, kamaghin amizima, e ua migei, ia akar kam gifogħ, gumazir kam Iesus ian arazir kuraba gin amangasa ize. ³⁹ Moses Osirizir Arażiba ian akuragh ian arazir kuraba gin amadagħti, ia Godin damazimin deragħan kogħam. Puvati. Gu-mazir kam Iesusin ingangarim, God gu-mazir nighnzir gavgaviba itiba bar, men akuraghha men arazir kuraba bar, da gin amaga, me gamima me an damazimin dera. ⁴⁰ Ia uari bagħ gan, Godin akam inigha izir gumazibba fomira mikemezi mogħin, bizitam ia batogħan kogħam:

⁴¹ "Ki ian dugħiamin bizir iħarazitam
damighti
a ia batogħam.

Egħiġi gumazitam ia mikkimti
ia nighnzir gavgavim an iķian kogħam.
Kamaghin, ia gumazir dibovir akar
kurabayha amiba, ia gan,
ia digavir kuram damiġi ikuvigham."

⁴² Egha Pol ko Barnabas Judaba God ko migeir dipenim ataghixżima, gumazamiziba kamaghin aning migei, "Gua Sabatin munamin dugħiamin uamategħ iziwa bizir kabar migirigar taba uam e mikim." ⁴³ Egha me bar God ko migeir dipenim ategeħha azenan ghue. Ezi Judan aviriba ko gumazamizir iħaraziba, me Judan Arażibar gin zuir gumazamiziba, me Pol ko Barnabas in-

13:26: Mt 10:6; Lu 24:47; Ap 13:16, 13:46 **13:26:** Matyu 10:6; Luk 24:47; Aposel 13:46 **13:27:** Lu 23:34, 24:20, 24:44, Jo 16:3; Ap 3:17, 15:21, 1 Ko 2:8 **13:27:** Luk 23:34; 24:20; 24:44; Jon 16:3; Aposel 3:17; 15:21; 1 Korin 2:8 **13:28:** Mt 27:22-23, Mk 15:13-14, Lu 23:21-23; Jo 19:15 **13:28:** Matyu 27:22-23; Mak 15:13-14; Luk 23:21-23; Jon 19:15 **13:29:** Mt 27:57-61, Mk 15:42-47, Lu 18:31, 23:50-56, Jo 19:28-30, 19:36-42 **13:29:** Matyu 27:57-61; Mak 15:42-47; Luk 18:31; 23:50-56; Jon 19:28-30; 19:36-42 **13:30:** Mt 28:6; Ap 2:24 **13:30:** Matyu 28:6; Aposel 2:24 **13:31:** Ap 1:3, 1:8 **13:31:** Aposel 1:3; 1:8 **13:32:** Stt 12:3; Ap 13:23; Ro 4:13; Ga 3:16 **13:32:** Aposel 13:23; Rom 4:13; Galesia 3:16 **13:33:** Sng 2:7; Ro 1:4; Hi 1:5, 5:5 **13:33:** Ongħi Akaba 2:7; Rom 1:4; Hibru 1:5; 5:5 **13:34:** Aisaia 55:3 **13:35:** Sng 16:10, Ap 2:27, 2:31 **13:35:** Ongħi Akaba 16:10; Aposel 2:27; 2:31 **13:36:** 1 Atriviba 2:10; Aposel 2:29 **13:37-38:** Daniel 9:24; Luk 24:47; Aposel 10:43; 1 Jon 2:12 **13:39:** Ais 53:11, Ro 3:28, 8:3, 10:4; Hi 7:19 **13:39:** Aisaia 53:11; Rom 3:28; 8:3; 10:4; Hibru 7:19 **13:40:** Ais 29:14 **13:40:** Aisaia 29:14 **13:41:** Hab 1:5 **13:41:** Habakuk 1:5 **13:43:** Ap 11:23, 14:22; Ta 2:11; Hi 12:15; 1 Pิต 5:12 **13:43:** Aposel 11:23; 14:22; Taitus 2:11; Hibru 12:15; 1 Pita 5:12

14

*Pol ko Barnabas Aikoniamin Iesusin
Akar Aghuim akuri*

gin zui. Ezi aming me migia, men nighniziba fa ghaze, ia Godin nighnizimin gin mangi an apangkuvimin apengan iki.

⁴⁴ Ezi Sabatin dughiar igharazim otozi, nguibar ekiar kamin itir gumazamizir avirim bar iza uari akuvagha Ekiamin akam barasi. ⁴⁵ Ezi Judaba gumazamizir okoruar kamin ganigha, men naviba bar ikufi. Ezi me Polin akabar kurakuraghha a migei.

⁴⁶ Kamaghin amizi, Pol ko Barnabas atiir puvatigha, akar bar gavgavimin me migei, "Ia Judaba, ga faragha Godin akamin ia mikeme. Ezi ia akirim ragha akar kam gasara. Egha ghaze, e ikirimirir aghuir zurara itim inian kogham. Kamaghin amizi, ia oragh, ga uam akar kamin ia mikiman kogham. Ga Kantrin Igharazibar Gumazamizibav kimam. ⁴⁷ Ekiam bizir kam bagha kamaghin e mikeme:

"Ki ni amisevegha
ingangarir ekiam ni ganidi.

Egh ni damighti,
ni Kantrin Igharazibar Gumazamiziba
bagh angazangarimin min ikiam.
Eighti ki Kantrin Igharazibar Gumazamiziba
bar men akuragh
ua me iniam."

⁴⁸ Ezi Kantrin Igharazibar Gumazamiziba, me akar kam baregha, bar akuegha ghaze, akar kam bar dera. Ezi gumazamizir God ikirimirir aghuir zurara ikiam bagha miseveziba, me bar nighnizir gavgavim an iti.

⁴⁹ Ezi Ekiamin akam bar nguibaba bar dar ghu. ⁵⁰ Amizir maba God gifuegha an apengan ikia ziar ekiaba iti, ezi gumazir ziaba itir maba, me uaghan nguibar ekiar kamin iti. Judaba men navibagh inivima, me osimtiziba Pol ko Barnabas garisi. Egha me uan distrighin aning batoke. ⁵¹ Kamaghin amizi, Pol ko Barnabas, uan dagarimningin itir nguaziba apisi, eighti gumazamiziba fogh suam, men arazir kam osimtizim me ganangi. Ezi, Pol ko Barnabas Antiok ategha Aikoniam nguibamin ghu. ⁵² Kamaghin amizi, Antioghin itir Kraisin suren gumazamiziba, Godin Duam bar me gizivazima me bar akonge.

13:45: Ap 14:2, 18:6, 1 Pi 4:4; Ju 10 **13:45:** Aposel 14:2; 18:6; 1 Pita 4:4; Jut 1:10 **13:46:** Ais 55:5, Lu 7:30, Ap 3:26, 18:6, Ro 1:16, 10:19 **13:46:** Aisaia 55:5; Luk 7:30; Aposel 3:26; 18:6; Rom 1:16; 10:19 **13:47:** Ais 42:6, 49:6, Lu 2:32 **13:47:** Aisaia 42:6; 49:6; Luk 2:32 **13:48:** Ap 11:18 **13:48:** Aposel 11:18 **13:50:** Ap 17:4, 17:12
13:50: Aposel 17:4; 17:12 **13:51:** Mt 10:14; Mk 6:11, Lu 9:5, 10:11, Ap 18:6 **13:51:** Matyu 10:14; Mak 6:11; Luk 9:5; 10:11; Aposel 18:6 **13:52:** Mt 5:12; Jo 16:22; Ap 2:46 **13:52:** Matyu 5:12; Jon 16:22; Aposel 2:46 **14:2:** Ap 13:45 **14:2:** Aposel 13:45 **14:3:** Mk 16:20, Ap 19:11, Hi 2:4 **14:3:** Mak 16:20; Aposel 19:11; Hibru 2:4 **14:5:** Ap 14:19, 2 Ti 3:11 **14:5:** Aposel 14:19; 2 Timoti 3:11 **14:6:** Mt 10:23 **14:6:** Matyu 10:23 **14:8:** Jo 9:1, Ap 3:2 **14:8:** Jon 9:1; Aposel 3:2 **14:9:** Mt 8:10, 9:28-29, Ap 3:4 **14:9:** Matyu 8:10; 9:28-29; Aposel 3:4 **14:11:** Ap 8:10, 28:6 **14:11:** Aposel 8:10; 28:6

¹ Pol ko Barnabas Antioghin ikiav amizir arazibara, aning iza Aikoniamin Judaba God ko migeir dipenibar dagh ami. Egha aning kagh bar deraghvira akam akurima, Judan aviriba ko Kantrin Igharazibar Gumazamizir aviriba nighnizir gavgavim Iesusin iti. ² Ezi Judan marazi nighnizir gavgavim men akabar ikian aghuaghha Kantrin Igharazibar Gumazamizibar nighnizibagh asighasigha men navibagh inivima, me nighnizir kurabar nighnizir gavgavim Iesusin itir darazigh ami. ³ Ezi Pol ko Barnabas dughiar ruarinin Aikoniamin ikiava, Ekiamin apangkuvimin akam mikimasava atiatiir puvati. Ezi Ekiam gavgavim aning ganingizi, aning mirakelba ko digavir kuram gamir biziagh ami, da otifi. Ezi kamaghin Ekiam gumazamizibar akakagha ghaze, akar aning me migeir kaba, da guizin akaba. ⁴ Ezi nguibar ekiar kamin itir gumazamiziba uari abiki, marazi Judabar gin zuima, marazi aposelning bagha zui. ⁵ Egha gin Judaba ko Kantrin Igharazibar Gumazamiziba, me uan gumazir aruuba ko, Pol ko Barnabas aremeghasa me nighnigha aning bagha tuaviba buria ghaze, me arazir kurabar aning damuasa ifonge. Egha me dagiabar aning ginivasava ami.

Pol ko Barnabas Listra ko Derben Akar Aghuim akuri

⁶ Ezi Pol ko Barnabas kamaghin oregha ara Listra ko Derben ghu, aning Likonian Distrighin nguibar ekiamning. Egha aning uaghan nguibar ekiar kamningin boroghin itir nguibaba sara ghu. ⁷ Egha aning kagh Akar Aghuim akuravira iti.

⁸ Listran nguibar ekiamin aven gumazir mam, an suemning ikuvigha an amirazi an aruir puvatigha aperaghavira iti. An amebam a batezima a kamaghira gari. ⁹ A Pol barazi an akam akuri. Ezi Pol dikiraviram an gara kamaghin fo, gumazir kam nighnizir gavgavim iti, a deraghram.

¹⁰ Egha Pol kamaghin pamtemin dia, "Ni dikavigh mitigh!" Ezi gumazir kam uabi ekunigha mitigha maghiram arui.

¹¹ Egha gumazamizir avirim Pol amizir bizir kamin ganigha, pamtemin Likonian akamin dia migei, "Aseba gumazibar min otivigha e bagha izaghirel!" ¹² Egha Barnabas, me asem Sus a gati. Pol a migirigabar faragha zuir gumazim, kamaghin me asem Hermes a gati.* ¹³ Asem Susin dipenim, a Listran nguibar ekiamin avinizir tiar akamin boroghin azenan iti. Ezi Susin ofa gamir gumazim, a ko gumazir aviriba, me Pol ko Barnabas bagh asizibav sueghiva aningin ofa damuasa. Kamaghin, a bulmakaun apuriba ko akimiarir biziziba inigha Listran nguibar ekiamin tiar akamin ize.

¹⁴ Ezi aposelning Pol ko Barnabas, aning bizir kaba baregha, uan korotiaba abiaghariqua, iveauha gumazamizibar okoruamin aven ghua pamtem dia migei, ¹⁵ "Maia! Gumazamiziba, ia tizim bagha arazir kam gami? Ga pura gumazir kinimmin, egha uaghan ian mirara gar. Ga kamaghsua Akar Aghuir kam ia migei. Ia pura bizir kinir kabar ziaba fan marki. Ia uari isi Ekiam daning, an Angamira Itir God. A Godin overiam ko nguazim ko ongarimin ingarizim, egha dar itir biziba bar adar ingari. ¹⁶ Fomira, God nguibaba bar, me ataghizima me pura uan nighnizibar arua biziagh ami. ¹⁷ Egha a ian modozir puvati, eghit gumazamiziba a gifoghan kogham. Puvati. A zuraram arazir aghuibar ia gamua, amozim ia ganiga, dagher aghuir aviriba ia ganiga, dagher aghuibagh ami da otifi. Egha ia gamima ian naviba deragha bar akonge." ¹⁸ Aning bizir kabar pamten me migia, uaninges ofa damuan men anogoroghavira iti.

¹⁹ Ezi gin Judan gumazir maba Antiock ko Aikoniamin ikegha Listran izegha, gumazamizibar nighnizibagh ekuizi, me Polin apanibar otifi. Egha me dagiabar Pol ginivigha an ganigha ghaze, an areme. Egha anemikirigha Listran nguibar ekiamin azenan ghu. ²⁰ Ezi gin suren gumazamiziba iza an okarizi, a dikavigha uamategha Listran nguibar ekiamin ghu. Egha dughiar igharazimin a Barnabas ko Derben zui.

Pol ko Barnabas gavgavim isa suren gumazamizibagh anidi

* **14:12:** Grighin gumazamiziba nighnizir gavgavim kamaghin iti, aser aviriba uaghan iti. Men aser mam, Sus, a men asebar gumazir dapanir ekiam. Ezi Hermes, a men aser akaba inigha me bagha izim. **14:15:** Kis 20:11, 2 Sml 12:21, Sng 33:6, 146:6, Ap 10:26, 1 Ko 8:4, 1 Te 1:9, Je 5:17 **14:15:** Ua Me Imi 20:11; Onger Akaba 33:6; 146:6; Aposel 10:26; 1 Korin 8:4; 1 Tesalonika 1:9; Jems 5:17 **14:16:** Sng 81:13, Ap 17:30, 1 Pi 4:3 **14:16:** Onger Akaba 81:12; Aposel 17:30; 1 Pita 4:3 **14:17:** Sng 147:8; Jer 5:24, 14:22, Ap 17:27, Ro 1:20 **14:17:** Onger Akaba 147:8; Jeremaija 5:24; 14:22; Aposel 17:27; Rom 1:20 **14:19:** Ap 13:45, 17:13, 2 Ko 11:25, 2 Ti 3:11 **14:19:** Aposel 13:45; 17:13; 2 Korin 11:25; 2 Timoti 3:11 **14:21:** Mt 28:19 **14:21:** Matyu 28:19 **14:22:** Matyu 7:14; Aposel 11:23; 15:32; 18:23; 1 Tesalonika 3:3 **14:23:** Ap 13:1-3, 15:40 **14:23:** Aposel 15:40 **14:26:** Ap 13:1-3, 15:40 **14:26:** Aposel 13:1-3; 15:40 **14:27:** Ap 11:18, 15:4, 15:12 **14:27:** Aposel 11:18; 15:4; 15:12 **15:1:** Wkp 12:3, Jo 7:22, Ga 2:12, 5:2, Kl 2:8, 2:11, 2:16 **15:1:** Ofa Gami 12:3; Jon 7:22; Galesia 2:12; 5:2; Kolosi 2:11; 2:16

²¹ Pol ko Barnabas Derben nguibar ekiamin ikia Akar Aghuim akura gumazamizir aviribagh ami, me suren gumazamizibar otifi. Egha aning uamategha Listra ko Aikoniam ko Antioghin ghu.

²² Aning gavgavim suren gumazamizibagh aniga akurvazir migirigabar me gamua ghaze, ia uan nighnizir gavgavibar tuivigh gavgafagh. Aning kamaghin me migia ghaze, "E God Bizibagh Ativaghamin Dughamin aven mangisi, e faragh osimtzir aviribar aven mangigham." ²³ Egha Pol ko Barnabas Kraisin adarazi itir nguibaba bagha vaghvaghia gumazamizir dapaniba amisefe. Gumazamizir dapanir kaba nighnizir gavgaviba Ekiamin iti. Ezi aning me bagha dagheba tagha Ekiam ko mikemegha me isava Ekiam agharim gati.

Pol ko Barnabas uamategha Sirian Distrighin aven Antioghin zui

²⁴ Egha Pol ko Barnabas Pisidian Distrighin ghughia gin iza Pamfilian Provinzin ghu. ²⁵ Egha aning Pergan nguibamin Akar Aghuim akunigha givagha Atalian nguibam uaghiri.

²⁶ Egha aning Atalian ikegha kurim inigha uamategha Antioghin nguibamin ghu. Nguibar kamra, aning kagh faragha ikezi, Antioghin itir Kraisin adarazi aning isa Godin agharim ganiga ghaze, Godin apangkuvim aning ko ikiti aning ingangarir kam damuam. Ezi aning ingangarir kam gamua iza datirighin anegivagha, uamategha Antioghin ghu. ²⁷ Egha aning Antioghin otogha, Kraisin adazarir diazi me iza uari akuvazima, aning bizir God aningin dafaribar amiziba bar, dar gun me migei. Egha uaghan God Kantrin Igharazibar Gumazamiziba bagha nighnizir gavgavim tiam kuizir akam me migei. ²⁸ Egha aning kagh dughiar ruarinim suren gumazamiziba ko ike.

15

Kraisin adarazi Jerusalemin nguibamin uari akufa

¹ Ezi Judan Distrighin gumazir maba Antioghin izegha Kraisin adazarir sure gamua ghaze, "Ia Mosesin Arazimin gin mangan

kogh, egh uan mikarzir mogomebar iniba aghoreghan koghti, God ua ia inighan kogham.”* ² Bizir kam bangin, Pol ko Barnabas maburan odorozim me koma a gami. Kamaghin amizi, Kraisin adarazi Pol ko Barnabas ko nighnizir gavgavim Jesusin itir gumazir maba sara me amisevegha ghaze, me Jerusalemin mangi bizar kam bagh aposelba ko Siosin gumazamizir dapanibav kimam.

³ Egha Kraisin adarazi, me amadazima me zui. Me Fonisian Distrik ko Samarian moghin ghua Kantrin Igharazibar Gumazamiziba uan navibagh irazir bizimin gun me migei. Ezi Kraisin adarazi bar migirigiar kam baregha bar akonge.

⁴ Ezi Pol ko Barnabas, me ko zui darazi ko, me Jerusalemin otivizi, aposelba ko Kraisin adarazi ko men gumazir dapaniba bar akuegha me ini. Ezi Pol ko Barnabas God aningin agharimin amizir bizibar, gun me migei.

⁵ Ezi nighnizir gavgavim Jesusin itir gumazir maba, me fomira Farisibar min ike, me dikavigha kamaghin migei, “Kantrin Igharazibar Gumazamiziba uaghan Moses Osirizir Arazibar gin mangiva uan mikarzir mogomebar aghor.”†

⁶ Ezi aposelba ko siosin gumazamizir dapaniba akar kam akirasa uari akufa. ⁷ Dughiar ruarimin me bizar kam migia ghua, Pita dikavigha me migei, “Nan adarasi, ia fo dughiar maba givazi God kamaghifonge, Kantrin Igharazibar Gumazamiziba nan akatorimin Akar Aghuimin migirigiam bareghiva nighnizir gavgavim Jesusin ikiam. Egha ian tongin na misefe. ⁸ E fo, God gumazamizibar navir averiabagh fo. Egha u an Duam me ganingi. An e gamizi moghira, me gami. Egha tuavir kamin a kamaghin en aka, a me gifuegha ua me ini. ⁹ Godin damazimin Judaba ko Kantrin Igharazibar Gumazamiziba, e bar magh ghue. Kantrin Igharazibar Gumazamiziba nighnizir gavgavim Jesusin itima, God men nighnizir gavgavimtuavimin, men navibagh amizi me an damazimin dera. ¹⁰ Ezi kamaghin ia tizim bagh God damighti, a ian nighnizibar gin mangam? Egha osimtizir faragha en ovaviba ateran

iburaziba ko, osimtizir e uaghan datirighin ateran iburaziba, da isa nighnizir gavgavim Jesusin itir darazigh arisi. ¹¹ Kamaghin puvati. En nighnizir gavgavim ghaze, en Ekiam Jesusin apangkuvimin, God uam e inizir moghira me ini.”

¹² Ezi gumazir uari akuvaziba bar nimira ikia Barnabas ko Pol barasi. Ezi aning mirakelin arazarazibar ko digavir kuram gamir bizar gun me migei. Egha aning ghaze, God aningin dafaribar arazir kaba Kantrin Igharazibar Gumazamizibar tongin, dagh ami.

¹³ Aning mikemegha givazi Jems kamaghin migei, “Nan adarasi, ia na baragh.

¹⁴ Saimon kamaghin e geghara ghaze, kar faragha zuir dughiam, God Kantrin Igharazibar Gumazamiziba uan apangkuvim men akagha, men tongin gumazir maba ua bagha me inigha me gamizi, me an gumazamizibar otifi. ¹⁵ Godin akam inigha izir gumazibar migrigiamin mirara ghu. Me fomira kamaghin osiri, men migirigiamin osizirimra kara:

¹⁶ “‘God kamaghin migei,
Devitin ovaviba mati, purirpenim degiaghiri.

Egh ki gin umategh izi,
an ingarighti a tugham.
An bizir ikuviziba ki ua dar ingarigham,
egh ki a damighti
a ua deragham.

¹⁷ Eghti gumazamizir ikiavira itir naba
God bagh ruiam.

Kantrin Igharazibar Gumazamizir nan ziamin itiba
bar uaghan na buriam.

¹⁸ Ekiam kamaghin mikeme.
A bizir kaba fomira gumazamizibar akazi
me dagh fo.’’

¹⁹ Jems ua kamaghin migei, “Nan nighnizimra kara, Kantrin Igharazibar Gumazamiziba, me navibagh iragha God bagha zui. Eghit e men tuaviba apiran kogham. ²⁰ E me bagh osir kamaghin me mikim suam, ia dagher me marvir quabagh anidibar aman marki. Ia dar amikamaghin ia Godin damazimin mizegham. Ia dagher

* **15:1:** Gumazir kaba me Judan gumaziba, egha me ghaze, gumazir azenan itiba me en arazibar amuam. Men marazi fomira Farisibar ike. **15:2:** Ap 11:30; Ga 2:1 **15:2:** Aposel 11:30; Galesia 2:1 **15:4:** Ap 14:27 **15:4:** Aposel 14:27

† **15:5:** Ni akar Filipai, 3:2in itimini gan. **15:7:** Ap 10:1-43 **15:7:** Aposel 10:1-43 **15:8:** 1 Sto 28:9, Ap 1:24, 2:4, 10:44, 11:15 **15:8:** Aposel 1:24; 2:4; 10:44; 11:15

15:9: Aposel 10:15; 10:28; 10:34-35; Rom 10:11; 1 Korin 1:2; 1 Pita 1:22 **15:10:** Mt 11:30, 23:4, Lu 11:46, Ga 3:10, 5:1 **15:10:** Matyu 11:30; 23:4; Luk 11:46; Galesia 3:10; 5:1 **15:11:** Ro 3:24, Ga 2:16, Ef 2:5-8, Ta 2:11 **15:11:** Rom 3:24; Galesia 2:16; Efesus 2:5-8; Taitus 2:11 **15:12:** Ap 14:27 **15:12:** Aposel 14:27 **15:13:** Ap 12:17, Ga

2:9 **15:13:** Galesia 2:9 **15:14:** Ap 15:7-9 **15:14:** Aposel 15:7-9 **15:16:** Amos 9:11-12 **15:20:** Stt 9:4, Kis 34:15-17, Wkp 17:10-16, 18:6-23; 1 Korin 6:9; 6:18; 8:1, Ga 5:19, Ef 5:3; Kl 3:5; 1 Pi 4:3 **15:20:** Jenesis 9:4; Ua Me Ini 34:15-17; Ofa Gami 17:10-16; 18:6-23; 1 Korin 6:9; 6:18; 8:1; Galesia 5:19; Efesus 5:3; Kolosi 3:5; 1 Pita 4:3

kabar aman marki. Ia uari isava akuir arazir kurabar amuan marki. Egha asizir me benibar firibagh afi ariaghiriba, dar ghuziba darara iti, ia dar aman marki. Egh ia ghuzibar aman marki. ²¹ E fo, Moses osirizir arazir kamnagh fomira iza datirighin, me an akam nguibar ekiabar aven bar anekura, egha Sabatha zurara God ko migeir dipenibar aven a dibori.”[†]

*Me Kantrin Igharazibar Gumazamizir
God gifozibah bagha akinafarim amadi*

²² Egha aposelba ko siosin gumazamizir dapaniba ko Jerusalemin itir Kraisin adarazi bar mikemegha, uarir tongin gumazir maba misevegha me amadazi me Pol ko Barnabas ko Antioghin zui. Me gumazir dapanir pumuning uaghan aning amisefe: Sailas ko Judas, an ziar mam Barsabas. Gumazir kamning Kraisin adarazir faragha zui. ²³ Egha me akinafarir kam me koma anemada:

E, aposelba ko siosin gumazamizir dapaniba, e ian adaras.

Ia Kantrin Igharazimin itir nighnizir gavgavim Jesusin itir darasi, ia Antioghin nguibar ekiam ko Sirian Provins ko Silisian itiba. Akinafarir kam ia bagha izi. Dughiar aghuim.

²⁴ E kamaghin oraki, en tongin marazi me en azarazir puvatigha, ghua ia migia ian nighnizibagh asighasiki. Me ia gifarazi ia okam nighnisi. ²⁵ Ezi e bar navir vamira inigha gumazir maba ko en namakar aghuimming Barnabas ko Pol a misevegha me amada. ²⁶ Gumazir kamning, aning en Ekiam Krais Jesusin ziam bagha nguazir kamin ikirimirim ategha uanining sa. ²⁷ Kamaghin amizi, Judas ko Sailas uaghan akamin ia mikimasa, e aning amada. ²⁸ E Godin Duam ko navir vamira ikia kamaghin nighnigha ghaze, e osimtizitam ua ia darighan kogham. Bizir e ia mikemeziba, darara ia dar gin mangi.

²⁹ Ia me marvir guabagh anidir daghebar aman marki, egh asizibar ghuzibar aman marki, egh me beniba firibagh afi ariaghirir asizibar aman marki, egh uari isava akuir arazir kurabar amuan marki.

15:21: Ap 13:15 **15:21:** Aposel 13:15 [†] **15:21:** Judaba, me Israelin nguazimra itir puvati. Fomira me ghua kantrin igharazir Israelin nguazim boroghira itibar iti. Egha men God ko migeir dipeniba, nguibar ekiam uaghan nguazir kam iti. Ni akar Aposel 2:5-11in itimün gan. Kamaghin, nguibar ekiar kabar itir gumazimiba, me Moses Osirizir Arazibar akaba da baregha gifä.

15:24: Ap 13:1

15:24: Aposel 15:1

15:26: Ap 13:50, 14:19, 1 Ko 15:30, 2 Ko 11:23,

11:26 **15:26:** Aposel 13:50; 14:19; 1 Korin 15:30; 2 Korin 11:23; 11:26 **15:28:** Mt 23:4 **15:28:** Matyu 23:4

15:29: Wkp 17:14, Ap 15:20, 21:25, MAA 2:14, 2:20 **15:29:** Ofa Gami 17:14; Aposel 15:20; 21:25; Akar Mogomem 2:14; 2:20 **15:32:** Ap 11:27, 13:1, 14:22 **15:32:** Aposel 11:27; 14:22 [§] **15:33-34:** Fofozir gumazir maba uaghan kamaghin nighnisi, migirigar otevir mam uaghan kagh iti. Migirigar kam kamaghin ghu, “Ezi Sailas uan nighnizim gin ghu Antioghin iti.” **15:37:** Ap 12:12, 12:25, Kl 4:10, 2 Ti 4:11 **15:37:** Aposel 12:12; 12:25; Kolosi 4:10; 2 Timoti 4:11

15:38: Ap 13:13, Kl 4:10 **15:38:** Aposel 13:13; Kolosi 4:10 **16:1:** Ap 14:6, 2 Ti 1:5 **16:1:** Aposel 14:6; 2 Timoti 1:5 **16:2:** Fl 2:19-22 **16:2:** Filipai 2:19-22

Ia bizir kaba ategh deragham. En akam kamaghira tu.

³⁰ Egha Jerusalem itir Kraisin adarazi gumazir kaba amadazi, me Jerusalem ategha Antioghin iraghuegha Kraisin adarazi akuvagha akinafarim me ganingi. ³¹ Ezi Antioghin itir Kraisin adarazi akinafarir kam barazima, a gavgavim me ganiga men navibagh ami da dera. Ezi me bizir kam bagha bar akonge. ³² Judas ko Sailas aning uaghan Godin akam inigha izir gumazimming. Egha aning migirigar aviribagh ami. Kamaghin, aning gavgavim Kraisin adarazi ganiga migirigar akurvazir aviribar me gami. ³³⁻³⁴ Egha aning dughiar maba mong Antioghin me ko ike. Ezi gin Kraisin adarazi navir amirizim sara me amadazi, me Jerusalemin uamatetgha gumazir me amangiziba bagha zui. [§] ³⁵ Ezi Pol ko Barnabas Antioghin ikia gumazir avirir maba ko gumazamizibar sure gamua Ekiamin akam akuri.

Pol ko Barnabas uanining abiki

³⁶ Dughiar maba givazi, gin Pol kamaghin Barnabas migei, “Ga uamatetgha nguibar ekiar ga Ekiamin akam akuniziba, bar dar mangiva uan adarazir ganam, me manmaghin iti.” ³⁷ Ezi Barnabas kamaghin nighnisi, a Jon, an ziar mam Mak, an a inightima, a aningin gin mangam. ³⁸ Jon Mak Pamfilien purama aning ataki, egha aning ko ingangarim a givazir puvati. Kamaghin an aning ko mangan Pol aghua. ³⁹ Egha aning odorozir dafam gamigha kamaghin aning uanining abiki. Ezi Barnabas ko Mak kurim inigha arighatzim Saiprusin ghu. ⁴⁰ Ezi Pol Sailas amisefe. Ezi Kraisin adarazi uari akuvagha aning isa Godin agharim gatigha kamaghin migei, “Godin akurvazim gua ko iki.” Ezi aning ghu. ⁴¹ Egha aning Sirian Provins ko Silisian moghin ghua Pol gavgavim Kraisin adarazigh anidi.

16

Timoti Pol ko Sailasin gin zui

¹ Pol ghua Derben otogha ghua Listran oto. Ezi kagh suren gumazir mamin ziam

Timoti, a iti. An amebam Judan amizim, a Kraisin mav. Ezi an afeziam Grighin gumazim. ² Listra ko Aikoniamin itir en adarasi, me kamaghin a migei, Timoti gu-mazir bar aghuim. ³ Ezi Pol a inighti, an a ko mangasa ifonge. Judaba danganir kamin iti. Egha me bar fo, an afeziam a Grighin gumazim. Kamaghin, Pol Timotin mikarzir mogomemin imim atu. ⁴ Egha me nguubar ekiabagh arui. Akar aposelba ko siosin gumazamizir dapaniba Jerusalemin mikemegha amamangatizim, gumazamizib-a da baragh, dar gin mangasa, me me migiaghbarui. ⁵ Kamaghin amizi, Kraisin adarasi, men nighnizir gavgaviba gavgafi. Ezi men dibobonim aruebar zurara pin ghuavanadi.

Pol irebamin min bizimin Masedonian gumazimin gani

⁶ Ezi Godin Duam, Esian Provinsin Akar Aghuim kunan men anogoroke. Kamaghin amizi, Pol, ko Sailas, ko Timoti, me Frigian Distrighin nguubar ekiam ko Galesian Distrighin moghin ghue. ⁷ Egha me Misian Distrik ko Bitinian Provinsin mitaghniamin otoga Bitinian Provinsin aver mangasava amima, Iesusin Duam men anogoroke. ⁸ Kamaghin amizi, me Misian Distrighin miriam gatigha, Troasin ira ghue. ⁹ Ezi dimangan Pol irebamin min bizimin garima, Masedonian Provinsin gu-mazim tughav ikia a gagakhora ghaze, "Ia Masedonian iziva en akuragh." ¹⁰ Pol irebamin min bizar kamin ganigha givagha, e zuamira bizibar kirigha Masedonian mangasa tuavivar kiri. E fo, God Akar Aghuim me mikinasa en dia.*

Filipain amizim, Lidia, Kraisin anavin oto

¹¹ Egha e Troasin kurim inigha biaghagh Samotresin zui. Egha amimzaraghan Neapolis bagha zui. ¹² Egha e kagh dikavigha ghua Filipain otifi. Romba fomira izava apiazir nguubar ekiam. A Masedonian Distrighin nguubar faragha zuir mam. E kagh dughiar mabar ike.

¹³ Ezi Sabatin dughiamin, e nguubar ekiamin tiar akamin azenan ghua dipamin uaghiri. E ghaze, God ko mikimamin danganitam ti kagh ikiamma? Ezi e kagh

amizir mabar gari me uari akuvagha itima, e me migei. ¹⁴ Amizir e barazir kabar mav, an ziam Lidia, a faragha Taiatairian nguubar ekiamin ikia izegha inir pighagheviba amadi. A zurara Godin ziam fer amizim. Ekiam an navim kuizima a Polin migirigiaba barasi. ¹⁵ Egha a ko an gara dipenir vamiran itir darasi, e me ruegha givazi, a uan dipenimin mangasa en gigham. A kamaghin e migia ghaze, "Ia kamaghin na ginighnigh suam, ki guizbangira nighnizir gavgavim Ekiamin iki, kamaghin ia izi nan dipenimin iki." A kamaghin e migia bar e gakaghone.

Pol ko Sailas kalabusin iti

¹⁶ Dughiar mamin e God ko migeir danganimin zuima, ingangarir amizir igiam, duar kuram a gapazazi, an e bato. Duar kuram a gapazazima a gin otivamin bizibagh fogha dar gun migei. Ezi kamaghin an garir gumaziba an amir ingangarir kamin dagiar aviriba isi. ¹⁷ Ezi guivir kam, Pol ko bar en gin iza kamaghin dia migei, "Gumazir kaba Godin Bar Pin Itimin ingangarir gumaziba. Me God ian akurvaghamin tuavimin gun ia migei." ¹⁸ A dughiar avirabar kamaghin ami.

Ezi Pol an amiraghha raghirigha kamaghin duar kuram migei, "Ki Krais Iesusin ziamin ni migei, ni azenim girigh!" Ezi duar kuram maghira anetaki.

¹⁹ Ezi an garir gumaziba fo, men dagiaba isir tuavim piri. Kamaghin amizi, me Pol ko Sailasin suiraghha aning amikirigha gumazir dapaniba bagha biziba amadir danganir ekiamin ghu. ²⁰ Egha me aningin akua jas bagha ghugha kamaghin migei, "Kar Judan gumazimning. Aning en nguubar ekiamin itir gumazamizibar navibagh inivima osimtzir aviriba otifi." ²¹ Egha aning Romin kantri en anogoroghezir arazibar gin mangasa, gumazamizibav gei."

²² Ezi gumazamiziba iza uari akuvagha uaghan akaba Pol ko Sailas gasi. Ezi jas midorozir gumazibav gia ghaze, ia aningin korotiaba suegh aning misogh. ²³ Me Pol ko Sailas puv aning misuegha, aning isa kalabus gati. Egha deraghiva aningin ganamin akar gavgavim isa, kalabusin garir gu-mazim ganangi. ²⁴ Ezi kalabusin dipenimin garir gumazim jasin akam baregha, aning

- 16:3:** 1 Ko 9:20; Ga 2:3-5 **16:3:** 1 Korin 9:20; Galesia 2:3-5 **16:4:** Ap 15:23-29 **16:4:** Aposel 15:23-29 **16:5:** Ap 2:47 **16:5:** Aposel 2:47 **16:6:** Ap 18:23 **16:6:** Aposel 18:23 **16:7:** 2 Ti 1:15 **16:10:** 2 Ko 2:13
16:10: 2 Korin 2:13 * **16:10:** Aposelin akinafarimin akar otevir maba iti, "e," iti. Gumazir avirim a ghaze, Luk, Pol koma dughiar mabar arui, kamaghin a migei, "e." Dughiar kam Luk Pol ko ghua Filipain tuga, Filipain iti. Bizar kam bagha, Pol Filipai ataghizima, akar kam, "e," ua itir puavti. Ni Aposel 16:40, an ganigh. **16:15:** Ap 16:33, 18:8
16:15: Aposel 16:33; 18:8 **16:16:** Ap 19:24 **16:16:** Aposel 19:24 **16:17:** Mk 1:24, 1:34 **16:17:** Mak 1:24;
1:34 **16:18:** Mk 16:17 **16:18:** Mak 16:17 **16:19:** Ap 19:25-26, 2 Ko 6:5 **16:19:** Aposel 19:25-26; 2 Korin 6:5
16:20: 1 Kin 18:17, Mt 5:11, Mk 13:9, Ap 17:6 **16:20:** 1 Atriviba 18:17; Matyu 5:11; Mak 13:9; Aposel 17:6 **16:22:**
2 Ko 6:5, 11:23-25, Fl 1:30, 1 Te 2:2 **16:22:** 2 Korin 6:5; 11:23-25; Filipai 1:30; 1 Tesalonika 2:2

isa selin danganir bar aven itim gatigha, aningin sueba pamtem temem sara da ike.

²⁵Ezi dimagarir arizimin Pol ko Sailas God ko migjäva ighiabagh ami. Ezi kalabusin itir gumazir maba aning barasi. ²⁶Ezi zuamira mikimkizir dafar mam otogha, gavgavim kalabuziar dipenimin mingarim ganidir dagiabagh inobaghnobasi. Ezi kalabusin tiar akaba zuamira kuiaghire. Ezi me kalabuziaba ikezir senba bar firiaghire. ²⁷Ezi kalabusin dipenimin garir gumazim osegha dikavigha kalabusin dipenimin tiar akabar garima da bar kuiaghire, an nighnizim ghaze gumazir kalabusin itiba bar are. Kamaghin a uan midorozir sabam asigha uabi uabi biragh aremeghaha. ²⁸Ezi Pol pamtemin dia, “Ni pazi uabi damuan marki! E bar ka iti.”

²⁹Ezi kalabusin garir gumazim angazgariba bagha dia, egha ivegha Pol ko Sailas itir danganimin ghua atiata puvira nigha, aningin suebar iri. ³⁰Egha an aning inigha azenan otogha aningin azangsisi, “Aruamning, ki tizim damightima God nan akuraghram?”

³¹Ezi aning a ikaragha ghaze, “Ni nighnizir gavgavim Ekiam Jesusin ikiti, a nin akuragh, nin adarazi sara akuraghram.”

³²Ezi aning Ekiamin akam a migia egha uaghan a ko itir darazi bar me migei.

³³Dimagarir kamra, gumazir dapanir kam aning inigha aning duaba rue. Ezi aning zuamira a ko an adarasi, Jesusin ziamin bar me rue. ³⁴Ezi kalabuziabar garir gumazir dapanim, Pol ko Sailas inigha uan dipenimin aven ghugha dagheba aning ganidi. A uan adarazi ko nighnizir gavgavim Godin iti. Kamaghin amizi, me bar akonge.

³⁵Ezi aminim tirazi, jasba polisin gumaziba amadazi me iza kamaghin kalabuziar dapanim migei, “Jasba kamaghin migei, ‘Ni Pol ko Sailas ateghtima aning mangi.’”

³⁶Ezi kalabuziabar garir gumazir dapanim kamaghin Pol migei, “Jasba ni ko Sailas ataghiraghosa na mikeme. Ezi gua datirighin navir amirizim sara mangi.”

³⁷Ezi Pol kamaghin polisin gumazibav gei, “Ga Romin gumazimning. Me ga

isa kot gatizir puvatigha gumazir aviribar damazimin pura ga misogha, ga isa kalabusin ga amada. Egha me datirighin nimira ga amangasa? Ti puvatigham! Me uari iziva gan aku mangam.”†

³⁸Ezi polisin gumaziba akar kabar gun jasbav keme. Ezi me orazi Pol ko Sailas Romin gumazimning. Ezi me atiatingi. ³⁹Kamaghin amizi, jasba kalabusin dipenimin ghuegha, kamaghin aning migia ghaze, gua ataran marki. Egha me aningin akua azenan ghuegha, aningin azangsisi, “Gua nguibar ekiar kam ategh mangi.” ⁴⁰Ezi aning kalabusin dipenim ategha Lidian dipenimin ghu. Egha Kraisin adarazir ganigha, akar maba me migia, gavgavim me ganigha, egha aning ghu.

17

Me Tesalonikan nguibamin aven akam akuri

¹Pol ko an gin aruir gumaziba, me Amfipolis ko Apolonian nguibamning ategha ghuavira ikia Tesalonikan nguibamin oto. Tesalonikan nguibamin aven, Judabar dipenim God ko migeir mam iti. ²Egha Pol God ko migeir dipenimin aven ghu. Kar a zuraram amir arazim. Egha Sabatin pumuning ko mikezimin Godin Akinafarimin itir osiziriba me geghara me migei. ³An osiziriba men akakaghad maringaribav già ghaze, “Krais mizazim inigh aremegh ua dikavamin migirigiam, a guizbangira.”

Egha kamaghin migei, “Jesusin ki akam akurir kamnagh, a Gumazir God Ua Gu-mazazibza Iniasa Misevezim, a Krais.”* ⁴Ezi Judan gumazir maba oregha nighnizir gavgavim akar kabar ikia Pol ko Sailasin nighnizimin gin zui. Ezi uaghan Godin atiatir Grighin gumazir aviriba ko ziaba itir amiriz aviriba sara aningin gin zui.

⁵Gumazir avirim Pol ko Sailasin nighnizimin gin zuima, Judaba kamaghin naviba bar ikufi. Egha puram aruir gumazir kurar maba akumakumigha gumazir bizar dafam gami. Egha ghua nguibar ekiamin aven arua pamtem

16:26: Ap 4:31; 5:19, 12:7, 12:10 **16:26:** Aposel 4:31; 5:19; 12:7; 12:10 **16:27:** Ap 12:18-19 **16:27:** Aposel 12:18-19 **16:30:** Lu 3:10, Ap 2:37, 9:6 **16:30:** Luk 3:10; Aposel 2:37; 9:6 **16:31:** Jo 3:16, 3:36, 6:47, 1 Jo 5:10 **16:31:** Jon 3:16; 3:36; 6:47; 1 Jon 5:10 **16:33:** Ap 16:15 **16:33:** Aposel 16:15 **† 16:37:** Dughiar kamin Romin nguibar ekiamin atrivim, an ziam Sisar. A Mediterenianin Ongarir Ekiamin boroghira itir kantribar gari. Kamaghin amizi, Romin kantrin itir gumaziba mati gumazir ziar ekiaha iti moghin iti. Ezi men osirizir arazim kamaghin migia ghaze, Kotiaba ko gavmanin gumaziba pura me misoghan kogham. Dughiar mabar Romba, gumazir igharaziba uaghan me ataghizima me uaghan Romin kantrin gumazibar min otifi. Polin afeziam a uaghan kamaghin amizir gumazir mam. Kamaghin amizi, Polin amebam a batezi, a uaghan Romin kantrin gumazir mam. (Ni Aposel 22:24-29 an ganigh.)

16:39: Mt 8:34 **16:39:** Matyu 8:34 **17:1:** 1 Te 1:1-2, 2:1-2 **17:1:** 1 Tesalonika 1:1-2; 2:1-2 **17:3:** Lu 24:26, Ap 3:18, 9:22, 18:28, Ga 3:1 **17:3:** Luk 24:26; Aposel 3:18; 9:22; 18:28; Galesia 3:1 * **17:3:** Migirigiar kamin mingarim, Krais, kamaghin ghu, “God Uam E Iniasa Misevezir Gumazim.” **17:4:** Ap 13:50, 15:22, 15:27, 15:40, 28:24

17:4: Aposel 13:50; 15:22; 15:27; 15:40; 28:24 **17:5:** Ro 16:21

atarava araghasi. Me Pol ko Sailas inigh avirir torimin mangasa, aning buriasa ivemara Jesonin dipenimin aven ghue.⁶ Egha me aningin apizir puvatigha, Jeson ko Kraisin marazi kurivegha nguabar ekiamin garir gumazir dapaniba bagha me inigha ghu. Egha kamaghin dei, "Gumazir kaba osimtizim nguazir kamin nguibaba bar dagh arigha iza datirighin kagh oto."⁷ Ezi Jeson me inigha uan dipenim gati. Gumazir kaba bar moghira Sisar osirizir arazibar gin mangan aghua. Egha kamaghin migei, Atrivir ekiar igharazim uaghan iti, an ziam Iesus."⁸ Ezi gumazamizir avirir uari akuvaziba ko nguabar ekiamin garir gumazir dapaniba, me men akar kam baragha digavir kuram gamigha diava arai.⁹ Egha nguabar ekiamin garir gumazir dapaniba, me Jeson ko an adaraziv kemezi, me sel givese. Ezi me me ataghizi, me zui.

Berian nguibamin itir Judabar arazir aghuim

¹⁰ Ezi aminim pirima, Kraisin adarazi zuamira aning amadazi aning Berian nguibamin ghu. Aning ghua otivavira Judabar dipenir God ko migeimin aven ghu.¹¹ Berian Judaba, men araziba ko men nighniziba bar dera. Me Polin migirigiaiba baraghaha bar ifonge. Egha me Polin migirigiaiba mingariba abigh bar dagh fofohaha zurara Godin Akamin Osiziribar gari. Me kamaghin fofohaha, Polin migirigiaiba, da guizin migirigiaiba, o? Kamaghin, me Tesalonikan itir Judabar arazibah afira.¹² Ezi Judan aviriba nighnizir gavgavim Polin migirigiabar iti. Ezi uaghan Grighin amizir ziaba itir maba ko Grighin gumazir aviriba sara aningin gin zui.

¹³ Ezi Judan gumazir Tesalonikan itiba orazi, Pol Berian ikia Godin akam akuri. Ezi me uaghan Berian otivigha gumazamizir kabar nighnizim gasighasigha men navibagh inif. ¹⁴ Ezi Kraisin adarazi zuamira Pol amadazi an ongarir miriamin ghu. Sailas ko Timoti Berian ikiavira iti.¹⁵ Ezi Polin akua zuir gumaziba, ghua Atensin aneti. Ezi Pol, Sailas ko Timoti zuamira a bativasa, an aning bagha akam isa me ganingi.

Pol Atensin ikiava akam akuri

17:6: Ap 16:20

17:6: Aposel 16:20

17:7: Lu 23:2, Jo 19:12, 1 Pi 2:13

17:7: Luk 23:2; Jon 19:12; 1 Pita

2:13

17:11: Ais 34:16, Lu 16:29, Jo 5:39

17:11: Aisia 34:16; Luk 16:29; Jon 5:39

17:13: Ap 13:50, 14:19

17:13: Aposel 13:50; 14:19

17:17: Ap 18:19

17:17: Aposel 18:19

17:18: Faragha zuir akam, Grighbar

tongin gumazir aviriba, me fofozir gumazir fomira ikezibar nighnizibar gin zui. Men fofozir gumazibar manning, aning zianning Epikurian ko Stoik.

17:24: Mt 11:25, Ap 7:48, 14:15

17:24: Matyu 11:25; Aposel 7:48; 14:15

17:24: Matyu 11:25; Aposel 7:48; 14:15

1 Atriviba 8:27; Aisia 42:5

17:25: Jop 12:10, Sng 50:12, Sek 12:1, Ap 7:48

17:25: Jop 12:10; Onger Akaba 50:12;

17:25: Jop 12:10; Onger Akaba 50:12;

Sekaraia 12:1; Aposel 7:48

17:27: Lo 32:8, Sng 145:18, Ais 55:6, Jer 23:23, Ap 14:17, Ro 1:20

17:27: Lo 32:8, Sng 145:18, Ais 55:6, Jer 23:23, Ap 14:17, Ro 1:20

17:27: Onger Akaba 50:12; Aposel 7:48; 14:15

145:18; Aisia 55:6; Jeremaia 23:23; Aposel 14:17; Rom 1:20

17:28: Ki 1:17, Ta 1:12, Hi 1:3

16 Egha Pol Atensin ikia Sailas ko Timoti bagha mizuai. Egha a gari, Atensin nguabar ekiamin aven marvir guaba bar izifa. Ezi Pol bar osemegeha an muriam bar ikufi. ¹⁷ Egha a bizir kam bagha God ko migeir dipenibar aven a Judaba ko Grighin Godin atiatia itir gumazamiziba sara migei. Egha uaghan bibizbagh iveauz danganim zurara gumazir pura iza otivibav gei.¹⁸ Ezi Epikurian ko Stoikin gumazir fofoziba itiba, me Pol ko uari adosi. Marazi kamaghin migei, "Organir mam tizibav gei?" Ezi marazi kamaghin migei, "A ti aser igharazibar akam akuri." Pol Iesus ua dikavizir biziwin Akar Aghuim akurima, kamaghin me migirigiar kabar a gami.[†]

¹⁹⁻²⁰ Egha me a inigha Atensin garir gumazir dapanibar tongin ghua me mighsiamin Areopagus uari akuvagha iti. Egha me kamaghin Pol migei, "Ni nighnizir e fomira tong oraghizir puvatizibav gei. E dar mingarim gifoghasa ifonge. Kamaghin e fofohaha, kar nighnizir igiar manam, ni an gumazamizibar sure gami. Ni e mikim."²¹ (Atensin gumaziba ko Atensin azenan itir gumazir izeziba, me zurara pura ikiava nighnizir igiar otivir kabara migei.)

²² Ezi Pol Areopagusin Mighsiamin tongira tugha kamaghin migei, "Ia Atensin gumaziba! Ki ian gari, ia godin min asebar gin mangasa bar gavgafi." ²³ Ki arua bar deravira bizir ia ziaba febar gani, egha ki uaghan ofa gamir dakozir mamin gari ziari kam an iti: E fozir puvatizir godin ofa gamir dakozim. Ezi datirighin ki, godin ia fozir puvatigha gin zuim, ki an akam ia mikimasa.

²⁴ "Godin mam iti, a nguazir kam ko an itir biziba bar dar ingari, anarira overiam ko nguazimin Ekiam. Egha a gumaziba dafaribar ingarir dipenibar itir puvati."²⁵ Godin kam a ubi ikirimirim ko biziba bar gumazamizibagh aningi. Egha a bizitamin otevezir puvati. Kamaghin, e uan dafaribar an akurvagh bizitam damighan kogham.²⁶ Ezi God gumazir vamiran ingari, egha an ovavir kamin a gumazamiziba bar men ingari. Egha me isa nguazimin danganiba bar dagh ariki. Egha a ubi me ikiamin ikirimirimin dughiaba ariki. Egha danganir me itiba a me bagha nguazir mitaghniaba ariki.²⁷ God kamaghin ifonge, gumaza-

†

miziba a buri, an boroghin iziva an apigh, kamaghin a bizar kabagh ami. Guizbangira God e vaghvaghya en saghon itir puvati.²⁸ ‘Anarira e gamima, e ikiava, aruava egha ikirimirim isi.’ Ezi ian fofozir gumazir mabara kamaghin mikeme, ‘E Godin boribara.’[†]

²⁹ ‘Kamaghin amizi, e guizbangira an ovavibar ikiva, egh kamaghin nighnighan kogh suam, God ti golin nedazim o silvan nedazim o dagiabar nedazim. E uaghan kamaghin nighnighan kogh suam, a ti gumazamiziba uari uan dafariba ko uan nighnizibar ingariz marvir guatam.

³⁰ ‘Fomira gumazamiziba God gifozir puvati. Dughiar kamin, me fozir putatigha amizir biziba, God dagh nighnizir puvati. Egha datirighin God Akar Gavgavim aniga ghaze, nguazir kamin danganiba bar dar itir gumazamiziba bar uan navibagh iragh.³¹ God gumazamizibar arazir kuraba bagh me tuisighamin dughiam akirigha gifa. An arazir aghuimin mirara a inabazir gumazim, nguazir kamin gumazamiziba tuisigham. Gumazir kam aremezi God a gamizi a ua dikafi. Bizar kamin God e tuisighamin ingangarim gumazamiziba bar men akazi, me fo, a guizbangiram otogham.’

³² Egha me ua dikavamin migirigiam baregha, marazi a dipofi. Ezi marazi kamaghin migei, ‘Ni dughiatam ua bizar kam mikinti, e ni baraghosa.’³³ Ezi Pol me ategha ghu. ³⁴ Ezi gumazamizir maba Polin nighnizimin gin ghua nighnizir gavgavim an migirigabar iti. Men tongin Dionisius, a Areopagus kaunselinaven itir gumazir mam. Ezi amizir mam, an ziam Damaris, a gumazamizir igharazir maba ko, me uaghan nighnizir gavgavim Polin migirigabar iti.

18

Pol Korinin nguubar ekiamin Godin Akar Aghuim akuri

¹ Bizar kabar gin, Pol Atens ategha Korinin nguibamin ghu. ² Egha a Judan gumazir mam bato, an ziam Akwila. An nguibam Pontusin Provinsinaven iti. A uan amuim Prisila ko, aning mong fomira kantri Italini

ike, ezi Sisar Klodius Judabav gia ghaze, me Romin nguubar ekiam ategh igharagh mangi. Kamaghin amizi, aning Itali ategha Korinin ize. Ezi Pol aning ganasa zui.³ Pol uaghan aningen mirara, selin dipenibar ingari. Kamaghin amizi, an aningen ganasa ghugha, aning ko ikia egha me ko ingari. ⁴ Sabatin dughiabar, Pol zurara Judaba God ko migeir dipenibar ghua me ko uariv gei. A Judaba ko Grighbar nighnizibar amutima, me nighnizir gavgavim Iesusin ikiasi me gakagħori.

⁵ Ezi Sailas ko Timoti Masedonia ategha izaghirizi, Pol dughiabar zurara Godin Akar Aghuim akuri. An akar gavgavim kamaghin derivira Judabagh eghar, Jesus a Krais, Gumazir God Uam E Inisa Misvezim. ⁶ Ezi Judaba Polin akam baraghan aghuagħha, migirigiar kuraba a ganidi. Kamaghin amizi, a uan korotiamin mineziba apizigha, kamaghin me migei, ‘Kamaghin ia Godin saghon iki ovegħti, mar ian osimtizimra. Ezi ki ubi osimtiziba puvati. Ki datirighin Godin Akar Aghuim Kantrin Igharazibar Gumazamiziba me minkinam.’

⁷ Ezi Pol God ko migeir dipenim ategha Titius Jastusin dipenimin għu. Gumazir kam zurara Godin ziam fe. An dipenim a Judaba God ko migeir dipenimin borogħin iti.⁸ Krispus, God ko migeir dipenibar garir gumazir dapanim. Ezi a uan adarzo ko me nighnizir gavgavim Ekiamin iti. Ezi Korinin gumazamizir avirib Polin akam baregħa, nighnizir gavgavim Iesusin ikia egha rue.

⁹ Ezi dimagarir mamin Ekiam irebamin min garir bizim kamaghin Pol migei, ‘Ni atiatingan marki, ni mikimvira iki, egh nimira ikian marki.¹⁰ Ki ni ko iti, nan gumazamizir aviriba nguibar ekiar kamin iti. Kamaghin tav pazi ni damighan kogh, egh ni misueghan kogħam.’¹¹ Ezi Pol azenir vamira ko akuamin ikiava, Godin Akar Aghuim men sure gami.

¹² Galio, Akaian Provinsin gavmanin gumazir dapanim imitma, Judan gumazibar dikavighha Polin apannim gamua a isa kot gati.¹³ Me ghaze, ‘Gumazir kam, a gumazamizibav già ghaze, ‘Ia Moses Osirizir

17:28: Kolosi 1:17; Hibrū 1:3 [†] **17:28:** Pol gumazir kaba an akam derivira agifogħħasa, egha a men fomira itir Grighin gumazibar akar otevir pumuning isa, uan akam gavgavim a daningħas, aning gun me migei. **17:29:** Ais 40:18-20, 44:10-17, Ap 19:26 **17:29:** Ais 40:18-20; 44:10-17; Aposel 19:26 **17:30:** Ap 14:16, Ro 3:25, Ta 2:11-12, 1 Pi 1:14 **17:30:** Aposel 14:16; Rom 3:25; Taitus 2:11-12; 1 Pita 1:14 **17:31:** Sng 9:8, 96:13, Ap 2:24, 10:42, Ro 2:16, 14:10 **17:31:** Onger Akaba 9:8; 96:13; Aposel 2:24; 10:42; Rom 2:16; 14:10 **18:2:** Ro 16:3, 1 Ko 16:19, 2 Ti 4:19 **18:2:** Rom 16:3; 1 Korin 16:19; 2 Timoti 4:19 **18:3:** Ap 20:34, 1 Ko 4:12, 1 Te 2:9, 2 Te 3:8 **18:3:** Aposel 20:34; 1 Korin 4:12; 1 Tesalonika 2:9; 2 Tesalonika 3:8 **18:5:** Ap 9:22, 17:3, 17:14-15, 18:28 **18:5:** Aposel 9:22; 17:3; 17:14-15; 18:28 **18:6:** Ese 18:13, Ap 13:45-46, 13:51, 20:26, 1 Pi 4:4 **18:6:** Aposel 13:45-46; 13:51; 20:26; 1 Pita 4:4 **18:8:** 1 Ko 1:14 **18:8:** 1 Korin 1:14 **18:9:** Ap 23:11, 1 Ko 2:3 **18:9:** Aposel 23:11; 1 Korin 2:3 **18:10:** Jos 1:9, Ais 41:10, Jer 1:8, 1:18-19, Mt 28:20, Jo 10:16 **18:10:** Josua 1:9; Ais 41:10; Jeremaja 1:8; 1:18-19; Matyu 28:20; Jon 10:16

Araziba riaghiriaghiva, arazir igharazim
Godin ziam fi.”

¹⁴ Pol bar men akam ikarvaghassava ami, ezi Galio Judabav gei, “Ia Judaba, gumazir kam Rom osirizir araziba abigham, o an arazir kuratam damightima, ki ian akam baregham. ¹⁵ Ezi ia migirigiba ko zaba ko ia uan araziba, bagha nighnighha na bagha izi. Markiam. Ia uari dar kirmigh. Ki bizir kabar kotiaba bareghan kogham.” ¹⁶ Kamaghin amizi, a me amadazi, me kot ategha azenan ize. ¹⁷ Ezi Korinin gumaziba, maghira Sostenesin suira, a Judabar dipenir God ko migeimin garir gumazir dapanim, egha kotin danganim boroghira a misosi. Ezi Galio bizir me amizir kam gunuira.*

Pol uomategha Antioghin nguibam ghu

¹⁸ Pol dughiar mabar Korinin ikegha, Kraisin adarazi ategha kurimin ghuavan-abogha Sirian Distrighin ghu. Prisila koma Akwila a ko zui. Dughiar a tighar kurimin mangamim, a Senkrian ikia God ko akar dikirizir mam gami. Kamaghin a uan dapanir arizim gise.† ¹⁹ Ezi me Efesus otivigha, Pol Prisila ko Akwila kagh aning ataki. Egha a uabi Judabar dipenir God ko migeimin ghuua me ko uariv gei. ²⁰ Ezi me dughiar tabar uarir gan ikiwasava a migeima, a ghaze, Puvati. ²¹ A me ataghiraghha, akar dikirizim gamua kamaghin me migei, “God ifuehti, ki ua ia bagh izam.” Egha kurim inigha Efesus ategha ghu. ²² Egha a Sisarian otogha, Jerusalemin itir Kraisin adarazigh etiasa ghuavanaboo. Egha gin Antioghin nguibamin ghuaghiri.

²³ Pol dughiar mabar Antioghin ikegha, Distrik Galesia ko Frigian itir nguibaba bar dagħ arua, men nighnizir gavgvir Iesusin itiba gavgvavim me ganidi.

Apolos Godin Akar Aghuim Efesusin nguibamin anekuri

²⁴ Judan gumazir mam, an ziam Apolos, an Aleksandrian gumazim. A iza Efesusin nguibamin iti. A bar deravira migiava, Godin Akinafarinim Osiziriba bar dagħ fo.

²⁵ Me Ekiamin tuavimin a gegħani, ezi a gumazamizibar sure damuasa an navim bar a dikafi. A bar deravira Iesus amizir

bizbar me migei. Egha a Jonin rurimra fo. ²⁶ Egha Apolos Judabar God ko migeir dipenimin ghugha, atiatir puvatiga Godin akam akuri. Ezi Prisila ko Akwila a baregha a inigha uan dipenimin ghugha Godin tuavim a gegħaniz, a deravira Godin tuavim għifos.

²⁷ Ezi Apolos Akaian mangasava amima, Efesusin itir Kraisin adarasi, gavgvavim a ganid, egha a iniasa Akaian suren gumaziba bagha akinafarim osiri. Apolos Akaian otozir dugħiā min, a nighnizir gavgvavim Godin itir darazi akurvazir ekiam me gami. God men apangkufi, kamaghin amizi, me nighnizir gavgvavim Godin iti. ²⁸ Apolos bar gavgvavha gumazamizibar damazibar akam akuri, egha men akaba ikarvaghha, Judabar akar kurar me migeiba dikabiri. A Godin Akinafarimin itir akam akuri, eġi me fogħ suam, Iesus a God Uam E Iniasa Misevezir Gumazim, Krais.

19

Pol Efesusin akam akuri

¹ Dughiar kam Apolos Korinin ikiavira itima, Pol mighsiabar itir nguibabagh arua għuha iza Efesusin oto. Egha a kagh suren gumazir maba bato. ² Egha men azara, “Ia faraghavira nighnizir gavgvavim Iesusin itima, Godin Duam ia gizivaz, o puvati?”

Ezi me ghaze, “Puvati, e uaghan tong oraghizir pu, Godin Duam iti, o puvati.”

³ Ezi Pol men azara, “Ia rurir manamra ini?”

Ezi me ikara ghaze, “Jonin rurim.”

⁴ Ezi Pol ghaze, “Jonin rurim a navim girazir rurim. Jon gumazamizibav già ghaze, ia nighnizir gavgvavim nan gin iza-min gumazim iki, a Iesus.” ⁵ Ezi me kamaghin oraghizi, Pol Ekiam Iesusin ziamin me rue. ⁶ Ezi Pol uan agharimming me gisins atizi, Godin Duam me bagħha izegħha me avara. Ezi me nguibar igharazibar akabav gei. Egha Godin akam inigha izir gumazibar min Godin akam migei. ⁷ Me bar mogħira men dibobonim 12pla.

⁸ Ezi Pol iakinir pumuning ko mikezim, a God ko migeir dipenimin aven, gumazamizibar akar gavgvavibar me migia atiatir

18:14: Ap 23:29, 25:11; 25:19 **18:14:** Aposel 23:29; 25:11; 25:19 **18:15:** Jo 18:31, Ap 23:29, 25:18-19 **18:15:** Jon 18:31; Aposel 23:29; 25:18-19 *

18:17: Grighan akam deragħha bizir kam gifozir puvati. Fofozir gumazir maba ghaze, Judaba uari uan gumazir dapanir ekiamin atarav eghha me a misosi. **18:18:** Nam 6:18, Ap 21:24, Ro 16:1 **18:18:**

Diboboniba 6:18; Aposel 21:24; Rom 16:1 † **18:18:** Judaba kamaghin ami, me Godin akar dikirizim gin mangiva, uan dapanir arizim gisegħam. **18:19:** Ap 17:17 **18:19:** Aposel 17:17 **18:21:** Ro 1:10, 1 Ko 4:19, Hi 6:3, Je 4:15

18:21: Rom 1:10; 1 Korin 4:19; Hibru 6:3; Jems 4:15 **18:25:** Ap 19:3, Ro 12:11 **18:25:** Aposel 19:3; Rom 12:11

18:26: Ap 19:8 **18:26:** Aposel 19:8 **18:27:** 1 Ko 3:6, 2 Ko 3:1 **18:27:** 1 Korin 3:6; 2 Korin 3:1 **18:28:** Ap 9:22, 17:3, 18:5 **18:28:** Aposel 9:22; 17:3; 18:5 **19:1:** 1 Ko 1:12, 3:6 **19:1:** 1 Korin 1:12; 3:6 **19:2:** Ap 2:38, 8:16 **19:2:** Aposel 2:38; 8:16 **19:3:** Mt 3:11 **19:3:** Matyu 3:11; Mak 1:4; 1:7-8; Luk 3:4; 3:16; Jon 1:15; 1:26-30; Aposel 18:25; 19:4

Jo 1:15, 1:26-30; Ap 18:25, 19:4 **19:4:** Matyu 3:11; Mak 1:4; 1:7-8; Luk 3:4; 3:16; Jon 1:15; 1:26-30; Aposel 18:25; 19:4

19:6: Ap 2:4, 6:6, 8:17, 10:44-46 **19:6:** Aposel 2:4; 6:6; 8:17; 10:44-46

puvati. A God Bizibagh Ativir Arazimin migirigiamin gun me migia, men nighniziba iraghaha me migei.⁹ Ezi marazir naviba gavgavizi, me nighnizir gavgavim Polin akabar ikian aghuaghha, gumazamizibar damazibar azenara migirigiar kurabar Godin Tuavim gami. Ezi Pol me ategha nighnizir gavgavim Iesusin itir darazi inigha ghu. Egha dughiabar zurara Tiranusin suren dipenimin bizibar me migei.¹⁰ Pol azenir pumuningin kamaghin amima, Judaba ko Grighin Esian Provinsin itiba, me bar Ekiamin akam baraki.

Skevan otariba duar kuraba batoghaha

¹¹ Egha God mirakelin bar gavgavir igiaiba Polin dafarimningin dagh ami.¹² Me uaghan inir avizir doriba adiziba ko, inir avizir maba, me da Polin mikarzimin poegha, da isa ghuava arimariabagh arizi me ghuamazima, duar kuraba me ataghiras.

¹³ Ezi Judan gumazir maba nguibabagh arua duar kuraba batosi. Me Ekiam Iesusin ziamin duar kurar gumazamizibar aven itiba batoghaha kamaghin migei, "Iesusin Pol akam akurimin ziamin, ki pamtem ni migei, 'Ni azenan izi.'"

¹⁴ Ezi Skeva, a Judan ofa gamir gumazir dapanir mam. An otarir 7pla, arazir kam gami.¹⁵ Ezi dughiar mam, duar kurar mam kamaghin me migei, "Jesus, ki a gifo, egha ki Pol, ki a gifo, ezi ia taia?"¹⁶ Ezi gumazir duar kuram apazazir kam, ubi fegha me minkiniga puv me misuaghariki. A mizazir kuram me gasima me ghuzibagh rua bibabarba dipenim ategha arava azenan ghue.

¹⁷ Ezi Judaba ko Grighin gumazir Efesusin itiba bizar kam baregha bar atiatingi. Ezi Ekiam Iesus an ziam, gumazamizibar a pirafa.¹⁸ Faragha nighnizir gavgavim Iesusin itiba datiriginha iza, gumazamizibar damazimin uan arazir kurabar gun migei.¹⁹ Ezi gumazamizir avirir imeziba ko mirakel kurabagh amiba, me uan akinafarir mirakelin kurabar osiziriba itiba inigha iza, gumazamizibar damazimin da tue. Me mirakelin kurabar akinafarir kabar iveauzimin dibobonim diboborima, da 50,000in silvan dagiabar tu.²⁰ Kamaghin amizi, Ekiamin migirigiam nguibaba bar dar zui. Ezi gumazamizir avirim nighnizir gavgavim

Ekiamin migirigiamin itima a pamtem men navibar aven ingari.

Efesusin nguibamin gumaziba dia Polin atari

²¹ Bizar kaba otivigha givazi, Pol Godin Duamin gin Masedonian Provins ko Akaian Provins moghin mangi, Jerusalemin otivasa. Egha ghaze, "Ki nguibar kamin ikeghiva, gin uaghan Romin nguibar ekiamin mangam."²² Egha an akuravazir gumazimning, Timoti ko Erastus, an aning isa Masedonian aning amada. Egha a ubi mong Esian Provinsin ike.

²³ Dughiar kamra gumazir maba Ekiamin Tuavimin adarir migirigiar dafam gami.²⁴ Ezi gumazir mam, an ziam Demitrius. A silvan bizibar ingarir gumazim. A dagiaba ini-as, aser amizim Artemisin dipenimin min, a dipenir dozibar ingarigha, silvan dagh ami. Gumazir aviriba Demitrius ko ingara dagiar aviriba isi.²⁵ Egha a ko an ingangarir gumaziba ko men ingangarimin min amir ingangarir igharazibagh amir gumaziba, men dia. Egha kamaghin migei, "Maia, ia fo. E dagiar ingangarir kam gamua dagiar dafam isi."²⁶ Ia garava orasi, gumazir kam Pol, gumazamizir avirim an akaba bangin ira dar gin zui. Efesusin kaghira puvati, Esian Provins bar. A gumazamizibar nighnizibagh ami, da tuavir igharazibar zui. A kamaghin migia ghaze, gumaziba amir marvir guaba, da guizbangira godba puvati.²⁷ Polin akar kam en dagiar ingangarimin ziar aghuim gasighasigham. Bizar kamra puvati, uaghan gumazamizibar nighnizimin, Artemisin dipenim pura bizar kinim gavagham. Eighti Artemis ubi, me Esian Provins ko nguazir kam bar moghira ua asemin min an ganan kogham. An marvir Guam pura bizar kinim gavagham!"

²⁸ Ezi me oregha atara maghira pamtem migia ghaze, "Aser amizim Artemis, an Efesusin bar Ekiam!"²⁹ Ezi mong gin nguibar kamin itir gumazamiziba bar niginir dafam gami. Egha me bar, Gaius ko Aristarkusin suiragha aning a mikirigha, voroghira uari aukirv danganir ekiamin zuamira ivemara ghue. Aning, Masedonian gumazir Pol koma aruimning.³⁰ Pol ubi gumazamizir okoruamarin tongin mangasa nighnisi.

- 19:9:** Ap 9:2; 2 Ko 6:14-18, 2 Pi 2:2 **19:9:** Aposel 9:2; 2 Korin 6:14-18; 2 Pita 2:2 **19:10:** 2 Ti 1:15 **19:10:** 2 Tim 1:15
Timoti 1:15 **19:11:** Ap 14:3 **19:11:** Aposel 14:3 **19:12:** Ap 5:15 **19:12:** Aposel 5:15 **19:13:** Mk 9:38
19:13: Mak 9:38 **19:15:** Mk 1:24, 1:34 **19:15:** Mak 1:24; 1:34 **19:17:** Lu 7:16, Ap 2:43, 5:5, 5:11 **19:17:**
Luk 7:16; Aposel 2:43; 5:5; 5:11 **19:20:** Ap 6:7, 12:24 **19:20:** Aposel 6:7; 12:24 **19:21:** Ap 18:21, 20:22, 23:11, Ro
1:13, 15:24-28; Ga 2:1 **19:21:** Aposel 18:21; 20:22; 23:11; Rom 1:13; 15:24-28; Galesia 2:1 **19:22:** Ro 16:23, 2 Ti 4:20
19:22: Rom 16:23; 2 Timoti 4:20 **19:23:** 2 Ko 1:8 **19:23:** 2 Korin 1:8 **19:24:** Ap 16:16-19 **19:24:** Aposel
16:16-19 **19:26:** Sng 115:4, Ais 44:10-20, Jer 10:3, Ap 17:29, 2 Ti 1:15 **19:26:** Onger Akaba 115:4; Aisaia 44:10-20;
Jeremaia 10:3; Aposel 17:29; 2 Timoti 1:15 **19:29:** Ap 20:4, 27:2, Ro 16:23, 1 Ko 1:14, Kl 4:10, Fm 24 **19:29:** Aposel
20:4; 27:2; Rom 16:23; 1 Korin 1:14; Kolosi 4:10; Filemon 1:24 **19:31:** 2 Ti 1:15 **19:31:** 2 Timoti 1:15

Ezi Kraisin adarazi an anogorosi. ³¹ Ezi uaghan Efesusin gavmanin gumazir maba, me Polin namakaba, me a bagha akam amaga pamtem a gakaghora ghaze, a danganir ekiar gumazamiziba uari akuvimin mangen marki.

³² Ezi uari akuvazir gumazamiziba me okam nighnisi, marazi bizir mam migia dei, ezi marazi bizir igharazim migia dei. Gumarzir avirim fozir puvati, me tizim bagha iza uari akufa. ³³ Ezi Judaba, me gumarzir mam Aleksanderin tivazi, a ghua faraghavira tu. Ezi marazi ghaze, Aleksander ti osintizimin mingarim. Ezi a uan dafarimra nimira ikiasi me migei. A men akaba ikarvaghosa.* ³⁴ Ezi me fo, a Judan gumarzir mam, me bar moghira uari inigha dia ghaze, “Aser amizim Artemis, an Efesusin bar Ekiam.” Men dimdiam auan pumuningin ghu.

³⁵ Ezi Efesusin nguibar ekiamin kuskus gumarzir okoruar kam me aminivaghya kamaghin me migei, “Efesusin gumarzamiziba, nguazir kamin gumarzamiziba bar fo. Artemisin marvir guam overiamin ikegha kagh suiaghiri. Ezi Efesusin nguibar ekiam, an Artemisin dipenim ko an maryir guamin garir nguibam.” ³⁶ E fo, gumarzitam akar kabar ghuaragħan kogħam. Kamaghin ia nimira iki, zuamira bixitam damuan marki. ³⁷ Ia gumarzir kamming inigha kaghize. Aning Artemisin dipenimin bixitam okemezir puvati. Egha aning Artemisin ziam gasighasaghizir puvati. ³⁸ Demitrius ko ingarir gumarziba, me osintizitam gumarzitam ikiti, kotiabu ko gumarzir kotiabu baraziba iti. Me men osintizim kotiām anekiram. ³⁹ Ka kot puvati. Eghia osintizitabu ua ikiva, ia kotin dugħiā min dar kir. ⁴⁰ Kamaghin amizi, gavmanin gumarziba bizir datirighin otozir kam baregh, egh e isi kot datigham. Kamaghin e pamtemin atara amizir bizir kam bagħ, me e damighti e iverzegħam. E amizir bizir kam minġariba puvati. Me bizir kam bagħ aza ragħiġi e mikkimamin migirigħiabu puvati.” ⁴¹ A kamaghin mikemegħa gumarzamiziba amadazi me ghue.

20

Pol Provins Masedonia ko kantri Grighin zui

¹ Ezi gumarzamizibar arareba ko dimdiaba givazima, Pol gumarzamizir nighnizir gavgavim Iesusin itiba, men diazi

me iza uari akufa. Ezima an akar mabar me migia ghaze, me tuivigh gavgavigh. Egha a men dafariba suigha me ategħa Masedonian għu. ² Egha Pol nguibar kabagh arua akar avirir men navibar amuti, me tuivigh gavgavighamibav gei. Egha a gin ghua Grighin kantrin oto. ³ Egha iakinx pumuning ko mikelzim Grighin iti. Pol kurim inigha Sirian mangasawa amima, Judaba a misogħamin migirigħiā mam akiri. Kamaghin amizi, a uamategħha Masedonian għu. ⁴ Pol zuima, Berian gumarzim, Sopater, a Pirusin otarim, an ġin zui. Ezi Aristarkus koma Sekundus, aning Tesalonikan gumarzimning. Ezi Gaius, nguibar ekiam Derben gumarzim. Ezi Timoti ko Esian gumarzir pumuning, Tikikus koma Trofimus, aning Provins Esian gumarzimning, me bar mogħira Pol ko ghue. ⁵ Gumarzir kaba faragħa għuwa Troasin nguibamin e bagħha mizu iti. ⁶ Ezi e Filipain ikiavira itima, Yis puvatizir Bretin Dugħiaba givazi, e kurim inigha Filipai ataki. Ezi Splan dughiaba ua givazi e ghua Troasin gumarzir e bagħha mizuwa batifi. Egha 7plan dughiaba Troasin iti.*

Pol Troasin nguibamin Yutikus gamizi a ua dikafi

⁷ Wighin kamin faragħa zuir aruemin, e bret abiaghħarigha damasa iza uari akufa. Ezi Pol amimzaragħan mangasa, kamaghin amizi, an akam akura għuavira ikia dimgarir arizimtu.† ⁸ Ghuriar e uari akuvazir pin itir kam, lamen aviriba an iti. ⁹ Ezi winduan aperagħav itir gumarzir igjam, an ziam Yutikus, an osemeħhaakuwa ongħani. Pol migħavira itima, Yutikus pin ikegha degha nguazim għiġi. Ezi me ghua a għażiha an garima, a bar areme. ¹⁰ Ezi Pol uaghira a għisn ghua a muigha kamaghin migei, “Ia atiatingan marki. An angamira iti.”

¹¹ Egha Pol ghuriar pin itim għuavanh-abogħa, bret abiaghħarigha gumarzamiziba ko me da api. Pol me migħia għuavira itima aminim tirazi a me ategħa zui. ¹² Ezi me gumarzir igħiġi angamira itim inigha an dipenimin għuwa bar akonge.

Pol Troas ategħava uan suebar Miletusin nguibamin zui

¹³ Ezi e Pol ategħa faragħa kurim inigha Asosin nguibamin zui. E ghaze, e Asosin Pol batogh a inighi kurimin mangam. Pol uabi ghaze, ki tuavimin mangam. ¹⁴ Ezi

* 19:33: Grighin akam bizar kam deragħha a gifozir puvati.

21:29; Efesus 6:21 * 20:6: Fofozir gumarzir avirim kamaghin nighnisi, Pol Filipain otogħa, Luk inigha a ko għu. Kamaghin amizima migirigħi otevirk kam iti, “e.” (Ni Aposel 16:10, an gan.)

20:7: Aposel 2:42; 2:46; 1 Korin 16:2; Akar Mogomem 1:10 † 20:7: Fofozir gumarzir avirim kamaghin nighnisi, me dagħer kam gamu, Iesusin inivafizim ko ghuziġi ginighnisi.

20:4: Ap 19:29, 21:29, Ef 6:21 20:4: Aposel 19:29;

20:7: Ap 2:42, 2:46, 1 Ko 16:2, MAA 1:10

20:10: 1 Kin 17:21 20:10: 1 Atriviba 17:21

Pol Asosin e batogha e ko kurir kam inigha Mitilinin nguibamin ghue.¹⁵ Egha amimzaraghan e kurimin ghua Kiosin Arighatizimin otifi. Dughiar kamin gin e ghua Samosin nguibamin otogha, dughiar abuananamin e ghua Miletusin nguibamin oto.¹⁶ Pol dughiar avirabar Esian Provinsin ikian aghua, a zuamira mangasa. A Jerusalemin otoghiva, Pentikosin Dughiar Ekiamin ganasa ifonge. Bizir kam bagha an Efesus azovagh mangasa nighnizir mam gami.[†]

Polko Efesusin Kraisin adarazir gumazir dapaniba

¹⁷ E ghua Miletusin otogha, Pol Efesusin Kraisin adarazir gumazamizir dapaniba bagha akam amada.[§] ¹⁸ Ezi me iza ottivizima, a kamaghin me migei, "Ia ki amir arazibagh fo, ki dughiar faragha ghuzimin Esian Provinsin izegha arazir kabagh amua, iza datirighin tu."¹⁹ Judaba na misoghasa migei. Kamaghin ki bar uabi dikabiragh, osimtiziba ko terim sara Ekiamin ingangarim gami.²⁰ Ia kamaghin fo, ki ian akurvaghamin akatamin ia mikimisi ia mikimam, ki atiatir puvati. Egha ki vaghvaghia ian dipeniba ko azenara ian sure gami.²¹ Ki akar gavgvavimra Judaba ko Grighin gumazamizibav gia ghaze, ia uan navibagh iragh, uan arazir kuraba ateghiva Godin gin mangi, egh nighnizir gavgvavim e uan Ekiam Krais Iesulin iki.

²² "Ia oragh, Godin Duar nan aven itim, a datirighin Jerusalemin mangasa puvira na migei. Ezi ki fozir puvati, bizir manatam munagh na batogham.²³ Ki kamaghin fo, nguibar ekiar ki zuiba bar Godin Duam na migia ghaze, kalabusba ko osimtiziba na mizua iti.

²⁴ "Ezi ki uan mikarzir angamira itim ginighnizi, a pura bizim. Ekiam Iesus ingangarir mam na ganungi. Ezi ingangarir kam kamakin, ki bizitam iniasa ivemari. Mati gumazim uan ivemarim a givasava ami, kamaghira ki uaghan uan ingangarim agivasava bar ifonge. Ingangarir kam kamakin, God

uan apangkuvim gumazamiziba bar men akakaghaha. Ezi ki bizir kabar akam akuri.

²⁵ "Ezi ia oragh. Ki ian tongin ikia God Biziagh Ativamin Dughiamin akam akuragh arui. Egha ki fo, datirighin ia ua nan guamin apighan kogham.²⁶⁻²⁷ Bizir kam bagha ki atiatir puvatigha Godin nighniziba bar ia migei. Kamaghin amizima, datirighin ki bar deraghvira ia mikimasa, gumazitam ian tongin ovegti, kar ian osimtizim.²⁸ Ia uari uari bagh ganiva, egh uaghan Godin gumazamizibar gan. Godin Duam Godin gumazir nighnizir gavgvaviba iti, a bar dar ganasa ia misefe. Ia gumaziba gari gumazibar min iki, ia Kraisin adarazir gan. God uabi uan Otarimin ghuzimin me givese.²⁹ Ki kamaghin fo, ki gin ia ategh mangichti, gumazitaba afiar atiabar min ian tongin izam. Ezi afiar atiaba sipsipbagh asighasizi moghin, gumazir kaba ian gari darazigh asighasigham.³⁰ Egh ti ian tongin tarazi, dikavigh guizin akam giragh nighnizir gavgvavim Kraisin itir daraziv kimti, me men gin mangam.³¹ Kamaghin amizi, ia uari bagh gan. Ki azenir pumuning ko mikezimin amizir araziba, ia dagh nighnigh. Ki arueba ko dimagaribar, teriba sara, zurazurara nighnizir aghuibla vaghvaghia ia migia, tong mitetam atizir puvati. Egha ghaze, ia uari bagh ganigh.

³² "Ezi ki datirighin ia isa Godin darfaram gati, egh ti an apangkuvim akam ia damutu, ia gavgvavigham. Egh gin apangkuvim akar kam, bizir aghuibla ia daningiva, ia ko Godin damazimin zuezir gumazamiziba sara daning, akurvazir aghuibar gumazamizir Godin damazim zuezibar tongin gin ia daningam.

³³ "Ki tavin silva ko gol ko inibagh ifongezir puvati.³⁴ Ia uari kamaghin fo, nan darfari kamning, ki uabi ua bagha ingarir biziba isa uabin akurvagh, egha na ko ingarir darazir akurvasi.³⁵ Ezi ki amizir ingangariba bar, ki kamaghin ian aka, e pamtemen ingangarir arazimin gin mangi, egh kamaghin, e ingaran iburazir gumazibar akurvagh. Egh ia Ekiam Iesus, a

- 20:16:** Ap 18:21, 24:17, 1 Ko 16:8 **20:16:** Aposel 18:21; 24:17; 1 Korin 16:8 **† 20:16:** Ni Aposel 2:1 in akamin ganigh. **20:17:** Ap 18:21 **20:17:** Aposel 18:21 **§ 20:17:** Miletusin nguibam, a Efesusin nguibam mong an saghon iti. Aning tongin ababanim 50 kilomitan tu. **20:18:** Ap 18:19, 19:10 **20:18:** Aposel 19:10 **20:19:** Ap 20:3 **20:19:** Aposel 20:3 **20:22:** Ap 19:21 **20:22:** Aposel 19:21 **20:23:** Ap 19:21, 21:4, 21:11, 1 Te 3:3 **20:23:** Aposel 19:21; 21:4; 21:11; 1 Tesalonika 3:3 **20:24:** Ap 21:13, Ro 8:35, 2 Ko 4:1, 4:16, Ga 1:1, 2 Ti 4:7 **20:24:** Aposel 21:13; Rom 8:35; 2 Korin 4:1; 4:16; Galesia 1:1; 2 Timoti 4:7 **20:26-27:** Aposel 18:6; 2 Korin 7:2 **20:28:** 1 Ko 12:28, 1 Ti 4:16, Hi 9:14, 1 Pi 1:19, 5:2-4 **20:28:** 1 Korin 12:28; 1 Timoti 4:16; Hibru 9:14; 1 Pita 1:19; 5:2-4 **20:29:** Mt 7:15, Jo 10:12, 2 Pi 2:1 **20:29:** Matyu 7:15; Jon 10:12; 2 Pita 2:1 **20:30:** 1 Ti 1:20, 1 Jo 2:19 **20:30:** 1 Timoti 1:20; 1 Jon 2:19 **20:31:** Mk 13:37, Ap 19:8-10, 1 Te 2:11 **20:31:** Mak 13:37; Aposel 19:8-10; 1 Tesalonika 2:11 **20:32:** Ap 26:18, Ef 1:18, Kl 1:12, Hi 13:9 **20:32:** Aposel 26:18; Efesus 1:18; Kolosi 1:12; Hibru 13:9 **20:33:** 1 Sml 12:3, 1 Ko 9:11-12, 2 Ko 7:2 **20:33:** 1 Samuel 12:3; 1 Korin 9:11-12; 2 Korin 7:2 **20:34:** Ap 18:3, 1 Ko 4:12, 1 Te 2:9 **20:34:** Aposel 18:3; 1 Korin 4:12; 1 Tesalonika 2:9 **20:35:** Mt 10:8, 2 Ko 11:9, 11:12, Ef 4:28, 1 Te 4:11, 2 Te 3:8 **20:35:** Matyu 10:8; 2 Korin 11:9; 11:12; 1 Tesalonika 4:11; 2 Tesalonika 3:8

uabi mikemezir akam ginighnigh, ‘Ni bizar aghuarim munav ganidir arazim, a bar dera. Egha a ni ua baghavira biziba isir arazim gafira.’”

³⁶ Egha Pol akar kam mikemegha, me ko me bar moghira teviba apirigha, gumazir dapaniba ko, me God ko migei. ³⁷ Ezi me bar aziava a muigha an tori. ³⁸ Ezi Pol me migia ghaze, “Ia ua nan guamin ganighan kogham.” Egha bizar kam bagha, me bar osemegha bar nighnighava avenge. Egha Polin akua, kurimin anemangasa zui.

21

Pol kurimin Jerusalemin zui

¹ Egha e, Efesusin Kraisin adarazir gumazir dapaniba, ataghiraghbar aseme. Egha e kurim inigha Kosin Arighatizim baghavira zui. Egha amimzaraghan, e Rodesin Arighatizimin ghue. Egha Rodes ategha Pataran nguibamin ghue. ² Egha e Pataran kurir mam bato. A Finisian zuima, e an binigha zui. ³ Egha e Saiprusin Arighatizimin gara, agharikiriamin amadaghan a gitagha ghua, Sirian Provinzin zui. Egha Tairin nguibamin aghegha kurimin itir biziba kagh dar arighasa. ⁴ E kagh Kraisin adarazir apigha me ko 7plan aruebar ike. Ezi Godin Duam me mikemezi me Pol migia ghaze, ni Jerusalemin mangan kogham. ⁵ Ezi kurim Tair ataghiraghbar amina, Kraisin adarazi uan amuiroghboriba ko, en akua nguibar ekiamin azenan zui. Egha ongarir dadarimin teviba pirigha God ko migei. ⁶ Ezi e me ko uan dafaribar suigha, e kurim inigha zuima, me uamategha uan dipenibar zui.

Godin akam inigha izir gumazim Agabus akar mam Pol ganingi

⁷ Ezi e Tair ategha Tolemesin nguibamin otivigha, dughiar aghuim Kraisin adarazigh anigha, me ko aruer vamiran ike. ⁸ Egha amimzaraghan e me ategha Sisarian nguibar ekiamin otivigha ghua, Filipin dipenimin iti. Filip Ekiamin Akar Aghuim akurir gumazir mam. Egha a 7plan gumazir aposebar akurvazir gumazamizibar mav. ⁹ A guivir igiar pumuning ko pumuning iti, egha me Godin akam inigha izir amizibar min akam akuri.

- 20:36:** Ap 21:5 **20:36:** Aposel 21:5 **20:38:** Ap 20:25
Aposel 20:23; 21:12 **21:6:** Ap 20:36 **21:6:** Aposel 20:36
Aposel 6:5; 8:5; 8:26; 8:40; Efesus 4:11; 2 Timoti 4:5 **21:9:** Joel 2:28, Ap 2:17 **21:9:** Joel 2:28; Aposel 2:17 **21:10:** Ap 11:28 **21:10:** Aposel 11:28 **21:11:** Jo 21:18, Ap 20:23, 21:33 **21:11:** Jon 21:18; Aposel 20:23; 21:33 **21:12:** Mt 16:22 **21:12:** Matyu 16:22 **21:13:** Ap 20:24
2:9 **21:18:** Aposel 15:2; 15:13; Galesia 1:19; 2:9 **21:19:** Ap 15:4, 15:12; Ro 15:18-19 **21:19:** Aposel 15:4; 15:12;
Rom 15:18-19 **21:20:** Ap 15:1; 15:5; 22:3; Ro 10:2; Ga 1:14 **21:20:** Aposel 15:1; 15:5; 22:3; Rom 10:2; Galesia 1:14
21:21: Ap 16:3; Ga 2:3 **21:21:** Aposel 16:3; Galesia 2:3

¹⁰ E mong dughiar maba Sisarian ikezi, Godin akam inigha izir gumazir mam, Agabus, a Judian Distrighin ikegha Sisarian izaghiri. ¹¹ Egha a en bighan izava Polin letiam uan dafarimning ko suemning ikegha kamaghin migei, “Godin Duam kamaghin migei, Kamaghira Judan Jerusalemin itiba, letin kamin ghuavim ikeghiva a isi Kantrin Igharazibar Gumazamizibar aningam.”

¹² E kamaghin oregha, e ko Sisarian guazamizibar Jerusalemin mangan koghosa Pol gakaghori. ¹³ Ezi Pol me ikaraghah kamaghin migei, “Bizir tizim bagha aziava nan navim gamima a ikufi? Me na ikisi, a dera. Ki uaghan Ekiam Jesusin ziam bagh Jerusalemin aven aremegham, a dera.”

¹⁴ Pol bar gavgavizima e tagha anetegha kamaghin migei, “Bizir tizim Ekiam a damusi ifongegh, an a damu.”

Pol Judian kalabusin itima me an kotiam barasi

(Sapta 21:15-26:32)

Polghua Jerusalemin oto

¹⁵ Egha gin e bizibar kirigha Jerusalemin ghuavanabo. ¹⁶ Ezi Sisarian itir Kraisin adarasi, men marazi en akua ghua Nasonin dipenimin e ikiamin naghin e ati. A Saiprusin gumazir bar faraghavira Jesus gifogha an gin zuim.

¹⁷ Egha e Jerusalemin otozima, Kraisin adarazi e bagha bar akonge. ¹⁸ Egha amimzaraghan, Pol en marazi ko Jemsin ganasa zui. Dughiar kamin siosin guazamizibar dapaniba bar, uaghan iti. ¹⁹ Pol dughiar aghuim me ganigha, Ekiam Kantrin Igharazibar Gumazamizibar tongin an dafarimin amizir biziba bar dar gun me migei.

Gumazir dapaniba Godin Dipenimin mangasa Pol migei

²⁰ Ezi Kraisin adarazir gumazir dapaniba kamaghin oregha Ekiamin ziam fe. Egha me Pol migia ghaze, “En anav, ni fo Judan guazamizibar bar aviriba nighnizir gavgavim Ekiamin iti. Egha me bar Moses Osirizir Araziba bagha gavgafi. ²¹ Ezi gumazir maba me migia ghaze, Pol Judan gumazir Kantrin Igharazibar Guazamizibar tongin itiba Moses Osirizir Arazibar gin mangan men anogorosi. Egha

- 20:38:** Aposel 20:25 **21:4:** Ap 20:23, 21:12 **21:4:** Ap 20:25
21:8: Ap 6:5, 8:5, 8:26, 8:40, Ef 4:11, 2 Ti 4:5 **21:8:**
21:9: Joel 2:28, Ap 2:17 **21:9:** Joel 2:28; Aposel 2:17 **21:10:** Ap
21:11: Jon 21:18; Aposel 20:23; 21:33 **21:11:** Jon 21:18; Aposel 20:23; 21:33 **21:12:**
21:13: Aposel 20:24 **21:18:** Ap 15:2, 15:13, Ga 1:19,
2:9 **21:18:** Aposel 15:2; 15:13; Galesia 1:19; 2:9 **21:19:** Ap 15:4, 15:12; Ro 15:18-19 **21:19:** Aposel 15:4; 15:12;
Rom 15:18-19 **21:20:** Ap 15:1; 15:5; 22:3; Ro 10:2; Galesia 1:14
21:21: Ap 16:3; Ga 2:3 **21:21:** Aposel 16:3; Galesia 2:3

ghaze, ia uan boribar mikarzir mogomebar iniba aghoran marki, egh Judaba e uan arazibar amuan marki. ²²E fo, ni izezi, me oregham, egheti e ua manmaghin damuam? ²³Ni kamaghin damu. Kagh e ko itir gumazir pumuning ko pumuning God ko akar dikirizir gavgavir mam gami. ²⁴Ni me inigh ia Godin damazimin zuegħi, arazir kam damu. Egh me uan dapanir arizibagh isamin ofaba, ni adagh iveau. Ni kamaghin damightima, gumazamiziba bar fogħ suam, ka ti akar ifavaritam, * ezi ni uaghan Judan Arazibagh ami.* ²⁵Ezi Kantrin Igharazibar Gumazamizir Iesusin gin zuiba, e akinsafarri mamin uan nighnizim osirigha me bagħha fomira anemada. Egha me migia ghaze, ia marvir guabar ofa gamir asizibar aman marki. Egh ia uaghan asizir ghuziba itiba koma asizir me firagħarim dafa misozibar aman marki, egh uari isi dakuva arazir kurabar amuan marki.”

²⁶ Kamaghin amizi, Pol tagħha ghua gumazir kaba ini. Egha amimzaragħan, me ghua arazir Godin damazimin zuegħamim, a me ko a gamigħa, Godin Dipenir miriamin aven ghua ofa gamir gumazibav già ghaze, dugħiwar manamin e Godin damazimin zuegħamin arazimin dugħiham givagħti, me ebagħ vagħvagħ ofa damuam.

Judan gumaziba Godin Dipenimin Polin suira

²⁷ Ezi dugħiwar 7pla givasava amima Judan gumazir Esjan Provinċiit itiba Godin Dipenim avinizir divazimien aven Polin api. Egha gumazamizibar navibagh inivima me Polin suiragħha kamaghin dia migei, ²⁸ “Israelin gumaziba, ia en akuragh! Gumazir kam, en gumazamizibagh asighasighasa, gumazir igharazibka nguibar igharazibar bar men sure gami. Egha Moses Osirizir Araziba ko Godin Dipenim gasighasigha migei. A uaghan Grighin gumaziba inigha Godin Dipenim avinizir divazimien aven ghua, God u baqha inabazir Dipenim gamima a Godin damazimin mize.” ²⁹(Me faragħha Efesusin gumazim Trofimusin garima, a Pol ko nguibar ekiamin aven arui. Ezi me kamaghin nighnisi, Pol a inigha Godin Dipenim avinizir divazimien aven għu.)

-
- 21:23:** Diboboniba 6:13-21 **21:24:** Ap 18:18 **21:24:** Aposel 18:18 ***** **21:24:** Ni Aposelbar Ingangariba 18:18 in gan, uaghan Diboboniba 6:1-21. **21:25:** Aposel 15:29 **21:26:** Nam 6:13, Ap 24:18, 1 Ko 9:20 **21:26:** Diboboniba 6:13; Aposel 24:18; 1 Korin 9:20 **21:27:** 2 Ti 1:15 **21:27:** 2 Timoti 1:15 **21:28:** Ese 44:7, Ap 6:13 **21:28:** Ese 44:7; Aposel 6:13 **21:29:** Ap 20:4, 24:5-6, 2 Ti 4:20 **21:29:** Aposel 20:4; 24:5-6; 2 Timoti 4:20
† **21:30:** Divazir aviriba Godin Dipenim okari, ezi Kantrin Igharazibar Gumazamizibha divazir faragħavira itimra aven mangam. Akar kam, “Me Pol kurugħa Godin Dipenimin divazir azenan itimra għu,” a divazir namba 2 migei. Tiar akaba me da ase, kar namba 2 in divazimien tiar akaba. Kamaghin gumazamizibha danganir ekiar uari akuvit itimra iti, kar Godin Dipenimin divazir namba 1 an okarizim. **21:33:** Ap 20:23 **21:33:** Aposel 20:23 **21:36:** Lu 23:18, Jo 19:15, Ap 22:22 **21:36:** Luk 23:18; Jon 19:15; Aposel 22:22 **21:38:** Ap 5:36-37 **21:38:** Aposel 5:36-37

³⁰Ezi nguibar ekiamin gumazamizibha bar naviba me ginivima, me tintinibar ivemara iżi. Egha Godin Dipenimin miriamin Polin suiragħha a kurugħa zui. Egha me zuamira Godin Dipenimin miriamin tiar akar ekiaba ase.†

Romin midorozir gumaziba Polin suira

³¹ Egha Judan gumazamizibha aremegħamin midorozim Pol gamma Romin midorozir gumazibar ekiam oraki. Ezi migirigħam ghua kamaghin a bato, Jerusalemin gumazamizibha uariv sosi.

³² Ezi a zuamira midorozir gumazibar garir gumazir dapanir maba ko, midorozir gumaziba inigha me ivemara danganir gumazamizir avirim iti nagħin zui. Ezi Pol misozir gumaziba midorozir gumazir ekiam ko an gumazibar ganigha Pol ataki.

³³ Ezi midorozir gumazibar gumazir dapanim iza Polin suiragħha midorozir gumazibav geima, me senin pumuningin a ike. Ezi midorozir gumazibar gumazir dapanim, Judan gumazibar azara, “Kar tina, egha tizim gami?” ³⁴Ezi avirir ekiar kamin aven me pura tintinimin bizibav gei. Me nighin ir-dafam gamma, midorozir gumazibar gumazir dapanim deragħha bixxat baraghha a għifor puvati. Kamaghin amizi, a uan midorozir gumazibav kemexima, me a inigha uan dipenimin għu. ³⁵Pol dipenir kamin adiriziamin otivasava amima gumazamizibha a misogħasa bar kagħiram anerisi. Ezi midorozir gumaziba a għażiex, Ezi midorozir gumaziba a ġis-aghpu. ³⁶Ezi gumazamizir avirir men gin zuiba dia kamaghin migei, “A misuegti, an aremegħi!”

Pol uan nighnizir gavgavimin gun Judabagh egharri

³⁷ Ezi me Pol inigha midorozir gumazibar dipenimin aven mangasava amma, a Grighin akamin men gumazir dapanim azara, “Ki bixxat ni mikimam, o?”

Ezi midorozir gumazibar gumazir dapanim an azara, “Ni Grighin akam migei? ³⁸Ki ghaze, ni Isipin gumazim, ni fomira gavman ko misogħa, 4,000 plan gumazir kuraba inigha ghua gumazamizibha puvatizir danganim għu. Ni gumazir kam?”

³⁹Ezi Pol kamaghin migei, “Puvati. Ki Judabar gumazim, ki Silisian Distrighin aven

itir nguibam Tarsusin gumazim. Ki ziam itir nguibar ekiamin gumazim. Ki ni azai, ni nan amamangatighti, ki akatam gumazamizibav kimasa.”

⁴⁰ Ezi midorozir gumazibar gumazir dapanim a mikemezi, Pol adiriziamin tuga uan dafarimira gumazamiziba aminifa. Ezi me bar moghira nimira itima, a Hibrum akamin me migei.

22

¹ “Nan adarazi ko nan afeziaba, ia oragh. Ki datirighin deravira ia geghanam. Ki osintizitam gamizir puvati.”

² Ezi me a barazima, a Hibrum akam me migeima, me bar nimira iti. Ezi Pol kamaghin migei,³ ‘Ki Judan gumazir mam, nan amebam Silisian Distrighin, Tarsusin nguibamin na bate. Ezi ki Jerusalemin nguibar ekiamin ikiava aghungi. Ki Gamalielin dafarimin itima, a en ovavibar arazibar nan sure gamizi, ki bar deravira dagh fo. Egha ia datirighin ami moghin ki Godin gin mangasa bar gavgafi.’⁴ Ki faragha gumazamizir nighnizir gavgaviba itiba, me Tuavir Kamin zuima, ki me gasighasisi. Egha ki men suigha senbar me ikiava kalabus garisi.⁵ Godin ofa gamir gumazibar dapanim ko Judan kotin aven itir gumazir aruuba bar nan arazibagh fo, me dar gun ia mikimam. Me Judan Damaskusin itir en darazi bagha osirizir aksinafariba na ganingi. Ezi ki ghaze, ki gumazamizir nighnizir gavgaviba itir Tuavir Kamin gin zuiba, kalabusbar min me inigh Jerusalemin iziva, mizaziba me daningam. Egha ki bizir kam bagha Damaskusin ghu.”

*Pol manmaghin amigha datirighin Iesus bagha nighnizir gavgavim an iti
(Aposel 9:3-19; 26:12-18)*

⁶ Pol migia ghua, ua kamaghin me migei, ‘Ki aruer arizimin Damaskusin boroghira zuima, angazangarir gavgavim Godin Nguibam ikia bar na gisira.’⁷ Ezi ki nguazim girigha orazima, tiarir mam na migei, ‘Sol! Ni manmaghsua na gasighasisi?’

⁸ ‘Ezi ki an azara, ‘Ekiam, ni tina?’

‘Ezi tiarir kam na ikara, ‘Ki Nasaretin gu-mazim Iesus, ni na gasighasisi.’⁹ Ezi na ko zuir darasi, me angazangarimin ganigha,

me migirigiam baragha deragha fozir puvati, tina na migei.

¹⁰ ‘Ezi ki azara, ‘Ekiam, ki manmaghin damauam?’

‘Ezi Ekiam na migei, ‘Ni dikavigh Damaskusin mangi. Egheti gumazitam munagh, ki ni bagha misevezir ingangariba par, dar ni mikimam.’¹¹ Ezi angazangarir kam nan damazimning okavizi, ki garir puvati. Kamaghin amizi, na ko itir darazi me uan dafaribar nan suigha Damaskusin ghu.

¹² ‘Ezi gumazir mam, an ziam Ananaias, a God baghavira ikiava, egha Moses Osirizir Araziba bar deraghavira dar gin zui. Ezi Judan Damaskusin itir darasi, me a migia ghaze, a gumazir aghuim. Ezi a iza nan gari.¹³ A iza nan boroghin tuga, kamaghin na migei, ‘Nan aveghbuam, Sol, nin damazimning ua deragh.’ Ezi dughiar kamra, ki maghira an gari.

¹⁴ ‘Ezi Ananaias na migei, ‘En ovavibar God uan nighnizim gifoghasa ni ginaba. Ni Gumazir arazir aghuibagh amir kamin ganiva, an akamin otivir migirigia-ba baragh.’¹⁵ Ni an akam akun, egh ganigha oraghizir bizibar gun gumazamiziba bar me mikimam.¹⁶ Ezi datirighin ni tizibav zuai? Ni dikavigh ruegh, an ziamin di-aghiti-a nin arazir kuraba gin amadagh.’

God Kantrin Igharazibar Gumazamiziba bagha Pol amada

¹⁷ Egha Pol migia ghua ua kamaghin migia ghaze, ‘Kigin uamategha Jerusalemin izegha, Godin Dipenimin aven ikia God ko migia irebamin min bizimin gari.’¹⁸ Ki Ekiamin garima a na migei, ‘Ni zuamira dikavigh Jerusalem ategh mangi. Ni kagh nan akam akuntima, me a bareghan kogham.’

¹⁹ ‘Ezi ki a ikaragha ghaze, ‘Ekiam, gu-mazir kaba me uari fo, ki God ko migeir dipenibar ghua gumazamizir nighnizir gavgavim nin itibar suigha me kalabus garigha, me misosi.²⁰ Ezi nin akam akurir gumazir kam Stiven, me a misoghezi an areme. Ki an boroghin tughav ikia, uan damazimin arazir kamin garima a dera. Ezi ki Stiven misoghezi an aremezir adarazir korotiar ruaribar gari.’

22:3: Ap 5:34-39; 9:11; 21:39, 26:5; Ro 10:2, 2 Ko 11:22, Ga 1:14, Fl 3:5 **22:3:** Aposel 5:34-39; 9:11; 21:39; 26:5; Rom 10:2; 2 Korin 11:22; Galesia 1:14; Filipai 3:5 **22:4:** Ap 22:19, 26:9-11, Fl 3:6, 1 Ti 1:13 **22:4:** Aposel 22:19; 26:9-11;

Filipai 3:6; 1 Timoti 1:13 **22:4:** Aposel 8:3 **22:5:** Ap 9:2 **22:5:** Aposel 9:2 **22:6:** Ap 9:3, 26:12-13 **22:6:**

Aposel 9:3; 26:12-13 **22:12:** Ap 9:17; 10:22, 1 Ti 3:7 **22:12:** Aposel 9:17; 10:22 **22:14:** Ap 9:15, 1 Ko 9:1, 11:23;

Ga 1:12 **22:14:** Aposel 9:15; 1 Korin 9:1; 11:23; Galesia 1:12 **22:15:** Ap 23:11, 26:16 **22:15:** Aposel 23:11; 26:16

22:16: Ap 2:21, 9:11; 9:18, Ro 10:13, Hi 10:22 **22:16:** Aposel 2:21; 9:11; 9:18; Rom 10:13; Hibru 10:22 **22:18:** Ap

9:29-30 **22:18:** Aposel 9:29-30 **22:19:** Ap 8:3, 22:4, 26:9-11 **22:19:** Aposel 8:3; 22:4; 26:9-11 **22:20:** Ap

7:58, 8:1 **22:20:** Aposel 7:58; 8:1 **22:21:** Ap 9:15, 13:2, 13:46, Ga 1:15-16, 1 Ti 2:7 **22:21:** Aposel 9:15; 13:2;

13:46; Galesia 1:15-16; 1 Timoti 2:7

21 “Ezi Ekiam kamaghin na migei, ‘Ni mangi. Ki saghon itir gumazamizir Kantrin Igharazibar Itiba bagh ni amangam.’”

Pol midorozibar gumazibav gia ghaze, ki Romin gumazim

22 Ezi gumazamizir avirim Polin migirigia abaraghha ghua migirigiar kam gami, a Kantrin Igharazibar Gumazamiziba bagh mangasa. Ezi Judaba maghira tiariba akara, a dagarvasi, “E a misuegħi an aremeka! Gumazir kamaghin amim nguazim inkian kogħam.”

23 Egha me dagarvagħha uan korotiabu makurava nguazir minnemi abu pin da akuri. 24 Ezi Romin midorozir gumazibar gumazir dapanim, uan midorozir gumazibav geima, me Pol inigha uan dipenbari ghue. A kamagh deragh fogħasa, manmagħin amizi me kamaghin Pol dagarvasi. Kamaghin a bizirkam gifogħħasa, uan midorozir gumazibav keme, ia a fozo regh an azangsigh. 25 Ezi me Polin sorogħafariba ikeġha a fozo roghħasa. Ezi Pol gar, Romin midorozir gumazir 100plan garir gumazir dapanim tughav itima, Pol an azara, “Romin gavman osirizir arazitam, Romin kantrin gumazitam damuasa ian amamangati, o puvati? Ki Romin gumazim. Ia na kotiām gatizir puvatigha egh na fozo roghħasa.”*

26 Ezi midorozir gumazibar garir gumazir dapanim kamaghin oreġha, Romin midorozir gumazibar gumazir dapanim bagħha ghua kamaghin a migei, “Ni manmagħin damuam? Kar Romin gumazim.”

27 Ezi midorozir gumazibar gumazir dapanim Pol bagħha ghua an azara, “Ni na mikim, ni Romin gumazimra?”

Ezi Pol a ikaragħha ghaze, “Are, kirara.”

28 Ezi midorozir gumazibar gumazir dapanim kamaghin migei, “Ki iverżi dafam gamigħa, egha Romin gumazim minn oto.”

Ezi Pol kamaghin a migei, “Nan afeziam, a Romin gumazim, ezi ki Romin gumazim.” 29 Ezi an azangsighasava amir gumaziba me kamaghin oreġha, zuamira uarigh eku ħiġha sagħħiġi tuivhav iti. Ezi midorozir gumazibar gumazir dapanir seniñ Pol ikezim a fo, Pol Romin gumazimra. Kamaghin amizi, a uaghanati.

22:22: Ap 21:36 22:22: Aposel 21:36 22:25: Ap 16:37 22:25: Aposel 16:37 22:25: Ni akar Aposel 16:37 in ittimin gan. Romin Arazir mam kamaghin migiava anogoroke, me Romin gumazitam bar fozo roghħan kogħam.

22:29: Ap 16:38 22:29: Aposel 16:38 23:1: Ap 24:16, 1 Ko 4:4, 2 Ko 1:12, 2 Ti 1:3 23:1: Aposel 24:16; 1 Korin 4:4; 2 Korin 1:12; 2 Timoti 1:3 23:2: 1 Kin 22:24, Jer 20:2, Jo 18:22-23 23:2: 1 Atriviba 22:24; Jeremaja 20:2; Jon 18:22-23 23:3: Wkp 19:35, Lo 25:1-2, Mt 23:27-28, Jo 7:51 23:3: Godin Araziba 25:1-2; Matyu 23:27-28; Jon 7:51

* 23:3: Ofa Gami 19:15 kamaghin migei, gumazir kotiām barazim an arazir aghuimra kotiām a damu. Pol ti migirigiar kam ġingħiġha eghha kamaghin migei, ofa gamir gumazibar dapanim uabi Moses Osirizir Arazim abiki. 23:5: Kis 22:28 23:5: Ua Me Ini 22:28 23:6: Ap 4:2, 24:15, 24:21, 26:5, Fl 3:5 23:6: Aposel 4:2; 24:15; 24:21; 26:5; Filipai 3:5 23:8: Mt 22:23, Mk 12:18, Lu 20:27 23:8: Matyu 22:23; Mak 12:18; Luk 20:27

Pol Judan koti aven akam akuri

30 Ezi amimzaragħan midorozir gumazibar gumazir dapanim bar deragh fogħasa, Pol arazir kurar manam gamizi, Judaba a migei. Ezi a Polin senba firigha, Godin ofa gamir gumazir ekiaba ko Judan koti aven itir gumazibar bar men diazi, me iza uari akufa. Ezi a Pol inigha għuaghira men damazim anetizzi a tughav iti.

23

1 Egha Pol dikiravira Judan koti aven itir gumazibar garava kamaghin me migei, “Nan adarasi, ki ingangarir God bagħha amizim, ki bar deravira a gamua iza datirgħiñ tu. God nan nighnizibagh fo, ki uan araziba deravira da tuisiġħa arazir aghuimin gin zui.”² 2 Pol kamaghin mikemezi, ofa gamir gumazibar dapanim, Ananias, Polin akam misoghħasa an borogħin itir gumazibav gei.

3 Ezi Pol kamaghin a migei, “God uaghani ni misuegħam! Ni mati dipenbir birir kuram, me azenan anegħefe. Eġi meaven an kurram ganan kogħam. Ni magħi aperagħav ikia Moses Osirizir Arazibagh isin tugaħha na kot garisi. Egha ni na misoghħasa migeir migirigiamni ni uabi Moses Osirizir Arazim gasiġħas.”*

4 Ezi Polin borogħin tuivighav itir gumazibar kamaghin migei, “Ni Godin ofa gamir gumazibar dapanim akar kurrami a migei.”

5 Ezi Pol kamaghin migei, “Nan adarasi, ki kamaghin fożżejjix puvati, an ofa gamir gumazibar dapanir ekiam. Godin Akina farim osirizim kamaghin iti, ‘Ta akar kuratam uan gumazibar dapanitam mikim koghħi, an ziam gasiġħas iġħi kogħam.’”

6 Ezi Pol fo men marazi Sadyusiba, ezi marazi Farisiba. Ezi a Judan koti aven itir gumazibar diġha kamaghin migei, “Nan adarasi, ki Farisin mav, nan afeziam a Farisin gumazim. Nan nighnizir gavgavim kamakin, ovengħeżiba ua dikavam. Me bixi kum bagħha na isa kot gati.”

7 Polin migirigiam me gamizi Farisiba ko Sadyusiba me uabi abigha, egha uari adosi.

8 (Sadyusiba ghaze, ovengħeżiba ua dikav kogħam, egha uaghani ghaze enselba ko du abba itir puvati. Ezi Farisiba ghaze, bixi kaba bar iti.)

* 22:25: Ni akar Aposel 16:37 in ittimin gan. Romin Arazir mam kamaghin migiava anogoroke, me Romin gumazitam bar fozo roghħan kogħam.

22:29: Ap 16:38 22:29: Aposel 16:38 23:1: Ap 24:16, 1 Ko 4:4, 2 Ko 1:12, 2 Ti 1:3 23:1: Aposel 24:16; 1 Korin 4:4; 2 Korin 1:12; 2 Timoti 1:3 23:2: 1 Kin 22:24, Jer 20:2, Jo 18:22-23 23:2: 1 Atriviba 22:24; Jeremaja 20:2; Jon 18:22-23 23:3: Wkp 19:35, Lo 25:1-2, Mt 23:27-28, Jo 7:51 23:3: Godin Araziba 25:1-2; Matyu 23:27-28; Jon 7:51

* 23:3: Ofa Gami 19:15 kamaghin migei, gumazir kotiām barazim an arazir aghuimra kotiām a damu. Pol ti migirigiar kam ġingħiġha eghha kamaghin migei, ofa gamir gumazibar dapanim uabi Moses Osirizir Arazim abiki. 23:5: Kis 22:28 23:5: Ua Me Ini 22:28 23:6: Ap 4:2, 24:15, 24:21, 26:5, Fl 3:5 23:6: Aposel 4:2; 24:15; 24:21; 26:5; Filipai 3:5 23:8: Mt 22:23, Mk 12:18, Lu 20:27 23:8: Matyu 22:23; Mak 12:18; Luk 20:27

⁹ Kamaghin amizi, adoghodozir dafam otozi Judan Arazibagh fozir gumaziba (me Farisiba), me dikavigha pamtem migia ghaze, "Gumazir kam osimtziba an puvati. A ti guizbangira migei, ensel o duam ti a mikemeghama." ¹⁰ Men odorozim bar gavgavizima midorozir gumazibar gumazir dapanim kamaghin atiatingi, Judaba Pol misoghiva a gekuti, an asighiregham. Kamaghin amizi, a midorozir gumazibar kemezi me ghuaghira me da anemikegha a inigha midorozir gumazibar dipenimin ghu.

¹¹ Ezi aminim tirazi ua dimangan, Ekiam an boroghin tugha ghaze, "Ni atiatingan marki! Ni Jerusalemin nan gun mikemezi moghira ni nan gun Romin me mikim."

Judaba Pol misueghti an aremeghsa akam akiri

¹² Egha amimzaraghan Judan gumaziba uari akuvagha Pol misueghti an aremeghsa God ko akam akiri. Me kamaghin akam akira ghaze, "E daghetam o dipatam rameghan kogh, mangiti dughiar Pol aremeghamim otogham."

¹³ Akam akirizir gumazir kabar dibobonim, 40 gafira. ¹⁴ Egha me ofa gamir gumazir ekiaba ko Judabar gumazir aruaba bagha ghua kamaghin me migei, "E kamaghin akam akira ghaze, e Pol misueghti an aremeghti, e gin daghetam anam."

¹⁵ Ezi datirighin ia ko Judan kotin aven itir gumaziba, ia midorozir gumazibar gumazir dapanim kamaghin a bagh ifar akam amadagh, "E Polin migirigiar otevitam deravira a gifoghasa. Eghit a bagh piragh. A tighar izi la bativti, e a misueghti an aremegham."

¹⁶ Me migeima Polin amizimin otarim oregha ghua midorozir gumazibar dipenimin Pol mikeme.

¹⁷ Ezi Pol Romin midorozir gumazir 100plan garir gumazir dapanimin diaghla ghaze, "Otarir igiar kam inigh midorozir gumazibar garir gumazir dapanim bagh mangi. A bizar mamin a mikimasa."

¹⁸ Ezi midorozir gumazibar garir gumazir dapanim Polin amizimin otarim inigha midorozir gumazibar gumazir dapanim bagha zui.

Egha midorozir gumazibar garir gumazir dapanim ghaze, "Kalabusin itir gumazim Pol na bagha akam amada. Egh otarir igiar kam inigh ni bagh izasa nan azara. Otarir

igiar kam ni mikimamin migirigiar mam iti, kamaghin ki a inigha ni bagha izi."

¹⁹ Ezi midorozir gumazibar garir gumazir dapanim, otarimin dafarimin suiragh a angir miriamin ghugha an an azara, "Ni tizimin na mikimasa?"

²⁰ Ezi otarim ghaze, "Judaba nin azangsighasa akam akiri. Me ghaze, ni Pol amadaghti a gurumzaraghan Judan kotin mangam. Me ifara ghaze, a mangiti Judan kot deravira an migirigia iniam.

²¹ Gumazibar dibobonim 40 gafira, me an aravagha a bagha monge. Kamaghin amizi, ni me baraghan marki. Me akam akirigha gifa, me daghetam ko dipatam ameghan kogh mangi me a misueghti an aremeghvir a givagham. Datirighin ni men amamangatighamin akamra, me a baghaviram oragha iti."

²² Ezi midorozir gumazibar garir gumazir dapanim, anemaga akar gavgavim kamaghin a migei, "Ni na mikemezi bizar kam tavin mikiman marki."

Me Pol amadazi a gavmanin gumazir ekiam, Feliks bagha ghu

²³ Egha midorozir gumazibar garir gumazir dapanim, uan midorozir gumazir 100plan garir gumazir dapanim pumuningin diaghla kamaghin aning migei, "Gua 200plan midorozir gumaziba ko 70plan midorozir gumazir hozibagh apiaghira misoziba ko 200plan afuzibar misozir midorozir gumaziba akumakum. Egh ia 9 kloghin datirighin dimagarimin Sisarian mangi. ²⁴ Egh Pol isin dipiamin noziataba, ni uaghan da inigh. Eghit a deravira mangi gavmanin gumazir ekiam Feliks bativam."

²⁵ Ezi midorozir gumazibar garir gumazir dapanim kamaghin akinafarim osiri:

²⁶ Ki Klodius Lisiias.

Ki bar pin itir gavmanin gumazir ekiam Feliks bagha akinafarim osiri.

Dughiar aghuiim, ni deravira iki.

²⁷ Judaba gumazir kamin suiragh a misueghti an aremeghsa. Ki kamaghin fo, a Romin gumazim, ezi ki uan midorozir gumaziba ko ghua uam a ini.

²⁸ Ki foghasa, me bizar tizim bagha akam a gasi. Egha ki a inigha men kotin ghu. ²⁹ Ki kamaghin fo, me uan osirizir arazibar migirigiam gamua pura akaba a gasi. An aremegham o kalabusin mangamin arazitam gamizir puvati. ³⁰ Gumazir mam na mikemezi, ki fo, me a misueghti

23:9: Ap 5:39; 22:7; 22:17-18, 25:25

23:9: Aposel 5:39; 22:7; 22:17-18; 25:25

23:11: Ap 18:9, 19:21, 27:23-24,

28:16-23

23:11: Aposel 18:9; 19:21; 25:11; 27:23-24; 28:16-23

23:15: Ap 25:3

Ap 21:30-33, 22:25-27, 24:7

23:27: Aposel 21:30-33; 22:25-27; 24:7

23:28: Ap 22:30

23:29: Ap 18:14-15, 25:19, 26:31

23:29: Aposel 18:14-15; 25:19; 26:31

23:30: Ap 23:20, 24:5-8

23:20; 24:5-8

23:30: Aposel

an aremeghalsa, moga akabav sosi. Ezi ki ni bagha zuamira anemadi. Egha akam a gasir gumaziba, ki uaghan nin damazimin me uan migirigabar amuasa, me mikeme.

³¹Ezi midorozir gumaziba akam baregha dimagarinim Polin akua ghua Antipatrisin oto. ³²Ezi animzaraghian hozibagh apiaghira misozir midorozir gumaziba a ko zuima, midorozir gumazir igharaziba uamategha uan dipenibar Jerusalemin ghue. ³³Ezi hozibagh apiaghirir midorozir gumaziba Sisarian otogha akinafarim isa gavmanin gumazir ekiam ganiga Pol isava a ganingi. ³⁴Ezi gavmanin gumazir ekiam akinafarimin ganigha Polin azara, “Ni provinsin manamin gumazim?”

Ezi Pol kamaghin migei, “Ki Silisian gumazim.”

Gavmanin gumazir ekiam kamaghin oregha, ³⁵ghaze, “Akam ni gasir gumaziba kagh otivighti ki nin kotiam baragharn.” Egha a Herotin dipenir ekiamin Pol atigh deraviram an ganasa, me mikeme.

24

Judan gumazir dapanir aruaba Pol kot gati

¹Aruer 5pla givazima, Godin ofa gamir gumazibar dapanim Ananaias, a Judan gumazir aruar maba ko Romin gavman osirizir arazibagh fozir gumazir mam, an ziam Tertulus, me Sisarian ghuaghiri. Egha me Pol gasir akamin gun gavman gumazir ekiam migei, egha akar kam bagha me Pol isi kot darighasa. ²Egha gavman gumazir ekiam Polin diazi an aven ghuzima, Tertulus, Feliksin damazimin maghiram akaba a gasi. A kamaghin migei, “Gumazir Ekiam Feliks, ni en akurazima e dughiar ruarinim bar deraghvira iti. Nin nighnizir aghuarimin ni en akurvaghha en kantrin aven itir bizar aviribar akiri. ³Nguibaba bar ko dughiaba zurara e bar ni minabi: Feliks, ni bar gumazir aghuim.

⁴“Ezi ki nin suiraghtima ni dughiar ruarinim ikeghan kogham, ni en deragh en akar otevim baraghaha, ki nin azangssi.

⁵“E gumazir kamin garima an osimtzir aviribagh ami. A Judan nguibaba bar dar adariba ko midoroziba forima da otifi, a

Nasaretin ifarir darazir gumazir dapanim. ⁶⁻⁸Egh uaghan, a Godin Dipenim damuti, a Godin damazimin mizegh ikuvighasava ami. Bizir kam bagha e an suighasa. Kamaghin ni uabi gumazir kamin azaragh, egh deraghvira akar e a gasibagh fogham.”*

⁹Ezi Judaba uaghan Tertulusin akuraghakaba bar Pol gasi. Me kamaghin migei, bizar kaba bar guizbangira.

Pol Feliks migei

¹⁰Ezi gavmanin gumazir ekiam mikimasa dafarim Polin akuizima, a kamaghin me ikaraghha ghaze, “Ki fo, azenir aviriba ni gumazamizir kabar jasin iti. Kamaghin ki nin akam ikarvaghaha nan navim bar dera.

¹¹Ezi ni puram azangsigh, egh fogham, ki 12plan dughiar ghuzibara, Godin ziam fasa Jerusalemin ghuavanabo. ¹²Ezi akam na gasibar damazimin, ki gumazitam ko, Godin Dipenim danganimin aven akatamin anedoghezir puvati. Egha me nan gari, ki gumaziba God ko migeir dipeniba o Jerusalemin aven me akuva men navibagh inivizir puvati. ¹³Ezi me datirighin na gasir akaba, me nin akaghamin tuavitam itir puvati. Akar me na gasir kam, a guizin akam puvati.

¹⁴“Ezi ki guizbangira migei, ki en ovavibar Godin ziam fa egha Tuavir kamin zui. Tuavir kamin ziam Judaba kamaghin a dibori, ifarir darasi. Ki nighnizir gavgavim bar Moses Osirizir Araziba ikia, egha Godin akam inigha izir gumaziba osirizir akabar iti. ¹⁵Ezi ki nighnizir gavgavim Godin ikia kamaghin fo, a gumazir ovengezibar amuti me ua dikavam. Gumazir aghuiba ko kuraba sara. A damuamin bizim, ki a bagha mizuai. Ezi akam na gasir gumaziba uaghan bizar kam bagha mizuai iti.

¹⁶Kamaghin ki zurara God ko gumazamizibar damazimin uan araziba deravira da tuisigha, arazir aghuimin gin mangasa, pamtem ingari.

¹⁷“Egha ki azenir mabar nguibar igharazibar ikegha, uamategha Jerusalemin ize. Ki God daningamin ofaba ko gumazamizir onganarazibar akurvaghaha dagiaba inigha izi. ¹⁸Ezi ki Godin Dipenimin itima me nan gari ki Godin damazimin zue. Gumazir avirim na ko itir puvatizi,

24:5: Ap 6:13, 16:20, 17:6, 21:28, 1 Pi 2:12, 2:15

24:5: Aposel 6:13; 16:20; 17:6; 21:28; 1 Pita 2:12; 2:15

24:6-8:

Ap 21:28-30 **24:6-8:** Aposel 21:28-30 * **24:6-8:** Fofozir gumazir maba kamaghin nighnisi, migirigar otevir mam uaghan kagh iti. A kamaghin iti: “E uan araziba bagh a isi kot darighasa. Ezi puvati, midorozir gumazibar ekiam Lisisas uan gumaziba ko izava en tongia an suiraghha a gekui. Egha kamaghin migei, Tina gumazir kam kot darighi ni bagh kagh izi.”

24:11: Ap 21:17, 21:26, 24:17

24:11: Aposel 21:17; 21:26; 24:17

24:14: Ap 24:5, 26:22, 28:23, 2 Ti 1:3

24:14: Aposel 24:5; 26:22, 28:23; 2 Timoti 1:3

24:15: Dan 12:2, Jo 5:28-29, Ap 23:6, 26:6-7, 28:20

24:15: Daniel 12:2; Jon 5:28-29; Aposel 23:6; 26:6-7; 28:20

24:16: Ap 23:1

24:16: Aposel 23:1

24:17: Ap 11:29-30, 20:16, Ro 15:25-26, 2 Ko 8:4, Ga 2:10

24:17: Aposel 11:29-30; 20:16; Rom 15:25-26; 2 Korin 8:4; Galesia 2:10

24:17: Aposel 21:17-28

24:17: Aposel 21:17-28

niginir aviriba uaghan puvati.[†] ¹⁹ Ezi Judan gumazir Esian itir maba, me iza nan suiki, kamaghin me akatam nan iki, me uari kagh iziva, nin damazimin na isi kot darigh. ²⁰ Ezi dughiar ki Judan kotin aven tughav itim, gumazir kagh itir kaba me nan gari arazir kurar manam nan iti, me ni mikim. ²¹ Ezi ki men tongin tughav ikia dia mikemezir akam, me ti a gifongezir puvati. Akar kam, ‘Gumazir ovengeneziba ua dikavam, ezi bizar kam bagha me na inigha ian kot darighasa ize.’

²² Feliks men nighnizir gavgaviba ko arazir me Ekiamin gin zuir Tuavim gifogha gifa. Ezi Pol mikemegha givazima, Feliks Judabar gia ghaze, “Ia orarkegh. Midorozir gumazibar garir gumazir dapanim, Lisisas, izitima, ki ian migirigabar kiram.” ²³ Egha a Pol kalabus darighasa midorozir gumazibar garir gumazir dapanim migia ghaze, ni kalabusin gavgavim Pol damuan marki. Polin namakaba bizar an akurvaghti ni men anogoroghan marki.

Feliks Polin tivazi an azenir pumuningin kalabusin iti

²⁴ Dughiar maba givazima, Feliks uan amuim Drusila ko ize. A Judan amizim. Ezi Feliks Polin diagha an migirigjaba barazi a nighnizir gavgavim Krais Iesusin itir arazibav gei. ²⁵ Ezi Pol Godin damazimin derazir arazimin migirigiam gamua navir għurim min arazim dikabir irazimin migirigiam gamua, Godin Kotiar Gin Izamin migirigjibagh ami. Ezi Feliks bizar kam bareghha atiatigha ghaze, “Kamaghira tuzi, ni mangi. Ki gin dughiatam iki ua nin diaghām.” ²⁶ Ezi dughiar kamra Feliksin nighnizim ghaze, Pol dagiataba inigh a danighti a Pol ateghtima a mangam. Bizar kam bagha dughiar aviribar a Polin deima, a iza a ko migirigjibagh ami.

²⁷ Ezi azenir pumuning givazima, Porsius Festus a Feliksin danganim ini. Feliks Judabar amuti me a bagħ bar akueghasa, a Pol ataghizi a kalabusin ikiavira iti.

25

Pol ghaze, Sisar nan kotiam baraghom

¹ Ezi Festus Judan Distrighin izezi, dughiar pumuning ko mikezim givazima

a Sisaria ategħa Jerusalemin għuavanad. ² Festus Jerusalemin għuavanabozi, ofa gamir gumazir ekiaba ko Judabar gumazir dapaniba Festusin kotiam tħuġha akaba Pol gasi. ³ Me pamtemin kamaghin Festus migei, ni en akuragh gumazir kam amadagħi, a Jerusalemin għuavanang. Me gumazir mabav ġia ghaze, ja Pol misuegħi an aremegħi, mangi an aravagh mongeġħ. Kamaghin amizi, me kamaghin Festus migei. ⁴ Ezi Festus me ikara, “Pol a Sisarian kalabusin iti. Ezi ki gurumra Sisarian magiram. ⁵ Pol guizbangin osimtizim damiħti, ia akam a gasi, ian gumazir dapanir taba nan gin Sisarian magiri kottam baragh.”

⁶ Festus 8pla o 10plan arueba kamaghin me ko ikegħa Sisarian iraghу. Egha amimzaragħan a kotin aperagħha me mikemezi me Pol inigha a bagħha iżi. ⁷ Pol izava otozima Judan Jerusalemin ikegħa izaghireziba an okarigha tuuji. Egha kamaghin migei, gumazir kam arazir kurar aviribagh ami. Egha me an osimtizitam Festusin akazir puvati.

⁸ Ezi Pol ua bagħha kamaghin migei, “Ki Judabar arazitam abighiżżejjur puvati. Egha Godin Dipenim gasighasighiżżejjur puvati, egha osimtizitam Sisar gatizir puvati.”

⁹ Ezi Festus Judabar akurvaghha nighnigha Polin azara, “Ni kotiam bagħ Jerusalemin għuavanabogħi, ki munagh akar me ni gasiba baraghom? Ni kamaghin ifongeż, o?”

¹⁰ Ezi Pol a ikara, “Kotin ki tughav itir kam, kar Sisarin kotiam. Kotin kamra, kar nan kot. Ni uaghan bar fo, ki osimtizitam iż-żu. ¹¹ Ki guizbangira ovengamin arazitam damiġħiva ovengam. Ki ovevemin arimangħiġġ kogħam. Ezi Judabar na gasir migirigjaba, da mingariba puvatighti, taw na inigh Judabar dafarim datighan kogħam. Sisar nan kotiam baraghha ki ifonge!**

¹² Festus a ko kotiam barazir gumazibar nighnizim inigha, kamaghin Pol migei, “Sisar nin kotiam baraghxi, ni Sisar bagħ mangi!”

Atrivim Agripa Polin kotiam barasi

[†] **24:18:** Tertulus ves 6in aven Pol akam a għażi għażi, Pol Godin Dipenim damut, a Godin damazimin mizeġham. Ezi Pol akar kam iċkarvaghha, kamaghin migei, a zuegħa givagħha gin Godin Dipenim aven zui. **24:19:** Ap 23:30, 25:16, 2 Ti 1:15 **24:19:** Aposel 23:30; 25:16; 2 Timoti 1:15 **24:21:** Ap 23:6, 28:20 **24:21:** Aposel 23:6; 28:20 **24:22:** Ap 23:26 **24:22:** Aposel 23:26 **24:23:** Ap 27:3, 28:16, 28:30 **24:23:** Aposel 27:3; 28:16; 28:30 **24:27:** Ap 25:9, 25:14 **24:27:** Aposel 25:9; 25:14 **25:2:** Ap 24:1, 25:15 **25:2:** Aposel 24:1; 25:15 **25:3:** Ap 23:12, 23:15 **25:3:** Aposel 23:12; 23:15 **25:7:** Ap 24:5-6, 24:13 **25:7:** Aposel 24:5-6; 24:13 **25:8:** Ap 24:12, 28:17 **25:8:** Aposel 24:12; 28:17 **25:9:** Ap 24:27, 25:20 **25:9:** Aposel 24:27; 25:20 **25:11:** Ap 23:29, 25:25, 26:31-32, 28:19 **25:11:** Aposel 23:11; 23:29; 25:25; 26:31-32; 28:19 * **25:11:** Romiñ Arazibar mam ghaze, Romiñ gumazitam nighni, kotin aven me deragħha an akam baraghixiż puvati, eġħi a kotin azaragħti, Sisar uabi an kotiam baraghom. Sisar, a Rombar atrivbar ziam.

¹³ Ezi dughiar maba givazima, Atrivim Agripa uan amuim Bernaisi ko aning Festusin gan dughiar aghuim a daningasa Sisarian zui.[†] ¹⁴ Aning dughiar aviribar Sisarian itima Festus Polin gun Atrivim Agripa migei. Festus ghaze, "Gumazir mam kagh iti. Feliks a isa kalabus gatizi a ikiavira ikia kagh iti." ¹⁵ Ki Jerusalemin itima ofa gamir gumazir ekiaba ko Judabar gumazir aruaba akaba a gasa nan azangsigha ghaze, ki an osimtizim gun mikemegehti, midorozir gumaziba a misueghti an aremegham.

¹⁶ "Ezi ki kamaghin me migei, 'Romin arazimra kara, me gumazitam puram a misueghan kogham. A faragh akam a gasir gumaziba ko kotiamin tugham. Egh a me ko me uarir ganam. Dughiar kam a ua bagh mikim suam guizin bizzim o puvati.'

¹⁷ "Ezi me na ko kagh izezi, ki tong sugh-sughizir puvati. Egha amimzaraghan ki kotiam gaperagha gumazim inigh aven izasa mikemezi, me a inigha ize. ¹⁸ Akam asir gumaziba me akam Pol gasir dughiamin, ki orazi me arazir kuratam baghava a gasir puvati. Ki ghaze, an arazir kuratam gamizi, me akam a gasi. Ezi puvati. ¹⁹ Judaba uan nighnizir gavgaviba bagha Pol ko uari adosi. Egha aremezir gumazir mam Iesus, Pol ghaze, an angamira itima me bizar kam bagha uari adosi. ²⁰ Ki akar kamin mingarim buriava avenge. Ki deragha fozir puvati. Egha kamaghin an azai, 'Ni ti Jerusalemin mangiva akar me ni gasir kaba bagh kotiam damu?'

²¹ Ezi Pol ghaze, 'Ki kalabusin ikiam, egha gin Sisar nan kotiam baraghama.' Kamaghin amizi, ki me mikemezi, me an suirazi a kalabusin iti. Egha ki gin tuavitam batogh Sisar bagh anemangam."

²² Ezi Agripa oregha kamaghin migei, "Ki uabi gumazir kam baraghaha."

Ezi Festus kamaghin migei, "Ni gurumin an kotiam baragh."

²³ Ezi amimzaraghan Agripa ko Bernaisi atrivimin kurukazir aghuaribagh amigha, midorozir gumazibar garir gumazir dapaniba ko nguibar ekiamin gumazir aruaba sara me gumaziba iti naghin aven zui. Ezi Festus mikemezi me Pol inigha aven ize.

²⁴ Ezi Festus kamaghin migei, "Atrivim Agripa ko ia kagh itir darazi bar, ia gumazir kamin gan! Judan gumazamizir

Jerusalemin itiba ko Sisarian kagh itiba, me akam a gasa bar pamtem dia ghaze, 'Ni a misueghti an aremegham, an angamira ikian marki!' ²⁵ Ezi ki an aremeghamin arazir kuratam batozir puvati. Ezi Sisar an kotiam baraghaha Pol ifonge. Kamaghin ki a isa Romin anemadi. ²⁶ Ezi ki bizar titizamra uan ekiam Sisar bagh an osirigh anemangam? Egha a fogh suam, me bizar kam bagha akam a gasi. Kamaghin amizi, ia bar kagh itir gumaziba ko, nirara Atrivim Agripa, ki a inigha ia bagha ize. Egha ni an kot bareghti, ki deravira an gun osiram.

²⁷ "Nan nighnizim, ki pura kalabuziar gumazitam amang, an arazimun gun osirighan koghti, kar arazir aghuim puvati."

26

Pol Agripa migei

¹ Ezi Agripa kamaghin Pol migei, "Ni uabi uabi gehhan."

Ezi Pol uan agharim fegha uan akabav dia ghaze, ² "Atrivim Agripa, ki Judaba na gasir akar kam ikarvaghaha. Ezi bar dera ki an gun ni mikim. ³ E Judaba, ni en araziba ko bizar e migia uari adoziha ni bar a dagh fo. Kamaghin amizi, ki nin azai, ni nimira daperagh iki nan akaba baragh.

⁴ "Judaba me bar na gifo, ki aghirimra itir dughiamin, ki uan nguibamin uan adarazir ko ikegha, gin ghua Jerusalemin iti." ⁵ Me fomira na gifo, egh me ifongegh, nan arazibar gun ni mikim. Ki uan igiamin ikia, Farisibar gumazir mamin otogha men arazibar gin zui. Ezi gumaziba men arazibar gin mangam bar iburaghburaki.

⁶ "God fomira en ovaviba ko akar dikirizir mam gami. Ezi ki nighnizir gavgavim akar kamin ikiava a bagha datirighin kotin iti. ⁷ Ezi kar Godin akar dikirizim, en 12plan anababa, me Godin ziam arueba ko dimagaribar a fe, egha nighnizir gavgavim ikia bizar kam baghavira mizuai. O Atrivim, e bizar kam bagha mizuai, ezi bizar kamin, Judaba a bagha akaba na gasi.

⁸ "Manmaghlin amizi ia gumazir maba ghaze, e nighnizir gavgavim God ikian kogham, a gumazamizir oveaghuezibar amuti me ua dikavam?

⁹ "Fomira ki uabi ghaze, ki bizar bar aviribar amuti da Nasaretin gumazim Iesusin ziam gasighasigham.

[†] 25:13: Atrivim Agripa, a Atrivim Herotin otarim. Atrivim Herot faragha Jonin dozim Jems misoghezi an areme. Ni akar Aposel 12 vin itimun gan. 25:14: Ap 24:27 25:14: Aposel 24:27 25:19: Ap 18:15, 23:29 25:19: Aposel 18:15; 23:29 25:20: Ap 25:9 25:20: Aposel 25:9 25:23: Mt 10:18, Mk 13:9 25:23: Matyu 10:18; Mak 13:9

25:24: Ap 25:2-3, 25:7, 22:22 25:24: Aposel 22:22; 25:2-3, 25:7 * 26:4: Pol, dughiar aghirimra itimun, a Tarsusin nguibar Silisian Provinzin itimun iti. Ni akar Aposel 22:3 in itimun gan. 26:5: Ap 22:3, 23:6, 24:15, 24:21, Fl 3:5 26:5: Aposel 22:3; 23:6; 24:15; 24:21; Filipai 3:5 26:6: Lo 18:5, Sng 132:11, Ais 7:14, Dan 9:24, Ap 23:6, 28:20 26:6: Daniel 9:24; Aposel 23:6; 28:20 26:9: 1 Tim 1:13 26:9: 1 Timoti 1:13 26:9: Aposel 8:3; 22:4-5 26:10: Ap 9:14, 9:21, Ga 1:13 26:10: Aposel 9:14; 9:21; Galesia 1:13

10 “Egha ki bizar kaba Jerusalemin dagh ami. Ki Godin ofa gamir gumazir ekiaba da gavgavim inigha, Kraisin adarazir aviriba isa kalabus gariki. Ezi gumazir dapaniba me misoghti me aremeghasa me migeima, ki uaghan ghaze, me aremegham. **11** Egha dughiar aviriba ki God ko migeir dipenibar aven ghua, men suigha me misosi. Ki kamaghsua, me Iesusin ziam akar kurabar a mikim, egh nighnizir gavgavim Iesusin ikian kogham. Nan navim me bagha puv nan isi, ezi ki nguibar saqhon itibar ghua me gasighasighasa me buri.”

*Pol uabi geghari, a manmaghin
Kraisin anavin oto*

(Aposel 9:3-19; 22:6-16)

12 Egha Pol migia ghua ua kamaghin migei, “Ezi darorir kabar mam, ki Godin ofa gamir gumazir ekiaba da akar gavgavim ini, ezi me na amadazi ki Damaskusin nguibar ekiamin ghu. **13** O Atrivim, dughiam kamaghin 12 kloghin zuima, ki tuavimin ghua gari, angazangarir mam Godin Nguibamin ikegha izaghiri. Angazangarir kam bar gavgavigha, aruemin angazangarim gafiragh, na ko zui dari bar e gisira. **14** Ezi e bar nguazim gire, egha ki orazima akar mam Hibrun akamini kamaghin na migei, ‘Sol, Sol, ni manmaghsua na gasighasighavira iti? Ki nin akurvaghadasava amima, ni nan akurvazim tivagh, uabi osimtizim uabi ganidi.’

15 “Ezi ki an azara, ‘Ekiam, ni tina?’

“Ezi Ekiam na ikaragha ghaze, ‘Ki Jesus, ni na gasighasighavira iti. **16** Ni dikavigh tugh. Ki ni amisevegħti, ni nan ingangarim damuasa, ki datirighin ni bato. Ezi bizar datirighin otozir ni ganiziba ko bizar ki gin nin akakagħamiba, ni dar gun mikimam. **17** Eghzi ki nin ganiva nin akurvagh, eghzi nin gumazamiziba ko Kantrin Igharazibar Gumazamiziba pazi ni damighan kogham. Ki me bagħa ni amadi, **18** eghzi ni men damaziba ku ġiġi, me akirim ragħi mitatemin arazir kurabayha asaragh, angazangarim iżi. Egh me Satanin atrivir gavgavim ategħiha, God bagħiżi. Kamaghin ki men arazir kuraba ġin amanti, me nighnizir gavgavim nan itir gumazamizibar tongin danganim iniam. Nan gumazamizur kaba, me nighnizir gavgavim nan itima, ki me gamizi me zue.

Ni ingangarir kam damuasa, ki me bagħha ni amadi.”

Pol uan ingangarimin gun Agripa migei

19 Egha Pol ua kamaghin migei, “Atrivim Agripa, ki Godin Nguibamin izezir irebamin min bizim ganiga an aghuazir puvati, ki an akam baraki. **20** Egha ki faragħha Damaskusin nguibamin akam akuni, egha Jerusalemin akam akunigha, Judan nguibaba bar dar akam akurava, uaghan Kantrin Igharazibar Gumazamiziba sara akam me mikkira ghaze, ‘Ia uan navibagh iragh ua God bagħiżi. Eghzi ian arazir ia amiba, ian gun mikim suam, ia navibagh iraghha gifa.’ **21** Ki bizar kabar akam akurima, Judaba na misuegħti ki aremegħasa, me Godin Dipenir avizibar nan suira. **22** God nan akurazi ki deragħha iki iza datirikin, egha ki kagh tughħiġ iċċa akam me migei, gumazir kiniba ko gumazir ekiaba me bar. Akar kamra, Moses ko Godin akam inigha izir gumaziba fomira an gun mikeme. Ki uam akar iħgarazitam akuri puvati. **23** Me kamaghin migia ghaze, Gumazir God Uam E Iniasa Misevezim, Krais, a mizazim inīgħi aremegħ, egh faraghivira ovevem din dikavighi min gumazim otogħam. Egh, a Godin angazangarim gun Israelia ko Kantrin Igharazibar Gumazamizibav Kimam.”

*Pol, nighnizir gavgavim Godin ikiasi
Agripa migei*

24 Pol akam akuravira itima, Festus a dataragħha kamaghin a migei, “Pol, ni ongan! Ni suren avribagh amizi, da ni gamma ni ongan!”

25 Ezi Pol kamaghin a ikaragħha ghaze, “Gumazir Aruam Festus, ki organizir puvati, ki guizbangira migei, ki nighnizim iki-ava ki migei. **26** Ezi Atrivim Agripa bizar kaba bar dagh fo, da modogħha otozir puvati, ezi ki fo, bizar kaba a gitazir puvati. Kamaghin amizi, ki atiati puvatigħa dar gun bar Atrivim Agripa migei. **27** Atrivim Agripa, ni nighnizir gavgavim Godin akam inigha izir gumazibar iti, o puvati? Ki fo, ni nighnizir gavgavim iti.”

28 Ezi Agripa kamaghin Polin azara, “Ni ghaze, ni ti dughiar otevir kamin na damighti, ki Kraisin anavin otogħam, o?”

29 Ezi Pol a ikaragħha ghaze, “Dughiar otev im o dughiar ruarim, ki kamaghin God ko

26:12: Ap 9:3; 22:6 **26:12:** Aposel 9:3; 22:6 **26:16:** Ap 22:15 **26:16:** Aposel 22:15 **26:17:** Ap 22:21

26:17: Aposel 22:21 **26:18:** Ais 35:5, 42:7, 42:16, Jo 8:12, Ap 20:32, 2 Ko 6:14, Ef 2:2, Kl 1:13 **26:18:** Aisaia 35:5;

42:7; 42:16; Jon 8:12; Aposel 20:32; 2 Korin 6:14; Efesus 2:2; Kolosi 1:13 **26:20:** Mt 3:8, Ap 9:20, 9:28-29, 11:26, 13:14

26:20: Matu 3:8; Aposel 9:20; 9:28-29; 11:26; 13:14 **26:21:** Ap 21:30-31 **26:21:** Aposel 21:30-31 **26:22:** Lu

24:27, 24:44; Jo 5:46; Ro 3:21 **26:22:** Luk 24:27; 24:44; Jon 5:46; Rom 3:21 **26:23:** Ais 42:6, 49:6, Lu 24:26, 24:44-47, 1

Ko 15:20; Kl 1:18 **26:23:** Aisaia 42:6; 49:6; Luk 24:26; 24:44-47; 1 Korin 15:20; Kolosi 1:18 **26:26:** Jo 18:20 **26:26:**

Jon 18:20

mikimam, ni ko karasi ia datirighin nan akam baraki, ia bar nan min otivigham. Ezi bizir vamira, me senbar ia ikegh ia isi kalabus darighan, ki aghua."

³⁰ Ezi Atrivim ko gavmanin dapanim ko Bernaisi ko gumazir me ko ikeziba, me dikavigha,³¹ dipenim ategha ghua, uarira uariv gia ghaze, "Gumazir kam arazir kuratam damighiva, an aremegham, o a kalabusin ikiam. An arazir kuratam gamizir puvati."

³² Ezi Agripa kamaghin Festus migei, "A ubi ghaze, Sisar nan kotiam baraghram. A ti kamaghin mikemezir puvatigha, firiaghiringhai."

Pol Romin nguibar ekiamin

zui

27

(Sapta 27-28)

Me Pol isa kurim gatizi a Romin zui

¹ Me, e kurim inigh Italin mangasa akam akirigha givagha, me Pol ko kalabuziar igharaziba sara isa 100plan midorozir gumazibar garir gumazir dapanimin dafarim gati. An ziam Julius, an Atrivim Sisarin garir midorozir gumazibar mav.*
² E Adramitiumin nguibamin kurimin bini. Kurir kamnagh Esian Provinsin itir ongarir mikebabar mangasa, ezi e an zui. Ezi Aristarkus, a Tesalonikan Provinsin itir nguibam Masedonian gumazim, a uaghan e ko iti.

³ E amimzaraghan Saidonin oto. Egha Julius arazir aghuim Pol gamua anetaghizi a uan adarazi bagha zuima, me dagheba ko biziбар an akurvasi. ⁴E Saidonin ikegha uamategha zuima aminim bar gavgavizi, kamaghin e Saiprusin Arighatizimin aminim amirazir naghin zui. ⁵E ongarir ekiam abigha Silisian Provins ko Pamfilian Provinsin dadarimning gitagha ghua, Lisian Provinsin itir nguibar ekiam Mairan oto. ⁶Ezi 100plan midorozir gumazibar garir gumazir dapanim Aleksandrian, kurimin gari a Italin mangasa, ezi an e isava a gati. ⁷Egha e dikavigha kurim dughiar aviribar nimira zuima e pamten ingarava ghua nimira Nidusin boroghin zuima, aminim bar gavgavizima kurim uan tuavim ategha ghua Kritin Arighatizimin oto, a Salmonin Arighatizimin nguazir otevimin boroghin iti. Egha Kritin aminim ivai puvatizir danganimin ghuaghiri.

⁸ Aminim bar amirazi, e pamten ingara ongarir dadarimin boroghiram anaga izava, danganir ziam Ongarir Mikebar Aghuim bato. Danganir kam a Lasean nguibamin boroghin iti.

⁹ Kurir darorir kam ikufi; ezi dughiar aviriba pura gifa. Ezi kamaghin Judaba dagheba ataghizariz dughiar kam otogha gifa. Ezi Pol kamaghin me migei,[†] ¹⁰ "Gumaziba, ki kamaghin nighnisi, e datirighira dughiar kuram bativam, kurim ko bizir avirir an itiba ko e sara, e bar ovengam."

¹¹ Ezi midorozir gumazibar garir gumazir dapanim Pol baraghān firin, kurimin ghuavim ko an suzir gumazimin migirigiam baraki. ¹² Kuritam aminir ekiamin ongarir mikebar kamin ikeghan kogham. A bar ikufi. Kamaghin gumazir aviriba mangivira ikiasa migei. Egha ghaze, me manmaghin Finiksın otivigh ikiti aminir kam givagham. Kar Kritin Arighatizimin itir ongarir mikebam. Finiks, a Kritin Arighatizimin Sautin ongarir mikebamin aven iti. An aruem ghuaghiri naghin gari.

Aminir ekiam ko ongarim dikafi

¹³ Ezi Sautin aminir amirizim dikafi. Ezi me ghaze, me ti deravira mangi ongarir mikebar me mikemezim batogham. Egha kamaghin me kurimin anka asigha Kritin ongarir dadarimin miriamin zui. ¹⁴⁻¹⁵ Egha mong ikezi aminir bar gavgavim dikavigha ongarim gamima a puvira ingari. Me kamaghin aminir kam dibori, "Not ko aruem anadi naghin tizimin dikavir aminim." A Kritin Arighatizimin vongin izava pamten kurim givava a munamadi. Aminim bar gavgavizi kurimin ingarir gumaziba kurimin suzir puvatigha kurim ataghizi aminim a givaima a pura zui. ¹⁶E ghu Kaudan Arighatizimin miriamin ghue. Arighatizim aminim mong anepazazima e botin dozim gekuigha kurimin boroghin izasa bar ingangarir ekiam gami. ¹⁷Ezi kurimin ingarir gumaziba botin dozim fegha pin anetigha, me benibar a ikegha, kurim sara a ikezi a gavgafi. Egh me mangi Afrikan ongarir dadarimin gigimin ghuanganan atiatigha, kurimin selba akunizi aminim kurim gisivaghsvazima a zui. ¹⁸Ezi aminim ko ongarim virara bar gavgavigha puvira e misosi. Ezi amimzaraghan kurimin ingarir gumaziba kurimin aven itir biziба isava ongarimin

26:31: Ap 23:9, 23:29, 25:25 **26:31:** Aposel 23:9; 23:29; 25:25 **26:32:** Ap 25:11 **26:32:** Aposel 25:11 **27:1:**

Ap 25:12, 25:25 **27:1:** Aposel 25:12; 25:25 * **27:1:** Pol Jerusalemin izima, Luk ti uaghan a ko ize. Ni Aposel 16:10 ko Aposel 21:17in gan. Ezi Pol Judia ategha Romin zuima, Luk ti uaghan a ko ghu. **27:2:** Ap 19:29 **27:2:** Aposel 19:29 **27:3:** Ap 24:23 **27:3:** Aposel 24:23 † **27:9:** Dughiar ekiar kam, a dughiar ekiar God gumazamizibar arazir kuraba da gin amadi. Ni Ofa Gami 23:26-32in gan. Ezi azenir dughiar kam, aminir ekiaba Mediterenianin Ongarir Ekiamin dikafi, ezi kuriba aruir puvati. **27:10:** Ap 27:22 **27:10:** Aposel 27:22

da makuri. ¹⁹ Dughiar mikezimin me kurimin sel ko an biziba sara uaghan da makuri. Me uan dafaribar da isa da akuri.[‡] ²⁰ Egha dughiar aviribar e aruem ko mikovezibar garir puvati. Ezi aminim pamtem vavira iti. Kamaghin amizi, e abuan uarir akurvaghamin nighnizitam ua itir puvatigha ghaze, e arimighiregham.

²¹ Dughiar ruarinmin gumaziba daghetam amezir puvatizi, Pol dikavigha men guamin tugha kamaghin migei, "Gumaziba, ia nan akam baregha, e Kritin Arighatizimra ikegha dughiar kurar kam batozir puvatizi, bizitaba oveghan koghai." ²² Ki datirighin ia mikimasa, en tav oveghan kogham. Kamaghin ia atiatingan marki, egh pura nimira iki. Kamaghin amizi, kurim unabira guizbangira bar ikuvigham. ²³ Ki Godin gumazim, ki an ziam fe. Ezi dimangan, Godin ensel iza na boroghin tugha kamaghin migei, ²⁴ 'Pol, ni atiatingan marki. Ni mangiti, Sisar nin kotiam baragh. Ni oragh, God nin azangsizim baregha givagha nin apangkufi. Gumazir ni ko kurimin itiba, me oveghan kogham.' ²⁵ Gumaziba, ia oragh! Ki nighnizir gavgavim Godin ikiakamaghin fo, God na mikemezi moghira biziba otivam. Kamaghin amizi, ia gavgavigh atiatingan marki. ²⁶ E kurim ateghti a mangi arighatizitam dadarimin poroka."

²⁷ Ezi namba 14in aruem min dimagarimin, aminim e givarazi e Mediterenianin ongarir ekiam gisin zui. Ezi dimagarir arizim roghira izezima kurimin ingarir gumaziba nighnisi, e nguazimin boroghin izi. ²⁸ Kamaghin amizi, me ongarimin konim gifofoghasa benim akunizi a iraghu. Ezi ongarimin konim 40 mitan tu. Egha kurim mong isivagha ghuizi, me ongarimin abarima a 30 mitan tu. ²⁹ Ezi me kamaghin atiatingi, kurim mangi dagiataba iti naghin biraghiva bar misarighiregham. Egha me ankan 4pla kurimin girakirangin da akunigha, aminim zuamira tiasa me God ko migei. ³⁰ Egha kurimin ingarir gumaziba, me kurim ategh arasa tuaviba buri. Egha odava botin muziarim isa ongarim dafa. Egha ifara ghaze, kar kurimin guamin tir anka.

³¹ Ezi Pol kamaghin 100plan midorozir gumazibar garir gumazir dapanim ko midorozir gumazibav gei, "Gumazir kaba kurimin ikian koghti, ia ovegham." ³² Kamaghin midorozir gumaziba botin

muziarimin beniba aghorezi an ongarim giraghu.

³³ Egha aminim tiasava amima Pol daghetam amasa bar me gakaghori, "Ia, 14plan dughiaba ian dighoriba mitivighav itima dagheba ian navibar puvati, ia daghetam amezir puvati." ³⁴ Ezi datirighin ki daghetam iniasi ia gakaghori. Daghem ian akuraghti ia gavgavigham. Ian tongin tav ikuvgun kogham. Ian dapanir arizitam oveghan kogham." ³⁵ A kamaghin mikemegha givagha, bretin mam inigha men damazibar God minabi. Egha anebigha maghiram anepi. ³⁶ Kamaghin amizi, me bar navir aghuarim ikiia, egha uari dagheba api. ³⁷ E gumazir kurimin itiba, en dibobonim bar 276in tu. ³⁸ Egha me amegeha naviba izevegha ghaze, kurim mighivghigh pirara ikiam. Egha me witin nar kurimin itiba isa ongarimin da akuri.

Kurim ikufi

³⁹ Ezi aminim tirazi aruem anadima, kurimin ingarir gumaziba ongarir dadarir e zuimin garava a gifozir puvati. Egha me ongarir mikebar mamin gari, a bar aven ghugha egha gigir aghuim iti. Ezi me ghaze, me deravira kurim damighti a ti gigir dadarir kamin azenan mangasa, me ifonge. ⁴⁰ Egha me ankarab stiugnizir beniba aghorezi da ongarim giraghue. Egha kurimin pul gamir pulin ekiamning ikezir beniba firi. Egha me aminim bagha kurimin guamin itir sel agurazi aminim kurim inigha dadarimin zui. ⁴¹ Ezi kurim ghuu ongarir torimin itir gigir fightizimin ghuavanabogha, maghiram aperaghav iti. Kurimin guam gigim vuigha ghugha bar gavgafi. Ezi an ginkevrim, ongarim izava a misozima a bar biaghire.

⁴² Midorozir gumaziba kamaghin nighnigha atiati, kalabusin gumazitaba mangiva dadarimin otivigh aregham. Egha me me misueghti me aremeghasa nighnisi. ⁴³ Ezi 100plan midorozir gumazibar garir gumazir dapanim, Pol aremeghan an aghua. Egha a midorozir gumazibar angoroke. Afozofogha fozir adarasi, a me migia ghaze, ia kurimin uari akunigh afozofogha dadarimin mangi. ⁴⁴ Egha igharaz darazi ter arariba ko kurimin arariba dagh isin mangi. Ezi me kamaghin bar moghira deravira nguazimin otifi.

[‡] **27:19:** Grighin akam deravira bizir kam a mikemezir puvati. **27:22:** Ap 27:10, 27:31 **27:22:** Aposel 27:10; 27:31 **27:23:** Dan 6:16, Ap 23:11, Ro 1:9 **27:23:** Daniel 6:16; Aposel 23:11; Rom 1:9 **27:24:** Ap 23:11 **27:24:** Aposel 23:11 **27:25:** Ro 4:20-21, 2 Ti 1:12 **27:25:** Rom 4:20-21; 2 Timoti 1:12 **27:26:** Ap 28:1 **27:26:** Aposel 28:1 **27:31:** Ap 27:22 **27:31:** Aposel 27:22 **27:34:** 1 Kin 1:52, Mt 10:30, Lu 12:7 **27:34:** 1 Atriviba 1:52; Matyu 10:30; Luk 12:7 **27:35:** Mt 15:36, Jo 6:11, 1 Ti 4:3-5 **27:35:** Matyu 15:36; Jon 6:11; 1 Timoti 4:3-5 **27:41:** 2 Ko 11:25 **27:41:** 2 Korin 11:25 **27:44:** Ap 27:22-25 **27:44:** Aposel 27:22-25

28

Pol Maltan arighthatizimin iti

¹ E deraghavira ghuava ongarir dadarimin otivigha, gara fo, e arighthatizir mamin ti, an ziam Malta. ² Ezi gumazir arighthatizir kamin itiba arazar aghuaribar e gami. Ezi amozim izima, en mikarziba bar orangi, kamaghin amizi, e avimin fingsa, me e bagha avim atigha e inigha avim boroghira ghu. ³ Pol dazir pozir mam inigha da avim garisi. Ezi kuruzir mam dazibar aven itima, avir fefem a inizi an azenan oto. Egha kuruzim Polin agharim givigha guraghav iti. ⁴ Ezi arighthatizir kamin itir gumazamiziba kamaghin an garima, kuruzim an agharim gitorogħav itima, me kamaghin uariv gei. "Gumazir kam ti gumazibav sozi me ariaghvir gumazim, an ongarimin aremezir puvati. Kamaghin amizi, aser arazar kuraba ikarvazim datirighin a ikarvagħha ghaze, an angamira ikian kogħam." ⁵ Ezi Pol kuruzim kavkiniżi an avim giragħu. Ezi bixitam Pol batozir puvati. ⁶ Ezi gumaziba pura Polin mizuai, me ghaze, an mikarzim ti buigham, o a ti iriġħiha aremegħam. Me dughiar ruarim an gara a mizua għuwa puram an gari, bixitam a batozir puvati. Egha me ghaze, an aser mam.

⁷ Ezi nguazir mam danganir kamin boroghira iti, kar Publiusin nguazim, an arighthatizimin gavman gumazir dapanim. An e inigha uan dipenim minn ghuzi, e dughiar pumuning ko mikezim ko la deraghvira iti. ⁸ An afeziam aria iti, an mikarzim an feima, a buarir dipabagh avi. Ezi Pol an ganasa aven ghugħa, a bagħha God ko mikmegħha, uan da farimmin a għisn atizima, a għuamagħe. ⁹ A kamaghin amizi, arighthatizir kamin itir arimaria gumazamiziba bar mogħira izima a me gamima me ua dera. ¹⁰ Me arazar aghħuwar e gami, ezi e kurim inigh mangasava amima, me bizar e puvatiziba isa e ganigava egha da isa kurim garisi.

Pol għuwa Romin oto

¹¹ Ezi iakinir pumuning ko mikezim għivazima e mangasa. Ezi kurir mam Maltan itima, aminir ekċiāni dughiem għifa. An Aleksandrian nqubben kurim. Kurim min guamin asem Susin otarir fużu immin ġidu nedazim minn an iti. Aning ziammin Kastor ko Polluks. ¹² Ezi e għuwa Sirakyusin

otivigha, dughiar pumuning ko mikezim an iti. ¹³ Egha e kagh dikavigha għu Regiumin otifi. Egha amimzaraghan, Sautin amadagħan aminim dikavizi, e dughiar mikezim Puteolin otifi. ¹⁴ E kagh Kraisin adarazir marazi batifi. Ezi me 7plan aruebab uari ko ikiasi e mikemezi, e me ko iti. Egha me ategħa għuwa Romin ngħubar ekċiāni oto. ¹⁵ Ezi nighnizir gavgavim Jesu sin itir darazi Romin ikia e barazi e izima, me e bativasa izi. Ezi e Apiusin bizibba amadir danganim ko Pasindian Dipenir 3pla itir danganim minn me bato. Ezi Pol men ganigha, God minabaghha an navim gavgavim ini. ¹⁶ Egha e Romin otivizi, gavmanin gumazir dapanim Polin amamangatiga ghaze, a uabira dipenitamin ikki midorozir gumazitam an ganam.

Pol Romin Akar Aghuim akuri

¹⁷ Ezi 3pla dughiaba għivazima, Pol Ju-dan gumazir dapanibar diazi, me iza uari akufa. Ezi a kamaghin me migei, "Nan aveghħbuuba, ki bixitam e uan adarazi paza me gamizir puvati, o en ovavibar arazitam iriżiż puvati. Ezi me Jerusalemin na kal-abus għat-tnejha, na isa Romin gumazibar dafarim gati. ¹⁸ Ezi me nan kotiām baragħa, nan gara fo, ki arazir kuratam gamizir puvati. Ki tam damiġħiva oveġham. Kamaghin amizi, me na ataghixiha oveġħam. ¹⁹ Ezi Judaba kamaghin aghħuwa. Kamaghin amizi, ki tuaviba ua puvati. Ki ghaze, Sisar nan kotiām baragħam. Ezi ki uan adarazi akam me gasamini bizar mingaritam itir puvati. ²⁰ Ezi bizar kam bagħha ki ian diazi ia ize. Kamaghin ki ian ganiva ja ko mikimasa. Ezi ki nighnizir gavgavim ikia mizuai bizar kam, Israelia bar uaghha a mizuai. Bizar kam bangin me datirighin senin kamin na ike."

²¹ Ezi me kamaghin Pol ikara, "E Ju-dian Provinsej gumaziba da akina farir os-riżiż ni migeitam inizir puvati. Ezi Ju-dan gumazitam iza eghħaqtan itam e gegħara migħiġi kuratam ni gamizir puvati. ²² E fo, nguibaba bar men gumazamiziba migħiġi kurabar Ju-dan aven itir dakozir igħiġi iħbariż kam migei. Kamaghin amizi, e nin nighnizim baragħħa."

²³ Ezi me dughiar mam diborogħa, gumazir aviriba iza Pol bagħha a itir dipenir kamin zui. Mizarazim minn għuwa guaratizim, a God Bizibagh Atiġi Arazim, akam gegħara an gun me migei. Egha Moses

28:2: Ro 1:14; 1 Ko 14:11; 2 Ko 11:27; Kl 3:11

28:2: Rom 1:14; 2 Korin 11:27

28:5: Mk 16:18, Lu 10:19

28:5:

Mak 16:18; Luk 10:19

28:6: Ap 14:11

28:6: Aposel 14:11

28:8: Ap 19:11; 1 Ko 12:9, 12:28, Je 5:14-15

28:8:

Aposel 19:11; 1 Korin 12:9; 12:28; Jems 5:14-15

28:16: Ap 24:23

28:16: Aposel 24:23

28:17: Ap 21:33, 24:12-13,

25:8 **28:17:** Aposel 21:33; 24:12-13; 25:8

28:18: Ap 22:24, 25:8, 26:31

28:18: Ap 22:24; 25:8; 26:31

28:18: Aposel 22:24; 25:8; 26:31

28:19:

Ap 25:11 **28:19:** Aposel 25:11

28:20: Ap 24:15, 26:6-7, 26:29, Ef 3:1-2, 2 Ti 2:9, Fm 10, 13

28:20: Ap 24:15; 26:6-7, 26:29, Ef 3:1-2, 2 Ti 2:9, Fm 10, 13

28:20: Aposel 24:15;

26:6-7; 26:29; Efesus 3:1-2; 2 Timoti 2:9; Filemon 1:10; 1:13

28:22: Ap 24:5, 24:14, 1 Pi 2:12, 4:14

28:22: Ap 24:5, 24:14, 1 Pi 2:12, 4:14

24:5; 24:14; 1 Pita 2:12; 4:14

Osizirir Arazibar akaba ko Godin akam inigha izir gumazibar akabar, men nighniziba fa me migei. Egha me nighnizir gavgavim akar kabar Iesusin ikiāsa, a pamtemin me migei.²⁴ Ezi marazi ghaze, Pol mikemezir akaba da guizbangira, ezi marazi nighnizir gavgavim dar ikian aghua.²⁵ Egha me uarira uarir tongin akaba uariv sogha me mangasava amima, Pol akar abuananamin me migei, "Godin Duam guizbangira ian ovavibav keme. An akam inigha izir gumazim Aisaian akatorimin kamaghin ia mikeme:

26-27 "Ni gumazamizir kaba bagh mangi,
egh kamaghin me mikim:
Gumazamizir kaba uan navir averiabar
kua,
ezi men kuariba oraghan aghua,
ezi men damaziba okafi.
Me kamaghin amizi, God ghaze, marki,
men damaziba bizitamin ganighai, me
foghai,
ezi men kuariba oreghai, ezi me
foghai.
Ezi men naviba kuiaghiri
me migirigabagh fogha
navibagh iragha na bagha izima,
ki ua me inigha
me gamizi me deraghai.
Me kamaghin damuan aghua,
kamaghin me zurara oraghiva,
egh deragh bizitamin mingarim
gifoghan kogham.
Me zurara ganiva,
egh deragh bizitamin ganigan
kogham."

28-29 Egha Pol migia ghua, kamaghin migei, "Kamaghin amizi, ki kamaghsua, ia kamaghin fogh, Godin akurvazim, a Kantrin Igharazibar Gumazamiziba bagha anemadagha gifa. Egheti me oraghram!"*

³⁰ Pol azenir pumuningin dipenir mam ikia egha dipenir kam givesi. Ezi gumazamiziba an ganasa an dipenimin izima a bar akonge.[†]

³¹ Pol God Bizibagh Ativamin Dughiamin Arazimin akam akura, egha Ekiām Krais Iesusin akabar gumazamizibar sure gami. Egha uaghan atiatir puvatizi, bizitam bar an tuavim apirizir puvati.

28:25: Ais 6:9-10, Mt 13:14 **28:26-27:** Ais 6:9-10 **28:26-27:** Aisaia 6:9-10; Jeremaia 5:21; Esekiel 12:2; Matyu 13:14; Rom 11:8 **28:28-29:** Sng 67:2, Lu 3:6, Ap 13:46-47, 18:6, 22:21, Ro 11:11 **28:28-29:** Onger Akaba 67:2; Luk 3:6; Aposel 13:46-47; 18:6; 22:21; Rom 11:11 * **28:28-29:** Fofozir gumazir mabar ghaze, migirigar otevir mam uaghan iti. Akar kam kamakin, "Pol akar kam mikemegha givazima, Judaba anetegha ghu. Ezi adarir dafar men tongin otozima me uarira uariv gia, akabar uariv sosi." **28:30:** Ap 28:16 **28:30:** Aposel 28:16 † **28:30:** Luk azenir pumuning Pol batozir bizimin gun e mikemezir puvati. Ezi gumazir maba ghaze, gavmanin gumaziba kalabusin a firizi a ghua nguibar igharazibar Godin akam akuri. Ezi gumazir maba ghaze, Romin gavmanin gumaziba Pol misoghezima an aremes. **28:31:** Ap 4:31, 28:23, Ef 6:19 **28:31:** Aposel 4:31; 28:23; Efesus 6:19

Akinafarir Pol Romin Nguibar Ekiamin Itir Sios Bagha Osirizim O Rom Akar faragha zuim

Pol kamaghin ifonge, a mangiva Romin nguibar ekiamin itir Kraisin adarazir ganasa. Kamaghin amizi, an akinafarir kam osiri. A ghaze, a dughiar otevimin me ko ikegh, gin mangi kantri Spenin Akar Aghuimin akunam. Akinafarir kamin, Pol bar deraghvira bigha Iesusin Akar Aghuimin gun me migia, egha Iesusin gin zuir gumazamizibar ikirimirimin gun me migei.

Pol faragha Romin itir Kraisin adarazi migia ghaze, a zurara God ko migiava, men akurvaghaha Godin azangsisi. Egha gin an akinafarir kamin akar mingarim abigha ghaze, "Nighnizir gavgavimin tuavimra e Godin damazimin gumazamizir aghubar otivigham." (1:17) Pol kamaghin migia ghaze, gumazamiziba bar, me Judan adarasi o Kantrin Igharazibar Gumazamiziba, me bar arazir kurabagh ami. Kamaghin amizi, God men apangkuvigh ua me iniam. Gumazamizir nighnizir gavgavim Krais Iesusin itiba, God uam me inighti, me Godin namakabar otogham Krais Iesusin aveghbuubar ikiam.

Kamaghin amizi God ua gumazitam o amizitam inighti, a ikirimirim igiam ikiam. Ezi God a ko itima, Godin Duam a gizifa. Kamaghin, ovevem ko arazir kuram ua a dikabiniva a gativaghamin gavgaviba puvati. Sapta 5, 6, 7, ko 8, Pol Godin Arazzibar mingarim migiava, Godin Duamin gavgavim migei. Pol ghaze, Godin Duam, gumazamizir nighnizir gavgavim Iesusin itibar aven ikia, egha men ikirimirimbar aven ingari.

Sapta 9, 10 ko 11, Pol uan osimtizir ekiar mamin gun migei. Pol ubi Judabar gumazir mam. Kar gumazamizir God fomira ua baghvira miseveziba. Ezi Judan avirir ekiam, me akirim ragha Jesus gasara. Ezi Kantrin Igharazibar Gumazamizir aviriba, me Iesusin suren gumazamizibar otifi. Ezi Judaba puvati. Ezi Pol kamaghin migei, arazir kurar kam, kar me

uarı men osimtizim. Me bizar ekiar God me bagh damuasa ifongezir kam me deragha a ginhnzir puvati. Ezi Polin nighnizim, gin Judan gumazamizitaba uaghan Iesusin adarazir aven izam.

Ezi Polin akinafarimin akar abuananaba, sapta 12, 13, 14, 15, ko 16, Pol Kraisin adarazi gin mangamin arazibav gei. A igharaz darazigh ifongezir arazimin migirigian aviribagh ami. Egha a uaghan Godin ingangarim damuamin arazim migiava, gavmanin apengan ikiamin arazim migiava, igharaz darazir akurvaghamin arazim migei.

E nighnizir gavgavim Kraisin ikia tuavir kamin, e Godin damazimin dera

(Sapta 1-4)

Poluan aposelin ingangarimin gun migei

¹ Ki Pol, ki ia bagha akinafarir kam osiri. Ki Krais Iesusin ingangarir gumazir mam. Krais Iesus nan diagha ghaze, ni Godin aposelin otogham. Egha a na misevegha Akar Aghuimin akunamin ingangarim na ganingi.

² Faraghavira God akam akira ghaze, akar aghuir kam otogham. Egha akar kam inigha, an akam inigha izir gumazibav keme. Ezi me akar kam osirizi a Godin Akinafarimin iti. ³ Akar aghuir kam a Godin Otarimin gun migei. Otarir kam, a gumazamizibar min otogha, kamaghin a Atrivim Devitin ikizimin iti. ⁴ Egha Godin Duamin gavgavimin tuavimin, God a gamizi a ua dikavigha kamaghin en aka, a gavgavim itir Godin Otarim: A Krais Iesus, en Ekiam. ⁵ God kamaghin ifonge, Kantrin Igharazibar Gumazamizir maba, nighnizir gavgavim Iesusin ikiva an akamin gin mangam. Kamaghin God, Krais Iesusin ingangarimin tuavimra, a en apangkufi. Egha God, Krais bagha, aposelin ingangarim damuasa e ati. ⁶ Ezi ia uaghan, Krais Iesus ian diagha ghaze, ia nan adarasi, ezi ia an gin zui. Egha ia Iesusin aven itir marasi.

⁷ God ia gifongegha ian diagha ghaze, ia nan adarasi, egh na baghvira iki. Ezi ki akinafarir kam ia Romin nguibar ekiamin itir gumazamiziba bagha an osiri.

Egha ki ghaze, en Afeziam God ko en Ekiam Krais Iesus, aning ian apangkuvighiva navir amirizim ia daningam.

1:1: Ap 9:15, 13:2, 22:21, 1 Ko 1:1, Ga 1:15 **1:1:** Aposel 9:15; 13:2; 22:21; 1 Korin 1:1; Galesia 1:15 **1:2:** Ap 26:6, Ro 3:21, 16:25-26, Ga 3:8, Ta 1:2 **1:2:** Aposel 26:6; Rom 3:21; 16:25-26; Galesia 3:8; Taitus 1:2 **1:3:** Mt 22:42, Lu 1:32, Jo 1:14, Ap 2:30, Ro 9:5, Ga 4:4, 2 Ti 2:8 **1:3:** Matyu 22:42; Luk 1:32; Jon 1:14; Aposel 2:30; Rom 9:5; Galesia 4:4; 2 Timoti 2:8 **1:4:** Ap 13:33, Hi 9:14 **1:4:** Aposel 13:33; Hibru 9:14 **1:5:** Ap 26:16-18, Ro 12:3, 15:18, 1 Ko 15:10, Ga 2:7-9, Ef 3:8 **1:5:** Aposel 26:16-18; Rom 12:3; 15:18; 1 Korin 15:10; Galesia 2:7-9; Efesus 3:8 **1:7:** Nam 6:25-26, 1 Ko 1:2-3, 2 Ko 1:1, Ga 1:3, Ef 1:2, 1 Te 4:7 **1:7:** Diboboniba 6:25-26; 1 Korin 1:2-3; 2 Korin 1:1; Galesia 1:3; Efesus 1:2, 1 Tesalonika 4:7

Pol Romi nuguibar ekiamin mangasa bar ifonge

⁸ Ki faragh kamaghin ia mikimasa. Nguazir kamin nguibaba bar dar itir gummazamiziba, me ian nighnizir gavgavimin eghaghanim barasi. Ezi Krais Iesus na gamima, ki bar moghira ia bagha God minabi. ⁹⁻¹⁰ Ki bar God bagha pamten ingara, egha uan gavgavim sara ingari, egha an Otarimin Akar Aghuim akuri. God nan gara na gifo, ki ia ginighnighavira iti. Ki God ko migia zurara kamaghin an azai, a ifueghiva, a ubi na bagh tuavitam atighti, ki ia bagh iziva ian ganam.

¹¹ Ki kamaghsua, ki ia damuti, Godin Duam amir ingangarir aghuiba, ian ikiam, egha ian duaba gavgavigham. Kamaghin amizi, ki ian ganasa bar ifonge. ¹² Nan nighnizim kamakin, e uarira uarir akurvagh. Ian nighnizir gavgavim nan akurvagli, nan nighnizir gavgavim ian akurvagh.

¹³ Nan adarasi, ia kamaghin fogh, ki dughiar aviribar izi ian ganasava amima, bizar aviriba otiva nan tuavim apirma, kamaghin ki izir puvati. Ki Kantrin Igharazibar Gumazamizibar tongin ingarizi, men aviriba navibagh ira. Kamaghira, ki ian tongin ingarti, ian gumazamizir aviriba navibagh iragh. ¹⁴ God Grighba ko gumazamizir Grighin aven itir puvatizibar akurvaghaha ingangarim na ganungi. Fofozir gumazamiziba ko, fofoziba puvatizir gumazamiziba me uakan. Kamaghin, ki gumazamiziba me ikarvaghmin osimtzim ateriva, ingangarir kam damuam. ¹⁵ Kamaghin amizi ia Romin itir gumazamiziba, ki Akar Aghuim uaghan ia mikinasa, nan navim dikafi.

Godin gavgavim, an an Akar Aghuimin aven iti

¹⁶ Ki fo, Godin gavgavim an Akar Aghuimin aven iti. Gavgavir kam gummazir nighnizir gavgavir an itiba bar men akurvagh. A faragh Judabar akurvagh, egh uaghan Kantrin Igharazibar Gumazamizibar akurvagh. Kamaghin

amizi, ki Akar Aghuim akunasa aghumsizir puvati. ¹⁷ Akar Aghuir kam, an arazir aghuir God amizir kamin e dipon suam, e an damazimin dera. Ezi nighnizir gavgavimin tuavimra e an damazimin gumazamizir aghuibar otogham. Mati akam Godin Akinafarimin iti, "Gumazamizir nighnizir gavgavim an itiba, God me mikim suam, me nan damazimin dera, egha gumazamizir kaba zurara deraghvira ikiam."

Gumazamiziba bar akirim God gasara

¹⁸ E fo, God uan Nguibamin ikia uan aningagharam azenimra aneka. A gumazamizir akirim a gasaragha arazir kurabagh amiba, iveau kurar kam guizin akam abiri. ¹⁹ God gumazamizir kaba ubi deravira men akazi, me an arazir aviribagh fo. Me guizbangira fo, egha me akirim God gasara, kamaghin amizi, God iveau kurar me ganidi. ²⁰ God nguazimin biziiba bar dar ingarizir dughiamin ikegha, iza datirighin gumazamiziba bar a ingarizir biziiba gani. Tuavir kamin, gumazamiziba Godin arazir mogomer maba deravira dagh fogham. Egha me an arazir aghuibar mingarin ko an gavgavir bar ekiar zurara itim gifos. Kamaghin amizi, gumazitam o amizitam kamaghin mikiman kogh suam, "Ki God gifozir puvati, egha ki osimtziba puvati." Ti putatigham!

²¹ Me God gifogha kamaghin nighnizir puvati, "A guizbangira God." Egha an ziam fan aghua. Egha a minabir pu. Puvati. Men nighniziba organizi moghin itima, me fofozir aghuiba puvatizi, mitatem men nighniziba avaragha dagh izifa. ²² Me ghaze, me fofozir aghuim iti. Me guizbangira puvatigha, ongani. ²³ Me Godin zurara itim akirim a gasara, egha an ziam fer pu. Puvati. Me aremeghamin gumazamizibar min gara, marvir guaba ko, kuaraziba ko, asiziba ko, kuruziba ko, ipebar marvir guabar ingara, egha da isa dar ziaba fe.

Gumazamiziba arazir kurar igharagha garir aviribagh ami

²⁴ Gumazamiziba God akirim a gasara, ezi bizar kam bangin a me ataghizima

- | | | |
|--|---|--|
| 1:8: FI 1:3; KL 1:3-4, 1 Te 1:2, 1:8 | 1:8: Filipai 1:3; Kolosi 1:3-4; 1 Tesalonika 1:2; 1:8 | 1:9-10: Aposel 19:21; Rom 15:23; 15:32; 2 Korin 1:23; Efesus 1:16; Filipai 1:8; 1 Tesalonika 2:5; 2:10; 3:10; 2 Timoti 1:3; Jems 4:15 |
| Ap 19:21; Ro 15:23; 16:7; Fl 4:17 | 1:13: Jon 15:15-16; Aposel 19:21; Rom 15:23; 16:7; Filipai 4:17 | 1:13: Jo 15:15-16 |
| Mk 8:38; Ap 3:26, 13:46; 1 Ko 1:18-24; 2 Ti 1:8 | 1:16: Onger Akaba 119:46; Mak 8:38; Aposel 3:26; 13:46; 1 Korin 1:18-24; 2 Timoti 1:8 | 1:16: Sng 119:46, |
| 1:17: Hab 2:4; Jo 3:36; Ro 3:21-22; Ga 3:11; Hi 10:38 | 1:17: Habakuk 2:4; Jon 3:36; Rom 3:21-22; Galesia 3:11; Hibru 10:38 | 1:17: Habakuk 2:4; Jon 3:36; Rom 3:21-22; Galesia 3:11; Hibru 10:38 |
| 1:18: Ap 17:30; Ef 5:6; KL 3:6; 2 Te 2:12 | 1:18: Aposel 17:30; Efesus 5:6; Kolosi 3:6; 2 Tesalonika 2:12 | 1:18: Aposel 17:30; Efesus 5:6; Kolosi 3:6; 2 Tesalonika 2:12 |
| 2:12 | 1:19: Jon 1:9; Aposel 14:15-17; 17:24-28 | 1:20: Jop 12:7-9; Sng 19:1, Ap 14:17; 17:27; Hi 11:3 |
| 1:20: Jop 12:7-9; Onger Akaba 19:1; Aposel 14:17; 17:27; Hibru 11:3 | 1:21: Jer 2:5; Ef 4:17-18 | 1:21: Jer 2:5; Ef 4:17-18 |
| 1:21: Jeremaia 2:5; Efesus 4:17-18 | 1:22: Jer 10:14; 1 Ko 1:20 | 1:22: Jeremaia 10:14; 1 Korin 1:20 |
| 4:16-18; Sng 106:20; Jor 2:11; Ese 8:10; Ap 17:29 | 1:23: Godin Araziba 4:16-18; Onger Akaba 106:20; Jeremaia 2:11; Esekiel 8:10; Aposel 17:29 | 1:23: Godin Araziba 4:16-18; Onger Akaba 106:20; Jeremaia 2:11; Esekiel 8:10; Aposel 17:29 |
| Efesus 4:18; 1 Tesalonika 4:4 | 1:24: Ap 7:42; 14:16; 1 Ko 6:18; Ef 4:18; 1 Te 4:4 | 1:24: Aposel 7:42; 14:16; 1 Korin 6:18; |

men naviba ifongezir arazir kuraba me dikavima, me arazir bar kurar aghumsiziba itibar uari gami. ²⁵ Kamaghin amir gu-mazamiziba, me Godin guizin akamin gin mangan firin, akar ifavarimin aneti. Me biziiba bar adar ingarizir Godin kamnangin ziam fan aghuagha, uam akirim ragha a gasara. Egha i ngarizir biziiba ziaba fava da bagha ingari. God a biziiba bar dar mingarim, kamaghin e zurazurara an ziam fi mamaghira ikiam! Guizbangira!

²⁶ Me God akirim a gasara, kamaghin God akirim ragha me gasaragha me ataghizi, me uan aghumsizim itir arazir kurabagh ami. Ezi men amuiba poroghamibar arazir aghuim ategha arazir kuraba amizir igharaziba ko uari gami. ²⁷ Kamaghira, gumaziba poroghamibar arazir aghuim ategha naviba me dikava mati avim men isima, me arazir kuraba gumazir igharaziba ko uari gami. Gumaziba aghumsizir araziba uarira uari gami, egh bizi kamin me uarira uan arazir kurabar ivedir kuram iniam.

²⁸ Me Godin guizin fofozim suiragh a ginighnighan aghua, kamaghin God me ataghizi, me uan nighnizir kurar mizirizibar gin ghua arazir bar kurar e damuan koghamibagh amua, nighniziba bar ikufi. ²⁹ Me arazir kurar avirir kabagh ami: men araziba bar ikuvigha, munavin bizim bagha navim dikafi, egha uarir apanim gamigha, bizir aviriba itir gumazamiziba bagha navim ikufi, egha gumazamizibav sozima da ariaghiri, egha biziba bagha uarir attara uari abisi, egha gumazamizibagh ifari. Egha gumazamiziba paza me damuasa nighnisi, egha girakirangin migirigiar kurabar gumazamizibagh ami. ³⁰ Egha migirigiar ifavarir gumazamizir igharazibar ziabagh asighasizibagh ami. Egha Godin apanim gamua, egha tiraghtirazir arazim gamua, egha uan navir averiabar aven ghaze erara e bar dera, egha me uari uan ziaba fe. Egha me uari arazir kurar igiar mabagh ami da otifi. Egha me uan afeziaba ko amebabar akaba batosi. ³¹ Me nighnizir aghuiba puvati. Egha me uari uan akar dikirizibar gin zuir puvati. Egha me igharaz darazir akurvaghan aghuagha, men apangkuvir puvati. ³² Me fo, Godin Akinafarimin itir Akar Gavgavim

kamaghin migia ghaze, "Gumazamizir kamaghin amiba, me ivedir kuram inigh arimighiregham." Gumazamizir kaba Godin Akar Gavgavim gifogha, me a batogha arazir kurar aviribagh ami. Egha uaghan me arazir kurar kabarama amir pu. Puvati. Me arazir kurar kabagh amir gumazamizir igharazibar ziaba fe.

2

God gumazamizibar araziba tuisizir arazim, a guizbangira ghua bar dera

¹ Kamaghin amizi, ia akaba igharaz darazi gasir gumazamiziba, ki vaghvagh kamaghin ia mikimasa, ni kamaghin nighnighan marki suam, ki ubi osimtiziba nan puvati. Ia orakigh, ni akam igharazitav gasi, egha ni ubi arazir me amiba ni uaghan dagh ami, kar ni akam uaghan ubi gasi. ² E fo, God, gumazamizir arazir kurar kabagh amiba, men araziba tuisigha ivedir kuram me ganidi, arazir God amir kam a bar guizbangira ghua bar dera. ³ Ia arazir kabagh amir gumazamiziba akam me gasa, egha ia uari arazir kaba uaghan me ko dagh ami. Ni ghaze, God ti akam ni gasan kogham? Bar puvati! ⁴ Manmaghin amizi God arazir aghuibar ni gamua, egha dughiar ruarinin ni mizua ikia, nin arazir kuram bagha ivedir kuram zuamira ni ganingizir puvati. Godin arazir aghuarir kam, ni ti an garima a ti pura bizim? Ni uan navim giraghosa God ifuegha arazir aghuimin ni gami. Ni foz, o?

⁵ Ni uan navimin suiraghha gavgavigha uan navim gighasa nighnizir puvati. Egha arazir kamin ni ubi ivedir bar ekiar kuram ubi garisi. ⁶ God gumazamiziba amizir araziba bagh ivedir vaghvagh me daningam. ⁷ Gumazamizir maba arazir aghuiba bagha gavgavigha dar gin ghua, God ko dabirabir aghuim, ko ziar ekiam, ko ikirimirikurabar ikuvighan koghamim, da iniasi tuavim buri. God ikirimirikurabar ivedir kuram me daningam. ⁸ Ezi gumazamizir maba uarira uari ginighnigha, guizin akam akirim ragh a gasaragha arazir kurabar gin zui. Egha God uan aningagharim isi gumazamizir kabagh ingeghiva ivedir bar kuram me daningam. ⁹ Osimtizir ekiam ko mizazir kuram gumazamizir arazir kurabar

1:25: Ais 44:20; Jer 13:25, 16:19; Amo 2:4; Ro 9:5, 1 Te 1:9, 1 Jo 5:20

2:4; Rom 9:5; 1 Tesalonika 1:9; 1 Jon 5:20

1:26: Wkp 18:22-23, Ef 5:12

1:25: Aisaia 44:20; Jeremaja 13:25; 16:19; Amos

2:4; Ofa Gami 18:22-23; Efesus 5:12

1:27: Wkp 18:22; 20:13, 1 Ko 6:9

1:27: Ofa Gami 18:22; 20:13; 1 Korin 6:9

1:32: Sng 50:18; Hos 7:3, Ro 2:2, 6:21

1:32: Onger Akaba 50:18; Hosea 7:3; Rom 2:2; 6:21

2:1: Mt 7:1, Lu 6:37; Jo 8:7-9, Ro 1:20

2:1: Matyu 7:1; Luk

6:37; Jon 8:7-9; Rom 1:20

2:4: Ais 30:18, Ro 3:25, Ef 1:7, 2:9, 2 Pi 3:9, 3:15

2:4: Aisaia 30:18; Rom 3:25; Efesus 1:7

2:9; 2 Pita 3:9; 3:15

2:6: Sng 62:12, Snd 24:12, Mt 16:27, Jo 5:29, 1 Ko 3:8, 2 Ko 5:10, MAA 22:12

2:6: Onger Akaba

62:12; Aghuzir Akaba 24:12; Matyu 16:27; Jon 5:29; 1 Korin 3:8; 2 Korin 5:10; Akar Mogomem 22:12

2:8: Ro 1:18, 2 Te

1:8 **2:8:** Rom 1:18; 2 Tesalonika 1:8

2:9: Amo 3:2, Lu 12:47-48, Ro 1:16, 1 Pi 4:17

2:9: Amos 3:2; Luk 12:47-48;

Rom 1:16; 1 Pita 4:17

amiba batogham. Judaba faraghtima Kantrin Igharazibar Gumazamiziba gin. ¹⁰ Eghiti God dabirabir aghuim ko ziar ekiam ko navir amirizim isi gumazamizir arazir aghuibagh amibar aningam. Judaba faraghti Kantrin Igharazibar Gumazamiziba gin. ¹¹ God ikizitam uabin toroghan kogh, egh bar deravira gumazamizibar araziba tuisigham.

¹² Kantrin Igharazibar Gumazamiziba, Moses Osirizir Araziba men puvati. Egha arazir kuram gamigha, Moses Osirizir Arazibar saghon ikia me ovenge. Ezi Judaba Moses Osirizir Araziba ikia dagh fo. Egha arazir kuram gamizi, God men gara Moses Osirizir Arazibar aven itir akamin gin ghua men araziba tuisisi. ¹³ E fo, gumazitam o amizitam Moses Osirizir Araziba pura da baraghha, Godin damazimin derazir pu. Puvati. Gumazamizir Moses Osirizir Arazibar gin zuibara, God me migia ghaze, me an damazimin dera. ¹⁴ Kantrin Igharazibar Gumazamiziba, me Moses Osirizir Araziba puvati. Egha men marazi uan nighnizimra arazir aghuibar gin zui, ezi arazir kaba Moses Osirizir Araziba mirara zui. Me Moses Osirizir Araziba puvati, egha dar aven itir arazir aghuibar gin zui. Arazir kam kamaghin en aka, arazir aghuiba men nighnizimin iti me fo, me manmaghin damuam. ¹⁵ Me amir arazir kamin e fo, God Moses Osirizir Arazibar akam men navir averiabar an osirizima an azenim giri. Dughiar maba men nighnizimra akam me gasi; egha dughiar maba men nighnizim ghaze, ia deraviram ami. Kamaghin amizi, nighnizir men navir averiabar aven itir kam uaghan kamaghin en aka, Moses Osirizir Araziba guizbangira men navir averiabar aven iti. ¹⁶ Kamaghin amizi, Akar Aghuir ki kurim kamaghin migei, God gumazamiziba bar men navir averiabar itir nighnizir mogomeba tuisighamin dughiam, gumazamizir kabar nighnizibara arazir kurar me amiziba bagh men araziba tuisigham. God gumazamizibar araziba bagh me tuisighamin ingangarim isava, Krais Jesusin dafarim gati.

Judaba ghaze, Moses Osirizir Araziba men akuryasi

¹⁷ Ezi datirighin ia manmaghin ami? Ia ghaze, erara e Judaba; e Moses Osirizir

Arazibagh isin tu. Egha ia uari fa ghaze, e Godin adarasi, erara God uabin toro. ¹⁸ Kamaghin ia God ifongezir arazibagh fo. Moses Osirizir Araziba ian sure gami, ezi ia fo, arazir manaba dera, o da ikufi. ¹⁹⁻²⁰ Ia kamaghin nighnisi, Moses Osirizir Araziba fofozimin mingarir aghuim ko guzin akaba bar e ganangi. Kamaghin ia ghaze, e gumazamizir damazir okaviriziba tuavim men akakasi. Egha mitatemin itir gumazamiziba, angazangarim men akakasi. Egha gumazamizir organiba fofozim me ganiga, porir dozibar sure gami. ²¹ Guizbangira, ia marazir sure gami. Egha manmaghsua ia uari sure damuan aghua? Ia kamaghin akam akuri, biziba okiman marki. Egha iarara biziba okei. ²² Ia ghaze, poroghamiba uari isi arazir kurabar amuan marki. Egha ia uaghan kamaghin ami. Ia ghaze, e asebar marvir guaba, bar dar aghua. Egha manmaghsua dar dipenibar ghua, marvir guaba okei. ²³ Ia uarira uan ziaba fa ghaze, "E Moses Osirizir Araziba iti." Egha ia dar gin mangan aghua. Egha arazir kamin ia Godin ziam gasighasisi. ²⁴ Ia fo, Godin Akinafarim bizir kamin migirigiam iti, "Ia Judaba, ian arazir kuraba bangin, Kantrin Igharazibar Gumazamiziba Godin ziam gasighasisi."

Guizin mikarzir mogomer dighorimin arazim

²⁵ Ia guizbangira Moses Osirizir Arazibar gin mangiti, ian arazir mikarzir mogomemin inim aghorim a dera. Egh ia Moses Osirizir Arazibar gin mangan koghti, ian mikarzir mogomemin inim aghorir arazim pura bizimin oto. ²⁶ Eghiti Kantrin Igharazimin Gumazitam, a mikarzir mogomemin inim atuzir puvatizir gumazim, Moses Osirizir Araziba bar dar gin mangiti, God an ganigh mikim suam, a mati gumazir me mikarzir mogomer inim atuzim. ²⁷ Ia Judaba guizbangira Moses Osirizir Arazibar akinafarim iti, ezi me ian mikarzir mogomebar iniba aghore. Ezi ia deravira Moses Osirizir Arazibar gin zuir puvati. Ezi Kantrin Igharazibar Gumazamiziba, Moses Osirizir Araziba deravira dar gin zui, ezi me men mikarzir mogomebar iniba aghorezir puvati. Bar guizbangira, ia Judaba, Moses Osirizir Arazibar gin mangan koghti, Kantrin Igharazibar Gumazamiziba ian

2:11: Lo 10:17, 2 Sto 19:7, Jop 34:19, Ap 10:34, Ga 2:6, Ef 6:9, Kl 3:25, 1 Pi 1:17 **2:11:** Godin Araziba 10:17; 2 Eghaghaniha 19:7; Jop 34:19; Apostel 10:34; Galesia 2:6; Efesus 6:9; Kolosi 3:25; 1 Pita 1:17 **2:13:** Mt 7:21, Je 1:22-25, 1

Jo 3:7 **2:13:** Matyu 7:21; Jems 1:22-25; 1 Jon 3:7 **2:14:** Ap 10:35 **2:14:** Apostel 10:35 **2:15:** Matyu 25:31;

Apostel 10:42; 1 Timoti 1:11; 2 Timoti 2:8; 4:1; 4:8 **2:17:** Ais 45:25, Jo 8:33, Ko 11:22, Je 2:19 **2:17:** Aisaia 45:25; Jon

8:33; 2 Korin 11:22 **2:19-20:** Mt 15:14, 23:16-19, Lu 18:9, Jo 9:34, 9:40, Ro 6:17, 2 Ti 1:13, 3:5, 3:15 **2:19-20:** Matyu

15:14; 23:16-19; Luk 18:9; Jon 9:40; Rom 6:17; 2 Timoti 3:5, 3:15 **2:21:** Sing 50:16-21, Mt 23:3-4 **2:21:** Onger Akaba

50:16-21; Matyu 23:3-4 **2:24:** Ais 52:5, Ese 36:20-23 **2:24:** Aisaia 52:5; Esekiel 36:20-23 **2:25:** Jer 4:4, 9:25,

Ga 5:3 **2:25:** Jeremaja 4:4; 9:25; Galesia 5:3 **2:26:** Ga 5:6 **2:26:** Galesia 5:6 **2:28:** Jo 7:24, 8:39, Ro 9:6-7

2:28: Jon 7:24; 8:39; Rom 9:6-7

araziba tuisigh egh mikim suam, ian araziba ikufi. ²⁸ Akar kamin mingarim kamakin: mikarzir mogomer iniba aghorir arazim gumazitam damuti, a guizin Judan gumazimin otoghan kogham. Mikarzir mogomemin inibar aghorir arazim a inivafizimin bizim pu. ²⁹ Puvati. Guizin Judan gumazim a kamakin: an nighnizim ko navir averiam Judan gumazimin iti. Guizin mikarzir mogomer inir dighorim, a uaghan gumazimin nighnizim ko navir averiamin aven ikegh otivam. Guizin mikarzir mogomer inir dighorim, a Moses Osirizir Arazibar gin zuir tuavimin otiv puvati. Kar bizar Godin Duamin tuavimin otivim. Gumazir kamaghin amim, gumazamizibar damazimin ziar aghuim isir puvati. Egha Godin damazimin a ziar aghuim isi.

3

God deravira uan akamin gin zui

¹ E fo, mikarzir mogomemin inimin dighorim a pura inivafizimin bizim puvati. Ezi kamaghin Judaba ti manmaghin Kantrin Igharazibar Gumazamizibagh afira? Ezi bizar aghuir manaba mikarzir dighorimin arazimin otifi? ² God bizar bar aghuir aviriba Judabagh aningi! Bar bizar ekiam, God uan akam isa Judabagh aniga ghaze, ia deravira a geghuv an ganam. ³ Bar guizbangira, Judan marazi akar kam deravira an gin zuir puvati. Egheti God manmaghin damuam? Me nighnizir gavgavim Godin ikian koghti, bizar kam God damichti, a uan akamin gin mangan kogham, o? ⁴ Bar puvati! Gumazamiziba bar moghira ifari, ezi God uabira zurara guizbangira migei. Godin Akinafarimin osizirim kamaghin migei:

“God, ni migeima, gumazamiziba fo, ni guizbangira migei.

Egh me nin araziba tuisighiva, me fogh suam, ni arazir kuratam itir puvati.”

⁵Ezi manmaghin ami? Ekamaghin mikim suam, en arazir kuraba ti Godin arazir aghuiba azenim garisi? O, e kamaghin mikim suam, God en arazir kuraba ikarvagha ivezir kuraba e ganiga, kamaghin a ti arazir kuram gami? (Migirigiar kaba, nguazimin itir gumazamizibar migirigiarbar

min zui.) ⁶ Bar puvati! God deraghan koghiva, manmaghin gumazamiziba bar men araziba tuisigham? Bar puvati, an araziba dera, kamaghin amizi a gumazamizibar arazir kuraba ikarvasi. ⁷Gumazitam o amizitam kamaghin mikim suam, “Nan akar ifavarim, Godin guzin akam gamizi, an azenim giri, egha an ziam gamima an ekefe. Egh manmagh su, God na mikim suam, ki gumazir arazir kuram gamim, egh nan arazir kuram ikaraghram?” ⁸Migirigiar onganir igharazir mamra kara: “Aria, e arazir kuram damutima arazir aghuim otivam.” Gumazamizir maba akam na gasa ghaze, ki kamaghin biziav gei! Kamaghin God me gasighasighti, bar deraghram.

Gumazamiziba Godin damazimin derazir puvati

⁹ Ezi manmaghin ami? E Judaba ti Kantrin Igharazibar Gumazamiziba Godin damazimin me gafira? Bar puvati! Ki mikemehga gifa, Judaba ko Kantrin Igharazibar Gumazamiziba sara, arazir kurabar gavgavim bar e avarazi e an apengan iti. ¹⁰ Godin Akinafarim bizar kam kamaghin a migei:

“Gumazamiziba bar moghira,
men tav arazir aghuitam bar a gamizir
puvati.

Bar puvati.

¹¹ Gumazitam fofozir aghuim itir puvati.
Gumazitam God buri puvati.

¹² Gumazamiziba bar tuavir aghuim ataki.
Gumazamiziba bar pazav ami.
Men tav arazir aghuitam bar a gamizir pu
vati.

Bar puvati.

¹³ Men akar toriba mati gumazamizir moz
iba akaba akari;
kamaghin amizi me migeima ovevem
otifi.
Me akar ifavarir bar aviribagh
ami.

Me gumazibagh asighasighasa migeir ak
aba,
men akatoribar ikia
mati kuruzim imezir kuram an
aven iti.

¹⁴ Dughiaba zurara me akavghuriaba gu
mazamizibagh arigha,

2:29: Lo 30:6, 1 Ko 4:5, 2 Ko 10:18, Kl 2:11, 1 Pi 3:4

2:29: Godin Araziba 30:6; 1 Korin 4:5; 2 Korin 10:18; Kolosi 2:11; 1

Pita 3:4 **3:2:** Lo 4:7-8, Sng 147:19-20, Ro 2:18, 9:4

3:2: Godin Araziba 4:7-8; Onger Akaba 147:19-20; Rom 2:18; 9:4

3:3: Ro 9:6, 10:16, 11:29, 2 Ti 2:13, Hi 4:2

3:3: Rom 9:6; 10:16; 11:29; 2 Timoti 2:13; Hibru 4:2

Jo 3:33 **3:4:** Onger Akaba 51:4; 62:9; Jon 3:33

3:5: Rom 6:19; Galesia 3:15

3:8: Ro 5:20, 6:1, 6:15

3:8:

Rom 5:20; 6:1; 6:15

3:9: Ro 1:18-2:24, 3:23

3:10: Sav 7:20

3:10: Fofozir

Gumazim 7:20 **3:10:** Onger Akaba 14:1-3; 53:1-3

3:13: Sng 5:9, 140:3, Je 5:16

3:13: Onger Akaba 5:9; 140:3

3:14: Sng 10:7

3:14: Onger Akaba 10:7

3:15: Aghuzir Akaba 1:16; Aisaia 59:7-8

15 Me zurara atamra ghua
gumazamizir arazir kurabagh amir pu-
vatizibav sozi,
me ariaghiri.
16 Me aruava bizar gumazamizibar
dabirabim gasighasizibagh amua,
mizaziba ko osimtiziba me garisi.
17 Me navir amirizimin tuavim gifozir pu-
vatigha
igharaz darazi ko deragha apiaghiri pu-
vati.
18 Me tong Godin atiatia
an apengan itir puvati.
Bar puvati.”

¹⁹ E fo, God kamaghin ifonge, an kotin dughiamin Judaba ko Kantrin Igharazibar Gumazamiziba sara, me Godin arazir gumazamiziba tuisizim riagh migirigiam damighan kogham. Kamaghin God, Moses Osirizir Araziba isa, Judabagh aningi. Eighti me dar gin mangi dar apengan ikiam. ²⁰ E fo, tav Moses Osirizir Arazibar gin mangiti, God kamaghin mikiman kogham, ni nan damazimin dera. Puvati. Gumazamizir Moses Osirizir Arazibar gin mangasava amiba, me uan arazir kurabar gara fo, kar arazir kuram.

Gumazir nighnizir gavgavim Kraisin itim, God ghaze, a nan damazimin dera
²¹ Ezima tuavir e Godin damazimin derazim, a datirighin azenim giri. A Moses Osirizir Arazibar gin zuir tuavimin otozir puvati. A tuavir igharazimin oto. Mosesin Osiziriba, ko Godin akam inigha izir gumazibar Akinafariba bizar kamin gun migei. ²² Bizar kam kamakin, gu-
mazamiziba bar nighnizir gavgavim Krais Jesusin ikiti, God suam ia nan damazimin dera. Tuavir igharazitam ua itir puvati. ²³ Gumazamiziba bar moghira arazir kuram gamigha, Godin angazangarimin sahon ikia an even mangan ibura. ²⁴ Ezi God en apangkuvigha Krais amizir ingangarimin a uam e givezegha ghaze, e an damazimin dera. E uan ingangaritam Godin damazimin derazir pu. Puvati.

Kraisin Jesusin ingarim bangin, God bizar aghuir kam isa puram e ganingi. ²⁵ God kamaghin ifonge, Krais aremeghiva, tuavir kamin a gumazamizibar amuti, men arazir kuraba gin amadaghgam. Bizar kam bagha, God Krais amisefe. Eighti tina nighnizir gavgavim Jesusin ikiti, God suam, ia nan damazimin dera. Kraisin ovevemin tuavimin, God uabi en akatha ghaze, a uabi bar dera. Fomira God gumazamizibar asughav ikia, zuamira men arazir kurabar ivezir kuram da ikarazir puvati. ²⁶ Egha datirighin dughiar kam God uabi en akatha ghaze, a uabi bar dera. A uan arazir aghuim kamaghin en aka, eighti gumazamiziba nighnizir gavgavim Jesusin ikiti, a suam, ia nan damazimin dera.

²⁷ Eighti e tizim bagh uarira uan ziaba fam? Biziba bar puvati. E kamaghin mikiman kogham, e Moses Osirizir Arazibar gin zuima God e migia ghaze, e dera. Bar puvati. Gumazamiziba nighnizir gavgavim Jesusin ikiti, God suam, ia nan damazimin dera. ²⁸ E fo, Moses Osirizir Arazibar gin zuir tuavir kam gumazitam gamizi, a Godin damazimin derazir puvati. Nighnizir gavgavim itir gumazamiziba, merara Godin damazimin dera. ²⁹⁻³⁰ Ezi manmaghin ami, God ti Judabar Godra? O, a ti Kantrin Igharazibar Gumazamiziba sara, men God? Are. A Judaba ko Kantrin Igharazibar Gumazamiziba bar moghira men God. Godin vamira iti. Egha a gumazir uan mikarzir mogomebar iniba aghoreziba, men nighnizir gavgavimin garava, uaghan gumazir uan mikarzir mogomebar iniba aghorezir puvatiziba, men nighnizir gavgavimin gari. Egha ghaze, ia nan damazimin dera. ³¹ Ezi manmakin? E kamaghin mikim suam, nighnizir gavgavim bar bizar ekiam, egh e ti suam, Moses Osirizir Araziba pura bizim? Bar puvati. E kamaghin mikim suam, Moses Osirizir Araziba da gavgavigha ingangarim iti.

4

God Abraham dibora ghaze, a nan damazimin dera

3:18: Sng 36:1 **3:18:** Onger Akaba 36:1 **3:19:** Jo 10:34, Ro 1:20, 2:2, 3:9, 3:23 **3:19:** Jon 10:34; Rom 1:20; 2:2; 3:9, 3:23 **3:20:** Sng 143:2, Ap 13:39, Ro 7:7, Ga 2:16, Ef 2:8-9, Ta 3:5 **3:20:** Onger Akaba 143:2; Aposel 13:39; Rom 7:7; Galesia 2:16; Efesus 2:8-9; Taitus 3:5 **3:21:** Ap 10:43, 15:11, 26:22, Hi 11:4, 1 Pi 1:10 **3:21:** Aposel 10:43; 15:11; 26:22; Hibru 11:4; 1 Pita 1:10 **3:22:** Ro 1:17, 10:12, Ga 2:16, 3:28, Kl 3:11 **3:22:** Rom 1:17; 10:12; Galesia 2:16; 3:28; Kolosi 3:11 **3:23:** Ro 3:9, 5:2, 11:32, Ga 3:22 **3:23:** Rom 3:9; 5:2; 11:32; Galesia 3:22 **3:24:** Ro 5:1, Ef 1:7, 2:8, Kl 1:14, 1 Ti 2:6, 1 Pi 1:18-19 **3:24:** Rom 5:1; Efesus 1:7; 2:8; Kolosi 1:14; 1 Timoti 2:6; 1 Pita 1:18-19 **3:25:** Ap 13:38-39, 17:30, Ef 1:7, Kl 1:20, Hi 9:15 **3:25:** Aposel 13:38-39; 17:30; Efesus 1:7; Kolosi 1:20; Hibru 9:15 **3:27:** Ro 2:17, 2:23, 1 Ko 1:29-31, Ef 2:9 **3:27:** Rom 2:17; 2:23; 1 Korin 1:29-31; Efesus 2:9 **3:28:** Ap 13:38-39, Ro 3:20-22, 8:3, Ga 2:16 **3:28:** Aposel 13:38-39; Rom 3:20-22; 8:3; Galesia 2:16 **3:29-30:** Godin Araziba 6:4; Rom 4:11-12; 10:12; Galesia 3:8; 3:20; 3:28 **3:31:** Mt 5:17, Ro 8:4 **3:31:** Matyu 5:17; Rom 8:4 **4:2:** Ro 3:20, 3:27-28 **4:2:** Rom 3:20; 3:27-28

¹ Kamaghin amizi, e Abraham ginighnigham, an en min nguazir kamin gumazir mam, egha en ovavim. Bizir tizim guizin a bato? ² Ia nighnigh: Abraham arazir aghuubar amuti, God suam ni nan damazimin dera, eghti bizir kam bagh Abraham uan ziam fam. Ezi bizir kam guizin bizim puvati. Abraham tuavir kamin Godin damazimin gumazir aghuim otozir puvati. Abraham bizir kam bagh uan ziam fan kogham. ³ Godin Akinafarim ghaze, "Abraham nighnizir gavgavim Godin itima, God an nighnizir gavgavim bagha a dibora ghaze, ni nan damazimin dera."

⁴ Gumazim ingangarim gamima, me iveauzim a ganidi. Ivezir kam, a bizir aghuir me pura a ganidir puvatizim. Puvati. Kar an ingangarimin iveauzira. ⁵ Eghti gumazitam o amizitam Godin damazimin gumazir aghuim min otivsi, a manmaghlin damuam? An arazir aghuim bagh pamten ingaran marki. Puvati. A nighnizir gavgavim Godin iki suam, God arazir kurabagh amizir gumazim dipon suam, ni nan damazimin dera. God gumazir kam o amizir kamin nighnizir gavgavim garava a mega ghaze, ni nan damazimin dera. ⁶ Devit uaghan akar otevir kam gamua ghaze, gumazamizir arazir aghuibagh amir puvatiziba, God ghaze, me nan damazimin dera. Gumazamizir kaba, me bar akongegh. Devit kamaghin migei:

⁷ "Gumazamizir arazir kurabagh amiba,
God men arazir kuraba gin amadagha
da avara,
eghti gumazamizir kaba bar
akuegham."

⁸ Gumazamizir arazir kurabagh amiba,
God men arazir kuram mengvira ikian
koghti,
gumazamizir kaba bar akuegham."

⁹ Bar akongezir arazir kam, ten bizim? A gumazir uan mikarzir mogomebar iniba aghorezibar bizimra? O, gumazir mikarzir mogomebar iniba aghorezir puvatiziba uaghan, men bizim? Ia deravira nighnigh. E kamaghin migei, "Abraham nighnizir gavgavim Godin itima, God an nighnizir gavgavim bagha a dibora ghaze, ni nan damazimin dera." ¹⁰ Ia nighnigh, dughiar manamra God ghaze, ni nan damazimin dera? Dughiar a tighar uan mikarzir mogomemin inim aghoramim, an a mikemez, o? Dughiar a uan mikarzir

mogomemin inim atugha givazimin gin, an a mikeme? Guizbangira, Abraham tighar uan mikarzir mogomemin inim aghoramin dughiamin God ghaze, ni nan damazimin dera! ¹¹ Ezi gin, me an mikarzir mogomemin inim dighorimin arazim a ganigi, eghti me Abrahamin duar kurimin gan fogh suam, dughiar a tighar mikarzir mogomemin inim aghoramim a nighnizir gavgavim Godin iti. Ezi bizir kam bagha God ghaze, ni nan damazimin dera. Kamaghin amizi, Abraham gumazamizir nighnizir gavgavim Godin itibar ovavim min oto. Gumazir kaba, me gumazir mikarzir mogomemin inim aghorezir puvatiziba. Egha nighnizir gavgavim Godin itima God ghaze, ia nan damazimin dera. ¹² Egha Abraham uaghan mikarzir mogomebar iniba aghorezir marazir ovavim, me pura mikarzir mogomebar iniba aghorezir pu. Puvati. Me mikarzir mogomebar iniba aghoregħha, me uaghan en ovavim Abrahamin arazibar gin ghua, nguazir kamin ikia nighnizir gavgavim Godin iti, mati Abraham, dughiar a tighar mikarzir mogomemin inim aghoramim, a nighnizir gavgavim Godin iti.

God Abraham ko dikirizir akam

¹³ Fomira God akar dikirizim Abraham ko an gin zuir ovaviba me ganiga ghaze, a nguazir kam me daningam. Abraham, Moses Osirizir Arazibar gin zuir puvatiziba, God a ko akar dikirizim gami. Puvati, Abraham nighnizir gavgavim Godin itima, God ghaze, ni nan damazimin dera. Egha God Abraham nighnizir gavgavim ganigha, kamaghin a ko akar dikirizim gami. ¹⁴ Gumazitam o amizitam Moses Osirizir Arazibar gin mangiva a Godin akar dikirizim biziba init, kamaghin an nighnizir gavgavim a pura bizim otozi, Godin akar dikirizim gavgaviba puvatigħi. ¹⁵ E kamaghin fo, Moses Osirizir Arazibar itima gumazamiziba dar gin zuir puvatizima bizar kam God gamima a men aningazi. Moses Osirizir Arazibar puvatigħtima, e kamaghin mikiman kogħam, gumazamiziba Moses Osirizir Arazibar akaba batosi.

¹⁶ God kamaghin ifonge, a Abrahamin gin zuir ovavibar apangkuvighiha akar dikirizim me daningam. Kamaghin amizi, God Abraham nighnizir gavgavim ganigha, a gis in akar dikirizim Abraham

4:3: Stt 15:6; Ga 3:6; Je 2:23 **4:3:** Jenesis 15:6; Galesia 3:6; Jems 2:23 **4:4:** Ro 11:6 **4:4:** Rom 11:6 **4:7:**
Onger Akaba 32:1-2 **4:9:** Ro 4:3 **4:9:** Rom 4:3 **4:11:** Stt 17:10; Lu 19:9; Ga 3:7 **4:11:** Jenesis 17:10; Luk
19:9; Galesia 3:7 **4:12:** Mt 3:9 **4:12:** Matyu 3:9 **4:13:** Stt 17:4-6, 22:17-18; Ga 3:29 **4:13:** Jenesis 17:4-6;
22:17-18; Galesia 3:29 **4:14:** Ga 3:18 **4:14:** Galesia 3:18 **4:15:** Ro 3:20, 5:13, 5:20, 7:8, 2 Ko 3:7-9, Ga 3:10, 3:19
4:15: Rom 3:20; 5:13; 5:20; 7:8; 2 Korin 3:7-9; Galesia 3:10; 3:19 **4:16:** Ro 3:24, Ga 3:7, 3:22 **4:16:** Rom 3:24;
Galesia 3:7; 3:22

koma a gami. Gumazamizir Moses Osirizir Arazibar gin zuibara, bizir kaba inian kogham. Puvati. Tina Abrahamin min nighnizir gavgavim ikiva me uaghan bizir kaba iniam. Kamaghin, Abraham bar en afeziam. ¹⁷ Kamaghin amizi Godin Akinafarim kamaghin migei, "Ki ni damichti ni kantrin aviribar afeziamin otogham." Akar dikirizir kam, God uabi a gamizi an an damazimin gavgafi. Godin kamra, Abraham nighnizir gavgavim an iti. Egha Godin kamra, a gumazamizir ovengezibagh amima me ua dikafi, egha a pura migeima bizir faragha itir puvatiziba, da otifi.*

¹⁸ Abraham fozir puvati, God manmaghin uan akar dikirizim damichti an otivam. Egha a guizbangira nighnizir gavgavim Godin ikia, bizir aghuir a fogha iniamiba bagha mizuai iti. Egha kamaghin a "Kantrin aviribar afeziamin oto." Godin Akinafarim mikemezi moghin, "Nin ovavir boriba bar avirasemegham." ¹⁹ Abraham fo, an mikarzim bar ghurigha mati aremezir gumazim. Egha a 100plan azenibar roghira ghu. Egha a fo, an amuim Sara boritam batan kogham, a navim ronge. ²⁰⁻²¹ Egha Abraham uan nighnizir gavgavim anetaghizir puvati. Egha Godin akar dikirizim ginighnigha navir pumuningin itir puvati. An nighnizir gavgavim a gamima a bar gavgavigha Godin ziam fe. A bar fo, God uan akar dikirizimin gin mangi bizir kam damuamin gavgavim iti. ²² Kamaghin God Abrahamin nighnizir gavgavim ginighnigha a dibora ghaze, a nan damazimin dera.

²³ Akar kam Godin Akinafarimin iti, "God a dibora ghaze, a nan damazimin dera." Kar an Abrahamra migeir puvati. ²⁴ Kar uaghan en migirigiam. E uaghan nighnizir gavgavim Godin iti. God en Ekiam Jesus gamizi a ua mozimin dikafi, ezi e nighnizir gavgavim an iti. Kamaghin amizi God uaghan e dipon suam, ia nan damazimin dera. ²⁵ En arazir kuraba bagha, God Jesus isa gumazir

kurabar dafarim gatizi me a misoghezi, an areme. E an damazimin deraghasa, an e bagha Jesus gamizi a ua mozimin dikafi.

E Krais ko aremegha uaghan a ko angamira iti

5

(Sapta 5-8)

E datirighin Godin damazimin dera

¹ E nighnizir gavgavim Godin itima, tuavir kamin God ghaze, e an damazimin dera. Kamaghin, en Ekiam Krais Jesus an e gamizi, e navir vamira God ko iti. ² E Krais nighnizir gavgavim an itima, tuavir kamin an e inigha God bagha ghuzima, e datirighin Godin apangkuvimin aven iti. E fo, e Godin ziar ekiam ko dabirabir aghuim a ko a iniasa, bizir kam mizuai ikia bar akonge. ³ Egha e bizir kabanangira bagha bar akongezir puvati. E fo, e osintizibar aven iti, eghiti osintiziba e damuti, e tugh gavgavighamin arazim gifogham. Kamaghin amizi e bar akonge. ⁴ E tugh gavgavichti, God migirigiar aghuim e damuam. Eghiti an migirigiar kam e damuti, e bizir aghuir gin izamiba bagh mizuam iki suam, e da iniam. ⁵ God uan Duamin, an arazir gumazamizibagh ifongezim e gingezi, a bar en navibagh izifa. Kamaghin amizi, e Godin bizir aghuiba bagha mizu, egha bar fo, e pura mizuai puvati, da guizbangira otivam.

⁶ E uarira uarir akurvaghan iburazir dughiamin, Krais e gumazamizir kuraba bagha areme. An ovevem, God inabazir dughiamin oto. ⁷ Guizbangira, gumazir aghuimin akurvaghisi aremeghamin bizim bar oseme. Ezi ti dughiar vabara, tarazi ti, gumazir aghuitam bagh aremegham. ⁸ Ezi e arazir kurabagh amuavira itir dughiamin, Krais en akurvaghaha areme. Arazir kamin, God bar e gifongezir arazim en aka. ⁹ Bizir bar ekiam, Krais e bagh aremezi, tuavir kamin God en gara ghaze, ia nan damazimin dera. Kamaghin amizi e fo, gin Godin kotiamin dughiamin an

4:17: Stt 17:5; Ais 48:13; 1 Ko 1:28; Ef 2:1; 2:5; 1 Pi 2:10

1 Pita 2:10 *

4:17: Grighin akam, vezin kam deragha bigha mikemezir puvati. Marazi nighnigha ghaze, vezin kam kamaghin migei, "Abraham, Godin damazimin en ovavir afeziamin."

Hibru 11:1

4:19: Stt 17:17; 18:11, Hi 11:11-12

4:19: Stt 15:6

4:22: Stt 15:6

4:22: Jenesis 15:6

Aposel 2:24; 13:30; Rom 15:4; 1 Pita 1:21

4:25: Ais 53:4-5; 1 Ko 15:17; 2 Ko 5:21; Ga 1:4; 1 Pi 1:21

Jon 16:33; Rom 3:24; 3:28-30; 4:24; Efesus 2:14; Kolosi 1:20

5:3: Ap 5:41; 2 Ko 12:10; Fl 2:17; Je 1:2-3; 1 Pi 1:5-7; 3:14

5:5: Sng 22:5; 25:20; 2 Ko 1:22; Ga 4:6; Ef 1:13-14; Hi 6:18-19

5:5: Onger Akabu 22:5; 25:20; 2 Korin 1:22; Galesia 4:6; Efesus 1:13-14; Hibru 6:18-19

5:8: Jo 3:16; 15:13; 1 Pi 3:18; 1 Jo 3:16; 4:10

5:8: Jon 3:16; 15:13; 1 Pita 3:18; 1 Jon 3:16; 4:10

5:9: Ro 1:18; 2:5; 2:8; 3:25; 1 Te 1:10; Hi 9:14; 1 Jo 1:7

5:9: Rom 1:18; 2:5; 2:8; 3:25; 1 Tesalonika 1:10; Hibru 9:14; 1 Jon

1:7

5:10: Jo 14:19; Rom 8:7-8; 2 Ko 4:10-11; 5:18-19; Kl 1:20-21

Kolosi 1:20-21

4:17: Jenesis 17:5; Aisaia 48:13; 1 Korin 1:28; Efesus 2:1; 2:5;

4:18: Stt 15:5; Hi 11:1

4:18: Jenesis 15:5;

4:20-21: Onger

4:21: Jenesis 17:17; 18:11; Hibru 11:11-12

4:24: Ap 2:24; 13:30; Ro 15:4; 1 Pi 1:21

4:24: Ais 53:1; Jo 16:33; Ro 3:24; 3:28-30; 4:24; Ef 2:14; Kl 1:20

5:1: 1 Ko 15:1; Ef 2:18; 3:12; Hi 3:6; 10:19

5:2: 1 Korin

5:2: 1 Ko 15:1; Ef 2:18; 3:12; Hi 3:6; 10:19

5:3: Aposel 5:41;

5:5: Sng 22:5; 25:20; 2 Ko 1:22; Ga 4:6; Ef 1:13-14; Hi 6:18-19

5:6: Ro 4:25; 5:8-10

5:6: Rom 4:25; 5:8-10

5:6: Rom 4:25; 5:8-10

aningagharim otoghti, a dughiar kam guizin uaghan en akurvaghram.¹⁰ Efaragha Godin apaniba, ezi an Otarimin ovevemin an e gamizi e an namakaba. Datinighin e an namakaba, ezi Jesus angamira ikiava, kamaghin bar guizbangira a en akurvaghram.¹¹ Uaghan bizir mam kamakin, en Ekiam Krais Jesus e gamizi e guizin Godin namakabara, kamaghin e bar akonge.

Adamin aven, ovevem oto, ezi Krais in aven, ikirimirir zurara itim oto

¹² Kamaghin amizi, gumazir vamira arazir kuram gami, ezi tuavir kamin arazir kuraba nguazir kamin oto. Ezi nguazir kamin gumazamiziba arazir kurabagh amima, ovevem oto. Ezi gumazamiziba bar arazir kurabagh amima, ovevem bar me bato.¹³ E fo, fomira Moses Osirizir Arazibar tighar otivamin dughiam, dughiar kamin arazir kuraba nguazir kamin iti. Ezi Moses Osirizir Araziba itir puvatizi, God gumazamizibar arazir kurar kaba medir puvati.¹⁴ Ezi Adamin dughiamin ikegha ghua Mosesin dughiamin, ovevem gumazamiziba gativagh me avara. Gumazir maba Adamin min arazir kuratam gamizir puvati, men arazir kuraba ighara. Ezi ovevem uaghan me avara. Ezi Adam mati Gumazir Izamimin nedazim.

¹⁵Ezi Godin apangkuvir a pura aningizim, an Adam amizir arazir kuramin min amir puvati. Guizbangira, gumazir vamira Adam arazir kuram gamizi, tuavir kamin gumazamizir aviriba ariaghire. Ezi gumazir vamira Krais Jesus an apangkuvimin, God e gamizi, e an damazimin dera. Ezi Godin apangkuvimin gavgavim bar ovevem gavgavim gafira. Bizir kam, a gumazamizir aviriba pura me ganingizi, a me gizifa!¹⁶ Egha uaghan God puram e ganingizir bizim ko, gumazir vamiran arazir kuramin otozir bizim, aning uaghara zuir puvati. Aning arazir vamira e gamir pu. Bar puvati. Gumazir kam arazir kurar vamira gamizi, God gumazamiziba me tuisigha ghaze, ia bar ikuvigham. Egha God puram e ganingizir bizim kamakin, gumazamiziba arazir kurar aviribagh amima, God men apangkuva gari, mati me arazir kuratam gamizir puvati.¹⁷ Guizbangira, gumazir vamira Godin akam batoke, ezi an arazir kuramin ovevem gumazamiziba bar me gatifa. Ezi God uan

apangkuvim gumazamiziba avarazi a me gizifa, ezi a ghaze, ia nan damazimin dera. Kar a pura aningizir bizim. Egh gumazir vamira Krais Jesusin ingangarimin, tina God pura anidir bizim iniva, a Krais ko ikiva bizibagh ativagh dar ganam. Egh me kamagh ikiva me bizibagh ativaghamin gavavim, ovevem gavgavim gafiraghram.

¹⁸ Kamaghin amizi, e deravira akar kam ginighnigham. Gumazir mam arazir kurar vamiram amizi, God ghaze, gumazamiziba bar moghira bar ikufi. Kamaghira, Gumazir Ighazariz Vamira arazir aghuir Godin damazimin derazim gami. Kamaghin amizi God gumazamiziba bar men gari, me mati arazir kuratam gamizir puvati. Egh God zurara itir ikirimirir aghuarim me daningam.¹⁹ Gumazir vamira Godin akam baraghizir puvati, ezi an arazir kam gumazamizir aviribagh amizi, me arazir kurabagh amir gumazamizibagh ava. Kamaghira, Gumazir Vamira Godin akam baraghizi, an arazir kam gumazamizir aviribagh amizi, me Godin damazimin dera.

²⁰ God kamaghin nighnigha, Moses Osirizir Araziba aningi, egheti gumazamiziba arazir kurabar amuamin tuavibagh fogh dar amuti, arazir kurar avirim otivigharam. Kamaghin amizi gumazamiziba puv arazir kurabagh amir, ezi Godin apangkuvim bar ekevegha, bar dar pin iti.²¹ Arazir kuram faragha gumazamizibagh amima me ariaghiri, kamaghin amizi ovevem tuavimin, arazir kuram men atrivimin min iti. Kamaghira, Godin apangkuvim datirighin gumazamizibagh amima, me an damazimin dera. Ezi apangkuvim en atrivimin min iti. Egheti gin izamini dughiam, en Ekiam Krais Jesusin ingarimin, God zurara itir ikirimirir aghuarim e daningam.

6

E Krais ko ovenge

¹ Kamaghin amizi, e manmaghin mikimam? E ti arazir kurabar amuvira ikiti, Godin apangkuvim ekevegh mangivira ikiam?² Bar puvatigham! E aremezir gumazamizibar min ikia, egha arazir kurar e amiba ategha gifa. Egh e manmagh su, uam arazir kurabar tuavimin gin mangivira ikiam?³ Ia ti kamaghin fo, e bar Krais Jesusin aven ruegha a ko poke. Arazir kamin e bar an ovevem ko poke.⁴ E ruegha,

5:12: Stt 2:17, 3:6, 3:19, Ro 6:23, 1 Ko 15:21

5:12: Jenesis 2:17; 3:6; 3:19; Rom 6:23; 1 Korin 15:21

5:13: Ro 4:15, 1

Jo 3:4 5:13: Rom 4:15; 1 Jon 3:4

5:14: 1 Ko 15:21-22, 15:45

5:18: 1 Ko 15:22

5:18: 1 Korin 15:22

5:19: Ais 53:11

5:20: 1 Korin 15:21-22; 15:45

Ti 1:14 5:20: Jon 15:22; Rom 3:20; 4:15; 7:8; Galesia 3:19; 3:23; 1 Timoti 1:14

5:20: Jo 15:22, Ro 3:20, 4:15, 7:8, Ga 3:19, 3:23, 1

5:21: Rom 6:23

6:1: Ro 3:5-8, 6:15

6:1: Rom 3:5-8; 6:15

6:2: Rom 7:4; Galesia 6:14;

Kolosi 3:3; 1 Pita 2:24; 4:1

6:3: 1 Ko 15:29; Ga 3:27

6:3: 1 Korin 15:29; Galesia 3:27

4:22-24, Kl 2:12, 3:10

6:4: Rom 8:11; Galesia 6:15; Efesus 4:22-24; Kolosi 2:12; 3:10

6:4: Ro 8:11, Ga 6:15, Ef

tuavir kamin Kraisin ovevemin poghezi, Afeziam Krais ko mozimin aven e akaraghā e avara. A uan gavgavir ekiamin Krais gamizi a mozimin ua dikafi, kamaghira, e uaghan ikirimirir igiar aghuimin ikivira ikiam.

E Krais Jesus ko uaghan ikirimirir aghuarimin ikiam

⁵ E Krais ko puegha mati an aremezi moghin areme. Kamaghira, a ua dikaviz̄i moghin e a ko puegh ua dikavigham. ⁶ E kamaghin fo, en navir ghurimin aremegha givazi, en inivafizimin agoroger arazir kurabar gavgavim gifa. Kamaghin amizi, e ua arazir kuramin ingangarir gumazamizibar ikian kogham. ⁷ Guizbangira, gumazim o amizim aremeghti, arazir kuramin gavgavim uam a gativaghti, an an apengan ikian kogham. ⁸ E ghaze, e Krais ko aremegha, nighnizir gavgavim kamaghin iti, e uaghan a ko ikirimirir aghuir kamin ikiam.

⁹ E kamaghin fo, Krais mozimin ua dikavigha gifa. Egh uam aremeghan kogham. Ovevem, a misueghti a uam aremeghamimin gavgaviba puvati. ¹⁰ Krais dughiar vamiram areme, egha ua aremeghan kogham. Egha ovever arazir kamin, an arazir kuramin gavgavim agifa. Eighti ovevem uam a gativsi damuan kogham. A datirighin ikirimirir aghuarimin ikia God baghvira iti. ¹¹ Ia uaghan nighnizir kamra iki, ia uaghan Krais ko aremegha arazir kuramin gavgavim uam an apengan itir puvati. Ia Krais Jesus ko puegha God baghvira ikia ikirimirir aghuimin iti.

¹² E Ovever mikarzim iti, ezi ia arazir kuram ateghtima a ian mikarzibagh ativan marki. Arazir kuram ia gekutima ia mikarzim ifongezir arazir kuramin gin mangan kogham. ¹³ Egh ia arazir kuramin amamangatighti a ian soroghafabira ko bizitaba ikirarighti ia arazir kuratam damuan marki. Ia mati, gumazamizir ovegha mozimin ikegha ua dikavigha angamira itiba, kamaghin ia uari isi God daning. Egh Godin amamangatighti a ian mikarzim bar a gativaghti ia arazir aghuibar amu. ¹⁴ Arazir kuram ua ian

mikarzibagh ativan kogham. Ia Moses Osirizir Arazipbar apengan itir puvati, ia Godin apangkuvimin apengan iti.

E arazir aghuibar ingangarir gumazamiziba

¹⁵ E datirighin ua Moses Osirizir Arazipbar apengan itir puvati. Egh e manmaghin damuam? E datirighin Godin apangkuvimin apengan iti, egh e arazir kurabar amuvira ikiam o? Bar puvati! ¹⁶ Ia ti kamaghin fos o? Ia uari isi, gumazitam daningiva, an akam̄in gin mangiva, an ingangarir gumazamizibar otivigham. Kamaghira, ia arazir kuramin ingangarir gumazamizibar ikiti, a ia damighti ia aremegham. Egh ia Godin akam bareghiva an gin mangiva an ingangarir gumazamizibar ikiti, a ia damighti, ia an damazimin deraghām. ¹⁷ Guizbangira, ia faragha arazir kuramin ingangarir gumazamizibar ike, ezi God gin ia isa, uan akam̄in apengan ia ariki. Me Godin guizin akam ian sure gamizi, ia inigha guizbangira an gin zui. Ezi bizir kamin, e God minabi! ¹⁸ Faragha arazir kuraba ia ikiaghaghīhizi, God ia firi. Egha i gamizi, ia arazir aghuibar ingangarir gumazamizibar otifi.

¹⁹ Iavzika. Ian navir ghuribar nighniziba otevezi, ia foghasa ki bizir kam akar otevir isin zuimin ia migei. Bizir kam guizbangira, ia faragha uan mikarziba bar da aningizi, da arazir kurabar ingangarir gumazamizibar otivizi, ia arazir miziriziba ko bar ikuvizir arazibagh ami. Egh datirighin ia bar uan mikarzibar anighti, da arazir aghuibar ingangarir gumazamizibar otivighti, ia Godin mirara zuegh ikiam.

²⁰ Faragha ia arazir kurabar ingangarir gumazamizibar ikia, arazir aghuimin gavgavimin apengan itir puvati. ²¹ Ia faragha amir arazibagh da akurvazir manabar ia gami? Arazir kaba, ia datirighin dagh nighnigh aghumsisi. Arazir kabara gumazamizibagh amima me ariaghiri. ²² Ezi datirighin God ia firizi, ia arazir kurabar gavgavimin apengan itir puvatigha, Godin ingangarir gumazamizibar otifi. Ia iniamin bizir aghuimra kara, God ia damighti, ia Godin mirara zuegh iki, zurara itir ikirimirir aghuarim iniam.

- | | | | |
|---|---|--|---|
| 6:5: Fl 3:10-11 | 6:5: Filipai 3:10-11 | 6:6: Ga 5:24, 6:14, Ef 4:22, Kl 2:11, 3:5, 3:9 | 6:6: Galesia 5:24; 6:14; Efesus 4:22; Kolosi 2:11; 3:5; 3:9 |
| 6:7: 1 Pi 4:1 | 6:7: 1 Pita 4:1 | 6:7: 1 Pita 4:1 | 6:9: MAA 1:18 |
| Lu 20:38, Hi 9:26-28, 1 Pi 3:18 | 6:10: Luk 20:38; Hibru 9:26-28; 1 Pita 3:18 | 6:12: Stt 4:7, Sng 19:13, 119:133 | 6:11: Ro 6:2, 2 Ko 5:15, Ga 2:19, 1 Pi 2:24 |
| 6:11: Rom 6:2; 2 Korin 5:15; Galesia 2:19; 1 Pita 2:24 | 6:13: Ro 7:5, 12:1, Ef 2:5, 5:14, Kl 3:5, Je 4:1 | 6:12: Stt 4:7, Sng 19:13, 119:133 | 6:12: Jenesis 4:7; Onger Akaba 19:13; 119:133 |
| Jems 4:1 | 6:14: Ro 7:4-6, 8:2, Ga 5:18, 1 Jo 3:6 | 6:14: Rom 7:4-6; 8:2; Galesia 5:18; 1 Jon 3:6 | 6:13: Rom 7:5; 12:1; Efesus 2:5; 5:14; Kolosi 3:5; Rom 6:1 |
| Rom 6:1 | 6:16: Mt 6:24, Jo 8:34, 2 Pi 2:19 | 6:16: Matyu 6:24; Jon 8:34; 2 Pita 2:19 | 6:15: Ro 6:1 |
| 1 Pi 2:16 | 6:18: Jon 8:32; 1 Korin 7:22; Galesia 5:1; 1 Pita 2:16 | 6:20: Jo 8:34 | 6:20: Jon 8:34 |
| 7:5, 8:6, 8:13 | 6:21: Rom 1:32; 7:5; 8:6, 8:13 | 6:23: Stt 2:17, Ro 2:7, 5:12, 5:15, Je 1:15, 1 Pi 1:4 | 6:21: Ro 1:32, 1 Ko 7:22, Ga 5:1, Rom 2:7; 5:12; 5:15; Jems 1:15; 1 Pita 1:4 |

²³ Guizbangira, arazir kuram iveauzim isa uan ingangarir gumazamizibagh aningi. Ivezir kam an ovevemra. Ezi God bizir aghuarir pura e ganingizimra kara, zurara itir ikirimirir aghuarim. Ikirimirir kam, e uan Ekiam Krais Jesus ko poroghava a isi.

7

Datirighin e navir igiamin arazibar gin ghua ingangarim gami

¹ Nan adarasi, ia Moses Osirizir Arazibagh fozi ki ia migei. Ia fo, gumazamiziba angamira ikiavira ikia, Moses Osirizir Arazibar apengan iti. Gumazamiziba aremehga uam Moses Osirizir Arazibar apengan itir puvati. ² Amizim pam ikiti, an pam angamira ikiwira ikitima, Moses Osirizir Arazibar uaghara aning ike. Amizim pam aremeghti, Moses Osirizir Arazibar uaghara aning ikezim, uam amizim ikeghan koghti amizim firighirigham. ³ Gumazim angamira ikiwira ikiti, amizim gumazir igharazim ko dakuighti, me amizir kam mikim suam, a poroghamiba uari bakeir arazim gamir amizim. Amizir kamin pam aremeghti, Moses Osirizir Arazim a ikeghan koghti a firighirigham. Kamaghin, a gumazir igharazimin ikiti, me kamaghin mikiman kogham, a poroghamiba uari bakeir arazim gami. Puvati.

⁴ Kamaghira, nan adarasi, ia Kraisin mikarzim ko puegha bizar kamin ia a ko ovegha, uam Moses Osirizir Arazimin apengan itir puvati. God kamaghin ifonge, e a bagh ingarti dagher aghuiba otivam. Kamaghin amizi, ia datirighin gumazir God amizi ua mozimin dikavizim, ia an adarasi. ⁵ E faragha uan navir ghuimin arazibar gin zuima, Moses Osirizir Arazibar agoroger kuram en mikarzibagh aningizima, e arazir kuram gami. Ezi arazir kamin ovevem e bato. ⁶ Ezi datirighin e Kraisin min ovengegha faragha en suighizir biziba, e da ataki. Kamaghin amizi, Moses Osirizir Arazibar uam en suirazir puvatizi e firiaghire. Ezi datirighin en ingangarir e amiba, ua Moses Osirizir Arazibar gin zuir puvati. Datirighin, Godin Duam e gammida e tuavir igiamin gin ghua ingangarim gami.

Arazir kuraba paza e gami

⁷ Eghti manmakin? Moses Osirizir Arazibar agoroger kuram en mikarzibar

7:2: 1 Ko 7:39 **7:2:** 1 Korin 7:39 **7:3:** Mt 5:32

7:4: Rom 6:2; 6:11; 8:2; Galesia 2:19; 5:22; Kolosi 2:14

Galesia 5:19; Jems 1:15 **7:6:** Ro 2:29; 6:4; 8:2, 2 Ko 3:6

5:21; Ap 20:33 **7:7:** Ua Me Inl 20:17; Godin Arazibar 5:21; Apostol 20:11-13; 20:21; Rom 10:5; 2 Korin 3:7; Jems 1:15

4:15; 5:20; 1 Korin 15:56 **7:9-10:** Ofa Gami 18:5; Esekiel 20:11-13; 20:21; Rom 10:5; 2 Korin 3:7; Jems 1:15

Stt 3:13; Hi 3:13 **7:11:** Jenesis 3:13; Hibru 3:13 **7:12:** Sng 19:8, 119:138, 1 Ti 1:8

119:138; 1 Timoti 1:8 **7:13:** Ro 5:20 **7:13:** Rom 5:20

7:15: Ga 5:17 **7:15:** Galesia 5:17

anighti, e arazir kuram damigh, manmagh mikimam? Tarazi suam, Moses Osirizir Arazibar ti ikufi. Bar puvati. Moses Osirizir Arazibar ikiyan koghtima, ki guizin kamaghin azangam, arazir kuraba, da tizim? Ki dagh foghan kogham. Moses Osirizir Arazibar kamaghin migei, "Ni munavin biziba bagh navim dikavan marki." A kamaghin mikemeghan koghti, ki foghan kogham, biziba bagha navim dikavir arazim, an arazir kuram. ⁸ Ezi arazir kuram nan navir ghurimin aven ingara, egha Moses Osirizir Arazibar aven tuavimin apigha nighnizir kuraba na ganidi. Egha tuavir avirabar nan navim gami a dikavima, ki gumazamizir igharazibar bizibar gara nan navim da bagha arai. Moses Osirizir Arazibar ti puvatizima, arazir kuram gavgaviba puvatighai. ⁹⁻¹⁰ Fomira Moses Osirizir Arazibar itir puvatizi, ki angamira iti. Ezi Moses Osirizir Arazibar otozi, arazir kuraba dikavigha angamira iti ki fo, ki Godin damazimin areme. Moses Osirizir Arazibar ingangarimra kara, a ikirimirir aghuarim e ganidi. Ki Moses Osirizir Arazibar tuavimin, ikirimirir aghuarim inizir pu. Puvati. Da na gamizi, ki areme. ¹¹ Ezi arazir kuram nan aven ingara Moses Osirizir Arazibar aven tuavimin apigha na gifari. Egha Moses Osirizir Arazibar tuavmin na misoghezi, ki areme.

¹² E kamaghin fo, Moses Osirizir Arazibar, da Godin otivaghire. Moses Osirizir Arazibar aven itir migirigiar gavgaviba, da uaghan Godin otivaghiregha Godin damazimin derazir arazibar amuusa e migia, egha gumazamizibar akurvasi. ¹³ Ezi manmakin? Bizar aghuir kam ti na gamizi ki ovenge? Bar puvati. Arazir kuram ubi na gamizi ki ovenge. God kamaghin ifonge, arazir kuram azenim girichtima e bar fogh suam, arazir kuram a bar bizar kuram. Kamaghin amizi God arazir kuram amamangatizi, arazir kuram bizar aghuir kamin aven otogha na gamizi ki ovenge. Kamaghin amizi Moses Osirizir Arazibar tuavimin, God guizbangira kamaghin en aka, arazir kuram bar kurigha mughasi.

Arazir kuram en mikarzibagh atifa

¹⁴ E fo, Moses Osirizir Arazibar, da Godin Nguibamin bizim, ezi ki nguazir kamin guamazim. Ezi arazir kuram gavgavim nan

7:3: Matyu 5:32 **7:4:** Ro 6:2, 6:11, 8:2, Ga 2:19, 5:22, Kl 2:14

7:5: Ro 6:13, 6:21, Ga 5:19, Je 1:15 **7:5:** Rom 6:13; 6:21;

7:6: Rom 2:29; 6:4; 8:2; 2 Korin 3:6 **7:7:** Kis 20:17, Lo

4:15; 5:20; 1 Korin 15:56 **7:8:** Ro 4:15, 5:20, 1 Ko 15:56 **7:8:** Rom

Stt 3:13; Hi 3:13 **7:11:** Jenesis 3:13; Hibru 3:13 **7:12:** Sng 19:8, 119:138, 1 Ti 1:8

119:138; 1 Timoti 1:8 **7:13:** Ro 5:20 **7:13:** Rom 5:20

7:14: Sng 51:5, Jo 3:6 **7:14:** Oger Akaba 19:8;

7:15: Ga 5:17 **7:15:** Galesia 5:17

suirazi, ki arazir kuramin ingangarir gumarimin oto.¹⁵ Egha ki amir araziba, ki deragha dar mingaribagh fozir puvati. Arazir ki damuasa bar ifongeziba, ki dagh amir puvati. Egha arazir ki ifongezir puvatiziba, ki zurara dagh ami.¹⁶ Arazir ki ifongezir puvatiziba, ki dar amuti nan arazir kam kamaghian akaghti, ki ti kamaghian mikimam, Are, Moses Osirizir Araziba da bar dera.¹⁷ Kamaghin amizi, ki uabi arazir kurar kabagh amir pu. Puvati. Arazir kurar nan aven itimra, dagh ami.¹⁸ Ki uan navir ghurim migei. Ki fo, bizar aghuitam nan aven itir puvati. Kamaghin amizi, ki arazir aghuibar amuasa ifuegha, dar amuamin gavgaviba pu.¹⁹ Arazir aghuir ki damuasa ifongeziba, ki dagh amir pu. Egha arazir kurar ki damuasa ifongezir puvatiziba, ki dagh ami.²⁰ Arazir ki aghuaziba, ki dagh amua, kamaghin fo, ki uabi kamaghin amir pu. Puvati. Arazir kurar nan aven itimra, dagh ami.

²¹ Kamaghin amizi ki gari, arazir kam guizbangira nan ingari: ki arazir aghuibar amuasa ifongezi, arazir kuram zurara na ko ikia nan tuavim apiri.²² Guizbangira, nan navir averiamin aven, Godin otivir Moses Osirizir Araziba, ki dagh nighnighavira ikia da bagha bar akonge.²³ Kamaghin, ki arazir igharazimin garima, a nan mikarzimin aven ingara na ikiagharriga na gatifa.²⁴ Maia! Ki ghaze, ki bar ikufi! Tina nan akuraghtima, ki mikarzir ovengamin kamin firighirigham?²⁵ Godra, a en Ekiam Krais Iesusin ingangarimin tuavimin, a nan akuraghram!²⁶ Egha God minabi! Egha ki uabi, uan nighnizimin navir averiamin aven Godin migirigiarbar ingarir gumazimin iti. Egha uan navir ghurimin aven, ki uaghan Moses Osirizir Arazibar otozir arazir kuram, ki an ingangarir gumazimin iti.

8

Krais arazir kuraba agivagha Godin Duam e ganangi

- 7:18:** Stt 6:5; 8:21 **7:18:** Genes 6:5; 8:21 **7:22:** Sng 1:2, 2 Ko 4:16, Ef 3:16 **7:22:** Onger Akaba 1:2; 2 Korin 4:16; Efesus 3:16 **7:23:** Ro 6:13; 6:19, Ga 5:17; Je 4:1, 1 Pi 2:11 **7:23:** Rom 6:13; 6:19; Galesia 5:17; Jems 4:1; 1 Pita 2:11 **7:25:** Ro 6:13; 6:19, 1 Ko 15:57; Ga 5:17 **7:25:** Rom 6:13; 6:19; 1 Korin 15:57; Galesia 5:17 **8:1:** Ro 8:34, 8:39 **8:1:** Rom 8:34; 8:39 **8:2:** Jo 8:36; Ro 7:23-25; 2 Ko 3:6; Ga 2:19 **8:2:** Jon 8:36; Rom 7:23-25; 2 Korin 3:6; Galesia 2:19 **8:3:** Ap 13:38-39; 15:10, Ro 3:20; 2 Ko 5:21; Fl 1:2; Hi 4:15; 7:18-19 **8:3:** Aposel 13:38-39; 15:10; Rom 3:20; 2 Korin 5:21; Filipai 2:7; Hibru 4:15; 7:18-19 **8:4:** Ga 5:16; 5:25 **8:4:** Galesia 5:16; 5:25 **8:5:** Jo 3:6; 1 Ko 2:14, Ga 5:22; 5:25 **8:5:** Jon 3:6; 1 Korin 2:14; Galesia 5:22; 5:25 **8:6:** Ro 6:21; 8:13; Ga 6:8 **8:6:** Rom 6:21; 8:13; Galesia 6:8 **8:7:** Mt 12:34; Jo 8:43; 12:39; 1 Ko 2:14; Je 4:4 **8:7:** Matyu 12:34; Jon 8:43; 12:39; 1 Korin 2:14; Jems 4:4 **8:9:** 1 Ko 3:16; 12:3; Ga 4:6; Fl 1:19; 1 Pi 1:11 **8:9:** 1 Korin 3:16; 12:3; Galesia 4:6; Filipai 1:19; 1 Pita 1:11 **8:10:** Ga 2:20; Ef 3:17; 1 Pi 4:6 **8:10:** Galesia 2:20; Efesus 3:17; 1 Pita 4:6

¹ Kamaghin amizi e Krais Iesus ko pogheziba, God datirighin uan kotiamin aven uam ivezir kurame daningisi mikiman kogham. ² E fo, e bar datirighin Krais Iesus ko pueghav itiba, Godin Duamin gavgavim ikirimir aghuarim e ganiga, ovezemin arazim ko arazir kuramin e firagharki. Eighti arazir kaba ua e gativagh e ikirarighan kogham. ³ En navir ghuriba, gavgaviba puvati. Kamaghin amizi, Moses Osirizir Araziba, en arazir kurabar gin amangamin gavgaviba puvati. Ezi Moses Osirizir Araziba damuan koghamin bizar kam, God uabi a gami. God uan Otarim amadazi, a gumazimin min otogha, arazir kurabagh amir gumazimin min gari. A en arazir kuraba agivasa izezi, an ingangarimin tuavimin, God gumazamiziba itir arazir kurabar gavgavim agivagha a gasighasiki. ⁴ Ezi e datirighin navir ghurimin arazibar gin zuir puvati, e Godin Duamin arazibar gin zui. God kamaghin ifonge, Moses Osirizir Arazibar aven itir arazir aghuiba en navibar aven deragh otogham. Kamaghin amizi God en arazir kurabar gavgavim a givagha a gasighasiki.

⁵ Guizbangira, navir ghurimin arazibar gin zuir gumazamiziba, me dughiaba bar navir ghurim ifongezir biziba baghvira nighnisi. Ezi Godin Duamin gin zuir gumazamiziba, me Godin Duam ifongezir biziba baghvira nighnisi. ⁶ Eighti gumazim o amizim navir ghurimin araziba baghvira nighnighiva, an aremegham. Eighti tina Godin Duam baghvira nighnighiva, a ikirimir aghuarim ko navir amirizim iniam. ⁷ Eighti gumazim o amizim navir ghurimin araziba baghvira nighnigh, a Godin aghuaghiva an apanimin ikiam. A Godin otivir Moses Osirizir Arazibar gin zuir puvatigha guizbangira dar gin mangan kogham. ⁸ Gumazamizir navir ghurimin arazibar gin zuiba, me God ifongezir arazibar amuan kogham.

⁹ Eighti Godin Duam guizbangira ian navir averiabar aven ikiti, ia ua navir ghurimin arazibar gin mangan kogham, ia Godin Duam ifongezir arazibar gin mangam. Guazamiz o amizimin navir averiam Kraisin Duam guizbangira an itir puvati, a Kraisin anav puvati. ¹⁰ Ia arazir kuram gamigha,

bizir kamin ia ariaghire. Egheti Krais ian navir averiabar aven ikiti, God ia mikim suam, ia nan damazimin dera, egheti Godin Duam ikirimir aghuarim ia daningam.¹¹ Godin Duam Jesus mozimin a gamizi a ua dikafi, ezi Duar kamra, ian navir averiabar aven iti. Egh gumazir Krais gamizi a dikavizir kam, a ian ovengamin mikarzibar amuti, da ua dikavigh angamira ikiam. God uan Duar ian navir averiabar aven itimin tuavimin, bizir kam damuam.

Godin Duam ia gamizi, ia Godin boribar otifi

¹² Kamaghin amizi, nan adarasi, e ikarvazir ingangarir mam iti. Ikarvazir ingangarir kam, a navir ghurstim bizzim puvati, e an gin mangen kogham.¹³ Ia navir ghurstim arazibar gin mangiva, ia arimighiregham. Ia Godin Duamin gavgavimin tuavimin, ia uan mikarzibar arazir kurabav soghti, da arimighiregħti, ia angamira ikvira ikiam.

¹⁴ E fo, gumazamizir Godin Duam men faragħha zuima me an gin zuiba, gumazamizir kaba bar Godin boriba.¹⁵ E kamaghin fo, Duar God ia ganingizim, a ia gamizi, ia pura ingangarir gumazamizibar otozir puvati, egh ia bizibar atiati. Puvati. Godin Duam ia gamizi, ia an boribar otifi. Egha Godin Duamin gavgavimin e an dia ghaze, “O Ame, En Afeziam!”¹⁶ Godin Duam uabi, en duuba ko porozi, e uarir gun migia ghaze, e Godin boriba.¹⁷ E Godin boriba, egh gin bizir aghuir God e daningasa e bagħha inabaziba iniam. Bizir kaba, en avebam Krais da inigha gifa. E fo, e datirighin Krais ko mizazir a iniziba e da ateriva, gin a ko ziar ekiam ko dabirabir aghuim uaghan a iniam.

E gin Godin Nguibamin mangiva ziar ekiam ko dabirabir aghuim iniam

¹⁸ Ki fo, ziar ekiam ko dabirabir aghuir kam God gin en akagħi, e a gifogħam. Ezi ki kamaghin nighnisi, bizir kam, a mizazir e datirighin isiba bar dagh affi-ragħam.¹⁹ Guizbangira, God ingarizir bizibar bar, me dughiar God uan boriba

azenim darighamim a bagħha mizuua, uan dapaniba fegħha tintinbar gara nighnighi, dughiar manamra bizir kam otivam?²⁰ Guizbangira, God fomira nguazimin itir bizibba da tuisigha ghaze, da bar ikufi, da pura bizir kiniba. Da uari kamaghin otozir pu. Puvati. God uabi dagħi amizi da kamaghin otifi. Egha da God damuamin bizir aghuim bagħha mizuai.²¹ Datirighin, nguazimin itir bizibba da ovevem ko bizibba kuraghbir arazimin apengen ikia, mati da kalabusin iti. Egha me kamaghin fo, dughiar God misvezimin, God bizibba kalabusin itir arazir kam agħvagħti, bizibba bar Godin boriba ko firighiregħiwa dabirabir aghuim ko ziar ekiam iniam.

²² E fo, bizir God ingariziba bar mogħira, mati amizim borim batasa mizazim isi mogħin, da mizazim isi. Egha da bar puv tuava ara, iza datirighin oto.²³ Ezi bizir kabarama arair pu. Puvati, e uari uaghan arai. E Godin Duam inigha gifa, mati God e daningamin bizir aghuħbar faragħa zuim a e ganingi. Egha teuvara, dughiar God e damighti e an boribar miraram otivamim, e a bagħha mizuai. Dughiar kam, God en mikarzibar amighti da firighiregħ għannan iġħarazim otogħam.²⁴ E bizir aghuir e fogħha iniamiba bagħha mizuai iti, kamaghin amizi God en akura. E suam, e bizir mam bagħha mizuam fogħam, e tħiġi a iniam. Egh gumazamizibha tizim bagħha bizir me inigha givazim bagħha mizuam ikiam?²⁵ E fo, bizir e tħiġi a iniamiba e guizbangira da iniam. Kamaghin amizi, e navibar suigha da bagħha mizuai.

²⁶ Kamaghira, e gavgaviba puvatizir darasi, Godin Duam en akurvasi. E fozir puvati, e manmagħin bizibba bagħ God ko mikimam? En migirgi abba otefe. Kamaghin amizi, Godin Duam uabi e bagħha God ko migia, tuavara, an ararem akar e mikimam asażibagh afira.²⁷ Ezi God gumazamizibar navir averiabu guizbangira dar gari. A uan Duamin nighnizim għiġi. Kamaghin, an Duam Godin ifongi lamen gin ghua Godin gumazamizibha bagħha a ko migei.

²⁸ E fo, God bizibagh amima da virara

- 8:11:** Ap 2:24; 1 Ko 3:16, 6:14; 2 Ko 4:14; Ef 2:5 **8:11:** Aposel 2:24; 1 Korin 3:16; 6:14; 2 Korin 4:14; Efesus 2:5 **8:13:** Ga 6:8, Ef 4:22; Kl 3:5 **8:13:** Galesia 6:8; Efesus 4:22; Kolosi 3:5 **8:14:** Ga 5:18 **8:14:** Galesia 5:18 **8:15:** 1 Ko 2:12, 4:6; 2 Ti 1:7; Hi 2:15 **8:15:** 1 Korin 2:12; 2 Timoti 1:7; Hibru 2:15 **8:15:** Galesia 4:5-7 *** 8:15:** Aramin akam, a Jesusin nguibamin akam, me uan afeziam dibora ghaze, “Aba.” Egha Jesus uan Afeziam ko migia, a kamaghin a dibora ghaze, “Aba.” Ni Mak 14:36in gan. **8:16:** 2 Ko 1:22; Ef 4:30 **8:16:** 2 Korin 1:22; Efesus 4:30 **8:17:** Ap 26:18; Ga 4:5-7; Fl 1:29; 2 Ti 2:11-12; MAA 21:7 **8:17:** Aposel 26:18; Galesia 4:5-7; Filipai 1:29; 2 Timoti 2:11-12; Akar Mogomex 21:7 **8:18:** Ro 5:2; 2 Ko 4:17 **8:18:** Rom 5:2; 2 Korin 4:17 **8:19:** Kl 3:4, 2 Pi 3:13, 1 Jo 3:2 **8:19:** Kolosi 3:4; 2 Pita 3:13; 1 Jon 3:2 **8:20:** Stt 3:17-19 **8:20:** Jenesi 3:17-19 **8:21:** 2 Pi 3:13, 1 Jo 3:2 **8:21:** 2 Pita 3:13; 1 Jon 3:2 **8:23:** 2 Ko 5:2-4; Ga 5:5; Ef 1:14; 4:30 **8:23:** 2 Korin 5:2-4; Galesia 5:5; Efesus 1:14; 4:30 **8:24:** 2 Ko 5:7; Hi 11:1 **8:24:** 2 Korin 5:7; Hibru 11:1 **8:26:** Sek 12:10; Ef 6:18; Je 4:3 **8:26:** Sekaraia 12:10; Efesus 6:18; Jems 4:3 **8:27:** Sng 7:9; 139:1; Ap 1:24; 1 Ko 4:5; 1 Te 2:4; 1 Jo 5:14 **8:27:** Onger Akaba 7:9; 139:1; Aposel 1:24; 1 Korin 4:5; 1 Tesalonika 2:4; 1 Jon 5:14 **8:28:** Ro 9:11; 9:23-24; Ef 1:11; 2 Ti 1:9 **8:28:** Rom 9:11; 9:23-24; Efesus 1:11; 2 Timoti 1:9

uari inigha ingara, gumazamizir bar God gifongezibagh amima, me dera. Kar gumazamizir God ua me iniasa mikemega givaziba, a men dia. ²⁹ Kar, gumazamizir God fomira ua me iniasa migeiba, a me ginaba, eghit me uaghan an Otarimin min ikiam. Eghit borir aviriba ikiti Krais ubi men avebar ekiamin min ikiam. ³⁰ Ezi gumazamizir a fomira me ginabaziba, a uaghan men dia. Egha gumazamizir kaba dibora ghaze, ia nan damazimin dera. Egha gumazamizir an damazimin derazir kaba, a ziar ekiam ko dabirabir aghuim me ganingizi me a ko a isi.

Bizitam e damuti, e God e gifongezir arazimin saghon ikian kogham

³¹ E bizir kabagh foghava, manmaghin mikimam? E fo, God e baghvira ikiti, tina e dikabiragh e gafiragh? Bar puvatigham. ³² God uan Otarimin surazir pu. Puvati, a bar moghira e bagha ofan min aneningizi, an areme. E fo, a uan Otarim e ganingi, a uaghan bizir aghuir igharaziba bar, da pura e daningam. ³³ Eghit tina God inabazir gumazamizibar kotin aven akam me gasam? Puvati. God ubi gumazamizir kabav gia ghaze, ia nan damazimin dera. ³⁴ Tinara e mikim suam, ia uan arazir kuramin iveauzim iniam? Puvati, Krais Jesus, gumazir aremezim, God a gamizi a ua dikavigha, datirighin Godin agharir guvimin aperaghav iti. Egha anarira e bagha God ko migei!

³⁵ Krais bar e gifongeghavira iti, kamaghin amizi tina e damuti, e Krais e gifongezir arazimin saghon ikiam? Puvati. Osimitziba e bativam, o dughiar kuram e bativam, o gumazamiziba arazir kurabar e damuam o, mitiriaha en agham o, bizir daghuamiba puvatigham o, bizir kuram e gasighasigham o, me e misoghti e arimighiram, bizir kabanang e damuti, e ti Krais e gifongezir arazimin saghon ikiam, o? Bar puvati. ³⁶ Guizbangira, Godin Akinafarim mikemezi moghin bizir kaba e batifi:

“E nin gin zui, ezi bizir kam bangin,
me zurara e misozima, e ariaghirasava
ami.

-
- 8:29:** Jo 17:22, 2 Ko 3:18, Ef 1:5, 1:11, Kl 1:5, 1:11, 1:18, 2 Ti 2:19, Hi 1:6 **8:29:** Jon 17:22; 2 Korin 3:18; Efesus 1:5; 1:11;
Kolosi 1:18; 2 Timoti 2:19; Hibru 1:6 **8:30:** Ro 9:24, 1 Ko 6:11, Ef 4:4, 1 Pi 2:9 **8:30:** Rom 9:24; 1 Korin 6:11; Efesus
4:4; 1 Pita 2:9 **8:31:** Nam 14:9, Sng 118:6 **8:31:** Diboboniba 14:9; Onger Akaba 118:6 **8:32:** Jo 3:16 **8:32:**
Jon 3:16 **8:33:** Ais 50:8 **8:33:** Aisaina 50:8 **8:34:** Sng 110:1, Ap 7:55-56, Kl 3:1, Hi 7:25, 9:24, 1 Jo 2:1 **8:34:**
Onger Akaba 110:1; Aposel 7:55-56; Kolosi 3:1; Hibru 7:25; 9:24; 1 Jon 2:1 **8:35:** Ro 8:38-39 **8:35:** Rom 8:38-39
8:36: Sng 44:22, 1 Ko 15:30-31, 2 Ko 4:11 **8:36:** Onger Akaba 44:22; 1 Korin 15:30-31; 2 Korin 4:11 **8:37:** Jo 16:33,
1 Ko 15:57, 2 Ko 2:14, 1 Jo 4:4, MAA 12:11 **8:37:** Jon 16:33; 1 Korin 15:57; 2 Korin 2:14; 1 Jon 4:4; Akar Mogomem 12:11
8:38: Ef 1:21, Kl 1:16, 2:15, 1 Pi 3:22 **8:38:** Efesus 1:21; Kolosi 1:16; 2:15; 1 Pita 3:22 **9:3:** Kis 32:32 **9:3:** Ua
Me Ini 32:32 **9:4:** Kis 4:22, 9:4, Lo 7:6, 14:1-2, Ap 3:25, 13:22, Ef 2:12, Hi 8:8-10, 9:1 **9:4:** Ua Me Ini 4:22; 9:4; Godin
Araziba 7:6; 14:1-2; Aposel 3:25; 13:22; Efesus 2:12; Hibru 8:8-10; 9:1 **9:5:** Mt 1:1-16, Jo 1:1, Ro 1:25 **9:5:** Matyu
1:1-16; Jon 1:1; Rom 1:25

Me kamaghin nighnigha ghaze,
e mati sipsipin gumaziba misuehti
aremeghasavirama amibar min,
me e misoghasa.”

³⁷ Bar puvati. Krais bar e gifonge, ezi bizir manam e batifi, a zurara e gamima e uan apanim dikabiri. ³⁸ Guizbangira, Krais bar e gifonge, ezi nan nighnizir gavagavim kamakin, bizitam e damuti, e Krais e gifongezir arazimin saghon ikian kogham: Ovevem, o ikirimir aghuim, o enselba, o duar kuraba, o gavagaviba itir biziba, o datirighin itir biziba, o bizir gin otivamiba, ³⁹ o bizir pin itiba, o bizir vazimin itiba, o God ingaririz biziba bar, dar tongin bizitam e damuti, e God e gifongezir arazimin saghon ikian kogham. An arazir e gifongezir kam, a Krais Iesus en Ekiamin ingangarimin, e ganingi.

God Israelia gamizir arazim, Pol a gehgari

9

(*Sapta 9-11*)

Pol Israelia ginighnigha men apangkufi

¹ Ki Kraisin gumazim, kamaghin amizi ki guizbangira migei, ki ifarir puvati. Godin Duam nighnizir zuezim na ganingizi, nan navimin aven ki kamaghin fo, nan akar kam a guizbangira. ² Ki zurara uan anabam bagha nighnigha, bar men apangkuviga, osemehta nan navir averiam ikufi. ³ Ki kamaghin bar ifonge, God nan anabam Israel, ua men iniam. Eghit Krais nan nighnizimin gin mangan koghti, ki an azangsigh a ko mikimti, a uan gumazamizibar tongin na batueghti, nan anabam Israel nan danganim iniam. Bizir kam men akurazi, kamaghin deraghai. ⁴ Me Israeliin gumazamiziba, ezi God me dibora ghaze, me an boriba. Ezi me Godin ziar ekiam a ko a inigha gifa. Ezi God uan Akar Dikirizir Gavagavim me ko a gami. Egha Moses Osirizir Araziba isa, me ganingi. Egha uan ziam fer arazim men akagha, me ko akam akiri. ⁵ Men ovavir faragha itiba, bar ziar ekiaba iti. Ovavir kabar iza, Gumazir God Uam E

Iniasa Misevezim, Krais nguazir kamin guzmanimin min men ikizimin aven oto. Krais a God, egha biziba bar dar dapanimin iti. Eighti e zurazurara Kraisin ziam fam!*

God Israelia gamir arazim, Pol an gun migei

⁶ Ki kamaghin migeir puvati, Godin akar dikirizim pura ghua ototu pu. Puvati. E fo, gumazamizir maba Israelin anabamin aven ikia, guizin Israelia puvati. ⁷ Abrahamin ovaviba, men marazi guizbangira Godin boriba puvati. Fomira God kamaghin Abraham mikeme, "Aisakra, nin ovavir boriba otivam." ⁸ Akar kamin mingarim kamaghin ghu, borir inivafizim otiviziba, me Godin boriba pu. Puvati. Borir Godin akar dikirizim otiviba, me guizbangira Abrahamin ovaviba. ⁹ Ezi akar dikirizim kamaghin ghu, "Dughiar ki inabazimin, ki uamategh iziti, Sara otarim batam."

¹⁰ Kamaghira, akar igharazir mam kamaghin iti: Rebekan otarir pumuning afeziar vamiran oto, a en ovavim, Aisak. ¹¹⁻¹² God arazir a zurara amimin gin ghuua, gumazamiziba uan nighnizimin me ginabi. A gumazamizibar ingangarim bagha nighnizir pu. Puvati. A ubi men diava me ginabi. Kamaghin amizi Rebeka tighar otarir pumuning batamin dughiamin, aning arazir kuratam o arazir aghuim gamizir puvatizi, God kamaghin Rebeka migei, "Otarir faragha irizim, otarir gin irizim ingangarir gumazimin min ikiam." ¹³ Bizar kam, Godin Akinafarim kamaghin mikeme, "Ki Jekop gifuegha, Ison aghua."

¹⁴ Kamaghin amizi e manmaghin mikimam? E suam, God ti arazir kuram gami? Bar puvati! ¹⁵ Guizbangira, God kamaghin Moses migei, "Ki gumazamizitabar kuarkuvighsi, ki men kuarkuvam. Ki gumazamizitabar apangkuvs, ki men apangkuvam." ¹⁶ Kamaghin amizi God gumazitam o amizitam ginabaghs, an an nighnizim ko an ingangarimin gara a ginabir pu. Puvati. God uan apangkuvimra gin ghua gumazamizibagh inabi. ¹⁷ Guizbangira, Godin Akinafarimin itir

akam Isipin atrivim migia ghaze, "Ki kamaghhsua ifonge, ki uan gavgavim isi ian akagham, egheti nguazir kamin danganiba bar, dar gumazamiziba nan ziar ekiam geghanam. Kamaghin amizi, ki ia ataghizi ia ikiavira iti." ¹⁸ Kamaghin amizi e fo, God gumazitam o amizitam apangkuvighsi ifuegh, an apangkuvam. Egh a gumazitam o amizitam damighti an dapanim gavgavigh an akam batoghsifuegh, a damuam.

¹⁹ Ian tav ti na mikim suam, "God kamaghin amigha, tizimsua e migia ghaze, 'Fa uan arazir kurabar ivedzim iniam?' Gumazitam o amizitam Godin ifongiam iriaghan kogham." ²⁰ Ia gumazamizir kiniba! Ia Godin arazir an amizim bagh an ataran marki! Nguazir minem kamaghin gumazir an ingarizimin mikiman kogham, "Ni tizim bagha kamaghin nan ingari?" ²¹ Nguazir minem ingarizir gumazim, a uan nighnizim gin mangi miner pumuning ingarigham. A nguazitam inigh, miner pumuning ingarighthi, tam dughiar ekiam bagh ikiti, igharazim, me pura bizar kuraram a mikinam. Kar an nighnizim.

²² God uaghan kamaghiram ami. God kamaghhsua, a uan aningagharim azenim datightima, gumazamiziba bar an gavgavir ekiam gifogham. Nguazir miner ivedzir kuram iniamiba, kar gumazamizir an asighasighasava amiba, a dughiar ruarim me ganingi. Egh a gin me abighirarigham.

²³ A kamaghhsua, an ziar bar ekiam ko dabirabir aghuim azenim girichti, gumazamiziba bar a gifogham. A fomira uan ziar ekiam ko dabirabir aghuim e a ko da iniasa, gumazim nguazir mineba akirizi moghin, an en navibar akiri. Egha uan ziar ekiam ko dabirabir aghuim isa, nguazir miner an apangkuvum itibagh ingezi, da bar izifa. ²⁴ Nguazir miner apangkuvum iniamin kaba, kar e gumazamizir God deiba. E Israelia merara men tongin izezir puvati, e uaghan Kantrin Igharazibar Gumazamizibar tongin ize. ²⁵ Ezi Hosean akinafarimin, God kamaghin migei:

"Gumazamizir fomira nan adarazi putativiza,

* **9:5:** Gumazir maba nighnigha ghaze, vezin kamin migirigari otevir abuananam e kamaghin a gighi suam, "God bibiza bar dar dapanimin iti. Eighti e zuraram an ziam fi mangivira ikiam." **9:6:** Nam 23:19, Jo 8:39, Ro 2:28, 3:3, Ga 6:16

9:6: Diboboniba 23:19; Jon 8:39; Rom 2:28; 3:3; Galesia 6:16 **9:7:** Stt 21:12, Ga 4:23, Hi 11:18 **9:7:** Jenesis 21:12;

Galesia 4:23; Hibrus 11:18 **9:8:** Ga 4:23 **9:8:** Galesia 4:23 **9:9:** Stt 18:10, 18:14 **9:9:** Jenesis 18:10; 18:14

9:10: Stt 25:21 **9:10:** Jenesis 25:21 **9:11-12:** Jenesis 25:23 **9:13:** Lo 21:15, Mal 1:2-3, Lu 14:26 **9:13:**

Godin Araziiba 21:15; Malakai 1:2-3; Luk 14:26 **9:14:** 2 Sto 19:7, Jop 8:3, 34:10, Sng 92:15 **9:14:** 2 Eghaghaniha

19:7; Jop 8:3; 34:10; Onger Akaba 92:15 **9:15:** Kis 33:19 **9:15:** Ua Me In 33:19 **9:16:** Ef 2:8 **9:16:** Efesus

2:8 **9:17:** Kis 9:16, Ga 3:8, 3:22 **9:17:** Ua Me In 9:16; Galesia 3:8; 3:22 **9:18:** Kis 4:21, 9:12, 14:4 **9:18:**

Ua Me In 4:21; 9:12, 14:4 **9:19:** 2 Sto 20:6, Jop 23:13, Dan 4:35 **9:19:** 2 Eghaghaniha 20:6; Jop 23:13; Daniel 4:35

9:20: Ais 29:16, 45:9, 64:8 **9:20:** Aisaia 29:16; 45:9; 64:8 **9:21:** Jer 18:6, 2 Ti 2:20 **9:21:** Jeremaiha 18:6; 2

Timoti 2:20 **9:23:** Ro 8:28-30, Ef 1:3-12, Kl 1:27 **9:23:** Rom 8:28-30; Efesus 1:3-12; Kolosi 1:27 **9:25:** Hos 2:23,

1 Pi 2:10 **9:25:** Hosea 2:23; 1 Pita 2:10

datirighin ki me dipon suam, ia nan adarasi.

Kantrin ki fomira aghuazir kam, ki gin me mikim suam,
ia ki bar ifongezir darasi.

26 Ia faragha danganir mamin itima, ki ia migia ghaze,
'Ia nan adarazi puvati.'

Egh danganir kamnaghira ki ia mikim suam,
'Ia Godin zurazurara angamira itimin boriba.'

27-28 Aisaia Israelia ginighnigha kamaghin akam akuri, "Guizbangira, Ekiam dughiar vamira gumazamizir nuguazimin itiba bar men araziba tuisigh, zuamira men ivezir kuram isi me danighiva bar me gasighasigham. Fomira, Israelien gumazamiziba, mati ongarimin itir gigimin min bar aviraseme, ezi pura bizim, me marki. Ekiam men ikiavira itir varazira, ua me inigham." **29** Bizar kaba Aisaia fomira mikemezi moghin otifi, a kamaghin migei, "Ekiam Gavgavir Ekiam Itim, en tarazi ataghizir puvatizi, e itir puvatighai. Ezi bar guizbangira, e bar gevegha givaghai, mati bar fomira Sodom ko Gomoran nguibamning bar ikufi."

Israelia nighnizir gavgavim itir puvati

30 E manmaghin mikimam? E kamaghin mikimam, Kantrin Igharazibar Gumazamiziba, Godin damazimin deraghaha ingangarir ekiam gamizir puvati. Me nighnizir gavgavim Godin itima, God ghaze, me nan damazimin dera. **31** Ezi Israelia me Moses Osirizir Arazibar gin ghua ingara, Godin damazimin deraghaha tuavim buriava, a batozir puvati. **32** Manmaghin amizi, me a batozir puvati? Me Godin damazimin deraghaha, uan gavgavibar pamtem ingarava avenge. Me nighnizir gavgavimin tuavimin gin zuir puvati. Dagiar dagariba asim, me a gasaghpzagħiri. **33** Godin Akinafarim bizar kam migia ghaze:

"Ia oragh!"

Ki gumazamiziba asaghporir dagiar mam amisevegha
a isa Saionin Mighsiamin anefa.

Dagiar kam a gumazamizibagh amima, me asaghpora daighiri.

Egh gumazamizir nighnizir gavgavim an itiba,
me aghumsighan kogham."

10

Israelia Godin Araziba deravira dagh foziż puvati

1 Nan adarasi, God ua Israelia iniasa ki uan navir averiamin aven bar ifuegħa, me bagħha God ko migei. **2** Ki bar deragħha Israelia gifogħha kamaghin migei, me Godin Arazibar gin mangasa bar gavga. Egha me guizin God ifongezir arazim għofo puvati. **3** Me, tuavir God ghaze e an damazimin derazim, me a għofo puvati. Egha uan gavgavibar, Godin damazimin deraghħa tuaviva buri. Kamaghin amizi me Godin damazimin deragħamin tuavimin apengen itir puvati. **4** E fo, Krais Moses Osirizir Arazibagh amizima, dar gavgavim ġifa. Kamaghin, tina nighnizir gavgavim Kraisin iti, anarira Godin damazimin deragħam.

5 Gumazamizir Godin damazimin deraghħa Moses Osirizir Arazibar gin zuiba, Moses me migia kamaghin osiri, "Gumazamiziba Moses Osirizir Arazibha migei mogħin damu egh dugħiaba zurara dar amuti, arazir kaba me damuti, me ikivira ikiam." **6** Kar Godin Akinafarim akar otevīr mam, a gumazamizir nighnizir gavgavimin tuavimin Godin damazimin deraziba, a kamaghin me migei, "Ia uan navir averiabar kamaghin mikimam marki, 'Tina Godin Nguibamin għuavanangam?" (Akar kam kamakin, ni Krais e bagħi iziġi, ni mangiva an azangam?) **7** "Egh ni uaghan kamaghin mikimam marki, 'Tina Gumazamizir Oveaghuezibar Nguibamin magir?" (Akar kam kamakin, ni ovevemin mozim min mangi, Krais inigh anangam?) **8** Ezi Godin Akinafarim kamaghin migei, "Godin akam bar nin boroghira iti, a nin akatorim ko nin navir averiamin aven iti." Kar nighnizir gavgavimin akar e ia migeim. **9** Ni uan akamin kamaghin mikim suam, "Iesus a nan Ekiam," egh uan navir averiamin aven nighnizir gavgavim iki, kamaghin fogħi, God Iesus gamizi a mozim min ua dikafi, eghni

- | | | | | |
|--|---|--|--|---|
| 9:26: Hos 1:10 | 9:26: Hosea 1:10 | 9:27-28: Ais 10:22-23 | 9:27-28: Ais 10:22-23; Rom 11:5 | 9:29: Ais 1:9, |
| 13:19; Jer 50:40 | 9:29: Aisaia 1:9; 13:19; Jeremaja 50:40 | 9:30: Ro 1:17; 4:11, 10:20 | 9:30: Rom 1:17; 4:11; 10:20 | |
| 9:31: Ro 10:2-3, 11:7; Ga 5:4 | 9:31: Rom 10:2-3; 11:7; Galesia 5:4 | 9:32: Ais 8:14, Lu 2:34, 1 Ko 1:23 | 9:32: Rom 1:17; 4:11; 10:20 | |
| Aisaia 8:14; Luk 2:34; 1 Korin 1:23 | 9:33: Sng 11:8; Ais 8:14, 28:16, Mt 21:42, Ro 10:11; 1 Pli 2:6-8 | 9:33: Onger Akaba 11:8; Aisaia 8:14; 28:16; Matyu 21:42; Rom 10:11; 1 Pli 2:6-8 | 9:33: Ap 21:20, 22:3, Ga 1:14, 4:17 | 10:2: Ap 21:20, 22:3; Ga 1:14, 4:17 |
| Aposel 21:20; 22:3; Galesia 1:14; 4:17 | 10:3: Ro 1:17, 9:30-32; Fl 3:9 | 10:3: Rom 1:17; 9:30-32; Filipai 3:9 | 10:4: Mt 5:17, Jo 3:18; Ga 3:24 | 10:4: Matyu 5:17; Jon 3:18; Galesia 3:24 |
| 10:5: Ofa Gami 18:5; Nehemia 9:29; Esekiel 20:11-13; Rom 7:10; Galesia 3:12 | 10:5: Wkp 18:5, Neh 9:29, Ese 20:11-13, Ro 7:10; Galesia 3:12 | 10:6: Godin Araziba 30:12-14 | 10:9: Mt 10:32, Lu 12:8; Ap 8:37 | 10:9: Matyu 10:32; Luk 12:8 |

God nin akurvaghti, ni ikivira ikiam. ¹⁰ E fo, ni navir averiamin nighnizir gavgavim Iesusin ikiti, God suam, ni nan damazimin dera. Egh uaghan ni uan akatorimin suam, "Iesus nan Ekiam," eghiti God nin akuraghti, ni ikivira ikiam. ¹¹ Godin Akinafarim kamaghin migei, "Gumazamiziba nighnizir gavgavim an itiba, me aghumsighan kogham. Puvati." ¹²⁻¹³ Godin Akinafarim ghaze, "Ekiamin ziamin diaghamin adarasi, a men akurvaghram." Kamaghin amizi, Godin vamira iti, a bar en Ekiam. Eghiti gumazamizir an deiba, a bar bizar aghuir aviriba men akurvaghram. Judaba ko Kantrin Igharazibar Gumazamiziba, Godin damazimin magh gari.

¹⁴ Ezi manmakin? Gumazamizir nighnizir gavgavim Godin itir puvatiziba, me manmaghin an ziamin dimam? Egh gumazamizir eghaghanim baraghizir puvatiziba, me manmaghin nighnizir gavgavim an ikiam? Eghiti gumazamizitaba Akar Aghuim me mikinighan koghti, me manmaghin a baregham? ¹⁵ Eghiti siosba Akar Aghuim akurir gumazamiziba amangan koghtima, me manmaghin akamin gun me mikimam? Godin Akinafariminaven Aisaia kamaghin osiri, "Godin Akar Aghuim inigha izir gumazamizibar darorim, a bar dera."

Israelia Akar Aghuim inizir puvati

¹⁶ Ezi Israelian marasi me Godin Akar Aghuim inizir puvati. Aisaia uabi kamaghin migei, "Ekiam, tinara en Akar Aghuim nighnizir gavgavim an iti?" ¹⁷ Kamaghin e fo, nighnizir gavgavim a gumazamiziba Akar Aghuim barazir tuavimin izam. Eghiti gumazamizir Kraisin akam akuribar tuavimin, gumazamiziba Akar Aghuim baregham.

¹⁸ Ezi ki ian azai, Israelin gumazamiziba me Godin Akar Aghuim, me uan kuaribar a baraghizir puvati, o? Ki ghaze, me guizbangira oraki. E fo, Godin Akinafarim kamaghin migei:

"Akam inigha izir gumazibar akatoribar otivir migirigaba,
da ghua nguazir kamin nguibaba bar
dar otozi,
gumazamiziba bar, men kuariba a
baraki."

- 10:11:** Ais 28:16; Jer 17:7; Ro 9:33 **10:11:** Aisaia 28:16; Jeremaja 17:7; Rom 9:33 **10:12-13:** Joel 2:32; Aposel 2:21; 9:14; 10:36; 15:9; Rom 3:22; 3:29; Galesia 3:28 **10:11:** Aisaia 28:16; Jeremaja 17:7; Rom 9:33 **10:12-13:** Joel 2:32; Aposel 2:21; 9:14; 10:36; 15:9; Rom 3:22; 3:29; Galesia 3:28 **10:15:** Ais 52:7, Nah 1:15 **10:15:** Aisaia 52:7; Nahum 1:15
10:16: Ais 53:1, Jo 12:38, Hi 4:2 **10:16:** Aisaia 53:1; Jon 12:38; Hibru 4:2 **10:17:** Jo 17:20 **10:17:** Jon 17:20
10:18: Sng 19:4; Mt 24:14; Mk 16:15; Kl 1:6; 1:23 **10:18:** Onger Akaba 19:4; Matyu 24:14; Mak 16:15; Kolosi 1:6; 1:23
10:19: Lo 32:21; Ro 11:11; Ta 3:3 **10:19:** Godin Araziba 32:21; Rom 11:11; Taitus 3:3 **10:20:** Ais 65:1; Ro 9:30
10:20: Aisaia 65:1; Rom 9:30 **10:21:** Ais 65:2 **10:21:** Aisaia 65:2 **11:1:** 1 Sml 12:22; Sng 94:14; Jer 31:37; 2 Ko 11:22; Fl 3:5 **11:1:** 1 Samuel 12:22; Onger Akaba 94:14; Jeremaja 31:37; 2 Korin 11:22; Filipai 3:5 **11:2:** Sng 94:14, Ro 8:29 **11:2:** Onger Akaba 94:14; Rom 8:29 **11:3:** 1 Kin 19:10, 19:14 **11:3:** 1 Atriviba 19:10; 19:14 **11:4:** 1 Kin 19:18 **11:4:** 1 Atriviba 19:18

varazira amisevezi, me Israelin ikiavira iti. Me asem Baal bagha teviba apirizir puvati.”
 5 Kamaghira, dughiar kamin uaghan Israelian tongin ikiavira itir varazira, God men apangkuvigha, ua bagha me amisefe.
 6 Guizbangira, God men apangkuvigha me amisefe. A me amir ingangaribagh nighnizir puvati. God gumazamiziba misevir arazim, gumazamiziba amir ingangarimin tuavimin otoghti, Godin apangkuvimin tuavim, a guizbangira otghan kogham.

7 Ez̄i manmakin? Israelia Godin damazimin deraghamin bizim bagha pamtem ingara, egha a inizir puvati. Ez̄i Israeliyan avirimin tongin itir God m̄isevezir varazira, merara a ini. Israeliin igharaz darasi, naviba gavgavigha Godin dimdiamin aghua. 8 Godin Akinafarimin osizirim iti:

“God me gamizi, me mati gumazamizir aremeziba moghin akui.
 Ez̄i men damaziba bizibar garir puvatizi,
 men kuariba biziba barazir puvatigha,
 iza datirighin tu.”

9 Ez̄i Devit Godin Akinafarimin aven kamaghin migei:

“Kamaghin deragham, dughiar me isar ekiaba bagha uari akuvibar,
 men isar ekiar kaba me damuti
 me iri,
 mati azuazim asizim a misoke.
 Me iriva,
 uan arazir kurabar ivedzim iniam.
 10 Eghti God men damazibar amighti
 aminim men pirighti,
 me ua ganan kogham.
 A me damuti
 me osimtiziba ateriva
 akiragharia avigh
 mamaghira ikiam.”

God Kantrin Igharazibar Gumazamiziba ua me ini

11 Ki ua ian azai, Israelia asaghparegh iregh mamaghira iki, ua daruan kogham, o? Bar puvati! Guizbangira, men arazir kuraba bangin Godin akurvazim Kantrin Igharazibar Gumazamizibar ize. God kamaghin ifonge, Israelia na bagh ua izam, kamaghin a Kantrin Igharazibar Gumazamizibar akurvaghti, me men gan naviba

ikuvigh ua na bagh izam. 12 Israelia akirim God gasarazima, God bizir aghuir aviriba nguazir kamin itir gumazamizibar akura. Israelia Godin arazimin irezi, God akurazir ekiam Kantrin Igharazibar Gumazamizibagh aningi. Kamaghin amizi, gin Israelian God m̄iseveziba bar God bagh ua izegħi, God guizbangira bizir bar aghuir aviribar gumazamizibar amuam.

13 Ia Kantrin Igharazibar Gumazamiziba, ki ia migei, God ian tongin ingarasa na amadazi ingangarir ki amir kam, ki bar a gifonge. 14 Tuavir kamin, ki uan adarazir nighnizibar amuti, men naviba God ia gamizir arazir aghuim bagh dikavam. Eghti nan ingangarir kamin, God men tarazi ua me iniam. 15 God Israelia batuegha, nguazimin itir gumazamizibagh amizima me a ko navir vamira iti. Kamaghin amizi gin God ua Israelia inighti, bar deragħam, mati God gumazamizir aremezibar amighti, me ua dikavam. 16 Ni bretin ingar, egh plauan atiaritam inigh faragh a isi ofan min God daningħi. Eghti arazir kamnangin bretin igharaziba uaghan Godin biziba. Eghti, gumazitam temer biba God daningti, an aguuba uaghan Godin biziba.

17 Israelia mati olivin temer aghuir mam, ez̄i God an aguar maba aghoraghbariki. Ez̄i ia Kantrin Igharazibar Gumazamiziba mati ruarimin itir olivin temer atiamin aguuba. God ia inigha olivin temer aghuimin aguar a dighorezibar danganimin ia isavsuiki. Ez̄i ia datirighin olivin temer aghuimin bimin daghem isa, mati olivin aguar faragħa ikezibar min deragħa iti. 18 Ia kamaghin nighmighan marki, ia bar deragħa guizin olivin tememin aguabagh afira. Ia faragh deravira nighnigh, egh nighnizir kam damu. Ia olivin aguuba dagħem olivin bim ganidir pu. Puvati. Temer bim dagħem ia ganidi.

19 Eghti ia ti kamaghin mikimam, God ēisa, temer aguar kabar danganimin e isav-suiraghħasa, kamaghin ana dar aghore. 20 Guizbangira, God kamaghin ami. Araxar an amizir kamin mingarim kamakin, me nighnizir gavgavim Godin itir puvatizi, a me aghore. Ez̄i ia nighnizir gavgavim Godin ikia, egha deravira iti. Kamaghin amizi ia deragh uari bagħ gan, uari uan ziabha fan marki. Ia atiatingti deragħam. 21 Ia nighnigh, God fomira guizin olivin aguuba

11:5: Ro 9:27 **11:5:** Rom 9:27 **11:6:** Ro 4:4-5; Ga 3:18 **11:6:** Rom 4:4-5; Galesia 3:18 **11:7:** Ro 9:31, 10:3 **11:7:** Rom 9:31; 10:3 **11:8:** Lo 29:4, Ais 29:10, Jer 5:21, Jo 12:40, Ap 28:26-27 **11:8:** Godin Araziba 29:4; Aisaia 29:10; Jeremaia 5:21; Jon 12:40; Aposel 28:26-27 **11:9:** Sng 35:8 **11:9:** Onger Akaba 35:8 **11:9:** Onger Akaba 69:22-23 **11:11:** Ap 13:46, 22:18, 22:21; Ro 10:19 **11:11:** Aposel 13:46; 22:18; 22:21; Rom 10:19 **11:16:** Nam 15:17-21, Ese 44:30 **11:16:** Diboboniba 15:17-21; Esekiel 44:30 **11:17:** Jer 11:16, Ap 2:39, Ef 2:11-19 **11:17:** Jeremaia 11:16; Aposel 2:39; Efesus 2:11-19 **11:18:** Jo 4:22; 1 Ko 10:12 **11:18:** Jon 4:22; 1 Korin 10:12 **11:20:** Ais 66:2, Ro 12:16, Fl 2:12 **11:20:** Aisaia 66:2; Rom 12:16; Filipi 2:12

ataghizima, da ikezir puvati. Kamaghira, ia akaba batoghtima a ia ateghti ia ikian kogham.

²² Kamaghin amizi ia deravira nighnigh. God arazir aghuibagh amua, uaghan iveau kuraba anidi. Gumazamizir an arazibar gin zuir puvatiziba, a iveau kuram me ganidi. Ia an arazir aghuibar suiragh tugh gavgavichtima, an arazir aghuibar ia damuam. Ia dar amuan koghtima, a uaghan ia aghoregham. ²³ Olivin temer aguar a fomira dighoreziba, me nighnizir gavgavim Godin ikian koghamin arazim ateghti, a ua me inigh olivin tememin me isavsuiraghram. Guizbangira, God me inigh ua tememin me isavsuiraghram gavgavim iti. ²⁴ Ia fo, ia fomira ruarimin itir olivin atiamin aguuba, ezi God ia aghoregha olivin aghuimin ia isavsuiki. Kar guizbangira ian temem pu. Kamaghin amizi, a temer kamin aguar faragha an ikezibara inigh ua da isavsuigham, kar ingangarir ekiam puvati, a pura bizim.

God uan apangkuvim bar gumazamizbar akaghaha ifonge

²⁵ Nan adarasi, ia guizin akar mogomer mam gifoghsa ki la migei. Ia a gifoghiva, kamaghin mikiman kogham, ia fofozir ekiam iti. Akar kam kamakin: Israelin marazi datirighin nighnizir gavgavim ikian aghua; men arazir kam zurara ikivira ikian kogham. Me kamaghira iki mangi, Kantrin Igharazibar Gumazamizir God miseveziba bar God bagh izamin dughiamin tugham. Eghti me gin Godin gumazamizibar tongin ikiam. ²⁶ Tuavir kamnangra God Israelia bar men akurvaghram. Godin Akinafarim kamaghin mikeme:

“Akurvazir Gumazim Jerusalemin ikegh izam.

Egh a Jekopin ovavir boribar amightima
me Godin akam barazir puvatizir arazim ategham.

²⁷ Ki men arazir kuraba bar da agivaghiva, egh dughiar kamin uan Akar Dikirizir Gavgavir kam me ko a damuam.”

²⁸ Israelia Iesusin Akar Aghuim akirim a gasaragha mati Godin apaniba. Ezi men

arazir kam Kantrin Igharazibar Gumazamizibar akura. God fomira uan gumazamiziba amisevegha, me gifeueghavira iti. A men ovavir fomira itibagh nighnigha kamaghin ami. ²⁹ God diazir gumazamiziba, a bizir aghuiba me ganingi, egh a gin uamategh uan nighnizim giragh kamaghin mikiman kogham, ia marki, ki uan dimdiam ko bizir aghuiba ua da iniam. ³⁰ Ezi ia Kantrin Igharazibar Gumazamiziba, ia fomira Godin akam batoghezi, datirighin Israelia a batosi. Ezi tuavir kamin ia Godin apangkuvim ini. ³¹ Kamaghira, Israelia Godin akam batoke. Ezi Godin apangkuvir ia inizir kamin tuavimin, me datirighin Godin apangkuvim uaghan a iniam. ³² God kamaghin ifonge, a uan apangkuvim gumazamiziba bar men akaghram. Kamaghin amizi, gumazamiziba bar Godin akam batoke. God me gamizi me kamaghin amua, uan arazir kuramin apengan ikia kalabuziar gumazamizibar min iti.

E Godin ziam fam

³³ Ame! Godin bizir aghuiba ko an fofozim ko an nighnizim, da guizbangira bar ekevegha bar pin iti! Egha ongarimin min bar kone! Gumazitam o amizitam an nighnizimin mingarim manmaghın deraviram a geghanam? Puvati. A zuraram amir araziba, gumazitam o amizitam manmaghın dagh fogham? Bar puvati! ³⁴⁻³⁵ Bizir kam, Godin Akinafarimin aven iti:

“Guizbangira, tina Ekiamin nighnizim gifof?
Gumazitam bizibar amuamin fofozim
Ekiamin sure damuan kogham.
Gumazitam an faragh mangi nighniziba a
danielan kogham.
Bar puvati!”

³⁶ E fo, God uan dafarimin biziba bar dar ingari, egha dar mingarim, ezi da a baghavira ikia, mamaghira iti. Kamaghin amizi e zurazurara ziar ekiam a danielan mamaghira ikiam! Bar guizbangira.

Pol ghaze, Kraisin adarazi me arazir manabar amuam

12

(*Sapta 12:1--15:13*)

- | | | | |
|---|--|--|--|
| 11:22: Jo 15:2-4, 1 Ko 15:2, Hi 3:14 | 11:22: Jon 15:2-4; 1 Korin 15:2; Hibr 3:14 | 11:23: 2 Ko 3:16 | 11:23: 2 Ko 3:16 |
| Korin 3:16 | 11:25: Lu 21:24; Jo 10:16, Ro 12:16, 2 Ko 3:14, MAA 7:9 | 11:25: Luk 21:24; Jon 10:16; Rom 12:16; 2 Korin 3:14; Akar Mogomem 7:9 | 11:27: Ongar Akaba 14:7; Aisaia 59:20 |
| 11:26: Sing 14:7; Ais 59:20, Mt 23:39 | 11:26: Sing 14:7; Ais 59:20, Mt 23:39 | 11:26: Ongar Akaba 14:7; Aisaia 59:20 | 11:27: Jer 31:33-34, Hi 8:8, 10:16 |
| 11:27: Jeremaia 31:33-34; Hibr 8:8; 10:16 | 11:30: Ef 2:2, Kl 3:7 | 11:30: Ef 2:2, Kl 3:7 | 11:30: Ef 2:2; Kl 3:7 |
| Kolosi 3:7 | 11:32: Rom 3:9; Galesia 3:22; 1 Timoti 2:4 | 11:33: Jop 11:7, Sng 36:6, 92:5, Ais 55:8-9 | 11:33: Jop 11:7, Sng 36:6, 92:5, Ais 55:8-9 |
| 11:33: Jop 11:7; Ongar Akaba 36:6; 92:5; Aisaia 55:8-9 | 11:34: Ongar Akaba 36:6; 92:5; Aisaia 55:8-9 | 11:34: Ongar Akaba 36:6; 92:5; Aisaia 55:8-9 | 11:34: Ongar Akaba 36:6; 92:5; Aisaia 55:8-9 |
| Aisaia 40:13; 1 Korin 2:16 | 11:36: 1 Ko 8:6, Ga 1:5, 2 Ti 4:18, Hi 13:21, 2 Pi 3:18 | 11:36: 1 Korin 8:6; Galesia 1:5; 2 Timoti 4:18; Hibr 13:21; 2 Pita 3:18 | 11:36: 1 Korin 8:6; Galesia 1:5; 2 Timoti 4:18; Hibr 13:21; 2 Pita 3:18 |

E uan inivafiziba isi ofan min God daningam

¹ Kamaghin amizi, nan adarasi, ki Godin apangkuvir ekiam ginighnigha, kamaghin ia gakaghori: Ia uari uan inivafiziba isi angamira itir ofan min God daningvira iki. Egh a baghvira ikiva an ingangarim damu. Egh ia God damuti, a bizar kam bagh bar akeugham. Ia uari isi God daningamin arazir kam, kar guizin arazir Godin ziam fem. ² Ia nguazir kamin itir gumazamiziba amir arazibar gin mangan marki. Ia teghtima God nighnizir igiaba ia daningti ia arazir igiabar amuam. Kamaghin, ia Godin ifongjam gifogham, a kamakin: ia arazir aghuiba, ko God bar akongezir araziba, ko arazir bar deragha arazir mabagh afirziba, ia dagh fogham.

God ingangaribar amuasa fofoziba isa e ganigi, eghiti e igharaziba bagh ingangarim deravira a damuam

³ God uan apangkuvimin gin ghua ingangarim damuasa bizar aghuim na ganingizi, ki vaghvaghya kamaghin ia mikimasa. Ia uari fiva pin uari arighan marki. Ia deragh nighnighiva, God ia ganingizir nighnizir gavgavimini ganiva, tuavir kamin ia uari tuisigh. ⁴ E fo, inivafizir vamira itima, an aven soroghafariba ko bizar maba sara iti. Ezi inivafizir kamin aven itir bizar kaba, vaghvaghya ingangarim igharazibagh ami. ⁵ Kamaghira, e gumazamizir aviriba ikia, datirighin Kraisin ko porogha inivafizir vamiran min oto. Egha inivafizir kamin aven itir bizar kabar min, e uari inigha Kraisin poroghav iti. ⁶ Kamaghin amizi, God uan apangkuvimin gin ghua ingangaribar amuasa fofoziba isa mati bizar aghuibar min vaghvaghya e ganigi. Eghit gumazitam o amizitam, Godin akam inigha izir fofozim ikiva, a uan nighnizir gavgavimini mirara deravira Godin akamin gun me mikimam. ⁷ Eghiti gumazim o amizim igharazibar akurvaghain fofozim ikiva, a deravira men akurvagh. Eghiti gumazim

o amizim igharazibar sure damuamin fofozim ikiva, a deravira men sure damu. ⁸ Eghiti gumazim o amizim gavgavim igharaz darazir navibar aningamin fofozim ikiva, a bar deravira ingangarir kam damu. Eghiti gumazim o amizim biziba isa gumazamizibagh anidir fofozim ikiva, an aviriba me daning. Eghiti gumazim o amizim ingangarimin faragha zuir fofozim ikiva, a deravira an apengan itir gumazamizibar ganiva ingangarir kam damu. Eghiti gumazim o amizim igharaz darazir apangkuvamin fofozim ikiva, a men apangkuvs bar akongegh mamaghira iki.

E navir averiabar aven guizin gumazamizibagh ifongeghem

⁹ Ia ifar gumazamizibagh ifongan marki, ia uan navir averiabar aven guizin gumazamizibagh ifongegh. Egh arazir kurabar aghuaghiva, arazir aghuibar suiragh gavgafagh. ¹⁰ Ia uan ikizimin aven uari uarigh ifongezi moghin, ia uaghan Kraisin adarazir aven uari uarigh ifongegh. Egh ia zurara uarira uan ziaba pirafisi pamtem ingar. ¹¹ Ia pamten ingariva amirvaghan marki, Godin Duam ian navibar amuti ia zurara Ekiamin ingangarim damusi naviba dikavam. ¹² Egh ia, bizar aghuir ia fogha iniamiba bagha mizua itiba, da bagh nighnigh bar akongegh. Egh osimtiziba iza-min dughiamin, ia iki uaghan da ateriva tugh gavgavigh, egh zurara God ko mikim.

¹³ Eghiti Godin gumazamiziba biziba puvatighti, bizar ia itiba men akurvagh. Egh nguibar igharazimin gumazamizibahian bighan izamin dughiamin, ia me inigh uan dipenibar mangi deragh me damu. ¹⁴ Gumazim o amizim arazir kuramin ni damighti, ni arazir aghuimin a damusi Godin azangsigh. Egh a gasighasighsi Godin azangsighan marki. ¹⁵ Ia igharaz darazi bar akongeghti ia me ko bar akongegh. Egh igharaz darazi osemegehti, ia me ko ose-megh. ¹⁶ Ia arazir vabara, gumazamiziba bar me damu. Egh uarira uari fan marki.

- 12:1:** Sng 50:13-14; Jo 4:24; Ro 6:11-13; 1 Ko 6:13; 6:20; Hi 10:20; 1 Pi 2:5 **12:1:** Onger Akaba 50:13-14; Jon 4:24; Rom 6:11-13; 1 Korin 6:13; 6:20; 1 Pita 2:5 **12:2:** Ef 1:18; 4:23; 5:10; 5:17; Kl 1:21; 1 Pi 1:14; 1 Jo 2:15 **12:2:** Efesus 1:18; 4:23; 5:10; 5:17; Kolosi 1:21; 1 Pita 1:14; 1 Jon 2:15 **12:3:** 1 Ko 3:10; 12:7; 12:11; Ga 2:9; Ef 4:7 **12:3:** 1 Korin 3:10; 12:7; 12:11; Galesia 2:9; Efesus 4:7 **12:4:** Ef 4:16 **12:4:** Efesus 4:16 **12:4:** 1 Korin 12:12 **12:5:** 1 Ko 12:27; Ef 4:25 **12:5:** 1 Korin 12:27; Efesus 4:25 **12:6:** 1 Ko 12:28; 13:2; 1 Pi 4:10-11 **12:6:** 1 Korin 12:28; 13:2; 1 Pita 4:10-11 **12:6:** 1 Korin 12:4-11 **12:7:** Ap 13:1; Ga 6:6; 1 Ti 5:17 **12:7:** Aposel 13:1; Galesia 6:6; 1 Timoti 5:17 **12:8:** Ap 15:32; 20:28; 2 Ko 9:7; 1 Pi 5:2 **12:8:** Aposel 15:32; 20:28; 2 Korin 9:7; 1 Pita 5:2 **12:9:** Sng 34:14; Amo 5:15; 1 Ti 1:5; 1 Pi 1:22 **12:9:** Onger Akaba 34:14; Amos 5:15; 1 Timoti 1:5; 1 Pita 1:22 **12:10:** Fl 2:3; Hi 13:1; 1 Pi 1:22; 2 Pi 1:7 **12:10:** Filipai 2:3; Hibru 13:1; 1 Pita 1:22; 2 Pita 1:7 **12:11:** Ap 18:25; MAA 3:15 **12:11:** Aposel 18:25; Akar Mogomem 3:15 **12:12:** Ap 2:42; Fl 3:1; 1 Te 5:16-17; Hi 3:6; 10:36; Je 1:4 **12:12:** Aposel 2:42; 1 Tesalonika 5:16-17; Hibru 3:6; 10:36; Jems 1:4 **12:13:** 1 Ko 16:1; 2 Ko 9:1; 9:12; Hi 13:2; 13:16; 1 Pi 4:9 **12:13:** 1 Korin 16:1; 2 Korin 9:1; 9:12; Hibru 13:2; 13:16; 1 Pita 4:9 **12:14:** Mt 5:44; Lu 6:28; Ap 7:60; 1 Ko 4:12; 1 Pi 3:9 **12:14:** Matyu 5:44; Luk 6:28; Aposel 7:60; 1 Korin 4:12; 1 Pita 3:9 **12:15:** Sng 35:13 **12:15:** Onger Akaba 35:13 **12:16:** Sng 13:1-2; Snd 3:7; Ais 5:21; Jer 45:5; Ro 11:20; 15:5 **12:16:** Onger Akaba 131:1-2; Aghuzir Akaba 3:7; Aisaia 5:21; Rom 11:20; 15:5

Ia gumazamizir ziaba puvatizibar namakabar amu. Kamaghin uabi ginighnighan marki, kirara fofozim iti.

¹⁷ Gumazitam o amizitam arazir kuratamin ni damightima, ni uam arazir kurramin a ikarvaghan marki. Puvati. Ia zurara gumazamizibar damazimin arazir aghuibar amu.

¹⁸ Ia uari navir amirizim ikiva gumazamizir igharaziba ko navir vamira ikisi pamtem ingar. ¹⁹ Nan namakar aghuibar, me arazir kuram ia damighti, ia men arazir kuram ikarvaghan marki. Ia teghti, God uabi uan aningagharimin tuavimin me ikarvaghan. Ia fo, Godin Akinafarimin aven en Ekiam kamaghin migei, "Arazir kuraba ikarvaghanin ingangarim, kar nan bizim. Ki uabi men arazir kuraba ikarvagh egh ivezir kuraba me daningam." ²⁰ Ni Godin Akinafarim mikemezi moghin damu, "Nin apanim, mitiriam an aghiti, ni daghem a daning. Egh kuarim an pirti, ni dipatam a daning. Nin arazir aghuir kamin a damighti, a uan arazir kuram ginighnigh bar aghumsigham." ²¹ Ni arazir kuram ateghti, a ni gafghan marki. Ni arazir aghuim damuti, nin arazir kam arazir kuram abiragh a gafiragh.

13

E gavmanin apengan ikiam

¹ Gumazamiziba bar gavmanbar apengan iki. E fo, gavmanin tam puram otozir puvati. Gavmanin ingangariba Godin dafarimram oto. Gavmanin aven itir gumazamizir dapaniba bar, God uabi me ariki. ² Gumazitam o amizitam gavmanin gumazir dapanibar akam batoghiva, kamaghin a God uabi ingangarir kam damuasa misevezir gumazamizibar akaba batosi. Gumazamizir kamaghin amiba, me uari uan arazibar iverzir kuraba iniam. ³ Gavmanba gumazamizir arazir aghuibagh amiba atiatim me daningasa iti. Kamaghin amizi, ni gavmanin atiatingan koghsii, ni arazir aghuibar amuti, me nin ziam fam.

⁴ E fo, gavman a mati Godin ingangarir

gumazim, egha arazir aghuibar ian akurvaghaha ingari. Ia arazir kuram damigh gavmanin atiating. Ia fo, gumazamizibagh asighisighamin ingangarim ko gavgavim, gavmanin dafarimin iti, a puram aningin suirazir puvati. A Godin ingangarir gumazim, ia te arazir kuram damighti, a ian arazir kuram in iveau ia daningam.⁵ Kamaghin amizi, ia gavmanbar apengan iki. Ia gavmanin apengan ikian kogh, iveau kuram iniam, kar guizbangira. Ezia uaghan kamaghin fogh, ia uan navir averiamin aven uan araziba deravira da tuisigh, arazir aghuibar gin mangi. Ia kamaghin damuva, gavmanbar apengan ikiam.

⁶ Gavmanba Godin ingangarir gumazamizibar iki, zurara ingangarir God me ganingizim deragh a damu. Bizir kam bagh, ia uaghan takisin dagiaba isi me daningam.⁷ Bizir tizir ia gavmanba daningamiba, ia me daning. Takisin dagiaba ko takisin igharazir maba sara, me daningiva, egh arazir aghuibar me damu, men ziaba fi.

E gumazamizir igharaziba bar me gifuegham

⁸ Ia ikarvaghanin biziiba, tam ikian marki, ia bar da gifagh. Eghti ikarvaghanin bizi mam zurara ikiam. A kamakin: e gumazamizir igharaziba bar me gifuegham. Tina gumazamizir igharaziba bar me gifonge, a guizbangira Moses Osirizir Arazibar gin zui. ⁹ E fo, Moses Osirizir Araziba kamaghin migei, "Ia gumazamizibav soghti, me arimighiran marki. Ia okiman marki. Ia gumazamizir igharazibar biziiba bagh naviba dikavan marki. Ia poroghamiba uari bakim uari ko dakuwan marki." Moses Osirizir Arazir kaba ko maba sara uaghan iti, da bar moghira akar vamira an aven iti, akar kam kamakin: "Ni uabira uabi gifongezi moghin, gumazamizir igharazibagh ifongegeh." ¹⁰ Ni gumazamizir igharazim gifongegeh, arazir kuratamin a damighan kogham. Kamaghin amizi, gumazim igharaz darazigh ifongeghiva, a Moses Osirizir Araziba guizin dar gin zui.

E angazgarimin aru ir gumazamizibar min daruam

- 12:17:** Mt 5:39; Ro 14:16; 2 Ko 8:21; 1 Te 5:15 **12:17:** Matyu 5:39; Rom 14:16; 2 Korin 8:21; 1 Tesalonika 5:15 **12:18:** Mk 9:50; Ro 14:19; Hi 12:14 **12:18:** Mak 9:50; Rom 14:19; Hibru 12:14 **12:19:** Lo 32:35; Snd 24:29; Mt 5:39; Ro 12:17, 13:4; 1 Te 1:6-7; Hi 10:30 **12:19:** Godin Araziba 32:35; Aghuzir Akaba 24:29; Matyu 5:39; Rom 12:17; 13:4; Hibru 10:30 **12:20:** Kis 23:4-5; Snd 25:21-22; Mt 5:44 **12:20:** Ua Me In 23:4-5; Aghuzir Akaba 25:21-22; Matyu 5:44 **13:1:** Snd 8:15; Dan 2:21; Jo 19:11; Ta 3:1; 1 Pi 2:13 **13:1:** Aghuzir Akaba 8:15; Daniel 2:21; Jon 19:11; Taitus 3:1; 1 Pita 2:13 **13:3:** 1 Pi 2:13-14; 3:13 **13:3:** 1 Pita 2:13-14; 3:13 **13:4:** Ro 12:19; 1 Te 4:6 **13:4:** Rom 12:19; 1 Tesalonika 4:6 **13:5:** Sav 8:2; 1 Pi 2:19 **13:5:** Fofozir Gumazim 8:2; 1 Pita 2:19 **13:6:** Matyu 22:21; Mak 12:17; Luk 20:25 **13:8:** Mt 22:39-40; Ga 5:14; Kl 3:14; Je 2:8 **13:8:** Matyu 22:39-40; Galesia 5:14; Kolosi 3:14; Jems 2:8 **13:9:** Kis 20:13-17; Wkp 19:18; Lo 5:17-21 **13:9:** Ua Me In 20:13-17; Ofa Gami 19:18; Godin Araziba 5:17-21 **13:10:** Mt 22:40, Ro 13:8; 1 Ko 13:4-7 **13:10:** Matyu 22:40; Rom 13:8; 1 Korin 13:4-7 **13:11:** 1 Ko 15:34; Ef 5:14; 1 Te 5:5-7 **13:11:** 1 Korin 15:34; Efesus 5:14; 1 Tesalonika 5:5-7

¹¹ Dughiar e datirighin itim, ia a gifo, kamaghin amizi arazir ki ia mikemeziba ia dar amu. Kar dughiar ia daguraguim ategh dikavigh angamira ikiamim. Ia fo, fomira dughiar e nighnizir gavgavim Kraisin itim, ko God en akuraghamin dughiam, aning mong uanngin saghon iti. Ezi datirighin God en akurvaghamin dughiar kam a roghira ize. ¹² Aminirbirim givasava amima, aminim tiasa. Kamaghin amizi, e mitatemin araziba bar da ateghiva angazangarimin aven misoghs, midorozir biziba inigh dar aghuan. ¹³ E angazangarimin aurir gumazamizibar min deraghvira daruam. E dipar onganibar amiva onganan kogh, egh pura gumazamiziba isi pamten dimiva ighiar kurabar arazibar amuan kogham. Egh gumaziba ko amiziba pura tintinibar uari ko dakuva, afiar arazibar amuan marki. Egh uari uariv soghiva, munavin biziba bagh navim ikuvighiva da inisi navim isian marki. ¹⁴ Egh ia uan Ekiam Krais Jesus arugh, mati gumazim midorozir biziba aghui. Ia uan navir ghurimin arazibagh nighnighiva, navir ghurimin ifongiam uam an gin mangan marki.

14

Ia uan adarazir araziba tuisighan marki, egh suam, ian araziba ikufi

¹ Gumazim nighnizir gavgavim Kraisin ikia, an nighnizir gavgavim gavgavizir puvati, ia gumazir kam inigh aven iziti a ian tongin ikiam. Ia, an navir averiamin aven itir nighniziba bagh, a ko uari adoghan marki. ² Gumazir nighnizir gavgavim itim, a biziba bar ada api. Ezi gumazir nighnizir gavgavim mong gavgavizir puvatizim, an asiziba apir puvati. * ³ Gumazir biziba bar da apim, gumazir asiziba apir puvatizim girakirangin adarir nighnizibar a damuan marki. Eighti uaghan gumazir asiziba apir puvatizim, a fo, God a inizi a siosin aven ize, kamaghin, a gumazir biziba bar ada apim arazibar gan da tuisighan marki egh suam, an araziba ikufi. ⁴ Ni tina, ni ghaze,

ki ti gumazir igharazimin ingangarir gumazimin araziba tuisigham. Puvati. Bizar a tugh gavgavigham o a irighamim, kar an Gumazir Ekiamin bizim. Kamaghin amizi, Ekiam ubi a damighti, a guizbangira tugh gavgavigham.

⁵ Gumazitam suam, dughiar mam dughiar mabagh afira. Eighti gumazir igharazim suam, dughiaiba bar magh gari. Eighti gumazamiziba bar vaghvagh uari gifogh suam, nighnizir manam men nighnizimin dera. ⁶ Gumazir dughiar mam pirafim, an Ekiamin ziam fasa kamaghin ami. Ezi gumazir biziba bar ada apim, a dagheba bagha God minabava, tuavir kamin Ekiamin ziam fe. Gumazir asiziba apir puvatizim, a God minaba, Ekiamin ziam fasa nighnigha, dagher maba ataghiras.

⁷ E fo, en tongin itir gumazitam suam, nan ikirimir angamira itim, a nan bizimra puvati. Eighti gumazitam suam, nan ovevem, uaghan nan bizimra puvati. ⁸ E angamira ikiva, Ekiam bagh ikiam. E aremeghiva, Ekiam bagh aremegham. Kamaghin amizi, e angamira iti, o e areme, e Ekiamin adarazira. ⁹ Bizar kamin mingarim kamakin. Krais aremegha ua dikafi. Kamaghin an angamira itiba ko aremeziba bar moghira men Ekiamin iti.

¹⁰ E fo, e bar Godin kotiamin tuivighti, an en araziba tuisigham. Kamaghin amizi, ni ubi, ni uan adarazir araziba tuisighan kogh suam, men araziba ikufi. Ni ubi, ni uan adarazir girakirangin adarir nighnizibar me damuan marki. ¹¹ E fo, Godin Akinafarim kamaghin migei:

*“Ki ian Ekiam, ki zurara ikivira ikiam, kamaghin amizi ki guizbangira ia migei,
Nguazimin itir gumazamiziba bar moghira
nan guamin teviba apirigh,
egh uan akabar nan gun mikim
suam,
ki guizbangira God.”*

¹² Kamaghin amizi, e bar vaghvagh uan arazir amizibar gun Godin mikimam.

- 13:12:** Ef 5:11, 6:11-13; Kl 3:8, 1 Te 5:5-6, 1 Jo 2:8 **13:12:** Efesus 5:11; 6:11-13; Kolosi 3:8; 1 Tesalonika 5:5-6; 1 Jon 2:8 **13:13:** Lu 21:34; Ef 5:18, Fl 4:8; 1 Te 4:12; Je 3:14, 1 Pi 2:12, 4:3 **13:13:** Luk 21:34; Efesus 5:18; Filipai 4:8; 1 Tesalonika 4:12; Jems 3:14; 1 Pita 2:12; 4:3 **13:14:** Ga 3:27, 5:16; Kl 3:10, 1 Pi 2:11 **13:14:** Galesia 3:27; 5:16; Kolosi 3:10; 1 Pita 2:11 **14:1:** Ro 15:1, 15:7; 1 Ko 8:9-11, 9:22 **14:1:** Rom 15:1; 15:7; 1 Korin 8:9-11; 9:22 **14:1:** Kolosi 2:16 **14:2:** Stt 1:29, 9:3; Ro 14:14, 1 Ko 10:25; 1 Ti 4:4 **14:2:** Genes 1:29; 9:3; Rom 14:14; 1 Korin 10:25; 1 Timoti 4:4
* **14:2:** Ia akar 1 Korin 8:1in itimin gan. **14:3:** Kl 2:16 **14:3:** Kolosi 2:16 **14:4:** Mt 7:1, Je 4:11-12 **14:4:** Matyu 7:1; Jems 4:11-12 **14:5:** Ga 4:10 **14:5:** Galesia 4:10 **14:6:** 1 Ko 10:31, Ga 4:10, 1 Ti 4:3 **14:6:** 1 Korin 10:31; Galesia 4:10; 1 Timoti 4:3 **14:7:** 1 Korin 6:19-20; Galesia 2:20; 1 Tesalonika 5:10 **14:9:** Ap 10:36, 2 Ko 5:15 **14:9:** Aposel 10:36; 2 Korin 5:15 **14:10:** Mt 25:31-32, Ap 10:42, 17:31, 2 Ko 5:10 **14:10:** Matyu 25:31-32; Aposel 10:42; 17:31; 2 Korin 5:10 **14:11:** Ais 45:23, Fl 2:10-11 **14:11:** Aisaia 45:23; Filipai 2:10-11 **14:12:** Mt 12:36; Ga 6:5, 1 Pi 4:5 **14:12:** Matyu 12:36; Galesia 6:5; 1 Pita 4:5

Ni uan tav damuti, an arazir kuram damuan kogham

¹³ Kamaghin amizi, e gumazir igharazibar araziba ua da tuisighan kogham. Egh ia nighnizir igharazimin gin mangiva, uan adarazir amuti me arazir kuram damu iran kogham. ¹⁴ Ki Ekiam Jesus ko poroghav iti, bizir kam nan nighnizim gamizi a bar kuiaghiri, ki guizbangira kamaghin fo, bitezit uabi Godin damazimin mizezir puvati. Eghiti gumazitam suam, bizir manam an damazimin zuezir puvati. Eghiti bizir kam an nighnizimin guizbangira bar mizeghti an a damuan marki. ¹⁵ Ni daghetam amiti, nin anav gan nighnigh suam, a Godin damazimin mize, eghiti arazir kamin ni an nighnizim gasighasigham. Ni kamaghin damuva ni munav gifongezir arazimin gin mangan kogham. Krais munav bagha areme, ezi ni puram apir arazim a damuva a gasighasighan marki. ¹⁶ Egh ia kamaghin damuan marki, ia igharaz darazir amuti, me ian arazir aghuim mikim suam, ia arazir kuram gami. ¹⁷ E fo, God Bizibagh Ativir Arazim, a dagheba apir araziba o dipaba apir arazim puvati. A Godin damazimin derazir arazim ko, navir vamiran ikiamin arazim ko, bar akongezir arazim. Arazir aghuir kaba, da Godin Duamin aven otifi. ¹⁸ Tina tuavir kamin Kraisin ingangarim damigh, a God damuti, an a bagh bar akuegham. Egh a gumazamizibar amuti, me migirigiar aghuibar a mikimam.

¹⁹ Kamaghin amizi, e zurara igharaz darasi ko navir vamira ikiamin arazibar gin mangiva, arazir gumazamizir igharazibar amuti me tugh gavgavighamiba, dar gin mangi dar amuam. ²⁰ Ni daghemra nighnigh, tuavir kamin God amizir arazibagh asighasighan marki. Guizbangira, dagheba bar, ada dera. Eghiti ni daghetam amiti, bizir kam gumazir igharazim damighti, an arazir kuram damigh irighthi, kamaghin ni arazir kuram gami. ²¹ Ni asizitam ko wainin dipatam amiva bizir igharazitam damighti, tuavir kamin da nin anav damighti a irigham. Ni kamaghin damuan marki. ²² Nin nighnizir gavgavir

bizir kamin itim, a nin navimin iki. God nin nighnizim gifozi, ni gumazir igharazitam mikiman marki. Gumazitam bitezit guizbangira, a ginighnizi, bizir kam derazi, an navim osemezir puvati, gumazir kam bar akongegham.^{† 23} Gumazitam asizitam o daghetam amiva, nighnizir pumuning ikiti, God a mikim suam, an arazir kuram gami. An amir arazir kam, nighnizir gavgavim gisin tuzir puvati, kamaghin osimtizim an iti. Guizbangira, e nighnizir gavgavim gisin tughan kogh arazir manam damuti, God suam, an arazir kuram.

15

E Kraisin nighnizim ko arazimin gin mangam

¹ E gumazamizir nighnizir gavgavim itiba, gumazamizir gavgaviba puvatiziba, men osimtiziba ater men akurvaghram. E uarira uarir akurvaghshi nighnighan kogham. ² E bar vaghvagh uan adarazi bagh pamten ingar men akurvaghram. E kamaghsua, men nighnizir gavgavim gavgavighi ikivira ikiam, kamaghin e men akurvaghram. ³ E fo, Krais uabi uabin akurvaghsha nighnizir puvati. Godin Akinafarimin arazir a batozimin osizirim kamakin, “Akar kurar gumazamiziba ni gasiba, da uaghan na gire.” ⁴ Godin migirigiar me fomira Godin Akinafarimin osiziriba, da bar en sure damuusa me ada osiri. Migirigiar kam e damuti, e nimira iki, osimtiziba ateriva tugh gavgavigh God e daningamin bizir aghuiba bagh mizuamam. ⁵ Datinighin ki ia bagha God ko migia ghaze, God uabi e gamima, e nimira ikia osimtiziba atera tugh a gavgafi. Egh a ia damuti, ia Krais Jesus amizir arazibar gin mangi, egh tuavir kamin ia igharaz darazi ko navir vamira ikiam. ⁶ Kamaghin amizi ki ia bagh Godin azangsighti, ia navir vamira ikiva bar moghira uari inigh Godin ziam fam, an en Ekiam Krais Jesusin Afeziam.

*Krais, Judaba ko Kantrin Igharazibar
Gumazamiziba uaghan, bar men akura*

⁷ Kamaghin amizi, gumazamiziba Godin ziam fisi, ia Kraisin adarazi ia uarira uari

- 14:13:** 1 Ko 8:9, 8:13, 10:32 **14:13:** 1 Korin 8:9; 8:13; 10:32 **14:14:** Ap 10:15, Ro 14:2, 14:20, 1 Ko 8:7-8, 1 Ti 4:4, Ta 1:15 **14:14:** Apostol 10:15; Rom 14:2; 14:20; 1 Korin 8:7-8; 1 Timoti 4:4; Taitus 1:15 **14:15:** 1 Ko 8:11-13 **14:15:** 1 Korin 8:11-13 **14:16:** Ta 2:5 **14:16:** Taitus 2:5 **14:17:** 1 Ko 8:8 **14:17:** 1 Korin 8:8 **14:18:** 2 Ko 8:21 **14:18:** 2 Korin 8:21 **14:19:** Ro 12:18, 15:2, 1 Ko 14:12, 1 Te 5:11 **14:19:** Rom 12:18; 15:2; 1 Korin 14:12; 1 Tesalonika 5:11 **14:20:** Mt 15:11, Ro 14:14-15, 1 Ko 8:9, 8:13, Ta 1:15 **14:20:** Matyu 15:11; Rom 14:14-15; 1 Korin 8:9; 8:13; Taitus 1:15 [†] **14:22:** Grighin akam vezin kamin deragha bigha mikemezir puvati. **14:23:** Ta 1:15 **14:23:** Taitus 1:15 **15:1:** Ro 14:1, Ga 6:1 **15:1:** Rom 14:1; Galesia 6:1 **15:2:** Ro 14:19, 1 Ko 9:19, 9:22, 10:24, 10:33, 13:5, Fl 2:4-5 **15:2:** Rom 14:19; 1 Korin 9:19; 9:22; 10:24; 10:33; 13:5; Filipai 2:4-5 **15:3:** Sng 69:9, Mt 26:39, Jo 5:30, 6:38 **15:3:** Onger Akaba 69:9; Matyu 26:39; Jon 5:30; 6:38 **15:4:** Ro 4:23-24, 1 Ko 9:9-10, 10:11, 2 Ti 3:16-17 **15:4:** Rom 4:23-24; 1 Korin 9:9-10; 10:11; 2 Timoti 3:16-17 **15:5:** Ro 12:16, 1 Ko 1:10, 9:9-10, Fl 3:16 **15:5:** Rom 12:16; 1 Korin 1:10; Filipai 3:16 **15:6:** Ap 4:24, 4:32 **15:6:** Apostol 4:24; 4:32 **15:7:** Ro 5:2, 14:1-3 **15:7:** Rom 5:2; 14:1-3

inigh bar akongegh. Krais ia inigha aven izezi moghin, ia igharaz darazi inigh aven izi bar akongegh. ⁸ Ki ia migei, Krais Judabar ingangarir gumazimin oto. An arazir kam kamaghin aka, God mikemezir akaba da bar guizbangira. Da kamakin, God en ovaviba ko amizir akar dikiriziba, da guizbangira otivigham. ⁹ Krais uaghan kamaghsua, a Kantrin Igharazibar Gumazamizibar amighti, me Godin apangkuvim bagh an ziam fam. Godin Akinafarim bizar kam kamaghin a migei:

“Kamaghin amizi, ki Kantrin Igharazibar Gumazamizibar tongin ikiva ni minamam.
Egh ki nin ziam fiva ighiabar amuam.”

¹⁰ Egha Godin Akinafarim migirigiar igharazim uaghan iti:

“Ia Kantrin Igharazibar Gumazamiziba,
ia Godin gumazamiziba Israelia,
ia me ko iki bar akongegh.”

¹¹ Ezi migirigiar mam uaghan kamaghin migei:

“Ia Kantrin Igharazibar Gumazamiziba
bar,
ia Ekiamin ziam fi!
Egh nguazimin itir anababa,
ia bar an ighiabar amu!”

¹² Ezi Aisaia uaghan kamaghin mikeme:

“Atrivir igiam, Jesin ovavir boribar tongin
otogh,
mati temer ghuzir igiam, temer dakar
kamin oto.
God gumazir kam amiseveghti,
an atrivimin otogh iziva
Kantrin Igharazibar Gumazamizibar
ibar ganam.
Egh a me damuti,
me bizir aghuir a me daningamiba
bagh mizuam ikiham.”

¹³ Ki ia bagha God ko migei, Godra, a ian akuraghti, ia bizir aghuir gin izamiba bagh mizuamam. God kamaghsua, an Duamin gavgavimin, a ia damuti, ian arazir gin izamin bizir aghuiba bagha mizuaim, an aghung mangi bar ekevegham. Kamaghin amizi, God ian nighnizir gavgavir an itimin

tuavimin, a ia damuti, navir amirizim ko bar akongezir arazim, bar ia gizivaghram.

Pol uabi uan ingangarim geghara, uan akam isa uan namakaba bagha anemadi

(Sapta 15:14–16:27)

Pol uan ingangarim bagha bar akonge

¹⁴ Nan adarasi, ki uan navimin aven ki nighnizir gavgavim ikia kamaghin fo, ia zurara arazir aghuibagh ami. Egha fofozir guar aviriba iti. Kamaghin ia vaghvagh nighnizir aghuiba uarira uari daningam. ^{15–16} Ezi ki akinafarir kamin even akar mabagh nighnigha, kamaghin ian nighniziba dikavasa ia bagha mong akar gavgaviba osiri. Ki fo, God nan apangkuvigha na misevezi, ki Krais Jesusin ingangarir gumazimin ikiava, Kantrin Igharazibar Gumazamiziba bagha ingari. God kamaghin ifonge, Kantrin Igharazibar Gumazamiziba, me ofan min iki a damuti a me bagh bar akongegham. Eighti Godin Duam me damighti, me God baghvira ikiham. Kamaghin amizi, nan ingangarim kamaghin iti, ki ofa gamir gumazimin min ingara Godin Akar Aghuim me mikiri.

¹⁷ Ki Krais Jesus ko porogha ingangarim gami, kamaghin amizi ingangarir ki God bagha amir kam, ki a bagha bar akonge.

^{18–19} Ki bizar igharazibar gun mikiman kogham, bizar vamiran kam ki an gun mikimasa: Ki Krais ko ingarima Krais na bagha tuaviba arizima, ki Kantrin Igharazibar Gumazamiziba an gin mangasa men sure gami. A nan aven ingarima, migirigiar ki me migeiba ko arazir ki amiziba, ko mirakelin gavgaviba ko arazarazir ki amiziba, me dar garima da me gammima me Godin gin zui. Bizar otozir kaba, Godin Duamin gavgavimin ki a dagh amima da otifi. Kamaghin amizi, ki Jerusalemin ikegha Kraisin Akar Aghuim bar anekura ghua Ilirikumin Provinsin oto. ²⁰ Nan ifongiam kamakin: ki Kraisin Akar Aghuim danganir gumaziba oraghizir puvatizibar anekunasa bar ifonge. Ki kamaghin aghua, me suam, Pol gumazir igharazim kunizir dipenir akinibagh isin dipenimin ingari. ²¹ Godin Akinafarim mikemezi moghin ki damuasa:

- | |
|--|
| 15:8: Mt 15:24-25; Ap 3:25-26; 2 Ko 1:20 15:8: Maty 15:24-25; Aposel 3:25-26; 2 Korin 1:20 15:9: 2 Sml 22:50,
Sng 18:49; Jo 10:16; Ap 3:25; Ro 9:23, 11:30 15:9: 2 Samuel 22:50; Onger Akaba 18:49; Jon 10:16; Aposel 3:25; Rom
9:23; 11:30 15:10: Lo 32:43 15:10: Godin Araziba 32:43 15:11: Sng 11:7:1 15:11: Onger Akaba 11:7:1
15:12: Ais 11:1; 11:10; MAA 5:5; 22:16 15:12: Aisaia 11:1; 11:10; Akar Mogomem 5:5; 22:16 15:13: Ro 12:12,
14:17 15:13: Rom 12:12; 14:17 15:14: 1 Ko 8:1; 8:7; 8:10, 2 Pi 1:12, 1 Jo 2:21 15:14: 1 Korin 8:1; 8:7; 8:10; 2
Pita 1:12; 1 Jon 2:21 15:15-16: Rom 1:5; 11:13; 12:3; Galesia 2:7-9; Filipai 2:17 15:18-19: Ap 19:18; 2 Ko 3:5; 12:12
15:18-19: Aposel 19:11; 2 Korin 3:5; 12:12 15:20: 2 Ko 10:15-16 15:20: 2 Korin 10:15-16 15:21: Ais 53:15
15:21: Aisaia 52:15 |
|--|

"Gumazamizir an eghaghaniba faragha da
baraghizir puvatiziba,
datirighin da baraghamb.

Gumazamizir faragha an migirigia
baraghizir puvatiziba,
datirighin dagh fogham."

*Pol Romin itir Kraisin adarazir ganigh,
Spenin Kantrin mangam*

²² Dughiar aviriba, ki ia bagha izasava amima, ingangarir kam nan suirazi, kamaghin ki izezir puvati. ²³ Egha datirighin ki nguubar kabar ingangariba puvati. Ki azenir aviribar ian ganasa ifonge, ²⁴ kamaghin amizi, ki datirighin izasa. Ki ghaze, ki kagh dikavigh Spenin Kantrin mangisi mangi, Spenin darorim ategh ia ko tong ikeghiva, gin Spenin mangam. Ki ian gan, egh tong ia ko ikisi bar akuegham. Eighti ia tuavimin ivezim nan akuraghti, ki Spenin mangam.

²⁵ Ki datirighin Godin adarazi bagh akurvazitam inigh Jerusalem Nguibar Ekiamin mangam. ²⁶ Ia fo, Jerusalemin itir Godin adarasi, men tongin itir gumazamizir maba biziba bar puvati. Kamaghin amizi, Macedonia ko Akaian Provinsin itir siosba me bagha dagiaba arighasa bar ifuegha akam misoke. ²⁷ Me uan ifongiamra an gin ghua kamaghin ami. Kar guizbangira, Kantrin Igharazibar Gumazamiziba, me Israelin gumazamizir onganarazibar akurvaghmin ingangarim iti. Guizbangira, Israelia fomira Godin bizar aghuir aviriba isa Kantrin Igharazibar Gumazamizibagh anigha men duabar akura. Kamaghin amizi, Kantrin Igharazibar Gumazamiziba ikarvaghmin bizim iti, me nguazir kamin bizar aghuiba isi Israelia daningiva me ikarvaghram.

²⁸ Ki faragh dagiar kaba bar a da inigh Jerusalemin mangamin ingangarim agivaghiva, gin Spenin mangisi izi ian ganigh, mangam. ²⁹ Ki fo, kiizi ia bativamin dughiam, Krais bizar aghuir bar aviribar en tongin dar amuam.

³⁰ Nan adarasi, en nighnizir gavgavir Ekiam Krais Iesusin itim ko, Godin Duam e ganidir igharaz darazigh ifongezir arazim, ki bizar kamning ginighnigha kamaghin ia gakaghori, ia na ko porogh pamtem God ko mikim na bagh an azangsigh. ³¹ Egh kamaghin mikim, Judian itir nighnizir gavgavim puvatiziba na gasighasighan kogham. Eighti

Jerusalemin itir Kraisin adarazi nan ingangarir ki me bagha amim bagh bar akuegham. ³² Kamaghin God ifueghtima, ki ia bagh izisi nan navir averiam bar akuegham. Egh ia ko avughsu ua uan gavgavim inisi, egh bar akuegham. ³³ Ki kamaghin Godin azai, Godin navir amirizim ko dabirbir aghuim anidim, bar moghira ia ko iki. Guizbangira.

16

Pol gumazamizir aviriba bagha akam amaga ghaze, Afeziām ia ko iki

¹ Ki ghaze, ia kamaghin fogh, Fibi en buaramizim, an amizir bar aghuim. Ia deragh a damu. An ingangarim kamakin, a Senkrian nguibar ekiamin itir siosin ingangarib amizim. ² Ki kamaghwsua, ia Ekiām ginighnigh Fibi inighti a ia ko iki. Kar arazir aghuir e Godin gumazamiziba damuamim. Egh a bizitizim puvatighti ia an akuragh. Guizbangira, a gumazamizir aviribar akurvaghga egha uaghan nan akura.

³ Ezi ki uan akam isa Prisila ko Akwila bagha anemaga ghaze, Afeziām aning ko iki. Aning na ko Krais Iesusin ingangarim gami. ⁴ Aning nan akurvaghha na bangin oveghai. Kamaghin, ki uabira puviram aning minabi. Ezi Kantrin Igharazibar Guizbangira, a gumazamizir siosba uaghan aning minabi.

⁵ Egha ki uan akam isa aningin dipenimun uari akuvir sios bagha anemaga ghaze, Afeziām vaghvagh me ko iki.

Egha ki uan akam isa namakam Epainetus bagh anemaga ghaze, Afeziām a ko iki. A Esian Provinsin itir gumazamiziba bar men faraghavira nighnizir gavgavim Kraisin iti.

⁶ Egha ki uan akam isa Maria bagha anemaga ghaze, Afeziām a ko iki. A ian akuraghaha pamten ingari.

⁷ Egha ki uan akam isa Andronikus ko Junia bagha anemaga ghaze, Afeziām aning ko iki. Gumazir kam ko amizir kam, aning e Judan ikizir vamira, egha na ko kalabusin ike. Aning Kraisin aposelbar tongin ziar ekiamning itima, me bar aning gifō. Ezi aning nan faragha ghua Krais gifō.

⁸ Egha ki uan akam isa Ampliatus bagha anemaga ghaze, Afeziām a ko iki. Ga uaghara Ekiam ko porogha kamaghin ga namakar aghuimningin min iti.

⁹ Egha ki uan akam isa Urbanus bagha anemaga ghaze, Afeziām a ko iki. An e ko

15:22: Ro 1:13 15:22: Rom 1:13 15:24: 1 Ko 16:6

15:24: 1 Korin 16:6 15:25: Ap 19:21, 20:22, 24:17

15:25: Apostel 19:21; 20:22; 24:17 15:25: 1 Korin 16:1-4

15:26: Ap 24:17, 2 Ko 8:1, 9:2, 9:12 15:26: 2 Korin

8:1; 9:2; 9:12 15:27: Ro 9:4, 11:17, 1 Ko 9:11, Ga 6:6

15:27: Rom 9:4; 11:17; 1 Korin 9:11; Galesia 6:6 15:29: Ro

1:11 15:29: Rom 1:11 15:30: 2 Ko 1:11, Fl 2:1, Kl 4:3, 4:12, 2 Te 3:1

15:30: 2 Korin 1:11; Filipai 2:1; Kolosii 4:3;

4:12; 2 Tesalonika 3:1 16:3: Ap 18:2, 18:18, 18:26, 2 Ti 4:19

16:3: Apostel 18:2; 18:18; 18:26; 2 Timoti 4:19 16:5:

1 Ko 16:15, 16:19, Kl 4:15, 2 Ti 1:15, Fm 2

16:5: 1 Korin 16:15; 16:19; Kolosi 4:15; 2 Timoti 1:15; Filemon 1:2

Kraisin ingangarir gumazim. Egha Stakis uaghan, ki a bagha akam amaga ghaze, Afeziām a ko iki. A uaghan nan namakar aghuim.

¹⁰ Egha ki uan akam isa Apeles bagha anemaga ghaze, Afeziām a ko iki. A Kraisin gin zuima osimtiziba a bativima, an nighnizir gavgavim Kraisin ikiavira iti, ezi bizar kam bagha a ziam iti. Egha ki uan akam isa Aristobulusin dipenimin itir darazi bagha anemaga ghaze, Afeziām me ko iki.

¹¹ Egha ki uan akam isa Herodion bagha anemaga ghaze, Afeziām a ko iki. Ga Judan ikizir vamira. Egha ki uaghan uan akam isa Narsisusin dipenimin aven itir Ekiam adarazi bagha ghaze, Afeziām me ko iki.

¹² Egha ki uan akam isa Trifina ko Tri-fosa bagha anemaga ghaze, Afeziām aning ko iki. Aning Ekiam bagha pamten ingari. Egha uaghan uan akam isa nan roroam Persis bagha anemaga ghaze, Afeziām a ko iki. A uaghan Ekiam bagha pamten ingari.

¹³ Egha uaghan akam isa Rufus bagha anemaga ghaze, Afeziām a ko iki. Agumazir bar deragha Ekiamin gin zuim. An amebam uaghan, ki a bagha akar aghuim amadi. A guizbangira uan borimin min deravira na gami.

¹⁴ Egha ki uan akam isa Asinkritus ko Flegon ko Hermes, ko Patrobas, ko Hermas, ko nighnizir gavgavim Ekiamin ikia me ko itiba bar, me bagh akam amaga ghaze, Afeziām bar me ko iki.

¹⁵ Egha ki uan akam isa Filologus ko Julia, ko Nereus uan buaramizim sara, ko Olimpas, ko Godin gumazamizir me ko uari akuviba bar, me bagh akam amaga ghaze, Afeziām bar me ko iki.

¹⁶ Ia Kraisin adarasi, e uan arazimin gin mangiva, ia uan adarazir dafaribar suigh. Ezi Kraisin siosba bar, uan akaba isa ia bagha da amaga ghaze, Afeziām ia ko iki.

Ia gumazir ia abiziba bagh deragh gan

¹⁷ Nan adarasi, ki akar gavgavim ia mikimasa, Ia gumazir ia abiziba bagh deraghvira gan. Gumazir kaba, ian marazir nighnizir gavgavibagh asighasighava, suren akar ia inizibar apanim gami. Kamaghin amizi, ia men saghon iki.

¹⁸ Me en Ekiam Krais Iesusin ingangarim gamir pu. Puvati. Me uan inivafizim ifongezir arazibar gin zui. Me migirigiar aghuiba ko migirigiar navibagh inivibaghamuava, gumazamizir arazir kurabagh ifozir puvatiziba me gifara, men nighnizibagh amima, me okam nighnisi.

¹⁹ Gumazamiziba bar kamaghin oraki, ia Akar Aghuim inigha deravira an gin zui. Kamaghin amizi, ki ia bagha bar akonge. Ki kamaghin ifonge, ia arazir aghuiba bar adagh fogh, egh arazir kurabar amuamin fofoziba puvatigham. ²⁰ Dughiar bar otevimin, Godin navir amirizim ko dabirabir aghuarim anidim, a Satanin gavgavim gasighasighiva ian amamangatighti, ia Satan dikaraghtima, a ian dagaribar apengan ikiam. En Ekiam Krais Iesusin apangkuvim ia ko iki.

Gumazir maba uan akaba isa Romin itir gumazamiziba bagh da amadi

²¹ Timoti, na ko ingarir gumazim, a uan akam isa ia bagha anemaga ghaze, Afeziām ia ko iki. Ezi Lusius ko, Jason ko, Sosipater, me na ko e ikizir vamira, me uaghan ia bagha akam amadi.

²² Ki Tertius, ki uaghan uan akam isa ia bagha Ekiamin ziamin anemadi. Ki Polin akaba inigha ia bagha akinafarir kamin da osiri. ²³⁻²⁴ Ezi Gaius uan akam isa, ia bagha anemaga ghaze, Afeziām ia ko iki. Ki Pol ki Gaiusin dipenimin aven itima, a bar deragha na gami. Ezi Siosin mam uaghan Gaiusin dipenimin aven uari akufi. Ezi Erastus nguubar kamin Gavmanin dagiabar garir gumazim, ko en mav Kuartus, aning uan akam isa ia bagha anemadi.*

E Godin ziam fam!

²⁵⁻²⁶ E Godin ziam fam! God gavgavir ekiam ikia, kamaghin a ia damuti ia nighnizir gavgavimin suiragh gavgavigham! Bizir kam, ki an akar aghuim akura, bizir kam uaghan a migei. Akar Aghuir ki akurim, a Krais Iesusin Akar Aghuim, a guizin akar mogomem, bar fomira azenir aviribar modogha iza, datirighin azenim giri. Guizin akar mogomer kam, Godin akam inigha izir gumazibar osiziriba, da gumazamizibagh amizi, me akar mogomer kam gifio. Godin ovengen koghamim,

16:13: Mk 15:21

16:13: Mak 15:21

16:16: 1 Ko 16:20, 1 Pi 5:14

16:16: 1 Korin 16:20; 1 Pita 5:14

16:17:

Mt 7:15, Ap 15:1, 15:5, 1 Ko 5:9-11, 2 Ti 3:5, Ta 3:10, 2 Jo 10

Timoti 3:5; Taitus 3:10; 2 Jon 1:10

16:18: Fl 3:19, Kl 2:4, 1 Ti 6:5, Ta 1:10, 2 Pi 2:3

16:17: Matyu 7:15; Aposel 15:1; 15:5; 1 Korin 5:9-11; 2

Timoti 6:5; Taitus 1:10; 2 Pita 2:3

16:19: Mt 10:16, Ro 1:8, 1 Ko 14:20

16:18: Filipai 3:19; Kolosi 2:4; 1

16:20: Stt 3:15, Ro 15:33, 1 Ko 16:23, 1 Te 5:28, MAA 22:21

16:19: Matyu 10:16; Rom 1:8; 1 Korin 14:20

5:28; Akar Mogomem 22:21

16:21: Ap 16:1, 19:22, 20:4

16:20: Genes 3:15; Rom 15:33; 1 Korin 16:23; 1 Tesalonika

Ko 1:14, 2 Ti 4:20

16:23-24: Aposel 19:29; 1 Korin 1:14; 2 Timoti 4:20

16:23-24: Fofozir gumazir maba uaghan

ghaze, akar otevir mam uaghan vezin kamin iti. Akar kam kamakin. En Ekiam Krais Iesusin apangkuvim zurazurara ia ko iki. Guizbangira. **16:25-26:** Rom 1:5; Efesus 1:9; 3:5; 3:9; 3:20; Kolosi 1:26-27; 1 Tesalonika 3:13

Akar Gavgavimin kamaghin migia ghaze,
akar mogomer kaba azenim giriti, Kantrin
Igharazibar Gumazamiziba bar dagh
foghiva, nighnizir gavgavim Kraisin iki
kamaghin an gin mangam.²⁷ Ezi ki
kamaghin ifonge, Krais Jesus e damuti, e
Godin ziam fam. Anarira a God, egha a
uabira fofoziba bar iti. Kamaghin amizi,
e zurara an ziam fi mamaghira ikiam.
Guizbangira!

Akinafarir Faragha Zuim, Pol Korinin Nguibamin Itir Sios Baghava an Osiri O 1 Korin Akar faragha zuim

Polin dughiamin, Korin, a nguiba ekiar mam, an Akaian Provinisit iti. A uaghan Crighin nguazimin aven iti. Pol ubai faragha Jesusin akam Korinin nguiba ekiam anekunigha, sios gamizi a tu. Egha gin Pol me ategha, ghua nguiba igharazibar ingarava aruima, osimtiziba Korinin sios batifi. Kamaghin amizi, Pol nighnizir aghuiba me daningiva men osimtiziba akirasa akinafarir kam osiri.

Pol garima, Korinin itir Kraisin adarasi, men arazir maba ikufi. Ezi a kamaghin nighnisi, me ti uan nighnizir gavgavim ategham. A kamaghin men apangkufi. Egha poroghamiba arazir aghuiba amuasa a me migei. A uaghan ghaze, me Godin Duamin amamangatighti, a men daroribar faragh mangan koghti, osimtiziba guizbangira me bativam. A Godin ziam fer arazir aghuim migia, uaghan Godin Duamin bizar aghuiba me mikeme. Egha gumazamizir ovengezibav giaghze, me ua dikavam.

Bizir kaba, osimtiziba Korinin itir darazigh anidi. Me Godin ifongiam gifoghasa Pol akar bar aghuir kamin me gami. A men akuraghti, me a gifogham. Akar otevir Kraisin adarazi bar ifongezir mam, a sapta 13in iti. Sapta 13 Pol kamaghin men akagha ghaze, igharaz darazigh ifongezir arazim, a bizar bar aghuir God uan gumazamizibagh anidim.

Kraisin adarasi uarira uari adogh uan ziaba fan marki

(Sapta 1-4)

1: Ki Pol, ki Kraisin Jesusin aposel. God ubabi ifongegha, na gamizi ki aposelin oto. Ki, Kraisin gin zuir gumazim Sostenes ko, **2:** ga akinafarir kam ia Korinin nguiba ekiamin itir sios bagha an osiri. Kraisin Jesus ia gamizima, ia a baghavira iti. Egha a ua

bagha ia amisevezi, ia a ko poroghav iti. A ia ko, nguazimin itir gumazamizir Krais Iesusin ziam feba bar, a ia misefe. Krais Iesus, en Ekiam. A men Ekiam, ko uaghan en Ekiam. **3:** Ki God ko migia ghaze, God en Afeziam ko en Ekiam Krais Iesus, aning ian apangkuv, egh navir amirizim ia daning.

Pol God minabi

4: God, Krais Iesusin ingangarimin tuavimin, ian apangkuvigha, deragha ia gami. Kamaghin ki zurara ia ginhnigha uan God minabi. **5-6:** Ki a minabagha ghaze, Kraisin akar e ia mikinizim, a ian navibar ikia gavgafi. Ia Krais ko poroghav itima, God bizir aghuir avirim ia ganingizi, da ia gizifa, kar akam akurir arazir aviriba, ko fofozir guar aviriba. **7:** Kamaghin, ia datirighin en Ekiam Krais Iesus azenim giramin dughim Mizua, Godin Duam aningizir bizir aghuitam, ia an otevizir puvati. **8:** Krais Iesus gavgavim ia daningti, ia gavgavigh mangi, dughiar abuananamin otoghti, bizar kuratam en Ekiam Krais Iesus Uamatenghamin Dughiamin ian ikian kogham. **9:** God uan Otarim Krais Iesus, en Ekiam a ko navir vamira ikiisa ian dia. Eghia God damuasa mikemezi biziiba, a bar adar amigham.

Sios bar biaghire

10: Nan adarasi, ki en Ekiam Krais Iesusin ziamin pamtem kamaghin ia gakagħori, ia bar navir vamira uariv geir migirigħiaba iki. Eghia tintinim bighiran marki. Ia ikizir vamira, ko nighnizir vamira, ko ifongiar vamira iki. **11:** Nan adarasi, Kloen adarazi na migia ghaze, ia adaribar uarigh am. **12:** Ki arazir ja uari adozir ian tongin itim migei. Marazi kamaghin migei, "Ki Polin anav." Ezi marazi kamaghin migei, "Ki Apolosin anav." Ezi marazi kamaghin migei, "Ki Pitān anav." Ezi marazi kamaghin migei, "Ki Kraisin anav." **13:** Ezi manmakin? Krais ti biaghiregħama? Ki Pol ti ian akurvaghħas ter ighuvim in aremez, o? Ia ti nan ziamin rurim iniz, o? Bar puvati!

14: Ian tongin, ki Krispus ko Gaius rue, ua gumazamiziba puvati. Kamaghin ki God minabi. **15:** Kamaghin amizi, gumazitam o amizitam kamaghin mikim kogħam, "E Polin ziamin rurim ini." **16:** (Guizbangira, ki igharaz darazi uaghan me

1:2: Ap 9:14, 18:1, 18:17, Ro 1:7, 10:12, 1 Ko 6:11, 2 Ti 1:9

2 Timoti 1:9 **1:3:** Ro 1:7, 2 Ko 1:2 **1:3:** Rom 1:7; 2 Korin 1:2

1:2: Apostol 9:14; 18:1; 18:17; Rom 1:7; 10:12; 1 Korin 6:11;

1:5-6: 1 Ko 2:1-2, 12:8, 2 Ko 8:7, 2 Ti 1:8, MAA

1:2 **1:5-6:** 1 Korin 2:1-2; 12:8; 2 Korin 8:7; 2 Timoti 1:8; Akar Mogomem 1:2

1:7: Lu 17:30; Fl 3:20, 2 Te 1:7, Ta

2:13, 2 Pi 3:12 **1:7:** Luk 17:30; Filipai 3:20; 2 Tesalonika 1:7; Taitus 2:13; 2 Pita 3:12

1:8: Fl 1:6, Kl 1:22, 1 Te 3:13,

5:23 **1:8:** Filipai 1:6; Kolosi 1:22; 1 Tesalonika 3:13; 5:23

1:9: Ais 49:7, Jo 17:21, 1 Ko 10:13, 1 Te 5:24, 1 Jo 1:3

1:9: Aisaia 49:7; Jon 17:21; 1 Korin 10:13; 1 Tesalonika 5:24; 1 Jon 1:3

1:10: Ro 12:16, 2 Ko 13:11, Fl 2:2, 3:16, 1 Pi 3:8

1:10: Rom 12:16; 2 Korin 13:11; Filipai 2:2; 1 Pita 3:8

1:12: Jo 1:42, Ap 18:24-28, 19:1, 1 Ko 3:4

Aposol 18:24-28; 19:1; 1 Korin 3:4

1:14: Ap 18:8, 19:29, Ro 16:23

Ko 16:15 **1:16:** 1 Korin 16:15

1:14: Aposol 18:8; 19:29; Rom 16:23

1:16: 1

rue, kar Stefanasin dipenimin itir adarasi. Egha ki fozir puvati, ki ti igharaz darazi uaghan me rues o puvati.)¹⁷ Krais gumazamiziba ruasa na amadazir pu. Puvati. An akam akunasa na amada. Eighti ki apezeperir migirigiaba ko nguazir kamin itir gumazamiziba fofozimin anekunan kogham. Ki kamaghin damu, Kraisin ter ighuvimin ovevem damighti, a mati pura bizim.

Krais, a Godin gavgavim

¹⁸ Guizbangira, gumazamizir ovengamiba ghaze, ter ighuvimin migirigiam, mati migirigar onganim egha mingariba puvati. Ezi e gumazamizir God en akurvaziba, e fo, ter ighuvimin migirigiam, a Godin gavgavim.¹⁹ Godin Akinafarim kamaghin migei:

“Ki gumazir nighnizir aghuiba me ganidibar fofoziba adegham,
egh ki men fofozir gumazibar fofoziba
bar da agivagham.”

²⁰ Eighti e manmaghin nguazir kamin itir gumazamizibar nighnizir aghuibav kimam? E manmaghin Judan Arazibagh fozir gumazibav kimam? E gumazamizir akaba uariv sozir arazim bar a gifoziba, e manmaghin me mikimam? Guizbangira, God nguazir kamin itir fofozibagh amizima, da mati migirigar onganiba mingariba puvati.

²¹ Godin nighnizir aghuim ko an fofozimin, God kamaghin fo, nguazir kamin itir gumazamiziba uan fofozimin tuavimin me Godin fofozim inighan kogham. Kamaghin, God tuavir ighazarim mam men akuraghaha anemisefe. Kar, me “migirigar onganim,” arazir akam, e anekuri. Gumazamiziba akar kam baragha nighnizir gavgavim Godin itima, God men akurvasi.²² Judaba mirakelbar ganasa bar gavgafi, ezi Kantrin Igharazibar Gumazamiziba nighnizir aghuim ko fofozim bagha pamten ingari.²³ Ezi e Krais ter ighuvimin aremezir akam me mikiri. Ezi akar kam Judabar nighnizimin, mati bizar me

asaghporaghirim. Ezi Kantrin Igharazibar Gumazamizibar nighnizim ghaze, kar migirigar onganim.²⁴ Ezi e gumazamizir God diaziba, Juda ko Kantrin Igharazibar Gumazamiziba uaghara, e fo, Kraisra a Godin gavgavim ko Godin fofozim.²⁵ Nguazimin itir gumazamizibar kamaghin nighnigha ghaze, “Godin nighnizir maba bar ongani.” Ezi nighnizir kamra bar gumazamizibar nighnizibagh afira. Ezi me kamaghin nighnisi, Godin arazir maba kamaghin en akakasi, God gavgaviba puvati. Ezi an arazir kabara bar gavgavigha, bar gumazamizibar gavgavim gafira.

²⁶ Nan adarasi, ia dughiar God ian diazim ginighnigh. Ian aviriba faragha, nguazir kamin itir gumazamizibar damazimin, fofozir gumazamizibar min ikezir puvati. Ezi ian aviriba, gavgaviba puvati. Ian aviriba, anabar ziar ekiaba itibar otivizir puvati.²⁷ God kamaghsua, a nguazir kamin itir fofozir gumazamizibar amuti, me bar aghumsigham. Kamaghin, a gari, gumazamizir gavgaviba puvatigha nguazimin itir gumazamizibar damazimin nighniziba onganiziba, merara God me amisefe. God ghaze, a gavgaviba itir gumazamizibar amuti, me aghumsigham. Kamaghin, gumazamizir gavgaviba puvatigha nguazir kamin itir gumazamizibar damazimin itiba, merara God me amisefe.²⁸ Egha a nguazir kamin ziaba puvatizir gumazamiziba ini, kar gumazamizir me kamaghin migeiba, me bizar kinir me aghuaziba. Ezi arazir kamin, God ziar ekiaba itiba ko gavgaviba itibagh amizi, da mati bizar kinibar min iti.²⁹ Kamaghin amizi, gumazitam o amizitam Godin damazimin ubi uan ziam fan kogham.³⁰ God ubi ia gamizi, ia Krais Jesus ko poroghav iti. Ezi a Krais gamizi, a en nighnizir aghuimin mingarimin iti. Ezi Kraisin ingangarimin, God e gamizima, e Godin damazimin deragha, God baghvira iti. Ezi Kraisin ingangarimin, a uam e givezegha, arazir kuramin gavgavimin e firi.³¹ Ezi Akinafarim mikemezi moghin God kamaghin ifonge, “Tina bar akongeghs, an Ekiam amizir arazibagh

1:17: Mt 28:19; Jo 4:2; 1 Ko 2:1; 2:4; 2:13; 2 Pi 1:16 **1:17:** Matyu 28:19; Jon 4:2; 1 Korin 2:1; 2:4; 2:13; 2 Pita 1:16 **1:18:** Ap 17:18; Ro 1:16; 1 Ko 2:14; 15:2; 2 Ko 4:3 **1:18:** Aposel 17:18; Rom 1:16; 1 Korin 2:14; 15:2; 2 Korin 4:3 **1:19:** Ais 29:14; Jer 8:9 **1:19:** Aisaia 29:14; Jeremaia 8:9 **1:20:** Jop 12:17; Ais 19:12; 33:18; 44:25; Matyu 11:25; Lu 10:21; Ro 1:20-21; 1:28 **1:20:** Jop 12:17; Aisaia 19:12; 33:18; 44:25; Matyu 11:25; Luk 10:21; Rom 1:20-21; 1:28 **1:21:** Mt 11:25; Lu 10:21; Ro 1:20-21; 1:28 **1:21:** Matyu 11:25; Luk 10:21; Rom 1:20-21; 1:28 **1:22:** Mt 12:38; Mk 8:11; Jo 4:48; Ap 17:18; 17:32 **1:22:** Matyu 12:38; Mak 8:11; Jon 4:48; Aposel 17:18; 17:32 **1:23:** Ais 8:14; Mt 11:6; Jo 6:6; 6:66; Ro 9:32; 1 Ko 2:14; Gs 5:11 **1:23:** Aisaia 8:14; Matyu 11:6; Jon 6:60; 6:66; Rom 9:32; 1 Korin 2:14; Galesia 5:11 **1:24:** Ro 1:4; 1:16; 1 Ko 1:18; Kl 2:3 **1:24:** Rom 1:4; 1:16; 1 Korin 1:18; Kolosi 2:3 **1:25:** 2 Ko 13:4 **1:25:** 2 Korin 13:4 **1:26:** Mt 11:25; Jo 7:48; Je 2:1-5 **1:26:** Matyu 11:25; Jon 7:48; Jems 2:1-5 **1:27:** Mt 11:25; Je 2:5 **1:27:** Matyu 11:25; Jems 2:5 **1:29:** Ro 3:27; Ef 2:9 **1:29:** Rom 3:27; Efesus 2:9 **1:30:** Jer 23:5-6; Jo 17:19; 2 Ko 5:21 **1:30:** Jer 23:5-6; Jo 17:19; 2 Ko 5:21 **1:31:** Jer 9:23-24; 2 Ko 10:17 **1:31:** Jeremaia 9:23-24; 2 Korin 10:17

nighnigh, a bagh bar akongegh."

2

Pol Korin itir gumazamizibar nighnizir gavgavimin migei

¹ Nan adarasi, ki ia bagha izezir dughiamin, ki Godin akar mogomemin ia migia, fofozir gumazamizibar min akar ekiar guar aviritarab ia mikemezir puvati. ² Ki faraghavira kamaghin nighniki, ki ian tongin ikiamin dughiamin, ki bizir igharazitam ginighnighan kogham. Puvatigham. Ki Krais Iesusra nighnighiva, a ter ighuvimin aremezir ovevem uaghan a ginighnigham. ³ Ki ia ko itir dughiamin, ki guizbangira gavgaviba puvati. Ki atiatiava, mighighavira agoi. ⁴ Ezi akar ki mikemezim ko Akar Aghuir ki kunizim, ki nguazir kamin itir fofozim o nighnizibagh etuir akam, ia mikemezir pu. Puvati. God uan Duamin gavgavim, ian akazi, ia fo, ki migeir akaba da guizbangira. ⁵ Guizbangira, ki kamaghsua, ian nighnizir gavgavim nguazir kamin itir fofozim gisin ikan kogham. Puvati. Ian nighnizi gavgavim, Godin gavgavimra, a gisin tugham.

Godin Duam nighnizir aghuim ko fofozim e ganidi

⁶ Guizbangira, gumazamizir gavgavigha Godin Arazibar gin zuiba, e fofozir aghuim me ganidi. Ezi fofozir me inizir kam, a nguazir kamin itir fofozim puvati. Egha uaghan a nguazir kamin gumazir dapanibar fofozim puvati, kar gumazir oven-gasava amiba. ⁷ Fofozir aghuir e ia ganidir kam, a Godin nighnizir mogomem. Fomira, God tighar nguazimin ingaramin dughiamin, a uan fofozir aghuimin a kamaghin ifonge, e an Nguibamin iki, ziar ekiam ko dabirabir aghuim a ko a iniam. Ezi dughiar kamin ikegha iza datirighin an fofozir aghuir kam en modo. ⁸ Ezi, nguazir kamin gumazir dapanitam a gifozir pu. Puvati. Mi ti foghava, ziar ekiam itir Ekiam isa ter ighuvim gafughan koghai. ⁹ Ezi e Godin Akinafarimin itir akamin migirigiar kam migei, a kamakin:

"Bizir gumazitam o amizitam faragha uan damazimin ganizir puvatiziba,
ko akar gumazitam o amizitam faragha oraghizir puvatiziba,
ko bizir gumazitam o amizitam nighnizimin itir puvatiziba,
bizir bar aghuir kaba,
God gumazamizir a gifongeziba baghavira da akiri."

¹⁰ Bizir kabar migirigiam fomira modo, ezi Godin Duamin ingangarimin God da azenim gatizi, e dar gari. Godin Duam biziba bar deravira dar gara, uaghan Godin nighnizir mogomebar gara fo. ¹¹ Tay gumazamizir igharazibar nighnizibagh foghan kogham. Puvati. Gumazimin duar an even itimra fo. Kamaghira, gumazitam o amizitam Godin nighnizim gifoghan kogham. Godin Duam, a uabira fo. ¹² E nguazir kamin duam inizir pu. Puvati. E God amadazir Duam ini. Eighti tuavir kamin, e bizir aghuir God e ganingiziba, e deraghvira dagh fogham. ¹³ E bizir aghuir kabav geima, en migirigia ba nguazimin itir fofozimin tuavimin otozir pu. Puvati. Godin Duam uabi en sure gamma, e akar kabagh ami. E Godin Duamin akaba isa, Godin Duam itir gumazamiziba akar kaba bigha me gehvari. ¹⁴ Ezi gumazamizir Godin Duam puvatiziba, me Godin Duamin bizir aghuiba inighan kogham. Guizbangira, me kamaghin nighnigha ghaze, da bizir organiba, egha mingariba puvati. Bizir aghuir kaba, da Godin Duamin otifi. Kamaghin, gumazamizir Godin Duam itiba, merara Godin Duamin bizir aghuir kaba tuisighamin fofozim iti. ¹⁵ Gumazamizir Godin Duam itiba, me biziba bar da tuisisi. Eighti gumazitam o amizitam, Godin Duam itir gumazamizibar araziba tuisighiva avegham. ¹⁶ Godin Akinafarim kamaghin migei:

*"Tina Ekiamin nighnizim gifo?
Gumazitam bizibar amuamin fofozim
Ekiamin sure damuan kogham."*

Ezi erara, Kraisin nighnizim en iti.

- 2:1:** 1 Ko 1:17 **2:1:** 1 Korin 1:17 **2:2:** Ga 6:14; Fl 3:8 **2:3:** Ap 18:9; 2 Ko 10:1 **2:3:** Aposel 18:9; 2 Korin 10:1 **2:4:** Ro 15:19; 1 Ko 1:17; 1 Te 1:5; 2 Pi 1:16 **2:4:** Rom 15:19; 1 Korin 1:17; 1 Tesalonika 1:5; 2 Pita 1:16 **2:5:** 2 Ko 4:7; 6:7 **2:5:** 2 Korin 4:7; 6:7 **2:6:** 1 Ko 1:28; Ef 4:13; Fl 3:15; Hi 5:14 **2:6:** 1 Korin 1:28; Efesus 4:13; Filipai 3:15; Hibru 5:14 **2:7:** Ro 16:25-26; Ef 3:5; 3:9; Kl 1:26; 2 Ti 1:9 **2:7:** Rom 16:25-26; Efesus 3:5; 3:9; Kolosi 1:26; 2 Timoti 1:9 **2:8:** Lu 23:34; Jo 7:48; Ap 13:27; 2 Ko 3:14 **2:8:** Luk 23:34; Jon 7:48; Aposel 13:27; 2 Korin 3:14 **2:9:** Ais 64:4 **2:9:** Aisaia 64:4 **2:10:** Mt 13:11; 16:17; Jo 14:26; 1 Jo 2:27 **2:10:** Matyu 13:11; 16:17; Jon 14:26; 1 Jo 2:27 **2:11:** Aghuir Akaba 20:27; Jeremaia 13:11; 16:17; Jon 14:26; 1 Jon 2:27 **2:11:** Snd 20:27; Jer 17:9; Ro 11:33-34 **2:11:** Aghuir Akaba 20:27; Jeremaia 17:9; Rom 11:33-34 **2:12:** Jo 16:13-14 **2:12:** Jon 16:13-14 **2:13:** 1 Ko 1:17; 2:4; 2 Pi 1:16 **2:13:** 1 Korin 1:17; 2:4; 2 Pita 1:16 **2:14:** Mt 16:23; Jo 8:47; 14:17; Ro 8:5-7; 1 Ko 1:18; 1:23 **2:14:** Matyu 16:23; Jon 8:47; 14:17; Rom 8:5-7; 1 Korin 1:18; 1:23 **2:15:** 1 Te 5:21; 1 Jo 2:20; 4:1 **2:15:** 1 Tesalonika 5:21; 1 Jon 2:20; 4:1 **2:16:** Jop 15:8; Aisaia 40:13; Jeremaia 23:18; Jon 15:15; Rom 11:34

3

Siosin ingangarir gumazamiziba, me Godin ingangarir gumazamiziba

¹ Nan adarasi, ki gumazamizir Godin Duamin gin zuibav gei moghin ia mikiman kogham. Puvati. Ki gumazamizir navir għurimin arazibar gin zuibav gei moghin, ki ia migei. Dugħiar kamin ia borir iririvibar min ikia, Kraisin arazibar gin zui. ² Ki faragħha, mati otem ia ganiga, dagħer gavgavita daning ibura. Faraghavira, ki fo, ia tighar dagħer gavgavita niām. Egha datirighin ikia, kamaghira iti. ³ Ki fo, ia navir għurimin arazibar gin għuavira iti. Ia uan adarazi navim men ikuvir arazim, ko uarir adhogħodozir arazim, da ian ikiavira iti. Arazir ia amir kaba, kar navir għurimin araziba. Ia dagh amuava, nguazir kamin itir gumazamizibar min ami. ⁴ Gumazir mam kamaghin migei, "Ki Polin anav." Ezi mav kamaghin migei, "Ki Apolosin anav." Ezi arazir kamin ia mati nguazir kamin gumazamiziba.

⁵ Ia deravira nighnigh. Apolos, a tina? Ki Pol, ki tina? Ga ingangarir gumazir kinimming. Ekiām ingangariba isa, vagħvagħha ga ganingi. Ezi ingangarir ga amir kabar, ia nighnizir gavgavim Kraisin iti. ⁶ Ki mati, dagħer ovizija opari. Ezi Apolos dipam a ganid. Ezi God a gamima, an aghui. ⁷ Gumazamizir dagħer oviziba opariba, me ziaba puvati. Gumazamizir dipam a ganidiba, me uaghan ziaba puvati. God dagħebagh amima, da aghui, kamaghin a uabira ziam iti. ⁸ Gumazamizir dagħer ovizija opariba, ko gumazamizir dipaba anidiba, me uaghara Godin ingangarir gumazamiziba. Egh me vagħvagħ uan ingangarir amizibar iverzim niām. ⁹ E bar mogħira, e uari inigha Godin ingangarim gami, ezi ia mati an azenim.

Siosin ingangarir gumazamiziba, mati dipenibar ingarir gumazamiziba

Egha ia uaghan mati Godin Dipenim. ¹⁰ God uan apangkuvin, fofozim na ganingizi, ki mati dipenibar ingarir gumazir fofozir bar ekiam itim. Egha ki dagħiaba arizima, gumazamizir igharaziba dagħ-

isin dipenimin ingari. Eghti dipenimin ingarir gumazamiziba vagħvagh deravira ganiva dipenimin ingar. ¹¹ Ia fo, God Krais Jesus isa, dipenimin ingarir dagħar faragħa atizim min anetgħha għifa. Eghti gumazitam o amizitam, dipenimin ingarir dagħar faragħa itir igharazitam, uam anerigħan kogħam. ¹² Gumazamiziba dagħar kam għisip dipenimin ingarsi, tarazi ti għoln dagħiabar an ingaram, tarazi ti silvan dagħiabar an ingaram, eghti tarazi ti dagħar iverzim bar pīn kozibar an ingaram, eghti tarazi temebar an ingaram, eghti tarazi dadbar an ingaram, eghti tarazi maziar misiabar an ingaram. ¹³ Eghi gin, Godin Kotiamin Dugħiamin, gumazamiziba bar, men ingangariba azenim giram. Eghti dugħiar kam avir ekjami min otogħti, avir kam men ingangaribar isi vagħvagħ da tuisigham, men ingangaribar deraz, o puvati. ¹⁴ Eghti gumazamizir manam dagħar kam għisip dipenimin ingarighti, an dipenim isighan kogħti, a ingangarir kamin iverzir aghħuim niām. ¹⁵ Eghti ingangarir gumazamizibar dipeniba bar isighti, me uan ingangaribar iverzim inighan kogħam. Ingangarir gumazamiziba uari avminn misveeaghriż egh me ovengħan kogħam.

Ia Godin Dipenimra

¹⁶ Ia kamaghin fos ti? Ia Godin Dipenimra, ezi Godin Duam ian aven iti. ¹⁷ Godin Dipenim, a ua bagħaviram a ġinabas. Ezi dipenir kam, kar iarara. Kamaghin amizi, gumazim o amizim Godin Dipenim gasiġħasightima, God a gasiġħasigham.

Egumazamizibar ziaba fan kogħam

¹⁸ Ian tav uabira uabi għifaran marki. Ki ghaze, ian tongin gumazitam o amizitam nguazir kamin bizebbugħ fogħ kamagh nighnigham, "Ki fofozir bar aghħuim iti," egh a faragh gumazir onganimin min otogh, gin bar fofozir gumazim min otogħam. Kamaghin deragħam. ¹⁹ Guizbangira, nguazir kamin fofozir aghħuim, a Godin damazim mati arazir onganim. Godin Akinafarim kamaghin migei, "Gumazamizir maba paza gumazamizir igharazibar

- 3:1:** Jo 16:12; 1 Ko 2:14-15 **3:1:** Jon 16:12; 1 Korin 2:14-15 **3:2:** Jo 16:12; Hi 5:12-14, 1 Pi 2:2 **3:2:** Jon 16:12; Hibrū 5:12-14; 1 Pita 2:2 **3:3:** 1 Ko 1:10-11, 11:18; Ga 5:20-21, Je 3:16 **3:3:** 1 Korin 1:10-11; 11:18; Galesia 5:20-21; Jems 3:16 **3:4:** 1 Ko 1:12 **3:4:** 1 Korin 1:12 **3:6:** Ap 18:4-11, 18:24-28, 19:1; 1 Ko 1:30; 2 Korin 3:5; 10:14-15 **3:6:** Ap 18:4-11; 18:24-28; 19:1; 1 Korin 1:30; 2 Korin 3:5; 10:14-15 **3:7:** 2 Ko 12:11; Ga 6:3 **3:7:** 2 Korin 12:11; Aposel 18:4-11; 18:24-28; 19:1; 1 Korin 1:30; 2 Korin 3:5; 10:14-15 **3:8:** Ro 2:6; Ga 6:4-5; MAA 22:12 **3:8:** Rom 2:6; Galesia 6:4-5; Akar Mogomem 22:12 **3:9:** Matyu 13:3-9; Aposel 15:4; 2 Korin 6:1; Efesus 2:20-22; Hibrū 3:3-4; Galesia 6:3 **3:10:** Ro 15:20, 1 Ko 4:15, 15:10, 1 Pi 4:11; 2 Pi 3:15, MAA 21:14 **3:10:** Rom 15:20; 1 Korin 4:15; 15:10; 2 Pita 2:5 **3:10:** Ro 15:20, 1 Ko 4:15, 15:10, 1 Pi 4:11; 2 Pi 3:15, MAA 21:14 **3:10:** Rom 15:20; 1 Korin 4:15; 15:10; 2 Pita 2:5 **3:11:** Ais 28:16; Mt 16:18; 2 Ko 11:4; Ga 1:7; 1 Pi 2:4-6 **3:11:** Ais 28:16; Matyu 16:18; 2 Korin 11:4; Galesia 1:7; 1 Pita 2:4-6 **3:12:** Lu 2:35, 1 Ko 4:5; 2 Te 1:7-10, 1 Pi 1:7, 4:12 **3:12:** Lu 2:35, 1 Ko 4:5; 2 Te 1:7-10, 1 Pi 1:7, 4:12 **3:13:** Lu 2:35, 1 Ko 4:5; 2 Te 1:7-10, 1 Pi 1:7, 4:12 **3:13:** Luk 2:35; 1 Korin 4:5; 2 Tesalonika 1:7-10; 1 Pita 1:7; 4:12 **3:16:** 1 Ko 6:19; 2 Ko 6:16; Ef 2:21-22; Hi 3:6; 1 Pi 2:5 **3:16:** 1 Ko 6:19; 2 Ko 6:16; Ef 2:21-22; Hi 3:6; 1 Pi 2:5 **3:18:** Snd 3:7; Ais 5:21 **3:18:** Aghuzir Akaba 3:7; Ais 5:21 **3:19:** Jop 5:13; 1 Korin 1:20; 2:6 **3:19:** Jop 5:13; 1 Korin 1:20; 2:6

amuasa, arazir aviribagh nighnisi. Ezi God gumazamizir kabar arazibagh amima, da meraram asighasisi.”²⁰ Godin Akinafarim uaghan kamaghin mikeme, “Ekiam a fofozir gumazamizibar nighnizibagh fo. A fo, me damuasa nighnizir biziba, da otivan kogham.”²¹ Kamaghin amizi, ia gumazamizibar ziaba fer arazim atakigh. Biziba bar, ian biziba.²² Pol, ko Apolos, ko Pita, ko nguazir kam, ko ikirimirim, ko ovevem, ko bizir datirighin itiba, ko gin otivamin biziba, da bar iana.²³ Ezi ia Kraisin adarasi, ezi Krais, Godin anav.*

4

Ekiam uabi uan ingangarir gumazamiziba tuisisi

¹ Ia kamaghin e ginighnigh, e Kraisin ingangarir gumazamiziba. Egha Godin akar mogomeba deraghvira dar ganamim ingangarim gami. ² Éghti gumazamiziba tavin ingangarir gumazibar iki, egh me uan gu-mazir ekiamin akaba deraghvira dar gin mangi. ³ Kamaghin amizi, ia nan araziba tuisigham, o gumazamizir igharazitaba nan araziba kotin da tuisighsi damuam, kar pura bizim. Ki uaghan uabi uan araziba tuisizir puvati. ⁴ Guizbangira, ki uan arazir kuratam gifozir puvati. Ki kamaghin mikiman kogham, “Ki gumazir arazir kuraba puvatizim.” Puvati, na tuisighamin ingangarim, kar Ekiamin bimira. ⁵ Kotiamin Dughiam tighar otivam. Kamaghin, ia gumazamizir igharazibar araziba tuisighan marki. Ia Ekiam izamin dughiam mizuam. A bizir mitarmemin mueghav itiba inigh angazangarimin dar atigham. Egh a gumazamiziba bar men navir averiabar itir nighniziba, azenim darigham. Éghti dughiar kamin, God bar vaghvagh e mikim suam, en ingangarim deraz, o ikufi.

3:20: Sng 94:11

3:20: Onger Akaba 94:11

3:21: 1 Ko 1:12, 3:4-6, 2 Ko 4:5, 4:15

3:21: 1 Korin 1:12; 3:4-6; 2

Korin 4:5; 4:15

3:23: Ro 14:8; 1 Ko 11:3; 2 Ko 10:7, Ga 3:29

3:23: Rom 14:8; 1 Korin 11:3; 2 Korin 10:7; Galesia 3:29

* **3:23:** 1 Korin 1:12 ko 3:4, Pol kamaghin migei, Korin siosin itir darazi uari abigha, marazi ghaze, e Polin adarasi, ezi marazi ghaze, e Apolosin adarasi. Ezi migirigiar kaba da nguazimin gumazamizibar nighnizibar gin zui. Korin siosin itir gumazamiziba deravira Godin nighnizim gifogh, egh kamaghin mikim suam, Pol bar en anav, ezi Apolos bar en anav.

Pol ko Apolos ko bizar igharaziba sara, me ingangarir gumazamizibar min iki, Korin siosin akurvagh egh me damuti, me guizin Kraisin adarazir min otivam. Kamaghin, God me ginaba. Ni 2 Korin 3:1-9in gan. **4:1:** Lu 12:42, 1 Ko 3:5,

2 Ko 6:4, Ta 1:7, 1 Pi 4:10 **4:1:** Luk 12:42; 1 Korin 3:5; 2 Korin 6:4; Taitus 1:7; 1 Pita 4:10 **4:2:** Lu 12:42 **4:2:** Luk 12:42

4:4: Jop 9:2, Sng 143:2, Snd 21:2, Ro 4:2 **4:4:** Jop 9:2; Onger Akaba 143:2; Aghuzir Akaba 21:2; Rom 4:2

4:5: Ro 2:1, 2:29, 1 Ko 3:8, 2 Ko 5:10, MAA 20:12 **4:5:** Rom 2:1; 2:29; 1 Korin 3:8; 2 Korin 5:10; Akar Mogomem 20:12

4:6: Ro 12:3, 1 Ko 1:12, 3:4, 3:21 **4:6:** Rom 12:3; 1 Korin 1:12; 3:4; 3:21 **4:7:** Jo 3:27, Ro 12:6, Je 1:17, 1 Pi 4:10

4:7: Jon 3:27; Rom 12:6; Jems 1:17; 1 Pita 4:10 **4:8:** MAA 3:17, 3:21 **4:8:** Akar Mogomem 3:17; 3:21 **4:9:** Ro

8:36, 1 Ko 15:30-31, 2 Ko 6:9, Hi 10:33 **4:9:** Rom 8:36; 1 Korin 15:30-31; 2 Korin 6:9; Hibru 10:33 **4:10:** Ap 26:24, 1

Ko 1:18, 3:18 **4:10:** Aposel 26:24; 1 Korin 1:18; 3:18 **4:11:** Ap 23:2, Ro 8:35, 2 Ko 11:23-27, Fl 4:12 **4:11:** Aposel

23:2; Rom 8:35; 2 Korin 11:23-27; Filipai 4:12 **4:12:** Sng 109:28, Mt 5:44, Ap 18:3, 1 Ko 9:14-15, 1 Te 2:9, 2 Te 3:8, 1 Ti

4:10 **4:12:** Onger Akaba 109:28; Matyu 5:44; Aposel 18:3; 1 Korin 9:14-15; 1 Tesalonika 2:9; 2 Tesalonika 3:8; 1 Timoti

4:10 **4:13:** Kra 3:45 **4:13:** Azir Akam 3:45

Korinba uari uan ziabafe

⁶ Nan adarasi, ki ian nighnizibar akurvaghaha, Apolos ko ga uaning gehhari. Ia ga ginighnigh, egh Godin Akinafarim mikemezi moghin deravira an gin mangi. Egh ia arazir osirizir kamin mirara mangi. Ia akaba batogh uari fiva, gumazamizir mabar ziaba fiva igharazibar ziaba abinan marki. ⁷ Namakam, tina gumazir ekiamin ni ati? Ni ti bizir aghuir ni ititam, God dama a inizir puvati, o? Guizbangira, bizir ni itiba, God ni ganingizi, ni manmaghsua uabi uan ziam fa, mati ni bizir kabagh amizi, da otifi?

⁸ Guizbangira, ia ti biziba bar izivaghama? Ia ti biziba bar izivagha deraghaviram apia? Ia ti e gafiraghha atrivibar otivighama? A dera, ki mamagh sua, ia guzin atrivibar ikitima, e ia ko uaghan atrivibar ikiam. ⁹ Ki ghaze, puvati. Nan nighnizimin, God ti e aposelba isa, danganir bar gin itimin e ati. E mati gumaziba me kotin aven ghaze, e aremegham. Me nguazir kamin itir enselba ko gumazamiziba bar, men damazimin e misuehti, e arighregham. ¹⁰ E Kraisin ziam fer arazim bangin, e gumazamizir onganibar min iti. Ezi ia Krais ko poroghav ikiava, ia fofozir gumazamizibar min iti. E gavgaviba puvati, ezi ia bar gavgafi. E ziaba pu, ezi ia ziar ekiaba iti. ¹¹ Bar fomira iza datirikin, e mitiriaba sara itima, kuariba puv en pirima, e korotiar bibiziba azui. Ezi me tintinibar e misozi, e deravira danganitam gaperazir puvati. ¹² E uari uan dafaribar ingangarir bar osimtizibagh ami. Me paza e migeima, e deragh me damuasa Godin azangssi. Me arazir kurabar e gamima, e pura nimira ikia osimtiziba ateri. ¹³ Me akar bar kurabar e migeima, e akar aghuaribar men akaba ikarvasi. E mati bizir kurar gumazamiziba makuniziba. Gumazamizibar damazibar e mati bizir kurar bar miziriziba. E kamaghira ikia iza

datirikin.

Polin ifongiam, Korinba an arazibar gin mangam

¹⁴ Akar kam, ia damutia aghumsighasa ki an osirizir puvati. Ki kamaghsua, ia mati nan boribara. Ki ian nighnizibar amuti ia deragh foghasa, egha akar kam osiri. ¹⁵ Gumazamizir bar avirim ia ko ikiam maraghe, Kraisin arazibar ian akurvagh, ia gegruf, a pura bizim. Ia afeziar vamira iti. Ki Akar Aghuim inigha ia bagha iza ia ganingizi, ia Krais Jesus ko poroghav iti. Kamaghin, ki ian afeziamin oto. ¹⁶ Kamaghin ki ia gakaghori, ia nan arazibar gan, dar gin mangi. ¹⁷ Bizar kam bagha, ki Timoti ia bagha anemada. A nan otarimin min iti, ezi ki bar a gifonge. An Ekiam ingangarim deragha an gari. Ki kamaghin ifonge, a nan arazir ki Kraisin poroghav ikia amibar gun ia mikimam. Arazir kabara, ki zurara nguibaba bar dar ghua, siosba bar dar men sure gami. Eghiti, Timoti arazir kabar ia mikim, ian nighnizibar amuti, da dikavam.

¹⁸ Ian marazi ghaze, ki izi ian ganan kogham, egha me akaba batogha uan ziaba fe. ¹⁹ Puvati. Ekiam ifuegħtima, ki ia bagħ zuamira izam. Egh ki izegħamin dughħiġi, ki gumazamizir uan ziaba feba, ki men akaba baraghxi izan kogħam. Puvati. Ki izi fogħasa, me gavvavir manan iti. ²⁰ Guizbangira, God Bizibagh Ativamin Arazim, kar pura migiřiġar kinimin bizzim puvati. Kar gavvavir ekiam itir bizzim. ²¹ Ezi ki manmagħin damuasa ia ifonge? Ki ia misogħamin aghorim inighia bagħiż-izasa, ia ifonge? O ki uan navim ia daningiva, ian asuħasħugħam?

Kraisin adarazi arazir kurar men tongi otiviba akir

5

(*Sapta 5--6*)

Gumazamiziba tintinibar uari isava akuir arazim, Korinbi siosin aven iti

¹ Ki kamaghin eghagħaniba baraki, gumazamiziba tintinibar uari isava akuiр

- | | | |
|--|---|---|
| 4:15: Ap 18:11; Ga 4:19; Je 1:18 | 4:15: Aposel 18:11; Galesia 4:19; Jems 1:18 | 4:16: 1 Ko 11:1, Fl 3:17; 1 Te 1:6, 2 Te 3:9 |
| 4:16: 1 Korin 11:1; Filipai 3:17; 1 Tesalonika 1:6; 2 Tesalonika 3:9 | 4:17: Ap 19:22; Fl 2:19-22 | 4:17: Aposel 19:22; Fl 2:19-22 |
| 4:19: Ap 18:21, 19:21, 1 Ko 16:5, 2 Ko 1:15, 1:23; Hi 6:3 | 4:19: Aposel 18:21; 19:21; 1 Korin 16:5; 2 Korin 1:15; 1:23; Hibru 6:3 | 4:20: 1 Korin 2:4; 1 Tesalonika 1:5 |
| 4:20: 1 Ko 2:4, 1 Te 1:5 | 5:1: Wkp 18:7-8, Lo 22:30, 27:20; Ef 5:3 | 5:1: Kl 2:5 |
| 5:1: Ofa Gami 18:7-8; Godin Araziba 22:30; 27:20; Efesus 5:3 | 5:2: Kolosi 2:5 | 5:3: Kolosi 2:5 |
| 5:4: Mt 16:19, 18:18; Jo 20:23, 2 Ko 13:10 | 5:4: Matyu 16:19; 18:18; Jon 20:23; 2 Korin 13:10 | 5:5: Ap 26:18, 1 Ti 1:20, 1 Pi 4:6 |
| 5:5: Aposel 26:18; 1 Timoti 1:20 | 5:6: 1 Ko 3:21, 15:33; Ga 5:9; Je 4:16 | 5:6: 1 Korin 3:21; 15:33; Galesia 5:9; Jems 4:16 |
| 5:7: Kis 12:5, 12:21, 13:7; Ais 53:7; Jo 1:29; 1 Pi 1:19; MAA 5:6, 5:12 | 5:7: Ua Me In 12:5; 12:21; 13:7; Ais 53:7; Jon 1:29; 1 Pita 1:19; Akar Mogomem 5:6; 5:12 | 5:7: Ua Me In 12:5; 12:21; 13:7; Ais 53:7; Jon 1:29; 1 Pita 1:19; Akar Mogomem 5:6; 5:12 |
| 5:8: Godin Araziba 16:3; Matyu 16:6; 16:12; Luk 12:1 | 5:8: Ves 6in ikegħi ghua ves 8in tuzir migiřiġam, God Israelia Gitazir Dugħiān arazibagh nighnigha, Judaba amir arazibav gei. Ni Ua Me In 12:3-21 ko 13:5-7 in gan. An arazir kaba bar dagħi amizima, da Kraisin adarazir dabirabim nedazim oto. | 5:8: Ves 6in ikegħi ghua ves 8in tuzir migiřiġam, God Israelia Gitazir Dugħiān arazibagh nighnigha, Judaba amir arazibav gei. Ni Ua Me In 12:3-21 ko 13:5-7 in gan. An arazir kaba bar dagħi amizima, da Kraisin adarazir dabirabim nedazim oto. |
| 5:9: Mt 18:17; 2 Ko 6:14; Ef 5:11, 2 Te 3:14 | 5:9: Mt 18:17; 2 Ko 6:14; Ef 5:11, 2 Te 3:14 | 5:9: Mt 18:17; 2 Ko 6:14; Ef 5:11, 2 Te 3:14 |
| 5:10: Jo 17:15, 1 Ko 1:20, 10:27 | 5:10: Jo 17:15, 1 Ko 1:20, 10:27 | 5:10: Jon 17:15; 1 Korin 1:20; 10:27 |

arazim ian tongin oto. Kar arazir bar kuram. Arazir kam, Krais għifoz puvatizir gumazamizib amir arazir kuraba, bar dagħi afira. Arazir kamnang kamakin, gumazir mam uan afeziamin amuim koma akui. ² Egha ia manmagħin amigħha ghaze, ia bar pin ikia, marazi gafira? Ia ti arazir uan ziaba fer kam ategħiha azi. Egh gumazir arazir kurar kam gamizim, ia a batuegħtima, a ua ia ko ikian marki. ³ Guizbangira, ki uan inivafizim ian sagħon iti, egha uan duamin ki ia ko iti. Egha mati, ki guizbangira uabi ia ko ikia, gumazir arazir kurar kam gamizim arazim tuisigha għifa. ⁴ Egha ki kamaghin migei, ia en Ekiam Jesusin ziamin, ia uari akuvagħti, en Ekiam Jesusin gavgavim, ko nan duam uaghan, ia ko ikiti, ⁵ ia gumazir kam isi, Satanin dafarim datighti, an inivafizim ikuvigham. Ia kamaghin damighti, Ekiam Izamin Dugħiġi, God gumazir kamin duamin akuragħam.

Korinba gumazir arazir kuram gamim batokk

⁶ Ia uari uan ziaba fe, kar arazir aghħiġi puvati. Ia ti kamaghin fozir pu, yisinx mużiżarim, a bret damuamin plaua bar a gamima, a bui? ⁷ Kamaghin, ia yisinx ġurim min arazir kuraba bar da batogħiha, zuegh, mati bretin igiar yisba puvatizim min iki. Ki kamaghin fo, ia yisinx puvatizir bretin min iti. Ia fo, God Israelia Gitazir Dugħiān Ginighnizir Isar Ekiam, an ababanim gamiġha għifa. Me, mati Isar Ekiam bagħha sipsip isa ofa gami mogħin, me Krais isa sipsipin min a misogħeqi, an areme. ⁸ Kamaghin amizi, en araziba, gumazamizib Isar Ekiar kam damuasava amir arazibar min mangi. Egh uan arazir kuraba batuegħi, mati me Isar Ekiam damuasa uan dipenibar yisinx ġuribha isa, da makuri. Egh arazir zuruzim ko guizin akamini ġin mangħi, arazir kam mati bretin igiar yisinx puvatizim.*

⁹ Akinafarir iħgarazir ki ħażi bagħha faragħa osirizim, ki kamaghin ia mikeme, “Ia

gumazamizir tintiniba uari bakiavaakuiba, me ko ikian marki.”¹⁰ Ia bar nguazir kamin gumazamizir arazir kurar kabagh amiba ataghiraghsha, ki migeir puvati. Gumazamizir tintinibar uari bakiavaakuiba, ko gumazamizir igharazibar biziba bagha naviba dikaviba, ko gumazamizir igharazibar biziba okeiba, ko gumazamizir marvir guabar ziaba feba, ia gumazamizir kabanang bar me ataghiraghshi, ia bar nguazir kamin ikian kogham.¹¹ Ki osirizir akar kam, an mingarim kamakin: Gumazir Kraisin adarazir aven iti tam arazir kurabagh amua, gumazamizir uari bakiava akuir arazim gami, o gumazir igharazibar biziba bagha navim dikafi, o marvir guabar ziaba fe, o akar kuraba uari gasir arazim gami, o dipar organiba api, o gumazir igharazibar biziba okei, ia gumazir kam ko ikian marki. Egh ia uaghan gumazir kamaghin amim ko daghebar aman kogham.

¹² Ezi manmakin? Ki ti Kraisin adarazir azenan itir gumazamiziba tuisizir ingangarim iti? Bar puvati. Kraisin adarazir aven itir gumazamiziba tuisizir ingangarim, a ian ingangarimra.¹³ Azenan itir gumazamiziba, God uabi men araziba tuisigham. Ezi Godin Akinafarim kamaghin mikeme, “Ia gumazir kurar ian tongin itim batokegh.”

6

Kraisin adarazi uarira uari kot darighan marki

¹ Ian tongin tav osimtizitam Kraisin adarazir mavin ikia, tizim bagha Godin gumazamiziba ategha ghua Godin gin zuir puvatizibar damazimin a isa kot garisi? Ia arazir kam gamua aghumsizir puvati, o?² Ia ti kamaghin fozir puvati? E Godin gumazamiziba, e nguazimin itir biziba bar, da tuisigham. Egh ia guizbangira gin nguazir kamin biziba tuisighamin fofozim ikiam, egha datirighin manmaghsua osimtizir muziarir kaba uarir tongin ia da tuisighamin fofoziba puvati?³ Ia ti kamaghin fozir puvati? E enselbar araziba tuisigham. E kamaghin damuva, e guizbangira nguazir kamin osimtiziba tuisighamin fofozim ikiam.⁴ Kamaghin, osimtizitam ian tongin otoghtima, tizim

bagh ia osimtizir kam tuisighamin ingangarim isava, siosin azenan itir darazigh anidi?⁵ Ia aghumsighasa, ki kamaghin migei. Ki ghaze, ian tongin, gumazir fofozim ititam ti mar ikia, egha Kraisin adarazir tongin osimtiziba tuisighamin fofozim ikiam.⁶ Ezi manmaghsua, Kraisin adarazi uari isava, gumazir nighnizir gavavim Kraisin itir puvatizibar damazimin ghua uari isa kot garisi.

⁷ Ia Kraisin adarasi, ia osimtiziba uarir ikia, uari isa kotin zui, ezi ian arazir kam kamaghin e gamizi e fo, Kraisin arazir ia gin zuim, ia anetakis. Manmaghsua ia me ateeghi, me paza ia damuan ia aghua? Manmaghsua ia me ateeghi, me pura ian biziba inian ia aghua?⁸ Ia arazir aghuir kabar gin mangan aghuaghha, uari paza me gamua men biziba pura da isi. Egha arazir kamra, ia uaghan uan adarazigh ami.

⁹ Gumazamizir arazir kurabagh amiba, God Bizibagh Ativamin Dughiamin aven mangan kogham. Ia ti kamaghin fozir puvati? Ia uari uan navibagh ifaran marki. Gumazamizir tintinibar uari isava akuiba, ko gumazamizir marvir guabar ziaba feba, ko poroghamiba uari bakeir arazim gamiba, ko gumazir uarira uari isa akua arazir aghumsizibag amiba,¹⁰ ko okimakiar gumazamiziba, ko gumazamizir igharaz darazir biziba bagha navim dikaviba, ko dipar organiba apiba, ko akar kuraba uari gasir arazim gamiba, ko gumazir pura igharazibar biziba uari bagha da isiba, gumazamizir kamaghin amiba bar, me God Bizibagh Ativamin Dughiamin aven ikian kogham.¹¹ Fomira ian marazi kamaghin ike. Ezi God ia ruegha, ia gamizi, ia an gumazamizibar otifi. Ia, Ekiam Krais Iesusin ziam ko en Godin Duamin gavavimin, God ia gamizi, ia an damazimin derazir gumazamizibar otifi.

En invafiziba, da Godin Duamin Dipenimin min iti

¹² Gumazamizir maba kamaghin migei, “Bizitam nan suirazir puvati, kamaghin ki biziba bar dar amuam.” A guizbangira, egh ni uaghan nighnigh, bizir maba nin dabirabimin akurvazir puvati. Guizbangira, ki firighirigh biziba bar dar amuam. Eghti bizitam na damighti, ki an ingangarir gumazimin min ikian

- 5:11:** Mt 18:17; Ro 16:17, 2 Te 3:6; Ta 3:10, 2 Jo 10 **5:11:** Matyu 18:17; Rom 16:17; 2 Tesalonika 3:6; Taitus 3:10; 2 Jon 1:10 **5:12:** Mk 4:11, 1 Ko 6:1-4; Kl 4:5; 1 Te 4:12, 1 Ti 3:7
1 Timoti 3:7 **5:13:** Lo 13:5, 17:7; 21:21, 22:21-24 **5:13:** Godin Araziba 13:5; 17:7; 21:21; 22:21-24 **6:2:** Daniel 7:22; Matyu 19:28; Akar Mogomem 2:26; 3:21; 20:4 **6:3:** 2 Pi 2:4; Ju 6
6:3: 2 Pita 2:4; Jut 1:6 **6:7:** Mt 5:39; Snd 20:22; Lu 6:29; Ro 12:17-19, 1 Te 5:15; 1 Pi 3:9 **6:7:** Aghuzir Akaba 20:22; Matyu 5:39; Luk 6:29; Rom 12:17-19; 1 Tesalonika 5:15; 1 Pita 3:9 **6:9:** Ga 5:19-21; Ef 5:5; 1 Ti 1:9; Hi 12:14; MAA 22:15
6:9: Galesia 5:19-21; Efesus 5:5; 1 Timoti 1:9; Hibru 12:14; Akar Mogomem 22:15 **6:11:** Ef 2:2; Kl 3:7; Ta 3:3-7; Hi 10:22 **6:11:** Efesus 2:2; Kolosi 3:7; Taitus 3:3-7; Hibru 10:22 **6:12:** 1 Ko 10:23 **6:12:** 1 Korin 10:23

kogham. ¹³ Gumazamizir maba ghaze, "Dagheba, da navim bagha itir biziba, ezi navim, a dagheba isir bizim." Akar kam guizbangira, ezi God bizir kamning viraram aning agivaghram. Eghiti en inivafiziba, gumazamiziba uari bakia akuir arazim bagh ikian kogham. Puvati. En inivafiziba, Ekiam bagh ikiva, an ingangarim damuan. Ekiam en inivafizibar gara dar akurvashi. ¹⁴ God uan gavgavimin Ekiam gamizi, a ua dikafi, egh a uaghan en inivafizibar amighti e ua dikavam.

¹⁵ Ia ti kamaghin fozir puvati? Ian inivafiziba, da Kraisin inivafizir akuua. Kamaghin, ki ti Kraisin inivafizir akuua tam inighiva, amizir arazir kurabagh amimin inivafizimin poroghi, kar arazir aghuim? Bar puvati! Ki kamaghin damighan kogham! ¹⁶ Gumazim arazir kurabagh amir amizim ko porogha, a ko aning inivafizir vamiram oto. Ia ti kamaghin fozir puvati? Godin Akinafarim kamaghin mikeme, "Aning, inivafizir vamiram otogham." ¹⁷ Eghiti gumazitam o amizitam Ekiam ko porogh, egh a ko Duar vamiram otogham.

¹⁸ Ia zurara arazir gumazamizir uari bakiava akuimin ari mangi, an saghon iki. Arazir kurar ighazariba, gumazamiziba dagh amima, da inivafizimin azenan ofifi. Ezi gumazim o amizim, gumazamiziba tintinibar uari ko akuir arazim damigh, a uabi uan inivafizim gasighasigham. ¹⁹ Ia ti kamaghin fozir puvati? Ian inivafiziba, da Godin Duamin Dipenimin min iti. God uan Duam isa ia ganigizima, a ian aven iti. Ia uarira uari bagha itir puvati, ia God bagha iti. ²⁰ God ivedir bar ekiamin ia gives. Kamaghin, ia uan inivafiziba isi, God daning an ziam fi.

Pol poroghamir arazim'in akam migei

7

(Sapta 7)

*Pol poroghamibar arazimin azangsiziba
ikarvasi*

¹ Ki datirighin migirigiar ia akinafarimin osiriziba ikarvaghsha. Gumazim o amizim

poroghamim gamizir puvati, a dera. ² Gumazamizir uari bakia akuir arazim, bar ekevima, kamaghin gumaziba bar, vaghvagh amuimin ikiti, amiziba bar, vaghvagh pamin iki. ³ Pamin inivafizim, kar an amuimin bizim, ezi gumazim an anogoroghan kogham. Kamaghira, amuimin inivafizim, kar an pamin bizim, amuim an anogoroghan kogham. ⁴ Amizim uabi, uan inivafizim gativan kogham. Puvati, pam a gatifa. Kamaghira, gumazim uabi, uan inivafizim gativan kogham. Puvati, amuim a gatifa. ⁵ Gua poroghamim, gua akirim ragh uaning gasi uaningen aghuaghauagh, uan inivafizim, uaningen anogoroghan marki. Gua God ko mikimsi, virara ifongegh uaning mikim suam, ga dughiar otevinim uan inivafizim, anogoregham, eghit arazir kam dera. Egh arazir kamin girara, gua ua uaningen porogh. Gua kamaghin damuan koghi, Satan gua gifarsi, gua gakaghonti, gua uan inivafizim agarogem dikabiniva avegh, irigham.

⁶ Akar ki ia mikemezir kam, ki pura ian amamangaris. Ki akar gavgavim ia ganidir puvati. ⁷ Ki kamaghhsua, gumazamiziba bar nan min pura odiaribar iki. God vaghvaghga gavgavim isa, gumazamiziba vaghvaghya me ganingi. Gumazir mam, gavgavir mam iti, ezi gumazir ighazarir mam, gavgavir ighazarir mam iti.

⁸ Gumaziba ko amizir odiarbar itiba, ko amizir men paba ariaghireziba, ki kamaghin migei, me nan min odiarimin ikiti, deraghama. ⁹ Ni uan inivafizimin agarogem dikabinamin gavgavim puvatighiva, ni amuimin iki, o pamin iki. Ni odiarimin ikitima, inivafizir agarogem bar nin ekeveghti, ni gumazamiziba pura tintinibar uari ko akuir arazim bagh bar ikuvigham.

¹⁰ Poroghamiba, ki akar gavgavir kam ia ganidi, kar nan akam puvati, kar Ekiamin akam. A kamakin: Amizim uan pam ataghiraghan kogham. ¹¹ Amizim uan pam ategh, a pura iki. Puvatightima, a uamategh uan pam bagh mangiva a ko navir vamira iki. Eghiti gumazim uaghan uan amuim batoghan marki.

6:13: Ro 14:17; 1 Ko 6:15; 15:19-20; Kl 2:22-23; 1 Te 4:3-7

4:3-7 **6:14:** Ro 6:5; 6:8; 8:11; 1 Ko 15:20; 2 Ko 4:14; Ef 1:19-20

Efesus 1:19-20 **6:15:** Ro 12:5; 1 Ko 12:27; Ef 4:12; 4:16; 5:30

6:16: Stt 2:24; Mt 19:5; Ef 5:31 **6:16:** Jenesis 2:24; Matyu 19:5; Efesus 5:31

6:17: Jon 17:21-23; Rom 8:9-11; Efesus 4:4

1 Tesalonika 4:3; Hibru 13:4 **6:19:** Ro 14:7-8; 1 Ko 3:16; 2 Ko 6:16

6:20: 1 Ko 7:23; Ga 3:13; Fl 1:20; Hi 9:12; 1 Pi 1:18-19

1:18-19 **7:1:** 1 Ko 7:8; 7:26 **7:1:** 1 Korin 7:8; 7:26

7:5: Jol 2:16; Sek 7:3; 1 Te 3:5 **7:5:** Joel 2:16; Sekaraia 7:3; 1 Tesalonika 3:5

7:7: Matyu 19:12; Aposel 26:29; 1 Korin 12:11 **7:9:** 1 Ti 5:14

Malakai 2:14-16 **7:10:** Matyu 5:32; 19:9; Mak 10:11-12; Luk 16:18

6:13: Rom 14:17; 1 Korin 6:15; Kolosi 2:22-23; 1 Tesalonika

6:14: Rom 6:5; 6:8; 8:11; 1 Korin 15:20; 2 Korin 4:14;

6:15: Rom 12:5; 1 Korin 12:27; Efesus 4:12; 4:16; 5:30

6:16: Ro 1:24; 6:12-13; 1 Te 4:3; Hi 13:4 **6:18:** Rom 1:24; 6:12-13;

6:19: Rom 14:7-8; 1 Korin 3:16; 2 Korin 6:16

6:20: 1 Korin 7:23; Galesia 3:13; Filipai 1:20; Hibru 9:12; 1 Pita

7:3: Kis 21:10; 1 Pi 3:7 **7:3:** Ua Me In 21:10; 1 Pita 3:7

7:7: Mt 19:12; Ap 26:29; 1 Ko 12:11

7:10: Mal 2:14-16 **7:10:** Matyu 5:32; 19:9; Mak 10:11-12; Luk 16:18

¹² Ezi, gumazir igharazir maba, ki kamaghin me mikimasa, akar kam Ekiamin akam puvati. Ki ubi kamaghin me migia ghaze, Kraisin adarazir tavin amuim, nighnizir gavgavim Kraisin ikian kogh, egh amizir kam a ko ikisi bar ifongegehti, gumazir kam a batoghan kogham. ¹³ Eghti Kraisin adarazir amizitam pam, nighnizir gavgavim Kraisin ikian kogh, egh gumazir kam a ko ikisi bar ifongegehti, amizir kam anetaghiraghan marki. ¹⁴ Gumazir nighnizir gavgavim Kraisin itir puvatizim, amizir nighnizir gavgavim Kraisin itim ko poroghti, arazir kamin God a damuti, a God baghavira itir gumazimin otogham. Ezi amizir nighnizir gavgavim Kraisin itir puvatizim, gumazir nighnizir gavgavim Kraisin itim ko poroghti, arazir kamin God a damuti, a God baghavira itir amizimin otogham. Me kamaghin amizir puvatizi, men boriba ti Godin damazimin zuezir puvatighai. Ezi datirighin men boriba God baghavira itir boriba.

¹⁵ Ezi nighnizir gavgavim Kraisin itir puvatizitav, nighnizir gavgavim Kraisin itir tav ataghiraghs, a dera. A mar anetakigh. Arazir kam otoghti, pam o amuir nighnizir gavgavim Kraisin itim, datirighin poroghamir arazir kam uam aning ikitiraghian kogham. Aning firiaghiri. Ia fo, God navir amirizimin ikiasi en dia. ¹⁶ Ni amuim, ni manmaghin fogh, uan pamin akuraghtima, a nighnizir gavgavim Kraisin ikiam? Ni kamaghin fozir puvati. Ezi ni pam, ni manmaghin fogh, uan amuimin akuraghtima, a nighnizir gavgavim Kraisin ikiam, o puvatigham? Ni uaghan fozir puvati.

E ikitirimir God e bagha inabazimin moghin ikiam

¹⁷ God vaghvagha e bagha inabazir ikitirimir isa, e ganingi. Kamaghin, e deravira ikitirimir kamin aven daruam. Eghiva e ikitirimir God faragha en diazim, e an ikiva kamaghira daruam. Ki zurara arazir kam siosba bar men sure gami. ¹⁸ Gumazir mam, me an mikarzir mogomemin inim atughti, gin God an diaghti, a uan duar kurim mongan marki. Eghti gumazitam, me an mikarzir mogomemin inim atughan koghti, gin God an diaghti, a uan mikarzir mogomemin inim aghoran marki. ¹⁹ Mikarzir mogomemin inim atuz, o mikarzir

mogomemin inim atuzir puvati, aning pura bizim. Godin Akar Gavgavibar gin zuir arazim, a bizir ekiam. ²⁰ E bar moghira, dughiar God en diazimin, manmaghin itir ikitirimir e faragha an ike, e ikitirimir kamra ikiam. ²¹ Ni ti fomira ingangarir gumazir kinim o ingangarir amizir kinimin itima, God nin dia? Ni bizir kamin osiman marki. Eghti tuavir ni firighirighamin tam ikitima, ni tuavir kamin gin mangi. ²² Gumazim ingangarir gumazir kinimin itima, God an dia, ezi a datirighin Ekiamin gumazimra. An Ekiamin damazimin firiaghirigha, ua ingangarir gumazir kinimin min itir puvati. Kamaghira, gumazim firiaghirigha itima, God an diazi, a datirighin Kraisin ingangarir gumazir kinimin min iti. ²³ God bar iveau ekiamin ia givese, kamaghin, ia gumazamizibar ingangarir gumazamizir kinibar min ikian marki. ²⁴ Nan adarasi, manmaghin itir ikitirimir e an itima, God en dia, eghti ikitirimir kamra e an aven daru God ko porogham.

Pol akam isa odiarir gumazamizibagh anidi

²⁵ Ekiam gumazamizir odiaribar mikimamin akatam na ganingizir puvati. Ezi ki uan nighnizimin gin mangi mikimasa. Ia fo, Godin apangkuvimra na gamizi, ki guzin akam akurir gumazimin oto. ²⁶ Ki dughiar kamin osimtizir ekiabar gara ghaze, ia kamaghira iti moghira ikiti, deragham. ²⁷ Ni amuimin iti, ni anetaghiraghs tuaviba burian marki. Ni odiarimin iti, ni poroghamim damusi nighnighan marki. ²⁸ Ni amimin iki, kar arazir kuram puvati. Ezi amizir igiam pamin iki, kar arazir kuram puvati. Guizbangira gumazamizir poroghamibagh amiziba, nguazimin itir osimtiziba me bativam. Osimtizir kaba, ia bativan ki aghua.

²⁹ Nan adarasi, ki kamaghin ia migei, dughiam bar otefe. Ezi dughiar kamin tugh mangiva, poroghamibagh amizir guaziba, me gumazir amibar itir puvatizi moghin iki. ³⁰ Ezi gumazamizir aziba, me azi puvatizi moghin iki. Eghti gumazamizir bar akongeziba, me akongan marki. Eghti gumazamizir biziibagh iveau, me biziiba puvatizi moghin iki. ³¹ Ezi nguazimin biziiba bagha ingarir gumazamiziba, me biziiba bagh pamtem nighnighan marki. E fo,

7:15: Ro 12:18; 14:19; Hi 12:14 **7:15:** Rom 12:18; 14:19; Hibrus 12:14 **7:16:** 1 Pi 3:1 **7:16:** 1 Pita 3:1 **7:17:** 1 Korin 4:17; 7:20; 7:24 **7:19:** Jo 15:14; Ro 2:25; Ga 5:6; 6:15 **7:19:** Jon 15:14; Rom 2:25; Galesia 5:6; 6:15 **7:22:** Jo 8:36; Ga 5:13; Ef 6:6; Fm 16; 1 Pi 2:16 **7:22:** Jon 8:36; Galesia 5:13; Efesus 6:6; Filemon 1:16; 1 Pita 2:16 **7:23:** 1 Ko 6:20; 1 Pi 1:18-19 **7:23:** 1 Korin 6:20; 1 Pita 1:18-19 **7:25:** 1 Ko 7:6; 7:10; 7:40; 2 Ko 8:8-10; 1 Ti 1:12-13; 1:16 **7:25:** 1 Korin 7:6; 7:10; 7:40; 2 Korin 8:8-10; 1 Timoti 1:12-13; 1:16 **7:28:** 1 Ko 7:38 **7:28:** 1 Korin 7:38 **7:29:** Ro 13:11 **7:29:** Rom 13:11 **7:31:** Sng 39:6; Je 1:10; 4:14; 1 Pi 1:24; 1 Jo 2:17 **7:31:** Onger Akaba 39:6; Jems 1:10; 4:14; 1 Pita 1:24; 1 Jon 2:17

dughiar ruarim puvati, egheti nguazir kam ko an itir biziba bar givagham.

³² Ki kamaghin aghua, nguazir kamin navir osimtziba tintinibar ian nighnizibagh ekuam. Odiarir gumazim, a mighigha Ekiamin bizibagh nighnigha, Ekiamin ifongezir arazibar amuasa. ³³ Ezi poroghamim gamizir gumazim, a mighigha nguazir kamin bizibagh nighnisi. A uan amuim ifongezir arazibar amuasa. ³⁴ Ezi kamaghin nighnizir pumuning a getui. Amizir igiaba ko odiarir amiziba, me mighigha Ekiamin bizibagh nighnisi. Me uan duaba ko inivafiziba bar da isi God daning, egh God baghvira ikiasa. Ezi poroghamim gamizir amizim, a mighigha nguazir kamin bizibagh nighnisi. A uan pam ifongezir arazibar amuasa.

³⁵ Ki ian akuraghti ia deragh ikiasa akar kam gami. Ki ian anogoroghsa nighnizir puvati. Ki kamaghsua, ia zurara arazir aghuibar gin mangi, egh Ekiamin ingangarim damu. Biziba pura tintinimin ian nighnizibagh ekuan ki aghua.

³⁶ Gumazitam kamaghin nighnigh suam, ki amizir igiar me na bagha inabazim, arazir aghuibar a gamir puvati. Egha a bagha nighnigha, uan inivafizimin agorogem dikabinamin gavgavim puvati. Egh a ganti tuaviba ua puvatigham. Kamaghin a uan ifongiamin gin mangi, aning uaningen iki. An arazir kuram gamir puvati. ³⁷ Egheti gumazitam uabin gavgavigh, avighan kogh, uan inivafizimin agorogem dikabiniva, uan nighnizimin suam, ki amizir igiar me na bagha inabazimin ikian kogh, ga pura odiarimningin ikiam, arazir kam dera. ³⁸ Kamaghin, gumazir poroghamim gamizim, an arazir aghuim gami. Ezi gumazir odiarimin itim, bar arazir aghuim gami.*

³⁹ Amizitam pam ikitvira ikiti, amizir kam a ko porogh mamaghira iki. An pam aremeghti, datirighin a firiaghiri. A ua guazitamini ikisi, tavin iki. Egheti a ikiamin gumazim, nighnizir gavgavim Ekiamin iki. ⁴⁰ Ki ubai kamaghin nighnisi, an odiarimin iki, kamaghin a bar akuegham. Ki nighnizi, Godin Duam nan iti, ezi ki akar kabav gei.

- 7:34:** Lu 10:40 **7:34:** Luk 10:40 * **7:38:** Grighin akam ves 36in ghua 38in tuzim, deraghha bigha migeir puvati.
7:39: Ro 7:2-3; 2 Ko 6:14 **7:39:** Rom 7:2-3; 2 Korin 6:14 **7:40:** 1 Ko 7:25; 1 Te 4:8 **7:40:** 1 Korin 7:25;
1 Tesalonika 4:8 **8:1:** Ap 15:20, 15:29; Ro 14:3, 14:10, 14:14; 1 Ko 10:19 **8:1:** Aposel 15:20; 15:29; Rom 14:3;
14:10; 14:14; 1 Korin 10:19 **8:1:** Polin dughiam, nighnizir gavgavim Kraisin itir puvatizir gumazamiziba asiziba isa, marvir guabar dipenibar ghua dav sogha, marvir guabar ofa gami. Egha me gin asizir kaba isa maketin ghua da amadi. Ezi nighnizir gavgavim Kraisin itir darasi, bizir kam bagha Polin azangsisi, me asizir kamaghin amizibar amam, o puvatigham? **8:2:** 1 Ko 13:8-9, 13:12; Ga 6:3; 1 Ti 6:4 **8:2:** 1 Korin 13:8-9; 13:12; Galesia 6:3; 1 Timoti 6:4 **8:3:**
Nah 1:7; Mt 7:23; Ga 4:9 **8:3:** Matyu 7:23; Galesia 4:9 **8:4:** Lo 4:35, 4:39; 6:4; Ais 41:24; 1 Korin 10:19; Galesia 4:8; Efesus 4:6; 1 Timoti 2:5 **8:6:**
1 Ti 2:5 **8:4:** Godin Araziba 4:35; 4:39; 6:4; Aisaya 41:24; 1 Korin 10:19; Galesia 4:8; Efesus 4:6; 1 Timoti 2:5 **8:6:**
Mal 2:10; Jo 1:3; Ap 17:28; Ro 11:36; 1 Ko 12:6; Ef 4:5-6; Fl 2:11 **8:6:** Malakai 2:10; Jon 1:3; Aposel 17:28; Rom 11:36; 1 Korin 12:6; Efesus 4:5-6; Filipai 2:11 **8:7:** Ro 14:14, 14:23; 1 Ko 10:28-29 **8:7:** Rom 14:14; 14:23; 1 Korin 10:28-29
8:8: Ro 14:17 **8:8:** Rom 14:17

Me marvir guabar ofa gamir asiziba, Kraisin adarazi dar amam, o puvati?

8

(Sapta 8-10)

Pol asizir me isa marvir guabar ofa gamibav gei

¹ Ki datirighin asizir me marvir guabar ofa gamua apir arazim mikimasa. Guazamizir maba ghaze, "E bar, fofozim iti." Akar kam guizbangira, fofozir kinim, guazamizibagh amima, me uarira uan ziaba fe. Ezi gumazamizir igharazibagh ifongezir arazim, a gumazamizibagh amima, men nighnizir gavgavir Kraisin itim bar gavgafi.* ² Gumazitam o amizitam suam, a biziba bar dagh fo. Ti puvati, an fofozim apengara iti. ³ Ezi gumazamizir God gi-fongeziba, God bar me gifio.

⁴ Ezi, asizir me marvir guabar ofa gamua apir arazim, ki a mikimasa. E fo, marvir guam, a guizin bizim puvati, a nedazir kinim. Godin aviriba puvati. Godin bar vamira iti. ⁵ Guizbangira, bizir aviriba me "god," dagh arigha, bizir aviriba me "ekiam," dagh arisi. Da guizbangira overriam o nguazim iti, da pura biziba. ⁶ E Godin vamira iti, a God Afeziam. A biziba bar dar mingarim, ezi e an gumazamizibar min iti. Ezi Ekiar vamira iti, a Krais Iesus. A biziba bar dar ingarigha, e gamima, e angamira iti.

⁷ Ezi gumazamizir maba bizir kabagh fofozir puvati. Marazi fomira marvir guabar arazibar gin ghuegha kamaghin amigha, datirighin asizir me apir kaba, me ghaze, kar marvir guabar guizin ofa. Men nighniziba kuiaghirezir puvatigha gavgavizir puvatizi, me asizir kaba apava ghaze, me derazir puvatizir arazim gami. ⁸ Guizbangira, daghem e damighti, e bar Godin boroghira mangan kogham. E daman koghti, bizir kam e damighti, e Godin damazimin ikuvighan kogham. Egh e damiti, bizir kam uaghan e damighti, e Godin damazimin deravira ikian kogham.

⁹ Ia deravira ganigh, kamaghin fogh dagher tizir ia ifongezim, ia pura aneremam. Eghti gumazamizir nighnizir gavavir muziariba itiba, ian arazir ia amir kamin ganiva, uam arazir kuramin aven mangam.

¹⁰ Ni gumazir fofozim itim, ni marvir guabar dipenimin mangi asizibar amiti, gumazamizir nighnizibar kuiaghirezir puvatigha gavgavizir puvatiziba, izi nin ganti, nin arazir kam gavgavim an navim a danighti, me uaghan asizir me marvir guabar ofa gamibar amam. ¹¹ Eghti nin arazir kamin, fofozim gumazamizir nighnizir gavgavir muziarim itiba me gasighasigham. Kar, ian anav, Krais uaghan a bagha areme. ¹² Ia oragh. Kraisin adarasi, men marasi, men nighniziba kuiaghirezir puvatigha gavgavizir puvati. Ezi ia arazir kurar kam me gamua men nighnizir gavgavibagh asighasimi, egha arazir kamin ia mati arazir kuramin Krais gami. ¹³ Kamaghin, dagher manam nan adarazir mav damighti, an arazir kuramin aven mangiti, ki tong uam asizitam ameghan kogham. Ki uan namakam damuti, an arazir kuramin aven mangan, ki aghua.

9

Pol aposelin ingangarimin iveauzim isir puvatigha, bar akonge

¹ Ia nan gan fogh, ki gumazir firiaghizim! Ki guizbangira aposelin mam! Egha ki uabi Jesus en Ekiam, ki an ganigha gifa. Egha ki Ekiamin ingangarim gamima, nan ingangarimin ia gamizima, ia Kraisin adarazir otifi! ² Marazi ghaze, ki aposel puvati. Ezi ia fo, ki aposel. Ia Kraisin adarazir otivigha, a ko poroghav itima, bizir kam kamaghin ian aka, ki guizin Ekiamin aposel.

³ Gumazamizir maba nan araziba tuisigha, akam na gasi. Ezi ki kamaghin ua bagha me ikarvasi. ⁴ Kamaghin ti derazir puvati, e aposelba uan ingangarimin iveauzim dagheba ko dipabar min da iniam? Guizbangira, e da iniam. ⁵ A ti kamaghin derazir puvati, e amuibar ikiva, me ko tuavir saghuiab mangam. Mati aposelin igharaziba, ko Ekiamin aveghbuar

doziba, ko Pita amizi moghin? Are, arazir kam uaghan dera. ⁶ Ga Barnabasra ti, uan ingangarimin iveauzim isir puvatigha, uan ikirimirim bagh dagiar ingangarim damuam, eghti aposelin igharaziba ti puvatigham? Puvati, e bar moghira ingangarimin iveauzim iniam.

⁷ Gumazir manam midorozir gumazim min ingangarim gamua, uabi ua bagha dagheba buri? A guizbangira, da burir puvati. Gumazir manam ua bagha azenim oparigha, an dagheba isir puvati? Puvati, an ada iniam. Gumazir manam sipsipbar gara, egha a uabi dar oteba apir pu? Puvati, an ada api.

⁸ Ia suam, ki ti nguazir kamin gumazamizibar nighnizibar gin ghua migirigiar kam gami. Puvati. Moses Osirizir Araziba uaghan kamaghin mikeme. ⁹ Moses Osirizir Arazibar even a kamaghin mikeme, "Bulmakau raizin iniba tuir dughiamin, ia damisi an anogorogh an akam ikian marki." God ti bulmakaubagh nighnigha migirigiar kam gami, o? Puvati. ¹⁰ An e ginighnigha migirigiar kam gami. Guizbangira, gumazir azenim bagha nguazim abizim, ko gumazir raizin inim amisevim, aning fo, aning fo, uan ingangarimin daghetam iniam. Kamaghin e fo, migirigiar kam, en migirigjam.

¹¹ E Godin Duamin bizir aghuariba ian tongin da opari. Eghti ia inivafizimin akurvazir bizibar en akurvaghti, kamaghin ti deragh? Are, arazir kam dera, e oparizir bizibar dagheba iniam. ¹² Ia igharaz darazir amamangarighthi, me ia da biziba iniam, ia zurara en amamangarighthima, e biziba iniam. Eghti bizir ia e ganidiba, me ganidir bizibagh afiraghama.

Ezi bizir e ia da iniamiba bar, e da isir puvatigha, kamaghin e osimtizir aviriba ateri. E Kraisin Akar Aghuimin tuavim apiran aghuagha, kamaghin e da isir puvati. ¹³ Ia fo, gumazir Godin Dipenimin ingangarim gamiba, me Godin Dipenimin dagheba isi. Ezi gumazir ofa gamir dakozimin ingariba, me gumazamiziba ofa gamir asizir naba isa da api. Ia ti kamaghin fozir puvati? ¹⁴ Kamaghira, Ekiam migirigiar kam e ganingi, gumazamizir Akar Aghuim akuriba, me gumazamizir Akar Aghuim barazibar da-

8:9: Ro 14:13-15, 14:20; Ga 5:13 **8:9:** Rom 14:13-15; 14:20; Galesia 5:13 **8:11:** Ro 14:15-20 **8:11:** Rom 14:15-20
8:13: Ro 14:21, 2 Ko 11:29 **8:13:** Rom 14:21; 2 Korin 11:29 **9:1:** Ap 9:3, 9:15-17, 18:9, 26:16, 1 Ko 15:8, 2 Ko 12:12, 2
 Ga 2:7-8 **9:1:** Aposel 9:3; 9:15-17; 18:9; 26:16; 1 Korin 15:8; 2 Korin 12:12; Galesia 2:7-8 **9:2:** 2 Ko 3:2-3 **9:2:** 2
 Korin 3:2-3 **9:4:** Lu 10:8, 1 Ko 9:13-14 **9:4:** Luk 10:8; 1 Korin 9:13-14 **9:7:** Lo 20:6, 2 Ko 10:4, 1 Ti 1:18, 1 Pi 5:2
9:7: Godin Araziba 20:6; 2 Korin 10:4; 1 Timoti 1:18 **9:9:** Lo 25:4, 1 Ti 5:18 **9:9:** Godin Araziba 25:4; 1 Timoti 5:18 **9:10:** 2 Ti 2:6 **9:10:** 2 Timoti 2:6 **9:11:** Ro 15:27; Ga 6:6 **9:11:** Rom 15:27; Galesia 6:6 **9:12:** Ap 20:33-35, 1 Ko 9:15, 9:18, 13:7, 2 Ko 11:7-9, 11:12 **9:12:** Aposel 20:33-35; 1 Korin 13:7; 2 Korin 11:7-9; 11:12 **9:13:**
 Wkp 6:16, 6:26; Nam 18:8, 18:31, Lo 10:9, 18:1 **9:13:** Ofa Gami 6:16; 6:26; Diboboniba 18:8; 18:31; Godin Araziba 10:9;
 18:1 **9:14:** Mt 10:10, Lu 10:7, Ga 6:6, 1 Ti 5:17 **9:14:** Matyu 10:10; Luk 10:7; Galesia 6:6; 1 Timoti 5:17

farimin, men inivafizimin akurvazir biziba niiam.

¹⁵ Ezi arazir Ekiam damuasa mikemezim, ki uabi a gamir puvati. Egha datirighin uaghan, ki ian bizitam iniasava akar kam osirir pu. Bar puvati. Ki ti aremeghti, ia bizitam na daningam. Arazir ki amim, ki a bagha bar akongezi gumazitam anegivan ki bar aghua. ¹⁶ Ki Akar Aghuim akuniva, uabi uan ziam fi bar akongeghan kogham. Puvati. Akar aghuim akurir ingangarim, kar Ekiam na ganingizir ingangarim. Ki Akar Aghuim akunan kogh bar ikuvigham.

¹⁷ Ki uabi uan ifongiamin gin mangi ingangarir kam damuva, ki an iveauzim iniam. Puvati. Ekiam ingangarir kam na ganingizi, ki a gami. ¹⁸ Kamaghin, ki iveauzir manam iniam? Ki Akar Aghuim akura iniasava amir biziba, ki da isir puvati. Ki pura Akar Aghuim gumazamizibav kinasa, bar akonge. Ezi bar akongezir arazir ki isir kam, a mati nan iveauzimra.

Pol gumazamiziba bar men ingangarir gumazimin min iti

¹⁹ Ki firiaghiringha iti, egha gumazitam iningangarir gumazimin itir puvati. Egha ki uan ifongiamin gumazamiziba bar men ingangarir gumazimin min oto. Ki gumazamizir avirim uam me inigh, Kraisin adarazir aven izasa. Kamaghin, ki men ingangarir gumazim min iti. ²⁰ Ki Judaba ko itir dughiamin, ki me iniasa, kamaghin ki Judan Arazibar gin zui. Ki uabi Moses Osirizir Arazibar apengan itir puvati. Ki Moses Osirizir Arazibar apengan iti darasi ki me iniasa, kamaghin ki men damazimin, Moses Osirizir Arazibar apengan itir gumazimin min iti. ²¹ Kamaghira, ki Kantrin Igharazibar Gumazamiziba iniasa. Kamaghin, ki me ko ikia, mati Kantrin Igharazibar Gumazimin min iti. Egha ki kamaghin amua, Godin arazim ataghizir puvati. Guizbangira, ki Kraisin arazimin apengan ikiavira iti. ²² Ki gumazamizir nighnizir

gavgavir muziariba itiba, me iniasa. Kamaghin, ki men damazibar, ki gavgaviba puvatizir gumazimin min iti. Ki gumazamizir guar aviriba, men tarazi iniasa, tuvir aviriba buri. Kamaghin ki pura tintiminum gumazamiziba bar men arazibar min zui. ²³ Ki fo, Ekiam gin bizar aghuiba isi, gumazamizir nighnizir gavgavim Akar Aghuimin itiba, me daningam. Ki kamaghisa, ki uaghan bizar aghuir kataba me ko da iniam. Bizar kam bagha, ki Iesusin Akar Aghuim damutti a gavgavasa, kamaghin ki ingangarir kabagh ami.

E pamtem ivemari ivezim iniam

²⁴ Gumazir ivemariba, me bar ivemara, vamira iveauzim isi. Ia ti kamaghin fozir puvati? Ia uaghan pamtem ivemar egh iveauzim iniam. ²⁵ Eghit gumazitam ivemarimin faragh otoghsi, inivafizimin ifongiam dikabiragh, iveauzim inisi pamten ingar. Ivezir a isir kam, a zurara ikian kogham. Ivezir e iniasa amim, a zurara ikiam. ²⁶ Kamaghin, ki mati gumazim pamtem ivemara tintiminum garir puvatizim. Egha mati misozir gumazim deragha misogha, pura agharim akurir puvatizim. ²⁷ Puvati. Ki uan inivafizim misogha a dikabirima, a nan apengan iti. Ki kamaghin aghua, ki Akar Aghuim gumazamizir igharazibav kimiva, gin iveauzim inighan kogham.

10

Ia uaribagh gan, ia ifavariba ko osimtiziba bangin iran marki

¹ Nan adarasi, ia kamaghin foghosa ki ifonge. Mosesin dughiamin, en ovaviba bar ghuarier God tuavimin men akakazimin apengan iti. Ezi me bar deravira Ongarir Aghevim abigha ghue. ² Egha me bar ghuarium ko ongarimin rurim ini, ezi rurir kam me gamizima, me Mosesin gin aruir gumazamizibar otifi. ³ Egha me bar moghira dagher God me ganingiziba ame. ⁴ Egha me bar moghira dipar God me

- 9:15:** Ap 18:3, 20:34, 2 Ko 11:10, 1 Te 2:9 **9:15:** Aposel 18:3; 20:34; 2 Korin 11:10; 1 Tesalonika 2:9 **9:16:** Jer 20:9
9:16: Jeremaja 20:9 **9:17:** 1 Ko 3:8, 3:14, 4:1, Ga 2:7, Kl 1:25 **9:17:** 1 Korin 3:8; 3:14; 4:1; Galesia 2:7; Kolosi 1:25 **9:18:** 1 Ko 7:31, 10:33, 2 Ko 4:5 **9:18:** 1 Korin 10:33; 2 Korin 4:5 **9:19:** Mt 18:15, 20:26-27, Ga 5:13, 1 Pi 3:1 **9:19:** Matyu 20:26-27; Galesia 5:13; 1 Pita 3:1 **9:20:** Ap 16:3, 18:18, 21:20-26 **9:20:** Aposel 16:3; 18:18; 21:20-26 **9:21:** Ro 2:12-14, 1 Ko 7:22, Ga 2:3, 3:2, 5:13 **9:21:** Rom 2:12-14; Galesia 2:3; 3:2; 5:13 **9:22:** Ro 11:14, 15:1, 1 Ko 10:33, 2 Ko 11:29 **9:22:** Rom 11:14; 15:1; 1 Korin 10:33; 2 Korin 11:29 **9:24:** Ga 5:7, Fl 2:16, 3:14, 2 Ti 4:7, Hi 12:1 **9:24:** Galesia 5:7; Filipai 3:14; 2 Timoti 4:7; Hibru 12:1 **9:25:** Ef 6:12, Fl 3:14, 2 Ti 2:4-5, 4:8, Je 1:12, 1 Pi 1:4, 5:4, MAA 2:10 **9:25:** Efesus 6:12; Filipai 3:14; 2 Timoti 2:4-5, 4:8; Jems 1:12; 1 Pita 1:4; 5:4; Akar Mogomem 2:10 **9:27:** Ro 6:18-19, 8:13, 13:14, 2 Ko 13:5-6, Kl 3:5 **9:27:** Rom 6:18-19; 8:13; 13:14; 2 Korin 13:5-6; Kolosi 3:5 **10:1:** Kis 13:21-22, 14:22-29, Nam 9:18, Neh 9:12, Sng 78:13 **10:1:** Ua Me In 13:21-22; 14:22-29; Diboboniba 9:18; Nehemia 9:12; Onger Akaba 78:13 **10:3:** Kis 16:35, Neh 9:15, 9:20, Sng 78:24 **10:3:** Ua Me In 16:35; Nehemia 9:15; 9:20; Onger Akaba 78:24 **10:4:** Sng 78:15 **10:4:** Onger Akaba 78:15 * **10:4:** Akinafarir Mosesin ingangarimin gun migeiba, da migirigiar otevir pumuning iti, aning Israelia dipam dagiamin a inizir arazim geghari. Mam, Ua Me In 17:1-7in iti, ezi mam Diboboniba 21:1-13in iti. Judabar marazi ghaze, migirigiar otevir kamning dagiar vamiram eghari. Dagiar kam Israelian gin danganir me aruiba bar dagh arui.

ganizingiziba ame. God dagiar me ko aruim gamizima, dipam an ikegha otivaghirma, me aneme. Ezi dagiar kam, a Krais uabi.*
5 Ezi God gumazamizir kabar aviriba, men arazibagh ifongezir puvati. Kamaghin, God me misuagharrigha, men kuaba tintinimin danganir dipaba puvatizimin pura da kavamang.

6 Ezi arazir me amizir kaba, da mati ababaniba, e dar ganigh ua men min bizar kuraba bagh naviba dikavan kogham. 7 Mati me marazi amizi moghin, ia marvir guabar ziaba fan marki. Godin Akinafarim kamaghin migei, "Me apiagha dagheba ko dipaba amegha, gin dikavigha ghua ighiar kurabagh ami." 8 Mati men marazi amizi moghin, e gumazamiziba uari bakiava akuir arazim damuan kogham. Ia fo, dughiar vamiran, men 23,000pla gumazamiziba ariaghire. 9 Mati men marazi amizi, kuruzir kuraba me givima me ariaghirezi moghin, e Krais bizitam damusi a gakaghanon kogham. 10 Mati men marazi amizi, Ovevemin Ensel iza me misoghezi me ariaghirezi moghin, Ia God gimonan marki.

11 Bizar me batozir kabanang, da mati ababaniba, ehti gumazir igharaziba dar ganam. God kamaghin ifonge, da nighnizim e datirighin itir gumazamizibar anighti, e deraghvira uari bagh ganam. Kamaghin, gumazamiziba fomira eghaghanir kaba Godin Akinafarimin e bagha da osiri. Dughiar e itir kam, kar nguazim givamim dughiar abuananam.

12 Kamaghin, gumazitam o amizitam suam, ki tughha gavgafi, a deragh gan, egh iran marki. 13 Osimtzir ia bativiba, da osimtzir kabanangira, gumazamiziba bar me batifi. Ezi God uan akar dikirizim gin ghua, osimtzir ian gavgavibagh afirazi tam ateghti, a ia batoghan kogham. Osimtzira ia bativti, God ian akuraghsu tuavim damigham. Tuavir kam kamakin: a ia

damighti, ia tuivigh gavgavigham, ehti osimtzir kam ia abiraghan kogham.

E God ko marvir guam virara aningin ziaba fan kogham

14 Kamaghin, nan namakaba, ia marvir guabar ziaba fer arazimin saghon iki. 15 Ia fofoziba iti, kamaghin ki ia migei. Ia uari nan akaba tuisigh. 16 Kavin kam Godin bizar aghuiba an itima, e a bagha God minabi. E an wainin dipam apir dughiamin an e gamima, e bar moghira uari inigha Kraisin ghuzimin pos. Ezi bretin e bizar kam, e anepir dughiamin, an e gamima, e bar moghira uari inigha Kraisin inivafizimin pos. 17 Bretin rubuzir vamira iti, ezi e bar moghira uari inigha bretin rubuzir kamnaghiram apa, kamaghin e gumazamizir aviriba, e inivafizir vamira iti.

18 Ia Israelian arazim ginighnigh. Me ofa gamir dakozim gisin tuezir asizira apir dughiamin, me uari inigha ofa God ganidi.†

19-20 Ki kamaghin migeir puvati, asizir me isa ofan min marvir guabagh anidiba, da bizar ekiam, o marvir guaba da bizar ekiba. Puvati, da pura biziwa. Guizbangira, ki kamaghin migei, Godin ziam fer puvatizir darazi ofa gamir biziwa, me da isa asebagh anidi. Me God bagha ofa gamir puvati. Egh ia uari inigh aseba ko poghan, ki aghua. 21 Ia Ekiamin kap ko asebar kap viraram aningen daman marki. Egh ia Ekiamin dagher dakozim ko asebar dagher dakozim viraram aningen daman marki.

22 E ti Ekiam damighti, an navim ikuivigham o? En gavgavim ekevegha, Ekiamin gavgavim gafiras? Bar puvati!

E zurara Godin ziam fam

23 Marazi ghaze, "God en amaman-garigha ghaze, e biziwa bar dar amuam." Ezi e amir bizar maba deravira en akurvazir puvati. Marazi ghaze, "God en amaman-garigha ghaze, e biziwa bar dar amuam." Ezi e amir bizar maba, e Kraisin adarasi, da gavgavim e ganidir puvati. 24 E uarira uarir

10:5: Nam 14:16, 14:29-30, Sng 106:26, Hi 3:17, Ju 5:17; Jut 1:5

10:6: Nam 11:4, 11:34, Sng 106:14, 1 Ko 10:11

1 Korin 10:11 **10:7:** Kis 32:6, 1 Ko 10:14

MAA 2:14 **10:8:** Diboboniba 25:1-18; Onger Akaba 106:29;

Lo 6:16 **10:9:** Ua Me In 17:21; 17:7; Diboboniba 21:5-6; Godin Araziba 6:16

16:41-49, 1 Sto 21:15, Hi 3:11, 3:17

10:10: Ua Me In 16:2; Diboboniba 14:2; 14:29; 14:37; 16:41-49; 1 Eghaghaniba

21:15; Hibru 3:11; 3:17

10:11: Ro 15:4, 1 Ko 10:6, Fl 4:5, Hi 10:25, 10:37, 1 Pi 4:7, 1 Jo 2:18

Korin 10:6; Filipai 4:5; Hibru 10:25; 10:37; 1 Pita 4:7; 1 Jon 2:18

29:11; 1 Korin 1:9; 2 Pita 2:9

10:14: 2 Ko 6:17, 1 Jo 5:21

14:22-24, Lu 22:19-20, Ap 2:42, 2:46

10:16: Matyu 26:26-28; Mak 14:22-24; Luk 22:19-20; Aposel 2:42; 2:46

Ro 12:5, 1 Ko 12:27, Ef 4:16

10:17: Rom 12:5; 1 Korin 12:27; Efesus 4:16

7:6; 7:15

10:18: Grighin akamin, vezin kam deragha migirigiam a bighizir puvati.

32:17; Onger Akaba 106:37; 1 Korin 8:4; Akar Mogomem 9:20

32:38; 2 Korin 6:15-16

10:22: Lo 32:21, Ese 22:14

10:22: Godin Araziba 32:21; Esekiel 22:14

10:23: 1 Korin 6:12

10:24: Ro 15:1-2, 1 Ko 13:5, Fl 2:4, 2:21

10:5: Diboboniba 14:16; 14:29-30; Onger Akaba 106:26; Hibru

10:6: Diboboniba 11:4; 11:34; Onger Akaba 106:14;

10:8: Nam 25:1-18, Sng 106:29,

10:9: Kis 17:2, 17:7, Nam 21:5-6,

10:10: Kis 16:2, Nam 14:2, 14:29, 14:37,

10:11: Rom 15:4; 1

10:13: Jer 29:11, 1 Ko 1:9, 2 Pi 2:9

10:14: 2 Korin 6:17; 1 Jon 5:21

10:16: Mt 26:26-28, Mk

10:17: Rom 15:1-2; 1 Korin 13:5; Filipai 2:4; 2:21

akurvaghisi, nighnighan kogham. Puvati, e igharaz darazir akurvaghisi nighnigham.

25 Asizir me maketin amadiba, ia dar ami. Egh navir averiamin nighnizir aviribar amu, tintinimin azangsighan marki suam, a dera o a ikufi. Puvati.[‡] **26** E fo, Godin Akinafarim ghaze, “Nguazir kam ko an itir biziha bar, da bar moghira Ekiamin biziha.”

27 Eghti gumazamizir nighnizir gavgavim Iesusin itir puvatizita, ia ko damisi ia mikimi, ia ifongegh, me ko mangi. Dagher manam me ia danighti, ia pura aneremi. Ni navir averiamin nighnizir aviribar amu, pura tintinimin azangsighan marki suam, dagher kam deras, o a ikufi. **28** Eghti tav ia mikim suam, “Dagher kaba, me da isa, marvir guabar ofa gami.” Eghti ia gumazim o amizir ia mikemezim bagh nighnigh, daman marki. Ia pazi damuan marki. **29** Ia paza uarir amusa, ki ia migeir puvati. Ki gumazir igharazir kamin migei, a ua suam, ia pazav ami.

Eghti tav kamaghin azangsigham, tizim bagh ki gumazamizir igharazibar nighnizimin gin mangiva, bizar ki damuamim, ki a damuan kogham?[§] **30** Ki God minabagh damiti, gumazamizir igharaziba tizim bagh migirigiar kurabar nan dagher ki God minabazir kabav kimam?

31 Kamaghin, ia dagheba api, o ia dipaba api, o ia bizar igharazibagh ami, ia ziar ekiam God daningisi, bizar kaba bar dar amu. **32** Ia Judaba ko Kantrin Igharazibar Gumazamiziba ko Kraisin adarazigh nighnighiva, egh me damuti, me arazir kurrain iran marki. **33** Egh ki amir arazibara, ia dar gin mangi. Ki kamagh sua, God gumazamiziba bar men akurvaghaha. Kamaghin, ki amir arazibar, me damighti, me dagh ifuegham. Ki ubi uabin akurvaghaha amir puvati, ki gumazamizir igharazibar akurvaghahasava ami.

11

¹ Mati ki Kraisin arazibar gin zui moghin,

[‡] **10:25:** Dughiar mabar me asiziba marvir guabar ofa gamua, egha gin da isa ghua maketin da amadi. Ezi Pol kamaghin migei, Kraisin adarazi maketin iveauzir asizibagh nighnigh osiman marki, egh suam, me dar amegh, paza damigham. Puvati. Me dar amam. **10:26:** Kis 19:5; Lo 10:14; Sng 24:1 **10:26:** Ua Me In 19:5; Godin Araziba 10:14; Onger Akaba 24:1 **10:27:** Lu 10:8 **10:27:** Luk 10:8 **10:28:** 1 Ko 8:7 **10:28:** 1 Korin 8:7 **10:29:** Ro 14:16

10:29: Rom 14:16 [§] **10:29:** Grighin akam vezin kamin migirigiam derivira anebighizir puvati. **10:30:** Ro 14:6,

1 Ti 4:3-4 **10:30:** Rom 14:6; 1 Timoti 4:3-4 **10:31:** Kl 3:17; 1 Pi 4:11 **10:31:** Kolosi 3:17; 1 Pita 4:11 **10:32:**

Ro 14:13; 1 Ko 8:13; 2 Ko 6:3; 1 Ti 3:5 **10:32:** Rom 14:13; 1 Korin 8:13; 2 Korin 6:3; 1 Timoti 3:5 **10:33:** Ro 15:2; 1 Ko

9:20-22, 10:24 **10:33:** Rom 15:2; 1 Korin 9:20-22; 10:24 **11:1:** 1 Ko 4:16; Ef 5:1; Fl 3:17; 2 Te 3:9 **11:1:** 1 Korin

4:16; Efesus 5:1; Filipai 3:17; 2 Tesalonika 3:9 **11:3:** Stt 3:16; 1 Ko 3:23; 15:27-28; Ef 5:23; 1 Pi 3:1; 3:5-6 **11:3:** Jenesis

3:16; 1 Korin 3:23; 15:27-28; Efesus 5:23; 1 Pita 3:1; 3:5-6 **11:7:** Stt 1:26-27; Je 3:9 **11:7:** Jenesis 1:26-27; Jems 3:9

11:8: 1 Ti 2:13 **11:8:** 1 Timoti 2:13 **11:8:** Jenesis 2:18-23 **11:10:** Grighin akam vezin kamin derivira bigha migeir puvati. Gumazir maba kamaghin nighnisi, Pol ghaze, amiziba uan dapaniba aver puvatigha, Godin akam azenim garisi, ezi arazir kam mati me gumaziba ziar ekiam me ganidi. Kamaghin me uan dapaniba aviti, me bar fogh suam, amiziba gavgavim ikia uari uan dapanibagh ativa Godin ingangarim gami.

ia nan arazibar gin mangi.

Pol Godin Duam anidir bizar aghuiba ko Godin ziam fer arazir aghuibav gei

(Sapta 11-14)

Pol dapaniba aver arazimin migei

2 Ia zurara na ginighnigh migirigiar ki ia ganidiba, pamtem dar swisi. Kamaghin, ki ghaze, ia arazir bar aghuim gami.

3 Egha ki kamaghhsua, ia uaghan migirigiar igharazir mam gifogh, a kamakin: Krais, a gumaziba bar men dapanim, ezi pam uan amuimin dapanim, ezi God Kraisin dapanim. **4** Ezi gumazim uan dapanim avaragha God ko migei, o Godin akam azenim darigh, gumazir kam uan dapanim Krais, aghumsizim a ganidi.

5 Ezi amizitam uan dapanim avaraghan koghiva, God ko mikimam, o Godin akam azenim darighiva, a uaghan uan pam, aghumsizim a daniengam. Amizir kamaghin anim, amizir bar uan dapanim gisezim ko, aning uaghara aghumsizim anidi. **6** Eghti amizim uan dapanim avaraghan koghiva, a uan dapanarizim apirighti an otefegh. A uan dapanarizim apir, o bar a gisan aghumsigh, egh a uan dapanim avaragh.

7 Gumazim Godin nedazimin min ikia, Godin ziar ekiam akakasi, kamaghin a uan dapanim avan marki. Ezi amizim, uan pamini ziar ekiam akakasi.

8 God amizimin inivafizimin gumazimin ingarizir puvati. A gumazimin inivafizimin amizimin ingari. **9** Egha God amizimin akurvaghaha nighnigha, gumazimin ingarizir puvati. A gumazimin akurvaghaha nighnigha, amizimin ingari. **10** Egh enselba amizir kamin gansi, amizir kam uan dapanim avaraghti, e bar fogh suam, a gavgavim ikia uabi uan dapanim gativa Godin ingangarim gami.*

11 E datirighin Ekiam ko porogha fo, amiziba uari baghvira itir puvati, ezi gumaziba uari baghvira itir pu. Puvati. Amizim gumazimin akurvazim, ezi gumazim

amizimin akurvazim. ¹² Faraghavira God gumazimin inivafizimin amizimin ingari. Kamaghira, datirighin gumazim amizimin inivafizimin otifi. Ezi God uabi, biziba bar dar mingarim.

¹³ Ia uari akar kam tuisigh, amizim uan dapanim avaraghan kogh, God ko mikimti, arazir kam dera? ¹⁴ Nguazir kamin gumazamizibar arazim, kamaghin en aka, gumazimin dapanarizim ruaraghti, kamaghin deraghan kogham. ¹⁵ Eghiti amizimin dapanarizim ruaraghti, kar an adiarir aghuarim, egha gumazamizibar damazimin ziar ekiam a ganidi. Guizbangira, God dapanarizir ruarim an dapanim avasa a ganungi.

¹⁶ Eghiti gumazitam o amizitam nan migirigiar kaba adoghs, a deravira kamaghin fogh, e arazir igharazitarbar gin zuir puvati, ezi Godin siosba uaghan arazir igharaziba itir puvati.

*Korinba Ekiam Ginighnizir Isam
Dughiam, arazir aghuim gamir puvati*

¹⁷ Ki datirighin arazitarbar ia mikemeghtima, ia dar gin mangam. Ki gari, dughiar ia uari akvu Godin ziam fem, arazir aghuim otivir pu. Puvati, arazir ia amim, mong derazir puvati. Kamaghin, bizar ki ia mikimamim, ki ia fe moghin migirigiatam damuan kogham. ¹⁸ Ki faraghavira kamaghin ia mikimam, ki orazi, dughiar ia Godin ziam fasa uari akuviba, ia uari abigha uari ados. Ezi ki mong nighnizir gavgavim migirigiar kamin iti. ¹⁹ (Ki kamaghin fo, ia uari abigh, deravira foghasa, ian gumazamizir manaba guizin God ifongezir arazibar gin zui.) ²⁰ Egha ia Godin ziam fasa uari akuvir dughiam, ia ghaze, ia Ekiam Ginighnizir Isam api. Egha ia guizbangira anepir puvati. ²¹ Ia damasava amigha, ian marazi vaghvagh faraghavira uari bagha dagheba isa da api. Ezi kamaghin marazi mitiriaba sara itima, marazi pamtemen dipar organiba apava ongani. ²² Manmaghin ami? Ia ti dagheba ko dipaba apir dipeniba puvati? Ia ti ghaze, Godin sios, a pura bizim? Egha ia izava dagheba puvatizir aveghbuabagh amima, me aghumsisi. Ki manmaghin ia mikimam? Ki ti ia amir arazim bagh ian ziam fiti, ia bar akongegham? Puvati. Bizar kam bagha, ki ian ziam famin akar aghuitamin ia mikiman kogham. Bar puvati.

11:18: 1 Ko 1:10-12, 3:3

11:18: 1 Korin 1:10-12; 3:3

Jon 2:19

11:22: Je 2:5-6

11:22: Jems 2:5-6

Luk 22:19

11:25: Kis 24:6-8, Jer 31:31-34, Sek 9:11, Hi 8:8-13

Sekarao 9:11; Hibrus 8:13

11:26: Jo 14:3, Ap 1:11, 1 Te 4:16, MAA 1:7

4:16; Akar Mogomem 1:7

11:27: Nam 9:10, 9:13, Jo 6:51, 6:63-64, Hi 10:29

6:63-64; Hibrus 10:29

11:28: Mt 26:22, 2 Ko 13:5, Ga 6:4

Sng 33:5, 1 Jo 1:9

11:31: 1 Jon 1:9

12:5-6; 12:11

11:19: Lo 13:3, 1 Jo 2:19

11:19: Godin Araziba 13:3; 1

Maty 26:26; Luk 22:19

11:23: Maty 26:26; Mak

14:22; Luk 22:19

11:23: Mt 26:26, Mk 14:22, Lu 22:19

Sekarao 9:11; Hibrus 8:13

11:25: Ua Me In 24:6-8; Jeremaoia 31:31-34;

4:16; Akar Mogomem 1:7

11:26: Jon 14:3; Apostol 1:11; 1 Tesalonika

6:63-64; Hibrus 10:29

11:27: Diboboniba 9:10; 9:13; Jon 6:51;

6:63-64; Hibrus 10:29

11:28: Maty 26:22; 2 Korin 13:5; Galesia 6:4

Sng 33:5, 1 Jo 1:9

11:32: Onger Akaba 94:12-13; Hibrus

12:5-6; 12:11

11:32: Onger Akaba 94:12-13; Hibrus

Ekiam Iesus bret ko wainin dipam aposelbagh aningi

(*Maty 26:26-29; Mak 14:22-25; Luk 22:14-20*)

²³ Akar ki ia mikemezim, kar Ekiamra na ganingi. Akar kam kamakin: Dimagarir Judas Ekiam Jesus isava apanibar agharim gatizimin, Jesus bret inigha, ²⁴ God minabagh a nebigha ghaze, “Kar nan inivafizim, ki ian akurvaghaha anenidi. Ia kamaghin damuva, na ginighnigh.” ²⁵ Me amegha givazi, a wain apir kap inigha, kamaghiram ami. A kamaghin migei, “Wain apir kavin kam, an Akar Dikirizir Gavgavir Igiam, ki uan ghuzimin a gamua gavgavim a ganidi. Ia anemamin dughamin, ia anemiva na ginighnigh.” ²⁶ Jesusin akar kam kamaghin en aka, zurara dughiabar ia pretin kam, ko wainin kavin kam amiva, ia Ekiamin ovevemin gun mikim, mangi dughiar a uamategh izamimin tugham.

*E deravira uan naviba tuisighiva Ekiam
Ginighnizir Isam amam*

²⁷ Eghiti tina Ekiamin bret o an wainin kavin apir dughamin, an arazir aghuitam damuan kogh, kamaghin an arazir kurabar Ekiamin ghuzim ko inivafizim gami. ²⁸ Gumazamiziba faragh deraghvira uan naviba tuisigh, egh bretin kam ko wainin kavin kamin dami. ²⁹ Kamaghin tina Ekiamin inivafizimin mingarim gifoghan koghiva, bret ko wainin kavin damiva, a ubi pazi ubi damuti, God ivezir kuram a daningam. ³⁰ Bizar kam baghavira gumazamizir ian tongin itir aviriba gavgavim puvatigha, ariava egha marazi ariaghire. ³¹ Ezi e deravira uari uan naviba tuisigh damiva, egh e osimtzibah inian kogham. ³² Ekiam kamaghin ifonge, e nguazimin itir gumazamiziba ko ovengan kogham. Egha kamaghin a en arazir kuraba akirasa osimtzibah e ganidi.

³³ Kamaghin amizi, nan adarasi, dughiar ia Ekiam Ginighnizir Isam amasa uari akuvamimin, ia igharaz adaraziv zuam.

³⁴ Ian tav mitiriab a aghitima, a uan dipenimin damegh. Kamaghin ia uari akuvir dughiamin, God ivezir kuram ia daningan kogham. Migirigiar maba ikiavira iti, ki izi ian ganamin dughamin, dar kiram.

12

*Pol Godin Duam aningizir bizir aghuir
guar aviribag gei*

1 Nan adarasi, ki datirighin deravira Godin Duam aningizir bizir aghuibar ia mikimasa. 2 Ia kamaghin fo, ia fomira Kraisin adarazir otivizir puvatizir dughiamin, biziba tintinimin ia getuima, ia migeir puvatizir marvir guar kaba pura dar gin zui. 3 Kamaghin, ia kamaghin foghasa ki ifonge. Godin Duam gumazitamın ikitim a kamaghin mikemeghan kogham, "Jesus, a ikufigh." Ezi uaghan Godin Duam puvatizir gumazitam kamaghin mikemeghan kogham, "Jesus, an Ekiam."

4 Godin Duam bizir aghuir guar aviribagh ami, Duar kamra ada nidi. 5 God bagha ingarir tuavir guar aviriba iti, ezi e Ekiar kamra bagha ingari. 6 Ingangarim gamir arazarazir aviriba iti, ezi Godin vamirara gavgavim ko fofozim bar gumazamizibagh anidima, me ingangarir kabagh ami.

7 Godin Duam gumazamiziba vaghvagh men aven uan ingangarim akakasi, egh tuavir kamin a gumazamiziba bar men akurvaghram. 8 Gumazamizibar tav, Godin Duam akar nighnizir aghuibat itim mikimasa gavgavim a ganidi. Egha gumazamizir igharaziba, Duar kamra akar fofozim bar izivazim mikimasa gavgavim a ganidi. 9 Duar kamra, nighnizir gavgavim ikiasi gavgavim gumazir mam ganidi. Egha Duar kamra, arimariar gumazamiziba amuti, me ghuamaghamin gavgavim gumazamizir igharazibagh anidi. 10 Egha igharazitav, a mirakelbagh amir gavgavim a ganidi. Egha igharazitav, a Godin otivir akabar gun migeir gavgavim a ganidi. Egha igharazitav, a duaba tuisighamin gavgavim a ganidi. Egha igharazitav, Godin Duamin otivir mizer guar aviribav kimamin gavgavim a ganidi. Egha igharazitav, a mizer kabagh ighavkinamin gavgavim a ganidi. 11 Duar vamira, anarira bizar kaba bar dagh ami. U abi ifongezi moghin, bizir aghuarir mam isa gumazamizir mabagh aniga, ua bizir igharazir aghuir mam isa, gumazamizir igharazibagh anidi.

*E bar moghira, e mati inivafizir vamiran
akuuba*

12 Gumazamiziba vaghvagh inivafizir vamira, egha akuar aviriba iti. Ezi akuar avirib kaba, inivafizir vamiran poro. Ezi Kraisin sios uaghan kamaghira. 13 Duar vamira bar moghira e ruezi, e inivafizir vamiran min iti. E Judaba ko Kantrin Igharazibar Gumazamiziba, ko ingangarir gumazamizir kiniba ko firiaghirezir gumazamiziba, Godin Duam bar moghira e gamizi, mati gumazamizir aviriba uari inigha dipar itarir vamiran api moghin, e uari inigha Godin Duam ko poro.

14 E fo, inivafizim an akuar vamira puvati, an akuar aviriba iti. 15 Eghti suem suam, "Ki dafarim puvati, egha ki inivafizim an akuar mam pu," puvati, suem a inivafizim an akuar mam. 16 Eghti kuarim suam, "Ki damazim puvati, egha ki inivafizim an akuar mam pu," puvati, kuarim a inivafizim an akuar mam. 17 Eghti inivafizim bar moghira damazimra, a manmaghin oraghram? Egh inivafizim bar moghira kuarimra, a manmaghin bizibar mughuriabar amuam? 18 Ezi guizin inivafizim kamaghin puvati. God an akuba uabi ifongezi moghin, vaghavagh bar da isa an poke. 19 Inivafizim an akuar vamira ikiva, kamaghin a guizin inivafizim puvati. 20 Ezi inivafizim a kamaghin puvati. Inivafizim akuar aviriba ikiva, bar inivafizir vamiran poke.

21 Eghti damazim kamaghin dafarim mikiman kogham, "Ni ikian koghti, ki uabira deravira ikiam." Eghti dapanim uaghan kamaghin suem mikiman kogham, "Ni ikian koghti, ki uabira deravira ikiam."

22 Puvati. Inivafizim an akuar maba, e dav gia ghaze, da gavgaviba puvatigha pura biziiba, eghti da ikian koghti, inivafizim deraghvira ikian kogham. Bar puvatigham. 23 Egha inivafizim an akuar maba, e dav gia ghaze, da derazir puvati. Egha e bar deravira da asi. Egha inivafizim an akuar e aghumsiziba, e bar deravira da ave. 24 Egha inivafizir an akuar igharaziba, e da ave puvatizi, da pura iti. God bar deravira inivafizim an akubar ingarizi da bar uari akufa. Egha kamaghin inivafizir an akuar ziaba puvatizibagh amizi, da uaghan ziar

-
- 12:2:** Sng 115:5-7; Hab 2:18-19, 1 Ko 6:11, Ef 2:11-12, 1 Pi 4:3 **12:2:** Onger Akaba 115:5-7; Habakuk 2:18-19; Efesus 2:11-12; 1 Pita 4:3 **12:3:** Mt 16:17, Mk 9:39, 2 Ko 3:5, 1 Jo 4:2-3 **12:3:** Matyu 16:17; Mak 9:39; 2 Korin 3:5; 1 Jon 4:2-3
12:4: Ef 4:4, Hi 2:4, 1 Pi 4:10 **12:4:** Efesus 4:4; Hibr 2:4; 1 Pita 4:10 **12:4:** Rom 12:6-8 **12:5:** Ro 12:6-8, Ef 4:11 **12:5:** Rom 12:6-8; Efesus 4:11 **12:7:** 1 Ko 14:26, Ef 4:7, 1 Pi 4:10-11 **12:7:** 1 Korin 14:26; Efesus 4:7; 1 Pita 4:10-11 **12:8:** Ko 13:2, 2 Ko 8:7 **12:8:** 1 Korin 13:2; 2 Korin 8:7 **12:9:** Mt 17:19-20, 1 Ko 13:2, 2 Ko 4:13; Je 5:14 **12:9:** Matyu 17:19-20; 1 Korin 13:2; 2 Korin 4:13; Jems 5:14 **12:10:** Ap 2:4, Ro 12:6, 1 Ko 14:5, 14:29, 1 Jo 4:1
12:10: Apostol 2:4; Rom 12:6; 1 Korin 14:5; 14:29; 1 Jon 4:1 **12:11:** Ro 12:4-8, 1 Ko 7:7, 2 Ko 10:13, Hi 2:4 **12:11:** Rom 12:4-8; 1 Korin 7:7; 2 Korin 10:13; Hibr 2:4 **12:12:** Ro 12:4-5, 1 Ko 10:17, Ga 3:16, Ef 4:4, 4:16 **12:12:** Rom 12:4-5; 1 Korin 10:17; Galesia 3:16; Efesus 4:4; 4:16 **12:13:** Jo 6:63, Ro 6:5, Ga 3:28, Kl 3:11 **12:13:** Jon 6:63; Rom 6:5; Galesia 3:28; Kolosi 3:11 **12:18:** Ro 12:3, 1 Ko 3:5, 12:11, 12:28 **12:18:** Rom 12:3; 1 Korin 3:5; 12:11; 12:28

ekiaba iti. ²⁵ God kamaghin ifonge, inivafiziminaku uari abighan kogh, bar uari inigh uarir akurvagh si nighnigham. ²⁶ Kamaghin amizi, inivafizimin akuatam mizazim initi, inivafiziminaku uaghan bar mizazim iniam. Egh ti inivafizimin akuatam ziar ekiam initi, inivafizir aukar igharaziba uaghan a ko bar akongegham.

²⁷ Ia bar moghira Kraisin inivafizim. Egha ia vaghavagh an inivafiziminaku uaba. ²⁸ Egha God siosin ingangarim damuasa, faragha aposelbar sefe, egha aposelbar gin, a uan akamin otivir akabar gun migeir gumazamizibav sefe, egha men gin, God ifongezir arazibar igharaz darazir sure gamir gumazamizibav sefe. Egha uaghan mirakelbagh amir gumazamizibav ko, gumazamizir arimariabagh amima da ghuamaziba ko, gumazamizir igharaz darazir akurvaziba ko, siosin ingangaribar amuasa gumazamizibav gia ingangariba vaghvagh me ganidiba ko, Godin Duamin otivaghbirir mizebav geir gumazamizibav sefe. ²⁹ Ezi manmakin? Me ti bar aposelbar ingangarim damuam? Me ti bar Godin otivir akabar gun migeir ingangarim damuam? Me ti bar gumazamizibar sure gamir ingangarim damuam? Me ti bar mirakelbagh amir gavgavim ikiam? ³⁰ Me ti bar arimariababar amuti da ghuamaghain gavgavim ikiam? Me ti bar Godin Duamin otivaghbirir mizebav kimam? Me ti bar mizer kabagh ighavkinamin fofozim ikiam? Bar puvati, me bar vaghavaghia ingangariba iti. ³¹ Ia Godin Duam anidir gavgavir faragha zuiba ia da inisi, bar ifongegh. Egh ti datirighin arazir faraghavira itim, ki ian akagharm.

13

E gumazamizir igharaziba bar me gi-fuegham

¹ Ki enselba migeir mizeba o nguazimin itir gumazamizibar akabav geir fofozim ikiva, ki igharaz darazi ifongeghan koghti, da pura bizim. Ki mati dibiarimin min pura nidi, egha belon min pura tingazi. ² Egh ti God gavgavim na danighti, ki an otivir akabar gun migeir gavgavim ikiva, Godin nighnizir mogomebagh fogh, fofozir

aviriba bar ikiva, nan nighnizir gavgavim bar ekevegh na damutki mighsia bar munamangamin gavgavim iki, egh ti igharaz darazigh ifongeghan koghiva, ki mati pura bizim. ³ Ki bizar itiba bar da isi onganarazibar anighiva, uaghan uan inivafizim ateghti, me nan suiragh nan inivafizim avimin na daboroghti, ki igharaz darazigh ifongeghan koghti, nan arazir kaba tong bar nan akuraghan kogham.*

⁴ Gumazim o amizir igharaz darazigh ifongezim, arazir kaba an iti. A zuamira atarir puvatigha, arazir aghuibar gumazamizibar me gamua, igharaz darazir bizza bagha navim ikuvir puvatigha, ubi uan ziam fer puvati. ⁵ An akaba batozir arazim gamir puvatigha, ubi ubi giniughnizir puvatigha, zuamira navim isir puvatigha, arazir kurar me a gamibagh nighnighavira itir puvati. ⁶ An arazir kuraba bagha aguer pu. Puvati, an agarogem guizin araziba bagha iti. ⁷ Gumazamizir igharaz darazigh ifongeziba, bizar kaba men otivam. Me piziba bar da aterti, bizzitam me abinan kogham. Egh me nighnizir gavgavir Godin itim ateghan kogham. Egh bizar aghuir me fogha iniamiba bagh mizuam ikiva, osimtimizibar dughiamin, me tugh gavgavigh irighan kogham.

⁸ Egh ti igharaz darazigh ifongezir arazir kam givaghan kogham. Bar puvati. Godin otivir akabar gun migeir arazim mangi givaghan. Egh ti Godin Duamin otivaghbirir mizeba mangi givaghan. Egh ti gumazamizibar fofozir guar aviriba, da uaghan mangi givaghan. ⁹ Guizbangira, en fofozim mong otefe, ezi arazir e Godin otivir akabar gun migeim, a uaghan mong otefe. ¹⁰ Egh ti gin otivamin bizzim, a guizbangira bar deragh, bizzitam gasaghan kogham. Egh ti dughiar kamin, bizar mong otevezir kaba, da givaghan. ¹¹ Ki borimra ikiava, ki borimin min migiava amuava, borimin min nighnigha, egha borimin min biziagh fosofi. Egha ti gumazir aruamin otogha, ua boribar arazir kabagh amir puvati. ¹² Godin bizar e datirighin gariba, e deravira dar garir puvati, mati e ganganimin aven dar gari. Egh ti gin izamin dughiamin, e deraghvira Godin guamin ganiva a gifogham,

12:27: Ro 12:5; Ef 1:23; 5:30; Kl 1:24

12:27: Rom 12:5; Efesus 1:23; 5:30; Kolosi 1:24

12:28: Ap 13:1; Ro 12:6;

Ef 2:20; 4:11-12

12:28: Aposel 13:1; Rom 12:6; Efesus 2:20; 4:11-12

12:31: 1 Korin 14:1

13:2: Mt 17:20; 21:21; Mk 11:23; Lu 17:6; 1 Ko 12:8-10; 12:28

13:2: Matyu 17:20; 21:21; Mak 11:23; Luk 17:6; 1 Korin

12:8-10; 12:28

13:3: Mt 6:2

13:3: Matyu 6:2

*

13:3: Grighin akamin akinafarir ghuriba bar vezin kamin

migirigiba da uaghara zuir puvati. Akinafarir maba akar kam iti, "ki uaghan uan inivafizim ateghti, me nan suiragh nan inivafizim avimin na daboroghti, ki aremegham." Ezi maba akar kam iti, "Me nan suiragh na gekuigh mangitima, ki ziar ekiam iniam." **13:4:** Snd 10:12; 1 Pi 4:8

13:4: Aghuzir Akaba 10:12; 1 Pita 4:8

13:5: 1 Ko 10:24; Fl 2:4

1 Korin 10:24; Filipai 2:4

13:6: Sng 10:3; Ro 1:32; 12:9; 2 Jo 4

13:6: Onger Akaba 10:3; Rom 1:32; 12:9; 2 Jon 1:4

13:7: Ro 15:1; 1 Ko 9:12; Ga 6:2; 2 Ti 2:24; 1 Pi 4:8

13:7: Rom 15:1; 1 Korin 9:12; Galesia 6:2; 2 Timoti 2:24; 1 Pita 4:8

13:12: Mt 18:10; 2 Ko 3:18; 5:7; Fl 3:12; Je 1:23; 1 Jo 3:2

13:12: Matyu 18:10; 2 Korin 3:18; 5:7; Filipai 3:12; Jems 1:23;

1 Jon 3:2

mati datirighin God bar deravira e gifozi mokin.

¹³ Guizbangira, arazir pumuning ko mikezim zurara ikiwira ikiam. Dar kara: nighnizir gavgavim Godin itim ko, bizir aghuir e iniamiba bagha mizuair arazim ko, igharaz darazigh ifongezir arazim. Ezi arazir mam, arazir igharazibagh afiragha bar faraghavira iti. Kar, igharaz darazigh ifongezir arazim.

14

Ia Godin otivir akabar gun mikimsi bar ifongehg

¹ Ia igharaz darazigh ifongeghs pamtemin ingar. Egh Godin Duam anidir gavgaviba inisi bar gavgafigh. Godin otivir akabar gun migeir gavgavim, a gavgavir mabar fara, eghti ia a inisi bar ifongehg. ² E fo, Godin Duamin otivaghbirir mizebav geir gumazamiziba, me gumazir igharazim ko migeir puvati. Me God ko migei. Guizbangira, gumazamiziba me migeir biziagh fozir puvati. Me Godin Duamin gavgavim, guzin akar mogomebav gei.

³ Ezi gumazamizir Godin otivir akabar gun migeiba, me gumazamizibav gia, men nighnizir gavgaviba gavgavim dagh aniga, arazir aghuibar amuasa me abira, men navibagh amima da dera. ⁴ Ezi Godin Duamin otivaghbirir mizebav geir gumazamiziba, me uarira uarir akurvasi. Ezi gumazamizir Godin otivir akabar gun migeiba me siosin gumazamiziba uari akuvir dughiamin, me bar men akurvasi.

⁵ Ia bar, Godin Duamin otivaghbirir mizebav kimasa, ki ifonge. Egh ia uaghan Godin otivir akabar gun mikimasa, ki guizbangira bar ifonge. Gumazim o amizim Godin Duamin otivaghbirir mizebav kimti, dagh ighavkinamin gumazitam ikiva akabagh ighavkinti, siosin aven itir adarazi gavgavim iniam. Akam ighavkinamin gumaziba puvatighti, gumazamizir Godin otivir akabar gun migeiba, men ingangarim ekevegha, Godin Duamin otivaghbirir mizebav geir gumazamizibar ingangarim gafira.

⁶ Nan adarasi, ia deravira akar kam ginighnigh. Ki ia bagh iziva, Godin Duamin otivaghbirir mizebav kimiva, manmaghin ian akuragham? Ki ian akurvaghisi, ki migirigiar God nan akazitaba, o fofozir aghuitaba, o Godin otivir akataba, o ian sure damuamin akataba, ki ia daningam.

⁷ Ia bizir kam ginighnigh. Bizir arareir aghuiba, mati marvum o gita, da gumazamizibar min duaba itir puvati. Da deraghvir arangan koghiva, deraghvir uan ingangarim damuan kogham. Kamaghin e manmaghin fogh suam, me ighiar manam gami? ⁸ Kamaghira sigham deraghvir arangan koghti, tina midorozim damusi biziba iniam? ⁹ Ia uaghan kamaghira. Ia Godin Duamin otivaghbirir mizebav kimtima, gumazamiziba ian akaba baragh dagh foghan koghiva, manmaghin migirigiar kabar mingaribagh fogham? Nin migirigaba, mati ni gumazamizibar tuaghagiriabav gia, pura zui. ¹⁰ Nguazimin itir nguibaba akar bar aviriba iti. Egha da bar akar mingariba iti. ¹¹ Eghiti ki gumazamizitaba mikimamin migirigiam gifoghan kogh, egh nighnigh suam, me nguubar igharazimin akamin gumazamiziba. Egh me uaghan kamaghin nighnigh suam, e nguubar igharazimin akamin gumazamiziba. ¹² Arazir kamra, ian tongin otivam. Ki fo, ia Godin Duam anidir gavgaviba iniasi bar ifonge. Egh ia siosin aven itir darazi gavgavim me daningamin gavgaviba, ia da inisi pamtemin ingar.

Pol Godin Duamin otivaghbirir mizebav geir arazim migei

¹³ Gumazamizir Godin Duamin otivaghbirir mizebav geiba, me God ko mikimiva, me uan akar kaba ighavkinamin gavgavim inisi, Godin azangsigh. ¹⁴ Ia fo, ki Godin Duamin otivaghbirir mizebar God ko mikimti, nan duam God ko migeima, na nighnizim pura iti. ¹⁵ Kamaghin ki manmaghin damuam? Ki uan duamin God ko mikimiva, uaghan uan nighnizimin God ko mikimam. Ki uan duamin ighiam bangiva, uaghan uan nighnizimin ighiam bangam. ¹⁶ Ni kamaghin damuan kogh, egh duamin aven God minabiti, gumazamizir kinitaba ian tongin ikiva, ni amir migirigiar kam gifoghan koghiva, me manmaghin ni minabir migirigiam gifoghs suam, "A guizbangira?" Me foghan kogham, ni tizibav gei. ¹⁷ Guizbangira, ni God minabir migirigiam a bar deragham. Eghitum gumazamizir igharaziba bar akurvazitam inighan kogham.

¹⁸ Ki Godin Duamin otivaghbirir mizeba dughiar aviribar dav gei, egha arazir kamini ki bar ia gafira. Kamaghin ki God minabi.

¹⁹ Egh siosin aven itir gumazamiziba uari akuvir dughiamin, ki men sure damusiva,

akar otevir 5pla me foghsı me mikkimti, de-raghram. Egh Godin Duamin otivaghbirir müzer bar aviribar me mikkiman kogham.

²⁰ Nan adarasi, ia aghiribar min nighnigh iki-an marki. Ia borir iririvibar min arazir kurabagh ami puvatizi moghin iki. Egh ti ian nighniziba, da gumazamizir aruabar nighnizibar min iki. ²¹ Godin Akinafarimin even osizirim kamaghin iti:

“Ekiam kamaghin migei, Gumazamiziba ngeubar igharazibar akabav geir tu-avimir,

ki dar aven gumazamizir kabav kimam.

Ki nguibal igharazibar gumazamizibar amuti, me me mikkimti, me nan akaba baraghan aghuaghram.”

²² Kamaghin, Godin Duamin otivaghbirir mizebav geir gavgavim, God nighnizir gavgavim Kraisin itir puvatizibar akaghaha, aneningi. Egha a nighnizir gavgavim itiba bagha aneningizir puvati. Egha Godin otivir akabar gun migeir gavgavim, God nighnizir gavgavim Kraisin itibar akakhaha, aneningi. Egha nighnizir gavgavim puvatizibar bagha, aneningizir puvati.

²³ Kamaghin, siosin gumazamiziba uari akuvamin dughiamin, ia bar moghira Godin Duamin otivaghbirir mizebav kimi, gumazamizir kiniba o nighnizir gavgavim Kraisin itir puvatiziba aven izi, ia baragh suam, ia ti ongani. ²⁴ Egh ti bar moghira Godin otivir akabar gun mikimti, gumazir kinitam o nighnizir gavgavim Kraisin itir puvatizitav aven izi, ia baraghti, ian migirigiaba an navim biragh, a damuti, a fogh suam, ki arazir kurabagh ami. ²⁵ Nighnizir mogomer an navimin itiba, da azenim girigham. Egh ti tevimming apirigh magirigh, Godin ziam fi, egh suam, “Guizbangira, God ian tongin iti.”

Siosin gumazamiziba uari akuvir dughiamin, me deravira bizibar amu

²⁶ Kamaghin amizi, nan adarasi, ia uari akova Kraisin ziam fer dughiamin, ia manmaghin damuam? Ia bar moghira

ingangariba iti. Gumazim o amizir mam Godin ziam fer ighiam iti, ezi mav suren migirigiam iti, ezi mav God an akakazir migirigiam iti, ezi mav Godin Duamin otivaghbirir mizev giraghram iti, ezi gumazir igharazim o amizir igharazim mizev girigiar kam ighavkinamin gavgavim iti. Egh bizar ia damuamiba bar, ia gavgavim sios daningi, dar amu. ²⁷ Egh tarazi Godin Duamin otivaghbirir mizebav kimsi, gumazamizir pumuning o gumazamizir pumuning ko mikezimra, dav mikkimam. Egh me uaghara mikkiman marki. Tav mikemeghtia, tav mikim. Egh ti tav men müzer migirigia abda ighivkin. ²⁸ Ezi akam ighivkinamin gumazamiziba puvatigti, gumazir Godin Duamin otivaghbirir mizebav geiba, me nimira iki, God ko nimira uariv kim.

²⁹ Egh ti gumazamizir pumuning, o gumazamizir pumuning ko mikezim, me Godin otivir akaba gun migeir gavgavim ikiva, merara akam akunam. Egh ti igharaz darazi men akaba tuisigh. ³⁰ Tav daperaghav ikiti, God migirigiatam an akaghti, gumazamizir faragha migeiba, me nimira iki. ³¹ Tuavir kamin, ia bar Godin otivir akaba vaghvagh dar gun mikkimam, kamaghin siosin gumazamiziba bar fo-fozim ko gavgavam iniam. ³² Gumazamizir Godin otivir akaba gun migeir gavgaviba itiba, me deraghvira uan gavgavibagh ativagh dar gan. Egh dar dughiamra, me dav kim. ³³⁻³⁴ Ia fo, God okam nighnizir arazim gamma an otivir puvati. A uan piziba bar deravira dar kiri. Egha, e navir vamiran iki deraghvira ikiasi, a kamaghin ifonge.

Siosin gumazamiziba Godin ziam fasa uari akuvir dughiamin, amiziba bizibav kiman marki. Me pura nimira iki. Godin gumazamizibar siosba bar, arazir kam iti. Amiziba faragh mangan markiam, me en araziba mikemezi moghin, puram apengen iki. ³⁵ Amizim bizitam gifoghsı, mangi uan dipenimin uan pamın azangsigh. Amizim sios uari akuvir dughiamin bizibav kimiva, kamaghin a ubi aghumsizim uabi

14:21: Ais 28:11-12, Jo 10:34

14:21: Aisaias 28:11-12

14:24: Jon 16:8

14:25: Ais 45:14, Sek 8:23, Jo 4:19

Ko 12:7-10, 2 Ko 12:19, Ef 4:12

14:26: 1 Korin 12:7-10; 2 Korin 12:19; Efesus 4:12

14:29: Aposel 17:11; 1 Tesalonika 5:19-22

14:33-34: 1 Korin 13:1, 14:40; Kolosi 3:18, 1 Timoti 2:11-12; Taitus 2:5; 1 Pita 3:1

14:23: Ap 2:13 **14:23:** Aposel 2:13 **14:24:** Jo 16:8

14:25: Aisaias 45:14; Sekaraya 8:23; Jon 4:19 **14:26:** 1

Ko 12:11; 1 Ti 2:11-12, Ta 2:5, 1 Pi 3:1 **14:33-34:**

* **14:35:** Pol, sios uari akuvaghti, dughiar kam amiziba bizitam mikiman men anogoroghezir pu. Puvati, Pol sapta 11in migia ghaze, amiziba God ko mikimiva, egh Godin otivir akabar gun mikimam. (Ni 1 Korin 11:5in gan.) Pol kamaghin ifonge, Godin gumazamiziba, me uari akuvir dughiamin, uarira uarigh nighnigh, Godin Duam aneningizir gavgavibagh deravira ingangarim damu, egh Godin ziam fam. Pol sios gavgavighasa, egha akar kam me ganingi. Korinin amiziba ti Godin otivir akabar gun migeir arazim, ko Godin Duamin otivaghbirir mizebav geir arazim migia, mizem giraghrapha niginir aviribagh ami. Ezi bizar kam, Godin ziam fer arazim, akoravira ikia an tuavim apiri. Pol ghaze, Korinin amiziba mizem giraghrapha azangsizir aviribav kim, egh Godin ziam fer arazimin tuavim apiran kogham. Me azangsiziba iki, uan paba dipenimin men azangsigh.

daningam.*

³⁶ Guizbangira, Godin akam faragha ian tongin otogha, ti tintinimin ghuzir puvati. An akam ia baghavira izezi, igharaz darazi ti puvati. ³⁷ Eghti gumazitam o amizitam suam, a Godin otivir akabar gun migeir may, o a Godin Duam nighnizir aghuim anidir gumazir mam, a kamaghin fogh suam, bizir ki ia bagha osirizim, kar Ekiam aningizir Akar Gavgaviba. ³⁸ Eghti a nan akar kam baraghan koghti, ia an akam baraghan marki.

³⁹ Kamaghin amizi, nan adarasi, ia Godin otivir akabar gun mikimsi, bar ifongegeh. Egh Godin Duamin otivaghbirir mizebav kimsi uarir anogoroghan marki. ⁴⁰ Ia uari akuvir dughabar, ia arazir aghuimin gin mangiva, bar deraghvira bizar amu.

Gumazamizir ariaghireziba, me ua dikavam

15

(Sapta 15)

Krais aremegha ua dikafi

¹ Nan adarasi, ki ua ian nighnizibar amuti, ia ua Akar Aghuir ki ia mikinizim, ginighnigh. Ia Akar Aghuir kam inigha a gisin tuivigha gavgafi. ² Kar Akar Aghuir ki ia mikinizim. Ia pamtemin an suiragh gavgavichti, ian nighnizir gavgavim pura bizimin min ikian koghti, tuavir kamin God ian akurvaghram.

³ Akar bar ekiar ki inizim, ki ia ganingi. Akar kam kamakin: Krais en arazir kuraba batoghasava aremegha, mati Godin Akinafarimin osizirim mikemezi moghin. ⁴ Ezi me an kuam isa mozm gatizi, ezi dughiar pumuning ko mikezim givazima, a ua dikafi, mati Godin Akinafarimin osizirim mikemezi moghin. ⁵ Egha a Pita batogha, gin 12plan aposelba bato. ⁶ Egha gin a dughiar vamiran gumazamizir an gin zuir avirim batifi, men dibobonim mong 500 gafira. An ganizir gumazamizir aviriba ikiavira itima, marazi ariaghire. ⁷ Egha a uaghan Jems bato, egha gin aposelba bar me batifi.

⁸ Egha bar men gin a uaghan na bato. Kamaghin ki mati borir amebam borim

batamin dughiamra, a batezir puvatizim. ⁹ Ki aposelbar tongin, ki bar men gin iti. Ki faraghavira Godin sios gasighasisi, egha ki kamaghin nighnisi, me ziam "aposel," na darighan kogham. ¹⁰ Ezi Godin apangkuvim a na gamizi, ki datirighin kamaghin otogha, aposelin iti. Ezi an apangkuvir a nan itim, a pura zuir pu. Bar puvati, ki pamtem ingari, ezi nan ingaramin gavgavim aposelin igharazibar ingaramin gavgavim gafira. Egha ki ubi ingari puvati, Godin apangkuvim nan itima, ki ingari. ¹¹ Ezi kamaghin akar kam, ki anekuri, o me anekuri, e bar moghira Jesus aremegha ua dikavizir Akar Aghuim akuri. Ezi ia a baregha nighnizir gavgavim an iti.

Gin gumazamizir aremeziba me ua dikavam

¹² E zurara kamaghin akam akura ghaze, Krais ovegħa ua dikafi. Ezi manmagħsua ian marazi ghaze, "Ariaghireziba, me ua dikavan kogħam?" ¹³ Ia nighnigh. Ariaghireziba ua dikavan koghti, kamaghin God ti Krais gamizi a ua dikavizir puvatigħi. ¹⁴ Krais ti ovevemin ua dikavizir puvatizi, akar e ia mikinamim, ti mingariba puvatigħi. Ezi uaghan, ia nighnizir gavgavim iniamin akaba mingariba puvatigħi. ¹⁵ Krais ti ovevemin ua dikavizir puvatizi, e ti God amizir bizar ifavarri gumazamizibar minn otvighaq. E kamaghin akam ia mikiri, God Krais gamizi a ua dikafi. Egh guizbangira gumazamizir aremeziba ua dikavan koghti, kamaghin Krais ti ua dikavizir puvatigħi. ¹⁶ E fo, God gumazamizir aremezibar amuti me ua dikavan koghti, e kamaghin mikim suam, "God Krais gamizi, a ua dikavizir puvati." ¹⁷ God ti Krais gamizi a ua dikavizir puvatizi, ian nighnizir gavgavir Kraisin itim, a pura bizar kinim. Ezi arazir kurabar gavgavim ia gativazi, ia ti dar apengen ikiavira ikiav. ¹⁸ Ezi uaghan, nighnizir gavgavim Kraisin ikiava ariaghireziba, me uaghan ti bar ovegħa givagħa uan iverżi kuram inighaq. ¹⁹ E nighnizir gavgavim Kraisin ikiav, bizar aghuir e fogħa iniamiba bagħha mizuui iti. Egh, e nguazir kamin itir biziżza bagħvira mizuui, gin izamin biziżza

14:37: 2 Ko 10:7, 1 Jo 4:6 **14:37:** 2 Korin 10:7; 1 Jon 4:6

1 Tesalonika 5:20

14:40: 1 Ko 14:33, Kl 2:5

14:40: 1 Korin 14:33; Kolosi 2:5

Rom 5:2; Galesia 1:11

15:2: Ga 3:4

15:2: Galesia 3:4

11:23, Ga 1:12

15:3: Aisaia 53:5-12; 1 Korin 11:2; 11:23; Galesia 1:12

15:4: Onger Akaba 16:8-10; Matyu 12:40; Luk 24:26, 24:46;

Ap 2:24-32, 13:33-35

15:4: Onger Akaba 16:8-10; Matyu 12:40; Luk 24:26, 24:46;

15:5: Matyu 28:16-17; Mak 16:14; Luk 24:34-36; Jon 20:19

Mt 28:16-17, Mk 16:14, Lu 24:34-36, Jo 20:19

15:5: Matyu 28:16-17; Mak 16:14; Luk 24:34-36; Jon 20:19

15:6: Luk 24:50, Ap 1:3-4

22:18; 1 Korin 9:1

15:7: Luk 24:50; Aposel 1:3-4

15:8: Ap 9:3-6, 22:14, 22:18, 1 Ko 9:1

Timoti 1:13-15

15:9: Ap 8:3, 9:1, Ga 1:13, Ef 3:8, 1 Ti 1:13-15

15:9: Aposel 8:3; 9:1; Galesia 1:13; Efesus 3:8; 1

Korin 3:5; 6:1; 11:5; 11:23; Filipai 2:13

15:10: Ap 8:3, Ro 15:18-19, 2 Ko 3:5, 6:1, 11:5, 11:23, Fl 2:13

15:10: Aposel 8:3; Rom 15:18-19; 2

4:10; 4:33; 5:32; 13:30

14:39: 1 Ko 12:31, 1 Te 5:20

14:39: 1 Korin 12:31;

1 Korin 14:33; Kolosi 2:5

15:1: Ro 5:2, Ga 1:11

15:1:

15:3: Sng 22:15, Ais 53:5-12, Dan 9:26, Sek 13:7, 1 Ko 11:2,

11:23, Ga 1:12

15:4: Sng 16:8-10, Mt 12:40, Lu 24:26, 24:46;

15:4: Sng 16:8-10, Mt 12:40, Lu 24:26, 24:46;

Ap 2:24-32, 13:33-35

15:5: Matyu 28:16-17; Mak 16:14; Luk 24:34-36; Jon 20:19

15:5: Matyu 28:16-17; Mak 16:14; Luk 24:34-36; Jon 20:19

Mt 28:16-17, Mk 16:14, Lu 24:34-36, Jo 20:19

15:6: Luk 24:50, Ap 1:3-4

15:6: Luk 24:50; Aposel 1:3-4

22:18; 1 Korin 9:1

15:7: Luk 24:50; Aposel 1:3-4

15:7: Luk 24:50; Aposel 1:3-4

Timoti 1:13-15

15:8: Ap 8:3, 9:1, Ga 1:13, Ef 3:8, 1 Ti 1:13-15

15:8: Ap 9:3-6, 22:14, 22:18, 1 Ko 9:1

Korin 3:5; 6:1; 11:5; 11:23; Filipai 2:13

15:9: Ap 8:3, 9:1; Galesia 1:13; Efesus 3:8; 1

15:9: Aposel 8:3; 9:1; Galesia 1:13; Efesus 3:8; 1

4:10; 4:33; 5:32; 13:30

15:10: Aposel 8:3; Rom 15:18-19; 2

15:10: Aposel 8:3; Rom 15:18-19; 2

bagh mizuaman koghti, gumazamiziba bar en kuarkuvigham. Egheti me en kuarkuvir arazir kam, a me gumazir igharazibar kuarkuvir arazim, bar a gafiraghram.

²⁰ Ezi guizin bizim kamakin: God Krais gamizima, a ua dikafi. An oveaghuezibar faragha dikavigha, mati azenimin dagher ovizir faragha zuim. Kamaghin e fo, oveaghueziba ua dikavam. ²¹ Gumazir mam a ovevem gamizi, an oto. Ezi gumazir igharazim ua dikavir arazim gamizi, an oto. ²² Ia fo, gumazamiziba Adam ko porogha kamaghin an min me bar areme, egha kamaghira gumazamiziba Krais ko poro, eghiti kamaghin an min me bar ua dikavigham. ²³ Egh me bar vaghvagh uan dughiamra ua dikavam. Krais bar men faraghti, a ua izamin dughiam, an adarazi ua dikavam.

²⁴ Egheti nguazar kam givaghamin dughiam otogham. Egheti Krais duar gavgavir gumazamizibagh ativiba ko, nguazar kamin garir adariaba ko, aser gavgaviba, a bar me gasighasigham. Egh a God Bizibagh Ativamin Dughiam isi, God Afeziamin dafarim darigham. ²⁵ E fo, Krais atrivimin ikivira iki, mangiti, God an apaniba bar me dikabiragh me isi an suemningin apengan me arighamin dughiam tungham. ²⁶ God dikabinamin apanir abuananamra kara: ovevem. ²⁷ Godin Akinafarim kamaghin mikeme, “God biziba bar da isa an suemningin apengan da ati.” Akar kam kamaghin migia ghaze, God uabi biziba isa Kraisin suemningin apengan da ariki. Ezi e fo God uabi Kraisin apengan itir puvati. ²⁸ Egheti gin, biziba bar Kraisin apengan ikiti, Godin Otarim uabi uabi isi, Godin apengan uabi atigham. Faraghivira God biziba bar da isi, Otarimin apengan dar arigham. Egheti dughiar Otarini uabi uabi isi Godin apengan uabi atighamim, God biziba bar moghira dar dapanimin ikiam.

²⁹ Ia nighnigh, marazi ariaghireziba bagha rue, egha tizim bagha me kamaghin ami? Me manmaghin men akurvaghisa arazir kam gami? Gumazamiziba ua

dikavan koghtima, tizim bagha gumaziba men akurvaghisa rue? ³⁰ Ezi e manmaghin damuam? E aruava, aremegha ua dikavir akam akurir ingangarim gamima, gumazamizir aviriba zurara e gasighasighasava ami. Ariaghireziba ua dikavan koghti, e tizim bagha ingangarir kam gami? ³¹ Nan adarasi, ki dughiar zurara ovevem bativasava ami. Ki ia ko, en Ekiam Krais Jesus ko porogha, egha ia bangin bar akonge, kamaghin ki akar kam ian modir puvati. ³² Ki ti nguazar kamin nighnizimin gin ghua Efesusin nguibin ikia, “asizir atiaba,” ko uariv soke, kamaghin ki iveau aghuir manam iniam? Bar puvati. Ariaghireziba ua dikavan koghtima, kamaghin e migirigiar kamin gin mangam, “E fo, e gurumin ovengam, kamaghin ia izi e dami wainin dipabar amam.”*

³³ Ia gumazamizir igharazibar amaman-gatighti, me ia gifaran marki. Ia akar kam gifo, “Ia gumazamizir kuraba ko poroghti, me ian arazir aghuibagh asighasigham.”†

³⁴ Ia arazir organiba ateghiva deravira nighnigh. Egha ia uam arazir kurabar amuan marki. Ia oragh, ian marazi God gifozir puvati. Ia aghumsighasa ki akar kamin ia migei.

Inivafizir ua dikavamim, igharagh ganam

³⁵ Egheti tav azaraghram, “Ariaghireziba manmaghin ua dikavigham? Me manmaghin garir inivafiziba ikiam?” ³⁶ Ni gumazir onganim! Ni ter ovizim nguazimin aven an ekaraghti, a faragh aremeghiva, biam otivam. ³⁷ Ezi ter ovizir ni dikarazir kam, a witin ovizim, o tizimin ovizim, a bizir gin aghungamimin min garir puvati, a pura ter ovizir kinim. ³⁸ God ifongezi moghin, a uabi aguaba ko namnam ko darfariha isa, igharaghha garir dagheba ko graziba ko temebagh anidi. Egha bizar God aningizir kaba, mati men inivafiziba. Kamaghin amizi, da bar moghira vaghvaghha inivafizir igharaghha gariba iti.

15:20: Ap 26:23; 1 Ko 15:23; Kl 1:18; 1 Pi 1:3; MAA 1:5

Akar Mogomem 1:5 **15:21:** Jo 11:25; Ro 5:12; 5:17-18; 6:23

Te 4:15-17, MAA 20:5 **15:23:** 1 Tesalonika 4:15-17; Akar Mogomem 20:5

Hi 1:13 **15:25:** Onger Akaba 110:1; Matyu 22:44; Aposel 2:34-35; Hibru 1:13

Akaba 8:6; Matyu 28:18; Hibru 2:8; 1 Pita 3:22 **15:30:** Ro 8:36, 2 Ko 11:26, Ga 5:11

Galesia 5:11 **15:31:** Ro 8:36, 2 Ko 4:10-11, 1 Te 2:19 **15:31:** Rom 8:36; 2 Korin 4:10-11; 1 Tesalonika 2:19

Sav 2:24, Ais 22:13, Lu 12:19-20, 2 Ko 1:8, 4:10-11 **15:32:** Fofozir Gumazim 2:24; Aisa 22:13; Luk 12:19-20; 2 Korin

1:8; 4:10-11 **15:32:** Gumazir maba ghaze, Pol guizin asizir atiabav gei. Romin gumaziba, arazir kurabagh amir

gumazibav soghasa, dughiar mabar me gamima, me asizir atiabav ko misos, mati laion. Ezi gumazir aviriba ghaze, Pol

guizin asizir atiabav geir puvati. An akar isin zuimina a gasighasighasava amir gumazibav gei. †

15:34: Ap 26:8; Ro 13:11, 1 Ko 6:5; Ef 5:14, 1 Te 4:5 **15:34:** Rom 13:11; 1 Korin

6:5; 1 Tesalonika 4:5 **15:35:** Jo 12:24, 1 Jo 3:2 **15:35:** Jon 12:24; 1 Jon 3:2

15:36: Jo 12:24 **15:36:** Jon 12:24

15:38: Stt 1:11 **15:38:** Jenesis 1:11

15:20: Aposel 26:23; 1 Korin 15:23; Kolosi 1:18; 1 Pita 1:3;

15:21: Jon 11:25; Rom 5:12; 5:17-18; 6:23 **15:23:** 1

15:25: Sng 110:1; Mt 22:44; Ap 2:34-35,

15:26: 2 Ti 1:10, MAA 20:14, 21:4

15:27: Onger

15:28: Rom 8:36; 2 Korin 4:10-11; 1 Tesalonika 2:19

15:29: Rom 8:36; 2 Korin 4:10-11; 1 Tesalonika 2:19

15:30: Rom 8:36; 2 Korin 4:10-11; 1 Tesalonika 2:19

15:31: Rom 8:36; 2 Korin 4:10-11; 1 Tesalonika 2:19

15:32: Fofozir Gumazim 2:24; Aisa 22:13; Luk 12:19-20; 2 Korin

1:8; 4:10-11 **15:32:** Gumazir maba ghaze, Pol guizin asizir atiabav gei. Romin gumaziba, arazir kurabagh amir

gumazibav soghasa, dughiar mabar me gamima, me asizir atiabav ko misos, mati laion. Ezi gumazir aviriba ghaze, Pol

guizin asizir atiabav geir puvati. An akar isin zuimina a gasighasighasava amir gumazibav gei. †

15:34: Rom 13:11; 1 Korin 6:5; Ef 5:14, 1 Te 4:5 **15:34:** Rom 13:11; 1 Korin

³⁹ Ezi inivafizir angamira itiba, bar uaghara garir puvati. Gumazamiziba inivafizir igharagha garim iti. Ezi asizim inivafizir igharagha garim iti, ezi kuarazim inivafizir igharagha garim iti, ezi osirim inivafizir igharagha garim iti.

⁴⁰ Ezi overiamin itir biziba, mati me inivafiziba iti moghin, igharagha gari. Ezi nguazimin itir biziba uaghan, mati me inivafiziba iti moghin, igharagha gari. Overiamin itir inivafizibar digiriba, nguazimin itir inivafizibar digiriba min garir puvati. ⁴¹ Aruem digirir igharazim iti, ezi iakinim digirir igharazim iti, ezi mikovezim digirir igharazim iti, egha mikovezibar aven da vaghvagha digirir igharagha gariba iti.

⁴² Gumazamizir aremegh ua dikavibar arazim, a kamakin. Inivafizir e dafazim, a ikuvighti inivafizir ua dikavamim, ikuvighan kogham. ⁴³ Inivafizir e dafazim, a derazir puvati, eghit inivafizir ua dikavamim, a digirir aghuim ikiam. Inivafizir e dafazim, a gavgaviba puvati, eghit inivafizir ua dikavamim, bar gavgavigham. ⁴⁴ Inivafizir e dafazim, a nguazir kamin otozir bizim. Ezi inivafizir ua dikavamim, a Godin Duam anidir bizim. Kamaghira e fo, nguazimin inivafiziba iti, ezi uaghan Godin Duam anidir inivafiziba iti. ⁴⁵ Godin Akinafarim ghaze, "Gumazir faragha otozim, Adam, God a gamizi an angamira iti." Ezi Adamin bar gin izezim, a Duamin otogha, gumazamizibar amuti me angamira ikiam.[‡] ⁴⁶ Godin Duam anidir ikirimirim faragha otozir pu. Puvati, nguazir kamin otozir ikirimirim faragha otozi, Godin Duam anidir ikirimirim gin oto. ⁴⁷ Adamin faragha zuim, a nguazimin gumazim. God nguazimin an ingari. Ezi Adamin gin zuim, a Godin Nguibamin ikegha ize. ⁴⁸ Nguazir kamin gumazamiziba, me nguazir kamin otozir gumazir kamin min ami. Ezi Godin Nguibamin gumazamiziba, me gumazir Godin Nguibamin ikegha izezir gumazir kamin min ami. ⁴⁹ E datirighin nguazimin otozir gumazir kamin min gari, egh gin Godin Nguibamin izezir gumazimin min ganam.

⁵⁰ Nan adarasi, ia kamaghin foghasa ki

ia migei. Nguazir kamin gumazamiziba, me God Bizibagh Ativamin Dughiamin aven mangi iki an bizir aghuiba inian kogham. Egh ariaghiriba, bizir ariaghirir puvatiziba inian kogham.

⁵¹⁻⁵² Ia oragh. Ki akar mogomer mamin gun ia mikimasa. En tarazi oveghan kogham. Me ikivira ikitima, sighar abuananam arangti dughiar kamra God me damichti men inivafiziba igharagh otogham. Bizir kam damazim komokoi moghin bar zuamiram otogham. Sigham arangamin dughiamin, ariaghireziba ua dikavighiva uam ikuvan kogham. God bar moghira e damichti e inivafizir igharagha garibar otivam. ⁵³ A kamakin, mati gumazamiziba korotiar ghurim suegha korotiar igiam aruzi moghin, e inivafizir kuram sueghiva, ikuvighan koghamin inivafizim arugham. Egh e ariaghirir inivafizim sueghiva, ariaghirir puvatizir inivafizim arugham. ⁵⁴ E gin uan ariaghirir inivafizir kuram sueghiva, uan inivafizir ikuvan koghamibar aghuighthi, dughiar kamra Godin Akinafarim itir migirigiam a guizin otogham:

"God ovevem dikabiraghha,
a gasighasigha, bar a gafira.

⁵⁵ O ovevem,
ni gumazamiziba dikabirir gavgavim
managh iti?
O ovevem,
ni gumazamiziba mizazim me ganidir
gavgavim
managh iti?"

⁵⁶ Ovevem, mizazir gavgavir gumazamizibagh anidim, arazir kuram dama a ini. Ezi arazir kuram uan gavgavim, Moses Osirizir Araziba dama a ini. ⁵⁷ En Ekiam Krais Iesusin ingangarimin, God gavgavim e ganidima, e ovevem ko misogha a dikabiri. Kamaghin, e God minabi!

⁵⁸ Kamaghin, nan namakar bar aghuiba, ia tuivigh gavgavighthi, bixitam ia munangan kogham. Ia kamaghin fo, ingangarir ia Ekiam bagha amiba pura zuir puvati. Kamaghin, ia zurara Ekiam bagh ingarsi bar gavgafigh.

- 15:42:** Dan 12:3; Mt 13:43 **15:42:** Matyu 13:43 **15:43:** Fl 3:20-21 **15:43:** Filipai 3:20-21 **15:45:** Stt 2:7, Jo 6:33; 6:39-40; 6:54; 6:63, 2 Ko 3:4-6; 3:17, Fl 3:21 **15:45:** Jenesis 2:7; Jon 6:33; 6:39-40; 6:54; 6:63; 2 Korin 3:4-6; 3:17; Filipai 3:21 **‡ 15:45:** Adamin bar gin otozir kam, a Kraisra. Ni 1 Korin 15:21-22 ko Rom 5:14-19in ganigh. **15:47:** Stt 2:7; 3:19; Jo 3:13; 3:31 **15:47:** Jenesis 2:7; 3:19; Jon 3:13; 3:31 **15:49:** Ro 8:29; 2 Ko 3:18; Fl 3:21; 1 Jo 3:2 **15:49:** Rom 8:29; 2 Korin 3:18; Filipai 3:21; 1 Korin 6:13 **15:50:** Mt 16:17; Jo 3:3-5; 1 Ko 6:13 **15:50:** Matyu 16:17; Jon 3:3-5; 1 Korin 6:13 **15:51-52:** 1 Te 4:15-17 **15:51-52:** Sekaraia 9:14; Matyu 24:31; Filipai 3:21; 1 Tesalonika 4:15-17 **15:53:** 2 Ko 5:4 **15:53:** 2 Korin 5:4 **15:54:** Ais 25:8, Hi 2:14-15, MAA 20:14 **15:54:** Aisaia 25:8; Hibru 2:14-15; Akar Mogomem 20:14 **15:55:** Hos 13:14 **15:55:** Hosea 13:14 **15:56:** Ro 4:15, 5:13, 6:14, 7:5, 7:13 **15:56:** Rom 4:15; 5:13; 6:14; 7:5; 7:13; 7:13 **15:57:** 2 Sto 15:7, 1 Ko 3:8, 2 Pi 3:14, MAA 14:13 **15:58:** 2 Eghaghaniha 15:7; 1 Korin 3:8; 2 Pita 3:14; Akar Mogomem 14:13

Pol, damuasava amir bizibav gei

16

(Sapta 16)

Me Jerusalemin amangasava amir dagiaba, Pol dav gei

¹ Ki datirighin dagiar ia Jerusalemin itir Godin adarazi bagha darighasava ambav kimasa. Ki faragha Galesian Provinisn itir siosba, arazir kam men aka, egha ki kamaghin ia mikimasa, ia uaghan arazir kam damuam. ² Ia bar, Sandebar zurara, vaghvagh dagiar ia isibar mirara, dagiataba tuiragh, egh da isi uan dipenibar da mongegh. Egheti dagiaba tong avirasemegh. Egheti dughiar ki izamimin, ia ua dagiaba burian kogham. ³ Ki izeghiva, gumazir ia miseveziba, men gun migeir akinafarim me daningiva, me amadaghti, me mangam. Egheti me dagiar ia aningizir kaba inigh mangi Jerusalemin itir darazir dafarim darigham. ⁴ Biziba deraghti, ki uaghan mangiti, me na ko mangam.

Pol mangi Korinbar ganasa ifonge

⁵ Ki ia bagh mangisi, Masedonian Provinis abigh mangigh, gin ian bighan otogham. Ki faragh Masedonian mangasa ifonge. ⁶ Ki foghan kogham, ki ti tong dughiatabar ia ko ikegħti, orangtizim ko aminir gavgavimin dugħiam givagtima, ki managh mangisi ifuegħti, ia nan akuragħtima ki mangam. ⁷ Ki iż-żejjha, dugħiar otevimin ia ko ikian aghħua. Ki tong dugħiar ruarinim ia ko ikiasi ifonge. Ekkiām kamaghin ifongeġħi, ki dugħiar ruarin ia ko ikkiām.

⁸ Ki Efesusin Nguibamin kagh iki mangiti, Pentikosin Dugħiar Ekkiām givagħam. ⁹ Ki fo, God na bagħha tuavim kuizima, ki kagh iki ingangarim damuamin dugħiar aghuim iti. Egh ki gumazamizir aviribar akuragħtima, me Kraiśin adarazir otivigham. Ezi uaghan gumazir aviriba en apaniġġi għalli.

¹⁰ Timoti ia batogħtima, ia i inigh an akurvagħtima, a ian tongin ia ko navir amirizim iki, egh atiatiingan kogħam. Ia fogħ, ki Ekkiām bagħha ingari mogħin, a

ingari. ¹¹ Ian tarazi an gan kamaghin mikiman marki, a pura bizim. Ia an akuragħti, a navir amirizim sara mangi darorim givagh, ua na bagħ izam. An, avegh-buuba ko izasa, ki a bagħha mizu gari.[†]

¹² Ezi en aveghbuam Apolosin migirigħam a kamakin. Ki dugħiar aviribar aveghħbuar iħarrarziba ko iżi, ian ganasa pamtemin a migei. Ezi a datirighin tong izasa nighnizir puvati. Gin, tuavitam ikiti, a izam.

Migirigħar abuananaba

¹³ Ia uari bagħ gan, egh nighnizir gav-gavimin tugh gavga figh. Egh gavgavighha bizzitam ġiatiingan marki. ¹⁴ Ia God ko gu-mazamizir iħarrarziba bar me gifongegħha uan ingangaribar amu.

¹⁵⁻¹⁶ Nan adarasi, ia Stefanas ko an adarazigh fo. Me Akkien Provinisn ikia faraghavira Kraiśin adarazir otifi, ezi gin Akkien Provinisn itir gumazamizir iħarrarziba Kraiśin adarazir otifi. Ezi Stefanas uan adarazir ko, uari isa ingangarir Godin gumazamizbar akurvagħamim ganingi. Nan adarasi, ki kamaghin ia gakaghora ghaze, ia kamaghin amir gumazamizbar apengen iki, egh uaghan gumazamizir me ko ingaribar apengen iki.

¹⁷ Stefanas ko Fortunatus ko Akkien na bagħha ize. Ia na bagħ izamin tuaviba puvatizi, me ian danganim inigha na ko iti. Kamaghin ki bar akonġe. ¹⁸ Me nan navim gamiżi, an amira, egh uaghan ian navibagh ami. Ia kamaghin amir gumazamizbar akaba baragh.

¹⁹ Esian Provinisn itir siosba uan akam isa ia bagħha anemaga ghaze, Afeziam ia ko iki. Ezi Akwila ko Prisila, ko aningen dipenimin uari akuvir sios, Ekkiām ziamin uan akam isa ia bagħha anemaga ghaze, Afeziam ia ko iki. ²⁰ Kagh itir Kraiśin adarasi, me bar uan akaba isa ia bagħha da amaga ghaze, Afeziam ia ko iki. Ia Kraiśin adarasi, ia uan arazimin gin mangiva, ia uan adarazir agharibar suigh.

- 16:1:** Ap 24:17; Ro 15:25-26; 2 Ko 8:1-9; Ga 2:10 **16:1:** Aposel 24:17; Rom 15:25-26; 2 Korin 8:1-9; Galesia 2:10 **16:2:** Ap 20:7; MAA 1:10 **16:2:** Aposel 20:7; Akar Mogomem 1:10 **16:5:** Ap 19:21 **16:5:** Aposel 19:21 **16:6:** Ro 15:24, Ta 3:12 **16:6:** Rom 15:24; Taitus 3:12 **16:7:** Ap 18:21 **16:7:** Aposel 18:21 **16:8:** Wkp 23:15-21, Lo 16:9-11 **16:8:** Ofa Gami 23:15-21; Godin Araziba 16:9-11 **16:8:** Aposel 19:8-10 **16:8:** "Pentikosin Dugħiar Ekkiām," ni Aposel 2:1 in itir migirigħi minn gan. **16:9:** Ap 14:27, 19:8-10, 2 Ko 2:12, Kl 4:3, MAA 3:8 **16:9:** Aposel 14:27; 19:8-10; 2 Korin 2:12; Kolosi 4:3; Akar Mogomem 3:8 **16:10:** 1 Ko 4:17 **16:10:** 1 Korin 4:17 **16:11:** Timoti a gumazir igħam, ezi bixi kam bagħha gumazir maba akirim ragħha a gasi. Ni 1 Timoti 4:12 in gan. **16:12:** 1 Ko 1:12, 3:6 **16:12:** 1 Korin 1:12; 3:6 **16:13:** Sng 31:24, 1 Ko 15:1, Ef 6:10, Fl 1:27, Kl 1:11, 1 Te 5:6 **16:13:** Onger Akaba 31:24; 1 Korin 15:1; Efesus 6:10; Filipai 1:27; Kolosi 1:11; 1 Tesalonika 5:6 **16:14:** 1 Ko 14:1, 1 Pi 4:8 **16:14:** 1 Korin 14:1; 1 Pita 4:8 **16:15-16:** Rom 16:5; 1 Korin 1:16; 1 Tesalonika 5:12 **16:17:** Grighin akam vezin kamin deragħha akatam migeir pu. **16:18:** Fl 2:29 **16:18:** Filipai 2:29 **16:19:** Ap 18:2, 18:18, 18:26, Ro 16:5, 2 Ti 1:15 **16:19:** Aposel 18:2; 18:18; 18:26; Rom 16:5; 2 Timoti 1:15 **16:20:** Ro 16:16, 2 Ko 13:12 **16:20:** Rom 16:16; 2 Korin 13:12

²¹ Ki Pol, ki uabi uan dafarimin dughiar
aghuir kam ia bagha an osiri. §

²² Tina Ekiam gifongezir puvati, a mar
ikufigh. En Ekiam, ni izi!

²³ En Ekiam Iesusin apangkuvim, a ia ko
iki.

²⁴ E bar Krais Jesus ko poroghav iki,
arazir kamin ki bar moghira ia gifonge.
Guizbangira.

16:21: Kl 4:18, 2 Te 3:17 **16:21:** Kolosi 4:18; 2 Tesalonika 3:17 § **16:21:** Pol uabi uan akinafariba osirir pu. Puvati, a migeima gumazir igharazim a bagha osiri. Ezi migirigiar vezin kamin itim, Pol uabi uan dafarimin an osiri. **16:22:** Ga 1:8-9 **16:22:** Galesia 1:8-9

Polin Akinafarir Namba 2, a Korinin Nguibamin Itir Sios Baghava an Osiri O 2 Korin Akar Faragha Zuim

Korinin nguibar ekiamin siosin gumazamizir maba akar kurabar Pol mikeme. Ezi bizir kam Pol gamima, a bar oseme. Pol Korinin sios ko akabar kirasa. Kamaghin amizi, a me bagha akinafarir kam osiri. Egh ua me gakuegham.

Ezi akar otevir akinafarimin itir mam, Pol akar gavgavir a faragha Korinba bagha amizimin gun migei. An akar kam mikiman aghua, ezi me a barazir puvatigha, akar kurabar a mikeme. Ezi kamaghin an akar gavgavim me ganangi. Ezi me an akar baregha uan arazibar kiri, kamaghin amizi, a datirighin me bagha guizbangira bar akonge.

Ezi dughiar kamin Judian Distrighin itir Kraisin adarasi, me paza iti. Ezi Pol me bagha dagiaba akumakumigh, da inigh mangi me daningam. Egha Septa 8 ko 9, Pol akar Korinba navibagh aghuvkintima, me dagiaba isi ingangarir kam daningamin akabav gei.

Ezi akinafarimin akar otevir abuananam, aposelin ifavarir iza Korinin itir maba, me Polin ziam dikabira an Aposelin ingangarim gasighasisi. Kamaghin amizi, Pol men arazir kurabar gun migei.

Pol ingangarir God aposelbagh aningizimin gun migei

(Septa 1-7)

1 Ki Pol, ki Krais Iesusin aposelin mam. God uan ifongiamin gin ghua, aposelin min ikiasi na amisefe. Ki en aveghbuam Timoti ko, ga akinafarir kam osirigha, ia Korinin nguibar ekiamin aven Godin siosin itiba, ko Godin gumazamizir Akaian Provinsin danganiba bar adar itiba, ia bagha an osirigha anemadi. **2** Egha ga God ko migia ghaze, God en Afeziam, ko en Ekiam Krais Iesus ian apangkuv, navir amirizim ia daningam.

Pol God an akurazir bizim bagha a minaba

1:1: Ap 18:1, 1 Ko 1:1 **1:1:** Aposel 18:1; 1 Korin 1:1 **1:2:** 1 Ko 1:3 **1:2:** 1 Korin 1:3 **1:3:** Ro 15:5, Ef 1:3, 1 Pi 1:3 **1:3:** Rom 15:5; Efesus 1:3; 1 Pita 1:3 **1:5:** Sng 34:19, 94:19, Kl 1:24 **1:5:** Onger Akaba 34:19; 94:19; Kolosi 1:24 **1:7:** Ro 8:17, 2 Ti 2:12 **1:7:** Rom 8:17; 2 Timoti 2:12 **1:8:** Ap 19:23, 1 Ko 15:32 **1:8:** Aposel 19:23; 1 Korin 15:32 **1:10:** 2 Ti 4:18, 2 Pi 2:9 **1:10:** 2 Timoti 4:18; 2 Pita 2:9 **1:12:** 1 Ko 1:17, 2:4, 2:13, 2 Ko 2:17, Hi 13:18
1:12: 1 Korin 1:17; 2:4; 2:13; 2 Korin 2:17; Hibru 13:18

3 E Godin ziam fam, a God, egha en Ekiam Krais Iesusin Afeziam. A en Afeziam, ezi akurvazir arazim ko apangkuvir arazim an otifi. Ezi a, gumazamizir osimtziba ateriba, men girakirangin tuiva navir amirizim me ganidi. **4** God kamaghin ifonge, an en girakirangin tuiva navir amirizim e ganidi moghin, e gumazamizir osimtzizir aviriba ateritabar girakirangin tuiva navir amirizim me daningam. Kamaghin, osimtziba e bativir dughiabar, an en girakirangin tuiva navir amirizim e ganidi. **5** Krais osimtzizir bar ekiam aterezi moghin e uaghan aneteri. Ezi God Kraisin girakirangin tugha navir amirizim a ganingizi moghin, God Kraisin ingangarimin, en girakirangin tuzima navir amirizim e gizifa. **6** God kamaghsua, ia navir amirizim ko an akurvazim iniam, bizir kamin e osimtzizim ateri. God navir amirizim e daningiva, a uaghan navir amirizim ia daningam. Ia en min tuivigh gavgavigh osimtziba aterti, God navir amirizim en min ia daningam. **7** Ezi e kamaghin nighnizir gavgavim Godin ikia bar fogha ghaze, ia tuivigh gavgavigham. E fo, ia e ko osimtzizim ateri, kamaghin amizi, ia uaghan e ko navir amirizim iniam.

8 Nan adarasi, osimtzizir Esian Provinsin e batozim, ia a gifoghasa. Osimtzizir bar ekiam e avaragha, en gavgaviba bar dagh afira. Ezi kamaghin e ghaze, e ti ovegham. **9** Bar guizbangira, e mati gumazim jas ovengasava a migei moghin, e uari basari. God kamaghsua, e uan gavgavibara nighnighan kogham. Puvati, e Godin gavgavimra nighnigh a gisin tugham, a gumazir ovengezibagh amizi me ua dikafi. Kamaghin, bizir kam e bato. **10** Kar bizir bar kuram, an e gamizi e atam oveghai. Ezi God en akura. Egh a gin uam en akuraghram. E nighnizir gavgavim Godin ikia bar fogha ghaze, zurara bizir kuram e bativitma, God uam en akuraghurma, e deraghvira ikiam. **11** Egh ia en akuragh God ko mikim. Egha ga God gumazamizir aviribar dimdiaba baragh en akuraghram. Egha gumazamizir bar aviriba ganigh, me God en akuraghha e gamizir biziha bagh a minabagham.

Pol Korinbagh ifarazir puvati

12 Bizir kam na gammima ki bar akonge. Nan navir averiamin, ki uan araziba deravira da tuisigha kamaghin fo, ki nguazir kamin ikia arazir aghuim gami,

egha guizbangira ian damazibara e arazir bar aghuim gami. Ki arazir God nan akazir kam gamua God baghavira itir arazibar gin ghua, bizitam ian modoziр puvati. Ki nguazir kamin fofozim isa arazir kam gamizir pu. Puvati, ki Godin apangkuvimin gavgavim isa, arazir kam gami.¹³⁻¹⁴ Egha ki ia bagha akinafarim osirava, akar ia deravira gan dar mingaribagh foghamiba, ki dararama osiri. Ki ia bagha akar igharazitaba osirir puvati. Guizbangira, dughiar mabar ki osirir migirigiar maba, ia deragha dagh fozir puvati. Ki kamaghhsua, ia en Ekiam Iesus Izamin Dughiamin, ki ia bagha ziar ekiam inizi moghin, ia na bagh ziar ekiam iniam. Kamaghin ia guizbangira nan akabar mingaribagh foghosa, ki ifonge.

¹⁵⁻¹⁶ Ki kamaghin nighnizir gavgavim ikia ghaze, ia na bagh ziar ekiam iniam. Ezi bizar kam bagha, ki akam akirigha ghaze, ki faragh izi ian ganam. Egh ki ia ategh, Masedonian Provinis mangam. Egha ki Masedonian Provinis ataghizir dughiamin, ki uamategh izi ian ganasa nighnisi. Ezi arazir kamin God dughiar pumuningin arazir aghuimin ia damuam. Eghiti ia nan akuraghti, ki Judian Distrighin mangam.¹⁷ Ezi manmaghin ami? Ia ti ghaze, ki amizir migirigiar kaba, ki pura ia gifari. Ia ti ghaze, ki nguazir kamin gumazamizibar min puram akar dikirizibagh amua dar ghuangsigha ghaze, "Guizbangira," o "Puvati," uagharam aning mikimam? Bar puvati.

¹⁸ God zurara uan migirigiarab gintisi. Ezi kamaghira ki guizbangira ia migei, migirigiar ki ia gamiba bar, da uaghara "Guizbangira," o "Puvati," migeir pu.¹⁹ Ki, ko Sailas, ko Timoti, e ian tongin Godin Otarim Krais Iesusin akam kuri. Ezi ia bar fo Krais, "Guizbangira," ko "Puvati," uagharam aningin migeir puvati. Krais zurara guizbangira migei.²⁰ Godin akar dikirizir aviriba iti. Ezi Krais "Guizbangira," akar dikirizir kaba bar dav gei. Kamaghin, e Godin akam barazima a Kraisin ziamin ghaze, "A guizbangira," ezi e Godin ziam fe.²¹ Ezi God uabi gavgavim isa, e ko ia ganidi, ezi e Krais ko porogha, ikia gavgaфи. Egha a uabi ua bagha e amisefe.²² Egha a uabi uan inabazir ababanimegati, kamaghin me en gan fogh suam, e an gumazamizibara. Egha uan Duam en navir averiabat ikiasi an e ganingi. Godin Duamra uaghan bizar

aghuir faragha zuir mam, God e daningasa. E Godin Duam inigha givagha, kamaghin e fo, e guizbangira bizir avirir maba sara iniam.

Pol zuamira Korin in ghuzir puvati

²³ God, a gumazir nan migirigieba gavgavim dagh anidim, egha a nan navimin gari. Ezi ki an ziamin guizbangira kamaghin migei, ki osimtizim ia daningan aghuagha, kamaghin, ki zuamira Korin in izezir puvati. A kamaghira tu.²⁴ Ki kamaghin mikemezir puvati, e ian nighnizir gavgavibar ganti da en apengan ikiam. Puvati. E fo, ia nighnizir gavgavim Kraisin ikia mitivigha gavgavigha gifa. Egh e ian agorogem damuti, an otivasa, ia ko ingari.

2

¹ Ki kamaghin nighnisi, ki ia bagh izan kogham, egh ia damuti ia fomira na basemezzi moghin na basiman kogham. Kamaghin ki izezir puvati.² Egh ki ia damuti, ia na basemeghtima, tina iki na damuti ki bar akeuegham? Ia, gumazamizir ki ia gamizi ia na basemeziba, iarara ikiam.³ Ia gumazamizir agorogem na ganidiba, kamaghin ki ia bagh izi osimtizim ia daningan aghua. Ezi bizar kam bagha ki fomira ia bagha akinafarir mam osirigha anemada. Ki fo, ki bizitam bagh bar akeuehti, ia uaghan bar moghira bar akeuegham.⁴ Guizbangira, ki ia bagha akinafarim osirir dughiamin, ki bar ian apangkuvigha, nan navim bar osemezi, ki puviram azi. Ki osimtizim ia daningasa akinafarir kam osirizir puvati. Ki ghaze, ia kamaghin fogh suam, ki bar ia gifuegha, bar uan navim ia ganingi. Kamaghin ki ia bagha osiri.

Korinba, gumazir arazir kuram gamizimin arazir kuram gin amang

⁵ Gumazitam osimtizim gumazir igharazibagh aningi, an osimtizim na ganingizir puvati. Ki migirigiar gavgavir aviribar bizar kam mikimana aghua. Ki kamaghin mikimasa, a ia gamizima, ian naviba bar moghira, mong ian oseme.⁶ Ezi ian aviriba ghaze, gumazir kam a izezir kuratam inigh. Ezi datirighin an a inigha givagha, kamaghira tu.⁷ Kamaghin amizi, ia arazir igharazitam datirighin a damu. Ia an arazir kuraba gin amadaghiva, an girakirangin tugh, navir amirizim a daning. Puvatighti, osimtizir bar ekiam

- 1:13-14:** 2 Ko 5:12; Fl 2:16 **1:13-14:** 2 Korin 5:12; Filipai 2:16 **1:15-16:** Ap 19:21, 1 Ko 16:5-6 **1:15-16:** Aposel 19:21; 1 Korin 16:5-6 **1:19:** Ap 9:20, 18:5 **1:19:** Aposel 9:20; 18:5 **1:20:** Ro 15:8-9, MAA 3:14 **1:20:** Rom 15:8-9; Akar Mogomem 3:14 **1:21:** 1 Jo 2:20, 2:27 **1:21:** 1 Jon 2:20, 2:27 **1:22:** Ro 8:16-17, 2 Ko 5:5, Ef 1:13-14, 2 Ti 2:19, 1 Jo 2:27, MAA 2:17 **1:23:** Rom 8:16-17; 2 Korin 5:5; Efesus 1:13-14; 2 Timoti 2:19; 1 Jon 2:27; Akar Mogomem 2:17 **1:23:** Ro 1:9, 2 Ko 11:31 **1:23:** Rom 1:9; 2 Korin 11:31 **1:24:** 1 Pi 5:3 **1:24:** 1 Pita 5:3 **2:1:** 1 Ko 4:21, 2 Ko 12:21 **2:1:** 1 Korin 4:21; 2 Korin 12:21 **2:4:** Ap 20:31 **2:4:** Aposel 20:31 **2:5:** 1 Ko 5:1, Ga 4:12
2:5: 1 Korin 5:1; Galesia 4:12

gumazir kam dikabiraghram. ⁸ Kamaghin, ki ia gakaghora ghaze, ia an akaghti a fogham, ia a gifuegha mamaghira iti. ⁹ Akinafarir ki faragha osirizim, mar ki pura ia basamasa an osiri. Ki kamaghin foghasa, ia nan akabar gintigha biziba bar dagh ami, o puvati? ¹⁰ Eghti ia gumazitimin arazir kuraba gin amangiti, ki uaghan da gin amangam. Eghti ki gin amangamin arazir kuratam ikiti, ki ian akurvaghs Kraisin damazim a gin amangam. ¹¹ Ki atiatia ghaze, Satan ti e gifaragh e dikabiraghram. Kamaghin ki arazir kuraba gin amadi. E Satanin mogomer nighnizir kurabagh fogha gifa.

Pol Taitusin ganasa

¹² Ki Kraisin Akar Aghuim akunasa izava, Troasin nguubar ekiamin otogha gari, Ekiam ki ingangarir kam damuasa, a na bagha tuavim ati. ¹³ Ezi ki uan aveghbuam Taitusin ganizir puvati. Kamaghin nan navim derazir puvati. Kamaghin amizi, ki Troasia ategha uamategha izi Masedonian Provinsin oto.

Aposelba Godin gavgavimin midorozibagh afisi

¹⁴ Ezi God, Krais ko porogha en faragha zuima, e an gin ghua kalabuziar gu-mazamizibar min ghua bar akeugha migia ghaze, Krais modorozim gafraghha apaniba dikabiragh gifa! Ezi arazir kamin gumazamiziba bar God gifoghamin fofozim ini. A mati mughuriar aghuimin min otozi, aminim a birazi a tintinibar ghu. Bizir kam bagha ki God minabi.* ¹⁵ Guizbangira, e mati pauran mughuriar aghuim zuimin min, Krais a inigha ofan min God ganangi. Mughuriar kam, a Godin Nguibamin zuir tuavimin zuir gumazamizibar tongin otiva zui. Egha uaghan helin zuir tuavimin itir gumazamizibar tongin otiva zui. ¹⁶ Egha helin tuavimin zuir darasi, mughuriar kam barazima, an ovever mughuriamin min zui. Egha me gamima, me ovei. Ezi Godin Nguibamin tuavimin zuir darasi, me mughuriar kam barazima, a mati ikirimir aghuim isir mughuriam. Egha a ikirimir aghuim me ganidi. Tinara gavgavigh ingangarir kamagh garim

damuam? Bar puvati. ¹⁷ Ezi e gumazamizir mabar min amir puvati, me danganiba bar dagh aruava Godin akam migia, mati me dagiaba bagha biziba amadi. God uabi ingangarir kam e ganingizi e ifarir puvati, e guizbangira migei. E Krais ko porogha, Godin damazimin deraviram an akaba akuri.

3

Aposelba Akar Dikirizir Gavgavir Igiamin ingangarir gumazibar otifi

¹ E ti ian aghariba apirti, ia suam, e gumazir aghuiba, kamaghin eti mi giringiar kabagh ami? O e ti gumazir mabar min e gumazibav kimti, me ia bagh akinafariba osir ia mikim suam, e gumazir aghuiba? O e uarir akurvaghs ian azangsighti, ia en akurvaghamin akinafarim osiram? Bar puvati! ² Ia uari, mati akinafarir en gun gumazamizibav geim. Ezi akinafarir kamin osiziriba, da en navir averiabar aven iti. Eghti gumazamiziba bar akinafarir kamin ganiva a diponam. ³ Ia bar azenara iti, mati akinafarir mam Krais an osirizi e a inigha ize. A finfinir dipamir an osirizir puvati. A zurara ikiamin Godin Duamin an osiri. Egha a dagiar ekiatam gisin an osirizir puvati. A gumazamizibar navir averiabar an osiri.

⁴ E fo, God ingangarir kam damuasava e amisefe. Ezi Krais fofozir kam e ganingi. Kamaghin, e akar kabar gun ia migei.

⁵ Guizbangira, e uari ingangarir kam damuan buraghburaki, egh e uari kamaghin mikiman kogh suam, e uari bizibagh ami. Puvati, God uabira gavgavim e ganidima, e ingangarir kam gami. ⁶ Ezi a uabi e gamizima, e Akar Dikirizir Gavgavir Igjar kam, e an ingangarir gu-mazibar otifi. Akar Dikirizir kam, a bizar me akinafarim osirizir puvatizim, mati Moses Osirizir Arazir fomiram otoziba. Puvati. Kar Godin Duamin bizim. Moses Osirizir Araziba gumazamizibagh amima me ovei. Ezi Godin Duam ikirimir aghuim me ganidi.

⁷ Ingangarir God amizim, a Moses Osirizir Arazibagh amizi da otifi. Ezi tuavir kamin ovevem otos. Dughiar kam

- | | | | | |
|---|--|--|--|--|
| 2:9: 2 Ko 7:15; 10:6 | 2:9: 2 Korin 7:15; 10:6 | 2:11: Lu 22:31 | 2:11: Luk 22:31 | 2:12: Ap 14:27, 1 Ko 16:9 |
| 2:12: Aposel 14:27; 1 Korin 16:9 | 2:12: Aposel 20:1 | * 2:14: Grighin akar otevitam kagh deragha mikemezir puvati. | 2:14: Grighin akar otevitam kagh deragha mikemezir puvati. | 2:16: Lu 2:34, Jo 9:39, 1 Ko 15:10, 2 Ko 3:5-6, 1 Pi 2:7-8 |
| 2:15: 1 Ko 1:18, 2 Ko 4:3 | 2:15: 1 Korin 1:18; 2 Korin 4:3 | 2:16: Lu 2:34, Jo 9:39, 1 Ko 15:10, 2 Ko 3:5-6, 1 Pi 2:7-8 | 2:17: 2 Ko 1:12, 4:2, 11:13, 1 Pi 4:11, 2 Pi 2:3 | 2:17: 2 Korin 1:12; 4:2; 11:13; 1 Pi 4:11; 2 Pi 2:3 |
| 2:16: Luk 2:34; Jon 9:39; 1 Pita 2:7-8 | 2:17: 2 Ko 1:12, 4:2, 11:13, 1 Pi 4:11, 2 Pi 2:3 | 3:1: Ap 18:27; Ro 16:1, 2 Ko 5:12 | 3:1: Ap 18:27; Rom 16:1; 2 Korin 5:12 | 3:2: |
| 4:2; 11:13; 1 Pita 4:11; 2 Pita 2:3 | 3:1: Ap 18:27; Ro 16:1, 2 Ko 5:12 | 3:1: Ap 18:27; Rom 16:1; 2 Korin 5:12 | 3:3: Ua Me Ini 24:12; Jer 31:33; Esekiel 31:33; Esekiel 11:19; 36:26; Hibru 8:10 | 3:3: Ua Me Ini 24:12; Jer 31:33; Esekiel 31:33; Esekiel 11:19; 36:26; Hibru 8:10 |
| 1 Ko 9:2 | 3:2: 1 Korin 9:2 | 3:3: Kis 24:12, Jer 31:33, Ese 11:19, 36:26, 1 Ko 3:5; Hi 8:10 | 3:4: 2 Ko 2:16 | 3:4: 2 Ko 2:16 |
| Jeremaia 31:33; Esekiel 11:19; 36:26; Hibru 8:10 | 3:4: 2 Ko 2:16 | 3:5: Jo 15:5, 1 Ko 15:10, Fl 2:13 | 3:5: Jo 15:5, 1 Ko 15:10, Fl 2:13 | 3:5: Jon 15:5; |
| 1 Korin 15:10; Filipai 2:13 | 3:6: Jer 31:31, Jo 6:63, Ro 7:6, 1 Ko 11:25, Ga 3:10, Ef 3:7, Kl 1:25, Hi 8:6-8 | 3:6: Jer 31:31, Jo 6:63, Ro 7:6, 1 Ko 11:25, Ga 3:10, Ef 3:7, Kl 1:25, Hi 8:6-8 | 3:7: Jeremaia 31:31; Jon 6:63; Rom 7:6; 1 Korin 11:25; Galesia 3:10; Efesus 3:7; Kolosi 1:25; Hibru 8:6-8 | 3:7: Jeremaia 31:31; Jon 6:63; Rom 7:6; 1 Korin 11:25; Galesia 3:10; Efesus 3:7; Kolosi 1:25; Hibru 8:6-8 |
| 10:1, Ro 7:10 | 3:7: Ua Me Ini 34:1; 34:28-30; Godin Araziba 10:1; Rom 7:10 | 3:7: Ua Me Ini 34:1; 34:28-30; Godin Araziba 10:1; Rom 7:10 | | |

God dagiam abighizi, osiziriba vaghvaghā an otifi, ezi Godin angazangarim uaghan ize. Egha angazangarir kam Mosesin guam gisirazi Israelia an guamin ganan buraghburaki. Ezi gin angazangarir kam gifā.⁸ Ingangarir God uan Duam gumazamizibar aningasava amizim, a ingangarir Moses Osirizir Arazipa aningasava amizim, bar a gafira. Eghit Godin angazangarim ko gavgavim, ingangarir kamin iki mamaghira ikiam.⁹ Moses Osirizir Arazipa ingangarir kam, a en araziba tuisighiva e mikim suam, e ovengam. E fo, ingangarir kam Godin angazangarim sara ize. Egha ingangarir kam Godin angazangarim sara iziti, ingangarir gumazamizibar amuti me Godin damazimin deraghamim, a Godin angazangarir bar ekiam sara izi mamaghira ikiam.¹⁰ Godin angazangarir ekiam ko gavgavim, ingangarir igiar an amizim ko ikia bar ekevegha mamaghira iti. Egha angazangarir kam, Godin angazangarir ingangarir ghurim ko itim, bar a gafira. Kamaghin, e datirighin gara nighnisi, ingangarir ghurimin angazangarim munge.¹¹ Ingangarir ghurir kam a zurara ikan kogham. Puvati, a mungegham. Egha a Godin angazangarim sara ize. Kamaghin e fo, ingangarir igiar zurara ikiam, a Godin angazangarir bar ekiam sara izi mamaghira iti.

¹² Ezi e nighnizir gavgavim ikia bar fo, angazangarir kam iziva e bativ mamaghira ikiam, ezi e a bagha mizuai. Kamaghin, e atiati puvatigha azenara an gun migei. ¹³ E Moses amizi moghin amir puvati. An guamin angazangarim siraghra munge-marima, a kamaghin aghua, Israelia an ganam. Kamaghin a iniravizim inigha uan guam avara.¹⁴ Ezi fomira iza datirighin tuzir dughiamin, Israeliān nighniziba bar pirizi, me Godin Akar Dikirizir Gavgavir Ghuribar gara, dar mingariba deragha dagh fazir puvati. Egha mati Mosesin guam avarazir iniravizim, men nighniziba avaraghavira iti. Ezi gumazitam o amizitam me avarazir iniravizir kam adangizir puvati. Krais uabira, gumazim a gifoghtima, God an iniravizir a dukuaghav itim

adegham.¹⁵ Guizbangira, dughiaba bar me Moses Osirizir Arazipa bori, ezi iniravizir kam ikia men nighniziba apira, iza datirighin oto.¹⁶ Egh tina uan navim Ekiam bagh a giraghti, God iniravizir an nighnizim avarazim adegham.¹⁷ Ki Ekiam migia, kar ki Godin Duam migei. Eghit Ekiam Duam gumazitam o amizitam ikiti, bizitam an suiragh a ikirarighan kogham. Bar puvati. A bar firighirigh ikiam.¹⁸ E bar moghira, bizitam en guaba avarazir puvati. Ezi Ekiam angazangarir ekiam e gisirazima, e ganganir guabar garimin min otoga, Godin angazangarim gumazamizibar akakasi. E zurara Godin angazangarir kam isavira iti, ezi a bar en arazibagh ighavira itima, e Ekiam nedazimin min otivavira iti. Ekiam, a Godin Duam, egha a bizir kabagh ami.

4

Aposelba, me nguazir minebar min iti

¹ God en apangkuvigha ingangarir kam e ganingi. Ezi kamaghin e ingangarir kam gamua amirvazir puvati.² E aghumsizir arazir gumazamiziba mogava amiba, e akirim ragha dagh asara. E ifavarir arazibagh amir puvati. Egha e Godin akam girazi, a igharagha otozir puvati. E Godin guizin akam azenarama anekuri, eghit gumazamiziba bar uan navir averiabar aven en araziba tuisigham. Egh me kamaghin fogham, e ingangarir bar aghuim Godin damazimin a gami.³ Ezi tarazi Akar Aghuir e kurir kamin mingarim gifoghan kogh, mati iniravizim men nighnizim avaraghavira iti. Gumazamizir kaba, me helin zuir tuavimin itibara.⁴ Satan a nguazir kamin godin ifavarim, a gumazamizir kabar nighniziba mitatem dagh aningizima, me nighnizir gavgavim puvati. Ezi kamaghin Kraisin Akar Aghuimin angazangarim ko an apangkuvim men navir averiabar aven ghuava avenge. Kamaghin, me Krais deragha an garir puvati, a ubi Godin mirara itir nedazim.

⁵ E uari uan arazibar akam akurir puvati. E kamaghin akam akura ghaze, "Krais Iesus, a en Ekiam. Ezi e Iesusin

-
- 3:8:** Ga 3:2, 3:5 **3:8:** Galesia 3:2; 3:5 **3:9:** Lo 27:26, Ro 1:17, 3:21 **3:9:** Godin Arazipa 27:26; Rom 1:17; 3:21
3:10: Kis 34:29 **3:10:** Ua Me In 34:29 **3:12:** 2 Ko 7:4, Ef 6:19 **3:12:** 2 Korin 7:4; Efesos 6:19 **3:13:** Kis 34:33-35, Ro 10:4, Ga 3:23 **3:13:** Ua Me In 34:33-35; Rom 10:4; Galesia 3:23 **3:14:** Ais 6:10, Jo 12:40, Ap 28:26-27, Ro 11:7-8, 11:25 **3:14:** Aisaia 6:10; Jon 12:40; Aposel 28:26-27; Rom 11:7-8; 11:25 **3:16:** Kis 34:34, Ais 25:7, Ro 11:23, 11:26 **3:16:** Ua Me In 34:34; Aisaia 25:7; Rom 11:23; 11:26 **3:17:** Jo 8:32, 8:36, Ro 8:2, 1 Ko 15:45, 2 Ko 3:6, Ga 5:1
3:17: Jon 8:32; 8:36; Rom 8:2; 1 Korin 15:45; 2 Korin 3:6; Galesia 5:1 **3:18:** Kis 16:7, 24:17, Ro 8:29, 1 Ko 13:12, 15:49, 1 Ti 1:11 **3:18:** Ua Me In 16:7; 24:17; Rom 8:29; 1 Korin 13:12; 15:49; 1 Timoti 1:11 **4:1:** 2 Ko 3:6, 1 Ti 1:13 **4:1:** 2 Korin 3:6; 1 Timoti 1:13 **4:2:** 1 Ko 1:18, 2 Ko 2:17, 6:4, 6:7, 1 Te 2:3-5 **4:2:** 1 Korin 1:18; 2 Korin 2:17; 6:4; 6:7; 1 Tesalonika 2:3-5 **4:3:** 1 Ko 1:18, 2 Ko 2:15, 2 Te 2:10 **4:3:** 1 Korin 1:18; 2 Korin 2:15; 2 Tesalonika 2:10 **4:4:** Jo 1:18, 12:31, 12:45, 2 Ko 4:4, Ef 2:2, Fl 2:6, Kl 1:15, Hi 1:3 **4:4:** Jon 1:18; 12:31; 12:45; 1 Korin 9:19; Efesos 2:2; Filipai 2:6; Kolosi 1:15; Hibru 1:3 **4:5:** 1 Ko 1:9, 1:13, 1:19, 1:23, 2 Ko 1:24 **4:5:** 1 Korin 1:9; 1:13; 1:19; 1:23; 2 Korin 1:24

migirigiamin gin ghua egha ian ingangarir gumazibar iti.”⁶ Fomira God kamaghin migia ghaze, “Mitatemin aven, angazangarim otogh siragham.” Ezi Godin kamnangran angazangarim iza en navir averiabar ikia e gamizima, e Godin fofozir aghuiba iti. E Krais Iesusin guamin angazangarir kamin gara, egha e Godin angazangarim ko an gavgavim gifo.

⁷ E pura nguazir miner kinir gavgaviba puvatizibar min ami, ezi bizir bar aghuir kam en aven iti. Bizir kam kamaghin en aka, gavgavir bar ekiar kam, a Godin otifi, an en otivir puvati.⁸ Ezi dughiar mabar osimtizir aviriba e bativigha, e dikabirazir puvati. Ezi bizir aviriba en nighnizibar iza e gamima e okam nighnisi, da en nighniziba bar da apirizir puvati.⁹ Gumazamizir aviriba en apanibar itima, God e ataghizir puvati. Me e misogha pazava e gamua, egha bar e gasighasighizir puvati.¹⁰ E kamaghsua, e uan ovengamin inivafizir kaba, gumazamiziba Iesusin ikirimir aghuim men akaghtima, me dar ganam. Kamaghin e zurara uan ovengamin inivafizibar, Iesusin ovevem men akakasi.¹¹ E kamaghin ifonge, e uan ovengamin inivafizir kaba, e gumazamiziba Iesusin ikirimir aghuim men akaghtima, me dar ganam. Kamaghin e angamira ikia Iesusin ingangarim bangin, gumazamiziba e misozima, e dughiar aviribar atam ariaghiri.¹² Kamaghin, e ghaze, ovevem e bativasa amuavira iti, eighti en arazir kam ia damuti, ia ikirimir aghuarim iniam.

¹³ Gumazir mam Godin Duamin fofozim an itima, a Godin Akinafarim kamaghin osiri, “Ki nighnizir gavgavim Godin ikia, egha kamaghin ki an gun migei.” Kamaghira, Godin Duam en aven ingara e gamima, e uaghan nighnizir gavgavim Godin ikia kamaghin an gun migei.¹⁴ E kamaghin fo, God, Ekiam Jesus gamizi, a ua mozimin dikavigha ikirimir aghuarim ini. A uaghan e damighti, e Jesus ko ua dikavichti, a bar e ko ia sara inigh mangiti, e an boroghin ikiam.¹⁵ Bizir e bativir kaba bar, da ia bangin e batifi. God kamagh-sua, arazir kamin an apangkuvim gumaza-

mizir aviriba bativ mangivira ikiam. Egh gumazamizir kaba a minabi mangivira iki, an ziam fam. Kamaghin bizir kaba e batifi.

Aposelba nighnizir gavgavim Kraisin ikia egha gavgavim ini

¹⁶ E ingangarir bar aghuir God amizir kam ginighnigha, kamaghin an ingangarim damuasa amirvazir puvati. E fo, en inivafizir azenan itiba, bar ikuvighasava amima, ezi en navir averiabar aven, e zurara dughiabar gumazamizir bar igiabar min otivavira iti.¹⁷ E fo, osimtiziba ko mizazir e datirighin ateriba, da osimtizir ekiaba puvati. Egh da dughiar otevimira ikiam. Egh da en akuraghti, e dabirabir bar aghuim Godin Nguibamin zurazurara a iniam. E fo, bizir aghuir e iniamin kaba, da bizir ighazariba bar dagh afiraghti, osimtizir e datirighin aterir kaba, da pura bizibar min otivigham.¹⁸ E uan damazibar garir biziba, e dar gara dagh nighnizir puvati. Bizir e uan damazibar ganan koghamiba, e mighigha a dar gara dagh nighnisi. Bizir e uan damazibar gariba, da bar dughiar otevimira ikiam. Ezi bizir aghuir e uan damazibar ganan koghamiba, da bar zurara ikiam.

5

¹ E kamaghin fo, nguazimin purirpenir e datirighin aven itir kaba, da gin dipirighirigh ikuvigham, kar en inivafizimin ovevem. Eighti dughiar kam God dipenir ighazarir aghuim e daningam, kar en inivafizir igiam. Dipenir kam, gumazitam an ingarizir puvati, God ubi an Ingari. A Godin Nguibamin iki zurazurara ikivira ikiam.* ² E datirighin nguazimin dipenir kamin ikia, egha navim bigha ara ikia uan dipenir Godin Nguibamin itim inigh, korotiamin min e anerughasa bar ifonge. ³ E anerugh uan inivafizim avaragh, egh bibiamra ikian kogham. ⁴ E nguazimin purirpenimin aven ikiavira ikia, osimtiziba atera navim bigha ara iti. Ezi da e gamima e uan inivafizir ghurir kam ataghiraghadasava amir puvati. E inivafizir igiar aghuim a gisin aneghuasa ifonge, mati e korotiar igiam ghurim

4:6: Stt 1:3, Ais 9:2, 2 Ko 3:18, 1 Pi 2:9, 2 Pi 1:19 **4:6:** Jeneesis 1:3; Aisaia 9:2; 2 Korin 3:18; 1 Pita 2:9; 2 Pita 1:19 **4:7:**

1 Ko 2:5, 2 Ko 5:1, 12:9 **4:7:** 1 Korin 2:5; 2 Korin 5:1; 12:9 **4:8:** 2 Ko 1:8, 7:5 **4:8:** 2 Korin 1:8; 7:5 **4:10:** Ro

8:17, 1 Ko 15:31, Fl 3:10, 1 Pi 4:13 **4:10:** Rom 8:17; 1 Korin 15:31; Filipai 3:10; 1 Pita 4:13 **4:11:** Ro 8:36, 1 Ko 15:31,

15:49 **4:11:** Rom 8:36; 1 Korin 15:31; 15:49 **4:13:** Sng 116:10, Ro 1:12, 2 Pi 1:1 **4:13:** Onger Akaba 116:10;

Rom 1:12; 2 Pita 1:1 **4:14:** Ro 8:11, 1 Ko 6:14 **4:14:** Rom 8:11; 1 Korin 6:14 **4:15:** 1 Ko 3:21, 2 Ko 1:3-6, Kl 1:24, 2

Ti 2:10 **4:15:** 1 Korin 3:21; 2 Korin 1:3-6; Kolosi 1:24; 2 Timoti 2:10 **4:16:** Ro 7:22, Ef 3:16, Kl 3:10, 1 Pi 3:4 **4:16:**

Rom 7:22; Efesus 3:16; Kolosi 3:10; 1 Pita 3:4 **4:17:** Mt 5:12, Ro 8:17-18, 1 Pi 1:6 **4:17:** Matyu 5:12; Rom 8:17-18; 1

Pita 1:6 **4:18:** Ro 8:24, 2 Ko 5:7, Kl 1:16, Hi 11:1-3 **4:18:** Rom 8:24; 2 Korin 5:7; Kolosi 1:16; Hibru 11:1-3 **5:1:**

2 Ko 4:7, 2 Pi 1:13-14 **5:1:** 2 Korin 4:7; 2 Pita 1:13-14 * **5:1:** Purirpenir nguazimin itir kamnang, kar inivafizir e

nguazir kamin inizibar akar isin zuim. Ezi dipenir ighazarir mam, kar e Godin Nguibamin iniamin inivafizir igharagha garir bar igiaba. **5:2:** Ro 8:23 **5:2:** Rom 8:23 **5:4:** 1 Ko 15:53-54 **5:4:** 1 Korin 15:53-54

gisin anerughtima, anagapazagh ganganir bar aghuim damuam. Tuavir kamin en inivafizir ovengamim, a ua raghirigh, inivafizir angamira ikivira ikiamimin otogham. ⁵ God uabi e akirigha angamira itir ikirimirir kam e ganingi, egha uan Duam e ganingi. God bizir bar aghuir maba e daningasa, egha faragha uan Duam e ganingi. Ezi e Godin Duam inigha givagha bar fo, e bizir aghuir igharaziba uaghan da iniam.

⁶ Kamaghin e bizir kam ginighnigha tuvigha gavgavighavira iti. E fo, e inivafizir kam sara ikiva, Ekiam ko an Nguibamin ikian kogham. ⁷ Bizir e gariba, e dagh nighnigha, dar gin zuir puvati. E pura nighnizir gavgavim Ekiamin ikia, egha an gin zui. ⁸ Ezi ki mikemegha gifa, e uan navibar suigha iksia, egha atiatir puvati. E inivafizir ghurir kam ategh mangi Ekiam ko iki an Nguibamin ikiasa bar ifonge. Eghia an Nguibar a itim, guizbangira en nguibamin min ikiam. ⁹ Egha e nguubar manamin iti, an en nguibam, o Godin Nguibam, e zurara kamaghin bar ifonge, e arazir aghuir Ekiam ifongezibar amuam. ¹⁰ Guizbangira, e bar moghira Kraisin kotin otivighti, an en araziba tuisigham. Dughiar e nguazimin inivafiziminaven itim, e arazir aghuibagh ami, o arazir kurabagh ami, eghia kotiamin dughiam e bar vaghvagh uan arazir amizibar iveauzim iniam.

E gumazamizibar akurvaghti, me Godin namakabar otivam

¹¹ Egha e Ekiamin atiatiaava an apengen iti. Kamaghin, gumazamiziba nighnizir gavgavim Godin iksia, e men nighniziba fa me gakagħori. God guizbangira bar en nighniziba ko arazibagh fo. Ki uaghan kamaghin nighnisi, ia en araziba tuisigha fo, e ingangarir aghuim gami. ¹² E ua miegħi akar kam, e ian aghariba aperti, ia en ziaba fi suam, e gumazir aghuiba, e kamaghin nighnizir puvati. Ia fo, marazi pura gumazamizibar ziar ekiaba itiba bagħha bar akongegħa, men navimin aven otiv araziba bagħ nighnizir puvati. Ezi e kamagħsua,

ia gumazir kabar akaba ikarvagħamin fofozim iki. Bizar kamin e ia bagħha osiri, egħi ja en arazir aghuiba bagħ bar akongegħam. ¹³ Guizbangira, marazi ghaze, en araziba ko en nighniziba ti gumazir organibar min iti. Puvati, kar e guizbangira Godin ingangarim gami. E nighnizir aghuarim ikiva, eghi an akurvagħi kamaghin damuam. ¹⁴ E deragħa nighnigha fo, gumazir mam bar e bagħha areme. Ezi tuavir kam mati, e bar mogħirama ovegħha gifa. Kamaghin Krais e gifongeżiż arazim, en naviba fa e abirima, e an ingangarim gami. ¹⁵ Gumazir kam kamaghin ifonge, e gumazamizir angamira itiba uarira uari bagħ ikian kogħam. E gumazir e bagħha ovegħha uā dikavizim bagħvira ikiam. Kamakin, a bar mogħira e bagħha ovengo.

¹⁶ Kamaghin amizi, e datirighin ua navir ghurimin arazimin gin ghua gumazamizibar araziba tuisizir puvati. Guizbangira, e faragħa navir ghurimin arazimin gin ghua Kraisin araziba tuisiki. Egha datirighin ua kamaghin amir puvati. ¹⁷ Gumazir o amizim Krais ko poroġhti, God a damighti, a bar igiamin otogħam. Eghia a uaghan, ingangarir kam e ganingi, eghia e an apanir igharazibar amighti, me an namakabar otivam. ¹⁸ Bizir kaba bar, God dagħ amima, da e batifi. E fomira an apanibar min iti, ezi Kraisin ingangarimin an e gamizi, e datirighin an namakabar otifi. Egha a uaghan, ingangarir kam e ganingi, eghia e an apanir igharazibar amighti, me an namakabar otivam. ¹⁹ En migirigam kamakin: God, Kraisin ingangarimin tuavimin, a nguazimin itir gumazamizibar me gamima, me Godin apanim gamir arazim ataghiraġha an namakabar min otifi. Egha men arazir kurar me amiziba, a ua dagħ nighnizir puvati. Egha a ingangarir kam e ganiga ghaze, ia akam nan apanibav knighti, me oreġħ nan namakabar otivigham. ²⁰ Kar e Kraisin abu ir guħmazamizibar otivigha, mati God uabi uan dimdiem ia ganingizi mogħin, e akar kam ia mikri. Kamaghin, e Kraisin danganim isa, i gakagħora ghaze, ia Godin apanim gamir araziba ategħi an namakabar otifigh.

- 5:5:** Ro 8:16, 8:23; 2 Ko 1:22, Ef 1:14, 2:10 **5:5:** Rom 8:16; 8:23; 2 Korin 1:22; Efesus 1:14; 2:10 **5:6:** Hi 11:13-16
5:6: Hibru 11:13-16 **5:7:** Ro 8:24-25, 1 Ko 13:12, 2 Ko 4:18, Hi 11:1 **5:7:** Rom 8:24-25; 1 Korin 13:12; 2 Korin 4:18; Hibru 11:1 **5:8:** Fl 1:23 **5:8:** Filipai 1:23 **5:9:** Kl 1:10, 1 Te 4:1 **5:9:** Kolosi 1:10; 1 Tesalonika 4:1
5:10: Sav 12:14, Ro 2:16, 14:10, Ga 6:7, Kl 3:24-25, MAA 22:12 **5:10:** Fofozir Guħmazim 12:14; Rom 2:16; 14:10; Galesia 6:7; Kolosi 3:24-25; Akar Mogomem 22:12 **5:11:** 2 Ko 4:2, Hi 10:31, Ju 23 **5:11:** 2 Korin 4:2; Hibru 10:31; Jut 1:23
5:12: 2 Ko 1:14, 3:1 **5:12:** 2 Korin 1:14; 3:1 **5:14:** Ro 5:15 **5:14:** Rom 5:15 **5:15:** Ro 14:7-8, 1 Ko 6:19, Ga 2:20, 1 Te 5:10, 1 Ti 2:6, 1 Pi 4:2 **5:15:** Rom 14:7-8; 1 Korin 6:19; Galesia 2:20; 1 Tesalonika 5:10; 1 Timoti 2:6; 1 Pita 4:2
5:16: Jo 6:63; 15:14, Fl 3:7-8; Kl 3:11 **5:16:** Jon 6:63; Filipai 3:7-8; Kolosi 3:11 **5:17:** Ais 43:18; Ro 8:1; 8:9-10; Galesia 5:6; 6:15; Ef 2:15, MAA 21:5 **5:17:** Aisaia 43:18; Rom 8:1; 8:9-10; Galesia 5:6; 6:15; Efesus 2:15; Akar Mogomem 21:5
5:18: Ro 5:10, Ef 2:16, Kl 1:20, 1 Jo 2:2 **5:18:** Rom 5:10; Efesus 2:16; Kolosi 1:20; 1 Jon 2:2 **5:19:** Ro 3:23-25, Kl 1:19-20 **5:19:** Rom 3:23-25; Kolosi 1:19-20 **5:20:** 2 Ko 3:6, 6:1, Ef 6:20 **5:20:** 2 Korin 3:6; 6:1; Efesus 6:20
5:21: Ais 53:6-12, Jo 8:46, Ro 5:19, 1 Ko 1:30, Ga 3:13, Fl 3:9, Hi 4:14-15, 1 Pi 2:22-24, 1 Jo 3:5 **5:21:** Aisaia 53:6-12; Jon 8:46; Rom 5:19; 1 Korin 1:30; Galesia 3:13; Filipai 3:9; Hibru 4:14-15; 1 Pita 2:22-24; 1 Jon 3:5

21 Krais uabi arazir kuratam gamizir puvati. Ezi God kamaghhsua, e Krais ko porogh, an gavgavimin e Godin damazimin gumazamizir aghuibar otivam. Kamaghin, God en akurvaghaha en arazir kuraba bar Krais gisin da ariki, ezi Krais mati uaghan gu-mazir arazir kurabagh amir mamin min oto.

6

Aposelba uan ingangarim gamua osintizir aviriba ateri

¹ God ko ingara pamten ia gakaghora ghaze, ia gumazamizir Godin apangkuvim iniziba, ia aneteghti a pura bizimin min otivan marki. ² God kamaghin migei, "Dughiar ki ian kuarkuvigha atizim, an otozi, ki ian dimdiam barasi. Dughiar ki ian akurvaghaha atizir kam, an otozi, ki ian akura." Ia oragh! Ki ian kuarkuvighamin dughiam datirighin otos. Ezi uaghan ki ian akurvaghamin dughiam datirighin otos!

³ Gumazitam o amizitam migirigiar kuratam e amir ingangarim damuan e aghuagha, kamaghin en arazir e amiba bar, e gumazitam o amizitam gamizi a uan dagarim asegha irizir puvati. ⁴ E Godin ingangarir gumazibar ikia, kamaghin zurara uan arazir aghuiba gumazamizibar akaksi. E men aghariba apira me migeima me kamaghin fo: Osintizir e bativiba, ko bizar me bar pazava e gamiba, ko bizar e gasighasiziba, e dar tuivigha gavgavighavira iti. ⁵ Me e misogha e isa kalabusin e arisi. Apanir aviriba e akumakua niginir dafam gamua en atari. Ezi e pupvira ingara deragha akuir puvatighava, mitiriabara iti. ⁶ E arazir Godin damazimin zuezibagh amua, guzin akamin fofozimin suira. E akamadariba ikarvaghha bemiram atarir puvati. E arazir aghuibar gumazamizibagh ami. E Godin Duamin gavgavim iti. E igharaz darazigh ifongezir arazim guizbangiram a gami. E arazir kabagh amua kamaghin ian aka, e guizbangira Godin ingangarir gumazamiziba. ⁷ E guzin akam akura, egha Godin gavgavimin uan ingangarim gami. E Godin arazir aghuimin suira, mati inogovimin biziбар min, e uan agharir kiriam ko guyimin dar suigha, Godin ingangarim bagha misosi.

- | | | |
|---|--|--|
| 6:1: 1 Ko 3:9; 2 Ko 5:20, Hi 12:15 | 6:2: Ais 49:8; Lu 4:19-21 | 6:3: Ro 14:13, 1 Ko 9:12, 10:32 |
| 6:3: Rom 14:13; 1 Korin 9:12; 10:32 | 6:4: 2 Ko 4:2 | 6:4: 2 Korin 4:2 |
| 6:4: 2 Ko 4:2 | 6:5: Ap 16:23, 2 Ko 11:23-27 | 6:5: Ap 16:23, 2 Ko 10:4, 1 Timoti 4:12 |
| 6:5: Ap 16:23; 2 Korin 11:23-27 | 6:6: 1 Ti 4:12 | 6:6: 1 Timoti 4:12 |
| 6:6: 1 Ti 4:12 | 6:7: 1 Ko 2:4, 2 Ko 4:2, Ef 6:11-13; 2 Ti 4:7 | 6:7: 1 Ko 2:4, 2 Ko 4:2, Ef 5:7, 5:11 |
| 6:7: 1 Korin 2:4; 2 Korin 10:4; Efesus 6:11-13; 2 Timoti 4:7 | 6:8: Sng 118:18, 1 Ko 4:9, 2 Ko 4:2, 4:9-10 | 6:8: Sng 118:18, 1 Ko 4:9, 2 Ko 4:2, 4:9-10 |
| 6:9: Onger Akaba 118:18; 1 Korin 4:9; 2 Korin 4:2; 4:9-10 | 6:9: Onger Akaba 118:18; 1 Korin 4:9; 2 Korin 4:2; 4:9-10 | 6:9: Onger Akaba 118:18; 1 Korin 4:9; 2 Korin 4:2; 4:9-10 |
| 6:10: 2 Ko 7:4, Fl 2:17, Kl 1:24 | 6:10: 2 Ko 7:4, Fl 2:17, Kl 1:24 | 6:10: 2 Korin 7:4; Filip 2:17; Kolosi 1:24 |
| 6:11: Godin Araziba 7:2-3; 1 Korin 5:9; Efesus 5:7; 5:11 | 6:11: Godin Araziba 7:2-3; 1 Korin 5:9; Efesus 5:7; 5:11 | 6:11: Godin Araziba 7:2-3; 1 Korin 5:9; Efesus 5:7; 5:11 |
| 6:12: Wkp 26:12, Ese 37:27, 1 Ko 3:16, 6:19 | 6:12: Wkp 26:12, Ese 37:27, 1 Ko 3:16, 6:19 | 6:12: Wkp 26:12, Ese 37:27, 1 Ko 3:16, 6:19 |
| 6:13: 1 Korin 4:14 | 6:13: 1 Korin 4:14 | 6:13: 1 Korin 4:14 |
| 6:14: Lo 7:2-3, 1 Smr 5:2-3, 1 Ko 5:9, Ef 5:7, 5:11 | 6:14: Lo 7:2-3, 1 Smr 5:2-3, 1 Ko 5:9, Ef 5:7, 5:11 | 6:14: Lo 7:2-3, 1 Smr 5:2-3, 1 Ko 5:9, Ef 5:7, 5:11 |
| Gami 26:12; Esekiel 37:27; 1 Korin 3:16; 6:19 | Gami 26:12; Esekiel 37:27; 1 Korin 3:16; 6:19 | Gami 26:12; Esekiel 37:27; 1 Korin 3:16; 6:19 |

⁸ Gumazamizir maba en ziaba fe. Ezi igharaziba en ziabagh asighasisi. Ezi marazi girakirangin e migia e gasighasisi, ezi igharaziba en gun uan namakabav gia ghaze, e arazir aghuibagh ami. Gu-mazamizir maba ghaze, e gumazir ifariba. Kamaghin puvati, e gumazir guizin akabav geiba. ⁹ Marazi en gara, mati me e gifozir puvati. Ezi guizbangira, gumazamiziba bar moghiram e gifos. Marazi en gara ghaze, dughiar aviriba e atam ovei. Ezi guizbangira, e angamira ikiavira iti. Marazi en gara ghaze, God uam e akirnighasa mizazir ekiar kam e ganidi. Ezi guizbangira, e aremezir puvati. ¹⁰ Marazi en gara ghaze, e bar oseme. Ezi guizbangira, e zurara bar akuegha iti. Marazi en gara ghaze, e organarazibar min iti. Ezi guizbangira, e gumazamizir aviribar akurvazima, me Godin Duamin amodoghin, bizar aghuir aviriba bar izifa. Marazi en gara ghaze, e biziha puvatizi moghin pura iti. Ezi guizbangira, e Godin Duamin amodoghin, e biziha bar avirasemegha iti.

¹¹ Ia, Korinin itir Kraisin adaras, e azena bighivira ia mikimasa. E guizbangira uan naviba kuighava da isa ia ganidi. ¹² E uan navibar kuazi pu. Puvati. E ia bagha bar ifonge. Ezi ia uari uan navibar kumi. Ezi navir vamiran itir arazir kam, en tongin itir puvati. ¹³ Ki datirighin mati Afeziham uan boribav gei moghin, ki ia migei. Ia arazir e amibar min, uaghan uan naviba kuighiva da isi e daningam.

E Godin Dipenimin min iti

¹⁴ Kraisin adarazir azenan itir gumazamiziba, men araziba bar ighara. Kamaghin amizi, ia me ko porogh me ko ingangaribar amuan marki. Ki ian azai, Godin arazir aghuim ko arazir kuram ti manmagh uanning ko porogh uanning ko ingaram? Eghti angazangarim ko mitatem manmagh uanning inigh ikiam? Bar puvatigham. ¹⁵ Krais ko Satan, aning ti navir vamiran iti, o? O, gumazamizir nighnizir gavgavim ittam, ko gumazamizir nighnizir gavgavim puvatizitam, aning manmagh nighnizir vamira ikiam? Bar puvati. ¹⁶ Manmaghsu, e Godin Dipenim ko marvir guabar dipeniba isafuraghram? God fomira kamaghin migei, "Ki me ko iki, egh men

tongin daruam. Egheti me nan gumazamizbar min ikiti, ki men Godin ikiam." Kamaghin amizi, ia fo, e uari Godin zurara itimin dabirabir Dipenim.

17-18 Ezi Ekiam ua kamaghin migei, "Ja me ategh, mangi danganir igharazitamin iki. Egh ia bar deraghvira uari bagh gan, ia ua bizir Godin damazimin zuezir puvatizitam uam an suighan marki. Ki ubabi inigh, ian Afeziamin min ikiti, ia nan boribar min ikiam." Ekiar Gavgavir Ekiam Itim kamaghin migei."

7

¹ Nan namakar aghuiba, Godin e bagha inabazi itir bizir kaba e da inigha gifa. Kamaghin, e inivafizim ko duam gami aning mizezir biziba, bar da batuegh, Godin damazimin bar zuegham. Egh e Godin atiating an apengan ikiam. Egh uari isi bar God danigh, egh Godin arazir zuezim zuraram an gin mangam.

Korinba navibagh irazima Pol bar akonge

² Ia uan naviba kuighiva, da isi e daning. E arazir kuratamin gumazitam o amizitam gamizir puvati. Egha e gumazitam o amizitam pazava a gamizir puvati. Egha e gumazitam o amizitam gifaragha an bitezitam pura a inizir puvati. ³ Ki akatam ia gasa migirigiar kam ia migeir puvati. Ia fo, ki fomira mikeme, e uan naviba bar ia ganigha bar ia gifueghivira ikiam. Egh e ovengam, o e angamira ikivira ikiam, arazir kam kamaghira ikiam. ⁴ Ki kamagh fogha bitezitam modozir puvati. Ki bighivira ia mikimam, nan navim bar amiraghiri, ki ia bagha bar akonge. Osimtiziba guizbangira e batifi, ezi da pura biziba. E ia ginighnisi, ezi bizir kam e gamizi, en naviba ia bagha bar akueghavira iti.

⁵ E ghua Masedonian itir dughiam, e avughsasa amuava avenge. Nguibar kamin osimtizir avirir maba zurara e isi. Gumazamiziba akabar, e uari batogha uariv gei. Ezi atiatir nighniziba, en navir averiabar aven iti. ⁶ Gumazamizir osimtiziba men naviba abinigha itiba, God men girakirangin tuiva navir amirizim me ganidi. Egha a Taitus amadazima, a uam e bagha izezima, en navir averiaba bar dera. ⁷ Taitus ua izezir arazir kamra, God e gamizi en naviba derazir puvati. Ia faragha Taitus gamizi an navim ian dera, egha a ian arazir kamin gun e geghani. Ian arazir kamin God uaghan en

navibagh amizi da dera. Taitus kamaghin e migia ghaze, ia nan ganasa bar ifongegha, ararer kam ian navir averiabar iti. Egha ia na ko navir vamiran ikiasi bar puvira nighnisi. Ezi kamaghin ki bar guizbangira bar akonge.

⁸ Ki fo akinafarir ki ia bagha osirizim ia gamizi, ian naviba oseme. Ezi ki ubabi bizir kam mighigha a ginighnizir puvati. Ki guizbangira faragha bizir kam ginighnigha ian apangkufi, egha datirighin puvati. Akinafarir ki ia bagha osirizir kam ia gamizi, ia osemegha aghumsiki. Ezi arazir kam bar dughiar otevimiram iti. ⁹ Ezi ki datirighin bar akonge. Ki fo, ia oseme, ezi ki bizir kam bagha bar akongezir puvati. Ki fo, ian osimtizim ko aghumsizim ia gamizi, ia uan navibagh ira, ezi ki bizir kam bagha bar akonge. Ki fo, God ubabi ia gamizi, ian naviba osemegha aghumsiki. Ezi en migirigiar kataba bar ian navibagh asighasiguijir puvati. ¹⁰ E fo, Godin otivir osimtiziba ko aghumsizir araziba, da gumazamizibagh amima, me uan navibagh iraghiasi. Arazir kamin God uam en akura. Kamaghin, e arazir kam bagh uan navibagh isin nighnizir aviribara amuan markiam. Ezi nguazir kamin osimtiziba ko aghumsizir araziba, da gumazamizibagh amima ovevem otifi. ¹¹ Ia kamaghin deragh nighnigh. God ia ganingizir osimtizir kam, bizir bar aghuir igharagha garibar ia gami. Bizir kamin God ia gamizi ia uari, uari bagha uan osimtizim derivira bighivira mikimasa ia ifonge. Ezi God ian naviba fezi, ia gumazir arazir kuram gamizimin atari. Ezi a ia gamizi, ia an atiatingi. Ia datirighin mighigha e ginighnigha, gumazir arazir kuram gamizimin arazim akirasa partmen ingari. Arazir ia migirigiar kam akirasava amiba, kamaghin akagha ghaze, ia Godin damazimin osimtizitam itir puvati.

¹² Ki akinafarir kam ia bagha an osira, egha arazir kuram gamizir gumazim ginighnigha an osirizir puvati. Egha gumazir ighazarir pazava a gamim, ki uaghan a ginighnighizir pu. Bar puvati. Ki kamaghin ifonge, ian arazir aghuim azenim girichti, ia Godin damazimin deragh fogh suam, ia bar na gifonge. Bizir kam bagha ki akinafarir kam osiri.

¹³ Ezi datirighin ian arazir kam e gamizi, en navir averiaba amiraghavira iti. En naviba amiraghirigh iti, e bar akonge. Ia Taitusin akuragha an osimtiziba agivazi, an

6:17-18: 2 Samuel 7:14; 1 Eghaghaniha 17:13; Aisaia 43:6; 52:11; Jeremaia 31:9; Esekiel 20:34; 2 Korin 7:1; Akar Mogomem 1:8; 18:4; 21:7 **7:1:** 2 Ko 6:17-18, 1 Jo 3:3
12:17 **7:2:** Apostol 20:33; 2 Korin 12:17 **7:3:** 2 Ko 6:11-12 **7:3:** 2 Korin 6:11-12 **7:5:** 2 Ko 2:13 **7:5:**
2 Korin 2:13 **7:6:** 2 Ko 1:3-4, 2:13 **7:6:** 2 Korin 1:3-4; 2:13 **7:8:** 2 Ko 2:4 **7:8:** 2 Korin 2:4 **7:10:** 2 Sml 12:13, Snd 17:22, Mt 26:75, 27:3-5, Hi 12:16-17 **7:10:** 2 Samuel 12:13; Aghuzir Akaba 17:22; Matyu 26:75; 27:3-5;
Hibru 12:16-17

navim amira. Ezi bizir kamin e guizbangira bar akonge. ¹⁴ Ki faragha ian arazir aghuibar gun Taitusin migia ian ziaba fe. Egha uan migirigiar kamin aghumsizim inizir pu. Puvati. Akar e ian arazir aghuibar gun mikemeziba, da guizbangira. Kamaghin datirighin Taitus fo, e ian ziaba fer migirigia, da bar guizbangira. ¹⁵ Taitus ia bagha izezir dughiamin, ia atiatia nigha, a inigha, bar an migirigabar mirara ghue. A ian arazir kam ginighnighavira ikia bar ian apangkuvigha navim ia bagha ikavira iti. ¹⁶ Ki datirighin bar fogha ghaze, ia arazir aghuibara damuam. Kamaghin ki bar akonge.

Korinba, Judian itir Kraisin adarazir akurvaghaha dagiaba arisi

8

(Sapta 8-9)

Kraisin adarasi, Judian itir Kraisin adarazi bagha dagiaba arisi

¹ Nan adarasi, e kamaghin ia mikimasa, God Masedonian Provisin itir siosba bar men apangkuvigha men akurvasi. ² Osimtzir ekiam me batozi, dughiar kamin me biziba bar puvati. Ezi God me gamizi, me bar akuegha, Kraisin adarazigh nighnigha, men akurvaghaha dagiar bar aviriba arizima da bar izifa. ³ Ki deravira kamaghin ia mikimasa, me uari uan ifongiamin gin ghua dagiar kaba aningi. Bizir me daningamin me itiba, me da aniga, dagh isin bar aviriba aningi. ⁴ Me pamten e gaghora e migia ghaze, e men amamangatighti, me Godin apangkuvir arazim inigh, siosin igharaziba ko ingeriva Judian itir Godin gumazamizibar akurvaghram. ⁵ E kamaghin nighnisi, me dagiataba aningam. Ezi men arazir aghuim, en nighnizi moghin, bar a gafira. Me uari isa God bar a ganiga, God ifongezir arazimin gin ghua uaghan uari isa bar e ganingi.

⁶ Taitus faragha Godin apangkuvir arazimin gin ghua ingangarir aghuir kam ian tongin a gami. Kamaghin amizi, e anemadi, ehti a uamategh mangi, uan ingangarir nam bar anegivaghram. ⁷ Bizir ia amiba bar, da guizbangira bar dera. Ia nighnizir gavgavim Godin ikia, deraviram an gun migei. Egha ia fofozir ekiam ikia, Godin ingangarim damuasa bar moghira ifonge. Egha ia uaghan e bagha bar ifonge. Kamaghira, datirighin ia apangkuvir arazimin gin mangiva a gis in

arazir bar aghuir kam isafuragh ingangarir kam damu.

⁸ Ia nan akar kamin girara mangasa ki akar gavgavim ia ganidir puvati. Ki kamaghin nighnigha ia migei, gumazamizir igharaziba ingangarir kam damuasa naviba me dikafi. Ehti ia damuamin arazir manatamin, ki dar ganiya da tuisigh deragh dagh fogham, ia igharaz darazigh ifongezir arazim a guizbangirama otifi, o puvati? ⁹ Ia fo, en Ekiam Krais Jesus, en apangkuvir arazim bar ekefe. A Godin Nguibamin bizir aghuir bar aviriba ikia, egha ia bangin nguazir kamin izegha onganarazimin min iti. A ian akuraghti, ia bizir aviriba iniasa, kamaghin a biziba puvatizir gumazimin min oto.

¹⁰ Ki datirighin ia dagiaba arizir ingangarir kamin uan nighnizim ia daningasa. Ia azenir givazimin ingangarir kam gamizi a dikafi. Egha ia ingangarir kam damuasa bar ifonge. ¹¹ Egh ia datirighin ingangarir amir kam, ia gavgavigh anegifagh! Ia faragha ingangarir kam damuamin ifongiam iti moghin, ia zuamira a damigh anegifagh. Ia itir bizibar amodoghin, ia ingar mangi otogh. ¹² Gumazitam o amizitam bizibar aningsi bar ifueghti, God da inisi bar akuegham. God bizir gumazamizibar vaghaghaha ikiava anidibagh nighnigha, egha bizir me anidiba isi. A gumazamizir biziba puvatizibagh nighnigha men araziba tuisizir puvati.

¹³⁻¹⁴ Ki ia osimtzir ekiam aterti, igharaz darazi deravira ikiasi, ki migeir puvati. Ki e arazir magh garibara e vaghvagh uarir amuasa, ki ifonge. Ia datirighin dughiar kamin bizir aviriba iti, ia biziba otevezir gumazamizibar akuragh. Ehti gin ia bizibar oteveghti, me bizir avirir me itibar ian akurvaghram. Kamaghin, ia bar arazir vabara damuva, ia deravira ikiam. ¹⁵ Mati Godin Akinafarim mikeme, “Gumazamizir dagher aviriba iniziba, men mineba izevezir puvati. Ezi gumazamizir dagher aviriba iniziba puvatiziba, men dagheba otevezir puvati.”

Pol gumaziba amangizima me Korinng hue

¹⁶ God Taitusin navim fezima, an e ko nighnizir vamirama amua, uaghan ian akurvaghaha bar akonge. Kamaghin e God minabi. ¹⁷ E ua ia bagh mangasava an azangsisi, a mangasa bar ifonge. Egha a uaghan ingangarir kam damuasa bar ifonge. Kamaghin amizi, a uabi ifueghava, ia bagha ghu. ¹⁸ Ezi e uaghan Kraisin adarazir mav amadazima, a Taitus

ko mar zui. Gumazir kam siosba bar dar Akar Aghuim akura, egha ziam iti.¹⁹ Ezi bizir kamra puvati. A en gin daru apangkuvim itir ingangarir kam damuasa, Siosba anemisevegha ghaze, an en akuragh dagiaba arigham. E kamaghsua, e ingangarir kamin Ekiamin ziam fiti, gumazamiziba uaghan fogham, en naviba ingangarir kam damuasa dikavima e a gami. Bizir kamning bagha, e ingangarir kam gami.²⁰ Bizir ekiar gumazamiziba aningizi e garim, tav a bagh akar kuratam e gasan e aghua. Kamaghin, e Kraisin adarazir kav inizi an e ko izi.²¹ E arazir aghuibara damuasa. Egh e arazir aghuir kam Godin damazimra a damuan aghua. Puvati, e uaghan gumazamizibar damazibar dar amuam.

²² Ezi e Kraisin adarazir gumazir igharazir mam uaghan anemadazima, an aning ko zui. E dughiar aviribar ingangarir guar aviriba a ganiga an garima, a gavgavigha deragha dagh ami. A bar fo, ia bar arazir aghuibara damuam. Kamaghin datirighin a ingangarir kam damuasa bar ifonge.*²³ Ia Taitus gifogha gifa, a nan roroam ko na ko ingarir gumazim, e ian akurvasi. Ezi en aveghbuar kamning, ia kamaghin aning gifo, aning siosbar ingangarir gumazimning ikia, aningin ingangarimin aning Kraisin ziam fe.²⁴ Ia arazir bar aghuibar gumazir kabar amu. Eighti ian arazir kam siosbar gumazamizibar akaghti, me fogh suam, ia guizbangira igharaz darazigh ifonge. Egh me fogham, e faragha me migia ian ziam fe, ezi akar kam, a guizbangira, e pura migeir puvati.

9

Korinba dagiaba Godin gumazamizibar akurvaghs i dar aningam

¹ Ia dagiar e Godin gumazamizir Ju-dian itibar akurvaghsha arighizibagh fogha gifa. Kamaghin amizi, ki akar ruaritam bizar kam bagh an osiran kogham.² Ki fogha gifa, ia igharaz darazir akurvaghsha ian naviba dikavigha gifa. Ezi ki zurrara ian ziaba Masedonian gumazamizibar damazibar da fe. Ki kamaghin me migei, "Azenir givazim Akaiaba ingangarir kam damuasa biziba akirigha gifa." Egha

me orazi ia dagiaba aningasa bar ifonge, ezi bizir kam Masedonian aviribar naviba fema me uaghan dagiabar aningasa.³ Ezi nan migirigar ki ian ziaba fer kaba, pura bizimin min otivan, ki kamaghin aghua. Ki kamaghin ifonge, ia dagiaba arighiva, egh ki mikemezi moghin, ia da me daningsivira ia gan iki. Ki bizar kam ginighnigha, aveghbuar kaba amangizi, me ia bagha izi.⁴ Ki guizbangira nighnizir gavgavim kamaghin iti, ia dagiabar aningasa da arigha mizuai iti. Nan nighnizim Masedonian gumazitaba na ko izi ganti, ia dagiaba arighan koghti, ki bizar kamin aghumsizim inigham. Eighti ia uaghan bar aghumsigham.⁵ Kamaghin ki ghaze, ki gumazir kaba amadaghti me faragh izi ian ganiva, ian akuragh dagiar ia daningasa akam akiriziba, dar akirigh da amadaghti da mangam. Eighti ki iza-min dughiamin, gumaziba ian ganti, ia bar bofera iniam. Eighti gumazim dagher aviriba oparigh, a dagher bar aviriba iniam.⁷ Kamagh amizi, ia bar vaghvagh deravira faragh nighnigh, egh bizar ia aningasa ifongezim faragha a gifogh. Gumazitam o amizitam uan bizitam aningsi osemegh suam, me bizibara aningasa puviram e gaghora e abiri. Gumazamizir bar akuegha uan ifongiamin gin ghua biziba anidiba, God bar me gifonge.⁸ God bizar aghuir guar aviriba ia daningamin gavgavim iti, eighti ia bizar aghuir bar aviriba ikiam. Egh ia zurazurara biziba bar izivagham. Eighti ia ingangarir aghuba bar dar amusi, bizir bar aviriba ia bagh izivagham ikiam.⁹ Godin Akinafarim arazir kam migia ghaze, "Gumazamizir bizar aviriba isa organarazibagh anidiba, me mati gumazamiziba dagher oviziba oparasa pura tintinibar nguazim mikiri. Ezi men arazir aghuir kam givaghan kogham, a ikivira ikiam."¹⁰ God dagher oviziba gumazamizibagh anidima me uan azenibar da opari. Egha dagher guar bar aviriba isa gumazamiziba bar me ganidima, me da api. Kamaghira God biziba uaghan ia daningti, ia bar izivagham. Kamaghira ia Godin gumazamizir igharaziba men akurvaghham.

8:21: Snd 3:4, Ro 12:17, Fl 4:8, 1 Pi 2:12 **8:21:** Aghuzir Akaba 3:4; Rom 12:17; Filipai 4:8; 1 Pita 2:12 * **8:22:** E aveghbuar, Taitus ko Korinian mangasava amir kamningiz iazzming, e deragha aning gifozir puvati. Pol ves 18 ko 20in mavin gun mikeme. Egha igharazitav Pol ves 22in an gun mikeme. **8:24:** 2 Ko 7:13-14, 8:1-7 **8:24:** 2 Korin 7:13-14; 8:1-7 **9:1:** 2 Ko 8:1-7 **9:1:** 2 Korin 8:1-7 **9:6:** Snd 11:24, 22:9, Ro 12:8, Ga 6:7-9 **9:7:** Godin Aratziba 15:7; Aghuzir Akaba 11:25; Rom 12:8 **9:8:** Snd 28:27, Fl 4:19 **9:8:** Aghuzir Akaba 28:27; Filipai 4:19 **9:9:** Sng 112:9 **9:9:** Onger Akaba 112:9 **9:10:** Ais 55:10, Hos 10:12, Mt 6:1 **9:10:** Aisaia 55:10; Hosea 10:12; Matyu 6:1 **9:11:** 2 Ko 1:11, 4:15 **9:11:** 2 Korin 1:11; 4:15

Eghți ian arazir aghuiba otiv mangivira iki, mati gumazim dagher oviziba oparizi dar dagheba otiva ghuavira iti.¹¹ God zurara bizir bar aviriba ia daningti, ia bizir aviriba igharaz darazi daningamin tuavim ikiam. Eghți en ingangarimin, ia me daningamin bizir kaba, me damighti, me God bar a minabagh.

¹² Kamagh amizi, ingangarir ia amir kam Godin gumazamizibar akuraghti, me uam bizibar oteveghan kogham. Egh uaghan ingangarir kam gumazamizibar amighti, me God bar a minabagh. ¹³ Ingangarir ia amua men akurvazir kam, a ian arazir aghuim bar azenaram anekaghram. Eghți me fogh suam, ia Kraisin Akar Aghuim guizin a inigha, deraghavira an akamin gin zui. Eghți me bizir avirir ia me ganingiziba, ko bizir ia gumazamizir igharazibagh aningiziba uaghan dar gan, egh Godin ziam fam. ¹⁴ Egh me kamaghin fogham, Godin apangkuvim guizbangira bar ia gizifa. Kamaghin, me bar ia gifuegh, God bar deravira ia damusi, me ia bagh Godin azangsigham. ¹⁵ Bizir aghuir God e ganingizim, a guizbangira bar ekefe, ezi e a mikimamin akabagh asa. E pura bizir ekiar kam bagh God minamam!

Gumazir maba akar kuramin Pol mikemegeha, Korinbagh amizi, me Polin oseme. Ezi Pol men nighniziba ua dar kiri

10

(Sapta 10-13)

*Pol gumazir an ingangarim abinasava
anibar akaba ikarvsi*

¹ Gumazamizir maba kamaghin akam na gasa na migia ghaze, Pol e ko ikia bar uabi abiraghia iti. Egha a saghon ikia akar bar gavgaviba e ganidi. Ezi ki Pol, nan ifongiam kamakin, ia uari amiraghia itir arazim, ko igharazibar asughasugha deragha me gamir arazir Krais amizim gnighnigh. Egh ki Kraisin arazir kabar gin ghua, akar ki migeiba ia deragh dagh nighnighasa ki ian azangssi.* ² Ki kamaghin ia gaghora ia mikimasa, ia deravira

ganigh fogh, ki izi ia ko ikiva uam akar bar gavgavitam ia mikiman maraghe. Gu-mazir e migia ghaze, e nguazimin bizibar gin zuiba, ki akar gavgavim me mikimamin gavgavim iti.³ Guizbangira e nguazir kamin ikia, nguazir kamin itir gumazamizibar min misozir puvati. ⁴ Inogovir bizir e suighiziba, da nguazimin inogovir biziba pu. Bar puvati. Bizir kaba, Godin gav-gavim dar iti. Eghți e dar suighiva apani-bar divinir gavgavim abighirarigham. ⁵ Egha e ifavarir akaba, ko nighnizir guar aviriba dikabiri. Nighnizir kaba, gumazamizibar Godin fofozim iniasava amima, da men tuaviba apiri. Ezi e gumazamizibar nighniziba ikiagharsi, mati me gumazir kura-misa kalabus gati. Egh e men nighnizibar amighti, men nighniziba Kraisin akamin girara mangam. ⁶ Ezi e iarara mizuai. Ia en akaba bar dar gin mangiti, e gumazamizir akaba batoziba, mizazim me daningam.

⁷ Ia bar deravira bizir azenan itir ia gariba tuisigh. Egh gumazitam o amizitam uabira uabi mikim suam, a guizbangira Kraisin anav, a bar deravira nighnigh kamaghin fogh, e uaghan an mirara Kraisin adarasi. ⁸ Ekiam ingangarir kam damuasa gavgavim e ganingi. Egha, e ian nighnizir gavgaviba fasa, a ifonge. Egha e ian nighnizir gavgavibagh asighasighan a bar aghua. Kamagh amizi, ki ingangarir e amir kam bagh bar akuegh, e uan ziaba tong ada fegh, akar mikemezir kamin aghumsighan kogham. ⁹ Ia kamaghin na ginighnighan ki aghua, ki gumazir akinafariba ia bagha da osira atiamt ia ganidim. ¹⁰ Gumazamizir maba guizbangira kamaghin na migei, Polin akinafariba akar gavgavir igharagh-a gariba dar iti. Ezi a uabi iza e ko migeir dughiaba, e an garima a gavgaviba puvati. Egha akam akurir arazim bar deragha a gifozir puvati. ¹¹ Gumazamizir migirigiar kabagh amiba, me bar deragh nighnigh kamaghin fogh, arazir e iza ia ko ikia amiba, da mati arazir e saghon ikia ia bagha Akinafarim osirizi moghin, da dar mirara ghu.

¹² E kamagh mikiman kogh, uari tuisigh suam, e gumazamizir uarira uan ziaba feba ko, e uaghara ghue. Egh e kamaghin mikiman kogham, en araziba men araziba

9:12: 2 Ko 8:14

9:12: 2 Korin 8:14

9:15: Je 1:17

9:15: Jems 1:17

10:1: 1 Ko 2:3

10:1: 1 Korin 2:3

* **10:1:** Sapta 10-13in itir migirigia, da 2 Korin in itir saptan igharaziba, mong dar mirara ghuezir puvati. Pol sapta 9in migia ghaze, a Korinbar araziba bagha bar ifonge. Egha ua sapta 10in bar akar gavgavibar me gami. Bizir kamin fofozir gumazir maba kamagh nighnisi, Sapta 10-13in akinafarir Pol dughiar igharazimin osirizimin aven iti. Ezi gin moghira gumaziba uaghara aning isafura. **10:2:** 1 Ko 4:21 **10:2:** 1 Korin 4:21 **10:4:** 1 Ko 2:5, Ef 6:13-17, 1 Te 5:8, 1 Ti 1:18 **10:4:** 1 Korin 2:5; Efesus 6:13-17; 1 Tesalonika 5:8; 1 Timoti 1:18 **10:5:** 1 Ko 1:19, 3:19 **10:5:** 1 Korin 1:19; 3:19 **10:6:** 2 Ko 2:9 **10:6:** 2 Korin 2:9 **10:7:** 1 Ko 3:23, 14:37, 2 Ko 5:12, 1 Jo 4:6 **10:7:** 1 Korin 3:23; 14:37; 2 Korin 5:12; 1 Jon 4:6 **10:8:** 2 Ko 12:6, 13:10 **10:8:** 2 Korin 12:6; 13:10 **10:11:** 2 Ko 7:14, 12:6, 13:2, 13:10 **10:11:** 2 Korin 7:14; 12:6; 13:2; 13:10 **10:12:** 2 Ko 3:1, 5:12 **10:12:** 2 Korin 3:1; 5:12

ko magh ghu. Puvati, gumazamizir kaba uari uan araziba tuisisi. Egha gumazir mam uan arazim igharazitavin arazim koma a tuisisi. Gumazamizir kamaghin amiba, me fofozir aghuiba bar puvati.¹³ E uari uarigh isivagh pin mavanangan aghua, eghti en ziaba bar pin mar ikiam. Puvati, e ingangarir God e bagha inabazim damuasa, God e bagha abarazi moghin, e uan araziba tuisighasa. Ezi ingangarir God e ganingizir kamin ababanim, ia Korinba uaghan aven iti.¹⁴ Ezi ingangarir God e ganingizir kamin ababanim, a uaghan ia avara. Kamaghin, dughiar e akam ia mikirim, e ababanir kamin ikiavkinizir puvati. Erara bar faraghavira Korinin iza Kraisin Akar Aghuir kam ia bagha a inigha ize.¹⁵ E uan ababanim gafirazir puvatigha, gumazamizir igharaziba amizir ingangarim ginighnigha, uan ziaba fer puvati. Bar puvati: E ingangarir God e ganingizim guizbangirama a damuasa ifonge. Eghti ian nighnizir gavgaviba gavgavighti, en ingangarir kam ian tongin bar ekevegham.¹⁶ Eghti e Akar Aghuim inigh ian girakirangin itir kantribar mangam. E nguibar gumazamiziba ingangarim gamigha givazibar mangan aghua. Egha e gumazamizir igharaziba amigha givazir ingangarim bagh pura uan ziaba fan aghua.[†]¹⁷ Godin Akinafarim kamaghin migei, “Tina bar akongeghs, an Ekiam amizir arazibagh nighnigh, a bagh bar akongegh.”¹⁸ E fo, gumazamiziba bar akuegha uarira uan ziaba fe, gumazamizir kaba Godin damazimin ziaba pu. Bar puvati. Eghti Ekiam gumazamizibar ziaba fiti, gumazamizir kaba guizbangira ziaba iti.

11

Polin arazim Aposelin ifavaribar arazibar mirara zuir puvati

¹ Ia nan amamangatighti, ki organizi moghin tong mikemeka. Ia nan amamangatigham, o?² God gumazamiziba anariram apengan ikiasava a ifonge. Ezi kamaghira, ia Kraisin gin mangasa, ki uaghan ifonge. Ia Kraisin adarazir mirara ikiasa ki ia misefe, mati amizir igiar bar zuezim ki a inigh mangi par

a ko poroghamim daningam.³ Ia kuruzeim fomira Iv gifarazimin eghaghanim ginighnigh. Ki kamaghin atiati, bizir Iv batozir kam uaghan ia batogham. Gumazir kuram ia gifaraghan maraghe, eghti ia ua Krais baghavira itir guizin arazim ategham.⁴ Ki fo, gumazamizir maba ia bagha iza Iesusin igharazimin akam ia mikiri. Kar Iesusin e akam ia mikinizim, puvati. Ez arazir kamin ia duar igharaghha garim ini. Kar ia faragha inizir Godin Duam puvati. Ia akar aghuir igharazim ini. Kar Akar Aghuir ia faragha inizim puvati. Ki fo, me ian tongin arazir kam gamizi, ia pura uari isa men migirigabar gin mangasava ami.

⁵ Ia orakigh!⁵ Ki ghaze, ian gumazir “Aposelin Ekiabar,” ariziba, me na gafirazi ki men apengan itir pu. Bar puvati.⁶ Guizbangira, ki akam akurir arazim mong deragha a gifozir puvati. Ezi nan fofozim otevezir puvati. Arazis e zurarama amiba, e uan fofozim gumazamiziba bar men akakazima, ia deravira dar gani.

⁷ Ia fo, ki Godin Akar Aghuim ia mikini, egha ingangarir kamin iveditam imizir puvati. Arazir kamin, ki ia fasa, egha uabira ubi abiragha iti. Manmaghin ami, arazir ki amir kam, ki ti arazir kuram gami, o?⁸ Puvati.⁹ Ki ian tongin ingangarim gamima, siosin igharaziba nan akurazi, ki me da dagiaha ini. Arazir kam mati, ki men biziha okemehga ian akura.⁹ Dughiar ki ia ko itimin, ki dagiabbar otevegha, da bagha ian tavin azangsizir pu. Puvati, Kraisin marazi Masedonian Provinsin ikegha iza bizir ki otevegha ifongeziba, me bar dar nan akura. Ki kamaghin nighnisi, ki osimitizim ia daningan aghuagha nighnizir kamin suiraghavira iti.¹⁰ Ki fo, ki uan arazir kam bagha uan ziam fe. Ezi Kraisin guizin akam na ko itima ki guizin kamaghin migia ghaze, Akaian Provinsin nguibaba bar, dar gumazitam o amizitam ki uan ziam fer arazir kam bagh, nan tuavim apirighan kogham.¹¹ Ki tizim bagh kamaghin damuam? Ki ti ia gifongezir pu? Puvati, God bar fo, ki bar ia gifonge.

¹² Gumazamizir maba uarira uan ziaba fasa tuaviba buria gumazamizibar damazibar e ko magh otivasava ami. Ezi ki men

- 10:13:** Ro 12:3 **10:13:** Rom 12:3 **10:14:** 1 Ko 3:5, 3:10, 4:15, 9:1 **10:14:** 1 Korin 3:5; 3:10; 4:15; 9:1 **10:15:**
Ro 15:20 **10:15:** Rom 15:20 [†] **10:16:** Pol, Korinin girakirangin itir kantribav gei. Kar, a ti Korinin aruem uaghiri naghin itir kantribagh nighnisi. A ti Rom ko Spen arining migei. **10:17:** Ais 65:16, Jer 9:24, 1 Ko 1:31 **10:17:**
Jeremaia 9:24; 1 Korin 1:31 **10:18:** Snd 27:2, Ro 2:29, 1 Ko 4:4-5 **10:18:** Aghuzir Akaba 27:2; Rom 2:29; 1 Korin 4:4-5 **11:2:** Hos 2:19-20, 1 Ko 4:15, Ga 4:17-18, Ef 5:26-27, Kl 1:28 **11:2:** Hosea 2:19-20; 1 Korin 4:15; Galesia 4:17-18;
Efesus 5:26-27; Kolosi 1:28 **11:3:** Stt 3:1-5, 3:13, Jo 8:44, Hi 13:9, 2 Pi 3:17 **11:3:** Genes 3:1-5; 3:13; Jon 8:44; Hibru 13:9; 2 Pita 3:17 **11:4:** Ga 1:7-9 **11:4:** Galesia 1:7-9 **11:5:** 1 Ko 15:10, 2 Ko 12:11, Ga 2:6 **11:5:** 1 Korin 15:10; 2 Korin 12:11; Galesia 2:6 **11:6:** 1 Ko 1:17, 2:1, 2:13, 2 Ko 4:2, 10:10, Ef 3:4 **11:6:** 1 Korin 1:17; 2:1; 2:13; 2 Korin 4:2; 10:10; Efesus 3:4 **11:7:** 1 Ko 9:12, 9:18 **11:7:** 1 Korin 9:12; 9:18 **11:9:** 2 Ko 12:13, Fl 4:15-18, 1 Te 2:9
11:9: 2 Korin 12:13; Filipai 4:15-18; 1 Tesalonika 2:9 **11:10:** 1 Ko 9:15 **11:10:** 1 Korin 9:15

tuavir kam apirasava ami. Ki kamaghira ingar mamaghira ikiam.

¹³ Gumazamizir kaba me aposelin ifavariba ko ingarir gumazir ifavariba. Me gumazibagh ifar uan araziba otavkinti gumazamiziba men gan suam, me guizbangira Kraisin aposelbar iti. ¹⁴ Eghit ia men arazir kurabar gan, digavir kuram damuan marki. E fo, Satan uabi uan arazim oteghavkinigha, angazangarimin enselin min oto. ¹⁵ Kamaghin amizi, Satanin ingangarir gumazamiziba uaghan uan araziba otevkinigh, Godin arazir aghuimin ingangarir gumazamizibar miraram otoghi, e kamaghin ganigh digavir kuram damuan kogham. Me gin me amir arazir kurar kam baghvira iveauzim guizbangiram a iniam.

Pol Aposelin ingangarim gamir dughiamin, an osimtizir bar aviriba ateri

¹⁶ Ki faragha mikemegha givagha datirighin ua migei, ia nan migirigiar kam baragh kamaghin nighnighan marki, ki gumazir organim. Eghia gumazir organim na arisi, a uaghan dera. Eghia nan amamangatightima, ki uan ziam tong a feka. ¹⁷ Ki Ekiamin ifongiamin gin ghua migirigiar kam gamir puvati. Ki gumazir organim min migia, uabi uan ziam fe. ¹⁸ Gumazamizir aviriba nguazimin bizibar gin ghuava, uari uan ziaba fe. Eghit ki uaghan arazir kamin gin mangiva uan ziam fam.

¹⁹ Ia gumazir nighnizir aghuiba itiba, gumazir organiba migrigiar organiba ia daningasa, ia bar ifonge. ²⁰ Bar guizbangira, gumazitam ia gativaghti, ia mati kalabuziar gumazamizibar min ikiam, o a ian biziba bar ada givagham, o a ia gifar ia isi uan gavgavim apengen darigham, o a uabi uabi damigh gumazir ekiamin min ikiam, o a ian tav akar kurabar a damuva, an quam apezegham. Eghit gumazir arazir kabar ia gamiba, ia uari men amamangatighti, me uari ifongezi moghin ia damuam. ²¹ Iavzika, e arazir kabar ia damuamin gavgaviba puvati. Ki ian arazir kurar kaba aghuran bar aghumsiki.

Gumazitam uan arazir an amiba bagh gavgavigh mikimti, ki uaghan gavgavigh

11:13: Ro 16:18; 2 Ko 2:17, Ga 1:7; Fl 3:2, 2 Pi 2:1, MAA 2:2

Pita 2:1; Akar Mogomem 2:2 **11:14:** Ga 1:8 **11:14:** Galesia 1:8

Filipai 3:19 **11:16:** 2 Ko 12:6 **11:16:** 2 Korin 12:6

15:10 **11:23:** Aposel 16:23; 1 Korin 15:10 **11:24:** Lo 25:3

25:1-3, a kamaghin migei, Israelia gumazitam fofozim a daningsiva benimin a ifozorogh, meng mangi 40ra tugham. Ezi Judaba nighnisi, me ti paza mega ghua ababanim gafira. Kamaghin amizi, Judaba gumazim fofozim a daningsiva, egh mengvira a misogh a ifozorogh mangi 39ra tugham.

11:25: Ap 14:19, 16:22, 27:41 **11:25:** Aposel 14:19; 16:22;

27:41 **11:26:** Ap 9:23, 13:50, 14:15, 20:3, 23:10-11 **11:26:** Aposel 9:23; 13:50; 14:15; 20:3; 23:10-11

20:31, 1 Ko 4:11, 2 Ko 6:5 **11:27:** Aposel 20:31; 1 Korin 4:11; 2 Korin 6:5

Aposel 20:18-21; 20:31 **11:29:** 1 Ko 8:13, 9:22

Aposel 20:18-21; 20:31 **11:29:** 1 Korin 8:13; 9:22

mikimam. Ki fo, ki datirighin gumazir organimin min migei. ²² Me ti Hibruian gumaziba? Ki uaghan, Hibruian gumazir mam. Me ti Israelian gumaziba? Ki uaghan Israelian gumazir mam. Me ti Abrahamin adarasi? Ki uaghan Abrahamin adarazir mav. ²³ Me ti Kraisin ingangarir gumaziba? Ki datirighin gumazir bar organimin min migei. Kraisin ingangarimin, ki bar me gafira. Nan ingangarir ki amir kam, bar men ingangarim gafira. Dughiar aviribar gumaziba na isa kalabus gati, ezi osimtizir kabar ki gumazir kaba guizbangira bar me gafira. Dughiar bar aviriba me na fozorosi, ki dar dibobonim gifozir puvati. Dughiar aviribar ki atam ovia taghirasi. ²⁴ Ezi Judaba benim isa, 39plan ifozorozibar na gami. Arazir kam, 5plan dughiar na bato.* ²⁵ Dughiar 3plan, me aghorimin na misoke. Egha dughiar mamin me dagiaba na ginifi. Ezi dughiar 3plan, ki kuribar aven itima da ongarim giraghue. Ki dimagarim ko aruer vamiran ongarim gisin pura iti. ²⁶ Dughiar aviribar ki saghuubar ghua, dipabar ovengasava amua okimakiar gumazibar dafaribar atam ovei. Egha uan adarazi Judabar dafaribar atam ovia, uaghan Kantrin Igharazibar Gumazamizibar dafaribar atam ovei. Egha nguubar ekiabar aven atam ovei. Egha ruaribagh arua atam ovei. Egha ongarim gisin arua atam ovei. Egha ifavarir Kraisin adarazir dafaribar atam ovei. ²⁷ Ki osimtiziba itir ingangarir bar aviribagh ami. Ki dughiar aviribar dimagaribar ingara deraviram akuir puvati. Mitiriaba nan azi ki pura iti. Egha dipam bagha kuarim nan piri. Dughiar aviribar ki dagheba puvati. Ezi dughiar aviribar arugharuzim na isima, ki daghuamin korotiar mitiaba puvati. ²⁸ Ezi osimtizir aviribar igharazir na bativiziba, ki dav kiman aghua. Egha ki dughiar bar, siosbar ganamin ingangarim atera a ginighnisi. Ezi bizir kam osimtizir ekiam na gati. ²⁹ Eghit Kraisin adarazir tav, gavgaviba puvatighti, ki uaghan gavgaviba puvatigham. Eghit bizitam otoghi Kraisin adarazir tav damighti, an arazir kuramin irighti ki arazir kam bagh guizbangira

11:13: Rom 16:18; 2 Korin 2:17; Galesia 1:7; Filipai 3:2; 2

Pita 2:1; Akar Mogomem 2:2 **11:15:** 2 Ko 3:9; Fl 3:19 **11:15:** 2 Korin 3:9;

Filipai 3:19 **11:21:** Fl 3:5 **11:21:** Filipai 3:5 **11:23:** Ap 16:23, 1 Ko

15:10 **11:23:** Aposel 16:23; 1 Korin 15:10 **11:24:** Godin Araziba 25:3

11:24: Godin Araziba *

25:1-3, a kamaghin migei, Israelia gumazitam fofozim a daningsiva benimin a ifozorogh, meng mangi 40ra tugham. Ezi Judaba nighnisi, me ti paza mega ghua ababanim gafira. Kamaghin amizi, Judaba gumazim fofozim a daningsiva, egh mengvira a misogh a ifozorogh mangi 39ra tugham.

11:25: Ap 14:19, 16:22, 27:41 **11:25:** Aposel 14:19; 16:22;

27:41 **11:26:** Ap 9:23, 13:50, 14:15, 20:3, 23:10-11 **11:26:** Aposel 9:23; 13:50; 14:15; 20:3; 23:10-11

20:31, 1 Ko 4:11, 2 Ko 6:5 **11:27:** Aposel 20:31; 1 Korin 4:11; 2 Korin 6:5

Aposel 20:18-21; 20:31 **11:29:** 1 Ko 8:13; 9:22

osemehg ataram.

³⁰ Tuaviba bar puvatighti, bizir otivigha ki gavgaviba puvatizir arazim akaziba ki dav kimam. Bizir kam bagh ki uan ziam fam. ³¹ God, a en Ekiam Jesusin God koma an Afeziam, a fo, ki ifarir puvati. E an ziam zurazuraram a fam. ³² Ki Damaskusin nguibar ekiamin itima, Atrivim Aretas nan suiragh na kalabus darighasa, uan midorozir gumazibav kemezi, me nguibamin divazimin tiar akabar tuivigha na bagha gari. ³³ Ezi Kraisin adarazir marasi, na isa akirar ekiam garugha, akiram isa divazir torimin azenan nimira na ataghirazima, ki izaghira azenan nguazimin otogha tu. Ezi arazir kamin ki midorozir gumazibar dafarimin modogha arav ghu.

12

God irebabmin min garir bizimin, akar aviribar Pol mikeme

¹ Ki tuaviba ua puvati. Ki uabi uan ziam fam. Arazir kam guizbangiram en akuraghan kogham. Ezi marki, ki irebabba ko akar mogomer God nan akazibav kimam. ² Ki Kraisin adarazir mav gif, God fomira, 14plan azenibar faragha, a inigha ghua namba 3 overiamin ghuavanabogha Godin Nguibamin oto. Ki fozir puvati, a ti uan inivafizim sara ghu, o a uan inivafizim ategha duamin ghu. God uabira bizir kam gif. ³⁻⁴ Ki kamaghin fo, God gumazir kam inigha uan Nguibar Aghuarimin ghu. (A uan inivafizimin ikiavira iti, o uan inivafizim ategha duamin iti, ki fozir puvati, God uabira fo.) Egha a Nguibar Aghuarir kamin ikia akar gumazamizibav kiman koghamiba barasi, ezi akar kaba akunamin angorozim iti. ⁵ Ki gumazir kamin ziam fasa ifonge, egh uabira uan ziam fan kogham. Ki kamaghin mikim suam, ki gavgaviba puvati, egh ki bizir kam baghvira uan ziam fam.

⁶ Ki guizbangin uan ziam fisi, gumazir organimin min mikiman kogham. Ki guizin akamra akunam. Ki ghaze, gumazamizibav nan nighnizimra gin mangi ziar ekiam na danangan, ki aghua. Nan nighnizim kamakin: Me nan arazir ki amiba, ko akar ki kuribara gan, arazir kamin me nighnizir

11:30: 2 Ko 12:5; 12:9-10 **11:30:** 2 Korin 12:5; 12:9-10

9:23-25 * **12:2:** Akar kam “Kraisin adarazir mav,” kar ti Pol uabi. Nives 7in gan. **12:5:** 2 Ko 11:30 **12:5:** 2 Korin 11:30 **12:6:** 2 Ko 10:8, 11:16 **12:6:** 2 Korin 10:8; 11:16 **12:7:** Jop 2:6, Ese 28:24, Lu 13:16, Ga 4:13-14 **12:7:** Jop 2:6; Ese 28:24; Luk 13:16; Galesia 4:13-14 † **12:7:** Pol ghaze, dikonir atarimin min garir bizim an mikarzim mitifi. Kar guizbangira dikonir atarim puvati. Kar ti osimtizitaba an mikarzim batozima, a bizir kam gisn akar isin zuim gami. **12:8:** Mt 26:44 **12:8:** Matyu 26:44 **12:9:** 2 Ko 11:30, Fl 4:11-13, 1 Pi 4:14 **12:9:** 2 Korin 11:30; Filipai 4:11-13; 1 Pita 4:14 **12:10:** Ro 5:3, 2 Ko 7:4, 13:4 **12:10:** Rom 5:3; 2 Korin 7:4; 13:4 **12:11:** 2 Ko 11:5 **12:12:** Ro 15:19 **12:12:** Rom 15:19 **12:13:** 2 Ko 11:9 **12:13:** 2 Korin 11:9

aghuium nan iki. Kamaghin, ki uabira uan ziam fan aghua.

Bizim dikonir atarimin min Polin mikarzim mitifi

⁷ God bizir bar aghuiba nan akakaki, egha kamaghin aghua, ki bizir kabagh nighnigh uan arazim bagh bar akuegham. Ezi a dikonir atarimin min garir bizir mam ataghizi a iza nan mikarzim mitiva na ko ikiavira iti. Bizir kam, a Satanin ingangarir gumazim, a na dikabiraghti ki bar akuegh uabira uan ziam fan koghasa, a ize.† ⁸ Ki dughiar 3plan bizir kam batoghasa Ekiamin azangsigha a gakaghone. ⁹ Ezi a kamaghin na migei, “Nan apangkuvim ni baghavira iti, eghni ni bizitamin oteveghan kogham. Guizbangira, nan gavgavim, gumazamizir gavgaviba puvatiziba, bar me gizefi.” Ekiam kamaghin mikemezi, ki datirighin gumazir gavgaviba puvatizimin min ikia bar akuegha iti, eghni Kraisin gavgavim na ko iki na avaraghram. ¹⁰ Guizbangira, dughiar ki gavgaviba puvatizim, dughiar kamra ki gavgavir bar ekiam iti. Kamaghin amizi, Kraisin ziam bangin ki gavgaviba puvati, ezi gumazamizibza pazavira na gamima, osimtizir aviriba na bativima gumazamizibza arazir kurabar na gami, ezi gumazamizibza bar na gasighasighasava ami. Ezi ki arazir kabagh nighnigha nan navir averiam bar deravira uabin asugha iti.

Pol Korinin itir Kraisin adarazir nighnizir gavgavim damichti me gavgavigha

¹¹ Ki migeir migirigiar kam, a gumazir organimin migirigiamin min ghu. Ezi ia uari na gamizi, ki migirigiar kam gami. Ia nan arazir aghuiba gun mikemehti, deragham. Ia kamaghin amizir puvatizi, ki uabi migei. Guizbangira ki pura bizim, egha ki ian “Aposelin Ekiaba,” bar men apengan itir puvati. ¹² Ki ian tongin ikia bizir bar aviribagh ami, egha kamaghin uabi ian aka, ki guizin Aposel. Ki tuga gavgavigha osimtizibza atera, mirakelin aviriba, ko digavir kuram gamir araziba, ko Godin gavgavim itir ingangariba, ian tongin dagh ami. Ezi bizir kaba kamaghin nan ian akazi ia fo, ki Godin ingangarim gami. ¹³ Ki siosin

igharazibagh amir arazibara, ki uaghan dar ia gami. Bizar bar vamira, ki ian tongin a gamizir puvati, a kamakin: Ki dagiabar uabin akurvaghsha osimtizim ia gatizir puvati. Kar ki pazava ami, o? Ki paza damighti, ia nan arazir kurar kam gin amadagh.

¹⁴ Ki datirighin namba 3in dughiamin ia bagh izasa. Ki izegh uam osimtizim ia daningen kogham. Ki ian biziba iniasa puvati, ki iarara iniasa. Ia fo, boriba uan ameboghfeziaba bagh dagheba buri dar pozim mikinan kogham. Puvati. Ameboghfeziaba uan boriba bagh dagheba buri dar pozim mikinamin ingangarim iti. ¹⁵ Ki uan biziba isi ia daningas bar akuegha iti. Egha ki ian duabar akurvaghshi, bar moghira uan ikirimirim aningasa bar akonge. Ki guizbangira bar ia gifonge, ezi bizir kam ti ia gamizi, ia mong na gifongezir puvati. ¹⁶ Ezi ia bar moghira nan arazibagh fogha ghaze, "Pol dagiabar uabin akurvaghsha osimtizim e gatizir puvati." Ezi marazi ghaze, "An e apezeperer migirigia bagh amua, e gifara en bizir aviriba pura dagh ekua da isi." ¹⁷ Ezi manmaghin ami? Gumazir ki ia bagh amadaziba, men tavin dafarinim, ki ti ia gifaraghia ian biziba okeme, o? Puvati. ¹⁸ Ki Taitus nighnizim a ganingizi, a ia bagha zui. Ezi ki en aveghbuar igharazir mam amadazima an an gin ghu. Taitus ti ia gifaraghia ian biziba okeme, o? Bar puvati. Ga nighnizir vamira iti. Egha ga tuavir vamiran gin zui. ¹⁹ Ki ghaze, ia ti migirigiar kabar garava nighnigha ghaze, e uan arazibar ian damazibar dar akirasa, da osiri. Bar puvati. God guizbangira en garima, e Kraisin ingangarir gumazibar mūrara migei. Nan adarasi, e amir biziba bar, da ian akurvaghsha, e dagh ami. ²⁰

Ki kamaghin nighnigha atiati, ki ia bagh izi ian ganti, ia gumazir ki ganasa ifongezir puvatizibar miraram otivigham. Eghiti ia uaghan nan ganti, ki gumazamizir ia ganasa ifongezir puvatizimin miraram otogham. Ki ua ian ganti, arazir guar avirir kaba ian tongin ikian, ki atiatingi. Arazir kabanang, akaiba uari batogha, naviba uarin ikuva, adarir migirigia bagh amua, uan biziba baghavira nighnigha, akar kuraba igharaz daraziv gia, girakirangin uariv gia, uan ziaba fava, ingangaribagh ami da pazaviram otifi. ²¹ Ki kamaghin atiati, ki magh mangiti faragha otozir bizar kam, ikivira ikiam. Eghiti God na damighti, ki ian damazibar aghumsizir bar dafam

inigham. Ki kamaghin atiatingi, arazir kurar gumazamiziba fomiram amiziba, me datirighin dagh amuavira iti, eghiti ki mangi men ganigh ua me bagh aziam. Me afiar araziba ko, pura tintinibar uari koma akuir araziba ko, aghumsizir puvatizir araziba, me da tegha navibagh irazir puvati.

13

Korinba uan nighnizir gavgavim deragh an gan

¹ Ki datirighin namba 3in dughiamin, ki ia bagh izasa. Godin Akinafarim kamaghin migei, "Gumazir pumuning, o pumuning ko mikezim uaghara, gumazim amizir arazir kuramin ganigh a mikimti, kamaghin e osimtizibar akiramin tuavim iti." ² Ki namba 2in dughiamin izegha ia ko ikia, gumazir arazir kuraba faragha dagh amiziba, ko gumazir igharaziba sara, ki men arazir kuram ikarvaghamin arazim, ki me mikeme. Ki datirighin saghon ikia, egha ua kamaghin me mikimasa, ki ua ia bagh izegh, gumazir arazir kurabagh amiziba ateghti me pura mangighan kogham. ³ Ia kamaghin foghsha, Krais nan akamin aven, akam akuri, o puvati. Arazir kamin ki ia damighti, ia bar deraghvira fogham. Ia orakigh. Krais ian arazir kuraba akirsir amirvaghan kogham. Puvati. A guizbangira uan gavgavim ian akaghram. ⁴ Guizbangira, fomira Jesus gavgaviba puvatiz, me a isa ter ighuvimin a gafu. Ezi datirighin Godin gavgavim an angamira iti. E uaghan an puegha gavgaviba puvati. Egh Godin gavgavimin, e angamira a ko ikiam. Egh e gavgavir kam ian tongin anekaghti, ia an ganam.

⁵ Ia zurara uan nighniziba ko araziba tuisigh, egh uan nighnizir gavgavim gifogham, a gavgaviz, o puvati. Ia bar deraghvira uari uan araziba tuisigh. Ia ti kamaghin fozir puvati, Krais Jesus ian navir averiabar iti? Egh a ia ko ikian koghti, e fo, ia guizin nighnizir gavgavim an itir puvati. ⁶ Ki kamagh ifonge, ia deravira e tuisigh kamaghin fogh, e guizbangira Kraisin ingangarim gami. ⁷ Ia bagha God ko migia ghaze, a ian akuraghti, ia arazir kuratam damuan kogham. E kamaghin nighnizir puvati, ia kamaghin e ginighnigh suam, e Kraisin ingangarir gumazibar ikia egha migirigiar kabagh ami. Puvati. E fo, marazi e ginighnigha ghaze, e pura ifara ingangarir

12:14: 2 Ko 13:1 **12:14:** 2 Korin 13:1 **12:15:** Fl 2:17

2 Korin 8:6; 8:16-18 **12:20:** 2 Ko 2:1-4 **12:20:** 2 Korin 2:1-4

Lo 17:6, 19:15, Mt 18:16, 2 Ko 12:14, 1 Ti 5:19 **13:1:** Godin Araziba 17:6; 19:15; Matyu 18:16; 2 Korin 12:14; 1 Timoti

5:19 **13:4:** Ro 6:4, Fl 2:7-8, 1 Pi 3:18 **13:4:** Rom 6:4; Filipai 2:7-8; 1 Pita 3:18 **13:5:** 1 Ko 9:27, 11:28, Ga 4:19

13:5: 1 Korin 9:27; 11:28; Galesia 4:19 **13:8:** 1 Ko 13:6

kam gami. Ezi pura bizim. En ifongiar eki-amra kara, ia arazir aghuibara damuasa, e ifonge.⁸ Ia fo, e guizin akam dikabinamin bizi tam damighan kogham. Puvati, e guizin akamin akurvaghhasavira ingari.⁹ Ia gav-gaviba ikiti, e gavgaviba puvatigham, egh e bizir kam bagh bar akongegham. E zu-rara ia bagha God ko migia ghaze, ia ua tugh, gavgavighvira ikiam.¹⁰ Ekiam uan ingangarimin ganasa na misevegha ingan-garir kam damuasa gavgavim na ganingi. A ghaze, ki ian nighnizir gavgaviba gavgavim dar aning, egh ia gasighasighan kognasa, a gavgavir kam na ganingi. Ki kamaghin aghua, ki ia bagh iziva, gavgavir kam gisin, akar gavgavibar ia mikimiva ian arazir kurabar kiram. Kamaghin, ki saghon ikia, egha akinafarir kam ia bagha an osiri.

Pol migrigiar abuananaba, me ganidi

¹¹ Nan adarasi, ki datirighin uan akam agivasa. Ia uan arazibar kirigh, ua tu-ivigh gavgavighvira iki. Egh nan akam baragh. Egh ia bar moghira navir vamira ikiva navir amirizim iki. Eighti Godin ia gifongegha, navir amirizim ia ganingizim, a bar moghira ia ko ikiam.

¹²⁻¹⁴ Eighti mati e Godin gumazamiziba ami moghin, ia vaghvagh uarira uan agharibar suigh. Godin gumazamizir na ko itiba uan akam isa, ia bagha anemaga ghaze, Afeziam ia ko iki. Ki ia bagha Godin azangsigha ghaze, Ekiam Krais Iesusin apangkuvim, ko God ia gifongezir arazim, ko arazir Godin Duam ia gamima ia navir vamira itim, da bar moghira ian iki.*

13:10: 1 Ko 4:21, 2 Ko 2:3, 10:2, 10:8, 12:20-21, Ta 1:14

13:10: 1 Korin 4:21; 2 Korin 2:3; 10:2; 10:8; 12:20-21; Taitus

1:14 **13:11:** Ro 15:33

13:11: Rom 15:33

13:12-14: Rom 16:16; 1 Tesalonika 5:26; 1 Pita 5:14

* **13:12-14:**

Inglisin akamin Baibelin maba, ves 12 abigha an akuar pumuning gami. Egha mam migia ghaze, ves 12, egha igharazim ves 13in a garisi. Egha ves 13in migia ghaze, ves 14.

Akinafarir Pol Galesian Provinsin Itir Sios Bagha Osirizim O Galesia Akar faragha zuim

Gumazamizir faragha Jesusin gin zuiba, me Judan gumazamizibara. Ezi gin Jesus Pol amadazima, a ghua Kantrin Igharazibar Gumazamiziba uaghan Akar Aghuim me mikkiri. Ezi gumazamizir kaba Jesusin gin zuima, osimtzir mam oto. Fomira gumazamizir kaba Moses Osirizir Arazibar gin zuir puvati, mati Judaba ami mokin. Egha me Kraisin gin zuima, azangsizir ekiam kamaghin iti: me uaghan Moses Osirizir Arazibar gin mangam, o puvatigham?

Gumazir maba kamaghin ifonge, me gumazir kabar amuti me Judabar arazimin gin mangi uan mikarzir mogomebar iniba aghoregh Moses Osirizir Arazir igharazibar gin mangam. Ezi Pol ghaze, puvati. A ghaze, e nighnizir gavgavim Krais Jesusin iti, ezi bizir kamra e gamima, e Godin damazimin gumazamizir aghuubar otivigha ikirimirir igam ini.

Judan gumazir kabar maba ti faragha Galesian Provinsin ghuegha Kraisin adarazigh amima, me Moses Osirizir Arazibar gin mangasava ami. Pol bizar otozir kam baregha, ua Galesiabar nighnizir gavgaviba ko arazibar kirasa, akinafarir kam me bagha an osiri.

Pol akinafarir kamin faragha kamaghin migei, God ubabi Aposelin ingangarim damuasava anemisefe. A ubabi uan ifongiamin gin zuir puvatigha, gumazitamin akamin gin zuir puvati. God an diagha egha Kantrin Igharazibar Gumazamiziba Akar Aghuim akunamin ingangarim a ganingi. Akinafarir kamin, Pol ua kamaghin migei, gumazamizir nighnizir gavgavim Krais Jesusin itiba, merara Godin damazimin deragha iti. Akinafarir kamin akar abuananaba kamakin, Krais e firizima, Godin Duam tuavim en akazima, e arazir aghuubar igharaz darazigh ami.

God aposelin ingangarim damuasa Pol amisefe

(Sapta 1:1-2:14)

¹ Ki Pol. Nguazir kamin gumazitam o amizitam aposelin ikiasi na misivegha ingangarir kam na ganingizir puvati. God, en Afeziar Jesus gamizi a ua dikavizim, a ko Ekiam Krais Jesus, aning aposelin ikiasi na misefe. ² Ki, na ko itir darazi ko, e Galesian Provinsin itir Kraisin adarazi bagha akinafarir kam amadi.

³⁻⁵ Datirighin e nguazir kamin itima, arazir kuraba bar e ikiava e adafi. Ezi God en Afeziam en akurvaghaha ifonge. Ezi kamaghin Ekiam Krais Jesus en arazir kuraba batoghiva, en akurvaghahasava areme. En Afeziam God ko Ekiam Krais Jesus, aning apangkuvim ko navir amirizim ian iki, egha kamaghin ami. Egha gumazamiziba zurazurara ziar ekiam God daning mamaghira ikiam. Bar guizbangira.

Ki gari, ia God ataghirazima, kamaghin ki digavir kuram gami

⁶ Ki faragha Kraisin Akar Aghuimin ia mikemezi, ia fo, Kraisin apangkuvim ian iti. Ia fozi, kamaghin God ian dia ghaze, ia izi. Ezi ia zuamira Godin ian diazim ataki. Egha ia akar aghuir igharazimin gin zui. Ezi kamaghin ki ian arazir kamin digavir kuram gami. ⁷ Ia ghaze, ia akar aghuir igharazimin gin zui. Bar puvati, akar aghuir igharazitam ua itir puvati. Ezi gumazamizir maba Kraisin Akar Aghuim giraghava akar ifavaribar amuasa. Egha ia gamizi, ia okam nighnisi. ⁸ Egha e uari, o Godin Nguibamin enselin tam Akar Aghuir e faragha ia mikinizim ia mikinigham kogh, egh akar igharazitam ia mikinigham, egh gumazamizir kaba, helin mangi zurara iki. ⁹ E faragha ia mikemezi moghin, ki datirighin ua ia migei. Gumazamizitaba akar igharazitam ia mikinigham, an Akar Aghuir ia faragha gin zuimin min mangan koghti, gumazamizir kaba helin mangiva zurara iki!

¹⁰ Ia manmaghini nighnisi? Ki ian navibar amuti da deraghaha, ki ti migirigiar kam gamizi? O ki Godin navim damuti a deraghaha, ki ti migirigiar kam gami? Ki gumazamizitaba damazimin ziam inisa, migirigiar kam gami, o? Bar puvati. Ki ingangarir kam damu, gumazamizitaba damazimin ziam iniva, egh kamaghin ki Kraisin ingangarir gumazimin ikian kogham.

Nguazimin gumazamizitaba akar ki ia mikirir kam na ganingizir puvati

1:1: Ga 1:11-12 **1:1:** Galesia 1:11-12 **1:3-5:** Rom 1:7; Filipai 1:2; Rom 4:25; Galesia 2:20; 1 Timoti 2:6; Taitus 2:14; 1 Jon 5:19 **1:7:** Ap 15:1, 15:24, 2 Ko 2:17, 11:4, 11:13 **1:7:** Aposel 15:1; 15:24; 2 Korin 2:17; 11:4; 11:13 **1:8:** 1 Ko 16:22 **1:9:** Lo 4:2; Snd 30:6, MAA 22:18-19 **1:9:** Godin Araziba 4:2; Aghuzir Akaba 30:6; Akar Mogomem 22:18-19 **1:10:** 1 Te 2:4, Je 4:4, 1 Jo 3:19 **1:10:** 1 Tesalonika 2:4 **1:11-12:** Matyu 16:17; 1 Korin 15:1-3; Galesia 1:1; Efesus 3:3

11-12 Nan adarasi, ki guizbangira ia migei. Ki ti pura gumazitam o amizitamin akam ia mikinizi ia anetegha akar igharazimin gin zuima, ki ti digavir kuram gamighan koghai. Ezi gumazamiziba Akar Aghuir kam na ganingizir puvati. Egha gumazamiziba akar kam nan sure gamizir puvati. Krais Jesus ubai Akar Aghuir kam nan akazi ki a giflo. Kamaghin ia foghasa, ki ia migei, Akar Aghuir ki ia mikinizim, kar puram akar gumazamizitar akamin otozir puvatizim.

13-14 Ki eghaghanitam ia damuti ia fogh suam, bizir ki migeir kaba da guizbangira. Nan Judan ovavibar araziba ikiwira ikiasi, kamaghin ki pamtem dar gin zui. Ki Judan Araziba bar dar gin ghua, kamaghin ki Judan igiar na ko aghungizibagh afira. Kamaghin ki Kraisin adarazigh asighasighasa osimtiziba me garisi. Ki Judan Arazibar gin ghua arazir kam gamizi, ia a baraki. (Ia fo, dughiar kam ki nighnizir gavgavim Iesusin Akar Aghuimin itir puvatihara, arazir kabagh ami.) 15-17 Nan amebam tighar na batamin dughiamin God aposelin ikiasi na ginaba. Egha gin a nan apangkuvigha ingangarir kam damuasa nan dia. Egha kamaghin migia ghaze, ni nan otarimin Akar Aghuimin gun Kantrin Igharazibar Gumazamizibav kinasa, ki ifonge. Bizir kam bagha a uan otarim nan akaghaha ifonge. Ezi ki maghira Akar Aghuimin gumazamizibav kinasa ua tavin azarazir puvati. Dughiar kam ki aposelin faragha ingeriba bagha Jerusalemin nguibar ekiamin ghuavanabozir puvati. Ki maghira Arebian kantrin ghugha gin uamategha Damaskusin nguibar ekiamin ghu.

18 Egha gin azenir pumuning ko mikezim givazima, ki Pita gifoghiva a ko mikimasa Jerusalemin nguibar ekiamin ghuavanabo. Ki ghugha 15plan dughiabar a ko ike. 19 Dughiar kam ki Ekiamin dozim, Jemsra gani. Egha ki aposelin igharazitam uam an ganizir puvati. 20 Ia oregh fogh suam nguazimin gumazamiziba Akar Aghuir ki ia mikinizir kam na mikemezir puvati. Kamaghin ia fogh suam, eghaghanir ki eghara akinafarimin osirir kamnagh, a guizbangira. God fo. 21-23 Egha ki gin Jerusalem ategha ghua Sirian Provins ko Silisian Provins bar aningin aven arui. Ki kamaghin amima, Judian Distrighin aven itir Kraisin adarazi me tong nan guamin

ganizir puvati. Ezi gumazamizir maba ghaze, Pol fomira en nighnizir gavgavir Godin itim gasighasighasa osimtiziba e garisi. Egha datirighin gumazir kamra Godin Akar Aghuim gumazamizibav kira ghaze, ia nighnizir gavgavim Kraisin iki.²⁴ Judian Distrighin itir gumazamiziba orazi, God nan nighnizibagh irazima, me bizar kam bagha Godin ziam fe.

2

Aposelin igharaziba, Pol ko uari inigha navir vamira iti

1-3 Ki kamaghin atiati, Kantrin Igharazibar Gumazamiziba gin Judan Araziba me ikirarigham. Ki kamaghin nighnisi, gumazamizir kaba Judan Arazibar gin mangiti, ingangarir ki fomiram amizim ko ingangarir datirighin amim aning pura ingangarir kinim gavagham. Ki kamaghin nighnizima, God bizar kam nan akatha ghaze, ni Jerusalemin mangasa ki ifonge. Ki fomira Jerusalemin ghuavanabozu, 14pla azeniba datirighin givazi, ki datirighin God nan akazir bizimin mirara ki uamategha Jerusalemin ghuavanabo. Ki ghua Barnabas ko ghua, egha Taitus uaghan a inigha ghu. E ghuegha, ki Kraisin adarazir ziaba itir gumazir dapanibara, me akuvaghava, Akar Aghuir ki Kantrin Igharazibar Gumazamizibav kemezimra, ki me migei. Taitus, na ko ghuzir gumazim, a Grighin gumazimra. Ki Akar Aghuir Kantrin Igharazibar Gumazamizibav geir kamra gumazir dapanibav geima, me oregha Taitusin mikarzir mogomemin inim aghorasa a gaghori puvati.

4 Taitusin mikarzir mogomemin inim aghorir migirigiam mingarim kamaghin oto. Gumazir ifavarir maba mogomemin en tongin ize. Me e gifara mati me guizbangira en marasi. Me orazi, e fomira Judan Arazibar apengan itima, da e ikiaghariki, ezi Iesus e gamizima, e datirighin firiaghiri. Ezi gumazir kaba Krais e firizir arazibar ganasa iza ifarava en tongin iti. Gumazir kaba e damuti e ua Judan Arazibar apengan ikiti da uam e ikirarighasa, me ifonge. Egha me Taitusin mikarzir mogomemin inim aghorasa, e migei. 5 Ezi e ghaze, Akar Aghuim a guizbangira migirigiam, ezi a ia ko ikiwira ikiasi, e ifonge. Kamaghin e me baraghha tong men akabar gin zuir puvati.

6 Ezi Jerusalemin itir gumazir dapaniba, me akar otevir igharazitam nan migirigiam

1:13-14: Aposel 8:3; 9:1; 22:3-5; 26:9-11; Filipai 3:6; 1 Timoti 1:13 **1:15-17:** Aisaia 49:1; Jeremaia 1:5; Aposel 9:3-6; 9:15; 22:6-10; 26:13-18; Rom 1:1; 11:13; Galesia 2:7 **1:18:** Jo 1:42, Ap 9:26-30 **1:18:** Aposel 9:26-30 **1:19:** Mt 13:55 **1:19:** Matyu 13:55 **1:21-23:** Aposel 9:30 **2:1-3:** Aposel 11:30; 15:2; 16:3 **2:4:** Ap 15:1, 15:24, 2 Ko 11:20, 11:26, Ga 1:7, 5:1, 5:13 **2:5:** Galesia 3:1 **2:6:** Lo 10:17, Ap 10:34, Ro 2:11, 2 Ko 12:11, Ga 6:3 **2:6:** Godin Araziba 10:17; Aposel 10:34; Rom 2:11; 2 Korin 12:11; Galesia 6:3

isafurazir puvati. Gumazir kaba me gumazir dapaniba, a dera. God gumazir ziaba itibar garir puvati. Kamaghin, tina ziam iti, o tina ziam pu, nan nighnizim, ziar ekiam pura bizim. Ki migeima gumazir dapaniba oraghava kamaghin migeir puvati, "Ni paza bizir mabav ge." Egha me bar akar otevir igharazitam nan migirigiam isafurazir puvati. ⁷⁻⁹ God faragha Judan gumazamizibar tongin aposelin ingangarim damuasa, Pita ginaba. Egha ingangarim damuasa gavgavim a ganingi. Egha Akar Aghuim Judan gumazamizibar kinasa Pita mikeme. Kamaghira God Kantrin Igharazibar Gumazamizibar tongin aposelin ingangarim damuasa, ki Pol na ginaba, egha God uabi gavgavim na ganingi. Egha ghaze, ni Pol ni Kantrin Igharazibar Gumazamiziba Akar Aghuim me mikin. Kraisin adazariz gumazir dapanir pumuning ko mikezim, Jems, Pita ko Jon, me nan migirigia baregha, fo, God uabi ingangarir kam na ganingi. Me fo, Godin apangkuvim na ko itima, a ingangarir kam na ganingi. Me kamaghin fogha, bar akar otevir vamira na ko Barnabas ganingi, "E Judan gumazamizibar tongin ingarti, ni ko Barnabas Kantrin Igharazibar Gumazamizibar tongin ingar. ¹⁰ Gua me ko ingariva gumazamizir organarazir Jerusalemin itiba, gua men akurvaghamin nighnizim ginamangan marki." Ki fomira akurvazir kam gamua iza datirighin a damuasa ifongegha nan nighnizim a bagha bar gavgafi. Egha e ingangarim kamaghin anebigha uari ganigha, egh nighnizir vamira ikiasiuan agharibar suisi.

Ki gari, Pita arazir kuram gamima ki an angoroke

¹¹⁻¹³Dughiar mam Pita Antioghin nguibarekiamin izegha, Kantrin Igharazibar Gumazamiziba koma api. Ezi gin nighnizir gavgavim Jesusin itir Judan marazi me Jems ko ikegha uaghan Antioghin ize. Me izezi, Pita kamaghin nighnisi, ki Kantrin Igharazibar Gumazamiziba ko iki damiti, Judaba me mikarzir mogomebar iniba aghorezir darasi, me nan ataram. A kamaghin atiatigha, Judan izezir darazigh ifara, egha Kantrin Igharazibar Gumazamiziba me ategha saghon ikiasi. Egha a Kantrin Igharazibar Gumazamiziba koma uam apir puvati. Egha Judabar gumaziba me koma api. An arazir kam gamizi, Judan Antioghin itir nighnizir gavgavim Jesusin

itir darasi, me uaghan Kantrin Igharazibar Gumazamiziba ko iki daman aghua. Me ifavarir arazir kam gamima, Barnabas uaghan men min ami. Ezi gumazir kaba Pitana arazir ifavarimin gin zui. Ezi an arazir kurar kam azenim girizi me bar fo, an arazir kuram gami. Kamaghin amizi, ki Pitana arazir kurar kam bagha an guam gatigha an atari.

¹⁴ Me Akar Aghuimin guizbangira migirigia deravira dar gin zui puvati. Ezi ki kamaghin men arazir kurabar ganigha, Pita men damazimin kamaghin a migei, "Pita, ni Judabar gumazir mam, egha ni nighnizir gavgavim Krais Jesusin iti, egha ni Judan Arazibar ategha, Kantrin Igharazibar Gumazamizibar arazir mabagh ami. Gumazir maba Jems ko ikegha izezima, ni Kantrin Igharazibar Gumazamizibar araziba ategha, manmaghsua ua Judan Arazibagh ami? Ni kamaghin amuava, manmaghsua Judan Arazibar gin mangasa Kantrin Igharazibar Gumazamizibav gia, me abiri?"

Gumazamizir nighnizir gavgavim Jesusin itiba, merara Godin damazimin dera

(*Sapta 2:15-4:31*)

*Judaba ko Kantrin Igharazibar Gumazamiziba uaghara, nighnizir gavgavim Jesusin ikiti,
God suam, ia nan damazimin dera*

¹⁵ Egha Pol migia ghua kamaghin Pita migei, "Guizbangira, e Judan gumazamizibara, egha ghaze, e ti bar dera. Ezi Kantrin Igharazibar Gumazamizibara, arazir kurabagh ami. ¹⁶ Ezi e fo, gumazamiziba Moses Osirizir Arazibar gin zuima, God kamaghin me migeir puvati, ia nan damazimin dera. Bar puvati. Gumazamiziba nighnizir gavgavim Jesusin ikiti, merara God kamaghin me migei, ia nan damazimin dera. Kamaghin amizi e Krais Jesus nighnizir gavgavim an iti. E fo, gumazamiziba Moses Osirizir Arazibar gin mangiti, God kamaghin me mikemeghan kogh suam, ia nan damazimin dera. Nighnizir gavgavim Jesusin itir tuavimra God suam, ia nan damazimin dera. Ezi Moses Osirizir Arazibar gin zuir tuavim puvati. God kamaghin e mikim suam, ia nan damazimin dera, kamaghsua, e nighnizir gavgavim Jesusin iti.

2:7-9: Aposel 22:21; Rom 1:5; Efesus 3:8

2:10: Ap 11:29-30

2:11: Aposel 11:29-30

2:11-13: Aposel 11:3

2:14: 1 Ti 5:20

2:14: 1 Timoti 5:20

2:16: Sng 143:2, Ap 13:38-39, 15:10-11, Ro 1:17, 3:20-28, 4:5, 11:6, Ga 3:11, Hi 7:18-19

2:16: Onger Akaba 143:2; Aposel 13:38-39; 15:10-11; Rom 1:17; 3:20-28; 4:5; 11:6; Galesia 3:11; Hibrus 7:18-19

2:17-20: Jon 13:1; Rom 6:11; 6:14; 7:6; 2 Korin 5:15; Galesia 1:4; Efesus 5:2; 1 Tesalonika 5:10; Taitus 2:14; Hibrus 9:14; 1

Pita 4:2; 1 Jon 3:8-9

17-20 "E nighnizir gavgavim Kraisin ikiti, God tuavir kamin suam, e an damazimin dera. Tuavir kamin e fo, e Judaba uaghan Kantrin Igharazibar Gumazamizibar min arazir kurabagh ami. Egh e ti kamaghin mikimam, Krais ubi arazir kurabar amuasa, gumazamiziba abiri. Bar puvati. E, Moses Osirizir Araziba ateghiva, kamaghin e arazir kurabagh amir puvati. Ki nighnizir gavgavim Godin Otarimin iti. A bar na gifuegha nan akurvaghosa uan mikarzim gasighasiki. Ezi ikirimirir ki datirighin nguazir kamin amim, ki nighnizir gavgavimin tuavimin gin ghuava, ikirimirir kam gami. Ki Krais ko ter ighuvimin aremegha, ikirimirir igiam ini. Ezi ikirimirir kam a nan ikirimirimra puvati. Krais angamira nan aven iti. Ki ikiva Godin ingangarim damuasa, kamaghin Moses Osirizir Araziba na gamizi ki aremegha ua Moses Osirizir Arazibar gavgavimin apengan itir puvati. Bizir ki Mosesin Osirizir Arazibar apengan ikiava amiziba, ki da agifa. Egh gin ua dar amuva, kamaghin mati ki arazir kurabagh amir gumazim."²¹ 21 Egh ki Moses Osirizir Arazibar gin mangi Godin damazimin deraghti, Kraisin ovevem mati pura bizim. Ezi God uan arazir Moses ganingizibar gin mangan gumazamizibar angoroke. Me dar gin mangiva Godin damazimin deraghan kogham. Kamaghin ki Godin apangkuvim damighti a pura bizir kinimin min otivan, ki aghua."

3

Ia Galesian organiba, tinara ian nighnizibagh asighasiki?

¹ O Galesiaba, ia bar ongani. E Krais Iesusin gun bar deravira ia mikeme. Ezi mati ia uari an garima, a ter ighuvimin areme. Ezi tinara ian nighnizibagh asighasiki.²⁻⁴ Ki bizar vamira gifoghasa ian azai. Ia, Moses Osirizir Arazibar gin ghuua, Godin Duam iniz, o ia Akar Aghuim baregha nighnizir gavgavim an iki, Godin Duam ini? Ia faragha Godin Duamin gavgavimin amodoghin ghuava, datirighin ia Godin Duam ategha uan gavgavibar darorim agivasa. Ia ti bar organighama? Bizar

faragha ia bativiziba, ia pura a da isi, o? Nan nighnizimin, ia pura da inizir puvati.*

God gari, ia nighnizir gavgavim an itima a ian akurvasi

⁵ God gari, ia Moses Osirizir Arazibar gin zuima, a uan Duam ia ganigha, ian tongin mirakelbagh ami? O a gari, ia nighnizir gavgavim an Akar Aghuimin itima, a uan Duam ia ganigha ian tongin mirakelbagh ami?⁶⁻⁹ Ia Abrahamin eghaghanim ginighnigh. God fomira kamaghin fo, gin Kantrin Igharazibar Gumazamiziba nighnizir gavgavim Akar Aghuimin ikiti, a kamaghin me mikim suam, ia nan damazimin dera. Ezi Godin Akinafarim kamaghin mikeme, God fomira Akar Aghuim Abraham ganigha kamaghin migei, "Ni bangin, ki nguazir kamin itir kantriba bar deravira me damuam." Godin Akinafarim ghaze, "Abraham nighnizir gavgavim Godin itima, ezi God kamaghin a migia ghaze, ni nan damazimin dera." Kamaghin, ia fogh suam, gumazamizir nighnizir gavgavim Krais Iesusin itiba, me uaghan Abrahamin ovavir boriba. Abraham nighnizir gavgavim itima, God deravira a gami. Kamaghira gumazamiziba bar nighnizir gavgavim Godin ikiti, a uaghan deravira me damuam.

¹⁰⁻¹² Moses Osirizir Arazibar mingarim, a nighnizir gavgavimin bizim puvati, a bizar igharazim. Ezi Godin Akinafarim ghaze, "Gumazamiziba Moses Osirizir Araziba migei moghin damu egh dughiaba zurara dar amuti, arazir kaba me damuti, me ikivira ikiam."[†] Egha Godin Akinafarim kamaghin migei, "Gumazitam o amizitam nighnizir gavgavim Godin ikiti, God suam, ni nan damazimin dera, gumazir kamra zurara deravira ikivira ikiam." Kamaghin, e bar fo, gumazitam o amizitam Moses Osirizir Arazibar gin ghuua, Godin damazimin derazir puvati. Godin Akinafarim kamaghin migei, "Gumazitam o amizitam akinafariminaven itir araziba deravira dar gin mangan koghti, God gumazir kam gasighasigham." Eghiti kamaghin tina suam, e Moses Osirizir Arazibar gin mangiva Godin damazimin deraghan,

* **2:17-20:** Grighan akam, vezin kamin deragha bigha mikemezir puvati. Pol ti kamaghin mikimasa, gumazamiziba Kraisin gin mangi, egh ua Moses Osirizir Arazibar apengan ikian kogham. Kraisin gin zuir marazi, Moses Osirizir Arazibar gin mangisi gavgavigh, egh me uaghan arazir kurabagh otivigham, mati gumazamizir bar Moses Osirizir Arazibar apengan itibar min iti. Ni Rom 7:4-6in gan.

2:21: Ga 3:21, Hi 7:11 **2:21:** Galesia 3:21; Hibru 7:11

3:1: Ga 2:13-14, 5:7 **3:1:** Galesia 2:13-14; 5:7 **3:2-4:** Aposel 10:47; 15:8; Rom 10:16-17; Galesia 4:9; Hibru 6:4; 9:10; 10:35-36; 2 Jon 1:8 * **3:2-4:** Fofozir gumazir aviriba vezin kam giragha ghaze, "Godin Duam ian tongin amizir bizar aghuiba, ia ti da gin amadas, o? Ki ghaze, ia ti dagh nighnighavira iti." **3:6-9:** Jenesis 12:3; 15:6; 18:18; 22:18; Jon 8:39; Aposel 3:25; Rom 4:3; 4:11-16; 9:17; Jems 2:23 **3:10-12:** Ofa Gam 18:5; Godin Araziba 27:26; Nehemia 9:29; Jeremaia 11:3; Habukuk 2:4; Rom 1:17; 10:5; 11:6; Galesia 2:16; Hibru 10:38 † **3:10-12:** Gumazitam Moses Osirizir Araziba zurara bar deravira tamin gin zuir puvati. **3:13:** Lo 21:23, Ro 8:3, 2 Ko 5:21, Ga 4:5 **3:13:** Godin Araziba 21:23; Rom 8:3; 2 Korin 5:21; Galesia 4:5

kamaghin amir gumazamiziba, God me gasighasigham. ¹³ Moses Osirizir Araziba kamaghin mîkeme, e gumazamiziba bar Moses Osirizir Arazibar gin mangiva, egh ikuvigham. Godin Akinafarim kamaghin mîkeme, "Gumazir ter ighuvimin duiba God ghaze, me gumazir kuraba." Ezi kamaghin Krais en akurvaghaha ziär kam ini, "gumazir kuram." Egha ziär kam bangin a uam e ini. ¹⁴ God Abraham deravira a gamigha ghaze, ki Abraham gamizi moghira, ki Krais Iesusin ingangarimin tuavimin Kantrin Igharazibar. Gumazamiziba deravira me damuam. Egha God kamaghin ifonge, e nighnizir gavgavim Krais Iesusin ikiva, an Duam iniam. Egha kamaghin a uam e ini.

Moses Osirizir Araziba ko Akar Dikirizir Gavgavimin migirigia

¹⁵⁻¹⁸ Fomira God bizir aghuir gin otivam an gun mîkeme. God Akar Dikirizir Gavgavir kam Abraham uan ovavim ko aning ganangi. Godin Akinafarim kamaghin mikemezir puvati, "Nin ovavir boriba." An ovavir aviribav geir puvati. An ovavir vamira migia ghaze, "Nin ovavir borim." Kar a Krais migei. God e bagha inabazir biziba inisiva e Moses Osirizir Arazibar gin mangi, egh akar dikirizimin tuavimin da inighan kogham. E fo, God fomira akar dikirizimin min bizir kaba Abraham ganangi. Nan adarasi, datirighin ki e gumazamiziba zurara amir arazim mîkimasa. Gumazitam aremeghsı, egh uan biziba turagh uan boribar aningsi, migirigiar tam osirighti, an migirigiar kam mati Akar Dikirizir Gavgavim. Eighti gumazitam uam akar igharazitam akar dikirizir kam gifuraghan kogham. Egha kamaghin migeir puvati, "E akar dikirizir kamin gin mangan kogham." Nan migirigiar mingarim kamakin: Faraghavira God, Abraham ko Akar Dikirizir Gavgavim gami. Ezi 430pla azeniba givazi gin God uan arazir osiriziba Moses ganangi. Moses Osirizir Arazir kaba bar gin otifi. Egh da Godin Akar Dikirizir Gavgavimin migirigiam batueghan kogham. Egh Godin Akar Dikirizir Gavgavir kam angarighan kogham.

¹⁹ Ezi kamaghin manmagsua God uan osirizir araziba Moses ganangi? God gumazamizibar amuti, me arazir kurabar mingarim gifoghosa, uan osirizir araziba

anangi. God faragha akar dikirizim Abraham ganigha ghaze, nin ovavim gumazamiziba bar men akurvaghram. Ezi gumazir kam zuamira izezir puvati. Ezi arazir kurar kaba bagha, God gin uan osirizir araziba anangi. A kamaghin ifonge, an osirizir araziba iki mangi, ovavim otoghamin dughiamin tugham. God uan osirizir arazir kaba isa enselbar dafarim gatizi, me da isa abuir gumazim Moses ganingizi, abuir gumazim e ganangi. ²⁰ Egh gumazitam ingangaritam damusi gumazir igharazitam ko Akar Dikirizir Gavgavim akirsı, an a isiva abuir gumazim dinafarim datightima, abuir gumazim a isiva gumazir igharazim daninan kogham. Ezi God uabira, a ubi uan Akar Dikirizir Gavgavim Abraham ganangi, egha enselin tam ganingizir puvati, o abuir gumazitam ganingizir puvati.

Datirighin Godin Duam zurara en akurvasi

²¹ Ki kamaghin mîkimam, Moses Osirizir Araziba Godin akar fomira dikirizimin apanim gami, o? Bar puvati. Osirizir arazitam ikirimir aghuim e ganidir puvati. Osirizir arazitam ikirimir aghuim e danichti, eti fomira Moses Osirizir Arazibar gin zuima, da e gamizi e Godin damazimin deraghai. Moses Osirizir Araziba ikirimir aghuim anidi puvati. ²² Godin akar dikirizimin mirara e gumazamizir nighnizir gavgavim Krais Iesusin itir darasi, God bizir kaba e daningasa ifonge. Kamaghin amizi, Godin Akinafarim kamaghin mîkeme, nguazir kamin gumazamiziba, arazir kurabar gavgavim bar me ikiaghariki. ²³ Faraghavira nighnizir gavgavir kam izezir puvatizi, arazir kurabar gavgavim e ikiagharihizi, e Moses Osirizir Arazibar apengan iti. Egh mangi God nighnizir gavgavim tuavim en akaghamin dugham otogham. ²⁴ God kamaghin ifonge, e nighnizir gavgavim Akar Aghuimini ikiti, a suam, ia nan damazimin dera. Egha, a uaghan kamaghin ifonge, Moses Osirizir Araziba e inigh Krais bagh mangam. Egha kamaghin a Moses Osirizir Arazibagh amizi, da e gativagha en garir gumazim min oto. ²⁵ Ezi datirighin nighnizir gavgavim azenimin otozi, e ua Moses Osirizir Arazibar apengan itir puvatizi da ua e gativagha en gari gumazim min oto.

- 3:14:** Ese 11:19; Jol 2:28-29; Sek 12:10; Ap 2:33 **3:14:** Joel 2:28-29; Sekaria 12:10; Aposel 2:33 **3:15-18:** Jenesis 12:3; 12:7; Ua Me Inı 12:40; Aposel 7:5; Rom 4:13-14; 8:17; 11:6; 1 Korin 12:12; Galesia 3:21 **3:19:** Lo 5:5; 5:22-27; Jo 1:17; Ap 7:38; 7:53; Ro 5:20; Hi 2:2 **3:19:** Godin Araziba 5:5; 5:22-27; Jon 1:17; Aposel 7:38; 7:53; Rom 5:20; Hibrı 2:2 **3:20:** Ro 3:29-30 **3:20:** Rom 3:29-30 **3:21:** Ro 8:2-4 **3:21:** Rom 8:2-4 **3:22:** Ro 3:9-19; 3:23; 4:11-12; 4:16; 11:32 **3:22:** Rom 3:9-19; 3:23; 4:11-12; 4:16; 11:32 **3:23:** Ga 4:3 **3:24:** Ap 13:39; Ro 10:4; Ga 2:16; Kl 2:17; Hi 9:9-10 **3:24:** Aposel 13:39; Rom 10:4; Galesia 2:16; Kolosi 2:17; Hibrı 9:9-10 **3:26-28:** Jon 1:12; 10:16; Rom 6:3; 8:14-16; 10:12-13; 13:14; 1 Korin 12:13; Efesus 2:14; Kolosi 3:11; 1 Jon 3:1-2

26-28 Ia gumazamizir dipamin rueziba, ia Kraisin puegha, Kraisin min otifi. Egha datirighin Krais Jesusin aven ia ikizir vamira. Bar guizbangira, ia datirighin Judaba ko Kantrin Igharazibar Gumazamizibar min itir pu. Ia ingangarir gumazamizir kiniba ko gumazamizir firiaghirezibar min itir pu. Ia gumaziba ko amizibar min itir pu. Bar puvati. Ia nighnizir gavgavim Krais Jesusin ikia, ia bar moghira Godin boriba. Kamaghin, e ua Moses Osirizir Arazibar apengan itir puvatizi, da ua e gativagha en garir puvati.

Datirighin ia Godin boriba, ezi Moses Osirizir Araziba ia ikiaghizar puvati

29 Krais an Abrahamin ovavim. Ezi ia Kraisin ikizimin ikiva, egh ia uaghan Abrahamin ovaviba. Ia Kraisin ikizir kam, iarara God fomira Abrahamin ovaviba bizir aghuir kaba me daningasa Abraham ko akam akiri. Kar iarara, God ia migei.

4

¹ Ezi datirighin ki akar isin zuimin bizir kam deravira ia mikimam. Afeziatam borir aghiritam ikiva, egh gin a uan biziba bar da isiva borir kam daningam. Bizir kaba borim bagha fomira iti. Ezi borim tighar aghuir dughiam, a pura mati a uan afeziatam ingangarir gumazir kinir mam. Bizir kaba, an biziba. ² Egha a svighavira itima, gumazir an gariba ko an bizibar gariba, an garava an biziba sara gari. Egha ghua dughiar an afeziatm biziba an agharim darighamim oto. Egha dughiar kamin, a ubi uan biziba inigha dar gari. ³ Ezi e uaghan kamaghin ami, e borir aghiribar min itir dughiam, e nguazim ko overiamin bizibagh ativagha dar garir duar kuraba ko bizir nedaziba, e dar ingangarir gumazamizir kinibagh ava. ⁴⁻⁵ Ezi God kamaghin ifonge, e an boribar otivasa, egha Moses Osirizir Arazibar apengan itir gumazamiziba, a uam e givezasa. God fomira e givezasa dughiam ginaba. Ezi dughiar a fomira inabazim datirighin otozi, a uan otarim amadazima a ize. Ezi amizim a bate. Ezi a gumazir Moses Osirizir Arazibar apengan itimin min oto. Egha e Moses Osirizir Arazibar apengan itir gumazamiziba, a uam e ini. ⁶ Ezi ia datirighin Godin boribagh ava. Ezima God uan Otarimin Duam amadazima an en navir averiabar iti. Ezi Duar kam en aven kamaghin dei, "O Ame! Nan afeziatm." ⁷ Kamaghin, ni ua

pura ingangarir gumazamizir kinimin itir puvati. God ni gamizi ni an borim gava. Egh ni fogh, ni an bizir aghuir inabaziba iniam.

Tizim bagha nguazir kamin biziba ua ia ikiaghizar?

⁸ Fomira ia God gifozir puvatigha, bizir guizbangira God puvatizibagh amuava, dar ingangarir gumazamizir kinibar min iti. ⁹⁻¹⁰ Ezi datirighin ia Godin boroghin zui. O ki kamaghin mikimam, God ian boroghin zui. Ia kamaghin nighnigha ghaze, ia zurara Moses Osirizir Arazibar dughiar ekiaba ko iakinir igiabar dughiaba ko azenir igiabar dughiaba ko dagheba otir dughiabar gin mangam. Manmaghsua ia ua nguazim ko overiamin bizibagh ativagha dar garir pura duar kurabar gin zui? Da gavgaviba puvati. Ia ti uamategh dar ingangarir gumazir kinibar ikiasi? ¹¹ Ki ian arazir kam ginighnigha, kamaghin atiati, ingangarir ki ian tongin amizim an daghem puvatigham.

Ia nan arazibar gin izi

¹²⁻¹⁵ Nan adaras, ki ubi Moses Osirizir Araziba ategha ian min iti. Ezi ia nan min ikiasi ki ia gakaghori. Ia fo, fomira ki Galesian Provinzin izeghava, nguibar igharazitam mangasava amuava arimariam ini. Egha dughiar kamra Akar Aghuim faragha ia mikini. Nan mikarzim gavgavim puvatigha osimtizir ekiam ia ganingi. Ezi ia akirim ragha na gasarazir puvati, egha na ko ikian aghuazir puvati. Enselin tam, o Krais Jesus ubi iziva ia ko ikiti, ia aning inigh bar deravira aning damuam. Ezi ki arei dughiamin, ia na inighnaha arazir kamra na gami. Ia na inizi ki ian gara itima, ia arazir kuratam na gamizir puvati. Ki guizbangira kamaghin mikimam, dughiar kamin ia nan akurvaghaha bar ifonge. Egha ia uan damaziba na bagha da asiasa ifuegha da asigha na ganighai. Ia faragha na gifuegha na bagha bar akonge. Ezi ia na gifongezir navir kam datirighin managh iti? ¹⁶ Manmaghin ami? Ki guizbangira akam ia mikini, egha kamaghin ki ti ian apanim gava?

¹⁷ Ifavarir gumazir kaba kamaghin ifonge, ia me baghavira ikiasi, me pura ian kuariba isava, egha guizbangira ian akurvaghamin nighniziba puvati. Ia men nighniziba gin mangiva egh ia en saghon ikiasi, me ifonge. ¹⁸ Tina gumazamizir igharaziba baghvira iki, egh men akurvaghamin nighnizir aghuim

3:29: Ro 4:13; 9:7; Ga 4:7; 4:28; 5:1; Ef 3:6; Hi 11:18

3:29: Rom 4:13; 9:7; Galesia 4:7; 4:28; Efesus 3:6; Hibr 11:18

4:3: Ga 2:4; 3:23; Kl 2:20

4:3: Galesia 2:4; Kolosi 2:20

4:4-5: Jenesis 3:15; Matyu 5:17; 20:18; Luk 1:31; Jon

1:12-14; Rom 1:3; 8:15-17; Galesia 3:13; Efesus 1:5-10; 1 Pita 1:18-19

4:6: Ro 5:5

4:6: Rom 5:5

4:7: Ga 3:29

4:7: Galesia 3:29

4:8: Ro 1:25; 1 Ko 8:4-6; 12:2; Ef 2:11-12; 1 Te 4:5

4:8: Rom 1:25; 1 Korin 8:4-6; 12:2; Efesus

2:11-12; 1 Tesalonika 4:5

4:9-10: Rom 8:3; 14:15; 1 Korin 8:3; Kolosi 2:16-20; Hibr 7:18

4:12-15: 1 Korin 2:3; 2

Korin 11:30; 12:7-9

4:16: Amo 5:10; Galesia 2:14

4:16: Amos 5:10; Galesia 2:14

ikiti, kamaghin dera. Ia zurara arazir kam damuvira iki. Egh ki ia ko ikiamin dughabara puvati.*¹⁹⁻²⁰ Ki orazi, ia arazir kam gamima, ki ia bagha okam nighnigha ghaze, ki manmaghin ian akurvaghram. Ki ia ko itir puvati, Iavzika. Ki ia ko ikia, ti tong akar aghuitiam ian mikemeghai. Nan boriba, ia guizbangira Godin boribagh avaghiva Kraisin min ikiasa, kamaghin ki ia bagha ua mizazir kam barasi. Mati amizim borim batasa isir mizazim.

Hagar ko Sara

²¹⁻²³ Ia gumazamizir Moses Osirizir Arazibar apengan ikiasa ifongeziba ia na mikim. Ia ti Moses Osirizir Araziba mikemezi moghin fozir puvati? Godin Akinafarim kamaghin mikeme, Abraham otarir pumuning iti. Ingangarir amizir kinim, Hagar, mam bate. Ezi guizbangira an amuim, Sara, mam bate. Ingangarir amizir kinim borim nguazimin amiziba boriba isi moghin oto. Ezi guizbangira an amuimin borim, an akar dikirizimin tuavimin oto.²⁴⁻²⁵ Amizir kamning Akar Dikirizir Gavgavir pumuningin min iti. Eghaghanir kamnagh akar isin zuim an iti. Hagar, a Sainain Mighsiam Akar Dikirizir Gavgavimin min iti. Sainain Mighsiam, a kantri Arebian iti. Hagar ingangarir amizir kinir mam. Ezi an boriba uaghan ingangarir gumazir kiniba. Hagar uan boriba ko me ingangarir gumazir kinibar min ti. Ezi Jerusalemin datirighin itim, an Hagarin min iti. Datirighin itir Jerusalem uan boriba ko, me Moses Osirizir Arazibar apengan ikiia ingangarir gumazamizir kinibar min ami.²⁶⁻²⁷ Godin Akinafarim kamaghin mikeme:

“Amizir boriba puvatizir kam, nin boriba
gin bar avirasemegham.

Ni mati amizir nin pam ni ataghizim.
Egh ni gin borir bar aviriba inighti,
nin boribar dibobonim,
amizir uan pam ko itimin boribar,
dibobonim gafiraghram.

Kamaghin ni amizir boriba isir puvatizim,
ni bar akongegh.

Ni amizir otirimurir mizazibagh
puvatizim,

nin navim deragh, ni bar akuegh,
pamtem dimiva araghasi.”

Ezi kamaghin Jerusalemin igharazim a Godin Nguibamin iti, Moses Osirizir Araziba a ikiaghaghizir puvatizima, a datirighin firiaghiri. Ezi an en amebamin min iti.²⁸ Ezi nan adarasi, ia Aisakin min ami. Godin akar dikirizim mirara, ia an boriba.²⁹ Nguazimin amiziba boriba isi moghin otozir otarim, a Godin Duamin gavgavimin otozir otarim pazava a gami. Kamaghira, datirighin Moses Osirizir Arazibar apengan itir gumazamiziba, e tina Godin Duamin apengan iti, me en aghuaghha osimtiziba e garisi.³⁰ Ezi Godin Akinafarim manmaghin mikeme? A kamaghin migia ghaze, “Ingangarir amizir kinimin borim, a guizbangira Abrahamin amuimin borim ko afeziamin bizar aghuiba da inian kogham. Kamaghin, ni ingangarir amizir kinim uan otarim ko aning batokegh.”

³¹ Nan adarasi, e ingangarir amizir kinimin boriba puvati, e guizbangira Abrahamin amuimin boriba.

Godin gumazamiziba firiaghire

5

(*Sapta 5-6*)

Ia uari bagh ganigh, Moses Osirizir Araziba ua ia ikirarighan kogham

¹ Krais, e Moses Osirizir Arazibar apengan ikiian aghuaghava, kamaghin an e gamizi, e firiaghiri. Kamaghin amizi, ia tuivigh gavgafiq. Ia gumazamizitabar ganti, me ua ia damut, ia ua ingangarir gumazamizir kinibar min ikan marki.

² Ia na baragh. Ki Pol, ki ia migei, ia men gantima me ian mikarzir mogomebar iniba aghoreghtima, Kraisin ingangarim tong par ian akuraghan kogham. Bar puvati.

³ Ki datirighin ua deravira kamaghin ia mikimasa, ni tina gumazitamin ganti, a nin mikarzir mogomemin inim atughti, kamaghin ni uaghan Moses Osirizir Araziba bar dar gin mangam.⁴ Ia gumazamizir Moses Osirizir Arazibar gin mangasava amiba, ezi tuavir kamin ia ghaze, e Godin damazimin dera, ia kamaghin Krais ategha

* **4:18:** Grighin akam vezin kamin deragha bigha mikemezir puvati. **4:21-23:** Genesia 16:15; 21:2 **4:21-23:** Genesia 18:10-14; Rom 9:7-9; Hibrui 11:11 **4:24-25:** Rom 8:15; Galesia 5:1 **4:26-27:** Aisaia 54:1; Hibrui 12:22; Akar Mogomem 3:12; 21:2; 21:10 † **4:26-27:** Ves 22in aven, Pol Sara dibora ghaze, “Guizbangira Abrahamin amuim, Sara.” Kar akar isin zuir mam, Sara Godin akar dikirizimin min iti. Saran otarim Aisak, a Kraisin gin zuir darazir min iti. Ni Galesia 4:28in gan. **4:28:** Ap 3:25, Ro 9:7-8, Ga 3:29 **4:28:** Aposel 3:25; Rom 9:7-8; Galesia 3:29 **4:29:** Stt 21:9, Ga 5:11, 6:12 **4:29:** Genesia 21:9; Galesia 5:11; 6:12 **4:30:** Stt 21:10, Jo 8:35 **4:30:** Genesia 21:10; Jon 8:35 **4:31:** Jo 8:36; Galesia 3:29; 5:1; 5:13 **4:31:** Jon 8:36; Galesia 3:29; 5:1; 5:13 **5:1:** Jo 8:32, 8:36, Ap 15:10; Ro 6:18, Ga 2:4, 5:13, 1 Pi 2:16 **5:1:** Jon 8:32; 8:36; Aposel 15:10; Rom 6:18; Galesia 2:4; 5:13; 1 Pita 2:16 **5:3:** Ga 3:10 **5:3:** Galesia 3:10 **5:4:** Ro 9:31-32, Hi 12:15 **5:4:** Rom 9:31-32; Hibrui 12:15 **5:5-6:** Rom 8:24-25; 1 Korin 7:19; Galesia 6:15; Kolosi 3:11; 2 Timoti 4:8; Jems 2:18-22

gifa. Ia Godin apangkuvimin tuavim ategha gifa. ⁵⁻⁶ Egh gumazim Krais Jesus ko ikiti, gumazibar mikarzir mogomebar iniba aghorir arazim, a pura bizim, egh gumazibar mikarzir mogomebar inibar aghorir puvatizir arazim, a uaghan pura bizim. Ezima gumazir nighnizir gavgavim itim, an nighnizir gavgavim a gamima, a bar gumazir igharazibagh ifonge, kar guizbangin bizim. Godin Duamin gavgavimin, e nighnizir gavgavim Godin iti. Egha e, dughiar God suam, ia nan damazimin derazim, mizuai.

⁷ Ia fomira deraghavira Kraisin tuavimin zui. Ezi tina tuavim apirizima ia ua guizbangin akamin gin zuir puvati? ⁸ Nighnizir ia datirighin gintizim, a Godin ian diazimin izezir puvati. ⁹ Yisin muziarim, a bret bar a damighti, a buigham. ¹⁰ Ki kamaghin nighnizir gavgavim iti, Ekiam ian akuragham. Egh ia nan nighnizimin gin mangiva, nighnizir igharazim atakigh. Ki fozir pu, tina ian nighnizibagh asighasisi. Gumazamizir kaba arazir kurar ia gamizim bagh iveauzir kuram iniam. ¹¹ Nan adarasi, ia orakigh, gumazir maba ghaze, Pol gumaziba uan mikarzir mogomebar iniba aghorir akam dughiabar anekuravira iti. Egh me guizbangira kamaghin nighnime, me tizim bagha osimtizim na garisi? Kar guizbangira nighnizim puvati. Ezi ki ter ighuvimin akam akurima, akar kam gumazamizibar nighnizibagh asighasisi. Egh ki mikarzir mogomemin inim aghorir akam akuniva, ter ighuvimin akam akunan koghti, ter ighuvimin akar gumazibar nighnizibagh asighisizim, a pura akar amirizimin min otogh, ua gumazibar nighnizibagh asighasigan kogham. ¹² Gumazir ian navibagh inivir kaba, me mikarzir mogomebar iniba aghoramin arazim bagha bar gavgafi. Kamaghin me uarira uan inibar ghor, magh suegh bar dar ghoregh.

¹³⁻¹⁵ Nan adarasi, ia firighirasa God ifonge, egha kamaghin a ian dia. Eghia ia ua Moses Osirizir Arazibar apengan ikian kogh kamaghin nighnighan marki suam, "Moses Osirizir Araziba e ikiagharihizi, e arazir kaba ategha firiaghire. Egh e navir ghurimin arazibar amuam." Moses Osirizir Arazibar migirigiba, da bar uari inigha akar vamiran iti, "Ni uabira ubi gifongezi moghin, gumazamizir

igharazibagh ifongegh." Ia bar Godin gu-mazamizibar ingangarir gumazamizibar min iki, uarira uarigh ifongegh. Egh ia uarir atar pura tintinibar uariv sogh, egh deravira nighnigh. Ia uarigh asighasigham.

Godin Duam nin sure gamir arazir aghuibar gin mangi

¹⁶⁻¹⁸ Godin Duam koma nin navir ghurim, bizar kamning uaninging apanimning gami. Godin Duam ghaze, ni Godin arazir aghuibara damu. Ezi kamaghin ni dar amusa. Kamaghin amizima, ni arazir aghuibar gin mangisi damuti, nin navir ghurimin araziba suam, marki. Nin navir ghurim suam, "Arazir kuratam damu." Eghia ni tam damuam. Kamaghin ni arazir kurabar gin mangiti, Godin Duam suam, markiam. E fo, navir ghurimin araziba Godin Duam dikabinasa. Ezi Godin Duam navir ghurimin araziba dikabinasa. Aning uaning adosi. Ezi bizar ia damuam ifongezim, ia a damighan kogham. Ia Godin Duamin gin mangiva, Moses Osirizir Arazibar apengan ikian kogham. Egh, ia navir ghurimin arazibar gin mangan kogham. Ezi ki kamaghin ia migei, ia navir ghurimin araziba ateeghima, Godin Duamra ian faraghtima, ia an gin mangi.

¹⁹ Ia navir ghurimin arazibagh fogha gifa. Arazir kaba, gumazamiziba tintinibar uari koma akua arazir mizirizibagh amuava, afiar arazibagh ami. ²⁰ Egha nguazir kamin biziha e God gami moghin e uari isa dagh anidi, imezibagh amir arazibagh amuava, munavin biziha bagha navim ikuvigha da iniasa navim isi. Egha atara biziha bagh asighasisi, uarir apanibagh ami, gumazamizir igharazibar aghuaghha, uabira ubi ginighnis, biziha bagha uari batogha uari abisi. ²¹ Egha dipar organiba apava onganigha, pura gumazamiziba isa pamtemin diava ighiar kurabar arazibagh ami. Egha arazir kurar maba uaghan kamaghin iti. Ki fomira ia mikemegha gifa. Egha ki datirighin akar kamra ua ia migei. Gumazamizir arazir kabagh amiba, me God Bizibagh Ativamin Dughiamin aven mangan kogham.

²²⁻²³ Ezi Godin Duam arazir aghuir kabar amuasava en naviba fe: arazir bar igharaz darazigh ifongezim, bar akongezim, navir amirizim, dughorir amirazim, gumazibar akurvagha arazir aghuibar me gami.

5:7: 1 Ko 9:24; Ga 1:6, 3:1 **5:7:** 1 Korin 9:24; Galesia 1:6; 3:1 **5:9:** 1 Ko 5:6, 15:33 **5:9:** 1 Korin 5:6; 15:33

5:10: 2 Ko 2:3, 8:22, 10:6, 11:15, Ga 1:7 **5:10:** 2 Korin 2:3; 10:6; 11:15; Galesia 1:7 **5:11:** 1 Ko 1:23, 15:30, Ga 6:12,

6:17 **5:11:** 1 Korin 1:23; 15:30; Galesia 6:12; 6:17 **5:13-15:** Ofa Gami 19:18; Matyu 5:43; 7:12; Rom 13:8-9; 1 Korin 8:9; 9:19; 1 Pita 2:16; 2 Pita 2:16-19; Jems 2:8 **5:16-18:** Rom 6:12-14; 7:15-23; 8:2-7; 8:14; 13:14; Galesia 5:25; 1 Pita 2:11

5:19: 1 Ko 3:3, 6:9-10, Ef 5:3, Kl 3:5, Je 3:14-15 **5:19:** 1 Korin 3:3; 6:9-10; Efesus 5:3; Kolosi 3:5; Jems 3:14-15 **5:21:**

1 Ko 6:9, Ef 5:5, Kl 3:6, MAA 22:15 **5:21:** 1 Korin 6:9; Efesus 5:5; Kolosi 3:6; Akar Mogomem 22:15 **5:22-23:** 1

Korin 13:7; Efesus 5:9; Kolosi 3:12; 1 Timoti 1:9; Jems 3:17

Egha guizbangira migia deravira bizibagh amua, gumazibar asughasusi, egha navir ghurimin araziba dikabiri. Moses Osirizir Arazitam arazir kabar anogoroghezir puvati.²⁴ Gumazamizir Krais Iesusin gin zuiba, me navir ghurimin araziba ko biziba bagha bar ifongezir arazir kuraba inigha, ter ighuvimin da gura. Egha dagh afuzima, da aremegha gifa.²⁵ Godin Duam ikirimirir aghuim e ganingi. Kamaghin, anarira e ko daruva en akurvaghram.²⁶ Kamaghin amizi, e pura uarira uan ziaba fan kogham. Egh e igharaz darazir navibagh invit, me uarir ataran kogham. Egh e men biziba bagh naviba isian kogham.

6

Bizir manam ni uan navir averiamin an opari, bizir kamnaghira, an otogham

¹ Nan adarasi, ian tav arazir kuratam damighti, ia gumazir Godin Duamin gin zuiba, ia navir amirizimin arazibar a damuva, an akuraghti, a uan arazir kuraba ategham. Kamaghin ia deravira uari bagh gan, Satan ia gifaraghima, ia uaghan arazir kuratam damigham.²⁻³ Eghit gumazitam suam, a ziar ekiam iti, puvati, a ziam pu, egha kamaghin gumazir kam uabira uabi gifari. Ia igharaz darazir akuragh men osimtzibar ater. Egh ia kamaghin damuva, guizbangira Kraisin arazibar gin mangam.⁴⁻⁵ Gumazamiziba bar, me uari uan arazir me amibar osimtzibar ateram. Gumazamiziba uari uan ingangaribar gan, da deras ti puvati. Gumazamiziba kamaghin damuva, me uari uan arazibar gan dagh ifongegh. Egh me uan arazibar gan, egh gumazir igharazimin arazibara gan dav kiman marki.

⁶ Gumazir Godin akam barazim, a uan bizar aghuitaba an sure gamir gumazim daning.

⁷⁻⁸ Bizir manam ni uan navir averiamin anekara, bizir kamnaghira, an otogham. Gumazitam o amizitam uan navir ghurimin arazibar gin mangitima, an navir ghurir kamin dagher kuraba otivtima a bar ikuvigham. Egh gumazitam o amizitam Godin Duamin gin mangiti, Godin Duam a damuti, dagher aghuiba otivtima, a

ikirimirir aghuir zurara itim iniam. Egh ia suam, ia God gifari, bar puvati. Ia uarira uarigh ifariva, kamaghin damuan marki.⁹ Egh e ingangarim damus amirvaghan kogh, dagheba iniamin dughamin, e dagher bar aghuiba iniam. Kamaghin e arazir aghuibar amusi amirvaghan kogham.¹⁰ Kamaghin amizima, datirighin dugham ikiavira iti, e arazir aghuibar gumazamizir igharaziba bar deravira me damuam. Egh bizir ekiam, e deravira gumazamizir nighnizir gavgavim Ekiamin itibar amuam.

Polin migirigiar abuananaba

¹¹ Ki osirizir osizir ekiar kaba, ia dargari, kar ki uabi uan dafarimin osirizir akaba.*

¹²⁻¹³ Ifavarir gumaziba atiatia kamaghin nighnisi, "Gumazir igharaziba kamaghin fogh suam, e nighnizir gavgavim Kraisin ter ighuvimin iti, egh me pazi e damuam." Kamaghin me ian mikarzir mogomebar iniba aghorasa bar gavgafi. Me ghaze, me ian mikarzir mogomebar iniba aghoregħti, gumaziba bizir kam bagħ men ziaba farn. Ezi gumazir uan mikarzibar iniba aghoregħi kabanagh, uaghan deravira Moses Osirizir Arazibar gin zuir puvati. Ia oragh. Gumazir kaba ian mikarzir mogomebar iniba aghorasa bar gavgafi. Me kamagħsua, me kamaghin ia damiġħ gumazir igharazibar damazimin ziar eki-abu iniasa.¹⁴⁻¹⁵ Ezi mikarzir mogomemin inim aghorir arazim, a pura bizim. Egha mikarzir mogomemin inim aghorir puvatizir arazim, a uaghan pura bizim. God e gamizima e gumazamizir igiabar otifi, kar bizir ekiam. En Ekiam Krais Iesus ter ighuvimin areme. Ezi ki bizir kam bagħha uan ziam o gumazir igharazitam in ziam fer puvati. Ki Godin ziamra fe. Jesus ter ighuvimin areme, ezi tuavir kamin nguazir kamin araziba nan nighnizmin aremegħha gifa. Egha mati ki uabi ter ighuvimin areme. Egh ki uam nguazir kamin arazibar gin mangan kogham.¹⁶ Nighnizir kamin suiraghha an gintiziba, Godin apangkuvim men ikiam. Egh a men navibar amutima me nimira ikiam. Eghit gumazamizir kaba, me guizbangira Godin Israelia.

5:24: Ro 6:6, 13:4; Kl 3:5; 1 Pi 2:11 **5:24:** Rom 6:6; Kolosi 3:5; 1 Pita 2:11 **5:25:** Ro 8:4-5, Ga 5:16 **5:25:** Rom

8:4-5; Galesia 5:16 **5:26:** Fl 2:3 **5:26:** Filipai 2:3 **6:1:** Mt 18:15, 1 Ko 2:15, 4:21, 7:5, 2 Ti 2:25, Hi 12:13, Je

5:19 **6:1:** Matyu 18:15; 1 Korin 2:15; 4:21; 2 Timoti 2:25; Hibru 12:13; Jems 5:19 **6:2-3:** Jon 13:14-15; Rom 12:3; 15:1; 1 Korin 8:2; 2 Korin 3:5; 1 Tesalonika 5:14; 1 Jon 4:21

6:6: Ro 15:27, 1 Ko 9:11, 9:14 **6:6:** Rom 15:27; 1 Korin 9:11; 9:14 **6:7-8:** Jop 13:9; Hosea 8:7; Luk 16:25; Jon 3:6; 6:63; Rom 2:6; 8:13; 1 Korin 6:9; 10:12; Jems 3:18 **6:9:** 1 Ko 15:58, 2 Te 3:13, Hi 3:6, 3:14, MAA 2:10 **6:9:** 1 Korin 15:58; 2 Tesalonika 3:13; Hibru 3:6; 3:14; Akar Mogomem 2:10 **6:10:** Ef 2:19, 1 Te 5:15, 1 Ti 6:18, Hi 3:6 **6:10:** 1

Tesalonika 5:15; 1 Timoti 6:18 * **6:11:** Ni akar 1 Korin 16:21 in itimtin gan. **6:12-13:** Galesia 2:3; 2:14; 5:11; Filipai

3:18 **6:14-15:** Rom 2:29; 6:6; 1 Korin 1:31; 2:2; 2 Korin 5:17; Galesia 5:6; Filipai 3:3; Kolosi 3:11 **6:17:** 2 Ko 1:5, 4:10,

11:23; Ga 5:11; Kl 1:24 **6:17:** 2 Korin 1:5; 4:10; 11:23; Galesia 5:11; Kolosi 1:24

17 Gumaziba na misoghezi, men duar kuriba nan mikarzimin iti. Ia bizir kabar gan suam, ki guizbangin Jesusin ingangarir gumazim. Eghiti gumazitam uam osimtititam na darighan ki aghua. 18 Nan adarasi, en Ekiam Krais Jesusin apangkuvim ian duaba ko iki. Guizbangira.

Akinafarir Pol Efesusin Nguibamin Itir Sios Bagha Osirizim O Efesus Akar faragha zuim

Akinafarir kamin akar mingaram a kamakin, God kamaghin nighnisi, a uan Nguibam ko nguazir kamin ingarizir biziba bar, dar amu da isi Kraisin apengan dar arigham. Egheti Krais biziba bar dar dapanimin ikiam (1:10). Ezi God kamaghin ifonge, a uan gumazamiziba gaghuvkinti, me bar Krais ko poroghiv ikiva navir vamira ikiam.

Ezi akinafarimin aven faragha itir akaba, Pol Godin apangkuvimin migirigiar aviribagh ami. A ghaze, God gumazamizibagh amima, me bar nighnizir gavavim Kraisin ikiava uari akuvagha, ikizir vamiran gumazamizibar otifi. Iesusin ingangarimin, God ua gumazamiziba inigha, Godin Duam me ganungi. Ezi tuavir kamin me bar fo, me Godin akar dikirizimin bizar mikemeziba, me bar da niiam (1:14).

Egha akinafarimin itir namba 2in akar otevimin, Pol kamaghin migia ghaze, Kraisin adarasi me Krais ko poroghav iti. Kamaghin amizi, me bar navir vamira ikiva, Godin Arazibar gin mangi.

Ezi akinafarir kamin Pol akar isin zuibavia, kamaghin men akakaghti me fogh suam, me Krais ko poroghav ikia egha ikizir vamiran gumazamizibar oto. A kamaghin mikeme, Godin gumazamiziba, me inivafizir vamiran min oto, ezi Krais mati inivafizir vamiran kamin dapanim. (4:1-16). Ezi uaghan, Godin gumazamiziba mati dipenir mam, ezi Krais, a mati dipenir kamin guarir akinim (2:19-22). Egha Godin gumazamiziba mati amizir mam, ezi Krais mati amizir kamin pam (5:22-32). Ezi akinafarir kamin aven e bar deravira bizar aghuir God uan gumazamizibar amuamibar gari.

E Kraisin poroghav itima, God e gamizi e gumazamizir igiabar otifi

(*Sapta 1-3*)

¹ Ki Pol, God uan ifongiamin gin ghua Krais Jesusin aposelin ikiasi na misefe. Ia, Efesusin itir Kraisin adarasi, ia Krais ko poroghav ikia deraghavira an gin zui. Ki ia bagha akinafarir kam osirigha anemadi. ² Ki kamaghhsua, God en Afeziam ko Ekiam Krais Jesus, aning apangkuvim ko navir amirizim ia daningam.

E Krais Jesusin poroghav itima, God uan Nguibamin itir bizar aghuiba bar da isava e ganidi

³ E Krais Jesusin poroghav iti, ezi tuavir kamin God deravira e gamua en duabar akurvaghisa uan Nguibamin otivir bizar aghuiba e ganidi. Kamaghin, e God minamam, a en Ekiam Krais Jesusin Afeziam ko an God. ⁴⁻⁵ Dughiar God tighar nguazir kamin ingaramim, a kamaghin ifonge, e a baghvira itir gumazamizibar ikiva, an damazimin arazir kuratam ikian kogham, egha a fomira e ginaba. Egha ghaze, e Krais ko poroghiv iki, egh tuavir kamin e an gumazamizibar min otogham. A fomira bar e gifongegha e ginabagh ghaze, a Krais Jesusin ingangarimin tuavimin e damighti, e an boribar otivigham. God uan bar akongezir arazim ko uan ifongiamin gin ghua bizar kam gami. ⁶ Aifongezir Otarimin ziamin, a bar pura bizar aghuimin min uan apangkuvim isa e ganungi. Kamaghin e apangkuvir bar ekiar kam ginighnighiva, Godin ziam fam.

⁷⁻⁸ E fo, Kraisin ovevemin God uam e inigha en arazir kuraba gin amada. Godin apangkuvim guizbangira bar ekevegha izifa. Kamaghin a uan apangkuvim e gufusfuzima an e girava, fofozir aghuim ko nighnizir aghuim e ganidi. ⁹ God fomira uan ifongiamin gin ghua, Kraisin ingangarimin tuavimin uan nighnizir mogomem azenim darighasa nighniki. Ezi datirighin an nighnizir mogomer kam a en akazi an azenan oto. ¹⁰ Godin nighnizir kam a kamakin, a ingarizir biziba bar dar amuti da mangiva dughiar a inabazimra a da isi Kraisin apengan dar arigham. Overiamin itir biziba ko nguazimin itir biziba sara bar. Egheti Krais biziba bar dar dapanimin ikiam.

¹¹ God uan ifongiam ko nighnizimin gin ghua, bizibagh amima da otifi. A faraghavira uan nighnizimin gin ghua, e

1:1: Ap 18:19-21, 19:1, Ro 1:1, 1:7, 1 Ko 1:1, Kl 1:1

1:1: Aposel 18:19-21; 19:1; Rom 1:1; 1:7; 1 Korin 1:1; Kolosi 1:1

1:2: 2 Ko 1:2, Ga 1:3, Kl 1:2, Ta 1:4

1:2: 2 Korin 1:2; Galesia 1:3; Kolosi 1:2; Taitius 1:4

1:3: Ef 2:6

1:3: Efesus

2:6 1:4-5: Jon 1:12; 15:16; 17:24; Rom 8:28-30; 2 Korin 6:18

2:6: Galesia 4:5; Efesus 5:27; Kolosi 1:22; 2 Tesalonika 2:13; 2

Timoti 1:9; Jems 2:5; 1 Pita 1:2

1:6: Mt 3:17, Jo 3:35, Ro 3:24, 5:15, Kl 1:13

1:6: Matyu 3:17; Jon 3:35; Rom 3:24;

5:15; Kolosi 1:13

1:7-8: Aposel 20:28; Efesus 2:7; Kolosi 1:14; 1:20; Hibru 9:12; 1 Pita 1:18-19

1:9: Ro 16:25, Ef 3:4,

3:9-11; Kl 1:26, 2 Ti 1:9

1:9: Rom 16:25; Efesus 3:4; 3:9-11; Kolosi 1:26; 2 Timoti 1:9

1:10: 1 Ko 3:22-23, Ga 4:4, Fl

2:9-10, Kl 1:16, 1:20, Hi 1:2, 1 Pi 1:20

1:10: 1 Korin 3:22-23; Galesia 4:4; Filipai 2:9-10; Kolosi 1:16; 1:20; Hibru 1:2; 1

Pita 1:20

1:11: Ro 8:17, 8:28-29, Kl 1:12, Ta 3:7, Je 2:5, 1 Pi 1:4

1:11: Rom 8:17; 8:28-29; Kolosi 1:12; Taitus 3:7;

Jems 2:5; 1 Pita 1:4

Krais ko porogh an gumazamizibar min iki-aso, an e amisefe. ¹² E Judaba, e faraghavira Krais mizuava an gin zuir gumazamiziba, e Godin ziar ekiam bar a pirafam.

¹³ Ezi ia Kantrin Igharaazibar Gumazamizibar uaghan, ia guizin akam baraghizima God ia gamizi ia an gumazamizibar otifi. Akar aghuir kamra kara: God ian akurvasi. ia nighnizir gavgavim Kraisin itima God uan Duam ia gati. Kamaghin me fogh suam, ia an gumazamizibara. Kar Godin Duar a fomira akar dikirigha amizim. ¹⁴ E Godin Duam inigha gifia, Kamaghin e bar fo, e bizar God akar dikirizim uan gumazamizibav kemeziba, e bar da iniam. Bizar kamin e fo, God uan gumazamizibar amighti me guizbangira firighiregham. Kamaghin e Godin ziar ekiam bar a pirafam.

Pol God ko migia ghaze, God fofozim Efesusin sios daningam

¹⁵ Ki fo, God bizar kabanang gami, ezi ki orazi, ia nighnizir gavgavim Ekiam Iesusin ikiava, Godin gumazamiziba bar me gifonge, ¹⁶ kamaghin amizi, ki zurara ia ginighnigha God ko migia ia bagha God minabavira iti. ¹⁷ Egha ki Godin azangsisi, en Ekiam Krais Iesusin God, Afeziar ziar ekiam itim, ki an azangsigha ghaze, a uan Duam ia danichti a ia damuti, ia fofozir aghuim iniam. Eighti Godin Duam uan guizin akam ian akaghti, ia deragh Godra fogham. ¹⁸ Ki kamaghin Godin azangsisi, ian nighnizim kuighirighti ia Godin angazangarimin ganam. Egha ia kamaghin fogham, God ian diazima bizar aghuir ia fogha iniamiba bagha mizuai iti. Egha kamaghin fogham, bizar aghuir God uan gumazamizibar aningamiba, da bar ekevegha pin ko. ¹⁹⁻²⁰ Egha ia kamaghin fogham, e nighnizir gavgavim Godin itir darasi, an gavgavim zurara en navibar aven ikia ingara en akurvasi. Gavgavir kam, guizbangira bar ekevezi, e guizbangira an gavgavim tuisighiva avegham. Gavgavir en aven ingarir kamra, dughiar Krais ovengezimin, God gavgavir kamin Krais gamizi, a ua dikafi. Egha a inigha uan Nguibamin ghua a isa uan

aghairir guvimin amadaghan anefa. ²¹ Kamaghin Krais Godin Nguibamin ikia egha duar gavgaviba itiba bar, ko gumazir dapaniba, ko gavmanin gumaziba, ko atriviba, a bar men gavgavibagh afiraga me gatifa. Egha Ziar Krais uan ingangarim bagha inizim a ziar manaba, manaba bar dagh afira, dughiar kamin ziaba ko dughiar tighar izamimin ziaba bar. ²² God biziba bar dagh amizima da Kraisin apengan iti. Egha a gamizi, a sios bagha biziba bar dar dapanimin oto. ²³ Sios mati Kraisin namnam. Ezi Krais biziba bar dar aven ikia bar dagh izifa. Egha Krais uan siosin aven ikia bar a gizifa.

2

E gumazamizir ariaghireziba, God e gamizi e Krais ko angamira iti

¹ Ia fomira Godin akam barazi puvatigha arazir kurabagh amuava, kamaghin ian duaba guizbangira aremezi moghin iti, mati gumazamizir ariaghireziba. ²

Faragha zuir dughiamin, ia nguazir kamin arazir kurabar gin zui. Egha ia duar kurar kam, gumazamizir Godin akam barazi puvatizibar navir averiabar aven ingari.

³ Fomira e bar moghira men min ami, egha uan navir għurim min ifongiā min gin zui. E uan inivafizir agorogem ko uan nighnizir kurabar gin zui. Dughiar kamin e nguazimin itir gumazamizibar min amima, kamaghin God bar en arazir kuraba bagħ iżvezur kuram e daningasa nighnizim gami.

⁴⁻⁵ Guizbangira, en arazir kuraba e gamizi en duaba guizbangira aremezi moghin iti, mati gumazamizir ariaghireziba. Ezi God bar e gifongezi, an apangkuvir dafam bar e avara. Kamaghin an e gamizi e Krais ko angamira iti. Ezi God uan apangkuvimin tuavimra, a en akura. ⁶ A kamagħsua, e Krais Iesus ko Godin Nguibamin atrivim in ikiam. Kamaghin an e gamizi e Krais ko porogħav iki, a ko ua dikafi. ⁷ A kamagħsua, a uan apangkuvir bar dafam, tighar izamin dughiabar gumazamiziba

-
- 1:13:** 2 Ko 1:22; 6:7, Ef 4:30, Kl 1:4-6 **1:13:** 2 Korin 1:22; 6:7; Efesus 4:30; Kolosi 1:4-6 **1:14:** Lu 21:28, Ro 8:23, 2 Ko 1:22, 1 Pi 2:9 **1:14:** Luk 21:28; Rom 8:23; 2 Korin 1:22; 1 Pita 2:9 **1:14:** Kl 1:4 **1:15:** Kolosi 1:4 **1:16:** Fl 1:3-4, Kl 1:3, 1 Te 1:2 **1:16:** Filipai 1:3-4; Kolosi 1:3; 1 Tesalonika 1:2 **1:17:** Kl 1:9 **1:17:** Kolosi 1:9 **1:18:** Ap 26:18, Ef 2:12, 4:4, Kl 1:12 **1:18:** Aposel 26:18; Efesus 2:12; 4:4; Kolosi 1:12 **1:19-20:** Onger Akaba 110:1; 2 Korin 13:4; Efesus 3:7; Kolosi 1:11-16; 1:29; 2:10-12; 3:1; Hibru 1:3 **1:21:** Ro 8:38, Fl 2:9-10, Kl 2:10, 2:15, Hi 1:4 **1:21:** Rom 8:38; Filipai 2:9-10; Kolosi 2:10; 2:15; Hibru 1:4 **1:22:** Sng 8:6, Mt 28:18, Kl 1:18, Hi 2:7 **1:22:** Onger Akaba 8:6; Matyu 28:18; Kolosi 1:18; Hibru 2:7 **1:22:** Kolosi 1:18 **1:23:** Ro 12:5, Ef 4:10, 4:15, Kl 2:9, 3:11 **1:23:** Rom 12:5; Efesus 4:10; 4:15; Kolosi 2:9; 3:11 **2:1:** Ef 4:18; Kolosi 1:21 **2:1:** Kolosi 2:13 **2:2:** Jo 12:31, Ef 5:6, 6:12, Kl 1:21, 3:6-7, Ta 3:3 **2:2:** Jon 12:31; Efesus 5:6; 6:12; Kolosi 1:21; 3:6-7; Taitus 3:3 **2:3:** Ro 5:12, Ga 5:16, Kl 3:6, Ta 3:3, 1 Pi 4:3 **2:3:** Rom 5:12; Galesia 5:16; Kolosi 3:6; Taitus 3:3; 1 Pita 4:3 **2:4-5:** Lu 15:24, 15:32, Ap 15:11, Ro 5:6-10, 6:4-5, 6:13, 10:12, Ef 1:7, 2:1, 2:7, Kl 2:12-13 **2:4-5:** Luk 15:24; 15:32; Aposel 15:11; Rom 5:6-10, 10:12; Efesus 1:7; 2:7 **2:6:** Ef 1:20, Kl 2:12 **2:6:** Efesus 1:20; Kolosi 2:12 **2:7:** Ef 1:7 **2:7:** Efesus 1:7

bar men akaghaha. Eghti me fogh suam, a Krais Iesusin ingangarimin tuavimina bar me gifonge. Kamaghin an arazir aghuir kamin e gami.⁸⁻⁹ Ia nighnizir gavgavim Godin itima, a uan apangkuvimin tuavimra ian akurvasi. Kar ia uari amizir puvatizir bizim. Puvati. God pura ia ganingi. Kar ian ingarimin iveau puvati. Kamaghin bizar kam bagh gumazitam uabi uan ziam fan marki.¹⁰ God fomira e bagha, ingangarir aghuir e gin damuamiba, a dagh nighnigha da ati. A kamaghsua, e ingangarir kabar amuasa, egha kamaghin an e gamizi, e Krais Iesus ko poroghav ikia datirighin gumazamizir igiabar otifi.

Krais apanim gamir arazim a givazi, Judaba ko Kantrin Igharazibar Gumazamiziba ikizir vamiran iti

¹¹ Ia Kantrin Igharazibar otivir gumaziba, ia kamaghin fo, Judaba, uan gumazibar mikarzir mogomebar iniba aghori. Egha me kamaghin ia dibori, ia gumazir mikarzir mogomebar iniba aghorir puvatiziba. Arazir kam kamakin, gumaziba uari uan mikarzir mogomebar iniba aghori. Egha ia deravira nighnigh, ia fomira Kantrin Igharazibar Gumazamizibar min ike.¹² Egha dughiar kam ia Kraisin saghon iti. Ia Israelin gumazamizibar azenan iti, kamaghin ia nguubar igharazibar gumazamizibar min iti. God uan adarazi ko akam akirigha, uan gumazamiziba Akar Dikirizir Gavgavim me ganingi. Ezi ia Akar Dikirizir Gavgavir kamin even itir puvati. Ia nguzair kamin ikiava God gifozir puvati, egha bizar aghuir mizuai iti tam itir puvati.¹³ Ia faragha saghon iti, ezi datirighin Kraisin ghuzim ia ruegha ian akua izezi, ia Krais Iesus ko poroghav ikia, Godin boroghin iti.

¹⁴ Krais uabi e gamizi e navir amirizim ikiava deravira uari inigha iti. Fomira Judaba ko Kantrin Igharazibar Gumazamiziba uarir apanim gami. Ezi arazir kam a divazimin min men tongin ikia me abiki. Ezi Krais uan ovevemin tuavimin divazir kam anekariaghathiga egha apanir arazir

kam agifa. Ezi Judaba ko Kantrin Igharazibar Gumazamiziba ikizir vamiram oto.¹⁵ Krais, Moses Osirizir Araziba, ko Akar Gavgaviba, ko bizar a damuasa e mikemeziba sara, bar da gifa. A ghaze, a kamaghin damigh, ikizir pumuning damutis, aning a ko porogh ikiva ikizir igiar vamiran otogham. Ia tuavix kamin an e gamizi e navir vamira iti.¹⁶ Krais ter ighuvimin aremegha tuavir kamin ikizir pumuning gamizi aning ikizir vamiran oto. Egha uam aning inigha God bagha ize. Egha an ovever tuavir kamra me uarir apanim gamir arazim anegifa.¹⁷ Kamaghin Krais izeghava Akar Aghuim gumazamiziba bar me mikira ghaze, ia navir vamira iki. A, gumazamizir Godin saghon itiba ko gumazamizir Godin boroghin itiba par, Akar Aghuim me mikiri.¹⁸ Kamaghin Kraisin ingangarimin tuavimra e bar, Judaba ko Kantrin Igharazibar Gumazamiziba, Godin Duam en akurvazima e uari akuvaghha Afeziamin boroghin izi.

E Kraisin adarsi, e mati Godin Dipenimra

¹⁹ Kamaghin amizi, datirighin ia Kantrin Igharazibar Gumazamiziba, ia ua kamaghin nighnighan marki suam, ia nguubar igharazibar gumazamiziba o nguibaba puvatizir gumazamiziba. Puvati. Ia Godin adarazi ko uaghara ghu, egha uaghan Godin gumazamizibar tongin itir marasi.²⁰ Ia uaghan mati God ingarizir dipenimin min iti. Gumazim dipenim ingarasa ter akiniba kuazizi moghin, God aposelba ko uan akam inigha izir gumazibav sevez; me tuivigha ingangarim gami. Ezi Krais Iesus, a uabi dipenir guarimin min iti.²¹ Dipenir guarim a dipenir agharim bar a gupuzi moghin, Krais bar e isafuraghha e gamima e aghua, ghua God baghavira itir dipenimin oto.²² Ia uaghan Krais ko poroghav iti, ezi God igharaz darazi ko ia isafuraghha ia gamizi, ia guizin Godin Dipenimin min oto. Ezi Godin Duam dipenir kamin even iti.

3

Pol Kantrin Igharazibar Gumazamiz-

- 2:8-9:** Jon 4:10; Rom 3:20; 3:27; 4:2; 4:16; 10:14-17; 1 Korin 1:29-31; Filipai 1:29; 2 Timoti 1:9; Hibrus 6:4 **2:10:** 1 Ko 3:9, 2 Ko 5:5; 5:17, Ef 4:24, Ta 2:14 **2:10:** 1 Korin 3:9; 2 Korin 5:5; 5:17; Efesus 4:24; Taitus 2:14 **2:11:** Ro 2:28-29, 1 Ko 12:2, Ef 5:8, Kl 1:21 **2:11:** Rom 2:28-29; 1 Korin 12:2; Efesus 5:8; Kolosi 1:21 **2:12:** Ro 9:4, 9:8, Ga 4:8, Ef 4:18, Kl 1:21, 1 Te 4:5, 4:13 **2:12:** Rom 9:4; 9:8; Galesia 4:8; Efesus 4:18; Kolosi 1:21; 1 Tesalonika 4:5; 4:13 **2:13:** Ga 3:28, Ef 2:17, Kl 1:20 **2:13:** Galesia 3:28; Efesus 2:17; Kolosi 1:20 **2:14:** Ais 9:6; Mai 5:5; Jo 16:33; Ap 10:36; 1 Ko 12:13, Kl 1:20, 2:14 **2:14:** Aisaia 9:6; Maika 5:5; Jon 16:33; Aposel 10:36; 1 Korin 12:13; Kolosi 1:20; 3:15 **2:15:** 2 Ko 5:17, Ga 6:15, Ef 4:24, Kl 1:20-22; 2:14, 2:20 **2:15:** 2 Korin 5:17; Galesia 6:15; Efesus 4:24; Kolosi 1:20-22; 2:14 **2:16:** Sek 9:10, Ro 6:6; 8:3; Kl 1:20, 2:14 **2:16:** Kolosi 1:20; 1:22; 2:14 **2:17:** Ais 57:19, Sek 9:10, Ap 2:39, Ro 5:1 **2:17:** Aisaia 57:19; Sekaraia 9:10; Aposel 2:39; Rom 5:1 **2:18:** Ro 5:2, 1 Ko 12:13, Ef 3:12, Hi 4:16, 1 Pi 3:18 **2:18:** Rom 5:2; 1 Korin 12:13; Efesus 3:12; Hibrus 4:16; 1 Pita 3:18 **2:19:** Ga 6:10, Ef 3:6, Fl 3:20, Hi 12:22-23 **2:19:** Efesus 3:6; Filipai 3:20 **2:20:** Mt 16:18; 1 Ko 3:9-11, Ga 2:9; MAA 21:14 **2:20:** Matyu 16:18; 1 Korin 3:9-11; Galesia 2:9; Akar Mogomem 21:14 **2:21:** 1 Ko 3:16-17, 2 Ko 6:16, Ef 4:15-16, Kl 2:19 **2:21:** 1 Korin 3:16-17; 2 Korin 6:16; Efesus 4:15-16; Kolosi 2:19 **2:22:** 1 Pi 2:5 **2:22:** 1 Pita 2:5

ibar tongin Akar Aghuim akunamin ingangarim gami

1 God guizbangira deravira ia gami. Ezi bizar kam bagha ki Pol, ki Krais Iesusin ingangarim gamua egha ia Kantrin Igharazibar Gumazamiziba ian akurvagha, kamaghin ki kalabusin iti. Egha ki ia bagha God ko migei. ² La ti oreghama, God apangkuvim ikia ia bagha ingangarir kam na ganingi. ³ Egha God uan nighnizir mogomem azenan anekagha na gamizi, ki a gifo. Ki mong an gun osiri, ⁴ eghiti ia migirigiar ki osirizibar gan fogh suam, Krais amizir ingangarimin nighnizir mogomem, ki bar a gifo. ⁵ Faragha zuir dughiaba, God gumazamiziba nighnizir mogomer kamin me mikemezir puvati. Ezi datirighin God uan Duamin tuavimin uan aposelin a baghavira itiba ko an akam inigha izir gumazibar akazi an azenim giri. ⁶ Nighnizir mogomer kam a kamakin: Akar Aghuimin aven Kantrin Igharazibar Gumazamiziba ko Judaba uaghara, God uan bizar aghuiba isa bar moghira me ganidi. Me uari ko ikia mati inivafizir vamiran aven iti. Me bar moghira, Krais Iesusin ingangarimin tuavimin, bizar God e bagha akam akiriziba e da iniam.

7 Godin apangkuvimin tuavimin, a bizar aghuir kam pura na ganingi, egha a na gamizi an gavgavim nan aven ingari, ezi ki Akar Aghuimin ingangarir gumazimin oto. ⁸ Ki, Godin gumazamizibar abuan itir gumazim, ki bar men gin iti. Ezi God bar nan deragha Kantrin Igharazibar Gumazamiziba Akar Aghuim akunasa ingangarir ekiar kam na ganungi. Akar Aghuir kam, a Kraisin bizar aghuibar gun migei. Bizar aghuir kaba, gumazamiziba dagh nighnigh da tuisighiva avegham. ⁹ God bizia bari dar ingari, egha faragha zuir dughiaba uan nighnizir mogomem men ghuara. Egha iza datirighin a uan nighnizir mogomem aghurasa, ingangarir kam na ganungi, eghiti ki gumazamiziba bar me damuti me God damuamin araziba bar dagh fogham. ¹⁰ God kamaghwsa, datirighin dughiar kam a uan sios damutis, sios, enselba ko duar gavgavir overiamin itibar amuti, da an fofozir aghuimin tuavir aviribagh fogham. ¹¹ God fomira bizar kam

damuasa nighnigha datirighin en Ekiam Krais Iesusin ingangarimin an a gamizi an oto. ¹² E Krais ko poroghav ikia nighnizir gavgavim an ikia, tuavir kamin e Godin boroghin mangasa gavgavigha, atiatir puvati. ¹³ Ki pamtem ia gakaghori, ia osimtizir ki ia bagha aterir kam, ia a ginighnigh osiman marki. Guizbangira ki ian dabirabir aghuarim bagha osimtizir kam ateri.

Pol Efesusin nguibamin itir sios bagha God ko migei

14 Ki bizar Afeziām amizir kabagh nighnigha, an damazimin uan tevimming apiri. ¹⁵ A uan Nguibamin itir ikiziba ko nguazimin itir ikiziba bar, a bar men Afeziām. Egha vaghvaghia ziaba me gariki. ¹⁶ Ezi ki bizar kam bagha Godin azangsigha ghaze, God bizar aghuir an Nguibamin otivi taba ia daning, eghiti an Duam gavgavim ia daningti, ian navir averiaba gavgavigham. ¹⁷ Ki kamaghin Godin azangsisi, ian nighnizir gavgavim tuavimin Krais zurara ian navir averiabar ikiam. Eghiti igharaz darazigh ifongezir arazim, a ian navir averiabar aven iki gavgavigh ia damuti, ia tuivigh gavgavigh, mati nguazim temer bibar suirazi temem tuga gavgavigha aghui. ¹⁸ Eghia Godin gumazamizir igharaziba ko, gavgavim iniva deravira fogham, Krais gumazamizibagh ifongezir arazim bar ekevegha, bar pin ghuavanaga, bar ruarvagh, bar vin uaghiri. ¹⁹ Guizbangira Krais gumazamizibagh ifongezir arazim a gumazamizibar fofozim bar a gafira. Eghiti ia guizbangira arazir kam gifogham. Eghiti bizar aghuir God gizivaziba, uaghan bar ia gizivagh.

20 Godin gavgavim en navir averiabar ingari, ezi gavgavir kam bar en nighnizibagh afira. Bizar God damuasa e an azangsiziba, o bizar God damuasa e nighniziba, da mati pura bizia, an gavgavim bar dagh afira. ²¹ Kamaghin dughiabar, e siosin aven itir gumazamiziba Krais Iesus ko poroghiv iki, zurazurara ziar ekiam a daning mamaghira ikiam! Bar guizbangira.

E mati Kraisin inivafizimin min iti,

- 3:1:** Ef 4:1; Fl 1:7; 1:13; Fm 1, 9 **3:1:** Efesus 4:1; Filipai 1:7; 1:13; Filemon 1:1; 1:9 **3:2:** Kl 1:25 **3:2:** Kolosi 1:25
3:3: Ef 1:9-10; Kl 1:26 **3:3:** Efesus 1:9-10; Kolosi 1:26 **3:4:** Kolosi 1:26-27 **3:6:** Ga 3:14, 3:28-29, Ef 2:13-19
3:6: Galesia 3:14; 3:28-29; Efesus 2:13-19 **3:7:** Kl 1:23-25 **3:7:** Kolosi 1:23-25 **3:8:** 1 Ko 15:9-10, Ga 1:16; Ef 1:7, Kl 1:27; 1 Ti 1:13-15 **3:8:** 1 Korin 15:9-10; Galesia 1:16; Efesus 1:7; Kolosi 1:27; 1 Timoti 1:13-15 **3:9:** Ro 16:25, 1 Ko 2:7; Ef 1:9; Kl 1:16, 1:20; Hi 1:2 **3:9:** Rom 16:25; 1 Korin 2:7; Efesus 1:9; Kolosi 1:16; 1:20; Hibru 1:2 **3:10:** Ro 8:38, 11:33; Ef 1:21; 1 Pi 1:12 **3:10:** Rom 8:38; 11:33; Efesus 1:21; 1 Pita 1:12 **3:12:** Jo 14:6, Ro 5:2, Ef 2:18, Hi 4:16 **3:12:** Jon 14:6; Rom 5:2; Efesus 2:18; Hibru 4:16 **3:13:** Kl 1:24 **3:13:** Kolosi 1:24 **3:15:** Ef 1:10; Fl 2:9-11 **3:15:** Efesus 1:10; Filipai 2:9-11 **3:16:** Ro 9:23; 2 Ko 4:16; Fl 4:19; Kl 1:11, 1:27 **3:16:** Rom 9:23; 2 Korin 4:16; Filipai 4:19; Kolosi 1:11; 1:27 **3:17:** Jo 14:23; Ef 2:22; Kl 1:23; 2:7 **3:17:** Jon 14:23; Efesus 2:22; Kolosi 1:23; 2:7
3:18: Jon 1:16; Efesus 1:18; 1:23; Kolosi 2:2; 2:9-10 **3:20:** Ro 16:25; 1 Ko 2:9; Kl 1:29 **3:20:** Rom 16:25; 1 Korin 2:9; Kolosi 1:29 **3:21:** Ro 11:36; 16:27; Hi 13:21 **3:21:** Rom 11:36; 16:27; Hibru 13:21

kamaghin e Godin Arazibar gin mangam

4

(Sapta 4-6)

*E Kraisin adarasi, e Kraisin inivafizimin
min iti*

¹ Ki Pol, ki Ekiamin ingarim gamua, kamaghin ki kalabuziamin iti. Ki fo, God ian diagha ghaze, ia an arazir bar pin itibar gin mangi. Kamaghin, ki mighighavira ia migia ghaze, ia bar deraghvira Godin arazir kabar girara mangi. ² Ia igharaz darazir apengen iki, men asughasugh, egh dughorir amirazimin iki, osimtizir me ia gariziba da ateriva, tuavir kamin bar me gifongegh. ³ Godin Duam e gamima e navir amirizim iti. Egha tuavir kamin an arazir navir vamiran ikiham e ganingi. Ezzi arazir kam benimin min e ikegha gavgavizi e ikizir vamiran iti. Kamaghin amizi, ia arazir kamin suiragh gavgafigh. ⁴ E fo, e uari inigha inivafizir vamiran min iti. Ezzi Godin Duar vamira iti. Ezzi kamaghira, God ian diagha ghaze, bizar vamira ia a daningam, eghti ia a baghvira mizuamam. ⁵ En Ekiar vamira iti. Ezzi nighnizir gavgavir arazir vamira iti. Ezzi rurir arazir vamira iti. ⁶ Ezima Godin vamira iti. A bar moghiram en Afeziam. A gumazamiziba bar me gativagha men tongin ingara egha men aven iti.

⁷ E fo, Krais vaghvagha bar en apangkufi. Egha kamaghira uan apangkuvir ekiamin abaraghha an mirara, a bizar bar aghuim vaghvagha e ganingi. ⁸ Godin Akinafarim kamaghin mikeme:

“A bar pin ghuavanabogha,
kalabuziar gumazir avirim inizi,
me a ko ghue.
Egha bizar bar aghuiba
pura gumazamizibagh aningi.”

⁹ Akar kam, “A ghuavanabobo,” a kamaghin en akazi e fo, Krais a faragha nguazir bar vin mar itim giraghu.* ¹⁰ Egha gumazir faragha iraghuzir kam, a uaghan pin ghuavanaga, uabi isi biziba bar dagh izivaghosa,

kamaghin an overiar bar pin itimin ghuavanabo. ¹¹ Gumazir kamra a “bizar bar aghuiba pura gumazamizibagh aningi.” A bizar aghuir kaba me ganingi, marazi an aposelin ingangarim me ganingi. Marazi, a Godin akam inigha izir gumazimin ingangarim me ganingi. Marazi, a Godin Akar Aghuim akunamin ingangarim me ganingi, marasi, a Godin gumazamizibar ganamin ingangarim me ganingi, egha marasi, gumazamiziba God ifongezir arazibar men sure damuamin ingangarim me ganingi. ¹² Krais kamaghin ifonge, e Godin gumazamiziba a en akuraghti e a bagh ingangarir aghuubar amuam. Eghti kamaghin e Kraisin inivafizimin otogh gavgavigh de-ravira ikiam. Kamaghin a bizar aghuir kaba e ganingi. ¹³ Eghti ingangarir kam mamaghira iki mangiti en nighnizir gavgavim bar gavgavichti bizar kam e damutti e bar moghira navir vamira ikiham arazim inigh, egh Godin Otarim guizbangira bar a gifogham. Kamaghin damigghti e Kraisin gin zuir darorir kamin aven, e tugh gavgavigh aghung mangi, gumazir aruabar avaghiva e guizbangira Kraisin min otogham.

¹⁴ E ua boribar min ikian kogham. Ia fo, gumazir ifavarriba, me gumazamizibagh ifara me gamima me tuavir kurabar zui. Eghti men migirigiar ifavariba uaghan ia munamangan kogham, mati ongarim ko aminim kurim givai. ¹⁵ E men migirigiar ifavariba baraghan kogham. E igharaz darazigh ifongezir arazim damuva guizin akabar me mikimam. Egh e Kraisin mirara aghungiva a ko poroghiv ikiti a en dapanimin ikiham. ¹⁶ A en dapanimin itima en soroghofariba ko damaziba ko inivafizimin bizar maba sara dar min iti. Egha an e gamima e inivafizimin aven bar uari isavsuira. Ezzi mati inivafizimin aven itir tevir agiriba ko aghariba uari isavsuighizi moghin, an e gamima e uari isavsuiki, egha bar uarigh ifongezir arazim gami. E vaghvagha uan ingangarir aghuim gamua, kamaghin inivafizir kam uabi aghua ghua gav-gafi.

Kraisin adarzi arazir igiabar gintigh

- | | | | | | | | | | | | |
|--|--|--|--|--|---|---------------------------------------|--|------------------------------------|--|---------------------|----------------------|
| 4:1: Ef 3:1; Fl 1:27, Kl 1:10, 1 Te 2:12, Fm 1, 9 | 4:1: Efesus 3:1; Filipai 1:27; Kolosi 1:10; 1 Tesalonika 2:12; Filemon 1:1; 1:9 | 4:2: Ap 20:19, Ga 5:22-23, Kl 3:12-13 | 4:2: Galesia 5:22-23; Kolosi 3:12-13 | 4:3: Kl 3:14-15 | 4:3: | | | | | | |
| 4:4: Ro 12:5, 1 Ko 12:4, 12:11-12, Ef 1:18, 2:16-18 | 4:4: Rom 12:5; 1 Korin 12:4; 12:11-12; Efesus 1:18; | 4:5: Jo 10:16, 1 Ko 1:13, 2 Ko 11:4, Ga 3:27-28, Hi 6:6 | 4:5: Jon 10:16; 1 Korin 1:13; 2 Korin 11:4; Galesia 3:27-28 | 4:6: Rom 11:36; 1 Korin 12:6 | 4:6: Rom 11:36; 1 Korin 12:6 | 4:7: Ro 12:3, 12:6, 1 Ko 12:11 | 4:7: Rom 12:3; 12:6; 1 Ko 12:11 | 4:8: Sng 68:18; Kolosi 2:15 | 4:8: Onger Akaba 68:18; Kolosi 2:15 | 4:9: Jo 3:13 | 4:9: Jon 3:13 |
| 4:9: * Fofozir gumazir maba, akar kam giragha ghaze, “A faragha nguazir kam bar an vin izaghiri.” | | | | | | | | | | 4:10: | |
| 4:10: Hibru 4:14; 9:24 | 4:10: Hibru 4:14; 9:24 | 4:11: Ro 12:7, 1 Ko 12:28, 2 Ti 4:5 | 4:11: Rom 12:7; 1 Korin 12:28; 2 Timoti 4:5 | 4:12: 1 Ko 12:7; Efesus 1:23; 2 Timoti 3:17 | 4:12: 1 Korin 12:7; Efesus 1:23; 2 Timoti 3:17 | 4:13: 1 Ko 14:20, Kl 1:28, | 4:13: 1 Ko 14:20, Kl 1:28, | | | | |
| 4:13: 1 Korin 14:20; Kolosi 1:28; 2:2 | 4:14: Ais 28:9, 1 Ko 14:20, 2 Ko 2:17, Hi 13:9 | 4:14: Ais 28:9, 1 Ko 14:20, 2 Ko 2:17, Hi 13:9 | 4:14: Ais 28:9; 1 Ko 14:20; 2 Ko 2:17, Hi 13:9 | 4:15: Ef 1:22, 4:25, Kl 1:18, 1 Jo 3:18 | 4:15: Efesus 1:22; 4:25; Kolosi 1:18; 1 Jon 3:18 | 4:16: Kl 2:19 | 4:16: Kolosi 2:19 | 4:17: Ro 1:21, 1 Pi 1:14 | 4:17: Rom 1:21; 1 Pita 1:14 | | |

¹⁷ Kamaghin amizi, ki Ekiamin ziamin akar mam pamtem kamaghin ia mikimasa. Ia uam gumazir Ekiam gifoziр puvatizibar arazibar gintighan marki. Men nighniziba, mingariba puvati. ¹⁸ Egha men nighniziba mati me mitatemit iti. Egha me fofoziba bar puvatigha men naviba bar gavgafi, kamaghin me Godin ikirimirim anzenan iti. ¹⁹ Me arazir kurabagh amuuвira ikiava datirighin uam aghumsiziba puvati. Me bar uari isa arazir kurabagh anigh arazir mizirizir avirir igharazibar amusi bizitam men suiraghan kogham.

²⁰ Ezi ki ghaze, ia Kraisin guizin akam baraghizir dughiamin, me bizar kurar kabar ian sure gamizir puvati. ²¹ Ia guizbangira Kraisin akam baregha gifa. Ezi ia an gin zuir darasi, me guizin akamin ian sure gamigha gifa. Guizin akar kam, a Jesusin aven iti.

²² Ia fomira uan navir għuribar arazibar gin zuima da ia gammia ia arazir ifavariba ko arazir kurabar amuasa navim dikavava, ia gasighasisi. Ezi datirighin ia navir għurim ategħiva mati gumazim korotiar għurim sue. ²³ Ian nighniziba ko navibagh iġħighireġ bar igiabar otif. ²⁴ Ia navir iġiabha inīgħi mati gumazim korotiar igħam aru. God uabi navir iġiar ian aven itibagh amizi ia an min offi. Eghi guzmaniziba bar ian gan fogħam, ia Godin damazimin deragħha a bagħavira iti.

²⁵ Kamaghin ia ifavarir arazim atakīgħi. E bar mogħira Kraisin inivafizimin sorogħafariba ko an bizzibar min iti. Kamaghin amizima, ia bar mogħirama guizin akabar guzmanizib igharazibav kim.

²⁶ Ia atariva, uari bagħ gan egh arazir kuratam damiġħan kogħam. Ian adarim iķivira ikiti aminim piran marki. ²⁷ Ian adarim zuamira givvhaġġan kogħti, kamaghin ia Satan bagħ tiam kuiġħi a ian nighnizibagh asighasigham. Ia kamaghin damuan marki.

²⁸ Okimakiar gumaziba uam okiman marki. Me uari uan dafaribar ingangarir

aghuiħbar amu. Egh uaghan gumazamizir onganarazibar akurvaghxi, īngariva bizitaba inigh me daning.

²⁹ Eghti akar mizirizir kuraba ian akabar otivan marki. Ia gumazamizibar akurvaghha min akabara mikim. Akar aghuir igharaz darazi gavgvav me daningamibara, da ian akabar otiv. Egh akar ja miegħi kaba, da gumazamizir ia barazibar akurvaghha.

³⁰ Eghti ia Godin Duam osimtizim a daningan marki. Ia fo, God ia an gumazamizibar otivasa, a uan Duam ia ganingi. Eghti a ian akagħti ia fogħ suam, ia guizbangira an gumazamizibara, egh dughiar a uam iñiāmim a iad damiġħiha bar firġħiregħam. ³¹ Ia arazir kurar kaba atakīgħi: navir kurar igharazi tħav il-ittor arazim, ko aningagħarim, ko adarir arazim, ko pamtem dagħarvagħha uari adogħodozir arazim, ko akar kuraba uari gasir arazim, ko igharaz darazir aghuaghuażżejjir arazir maha sara. ³² Egh iarazir aghuiħbar Kraisin adarzi me damu, men apangkuv. Egh uaghan uari uan arazir kuraba gin amang, mati God Kraisin ingangarim tuavim, ian arazir kuraba gin amadi.

5

E angazgarim in aven daruam

¹ Ia God bar ifongeżiż boriba, kamaghin ia an amir arazibar gin mangi. ² Ia arazir ia amiba, arazir gumazamizibagh ifongeżiż arazim gis in tugħi, mati Krais bar e għieha e bagħha uabi anighha arem. Kamaghin an ovev mati ofan mugħuriar aghuir God ifongeżim. ³ Ia Godin gumazamizibara. Kamaghin ia, gumazamiziba tintiniba uari bakka uari isava akui arazim, ko arazir miziriziba, ko igharaz darazir bizibbar ganiva da ifongamin araziba, ia arazir kabar amuan marki. Egh uaghan arazir kabar migiġi abba tong ian tongin otivan marki. ⁴ Egh iarazir aghuiħbar ko akar onganibba ko asuir migiġiġar kurabar amuan

- | | | |
|---|---|---|
| 4:18: Ap 26:18; Ga 4:8, Ef 2:12, 1 Te 4:5 | 4:18: Aposel 26:18; Galesia 4:8; Efesus 2:12; 1 Tesalonika 4:5 | 4:19: Kl 3:5 |
| 4:19: Kolosi 3:5 | 4:20: Ro 6:6; 8:13, Ef 2:2-3; 4:17, Kl 3:9, Hi 12:1, 1 Pi 4:3 | 4:20: Rom 6:6; 8:13; Efesus 2:2-3; 4:21 |
| 4:21: Kolosi 3:9; Hibru 12:1; 1 Pita 4:3 | 4:22: Ro 12:2, Kl 3:10 | 4:22: Rom 12:2; Kolosi 3:10 |
| 4:23: Ro 12:2, Kl 3:10 | 4:23: Rom 12:2; Kolosi 3:10 | 4:23: Stt 1:26, Ro 6:4, Ef 2:10, Kl 3:10 |
| 4:24: Jenesi 1:26; Rom 6:4; Efesus 2:10; Kolosi 3:10 | 4:24: Sek 8:16, Ro 12:5, Kl 3:8-9 | 4:24: 2 |
| 4:25: Sek 8:16, Ro 12:5, Kl 3:8-9 | 4:25: Onger Akaba 4:4; Jems 1:19-20 | 4:25: 2 |
| 4:26: Sng 4:4, Je 1:19-20 | 4:26: Onger Akaba 4:4; Jems 1:19-20 | 4:26: 2 |
| 4:27: Ko 2:10-11, Je 4:7, 1 Pi 5:9 | 4:27: 2 Korin 2:10-11; Jems 4:7; 1 Pita 5:9 | 4:27: 2 |
| 4:28: 1 Tesalonika 4:11; 2 Tesalonika 3:8; 3:11-12 | 4:28: Ef 5:4, Kl 3:8, 3:16, 4:6, 1 Te 5:11 | 4:28: 1 Te 4:11, 2 Te 3:8, 3:11-12 |
| 4:29: Ef 5:4, Kl 3:8, 3:16, 4:6, 1 Te 5:11 | 4:29: Ef 5:4; Kolosi 3:8; | 4:29: Efesus 5:4; Kolosi 3:8; |
| 4:30: Aia 63:10, Ro 8:23, Ef 1:13-14, 1 Te 5:19 | 4:30: Aisaia 63:10; Rom 8:23; Efesus 1:13-14; 1 Tesalonika 5:19 | 4:30: Aisaia 63:10; Rom 8:23; Efesus 1:13-14; 1 Tesalonika 5:19 |
| 4:31: Kl 3:8, 3:18-19, Ta 3:2-3, 1 Pi 2:1 | 4:31: Kolosi 3:8; 3:18-19; Taitus 3:2-3; 1 Pita 2:1 | 4:31: Kolosi 3:8; 3:18-19; Taitus 3:2-3; 1 Pita 2:1 |
| 4:32: Mt 6:14; 18:22-35, Mk 11:25; 2 Ko 2:10, Kl 3:13 | 4:32: Matyu 6:14; 18:22-35; Mak 11:25; 2 Korin 2:10; Kolosi 3:13 | 4:32: Matyu 6:14; 18:22-35; Mak 11:25; 2 Korin 2:10; Kolosi 3:13 |
| 5:1: Mt 5:48; Lu 6:36 | 5:1: Matyu 5:48; Luk 6:36 | 5:1: Matyu 5:48; Luk 6:36 |
| 5:2: Ua Me Ini 29:18; Ofa Cami 1:9; Onger Akaba 40:6; Jon 13:34; Ro 14:15; 2 Korin 2:15; Galesia 2:20; Hibru 7:27; 10:10; 1 Jon 3:11; 3:23 | 5:2: Ua Me Ini 29:18; Ofa Cami 1:9; Onger Akaba 40:6; Jon 13:34; Ro 14:15; 2 Korin 2:15; Galesia 2:20; Hibru 7:27; 10:10; 1 Jon 3:11; 3:23 | 5:2: Ua Me Ini 29:18; Ofa Cami 1:9; Onger Akaba 40:6; Jon 13:34; Ro 14:15; 2 Korin 2:15; Galesia 2:20; Hibru 7:27; 10:10; 1 Jon 3:11; 3:23 |
| 5:3: Ro 6:13; 1 Ko 5:1; 2 Korin 12:21; Kolosi 3:5; 1 Tesalonika 4:3 | 5:4: Mt 12:35, Ro 1:28, Ef 4:29 | 5:3: Ro 6:13; 1 Ko 5:1; 2 Ko 12:21; Kl 3:5; 1 Te 4:3 |
| 5:4: Mt 12:35, Ro 1:28, Ef 4:29 | 5:4: Matyu 12:35; Rom 1:28; Ef 4:29 | 5:4: Matyu 12:35; Rom 1:28; Ef 4:29 |

marki. Kar uaghan ia damuamin araziba puvati. Arazir ia damuamimra kara, ia God minabi.⁵ Ia kamaghin fogh, gumazamizir tintiniba uari isava akuir arazim gamiba, ko gumazamizir arazir mizirizibagh amiba, ko gumazamizir marazir bizibar gara ifuer arazim gamiba, (arazir kam mati ia uari isa God ganidi moghin ia uari isa bizar ifongezibagh anidi), ezi gumazamizir kamaghin amiba, me God ko Krais Ativir Gumazamizibar tongin ikian kogham.

⁶ Ia tav ateghti a ia gifar ia damuti, ia akar ifavarilbar gin mangan marki. Arazir kurar kaba bagh Godin aningagharam gu-mazamizir an akamin gin zuir puvatiziba me bativam. ⁷ Kamaghin, ia ifavarir gu-mazir kaba tong men poghan marki.

⁸ Ia faragha mitatemin aven ike, egha datirighin ia Ekiamin gumazamizibar otivigha, angazangarimin aven iti. Kamaghin ia gumazamizir angazangarimin aven itibar min daru. ⁹ (Angazangarim arazir aghuiba ko Godin damazimin derazir araziba ko guizin akamin arazibagh ami, da otifi.) ¹⁰ Ia, arazir God damuti a bar akongeghamiba, ia da buri dagh fogh dar amu. ¹¹ Ia arazir mitatemin itibagh amir gumazamizibar poghan marki. Men arazir kinir kaba, da gumazamizibar akurvazir puvati. Ia men arazibar amuti, da azenan otogh, mati angazangarim dagh isirazi moghin, eghiti me fogh suam, arazir me amiba, da ikufi. ¹² Me amir arazir mogomeba, ki dar gun mikiman kogham. Ki dav mikiman bar aghumsiki. ¹³ Angazangarim bizibagh isiraghti, da azenim girichti, gumazamiziba fogh suam, bizir kabar mingariba kamakin. ¹⁴ Bizitam bar azenim girigh egh a guizbangira angazangarimin min otogham. Kamaghin, marazi ghaze:

“Ni aremezir gumazim,
ni ua dikavigh,
mozim ategh uam azenan izi.

Eghiti Kraisin angazangarim
ni gisiragh.”

¹⁵ Kamaghin, ia uan daroriba deravira dar gan. Ia gumazamizir organibar min daruan marki. Ia fofoziba itir gumazamizibar min daru. ¹⁶ Datinighin ia Godin Araziabar amuamin dughiam iti. Ezi e datirighin itir dughiam, a gumazamiziba arazir kurabagh amir dughiam, a dughiar kuram. Kamaghin amizi, ia deravira gan, dughiar kam pura mangi givaghan kogham. Dughiaba vaghvagh ia arazir aghuubar amu. ¹⁷ Kamaghin ia arazir organibar amuan marki. Egh arazir God damuti a bar akongeghamiba, ia da buri dagh fogh dar amu. ¹⁸ Ia wainin dipar avirim amiva onganan marki, arazir kam ia gasighasigham. Ia Godin Duam ateghti a ia gizifagh.

¹⁹ Egh ia uariv kimsi, Onger Akabar Akinafarimin aven itir ighiaba ko, Godin ziam fer ighiaba ko, Godin Duam ian navir averiabagh atizir ighiaba, ia uariv kim. Egh ia ighiabar amuva, Ekiamin ziam fiva, uan navir averiabar aven, ziar ekiam a daning. ²⁰ Egh ia zurara, en Ekiam Krais Jesusin ziamin, bizar otiviba bar, da bagh God Afeziham minabi.

Pol poroghamibav gei

²¹ Ia Kraisin apengan ikia an ziam fe, kamaghin ia uarira uarir apengan ikiva uari baghivira iki. ²² Ia amizir paba itiba, ia Ekiamin apengan ikia a baghavira iti moghin, ia uan pabar apengan iki me baghivira iki. ²³ E fo, Krais uan siosin dapanimin iti moghin, paba uan amuiba dapanibar iti. Ezi Krais ubi siosin Akurvazir Gumazim, ezi sios Kraisin inivafizimin min iti. ²⁴ Sios Kraisin apengan ikia a baghavira iti moghin, ia amuiba uaghan uan pabar apengan iki me baghivira iki.

²⁵ Paba, ia uan amuiba bar me gifongegh, mati Krais uan sios gifongegha a bagha ubi isava a ganigha a bagha areme.

-
- 5:5:** 1 Ko 6:9-10, Ga 5:19-21, Kl 3:5 **5:5:** 1 Korin 6:9-10; Galesia 5:19-21; Kolosi 3:5 **5:6:** Ro 1:18, Kl 2:4, 2:8, 2 Te 2:3 **5:6:** Rom 1:18; Kolosi 2:4; 2:8; 2 Tesalonika 2:3 **5:8:** Jo 12:36, Ap 26:18, Ro 1:21, 2 Ko 3:18, Ef 2:11-13, Kl 1:13, 1 Pi 2:9, 1 Jo 2:9 **5:8:** Jon 12:36; Aposel 26:18; Rom 1:21; 2 Korin 3:18; Efesus 2:11-13; Kolosi 1:13; 1 Pita 2:9; 1 Jon 2:9 **5:9:** Ga 5:22 **5:9:** Galesia 5:22 **5:10:** Ro 12:2, Fl 1:10, 1 Te 5:21, 1 Ti 2:3 **5:10:** Rom 12:2; Filipai 1:10; 1 Tesalonika 5:21; 1 Timoti 2:3 **5:11:** Ro 6:21, 1 Ko 5:9-11, Ga 6:8, 2 Te 3:6, 3:14, 2 Jo 10-11 **5:11:** Rom 6:21; 1 Korin 5:9-11; Galesia 6:8; 2 Tesalonika 3:6; 3:14; 2 Jon 1:10-11 **5:13:** Jo 3:20-21, Hi 4:13 **5:13:** Jon 3:20-21; Hibru 4:13 **5:14:** Ais 26:19, 60:1, Ro 13:11 **5:14:** Aisaia 26:19; 60:1; Rom 13:11 **5:16:** Ga 6:10, Kl 4:5 **5:16:** Galesia 6:10; Kolosi 4:5 **5:17:** Ro 12:2, Kl 1:9, 1 Te 4:3, 5:18 **5:17:** Rom 12:2; Kolosi 1:9; 1 Tesalonika 4:3; 5:18 **5:18:** Snd 20:1, Ais 5:11, 5:22, Lu 21:34 **5:18:** Aghuzir Akaba 20:21; Aisaia 5:11; 5:22; Luk 21:34 **5:19:** Sng 33:2-3, Ap 16:25; 1 Ko 14:26 **5:19:** Onger Akaba 33:2-3; Aposel 16:25; 1 Korin 14:26 **5:19:** Kolosi 3:16-17 **5:20:** Sng 34:1, Ais 63:7, Hi 13:15, 1 Pi 2:5 **5:20:** Onger Akaba 34:1; Aisaia 63:7; Hibru 13:15; 1 Pita 2:5 **5:21:** Fl 2:3, 1 Pi 5:5 **5:21:** Filipai 2:3; 1 Pita 5:5 **5:22:** Stt 3:16, Ef 6:5, Kl 3:18, 1 Pi 3:1 **5:22:** Jenesis 3:16; Efesus 6:5; Kolosi 3:18; 1 Pita 3:1 **5:23:** 1 Ko 11:3, Ef 1:22-23, Kl 1:18 **5:23:** 1 Korin 11:3; Efesus 1:22-23; Kolosi 1:18 **5:25:** Ga 1:4, Kl 3:19, 1 Pi 3:7 **5:25:** Galesia 1:4; Kolosi 3:19; 1 Pita 3:7 **5:26:** Jo 15:3, 17:17, Ta 3:5, Hi 10:10, 10:22, 1 Jo 5:6 **5:26:** Jon 15:3; Taitus 3:5; Hibru 10:10; 10:22; 1 Jon 5:6 **5:27:** 2 Ko 11:2, Ef 1:4, Kl 1:22 **5:27:** 2 Korin 11:2; Efesus 1:4; Kolosi 1:22

²⁶ Krais kamaghin ifonge, an akamin tuavimin, a uan sios dipamin a rueghti a Godin damazimin zuegham. ²⁷ A kamaghsua, a sios damighti an an damazimin bar aghungigh, egh bar zueghiva, arazir kuratam puvatigh, duar kuria ko seghsariba puvatighiva, bizir kurar maba sara uaghan puvatigham. Kamaghin Krais a bagha ubi isa a ganingi. ²⁸ Ezi kamaghira ia gumaziba uan inivafizibagh ifongezi moghin, ia uan amuibagh ifongegeh. Gumazir uan amuim gifongezim mati a ubi gifonge.

²⁹ E fo, tav ubi uan inivafizimin apanim gamir pu. Puvati, a dagheba a ganigava an akurvasi, mati Krais siosin akurvasi. ³⁰ E fo, erara, e Kraisin inivafizimin aven itir sorogħafariba ko biziбар min iti. ³¹ Godin Akinafarimin aven itir osizirim kamaghin migei:

“Kamaghin amizi, gumazim uan ameboghfeziaba ategh mangi,
uan amuim ko aning uanining poroħgħam.
Egh aning inivafizir vamiram otogħam.”

³² Akar mogomer kam, a mingarir ekiam iti. Ezi ki ubi kamaghin nighni, a Krais uan sios ko aning geħġi. ³³ Ezi akar kam a uaghan ia migia ghaze, ia gumaziba vagħvagh uarigh ifongezi moghin uan amuibagh ifongegeh. Eghit ia amuiba vagħvagh uan paba bagħivira iki.

6

Pol boriba ko ameboghfeziabav gei

¹ Ia boriba, arazir aghuir ia damuamimra kara, ia Ekiam ko poroħ uan ameboghfeziabar akaba baragh. ² Godin Akinafarim ghaze, “Ia uan ameboghfeziabar apengen ikiva men akabar gin mangi.” Akar Gavgavir kam, an Akar Gavgavibar tongin ikia, egha dar faraghavira akar dikirizim sara iti. ³ Akar dikirizir kam kamakin, “Ia kamaghin damuti, ian dabirabim bar deragħti ia nguazir kam dugħiar ruarim an ikiam.”

⁴ Ia afeziaba, ia uan boribar nighnizibagh asığħasigh me damuti, me ataran marki. Egh ia deravrira men ganiva Ekiamin

damazimin men kuariba iniva men araziba akirva, Ekiamin arazibar men sure damu.

Pol ingangarir gumazamizir kiniba ko men gumazir ekiar men garibav gei

⁵ Ia ingangarir gumazamizir kiniba, ia uan gumazir ekiar ian garibar men atiatingiva, men akaba baraghiva men appen-ġan iki. Egh ia ifaran kogh, navir zu-ruzim min ingangarim damu, mati ia Kraisin akam baragħa an ingangarim għami. ⁶ Ia fo, ian gumazir ekiar ian gariba ian gan suam, ia ingangarim deraviram a gamiżi me ia gifonge. Egh ia kamaghin nighnighan marki, me ian garir dugħiabara, ia ingangarir aghuim damuam. Puvati. Ia Kraisin ingangarir gumazir kinibara, kamaghin ia God ifongezi moghin ia uan nighnizibha bar da isi ingangarim daningiva a damu. ⁷ Kamaghin ia ingangarir gumazamizir kinibar min ingangarim damuva, ian naviba bar akonqegħ suam, e uan gumazir ekiar en gariba me bagħavira ingangarim gamir puvati, e Ekiam bagħha ingangarim għami. ⁸ Ia ingangarir gumazamizir kinibar min iti, o iā tavix apengen ingangarim gamir puvatibza, ia kamaghin fogħ, gumazamizir ingangarir aghuibagh amiba, Ekiam da bagħ ivezir aghuiba bar vagħ-vagh me daningam.

⁹ Kamaghira ia, men garir gumazir eki-aba, ia uaghan arazir agħnuiba uan ingangarir gumazamizir kinibar amu. Ia ati-ati araziba me damuun marki. Ia zurara bizir kam ginighnigh, ia ko ian ingangarir gumazir kiniba, ia bar Gumazir Ekiar Ian Garir vamira iti, egha a uan Nguibamin pin iti. An arazir vamira gisìn tughha gumazamizibha bar me tuisisi.

Kraisin adarazi mati midorozir gumazibha

¹⁰ Nan migriġiġ abuananaba, ezi ki kamaghin mikimasa, ia Ekiamin poroħtgi an gavgavir ekiam ia damuti ta tuvīgħ gavgavigham. ¹¹ God iā ganidir midorozir biziċċa, ia bar dar aghuigh dar suikigh. Kamaghin ia tugh gavgavigh Satanin ifavarir nighnizib kuraba da munamangam. ¹² Ia deravrira nighnigh, e gumazamizir iħgarazibha ko uariv sozir puvati. E duar

5:30: Ro 12:5; 1 Ko 6:15, 12:27, Ef 1:22-23

5:30: Rom 12:5; 1 Korin 6:15; 12:27; Efesus 1:22-23

5:31: Stt 2:24,

Mt 19:5; Mk 10:7-8; 1 Ko 6:16

5:31: Jenesi 2:24; Matyu 19:5; Mak 10:7-8; 1 Korin 6:16

5:32: Kolosi 3:19; Akar

Mogomem 19:7

6:1: Snd 23:22; Kl 3:20

6:2: Kolosi 3:20

15:4

6:1: Aghuzir Akaba 23:22; Kolosi 3:20

6:2: Mt 15:4

Godin Araziħa 4:9; 6:7; 6:20-25; Onger Akaba 78:4; Aghuzir Akaba 19:18; 22:6; Kolosi 3:21

6:4: Lo 4:9, 6:7, 6:20-25, Sng 78:4, Snd 19:18, 22:6; Kl 3:21

6:4: 2 Ko 7:15; Fl 2:12; Ta

2:9-10; 1 Pi 2:18

6:5: 2 Korin 7:15; Filipai 2:12; Taitus 2:9-10; 1 Pita 2:18

6:5: 2 Ko 7:15; Fl 2:12; Ta

Ga 3:28; Kl 3:11

6:8: 2 Korin 5:10; Galesia 3:28; Kolosi 3:11

6:8: 2 Ko 5:10;

Araziħa 10:17; Rom 2:11; Kolosi 3:25; 4:1

6:10: 1 Ko 16:13; Ef 1:19, 3:16; Kl 1:11

6:10: 1 Korin 16:13; Efesus 1:19;

3:16; Kolosi 1:11

6:11: Ro 13:12; 2 Ko 6:7, 10:4; Ef 4:14; 1 Te 5:8

6:11: Rom 13:12; 2 Korin 6:7; 10:4; Efesus 4:14;

1 Tesalonika 5:8

6:12: Jo 12:31, 14:30; Ro 8:38; 1 Ko 15:50; Kl 2:15; 1 Pi 5:8-9

6:12: Jon 12:31; 14:30; Rom 8:38; 1

Korin 15:50; Kolosi 2:15; 1 Pita 5:8-9

kurar overiamin itiba ko uariv sosi. Duar gavgavir gumazamizibagh ativiba, ko aser gavgaviba itiba, ko nguazir kamin garir adariaba, duar kurar kaba dughiar mitater kamin aven ingarima e da ko uariv sosi. ¹³ Kamaghin ia God ia ganingizir midorozir bizibar suigh dar aghuigh. Egh arazir kuraba otivamin dughiam, ia tugh gavgavigh uan apanim munasi, mangi midorozim givaghamin dughiam, ia tugh gavgavigh mamaghira ikiam. ¹⁴ Ia tugh gavgavighsi, Godin guizin akam letiamin min uan ivariam gikegh. Egh arazir aghuir ia zuraram amiba evarimin pizir korotiamin min anerugh. ¹⁵ Egh ia Akar Aghuim anekunsi zurara bar ifongegh, arazir kam mati ia dagarir asuabar min da zui. Akar Aghuir kam kamakin, God e ko navir vamira ikiwas. ¹⁶ Egh dughiaiba bar ia oramin min nighnizir gavgavim uaghan an suiragh, eghti gumazir kuram, Satan, a barir avim itiba ia gasavamangiti, ia orar kamin amodoghin barir avir kaba mungam. ¹⁷ Ia God ian akurazir arazim ginighnigh, egh nighnizir kam, dapanir asuar gavgavimin min anerughti a ian dapaniba avi. Egh Godin akam, an Duam ia ganingizir midorozir sabamin min ia an suiragh. ¹⁸ Ia bizir kabar amuva, egh God ko mikim. Egh a ian akurvaghisi ia an azangsigh. Ia zurara, Godin Duam ian navibagh invti, ia God ko mikim. Egh angamira iki gan, egh dughiatam God ko migeir arazim ataghiraghan marki, egh zurara Godin gumazamiziba bar me bagh a ko mikim.

¹⁹ Egh ia uaghan na bagh God ko mikim suam, God uan akam na danighti, ki anekunsi, ki atiatingan koghiva, bighivira mikimam. Egh Akar Aghuimin nighnizir mogomem aghuram. ²⁰ Ki Akar Aghuim gumazamizir igharazibav kimasa, egha Krais Iesusin abuir gumazimin ikia, kamaghin ki datirighin kalabusin iti. Eghti ia God ko mikim suam, ki an Akar Aghuimin gun mikimsi, a gavgavim na danighti, ki atiatingan koghiva bighivira Akar Aghuim mikimam.

God deravira Efesusin itir Kraisin adarazir amuasa, Pol an azangssi

²¹ Tikikus, a mati en aveghbuar e bar ifongezim, a Ekiam baghvira ikiava an

ingangarim gami. A na bativir bizibar gun ia mikimam. Eghti ia fogham, ki manmaghin iti. ²² Ezi bizir kam bagha, ki ia bagha anemada. Ki ghaze, ia fogham, e manmaghin iti, eghti akar kam gavgavim ian navibar amuti ia ua bar aukuegham. Kamaghsua, ki Tikikus amadazi, a ia bagha zui. ²³ Ki ia bagha God ko migia ghaze, God en Afeziam ko en Ekiam Krais Iesus, aning navir amirizim ko igharaz darazigh ifongezir arazim, ko nighnizir gavgavim sara, Kraisin adarazi me daning. ²⁴ Eghti, gumazamizir en Ekiam Krais Iesus gifuegha mamaghira itiba, Godin apangkuvim bar me ko iki.

6:13: 2 Ko 10:4, Ef 5:16 **6:13:** 2 Korin 10:4; Efesus 5:16 **6:14:** Ais 11:5, 59:17, 2 Ko 6:7, 1 Te 5:8 **6:14:** Aisaia 11:5; 59:17; 2 Korin 6:7; 1 Tesalonika 5:8 **6:15:** Ais 40:9, 52:7, Nah 1:15, Ro 10:15 **6:15:** Aisaia 40:9; 52:7; Nahum 1:15; Rom 10:15 **6:16:** 1 Jo 5:4 **6:16:** 1 Jon 5:4 **6:17:** Ais 49:2, 59:17, 1 Te 5:8, Hi 4:12, MAA 19:15 **6:17:** Aisaia 49:2; 59:17; 1 Tesalonika 5:8; Hibru 4:12; Akar Mogomem 19:15 **6:18:** Mt 26:41, Lu 18:1, Ro 12:12, Kl 4:2, 1 Te 5:17, 1 Ti 2:1 **6:18:** Matyu 26:41; Luk 18:1; Rom 12:12; Kolosi 4:2; 1 Tesalonika 5:17; 1 Timoti 2:1 **6:19:** Ap 4:29, 2 Ko 3:12, Kl 4:3-4, 2 Te 3:1 **6:19:** Aposel 4:29; 2 Korin 3:12; Kolosi 4:3-4; 2 Tesalonika 3:1 **6:20:** 2 Ko 5:20, Fl 1:20, Fm 9-10 **6:20:** 2 Korin 5:20; Filipai 1:20; Filemon 1:9-10 **6:21:** Ap 20:4, Kl 4:7-8, 2 Ti 4:12, Ta 3:12 **6:21:** Aposel 20:4; Kolosi 4:7-8; 2 Timoti 4:12; Taitus 3:12 **6:21:** Kolosi 4:7-8 **6:24:** 1 Pi 1:8 **6:24:** 1 Pita 1:8

Akinafarir Pol Filipain Nguibamin Itir Sios Bagha Osirizim O Filipai Akar faragh zuim

Pol faragha kurimin ongarimin ghua faragha Yuropin danganimin otoga, Masedonian Provinzin aven itir nguibar ekiam Filipain ghua, Akar Aghuim akuri (Aposel 16:8-15). A gin ghua nguibar ighazarimin itima me a kalabus gati. Ezi a kalabusin ikia orazima gumazir maba Filipain itir Kraisin adarazir nighnizir gavgavibagh asighasighasava ami. E Pol Filipaiba bagha amadazir akinafarir kamin gara fo, bizar kaba Pol gamima an osemezir pu. Puvati. A nighnizir gavgavim Iesusin ikia, egha bar akuegha iti.

Pol faragha bar dagiabar otefe, ezi Filipaiba an akurvaghaha dagiaba a bagha da amada. Kamaghin amizi, Pol akinafarir kamin Filipaiba a gamizir bizim bagha me minabi. Egha uaghan a men nighnizir gavgaviba, gavgavim dar aningasa. A kamaghin aghua, me Polin mikim suam, gumaka, a kalabusin ikiam, egh me nighnizir aviribar amuva osimam.

Pol bizar aghuir God me ganingizimin me migei, kar ikirimirir igiar me Krais Jesus ko porogha inizim. A ghaze, me Moses Osirizir Arazibar gin ghua bizar aghuir kam inizir puvati. Me nighnizir gavgavimra Iesusin ikia egha a ini. Pol kamaghsua, Filipaiba Kraisin arazibar gin mangam. Krais kamaghin nighnizir puvati, a ubi gumazir ekiam, egha ubi uan ifongiamin gin zuir puvati. A ubi dikabiragha God a ganingizir ingangarir kam gami. Pol kamaghin migei, gumazamizir bar Krais ko poroghat itiba, me Godin navir amirizim isi, egha bar akueghavira iti.

E akinafarir kamin gara fo, Pol Filipain nguibar ekiamin itir siosin gumazamiziba bar me gifonge.

Filipain gumazamiziba bar deravira Pol ko ingarima a bar akonge

(Sapta 1-4)

- | | | | |
|---|---|---|--|
| 1:1: Ap 16:12-40 | 1:1: Aposel 16:12-40 | 1:2: Ro 1:7, Ga 1:3, Fm 3 | 1:2: Rom 1:7; Galesia 1:3; Filemon 1:3 |
| 1:3: Ro 1:8, 1 Ko 1:4, Ef 1:15-16 | 1:3: Rom 1:8; 1 Korin 1:4; Efesus 1:15-16 | 1:6: Ro 12:2, Ef 5:10, Fl 1:6, 2:16, 1 Te 3:13, Hi 5:14 | 1:6: Jo 6:29, 1 Ko 1:8, Fl 1:10, 2:13, 1 Te |
| 1:3 | 1:6: Jon 6:29; 1 Korin 1:8; Filipai 1:10; 2:13; 1 Tesalonika 1:3 | 1:8: Ro 1:9, 2 Ko 1:23 | 1:8: Rom 1:9 |
| 1 Te 3:12, Fm 6 | 1:9: 1 Tesalonika 3:12; Filemon 1:6 | 1:10: Ro 12:2, Ef 5:10, Fl 1:6, 2:16, 1 Te 3:13, Hi 5:14 | 1:10: 2 Timot 2:9 |
| Rom 12:2; Efesus 5:10; Filipai 1:6; 2:16; 1 Tesalonika 3:13; Hibru 5:14 | Ap 28:30, Ef 3:1 | 1:12: 2 Ti 2:9 | 1:13: 1 Te |

ghuavira iti. ¹³ Kamaghin midorozir gumazir Romin atrivimin dipenimin gariba ko gumazir igharaziba sara, me bar kamaghin fogha gifa, ki Kraisin ingangarim gamima, me bizir kam bagha na isa kalabus gati. ¹⁴ Ezi en adarazir aviriba oraki, ki kalabusin iti, ezi me na ginighnisi. Ezi bizir kam gavgavim men navibagh anidima me nighnizir gavgavim Ekiamin iti. Egha me atiatir arazim ataghiragha bar gavgavigha Godin akam akura ghuavira iti.

¹⁵ Guizbangira, marazi gumazamizibar garima, me ziar ekiam na ganidima, men naviba nan ikuvigha na dikabinasa. Egha kamaghin me Kraisin akam akuri. Ezi marazi me nighnizir aghuiba ikiava akam akuri. ¹⁶ Gumazamizir kaba me fo, God ingangarim na ganiga na misefe, ingangarir kam an Akar Aghuim deragha an gun migein ingangarim, ezi bizir kamin ki kalabusin iti. Kamaghin amizi, me bar na gifonge, egha akam akuri. ¹⁷ Ezi gumazamizir igharazir ki faragha migeiba, me uari ziar ekiaba iniasa, egha Kraisin akam akuri. Me guizin nighnizir aghuiba puvatigha kamaghin ami. Me kamaghin nighnisi, ki kalabusin itir dughiamin me uam osimtizir taba na darighasa. ¹⁸ Ezi a pura bizim. Me nighnizir aghuim iti, o nighnizir kuram iti, gumazamizir kaba zurara Kraisin akam akuri. Ezi bizir kam bagha ki bar akonge. Egh bar akuegh mamaghira ikiam.

Polghaze, an angamira ikiva Filipain gumazamizibar akurvaghram

¹⁹ Ki bar fo, ia zurara nan akurvaghaha God ko migei, ezi Kraisin Iesusin Duam gavgavim na ganidi. Ezi tuavir kamin God nan akurvaghti, ki kalabus ategh azenan izam. Ki bizir kam gifo, egh bar akueghiva mamaghira ikiam. ²⁰ Egha nan nighnizir bar ekiam kamakin, ki arazir derazir puvatizitam damuva an aghumsizim inian kogham. Puvati. Nan nighnizim kamakin, datirighin ko gin, ki zuraram ami moghin, atiatingan koghiva tugh gavgavigh arazir aghuibara damuam. Ezi ki angamira ikiam o ki aremegham, bizir ki amiba bar, ziar ekiam Krais daningam. ²¹ Nan nighnizim kamakin, ki nguazir kamin itir ikirimirimin iki, Krais baghvira ikiam. O ki aremeghiva, nan ovevem nan ikirimirim kam gafiraghram. ²² Egh ki angamira nguazir kamin ikivira iki, kamaghin ki guamazamizir aviribar akurvaghram. Egh ki

tuavir manamin mangam? Ki fazir putati. ²³ Nighnizir pumuning na getui. Ki bar ifonge, ki aremegh Krais ko ikiam. Nighnizir kam a bar dera. ²⁴ Ki ia bagha nighnigha, ian akurvaghaha, kamaghin ki angamira ikiam. ²⁵⁻²⁶ Ki kamaghin ifonge, ki ua mangi ia batoghiva ia ko ikiti, ia Krais Iesusin poroghiv ikiva ki ia ko ikiamin bizim bagh ia na bagh bar akuegham. Kamaghin ki bar fo, ki ian akurvaghamin ingangarim ikiavira iti. Egha ki iki ia ko ingariva, ian akurvaghti ia nighnizir gavgavim iki egh bar akuegham.

Filipain gumazamiziba, God deravira me gamima me uaghan mizaziba isi

²⁷ Ezi bar bizir ekiam kara, ian daroriba Kraisin Akar Aghuim mikemezi moghin an gin mangiva bar deragh iki. Ki kamaghin ifonge, ki izi ian ganam, o ki saghon ikiva ia baraghram, egh ki fogh suam, ia tuivigha gavgavigha egha navir vamira iti. Egha ia uari inigha nighnizir vamiran ingarava, gumazamizibar nighniziba fema me nighnizir gavgavim Akar Aghuimin iti. Kamaghhsua, ki ghaze, ia deravira daru iki. ²⁸ Kamaghin, ian apaniba ia damutu ia atiatingan marki. Ia zurara uan nighnizir gavgavim men akakaghs i gavgavigh. Kamaghin me fogham, me ovengam, egha Godra, a ubi ian akurvaghram. ²⁹ Ia fogh, God deravira ia gamuava ingangarim ia ganingizima, ia Kraisin ingangarim gami. Ingangarir kam, a nighnizir gavgavimra Kraisin itir pu. Puvati. Ia uaghan ingangarir kam damuva Kraisin ziam bangin mizaziba iniam. ³⁰ Fomira ia nan garima ki midorozir kamin aven iti. Ezi datirighin ia nan akam barasi, ki misoghavira iti. Ezi ia na ko e midorozir kamin aven ikia, kamaghin, ia mizaziba isi.

2

E bar navir vamira ikiva igharaz darazi deravira me damuam

¹⁻² Krais ti ian naviba gavgavim dagh anidi? A ti bar ia gifuegha ia gamima ia navir amirizimin iti? Ia ti Godin Duam ko poroghav iti? Egha ia ti igharazi darazir apangkuvigha deravira me gami? Egh kamaghin, ia arazir aghuibar amuti, nan agorogem bar izivaghram. Ia bar nighnizir vamira iki, egh igharaz darazigh ifongezir arazir vamiran gin mangi. Ia bar navir vamira ikiva bizir vamira bagh nighnigh. ³

1:19: 2 Ko 1:11

1:19: 2 Korin 1:11

1:20: Ro 5:5, 8:19, Ef 6:19-20, 1 Pi 4:16

1:20: Rom 5:5; 8:19; Efesus

6:19-20; 1 Pita 4:16

1:21: Ga 2:20

1:21: Galesia 2:20

1:22: Ro 1:13

1:23: 2 Ko 5:8, 2 Ti

4:6

1:23: 2 Korin 5:8; 2 Timoti 4:6

1:27: 1 Ko 1:10, Ef 4:1, Fl 4:3, Kl 1:10, 1 Te 2:12

1:22: Rom 1:13

1:23: 1 Korin 1:10; Efesus

4:1; Filipai 4:3; Kolosi 1:10; 1 Tesalonika 2:12

1:29: Ap 5:41, Ro 5:3, Ef 2:8

1:29: Aposel 5:41; Rom 5:3; Efesus 2:8

1:30: Ap 16:19-40, Fl 1:13, Kl 2:1, 1 Te 2:2

1:30: Aposel 16:19-40; Filipai 1:13; Kolosi 2:1; 1 Tesalonika 2:2

2:3: Rom 12:10; Galesia 5:26; Efesus 5:21; Filipai 1:15-16; Jems 3:14

2:3: Ro

12:10, Ga 5:26, Ef 5:21, Fl 1:15-16, Je 3:14

Ia uarira uarigh nighnighan kogham, egh uaghan ziar ekiaba inisi ingaran marki. Puvati. Ia bar uari dikabiragh, kamaghin mikim suam, igharaz darazi ian pin iti.⁴ Ia uarira uan bizibara ganan marki. Puvati. Ia uaghan vaghvagh gumazamizir igharazibar bizibar ganiva men akurvagh.

Krais bar uabi dikabirazima, God a fe

⁵ Ia, nighnizir Krais Jesus suirazir kamra, ia uaghan nighnizir kamra suiraghtima a ian iki. ⁶ A guizbangira God, egha an arazir Godin min itimin suighasa nighnizir pu. Bar puvati. ⁷ A uabi arazir kam bar anetegha, pura ingangarir gumazir kinimin min oto. A nguazir kamin gumazimin otozi gumazamiziba an garima, a guizin gumazimin iti. ⁸ Egha a uabi dikabiragh Godin akam baragha bar an gin ghua egha areme. Guizbangira a gumazir bar kumamin mirara, ter ighuvimin areme. ⁹ Ezi bizir kam bagha God Jesus fegha a isa bar pin aneti. Egha God ziar bar aghuir mam a ganingizi, ziar kam bar ziabagh afira. ¹⁰ God kamaghin ifonge, Godin Nguibamin itiba ko, nguazir kamin itiba ko, nguazimin apengan itiba, me bar moghira Iesusin damazimin uan tevibar apirigh an apengan ikiva an ziam fam. ¹¹ Egh me bar azenan an gun kamaghin mikim suam, "Krais Jesus, an Ekiam!" Egh tuavir kamra, me ziar ekiam God en Afeziam daningam. God kamaghsua, ziar bar aghuir kam Jesus ganingi.

E angazangarimin min gumazamizibar tongin ikiam

¹²⁻¹³ Kamaghin amizi, nan namakar aghuiba, ia zurara nan akaba barasi, ezi datirighin ia uaghan kamaghin damu. Ki ia ko itir dughiamin orazi ia dera. Ki datirighin ian saghon ti, kamaghin ia deravira nan akabar gin mangi. E fo, God ian akura, egha a ian navir averiabar ingaravira iti. Egha a uabi ian nighniziba fema ia a ifongezir arazibagh ami, ezi an arazir kabar amusa gavgavim ia ganigavira iti. Kamaghin, ia datirighin Godin atiatingiva akongiva

puvira ingariva, egh akurvazir aghuir God ia bagha atizir kam, a iniam.

¹⁴⁻¹⁶ God kamaghin ifonge, ia an borir bar aghuiba ikiam, egh arazir kuratam ian puvatighti, ia navir averiabar aven bar zuegham. Egh ia akar angamira itimin suiragh, egh mati overiamin itir mikoveziba isia taghtazi moghin nguazir kamin gumazamizibar tongin ikiam. Kar gumazamizir arazir aghuiba ategha arazir kurabagh amiba. Bizir kam bangin, bizir ia bar amiba, ia nimira iki dar amu. Ia akar aviribav kim, egh akabar uariv soghan marki. Ia kamaghin damuti, Krais Ua Izamin Dughiamin, ki ian araziba bagh bar akuegham. Egh ki kamaghin fogham, ingangarir dafar ki ian tongin amizir kaba, ki pura dagh amizir puvati.

¹⁷ Ian nighnizir gavgavim, a mati ofan mam ia a isa God ganidi. Ki foghan kogham, me ti na misuegħti ki aremegħti me nan ghuzim ingegħiwa wainin ofan minn a inigh ian ofan kam sarama a ingegħam. Bizir kam otogħi, ki bar akuegham. Ki guizbangira ia ko, e bar mogħira bar akuegham. ¹⁸ Ezi kamaghira ia uaghan bar akongegħ. Ia guizbangira na ko, e bar akuegham.

Pol Filipain nguibar ekiamin Timoti amangasa migei

¹⁹ Ekiam Jesus a ifuegħtima, ki zuamira Timoti amadagħti a ia bagħ izam. Ki ghaze, a ua izi ian gun na mikimam, eġħi nan navim bar deragħam. Kamagħin, ki anem mangas. ²⁰ Gumazir igharazitam Timotin minn amua na ko itir puvati. A na ko navir vamira iķia egha zurara ian akurvaghmin tuavibagh nighnisi. ²¹ Ezi gu-mazir maba bar uan bizibara nighnisi, me Krais Jesusin ingangarim ginighnizir puvati. ²² Ezi Timoti uan ingangarir aghuim ian akazi, ia a gifogħa gifa. Ia kamagħin fo, an Akar Aghuimin ingangarimin nan akurvasi, mati borim uan afeziamin akurvasi. ²³ Kamagħin amizi, ki tong mizuam egh ganigham, bizir tizimra na batogħam. Ki fogħiwa egh zuamira anemadagħtima a

- 2:4:** 1 Ko 10:24, 10:33, 13:5 **2:4:** 1 Korin 10:24; 10:33; 13:5 **2:5:** Mt 11:29, Jo 13:15, 1 Pi 2:21, 1 Jo 2:6 **2:5:**
Matyu 11:29; Jon 13:15; 1 Pita 2:21; 1 Jon 2:6 **2:6:** Jo 1:1-2, 5:18, 10:33, 17:5, 2 Ko 4:4, Kl 1:15, Hi 1:3 **2:6:** Jon 1:1-2;
5:18; 10:33; 17:5; 2 Korin 4:4; Kolosi 1:15; Hibru 1:3 **2:7:** Jo 1:14, 2 Ko 8:9, Ga 4:4, Hi 2:14, 2:17 **2:7:** Jon 1:14; 2 Korin
8:9; Galesia 4:4; Hibru 2:14; 2:17 **2:8:** Mt 26:39, 26:42, Jo 10:17-18, Ro 8:3, Hi 5:8, 12:2 **2:8:** Matyu 26:39; 26:42;
Jon 10:17-18; Rom 8:3; Hibru 5:8; 12:2 **2:9:** Jo 17:1-5, Ap 2:33, Ef 1:20-21, Hi 1:3-4 **2:9:** Jon 17:1-5; Aposel 2:33;
Efesus 1:20-21; Hibru 1:3-4 **2:10:** Mt 28:18, Ro 14:11, MAA 5:13 **2:10:** Matyu 28:18; Rom 14:11; Akar Mogomem
5:13 **2:10:** Aisa 45:23 **2:11:** Jo 13:13, Ap 2:36, Ro 10:9, 1 Ko 8:6 **2:11:** Jon 13:13; Aposel 2:36; Rom 10:9; 1
Korin 8:6 **2:12-13:** Onger Akaba 2:11; Jon 15:5; 1 Korin 12:6; 15:10; 2 Korin 3:5; Efesus 6:5; Filipai 1:5; 2 Pita 1:5-8; 1
Tesanolika 2:13; Hibru 13:21 **2:14-16:** Godin Aratziba 32:5; Aisaia 49:4; Daniel 12:3; Matyu 5:14-16; 5:45; 10:16; Rom
14:1; 1 Korin 10:10; Galesia 2:2; Efesus 5:1; 5:8; Filipai 1:10; 1 Tesalonika 2:19; 3:5; 1 Pita 2:12; 4:9 **2:17:** Ro 15:16, 2 Ti
4:6 **2:17:** Rom 15:16; 2 Timoti 4:6 **2:18:** Fl 3:1, 4:4 **2:18:** Filipai 3:1; 4:4 **2:21:** 1 Ko 10:24, 10:33, 13:5, 2 Ti
4:10, 4:16 **2:21:** 1 Korin 10:24; 10:33; 13:5; 2 Timoti 4:10; 4:16 **2:22:** 1 Ko 4:17, 1 Ti 1:2, 2 Ti 1:2 **2:22:** 1 Korin
4:17; 1 Timoti 1:2; 2 Timoti 1:2

ia bagh mangigham. ²⁴ Ezi nan nighnizir gavgavim kamakin, Ekiam tuavim atigham, eghit dughiar ovezimin ki uaghan mangi ian ganam.

Pol Filipain nguibar ekiamin Epafroditus amangasa migei

²⁵ Ki kamaghin nighnigha ghaze, ki ti en aveghbuam Epafroditus amadaghtima a ia bagh izam. A na ko ingarava, uaghan nan akurvaghha misosi. Ia faragha, a nan akurvaghha, ia anemadazi a ize. ²⁶ A bar ian apangkuvigha ian ganasa bar ifonge. A fo, ia an arimariar akam baraki, ezi bizar kam a gamima a bar oseme. ²⁷ Guizbangira, a faragha aria, egha atam aremeghai. Ezi God an apangkufi. Ezi ki fo, osimtizir bar ekiam na avaraghlan God aghua. Kamaghin amizi, God anariram apangkuvir puvati, a uaghan nan apangkufi. Kamaghin an a gamizima a ua dera. ²⁸ Ezi bizar kam bagha ki Epafroditus amangasa bar ifonge, eghit ia an ganigh ua bar akuegham. Eghit ki uaghan osemeghan kogham. ²⁹⁻³⁰ Kamaghin, ia Ekiamin ziamin Epafroditus inisi bar akongegeh. A, ingangarir ia na bagh damuan koghamim, an a gami. Kamaghin, a Kraisin ingangarim gamuava atam areme. A deravira ikiasi uabi ginighnizir puvati. Egha uan arimariam adogha ingangarim gamuavira iti. Kamaghin amizi, ia ziar ekiam a daning uaghan an miraram amir gumazamiziba sara ziar ekiam me daning.

3

Gumazir nighnizir gavgavim Kraisin itim, a Godin damazimin dera

¹ Nan adarasi, ki uan migirigiam agivasa kamaghin ia migei, ia Ekiam ko porohgav iki, egh ia bar akongegeh. Ki fo, ki faragh osirizir akaba, da ian akurvasi. Kamaghin, ki ua ia bagha akar kabara osiran amirazir puvati.

² Ia arazir kurabagh amir gumaziba bagh gan, me afiar atiabar min arazir mizirizibagh ami. Gumazir kaba ghaze,

e bar Israelin arazimin gin mangi uan mikarziba aghoriva dagh asighasigham.* ³ Erara guizbangin mikarzir mogomebar iniba aghorir arazimin gin zuir darasi. Ezi me puvati. Erara Godin Duamin akurvazimin uari isa God ganigha Krais Jesus ko porohgav ikia bar akonge. E fo, arazir gumaziba uan mikarzibar amiba, da tong men akuraghlan kogham, ezi e nighnizir gavgavim dar itir puvati. Kamaghin amizi, e fo, erara guizbangin mikarzir mogomebar iniba aghorir arazimin gin zuir darasi.† ⁴ Ia oragh. Arazir gumaziba uan mikarzibar amiba, da en akurvaghti, kamaghin ki uabi ki deravira ikiam. Gumazitam uan mikarzimin otivir biziba bagh nighnigh nighnizir gavgavim dar ikiti, ki kamaghin ia mikimam, nan otivizir biziba, an otivizir biziba bar dagh afira. ⁵ Nan amebam na batezi, ⁷ plan dughiaba givazi, me namba 8in dughiamin nan mikarzir mogomemin inim atu. Nan afeziam ko amebam, aning Israelin gumazim ko amizim, ezi ki Israelin gumazir mam. Ki Benjaminin adarazir gumazir mam. Ki Hibrun akam migei, ezi nan inazafeziuba uakan. Ki Farisin gumazimra, egha Moses Osirizir Araziba bar deravira dar gin zui. ⁶ Ki fomira bar gavgavigha Godin ingangarim damuasa bar ifonge, kamaghin ki Kraisin adarazigh asighasigha mizazim me ganidi. Ezi gumaziba Moses Osirizir Arazibagh nighnigha, nan araziz tuisigha, me fo, osimtitizitnan itir puvati.

⁷ Ki fomiram amir bizibagh nighnigha ghaze, ki ziar ekiam iti. Egha datirighin ki Kraisin tuavimin gin zui. Egha a na bagha amir bizibagh nighnigha ghaze, ki faragha amizir biziba, da bar pura biziba. ⁸ Ki Judan bizibara migeir pu. Puvati. Ki Kraisin giflo a nan Ekiam, ezi ki fofozir kam ginighnigha ghaze, a guizbangin bizi, ezi nuguazir kamin biziba bar pura mineghminezir kiniba. Ki Kraisra gin mangasa ifonge. Egha bizar igharaziba bar da ategh, ki Kraisin suiragh, ⁹ egh a ko bar porogh ikiam. Ki Moses Osirizir Araz-

2:25: Fl 4:18 **2:25:** Filipai 4:18 **2:29-30:** 1 Korin 16:16-18; Filipai 4:10; 1 Timoti 5:17 **3:1:** 2 Ko 13:11, Fl 2:18, 4:4 **3:1:** 2 Korin 13:11; Filipai 2:18; 4:4 **3:2:** Sng 22:16, 22:20, Ro 2:28, 2 Ko 11:13, Ga 5:2, 5:15, MAA 22:15

3:2: Onger Akaba 22:16; 22:20; Rom 2:28; 2 Korin 11:13; Galesia 5:2; 5:15; Akar Mogomem 22:15 *** 3:2:** Gumazir maba ti gumazamizibav gia ghaze, dughiar me Kraisin anavin otozim, me Israelin Arazibar gin mangiva, gumaziba uan mikarzir mogomebar iniba aghoram. Pol bar gumazir kabar migirigiar kamin aghua, egha kamaghin Filipaiba deravira me bagh ganasa migirigiar gavgavim me ganigi. **3:3:** Ro 2:29 **3:3:** Rom 2:29 **† 3:3:** Fomira Israelia mikarzir mogomebar inibar ghor, ezi arazir kam men akagh ghaze, me Godin adarazir otifi. Datirighin e mikarzir mogomebar inibar ghorir puvati. Akar kam, "mikarzir mogomebar iniba aghorir arazimin gin zuir darasi," an akar isin zuin ghaze, "me Godin adarasi." Egha datirighin, guizbangin Godin adarasi, me Kraisin adarasi. Ezi akar kam, "guizbangin mikarzir mogomebar iniba aghorir arazimin gin zuir darasi," kar e Kraisin adarasi. **3:4:** 2 Ko 11:18, 11:21-29 **3:4:** 2 Korin 11:18; 11:21-29 **3:5:** Lu 1:59, Ap 23:6, 26:5; Ro 11:1, 2 Ko 11:22 **3:5:** Luk 1:59; Apostol 23:6; 26:5; Rom 11:1; 2 Korin 11:22 **3:6:** Ap 8:3, 22:4, 26:9-11 **3:6:** Apostol 8:3; 22:4; 26:9-11 **3:7:** Mt 13:44-46 **3:7:** Matyu 13:44-46

3:8: Jer 9:23-24, 1 Ko 2:2, Kl 2:2 **3:8:** Jeremaja 9:23-24; 1 Korin 2:2; Kolosi 2:2 **3:9:** Ro 3:21-22, 9:30, 10:3-6, Ga 2:16 **3:9:** Rom 3:21-22; 9:30; 10:3-6; Galesia 2:16

ibar gin ghua, gumazir aghuimin otivasa nighnizir pu. Puvati. Ki tuavir igharazimin ghua Godin damazimin derazir gumazimin oto, kar nighnizir gavgavim Kraisin itir tuavim. E nighnizir gavgavim Kraisin itima, God ubi ghaze, e an damazimin dera. ¹⁰ Ezi ki Krais bar a gifoghasa. Krais mozimin ua dikavigha, gavgavir ekiam iti, ezi ki an gavgavir kam gifoghasa. Egh ki a ko mizaziba isir arazimin aven ikiam. Egh ki, nighnizir a suiragha ikia ovengezir kamra, ki uaghan an suiraghisa. ¹¹ Egha kamaghin ki nighnisi, God uaghan na damighti ki mozimin ua dikavigh egh angamira ikiam.

Polivezir aghuimin iniasa pamten ivemari

¹² Ki kamaghin nighnizir puvati, ki Krais Iesusin arazim inigha givagha, gumazir aghuimin otogha gifa. Puvati. Ki zurara ingangarin gavgavim gamua arazir kamin suizi moghin, Krais nan suira. ¹³ Nan adarasi, nan nighnizim, ki arazir kam tigharmaghin a iniam. Ki nighnizir vamira iti, ki fomira itir biziba gin amadagh, egh gin na bativamin bizim inisi a bagh mighin ingaram. ¹⁴ Kamaghin ki ivemar ivermarim givazi naghin otoghiva iverzir aghuimin iniasa, egha ivemaravira iti. Ivezir aghuir kam a kara. Krais Iesusin ingangarinim tuavimin, God nan dia. Eghki an Nguibamin mangiva a ko bar deravira ikiam.

¹⁵ Eghti e gumazir Kraisin arazibar gin ghua gumazir aruabar nighniziba itiba, e bar nighnizir ki gun mikemezir kamin gin mangam. Egh ia nighnizir igharazim ikiti, God ian nighnizir derazir puvatizir kam, ian akaghram. ¹⁶ Ezi nighnizir aghuiba e da inigha gifa, e pamtemin dar suiragh. Bizir kam a bizir ekiam.

¹⁷ Nan adarasi, ia bar nan arazibar gin mangi. Egh ia bar deravira gumazir en arazibar gin zuibar arazibar gan, egh men arazir aghuiba gin mangi. ¹⁸ Ia fo, gumazir aviriba Kraisin ter ighuvimin apanimin iti.

- 3:10:** Ro 6:3-5, 8:17, 2 Ko 4:10-11, Ga 6:17, 2 Ti 2:11-12, 1 Pi 4:13 **3:10:** Rom 6:3-5; 8:17; 2 Korin 4:10-11; Galesia 6:17; 2 Timoti 2:11-12; 1 Pita 4:13 **3:11:** Lu 14:14, Ap 4:2, 1 Te 4:16, MAA 20:5-6 **3:11:** Luk 14:14; Apostel 4:2; 1 Tesalonika 4:16; Akar Mogomem 20:5-6 **3:12:** Ap 9:5-6, 1 Ti 6:12, 6:19, Hi 12:23 **3:12:** Apostel 9:5-6; 1 Timoti 6:12; 6:19; Hibru 12:23 **3:13:** 1 Ko 9:24-26, 2 Ko 5:16, Hi 6:1 **3:13:** 1 Korin 9:24-26; Hibru 6:1 **3:14:** 1 Ko 9:24, 2 Ti 4:7-8, Hi 3:1, 12:1 **3:14:** 1 Korin 9:24; 2 Timoti 4:7-8; Hibru 3:1; 12:1 **3:15:** Rom 6:3-5; 8:17; 2 Korin 4:10-11; Galesia 6:17; 2 Galesia 5:10 **3:16:** Ro 12:16, 15:5, Ga 6:16 **3:16:** Rom 12:16; 15:5; Galesia 6:16 **3:17:** 1 Ko 4:16, 11:1, Fl 4:9, 1 Te 1:6-7, 1 Pi 5:3 **3:17:** 1 Korin 4:16; 11:1; Filipip 4:9; 1 Tesalonika 1:6-7; 1 Pita 5:3 **3:18:** 1 Ko 1:23, Ga 1:7, 2:21, 6:12, Fl 1:15-16 **3:18:** 1 Korin 1:23; Galesia 1:7; 2:21; 6:12; Filipai 1:15-16 **3:19:** Ro 8:5-6, 16:18, 2 Ko 11:12, 11:15, 2 Pi 2:1 **3:19:** Rom 8:5-6; 16:18; 2 Korin 11:12; 11:15; 2 Pita 2:1 **3:20:** Ef 2:6, 2:19, 1 Te 1:10 **3:20:** Efesus 2:6; 2:19; 1 Tesalonika 1:10 **3:21:** Ro 8:29, 1 Ko 15:28, 15:43-53, Ef 1:19, Kl 3:4 **3:21:** Rom 8:29; 1 Korin 15:28; 15:43-53; Efesus 1:19; Kolosi 3:4 **4:1:** 1 Te 2:19-20 **4:1:** 1 Tesalonika 2:19-20 **4:3:** Sng 69:28, Lu 10:20, MAA 3:5, 20:12 **4:3:** Onger Akaba 69:28; Luk 10:20; Akar Mogomem 3:5; 20:12 **4:3:** Akinafarir kam, Godin Nguibamin iti. Ezi God an aven gumazamizir a ua inizibar ziaba osiri. Gumazamizir kaba, me God ko an Nguibamin zurara ikiam. **4:4:** Ro 12:12, Fl 3:1, 1 Te 5:16, 1 Pi 4:13 **4:4:** Rom 12:12; Filipai 3:1; 1 Tesalonika 5:16; 1 Pita 4:13 **4:5:** Hi 10:25, 10:37, Je 5:8-9, 1 Pi 4:7, 2 Pi 3:8 **4:5:** Hibru 10:25; 10:37; Jems 5:8-9; 1 Pita 4:7; 2 Pita 3:8 **4:6:** Snd 16:3, Mt 6:25-34, Lu 12:22-31, Kl 4:2, 1 Pi 5:7 **4:6:** Aghuzir Akaba 16:3; Matyu 6:25-34; Luk 12:22-31; Kolosi 4:2; 1 Pita 5:7

Ki dughiar aviribar men arazibar gun ia mikemegha, datirighin ua ia migia, egha teriba nan damaziba azui. ¹⁹ Me uan mikarzibar ifongiabar gin mangasa bar ifonge, ezi bizar kam mati men godin min iti. Me aghumsizir arazibar amusa bar akongegha, zurara nguazir kamin bizibara nighnisi. Kamaghin, gumazir kaba helin mangiti God me gasighasigham. ²⁰ Ezi eia, e Godin Nguibamin gumazamiziba. E, Ekiam Krais Iesus en Akurvazir Gumazim, a pin munagh ikegh izighiriva uam e iniam, ezi e a baghavira Mizuai. ²¹ Krais uan gavgavim biziwar amutid da bar an apengan ikiam. Egh a gavgavir kamra en mikarzir apengtizir oveavira itir kabar amighti, da mikarzir igiabagh avagh. Egh Krais mikarzir aghuir angazangarimin itimin miraram otivigham.

4

E bar akuegh navir vamira iki nighnizir aghuiba iniam

¹ Kamaghin, nan adarasi, ia Ekiam ko poroghiv iki tuivigh gavgafigh. Ki uan navim isa ia ganing! Ki ian saghon ikia, ia bagha puvira nighnisi! Ki ian arazir aghuiba gun igharaz daraziv gei! Eghka iia bagha bar akonge, nan namakan aghuiba!

² Ki ghaze, Yuodia ko Sintike, gua oragh. Guu virara Ekiam amizimmin, gua navir vamira ikiasi, ki kamaghuisa gua gakaghori. ³ Ezi ni bar guizin na ko ingarin gumazim, ki ni migei, ni amizir kamningin akuragh. Aning na ko, e Akar Aghuimin ingangarin ateri. Ezi Klemen ko, na ko ingarin gumazir maba, me uaghan e ko ingari. Gumazamizir kabar ziaba, akinafarir God gumazamizir ikirimirir zurara itim iniamin ziaba osirizim, da an aven iti.*

⁴ Ia Ekiam ko porogh iki egh zurara bar akongegh. Ki ua migei, ia bar akongegh.

⁵ Ia gumazamiziba bar men asughasughti, me ian arazir aghuir kamin ganigh.

Ia nighnigh, Ekiam roghira izi.⁶ Ia bizitam bagh nighnigh osiman marki. Ia zurara uan osimtziba bagh God ko mikim. Ia God ko mikim a minabi, egh a ian akurvaghisi ia an azang.⁷ Eghti kamaghin God ia damutia navir amirizimin ikiam. Eghi ia Krais Jesus ko porogh deragh ikiam, eghti tuavir kamin Godin navir amirizim deravira ian naviba ko nighnizibagh eghuviti da bar deravira ikiam. God navir amirizir e ganingizir kam, a bar bizar aghuim, ezi navir amirizir kam gumazibar fofozim bar a gafira.

⁸ Nan adarasi, ki migirigiar abuananam ia mikimasa. Ia zurara arazir kabagh nighnigh: guzin araziba, arazir aghuariba, God ko gumazibar damazimin derazir araziba, arazir zuruziba, gumazamiziba ifongezir bizar diriba, arazir gumaziba gara bar akongeziba. Ia fo, arazir aghuir pin itiba ko arazir me gara feba, da iti. Arazir aghuir kabara, ia dagh nighnigh.⁹ Arazir ki ian sure gamizi ia foziba, ko nan migirigiar ia iniziba, ko nan akar ia oraghiziba, ko ia nan gari ki amir araziba, ia bar dar amu. Eghti Godin navir amirizim e ganingizim, a ia ko ikiam.

Filipain gumazamiziba bizar aghuiba Pol bagh amangizi, a bar me minaba

¹⁰ Dughiar ruarin givazi, datirighin ia ua nan akurvaghaha nighnisi, ezi kamaghin ki Ekiam ko poroghav ikia a minabava, bar akonge. Guizbangira, ia faragha na ginighnighavira ikia, egha nan akurvaghamin tuaviba puvati.¹¹ Ki bizitam otevezir puvatigha migirigiar kam gamir pu. Puvati. Bizar manamat na batoghi, ki nighnizir aviribar amuan kogham. Ki bizitam uam a iniamin nighnizim ategha, nimira ikia bar akongezir arazim gif.¹² Ki onganarazibagh ami, o ki bizar aviriba iti, ki pura nimira iti. Ki arazir pura nimira itimrin fofozim ini. Ki dagher aviriba iti, o mitiriam nan azi, o ki bizar aviriba iti, o biziba puvati, bizar kaba mar na bativ, ezi ki navir amirizim sara zurara nimira iti.¹³ Krais zurara gavgavim na ganidi, ezi an akurvazimin ki biziba bar dar amuamin gavgavim iti.

¹⁴ Ezi ia na ko nan osimtzizim aterasa nighnigha, arazir aghuir kam gami. Ezi kamaghin, ki ia nan akurazir arazim bagha bar akonge.¹⁵ Ia Filipain gumazamiziba, ia

uari kamaghin fo, dughiar ki faragha Akar Aghuim akuribar, ki Masedonian Provinz ataki, dughiar kamin siosin igharazitam dagħiġa na ganiga, nan akurazir puvati. Ia uarira arazir kam gami.¹⁶ Dughiar ki Tesalonikan itim, ki biziba puvatizi, ia dughiar mabar nan akurvasi.¹⁷ Ia kamaghin nighnighan marki, ki bizar aghuiba ia na daningasa ki ian azangsi. Puvati. Ian arazir aghuim mangivira ikiasi, ki ifonge. Eghti God iveau aghuim ia daningam.¹⁸ Ezi akinafarir kamin aven, ki ia na gamizir biziba bagħha ia minabi. Ia na bagħha bizba inigha Epafroditusin dafarim gatizi a da inigha izezi ki da ini. Egha datirighin ki bizitam otevezir puvati, ki mong bar izifa. Ia na ganingizir biziba, da mati mugħuriar aghuim zuir ofa ia God ganidi. God ofan kamin gara a għifuegħa bar akonge.¹⁹ Nan God a bizar aviriba bar iti. Eghia otevezir biziba, a bar dar ganiva, egh Krais Jesusin ingangarir amizimin tuavimin, a uan bizar aghuibar avirimin amodogħin, biziba iſi ia daningam.

²⁰ God, a God en Afeziam, ezi e zurara ziar ekiam a daning mamaghira ikiam. Bar guizbangira!

Pol Filipain gumazamizibav già ghaze, Afeziam ia ko iki

²¹ Eghzi, Godin gumazamizir Krais Jesus ko poroghav itiba, ia vagħvagh kamaghin me mikimam, Pol ghaze, Afeziam ia ko iki. En aveghbuar na ko itiba, me ia bagħha akam amaga ghaze, Afeziam ia ko iki.²² Kagħi itir Godin gumazamiziba bar, me ia migia ghaze, Afeziam ia ko iki. Atrivim Sisarin dipenimmin aven ingarir darasi, me akar kam ia daningasa mighiha na migei.

²³ En Ekiam Krais Jesusin apangkuvim vagħvagh ian duuba ko iki.

- 4:7:** Ais 26:3, Jo 14:27, Ro 5:1, Kl 3:15 **4:7:** Aisaia 26:3; Jon 14:27; Rom 5:1; Kolosi 3:15 **4:8:** Ro 12:17 **4:8:**
Rom 12:17 **4:9:** Ro 16:20, 1 Ko 14:33, Fl 3:17, 1 Te 5:23, Hi 13:20 **4:9:** Rom 16:20; 1 Korin 14:33; Filipai 3:17; 1
Tesalonika 5:23; Hibru 13:20 **4:11:** 1 Ti 6:6-8 **4:11:** 1 Timoti 6:6-8 **4:12:** 1 Ko 4:11, 2 Ko 6:10, 11:27 **4:12:**
1 Korin 4:11; 2 Korin 6:10; 11:27 **4:13:** Jo 15:5, 2 Ko 12:9-10, 2 Ti 4:17 **4:13:** Jon 15:5; 2 Korin 12:9-10; 2 Timoti 4:17
4:15: 2 Korin 11:9 **4:16:** Ap 17:1 **4:16:** Aposel 17:1 **4:18:** Kis 29:18, Ese 20:41, 2 Ko 9:12, Ef 5:2, Fl 2:25, Hi
13:16 **4:18:** Ua Me Inni 29:18; Esekiel 20:41; 2 Korin 9:12; Efesus 5:2; Filipai 2:25; Hibru 13:16 **4:19:** Sng 23:1, 2 Ko
9:8, Ef 1:7 **4:19:** Onger Akaba 23:1; 2 Korin 9:8; Efesus 1:7 **4:20:** Ro 16:27, Ga 1:5 **4:20:** Rom 16:27; Galesia
1:5 **4:22:** Fl 1:13 **4:22:** Filipai 1:13

Akinafarir Pol Kolosin Nguiabamin Itir Sios Bagha

Osirizim O Kolosi

Akar faragha zuim

Kolosi, a nguibar ekiar mam, a Esian Provinsin iti. Egha a Efesusin nguibar ekiam mong an boroghin iti. Pol uabi Kolosin nguibamin sios gamizi an otozir putati. Pol Efesusin ikiava gumaziba amadazi, me ghua provinsin kamin nguibar mabar siosin ingangarim gamua, egha uaghan Kolosin ghu.

Pol kamaghin oraki, gumazir maba Kolosibar nighnizir gavgavibagh asighasighasa. Kamaghin amizi, a gavgavim men nighnizir gavgavim daningasa, akinafarir kam osirigha me bagha anemada. A kamaghin migei, Krais biziwa bar dar dapanim. Krais uabira uam e iniam, eghiti tuavir ighazariba en akurvaghan kogham. Tuavir ighazarir kaba e inigh Kraisin saghuiamin mangam. Kraisin, God bar biziwa ingarizi da otifi. Egh Kraisin ingangarimin God ua bar biziwa iniasa. Krais en even iti, ezi e gumazamizir igiabar otivigha Kraisin arazibara gin zui.

Pol akinafarir kam osirigha gumazir pumuning ganingizi, aning a inigha Kolosin ghu. Gumazir faragha itim, Tikikus. Ezi an girara itim, Onesimus, gumazir kam Pol Filemon bagh osirizir akinafarimin an gun migirigar aviribagha ami.

Krais a biziwa bar dar dapanim, ezi Godin ikirimirir aghuium ko an arazir aghuiba bar a gizifa

(Sapta 1:1-3:4)

1-2 Ki Pol, God uan ifongiamin gin ghua Krais Efesusin aposelin ikiasi na misefe. Ezi ki ko en aveghbuam Timoti, ga ia bagha akinafarir kam osiri. Ia Godin gumazamizir Kolosin nguibar ekiamin itiba gan adarsi, ia nighnizir gavgavim Kraisin ikia a ko poroghav itir darasi. Ga, e uan Afeziat God ko migia ghaze, a ian apangkuvigh ian navibar amutia ia navir amirizimin iki.

Ga ia bagha nighnigha God minabavira iti

3-4 Ga ian arazir aghuim baragha kamaghin fo, ia nighnizir gavgavim Krais Efesusin ikiava Godin gumazamiziba bar, me gifonge. Kamaghin amizi, dughiaba bar ga ia bagha God ko migia, ia ginighnigha God minabavira iti. A en Ekiam Krais Efesusin Afeziat. 5 E fo, guizin akam, an Akar Aghuim, a faragha ia bagha ghuzima ia kamaghin oraki, bizir aghuir God ia daningamiba da An Nguibamin iti, egh ia da bagh mizuamiva da iniam. Egha ia nighnizir gavgavim bizir kamin iti. Kamaghin, ia guizbangira nighnizir gavgavim Krais Efesusin ikiava Godin gumazamiziba bar, me gifonge. 6 Ezi nguziar kamin danganiba bar; me Akar Aghuir kamin akurazi, gumazamizir aviriba nighnizir gavgavim an ikiava an gin zuima, Akar Aghuimin dagher aghuiba otiva ghuavira iti. Ezi ia uaghan, arazir kamra ian tongin oto. Dughiar ia faragha Godin apangkuvimin eghaghani baregha bar guizbangira a gifozi, dughiar kam iza datirighin arazir kamra ian tongin otogha, ian ingaravira iti. 7 Epafra Akar Aghuir kam ian sure gami, ezi ia a gifo. Epafra, a ingangarir gumazir bar aghuir ga bar ifongezim, a ga ko ingarir mav. A ga gis in an akurvagh, bar deravira Kraisin ingangarim gami. 8 Egha Epafra ga migia ga geghari, Godin Duam ia gammia ia Godin gumazamiziba deraghavira me gifonge.

*Pol Kolosin gumazamiziba gavgavim me
daningasa God ko migei*

9 Bizir kam bagha, ga fomira ian araziba baragha iza datirighin, ga zurara ia bagha God ko migei. Ga kamaghin an azangsi, Godin Duam fofozir aghuiba ko nighnizir aghuiba ia daningti, nighnizir kaba bar ia gizivagh. Eghitiz bizir kamin ia Godin ifongim bar a gifogham. 10 Kamaghin amizi ia Ekiamin gumazamizibar min ikiva an arazibar amutima, a ia amir araziba dagh ifuegham. Egh ia ingangarir aghuir igharagha garir aviribar amutima. Egh ia uaghan God gifogham, eghiti fofozir kam bar mangiva ekevegham. 11-12 Ezi ga kamaghin God ko migei, an gavgavir ekiar aghuimin, God gavgaviba bar ia daningti, ia tuivigh gavgavigh osimtiziba ateram, egh aghumra ikiva osimtiziba givaghamin dughiam mizuam. Egh ia bar akeueghiva, en Afeziat minabagh. A ia gamizima ia arazir aghuiba gin zui, egh bizir aghuir a ia bagha miseveziba iniam.

1:1-2: Rom 1:7; Efesus 1:1 **1:3-4:** Mak 4:8; 16:15; Jon 15:16; Efesus 1:13-16; 3:2; Filipai 1:3; 2 Timoti 4:8; Filemon 1:5; Hibrui 6:10; 1 Pita 1:4; 5:12 **1:7:** Kl 4:12, Fm 23 **1:9:** Rom 12:2; 1 Korin 1:5; Efesus 1:8-9; 1:15-17; 5:10; 5:17; Filipai 1:9 **1:10:** Jon 15:16; Efesus 2:10; 4:1; Filipai 1:27; 1 Tesalonika 4:1; Hibrui 15:16, Ef 2:10, 4:1, Fl 1:27, 1 Te 4:1; Hi 13:21 **1:11-12:** Efesus 1:18-19; 3:16; 4:2 **1:13-14:** Luk 22:53; Efesus 1:6-7; 2:2; 1 Tesalonika 2:12; 2 Pita 1:11

Ia Godin gumazamiziba ko da iniam, kar Godin Nguibamin angazangarimin aven itir darasi. ¹³⁻¹⁴ Faragha mitarmemin gavgavim e ikezima e an apengan itima, God en akuraghha e inigha uan Otarimin gavgavimin apengan e atizi an en Atrivim iti, Otarir kam a bar a gifonge. God uan Otarimin ingangarimin e gamizi e firiaghire, egha tuavir kamra an en arazir kuraba gin amada.*

Pol Kraisin araziba ko an ingangaribar gun migei

¹⁵ E Godin ganighan kogham, ezi Krais an mirara gari. Krais an Otarir ivariam, a God ingarizir bizir kaba bar dar dapanim. ¹⁶ Ezi Kraisin agharimin, God uan nguibamin itir biziba ko nguazimin itir biziba bar dar ingari. Kar bizir e gariba ko garir puvatiziba, da enselin gavgaviba ko duar gavgaviba ko aseba ko adariaba, ko bizir gavgaviba itiba. God Krais ko, aning bizir kaba bar dagh amizi, da bar Krais baghavira iti. ¹⁷ Ezi bizir kaba tighar otivam, Krais fomira iti. Egha a biziba bar dagh amima da deravira uari issauiuga bar deravira ingari. ¹⁸ Krais, a siosin dapanim, ezi sios an inivafizim. Egha a ubi ikirimir igiamin faragha zuir gumazim. Krais Godin Otarir ivariam, egha a faragha ovevemin ua dikafi. God ghaze, Krais ubi biziba bar dar dapanim ikiam. Kamaghsua, a Krais gamizi, a ua dikafi, ¹⁹ God kamaghin ifonge, an ikirimir aghuim ko an araziba ko an gavgaviba Otarir kam gizivaghram, kamaghin God ubi Kraisin aven iti. Kamaghin amizi, Krais Godin mirara gari.

²⁰ Bizir God ingariziba, da an saghon ikegha apanir arazibar a gami. Ezi God kamaghin ifonge, a bizir kaba bar dar amuti da uam a ko navir vamira ikiam. A ghaze, a Kraisin ingangarimin arazir kam damuam. Kamaghin amizi a Krais ataghizima a terighuvimin areme. Ezi an ghuzim irezi tuavir kamin en apanir araziba da gifa. Egha bizir a ingariziba a bar ua da inizi da

uam a ko iti, bizir an Nguibamin itiba ko nguazimin itiba uaghara.

²¹ Iarara, ia fomira arazir kuraba ko nighnizir kurabagh amuavira iti. Kamaghin amizi ia Godin saghon ikiava uan nighnizibar aven an apanim gami. ²² Ezi God kamaghin ifonge, a ia inigh ua bagh izam. Eighti ia an gumazamizibar min ikiva, an damazimin bar zueghiva, arazir kuratam ian ikian kogham. Kamaghsua datirighin Godin Otarim angamira gumazir mikarzim sara areme, ezi tuavir kamin God uam e ko navir vamira inis. ²³ Ezi dipenir guarim dipenimin suirazi moghin, ia nighnizir gavgavimin suiragh par tuivigh gavgavigh iki. Ia Akar Aghuim baregha dughiar kamin fo ia bizir aghuiba iniam, egha ia dav zuava nighnizir gavgavim iti. Egha a akongiva nighnizir gavgavim ataghiraghan marki. Ki Pol, ki Akar Aghuir kamin ingangarir gumazim, egha e gumazamizir nguazimin itiba bar me bagha anekuri.

Pol sios bagha ingangarim gami

²⁴ Ezi datirighin ki ian akurvaghaha mizazim ini. Krais siosin akurvaghaha inizir mizaziba, da givazir puvati. Ki da givasava ami. Ezi ki siosin akurvaghaha ifonge, a Kraisin inivafizimra. Bizir kam bagha ki bar akonge. ²⁵ God ubi, ian akurvaghaha na misevegha, ingangarir kam na ganingi, ezi ki siosin ingangarir gumazimin oto. Ezi ki deravira Godin akam akurir ingangarim nan iti. ²⁶ Dughiar fomira itibar iza datirighin, akar kam bar modo, ezi gumazamiziba bar a gifozir puvati. Egha datirighin Godin gumazamizibar damazibar an azenim giri. ²⁷ Ezi Godin nighnizim kamakin, a ubi Akar Aghuir modozir kam e an gumazamiziba, an en aka, eighti e fogham, akar modozir kam a guizbangira bar dera, egh Kantran Igharazibar Gumazamiziba bar men akuraghram. Akar modozir kam kamakin, Krais ian navir averiabar aven iti, ezi ia fo, a ia inighti ia a ko mangiva Godin Nguibamin ikiva, egh ia an

* **1:13-14:** Akar kam, "mitarmemin gavgavim," an mingarimra kara: Satan ko bizir an ativazi an apengan itiba, kar tintinimin duar kuraba, aseba, adariaba, ko arazir kuraba bar moghira. **1:15:** Jo 1:18, 2 Ko 4:4, Hi 1:3 **1:15:** Jon 1:18; 2 Korin 4:4; Hibru 1:3 **1:16:** Jo 1:3, 1:10, Ro 8:38, 11:36, Hi 1:2, 2:10, 1 Pi 3:22 **1:16:** Jon 1:3; 1:10; Rom 8:38; 11:36; Hibru 1:2; 2:10; 1 Pita 3:22 **1:17:** Jo 1:1-3, 8:58, 17:5, 1 Ko 8:6 **1:17:** Jon 1:1-3; 8:58; 17:5; 1 Korin 8:6 **1:18:** Ap 26:23, 1 Ko 15:20, 15:23, Ef 1:10, 1:22-23, MAA 1:5 **1:18:** Aposel 26:23; 1 Korin 15:20; 15:23; Efesus 1:10; 1:22-23; Akar Mogomem 1:5 **1:19:** Jo 1:16, 3:34, Kl 2:9 **1:19:** Jon 1:16; 3:34; Kolosi 2:9 **1:20:** Ro 5:1, 2 Ko 5:18, Ef 1:7, 1:10, 2:13, 2:16, 1 Jo 2:2 **1:20:** Rom 5:1; 2 Korin 5:18; Efesus 1:7; 1:10; 2:13; 2:16; 1 Jon 2:2 **1:21:** Ro 5:10, Ef 2:12, 4:18, Ta 1:15-16 **1:21:** Rom 5:10; Efesus 2:12; 4:18; Taitus 1:15-16 **1:22:** Ef 2:14-16, 5:27, 1 Te 4:7, Ta 2:14 **1:22:** Efesus 2:14-16; 5:27; 1 Tesalonika 4:7; Taitus 2:14 **1:23:** Mk 16:15, Ef 3:17, 1 Ti 3:16, Hi 3:14 **1:23:** Mak 16:15; Efesus 3:17; 1 Timoti 3:16; Hibru 3:14 **1:24:** Ro 5:3, 2 Ko 1:5-6, Ef 1:23; 3:13, Fl 3:10, 2 Ti 1:8 **1:24:** Rom 5:3; 2 Korin 1:5-6; Efesus 1:23; 3:13; Filipai 3:10; 2 Timoti 1:8 **1:25:** Ef 3:2, 3:7-8 **1:25:** Efesus 3:2; 3:7-8 **1:26:** Ro 16:25-26, 1 Ko 2:7, Ef 3:3-5, 3:9-10, 2 Ti 1:10 **1:26:** Rom 16:25-26; 1 Korin 2:7; Efesus 3:3-5; 3:9-10; 2 Timoti 1:10 **1:27:** Ro 9:23, 2 Ko 2:14, Ef 1:18, 3:8, 1 Ti 1:1 **1:27:** Rom 9:23; 2 Korin 2:14; Efesus 1:18; 3:8; 1 Timoti 1:1 **1:28:** Ef 4:13, 5:27 **1:28:** Efesus 4:13; 5:27

bizir aghuiba iniam, ezi ia bizir kam bagha mizuai.²⁸ Ezi e Kraisin Akar Aghuim bar vaghvagha gumazamizibav kiri. E kamaghin ifonge, me Krais ko porogh ikiva fofozir aghuitamin oteveghan kogham, ehti e me inigh Godin damazimin mangam. Kamaghsua, e nighnizir aghuim ko fofozir aghuimin gin ghua men sure gamua, egha akar gavgavim me ganidi.²⁹ Kamaghin amizi, Krais na ganingizir gavgavir ekiam, a nan akurvazima, tuavir kamin ki osimtiziba sara ingangarir dafar kam gami.

2

E nighnizir gavgavim ikiva akar ifavariba batogham

¹ Ki ia foghasa, ki akurvazir ingangarir dafam ia ko Laodisian nguibamin itir gu-mazamizibav bagha a gami, egha uaghan nan guamin ganizir puvatizir igharaziba sara. ² Ki kamaghin ifonge, ki gavgavim men navibar aningt me atiatingan kogham, egh ki me damut me uari gifueghiva uari inigh ikiva, fofozir aghuim inighti nighnizir aghuir kam me damut men nighnizir gavgavim bar ekevegham. Egh kamaghin me Godin akar modozimin mingarim deraghvira a gifogham, a Krais, a ubi akar modozir kamin mingarim. Kamaghsua ki ingangarir kam gami. ³ Godin fofozir aghuim ko nighnizir aghuim bar pin kogha Krais gizivagha modogha iti, mati dagiaba dagiabar dipenimin iti. Ezi Krais uabira fofozir aghuir kam en aka.

⁴ Ezi ki ghaze, tav ia gifariva akar amirizibar ia mikimiva ia apezaperan kogham. Kamaghsua, ki akar kam ia miei. ⁵ Ki ubi uan mikarzimin ia ko itir puvatigha, ki ia ginighnighavira iti. Kamaghin ki akurvazir ingangarir dafar kam ia bagha a gami. Egha ki ian garima, ia uari inigha tuivigha deraghia ingara egha nighnizir gavgavim Kraisin iti. Bizar kam bangin ki bar akonge.

E Kraisin porogh egh tuivigh gavgavigham

⁶ Ezi ia Krais Jesus en Ekiam a inigha gifa, kamaghin amizi ia a ko daruva an poroghiv iki. ⁷ Egh ia a gisn tuivigh gavgavigh, mati temembiba sara nguazimin tuga gavgafi. Uaghan mati dipenim dipenir

akinir gavgavibagh isin tughav iti. Ia nighnizir gavgavim Akar Aghuir Epafraian sure gamizir kamin iti, egh kamaghin ian nighnizir gavgavim aghung mangivira iki. Egh zurara God minabivira iki.

⁸ Ia bar deragh uari bagh gan, gumazitam fofozir ifavariba ko akar kinitabar gun ia mikimtima, ia an nighnizibar gin mangan marki, ehti da ia ikirarighan kogham. Gu-mazir kaba, inazir afeziaba ko duar kurar overiam ko nguazim gativaziba, me me da fofozir kaba ini. Ezi fofozir kaba da Kraisin izezir puvati.

⁹ Ia fo, Krais a en mirara gumazimin oto, ezi Godin ikirimirim ko araziba ko an gavgaviba bar a gizifa. ¹⁰ Egha a duar gavgaviba ko bizar gavgaviba itiba bar, dar dapanim. Ia Kraisin poroghav itima, God ia gamima ia guizbangira angamira ikiavira iti.

¹¹ Ezi ia Kraisin poroghav ikia, mati ia uan mikarzir mogomebar inibar ghorir arazim ini. Ezi arazir kam, gumazitam uan dafarimin a gamizi an otozir pu. Puvati. Krais ubi mikarzir mogomebar inibar ghorir arazir kam ati. Kraisin arazir kamin e, navir ghurimin gavgavir e ikiaghaghizim, anetughavkinigha, a gin amadagha firiaghiri. Kar guizbangira mikarzir mogomebar iniba aghorir arazim. ¹² Ezi dughiar e ruezimin a Krais ko poroghav itima, God Krais ko e sara mozim gati. Ezi e fo, God uan gavgavir ekiamin amodoghin ingarava Krais mozim a gamizi ua dikafi. Ezi e nighnizir gavgavim an ingangarir gavgavir kamin iti, ezi dughiar e ruezimin, God Jesus ko e gamizima e uaghan ua dikafi.

¹³ Ia faragha uan arazir kurabagh amir arazim bangin, ia mati gumazir mikarzir mogomebar iniba aghorir puvatizibar min amua, gumazir aremezibar min iti. Ia navir ghurimin arazibar gin zui. Dughiar kamin Krais ian navir ghurimin araziba tighar da atughuvkinighiva da gin amadaghram, kamaghin amizi ia gumazir aremezibar min amuavira iti. Ezi datirighin God ia gamizi ia Krais ko angamira iti. Ezi God en arazir kuraba bar a da gin amada.

¹⁴ Moses Osirizir Araziba, akam e gasaragha, en arazir kuraba aghurigha azenim gatigha, e gamima e an akam ko

1:29: Ap 20:20, 20:27; Ef 3:7, 3:20; Fl 4:13 **1:29:** Aposel 20:20; 20:27; Efesus 3:7; 3:20; Filipai 4:13 **2:2:** 2 Ko 1:6; Ef 3:4, 3:18; Fl 3:8; Kl 1:26; 3:14 **2:2:** Efesus 3:4; 3:18; Filipai 3:8; Kolosi 1:26; 3:14 **2:3:** Is 45:3; 1 Ko 1:24; 1:30; Ef 1:8; 3:19 **2:3:** Aisaia 45:3; 1 Korin 1:24; 1:30; Efesus 1:8; 3:19 **2:4:** Ro 16:18; Ef 4:14; 5:6; Kl 2:8 **2:4:** Rom 16:18; Efesus 4:14; 5:6; Kolosi 2:8 **2:5:** 1 Ko 5:3; 14:40; 1 Pi 5:9 **2:5:** 1 Korin 5:3; 14:40; 1 Pita 5:9 **2:7:** Efesus 2:20-22; 3:17; Kolosi 1:23 **2:8:** Ga 4:3; 4:9; Ef 5:6; Kl 2:3; 2:18-20; Hi 13:9 **2:8:** Galesia 4:3; 4:9; Efesus 5:6; Kolosi 2:3; 2:18-20; Hibrui 13:9 **2:9:** Jo 1:14-16; Kl 1:19 **2:9:** Jon 1:14-16; Kolosi 1:19 **2:10:** Ef 1:21-22 **2:10:** Efesus 1:21-22 **2:11:** Ro 2:29 **2:11:** Rom 2:29 **2:12:** Ro 6:4; Ef 1:19-20; 3:7; Kl 3:1 **2:12:** Rom 6:4; Efesus 1:19-20; 3:7; Kolosi 3:1 **2:13:** Ef 2:1-5 **2:13:** Efesus 2:1-5 **2:14:** Ef 2:14-16; 1 Pi 2:24 **2:14:** Efesus 2:14-16; 1 Pita 2:24

an gavgavimin apengan iti. Ezi e gasir akar kaba God bar da batoke, egha uaghan Moses Osirizir Araziba isa Iesusin ter ighuvimin a gafu, egha tuavir kamin Moses Osirizir Arazibar gavgavim agifa.¹⁵ Ezi Krais ter ighuvimin duar gavgaviba ko bizar gavgaviba itiba, a dar gavgaviba adegha gifa. God ter ighuvimin, kamaghin gumazamiziba bar men aka, a bar da dikabiraghda dagh amima da pura bizar kinibar min otifi.

E Krais koma areme, ezi nguazir kamin araziba en akuraghan kogham

¹⁶ Kamaghin amizi, ia tav ateghtima an akaba ia gasan marki, egh ia mikim suam, ia dagheba ko dipaba apir arazibar gin zuir puvati, o ia Godin ziam fer dughiabar gin zuir puvati, o iakinir igiabar isar araziba ko Sabatin dughiabar arazibar gin zuir puvati.¹⁷ Arazir kaba, da bizar gin izambar nedazir kiniba, ezi Krais a uabi guizbangin bizim.¹⁸ Egha gumazitam bizitam irebamin min bizimin ganigh, kamaghin a uabira uan ziam fiti, ia an akam baraghan marki. Gumazir kam suam, ia uarigh ifariva uari dikabiniva egh enselbar ziaba fi. Egha ia an akam baraghan marki. Gumazir kam a uan nighnizim ko navir ghurimin arazibar gin ghua, pura migia ghaze, ki ubi bar fo. Egha ia gumazir kamaghin amitam ateghti a ia dikabiragh, ian iveau aghium okiman marki.¹⁹ Egha a Kraisin suirazir puvatigha anetaki, Krais en dapanim, e an inivafizim. E an poroghav ikia dagheba isa, egha a ko inivafizir agiribar min uari isasurragha iti. Inivafizir kam Kraisin apengan itima an a gamima a God ifongezi moghin ahua gavgafi.

²⁰ Ezi ia Krais ko poroghav ikia a ko areme, kamaghin amizi ia duar kurar overiam ko nguazim gativaziba bar ada ategha uam adar apengan itir puvati. Egha tizimsua ia nguazir kamin itir gumazamizibar min aruavira iti? Egha tizimsua ia nguazir kamin arazibagh amuavira iti? Arazir kaba kamakin,²¹ “Ia bizar kabar suighan marki,” egh “Dagher kabar aman marki,” egh uaghan “Bizar ighazarir maba sara suighan marki.”²² Ezi bizar kaba, e dar ingangaribagh amima da zuamira ikufi. Arazir kaba, gumazamizibara uari

dagh amuava da arigha en sure gami.²³ E bar fo, arazir kaba me dav kim suam, da nighnizir aghuibal gin zui. Da guizbangira bar puvati. Arazir kaba ghaze, ia uari uan ifongiamin gin mangiva mighighvira Godin ziam fer arazibar amu. Egha ghaze, ia uarigh ifariva uari dikabin. Egha ghaze, ia Godin ingangarim damuva uan mikarzim mizazir kuram a daning. Egh arazir kaba, da en mikarzibar akuragh navir ghurimin araziba dikabiragh da givaghan kogham. Bar puvatigham.

3

E Krais ko ua dikavigha ikirimirir igiam iti

¹ God ia gamizima ia Krais ko ua dikavigha ikirimirir igiam iti. Kamaghin amizi, ia Godin Ngubamin pin itir biziwa bar dagh ifongegeh, da Krais iti naghin iti. Krais, Godin agharir guvimin amadaghan uan atrivir dabirabimin aperaghav iti.² Ezi ia bizar pin itiba baghvira nighnigh, egh nguazimin itir biziwa nighnigh marki.³ Ia fo, ia aremegha gifa, ezi ian ikirimirir angamira itim Krais ko ikiava, Godin poroghav ikia egha modoghav ikia tighar azenimin otivam.⁴ Ezi Kraisra, a guizbangira ian ikirimirir angamira itim mingarim. Egha Krais uamategh izamin dughiam, ia uaghan a ko an angazangarir gavgavir ekiamin aven otivam.

Krais en even itima e gumazamizir igiabar otifi (Sapta 3:5-4:18)

Ikirimirir ghurim koma ikirimirir igiam

⁵ Kamaghin amizi, ia nguazimin itir arazir kurar ian navir averiamin itiba bar da gifagh. Bizar kaba, gumazamizibar uari bakia uari ko akur arazim, ko arazir miziriziba, ko afiar araziba, ko arazir kurabar amuasa naviba dikavir arazim, koma gumazir ighazaribar biziwa gara da ifuer arazim. Biziwa gara dagh ifuer arazir kam, mati ia uari isa ifavarir godbar aningizir arazimin min ami.⁶ Ezi bizar kaba bagha God uan aningaharimin iveau bar kuram gumazir arazir kabagh amiba me bagha anetizima a iti. Kar gumazamizir Godin akam iriaghiazibar iveau kuram.

- | | | | |
|--|---|---|--|
| 2:15: Kl 1:13 | 2:15: Kolosi 1:13 | 2:16: Ro 14:1-12, 1 Ko 8:8, Ga 4:10 | 2:16: Rom 14:1-12; 1 Korin 8:8; Galesia 4:10 |
| 2:17: Hi 8:5, 9:9, 10:1 | 2:17: Hibrus 8:5; 9:9; 10:1 | 2:19: Ef 2:21, 4:15-16 | 2:19: Efesus 2:21; 4:15-16 |
| 2:20: Ga 4:3-5, 4:9 | 2:20: Galesia 4:3-5; 4:9 | 2:21: 1 Timoti 4:3 | 2:22: Ais 29:13, Mt 15:9 |
| 2:22: Aisasia 29:13; Matyu 15:9 | 3:1: Sng 110:1; Mk 12:36, 16:19, Ef 1:20, Fl 1:30, Kl 1:29, 2:12, 1 Te 2:2 | 3:1: Onger Akaba 110:1; Mak 12:36; 16:19; Efesus 1:20; Kolosi 2:12 | 3:2: Mt 6:33 |
| 5:14, Ga 2:20, Kl 2:20 | 3:2: Rom 6:2; 2 Korin 5:7; 5:14; Galesia 2:20; Kolosi 2:20 | 3:2: Matyu 6:33 | 3:3: Ro 6:2, 2 Ko 5:7, |
| 3:3: Rom 6:2; 2 Korin 5:7; 5:14; Galesia 2:20; Kolosi 2:20 | 3:4: Jo 11:25, 14:6, 1 Ko 15:43, Fl 1:21, 1 Jo 3:2 | 3:4: Jo 11:25, 14:6, 1 Ko 15:43, Fl 1:21, 1 Jo 3:2 | 3:5: Ro 6:6, 6:11-13, 8:13, Ga 5:24, Ef 4:19, 5:3-5, 1 Te 4:5 |
| 3:5: Rom 6:6; 6:11-13; 8:13; Galesia 5:24; Efesus 4:19; 5:3-5; 1 Tesalonika 4:5 | 3:6: Ef 5:6 | 3:6: Ef 5:6 | 3:6: Ef 5:6 |
| Efesus 5:6 | 3:7: Ro 6:19-20, 1 Ko 6:11, Ef 2:2 | 3:7: Rom 6:19-20; 1 Korin 6:11; Efesus 2:2 | |

A izam. ⁷ Ia faragha arazir kurar kabar gin zuima, da ia gativagha ia ikiaghari.

⁸ Ezi datirighin ia arazir kaba uam adar amuan marki. Arazir kaba: adariba, ko aningaziba, ko navir kuraba ko akar kuraba uari gasir araziba, koma migirigiar mizirizir ian akatoribar otiviba, ⁹ ko uarigh ifarir arazim, ia arazir kabar amuan marki. Ia fo, ia navir ghurimin araziba ategha, ¹⁰ gumazamizir igiabar otifi, mati gumazim korotiar ghurim sueghava korotiar igiam aru. Ezi God, gumazir ian ingarizi ia gumazamizir igiabar otivizir kam, a kamaghin ifonge, ia i damutia bar deraviram a gifogham. Kamagh sua, a ia gamauvira itima ia an miraram otivavira iti. ¹¹ Kamaghin amizi, datirighin bibiziba puvati. Ia ua kamaghin nighnighan marki, e Judaba ko Kantrin Igharazibar Gumazamiziba, o e mikarzir mogomebar iniba aghore, o da aghorezir puvati, o ighazarir darazir akabav gei, o nguibar atiabar gumazamiziba, o e pura ingangarir gumazibar iti, o e firiaghirezir gumazamiziba. E kamaghin nighnighan kogham. E fo, Krais uabira iti, egha Krais ubi bar en aven iti.

E ighazaribagh ifongezir arazim damau

¹² God ua baghavira ia misevezi, ia an gumazamizibar otivigha gifa, ezi a bar ia gifonge. Kamaghin amizi, ia arazir kabar amu: Ia gumazamizibar apangkuv, egh arazir aghuiba gumazamizir ighazaribar amu, egh uari dikabiragh, egh gumazamizibar asughasugh, egh dighorim amirazir arazim damu. ¹³ Egh ian tongin tav arazir kuratam ighazaritav damightima an an osemeghiva, egh ia zuamira uari uarir aningaghan marki, egh uari uan arazir kuraba gin amang. Ia fo, Ekiam ian arazir kuraba gin amada, ezi kamaghira ia uaghan uarira uan arazir kuraba gin amang. ¹⁴ Egh ia bar uarigh ifongegh. Arazir kam a bar arazir ighazaribagh afira. Arazir kam, an arazir aghuir ighazaribagh amima da bar deraviram otiva, uari isa ingari. ¹⁵ Krais navir amirizim ia ganengi, egha ia gamizima ia navir vamira iti, ezi navir amirizir kam ian navir averiabar ikiva ia

gativagh nighnizir aghuiba ia daningam. Ia fo, navir amirizir kam bagha God ian diazima ia bar uari inigha inivafizir vamiran min oto. Egh zurara God minabi. ¹⁶ Egh Kraisin akam ian navir averiabar iki gavgafigh. Eghti ia vaghvagh nighnizir aghuiba ko fofozibar gin mangiva uarira uarir sure damuva akurvazir akam uari daning. Egh Onger Akabar Akinafarimin aven ighiabar amuva, Jesusin ziam fer ighiabar amuva, Godin Duam ian navir averiabagh atizir ighiabar amu. Dughiar ia ighiabar amuamin, ia uan navir averiabar God minabi. ¹⁷ Ezi bizir manaba ia dagh ami, migirigiaha o ingangariba, ia bizir kaba bar Ekiam Jesusin ziham dar amu. Egh an ziamin ia God Afeziam minabi.

Pol, Kraisin arazibar gin mangasa, poroghamiba ko boribav gei

¹⁸ Ia amuiba vaghvagh, uan pabar apengen iki me baghivira iki. Kar Ekiam ifongezir arazim. ¹⁹ Ezi ia paba vaghvagh, uan amuiba bar deraghvira me damuva bar me gifongegh. Egh men ataran kogh, pazi me damuan marki.

²⁰ Ia boriba, ia zurara uan ameboghefezibar akaba baraghiva dar gin mangi. Ia fo, Ekiam ian arazir kam bagh bar akuegham. ²¹ Ia afeziuba uan boriba mighi me amir biziha bagh mikimiva men nighnizibar amuti me ataran marki. Ia kamaghin damuti, borim osemech kamaghin mikim suam, ki bizitam damuan kogham. Marki. Ki aghua.

Pol ingangarir gumaziba ko gumazir ekiar men garibav gei

²² Ia ingangarir gumaziba vaghvagh, uan gumazir ekiar ian garibar akaba baragh, egh biziha bar dar amu. Egh ia kamaghin nighnighan marki, “egh suam, dughiar me en gara itibar, e me apezeper ingangarir aghuiba amuti me e gifuegham.” Puvati. Ia Ekiamin atiating, egh dughiaba bar uan navir averiabar aven deravira nighnigh, guizbangira ingangarim damu. ²³ Ezi ia amir biziha bar, ia uan gavgviba sara dar amu. Kar, ia gumaziba bagha ingarir puvati. Ia Ekiam bagha ingangarim gami. ²⁴

-
- 3:8:** Ef 4:22, 4:25-31, 5:4; Hi 12:1, 1 Pi 2:1 **3:8:** Efesus 4:22; 4:25-31; 5:4; Hibrus 12:1; 1 Pita 2:1 **3:9:** Ef 4:22 **3:9:**
Efesus 4:22 **3:10:** Stt 1:26, Ro 12:2, Ef 2:10, 4:24 **3:10:** Jenesis 1:26; Rom 12:2; Efesus 2:10; 4:24 **3:11:** Ro 10:12,
Ga 3:28, Ef 1:23 **3:11:** Rom 10:12; Galesia 3:28; Efesus 1:23 **3:12:** Ga 5:22, Ef 4:32, Fl 2:1, 1 Pi 2:9 **3:12:** Galesia
5:22; Efesus 4:32; Filipai 2:1; 1 Pita 2:9 **3:12:** Efesus 4:2 **3:13:** Mk 11:25, Ef 4:32, 5:2 **3:13:** Mak 11:25; Efesus
4:32; 5:2 **3:14:** Ro 13:8-10, 1 Ko 13:13, Ef 4:3 **3:14:** Rom 13:8-10; 1 Korin 13:13; Efesus 4:3 **3:15:** 1 Ko 12:13,
12:27, Ef 2:16-17, 4:4, Fl 4:7 **3:15:** 1 Korin 12:13; 12:27; Efesus 2:16-17; 4:4; Filipai 4:7 **3:16:** 1 Ko 14:26, Ef 5:19,
Kl 4:6 **3:16:** 1 Korin 14:26; Efesus 5:19; Kolosi 4:6 **3:16:** Efesus 5:19-20 **3:17:** 1 Ko 10:31, Ef 5:20, 1 Te 5:18,
Hi 13:15 **3:17:** 1 Korin 10:31; Efesus 5:20; 1 Tesalonika 5:18; Hibrus 13:15 **3:18:** Ef 5:22, Ta 2:5, 1 Pi 3:1 **3:18:**
Efesus 5:22; Taitus 2:5; 1 Pita 3:1 **3:19:** Ef 4:31; 5:25, 5:28, 1 Pi 3:7 **3:19:** Efesus 4:31; 5:25; 5:28; 1 Pita 3:7 **3:20:**
Ef 5:24, 6:1, Ta 2:9 **3:20:** Efesus 5:24; 6:1; Taitus 2:9 **3:21:** Ef 6:4 **3:21:** Efesus 6:4 **3:22:** 1 Ti 6:1, Ta 2:9
3:22: 1 Timoti 6:1; Taitus 2:9 **3:22:** Efesus 6:5-8 **3:24:** 1 Ko 7:22 **3:24:** 1 Korin 7:22

Ia bizar kam ginighnigh, ia Ekiam Kraisin ingangarir gumazamiziba, a uabira ian garir gumazir bar ekiam. Egha ia fo, Ekiam ivedzir aghuir uan gumazamiziba bagha atizim, a gin ia daningam. ²⁵ Ia fo, God gumazamizir vabara a men garir puvati, a bar gumazamizibar gara men araziba ko navir averiaba deravira dar gara tuavir vamira me tuisisi. Kamaghin amizi, gumazir arazir kurabagh amizim, a uan arazir kurar an amizim bagh ivedzir kuram iniam.

4

¹ Ia ingangarir gumazamizibar garir gumazir ekiaba, ia kamaghin fogh, ia uaghan gumazir ian garir ekiam a Godin Nguibamin pin iti. Kamaghin amizi, ia uan ingangarir gumazamiziba deravira men ganiva Godin damazimin derazir arazimin me damuva arazir aghuibar me damu.

E God ko migeir arazim pamtem a damu egh deraghvira daruam

² Ia God ko mikim mamaghira ikiva, deraghvira ganiva nighnigh God ko mikim, egh God minabivira iki. ³ Ia God ko mikimiva egh uaghan e bagh an azangsighti, an e bagh tiam kuightima e Kraisin akam akunam. Akar kam a fomira modoghav iti. Ia fo, ki akar kam akunizi, me a baraghian aghuagha na isa kalabus gati. ⁴ Ia God ko mikim egh suam, a nan akuraghti ki God ifongezir moghira, deraghvira akar kam akunam.

⁵ Ezi ia, nighnizir gavgavim Kraisin itir puvatizir darasi, ia nighnizir aghuibar gin mangiva egh arazir aghuibar me damu. Egh ia dughiaba vaghvagh Kraisin arazibar men akakaghsvira damuvira iki. ⁶ Ia zurara akar aghuir singtizibav kimtima, gumazamiziba da baragh dagh ifuegham. Kamaghin amizi ia bar deravira foghiva gumazamiziba vaghvagh men akaba ikarvagh.

Pol Tikikus ko Onesimus aning amadazi aning Kolosin zui

⁷ Tikikus e ko ingangarir gumazir mam, a en aveghbuar aghuir e bar ifongezim, egha a guizbangira Ekiamin ingangarir gumazir bar aghuim. A nan ingangariba bar dar gun ia mikimam. ⁸ Ezi bizar kam bagha, ki

ia bagha anemada. Ki ghaze, ia fogham, e manmaghin iti, eghiti akar kam gavgvavim ian navibar amutia ua bar akuegham. Kamaghhsua, ki Tikikus amadazi, a ia bagha zui. ⁹ Eghiti Onesimus, a Tikikus ko izam, a guizbangira en guizin aveghbuar bar aghuir e bar ifongezim, a dughiaba bar Godin ingangarim gami. A ian mav. Eghiti aning bizar kagh otiviziba bar dar gun ia mikimam.*

Pol Kolosiba bagha akinafarim amaga ghaze, Afeziam ia ko iki

¹⁰ Aristarkus, a na ko kalabusin ikia, egha ghaze, Afeziam ia ko iki. Ezi Mak, Barnabasin imurim, a uaghan akam amaga ghaze, Afeziam ia ko iki. (Egh a izi ian tongin otoghti ia a inigh uan dipenimin mangi. Ia Mak iniasa, ki ia bagha akar kam amadaghia gifa.) ¹¹ Ezi Iesus, an ziar mam Jastus, a uaghan ghaze, Afeziam ia ko iki. Judan tongin itir gumazir mikarzir mogomebar iniba aghorezir kabara, me na ko ikia God Gumazamizibagh Ativir Ingangarim gamua egha me bar deraghvira nan akurvashi.

¹² Epafras uaghan ia ginighnigha ghaze, Afeziam ia ko iki. A uaghan ian mav, egha Krais Iesusin ingangarir gumazim. A zurara ia bagha pamten God ko migiavira iti, egha ghaze, God ian akurvaghti, ia tuivigh gavgvavigh, egh fofozir aghuitam oteveghan koghiva, egh Godin ifongiam bar a gifoghiva an gin mangam. ¹³ Ezi ki kamaghin ia mikimasa, a bar akurvazir dafam ia bagha a gamuava egha uaghan Laodisian nguibamin itir darazi ko Hierapolisin nguibamin itir darazi bagha a gami. ¹⁴ Ezi Luk, a doktan e bar ifongezim, a Demas ko aning ghaze, Afeziam ia ko iki.†

¹⁵ Egh ia Laodisian itir siosin mikim suam, Pol ghaze, Afeziam ia ko iki. Egh ia Nimfa ko siosin an dipenimin uari akum sara, bar me mikim suam, Pol ghaze, Afeziam ia ko iki. ¹⁶ Egh ia akinafarir kam uarir tongin a dipon, egh gin Laodisian itir sios bagh anemadagh, eghiti me uaghan uarir tongin a diponam. Egh uaghan akinafarir ki Laodisiaba bagha amadazim, me ia bagh anemadaghti, ia a inighiva uarir

- 3:25:** Lo 10:17; Ro 2:11; Ef 6:9, 1 Pi 1:17 **3:25:** Godin Araziba 10:17; Rom 2:11; Efesus 6:9; 1 Pita 1:17 **4:1:** Wkp
 25:43, 25:53, Ef 6:9 **4:1:** Ofa Gami 25:43; 25:53; Efesus 6:9 **4:2:** Ef 6:18, Fl 4:6 **4:2:** Efesus 6:18; Filipai 4:6
4:3: Ro 15:30, 1 Ko 16:9, Ef 6:19 **4:3:** Rom 15:30; 1 Korin 16:9; Efesus 6:19 **4:4:** Ef 6:20 **4:4:** Efesus 6:20
4:5: Ef 5:15-16, 1 Te 4:11-12 **4:5:** Efesus 5:15-16; 1 Tesalonika 4:11-12 **4:6:** Mk 9:50, Ef 4:29, Kl 3:16, 1 Pi 3:15
4:6: Mak 9:50; Efesus 4:29; Kolosi 3:16; 1 Pita 3:15 **4:7:** Ap 20:4, 2 Ti 4:12 **4:7:** Aposel 20:4; 2 Timoti 4:12
4:7: Efesus 6:21-22 **4:9:** Fm 10-12 **4:9:** Filemon 1:10-12 **4:9:** Onesimus a pura Filemonin ingangarir gumazim. Ni akar Filemon akinafarir Pol a bagha osirizimien avien itimian gan. **4:10:** Ap 12:12, 12:25, 13:13, 15:37-39, 19:29, 27:2, Fm 24 **4:10:** Aposel 12:12; 12:25; 13:13; 15:37-39; 19:29; 27:2; Filemon 1:24 **4:12:** Kl 1:7, Fm 23 **4:12:**
 Kolosi 1:7; Filemon 1:23 **4:14:** 2 Timoti 4:10-11; Filemon 1:24 **4:14:** 2 Timoti 4:10-11; Filemon 1:24 **4:14:** Gumazir aviriba nighnigha ghaze, Lukin kamrama, akinafarir pumuning osiri, mam Luk Osirizir Akar Aghuim, egha igharazim Aposelbar Ingangariba. **4:17:** Fm 2 **4:17:** Filemon 1:2

tongin a diponam. ¹⁷ Egh ia kamaghin Arkipus mikemegh, “Ekiam ni ganingizir ingangarim, ni deravira a damuva bar anegifagh.”

¹⁸ Ki Pol, ki uan dafarimningin akar abuananam ia bagha an osira ghaze: God deravira ia damu. Ki kalabusin ikiavira iti, ezi ia na gin amangan marki. Ki ia bagha God ko migia ghaze, Godin apangkuvim ia ko iki.‡

Akinafarir Faragha Zuim, Pol Tesalonikan Nguiabamin Itir Sios Baghava an Osiri O 1 Tesalonika Akar faragha zuim

Tesalonikan nguibar ekiam, a Masedonian Provinsin nguibar ekiar mam. Dughiar Pol Filipai ataghizim, a Tesalonikan ghugha nguibar kamin siosin mam okore (Aposel 17:1-9). Egha Judabar garima, gumazamizir avirim Polin akamin gin ghua egha Kraisin adazarir otifi, ezi Judaba navir kuram Polin ikiava a gamizi, a Tesalonikan nguibam ataki. Egha gin Pol ghua Korinin nguibar ekiamin itima, a ko ingarir gumazim Timoti iza bizar Tesalonikan Kraisin adarazi bativizibar gun Pol migei.

Ezi Pol Timotin akam baregha, Tesalonikan sios nighnizir gavgaviba gavgavim me daningasa, a ko Sailas ko Timoti akinafarir kam osirigha me bagha anemada. Fofozir gumazir avirim ghaze, akinafarir kam ti Pol osirizir akinafarir Godin Akinafarimin aven itibar faragha zuim. Ezi akinafarir kamin, Pol Tesalonikabar nighnizir gavgaviba ko arazir aghuiba bagha bar akonge.

Tesalonikan gumazamizir kaba, Krais manmaghin ua izamin bizim, me ti deravira fozir puvati. Me kamaghin foghosa, gumazamizir Krais tighar ua izamin dughiamin ovengeziba, me uaghan zurara itir ikirimirir aghuim iniam, o puvatigham? Eighti Krais dughiar manamra izam? Pol men azangsiziba ikarvaghakamaghin migei, me arazir aghuiba gin mangiva, Ekiam izamin dughiam bagh uari akir iki.

Pol ko ingarir darasi, me Tesalonikan itir sios ginighnisi

(Sapta 1-3)

¹ Ki Pol, ko Sailas ko Timoti, e Tesalonikan itir sios bagha akinafarir kam osiri, me God Afezian ko Ekiam Krais Iesusin poroghav

- | | | | |
|---|---|--|--|
| 1:1: Ap 17:1-13, 2 Te 1:1 | 1:1: Aposel 17:1-13; 2 Tesalonika 1:1 | 1:2: Ef 1:16, Fl 1:3-4, Kl 1:3, 2 Te 1:11 | 1:2: |
| Efesus 1:16; Filipai 1:3-4; Kolosi 1:3; 2 Tesalonika 1:11 | 1 Ko 13:13, Ga 5:6, Kl 1:4-6, Hi 6:10 | 1 Korin 13:13; | |
| Galesia 5:6; Kolosi 1:4-6; Hibru 6:10 | 1:3: 1 Ko 13:13, Ga 5:6, Kl 1:4-6, Hi 6:10 | 1:3: 1 Korin 13:13; | |
| 4:20, Kl 2:2, Hi 2:3 | 1:4: Kl 3:12, 2 Te 2:13 | 1:4: Kolosi 3:12; 2 Tesalonika 2:13 | 1:5: 1 Ko 2:4-5, |
| 1:5: 1 Korin 2:4-5; 4:20; Kolosi 2:2; Hibru 2:3 | 1:6: Ap 17:1-9, 1 Ko 4:16, 11:1, Fl 3:17, 2 Te 3:9 | 1:5: 1 Ko 2:4-5, | |
| 1:6: Aposel 17:1-9; 1 Korin 4:16; 11:1; Filipai 3:17; 2 Tesalonika 3:9 | 1:7: 1 Pi 5:3 | 1:7: 1 Pita 5:3 | 1:8: Ro 1:8 |
| 1:8: Rom 1:8 | 1:9: Ap 14:15, 1 Korin 12:2; Ga 4:8, 1 Te 2:1 | 1:9: Aposel 14:15; 1 Korin 12:2; Galesia 4:8; 1 Tesalonika | |
| 2:1: | 1:10: Ap 17:31, 1 Te 4:16; 5:9, Ta 2:13, 2 Pi 3:12 | 1:10: Aposel 17:31; 1 Tesalonika 4:16; 5:9; Taitus 2:13; 2 Pita | |
| 3:12: | 2:1: 1 Te 1:5, 1:9 | 2:1: 1 Tesalonika 1:5; 1:9 | 2:2: Ap 16:19-24, 17:1-9, Fl 1:30, Kl 2:1 |
| 16:19-24; 17:1-9; Filipai 1:30; Kolosi 2:1 | | | 2:2: Aposel |

itir gumazamiziba: Godin apangkuvim ko navir amirizim ia ko iki.

Pol Tesalonikan itir siosin nighnizir gavgavim bagha bar akonge

² E zurazurara God minabava ia bagha God ko migei. ³ E ian arazibagh nighnigha e fo, ia nighnizir gavgavim Godin itima, bizar kam ia gamima ia ingangarir aghuibagh ami. Egha ia igharazibagh ifuegha, bizar kam ia gamima, ia pamtem ingari. Egha ia en Ekiam Krais Iesusin mizua ikia, uan naviba gavgavim dagh anigavira iti. E ian arazir kaba Godin damazimin dagh nighnisi. Kamaghin, e bizar kaba bagha God minabavira iti.

⁴ En adarasi, e kamaghin fo, God bar moghira ia gifongegha, ua baghavira ia amisevegha gifa. ⁵ Akar aghuir e inigha ia bagha izezim, an akar kinimin min ia bagha izezir puvati. A Godin Duam ko gavgavim sara ize. Kamaghin amizi, ia guizbangira fo, akar kam a bar guizin akam. E ian tongin ikiava ian akuraghlasava amizir arazim, ia uari a gifo. ⁶ Egha ia Godin akam inizi, osimtizir aviriba ia batifi, ezi ia Ekiamin araziba ko en arazibar gin zuima, Godin Duam ian navibagh amima ia bar akonge. ⁷ Kamaghin ia arazir aghuim Masedonia ko Akaian Provinisn itir Kraisin adarasi, bar men aka. Eighti me ian arazimin ganiva an gin mangam. ⁸ Ezi Ekiamin akar ia kunizim, a dibiarimin araremin min bar ghu. Egha a Masedonia ko Akaiaera an-tingin ghuzir puvati, ian nighnizir gavgavir Godin itir kamin eghaghanim, nguibaba bar a baraki. Kamaghin amizi, marki e ua me mikiman kogham. ⁹ Ezi dughiar e ia bagha iziba, me uari bizar otivizibar gun e geghari. Egha ia marvir guaba ategha navibagh iragh guizbangira Godin gin zuir arazibar me geghari. A guizbangira ko zurrara itir God. ¹⁰ Ezi ia an Otarim mizua, a Godin Nguibam ategh uamattegham. Otarir kam aremezima God a gamizi, a ua dikafi. A Jesus, an en akurvasi, egh dughiar Godin aningagharam izamim, an en akuraghram.

2

Pol Tesalonikan nguibamin ikiava amizir ingangarim migei

1 En adarasi, ia uari fo, ingangarir e ian tongin ikiava amizim, a pura ghuzir puvati. **2** Ia fo, e tighar ia bagh izamin dughiam, e Filipain nguubar ekiamin ikia mizaziba isima, me en ziabagh asighasisi. Ezi dughiar e ia bagha izezim, en God en naviba gavgavim dagh aningizima, e uan apanir avirir kabar atiatir puvati. E tugha gavgavigha Godin Akar Aghuim ia mikiri. **3** Egha e ia nighnizir gavgavim Kraisin iki-asava, e ia migia, egha pazav akatamin ia mikemezir puvati, egha e nighnizir zuezir puvatitam sara ia migia ia gifarazir puvati. **4** Bar puvati. En nighnizir iagharaqha iti. God en navir averiabaragh fogha givagha, a uabi ifongegeha Akar Aghuim akunamin ingangarim e ganingi. Gumazamiziba en ingangarim gifueghasa, e akam akurir puvati. Godra en navir averiabar gari. Ezi e kamaghhsua, a uari amir ingangarim gifongegham. **5** Ia fogha gifa, God en garava e gifozima e kamaghin ia migei, e akar ifavaritamin ia gifarazir puvati, egha e ian biziabagh ifuegha ia apezepera migeir puvati. **6** E, ia ko gumazamizir igharazibar damazimin ziam iniasa ingarir puvati.

7 E guizbangira Kraisin aposelbar miniti. Kamaghin e ti ifuegha, uarir akurvaghhasava biziba bagha ia migia. Egha e ingangarir ekiam ia daningan aghua. E bar aghumra ia ko ikiava ian asughususi. Kamaghira amebam uan borir aghiribar asughasuga deragha men gari moghin e deravira ian gari. **8** Ia bar guizbangira en namakaba, kamaghin amizima, e guizbangira bar ia gifongegha, Godin Akar Aghuim ia mikimasa, egha e uaghan uan ikirimirrim ian akurvaghaha.

9 En adarasi, ia uari en ingangarir ekiar e ia ko ikiava Godin Akar Aghuir kunizim gifo. E ghaze, e daghebar uarir akurvaghshi osimtzir ekiam ia daningan kogham. Egha e dimagariba ko aruebar bar pupvira ingari.

10 Ia fozi, God uaghan fo, arazir manam e ia gami, ia nighnizir gavgavim Kraisin itir gumazamiziba. E Godin damazimin derazir arazir aghuibagh amua, egha arazir kuratam gamizir puvati. **11** Ia fo, afeziam uan boribagh amir arazibar mirara e uaghan

vaghvagh dar ia gami. **12** Egha e ian nighnizir gavgavim damuti ia tuqh gavgavighamin migirigabagh ami. Egha ia osimtziba aterir dughiamin e agharim ia ganidi. Egha e ikirimir aghuir God uabi ifongezimin gin mangasa ia migei. God Bizibagh Ativir Dughiam oto, ezi a ian dia ghaze, ia dughiar kamin aven izi nan apenggan ikiva na ko pin iki, dabirabir aghuarim nan Nguibamin a iniam.

Kraisin adarazi nighnizir gavgavim ikiia, osimtziba atera tuqha gavgaf

13 Ia en akam baregha Godin akam ini, egha gumazibar akamin min a inizir puvati, ia guizbangira Godin akamra ini. Ezi akar kam bar pamten ia gumazamizir nighnizir gavgavim Kraisin itibar navir averiabar ingari. Kamaghin amizi, e bizir kam bagha zurara God minabi. **14** En adarasi, Godin siosin Judian Provinisn itiba, me Krais Iesusin adarasi, bizir me batozibara, da uaghan ia batifi. Ian nguibamin gumazibara osimtzir ekiaba ia ganidi moghira, Judian itir siosba, Judaba osimtziba me garisi. **15** Judaba, Ekiam Iesus ko Godin akam inigha izir gumazibav soghezima me ariaghirezi, me uaghan e batosi. Egha me God ifongezir arazibar aghuaghha, gumazamiziba bar men apanimin iti. **16** Egha me God ua gumazamizir kaba inian me aghuaghha, kamaghin e Kantrin Igharazibar Gumazamiziba akam e me mikiman me aghuaghha, en tuaviba apiri. Kamaghira me zurara arazir kurabagh amima, da ghua bar ekefe, ezi datirighin Godin aningagharam men izegha gifa.

Pol ua Tesalonikabar ganasa bar ifonge

17 En adarasi, Judaba kaghira e arizima, e dughiar bar otevimin ia ategha, ian garir puvati, ezi en nighniziba ia ko iti. Ezi e ua mangi ian ganasa bar ifuegha egha tuaviba buriavira iti. **18** E ia bagh izasa; ki Pol guizbangira dughiar aviribar izasa ingari, ezi Satan en tuaviba apiri. **19** Eghti en Ekiam Iesus uamatenghamin dughiam, bizir tizim e damichti e an damazimin bar akuegh a mizuam iki tuqh gavgavigham? E bizir

- 2:4:** Jer 11:20, Ga 1:10, 1 Ti 1:11 **2:4:** Jeremaja 11:20; Galesia 1:10; 1 Timoti 1:11 **2:5:** Ap 20:33, Ro 1:9, 1 Te 2:10, 2 Pi 2:3 **2:5:** Aposel 20:33; Rom 1:9; 1 Tesalonika 2:10; 2 Pita 2:3 **2:6:** Jo 5:41, 5:44, 1 Ko 9:1-6, 2 Ko 11:9, 2 Te 3:8-9 **2:6:** Jon 5:41; 5:44; 1 Korin 9:1-6; 2 Korin 11:9; 2 Tesalonika 3:8-9 **2:7:** 1 Ko 2:3, 2 Ko 13:4, 2 Ti 2:24 **2:7:** 1 Korin 2:3; 2 Korin 13:4; 2 Timoti 2:24 **2:9:** Ap 20:34, 1 Ko 4:12, 2 Ko 11:9, 12:15 **2:9:** Aposel 20:34; 1 Korin 4:12; 2 Korin 11:9; 12:15 **2:11:** Ap 20:31 **2:11:** Aposel 20:31 **2:12:** Fl 1:27, Kl 1:10, 2 Ti 1:9, 1 Pi 5:10 **2:12:** Filipai 1:27; Kolosi 1:10; 2 Timoti 1:9; 1 Pita 5:10 **2:13:** Ga 1:11-12, 4:14, 1 Te 1:2-3, 2 Te 2:13, 2 Pi 3:2 **2:13:** Galesia 1:11-12; 4:14; 1 Tesalonika 1:2-3; 2 Tesalonika 2:13; 2 Pita 3:2 **2:14:** Ap 17:5, Hi 10:33-34 **2:14:** Aposel 17:5; Hibru 10:33-34 **2:15:** Ap 2:23, 3:15, 7:52, 9:23, 9:29, 13:45, 13:50, 14:2, 14:5, 14:19, 17:5, 17:13, 18:12 **2:15:** Aposel 2:23; 3:15, 7:52; 9:23, 9:29; 13:45; 13:50; 14:2; 14:5; 14:19; 17:5, 17:13; 18:12 **2:16:** Mt 23:32-33, 24:6, Lu 11:52, Ap 13:50 **2:16:** Matyu 23:32-33; 24:6; Luk 11:52; Aposel 13:50 **2:17:** 1 Te 3:10 **2:17:** 1 Tesalonika 3:10 **2:19:** Fl 2:15-16, 4:1, 2 Te 1:4 **2:19:** Filipai 2:15-16; 4:1; 1 Tesalonika 3:13; 2 Tesalonika 1:4; Akar Mogomem 1:7 **2:20:** 2 Ko 1:14, 1 Te 3:13, MAA

tizim inigh mangi an akagh suam e ingangarir aghuim gami? E ghaze, iarara. E ia baghavira bar akuegham. ²⁰ Guizbangira, e ia baghavira bar akuegham. Ezi iarara e gamima e bar akueghavira iti.

3

*Pol Tesalonikaba gavgavim me
daningasa Timoti amada*

¹ E ia bagha nighnighavira ikia ghua, gin e ghaze, e sughsughan kogham. Egha akam misuegha ghaze, ga Atensin ikiām. ² Egha Timoti amadazima a ia bagha izi. Timoti a en aveghbuam. Egha a Godin ingangarir gumazir Kraisin Akar Aghuim akurim. Ga gavgavim ia daningiva, ian nighnizir gavgavim akurvaghaha anemada. ³ E kamaghin aghua, osimtiziba ko mizazir ia isir kaba ia damuti ia nighnizir aviribar amuam. Ia uari fo, God uabi osimtizir kamagh gariba aterasa e amisefe. ⁴ E faragha ia ko ikia egha kamagh ia migiavira iti, osimtizitaba e bativam. Ezi ia datirighin deragha kamaghin fo, dughiar kurar kam e bato. ⁵ Bizir kam bagha, ki sughsughan aghuagha, ian nighnizir gavgavim gifoghasa Timoti ia bagha anemadaza i izi. Ki kamagh atiati, gumazir kuram Satan ian nighnizir gavgavibar amuti, da iregħti, en ingangarim pura mangigham.

*Timoti migirigiar aghuim inigha izezima
Pol bar akonge*

⁶ Ezi Timoti ia ategħa datirighira iza e batogħa, Akar Aghuim e migia ghaze, ia nighnizir gavgavim Godin ikiāva God ko gumazir igharazibagh ifonge. Egha a kamaghin migia ghaze, ia zurra e ginighnigha ian naviba bar den dera. Egha ia en ganasava ami mogħin e uaghan ian ganasava ami.

⁷ Kamaghin amizi, en adarasi, dughiar e osimtiziba ateri nighnizir aviriba e bativim, e kamaghin oraki, ia nighnizir gavgavir Godin itim ikiavira iti; ezi bixi kam gavgavim e ganingi. ⁸ E kamaghin fo, ia Ekiam bagħha tugaħ gavgavizma, e kagh uaghan, en dabirabim datirighin bar dera.

⁹ E ia ginighnigha uan Godin damazimin guizbangira bar akonge. Kamaghin amizi, e ia bagħha God minabavira iti. ¹⁰ Egha dimagariba ko aruebar, God ko pamtem migiavira ikia ghaze, God en amaman-gatighti e uari izi ian ganam. Eghti ian nighnizir gavgavim otevegħti, e ua ian akurvaghha ian nighnizir gavgavim damutima, a gavgavigham.

Pol God ko miegi

¹¹ E kamagħsua, en God en Afeziam uabi ko Iesus en Ekiam, e bagħ tuavim azeneġħti e ia bagħ izam. ¹² En ifonġiam, Ekiam ia damighti arazir iħarazir darazigh ifongeżi bar mogħira ia gizi vagħi eħġi fasfaghha. E bar ia gifongezi mogħira, ia vagħvagh Godin gumazamiziba ko gu-mazamizir iħaraziba bar me gifongegħ. ¹³ Eghti God gavgavim ia daningti, gumazamizir in Ekiam Iesusin damazimin zueziba bar, a ko uamategħti, en God en Afeziam ian gantima ia an damazimin zuegħi arazir kuraba puvatīgham.

Tesalonikabar arazir aghħiba men ikirrimi minn aven otogħi gavgafiq

4

(*Sapta 4-5*)

*E gumazamiziba uari bakia uari ko akuir
arazim damuan kogħam*

¹ Kamaghin, en adarasi, e God ifongeżiż araziba bar ian akaghha ghaze, arazir kaba ia dar amu. Arazir kaba, ia datirighin guizbangira dagh ami. E datirighin Ekiam Iesusin ziamin gavgavim iha gakaghora ghaze, ia arazir kabar amu mamaghira iki. ² E Ekiam Iesusin ziamin ian sure gamizir akaba, ia dagh fo.

³ God kamaghin ifonge, ia bar uari isiva a danigh an damazimin zuegħi. Egh gumazamiziba tintinbar uari isava akuir arazim gitagħam. ⁴ Egh ja vagħvagh uan amu ībar ikiwa deravira men gan. Egh Godin damazimin zuezir araziba ko a ifongeżiż

- | | | | | | |
|--|---|--|--|---|---|
| 3:1: Ap 17:15 | 3:1: Apostel 17:15 | 3:2: Ap 16:1-3 | 3:2: Apostel 16:1-3 | 3:3: Ef 3:13, 2 Ti 3:12 | 3:3: Efesus 3:13; |
| 3:13; 2 Timoti 3:12 | 3:4: Ap 14:22, 20:24 | 3:4: Apostel 14:22; 20:24 | 3:5: Fl 2:16 | 3:5: Filipai 2:16 | 3:6: Ap 26:7, |
| Ap 18:5 | 3:6: Apostel 18:5 | 3:7: 2 Te 1:4 | 3:7: 2 Tesalonika 1:4 | 3:8: Filipai 4:1 | 3:10: Ap 26:7, Ro 1:10, Kl 4:12, 2 Ti 1:3 |
| Tesalonika 2:16 | 3:10: Apostel 26:7; Rom 1:10; Kolosi 4:12; 2 Timoti 1:3 | 3:12: 1 Te 4:9-10, 5:15, 2 Pi 1:7 | 3:12: 1 Tesalonika 4:9-10; 5:15; 2 Pita 1:7 | 3:11: 2 Te 2:16 | 3:11: 2 |
| 1:8, Fl 1:10, 2 Te 1:7, 1:10, 1:17 | 3:13: Sekarajia 14:5; 1 Korin 1:8; Filipai 1:10; 2 Tesalonika 1:7; 1:10 | 4:1: Filipai 1:27; Kolosi 1:10; 2:6; 1 Tesalonika 2:12; 2 Tesalonika 3:6 | 4:1: Fl 1:27, Kl 1:10, 2:6, 1 Te 2:12, 2 Te 3:6 | 4:3: 1 Korin 6:15; 6:18; Efesus 5:3; 5:17; 5:27; Kolosi 3:5; | |
| 1 Tesalonika 5:23; Hibru 10:10; 1 Pita 1:16 | 4:4: Ro 6:19, 1 Ko 6:13-15, 6:18 | 4:4: Rom 6:19; 1 Korin 6:13-15; 6:18 | 4:4: 1 Korin 6:15; 6:18; Efesus 5:3; 5:17; 5:27; Kolosi 3:5; | | |
| * 4:4: Marazi ghaze, vezin kam kamaghin għu: "Ia uan ifongiaba ko nighnizir kurar ian navir averiabar aven itiba, ia deraghvir da bagħ uarir gan. Egh Godin damazimin zuezir araziba ko a ifongeżiż arazibar amu." | 4:5: Sng 79:6, Ga 4:8, Ef 2:12, 4:17-18, 2 Te 1:8 | 4:5: Onger Akaba 79:6; Galesia 4:8; Efesus 2:12; 4:17-18; 2 Tesalonika 1:8 | 4:6: Wkp 19:11-13, Sng 94:1, 1 Ko 6:8, 2 Te 1:8 | 4:6: Ofa Gami 19:11-13; Onger Akaba 94:1; 1 Korin 6:8; 2 Tesalonika 1:8 | |

arazibar amu.* ⁵ Ia uan mikarzimin ifongiabara, gin mangan marki, mati God gifozir puvatizir gumazamiziba amir araziba. ⁶ Kamaghin ia uan aveghbuaba osimtiziba me darigh me gifar arazir kurabar men amuibar amuan marki. E fomira akar gavgavim ia migia ghaze, gumazir arazir kurar kabagh amiba, God gin iveauzir kuram me daningam. ⁷ E fo, God arazir miziriziba bagha en diazir pu. Bar puvati. A en diagha ghaze, ia nan gumazamizibara, kamaghin ia arazir zuruzibara damu. ⁸ Kamaghin amizi, ni tina akar kaba akirim dagh asara, ni akirim gumazim gasarazir puvati, ni God akirim a gasara, Godin kamra uan Duam ia ganingi.

E arazir aghuibar amuti da gavgavika

⁹ Ki Kraisin adarazi uarigh ifongezir arazim ia bagh osiran kogham. Ki fo, God uabi ia uarigh ifueghamin arazim bagha ian sure gami. ¹⁰ Ezi ia Provinc Masedonian itir Kraisin adarazi uarigh ifongezir arazibar bar me gami. En adarasi, ia arazir kam damu mangi mamaghira ikiasia e ian azangssi.

¹¹⁻¹² Ki kamaghsua, ia bizitamin oteveghan kogham, ehti gumazir Kraisin azenan itiba ian ganiva kamaghin mikim suam, Kraisin adarazi arazir aghuibagh ami. Bizir kam bagh ia uan dabirabir amirizim damutti a deragsi, puvira uari bagh ingar. Egh uan agharibar uari ingar egh ia uari uarir akurvaghram, mati e fomira ia mikemezi moghira.

Ekiam uamategh iziva e akuvaghram

¹³ En adarasi, e kamaghsua, ia bar deravira Kraisin gumazamizir ovengeziba bativamin bizim gifogh. Ia gumazir igharazir nighnizir gavgavim Godin itir puvatizibar min pamten osemegh ikian marki. Me ua dikavamin dughiam mizuair puvati. ¹⁴ E kamaghin nighnizir gavgavim iti. Jesus aremehga ua dikafi. Kamaghin amizi, en nighnizir gavgavim kamakin, God gumazir nighnizir gavgavim an ikiava ovengezibar

amighti, me ua dikavigh egh Jesus ko ua izam.

¹⁵ Ekiamin akam e kamaghin ia mikeme, Ekiam uamategħitma e gumazamizir angamira itiba, gumazir ariaghirezibar faragh mangan kogham. Puvati. ¹⁶ Ekiam pamtem mikimti, an enselin faragħa zuimini tiarim mikimti, Godin sigham sara arangam. Ehti Ekiamra uan nguibam ategħi izighi ritima gumazamizir Ekiamin porogħav ikiava ariaghireziba faragh ua dikavigham. ¹⁷ Dugħiar kamin gin e gumazamizir angamira ikiavira itiba, e gumazamizir kaba ko guħariabar tongin mavanangam, egh e bar Ekiam overiamin a bativam. Kamaghin e bar Ekiam ko zurazurara ikiam. ¹⁸ Egh ia akar kam Godin gumazamizir igharazibav kim, egh gavgavim uari daningi.

5

E Ekiam izamin dughiam bagħ uari akir ikiam

¹ En adarasi, e biziba otivamin dughiatam diborogh ia bagħ an osirighan kogham. ² Ia uari fogħa għifa, Ekiam Izamin Dughiam okimakiar gumazim dimangan iżi mogħin zuamirama otogħam. A izamin dughiam, ia a gifogħan kogħam.

³ Gumazamiziba kamaghin mikimam, “Datirighin dughiar amirizim e batozi, e derivira iti.” Ehti bixi me gasighasigham bar zuamira me batogħam, mati mizazir amiriz naviba adaiba borim batasa isir mizaziba. Men tav osimtizir kam gitagh ari mangan kogħam.

⁴ Kamaghin amizi, en adarasi, ia mitatemmin itir puvati, egh dughiar kam okimakiar gumazim min izi, ia an ganigh digavir kuram damuan marki. ⁵ Ia fo, ia bar aruem ko angazgarimin gumazamiziba. E dimagħiġ ko mitarġemin adarazi puvati. ⁶ Kamaghin amizi, e gumazamizir igharazibar min daku ikian kogħam. En damaziba kurighiregti e deraghvir nighnigham. ⁷ E fo, gumazamizir akuibha

- | | |
|---|--|
| 4:7: 1 Ko 1:2, 2 Te 2:13-14, Hi 12:14, 1 Pi 1:14-16 | 4:7: 1 Korin 1:2; 2 Tesalonika 2:13-14; Hibru 12:14; 1 Pita 1:14-16 |
| 4:8: Ese 36:27, 37:14, Lu 10:16, 1 Ko 2:10, 2 Ko 1:22, 1 Jo 3:24 | 4:8: Esekiel 36:27; 37:14; Luk 10:16; 1 Korin 2:10; 2 Korin 1:22; 1 Jon 3:24 |
| 4:9: Jo 13:34, 15:12, Hi 8:11, 1 Jo 2:20, 2:27, 3:11-13 | 4:9: Jon 13:34; 15:12; Hibru 8:11; 1 Jon 2:20; 2:27; 3:11-13 |
| 4:10: 2 Te 3:4 | 4:10: 2 Tesalonika 3:4 |
| 4:10: Ef 2:12 | 4:13: Efesus 2:12 |
| 4:13: Ef 2:12 | 4:13: Efesus 2:12 |
| 4:14: Rom 14:9; 1 Korin 15:3-4; 15:12-13; 15:18; 15:23 | 4:14: Ro 14:9, 1 Ko 15:3-4, 15:12-13, 15:18, 15:23 |
| 4:14: Rom 14:9; 1 Korin 15:3-4; 15:12-13; 15:18; 15:23 | 4:15: 1 Korin 15:51-52 |
| 4:15: Matyu 24:30-31; Aposel 1:11; 1 Korin 15:23; 15:52; 1 Tesalonika 1:10; 2 Tesalonika 1:7 | 4:16: Mt 24:30-31, Ap 1:11, 1 Kor 15:23, 15:52; 1 Tesalonika 1:10; 2 Tesalonika 1:7 |
| 4:17: Jo 12:26; Aposel 1:9; Akar Mogomem 11:12 | 4:17: Jon 12:26; Aposel 1:9; Akar Mogomem 11:12 |
| 5:1: Matyu 24:36 | 5:2: Mt 24:42-44, Lu 12:39; 2 Pi 3:10, MAA 3:3 |
| 5:2: Mt 24:42-44, Lu 12:39; 2 Pi 3:10, MAA 3:3 | 5:2: Matyu 24:42-44; Luk 12:39; 2 Pi 3:10; Akar Mogomem 3:3 |
| 5:3: Ese 13:10, Hos 13:13, Mt 24:39, Lu 21:34-35, Jo 16:21-22 | 5:3: Esekiel 13:10; Hosea 13:13; Matyu 24:39; Luk 21:34-35; Jo 16:21-22 |
| 5:4: Ro 13:12, Ef 5:8-9 | 5:4: Ro 13:12-13, 1 Jo 2:8 |
| 5:5: Rom 13:12; Efesus 5:8-9 | 5:6: Mt 24:42, 25:5, 25:13, 1 Pi 5:8 |
| 5:6: Mt 24:42, 25:5, 25:13, 1 Pi 5:8 | 5:6: Matyu 24:42; 25:5; 25:13; 1 Pi 5:8 |
| 5:7: Lu 21:34-36, Ro 13:13, Ef 5:14 | 5:7: Luk 21:34-36; Rom 13:13; Efesus 5:14 |
| 5:8: Aisaia 59:17; Efesus 6:13-17 | 5:8: Ais 59:17, Ef 6:13-17 |

me dimagaribar akui. Ezi gumazir dipar kuraba apa organiziba, dimagaribar da api. ⁸ Ezi e aruemin adarasi, kamaghin e deraghvira nighnigham. E nighnizir gavgavim Godin itir arazim ko igharaz darazigh ifongezir arazim inigham, egh bizir kamning midorozir korotiamin min uan evariba ikeghti da e apazaghram. Egh God mizuam iki an akurvazir arazim inigham, egh e midorozir dapanirasuamin min anerughti an e apazaghram. ⁹ God, uan aningagharimin aven mangasa e amisevezir puvati. A en Ekiam Krais Iesusin ingangarimin en akurvaghaha e amisefe. ¹⁰ Iesus en akurvaghahasava e bagha areme. Kamaghin amizi, e ovenge, o e angamira iti, e a ko angamira ikiam. ¹¹ Kamaghin, ia uari vaghvagh akar aghuubar uariv kim egh gavgavim uari daning, mati ia datirighin ami mokin.

God uan adarazir akuraghti me arazir aghuubar amuam

¹² Nan adarasi, e kamaghin ian azangsighsa, ia gumazamizir ian akurvaghia ko ingeribar apengan iki. Ekiam ian gumazamizir dapanibar ikiasiame amisefe, egh me ian araziba akiramin migirigia bar amuam. ¹³ Ia men ingangarir me amir kam ginighnigh, egh naviba bar men deraghiva me gifongeghiva men apengan iki. Egh ia bar uari inigh navir amirizimin iki.

¹⁴ Nan adarasi, e kamaghin ian azangsighsa, ia gumazamizir amirazibar araziba akiriva, egh gumazamizir atatiabar naviba gavgavim me daningiva, gumazamizir gavgaviba puvatizibar akurvagh, egh ia gumazamiziba bar dughorim amirazim men iki.

¹⁵ Ia deravira gan, gumazitam o amizitam arazir kurabar ia damutima, ia an arazir kuraba ikaravaghan marki. Ia zurara arazir aghuubar Godin gumazamizibar amusi gavgavigh, uaghan gumazamizir igharaziba sara.

¹⁶ Egh ia zurara bar akongegeh, ¹⁷ egh ia God ko zurara mikimvira iki. ¹⁸ Bizar tizim

5:9: Ro 9:22; 1 Te 1:10, 2 Te 2:13-14; 1 Pi 2:8 **5:9:** Rom 9:22; 1 Tesalonika 1:10; 2 Tesalonika 2:13-14; 1 Pita 2:8 **5:10:**
Ro 14:8-9, 2 Ko 5:15, 1 Te 4:14 **5:10:** Rom 14:8-9; 2 Korin 5:15; 1 Tesalonika 4:14 **5:11:** Ju 20 **5:11:** Jut 1:20
5:12: 1 Ko 16:18, Fl 2:29; 1 Ti 5:17; Hi 13:7, 13:17 **5:12:** 1 Korin 16:18; Filipai 2:29; 1 Timoti 5:17; Hibru 13:7; 13:17
5:14: Ga 5:22, 6:1-2; Kl 3:12, 2 Te 3:6, 3:11, 3:15; Hi 12:12 **5:14:** Galesia 5:22; 6:1-2; Kolosi 3:12; 2 Tesalonika 3:6; 3:11;
3:15; Hibru 12:12 **5:15:** Snd 20:22; Mt 5:39; Ro 12:17; 1 Ko 6:7, 1 Pi 3:9 **5:15:** Aghuzir Akaba 20:22; Matyu 5:39;
Rom 12:17; 1 Korin 6:7; 1 Pita 3:9 **5:16:** 2 Ko 6:10, Fl 4:4 **5:16:** 2 Korin 6:10; Filipai 4:4 **5:17:** Lu 18:1, Ef 6:18,
Kl 4:2, 1 Pi 4:7 **5:17:** Luk 18:1; Efesus 6:18; Kolosi 4:2; 1 Pita 4:7 **5:18:** Ef 5:20, Kl 3:17 **5:18:** Efesus 5:20;
Kolosi 3:17 **5:19:** Ef 4:30; 1 Ti 4:14; 2 Ti 1:6 **5:19:** Efesus 4:30; 1 Timoti 4:14; 2 Timoti 1:6 **5:20:** 1 Ko 14:1, 14:39
5:20: 1 Korin 14:1; 14:39 **5:21:** 1 Ko 2:11, 2:15; Fl 4:8; 1 Jo 4:1 **5:21:** 1 Korin 2:11; 2:15; Filipai 4:8; 1 Jon 4:1
5:22: Jop 1:1, 1:8, 2:3 **5:22:** Jop 1:1; 1:8; 2:3 **5:23:** Ro 15:33; 1 Ko 1:8; Fl 4:9; 1 Te 3:13; 2 Te 3:16 **5:23:** Rom
15:33; 1 Korin 1:8; Filipai 4:9; 1 Tesalonika 3:13; 2 Tesalonika 3:16 **5:24:** 1 Ko 1:9, 10:13, 2 Te 3:3 **5:24:** 1 Korin
1:9; 10:13; 2 Tesalonika 3:3 **5:25:** Kl 4:3, 2 Te 3:1 **5:25:** Kolosi 4:3; 2 Tesalonika 3:1 **5:26:** Ro 16:16 **5:26:**
Rom 16:16

ia bato, God minabivira iki. God kamaghua, ia gumazamizir Krais Iesusin poroghav itiba ia arazir kaba bar, dar amu.

¹⁹ Egh Godin Duam bizitam damusia mikimtima, ia an anogoroghan marki. ²⁰ Egh Godin akam inigha izir gumazamizibar akam me ia mikimtima ia navir kuram men ikian marki. ²¹ Egh ia bar deravira araziba ko akaba bar, da tuisigh. Egh arazir aghuibara, ia dar suigh. ²² Egh arazir kuraba ia bar da atakigh.

²³ God ubi navir amirizimin mingarim, a ia damightima ia uari isi bar a daning, egh an damazimin bar zuegham. Egh a ian duaba ko, mikarziba ko, ikirimiriba bar moghira deraghvira dar ganti, da deraghvira ikiva en Ekiam Krais Iesus izamin dughiamin ia arazir kuratam Godin damazimin bar puvatigham. ²⁴ Godin ian diazim, a uan akabar gin ghua bizibagh amima da guzin otifi. Kamaghin e fo, a guizbangira bizir kabar amuam.

²⁵ En adarasi, ia e bagh God ko mikimti, a en akuraka.

²⁶ Ia Kraisin gumazamiziba, vaghvagh uan dafaribar suigh.

²⁷ Ki Ekiam ziamin akiナfarir kam Kraisin gumazamiziba bar me bagh a dipon me mikimasa ia gaghori.

²⁸ En Ekiam Krais Iesusin apangkuvim bar moghira ia ko iki.

Akinafarir Namba 2, Pol Tesalonikan Nguibamin Itir Sios Baghava an Osiri O 2 Tesalonika Akar faragha zuim

Gumazamizir Tesalonikan nguibar ekamin itiba, me ti nighnizir aviribagh amua ghaze, bizir manamra Krais ua izamin dughiamin otivam. Marazi ghaze, Ekiam Izamin Dughiam otogha gifa. Kamaghin amizi, Pol ko Sailas ko Timoti Tesalonikabar nighniziba akirasa akinafarir kam osiri.

Pol kamaghin migei, dughiar kam tighar otivam. Gumazamiziba faragh Godin akaba batoghiva akirim God gasaraghram. Eghti arazir kuram otogh gavgavighvira ikiam. Eghti gin Godin Araziba adoghodozir gumazir mam azenaram otogham, egh a Kraisin apanim damuam.

Pol gumazamizibav gia ghaze, me nighnizir gavgavimin tugh gavgavigh egh osimtzibiza ater. Pol kamaghsua, me uarira uarir akurvaghisi pamtem ingar, mati a uabi a ko ingari darasi me ami mokin. Me ingangaribar amusi amirvaghan marki. Egh me igharazi darazir akurvaghisi amirvaghan marki.

Ekiam Izamin Dughiam gin otogham

(Sapta 1-2)

¹ Ki Pol, ko Sailas ko Timoti, e Tesalonikan itir sios bagha akinafarir kam osiri, me God en Afeziam ko Ekiam Krais Jesusin porogħav itir gumazamiziba.

² God en Afeziam ko Ekiam Krais Jesusin apangkuvim ia damightima, ia navir amirizim iki.

Tesalonikaba osimtzibiza ko mizazibar dughiamin tuivigha gavgafi

³ En adarasi, e zurara ian ziaba diponiva ia bagħ God minabiva God ko mikimam. E fo, ian nighnizir gavgavim bar mogħira gavgafi, ezi ia bar mogħira vagħvagħa bar uarġi ifonge, ezi arazir kam ekiva għuavira

iti. Kamaghin bar derazi, e ia bagħha God minabi. ⁴ Kamaghin amizi, e tintinbar Godin siosbar ghuegħa ian ziaba fe. E arazir kurar apaniba ia gamiba bar dar gun me migiava, osimtzibza sara me migei. Egha e kamaghin migei, "Godin gumazamiziba me u nighnizir gavgavimin tughha gavgavigha, osimtzibza ko mizaziba ateri."

God arazir aghuimin e tuisi

⁵ Ezi bizir ia batvir kaba, God kamaghin en aka, an arazir aghuimin gamua egha en araziba tuisi. Ia kamaghin ifonge, God Bizibagh Ativamin Dughiam otogham. Kamaghin, ia mizaziba isi. Eghti God suam, ia dera egh ia inigh dughiar kamin aven mangam. ⁶ Godin arazir aghuim a kamaghin damuam, gumazamizir osimtzibza ia gariziba, a ua men osimtzibza ikarvaghram.

⁷ Egh ian osimtzir datirighin ia ateriba God da għiġi, avugħsazim īa daningiwa uaghan e daningam. Dughiar kamin Ekiam Jesus uan enselin bar gavgavim itiba ko Godin Nguibam ategħi azenara otogħam, eghti e avugħsam. An avir bar gavgavir mizariaba sara izam. ⁸ Egh God gifozir puvatiziba ko en Ekiam Jesusin Akar Aghuimin gin zuur puvatiziba, Jesus iverżi kuram me ikarvaghram. ⁹ Kamaghin amir gumazamiziba iverżi kurar kam inigh; bar ikuvigh magħiha ikiam. Egh me Ekiamin sagħon ikiva, uaghan an gavgavim angazangarir ekiamin sagħon ikiam. ¹⁰ Ezi Dughiar God atizim, Ekiam ua iziżiha an gumazamizir nighnizir gavgavim an itiba, me an ziam fiva, ziar ekiam a daning a bagħ bar akeu ġiem. Ia Godin akar e ian tongin kūnizim, ia nighnizir gavgavim an iti. Kamaghin amizi, ia dughiar kamin uaghan me ko ikiam.

Pol God ko mikimti a Tesalonikaba gavgavim me daningam

¹¹ Ezi e bizir kabagh nighnigha zurara ia bagħha e uan God ko migei, eghti a ian akurvaghram. E kamagħsua, a iā damuti arazir aghuir a damuusa ian diaziba, ia dar amuam. E a ko mikimtima, a gavgavim ia daningam. Eghti ia, arazir aghuir ia damuusa ifongeżiha bar, ia dar amuam. Eghti Godin gavgavim ian nighnizir gavgavim damuti, an ekevegħti ia arazir aghuir aviribar amuam. ¹² Ezi arazir kamin ia

1:1: Ap 17:1, 1 Te 1:1

1:1: Aposel 17:1; 1 Tesalonika 1:1

1:2: Ro 1:7

1:2: Rom 1:7

1:3: 1 Te 1:2-3, 2 Te

2:13 **1:3:** 1 Tesalonika 1:2-3; 2 Tesalonika 2:13

1:4: 2 Ko 7:4, 7:14, 1 Te 2:19, MAA 1:9

1:4: 2 Korin 7:4; 7:14;

1 Tesalonika 2:19; Akar Mogomem 1:9

1:5: Fl 1:28

1:5: Filipai 1:28

1:6: Ro 12:19, MAA 18:6-7

1:6: Rom

12:19; Akar Mogomem 18:6-7

1:7: Mt 25:31, 1 Te 3:13, 4:16

1:7: Matyu 25:31; 1 Tesalonika 3:13; 4:16

1:8: Sng

79:6, Ais 66:15, Jer 10:25, Ro 2:8, 1 Pi 4:17

1:9: Onger Akaba 79:6; Aisaia 66:15; Jeremaja 10:25; Rom 2:8; 1 Pita 4:17

1:10: Sng 68:35, 89:7, Kl

3:4, 1 Te 3:13 **1:10:** Onger Akaba 68:35; 89:7; Kolosi 3:4; 1 Tesalonika 3:13

1:11: Kl 1:9, 1 Te 1:2-3

1:11: Kolosi

1:9; 1 Tesalonika 1:2-3

1:12: Ais 24:15, Mal 1:11, 1 Pi 1:7, 4:14

1:12: Ais 24:15; Malakai 1:11; 1 Pita 1:7; 4:14

Ekiam Iesusin ziam fitima a uaghan ian ziaba fam. En God ko Ekiam Krais Jesus ian apangkuvigh egh bizir kabar amut da guizbangin otivam.

2

Godin Araziba adoghodozir gumazim otogham

¹ En adarasi, e bizitam ia mikimasa, en Ekiam Krais Jesus a uamatetegh izam, eghti e a ko uari akuvagham. E kamaghsua, ia bar deravira akar kam baragh. ² Gumazir taba ti ia migia ghaze, Ekiam Izamin Dughiam otoga gifa. Gumazir mamin nighnizim ghaze, Godin Duam ti uan akar kam a ganingizi an an gun migei. O gumazir mam Godin akam akura akar kamin gun migei. O gumazir mam ghaze, e osirizir akinafarir mam, akar kam an iti. Ezi ia akar kam managh a baraki, ia zuamira digavir kuram damighiva okam nighnighan marki. ³ Ia gumazzitamin ganti a uan akatam o arazir an amitamin ia gifaran marki. Ia oragh! Dughiar kam puram otoghan kogham. Puvati. Faraghivira gumazir avirim Godin akaba batoghiva akirim ragh God gasaraghram. Eghti Godin Araziba adoghodozir gumazir mam azenara otogham, gumazir kam God helin a gasighasigham. ⁴ Bizar gumazamiziba ziaba feba ko dar bora ghaze men godba o men aseba, a dar apaminim ikiam. Egh a uabira uan ziam fiva egh a bizar kaba bar da dikabiraghram. Egh a Godin Dipenimin aven daperagh ikiva kamaghin mikimam, "Ki ubair'a God."

⁵ Ia fo, ki ia ko itir dughiam, ki bizar kabar gun ia mikeme. Ia ti okinighnighiz, o? ⁶ Ia fo, bizar mam gumazir kamin tuavim apirima an azenaram otivan kogham. A gin God a bagha atizir dughiamra, an azenim giram. ⁷ Ia fo, datirighin Godin Araziba adoghodozir arazir kam averara ingari iti. A modogh averara iki mangiti, gumazir an tuavim apirizim, sivagh mangiti, an azenaram otogham. ⁸ Egh Godin Araziba adoghodozir gumazir kam dughiar kamin azenim giram. Eghti Ekiam Jesus uan akamin a giveragh a misueghtiama an aremegham. Ekiam uan angazangarim ko gavgavir ekiam

sara iziva, uan angazangarim ko gavgavir kamra a gumazir kam bar a gasighasigham. ⁹ Godin Araziba adoghodozir gumazir kam, a Satanin gavgavimin azenan otogham. Egh Satanin ifavarir arazimin, a digavir kuram gamir arazir aviriba ko arazarazir igharaziba ko mirakelin ifavarir igharaghha gariba, dar amu. ¹⁰ An arazir kurar avirir igharazibar amu, ovevemin tuavimin gin zuir gumazibagh ifaram. Me guizin akam gifongeghan aghua, ezi God men akuraghan kogham. Kamaghin amizi, gumazamizir kaba bar arighregham. ¹¹⁻¹² God kamaghsua, gumazamizir nighnizir gavgavim guizin akamin itir puvatigha arazir kurabagh amua bar akongeziba, me nighnizir gavgavim akar ifavarimin ikiva, Godin kotin iveau kuram iniam. Kamaghin amizi, God men nighnizibagh amizi, me paza nighnisi.

God ua ia iniasa ia misefe

¹³ En darasi, ia Ekiam bar ifongeziba, God faragha inizir gumazamizibar tongin ikiasi a misefe. God uan Duamin gavgavimin ian navir averiamin ingarima, ia a baghavira itir gumazamiziba, egha ia guizin akam nighnizir gavgavim an iti. Ezi tuavir kamin God ian akurvaghaha. Kamaghin amizi, e zurara God ia bagh a minamam. ¹⁴ God kamaghsua, ia uan Ekiam Krais Jesusin angazangarir ekiamin aven a ko ikiasi a ifonge. Egha u an Akar Aghuir e ia mikemezir kamin ian dia. ¹⁵ Kamaghin amizi, en adarasi, ia bar tuivigh gavgafigh. Eghti Godin akar e ia mikemeziba, o akar ian sure damuasa osiriziba, ia dar gin mangi.

¹⁶ E kamaghin God ko migia ghaze, en Ekiam Krais Jesus ko God en Afeziam bar e gifonge. Egha en apangkuvigha en navibagh amima, da deragh, mamaghira ikiam. Egha en akurvazima en nighnizir gavgavim ikiava God mizuai, eghti an arazir aghuimin e damuam. ¹⁷ Egh a gavgavim ian navibar aning, ian akurvaghti ia arazir aghuibar bar, dar gin mangiva akar aghuibav kimam.

Tesalonikaba gumazamizir ingangaribar amirazibar

- | | | | |
|---|--|---|-------------------|
| 2:1: Mt 24:31, 1 Te 4:13-17 | 2:1: Matyu 24:31; 1 Tesalonika 4:13-17 | 2:2: Mt 24:4, Ef 5:6, 1 Jo 4:1 | 2:2: Matyu |
| 24:4; Efesus 5:6; 1 Jon 4:1 | 2:3: Jo 17:12; 1 Ti 4:1, 1 Jo 2:18, 4:3, MAA 13:11-14 | 2:3: Jon 17:12; 1 Timoti 4:1; 1 Jon 2:18; | |
| 4:3; Akar Mogomem 13:11-14 | 2:4: Dan 7:25, 11:36, Ese 28:2, 1 Ko 8:5, MAA 13:6 | 2:4: Esekiel 28:2; Daniel 7:25; | |
| 11:36; 1 Korin 8:5; Akar Mogomem 13:6 | 2:7: 1 Jon 2:18; 4:3 | 2:7: 1 Jon 2:18; 4:3 | |
| Hi 10:27, MAA 19:15 | 2:8: Jop 4:9; Aisaia 11:4; Daniel 7:10; Hibrub 10:27; Akar Mogomem 19:15 | 2:8: Jop 4:9, Ais 11:4, Dan 7:10; | |
| 8:41, Ef 2:2, MAA 13:11-13, 18:23, 19:20 | 2:9: Matyu 24:24; Jon 8:41; Efesus 2:2; Akar Mogomem 13:11-13; 18:23; 19:20 | 2:9: Mt 24:24, Jo | |
| 2:10: 2 Ko 2:15, 4:3 | 2:10: 2 Korin 2:15; 4:3 | 2:11-12: Matyu 24:5; 24:11; Rom 1:24; 1:32; 1 Timoti 4:1; 2 Timoti | |
| 4:4 | 2:13: Lu 1:75; Jo 15:16, Ef 1:4, 1 Te 4:7, 5:9, 2 Te 1:3 | 4:7; Luk 1:75; Jon 15:16; Efesus 1:4; 1 Tesalonika 4:7; | |
| 5:9; 2 Tesalonika 1:3 | 2:15: 1 Ko 11:2, 16:13, Fl 4:1, 2 Te 3:6 | 2:15: 1 Korin 11:2; 16:13; Filipai 4:1; 2 Tesalonika 3:6 | |
| 2:17: 1 Ko 1:8, 1 Te 3:13, 1 Pi 5:10 | 2:17: 1 Korin 1:8; 1 Tesalonika 3:13; 1 Pita 5:10 | | |

arazibar kirigh

3

(*Sapta 3*)

Ia God ko mikimti, an en akuraghram

¹ En adarasi, en akar abuananam, a kamakin. Ia God ko mikimtima, an en akuraghram, eghiti Ekiamin akam zuamira nguibaba bar a dar mangiti gumazamiziba a iniva an gin mangi, nighnizir gavgavim an ikiam, mati ia faragha a inizi mokin. ² Ia God ko mikimtima a gumazir kurabar dafaribar e inigh, kar arazir kurabagh amir gumaziba. Ia fo, gumazamizir maba nighnizir gavgavim Ekiamin itir puvati.

³ Ezi Ekiam guizin arazibagh ami, eghiti ia bar nighnizir gavgavimra an iki. A gavgavim ia daningiva, ia geghuyti, Satan paza ia damighan kogham. ⁴ Ezi Ekiam e gamizima e bar deravira kamaghin fo, ia arazir e ia mikemeziba, bar dagh amuavira iti. Egh gin ia kamaghira damuam.

⁵ E kamaghsua, Ekiam ian faragh mangi, ian navibar amuti, ia fogh suam, God guizbangira ia gifonge. A ian navibar amuti, ia Kraisin arazimin gin mangiva osimtiziba ateriva tugh gavgavigham.

Gumazamiziba bar, ingangaribar amu

⁶ En adarasi, en Ekiam Krais Iesusin ziamin e akar gavgavim migia kamaghin ia migei, en marazi pura amirvaghia ikia, akar e ia ganingizimin gin zuir puvati. Ia vaghvagh men saghon iki. ⁷ Ia fo, ia en arazibar gin mangi. Dughiar e ia ko itiba, e pura apiaghav itir puvati. ⁸ E pura ian dafaribar daghetaba inizir puvati. E dagh ivesi. E kamaghsua, e osimtiziba ia darighan kogham. Kamaghin e puvira arueba ko dimagaribar ingari. ⁹ God ghaze, e dagheba bagh ian azangsightima, ia en akurvaghram. Ezi e ian azangsizir pu. E ghaze, e arazir aghuim ian akaghtima ia an gin mangam. Ezi kamaghin, e ian azangsizir puvati.

¹⁰ Ia fo, dughiar e ia ko itiba, e akar gavgavim ia ganingi: gumazamiziba ingangaribar amuan aghauaghti, ia dagheba me daningan kogham.

¹¹ Ezi e datirighin orazi, ian marazi pura iti. Me ingangaritam gamir puvati. Me

- | | | | |
|---|---|---|---|
| 3:1: Ef6:19; Kl 4:3; 1 Te 5:25 | 3:1: Efesus 6:19; Kolosi 4:3; 1 Tesalonika 5:25 | 3:2: Ap 28:24, Ro 10:16, 15:31 | 3:2: |
| Aposel 28:24; Rom 10:16; 15:31 | 3:3: Jo 17:15, 1 Ko 1:9, 1 Te 5:24, 2 Pi 2:9 | 3:3: Jon 17:15; 1 Korin 1:9; 1 Tesalonika 5:24; 2 Pita 2:9 | 3:6: Mt 18:17, Ro 16:17, 1 Ko 5:11-13, 1 Te 3:11-14, 1 Ti 6:5, 2 Jo 10 |
| 3:4: 2 Ko 7:16, Ga 5:10, 1 Te 4:10 | 3:4: 2 Korin 7:16; Galesia 5:10; 1 Tesalonika 4:10 | 3:6: Matyu 18:17; Rom 16:17; 1 Korin 5:11-13; 2 Tesalonika 3:11-14; 1 Timoti 6:5; 2 Jon 1:10 | 3:7: 1 Korin 4:16; Filipai 3:17; 1 Tesalonika 1:6 |
| 3:8: 2 Ko 11:9, 1 Te 2:9 | 3:8: 2 Korin 11:9; 1 Tesalonika 2:9 | 3:9: 1 Ko 9:4-6, 1 Te 1:6 | 3:9: 1 Korin 9:4-6; 1 |
| Tesalonika 1:6 | 3:10: 1 Te 4:11 | 3:10: 1 Tesalonika 4:11 | 3:11: 1 Ti 5:13, 1 Pi 4:15 |
| Pita 4:15 | 3:12: 1 Te 4:11 | 3:12: 1 Tesalonika 4:11 | 3:11: 1 Timoti 5:13; 1 |
| 3:14: 1 Korin 5:9-11 | 3:15: 1 Te 5:14, Ta 3:10 | 3:15: 1 Tesalonika 5:14; Taitus 3:10 | 3:14: 1 Ko 5:9-11 |
| 1 Tesalonika 5:23 | 3:17: 1 Ko 16:21 | 3:17: 1 Korin 16:21 | 3:16: 1 Te 5:23 |

Akinafarir Faragha Zuim, Pol Timoti Baghava an Osiri O 1 Timoti Akar faragha zuim

Timoti, Kraisin adarazir gumazir igiar mam, a Listran nguubar ekiar Galesian Provinsin itimin ize. An amebam, a Judan amizim, ezi an afeziam a Grighin gumazim. Pol Timoti inizima, an a koma aruava Godin ingangarim gami. (Ni Aposel 16:1-3in gan.) Ezi Timoti gin Efesusin nguubar ekiamin itir siosin gumazir dapanimin oto. Ezi Pol akinafarir kam a bagha an osiri.

Akinafarim faragha migeir bizim, a kamakin, Timoti deravira ua bagh ganigh, gumazitaba gumazamizibar nighnizir gavgavibagh asighasighan maraghe. Gumazir kaba, me nighnizir igharaziba ikia ghaze, nguazir kamin itir biziiba, da derazir puvati. Kamaghin amizi, gumazim guizbangin ikirimir aghuim inisiva, dagher taba ateghiva egh amuimin ikian marki.

Bizir igharazir ekiar akinafarim migeir mam, Timoti siosin ingangarim deraviram an ganam. Egha u uaghan migia ghaze, siosin gumazamizir dapaniba ko siosin ingangarir gumazamiziba, me arazir aghuubar amu.

Akinafarinmin akar abuananaba, Pol Timoti migia ghaze, a Krais Iesusin ingangarir gumazir aghuimra iki, egh arazir aghuubar vaghvagh siosin gumazamizibar amu.

Timoti uabi uan araziba deraghvira dar gan, egh siosin gumazamiziba uaghan men gan

(Sapta 1-6)

1 Ki Pol, ki Krais Iesusin aposel. God, en Akurvazir Gumazim, ko Krais Jesus, gumazir e ganasa mizuaim, aning na muesevezima ki aposelin oto.

2 Timoti, ni na ko nighnizir gavgavim ikiava, mati guizbangira nan otarim. Ezi ki akinafarir kam ni bagha an osiri. God en Afeziam ko Krais Jesus en Ekiam, aningin apangkuvim ko kuarkuvim, ni damutti ni navir amirizimin iki.

E ifavarir akaba bar a da baraghan kogham

3 Ki fomira Masedonian Provinsin ghughava, dughiar kamin ki akar gavgavir mam ni ganingi, egha datirighin ki akar kamra ua kamaghin ni mikimasa. Ki ghaze, ni Efesusin Nguibar Ekiamin ikiva gumazir maba migirigiar gavgavim me daning suam, me gumazamiziba Godin akamin men sure damuva, akar ifavarir taba me damuvira ikian marki. **4** Egh me pura eghaghanir araziba ko men ovavibar ziar migirigiar me zurara migiavira itiba, da atakigh. Akar kaba men nighnizibagh amima me onganighava tintinibar uariv gia uari adosi. Akar kaba me damuti, me nighnizir gavgavim Godin ikian kogham, egh God e damuamin bizim me deragh a gifoghan kogham. **5** Nan akar gavgavir kamin mingarimra kara, e bar uarigh ifuegham. E fo, e guizin nighnizir gavgavim Iesusin ikia, navir zuruzim ikia, egha uan araziba deravira da tuisigha arazir aghuubar gin zui. Eghti biziir kaba e damuti, e bar uarigh ifuegham. **6** Marazi arazir kam ataki, egha datirighin me onganigha pura akar mingariba puvatizibav gei. **7** Egha me igharaz darazi Godin Arazibar men sure damuasa. Egha me ghaze, men migirigiaiba bar guizbangira. Ezi akar me gun migeim, an mingarim me uari a gifozir puvati, egha me uari uan akam deragh a gifozir puvati.

8 E kamaghin fo, Moses Osirizir Arazir God a Ganigiziba, da bar dera. Eghti gumazitam bar deragh Godin Arazir kabar gin mangiti, Arazir Kaba an deraghram.

9 Ezi e uaghan kamaghin fo, God uan Araziba isa gumazamizir aghuiba bagha da aningizir pu. Puvati, a gumazamizir arazir kurabagh amiba bagha, da me ganangi. Gumazamizir akaba batoziba, ko akaba barazir puvatiziba, ko gumazir akirim ragha God gasaraziba, merara God me bagha uan Araziba aningi. Kar gumazamizir Godin ziam fer puvatiziba, ko gumazamizir Godin aghuaziba, ko gumazamizir uan amebaba ko afeziuba misoghezi me aremeziba, ko gumazamizir igharaz darazi misozima me ariaghireziba, **10** ko arazir mizirizibagh amiba, ko gumazir uarira uari isava akuiba, ko gumazir gumazamiziba okiava me gamima me pura ingangarir gumazamizibar otiviba, ko gumazamizir ifariba, ko gumazamizir kotin aven ifariba, merara God me bagha uan

1:1: Kl 1:27 **1:1:** Kolosi 1:27 **1:2:** Ap 16:1; Ta 1:4
Galesia 1:6; Filipai 2:24 **1:4:** 1 Ti 4:7; 2 Ti 2:14-16; Ta 1:14
Ro 13:8-10; Ga 5:14, 2 Ti 2:22 **1:5:** Rom 13:8-10; Galesia 5:14; 2 Timoti 2:22
1 Timoti 6:4; 6:20; Taitus 1:10 **1:8:** Ro 7:12; 7:16; 7:22 **1:10:** Rom 7:12; 7:16; 7:22
Galesia 3:19; 5:23 **1:10:** Stt 19:4-5; 1 Ti 6:3; 2 Ti 4:3; Ta 1:9

1:2: Aposel 16:1; Taitus 1:4 **1:3:** Ga 1:6; Fl 2:24 **1:3:**
1:4: 1 Timoti 4:7; 2 Timoti 2:14-16; Taitus 1:14 **1:5:**
1:7: 1 Timoti 4:7; 2 Timoti 2:14-16; Taitus 1:14 **1:7:**
1:7: 1 Ti 6:4, 6:20; Ta 1:10 **1:9:** Ga 3:19, 5:23 **1:9:**
1:10: Genes 19:4-5; 1 Timoti 6:3; 2 Timoti 4:3; Taitus 1:9

Araziba aningi. Egha uaghan gumazamizir Godin guizin akamin apaniba, God me bagha uan Araziba aningi.¹¹ Ezi guizin akar kam, God an gun mikimasa na ganingizir akam, an Akar Aghuir kamin mirara ghu. Ezi Akar Aghuir kam e migia ghaze, God angazangarir ekiamin aven ikia, egha gavgavir ekiam iti. A bar derazima gumazamiziba an ziam fe.

God Polin apangkuvizima, Pol a minabi

¹² En Ekiam Krais Jesus, ingangarim bagha gavgavim na ganigha ghaze, ki an ingangarim damuam. Egha ingangarir kam damuasa na amisefe. Ezi ki kamagh-sua a minaba.¹³ Guizbangira, fomira ki dibovir akabar an ziam gasighasiki, egha an apanim gamuava, akar kurabar a mikeme. Ezi a fo, ki deragha a gifozir puvatigha, nighnizir gavgavim an itir pupvati, egha arazir kabagh ami. Kamaghin amizima, a nan apangkuvi. ¹⁴ Ezi Krais Jesus en Ekiam apangkuvim bar na gizivagha, na gamima, ki nighnizir gavgavim an iki-ava gumazamizir nighnizir gavgavim Krais Jesusin itiba, bar me gifonge.

¹⁵ Krais Jesus, gumazamizir arazir kurabagh amiba men akuraghaha nguazir kamin ize. Ezi men tongin, nan arazir kuraba bar men arazir kurabagh afira. Ezi akar kam a guizbangira, gumazamiziba a baregh nighnizir gavgavim an iki. ¹⁶ Ezi Krais Jesus kamagh-sua ifonge, gumazamiziba bar kamaghin fogh, a gumazamizir arazir kurabagh amibar asughasuga nimira me gamua zui. Kamagh amizi a faragha nan apangkuvi, ezi ki an ababanimin min iti, egha a na gamizir biziha men akaghti me dar ganiva, nighnizir gavgavim an ikiva, ikirimirir ikia mamaghira itim iniam.¹⁷ Ezi an Atrivir Zurara Itim. An oveghan kogham, ezi e gumazamiziba an ganighan kogham. A uabira bar guizbangin God. Kamaghin amizi, e zurazurara ziar ekiam a daning mamaghira iki mikim suam, God ni bar ekevegha bar dera. Bar guizbangira.

Pol Timoti migia ghaze, ni nighnizir gavgavir Jesusin itim, an suiragh gavgafigh

¹⁸⁻¹⁹ Nan otarim Timoti, ki fo, Godin akam inigha izir gumazim fomira nin arazibar gun mikeme. Ezi ki akar kam ginighnigha, bizir ni damuamiba bar dar gun ni migei. Ki kamaghin ifonge, ni nighnizir gavgavim Jesusin ikiva an suiragh gavgavigh, uan araziba deravira da tuisigh arazir aghuubar gin mangi. Ki kamagh-sua, ni Godin akam inigha izir gumazim ni ganingizir akar kabar gin mangi, egh tuavir kamin ni midorozir aghuim misoghiya nighnizir gavgavim aven tugh gavgafigh. Bizar kam bagha, ki akar kam ni ganidi. Ezi gumazir maba, me uan araziba deragha da tuisigha, arazir aghuubar gin mangan aghuugha da batosi. Egha tuavir kamin me uan nighnizir gavgavibagh asighasiki.²⁰ Ezi men tongin Himeneus ko Aleksander kamaghin ami. Ezi ki kamaghin ifonge, aning ua Godin ziam gasighasighan markiam. Aning kamaghin foghosa, ki aning isa Satanin agharim gati.

2

E gumazamizibar akurvaghs God ko mikimiva an azangsigham

¹ Ki mighighavira ia migei, faragh damuamin bizim a kamakin, ia gumazamiziba bagh God ko mikimiva a minabiva an azangsighiva, egh a gumazamiziba bar men akurvaghs a gakaghon. ² Egh uaghan atriviba ko gavmanba bagh Godin azangsigh. Kamaghin, e bar deragh ikiva navir amirizibar ikiva, God baghavira itir arazibar amuva, God ifongezir araziba bar dar gin mangam. ³ God ko migeir arazir kam, a Godin damazimin bar dera. God, en Akurvazir Gumazim, an arazir kam gifonge. ⁴ A kamagh-sua, a bar gumazamiziba men akurvagham. Eghit me bar guizin akamin mingarim gifogham. ⁵ E fo, Godin vamira iti. Ezi abuir gumazir vamira iti, a God ko en tighin iti. A gumazir kamra, Krais Jesus. ⁶ Dughiar God inabazimin, Krais Jesus gumazamiziba bar me bagha uabi isa God ganigha aremegha ua me givese. Ezi arazir kamin God kamaghin en aka, a

- 1:11:** Ga 2:7; Kl 1:25, 1 Te 2:4, 1 Ti 6:15 **1:11:** Galesia 2:7; Kolosi 1:25; 1 Tesalonika 2:4; 1 Timoti 6:15 **1:12:** Ap 9:15; Ga 1:15-16 **1:12:** Aposel 9:15; Galesia 1:15-16 **1:13:** Ap 3:17; 8:3; 9:4-5, 1 Ko 15:9-10, Ga 1:13 **1:13:** Aposel 3:17; 8:3; 9:4-5; 1 Korin 15:9-10; Galesia 1:13 **1:14:** Lu 7:47; Ro 5:20, 1 Ko 15:10, 2 Ti 1:13 **1:14:** Luk 7:47; Rom 5:20; 1 Korin 15:10; 2 Timoti 1:13 **1:15:** Lu 15:2, 19:10, Ro 5:8, 1 Ti 3:1, 4:9, 2 Ti 2:11, 1 Jo 3:5 **1:15:** Luk 15:2; 19:10; Rom 5:8; 1 Timoti 3:1; 4:9; 2 Timoti 2:11; 1 Jon 3:5 **1:17:** Dan 7:14; Jo 1:18, Ro 16:27, Hi 11:27, 1 Jo 4:12 **1:17:** Daniel 7:14; Jon 1:18; Rom 16:27; Hibru 11:27; 1 Jon 4:12 **1:18-19:** 1 Timoti 3:9; 6:9; 6:12; Jut 1:3 **1:20:** 1 Ko 5:5, 2 Ti 3:17-18, 4:14-15 **2:1:** Korin 5:5; 2 Timoti 2:17-18; 4:14-15 **2:1:** Jeremaja 29:7; Esekiel 6:10; Rom 13:1; Efesus 6:18; Filipai 4:6 **2:4:** Ese 18:23; Jo 3:16-17, 17:3, 1 Ti 4:10, 2 Ti 2:25, 2 Pi 3:9 **2:4:** Esekiel 18:23; Jon 3:16-17; 17:3; 1 Timoti 4:10; 2 Timoti 2:25; 2 Pita 3:9 **2:5:** Ro 3:29-30; Galesia 3:20; Hibru 8:6; 9:15; 12:24 **2:6:** Mt 20:28, 1 Ko 1:6, Ga 1:4, Ef 1:7-9, 2 Te 1:10, Ta 1:3 **2:6:** Matyu 20:28; 1 Korin 1:6; Galesia 1:4; Efesus 1:7-9; 2 Tesalonika 1:10; Taitus 1:3 **2:7:** Ap 9:15, Ga 1:16, 2:7-8, Ef 3:7-8, 2 Ti 1:11 **2:7:** Aposel 9:15; Galesia 1:16; 2:7-8; Efesus 3:7-8; 2 Timoti 1:11

uan gumazamiziba bar moghira ua me iniam. ⁷ Egha ingangarir kam bagha, God aposel ko akam akunamin gumazimin ikiasi na misefe. Ki guizbangira migei, ki ifarir puvati. A Kantrin Igharazibar Gumazamizibar sure damusa ingangarim na ganingi, egheti me nighnizir gavgavim Kraisin ikiva guizin akam gifogham.

⁸ Ki kamaghin ifonge, nguazar kamin gumaziba bar dafariba fiva God ko mikim. Ki kamaghsua, me bar uari isiva God daningiva, zuegh ikiva, aningagharir arazim ko adoghodozir arazim atakign. Me arazir kam damuva, God ko mikim.

Ingangarir aghuim damuamin arazim, a guizin amizibar kurukazim

⁹ Ki uaghan kamaghin ifonge, amiziba korotiar aghuibar aghuti, da men tughatigham. Egheti men korotiaba, igharaz darazi men ganiva nighnizir kuraba ko aghumsizir nighniziba ikian kogham. Me uan dapanir ariziba mighvira da asingan marki, egh uan mikarziba, manmniauba ko gol ko korotiar bar pin koziba, puram azenan dar kurukan marki. ¹⁰ Amizir Godin akamin gin mangasa ifongeza, me arazir aghuibar amu. Arazir kaba, kar guizin men kurukazim.

¹¹ Egh amizir mam bar uabi dikabiragh nimira ikiva Godin akamin fofozim iniam.

¹² Ki kamaghin amizir kamin amaman-gatizir puvati, a uabi fiva gumazimin faraghfaragh mangi, egh an sure damuan kogham. Amizir kam nimira iki. ¹³ Ia oragh! God faragha Adamin ingarigha, gin Ivin ingari. ¹⁴ Ezi Adam akar ifavariba nighnizir gavgavim a dar itir puvati. Amizima akar ifavariba nighnizir gavgavim a dar iti, egha arazir kuram gami. ¹⁵ Amizim boriba batir ingangarim damuva, egh nighnizir gavgavim zurara Kraisin ikiva uabi isiva a daningiva zuegh iki, egh a igharaz darazigh ifongegh, arazir aghuibar gin mangiti, God an akuraghram.*

3

Siosin gumazamizir dapaniba arazir aghuibar amu

¹ Akar kam a bar guizbangira, tina siosin dapanir mamin ikisi a ingangarir aghuim gifonge. ² Siosin dapanim, an arazir aghuibar gin mangi, egheti me arazir kuratam bagh an ganiva avegham. An

amuir vamira iki, egh poroghamir arazim abighan marki. Egh an dabirabim bar moghira deragh, navir ghurimin araziba dikabiragh, egh arazir aghuibara damu ziар aghuim iniva, gumazamizir igharazibar ini dipenimin mangiva, deravira gumazamizibar sure damu. ³ A wainin dipar aviribar amiva onganan marki. A zuamira aningaghiva gumazibav soghan kogham, a men asughasugh. Egh biziba bagh gumazamiziba adoghan marki, egh a dagiaba baghvira ikian marki. ⁴ Egh deravira uan dipenimin itir darazi men ganiva, boribav kimtima me deravira an akaba baragh dar gin mangi. ⁵ Siosin gumazamizir dapaniba, me uan dipenibar itir darasi deraghvira men ganan kogh, manmaghin me Godin siosin ganamin ingangarim iniam? Bar puvati. ⁶ Gumazamizir datirighira nighnizir gavgavim Iesusin itiba, me Godin siosin ganan kogham. Me kamaghin nighnigh suam, e gumazamizir aghuibia, egh uan ziaba fam. Egheti God iveauzir kuram Satan ganingizi moghin iveauzir kuram me daningam. ⁷ Siosin gumazamizir dapaniba, siosin azenan itir gumazamiziba me mikim suam, me ziar aghuim iti. Me ziar aghuim ikian koghtima, gumazamizibar akar kurabar me mikimti, me aghumsighiva, Satanin azuazimin aven mangigham.

Siosin ingangarir gumazamiziba arazir aghuibar gin mangi

⁸ Kamaghira siosin ingangarir gumaziba, gumazibar damazibar me ziar aghuim iki. Egh me mizer pumuningin ikian marki, egh wainin dipar aviribar amiva onganan marki. Egh dagiaba bagh bar ikuvigh ifar da inian marki. ⁹ Me uan araziba deraghvira da tuisigh arazir aghuibar gin mangi, egh guizin akar e nighnizir gavgavim an itimin suiragh gavgafigh. ¹⁰ Ia faragh me isi ingangaritam datigh ganigh. Egheti men ingangarim deraghti, me siosin ingangarir gumazibar ikiam.

¹¹ Kamaghira, siosin ingangarir amiziba uaghan, gumazamizibar damazibar me ziar aghuim iki. Egh me igharaz darazi girakirangin me mikiman marki. Egh men dabirabim bar moghira deragh, egh me guizin deraghvira ingangarir me inizibar amu.

- 2:8:** Ais 1:15, Mal 1:11, Jo 4:21 **2:8:** Aisaia 1:15; Malakai 1:11; Jon 4:21 **2:9:** 1 Pi 3:3-5 **2:9:** 1 Pita 3:3-5
2:10: 1 Ti 5:10 **2:10:** 1 Timoti 5:10 **2:12:** 1 Ko 14:34 **2:12:** 1 Korin 14:34 **2:13:** Stt 2:7, 2:21-22, 1 Ko 11:8-9
2:13: Genes 2:7; 2:21-22; 1 Korin 11:8-9 **2:14:** Stt 3:1-6, 2 Ko 11:3 **2:14:** Genes 3:1-6; 2 Korin 11:3 *** 2:15:**
Grighin akam, vezin kamin deragha bigha mikemezir puvati. **3:1:** Ap 20:28, Ef 4:12, Fl 1:1, 1 Ti 1:15 **3:1:** Aposel
20:28; Efesus 4:12; Filipai 1:1; 1 Timoti 1:15 **3:2:** 1 Ti 5:9, 2 Ti 2:24 **3:2:** 1 Timoti 5:9; 2 Timoti 2:24 **3:2:** Taitus
1:6-9 **3:7:** Ap 22:12, 1 Ko 5:12, 2 Ko 8:21, 1 Te 4:12, 1 Ti 6:9 **3:7:** 1 Korin 5:12; 2 Korin 8:21; 1 Tesalonika 4:12; 1
Timoti 6:9 **3:11:** Ta 2:3 **3:11:** Taitus 2:3

¹² Egh siosin ingangarir gumazamiziba, me poroghamir arazim abighan marki. Egh me uan boriba ko men dipenibar itir darazi deragh men gan. ¹³ Gumazamizir deravira ingariba, me ziar aghuiba iniam. Egh me atiatingan kogh uan nighnizir gavgavir Krais Iesusin itimin gun mikimam.

Godin Arazibar akar mogomem, a bizar bar ekiam

¹⁴ Ki gurumra izi ian ganasa ifonge, egha migirigar kam ia bagha an osiri. ¹⁵ Kamaghin amizi, ki zuamira izeghan koghti, ia migirigar kabar ganiva ia arazir aghuibagh fogham, arazir e Godin adarazi damuamiba. E Godin adarasi, e Godin zurur itimin sios. Egha siosin aven itir darasi, erara, e dipenir akinibar min gavgavigh guzin akam gupughiva tugh gavgavigham. ¹⁶ E guizbangira fo, Godin Arazibar akar mogomem, a bar bizar ekiam. Ezi akar God en akazir kam, a kamakin:

A guzin gumazimin oto,
ezi gumazamiziba an gani.
Ezi Godin Duam kamaghin en aka,
an araziba bar dera,

Ezi enselba an gani.

Ezi gumaziba ghua
an akamin gun bar gumazibav kiri.
Ezi nguazimin itir gumazamiziba
nighnizir gavgavim an iti.
Ezi God a inigha uan Nguibamin ghuavan-
abozi
a ziar ekiam ini.

4

Akar ifavariba Godin gumazamizibar nighnizibagh asighasisi

¹ Godin Duam guizbangira kamaghin migei, Dughiar Gin Izamim, gumazamizitaba uan nighnizir gavgaviba ategham. Egh me ifavarir duaba ko duar kurabar akka baragh dar gin mangam. ² Eghti ifavarir gumaziba, me akar ifavaribar gumazamizibar sure damuam. Men arazir aghuibar gin mangamin nighniziba ariaghire mati avim dar isizi, me ua uan arazir aghuiba ko kurabagh fozir puvati. ³ Me gumaziba amuiba ikian men anogoroke. Egha dagher God e bagha ingarizir maba, me ghaze ia

dar aman marki. Dagher kaba, God ghaze, gumazamizir guzin akam gifogha nighnizir gavgavim an itiba, merara dagher kaba iniam. Me dagheba iniva dar amiva God minabagh. ⁴ E fo, God ingarizir biziba bar, da bar dera. Ezi e bizir kurabar min a dar ganan kogham. Puvati. E God minabagh da iniam. ⁵ E fo, e daghebar amisi, e God ko migeir arazim ko Godin akamin gun migeir arazim damuti, God arazir kamin daghebar amuti, da Godin bizibar miraram otogham.

Timoti Kraisin ingangarir gumazir aghuimin ikiam

⁶ Egh ni akar gavgavir kam Godin gumazamizibar aningiva, ni Krais Iesusin ingangarir gumazir aghuimin ikiam. Egh ni, guzin akar e inigha nighnizir gavgavim an itim, ko fofozir aghuir ni gin zuiba, da ni damuti, tuavir kamin ni gavgavir ekiam iniam. ⁷ Egh ni eghaghanir kiniba ko eghaghanir kuraba akirim ragh dagh asaragh. Egh ni deravira Godin Arazibar sure damuam. ⁸ Ni fo, e uan mikarzibar amuti da gavgavighsi, e ingariva bizar maba sara damuti en mikarziba gavgavigham. Eghti e Godin Arazibar sure damutu da en ikiti e gavgavigham, da bar en akurvaghvira ikiam. Egh da e datirighin itir ikirimir ko ikirimir gin iniamimin en akurvaghram.

⁹ Ezi akar kam a bar guizbangira. Gumazamiziba bar a baraghiva nighnizir gavgavim an ikiam. ¹⁰ Godin ikia mamaghira itim, a gumazamiziba bar men Akurvazir Gumazim, an nighnizir ekiam kamakin, gumazamizir nighnizir gavgavim an itiba a men akuraghram. E nighnizir gavgavim an ikia, bizar e fogha iniamiba bagha mizua iti. Kamaghin amizima, e zurara bar puvira ingari.

¹¹ Ni gumazamiziba akar gavgavir kam me mikimiva men sure damutu me dar gin mangi. ¹² Marazi nin gara ghaze, ni gumazir igiam. Egh gumazitam kamaghin ni mikiman markiam, kar gumazir kinim. Eghti ni nighnizir gavgavim itiba bagh abanimin uabi atigh. Egh arazir aghuibar amuti, me nin arazibar ganiva, nin gin mangam. Nin arazir aghubara kara: nin akar aghuibar, ko nin daroriba, ko nin arazir igharaz darazigh ifongezim, ko nighnizir

3:15: Ef 2:19-22, 2 Ti 2:20 **3:16:** Mk 16:19, Jo 1:14, 16:8-9, 1 Pi 1:12, 3:18 **3:16:** Mak 16:19; Jon 1:14; 16:8-9; 1 Pita 1:12; 3:18 **4:1:** 2 Ti 3:1, 1 Pi 1:20, 2 Pi 2:1, 3:3, 1 Jo 2:18, Ju 18, MAA 9:20, 16:14 **4:1:** 2 Timoti 3:1; 1 Pita 1:20; 2 Pita 2:1; 3:3; 1 Jon 2:18; Jut 1:18; Akar Mogomem 9:20; 16:14

4:3: Genes 9:3; Rom 14:6; 1 Korin 8:8; 10:30-31; Kolosi 2:20-21; Hibrui 13:4 **4:4:** Stt 9:3; Ro 14:6, 1 Ko 8:8, 10:30-31, Kl 2:20-21, Hi 13:4

4:5: Genes 9:3; Rom 14:6; 1 Korin 8:8; 10:30-31; Kolosi 2:20-21; Hibrui 13:4 **4:6:** Stt 1:31, Ap 10:15, Ro 14:14, 14:20, 1

Ko 10:25, Ta 1:15 **4:7:** Genes 1:31; Apostol 10:15; Rom 14:14; 14:20; 1 Korin 10:25; Taitus 1:15 **4:7:** 1 Ti 1:4, 6:20, 2

Ti 2:16, 2:23, Hi 5:14 **4:8:** 1 Timoti 1:4; 6:20; 2 Timoti 2:16; 2:23; Hibrui 5:14 **4:8:** Sng 37:4, Mt 6:33, Ro 8:28, Kl 2:23, 1 Ti 6:6 **4:9:** Onger Akaba 37:4; Matyu 6:33; Rom 8:28; Kolosi 2:23; 1 Timoti 6:6 **4:9:** 1 Ti 1:15

4:10: * 4:9: E fozir puvati, a manmaghin mikimasa, "akar kam a guizbangira," ves 8in itir akam, o ves 10in itir akam?

4:10: Sng 36:6, 1 Ko 4:11-12, 1 Ti 2:3-4 **4:10:** Onger Akaba 36:6; 1 Korin 4:11-12; 1 Timoti 2:3-4 **4:12:** 1 Ko 16:11,

Ta 2:7, 2:15, 1 Pi 5:3 **4:12:** 1 Korin 16:11; Taitus 2:7; 2:15; 1 Pita 5:3

gavgavimin arazim, ko Godin damazimin zuegha itir arazim.¹³ Datirighin tugh mangi ki izamin dughiam, ni Godin Akinafarimin akabar gan me mikim, egh Godin akabar me mikin, egh dar mingarimin men sure damu, egh uan gavgavim isi ingangarir kabar aning.¹⁴ Ni fo, fomira siosin gumazamizir dapaniba uan dafariba isa nin dapanim gariki. Ezi dughiar kamin, Godin akam inigha izir gumazir mam akamin gun ni mikeme, ezi tuavir kamin God bizir aghuimin min uan gavgavim isa ingangarim bagha ni ganingi. Ezi ki ni migel, ni gavgavir kam ataghiraghan marki, ni a sara Godin ingangarim damuviro iki.

¹⁵ Ni uan ingangarir kaba ni deravira dar gan. Egh ni bar uabi isi ingangarir kam daningiva a damuti a deragh otogh. Eighti gumazamiziba bar nin ingangarir arazibar gan fogham, da bar dera.¹⁶ Egh ni bar deragh uan arazibar ganiva, uaghan ni gumazamizibar sure gamir ingangarimin gan. Ni kamaghin damu gavgavichtima, tuavir kamin God nin akuragh, egh gumazamizir nin akam baraziba uaghan men akuragh.

5

Pol ghaze, Timoti gumazamiziba uan adarazir min me damu

¹ Ni gumazir aruabar atar pamten me mikiman marki. Puvati, ni uan afeziamin min aghumra me mikimiva me fi. Egh gumazir igiaba, ni uan aveghbuabagh ami moghin, deragh me damu.² Egh amizir aruaba, ni uan amebam gami moghin, arazir kamra deragh me damu. Egh amizir igiaba, ni uan buaramizibagh ami moghin, deragh me damu. Kar arazir bar Godin damazimin zwezim.

Tina amizir odiaribar ganam?

³ Eighti amizir odiaritam bar uabira ikitim, ni bar arazir aghuimin a damu.⁴ Eighti amizir kam boriba ko igiaba ikiti, ni borir kabar akurvaghti, me deraghvira kamaghin fogh suam, men ingangarir faragh Godin damazimin damuamim a

kara, me bar deraghvira uan amebamin ganam. Egh arazir kamin, me uan amebam ko afeziamin akurvazim ko ingangarir dafar aning fomira me gamiziba ikarvaghram. God arazir kam bar a gifonge.⁵ Ezi amizir odiarim bar uabira iti, ezi tav an garir puvati, a kamaghin ami, a nighnizir gavgavim Godin ikiava egha bizar aghuir a fogha iniamibav zua iti. Egha a zurara arueba ko dimagaribar God ko migiava, uabin akurvaghosa an azangsisi.⁶ Ezi amizir odiarir uan mikarzim isa pura tintinimin bizar igharazibagh amim, an angamira ikiava, navir averiamin aven, a mati aremegha gifa.⁷ Eighti ni akar gavgavir kam uaghan, gumazamiziba me daningti, me arazir aghuibar amuti, kamaghin gumazamizir igharaziba men gan akar kuraba me mikiman kogham.⁸ Ni oragh. Tina uan anababar ganan kogh, egh uaghan uan adarazir ganan koghiva, a guizbangia uan nighnizir gavgavim ataki. An arazir kurar kam, a gumazamizir nighnizir gavgavim puvatiziba, men arazir kurabagh afira.

⁹ Ni amizir odiaribar ziaba akinafarimin aven da osiris, ni amizir kamaghin amiba men ziaba osir: Amizir 60plan azenibar tugha ghuavanadiba, ko poroghamir arazim abighizir puvatiziba.*¹⁰ Amizir kabanang, gumazamiziba bar me gifo, me ingangarir aghuibagh ami: me uan boriba deravira men garava, dagheba nguibamin itir gumazamizibagh aniga, Godin adarazir dagariba ruava, gumazamizir osimtzibza itibar akurvatha, uaghan ingangarir aghuir igharazibagh ami. Kamaghin amir amizibara, ni men ziaba osir.†

¹¹ Ezi amizir odiarir bar ghurizir puvatiziba, ni men ziaba akinafarir kamin da osiran marki. E fo, men naviba ua pabar ikisi dikavti men arazir kam, a men arazir Krais baghavira itim gaferigham.¹² Egh tuavir kamin me akar dikirizir me faragha amizim ateghiva, me fogham, Godin damazimin men arazim ikufi.¹³ Egha arazir mam me uaghan a gami. Me amirizir arazim gamuava pura dipenibagh

4:14: Ap 6:6, 8:17, 13:3, 19:6, 1 Ti 1:18, 2 Ti 1:6 **4:14:** Aposel 6:6; 8:17; 13:3; 19:6; 1 Timoti 1:18; 2 Timoti 1:6 **4:15:** 1 Ti 5:22 **4:15:** 1 Timoti 5:22 **4:16:** Ap 20:28, Ro 11:14, 1 Ko 9:22, Je 5:20 **4:16:** Aposel 20:28; Rom 11:14; 1 Korin 9:22; Jems 5:20 **5:1:** Wkp 19:32 **5:1:** Ofa Gami 19:32 **5:2:** Mt 15:4, Ef 6:1-2, 1 Ti 2:3 **5:4:** Matyu 15:4; Efesus 6:1-2; 1 Timoti 2:3 **5:5:** Lu 2:37, 18:1, 18:7, Ap 26:7, 1 Ko 7:32 **5:5:** Luk 2:37; 18:1; 18:7; Aposel 26:7; 1 Korin 7:32 **5:8:** Ais 58:7, Mt 18:17, Ga 6:10, Ta 1:16 **5:8:** Aisaias 58:7; Matyu 18:17; Galesia 6:10; Taitus 1:16 **5:9:** E fozirovat, me tizim bagha amizir odiaribar ziaba akinafarimin aven da osiri. Fofozir gumazir maba ghaze, amizir odiarir maba akam akirgha ghaze, me Godin ingangarim damuva egh ua pabar ikan kogham. Ezi Kraisin adarazi ti amirizir kabar ziaba osiri. Egha me amizir kaba daghebar men akurvasi. **5:10:** Hi 13:2 **5:10:** Hibru 13:2 **5:10:** Ni Jon Osirizir Akar Aghuim 13:1-17in gan. Dughiar kamin, men arazimra kara, gumazamiziba izi nin dipenimin otoghi, ni fogh, tuavimin mneziba men dagaribagh amima da mize, eghit ni men dagariba ruegh. Arazir kam, kar ingangarir amizir kiniba ko ingangarir gumazir kinibar ingangarimra. Ezi Iesus uan suren gumazibav gia ghaze, ia uari ingangarir gumazir kinibar min ikiam. Ni Matyu 20:25-28in gan. **5:13:** 2 Te 3:11 **5:13:** 2 Tesalonika 3:11

arui. Me amirvazir arazimra amir puvati, me gumazamiziba amir araziabar akaba baragha dagh ifongegha, aruava girakirangin me migei. Me uaghan akar e mikiman koghamibav gei.¹⁴ Ezi ki kamaghin nighnisi, amizir odiarir igiaba ua pabar ikiva boriba bati egh uan paba ko boribar gan. Egh me kamaghin damut, en apaniba men arazir me amibar ganiva, akar kurabar e mikiman kogham.¹⁵ Ni fo, amizir kabar maba me tuavir aghuim ategha, Satanin gin zui.

¹⁶ Egh amizir nighnizir gavgavim Kraisin ititam, an nguibamin amizir odiariba uaghan ikiti, amizir kam uabi men gan. A kamaghin damut, siosin gumazamiziba men ganamin osimtiziba puvatigham. Egh siosin gumazamiziba, me amizir bar uarira itibar ganam.

E siosin gumazamizir dapanir ingangarir aghuim gamiba, e deravira men ganam

¹⁷ Siosin gumazamizir dapanir ingangarir aghuim gamiba, ia ziar ekiam ko iveauzir aghuim me daning. Bizir kaba faragh da iniamiba, kar gumazamizir dapaniba, me ingangarir dafam gamua Godin akam akura, egha God ifongezir araziabar gumazamizibar sure gami.¹⁸ E fo, Godin Akinafarim kamaghin migei, "Ia, bulmakau raizin iniba tuir dughiamin, ia an akam ikeghiva damisi an anogoroghan marki." Ezi e fo, "Ingangarir gumazim, a uan iveauzim iniam."¹⁹ Eghti tav kamaghin mikim suam, siosin dapanitam arazir kuram gami, eghti ni akar kam baraghian marki. Eghti, gumazamizir pumuning, o pumuning ko mikezim, an ganigh bar moghira akar kamra mikimti, ni me baragh.²⁰ Eghti gumazamizir dapanitaba arazir kuram damichti, ni gumazamiziba bar men damazimin me akirigh. Eghti kamaghin igharaz darazi me uaghan atiatingam.

Timoti deragh uan araziabar gan

²¹ Ezi ki Godin damazim ko Krais Iesusin damazim ko Godin enselbar damazibar, ki bar deraghia kamaghin ni migei, ni bar deravira ingangarir ki ni mikemezir kabar amu. Egh ni ingangarim damuva, ni gumazir ekiaba ko namakabara me isi uabin toroghan marki. Ni arazir vamira gumazamiziba bar, me damu.

5:14: 1 Ko 7:9 **5:14:** 1 Korin 7:9 **5:17:** 1 Ko 16:18

1 Ko 9:9 **5:18:** Godin Araziba 25:4; Matyu 10:10; Luk 10:7; 1 Korin 9:9 **5:19:** Lo 17:6, 19:15, 2 Ko 13:1 **5:19:** Godin Araziba 17:6; 19:15; 2 Korin 13:1 **5:20:** Lo 13:11, Ga 2:11, 2:14, Ef 5:11, Ta 1:13 **5:20:** Godin Araziba 13:11; Galesia 2:11; 2:14; Efesus 5:11; Taitus 1:13 **5:21:** 1 Ti 6:13, 2 Ti 2:14, 4:1 **5:21:** 1 Timoti 6:13; 2 Timoti 2:14; 4:1 **5:22:** Ap 6:6, 13:3, 1 Ti 4:14, 2 Jo 11 **5:22:** Aposel 6:6; 13:3; 1 Timoti 4:14; 2 Jon 1:11 **6:1:** Ro 2:24, Ef 6:5, Kl 3:22, Ta 2:5, 2:8-9, 1 Pi 2:18 **6:1:** Rom 2:24; Efesus 6:5; Kolosi 3:22; Taitus 2:5; 2:8-9; 1 Pita 2:18 **6:2:** Kl 4:1, 1 Ti 4:11, Fm 16 **6:2:** Kolosi 4:1; 1 Timoti 4:11; Filemon 1:16 **6:3:** Ga 1:6-9, 2 Ti 1:13 **6:3:** Galesia 1:6-9; 2 Timoti 1:13 **6:4:** 1 Ko 8:2, 1 Ti 1:4, 1:7, 2 Ti 2:23, Ta 3:9 **6:4:** 1 Korin 8:2; 1 Timoti 1:4; 1:7; 2 Timoti 2:23; Taitus 3:9

²² Egh ni zuamira Godin ingangarim damusi gumazitaba amisivisi dafariba me gisin darighan marki. Eghti gumazamizir kabar arazir kuraba, dar osimtizim nin ikian kogham. Ni ua bagh ganiva, egh Godin damazimin bar zuegh ikiam.

²³ Ni pura dipar kinibar aman marki. Ni wainin dipar muzierin taba sara damiti, da nin navimin akuragham. Eghti arimariar zurara ni bativir kam, a givagham.

²⁴ Gumazamizir mabar arazir kuraba, bar azenara itima, me dar gara ghaze, men araziba bar ikuif. Ezi mati men arazir kurar kaba da faragha ghua kotin otifi. Ezi gumazamizir ighazaribar arazir kuraba da mueghav iti. Egh gin da aghurighiram.²⁵ Ezi kamaghira arazir aghuiba uaghan azenan otivizi, me dar gari. Ezi arazir aghuir maba zuamira azenan otivir puvati, da uaghan mongegh mamaghira ikian kogham.

6

Ingangarir gumazamizir kiniba arazir aghuibara damu

¹ Gumazamizir ighazaribar apengan itir ingangarir gumazamiziba, me bar uan gumazamizir ekiabia me daningiva men apengan iki. Eghti gumazamizir ekiabia men gariba, Godin ziam ko en suren migirigia, akar kurabar dav kiman kogham.² Eghti ingangarir gumazitamin garir gumazir ekitatam a nighnizir gavgavim ikiti, an ingangarir gumazir kam kamaghin mikiman marki, a nan mav, kamaghin ki an akaba batogham. Puvati, a kamaghin nighnigh suam, gumazir kam ki an akurvaghisi ingangarim damuam, a nighnizir gavgavim itima, ki bar a gifonge. Egh nighnizir kam a damuti, a ingangarir aghuim damuam. Timoti, ni gumazamiziba akar kaba me mikiniva men sure damu.

Dagiabagh ifongezir arazim, an arazir kurar guar aviribar mingarim

³ Tav akar igharizitam ian sure damuva, kamaghin mikim suam, En Ekiam Krais Iesusin guizin akam ko Godin gin zuir arazimin suren migirigia, da guizin akaba puvati,⁴ gumazim o amizir kam uan nighnizibara ifuegha uabira uabi fe, egha bizitam gifozir puvati. A nighnizir

kuram ikia, ariava organizi moghin, akabar gumazibagh afighasa, pura bizar muziariba bagha akabar uari adoghodosi. Akar kamaghin amiba, da gumazamizibagh amima men naviba gumazamizir igharaziba bagha men derazir puvati, egha uari abigha, gumazamizibar ziabagh asighasigha, nighnizir kurabar igharaz darazigh amua,⁵ egha me zurara purauarir atari. Ezi gumazamizir arazir kabagh amiba, men nighniziba derazir puvatizi me bar onganigha guizin akam gifozir puvati. Me ghaze, Godin gin zur arazim, mati biziba isir tuavim.

⁶ Guizbangira, e God e ganidir biziba bagh bar akeueghiva, an arazibar gin mangiti, God bizar aghuir bar aviriba e daningam. ⁷ E fo, en amebaba e batezi e nguazir kamin otozir dughiamin, e biritam suiragha izezir puvati. Egh dughiar e ovegh mangamim, e uaghan biritam suiragh mangan kogham. ⁸ Kamaghin amizi e dagheba ko iniba iki, suam, "Kabanang, en tughati." ⁹ Ezi gumazamizir dagiaba ini-as a bar ifongeziba, Satan me gifara men nighnizibagh etui, mati asizim azuazim gupuzi moghin, men naviba, arazir onganir avir osimtiziba anidibar amusi dikavti, bizar kam bar me damu me gasighasighi me bar ikuvigham. ¹⁰ Ezi dagiabagh ifongezir arazim, an arazir kurar guar aviribar mingarim. Gumazamizir maba dagiaba baghavira ifonge, ezi arazir kam me gamima, me uan nighnizir gavgaviba ataghiras. Egha me osimtizir kurar ekiam is, mati afuzim navim okoregha vongin oto.

Pol akar gavgavir aghuubar Timoti migei

¹¹ Ezi no, ni Godin gumazimra, ni bizar kurar kaba akirim ragh dagh asaragh. Egh ni arazir aghuubar amuva, guizin Godin Araziba iniva, nighnizir gavgavim ikiva, igharaz darazigh ifongezir arazim ikiva, arazir tuga gavgavigha osimtiziba bar da ateramim ikiva, egh gumazibar asughasughamin arazim iki. Ni arazir kaba bar pamtem dar suiragh dar gin mangi.

- 6:5:** 1 Ko 11:16; 2 Ti 3:8, 4:4, Ta 1:11, 1:14; 2 Pi 2:3 **6:5:** 1 Korin 11:16; 2 Timoti 3:8; 4:4; Taitus 1:11; 1:14; 2 Pita 2:3
6:6: Sng 37:16, Snd 15:16, Fl 4:11-12, 1 Ti 4:8, Hi 13:5 **6:6:** Onger Akaba 37:16; Aghuzir Akaba 15:16; Filipai 4:11-12; 1 Timoti 4:8; Hibrui 13:5 **6:7:** Jop 1:21, Sng 49:17, Snd 27:24, Sav 5:15 **6:7:** Jop 1:21; Onger Akaba 49:17; Aghuzir Akaba 27:24; Fofozir Gumazim 5:15 **6:8:** Snd 30:8, Hi 13:5 **6:8:** Aghuzir Akaba 30:8; Hibrui 13:5 **6:9:** Aghuzir Akaba 23:4; 28:22; Matyu 13:22; 1 Timoti 1:19; 3:7; Jems 5:1
6:10: Kis 23:8, Lo 16:19, Ef 5:5 **6:10:** Ua Me Ini 23:8; Godin Araziba 16:19; Efesus 5:5 **6:11:** 2 Ti 2:22 **6:11:** 2
Timoti 2:22 **6:12:** 1 Ko 9:25-26, 1 Ti 1:18, 2 Ti 4:7 **6:12:** 1 Korin 9:25-26; 1 Timoti 1:18; 2 Timoti 4:7 **6:13:** Jo 5:21, 18:36-37, 19:11, 1 Ti 5:21, MAA 1:5 **6:13:** Jon 5:21; 18:36-37; 19:11; 1 Timoti 5:21; Akar Mogomem 1:5 **6:14:** Filipai 1:6; 1:10; 1 Tesalonika 3:13; 5:23 **6:14:** Filipai 1:6; 1:10; 1 Tesalonika 3:13; 5:23 **6:15:** Lo 10:17, 1 Ti 1:11, 1:17, MAA 17:14, 19:16 **6:15:** Godin Araziba 10:17; 1 Timoti 1:11; 1:17; Akar Mogomem 17:14; 19:16 **6:16:** Kis 33:20, Jo 6:46; Fl 4:20, Ju 25 **6:16:** Ua Me Ini 33:20; Jon 6:46; Filipai 4:20; Jut 1:25 **6:17:** Sng 62:10, Mk 10:24, Lu 12:20-21, 1 Te 1:9
6:17: Onger Akaba 62:10; Mak 10:24; Luk 12:20-21; 1 Tesalonika 1:9 **6:18:** Ro 12:13, Ga 6:6, Ta 3:8, Hi 13:16, Je 2:5
6:18: Rom 12:13; Galesia 6:6; Taitus 3:8; Hibrui 13:16; Jems 2:5

¹² Gumazir nighnizir gavgavim Kraisin itim, a mati gumazir deragha misozimin min, uan nighnizir gavgavimin aven tugha gavgafi. Kamaghin amizi ki ni migei, ni uan nighnizir gavgavimin aven tugha gavgavighiva, bar deragh misogh. Fomira ni uan nighnizir gavgavir Kraisin itimin gun gumazamizir aviribar damazimin migeima me ni baraki. Dughiar kamin God ikirimir aghuir mamaghira itim iniasa nin dia. Eghni ni deragh misoghiva, ikirimir aghuir kamin suigham.¹³ Godin biziba bar dagh amizi da angamira itim, ko Krais Iesus, gumazir Pontius Pailatin damazimin deragha bighavira uabin gun mikemezim, ki aningin damazimin akar gavgavimin ni migei.¹⁴ Akar gavgavir ni inizir kam, ni bar deraviram an gin mangi. Ni migirigiar kuratam, o biritam damuan marki, eghni me akar kuratam ni mikiman kogham. Egh ni bar deragh akar kamin gin mangiva, en Ekiam Krais Iesus ua izamin dughiamin tugham.¹⁵ A dughiar God atizimin otogham. God uabira, gumaziba an ziam fe. Egha a uabira, biziiba bar dar gari da an apengen iti. A guizbangira Atrivabar Atrivir Ekiam, ko Gumazamizir Ekiabar Gumazir Ekiam.¹⁶ A uabira oveghan kogham. An angazarangir ekiamin aven iti, ezi e an boroghin mangighan kogham. Tav an ganizir puvati. Eghni gumazitam o amizitam an ganighan kogham. Kamaghin amizi, e zurara an ziam fam, egh mikim suam, an gavgavim ikivira ikiam. Bar guizbangira!

Gumazamizir dagiar aviriba itiba, me nighnizir gavgavim Godin iki, egh gumazamizibar akurvagh

¹⁷ Gumazamizir dagiar aviriba ikia nuguazir kamin itiba, ni kamaghin me mikim, me uari uan ziaba fan marki. Egh me uan bizar pura ikuviba nighnizir gavgavim dar ikian marki. Me guizbangira nighnizir gavgavim Godra iki. An e damuti, e bar akongeghsa, a bizar aghuir aviriba e ganidi.¹⁸ Ni kamaghin me mikimam, me arazir aghuir aviribar amuva igharaz

darazir akurvagh. Egh me zurara bizir aviriba gumazamizir biziba puvatizibar aning. Egh me uan dagiabagh nighnigh suam, kar en bizimra puvati. Guizbangira, me bizir taba isiva igharaz darazir akurvagh.¹⁹ Egh me kamaghin damuva, me mati gumazim gin uan dabirabim bagha bizir aviriba arisi. Egh me gin iniamin dabirabim uari bagh anerkir, egh ikirimirir guizbangira itim iniam.

Pol migrigiar abuananaba Timoti ganidi
²⁰ Timoti, ni bar deravira ingangarir God ni ganingizir kamin gan. Egh pura akar Godin nighnizimin gin zuir puvatiziba akirim ragh dagh asaragh. Egh ni gan fogh, gumazamizir kaba ifara ghaze, e Godin fofozim iti, egha men nighniziba ko Godin nighniziba uari adosi. Ni gumazamizir kaba bar men saghon iki.²¹ Gumazamizir maba fofozir kamin gin ghua, egha nighnizir gav-gavimin tuavim ataki.

Godin apangkuvim ni ko iki.

Akinafarir Namba 2, Pol Timoti Baghava an Osiri O 2 Timoti Akar faragha zuim

Timoti, Pol ko ingarir gumazim. Ezi Pol arazir aghuibar an akäghtima, a dar gin mangasa, kamaghin akinafarir akam Timoti bagha an osiri. Pol ghaze, Timoti uan nighnizir gavgavimin amirvaghan marki. Egh Krais Iesusin Akar Aghuim akurir arazim ataghiraghan marki. Egh Godin akaba bar dar gin mangi. Eighti gumazamiziba mizaziba ko osimtiziba a darigham, eghti a gavgavigh ingangarir God a ganingizim damuvira ikiam.

Timoti gumazamizir nighnizir aghuiba puvatiziba, me paza migeir akaba baraghan marki. Akar Kamagh gariba gumazir orazibar dabirabibagh asighasisi. Timoti bar deragh Polin arazibagh nighnighiva, darara gin mangi. Arazir kabanang, pamtem nighnizir gavgavim itir arazim, ko navir amirizim itir arazim, ko bar igharaz darazigh ifongezir arazim, ko osimtizir aviriba aterir arazim.

Timoti, ni guizin Godin ingangarir gumazimin ikisi, pamten ingar

(Sapta 1-4)

¹ Ki Pol, ki Krais Iesusin aposel. God ubi uan ifongiamin gin ghua, aposelin ikisa na misefe. A fomira akar dikirizim gamua ghaze, e Krais Iesus ko porogh ikiva, ikirimirir zurara itimin ikiam. God bizir kamin gun mikimamin ingangarim na ganungi. ² Timoti, ni guizbangira mati nan otarim, ezi ki akinafarir kam ni bagha an osiri. God en Afeziam ko en Ekiam Krais Iesus, aningin apangkuvim ko kuarkuvim ni damutu, ni navir amirizimin iki.

Pol Timoti migia ghaze, ni Akar Aghuim akunsi aghumsighan marki

³ Nan ovaviba Godin ingangarim gamua uan araziba deravira da tuisigha arazir aghuibar gin zui. Ezi ki uaghan kamaghira Godin ingangarim gami. Egha ki arueba

ko dimagaribar God ko migia zurara ni ginighnigha God minabi. ⁴ Ki nin temeribagh nighnighavira ikia ua nin ganasa bar ifonge, egh kamaghin ki bar akuegham. ⁵ Ki kamaghin fo, ni guizbangira nighnizir gavgavim Kraisin iti. Ezi arazir kamra nin inaghiam, Lois ko nin amebam Yunis, aning nighnizir gavgavim iti. Ezi ki fo, ni uaghan nighnizir gavgavir kam iti. ⁶ Egha ki ua nighnizir kam ni ganidi, ni God ni ganingizir bizir aghuim damuti, a nin iki bar gavgavigh, mati gumazim avim givima, an mizariam bar ekefe. Ni fo, ki fomira uan dafarim isa nin dapanim gatizi, God gavgavim isa bizir aghuimin min ni ganingi. Ki datirighin gavgavir kam bagha ni migei. ⁷ Ni fo, Duar God e ganingizir kam, an e damuti e atiatingan kogham. Godin Duam gavgavim e ganiga, egha en akurvazima e igharaz darazigh ifonge. Egha e gamima, e uaghan deravira uan ikirimirimin gari.

⁸ Kamaghin amizi, ni e uan Ekiamin akam akunsi aghumsighan kogham. Egh ni uaghan nan aghumsighan marki, ki an kalabuziar gumazim. Egh, ni Godin gavgavimin amodoghin na ko Akar Aghuim akunamin ingangarim bagh osimtizim iniam. ⁹ God en akuraghha en diagha ghaze, e an gumazamizibara. An en arazir aghuiba bagha en diazir puvati. Fomira dughiar biziba tighar otivamimin, God ubi uan ifongiamin gin ghua en dia. Egha Krais Iesusin ingarimin a en apangkuvigha e gamizima e an gumazamizibar ofifi. ¹⁰ Ezi datirighin Krais Iesus, a en Akurvazir Gumazim, a bar azenim girigha gifa. Ezi an ingangarimin, Godin apangkuvim uaghan en azenim giri. Krais Iesus, ovevemin gavgavim gasighasiki. Ezi an Akar Aghuimin tuavimin, a gumazamizibar me gamima me ikirimirir zurara itim gifo. ¹¹ Ezi God kamaghin ifonge, ki Akar Aghuimin ingangarim damuasa. Kamaghin amizi, an aposelin ingangarim, ko akam akurir ingangarim, ko gumazamizibar sure damuamin ingangarim bagha na misefe. ¹² Kamaghin amizima ki osimtizir kaba atera egha aghumsizir puvati. Ki, gumazir nighnizir gavgavim an itim, ki a gifogha gifa. Ezi ki fo, ingangarir a nan dafarim gatizir kam a deraghviram an ganam, egh mamaghira iki mangiva dughiar Krais

1:1: Ef 1:1 **1:1:** Efesus 1:1 **1:2:** Ap 16:1, 1 Ti 1:2

1:8-9, Fl 3:5, 1 Te 1:2, 3:10 **1:3:** Apesch 22:3; 23:1; Rom 1:8-9; Filipai 3:5; 1 Tesalonika 1:2; 3:10

Ti 1:5, 4:6 **1:5:** Apesch 16:1; 1 Timoti 1:5; 4:6 **1:6:** 1 Te 5:19, 1 Ti 4:14

1:7: Lu 24:49, Ap 1:8, Ro 8:15 **1:7:** Luk 24:49; Apesch 1:8; Rom 8:15

Rom 1:16; Filipai 1:7; Kolosi 1:24; 1 Timoti 2:6 **1:9:** Ro 8:28, Ef 1:4, 2:8-9, 1 Te 4:7, Ta 3:5, Hi 3:1, 1 Pi 1:20

8:28; Efesus 1:4; 2:8-9; 1 Tesalonika 4:7; Taitus 3:5; Hibru 3:1; 1 Pita 1:20

1:10: 1 Korin 15:54-57; Kolosi 1:26; Hibru 2:14; 1 Pita 1:20

Ti 6:20, 2 Ti 4:8, 1 Pi 4:19 **1:12:** Efesus 3:1-2; 1 Timoti 6:20; 2 Timoti 4:8; 1 Pita 4:19

1:2: Apesch 16:1; 1 Timoti 1:2 **1:3:** Ap 22:3, 23:1, Ro

1:5: Ap 16:1, 1

1:6: 1 Tesalonika 5:19; 1 Timoti 4:14

1:7: 1 Ti 2:7 **1:11:** 1 Timoti 2:7 **1:12:** Ef 3:1-2, 1

otoghamimin tugham. Bizir kam bagha ki aghumsizir puvati.

¹³ Ni guzin akar ki ni ganingizir kabagh nighnighvira iki, egh ni arazir kamra gun mikimiva gumazamizbar sure damu. Egh ni Krais Jesus ko porogh iki, bar nighnizir gavgavim an ikivira iki, bar uan navim isi igharaz darazir aningiva me gifonge. Arazir kamin, ni an gun me mikim. ¹⁴ Eighti Akar Aghuir God isa nin dafarim gatizim, ni bar deravira an gan. A bar bizar aghuim, kamaghin ni bar deragh an gan. Eighti Godin Duar en aven itim, a ingangarir kam bagh nin akuraghram.

¹⁵ Ni kamaghin fo, Esian Provin sin gu-maziba bar na ategha gifa. Ezi Figelus ko Hermogenes uaghan na ataki.

¹⁶ Ki Ekiam ko migia ghaze, an Onesiforus ko an amuiroghboriba men apangku-vigham. A fo, Onesiforus dughiar aviriba nan navim gamima ki bar akonge. Egha ki kalabusin itima a nan aghumsizir puvati. ¹⁷ A Romin nguibar ekiamin ghughava, na buriagharuaviava, ghua bar gin na bato. ¹⁸ Ki God ko migia ghaze, Ekiam Godin Kotiamin Dughiamin an apangkuvigham. Ni fo, Onesiforus Efesusin nguibar ekiamin ikia nan akurvagha ingangarir aviribagh ami.

2

Timoti bar deragh Krais Iesusin midorozir gumazimin iki

¹ Nan otarim Timoti, ni zurara Krais Iesusin apangkuvimin amamangatightima, a nin akuraghti ni bar gavgavigham. ² Ni fo, ki fomira gumazamizir aviribar damazimin akar mabav kemezi, ni da baraki. Ezi akar kabara ni da isiva gumazamizir deravira Godin ingangarim damuamibar aningigh. Eighti gumazamizir kaba, uaghan gumazamizir igharazibar sure damuamin fofozim ikiam.

³ Ni, Krais Iesusin midorozir gumazir aghuir mamin min, ni e ko osimtizim at-eram. ⁴ Ni midorozir gumazimin arazim gifo. Gumazitam a midorozir ingangarim gami, a ingangarir igharazibagh amir pu. Bar puvati. An garir gumazir ekiaba an

ingangarim gifueghasa, a midorozir in-gangarir aghuimram ami. ⁵ Kamaghira, gumazitam igharaz darazi ko ivemariva me gafragh faragh otivsi, a ivemarimin arazibar gin mangiva, egh bizir aghuitam iniam. A ivemarimin arazibar gin man-gan koghiva, a bizir aghuitam inighan kogham. ⁶ Eighti gumazitam o amizitam puvira uan azenimin ingariva an opariva an ganam, a gumazamizir mabagh itaghiva faragh uan daghebar amam. ⁷ Ni akar ki mikemezir kabagh nighnigh, eighti Ekiam nin akuraghtima ni akar kabar mingariba bar dagh fogham.

⁸ Egh ni zurara Krais Jesus ginighnigh. An aremegha ua dikafi, an Atrivim Devitin ovavimra. Ezi Akar Aghuir kamra, ki an gun migei. ⁹ Ezi Akar Aghuir kam bangin, gumaziba nan gara ghaze, kar gumazir kuram. Egha me osimtiziba na garigha, na isa kalabusin gati. Eighti Godin akam, a kalabusin ikeghan kogham. ¹⁰ Ki kamaghin ifonge, gumazamizir God ua bagha misveziba, uaghan Krais Jesus ko poroghi viki Godin Akurvazim iniva, ikirimirir aghuir zurara itim iniam. Kamaghin, ki gavgavim uan navim ganigava me bagha osimtizir kaba bar ada ateri. ¹¹ Kar guzin akam, e nighnizir gavgavim an ikiam:

“E Krais ko aremeghiva,
a ko ikirimirir kamin ikiam.

¹² Egh e gavgavighvira ikiva
osimtiziba bar a da ater,
egh uaghan a ko atrivim ingan-garim damuam.

E akirim ragh a gasaraghti,
a uaghan akirim ragh e gasaragham.

¹³ Eighti e an gin mangisi a ko akam akirigh,
egh gin e uan akar kamin gin mangan koghti,
a uan akar an amizimin gin mangivira ikiam.
A uabi uan akam giraghan kogham.

Bar puvati.”

Timotin ingangarim God gamima a bar akonge

¹⁴ Ni gumazamizibav kimvira ikitima me akar kam ginighnigh. Egh Godin damazimin mighighvira me mikim suam,

1:13: 1 Ti 1:10; 4:6; 6:3; 2 Ti 2:2; 3:14; Ta 1:9; 2:1; Hi 10:23

2:1; Hibrus 10:23

1:14: Ro 8:11, 1 Ti 6:20

1:14: Rom 8:11; 1 Timoti 6:20

1:16: 2 Ti 4:16, 4:19

1:16: 2

Timoti 4:16; 4:19

1:18: Ju 21

1:18: Jut 1:21

2:3: 1 Ti 1:18, 2 Ti 1:8, 4:5

2:3: 1 Timoti 1:18; 2 Timoti 1:8; 4:5

2:4: 1 Ko 9:25

2:4: 1 Korin 9:25

2:5: 1 Ko 9:25-26, 2 Ti 4:8

2:5: 1 Korin 9:25-26; 2 Timoti 4:8

2:6: 1 Ko

9:7, 9:10

2:6: 1 Korin 9:7; 9:10

2:8: Ro 1:3, 2:16, 1 Ko 15:1, 15:4, 15:20

2:8: Rom 1:3; 2:16; 1 Korin 15:1; 15:4;

15:20

2:9: Ap 9:16, 28:31, Ef 3:1, 3:13; Fl 1:7, 1:12-14, Kl 4:3, 4:18

2:9: Aposel 9:16; 28:31; Efesus 3:1; 3:13; Filipai

1:7; 1:12-14; Kolosi 4:3; 4:18

2:10: 2 Korin 1:6; Efesus 3:13; Kolosi 1:24

2:11:

Ro 6:5, 6:8, 2 Ko 4:10-11, 1 Ti 1:15

2:11: Rom 6:5; 6:8; 2 Korin 4:10-11; 1 Timoti 1:15

2:12: Mt 10:33, Lu 12:9, Ro

8:17, 1 Pi 4:13

2:12: Nam 23:19, Ro 3:3-4, Ta 1:2

2:13:

Diboboniba 23:19; Rom 3:3-4; Taitus 1:2

2:14: 1 Ti 1:4, 5:21, 6:4, Ta 3:9

2:14: 1 Timoti 1:4; 5:21; 6:4; Taitus 3:9

me pura akar muziariba bagh uari adoghodoghan marki. Arazir kam gumazamizbar akuraghan kogham. Arazir kam uaghan gumazamizir orazibagh asighasisi. ¹⁵ God nin ingangarim gan fueghsi, ni pamtem ingar. Ni ingangarir gumazir aghumsizir puvatizimin min ikiva, deravira guizin akam bighvirama a mikim. ¹⁶ Marazi mizer kinibav già akar Godin nighnizimin gin zuir puvatizibav gei. Eghti ni akar kaba akirim ragh dagh asaragh. Ni fo, akar kaba gumazamizibagh amima me Godin saghon ghuavira ikia ghua bar an saghuiamin iti. ¹⁷ Gumazamizir kabanang uan akar kamin gumazamizibar sure gami. Ezì men akar kam, mati duam, a gumazimin namnam ikia an isiava anepava a gasighasisi. Men tongin ikia akar kabav geir gumazimning, Himeneus ko Filetus. ¹⁸ Aning guizin akamin tuavim ataki, egha kamaghin migei, "E aremegh ua dikavigha gifa, kamaghin e gin ua dikavighan kogham." Ezì me akar kamin gumazamizir mabar nighnizir gavgavibagh asighasisi. ¹⁹ Ezì God mati gumazim dipenimin ingari moghin, a uan siosin ingara dipenir akinir gavgaviba akunizi da tuga ikia gavgafi. Egha dipenir akinir kabar a kamaghin osiri, "Ekiam bar uan gumazamizibag fo." Egha ua kamaghin osiri, "Gumazamizir Ekiamin ziam itiba, me akirim ragh bar arazir kurabagh asaragh."

²⁰ E fo, dipenir ekiar mamin averiam, itarir maba iti, me silva ko golin a dar ingari, egha maba me tememin dar ingari, egha maba me nguazimir dar ingari. Maba, me ingangarir aghuim bagha dar ingari, egha maba, me ingangarir kiniba bagha dar ingari. ²¹ Kamaghin amizi, gumazitam o amizitam uan arazir kuraba ateghiva, Godin damazim zuegham, a itarir me ingangarir aghuim bagha amizimin min otogham. A God baghavira itir gumazimin ikiam, egh guizbangira uan Ekiamin akurvagh. Egh a ingangarir aghuir guar aviribar amusi ikiam.

²² Kamaghin amizi, ifongiar kurar gumazir igiabar navibar otiviba ni akirim ragh dagh asaragh. Egh ni, arazir aghuiba, ko nighnizir gavgavim, ko igharaz darazigh

ifongezir arazim, ko navir amirizimin arazim, arazir kabanang ni bar pamtem dar suiragh dar gin mangi. Gumazamizir Godin damazim zueziba, ezì ni me ko ikiva arazir kabar amu. ²³ Marazi akar organiba ko akar kinibagh amua uari adoghodosi. Ezì ni akirim ragh akar kabagh asaragh. Ni fo, akar kaba da gumazamizibagh amima me akabar uari ados. ²⁴ Godin ingangarir gumazim igharaz darazi ko uari adoghan kogham. Puvati, a bar men asughasugh deravira me damuam. Egh men tisan aghuimin ikiam. Eghti me an akaba batoghti, an aghumra ikiam. ²⁵ Egh a gumazamizir akaba batoziba men asughasugh me akirmigh mangivira ikiam. Egh a kamaghin damuti, God men akuraghti me ti uan navibagh iraghiva, guizin akam gifogham. ²⁶ Satan fomira me gifara me gamizi me an azuazimin even ikia egha an ifongiamin gin zui. Egh me guizin akam gifogham, men nighnizir aghuariba uamategħtima, me Satanin azuazim ategħ ua firighregham.

3

Dughiar Abuananaba, gumazamiziba arazir kurabu amuam

¹ Ezì ni bizar kam gifogħ, Dughiar Abuananaba, osimtzir bar kuraba otivam.

² Gumazamiziba vagħvagh uari baghvira nighnigham, egh me dagħiaba bagħiva bar ikuvigham. Egh me uari uan ziaba fiva, igharaz darazir gan suam me pura biziba, egh igharaz darazir ziaba gasighasighiva, egh uan amebogħfeziabar akaba baraghan kogham. Egh gumazamizir arazir aghuibaar me gamiba, me me minabghan kogham. Me Godin aghuagħam. ³ Egh me namakabagh ifongezir arazim gifogħan kogħam. Egh igharaz darazi ko uarir atariva, adariba givan tuaviba puvatigħam. Me akar kurabav kimiva igharaz darazi girakirangin me mikimam. Egh me uan navir ghurim araziba dikabiniva aveġġham, egh pura gumazamizibav soħħiva me gasighasigham. Egh me arazir aghuibaar apanimin ikiam. ⁴ Egh me pazi uan namakabbar amuam. Egh me deraghvira

^{2:15:} 1 Ti 4:6, Ta 2:7-8 ^{2:15:} 1 Timoti 4:6; Taitus 2:7-8 ^{2:16:} 1 Timoti 4:7; 6:20; Ta 1:14 ^{2:16:} 1 Timoti 4:7; 6:20;

Taitus 1:14 ^{2:17:} 1 Ti 1:20 ^{2:17:} 1 Timoti 1:20 ^{2:19:} Nam 16:5, 16:26; Ais 52:11, Nah 1:7; Jo 10:14, 10:27; Ro 8:35, 1 Ko 8:3, 1 Jo 2:19 ^{2:19:} Diboboniba 16:5; 16:26; Aisaia 52:11; Nahum 1:7; Jon 10:14; 10:27; Rom 8:35; 1 Korin 8:3; 1 Jon 2:19 ^{2:20:} Ro 9:21, 1 Ko 3:12, 1 Ti 3:15 ^{2:20:} Rom 9:21; 1 Korin 3:12; 1 Timoti 3:15 ^{2:21:} 2 Ti 3:17, Ta 3:1 ^{2:21:} 2 Timoti 3:17; Taitus 3:1 ^{2:22:} Ap 9:14, 1 Ko 1:2, 1 Ti 1:5, 6:11 ^{2:22:} Aposel 9:14; 1 Korin 1:2; 1 Timoti 1:5; 6:11 ^{2:23:} 1 Ti 4:7; 2 Ti 2:16; Ta 3:9 ^{2:23:} 1 Timoti 4:7; 2 Timoti 2:16; Taitus 3:9 ^{2:24:} 1 Ti 3:2-3, Ta 1:7-9, 3:2 ^{2:24:} 1 Timoti 3:2-3; Taitus 1:7-9; 3:2 ^{2:25:} Ga 6:1, 1 Ti 2:4, 6:11; Ta 1:1, 1 Pi 3:15 ^{2:25:} Galesia 6:1; 1 Timoti 2:4; 6:11; Taitus 1:1; 1 Pita 3:15 ^{3:1:} 1 Ti 4:1, 2 Ti 4:3, 2 Pi 3:3, 1 Jo 2:18 ^{3:1:} 1 Timoti 4:1; 2 Timoti 4:3; 2 Pita 3:3; 1 Jon 2:18 ^{3:2:} Ro 1:29-31; 1 Ti 1:20, 6:4; 2 Pi 2:3, 2:12 ^{3:2:} Rom 1:29-31; 1 Timoti 1:20; 6:4; 2 Pita 2:3; 2:12 ^{3:3:} Ta 2:3, 2 Pi 3:3 ^{3:3:} Taitus 2:3; 2 Pita 3:3 ^{3:4:} Fl 3:19, 2 Pi 2:13, Ju 4, 19 ^{3:4:} Filipi 3:19; 2 Pita 2:13; Jut 1:4; 1:19

nighnighan kogh, atamra uan nighnizir kurabar gin mangam. Egh me uarira uarigh nighnigh suam, erara gumazir ekiaba, e bar pin iti. Egh me uan inivafizir agorogebar gin mangisi, God gifueghan kogham.⁵ Egh me pura ifar mikim suam, me Godin gin zui. Me guizbangira akirim ragha Godin gavgavim gasara. Ni gumazir kamaghin amibar saghon iki.⁶ Ezi men marazi tuaviba buria dipenibar aven ghua amizir nighnizir aghuiba puvatiziba apezepera, kalabuziabar min me gamima me men apengen iti. Amizir onganir kaba me arazir kurar avirim gamizi, dar osimtiziba me taragha uaghiri. Ezi men naviba me gaghuavkirima me arazir kurar mingariba puvatizibar amuasa ifonge. ⁷ Egha amizir kaba me sure damuasa bar ifonge, guizin akam gifoghan kogham.⁸ Fomira Janes ko Jambres aning Mosesin apanimin iti moghin, gumazir kaba guizin akamin apanim gami. Ezi men nighniziba deragha ingarir puvatizima me nighnizir gavgavim Godin itir puvati.*⁹ Eghit men arazir kam bar ekeveghan kogham. Gumazamiziba bar men arazir kabar ganigh fogh suam, da bar ikuvigha ongani, mati gumaziba fomira Janes ko Jambresin arazibar gara ghaze, da bar ikuvigha ongani.

Timoti pamtemin Godin akamin suiragh

10 Ezi ni na ko ikiava, nan arazir ki manmaghin gumazamizibar sure gamim, ni a gifo. Nan dabirabir arazim ni a gifo, egha uaghanan arazibar mingarim sara. Ni fo, ki nighnizir gavgavim Godin iti, egha zurara uan navim gavgavim a ganiga ingangarim gami. Egha ki igharaz darazigh ifuegha, tughha gavgavigha osimtiziba ateri.¹¹ Ni arazir kurar gumazamiziba na gamiziba, ni dagh fo, egha uaghan mizazir ki Antiok ko Aikoniam ko Listran ikiia iniziba sara. Ezi ni fo, me nguubar ekiar kabar arazir bar kurabar na gami. Ezi Ekiam osimtizir kabar aven nan akurazima ki derivaria iti.¹² Bar guizbangira, gumazamizir Krais Jesus ko iki Godin Arazibar gin mangasa ifongeziba,

me bar, gumazamiziba pazi me damuam.¹³ Eghit gumazamizir kuraba ko ifavarir gumazamiziba, gumazamizir ighazaribagh ifar mangivira ikiam. Eghit Satan uaghan me gifarti, men araziba bar ikuvigham.

¹⁴ Ezi nirara, ni mighvira guizin akar kamin suiragh, akar ni inigha nighnizir gavgavim an itim. Guizbangira, ni bar deragha e gifo, e gumazamizir akar kamin nin sure gamiziba.¹⁵ Egha ni fo, dughiar ni aghirimra itim, ni faragha Godin Akinafaribar fofozim ini. Akinafarir kaba da nighnizir aghuiba ni ganidima, ni nighnizir gavgavim Krais Jesusin iki Godin Akurvazim iniam.¹⁶ E fo, Godin Duam uabi, Godin Akinafarimin aven itir akabagh amizi da otifi. Ezi akar kam a bar bizir aghuim, a guizin akamin en sure gamuava, nighnizir aghuiba puvatizir gumazamiziba akirava, en daroriba akirava, egha arazir Godin damazimin derazibar en sure gami.¹⁷ Kamaghin amizi, e Godin gumazamiziba, akar kaba e gamima e arazir aghuiba bar ada inigha ingangarir aghuigar amuasava ami.

4

Timoti Godin akam akunsi bar gavgavigh

¹ Krais Jesus uamatagh izi atrivimin ikiamin dughiam, a en araziba kotiamin da tuisigham, gumazamizir ikiavira itiba ko ariaghireziba uakan. Kamaghin ki Godin damazim ko Krais Jesusin damazimin mighighavira kamaghin ni migia ghaze,² ni Godin akam akunsi bar gavgafigh. Gumazamiziba akam baraghosa ifonge, o a baraghan aghua, ni zurara Kraisin akam akunsi pamtem ingar. Egh ni men navibagh inivsi akar gavgavibar me mikim, egh me uan arazir kuraba akirs me mikimiva, me Godin Arazibar gin mangisi me mikim. Egh ni asughvira me damuva deravira God ifongezir arazibar men sure damu.³ E fo, dughiam izitima, gumazamiziba ua guizin akam baraghisi ifueghan kogham. Men kuariba akar ighazariba baraghisi bar

3:5: Mt 7:15, 7:21; Ro 2:19-20, 2 Te 3:6, 1 Ti 5:8, 6:5; Ta 1:16
Timoti 5:8; 6:5; Taitus 1:16 **3:6:** Mt 23:14; Ta 1:11 **3:6:** Matyu 23:14; Taitus 1:11

3:5: Matyu 7:15; 7:21; Rom 2:19-20; 2 Tesalonika 3:6; 1
Timoti 5:8; 6:5; Taitus 1:16 **3:8:** Kis 7:11, Ro 1:28, 2 Ko 13:5;

1 Ti 6:5; 2 Ti 2:25 **3:8:** Ua Me Ini 7:11; Rom 1:28; 2 Korin 13:5; 1 Timoti 6:5; 2 Timoti 2:25
eghra ghaze, Janes ko Jambres, kar Mosesin dughiamin ikezir Isipin Atrivimin ganganir gumazinngin ziamning. Ni
Ua Me Ini 7:22 ko 9:11in gan. **3:10:** Fl 2:22, 1 Ti 4:6 **3:10:** Filipai 2:22; 1 Timoti 4:6 **3:11:** Sng 34:19, Ap 13:14-52,
14:1-20, 2 Ko 1:10 **3:11:** Onger Akaba 34:19; Aposel 13:14-52; 14:1-20; 2 Korin 1:10 **3:12:** Mt 16:24, Jo 15:20, 17:14,
Ap 14:22, 1 Te 3:3 **3:12:** Matyu 16:24; Jon 15:20; 17:14; Aposel 14:22; 1 Tesalonika 3:3 **3:13:** 2 Te 2:11, 1 Ti 4:1, 2
Ti 2:16 **3:13:** 2 Tesalonika 2:11; 1 Timoti 4:1; 2 Timoti 2:16 **3:14:** 1 Ti 1:13, 1 Ti 2:2 **3:14:** 1 Timoti 1:13; 2
3:15: Jo 5:39, 1 Pi 1:20-21 **3:15:** Jon 5:39; 1 Pita 1:20-21 **3:16:** Ro 15:4, 2 Ti 2:21, 2 Pi 1:20-21 **3:16:** Rom
15:4; 2 Timoti 2:21; 2 Pita 1:20-21 **3:17:** 1 Ti 6:11, 2 Ti 2:21 **3:17:** 1 Timoti 6:11; 2 Timoti 2:21 **4:1:** Ap 10:42,
Ro 14:9-10, 1 Ti 5:21, 6:13 **4:1:** Aposel 10:42; Rom 14:9-10; 1 Timoti 5:21; 6:13 **4:2:** Ap 20:20, 20:31, 1 Ti 4:13, 5:20,
Ta 1:13, 2:15 **4:2:** Aposel 20:20; 20:31; 1 Timoti 4:13; 5:20; Taitus 1:13; 2:15 **4:3:** 1 Ti 1:10, 4:1, 2 Ti 1:13, 3:1, 3:6
4:3: 1 Timoti 1:10; 4:1; 2 Timoti 1:13; 3:1; 3:6 **4:4:** 1 Ti 1:4, 4:7, Ta 1:14 **4:4:** 1 Timoti 1:4; 4:7; Taitus 1:14

ikuvigham. Egh me uari bagh tisan aviriba inighti, me akar me oraghaha ifongezibar men sure damuam. ⁴ Kamaghin me guizin akam akirim ragh a gasaraghgam. Egh me pura eghaghanir kinir ighazariba baraghgam. ⁵ Eghti ni uabi, ni zurara deravira nighnigh ikiva osimtiziba ko mizaziba ater. Egh Akar Aghuim akurir ingangarim damu. God gumazamizibar akurvaghamin ingangarim ni ganingi. Kamaghin amizi ni ingangarir kam deraviram a damu.

Pol ovengamin dughiam roghira ize

⁶ Ezi ki uabi, nan ovevemin dughiam roghira ize. Eghti nan ghuzim mati wainin dipar me God ganidimin min, abuan irasava ami. Nan dughiar ki mangamim a roghira izegha gifa. ⁷ Ki pamtem ingara Akar Aghuim deraviram anekuri, mati ivemarir gumazim pamtem ivemari. Egha ingangarir God na ganingizim ki anegifa, mati ivemarir gumazim uan ivemarim anegifa. Egha ki nighnizir gavgavir Godin itim, ki pamtem an surragha mamaghira iti. ⁸ Ezi iveauz aghuim na mizuai iti, mati ivemarir gumazim an iveauz aghuim a mizuai. Ezi iveauz aghuir kam a kamakin, God na mikim suam, ni nan damazimin dera. Ekiam arazir aghuimra gin mangiva gumazamizibar araziba tuisigham. Egh Dughiar Krais Otoghamim, a iveauz aghuir kam na daningam. Egh a narara daningen kogham. Puvati. A iveauz aghuir kam isi, gumazamizir a mizua a uamatagh izamin dughiam gifongeziba, a bar me daningam.

Timoti zuamira Pol bagh izi

⁹ Ni zuamira na bagh izisi damu. ¹⁰ Ni oragh! Demas, a nguazir kamin biziiba bagha bar ifonge, kamaghin amizi a na ategha givaghha Tesalonikan nguibar ekiamin ghu. Ezi Kresens Galesian Provinsin ghu, ezi Taitus Dalmesian Distrighin ghu. ¹¹ Luk uabira na ko iti. Kamaghin amizima ni Mak batoghiva a inighiva a ko izi. A gumazir aghuir ingangaribar nan akurvazim. ¹² Ni fo, ki Tikikus amadazima an Efesusin nguibamin ghu. ¹³ Ni izisi, nan azenan

azuir korotiar ruarim inigh izi. Ki Troasin nguibamin ikia Karpusin dipenimin anetaki. Egh akinafarir righiziba sara inigh. Bar bizir ekiam, ni akinafarir me asizir inibar ingariziba inigh izi.

¹⁴ Aleksander, gumazir ainin biziбар ingarim, a bar paza na gami. Ekiam gin arazir kurar an amizir kam ikaraghgam. ¹⁵ Eghti ni uaghan gumazir kam bagh gan. A bar guizbangira en akabar apanim gami.

¹⁶ Ki faragha Kotin tuga akaba ikarvazima, gumazitam na ko tuga na akamin akurazir puvati. Gumaziba bar na ataki. Ki God ko mikimtima, a men arazir kurar kam ginighnigh kogham. ¹⁷ Ezi Ekiam uabi nan boroghin ikia gavgavim na ganidi. Kamaghin amizi ki Akar Aghuim bar anekurima, Kantrin Igharazibar Gu-mazamiziba, me bar a barasi. Ezi ki ovengasava amima God nan akura, mati a laionin akamin ua na ini. ¹⁸ Ezi Ekiam me na damuamin arazir kuraba, a nan akuraghgam. Egh a deravira na damuva nan aku uan Nguibar a ikiava atrivimin itimin mangam. Eghti e zurazurara ziar ekiam a daning mamaghira ikiam. Bar guizbangira.

¹⁹ Ni nan akam isi, Prisila ko Akwila, ko Onesiforusin amuiroghboribar aning suam, Afeziam ia ko iki. ²⁰ Erastus Korinin nguibamin ikiavira iti. Ezi Trofimus areima ki anetaghizima a Miletusin nguibamin iti. ²¹ Ni damu, zuamira na bagh izi. Ni suighsughtima, amozim ko aminir orangtizimin dughiam otogham.

Yubulus ko Pudens ko Linus ko Klodia ko Romin nguibamin itir Kraisin adarasi, me akam amaga ghaze, Afeziam ni ko iki.

²² Ekiam nin duam ko iki. Egh an apangkuvim bar moghira ia ko iki.

- | | | |
|---|---|--|
| 4:5: Ap 21:8, Ef 4:11, 2 Ti 1:8, 2:3 | 4:5: Aposel 21:8; Efesus 4:11; 2 Timoti 1:8; 2:3 | 4:6: Fl 1:23, 2:17, 2 Pi 1:14 |
| 4:6: Filipai 1:23; 2:17; 2 Pita 1:14 | 4:7: 1 Ko 9:24-25, Fl 3:14, 1 Ti 6:12, Hi 12:1 | 4:7: 1 Korin 9:24-25; Filipai 3:14; |
| 1 Timoti 6:12; Hibru 12:1 | 4:8: 1 Ko 9:24-25, 2 Ti 1:12, Je 1:12, 1 Pi 5:4, MAA 2:10 | 4:8: 1 Korin 9:24-25; 2 Timoti 1:12; Jems 1:12; 1 Pita 5:4; Akar Mogomem 2:10 |
| Fm 24, Ta 1:4, 1 Jo 2:15 | 4:9: 2 Ti 1:4 | 4:9: 2 Timoti 1:4 |
| 4:10: 2 Korin 8:23; Galesia 2:3; Kolosi 4:14; Taitus 1:4; Filemon 1:24; 1 Jon 2:15 | 4:10: 2 Ko 8:23, Ga 2:3, Kl 4:14, | |
| 12:12, 12:25, 13:13, 15:37-39, Kl 4:10, 4:14, Fm 24 | 4:11: Aposel 12:12; 12:25; 13:13; 15:37-39; Kolosi 4:10; 4:14; Filemon 1:24 | |
| 4:12: Ap 20:4, Ef 6:21-22, Kl 4:7-8 | 4:12: Aposel 20:4; Efesus 6:21-22; Kolosi 4:7-8 | 4:13: Ap 20:6 |
| Aposel 20:6 | 4:14: Sng 28:4, 62:12, Snd 24:12, Ap 19:33, Ro 2:6, 1 Ti 1:20; Akar Mogomem 18:6 | 4:14: Onger Akaba 28:4; 62:12; |
| Aghuzir Akaba 24:12; Aposel 19:33; Rom 2:6; 1 Timoti 1:20; Akar Mogomem 18:6 | 4:16: Ap 7:60, 2 Ti 1:15 | 4:16: Daniel 6:22; Aposel 23:11; 27:23; 2 Pita 2:9 |
| Aposel 7:60; 2 Timoti 1:15 | 4:17: Sng 22:21, Dan 6:22, Ap 23:11, 27:23, 2 Pi 2:9 | 4:17: Onger Akaba 121:7; Rom 11:36; Galesia 1:5; Hibru 13:21 |
| 4:18: Sng 121:7, Ro 11:36, Ga 1:5, Hi 13:21 | 4:19: Aposel 18:2; 2 Timoti 1:16-17 | 4:18: Onger Akaba 22:21; Daniel 20:4, 21:29, Ro 16:23 |
| 4:20: Aposel 19:22; 20:4; 21:29; Rom 16:23 | 4:20: Ap 19:22, | |

Pol Taitus Bagha Osirizir Akinafarim O Taitus Akar faragha zuim

Taitus, a Judan gumazim puvati. A Kraisin gin ghua, Polin akuraghā an Aposelin ingangarim gami. Ezi Pol ti, Taitus Kritin Arighatizimin siosin ingangaribar ganasa, an aneti.

Akinafarir kamin faragha zuir akam kamaghin migei, Kritin gumazamizibar araziba derazir puvati. Kamaghin amizi, gumazamiziba siosin gumazamizir dapanibar otivsi, me bar arazir aghuibar gin mangi. Ezi Pol gin vaghvagh gumazamizibar sure damuus Taitus migei. Kar gumazir għuriba ko amizir għuriba, ko gumazir igħiabha ko ingangarir gumazir kiniha.

Ezi akinafarimin akar abuananaba kamaghin migei, Taitas gumazamizibar sure damuti, me navir vamiran ikiva, arazir aghuibar iħaraz darazir amu. Eghni me akam adaribar amu akba uariv sogħan kogħam.

Taitus Kritin Arighatizimin damuamin ingangarim

(*Sapta 1-3*)

¹ Ki Pol, ki Godin ingangarir gumazim, egha Krais Iesusin aposel. God ua bagħha misvevezir gumazamizir nighnizir gavgavim an itiba, ki gavgavim me daningasa, God na amada. Egh men akuragħti me guizin akam gifogh egh Godin Arazibar gin mangam. ² Ki me damuti, me nighnizir gavgavim Godin ikiva, egh God me daningamin zurara itir ikirimirir aghuarim mizuamam. Fomira fomira nħuazir kam otozir puvatizir dugħiġi, an akar dikirizim ġe ganigha għiġaqha ghaze, a ikirimirir kam e danej. A Godin ifarri puvatizim. ³ Egha u abi inabazir dugħiġi an migriġiġam bar azenim giri. God en Akurvażir Gumazim, a ubi na amisevegħha akar gavgavim na ganigha, uan akam akurir ingangarim na ganingi.

⁴ Taitus, ki ni bagħha akinafarir kam osiri. Ni na ko nighnizir gavgavir vamira iti, ni guizbangira nan otarim min iti. Afeżiż Ekiam God ko Krais Iesus, en Akurvażir

Gumazim apangkuvim ko navir amirizim ni ko iki.

Taitus, ni siosin gumazamizir dapaniba amisefegħ

⁵ Ki kamaghin nighnisi, ni uan ingangarir otevir ni amua givazir puvatiziba agivagh, egh ki ni mikemez mogħin vaghvagh nħu ħabar ekiabar itir siosbar gumazamizir dapaniba amisiv. Ki kamagħsua Kritin Arighatizimin ni ataki. ⁶ Siosin gumazamizir dapaniba, me gumazamizir iħarazibar damazibar deraghvira iki. Siosin gumazir dapanim amur vamira iki, egh poroġhamir arazim abighan marki. Eghni men boriba nighnizir gavgavim Kraisin ikiva, gumazamizibar damazibar arazir kurabbar amuan marki. Egh uan afeżiaba ko amebabar akba munasān kogħam. ⁷ E fo, Kraisin adarazir garir gumazamizir dapaniba, me Godin ingangaribar garir gumazamizib. Kamaghin me deraghvira daru, egh gumazamizibar damazim deraghvira iki, kamaghin nighnighan kogħi suam, me ziarr ekiam inis me tativagh men ganam. Egh me zuamir aningħiġi marki. Egh dipar organiżi aviribar aman marki. Egh me tintinibar gumazamizib soħħan marki, egh me uari baghvira dagħi aviriba inis, nighnighan marki. ⁸ Men dipenim iniz gumazamizib me deraghvira men gan. Egh arazir aghuibba bar dagh ifonġeħ, navir għurimin araziba dikabiragh. Me arazir aghuibar amuva, Godin damazim zuezir arazibara gintiġi. Egh uan ikirimirim deraviram an gan. ⁹ Egh me gumazamizibar sure damuti, me nighnizir gavgavim guizin akabar ikiti, da men naviba fiti, me guizin akar kabar gin mangi. Egh me uaghan gumazir guizin akaba batoziba, pamtemi me mikimtimi, me suam, a guizbangira migei. Me kamaghin damusi, me guizin akar e men sure gamizim, me an suiragh gavgafiq.

Kritin Arighatizimin gumazir aviriba ikia gumazamizir mabar nighnizir gavgavibagh asighħiġi

¹⁰ E fo, Kritin Arighatizimin itir darasi, me akar aghuibba munasir gumazamizir aviriba iti. Me pura akar aviribav già, gumazamizibar nighnizibagh ifari. Gu-mazamizib kaba men aviriba, me Judaba, me gumazibar mikarzir mogħomebar inbari għorasa gavgafi. Kamaghin amizi, ni siosin

1:2: Ro 16:25; Kl 1:27; 2 Ti 1:1, 1:9, 1 Pi 1:20 **1:2:** Rom 16:25; Kolosi 1:27; 2 Timoti 1:1; 1:9; 1 Pita 1:20 **1:3:** Ef 1:9-10, 1 Te 2:4, 1 Ti 1:1, 1:11, 2:3; 2 Ti 1:10; Ta 2:10, 3:4 **1:3:** Efesus 1:9-10; 1 Tesalonika 2:4; 1 Timoti 1:1; 1:11; 2:3; 2 Timoti 1:10; Taitus 2:10, 3:4 **1:4:** Ro 1:7, 2 Ko 8:23; Ga 2:3; 2 Ti 1:2, 4:10 **1:4:** Rom 1:7; 2 Korin 8:23; Galesia 2:3; 2 Timoti 1:2; 4:10 **1:6:** 2 Ti 2:24-26 **1:6:** 2 Timoti 2:24-26 **1:6:** 1 Timoti 3:2-7 **1:7:** Wkp 10:9, 1 Ko 4:1, Ef 5:18, 1 Pi 5:2 **1:7:** Ofa Gami 10:9; 1 Korin 4:1; Efesus 5:18; 1 Pita 5:2 **1:9:** 1 Ti 1:10, 1:15; 2 Timoti 1:13; 2:15; 4:3; Taitus 2:1 **1:10:** 1 Ti 1:6, 4:7 **1:10:** 1 Timoti 1:6; 4:7 **1:11:** Mt 23:14; Jo 10:12, 1 Ti 6:5, 2 Ti 3:6, 1 Pi 5:2

gumazamizir dapaniba amisefeghi. ¹¹ Gumazamizir kurar kaba arazir kuram damuva gumazamizibar biziba ko men dagiaba uari bagh da iniasi. Kamaghin amizi, me arazir e damuan koghamibar men sure gami. Egha arazir kamin me gumazamizir mabar men adarazi sara, men nighnizir gavgavibagh asighasisi. Kamaghin amizi, ni me mikemeghti me akar katam mikiman marki. ¹² Fomira, Kritin gumazir fofozir mam, anarira kamaghin mikeme, "Kritin gumaziba, me zurara ifarir gumaziba, me gumazir bar kurbara. Me dasmasavira nighnigha ikia, egha ingangaribar amuan bar amira. Me mati asizir atiaba." ¹³⁻¹⁴ Akar kam guizbangira. Kamaghin amizi, ni men araziba akirs, akar bar gavgavimra me mikim, eghit me nighnizir gavgavim Godin ikiva, egh Judabar eghaghanir kinir aviriba baraghian marki, egh guizin akam munasir gumaziba migieir akar gavgaviba baraghian marki. ¹⁵ Godin damazimin zuezir gumazamiziba, me ghaze, dagheba ko biziba uaghan zue, eghit me da iniam. Ezi gumazamizir Godin damazimin arazir kurabagh amua, nighnizir gavgavim Godin itir puvatiziba, men biziitam zueghan kogham. Men nighniziba ko naviba Godin damazimin bar mize. Egha me uan araziba deravira da tuisigha arazir aghuibar gin mangen aghua. ¹⁶ Me kamaghin migia ghaze, "E God gifo." Ezi men araziba men akakagha ghaze, me akirim ragha God gasaragha gifa. God bar me gifongezir puvati. Me Godin akaba munasir gumazamiziba, egha me bar arazir aghuitam damigan kogham.

2

Gumazamizir ghuriba bar deravira arazir God ifongezibar gin mangi

¹ Ezi no, ni gumazamizibar sure damu suam, me arazir guizin akaba ko zuiba bar dar amu. ² Egh ni gumazir ghuribar sure damu suam, me dipar organir aviribar ami onganir marki. Me arazir aghuibar amuti, igharaz darazi me mikim suam, me bar dera. Egh me navir ghurimin araziba dikabin. Me Godin guizin akam deraviram a gifogh, egh arazir bar igharaz darazigh ifongezim damu, tugh gavgavigh osimtiziba bar a da ater.

³ Egh ni uaghan amizir ghuribar sure damu suam, me God ifongezir arazimin daru. Me akar kurabar igharaz darazi girakirangin me mikiman marki. Me wainin dipar organibar amiti da me ikirarighan kogham. Me arazir aghuibar amusi, igharaz darazir sure damu. ⁴ Egh amizir igiabar sure damuti, me uan paba ko boribagh ifongeghamin arazim damu. ⁵ Eghit amizir igiaba uan navir ghurimin araziba dikabin, egh me Godin damazimin bar zuegh iki. Egh me arazir bar deravira uan dipenibar ganamim gifogham. Egh igharaz darazir akurvaghamin arazim damu. Egh me vaghvagh uan pabar apengan iki me baghivira iki. Igharaz darazi akar kurabar Godin akamin mikiman koghs, amizir ghuriba amizir igiabar sure damuti, me navir ghurimin araziba dikabin.

Taitus arazir aghuibar amuti, gumazir igiaba an gin mangam

⁶ Kamaghira, ni uaghan gumazir igiabav kim men naviba fiti, me uan navir ghurimin araziba dikabinam. ⁷ Arazir ni ubi amiba bar, ni arazir aghuibara damu, eghit gumazir igiaba nin arazibar gan dar gintigham. Egh nin ingangarir ni gumazamizibar sure gamim, ni me gifaran marki, egh ni dibovir akabav kim ifaghatan marki. Ni zurara guizin akabagh nighnigh deraviram akam akun. ⁸ Eghit en apaniba akar kuratamin e damigan koghiva, uan nighnizir kuramin aghumsighsi, kamaghin ni bar deraviram akabav kimtimia, gumaziba akar kuratamin apighan kogham.

Ingangarir gumazamiziba bar deraghvira men garir gumazir dapanibar akabar gin mangi

⁹ Ni kamaghin ingangarir gumazamizibar sure damu, me gumazir men garibar apengan iki, egh ingangarir aghuir men garir gumaziba ifueghamibar amu. Egh me akar kurabar men garir gumaziba ikarvaghan marki. ¹⁰ Egh me, gumazir men garibar biziba okiman marki. Bizir me amiba bar, men garir gumaziba dar ganiva egh me akar e kurir kamin ziam fam. A God en Akurvazir Gumazimin akam. Me akar kamin ziam fisi, ingangarir gumaziba bar deravira men garir gumazibar akabar gin mangiva arazir aghuim men akakagh.

- 1:11:** Matyu 23:14; Jon 10:12; 1 Timoti 6:5; 2 Timoti 3:6; 1 Pita 5:2 **1:13-14:** 1 Timoti 4:7; 2 Timoti 4:2-4; Taitus 2:2
1:15: Mt 15:11; Lu 11:39-41; Ro 14:14; 14:20; 14:23; 1 Ko 6:12 **1:15:** Matyu 15:11; Luk 11:39-41; Rom 14:14; 14:20; 14:23; 1 Korin 6:12 **1:16:** Ro 1:28; 2 Ti 3:5; 3:8; 1 Jo 1:6; 2:4; Ju 4 **1:16:** Rom 1:28; 2 Timoti 3:5; 3:8; 1 Jon 1:6; 2:4; Jut 1:4 **2:1:** 1 Ti 1:10; 6:3; 2 Ti 1:13; Ta 1:9 **2:1:** 1 Timoti 1:10; 6:3; 2 Timoti 1:13; Taitus 1:9 **2:3:** 1 Ti 3:11; 2 Ti 2:9-10; 1 Pi 3:3-4 **2:3:** 1 Timoti 3:11; 1 Pita 3:3-4 **2:5:** Ef 5:22; Kl 3:18; 1 Ti 2:11; 6:1; 1 Pi 3:1; 3:5 **2:5:** Efesus 5:22; Kolosi 3:18; 1 Timoti 2:11; 6:1; 1 Pita 3:1; 3:5 **2:7:** Ef 6:24; 1 Ti 4:12; 1 Pi 5:3 **2:7:** 1 Timoti 4:12; 1 Pita 5:3
2:8: 1 Ti 6:3; 2 Ti 3:14; 1 Pi 2:12; 2:15 **2:8:** 1 Timoti 6:3; 2 Timoti 3:14; 1 Pita 2:12; 2:15 **2:9:** 1 Ti 6:1-2 **2:9:** 1 Timoti 6:1-2 **2:10:** Mt 5:16; Fl 2:15; Ta 1:3 **2:10:** Matyu 5:16; Filipai 2:15; Taitus 1:3

E Godin Arazimin gintigh egh Kraisin Dughiam mizuamam

¹¹ E fo, Godin apangkuvim azenim girigha givazi, gumazamiziba bar an gari. God uan apangkuvir kamin en akurvasi. ¹² God uan apangkuvir kamin en sure gamua ghaze, e God aghuazir araziba ataghiraghiva egh nguazir kamin arazir ifongeziba ataghiraghram. Egh uaghan navir għurimmin araziba dikabiniva egh arazir God ifongezir aghuibr amuasa, en sure gami. Guizbangira e nguazir kamin gumazamizibar tongin iti, ezi God uan apangkuvimmin tuavimin a ifongezir arazibar gin mangasa, en sure gami. ¹³ Dughiar e nguazir kamin itim, e bizar e damut i bar akueghamim bagħha mizuai. E Krais Iesusin angazangarim ko gavgavir ekiam sara izamin dughiam bagħha mizuai. A en Godin Gavgavim ko en Akurvazir Gumazim. ¹⁴ Krais kamagħin ifonge, a uam e inighi in arazir kuraba idangasa. Eġhti e bar zuegh an gumazamizibar min ikiam. Egh e arazir aghuibr amusi bar ifongegħam. Bizar kam bagħha, a uabi uan mikarzim anigha, areme.

¹⁵ Kamagħin amizi, ni zurara akar kabara gumazamizibar sure damu. Egh ni akar kabar gin mangi men naviba fi. Egh akaba batożir gumazamizibar arazir kuraba akirsi, me mikim. Ni akar kaba Godin gavgavim sara pamtem me mikim. Ni pura men ganti, me nin aghuagh ni iriaghriaghan marki.

3

E arazir aghuibr amuam

¹ Ni Godin gumazamizibav kim suam, me gavmanba ko atrivibar apengen iki, egh me men akabar ġin mangi. Egh me zurara ingangulari aghuibr amusivira iki. ² Egh me akar kuratam girakirangin gumazamizibav kiman marki. Me zurara nimiria ikiva, arazir aghuimin gumazamizibar amu. Me guizin uari abirir arazim, gumazamizibar bar men akakagh.

³ Ni fo, e faragħha uaghan nighnizir aghuiba puvati, eghha e akaba batosi. Satan e gifarazima, e Godin tuavimin zuir puvati. E inivafizir kam ifongezir arazibar gintigha nguazir kamin arazibar gara dar amuasa naviba dikafi. Egha dar ingangulari gumazir kinibar min iti. E nighnizir kuraba ko arazir kurabar iħbaraz darazigh amuava iħbaraz darazir bixiba bagħha naviba isiava arui. Gumazamiziba en apanim gamima, e uaghan men apanibagh ami. ⁴ Ezi God, en Akurvazir Gumazim, a bar e gifongegħha en apangkuvigha arazir aghuibr e gami. Ezi an arazir kam azenim girizi, ⁵ an en akura. A en arazir aghuir e uari amizibagh nighnizir puvati, eghha en akura. Puvati. An apangkuvimra, an en akura. An e rue, ezi tuavir kamin a en akura. Dughiar kamin a uan Duam e ganingizi, an Duam e gamizi, e an borir bar iġibabar min otifi. ⁶ Krais Iesus, a Gumazir in Akurvazim, an ingangulari God uan Duamini gavgavir aviribar bar e ginge. ⁷ God kamagħin ifonge, Krais en apangkuvigha e gamizi, e Godin damazim min gumazamizir aghuibr otifi. E an boribagh ava, egh ġin bizar aghuir an e bagħha inabazibba injam. Kamagħin e iķrimiżi aghuir an e bagħha inabazib mizuai iti. ⁸ E nighnizir gavgavim akar kamin ikiam. Ki kamagħin ifonge, nighnizir gavgavim Godin itir darasi, me arazir aghuibr amu gavgavigh mamaghira iki. Kamagħin ni pamtemin bizar kabav kimasa ki ifonge. Bizar kaba bar dera, eghha bar gumazamizibar akurvasi.

⁹ Egh ni, gumazamizir Moses Osirizir Arazibar migirigħi abba bagħha uari adoziba, ni da baragħan marki. Gumazamizir adarir organiba ko adogħodoziba bagħha bar ifongeziba, ko uan ovavibar ziabha bagħha uari adoziba, ni bar dagħi itaq. E fo, akar kaba arazir aghuibr ġin mangi bar en akuragħan kogħam. ¹⁰ Gumazitam o amizitam, a Krais in araziz navir vamiran itir arazim abizir arazim damuti, eġhti ni an nighnizim akirsi migirigħatā min a mikim. Ni faragh an mikimti an oragħan kogħti, ni ġin

- 2:11:** Jo 1:9; Ro 5:15; 1 Pi 5:12 **2:11:** Jon 1:9; Rom 5:15; 1 Pita 5:12 **2:12:** Ro 6:19; Ef 1:4; Kl 1:22; 1 Te 4:7; 1 Jo 2:16
2:12: Rom 6:19; Efesus 1:4; Kolosi 1:22; 1 Tesalonika 4:7; 1 Jon 2:16 **2:13:** 1 Korin 1:7; Filipai 3:20; Kolosi 3:4; Hibru 9:28; 1 Jon 3:2 **2:14:** Kis 19:5; Lo 4:20; 7:6; 14:2; Onger Akaba 130:8; Ese 37:23; Ga 1:4; 1 Pi 2:9 **2:14:** Ua Me Ini 19:5; Godin Araziba 4:20; 7:6; 14:2; Onger Akaba 130:8; Ese 37:23; Galesia 1:4; 1 Pi 2:9 **2:15:** 1 Ti 4:12; 2 Ti 4:2 **2:15:** 1 Timoti 4:12; 2 Timoti 4:2 **2:12:** Ro 6:19; Ef 1:4; Kl 1:22; 1 Te 4:7; 1 Jo 2:16
3:1: Rom 13:1-7; Kolosi 1:10; Hibru 13:21; 1 Pita 2:13-14 **3:1:** 1 Ko 6:11; Ef 2:1-2; 5:8; Kl 1:21; 1 Pi 4:3 **3:2:** Ef 4:2; 4:31; Fl 4:5; Kl 3:12; 2 Ti 2:24-25 **3:2:** Efesus 4:2; 4:31; Kolosi 3:12; 2 Timoti 2:24-25 **3:3:** 1 Korin 6:11; 4:2; 4:31; Filipai 4:5; Kolosi 3:12; 2 Timoti 2:24-25 **3:3:** 1 Ko 6:11; Ef 2:1-2; 5:8; Kl 1:21; 1 Pi 4:3 **3:3:** 1 Korin 6:11; Ef 4:2; 4:31; Fl 4:5; Kl 3:12; 2 Ti 2:24-25 **3:2:** Ef 4:2; 4:31; Fl 4:5; Kl 3:12; 2 Ti 2:24-25 **3:2:** Efesus 4:2; 4:31; Kolosi 3:12; 2 Timoti 2:24-25 **3:2:** Ef 4:2; 4:31; Fl 4:5; Kl 3:12; 2 Ti 2:24-25 **3:2:** Efesus 4:2; 4:31; Kolosi 3:12; 2 Timoti 2:24-25 **3:3:** 1 Korin 6:11; Ef 4:2; 4:31; Fl 4:5; Kl 3:12; 2 Ti 2:24-25 **3:3:** 1 Korin 6:11; Ef 4:2; 4:31; Fl 4:5; Kl 3:12; 2 Ti 2:24-25 **3:3:** 1 Korin 6:11; Ef 4:2; 4:31; Fl 4:5; Kl 3:12; 2 Ti 2:24-25 **3:4:** 1 Timoti 2:3; Tatus 1:3; 2:11 **3:4:** 1 Timoti 2:3; Tatus 1:3; 2:11 **3:5:** Jo 3:3-5; Efesus 2:1-2; 5:8; Kolosi 1:21; 1 Pita 4:3 **3:5:** Jo 3:3-5; Efesus 2:1-2; 5:8; Kolosi 1:21; 1 Pita 4:3 **3:5:** Jo 3:3-5; Efesus 2:1-2; 5:8; Kolosi 1:21; 1 Pita 4:3 **3:5:** Jo 3:3-5; Efesus 2:1-2; 5:8; Kolosi 1:21; 1 Pita 4:3 **3:6:** Joel 2:28; Apofel 2:17-18; 2:23; Ro 5:5 **3:6:** Joel 2:28; Apofel 2:17-18; 2:23; Rom 5:5 **3:7:** Ro 3:24; 8:23-24; Ta 2:16; Ta 2:21 **3:7:** Ro 3:24; 8:23-24; Ta 2:16; Ta 2:21 **3:7:** Ro 3:24; 8:23-24; Ta 2:16; Ta 2:21 **3:8:** 1 Ti 1:14-15; Ta 2:14 **3:8:** 1 Timoti 1:14-15; Tatus 2:14 **3:9:** 1 Timoti 1:4; 2 Timoti 2:14-16; 2:23; Tatus 1:14 **3:9:** 1 Timoti 1:4; 2 Timoti 2:14-16; 2:23; Tatus 1:14 **3:10:** Mt 18:15-17; 2 Ko 13:2; 2 Te 3:6; 3:14; 2 Ti 3:5; 2 Jo 10 **3:10:** Matyu 18:15-17; 2 Korin 13:2; 2 Tesalonika 3:6; 3:14; 2 Timoti 3:5; 2 Jon 1:10 **3:11:** Ap 13:46; 1 Ti 6:3-5 **3:11:** Apofel 13:46; 1 Timoti 6:3-5

uam an mikimti an uam oraghan koghti, ni bar anetakigh. ¹¹ Ni fo, gumazim o amizir kamaghin amim, an nighnizim ikuvizi a pazava amir gumazim, egha an arazir kurabagh ami. Ezi an arazir kurabara, akam a gasa ghaze, a bar ikufi.

Taitus izi Polin ganigh

¹² Ki aminir gavgavim ko orangtizimin dughiamin Nikopolisin nguibar ekiamin ikiasa. Kamaghin amizi, ki Artemas o Tikikus amadaghtima aningin tav, ni bagh izitima, ni na bagh Nikopolisin nguibar ekiamin izisi bar gavgafigh. ¹³ Ni gavman osirizir arazibagh fozir gumazim Senas, ko Apolos deraviram aningin gan. Bizar aning inigh mangamiba, ni dar aningin akurvagh. Eighti aning tuavimin daruamin dughiamin bizitamin oteveghan kogham. ¹⁴ Ki kamaghin ifonge, en gumazamiziba, me biziba bar puvatizir gumazamizibar akurvagh, egh pura uan ikirimirim ko dughiba makunan marki. Eighti me gumazamizir ighazaribar akurvaghamin arazimin fofozim inighiva an suiragh gavgafigh.

¹⁵ Gumazamizir na ko itiba, me ni bagha akam amaga ghaze, Afeziam ni ko iki. Ni nighnizir gavgavim Iesusin ikia e gifongezir darasi, ni kamaghin me mikim suam, Afeziam ia ko iki. Godin apangkuvim bar ia ko iki.

Pol Filemon Bagha Osirizir Akinafarim O Filemon Akar faragha zuim

Filemon, a gumazir aruar mam. Egha a Kolosin nguabar ekiamin Kraisin adarazir mav. An ingangarir gumazir kinir mam, an ziam Onesimus, a uan gumazir aruan ategha, ara ghua nguabar igharazimin iti. Egha nguabar kamin Onesimus Pol batogha a Kraisin gin zuir gumazimin oto.

Ezi dughiar kamin Pol kalabusin ikia, egh mangi Filemonin ganan ibura. Egha akinafarir kam osirigha Onesimus ganiga Onesimus amadazi, a ua uan gumazir aruan bagha ghu. Akinafarir kamin, Pol kamaghin Filemon migei, a uan ingangarir gumazir kinimin ataran marki. A ghaze, datirighin ingangarir gumazir kam a Kraisin gin zuir gumazimin oto. Filemon uan aveghbuamin min uam a inigh.

Filemonin ingangarir gumazir kinim ara ghugha gin navim girazima, Pol anemadazima a ua Filemon bagha ghu

¹ Ki Pol, ki Krais Iesus bangin kalabusin iti, egha ki e uan aveghbuam Timoti ko, ga akinafarir kam Filemon bagha an osiri.

Filemon, ni en namakar aghuimra, egha e ko ingangarir vamiram ami. ² Ga uaghan, e uan amizim Apia ko e ko Godin ingangarim damuamin midorozir gumazim Arkipus bagha akinafarir kam osiri. Ga uaghan, nin dipenimin uari akuvir Kraisin adaras, ga me bagha uaghan osiri. ³ E God ko migia ghaze, God en Afeziam ko Ekiam Krais Iesusin apangkuvim ko navir amirizim ia ko iki.

Filemonin arazir aghuim Pol gamima a bar akonge

⁴ Ki uan God ko migiava, egha ni ginighnigha zurara ni bagha God minabi. ⁵ Ki orazi me zurara kamaghin na migei, ni bar Godin gumazamizibagh ifonge, egha ni nighnizir gavgavim Ekiam Iesusin iti. Kamaghin amizi, ki ni bagha God minabi. ⁶ E

ni ko, e uari inigha ikia, nighnizir gavgavim Kraisin iti. Egha ki God ko migia ghaze, a en nighnizir gavgavibar amuti da fofozir aghuim damuti an ekevegham. Eghti e fogham, e Krais ko poroghad ikia egha bizir aghuiba an agharimin da isi. Egh e deravira vaghvagh dagh fogham. ⁷ Nan namakar aghuim, ni igharaz darazigh ifongezi, arazir kam Godin gumazamizibar naviba fema me bar akonge. Ezi bizir kam na gamima ki bar akonge, egha gavgavim nan navim ganidi.

Pol ghaze, Filemon ua Onesimus inightima a guizbangiram an aveghbuamra iki

⁸⁻⁹ Ki kamaghsua, bizir ki ifongezir mam iti, ki Kraisin ziamin ni mikemeghti ni a damuam. Ki nin arazir aghuibagh fo, ni Kraisin adarazigh ifongezir arazim gif, kamaghin ki akar gavgavim ni danigan kogham. Ezi igharaz darazigh ifongezir arazim ga isa uaningen suira, kamaghin amizima ki nimira ni mikimasa. Ki Pol, ki Krais Iesusin abuir gumazim, egha datirighin ki a bangin kalabusin iti. ¹⁰ Ki kamaghsua nin azangsisi, ni arazir aghuibar nan otarim Onesimus damu. Ki kalabusin itir dughiamin, Onesimus na bagha ize, ezi ki an akurazima a nighnizir gavgavim Kraisin iti. Egha a guizbangira mati nan otarim.* ¹¹ A fomira nin akurvaghaha ingangarir aghuitam gamizir puvati. A ti datirighin ingangarir aghuim damu virara gan akurvaghram.†

¹² Ezi ki datirighin uam Onesimus ni bagha anemadi, nan navim uaghan a ko zui. ¹³ Dughiar kam ki Kraisin Akar Aghuim bangin kalabusin ikia ghaze, Onesimus nin danganim inigh nan akurvaghti deraghram. Ki kamaghsua, a na ko ikiasa ki bar ifonge. ¹⁴ Ki kamaghin nighnisi, ni bizir kam giueghan koghtima, ki bizir kam damuan kogham. Kamaghin ami, Onesimus na ko ikiasa, ki ni migeir puvati. Bizir tizim ni a damuasa, ki mighighvira ni gakaghonan aghua. Ki kamaghin nighnisi, ni arazir aghuim nan akurvaghsin ni damu, kamaghin ni uan ifongiamin gin mangiva a damu.

¹⁵ Guizbangira, Onesimus mong dughiar otevimin ni ategha saghon ike. Ezi e foghan kogham, ni ti uam a inighti, a ni ko iki mamaghira ikiasa, kamaghins a dughiar otevimin nin saghuiamin ike.

1:1: Efesus 3:1 **1:2:** Kolosi 4:17; 2 Timoti 2:3 **1:3:** Galesia 1:3 **1:4:** Rom 1:8-9 **1:6:** Filipai 1:9; Kolosi 1:9

1:7: 2 Korin 7:4; 7:13 **1:8-9:** Filemon 1:1 **1:10:** 1 Korin 4:15; Kolosi 4:9 * **1:10:** Gumazir aviriba ghaze,

Onesimus a pura Filemonin ingangarir gumazir kinimi ike, egha a gin ara Pol bagha ghu. Egha a Pol ko itir dughiamin a Kraisin anavin oto. Egha dughiar kamin arazim a kamakin, ingangarir gumazir kinimin arimangigham, eghit gumazir ekiar men garim, a midorozir gumazibav kemeghti, me ingangarir gumazir kam isi ter ighuvimin a gafugham, eghit an aremegham. † **1:11:** Grighin akamin, ziam Onesimus, an akar kam ko magh ghu, "Ingangarir aghuim gami." **1:13:**

Filipai 2:30 **1:14:** 2 Korin 9:7; 1 Pita 5:2 **1:16:** 1 Timoti 6:2

16 Ezi datirighin ni pura ingangarir gumazir kinimin a ginighnighan marki. Bar puvati. A pura nin ingangarir gumazir kinim, egha datirighin a bar nin aveghbuamra, ezi ni bar a gifuegham. Ki uabi an garima a Kraisin anav, ezi ki uan navim isava a ganingi. Kamaghin ki fo, ni bar a gifuegham. Ni an arazir a pura ingangarir gumazir kinim min ikiava amim gifuegham. Egh Ekiamin aven ni aveghbuamin min an ganiva bar a gifuegham.

17 Kamaghin ni nan gara ghaze, ga uaning inigha Kraisin ingangarim gami, ezi ki ni migei, ni arazir ni na isi moghira, ni ua Onesimus inigh. 18 Ezi a bizir kurar manam ni gami, o a pura bizitam ini, kamaghin ni an danganimin, nan ziam atighti, ki da ikarvaghram. 19 Ki Pol, ki uan dafarimin akar kam osiri. Egh ki uabi Onesimusin biziba ikarvaghram. (Ni fo, ki uabi nin akurazima, ni navim gira, ezi kar ni ikarvaghmin bizzim. Ezi ki bizir kam mikiman aghua.) 20 Nan aveghbuam, ki kamaghin ifonge, ni Ekiamin ziamin arazir aghuir kamin nan akuragh. Ga Kraisin gumazimningin min iti. Kamaghin ni nan navim feghti ki bar akuegham! 21 Ki guizbangira fo, ni nan akamin gin mangam, egha ki ni bagha akinafarir kam osiri. Ki fo, arazir ni Onesimus damuamim, a ki damuasa ni mikemezir arazim bar a gafiraghram. 22 Ezi ki akar mam ua iti. Nan nighnizir gavgavim kara, God ian azangsiziba baregh, na ateghti, ki ua ia bagh izam. Eighti ni na bagh uan dipenimin danganitam akitrighti, ki izi a dakuam.

Pol ko ingangarir vamiram amiba, me Filemon bagha akam amaga ghaze, Afeziam ni ko iki

23 Epafras ni bagha akam amaga ghaze, Afeziam ni ko iki. A uaghan kalabusin iti, egha ga virara Krais Jesus bangin kalabuziar gumazimning. 24 Na ko ingarir darasi, Mak ko Aristarkus ko Demas ko Luk, me uaghan ghaze, Afeziam ni ko iki.

25 En Ekiam Krais Jesusin apangkuvim vaghvagh ian duaba ko iki.

**Akinafarir Hibrun
Gumazamiziba Bagha
Zuim
O
Hibru
Akar faragha zuim**

Judabar marazi faragha uan navibagh iragha Kraisin gin zui, egha datirighin uan nighnizir gavgavim ataghiraghhasava ami. Kamaghin, akinafarir kam gumazir mam o amizir mam me bagha an osiri. E fozir pu, tinaram an osiri, akinafarimin aven gu-mazim o amizim uan ziam diborozir puvati. Marazi ghaze, Pol, o Barnabas, o Apolos, o Prisila, men tav ti an osiri.

Gumazir maba Kraisin gin zuir gumazamiziba dikabira egha osimtzibame ganidi. Akinafarir kam men nighnizir gavgaviba gavgavim dar aningasa, kamaghin amizi, a ingangarir ekiar God Krais Iesusin aven amizim, gun me migei. Kraisra guizbangin Godin arazim en akakasi.

Ezi akinafarir kam bizar ekiar pumuning ko mikezim migei. 1. Iesus a guizbangira Godin Otarim. Dughiar Iesus nguazimin itim, an osimtzizir aviriba ko mizaziba ini. Ezi arazir kamin God Iesus gamizi, a gumazamizibar akurvaghamin faragha zuir gumazimin oto. (2:10) Egha Iesus akam inigha izir gumazir fomira itiba ko enselba ko Moses gafira. 2. God uabi Iesus amisevezi a ofa gamir gumazimin iki mamaghira ikiam, egha a Judabar ofa gamir gumazibagh afira. 3. Iesus a Godin Nguibamin Ofa Gamir Gumazibar Dapanimin iti. Egh gumazamizir nighnizir gavgavim an itiba, a ua me iniam. Moses Osirizir Arazi, God bagha ofa gamir arazibar gun migei, da pura Iesus amizir ingangarir ekiar kamin nedaziba.

Akinafarir kam gumazamizibar nighnizir gavgavim, gavgavim dar aningasa. Kamaghin amizi, a Israelian gumazamizir fomira itibar nighnizir bar gavgavimin akaba iti (sapta 11). A ghaze, marki, osimtzizir manam me bato, me uan nighnizir gavgavimin suiraghvira iki mangiva ovenggeh. Me Iesusin gan an arazibar gin mangi, egh osimtzibame ko mizazir me isiba batogh.

Iesus, a enselbagh afira

- | | | |
|--|---|---|
| 1:2: Sng 2:8; Jo 1:3, Ef 1:10 | 1:2: Onger Akaba 2:8; Jon 1:3; Efesus 1:10 | 1:3: Ap 2:33-34, 2 Ko 4:4, Kl 1:15-17, 2:20, Hi 8:1; MAA 4:11 |
| 1:3: Apostel 2:33-34; 2 Korin 4:4; Kolosi 1:15-17; 1:20; Hibru 8:1; Akar Mogomem 4:11 | | 1:4: Ef 1:21, Fl 2:9-10 |
| 1:4: Efesus 1:21; Filipai 2:9-10 | | 1:5: 2 Sml 7:14; 1 Sto 17:13, Sng 2:7, 89:26-27; Ap 13:33; Hibru 5:5 |
| 1:5: 2 Samuel 7:14; 1 Eghaghaniba 17:13; Onger Akaba 2:7; 89:26-27; Ap 13:33; Hibru 5:5 | | 1:6: Lo 32:43, Sng 97:7; Ro 8:29, Kl 1:18, 1 Pi 3:22, MAA 1:5 |
| 1:6: Godin Arazi, 32:43; Rom 8:29; Kolosi 1:18; 1 Pita 3:22; Akar Mogomem 1:5 | | 1:7: Sng 104:4 |
| 1:7: Onger Akaba 104:4 | | 1:8: Onger Akaba 45:6-7 |
| | | 1:9: Ais 61:1, Ap 4:27, 10:38 |
| | | 1:9: Aisaia 61:1; Aposel 4:27; 10:38 |

(Sapta 1-2)

*God e mikimasa uan akam isa uan
Otarim ganingi*

¹ Fomira God dughiar aviriba ko tuavir aviriba uan akam isa an akam inigha izir gumazibagh aningizi, me en inazir afeziabav keme. ² Ezi datirighin dughiar kam, kar dughiar abuananaba, God e mikimasa uan akam isa uan Otarim ganingi. God biziba bar da iniasava Otarir kam amisefe. Otarir kamin agharimin, God fomira overiam ko nguazimin ingari. ³ Ezi Otarir kamra Godin angazangarim en akatha ghaze, God a bar dera. Egha uaghan a Godin mirara gari. An akam bar gavgafi, egha akar kamra a bar bizibagh amima, da gavgavighavira iti. Egha an arazir kuraba gin amadir ingangarim agivagha, gumazamizibagh amima me zuegha iti. Egha a gin Godin Nguibamin ghuavanabogha Pin Tir Atrivir Ekiamin agharir guvimin boroghin apera.

Godin Otarim enselbagh afira

⁴ Afeziam ziam uan Otarim ganingi. Ezi ziar kam a bar dera, egha enselbar zibagh afira. Kamaghin amizi, an Otarim gamizima a enselbar ekiamin oto, ezi me an apengan iti. ⁵ Egha God dughiatam uan enselin tam kamaghin a mikemezir puvati, "Ni nan Otarim, ezi datirighin ki nin Afeziamin oto." O a kamaghin enselin tam mikemezir puvati, "Ki uabi ia inigh, egh ian Afeziamin min ikiti, ia nan Otarimin min ikiam." Bar puvati. ⁶ Egha dughiar God ua uan Otarir ivariam nguazir kamin anemangasa uaghan ghaze:

"Godin enselba bar an apengan ikiva
an ziam fam."

⁷ God enselbagh nighnigha kamaghin migei, "A uan enselbagh amima da aminiimin min otifi, egha uan ingangarir gumazibagh amima me avir mizariabar min otifi."

⁸ Egha Otarim ginighnigha kamaghin migei:

"Nin atrivir dabirabir God ni ganingizim,
a zurara iki mamaghira ikiam.
Eghti ni guizin arazimin
uan gumazamizibagh ativagh men
ganam."

9 Ni arazir aghuibara ifuegha, egha arazir kuraba bar dar aghua.

Kamagh amizi, God ni amisevegha, ni ziar ekiam ikiasi
a borem nin dapanim ginge.

A kamaghin ni gamizi
ni bar akonge,
ezi ni bar akongezir bizir kam,
atrivir igharaziba bar me gafira.”

10 Egha God uan Otarim kamaghin a migei:

“Ekiam, ni fomira nguazir kamin ingari.
Guizbangira, ni uabi uan dafaribar ove-
riam ko bizir pin itibar ingari.

11 Bizir kaba bar givagham,
eghti ni ikivira ikiam.

Overiam ko nguazim, aning bar ikuvigham,
mati inim ghurigha bar biaghire.

12 Ni aning righam,
mati gumazim atuim riki.

Ni aning damighti aning igharagh otogham,
mati gumazim korotiar għuriba
suagharsi.

Ezi ni, kamaghira iti, ni iħaragħha garir pu-
vati.

Nin dugħiam għivaghan kogħam.”

13 Fomira God kamaghin uan Otarimra kamaghin a mikeme, “Ni nan agharir gu-
vimin daperagh iki mangit, ki nin apaniba dikabiragh me isi nin dafarim datighti me
nin dagarimmingin apengan ikiam.” Egha God dugħiatmin akar katam enselin tam-
mikemezir puvati. Bar puvati.

14 Guizbangira enselba me duuba, egha
me Godin ingangarim gami. Ezi God gu-
mazamizir a ua iniambar akurvaghha me
amadi, me arui.

2

*God en akurazir arazim,
bizir bar ekiam*

1 Godin Otarim ziar ekiam isi, kamaghin
amizi, akar e oraghizir kamnagh, e bar
mighvir am suiragh. Eireghan kogħsi,
e akar kam deraghvira an suiragh gavgav-
iġi ikiam. 2 Fomira God en inazir afeziabav
kimasa, uan akam isa enselbagħ aningi,

egħa kamaghira tuavir kamin a kamaghin
men aka, akar kam a guizbangira. Ezi gu-
mazamiziba akar kamin gin zuir puvatigħa
a batoke, me iverzur kuram iniam. Men
arazir kurar me amizibar mirara, me uan
iverzur kuram inis.* 3 Ezi datirighin, God
en akurazir arazim, a bizir bar ekiam.
E akirrim ragħ Godin akurvazir arazim
gasaraghha, e manmagħin arazir kuramin
iverzim gitagħam. Bar puvatigħam. Ekiam
uabi faragħha en akurvaghha mikeme, ezi
gumazamiziba an akam baraki. Ezi me
kamaghin migia en aka, akar kamnagh a
guizbangira. 4 Dugħiar kamin, God mi-
rakelin iħaragħha gariba ko digavir kuram
gamir arazibagh amua uan ifongiā min
għuwa Godin Duamin bizir aghħiġa tuiragħha
gumazamizibagh anidi. Ezi arazir kamin a
kamaghin en aka, an Otarim akar kam a
bar guizbangira għu.

Iesu, a uabi en Akurvazir Gumazim

5 E nguazir igiar God gin damighti ot-
vavim ġiniegħi fogħam, God nguazir
igiar kam għativasa, enselbav kemexx-pu-
vati. Bar puvati. 6 Ezi Godin Akinafarim
aven akar mam kamaghin iti:

“O God! E gumazamiziba ti manmagħiram
amizir biziba, ezi ni mighħiġha e
ġiniegħni?

E pura biziba. Manmagħiram amizi, ni
bar puviram e ġiniegħni?

7 Ni uabi en ingarigha, e isa enselbar apen-
gan e ati.

Ni gavvavim ko ziar ekiam isa e ganiga e
afazi, bizir ni ingariziba bar en apen-
gan iti.

8 Biziba bar mogħira ni da isa e gumazamiz-
iba en suemnning apengan da ariki.
Egħi te bar dagħi attivagħam.”

Godin akar kam ghaze, God gumazamiz-
ibagh amizi, biziba bar men apengan ikiti
me dagħi attivagħam. Akar kamin mingarim
a kamakin, God bizir a ingariziba bar da
isa en apengan da ariki. Ezi e fo, datirighin

1:10: Onger Akaba 102:25-27

1:11: Ais 34:4; Mt 24:35, 2 Pi 3:7, 3:10

1:11: Aisa 34:4; 2 Pita 3:7, 3:10 1:13:

Sng 110:1, Mt 22:44, Mk 12:36, Lu 20:42 1:13: Onger Akaba 110:1; Matyu 22:44; Mak 12:36; Luk 20:42

3:47, 91:11, Mt 18:10, Ap 12:7, Ro 8:17, Je 2:5, 1 Pi 3:7 1:14: Onger Akaba 34:7; 91:11; Matyu 18:10; Apostol 12:7; Jems

2:5 2:2: Sng 68:17 * 2:2: Me Akar Dikiriz Gavgavir God Moses ganingizim migei. Ni Ua Me Inni 19-20-in gan. Ua Me

Iniamin Akinafarim akam, enselin migħiġi ja puvati, ezi Judaba kamaghin nighnzir gavgavim iti, God Akar Dikiriz
Gavgavim enselbar dafarim Moses ganingi. Ia Apostol 7:38 ko 7:53, ko Galesia 3:19-in gan.

2:3: Mt 4:17, Mk 1:14, Lu

1:2, Hi 10:28-29, 12:25 2:3: Matyu 4:17; Mak 1:14; Luk 1:2; Hibrus 10:28-29; 12:25 2:4: Mk 16:20, Ap 2:22, 14:3,

1 Ko 2:4, 12:4, 12:7, 12:11, Ef 1:5, 1:9 2:4: Mak 16:20; Apostol 2:22; 14:3; 1 Korin 2:4; 12:4; 12:7; 12:11; Efesus 1:5; 1:9

2:5: Hi 6:5, 2 Pi 3:13 2:5: Hibrus 6:5; 2 Pita 3:13 2:6: Jop 7:17, Sng 144:3 2:6: Jop 7:17; Onger Akaba 144:3

2:6: Onger Akaba 8:4-6 2:8: Mt 28:18, 1 Ko 15:25-27, Ef 1:22 2:8: Matyu 28:18; 1 Korin 15:25-27; Efesus 1:22

e garima, biziba bar en apengan itir puvatti.[†] ⁹ Ezi e Jesus gifof, a ziar ekiam ini. God kamaghsua, a bar en apangkuvighti, tuavir kamin Jesus gumazamiziba bagh aremegham. Egha kamaghin bar dughiar otevimin an enselbar apengan ike. Egha Mizazir dafam inigha areme, ezi bizir kam bagha God ziar ekiam a ganiga a ghufe. ¹⁰ E fo, God a biziba bar dar mingarim, egha a biziba bar dar ingari. Egha kamaghin ifonge, Jesus uan borir aviriba inigh men aku Godin Nguibamin mangam, eighti me Jesus ko ziar ekiam iniam. God kamaghin ifonge, Jesus gumazamizibar akurvaghamin ingangarim damuam, kamaghin amizi, a Jesus ataghizima a mizazim isi. Ezi Mizazir kam Jesus gamima a gumazamizibar akurvaghamin gumazir bar faragha zuimin otogha, tuavim men aka. Arazir God a gamir kam, a bar dera.

¹¹ E fo, gumazir kam Jesus, a gumazamizibagh amizi me Godin gumazamizibar min ikia egha me bar zue. A me ko afezir vamira iti. Kamaghin amizi, an aghumsizir puvatigha me dibora ghaze, “Nan aveghbuaba ko buaramiziba.” ¹² Egha a kamaghin God migei:

“Ki uan adarazir tongin iki
nin ziamin gun me mikimam.
Ki gumazamiziba uari akuvamin dan-
ganimin iki
men tongin nin ziam fam.”

¹³ Egha a ua ghaze, “Ki datirighin, God damuasa mikemezir biziba, ki puram a mizuam da bagh gan ikiti God damuasa amir biziba, a mikemezi moghin dar amuam.” Egha ua ghaze, “Ia gan, ki borir God na ganingiziba me ko iti.”[‡]

Jesus en akuraghosa gumazimin min oto
¹⁴⁻¹⁵ Kamaghin amizi, borir kaba, me guizbangira inivafiziba ko ghuziba iti. Kamaghira Jesus uaghan men min ikia guizin gumazimini oto. A kamaghsua, an

aremegh egh arazir kamin a Satan bar a gasighasigham, a gumazir gumazamizibagh amima me ariaghbirir gavgavim itim. Gumazamiziba nguazir kamin ikiava ovevemin atiati. Ezi men atiatir kam me ikiagharsi. Kamaghin amizi, Jesus me firasa, bizir kam bagha, a gumazimin min otogha egha areme. ¹⁶ Guizbangira, Jesus ingangarir kam enselbar akurvaghaha a gamizir pu. Puvati. An Abrahamin boriba akurvaghaha a gami. ¹⁷ Kamaghin amizi, a uan doziba ko buaramizibar miraram oto. A kamaghsua, a men Ofa Gamir Gumazibar Dapanimin iki, egh Godin akamin gin mangi apangkuvim gumazamizibar ikiva Godin ingangarim damu, egh ingangarir kamin gumazamizibar arazir kuraba gin amangam. Kamaghin a gumazamizibar min oto. ¹⁸ Ezi Satan a gifarasa arazir kuraba bagha a gakaghori, ezi an ositmiziba ateri. Kamaghin amizi, Satan gumazamizibagh ifaramin dughiabar, Jesus men akurvaghamin fotozim iti.

Iesusin ziar ekiam, a bar Mosesin ziar ekiam gafira

3

(Sapta 3:1-4:13)

Iesusin ziar ekiam, a Mosesin ziar ekiam gafira

¹ Kamaghin amizi, Kraisin adarasi, God uaghan Uan Nguibamin mangasa, a ian dia. Ia deravira Jesus ginighnigh, e nighnizir gavgavim an ikia, egha an ziamin gun migia ghaze, a God misevegha amadazir abuir gumazim, egha uaghan Ofa Gamir Gumazibar Dapanim. ² God anemisevegha ingangarik kam a ganingizi, a Godin gumazamiziba bagha ingari. Moses fomira Godin gumazamiziba bagha deravira ingarizi moghira, a ingari. ³ E fo, gumazir dipenimin ingarim, a ziar ekiam isi, ezi an ziar ekiam, an dipenimin ziar ekiam gafira. Ezi kamaghira God ziar ekiam Jesus ganingi, ezi

[†] 2:8: Akar Onger Akabar Akinafariminaven itim, a gumazamiziba bar me migei. Ezi gumazir Hibrun Akinafarimin Osirizim, a Jesus ginighnigha ghaze, a gumazimin min otogha gumazamiziba bar men danganim ini. Ezi kamaghin Onger Akabar Akinafarimin, a bizir guizin Jesus batozibav gei.

^{2:9:} Jo 3:16, Ro 5:18, Fl 2:7-9, 1 Ti 2:6, 1 Jo 2:2, MAA 5:9 ^{2:9:} Jon 3:16; Rom 5:18; Filipai 2:7-9; 1 Timoti 2:6; 1 Jon 2:2; Akar Mogomem 5:9

^{2:10:} Luk 24:46; Aposel 3:15; Rom 8:29; 11:36; Hibru 5:9; 10:10 ^{2:10:} Lu 24:46, Jo 20:17, Ap 3:15, Ro 8:29, 11:36, Hi 5:9, 10:10

^{2:11:} Matyu 25:40; Mak 3:35; Jon 20:17; Aposel 17:26; Rom 8:29 ^{2:11:} Mt 25:40, Mk 3:35, Jo 20:17, Ap 17:26, Ro 8:29, Hi 10:10

^{2:12:} Onger Akaba 22:22 ^{2:12:} Sng 18:2, Ais 12:2, Jo 17:6, 17:9-12 ^{2:12:} Onger Akaba 18:2; Jon 17:6; 17:9-12

[‡] 2:13: Iesusin akar kam, a Aisaia 8:17-18in ize. Gumazim o amizir Hibrun Akinafarimin Osirizim, en akgathi e fogham, Jesus gumazamizir ighazariba ko magh gari, me an aveghbuaba ko an boriba. Ezi gumazamiziba God mizuaima a bizibagh ami, ezi Jesus uaghan orarti.

^{2:14-15:} Jon 1:14; 12:31; Rom 8:3; 8:15; Filipai 2:7; Kolosi 2:15; 2 Timoti 1:7; 1 Jon 3:8; Akar Mogomem 12:10

^{2:16:} Ais 41:8-9 ^{2:16:} Aisaia 41:8-9 ^{2:17:} Fl 2:7, Hi 2:14, 4:15, 5:1-2, 1 Jo 2:2, 4:10

^{2:17:} Filipai 2:7; Hibru 2:14; 4:15; 5:1-2; 1 Jon 2:2; 4:10 ^{2:18:} Hi 4:15-16, 5:2, 7:25 ^{2:18:} Hibru 4:15-16;

5:2; 7:25 ^{3:1:} Ef 4:1; Fl 3:14, Hi 4:14, 5:5, 6:20, 7:26, 8:1, 9:11, 2 Pi 1:10 ^{3:1:} Efesus 4:1; Filipai 3:14; Hibru 4:14; 5:5;

6:20; 7:26; 8:1, 9:11; 2 Pita 1:10 ^{3:2:} Nam 12:7 ^{3:2:} Diboboniba 12:7 ^{3:3:} Sek 6:12, Mt 16:18 ^{3:3:} Sekaraia

6:12; Matyu 16:18 ^{3:4:} Ef 2:10, 3:9, Hi 1:2 ^{3:4:} Efesus 2:10; 3:9; Hibru 1:2

an ziar ekiam, Mosesin ziar ekiam gafira.
⁴ Ezi dipeniba bar, gumaziba dar ingari. Ezi Godra, a biziba bar dar ingari. ⁵ Moses a Godin ingangarir gumazimin iti, egha Godin akamin gin ghua Godin gumazamiziba bagha deravira ingari. A bizibar gun mikimamin ingangarim iti, akar God gin a mikimamiba. ⁶ Ezi Krais a Godin Otarim, a Godin gumazamizibagh attivagh men ganam. Egha guizbangira Godin akamin gin ghua ingangarir kam deravira a gami. Egheti e atiatingan koghiva, nighnizir gavgavim ikiva egh bizir aghuir e iniamiba e dav zuamam, egh kamaghin damuva, e uaghan Godin Dipenimin min ikiam.

Gumazir akaba batoziba, me aghusazim inian kogham

⁷⁻⁸ E Godin gumazamiziba, egha uaghan an dipenimin min iti, kamaghin amizi, e Godin Duamin akam baraghram. A kamaghin migei:

“Ta datirighin Godin tiirim baraghiva,
 egh ia uan navibar kuman marki,
 mati ian inazir afeziaba fomira an
 akaba batogha
 orazir puvati.”

Me gumazamiziba puvatizir danganimin
 ikia God damuti a irasa an akam
 batosi.

⁹ God ghaze,
 Me danganir kamin ikia nighnizir gav-
 gavim nan itir puvatigha,
 nan gavgavim tuisigh fofoghasa
 nan azai.

Me garima,
 ki 40plan azenibar arazir aghuiba me
 bagha dagh ami.

¹⁰ Kamaghin amizi, ki bar gumazamizir
 kabar aningaghegha ghaze,
 ‘Gumazamizir kabar naviba bar
 saghon ikia nan gin zuir puvati.
 Me zurara tuavir ki me bagh atizim
 gitavirası.’

¹¹ Ki men aningaghegha bar guizbangira
 akar gavgavim gamua ghaze,
 ‘Me nan aghuvsazir danganimin aven
 mangihan kogham.
 Bar puvati!’”

¹² Kraisin adarasi, ia uari bagh deravira
 gan, ian tongin tav nighnizir kuratam an

navir averiamin ikiti a nighnizir gavgavim ategh, akirim ragh Angamira Itir God gasan marki. ¹³ Ezi ia kamaghin damuan marki, ia kamaghin damu, ia zurara dughiabar ia vaghvagh Godin gumazamizir igharaziba ko ia, akar aghuim uari daning uarir akurvagh egh uan naviba gavgavim dar aning. Kamaghin arazir kuram tav gifaraghti, a Godin gin zuir tuavim ateghan kogham. Godin Akinafarim ghaze, “Datirighin,” e fo, e datirighin ingangarir kam damuam. ¹⁴ Ia fo, dughiar e faragha nighnizir gavgavim Godin itim, en nighnizir gavgavim bar gavgafi. Egh e uan nighnizir gavgavibar amuti da gavgavigh iki maghira mangi dughiar e ovengamimin otogham. E kamaghin damuva, e bar Krais ko poroghiv iki a ko ingar ikiam. ¹⁵ E fo, Godin Akinafarim kamaghin migei:

“Datirighin ia Godin tiirim baraghiva,
 egh ia an akamin aghuaghan marki,
 mati ian inazir afeziaba fomira an akaba
 batogha
 egha orazir puvati.”

¹⁶ Fomira te Godin tiirim baregha, an
 gin zuir puvati, egha an akam batosi? Kar gumazamizir Moses inigha Isipin
 ghueziba, meraram arazir kam gami. ¹⁷ Ezi God 40plan azenibar ten aningaghe?
 A gumazamizir arazir kurabagh amiziba, me gumazamiziba puvatizir danganimin
 ariaghirezir gumaziba, merara, a men
 aningaghe. ¹⁸ God fomira guizbangira akar
 gavgavim akira ghaze, “Me nan aghuvsazir
 danganimin aven mangan kogham.” Akar
 kam, a te ganing? Kar gumazamizir an
 akam barazir puvatiziba. A me baghvira
 migei. ¹⁹ Kamaghin e fo, gumazir kaba
 me nighnizir gavgavim Godin ikian aghua.
 Ezi bizir kam bagha me Godin aghuvsazir
 danganimin aven mangan ibura.

4

Godin gumazamiziba aghuvsazim iniam

¹ Datirighin, God uaghan e inigh aghuvsazir danganimin aven mangasa akam
 akiri. Ezi kamaghin ia uari bagh deravira gan, ian tav atam akuigh egh
 danganir kamin aven mangihan kogham. ² E
 Akar Aghuim baraki, mati fomira Israelia
 a baraki. Egha Israelia me puram akam

- 3:5:** Nam 12:7 **3:5:** Diboboniba 12:7 **3:6:** Ro 5:2, Ef 2:21-22, Kl 1:23, 1 Ti 3:15, Hi 3:14, 6:11, 1 Pi 2:5 **3:6:** Rom 5:2; Efesus 2:21-22; Kolosi 1:23; 1 Timoti 3:15; Hibru 3:14; 6:11; 1 Pita 2:5 **3:7-8:** Onger Akaba 95:7-11 **3:7-8:** Ua Me Inl 17:7; Diboboniba 20:2-5 **3:11:** Nam 14:21-23 **3:11:** Diboboniba 14:21-23 **3:14:** Hi 3:6 **3:14:** Hibru 3:6 **3:15:** Sng 95:7-8, Hi 3:7-8 **3:15:** Onger Akaba 95:7-8; Hibru 3:7-8 **3:16:** Lo 1:1-38 **3:16:** Godin Araziba 1:25-38 **3:16:** Diboboniba 14:1-35 **3:17:** Sng 106:26, 1 Ko 10:10, Ju 5 **3:17:** Onger Akaba 106:26; 1 Korin 10:10; Jut 1:5 **3:18:** Lo 1:34-35, Hi 3:11 **3:18:** Godin Araziba 1:34-35; Hibru 3:11 **3:19:** Hi 4:6 **3:19:** Hibru 4:6 **4:1:** Hi 12:15 **4:1:** Hibru 12:15 **4:3:** Sng 95:11, Hi 3:11, 3:14 **4:3:** Onger Akaba 95:11; Hibru 3:11

a baraki, egha nighnizir gavgavim an itir puvati. Ezi bizar kam bagha Akar Aghuir me oraghizir kam, a men akurazir puvati.³ Ezi e gumazamizir nighnizir gavgavim Godin itiba, an e ateghtima e an aghuvsazir danganimin mangam. A fomira nguabar kam ginighnigha egha a mikemezir moghira:

“Ki aningaghegha akar gavgavim akira ghaze,
Me nan aghuvsazir danganimin aven mangihan kogham.
Bar puvati!”

Guizbangira, God Mosesin dughiamin akar kam migei, ezi e fo, bar fomira dughiar a nguazir kamin ingarizim, a nguazir kamin ingarasa nighniziba a dagh amigha gifa.*⁴ Godin Akinafarimin aven akar otevir mam iti, a namba 7in dughiam migei, “Aruer namba 7in, God garima an ingangariba bar gifa, ezi a dughiar kamin avughse.”⁵ Ezi migirigiar otevir kamra e faragha a baraki, a ua migia ghaze, “Me nan aghuvsazir danganimin aven mangihan kogham. Bar puvati!”⁶ E kamaghin bizar kam gif, Godin aghuvsazir danganir kam a ikiavira iti, ezi gumazamizitaba an aven mangam. Ezi gumazamizir faragha Akar Aghui baraghiziba, me nighnizir gavgavim an itir puvati, kamaghin amizi, me aven ghuezir puvati.⁷ Ezi gumazamizir kabar gin, azenir aviriba ghua gifa, ezi God uan akam isa Devit ganungi, ki Godin Akinafarimin aven itir akar kamin gun mikemegeha gifa. A ghaze:

“Datirighin ia Godin tiarim baraghiva,
egh ia an akamin aghuaghan marki.”

Devitin dughiamin, God ghaze, “Datirighin,” egha kamaghin en aka, a dughiar igharazim ginaba. Dughiar a inabazir kam, gumazamiziba an aghuvsazir danganir kamin aven mangam.⁸ Josua ti fomira aghuvsazim gumazamizibagh aningizi, ezi God gin dughiar igharazitam ginabaghan koghai.⁹ Kamaghin amizi, e fo, Godin gumazamizibar aghuvsazim a ikivira ikiam, a mati Sabatin aghuvsazir dughiam.¹⁰ E fo, gumazim Godin aghuvsazir

danganimin aven ghua, a uan ingangarim agivagha aghuvsyi, mati fomira God uan ingangarim agivaghava aghuvsyi.

11 E kamaghin aghua, me fomira amizi moghin, gumazitam o amizitam uan akaba batozir arazimin gin mangi, aremegh uan aghuvsazir danganimin aven mangihan kogham. Kamaghin e aghuvsazir danganimin aven mangisi pamtemin ingaram.

12 Godin Akam an angamira ikia, egha pamtemin ingara iti. A bar ghumigha, midorozir sabar ghumtizir pumuning itim gafira. Ezi akar kam, sabar ghumtizimin min, a bar gumazimin namnam okoregha bar aven ghua, duam ko navir averiam uaning bativi naghin oto, egha uaghan aghariba uari isasuirazir naghin, ko agharibar aven itir ovim, aning uaning bativi naghin oto. Egha a bar en nighniziba ko en navir averiabar aven itir ifongiabagh fogha da tuisisi.¹³ Ezi bizar God ingariziba, tam Godin damazimin modoghan kogham. Bar puvati. Ezi bibiza bar kuiaghiregha Godin damazimin bar azenara ikiam. Eghti Godra arazir e amiba tuisightima e dar a geghanam.

Iesus Godin Nguibamin ikia, en Ofa Gamir Gumazibar Dapanimin min ikia, egha Akar Dikirizir Gavgavir Igiamin abuir gumazimin min iti

(Sapta 4:14--10:39)

Iesus Ofa Gamir Gumazibar Dapanim

14 Ezi e Ofa Gamir Gumazibar Dapanir mam iti, ezi a bar Godin Nguibamin aven ghu. A Iesus, Godin Otarim. Kamaghin amizi, e nighnizir gavgavir e gun migeir kamin suiragh gavgavigham.¹⁵ E uari arazir kuraba dikabinamin gavgaviba puvati. Egh e kamaghin nighnighan kogham, Ofa Gamir Gumazibar Dapanir kam, en nighnizibagh fogh en kuarkuvighan kogham. Puvati. Satanin ifavarir arazir e bativiziba, da uaghan bar a bativigha gifa. Ezi an arazir kuratam gamizir puvati.¹⁶ Kamaghin amizima, e atiatingan koghiva

* **4:3:** Israelia Isip ataghizir dughiam, God Moses ko Josua me inigh Kenanin Nguazimin mangasa a ifonge, egha nuguazir kam me dapiagh avughsamun danganimin otogham. Ezi gumazir Hibrun Akinafarim osirizim kamaghin en aka, God avughsizir danganir igharazim iti, kar Godin Nguibam, guizbangir an avughsazir danganim, egha gumazamizir nighnizir gavgavim an itibarama Nguibar kamin aven mangan. **4:4:** Stt 2:2, Kis 20:11, 31:17 **4:4:** Jenesis 2:2; Ua Me Ini 20:11; 31:17 **4:5:** Sng 95:11 **4:5:** Onger Akaba 95:11 **4:7:** Sng 95:7-8 **4:7:** Onger Akaba 95:7-8

4:8: Lo 31:7, Jos 22:4 **4:8:** Godin Araziba 31:7; Josua 22:4 **4:10:** Stt 2:2, Hi 4:4 **4:10:** Jenesis 2:2; Hibru 4:4
4:11: Hi 3:12, 3:18-19 **4:11:** Hibru 3:12; 3:18-19 **4:12:** Ais 49:2, Jer 23:29, Jo 12:48; Efesus 6:17; Akar Mogomem 1:16; 19:15 **4:13:** Jop 26:6, Sng 33:13-14, 90:8, Snd 15:11 **4:13:** Jop 26:6; Onger Akaba 33:13-14; 90:8; Aghuzir Akaba 15:11 **4:14:** Hi 3:1, 7:26, 10:23 **4:14:** Hibru 3:1; 7:26; 10:23 **4:15:** 2 Ko 5:21, Hi 2:17, 7:26, 1 Pi 2:22, 1 Jo 3:5 **4:15:** 2 Korin 5:21; Hibru 2:17; 7:26; 1 Pita 2:22; 1 Jon 3:5 **4:16:** Ef 2:18, 3:12, Hi 10:19-22 **4:16:** Efesus 2:18; 3:12; Hibru 10:19-22

Godin atrivir dabirabimin boroghin mangam, Godin apangkuvim a gizifa. E a bagh mangitima God en kuarkuvigh en apangkuvigham. Egh e osimtzitam ikiti an apangkuvim en akuraghram.

5

Iesus, en Ofa Gamir Gumazibar Dapanim, an en akura

¹ Ia nighnigh. Ofa gamir gumazibar dapaniba bar, God vaghvagha men adarazir tongin me amisefe. God men mav amisevezima, a gumazamiziba bagha Godin ofa gami. Egha uaghan bizar aghuiba issa God ganidi. Egha arazir kuraba bagha ofa gamima God arazir kuraba gin amadi. ² Egha u ubi a Godin damazimin bizibar amuamin gavgaviba puvati. Kamaghin amizi, gumazir fofoziba puvatigha pazav amiba, a men asughasusi. ³ Egha u ubi a bizibar amuamin gavgaviba puvati, kamaghin amizi, a gumazamizibar arazir kuraba ko a uan arazir kuraba sara gin amangisi ofabar amu.

⁴ Ezi gumazitam ofa gamir gumazibar dapanimin ikiasi ubi ubi amisevegha ziar ekiam inizir pu. Puvati. God ubi an diazima a ingangarir kam ini. Mati God fomira Aronin diazi mokin. ⁵ Ezi kamaghin, Krais uaghan kamaghiram ami. A ubi uan ziam fer puvati, egha Ofa Gamir Gumazibar Dapanimin otozir pu. Puvati, God ubi ingangarir kam damuasa anemisefe. Egha God kamaghin a migei, "Ni nan Otarim, ezi datirighin ki nin Afeziamin oto." ⁶ Egha uan Akinafarimin aven itir akar ighazariz mam, a ghaze, "Ni ofa gamir gumazim, Melkisedekin min iki maghira ikiam." ⁷ Ezi dughiar Jesus nguzamin itim, a pamtemin God ko migia egha diav azi. A fo, an ovengan koghs, God an akuraghram gavgavim iti. Kamaghin amizi, a ubi uan ifongiam dikabiraghia Godin apengen ikia, an akam basari. Ezi God an dimdiäm barasi.* ⁸ Guizbangira Jesus a Godin Otarim, egha a mizazim ini. Ezi tuavir kamra a Godin akamin

gin zuir arazim an a gif. ⁹⁻¹⁰ Egha a uan ingangarir a damuamiba, a bar da gifa. Ezi God anemisevegha ghaze, "Ni Ofa Gamir Gumazibar Dapanimin ikiam, egh Melkisedekin min ikiam." Ezi a gumazamizir an akam baragha an gin zuiba, a men Akurvazir Gumazimin oto. Egh a men akurvagli me deravira iki mamaghira ikiam.

E borir aghiribar min ikian kogham

¹¹ E fo, Jesus Ofa Gamir Gumazibar Dapanimin oto, ezi e migirigiar aviriba akar kamin iti, e dar gun ia mikimasa. Ezi ia oraghan aghua. Kamaghin amizima, e akar kamin mingarim ia mikiman ibura.[†] ¹² Ia fomira Kraisin adarazir otivigha gifa, ezi kamaghin ia gumazamizibar Godin akam men sure gamighai. Puvati, ian nighniziba oteveghavira iti, kamaghin gumazir ighazariba, Godin akar faraghavira ian sure gamiziba, me ua ian sure damuam. Ia dagher gavgaviba inian firin, ia otem apavira iti. ¹³ Ezi tina otem apavira iti, an aghirimra iti. Egha an arazir aghuimin akar mingarim gifozir puvati. ¹⁴ Ezi dagher gavgaviba, da gumazir aruabar daghem. Ezi gumazir kaba, me dughiar aviribar araziba tuisisi, arazir manam dera ezi arazir manam ikufi. Egha datirighin me deravira fofohava egha me nighnizir dikiriaba iti.

6

E deraghvira tuivigh gavgavigh God mizuamt, a deraviram e damuam

¹⁻² E datirighin Kraisin adarazir migirigiar faragha iniziba ataghiraghram, migirigiar kaba: navibagh ighieg akirim ragh ovever arazibagh asaraghamin migirigiaiba ko, nighnizir gavgavim Godin ikiamin migirigiaiba ko, rurir arazimin migirigiaiba ko, dafariba gumazibagh isin arizir arazimin migirigiaiba ko, gumazamizir ovegha ua dikavibar migirigiaiba ko, God gumazamizibar araziba tuisighti me mizaziba iniam, o zurara ikivira ikiamin migirigiaiba, e migirigiar kaba ategehi, da

- 5:2: Hi 2:18, 4:15, 7:28 5:2: Hibru 2:18; 4:15 5:3: Wkp 9:7, 16:6, Hi 7:27 5:3: Ofa Gami 9:7; 16:6; Hibru 7:27
 5:4: Kis 28:1 5:4: Ua Me Ini 28:1 5:5: Sng 2:7, Jo 8:54, Hi 1:5, 1:8 5:5: Onger Akaba 2:7; Jon 8:54; Hibru 1:5;
 1:8 5:6: Sng 110:4, Hi 6:20, 7:1, 7:17, 7:21 5:6: Onger Akaba 110:4; Hibru 6:20; 7:1; 7:17; 7:21 5:7: Jo 12:27, 17:1
 5:7: Jon 12:27; 17:1 * 5:7: Jesus Getsemanin Azenimin ikia, egha osimtzir a bativamim batoghasa God ko migei. Ni Matyu 26:36-46 ko Mak 14:32-42 ko Luk 22:39-46in gan. Migirigiar kabar God Jesus a ko migeir migirigiaiba baraki. Guizbangira God Jesus ataghizi an areme, egha God ovevem ataghizi an an suirazir puvati. God a gamizi ua moziman dikavizi, a ziar ekiam a ganigha a gamizi an Ofa Gamir Gumazibar Dapanimin oto. Ni uaghan Aposel 2:24 ko Hibru 2:29 ko Filipai 2:6-11in gan. 5:8: Fl 2:8, Hi 3:6 5:8: Filipai 2:8; Hibru 3:6 5:9-10: Hi 2:10, 5:6, 11:40 5:9-10:
 Hibru 2:10; 5:6; 11:40 5:11: Mt 13:15, Jo 16:12, 2 Pi 3:16 5:11: Matyu 13:15; Jon 16:12; 2 Pita 3:16 † 5:11: Ni
 Hibru sapta 7in gan. 5:12: 1 Ko 3:1-3, Hi 6:1 5:12: 1 Korin 3:1-3; Hibru 6:1 5:12: 1 Korin 3:2 5:13: 1 Ko
 13:11, Ef 4:14, 1 Pi 2:2 5:13: 1 Korin 13:11; Efesus 4:14; 1 Pita 2:2 5:14: Ais 7:15, Ro 16:19, 1 Ko 2:14-15, Fl 1:10
 5:14: Aisaia 7:15; Rom 16:19; 1 Korin 2:14-15; Filipai 1:10 6:1-2: Ap 8:14-17, 17:31-32, 19:4-5, Ro 2:16, Fl 3:12-14, Hi
 5:12, 9:14 6:1-2: Aposel 8:14-17; 17:31-32; 19:4-5; Rom 2:16; Filipai 3:12-14; Hibru 5:12; 9:14

zurara en nighnizibar ikian kogham. E kamaghin nighnighvira ikiva, mati e dipenir akiniba dughiar aviribar da akuravira iti, egh dipenim asaraghan kogham. E gumazir aruabar min akaba baragh egh dar gin mangam.* ³ God en amamangatightima, e kamaghin damuam.

⁴⁻⁶ Gumazir maba, Godin angazangarimin aven ikegha, akurvazir aghuir Godin Nguibamin izezim inigha ghaze, a bar dera, egha igharaz darazi ko, Godin Duam inis. Egha Godin akam baregha fo, a bar dera. Me Godin gavgavimin aven ghua deragha an gani, gavgavir kam, a gin izamim dughiamin miseveghirigh azenimin otogham. Kamaghin amizi, gumazim akirim ragh God gasaragh tuavir manatamin izi ua navim giraghram? Bar puvati. A kamaghin amua, mati, a uan navir averiamin aven Godin Otarim uam a isa ter ighuvim gafugha, a gurazi gumaziba ua dibovir akabar a migei. Kamaghin amizi, gumazir uan nighnizir gavgaviba ataghizir kaba, me ua navibagh iraghamin tuaviba puvati.

⁷ Amozim dughiar aviribar izava nguazimin aven zui. Egheti nguazim daghebar amuti dagher aghuiba otivam, egh gumazir me me bagha da oparizibar akurvaghram. Egheti God nguazir kam deragh a damuam.⁸ Egheti benir ataghatariba ko benir kuraba an ikiti, kamaghin nguazim ikuvigham. A dughiar ruarim ikeghan kogham, egheti God suam, ni ikufi, ni bar isigham.

⁹ Namakar aghuiba, e migirigiar gavgavir kabar ia gami. Egha e ia ginighnigha kamaghin fo, ia tuavir aghuimin gin mangam, a tuavir God ian akurazim.¹⁰ God a gumazir kuram puvati, ia ingangarir aghuir ia amizibagh fo, ia God gifongezir arazimra Godin gumazamizibar akaghia men akurvasi, egha ia kamaghin amuavira iti. Egha a bizir kaba bakinighnighan kogham.¹¹ E kamaghin bar ifonge, ia bizir aghuir ia fogha iniamibav zuam iki, kamaghin ia God gifongezir arazimin gin zui moghin, ia bar moghira tuivigh gavgavighvira iki, mangiti ikimirimir kam givaghram.¹² Ia amirvaghan

marki. Ia gumazir nighnizir gavgavim ikia egha zuamiram amirvazir puvatizibar min iki. Egh bizir God fomira uan boribar aningasa akam akiriziba, ia da iniam.

E nighnizir gavgavim Godin akar dikirizimini iti

¹³ God fomira akar dikirizim Abraham daningasa, a fo, gumazitam ekevegha a gafirazir puvati, egha uabi uan ziam dibora ghaze, bar guizbangira.¹⁴ Egha ghaze, "Ki guizbangira ni migei, ki deragh ni damuva, egh nin ovavir boribar amighti me bar avirasemegham."¹⁵ Abraham a mizua zuamiram amirvazir puvati, ezi God, gin bizir an akar dikirizimini mirara Abraham daningasa mikemeziba, a ganingi.

¹⁶ Gumazim gavgavim uan akam daningisi, a gumazir a gafirazim ziam dibora ghaze, bar guizbangira. A kamaghin damighti, gumazitam anedueghan kogham.¹⁷ God fomira, gumazamiziba uan akar dikirizim me ganingizi, me fo, me gin an akam akirizir biziba iniam. Dughiar kam a deraghvira kamaghin men akaghaha ifongegha ghaze, nighnizir kam uam an otevkinighan kogham. Kamaghin amizi, a gavgavim uan akar dikirizim ganiga uan ziam dibora ghaze, bar guizbangira.¹⁸ Egha datirighin akar pumuning iti, kar Godin akar dikirizim, ko Godin arazir uan ziam diborim, aning otevkinighan kogham. God uabi ifarir puvati. Kamaghin amizi, e gumazamizir ara ghua Godin boroghin mongeziba, e Godin akar dikirizim ginighnigh egh e uan naviba gavgavim dar aning, egh bizir aghuir e fogha iniamiba mizuamvira ikiam.¹⁹ Egha e bizir aghuir e fogha iniamiba bagha mizuair arazir kam, a en akuraghia en ikimirimirin suiraghha gavgavim e ganidi, mati angka kurimin suirazi a gavgavigha danganir vamiran iti. E Jesus mizuaima, an aven ghua inir ekiar me Godin Dipenimin gurazimin girakirangin Bar Anogoroghezir Danganimin oto.²⁰ Iesusra e bagha faraghavira aven ghugha Ofa Gamir Gumazibar Dapanimin oto. Egha

* **6:1-2:** Rurir guar aviribagh isir arazimin akar kam, a Grighin akamin deragha otozir puvati. Gumazir maba kamaghin nighnisi, akar kam Kraisin adarazir rurim migeir puvati. A Judabar arazir me gin ghua rua Godin damazimin zuer akam migei.

6:4-6: Mat 12:31, Ga 3:2, Ef 2:8, Hi 10:26-27, 10:29, 10:32, 1 Pi 2:3, 2 Pi 2:20-21, 1 Jo 5:16 **6:4-6:** Matyu 12:31; Galesia 3:2; Efesus 2:8; Hibru 10:26-27; 10:29; 10:32; 1 Pita 2:3; 2 Pita 2:20-21; 1 Jon 5:16 **6:8:** Stt 3:17-18 **6:8:**

Jenesis 3:17-18 **6:10:** Ro 15:25, 2 Ko 8:4, 1 Te 1:3, 2 Te 1:6-7, 2 Ti 1:18, Hi 10:32-34 **6:10:** Rom 15:25; 2 Korin 8:4; 1

Tesalonika 1:3; 2 Timoti 1:18; Hibru 10:32-34 **6:11:** Kl 2:2, Hi 3:6, 3:14 **6:11:** Kolosi 2:2; Hibru 3:6; 3:14 **6:12:**

Hi 10:36 **6:13:** Stt 22:16-17 **6:13:** Jenesis 22:16-17 **6:14:** Stt 22:16-17 **6:14:** Jenesis 22:16-17 **6:16:** Kis

22:10-11 **6:16:** Ua Me Ini 22:10-11 **6:17:** Ro 11:29, Hi 11:9 **6:17:** Rom 11:29; Hibru 11:9 **6:18:** Nam 23:19,

1 Sml 15:29, Hi 12:1 **6:18:** Diboboniba 23:19; 1 Samuel 15:29 **6:19:** Wkp 16:2-3, 16:12, 16:15, Hi 9:7 **6:19:** Ofa

Gami 16:2-3; 16:12; 16:15; Hibru 9:7 **6:20:** Wkp 16:2-3, 16:12-15, Sng 110:4, Hi 3:1, 5:6, 5:10, 7:17, 8:1, 9:24 **6:20:**

Ofa Gami 16:2-3; 16:12-15; Onger Akaba 110:4; Hibru 3:1; 5:6; 5:10; 7:17; 8:1; 9:24

a Melkisedeghin min Ofa Gamir Gumazimin oto, egh a zurara ikivira ikiam.[†]

7

Melkisedek a ziar bar ekiam iti

¹ Ia fo, Melkisedeghin kam, a Salemin ngeubamin atrivim, egha a Godin Bar Pin Itimin ofa gamir gumazim. Ezi dughiar mam Abraham atrivir 4pla misogha me abini. Egha a uamategha izima, Melkisedek tuavimin a batogha a bagha God ko migia ghaze, God bizar aghuiba a bagh dar amuam. ² Ezi Abraham bizar a midorozimin iniziba, a bar a da tuiräzi, da 10plan pozibar otifi, ezi a pozir mam isa Melkisedek ganingi. (Ia nighnigh, Melkisedeghin ziämien mingarim a kamakin, Arazir Aghubar Atrivim. Egha a uaghan Salemin atrivim, ezi an ziar kamin mingarim kamakin, Navir Amirizimin Atrivim.) ³ Ezi Godin Akinafarimin aven, me Melkisedeghin ameboghfeziabar ziaba osirizir puvati, egha an ovavitamin ziam osirizir puvati. Egha uaghan amebam a batezir dughiam ko an ovever dughiam me da osirizir puvati. A Godin Otarimin min ikia Ofa Gamir Gumazimin ikia mamaghira iti.*

⁴ Ia Melkisedeghin kam ginighnigh, a ziar bar ekiam iti! En inazir afeziar faragha zuim Abraham bizar a midorozimin iniziba, a bar a da tuiräzi, da 10plan pozibar otifi, ezi a pozir mam isa Melkisedek ganingi. ⁵ E fo, Livain ovaviba me Godin ofa gamir gumazibar otifi. Ezi Moses Osirizir Araziba ghaze, Israelian gumaziba, me uan biziba 10plan pozibar da tuiraghti, Livain gumaziba me da pozitam iniam. Livaina me uaghan Abrahamin ovaviba. Ezi Israelia uan biziba tuiragha maba isa uan marazigh aningizi me da ini. ⁶ Melkisedek a Livain adarazir ovavimin otozir puvati. Ezi Abraham uan biziba tuiräzi, da 10plan pozibar otozi, Melkisedek a da pozir mam ini. Egha Melkisedek, bagha God ko migia ghaze, God bizar aghuiba a bagh dar amuam. Gumazir kam Abraham, a Godin akar dikirizim ini. ⁷ E kamaghin fo,

[†] 6:20: Azeniba bar aruer vamiran dughiar vamiran Israelian ofa gamir gumazibar dapanim ingangarir ekiar mam iti. An asizibar ghuzim inigh, egh arazir kuraba gin amangisi Godin Puripenimin Bar Anogoroghezir Danganimin aven mangam. Danganir kam, God ubi an aven iti. Ni Ofa Gamir Akinafarim sapta 16, ko Hibrun Akinafarim 9:1-7-in gan. E fo, datirighin Jesus guizin Ofa Gamir Gumazibar Dapanim oto. Egha Godin Dipenir an Nguibamin itimam a gumazamizibar arazir kuraba a givasaingangarim gami. Ni Hibru 4:14 ko 8:2 in gan.

^{7:1:} Genesis 14:17-20 ^{7:3:} Sng 110:4 ^{7:3:} Onger Akaba 110:4 * ^{7:3:} Melkisedek ameboghfeziabar puvatizir akamin mingarim kamakin, Godin Akinafarimin an ameboghfeziabar migirigiatam itir puvati. Ezi an amebam a batezir dughiam ko an aremezir dughiam, Godin Akinafarimin aven migirigiatam itir puvati. Kamaghin amizi, gumazir Hibrun Akinafarim osirizim ghaze, Jesus ofa gamir gumazimin ikia zurara mamaghira iti, ezi Melkisedek purama an ababanim gami. ^{7:4:} Stt 14:20 ^{7:4:} Jenesis 14:20 ^{7:5:} Nam 18:21 ^{7:5:} Diboboniba 18:21 ^{7:8:} Hi 5:6, 6:20 ^{7:8:} Hibru 5:6; 6:20 ^{7:14:} Stt 49:10, Ais 11:1, Mt 2:6, MAA 5:5 ^{7:14:} Jenesis 49:10; Aisaia 11:1; Matyu 2:6; Akar Mogomem 5:5

gumazim God ko migia ghaze, God bizar aghuiba gumazir igharazim damuam, a gumazir bar ekiam. Ezi bizar aghuiba iniamin gumazim, an an apengan iti. ⁸ Ezi Livaiba me Israelian 10plan pozibar arizir bizar akuar maba isi, kar gumazir ovengamiba. Ezi Melkisedekra, gumazir Abrahamin bizar akuuba inizim, Godin Akinafarim ghaze, an ovever akatam itir puvati, a ikivira ikiam. ⁹ E kamaghin mikim suam, Livai ubi, gumazir Israelian 10plan pozibar arighizir bizar akuuba inizim, a uaghan Abrahamin ovavimin ikia, egha a tuavir kamin uan bizar akuuba isa Melkisedek ganingi. ¹⁰ Guizbangira, Livai tighar otivamin dughiam, a uan ovavim Abrahamin mikarzimin aven iti. Ezi Melkisedek tuavimin Abraham batozi Abraham bizar kaba isa Melkisedek ganingi. Kamaghira e mikim suam, Livai uaghan uan biziba isa Melkisedek ganingi.

Ofa Gamir Gumazibar Dapanir igiam, a fomira itir Godin ofa gamir gumazibagh afira

¹¹ Fomira Israelian gumazamiziba, Moses Osirizir Araziba ini, ezi arazir kam kamaghin migei, Livain gumaziba Godin ofa gamir ingangarim damu. Egheti Livain gumazibar ofa gamir ingangarim, a gumazamizibar amuti me bar deraghvira ikiti, manmaghsua God ghaze, ofa gamir gumazir igharazim gin otivam? A Melkisedeghin min ikiva, Aronin min ikian kogham. ¹² Egheti Godin ofa gamir gumazibar araziba iragh igharagh otivtima, egheti Moses Osirizir Araziba uaghan iragh igharagh otivam. ¹³ Ezi en Ekiam, gumazir Godin Akinafarim gun mikemezim, an anabar igharazimin gumazim. Ezi an anabamin adarazir tav dughiatam Godin ofa gamir ingangarim gamizir puvati. ¹⁴ Ezi e bar fo, en Ekiam a Judan anabamin adarazir aven oto. Ezi Moses ofa gamir gumazibar ingangarim migia, anabar kamin adaraziv kemezir puvati.

¹⁵ Ezi ofa gamir gumazir igharazim otozi e an gari, a Melkisedeghin miraram oto. Egh e kamaghin deraghvira fogham, a Livain ofa gamir gumaziba bar me gafira.

¹⁶ Gumazir kam ofa gamir gumazimin

oto, me nguazir kamin arazibar gin ghua an anabam ginighnigha ingangarir kam a ganingizir pu. Puvati. An ikirimirir aghuimin gavgavim zurara ikiti bitezat a gasighasighan kogham. Gavgavir kam a gamizima a ofa gamir gumazimin oto.¹⁷ E fo, Godin Akinafarim kamaghin migia ghaze:

“Ni ofa gamir gumazimin iki mamaghira ikiam.

Ni Melkisedeghin min ofa gamir gu-mazimin ikiam.”

18-19 Kamaghin e fo, arazir ghurir kam, gavgaviba puvatigha egha a deragha en akurvazir puvati. Egha a bitezat gamima a derazir puvati. Kamaghin amizi, God anegifa. Egha God datirighin tuavir bar aghuir mam kui. Tuavir kamra kara, e bizar aghuir e fogha iniamiba bagha mizuai. Ezi tuavir kam Moses Osirizir Arazibagh afira. E tuavir kamin mangi Godin boroghira mangam.

²⁰ Ezi uaghan, dughiar God gumazir kam amisevezi an ofa gamir gumazimin otozim, a pura anemisevezir puvati. A ubi uan ziam dibora ghaze, bar guizbangira, egha anemisefe. Ezi me ofa gamir gumazir igharaziba amisivasa, gumazitam uan akam gavgavim ganiga Godin ziam diborozir puvati.²¹ God ubi guizbangira mikemezi, tuavir kamin Jesus ofa gamir gumazimin oto. God kamaghin mikeme:

“Ekiam bar guizbangira mikemegha
akar dikirizim gamua ghaze,
‘Ni ofa gamir gumazimin iki
mamaghira ikiam,’
egh uan nighnizim giraghan
kogham.”

²² Godin akar dikirizir kam kamaghin en akazi e fo, Jesus Akar Dikirizir Gavgavir kam deragh an ganiva a damighti, a guizbangiram otogham. E fo, Akar Dikirizir Gavgavir kam a bar deragha, Akar Dikirizir Gavgavir Ghurim gafira.

²³ Fomira, gumazir avirim Godin ofa gamir gumazibar otifi. Egha me ariaghira, egha uan ingangarim gamir puvati. Bizi kam bagha, gumazir aviriba ofa gamir gumazibar otifi.²⁴ Ezi Jesus angamira ikia mamaghira ikiavira iti. Kamaghin a Godin ofa gamir ingangarim gamua mamaghira

ikiavira iti. Eghti tav an min ofa gamir gu-mazimin otogham kogham.²⁵ An angamira ikia mamaghira ikia egha gumazamiziba bagha Godin azangsisi. An ingangarimin tuavimin a me inigha Godin boroghira zui. Kamaghin, datirighin ko zurara, a men akurvaghram.

²⁶ Guizbangira, Ofa Gamir Gumazibar Dapanir kam e bagha ingara bar deravira en akurvasi. A God ifongezir arazibara, dar gin zui. Egha arazir kuratam an itir puvati. A Godin damazimin bar zue. Ezi God a isa uan Nguibam bar pin aneti, ezi an arazir kurabagh amir gumazamizibar saghon iti.²⁷ Fomira ofa gamir gumazibar dapanir igharaziba, me dughiabar zurara ofabagh ami. Me faragha uan arazir kuraba gin amangasa ofabagh ami. Egha gin me gumazamizibar arazir kuraba gin amangasa ofabagh ami. Ezi Jesus kamaghin amir pu. Bar puvati. A dughiar bar vamiran, e bagha uan mikarzim isa ofan min God ganigha egha aremegha gifa.²⁸ E fo, me Moses Osirizir Arazibar gin ghua, gu-mazir gavgaviba puvatiziba amisevima me ofa gamir gumazibar dapanibar otifi. Ezi God akar dikirizim gamua uan ziam dibora ghaze, bar guizbangira, egha uan Otarim amisefe. Akar dikirizir kam, a Moses Osirizir Arazibar dughiamin gin otogha dagh afira. Ezi Ofa Gamir Gumazibar Dapanir kam, a gumazir bar aghuim. Egha an en akurvaghmin gumazir bar faraghavira zuimin oto. Egh a iki mamaghira ikiam.

8

Iesus, en Ofa Gamir Gumazibar Dapanir, a Godin Nguibamin iti

¹ Ezi migrigiar e amizir kam, an mingarim kamakin, e Ofa Gamir Gu-mazibar Dapanir mam iti, a Godin Nguibamin ikia Godin atrivir dabirabim aghairir guvum gaperaghav iti.² Egha an Anogoroghezir Danganimin ikia Ofa Gamir Gumazibar Dapanimin ingangarim gami, danganir kam a guizbangira Godin Purirpenim, dipenir gumaziba ingarizir puvatizim, Ekiam ubi an ingari.

³ E fo, ofa gamir gumazibar dapaniba bar, me asiziba ko biziiba isi ofa damuasa me amisefe. Kamaghin amizi, en Ofa Gamir Gumazibar Dapanir kam, a uaghan bitezat isi ofan min God daningam.⁴ Nguazir kamin ofa gamir gumaziba, me Moses

7:17: Sng 110:4; Hi 5:6 **7:17:** Onger Akaba 110:4; Hibru 5:6 **7:18-19:** Rom 8:3; Galesia 2:16; 4:9; Efesus 2:18; Hibru 9:9 **7:21:** Sng 110:4; Hi 5:6 **7:21:** Onger Akaba 110:4; Hibru 5:6 **7:22:** Hi 8:6, 12:24 **7:22:** Hibru 8:6, 12:24 **7:25:** Ro 8:34; 1 Ti 2:5; Hi 9:24, 1 Jo 2:1 **7:25:** Rom 8:34; 1 Timoti 2:5; Hibru 9:24; 1 Jon 2:1 **7:26:** Ef 1:20, Hi 3:1, 4:15, 8:1 **7:26:** Efesus 1:20; Hibru 3:1; 4:15; 8:1 **7:27:** Wkp 9:7; Ro 6:10, Hi 5:3, 9:12 **7:27:** Ofa Gami 9:7; Rom 6:10; Hibru 5:3; 9:12 **7:28:** Hi 2:10, 5:1-2, 5:9 **7:28:** Hibru 5:1-2; 5:9 **8:1:** Sng 110:1; Ef 1:20, Kl 3:1; Hi 1:3, 3:1, 10:12, 12:2 **8:1:** Onger Akaba 110:1; Efesus 1:20; Kolosi 3:1; Hibru 1:3; 3:1; 10:12; 12:2 **8:3:** Ef 5:2, Hi 5:1, 9:14 **8:3:** Efesus 5:2; Hibru 5:1; 9:14

Osirizir Arazibar gin ghua biziba isava ofan min God ganidi. Kamaghin amizi, Iesus ti nguazimin ikiai, an ofa gamir gu-mazimin ikian koghai. Ezi puvati, a Godin Nguibamin iti.⁵ Ezi me nguazimin ikiai ofa gamir ingangarim gammima ingangarir kam guizbangira Godin Nguibamin itir ingangarim nedazim ko ababanim gami. Arazir kam uaghan Moses bato. A Godin Purirpenimin ingarasava amima, God kamaghin a migei, "Ni Purirpenimin ingarsi, ni mighsiamin ikia ganizir ababanimra, an gin mangi deragh an ingar."⁶ Ezi Iesus ofa gamir ingangarim inizima, an ingangarim nguazimin itir ofa gamir gumazibar ingangaribagh afira. God, Akar Dikirizir Gavgavir faragha zuim, Israelia ganigha akar mabar kiri. Egha gin Akar Dikirizir Gavgavir igharazim gamua egha akar bar aghuubar kiri, ezi akar dikirizir kam, Akar Dikirizir Gavgavir faragha zuim bar a gafira. Kamaghin amizi, Iesus God ko gumazamizibar abuir gumazimin ikiava Akar Dikirizir Gavgavir Igiam gavgavim a ganingi. Ezi an Akar Dikirizir Gavgavir Ghurim gafira.

Akar Dikirizir Gavgavir Igiam, Akar Dikirizir Gavgavir Ghurim bar a gafira

⁷ Ezi Akar Dikirizir Gavgavir faragha zuim, a ti derazi God Akar Dikirizir Gavgavir Igiam gamighan koghai.

⁸ Egha God uan gumazamizibar arazir kuraba aghurigha kamaghin migei:

"Ki ian Ekiam,
egha ki kamaghin ia migei.

Dughiam a iziti,
ki Israelia ko Judaba, me ko Akar Dikirizir Gavgavir Igiam damuam.

⁹ Eghiti Akar Dikirizir Gavgavir Igiam,
ki fomira men ovavir afeziaba ko amizir Akar Dikirizir Gavgavim,
an an min mangan kogham.

Fomira itir dughiam,
ki uan dafarimin men suigha me inigha Isipin kantri ategha azenan ize,
egha ki men pamin min itima
me nan amuimin min iti.

Egha me Akar Dikirizir Gavgavir Ghurir kam abiki.

¹⁰ Ki ian Ekiam, egha ki kamaghin ia migei,
gin izamin dughiam otoghti,
ki Israel ko Akar Dikirizir Gavgavim damichti,

eghti a kamaghin mangam:
Ki uan araziba men nighnizibar arigh,
egh da isi men navir averiabar da osiram.

Egh ki men Godin ikitima
me nan gumazamizibar ikiam.

¹¹ Dughiar kamin gumazamiziba vaghvagh uan namakaba ko uan adarazir sure damuan kogh suam,
'Ia Ekiam gifogh.'

Puvati.

Me bar moghira na gifogham,
gumazamizir kiniba ko ziaba itir gu-mazamiziba.

¹² Eghiti ki men apangkuvigh
men arazir kuraba gin amangiva,
egh ua dagh nighnighan kogham."

¹³ Akar Dikirizir Gavgavir Igjar kam, God an gun migia egha maghira Akar Dikirizir Gavgavir faragha zuim gamizima a għurigha bar gifa. E fo, bizitam għurighiha a bar dughiar otevimiñ ikegħi bar givagħam.

9

Ofa gamir gumazibar dapaniba fomira asizibar ghuzibar ofabagh ami

¹ E fo, God Akar Dikirizir Gavgavir faragħa itim, Israelia ganiga Godin ziam fer araziba sara me ganingi. Egha ghaze, me Godin Dipenir gumaziba ingarizmin aven an ziam fam.² Me Godin Purirpenir mamin ingarizi danganir pumuning an iti. Purirpenir kamin aven itir danganir me faragħa aven mangamim, a lamen aghorim ko bret itir dakozir Godin damazimin itimini iti. Danganir kam me kamagh a dibori, "Anogoroghezir Danganim."³ Egha me inir bar ekiam, birimin min Anogoroghezir Danganimin girakirangin anegura. Ezi inir kamin girakirangin danganir iħbarazir mam uaghan iti, me kamagh a dibori, "Bar Anogoroghezir Danganim."⁴ Ezi danganir kamin aven bizir kaba iti: Pau-ran mugħuriar aghuim tuamin ofa gamir dakozim, me gol an pogħa a noke, ko Godin Akar Dikirizir Gavgavim Boksiar. Boksiar kam me gol an pogħava a noke. Egha Boksiar minn aven me għol miner manan dagħhem itim a gati. Egha me Aron fomira suirazix asadiv ir-aghorim a gati, asadiv ir-aghorir kam ġħużiba an oto. Egha me Dagħiġ Godin Akar Dikirizir Gavgavim Osizirim itimning, me uaghan aning Boksiar

8:5: Kis 25:40; Nam 8:4, Ap 7:44, Kl 2:17, Hi 9:23 **8:5:** Ua Me Ini 25:40; Diboboniba 8:4; Aposel 7:44; Kolosi 2:17;

Hibru 9:23 **8:6:** 2 Ko 3:6-9, Hi 7:22, 9:15 **8:6:** 2 Korin 3:6-9; Hibru 7:22; 9:15 **8:7:** Hi 7:11, 7:18 **8:7:** Hibru 7:11; 7:18 **8:8:** Jeremaia 31:31-34 **8:10:** Sek 8:8, Hi 10:16 **8:10:** Sekaraia 8:8; Hibru 10:16 **8:11:** Ais 54:13, Jo 6:45, 1 Jo 2:27 **8:11:** Aisaia 54:13; Jon 6:45; 1 Jon 2:27 **8:12:** Ro 11:27, Hi 10:17 **8:12:** Rom 11:27; Hibru 10:17 **9:1:** Kis 26:1-30 **9:1:** Ua Me Ini 26:1-30 **9:2:** Kis 25:23-40, 26:1-30 **9:2:** Ua Me Ini 25:23-40; 26:1-30 **9:3:** Kis 26:31-33 **9:3:** Ua Me Ini 26:31-33 **9:4:** Kis 16:33, 25:10-16, 30:1-6, Nam 17:8-10, Lo 10:3-5 **9:4:** Ua Me Ini 16:33; 25:10-16; 30:1-6; Diboboniba 17:8-10; Godin Araziba 10:3-5

kam gati.*⁵ Ezi Boksiar kamin asuam, a danganir gumazamizibar arazir kuraba gin amadim. Ezi enselin min garir bizimning Boksiam gisin ikia, egha aningin aviziba an asuam avara. Bizir kamning Godin danganimin ababanim gamua ghaze, God gu-mazamiziba ko iti. Ezi datirighin ki bizar kabar mingariba bar dar gun mikemeghan kogham.

⁶ Me kamagh bizibar ingarigha egha dughiaba bar ofa gamir gumaziba Godin Purirpenimin azenan itir danganimin aven ghua uan ingangaribagh ami.⁷ Ezi ofa gamir gumazibar dapanim uabira Bar Anogoroghezir Danganimin aven zui. Azeniba vaghvagha, a dughiar vamiran aven zui. Egha a purama aven zuir puvati. An asizibar ghuziba inigha aven zui. Egha ghuzir kamin a uan arazir kuraba gin amangasa ofa gamua, egha gu-mazamizir deragha nighnizir puvatizibar arazir kuraba, da gin amangasa ofabagh ami.⁸ Ezi Godin Duam arazir kamin bizar mam en aka, Godin Purirpenimin azenan itir danganim ikiavira itima, ezi tuavir e Bar Anogoroghezir Danganimin aven mangamim an en piri.⁹ Godin Purirpenimin eghaghanir kam, a bizar datirighin e bativamibar ababanim gami. Purirpenir kamin aven, me asiziba ko bizar guar bar avirir aghuiba ofabar min God ganiga egha an ziam fe. Ezi bizar kaba bar gumazir Godin ziam febar navir averiatam akirighan kogham, eghti me kamaghin fogh suam, me arazir kuraba pu. Bar puvati.¹⁰ Bizar Godin ofa gamir kaba, da dagheba apir arazim ko dipaba apir arazim ko arazir avirir gumazibar amuti me zueghamin arazimra. Da inivafizimin bizibara. God ofa gamir arazir kaba gumazibagh aningizi, me dar gin zui, eghti God gin bar moghira bizibar kirighti bizar igiaba otivam.

Krais uabi uan ghuzim isava ofa gami

¹¹ Ezi datirighin Krais otogha gif, egha bizar aghuir otivigha giyazibar Ofa Gamir Gumazibar Dapanimin iti. A Purirpenir aghuir kamin aven ghua e bagha ingari. Purirpenir kam Purirpenir faragha ikezim bar a gafira. Gumazitam dipenir kam

uan dafarimning an ingarizir puvati. Bar guizbangira kar nguazir kamin bizim puvati.¹² Ezi Krais bulmakaun apurim ko memen ghuzitam inigha egha Bar Anogoroghezir Danganimin aven ghuzir pu. Puvati. A uabi uan ghuzim isa ofa gamigha dughiar vamiran danganir kamin aven ghu. Egha en akurazi, e ikirimirir aghuarir zurara itim ini.¹³ E fo, gumazamiziba Godin damazimin mizeghtima, ofa gamir gumaziba memen ghuzim ko bulmakaun apurimin ghuzim ko bulmakaun nguzir aborozir bar isizimin sirim inigh, gumazamizibagh isin a kavkinam. Me kamaghin damichti, arazir kam Godin damazimin mizezir araziba batuegti gumazamiziba ua zuegham.¹⁴ Ezi Kraisin ghuzim asizibar ghuzim bar a gafira! Krais arazir kuratamin osimtizitam an itir pu. Bar puvati. Godin Duar zurara itimini gavgavimin, o ofan min uabi isa God ganingi. Kamaghin amizi, an ghuzim en inivafizibarama amizi da zuezir pu. Puvati. A en navir averiamin aven itir arazir kuraba agivazi, e kamaghin fo, e Godin damazimin bar zuegha iti. Kamaghin amizi, e ua arazir ghurir angamira itir puvatizir kabar gin mangan kogham, egh e Godin zurara angamira itimin ingangarim damuam.

Kraisin ghuzim, Akar Dikirizir Gavgavir Igiam gavgavim a ganingi

¹⁵ Kraisin ghuzim e gamizima e Godin damazimin bar zue. Egha an aremegha gumazamizibagh ivezegha men arazir kurar me Akar Dikirizir Gavgavir faragha ikezimin dughiamin amiziba, da gin amada. Kamaghin, Jesus Akar Dikirizir Gavgavir Igiam kam gavgavim a ganiga egha an abuir gumazimin iti. Kamaghin amizi, gu-mazamizir Godin dimdiam baregha an gin zuiba, me God fomira uan boribar aningasa mikemezir ikirimirir kam iniam. God kamaghin akam akira ghaze, me zurazurara ikiavira ikiam.

¹⁶ Gumazim nighnigh suam, a gin aremegham, egh suam gumazir manam an biziha iniam, egh an akinafarim osirigham. Kar mati an Akar Dikirizir Gavgavim. Eghti

* **9:4:** Daghem mana, kar God fomira Israelian gumazamizir nguazir kinimin aruzibagh aningizir daghem. Ni Ua Me Inı sapta 16 ko Onger Akaba sapta 78:24ın gan. **9:5:** Kis 25:18 **9:5:** Ua Me Inı 25:17-18 **9:6:** Nam 18:2-6 **9:6:** Diboboniba 18:2-6 **9:7:** Kis 30:10, Wkp 16:2-34, Hi 5:3, 7:27 **9:7:** Ua Me Inı 30:10; Ofa Gami 16:2-34; Hibru 5:3; 7:27 **9:8:** Jo 14:6, Hi 10:19-20 **9:8:** Jon 14:6; Hibru 10:19-20 **9:8:** Grighin akam deragha akar kaba abigha dar gun mikemezir puvati. **9:9:** Ga 3:21, Hi 7:18-19, 10:1-2 **9:9:** Hibru 7:18-19; 10:1-2 **9:10:** Wkp 11:2, 11:25, 15:18, Nam 19:7, 19:11-13, Ef 2:15, Kl 2:16, 2:20, Hi 7:16 **9:10:** Ofa Gami 11:2; 11:25; 15:18; Diboboniba 19:7; 19:11-13; Efesus 2:15; Kolosi 2:16; 2:20 **9:11:** Hi 3:1, 8:2, 10:1 **9:11:** Hibru 3:1; 8:2; 10:1 **9:12:** Dan 9:24, Hi 9:26, 10:4, 1 Pi 1:19 **9:12:** Hibru 9:26; 10:4; 1 Pita 1:19 **9:13:** Wkp 16:3, 16:14-16, Nam 19:9, 19:17-19, Hi 10:4 **9:14:** Ro 6:13, 6:22, Ef 5:2, Ta 2:14, Hi 6:1, 1 Pi 1:18-19, 1 Jo 1:7 **9:14:** Rom 6:13; 6:22; Efesus 5:2; Taitus 2:14; Hibru 6:1; 1 Pita 1:18-19; 1 Jon 1:7 **9:15:** Ro 5:6, 1 Ti 2:5, Hi 3:1, 7:22, 8:6, 1 Pi 3:18 **9:15:** Rom 5:6; 1 Timoti 2:5; Hibru 3:1; 7:22; 8:6; 1 Pita 3:18

borim Akar Dikirizir Gavgavir kamin gin mangi, egh afeziam a ginabazir biziba iniam. Eghti gumaziba deragh fogh suam, afeziam aremegha gifa, egh me biziba bar an borimin tegham. ¹⁷ E fo, gumazir akam akirizir kam angamira ikivira ikiti, an Akar Dikirizir Gavgavir pura iki ingangariba puvatigham. Eghti gumazir kam aremegham, egh Akar Dikirizir Gavgavir kam gavgavim iki daghem otogham. ¹⁸ Ezi kamaghira, me asizim misoghezi an aremezi, me an ghuzim inge, egha tuvir kamra Akar Dikirizir Gavgavir faragha ikezim gamizima, a gavgafi. ¹⁹ Dughiar kamin, Moses faragha Godin Akar Gavgaviba, bar dar gun gumazamizibav keme. Akar kaba, da Moses Osirizir Arazibar aven iti. Egha a gin bulmakaun apuribar ghuzim ko memebar ghuzim inigha dipam sara da vere. Egha a, isopin temer agharir me benir aghevimin ikezim, benir kam me sipsipin arizibar an ingari, Moses a inigha ghuzim gati. Egha an anesigha temer agharir kamin ghuzir muziarim inigha Akar Gavgavimin itir Akinafarim ko gumazamiziba bar me gisin a kavamadi. ²⁰ Egha a kamaghin migei, "Kar ghuzir Akar Dikirizir Gavgavir kam gavgavim a danningamin. God Akar Gavgavim ia ganiga ghaze, ia Akar Dikirizir Gavgavir kamin gin mangi." ²¹ Kamaghira Moses ghuzir muziarim inigha Godin Purirpenim ko Godin ziam fer biziagh isin a kavamadi. ²² Guizbangira, e ti kamagh mikim suam, Moses Osirizir Araziba ghaze, ghuzimra bizibar amighti, da Godin damazimin bar zuegham. Eghti me biziitm misuegh an ghuzim inigha a ingeghan koghti, God gumazamizibar arazir kuraba gin amadaghan kogham.

Krais arazir kuraba gin amangasa, uabira uabin ofa gami

²³ Ezi bizir Godin Purirpenimin itir kaba, da pura Godin Nguibamin itir bizibar ababaniba. Ezi me asizir ghuziba isa a dagh anima da zuegha Godin damazimin zue. Eghti Godin Nguibamin itir bizibar amighti da guizin zuegħi, ofan bar aghuim iki, asizibar ofabagh afiragh. ²⁴ E fo, Krais gumaziba uan dafaribar ingarizir Anogoroghezir Danganimin aven

ghuzir pu, danganir kam, a pura guizin Godin Dipenimin ababanim. Puvati. A guizbangira Godin Nguibamin aven ghu. Egha datirighin an e bagha God ko mikimasa, Godin damazimin tughav ika en akurvasti. ²⁵ E fo, azeniba bar, Ofa Gamir Gumazibar Dapanim asizibar ghuziba isa egha Bar Anogoroghezir Danganimin aven zui. Ezi Iesus kamagh amizir puvati, a Godin Nguibamin ghugha ofan min uabi uabi isa God ganingi. Egha a dughiar aviribar a gamizir puvati. ²⁶ A dughiar aviribar kamaghin damuvira iki, egh a dughiar aviribar mizaziba ini mamaghira ikiam, dughiar God nguazir kamin ingarizimin ikegha iza datirikin. Ezi puvati. Datirighin dughiar abuananamin Krais dughiar bar vamiran nguazimin ize, egha gumazamizibar arazir kuraba gin amangasa ofan min uabira uabi isa God ganingi.

²⁷ Gumaziba bar dughiar vamiran ovegh egh gin Godin kotiamin otivam. ²⁸ Kamaghira, Krais gumazir aviribar arazir kurabar osimtiziba aterasa, dughiar vamiran ofan min uabi isa God ganigha areme. Egh gin a dughiar namba 2in ua izam, egh dughiar kamin an arazir kuraba gin amangisa izan kogham. Puvati. A gumazir a mizua itiba guizbangira men akurvagh me iniam.

10

Ofan me fomira amiba, da arazir kuraba gin amadir puvati

¹ Moses Osirizir Arazibar aven, e pura guizin bizir gin otivambar ababaniba ko nedazibar gari. Ezi a guizbangin derivaria bizir kabar en akazir puvati. Moses Osirizir Araziba ghaze, me ofan kamaghin garibara, zurara azeniba bar dar amu. Kamaghin amizi, e fo, gumazamizir Godin boroghin zuiba, Moses Osirizir Arazibar gin mangi ofan kabar amighti, ofan kaba me akirighti, me deraghviram otogħan kogħam. Puvati. ² Ezi ofan kamaghin garim gumazamizibagh amizi me bar zuegha, uam ofabagh amuan kogħai. Egha asizibar ofan vamirama, God bagħha ingarir gumazibagh amizi me zuegha,

- 9:17: Ga 3:15 9:17: Galesia 3:15 9:18: Kis 24:6 9:18: Ua Me Ini 24:6 9:19: Kis 24:3-8, Wkp 14:4-7,
16:14-15 9:19: Ua Me Ini 24:3-8; Ofa Gami 14:4-7; 16:14-15 9:19: Ua Me Ini 24:6-8 9:20: Kis 24:8, Mt 26:28
9:20: Ua Me Ini 24:8; Matyu 26:28 9:21: Kis 29:12, 29:36, Wkp 8:15, 8:19 9:21: Ua Me Ini 29:12; 29:36; Ofa Gami
8:15; 8:19 9:22: Wkp 17:11, Ef 1:7 9:22: Ofa Gami 17:11; Efesu 1:7 9:23: Hi 8:5, 10:1 9:23: Hibru 8:5;
10:1 9:24: Ro 8:34, Hi 6:20, 8:2, 1 Jo 2:1 9:24: Rom 8:34; Hibru 6:20; 8:2; 1 Jon 2:1 9:26: 1 Ko 10:11, Ga 4:4, Hi
7:27, 9:12, 1 Pi 3:18 9:26: 1 Korin 10:11; Galesia 4:4; Hibru 7:27; 9:12; 1 Pita 3:18 9:27: Stt 3:19, Sav 3:20, Ais 53:12,
2 Ko 5:10, Fl 3:20, 2 Ti 4:8, Hi 10:10, 1 Pi 2:24, MAA 20:12-13 9:27: Genes 3:19; Fofozir Gumazim 3:20; Aisaija 53:12; 2
Korin 5:10; Filipi 3:20; 2 Timoti 4:8; Akar Mogommex 20:12-13 9:28: Ais 53:12, Ro 6:10, Ta 2:13, 1 Pi 2:24, 2 Pi 3:12, 1
Jo 3:5 9:28: Aisaija 53:12; Rom 6:10; Taitus 2:13; 1 Pita 2:24; 2 Pita 3:12; 1 Jon 3:5 10:1: Kl 2:17, Hi 8:5, 9:9-11, 9:23,
10:4 10:1: Kolosi 2:17; Hibru 8:5; 9:9-11; 9:23; 10:4 10:3: Wkp 16:21, Hi 9:7 10:3: Ofa Gami 16:21; Hibru 9:7

uan navir averiabar aven ua kamaghin nighnighan koghai, e arazir kuraba iti.³ Ezi puvati. Azenibar zurara, asizibar ofan kaba me gamima me ua uan arazir kurabagh nighnisi.⁴ Bizir kamin mingarim kamakin: bulmakaun apuriba ko memen ghuziba, da arazir kuraba gin amadaghan kogham. Bar puvati.

⁵ Ezi bizir kam bagha, Krais nguazir kamin izasava amir dughiamin a kamaghin God migia ghaze:

“Ni guizbangira, asizibar ghuziba ko bizir ofan min me ni ganidiba,
ni bizir kabagh ifongezir puvatigha
da inian aghua.

Kamaghin ni mikarzir mam na
daningasa an ingari.

⁶ Ofan bar isia mighiriba ko,
arazir kuraba gin amadir ofaba,
da ni gamima ni dar agorogem itir pu-
vati.

⁷ Ezi ki kamaghin migei,
‘God, kira kara.

Moses fomira nan gun Akinafarir
righizimin aven osirizi moghin.
Datinighin ki izegha gifa,
egha nin ifongiamin gin mangasava
ami.”

⁸ A faragha ofabav gei, ofan kaba, Moses Osirizir Arazibar amuasa mikeme. A kamaghin migei, “Ni asizibar ghuziba ko, bizir me ofan min ni ganidiba ko, ofan bar isia mighiriba ko, arazir kuraba gin amadir ofaba, ni bar dagh ifongezir puvatigha da inian aghua.”⁹ Egha a gin kamaghin migei, “God, kira kara. Datinighin ki izegha gifa, egha nin ifongiamin gin mangasava ami.” Kamaghin amizi God ghaze, ofa gamir arazir ghuriba, da gavgaviba puvatigha, gifa. Ezi ofa gamir arazir igiam, an danganim inigha gavgavim ikia ingari.¹⁰ Krais Iesus a Godin ifongiamin gin ghua, egha dughiar bar vamira ubi uan mikarzim isa ofan min en arazir kuraba bagha God ganingi. Ezi arazir kamin an e gamizi, e Godin damazimin zuegha an gumazamizibar otifi.

*Kraisin ofa, a guizbangira arazir kuraba
gin amangam*

¹¹ Godin ofa gamir gumaziba bar, me
zurara tuivava ofabagh ami. Egha me

ofan magh gariba, dughiar aviribar dagh ami. Ezi ofan kaba, da arazir kuratam gin amadaghan kogham.¹² Ezi Krais arazir kuraba gin amangasa ubi uan mikarzim dughiar vamiran a isa ofan min God ganingi. An ofan kamin gavgavim ikivira iki ingar mangivira ikiam. A kamaghin amiga givagha, Godin agharir guvimin amadaghan aperaghav ikia mamaghira iti.¹³ Egha a, God an apaniba isi an apengan darighamin dughiam bagha mizua iti.¹⁴ A ofan vamira gamua egha tuavir kamin gumazamizir Godin damazimin zueziba, a me akirzi me bar deraviram oto, egh iki mamaghira ikiam.

¹⁵ Ezi Godin Duam uaghan bizir kamin gun e mikeme:

¹⁶ “Ekiam kamaghin migia ghaze,
‘Gin izamin dughiam otoghti,
ki Israelia ko Akar Dikirizir Gavgavim
damighti,
eghti a kamaghin mangam:

Ki uan araziba men nighnizibar arigh,
egh da isi men navir averiabar da
osiram.

Egh ki men Godin ikitima
me nan gumazamizibar ikiam.”

¹⁷ Egha gin a ua ghaze:

“Ki men arazir kuraba gin amadagh
ua dagh nighnighan kogham.”

¹⁸ E kamaghin ganigha fo, God arazir kuraba gin amadazi, kamaghin uam arazir kuraba gin amangamin ofaba, da ua ingan-gariba puvati.

*E guizbangira nighnizir gavgavim ikiva
egh Godin boroghira mangam*

¹⁹ Kamaghin amizi, nan adarasi, Iesusin ghuzim en arazir kuraba gin amadaghha gifa. Egh tuavir kamin e Bar Anogoroghezir Danganimin aven mangi egh atiatingan kogham.²⁰ Iesus aremegha ua angamira iti, an e bagha tuavir igiar kam kui, tuavir ikia mamaghira itim. A tuavir kamin inir ekiar kamin girakirangin ghua danganir kamin aven ghu, inir kam a danganir kamin tiar akamini min guraghav iti. Ezi inir kam, a

10:4: Mai 6:6-7, Hi 9:13, 10:11 **10:4:** Maika 6:6-7; Hibru 9:13; 10:11 **10:5:** Ais 1:11, Amo 5:21-22 **10:5:** Aisaiia 1:11; Amos 5:21-22 **10:5:** Onger Akaba 40:6-8 **10:10:** Jo 17:19, Hi 9:12, 9:28, 13:12 **10:10:** Jon 17:19; Hibru 9:12; 9:28; 13:12 **10:11:** Kis 29:38, Nam 28:3, Hi 7:27, 10:4 **10:11:** Ua Me Ini 29:38; Diboboniba 28:3; Hibru 7:27; 10:4 **10:12:** Kl 3:1; Hi 1:3 **10:12:** Kolosi 3:1; Hibru 1:3 **10:12:** Onger Akaba 110:1 **10:13:** Ap 2:35, 1 Ko 15:25, Hi 1:3 **10:13:** Apostel 2:35; 1 Korin 15:25 **10:16:** Jer 31:33, Hi 8:10 **10:16:** Jeremaja 31:33; Hibru 8:10 **10:17:** Jer 31:34, Hi 8:12 **10:17:** Jeremaja 31:34; Hibru 8:12 **10:19:** Ro 5:2, Ef 2:18, 3:12, Hi 4:16, 9:8, 9:12 **10:19:** Rom 5:2; Efesus 2:18; 3:12; Hibru 4:16; 9:8 **10:20:** Mt 27:51, Jo 10:9, 14:6, Hi 9:3, 9:8 **10:20:** Matyu 27:51; Jon 10:9; 14:6; Hibru 9:3; 9:8

mati an mikarzimin ovevemra. Egheti e tu-
avir kamin danganir kamin aven mangam.*

²¹ E Ofa Gamir Gumazibar Dapanim
iti, ezi a Godin gumazamiziba bar men
gara me gatifa. ²² A uan ghuzim isa en
navir averiaba dav kinizi an e akirizi, e
kamaghin fo, e arazir kuraba puvatigha
Godin damazimin bar zue. Egha a dipar bar
dikiriamin en mikarziba rue. Kamaghin
amizi, ifavarir arazir en navir averiabar
itiba, e bar ada ateghiva, okam nighnighan
kogh nighnizir gavgavim Godin iki, egh
an boroghin mangam. ²³ E fo, bizir God
ingarasa akam akiriziba, a bar guizbangira
dar ingaram. Kamaghin amizi, e uan
nighnizir gavgavibar gun migia ghaze, bizir
aghui e fogha iniamiba bagha mizua iti.
Egha a uan nighnizir gavgavimin suiragh
bar gavgavigham. ²⁴ E vaghvagh Godin
gumazamizir igharazibagh nighnighiva,
me damuti men naviba dikavti, me igharaz
darazigh ifuegh, arazir aghuibar me
damuam. ²⁵ Ezi e Godin gumazamiziba, e
uari akuvir arazim ataghiragan kogham,
mati gumazamizir maba ami mokin.
Kamaghin marki. E fo, Dughiar Ekiam
Gumazamiziba Tuisighamim, a roghira
izi. Kamaghin amizi, e vaghvagh pamtem
ingariva, igharaz darazir akurvagh egh
gavgavim me daningam.

E Godin Otarim akirim ragh a gasan kogham

²⁶ Ia oragh. E guizin akam gifogh a inigh,
egh gin mikim suam, marki, egh uan ifon-
giabar gin mangi arazir kurabar amuvira
ikiam, egheti kamaghin ua ofa damuamin
tuavir igharaziba puvatigham. ²⁷ Ezi bizir
e damuamin mam kamaghin iti: E atiatir
kuram damuva Godin Kotiamin Dughiam
ko, avir bar puvira isim mizuamam. Avir
kam Godin apanibar isi me gasighasigham.
²⁸ E fo, gumazitam Moses Osirizir Arazi-
tam baraghan aghuaghram, egheti gumazir
pumuning o pumuning ko mikezim ganigh

* **10:20:** Bar Anogoroghezir Danganir kam, kar God uabi itir danganim. Fomira ofa gamir gumazibar dapanimra
danganir kamin an an aven zui. Ezi datirighin Jesus amizir ingangarimin, e bar moghira Godin boroghin mangam.
Kamaghin amizi, me Iesusin mikarzim abighizi a ter ighuvimin ovengezi, inir ekiar Bar Anogoroghezir Danganimin itiar
akam itim tongira bighaghirkha akuar pumuning oto. Ni Mak 15:38:in gan. **10:21:** 1 Ti 3:15, Hi 4:14 **10:21:** Hibru
4:14 **10:22:** Wkp 8:30, Ese 36:25, Ef 3:12, 5:26, Hi 9:14, Je 1:6, 1 Jo 3:21 **10:22:** Ofa Gami 8:30; Esekiel 36:25; Efesus
3:12; 5:26; Hibru 9:14; Jema 1:6; 1 Jon 3:21 **10:23:** 1 Te 5:24, 2 Te 3:3, Hi 4:14, 11:11 **10:23:** 1 Tesalonika 5:24; 2
Tesalonika 3:3; Hibru 4:14; 11:11 **10:25:** Ro 13:11, Fl 4:5, Hi 3:13, 2 Pi 3:9-11, 3:14 **10:25:** Rom 13:11; Filipai 4:5;
Hibru 3:13; 2 Pita 3:9-11; 3:14 **10:26:** Nam 15:30, Hi 6:4-8, 2 Pi 2:20-21 **10:26:** Diboboniba 15:30; Hibru 6:4-8;
2 Pita 2:20-21 **10:27:** Ais 26:11, Hi 12:29 **10:27:** Aisaia 26:11; Hibru 12:29 **10:28:** Lo 17:6, 19:15, Jo 8:17, 2
Ko 13:1 **10:28:** Godin Araziba 17:6; 19:15; Jon 8:17; 2 Korin 13:1 **10:29:** Kis 24:8, 1 Ko 11:29, Ef 4:30, Hi 12:25,
13:20 **10:29:** Ua Me Inl 24:8; 1 Korin 11:29; Efesus 4:30; Hibru 12:25 **10:30:** Lo 32:35-36, Sng 50:4, 135:14, Ro
12:19 **10:30:** Godin Araziba 32:35-36; Onger Akaba 50:4; 135:14; Rom 12:19 **10:31:** Lu 12:5 **10:31:** Luk 12:5
10:32: Ga 3:4, Fl 1:29-30, Kl 2:1, Hi 6:4 **10:32:** Galesia 3:4; Filipai 1:29-30; Kolosi 2:1; Hibru 6:4 **10:33:** 1 Ko 4:9,
Fl 1:7, 4:14, 1 Te 2:14 **10:33:** 1 Korin 4:9; Filipai 1:7; 4:14; 1 Tesalonika 2:14 **10:34:** Mt 6:20, 19:21, 19:29, Lu 12:38,
Ap 5:41, Fl 1:7, Je 1:2 **10:34:** Matyu 6:20; 19:21; 19:29; Luk 12:38; Aposel 5:41; Filipai 1:7; Jems 1:2

egh an gun mikemegham, egheti me an
apangkuvan marki, me a misueghit an are-
megh. ²⁹ Ia manmaghin gumazir akirim
ragha Godin Otarim gasarazim ginighnisi?
Gumazir kam a bar osimtizir ekiam iniam.
Egh an ivezir kuram, gumazir Moses Os-
irizir Araziba batoghezimin iverzir kuram,
bar a gafiraghram. Kraisin ghuzim Akar
Dikirizir Gavgavir Igiam gamima a gavgafi.
Ezi ghuzir kam gumazir kam gamizima
a zuegha Godin gumazimin oto. Egha
datirighin gumazir kam a Kraisin ghuzim
migia ghaze, a pura bizim. Egha a, Godin
Duar apangkuvim en itim, an tiraghak
aba a gasi. ³⁰ Ezi e fo, God kamaghin
mikeme, “Arazir kuraba ikarvaghamin in-
gangarim, ka nan bizim. Ki uabi men
arazir kuraba ikarvagh egh iverzir kuraba
me daningam.” Egha ua kamaghin migei,
“Ekiam uabi uan gumazamizibar araziba
tuisigham.” ³¹ Kamaghin, Godin ikia
mamaghira itim, a tavir suiragh iverzir
kuram a daningam, egheti gumazir kam
guizbangiram atiatingam.

E nighnizir gavgavimin suiragh gavgav- igham

³² Ia dughiar faragha ghuzim uam a
ginighnigh, dughiar ia Akar Aghuimin
angazangarim inigha nighnizir gavgavimin
an itim. Dughiar kamin me osimtizir ekiab
ia garizima, ezi ia mizazir aviriba ini. Egha
ia tuivigha gavgavizi osimtizir kaba ia
dikabirazir puvati. ³³ Ezi dughiar maba
me gumazamizibar damazibar ia afima ia
tuivav iti, ezi me dibovir akabar ia migia
egha paza ia gami. Egha dughiar mabar
ia men puegha me ko iti. ³⁴ Egha dughiar
me ian marazi isa kalabus gatizim, ia men
kuarkuva deravira me gami. Ezi dughiar
me ian biziba suiraghia inigha ghuziba,
pura men gara bar akuegha iti. Ia kamaghin
guizbangira fo, ian bizir ia gin iniamiba
Godin Nguibamin ia mizua ikia mamaghira
iti.

³⁵ Kamaghin, ia arazir aghuir ia faragha amizibagh nighnigh, uan nighnizir gavgavir kam deragh an suiragh, egh bizir kinimin min puram a makunan marki. Egh ia kamaghin damuva iveauzir aghuir ekiam iniam. ³⁶ Ia Godin ifongiamin gin mangiva, egh bizir aghuir a fomira ia daningasa akam akiriziba, ia da inisi, tuivigh gavgavigh iki. ³⁷ Guizbangira, Godin Akinafarim kamaghin mikeme:

“Dughiar bar ovezimin
gumazir izamim,
a izam.

A bar zuamira izeham.

³⁸ Ezi nan damazimin derazir gumaziba, me nighnizir gavgavim nan iki, kamaghin me angamira ikivira ikiam.

Eghti men tav uan nighnizir gavgavim ategh akirim ragh na gasaraghti, ki a gakueghan kogham.”

³⁹ Ezi eia, e gumazamizir akirim ragh God gasaragh ovengamiba pu. Bar puvati. E nighnizir gavgavim Godin iki ikirimirir aghuarir zurara itim iniamiba.

E nighnizir gavgavim Godin ikiva tugh gavgavigham

11

(Sapta 11–13)

Nighnizir gavgavimin mingarim

¹ Nighnizir gavgavimin arazim a kamakin. E guizbangira kamaghin fo, bizir aghuir God e daningasa mikemezi e zuai itiba, e guizbangira da iniam. Egha e bar fo, bizir en damaziba ganizir puvatiziba, da guizbangira gin otivam. ² Gumazir fomira itiba, me nighnizir gavgavim Godin iti, ezi God me gakuegha, gumazir aghuiba me garisi.

³ E nighnizir gavgavim ikia, egha e fo, God uan akamin overiam ko nguazim ingarizi da otifi. Ezi kamaghin, e garir biziba, God bizir e ganighan koghamiba, bar dar ingari.

Abel ko Enok ko Noa, me nighnizir gavgavim Godin iti

⁴ Abel nighnizir gavgavim Godin ikia, egha bizir kam bagha Godin ofa gami. An

ofa Godin damazim bar deragha, Keinin ofa gafira. Abel nighnizir gavgavim Godin iti, ezi bizir kam bagha God Abelin bizir aghuir an a ganidim bagha ifonge. Ezi bizir kam kamaghin en aka, God a migia ghaze, a gumazir aghuim. Abel an aremegha gifa. Ezi an nighnizir gavgavir kam, datirighin an akamkin gun e migiavira iti.

⁵ Ezi Enok uaghan nighnizir gavgavim Godin iti. Ezi bizir kam bagha God a inigha uan Nguibamin ghuavanabozi an aremezir puvati. Ezi gumazamiziba a buria, an apizir Puvati, God a inigha ghuavanabo. Godin Akinafarim ghaze, God tighar Enok iniamin dughiamin, an araziba bar Godin damazimin derazi an a bagha bar akonge. ⁶ Ezi gumazir nighnizir gavgavim Godin itir puvatizim, a Godin ifongiamin gin mangan koghti an a bagh bar akongeghan kogham. Guizbangira, gumazir Godin boroaghira mangasava amim, a nighnizir gavgavim kamaghin iki, God a iti. Egha nighnizir gavgavim kamaghin iki, God deravira gumazamizir a buribagh ami.

⁷ Ezi Noa uaghan kamaghira nighnizir gavgavim Godin iti. Ezi God bizir gin otivambar gun a mikeme. Kar bizir Noa tighar ganamiba. Egha a nighnizir gavgavim Godin akamin ikia, egha bizir kam bagha a kurir mamin ingari. Egha uan amuiroghboriba ko, me kurimin aven ghuez, bizitam me gasighasizir puvatizi, me deravira iti. Ezi Noan nighnizir gavgavir kam, a nguazimin itir gumazamizir igharaziba bar, men arazir kuraba da aghurigha azenim gati. Noa nighnizir gavgavim Godin itima, God bizir kamin a migia ghaze, a nan damazimin bar gumazir aghuim. Ezi God bar gumazir nighnizir gavgavim an itiba, a bar kamaghira me gami.

Abraham ko Sara nighnizir gavgavim Godin iti

⁸ Ezi uaghan Abraham nighnizir gavgavim Godin iti. Egha bizir kam bagha God an diazir dughiamin, Abraham Godin akamin gin ghua, egha uan nguibam ataki. Egha a nguibar God a daningasa akam akirizimin ghu, kar guzin an nguibamra. Ezi Abraham fozir puvati, a managh mangam. Egha a nighnizir gavgavim ikia

10:35: Mt 5:12, 10:32

10:35: Matyu 5:12; 10:32

10:36: Lu 21:19, Ga 6:9, Kl 3:24, Hi 6:12, 9:15, 12:1

10:36:

Luk 21:19; Galesia 6:9; Kolosi 3:24; Hibru 9:15; 12:1

10:37: 2 Pi 3:9

10:37: 2 Pita 3:9

10:37: Habakuk 2:3-4

10:38: Ro 1:17, Ga 3:11

10:38: Rom 1:17; Galesia 3:11

10:39: 1 Te 5:9, 2 Te 2:14, 2 Pi 2:20-21

10:39: 1

Tesalonika 5:9; 2 Tesalonika 2:14; 2 Pita 2:20-21

11:1: Ro 8:24-25, 2 Ko 4:18, 5:7

11:1: Rom 8:24-25; 2 Korin 4:18;

5:7 **11:3:** Stt 1:1, Sng 33:6, 33:9; Jo 1:3, 2 Pi 3:5

11:3: Jenesis 1:1; Onger Akaba 33:6; 33:9; Jon 1:3; 2 Pita 3:5

11:4:

Stt 4:3-10, Hi 12:24, 1 Jo 3:12

11:4: Jenesis 4:3-10; Hibru 12:24; 1 Jon 3:12

11:5: Stt 5:21-24

11:5: Jenesis

5:21-24 **11:7:** Stt 6:13-22, 7:1; Ro 3:22, 4:13, 1 Pi 3:20

11:7: Jenesis 6:13-22; 7:1; Rom 3:22; 4:13; 1 Pita 3:20

11:8:

Stt 12:1-5, Ap 7:2-4

11:8: Jenesis 12:1-5; Aposel 7:2-4

11:9: Stt 12:8, 13:3, 13:18, 18:1, 18:9, 26:3, 35:12, 35:27; Hibru 6:17

6:17 **11:9:** Jenesis 12:8; 13:3; 13:18; 18:1; 18:9; 26:3; 35:12; 35:27; Hibru 6:17

egha a zui. ⁹ A nighnizir gavgavim ikia ghua nguazir kamin apera, nguazir God fomira a daningasa akam akirizim. Egha a nguazir kam gaperagha mati nguubar igharazimin gumazim. A Purirpenim gaperaghav iti, moghin Aisak ko Jekop uaghan uan purirpenibagh apiaghav iti, gumazir kamning God nguazir kam ginighnigha egha uaghan akar kam aning bagha anekiri.¹⁰ Abraham zurara nighnizir gavgavim ikia nguabar ekiar gavgavigha itir kamin ganasa mizua iti. Nguabar ekiar kam, God uabira tuavir an ingaramibagh nighnigha, egha uabi an ingari.*

¹¹ Ezi Sara uaghan nighnizir gavgavim Godin iti. A guizbangin bar ghurigha boritam batan kogham. Egha a nighnizir gavgavim iti. Egha borim batamin gavgavim ini. Sara kamaghin nighnisi, "God na migia ghaze, 'Ni boritam batam,' egha akam kiri. Ki fo, God guizbangira mikeme."

¹² Kamaghin, gumazir kam Abraham a ghurigha egha aremeghasava ami, egha an ovavir borir avirabar afeziamon oto. Ezi an ovaviba otiva bar aviraseme, mati overriamin mikoveziba, o ongarimin dadarimin gigiba. Gumazitam da mengiva avegham.

¹³ Ezi gumazir kaba me nighnizir gavgavim Godin ikia ghua me ovengezir dughiamin tu. Ezi dughiar me nguazimin itim, me bizar aghuir God me daningasa akam akiriziba, da inizir pu. Puvati. Egha me tuvigha, mati bizar men saghuiamin itbar gari, egha bar akuegha dar gari. Egha aghumsizir puvatigha kamaghin migei, "E nguazir kamin ikia, mati kantrin igharazimin gumazamiziba, egha iza dughiar otevimin nguazir kamin iti."

¹⁴ E fo, gumazamizir kamaghin migeiba, me guizbangira kamaghin migia ghaze, me uari bagh nguibatam buriam. ¹⁵ Egha me nguazir tegha izezir kamra bagha nighnighavira ikia, egha me uam an ghueghai. ¹⁶ Egha me uan nguazir ghurim ginighnizir pu. Puvati. Me nguazir ighazarir iniasava amim, a bar deragha nguazir me ataghizim bar a gafira. A Godin Nguibamra. God me bagha nguabar kam akirizi a iti, egheti me an ikiam. Egha gumazir kaba kamaghin God migia ghaze,

"Ni en God." Ezi, God men akar mikemezir kamin aghumsighizir puvati.

¹⁷⁻¹⁸ Ezi God kamaghin Abraham ko akam akira ghaze, "Aisakrama nin ovavir boriba otivam." Egha dughiar God Abrahamin nighnizir gavgavim tuisighamimin, a kamaghin Abraham migei, "Ni uan otarir vamira misueghiva egh ofan min a isi God daningigh." Ezi Abraham nighnizir gavgavim Godin ikia, egha Aisak isa God daningasava ami. ¹⁹ Abraham kamaghin nighnisi, "Aisak aremeghti, God uam a damighti a ua dikavigham." Ezi bar guizbangira, e bizir otozir kam, akar isin zuimin kamaghin a mikimam, Abraham Aisak ua mozimin a inis.

Aisak ko Jekop ko Josep nighnizir gavgavim Godin iti

²⁰ Kamaghira Aisak nighnizir gavgavim Godin ikia egha Jekop ko Iso ginighnigha akam akira ghaze, God gin izamin dughabar, deravira gua damuam.

²¹ Ezi kamaghira Jekop a nighnizir gavgavim Godin ikia, egha an aremeghasava amir dughiamin, a Josepin otarimmin migia ghaze, God deravira gua damu. Egha a uan fidizir zurara suiagha aruim gisin aviraghya Godin ziam fe.

²² Ezi kamaghira Josep nighnizir gavgavim God ikia, egha dughiar an ovengamimin a kamaghin migia ghaze, Isrelia gin kantri Isip ategh mangam. Egha me migia ghaze, me manmaghin an kuam damuam.

Moses nighnizir gavgavim Godin iti

²³ Ezi Mosesin afeziam ko amebam aning nighnizir gavgavim Godin ikia, egha dughiar amebam Moses batezimin, aning an garima a borir bar dirim. Aning atrivimin akam batoghan atiatingizir puvati, kamaghin amizi, aning iakinir 3plan a modo.

²⁴ Ezi kamaghira Moses nighnizir gavgavim Godin ikia, egha dughiar a gumazimin otozimin, me kamaghin a diponan an aghua, Isipin Atrivimin guivimin borim. Puvati. ²⁵ A kamaghin nighnisi, a dughiar otevimin agorogem bagh arazir kurabar arazimin gin mangan aghua. Egha a Godin

11:10: Hi 3:4, 13:14, MAA 21:2, 21:10

11:10: Hibru 3:4; 13:14; Akar Mogomem 21:2; 21:10

* **11:10:** Nguabar

ekiar kam Jerusalem, a Godin Nguibamin iti. Ni Hibru 12:2in gan egh fogh. **11:11:** Stt 17:19, 18:11-14, 21:2, Ro 4:21, Hi 10:23

11:11: Stt 17:19, 18:11-14, 21:2, Ro 4:21, Hi 10:23

11:11: Jenesis 17:19; 18:11-14; 21:2; Rom 4:21; Hibru 10:23

11:12: Stt 15:5, 22:17, 32:12, Lo 10:22, Ro 4:18-19

11:12: Jenesis 15:5; 22:17; 32:12; Godin Araziba 10:22; Rom 4:18-19

11:13: Stt 23:4, 1 Sto 29:15, Sng 39:12, 1 Pi 1:17,

2:11 11:13: Jenesis 23:4; 1 Eghaghaniha 29:15; Onger Akaba 39:12; 1 Pita 2:11

11:16: Kis 3:6, 3:15, Mk 12:26,

Ap 7:32, Fl 3:20, Hi 13:14

11:17-18: Stt 21:12, 22:1-14, Ro 9:7, Je 2:21-22

11:16: Ua Me Ini 3:6; 3:15; Mak 12:26; Aposel 7:32; Filipai 3:20; Hibru 13:14

11:20: Stt 27:27-29, 27:39-40

11:20: Jenesis 27:27-29; 27:39-40

11:22: Jenesis 50:24-25; Ua Me Ini 13:19

11:23: Kis 1:22, 2:2, Ap 7:20

7:20 11:24: Kis 2:10-12

11:23: Ua Me Ini 1:22; 2:2; Aposel

7:20 11:24: Kis 2:10-12

11:26: Hibru 10:34-35, 13:13

11:26: Hibru 10:34-35, 13:13

gumazamiziba ko, osimtiziba ko mizaziba iniasi ifonge. ²⁶ A ghaze, a Krais, God Ua E Iniasa Misevezir Gumazimin ziam bangin, me paza a damutu an aghumsizim iniam. Bizir kam a bar bizar ekiam, egha a Isipin dagiaba ko kurukaziba ko biziba bar dagh afira. Egha a iveau aghuir God gin a daningamim giniagnighavira ikia, egha a tugha gavgafi.[†]

²⁷ Egha Moses nighnizir gavgavim Godin ikia egha a dikavigha Isip ataki. Isipin atrivim an aningaghe, ezi an atrivir kamin atiatir puvati. Guizbangira, e gumazamiziba uan damazibar Godin garir puvati. Ezi arazir kamra Moses a gami, mati a uan damazimningin Godin gani, egha a bar gavgavigha iti. ²⁸ Ezi Enselin Ovevem Inigha Izim, otarir ivariabav soghasava ami, ezi Moses Enselin arazir kam apirasa, Israelia akam me ganiga ghaze, me sipsipin ghuzim isi uan tiar akaba bar ada aghefehg. Dughiar kamin Moses nighnizir gavgavim Godin ikia, egha arazir kam me ganingi, ezi tuavir kamin God Israelia Gitazir Dughiamin Isar Ekiam gamizi, an oto.

Israelin avirba, me pamten nighnizir gavgavim Godin iti

²⁹ Ezi Israelia me nighnizir gavgavim Godin ikia, egha me Ongarir Aghevim abigha a giregha mati me nguazir misingizimin zui. Ezi Isipba men gin zuima dipam me avarazi me dipam amegha ariaghire.

³⁰ Ezi Israelia me nighnizir gavgavim Godin ikiava, egha me 7plan aruebar Jerikon nguibamin dagiar divazir ekiamin azenan a gighuagha arui. Ezi divazim bar akaraghire.

³¹ Ezi gumaziba isava akuir amizir mam, an ziam Rahap, a nighnizir gavgavim Godin ikia, egha gumazir moga garir pumuningin akuragha aning inigha uan dipenimin ghu. Kamaghin amizi, God gumazamizir an

akam batogheziba me soghezi, a me ko aremezir puvati.

³² Ki nighnizir gavgavim eghaghanir aviriba ia mikernegha gifia, egh datirighin akar manam uam an gun ia mikimam? Ki ti Gideon, Barak, Samson, Jepta, Devit, Samuel ko Godin akam nigha izir gumazibar eghaghanibar amuamin dughiaba puvati. ³³ Gumazir kaba me nighnizir gavgavim Godin ikia, egha me Kantrin Igharazibar Gumazamiziba ko misogha bar men midorozir gumaziba dikabini. Me arazir aghuim gamua, egha me bizar God me daningasa akam akiriziba ini. Egha me laionbar akaba dukumi. ³⁴ Egha me avir dafabagh amizi da mungue. Ezi midorozir sababa itir gumaziba me misoghasava amiama, me men are. Egha me gavgavir ekiaba puvatigha, gin me gavgavim ini. Egha me midorozir gumazir gavgavibar otivigha, igharaz darazir modorozir gumazibar agintigha me misogha me abini.

³⁵ Ezi gumazir ariaghirezir maba, me ua dikafi, ezi men amiziba ua me ini. Ezi apaniba gumazir maba kalabus gatigha, men mikarzibagh asighasigha ghuav iti, me ariaghire. Men apaniba ghaze, me akirim ragh God gasaragh, eghiti me me ateeghti me mangam. Ezi me uan apanibar akaba batoke. Me ghaze, me aremegh, ua mozimin dikavigh ikirimir aghuim iniam. Eghiti ikirimir igeri kam bar deragh nguazir kamin ikirimirim bar a gafiragh. Kamaghin amizi, apaniba me misoghezi, me ariaghire. ³⁶ Ezi apaniba marazi osimtiziba me garigha dibovir akabar me migia, me fozorogha senbar me ikia, me isa kalabusin me ariki. ³⁷ Apaniba dagiabar marazigh inifi. Ezi marasi, apaniba soba inigha men namnaba abizi me akuabagh iri. Marazi, apaniba midorozir sababar me misozima me ariaghiri. Ezi gumazir nighnizir gavgavim itir maba, me sipsipin iniba ko memen iniba, me inibar min

[†] **11:26:** Migirigar otevir kam, "Krais," an mingarim kamakin, "Gumazir God Ua E Iniasa Misevezir Gumazim." Ezi gumazir Hibrun Akinafarim osirizim a nighnizir pumuningikia ofa an osiri. An nighnizir farazim kamakin, Israelin gumazamiziba bar God uabi ua bagha me ginaba. A ghaze, Moses aghumsizim ini, egha Godin ingangarim damu, egh Israelian akurvaghram, God gumazamizir kaba me amisevezi, me Kraisin min iti. Ezi an nighnizir mam ua kamakin, Guizbangira Mosesin dughiamin, Krais Jesus otozir puvati. Ezi Moses amizir ingangarir kam, mati a Kraisin ziaramma aghumsizimini. **11:27:** Kis 2:15, 10:28-29, 12:37, 12:51, 14:13; Ro 1:20, 1 Ti 1:17, Hi 11:1, 11:13 **11:27:** Ua Me Ini 2:15; 10:28-29; 12:37; 12:51; 14:13; Rom 1:20; 1 Timoti 1:17; Hibru 11:1 **11:28:** Kis 12:21-30 **11:28:** Ua Me Ini 12:21-30

11:29: Kis 14:21-31 **11:29:** Ua Me Ini 14:21-31 **11:30:** Jos 6:12-21 **11:30:** Josua 6:12-21 **11:31:** Jos 2:1-21,

6:22-25, Je 2:25 **11:31:** Josua 2:1-21; 6:22-25; Jems 2:25 **11:32:** Het 4:6-5:31, 6:11-8:32, 11:1-12:7, 13:2-16:31, 1

Sml 1:1-1 Kin 2:11 **11:32:** Gumazir Dapaniba 4:6-5:31; Gumazir Dapaniba 6:11-8:32; Gumazir Dapaniba 11:1-12:7;

Gumazir Dapaniba 13:2-16:31; 1 Samuel 1:1-31:13 **11:33:** Het 14:5-6, 1 Sml 17:34-35, 2 Sml 7:11, Dan 6:1-27 **11:33:**

Gumazir Dapaniba 14:5-6; 1 Samuel 17:34-35; 2 Samuel 7:11; Daniel 6:1-27 **11:34:** Het 15:8, 15:15, 1 Kin 19:3, 2 Kin

20:7, Dan 3:1-30 **11:34:** Gumazir Dapaniba 15:8, 15:15; 1 Atriviba 19:3; 2 Atriviba 20:7; Daniel 3:1-30 **11:35:**

1 Kin 17:17-24, 2 Kin 4:25-37, Ap 22:25 **11:35:** 1 Atriviba 17:17-24; 2 Atriviba 4:25-37 **11:36:** 1 Kin 22:26-27,

2 Sto 18:25-26, Jer 20:2, 37:15, 38:6 **11:36:** 1 Atriviba 22:26-27; 2 Eghaghaniba 18:25-26; Jeremaia 20:2; 37:15; 38:6

11:37: 1 Kin 21:13, 2 Kin 1:8, 2 Sto 24:21, Ap 7:58, 14:19 **11:37:** 1 Atriviba 21:13; 2 Atriviba 1:8; 2 Eghaghaniba 24:21;

Aposel 7:58; 14:19

da ikegha zui. Egha me onganarazibagh amua ikia biziba bar puvati. Ezi gumaziba osimtzibba ko mizaziba me ganiga paza me gami. ³⁸ Nighnizir gavgavimin itir gumazir kaba, men araziba bar dera, ezi nguazir kamin gumaziba arazir aghuubar me damuan firin, me men ikufi. Kamaghin amizi, me tintinibar ghua, gumazamiziba puvatizir danganiba ko mighsiabar puram arua, egha dagiar toriba ko nguazimin aven itir mozibar aven iti.

³⁹ Gumazamizir kaba bar, nighnizir gavgavim Godin iti, egha ziar aghuuba Godin damazimin da ini. Egha me nguazimin itir dughamian, me bizir aghuir God me daningasa akam akiriziba me da inizir puvati. ⁴⁰ Me tizim bagha da inizir puvati? God fomira bizir bar aghuim e bagha anekirizi a ikia bizir faragha itiba bar dagh afira. God kamaghin nighnigha ghaze, gumazamizir faragha itir kaba deragh otogh en faragh mangan an aghua. Puvati. E me ko uari inigh deravira ikiasi, a ifonge.

12

E Iesusin ganiva, egh nighnizir gavgavimin an ikiam

¹ Ezi gumazamizir fomira itiba, me ghuardiamin min e okarigha tuivaghv ika, egha nighnizir gavgavimin arazim en akakasi. Kamaghin amizi, bizir en tuaviba pirima e uan ivemaram deragha a gamir puvatiziba, ko arazir kurar en suiziba, e bar ada ataghiraham. Egh e naviba gavgavigh egh e ivemarir ekiar God e bagha atizir kamin ivemaram. ² E Iesusra ganam, an en nighnizir gavgavimin mingarim, egh an en nighnizir gavgavim damichti, a gin deraghviram otogham. Iesus fo, a bar deravira Godin akamin gin mangi egh a gin bar deravira ikiva bar akuegh mamaghira ikiam. Egha a bizir kam ginighnigha gavgavigha ikia osimtzibba atera ter ighuvimin ovenge. Gumazamiziba kamaghin nighnigha ghaze, gumazir ter ighuvimin ovengezim, a bar gumazir arazir kurabagh amim, egha aghumsizir ekiam isi. Ezi Iesus aghumsizim ginighnizir puvatigha, egha areme. Egha datirighin a Godin agharrir guvimin atrivir dabirabim aperaghav iti.

11:38: 1 Kin 18:4, 19:9 **11:39:** 1 Atriviba 18:4; 19:9
7:22; 8:6; Akar Mogomen 6:11 **12:1:** Ro 7:21, 12:12, 1 Ko 9:24-25; Fl 3:13-14, Hi 10:36, 1 Pi 2:1
12:12; 1 Korin 9:24-25; Filipai 3:13-14; Hibru 10:36; 1 Pita 2:1
2:8; Hibru 1:3; 1:13; 1 Pita 1:11; 3:22 **12:3:** Jo 15:20, Ga 6:9
10:32-34 **12:4:** 1 Korin 10:13 **12:5-6:** Jop 5:17, Snd 3:11-12 **12:7:** Lo 8:5, 2 Sml 7:14, Snd 13:24, 23:13
Akaba 3:11-12; Jems 1:12; Akar Mogomen 3:19 **12:8:** Sng 73:15, 1 Pi 5:9 **12:9:** Sav 12:7, Ais 42:5
Gumazim 12:7; Aisaia 42:5 **12:10:** Wkp 11:44, 1 Pi 1:15-16 **12:10:** Ofa Gami 11:44; 1 Pita 1:15-16
3:17-18 **12:11:** Jems 3:17-18

God e akirmighasa osimtzibba e ganidi

³ Ia bar deraghvira Iesus ginighnigh. Gumazir arazir kurabagh amiba fomira bar puvira Iesusin apanim gami. Ezi a bar tugha gavgafci. Ia bizir kam ginighnigh egh tugh gavgavighi amirvaghan marki, egh uan nighnizir gavgavim ataghiraghan marki. ⁴ Guizbangira, ia arazir kuram abinasa midorozim gami, ezi midorozir kamin ian tav ovegha ghuzitam irezir puvati. ⁵⁻⁶ God gavgavim ian navibar aningasa, ia ganingizir migirigiba, ia ti da bakinighnighiz, o? A ia dibora ghaze, ia an boribara, egha ghaze:

*“Nan boriba, ia fo,
gumazamizir Ekiam ifongeziba
a me akirmisi.
A gumazitam inigh uan borimin min a
diponiva,
egh uaghan a fozorogham.
Kamaghin amizi, Ekiam ni akirsibizitam ni
damichti,
ni kamaghin nighnighan marki,
kar pura bizim.
Egh ni uaghan osiman marki.”*

⁷ Ia tuivigh gavgavigh, egh Godin amangatighti a ia akirmigh. Osimtzizim ia batoghti ia kamaghin fogh, mati afeziam uan boribagh amir arazimra, God uaghan ia gami. Borir manatam itima an afeziati ti anekirimizir pu? Puvati. ⁸ God uan boriba bar da akirmisi. A ia akirmighan koghti, ia fogh, ia guizbangirama an boriba puvati. Ia pura tuavimin otivizir boriba. ⁹ Ia bizir kam ginighnigh, en afeziar nguazimin itiba, e akirmizima e men ziaba fe. Kamaghin amizi, en duabbar Afeziam, e bar guizbangira an apengan ikiva egh angamira ikivira ikiam. ¹⁰ En afeziar nguazimin itiba, dughiar bar otevibar me ifongezi moghin en araziba akirmisi. Ezi God kamaghin nighnisi, e guizin an damazimin zueghavira itir arazimra inigh an miraram otogham. Kamaghin amizi, an en akurvaghosa e akirmisi. ¹¹ Afeziam e akirmighasa osimtzizim e ganingizi, e ghaze, osimtzizir kam bar e itarazima e ikia bar akongezir puvati. Egha en navir averiaba bar oseme. Eghiti an e akirigh givaghti, dagher aghuir en otivamibara

11:40: Hi 5:9, 7:22, 8:6, MAA 6:11 **11:40:** Hibru 5:9;
12:2; 8:6; Akar Mogomen 6:11 **12:1:** Rom 7:21;
12:2: Fl 2:8, Hi 1:3, 1:13, 1 Pi 1:11, 3:22 **12:2:** Filipai
2:8; Hibru 1:3; 1:13; 1 Pita 1:11; 3:22 **12:3:** Jon 15:20; Galesia 6:9 **12:4:** 1 Ko 10:13, Hi
10:32-34 **12:4:** 1 Korin 10:13 **12:5-6:** Jop 5:17; Onger Akaba 94:12; Aghuzir
Akaba 3:11-12; Jems 1:12; Akar Mogomen 3:19 **12:8:** Sng 73:15, 1 Pi 5:9 **12:9:** Sav 12:7, Ais 42:5
Gumazim 12:7; Aisaia 42:5 **12:10:** Wkp 11:44, 1 Pi 1:15-16 **12:10:** Ofa Gami 11:44; 1 Pita 1:15-16
3:17-18 **12:11:** Jems 3:17-18

kara: e Godin damazimin arazir aghuibara damuam, egheti en navir averiaba amiragh ikiam.

E tuivigh gavgavighsi aghariba kinkinam

¹² Egheti ian aghariba gavgaviba puvatigh egh amiragh ikiti, ia da fegh ingangarim damu. Egheti ian sueba aremegh pura ikiti, ¹³ ia da inigh tuavir aghuimin daruvira iki. Ia kamaghin damut ian sueba bar ikuvighan kogham. Puvati, da ua deraghamb.

¹⁴ Ia, gumazamiziba bar me ko, dabirabir aghuimin damuva, navir amirizimin arazim baghiva mighighvira ingar aghariba kinkin. Egh ia uari isi God daningisi, Godin damazimin zuezir arazim bagh mighighvira ingar. Gumazir Godin damazimin zuezir araziba puvatizim, an Ekiamin ganan kogham. ¹⁵ Ia bar deraghvira uari bagh gan, ian tav irigh egh ua Godin apangkuvir kam ataghiraghan marki. Egheti ian tav ua temer ovizir misozimin min otogh osimtiziba Kraisin adarazir aningen marki. ¹⁶ Egh ian tav poroghamiba uari bakia uari ko akuir arazim damuan marki. Egh tav Iso fomira amizi moghin, akirim ragh God gasan marki. An Aisakin otarir ivariam, egh bizir aghuir aviriba iniam firin, a dagher otevir vamira bagha pura uan bizar aghuiba bar da isa uan dozimin agharim gati. ¹⁷ Ia fo, a gin uamategha uan afeziamin bizar aghuir kaba iniasa migei. Ezi God ghaze, puvati. Iso bizar aghuiba iniasa zurarama aziava, egha a navim gighan tuaviba puvati.

E Godin Nguibamin itir Jerusalemin otogha gifa

¹⁸ Ia uan dafaribar suighamin biziba ia da bativizir puvati, mati Israelia fomiramia ami. Me izra Sainain Mighsiamin boroghin ikia, egha maburan avim ko mitarmer bar pizimin gara aminir bar gavgavim ko, ¹⁹ sighamin ararem baragha gumazir mamin tiarim barasi. Gumazamiziba

tiarir kam baragha bar atiatigha kamaghin Moses migei, "E uam oraghan aghua." ²⁰ Ia fo, God Akar Gavgavim me ganingizi, me bar an atiatigha a baraghan aghua. Akar kam kamaghin migei, "Gumazitam o asizitam mighsiar kamin mangi puram an suiragh, egheti ia dagiaba isi a ginivighthima an aremegh." ²¹ Ezi bizar me ganizir kam me bar an atiatingi, ezi Moses uaghan atiatigha ghaze, "Ki uaghan bar atiatigha egha puvira nisi."

²² Ia bizar kamaghin garitam batozir pu. Puvati. Ia Saionin Mighsiam ko Godin zu-rara itimin nguibar ekiamin otogha gifa, kar Jerusalemin nguibar Godin Nguibamin itim. Egha ia tausen tauzenpla enselba batifi, me uari akuvagha bar akuegha iti. ²³ Ia Godin borir ivariabar iviriar ekiam batogha gifa, kar Godin Nguibamin itir Akinafarimin ziaba osirigha givazir darasi. Ia Godin kam batogha gifa, a gumazamiziba bar men araziba tuisighamin Jas. Ia, gumazir fomira Godin damazimin bar deragha egha are-megha, deraviram otiviziba, ia men duaba batifi.* ²⁴ Ia Iesusra bato, an abuir gumazir God ko en tighin itim, egha Akar Dikirizir Gavgavir Igiam gami. Egha ia Iesusin ghuzimin otifi, a fomira Akar Dikirizir Gavgavir Igjar kam gavgavim a daningasa a kavkini. Ezi ghuzir kamra akar aghuim e mikiri, fomira Abelin ghuzim akam akunizi moghin an amir Puvati. Iesusin ghuzim akar bar aghuim akuri, ezi akar kam Abelin ghuzimin akam gafira.

E deraghvira uari bagh ganam

²⁵ Ia deraghvira gan, egh ia uan kuaribav kumigh Gumazir Migeimin akam baraghan aghuaghian marki. Fomira nguazir kamin God Akar Gavgavim gumazamizibagh aningi. Ezi me an akam baraghan aghua, egha gin me uan arazir kurabar iveauzir kuram gitazir puvati. God datirighin uan Nguibamin ikia egha akar bar gavgavim e ganingi. E akirim ragh a gasaragh egh e uan arazir kuramin iveauzir kuram gitaviragh,

- 12:12:** Ais 35:2 **12:13:** Snd 4:26, Ga 6:1 **12:13:** Aghuzir Akaba 4:26; Galesia 6:1 **12:14:** Sng 34:14, Ro 12:18, 2 Ko 7:1, Ef 5:5, 2 Ti 2:22 **12:14:** Onger Akaba 34:14; Rom 12:18; 2 Korin 7:1; Efesus 5:5; 2 Timoti 2:22 **12:15:** Lo 29:18, Ap 8:23, 2 Ko 6:1, Ga 5:4, Hi 3:12 **12:15:** Godin Araziba 29:18; Aposel 8:23; 2 Korin 6:1; Galesia 5:4; Hibru 3:12 **12:16:** Stt 25:29-34 **12:16:** Jenesis 25:29-34 **12:17:** Stt 27:30-40 **12:17:** Jenesis 27:30-40 **12:18:** Ro 6:14, 2 Ti 1:7 **12:18:** Ua Me Ini 19:16-22; 20:18-21; Godin Araziba 4:11-12; 5:22-27 **12:20:** Kis 19:12-13 **12:20:** Ua Me Ini 19:12-13 **12:21:** Kis 19:16, Lo 9:19 **12:21:** Ua Me Ini 19:16; Godin Araziba 9:19 **12:22:** Sng 68:17, Ga 4:26, Fl 3:20, MAA 5:11, 21:2, 21:10 **12:22:** Onger Akaba 68:17; Galesia 4:26; Filipai 3:20; Akar Mogomem 5:11; 21:2, 21:10 **12:23:** Lu 10:20, Fl 4:3, Hi 11:40, MAA 13:8, 14:4 **12:23:** Luk 10:20; Filipai 4:3; Hibru 11:40; Akar Mogomem 13:8; 14:4 * **12:23:** E fo, Iesus, a Godin borir ivariam. Ni Hibru 1:6in gan. Gumazir Hibrun akinafarim osirizim, dughiar aviribar kamaghin migia ghaze, God bizar aghuiba uan borir ivariabar aningasa. Ni Hibru 6:12 ko 9:15in gan. Judabar arazim kamakin, borir ivariabara uan afeziamin bizar aviriba isi. Ni Hibru 12:16in gan. Akinafarir kam osirizir gumazim kamaghin migia ghaze, God bizar aghuiba uan gumazamizibar aningasa egha me dibora ghaze, "Me Godin borir ivariaba." **12:24:** Stt 4:10, Hi 8:6, 10:22, 11:4, 1 Pi 1:2 **12:24:** Jenesis 4:10; Hibru 8:6; 10:22; 11:4; 1 Pita 1:2 **12:25:** Kis 20:22, Hi 2:1-3, 3:17, 10:26-29 **12:25:** Ua Me Ini 20:22; Hibru 2:1-3; 3:17; 10:26-29 **12:26:** Kis 19:18, Sng 68:8, Hag 2:6 **12:26:** Ua Me Ini 19:18; Onger Akaba 68:8; Hagai 2:6

o? Bar puvati.²⁶ Fomira itir dughiamin, Godin akam nguazim gamizi mikimkizim an oto. Ezi datirighin a kamaghin akar dikirizim e ganigha ghaze, "Ki ua nguazim damighti mikimkizim an otogham, eghiti nguazimra puvati, ki nguazim ko overiam uaghara kamaghiram aning damigham."²⁷ God dughiatam uam a damuasa mikeme, kamaghin e fo, God nguazim ko overiam ginobaghti mikimkizim aning batoghtima, bizir a ingarriba ua ikian kogham. Eghiti bizir akongan koghamiba, darara ikitivakiam.

²⁸⁻²⁹ Biziagh Ativamin Danganir e inizir kam, an akongan kogham. Kamaghin amizi, e danganir kam bagh a minabagham. E fo, en God mati avir puvira biziagh asighasizim. Kamaghin amizi, e an atiatingiva an apengen iki, egh a minabiva a ubabi ifongezir arazimin gin mangi an ziam fam.

13

E vaghvagh igharaz darazigh ifuegham

¹ Ia Kraisin adarasi, ia vaghvagh uarigh ifongegħ mamaghira iki, mati ia uan adarazigh ifongezi mokin. ² Nguibar igharazibar gumaziba ian bighan izamin dughibar, ia me inigh uan dipenibar mangisi okinighnighan marki. Ia fo, fomira gumazamizir maba ghaze, me gumazir kiniba isa uan dipenibar ghua egħi men gari. Ezi gumazir me inigha izir kaba, me enselba. Me ghaze, me guizin gumazibar gari, ezi puvati, me enselbara gari. ³ Ia Godin gumazamizir kalabusin itibagh nighnigh, mati ia me ko kalabusin iti. Egh ia uaghan gumazir men apaniba paza me gamizibagh nighnigh. Ia fo, ia nguazir kamin ikiavira iti, ezi apaniba uaghan ti arazir kamra ia damuam.

⁴ Ia bar kamaghin fogħ, gumazim ko amizim uanġin iċċia porogħamimningin otozir arazim, a bixi bar aghuiba, egha Godin damazimin dera. Ezi ġa porogħamiba bar deravira uan arazibar gan. Eghti God gin iverżi kuram isi, gumazamizir uari bakiava akuiba ko afiar arazibagh amir gumazamizibar aningam.

12:27: Sng 102:26; Mt 24:35; 2 Pi 3:10; MAA 21:1

Mogommex 21:1

12:28-29: Godin Araxiba 4:24; 9:3; Onger Akaba 50:3; Aisia 33:14; Hibru 10:27

1 Te 4:9; 1 Pi 1:22; 2 Pi 1:7; 1 Jo 3:11; 4:7; 4:20

4:20 13:2: Stt 18:1-8; 19:1-3; Mt 25:35; Ro 12:13; 1 Ti 3:2; 1 Pi 4:9

12:13; 1 Timoti 3:2; 1 Pita 4:9

13:3: Mt 25:36; Ro 12:15; 1 Ko 12:26; Kl 4:18; Hi 10:34; 1 Pi 3:8

Rom 12:15; 1 Korin 12:26; Kolosi 4:18; Hibru 10:34; 1 Pita 3:8

13:4: 1 Korin 6:9; Galesia 5:19-21; Efesus 5:5; Kolosi 3:5-6; Akar Mogommex 22:15

6:34; Fl 4:11-12; 1 Ti 6:8

13:5: Godin Araxiba 31:6-8; Josua 1:5; Matyu 6:25; 6:34; Filipai 4:11-12; 1 Timoti 6:8

Sng 118:6

13:6: Onger Akaba 118:6

13:7: 1 Ko 4:16; Hi 6:12

13:7: 1 Korin 4:16; Hibru 6:12

13:8: Jo 8:58; Akar Mogommex 1:4

EF 4:14; Hi 1:12; MAA 1:4

13:8: Jon 8:58; Efesus 4:14; Hibru 1:12; Akar Mogommex 1:4

2:4; 2:8; 2:16; 1 Ti 4:3

13:9: Rom 14:17; Efesus 4:14; Kolosi 2:8; 2:16; 1 Timoti 4:3

13:10: 1 Ko 9:13; 10:18

1 Korin 9:13; 10:18

13:11: Kis 29:14; Wkp 6:30; 16:27; Nam 19:3

13:11: Ua Me Ini 29:14; Ofa Gami 6:30; 16:27; Diboboniba 19:3

5 Ia dagħiar aviriba ikisi ifueghan marki. Ia kamaghin nighnigh, bizir ia itiba, da ian tughatizir puvati. Ia fo, God kamaghin e mikemegħha gifa:

"**Ki ia ategħti**
bitezit paza ia damuan kogħam.
Bar puvati.
Guizbangira, ki ia ategħan kogħam."

6 Kamaghin amizi, e gavgavim uan navibar aning egh mikim suam:

"**Ekiam nan Akurvazir Gumazim,**
na ko itima
ki atiatir puvati.

Ki fo,
gumazamiziba arazitam na
damighan kogħam."

E Iesusin gin mangi aghumsighan kogħam

7 Ia uan siosin gumazamizir dapanibagh nighnigh, me fomira Godin akamin gun ja mikeme. Ia men arazir aghuiba ko men ovevem ginighnigh. Egh men nighnizir gavgavim arazim, ia uaghan an gin mangi. ⁸ Krais Iesusin arazim, a fomira kamaghira ikia datirighin ikia, egh a gin zurara kamaghira ikian. ⁹ Ia Akar Aghuimin min zuir puvatizir akar igharazibha ategħti, da ian nighnizibagh asighasighti, ia Godin gin zuir tuavir aghuim ataghiragħan marki. Kamaghin amizi, e Godin apangkuvim ammangatighti a gavgavim en navir averiabar aningam. Dagħeba apir arazim gavgavim en navir averiabar aningan kogħam. Arazir kam, gumazamizibar darorim in akurvazir puvati.

10 Ezi e Godin ofa gamir dakozir mam iti. Ezi Judabar Purirpenim in aven ofa gamizir gumaziba, God men anogorogħezim, me ofa gamir dakozir kamin dagħebbar aman kogħam. ¹¹ Ofa gamir gumazibar dapanim, an asizibar ghuziba inigha Bar Anogorogħeżiż Danganir kamin aven ghugħha, arazir kuraba gin amangasa ofa gami. Eghha asizir kabar kuuba inigha gumazamiziba iti nagħin azenan

12:27: Onger Akaba 102:26; Matyu 24:35; 2 Pita 3:10; Akar

Mogommex 21:1

13:1: Jon 13:34; 1 Tesalonika 4:9; 1 Pita 1:22; 2 Pita 1:7; 1 Jon 3:11; 4:7;

4:20 13:2: Jenesi 18:1-8; 19:1-3; Matyu 25:35; Rom

12:13; 1 Timoti 3:2; 1 Pita 4:9

13:3: Matyu 25:36; Rom 12:15; 1 Korin 12:26; Kolosi 4:18; Hibru 10:34; 1 Pita 3:8

13:4: 1 Ko 6:9; Ga 5:19-21; Ef 5:5; Kl 3:5-6; MAA 22:15

13:5: Lo 31:6-8; Jos 1:5; Mt 6:25;

13:6: 1 Korin 4:16; Hibru 6:12

13:7: 1 Korin 4:16; Hibru 6:12

13:8: Jo 8:58; Akar Mogommex 1:4

EF 4:14; Hi 1:12; MAA 1:4

13:8: Jon 8:58; Efesus 4:14; Hibru 1:12; Akar Mogommex 1:4

2:4; 2:8; 2:16; 1 Ti 4:3

13:9: Rom 14:17; Efesus 4:14; Kolosi 2:8; 2:16; 1 Timoti 4:3

13:10: 1 Ko 9:13; 10:18

1 Korin 9:13; 10:18

13:11: Kis 29:14; Wkp 6:30; 16:27; Nam 19:3

13:11: Ua Me Ini 29:14; Ofa Gami 6:30; 16:27; Diboboniba 19:3

ghua saghon da tuema, da isia mighiri.¹² Kamaghira, Iesus uaghan nguubar ekiamin azenan mizazim ini. A ghaze, a uan ghuzimin gumazamizibar amighti me Godin damazimin zuegh egh Godin gumazamizibar otivigham, kamaghin an areme.*¹³ Kamaghin amizi, e uaghan a bagh nguibamin azenan mangiva, egh a inizir aghumsizim e uaghan a iniam.[†]¹⁴ E fo, nguazir kamin e zurara ikiamin nguubar ekiatam itir puvati. Egha e nguubar gin izamini bagha mizua iti.¹⁵ Kamaghin amizi, e Iesusin ingangarimin tuavimin, e zurara ziar ekiam isi ofan min God daning mamaghira ikiam. Eighti en akatoriba zurara an ziam fi suam, a en Ekiam.¹⁶ Egh ia arazir aghuibar gumazamizibar amu. Me bizarbar oteveghti, ia men akurvaghxi bizitaba me daning. Ofan kamaghin gariba, God bar dagh ifonge. Kamaghin amizi, ia arazir kabar amusi okinighnigan marki.

God e damuti e deravira ikiam

¹⁷ Ian gumazir dapaniba ian akurvaghaha zurara ian gari. Egh me gin ingangarir me amizibar gun God ko mikimam. Kamaghin amizi, ia men akaba baragh egh men apengan iki. Ia kamaghin damuti, me bar akuegh uan ingangarim damuan. Ia kamaghin damuan koghti, me osimtizim sara ian ganam, eighti bizar kam ian akuraghan kogham.¹⁸ Ia e bagh God ko mikimvira iki. E kamaghin bar fo, e dughiabar zurara arazir aghuibara amuasa bar ifonge. E uan araziba bar deravira da tuisigha arazir aghuibar gin ghua egha en navir averiaba osimtiziba Godin damazimin puvati.¹⁹ Ki mighira ia gakagħori, ia na bagħ God ko mikim suam, a nan akuragh na amadagħti ki zuamira ia bagħ izam.

²⁰ Ki ia bagħha God ko migei, Godin Navir Amirizimin Mingarim, a en Ekiam Iesus

13:12: Mt 21:39; Jo 19:17-18; Ap 7:58

13:12: Matyu 21:39; Jon 19:17-18; Aposel 7:58

*** 13:12:** Moses

Osirizir Araziba ghaze, gumazamiziba Godin ofa damuasa inigha izir asiziba, ofa gamir gumaziba da api. Me asizir gumazamizibar arazir kuraba gin amangisi, dugħiabar ofa gamiba, me dar aman kogħam. Ni Ofa Gami 6:24 ko 24:30 ko 16:27:in gan. Datirighin, ofan dugħiabar ekiar kam, Iesus amizir ofan kam an danganim ini. Ni Hibru 9:7 ko 14:in gan.

13:13: Hi 11:26; 12:2; 1 Pi 4:14 **13:13:** Hibru 11:26; 12:2; 1 Pita 4:14 **† 13:13:** Gumazir maba ti, Krais in gin zuir darazir amighti, me Moses Osirizir Arazibar aven itir dagħbeha apir arazimini gin mangasa. (Ni ves 9in gan) Ezi gumazir Hibrun akiñafarini osirizim ghaze, Krais in gin zuir darasi. Judaba itir nguibabar ikian markiam. Me kamaghin nighnigan marki, Moses Osirizir Araziba me damut, me Godin damazimin zuegham. Puvati. Iesusin ingangarimra me zuegha gifha. Kamaghin amizi, me a kiksi aghumisighan kogħi, anarira gin mangam.

13:14: Mai 2:10; Fl 3:20; Hi 11:10, 11:16, 12:22

13:14: Filipai 3:20; Hibru 11:10; 11:16; 12:22 **13:15:** 2 Sto 29:31, Sng 50:14, 50:23, 69:30-31, Hos 14:2, 1 Pi 2:5

13:15: 2 Eghħagħaniba 29:31; Onger Akaba 50:14; 50:23; 69:30-31; Hosea 14:2; 1 Pita 2:5

13:16: Ro 12:13; Fl 4:18; Hi 6:10 **13:16:** Rom 12:13; Filipai 4:18; Hibru 6:10 **13:17:** Ese 3:17, 1 Te 5:12, 1 Ti 5:17

Esekiel 3:17; 1 Tesalonika 5:12; 1 Timoti 5:17 **13:18:** Ap 23:1, 24:16; Ro 15:30, 2 Ko 1:12, Kl 4:3

13:18: Aposel

23:1; 24:16; Rom 15:30; 2 Korin 1:12; Kolosi 4:3 **13:20:** Ais 55:3; Jer 32:40; Ese 37:26; Sek 9:11; Ro 15:33; 1 Ko 6:14; Hi 10:29; 1 Pi 2:25

13:20: Aisaia 55:3; Jeremaja 32:40; Esekiel 37:26; Sekaraja 9:11; Rom 15:33; 1 Korin 6:14; 1 Pita 2:25

13:21: Ga 1:5; Fl 2:13; 2 Te 2:17, 1 Pi 5:10 **13:21:** Galesia 1:5; Filipai 2:13; 2 Tesalonika 2:17; 1 Pita 5:10

ovevemin a gamizi a ua dikafi. Iesus, Sipsipbar Garir Gumazir Gavgavim Itim, a ubi ofan min aremegħha uan ghuzimin Akar Dikirizir Gavgavir kam, gavgavim a ganingi, eighti a iki mamaghira ikiam.²¹ Ezi ki ia bagħha Godin kam ko migia kamaghin an azangħi, eighti a ian akuragh gavgavim ia daning, ia arazir aghuibar amu, egh an ifongiāmin gin mangam. Eighti Krais Iesusin ingangarimin tuavimin, an en navir averiabar aven ingarti, e a ifongezir arazibar amuam. Egh e zurazurara ziar ekiam a daning mamaghira ikiam. Bar guizbangira.

Akar abuananaba

²² Nan adarasi, akar ki ia bagħha osirizir kam, a ruarazir puvati. Kamaghin amizi, ia nimra iki, egh akar ki gavgavim ian navibar aningħas osirizir kam, ia deraviram a baragh.²³ Ki kamaghin ia mikimasa ifonge, me kalabusin en aveghħbuam Timoti firizi, a ua kalabusin itir puvati. A zuamira na bagħ izegħiha, ga uaghara mangi ian ganam.

²⁴ Ia uan gumazir dapaniba ko Godin gumazamiziba bar me mikim suam, ki ghaze, God deraghvira me damu. Ezi Kantri Italin itir Krais in adarazi uaghan ia bagħha akam amaga ghaze, God deraghvira ia damu.

²⁵ Ki kamaghin God ko migia ghaze, Godin apangkuvim a bar mogħira ia ko iki.

Jems Osirizir Akinafarim O Jems Akar faragha zuim

Jemsin akinafarim akar aghuir aviriba iti. Jems, Godin gumazamiziba arazir aghuibar gin mangasa, a men sure damuasa akar aghuir avirir kaba osiri. A gumazamizibar akurvaghti me nighnizir aghuibar ko fofozim iniva, egh deravira an akam ginighnighasa an akar isin zuir aviriba osiri.

Jems mighighavira migia ghaze, gumazir nighnizir gavgavim Iesusin itiba, me pura ikian kogham. Puvati. Me arazir aghuibar igharaz darazir amuam, egh arazir kam kamaghin akaghram, me nighnizir gavgavim iti.

E osimtizibar tuivigh gavgavigh egh deravira God ko ikiam

(*Sapta 1:1-18*)

¹ Ki Jems, ki God ko Ekiam Krais Iesusin ingangarii gumazim. Ki ia 12plan Israelin itir anababa bagha akinafarir kam osiri. Kar ia gumazamizir uan nguibam ategha ghua kantrin igharazibar itiba. Ki dughiar aghuim ia ganidi.*

Osimtiziba, da gavgavim e ganidi

²⁻³Nan adarasi, ia fo, osimtizir ia bativiba, da ian nighnizir gavgavibar amuti ia tuivigh gavgavigh osimtiziba ater mangivira ikiam. Kamaghin amizi, osimtizir aviriba ia bativima ia kamaghin nighnigh suam, ia bar akongegh. ⁴Egh ia zurara tuivigh gavgavigh egh osimtiziba ater. Egh arazir kam ian iki gavgavigh mamaghira ikiam. Kamaghin ia deravira ikiva, egh ia Godin bizitamin oteveghan kogham. Puvati. Ian araziba bar deraghti, ia Godin Arazibar aghung mangi gumazamizir aruabar min otogham.

Gumazamiziba nighnizir aghuibar otevegh, me God ko mikim

⁵Ezi ian tav nighnizir aghuibar otevegh, a Godin azangsightima, God a daningam. God pura biziba gumazamiziba bar me ganidi, an atarir puvati. Kar Godin bizibar

anogorozir puvatizim, me an azangsizima a me daningasa bar ifonge. ⁶Egiti ni God ko mikimiva, ni nighnizir gavgavim iki, nighnizir pumuning ikian marki, egh suam, “God ti bizitam na danigham, o puvatigham?” E fo, gumazim o amizim nighnizir pumuning iti, a mati aminin ongarim givav amadima a pura tintinibar dikafi. ⁷A kamaghin nighnighan marki, Ekiam bizitam a danigham. Puvati. ⁸A okam nighnigha, nighnizir aviribagh ami, arazir an amiba, da nighnizir vamiran itir puvati.

Jems onganaraziba ko gumazir bizir aviriba itiba akam me ganidi

⁹Ezi nighnizir gavgavim itir gumazamiziba, onganarazibagh amua iti, me Godin damazimin ziar ekiam iti. Kamaghin, me bar akuegh iki. ¹⁰Ezi nighnizir gavgavim itir gumazamiziba, bizir aviriba iti, me fo, God gin me dikabiraghti me akimarir atiabar min aremegham. Kamaghin, me uaghan bar akuegh iki. ¹¹E fo, aruem anaga pamtem gara temem gisirazima a midii. Ezi tememin akimarir aghuibar suaghira, egha dar ganganim bar ikufi. Ezi kamaghira gumazamizir bizir aviriba itiba, me uan ingangarim damuvira ikiva an tongin aremegham.

God arazir aghuibar e gami, egha arazir kurabar amuasa e abirir puvati

¹²Gumazim osimtiziba ateriva, egh uaghan osimtiziba bar dar aven tugh gavgavigh, uan nighnizir gavgavim ateghan koghti, God ivezir aghuim a daningtima a zurara itir ikirimimir aghuim iniam. Ivezir aghuir kam, God akar dikirizim gamua ghaze, gumazir bar a gifongeziba, a me daningam. Kamaghin, gumazir kam bar akongegh.

¹³Kamaghin gumazitam bizitam an navim abiraghtima an arazir kuratam damigham, a kamaghin mikiman marki, “God na abirazima ki arazir kam gami.” Puvati. E fo, gumazitam God abiraghtima an arazir kuratam damigan kogham, eghit God gumazitam abiraghtima an arazir kuratam damigan kogham. ¹⁴Ezi en navir kuraba vaghvagha arazir kurabar amuasa e gifarava e apezeperava e gakaghori. ¹⁵Ezi navir digavir kam, a mati amizim navim adai, egha gin arazir

1:1: Mt 13:55, Mk 6:3, Ap 15:13, Ga 1:19, 1 Pi 1:1 **1:1:** Matyu 13:55; Mak 6:3; Aposel 15:13; Galesia 1:19; 1 Pita 1:1
*** 1:1:** Israelin 12plan anabar kaba, da Godin gumazamizir nguazir kamin bar an tibar ababanim gami. **1:2-3:**
Aposel 5:41; Rom 5:3-5; Hibru 10:34; 1 Pita 1:6-7; 4:13; 4:16 **1:5:** 1 Kin 3:9-12, Snd 2:3-6, Jo 15:7, 1 Jo 5:14-15 **1:6:** Mk 11:24, 1 Ti 2:8 **1:10:** Sng 37:2, 90:5-6, 1 Ko 7:31, 1 Pi 1:24, 1 Jo 2:17
Atriviba 3:9-12; Aghuzir Akaba 2:3-6; Jon 15:7; 1 Jon 5:14-15 **1:12:** Snd 3:11-12, 2 Ti 4:8, Hi 12:5, Je 2:5, 1 Pi 5:4, MAA 2:10 **1:12:** Aghuzir Akaba 3:11-12; 2 Timoti 4:8; Hibru 12:5; Jems 2:5; 1 Pita 5:4; Akar Mogomem 2:10 **1:14:** Ro 7:7-10 **1:14:** Rom 7:7-10
1:8: Je 4:8 **1:8:** Jems 4:8 **1:9:** Je 2:5 **1:9:** Jems 2:5 **1:10:** Sng 37:2, 90:5-6, 1 Ko 7:31, 1 Pi 1:24, 1 Jo 2:17
1:10: 1 Korin 7:31; 1 Jon 2:17 **1:12:** Snd 3:11-12, 2 Ti 4:8, Hi 12:5, Je 2:5, 1 Pi 5:4, MAA 2:10 **1:12:** Aghuzir Akaba 3:11-12; 2 Timoti 4:8; Hibru 12:5; Jems 2:5; 1 Pita 5:4; Akar Mogomem 2:10 **1:14:** Ro 7:7-10 **1:14:** Rom 7:7-10
1:15: Sng 7:14, Ro 5:19-21 **1:15:** Onger Akaba 7:14; Rom 5:19-21

kuram gamizima an oto, mati a borimin bate. Ezi arazir kuram ghua ekevezir dughiam, an ovevem gamizima an oto. ¹⁶ Nan adarasi, ia gumazitam ateghti a ia gifaran marki. ¹⁷ Bizir bar aghuir e isiba, ko bizir ikuvir puvatiziba, da bar Godin Nguibamin pin izaghiri. God Afeziam a biziba bar overiam dar ingari, a bizir aghuir kaba e bagha da amadi da izaghiri. Ezi Afeziar kam a uan araziba raghirazir puvati. A bizitamin nedazimin min aruem a gisirazi an otevegha ruarazir puvati. A kamaghira iti. ¹⁸ God kamaghsua, a biziba bar dar ingari, egha e gamizi e bar adar faragh mangam. Kamaghin God ubi uan ifongiamin gin guava en Afeziamin oto, a uan guizin akamin e gamizima e otivi.

E nighnizir gavgavim guizbangira Godin iki, e uaghan arazir aghuibar amuam

(Sapta 1:19–5:6)

E Godin Akam baragh, uaghan an gin mangam

¹⁹ Nan adarasi, ia deravira bizir kam gifogh. Ia bar zuamira kuaribar arighakaba baragh, egh zuamira mikiman marki, egh zuamira ataran marki. ²⁰ E fo, atarii gumazim, Godin damazimin arazir aghuibagh amima da otivir puvati. ²¹ Kamaghin amizi, ia bar arazir miziriziba ko arazir kurar otiviba, ia bar ada munamadagh. Egh ia bar uari dikabiragh egh Akar God ian navir averiamin dikarazim inigh. Eghti Akar kam ian akuraghram. ²² Egh Akar ia inizir kam, ia an mirara mangi. Ia puram orarazir kinim damuan marki. Puvati. Ia pura orarazir kinimin damuam, kamaghin ia uarira uarigh ifari. ²³ Gumazamiziba pura Godin Akam baregha, an gin zuir puvati, me mati gumazamiziba ganganimin uan guabar gari. ²⁴ Egha me deravira uan guabar ganigha, ua ghugha okinighniki, men guaba manmaghira gari. ²⁵ Ezi Godin Akar bar deravira itim e gamima e firiaghiri. Eghti gumazamiziba deravira Akar kam ginighnigh, egh pura Akam baragh zuamira okinighnighan kogh, bar an Akamin gin mangiti, gumazamizir

kaba, God men ingangaribar amuti da bar deraviram otivam.

²⁶ Gumazamizitaba kamaghin nighnigh suam, “E Godin gumazamizir bar aghuib, egha guizbangira an ziam fe,” egha migirigar aghuibar uan mizebar dav geir puvati, kamaghin me uarira uarigh ifari. Ezi kamaghin men nighnizir gavgavim ko Godin ziam fer arazim pura bizim.

²⁷ Guizbangin nighnizir gavgavir God Afeziamin damazimin deragha osimtiziba puvatizim, a kamakin: E borir ameboghefeziaba ovengezibar akurvaghiva, amizir odiarir men paba ovengeziba sarama akurvagh, men osimtiziba ateram. Ezi uaghan bizir mam, e uari uan dorriba deravira dar ganam, eghit nguazir kamin araziba e damut e Godin damazimin mizeghan kogham.

2

E arazir amir vamiran, bar gumazamizibar amuam

¹ Nan adarasi, ia nighnizir gavgavim en Ekiam Krais Iesusin iti, a bizir aghuir Godin Nguibamin itibar Ekiam. Ia gumazamizir ziaba itiba deravira me damu egh gumazamizir ziaba puvatiziba akirim ragh me gasan marki. Ia amir arazir vamiran bar me damu. ² Eghti gumazitam kurukazir bar aghuim damigh, egh golin ring uan dafarim datigh, God ko migeir dipenimin aven mangam, eghit gumazir onganarazim korotiar bibizibar kurukegh egh uaghan God ko migeir dipenimin aven mangam, ³ eghit kurukazir bar aghuim gamizir gumazim ia deravira a damuva, egh a mikim suam, “Aruam, ni izi dabirabir aghuir kam daperagh,” egh ia onganarazibagh amir gumazim kamaghin a mikim suam, “Ni munagh tugh,” o “Ni nan dagarimning boroghin magh vazim daperagh,” ⁴ Ian arazir kam mati, ia uan nighnizibar aven igharaz darazi abigha men araziba tuisisi. Egha ia deravira nighnigha gumazamizibar araziba arazir vamiran me tuvisir pu. Puvati. Ia mati jasbar min otivigha nighnizir bar kurabar gumazamiziba tuisisi.

1:17: Mal 3:6; Mt 7:11; Jo 3:27; Ro 11:29; 1 Ko 4:7

1:17: Malakai 3:6; Matyu 7:11; Jon 3:27; Rom 11:29; 1 Korin 4:7

1:18: Jo 1:13; Ef 1:12; Je 2:3; 1 Pi 1:23; MAA 14:4 **1:18:** Jon 1:13; Efesus 1:12; 1 Pita 1:23; Akar Mogomem 14:4 **1:20:**

Snd 10:19; 17:27; Sav 5:1-2; 7:9 **1:20:** Aghuzir Akaba 10:19; 17:27; Fofozir Gumazim 5:1-2; 7:9 **1:21:** 1 Ko 15:2; Kl 3:8; Hi 2:3; 1 Pi 1:9; 2:1 **1:21:** 1 Korin 15:2; Kolosi 3:8; Hibru 2:3; 1 Pita 1:9; 2:1 **1:22:** Mt 7:21; 7:26; Lu 6:46; Ro 2:13; 1 Jo 3:7 **1:22:** Matyu 7:21; 7:26; Luk 6:46; Rom 2:13; 1 Jon 3:7 **1:23:** Lu 6:47; Je 2:14 **1:23:** Luk 6:47; Jems 2:14

1:25: Jo 13:17; Ro 8:2; 2 Ko 3:18; Je 2:12 **1:25:** Jon 13:17; Rom 8:2; 2 Korin 3:18; Jems 2:12 **1:26:** Sng 34:13; 39:1; 141:3; 1 Pi 3:10 **1:26:** Onger Akaba 34:13; 39:1; 141:3; 1 Pita 3:10 **1:27:** Ais 1:16-17; 58:6-7; Mt 25:36; Ro 12:2; 1 Jo 5:18 **1:27:** Aisaia 1:16-17; 58:6-7; Rom 12:2 **2:1:** Lo 1:17; Snd 24:23; Mt 22:16; Ap 10:34; Je 2:9 **2:1:** Godin Araziba 1:17; Aghuzir Akaba 24:23; Matyu 22:16; Aposel 10:34; Jems 2:9 **2:5:** Mt 5:3; Jo 7:48; 1 Ko 1:26-28; 1 Ti 6:18; 2 Ti 4:8 **2:5:** Matyu 5:3; Jon 7:48; 1 Korin 1:26-28; 1 Timoti 6:18

⁵ Nan adarasi, ia oragh. Nguazimin itir gumazamizibar damazibar itir gumazamizir onganaraziba, gumazamizir kaba God me amisevegha ghaze, me nighnizir gavgavim arazimin iti. A fomira gumazamizir bar a gifongeza bagha akam akira ghaze, a bar me gativagh men ganam. Kamaghin a gumazamizir onganarazir kaba misevegha ghaze, me God Bizibagh Ativamin Dughiamin aven ikiam. ⁶ Ezi ia akar aghumsiziba onganarazibagh anidi. Ia nighnigh! Tina ia dikabira egha osimtiziba ia garisi, egha ia mukirkvaghya kiotiabar zu? Kar gumazamizir dagiaba bar izivaziba arazir kabagh ami. ⁷ Ezi God Iesusin ziar aghuim ia gati, ezi tina ziar aghuir kam gasighasisi? Dagiar aviriba itir gumazamizir kabara.

⁸ God en atrivir ekiam, egha an Akinafarinim an akar ekiar mam e ganiga ghaze, “Ni uabira uabi gifongeza moghin, gumazamizir igharazibagh ifongegh.” Egh ia akar kam guizbangira a baragh an gin mangi, kamaghin ia arazir aghuim damuam. ⁹ Ezi ia arazir aghuim gumazamizir mabagh amua egha gumazamizir igharaziba akirim me gasara, kamaghin ia arazir kuram gami. Ezi Moses Osirizir Araziba kamaghin ia migei, ia an akam gin zuir puvati. ¹⁰ Eghiti ian tina Moses Osirizir Araziba bar dar gin mangiva, egh arazir vamira abighiva, kamaghin an arazir kuram gami. A mati gumazim o amizir Moses Osirizir Araziba bar da bighizim. ¹¹ E fo, God kamaghin migei, “Ia poroghamiba uari bakeir arazim damuan marki.” Egha uaghan kamaghin migei, “Ia gumazamizibar soghtima me arimighiran marki.” Eghiti ia poroghamiba uari bakeir arazim damuan koghiva, egh ia gumazitam misuehti an aremegham, kamaghin ia Moses Osirizir Araziba abizir gumazamizibar otifi.

¹² Ia fo, Godin Arazim en arazir kuramin gavgavim a givaghram, eghiva e damutti e firighirigham. Egh gin God uan arazir kam ginighnighiva egh en araziba tuisigham. Kamaghin, ia gumazamizir Godin Arazimin apengan itibar akaba ko araziba zurara dar amu. ¹³ E fo, gumazamiziba igharaz darazir apangkuvan koghti, God kotiamin

me tuisighamin dughiamin, God uaghan men apangkuvighan kogham. Ezi gumazim o amizim igharaz darazir apangkufi, God kotiamin a tuisighamin dughiamin a Godin apangkuvim ganam.

Nighnizir gavgavim arazir aghuim sara zuir puvati, a pura bizim

¹⁴ Nan adarasi, gumazitam o amizitam suam, “Ki nighnizir gavgavim Kraisin iti,” egha an arazir aghuibagh amir puvati, kamaghin an nighnizir gavgavim pura bizim. An nighnizir gavgavir kam ti an akuragham, o puvatigham? Bar puvati.

¹⁵ Ezi Kraisin adarazir aveghbuatam o buaramizitam, korotiaba ko dagheba puvati, ¹⁶ eghiti ian tav kamaghin a mikim suam, “Ni navir amirizimin iki. Ni mangiva inim ikeghiva uan mikarzim avaragh. Egh mangi dagher aviriba amiva egh navim izifagh.” Eghiti akar kam manmaghin an akuragham? Ia uari korotiaba ko dagheba an akurvaughtima a deravira ikiam. ¹⁷ Ezi nighnizir gavgavim arazim uaghan kamaghira ghu. Nighnizir gavgavim pura ikia, egha arazir aghuibara sara zuir puvati, egha nighnizir gavgavir kam, an aremezi moghin iti.

¹⁸ Tav kamaghin mikimam, “Gumazamizir maba nighnizir gavgaviba iti, ezi gumazamizir igharaziba arazir aghuibagh ami.” Ki kamaghin nin akam ikaragham, “Ni nighnizir gavgavim ikia egha arazir aghuibagh amir puvati, kamaghin ki manmaghin nin nighnizir gavgavim gifogham? Ki arazir aghuibar amuam, eghiti arazir kabara nan nighnizir gavgavim nin akagham.” ¹⁹ Ni nighnizir gavgavim kamaghin ikia ghaze, “Godin vamira iti.” A dera. Duar kuraba uaghan nighnizir gavgavir kam ikia, egha agoa atiati.

²⁰ Ni gumazamizir organiba! Ia nighnizir gavgavimra ikiava egha arazir aghuibagh amir puvati, kamaghin ian nighnizir gavgavim a pura bizim. Ia ti akar kamin mingarim gifoghasa, o? Ia oragh. ²¹ Fomira en ovavim Abraham uan otarim Aisak isa ofa gamir dakoziimin anetigha Godin ofa gami moghin a gami. Ezi dughiar kamin God an arazimin ganigha egha Abraham migia ghaze, ni nan damazimin dera.

²² Ia bizir kam ginighnigh. Abrahamin

- 2:6:** Ap 13:50, 18:12; 1 Ko 11:22; Je 5:6 **2:6:** Aposel 13:50; 18:12; 1 Korin 11:22 **2:8:** Wkp 19:18; Mt 19:19, 22:39, Ro 13:8-9, Ga 5:14 **2:8:** Ofa Gami 19:18; Matyu 19:19; 22:39; Rom 13:8-9; Galesia 5:14 **2:9:** Lo 1:17 **2:9:** Godin Araziba 1:17 **2:10:** Lo 27:26; Mt 5:19; Ga 3:10 **2:10:** Godin Araziba 27:26; Matyu 5:19; Galesia 3:10 **2:11:** Kis 20:13-14, Lo 5:17-18, Ro 13:9 **2:11:** Ua Me Ini 20:13-14; Godin Araziba 5:17-18; Rom 13:9 **2:12:** Ga 6:2, Je 1:25-26, 1 Pi 2:16 **2:12:** Galesia 6:2; Jems 1:25-26; 1 Pita 2:16 **2:13:** Snd 21:13; Mt 5:7, 18:32-35, 25:41-42, 1 Jo 4:17-19 **2:13:** Aghuzir Akaba 21:13; Matyu 5:7; 18:32-35; 25:41-42 **2:14:** Mt 7:21; 7:26, Je 1:23 **2:14:** Matyu 7:21; 7:26; Jems 1:23 **2:15:** Jop 31:19-20, Lu 3:11, 1 Jo 3:17 **2:15:** Jop 31:19-20; Luk 3:11; 1 Jon 3:17 **2:17:** Je 2:20, 2:26 **2:17:** Jems 2:20; 2:26 **2:18:** Ga 5:6, Je 3:13 **2:18:** Galesia 5:6; Jems 3:13 **2:19:** Mt 8:29, Lu 4:34, Ap 16:17 **2:19:** Matyu 8:29; Luk 4:34; Aposel 16:17 **2:21:** Stt 22:1-14 **2:21:** Genes 22:1-14 **2:22:** Hi 11:17-18 **2:22:** Hibru 11:17-18

nighnizir gavgavim ko an arazir aghuim voroghira ghu. Ezi arazir aghuir kam bar an nighnizir gavgavim gamima a guizbangira gavgafi. ²³ Godin Akinafarim kamaghin migei, "Abraham nighnizir gavgavim Godin itima, God an nighnizir gavgavim bagha a dibora ghaze, ni nan damazimin dera." Egha God kamaghin a dibori, "Nan roroam." Ezi akar kamin mingarim, God a gamizima me Akinafarimin an osiri, Abraham uan otarim Aisak gamizir dughiamin arazir kam, a bar azenan oto. ²⁴ Ezi datirighin ia fo, gumazitam pura nighnizir gavgavim iti, God, "gumazir Godin damazimin derazim," a diborir pu. Bar puvati. A gumazir arazir aghuim gamim ginighnigha, egha nighnizir gavgavimra ginighnizir puvati, egha bizir kam bagha God a dibora ghaze, a nan damazimin dera.

²⁵ Ezi tuavir kamra, arazir kurabagh amir amizim Rahap, mogar garir gumazir Josua amadazimningin akuragha aning amadazima aning tuavir igharazimin ghu. Kamaghin amizima God amizir kam migia ghaze, ni nan damazimin dera. ²⁶ E fo, gumazimin mikarzim duam an even itir puvati, an aremehga gifia. Kamaghira, gumazim nighnizir gavgavim ikia, egha arazir aghuhibagh amir puvati, gumazir kamin nighnizir gavgavim aremezi moghin iti.

3

E uan migirigiaiba deravira dar ganam

¹ Nan adarsi, God gumazamizibar araziba tuisighamin dughiamin, e gumazamizir, gumazamizibar sure gamir ingangarim iniziba, God bar deravira en ingangariba tuisigham. Kamaghin amizi, ian tarazira God ifongezir arazibar gumazamizibar sure damuamin ingangarim inighan kogham. ² Dughiar aviribar e bizir vabara damuasa nighnigha, paza dagh ami. Bizir kaba bar e batifi. Eghti gumazitam dughiatamin pazi mikemeghan kogh, a bar gumazir aghuimra, egha uan mikarzim bar deraviram a geghuv an gan.

³ E ainin oteviba isa hoziabar akabar arichti, ainin otevir kaba dar amuti da en akaba baraghiva deravira mangam. Ezi arazir kamin e bar deravira dar ganti, da en gin mangam. ⁴ Ezi ia kuribagh nighnigh.

2:23: Stt 15:6; 2 Sto 20:7; Ais 41:8; Ro 4:3, 4:9; 4:22; Ga 3:6
4:3; 4:9; 4:22; Galesia 3:6 **2:25:** Jos 2:1-21; Hi 11:31

Jems 2:17 **3:1:** Mt 23:8, 23:14; Lu 6:37; 12:47; 1 Pi 5:3

1 Kin 8:46, Snd 20:9; Mt 12:37; 1 Jo 1:8 **3:2:** 1 Atriviba 8:46; Aghuzir Akaba 20:9; Matyu 12:37; 1 Jon 1:8

12:3; 73:8-9; Snd 12:18; 15:2 **3:5:** Onger Akaba 12:3; 73:8-9; Aghuzir Akaba 12:18; 15:2

15:11; 15:18-19; Mk 7:15; 7:20, 7:23 **3:6:** Aghuzir Akaba 16:27; Matyu 12:36-37; 15:11; 15:18-19; Mak 7:15; 7:20; 7:23

3:8: Sng 140:3; Ro 3:13 **3:8:** Onger Akaba 140:3; Rom 3:13

1 Korin 11:7 **3:13:** Ga 6:4; Je 1:21, 2:18 **3:13:** Galesia 6:4; Jems 1:21; 2:18

Rom 2:17; 2:23; 13:13

Kuriba bizir bar ekiaba, ezi aminir ekiar gavgaviba dagh ivaima, da ongarim gis in ivemari. Ezi dar stiaba bar sufi. Ezi dar stian suvizir gumaziba managh mangasa ifongegha, dar stiaba gighaykirma kuriba tuavir keptenba mangasa ifongezibar zui. ⁵ Ezi kamaghira, mizem uaghan bar sunigha en mikarzimin even iti. Egha a zurara bar puvira ifaghata, uabi uan ziam puv a fe. E fo, avir muziarimra avir ekiam damichti a bar ekeveghti, ruarimin temeba bar isigham! ⁶ Ezi mizem uaghan mati avim, egha a en mikarzir otevir muziarir mam. Egha a uaghan arazir kurar aviribagh ami da otifi. A en mikarzibagh amima da mize, egha arazir kurar aviribagh amima da en ikirimiribar otifi, mati avir mizariar ekiaba. Avir kam a ubi helin avim.

⁷ E fo, gumazamiziba asizir atiaba bar moghira da isava dar dai, kuaraziba ko asizir davaraghbaruiba ko ongarimin even itir biziba bar. Egha me bizir kabar dava dar gari da men apengan iti. ⁸ Gumazitam o amizitam uabi uan mizem damichti an an apengan ikeghan kogham. Bar puvati. En mizebar zurara akar kurabav gei. Matimezir kurar gumazamizibagh ami me ariaghira, da en akabagh izifa.

⁹ E uan mizebar Ekiamin ziam fe, a en Afeziam. God gumazamizibar ingarizima me an mirara otifi, ezi e uan mizebar e akar kurabav giava gumazamizir igharazibagh asighasisi. ¹⁰ Ekiam fer akaba ko akar kurabav, aning virara mizer vamiram otifi. Nan adarsi, arazir kam a ikan kogham. ¹¹ Mozir dipatam, dipar aghuim ko ongaripam, uaning veregh ikiam ti? Puvati! ¹² Nan adarsi, fighin temem olivin tememin min bam, o? Puvati! O wainin ikarizim a fighin temem min bam, o? Puvati! Kamaghira dipar apir aghuim ongarir dipam ko ikiva otivan kogham.

Gumazamiziba Godin izezir fofozim ikiva, me arazir aghuubar amuam

¹³ Ezi tinara ian tongin fofozir aghuim ko nighnizir aghuim iti, o? Kamaghin amir gumazitam o amizitam ikiva, an dabirabim bar deragham. A fofozir aghuimin arazibar gin mangiva gumazamizibar asughasughiva egh uabi uan ziam fan kogham. Eghti gumazamiziba an arazir aghuir an

2:23: Jenesis 15:6; 2 Eghaghaniba 20:7; Aisaia 41:8; Rom

4:3; 4:9; 4:22; Galesia 3:6 **2:25:** Josua 2:1-21; Hibrui 11:31 **2:26:** Je 2:17 **2:26:**

3:1: Matyu 23:8; 23:14; Luk 6:37; 12:47; 1 Pita 5:3 **3:2:**

1 Kin 8:46, Snd 20:9; Mt 12:37; 1 Jo 1:8 **3:5:** Sng

12:3; 73:8-9; Snd 12:18; 15:2 **3:6:** Snd 16:27; Mt 12:36-37;

15:11; 15:18-19; Mk 7:15; 7:20, 7:23 **3:7:** Mak 7:15; 7:20; 7:23

3:8: Sng 140:3; Ro 3:13 **3:8:** Onger Akaba 140:3; Rom 3:13

1 Korin 11:7 **3:13:** Ga 6:4; Je 1:21, 2:18 **3:13:** Galesia 6:4; Jems 1:21; 2:18

Rom 2:17; 2:23; 13:13 **3:14:** Ro 2:17, 2:23, 13:13 **3:14:**

amibar ganam.¹⁴ Egh̄t̄ ia igharaz darazi navir bar kuraba men ikiva, egh̄ zurara uan ziaba fisi tuaviba buriam, kamaghin ia uan fofozim ko nighnizir aghuiba bagh bar akueghan marki. Ia ifaragh uan arazibar guizin akam dikabiraghan marki.¹⁵ Ezi fofozir kam a Godin Nguibamin ikegha izir pu. Puvati, kar nguazir kamin bizim. A navir ghurimin oto. Ezi Satan, an afeziām.¹⁶ Ia oragh. Gumazamiziba navir kuraba gumazamizir igharazibar iti, egh̄ me zurara uan ziaba fasa tuaviba buri, gumazamizir kaba me navir vamira itir puvati. Me arazir bar kurar aviribagh ami.

¹⁷ Ezi gumazamizir fofozir aghuir Godin Nguibamin izezim iniziba, me arazir kabagh ami: Faragha zuir arazim, me zurara nighnizir zuezibar gin zui. Egh̄ me igharaz darazi ko navir vamiran iti, egh̄a gumazamizibar asughasusi. Egh̄ me gumazamizir igharazibar akaba barasi. Me igharaz darazir apangkuva egh̄a arazir aghuibaar me gami. Egh̄a me arazir kamra gumazamiziba bar me gami. Egh̄a me arazir aghuibaar gin ghua ifarir puvati. Me bar guizbangira dar gin zui.¹⁸ Ezi kamaghin e navir vamira iti, kar mati e dagher anabam akara. Ezi navir vamiran arazimin tuavimin, arazir aghuiba en dabirabimin otifi, mati dagher aghuiba azenimin aghui.

4

Gumazamizir nguazimin arazibagh ifongeziba, me Godin apaniba

¹ Bizir mingarir manaba adariba ko midorozibagh amima da ian tongin otifi? Mikarzimin agorogemin araziba ian navibar iti, egh̄a da ian mikarzibar aven ikia ia ko misosi, kamaghin amizi, arazir kamin da akamadariba ko midorozibagh amima da otifi. Kamaghin ti puvati, o?² Ia biziba iniasa bar ifonge, egh̄a ia da isir puvati. Kamaghin amizi, ia gumazamizibav sozi me ariaghiri. Ia biziba iniasa dagh agoa, egh̄a ia da isir puvati. Egh̄a ia puv atara misosi. Ia biziba iniasa God ko migeir puvati, ezi bizir kam bagha ia da isir puvati.³ Egh̄a ia biziba iniasa God ko migia, egh̄a da isir

puvati. Ian nighniziba derazir puvatizima ia God ko migei. Ia bizir ian mikarzimin agorogem itiba bagha nighnisi. Kamaghin, ia biziba isir puvati.

⁴ Ia God ataki, mati amizim uan pam ategha ghua gumazir igharaziba isava akui. Ia orakigh! Ian tav nguazimin arazibagh ifonge, a Godin apanim. Ezi ia ti bizar kam gifozir puvati, o? Gumazim o amizim nguazimin arazibar namakam gami, a Godin apanimin oto.⁵ Godin Akinafarim kamaghin migei, “Duar God en navir averiabagh atizir kam, e God uabin apengara ikiasi a bar ifonge.” Ia ti ghaze, akar kam ti pura bizim? Puvati.⁶ God en apangkuvavira iti. Kamaghin amizi, Godin Akinafarim kamaghin migei:

“God zurara gumazir uan ziaba feba a me dikabiri,
egha gumazir uan ziaba dikabiriba
God men apangkuva
egha bar deravira me gami.”

⁷ Kamaghin amizi, ia uari dikabiragh egh̄ Godin apengan iki. Ia Satan munasaraghti, a ia ategh arimangigham.⁸ Ia Godin boroghira mangiti, a ian boroghira izam. Ia arazir kurabagh amir gumazamiziba, ia uan navir averiabbar amighti da zuegh, mati gumazamiziba uan dafariba ruezi da bar zue. Ezi ia gumazamizir nighnizir pumuning itiba, nighnizir kurar ian navibar itiba, ia da atakigh.⁹ Ia naviba bar osemegh egh̄ pamtem arangiva aziam. Ia gumazamizir datirighin atiba, ia uan akazim ategh, egh̄ ia arang. Ia gumazamizir bar akongeziba, ia uan agoroger kam ategh, naviba bar osemegh azi iki.¹⁰ Ia Godin damazimin bar uari dikabiragh iki. Ia kamaghin damut, God ia fegham.

E akaba igharaz darazigh asan kogham

¹¹ Nan adarasi, ia Godin gumazamizir igharaziba akar kurabar me mikiman marki. Ian tina akar kuramin igharazitav mikeme, o akam a gasi, an akar kuramin Moses Osirizir Arazibav gei, egh̄a a Moses Osirizir Araziba iria. Ezi ia Moses Osirizir Araziba iria, ia mati gumazim o amizim

- | | | | | |
|--|--|--|--|--|
| 3:15: Fl 1:19; Je 1:5, 1:17 | 3:15: Filipai 3:19; Jems 1:5; 1:17 | 3:16: 1 Ko 3:3, Ga 5:20 | 3:16: 1 Korin 3:3 | 3:17: |
| Ro 12:9, 1 Ko 2:6-7, 1 Pi 1:22, 1 Jo 3:18 | 3:17: Rom 12:9; 1 Korin 2:6-7; 1 Pita 1:22; 1 Jon 3:18 | 3:18: Snd 11:18, Ais 32:17, Mt 5:9, Fl 1:11, Hi 12:11 | 3:18: Snd 11:18, Ais 32:17, Mt 5:9; Filipai 1:11; Hibru 12:11 | 4:1: |
| 3:18: Aghuzir Akaba 11:18; Aisaia 32:17; Matyu 5:9; Filipai 1:11; Hibru 12:11 | 4:1: | 4:2: Rom 7:23; Galesia 5:17; 1 Pita 2:11 | 4:3: Sng 66:18, Ais 1:15, Mai 3:4, Sek 7:13, 1 | |
| 4:2: Rom 7:23; Galesia 5:17; 1 Pita 2:11 | 4:3: Sng 66:18, Ais 1:15, Mai 3:4, Sek 7:13, 1 | 4:4: Rom 7:23; Galesia 5:17; 1 Pita 2:11 | 4:4: Rom 7:23; Galesia 5:17; 1 Pita 2:11 | 4:5: |
| 4:3: Onger Akaba 66:18; Aisaia 1:15; Maika 3:4; Sekaraia 7:13; 1 Jon 3:22 | 4:4: Rom 7:23; Galesia 5:17; 1 Pita 2:11 | 4:5: Stt 6:5, Kis 20:3-5, Nam 11:29, Snd 21:10 | 4:5: Stt 6:5, Kis 20:3-5, Nam 11:29, Snd 21:10 | 4:5: |
| Jo 3:22 | 4:4: Rom 7:23; Galesia 5:17; 1 Pita 2:11 | 4:6: Sng 138:6, Snd 3:34, Lu 14:11, 1 Pi 5:5 | 4:6: Onger Akaba 138:6; Aghuzir | |
| 4:4: Jon 15:19; 17:14; Rom 8:7; 1 Jon 2:15 | 4:5: Stt 6:5, Kis 20:3-5, Nam 11:29, Snd 21:10 | 4:7: Ef 4:27, 6:11-12, 1 Pi 5:7 | 4:7: Ef 4:27, 6:11-12 | 4:8: 2 Sto 15:2, Ais 1:16, Sek 1:3, Mal 3:7, Je 1:8, 1 Jo 3:3 |
| Ua Me Ini 20:3-5; Diboboniba 11:29 | 4:6: Sng 138:6, Snd 3:34, Lu 14:11, 1 Pi 5:5 | 4:7: Ef 4:27, 6:11-12, 1 Pi 5:7 | 4:7: Ef 4:27, 6:11-12 | 4:9: 2 Sto 15:2, Ais 1:16, Sek 1:3, Mal 3:7, Je 1:8, 1 Jo 3:3 |
| Akaba 3:34; Luk 14:11; 1 Pita 5:5 | 4:8: 2 Eghaghaniā 15:2; Aisaia 1:16; Sekaraia 1:3; Malakai 3:7; Jems 1:8; 1 Jon 3:3 | 4:8: 2 Eghaghaniā 15:2; Aisaia 1:16; Sekaraia 1:3; Malakai 3:7; Jems 1:8; 1 Jon 3:3 | 4:8: 2 Sto 15:2, Ais 1:16, Sek 1:3, Mal 3:7, Je 1:8, 1 Jo 3:3 | 4:10: Jop 5:11, 22:29; Mt 23:12, 1 Pi 5:6 |
| 4:9: 2 Eghaghaniā 15:2; Aisaia 1:16; Sek 1:3, Mal 3:7, Je 1:8, 1 Jo 3:3 | 4:9: 2 Eghaghaniā 15:2; Aisaia 1:16; Sekaraia 1:3; Malakai 3:7; Jems 1:8; 1 Jon 3:3 | 4:9: 2 Eghaghaniā 15:2; Aisaia 1:16; Sekaraia 1:3; Malakai 3:7; Jems 1:8; 1 Jon 3:3 | 4:9: 2 Eghaghaniā 15:2; Aisaia 1:16; Sekaraia 1:3; Malakai 3:7; Jems 1:8; 1 Jon 3:3 | 4:11: Jop 5:11, 22:29; Matyu 23:12; 1 Pita 5:6 |
| Ef 4:31, 1 Pi 2:1 | 4:10: Jop 5:11, 22:29; Matyu 23:12; 1 Pita 5:6 | 4:10: Jop 5:11, 22:29; Matyu 23:12; 1 Pita 5:6 | 4:10: Jop 5:11, 22:29; Matyu 23:12; 1 Pita 5:6 | 4:11: Lu 6:37, Ro 2:1, Ef 4:31, 1 Pi 2:1 |
| 4:11: Luk 6:37; Rom 2:1; Efesus 4:31; 1 Pita 2:1 | 4:11: Luk 6:37; Rom 2:1; Efesus 4:31; 1 Pita 2:1 | 4:11: Luk 6:37; Rom 2:1; Efesus 4:31; 1 Pita 2:1 | 4:11: Luk 6:37; Rom 2:1; Efesus 4:31; 1 Pita 2:1 | 4:11: Luk 6:37; Rom 2:1; Efesus 4:31; 1 Pita 2:1 |

Moses Osirizir Arazibar apengan itir pu. Puvati. Ia jasin min oto.*¹² God uabira Moses Osirizir Araziba anidi, egha a uabira jas. A uabira gumazamizibar akurvaghram, o me gasighasigham. Kamaghin ia te, ia jasin min gumazamizir igharaziba tuisisi?

E kamaghin mikim suam, Ekiam ifueghtima e bizir e nighnizibar amuam

¹³ Ia oragh, ian tina suam, “Datirighin, o gurumzaraghan e nguubar ekiar mamin mangighiva dagiar ingangarin azenir vamiran a damigham. Egh arazir kamin e dagiar aviriba iniam.”¹⁴ Ia zurara kamaghin migia, egha ia fozir puvati, bizir manam gurumzaraghan otivam. Ian ikirimirim mati migharim, a dughiar otevimra ikeghiva bar givaghram.¹⁵ Kamaghin amizi, ia kamaghin mikim, “Ekiam ifueghtima, e angamira ikiva, bizir e nighnizibar amuam.”¹⁶ Ezi ian arazir ia datirighin amim, ia uari uan ziaba fava egha ingangarin ekiabar amuasa dar gun migei. Ia uari fer akar kam, a bar ikufi.¹⁷ Ia deravira nighnigh! Ia arazir aghuir damuamin tam gifogh, egh ia a damuan kogh, kamaghin ia arazir kuram gami.

5

Gumazamizir bizir aviriba itiba me iveaukuram iniam

¹ Ezi datirighin, bizir aviriba itir gumazamiziba, ki akam ia mikimasa ifonge. Ia oragh! Ia osimtzir ekiar ia bativamibagh nighnigh, pamtem dimiva arang iki. ² Ian bizir aghuiba da bar ikuvigham. Eighti ian korotiaha barareba dar ghoregham.³ Eighti ian gol ko silvaba bar mighovegham, eighti mizirizir kam ian arazir kurabar amighti da azenim giregham. Eighti mizirizir kam avimin min ian mikarzibar isiam. Ekiam izamin dugham bar roghira izi, ezi ia pura biziba ko dagiaba akuvazima da iti.*⁴

* **4:11:** Moses Osirizir Arazibar aven itir akar otevir kam, Jemti vezin kamin a giniri. Kar akar Ofa Gami 19:18 ko Jems 2:8 in itim. **4:12:** Mt 10:28; Ro 2:1, 14:4, 14:13 **4:12:** Matyu 10:28; Rom 2:1; 14:4; 14:13 **4:13:** Lu 12:18-20

4:13: Luk 12:18-20 **4:13:** Aghuzir Akaba 27:1 **4:14:** Sng 39:5, 39:11, 102:3, Je 1:10, 1 Pi 1:24 **4:14:** Onger Akaba 39:5; 39:11; 102:3; Jems 1:10; 1 Pita 1:24 **4:15:** Ap 18:21; 1 Ko 4:19, Hi 6:3 **4:15:** Aposel 18:21; 1 Korin 4:19; Hibrus 6:3 **4:17:** Luk 12:47; Jon 9:41; 15:22; Rom 1:20-21; 2:17-18; 2:23 **5:1:** Snd 11:28; Lu 6:24; 1 Ti 6:9 **5:1:** Aghuzir Akaba 11:28; Luk 6:24; 1 Timoti 6:9 **5:2:** Jop 13:28, Je 2:2 **5:2:** Jop 13:28 **5:2:** Matyu 6:19 **5:3:** God gumazamizibar arazibar tuisighamin dugham, a dagiar aviriba itir gumazibar bizir aghuiba ganiva da tuisigham kogham. Puvati. A men arazibar ganiva da tuisigham. Gumazir kaba, bizir bar ikuvigham dar suiki, ezi bizir kam en aka ghaze, me nguazimin itir dugham, me arazir aghuim gamir puvati. Ezi avir kamin akam ghaze, me iveaukuram iniam.

5:4: Lo 24:14-15, Jer 22:13, Mal 3:5 **5:4:** Godin Araziba 24:14-15; Jeremaia 22:13; Malakai 3:5 **5:5:** Jer 12:3, 25:34, Amo 6:1, 6:4, Lu 16:19, 16:25, 1 Ti 5:6 **5:5:** Jeremaia 12:3; 25:34; Amos 6:1; 6:4; Luk 16:19; 16:25; 1 Timoti 5:6 **5:7:** Lo 11:14, Jer 5:24, Hos 6:3, Jol 2:23, Sek 10:1, Lu 21:19 **5:7:** Godin Araziba 11:14; Jeremaia 5:24; Hosea 6:3; Joel 2:23; Sekaraiha 10:1; Luk 21:19 **5:8:** Ro 13:11-12, Fl 4:5, Hi 10:25, 10:37, 1 Pi 4:7 **5:8:** Rom 13:11-12; Filipai 4:5; Hibrus 10:25; 10:37; 1 Pita 4:7 **5:9:** Mt 24:33, 1 Ko 4:5, Je 4:11 **5:9:** 1 Korin 4:5; Jems 4:11 **5:10:** Mt 5:12, Hi 11:35 **5:10:** Matyu 5:12; Hibrus 11:32-38 **5:11:** Kis 34:6, Jop 1:21-22, 2:10, 42:10, Sng 94:12, 103:8, 111:4, Mt 5:10-11 **5:11:** Ua Me Ini 34:6; Jop 1:21-22; 2:10; 42:10; Onger Akaba 103:8; 111:4; Matyu 5:10-11

Ia deravira oragh, ingangarin gumazamiziba ian azenibar dagheba isi, ezi ia me gifaragha men iveaukurab mabar anogoroke. Ezi ingangarin gumazamizir kaba me uan iveaukurab nighnigha, Godin dia ghaze, a ian arazir kuraba ikarvaghram. Ezi ingangarin gumazamizibar dimdiam, Ekiar Gavgaviba Bar Itim, a baraki.⁵ Ezi dughiar ia nguazir kamin itim, ia bizir aghuir aviriba isa bar akuegha iti. Egha ia dagher aviriba apa bar ekefe. Ezi God ia misoghti ia arimighiramin dughiam, an otogha gifa.⁶ Ia gumazamizir aghuiba kotim gamigha me misoghezi me ariaghire. Ezi me ian gavgavim munamadir puvatigha, ia ikarvaghra ia misoghezir putati.

Ia gavgavigh ikiva God ko mikim, egh Ekiam mizuamtia ua izam

(Sapta 5:7-20)

E gavgavigh ikiva osimtzibah ateriba egħha Ekiam mizuamtia ua izam

⁷ Kamaghin amizima, nan adarasi, ia tuivigh gavgavigh osimtzibah ateriba Ekiam mizuamtia ua izam. Ia fo, gumazim o amizir azenim itim, a dagher aghuiba an azenimin aghungasa an adav zuai. Egha a gavgavim uan navim ganiga aghumra ikiava amozim ko aruem mizuai, aning uan ingangarin faragh a damuam. Eighti a gin dagheba iniam.⁸ Ezi ia uaghan gavgavim uan navibar aningiva aghumra ikiva egh osimtzir ia bativim ater. Ia fo, Ekiam Izamin Dughiam a bar roghira ize. Kamaghin amizi ia tuivigh gavgavigh iki.⁹ Nan adarasi, ia Godin gumazamizir igharazibar atariba akiribar me mikiman marki. Ia fo, ia kamaghin damuti, God jasin min otogħi ian arazir kuraba tuisigham. Ia oragh, jasin kam a tiar akamin tughav iti!¹⁰ Nan adarasi, ia formira Godin akam inigha

izir gumazir Ekiamin ziamin akam akuniziba, ia me ginighnigh. Apaniba arazir kurabar me gami, ezi me tuivigha gavgavigha osimtizir kam ateri. Ia men arazir kam inigh, egh men gin mangi.¹¹ Ia oragh. E ghaze, "Gumazamizir tuivigha gavgavigha osimtiziba ateriba, me bar akuegha deravira iti." Ia Jopin eghaghanim gifo, a tugha gavgavigha osimtizir a batoziba a bar da ateri. Ezi ia fo, Ekiam gin bar arazir aghuimin a gami. E bar fo, Ekiam en apangkuvavira iti, egha zurara bar deravira e gami.

E guizbangira pin darigh mikiman kogham

¹² Nan adarasi, e damuamin bizir faragha zuim, a kamakin. Dughiar ia akar dikirizim damuamim, ia pura Godin Nguibamin ziam diponan marki, egh guizbangira darigh nguazim o bizir igharazim diponan marki. Egh ia suam, "Ki guizbangira bizir kam damuam." Egh ia suam, "Ki guizbangira bizir kam damuan kogham." Egh ia uan akamin gin mangi. Ia mikim guizbangira pin diboroghti, God ivezir kuram ia danigham.

Godin damazimin derazir gumaziba, me God ko migei, men azangsiziba bar gavgavir ekiam iti

¹³ Ezi ian tav ti osimtizim ateri? Kamaghin a God ko mikim. Ezi ian tav ti bar akonge? An Ekiamin ziam fer ighiabar amu. ¹⁴ Ezi ian tav ti arei? A Kraisin adarazir gumazamizir dapanibar diaghti, me izi a bagh God ko mikimiva, Ekiamin ziamin borem an mikarzim daghuihg.¹⁵ Egh me nighnizir gavgavim Godin iki God ko mikimti, azangsizir kaba an akurvagh a damightima, a ghuamaghegham. Ekiam arimariar gumazir kam uam a fegham. Eghzi an amizir arazir kuraba, Ekiam da gin amadaghams.¹⁶ Kamaghin amizi, ia vaghvagh uan arazir kurabar gun Godin gumazamizir igharazibav kim. Eghzi God ian akurvaghs, ia uari bagh God ko mikimti, God ia damighti ia ua deraghams. Ezi gumazim o amizir Godin damazimin deraghavira itim God ko migei, an azangsizim bar gavgavir ekiam iti, eghzi a igharaz darazir akurvaghams.

¹⁷ Elaija, e nguzair kamin itir gumazamizibar min garir gumazim. Egha a pamtem

5:12: Mt 5:34-37 5:12: Matyu 5:34-37 5:13: Ef 5:19; Kl 3:16 5:13: Efesus 5:19; Kolosi 3:16 5:14: Mk 6:13, 16:18 5:14: Mak 6:13; 16:18 5:15: Ais 33:24, Mt 9:2, Mk 16:18 5:15: Aisaia 33:24; Matyu 9:2; Mak 16:18
 5:16: Lo 9:18-20; 1 Sml 12:18; 1 Kin 13:6, Sng 34:15; Jo 9:31 5:16: Godin Araziba 9:18-20; 1 Samuel 12:18; 1 Atriviba 13:6; Onger Akaba 34:15; Jon 9:31 5:17: 1 Kin 17:1, 18:1, Lu 4:25, Ap 14:15 5:17: 1 Atriviba 17:1; 18:1; Luk 4:25; Ap 14:15 † 5:17: Elaija, a fomira itir Godin akam inigha izir gumazim. 5:18: 1 Kin 18:42-45 5:18: 1 Atriviba 18:42-45 5:19-20: Onger Akaba 51:13; Aghuzir Akaba 10:12; Matyu 18:15; Rom 11:14; 1 Korin 9:22; Galesia 6:1; 1 Timoti 4:16; 1 Pita 4:8 † 5:19-20: Marazi ghaze, Kraisin gin zuir darasi, men marazi Godin guizin akam ataki. Ezi Jems men arazibar kirasa, akinafarir kam osiri.

Pitan Akinafarir Faragha

Zuim O 1 Pita

Akar faragha zuim

Pita, Kraisin gumazamizir osimtizir ekiam ateriba, gavgavim men nighnizir gavgavibar aningasa, akinafarir kam osiri. A ghaze, Kraisin adarazi ua Krais Iesusin Akar Aghuim ginighnigh. A kamakin: Jesus aremehga ua dikafi, egha akar dikirizim gamua ghaze, a ua izam. Me akar a dikirizir kam ginighnighiva an otivamin dughiam mizuam iki.

Guizbangira, Kraisin adarazi osimtiziba ateri, ezi bizar otozir kamin, God men nighnizir gavgavimin ganiva fogham, me guizbangira nighnizir gavgavim an iti, o puvati. Eghti, me nighnizir gavgavim gavvigh mamaghira iki mangiti Krais ua izam. Eghti dughiar kamin me iveau aghuim iniam.

E guizbangira Godin adarazir otifi, kamaghin e arazir aghuibar amuva egh bizar aghuir e iniamibav zuamam

(*Sapta 1:1-2:10*)

¹ Ki Pita, Krais Iesusin aposel. Ki akinafarir kam Godin gumazamiziba bagha an osiri, ia mati nguabar igharazibar gumazamizir guighav itibar moghin, pura tintiminim Pontus ko Galesia, ko Kapadosia, ko Esia ko Bitinian Provinbar iti. ² God kamaghin ifonge, ia Krais Iesusin akam baraghti, an ghuzim ia rueghti ia Godin damazimin zuegham. God Afeziam fomira ia gifo, egha ia misevezi ia an gumazamizibar otifi. Godin Duam ia gamizima ia an gumazamizibar otifi, tuavir kamin a ia misefe. Ezi God bar ian apangkuvigha ia gamima ia navir amirizimin iti.

*Ikirimirir bar aghuim a Godin
Nguibamin ikia e mizuai*

³ E Godin ziam fe, a en Ekiam Krais Iesusin Afeziam! Ezi an apangkuvir ekiam en ikia Krais Jesus gamizima a ua dikafi, ezi tuavir kamra, God ikirimirir igiam e ganingi. Ezi ikirimirir igiar kam gavgavim e ganingizi, bizar aghuir e fogha iniamiba, e da baghavira mizuai. God e bagha inabazir biziwa, e da bagha mizuavira iti, egha nighnizir gavgavim dar ikiavira iti. ⁴ Ezi God, ikirimirir aghuir kam uan Nguibamin e daningasa e amisefe. Ezi ikirimirir kam a ikuighan kogham. A bar deraghavira iki, egh uaghan migoveghan kogham. God uan Nguibamin ikirimirir aghuir kam ia bagha aneti. ⁵ Ezi ia nighnizir gavgavim Kraisin iti, kamaghin amizi God uan gavgavimin ia pasa, ezi ia deravira iti. Ezi a ua ia iniasa, egh ia damutia deragh ikiam. Ezi Godin akurvazir kam, dughiam givaghtima an azemini giram.

⁶ Ia God damuamin bizar kam bagh bar akongegh. Datirighin dughiar otevir kam osimtizir aviriba ia bativa, egha mizaziba ia ganidi. ⁷ Arazir kamin God ian nighnizir gavgavibar gan fogham, ia guizbangira nighnizir gavgavim an iti, o puvati. E fo, gol a bizar aghuim, eghti me avimin a tuaghiva, a gifogham, a guizin gol, o puvati. Gol a givaghamin bizi. Ezi en nighnizir gavgavim bar gol gafira. Kamaghin amizima, arazaraziba ia bativti ia fogh, ia nighnizir gavgavim Kraisin iti. Eghti dughiar Krais Jesus ua izamim, a bar ia gakueghiva, ian ziaba fiva ziar ekiaba ia daningam. ⁸ Ezi ia an ganizir puvati, egha ia a gifuegha uan naviba isa a ganingi. Ezi datirighin ia an garipuvati, egha ia nighnizir gavgavim an ikia egha bar akonge. Agoroger kam a nguazir kamin bizar maba bar dagh afira, ezi e a mikimamin akabagh asa. ⁹ Ezi ian nighnizir gavgavimin mingarim a kamakin, God ian akurvasi. Ezi ia an akurvazim isi.

¹⁰ Akurvazir kamra, fomira Godin akam inigha izir gumaziba an gun mikeme. Me ghaze, God ian apangkuvigh ian akurvaghama. Egha me akar kamin mingarim bagha pamtem ingara bar deravirama a buri. ¹¹ Egha me pura dughiam bagha gari, a manadizoghin otogham, egh a man-

1:1: 2 Ti 1:15, Je 1:1 **1:1:** Jems 1:1 **1:2:** Ro 1:7, 8:29, 2 Te 2:13, Hi 10:22, 12:24, 2 Pi 1:2 **1:2:** Rom 1:7; 8:29; 2 Tesalonika 2:13; Hibru 10:22; 12:24; 2 Pita 1:2 **1:3:** 1 Ko 15:20, 2 Ko 1:3, Ef 1:3, Je 1:18 **1:3:** 1 Korin 1:3; Efesus 1:3; Jems 1:18 **1:4:** Kl 1:5, 1:12, 2 Ti 4:8, Je 5:4 **1:4:** Kolosi 1:5; 1:12; 2 Timoti 4:8 **1:5:** Jo 10:28-29, 17:11-15, Ju 1 **1:5:** Jon 10:28-29; 17:11-15; Jut 1:1 **1:6:** Ro 12:12, 2 Ko 4:17, 6:10, Je 1:2, 1 Pi 5:10 **1:6:** Rom 12:12; 2 Korin 4:17; 6:10; Jems 1:2; 1 Pita 5:10 **1:7:** Jop 23:10, Sng 66:10, Snd 17:3, Ais 48:10, Sek 13:9, Mal 3:3, Ro 2:7, 2:10, Je 1:3 **1:7:** Jop 23:10; Onger Akaba 66:10; Aghuzir Akaba 17:3; Aisaia 48:10; Sekaraia 13:9; Malakat 3:3; Rom 2:7; 2:10; Jems 1:3 **1:8:** Jo 20:29, 2 Ko 5:7, Hi 11:1, 11:27, 1 Jo 4:20 **1:8:** Jon 20:29; 2 Korin 5:7; Hibru 11:1; 11:27; 1 Jon 4:20 **1:9:** Ro 6:22 **1:9:** Rom 6:22 **1:10:** Dan 2:44, Hag 2:7, Sek 6:12, Mt 13:16-17, 2 Pi 1:19-21 **1:10:** Daniel 2:44; Hagai 2:7; Sekaraia 6:12; Matyu 13:16-17; 2 Pita 1:19-21 **1:11:** Sng 22, Ais 53, Lu 24:26-27, 1 Pi 3:19, 2 Pi 1:21 **1:11:** Onger Akaba 22:1-31; Aisaia 53:1-12; Luk 24:26-27; 1 Pita 3:19; 2 Pita 1:21 **1:12:** Dan 9:24, Ef 3:10, Hi 11:13, 11:39-40 **1:12:** Daniel 9:24; Efesus 3:10; Hibru 11:13; 11:39-40

maghin izam. Kraisin Duam men aven ikia me migia ghaze, Krais faragh mizazim inigham, eghit bizir aghuarir aviriba gin otivam. ¹² God kamaghin men aka, me uari bagha ingarir puvati, me ia bagha ingari. Ezi God uan nguibamin uan Duam anemadazi a izaghiri, ezi Godin Duamin gavgavimin gumazir Akar Aghuim akuriba God amizir bizibar gun ia migei. Ezi enselba uaghan bizir kabagh foghasa bar ifonge.

God ghaze, ia nan gumazamizibara

¹³ Kamaghin amizi ia ingarsivira uan nighniziba akir iki, egh uan navir ghurimin araziba dikabin. Krais Jesus uamategh izamin dughamin God uan apangkuvim ia daningam. Ia an apangkuvir ia fogha iniamim, ia pamtem a ginighnighiva a baghvira mizuam iki. ¹⁴ Ia borir akaba barazibar min iki. Fomira ia fozir puvati, egha ia navir ghurimin arazir kurabar gin zui. Ezi datirighin, ia ua dar gin mangan marki. ¹⁵⁻¹⁶ Ezi Godin akinafarimin osizirim ghaze, "Ki arazir kurabar saghon ikia, bar zue, eghit ia uaghan nan min arazir kurabar saghon iki bar zuegh, nan gumazamizibara iki." Godin ian diazim, arazir kuratan an itir puvati. Kamaghin amizi ia uaghan, ia amir arazitam ikuvighan marki. Ia, an gumazamizibara.

God bar iveauzir ekiamin ua e iniasa a gami

¹⁷ Ia zurara, God ko migiava a dibora ghaze, En Afeziam. Ezi Afeziar kam en ziabagh nighnizir puvatigha e tuisisi. Puvati. An en arazibar gara vaghvaghha e tuisisi. Eghit ia datirighin nguazir kamin itir dughamin ia pura guughav itir gumazamizibar min an iki. Egh ia bar Godin apengen iki. ¹⁸ Ezi ia fo, ia uan ovavibar arazir kuraba isa dagh amuava dar gin zui. Arazir kaba, da dagheba puvati. Ezi God ia givezegha ian arazir kuraba gin amada. God ia givezezir dughamin, a nguazir kamin bizar ikuvitam anizingir puvati, mati silva ko gol. Puvati. ¹⁹ A Kraisin

ghuzimin ia givese, ezi ghuzir kam a bar pin ko. Ezi Krais a sipsipin nguzir mamin min ami. Ofa gamir sipsipba, duar kuriba dar mikarzibar itir puvati, ezi Krais mati sipsipin nguzir mam, arazir kuratan an itir puvati.* ²⁰ Fomira God tighar nguzimin ingaram, a faragha ua ia givezamin ingan garim bagha Krais amisefe. Ezi datirighin e itir dughiar abuananaba, God ian akuraghaha Krais bar azenara ian aka. ²¹ A ian akurazima ia nighnizir gavgavim Godin iti. God a gamizima a uam ovevemin dikafi, ezima God bar Krais isa bar pin aneti. Kamaghin amizi ia nighnizir gavgavim Godin iki, egh ia a mikemezir bizir ia fogha iniamiba baghvira mizuam iki.

Ia bar gumazamizibagh ifonge

²² Ia guzin akam baregha an gin zui, egha arazir kamin ia Godin damazimin zue. Egha ia uaghan Godin gumazamiziba guizbangira me gifonge. Egh datirighin ia bar me gifueghiva, bar uan naviba isiva me daningigh. ²³ Ia datirighin gumazamizir igiabar otivigha gifa, mati ia dagher biar igiamin min azenimin oto. Egha ia dagher biar pura ikuvibar min aghuir puvati. Ezi dagher ovizir kam, a Godin akam, ezi akar kam zurara ingar iki, mamaghira ikiam. ²⁴⁻²⁵ E fo, Godin Akinafarim kamaghin migei:

"Gumazamiziba dadabar min ami,
me dughiar ruarin, nguazir kamin
ikivira ikian kogham.
Me oghevseviba midii moghira
misigham.
Me ruarin itir akimariba suaghiri
moghin,
dughiar ruaribar itir puvati.
Oghevseviba midiuma,
akimariba midia suaghiri.
Ezi Ekamin akam
zurara ikia kamaghira iti."

1:13: Lu 12:35; Ro 13:13; 1 Ko 1:7; 1 Te 5:6-8 **1:13:** Luk 12:35; Rom 13:13; 1 Korin 1:7; 1 Tesalonika 5:6-8 **1:14:** Ro 12:2, Ef 2:3, 4:17-18, 1 Te 4:5

1:14: Rom 12:2; Efesus 2:3; 4:17-18; 1 Tesalonika 4:5 **1:15-16:** Ofa Gami 11:44-45;

19:2; 20:7; Matyu 5:48; 2 Korin 7:1; Hibr 12:14; 2 Pita 3:11

1:17: Lo 10:17; Mt 6:9; Ap 10:34; Ro 2:11; 2 Ko 5:6; 7:1; 2

Ti 4:14; Hibr 12:28; Akar Mogomem 2:23

1:18: Ese 20:18; 1 Ko 6:20; 7:23; 1 Pi 4:3 **1:18:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

1:19: Ese 20:18; 1 Ko 6:20; 7:23; 1 Pi 4:3 **1:19:** Esekiel 20:18; 1 Korin

6:20; 7:23; 1 Pita 4:3

Akar kam, a Godin Akar Aghuim, me ia mikini.

2

Ekiam a dagiar aghuir angamira itim

1 Ia gumazamizir igiabar otivigha gifä, kamaghin ia arazir kuraba, ko akar ifavariba ko, arazir ifavariba ko, biziba bagha navim ikuvir arazim ko, girakirangin migeir araziba, ia bar da atakigh. 2-3 E fo, borir iririvim an otem bagha bar kufi. Kamaghira, ia Godin Duam ia ganngizir daghem baghiva mitiriam ian aghi, bizir kuratam an itir puvati. Guizbangira, Godin arazir a ia gamim, ia a gifo, Ekiam a bar moghira dera. Kamaghira, ia Godin Duamin daghem amiva aghung egh Godin Duamin aven gumazir aruarbar min ikiam.

4 Egh ia Ekiam bagh izi, a dipenir akinir aghuir angamira itim, o dagiar aghuir angamira itimir min iti. Gumazamiziba an aghua, ezi God a ginabagha an garima a bar pin ko. 5 Ezi ia uaghan, mati dagiar angamira itiba. God ia damighti, ia dipenimin min otoghi, an Duam dipenir kamin aven ikiam. Eghia God ua bagh ia miseveghti, ia an ofa gamir gumazamizibar min ikiam. Egh ia Krais Jesusin ziamin ia bar ofan min uari isi God daning. Arazir kam, God bar a gifonge.

6 Godin Akinafarim ghaze:

“Ia gan.

Ki dagiar aghuir mam amisevezima a bar pin ko.

Ezi ki datirighin Saionin Mighsiamin dagiar kam arisi.

Ezi a Dipenim aterir dagiamin min oto. Eghia gumazamizir nighnizir gavgavim an itiba, me aghumsighan kogham.”

7 Ezi ia nighnizir gavgavim Kraisin itiba, ia fo, Krais mati dipenir akinir bar aghuim. Ezi nighnizir gavgavim puvatiziba, Godin Akinafarimin me ghaze:

“Dipenir akinir kam, kar dipenir akinir ingangarir gumaziba aghuazim, a datirighin dipenim aterir guarim gava.”

8 Egha Godin Akinafarim uaghan ghaze:

“Dagiar kam a gumazamizibagh amima, me asaghpora daighiri.”

Me akam barazir puvati, kamaghin amizi, me daighiri. God fomira fo, bizar kam me bativam.

9 Ezi God ia misevegħha givazima ia an adarazir otifi. Egha ia atrivimin ofa gamir gumazamizibar min otifi. Ia bar guizbangira Godin gumazamizibara, egha God bagħavira iti. Egh ia Godin gumazamizibar ikiva, an arazir aghuir a ia gamizibar gun mikimasa, ia misefe. Ia faragħa mitarmemin ikez, a ian diagħha uan angazangarir aghuimin ia ati.

10 Ia fomira pura gumazamizir kinibar min iti, egha datirighin ia Godin gumazamizibar.

Ia fomira Godin apangkuvim inizir puvati, egha ia datirighin an apangkuvim inigha gifä.

E iħgarazibar tongin deraghvira daruam

(Sapta 2:11-3:22)

E Godin ingangarir gumazamizibar min ikiam

11 Nan roroaba, ki akar gavgavimin ia migei, ia nguazir kamin ikia mati gumazamizir pura guighav itiba, ko gumazamizir nguibaba puvatizibar min iti. Ezi ki ia migei, ia navir ghurimin arazir kuraba bar ada atakigh. Arazir kaba ian duuba ko misosi.

12 Ia bar deraghvira Kraisin azenan itir gumazamizibar tongin daru. Eghia me akar kuraba ja mikimiva, gin ian arazir aghuubar ganiva, egh me God Izamin Dugħiamin, an ziam fam.

- | | | |
|--|--|---|
| 2:1: Ef 4:22, 4:25; Kl 3:8, Hi 12:1, Je 1:21 | 2:1: Efesus 4:22; 4:25; Kolosi 3:8; Hibru 12:1; Jems 1:21 | 2:2-3: Onger Akaba 34:8; Matyu 18:3; Mak 10:15; 1 Korin 3:2; 14:20; Efesus 4:15-16; Hibru 5:12-13; 6:5 |
| 2:4: Onger Akaba 118:22; Aisaia 28:16; Matyu 21:42; Aposel 4:11 | 2:4: Sng 118:22; Ais 28:16 | 2:5: Kis 19:6; Ais 61:6; Hos 14:2; Mal 1:11, Ro 12:1; Ef 2:21-22; Fl 4:18; Hi 13:15-16; MAA 1:6 |
| 2:5: Ua Me Ini 19:6; Aisaia 61:6; Malakai 1:11; Rom 12:1; Efesus 2:21-22; Hibru 13:15-16; Akar Mogommem 1:6 | 2:6: Ais 28:16, Ro 9:33; Ef 2:20 | 2:6: Aisaia 28:16; Rom 9:33; Ef 2:20 |
| 2:7: Sng 118:22; Mt 21:42; Ap 4:11 | 2:7: Onger Akaba 118:22; Matyu 21:42; Aposel 4:11 | 2:8: Aisaia 18:15; Aposel 4:11; Rom 9:22; 9:33; 1 Tesalonika 5:9 |
| 2:8: Aisaia 8:14-15; Ap 4:11; Ro 9:22; 9:33; 1 Te 5:9 | 2:9: Kis 19:5-6; Lo 4:20; 7:6; 14:2; Ais 9:2; 40:20-21; 43:20-21; Jo 17:19; Ap 20:28; 26:18; Ef 5:8; Kl 1:13; Ta 2:14; 1 Pi 2:5 | 2:9: |
| 2:9: Ua Me Ini 19:5-6; Godin Araziba 4:20; 7:6; 14:2; Aisaia 9:2; 43:20-21; Jon 17:19; Aposel 26:18; Efesus 5:8; Kolosi 1:13; Taitus 2:14; 1 Pita 2:5 | 2:10: Hosea 1:9-10; 2:23; Ro 9:25 | 2:10: Hosea 1:9-10; 2:23; Rom 9:25 |
| 2:10: Hos 1:9-10; 2:23; Ro 9:25 | 2:11: 1 Sto 29:15; Sng 39:12, Ro 13:14; Ga 5:17; 5:24; Hi 11:13; Je 4:1 | 2:11: 1 Sto 29:15; Sng 39:12, Rom 13:14; Galesia 5:17; 5:24; Hibru 11:13; Jems 4:1 |
| 2:12: Mt 5:16; Lu 19:44; Ro 12:17; 2 Ko 8:21; Fl 2:15; Ta 2:8 | 2:12: Matyu 5:16; Rom 12:17; 2 Korin 8:21; Filipai 2:15; Taitus 2:8 | 2:12: Matyu 5:16; Rom 12:17; 2 Korin 8:21; Filipai 2:15; Taitus 3:1 |
| 2:13: Mt 22:21; Ro 13:1; Ta 3:1 | 2:13: Matyu 22:21; Rom 13:1; Taitus 3:1 | |

¹³ Ia Ekiamin gin zui, kamaghin ia gavman osirizir araziba bar da baraghiva dar gin mangi. Atrivir bar ekiam, ia an akam baragh. ¹⁴ Gavmanin gumazamizir dapaniba, Ekiam me amisevegha ingangarir kam me ganingi, eghti me gumazamizir arazir kurabagh amiba, iveauzir kuraba me daningam. Egh gumazamizir arazir aghuibagh amiba, me men ziaba fam. Kamaghin amizi ia uaghan gavmanin gumazamizir dapanibar akabar gin mangi. ¹⁵ Gumazamizir organiba zurara akar kuraba ia gasi. Ezi ia arazir aghuibar amuasa God ifonge, eghti tuvair kamin ia men akaba aminivaghram, eghti me mikiman kogham. ¹⁶ Ia bar firiaghbirizir gumazamizibar min iki. Egh kamaghin nighnighan marki, "E datirighin firiaghire, egh mangi arazir kurabar amuam." Puvati. Ia Godin ingangarir gumazamizibar min iki. ¹⁷ Egh ia arazir aghuibar gumazamizibar bar me damu. Egh uan naviba isiva Godin gumazamizibar aning. Ia uaghan Godin gin mangiva an apengan iki. Egh ia ziar ekiam atrivir ekiam daning.

*E Kraisin arazibar gin mangiva, egh
mizaziba iniam*

¹⁸ Ia pura ingangarir gumazamiziba, ia uan gumazir ian garir ekiabar apengan ikiva, egh deraghvira me damu. Ki gumazir ian asughasuziba ko gumazir aghuibara migeir puvati, ia uaghan, gumazir ian gara ian asughasuzir puvatiziba sara, men apengan iki. ¹⁹ E fo, gumazitam o amizitam Godin gin mangiva ingangarim damut, me pura mizaziba a daningam, eghti a mizaziba iniam, eghti God an arazir tuga gavgavizim bagh bar ifongeghiva, bar deraghvira a damu. ²⁰ Egh ia arazir kuram damut me ia misoghti, ia mizazim inigh tugh gavgavichti, ian arazir kurar kamin iveauzir aghuibra puvati. Egh ia arazir aghuibim damut, me ia misoghtima ia mizazim inigh tugh gavgavichti, God arazir aghuibim ia damuam.

²¹ Krais mizazim inigha ian akura, kamaghin amizi God Kraisin arazir kamin gin mangasa ian dia. Egha a uan arazir amizir kam en aka, eghti e an gin mangam.

²² "Krais arazir kuratam gamizir puvati, egha uaghan ifavarir akatam mikemezir puvati."

²³ Ezi me akar kurabar a migeima, a men akatam ikarazir puvati, egha a mizazim inigha paza me damuasa me migeir puvati. A ubi isa jas ganingi, jas a God. A fo, kar jasin bar deravira biziba tuisizim. ²⁴ Ezi Krais en arazir kuraba isa uan mikarzim gatigha, egha ter ighuvimin areme. A kamaghsua, e arazir kuraba bar ada ateghiva, angamira ikiva arazir aghuibar amuam, kamaghin amizi an areme. Me a misoghezma an mizazir dafar kam ia gamizi, ia ua dera.

²⁵ Ia bar sipsipbar min tintinibar ghuegha ovence. Ezi datirighin ia uamategha sipsipbar garir gumazim bagha ize, a ian duabagh eghuvir gumazim.

3

Akar poroghamibar zuim

¹⁻² Ezi kamaghira, amizir pabar itiba ia uan pabar apengan iki me baghivira iki. Ki kamaghsua, gumazir kataba nighnizir gavgavim Godin akamin itir puvati, ia men amuiba, ia men apengan ikiva, bar deravira daruti, me ian arazibar ganam. Ia Godin akar aviribar me mikiman marki, me ian arazir zueziba ko Godin apengan itir arazibar ganiva men tarazi ti navibagh iraghram. Kamaghin amizi, amiziba uan pabar apengan iki. ³ Egh ia pura azenan uan mikarziba asingiva, dapanir ariziba ikiva golin adibir ko korotiar aghuibar aghuan marki. Puvati. ⁴ Ia uaghan uan navir averiaba sara asing, kurukazir kaba ikuvighan kogham. Kurukazir kaba, kar ikirimirir aghuibim ko navir amirizim itir arazim. Arazir kaba Godin damazimin bar dera. ⁵⁻⁶ E fo, fomira itir amiziba, me uari isa God ganiga, egha bizir God me daningamim bagha mizuam. Me arazir kabaruar kuruka, egha me uan pabar apengan iti. Kamaghira Sara uan pam Abrahamin apengan ikia, egha "gumazir ekiam," a garisi. Ia arazir aghuibar amuva, bizitamin atiatingan kogh, egh mati ia Saran guivibara.

- 2:15:** Ta 2:8; 1 Pi 2:12, 3:16 **2:15:** Taitus 2:8; 1 Pita 2:12; 3:16 **2:16:** 1 Ko 7:22, Ga 5:1, 5:13 **2:16:** 1 Korin 7:22; Galesia 5:1; 5:13 **2:17:** Snd 24:21, Mt 22:21, Ro 12:10, Fl 2:3; Hi 13:1; 1 Pi 1:22 **2:17:** Aghuzir Akaba 24:21; Matyu 22:21; Rom 12:10; Filipai 2:3; Hibru 13:1; 1 Pita 1:22 **2:18:** Ef 6:5, Kl 3:22, 1 Ti 6:1 **2:18:** Efesus 6:5; Kolosi 3:22; 1 Timoti 6:1 **2:20:** 1 Pi 3:14, 3:17, 4:14-15 **2:20:** 1 Pita 3:14; 3:17; 4:14-15 **2:21:** Mt 16:24, Jo 13:15, Ap 14:22, 1 Pi 3:18, 1 Jo 2:6 **2:21:** Matyu 16:24; Jon 13:15; Apostol 14:22; 1 Pita 3:18; 1 Jon 2:6 **2:22:** Ais 53:9, Jo 8:46, 2 Ko 5:21, Hi 4:15 **2:22:** Aisaia 53:9; Jon 8:46; 2 Korin 5:21; Hibru 4:15 **2:23:** Ais 53:7; Mt 27:39, Jo 8:48-49, Hi 12:3, 1 Pi 3:9 **2:23:** Aisaia 53:7; Matyu 27:39; Jon 8:48-49; Hibru 12:3; 1 Pita 3:9 **2:24:** Ais 53:5, Ro 6:2, 6:11, 7:6, Hi 9:28 **2:24:** Aisaia 53:5; Rom 6:2; 6:11; 7:6; Hibru 9:28 **2:25:** Ais 53:6; Esekiel 34:5-6; 34:23; Matyu 9:36; Jon 10:14; Hibru 13:20 **3:1-2:** 1 Korin 7:14-16; Efesus 5:22; Kolosi 3:18; Taitus 2:5 **3:3:** 1 Ti 2:9; Ta 2:3 **3:3:** 1 Timoti 2:9; Taitus 2:3 **3:4:** Sng 45:13, Ro 7:22, 2 Ko 4:16 **3:4:** Onger Akaba 45:13; Rom 7:22; 2 Korin 4:16 **3:5-6:** Stt 18:12 **3:7:** 1 Ko 7:3, 12:23; Ef 5:25, Kl 3:19, 1 Te 4:4 **3:7:** 1 Korin 7:3; 12:23; Efesus 5:25; Kolosi 3:19; 1 Tesalonika 4:4

7 Ezi kamaghira ia amuiba itir gumaziba, ia nighnizir aghuibar gin mangiva, uan amuiba ko deraghvira iki. Me gumazibar min gavgavizir puvati. Ia deraghvira me damuva, egh men akurvagh me baghivira ikiva men ziaba fi. Egh men nighniziba ko men araziba dikabinan marki. Me uaghan ia ko, God pura ia daningamin ikirimir aghuim iniam. Ia God ko migeir tuavim, bizitam anepiran koghs, ia uan amuiba ko deraghvira iki.

E zurara arazir aghuiba igharaz darazir amuam

8 Ezi ki uan migirigia kamaghin da givasa, ia bar moghira nighnizir vamira iki, egh navir vamira uarir iki. Ia bar Kraisin adarazigh ifuegh iki, egh men apangkuv, egh uari abirir arazim damu. 9 Eighti gumazamiziba arazir kuratam ia damighti, ia arazir kuratam me ikarvaghan marki. Me akar kuratam me mikemeghti, ia akar kuratam me ikarvaghan marki. Ia me ikarvaghan arazimra kara, ia me bagh God ko mikintima, an arazir aghuim me damu. God bizar aghuim ia daningasa, kamaghin a ian dia. Ezi kamaghin ia gumazamizir igharaziba arazir aghuim me damu. 10-12 Godin Akinafarim ghaze:

“Ekiamin damazimin derazir gumazamiziba,
a deragha men gara,
men azangsiziba barasi.

Gumazamizir arazir kurabagh amiba,
Eki me batogha
men aghua.

Kamaghin tina dughiar ruarin iki,
dughiar aghuibar gansiva,
egh akar kurabav kiman koghiva,
ifavarir akaba atakigh.

An akirim ragh arazir kurabagh asaragh,
arazir aghuibara damu.
Egh navir amirizimin, gumazamizir
igharaziba ko ikisi
gavgavigh mamaghira iki.”

*E arazir aghuibar amuva da bagh
mizaziba iniam*

13 Ia arazir aghuibar amusi bar ifueghti, tina arazir kuratam ia damuam? Dughiar aviriba ti puvatigham. 14 Eighti ia arazir aghuibar amuva da bagh mizaziba iniva, egh ia bar akongegham! Eighti me atatingamin bizitam ia damuti, ia men atatingan marki. 15 Egh ian navir avebar, ia Krais uabira ia uan Ekiamin min faraghvira anetigh. Eighti me bizar aghuir ia mizuair kamin mingarim bagh azaragh, eighti ia zurara men akaba ikarvaghs nighnigh iki. 16 Ia arazir aghuibagh amua Kraisin gin zuima, me akar kurabia migei, eighti gumazir kaba ian arazir aghuibar ganti, da me damuti, me uan akar me mikemezibar aghumsizim iniam. Me kamaghin damus, ia nimira men akaba ikarvagh, arazir aghuibar me damu. Egh ian arazir deravira da tuisighiva egh arazir aghuim gin mangi. 17 Eighti God ifueghti, e uan arazir aghuiba bagh mizaziba iniam, kamaghin dera. E arazir kurabia bagh mizaziba iniam, kar bizar kuram.

Krais aremegha ua dikavigha uam e ini

18 E kamaghin fo, Krais ubi ia bagha areme. A Godin damazimin derazir gumazim, egha a Godin damazimin derazir puvatizir gumazamizibar danganim inigha areme. A bar gumazamizibar arazir kurab batueghiva me inigh God bagh mangasa, dughiar vamira aremegha gifa. A uam aremeghan kogham. Egha a nguazir kamin gumazir inivafizimin min itima me a misoghezi an areme. Ezi Godin Duam a gamizi a ua dikavigha angamira iti. 19 Ezi Godin Duam a gamizi, a ghua ovengezibar duar kalabusin itiba, Akar Aghuim me mikiri.* 20 Ezi duar kaba, me fomira Noan dughiamin Godin akaba iriaghiri. Ezi Noan dughiamin arazir kuram bar azenim girizi God zuamira me ikarazir puvati. A me mizua ghua Noa kurimin ingarigha givazir dughiam. Ezi kurimin aven gumazamizir 8plara an itima, aperiar ekiam otogha me inigha zuima, God ua men akuragh me inizima me deraghvira iti. 21 Ezi dipar kam a rurimin nedazim, kamaghira God

3:8: Mt 5:44; Ro 12:10; Fl 3:16; Kl 3:12; 1 Te 5:15; 1 Pi 2:17; 2:23 **3:8:** Rom 12:10; Kolosi 3:12; 1 Tesalonika 5:15; 1 Pita 2:17 **3:9:** Mt 25:34; Ro 12:14; 1 Te 5:15 **3:9:** Matyu 25:34; Rom 12:14; 1 Tesalonika 5:15 **3:10-12:** Sng 34:12-16
3:10-12: Onger Akaba 34:12-16; Aisaia 1:16-17; Jon 9:31; Rom 12:18; Hibru 12:14; Jems 1:26; 1 Pita 2:1; 2:22 **3:13:** Snd 16:7; Ro 8:28 **3:13:** Aghuzir Akaba 16:7; Rom 8:28 **3:14:** Jer 1:8; Mt 5:10; Je 1:12; 1 Pi 2:20; 4:14 **3:14:** Jeremaija 1:8; Matyu 5:10; Jems 1:12; 1 Pita 2:20; 4:14 **3:14:** Aisaia 8:12-13 **3:15:** Ap 4:8; Kl 4:6, 2 Ti 2:25 **3:15:** Aposel 4:8-12; Kolosi 4:6; 2 Timoti 2:25 **3:16:** Ta 2:8; Hi 13:18; 1 Pi 2:12 **3:16:** Taitus 2:8; Hibru 13:18; 1 Pita 2:12
3:17: 1 Pi 2:20 **3:17:** 1 Pita 2:20 **3:18:** Ro 5:6; 6:10; 8:11; 2 Ko 13:4; Ef 2:18; Kl 1:21-22 **3:18:** Rom 5:6; 6:10; 8:11; 2 Korin 13:4; Efesus 2:18; Kolosi 1:21-22 **3:19:** Jenesis 6:1-7:24; Jenesis 8:18; Hibru 11:7; 2 Pita 2:5 * **3:19:** Fofozir gumazir maba ghaze, duar kaba, da gumazir Noan dughiamin aremezir gumazibar duuba. Ezi marazi ghaze, a duabav gei, o enselin Godin akam iriaziba. Judaba kamaghin nighnizir gavgavim iti, God Noan dughiamin duar kaba isa kalabus gati. **3:21:** Ro 10:10; Ef 5:26; Ta 3:5; Hi 10:22 **3:21:** Rom 10:10; Efesus 5:26; Taitus 3:5; Hibru 10:22

datirighin rurimin tuavimin ian akura. Rurim, a mikarzibar miziriziba a gevир puvati. Rurim kamaghin ian aka, ia God ko akam akira ghaze, ia uan araziba deravira da tuisighiva, egh arazir aghuibara gin mangi, egh gin aghumsighan kogham. Krais Jesus ovevemin ua dikafi, ezi tuavir kamin God ian akurvasi.[†] ²² Ezi Krais Godin Nguibamin ghugha datirighin Godin agharir guvimin iti. Ezi enselba ko duar kurar gavgaviba ko aser gavgaviba itiba, da bar an apengen iti.

Osimtizir bar ekiam Kraisin adarazi batozi, me mizaziba isi

4

(Sapta 4-5)

E navir ghurimin araziba ataghiraghram

¹ Kamaghin amizi, Kraisin mikarzim mizazim ini, kamaghin e uaghan an min nighnizir kamra suiragh gavgavigham. E fo, gumazitam uan mikarzimin mizazim inighiva, egh an arazir kuraba ategham.* ² Kamaghin datirighin tugh mangi, ian inivafizimin ikirimirim givaghamin dughiam, ia navir ghurimin arazibar gin mangan marki; ia God ifongegehi arazibar gin mangi. ³ Ia fomira dughiar ruarimin navir ghurimin arazibar gin zui. Ia, nighnizir gavgavim puvatizibar arazir kurabar amuasa ifongezi moghin ia fomira arazir kabagh ami. Arazir kaba: me afiar arazibah amuava, arazir mizirizibar amuasa bar kufi, egha dipar onganiba apava onganigha, isar dafabagh amua dagher aviriba apava, egha pura gumazamiziba isa pura pamtemin diava, ighiar kurabar arazibagh ami, egha nguazir kamin biziba e God gami moghin uariisa dagh anidi, egha bizar kabagh amua aghumsiziba puvati. ⁴ Ezi ia datirighin ua gumazir kurar kaba koma arua, me ko arazir kurar avirir kabagh amir puvati. Ezi

me bizar kamin digavir kuram gamigha, akar kurar aviribar ia migei. ⁵ Egh me gin uari jasin ekiamin kotin tuivam, egh uari uan arazibar gun a mikimam, me tizim bagha bizar kabagh ami. Jasin kam, a gumazamiziba bar men araziba tuisighasa iti, gumazamizir ovengeziba ko angamira itiba. ⁶ Bizar kam bagha, Jesus gumazamizir ovengeziba uaghan Akar Aghuim me mikiri. Men ovevem kamaghin oto, God me tuisighizi, me ariaghire, mati gumazamiziba bar kamaghin ariaghire. Egh me Godin mirara, men duaba angamira ikiasi, Jesus Akar Aghuim me mikiri.[†]

God puram e ganingizir bizar aghuiba, e deraghvira dar ingangarim damuam

⁷ Dughiar biziba bar givamim roghira ize. Kamaghin amizi ia God ko mikimsi, bar deragh nighnigh, egh navir ghurimin araziba dikabin. ⁸ Niigharaz tav gifueghti, an arazir kuratam ni damichti, ni zuamira an arazir kurar kam gin amadaghram. Kamaghin ia Kraisin adarasi, uan navir averiabar uarira uarigh ifongegehi. Arazir kam an araziba bar dagh afira. ⁹ Eghit gumazamizir igharaziba izi ia ko ikitima, ia bar deravira arazir aghuibar me damu. Egh ia men osiman marki. ¹⁰ God uan apangkuvimin bizar guar avirir aghuiba vaghvaghia ia ganidi. Kamaghin amizi ia bar vaghvagh Godin ingangarir gumazamizir aghuiba ikiva, egh ia bizar aghuir God pura ia ganingizibar, Godin gumazamizibar akurvagh. ¹¹ Ia kamaghin ifongegehi, gumazamiziba ian arazir amiba bar dar ganiva, Krais Jesusin ziamin me Godin ziam fam. Tina Akar Aghuim akurir fofozim God a danighti, a deravira Godin akam akun. Eghitina igharaz darazir akurvazir fofozim, God a danighti, a Godin gavgavimin igharaz darazir akurvagh. Eghit Krais Jesus zurara, atrivimin gavgavim ko ziar ekiam sara, a ko ikivira ikiam. Bar guizbangira.

- [†] **3:21:** Grighin akam vezin kamin deragha bizar kam migeir puvati. **3:22:** Sng 110:1; Mt 22:44; Ro 8:34, 8:38, 1 Ko 15:24; Ef 1:20-21 **3:22:** Onger Akaba 110:1; Matyu 22:44; Rom 8:34; 8:38; 1 Korin 15:24; Efesus 1:20-21 **4:1:** Ro 6:2, 6:7; Ga 5:24, Kl 3:3-5 **4:1:** Rom 6:2; 6:7; Galesia 5:24; Kolosi 3:3-5 **4:1:** Mizazim isir arazimin akar maba, da uaghan 1 Pita 3:13-22in iti. **4:2:** Jo 1:13, Ro 6:11; 2 Ko 5:15, Ga 2:20, 1 Jo 2:16 **4:2:** Jon 1:13; Rom 6:11; 2 Korin 5:15; Galesia 2:20; 1 Jon 2:16 **4:3:** Ap 17,30, Ef 2:2-3; 4:17, Ta 3:3 **4:3:** Efesus 2:2-3; 4:17; Taitus 3:3 **4:4:** Ap 13:45, 18:6, 1 Pi 3:16 **4:4:** Aposel 13:45; 18:6; 1 Pita 3:16 **4:5:** Ap 10:42, 17:31, 1 Ko 15:51-52, Je 5:9 **4:5:** Aposel 10:42; 17:31; Jems 5:9 **4:6:** Ro 8:10, 1 Ko 5:5 **4:6:** Rom 8:10 **4:6:** Grighin akam vezin kamin bizar kam deragha a migeir puvati. Gumazir maba ghaze, a ti 1 Pita 3:19 itir bizar kamra migei, ezi me kamaghin a gira, "Bizar kam bagha Krais Akar Aghuim gumazamizir ovengezibah kim. Me gumaziba ariaghiri moghin me areme, men arazir kurabar iveauzim. Kamaghin an Akar Aghuim me mikini, eghit me ikirimirim aghuir surara itim iniva, duuba mi ikiam, mati God ubai." **4:7:** Mt 24:13-14, Lu 21:34, Ro 13:11-12, 1 Ko 10:11, Fl 4:5, Kl 4:2, 2 Pi 3:9, 1 Jo 2:18 **4:7:** Matyu 24:13-14; Luk 21:34; Rom 13:11-12; 1 Korin 10:11; Filipai 4:5; Kolosi 4:2; 2 Pita 3:9; 1 Jon 2:18 **4:8:** Snd 10:12, 1 Ko 13:7, Kl 3:14, Hi 13:1, Je 5:20, 1 Pi 1:22 **4:8:** Aghuzir Akaba 10:12; 1 Korin 13:7; Kolosi 3:14; Hibru 13:1; Jems 5:20; 1 Pita 1:22 **4:9:** 2 Ko 9:7, Fl 2:14, Fm 14, Hi 13:2 **4:9:** Filipai 2:14; Hibru 13:2 **4:10:** Ro 12:6-8, 1 Ko 4:1-2, 4:7, Ta 1:7 **4:10:** Rom 12:6-8; 1 Korin 4:1-2; 4:7 **4:11:** 1 Ko 3:10, 10:31, Ef 5:20, 1 Pi 5:11, MAA 1:6 **4:11:** 1 Korin 10:31; 1 Pita 5:11; Akar Mogonem 1:6

E Kraisin min mizaziba inisi bar akuegham

¹² Nan namakaba, osimtzir kam avimin min ia tuiyigh gavgavighasa ia batifi. Eghti ia digavir kuram damuan marki, egh suam, bizar igharaghha gariba e batifi. ¹³ Ia osimtzir kabar aven Krais mizazim isi moghin, ia uaghan mizazim isi. Kamaghin ia bar akongegh. Egh gin a uamateghamin dughiamin ia an atrivimin angazangarimin ganiva ian agorjem pin ikiti, ia guizbangira bar akuegham. ¹⁴ Godin Duar angazangarim itim ia avara. Kamaghin amizi me Kraisin ziam bangin me akar kuraba ia mikintima, ia bar akuegham. ¹⁵ Ia uari uan osimtziba bagh mizaziba iniam, kamaghin derazir puvati. Ian tongin tav gumazitam o amizitam misueghtima an aremegham, o a biziba okimam, o a tintinimin arazir kurabar amuam, o a tintinimin gumazamizir igharazibar biziбар ganam, me an arazir kaba baghiva osimtzizm a darughtima, kamaghin derazir puvati. ¹⁶ Ia Kraisin adarasi, egh Kraisin ziam bagh ia mizaziba iniva, aghumsighan marki. Kraisin ziam ian iti, kamaghin amizi ia Godin ziam fi. ¹⁷ Dughiar God uan adarazir araziba tuisighamim, an otogha gifa. An gumazamiziba faragh kotiamin otoghtima, eghti gin Godin Akar Aghuim akirim ragha a gasarazir gumaziba me uaghan kotiamin otoghiva, egh guizbangira bar ikuvigham. ¹⁸ Godin Akinafarim ghaze:

“Godin damazimin derazir gumazamiziba
osimtziba sara zuima,
God abuan men akurvasi.
Eghti Godin aghuaghha arazir kurabagh
amiba,
me bar ikuvigham.”

¹⁹ Kamaghin Godin ifongiamin, gumazamizir maba mizaziba iniam, egh me bar uari isiva Godin agharim darigh, egh arazir aghuibar amuvira iki. God en ingarigha, zurara bar deravira en gari.

- 4:12:** 1 Ko 3:13; 1 Pi 1:6-7 **4:12:** 1 Korin 3:13; 1 Pita 1:6-7 **4:13:** Ap 5:41, Ro 8:17, 2 Ko 1:7, 2 Ti 2:12, Je 1:2, 1 Pi 1:5-6, MAA 1:9 **4:13:** Apostel 5:41; Rom 8:17; 2 Korin 1:7; 2 Timoti 2:12; Jems 1:2; 1 Pita 1:5-6; Akar Mogomem 1:9 **4:14:** Sng 89:50-51, Mt 5:11, 2 Ko 12:10, Je 1:12, 1 Pi 2:20 **4:14:** Onger Akaba 89:50-51; Matyu 5:11; 2 Korin 12:10; Jems 1:12; 1 Pita 2:20 **4:15:** 1 Te 4:11, 1 Ti 5:13; 1 Pi 2:20 **4:15:** 1 Tesalonika 4:11; 1 Timoti 5:13; 1 Pita 2:20 **4:16:** Ap 11:26, Fl 1:20 **4:16:** Filipai 1:20 **4:17:** Jer 25:29, Mal 3:5, Lu 10:12-14, 23:31, 2 Te 1:8 **4:17:** Jeremaia 25:29; Luk 10:12-14; 23:31; 2 Tesalonika 1:8 **4:18:** Snd 11:31, Lu 23:31 **4:18:** Aghuzir Akaba 11:31; Luk 23:31 **4:19:** Sng 31:5, Lu 23:46, 2 Ti 1:12 **4:19:** Onger Akaba 31:5; Luk 23:46; 2 Timoti 1:12 **5:1:** Ap 1:8, 1:22, Ro 8:17-18, MAA 1:9 **5:1:** Apostel 1:8; 1:22; Rom 8:17-18 **5:2:** Jo 10:11-13, 21:15-17, Ap 20:28, 1 Ko 9:17, 1 Ti 3:3, 3:8, Ta 1:7, 1:11, Fm 14 **5:2:** Jon 10:11-13; 21:15-17; Apostel 20:28; 1 Korin 9:17; Taitus 1:7; 1:11; Filemon 1:14; 1 Pita 3:1-6 **5:3:** Sng 74:2, 1 Ko 3:9, 2 Ko 1:24, Fl 3:17, 1 Ti 4:12, Ta 2:7 **5:3:** 2 Korin 1:24; Filipai 3:17; 1 Timoti 4:12; Taitus 2:7 **5:4:** 1 Ko 9:25, 2 Ti 4:8, Hi 13:20, 1 Pi 1:4 **5:4:** 1 Korin 9:25; 2 Timoti 4:8; Hibru 13:20; 1 Pita 1:4 **5:5:** Snd 3:34, Ais 57:15, Ef 5:21, Fl 2:3, Je 4:6 **5:5:** Aghuzir Akaba 3:34; Aisaia 57:15; Efesus 5:21; Filipai 2:3; Jems 4:6 **5:6:** Mt 23:12, Lu 14:11, 18:14, Je 4:10 **5:6:** Matyu 23:12; Luk 14:11; 18:14; Jems 4:10 **5:7:** Sng 37:5, 55:22, Mt 6:25-30, Fl 4:6 **5:7:** Onger Akaba 37:5; 55:22; Matyu 6:25-30; Filipai 4:6

*Gumazamizir dapaniba, ia bar deragh
Godin gumazamizibar gan*

¹ Ki akar mam Kraisin adarazir gumazamizir dapanibav kimasa, ki uaghan ian min Kraisin adarazir gumazir dapanir mam. Nan damazimin, ki ubi Kraisin garima, a mizazim ini. Egh gin Krais uan gavgavim ko ziar ekiam sara uamategh izam. Eghti dughiar kamin ki uaghan ia ko, e bar moghira an atrivimin angazangarimin ganiva ian agorjem pin ikiti, ia guizbangira bar akuegham. ² Ia Godin gumazamiziba deravira men gan. Me sipsipbar min ian agharimin iti. Tav ia ingangarir kam damusi ia abintima, ia ingaran marki. Ia ingangarir kam damuasa God ifonge. Kamaghin, ia ifueghiva ingangarir kam damu. Ia iveauz baghiva akongiva ingangarim damuan marki. Egh ia gumazamizibar akurvaghs bar ifongegh. ³ Ia gumazamizir aruabar min ikan marki, egh Godin gumazamiziba dikabinan marki, gumazamizir kaba God me isa ian agharim gati. Ia arazir aghuibar me damu, eghti me ian arazibar ganiva dar gin mangam. ⁴ Eghti dughiar sipsipbar garir gumazir Ekiam azenim girichti, ia iveauz bar aghuim iniam, iveauz bar deravira itim, a ikuvighan kogham.

E uari isi God daningam

⁵ Ezi kamaghira, ia gumazamizir igiaba, ia gumazamizir aruabar apengan iki. Egh ia bar uari abirir arazimin gin mangiva egh uaghan Godin gumazamizibar apengan iki. Godin Akinafarim kamaghin migei:

“God zurara gumazir uan ziaba feba, a me
dikabiri,
egha gumazir uan ziaba dikabiriba
God men apangkuva
egha bar deravira me gami.”

⁶ Kamaghin amizi, ia uan ifongiaba abiniva Godin agharir gavgavimin apengen iki. Eghti dughiar God ifongezim a ia fegham. ⁷ God ia ginighnisi, kamaghin amizi osimtzir ia ateriba, ia da isi Godin agharim darigh.

⁸ Ia angamira iki, uari bagh gan. Satan, gumazir ian apanimin itir kam, a laionin min tiarim akara diagharui. A zurara gu-mazamizbar amasa me buriaghbari. ⁹ Ia fo, Godin gumazamizir nguazir kamin itiba, me uaghan mizazir ia isir kaba isi. Kamaghin amizi ia bar nighnizir gavgavimin tugh gavgavigh Satan batogh.

¹⁰ God, an apangkuvibar mingarim. Ia Kraisin porozima God ian diazi, ia a ko iki mamaghira ikiam. Egh ia dughiar bar otevimin mizaziba iniam, egh gin a ubi ua ia damighti ia ua deragham. Egh gavgavim ian nighnizir gavgavibar aningiva, egh ia damuti ia tuivigh gavgavigh mamaghira ikiam. ¹¹ Ezi God uabira zurazura gavgavir ikia mamaghira itim iti. Bar guizbangira.

Akar otevir maba

¹² Sailas nan akuragha, ia bagha akingafarir otevir kam osiri. Ki an garima, a Krais baghavira itir aveghbuar aghuim. Ezi akingafarir kam, ki God uan apangkuvim ian akazir arazim ia mikimasa. Ki ubi ki fo, kar guizbangira Godin apangkuvim, egha ki deravira an gun ia migei. Egha ki akar gavgavim ia ganidi, ia nighnizir gavgavim Godin apangkuvimin iki tugh gavgafigh.

¹³ Godin gumazamizir Babilonin itiba, God me ko ia misevezi, me ia bagha akam amaga ghaze, Afeziam ia ko iki.* Nan otarim Mak, a uaghan ia bagha akam amaga ghaze, Afeziam ia ko iki.† ¹⁴ Ia igharaz darazigh ifongezir arazim akaghisi, ia uari uan agharibar suigh. Ia Kraisin adarasi, ia navir amirizim iki.

5:8: Lu 22:31, 1 Te 5:6, MAA 12:12 **5:8:** Luk 22:31; 1 Tesalonika 5:6; Akar Mogomem 12:12 **5:9:** Ap 14:22, Ef 6:11-13, 2 Ti 3:12, Je 4:7 **5:9:** Aposel 14:22; Efesus 6:11-13; 2 Timoti 3:12; Jems 4:7 **5:10:** 2 Ko 4:17, 1 Te 2:12, 2 Te 2:17, 1 Ti 6:12, Hi 13:21, 1 Pi 1:6 **5:10:** 2 Korin 4:17; 1 Tesalonika 2:12; 2 Tesalonika 2:17; 1 Timoti 6:12; Hibru 13:21; 1 Pita 1:6 **5:12:** Ap 15:22, 15:40; 2 Ko 1:19, 1 Te 1:1, Hi 13:22, 2 Pi 1:12 **5:12:** Aposel 15:22; 15:40; 2 Korin 1:19; 1 Tesalonika 1:1; Hibru 13:22; 2 Pita 1:12 **5:13:** Ap 12:12, 12:25, 13:13, 15:37-39, Kl 4:10, 2 Ti 4:11, Fm 24 **5:13:** Aposel 12:12; 12:25; 13:13; 15:37-39; Kolosi 4:10; 2 Timoti 4:11; Filemon 1:24 **5:13:** Babilon arazir kurabagh amir nguibam. Ezi Pita Romiñ itir dughiam, Rom tintinimin arazir kurabar Godin gumazamizibagh ami, mati Babilon fomira me gamizir arazim mokin. Kamaghin Pita akar isin zuimin Rom dibora ghaze, Babilon. **† 5:13:** Mak guizin Polin otarim puvati. A gumazir ighiar an akurvaghga an gin aruim. **5:14:** Ro 16:16, 1 Ko 16:20, Ef 6:23 **5:14:** Rom 16:16; 1 Korin 16:20; Efesus 6:23

Pitan Akinafarir Namba 2

O 2 Pita

Akar faragha zuim

Akinafarir kamin akar mingarimra kara. Tisan maba arua Kraisin adarazir nighnizir gavgaviba ko arazir aghuibagh asighasisi. Ezi Pita akinafarir kamin aven migia ghaze, Kraisin adarazi men akaba baraghan marki. Me, akar aposelba men sure gamizibar suiragh gavgafigh. Eighti arazir kamin me God ko Ekiam Krais Jesus deravira aning gifogham. Aposelba uari uan damazibar Iesusin ganigha uaghan a barazi, a men sure gami.

Gumazir maba kamaghin migei Jesus ua izan kogham. Ezi akinafarir kam ghaze, a izam. Guizbangira a zuamira izeghan koghamin bizimin mingarim kamakin: God gumazitam o amizitam ovengan aghua. A kamaghsua, gumazamiziba bar navibagh iraghram. Kamaghin amizi, a gumazamiziba dugham me ganiga, egha me Mizua ikiavira iti (3:9).

E arazir aghuibar amuti da en navir averiabar iki gavgavigham, eighti e gumazamizir kurabar akaba batogham

(Sapta 1-3)

¹ Ki Saimon Pita, ki Krais Iesusin ingan-garir gumazim ko an aposel. Ki, ia gumazamizir nighnizir gavgavir aghuim itiba, akar kam ia bagha an osiri. Krais Jesus en God, a en Akurvazir Gumazim. Egha a uan arazir aghuimin God nighnizir gavgavir aghuim ia ganingizima, ian nighnizir gavgavir kam, a enanom ko voroghira ghu.
² Ezi datirighin ia God ko en Ekiam Jesus, aningin fofozir aghuim inis. Ezi kamaghin apangkuvir arazim ko navir amirizim ian ekevegh iki.

God ua baghavira e amisefe

³ Krais Jesus a God, an gavgavim a biza-bar e ganingi. Eighti da gavgavim e daningtima, e ikirimirir aghuim iniva e God ifongezir arazibar amu ikiam. E Krais gifo, ezi fofozir kam e gamima e God ifongezir arazibagh ami. Ezi a ko itir arazim ko an

arazir aghuimin, an en dia. ⁴ Egha bizir bar aghuibah e ganingi, da bar ekefe. Ezi kar bizir a fomira e daningasa akam akiriziba. Enguazir kamin itir gumazamiziba, e navir ghurimin araziba bagha puv agoima, da bar pazav e gami. Ezi Krais bizir aghuir kaba bar e ganingi. Tuavir kamin, a ian akuraghti, ia arazir kurar kabagh itaghiva, egh Godin ikirimirim inighiva egh an arazibar amuam.

⁵ Bizir kabanang bagh, ia Godin ikirimirim inisi pamten ingar. Ia datirighin nighnizir gavgavim Kraisin iti. Egh uaghan arazir aghuibah gumazamizir igharazibar amu, egh uaghan Godin fofozir arazim deravira a inigh. ⁶ Egh uaghan navir ghurimin araziba da dikabin, egh uaghan tugh gavgavigh osimtzibah ater, egh uaghan God ifongezir arazibar gin mangi. ⁷ Egh uaghan, uan adarazir min, Kraisin adarazir apangkuvigh men akurvagh. Egh uaghan igharaz darazigh ifongezir arazim damu.

⁸ Ia Krais Jesus gifo, a en Ekiam. Ia arazir kaba inightima da ian iki bar gavgavichti, ian fofozir kam deravira ingartima, dagher aviriba otivam. ⁹ Gumazim o amizim arazir kaba puvatigh, a bizir saghuiamin tibar ganan kogham, a mati gumazir damazir okavirizimin min ikiam. Guizbangira, God an arazir kurar a fomira amiziba gin amada, egha a gamizima a zue. Egha datirighin bizir kaba, a da bakinighniki.

¹⁰ Nan adarasi, God ian diagha gifa, egha ia ginaba, ezi ia an gumazamizibar ikiam. Kamaghin ia zurara an adarazir ikivira ikiva egh bizir kam akakaghs, ia bar pamtem ingar. Ia kamaghin damu, arazir kuratamin irighan kogh, egh God ateghan kogham. ¹¹ Eighti a tuavir kam bar ia bagh a kuightima ia God Bizibagh Ativamin Dughiamin aven mangiti a ia bagh bar akuegham. Egh dughiar kamin iki mamaghira ikiam. God Bizibagh Ativamin Dughiam, a bar Krais Jesus en Ekiamin biziim, a en Akurvazir Gumazim.

¹² Ki bizir kaba bagh ia mikimvira ikiam. Ia guizbangira dagh fogha guizin akam inigha gifa, egha an tuga gavgafi. ¹³⁻¹⁴ Ki fo, dughiar bar otevim, ki nguazir kamin itir mikarzim suevkinigham. En Ekiam Krais Jesus kamaghin na mikemegha gifa. Kamaghin dughiar ki inivafizir kamin aven ikiavira itim, ki nighnizima a dera, ki ua

- 1:1:** 2 Ko 4:13; Ef 4:5; Ta 1:4 **1:1:** 2 Korin 4:13; Efesus 4:5; Taitus 1:4 **1:2:** Ju 2 **1:2:** Jut 1:2 **1:3:** Jo 17:3, 2 Te 2:14; 2 Ti 1:9; 1 Pi 2:9 **1:3:** Jon 17:3; 2 Tesalonika 2:14; 2 Timoti 1:9; 1 Pita 2:9 **1:4:** 2 Ko 7:1; Ef 4:24; 2 Pi 2:18-20, 1 Jo 3:2 **1:4:** 2 Korin 7:1; Efesus 4:24; 2 Pita 2:18-20; 1 Jon 3:2 **1:5:** 1 Pi 3:7; 2 Pi 3:18 **1:5:** 2 Pita 3:18 **1:6:** Ga 5:22-23 **1:6:** Galesia 5:22-23 **1:7:** Ga 6:10; 1 Te 5:15, 1 Jo 4:21 **1:7:** Galesia 6:10; 1 Tesalonika 5:15; 1 Jon 4:21 **1:8:** Jo 15:2; Ta 3:14 **1:8:** Jon 15:2; Taitus 3:14 **1:9:** Hi 9:14; 1 Jo 1:7; 2:9-11 **1:9:** Hibru 9:14; 1 Jon 1:7; 2:9-11 **1:10:** 2 Pi 3:17; 1 Jo 3:19 **1:10:** 2 Pita 3:17; 1 Jon 3:19 **1:12:** Fl 3:1; 1 Pi 5:12; 2 Pi 3:1; 3:17; 1 Jo 2:21; Ju 5 **1:12:** Filipai 3:1; 1 Pita 5:12; 2 Pita 3:1; 3:17; 1 Jon 2:21; Ju 1:5 **1:13-14:** Jon 21:18-19; 2 Korin 5:1; 2 Timoti 4:6; 2 Pita 3:1

bizir kaba bagh ia mikimtima, ia ua dagh nighnighvira ikiam.¹⁵ Kamaghin amizi, ki bar deragh ia mikimasa. Ki gin oveghti, ia dughiabar zurara bizir ki ia mikemezir kabagh nighnighvira ikiam.

Aposelba uan damazibar Godin angazangarimin garima a Kraisin iti

¹⁶ Ezi dughiar e Kraisin akar kamin ia mikemezim, e pura gumazitam eghaghanitam ko nighnizimin gin ghua ia migeir puvati. E uan Ekiam Krais Iesusin gavgavim ko a ua izamin akamin gun ia mikeme. E faragha guizbangira uan damazibar Godin angazangarim ko gavgavim garima da Krais Iesusin iti, kamaghin amizi e migei.* ¹⁷ Ezi God Afeziam ziar ekiam a ganingi, egha angazangarir aghuir kam gamizima an an oto. Ezi God uabi uan Nguibamin ikia angazangarir ekiar kamin aven ikiava kamaghin Jesus migia ghaze, "Kar nan Otarim, ki bar a gifonge, egha ki a bagha bar akonge." ¹⁸ Ezi e uari a ko Godin mighsiamin ikia egha akar kam barazima a Godin Nguibamin ikegha izaghiri. ¹⁹ Kamaghin amizi, e nighnizir gavgavimra Godin akam inigha izir gumazibar akabar iti. Ezi ia uaghan men akabar suiragh gavgavigh, egh deraghram. Godin akam inigha izir gumazibar akaba mati lam mitatemin ikia isi moghin, Kraisin angazangarim ian navir averiabar aven iki isiam. Arazir kam mati aminim itir mikovezim overiamin isiti, mitatem mangiti angazangarim otogham.†

²⁰⁻²¹ Fomira Godin akam inigha izir gumazibar akatam, pura gumazitam o amizitam a mikemezi an a migeir puvati. Godin Duam uabi me gaghuavkirma me Godin izezin akam akuri. Kamaghin amizi, ia bizir ekiar kam gifogh, Godin akam inigha izir gumaziba, me uan nighnizibar Godin Akinafarim osirizir puvati.

2

*Ifavarir tisaba Kraisin adarazir nighnizibagh asighasighasa
(Jut 4-13)*

1:16: 1 Ko 1:17; 1 Jo 1:1 **1:16:** 1 Korin 1:17; 1 Jon 1:1 * **1:16:** Akar otevir kam a dughiar Iesusin mikarzim igharaghha gara otozir bizibav migei. Ni Matyu 17:1-3 ko Mak 9:2-13 ko Luk 9:28-36in gan. **1:17:** Mt 3:17 **1:17:** Matyu 3:17 **1:17:** Matyu 17:1-5; Mak 9:2-7; Luk 9:28-35 **1:19:** Sng 119:105, Jo 5:35, MAA 2:28 **1:19:** Onger Akaba 119:105; Jon 5:35 † **1:19:** Mizarzimin mikovezir kam, kar Krais Jesus. Ni Akar Mogomem 22:16in gan. **1:20-21:** Aposel 1:16; 3:18; Rom 12:6; 2 Timoti 3:16; 1 Pita 1:11 **2:1:** Mt 24:11, Ap 20:30, 1 Ko 6:20, Ef 1:7, 1 Ti 4:1, 2 Ti 3:1-5, 1 Pi 1:18, Ju 4 **2:1:** Matyu 24:11; Aposel 20:30; 1 Timoti 4:1; 2 Timoti 3:1-5; 1 Pita 1:18; Jut 1:4 **2:3:** Ro 16:18, 2 Ko 12:17-18, 1 Te 2:5, 1 Ti 6:5, Ta 1:11, 2 Pi 1:16 **2:3:** Rom 16:18; 2 Korin 12:17-18; 1 Tesalonike 2:5; 1 Timoti 6:5; Taitus 1:11; 2 Pita 1:16 **2:4:** Lu 8:31, Jo 8:44, 1 Jo 3:8, Ju 6, MAA 20:2-3 **2:4:** Luk 8:31; Jon 8:44; 1 Jon 3:8; Jut 1:6; Akar Mogomem 20:2-3 **2:5:** Stt 6:1-7:24, 8:18, Hi 11:7, 1 Pi 3:20, 2 Pi 3:6 **2:5:** Jenesis 6:1-7:24; Jenesis 8:18; Hibru 11:7; 1 Pita 3:20; 2 Pita 3:6 **2:6:** Stt 19:24, Nam 26:10, Ju 7 **2:6:** Jenesis 19:24; Diboboniba 26:10; Jut 1:7 **2:7:** Stt 19:1-16 **2:7:** Jenesis 19:1-16 **2:9:** Sng 34:17-19, 1 Ko 10:13, Ju 6 **2:9:** Onger Akaba 34:17-19; 1 Korin 10:13; Jut 1:6

iti. Ezi a me Godin Araziba batozir arazim bagha an navim bar ikufi.⁹ Ekiam amizir biziiba, e dagh nighnigha kamaghin fo, osimtzitam gumazamizir Godin Arazibar gin zui taba batogham, God osimtzir kam uam me da a iniamin tuavim gifo. Ezi God arazir kurabagħ amir gumazamizibagh fo, egha men arazir kuraba ikarvagħamin tuavim gifo, mamaghira iki mangiva Godin Kotin Ekiamin Dugħiam otogħam.¹⁰ Eġi gumazamizitaba īvezir kurar bar ekiaba iniam. Kar gumazamizir porogħamiba uari isavaakuwa amir arazir bar miziribba. Egha me Godin akam migia ghaze, a pura bixi.

Ezi gumazamizir kurar kaba ian tongin iti, gumazamizir akaba batogħa egha uan nighnizibar gin zuiba. Egha me atiatir puvatigħa akar kurabar enselin Godin Nguibamin itibav gei.¹¹ Ezi enselba bar gavgavir ekiam ikia, bar gumazamizir kabagh afira. Egha enselba uari akar kurabar me migeir puvati, egha Ekiamin damazimin akam me gasir puvati.

¹² Ezi ifavarir tisan kaba, me mati asizibar min nighnizibar puvati, egha me uan mikarzibar ifongiabbar arui. Egha me mati asizir atiabar min nguazimin otifi, eġi gumaziba men suighiva me misogħtima me arighiram. Ezi bizir me fożir puvatizim, me akar kurabar a migei. Ezi arazir kamra mati gumaziba asizir atiaba gasighasizi mogħin God me gasighasigham.

¹³ Ezi me amizir arazir kurabar, gumazamiziba men arazir kaba bagħi ua arazir kurabar me ikarvagħam. Me ghaze, aruebar dagħer ekiaba apir arazim ko dipar oġġaniba apir arazim, kar arazir bar aghuim. Egha me ia koma apava, egha ia gamima ia bar mize, egha ian ziabagh asighasisti. Egha me uan ifavarir arazir me amiba bagħha bar akonge.¹⁴ Egha me zurara amizibar garra, arazir kurabar me damuasa nighnisi. Egha me arazir kurar amiba givasa nighnizir puvati. Me gumazamizir nighnizir gavgavir mużiariha itibagh ifarima me arazir kurabagh ami. Egha me iħaraz darazir biziabar garava, dagh ifonqezir arazim bar me gizifa. Eġi God bar me gasighasigham!¹⁵

¹⁵ Me tuavir aghuim ategħa, bar oġġaniga tintinbar zui. Me Beorin otarim Balamin tuavimin gin zui. An arazir kuram gamiġha,

egħa uan arazir kurar kamin iverzim ini-ħażżeġ. ¹⁶ Donkiba migeir puvati. Ezi donkin mam gumazimin min migia Balamin arazir kuraba bagħha an atari. Ezi arazir kamin, donki Godin akam inigha iziż gumazir kam gamima, a uan arazir oġġanir a damuasa nighnizim ataki.

¹⁷ Gumazamizir kaba, mati možir dipapa dakezi mogħin iti, egha uaghan mati aminir ekiam ghuarjam givava amadima a tintinbar zuuha amoziba puvati. God me bagħha danganir bar mitategħha bar pighiżim akirizima a iti. Eġi me mangiva an ikiam.¹⁸

Gumazamizir kaba pura tiariba akara egha uan akar oġġanir kabab già ghaze, erara dera. Me gumazamizib apezepera me gamima, me naviba dikavva arazir porogħamiba uari isava akuiba, ko inivafizimin arazir kurar iħgarazibar amuasa nighnisi. Ezi arazir kamin, me gumazamizir datirighha navibagh iragħha arazir kuraba ataghżibba, me me gamima, me gumazamizir kurar kabar gin zui.¹⁹

Gumazamizir kurar kaba kamaghin migei, "Kamaghin ia en gin mangiva, eghia firighregh uan nighnizibar ifonqezir biziabar amuam." Men arazir kuraba me gasighasizma, me uari pura ingangarir gumazamizibba. E fo, gumazamizibba bizitam me ikirarighti, me biziż kamin pura ingangarir gumazamizibar min ikiam.²⁰

Guizbangira, me en Ekiam Krais Jesus da fofozim inis, a en Akurvazir Gumazim. Ezi fożoir kam men akurazi me arazir miziriz nuguazimin itiba bar adagh ita. Eghamagħin me uarazir kurabar amuti, da u me ikirarigh eghi bar me gafragh. Eġi men ikirimirim gin bar mogħira bar ikuvigh fomira itir ikirimirim gafragh. ²¹ Kamaghin me arazir aghuimin tuavim għifozir puvatigħha, deragħi. Ezi datirighha me tuavir kam gifo, egha Godin akaba in, egha uam akirim ragħha God gasara. Ezi bizir kam bagħi me bar ikuvigham.²²

Ezi bizir men otozir kam, gużiżi akar otevir mamin aven kamaghin migei, "Afiam mighha egha ghua ua uan mimiziba api."

Eżi uaghan akar otevir iħgarazir mam kamaghin migei, "Dam dipam guregħha givagħha ua ghua begħneazzim għipogħposi."

Aningin arazim virara bar kufi.

3

2:10: Ju 4:10, 16 **2:10:** Jut 1:4-10; 1:16 **2:11:** Ju 9 **2:11:** Jut 1:9 **2:12:** Ju 10 **2:12:** Jut 1:10 **2:13:** Ro 13:13, 1 Ko 11:20-21, Fl 3:19, Ju 12 **2:13:** Rom 13:13; 1 Korin 11:20-21; Filipai 3:19; Jut 1:12 **2:15:** Ju 11, MAA 2:14
2:15: Jut 1:11; Akar Mogomem 2:14 **2:15:** Diboboniba 22:4-35 **2:17:** Ju 12-13 **2:17:** Jut 1:12-13 **2:18:** Ap 2:40; 2 Pi 1:4, 2:20, Ju 16 **2:18:** Aposel 2:40; 2 Pita 1:4; 2:20; Jut 1:16 **2:19:** Jo 8:34, Ro 6:16, 1 Pi 2:16 **2:19:** Jon 8:34; Rom 6:16; 1 Pita 2:16 **2:20:** Mtu 12:45; Luk 11:26; Hibru 6:4; 2 Pita 1:2-4 **2:21:** Lu 12:47-48; Jo 9:41 **2:21:** Luk 12:47-48; Jon 9:41 **2:22:** Snd 26:11 **2:22:** Aghuzir Akaba 26:11 **3:1:** 2 Pi 1:13 **3:1:** 2 Pita 1:13

Bar guizbangira Ekiam ua izam

¹ Nan roroaba, kar nan namba 2in akinafarim ki datirighin ia bagha an osiri. Ki kamaghin ifonge, akinafarir ki osirizir kamning, ian nighniziba uam a da fehti, ia ua bizir kabagh nighnighvira ikiam, egh ian nighniziba bar deravira ikiam. ² Ia ua Godin akam inigha izir gumaziba fomira mikemezir akabagh nighnighasa ki ifonge. Egh ia uaghan Ekiamin akabagh nighnigh, a en Akurvazir Gumazim. Ia uan aposelba da akar kam inis.

³ Ia faragh bizar ekiar kam gifogh, Ekiam ua izamin dughiamin, gumazamiziba uan navir ghurimin arazibar gin mangiva dibovir akar kurabar ia mikimam. ⁴ Me kamaghin ia dipovam, "Iesus ghaze, a ti ua izam, o? Egha a managh iti? A izan kogham. En ovavir ovengeziba ua dikanav kogham. Ezi biziha fomira nguazim otozir dughiamin iti moghin ikia iza datirikin." ⁵ Me bizar kam gifogha, a ginighnighan aghua. Fomira God mikemezi overiam ko nguazim oto. Ezi God dipabav kemezi da iraghuezi nguazim oto. Ezi God dipamra nguazim ingari. ⁶ Egha gin God mikemezi dipaba uam oto. Ezi aperiam bar nguazir kam avara, ezi nguazim bar ikufi. ⁷ Kamaghira God fomira mikemezi moghin, a datirighin migirigiar igharazim aningi, datirighin overiam ko nguazim ikia avim bagha mizuai, avim otoghiva bar aning kuavaremegham. Ezi nguazim ko overiam Godin Kotiar Ekiam Ottivamin Dughiam bagha mizuai. Dughiar kamin gumazamizir akirim ragha God gasaraziba, me bar ikuvigham.

⁸ Nan roroaba, ia bizar kam a bakinighnighan marki. Ekiamin nighnizim dughiar vamira mati, azenir aviriba, ezi azenir aviriba mati dughiar vamira. ⁹ Gumazamizir maba ghaze, Ekiam nimira ingari. Ezi puvati. Ekiam uan akar dikirizimin gin ghua nimira ingara arazibagh amir puvati. God gumazitam o amizitam ovengang aghua. Gumazamiziba

bar navibagh iraghaha a ifonge, egha an navim ian ikia ingara egha ia mizua iti.

Nguazir kam ko overiam givagham

¹⁰ Ekiam Izamin Dughiam zuamiram otogham, mati okimakiar gumaziba izi mokin. Egheti dughiar kamin overiam afuaragh pamten tingaghegh bar givagham. Egheti bizir nguazimin itiba sara bar isigh ameregh givagham. Egheti nguazim ko an itir bizar me amiziba ua ikian kogham.* ¹¹ E fo, kamaghira biziha bar givagham. Kamaghin ki ian azai, ia arazir manamin gin mangam? Ia uan naviba isi God daning, egh ia bar zuegh iki Godin Arazibar gin mangi.

¹² Egh ia Godin Dughiar Ottivamim mizuamiva, egh ia bar puvira ingariva dughiar kamin aviraghti, a zuamira otogham. Egheti dughiar kamra overiam bar isigh givagham, egheti avir bar gavgavir mam otogh bizar God nguazimin amiziba, da bar isiva ameregham.† ¹³ God overiar igiam ko nguazir igiam damuasa akam akiri, egheti Godin arazir aghuimra an aven ikiam. E bizar kamra mizua iti.

E uari bagh ganiva, egh Ekiam bagh mizuamam

¹⁴ Kamaghin, nan roroaba, ia fo bizar kaba da gin izam, ia dar mizuamiva pamtem ingariva egh Godin damazimin zuegh ikiva, Godin damazimin arazir kuratam damuan marki. Egh ia God ko navir amirizimin ikisi pamtem ingar.

¹⁵ Ekiam e bagha amirighavira ingari. Ia fogh, a uam e iniasa, kamaghin an arazir kam gami. Ezi God bar fofozir aghuim en aveghbuam Pol ganingi, ezi a uaghan kamaghira migirigiar kabara ia bagha da osiri. ¹⁶ Polin akinafarir osiriziba, da zurara bizar kabar gun migei. Guizbangira, akar maba akinafarir kabar aven ikiava, egha deravira bigha migeir puvati. Ezi e akar kabar mingaribagh foghosa bar ingangarir dafam gami.

3:2: Ju 17 **3:2:** Jut 1:17 **3:3:** 1 Ti 4:1, 2 Ti 3:1, 2 Pi 2:10, Ju 18 **3:3:** 1 Timoti 4:1; 2 Timoti 3:1; 2 Pita 2:10; Jut 1:18

3:4: Ais 5:19, Jer 17:15; Ese 12:22, 12:27; Mt 24:48, Lu 12:45 **3:4:** Aisaia 5:19; Jeremaima 17:15; Esekiel 12:22; 12:27;

Matyu 24:48; Luk 12:45 **3:5:** Stt 1:6-9, Sng 33:6, Kl 1:17, Hi 1:13 **3:5:** Jenesis 1:6-9; Onger Akaba 33:6; Kolosi 1:17;

Hibrui 11:3 **3:6:** Stt 7:11, 7:21, 2 Pi 2:5 **3:6:** Jenesis 7:11; 7:21; 2 Pita 2:5 **3:7:** Mt 25:41, 2 Te 1:8, 2 Pi 3:10 **3:7:**

Matyu 25:41; 2 Tesalonika 1:8; 2 Pita 3:10 **3:8:** Sng 90:4 **3:8:** Onger Akaba 90:4 **3:9:** Ais 30:18, Hab 2:3, Ro 2:4,

1 Ti 2:4, Hi 10:37, 1 Pi 3:20 **3:9:** Aisaia 30:18; Habakuk 2:3; Rom 2:4; 1 Timoti 2:4; Hibrui 10:37; 1 Pita 3:20 **3:10:** Mt

24:29, 24:35, 24:43, Mk 13:31, Lu 12:39, 1 Te 5:2, Hi 1:11, MAA 16:15, 20:11 **3:10:** Matyu 24:29; 24:35; 24:43; Mak 13:31;

Luk 12:39; 1 Tesalonika 5:2; Hibrui 1:11; Akar Mogomem 16:15; 20:11 * **3:10:** Grighin akam deragha a migeir puvati.

3:12: Ais 34:4, Mai 1:4, 1 Ko 1:7, Ta 2:13, 2 Pi 3:10 **3:12:** Aisaia 34:4; Maika 1:4; 1 Korin 1:7; Taitus 2:13; 2 Pita 3:10

† **3:12:** 2 Pita 3:9 ghaze, Ekiam zuamira izeghan kogham, kamaghin a dughiam gumazamizibar anighti me navibagh iraghama. Ezi kamaghin, gumazamiziba uari isi God daning, egheti bizar kam Ekiamin Dughiar Izamim aghozagham. Ni

Aposel 3:19-21in gan. **3:13:** Ais 65:17, 66:22, MAA 21:1, 21:27 **3:13:** Aisaia 65:17; 66:22; Akar Mogomem 21:1;

21:27 **3:14:** 1 Ko 15:58, Fl 1:10, 1 Te 3:13 **3:14:** 1 Korin 15:58; Filipai 1:10; 1 Tesalonika 3:13 **3:15:** Ro 2:4, 1 Pi

3:20, 2 Pi 3:9 **3:15:** Rom 2:4; 1 Pita 3:20; 2 Pita 3:9 **3:16:** Ro 10:3, 1 Ko 15:51, 1 Te 4:15 **3:16:** Rom 10:3

Ezi gumazamizir fofozir muziariba ko nighnizir gavgavir muziariba, me Polin osirizibagh iragha pazava dav gei. Egha uaghan Godin akinafarimin itir akar igharaziba sara paza dav gei. Kamaghin me uarira uari gasighasisi, eghти God gin me gasighasigham.

¹⁷ Nan roroaba, ia bizir gin otivamiba ia dagħi fo. Gumazamizir Godin akaba batogħa ifarriba ia damuti, ia nighnizir gavgavir ia datirighin itim ategħ iran kogħam. Ia iran kogħsi, kamaghin bar deravira uari bagħ ganiva tuiwigh gavgafigħ. ¹⁸ Krais Iesu, a en Ekiam, a en Akurvazir Gumazim, a zurara ian apangkufi, ezi ia deravira a gifo. An fofozim ko an apangkuvim ian navibar ikiva aghhung mangi. Krais ziar ekiam iti, ezi ia an ziam fi, datirighin iki mamaghira ikiam. Guizbangira.

Jonin Akinafarir Faragha

Zuim

O

1 Jon

Akar faragha zuim

Akinafarir kamin, Jon akar mingarir pumuningin migei. A faraghavira, Kraisin adarazir akurvaghti, me Afeziām God ko an Otarim Krais Jesus ko navir vamira ikiam. Egha Jon kamaghsua, me mitatemin itir darazi ateghtima, me me gifariva egh me gekuti, me God ateghan kogham.

Ezi "mitatemin itir darasi," kamaghin migei, bizir nguazimin kagh itiba, da derazir puvati. Me ghaze, Jesus a Godin Otarim, kamaghin amizi, a nguazir kamin gumazimin min otoghan kogh, egh e gu-mazamiziba ami moghin, nguazimin bizza ko poroghan kogham. Me ghaze, gumazamiziba deravira God ko ikisi, me nguazimin bizibagh nighnighan marki. Me ghaze, arazir bar aghuim ko igharazibagh ifongezir arazim, da uaghan nguazimin bizza. Kamaghin, e arazir kabar gin mangisi nighnighan kogham.

Jon kamaghsua, Kraisin adarazi akar kaba baragh dar gin mangan marki. A ghaze, Jesus a guizin gumazimin oto. Eghit gumazamizir nighnizir gavgavim an itiba, God bar a gifueghiva, gumazamizir igharaziba bar me gifongegh.

E angazangarimin aven daruti, mitatemin aven aruiba e gifaran kogham

(Sapta 1:1-3:10)

*Angamira Itir Akam, datirighin azenan
oto*

¹ Gumazir me kamaghin diborim, Angamira Itir Akam, e an gun ia migei. Gumazir kam, nguazir kam tighar otivamin dughiamin, a bar faraghavira iti. Ezi e a baregha, uan damazibar deraviram an garava egha uan dafaribar an suiki. ²

- | | | |
|--|--|---|
| 1:1: Jo 1:4-1, 1:14, 20:27, 2 Pi 1:16, 1 Jo 2:13-14 | 1:1: Jon 1:1-4; 1:14; 20:27; 2 Pita 1:16; 1 Jon 2:13-14 | 1:2: Jo 1:14, |
| 21:24, Ap 2:32, Ro 16:26 | 1:2: Jon 1:14; 21:24; Aposel 2:32; Rom 16:26 | 1:3: Jo 17:21, Ap 4:20, 1 Ko 1:9, 1 Jo 2:24 |
| 1:3: Jon 17:21; Aposel 4:20; 1 Korin 1:9; 1 Jon 2:24 | 1:4: Jo 15:11, 16:24, 2 Jo 12 | 1:4: Jon 15:11; 16:24; 2 Jon 1:12 |
| 1:5: Jo 1:9, 9:5, 12:35-36, 1 Ti 6:16, Je 1:17, 1 Jo 3:11 | 1:5: Jon 1:9; 9:5; 12:35-36; 1 Timoti 6:16; Jems 1:17 | 1:6: 2 |
| Ko 6:14, 1 Jo 2:4 | 1:6: 2 Korin 6:14; 1 Jon 2:4 | 1:7: Ais 2:5, Jo 3:21, Ef 1:7, Hi 9:14, 1 Pi 1:19, MAA 1:5, 7:14 |
| Aisiaa 2:4-5; Jon 3:21; Efesus 1:7; Hibru 9:14; 1 Pita 1:19; Akar Mogomem 1:5 | 1:7: Sng 51:2, Snd 28:13, 1 Jo 1:7 | 1:8: Jop 9:2, Sng 32:5, Snd 28:13, Je 3:2, 1 |
| Jo 2:4 | 1:8: Jems 3:2; 1 Jon 2:4 | 1:9: Onger Akaba 32:5; 51:2; Aghuzir Akaba |
| 28:13; 1 Jon 1:7 | 1:10: 1 Jo 1:8 | 1:10: Onger Akaba 32:5; 51:2; Aghuzir Akaba |
| 1:10: Godin Akinafaririn aven itir akinafarir otevir aviribar akar kam ikia ghaze, "Gumazamiziba bar moghira arazir kuram gami." Ni Onger Akaba 14:3, ko Aisiaa 53:6, ko Aisiaa 64:6in gan. | * | |
| 2:1: Ro 8:34, 1 Ti 2:5, Hi 7:25, 9:24 | 2:1: Rom 8:34; 1 Timoti 2:5; Hibru 7:25; 9:24 | 2:2: Jo 1:29, 11:52; Rom 3:25; 2 Korin 5:18; Kolosi 1:20; 1 Jon 4:10; 4:14 |
| Ro 3:25, 2 Ko 5:18, Kl 1:20, 1 Jo 4:10, 4:14 | 2:2: Jon 1:29; 11:52; Rom 3:25; 2 Korin 5:18; Kolosi 1:20; 1 Jon 4:10; 4:14 | |
| 2:4: 1 Jo 1:6-8, 4:20 | 2:4: 1 Jon 1:6-8; 4:20 | |

God, angamira itir ikirimirim e ganingizir gumazir kam en aka, ezi e an ganigha an gun ia migei. Egh gumazir ikirimirim angamira itir kam, a zurazurara ikiam. A faragha Afeziām ko ikegha datirighin God en akazi, e an gani. ³ E an ganigha a baregha givagha, ia uaghan navir vamira e ko ikiasi, e uaghan ia migei. Egh ia ko, e navir vamira Afeziār Ekiam ko an Otarim Krais Jesus ko ikiam. ⁴ E uari inigh iki, en naviba bar akueghasa, e akar kam osiri.

E angazangarimin aven daruam

⁵ E Krais Jesus barazi an akar kam akunizima, e ia mikiri. Akar kam kamaghin mikemē, God, an angazangarim, ezi mitarmetam anepazazir puvati. ⁶ E kamaghin mikimam, "E a ko navir vamira iti," egh e mitarmem in daruti, kamaghin en migirigiar kaba, pura migirigiar ifavariba. Egha e guizin akamin gin zuir puvati. ⁷ Ezi God angazangarimin aven iti moghin e angazangarimin aven daruva, egh uari ko navir vamira ikiam. Eghit an Otarim Jesusin ghuzim e ruva, en arazir kuraba sara bar da ruam.

⁸ Eghit e suam, "E arazir kuraba puvati," kamaghin e uari uarigh ifari, ezi guizin akam en itir puvati. ⁹ E uan arazir kurabar gun Godin mikimtima, a mikemezi moghin arazir aghuim damuva puram en arazir kuraba gin amangiva egh da ruam. ¹⁰ E suam, "E arazir kurabagh amir puvati," kamaghin e Godin mikim suam, "A ifarir God." Ezi kamaghin e an akaba barazir puvati.*

2

Krais en Akurvazir Gumazim

¹ Nan boriba, ia arazir kurabar amuan ki aghuaghga, ia bagha akar kam osiri. En tav arazir kuramat damichti, en akurvazim iti. An Afeziām ko ikia e bagha a ko migei. Gumazir kam a Krais Jesus, an araziba bar dera. ² Egha a uabira en arazir kuraba baghava aremezi, God en arazir kuraba gin amada. En arazir kurabara puvati, nguazir kamin gumazamiziba bar moghira.

*Bar God gifozir gumaziba,
me Godin akabar gin zui*

³ E Godin akabar gin mangiva egh fogh suam, e guizbangira a gifo. ⁴ Gumazitam o amizitam suam, ki God gifo, egha Godin Akar Gavgavibar gin zuir puvati, a ifari. Ezi guizin akam a ko itir puvati. ⁵ Gumazitam o amizitam Godin akamin gin mangiva, a bar God ko gumazamizir igharazibagh ifueghiva, arazir ifofer kam an navir averiam gizivaghtima an daghem otivam. Eighti e tuavir kamin guizbangira fogh suam, e bar Godin pueghav iti. ⁶ Gumazitam o amizitam suam, ki Godin poroghav iti, egh a Krais aruizi moghin daru.

⁷ Nan adarasi, akar ki ia bagha osirikam, an Akar Gavgavir igiam puvati. Kar Akar Gavgavir ghurir ia faragha nighnizir gavgavim Iesusin ikiava oraghizim.* ⁸ Mitatemin dughiam givasava ami, ezi guizin angazangarim datirighin e gisira, ezi ki Akar Gavgavir kam ia bagha an osiri. Akar ki ia bagha osirizir kam, a uaghan migirigar igiam. E Iesus amizir arazibar ganigha fo, akar kam guizbangira. Egha ia amir araziba gara fo, akar kam guizbangira.

⁹ Gumazitam o amizitam suam, ki Godin angazangarimin aven iti, egha a uan adarazir aghua, a mitatemin aven ikiavira iti. ¹⁰ Gumazitam o amizitam uan adarazigh ifuegham, an angazangarimin aven iti, eighti bizitam a damighti, a irighan kogham. ¹¹ Egh gumazitam o amizitam uan adarazir aghuaghiva, a mitatemin aven ikia, an aven arui. Mitatem a gamima, a garir puvati. Kamaghin a fozir puvati, a managh zui.

¹² Ia nan boriba,
Iesusin ziamin God ian arazir kuraba
gin amada,
ezi kamaghin ki ia bagha akar kam
osiri.

¹³ Ia gumazamizir ghuriba,
ia, fomira ikiia iza datirighin itir gu-
mazir kam,
ia deraviram a gifo.

2:5: Jon 14:21-23; 15:4-5; 1 Pita 2:21; 1 Jon 4:12-13; 4:17; 5:3 **2:7:** 1 Jo 2:24; 3:11, 2 Jo 5-6 **2:7:** 1 Jon 2:24; 3:11; 2 Jon 1:5-6 * **2:7:** Jon ti Iesus mikemezir arazir Jon 13:32 in itim migei. A kamakin, ia vaghvagh uarira uarigh ifongegh. Ni 1 Jon 3:23 in gan. Me uarigh ifongezir arazimini akam, me fomira Kraisin adarazir otivigha a ini. Kamaghin, kar arazir ghurir me fomiram amim. Iesus ubi migia ghaze, kar arazir bar igiam. Ves 8 in Jon uaghan ghaze, Kar uaghan arazir igiam. **2:8:** Jo 1:9, 8:12, 13:34; Ro 13:12, Ef 5:8, 1 Te 5:5, 5:8 **2:8:** Jon 1:9; 8:12; 13:34; Rom 13:12; Efesus 5:8; 1 Tesalonika 5:5, 5:8 **2:9:** 1 Ko 13:2, 2 Pi 1:9, 1 Jo 3:10, 3:14-15, 4:20 **2:9:** 1 Korin 13:2; 1 Jon 3:10; 3:14-15; 4:20 **2:10:** Jo 11:9, Ro 14:13, 2 Pi 1:10, 1 Jo 3:14 **2:10:** Jon 11:9; Rom 14:13; 2 Pita 1:10; 1 Jon 3:14 **2:11:** Jo 11:10, 12:35 **2:11:** Jon 11:10; 12:35 **2:12:** Lu 24:47, Ap 4:12, 13:38, 1 Ko 6:11, 1 Jo 1:7 **2:12:** Luk 24:47; Aposel 4:12; 13:38; 1 Korin 6:11; 1 Jon 1:7 **2:13:** 1 Jo 1:1 **2:13:** 1 Jon 1:1 **2:14:** Ef 6:10 **2:14:** Efesus 6:10 **2:15:** Mt 6:24, Ro 8:7, 12:2, Ga 1:10 **2:15:** Matyu 6:24; Rom 8:7; 12:2 **2:16:** Ro 13:14, Je 4:16, 1 Pi 2:11 **2:16:** Rom 13:14; Jems 4:16; 1 Pita 2:11 **2:17:** Mt 7:21, 1 Ko 7:31, Je 1:10, 1 Pi 1:24 **2:17:** Matyu 7:21; 1 Korin 7:31; Jems 1:10; 1 Pita 1:24 **2:18:** Mt 24:5, 24:24, 2 Te 2:3, 1 Ti 4:1, Hi 1:2, 1 Pi 4:7, 2 Pi 2:1, 2 Jo 7 **2:18:** Matyu 24:5; 24:24; 2 Tesalonika 2:3; 1 Timoti 4:1; Hibrui 1:2; 1 Pita 4:7; 2 Pita 2:1; 2 Jon 1:7 **2:19:** Mt 24:24, Jo 6:37, Ap 20:30, 1 Ko 11:19 **2:19:** Matyu 24:24; Jon 6:37; Aposel 20:30; 1 Korin 11:19

Ezi kamaghin ki ia bagha akar kam osiri.

Ia gumazamizir igiaba,
ia gumazir kuram, Satan, an gavgavim
gafira.

Ezi kamaghin ki ia bagha akar kam osiri.

Ia nan boriba,
ia Afeziar Ekiam gifo,
ezi kamaghin ki ia bagha akar kam osiri.

¹⁴ Ia gumazamizir ghuriba,
ia, fomira ikiia iza datirighin itir gu-
mazir kam,
ia deraviram a gifo.

Ezi kamaghin ki ia bagha akar kam osiri.

Ia gumazamizir igiaba,
ia tuvigha gavgavizi, Godin akam ian
navir averiabar ikiia gavgafi.
Egha ia gumazir kuram, Satan, an gav-
gavim gafira.

Ezi kamaghin ki ia bagha akar kam osiri.

Ia nguazir kamin arazibagh ifueghan marki

¹⁵ Ia nguazir kamin araziba ko an biziba, ia dagh ifueghan marki. Gumazitam o amizitam nguazir kamin arazibagh ifueghiva, egh kamaghin an Afeziar Ekiam deragh a gifueghani kogham. ¹⁶ E fo, nguazir kamin itir gumazamizibar arazibar kara: navir ghurimin araziba bagha puvaguava, damazimin bizibar gara bar dagh ifonge, egha bizar aviriba ikiava, kamaghin uarira uari fe. Arazir kaba Afeziar Ekiamin izir puvati. Da nguazir kamin araziba. ¹⁷ Nguazir kam ko an itir gumazamizibar arazibar kuraba, da bar givaghram. Eighti Godin akamin gin zuir gumazamiziba, me zurara ikiam.

Ia Kraisin apaniba bagh deravira gan

¹⁸ Nan boriba, dughiar kam a dughiar abuananam. Ezi ia oregha gifa, Kraisin apaniba izam. Ia oraghizi moghin, Kraisin apanir aviriba izegha gifa. Kamaghin amizi,

e fo, kar dughiar abuananam. ¹⁹ Kraisin apanir kaba faragha e ko ikegha, e ategha azenan ghue. Egha me guizbangira en adarazi puvati. E fo, me en adarazi amuava, e ko ikiai. Me e ategha ghue, ezi e fo, me en adarazi puvati.

²⁰ Ezi ia, Jesus Godin Duam ia ganingizi a ia avaragh, ia gamima, ia bar guizin akam gif. ²¹ Ia guizin akam gif, egha ia fo, akar ifavaritam guizin akamin aven ikegh azenan izeghan kogham. Ezi ia guizin akam gifozi, kamaghin ki ia bagha osiri. ²² Tina ifavarir gumazim? Kar gumazir kamaghin migeim, "Jesus, God Uam E Iniasa Misevezir Gumazim puvati." Gumazir kam, a Kraisin apanim. An Afeziar Ekiam ko an Otarim akirim ragha aning gasara. ²³ Gumazitam o amizitam akirim ragh Otarim gasaragh, kamaghin an Afeziar Ekiam ko itir puvati. Gumazitam o amizitam nighnizir gavgavim Otarimin ikiva uaghan afeziar Ekiam ko ikiam.

Godin Duam guizin akam ian sure gami

²⁴ Akar ia faraghavira oraghizim, ia an suiraghvira iki. Ia an suiraghvira ikiti, Otarim ko Afeziar Ekiam ia ko ikivira ikiam. ²⁵ Ezi Jesus akar dikirizim e ganiga ghaze, ia Afeziam ko ikiva, egh ikirimirir aghuir zurara itim iniam.

²⁶ Ki akar kaba ia bagha da osirigha ghaze, gumazamizir kaba ia gifarasa. ²⁷ Ezi Godin Duam ia avaragh, ia ko iti. Eghit guzmanitam ian sure damuan kogham. Godin Duam biziba bar ian sure gami. Godin Duamin akaba guizbangira, da ifari puvati. Godin Duam ian sure gamizi moghin, ia Krais ko iki.

Godin boriba

²⁸ Nan boriba, a izamin dughiamin e an damazimin tuvigh, atiatingiwa aghumsighan kogham. Kamaghin, ia tuvigh gavgavigh kamaghira iki.

²⁹ Ia kamaghin fogh suam, Jesus arazir aghuibagh ami, egh ia kamaghin fogh suam,

gumazamizir arazir aghuibagh amiba, me Godin otivizir boriba.

3

¹ Ia nighnigh, Afeziar Ekiam bar e gi-fuegha en dighorim gami. Egha ziар kam, Godin boriba, e gati. Ezi guizbangira, e an boribara. Nguazir kamin gumazamiziba God gifozi puvati, me kamaghin uaghan e gifozi puvati. ² Nan adarasi, e datirighin Godin boriba. Egha e fozir puvati, e gin manmaghin otivam. God bizar kam tighar en akagharm. E kamaghin fo, Krais umategh nguazir kamin iziti, e uan damazibar deravira an ganam. Egh an min otogham. ³ Gumazamizir an min otivamin dughiam bagha mizua gariba, me Jesus zuezi moghin me uari zue.

⁴ Gumazamizir arazir kurabagh amiba, me Godin akaba batosi. Arazir kuram, kar Godin akaba batozir arazim. ⁵ Ia bar fo, Jesus en arazir kuraba gin amangasa, nguazir kamin ize. Ezi ia fo, an arazir kuratam gamizir puvati. ⁶ E kamaghin fo, gumazitam o amizitam Krais ko iki, arazir kurabar amuvira ikian kogham. Egh guzmanitam o amizitam arazir kurabar amuvira ikiti, e fogh suam, a guizbangira Kraisin ganigha a gifozi puvati. A guizbangira Krais gifozi puvati, Krais a tina.

⁷ Nan boriba, ia uari bagh gan, guzmanitam o amizitam ia gifaraghti, ia an gin mangen marki. Gumazir arazir aghuibagh amiba, me Jesus Godin damazimin derazi moghin, me Godin damazimin dera. ⁸ Satan faraghavira arazir kurabagh amua iza datirikin. Kamaghin e fo, tina arazir kurabagh ami, a Satanic borim. Godin Otarim Satanin ingangarim gasighasighasa nguazir kamin ize. ⁹ Guzmanitam o amizitam Godin borimin otoghtima, Godin Duam an navir averiamin aven angamira ikiti, an arazir kurabar amuvira ikian kogham. A Godin borimin otoghiva, egh kamaghin an arazir kurabar amuvira ikian kogham. ¹⁰ Tina arazir aghuiam gamir

2:20: Jo 10:4; Ap 3:14; 1 Ko 2:15; 2 Ko 1:21; Hi 1:9; 1 Jo 2:27

Jon 2:27 **2:22:** 1 Jo 4:3; 2 Jo 7 **2:22:** 1 Jon 4:3; 2 Jon 1:7
Misevezim," me Grighin akam kamaghin a dibora ghaze, "Krais."

2:23: Jon 5:23; 14:7-10; 15:23; 1 Jon 4:15; 5:1; 2 Jon 9
Jon 1:6 **2:25:** Jo 3:15; 6:40; 17:3; 1 Jo 1:2; 5:11 **2:25:** Jon 3:15; 6:40; 17:3; 1 Jon 1:2; 5:11

Hi 8:10-11; 1 Jo 2:20 **2:27:** Jon 14:26; 16:13; Hibru 8:10-11; 1 Jon 2:20
2:29: Ap 22:14; 1 Jo 3:7; 3:10 **2:29:** Aposel 22:14; 1 Jon 3:7; 3:10

Jon 1:12; 3:16; 16:3; Rom 8:16; 1 Jon 4:10 **3:2:** Ro 8:18; 8:29; 1 Ko 15:49; 2 Ko 3:18; Fl 3:21; Kl 3:4; 2 Pi 1:4

8:18; 8:29; 1 Korin 15:49; 2 Korin 3:18; Filipai 3:21; Kolosi 3:4; 2 Pita 1:4 **3:4:** Ro 4:15; 1 Jo 5:17

Jon 5:17 **3:5:** Ais 53:5-6; 53:11; Jo 1:29; 2 Ko 5:21; 1 Ti 1:15; Hi 4:15; 1 Pi 2:22-24; 1 Jon 2:2

3:6: Rom 6:1-2; 6:14; 1 Jon 2:4; 3:9; 4:8; 3 Jon 1:11 **3:7:** Ro 2:13; 1 Jo 2:26; 2:29

3:8: Stt 3:15; Lu 10:18; Jo 8:44; 16:11; Hi 2:14 **3:8:** Luk 10:18; Jon 8:44; 16:11; Hibru 2:14

3:9: 1 Pita 1:23; 1 Jon 5:18 **3:10:** 1 Jo 2:29; 4:8

2:20: Jon 10:4; 1 Korin 2:15; 2 Korin 1:21; Hibru 1:9; 1

2:22: Akar otevir kam "Gumazir God Ua E Iniasa Misevezim," me Grighin akam kamaghin a dibora ghaze, "Krais."

2:23: Jo 5:23; 14:7-10; 15:23; 1 Jo 4:15; 5:1; 2 Jo 9

2:24: Jo 14:23; 1 Jo 1:3; 2 Jo 6 **2:24:** Jon 14:23; 1 Jon 1:3; 2

2:27: Jo 14:26; 16:13; 1 Jon 2:20 **2:28:** 1 Jo 3:2; 4:17 **2:28:** 1 Jon 3:2; 4:17

3:1: Jo 1:12; 3:16; 16:3; Ro 8:16; 1 Jo 4:10 **3:1:** Rom 4:15; 1

3:2: Rom 8:18; 8:29; 1 Korin 15:49; 2 Korin 3:18; Filipai 3:21; Kolosi 3:4; 2 Pita 1:4

3:4: Ro 4:15; 1 Jo 5:17 **3:4:** Rom 4:15; 1

3:5: Aisaia 53:5-6; 53:11; Jo 1:29; 2 Ko 5:21; 1 Timoti 1:15; Hibru 4:15; 1 Pita 2:22-24; 1 Jon 2:2

3:6: Rom 6:1-2; 6:14; 1 Jon 2:4; 3:9; 4:8; 3 Jon 1:11

3:7: Ro 2:13; 1 Jo 2:26; 2:29 **3:7:** Rom 2:13; 1 Jon 2:26; 2:29

3:9: 1 Pi 1:23; 1 Jon 5:18

3:10: 1 Jon 2:29; 4:8

puvati, a Godin borim puvati. Egh tina Godin borir igharazibagh ifongezir puvati, a uaghan Godin borim puvati. Kamaghin e fo, te Godin boriba, ezi te Satanin boriba.

E bar moghira Godin borir igharazibagh ifuegham

(Sapta 3:11–5:21)

Iesus igharazi darazigh ifueghamin arazim en aka

11-12 Kar akar ia fomira oragha iza datirighin tuzim: E uari gifuegham. E Keinun arazim damuan markiam. A Satanin borim, egha uan dozim misoghezi an areme. Egha a tizim bagha uan dozim misoghezi, an areme? An araziba ikuvizima, an dozimin araziba dera. Kamaghin a uan dozim misoghezi an areme.¹³ Nan adarasi, nguazir kamin itir gumazamiziba ia gifueghan koghtima, ia digavir kuram damuan marki.¹⁴ E Godin borir igharazibagh ifonge. Kamaghin e fo, e ariaghbir tuavim ategha, ariaghirezir gumazamiziba puvati, e angamira itir tuavimin zui. Tina Godin borir igharazitam gifongezir puvati, an ariaghbir tuavimin zui.¹⁵ Tina gumazamizir igharazitabagh ifongeghan kogh mati gumazir gumazamizibav sozim. Ia fo gumazir gumazamizibav soziba, me ikirimir aghuir zurara itim inian kogham.

16 Iesus e gifongegha, e bagha uabi makunigha aremezi, e kamaghin Godin borir igharazibagh ifueghamin arazim gifo. Egh e uaghan Godin borir igharaziba bagh uan makunam.¹⁷ Tav nguazir kamin biziba ikiti, Godin borir igharazim biziba puvatighti, an an ganiva, egh an apangkuvan koghiva, egh an akurvazir puvati, a Godin ifofer arazim an itir puvati.¹⁸ Nan boriba, e Godin borir igharaziba pura migeir akabar me gifueghan kogham. Kamaghin marki. E guizbangira uan naviba me daningiva, egh arazir aghuibar me damuam.

*Godin boriba an damazimin tughiva ati-
atingan marki*

- 3:11-12:** Genes 4:8; Jon 13:34; 15:12; Hibru 11:4; 1 Jon 4:7; 4:21; Jut 1:11 **3:13:** Mt 5:11-12, Jo 15:18-19, 17:14, 2 Ti 3:12 **3:14:** Matyu 5:11-12; Jon 15:18-19; 17:14; 2 Timoti 3:12 **3:15:** Mt 5:21-22, Ga 5:21, MAA 21:8 **3:16:** Matyu 5:21-22; Galesia 5:21; Akar Mogomem 21:8 **3:17:** Lo 15:7, Lu 3:11, 1 Jo 4:20 **3:18:** Jon 3:16; 13:1; 15:13; Rom 5:8; Galesia 1:4; Efesus 5:2; 5:25; 1 Tesalonika 2:8 **3:19:** Ro 12:9, Je 2:15-16, 1 Pi 1:22 **3:20:** Rom 12:9; Jems 2:15-16; 1 Pita 1:22 **3:21:** Hibru 4:16; 10:22; 1 Jon 2:28; 4:17 **3:22:** Sng 34:15, Jer 29:12, Mt 7:8; 21:22, Jo 9:31, 14:13 **3:23:** Onger Akaba 34:15; Jeremaja 29:12; Matyu 7:8; 21:22; Jon 9:31; 14:13 **3:24:** Jo 14:23; 15:10, 17:21, Ro 8:9, 1 Jo 4:12-13 **3:25:** Jon 6:29; 13:34; 15:12, 15:17; 17:3; 1 Te 4:9, 1 Pi 4:8; 1 Jo 2:8-10 **3:26:** 1 Pita 4:8; 1 Jon 2:8-10 **3:27:** Jo 14:23; 15:10, 17:21, Ro 8:9, 1 Jo 4:12-13 **3:28:** Jon 14:23; 15:10; 17:21; Rom 8:9; 1 Jon 4:12-13 **4:1:** Mt 7:15, 24:4-5, 24:24; 1 Te 5:21, 2 Pi 2:1, 1 Jo 2:18, 2 Jo 7, MAA 2:2 **4:2:** Matyu 7:15; 24:4-5; 24:24; 1 Tesalonika 5:21; 2 Pita 2:1; 1 Jon 2:18; 2 Jon 1:7; Akar Mogomem 2:2 **4:3:** 1 Ko 12:3, 1 Jo 5:1 **4:4:** 1 Korin 12:3; 1 Jon 5:1 **4:5:** 2 Te 2:7, 1 Jo 2:18, 2:22, 2 Jo 7 **4:6:** 2 Tesalonika 2:7; 1 Jon 2:18; 2:22; 2 Jon 1:7 **4:7:** Mt 12:29; Jo 16:33, 1 Ko 2:12, Ef 2:2, 6:12, 1 Jo 5:4-5 **4:8:** Matyu 12:29; Jon 16:33; 1 Korin 2:12; Efesus 2:2; 6:12; 1 Jon 5:4-5

¹⁹⁻²⁰ E Godin borir igharazibagh ifongezir arazir kam damuva, e fogh suam, e guizin akamin gin zui. God en navir averiamin itir biziba bar dagh fo, egha an apangkuvir en itim bar ekevegha, e uarira uarir apangkuvir arazim gafira. Egh en navir averiaba suam, ia ikufi, dughiar kamin e Godin borir igharazibagh ifongezir arazir kam damuva, e fogh suam, e Godin damazimin navir amirizim iti.

²¹ Nan adarasi, en navir averiaba kamaghin e mikiman kogham, ia ikufi, eghti e Godin damazimin atiatingan kogham.

²² E Godin Akar Gavgavibar gin mangiva a ifongezir arazibar amuva, kamaghin e bizitam bagh an azangsighti, an e daningam.²³ Kar an Akar Gavgavir ekiam: e nighnizir gavgavim an Otarim Krais Iesusin ikiam. Egh an e mikemezi moghin, e uari uarigh ifuegham.²⁴ Tina an Akar Gavgavibar gin mangiva, Godin poroghti, God an poroghiv ikiam. God uan Duam e ganingizi, an Duar kam en akazi, e fo, God e go iti.

4

Ia duabar gan da asavsuih

¹ Nan adarasi, akam inigha izir guamazir ifarir aviriba nguazir kam garui. Egha kamaghin migei, Godin Duam akam e ganingi. Kamaghin ia nighnizir gavgavim men ikian marki. Egh ia deravira dar araziba ko migirigia asavsuih fogham, da Godin Duam o duar kuraba.² Tuavir ia Godin Duam gifoghamimra kara: Guamazitam o amizitam suam, Krais Iesus, a gumazir inivafizimin nguazir kamin ize, a Godin Duam an iti.³ Eghti gumazitam o amizitam suam, Krais Iesus a guizin guamazim puvati, a duar igharazim iti, Godin Duam puvati. A Krais Iesusin apanimin duam. Ia fomira Kraisin apanim izamin migirigiam baraghizi, a datirighin izegha guivaga nguazir kamin iti.

⁴ Nan adarasi, ia guizbangira Godin boriba. Godin Duam ian aven itima, an

gavgavim bar ekevegha Satanin gavgavim gafira. Satan, a nguazir kamin gavgavimin gumazir dapanim. Ezi kamaghin ia akam inigha izir gumazir ifaribagh afira.⁵ Gumazamizir kaba, me nguazir kamin gumazamiziba. Ezi men migirigiaba nguazir kamin migirigiaba. Ezi nguazir kamin gumazamizir igharaziba me barasi.⁶ Ezi e, Godin gumazamiziba. Ezi gumazamizir God gifoziba, me en akaba barasi. Ezi God bagha itir puvatizir gumazamiziba me en akaba barazir puvati. Tuavir kamin e guizbangira migeir Duam ko migirigar ifavaribagh amir duam gifogham.

Gumazamiziba God gifueghiva, egh uaghan gumazamizir igharazibagh ifongezi

⁷ Nan adarasi, God igharaz darazigh ifongezir arazim en aka. Kamaghin, e uari uarigh ifueka. Gumazamiziba, gumazamizir igharazibagh ifonge, me Godin boriba, egha me guizbangira God gifo.⁸ Kar Godin arazim, a dughiaba zurara gumazamizibagh ifonge. Ezi e fo, gumazamizir igharazibagh ifongezir puvatizir gumazim o amizim, a bar God gifozir puvati.⁹ God borir vamira ikiava, e ikirimir aghuim iniasa a ifuegha, an e bagha nguazir kamin anemada. Tuavir kamin God en akazi, e fo, God guizbangira gumazamizibagh ifonge.¹⁰ Igharazi darazigh ifongezir arazimra kara. E kamaghin nighnighan kogham, e faragha God gifonge. Puvati. God faragha e gifuegha, uan Otarim amadazi an en arazir kuraba gin amangasa nguazir kamin izegha areme.¹¹ Nan adarasi, God bar e gifongegha, egha arazir kam en aka. Kamaghin, e uaghan bar igharaz darazigh ifuegham.¹² Gumazitam o amizitam dughitam Godin ganizir puvati. E uari uarigh ifongezir arazim damuti, God angamira en aven ikiti, an ifofer arazim en navir averiabagh izivaghti an daghem otivam.

¹³ God uan Duam e ganingizi, a vaghvaghena en itima, e kamaghin fo, e an poroghav itima, a en poroghav iti.¹⁴ Ezi e Afeziar Ekiam amizir bizimin gani. A nguazimin itir gumazamizibar Akurvazir Gumazimin min ikiasi, uan Otarim amada. Ezi e bizar kamin ganigha an gun migei.¹⁵

-
- 4:5:** Jo 3:31; 15:19, 17:14 **4:5:** Jon 3:31; 15:19; 17:14 **4:6:** Jo 8:47; 10:27; 14:17; 1 Korin 14:37; 2 Korin 10:7 **4:7:** 1 Jo 2:29; 3:10-11; 3:23 **4:7:** 1 Jon 2:29; 3:10-11; 3:23 **4:8:** 1 Jo 2:4; 3:6; 4:16 **4:8:** 1 Jon 2:4; 3:6; 4:16 **4:9:** Jo 3:16; Ro 5:8; 8:32; 1 Jo 5:11 **4:9:** Jon 3:16; Rom 5:8; 8:32; 1 Jon 5:11 **4:10:** Jo 15:16; Ro 5:8-10; Ta 3:4; 1 Jo 2:2 **4:10:** Jon 15:16; Rom 5:8-10; Taitus 3:4-5; 1 Jon 3:16 **4:11:** Mt 18:33; Jo 15:12-13; 1 Jo 3:16 **4:11:** Matyu 18:33; Jon 15:12-13; 1 Jon 3:16 **4:11:** Mt 18:33; Jo 15:12-13; 1 Jo 3:16 **4:12:** Matyu 18:33; Jon 15:12-13; 1 Jon 3:16 **4:12:** Jo 1:18; 1 Ti 6:16; 1 Jo 2:5-6; 4:18-20 **4:12:** Jon 14:20; 2 Korin 1:22; 1 Jon 3:24 **4:13:** Jo 14:20; 2 Korin 1:22; 1 Jon 3:24 **4:13:** Jon 14:20; 2 Korin 1:22; 1 Jon 3:24 **4:14:** Jo 1:14; 3:17; 1 Jo 1:1-2 **4:14:** Jon 1:14; 3:17; 1 Jon 1:1-2 **4:15:** Ro 10:9; 1 Jo 5:1, 5:5 **4:15:** Rom 10:9; 1 Jon 5:1; 5:5 *** 4:15:** Ni akar 1 Jon 4:2in itimin gan. **4:16:** 1 Jo 3:24; 4:8; 4:12 **4:16:** 1 Jon 3:24; 4:8; 4:12 **4:17:** Je 2:13; 1 Jo 2:28; 3:3; 3:19-21 **4:17:** Jems 2:13; 1 Jon 2:28; 3:3; 3:19-21 **4:20:** 1 Jo 2:4; 3:17; 4:12 **4:20:** 1 Jon 2:4; 3:17; 4:12 **4:21:** Mt 5:44-45; Mk 12:29-31; Jo 13:34; 15:12; 1 Jo 3:23 **4:21:** Matyu 5:44-45; Mak 12:29-31; Jon 13:34; 15:12; 1 Jon 3:23 **5:1:** Jo 1:12-13; 15:23; 1 Jo 2:22-23; 4:15 **5:1:** Jon 1:12-13; 15:23; 1 Jon 2:22-23; 4:15

Gumazamiziba an gun mikim suam, Iesus, Godin Otarim, egheti God gumazamizir kabar poroghiv ikiti, me Godin poroghiv ikiam.*¹⁶ E kamaghin fo, God e gifonge, ezi an e gifongezir arazim bagha e nighnizir gavgavim an iti.

Kar Godin arazim, a dughiaba zurara gumazamizibagh ifonge. Tina gumazamizir igharazibagh ifueghiva, Godin poroghiv ikiti, God an poroghiv ikiam.¹⁷ Tuavir kamin, e fo, God e gifongezi, e God ko gumazamizir igharazibagh ifongezi, ifofer arazir kam bar e gizivaghtima, an daghem otivam. Kamaghin gumazamiziba bar Godin kotiamin tuivamin dughiam, e atiatingan kogham. E nguazir kamin itir dughiam e Jesusin min ikiam, kamaghin e gin Godin atiatingan kogham.¹⁸ Gumazamizir igharazibagh ifongezir gumazamiziba, me Godin atiatir puvati. Atiatir gumaziba, me fo, me iveau kuram iniam, ezi nighnizir kam me gamima, me atati. Egheti gumazamizir igharazibagh ifongezir arazim me gizivagh daghem otivi, kamaghin me Godin atiatingan kogham. Gumazamiziba atiatingti, e fo, me God me gifongezir arazim deravira a gifozir puvatizi, kamaghin igharaz darazigh ifongezir arazir men itimin dagheba puvati.

¹⁹ God faragha e gifongezi, ezi e gin a gifonge. Kamaghin e God ko igharazibagh ifongezir gavgavim iti.²⁰ Gumazitam o amizitam Godin ganizir puvati. Gumazitam o amizitam Godin borir a garir igharazibagh ifueghan koghiva, egh a manmaghin Godin a ganizir puvatizim gifuegham? Puvati. An a gifueghan kogham. Ezi e kamaghin fo, gumazitam o amizitam suam, Ki God gifonge, egh Godin borir igharazibagh ifueghan koghti, e fo, a ifari.²¹ God Akar Gavgavir kam e ganingi. Tina God gifueghiva, egh a uaghan Godin borir igharazibagh ifongegh.

5

E nighnizir gavgavim Godin Otarimin iti

¹ Gumazamiziba bar nighnizir gavgavir kam iki suam, Iesus, a God Uam E Iniasa Misevezir Gumazim, me Godin boriba. Kar nguazir kamin arazim: Gumazamiziba bar afeziar mam gifuegha, egha uaghan an boribagh ifonge.* ² E God gifuegh an Akar Gavgavibar gin mangiva, kamaghin e fo, e Godin boribagh ifonge. ³⁻⁴ E God gifongezir arazimra kara. God bar a gifonge, kamaghin e an Akar Gavgavibar gin mangam. Godin boriba bar nguazir kamin arazir kurabar gavgavim gafira, kamaghin amizi an Akar Gavgavibar gin mangamin tuavim e basemezir puvati. E nighnizir gavgavim Godin iti. Egha e uan nighnizir gavgavim tuavimin nguazir kamin arazir kuraba dikabiraghagha dagh afira.

Nighnizir gavgavir Jesusin itim

⁵ Terara nguazir kamin arazir kurabar gavgavim gafiraghram? Gumazamizir nighnizir gavgavim Jesusin iki suam, a Godin Otarim, merara.[†]

⁶ Krais Iesus, a nguazir kamin ize. Ezi Jon dipamin a ruezima, a gin aremezi an ghuzim ire. Jon dipamra a ruezir pu. Puvati, a uaghan aremezi an ghuzim ire. Godin Duamra zurara guizin akabar en akakasi. Kamaghira Godin Duam bizar kabar en akakasi.[‡] ⁷ Ezi God tuavir pumuning ko mikelzem en akazi, e fo, Iesus a tina. Tuavir kabara kara. Godin Duam e migei. Ezi Jon Iesus dipamin a rue. Ezi Iesus aremezi an ghuzim ire. ⁸ Tuavir pumuning ko mikelzir kaba uari inigha kamaghin e mikeme. Ezi e fo, Iesus a Godin Otarim. ⁹ Gumazamiziba, me fozir biziibar gun migeima, e nighnizir gavgavim men akabar iti. God un Otarimin gun migeir biziiba, da guizin biziiba, ezi gumazamiziba migeir biziiba pura biziiba. God migeir biziiba dagh afira. ¹⁰ Gumazamiziba uan navir averiamin nighnizir gavgavim Godin Otarimin ikiva, egh me bar fogh suam, God mikemezir migirigiam, a guizbangira migirigiam. Gumazamiziba

nighnizir gavgavim Godin migirigiamin ikian kogh, egh God uan Otarimin gun mikemezir akam baraghan aghuaghiva, me kamaghin mati Godin migia ghaze, God ifari. ¹¹ God ikirimirir aghuir zurara itim e ganingizi, e fo, migirigiar kam, a guizin migirigiam. Godin Otarimin poroghav itir tuavimin, e ikirimirir aghuir kam iti. ¹² Gumazamizir Godin Otarimin poroghav itiba, me ikirimirir aghuir zurara itim isi. Gumazamizir Godin Otarimin poroghav itir puvatiziba, me ikirimirir aghuir zurara itim isir puvati.

Akar abuananaba

¹³ Ia nighnizir gavgavim Godin Otarimin ziamin itiba, ia ikirimirir aghuir zurara itim iniasi, ki fuegha, kamaghin ki bizir kaba ia bagha da osiri. ¹⁴ E fo, e Godin ifongiamin gintigh, biziiba bagh an azangsightima, an en azangsiziba baraghama. Kamaghin e Godin boroghin mangisi atiatingiva okam nighnighan kogham. ¹⁵ E fo, an e barasi, kamaghin e bizitam bagh an azangsighiva, fogh suam, an e ganigha gifa.

¹⁶ Godin borir igharazitam arazir kurrar helin magiran koghamim damuti, tina foghiva a bagh God ko mikim. Eighti God ikirimirir aghuir zurara itim a daningam. Kar ki arazir kurar gumazim damightima a helin magiran koghamibav gei. Arazir kurar mam iti, a guizbangira gumazibagh amima me helin aven zurara ikiava Godin saghon iti. Ki gumazamizir arazir kurar kabagh amiba God men akurvaghosa ki ia migeir puvati.[§] ¹⁷ Arazir derazir puvatiziba da arazir kuraba. Arazir kurar aviriba ikia, egha maba gumazamizibagh amima me helin ikia Godin saghon iti. Ezi arazir kurar mam iti, a gumazamizibagh amima me helin ghuaghirir puvati.

¹⁸ E fo, Godin otivizir boriba me arazir kurabar gin zuir pu. Puvati, Godin otozir Otarim, Iesus, deravira Godin borir igharazibar gari. Ezi Satan bizitam me damighan kogham. ¹⁹ E fo, e Godin boriba. Egha

* 5:1: Ni akar 1 Jon 2:22 ko 4:2:in itimin gan. 5:3-4: Maika 6:8; Matyu 11:30; Jon 14:15; 14:21-24; 16:33; 1 Jon 3:9; 4:4; 2 Jon 1:6 5:5: Ro 8:37; 1 Ko 15:57; 1 Jo 4:4; 4:15 5:5: Rom 8:37; 1 Korin 15:57; 1 Jon 4:4; 4:15 5:5: Ni akar 1 Jon 4:2:in gan. 5:6: Jo 1:29, 1:34, 14:17, 16:13, 19:34; 1 Ti 3:16, 1 Jo 1:7 5:6: Jon 1:29-34; 14:17; 16:13; 19:34; 1 Timoti 3:16; 1 Jon 1:7 5:6: Grighin akam, vezin kamin deravira bigha mikemezir puvati. A dipam ko ghuzimra mikeme. Ezi gumazir aviriba ghaze, dipam, a Iesus ruezir dipam. Ezi ghuzim, a Iesusin ovevem migei. 5:7: Jo 1:1, 10:30, MAA 19:13 5:7: Jon 1:1; 10:30; Akar Mogomem 19:13 5:8: Jo 15:26 5:8: Jon 15:26 5:9: Mt 3:16-17, 17:5; Jo 5:32-37, 8:17-18 5:9: Matyu 3:16-17; 17:5; Jon 5:32-37; 8:17-18 5:10: Jo 3:33, 5:38; Ro 8:16, Ga 4:6 5:10: Jon 3:33; 5:38; Rom 8:16; Galesia 4:6 5:11: Jo 3:36 5:11: Jon 3:36 5:12: Jo 3:36, 5:24 5:12: Jon 3:36; 5:24 5:13: Jo 20:31; 1 Jo 1:1-2 5:13: Jon 20:31; 1 Jon 1:1-2 5:14: Jo 14:13, 16:23; 1 Jo 3:21-22 5:14: Jon 14:13; 16:23; 1 Jon 3:21-22 5:16: Mt 12:31-32, Lu 12:10; Hi 6:4-6; Je 5:14-15 5:16: Matyu 12:31-32; Luk 12:10; Hibrus 6:4-6; Jems 5:14-15 5:16: Akar kamin mirgarim a deraviram otozir puvati. Gumazir maba ghaze, a gumazir ovengenezibav gei. Ezi marazi ghaze, an ovevem namba 2:in migirigiam. Ni Akar Mogomem sapta 2:11 ko 20:14:n gan. Me akar kam “ovevem,” a girazi a kamakin, “helin ovengo.” 5:18: Jo 17:15; Je 1:27, 1 Pi 1:23; 1 Jo 3:9 5:18: Jon 17:15; 1 Pita 1:23; 1 Jon 3:9 5:19: Ro 8:10, 8:23; Ga 1:4; 1 Jo 4:6 5:19: Rom 8:10; 8:23; Galesia 1:4; 1 Jon 4:6

e uaghan fo, nguazimin itir gumazamizir Godin gin zuir puvatiziba, me Satanin gavamin apengan iti.²⁰ Egha e uaghan fo, Godin Otarim nguazir kamin izegha, egha e guizin God gifoghasa, a fofozim e ganingi. Ezi e, guizin God uan Otarim Krais Jesus ko, aningin poroghav iti. Krais Jesus, a guizin God. Egha a ikirimirir aghuir zurara itim e ganingi.²¹ Kamaghin amizi, nan boriba, ia deravira uari bagh gan, aseba o marvir guaba o nguazimin itir bizitam ian navir averiabar aven iki guizin Godin danganim inian marki.

Jonin Akinafarir Namba 2

O
2 Jon

Akar faragha zuim

Siosin gumazir dapanir mam akinafarir kam osiri. Gumazamizir aviriba ghaze, a siosin mamin itir gumazamiziba bagha an osiri. A kamaghhsua, me bar igharaz darazigh ifueghha, egh me ifavarir gumazibba bagh gan, kar gumazir Godin akam gasighasiziba.

E Godin guizin akam mighvira an suiragh, egh gumazamizir ifariba bagh ganam

¹ Ki Kraisin adarazir gumazir dapanim. Ni amizir God inabazim, ki ni ko nin boriba bagha akinafarir kam osiri. Ki guizbangira bar ia gifonge. Ki uabira puvati, gumazamizir guizin akam gifoziba uaghan bar ia gifonge.* ² Guizin akam en iti, egh a iki mamaghira ikiam. Bizar kam bagha e bar ia gifonge. ³ Guizin akamin arazim ko arazir igharazi darazigh ifongezim, arazir kamming God ko Iesus ko iti. Kamaghin Afeziam God koma Krais Iesus, Godin Otarim, aning apangkuvir arazim ko kuarkuvir arazim gamua, egha navir amirizimin arazim e ganidi.

*E igharaz darazigh ifongezir arazimin
gin mangam*

⁴ Afeziamin Akar Gavgavim e mikemezi moghin, nin borir maba guizin akamin gin zui. Ezi ki kamaghin oregha bar akonge.

⁵ Ezi Amizir Aghuim, ki kamaghin nin azangsisi, ia bar uarigh ifongegh. Kar Akar Gavgavir igiam puvati. Akar Gavgavir kam fomira e ko ikia iza datirikin. ⁶ Arazir uarigh ifongezimra kara: e Godin Akar Gavgavim baragh an gin mangam. Ia fomira oraghizi moghira an Akar Gavgavim ghaze, ia uarigh ifongezir arazimin gin mangivira iki.

Ia Kraisin akamin suiragh gavgafigh

⁷ Ia oragh. E gifarir gumazamizir aviriba nguazir kam garui. Me nighnizir gavgavim itir puvatigha kamaghin migeir puvati, Krais Iesus a gumazir inivafizimin min oto. Gumazir kamaghin migeim, a gumazir ifarim, egha Kraisin Apanim.[†] ⁸ Kamaghin ia uari bagh gan, ia bizir iniasava amiba

1:1: Jon 8:32; 1 Pita 5:1; 1 Jon 3:18; 3 Jon 1:1 * **1:1:** Jon akar isin zuim gami. Amizir God inabazim, a siosin mam. Borir kaba, me siosin kammin aven itir gumazamiziba. **1:4:** 3 Jon 1:3 **1:5:** Jon 13:34; 15:12; 15:17; 1 Pita 4:8; 1 Jon 2:7-8; 3:11; 3:23 **1:6:** Jon 14:15; 14:21; 1 Jon 2:5; 2:24; 5:3 **1:7:** 1 Jon 2:22; 4:1-3 † **1:7:** Ni akar 1 Jon 4:2 in itimin gan. **1:8:** Mak 10:29-30; Galesia 3:4; Hibru 10:35-36; 11:26 **1:9:** 1 Jon 2:23 **1:10:** Efesus 5:11; 2 Tesalonika 3:6 **1:12:** Jon 17:13; 1 Jon 1:4; 3 Jon 1:13-14 ‡ **1:13:** Ni akar 2 Jon 1 in itimin gan.

ia da ataghiraghan marki. Kamaghin derazir puvati. Ia uan ivezim bar moghira a inighti, deraghah. ⁹ Egh gumazitam o amizitam Kraisin suren migirigiamin suiragh gavgavighan kogh, egh akar igharazitam uam akar kam giviraghti, God a ko ikan kogham. Ezzi gumazamizir Kraisin suren migirigiamin suiragh gavgavigha mamaghira itiba, Afeziam uan Otarim ko aning me ko iti. ¹⁰ Gumazitam o amizitam ia bagh iziva Kraisin suren migirigiar kam inigh izan koghti, ia a inigh uan dipenimin aven mangan marki. Egh ia kamaghin a mikiman marki, God deravira ni damu. Puvati. ¹¹ Ia fo, gumazitam o amizitam dughiam gumazamizir kamaghin amibagh anidi, ia fogh suam, a uabi an ingangarir kuramin akurvasi.

Gumazir dapanim men ganasa

¹² Ki bizir aviribar ia mikimasa. Ki ghaze, e uarir gan uariv kim bar akongeghasa ki ifonge, kamaghin ki ia bagh izam. Egha kamaghin, ki ia bagh akinafarimin da osiran aghua.

¹³ Nin avenemebar God inabazim, an boriba ia bagha akam amaga ghaze, Afeziam ia ko iki.‡

Jonin Akinafarir Namba 3

**O
3 Jon**

Akar faragħha zuim

Siosin gumazir dapanir mam akinafarir kam gumazir dapanir igharazim bagħha an osiri, an ziam Gaius. A fo, Gaius Kraisin gumazamizir igharazibar akurvashi, kam-aghin a Gaius in ziam fe. Egha Gaius in migia ghaze, ni gumazir kam Diotrefes, a bagħi għanīg.

E Godin ingangarim gamir gumazamizibar akurvagħam

¹ Ki Kraisin adarazir gumazir dapanim. Ni Gaius, ki ni bagħha akinafarir kam osiri. Ni nan aveghbu amra, ezi ki guizbangira bar ni gifonge. ² Nan namakar aghuium, ki ni bagħha God ko migia ghaze, nin duam deravira iti mogħin, nin mikarzim bar deravira ikiti, bizar aghuaribara ni bativam. ³ Nighthiz gavgavim Kraisin itir marazi izna nin gun na migia ghaze, ni deravira guizin akamin gin zui. Ezi ki akar kam baregha bar akonge. Ki fo, ni zurara guizin akamin gin zui. ⁴ Ki orazi, nan boriba guizin akamin gin zuima ki bar akonge. Nan agoroger kam bizar mabar agorogeba bar dagħi afira.

Gaius ingangarir aghuium gami

⁵ Namakar aghuium, ni zurara deravira guizin akamin gin ghua egha arazir aghuibha Kraisin adarazigh ami. Egha ni fożir puvatizir Kraisin adarasi, ni uaghan arazir aghuibar me gami. ⁶ Gumazamizir kaba nin arazir gumazamizibagh ifongezim in gun kagh itir sios mikeme. Ni God ifongezi mogħin, ni bizitaba ua men akuragħti me da inih tuavir me zuimin mangivira iki, kamagħin dera. ⁷ E fo, me Iesus in ziamin arua ingangarir kam gamuava egha, Krais gifozir puvatizir gumazamizib, me men dafaribar bizibba isir puvati. ⁸ Ezi e guizin kamagħin amibar akurvagħsi bar gavgavigħam. E ghaze, e me ko bar mogħira, guizin akam bagħi ingarsi, kamagħin e men akurvagħam.

Diotrefes arazir kuram gami

⁹ Ki sios bagħha akinafarir mam osiri. Ezi Diotrefes uan ziam fa men gumazir dapanimin ikkasa, kamagħin a nan akamin apenġi itir puvati. ¹⁰ Kamagħin ki iziva, an arazir kam aghurigham. An en gun tintinibar me migia akar kurabar me migei. A kamagħi ram amir puvati, a uaghan

Kraisin adarazi isa uan dipenimin zuir puvati. Ezi iħbarar darazi me imiġi uan dipenibar mangasawa amima, a uaghan men anogorogħha siosin aven me batogħha, me abisi.

Demitrius arazir aghuium gami

¹¹ Nan namakar aghuium, ni arazir kurabar gin mangan marki, ni arazir aghuibar gin mangi. Gumazamizir arazir aghuibah amiba, me Godin boriba. Ezi gumazamizir arazir kurabagh amiba, me God gifozir puvati.

¹² Gumazamiziba bar Demitrius arazir aghuiumin gun migei. Ezi guizin akam uaghan an arazir aghuiumin gun migei. Ezi ki uaghan an arazir aghuiumin gun migei. Ezi ia fo nan migiġi abda da guizbangira.

Gumazir dapanim Gaius in ganasa

¹³ Ki bizir aviribar ni mikimasa, egha ki da osiran aghħua. ¹⁴ Ki ghaze, ki gurumra iżi ni batogħ ga vaneen gan uanġin mikimam. ¹⁵ Navir amirizim ni ko iki. Nin namakar kagh itiba akam amaga ghaze, Afeziam ia ko iki. Eġhti ni magħ en namakaba vagħvagħ kamagħin me mikim suam, Afeziam me ko iki.

Jut Osirizir Akinafarim O Jut

Akar faragha zuim

Akinafarir kamin akaba, da mong 2 Pit-an akaba ko magh ghu. A Godin gumazamizibav kimasa, egheti me Akar Aghuimin apanibar akaba baragh dar gin mangan kogham. Akinafarir kam (ves 3) kam-aghin migei, "E Godin gumazamiziba, a nighnizir gavgavimin arazir vamiram e ganingi. Egheti gumazamiziba en nighnizir gavgavim batueghiva, akar igiatam arighan kogham."

Ia uan nighnizir gavgaviba bagh gan

¹ Ki Jut, ki Iesusin ingangarir gumazim; egha ki Jemsin dozim. Ia God diazir gumazamiziba, ki ia bagha akinafarir kam osiri. God Afeziam bar ia gifonge, ezi Krais Jesus uabi ian gari.

² Apangkuvimin arazim ko navir amirizim ko igharaz darazi gifongezir arazim bar ia gizifagh.

*Godin Akar Aghuimin apaniba, me Kraisin adarazir aven ize
(2 Pita 2:1-18)*

³ Nan namakar aghuiba, ki faragha ingangarir God ua bar e inizir kamin, akinafarir osirigha ia mikimasa bar ifonge. Egha ki datirighin kamaghin nighnisi, ki akinafarir igharazim osiram. Ia uan nighnizir gavgaviba bagh bar gavgafigh. Eghia Godin akar aghuimin apanibar akaba batogh. E Godin gumazamiziba, a nighnizir gavgavimin arazir vamiram e ganingi. Egheti gumazamiziba en nighnizir gavgavim batueghiva, akar igiatam arighan kogham. Bar puvati. ⁴ Gumazamizir maba muega Kraisin adarazir aven ize. Fomira fomira God kamaghin migia ghaze, gumazamizir kamaghin amiba me an damazimin mitivigh ovengam. Me akiriba ragha God gasi. Egha me Godin apangkuvimin akabagh iragha dagh amima, da afiar arazibar akabar min oto. Gumazamizir kaba akirim ragha Atrivir

1:1: Matyu 13:55; Mak 6:3; Jon 17:11-12; 1 Pita 1:5
1:18; 6:12; 2 Timoti 1:13; Taitus 1:4

Diboboniba 14:29-30; Onger Akaba 106:26; 1 Korin 10:5; 10:9; Hibru 3:17-19; 2 Pita 1:12

aviril fomira itiba, me ziar kam, "Ekiam," osirizir puvati. Me ziar kam, "Jesus," an osiri.

Akar Mogomem 20:10 **1:7:** Jenesis 19:1-24; 2 Pita 2:6; 2:10

Godin Araziba 34:6; Daniel 10:13; 10:21; 12:1; Sekaraia 3:2; 2 Pita 2:11-12

Diboboniba 16:1-35; 22:1-35; 2 Pita 2:15; 1 Jon 3:12

Esekiel 34:8; Matyu 15:13; 1 Korin 11:21; Efesus 4:14; 2 Pita

vamiran kam gasara. An en Ekiam Krais Iesus.

⁵ Ia bizir kabagh fogha gifa, ezi ki ua ian nighniziba fasa. Ia fo, Ekiam fomira Isipin uan gumazamizibar akurazima me Isip ataki. Egha a gin gumazamizir nighnizir gavgavim an itir puvatizibagh asighasiki.* ⁶ Ia enselin kurar maba, ia dagh nighnigh. God me ganingizir ingangariba me dar amuan aghua. Egha me uan danganiba ataki. Kamaghin amizi, Ekiam zurara iki mamaghira ikiamin senbar me ike. Egha me isa kalabuziar danganir bar mitarmangizimin me ariki. Ezi me Kotiam Damuamin Dughiar Ekiam mizuai.

⁷ Kamaghira, fomira Sodom ko Gomoran gumaziba ko nguubar ekiar aningin boroghira itibar gumaziba, me uaghan enseiba amizir arazimin mirara ami. Me uari isa arazir kurabagh aniga, egha me arazir bar kurar gumaziba ko gumaziba uari isava akiuibagh ami. Kamaghin amizi, God me isa avir zurara isia mamaghira itimin, me akunizi, me iveauzur kuram ini. Bizar otivizir kaba, ia dagh nighnighiva arazir kurabar gin mangan kogham.

⁸ Kamaghira gumazamizir kaba ian nighnizibagh asighasighasa me arazir kurar kabar gintisi. Me irebar kurabar garima da men nighniziba fema me arazir bar kurar mizirizibar uan mikarzibagh ami. Me Ekiamin akaba barazir puvati, egha Godin Nguibamin itir enselin ekiaba uaghan akar kurabar me migei. ⁹ Ezi enselin aghuiba, akar kurabar gumazir men apanibagh amibav geir puvati. Dughiar kamin, enselbar faragha zuim Maikel, a Mosesin kuam bagha Satan ko aning uaning adoghogodha Maikel akar kuratam Satan mikemezir puvati. Akamaghin migia ghaze, "Ekiam uabi nin atar ni mikemeghtima ni uan akam dukuagh." ¹⁰ Gumazamizir kaba bizibar mingaribagh fozir puvati, me puram akar kurabav gei. Me mati asizir nighniziba puvatizibar min iti. Egha me uan inivafiziba ifongezir arazibar gin zui. Ezi men arazir kabara me gasighasisi. ¹¹ Me bar ikuvigham! Me Kein aruizi moghin arui. Me iveauzim baghavira nighnisi, egha Balam amizi moghin ami. Egha me dagiaba iniasa bar ikufi. Egha me Koran min Godin akabar gintizir puvati, egha arazir kam bangin me bar ovegħa ikuvigha gifa.

1:2: 1 Pita 1:2; 2 Pita 1:2 **1:3:** Filipai 1:27; 1 Timoti

1:18; 6:12; 2 Timoti 1:13; Taitus 1:4 **1:4:** Galesia 2:4; Taitus 1:16; 2 Pita 2:1; 1 Jon 2:22 **1:5:** Ua Me Ini 12:51;

* **1:5:** Grighin akinafarir

1:6: Jon 8:44; 2 Pita 2:4;

2:9; Akar Mogomem 20:10 **1:7:** Jenesis 19:1-24; 2 Pita 2:6; 2:10 **1:8:** Ua Me Ini 22:28; 2 Pita 2:10 **1:9:**

Godin Araziba 34:6; Daniel 10:13; 10:21; 12:1; Sekaraia 3:2; 2 Pita 2:11-12 **1:10:** 2 Pita 2:12 **1:11:** Jenesis 4:3-8;

Diboboniba 16:1-35; 22:1-35; 2 Pita 2:15; 1 Jon 3:12 **1:12:** Esekiel 34:8; Matyu 15:13; 1 Korin 11:21; Efesus 4:14; 2 Pita

2:13; 2:17; Akar Mogomem 2:11; 20:14

¹² Ia uarigh ifongezir isar dughiar, gumazamizir kaba izava Godin damazimin arazir mizirizir kurabagh ami. Me damasa aghumsizir puvati, egha kamaghin nighnizir puvati, e isar ekiamin iti. Egha me uarira uarigh nighnisi. Me mati amozim puvatizir ghuarabar min, aminim dagh ivaima, da tintinibar zui. Egha me mati temem uan dughamin ber puvati. Egha me mati temem misigha givazi gumaziba an povim asiaghati. Me gumazamizir bar ovengeziba. ¹³ Me mati ongarir fifizir ekiaba dipiraghiri. Egha me arazir kurabaramuasa aghumsizir puvatigha, mati ongarim dipira izima an puvpuvir miziriziba pin otivi moghin men arazir kuraba azenim giri. Egha me mati mikoveziba pin overiamin uan tuavibar gintitizir puvati. Kamaghin amizi, God me bagha danganir mitarmer bar pighatomezim ati, egha me mangi an iki mamaghira ikiam.

¹⁴ Enok, an Adamin ovavir borir namba 6, a Godin akam inigha izir gumazir mamin min gumazir kabavgia ghaze, “Ki Ekiamin garima a uan tausen enselin bar aviravirim ko izi.” ¹⁵ A gumazamiziba bar men araziba tuisigham. Gumazamizir an gin zuir puvatiziba, a me damuti, me bar uan arazir kurar me amizibar osimitiziba ateram. Gumazamizir arazir kurabagh amiba, me akirim ragha God gasa ghuavira iti. Kamaghin amizi, akar bar kurar igharazir me God gamiziba bangin, God me damuti, me bar iveau kuram iniam.” ¹⁶ Gumazamizir kaba, me bativir biziba me da bagha naviba ikufi, egha me puv migei. Me uan navibar arazir kurabar gin zui. Me pamtemin diava puv uan ziaba fe. Egha me gumazamiziba apezeperima me me ifongezir arazibar gin zui.

Ian nighnizir gavgavim, gavgavim ian navibar aning

¹⁷ Nan namakar bar aghuiba, ia gin otivamin bizim ginighnigh, en Ekiam Krais Iesusin aposelba an gun mikeme. ¹⁸ Me kamaghin ia migia ghaze, “Dughiar abuananabar, gumazamizir dibovibagh amiba otivam, egh me Godin Arazibar aghuaghiva uan inivafiziba ifongezir arazibar gin mangam.” ¹⁹ Gumazamizir kaba Kraisin adarazi abisi. Me nguazir kamin gumazamizibar nighnizibar gin zui, ezi Godin Duam men itir puvati. ²⁰ Ezi ia

guizin nan adarasi, ia dughiar zurara uan nighnizir gavgavim gavgavim uan navibar aning. Nighnizir gavgavir kam, God uabi ia ganingi. Ia Godin Duamin gavgavim zurara God ko mikim. ²¹ God bar ia gifonge. Kamaghin, ia an boroghin ikiti a zurara ia gifuegham. Ia zurara e uan Ekiam Krais Iesusin mizuam, egha uan apangkuvim azenim datightima, ia ikirimirir aghuarir zurara itim iniam.

²² Ia, gumazir nighnizir gavgavim oteveziba, ia men apangkuf. ²³ Marazi avimin iti moghin iti, kamaghin amizi, ia zuamiram avimin me inigh. Ezi marazi bar navir ghurimin arazibagh ami, egha me bar mize, ezi men korotiaba uaghan bar mize. Egha dughiar ia men apangkuviba, ia Godin atatingiva uari bagh gan. Ia Godin damazimin mizezir bizir kaba bar dar saghon iki.

E Godin ziam fam

²⁴ God uabi deraghvira ian ganti ia iran kogham. Egha a ia inigh mangiti ia an nguibar aghuimin ikiam. Eghia an damazimin arazir kuraba puvatigh, bar akeuegam. ²⁵ Kar Godin vamira, a en Akurvaazir Gumazim, a Krais Iesus en Ekiamin ingangarimin, uam e ini. Egha e an ziam fam. A en atrivir faragha zuimin ikiava, egha gavgavir ekiam iti. Egha a biziba bar dar dapanimin iti. A dughiar bar fomira iza kamaghira iti. Egha datirighin a uaghan kamaghira iti. Egha a gin uaghan kamaghira ikiam. Bar guizbangira.

1:13: Aisaia 57:20; Filipai 3:19; 2 Pita 2:17 **1:14:** Jenesis 5:18-24; Godin Arazibar 33:2; Daniel 7:10; Sekaraia 14:5; Matyu 25:31; 2 Tesalonika 1:7; Akar Mogomem 1:7 **1:15:** Onger Akaba 31:18; Malakai 3:13 **1:16:** Jems 2:1; 2:9; 2 Pita 2:10; 2:18 **1:17:** 2 Pita 3:2 **1:18:** 1 Timoti 4:1; 2 Timoti 3:1; 2 Pita 2:1; 3:3 **1:19:** 1 Korin 2:14-15; Hibru 10:25; Jems 3:15 **1:20:** Rom 8:26; Efesus 6:18; Kolosi 2:7; 1 Tesalonika 5:11 **1:21:** Taitus 2:13; 2 Pita 3:12 **1:23:** Amos 4:11; Sekaraia 3:2-5; Rom 11:14; 1 Korin 3:15; Akar Mogomem 3:4 **1:24:** Rom 16:25; Efesus 3:20; Filipai 1:10; Kolosi 1:22; 2 Pita 3:14 **1:25:** Rom 16:27; 1 Timoti 1:17; 2:3; 2 Pita 3:18

Krais Akar Mogomem Isa Azenim Gati O Akar Mogomem Akar faragha zuim

Gumaziba Kraisin adarazigh asighasizir dughamin, Jon akinafarir kam osiri. Kraisin adarazi kamaghin migia ghaze, Krais Jesus a men Ekiam, egha me nighnizir gavgavimin an iti. Kraisin adarazir nighnizir gavgaviba gavgavigh, egh osimtzir ekiaba ategeht, da me abinan koghasa, kamaghin Jon akinafarir kam osiri.

Akinafarir kam a gin otivamin bizibar akar isin zuir aviriba iti. Ezi Kraisin gumazamizir dughiar kamin itiba, me ti akar isin zuir kabagh fo. Ezi gumazamizir nighnizir gavgaviba puvatiziba dagh fozir pupvati.

Akar isin zuir kabar mingarim, a kamakin. Krais Jesus en Ekiam, eghti an dafarimin God apaniba bar da dikabiraghram. Egh a uaghan Satan dikabiraghram. Egh dughiar lesus uan ingangarim agivamimin, gumazamizir gavgavigha ikia uan nighnizir gavgaviba ataghizir puvatiziba, God iveau aghuim me daningam. God biziba bar dar ingarighthima da igiabar otivigham, eghit me God ko ikiva egh uam osimtzibiza puvatigham.

Krais Jesus, nguibar 7plan aven itir siosba bagha akaba amada

(Sapta 1-3)

1: Akar kam faragha modogha iti, ezi datirighin Krais Jesus a isa azenim gati. God uan ingangarir gumazamiziba biziir zuamiram otivamiba men akaghaha, egha kamaghin akar kam Jesusin aka. Ezi Jesus uan enselin mam amadazima, ki Jon, an ingangarir gumazim, an akam na daningasa ize, eghit ki Jesusin ingangarir gumazamizir ighazaribav kimam. **2:** Ezi ki Jon, ki biziir kaba bar dar ganigha gifia. Godin

1:1: Dan 2:28-29; Jo 3:32, 12:49; MAA 1:19, 4:1, 22:6, 22:16
22:6; 22:16 **1:2:** 1 Ko 1:6, 1 Jo 1:1; MAA 6:9 **1:2:** 1 Korin 1:6; 1 Jon 1:1; Akar Mogomem 6:9
5:8, 1 Pi 4:7, MAA 22:7, 22:10 **1:3:** Luk 11:28; Jems 5:8; 1 Pita 4:7; Akar Mogomem 22:7; 22:10 **1:4:** Kis 3:14-15, Sek 3:9; Jo 1:1; MAA 1:8, 3:1, 4:5, 4:8, 5:6, 11:17, 16:5 **1:4:** Ua Me Ini 3:14-15; Sekaraia 3:9; Jon 1:1; Akar Mogomem 1:8; 3:1; 4:5; 4:8; 5:6; 11:17; 16:5 **1:5:** Sng 89:27; Ais 55:4; Jo 15:9, 18:37; Ef 1:20; Kl 1:18; 1 Ti 6:13; Hi 9:14; 1 Jo 1:7, 4:10; MAA 3:14, 17:14 **1:5:** Onger Akaba 89:27; Aisaia 55:4; Jon 15:9, 18:37; Efesus 1:20; Kolosi 1:18; 1 Timoti 6:13; Hibru 9:14; 1 Jon 1:7; 4:10; Akar Mogomem 3:14; 17:14 **1:6:** Kis 19:6; 1 Ti 6:16; Hi 13:21; 1 Pi 2:5, 2:9; Akar Mogomem 5:10; 20:6 **1:6:** Ua Me Ini 19:6; 1 Timoti 6:16; Hibru 13:21; 1 Pita 2:5; 2:9; Akar Mogomem 5:10; 20:6 **1:7:** Daniel 7:13; Sekaraia 12:10; Matyu 24:30; Mak 13:26; Luk 21:27; Jon 19:34; 19:37; Aposel 1:11; 1 Tesalonika 4:17 **1:8:** Kis 3:14; MAA 1:4, 1:17, 4:8, 11:17, 15:3, 21:6, 22:13
Ua Me Ini 3:14; Akar Mogomem 1:4; 1:17; 4:8; 11:17; 15:3; 21:6; 22:13

akam, a Krais Jesusin gun migeir akam, ki aneghurigha an gun migei, egha ki ghaze, akar kam a guizbangira.

3: Akar kam a Godin akam, a Godin ize. Ezi tina akar kam dipontima igharaz darazi a baraghti, a bar akongegh. Gu-mazamiziba akar kam baraghiva egh Godin akar ki osirizmin gin mangiva, me uaghan bar akongegh. Dughiam otivasava ami, eghit God damuasa mikemezir biziba a adar amuam. Kamaghin amizi, gumazamiziba akar kam dipon.

Jon nguibar 7plan aven itir siosba bagha akam osiri

4: Ki Jon, ia gumazamizir 7plan siosin Esian Provinsin itiba, ki ia bagha akar kam osiri.

Godin datirighin ikia, fomira ikia, egh gin umategh izamim, Godin kamra navir amirizim ia daning. **5:** Krais Jesus, a gumazir Godin akaba guizbangira dav geim. Egha a gumazir bar ubirba faragha ovevem iua dikavizim. Egha a nguazimin atriviba bar men ekiam. A uaghan ian apangkuv egh navir amirizim ia daning.

A bar e gifonge, egha a ubi uan ghuzimin en arazir kuraba agivazi e firiaghire. **6:** An e gamizima, e atrivimin ofa gamir gumazamizbar otozima, God e gativazi e Godin ingangarim gami, God Jesusin afeziam. Zuarazurara Krais ziar ekiam ikiva egh biziba bar dar ganamin gavgavim iki. Bar guizbangira.

7: Ia gan, a ghuardabar tongin izaghirasava ami,

eghit gumazamiziba bar uari uan damazibar an ganam.

Gumazir a giniviziba,

me bar uaghan an ganam.

Eghit nguazir kamin kantriba bar,

dar gumazamiziba a ginighnigh

azi naviba bar me basemegham.

Are, bizir kam otivam.

Guizbangira.

1:1: Daniel 2:28-29; Jon 12:49; Akar Mogomem 1:19; 4:1;

1:3: Lu 11:28; Je

5:8, 1 Pi 4:7, MAA 22:7, 22:10 **1:3:** Luk 11:28; Jems 5:8; 1 Pita 4:7; Akar Mogomem 22:7; 22:10 **1:4:** Kis 3:14-15, Sek 3:9; Jo 1:1; MAA 1:8, 3:1, 4:5, 4:8, 5:6, 11:17, 16:5 **1:4:** Ua Me Ini 3:14-15; Sekaraia 3:9; Jon 1:1; Akar Mogomem 1:8; 3:1; 4:5; 4:8; 5:6; 11:17; 16:5 **1:5:** Sng 89:27; Ais 55:4; Jo 15:9, 18:37; Ef 1:20; Kl 1:18; 1 Ti 6:13; Hi 9:14; 1 Jo 1:7, 4:10; MAA 3:14, 17:14 **1:5:** Onger Akaba 89:27; Aisaia 55:4; Jon 15:9, 18:37; Efesus 1:20; Kolosi 1:18; 1 Timoti 6:13; Hibru 9:14; 1 Jon 1:7; 4:10; Akar Mogomem 3:14; 17:14 **1:6:** Kis 19:6; 1 Ti 6:16; Hi 13:21; 1 Pi 2:5, 2:9; Akar Mogomem 5:10; 20:6 **1:7:** Daniel 7:13; Sekaraia 12:10; Matyu 24:30; Mak 13:26; Luk 21:27; Jon 19:34; 19:37; Aposel 1:11; 1 Tesalonika 4:17 **1:8:** Kis 3:14; MAA 1:4, 1:17, 4:8, 11:17, 15:3, 21:6, 22:13
Ua Me Ini 3:14; Akar Mogomem 1:4; 1:17; 4:8; 11:17; 15:3; 21:6; 22:13

⁸ Ekiam, a Godin Gavgaviba Bar Itim, a kamaghin migei, "Kirara ki faraghavira ikia, egh abuan ikivira ikiam." Kar Godin kamnangra, a datirighin ikia, fomira ikia, egh gin uamategh izam.

Jon Kraisin gani

⁹ Ki Jon, ki ian aveghbuar mam. Ki ia ko, e Kraisin adarasi. Ki ia ko poro, egha mizaziba isa, egha ia ko God Bizibagh Ativir Dughiamin even ikia Godin apengan iti. Egha ia ko porogha osimtiziba atera tugha gavgafi. Ki Godin akam akura, egha Iesusin gun migeir akam, ki an eghurigha an gun migia ghaze, akar kam a guizbangira. Kamaghin amizi, me na batuegha na isa Patmosin Arighatizimin na ati.* ¹⁰ Ekiamin dughiamin, Godin Duam na gizivagha pamten nan ingari, ezi nan girakirang ki tiarir mam barazi a sighthamin min pamten dei. ¹¹ Tiarir kam kamaghin migei, "Bizir ni garir kaba bar, ni akinafarimin ada osirigh, egh 7plan siosba bagh da amangigh. Siosin Efesusin nguibamin itim, ko Smernan nguibamin itim, ko Pergamum ko Taiataira ko Sardis ko Filadelfia ko Laodisian nguibamin itiba."

¹² Ezi ki gumazir na migeimin ganasa ragha gari, golin lamin 7pla iti. ¹³ Ezi ki gumazir mamin garima, a lambar tongin tughav iti. A Gumazamizibar Otarimin min gari. A korotiar ruarim aruzima an an sueba avara, ezi a golin letiam uan evarim amighiri. ¹⁴ An dapanarizim bar ghurghurigha mati, sipsipin arizimin min gari, mati ghuarier ghurghurim. Ezi an damazimning mati avir mizariar gavgavimin pamtem isi. ¹⁵ An suemning mati bras, me avir ekiamin a tuazi, a isia dafozi moghin gari. Ezi ki an tiarim barazi, a mati dipar ekiamin afora nidi. ¹⁶ A 7plan mikoveziba uan agharir guvimin dar suira. Ezi midorozir sabar mam ghumtizir pumuning ikia bar ghumi, an an akamin ikegha azenimin ize. Ezi an

guam aruer angazangarir gavgavimin min pamten taghtasi.

¹⁷ Ki an ganigha an dagarimningin boroghin irigha, gumazir ovengezimin min iti. Ezi a uan agharir guvim na gisin atigha, kamaghin migei, "Ni atiatingan marki. Ki gumazir faraghavira ikia, egh abuan ikivira ikiamim. ¹⁸ Egha ki gumazir angamira itim. Fomira ki areme. Datirighin ni gan, ki zurara angamira iki mamaghira ikiam. Ki Ovevemin ki, koma Gumazamizir Oveaghuezibar Nguibamin ki, ki aningin suiraghha aningen ganamin gavgavim iti.

¹⁹ "Kamaghin amizi, ni bizir ganizir kabar akaba, ko bizir datirighin itiba ko bizir gin otivamiba osirigh. ²⁰ Ni 7plan mikovezir nan agharir guvimin itiba ko 7plan golin lambar ganigha gif. Da mati akar mogomem, ezi dar mingarim kamakin: 7plan mikoveziba, da siosin 7plan garir enselba. Ezi 7plan lamba, da uari siosin 7pla."

2

Efesusin nguibar ekiamin itir siosin zuir akam

¹ Egha gumazir kam ua kamaghin migei, "Ni Efesusin nguibar ekiamin itir siosin garir ensel bagh akataba osirigh. Akar kaba kamakin:

"Ki uan agharir guvimin 7plan mikovezibar suigha, egha 7plan golin lambar tongin arui. Egha ki akar kam ni bagha anemadazi a izi.* ² Ia Kraisin adarasi, ian arazir ia amiba ki bar dagh fo. Egha ki fo, ia pamtem ingarigha, tuivigha gavgafi. Egha gumazamizir kurabar aghua. Gumazamizir kaba ia migia ghaze, 'E uaghan aposelba.' Puvati, me aposelba puvati. Ezi ia men migirigija tuaishiga givagha, men nighnizir ifavarim gifogha ghaze, me pura gumazamizir ifavariba. ³ Gumazamiziba ian garima,

1:9: Fl 1:7; 2 Ti 1:8, 2:12, MAA 6:9 **1:9:** Filipai 1:7; 2 Timoti 1:8; 2:12; Akar Mogomem 6:9 **1:9:** Dughiar gumazamiziba arazir kurar Romba aghuazibagh amima, me me isi kalabus darighasa. Egha dughiar mabar me me amadima, me arighatizibar ghua iti. Patmos uaghan kalabuziab arighatizir kabar mam. **1:10:** Jo 20:26, Ap 10:10, 2 Ko 12:2, MAA 4:1-2 **1:10:** Jon 20:26; Aposel 10:10; 2 Korin 12:2; Akar Mogomem 4:1-2 **1:12:** Kis 25:37, Sek 4:2, MAA 1:20 **1:12:** Ua Me Ini 25:37; Sekaraia 4:2; Akar Mogomem 1:20 **1:13:** Ese 1:26, Dan 7:13, 10:5, MAA 15:6

1:13: Esekiel 1:26; Daniel 7:13; 10:5; Akar Mogomem 15:6 **1:14:** Dan 7:9, MAA 2:18, 14:2, 19:12 **1:14:** Daniel 7:9; Akar Mogomem 2:18; 14:2; 19:12 **1:14:** Daniel 10:6 **1:15:** Ese 1:24, 43:2, MAA 14:2 **1:15:** Esekiel 1:24; 43:2; Akar Mogomem 14:2 **1:16:** Ef 6:17, Hi 4:12, MAA 1:20, 2:1, 2:12, 2:16, 3:1, 19:15, 19:21 **1:17:** Ais 41:4, 44:6, 48:12, Ese 1:28, Dan 8:18, 10:10, Hibru 4:12; Akar Mogomem 1:20; 2:1; 2:12; 2:16, 3:1; 19:15; 19:21 **1:17:** Ais 41:4, 44:6, 48:12, Ese 1:28, Dan 8:18, 10:10, MAA 2:8, 22:13 **1:17:** Aisaia 41:4; 44:6, 48:12; Esekiel 1:28; Daniel 8:18; 10:10; Akar Mogomem 2:8; 22:13 **1:18:** Sng 68:20, Ro 6:9, MAA 4:9, 5:14 **1:18:** Onger Akaba 68:20; Rom 6:9; Akar Mogomem 4:9 **1:19:** MAA 1:1, 1:11, 2:1, 4:1 **1:19:** Akar Mogomem 1:1; 1:11, 2:1; 4:1 **1:20:** Sek 4:2, Fl 2:15, MAA 1:12, 1:16, 2:1, 3:1 **1:20:** Sekaraia 4:2, Filipai 2:15; Akar Mogomem 1:12; 1:16; 2:1; 3:1 **2:1:** MAA 1:16, 1:20 **2:1:** Akar Mogomem 1:16; 1:20 **2:1:** Akar Mogomem 1:12; 1:16; 2:1; 3:1 **2:2:** 2 Ko 11:13, 2 Pi 2:1, 1 Jo 4:1, MAA 2:9, 2:13, 2:19, 3:1, 3:8, 3:15 **2:2:** 2 Korin 11:13; 2 Pitta 2:1; 1 Jon 4:1; Akar Mogomem 2:9; 2:13; 2:19; 3:1; 3:8; 3:15 **2:3:** Ga 6:9, Hi 12:3-5 **2:3:** Galesia 6:9; Hibru 12:3-5

ia nan ziam bangin, me arazir kurabar ia gami. Ezi ki kamaghin ia gifo, ia tugha gavgavigha osimtizir kam aterava an aghuazir puvati.

⁴ “Ezi ki adarir akar ia gasir mabar ia mikimasa. Ia bar faraghavira nighnizir gavgavim nan ikia, egha ia bar na gifonge, ezi datirighin puvati. ⁵ Ia fomira arazir aghuibagh ami, egha datirighin ia arazir kam ategha ire. Kamaghin amizi, ia uam arazir ia faragha amizibagh nighnigh, uan navibagh iragh, egha arazir ia faragha amizibar amu. Ia kamaghin damuan koghti, ki ia bagh izi ian itir lam batuegham. ⁶ Ezi ian arazir aghuir mamra kara, ia Nikolasin adarazir arazibar aghua. Ki uakan, ki men araziba bar dar aghua.

⁷ “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, ki men amamangatigli, me ikirimirir aghuim anidir tememin daghebar amam. Temer kam, Godin Nguibar Aghuarimin itir azenimin iti.”

Smernan nguibar ekiamin itir siosin zuir akam

⁸ Gumazir kam ua kamaghin migei, “Ni Smernan nguibar ekiamin itir siosin garir ensel bagh akataba osirigh. Akar kaba kamakin:

“Ki gumazir bar faraghavira ikia, egh abuan ikivira ikiamim. Ki fomiram areme, egha ua dikavigha datirighin ki angamira iti. Egha ki ni bagha akar kam amadazima a izi. ⁹ Ki osimtiziba ko mizazir ia bativiziba ko biziba bar puvatizir arazim gifo. Ezi puvati. Ia guizbangira bizar bar aviriba iti. Ki fo, gumazamizir maba girakirangan akar kurabar ia migia ghaze, me Judan adarasi. Ezi me Judan adarazi puvati. Me guizin Satanin adarasi.† ¹⁰ Ia kiran oveghangin mizazitaba iniam, egha bizar kam ia damuti ia atiatingan marki. Ia uari bagh ganigh. God ian nighnizir gavgavim

tuisigh egh foghasa, a gavgafi, o puvati. Kamaghin amizi, Satan ia damuti me ian tongin tarazi kalabus darigham. Eghti ia 10plan dughiar osimtiziba ko mizaziba ateram. Egh ia nighnizir gavgavir Kraisin itimin suiragh gavgavigha mamaghira iki mangi, ia aremeghamin dughiamin otoghi, ki ikirimirir aghuimim iveau aghuarimin min pura ia daningam.

¹¹ “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, oever namba 2 me gasighasighan kogham. Bar puvati.”

Pergamumin nguibar ekiamin itir siosin zuir akam

¹² Gumazir kam kamaghin ua na migei, “Ni Pergamumin nguibar ekiamin itir siosin garir ensel bagh akataba osirigh. Akar kaba kamakin:

“Ki midorozir sabar ghumtizir pumuning itimin suira, ezi a bar ghumi. Ki akar kam ni bagha anemadazi, a izi.

¹³ Ki nguibar ia itim bar deraghia gifo, Satanin atrivir dabirabim nguibar kamin iti. Ezi ia nan ziamin tugha gavgavigha, nighnizir gavgavim nan ikia egha ia nighnizir gavgavir kam modir puvati. Fomira gumazir mam Antipas, a gumazir nan akam akurim, egha ia ko ike. A guizbangira nan akamin gin zui, ezi me ian nguibar ekiar Satan itimin a misoghezi an areme. Dughiar kamin ia uaghan akirim ragha na gasarazir puvati.

¹⁴ “Ezi ki adarir akar ia gasir mabar ia mikimasa. Ia tongin gumazamizir maba iti, me Balamin suren akabar suiragh gavgavighavira iti. Fomira Balam kamaghin Balakin sure gami, egha tauri kuramin Israelian akakagh me damuti, me arazir kuramin iregham. Ezi Balak Israelian nighnizibagh amizima, me aseba bagha ofa gamir asiziba apa, egha tintinibar uari koma akuir arazim gami.

¹⁵ Kamaghira, ian tongin gumazamizir

- 2:5:** Mt 21:41-43, MAA 2:16, 2:22; 3:3, 3:19 **2:5:** Matyu 21:41-43; Akar Mogomem 2:16; 2:22; 3:3; 3:19 **2:6:** Sng 139:21 **2:6:** Onger Akaba 139:21 **2:7:** Stt 2:9, Ese 28:13, 31:8, Mt 11:15, MAA 2:11, 2:17; 2:29, 3:6, 3:13, 3:22, 22:2, 22:14, 22:19 **2:7:** Jenesis 2:9; Esekiel 28:13; 31:8; Matyu 11:15; Akar Mogomem 2:11; 2:17; 2:29; 3:6; 3:13; 3:22; 22:2, 22:14; 22:19 **2:8:** Ais 44:6, 48:12, MAA 1:17, 22:13 **2:8:** Aisaia 44:6; 48:12; Akar Mogomem 1:17; 22:13 **2:9:** Ro 2:17, 2 Ko 11:14-15, 1 Ti 6:18, Je 2:5, MAA 3:9 **2:9:** Rom 2:17; 2 Korin 11:14-15; 1 Timoti 6:18; Jems 2:5; Akar Mogomem 3:9 † **2:9:** Smernan siosin gumazamiziba, me nguazir kamin biziba bar otevegha, organarazibagh ami. Egha me Godin Duamin biziba, guizbangira bar izifa. **2:10:** Mt 10:22, 10:28, 24:13, 2 Ti 4:8, Je 1:12, MAA 3:11 **2:10:** Matyu 10:22; 10:28; 24:13; 2 Timoti 4:8; Jems 1:12; Akar Mogomem 3:11 **2:11:** MAA 13:9, 20:14, 21:8 **2:11:** Akar Mogomem 13:9; 20:14; 21:8 **2:12:** Aisaia 49:2; Akar Mogomem 1:16 **2:13:** MAA 3:8 **2:13:** Akar Mogomem 3:8 **2:14:** Nam 22:24, 25:1-3, 31:16, Lo 23:4, Ap 15:29, 1 Ko 6:13, 8:9, 2 Pi 2:15, Ju 11 **2:14:** Diboboniba 25:1-3; 31:16; Godin Araziba 23:4; Apostol 15:29; 1 Korin 6:13; 8:9; 2 Pita 2:15; Jut 1:11 **2:16:** Ais 11:4, 2 Te 2:8, MAA 1:16, 3:11, 19:15, 19:21, 22:7, 22:12, 22:20 **2:16:** Aisaia 11:4; 2 Tesalonika 2:8; Akar Mogomem 1:16; 3:11, 19:15; 19:21; 22:7; 22:12; 22:20

maba ikia, egha Nikolasin adarazir akabar gin zui.¹⁶ Kamaghin amizi, ia uan navibagh iragh. Puvatightima, ki kiran oveghangin ia bagh izi, egh gumazamizir kaba uan akamin itir midorozir sabamin me misogham.

¹⁷ “Tina kuaramning iti, an akar Godin Duam siosbav geiba baragh. Gumazamizir midorozim gamua apaniba abiriba, ki vaghvagh manan dagher datirighin muegav ititaba me daningam. Egh ki dagiar ghurghuritaba me daningam. Egh dagiar kabar ki men ziar igiaba osirigham, eghit gumazitam ziar kabagh foghan kogham. Gumazamizir dagiar kaba iniziba, merara dagh fogham.”[‡]

Taiatairan nguibar ekiamin itir siosin zuir akam

¹⁸ Gumazir kam kamaghin ua migei, “Ni Taiatairan nguibar ekiamin itir siosin garir ensel bagh akataba osirigh. Akar kaba kamakin:

“Ki Godin Otarim, ezi nan damazimning mati avir mizariar gavgavimin min pamten isi, ezi nan suemning mati bras me bar deravira a ruezi moghin isia angazangarim taghtasi. Ki akar kam ni bagha anemadazima a izi.¹⁹ Arazir ia amiba, ki bar dagh fo. Ki fo, ia gumazamiziba bar me gifongegha, nighnizir gavgavim nan ikia, egha igharaz darazir akurvasi, egha osimtziba ia bativima, ia tuga gavgafi. Ki fo, arazir ia faragha amiziba, da dera, ezi datirighin ian arazir kaba deragha ikia faragha zuir arazibagh afira.

²⁰ “Ezi ki adarir akar ia gasir mabar ia mikimasa. Ia amizir kam Jesebelin amamangatizi a ia ko iti. Amizir kam kamaghin migia ghaze, a Godin akam inigha izir amizim. Ezi bar puvati, a nan ingangarir gumazamizibagh ifara egha gumazamiziba tintinibar uari bakia uari ko akuir arazim ko asizir me asebar ofa gamua apir arazibar men sure gami.[§]

2:17: Kis 16:4, 16:14-15, 16:33-34, Ais 62:2, 65:15, Jo 6:48-50, MAA 2:7, 2:11, 3:12, 19:12 **2:17:** Ua Me In 16:4; 16:14-15; 16:33-34; Aisaia 62:2; 65:15; Jon 6:48-50; Akar Mogomem 2:7; 2:11; 3:12; 19:12 [‡] **2:17:** Manan daghem, Israelia gumazamiziba puvatizir danganimin aruima, God a isa me ganingi. Ni Ua Me In 16, ko Ighiam 78:24 in gan. **2:18:** MAA 1:14-15 **2:18:** Akar Mogomem 1:14-15 **2:20:** 1 Kin 16:31, 2 Kin 9:7, Ap 15:20, 15:29, 1 Ko 10:19, MAA 2:14

2:20: 1 Atriviba 16:31; 2 Atriviba 9:7; Apostel 15:20; 15:29; 1 Korin 10:19; Akar Mogomem 2:14 [§] **2:20:** Jesebel, an amizir kurar mamän ziam. Fomira Israelian atrivir amizimin ikia, egha araziz bar kurabagh amizim. Ni 1 Atriviba 18:4, ko 19:12, ko 2 Atriviba 9:3-37 in gan. Nikolasin adarazir amizir mam iti, Taiatairan gumazamizir maba inizi, me an arazir kurabar gin zui. Ezi bizir kamin, me ti ziar kam Jesebel a gati. **2:21:** Ro 2:4, MAA 9:20 **2:21:** Rom 2:4; Akar Mogomem 9:20 **2:23:** Sng 7:9, 62:12, Jer 11:20, 17:10, Ro 8:27, 2 Ko 5:10, 2 Ti 4:14, MAA 20:12-13 **2:23:** Onger Akaba 7:9; 62:12; Jeremaia 11:20; 17:10; Rom 8:27; 2 Korin 5:10; 2 Timoti 4:14; Akar Mogomem 20:12-13 **2:25:** MAA 3:11 **2:25:** Akar Mogomem 3:11 **2:26:** Mt 19:28, Jo 6:29, 1 Ko 6:3, 1 Jo 3:23, MAA 20:4 **2:26:** Matyu 19:28; 1 Korin 6:3; Akar Mogomem 20:4 **2:26:** Onger Akaba 2:8-9 **2:27:** Dan 7:22, MAA 12:5 **2:27:** Akar Mogomem 12:5 **2:28:** MAA 22:16 **2:28:** Akar Mogomem 22:16 **3:1:** MAA 1:4, 1:16, 2:2, 5:6 **3:1:** Akar Mogomem 1:4; 1:16; 2:2; 5:6

²¹ A navim gighasa, kamaghin ki anetaghizima, a dughiar mabar ike. Ezi puvati, a gumazamiziba tintinibar uari bakia, egha uari ko akuir arazir kam bagha navim giraghan aghua.²² Ia uari bagh ganigh. Ki iveauz kuram a daningiva arimariar ekiam a daningti a mizazir bar ekiam iniam. Eghit gumazir a bakia a ko arazir kurabagh amiba, me a ko amir araziba bagh navibagh iraghan koghti, ki osimtzir ekiam ko mizazim uaghan me daningam.²³ Ki uaghan an boribav suegħti me arimighiregħam. Eghit siosba bar kamaghin fogħam, ki bar gumazibar naviba ko nighnizibagh fogħa da tuisī. Egh ki ia amir arazibar mirara iveauz isi vaghvagh ia daningam.

²⁴ “Ki datirighin ia Taiatairan itir iħarrarż daraziv gei. Ia amizir kamin akabar gin zuir puvatigha, egha arazir kam, me kamaghin a dibori, ‘Satanin akar mogomeba,’ ia an fofozim inizir puvati. Ki kamaghin ia mikimasa, ki osimtzir īgharazitam, ia darighan kogħam. ²⁵ Ezi bixiż ia suighiziba bar, ia bar pamten dar suiragh mighirigh mamaghira iki, mangi dughiar ki izamim.

²⁶ “Gumazamizir midorozim gamua apaniba abiriba, nan arazibar gin mangi, bixiż bar givagħamin dughiem otogħti, ki gumazamizir kaba, kantriba bar dar gumazamizir dapanibar ikiamin gavgavim isi me daningam.²⁷ Eghit me atrivim gavgavim sara me ganiva me abighirarigham, mati gumazim ainin aghorimin suiragħha nguazir miner mam abiagharsi.

“Ingangarir nan afeziam gumazamizbar ganasa na ganingizmin mirara ki ingangarir kam me daningam.²⁸ Ki uaghan mikovezir bar mizaragharam otivir kam me daningam.

²⁹ “Tina kuaramning iti, an akar Godin Duam siosbav geiba baragh.”

3

Sardisin nguibar ekiamin itir siosin zuir

akam

¹ Gumazir kam ua kamaghin migei, “Ni Sardisin nguibar ekiamin itir siosin garir ensel bagh akataba osirigh. Akar kaba kamakin:

“Ki Godin duar 7plan gari, egha ki 7plan mikovezibar suira. Egha ki akar kam ni bagha anemadazima a izi. Ki arazir ia amiba bar dagh fo. Me ia migia ghaze, ‘Sardisin itir sios, an angamira iti.’ Ezi puvati, ia ariaghiregha gifa. ²Ki ia amir arazibar gara ghaze, da nan Godin damazimin tighar deragham. Kamaghin amizi, ia osegh daguraguim atakigh. Ian araziba, bar ovengezir puvati, dar muziariba mong ikiavira iti, ia ua gavgavim dar aning. ³Akar aghuir ia fomiram oregha inizir kam, ia uam a ginighnigh. Egh ia navibagh iragh, bar deriviram an gin mangi. Ia osegh daguraguim ateghan koghti, ki okimakiar gumazim izi moghin, ia batogham. Eighti ia dughiar ki ia bagh izamim gifoghan kogham.

⁴ “Ezi ian gumazamizir maba Sardisin ikiavira iti, me uan korotiabagh amizi da mizezir puvati. Gumazamizir kabar araziba derazi, ki me uabin toro, ezi kamaghin amizi me korotiar ghurghuribar aghuigh na ko daruam. ⁵Gumazamizir midorozim gamua apaniba abiriba, korotiar ghurghurir kamagh garitam arughti, akinafarir God gumazamizir ikirimirir zurara itim iniamin ziaba osirizim, ki men ziaba angarighan kogham. Puvati. Ki uan afeziam ko an enselbar damazibar gumazir kamin gun mikim suam, me konanaba. ⁶Tina kuarimning iti, an akar Godin Duam siosbav geiba baragh.”

Filadelflan nguibar ekiamin itir siosin zuir akam

⁷ Gumazir kam ua kamaghin migei, “Ni Filadelflan nguibar ekiamin itir siosin garir ensel bagh akataba osirigh. Akar kaba kamakin:

“Ki dughiaba bar zuegha God baghavira iti, ezi nan akar dikiriziba

da guizbangira otifi. Ezi ki Devitin kin suira, egh bizim ki a kughti, gumazitam bar uam anesaraghan kogham. Egh bizim ki an tiam asaraghti, gumazitam bar uam a kuighan kogham. Ki akar kam ni bagha anemadazima a izi. ⁸Ki ia amir araziba bar dagh fogha gifa, ezi ia orakigh. Ki ian damazimin tiam kuiurma a iti. Eighti gumazitam uam anesaraghan kogham. Ki kamaghin fo, ian gavgavir muziarim ikiavira iti, ezi ia nan akamin gin ghua, egha akirim ragha nan ziam gasarazir puvati. ⁹Ia Satanin adarazigh fo, me kamaghin migia ghaze, me Judan adarasi. Egha me Judan adarazi puvati, me ifavarir gumazamiziba. Ia orakigh. Ki gumazamizir kabar amighti me izi ian suebar apengan teviba apirigh, egh me kamaghin fogham, ki bar ia gifonge. ¹⁰Ia nan akamra gin ghuava osimtizir ia bativiba ia dar even tugha gavgavighavira iti. Kamagh amizi, ki ian ganam. God gin nguazimin itir gumazamizir bar, men nighnizir gavgavim tuisigh egh foghasa, a gavgaviz, o puvati, eighti kamaghin osimtizir ekiamin dughiam otoghti, dughiar kamin ki ian ganti ia deragham.

¹¹ “Ki bar kiran ovehangin ia batogham. Gumazitam ian iveau aghuim okemeghan koghs, kamaghin bizar ia suirazim, ia bar an suiragh gavgafigh. ¹²Gumazamizir midorozim gamua apaniba abiriba, ki gumazamizir kaba damighti me nan Godin Dipenimin dipenir akinibar min tughiv ikiam. Egh me Godin Dipenim ategh uam azenan mangan kogham. Bar puvati. Ki gumazamizir kabar, uan Godin ziam men osirigh, egh ki uan Godin Nguibamin ziam osirigham. Jerusalemin igiar kam, a nan God ko ikegh otogh overiam ategh izighiram. Ki uabi uan ziar igiam, ki gumazamizir kabar uaghan men osirigham. ¹³Tina kuarimning iti, an akar Godin Duam siosbav geiba baragh.”

Laodisian nguibar ekiamin itir siosin zuir akam

- | | |
|---|---|
| 3:3: Mt 24:43-44; Lu 12:39-40; 1 Te 5:2, 5:6; 1 Ti 6:20; 2 Pi 3:10; MAA 2:5; 16:15 | 3:3: Matyu 24:43-44; Luk 12:39-40; |
| 1 Tesalonika 5:2; 5:6; 1 Timoti 6:20; 2 Pita 3:10; Akar Mogomem 2:5; 16:15 | 3:4: Ap 1:15; Ju 23; MAA 6:11; 7:9, 7:13 |
| 3:4: Jut 1:23; Akar Mogomem 6:11; 7:9; 7:13 | 3:5: Kis 32:32-33; Sng 69:28; Mt 10:32; Lu 10:20; 12:8; Fl 4:3; MAA 3:18; |
| 19:8, 20:12 3:5: Ua Me In 32:32-33; Onger Akaba 69:28; Matyu 10:32; Luk 10:20; 12:8; Filipai 4:3; Akar Mogomem 3:18; 19:8; 20:12 3:7: Jop 12:14; Ais 22:22; Lu 1:32; Ap 3:14, 1 Jo 5:20 | 3:7: Jop 12:14; Aisaia 22:22; Luk 1:32; Aposel 3:14; 1 Jon 5:20 3:8: 1 Kor 16:9; 2 Korin 2:12; Akar Mogomem 2:2 |
| 3:8: 1 Ko 16:9; 2 Ko 2:12; MAA 2:2 | 3:9: Aisaia 43:4; 45:14; 49:23; 60:14; MAA 2:9 |
| Ais 43:4, 45:14; 49:23, 60:14; MAA 2:9 | 3:9: Aisaia 43:4; 45:14; 49:23; 60:14; Akar Mogomem 2:9 |
| 2 Ti 2:12; 2 Pi 2:9 | 3:10: Akar Mogomem 2:10; 2:16; 2:25; 22:7, 22:12; 22:20 |
| 3:10: Aisaia 24:17; Luk 21:19; 2 Timoti 2:12; 2 Pita 2:9 | 3:11: Fl 4:5; MAA 2:10; 2:16; 2:25; 22:7; 22:12; 22:20 |
| 3:11: Filipai 4:5; Akar Mogomem 2:10; 2:16; 2:25; 22:7; 22:12; 22:20 | 3:12: Ais 62:2; 65:15; Ese 48:35; Ga 2:9; 4:26; Hi 12:22; MAA 14:1; 21:2 |
| 3:12: Aisaia 62:2; 65:15; Ese 48:35; Galesia 4:26; Hibru 12:22; Akar Mogomem 14:1; 21:2 | 3:14: Snd 8:22; Ais 65:16; 2 Ko 1:20; Kl 1:15; MAA 1:5; 19:11; 22:6 |
| 3:14: Snd 8:22; Ais 65:16; 2 Ko 1:20; Kl 1:15; MAA 1:5; 19:11; 22:6 | 3:14: Aghuzir Akaba 8:22; Aisaia 65:16; 2 Korin 1:20; Kolosi 1:15; Akar Mogomem 1:5; 19:11; 22:6 |

14 Gumazir kam ua kamaghin migei, “Ni Laodisian nguibar ekiamin itir siosin garir ensel bagh akataba osirigh. Akar kaba kamakin:

“Ki gumazir ‘guizbangira’ migeim. Godin akar dikiriziba ko an akaba bar, ki guizbangira migia, zurara guizin akamrama akuri. Ki God ingarizir bibiza bar dar mingarim. Egha akar kam ni bagha anemadazi a izi. **15** Ki ia amir araziba bar dagh fo. Ki fo, ia orangizir puvati, egha feir puvati. Ki kamaghin ifonge, ia orangigh iki, o ia feng iki. **16** Ezi puvati. Ia mong, ganadamra fei. Ia bar puvira feir puvati, egha bar orangizir puvati. Kamagh amizi, ki uan akamin ian mighasava ami.

17 “Ia kamaghin migia ghaze, ‘E bizir aviriba ko dagiar aviriba iti. E bizitamin otevir puvati.’ Ezi puvati. Ian dabirabim pazavira itima, gumazamiziba ian garava bar ian apangkufi. Ia bar bibiza puvatigha damaziba okavigha bibiabara iti. Egha ia uari bizir kam gifozir puvati.*

18 “Kamagh amizi, ki nighnizir kam ia daningasa. Nan gol avim bar an isigha an itir bizir kuraba bar da adangi. Kamaghin ia golin kam na dama a givezegh, dagiaba avirasemegham. Egh uaghan ia uan mikarzim avisi korotiar ghurghurtam givesegh, eghit gumazamiziba ian ganti ia bibliabara ikiva, aghumsighan kogham. Egh uaghan ia uan damazibar aghusi marasin givesegh, egh ia ganam.

19 “Gumazamizir ki ifongeziba, ki men atar men arazibar kiram. Kamagh amizi, ia uan araziba akirsi gavgavigh uan navibagh iragh.

20 “Ia oragh, ki tiar akamin tughav ikia, a gafughafusi. Ia nan tiarim baregh egh tiam kuighti, ki aven mangi ia ko ikiam. Egh ki ia ko damam, eghit ia na ko damam.

3:15: Ro 12:11; MAA 2:2

3:15: Rom 12:11; Akar Mogomem 2:2

3:17: Hos 12:8; Lu 12:21; 1 Ko 4:8

3:17:

Hosea 12:8; Luk 12:21; 1 Korin 4:8

*

3:17: Laodisiba uari uan damazibar gara ghaze, me bizir aviriba iti. Egha Godin damazimin me bar onganarazibar min iti. Ni Akar Mogomem 2:9:in gan.

3:18: Ais 55:1; Mt 13:44; 2 Ko 5:3., Je 2:5; MAA 3:5; 4:4; 7:13; 16:15

3:18: Aisaia 55:1; Matyu 13:44; 2 Korin 5:3; Jems 2:5; Akar Mogomem 3:5; 4:4; 7:13; 16:15

3:19: Snd 3:12; 1 Ko 11:32; Hi 12:6; Je 1:12; MAA 2:5

3:19: Aghuzir Akaba 3:12; 1 Korin 11:32; Hibru 12:6; Jems 1:12;

Akar Mogomem 2:5

3:20: Lu 12:37; Jo 14:23; 1 Jo 2:24

3:20: Luk 12:37; Jon 14:23

Ti 2:12; MAA 2:26-27

3:21: Matyu 19:28; Luk 22:30; 2 Timoti 2:12; Akar Mogomem 2:26-27

3:21: Mt 19:28; Lu 22:30; 2

1:19; 11:12; 22:6

4:1: Akar Mogomem 1:1; 1:10; 1:19; 11:12; 22:6

4:1: MAA 1:1; 1:10,

21:10

4:2: Onger Akaba 47:8; Aisaia 6:1; Jeremaia 17:12; Akar Mogomem 4:9; 17:3; 21:10

4:2: Sng 47:8; Ais 6:1; Jer 17:12; MAA 4:9; 17:3,

21:10

4:2: Esekiel 1:26-28;

10:1 * **4:2:** Gumazir Jon garir atrivir dabirabim gaperaghav itim, kar God ubabi. Egha vezin kamin Jon guizin an ziam dibora ghaze, a God. Ezi gin moghira, sarta 7:10in akam kamaghin migia ghaze, God atrivir dabirabim daperav ikiam.

Ezi God, gumazimin min garir puvati. Jon God angazangairi ekiam ko ziar ekiam biaghiringha igharagua otivizibar ganigha, egha dagh isin akar isin zuimin God mugei.

4:4: MAA 3:18; 6:11; 11:16; 19:14

4:4: Akar Mogomem 3:18;

6:11; 11:16; 19:14

4:5: Kis 19:16; Ese 1:13; Sek 4:2, MAA 1:4; 8:5; 11:19; 16:18

4:5: Ua Me Ini 19:16; Esekiel 1:13;

Sekarai 4:2; Akar Mogomem 1:4; 8:5; 11:19; 16:18

4:6: Ese 1:5-10; 1:22, MAA 15:2

4:6: Esekiel 1:5-10; 1:22; Akar

Mogomem 15:2

4:6: Esekiel 1:5-10; 10:14

21 “Gumazamizir midorozim gamua apaniba abiriba, ki men amamangatighti me na ko nan atrivir dabirabim dapiam, mati ki fomira uaghan midorozim gamigha uan apanim abiragha, uan afeziam ko an atrivir dabirabim gapera. **22** Tina kuarinming iti, an akar Godin Duam siosbav geiba baragh.”

Sipsipin Nguzim Godin Nguibamin akinafarim kuizima bizir kuraba nguazimin gumazamiziba batifi

4

(Sapta 4-11)

Me Godin Nguibamin an ziam fe

1 Ezi ki gin ua garima, Amel! Godin Nguibamin tiar akar mam kuiaghiringha iti. Ezi gumazir ki faragha oraghizim, a faraghavira pamten sighamin min nan diazim, a datirighin ua kamaghin na migei, “Ni kagh anang, eghit ki bizir gin otivamiba bar nin akaghgam.” **2** Ezi Godin Duam zuamira na gizivagha bar pamten nan ingari, ezi ki garima, Ame! Atrivir dabirabir mam Godin Nguibamin iti, ezi gumazir mam atrivir dabirabir kam gaperaghav iti.* **3** Gumazir kamin guam dagiar jaspa ko dagiar konilian aghevimin min taghtasi. Ezi ekianir mam, atrivir dabirabim torim gati, ezi ki ekianir kamin gari a emeralin dagiar garimin min taghtasi. **4** Ezi 24plan atrivir dabirabir igharaziba, atrivimin dabirabir kam okari. Ezi 24plan gumazir dapaniba dabirabir kabagh apia. Gumazir dapanir kaba korotiar ghurghuriba aghuigha golin ingarizir dapanir asuuba uari gaghuigha mati atrivimin golin dapanir asuuba men dapanibar iti. **5** Ezi ki garima, onimariba atrivir dabirabim otivaghira tintinbar signa taghtasi. Ezi ki orazi niginir ekiam otozi overiam tingaghe. Ezi atrivir

3:15: Ro 12:11; MAA 2:2 **3:15:** Rom 12:11; Akar Mogomem 2:2 **3:17:** Hos 12:8; Lu 12:21; 1 Ko 4:8 **3:17:**

Hosea 12:8; Luk 12:21; 1 Korin 4:8

* **3:17:** Laodisiba uari uan damazibar gara ghaze, me bizir aviriba iti. Egha

Godin damazimin me bar onganarazibar min iti. Ni Akar Mogomem 2:9:in gan.

3:18: Ais 55:1; Mt 13:44; 2 Ko 5:3., Je 2:5; MAA 3:5; 4:4; 7:13; 16:15

3:18: Aisaia 55:1; Matyu 13:44; 2 Korin 5:3; Jems 2:5; Akar Mogomem 3:5; 4:4; 7:13; 16:15

3:19: Snd 3:12; 1 Ko 11:32; Hi 12:6; Je 1:12; MAA 2:5

3:19: Aghuzir Akaba 3:12; 1 Korin 11:32; Hibru 12:6; Jems 1:12;

Akar Mogomem 2:5

3:20: Lu 12:37; Jo 14:23; 1 Jo 2:24

3:20: Luk 12:37; Jon 14:23

Ti 2:12; MAA 2:26-27

3:21: Matyu 19:28; Luk 22:30; 2 Timoti 2:12; Akar Mogomem 2:26-27

3:21: Mt 19:28; Lu 22:30; 2

1:19; 11:12; 22:6

4:1: Akar Mogomem 1:1; 1:10; 1:19; 11:12; 22:6

4:1: MAA 1:1; 1:10,

21:10

4:2: Onger Akaba 47:8; Aisaia 6:1; Jeremaia 17:12; Akar Mogomem 4:9; 17:3; 21:10

4:2: Sng 47:8; Ais 6:1; Jer 17:12; MAA 4:9; 17:3,

21:10

4:2: Esekiel 1:26-28;

10:1 *

4:2: Gumazir Jon garir atrivir dabirabim gaperaghav itim, kar God ubabi. Egha vezin kamin Jon guizin an ziam

dibora ghaze, a God. Ezi gin moghira, sarta 7:10in akam kamaghin migia ghaze, God atrivir dabirabim daperav ikiam.

Ezi God, gumazimin min garir puvati. Jon God angazangairi ekiam ko ziar ekiam biaghiringha igharagua otivizibar

ganigha, egha dagh isin akar isin zuimin God mugei.

4:4: MAA 3:18; 6:11; 11:16; 19:14

4:4: Akar Mogomem 3:18;

6:11; 11:16; 19:14

4:5: Kis 19:16; Ese 1:13; Sek 4:2, MAA 1:4; 8:5; 11:19; 16:18

4:5: Ua Me Ini 19:16; Esekiel 1:13;

Sekarai 4:2; Akar Mogomem 1:4; 8:5; 11:19; 16:18

4:6: Ese 1:5-10; 1:22, MAA 15:2

4:6: Esekiel 1:5-10; 1:22; Akar

Mogomem 15:2

4:6: Esekiel 1:5-10; 10:14

dabirabimin guamin 7plan adeniba isia iti. Adenir 7plan kaba da 7plan Godin duaba.⁶ Atrivir dabirabimin guamin bizir mam iti, a mati ongarir ekiam me glasin an ingarizi, a bar zuegha taghtasi.

Ezi bizir angamira itir 4pla, atrivir dabirabim okarigha tuivighav iti. Bizir angamira itir 4 plan kaba, da damazir aviriba itima da men mikarziba bar da ave, egha uaghan dar akiraghbaribar iti.⁷ Faraghavira itir bizir angamira itim, a mati laion. Ezi bizir angamira itir an girara itim, a mati bulmakaun apurim. Ezi bizir angamira ikia aningin girara itim, an guam mati gumazir guam. Ezi bizir angamira itir men girara itim, mati kuarazir bagamin min pin mighava arui.⁸ Bizir 4plan angamira itir kaba, da 6plan aviziba bar vaghvagha men iti. Ezi men mikarziba damazir aviriba da ave, egha uaghan men avizibar apengan iti. Egha arueba ko dimagaribar kamaghin migei:

“Ekiam, a Godin Gavgaviba Bar Itim.

Egha a bizir kuraba bar dar saghon ikia a bar zue.

A bar zue,
a bar zue.

A fomira ikia,

egha datirighin ikia,
egh gin uamategh izam.”

Me migirigiar kam gamua mamaghira ikia egha avughsaziba puvati.

⁹ Bizir angamira itir kaba, me gumazir uan atrivir dabirabim gaperaghav itim bagha bar akonge, a gumazir zurara angamira itim. Egha me an ziam fava, egha a minabi. Ezi bizir 4plan angamira itir kaba zurara dughiabar kamagh amuvira itima, ¹⁰ 24plan gumazir dapanir kaba gumazir atrivir dabirabim gaperazimin guamin teviba apiri. A gumazir zurazurara itim ezi me an ziam fe. Me uan golin dapanirasuuba asia da isa atrivir dabirabimin guamin boroghin da akuri. Egha kamaghin ighiam gami:

11 “Ni en Ekiam, en God.

Ni biziba bar dar ingari.

Egha ni uan ifongiamin,
biziba bar dar ingarizima da otifi,

ezi datirighin biziba bar iti.
Kamaghin amizi, nirara e uari nin torogha
nin ziam bar pin aneti.
Gumazamiziba bar ni bagh bar akuegh,
egh nin ziam fiva,
nin gavgavimin apengan ikiam.”

5

Akinafarir righizir mam, Jon an gari

¹ Ki garima gumazir atrivir dabirabim gaperaghav itim agharir guvimin, akinafarir mam iti. Akinafarir kam mati akinafarir bar ruarir me righa mighirizim, ezi akinafarir kam osiziriba an vuem ko vuem sara iti. Me a righa 7plan danganibar kendelin grisin pamten da mighini.² Ezi ki enselin gavgavir mamin garima a pamten kamaghin diava azangsisi, “Tina gumazir aghuir God uabin torozim, an akinafarimin itir kendelin grisba adeghiva, akinafarir kam onegham?”³ Overiamin itir gumazamiziba, o nguazimin apengan itir gumazamiziba, men tav akinafarir kam onegh, egh an aven ganan kogham.⁴ Ki gari, gumazitam o amizitam akinafarir kam onegh an aven ganamin gavgaviba puvati. Kamaghin amizi ki puvirama aravira iti.⁵ Ezi gumazir dapanibar mav kamaghin na migei, “Ni arangan marki. Ni orakigh. Laionin kam Judan adarazir atrivimin oto, atrivir bar ekiam, an Atrivim Devitin ovavim, egha a midorozim gamua uan apanim abiragh gifa. Kamagh amizi, me akinafarimin 7plan kandelin, grisin mighiniziada adegh, akinafarir kam onegham.”

Jon Sipsipin Nguzimin gari

⁶ Ezi ki gari, Sipsipin Nguzir mam, me a misoghezi an aremezi moghin gara tughav iti. An atrivir dabirabim ko 4plan angamira itir bizibar tongin tughav iti, ezi gumazir dapanibar dabirabiba an okarigha iti. Sipsipin Nguzir kam 7plan komba ko 7plan damaziba iti, kar Godin duar 7pla. God me amadazima me nguazir kam bar a garui.⁷ Ezi Sipsipin Nguzim ghua gumazir atrivir dabirabim gaperaghav itim agharir guvimin, akinafarir kam ini.⁸ An akinafarir kam inigha givazima, 4plan bizir angamira itir kaba ko 24plan gumazir dapanir kaba

4:8: Ais 6:2-3; Ese 1:18; 10:12; MAA 1:4; 1:8 **4:8:** Aisaia 6:2-3; Esekiel 1:18; 10:12; Akar Mogomem 1:4; 1:8 **4:9:**
Dan 4:34; 6:26; 12:7; MAA 1:18; 4:2; 4:10; 5:14; 15:7 **4:9:** Daniel 4:34; 6:26; 12:7; Akar Mogomem 1:18; 4:2; 4:10; 5:14;
15:7 **4:10:** MAA 4:4; 4:9; 5:1; 5:7-8; 5:13-14; 6:16; 7:15; 19:4; 21:5 **4:10:** Akar Mogomem 4:4; 4:9; 5:1; 5:7-8; 5:13-14;
6:16; 7:15; 19:4; 21:5 **4:11:** Ap 17:24; Ef 3:9; Kl 1:16; MAA 5:12; 10:6 **4:11:** Aposel 17:24; Efesus 3:9; Kolosi 1:16;
Akar Mogomem 5:12; 10:6 **5:1:** Ais 29:11; Ese 2:9-10; Dan 12:4 **5:1:** Aisaia 29:11; Esekiel 2:9-10; Daniel 12:4
5:5: Stt 49:9; Ais 11:1; 11:10; Ro 15:12; Hi 7:14; MAA 6:1; 22:16 **5:5:** Jeneesis 49:9; Aisaia 11:1; 11:10; Rom 15:12; Hibru
7:14; Akar Mogomem 6:1; 22:16 **5:6:** Ais 53:7; Sek 4:10; Jo 1:29; 1:36; MAA 1:4; 4:5; 5:9; 5:12; 13:8 **5:6:** Aisaia 53:7;
Sekaraia 4:10; Jon 1:29; 1:36; Akar Mogomem 1:4; 4:5; 5:9; 5:12; 13:8 **5:7:** MAA 4:2; 4:10 **5:7:** Akar Mogomem 4:2;
4:10 **5:8:** Sng 141:2; MAA 4:8-10; 8:3-4; 15:2 **5:8:** Onger Akaba 141:2; Akar Mogomem 4:8-10; 8:3-4; 15:2

Sipsipin Nguzimin boroqhin uan teviba apiri. Gumazir dapaniba vaghvaghga gitán min garir biziba ko golin itaribar suiki. Itarir kaba, pauran migharir mughuriar aghuium zuim, bar dagh izifa. Bizir kam makín, Godin gumazamiziba God ko migeir arazim. ⁹⁻¹⁰Egha me ighiar igiar mam kamaghin a gami:

“Me ni misoghezi ni areme,
egha nin ghuzimin
ni gumazamiziba God bagha me
givese.

Ni anababa bar, dar gumazamizir maba ko,
nguibabar akaba bar ko,
mikarzir igharaghga gariba bar ko,
kantriba bar dar gumazamiziba,
men marasi,
ni me givese.

Egha ni me gamizima
me atrivimin adarazir otivigha,
ofa gamir gumazamizibar min ikia,
en God bagha ingari.

Egh me atrivibar iki,
egh nguazimin gumazamizibar ganam.
Kamaghin amizi, God ua bagha nin torozi,
ni akinafarim inigh
kendelin grisba adegham.”

Me Sipsipin Nguzimin ziam fe

¹¹ Egha ki ua gara enselin tiarir avirir maba barasi. Men dibobonim handet milienin aviriba ko tausen tausenin aviriba. Me atrivir dabirabim ko bizar angamira itiba ko gumazir dapaniba okarigha tuvighav iti. ¹² Me pamten dia kamaghin ighiam gami:

“Sipsipin Nguzir me misoghezi aremezir
kam,
e an uarir torogha
an ziam bar pin aneti.

A ziar ekiam ko
bizar aghuir aviriba ko
fofozir aghuiba ko
gavgavir ekiam iti.

E an ziam fiva
a bagh bar akongegh
a minamam.”

¹³ Egha ki God ingarizir gumazamiziba ko biziba bar men ighiam barasi, kar bizar overiamin itiba ko nguazimin itiba

ko nguazimin apengan itiba ko ongarimin itiba kamaghin migei:

“Gumazir uan atrivir dabirabim gapi-
aghirim ko,
Sipsipin Nguzim uaghan,
e zurazurara aning minabivira
ikiam.

Egh aningin ziar ekiamning fiva,
ating bagh bar akongegh,
egh aningin gavgavir ekiamin
apengan iki
zurara mamaghira ikiam.”

¹⁴ Ezi 4plan bizar angamira itiba kamaghin migei, “Guizbangira.” Ezi gumazir dapaniba uan teviba apirigha aningin ziamming fe.

6

Sipsipin Nguzim akinafarimin kandelin grisba adangi

¹ Ki Sipsipin Nguzimin garima, an akinafarir 7plan kendelin grisba itir kamin suira, egha kendelin grisin faraghavira itim adangi. Ezi ki orazi, 4plan bizar angamira itir kabar mav kamaghin migei, ezi an tiarim mati ararim dagarvaghha, kamaghin migei, “Ni izi!” ² Ezi ki ua gara egha hoziar ghurghurir mamin garima, gumazim barir pimin suiraghha a gapera. Me atrivimin dapanir asuar mam a ganingi, ezi a midorozim gamua uan apanim abirazi moghin zui, egha midorozir aviribagh amua uan apaniba abira ghuavira iti.

³ Ezi Sipsipin Nguzim akinafarimin kandelin grisin namba 2 adangi, ezi ki orazi, bizar angamira itir namba 2 kamaghin migei, “Ni izi!” ⁴ Ezi hoziar igharazim azenan izi, an aghefe. Me gavgavim hoziar kam gaperazir gumazim ganingi, kar gavgavir nguazimin gumazamizibar dughiar aghuim a givamim, eghti gumaziba igharaz daraziv soghtima me arimighiram. Ezi me midorozir sabar ekiar mam ingangarir kam damuasava a ganingi.

⁵ Ezi Sipsipin Nguzim akinafarimin kendelin grisin namba 3 adangi, ezi ki orazi bizar angamira itir namba 3 kamaghin migei, “Ni izi!” Ezi ki ua gara, egha hoziar pizimini gari. Ezi gumazir a gaperaghav itim a skelin mam uan dafarimin an suira. ⁶ Ezi ki orazi, mati gumazimin tiarim bizar

5:9-10: Ua Me In 19:6; Onger Akaba 33:3; 40:3; 96:1; 98:1; 144:9; Aisaia 42:10; 61:6; Aposel 20:28; Efesus 1:7; Hibru 9:12; 1 Pita 1:18-19; 2:5; 1 Jon 1:7; Akar Mogomem 1:6; 14:3; 20:6; 22:5 **5:11:** Sng 68:17, Dan 7:10, Hi 12:22, MAA 4:4-6

5:11: Onger Akaba 68:17; Daniel 7:10; Hibru 12:22; Akar Mogomem 4:4-6 **5:12:** 1 Sto 29:11, MAA 5:6 **5:12:** 1

Eghaghaniha 29:11; Akar Mogomem 5:6 **5:13:** Ro 9:5, Fl 2:10, 1 Ti 6:16, 1 Pi 4:11, MAA 4:2, 4:10, 6:16, 7:10 **5:13:** Rom 9:5; Filipai 2:10; 1 Timoti 6:16; 1 Pita 4:11; Akar Mogomem 4:2; 4:10; 6:16; 7:10 **6:1:** MAA 4:6-7, 5:1, 5:5-7 **6:1:**

Akar Mogomem 4:6-7; 5:1; 5:5-7 **6:2:** Sek 1:8, MAA 6:3, 6:6, 14:14, 19:11 **6:2:** Sekaraia 1:8; Akar Mogomem 6:6;

14:14; 19:11 **6:4:** Sek 1:8, 6:2 **6:4:** Sekaraia 1:8; 6:2 **6:5:** Sek 6:2, 6:6 **6:5:** Sekaraia 6:2; 6:6 **6:6:** Ese

5:12, 5:17 **6:6:** Esekiel 5:12; 5:17

angamira itir 4plan kabar tongin kamaghin migei, "Ni mangi uan ingangarim damu, eghti gumaziba bar daghebar otevegham. Kamaghin, gumazim dughiar vamiran iveauzim inigh, a witin miner muziari r vamira o balin miner muziari 3plara givezam. Egh ia olivin temeba ko wainin ikariziba gasighasigan marki, eghti olivin borem ko wain ikivira ikiam."

⁷ Ezi Sipsipin Nguzim akinafarimin kendelin grisin namba 4 adangizima, ki orazi bizar angamira itir namba 4 kamaghin migei, "Ni izi!" ⁸ Ezi ki ua gara hoziar iangurimin gari. Ezi gumazir a gaperazim, an ziam Ovevem. Ezi Gumazamizir Oveaghuezibar Nguibam, an Ovevemin girara izi. God gavgavim kamaghin aning ganungi, aning nguazimin itir gumazamiziba 4plan okoruubar me tuiragh, egh okoruar kabar aven, aning okoruar vamira misuehti an aremegham. Aning midorozir sabamin gumazamizibav sueghti, me arimighiram, eghti aning mitiriar ekiam damighti an otoghti me arimighiram, eghti aning arimiar ekiabar amuti da otiv me damutti me arimighiram, eghti aning ruarinim itir asizir atiaba amangiti da mangi me misoghti me arimighiram.

⁹ Ezi Sipsipin Nguzim akinafarimin kendelin grisin namba 5 adangizi, ki garima, gumazamizir ovengezibar duaba Godin ofa gamir dakozi apengan iti. Gumazamizir kaba faragha Godin akamin suiragha gavgavigha, egha akar kam akuni, bizar kam bangin apaniba me misoghezi me ariaghire. ¹⁰ Duar kaba dia kamaghin migei, "Gavgaviba bar itir Ekiam, ni arazir kuraba bar dar saghon ikia egha bar zue! Ezi nin akar dikiriziba da guizbangira otif! E ni mizua iti, ni zuamir nguazimin itir gumazamizibar araziba tuisighiva, egh en ghuzimin iveauzim ikarvagh!" ¹¹ Egha me gumazamizir kaba vaghvaghha korotian ghurghurir ruariba me ganungi, egha kamaghin me migei, "Ia tong orarkiva avughs iki. Apaniba ian adarazi ko ia ko ingari darazi misueghti

me arimighiregham, mati me ia misoghezi mokin. Gumazamizir apaniba misuehti arimighirambar dibobonim, God a gifogha gif, eghti apaniba gumazamizir kabav sueghti me arimighiregħti, God ian ghuzimin iveauzim ikarvaghām."

¹² Ezi Sipsipin Nguzim akinafarimin kendelin grisin namba 6 adangi, ezi ki ua garima mikimkizir dafam nguazimin oto. Ezi aruem isiragħa gari puvatizi, overiam ko nguazim mitatangi. Ezi iakinim bar aghevegha ghuzimin min gari. ¹³ Ezi pin itir mikkovzeziba asiaghira nguazim giri, mati aminim fighin temem givaima, fighin ovizir tighar aniamiba suaghiri. ¹⁴ Overiam mati, akinafarir bar dafam me a rigħha anetizi mogħin, a uan danganim ataki. Ezi mighsiaba ko arighatiziba bar uan danganiba ategħha, sivagħha ghue.

¹⁵ Ezi nguazimin atrivha ko gumazamizir ziaba itiba ko midorozir gumazir dapaniba ko dagħiha itir gumazamizibar ko gumazamizir gavgaviba ko pura ingangarir gumazamizir kiniba ko gumazamizir firiaghreziba, me bar mogħira ghua marazi dagħi toribar aven mongeżi marazi mighsiabar itir dagħi ekiabar girakirangin monge. ¹⁶ Egha me kamaghin mighsiaba ko dagħi ekiabar dei, "Ia e avaragh, egh gumazir atrivir dabirabim gaperaghav itimmin guamin e modogh, egh uaghan Sipsipin Nguzimin aningagħarim minn e modogh! ¹⁷ E fo, aningin aningagħarim din dughħiā ekkien datir ħażżeen otozi aning gumazamizibar arazir kuraba ikarvaghha. Eghti gumazitam aningin aningagħarim iriagh, angamira ikian kogħam!"

7

144,000plan Israelin gumazamizibar, God me ginabazir osizirim, enselba me garisi

¹ Bizar kaba givazzi ki garima, enselin 4pla nguazimin 4plan apinibar tuivighav iti. Me nguazimin 4plan aminibar tuaviba apiri, eghti aminim mangi ongarim ko nguazim ko temeba bar dagħi ivangan kogħam. ² Ezi ki enselin igharazim garima, an aruem

* **6:6:** Vezin kamien mingarim kamaghin migei, Dagheba bar otevegham eghti daghebar iveauzim bar piñi għuuvanabogħam. **6:8:** Jer 15:1-3, Ese 5:12, 5:17, 14:21, 33:27, Sek 6:3 **6:8:** Jeremaia 15:1-3; Esekiel 5:12; 5:17; 14:21; 33:27; Sekaraia 6:3 **6:9:** 2 Ti 1:8, MAA 1:9, 8:3, 12:17, 19:10 **6:9:** 2 Timoti 1:8; Akar Mogomem 1:9; 8:3; 12:17; 19:10 **6:10:** Lo 32:43, Sng 78:10, MAA 11:18, 16:7, 19:2 **6:10:** Godin Araziba 32:43; Onger Akaba 78:10; Akar Mogomem 11:18; 16:7; 19:2 **6:11:** Hi 11:40, MAA 3:4-5, 3:18, 7:9, 7:13-14, 14:13, 19:14 **6:11:** Hibrū 11:40; Akar Mogomem 3:4-5; 3:18, 7:9, 7:13-14; 14:13; 19:14 **6:12:** Ais 13:10, Jol 2:10, 2:31, 3:15, Mt 24:29, Mk 13:24-25, Lu 21:25, Ap 2:20, MAA 8:12, 11:13, 16:18 **6:12:** Aisaia 13:10; Joel 2:10, 2:31; 3:15; Matyū 24:29; Mak 13:24-25; Luk 21:25; Aposel 2:20; Akar Mogomem 8:12; 11:13; 16:18 **6:13:** Akar Mogomem 8:10, 9:1 **6:13:** Aisaia 34:4 **6:14:** Jer 4:24, Hi 1:12-13, MAA 16:20 **6:14:** Jeremaia 4:24; Hibrū 1:12-13; Akar Mogomem 16:20 **6:15:** Ais 2:10, 2:19-21 **6:15:** Aisaia 2:10; 2:19-21 **6:16:** Hos 10:8, Lu 23:30, MAA 4:2, 4:10, 9:6 **6:16:** Hosea 10:8; Luk 23:30; Akar Mogomem 4:2; 4:10, 9:6 **6:17:** Sng 76:7, Ais 13:6, Jol 2:11, Nah 1:6, Sef 1:14, Mal 3:2, MAA 16:14 **7:1:** Jer 49:36, Onger Akaba 76:7; Aisaia 13:6; Joel 2:11; Nahum 1:6; Sefanaia 1:14; Malakai 3:2; Akar Mogomem 16:14 **7:1:** Jer 49:36, Dan 7:2, Sek 6:5 **7:1:** Jeremaia 49:36; Daniel 7:2; Sekaraia 6:5

anadi naghin ikeghav anadi. A Godin Zurara Itim inabazir osizirim an iti, egha a enselin 4plan God ongarim ko nguazim gasighasighamin gavgavim aningiziba pamten men dei.³ A kamaghin migei, "Ia zuamira nguazim ko ongarim ko temebagh asighasighan marki. God uan ingangarir gumazamizibagh inaba. E faragh uan Godin ingangarir gumazamiziba, inabazir osizirim men guabar an osirigh givaghti, ia gin biziagh asighasigh."

⁴ Ezi ki orazi, me inabazir gumazamizir osizirim inizibar dibobonim dibori. Me 144,000plan gumazamiziba, inabazir osizirim me garisi, me Israelin kantrin even itir 12plan anababa, vaghvagh men varazira, osizirim ini.*

⁵ Kamaghin amizi 12,000plan Judan anabamin even itir darasi, me inabazir osizirim ini, ezi 12,000plan Rubenin anabamin adarasi, ezi 12,000plan Gatin anabamin adarasi, ⁶ ezi 12,000plan Aserin anabamin adarasi, ezi 12,000plan Naptalin anabamin adarasi, ezi 12,000plan Manasen anabamin adarasi, ⁷ ezi 12,000plan Simeonin anabamin adarasi, ezi 12,000plan Livain anabamin adarasi, ezi 12,000plan Isakarin anabamin adarasi, ⁸ ezi 12,000plan Sebulunin anabamin adarasi, ezi 12,000plan Josepin anabamin adarasi, ezi 12,000plan Benjaminin anabamin adarasi.

Gumazamizir kaba, God me ginabazir osizirim ini.

Gumazamizir bar avirim Godin ziam fe

⁹ Egha ki gin ua garima, gumazamizir avirim uari akuvagha iti. Gumazatam men avirim mengan iburaghram. Gumazamizir kaba, me kantriba bar ko anababa bar ko mikarzir igharagha gariba bar ko ngubabar akaba bar dar gumazamiziba, men marazira izegha iti. Egha me atrivir dabirabim ko Sipsipin Nguzimin guamin tuivighav iti. Me korotiar ghurghurir ruariba aghuigha, uan agharibar okavir aghuabar suiki.¹⁰ Egha Me pamten kamaghin dei:

"En Godin uan atrivir dabirabim gaperazim,
ko Sipsipin Nguzim,
atingra en akuraghha en apanim abira.
Kamaghin amizi, e aningin ziamning fe."

¹¹ Ezi enselba bar ikia, atrivir dabirabim ko 4plan bizir angamira itiba ko gumazir dapaniba okarigha, tuivighav iti. Egha atrivir dabirabim garava teviba apira uan guaba nguazim mituagha, Godin ziam fe.¹² Me kamaghin migei:

"Guizbangira!
E ziar ekiam uan God daning,
egh bagh bar akongegham,
egh kamaghin mikim suam,
an fofozim bar pin iti.
Egh a minabiva,
egh an ziam fam.
A gavgavir ekiam iti,
eghti e an gavgavimin apengan ikiam.
Dughiabar zurara bizir kaba bar moghirama Godin bibaba.
Bar guizbangira!"

Kraisin adarsi, men osimtizim gifa
¹³ Ezi gumazir dapanibar mav kamaghin nan azara, "Gumazamizir korotiar ruarir ghurghuriba aghuizir kaba, me taia? Me managhira ikegha ize?"

¹⁴ Ezi ki kamaghin an akam ikara, "Gumazir ekiam, ni uabi fo." Ezi a kamagh na migei:

"Gumazamizir kaba me uan apanibar darfibar osimtiziba ko mizazir ekiaba ini.

Ezi osimtizibar dughiam datirighin gifa. Ezi me uan korotiaba Sipsipin Nguzimin ghuzimin da ruegha, dagh amizi, da ghurghuri.

¹⁵ Kamaghin amizi, me atrivir dabirabimin guamin tuifi.

Egha dimagariba ko aruebar an dipenimin ikia
egha an ingangarim gami.

Ezi Godin atrivir dabirabir kam gaperaghav itim,
a uabi me ko iki egh me geghuvam.

7:3: Ese 9:4-6, MAA 6:6, 9:4, 14:1, 22:4 **7:3:** Esekiel 9:4-6; Akar Mogomem 6:6; 9:4; 14:1; 22:4 **7:4:** MAA 9:16,

14:1-3 **7:4:** Akar Mogomem 9:16; 14:1-3 * **7:4:** Osizirir kamnagh "Israelin kantrin even itir 12plan anababar," gun migei. E Aramuu e ghaze, anabam, kar amebam o amizimin ghuzim. Ezi Israelia me ghaze, anabam, kar afeziamin ghuzim, egha me afeziabar gan zui. **7:9:** Ro 11:25, MAA 3:5, 3:18, 4:4, 5:9 **7:9:** Rom 11:25; Akar Mogomem 3:5;

3:18; 4:4; 5:9 **7:10:** Ais 43:11; Jer 3:23; Hos 13:4, MAA 4:2, 4:10, 5:13 **7:10:** Aisaia 43:11; Jeremaia 3:23; Hosea 13:4; Akar Mogomem 4:2; 4:10; 5:13 **7:12:** MAA 5:12-14, 11:17 **7:12:** Akar Mogomem 5:12-14; 11:17 **7:13:** MAA 3:18

7:13: Akar Mogomem 3:18 **7:14:** Ais 1:18, Dan 12:1, Mat 24:21, Mk 13:19, Hi 9:14, 1 Jo 1:7, MAA 1:5, 6:9 **7:14:**

Aisaia 1:18; Daniel 12:1; Matyu 24:21; Mak 13:19; Hibru 9:14; Akar Mogomem 1:5; 6:9 **7:15:** Ais 4:5-6, MAA 4:2, 4:10, 21:3 **7:15:** Aisaia 4:5-6; Akar Mogomem 4:2; 4:10; 21:3 **7:16:** Sng 121:6, Ais 49:10, MAA 21:4 **7:16:** Onger Akaba 121:6; Aisaia 49:10; Akar Mogomem 21:4

- 16** Eghiti mitiriaba ua men aghan kogham,
eghti kuariba ua men piran kogham.
Eghiti aruer arizir mikarziba puvira dagh
aboim,
ua men mikarzibar isian kogham.
- 17** Sipsipin Nguzim atrivir dabirabimin
tongira ikia,
egha me ghegħu.
Egh a me inigh nguazimin aven ivemarir
dipar atuir danganimin mangam,
kar dipar ikirimirir zurara itim anidim.
Egh God bar men damazibar temeriba
adizighti
da misigham,
eghti me uam azian kogham.”

8

Sipsipin Nguzim akinafarir righizimin kendelin grisin abuananam adangi

1 Ezi Sipsipin Nguzim akinafarimin itir kendelin grisin namba 7 adangi, ezi Godin Nguibamin bizi tam bar mozorozir puvatizi, migirigiatam uaghan otivir puvatiga, ghua mong dugħiarr ruarim in tu. **2** Ezi gin ki 7plan enselbar garima, me Godin guamin tuivigha 7plan sīghabar suiki.

3 Ezi enselin iħarazim iza ofa gamir dakozim borogħin tughav iti. A għol miner mamin suira, miner kam, me an aven paura tuazi a isia migharir mugħuriar aghuim otifi. Ezi me pauran avirir maba a ganingi, egħi ta Godin gumazamizibar azangszibar sara isafuragh, atrivir dabirabimin guamin mangiva għol ofa gamir dakozim in God bagħi ofa damuam. **4** Ezi pauran isir migharir mugħuriar aghuim ko Godin gu-mazamizibar azangszibar, da uari inigha enselin Godin damazimin tughav itir kamin da farim ategħa għuavanadi. **5** Ezi ensel miner migharir mugħuriar aghuim itim inigha ofa gamir dakozim in ghua avim inigha minem garu, egha minem akunizma a nguazim għi. An anekunigha għivzima, arariba dagħarvazima niginir ekiam oto, ezi overiāmin onimariba tagħtagħha tintinibar zu, ezi mikimkizim oto.

Enselin 4pla sīghabagh ivi

- 7:17:** Sng 23:1-2, Ais 25:8, 49:10, Ese 34:23, Jo 10:11, 10:14, MAA 5:6, 21:4 **7:17:** Onger Akaba 23:1-2; Aisaia 25:8; 49:10; Esekiel 34:23; Jon 10:11; 10:14; Akar Mogomem 5:6; 21:4 **8:1:** Hab 2:20, MAA 6:1 **8:1:** Habakuk 2:20; Akar Mogomem 6:1 **8:2:** 2 Sto 29:25-28, Mt 18:10, Lu 1:19 **8:2:** 2 Eghagħaniba 29:25-28; Matu 18:10; Luk 1:19 **8:3:** Ua Me Ini 30:1-3; Amos 9:1; Akar Mogomem 5:8; 9:13 **8:3:** Ua Me Ini 30:1-3; Amos 9:1; Akar Mogomem 5:8; 9:13 **8:4:** Sng 141:2; Lu 1:10, MAA 5:8 **8:4:** Onger Akaba 141:2; Luk 1:10; Akar Mogomem 5:8 **8:5:** Kis 19:16-19; Ofa Gami 16:12; 1 Atriviba 19:11; Esekiel 10:2; Aposel 4:31; Akar Mogomem 4:5; 11:19; 16:18 **8:5:** Kis 19:16-19; Ofa Gami 16:12; 1 Atriviba 19:11; Esekiel 10:2; Aposel 4:31; Akar Mogomem 4:5; 11:19; 16:18 **8:6:** Kis 9:23-25, Ais 2:13, Ese 38:22, Jol 2:30, MAA 9:4, 16:2 **8:6:** Kis 9:23-25, Ais 2:13, Ese 38:22, Jol 2:30, MAA 9:4, 16:2 **8:7:** Ua Me Ini 9:23-25; Aisaia 2:13; Esekiel 38:22; Joel 2:30; Akar Mogomem 9:4; 16:2 **8:8:** Kis 7:20-21, Jer 51:25, Ese 14:19, Amo 7:4, MAA 16:3 **8:8:** Ua Me Ini 7:20-21; Jeremaija 51:25; Esekiel 14:19; Amos 7:4; Akar Mogomem 16:3 **8:9:** Aisaia 14:12 **8:10:** Ais 14:12, MAA 9:1, 16:4 **8:10:** Aisaia 14:12; Akar Mogomem 9:1; 16:4 **8:11:** Kis 15:23, Jer 9:15, 23:15 **8:11:** Ua Me Ini 15:23; Jeremaija 9:15; 23:15 **8:12:** Ais 13:10, Ese 32:7, Jol 2:10, 2:31, 3:15, Amo 8:9, MAA 6:12-13 **8:12:** Aisaia 13:10; Esekiel 32:7; Joel 2:10; 2:31; 3:15; Amos 8:9; Akar Mogomem 6:12-13 **8:13:** MAA 9:12, 11:14 **8:13:** Akar Mogomem 9:12; 11:14

Iavzika! Enselin igharazir 3pla ua uan sighthabagh iviam, eghiti osimtzizir bar ekiaba gumazamiziba me bativam. Iavzika!"

9

Namba 5 ensel uan sigham givi

¹ Ezi enselin namba 5 uan sigham givima ki gari, mikovezir mam overiam ategha nguazim giri. Ezi me mozir torir bar konezimin akamin ki isa a ganingi. ² Ezi mikovezir kam, mozir torir bar konezimin akam kuiži, migharim torir akamin azenan otiva, avir bar ekiamin migharimin min anadi. Egha migharim torir kamin anaga aruem ko overiam avarazi, aning mitatangi. ³ Ezi odedir bar avirim migharir kam ategha izaghira, tintinibar nguazimin zui. God tuighakabar gavgavimin min gavgavim dagh aningi, kar nguazimin itir gumazamizibagh asighasighamin gavgavim. ⁴ God odedir kaba kamaghin dav gei, "Ia zuravariba ko nguazimin aghuir biziba ko teme tabagh asighasighan marki. Ia, gumazamizir God inabazir osizirim men guabar itir puvatizibagh asighasigh. ⁵ Kian amamangati, ia gumazamizir kaba iakinir 5plara mizazir ekiam me daning. Egh ia me misoghti me arimighiran marki." Ezi odedir kaba, da gumazamizibagh anidir mizaziba, tuighakaba ivir mizazibar mirara ghu. ⁶ Dughiar kamin, gumazamiziba ovengsi tuaviba buriam, egh me ovengan kogham. Me ovengsi bar ifueghti, ovevem men arimangam.

⁷ Ki odedir kabar gari, da mati hoziaiba midorozim damuasava ami. Dar dapaniba mati, golin dapanir asuaba dar iti. Ezi dar guaba mati gumazamizibar guaba. ⁸ Ezi dar dapanir ariziba ruarigha, amizibar dapanir arizibar min ruari. Ezi dar atariba, laionin ataribar min, ruarigha bar ghum. ⁹ Bizar maba, siot kapabar min gara, dar evariba ave. Ezi dar aviziba tingagha mati hoziaiba karisin aviriba kurvagha midorozim bagha ivemara zui moghin tingazi. ¹⁰ Odedir kaba tuighakabar min ipeba iti, ezi atarir marasinin mizazir kuraba iziba, dar ipebar iti. Kamaghin amizi mizazir gavgavir kam, 5plan iakinibar gumazamizibar aningamim.

¹¹ Egha da atrivir mam iti, a dar gari. Atrivir kam, a mozir torir bar konezimin garir ensel. Hibrun akamin me enselin kamin ziam dibora ghaze, "Abadon." Ezi Grighin akamin me kamaghin a dibori, "Apoliyon." An mingarim kamakin, gumazir biziba bar dagh asighasizim.

¹² Iavzika, ia orakigh! Osimtzizir bar ekiar faragh zuim, a gif. Ezi osimtzizir ekiar pumuning ikiavira iti, aning tighar otivam.

Enselin namba 6 uan sigham givi

¹³ Ezi enselin namba 6 uan sigham givima, ki gumazir mamin tiarim barasi. A Godin guamin itir golin ofa gamir dakozir mamin otifi, danganir kam, a mikebar 4pla iti, ezi da vaghvagh komba iti. Tiarir ki orazir kam, a komin 4plan tongin otivima, ki a barasi. ¹⁴ A kamaghin namba 6 enselin sighthamin suirazimin migei, "Enselin 4plan Suyretisın Faner ekiamin kalabusin itiba, ni me ategehti me mangi." ¹⁵ Ezi a 4plan enselin kaba ataki, eghiti me 3plan okoruabar gumazamizibar tuiragh, egh okoruuatam bar a misueghti a arimighiregham. God faragha ghaze, auan kam ko aruer kam ko iakinir kam ko azenir kamin enselin kaba ingangarir kam damuam. Ezi enselin kaba kalabusin ikia uari akirigha ingangarir kam damuasavira dughiar kam mizua iti. ¹⁶ Ezi midorozir gumazir hoziaibagh apiaziba, ki orazima, men dibobonim, 200 milien.

¹⁷ Egha ki irebamin min garir bizim mati, hoziaiba ko gumazir hoziaibagh apiazibar ganganim. Gumaziba siot kapaba aghui, ezi dar ganganim aghevvegha, blu gamigha, iangurungi. Hoziaabar dapaniba, laionin dapanibar min gari. Ezi avim ko migharim ko salfan dagiar isiba, hoziaabar akabar otiva tintinibar zui. ¹⁸ Egha me gumazamiziba 3plan okoruabar me tuira, ezi 3plan bizar bar kurabar okoruar mam, bar gumazamizibar okoruar mam misoghezima me ariaghire. Bizar 3plan kabanagh, da avim ko migharim ko salfan dagiar avim, da hoziaabar akabar otifi. Bizar 3plan kabar gavgavim gumazamizir kabagh amima me ariaghiri. ¹⁹ Hoziar kabar gavgavim, dar akaba ko ipebar iti. Dar ipeba kuruzibar min gari, egha dapaniba iti. Hoziaiba uan

- 9:1:** Lu 8:31, 10:18; MAA 8:10, 17:8, 20:1 **9:1:** Luk 8:31; 10:18; Akar Mogomem 8:10; 17:8; 20:1 **9:2:** Stt 19:28, Kis 19:18, Jol 2:2, 2:10 **9:2:** Jenesis 19:28; Ua Me Ini 19:18; Joel 2:2; 2:10 **9:3:** Kis 10:4, 10:12-15, Het 7:12, MAA 9:10
9:3: Ua Me Ini 10:4; 10:12-15; Gumazir Dapaniba 7:12; Akar Mogomem 9:10 **9:4:** Ese 9:4, MAA 6:6, 7:3 **9:4:**
Esekiel 9:4; Akar Mogomem 6:6; 7:3 **9:5:** MAA 9:10, 11:7 **9:5:** Akar Mogomem 9:10; 11:7 **9:6:** Jop 3:21, Ais 2:19, Jer 8:3, MAA 6:16 **9:6:** Jop 3:21; Aisaiya 2:19; Jeremaiya 8:3; Akar Mogomem 6:16 **9:7:** Dan 7:8; Jol 2:4, Nah 3:17 **9:7:** Daniel 7:8; Joel 2:4; Nahum 3:17 **9:8:** Jol 1:6 **9:8:** Joel 1:6 **9:9:** Jol 2:5 **9:9:** Joel 2:5 **9:12:**
MAA 8:13 **9:12:** Akar Mogomem 8:13 **9:13:** Kis 30:1-3, MAA 8:3 **9:13:** Ua Me Ini 30:1-3; Akar Mogomem 8:3
9:14: MAA 16:12 **9:14:** Akar Mogomem 16:12 **9:15:** MAA 8:7-12 **9:15:** Akar Mogomem 8:7-12 **9:16:**
Sng 68:17, Ese 38:4, Dan 7:10 **9:16:** Onger Akaba 68:17; Esekiel 38:4; Daniel 7:10 **9:17:** 1 Sto 12:8, Ais 5:28-29
9:17: 1 Eghaghaniba 12:8; Aisaiya 5:28-29

ipebar mizazir kuram isa gumazamizibagh anidi.

20 Ezi gumazamizir ighazarir me misoghezi, ariaghirezir puvatiziba, me navibagh irazir puvatigha, akirim ragha marvir guar me uari ingarizibagh asarazir puvati. Me aseba ko marvir guaba ataghizir puvati. Marvir guar kaba, gumazib silva ko gol ko bras ko dagiaba ko temebar dar ingari, da bizibar garir puvatigha akaba barazir puvatigha aruir puvatiziba. Me marvir guabar ziaba fer arazim ataghizir puvati. **21** Egha me, gumazamizir igharazibav sozima me ariaghirir arazim, ko imezibagh amir araziba, ko gumazamiziba tintinibar uari bakia uari ko akuir arazim, ko igharaz darazir biziba okeir araziba bagha navibagh iragh arazir kurar kaba ataghiraghan aghua.

10

Ensel akinafarir righizim Jon ganingizi an anepi

1 Ezi ki garima enselin gavgavir ighazarir mam Godin Nguibam ategha izaghiri. A ghuariam korotiamin min aneru, ezi ekianir mam an dapanim gisn iti. An guam aruem min isi, ezi an suemning dipenir akinimmingin min gara egha avimin min isi. **2** Enselin kam akinafarir righizir muziarim uan dafarimin an suira, ezi akinafarim oneghirigha iti. Ezi a uan suer guvum ongarim gasaragha suer kiriham nguazim gasara. **3** Egha laionin min bar pamten itiarim akara dia migei. A diagha givazima, 7plan arariba dagarvaghya egha an akam ikara. **4** Ezi 7plan ararir kaba dagarvegha givazima, ki akar me mikemeziba osirasa. Ezi ki Godin Nguibamin gumazir mamin dimdiham barazima, a kamaghin migei, “7plan ararir dagarvaghizibar akam, ni uan nighnizimin anetighti a iki. Ni an osiran marki.”

5 Enselin ki ganizir kam an ongarim ko nguazim tughav ikia, uan agharir guvum fegha pin overiamin aka. **6** Egha ghaze, “Godin zurara itimin ziamin ki guizbangira migei. Godin kam, an overiam ko bizir an itibar ingarigha nguazim ko an itir bizibar

ingarigha, ongarim ko an itir bizibar ingari. Ezi ki kamaghin migei, dughiam datirighin givasava ami. God uam orarkian kogham. Bar puvati. **7** Bizir God damuasava amim, an akam modoghav iti. Eghti Enselin namba 7 sigham givitima, dughiar kamra bizir modoghav itim guizbangiram otogham. Kar, Akar Aghuir a fomira uan ingangarir gumazamizibagh aningizim, me an akam inigha izir gumazamiziba.”

8 Ezi gumazir ki Godin Nguibamin faragha oraghizim, a ua kamaghin na migei, “Ni mangi enselin ongarim ko nguazim tughav itimin dafarimin akiナfarir righizir oneghav itim inigha.”

9 Ezi ki ensel bagha ghua kamaghin a migei, “Ni akiナfarir righizir muziarim ensemel dafarimin a inighava anepi. Ezi nan akamin, a hanin min bar singi. Ki anemega givazima, a nan navimin aven na misos. **11** Ezi me kamaghin na migei, “Ni ua God da izezir akamin gun mikim. Akar kamin, mikarzir igharagha garir aviriba ko kantrin aviriba ko nguhibabar akar aviriba ko atrivir aviriba, bizir me bativamiba ni dar me mikim.”

11

Godin akam inigha izir gumazir pumuning

1 Egha me aghorir bizibar abarim na ganungi, an aghorir suiaghruumin min gari, egha me kamagh na migei, “Ni dikavigh Godin Dipenim ko ofa gamir dakozim apan. Egh ni dipenir kamin Godin ziam fer gumazamizibar dibobonim dipon. **2** Egh ni Godin Dipenim okarizir danganiр divazir ekiamin aven itim, an apanan marki. God Kantrin Igharazibar Gumazamiziba danganiр uari akuvir kam me ganingi. Eghti marazi izi Jerusalem diki mangi 42plan iakinibar tugham. Kamaghin amizi, ni

9:20: Lo 31:29, Sng 106:37, 115:4-7, 135:15-17, Ais 2:8, 2:18-20, Dan 5:23, 1 Ko 10:19-20, MAA 16:9-11 **9:20:** Godin Araziba 31:29; Onger Akaba 106:37; 115:4-7; 135:15-17; Aisaia 2:8; 2:18-20; Daniel 5:23; 1 Korin 10:19-20; Akar Mogomem 16:9-11 **10:1:** Ese 1:28, Mt 17:2, MAA 1:15-16 **10:1:** Ese 1:28; Matyu 17:2; Akar Mogomem 1:15-16 **10:3:** MAA 8:5 **10:3:** Akar Mogomem 8:5 **10:4:** Dan 8:26, 12:4, 12:9 **10:4:** Daniel 8:26; 12:4; 12:9 **10:5:** Kis 8:6 **10:5:** Ua Me Ini 8:6 **10:5:** Ua Me Ini 20:11; Godin Araziba 32:40; Daniel 12:7; Amos 3:7 **10:6:** Neh 9:6, Sng 146:6, MAA 4:11, 14:7, 16:17 **10:6:** Nehemia 9:6; Onger Akaba 146:6; Akar Mogomem 4:11; 14:7; 16:17 **10:7:** Dan 9:6, 9:10; Amo 3:7, Ro 16:25-27, MAA 11:15 **10:7:** Daniel 9:6; 9:10; Amos 3:7; Rom 16:25-26; Akar Mogomem 11:15 **10:8:** Esekiel 2:8-3:3 **10:9:** Jer 15:16 **10:9:** Jeremaja 15:16 **10:10:** Ese 2:10, 3:3 **10:10:** Esekiel 2:10, 3:3

11:1: Nam 35:5, Ese 40:3, Sek 2:1-2, MAA 21:15 **11:1:** Diboboniba 35:5; Esekiel 40:3; Sekaraija 2:1-2; Akar Mogomem 21:15 **11:2:** Ese 40:17-20, Dan 8:10, Lu 21:24, MAA 12:6, 13:5 **11:2:** Esekiel 40:17-20; Daniel 8:10; Luk 21:24; Akar Mogomem 12:6; 13:5

anetakigh.*³ Egheti ki uan akamin gun mikimamin gumazir pumuning amadagh gavgavim aning danightima, aning nan akam inigh mangam. Aning osimtizir krotiabar aghuighiva, egh nan akam kun mangiva, 1,260plan dughiabar tugham.”

⁴ Gumazir kamning mati olivin temer pumuning ko lamin pumuning nguazir kamin Ekiamin guamin tughav iti.[†]⁵ Egheti gumazitam arazir kurabar aning damusi damut, avim aningin akamningin otogh, bar aningin apanibar isigh me gasighasigham. Kamaghin amizi, gumazir manam arazir kuramin aning damusi, an ovegham.⁶ Aning overiamin aneghoroghamin gavgavim iti, egh aning Godin akamin gun mikimamin dughiamin, aning mikimti, amozim dughiar kamin izan kogham. Egheti aning dipabar amuti, da bar ghuzimin otivamin gavgavim iti. Aning uaghan bizir kurar igharazibar amuti, da nguazimin gumazamizibagh asighasighamim gavgavim iti. Dughiar kamin, aning bizir kabara amuti da aning ifongezi moghin otivam.

⁷ Aning Godin akamin gun migeir ingangarim agivaghti, mozir torir bar konezimin itir asizir atiam, a torim ategh anangam. Egh an aning ko misoghiva, aning abiragh aning misueghti aning aremegham.⁸ Egheti aningin kuamning nguibar ekiar kamin tuavir ekiamin irighiv ikiam. E akar isin zuimin a dibora ghaze, Sodom o Isip. Nguibar kamra me fomira gumazir kamningin Ekiam, ter ighuvimin a gafuga a misoghezi an areme.⁹ Gumazamizir mikarzir igharagha gariba, men marazi ko anababa bar, dar gumazamizir maba ko nguibabar akaba bar, dar gumazamizir maba ko kantriba bar, dar gumazamiziba, men

marazi dughiar 3pla ko akuamin aningin kuamningin ganam. Egh aningin kuamning afan anogoregham.¹⁰ Nguazimin gumazamiziba kamaghin mikim suam, Godin akam inigha izir gumazir kamning, aning mizazir bar kuram nguazimin gumazamizibagh aningi. Kamaghin amizi, me bar aningin ovevem gifuegham, egh bar ighiabar amu, damiva, egh bizir aghuba uan namakabar aningam.

¹¹ Ezi 3plan dughiaba ko dughiar akuar kam givazi, God uam aning gamizima, aning ua dikavigha tughav iti, ezi gumazamizir aningin ganiziba bar atiatingi.¹² Ezi aning orazi tiarir mam Godin Nguibamin kamaghin aning migei, “Gua kagh anang.” Ezi aningin apaniba garavira itima, aning Godin Nguibamin ghuavanabo.

¹³ Ezi dughiar kamra mikimkizir dafam otozi, God nguibar ekiamin dipeniba 10plan okoruabar da tuirazi dar okoruar mam bar ikufi. Ezi 7,000plan gumazamiziba ariaghire, ezi ariaghirezir puvatiziba ikia, bar atatiqha Godin uan Nguibamin itimin ziam fe.

¹⁴ Iavzika, ia orakigh! Osimtizir bar ekiar namba 2, a gifra. Ezi osimtizir bar ekiar namba 3, an otivasa bar roghira izi.

Enselin namba 7 uan sightham givi

¹⁵ Ezi enselin namba 7 uan sightham givima, Godin Nguibamin itir darazi tiariba akara ghaze:

“En Ekiam ko an Gumazir a Gumazamiziba
Ua Me Iniasa Misevezim,
ating datirighin nguazir kam gati-
vagha an gari.

Egh aning atrivimin iki
mamaghira ikiam.”‡

* **11:2:** Akar Mogomem 11:2in faragha itir akam, ni Aposelbar Ingangaribar 21:30in gan. Akar Mogomem 11:2in akar ighazariz kam, 42plan iakiniba, da 1,260plan arueba, o 3plan azeniba givazima uam akuan. Da 42plan iakiniba ko magħ ġue. Ni Daniel 7:25 ko 12:7in gan. Ni akar Kantrin Igharazibar Gumazamiziba Jerusalem dikabirazimin gansiva, Luk 21:24in gan. **11:3:** MAA 12:6, 19:10; 20:4 **11:3:** Akar Mogomem 12:6; 19:10; 20:4 **11:4:** Jer 11:16, Sek 4:11-14

11:4: Jeremaia 11:16; Sekaraia 4:11-14 **† 11:4:** Ni Sekaraia 4:1-5, ko 4:10-14, ko Akar Mogomem 1:12in gan. **11:5:** Wkp 10:2, 2 Sm 22:9, 2 Kin 1:10-12, Sng 97:3, Jer 5:14, Hos 6:5 **11:5:** Ofa Gami 10:2; 2 Samuel 22:9; 2 Atriviba 1:10-12; Onger Akaba 97:3; Jeremaia 5:14; Hosea 6:5 **11:6:** Kis 7:17-19, 1 Sml 4:8, 1 Kin 17:1 **11:6:** Ua Me In 7:17-19; 1 Samuel 4:8; 1 Atriviba 17:1 **11:7:** Dan 7:7, 7:21, Sek 14:2, Lu 13:32, MAA 9:2, 12:17, 13:1, 13:5-7, 13:11, 17:8 **11:7:** Daniel 7:7; 7:21; Sekaraia 14:2; Luk 13:32; Akar Mogomem 9:2; 12:17; 13:1; 13:5-7; 13:11; 17:8 **11:8:** Ais 1:9-10, Lu 13:34, Hi 13:12, MAA 14:8, 18:10, 18:24 **11:8:** Aisaia 1:9-10; Luk 13:34; Hibru 13:12; Akar Mogomem 14:8; 18:10; 18:24 **11:10:** MAA 12:12, 13:8, 16:10 **11:10:** Akar Mogomem 12:12; 13:8; 16:10 **11:11:** Ese 37:5-14, MAA 11:9 **11:11:** Ese 37:5-14; Akar Mogomem 11:9 **11:12:** 2 Kin 2:1, 2:5-7, 2:11, Ais 14:13, Ap 1:9, MAA 12:5 **11:12:** 2 Atriviba 2:1; 2:5-7; 2:11; Aisaia 14:13; Aposel 1:9; Akar Mogomem 12:5 **11:13:** MAA 6:12, 8:5, 14:7, 16:9, 16:18 **11:13:** Akar Mogomem 6:12; 8:5; 14:7; 16:9; 16:18 **11:14:** MAA 8:13, 9:12, 15:1 **11:14:** Akar Mogomem 8:13; 9:12; 15:1 **11:15:** Kis 15:18, Sng 10:16, Ais 27:13, Dan 2:44; 7:14; 7:27; Obadia 1:21; Akar Mogomem 10:7; 12:10; 19:6 **11:15:** Ua Me In 15:18; Onger Akaba 10:16; Aisaia 27:13; Daniel 2:44; 7:14; 7:27; Obadia 1:21; Akar Mogomem 10:7; 12:10; 19:6 **† 11:15:** Grighin akamin, Gumazir God Gumazamiziba Ua Me Iniasa Misevezim, me kamaghin a dibora ghaze, Krais. **11:16:** MAA 4:4, 4:10, 5:8, 19:4 **11:16:** Akar Mogomem 4:4; 4:10; 5:8; 19:4 **11:17:** MAA 1:4, 1:8, 4:8, 15:3, 16:5, 19:6 **11:17:** Akar Mogomem 1:4; 1:8; 4:8; 15:3; 16:5; 19:6

16 Ezi 24plan gumazir dapanir Godin guamin uan atrivir dabirabibagh apiazipa, me teviba apirigha uan guaba nguazim mituagha Godin ziam fe.¹⁷ Egha ghaze:

“Ekiam, ni Godin Gavgaviba Bar Itim.

Ni bar fomira ikia

egha iza datirighin uaghan iti.

Ni uan gavgavir ekiam inigha

egha datirighin atrivimin iti.

Kamaghin amizi, e ni minabi.

18 Kantrin Igharazibar Gumazamiziba bar
puvirum atari,

ezi nin aningagharam otogha gifa.

God gumazamizir ovengeziba tuisighamin
dughiam
otogha gifa.

Kar dughiar nin ingangarir gumazamizir
nin akam inigha izeziba,
me uan iveau aghuim iniamim.

Gumazamizir nin atiatia egha nin ziamin
apengen itiba,
gumazamizir ziaba itiba ko ziaba pu-
vatiziba uakan.

Eghit gumazamizir nguazimin itir gumaza-
mizibagh asighasiziba,
God uaghan me gasighasigham.”

19 24plan gumazir dapaniba mikemegha
givazima, Godin Dipenir an Nguibamin itim
kuiaghizrima, me garima, Akar Dikirizir
Gavgavim itir Boksiam Godin Dipenimin
aven iti. Ezi overiamin onimariiba tagh-
tagha tintinibar zuima, niginir dafam otozi,
arariba dagarvsi, ezi mikimkizim otozi
amozir ofizir ekiar dagiabar min gariba iri.

Satan uan adarazi ko bar ikufi

12

(Sapta 12–20)

Jon gara, amizim ko kuruzir ekiamin
gari

¹ Ezi overiamin pin bizir bar igharaghha
garim oto. Amizir mam, an aruemin
angazangarim korotiamin min aneru, ezi
iakinim an suemninin apengen iti, ezi
dapanir asuar mikavezir 12pla itim, an
dapanimin iti. ² Amizir kam navim asegha
borim batasava amua mizazim isava arai.

³ Ezi overiamin bizir igharaghha garir
igharazim oto, maburan kuruzir aghev
mam, a dapanir 7pla ikia, egha 10plan
komba ikia, egha 7plan atrivimin dapanir
asuuba vaghavagha an dapanibar iti. ⁴

Kuruzir kam overiamin itir mikoveziba
3plan okoruabar da tuira, egha okoruar
mam pamtem uan ipemin dar vigha da
makunizima da iza nguazim gire. Kuruzim
ghaze, amizim borim bateghtima an
anemasa, kamaghin kuruzim amizimin
guamin tughav iti. ⁵ Ezi amizim otarim
bate, otarir God misevezim, ainin aghorir
gavgavim suiraghiva gumazamiziba
mighvira me gativagham. Ezi an otarim me
zuamira a inigha Godin atrivir dabirabim
anefasava a inigha ghuavanabo. ⁶ Ezi
amizir kam ara gumazamiziba puvatizir
danganimin ghu. Danganir kam God a
bagha anekiri, eghiti a kagh 1,260plan
dughiabar iki akurvazim ini ikiam. ⁷

Ezi datirighin maburan midorozim Godin
Nguibamin pin oto. Maikel uan enselba
ko kuruzir kam misosi, ezi kuruzir ekiam
uan enselba ko men midorozim ikarvasi.
⁸ Egha kuruzir kam gavgaviba puvatigha
Godin Nguibamin uan danganim ataki. ⁹
Ezi Maikelin enselba kuruzir ekiam akunizi
a izaghira iri. Kar kuruzir fomira itim, me
Satan a garisi egha uaghan an ziar mam,
“Gumazir Akam Gumazamizibagh asim.”
A gumazir nguazimin itir gumazamizibagh
ifarim, a datirighin uan enselba ko iza
nguazim giri.

¹⁰ Ezi ki Godin Nguibamin tiarir ekiar
mam barazi a kamaghin migei:

“Gumazir Godin guamin tuga dimagariba
ko aruebar en adarazi akam me
gasim,

me anekunizi a nguazimin iraghу.
Kamaghin amizi, datirighin God uan gu-

mazamizibar akurvasi,
ezi an gavgavim bar azenim girizi,
A Bizibagh Ativir Dughiam otogha
gifa!

Ezi an Gumazir God Gumazamiziba Ua Me
Iniasa Misevezim,
uan gavgavim inigha gumazamizibar
akazi,
me an apengen iti!

11:18: Sng 2:1, 2:5, 46:6, 110:5, 115:13, Dan 7:9-10, Ro 2:5, MAA 6:10, 10:7, 13:10, 18:6, 19:5, 20:11-13 **11:18:** Onger
Akaba 2:1; 2:5; 46:6; 110:5; 115:13; Daniel 7:9-10; Rom 2:5; Akar Mogomem 6:10; 10:7; 13:10; 18:6; 19:5; 20:11-13 **11:19:**

Hi 9:4; MAA 8:5, 15:5, 15:8, 16:18, 16:21 **11:19:** Hibrus 9:4; Akar Mogomem 8:5; 15:5; 15:8, 16:18; 16:21 **12:2:** Ais 66:7,

Ga 4:19 **12:2:** Aisaia 66:7; Galesia 4:19 **12:3:** Dan 7:7, MAA 13:1, 17:3, 17:9 **12:3:** Daniel 7:7; Akar Mogomem

13:1; 17:3; 17:9 **12:4:** Dan 8:10, MAA 9:10, 17:18 **12:4:** Daniel 8:10; Akar Mogomem 9:10; 17:8 **12:5:** Sng 2:9,

Ais 7:14, 66:7, MAA 2:27, 19:15 **12:5:** Onger Akaba 2:9; Aisaia 7:14; 66:7; Akar Mogomem 2:27; 19:15 **12:6:** MAA

11:2-3, 12:4 **12:6:** Akar Mogomem 11:2-3; 12:4 **12:7:** Dan 10:13, 10:21, 12:1, Ju 9, MAA 20:2 **12:7:** Daniel 10:13;

10:21; 12:1; Jut 1:9; Akar Mogomem 20:2 **12:9:** Stt 3:1, 3:4, 3:14, Lu 10:18, 22:31, Jo 12:31, MAA 9:1, 20:2-3 **12:9:**

Jenesis 3:1; 3:4; 3:14; Luk 10:18; 22:31; Jon 12:31; Akar Mogomem 9:1; 20:2-3 **12:10:** Jop 9-11, Sek 3:1, MAA 11:15, 19:1

12:10: Jop 1:9-11; Sekaraia 3:1; Akar Mogomem 11:15; 19:1

11 Kraisin adarasi, dughiar gumazamiziba
me misozima me ariaghirim,
dughiar kamin me uan mikarzibagh
nighnizir pu.

Bar puvati.

Me ghaze, pura bizim.

Kamaghin amizi, me Sipsipin Nguzimin
ghuzim ko guizin akar me gun
migeimin,
me Satanin misuegha anebira.

12 Kamagh amizi, ia Godin Nguibam ko an
itir darazi bar,
ia bar akongegh!

Ezi nguazim ko ongarim,
guavzika,

gua bar ikuvigham.

Satan fo, a ikiamin dughiam bar otefe,
kamaghin amizi a guan aningaghi
gua gasighasighasa gua bagha iza-
ghiri.

Kamaghin amizi, guan aven itir darasi,
iavzika.”

13 Ezi kuruzim fo, me anekunizi a
nguazimin iraghу, egha amizir otarim
batezir kamin agira. ¹⁴ God kamaghsua,
amizim azenir 3pla ko akuamin gumaza-
miziba puvatizir danganimin ikiva, egh a
kagh akurvazim iniam. Kamaghin amizi,
a mighogh danganir God a bagha dikirizir
kamin mangsa, God kuarazir anebar
ekiamin avizimning a ganingi. ¹⁵ Kuruzim
kamaghsua, aperiar ekiam amizim inigh
mangigham. Egha kamaghin uan akamin
dipar ekiamin miki, ezi dipar kam aperiar
ekiamin min ivegha amizimin gin zui.

¹⁶ Ezi nguazim amizimin akurvaghа, akam
akarigha dipar kuruzim mighizir kam
tui. ¹⁷ Kamagh amizi, kuruzim puviram
amizim atara ghua an borir igharaziba ko
misoghasa, kar Godin Akar Gavgavibar gin
zuir darazi ko Iesusin akamin gun migeiba.

¹⁸ Egha kuruzim ongarir dadarimin tughav
iti.

13

Asizir atiar pumuning oto

¹ Ezi ki garima asizir atiar mam on-
garimin otogha anadi. A dapanir 7pla iti,

ezi komin 10pla an dapanibar iti. Ezi 10plan
atrivimin dapanir asuaba vaghvagha an
10plan kombar iti. Ezi an dapaniba vagh-
vagha Godin ziamin tiraghtirazir ziaba dar
iti. ² Asizir atiar ki datirighin garir kam,
a kazian atiar ekiar me kamaghin diborim
lepat, an an min gari. Ezi an sueba, asizir
atiar kurar me kamaghin diborim bea, an
an suebar min gari. Ezi an akam laionin
akamin min gari. Ezi asizir atiar kam, ku-
ruzim uan gavgavim ko atrivir dabirabim
ko biziagh ativamin gavgavir ekiam a
ganingi. ³ Nan ganganimin asizir atiar
kamin dapanir mam, me a birazi a duam
atigha atam aremeghai, ezi an duam ua
ikiri. Ezi nguazimin itir gumazamiziba bar
digavir kuram gamigha asizir atiar kamin
gin zui. ⁴ Gumazamiziba fo, kuruzim
uan gavgavim isa asizir atiam ganingi,
kamaghin amizi me kuruzimin ziam fe.
Egha uaghan asizir atiar kamin ziam fa
ghaze, “Gumazitam asizir atiar kamin min
gavgavim itir puvati! Gumazitam a ko
misoghan kogham!”

⁵ God asizir atiamin amamangatizi,
an akam God gasava Godin ziamin
tiraghtirazir gavgavim ikia, ghua 42plan
iakinibar tu. ⁶ Egha uan akamin God
ko Godin ziam ko Godin Nguibam, ko
an Nguibamin itir darazi sara, men
tira. ⁷ Ezi God an amamangatizima,
a Godin gumazamiziba ko midorozim
gamua, egha me abira. God gavgavir
ekiam a ganingi, ezi an anababa bar dar
gumazamiziba, ko mikarzir igharagha
gariba bar, ko vaghvagha nguibabar
akabav geir gumazamiziba, ko kantriba
bar dar gumazamiziba, a me gativaghamin
gavgavim iti. ⁸ Egha nguazimin itir
gumazamiziba asizir atiar kamin ziam
fam. Fomira, nguazir kam tighar otivamin
dughiamin, God gumazamizir ikirimirir
zurara itim iniamin ziaba akinafarimin
aven da osiri. Akinafarir kam, kar
me fomira misoghezi aremezir Sipsipin
Nguzimin akinafarim. Egha gumazamizir
kabara, me asizir atiamin ziam fan kogham.

⁹ “Tina kuarimning iti, an oragh.

- 12:11:** Lu 14:26; Ro 8:33-34, 8:37 **12:11:** Luk 14:26; Rom 8:37; 16:19-20 **12:12:** Ais 44:23, 49:13, MAA 8:13, 10:6,
11:10, 18:20 **12:12:** Aisaia 44:23; 49:13; Akar Mogomem 8:13; 10:6; 11:10; 18:20 **12:14:** Dan 7:25, 12:7, MAA 12:6,
17:3 **12:14:** Daniel 7:25; 12:7; Akar Mogomem 12:6; 17:3 **12:15:** Ais 59:19 **12:15:** Aisaia 59:19 **12:17:** Stt
3:15, 1 Ko 2:1, 1 Jo 5:10, MAA 11:7, 13:7, 14:12, 20:4 **12:17:** Jenesis 3:15; 1 Jon 5:10; Akar Mogomem 11:7; 13:7; 14:12;
20:4 **13:1:** Dan 7:2-3, 7:7, MAA 12:3, 17:3, 17:7-12 **13:1:** Daniel 7:2-3; 7:7; Akar Mogomem 12:3; 17:3; 17:7-12
13:2: Dan 7:4-6, MAA 12:4, 12:9, 16:10 **13:2:** Daniel 7:4-6; Akar Mogomem 12:4; 12:9; 16:10 **13:3:** MAA 13:12-14,
17:8 **13:3:** Akar Mogomem 13:12-14; 17:8 **13:4:** MAA 18:18 **13:4:** Akar Mogomem 18:18 **13:5:** MAA
11:2, 12:6 **13:5:** Akar Mogomem 11:2; 12:6 **13:5:** Daniel 7:8; 7:25; 11:36 **13:6:** MAA 12:12 **13:6:** Akar
Mogomem 12:12 **13:7:** Dan 7:21, MAA 11:7, 11:18, 12:17, 17:15 **13:7:** Daniel 7:21; Akar Mogomem 11:7; 11:18;
12:17; 17:15 **13:8:** Kis 32:32, Sng 69:28, Dan 12:1, Fl 4:3, MAA 3:5, 5:6, 17:8, 20:12-15, 21:27 **13:8:** Ua Me Ini 32:32;
Onger Akaba 69:28; Daniel 12:1; Filipai 4:3; Akar Mogomem 3:5; 5:6; 17:8; 20:12-15; 21:27

¹⁰ Eghti gumazitam kalabusin mangisi, God amamangatighti,
a kalabusin mangi.

Eghti gumazitam midorozir sabamin ovengsi, God an amamangatighti,
a midorozir sabamin ovengam.

Bizir kaba otivtima,
Godin gumazamiziba nighnizir gavim iki
tugh gavgavigh mamaghira iki."

¹¹ Egha ki asizir atiar ighazarir mamin garima, a nguazimin anagav oto. Egha an dapanimin komin pumuning sipsipin nguzimin komin min gari. Egha a kuruzir ekiam migei moghira migei. ¹² Ezi asizir atiar namba 2in kam, asizir atiar faragha izezimin gavgavimin biziba bar dagh ami. Egha nguazim ko an itir gumazamizibagh amima, me asizir atiar faragha zuimin ziam fe. Asizir atiar kam, faragha duam ikia aremeghaha amua egha duam ua ikiri. ¹³ Ezi namba 2in asizir atiar kam, arazarazir ekiar gumazamizibar navibagh inivamin aviribagh ami. Egha an amizir arazir mam kamakin, an avim gamizi a gumazamizibar damazibar overiam ategha izaghira nguazim giri. ¹⁴ Ezi God asizir atiar namba 2in amamangatizi, an arazarazir ekiabagh amizi da asizir atiar faragha zuimin guamin otifi. Ezi an amir arazarazir kabar, a nguazimin itir gumazamizibagh ifara me migia ghaze, "La asizir atiar faragha zuimin marvir guamin ingarigh an ziam fi." Asizir atiar kam, me midorozir sabamin duam a gati, ezi u aam angamira iti. ¹⁵ God asizir atiar namba 2in amamangatizi, an asizir atiar faragha zuimin marvir guar kam gamizi, an angamira ikia biziabav gei. Kamaghin amizi gumazamizitaba, marvir guar kamin ziam fan aghuaghti, a mikemeghti me me misueghti me arimaghiram. ¹⁶ Gumazamizibar, a uaghan uan osizirim men agharir guviba o men guabar arighasa pamten me gakaghori. Me, gumazamizir

kiniba ko gumazamizir ziaba itiba ko, biziba puvatiziba ko, bizir aviriba itiba ko, pura ingangarir gumazamiziba ko gumazitam apengan itir puvatizir gumazamiziba, me bar osizirim ini. ¹⁷ Kamaghin amizi, gumazitam osizir kam ikian kogh, egh uan biziba amang egh uaghan men bizibagh ivezan kogham. Osizir kam, an asizir atiamin ziam, o an ziamin aven itir mogomer namba. ¹⁸ Gumazim Godin fofozim ikiva, deravira bizir kam gifogham. Gumazim fofozir aghuim iki, egh deravira asizir atiamin namba tuisighiva a buriam. Kar gumazir mamin ziamin namba. An namba kara, 666.*

14

Sipsipin Nguzimin gumazamiziba ighiar igiam gami

¹ Ezi ki ua gari, Sipsipin Nguzim Saionin Mighisamin tughay iti. Ezi 144,000in gumazamiziba a ko tuivighav iti. Ezi Sipsipin Nguzimin ziam ko an afeziamin ziamin osizirim men guabar iti. ² Ezi ki orazi, tiarir mam Godin Nguibamin migei, ezi an migirigia mati dipar ekiaba puvira nidi moghin nidi, egha mati arariba dagarvazi moghin dagarvasi, egha mati gumazamiziba uan gitabav sozi moghin, pamten migei. ³ Ezi 144,000in gumazamiziba, me Godin atrivir dabirabim ko 4plan bizar angamira itiba ko gumazir dapaniba, me men guamin tuivighav ikia ighiar igiar mam gami. Me nguazir kamin gumazamizir God ua iveauzeziba, merara ighiar igiar kam gifo. Gumazamizir ighazaritaba ua ighiar igiar kam gifogham kogham. ⁴ Ezi gumazamizir 144,000in kaba amizitaba isa da ko akua egha arazir kurtamat gamigha Godin damazimin mizezir puvati. Me bar zuegha iti. Me Sipsipin Nguzim aruir daroribar gara darara gin zui. God nguazimin gumazamizibar tongin 144,000plan gumazamizir kaba

13:10: Ais 33:1; Jer 15:2; 43:11; Mt 26:52; MAA 14:12

13:11: Akar Mogomem 11:7

13:12: Akar Mogomem 14:12

13:13: Godin Araziba 13:1-3; 1 Atriviba 18:24-39; 2 Atriviba 1:10-12; Matyu 24:24; 2 Te 2:9

13:14: Godin Araziba 13:1; 2 Tesalonika 2:9-10; Akar Mogomem 12:9; 19:20

13:15: Dan 3:4-6; MAA 16: 2, 19:20, 20:4

13:16: Akar Mogomem 14:9; 19:20; 20:4

13:17: Akar Mogomem 14:9-11; 15:2; 16:2; 19:20; 20:4

13:18: Me fomira, Hibrun akam ko Grighin akamın osira, egha nambaba osirir puvati. Me osirir letaba, maba nambabar min iti. Men leta "a," a mati namba 1, ezi leta "b," mati namba 2, egha da dibora kamaghira zui. Eghti gumazitam ziatam osirti, ni ziar kamin letabar gan, egh namban ababanir an ziamin mirara zuiba akguaghti, an ziam otogham. Ezi fofozir gumazir maba namban kam 666, me nighnizir bar aviribar a gami. Egha fofozir gumazir bar avirim ghaze, Jon ti Sisar Neron migei. A Romin atrivir mam, a faragha Kraisin adarazigh asighasiki.

14:1: Ese 9:4; MAA 3:12, 5:6, 7:3-4, 13:16

14:2: Ese 1:24; 43:2; Akar Mogomem 3:12; 5:6; 7:3-4; 13:16

14:3: Onger Akaba 149:1; Aisaia 42:10; Akar Mogomem 5:9; 7:4; 15:3

14:4: 2 Korin 11:2; Efesus 5:27; Jems 1:18; Akar Mogomem 3:4; 5:9

13:10: Aisaia 33:1; Jeremaya 15:2; 43:11; Matyu 26:52; Akar

Mogomem 14:12

13:11: Akar Mogomem 11:7

13:12: Lo 13:1-3, 1 Kin 18:24-39, 2 Kin 1:10-12, Mt 24:24, 2 Te

13:13: Godin Araziba 13:1; 2 Atriviba 1:10-12; Matyu 24:24; 2 Tesalonika 2:9

13:14: Godin Araziba 13:1; 2 Tesalonika 2:9-10; Akar Mogomem 12:9; 19:20

13:15: Daniel 3:4-6; Akar Mogomem 16:2; 19:20; 20:4

13:16: MAA 14:9-11, 15:2, 16:2, 19:20, 20:4

13:17: MAA 15:2, 17:9, 21:17

13:18: Akar Mogomem 15:2; 17:9

14:1: Ese 9:4; MAA 3:12, 5:6, 7:3-4, 13:16

14:2: Ese 1:24; 43:2, MAA 1:15; 5:8, 19:6

14:3: Sng 149:1; Ais 42:10, MAA 5:9, 7:4, 15:3

14:4: 2 Ko 11:2, Ef 5:27, Je 1:18, MAA 3:4, 5:9

ua me givese. Ezi me, God ko Sipsipin Nguzim aning bagha faraghavira inabazir gumazamizibara. Eghti me aningen adarazir min ikiam.*⁵ Men akatoribar ifavaritam otozir puvati. Ezi gumazamizir igharaziba akatam me gasir puvati.

Enselin 3pla akam akuri

⁶ Ezi ki enselin igharazimin garima an overiamin piñ mighegha zui. A nguazimin itir gumazamiziba ko, gumazamizir kantriba bar dar itiba ko, anababa bar ko, nguibabar akaba bar ko, mikarbar igharagha gariba bar, a me bagha zurara itir Akar Aghuim akunasa mighegha zui.⁷ Egha a pamten kamaghin migei, "God gumazamizibar arazibar tuisighamin dughiam bar roghira ize. Kamaghin amizi, ia Godin atiating, egh ziar ekiam a daning. Ia, overiam ko nguazim ko ongarim ko nguazim even ivemarir dipabar ingarizir God, an ziam fi."

⁸ Ezi enselin an girara irir mam iza ghaze, "Babilonin nguibar ekiam bar ikufi! Guizbangira a ikuvigha givazi gumazitam an itir puvati. Babilonin Nguibar Ekiar kamra gumazamizibagh amizi, me a ko arazir uari bakia akur arazir kurar gavgavibagh ami, mati me wainin gavgavim me ganingizi, me aneme."†

⁹ Ezi enselin mikezim aningen gin iza pamten dia ghaze, "Gumazitam asizir atiar kam ko an marvir guam, aningen ziam fi, egh an namba uan guam o agharimin a inighiva,¹⁰ a uaghan wainin igharagha garim amam. Wainin kamnang, a Godin aningagharim. God faragh wainin kam dipatam a gisin a ingeeghti an gavgavitaba givaghan kogham. Bar puvati. An aningagharir arazimin, arazir kuraba ikarvazir kap gingeghtima gumazamizir kaba aneremam. Egh Sipsipin Nguzimin

damazim ko Godin enselbar damazimin, gumazamizir kaba avim ko salfan dagiar avimin mizazir ekiam iniam.¹¹ Ezi avir mizazim me ganidir kam, an migharim piñ ghuavanang mamaghira ikiam. Gumazamizir asizir atiam ko an marvir guamin ziam feba o an namba iniziba, dimagariba ko aruebar avughsan kogham."

¹² Eghti arazir kaba otivtima, Godin gumazamiziba tugh gavgafigh. Me gumazamizir Godin Akar Gavgavibar gin zuiba ko, nighnizir gavgavim Iesusin ikiavira itiba.

¹³ Ezi ki Godin Nguibamin tiarir mam parazima, a kamaghin migei, "Ni akam kamaghin an osirigh. Datinighin ikegh mangi, gumazamizir nighnizir gavgavim Ekiamini ikia egh gin ovengamiba, me bar akongegh." Ezi Godin Duam uaghan ghaze, "Bar guizbangira. Me amir ingangarir osimtzir kam ategh, egh mangi avughs. Egh me pura mangan kogham. Puvati. Arazir aghuir me amiziba men gin mangiti God kotiamin dar ganam. Kamagh amizi, me bar akongegh."

God abuan gumazamiziba tuisighamin dughiamin akar isn zuim

¹⁴ Ezi ki gari, ghuariar ghurghurir mam iti, ezi gumazir mam Gumazamizibar Otarimin min gara ghuariar ghurghurir kam gaperaghav iti. Ezi golin dapanirasuam an dapanimin iti, ezi an dafarimin a sabar ikizirizir bar ghumtizimin suira.^{‡ 15} Ezi enselin igharazir mam Godin Dipenimin ikegha iza, gumazir ghuariar ghurghurim gaperaghav itim, tiarir ekiamin an dia ghaze, "Nguazimin dagheba bar anigha gifa, ezi dagher kaba aghoramin dughiam a datirighin oto. Kamaghin amizi, ni uan sabar ikizirizim inigh, daghebar aghor."¹⁶ Ezi gumazir ghuariar ghurghurim gaperazim, uan sabar ikizirizim nguazimin

* **14:4:** Vezin kam, Grighin akam guizbangira ghaze, me gumazamiziba uari ko akur arazim gamizir puvati. Ezi fofozir gumazir avirim ghaze, a gumazamizir deravira God ifongezir arazibar gin zuimin akar isn zuim migei. Me arazir kurar guar aviribagh amizir puvati. **14:5:** Sng 32:2, Sef 3:13, Ef 5:27 **14:5:** Onger Akaba 32:2; Sefanaia 3:13; Efesus 5:27 **14:6:** Ef 3:9-11, MAA 8:13, 13:7 **14:6:** Efesus 3:9-11; Akar Mogomem 8:13; 13:7 **14:7:** Neh 9:6, Sng 12:48, Ap 17:24; MAA 10:6, 15:4 **14:7:** Nehemia 9:6; Onger Akaba 124:8; Apostol 17:24; Akar Mogomem 10:6; 15:4

14:8: Ais 21:9, Jer 51:8, MAA 17:2, 18:2-3, 18:21, 19:2 **14:8:** Aisaia 21:9; Jeremaia 51:8; Akar Mogomem 17:2; 18:2-3; 18:21; 19:2 † **14:8:** Babilonin nguibar ekiam fomira ikuvigha itima, Jon gin Akar Mogomenin akinafair kam osiri. Kamaghin amizi, fofozir gumazir avirim ghaze, a guizbangira Babilonin migeir puvati. Me ghaze, a Babilon fomira amizir arazir kurabagh nighnisi, egha kantrin gavgavir igharaziba, arazibagh amuava egha Godin apanim gamizibar akar isn zuimin migei. Ezi marazi ghaze, a Romin Kantri migei. (Ni 1 Pita sapta 5:13in gan.) Ezi marazi ghaze, ziar kam Babilon, a gumazamizir Krais ko an adarasi, men apanim gamiba.

14:9: MAA 13:12-17 **14:9:** Akar Mogomem 13:12-17

14:10: Stt 19:24, Sng 11:6, 75:8; Ais 51:17, Jer 25:15, Ese 38:22, MAA 15:7, 16:19, 18:6, 19:20, 20:10, 21:8 **14:10:** Jenesis 19:24; Onger Akaba 11:6; 75:8; Aisaia 51:17; Jeremaia 25:15; Esekiel 38:22; Akar Mogomem 15:7; 16:19; 18:6; 19:20; 20:10; 21:8

14:11: Ais 34:10, MAA 13:12-17, 19:3 **14:11:** Aisaia 34:10; Akar Mogomem 13:12-17; 19:3 **14:12:** MAA 12:17, 13:10 **14:12:** Akar Mogomem 12:17; 13:10 **14:13:** 1 Korin 15:23; 15:58; 1 Tesalonika 4:16; 2 Tesalonika 1:7; Hibru 4:10; Akar Mogomem 20:6

Dan 7:13, MAA 6:2 **14:14:** Esekiel 1:26; Daniel 7:13; Akar Mogomem 6:2 † **14:14:** Ni akar Daniel 7:13in itimin gan. **14:15:** Jer 51:33, Jol 3:13, MAA 14:18, 16:17 **14:15:** Jeremaia 51:33; Joel 3:13; Akar Mogomem 14:18; 16:17

a ighengezi, dagher andizir nguazimin itiba dighoraghiri.

¹⁷ Ezi enselin igharazir mam Godin Nguibamin an dipenimin ikegha azenan izi, egha uaghan sabar ghumtizir mam iti.

¹⁸ Ezi enselin igharazir mam ofa gamir dakozim ategha izi, kar enselin avimin garim. Egha a enselin sabar ghumtizimin suiraghav itimin diagha ghaze, "Wainin oviziba anigha gifa. Kamaghin amizi, ni uan sabar ghumtizim inigh nguazimin wainin oviziba kuar egh danganir vamira dar pozim mikin." ¹⁹ Ezi enselin kam uan sabam inigha nuguazimin a ighengezima, nguazimin wainin oviziba bar kuaraghire. Ezi a da isa dar pozim mikiri, egha da isa dagiar miner bar ekiamin da akuni. Eghiti me da mirmiram. Wainin oviziba mirmiramin miner ekiar kam, a God gumazamizibar aningaghamin arazim aka. ²⁰ Ezi me dagiar miner ekiar kam wainin oviziba nguubar ekiamin azenan da mirmiri. Ezi ghuzim dagiar minemin azenan iza, aperiamin min ghua 300 kilomitan tu. Ezi ghuzimin konim anaga mitan pumuningin boroghin tu. §

15

Enselin 7pla bizir bar kurar 7plan suiki

¹ Ezi ki Godin Nguibamin gari, bizir igharagha garim otifi, ezi ki bar digavir kuram gami. Ki 7plan enselbar gari, me ikia egha 7plan bizir bar kurar gumazamizibagh asighasizibar suiki. Eghiti 7plan bizir kurar kaba givaghti, ua igharaziba otivan kogham, kamaghin amizi, bizir kurar 7plan kabanganin gin, Godin aningagharim bar givagham.

² Ezi ki bizir ekiar mamin gari, a mati ongarir ekiam me glas ko avim sara an ingari. Gumazamiziba faragha asizir atiar kam ko an marvir guam, ko an ziamin namba, me

dav sogha da abini. Egha me datirighin ongarir glasin min garir kamin miriamin tuvighav ikia, egha God me ganingizir gitabar suiki.* ³ Egha me Godin ingangarir gunazim, Moses ko Sipsipin Nguzim, me aningin ighiam gamua kamaghin migei:

"Ekiam God, ni Godin Gavgaviba Bar Itim!
Ni arazarazir igharagha garir ekiabagh
ami,
ezi e dar gara
digavir kurabagh ami!

Gumazamiziba bar ni men atrivim!
Nin araziba, da bar deragha
bar guizbangira!

⁴ Ekiam ni uabira guizbangira God.
Eghiti gumazamiziba bar nin atiating
ziar ekiam ni daning.

Nin arazir aghuiba bar azenim girigha gifa,
kamaghin amizi, kantriba bar dar gu-
mazamiziba bar izi
ni bagh teviba apir
nin ziam fam."

⁵ Bizar kamin gin ki ua gari, Godin Dipenim, a Godin Nguibamin Purirpenim, a kuiaghiri. Kar Godin Akar Dikirizir Gavgavim aven itir Purirpenim.† ⁶ Ezi enselin 7plan kaba, bizir bar kurar 7plan gumazamizibagh asighasighamiba suigha Godin Dipenim ategha azenan izi. Me inir igiari bar zuruzir dafoziba ike. Egha golin letiaba uan evariba kuamigha da ike. ⁷ Ezi 4plan bizir angamira itibar mav, 7plan golin itariba inigha enselin 7pla ganingi. Golin itarir 7plan kabanagh, Godin Zurara Itimin aningagharir arazim dagh izifa. ⁸ Ezi Godin Dipenim, an angazangarim ko an gavgavimin migharim, bar a gizifa. Kamaghin amizi gumazitam dipenimin aven manghan kogham. Me kamaghira iki mangi

14:18: Jol 3:13, MAA 16:8 **14:18:** Joel 3:13; Akar Mogomem 16:8 **14:19:** MAA 19:15 **14:19:** Akar Mogomem 19:15 **14:20:** Ais 63:3, Kra 1:15, Hi 13:12, MAA 11:8, 19:14-15

Akar Mogomem 11:8; 19:14-15 § **14:20:** Fofozir gumazir avirim ghaze, nguubar ekiar kam a Jerusalemlra. Me Grighin akamín namban kam osiri, "1,600 stadia," ezi an dibobonim, en 300 kilometon min ghu. E deravira fofizir pupativi, e dibori moghin 300 kilometon namban kam, a 1,600in dibobonim ko aning magh ghuzi, o bar kizar igharazimin abanabimin dibobonim. **15:1:** Wkp 26:21, MAA 12:1-3, 14:10, 15:6-7, 21:9 **15:1:** Ofa Gami 26:21; Akar Mogomem 12:1-3; 14:10; 15:6-7; 21:9 **15:2:** MAA 4:6, 5:8, 13:15-17, 14:2, 21:18 **15:2:** Akar Mogomem 4:6; 5:8; 13:15-17; 14:2; 21:18

* **15:2:** Saptan kamin migirigiar avirim, da Moses osirizir eghaghaniba ko magh ghue. Moses Isip bagha asighasighasa aningagharim gamizi an oto. Israelia ongarim a bigha Isipba ategha vongin ongarir dadarimin tuvaghavira ikia, egha Moses Israelia ko me ighiar mam gamua egha Ekiamin ziam fe. (Ni Ua Me In 15in gan.) **15:3:** Kis 15:1, Lo 31:30, Sng 92:5, 111:2, 139:14, 145:17, MAA 11:17, 14:3, 16:7 **15:3:** Ua Me In 15:1; Godin Araziba 31:30; Onger Akaba 92:5; 111:2; 139:14; 145:17; Akar Mogomem 11:17; 14:3; 16:7 **15:4:** Sng 86:9, Ais 66:23, Jer 10:7 **15:4:** Onger Akaba 86:9; Aisaia 66:23; Jeremaia 10:7 **15:5:** Kis 38:21 **15:5:** Ua Me In 38:21 † **15:5:** Migirigiar kam a Bar Anogoroghezir Danganimin gun migei. Godin Akar Dikirizir Gavgavim Boksiam, a Bar Anogoroghezir Danganimin aven ikia, egha Godin Purirpenimin aven iti. Ni Ua Me In 40:1-33in gan. **15:6:** MAA 15:1 **15:6:** Akar Mogomem 15:1 **15:7:** 2 Te 1:9, MAA 4:6, 4:9, 10:6, 14:10 **15:7:** 2 Tesalonika 1:9; Akar Mogomem 4:6; 4:9; 10:6; 14:10 **15:8:** Kis 40:34, 1 Kin 8:10-11, 2 Sto 5:13-14, Ais 6:4, Ese 44:4, 2 Te 1:9 **15:8:** Ua Me In 40:34; 1 Atriviba 8:10-11; 2 Eghaghaniba 5:13-14; Aisaia 6:4; Esekiel 44:4; 2 Tesalonika 1:9

7plan enselba, 7plan bizar bar kurar gu-mazamizibagh asighasighamin ingangarim givagham.

16

Enselba Godin aningaghlar 7plan itaribar itiba nguazim ginge

¹ Ezi ki tiarir ekiar mam barazi, a Godin Dipenimin otogha kamaghin 7plan ensel-bav gei, "Ia Godin aningaghlar arazir 7plan itaribar itiba inigh mangi nguazimin da ingi."

² Ezi enselin faragha zuim, uan itarir Godin aningaghlar izivazim inigha ghua nguazimin a inge, ezi duar bar igharagh-a garir kurar gavgaviba, gumazamizir asizir atiamin namba itiba ko an marvir guamin ziam feba, men mikarzibar otifi.

³ Ezi namba 2 ensel uan itarim ongarim gingezi, ongarim gumazir aremezir kuamin ghuzimin min oto. Ezi bizar angamira an itiba, da bar ariaghire.

⁴ Ezi namba 3 ensel uan itarim faneba ko dipar atuubagh inge. Ezi dipar kaba bar moghira ghuzimin min oto. ⁵ Ezi ki orazi, enselin dipabar garim kamaghin migei:

"God, ni datirighin ikia, egha uaghan faragha ike.

Ni Godin Bar Zuezim.

Ni araziba bar derazi

arazir kuratam nin itir puvati.

Ni gumazamizibar arazir kuraba tuisigha da ikarvaghla iveaukur am ganingi, ezi nin arazir kam

a guizin arazim.

⁶ Gumazir kaba nin akam inigha izir gu-mazamiziba ko nin gumazamizibav soghezi

men ghuziba irezi me ariaghire.

Ezi ni ghuzim gumazir kurar kabagh aningizi,

me aneremam.

Ghuzir me apir kam,

16:1: Sng 69:24; Ais 66:6; Jer 10:25; Ese 22:31; Sef 3:8; MAA 14:10, 15:1, 15:7, 16:17 **16:1:** Onger Akaba 69:24; Jeremai-a 10:25; Ese 22:31; Sefanai'a 3:8; Akar Mogomem 14:10; 15:1, 15:7, 16:17 **16:2:** Kis 9:10, Lo 28:35; MAA 8:7, 13:12-17

16:2: Ua Me Ini 9:10; Godin Araziba 28:35; Akar Mogomem 8:7; 13:12-17 **16:3:** Kis 7:17-21; MAA 8:8-9 **16:3:**

Ua Me Ini 7:17-21; Akar Mogomem 8:8-9 **16:4:** Kis 7:17-21; Sng 78:44; MAA 8:10 **16:4:** Ua Me Ini 7:17-21; Onger Akaba 78:44; Akar Mogomem 8:10 **16:5:** Sng 119:137; MAA 1:4, 1:8, 11:17, 15:3 **16:5:** Onger Akaba 119:137;

Akar Mogomem 1:4; 1:8, 11:17; 15:3 **16:6:** Sng 79:3; Ais 49:26; Mt 23:34-35; MAA 11:18, 13:15, 18:20 **16:6:** Onger Akaba 79:3; Aisaia 49:26; Matyu 23:34-35; Akar Mogomem 11:18; 13:15; 18:20 **16:7:** Sng 19:9; MAA 13:10, 15:3, 16:14, 19:2 **16:7:** Onger Akaba 19:9; Akar Mogomem 15:3; 19:2 **16:8:** MAA 8:12, 14:18 **16:8:** Akar Mogomem 8:12; 14:18 **16:9:** Dan 5:22-23; MAA 9:20-21, 11:13, 14:7, 16:21 **16:9:** Daniel 5:22-23; Akar Mogomem 9:20-21;

11:13; 16:21 **16:10-11:** Ua Me Ini 10:21-22; Aisaia 8:22; Akar Mogomem 9:2; 9:20-21; 11:10; 13:2; 16:21 **16:12:**

Ais 11:15; 11:15; 41:25; Jer 50:38; MAA 9:14 **16:12:** Aisaia 11:15; 41:2; 41:25; Jeremai'a 50:38; Akar Mogomem 9:14

16:13: 1 Jo 4:1-3; MAA 12:3, 12:9, 19:20, 20:10 **16:13:** 1 Jon 4:1-3; Akar Mogomem 12:3; 12:9; 19:20; 20:10 **16:13:**

Akar ifavariba akurir gumazim, an asizir atiar namba 2in ababanim. Faragha itir asizir atiamin akar ifavariba akurir gumazim. A gumazamizibav geima, me asizir atiar faragh itimin marvir guamin ziam fe. Ni Akar Mogomem 13:11-16in gan.

16:14: 2 Te 2:9, 1 Ti 4:1, Je 3:15; MAA 16:7, 17:14, 19:6, 19:15, 19:19-20 **16:14:** 2 Tesalonika 2:9; 1 Timoti 4:1;

Jems 3:15; Akar Mogomem 17:14; 19:15; 19:19-20

men arazir kurar me amiziba ikar-vagham."

⁷ Ezi ki orazi tiarir mam Godin ofa gamir dakozimin aven otogha pamten di-agha ghaze:

"Ekiam, ni Godin Gavgaviba Bar Itim. Ni kotin gumazamizibar araziba bar guizbangira da tuisisi, ezi nin kotiam a bar guizbangira ghua egha bar dera."

⁸ Ezi namba 4 ensel uan itarim aruem ginge, ezi God aruem amamangatizi an avim pamten isia puvira gumazamizibar isi.

⁹ Aruem avir gavgavir kam bar puvira isia, egha puvira gumazamizir kabar mikarzibar isi. Ezi me bar puvira Godin ziam gasighasigha a migei, kar bizar kurar kabar garir Godin gavgavim itim. Egha me uan navibagh iragha an ziam fer puvati.

¹⁰⁻¹¹ Ezi enselin namba 5 uan itarim asizir atiamin atrivir dabirabim ginge. Ezi mitatem gumazamizir an gavgavimin apengen itiba avara. Ezi me uan duaba ko mizazir men mikarzibar otiviba bagha nighnigha, Godin uan Nguibamin itimin ziam gasighasigha migei. Ezi mizazir me isim a bar men ikufi, kamaghin amizi me uan mizebagh ivi. Egha me uan arazir kurar me amiba bagha uan navibagh irazir puvati.

¹² Ezi enselin namba 6 uan itarim Yufretisin Faner ekiam ginge. Ezi an dipam bar moghira dake, egha aruem anadi naghlin atrivir izamiba bagha tuavim ati. ¹³ Ezi ki gari, duar kurar 3plan mitivibar min gariba, da asizir atiam ko, kuruzir ekiam ko akar ifavariba akurir gumazim, da vaghvaghya men akatoribar otifi.* ¹⁴ Duar bar kurar kaba arazarazir igharaghha garibagh ami da otiva, nguazimin itir kantriba bar dar

16:2: Kis 9:10; Lo 28:35; MAA 8:7, 13:12-17

16:3: Kis 7:17-21, MAA 8:8-9

16:4: Ua Me Ini 7:17-21; Onger

Akaba 119:137; Akar Mogomem 8:10

16:5: Onger Akaba 119:137;

Akar Mogomem 1:4; 1:8, 11:17; 15:3

16:6: Onger Akaba 79:3; Aisaia 49:26; Matyu 23:34-35; MAA 11:18, 13:15, 18:20

16:7: Sng 19:9; MAA 13:10, 15:3, 16:14, 19:2

16:8: Akar Mogomem 15:3; 19:2

16:9: Daniel 5:22-23; Akar Mogomem 9:20-21;

11:10; 13:2; 16:21

16:10: Aisaia 11:15; 41:2; 41:25; Jeremai'a 50:38; Akar Mogomem 9:14

16:11: 1 Jon 4:1-3; Akar Mogomem 12:3; 12:9; 19:20; 20:10

16:12: 1 Jo 4:1-3; Akar Mogomem 12:3; 12:9; 19:20; 20:10

16:13: 1 Jon 4:1-3; Akar Mogomem 12:3; 12:9; 19:20; 20:10

16:14: 2 Te 2:9, 1 Ti 4:1, Je 3:15; MAA 16:7, 17:14, 19:6, 19:15, 19:19-20

16:14: 2 Tesalonika 2:9; 1 Timoti 4:1;

Jems 3:15; Akar Mogomem 17:14; 19:15; 19:19-20

atriviba bagha, tintinibar zui. Me atrivibar amuti me uan midorozir gumaziba inighizi me akuvasa. Eighti Godin Gavgaviba Bar Itim gumazamiziba tuisighamin dughiar ekiamin, me midorozim damuam.

15 “Ia orakigh! Ki, okimakiar gumazimin min izam, a izir dughiam ia a gifozir puvatizi moghin, ki zuamira otogham. Kamagh amizi, gumazim akuir puvatigha, uan korotiaba uabin boroghin da arisi, a bibiamra daruan kogham, eighti gumazamiziba an ganti, an aghumsighan kogham. Kamaghin amizi, gumazir kam bar akongeht.”[†]

16 Ezi duar kuraba atriviba inigha iza danganir kamin me akufa, me Hibrun akamin kamaghin danganir kam dibori, Ar-magedon.[‡]

17 Ezi namba 7 ensel uan itarim overiamin a inge. Ezi Godin Dipenimin aven tiar ekiar mam Godin atrivir dabirabimin otogha kamaghin pamten migei, “Biziba bar gifa.”¹⁸ Ezi overiamin onimariiba tagtagha zuima, niginir dafam overiamin otozi, arariba dagarvasi, ezi mikimkizir ekiam oto. Kar mikimkizir bar ekiam, fomira gumazamiziba otozir dughiamin iza datirighin tu, mikimkizir ekiar kamagh garitam fomira otozir puvati.¹⁹ Ezi Babilonin nguubar ekiam biaghiregha 3plan okorabar otifi, ezi gumazamizibar nguibaba bar moghira ikufi. God Babilonin nguubar ekiamin arazir kuram ginighnigha, egha a gamizi a uan wainin kap bar aneme, kar Godin aningaghlar arazimin wainin kap.²⁰ Ezi arighthiziba bar arav ghue, ezi mighsiatam ua itir puvati.²¹ Amozir ofizir ekiaba dagiabar min izaghiri. Ezi amozir ofizir dagiabar kaba vaghvagha, dar

osimtiziba 50 kilogremmin iti. Amozir dagiар kaba overiamin izaghira gumazamizibagh isin ira bar me gasighasisi. Ezi bizir kurar kam bagha me Godin ziam gasighasiga migei.

17

Arazir kurabagh amir amizim iveauzir kuram isi

1 Ezi 7plan enselin itarir 7plan suighizir kabanangin mav iza kamaghin na migei, “Ni kagh izi. Eighti ki anuzir iveauzir kuram iniamim, nin akaghassa. Amizir kam, arazir kurabagh amir amizim, a dipar ekiar aviribagh isin apiav itir amizim.² Nguazimin atriviba arazir mizirizir bar kurar aviriba amizir kam ko dagh ami. Ezi nguazimin gumazamiziba uaghan a ko arazir bar mizirizibagh amua, mati gumazim wainin avirim amezi moghin ongani.”*

3 Ezi Godin Duam pamtem nan ingarima, ki irebamin min bizimin gari, ensel na inigha gumazamiziba puvatizir danganimin ghu. Ezi danganir kamin ki amizir mamin garima an asizir atiar aghevir mam gisin aperaghav iti. Asizir atiar kamin mikarzim osizirir aviriba an iti, ezi osizirir kabanagh Godin ziam gasighasisi. Asizir atiar kam 7plan dapaniba iti, ezi 10plan komba an dapanibar iti.⁴ Amizir kam korotiar aghuibaram aghui, dar ganganim aghevim ko pighaghevim. Ezi golin digirir bar aghuiba ko, me dagiар aghuibar ingarigir digiriba ko, mannanjar ghurghurir dagiaba pin koziba, amizir kamin mikarzim gizifa. Egha a uan dafarimin golin kavin mam suirazi, kavin kamin aven bar kurigha mughazir araziba ko, gumazamiziba tintinibar uari bakia

16:15: Mt 24:43-44; Lu 12:39-40, 2 Ko 5:3, 1 Te 5:2, 2 Pi 3:10, MAA 3:3, 3:18 **16:15:** Maty 24:43-44; Luk 12:39-40;

2 Korin 5:3; 1 Tesalonika 5:2; 2 Pita 3:10; Akar Mogomem 3:3; 3:18 [†] **16:15:** Ves 15in kam, kar Krais Jesus ubi mikemezin akam. **16:16:** Het 5:19, Sek 12:11, MAA 19:19 **16:16:** Gumazir Dapaniba 5:19; Sekaraia 12:11;

Akar Mogomem 19:19 [‡] **16:16:** Ziar kam Armagedon kamakin, “Megidon Mighsiam.” Fomira apaniba Israelia ko uariv sogha egha Atrivim Josaia misoghezi an areme. Me Megidon nguubar ekiamin boroghira itima bizir kam oto. (Ni 2 Atriviba 23:29-30 ko 2 Eghaghaniba 35:20-24in gan.) Kamaghin amizi, fofozir gumazir maba ghaze, ziar kam Megido bighavira migeir puvati. Me ghaze, an akar isin zuimin midorozir gumaziba mangamin danganim migei. Egh me mangi bar ikuvigh egh bar ovengam. **16:17:** MAA 16:1 **16:17:** Akar Mogomem 16:1 **16:18:** Dan 12:1, MAA 4:5, 8:5, 11:13, 11:19 **16:18:** Daniel 12:1; Akar Mogomem 4:5; 8:5; 11:13; 11:19 **16:19:** Aisaia 51:17; Jeremaia 25:15-16; Akar Mogomem 14:8-10; 17:18; 18:5 **16:20:** MAA 6:14

16:20: Akar Mogomem 6:14 **16:21:** Kis 9:23-24, MAA 11:19, 16:9-11 **16:21:** Ua Me Ini 9:23-24; Akar Mogomem 11:19; 16:9-11 **17:1:** Jer 51:12-13, MAA 16:19, 17:15, 18:16, 21:9 **17:1:** Jeremaia 51:12-13; Akar Mogomem 16:19; 17:15; 18:16; 21:9 **17:2:** Ais 23:17, Jer 51:7, MAA 14:8, 18:3 **17:2:** Aisaia 23:17; Jeremaia 51:7; Akar Mogomem 14:8; 18:3

* **17:2:** Gumazamiziba arazir bar mizirizibagh amir arazir kamin akam, a gumazamizir God ataghizir arazimin ababanim, egha aseba ko arazir kurar igharazibar gin zui. Egha Godin damazimin, a mati gumazim ubi uan amuim ategha, ghua gumazamiziba uari isava akua amir arazim gami. **17:3:** MAA 12:3, 12:6, 12:14, 13:1, 17:9, 17:12

17:3: Akar Mogomem 12:3; 12:6; 12:14; 13:1; 17:9; 17:12 **17:4:** Jer 51:7, Ese 28:13-16, Dan 11:38, MAA 14:8, 18:6, 18:12, 18:16 **17:4:** Jeremai 51:7; Ese 28:13-16; Daniel 11:38; Akar Mogomem 14:8; 18:6; 18:12; 18:16 **17:5:** 2 Te 2:7, MAA 14:8, 16:19, 18:2, 18:9-10, 19:2 **17:5:** 2 Tesalonika 2:7; Akar Mogomem 14:8; 16:19; 18:2; 18:9-10; 19:2

amir arazir bar mizirizir kuraba, a gizifa. ⁵
Ezi amizir kamin guam, me ziar mam osiri,
ziar kamin mingarim modoghav iti. Ezi an
mingarim kamakin:

“Babilonin nguubar ekiar gavgavim itim,
ni, nguazimin itir arazir bar kuraba ko
amizir gumaziba okia me ko akua
arazir mizirizibagh amiba,
ni men amebam.”

⁶ Ezi ki gari, amizir kam Godin gumazamizibar ghuziba amegha dipar oonganiba amezi moghin ongani. Gumazamizir kaba, me nighnizir gavgavim Iesusin ikia an akam akuri, ezi me me misoghezi me ariaghire.

Ki amizir kamin ganigha digavir kuram gamigha pura nighnisi. ⁷ Ezi ensel kamaghin na migei, “Ni tizim bagha digavir kuram gami? Amizir kam ko asizir atiar anetera zuim, a 7plan dapaniba ko 10plan komba iti, aningin akar mogomemin mingarim, ki nin akaghram. ⁸ Asizir atiar ni faragha ganizir kam, a faragha ike, egha datirighin ua itir puvati. Egh a mozir bar konezim ategh azenan iziti, God a gasighasigham. God tighar nguazimin ingaramin dughiam, a gumazamizir mabar ziaba akinafarir zurara itimin aven da osirizir puvati. Gumazamizir kaba asizir atiar kamin ganigh digavir kuram damuam. Me fo, a fomira ike, egha datirighin itir puvati, egh a gin uamategh otivam.

⁹ “Gumazim Godin fofozir aghuim ikiya, egh bizir kam deragh a gifogham. 7plan dapanir kaba, kar mighsiar 7pla, ezi amizim 7plan mighsabagh isin aperaghav iti. ¹⁰ Egha da uaghan 7plan atrivibar ababanim gami. 5pla ariaghiregha gifa, ezi vamira atrivimin ikiavira iti, ezi igharazir abuananam tighar otivam; an otoghiva bar dughiar otevimpak. ¹¹ Asizir atiar kam, a fomira ike, egha datirighin itir puvati, a namba 8 atrivimin ababanim. Egha a 7plan atrivibar mav, God a gasighasichti a bar givagham.

¹² “Ezi 10plan komin ni ganiziba da 10plan atrivibar ababaniba. Me tighar atrivibar otivam. Me bizibagh ativamin gavgavim inigh, asizir atiar kam ko dughiar

bar otevimirama atrivibar ikegham. ¹³ Atrivir kaba nighnizir vamira ikiam, egh uan gavgaviba ko ziar ekiaba isi asizir atiamra daningam. ¹⁴ Egh me Sipsipin Nguzim ko misogham, egheti Sipsipin Nguzim me gasighasigh me abiraghram. Gumazamizir Sipsipin Nguzim ko itiba, God me amisevegha, men diazima me guizin akamin gin ghua tuivigha gavgavigha midorozir kam gami. Sipsipin Nguzim, a guizbangira Gumazamizir Ekiabar Gumazir Ekiam ko Atrivibar Atrivir Ekiam. Kamaghin amizi, a me abiraghram.”

¹⁵ Ezi ensel kamaghin na migei, “Dipar ni ganizir kabanang, amizir arazir kurabagh amim dagh isin aperaghav iti, dar mingarimra kara: da mikarzir igharaghha gariba ko, dakoziba bar dar gumazamiziba ko, kantriba bar dar gumazamiziba ko, vaghvaghya akabav geir gumazamiziba. ¹⁶ Asizir atiam ko 10plan komin ni ganizir kabanang, arazir kurabagh amir amizimin apanim damuam. Me an biziba bar da inigh, egh an korotiaba bar da suegh, an mikarzimin tuziba bar dar amegh, egh avimin a daboroghtima a bar moghira isigham. ¹⁷ God ubi me ganingizir nighnizir kam, a me damutti biziba otivam. Kamaghin amizi me nighnizir vamira iki, egh atrivimin ikiamin gavgaviba bar da isi asizir atiam daningam. Me kamaghin damu mangiti Godin akam mikemezir biziba, da guizin otivamin dughiam otogham. ¹⁸ Ezi amizir ni ganizim, a nguazir kamin atriviba bar dar garir nguubar ekiam ababanim.”

18

Babilon bar moghira ikufi

¹ Bizir kamin gin ki enselin igharazimin garima a Godin Nguibam ategha izaghiri. A bar gavgavir ekiam iti, ezi an angazangarir gavgavim nguazim bar a gisira. ² A pamten diagha kamaghin migei:

“Babilonin nguubar ekiam ikuvigha gifa!
A bar ikufi!

Ezi datirighin duar kuraba ko adariar mizirizir kuraba ko kuarazir miziriziba ko kuarazir kuraba,

- 17:6:** MAA 12:11, 13:15, 16:6, 18:24, 19:2 **17:6:** Akar Mogomem 12:11; 13:15; 16:6; 18:24; 19:2 **17:7:** MAA 13:1
17:7: Akar Mogomem 13:1 **17:8:** Sng 69:28, Dan 7:7, 12:1, MAA 11:7, 13:1-3, 13:8-10 **17:8:** Onger Akaba 69:28;
 Daniel 7:7; 12:1; Akar Mogomem 11:7; 13:1-3; 13:8-10 **17:9:** MAA 13:1, 13:18 **17:9:** Akar Mogomem 13:1; 13:18
[†] **17:9:** Gumaziba Romin nguubar ekiam, 7plan mighsabagh isin an ingari. **17:12:** Dan 7:24, Sek 1:18-21, MAA 13:1
17:12: Daniel 7:24; Sekaraia 1:18-21; Akar Mogomem 13:1
 Jeremaia 50:44-45; 1 Timoti 6:15; Akar Mogomem 16:14; 19:19 **17:14:** Jer 50:44-45, 1 Ti 6:15, MAA 16:14, 19:19 **17:14:**
 8:7; Jeremaia 47:2; Akar Mogomem 13:7 **17:16:** Jer 50:41-42, Ese 16:37, MAA 18:8, 18:16 **17:16:** Jeremaia 50:41-42;
 Esekiel 16:37; Akar Mogomem 18:8; 18:16 **17:17:** 2 Te 2:11, MAA 10:7 **17:17:** 2 Tesalonika 2:11; Akar Mogomem
 10:7 **17:18:** MAA 12:4, 16:19 **17:18:** Akar Mogomem 12:4; 16:19 **18:1:** Ese 43:2, MAA 17:1 **18:1:** Esekiel
 43:2; Akar Mogomem 17:1 **18:2:** Ais 13:21, 14:23, 21:9, 34:11, Jer 50:39, 51:8, MAA 14:8 **18:2:** Aisaia 13:21; 14:23;
 21:9; 34:11; Jeremaia 50:39; 51:8; Akar Mogomem 14:8

darara an iti.

3 Nguazimin nguibaba bar,
me an wainin kap uari bakia akuava
amir arazir kuraba izivazim ame.

Ezi nguazimin atriviba
a ko arazir mizirizir bar kurabagh ami.
Ezi biziba amaga dagh iveauzir gumaziba,
me an afiar arazir bar ikuvtizibar
amodoghin dagiar aviriba uari bagha
da isi.

Kamaghin amizi, amizir kam bar ikufi.”

4 Ezi ki Godin Nguibamin otivir tiarir
igharazir mam barazi, a kamaghin migei:

“Ia nan gumazamiziba, ia nguibar kam
ategh azenan izi.
Egh an amir arazir kuraba uaghan dar
amuun marki.

God an arazir kurabar ikarvaghamin
dughiam,
ia uaghan an aven ikian marki!

5 A uabi uan arazir kurabar pozim mikirav
iti,
da ghuavanaga Godin Nguibamin oto.
Ezi God an amizir arazir kurabagh
nighnighavira iti.

6 Ia amizir kam gumazamizibagh amizir
arazir kuraba bagh
ivezir magh garimra a ikaragh.

An arazir kuraba, da bar aviraseme,
kamaghira ia an arazir kurabar iveauzim
isafuraghiva
bar a daningigh.

A dipar organir gavgavimin kap isa
gumazamiziba bagha a inge,
kamaghira ia dipar gavgavir on-
ganim uam a isafuragh
a bagh kap gingegh a daningigh.

7 A uabira kamagh uabin migia ghaze,
‘Ki atrivir amizim,
egha atrivir dabirabim gaper-
aghav iti.

Ki amizir odiarimin min itir puvati,
eghti osimtziba na bativan koghti,
ki azian kogham!”

A uabi uan ziar gavgavim fa
egha arazir mizirizir aviribagh amua,
egha arazir kurar igharaziba
saram ami.

18:3: Ais 23:17; 47:15; Jer 51:7; MAA 14:8; 17:2; 18:11; 18:15
14:8; 17:2; 18:11; 18:15 **18:4:** Ais 48:20; Jer 50:8; 51:6; 51:45; 2 Korin 6:17 **18:5:** Stt 18:20-21; Jer 51:9; MAA 16:19
51:45; 2 Korin 6:17 **18:6:** Sng 137:8; Jer 50:15; 50:29; 51:24; 51:49; 2 Te 1:6; MAA 14:10; 16:19
50:15; 50:29; 51:24; 51:49; 2 Tesalonika 1:6; Akar Mogomem 14:10; 16:19 **18:7:** Aisa 47:7-9 **18:8:** Jer 50:34; MAA
11:17; 17:16; 18:10 **18:8:** Jeremaja 50:34; Akar Mogomem 11:17; 17:16; 18:10 **18:9:** Jer 50:46; Ese 27:30-35; MAA
17:2; 18:3; 18:18; 19:3 **18:9:** Jeremaja 50:46; Ese 27:30-35; Akar Mogomem 17:2; 18:3; 18:18; 19:3 **18:9:** Ese 26:16-17
18:10: Ais 21:9; Dan 4:30; MAA 14:8; 18:17-19 **18:10:** Aisa 21:9; Daniel 4:30; Akar Mogomem 14:8;
18:17-19 **18:11:** Ese 27:31; 27:36 **18:11:** Ese 27:31; 27:36 **18:12:** MAA 17:4 **18:12:** Akar Mogomem
17:4 **18:12:** Ese 27:12-13; 27:22

Kamaghin amizi, ia mizazir kurar ekiam ko
osimtzir bar ekiam a daningigh,
mangi an amir arazibar ikegh mangi
tuzi naghiram, a daning.

8 Amizir kam Babilon, uan ziar gavgavim
fe,
kamaghin amizi, dughiar bar otevir
vamiran,
bizar bar kuraba bar a bativam.
Bizir kaba, arimariar ekiaba ko osimtzir
ekiaba a bativti
an azitima,
mitiriar ekiaba an agham.

Eghti avim an isigham.
Ekiam God an araziba tuisigha givagha
ghaze,
‘A ikuvigham.’

Godin kam gavgavir ekiam iti.
Kamagh amizi, bizir kurar aviriba
dughiar vamira bar moghiram a
bativam.”

9 “Nguazimin atriviba a ko arazir
mizirizibagh amua, egha uaghan a ko
arazir kurar igharaghga garibagh ami. Egh
atrivir kabanagh an ganti avir migharim an
otoghtima, me a bagh naviba osemegh egh
a bagh aziam.¹⁰ Egh me mizazir ekiar a isir
kamin ganigh, atiatigh saghon tuivigh iki,
kamaghin mikimam:

“Noka, Babilonin nguibar ekiam.
Noka!

Ni nguibar ekiar gavgavim itim!
Nin arazir kurabar iveauzir kuram dughiar
otevimra
ni bagha ize.”

11 “Eghti biziba amaga dagh iveauzir gu-
mazamizir nguazimin itiba, me Babilon
ginighnigh a bagh aziva, naviba bar os-
emegham. Me gari, gumazamizir men
dagiaiba bagh amadir bizibagh iveauzibba
ua itir puvati, kamaghin me oseme.¹²
Me dagiaiba bagh amadir bizibar kara,
gol ko silva ko, dagiar aghuiba ko man-
maniар iveauziba bar pin koziba; ko inir
ghurghurir aghuiba ko inir pighaghevir
aghuiba ko inir slika ko inir agheviba, ko
men temer mughuriar aghuir igharaghga

18:3: Aisa 23:17; 47:15; Jeremaja 51:7; Akar Mogomem
14:8; 17:2; 18:11; 18:15 **18:4:** Aisa 48:20; Jeremaja 50:8; 51:6;
51:45; 2 Korin 6:17 **18:5:** Jenesis 18:20-21; Jeremaja 51:9; Akar Mogomem

16:19 **18:6:** Sng 137:8; Jer 50:15; 50:29; 51:24; 51:49; 2 Te 1:6; MAA 14:10; 16:19 **18:6:** Onger Akaba 137:8; Jeremaja

50:15; 50:29; 51:24; 51:49; 2 Tesalonika 1:6; Akar Mogomem 14:10; 16:19 **18:7:** Aisa 47:7-9 **18:8:** Jer 50:34; MAA

11:17; 17:16; 18:10 **18:8:** Jeremaja 50:34; Akar Mogomem 11:17; 17:16; 18:10 **18:9:** Jer 50:46; Ese 27:30-35; MAA

17:2; 18:3; 18:18; 19:3 **18:9:** Jeremaja 50:46; Ese 27:30-35; Akar Mogomem 17:2; 18:3; 18:18; 19:3 **18:9:** Ese 26:16-17
18:10: Ais 21:9; Dan 4:30; MAA 14:8; 18:17-19 **18:10:** Aisa 21:9; Daniel 4:30; Akar Mogomem 14:8;

18:17-19 **18:11:** Ese 27:31; 27:36 **18:11:** Ese 27:31; 27:36 **18:12:** MAA 17:4 **18:12:** Akar Mogomem

17:4 **18:12:** Ese 27:12-13; 27:22

gariba ko bizir me elefanin ataribar ingariziba ko, bizir me temer iveauziba bar pin itibar ingariziba ko, bras ko ain ko, dagiar aghuir digiriba itiba.¹³ Bizir me amaga dagiaba isir igharaziba uaghan iti, adar kara, sinamon ko, apir iriziba ko, pauran mughurair aghuim gamim ko, grisin igharaghha garir mughurair aghuiba zuiba ko, sandan aghuim ko, wain ko, wel ko, plauan aghuim ko witba; men bulmakauba ko, sipsipba ko hoziaba ko dar karisba ko, pura ingangarir gumazamizir kiniba, me dagiaba bagha men ikirimiriba amadi. Bizir kaba bar, gumazamizir dagh iveauziba putvati.

¹⁴ “Gumazamizir biziba amaga dagh iveauzir kaba kamaghin a mikimam, ‘Bizir aghuir ni iniasha navim dikavim, datirighin da bar nin saghuimin ikiam. Bizir bar aghuir avirir iveauziba bar pin koziba ko ni asingizir bizir ganganir aghuiba, da bar ovengeghti ni ua dar ganan kogham!’¹⁵ Eghti gumazamizir nguabar ekiar kamin uan bizir kaba amaga dagiar aviriba isiba, tuivigh a isir mizazir ekiar kamin ganam. Egh bar atiatigh azi, naviba bar osemegh sahon tuivigh, egh kamagh mikimam:

¹⁶ “Noka, Babilonin nguabar ekiam. Noka!

A fomira korotiar ghurghurir aghuiba ko inir pighagheviba ko inir aghevir aghuiba aghua,
egha uan mikarzim golba ko dagiar aghuiba ko manmaniar bar pin kozibar anedi!

¹⁷ Ezi dagiaba ko dirir aghuir an itir kaba dughiar bar otevimira bar ikufi!”

“Eghti kuribar keptenba ko, gumazir kuribagh arua nguabar igharazibagh aruiba ko, kuribar ingangarir gumaziba ko gumazir ongarimin dagiar ingangaribagh amiba, me bar moghira uaghan Babilonin sahon tuivigh ikiam.¹⁸ Eghti Babilon isiti an migharim otivtima me an gan, kamaghin dim mikimam, ‘Nguabar datirighin itir manamra, nguabar ekiar kamin min gari? Bar puvati?’¹⁹ Egh me uan osimtizim akaghaha nguazir minemniaba inigh uan dapanibagh isin da kun, naviba bar osemegh egh aziva, kamaghin dim mikimam:

18:15: Ese 27:31, 27:36

18:15: Esekiel 27:31; 27:36

18:16: MAA 17:4

18:17: Akar Mogomem 17:4

Ais 23:14, Ese 27:26-30

18:17: Aisaia 23:14; Esekiel 27:26-30

18:18: Ese 27:32, MAA 13:4

18:18: Esekiel 27:30-34

27:32; Akar Mogomem 13:4

18:19: 1 Sml 4:12, Ese 27:30-34

18:19: 1 Samuel 4:12; Esekiel 27:30-34

18:20: 1 Samuel 4:12; Esekiel 27:30-34

Lo 32:43, Ais 44:23, Jer 51:48

18:20: Godin Araziba 32:43; Aisaia 51:48

18:21: Jeremaija 51:63-64; Esekiel 26:21, MAA 12:8, 16:20

18:21: Jer 51:63-64, Ese 26:21; Akar Mogomem 12:8; 16:20

25:10, Ese 26:13

18:22: Aisaia 24:8; Jeremaija 25:10; Esekiel 26:13

18:22: Jeremaija 7:34; 25:10

18:22: Ais 24:8; Jeremaija 16:9; 33:11; Nahum 3:4; Akar

Mogomem 17:2; 17:5

18:23: Aisaia 23:8; 47:9; Jeremaija 16:9; 33:11

Nahum 3:4; Akar

Mogomem 17:2; 17:5

“Noka, Babilonin nguabar ekiam. Noka!

Ongarim garuir kuribar afeziaba, me nguabar ekiar kamin dagiabar, dagiar gumazir ekiabar otifi.

Mevzika!

A dughiar otevimirama bar ikufi!

²⁰ Ia Godin Nguibamin itir darasi, ia bar akongegh!

Eghti ia Godin gumazamizir ko aposelba ko Godin akam inigha izir gumazamizir, ia bar akongegh!

Arazir kurar nguabar kam ia gamizim baghava,

God a tuisigha givagha, uam an arazir kuram ikarvashi.

Kamaghin amizi, ia datirighin nguabar kam batozir bizim bagh bar akongegh.”

²¹ Ezi migirigiar kaba givazima, enselin gavgavir mam wit mirmirir dagiamin min garir dagiar ekiam ini. Egha dagiar kam fegha a isa ongarimin anekunigha kamaghin migei:

“Kamaghira, me Babilonin nguabar ekiam inigh zuamira pamtem anekunighti a bar magirigh bar ikuvighti, me uam an ganan kogham.

²² O Babilon! Gitan arareba ko marvibar arareba ko, sighaba ko, ararer aghuir ighazarir maba ua nin aven otivan kogham.

Eghti fofozir gumazamizir ingangarir guar igharaghha garibagh amiba, me ua nin ikian kogham!

Eghti dagiar witba mirmirimin ararem ua nin aven otivan kogham!

²³ Eghti lamia angazangariba ua nin aven isian kogham.

Eghti gumazamizir uarir ikiasa migeir migirigia, da ua nin aven otivan kogham.

Nin gumazamizir fomira dagiaba bagha biziba amadiba, gumazamizir igharazibar damatuzibar gumazamizir bar ekiabar otifis.

Ezi ni kantrin igharaziba bar dar gumazamizibagh ifara

imezir igharaghā garir aviribar ingari.
 24 God nguībar kamin gari,
 me an aven Godin akam inigha izir gu-
 mazamiziba ko an gumazamizibav
 sozi
 me ariaghire,
 ezi a men ovevebar osimtizim
 ateri.
 Ezi nguazimin gumazamiziba,
 men apaniba me misoghezi me
 ariaghire,
 osimtizir kaba bar, Babilonrama a
 da ateri.
 Kamaghin amizi, God an osimtizir kaba
 ikarvaghā
 a gasighasisi."

19

*Babilon bar ikuvizima, Godin gumaza-
 miziba bar akonge*

1 Ezi bizar kabar gin ki orazi, niginir
 dafam, gumazamizir bar avirim min
 Godin Nguibamin kamaghin dia migei:

“E Godin ziam feka!
 En God, gavgavim ko ziam iti,
 a uabira en Akurvazir Gumazim!*

2 God gumazamizibar araziba tuisizir
 arazim,
 a guizbangira ghua bar dera!
 Amizir gumaziba okia me ko akuim,
 a nguazimin gumazamizibagh amizi,
 me a koma arazir mizrizibagh ami,
 ezi God a issa kota gatigha ghaze,
 an aremegham.

Amizir kam Godin ingangarir gumazamiz-
 ibav soghezi
 me ariaghire,
 ezi God an osimtizir kam ikarvaghā
 osimtizir ekiam a ganingi.”

3 Ezi me ua kamaghin dia ghaze:

“E Godin ziam feka!
 Nguibar ekiar kamin isir avimin
 migharim ghuavanang

18:24: Jer 51:49, Mt 23:35, MAA 17:6 **18:24:** Jeremaia 51:49; Matyu 23:35; Akar Mogomem 17:6 * **19:1:** Jon
 akiñafarik kam Grighin akam an osiri. Egha ves 19:1in migirigir aotevir mam ko ves 3, ves 4, ves 6 uaghan, dar akar mam,
 a Hibrun akamin an osiri. Hibrun akamin a kamakin, “Alleluia.” Akar kamin mingarin a kamakin, “E Godin ziam feka!”

19:2: Lo 32:43, 2 Kin 9:7, MAA 6:10, 15:3, 16:7, 18:20 **19:2:** Godin Ariziba 32:43; 2 Atriviba 9:7; Akar Mogomem
 6:10; 15:3; 16:7; 18:20 **19:3:** Ais 34:10, MAA 14:11, 18:9, 18:18 **19:3:** Aisaia 34:10; Akar Mogomem 14:11; 18:9;

18:18 **19:4:** Neh 8:6, MAA 4:2-6, 4:10, 5:14 **19:4:** Nehemia 8:6; Akar Mogomem 4:2-6; 4:10; 5:14 **19:5:** Sng
 22:23, 115:13, 134:1, 135:1 MAA 11:18, 20:12 **19:5:** Onger Akaba 22:23; 115:13; 134:1; 135:1; Akar Mogomem 11:18;
 20:12 **19:6:** Sng 93:1, 97:1, 99:1, Ese 1:24, MAA 11:15-17, 14:2, 15:3, 21:2 **19:6:** Onger Akaba 93:1; 97:1; 99:1; Esekiel
 1:24; Akar Mogomem 11:15-17; 14:2; 15:3; 21:2 **19:7:** Mt 22:2, 25:10, Ef 5:32, MAA 21:2, 21:9 **19:7:** Matyu 22:2;

25:10; Efesus 5:32; Akar Mogomem 21:2; 21:9 † **19:7:** Sipsipin Nguzir kam an amuimin ikiasi, a Kraisra. Ezi amizir
 a ikiasi inabazir kam, kar Kraisin sios. Eghit dughiar Krais ua iziva egh uan sios niämam, a kamakin, aning uanining iti.
 Egh a uan siosin gumazamiziba me inigh uan Nguibar aghuimin mangam. Eghit me Krais ko deraghvira iki mamaghira
 ikiam. **19:8:** Sng 45:13-14, Ais 61:10, Ese 16:10 **19:8:** Onger Akaba 45:13-14; Aisaia 61:10; Esekiel 16:10 **19:9:**
 Mt 22:2-3, Lu 14:15-16, MAA 21:5 **19:9:** Matyu 22:2-3; Luk 14:15-16; Akar Mogomem 21:5

zurara mamaghira ikiam!”

4 Ezi 24plan gumazir dapaniba ko 4plan
 bizar angamira itir kaba, teviba apirigha
 egha Godin uan atrivir dabirabimin aper-
 aghav itimin ziam fe. Egha me kamaghin
 migei:

“Bar guizbangira!
 E an ziam fel!”

5 Ezi tiarir mam atrivimin dabirabimin
 iza kamaghin migei:

“Ia Godin ingangarir gumazamizir an atia-
 tiava an apengan itiba,
 ia gumazamizir ziaba itiba ko ziaba pu-
 vatiziba,
 ia bar Godin ziam fi!”

*Sipsipin Nguzim amuimin ikiasava
 amima isar ekiam oto*

6 Ezi ki niginir ekiam barazi mati gumaza-
 mizir avirim uari akuvagha migei, egha
 mati dipar ekiam afora nidi. Egha araribar
 min pamten dagarvagha kamaghin migei:

“En Ekiam God, a Godin Gavgaviba Bar Itim,
 datirighin an atrivimin iti.
 Kamaghin amizi, e Godin ziam
 fam!

7 Sipsipin Nguzim, amuimin ikiamin
 dughiam otogha gifa,
 ezi an amuimin uabi akirigha gifa.
 Kamaghin amizi, e datirighin naviba deragh
 bar akongegh,
 an ziam fam!†

8 Amizir kam, God korotiar ghurghurir bar
 aghuimin a ganangi,
 korotiar kam bar zuegha
 an dirim dafogha isi.”

(Korotiar ghurghurir kam, a Godin gumaza-
 mizibar arazir aghuir me Godin damazimin
 amiba, dar ababanim gami.)

9 Ezi ensel kamaghin na migei, “Ni akar
 kam kamaghin an osir: God Sipsipin Nguzir
 amuimin ikiamin dabirabim bagha diazir

gumazamiziba, me bar akongegh!” Egha kamaghin ua na migei, “Akar kaba, da Godin guizin akaba.”

10 Ezi ki an suemningin boroghin tevimmung apirigha an ziam fasa. Ezi a kamaghin na migei, “Ni mamaghin damuan marki! Ki, ni ko nin aveghbuar nighnizir gavgavim Jesus kunizir akabar itiba, ki ia ko e ingangarir vamiram ami. God uabira, ni an ziam fi.”

E fo, akar Jesus kunizimra, a gumazamizibar nighniziba fema, me Godin akam inigha izi.[‡]

Jon hoziar ghurghurim gaperazir gumazimin gari

11 Ki gari, Godin Nguibam kuiaghiri, hoziar ghurghurir mam iti. Gumazir hoziar kam gisin aperaghav itim, an ziamning kamakin, “Gumazir dughiaba bar God baghavira itim,” ko “Gumazir uan akar dikiriziba migeima da otivim.” A gumazamizibar araziba deravira da tuisigha, midorozim fora arazir aghuimra gin ghua a gami. **12** Ezi an damazimning mati avir mizariar gavgavimin min pamtem isi, ezi atrivimin dapanir asuar aviriba an dapanimin iti. Ezi an mikarzim ziar mam an iti, ezi gumazamizir igharaziba a gifozi puvati. A uabira ziar kam gifio. **13** Ezi korotiar ruarin an aruzim, ghuza a gizifa, ezi me ziar kamin a dibori, “Godin akam.” **14** Ezi Godin Nguibamin midorozir gumaziba korotiar ghurghurir aghuiba aghuigha hoziar ghurghuribagh apiagha an gin zui. **15** Ezi midorozir sabar ghumtizir mam gumazir men faragha zuir kamin akamin ikegha, azenan izi. A midorozir sabar kamin nguibar igharazibav sogh me abinam. Egh a gavgavim itir ainin aghorimin suiragh egh gumazamizibagh atrivimin gavgavim ikiam. Egh a, dagiar miner bar ekiamin even me wainin oviziba mirmiri moghin, Godin Gavgaviba Bar Itimin aningagharir arazir ekiam

akaghram. **16** Ezi an korotiar ruarin ko an buarakirimin, me ziar kam osiri:

“Atrivibar Atrivir Ekiam ko,
Ekiabar Gumazir Ekiam.”

17 Ezi ki enselin mamin garima an aruem gisín tughav iti. Egha overiamin piñ mighaghha aruir kuarazibar dia ghaze, “Ia izi uari akuvagh egh dagher ekiar God ia daningamim bagh mizuam. **18** Ia atrivibar kuabar tuziba ko, midorozir gumazibar faragha zuir gumaziba ko midorozir gumaziba ko, hoziarbar kuabar tuziba ko dagh apiaziar gumazibar kuabar tuzibar amam. Egh ia gumazamiziba bar men kuabar tuzibar amam, pura ingangarir gumazamizir kiniba ko gumazamizir firiaghreziba, ko pura gumazamiziba ko gumazamizir ziaba itiba!”

19 Ezi ki asizir atiar kam ko nguazimin atriviba ko, men midorozir gumazibar gari, me iza uari akufa. Me gumazir hoziam gaperazim ko an midorozir gumaziba ko misoghasa. **20** Ezi, asizir atiam ko akar ifavaribagh amir gumazim, an aning kalabus gati. Akar ifavaribagh amir gumazir kam arazarazir igharaghha garir avirim asizir atiamin damazimin dagh ami. Kamaghin amizi a gumazamizibagh ifarima me asizir atiamin osizirim inigha egha an marvir guamin ziam fe. Asizir atiam ko akar ifavaribagh amir gumazim, aning angamira ikiavira itima, me aning inigha aning akunizi aning danganir salfan dagiar avim ikia mamaghira itim giragh. **21** Ezi aningin midorozir gumaziba, gumazir hoziam gaperazim, uan midorozir sabar an akamin itimin me misoghezi me ariaghire. Ezi kuaraziba bar men kuabar tuziba amegħha naviba bar izefe.

20

Satan 1,000plan azenibar kalabusin ikiam

19:10: Ap 10:25-26, 1 Jo 5:10, MAA 22:6-9 **19:10:** Apostol 10:25-26; 1 Jon 5:10; Akar Mogomem 22:6-9 **19:10:** Grighin akam vezin kam deravira anebigha a migeir puvati. Gumazir maba kamaghin migirigiar kam gegħarri, “Ki uaghan ni ko nin aveghbuuba ko ingangarir gumazir mam. Kar ia ikiżżej nighnizir gavgavim Jesusin ikiavira an ziamin gun migeim. Ia God uabira an ziam fi. E fo, Godin Duam akam inigha izir gumazamizibar, Godin akam kunasa men nighniziba fe. A Jesusin ziamin gun mikkimasa gumazamizibar akurvasi.”

19:11: Onger Akaba 96:13; Aisaia 11:4; Esekiel 1:1; Akar Mogomem 1:5; 3:14; 6:2; 15:5 **19:12:** Dan 10:6, MAA 1:14, 2:17-18, 19:16 **19:12:** Daniel 10:6; Akar Mogomem 1:4; 2:17-18; 19:16 **19:13:** Aisaia 63:1-3; Jon 1:1; 1:14; 1 Jon 5:7-8 **19:14:** Mt 28:3, MAA 4:4, 7:9 **19:14:** Matyu 28:3; Akar Mogomem 4:4; 7:9 **19:15:** Sng 2:9, Ais 63:3; Jol 3:13, 2 Te 2:8, MAA 1:16, 2:27; 4:8, 12:5; 14:19-20 **19:15:** Onger Akaba 2:9; Aisaia 63:3; Joel 3:13; 2 Tesalonika 2:8; Akar Mogomem 1:16; 2:27; 4:8; 12:5; 14:19-20 **19:16:** 1 Ti 6:15, MAA 17:14, 19:12 **19:16:** 1 Timoti 6:15; Akar Mogomem 17:14; 19:12 **19:17:** Esekiel 39:17-20 **19:19:** Sng 2:2, MAA 16:16, 17:13-14

19:19: Onger Akaba 2:2; Akar Mogomem 16:16; 17:13-14 **19:20:** Aisaia 30:33; Daniel 7:11; Akar Mogomem 13:1-18; 14:10; 16:13-14; 20:10; 20:15 **19:21:** MAA 17:16, 19:15-18 **19:21:** Akar Mogomem 17:16; 19:15-18 **20:1:** MAA 1:18, 9:1 **20:1:** Akar Mogomem 1:18; 9:1

¹ Ezi ki gari, enselin mam Godin Nguibam ategha izaghira, egha mozir bar konezimin kin suira. Egha uaghan senin ekiamin suira. ² Egha a kuruzir ekiar kamin suiragh a nebibira, kar kuruzir bar fomira itim, a Satan, gumazir akam isa bar gumazamizibagh asim. Satan 1,000plan azenibar kalabusin ikiasi, ensel a inigha senin a ike. ³ Egha ensel a inigha anekunizi, a mozir bar konim giraghu. Egha mozir torimin akam apirigha anepaghapaki, eghiti an azenan izan kogham. Eghiti Satan nguazimin itir gumazamiziba ua me gifaran kogh mangiti 1,000plan azeniba givagham. Eghiti gin ensel uam a firighti a bar dughiar otevima ikiam.

⁴ Ezi ki atrivir dabirabibar garima, gumazir dagh apiaghav itiba, God gumazamizibar araziba tuisighamin gavgavim me ganingi. Ezi ki gumazamizir ariaghirezibar duabar gari, da iti. Gumazamizir kaba, nighnizir gavgavim Iesusin ikia egha an akam akura egha pamten Godin akamin suira, ezi bizir kaba bangin, men apaniba me misogha men firiba aghorezi me ariaghire. Gumazamizir kaba asizir atiam ko an marvir guamin ziam fer puvatigha, an ababanim uan guaba ko uan dafaribar a inizir puvati. Ki gari, gumazamizir kaba me ua angamira ikia Krais Iesus ko atrivibar min 1,000plan azenibar ikiam. ⁵ Eghiti gumazamizir igharazir ariaghireziba dughiar kamin, bar ua dikavigh angamira ikian kogham. Me ovegh mamaghira iki mangiti 1,000plan azeniba givagham. Dughiar kam, kar faragha zuir dughiar gumazamiziba ua dikavamim. ⁶ Eghiti, gumazamizir God ua bagha inabazir faragha dikaviziba, me guizbangira bar akuegham. Me Godin gumazamizibara. Ovever namba 2, me iniamin gavgaviba puvati. Me God ko Kraisin ofa gamir gumazamizibar ikiam. Egh Krais ko 1,000plan azenibar atrivibar ikiam.

Satan a bar ikuvigham

⁷ Eghiti 1,000plan azeniba givaghti, ensel mozir torir bar konezimin akam kuighti,

Satan uan kalabus ategham. ⁸ Egh an azenan izi nguazir kamin itir kantriba bar dar gumazamizibagh ifaram, kar Gok ko Magokin adarasi. Satan midorozir ekiam damusi men gumaziba akuvagham. Men midorozir gumazibar dibobonim ongarimin gigimin min otogham. ⁹ Me tintinibar nguazir kamin mangi, Godin gumazamiziba uari akuba itir danganim ekiarugham, kar nguabar ekiar God bar ifongezim. Eghiti avim overiamin ikegh izighiri midorozir gumaziba bar men isigh me kuavaremeham. ¹⁰ Satan me gifari, kamaghin amizi God anekunighthi a danganir avim ko salfan dagiar avir bar puvira isir kamin magiram. Asizir atiam ko akar ifavaribagh amir gumazim faraghavira danganir kamin iti, me arueba ko dimagaribar mizazir ekiam ini zurazurara mamaghira ikiam.

Kotiar Bar Ekiam otivam

¹¹ Egha ki atrivir dabirabir ghurghurir ekiamin garima a iti, ezi gumazir a gapiaghirim, ki an garima a iti. Ezi nguazim ko overiam aning arav ghu, eghiti gumazitam uam aningin ganan kogham. ¹² Ezi ki gumazamizir ovengezir ziaba itiba ko ziaba puvatizibar gari, me bar iti. Me atrivir dabirabim guamin tuivighav iti, ezi akinafarin gumazamizibar araziba itiba kuaghire. Ezi me akinafarin igharazim uaghan akui, kar akinafarin God gumazamizir ikirimir zurara itim iniamin ziaba osirizim. Ezi gumazir atrivir dabirabir kam gaperazim, akar akinafarin kabar itibar gara gumazamizir ovengezibar araziba tuissi. ¹³ Ezi ongarimin ariaghirezir gumazamiziba, ongarim me amadazi me izi. Ezi Ovevem ko Gumazamizir Oveaghuezibar Nguibam, aning ua ovengezir gumazamizir aningin itiba amadazi me izi. Ezi gumazir atrivir dabirabim gaperaghav itim, gumazamiziba amizir araziba bagha vaghvaghya men kotiaba baraghya me tuisisi. ¹⁴ Egha gin an Ovevem ko Gumazamizir Oveaghuezibar Nguibam akunizi, aning danganir avim bar puvira isim giraghu. Danganir avim bar

20:2: Stt 3:1, 2 Pi 2:4, Ju 6, MAA 12:9

Ju 6, MAA 16:14-16, 20:8

20:3: Daniel 6:17; Jut 1:6; Akar Mogomem 16:14-16; 20:8

6:2, 2 Ti 2:12, MAA 6:9, 13:12-17

20:4: Daniel 7:9; 7:22; 7:27; 1 Korin 6:2; 2 Timoti 2:12; Akar Mogomem 6:9; 13:12-17

20:6: 1 Pi 2:9, MAA 1:6, 2:11, 20:4

MAA 16:14, 20:10

20:8: Esekiel 7:2; 38:2; 38:9, 38:15; Akar Mogomem 16:14; 20:10

38:16, 39:6

20:9: 2 Atriviba 1:10; Esekiel 38:9; 38:16; 39:6

21:8

20:10: Jenesis 19:24; Onger Akaba 11:6; Akar Mogomem 14:10-11; 19:20; 20:8, 21:8

20:11: Daniel 2:35; 2 Pita 3:7; 3:10-11

Ap 17:31, Ro 2:6, 2 Ko 5:10, Fl 4:3, MAA 13:8, 19:5

20:12: Daniel 12:1; Matyn 16:27; 25:31-46; Aposel 17:31; Rom 2:6; 2

Korin 5:10; Filipai 4:3; Akar Mogomem 13:8, 19:5

20:13: Ro 2:6, 1 Pi 1:17, MAA 2:23, 6:8, 20:12, 22:12

20:14: 1 Ko 15:26, 15:54-55, MAA 20:6, 21:8

15:26; 15:54-55; Akar Mogomem 20:6; 21:8

20:15: MAA 13:8, 19:20

20:15: Akar Mogomem 13:8; 19:20

20:3: Dan 6:17,

20:4: Dan 7:9, 7:22; 7:27, 1 Ko

6:2, 2 Ti 2:12; Akar Mogomem 6:9; 13:12-17

20:8: Ese 7:2, 38:2, 38:9, 38:15,

MAA 14:10-11, 20:10

20:9: 2 Kin 1:10, Ese 38:9,

38:16, 39:6

20:10: Stt 19:24, Sng 11:6, MAA 14:10-11, 19:20, 20:8, 21:8

20:11: Daniel 7:9-10

20:12: Dan 12:1, Mt 16:27, 25:31-46,

Aposel 17:31; Rom 2:6; 2

Korin 5:10; Filipai 4:3; Akar Mogomem 13:8, 19:5

20:13: Ro 2:6, 1 Pi 1:17, MAA 2:23, 6:8, 20:12, 22:12

20:14: 1 Ko 15:26, 15:54-55, MAA 20:6, 21:8

20:14: 1 Ko 15:26, 15:54-55; Akar Mogomem 20:6; 21:8

15:26; 15:54-55; Akar Mogomem 13:8; 19:20

20:15: Akar Mogomem 13:8; 19:20

puvira isir kam, kar namba 2in ovevem.¹⁵ Eghiti gumazamizibar ziaba, akinafarir God gumazamizir ikirimirir zurara itim iniamin ziaba osirizim, men ziaba aven itir puvati, me uaghan me isi danganir avim bar puvira isim, me akunam.

God bizia bar dagh amizi da igiabar otifi

21

(Sapta 21--22)

Nguazir igiam ko overiar igiam oto

¹ Ezi ki datirighin overiar igiam ko nguazir igiamin gari, aning iti. Overiar gherim ko nguazir gherim, aning bar moghira arav ghugha ua itir puvati. Ezi ongarim uaghan ua itir puvati. ² Ezi Nguibar God Baghavira Itim, a Jerusalemin igiam, ki an gari. Ki an garima, a Godin damazimin ikegha Godin Nguibam ategha izaghiri. A ubi akirigha, kurukazir bar aghuim gami, mati amizim uan pamin ikiasi kuruke. ³ Ezi ki orazi, tiarir mam atrivir dabirabimin iza pamtem migei:

“Ia orakigh.

Datirighin God gumazamiziba ko ikiavira iti!

Egh men tongin ikiti
me an gumazamizibar ikiam.

God uabi me ko iki
egh men Godin ikiam.

⁴ Egh a men damazir teriba vaghvagh da adizam.

Bizir faragha itir kurar kabanang,
da bar givagham.

Eghiti gumazamiziba uam ovengan
kogham,
egh me ua naviba osimiva
egh uam azian kogham,
egh ua mizaziba inian kogham.”

⁵ Ezi gumazir atrivir dabirabim gaperghav itim migia ghaze, “Ni oragh! Ki bizibagh amizi, da bar igiabar otifi.” Egha a ua kamaghin migia ghaze, “Ni akar kabanang

osirigh. Akar kaba da bar guizbangira, eghiti gumazamiziba nighnizir gavgavimin dar ikiam.”

⁶ Egha a kamaghin na migei, “Biziba bar otivigha gifra. Ezi kirara, ki faraghavira ikia egh bar gin ikiva abuan ikivira ikiam. Ki bizia bar dar mingarim, egha ingangarir ki amiba ki uaghan bar da agefi. Eghiti gumazim kuaran am pirti, ki dipar ikirimirir zurara itim anidim a daningti, aneremam. Dipar kam nguazimin aven anadi. Dipar a isir kam, an a givezan kogham, a puram a iniam. ⁷ Gumazamizir midorozim gamua apaniba abiriba, ki bizar kaba me daningam. Egh ki men Godin ikiti, me nan boribar ikiam. ⁸ Eghiti gumazamizir atiaitia ua girakirangin zuiba ko, nighnizir gavgavim ataghiziba ko, gumazamizir arazir bar kurar mizirizibagh amiba ko, gumazir gumazamizibav sozi me ariaghiriba ko, gumazamiziba uari ko akua amir araziba ko, akuzibagh amua egha imezibagh amir gumaziba ko, asebar ziaba feba ko, gumazamizir ifavariba, me bar uan nguibamin mangam. Kar danganir avim ko salfan dagiar avir bar puvira isim. Kar ovever namba 2.”

Jon Jerusalemin igiamin gari

⁹ Ezi enselin mam na bagha izi. Faragha enselin 7pla, meitarir 7plan bizar bar kuraba aven itiba suiki, kar Godin aningaghair arazir abuananaba. Enselin kam, a men mav. A kamaghin na migei, “Ni iziti, ki Sipsipin Nguzimin amuir a datirighin ikiamin nii akagharn.” ¹⁰ Ezi Godin Duam pamtem nan ingarima, ensel na inigha ghua mighsiar bar ekiamin ghuavanabo. Egha Nguibar Ekiar God Baghavira Itim, Jerusalemin aka. Nguibar kam a Godin damazimin ikegha Godin Nguibam ategha izaghiri. ¹¹ Ezi Godin angazangarin ekiam nguibar kam gisira, ezi an angazangarin bar igharagha gari, mati dagiar iveauzim bar pin kozim min gari. A jaspan dagiar angazangarin min gara egha glasin min taghtasi. ¹² Nguibar kamin divazim bar

21:1: Ais 65:17; 66:22; 2 Pi 3:13; MAA 20:11 **21:1:** Aisaia 65:17; 66:22; 2 Pita 3:13; Akar Mogomem 20:11 **21:2:** Ais

52:1; 61:10; Ga 4:26; Hi 11:10; 11:16; 12:22; MAA 3:12; 21:10

21:2: Aisaia 52:1; 61:10; Galesia 4:26; Hibru 11:10; 11:16;

12:22; Akar Mogomem 3:12; 21:10 **21:3:** Wkp 26:11-12; 2 Sto 6:18; Ese 37:27; 43:7; Sek 2:10; 2 Ko 6:16; MAA 7:15-17

21:3: Ofa Gami 26:11-12; 2 Eghaghaniha 6:18; Esekiel 37:27; 43:7; Sekaraia 2:10; 2 Korin 6:16; Akar Mogomem 7:15-17

21:4: Ais 25:8; 35:10; 61:3; 65:19; 1 Ko 15:26; 15:54; MAA 7:17; 20:14

21:4: Aisaia 25:8; 35:10; 61:3; 65:19; 1 Korin

15:26; 15:54; Akar Mogomem 7:17; 20:14

21:5: Ais 43:19; 2 Ko 5:17; MAA 4:2; 4:9-10; 19:9; 20:11

21:5: Aisaia 43:19; 2 Korin 5:17; Akar Mogomem 4:2; 4:9-10; 19:9; 20:11

21:6: Ais 55:1; Jer 2:13; Jo 4:10; 4:14; 7:37; MAA 1:8; 1:17,

16:17; 22:13; 22:17

21:6: Aisaia 55:1; Jeremaja 2:13; Jon 4:10; 4:14; 7:37; Akar Mogomem 1:8; 1:17; 16:17; 22:13; 22:17

21:7: 2 Sml 7:14; Sng 89:26-27; Sek 8:8; Hi 8:10

21:7: 2 Samuel 7:14; Onger Akaba 89:26-27; Sekaraia 8:8; Hibru 8:10

21:8: Mt 25:41; Ef 5:5; 1 Ti 1:9; Hi 12:14; MAA 19:20; 20:14-15; 21:27; 22:15

21:8: Matyu 25:41; Efesus 5:5; 1 Timoti 1:9;

Hibru 12:14; Akar Mogomem 19:20; 20:14-15; 21:27; 22:15

21:9: MAA 15:1; 15:6-7; 19:7-9

21:9: Akar Mogomem 15:1; 15:6-7; 19:7-9

21:10: Ese 40:2; MAA 1:10; 17:3; 21:2

21:10: Esekiel 40:2; Akar Mogomem 1:10; 17:3; 21:2

21:11: Ais 60:1-2; 60:19; MAA 21:23; 22:5

21:11: Aisaia 60:1-2; 60:19; Akar Mogomem 21:23; 22:5

21:12: Esekiel 48:30-35

ekevegha bar pin mar iti, ezi tiar akar 12pla divazir ekiar kamin iti. Ezi 12plan enselba tiar akar kabar boroghin tuivighav iti, ezi Israelin 12plan anababar ziaba tiar kabagh isin iti.¹³ Ezi aruem anadi naghin itir divazir miriam, tiar akar 3pla an iti. Ezi divazir miriar Notin itim, tiar akar 3pla an iti. Ezi divazir miriar Sautin itim, tiar akar 3pla an iti. Ezi aruem uaghiri naghin itir divazir miriam, tiar akar 3pla an iti.¹⁴ Nguibar kamin divazim, 12plan dagiar ekiaba an apengan ikia gavgavim a ganidi, ezi Sipsipin Nguzimin aposelbar ziaba dar iti.

¹⁵ Ezi enselin na ko migeim, golin aghorir biziбар abarimin suira, a nguibar kam ko divazir ekiam ko an tiar akabar apanasian.¹⁶ Nguibar ekiar kamin 4plan miriabar ababanim voroghira ghu. Ezi ensel uan golin aghorimin nguibar ekiamin abarima an ababanim ghua 2,200 kilomitan tu. Ezi nguibar ekiamin 4plan miriaba ko an ruarimin ababanim bar voroghira ghu, egha boksiar dafamin min gari.*¹⁷ Ensel nguibar ekiamin divazim uaghan an abarazima, ezi divazim ntuurivimin ababanim ghua 65 mitan tu. Ababanir kam gumazamiziba bizibar abarir ababanimin mirara gari, ezi ensel ababanir kamra divazir kamin abara a medi.¹⁸ Nguibar ekiamin divazim God dagiar jaspan an ingari, egha nguibam uabi a dagiar golrama an ingari, ezi a glasin min isia taghtasi.¹⁹ Ezi nguibar ekiamin divazir mingarim, God dagiar bar igharaghha garir bar pin kozibar anesingi. Dagiar kaba digirir aghuiba dar iti, dar ivedziba bar pin ko. Dagiar faragha zuir bar aghuim, jaska, a divazir mingarimin faragha iti. Ezi namba 2 a sapaiyan dagiar blupla. Ezi namba 3 a agetin dagiam. Ezi namba 4 a emeralin dagiar garim.²⁰ Ezi namba 5 a sadonikisin dagiam, a ghurghurigha aghefe. Ezi namba 6 a konilian dagiar aghevim. Ezi namba 7 a krisolaitin dagiar iangurim. Ezi namba 8 a berilin dagiar garim. Ezi namba 9 a topasin dagiar iangurir igharaghha garim. Ezi namba 10 a krisopresin dagiam. Ezi

namba 11 a haisasin dagiam. Ezi namba 12 a ametisin dagiar pighaghievim.²¹ Ezi tiar akar 12plan kaba, da 12plan manmaniar ghurghurir ivedziba bar pin kozibar dar ingari. Tiar akar kaba me manmaniar ghurghurir ekiaba vaghvaghda dar ingari. Ezi nguibar kamin aven itir tuaviba me golrama dar ingari, ezi golin kam glasin min taghtasi.

²² Ezi ki gari, nguibar ekiar kamin aven Godin Dipenir gumaziba ingarizi tam itir puвати. Ekiam, a Godin Gavgaviba Bar Itim, ko Sipsipin Nguzim, aning uaning Godin Dipenimin danganimini.²³ Godin angazgarir gavgavimra angazangarim nguibar ekiar kam ganidi. Ezi Sipsipin Nguzim uabi nguibar ekiar kamin lamin min iti. Kamaghin amizi nguibar ekiar kamin angazangariba aningamin arueba ko iakiniba puvatigham.²⁴ Eighti nguibaba bar dar gumazamiziba nguibar ekiar kamin angazangarimin daruam. Eighti nguibaba bar dar atriviba uan bizar bar aghuiba inigh an aven izam.²⁵ Eighti aruem, me nguibar ekiar kamin divazimtiar akaba aseghan kogham. Dimagariba nguibar ekiar kamin puvatigham. Kamaghin amizi tiar akaba kuighireg mamaghira ikiam.²⁶ Eighti nguibabar atriviba bar men dagiaba ko men bizar digirir aghuiba, me bar ada inigh aven mangam.²⁷ Eighti bizar miziriziba ko gumazamizir arazir kurigha mughazibagh amiba ko, gumazamizir ifavariba, me nguibar ekiar kamin aven mangan kogham. Bar puvatigham, gumazamizir ziaba akinafarir zurara itimin aven itiba, akinafarir kam a Sipsipin Nguzimin akinafarim, merara nguibar ekiar kamin aven mangam.

22

Jon, temer ikirimirir zurara itim ko dipar ikirimirir zurara itim anidim, aningin gari

- 21:14:** Mt 16:18, Ga 2:9, Ef 2:20, Hi 11:10 **21:14:** Matyu 16:18; Galesia 2:9; Hibrui 11:10 **21:15:** Ese 40:3, Sek 2:1, MAA 11:1 **21:15:** Esekiel 40:3; Sekaraia 2:1; Akar Mogomem 11:1 * **21:16:** Grighan akam kamaghin migei, nguibar kamin ababanim “12,000 stadia.” Ezi en dibobonim e kamaghin a diponam, 2,200 kilomita. Ezi e foizir puвати, Jon guzin 2,200 kilomitan ababanim migei, oan osirizir namban kam 12,000, a bizar igharazim migei. E fo, Judan gumazibar nighnizimin aven, namba 12, a mingarir ekiam an iti. **21:18:** Aisaia 54:11-12 **21:21:** MAA 21:12, 21:18 **21:21:** Akar Mogomem 21:12; 21:18 **21:22:** Jo 4:23, MAA 15:3 **21:22:** Jon 4:23; Akar Mogomem 15:3 **21:23:** Ais 60:19-20, MAA 21:11, 22:5 **21:23:** Aisaia 60:19-20; Akar Mogomem 21:11; 22:5 **21:24:** Ais 60:3-5, 66:12 **21:24:** Aisaia 60:3-5; 66:12 **21:25:** Sek 14:7; Akar Mogomem 22:5 **21:25:** Aisaia 60:11 **21:26:** Ais 66:12, MAA 21:24 **21:26:** Aisaia 66:12; Akar Mogomem 21:24 **21:27:** Aisaia 35:8; 52:1; 60:21; Ese 44:9; Jol 3:17, 1 Ko 6:9-10, Fl 4:3, MAA 13:8, 20:12, 21:8, 22:14-15 **21:27:** Aisaia 35:8; 52:1; 60:21; Esekiel 44:9; Jol 3:17; 1 Korin 6:9-10; Filipai 4:3; Akar Mogomem 13:8; 20:12; 21:8; 22:14-15 **22:1:** Ese 47:1, Sek 14:8 **22:1:** Genes 2:9; Esekiel 47:12; Jol 3:18; Sekaraia 14:8; Akar Mogomem 2:7; 21:24; 22:14; 22:19 **22:2:** Genes

Nguzimin atrivir dabirabimin apengan ikegha ivemara ghua,² nguibar ekiar kamin tuavir torimin uaghiri. Ezi faner kamin miriamningin temer ikirimir zurara itim anidiba vong ko vong sara tuivighav iti. Temer kaba 12plan iakinibar azeniba vaghvaghia zurara dagheba be. Temer kabar dafariba, kantriba bar dar gumazamizibar amuti me ua ghuamaghegham.³ Eghti bizir God bar aghuaghia otogheziba uamategh ikiān kogham. God ko Sipsipin Nguzimin atrivir dabirabim, nguibar ekiar kamin ikiam. Eghti Godin ingangarir gumazamizibar an ingangarim damuam.⁴ Egh me an guamin gantima, an ziam men guabar ikiam.⁵ God en Ekiam, angazangarim gumazamizibar aningti, kamaghin dimagarim uam otivan kogham, eghti lam ko aruemin angazangariba ua ingangariba puvatigham. Eghti Godin gumazamizibar, me atrivibar min zurara ikī mamaghira ikiam.

Jesus zuamiram otogham

⁶ Ezi enselin kam kamaghin migia ghaze, "Akar kaba da bar guizbangira, eghti gumazamizibar nighnizir gavgavim dar ikiam. Godin Ekiam, uan Duam an akam inigha izir gumazibagh aningizi, a men navir averiaba fema, me an akam akuri. Egha a uan ensel amadazi, ensel an ingangarir gumazamizibar bizir bar zuamirama otivamina men akaghaha, izi."

⁷ Ezi Jesus kamaghin migei:

"Ia orakigh.

Ki bar zuamira ia batogham.

Akinafarir kam, a datirighin ko gin otivamin
biziozibar gun migeir akaba,
an aven iti.

Eghti gumazamizir akar kabar gin zuiba,
me bar akongeħi!"

⁸ Ki Jon, ki bizir kabar gara egha akar kaba barasi. Ki dar ganigha egha da baregha, magħira enselin bizir kaba nan akazimin suemningin tevminning apirigha

an ziam fasa.⁹ Ezi a kamaghin na migei, "Ni mamaghin damuan marki! Ki uaghan, ni ko Godin akam inigha izir gumazamizibar, me nin adarasi, e bar ingangarir vamiram ami. Egha gumazamizir akinafarir kamin akabar gin zuiba, ki me ko ingangarir vamiram ami. God uabira, ni an ziam fit!"

¹⁰ Egha a kamaghin na migei, "God bizbar amuamin dugħiġi a bar roghira ize. Kamaghin amizi, ni datirighin ko gin otivamin bizibar gun migeir akar akinafarir kamin itim, ni dar għuangsighan marki.¹¹ Gumazamizir arazir kurabagh amiba, me dar amu mangivira iki. Eghti gumazamizir arazir mizirizibagh amiba, me dar amu mangivira iki. Eghti gumazamizir arazir aghuibagh amiba, me arazir aghuibar amu mamaghira iki. Ezi gumazamizir God bagħavira itiba, me Godin gumazamizibar ikivira iki."

¹² Ezi Jesus kamaghin migei, "Ia orakigh, ki bar zuamira ia batogham. Ki iverz bar ia daningamim inigh izam. Egh gumazamizibar amir arazibha bagħi, ki vaghvagh iverzia u me ikarvagh. ¹³ Kirara ki bar faraghavira ikia egh abuan ikivira ikiam. Egha ki biziba bar dar mingarim, egha ingangarir ki amiba ki uaghan bar a da gefi.

¹⁴ "Ezi gumazamizir uan korotiaba rueghha itiba, God ghaze, me temer ikirimir zurara itim anidir kamin dagħebbar amiva, uaghan nguibar ekiar kamin tiar akabar averi mangam. Kamaghin amizi me bar akongegħ. ¹⁵ Eghti gumazamizir arazir bar kurar mizirizibagh amiba ko, akuzibagh amua egha imezibagh amir gumaziba ko, gumazamizir uari bakkia akiuba ko, gumazamizibav sozi me ariaghirir gumaziba ko, gumazamizir asebar ziabha feba ko, gumazamizir bar ifavarir arazim gifongegħha a gamiba, gumazamizir kaba bar mogħira Godin nguibar kamin azenan ikiam.

¹⁶ "Ki Jesus, ki uan ensel amadazi a ia bagħha iza, egha siosba bagħha akar kamin gun me mikeme. Ki Atrivim Devitin ovavim.

22:3: Ese 48:35; Sek 14:11, Stt 3:17, MAA 7:15

22:3: Jenesis 3:17; Esekiel 48:35; Sekaraia 14:11; Akar Mogomem 7:15

22:4: Sng 42:2, Mt 5:8, 1 Ko 13:12, 1 Jo 3:2, MAA 3:12, 14:1

22:4: Onger Akaba 42:2; Matyu 5:8; 1 Korin 13:12; 1 Jon

3:2; Akar Mogomem 3:12; 14:1

22:5: Ais 60:19, Dan 7:18, 7:27, 2 Ti 2:12, MAA 5:10, 20:6, 21:23-25

60:19; Daniel 7:18; 7:27; 2 Timoti 2:12; Akar Mogomem 5:10; 20:6, 21:23-25

22:6: MAA 1:1, 19:9, 21:5

Mogomem 1:1; 19:9; 21:5

22:6: Akar Mogomem 1:3; 3:11; 22:10-12, 22:20

22:7: MAA 1:3, 3:11, 22:10-12, 22:20

22:7: Akar Mogomem 1:3; 3:11; 22:10-12, 22:20

22:8: MAA 19:10

22:8: Akar Mogomem 19:10

22:9: Akar Mogomem 1:3; 10:4

22:9: Ese 3:27, Dan 12:10, 2 Ti 3:13

22:10: Ese 3:27, Dan 12:10, 2 Ti 3:13

22:10: Esekiel 3:27; Daniel 12:10;

22:11: Esekiel 3:27; Daniel 12:10;

22:12: Sng 28:4, Ais 40:10, 62:11, Jer 17:10, Ro 2:6, 14:12, 2 Ko 11:15, MAA 2:16, 2:23, 20:12

22:12: Onger Akaba 28:4; Aisaiia 40:10; 62:11; Jeremaja 17:10; Rom 2:6; 14:12; 2 Korin 11:15; Akar Mogomem 2:16; 2:23; 20:12

22:13: Ais 44:6, 48:12, MAA 1:8, 1:17, 2:8, 21:6

22:13: Aisaiia 44:6; 48:12; Akar Mogomem 1:8; 1:17; 2:8; 21:6

22:14: Stt 2:9, 3:22, 1 Jo 3:24, MAA 7:14, 21:27, 22:2

22:14: Jenesis 2:9; 3:22; Akar Mogomem 7:14; 21:27; 22:2

22:15: Fl 3:2, Kl 3:6, MAA 21:8

22:15: Galesia 5:19-21; Filipai 3:2; Kolosi 3:6; Akar Mogomem 21:8

22:16: Nam 24:17, Ais 11:1, 11:10, Sek 6:12, Ro 1:3, 2 Pi 1:19, MAA 2:28, 5:5

22:16: Diboboniba 24:17; Aisaiia 11:1; 11:10; Sekaraia

6:12; Rom 1:3; 2 Pita 1:19; Akar Mogomem 2:28; 5:5

Kirara, ki aminim tiasava amir mikovezir bar puvira isim.”

¹⁷ Ezi Godin Duam ko Sipsipin Nguzimin amuim, aning ghaze, “Ekiam Jesus, ni izi!” Eghzi gumazamizir uaghan akar kam baraghiziba, me uaghan kamaghin mikimam, “Ni izi!” Eghzi gumazitam kuarim an pirti, a izi. Egh a dipam amisi, dipar ikirimirir zurara itim anidir kam puram a inigham, izeziba puvati.

*Jon akar bar gavgavim gumazamizir
akinafarir kamin ittr akaba baraghizibagh
anidi*

¹⁸ Ki Jon, ki gumazamizir akinafarir kamin aven itir akam baraghizibav kimasa, akar kam a datirighin ko gin otivamin bizibar eghaghanim. Ki gumazamizir kaba pamtemin vaghvaghha me migei, “Gumazitam akar igharazitam uam akar kam gisin a giviraghti, God a ikarvaghiva, arazir bar kurar akinafarir kamin aven

itim, God gumazir kamin izezir kuram ua dagh iviraghram. ¹⁹ Eghzi gumazitam datirighin ko gin otivamin bizibar akar akinafarir kamin itibar tam adeghti, God an bizir aghuiba a dama da degham. Eghzi a temer ikirimirir zurara itim anidim din daghetam aman kogham, egh God baghavira itir ngeubar ekiamin ikian kogham. Ngeubar ekiar kam, akinafarir kam an gun migei.”

²⁰ Ezi Gumazir Bizir Kabar Gun Migeir Kam, datirighin kamaghin migei:

“Bar guizbangira,
ki zuamira ia batogham.”

Guizbangira! Ekiam Jesus, ni izi!

²¹ Eghzi Ekiam Jesusin apangkuvim, Godin gumazamiziba bar moghira me ko iki.

Bar guizbangira!

22:17: Sng 8:14, Ais 55:1, Jo 7:37, MAA 21:2, 21:6, 21:9 **22:17:** Aisaia 55:1; Jon 7:37; Akar Mogomem 21:2; 21:6; 21:9
22:18: MAA 15:1, 15:6 **22:18:** Akar Mogomem 15:1; 15:6 **22:18:** Godin Araziba 4:2; 12:32 **22:19:** Sng 69:28, MAA 13:8, 22:2 **22:19:** Onger Akaba 69:28; Akar Mogomem 13:8; 22:2 **22:20:** Mt 16:27, 1 Ko 16:22, MAA 22:7, 22:12 **22:20:** Matyu 16:27; 1 Korin 16:22; Akar Mogomem 22:7; 22:12 **22:21:** Ro 16:20, 16:24, 2 Te 3:18 **22:21:** Rom 16:20; 2 Tesalonika 3:18